



## Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

## Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.


Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

## Acerca de la Búsqueda de libros de Google


El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>





27





737

11  
3  
2

210 1  
362  
101 080 1

5  
4  
2





DATE	6/1
TIME	11
NO.	3





FRANCISCI GOMARI  
BRUGENSIS

*Viri Clariss.*

O P E R A  
THEOLOGICA  
O M N I A,

Maximam partem posthuma:

SUPREMA AUTHORIS

Voluntate à discipulis edita.

CUM INDICIBUS NECESSARIIS.

תהלים

אל גומר עלי :

*Deus perficiet pro me.*

Secundis Curis emendatiora.



AMSTELODAMI,

Ex Officina JOANNIS JANSSONII,  
ANNO MDC LXIV.

STANDARD INTERNATIONAL

STANDARD

STANDARD

F. C.

STANDARD INTERNATIONAL

STANDARD

STANDARD

STANDARD INTERNATIONAL

STANDARD

STANDARD INTERNATIONAL

STANDARD

STANDARD INTERNATIONAL

STANDARD INTERNATIONAL

P R O L E G O M E N A.  
I. F R A N C I S C I G O M A R I  
O R A T I O,

D E

F O E D E R E D E I,

*Quæ est instar præfationis in Novum Testamentum, habita Lugduni  
Batavorum Anno 1594. octavo die Iunii.*



UOTIESCUNQUE muneris hujus gravitatem, vestramque expectationem meæ tenuitati sollicitè comparo, toties mihi memorabilis illa Cypriani sententia in mentem venit, qua ait, non esse absque periculo, multorum judiciis ingenium tenue & exile committere. Nam cum hætenus in populari docendi genere versatus sim, video satis, quam arduam in me provinciam susceperim, ac quantopere laborandum, ne oneri vocationis meæ succumbam. Ea enim illius est ratio, ut nihil nisi perfectum ingenio & judicio expolitum (quæ perexigua in me esse sentio) adferri oporteat.

Veruntamen meam hancce solitudinem sublevat primum philanthropia & clementia Dei singularis. Etsi enim mysterii & ministerii reconciliationis tanta sit dignitas, ut nemo ei pro merito par esse queat (nam quis, ut Apostolus monet, ad hoc idoneus?) gratum tamen est Deo Opt. Max. non tantum præstantissimorum ingeniorum, sed etiam tenuiorum officium. Quemadmodum ad Salomonici templi structuram, non modo aurifices, sed etiam latomos & materiarios admisit Deus; sic nec Pauli solum & Barnabæ (viro omnium exceptione majorum) verum etiam Titi ac Timothei ministerium ad Novi Testamenti sacrarium construendum adhiberi voluit.

Huc accedit, meque consolatur, eximia vestra facilitas & humanitas, quæ potior (uti confido) voluntatis & studii mei quam ingenii rationem habitura est. Quare hac spe fretus cum mihi hoc tempore Novi Testam. explicationem honorandi collegæ indulserint, & instituto nostro consentaneum & vobis non ingratum facturum me existimavi, si propositi operis titulum (orationis ac præfationis futuræ materiam) tractandum mihi delegero. Cæterum sicut Periclem memorant apud Athenienses verba facturum, Deum semper precari solitum, ne ullum verbum, quod ad rem præsentem non conveniret, invito excideret sibi: id nobis in divinis mysteriis explicandis multo religiosius faciendum arbitror. Quare Deum Opt. Max. precor, ut mentem nostram Spiritu suo Sancto imbuat, & linguam dirigat, ut ea animo concipiamus & eloquamur, quæ veritati & gloriæ divinæ illustrandæ, nostræque institutioni infervant. A vobis autem etiam atque etiam peto, *Auditores*, ut me de re gravissima ac scitu dignissima non pro materiæ amplitudine, ac dignitate, sed pro tenuitate meâ dicentem attentè bonaque cum venia audiat. Ut igitur ad rem ipsam accedamus & inde à capite exordiamur, observandum est, titulum suscepti operis esse vel universalem, qui est universi operis, vel singularem, qui est singularis ejus partibus seu libris proprius. Universalis autem est unicus ἡ καὶ ἡ διαθήκη. In quo duo spectanda sunt: interpretatio vocis & explicatio sensus.

(\*) 2

Ad

Ad prius quod attinet *διαθήκη* duo potissimum significat, Testamentum vel fœdus seu pactum. Hinc plerique Novi Testamenti (quia hanc significationem urget Apostolus, Heb. 9. 16. 17.) alii novum fœdus interpretari malunt: qua vocem Hebræam *ברית* (quæ generatim pactum, aut solemnem promissionem significat, Gen. 9. 11. 1 Paralip. 16. 17. vel *συνεσθαι* fœdus) LXX. interpret. & Apostoli *διαθήκη* verterunt: Deinde, quia veteri fœderi seu legi opponitur, quæ testamentum dici nequit. Verum in re ipsa parum est situm, modo nec merum fœdus, nec merum Testamentum, sed tale testamentum statuamus, quod etiam sit fœdus, & contra.

Ad sensum quod attinet: Testamentum aut fœdus *κατ' ἐλπίαν* & *κατ' ἐξοχήν*, non de quovis, sed singulari illo ac salutari Dei fœdere seu testamento intelligitur. Et quidem accipitur vel propriè pro ipsomet fœdere, ut passim in Sac. Literis (Gen. 17. v. 11. circumcisio vocatur signum fœderis & 2 Cor 3. v. 16. Paulus ministerium se Nov. Testament. vel fœderis asserit) vel metonymicòs (ut cætera omittam) pro tabulis fœderis: quemadmodum 1 Reg. 8. 21. in arca fuisse dicitur fœdus Dei, id est, duæ tabulæ lapideæ divini fœderis indices. item 2 Cor. 3. 14. manere velamen in lēctione Vet. Testam. vel fœderis, hoc est, legis Mosaicæ, ut circumstantia loci & Augustinus lib. 3. ad Bonifacium docet. atque hoc sensu vox *διαθήκης* metonymia synecdochica usurpatur, nempe pro tabulis authenticis, aut corpore illo librorum canonicorum, quo novum Dei fœdus *θεοπνεύτως* Græcè explicatur: itaque hoc titulo materia potissima & argumentum universi operis accommodatissimè demonstratur.

Verum, quia fœdus Dei non unius est generis, definiendum prius ac dividendum, distinguendumque nobis est, ut penitus cognoscamus, quid novi fœderis seu testamenti nomine intelligatur. Fœdus igitur Dei, propriè dictum, est mutua Dei & hominum obligatio, de vitæ æternæ ipsis certa conditione danda. Ejus partes sunt duæ, obligatio Dei, quæ est vitæ æternæ: & obligatio hominum, quæ est stipulatio conditionis à Deo præscriptæ. Hoc porro fœdus est duplex, Naturale & Supernaturale. Naturale est fœdus Dei natura notum, quod Deus vitam æternam promittit tantum, & conditionem perfectæ obedientiæ ab hominibus requirit. Eoque naturale rite vocatur, quia pectoribus humanis natura insculptum, Rom. 2. 14, 15. Estque hoc unicum re ipsa, sed adjunctis variat: quorum ratione non dividitur, sed distinguitur.

Primum enim & immediate à Deo cum primis parentibus & genere humano inde à creatione, in paradiso initum est, natura adhuc integra, & Deo amica, eoque perfectè tum hominibus notum & *δυνατὸν*: additumque est speciale obedientiæ examen, nempe abstinentia arboris vitæ, Gen. 2. 17. & promissionis divinæ tessera, arbor vitæ. Deinde mediatore Mose Israëlitis repetitum est, & in duas decalogi tabulas (quæ expressam fœderis naturalis formam continet) relatum: idque natura jam corrupta & Deo inimica, eoque imperfectè hominibus notum & *ἀδύνατον*, Rom. 8. 3. Adjectum etiam est peculiare obedientiæ examen & chirographum, nempe ceremoniarum jugum, oneraque (ut Tertullianus vocat) laciniosa, atque hæc de Naturali.

Fœdus verò Supernaturale est fœdus Dei natura ignotum, & merè gratuitum, quo Deus non solum Christum, & perfectam in eo obedientiam ad reconciliationem & vitam æternam hominibus offert: sed etiam conditionem fidei, & respicientiæ suo spiritu donat. ut formula fœderis Jerem. 31. 31. &c. Heb. 8. 8. &c. & Marc. 1. 15. concio Christi abundè demonstrat. Supernaturale autem vocamus: quia nec ingenio, nec viribus naturæ; sed sola supernaturali spiritus gratia, à nobis cognoscitur & observatur.

Atque hoc etiam fœdus unicum re ipsa est atque æternum, veruntamen certis temporum periodis & circumstantiis distinguitur.

Primum

Primum enim in paradiso, post lapsum humani generis initum est, promissione data venturi Messiae & serpentis caput contrituri, Gen. 3. 15.

Confirmatum deinde cum Abrahamo & Israëlitis (secretis interim ad Christi adventum gentibus, Psal. 147. 26. Actor. 14. 16. annexa promissione de admirabili sobolis incremento & hæreditate Chananæ; deque Christo ex eo oriundo, & gentium vocatione, quibus omnibus obsignandis accessit circumcisio, Gen. 17.

Repetitum est postea hoc fœdus & ceremoniis etiam obsignatum per Moysen, cujus ministerium fuit duplex, primum quidem legem seu fœdus naturale promulgare (unde συνεκδοχικῶς plerumque hoc modo spectatur) secundarium verò fuit renovare memoriam fœderis supernaturalis & gratuiti cum Abrahamo & Israëlitis olim initi, ut promissiones Mosaicæ probant, Deuter. 18. v. 25. & alibi, & Christus Apostolique testantur, Joh. 5. 46. Actor. 3. 21. &c. Adjunctæ etiam fuerunt huic fœderi adumbrando & obsignando ceremoniæ: quia utrique fœderi ante Christi adventum servierunt, fuerunt enim indices ac chirographum peccati & mortis, & venturi Christi nostræque reconciliationis umbræ, ut docetur copiose ad Hebræos & Col. 2. 14. & 17. Denique plenissimè hoc fœdus sancitum est ac promulgatum Christi adventu & morte, cujus ratione testamentum dicitur, Heb. 9. 15. 16. Cal. 3. 15. 17. sed testamentum ante Christum initum vocatur ἐπαγγελία, promissio Galat. 3. 17. & διαθήκη ἐπαγγελίας, Ephes. 2. 12. quia Christum venturum & legi pro nobis satisfacturum, gentesque in communionem fœderis vocaturum pronuntiabat ac promittebat: jam verò Christo exhibito vocatur εὐαγγέλιον, hoc est, latus nuncius κατ' ἐξοχήν, qui promissionem illam impletam disertissimè ad nostram consolationem annunciat.

Cæterum fœdus seu testamentum novum dicitur, ratione fœderis naturalis seu legis: cui tanquam veteri & abrogato per Christum successit, Jerem. 31. 31. & Heb. 8. 8. & 9. 15. atque hinc liquet utriusque fœderis naturalis seu veteris, & supernaturalis ac novi discrimen. Primum in materia, hoc est, partibus sed obligatione mutua. Obligatio enim Dei in fœdere naturali & veteri, est mera vitæ æternæ promissio: in fœdere supernaturali & novo est primum totius fœderis naturalis, hoc est, non tantum vitæ æternæ, sed etiam perfectæ obedientiæ legis in Christo promissio, deinde conditionis novi fœderis donatio. Obligatio verò hominum in fœdere naturali, est perfecta legis obedientia, quæ (post lapsum humani generis) constat satisfactione violati fœderis, & perfecta sanctitate ac justitia. Obligatio hominum in fœdere supernaturali & novo est fides & resipiscentia. Alterum utriusque fœderis discrimen est in effectis Naturale (post lapsum) peccatum & damnationem detegit, ac damnationem affert, unde ministerium mortis ac litera occidens vocatur, 2 Cor. 3. 6, 7. Supernaturale verò peccatum damnationemque aufert & gaudium ac salutem donat: unde non immerito, spiritus vivificans & ministerium justitiæ nominatur, 2. Cor. 3. 6, 9.

Tertium discrimen est in proprietatibus & adjunctis. Naturale est naturâ notum, ac fœdus est merum, non etiam testamentum: supernaturale verò est naturâ ignotum, & ob testatoris Christi mortem testamentum.

Plura quidem statuuntur fœderis naturalis & supernaturalis discrimina, à loco, tempore, mediatore, sed ea non absolute, sed ad fœdus naturale repetitum per Moysen, & fœdus supernaturale sancitum per Christi adventum, referenda sunt: quemadmodum etiam synecdochicè spectantur, Galat. 4. Hebr. 8. v. 8. Atque hætenus de fœdere Dei & N. T.

Quod reliquum est, Deo Opt. M. gratias agamus, quod nos à ministerio mortis liberavit & novi fœderis ac vitæ æternæ per Christum participes fecerit, eundemque precemur, ut suam hanc gratiam porrò nobis proroget, & spiritu suo sancto dirigat, ut vera fide & resipiscentia ei serviamus, quemadmodum Deo confœderatos decet, ad gloriam divini nominis, aliorum institutionem, nostramque salutem, &c.

# IL PARTITIO LIBRORUM NOVI TESTAMENTI.



Ovi Testamenti partes, alie sunt διηγητικαί: alie δογματικαί. Ille sunt scripta, quæ in narratione potissimum versantur: suntque vel historica, vel prophetica.

Historica sunt, quæ historiam seu rei gestæ narrationem continent, eamque vel Christi (ut quatuor Evangelia, μετρυμικῶς à materia sic dicta: quorum duo ab Apostolis, Matthæo & Iohanne: & totidem ab Apostolicis viris seu Apostolorum individuis comitibus & Evangelistis, Marco & Luca descripta sunt) vel Apostolorum: ut Acta, scriptore Luca. Prophetica verò (κατ' ἐξοχὴν sic dicta: nam aliàs etiam prophetia est rerum gestarum, ut Genesis Mosis) quæ prophetiam, seu reigerendæ ἀποκάλυψιν proponunt. Qualis est sola Apocalypsis Iohannis. Atque hæc de libris διηγητικοῖς: δογματικοὶ verò sunt, qui in dogmatibus potissimum versantur: ut Apostolorum Epistola: præsentia eorum vicariæ, 2 Pet. 1. v. 15. Epistola enim inventa est, ut certiores faceremus absentes, si quid esset, quod eos scire, aut nostra aut ipsorum interesset, ut ait Cicero lib. 2. ad Famil. Epist. 4. & Hieronymus tom. 3. Epist. ad Marcellam. Solaque res est, quæ homines absentes præsentem facit, ut ait Turpilii Comicus, teste Hieronymo tomo 1. Epist. ad Niciam (pag. 77.)

Epistolarum autem Apostolicarum (etsi usus, ut totius S. Scripturæ 2 Tim. 3. 16. & Rom. 15. v. 4. communis est omnibus fidelibus, 1 Cor. 1. 2. cum ad omnes Apostoli scripserint, dum ad quosdam, ut ait Tertull.) alie ratione occasionis & objecti sunt particulares: alie universales. Particulares sunt, quæ particularibus inscriptæ sunt, vel ecclesiis: ut Pauli ad Roman. ad Corinth. prima: ad Ephes. ad Philip. ad Coloss. ad Thessal. duæ: vel hominibus, iisque vel publicam in ecclesia personam sustinentibus & Evangelistis, ut Pauli, ad Timoth. duæ, & ad Titum una: ad Philemonem: vel privatis, ut Iohannis secunda & tertia. Atque hæc particulares.

Universales verò vocant, quæ scriptæ sunt multis ecclesiis & quidem vel Israëlitarum, ut Epistola ad Hebr. Iacobi: Petri intraque & Iohannis prima (ut volant doctiores & colligunt ex 1 Iohan. 2. v. 2.) vel gentium, Achaeorum, ut secunda ad Corinth. vel Galatarum, ut Epistola Pauli ad Galatas.



# C A N D I D O E T B E N E V O L O L E C T O R I S.



**B**RIA sunt, *Amice Lector*, de quibus hic præfari visum est: Autor operis, opus ipsum, & nostra in eo edendo opera. Autor est FRANCISCUS GOMARUS: Quis verò quantusque ille fuerit, jam orbi Christiano à multis annis innotuit universo. Qui ut nostro non eget encomio, ita ab officio *γνησίων* Discipulorum alienum non videtur, virtutes, animique dotes, quas in præceptore vivo mirati atque æmulati sunt, eas, illo defuncto, apud alios candidè prædicare. Nec tamen Declamationem de laudibus *Francisci Gomari* hic paramus. Cui rei, & ob illius magnitudinem, & ob nostram tenuitatem, omnino impares sumus. Tum & ipse majus nostro testimonium habet: ab eo quippe profectum viro, qui ipse in laude tot jam annos vivit *Danielem* dicimus *Heinsium*. Qui, cum incomparabili eruditione & nunquam morituris ingenii sui tot monumentis, ad summum laudis ac gloriæ fastigium ascenderit, nunc ex ipso sæculi livore & æmulatorum calumniis quotidie crescit. Ut in ipsam quadret, quod ab ipso, magno olim Scaligero dictum:

*Sic tua cum fessas superent præconia Musas,  
Accedit tacito furtiva calumnia morsu,  
Et solus populo qui sis quantusque fatetur  
Livor iners animi. Dignos tibi solvit honores  
Æmula gens, nomenque augeat, quod tollere  
Phæbus*

*Nescit, & attonita nequeunt augere Camæna.  
Namque ubi supremæ rerum stetit ordine virtus  
Divitiis innixa suis, quam tangere nescit,  
Impetit infelix & detrahit omnia Livor.*

Is verò quanti hunc nostrum fecerit, singulari, quam nobis misit, & ad nos scripsit, epistola luculenter indicavit. Quam integram, cum carmine illi planè gemino, quod jam olim dedimus, Præfationi huic nostræ, pulcherrimam operis Gomariani insertam, subjungemus. Quod quamvis pudor prohibet, & indignitatis nostræ conscientia, quæ eas laudes, quas & in nos plena profundit manu, non admittit; malimus tamen paulo immodestiores videri, quam vel verbulum de tam præclaro scripto detrahere. Ut ita publicum atque æternum tanti viri, & de ipso Gomaro judicii, & in nos benevolentiae testimonium extaret. Nobis verò nunc operæ videtur pretium, eas potissimum præceptoris virtutes commemorare, quibus spartam, quam à Deo nactus erat, exornavit. Cæterum, ut ad tam arduum munus rite explendum, præter principis scientiam, & aliarum etiam artium ac linguarum non perfunctoriam cognitionem, requiritur, ut absit *πολυπραγμοσύνη* καὶ πᾶσι ἀλλοτρίοις περισκοπεῖν; adsit verò pertinax studium, & animus muneri suo intentus: ita si hæc omnia sum-

ma in hoc viro fuisse dixerimus, nihil præter veritatem dixisse nos, aut quidquam amori, quem summum illi atque immortalem debemus, dedisse arbitramur. Quam enim à perverso illo alienis sese immiscendi rebus studio alienus fuerit, illi nobiscum norunt, qui ipso multum usi sunt. Cujus etiam rei non leve argumentum videtur, quod quamvis viginti & amplius annos, in eadem vixerit provincia, paucos tamen ejus procures de nomine, pauciores de facie, paucissimos familiariter noverit: neque favorem eorum aut sibi, aut aliis ambiverit. Quod existimaret, sibi à re sua tantum otii non esse, aliena ut curaret: Reique publicæ negotia nihil ad se attinere, nisi quatenus ejus salus Deo Opt. Max. precibus commendanda esset. Quæ virtus, ut in aliis honesta est; ita in Theologo penè necessaria videtur.

Quanta verò animi corporisque contentione, de mandato sibi munere functus fuerit, ut nec hyemis sævitie, nec Solis ardoribus, à lectionibus, aliisque studiosæ juventutis exercitiis sufflaminari potuerit, probè memor illius Apostolici, *ἐν τέλει ἰσθί*; illi nobiscum testabuntur omnes, qui hunc in Batavis, apud Middelburgenses, in Galliis, in nostra denique Academia præceptorem unquam habuerunt: nisi qui maligni fuerint, aut planè ingrati. Unde illos etiam, qui officium remissius facerent aut negligentius, octavi præcepti parum memores esse dicatbat. Ab iis verò, quæ ad tam sublimem Professionem necessaria sunt, rerum dicimus Theologicarum solidam scientiam, cæterarum artium accuratam cognitionem, linguarum eruditarum notitiam penitior, quam luculenter instructus fuerit, editis jam ante libris, doctissimorum virorum judicio, abundè demonstravit. Cui quantum ex hisce, quæ nunc edimus, cæterisque addimus, accessurum sit momentum, bonis omnibus doctisque judicandum relinquimus.

Quamvis autem dubitari non possit, quin, si ultima autoris accessisset lima, non paulò limatiora omnia proditura fuissent; talia tamen hæc ipsa esse confidimus, ut ea *Francisco Gomaro*, maximo autore non indigna; illi verò, qui his aut audiendis, aut excipiendis operam dederunt, bonas horas nequaquam perdidisse judicentur. Nobis certè, in iis admirabilis semper visa fuit Sacræ Scripturæ Analysis; non mutila illa aut coacta sed quæ omnia Sacri textus membra, præsertim ubi id agit autor, planè repræsentet: quæque quasi sponte sua ex textu fluat. Analysin enim ad textum accommodat: non textum ad præconceptam analysin detorquet. Quanti verò Sacræ Analysis *ἀκρίβεια* facienda sit, ex Apostoli liquet monitu, qui Timotheum suum vult *ὀρτομεῖν τον λόγον τῆς ἀληθείας*.

Orthodoxiæ, si quisquam, studiosissimus fuit:

nec in ullo articulo, qui veritatis aut pietatis spectet fundamentum, ab Ecclesiae sententia divortium fecit: sed contra, à communibus formulis, Catechesi & Confessione, ne transversum quidem digitum recedendum putavit: ne prurientibus ingeniis vel minima novas res moliendi ansa daretur. Peculiares verò Doctorum opiniones, etiam vulgò receptas, in quibus salva fidei & charitatis compage diversum sentire licet, non rarò ad examen vocavit: in iisque majorem veritatis & solidæ rationis, quam ullius humanæ auctoritatis, rationem habendam duxit. Quod quum & olim & nostro sæculo, à maximis viris factitatum sit, in illo culpari justè non potest. Non pauca etiam S. Scripturæ dicta, aliter, quam ab interpretibus factum est, exposuit; non novitatis studio, à quo alienissimus fuit, sed amore veritatis: quàm ex occasione & scopo, vocum & phrasium proprietate, & in Sacr. Literis usu, antecedentium & consequentium connexionem, locorum similium comparatione solidè deducit. Id quod in illustrium ac selectorum Evangelistarum locorum explicatione potissimum videre est. Quæ Dissertationes, nostro certè judicio, quod tenuissimum esse agnoscimus, ad formandum ac firmandum in Theologiæ studioso judicium, utilissimæ sunt: eamque ob causam jam à multis annis maximo nobis in pretio fuerunt.

Orthodoxam de materia & forma Justificationis sententiam sæpiusculè inculcavit: quod discipulorum suorum animos, contra errores passim irrepentes, & in magnorum etiam virorum scriptis sparfos, sedulò pro officii sui ratione, muniendos existimaret. Nec temerè id fecit, aut sine exemplo; quam tota Synodus Gallicana, jam olim tam anxie, ea de re, ad Academiæ scholasque illustres, & sigillatim etiam ad doctos viros, scripserit.

Quod verò etiam alia nonnulla, aut brevius contracta, aut prolixius explicata, interdum recurrunt, illud ex veteri verbo, *δὲ καὶ τὸ πρὸς τὴν καλὰ, benevolus Lector* factum esse existimabit. Tum etiam in eo novitiis auditoribus consultum voluit autor, qui interdum quoque *δὲ πρὸς τὴν φροντίδας τοῦ πρὸς τὴν καλὰ* esse demonstravit. Nobis verò ea rescare religio fuit: nisi ubi eadem iisdem verbistractabantur: ne operi moles, atque inde emptori pretium & lectori labor, præter rationem cresceret.

Si loca quædam Scripturæ, aut etiam res ipsæ, diversis locis, aliter atque aliter explicari videantur, illud cogitandum, nec simul nata esse hæc opera, nec ab autore recognita: sed ita à nobis edi, ut in autographis reperta sunt. Quod si in Analyti & Explicatione Epistolæ ad Galatas, posteriora primis, tractationis modo & *ἀνεκρίτως*, non satis respondere, nec ejusdem coloris esse videantur, illud cogitare oportet, quam diversis ea nata sint temporibus. Commentarius enim in primum, & maximam secundæ capituli partem, ultimus; reliqua verò, primus professionis Theologiæ foetus & fructus: quæ quadraginta & septem annorum spatio inter se distant. Ut tamen Lectores integram divinæ hujus Epistolæ explicationem haberent, reliqua ex autoris autographo, summa fide & cura descripsimus. Atque ita summus hic Theologus, quod hic annotare libet, nec memoriâ indignum videtur, insignis hujus

Epistolæ explicatione & initium & finem professionis suæ fecit.

Illud verò multis fortasse mirum videbitur, scripta viri toto orbe celeberrimi, & undequaque doctissimi, per tres ignotos in lucem produci Pastores. Quibus antequam respondeamus, illud benevolos Lectores etiam atque etiam rogamus, ne incertitia atque *ἀπιδόστω* nostra, famæ atque existimationi *Francisci Gomari*, Operumque ejus dignitati quidquam detrahat. Quod ut ne jure fieri posset, sedulo operam dedimus; in illud summa vi nitentes, ut ingenii nostri & judicii defectus, fide, labore, & industria compensaretur. Atque eo æquiores etiam Lectores nobis fore, speramus, si cogitaverint, non tam eruditionem in hoc negotio, quam fidelem diligentiam postulari. Nec enim, si Gomaro quidquam exciderit, quod quorundam palato minus sapiat, nostrum erit id præstare: qui nostro nos officio ritè satisfecisse arbitramur, si ea & omnia & sola dederimus, quæ Gomari esse certò constet. Causa verò, cur magno viro nobis committere hanc provinciam placuerit, non est, quod ipsi aut affinium, aut cognatorum, aut collegarum, aut *ἀρχαίων μαθητῶν*, aut amicorum denique, qui eruditionis & pietatis laude clarent, copia non esset: sed quod à nobis commodissime opera sua edi posse clarissimè perspiceret. Quum enim sciret; hinc quidem, Manuscripta sua ad editionem apta non esse, ut quæ litera, nisi assuetis, vix legibili scripta & quam plurimis lituris disturbata essent; quod non negligentia tamen, sed *ἀνεκρίτως* indicium putabunt omnes, qui Horatiani illius meminerint.

*carmen reprehendite, quod non  
Multæ dies & multa litura coercuit, atque  
Perfectum decies non castigavit ad unguem;*

Inde verò, nos non tantum manum suam satis expedite legere, sed etiam inde usque ab eo tempore, quo *μελετήματα* sua auditoribus primum dictare coepit, omnes suas lectiones sedulò excepisse: easque etiam, postquam jam ex Academia, in agrum, ad verbum Dei docendum evocati essemus, *καθηζῆς*, amicorum utentes libris, descripsisse: videbat hanc sibi quasi necessitatem impositam, ut nostra hac in re opera uteretur. Cum itaque paucis ante obitum diebus, eum visitantes, rogaremus, quid Manuscriptis suis fieri vellet; non tantum eorundem editionem, à qua antea, pro singulari sua *ἐπιεικροσύνη* & *ἀφιλαυτία*, alienior semper fuerat, à se exorari sivit: verum etiam eandem nobis, & quidem solis demandavit. hoc addens, quum exemplaria nostra satis nitide descripta essent, nihil aliud restare, quam ut ea cum suis autographis accuratè committerentur, atque inde, ubi opus esset, emendarentur. Qua in re, uti alii fortasse judicium desiderabunt; ita nos singularem illius in nos benevolentiam & amorem agnoscimus & seriò prædicamus.

Atque hanc supremam magni viri voluntatem summa amplissimi Senatus Groningani auctoritas ratam esse voluit. Placuit enim illustri illi & spectatissimo Senatufconsulto statuere, ut omnia & singula *Francisci Gomari* Manuscripta nobis traderentur, eaque quæ ad editionem idonea essent, quantum fieri posset citissimè, in lucem ederentur. Sic enim existi-

mabant

inabant viri prudentissimi, horum operum editione, Academiæ provincialis & urbis suæ famam illustrari, Ecclesiæ ædificationem, & quod omnium caput est, nominis divini gloriam non parum posse promoveri. Ut & illis, interque eos, amplissimo consultissimoque viro D. Petro Eissinghe, tunc temporis Reip. Groninganz consuli dignissimo, nunc verò, in Provinciali supremi iudicii Camera, inter cæteros, iudici (*Hovetmanno* dicto) iustissimo, qui ab ipso Gomaro testamenti, & huius etiam voluntatis, executor constitutus est, & verè fuit, maximam gratiam omnis debeat posteritas.

Atque ita & ipsius auctoris voluntate, & nobilissimi Senatus autoritate, omnes libros manuscriptos *Γομαροῦ* nacti, nostri officii esse vidimus, id sedulo dare operam, ut & mandato illius, & huius decreto, omnium denique bonorum desiderio, quam primum satisfaceret. Confestim itaque manum mentemque operi admovimus, & labore tripartito, ea omnia quæ partim ipsimet ex dictantis ore exceperamus, partem ex amicorum libris descripsimus, cum autographis, atque interdum etiam, ubi eorum erat copia, cum apographis, ab ipso Gomaro interpolatis, atque emendatis, contulimus, commisimus, indeque quantum potuimus diligentissime, castigavimus. Quia verò auctor noster, easdem interdum lectiones, interjecto aliquot annorum intervallo, repetere solebat: cum, ut novis consuleret auditoribus, tum ut ea, quæ olim meditatus erat, ad incudem revocaret, atque ita secundâ, tertiâve curâ magis magisque expoliret atque perficeret: inde factum, ut nonnulla, quæ ante dictaverat, omiserit: alia paululum immutavit: quædam denique, quæ necessaria videbantur, addiderit. Quod de suis scriptis magni viri iudicium secuti, postremas tantummodò hic lectiones damus. Idque eo potissimum monemus nomine, ne viri docti, qui olim D. Gomaro *μαθηταὶ* sive discipuli, si plus hic minusve, quam in suis exemplaribus deprehenderent, fidem nostram suspectam haberent. Quam ut curemus probè, omnia & singula magni auctoris scripta candidè communicamus; neque quidquam, quod quidem ab ipsomet Gomaro perfectum fuit, publico invidemus.

Nam quod *Loci* (quos vocant) *communes*, & explicationes quorundam Novi Testamenti dictorum, quæ in multorum manibus versantur, inter posthuma hæc Fr. Gomari opera non compareant; causa est, quod eorum nuda tantum diagrammata, eaque maximam partem, tam intricatè, tam minutis descripta literis, ut vix ac ne vix quidem legi possint, invenerimus: atque illud etiam satis constat, autorem ea, non ad verbum, quod in reliquis factum, auditoribus dictasse: sed libera oratione, re tantum præmeditata, dixisse. Unde factum, ut ea à studiosis, prout alii aliis scribendi celeritate, & dicentis mentem assequendi dextèritate præstarent, variè excepta, & ab aliis descripta sint.

Si quid verò progressu temporis, ubi majus erit otium, ex auctoris schedis erui possit, quod doctissimorum virorum iudicio, quorum consiliis hac in re usi sumus, & porro, si licebit, utemur; luce non indignum videatur, nostram nos operam non denegabimus.

In hisce autem, quæ nunc edimus, nihil de nostro additum, nihil, quod Gomari esset, demptum: nisi quod interdum vocula aliqua, aut supplenda, aut mutanda fuit: quæ etiam in autographo aliter scripta, quam sensus aut phrasidis ratio postulabat: quod inter meditandum, ut sit, aliud in mente habuerit auctor, aliud calamo expresserit. Quod tamen rarissimè factum. Atque hac etiam mente, hanc addendi & delendi potestatem nobis *ὁμολογίης* fecit: non quod pro lubitu scripta sua mutilare, aut aliena iis infercire nos vellet, quod non esset Gomari scripta edere, sed nostra, hoc est, indocta, Lectoribus obtrudere: sed si aut locus malè citatus, aut vox aliqua malè scripta, aut non satis congrueret, in iis castigandis operam nostram & fidem postulavit. Præterea, quum non lectionum auctoris, qui scripturam saltuatim & sæpè *ὅσπερ ὅτε* prout sese alia atque alia occasio offerebat, exposuit; sed Sacrorum librorum, in operis impressione, ordinem sequi necesse esset; paucula interdum in Commentariorum exordiis immutanda fuerunt. Quod etiam de quarundam Disputationum præfatiunculis dictum volumus. In omnibus verò & diligentiam, quam potuimus, & fidem quam debuimus, præstitisse nos, liquidò affirmare possumus.

Cæterum omne Opus in tres divisum est partes. Quarum prima, ea continet, quibus Sacris Evangelistis facem allucere auctor voluit. Secundus autem Tomus Analyticam explicationem in plerasque Epistolas Apostolicas, & quinque priora capita Apocalypses exhibet. Cui appendicis loco, paucula, quibus aliquam Veteris Instrumenti partem illustravit, subiecimus. In tertium denique locum ea & collegimus & coëgimus omnia, quæ ipsomet Gomarus, variis in locis, diversisque temporibus sparsim edidit. Nisi quod omissa sint, quæ idiomate olim scriptis Belgico: quod ea peregrinis atque exteris ingrata fore; in Latinam verò translata linguam, non eandem elegantiam atque *εὐεργεσίαν* habitura viderentur. Disputationes etiam eas, quæ cum aliis, Professorum Leidenensium, impressæ sunt, omisimus: quod eas se non *ἀπεργάζετο*, sed ut studiosis disputandi materiam præberet, levi opera conscripsisse auctor dictitaverit.

Earum verò Disputationum, quas hic damus, ultimas secuti editiones sumus. Quibus etiam respondentium apposita non sunt nomina: quod eadem, à diversis, in diversis Academiis disputata sint: quorum unum reliquis præferre nolimus, nec debuimus. Quod verò *Defensio orthodoxæ doctrinæ De perseverantia Sanctorum*, quæ antea inter disputationes comparuit, nunc inter tractatus Theologicos locum habeat; ex mente auctoris factum est, qui ipse, mutato jam titulo, novam editionem, ad libelli modum meditabatur. *Lyræ Davidis* Theologicis nostri Auctoris scriptis merito addimus. Quamvis enim ea in poësi occupetur; sacram tamen, & Sacræ Scripturæ, artem poëticam tradit. De qua pulcherrimè, ut omnia, magnus Heinſius,

— *Deum docet esse poetam.*

Quo verò operis Gomariani divitiæ; magis conspicuæ & lectoribus fructuosæ essent, varios elenchos, indicēs-

P R A E F A T I O   A D   L E C T O R E M .

indicesque aliquot uberrimos, locorum nempe S. Scripturæ, qui obiter illustrantur aut vindicantur; autorum, qui laudantur; Hebræarum & Græcarum, quæ explicantur, vocum; rerum denique & verborum latinorum, concinnavimus.

Illud denique, studiosum operis hujus lectorem, scire & debere & velle existimavimus; in citatione Veteris Testamenti, vulgatum plerumque in-

terpretem; Bellarmini, primam operum ejus distributionem, autorem sequi.

Hæc sunt, *Amice Lector*, quæ te ignorare nolimus. Quod superest, Deum omnis sapientiæ fontem rogamus, ut hosce servi sui labores Ecclesiæ suæ utiles, sibi verò gloriosos esse velit. Vale, & nostro, etiam in alieno opere, labori fave.

*Scripsimus XVI. Septemb. Juliani, ANNI MDLXXIV.*

JOHANNES VEREEM,  
ADOLPHUS SIBELIUS, *Ecclesiastæ in*  
MARTINUS UBBENIUS.

UITHUYSER-MEDEN,  
WARFHUYSEN,  
WARFFUM.



E L E N-

# ELENCHUS OPERUM FRANCIS. GOMARI.

## GENERALIOR.

### Parte prima continentur.

1. **P**rolegomena: sive oratio de fœdere Dei: & Partitio librorum Nov. Testam.
2. **I**llustrium ac selectorum ex Euangelio Matthæi locorum explicatio.
3. Selectorum Euangelii Lucæ (cap. 1. & 2.) locorum illustratio.
4. Selectorum Euangelii Johannis locorum illustratio.
5. *Analysis* & explicatio Epistolarum Pauli,  
ad Romanos,  
ad Galatas,  
ad Philipenses,  
ad Colossenses,  
Primæ ad Theſſalonicenſes,  
Secundæ ad Theſſalonicenſes,  
ad Philemonem,  
ad Hebræos,  
Epistolæ Jacobi,  
Primæ Petri,  
Secundæ Petri,  
Primæ Johannis,  
Secundæ Johannis,  
Epistolæ Judæ,  
Quinque priorum capitum Apocalypſeos.
6. *Appendix*, in qua  
*Analysis* & explicatio prophetiarum quarundam, Moſis,  
de Christo.  
*Analysis* Hobadæ.

### Parte ſecunda continentur.

#### 1. *Disputationes Theologica*, quarum hæc eſt ſeries:

	Pag. 1
I. De Theologia.	
II. De Scriptura Sacra.	3
III. De Deo vero:	5
IV. De Nominibus Dei: ac ſimul diſtinctum celebris, de Tetragrammato, controverſæ examen.	8
V. De nonnullis Quæſtionibus circa Nomina Dei:	14
VI. De Perſonarum divinarum Trinitate.	15
VII. De Patris & Filii perſonis.	19
VIII. De Spiritus Sancti perſona.	22
IX. De æterno Dei Decreto.	24
X. De divina hominum prædeſtinatione.	26
XI. De creatione mundi.	33
XII. De Angelis creatis.	36
XIII. De legis divinæ & pontificiæ doctrinæ repugnantia.	39
XIV. De Euangelio Chriſti.	40
XV. De Adami primi & ſecundi collatione.	44
XVI. De Collatione Davidis cum Chriſto.	46
XVII. De ſimilitudine Sacerdotii Chriſti & Melchisedeci.	48
XVIII. De morte Jeſu Chriſti.	50

XIX. De merito Chriſti ejuſque beneficiis erga nos.	56
XX. De ſeſſione Chriſti ad dextram Dei.	58
XXI. De Antichriſto.	62
XXII. De Petri Apoſtoli & Papæ Romani repugnantia.	17
Ejuſdem Diſputationis pars altera.	73
XXIII. De fide ſalvifica.	78
XXIV. De articulorum fidei Apoſtolicæ, & fidei Eccleſiæ Romanæ, repugnantia.	80
XXV. De hominis, coram Deo per Chriſtum juſtificatione.	82
XXVI. De hominis coram Deo juſtificatione, contraſtor Diſputatio.	86
XXVII. De juſtificationis materia & forma.	88
XXVIII. De juſtificatione, contra Pontificiorum errores.	92
XXIX. De reſurrectione mortuorum.	93
XXX. De Eccleſia Dei.	97
XXXI. De Sacramentis.	99
XXXII. De Baptiſmo.	103
XXXIII. De Baptiſmi Sacri, Scripturæ, & Eccleſiæ Romanæ repugnantia.	105
XXXIV. De Cœnæ Domini.	107
XXXV. De Verbis Cœnæ Domini.	110
XXXVI. De Cœnæ Domini doctrina, S. Scripturæ & Eccleſiæ Romanæ repugnantia.	116
XXXVII. De ſacerdotio Chriſti & Melchisedeci, & Miſſifici ſacerdotii cum utroque repugnantia.	118
XXXVIII. De Cœnæ Dominicæ & Miſſæ repugnantia.	120
XXXIX. De quinque falſis Pontificiorum Sacramentis.	122

#### 2. *Tractatus Theologici*, nempe

I. Conciliatio doctrinæ orthodoxæ de Providentia Dei:	125
II. Anticoſteri libri tres:	
1. De diſcrimine Hæreticorum Catholicorum.	143
2. De Sacra Scripturæ.	172
3. De Eccleſia Chriſti:	202
III. Examen controverſiarum, de Genealogia Chriſti.	241
IV. Diſſertatio, de Euangelio Matthæi, quænam lingua ſit ſcriptum.	253
V. Investigatio ſententiæ & originis Sabbathi.	256
VI. Judicium de primo articulo Remonſtrantium de Electione & Reprobatione.	277
VII. Deſenſio doctrinæ de perfeverantia ſanctorum.	280
VIII. Deſenſio investigationis originis Sabbathi.	299
IX. Davidis Lyra: ſeu nova Hebræa Sacre Scripturæ ars poëtica:	313

E L E N-

# ELENCHUS OPERUM FRANCIS. GOMARI

## SPECIALIOR.

*Quo, & qui loci in Evangelistis explicantur, & quæ digressiones, diatribæ aut dissertationes in hisce commentariis occurrant, indicatur.*

Numerus paginam, Litera *a* & *b* Columnam primam & secundam indicant.

### IN MATTHÆO.

C A P. I. Illustratio versus 19. & 20. & conceptionis Christi ex substantia virginis Mariæ,	pag. 1.
De versu 21. & nomine Jesu	3. b
Illustratio versus 22. & 23. ubi Prophetia Esaiæ cap. 7. à Judæorum exceptionibus, & perversa expositione vindicatur	5. a
De Immanuelis nomine	7. b
De Mariæ matris Jesu virginitate, ad versus 24. & 25. illustrationem	8. b
Cap. II. Quæstio prima de versu 5. & 6. ubi explicatio & vindicatio loci Michæ 5. 2.	9. b
Illustratio versus 16. de Christi reditu ex Ægypto. ubi accommodatio & explicatio loci Hoseæ 11. 1.	13. a
Illustratio versus 17. & 18. ubi accommodatio & explicatio loci Jerem. 31. v. 15.	14. a
Versus 23. de Christo Nazaræo vocando. ubi corollarii loco adjicitur Athanasii locus, de perditis nonnullis Prophetarum libris	14. b
Cap. III. Ejus brevis analysis	16. b
Quæstio prima ex versu 1. de nomine Johannis Baptistæ	17. a
Quæstio secunda: de Johannis victu, seu quid <i>ἀγρίως</i> notent	17. b
Quæstio tertia ex versu 9. 11. 14. de Baptismo Johannis	18. a
Quæstio quarta ex versu 13. & seqq. de Christo à Johanne Baptisato	19. b
Illustratio versus 16. & 17.	21. a
Cap. IV. De Christi à Satana tentati victoria. ubi distincte, quid <i>Satanas</i> & quid <i>tentatio</i> , explicatum.	23. b
Cap. V. Capituli quinti illustratio:	31. a
Ubi paradoxorum Christi de hominis beatitudine explicatio	32. b
& ad tertium parad: de paradoxorum Christi ordine controversia	34. b
Illustratio versus 13. & trium sequentium	42. a
Doctrinæ Matthæi cap. 5. vers. 21. & 22. propositæ illustratio	44. b
Ubi præmittitur controversia de scopo hujus doctrinæ: num is sit Decalogi doctrinam corrigere: an verò vitiosam illius expositionem à Scribis & Phariseis traditam confutare.	
Digressio de traiectione superstitiosa liberorum infantum, per ignem, in Gehennon, sive Gehenna	49. a
Cap. VI. De Oratione Dominica: ubi ejus analysis & illustratio	49. b
Quæstio, an <i>Pater noster</i> notet Deum communiter, seu tres personas, Patrem, Filium & Spiritum Sanctum: an verò primam tantum.	
Illustratio versus 11. de pane <i>ἁγία</i>	50. b
De Orationis Dominicæ petitione quinta: ubi de remissionis peccatorum amplitudine controversia	53. a

Cap. XI. Versus 20. 21. & 22. illustratio	55. a
Illustratio versuum 25. & 26. ubi de origine fidei Pontificiorum & Orthodoxorum consensus & dissensio explicatur	57. a
Cap. XII. Difficultates cap. 12. Matthæi.	
De loco Matthæi 12. v. 31. & 32. ac sententiæ de Blasphemia in Spiritum S. explicatio	61. b
Illustratio versus 40. ubi similitudo Jonæ & Christi	65. a
Vindicatio sententiæ v. 43. 44. 45.	66. b
Cap. XV. Illustratio sententiæ Christi v. 5.	71. b
Cap. XVI. Explicatio dicti versu 24.	71. b
Capituli XX. à versu 1. ad 17. examen, & à Pontificiorum ad opum bonorum merita stabilienda abusu, vindicatio	72. b
Digressio de vocis <i>mundi</i> distinctione. ubi explicatio & vindicatio illustrium locorum Johan. 3. v. 16. & 1 Johan. 2. v. 2.	76. b
Digressio altera de usu vocis <i>omnis</i>	79. a
Cap. XXII. Brevis sermonis Christi de nuptiis habiti, & Matthæi 22. à versu 1. ad 15. usque descripti illustratio. ubi locus communis de <i>Parabolis</i> explicatur	79. b
Cap. XXIII. Vindicatio sententiæ Christi Matt. 23. v. 37. ubi proluxa erroris Remonstrantium, de gratia conversionis & libero arbitrio, confutatio, & doctrinæ orthodoxæ assertio	85. b
Cap. XXIV. Versus 15. illustratio, de abominatione desolationis	126. b
Loci explicati appendix	128. b
Illustratio sententiæ v. 24. ubi de miraculis pseudopphetarum, & seductione	129. a
De mundi interitu, ex versu 35. dissertatio	131. a
Illustratio sententiæ Christi v. 30. de signo Filii hominis apparituro	133. b
Explicatio sententiæ v. 36. & Marc. 13. v. 32. quomodo dicatur Filius ignorare diem judicii	134. a
Cap. XXVI. Quæstio prima de tristitia Christi	138. a
secunda de Christi precatione	139. b
Capituli XXVII. Difficultatis ex vers. 9. & 10. examen.	
Quæstio prima, an rectè Jeremias Propheta hîc citetur	141. b
secunda, an Zachariæ Prophetia à Matthæo rectè citetur	143. b
Cap. XXVIII. De modo exitus Christi è sepulchro	144. b
Vindicatio genuinæ sententiæ dictorum Christi vers. 18, 19, 20.	145. a
Quæstio prima, an ex hoc loco probari possit, humanam Christi naturam esse omnipotentem.	ibid.
secunda, an ex illis Christi verbis vers. 20. <i>ego sum vobiscum</i> , &c. rectè probari possit corpus Christi esse ubique	146. a
Quæstio, an infantum baptismus ex vers. 19. queat confutari	147. b

### IN LUCA.

C A P. I. De tituli hujus Evangelii Autoritate & veritate	149. a. b.
De præfatione Evangelii Lucæ	151. a
De sensu vocis <i>τῶ λόγῳ</i> vers. 2.	152. a
De voce <i>ἀγαθὸν</i> vers. 3.	153. a
Descriptionis Evangelii Lucæ, cum Matthæo & Marco coll ti, tempore	153. b
Sententiæ vers. 6. contra Origenis & Pontificiorum abusum defensio	155. b
De	



De missione Angeli ad virginem Mariam, ejusque annunciatione.	157. b
Quaestio de nomine <i>Gabriel</i> , &, obiter <i>Michaël</i> .	157. b
De nomine <i>Maria</i> .	158. b
Succincta Angeli Gabrielis & Pontificiorum, in salutatione virginis Mariae, oppositio.	161. a
Erroris Anabaptistarum, quo abutuntur versu 32, & 35. confutatio.	
Ubi de origine carnis Christi.	168. a
Versus 77. Illustratio: ubi remissionis peccatorum explicatio, & quaestio, an remissio peccatorum sit tota fidelium, coram Deo, justificatio, ad vitam aeternam obtinendam.	
& ad novem incommoda objecta responsio.	171. a
Cap. II. Explicatio prophetiae Jacobi Genes. 49. v. 10. per digressionem.	179. b
Breve examen errorum quibus Judaei recentiores prophetiam Jacobi Genes. 49. v. 20. detorquent.	185. a
Narrationis Lucæ Evangelistæ cap. 2. de nativitate Christi explicatio.	186. a
De nati Jesu Christi patefactione, ubi explicatio cantici Angelorum.	188. b
Quaestio ex versu 23. an Christus natus aperiendo matris uterum.	192. a
Historiae de circumcisione Christi Luc. 2. vers. 21. declaratio.	192. b
De scientia Christi ad versum 52. cap. 2. Lucæ illustrationem & genuini sensus confirmationem dissertatio.	196. a

In *J O H A N N E*.

Præfatio de Evangelio Johannis.	203.
De prima parte capitis primi, ubi de λόγῳ dissertatio.	205. a
An Filius Dei, sermo Patrem patefaciens, in sacris literis vocetur absolute, ratione omnis temporis: an vero relatè tantum ratione temporis, à nativitate sua ex Maria virgine.	207. b
An principium creationis, propriè dictæ, de qua Genes. 1. agitur; an verò improprie, per metaphoram, ac secundæ creationis, seu spiritualis renovationis mundi, per Evangelium, principium hoc loco intelligatur.	208. b
Quaestio, quid hoc loco significet, erat apud Patrem.	209. b
Quidnam vox <i>Deus</i> in his verbis, & sermo erat <i>Deus</i> , significet.	210. a
Vindicatio versus 3. <i>Omnia per ipsum facta sunt, &amp; sine ipso factum est nihil, quod factum est.</i>	216. a
Examen versus quarti, <i>In ipso vita erat, &amp; vita erat lux hominum.</i>	219. b
Affertio genuinæ sententiæ v. 10. <i>In mundo erat, &amp; mundus per eum factus est, &amp; mundus</i> (vel ut Beza sensum rectè exprefsit, <i>sed mundus</i> ) <i>eum non cognovit.</i>	223. a
Quaestio de Versu 11. <i>ad sua venit, &amp; sui eum non receperunt</i> , sententia.	224. b
Quid significet, & sermo ille caro factus est.	225. b
De genuino sensu verborum v. 14. <i>Et habitavit in nobis, &amp; vidimus gloriam ejus, gloriam ut unigeniti à Patre.</i>	231. b
Quid vox illa <i>Unigenitus à Patre</i> hoc loco significet.	232. b
Examen responsionis Socini ad objecta quædam Martini Czechovitii, offensi explicatione illorum verborum: <i>erat apud Deum ille λόγος homo Christus</i> , id est, <i>soli Deo notus.</i>	236. a
Examen Loci insignis ac controversi, Johan. 1. vers. 12. & 13.	237. a
Examen illustri doctrinæ, quæ Johan. 1. vers. 14. fine & sequentibus quatuor continetur.	241. b
Anacephalæosis antecedentis explicationis vers. 15. ac brevis illustratio.	245. b
Discussio versus 16. <i>Et ex plenitudine ejus nos omnes accepimus, &amp; gratiam pro gratia.</i>	246. a
Declaratio verborum vers. 17.	247. a

Defensu versus 18. <i>Deum nullus vidit unquam, unigenitus ille filius, qui est in sinu Patris, ille exposuit.</i>	248. a
De visione Dei.	249. b
Brevis de agni Paschalis & Jesu Christi comparatione tractatio.	252. b
Brevis de voce Pascha appendix.	253. b
De verbis Apoc. 13. 8. <i>Quorum nomina non sunt scripta in libro vitæ, agni illius matris, à jacto mundi fundamento.</i>	254. b
Explicatio succincta vers. 29. <i>Postero die videt Johannes Jesum venientem ad se, &amp; ait; Ecce agnus Dei, qui tollis peccata mundi.</i>	255. a
Brevis conciliatio Locorum Johan. 1. vers. 33. & 34. cum Matth. 3. vers. 13. & 14.	
Quaestio ex Johan. 1. vers. 52. de ascensu & descensu Angelorum super Jesum Christum.	257. b
Cap. II. Quaestio prima è versu 11. orta.	259. a
Altera quaestio, de versu 23. & 24. consensu.	259. b
Quaestio tertia, ex versu 22. de convenientia experientiae & fidei.	260. b

E X C A P I T E T E R T I O.

Quaestio prima, quid sit <i>genitum esse ex aqua &amp; Spiritu</i> .	261. b
Digressio, qua succinctè explicatur narratio missionis Spiritus Sancti, Actor. 2. v. 1. 2, 3, 4. proposita.	263. a
Corollarium, de usu & fine festi Pentecostes.	266. b
Corollarium secundum, de distinctione donorum Spiritus Sancti.	268. a
Illustratio verborum Christi Johan. 3. v. 10. 7. & quaestionis ex versu 12. ortæ explicatio.	ibid.
Quid <i>terrena &amp; caelestia</i> , hoc loco significant.	269. b
Quaestio de sensu verborum Christi, <i>nullus ascendit &amp;c.</i>	270. b
Secunda quaestio, quomodo ascensio in cælum soli Christo tribuatur.	271. b
Tertia quaestio, quid <i>Filius hominis</i> , hoc loco significet.	272. a
Quarta quaestio, quo sensu de Filio hominis dicatur, quod descenderit de cælo: & tamen quod esset nihilominus in cælo.	272. b
Ex vers. 14. & 15. de similitudinis ibidem propositæ genere, & partibus illius primariis.	274. a
Quaestio ex Johan. 3. v. 16, quidnam voce <i>mundi</i> , significetur.	275. a
Analysis succincta Evangelii Joh. 3. à v. 1. ad 17.	275. a
Explicatio ac vindicatio Loci Johan. 3. v. 34.	277. a
Capitis IV. à vers. 1. usque ad 43. succincta analysis.	281. a
Quidnam per <i>aquam vivam</i> vers. 10, 13. & 14. à Christo memoratam, significetur.	287. b
Secunda quaestio ex vers. 10. an ex illis verbis probari possit, quod liberæ voluntatis humanæ vires cum Dei gratia, in prima hominis conversione, cooperentur.	290. b
Analysis succincta narrationis sanaturæ miraculo Christi febris lethalis, Johan. 4. v. 46. ad finem usque.	291. a
Cap. V. Prima quaestio, de illis verbis, <i>est autem Hierosolymis</i> <i>ὅτι τῇ πολετικῇ κοινότητι.</i>	292. b
Secunda quaestio, de genuina Lectione & significatione nominis Bethesda.	293. b
De consueto sanationis in piscina miraculo.	
Quaestio prima de adjuncto tempore.	294. a
Secunda quaestio, de causa miraculi sanationis hujus efficiente.	ibid.
Tertia quaestio de causa ejus finali.	294. b
Digressio, qua proponitur, ac strictim excutitur Bellarmini, de efficacia Sacramenti baptismi, sententia, & ejusdem ex hoc loco probatio.	295. a
Quaestio quonam sensu, & an rectè dicant Pontificii Sacramenta N. T. continere ac conferre gratiam, non ex opere operantis, sed ex opere operato.	296. a
(*) (*)	Qua-

Quaestio de sensu verborum Christi, Johan. 5. vers. 27.	297. b
Quaestio brevis an ex vers. 29. Pontificii, Ecclesiarum nostrarum de fidelium operibus, sententiam rectè confutent.	298. a
Illustratio eventus miraculi facti ac patefacti: qui eventus vers. 10. & seqq. continetur.	299. a
Cap. VI. Capitis sexti à vers. 1. ad 15. expositio.	302. a
Ad versum 19, & 20. illustrationem, succincta doctrinae, de timore, adumbratio.	304. b
Observatio, ad historiam, miraculi Johan. 6. v. 16. ad 22. & similitum historiarum, semum sincerum conservandum, conducens.	305. a
Illustratio sententiae Christi, Johan. 6. v. 29.	305. b
Collatio brevis Mannae & Christi.	307. a
Explanatio succincta illustrium verborum Christi, Johan. 6. v. 37.	308. b
Versus 44. adversus veteres & recentiores corruptelas vindicatio.	309. b
Versus 51. adversus Anabaptistarum abusum illustrationis.	311. a
Succincta sententiae Christi, Johan. 6. vers. 53. vindicatio.	312. b
Quaestio, de recto verborum Christi sensu, Johan. 6. vers. 63. <i>Spiritus est qui vivificat, caro non prodest</i> , &c.	314. b
Quidnam Christi verba, Johan. 6. in fine vers. 36. designent	316. a
Cap. VII. Ad versus 2. illustrationem de <i>σκηνοπηγία</i> explicatio.	317. a
Quo sensu Christi fratres, Johan. 7. vers. 3. & 5. vocentur.	318. a
Cap. VIII. De capitis 8. à v. 1. ad 12. autoritate ac sententia. disceptatio.	ibid.
Analysis Johan. 8. v. 46. ad finem usque.	329. a
Cap. IX. Capitis 9. versuum priorum septem illustratio.	330. b
Quaestio, an & quatenus filii, propter peccata parentum à Deo puniri possint.	333. a
Cap. X. Capitis 10. Johan. Illustratio.	334. a
ubi de Encarnis.	337. b
Cap. XI. Explicatio.	
Quaestio quid <i>amor</i> vers. 3. significet.	345. a
Secunda quaestio, quo sensu Christus neget morbum Lazari fuisse ad mortem.	345. b
Tertia quaestio, ubinam anima Lazari mortui, ante suscitationem illius, extiterit.	ibid.
Quarta quaestio, de genuino responsionis Christi vers. 25. sensu.	346. b
Quinta quaestio, de causa fremitus Christi.	347. a
Sexta quaestio, quomodo consentiant Christi verba, v. 41. cum antecedente vers. 25.	347. b
Explicatio versus 50, 51. & 52.	348. a
Cap. XII. Prima quaestio, quid vers. 31. per mundum & principem atque ejectionem illius intelligatur.	348. b
Secunda quaestio, ex versu 32. de omnium tractione ad Christum.	350. a
Tertia quaestio, ex versu 38. de testimonii Esaiae accommodatione & sensu.	351. a
Quarta quaestio de recto versus 39, 40, 41. sensu.	352. a
Quinta quaestio, quid significet, quod dicitur versu 42. <i>veruntamen etiam ex primoribus multi crediderunt in eum</i> .	356. a
Cap. XIII. Prima quaestio, de sensu verborum Christi versu 8.	356. b
Secunda quaestio, de sensu versus 10. <i>Qui lotus est</i> , &c.	358. a
Tertia quaestio, de recto verborum Christi vers. 14. & 15. sensu.	359. a
Quarta quaestio, quidnam <i>eligendi</i> voce vers. 18. designetur.	360. b

Quinta quaestio, an Judas Iscariotes, cum reliquis Apostolis, Sacramenti Coenae Dominicae fuerit participes.	361. a
Cap. XIV. Examen versus primi, secundi & tertii.	362. b
Illustratio, versus 4, 5, 6.	367. a
Verborum Christi vers. 16. & 17. explicatio.	370. a
Cap. XV. Quaestio, an versus 1. & 2. cum doctrina de perseverantia sanctorum conveniat, nec ne.	374. a
Cap. XVI. Versus 8, 9, 10, 11. illustratio.	375. a
Cap. XVII. Versus 3. succincta explicatio.	377. a
Examen verborum Christi vers. 9.	377. a
Brevis versus 12. vindicatio.	379. b
Cap. XX. Quaestio prima, ex versu 19. de Christi ad discipulos adventu.	381. b
Secunda quaestio, de genuino verborum Thomae Apostoli, vers. 28. sensu.	383. a

In *Analysi Epistolae ad ROMANOS*.

	Pag.
Cap. I. De nomine Pauli dissertatiuncula.	385.
Cap. VII. Tractatio de concupiscentia.	410. b
Disquisitio, de qua persona loquatur Paulus à vers. 14. ad finem cap. 7.	412. b
Cap. VIII. De interitu mundi.	416. b. 417. a
Cap. IX. De induratione, & de objecto praedestinationis.	426. a. b
Cap. XIV. De libertate Christiana.	440. b
Appendix de <i>scandalo</i> .	442. a
Cap. XV. Corollarium de signis, & prodigiis.	446. a
Cap. XVI. Corollarium de voce <i>amen</i> .	447. b

In *Analysi Epistolae ad GALATAS*.

Cap. I. Celeberrima ac dignissima quaestio, de causa impulsiva, sine, ac fructu mortis Christi, nimirum:
--

*An Christus speciali gratia, pro solis ad salutem electis, locorum, passus ac mortuus, eosque Deo reconciliaverit: an vero universali gratia, pro omnibus ac singulis, tam reprobis, qui damnantur, quam electis qui servantur, id praestiterit.*

453. a

Digressio, quâ nova, de septem Epistolarum, Apocalypf. cap. 2. & 3. sensu Prophetico, controversia succinctè proponitur & examinatur.

469

Tractatio de juramento.

481. a. b

ubi

An *Amen* sit juramentum, aut jurandi formula &

482. a

De genuina lectione Loci. 1 Cor. 15. v. 31. & an ibidem sit juramentum.

484. a

Cap. II. Quaestio de profectionis Pauli Galat. 2. vers. 1. ordine, & de temporis annorum 14. principio.

488. a

Digressio, quâ illustre illud ac celeberrimum Ecclesiae encomium, 1 Timoth. 3. v. 15. ubi *columna & stabilimentum veritatis* appellatur, succinctè expenditur.

495. a

## AD PHILIPPENS.

Cap. II. Appendix, de erroribus praecipuis adversus sinceram de persona Christi doctrinam.

539

Cap. IV. Ad versum tertium appendix: in qua ventilatur pervulgata quaestio,

*An Apostolus Paulus habuerit uxorem, nec ne.*

545

## AD COLOSSENS.

Ad Cap. 4. Appendix de mendacio.

575. b

AD

AD PHILEM.

Disquisitio quaestionis, An Paulus prima vice ab urbe Ro-  
ma liberatus fuerit? 598.4

*In Epistola ad HEBRÆOS.*

Prolegomena, ubi de autoritate & scriptore illius, & dissertatio de origine & sententia vocis <i>Hebraei</i> .	599
<b>Cap. I.</b> Collatio Salomonis cum Christo.	616. a
<b>Cap. IV.</b> Collatio Christi cum Mose. cum Josua.	624. a 625. b
<b>Cap. V.</b> Collatio Christi cum Aarone.	630. a
<b>Cap. VII.</b> Collatio Christi & Melchisedeci.	637. b
Brevis tractatio de Decimis.	643. b
Appendix de fidei, per quam justificamur, natura. ubi	
Quæstio prima, an fides, per quam justificamur, sit eadem actio; cum fide, qua credimus, nobis per Christum remissa esse peccata.	654. a
Quæstio secunda; an fides; per quam justificamur, proprie sit fiducia remissionis peccatorum acceptæ.	655. a
De discrimine fidei, Diaboli, temporariæ & justificantis succincta & obiter interjecta explicatio.	657. a. b

*In Analyfi I. Epiftolæ P E T R I.*

Prolegomena :  
ubi  
Dissertatio de capitibus & versibus. 679

*Secunda P E T R I.*

Prolegomena :  
ubi  
De autoritate & autore illius. 705  
Appendix de descensu Christi ad inferos; contra Pontifi-  
cios & imprimis Bellarminum. 717.

*Ad Epistolas 7 O H A N N I S.*

Appendix de scriptore secundæ & tertiæ epistolæ , deque  
earum autoritate. 741.4

*In explicatione Epistolæ 7 v D A.*

Prolegomena, ubi de autoritate Epistolæ illius. 742.

*In A P O C A L Y P S I.*

Prolegomena : ubi de auctore & scriptore Apocalypsis	744
Ad Cap. I. Corollarium & quaestio ex vers. 4. & 8.	
An & quomodo Christus sit <i>auroræ</i> .	754.6
Cap. II. Corollarium de Nicolaitis.	761.6
Cap. III. Corollarium 1. de libro vitæ.	766.6
2. ex vers. 20. de ostii apertione.	767.6
Cap. V. Corollarium de <i>Seculis</i> .	775.6
Explicatio loci Genes. 3. v. 15.	777
Brevis explicatio loci Genes. 15. v. 1. 2, 3, 4, 5, 6.	779.6
Genes. 22. à vers. 15. usque ad 19.	781.6

*F I N I S.*



(\*\*) 2

# INDEX

# I N D E X A U T O R U M

Qui in hisce operibus citantur.

## A.

**A** B B A S Urspergensis tom. 2. 65. a. 66. a. 67. a. 70. a. b.  
 Aben-Ezra tom. 49. b. 181. a. b. 195. a. 267. a. 307. b. 602. a. b. 626. a. 638. a. 639. a. 778. a. 784. a. tom. 2. 8. a. b. 11. a. b. 13. a. 33. a. b. 257. a. 260. a. 261. b. 262. b.  
 Abulensis tom. 2. 201. b.  
 Actius Sannazarius tom. 2. 70. b.  
 Adrianus Sextus tom. 2. 70. a. 220. a.  
 Aegidius Hunnius tom. 1. 144. b. 424. b. 425. a. 453. a. 457. a. b. 458. a. b. 660. b. 663. b. 741. a. 745. a. 755. b. tom. 2. 243. b.  
 Aeneas Sylvius tom. 2. 153. a.  
 Aeschines tom. 1. 615. a.  
 Aeschylus tom. 1. 54. b. & tom. 2. 20. a.  
 Aëtius tom. 1. 505. a. 755. b.  
 Albertus Magnus tom. 1. 202. a. 770. a. tom. 2. 113. b. 181. b. 220. b.  
 Albertus Pighius tom. 2. 218. b. 219. b.  
 Aldus Manutius tom. 1. 380. a. 500. b. tom. 2. 294. a.  
 Alexander ab Ales tom. 2. 113. b.  
 Aloisius Lipomannus tom. 1. 778. b.  
 Ambrosius tom. 1. 131. a. 132. b. 135. b. 138. a. 139. a. b. 140. b. 152. b. 175. b. 190. b. 192. a. 193. b. 200. b. 201. a. b. 205. a. 294. b. 295. a. 319. a. 320. a. 344. b. 382. b. 409. b. 431. a. 432. a. 438. a. 480. b. 483. a. 487. b. 488. b. 489. a. 493. b. 499. a. 501. b. 502. b. 503. a. 506. a. 507. a. b. 508. b. 510. a. 511. a. b. 512. a. 521. b. 522. b. 527. a. 545. a. 546. b. 601. b. 663. a. 749. a. Tom. 2. 34. b. 73. a. 99. a. 100. b. 102. a. 188. b. 213. a. 245. a. 248. b.  
 Ambrosius Catharinus tom. 1. 483. b. 663. b. tom. 2. 198. b. 218. b. 219. a.  
 Amiotus tom. 2. 41. b.  
 Ammianus Marcellinus tom. 1. 738. a. tom. 2. 64. a.  
 Ammonius Alexandrinus tom. 1. 320. a. b. 680. a.  
 Amphilocheus tom. 2. 601. b.  
 Anastasius tom. 1. 747. a. 756. a. & 2. 103. a.  
 Andradius tom. 1. 154. b.  
 Andreas Cæsariensis tom. 1. 22. a. 399. a. 473. a. 474. a. & tom. 2. 93. a.  
 Andreas Hierosolymitanus tom. 1. 190. a.  
 Andreas Laurentius tom. 1. 2. a.  
 Andr. Mafius tom. 1. 69. a. 70. a. b. 190. a.  
 Andr. Osiander tom. 1. 4. a. 381. b. 201. b. 382. a. b. 388. a. 406. a. 541. a. 626. a.  
 Andreas Rivetus tom. 2. 372. & seqq.  
 Andreas Vega tom. 1. 412. a. tom. 2. 218. b. 219. b.  
 Angelus Caninius tom. 1. 51. b. 626. a.  
 Anselmus tom. 1. 327. b. 781. a. tom. 2. 147. b. 226. b.  
 Antesignanus tom. 1. 52. a.  
 Antisynodus Remonstrantium tom. 2. 280. a. 284. b. 285. a. 286. b. 288. a. b. 292. a. b. 295. b.  
 Antoninus Episcopus tom. 2. 201. b. 234. a. 235. b.  
 Antonius Coranus tom. 1. 412. b.  
 Antonius Nebrissenfis tom. 1. 753. a. tom. 2. 61. a.  
 Aphricanus tom. 2. 247. b. 248. b. 308. a.  
 Apollinarius tom. 1. 638. a. tom. 2. 58. b. 212. b.  
 Apollonius tom. 2. 62. b.  
 Appianus Alexandrinus tom. 1. 523. b. tom. 2. 256. a.

Apulejus tom. 1. 29. b. 138. a. 180. b.  
 Aquila tom. 1. 7. b. 233. b. tom. 2. 508. a. 509. b.  
 Aretas tom. 1. 22. b. 254. b. 680. a. 748. b. 749. a. 753. a. 759. b. tom. 2. 55. a.  
 Aretius tom. 1. 127. b. 270. b. 319. a. 328. a. & tom. 2. 245. a. 249. a. 270. b. 272. b. 273. b.  
 Arias Montanus tom. 1. 69. a. 70. a. 660. a. & tom. 2. 201. b.  
 Aristophanes tom. 1. 442. b. 476. b. 384. b. tom. 2. 41. a. 58. b. 326. b. 336. b.  
 Aristoteles tom. 1. 1. b. 2. b. 36. a. 52. b. 138. b. 151. b. 177. b. 193. a. 206. a. 326. b. 378. a. 469. a. 476. a. 656. b. 755. a. 765. b. 776. a. & tom. 2. 8. b. 58. a. b. 78. a. 82. a. 111. b. 112. a. 115. a. 116. a. 123. a. 125. a. 126. b. 127. a. 130. b. 131. a. 134. a. 167. a. 212. a. 264. b. 288. b.  
 Arius tom. 1. 134. b. 296. a. 456. b. 539. a. 600. a. 755. b.  
 Arminius tom. 1. 397. a.  
 Arnobius tom. 1. 389. a. tom. 2. 238. a.  
 Arrianus Epictetus tom. 2. 99. a.  
 Artemo hæreticus tom. 1. 204. b.  
 Athanasius tom. 1. 10. a. 11. a. 16. b. 50. b. 52. a. 134. a. b. 135. b. 137. a. b. 152. b. 165. a. 166. a. 181. a. 183. a. 196. b. 201. a. 202. b. 205. a. 205. a. b. 270. b. 319. a. 320. a. 370. a. 550. a. 601. b. 320. a. 734. b. 735. a. 741. b. 746. a. 747. a. 756. a. & tom. 2. 14. b. 24. a. 34. a. b. 60. a. 63. a. 72. a. 179. b. 185. a. 199. b. 200. b. 253. a.  
 Athenagoras tom. 2. 94. b.  
 Augustinus tom. 1. 1. a. 8. 18. b. 22. a. 34. b. 36. b. 38. b. 50. b. 51. a. 54. b. 71. a. 134. a. b. 131. b. 133. b. 134. b. 135. a. 136. b. 140. b. 142. a. b. 146. a. 156. b. 157. a. 164. b. 190. b. 196. b. 204. b. 207. a. 231. a. 245. a. 250. a. b. 251. b. 253. a. 254. a. b. 261. a. 262. a. 286. b. 295. a. b. 299. b. 303. b. 305. b. 308. a. 310. a. 311. a. 312. b. 313. a. 314. b. 315. a. 317. b. 319. a. 320. a. b. 321. a. 324. a. 339. a. 344. a. 361. a. b. 363. a. 364. b. 467. b. 371. a. 389. a. 391. a. 409. b. 413. a. 414. a. 418. b. 419. a. b. 421. b. 424. b. 425. b. 427. b. 430. a. b. 433. b. 434. a. 435. a. 461. b. 474. b. 476. a. 480. b. 482. b. 483. b. 484. a. 485. a. 489. a. b. 490. a. 493. b. 494. a. 495. a. b. 497. a. 499. a. b. 498. a. b. 499. b. 500. a. 501. b. 502. b. 503. a. b. 506. a. 508. b. 509. a. 510. a. 511. b. 512. a. b. 513. a. b. 515. a. 521. a. b. 528. a. 529. a. b. 533. b. 539. b. 551. a. 554. b. 560. a. 561. b. 564. b. 576. a. 601. b. 602. a. 607. a. 562. b. 563. b. 654. b. 663. a. 667. b. 687. b. 698. b. 711. b. 723. b. 734. b. 745. a. 745. b. 748. a. 760. b. 762. a. 667. b. 775. b. 781. a.  
 Tom. 2. 9. a. 23. b. 24. a. 29. a. 50. a. 55. b. 56. a. 59. a. b. 60. a. 61. a. 62. b. 63. a. b. 72. a. 73. a. 74. b. 94. b. 99. a. 99. a. b. 100. a. b. 101. b. 102. a. b. 103. b. 104. a. 108. a. 109. a. b. 111. a. 116. b. 117. b. 119. b. 122. b. 124. a. 127. a. b. 128. b. 129. a. b. 130. a. b. 131. b. 132. a. 133. a. 134. a. 135. a. b. 136. b. 137. a. b. 138. a. b. 139. b. 144. a. 145. a. b. 147. a. 151. a. 152. b. 158. b. 159. b. 162. a. 163. b. 168. b. 173. b. 174. a. 175. a. b. 176. a. b. 177. a. 178. a. b. 179. a. 180. b. 182. b. 183. b. 184. a. b. 185. b. 186. a. b. 187. b. 188. a. b. 189. a. 190. a. 193. b. 198. a. b. 200. a. 202. a. b. 205. a. 207. a. b. 209. a. b. 210. a. b. 213. a. 214. a. 221. a. 226. b. 231. a. b. 232. b. 233. a. 238. b. 240. a. 243. b. 245. a. 246. a. 248. a. 249. a. b. 250. a. 251. a. 262. a. 263. a. 272. a. 314.

Augu-

# I N D E X A U T O R U M.

Augustinus Monachus, Gregorii Magni legatus tom. 2.  
216. a. b.  
Augustinus Steuchus tom. 1. 182. a. 325. a. tom. 1. 778. b.  
tom. 2. 314.  
Avenarius tom. 1. 182. a. 442. b.  
Averroës tom. 2. 168. b.  
Aulus Gellius tom. 1. 679. b.  
Ausculus tom. 1. 328. b. tom. 2. 220. a.  
Aufonius tom. 1. 55. b.  
Author operis imperfecti tom. 1. 28. a.

## B.

**B**ahal-haruch tom. 1. 49. b. 370. b. tom. 2. 41. a.  
Bahal-hatturim tom. 2. 13. a.  
Balthasar Meisnerus tom. 1. 655. a.  
Baptista Mantuanus tom. 1. 589. b. tom. 2. 149. a. 187. a.  
234. a.  
Baronius tom. 1. 152. a. 154. a. b. 155. a. b. 161. b. 164. b.  
719. b. 762. a. tom. 2. 39. b. 61. a. 68. a. 71. a. 74. a. 76. b.  
77. a. 122. b. 165. b. 167. a.  
Bartholomæus Carranza tom. 1. 565. b. tom. 2. 67. a. 70. a.  
71. b. 75. a. 77. a.  
Bartholomæus de Spina tom. 1. 192. b.  
Bartholomæus de la Casa, tom. 2. 223. b. 230. a.  
Basilii Magni tom. 1. 22. b. 36. a. 52. b. 131. b. 190. a. b.  
196. b. 250. a. b. 390. a. 549. b. 550. a. 571. a. 573. a. 601. b.  
607. a. 680. a. 755. b. 756. a. tom. 2. 8. a. 34. b. 35. b. 78. a.  
83. b. 100. a. 110. a. 137. b. 160. b. 179. b. 182. b. 189. b.  
194. b. 195. a. 201. b.  
Basilii Seleucensis tom. 2. 34. b.  
Becmannus tom. 1. 172. b.  
Beda tom. 1. 71. b. 471. b. 511. a. 512. a. b. 521. b.  
675. a. 680. a. 698. a. tom. 2. 244. b. 249. b. 254. a.  
269. a.  
Bellarminus tom. 1. 11. a. 18. b. 19. b. 54. a. 59. a. 60. a. b.  
75. a. b. 135. a. 135. b. 137. a. b. 138. a. 157. a. 175. a.  
546. a. 174. b. 200. a. b. 201. a. b. 202. b. 262. b. 289. b.  
295. b. 296. a. b. 297. a. b. 310. b. 311. a. 328. b. 382. b.  
398. a. 410. b. 411. a. 812. a. 480. b. 503. a. 504. b. 545.  
a. b. 546. a. 565. b. 566. a. 639. b. 640. a. b. 641. a. b. 642.  
a. b. 643. a. 674. a. 675. a. b. 679. b. 681. a. b. 683. a.  
714. b. 718. b. 755. a. 756. a. b. 768. a. 778. a. 780. b.  
781. a.  
Tom. 2. 9. a. 14. a. 40. a. 50. b. 55. a. 56. b. 58. a. 61.  
a. b. 65. a. 67. b. 68. a. 71. a. 72. b. 74. b. 76. a. 80. b. 81.  
a. b. 92. a. b. 72. b. 96. a. b. 102. b. 105. a. 106. a. b. 111.  
a. b. 112. a. b. 113. a. b. 114. a. b. 115. a. b. 117. a. b. 118.  
a. b. 119. a. b. 120. a. 121. a. b. 122. a. b. 123. a. b. 124. a. b.  
152. b. 155. b. 167. a. 173. a. b. 175. a. b. 177. a. 180. a. b.  
182. a. b. 183. a. 188. a. 189. a. 193. b. 201. b. 205. a.  
207. b. 219. b. 226. a.  
Benon Cardinal. tom. 2. 70. a.  
Bernhardus tom. 1. 391. a. 412. b. 415. b. 536. a. 551. b.  
552. b. 596. b. 709. a. tom. 2. 70. a. 73. a. 76. b. 102. b.  
147. b. 148. a. 150. b. 151. b. 155. b. 163. b. 202. b. 203. b.  
208. b. 210. b. 218. a. 219. a.  
Bernhard. Mornalensis tom. 2. 70. a. 151. b. 155. a.  
Beza tom. 1. 1. b. 7. b. 18. b. 22. a. b. 45. a. 48. a. 51. b. 52. a. b.  
55. b. 56. a. b. 57. a. 58. a. 61. b. 63. a. b. 70. b. 77. a. 80. a.  
81. b. 88. b. 104. b. 127. a. 129. a. 132. b. 138. b. 142. a.  
142. b. 143. b. 151. b. 152. a. 153. a. b. 159. b. 546. a. 162. a.  
164. a. 166. a. 172. a. 173. b. 186. b. 189. a. 190. a. b. 191.  
a. 206. a. b. 207. a. 223. a. 225. a. 232. b. 238. a. 240. b.  
243. b. 244. b. 245. a. 246. b. 249. b. 259. b. 263. b. 269. b.  
270. a. 271. b. 277. b. 279. b. 290. b. 292. a. 292. b. 293. b.  
312. b. 315. b. 316. a. 319. a. b. 327. b. 328. a. 342. a. 350. a.  
351. a. 353. b. 355. b. 359. a. 360. b. 367. a. 368. b. 371. a. b.  
375. b. 379. a. 381. a. 385. a. 389. b. 401. a. 431. a.  
440. a. 452. a. 453. a. 473. a. 476. b. 477. b. 478. b. 487. a.  
489. a. 490. b. 493. a. 494. a. 497. a. 498. a. 500. b. 526. a.

530. a. 532. b. 546. a. 570. b. 575. a. 588. a. 591. a. 593. b.  
601. b. 607. b. 621. b. 629. a. 650. b. 651. a. 659. a. b.  
672. a. 693. a. 696. b. 699. a. 704. a. 707. a. 721. b. 740. b.  
747. a. 749. a. 751. b. 756. a. 776. b.  
Tom. 2. 8. b. 128. a. 129. b. 130. a. 135. a. 139. b.  
243. b. 244. b. 245. a. b. 246. a. 250. b. 254. a. 258. a.  
271. a. 273. a.  
Biblia Belgica vetera, tom. 1. 7. b. 182. b. 525. b.  
601. b.  
Biblia Gallica tom. 1. 12. b. 356. a. 491. a. b. 567. a. 245. a.  
246. b.  
Biblia Lutheri tom. 1. 182. b.  
Biblia Regia tom. 1. 166. a.  
Blondus tom. 2. 65. a. 67. a.  
Boëthius tom. 2. 129. a.  
Bonaventura tom. 1. 250. a. b. 251. a. b. 252. a. tom. 2.  
39. a. 111. a. b. 113. a. 115. a. 123. a. 157. b. 220.  
a. b.  
Brentius tom. 2. 61. b.  
Bucanus tom. 1. 417. a.  
Bucerus tom. 1. 6. a. 73. b. 127. b. 244. b. 245. a. 259. b.  
270. b. 293. b. 294. a. 356. a. 576. a. tom. 2. 5. a.  
245. a.  
Budæus tom. 1. 22. b. 138. b. 151. b. 205. a. 489. a. 491. a.  
493. a. 529. a. 701. a. tom. 2. 41. b. 59. a. 62. b.  
Bullingerus tom. 2. 273. b.  
Buxtorfius tom. 1. 182. b. 193. b. 194. b.

## C.

**C**abalitz tom. 1. 331. a.  
Cæsar tom. 1. 660. a.  
Cajetanus tom. 1. 778. b. 198. b.  
Calepinus tom. 1. 172. b. 547. a.  
Callimachus tom. 1. 755. a. tom. 2. 266. a.  
Calvinus doctissimus interpres tom. 1. 21. a. 70. b. 512. b.  
142. a. 150. a. 164. a. 205. b. 206. b. 257. b. 262. a.  
287. b. 288. b. 293. b. 294. a. 343. b. 344. a. 388. a.  
406. a. 512. a. 557. a. 659. b. 681. a. 756. a. b.  
Tom. 2. 14. a. 57. b. 134. a. 138. a. 139. a. b. 165. a.  
207. a. 209. a. 245. a. 249. a. 251. b. 253. b. 267. b. 268. a.  
271. a. 272. b. 274. a. 305. b.  
Camerarius tom. 1. 54. b. 71. a. 483. b. 749. a. 368. a.  
752. a. 759. b.  
Capnio sive Reuchlinus tom. 1. 4. a. tom. 2. 13. a. b.  
Capreolus tom. 2. 113. a.  
Casaubonus tom. 1. 1. a. 22. b. 166. a. 660. a. 680. a. b.  
Cassianus tom. 2. 188. b.  
Cassiodorus tom. 1. 669. a. tom. 2. 176. b.  
Castellio tom. 1. 182. a. 503. a.  
Catechesis Palatino-Belgica tom. 1. 50. b. 114. a. 177. a.  
414. a. tom. 2. 87. b. 91. b.  
Catechismus Romanus sive Concilii Tridentini tom. 1. 297.  
a. 679. a. 678. b. tom. 2. 102. a. 111. a. 114. a. 121. a.  
122. a. b. 123. b. 124. a. b.  
Catullus tom. 2. 335. a.  
Cato tom. 2. 452. a.  
Censura Orientalis Ecclesiæ tom. 2. 224. a. b.  
Chemnitius tom. 1. 398. b. 642. b. tom. 2. 15. b. 243. b.  
245. a. 249. a. 351. a.  
Christophorus Encelinus tom. 1. 770. a.  
Christophorus Marcellus tom. 2. 39. b. 40. a. 66. b. 68. a.  
69. a. 76. b. 149. a. 154. a. b. 167. a.  
Chrysostomus tom. 1. 1. b. 5. a. 7. b. 8. a. 15. b. 21. a. 22. a.  
34. a. b. 36. b. 48. a. 50. b. 52. b. 68. b. 71. a. 73. a.  
74. b. 75. a. 127. a. b. 131. b. 134. a. b. 150. a. b. 188. a.  
190. a. b. 191. a. 196. b. 204. b. 235. a. 244. a. b. 259. b.  
251. a. b. 257. a. 258. a. 382. a. 292. b. 293. a. b. 290. a.  
299. b. 310. b. 318. b. 320. a. 327. a. 332. b. 336. a.  
359. a. 363. b. 364. a. 375. b. 380. a. b. 383. a. 385. b.  
(\* \*) 3  
418. b.

418. b. 432. a. 434. b. 443. b. 444. a. 450. b. 458. a.  
 473. a. 474. a. 475. b. 476. a. 477. b. 480. a. 483. a.  
 486. a. 494. a. 497. a. 501. b. 502. a. b. 503. b. 504. b.  
 505. a. b. 506. a. b. 507. a. 508. a. 509. b. 510. a. 511. b.  
 512. a. 516. a. b. 520. a. 523. a. 524. a. 525. a. 528. b.  
 529. a. 534. a. 545. a. 547. a. 549. b. 554. b. 560. b. 562. b.  
 563. b. 564. a. b. 566. a. 589. a. 595. a. 596. a. b. 601. b.  
 607. a. 618. a. 623. a. 628. b. 644. b. 648. a. 659. a. b.  
 663. a. 683. b. 704. a. 734. b. 746. a.  
 Tom. 2. 24. a. 26. b. 34. b. 63. b. 72. b. 73. a. 78. a.  
 100. a. 102. a. b. 107. a. 108. b. 110. a. b. 112. b. 116. b.  
 148. b. 152. a. 153. a. 158. a. 161. b. 179. a. 181. b. 182. b.  
 185. a. b. 186. a. b. 190. b. 191. b. 194. a. b. 196. a. 203. b.  
 208. a. 226. b. 238. b. 253. b. 254. a. 272. b.  
 Chytræus tom. 1. 159. a. 183. a. tom. 2. 249. a.  
 Cicero tom. 1. 24. b. 30. a. 52. b. 172. b. 304. b. 483. a.  
 494. a. 571. a. tom. 2. 25. a. 41. a. 58. a. 59. a. 78. a. 99. a.  
 99. a. 110. a. 125. a. b. 129. b. 130. b. 132. a. 134. a. 180. a.  
 282. b. 283. a. 286. b.  
 Claudius Espencæus tom. 1. 589. b. tom. 2. 70. a. b. 155. b.  
 207. b. 235. a.  
 Clemens Alexandrinus tom. 1. 22. b. 181. a. 254. b. 305. b.  
 497. a. b. 545. a. 547. b. 600. a. 746. a. 749. a. 762. a.  
 tom. 2. 107. a. b. 119. b. 213. a. 265. b. 601. a. b.  
 Clemens Romanus tom. 1. 601. a. 762. a.  
 Clenardus tom. 1. 22. b.  
 Cœlius Rhodiginus tom. 1. 172. b.  
 Cornelius Bertramus tom. 1. 704. b. tom. 2. 146. a. b. 249. b.  
 250. a. 268. a.  
 Cornelius Celsus tom. 1. 193. b.  
 Cornhertus tom. 2. 83. a.  
 Costerus tom. 1. 159. a. 760. b. tom. 2. 81. a. 143. 215. a.  
 224. a. postea sapius.  
 Cyprianus tom. 1. 11. a. 26. b. 50. b. 51. a. 27. b. 149. a.  
 166. a. 181. a. 190. b. 312. b. 735. a. 736. a. 778. b. tom. 2.  
 73. a. b. 99. a. b. 102. a. 103. a. 119. b. 157. a. b. 172. b.  
 199. b. 211. a. 213. a. 217. b. 736. a.  
 Cyrillus Alexandrinus tom. 1. 7. b. 8. a. 131. b. 132. a. b.  
 136. a. 137. a. b. 181. b. 182. a. 196. b. 201. b. 203. 204.  
 205. b. 208. b. 242. a. 244. a. 245. a. 258. b. 282. a. b.  
 285. b. 292. b. 299. b. 300. a. 303. b. 306. b. 308. a. 310. a.  
 317. a. b. 319. a. 320. a. 363. b. 364. b. 374. b. 390. a.  
 507. a. 509. b. 510. a. 514. a. 549. b. 550. a. 554. a.  
 560. b. 601. b. 734. b. 756. a. 781. b.  
 Tom. 2. 12. b. 23. a. 24. a. 58. 168. b. 178. a. 179. b.  
 185. b. 186. a. 187. b. 188. b. 190. a. b. 263. a. 314.  
 Cyrillus Hierosolymitanus tom. 2. 104. b. 199. b. 200. b.

## D.

**D** Amascenus tom. 1. 371. a. 756. a. b. tom. 2. 6. a. 34. b.  
 62. b. 93. a. 125. b. 131. a. b. 133. a. b. 199. b. 249. b.  
 269. b.  
 Damasus Papa tom. 2. 71. b.  
 Danaus tom. 1. 127. b. 711. b. 756. a. 762. a. tom. 2.  
 14. a.  
 Daniel Arcularius tom. 1. 741. a.  
 Daniel Heinsius tom. 2. 257. a. 266. a.  
 David de Pomis tom. 1. 181. a. tom. 2. 41. a.  
 David Kimchi tom. 1. 6. b. 7. a. b. 49. b. 180. b. 181. a. b.  
 182. a. b. 185. b. 195. a. 210. b. 351. b. 411. a. 427. a. 554. b.  
 602. a. 612. b. 614. a. 639. a. 645. b. 776. a. b. 784. a.  
 tom. 2. 5. a. 9. a. 10. a. 11. a. b. 12. b. 33. a. 41. a. 93. a. 95. b.  
 245. b. 246. a. 262. b.  
 Demetrius Triclinius tom. 2. 319. a. 322. a. 330. a. 333. a.  
 335. a. 336. b.  
 Demosthenes tom. 1. 1. a. 495. b. tom. 2. 27. a. 257. a.  
 Didymus Alexandrinus tom. 1. 701. a. 705. b. 734. b.  
 743. a.  
 Didymus Scholiastes Homeri tom. 2. 41. a. 114. b.  
 Diodorus Siculus tom. 1. 659. b. 660. a. tom. 2. 9. a.

Diogenes Laërtius tom. 1. 487. a.  
 Dionysius Aleyandrinus tom. 1. 746. a. b.  
 Dionysius Areopagita vulgo tom. 1. 551. a. 552. a. b. 553. a.  
 746. a. 755. a. b. 756. a. tom. 2. 110. a. 184. a. 189. a.  
 Dionysius Carthusianus tom. 2. 201. b.  
 Dionysius Halicarnasseus tom. 2. 62. b.  
 Dioscorides tom. 1. 193. a.  
 Dominicus Bannes tom. 2. 68. a. 166. a. 167. a. 183. a. 204. a.  
 226. a. 229. b. 230. a. 236. a.  
 Dominicus Soto tom. 1. 412. a. tom. 2. 219. b.  
 Dorotheus tom. 1. 149. b. 719. b. 747. a.  
 Drusus tom. 1. 10. a. 11. a. b. 30. a. 68. a. 259. b. 859. b.  
 721. a. tom. 2. 9. a. b. 10. a. 11. a. b. 13. a. b.  
 Durandus tom. 1. 327. b. 360. a. 641. b. tom. 2. 39. a. b.  
 68. a. 105. b. 106. a. 113. a. 116. a. 117. b. 120. a. 120. b.  
 121. a. 122. b. 149. a. 154. a. b. 167. a. 188. b. 191. b. 214. b.  
 216. b. 219. b. 220. a. b.

## E.

**E** Ccius tom. 2. 184. b. 189. a.  
 Eckhardus tom. 1. 453. a. 457. b.  
 Egesippus tom. 2. 134. b.  
 Elias Levita tom. 1. 331. a. 500. b. 626. a. 680. b. 776. b.  
 tom. 2. 5. a. b. 6. b. 11. b. 12. a. 41. a.  
 Elutherus Albergonus tom. 2. 191. b.  
 Enchiridion institutionis Christianæ Colonienſe tom. 2. 205.  
 a. 219. a. 238. a. 240. a. b.  
 Ennius tom. 2. 9. a.  
 Epimenides tom. 1. 505. a.  
 Epiphanius tom. 1. 7. b. 8. b. 9. a. 71. a. 151. b. 161. b. 190. a.  
 193. b. 194. a. 196. b. 200. b. 204. a. 205. a. 212. a. 244. a. b.  
 318. a. 540. a. 575. a. 600. a. 613. b. 638. a. b. 639. a. b.  
 663. a. 743. a. 745. a. 746. a. 755. a. b. 756. a. b. 760. a.  
 762. a. tom. 2. 5. a. 12. a. 48. b. 58. a. 63. a. 118. b. 143. b.  
 162. a. 199. b. 243. b. 244. b. 250. b. 251. b. 253. a. 254.  
 255. a.  
 Erasmus tom. 1. 10. b. 11. b. 22. a. b. 28. a. 51. b. 52. a. b.  
 136. a. 141. b. 142. b. 152. a. 153. a. 155. a. 166. a.  
 173. b. 189. a. 192. a. 277. b. 286. a. 293. a. 318. b.  
 320. a. b. 363. b. 371. a. 423. a. 442. b. 450. b. 468. a.  
 473. a. 475. b. 477. b. 492. a. 505. a. 527. b. 659. 664. b.  
 680. a. 704. a. 719. b. 734. b. 735. a. b. 738. b. 745. a.  
 746. b. 747. a. 749. a. 759. a.  
 Tom. 2. 67. b. 245. a. 250. a. 253. b. 271. a.  
 Etymologicum Magnum tom. 1. 2. a. 17. b. 33. b. 48. a. 62. a.  
 192. b. 341. a. 370. a. 442. a. b. 446. a. b.  
 Tom. 2. 5. a. b. 6. a. 8. a. 12. a. 12. b. 20. a. 50. a. 58. b.  
 78. a. 103. a. 107. a.  
 Eugenius Carthaginiensis tom. 1. 735. a.  
 Euripides tom. 1. 52. a. 301. b. 336. a. 451. b. 489. a. tom.  
 2. 41. b. 74. a. 133. b. 326. b. 333. a.  
 Eusebius tom. 1. 4. b. 83. b. 126. b. 128. b. 134. a. 142. a.  
 142. b. 155. a. 181. a. 181. a. 318. b. 320. a. b. 470. a.  
 497. a. 510. b. 545. a. 547. a. 547. b. 600. a. b. 601. a.  
 601. a. b. 602. a. 613. b. 663. a. 664. a. b. 705. b. 719. a. b.  
 741. b. 742. a. 743. a. 745. 746. a. b. 747. a. 758. b.  
 759. a. 762. a. b. 764. b. tom. 2. 6. a.  
 Tom. 2. 63. b. 175. a. 184. b. 185. a. 186. b. 188. b.  
 198. b. 199. b. 212. a. 212. b. 217. a. 249. a. b. 253. a.  
 254. a. 255. a. 268. b. 313.  
 Eusebius Cæsariensis tom. 1. 181. a. 190. a. b. 638. a. b. 638. a.  
 680. a. 755. b.  
 Eustathius tom. 1. 17. b. 54. b. 269. a. 495. b. 638. a. tom. 2.  
 38. b. 103. a. 107. a. 246. b. 280. a.  
 Euthymius tom. 1. 262. b. tom. 2. 269. a.

## F.

**F** Aber Stapulensis tom. 1. 744. b.  
 Fagius tom. 1. 49. b. tom. 2. 11. a.



# I N D E X . A U T O R U M .

Fasciculus rerum expetendarum tom. 2. 70. a. 149. b. 155. b.  
 Favorinus tom. 1. 442. a. b. 651. a. 681. b. 699. b. 701. a. tom. 2. 125. a.  
 Felicianus capito tom. 1. 780. b.  
 Ferus tom. 1. 135. b. 310. b. tom. 2. 173. a. 181. a.  
 Festus Gellius tom. 2. 97. a.  
 Festus Pompejus tom. 1. 159. b. tom. 2. 8. a. 62. a. 82. a. 97. a. 107. a. 280. a. 285. b.  
 Flaccus Illyricus tom. 1. 292. b. 293. a. 741. b. tom. 2. 423. b. 248. b.  
 Forsterus tom. 1. 181. b. 182. a. tom. 2. 9. a. 11. a. 40. b. 58. a.  
 Franciscus de Maironis tom. 2. 111. b. 113. a.  
 Franciscus Georgius tom. 1. 778. b. 778. b. tom. 2. 146. b.  
 Franciscus Horantius tom. 2. 202. a.  
 Franciscus Picus Mirandulanus tom. 2. 151. a. 155. b. 201. b.  
 Franciscus Raphelengius tom. 1. 778. a. tom. 2. 12. b.  
 Franciscus Ribera tom. 1. 768. a.  
 Franciscus Ruæus tom. 2. 770. a.  
 Franciscus Sonnius tom. 2. 221. a. b.  
 Franciscus Spira tom. 1. 65. a. 737. b.  
 Fuga dæmonum tom. 2. 236. a.  
 Fulgentius tom. 1. 347. b. 427. b. 335. b. 171. a. 735. a. tom. 2. 136. b. 139. a.  
 Fullerus tom. 1. 483. a.

## G.

**G**abriel Biel tom. 1. 327. b. 411. a. tom. 2. 111. a. 112. b. 113. b. 121. b. 168. b. 292. b. 202. b. 219. b. 220. a. b. 221. a. b.  
 Gagnæus tom. 1. 164. a. 749. a. 768. a.  
 Gaudentius tom. 2. 263. a.  
 Gaza tom. 1. 193. a.  
 Genebrardus tom. 1. 267. a. 680. b. 755. b. tom. 2. 194. b. 230. a. 314.  
 Georgius Agricola tom. 1. 770. a.  
 Georgius Doufa tom. 1. 311. a. tom. 2. 224. b.  
 Georgius Engedinus tom. 1. 343. b. 355. b. 383. a. 385. a. tom. 2. 720. b.  
 Gerbelius tom. 1. 22. b.  
 Gerson tom. 2. 66. a. 96. a. 216. b.  
 Gilbertus tom. 2. 177. a.  
 Giphanius tom. 1. 123. a.  
 Glossa ordinaria tom. 1. 328. b. 501. b. 405. a. 506. a. 506. b. 509. a. 516. a. 554. a. tom. 2. 112. b. 172. b. 202. a. 232. b. 239. b.  
 Glossarium vetus tom. 2. 82. a. 83. b. 99. a. 283. a.  
 Gregorius Ariminensis tom. 2. 324. b. 328. b. tom. 2. 219. a. 226. b.  
 Gregorius de Valentia tom. 1. 54. a. b. 296. b. 297. b. 324. a. 755. a. 756. b. tom. 2. 92. a. b. 111. a. 113. a. 127. b. 146. a. 218. b. 219. a.  
 Gregorius Magnus tom. 390. b. 409. b. 423. a. 444. b. 513. a. 551. b. 552. a. b. 553. a. 554. b. 568. b. tom. 2. 63. b. 64. a. b. 65. a. 99. a. 126. a. b. 128. b. 129. a. b. 135. a. 137. a. b. 138. a. b. 175. a. 178. a. 181. b. 182. a. b. 182. b. 184. b. 200. a. 214. b. 216. a. 218. a. 225. b. 226. a. 236. a. 240. a.  
 Gregorius Nyssenus tom. 1. 164. a. b. tom. 2. 125. a. b. 126. a. 127. b. 131. a. 132. a. 133. b.  
 Gretzerus tom. 1. 22. b.  
 Guicciardinus tom. 2. 149. b.  
 Guido de monte Rocheri tom. 2. 116. b. 105. a. 106. a. 96. b. 117. a. b. 120. b. 168. a. b. 220. a. b. 221. a.  
 Guilielmus Altsidoriensis tom. 2. 123. a.  
 Guilielmus Parisiensis tom. 2. 123. a.  
 Guilielmus Widesfortus tom. 2. 145. b.

Guilielmus Witakerus tom. 1. 431. a. tom. 2. 196. a. 189. b.  
 Guitmundus tom. 2. 113. a. 114. a. 117. b. 168. b.

## H.

**H**aymo tom. 1. 510. b. 749. a. tom. 2. 184. b.  
 Henricus à Gandavo tom. 2. 113. b. 218. b. 221. a.  
 Henricus Stephanus tom. 1. 1. a. 7. b. 17. b. 22. b. 36. a. 52. a. 54. b. 55. b. 56. a. 57. a. 58. a. 62. a. 80. a. 110. a. 129. a. 138. b. 149. a. 151. b. 152. a. 165. a. 172. b. 193. a. 271. a. 292. b. 355. b. 370. a. 448. a. b. 458. a. 476. b. 478. b. 482. b. 483. a. 487. a. 489. a. 529. a. 546. a. b. 659. a. b. 660. a. 681. a. b. 699. b. 700. a. 703. b. 720. b.  
 Tom. 2. 5. b. 26. a. 40. a. 50. a. 55. b. 246. b. 318. b.  
 Hephæstio tom. 2. 317. a. b. 318. a. b. 322. a. 336. a. b.  
 Hermogenes tom. 1. 370. a.  
 Herodotus tom. 1. 193. b. 458. a. 547. a. 763. a. tom. 2. 12. b. 50. a. b. 246. b.  
 Hesiodus tom. 2. 265. b. 266. a.  
 Hesychius tom. 1. 24. b. 28. b. 48. a. 57. a. 110. a. 138. b. 193. a. 206. a. 391. a. 442. a. 566. a. 602. a. 659. a. 701. a. 704. a. 757. a. tom. 2. 41. a. 50. a. 74. a. 125. a. 280. a. 285. a.  
 Hieronym. tom. 1. 4. b. 7. b. 8. a. b. 9. a. b. 10. a. b. 11. a. b. 12. a. b. 13. a. 14. b. 21. a. 22. a. 25. b. 26. b. 27. a. 29. b. 34. a. b. 36. b. 48. a. 49. a. 52. a. 71. a. 74. b. 127. a. 128. a. 129. b. 131. b. 132. a. b. 132. b. 134. a. b. 135. b. 138. b. 139. a. b. 140. b. 142. b. 149. b. 150. a. 151. b. 158. a. b. 159. a. 166. a. 182. a. 190. b. 192. a. 193. a. 200. a. 204. 269. a. 292. b. 293. b. 294. a. 309. b. 318. a. 319. a. 320. a. b. 323. a. 324. b. 325. b. 326. a. b. 332. b. 371. a. b. 383. a. 385. b. 386. a. 388. a. 390. a. 394. b. 409. b. 414. a. 420. a. 433. b. 435. b. 442. b. 443. a. b. 447. b. 459. a. 468. a. 473. a. b. 474. a. b. 477. a. 478. b. 479. a. b. 482. a. b. 483. a. 487. b. 488. b. 491. b. 493. a. 494. a. 497. a. 499. a. b. 501. b. 502. a. 503. a. b. 505. a. b. 506. a. 607. a. b. 508. a. b. 509. b. 510. a. b. 511. a. 512. a. b. 515. b. 516. b. 526. b. 547. a. 551. a. 552. a. b. 563. a. 573. a. 574. a. 589. b. 595. a. b. 596. a. 600. a. 601. a. b. 601. a. b. 602. a. 638. a. b. 658. b. 663. a. b. 664. b. 680. a. b. 683. b. 701. a. 705. b. 706. a. 719. a. 735. a. b. 741. b. 742. a. b. 743. a. 745. a. b. 746. a. 747. a. 755. a. 762. a. 775. b. 776. b. 778. b. 782. a. b. 784. b.  
 Tom. 2. 5. a. 6. a. b. 8. b. 11. a. 13. b. 22. a. 33. a. 44. b. 48. b. 59. a. 60. a. 61. a. 62. b. 63. a. 72. a. 73. a. b. 76. a. 95. a. 96. a. 99. a. b. 103. b. 123. a. 133. b. 143. b. 144. a. 145. b. 149. a. 166. b. 168. b. 173. b. 167. b. 178. a. 179. b. 180. b. 182. a. 282. a. b. 183. b. 184. b. 185. a. b. 188. b. 191. b. 195. a. b. 199. a. b. 200. a. 201. a. b. 207. b. 208. a. 210. b. 213. a. 214. b. 217. b. 232. a. 243. b. 245. a. 246. b. 247. a. 249. a. 253. b. 254. b. 255. b. 267. b. 314. 315.  
 Higinus tom. 1. 735. a. 719. b.  
 Hilarius tom. 1. 127. a. 134. b. 140. b. 196. b. 363. b. 382. b. 529. b. 601. b. 610. a. 734. b. 762. a. tom. 2. 26. a. 55. b. 63. a. 72. a. 100. a. 148. a. 179. b. 199. b. 204. a. b. 213. a.  
 Hippolytus tom. 1. 409. b. 638. a.  
 Holcot. tom. 2. 113. a. 114. a. 168. a. b. 220. a. b.  
 Homerus tom. 1. 17. b. 54. b. 327. b. 370. b. 482. b. 659. a. tom. 2. 41. a. 50. a. 58. b. 62. a. 74. a. 107. a. 246. b. 313. 317. b.  
 Homiliae Latinæ Chrysostomo adscriptæ tom. 2. 245. a.  
 Horatius tom. 1. 45. a. 159. b. 180. a. 304. b. 451. a. 776. a. tom. 2. 50. a. 280. a. 257. b.  
 Horatius Tursilipus tom. 2. 165. a.  
 Hortulus animæ tom. 2. 119. b.  
 Hofius tom. 2. 188. a.

Hugo Cardinalis tom. 1. 448. b. tom. 2. 112. b. 201. b.  
Hugo de sancto Victore tom. 2. 201. b. 202. b. 239. a.  
Husius tom. 1. 701. a.

I.

**I**acobus Andreæ tom. 1. 453. a.  
Jacobus Faber Stapulensis tom. 1. 575. a. 744. b. tom. 2. 244. b.  
Jacobus Herbrandus tom. 1. 145. b.  
Jacobus Mycillus tom. 2. 326. a. 335. a. 336. a.  
Jacobus Reineccius tom. 2. 459. b. 464. a. 466. a. b.  
Idacius tom. 1. 735. a.  
Ignatius tom. 1. 181. a. 545. a. 547. b. 762. a. tom. 2. 211. b. 312. a. b.  
Joachinus Abbas tom. 1. 749. a.  
Johannes Driedo tom. 2. 201. a. 218. b.  
Johannes Isaacus tom. 1. 434. a.  
Johannes Kuchlinus tom. 2. 274. a.  
Johannes Marius tom. 2. 266. a.  
Johannes secundus Papa tom. 1. 375. a.  
Johannes Viguerius tom. 1. 296. a. b. 327. b. tom. 2. 121. a. 168. b. 204. b.  
Johannes Winkelmannus tom. 1. 745. a.  
Index librorum prohibitorum tom. 2. 67. b. 193. b.  
Innocentius tertius Papa tom. 1. 262. a. b. 263. a. 295. b. 312. b. 313. a. tom. 2. 113. b. 114. a. b. 116. a. 117. a. 118. a. 120. b. 163. b. 168. b. 219. b. 220. b. 221. b.  
Jonathan paraphrastes Chaldaeus tom. 1. 7. a. 12. a. b. 15. b. 143. a. 159. a. 180. b. 181. a. b. 182. b. 185. b. 195. a. 207. b. 254. a. 269. a. b. 370. b. 484. b. 625. b. 742. b. tom. 2. 9. b. 10. a. 11. b. 12. b.  
Josephus tom. 1. 16. b. 45. b. 70. a. 126. b. 127. a. 127. b. 128. b. 184. b. 185. a. 193. a. 254. a. 267. a. b. 281. b. 282. a. b. 338. a. 348. a. 411. a. 602. a. 638. b. 712. a. tom. 2. 9. b. 118. a. 256. a. 257. b. 258. a. b. 261. b. 264. b. 266. b. 313.  
Josephus Angles tom. 2. 113. b. 115. a.  
Josephus Scaliger tom. 1. 68. a. 70. a. tom. 2. 315.  
Irenæus tom. 1. 24. a. 127. a. 149. b. 150. a. 154. a. 155. a. 181. a. 589. a. 638. a. b. 746. a. 747. a. 762. a. b. 778. b. Tom. 2. 63. a. 96. a. 99. b. 100. b. 101. b. 108. b. 223. a. 167. a. 177. a. 179. a. 184. b. 185. a. 203. a. 212. a. 213. a. 253. a. 268. a.  
Isidorus Clarius tom. 1. 293. b. tom. 2. 778. b.  
Isidorus Hispalensis tom. 2. 5. a. 8. a. 40. a. 63. a. 99. a. 103. a. 107. b. 314.  
Isidorus Pelusiota tom. 2. 74. b.  
Isocrates tom. 1. 70. b. 165. a. tom. 2. 41. a.  
Julianus Apostata tom. 1. 13. a. 64. b. 181. a. 497. b. 520. a. 737. b. tom. 2. 12. b.  
Julius Cæsar tom. 2. 280. a.  
Julius Scaliger tom. 1. 172. b. tom. 2. 8. a. 25. a. 50. a.  
Junius tom. 1. 5. a. 46. a. 57. b. 128. a. b. 140. a. 183. a. 205. b. 227. b. 259. b. 267. a. 269. a. 298. b. 356. a. b. 397. b. 435. b. 436. b. 445. b. 509. b. 600. a. 618. a. 693. a. 781. b. tom. 2. 5. b. 11. b. 13. a. 243. b. 246. a. b. 247. b.  
Jus Canonicum tom. 1. 8. b. 295. b. 568. a. b. 589. b. 644. a. 705. a. tom. 2. 40. b. 59. a. 65. a. b. 66. a. b. 67. a. 68. a. 69. a. b. 71. a. b. 72. a. b. 73. a. b. 75. a. b. 76. a. b. 77. a. 80. b. 81. a. b. 105. a. 106. a. 109. a. 112. b. 116. a. 123. a. 144. b. 145. b. 247. a. 148. a. 149. b. 157. a. b. 159. b. 160. b. 162. b. 167. a. b. 168. a. b. 172. a. 174. a. b. 178. b. 192. b. 196. a. 204. b. 207. b. 208. a. 209. b. 214. b. 215. b. 219. a. 227. a. 230. a. b. 233. b.  
Justinus historicus tom. 2. 256. b. 260. b. 746. a.  
Justinus Martyr tom. 1. 7. b. 181. a. 253. b. 474. a. 565. b. 613. b. 745. a. 746. b. 756. a. 757. a. tom. 2. 107. b. 108. b. 110. b. 212. b. 238. a. 253. b. 311. b. 312. a. b.

Justus Lipsius tom. 2. 61. a. 223. b.  
Juvenalis tom. 1. 370. b. 773. b.

L.

**L**actantius tom. 1. 56. a. 389. a. 557. a. tom. 2. 34. b. 56. b. 103. b. 157. b. 144. b. 161. a. 212. b. 257. a.  
Lambertus Danzus tom. 1. 127. b. 204. 207. a. 762. a.  
Lambinus tom. 1. 172. b.  
Lanfrancus tom. 2. 114. a.  
Leo Papa tom. 1. 34. b. 778. b. tom. 2. 58. b. 64. a. 180. a. 182. b. 204. b.  
Leonhardus Hutterus tom. 1. 453. a. 459. b.  
Liber nominum Patrum Concilii Tridentini & orationum à legatis habitatum tom. 2. 150. b. 152. b. 156. a. 223. b.  
Linacer tom. 1. 491. b. 529. a.  
Lipomanius tom. 2. 112. b.  
Litania B. Mariæ tom. 2. 69. a.  
Liturgia Ecclesiarum Belgicarum tom. 1. 177. a.  
Livius tom. 1. 660. a.  
Lucas Brugensis tom. 1. 778. a.  
Lucas Osiander tom. 1. 136. a. 144. b.  
Lucianus tom. 1. 159. b. 387. a. 440. a. 450. b. 458. a. 567. a. 596. a. tom. 2. 248. a.  
Lucretius tom. 2. 50. a.  
Ludovicus Cælius tom. 1. 29. b.  
Ludovicus Vives tom. 1. 10. b. 11. a.  
Ludovicus Ystella tom. 2. 112. b. 118. b.  
Lutherus tom. 1. 136. a. 146. a. b. 273. b. 274. a. 663. a. 664. a. b. 668. b. 741. b. 745. b. tom. 2. 164. a. 146. a. 198. a.  
Lyranus tom. 1. 6. a. 7. a. 142. b. 200. b. 245. a. 293. b. tom. 2. 506. a. b. 507. b. 508. b. 607. a. 749. a. 112. b. 113. b. 118. b. 160. b. 172. b. 178. a. 225. b. 191. a. 200. b. 201. a. 201. b. 236. a. 243. a. 245. a. 246. b.

M.

**M**acarius tom. 2. 175. a.  
Macrobius tom. 2. 280. a.  
Magdeburgenses tom. 1. 184. b. 663. b. 664. b. 762. a. tom. 2. 271. b.  
Maldonatus tom. 1. 136. b. 154. b. 155. a. 157. a. 160. b. 164. a. 166. a. 190. b. 239. b. 240. a. b. 241. a. 286. b. 290. b. 301. b. 310. b. tom. 2. 58. a. 61. a. b. 112. b. 113. a. b. 114. a. b. 115. a.  
Marcus Aurelius Cassiodorus tom. 2. 176. b.  
Marcus Marinus tom. 1. 180. b. 778. b. tom. 2. 40. b.  
Marcellus Donatus tom. 1. 30. a.  
Marcion tom. 1. 272. b. 575. a. b. 599. b.  
Mariana tom. 1. 155. a.  
Marianus Scotus tom. 2. 215. b. 216. b.  
Marlorarus tom. 1. 28. b. 128. b.  
Marnixius tom. 1. 18. b.  
Marfilius ab Ingeniis tom. 1. 328. b. tom. 2. 204. a. 219. a. b.  
Martialis tom. 1. 159. b. tom. 2. 258. b. 317. b.  
Martinus Borrhaus tom. 1. 4. a. 266. b.  
Martinus Crusierius tom. 1. 22. b. tom. 2. 41. b.  
Martinus Czechovitiis tom. 1. 236. a. b.  
Martinus del Rio tom. 2. 167. b.  
Martinus Peresius tom. 1. 192. a. 193. b. 149. b.  
Martinus Polonus tom. 2. 71. a. b. 77. a.  
Masorethæ tom. 1. 180. b. tom. 2. 9. a. b. 10. a. b.  
Matthias Haffenrefferus tom. 1. 453. a. 457. a. 741. 745. a.  
Mejeri annales Flandriæ tom. 2. 221. b.  
Melchior Canus tom. 1. 197. a. 198. a. 199. a. b. tom. 2. 55. a. 81. a. 111. a. 167. a. 199. a. 200. a. b. 201. b.  
Menno Simonis tom. 1. 2. b. 165. a. 168. a. b. 169. a. b. 170. a. b. 648. a.

Merca-

# I N D E X A U T O R U M.

Mercator tom. 1. 292. *b.*  
 Mercerus tom. 1. 35. *a.* 181. *a.* 182. *b.* 269. *a.* 369. *a.* tom. 2.  
 12. *b.* 14. *a.* 255. *a.* *b.* 266. *a.* 315.  
 Miletus tom. 2. 120. *a.* 121. *b.*  
 Moschopolus tom. 1. 4. *a.* tom. 2. 266. *a.*  
 Mulcrius tom. 1. 267. *a.*  
 Munsterus tom. 1. 193. *b.* 547. *a.* tom. 2. 11. *a.*  
 Musculus tom. 1. 6. *a.* 16. *b.* 26. *b.* 65. *a.* 127. *b.* 206. *b.*  
 142. *a.* 206. *b.* 251. *b.* 257. *b.* 270. *b.* 293. *b.* 361. *b.* 495. *b.*  
 501. *a.* 505. *a.* 741. *b.* tom. 2. 269. *a.*

## N.

**N** Auclerus tom. 2. 67. *a.*  
 Nazianzenus tom. 1. 22. *b.* 135. *a.* 190. *a.* *b.* 196. *b.*  
 206. *a.* 254. *a.* 332. *a.* 421. *b.* 551. *a.* 601. *b.* 734. *b.*  
 755. *b.* 756. *b.* tom. 2. 8. *a.* 21. *b.* 24. *b.* 37. *a.* 179. *b.* 199. *b.*  
 243. *b.* 258. *a.*  
 Nicephorus Callistus tom. 1. 17. *b.* 190. *b.* 762. *a.*  
 Nicetas tom. 1. 540. *a.*  
 Nicolaus de Cusa tom. 2. 149. *b.*  
 Nicolaus de Orbellis tom. 2. 115. *a.*  
 Nicolaus Hemmingius tom. 2. 272. *b.*  
 Nizolius tom. 1. 172. *b.*  
 Nonnus tom. 1. 318. *b.* 363. *b.*  
 Nonius Marcellus tom. 2. 8. *a.*  
 Novatus tom. 1. 370. *b.*  
 Novus Patronus Lutheranorum tom. 1. 455. *a.* 457. *a.* 464.  
*a.* *b.* 465. *a.* *b.* 466. *a.* *b.* 470. *a.* *b.* 471. *a.* *b.*

## O.

**O** Ccam tom. 2. 96. *a.* 200. *b.*  
 Oecolampadius tom. 1. 77. *a.* 129. *b.* 131. *b.* 251. *b.*  
 269. *b.* 359. *a.* 375. *b.* 385. *b.* 405. *b.* 418. *b.* 473. *b.* 474. *a.*  
 480. *b.* 483. *a.* 484. *a.* 485. *b.* 491. *a.* 497. *a.* *b.* 501. *b.*  
 502. *a.* 503. *a.* 505. *a.* *b.* 506. *a.* 507. *a.* *b.* 511. *a.* 512. *a.* 515. *b.*  
 516. *a.* 517. *a.* 497. *a.* 315. *b.* 530. *a.* *b.* 546. *a.* *b.* 550. *a.*  
 560. *a.* *b.* 561. *a.* 565. *b.* 570. *a.* 574. *b.* 586. *b.* 588. *a.*  
 589. *b.* 590. *a.* 591. *a.* 596. *b.* 599. *b.* 662. *b.* 664. *b.* 672. *a.*  
 679. *a.* 680. *a.* 685. *a.* 687. *a.* 721. *a.* 734. *b.* tom. 2. 60. *a.*  
 95. *a.* 108. *a.* 110. *a.*  
 Onkelos tom. 1. 181. *a.* 182. *a.* *b.* 183. *a.* 285. *b.* 254. *a.*  
 267. *a.* 269. *a.* 484. *b.* 602. *b.* 639. *a.* 778. *b.* 786. *b.*  
 Onuphrius tom. 2. 75. *a.*  
 Optatus tom. 1. 681. *a.* tom. 2. 152. *a.*  
 Origenes tom. 1. 7. *b.* 11. *a.* 36. *b.* 50. *b.* 71. *a.* 131. *b.* 134.  
*a.* *b.* 138. *b.* 139. *a.* 142. *a.* *b.* 152. *b.* 456. *a.* *b.* 181. *a.*  
 181. *a.* 190. *b.* 192. *a.* 193. *a.* 232. *a.* 254. *b.* 305. *b.* 318. *b.*  
 325. *b.* 326. *a.* *b.* 327. *b.* 329. *a.* 371. *a.* 382. *b.* 385. *a.*  
 418. *b.* 431. *a.* 433. *b.* 435. *a.* 439. *a.* 501. *b.* 601.  
*a.* *b.* 638. *a.* 683. *a.* 719. *b.* 742. *a.* 743. *a.* 746. *a.* 755. *a.* *b.*  
 756. *a.*  
 Tom. 2. 44. *b.* 102. *a.* 125. *a.* 179. *b.* 199. *b.* 226. *b.*  
 253. *a.* 255. *a.*  
 Orofius tom. 1. 547. *a.*  
 Ovidius tom. 1. 22. *a.* 326. *b.* 404. *a.* 759. *b.* tom. 2. 63. *a.*  
 258. *b.*

## P.

**P** Achymerius tom. 1. 553. *a.*  
 Pagninus tom. 1. 57. *b.* 182. *b.* 446. *a.* 658. *b.* 660. *a.* *b.*  
 701. *a.* 778. *b.* & tom. 2. 246. *a.*  
 Panormitanus tom. 2. 220. *a.*  
 Papias tom. 1. 320. *b.* 590. *b.* tom. 2. 112. *a.* *b.* 253. *a.*  
 Paraphrasis Arabica tom. 2. 10. *b.* 12. *b.*  
 Paræus tom. 1. 175. *b.* 176. *b.* 497. *a.* 660. *a.* 756. *a.* tom. 2.  
 14. *a.* 243. *b.* 244. *a.* 270. *b.* 274. *a.*

Pasor tom. 1. 52. *a.* 258. *b.*  
 Pastorale Romanum tom. 21 69. *b.* 105. *b.* 106. *b.* 107. *a.* *b.*  
 117. *a.* 154. *a.* 167. *a.* 168. *a.* *b.* 236. *a.*  
 Paulus Æmilius tom. 2. 67. *a.*  
 Paulus Burgenfis tom. 1. 6. *a.* 7. *a.* 69. *a.* 70. *a.*  
 Paulus Soncinas tom. 2. 113. *a.*  
 Pellicanus tom. 1. 6. *a.* tom. 2. 271. *a.*  
 Pererius tom. 1. 184. *b.* tom. 2. 14. *a.* 118. *b.* 269. *b.*  
 Perottus tom. 1. 172. *a.* 776. *a.*  
 Petrus Bulingerus tom. 1. 768. *a.*  
 Petrus Canisius tom. 2. 205. *a.*  
 Petrus Colonienfis tom. 1. 70. *a.* *b.* 171. *a.*  
 Petrus Comestor tom. 2. 118. *a.*  
 Petrus de Alliaco Cardinalis tom. 2. 113. *b.* 114. *a.* 151. *b.*  
 153. *b.*  
 Petrus Galatinus tom. 1. 6. *a.* 181. *b.* 206. *a.* 770. *b.* tom. 2.  
 11. *a.* 248. *a.* 249. *b.*  
 Petrus Lombardus tom. 1. 251. *a.* 324. *b.* 325. *b.* 551. *b.*  
 552. *a.* tom. 2. 7. *b.* 14. *a.* 101. *b.* 102. *b.* 114. *a.* 120. *a.*  
 122. *b.* 129. *b.* 130. *a.* 218. *b.* 219. *b.*  
 Petrus Martinus tom. 1. 7. *b.* 10. *a.*  
 Petrus Martyr tom. 1. 7. *a.* 207. *a.* 382. *b.* 659. *b.* tom. 2.  
 137. *a.* 138. *a.* *b.*  
 Petrus Paludensis tom. 2. 220. *b.*  
 Phavorinus tom. 1. 701. *a.*  
 Philastrius tom. 1. 540. *a.* 601. *b.*  
 Philippus Bergomas tom. 2. 40. *a.* 67. *a.* 149. *b.* 167. *a.* 218. *a.*  
 Philippus Melancthon tom. 1. 442. *a.* *b.*  
 Philo Judæus tom. 1. 127. *a.* 254. *a.* *b.* 305. *b.* 484. *b.* tom. 2.  
 9. *b.* 118. *a.* 132. *a.* 257. *b.* 259. *a.* 260. *b.* 262. *a.* *b.* 263. *b.*  
 266. *a.*  
 Philo supposititius tom. 1. 184. *b.*  
 Photius tom. 1. 251. *b.* 554. *b.* 566. *a.* 574. *b.*  
 Pindarus tom. 2. 313. 319. & postea sæpius.  
 Piscator tom. 1. 7. *b.* 28. *a.* 34. *b.* 35. *a.* 36. *b.* 37. *b.* 38. *b.*  
 52. *b.* 53. *b.* 63. *a.* *b.* 75. *a.* 127. *b.* 128. *b.* 129. *b.* 133. *b.*  
 142. *a.* 143. *b.* 167. *a.* 173. *b.* 183. *a.* 184. *a.* 158. *b.* 207. *a.*  
 224. *a.* 269. *b.* 310. *a.* 328. *a.* 329. *b.* 342. *a.* 370. *a.* 397. *b.*  
 406. *a.* 407. *a.* 651. *a.* & tom. 2. 35. *a.* 88. *a.* 89. *a.* *b.* 90.  
*a.* *b.* 91. *a.* 243. *b.* 245. *b.* 246. *a.* 247. *b.* 248. *a.* 249. *a.*  
 252. *b.* 257. *b.* 305. *b.*  
 Platina tom. 1. 590. *b.* tom. 2. 66. *a.* 67. *a.* 68. *a.* 70. *a.* 77.  
*a.* *b.* 120. *b.* 208. *b.*  
 Plato tom. 1. 165. *a.* 228. *a.* tom. 2. 50. *b.* 130. *b.* 135. *a.*  
 Plautus tom. 2. 107. *a.* 116. *b.*  
 Plinius tom. 1. 17. *b.* 52. *b.* 143. *a.* 155. *b.* 202. *a.* 326. *b.*  
 505. *a.* 523. *b.* 547. *a.* 577. *a.* 685. *a.* 751. *b.* 753. *a.* 760. *a.*  
 765. *b.* 770. *a.* tom. 2. 58. *a.* *b.*  
 Plinius junior tom. 1. 764. *b.* tom. 2. 238. *a.*  
 Plutarchus tom. 1. 28. *a.* 56. *a.* tom. 2. 41. *a.* *b.* 61. *a.* 107. *a.* *b.*  
 125. *a.* 148. *b.* 256. *b.*  
 Polanus tom. 1. 185. *b.* 662. *a.*  
 Pollux tom. 1. 193. *a.* 442. *b.* 482. *b.* 704. *a.* tom. 2. 41. *b.*  
 58. *b.*  
 Polybius tom. 1. 1. *a.* 660. *a.*  
 Polydorus Virgilius tom. 1. 123. *a.*  
 Pomponius Mela tom. 1. 577. *a.*  
 Pontificale Romanum tom. 2. 123. *b.* 124. *b.*  
 Porchetus tom. 1. 181. *b.* tom. 2. 11. *a.*  
 Porphyrius tom. 1. 491. *b.* 497. *a.* *b.* 499. *a.* tom. 2.  
 15. *b.*  
 Pridiaux tom. 2. 311. *a.*  
 Primasias tom. 1. 439. *a.* 598. *a.* 600. *a.* 602. *a.* 105. *a.* 749. *a.*  
 770. *a.* 770. *b.* 771. *b.* 772. *b.*  
 Priscianus tom. 2. 319. *a.*  
 Procopius tom. 1. 7. *b.* 8. *a.* 778. *b.* tom. 2. 269. *a.*  
 Proclus tom. 2. 266. *a.*  
 Professio fidei Waldensium tom. 2. 153. *a.*  
 Prosper tom. 1. 461. *b.* 462. *a.* *b.* 467. *a.* 601. *b.* tom. 2.  
 26. *a.*  
 Psalterium Mariz tom. 1. 161. *a.* *b.* tom. 2. 67. *b.* 68. *b.*  
 80. *a.* 81. *a.*

Ptole-

Ptolomæus Geographus tom. 1. 523. b. 547. a. 766. a.  
Ptolomæus hæreticus tom. 1. 71. a.  
Pythagoras tom. 1. 560. a.

Q.

Quinquæboræus tom. 2. 255. b.  
Quintilianus tom. 1. 80. a. tom. 2. 44. a. 111. b.

R.

R Abbi-Anschil tom. 1. 552. b.  
Rabbi Jefaia tom. 2. 41. a.  
R. Joseph Albo tom. 2. 13. a.  
R. Joseph Kimchi tom. 1. 645. b. 195. a. 554. b. tom. 2. 5. a.  
R. Levi tom. 1. 195. a. 554. b.  
R. Mosche tom. 2. 5. a. 6. a.  
R. Moses ben Maimon tom. 1. 267. tom. 2. 11. a. 12. a.  
R. Nathan tom. 1. 49. b. 181. a. 192. b.  
R. Saadias tom. 1. 182. a. tom. 2. 10. b. 11. b.  
R. Salomo tom. 1. 6. b. 181. a. b. 182. b. 186. a. 396. b. 397. b. 485. a. 602. a. b. 609. b. 612. b. 638. a. 639. b. tom. 2. 9. b. 10. a. 11. b. 13. a. 41. a. 248. b. 269. b.  
R. Samuel tom. 2. 11. b.  
Rajmundus Martinus tom. 1. 6. a.  
Raphaël Volateranus tom. 2. 149. b.  
Raphelinguus tom. 2. 12. b.  
Revelationes Brigittæ tom. 2. 235. a.  
Ribera tom. 2. 61. a.  
Richardus de Media Villa tom. 2. 113. b. 115. b. 200. b. 201. b.  
Robertus Loëus tom. 2. 269. a.  
Robertus Stephanus tom. 1. 7. b. 22. b. 34. b. 74. b. 134. a. 149. b. 166. a. 311. a. b. tom. 2. 448. a. 468. a. 483. a. 662. b. 681. a.  
Ruardus Tapperus tom. 2. 218. b.  
Ruffinus tom. 1. 149. b. 310. b. 326. b. 551. a. 601. b. 742. b. tom. 2. 8. a. 105. a.

S.

S Alufius tom. 2. 50. a.  
S Salvanus tom. 2. 182. b.  
Samuel Huberus tom. 1. 424. b.  
Scapula tom. 1. 22. b.  
Schindlerus tom. 1. 180. a. 182. a. tom. 2. 11. a. 12. b.  
Scholiastes Aristophanis tom. 1. 17. b. tom. 2. 58. b. 318. a.  
Scholiastes Hephæstionis tom. 2. 318. a. 319. a. 322. a.  
Scholiastes Dindari tom. 2. 332. b.  
Scotus tom. 1. 327. b. tom. 2. 111. a. 115. a. b. 191. b. 220. a. 220. b.  
Sculctetus tom. 1. 51. b. 52. b. tom. 2. 88. a.  
Sedulius tom. 2. 60. a.  
Seneca tom. 1. 45. a. 152. a.  
Septuaginta interpretes tom. 1. 1. b. 4. a. 6. a. 7. a. b. 11. a. 14. a. 17. b. 22. a. 23. b. 24. b. 29. b. 36. a. 31. b. 33. b. 56. a. 57. b. 80. a. 80. b. 128. a. 128. b. 130. a. 142. b. 155. b. 158. a. 159. b. 165. b. 173. a. 173. b. 180. b. 181. a. 182. a. 182. b. 192. b. 193. a. 212. a. 119. a. 233. a. 233. b. 243. a. 244. b. 246. b. 254. a. 259. b. 267. a. 269. a. 292. b. 324. b. 325. b. 332. b. 337. b. 371. a. 426. b. 443. a. 448. b. 458. b. 463. a. 473. b. 482. a. *ibid.* 485. a. 495. b. 507. b. 508. a. 540. a. 602. b. 613. a. 615. a. 626. b. 643. a. b. 658. b. 660. a. b. 696. a. 706. b. 711. a. 713. a. 717. b. 766. a. 778. b.  
Tom. 2. 5. a. b. 8. b. 9. a. 10. a. 11. a. b. 33. a. 40. a. 49. a. 62. a. 83. b. 103. a. 107. a. 110. a. 243. a. b. 247. a. 257. a. b. 258. a. 260. b. 261. a. 284. a.

Servius tom. 1. 165. a.  
Sigismundus Gillenus tom. 1. 267. b.  
Sigonius tom. 1. 48. b. 267. a. 770. b.  
Silius Italicus tom. 1. 387. a.  
Sinlerus tom. 1. 756. a. tom. 2. 265. a. 268. a. 270. b. 273. b.  
Sixtus Senensis tom. 2. 14. a.  
Sleidanus tom. 1. 64. b. 65. a. 737. b.  
Socinus tom. 1. 3. a. 207. b. 208. a. b. 209. a. b. 210. a. b. 211. a. b. 212. a. 213. a. b. 214. b. 215. b. 216. a. 217. a. 218. b. 219. b. 220. a. b. 221. a. b. 222. a. b. 223. b. 224. b. 226. b. 227. a. b. 228. a. b. 229. a. b. 230. a. b. 231. a. 232. a. b. 233. a. b. 234. b. 235. a. b. 236. a. b. 237. a. 241. b. 257. a. b. 412. b. 414. a. tom. 2. 83. a. 86. a.  
Socrates tom. 1. 64. b.  
Socrates historicus Eccl. tom. 2. 63. b. 65. a. 217. b. 272. a. 274. 275. 276.  
Sophocles tom. 1. 54. b. 615. a. tom. 2. 58. b. 74. a. 319. & in sequenti sæpius.  
Sozomenus tom. 2. 272. a.  
Stapletonus tom. 1. 156. b. 157. a. 166. a. 310. b. 313. a. b. 314. a. 380. a. tom. 2. 111. b. 112. b. 113. a. b. 114. a. b. 213. b.  
Stella tom. 2. 64. b. 67. a. 68. b. 70. a. b. 71. a. b. 77. a. b.  
Stella clericorum tom. 2. 68. b. 117. a.  
Strabo tom. 1. 547. a. 688. a. 712. a. 760. a.  
Suetonius tom. 2. 260. b.  
Suidas tom. 1. 52. b. 138. b. 442. b. 577. a. 602. b. 660. a. 679. b. 680. a. 699. b. 703. b. 753. a. 755. a. 757. a. tom. 2. 83. b. 257. b.  
Summa Sylvestrina tom. 2. 207. b.  
Sylburgius tom. 1. 22. b. 52. a.  
Symmachus tom. 1. 7. b. 508. a. 509. b.  
Synesius tom. 1. 757. a.  
Synodus Moguntina tom. 2. 155. a.  
Syrus interpres tom. 1. 7. b. 48. a. 48. b. 52. b. 53. a. 74. b. 134. a. 139. b. 144. a. 149. a. 158. b. 159. a. b. 166. a. 191. a. 293. b. 310. b. 371. b. 483. a. b. 500. b. 662. b. 663. a. 679. a. 681. a. b. 691. b. tom. 2. 40. a. 73. b. 93. a.

T.

T Acitus tom. 1. 186. b. 470. a. 520. b. 712. a. tom. 2. 50. b. 256. b.  
Tatianus Alexandrinus tom. 1. 320. a. b.  
Taxa pœnitent. Apostolica tom. 2. 65. b. 165. a.  
Terentius tom. 1. 370. b.  
Tertullianus tom. 1. 11. a. 18. b. 21. b. 22. a. 23. a. 34. b. 36. a. 49. b. 50. b. 52. b. 149. b. 151. b. 152. a. 154. a. 166. a. 181. a. 192. a. 253. a. 253. b. 272. b. 281. b. 294. a. *ibid.* 295. a. 325. a. b. 364. b. *ibid.* 370. b. 382. b. 386. a. 390. a. 444. b. 448. a. 449. a. 450. b. 471. b. 472. b. 473. b. 479. a. b. 485. a. 494. a. 498. b. 500. b. 507. b. 560. b. 563. a. 565. b. 575. a. 590. b. 595. a. 595. b. 596. a. 601. b. 605. b. 638. a. b. 639. b. 665. a. b. 686. a. 683. b. 702. a. 705. a. 712. a. 743. a. 744. a. b. 745. a. 746. a. 759. a. 760. a. 662. a. 664. b. 776. b.  
Tom. 2. 7. b. 34. a. 35. a. 40. a. 49. a. 50. a. 52. b. 60. a. 62. b. 63. a. 93. a. *ibid.* 94. a. b. 95. b. 97. a. 99. a. 99. b. 100. a. 102. a. 103. a. 104. a. 105. b. 107. b. 108. b. 109. a. b. 118. b. 123. a. 135. a. 145. b. 166. b. 168. a. 175. a. 177. a. 178. a. 185. a. 186. a. 205. b. 212. b. 229. b. 238. b. 261. b. 268. b. 269. b.  
Thalmud. tom. 1. 370. b.  
Themistius tom. 2. 196. a.  
Theocritus tom. 2. 317. a.  
Theodoretus tom. 1. 24. a. 64. b. 126. b. 131. b. 137. b. 150. a. b. 155. b. 181. a. 193. a. 250. b. 320. a. 323. a. 324. a. 327. a. 385. b. 422. b. 505. a. 507. a. 508. b. 511. b. 512. a. 513. a. 525. a. 534. a. 540. a. 547. a. 549. b. 551. a. 554. b. 555. b. 556. b. 563. b. 564. b. 565. b. 566. b. 574. b. 575. a.

# I N D E X A U T O R U M.

575. a. 595. a. 596. a. b. 599. b. 605. a. 628. b. 663. a. 293. b.  
 685. a. 738. a. 762. a.  
 Tom. 2. 9. a. 11. a. 34. b. 102. b. 104. b. 109. a. b. 119. b.  
 125. b. 128. b. 131. a. b. 162. a. 172. b. 185. b. 186. a. b.  
 187. a. 188. a. 203. b. 258. b. 266. a. 268. a. 310. a. 314.  
 Theodoricus à Nihem. tom. 2. 115. a.  
 Theodoricus Philippi tom. 1. 170. a. b. 690. a.  
 Theodotio tom. 1. 7. b.  
 Theognis tom. 1. 70. b.  
 Theologi Tigurini tom. 1. 735. a.  
 Theophilus Antiochenus tom. 2. 257. a.  
 Theophilus Lebaeus tom. 1. 158. a.  
 Theophrastus tom. 2. 165. a. 192. a.  
 Theophylactus tom. 1. 15. b. 17. b. 22. a. 23. a. 34. a. b. 36. b.  
 48. a. 51. b. 62. a. 74. b. 127. a. 134. a. 150. a. 190. b.  
 192. a. 198. a. 244. a. b. 145. a. 258. a. 271. a. 271. b.  
 278. b. 286. b. 292. b. 293. b. 295. a. 310. b. 317. a. b. 318. b.  
 327. a. 331. a. 332. b. 336. a. 338. a. 345. a. 363. b. 371. a.  
 385. b. 448. a. 476. a. 478. a. 479. a. 483. a. 495. a.  
 508. a. 546. a. b. 547. a. 549. b. 561. a. 570. b. 575. a.  
 596. a.  
 Tom. 2. 95. a. 100. a. 102. a. 108. a. 161. b. 173. a.  
 181. b. 182. b. 226. b. 253. b.  
 Thom. Aquinas tom. 1. 197. a. 198. a. b. 108. a. 250. b.  
 251. a. 252. a. b. 296. a. 323. b. 324. b. 325. a. 327. b.  
 344. a. 414. b. 417. b. 459. a. 509. a. 511. a. 536. b. 551. b.  
 552. a. 553. a. 557. a. 589. b. 607. a. b. 723. b. 749. a.  
 tom. 2. 39. a. 55. a. 56. a. 61. b. 68. a. 69. b. 81. a. 92. a.  
 93. b. 96. a. b. 105. a. b. 111. a. 112. b. 113. a. b. 114. b.  
 117. a. b. 120. a. 126. b. 129. a. b. 130. b. 132. b. 133. b.  
 134. a. 157. b. 167. b. 168. a. b. 173. b. 181. b. 191. b.  
 215. a. 218. b. 219. a. b. 220. a. 221. a. 228. a. 228. b.  
 230. a. 261. b. 274. b.  
 Thomas ab Argentina tom. 2. 81. a. 113. b. 114. a. 167. b.  
 219. a. 220. b.  
 Thom. de Vio Cajetanus tom. 1. 344. a. 245. a. 611. a. 645. a.  
 663. b. 664. a. 741. a. 778. b. tom. 2. 14. a. 68. a. 106. b.  
 112. b. 113. b. 114. a. b. 119. a. 198. b. 199. a. 201. b.  
 212. b. 219. b. 220. a. 221. b. 243. b. 253. b. 272. a.  
 Thucydides tom. 1. 528. a. tom. 2. 125. a. 146. b.  
 Toftatus tom. 1. 127. b. tom. 2. 14. a. 118. b.  
 Tremellius tom. 1. 14. b. 46. a. 48. a. 49. b. 52. b. 57. b.  
 69. b. 139. b. 183. a. 207. b. 259. b. 356. a. 397. a. 479. a.  
 660. a. tom. 2. 5. b. 11. a. 11. b. 13. a. 246. a. 246. b.  
 247. b.  
 Triclinius tom. 1. 54. b.  
 Trismegistus tom. 1. 228. a.  
 Turnebus tom. 1. 776. a. tom. 2. 61. a. 148. a. 258. a. 262. a.

## V.

V Alla tom. 1. 205. a. 259. a. 545. b. 748. a. tom. 2.  
 149. b.  
 Valentinus Gentilis tom. 1. 755. b.  
 Valerius Maximus tom. 2. 81. a. 283. a.  
 Varinus tom. 1. 192. b.  
 Varro tom. 1. 155. a. tom. 2. 8. a. 62. b. 63. a. 78. a. 99. a.  
 283. b. *ibid.*  
 Vatablus tom. 1. 658. b. 660. a. 660. b. 778. b. tom. 2. 11. a.  
 269. a. 317. a.  
 Vegetius tom. 2. 99. a.  
 Versio Hierosolymitana tom. 1. 180. b. 181. a. 182. b. 185. b.  
 Victorinus Pictaviensis martyr tom. 1. 749. a. tom. 2. 112. b.  
 Victorinus Strigelius tom. 2. 272. b.  
 Vigilius tom. 1. 201. a. tom. 2. 264. b.  
 Villavicentius tom. 2. 165. a.  
 Virgilius tom. 1. 165. a. 368. b. 370. b. 494. a. 619. b. 753. a.  
 tom. 2. 58. a. b. 280. a.  
 Ulpianus tom. 1. 495. b.  
 Vorstius tom. 1. 300. b. 605. a. b.  
 Voetwaffschers tom. 1. 359. b.  
 Vulgatus interpres tom. 1. 1. b. 22. a. 24. a. 34. b. 49. b.  
 52. a. b. 55. b. 56. a. 57. a. 57. b. 71. a. 88. b. 128. a. 129. b.  
 132. a. 137. b. 138. b. 140. b. 142. b. 147. b. 152. a. b.  
 153. a. 155. b. 157. a. 159. b. 162. a. 172. a. 182. a. 189. a.  
 190. b. 191. a. 200. a. b. 227. b. 229. a. 232. b. 238. a.  
 240. b. 271. a. 277. b. 279. b. 286. b. 290. b. *ibid.* 297. b.  
 312. a. 327. b. 351. a. 353. b. 355. a. 356. a. 357. b. 363. b.  
 365. a. 367. a. 374. a. 375. b. 378. b. 389. b. 406. a.  
 450. b. 472. b. 475. a. b. 487. a. 489. a. 492. a. 497. a.  
 500. b. 628. b. 640. a. 645. a. 648. a. 652. a. 659. a. 660. b.  
 662. b. 664. b. tom. 2. 44. a. 71. a. 246. a. 258. a. 260. b.  
 261. a. 262. a. 271. a.

## W.

W Olphius tom. 1. 459. b.

## Z.

Z Arabella tom. 1. 656. b.  
 Zacharias Ursinus tom. 1. 207. a. 250. b. 269. a. 656. a.  
 656. b. 659. b. 661. a. tom. 2. 26. a. 273. b.  
 Zanchius tom. 1. 251. b. 756. a. tom. 2. 12. a. 268. a. 273. b.

# F I N I S.

# I N O B I T U M

*Eximii & Celeberrimi Viri*

D. FRANCISCI GOMARI,  
SS. THEOLOGIAE DOCTORIS ET PRO-  
FESSORIS DIGNISSIMI.



*AX veritatis, veritatis augustæ  
Scrutator ille, cedere inscius cuiquam,  
Cum vocem & ora scriptaque haud mori nata  
D.o, sed uni, consecrata libertas*

*Poposcit; ille tot scientiis unus  
Linguæque cultus, artibusque non unis;  
Sacræ sed uni, cum scientiis cunctis,  
Quas hausit omnes, artibusque linguisque  
Servire natus; orbis exul, atque orbi  
Ingratus, orbi raptus hic jacet tandem.  
Cui de tot annis, quos laboribus tantis,  
Sibi superstes ac relictus, exegit,  
Deque orbe victo nec semel triumphato  
Ponit trophæum mæsta gens amicorum.*

DANIEL HEINSIUS.

FRAN-



FRANCISCI GOMARI

SS. Theologiæ Doctoris ac Professoris,

ILLUSTRIUM AC SELECTORUM,

E X

EUANGELIO MATTHÆI,

LOCORUM EXPLICATIO.

## CAPUT I.



**M**ATERIA hujus capituli primi est genealogia Christi, ad vers. 18. deinde miraculosa generatio. Scopus vero propositus, est demonstrare Jesum esse Christum: quod non solum, communis generis, cum aliis, origo, ex Abrahamo & Davide; sed etiam proprius Messiae, secundum prophetiam, generationis modus, ipsi conveniat. Priori parte materiae, publico scripto, plenius explicata, pauca de secunda, favente Domino, dicturi sumus.

Generatio autem Jesu, est illius, è matre Maria, propagatio, vers. 18. cum 16. Cujus gradus tres sunt: conceptio miraculosa, consequens gestatio in utero, atque nativitas. Conceptio, patefactione Josepho facta, declaratur primum propositione universali, deinde expositione particulari. Propositio est: *Cum mater ejus Maria desponsa esset Josepho, priusquam ipsi convenissent, inventa est* (nempe à Josepho, ut sequentia docent) *prægnans* (ἐν γαστρὶ ἔχουσα, uterum ferens) ex Spiritu Sancto, vers. 18. Expositio verò est bipartita: Primum enim exponitur patefactio conceptionis: deinde modi, ex Spiritu Sancto. Prius membrum experientia naturali: quod uteri tumor esset index; ideoque Josephus quasi ab alio homine vitiatam suspicatus, clam dimittere voluerit, quia justus: sed παρὰ δειγματίσω noluerit: scilicet quia æquus ac misericors: Alterum verò patefactum est revelatione supernaturali, per Angelum Domini, in somnio, seu nocturna visione apparentem. Quæ revelatio à Mariæ uxoris accipiendæ metu avocatur: & ut suspicionem falsam, propter quam repudiare volebat, tolleretur Angelus, causam reddit, quod nullius viri vitio, sed potentia Dei sit prægnans. Nam (inquit) *quod in ea genitum est, à Spiritu Sancto est*, vers. 20. In quibus brevissime perstrictis, duo illustrationem desiderant. Quorum unum vocem; alterum rem ipsam, attingit. vox est παρὰ δειγματίσω vers. 19. Cujus origo à παρὰ δειγμα, id est, exemplum deducitur. Significatio vero duorum est generum, propria vel impropria. Propria est, *exemplum statuere*, & ab August. redditur, *exemplare*, ficta voce, ut à multis observatur; qui locus extat epist. 59. Videantur etiam apud Henr. Steph. in thesauro Græcæ linguæ & apud Casaub. in notis ad Test. Nov. ex Polybio testimonia; qui Polybius, & παρὰ δειγματίσω & παρὰ δειγμα ποιοῦ usurpat eodem sensu. Quibus illustrandis addam nonnulla, quæ ex Demosthene observavi. Nam Oratione adversus Timocrat. in fine ait: *Κολάσαι ἢ παρὰ δειγμα ποιεῖν τοῖς ἄλλοις τῶτον. Πυνιendum hunc & exemplum aliis statuendum.* Idem oratione adversus Midiam, in fine: *τοῖς ἄλλοις σοφωσόνσαι, &c. παρὰ δειγμα ποιεῖσαντες ἄλλοις, alios modestiores facere, &c. edito exemplo aliis.* & Oratione contra Aristocratonem, pag. 497. editio: *Wolphii, quam sequimur, ἀλλὰ τιμωρήσασθε, καὶ παρὰ δειγμα ποιεῖσαι τοῖς ἄλλοις; Sed punite & exemplum aliis statuete.* Et Oratione adversus Timocrat. pag. 475. *Κολάσεις, καὶ δὲ αἰτίαν δίδωμι, τοῖς ἄλλοις παρὰ δειγμα γινώσκεται, μὴ τιδέναι οὐκ ἔστι νόμος; Punire & meritam dans poenam (sen sup-*

*plicio merito affectus) aliis exemplum erit, ne leges hujusmodi statuunt.* Hæc Demosth. Atque hic finis est poenæ, unius, publicæ, ut exemplo reliqui reddantur cautiore & in officio contineantur, ut etiam Deut. 17. 12. & 13. de poena capitali contumaciæ, adversus rectam sacerdotis, aut summi judicis sententiam, dicitur, *Omnino moritor vir ille, & tollitor malum illud ex Israël, ut omnis populus audiant & timeant, neque superbiant deinceps.*

Hæc de prima ac propria significatione. Altera impropria est per tropum. Primum Synecdoch. generis pro specie, pro suspendere: qui enim suspenditur, ostentui est atque exemplo aliis. Sic Num. 25. 4. *Suspende eos Iehova, coram isto sole*: LXX. vertunt *παρὰ δειγματίσω αὐτούς*. Deinde per Metaph. ignominia exponere designat, ut Hebr. 6. 6. *Crucifigentes sibi metipsis filium Dei, καὶ παρὰ δειγματίσωτας & ignominia publica exponentes.* Cui simile est Col. 2. 15. *τὰς ἐξουσίας ἰδερματίσω, potestates traduxit.* Atque hoc modo videtur accipiendum hoc loco. Nam ei opponitur clam dimittere, quod est sine ignominia publica. Hinc Chrysost. interpretatur *ἐκπομπεύειν καὶ εἰς διακρίσεων ἀγειν*, id est, *Publicè ostentui habere & ad tribunal ducere.* Atque hæc de voce παρὰ δειγματίσω. Ad rem verò quod attinet, vers. 18. dicitur de Maria Christi matre, *ἐν γαστρὶ ἔχουσα ἐκ πνεύματος ἁγίου*, ad verbum, *inventa est, in ventre habens, sc. γονῶν, foetum*; vulgata versio reddit, *in utero habere*, Beza verò *uterum ferre*. Sensus autem est concepisse ac prægnantem esse, ut Hebræis *הרה* non solum *συλλαμβάνειν* concipere redditur, Genes. 41. & 16. & Luc. 1. vers. 24. Sed etiam expressius, *ἐν γαστρὶ λαμβάνειν, in ventre (hoc est utero, qui in ventre) concipere*, nempe semen genitale, Genes. 23. 21. & 38. 18. καὶ ἐν γαστρὶ ἔλαβεν ἐξ αὐτῆς. & Luc. 1. 31. *συλλάβῃ ἐν γαστρὶ καὶ τέξῃ υἱόν, concipies in utero & paries filium*; & crebrò apud 70. Interpretes redditur *ἐν γαστρὶ ἔχειν, in ventre seu utero habere*, prolem seu foetum, Genes. 16. 11. *ἐν γαστρὶ ἔχεις καὶ τέξῃ υἱόν.* & Jud. 13. 3. 5. 7. Deinde Matthæi 1. vers. 20. Angelus ait, *τὸ ἐν αὐτῇ γινώσκον, ἐκ πνεύματος ἁγίου ἐστίν.* quod in ea genitum est, ex Spiritu Sancto est. In quibus dictis, illud certum omnino est, originem corporis Christi describi, & Spiritum Sanctum causam efficientem illius denotare: Sed hoc controversum est, an etiam sit materia illius, seu an ex sua substantia illud formasse, hisce verbis doceatur. Prisci quidem hæretici novique nostri seculi Anabaptistæ id contentiosè affirmant. Orthodoxi verò & olim, & hæcenus, id constanter negant: quod neque ex verbis, neque ex re ipsa, seu ex corporis, aut Spiritus Sancti natura, probent: contrarium verò solidè demonstratur.

Nam ad verba quod attinet, inde duo petunt argumenta; Primum est è voce *ex*. Corpus Christi, inquit, dicitur esse *ex Spiritu Sancto*. Ergo ex eo, tanquam ex materia, hoc est, substantia illius; quia ex materia notat. Sed negatur consequentia quia ea significatio non est perpetua; sed sæpè, ut alias significationes omittamus, causam efficientem notat; ut Aristot. Metaph. 4. cap. 24. exponens varios modos, quibus aliquid ἐκ τινὸς εἶναι ex aliquo esse dicitur, demonstrat. Deinde sacrarum literarum usus idem evincit, ut Matth. 15. 5. *Donum quod ex me est*, hoc

est, à me, & cap. 21. 25. *Baptismus Joannis unde est, ex celo?* (hoc est, à Deo,) *aut ex hominibus?* & Joan. 1. 13. *Qui non ex sanguinibus, neque ex voluntate carnis, neque ex voluntate viri, sed ex Deo geniti sunt.* Ubi per ἀνθρώπων vox illa ex, id est ex, bifariam usurpatur. Primo enim loco materiam indicat, cum dicitur, *ex sanguinibus*, hoc est, ex viri & mulieris ad generationem naturalem necessariis seminibus (quæ sanguines metonymicè, quod ex iis habeant originem, appellantur) secundò verò, non materiam, ut res subjecta arguit, sed causam efficientem notat, tribus sequentibus, *neque ex voluntate carnis, neque ex voluntate viri, sed ex Deo geniti sunt.* Ubi obiter observandum, ad hujus loci illustrationem, voce *carnis* (ut alicubi monuit doctissimus Petrus Martyr in locis comm. classe 3. cap. 3. de adoptione.) Mulierem sive uxorem notari. Nam manifestè caro hæc, à viro distinguitur, & voluntas ei, non minus quam viro, attribuitur. Deinde quia revera uxor caro est viri; cum propter originem primam, ex eo, ut Gen. 2. 23. *Caro ex carne mea*: tum ob unionem conjugalem: unde *caro viri* appellatur, Ephes. 5. 21. Denique vocula *ex*, efficientis solius sensu, cum alibi accipitur, tum etiam Joan. 8. 44. *Vos ex patre diabolo estis.* & Rom. 11. 36. *Ex eo, per eum, & in eum sunt omnia.* Quare non sequitur, caro leu corpus Christi est ex Spiritu Sancto: Ergo est ex illius substantia.

Verùm hic non subsistunt; sed alterum, ex voce γεννηθέν, *genitum*, obijciunt argumentum hujusmodi. Estò vocula illa *ex* notet tantum efficientem causam; vox tamen *genitum*, indicat materiam, seu Corpus Christi, ex substantia Spiritus Sancti, ortum; quia qui aliquid genuit, illud ex sua substantia produxit, ut vox gignendi γεννάω, ostendit. Atqui Spiritus Sanctus genuisse corpus Christi, hoc loco statuitur; Ergo è sua substantia produxit. Speciosum quidem argumentum: sed utraque argumentationis propositio vitiosa est. Major enim non est universaliter vera: quia gignere vel propriè accipi potest, ut Matth. 1. v. 2. *Abraham genuit Isaacum*, atque hoc sensu vera major; vel impropriè, per Metaph. pro efficere simpliciter, non autem è sua substantia producere, ut 1. Joan. 5. 18. *ὁ γεννηθεὶς ἐκ τοῦ θεοῦ, qui ex Deo genitus est, servat seipsum.* & 2. Tim. 2. 23. *Γενώσιν μάχας* gignunt pugnas; Atque hoc sensu major falsa est. Deinde minor etiam negatur. Nec enim Spiritus Sanctus dicitur genuisse fœtum Mariæ, sed dicitur tantum, quod in ea genitum erat, ex ipso esse, τὸ ἐν αὐτῇ γεννηθέν. Maria enim ex se genuit tanquam mater, sed efficacia illius erat à Spiritu Sancto. Nan gignere, hoc loco non parere notat, sed καταβολὴ τῷ σπέρματι & σύλληψις, dejectionem seminis Mariæ, in utero, & conceptionem illius, ab utero. Cui fecunditas seminis & conformatio à necessaria Spiritus sancti efficacia accessit. Quia mulieris semen, sine virilis concursu, naturaliter ad prolem suscipiendam non sufficit. Maria igitur genuit, sed accedente Spiritus sancti potentia. Gignere enim, seu generare, cum prolis procreationem notat, non solum mari, sed etiam fœminæ convenit. Nam ut Plin. nat. hist. lib. 8. cap. 44. ait, *qua non primo initu generare caperit.* Sic & quod Hebraicè 1 Chron. 4. 17. de matre dicitur *וְהָיָה וְהָיָה* & *concepit*, 70. Interpretes græci transtulerunt *ἐκ γένου* & *genuit*, ut ostenderent, conceptionem non solum esse in matre, sed etiam à matre. Eamque significationem confirmat etiam Etymolog. magnum, pag. 795. edit. Commelin. *φύσσει τὸ γεννῆσαι ὅτι τὸ πατὴρ τίθεται, ὅτι ὁ τῆς μητρός ἐκ ἔτι, ἀλλὰ γεννῆσαι, hoc est, φύσσει generare de patre usurpatur, de matre verò non item, sed γεννῆσαι.*

Verùm à verbis depulsi, ad rem ipsam subjectam confugiunt, unde duo alia sumunt argumenta, à Mariæ matris Christi natura deprompta. Prius est, quod fœminæ carent semine. Ergo Christus non est ex semine fœminæ. Antecedens probari potest ex sententia Aristotelis, de generatione animal. lib. 1. cap. 19. & 20.

Verùm negatur antecedens: & Aristotelis sententiam, hac in re, falsi arguunt, communi consensu, Medici, prisca novique, & Anatomici rationibus atque experientia. Et inter eos doctiss. Andreas Laurentius operum anatom.

lib. 2. cap. 17. ubi graviter & eruditè Aristotelem confutat, collatis utrimque argumentis. Deinde observandum, quod Aristoteles non simpliciter esse semen fœminis, ad generationem necessarium, deneget; sed activum tantum, hoc est, quod insitam formationis animalis vim habeat. Nam ibid. cap. 21. ait; nec fœminam, ita (ὥτως) ut marem conferre ad generationem; sed marem principium motus, fœminam materiam præstare, & c. 22. ait: *ἐν θήλει εἶναι τὴν ὕλην, ἐξ ἧς ἐστὶ τὸ δημιουργεῖν*, hoc est, *in fœmina esse materiam, ex qua est quod efficitur.* Eadem lib. 2. cap. 1. repetit, & cap. 3. ait, *ἐν τῇ καταμήνι, σπέρμα, ἢ καθαρὸν δὲ, ὅτι μένεται, semen sunt, quanquam non putum.* Quare etiam fœminas habere semen aliquod, quod ad generationem naturalem necessario concurrat, saltem tanquam materia, etiam ex Aristotele manifestè constat, etsi in specie illius tradenda à Medicis differat. Ideoque non est causa justa, cur illius auctoritatem Anabaptistæ obtendant, cum eorum sententiæ omnino repugnet, Orthodoxorum verò confirmet. Nam Aristot. de generat. anim. lib. 1. cap. 21. & 22. Semen viri esse tantum fœtus efficientem causam, non autem materiam; menstruum verò semen fœminarum, esse universam materiam statuit; quorum utrumque ab Anabaptistis negatur; ut qui fœminis omnem generationis (etsi nutritionis & accretionis concedant) materiam detrahant, solique maris semini attribuant. Deinde fœminas semen habere, etiam in sacris literis, à Propheta Mose & ab Apostolo Paulo declaratur. Moses enim Levitic. 12. vers. 2. ait: *Mulier cum ediderit semen & pepererit filium*: Ubi Moses utitur voce יולדת id est, (ut expressè, licet barbarè Pagninus reddit in Lexico) *Seminificavit.* Paulus denique Hebr. 11. 12. *ἡ ipsa Sara fide δυνάμει εἰς καταβολὴν σπέρματος ἐλάβε, vim ad dejectionem seminis accepit*: non dicit, *εἰς σύλληψιν* ad conceptionem, ne quis, si conceptionem dixisset, propter ambiguitatem, relatè, de Abrahami semine intelligeret: sed de semine Saræ, quod ad conceptionem ex Abrahamo, ac generationem, non minus quam Abrahami semen, requirebatur. Quamobrem contra naturam contraque Scripturam, Anabaptistæ fœminis semen deesse statuunt. ideoque concidit primum eorum à natura matris petitum argumentum.

Alterum verò quod adjiciunt, majorem habet speciem, sed non majorem veritatem: estque erroris Anabaptistici, hac in re, primum fundamentum; ut inprimis, ex colloquio Wislmaensi, inter Mennonem & Micronium apparet. Argumentum autem desumptum est ab accidente carnis ex Adamo propagatæ, nempe peccato originali & maledictione. Quicquid, inquit, ex semine humano est genitum, illud est peccato & maledictioni obnoxium; ac propterea Servator esse non potest, cum Servatore opus habeat. Atqui Christus non est peccato, neque maledictioni obnoxius; quia sanctus & benedictus: Ergo Christus non est ex semine humano genitus.

Verùm negatur propositio; quoniam ea non est universaliter vera, ob geniti conditionem diversam. Aliud enim genitum est, merè naturaliter, cum videlicet semen geniti materia est, & simul ex potentia illius naturali educitur forma: aliud est genitum supernaturaliter, quando semen quidem est materia geniti, sed educendæ formæ potentia destituitur; forma verò, per solam Dei potentiam introducit, cum vi merè divina fœtus humanus inde oritur. Priori modo genitum, in lumbis Adami fuit ratione materiæ, & simul ratione potentiæ, formæ producendæ; ideoque in illo peccavit & ex illo peccatum propagatum, ac maledictioni subjacet Rom. 5. 12. Posteriori verò modo nequaquam; quia mera materia, sine potentia ad formam humanam, respectu hominis inde producti, peccati subjectum esse non potest, quia, neque actu, neque potentia activa homo est. Atque ita Christus genitus est, ex semine humano virginis, non naturali, sed supernaturali Spiritus S. potentia; qui semen virginis fœcundum reddidit, præter naturam, & in corpus humanum, sanctis actionibus idoneum, formavit, ideoque Christus *similis nobis, in omnibus* dicitur, *excepto peccato*, Hebr. 4. 15. quia conceptus à matre, non viri congressu; sed potentia Spiritus S. ideoque geni-

genitum ex ea, distinctè ab omnibus hominibus, *sanctum* vocatur, Luc. 1. 36. Hebr. 7. 26. Atque ex his liquet Anabaptistas, ex hoc loco Matthæi, non rectè probare, Christi corpus esse ex substantia Spiritus S. productum : contrarium verò ex hujus loci subjecto & prædicato doceri demonstrabimus. 1. Ex subjecti (nempe, *quod in ea genitum est*) natura: Quod enim ex Spiritu S. proprie genitum est, illud ejusdem, atque ille, substantiæ est, ut generationis definitio certa evincit. Atqui corpus Christi non esse ejusdem atque Spiritus S. substantiæ, sed plusquam genere diversum, extra controversiam est. Ergò corpus Christi non est genitum è substantia Spiritus sancti. Nam Spiritus æternus, id est, essentia incorporea & infinita, & corpus finitum non consentiunt. Deinde, qui propriè ex Spiritu S. genitus est, ille propriè est filius illius. Atqui Christus, fatente etiam Mennone, Anabaptistarum coryphæo, non est propriè filius Spiritus Sancti. Ergò non est propriè ex Spiritu Sancto genitus.

Tertio, qui sic in Maria est genitus, ut etiam ex ea sit genitus ac conceptus, ille est ex ejus substantia. Atqui Christus sic in Maria est genitus, Matth. 1. 20. ut etiam ex ea sit genitus ac conceptus, vers. 16. ut etiam exemplaria quædam manuscripta, & patres nonnulli legerunt, Luc. 1. 35. *quod ex te nascetur*, ut Beza in annotationibus ad eum locum attestatur. Deinde eodem sensu, *factus dicitur ex muliere*, Gal. 4. 4. & *semen mulieris* dicitur, Gen. 3. 15. ut exponitur de Christo, Hebr. 2. 14. Ergò Christus est ex substantia Mariæ. Denique cujus mater propriè est Maria, ille ex substantia ejusdem est genitus; ut ex Philosophorum & Medicorum consensu antea demonstratum, omnem matrem ex sua substantia prolem gignere. Atqui Christi mater propriè est Maria, Matth. 1. 16. & ille filius vers. 21. Ergò Christus ex substantia ejusdem est genitus.

Atque hæc quidem argumenta, quæ ex subjecto, nempe, *quod in ea genitum est*, deducta. Ex prædicati verò natura, tale est. Si id, quod in Maria genitum est, sit ex divina Spiritus Sancti substantia, sequitur hanc, vel mutatam esse in corpus, vel similiter esse corpoream. Atqui neutrum esse potuit; quia divina substantia immutabilis est, Jac. 1. 17. quia Spiritus, Joh. 4. 24. eoque incorporea. Ergò quod genitum est ex Maria, non est ex divina Spiritus Sancti substantia; ac propterea falsa est contraria Anabaptistarum sententia. Quem Mennonistarum errorem Socinus Anabaptista Samosatenianus etiam in refutatione Wiekii, de divinitate filii Dei & Spiritus Sancti, rectè rejecit; sed errorem novum impure substituit, cum ait pag. 221. *Nec sane consequitur, quia Christus homo, in virginis utero, ex ipsa Dei substantia non sit genitus, idcirco ex sola virginis substantia eum fuisse generatum. nec Mennonitis danda est occasio, ejusmodi male conclusis rationibus, in suo errore perseverandi: sed quemadmodum urgendum est, Christum hominem, ex virgine matre, non minus sumpsisse, quam alii homines ex suis matribus sumant: Sumere autem ex ipsis Sacris literis, & Physicis etiam, si opus sit, rationibus demonstrandum: sic non est negandum Dei virtutem in virginis utero, substantiam aliquam creatam immisisse, aut ibi creasse, ex qua Christus, juncto eo, quod ex ipsius virginis substantia sumpsit, verus homo generatus fuerit: qui propterea ut homo, non matrem tantum, nempe virginem ipsam habuerit, sed patrem etiam, nempe ipsum Deum.* Sed impia hæc sententia, ut aliàs refelli poterit plenius, sic à sacris literis, & à seipsa confutatur. Nam Maria, virgo concepit, ac virgo peperit, teste Scriptura, Matth. 1. & agnoscente adversario. Ergò non immissa substantia ac semine. Sive enim substantia sit à viro sive à Deo immissa, cujus ratione dicatur pater, sequitur Mariam, virginem peperisse, dici non posse. Ideoque Hebr. 7. Melchisedeci instar, Christus sine patre & sine matre rectè describitur, quod sc. quà homo, filius hominis seu virginis in terris sit sine patre, quà filius patris, in cœlis, sit sine matre. Nam quod Socinus objicit, hanc interpretationem Patrum puerilem esse, quodque nihil ad rem pertineat; quod ibi agatur de sacerdotii Christi perpetuitate, & institutione extraordinaria, adumbrata Melchisedeci sacerdotio: falsa est consequentia, si quidem non solum de æternitate sacerdotii extraordinaria

agitur, sed simul etiam de personæ sacerdotis præstantia, ut ex epistola ad Hebr. cap. 7. 4. apparet, & ex fine vers. 28. opponit enim Apostolus ibidem inter se, Pontifices legales, & Pontificem promissum, secundum ordinem Melchisedek, id est, Christum: Illos enim vocat *homines* (sc. meros ex patre & matre genitos) *habentes infirmitatem*: hunc verò, *filium in æternum consecratum*. Filium autem oppositè meris hominibus, filium Dei patris notat, & eatenus non filium hominis, sed ἀνθρώπου sine matre; de qua re Hebr. 1. 5, 8. & 3. 3, 4, 5, 6. & c. 4. 14. & 5. 5. & 7. 3.

Sed secundo objicit p. 223. *Animadvertendum est, inquit, non dixisse divinum illum scriptorem, Christum seu filium Dei fuisse assimilatum Melchisedeco, sed contra Melchisedecum filio Dei, ut sc. intelligamus non omnia, quæ de Melchisedeco dicit, eadem in Christo esse, sed illis ea omnia contineri, quæ de Christo in Melchisedeco vult fuisse adumbrata.*

Verum quis hæc inania & inepta esse effugia non videat: relatorum enim uno posito, alterum necessariò ponitur, undecunque fiat relationis initium. Nam si Melchisedek similis factus est filio Dei, ergo filius Dei similis est Melchisedeko, & non solum sacerdotii ratione, sed etiam in aliis expressis similem esse apparet; nec quicquam ex iis proferri potest, quod non ad amissim conveniat. Christus enim *Rex pacis*, ut Melchisedek, v. 2. *sine patre*, quà filius hominis, quia ex virgine: *sine matre*, ac *sine generis serie*, quà filius Dei patris: nec *principium dierum*, nec *vita finem habens*, id est, ab æterno in æternum vivens. Quibus verbis proximè additur: *Similis filio Dei manet sacerdos in æternum*. Nam quod objicit Socinus p. 222. *Verba illa nec initium dierum, neque finem vita habens, intelligenda in sacerdotio obviando*: illud & ineptum & falsum est. Nam sacerdotium vitam non habet, sed sacerdos: & sacerdotium finem quidem non habere, seu æternum esse ac perpetuo durare, rectè dicitur; sed finem vitæ non habere, cum ea careat, non nisi ineptè dici potest. Deinde sacerdotium non habere initium dierum, sive dierum vitæ intelligas, sive simpliciter temporis, falsum est, sacerdotium eo caruisse: Et si enim illud sit in æternum, ab æterno tamen non est. Denique res ipsa, & disertà Apostoli explicatio, hoc effugium Socini confutat. Nam expressè ab æternitate personæ antecedente, æternitas sacerdotii, distinguitur. Dicitur enim primò de persona, *neque initium dierum, neque finem vita habens*; Postea de consequente sacerdotii æternitate, secundum quid subjicitur, *manet sacerdos in æternum*, vers. 3. Similiter ex Christi personæ in æternum duratione, æternitatis sacerdotii convenientia deducitur his verbis: *Hic vero quia manet in æternum, sacerdotium habet ἀπαράβατον, quod præterire non potest, seu in æternum durans*, & vers. 16. Christus sacerdos factus dicitur, *non ex lege, cujus mandatum sit carnale, sed ex vi indissolubili vitæ*. Nam quamvis Christus, quatenus victima, vitæ dissolutione sit mortuus; quatenus tamen Deus, qui eam victimam Deo Patri obtulit, ut sacerdos, vita illius dissolvi non potuit. Hinc Hebr. 9. 14. dicitur, *per Spiritum æternum*, id est, divinam suam naturam, obtulit seipsum Deo Patri.

Atque hinc satis liquere potest, Socinum exceptione sua Apostoli sententiam manifesta falsitate atque ineptia depravare: id quod & invictæ veritatis est indicium, & luculentum malæ conscientiæ in viro magnæ scientiæ argumentum.

Atque hæc ad illustrationem versus 20. & conceptionis Christi ex substantiâ virginis Mariæ hucusque diximus.

#### De Versu XXI. & NOMINE JESU.

Cum Angeli ad Josephum oratio, constet revelatione duplici; primum rei factæ, deinde rei futuræ: prius explicatum est, in primis vers. 20. Mariam nimirum concepisse, non viri opera, sed virtute Spiritus Sancti, de quo egimus. Alterum verò vers. 21. describitur, cujus membra sunt duo, prædictio & præceptum.

Prædictio est, *pariet filium*, quo & partus certitudo promittitur, & prolis sexus definitur, cum non filiam, sed

filium parituram asserit. Cujus explicationis usus est duplex. Unus est revelationis de conceptione per virtutem Spiritus S. confirmatio. Nam qui vera de rebus arcanis futuris dixisse comperitur, fidem in rebus præteritis explicandis meretur. Alter est, ut hac explicatione, de filii, è virgine, nativitate, Josephus ad Esaia prophetiam cap. 7. vers. 14. illud prædicantem, quasi manu duceretur, & in Christum crederet. Hæc de prædictione.

Præceptum verò est, de filii è Maria virgine nascituri nomine, cum dicitur, & vocabis nomen ejus Iesum: ipse enim servabit populum suum à peccatis ipsorum: In quo & nominis impositio, & ratio illius, continetur. de priori ostenditur, quidnam & quodnam nomen, imponet. Ille est Josephus. ait enim vocabis nomen ejus Iesum. Neque huic obstat, quod id jam antea Mariæ esset mandatum, Luc. 1. 31. Ecce concipies in utero & paries filium, & vocabis nomen ejus Iesum: quia composita hæc sunt, non opposita. Nam utrique, neutro eorum excluso, hoc præcipitur: Communi enim consensu & obedientia erga Deum, per Angelum præcipientem, nomen ab iis inditum. Nomen verò impositum est Iesus. Quam vocem, non Græcam esse ab ἰσους, id est, medeor, sano, unde ἰασις sanatio, ut Moschopolus de constructione Græca statuit: sed Hebræam, apud doctos certissimum est, & usus Scripturæ evincit. In qua, aut urbis nomen est, ut Nehem. 11. 26. & personæ, ut 1. Chron. 24. v. 11. & 2. Chron. 3. vers. 15. Originem autem vocis esse à ἰσους saluum esse, ac Servatorem notare, Luc. 2. 11. extra controversiam est. Sed an ab eo tantum derivetur, neque aliud connotet, an verò etiam ex alio, seu, an vox sit simplex an verò composita, controvertitur. Quidam enim simplicem esse statuunt per apocopen יֵשׁוּ, vel per syncopen. Per apocopen יֵשׁוּ, ex voce יֵשׁוּעַ id est, salus. Sic enim Christus vocatur à patre salus mea, יֵשׁוּעַ, Esa. 49. 6. metonymicè, hoc est, salutis author, à me datus, ut Hebr. 5. 9. αἱρεῖς σωτηρίαν, quemadmodum etiam Luc. 2. 30. in Canticò, Simeon Esaia sententiam secutus, σωτήριον οὗ σωτηνὴν tuam vocat, & Joannes baptista, Luc. 3. 6. σωτήριον τοῦ θεοῦ. Salutem Deo omnem carnem visuram, id est, σωτήρα Servatorem à Deo missum, ait, ubi obiter observandum, citari hic Esaia, non expressis illius verbis, sed sententiâ. Esaia enim habet cap. 40. 5. & revelabitur gloria Iehova, & videbit omnis caro pariter, nempe, gloriam Iehova. Quam gloriam, rectè salutem Dei exponit Baptista. Deinde per syncopen alii esse volunt nomen Iesu ex יֵשׁוּעַ quod etiam nomen Hoseæ filio Nunis tribuitur per Mosen, Num. 13. 17. Id quod contractè effertur, Nehem. 8. 18. יֵשׁוּעַ filius Nun. Ideoque Græci LXX. alique Interpretes, non solum contractum hoc, sed etiam integrum similiter enunciarunt ἰσους, ὕλτιμὰ litera, ob asperitatem suam Græcis insolentem, expunctâ, & additâ, ad euphoniâ, Græco more litera σ: quod in N. Testam. similiter observatum. Idem enim filius Nunis vocatur Iesus, Act. 7. 45. & Hebr. 4. 8. Sic etiam summus sacerdos filius Jozadaki integrè vocatur יֵשׁוּעַ: Hagg. 1. 1, 12, 14. & cap. 2. 3. & 5. Contractè verò יֵשׁוּ, seu Iesus, Esr. 3. 2. & 8. & c. 5. 2. & 10. 18. Nehem. 8. 18. ubi obiter mirandum est, interpretem vulgatum atque Hieronymum, contractum pro integro in Haggæo, & contrà integrum pro contracto, in toto Esra & Nehemia, posuisse.

Ad significationem verò quod attinet, Servatorem notare censent & יֵשׁוּעַ nomen formatum ex יֵשׁוּעַ id est, servabit, futuro scilicet secundo hiphil, per anomaliam, integro, Psalm. 116. 6. Alii verò compositum esse varie statuunt. Quidam enim ex יֵשׁוּעַ & litera ו inserta, ut Johannes Reuchlinus, de verbo mirifico, lib. 3. cap. 12. eumque secuti, Andreas Osiander Harmon. Evangelicæ, lib. 1. c. 6. & Martinus Borrhaus comment. in Exod. cap. 6. qui ait significare ἰσους, ὅτι esse notam humanæ naturæ: forte spectavit vocem יֵשׁוּ id est vir, vel יֵשׁוּעַ homo. Nam quæ Reuch. de voce יֵשׁוּ id est igne & ו litera quæ dentem notat, proponit & mysteria esse existimat, meri sunt lusus, ut res ipsa arguit. Cæterum Hebraice legunt יֵשׁוּעַ, & ו insertum statuunt, ut nomen Dei ineffabile, possemus effari, inepta omnino hypothesi. Ideoque novo hoc Paradoxo (quod nul-

la ratione rectâ munitum, nec cum linguæ Hebrææ proprietate convenit) rejecto, alii idem Christi atque filii Nunis & filii Jozadaki nomen esse compositum statuunt ex יֵשׁוּעַ & יֵשׁוּעַ, Esa. 49. 8. vel יֵשׁוּעַ salus, Job. 30. 24. ut יֵשׁוּעַ & similia composita, sicut Euseb. de demonst. Evangelica lib. 4. cap. ultimo exponit ἰσους σωτήριον θεοῦ & ἰσους (id est, ἰσους) Hebræis esse σωτηρίαν. & ἰσους esse ἰσους σωτηρίαν, hoc est, θεοῦ σωτήριον. Sic Hieron. comment. in Hagg. cap. 1. vers. 1. Iesus interpretatur, Domino salus, id est, Domini salus: hoc autem nomen compositum esse ex Dei nomine & salute. Et licet certo Salvatore (ut Hieron. in Matth. cap. 1. exponit) denotet, aliquid tamen amplius significare videtur. Nam cum יֵשׁוּעַ significet Servatorem, quorsum in ejus locum Moses substituit nomen יֵשׁוּעַ Num. 13. 17. si nihil amplius significet? Probabile omnino est, cum antea in circumcissione, alia de causa, nomen esset inditum יֵשׁוּעַ, quod significat Servatorem, mutatum nomen, ut notaretur revera eum esse, per quem Deus salutem externam tribueret, & populum Israëliticum in terram promissam duceret, & devictis Chananæis, possessionem illius quietam daret, quippe prophetica nominis mutatio, novam significationem solet innuere, ut enim Abram (quod patrem excelsum notat, & sine futuri significatione, à patre ipsi inditum erat) divinitus mutatum est in Abraham, id est, patrem magnæ multitudinis, quod pater multarum gentium esset futurus; & Sarai, id est, princeps mea, in Sara, hoc est, princeps, ad rei futuræ indicium: ita & Hosea, id est, Servator (& ut Hieron. loquitur, Salvator) Jehosuah dictus videtur, Domini salus, id est, Servator à Deo missus; quemadmodum etiam Christum ab Esaia & Simeone ita appellari, in primæ sententiæ expositione, ostendimus. Nam quod And. Osiander, loco ante memorato ait, quod Jehosuah, non eum, qui alios servare possit, significet; sed eum, qui cum salutis indigus existat, ab alio salvari debeat, merum est commentum, nulla prorsus ratione nixum.

Cæterum in indice Bibliorum Complut. & editionis etiam vulgatæ, Jehosuah exponitur Dominus (id est, Jehovah) Salvator. Atque ita notaret hoc nomen, & personam Jehovah, & effectum illius beneficium, nempe salutem; eoque modo commodissime quadraret cum Jerem. 23. ubi Christi nomen, Jehovah justitia nostra, proponitur. Si quis autem objiciat, non potuisse Hoseæ filio Nun convenire, neque filio Jozadaki, si ea esset significatio, sed soli Christo: quoniam illi non fuerunt Jehovah, sed Christus verè est Jehovah: dici posset homonymus convenire: Christum quidem sic dici, quod sit Jehovah: reliquos vero, quod professio eorum esset, Jehovah esse Servatorem. Quemadmodum Iozedek, teste Hieron. Tom. 6. Comment. in Hagg. 1. notat Deum justum; quomodo hoc nomen Christo sine ellipsi tribuitur, Jer. 23. Jehovah יֵשׁוּעַ quod LXX. Interpretes contractè enunciant ἰσους: alii vero, cum ellipsi verbi substantivi, Deum Iustitia supple est: ut sit professio ac celebratio Dei. Veruntamen prius videtur simplicius, ut antea exposuimus & rationi aptius, ipse enim servabit populum suum. Quamvis & hoc dici posset, in hisce verbis, & Jehovah denotari, quadam relatione, cum electi omnes vocantur populus Christi, puta tanquam Jehovah creatoris & redemptoris. Interim citra ullam controversiam hoc saltem constat, vocem Iesu, Servatorem denotare. Atque hæc de nomine Iesu.

Ratio vero nominis adjecta ab Angelo, est, ipse enim servabit populum suum à peccatis ipsorum, in qua, ut paucis tantum perstringamus, beneficium & subjectum illius describitur, seu quodnam beneficium, & quibus conferat: eaque ratione, finis nati ac dati Christi explicatur, ad consolationem Iosephi, & totius Ecclesiæ.

Beneficium est, quod servabit, aut potius saluum reddet à peccatis ipsorum. In quo observandum est, unde servet, & quomodo. Unde, à peccatis seu legis Dei transgressionibus, 1. Ioh. 3. 4. & quidem omnibus, tam innatis, quàm enatis, 1. Ioh. 1. 7. Idque præstat solus, Ioh. 14. 6. Act. 4. 12. Idque ratione & meritæ condemnationis, tanquam stipendii peccati, Rom. 6. 23. & Rom. 8. 1. & maculæ seu pravitatis illius inherens, Rom. 5. 19. & 6. 6. Modus verò



vero quo salvos à peccatis reddit, est primò meritum illius, deinde efficacia, per Spiritum, 1. Cor. 6. 11. Meritum est obedientia, ad mortem crucis, Phil. 2. 8. quo, & pœnas, peccatis, ob legis violationem debitas, Deut. 27. vers. 26. pertulit, Gal. 3. vers. 13. & legis justitiam ad amissim observavit, 1 Petr. 3. 18. Roman. 5. vers. 18. Efficacia vero Spiritus sui, cum salutem promeritam, in hac vita inchoat, vocatione, justificatione, sanctificatione; & post hanc consummat glorificatione, Rom. 8. 30. & 1. Cor. 1. 30. Quæ glorificatio, primum est animæ post mortem corporis, Apoc. 14. vers. 13. Deinde corporis per resurrectionem die ultimo, Johan. 14. vers. 3. Phil. 3. vers. 20. & 21. Atque hæc de salutis cum meritæ, tum collatæ, beneficio. Subiectum vero proprium, seu illi quos ita servat, est *Populus Christi*, κατ' ἐξοχὴν dictus. Sunt autem electi ad salutem, per Christum obtinendam, Roman. 11. vers. 2. & quidem omnes Johan. 6. vers. 39. Rom. 8. vers. 29. & 30. ac soli illi, non autem reprobi Joan. 17. vers. 9. qui, quoniam per universum mundum dispersi sunt, hinc filios Dei dispersos, in unum congregare dicitur Christus, Joan. 11. 52. & hi Synecdochicè ob excellentiam, *mundi* nomine intelliguntur, unde Christus dicitur Servator mundi, Joan. 4. vers. 42. hoc est, electorum ex universo mundo, sive ex omnibus gentibus, Apoc. 5. v. 9. Atque hæc stricte de nominis Jesu ratione.

*Illustratio in capitis primi Matth. v. 22. & 23.*

**O** Ratio Angeli, ad Josephum, falsa scortationis Mariæ opinione, divortium meditantem, partim hortationem, ad eam recipiendam, & rationem complectitur, quod illa virtute Spiritus Sancti concepisset ac filium esset paritura; partim verò mandatum imponendi nominis Jesu, & rationem illius, quod populum suum servaturus esset à peccatis ipsorum: quo præstantia ac finis filii concepti, ac nascituri, ad consolationem ac fidem in ipsum, tanquam Servatorem Ecclesiæ, & Christum Dominum, Luc. 2. v. 11. declaratur. Cujus orationis propositæ expositio ad illustrationem, & majorem fidei confirmationem subjicitur vers. 22. & 23. à fine rerum propositarum deducta, videlicet impletionem, seu executionem prophetiæ, de Messia Servatore, divinitus traditæ per Esaiam cap. 7. vers. 14. *Ecce Virgo, &c.* ad cujus loci explicationem, duo cum primis expendenda. Primum à quonam hæc sint dicta; deinde dictorum veritas ac sententia genuina.

De priori autem duplex Theologorum est judicium. Quidam enim, angeli ad Josephum; alii vero Evangelistæ Matthæi, expositionem esse censent. Ac prius quidem proponit Chrysostom. in Comment. ad hunc locum, cum ait: *Ut quod dicitur, facile credatur, in medium Angelus adducit Prophetam.* Quæ sententia, uti clarissimo Junio in parallelis, aliisque nonnullis interpretibus probatur; ita magis videtur probabilis, quam altera, licet vulgò plures habeat assensores. Ratio est, quia opportunior est, ad confirmationem fidei Josephi: Deinde, quia cohæret melius cum sequentibus: Contraque in altera sententia, prolixior parenthesis non necessariò statuitur. Nam quod objicitur: Angelum sua dicta solere simpliciter proponere, non autem testimonio ullo confirmare, facile dicitur. Quia Angeli, uni rationi non fuerunt adstricti, sed pro eorum, quos compellarent, ratione, orationem suam variè temperarunt. Nam ut interdum rem tantum absque testimonio proposuerunt, ut Luc. 2. v. 10. & 11. Sic interdum adhibuerunt nota Dei verba, ut Angelus Luc. 1. 16. & 17. Verba Malachiæ ad Johannem Baptistam pertinere ostendit, & vers. 33. verba Danielis 7. v. 14 & 27. de Christo enunciat. Neque obstat huic rei, quod Prophetæ nomen neutro in loco exprimitur, cum verborum recitatio sufficiat, unde prophetæ memoria reficitur. Quemadmodum etiam Apostoli interdum Scripturæ dicta recensent tanquam nota, sed scriptoris nomen & Scripturæ omittunt, quod ex verbis ipsis satis colligatur. Denique Luc. 24. Angelus Domini, expressè prophetiæ Christi verba, ad resurrectionis fidem mulieribus confirmandam citat, vers. 6. & 7. *Non est hic, sed resurre-*

*xit: Mementote ut locutus sit vobis, cum adhuc esset in Galilæa, dicens: Oportet filium hominis tradi in manus hominum, & crucifigi & tertio die resurgere.* Ac propterea mirandum non est, Angelum verbis Dei per Prophetam Esaiam prolatis, usum: cum illud ad Josephi fidem de Christi conceptione miraculosa firmandam, non minus esset necessarium, quam prophetiæ Christi recensio, ad resurrectionis illius fidem, piis mulierculis adstruendam. Ideoque non temerè, hæc verba, ab Angelo, ad Josephum, prolata esse, apparet. Atque hæc de prima quæstione, nempe à quo hæc verba sint habita.

Altera est, de dictorum veritate ac sententia genuina: quam Judæi recentiores, variis modis oppugnant. Ac primum, expositionem materiæ, quæ tractatur ab Esaiâ, cum hic dicitur: *Hoc autem totum factum est, ut impleretur quod dictum est, à Domino, per Prophetam.* Contendunt enim Esa. 7. in verbis citatis, non esse prophetiam de Messia matre ac conceptione: Multò minus de Maria matre, & Jesu filio, quem Messiam esse negant. Ratio autem eorum est hæc: Quod promissum est Achaso signum, ad confirmationem conservandæ reipublicæ Judaicæ, ab exitio ac dissipatione à rege Syriæ & Israëlitis intentatis, ab Achaso videri, ante ipsam conservationem necesse fuit: aliàs idem non confirmasset. Atqui illa promissio Esa. 7. continet signum tale. Ergo illud ab Achaso videri oportuit. Contra verò Mariæ conceptio, & Jesu Nazareni nativitas, multis post Achasum annorum centuriis accidit. Ergo non potuit ei esse signum liberationis, ipso vivo brevi futuræ. Verum negatur propositio: quia, ut alia omittam, signa ad rem promissam confirmandam, præsentia esse possunt, ideoque efficacia argumenta bifariam: vel oculis corporis objecta: ut Jud. 6. vers. 17. 21. & 37. & c. vel oculis animi, quando verbo Dei sunt proposita: ut licet signa actu ipso sint absentia, ea tamen propter Dei veritatem quasi præsentia censeantur, & fidem non minus quam præsentia confirmant. Sed excipiunt rursus: Adventus Messia nihil facit ad Scopum Prophetæ, nempe confirmationem beneficii corporalis ac liberationis externæ, de qua sermo.

Imò ad eam rem pertinet plurimum. Nam cum ante Messia nativitatem, sceptrum è tribu Juda non sit penitus auferendum, Genes. 49. Sed ipsius gratia conservandum. Ergo reges Syriæ & Israëlitis non poterunt illud sceptrum abolere ac Rempub. prorsus subvertere, ut statuebant ipsi Esa. 7. v. 6. & Achas metuebat vers. 4. Deus verò non futurum promittebat, vers. 7. & signo nativitatis Immanuëlis è virgine comprobavit, quod perstante republica Judaica, secundum antecedentem prophetiam Jacobi notam Ecclesiæ, nativitas illius tandem erat futura: Ideoque rempubl. minimè delendam.

Verum ex ipsis Esaiæ verbis, adversus Evangelistam objiciunt. Primum, promissionem Esaiæ, de conceptione & nativitate filii corrumpi. Eum enim non uti voce *קַיִלָּה* quæ virginem notat sed *קַיִלָּה* quæ vox generatim, *adolescensulam* seu *puellam integram*, aut *corruptam* notat, à *קַיִלָּה* *adolescens*, ut ut *קַיִלָּה* *Regina*, à *קַיִלָּה* *Rex*: Ideoque male Evangelistam vertisse, *in matrem virgo*. Verum, & antecedens, & consequentia negatur. Antecedens, quia ut *קַיִלָּה*, ætatis nomen, generatim, *puellam* significat; *קַיִלָּה* vero integritatem ac virginem, citra discrimen, *adolescensulam*, aut *adultam* significat: Sic *קַיִלָּה* utrumque complectitur ac speciatim *puellam virginem* notat, ut eruditi docent, & usus Scripturæ demonstrat. Sed Judæi, ad suam sententiam confirmandam & Christianorum infirmandam objiciunt locum Proverb. 30. vers. 20. *via viri*, *קַיִלָּה* id est, *In puella*: id quod de corrupta ac scorto dici, ex proximè sequentibus, (*sic via mulieris adultera*,) comprobant. Contra Christiani plerique etiam hoc loco, quem solum producunt Judæi, virginem, sed variè, notari statuunt. Quidam definitè ac certam notari contendunt, nempe virginem Mariam, & virum Christum: quod conceptio ejus sit occulta, atque admiranda. Deinde allegoricè, proverbiorum & prophetarum more, mulieris adulteræ nomine Synagogam Judaicam (ut ita appellatur Esa. 57. vers. 3. Ezech. 16. vers. 5. & Matth. 12. vers. 39.) quæ à Deo recedens, Christum rejecit & condemnavit, ac nihilominus stupendam suam

suam impietatem impudenti fuco texit. Quæ sententia est Lyrani, Proverb. 30. & Pauli Burgensis in additionibus ad Lyrani, Esai. cap. 7. ex Raimundo Martino: quos etiam sequitur Petrus Galatinus de arcanis Catholicæ veritatis, lib. 7. cap. 15. Alii verò, quia hoc subtilius videtur, quam verius, indefinitè, de virgine exponunt: quidam absolute, nonnulli relatè. Absolute de virgine, quæ mansit virgo, & *viam viri in virgine* exponunt artes varias ac rationes, quas vir adhibet, ut potiat castâ virgine: sed frustra. Verùm non videtur illud satis convenire verbis: Non enim dicitur, *viam viri ad virginem* tentandam & obtinendam, sed *in virgine*. Nam quatuor occulta vestigia conjunctionis, comparatè describit: nempe viam aquilæ in cælo, viam serpentis in rupe, viam navis in corde maris, seu in alto mari; & viam viri in virgine. Ideoque alii satius virginem quidem notari, sed relatè, non absolute existimant: de virgine tanquam subiecto agi, cui violatio à viro accidit, eaque demum accedente, tum virgo esse desinit. Quod verò additur, *ita & via mulieris adulteræ*, nihil omninò obstat. Similitudo enim in eo est, quod nec violationis virginis jam peractæ, nec mulieris, quæ modò adulterium commisit, vestigium exterius appareat; quod specie ac professione castitatis tegatur. Ideoque quod nonnulli Interpretes magni, virginem per catharesin metaphoricam, aut periphrasin ironicam, lupam ac scortum impudens, quod se pro virgine venditet, interpretantur, idque ex sequentibus probare conantur, alienius esse apparet. Hæc de prima solutione, per negationem antecedentis nempe vocem *et* non notare quamvis puellam, integram aut corruptam.

Altera solutio est negatione consequentiæ. Quamvis enim *et* generatim significaret adolescentulam; hoc tamen in loco speciatim adolescentulam virginem notare, ut Matthæus exponit & prisca Judæorum Ecclesia indicavit: quia LXX. *μαθήριον* vertunt, & res ipsa evincit, virginem notari, quæ & virgo concepit & virgo peperit. Nam disertè miraculum esse dicitur, ut vers. 14. cum 11. collatus ostendit: ideoque *Eccè*, ad rei mirandæ indicium additur. Atqui si puella viri congressu concipiat ac pariat, nullum est miraculum: Imò nec mirum, sed res ordinaria ac consueta. Ideoque probari non potest viri alioqui cruditi & & orthodoxi Pellicani sententia, qui de puella intelligit, quæ Esaiæ tempore typus fuerit Christi. Ac mirum est, clariss. viros, Bucerum Matth. 1. & Musculum in Esaiam, eò inclinasse.

Sed alterum objiciunt argumentum ex *et* articulo demonstrativo, quo, aut res præsens demonstratur: aut ea cujus in antecedentibus facta est mentio: atqui non est facta mentio ullius puellæ: Ergo intelligitur præsens aliqua, quæ quasi digito indicetur: ideoque non intelligitur Maria Christi mater, quæ primum post aliquot secula erat nascitura.

Verum negatur antecedens, quia *et* (ut *et*, *et*, *et* apud Græcos) semper quidem est articulus, sed non semper demonstrationi ac distinctioni inservit. Nam verbi gratia, Psal. 1. v. 1. *Vir ille*, distinctioni inservit. Sed vers. 4. *improbi & ut gluma*, simplex articulus est, non autem demonstrativus, quasi *illi improbi, illa gluma* intelligeretur. Deinde neque *et* articulus, cum est demonstrativus, necessariò requirit, ut res quam demonstrat, sit præsens oculis; sed sufficit, si præsens sit menti, ac nota. Sic virgo illa Esai. 7. Insignem illam notat, quæ jam antea promissa, in primo illo Evangelio, de semine mulieris, contrituro caput serpentis. Ubi solius mulieris indicio, (ut Galat. 4. v. 4. *factum ex muliere*) patre cariturum, eoque è virgine nasciturum innuitur; & promissa etiam contritio capitis serpentis, seu de Diabolo, hoste salutis nostræ, victoria indicatur. Nam cum omnis homo, secundum naturam à patre genitus, sua vitiositate, serpentis Diaboli imperio subdit, utpote peccato & maledictioni obnoxius, non aliud semen mulieris, quam proxime virginis, ut peccato careret, intelligi potuit: idque Esaias expresse declarat, cum virginem vocat.

Atque hæc ad vindicationem primæ partis prophetiæ: (quæ promissio est conceptionis ac partus virginis) observanda. Altera verò pars est mandatum matri datum de no-

mine Immanuelis, filio imponendo. unde Judæi quartum suum adversus Evangelistam & Jesum Christum argumentum objiciunt, hoc modo: Filii illius, de quo Esaias agit, nomen à matre inditum est Immanuel. atqui Jesu Nazareni mater ei non indidit nomen Immanuelis, sed Jesu. Ergò Jesus Nazarenus non est filius ille, de quo agit Esaias cap. 7. *Pariet filium, &c.* Verùm negatur assumptio. Nam Jesus & Immanuel sunt idem nomen re ipsa, etsi voce ac quadam circumstantia discrepent. idque Esaias intellexit, qui nomen accepit, non pro proprio nomine, sed pro re significata; quod ea filio virginis esset attribuenda. Quemadmodum nomen Messias, ab eodem Propheta, simili loquendi modo, cap. 9. 6. dicitur *admirabilis, consiliarius, Deus fortis, &c.* & Jerem. 23. 6. *Jehova justitia nostra.*

Sed postremò ac quintò regerunt ex verbis seqq. Esai. 7. v. 16. quibus promittitur, fore, ut antequam noverit hoc est, *hic puer*, nempe Immanuel, spernere malum & eligere bonum: utrumque regem, nempe & Syriæ & Israël excisum iri: quod ineptè omninò diceretur, si iste puer demum post multa secula esset nasciturus. Verùm responderetur, Judæos falsa niti hypothesi, cum puerum istum vers. 16. Immanuelem esse pro certo assument. Nam puer vers. 16. memoratus, non est filius ille promissus. vers. 14. nimirum Immanuel; sed aut definitè (ut plerique sentiunt) filiolus Esaiæ præsens, de quo vers. 3. & in eum finem, Deo imperante, à Propheta adductus: aut indefinitè (ut reliquis placet) puellus aliquis, quod, ut ajunt, non dicatur, ut in demonstratione personæ præsentis dici solet *iste puer* iste; ut sensus sit, non poterunt reges, Rezin Syriæ & Pekah Israël (quod moluntur) evertere Rempub. Judaicam; non solùm, quia virginis filius Messias est venturus, propter quem & tribus Juda, & sceptrum illius (seu gubernatio Reipub.) certò, secundum promissionem Dei, Genes. 49. conservanda; sed etiam, quia brevi, uterque ille rex foret excindendus, antequam puellus iste adolescat, ac malum à bono, recto judicio discernere valeat.

Atque hæc ad veritatis Evangelicæ & genuinæ sententiæ Esaiæ contra Judæorum argumenta, vindicationem. Unde superest, ut illud amplius, expositionis Judæorum oppositæ refutatione, illustremus. Expositio autem est triplex, ut ex commentariis in Esaiæ cap. 7. cum Rabbi Salomonis, tum Davidis Kimchi apparet. Prima est, nasciturum filium hic promissum, intelligi Achasi regnantis filium Ezechiam: sed hoc vanum esse demonstrat R. Salomo ex ætate Ezechiz, quæ huic loco non convenit: quod ante regnum patris sui Achasi natus esset, jam annos novem. Hoc enim docet comparatio 2. Reg. 16. 2. & 18. 2. Ideoque nativitas Ezechiz Achazo patri, postquam aliquot annos jam regnarat, promitti verè non potuit.

Quam rationem repetit D. Kimchi in commentariis Esai. 7. & aliam præterea adjungit, nimirum, quod mater Ezechiz hoc est, ut interpretatur, adolescentula dici non potuit, quæ tum annos circiter tredecim fuerat conjugata. Quibus tertiam addit Procopius in Esai. cap. 7. quod nullibi in sacris literis legatur, Ezechiam regem vocatum Immanuelem: quod sanè non fuisset neglectum, si divinitus hoc nomen ei fuisset impositum: quemadmodum exempla & res ipsa demonstrant; quemadmodum *Abraham, Sarai, Israël* & similia declarant. Altera Judæorum expositio ac perversio hujus prophetiæ est R. Salom. sententia, qui vocem *et* adolescentulam uxorem Esaiæ, & Immanuelem filium illius interpretatur, cui firmandæ adfert locum Esa. 8. 3. *accesseram autem ad prophetissam, quæ conceperat, & pepererat filium.* Sed licet Kimchi hanc opinionem primo repetat ac proponat, postea tamen rejicit ac refutat. Primum argumento probabili, quia si uxor prophetæ Esaiæ intelligeretur, vocasset eam non *et* adolescentulam, sed *et* prophetissam ut cap. 8. 3. Deinde argumento necessario, quod Judæa Esai. 8. 3. Immanuelis hujus terra vocetur, eoque modo Dominus illius statuatur: id quod Esaiæ filio minimè conveniat. Quibus & illud addi potest, quod ante ex Kimchi, contra primam expositionem attulimus, quod uxori Esaiæ prophetæ quæ jam antea prolem habebat, Esai. 7. 3. appellatio adolescentulæ (ut *et* interpretatur Kim-



Kimchi) non rectè conveniat. Quamobrem tertiam ac postremam adducit, hunc filium Immanuel designare, Achazi Regis filium, ex aliqua puella nasciturum. Sed hoc non minus vanum est. Nam nullus Achazi filius, præter primogenitum ac regem Ezechiam, fuit Judææ Dominus, quod Immanueli tamen, fatente ac citante Kimchi, contra sententiam R. Salom. attribuitur. Ezechias enim Achazo proximè successit in regno, 2. Reg. 16. v. 20. eique, filius Manaſſe, 2. Reg. 20. v. 21. Denique omnes hæc Judæorum expositiones, eo diluuntur communiter, quod in tribus hisce commentitiis expositionibus, (quibus juvenula ex viro nempe Achazo aut Esaia partus promissus statuitur) nullum sit signum, hoc est, miraculum, seu factum, quod naturæ vires exsuperet; quale tamen eligendum Achazo erat propositum, Esai. 7. 11, 12. & tergiversanti consentaneè promissum, vers. 14. Quod adeò clarum est, ut Judæi hoc negare non audeant, sed nobiscum agnoscant. Atqui nullum est miraculum, sed naturale ac consuetum, si juvenula è viro concipiat. Nam quæ hic signa tradunt, mera sunt commenta, quale est 1. quod quidam (ut Rab. Salomo. narrat, sed non probat) illud signum esse statuunt, quod juvenula hæc dicatur paritura, quæ ad prolem concipiendam erat inepta. Sed unde quæſo hæc inepta conjectura probabitur, cum nullum illius rei extet in Esai. vestigium? Ac, si ea esset mens, non minus declarata esset, quam in historia Saræ & Hannæ observatum. Alioqui quomodo potuisset Achaz signum hoc intelligere, quod nec verbis expressum erat, neque ex iis quæ expressa, per ullam rectam consequentiam percipere potuit? Deinde quod Rab. Salomo in eo statuit signum, quod adolescentula, quæ ante non prophetarat, prophetatura esset, ideoque infra (nempe cap. 8. 3.) prophetissa vocetur: quod nomen, nonnisi prædixit Spiritu sancto, ac prophetico attribuitur. Hæc inquam narrare, refutare est. Nulla enim Esai. 7. 14. Prophetiæ aut prophetissæ fit mentio, ut in ea re miraculum statui posset. Deinde falsa etiam hypothesi nititur, quasi prophetissa, de qua Esai. 8. agitur, eadem esset, cum matre Immanuelis; quod etiam à Kimchi rectè refutatum ostendimus. Præterea quod nonnulli statuunt (& Lyranus Rab. Salomoni tribuit, quod tamen in commentariis illius nondum invenire potui) in eo signum esse positum, quod conceptio & nativitas masculi prædicetur: Id Lyranus ea ratione refutare conatur, quod illa prædictio vires naturæ non excedat, cum & homines periti, certis quibusdam signis, & dæmones hæc prædicere valeant. Verum Burgenſis in additionibus suis ad Lyranum idcirco negat, quod futura merè contingentia, (qualia sunt futura conceptio & certo futura nativitas) sine revelatione divina, soli Deo nota. Quare Lyranus omisso, aptior solutio est, signum miraculosum hoc in loco, non esse positum in revelatione Esaia: sed in re revelata: seu non in rei naturalis ac consuetæ, licet ignotæ (qualis est juvenulæ conceptio ac masculi partus) prædictione; sed in re prædicta, quæ vires naturæ superat. Alioqui quot prophetiæ essent singulares, totidem fingenda essent miracula. Denique absurdum etiam est, quod Kimchi ait, illud hoc loco designari miraculum, quod *filius hic promissus statim à die nativitatis, edet* *secundum notitiam suam, butyrum & mel, & omni rei dulci quam offerent ei, aperiet os suum & accipiet eam: sed si offerent ei cibum malum, renuet eum & ocludet ei os suum, & non delectabitur eo.* Sed hæc nugæ seipsas absurditate sua confutant. Nam quid quæſo miraculi, si infans dulcia naturæ instinctu, non autem judicio appetat; contraria renuat? Deinde Propheta quidem dicit, *comedet butyrum & lac;* sed non addit, *à die nativitatis suæ.* Hoc enim de suo perverse affuit Kimchi. Deinde quod dicitur *ad nosse ipsum,* non notat præsentem in esu notitiam; sed terminum futurum, sive *ad nosse ipsum,* hoc est, *ut norit,* seu potius, *donec ipse ſciat,* ut & idem notet quod *ad usque dum, donec:* Id quod Chaldæus paraphraſtes Jonathan (cujus autoritas apud Judæos quasi divina) ostendit, qui interpretatur *usque dum hoc est quousque norit, seu donec norit:* quemadmodum etiam LXX. Interpretes, *ὡς ἐν ἡρώων αὐτὸν, πρὶν ὥστε ἵπσε νορί.* Atque hoc modo hic Immanuel describitur ab huma-

na natura sua, quod nobis futurus esset similis, quod & nutriendus more reliquorum infantum, & scientia in eo paulatim esset emerſura: ut de Christo etiam asseritur, Luc. 2. 40. & 52. Quare & Kimchi, & reliquorum Rabbiorum expositionem Esai. 7. vers. 14. absurdam, Matthæi verò & Christianorum reliquorum veram esse, seu *מלך* notare Virginem & filium illius Immanuel esse Christum, concludimus.

#### De Immanuelis nomine.

Quoniam illustis Jesaiæ sententia Cap. 7. 14. prædictionem de conceptione & partu Messia è virgine: & mandatum de attribuendo nomine complectitur: ac prius membrum, à nobis explicatum & contra Judæorum oppugnationem asseritum: consequens est, ut ad alterum, nempe mandatum etiam procedamus. In quo duo observanda: Nominis impositio, & illius expressio, seu nomen ipsi imponendum & qualenam.

Ad prius quod attinet, controversia est duplex, partim de genuina verborum Esaia interpretatione ac sensu: partim de verborum Matthæi recta lectione & veritate illius. Nam apud Esaia extat, *וְקָרָא* quod bifariam interpretantur: quidam, & *vocabit*, ut sit 3. pers. scem. sing. per syncope pro *וְקָרָא* sed hæc syncope, sine idoneo exemplo, statuenda non est. Nam si quis forte objiciat, Petrum Mart. gram. lib. 1. cap. 28. in notis ad præteritum, citare *וְקָרָא* & *eveniet*, Deut. 31. 29. illud non est idoneum; quia hoc est pro *וְקָרָא* contracte pro *וְקָרָא* à *וְקָרָא* per *ו* in fine & cum *ו* epenthético, ut à plerisque doctis statuitur, ut in aliis exemplis productorum *ו*: ut *וְקָרָא*. Alii vero sine contractione esse verbum 2. pers. censent, & *vocabis* interpretantur, ut LXX. Interpretes *καλέσεις*, & reliqui tres Græci interpretes (Symm. Aquila & Theodotio) ut Hier. testatur, Esai. 7. & ibidem Procopius & Rabbini similiter exponunt. Sed occurrit vir doctissimus Piscator, in notis suis, non solum in Esai. 7. sed etiam Matth. 1. hoc modo: *וְקָרָא* inquit *vocem Hebræam hic potius accipiendam in persona tertia, quam in secunda, videtur constare posse ex eo, quod litera finalis ו, non habet subjectum punctum Scheva, quod tamen ad formam secundæ personæ requiritur.* Illud inquam Grammaticæ præceptis non convenit. Nam *ו* secundæ personæ scem. sing. in præterito habet quidem scheva expressum, quando consona antecedit: sed nunquam expressum, tantummodo vero intellectum, cum vocalem proximè sequitur. Nam scheva in fine non exprimitur, nisi in *ו*, aut duplici consona, ut consensus Grammaticorum & experientia exemplorum docet. Quare simplicissimum ac grammaticæ maximè consentaneum, vocem Hebræam hanc significare, & *vocabis*, licet Hieron. in Esai. 7. dicat, *verbum וְקָרָא quod omnes interpretati sunt, vocabis, potest intelligi & vocabit, quod ipsa scilicet virgo, qua concipiet & pariet, vocabit.* Sed cum persona secunda non exprimitur, quidam ad domum Davidis, quam compellat Propheta vers. 13. referunt, ut Cyrill. & Hieron. in Esai. ait: *vocabis tu domus David.* Sed obstat constructio, quia domus Hebræicè est masculini generis: *וְקָרָא* vero scemini. Idcirco Hebræi Rabbini ad matrem referunt, tu *וְקָרָא* quæ plurium sententia est. Ad Matth. verò quod attinet, duplex est lectio, una est ut legamus, *καλέσεις & vocabis*, altera est *καλέσεις & vocabunt.* Priorem habet unum tantum exemplar manuscriptum Italicum Roberti Stephani, & Henricus Stephanus eam sequitur, in editione Nov. Testamenti, Anno 1576. eamque sequitur Beza ac probat, & nostra Belgica versio, sed ad marginem addit posteriorem. Alteram verò lectionem, ponunt reliqua omnia Roberti Stephani exemplaria manuscripta & editiones variæ & Syrus interpres. Deinde patres antiquissimi. Hinc Justin. contra Tryph. Judæum in citatione Esai. cap. 7. pro *καλέσεις* habet *καλέσεις*, pag. 226. edit. Commel. & impersonalis verbi vi expressa, pro *καλέσεις*, *καλέσεται.* pag. 203. & Orig. contra Celsum. Tom. 1. pag. 27. editio. Græcæ. Idque inde factum videtur, quod ex Matthæo ita sint interpretati. Deinde Epiph. in Ancorato, & *vocabunt*, inquit, *nomen ejus Immanuel.* Non enim dixit, *vocabo*, sed *vocabunt.* & Chrysost. Matth.

Matth. 1. disertè ait, *καὶ εἶπεν καλέετε, ἀλλὰ καλέουσι, οἱ ὄχλοι, τῆς τῆς, ἢ τῶν φρασμάτων ἑκάστης. Non dixit vocabi, sed vocabunt, hoc est, turba & eventus rerum.* & Hieron. ad eundem locum Esai. 7. ait, *in multis testimoniis, quæ Evangelistæ, vel Apostoli, de libris veteribus assumpserunt, curiosius attendendum est, non eos verborum ordinem secutos esse, sed sensum, unde & in presenti loco, pro concipiet in utero, Matthæus posuit in utero habebit, & pro vocabis, vocabunt.* Sed objici posset iudicium Procopii Gazæ, Sophistæ Christiani, qui in expositione, Esai. 7. ait, *καλέετε λέγει, ἀλλ' ἔ καλέουσιν, ὡς ἐσφαλμένως ἐν εὐαγγελίῳ ἐγράφη, καὶ γὰρ ἐβραϊκόν, ὅτε τις ἕτως ἐξέδωκεν.* hoc est, *dicis vocabis, non autem vocabunt, ut vitiose in Evangelio scriptum est, non enim Hebraicum, neque quisquam (scilicet Interpretum) ita edidit.* Sed hæc firmant potius antiquam lectionem καλέουσι vocabunt. Nam agnoscit disertè ita in Evangelio scribi, non autem aliam lectionem in usu esse indicat. Neque propterea corrigendum est, ut arbitratur, etsi apud Esai. non sit *vocabunt, sed vocabis*: quia sensum expressit Evangelista, non verbum, ut Hieron. ante monuit. Nam quod Esaias ad matrem ait, *vocabis*, eo non excludit, sed potius includit etiam Ecclesiam; quæ nomen hoc inditum à matre merito usurparet: Sic cum Matthæus ait, *vocabunt*, matrem non excludit, sed simul comprehendit hoc sensu, vocabunt, nempe Maria & Ecclesia eam secuta. Ac propterea genuinam lectionem Matthæi esse hoc loco καλέουσι vocabunt, nequaquam videtur dubitandum, præsertim cum lectio vocis καλέουσι unico tantum exemplari manuscripto nitatur, ut ex Rob. Steph. Nov. Testament. majori forma excuso apparet: Cujus vetustas patribus non est conferenda, nec reliquis omnibus manuscriptis codicibus præferenda: eaque lectio videtur ex Procopii opinione ac censura in locum antiquissimæ ac genuinæ, à librario substituta.

Cæterum nomen IMMANUELIS non simpliciter vocatum, & vocis & sensus ratione simul, sed secundum quid, ratione sensus, res ipsa docet: quia cum voce JESUS, significationis forma convenit, etsi circumstantia variet. Sed quænam ejus sit significatio, sententiæ Theologorum discrepant, quas breviter expendemus. Quidam enim eo nomine (ut veteres patres, Chrysost. ad hunc loc. & imprimis Cyrillus de incarnatione unigeniti cap. 2.) personam Christi seu Θεάνθρωπον notari putant, ut idem sit, 1. Tim. 3. 16. *Deus patet factus in carne.* Johan. 1. 14. *Verbum caro factum*: connotari verò per consequentiam, Servatorem; quod hæc sit proprietas Θεάνθρωπου. Contra vero alii beneficium illius notari censent, quod is sit, qui efficit, ut Deus sit nobiscum, seu nobis propitius, quod nos propter peccatum à Dei gratia separatos Esai. 59. reconciliat ac servet, ut cum nomine Jesu conveniat: Connotari tamen, consequentiæ ratione, personam; quia hoc præstare non meri hominis est, sed Dei. Denique quidam utrumque distinctè notari censent, prius, Θεάνθρωπον, cum filius virginis vocatur Deus: posterius, cum additur, *nobiscum*, hoc est, qui adiutor est, ut Esai. 43. 5. *Ne metuitis, Deus est tecum.* Num. 14. 9. *Iehovah nobiscum est, ne metuite eos.* Sic hoc in loco adiutor notatur, & quidem κατ' ἐξοχὴν Servator à peccatis, à pœna & labe peccati nos liberans, ut Jerem. 23. 6. Nomen ejus dicitur *Iehova justitia nostra.* Quæ sententia quemadmodum uberius ac simplicior est, prioribus (quas simul apertè complectitur) videtur præferenda.

Sed objicitur à nonnullis, huic expositioni obstare nomen Jesu: quod idem significatione esse oportet, cum voce Immanuel; ut veritas, & prophetiæ, & citationis illius constet. Atqui nomen Jesu ex interpretatione Angeli non notat Deum; sed tantum Servatorem: ideoque & Immanuelem hoc tantum significare expresse. Verum assumptio negatur: quia Angeli interpretatio utrumque notat, consequentia clarissima duplici. Primum, cum ait, *servabit à peccatis*, id quod solius Dei proprium: Esai. 43. 11. & 25. Deinde cum ait, *populum suum*, quo denotatur ipsum esse Ecclesiæ Dominum, ac propterea verum Deum, quod eam creavit & elegerit, ut Heb. 3. 3, 4, 6. Ac sufficit, hæc duo, Jesu & Immanuelis nomina convenire sua forma, sive sensu, etiamsi significationis modo differant. Ac propterea

frustrà Evangelistæ à Propheta dissensionem objectant Judxi.

Atque hæc de nomine Immanuelis.

*De Mariæ matris Iesu virginitate, ad vers. 24, & 25. Illustrationem.*

Certum est ex antecedenti Esaiæ testimonio, vers. 23. Explicato, Mariam Jesu Christi matrem, & in conceptione, & in partu extitisse virginem: sed an post partum virgo permaneret, olim fuit controversum. Siquidem nonnulli hoc negarunt, ut illi, qui, cum alibi, tum in Arabia imprimis, quod Mariæ honori essent adversarii, Antidicomarianitæ dicti, ut Epiph. de hæresib. hæres. 78. pag. 436. editio. Græcæ Basil. & ex eo August. de hæresib. hæres. 56. E quorum numero fuit Romæ Helvidius, cujus librum Hieron. tum Romæ etiam degens, scripto confutavit, quod 2. oper. illius Tomo extat. Argumenta autem Helvidii, ex hoc capite petita, sunt tria primaria, quorum primum ex vers. 24. *Iosephus accepit uxorem suam*, tale est; Maria non solum desponsata vers. 18. sed etiam uxor Iosephi vers. 20. & 24. vocatur. Ergò Iosephus cum ea rem habuit. Sed negatur consequentia; quia omnis desponsata est uxor: ut Deut. 22. docetur. Nam quæ vers. 23. desponsata: eadem disertè, uxor, vers. 24. vocatur: Siquidem, ut vulgo rectè dici solet, conjugium non concubitus, sed consensus (seu desponsatio) facit. Sed regei potest, concubitus esse conjugii officium, Gen. 1. 28. & 2. 24. Deut. 20. 7. & ad illud, desponsatione factâ, Iosephum & Mariam fuisse mutuo obstrictos, 1. Cor. 7. v. 5. Verum officii illius exceptio una est, nisi conjuges communi consensu ab eo abstineant: & incontinentia non obstat, sed continentia dono sint præditi: ut eodem in loco, ad Corinth. docetur.

Alienus verò est quod August. Tom. 6. de sancta virginitate cap. 4. ait, Mariam vovisse virginitatem. Quod enim ejus rei probandæ, producit Lucæ verba, cap. 1. 34. *Virum non cognosco*, nihil probat: quia ea verba votum nullum continent. Alienus verò etiam est quod à Gratiano adfertur, decret. part. 2. causa 27. quæst. 2. canone *Beata*; quasi ex Augustino traditum: *Beata virgo Maria proposuit se servaturam votum virginitatis in corde, sed ipsum votum virginitatis non expressit ore, subiecit se divina dispensationi, dum proposuit se perseveraturam virginem, nisi Deus ei aliter revelaret. Committens ergo divina dispensationi consensit in carnalem copulam: non illam appetendo, sed divina dispensationi in utroque obediendo. Postea verò cum filium genuit, quod corde conceperat, simul cum viro labiis expressit, & uterque in virginitate permansit.* Hæc ille. Altera porò, officii ante memorati, exceptio est, nisi Deus extra ordinem, aliud statuat; quemadmodum hac filii Dei conceptione & partu intercedente contigit, & ad reverentiam Mariæ & filii, & ne partus virginis in dubium, specioso prætextu, vocari posset, requirebatur. Si quis regerat, nulla igitur hujus desponsationis fuit utilitas: Hieron. contra Helvidium eleganter dissolvit. Cum ait: *Si cui autem scrupulus commoretur, quare desponsata & non potius sine sponso, sive, ut Scriptura appellat, marito, virgo conceperit, sciat triplicem fuisse rationem.* I. *Ut per genealogiam Ioseph (cui Maria cognata erat) origo quoque Maria monstraretur.* II. *Ne juxta legem Moysis ut adultera lapidaretur à populo.* III. *Ut ad Egyptum fugiens haberet solatium custodis potius, quam mariti.* Hactenus Hieron. & argumenti primi vers. 24. solutio.

Reliqua vero duo, ex vers. 25. petita sunt: unum ex voce *ἕως*, hoc est, *quousque vel donec*; alterum ex voce *primogeniti*. Secundum enim argumentum, hoc est; Iosephus non cognovit Mariam quousque peperisset: Ergò post partum cognovit. Sed negatur consequentia. Nam vox *ἕως quousque*, non necessario, rei affirmatæ vel negatæ ultimum terminum notat; quasi postea contra evenerit; id quod illustribus utriusque Testamenti exemplis evincitur. Quale imprimis, quod à Theologis adduci solet, 2. Sam. 6. vers. 23. *Ipsi non fuit proles usque in diem mortis*: Quis autem sanus ex eo inferat: Ergo post mortem fuit ei proles?

Deinde

Deinde Deut. 34. 6. *Nec quisquam novit sepulchrum Moſis uſque in diem hunc* : An ideo poſtea quisquam novit ? Sic Matth. 5. 18. *uſque dum praterierit cælum & terra, tota unam aut unus apex nequaquam praterierit ex lege, uſque dum omnia facta fuerint* : non propterea tamen præteribit ; quia lex Decalogi ſeu charitatis, (de qua Chriſtus agit) citra controverſiam eſt æterna. Et c. 28. 20. Chriſtus aſſerit, ſe cum Apoſtoliſ eſſe, uſque ad conſummationem ſeculi : nec poſtea tamen cum iis eſſe deſinet : imò pluribus modis adfuturus Matth. 19. 28. Joan. 14. 3. Denique, ut alia (brevitatis cauſa) omittam, 1. Tim. 4. 13. *Quoſque venero, lectioni attende* : nec tamen poſtea ab ea abſtinendum. Quare ſatis ſuperque ex hiſce liquet, vanum eſſe ex voce *uſque* argumentum. Tertium argumentum eſt, Maria peperit primogenitum : Ergò non unigenitum, ſed alios, aut alium ſaltem peperit poſtea. Sed negatur conſequentia ; quia *primogenitus* relatè ad antecedentem, non ad ſequentem dicitur, eſtque iſ, ante quem nemo genitus ; quemadmodum primus iſ eſt, ante quem nullus. Sicut Deus primus & ultimus dicitur, Eſa. 44. 6. & 48. 12. quod nec ante eum nec poſt eum ullus. Idque Scripturæ definitio & uſus evincit. Nam ut rectè adverſus Helvid. Hieron. ait : *Deſiſſit ſermo Dei quid ſit primogenitum ; omne* (inquit) *quod aperit vulvam* : locus autem extat Exod. 13. 2. & 34. 19. 20. & Num. 8. 16. 17. quæ Moſis verba, etiam ad Chriſtum primogenitum referuntur, Luc. 2. 23. Sed poſtremo excipitur, eſſi non omnis primogenitus habeat poſt ſe genitum, Jeſum tamen habuiſſe, ex Scripturæ interpretatione demonſtrari. Ea enim fratres illi tribuit Matth. 12. 46. & Actor. 1. 14. imò nominatim etiam recenſet, ut Jacobus Apoſtolus, Gal. 1. 19. *Frater Domini* vocatur, & Jacobus, Joſes, Judas, & Simon, fratres illius appellantur, Matth. 13. 55. & Marc. 6. 3. Verum negatur conſequentia : quia nititur falſa hac hypotheſi, quod *fratrum* vox, non niſi eos notet, qui ab eodem patre proximè ſunt geniti : quales Cain & Abel, Jacobus & Johannes Apoſtoli : cum contra in ſacris literis ſæpe pro iis, qui non proximè, ſed remotè ab eodem patre ducunt originem, hoc eſt, pro cognatis, uſurpetur. Quemadmodum Loth, filius fratris Abrahami, Genef. 12. 5. vocatur illius frater, Gen. 13. 8. & cap. 14. 14. Quemadmodum etiam Laban, Jacobum ſororis ſuæ filium appellat fratrem, Gen. 29. 15. & Jacobus cognatos ſuos fratres ſimiliter nominat, Gen. 31. 39. Imo Hieron. adverſus Helvid. Tom. 2. hujus vocis homonymiam indicat, & ſtriſſim his verbis complectitur : *Quatuor modis in ſcripturis divinis fratres dici, natura, gente, cognitione, affectu* : & exemplis illuſtrat.

Cæterum, quomodo fratres Chriſti & quinam dicantur, diverſa ſunt veterum judicia. Nam primum Epiph. de hæreſibus contra Antidicomarianitas Heret. 78. tradit, filios Joſephi, hac voce fratrum Chriſti intelligi, quos ſc. ex priori ſua conjuge genuerat : eoſque eſſe Jacobum, Joſen, Judam & Simonem : fratres vero Chriſti dictos non naturæ, ſed communis educationis, in eadem familia, ratione. Qualia nonnulla etiam ſcribit Hæreſ. 28. contra Corinthianos & 29. contra Nazoræos. Sed hæc reſponſio aliena eſt. Nam quod de priore Joſephi conjuge dicitur, hoc nullo documento comprobatur : multò minus, hoſce quatuor fuiſſe Joſephi filios, cum alterius fuerint, ut oſtendimus. Altera vero genuina ſententia eſt Hier. & aliorum, qui fratres Chriſti, cognatos designare ſtatuunt : ut exempla demonſtrant. Nam Jacobus apoſtolus, qui Gal. 1. 19. *Domini frater*, vocatur, fuit non Joſephi, ſed Alphæi filius Matth. 10. 3. & Jacobus minor, relatè ad Jacobum majorem natu, filium Zebedæi, diſtinctionis cauſa, Marc. 15. 40. appellatur. Cujus unus frater, diſtinctè à Iuda Iſcariote, dictus Luc. 6. 16. & Actor. 1. 13. Iudas Iacobi, ſc. frater : ut in epiſtola Iudæ v. 1. exprimitur, & Lebbæus ac Thaddæus etiam cognominatus, Matth. 10. 3. quemadmodum apud Hebræos multi duo, triave habuerunt nomina. Alter deinde hujus Iacobi frater, fuit Iofes : quemadmodum horum trium communis mater, Maria nomine, Matth. 27. 56. quæ matris Chriſti ſoror fuit, ut apparet ex Ioh. 19. 25. Tertius Iacobi frater fuit Simon, Matth.

13. 55. qui ad diſtinctionem Simonis Petri, cognomine ſuo Cananites, Matth. 10. 4. & Luc. 6. 15. & Actor. 1. 13. *Κανανίτης* appellatur. Ac præter hoſce Chriſti fratres, hoc eſt, cognatos, credentes in Chriſtum, atque Apoſtolos, Jacobum, Judam, Simonem, Luc. 6. 15, 16. (Nam de Joſe, quarto inter Chriſti fratres, hoc eſt, cognatos, an crediderit nec ne, nihil legitur) fuerunt etiam alii fratres (hoc eſt, cognati dicti) qui illis credentibus, Ioh. 6. 69. nondum credebant, Ioh. 7. 3. 5. Quare perperam ex fratrum Jeſu Chriſti appellatione, uterinos fratres habuiſſe, eoque Mariam matrem ipſius, poſt partum, non permanſiſſe virginem, concluditur. Quare hoc primum, certiſſimo fidei erga Dei verbum iudicio, ſtatuendum, Mariam concepiſſe & peperiſſe virginem : quia hic fidei articulus clara verbi Divini revelatione patefactus eſt. Deinde verò quamvis ſacris literis non ſit declaratum, an poſt partum, perpetuo manſerit virgo : an verò ordinaria conjugii lege, à Joſepho fuerit tandem cognita : neque notitia illius ad ſalutem ſit neceſſaria : charitatis tamen iudicio (quæ in rebus dubiis de proximis ſuis, maxime decora & conſentanea credit, 1. Cor. 13. 7.) non temere, perpetuò fuiſſe virginem, ab Eccleſia Chriſtiana creditur : Quia (ut antè indicavimus) cum Joſeph fuerit vir prudens ac pius : ac ſimiliter Maria virgo : virginitas illius conſervata eſt : primum ob reverentiam erga filium Dei, qui ex Maria naſci voluit, ſibi que eam conſecravat : deinde ad ſcandalum blaſphemix Judæorum præſcindendum : ſiquidem ſpecioſe ſatis, potuiſſent ex ſequenti Joſephi congreſſu, antecedentem concludere, ac Jeſum ab ipſo genitum exprobrare : ideoque non è virgine, ſed ex deſſorata natum. Deum autem iſdem de cauſis utriusque & Joſepho & Mariæ, continentix donum tribuiſſe, conſentaneum eſt. Neque opus eſt, ut ad continentix Joſephi fidem majorem, cum Epiphanio contra *ἀντιδοκμαριανίτας* conjiciamus, Joſephum, cum deſponſaretur Mariæ, fuiſſe valde proveſta ætate ac fortaiſſis octogennarium aut ultra. Deinde etiam, quod veterum quidam perpetuam matris Jeſu Chriſti, poſt partum etiam virginitatem ſacris literis definitam ſtatuunt, illud non demonſtrant ſolidè. Proferunt quidem Ezechielis dictum cap. 44. 2. *Porta hac clauſa eſto, non aperitor, nec quiſquam ingreditur per eam, quia Iehovah Deus Iſraelis ingreſſus eſt per eam. Eſto igitur clauſa.* Sed hoc à re propoſita alienum eſt. Nam quomodo probabunt, portam hanc clauſam eſſe virginem Mariam, & ingreſſum, conceptionem notare ? Et licet Hieron. non improbet, cum, ſua primum poſita ſententia, tandem ſubjicit comment. in Ezech. c. 44. *Pulchre quidam portam clauſam ſemper (quam ſolus Deus Iſrael ingreditur, & dux cui porta clauſa eſt) virginem Mariam intelligunt, quæ & ante partum & poſt partum virgo permansit* : Illud tamen minus recte fieri, res ipſa arguit, quæ typo externi templi Eccleſiam : & principis ſeu ſummi ſacerdotis & aliorum ejus ſubditorum miniſtrorum officiis, Chriſtum ſummum ſacerdotem & Eccleſiæ miniſtros, ei ſubditos, munere ſuo utrimque functuros, diſtinctè ſignificat.

Atque hæc de virginitate Mariæ ad capitis 1. verſ. 24. & 25. illuſtrandum diximus.

## C A P U T II.

*Queſtio prima de verſu 5. & 6.*

ILLuſtris ſententia eſt, quam Matthæus, c. 2. 6. ex Michæ c. 5. 2. commemorat. In qua urbs natalis Meſſiæ, Bethlehem laudatur, & perſonæ Meſſiæ, munerisque excellentia, ad Eccleſiæ conſolationem continetur. Siquidem Bethlehemi encomium proponitur primum modo generali, deinde ratione ſingulari exponitur ac confirmatur à Meſſiæ nativitate. De quibus duabus partibus controverſia eſt, inde à priſcis temporibus celeberrima, eaque gemina. Nam & de prioris veritate, & de poſterioris ſenſu genuino diſceptatur ; quarum recta explicatio, ad Euangelistarum authoritatem & Chriſti gloriam vindicandam, neceſſaria eſt. Quocirca non erit alienum, ſi de hiſce

hiscē tantopere controversis, pro modulo nostro, paucis differamus.

Prior autem pars, est propositio generalis encomii Bethlehemi, quæ his verbis continetur: καὶ σὺ Βηθλὲμ, ὡς ἰσὰς, ὡς ἀμῶς ἐλαχίστη εἶ ἐν τοῖς ἡγεμόσιν Ἰσραὴλ. *Et tu Bethlehem terra Iudæ, nequaquam minima es inter duces Iudæ.* Cujus sententiæ subiectum & adjectum prædicatum, expendenda. Subiectum est, de quo sermo: *Et tu Bethlehem terra Iudæ.* Bethlehēm autem vox Hebræa est, composita ex בֵּית id est, domus, & לֶחֶם panis. Hinc Græci patres (ut Athanas. Tom. 2. quæst. ad Antiochum) οἶκον τῆς ἀρτης & Hieron. aliique Latini, domum panis interpretantur. Quod nomen videtur inditum, à loci fertilitate. Et patres in nominis huius impositione, aliquid mysterii statuunt: quasi significaretur, fore, ut Messias, panis ille vitæ Joh. 6. 51. inde oriretur, quod mysterium uti non est certum; sic concinna tamen est similitudo. Bethlehem autem ejus nominis urbs, fuit duplex, una in tribu Zabulon, Jos. 19. 15. Altera in tribu Juda: unde ut à priori distingueretur, interdum additur nomen Synonymum Ephrata, ut Mich. c. 5. 2. & Gen. 48. 7. exprimitur, *via ad Ephratam, ea est Bethlehem.* De quo Hieron. Mich. c. 5. ad v. 2. ait: *Ephrata in lingua nostra sonare καρποφόρον, uberem atque frugiferam, & id ipsum ostendere in mysterio, quod & domus panis, quasi à βῆ id est, fructum ferre, vox Ephrata derivaretur.* Interdum etiam ad vocem Bethlehem additur Judæ, ut Iud. 19. 1. & quia in ea urbe natus est David, *civitas David*, periphrasi opportuna appellatur; ut Luc. 2. 4. *in urbem David, quæ vocatur Bethlehem.* Quo etiam modo hic Bethlehem terra Iudæ, appellatur, quod ad tribum Iudæ, non autem Zabulon pertineret. Neque obstat, ut nonnulli putant, quod urbs hæc non fuerit regio Judæ: quia terra, non modo regionem aliquam, magnumque terræ tractum notat, in qua Synecdoche est: sed & quamvis partem illius, seu generatim, solum quodvis; ut cum dicitur, *cadere in terram*, & similia multa. Quod autem objicitur discordia huius loci à propheta Micha, quod non scripserit, *Bethlehem terra Iudæ*, sed *Bethlehem Ephrata*: in eo inquam discordia non est. Nam diversis verborum circumstantiis, res eadem utrumque dicitur. Nam Ephrata est terra Judæ, & utrumque urbem Bethlehem describit ac distinguit. Quare paraphrastica est verborum Prophetæ citatio. Nam cum dixit Bethlehem Ephrata, expresse eo etiam indicavit, esse terram Judæ, quod in ea sola sit Ephrata. Ac videtur omnino, quia nomen Ephrata, Herodi, tanquam antiquum nomen, potuisset esse obscurius, idcirco descriptionem clariorem ejus loco substitutam.

Atque hæc de subiecto propositionis, nempe Bethlehem terra Judæ. Adjunctum verò prædicatum, continet encomium illius generale, per comparisonem propositum hisce verbis, ὡς ἀμῶς ἐλαχίστη εἶ ἐν τοῖς ἡγεμόσιν Ἰσραὴλ, hoc est, *nequaquam minima es inter duces Iudæ.* De quibus verbis gravior est controversia, quomodo ea cum prophetæ verbis conveniant. Sic enim objicitur: Quicquid negat illud ipsum, quod Propheta Micha affirmat, illud veritati divinæ repugnat. Atqui hæc Matthæi verba negant, quod Propheta Micha affirmat. Ergo divinæ veritati repugnant. Matthæus enim ait, *tu non es minima inter duces Iudæ*; contra verò Propheta Micha affirmat, *tu es minima inter duces Iudæ.* Nam Hebraïsmus est (ut ab eruditis interpretibus rectè observatum, nominatim verò à clariss. Drusio in parallelis) *parva in ducibus*, hoc est, inter duces, pro minima inter eos; ut etiam Petrus Martinus rectè in Syntaxi c. 5. ad finem docet, ὃ præpositionem, superlativum nonnunquam designare. Cujus difficultatis objectæ solutionem, priusquam adferam, operæ pretium est, ni fallor, si memorabilem ac mirabilem Hieronymi ea de re explicationem, è duobus locis præmiserō. Primus locus extat, Tom. 2. ad Pammachium, de optimo genere interpretandi: *Quanta, inquit, est inter Matth. & Lxx. verborum ordinisque discordia, sic magis miraberis, si Hebraicum videas, in quo ita scriptum est: Et tu Bethlehem Ephrata, parvulus es in millibus Iudæ, ex te mihi egredietur qui sit dominator in Israël. Considera gradatim, quæ ab Evangelistâ sunt posita; & tu Bethlehem terra Iudæ: pro*

terra Judæ, in Hebræo est Ephrata; in Lxx. domus Ephrata, & pro nequaquam minima es in ducibus, in Hebræo, Parvulus es in millibus Iudæ. Sensus contrarius est. Lxx. sibi, in hoc duntaxat loco & Hebræo concordante. Evangelistâ enim dixit, quod non sit parvulus in ducibus Iudæ, cum è regione sit positum, parvulus quidem es & modicus: sed tamen de te mihi parvulo & modico egredietur dux in Israël. Porro quod sequitur, qui regat vel qui pascat populum meum Israël, aliter in propheta esse perspicuum est. Hæc replico, non ut Evangelistâ arguam falsitatis; (Hoc quippe impurum est Celsi, Porphyrii, Iuliani) sed ut reprehenses meos arguam imperitia & impetrem ab eis veniam, ut concedant mihi in simplici epistola, quod in Sacris literis, velint nolint, Apostolis concessuri sunt.

Alter locus est in comm. Mich. c. 5. ver. 2. In Evangelio secundum Matthæum, inquit, cum Magi, &c. Respondisse narratur in Bethlehem terra Iudæ, qui Propheta testimonium addentes dixerunt: *Et tu Bethlehem, &c.* quod testimonium nec Hebræo, nec 70. Interpretibus convenire, me quoque tacente perspicuum est, & arbitror Matthæum (volentem arguere Scribarum & Sacerdotum erga divinam Scripturæ lectionem, negligentiam) sic etiam posuisse, ut ab iis dictum est. Sunt autem, qui asserunt, in omnibus penè testimoniis, quæ de Vet. Testament. sumuntur, istiusmodi esse errorem, ut aut ordo mutetur aut verba, & interdum quoque sensus ipse diversus sit: vel Apostoli vel Evangelistæ non ex libro carpentibus testimonia; sed memoria credentibus: quæ nonnunquam fallitur. Hæc Hieron. minus sanè iugis. Ut autem jam expositis difficultatibus, syllogismo objecto respondeam, assumptio falsa est bifariam. 1. Quia ista verba, à Matth. quidem, ut ab aliis prolata, ita fideliter recitantur, prout historiæ lex postulabat: non autem suo ipsius nomine, aliorum dictis firmandis apposuit, quemadmodum orationis series ostendit. Nam de primariis sacerdotibus & scribis narrat, vers. 5. hoc modo. *Illi vero dixerunt ei: in Bethlehem Iudæ, sic enim scriptum est.* Atque ita loco jam citato Hier. agnoscit, cum dicit, *qui* (nempe primarii sacerdotes.) *Propheta testimonium addentes dixerunt, &c.* Neque ulla ratio contrarium probare potest. Quare si quid vitii esset, in hac citatione prophetæ, illud citantibus essettribuendum, non verò Evangelistæ, id de iis narranti; alioqui plurima, quæ recitantur in utroque Testamento, à multis sceleratè dicta, historiæ sacre & Prophetis atque Apostolis essent affingenda; cum ab historico tantum fides in aliorum dictis aut factis narrandis sit exigenda; eorum autem iustitia aut iniustitia authoribus suis adscribenda. Nam quod Hieron. ad Pamm. contrarium Evangelistæ & Prophetæ sensum asserit, à viro pio impiè dicitur, licet falsitatem esse neget, sc. quod errore memoriæ factum est, non autem malitia ac fallendi studio, ut ex Comm. ad Mich. cap. 5. apparet. Nam licet aliam expositionem promittat in his Comment. hanc tamen sub aliorum nomine sic recenset, ut nullo modo damnet tanquam impiam, ut Eras. etiam in annotationibus ad Matth. cap. 2. observavit. Ac mirum est, virum doctiss. Eras. tam graviter impigisse, ut in profanam hanc sententiam inclinaret; cum ait de Hieronymo. *At falsitatis crimen abominatur in Evangelistâ, τὸ μνημονικὸν ἀμάρτημα non item.* Neque enim continuo forte vacillet totius Scripturæ autoritas, sicubi variant vel in verbis vel in sensu, modo summa constet earum rerum, de quibus agitur & unde cardo pendet nostra salus: &c. Sanctius longè Ludo: Vives in annot. in Augustin. de civit. Dei, Lib. 8. cap. 30. ait: *Ita Spiritui S. errorem impingi.* Et rectè. Nam cum tota S. Scriptura sit θεόπνευστος, in ea scribenda omnem abesse errorem necesse est, non solum malitiæ ac fallaciæ; sed etiam memoriæ. Quia Spiritus sanctus eam non solum Prophetis & Apostolis dictavit: Sed etiam in scriptione illius direxit: Adeoque, ut omnino, tanquam vera ac divina, fidem mereatur; unde fundamentum Prophetarum & Apostolorum, cui superstructa est Ecclesia, eorum doctrina, Eph. 2. 20. eoque & Scriptura appellatur.

Deindè quam quæso indignum est, eam attribuere Apostolis negligentiam, quasi Scripturæ consideratione omissa, temerè, fallaci memoriæ credentes, in ejus citatione à veritate aberrassent? Hæc enim non est Apostolorum excusatio iusta; sed iniusta ac prophana adversus eos accusatio.

Quare



Quare assumptio objecta, nullo modo concedenda est, sed neganda simpliciter. Primum, quia hæc verba non sunt Matthæi, sed aliorum. Quoniam ea, fide historica narrat, à primariis sacerdotibus & scribis, Herodi relata: non autem suo nomine proponit. Ideoque verba Euangelistæ dicenda non sunt; nec si quid in iis esset erroris, illius esset culpa. Secundò falsum etiam est, hisce verbis (sive ea sacerdotum, sive Matthæi statuamus) illud negari, quod Michæ Propheta affirmat: quia; *Tu non es minima*, & *tu es minima*, videntur opposita: sed non sunt hoc in loco. Siquidem in verè oppositis, citra controversiam, hæc conditiones necessario requiruntur; nempe ut idem prædicatum, de eodem subjecto, secundum idem, hoc est, eandem subjecti partem, ad idem, hoc est, relatè ad idem objectum, & eodem tempore affirmetur & negetur: alioqui non est oppositio. Atqui in objectis hisce Michæ & Matthæi verbis conditiones hæc omnes non extant: Primum, quia ut Matthæus negat, sic & Michæ, etsi modo differant; quod ille, negatione expressa, paraphrasticè ad maiorem perspicuitatem; hic verò, per ellypsin, interrogationis schemate, negatione suppressa. *Es tu minima?* quasi diceret, nequaquam minima es; idque subjecta ratio arguit; *Ex te mihi egredietur dux*, quale schema, Joh. 6. 68. *Ad quem ibimus? verba vita aeterna habes*. Hoc est, ad nullum ibimus, quia verba vitæ habes. Atque ita intellexerunt hanc concordiam utriusque Veteres multi. Nam etsi LXX. Interpretum exemplaria antiqua quædam habeant *ὀλιγος* *minima*, sine expressa negatione: Intellectam tamen non excludunt. Et, ut in notis ad editionem græcam Romanam, LXX. Interpretum declaratur, quædam habent *μὴ ὀλιγος*, *an minima es?* ut *μὴ* creberrimè pro *non*, hoc est *an*, accipitur interrogativè, & sequentem negationem, per ellypsin complectitur, *an minima es?* hoc est, non es minima, sive, quod eodem redit: ut *μὴ* sumatur pro *non*: hoc saltem constat, eos intellexisse, verba prophetæ negativè; ideoque per interrogationem: quia absque ea, necessariò affirmata essent. Et sic Patres quidam Græci senserunt, ut Orig. contra Celsum in edit. græca, pag. 39. qui sic Michæ verba citat, *ὃς οὐ βεβλήμεν οὐκ ὀλιγός, καὶ ἰσχυρός* &c. eodemque modo recenset Athan. Tom. 2. quæst. ad Antiochum, in edit. Græco-latina, p. 317. è Latinis verò Tertull. contra Judæ. cap. 13. è Michæ citat: *non minima es*. & Cypr. adversus Judæos ait, *quod in Bethlehem nasceretur apud Micheam, & tu Bethlehem domus Ephraïta non exigua es, ut constituaris in millibus Iudæ*. Quibus & illud addi potest, quamvis Hieron. Michæ 5. in loco supra citato, sine negatione LXX. legisse statuatur; tamen in contextu ab ipso è LXX. Interpretibus translato, eodem in loco negationem appositam esse. Atque his consentit vir doctiss. Ludovicus Vives, in annotationibus ad August. de civitate Dei Lib. 18 cap. 33. qui de Matthæi & Michæ consensu sic ait: *maximè consentiunt, si Prophetæ verba per interrogationem legantur. Erit enim Prophetæ mens, quid tu Bethlehem exiguus es? Non es certè: quippe ex quo prodibit Princeps, qui reget populum, &c. Hunc sensum expressit Euangelistæ. Postea verò Vives addit: Hoc dictum per interrogationem majorem habet vim, & prophetici illi ardentibus affectibus congruentiorem quam simpliciter, quod schema propheticum haud est sanè rarum, & sunt ejus sexcenta exempla. Hæc doctè Ludov. Vives. Atque ita (ut clariss. Drusius in parallelis suis rectè observavit) Apostolus expressit locum Davidis, Psal. 14. 2. *an est intelligens?* καὶ τίς ὁ συνίων, Rom. 3. 11. hoc est, non est intelligens. Sic Act. 7. vers. 50. *ὅχι ἡ χεὶρ μου ἐποίησε τὰ πάντα*; ubi in Hebræo, *omnia ista manus mea fecit*. Esa. 66. 2. Atque ita etiam Bellarm. antea similiter locum Michæ prophetæ cum interrogatione explicarat, & cum Matthæo conciliavit Tom. 1. contr. de verbo Dei, lib. 2. cap. 12. Sed eam sententiam postea in libro recognitionum pag. 3. in dubium vocavit & retractavit; cujus verba non importunè referemus, ut solutio eorum sit apertior. Sic enim ait: *Libro secundo cap. 12. in ultimis verbis respondetur ad contradictionem, qua videtur esse inter Michæ prophetam & Matth. Euangelistam, quod verba Michæ: Et tu Bethlehem parvula es, debeant legi cum interrogatione: & hoc modo non sint contraria verbis Matthæi: Et tu Bethlehem non minima**

*es. Sed hæc responsio ut brevius & expedita sit, si probari possit; ita non est solida, & firma, si probari non possit. & quidem non satis video unde probari possit. Nam neque in codice Hebraico, neque in Chaldaeo, neque in interpretatione LXX. Interpretum, neque in versione S. Hieronymi ullum invenitur signum interrogationis, apud Micheam. Hæc ille. Sed negatur primum consequentia. Nam ut apud Græcos ἢ & μὴ, & apud Latinos eodem sensu, an interrogationis signum sæpe per ellypsin deest: Sic apud Hebræos: ut Jud. 14. 16. *Et tibi annuntiaretur?* Sic 1. Sam. 11. 12. *Saul regnaret super nos?* pro *an tibi annuntiaretur?* *an regnaret?* Et 1. Sam. 30. 8. *persequar?* pro *an persequar?* quemadmodum ad eum locum Aben-Ezra rectè ait, *וְרַךְ הַשָּׂאֵלָה בְּלִי הַשָּׂאֵלָה*, id est, *modus interrogationis, sine ἢ interrogationis*: Et Esa. 49. 6. *Levior es quam ut voceris servus meus &c. Atqui dedi te in lucem gentium.* Levior, pro *an levior*, quasi dicas minimè levior. Et cætera similia quam plurima: è quibus nonnulla Drus. annotavit, in egregio libello de literis Moscheve caleb. ubi ostendit, ἢ articulum apud Hebræos interdum deesse, & exempla etiam quædam proponit illustria, ut est, Job. 2. 10. & 40. 20. Deindè LXX. Interpretes (ut modò ostendimus, ex nonnullis exemplaribus, & Patrum Græcorum ac Latinorum insignium lectione consentanea) idem signum interrogationis intelligi indicant, cum vocem *μὴ* (sive pro *an*, sive pro *non* acceptam) posuerunt, ut mentem prophetæ exprimerent. Denique tali signo opus non est, quando cohærentia sententiæ hoc declarat.*

Atque ita constat, in verbis Matthæi & Michæ, non esse contradictionem, quia uterque, si sensum spectes, minimam esse negat. Matthæus quidem, sine ellypsi, expressè; Michas verò per interrogationem, cum ellypsi negationis.

Veruntamen ut consensus eorum amplius appareat, alias etiam solutiones, quas eruditi attulerunt, in medium proferemus. Nam secundò, licet in Michæ non esset interrogatio: sed simplex affirmatio, *tu es minima*; in Matthæo verò negatio: nulla tamen foret oppositio; quia ista non dicerentur secundum idem subjecti adjunctum. Nam Michas duo tribueret Bethlehem. 1. Minimam quidem esse inter duces Judæ, secundum externam indigenarum ac civium copiam; deindè verò non minimam, sed maximam, dignitate & indigenæ unius ratione, quod rex Judæorum Messias ex ea esset nasciturus. Prius expressè positum est, posterius verò consequentiæ necessitate indicatur. quemadmodum Christus, Matth. 22. Moïsen ait, de resurrectione locutum, *Ego sum Deus Abraham*: quod tamen non aliter, quam ratione consequentiæ dicitur; quod posito eo, quod Deus sit Abrahami Deus, futura sit resurrectio. Verba autem quæ apud Matthæum extant, prius membrum Michæ non negant, sed omittunt: alterum verò proponunt, exposito illius necessariò consequente, *Non minima es, quia ex te egredietur dux qui pascet populum, &c.*

Atque hunc sensum plurimi Theologi amplectuntur. Tertiò deniquè loco Andr. Hosian. in Harm. Evangelica ita conciliat, cum vocem Hebræam *רַךְ* quæ *parvum* notat, pro adverbio accipit & *parum* interpretatur. hoc sensu: *parum est, ut sis inter duces Judæ*. Ex te enim, &c: quod idem est ac si diceretur, Multo majorem habes dignitatem, quam illi, ideoque non minima es inter eos. Sed duæ probabiles rationes videntur (præter contrariam omnium aliorum interpretationem) obstare; primum, quod etsi interdum nomina quædam masculina fiant ad verbia, ut *ἰσχυρός* quod *bonum* aut *benè* notat, nunquam tamen alibi *רַךְ* *parvus* pro *parum* usurpatur. Altera est, quod hæc expositio etiam remotior sit, quam antecedens: quamvis alioqui, si alia exponendi ratio deesset, argumento apodictico refutari non possit. Denique Erasmi. in annotationibus ad hunc locum dubiè conjicit, esse hyperbolen: *haud scio*, inquit, *an per hyperbolen dictum accipi possit: Nequaquam minima es in principibus Iudæ, ut (quam vehementer humilem intelligi voluit) negaret vel minimam esse, perinde ac sic extrema nota hominem negemus esse in hominum numero, & quemadmodum Paulus supra modum contempta, vocat ea quæ non sunt: Sub-*

indicat

indicat & tale quiddam D. Hieron. Michæ locum enarrans: & tantis inquit millibus comparata vix parvulus es viculus. Hæc ille. Cujus conjectura juvari potest ac corrigi nonnihil, ut expressior sit convenientia, si etiam sine hyperbole exponatur. Non minima es, id est, nulla revera, ut Michas ita exponatur, parva es, seu minor es, quam ut sis inter duces Judæ: Ex te tamen egredietur Messias, & ut ea ratione γὰρ apud Matth. sumatur pro δὲ. Nam מִלְיָא vel millia, vel metonymicè chiliarchas notat. Bethlehem verò tantum oppidulum fuit, quod fortè mille milites non habuerit: unde κωμὶν vicus Joan. 7. v. 42. nominatur. Hæc de variis causis, quæ adferri possunt assumptionis negatæ; cur sc. Matth. non neget, quod propheta Micha affirmat, inter quas prima ratio, simplicitate reliquis videtur præferenda, ut statuatur, interrogationem esse in verbis Michæ, cuius sine interrogatione sententia in Matthæo fideliter exponatur. Atque hoc modo difficultas quæ adversus propositionem hujus loci (nempe, Tu Bethlehem Iudæ non minima es inter duces Iudæ) objici solet, expedita est.

Altera verò est de propositionis-hujus confirmatione controversia, sed levior. Confirmatio autem apud Matthæum his verbis continetur. Ex te enim egredietur dux, qui pascet populum meum Israël: apud Micham verò, ex te mihi egredietur, ut sis dominans in Israël. In quo consensus primum observandus, inter Judæos & Christianos, quod hæc verba encomium Bethlehemi contineant, quod ibi nasciturus esset Messias seu Christus Matth. 2. 4. & 5. quemadmodum & Chaldæus Paraphrastes Jonathan, expressa mentione Messie interpretatus est, dum pro egredietur ut sis dominans, vertit: egredietur Messias, ut sis exercens dominatum super Israël. Quem sequuntur Rabbinii, ut R. Salom. Iarchi. Ex te inquit mihi egredietur Messias filius David. Idemque habet R. D. Kimchi ad eundem locum Mich. cap. 5. Atque in hac quidem re consensus est: Verum disquiritur, an aliqua sit inter ea, quæ Matth. recitat, & ea quæ Michas promisit, discordia. Quidam affirmant: alii, quorum sententiam probamus, meritò negant: ut examen eorum, quæ objiciuntur, demonstrabit. Objicitur enim primum quod Michas ponit, nempe, mihi, hoc est, ut mihi inserviat, meus sit legatus; Id apud Matth. omitti. Deindè quod à Micha omititur, illud apud Matthæum addi, id est vocem ἡγούμενος, dux, deindè populum Dei. Denique pro eo quod Michas habet, ut sis dominans, hoc apud Matthæum commutatur his verbis, qui pascet. Ergò inter utrumque, ob additionem, detractionem & mutationem hanc, discordia apparet. Sed negatur consequentia, quia hæc varietas in verbis, nullam in re ipsa discordiam parit: Nam rei habita est ratio, non verborum. Apud Matthæum enim vocem mihi, quod ad quæstionis ab Herode propositæ solutionem non requirebatur, sacerdotes omiserunt. Quod verò addiderunt ἡγούμενος, id est, dux, illud per ellypsin quandam à Propheta omissum servata eadem sententia, paraphrasticè expresserunt. Quemadmodum à D. Kimchi in expositione additur מַשְׁלֵטִים Index. Etiam à Chaldæo paraphraste specialius, ad pleniorē intelligentiam nomen Messie insertum ostendimus. Quodque ad vocem Israël, populum meum, adjecerunt, paraphrasis est veritati consentanea. Denique quod pro verbis illis, ut sis dominans, in Matthæo sit, qui pascet, eadem prorsus est sententia. Nam pascere, Metaphoricè pro regere ac dominari, accipi solere, etiam Scripturæ usus evincit, ut 2. Sam. 5. 2. & 1. Chron. 10. 2. Tu pascas populum meum Israël, & cap. 7. 7. Locutus sum illi Sceptorum, (hoc est, gubernatorum Israël) quibus praeceperam, ut pascerent populum meum Israël, quod 1. Chron. 17. repetitur. Propterea non est inter Prophetam Micham, & verba à Matthæo expressa, ulla dissensio.

Cæterum, quia Michæ prophetia illustre est de Messia seu Christo (ut etiam Judæos nobiscum agnoscere antea ostendimus) testimonium; non ingratum fore speramus, si genuinam sequentium ac connexorum verborum sententiam inquiramus.

Verba autem prophetæ sunt hæc: Et egressiones ejus à principio, à diebus seculi. Quæ variè ab interpretibus acci-

piuntur, ut ex Cyrillo Alexandr. ad Michæ cap. 5. apparet, cum ait: Egressiones itaque appellat, aut temporis expertem filii Dei ex Patre, in propria subsistentia, generationem; aut exhibitionem ejus in tempore futuram, quando caro factus est: aut etiam ex diebus seculi præfinita & constituta. Posteriores sententiam de præfinitione R. Salom. Iarchi & D. Kimchi, Jonathanem Chaldæum Paraphrastem secuti, probant. Hieron. verò in suis ad hunc locum commentariis, priorem: ut in hac prophetia, non solum nativitas temporalis ex virgine matre, quæ filius hominis: sed etiam æterna, ex Patre, quæ filius Dei, distinctè his verbis significetur. Sic enim Hieron. Ex hoc parvo viculo egredietur Christus, qui est Dominator in Israël. Ac ne putes eum de genere David tantum esse, &c. Carnis assumptio divinam non impedit maiestatem. De me enim natus est ante omnia secula, & seculorum conditor in tempore non tenetur, &c. Idcirco egressus ejus à diebus æternitatis. Hæc ille rectissimè. Nam cum egressus è Bethlehem, futuram nativitatem ejus temporalem notet: Consequentia analogia indicat, egressiones à principio, à diebus seculi, alteram, hoc est, à Patre nativitatem antecedentem à principio notare; ut significetur, eum, qui erat à principio, ut Joan. 1. 1. Carnem, hoc est, (per Synecd. partis pro toto) hominem factum, vers. 14. Idem deinde probant verba ista, à Principio & diebus seculi: quæ egressui seu nativitati è Bethlehem aptè tribui nequeunt: quæ à principio non fuit, nec à diebus seculi: sed futura à Propheta prædicatur. Quod autem objicitur, actu quidem futuram, sed Dei præfinitione fuisse à principio: ineptum esse res ipsa ostendit. Nam nihil prorsus est futurum, quod non sit præfinitum: Ideoque, si hoc loco ea esset Prophetæ sententia, nihil omnino peculiare de Messia; nihil quod non ante omnibus ex prædictione futuri egressus, jam esset cognitum, pronunciaret. Neque hanc expositionem D. Kimchi (qui patrem suum Josephum, Christianos oppugnantem, est secutus) argumenta diluunt. Cum enim Christiani hinc colligant, Messias debet esse à diebus seculi, idcirco esse Deum: objicit, illud falsum esse, ea de causa, quia Deus est ante dies seculi. Sed ratio vana est, quia hæc duo, à seculo & ante secula, probè possunt convenire. Nam Psal. 93. 2. de Deo dicitur, מֵעוֹלָם אֱתָנָה a seculo tuus Deus. Nam quod Kimchi regerit, hoc significare ante mundum vel ante seculum מֵעוֹלָם ut etiam exponit ad Psal. 93. קודם עולם ante seculum, seipsum confutat. Eadem enim hic est apud Micham sententia. Deinde etsi præpositio מִן à, terminum hic notaret, non antecessorem significaret; æternitas nihilominus notaretur, hoc sensu: egressus à principio, scil. erant. Nam verbum substantivum à Propheta reticetur, quod citra controversiam intelligendum. Quo sensu Christianis dicitur, Joan. 1. 1. In principio erat verbum, & 1. Joan. 1. v. 1. quod erat à principio. ut etiam de Filio sapientia Dei similiter dicitur, Prov. 8. 23. a seculo principatum habui: hoc est, ut vers. 24. Ante principium, ante primordia terra. Denique etsi sensus esset, à Principio, à diebus seculi, hoc est, inde à condito mundo: Nihilominus divina Messie natura & æternitas illius indicaretur. Nam si ille, qui post multa demum secula, imò circiter quatuor annorum millia est natus, etiam antea, inde à condito mundo & à fluentibus diebus seculi exstitit: merus homo esse non potest: sed verum æternumque Deum esse necesse est; cum ista duo nulli meræ creaturæ competant. Etsi enim Angeli fuerint inde à condito mundo & exiguo tempore in humano corpore divina dispensatione formato, Abrahæ aliisque apparuerint, animam tamen humanam nequaquam habuerunt: eoque neque homines fuerunt: neque quisquam eorum, aut Bethlehemi natus, aut ullo modo natus: De animali verò irrationali multo minus, nisi quis cum ratione insanat, dici poterit. Si quis excipiat, egressum è Bethlehem nativitatem quidem Messie notare; sed egressum à diebus seculi nativitatis illius præfinitionem ac decretum significare; illud jam antea refutavimus. Ideoque in nova Bibliorum Gallicorum versione laudatissima, minus laudabile videtur, quod in notis hæc verba: Egressus ejus à principio à diebus seculi, sic exponuntur, hoc est, patefactio ejus in carne



*carne, &c. Ordinata fuit per Dominum ab omni aeternitate, aut quod oporteat eum egredi à Patre, ut se patefaciat hominibus. Quidam interpretes referunt hanc vocem ad generationem aeternam. Hæc ibi. Ac sane postrema expositio optima: media inepta, quia verba à principio à diebus seculi repugnant: Prima verò aliena est, ob rationem ante allatam. Deinde quia sine necessitate, à significatione propria vocis sive verbi substantivi per ellypsin intellecti, ad impropiam atque insolentiorē, contra rectam interpretationis normam, recedunt, cum vocem *erant* aut *sunt*, quæ certo per ellypsin intelligitur, non de actu sed de potentia; seu non de existentia, sed de illius præfinitione seu decreto exponunt. Quum satis appareat propriam optimè fluere, & cum Esa. 9. v. 6. convenire, ubi Messias vocatur puer natus & filius (nempe Dei) datus, cujus nomen Deus, & Pater seculi, hoc est, qui secula condidit, quemadmodum de Christo dicitur, Hebr. 1. 2. Sed objiciat aliquis, Michas non ait, *egressio ejus*: Sed *egressiones*. Ergò de una, æternaque generatione à Patre intelligi non potest. Quod argumentum movit quosdam eruditos interpretes, ut per egressiones à diebus seculi, apparitiones varias filii Dei, Patriarchis factas exponant: unde sanè etiam Deitas illius per consequentiam probaretur. Sed licet hoc ingeniosum, non necesse tamen est, ut eo recurramus, sed potius, ut egressionem, de nativitate, tam in ultima quam prima Prophetiæ hujus Parte accipiamus, servata analogia, quia est numeri pluralis non insolens (præsertim cum dignitas notatur) enallage: quemadmodum & Hebræi interpretes, & Græci Latinique id agnoscunt. Atque hæc de hujus loci, vers. 6. controversia.*

*Illustratio Versus 15. de CHRISTI reditu ex Ægypto.*

PRIMÀ hujus secundi capituli controversia, è vers. 6. de Prophetæ Michæ citatione expedita; altera jam succedit, orta ex vers. 15. de Christi ex Ægypto reditu: his verbis: *Et fuit istic usque ad obitum Herodis, ut impleteretur quod ait Dominus per Prophetam dicentem, Ex Ægypto vocavi filium meum*: De cujus accommodationis veritate, olim controversiam movit apostata Julianus Imperator, Lib. 7. contra Christianos, quod Prophetæ de Israël loquatur; Euangelista contrà de Jesu. Ut Hieron. Hosa. 11. 1. attestatur. Objeccio est: Prophetæ de Israël loquitur ista verba: Ergò falsò in Jesu impletum esse asseritur. In quo nodo solvendo, doctissimi Interpretes discrepant. Quidam enim negant antecedens; quod de solo Christo, non autem de Israël, ea verba sint dicta: id quod aliis non placet, quia circumstantiæ de Israël agi ostendunt. Ac primum antecedentia verba, *cum puer esset Israël, & dilexi eum, & ex Ægypto vocavi filium meum*, ut Exod. 4. 22. quia *filius meus primogenitus est Israël*. Deinde consequentia quoque verba proxima, idem ostendere contendunt: quia iis idololatriam reprehendit, quæ soli Israël, non Christo convenit. Verum ad utrumque responderetur. Primum verba Prophetæ antecedentia aliter reddi, ut conjunctio *Et* non *quum* seu *quando*, ut improprie interdum accipitur, sed significatione propria accipiat, scilicet *quia Israël puer est, quem diligo, etiam ex Ægypto vocavi*, hoc est, vocare decrevi suo tempore, non Israël puerum, sed ut distinctè ait, *filium meum*. Ad consequentia verò quod attinet: verum esse, ea de Israël etiam loqui, & quidem oppositione quadam ingratitude & maleficiorum illius, & contrà beneficii divini; ut sit sensus, quod licet idololatria sua Israël ingratis Deum gravissimè offendissent; & meriti essent, ut Christum exhibendum & fugandum suo tempore, in Ægypto relinqueret, & Israëlitas desereret: Deum tamen non destitutum ipsos pro sua misericordia diligere, & ad ipsorum salutem ex Ægypto filium suum Messiam, ad eos docendos & servandos, revocare.

Atque hæc de prima objectionis solutione, per negationem antecedentis. Altera est negatione consequentia: Est enim de Israël ista verba dicantur, inde tamen

nequaquam sequi, ea non esse impleta in Christo. Sed de modo diversa sunt præstantium Theologorum judicia. Quidam respondent, quod Israël accidit, deque eo à Prophetæ pronuntiatur, in Christo impletum idem, non numero, sed specie; quod ut Israël olim ex Ægypto divinitus reducti sunt in terram promissam; sic etiam idem Christo evenisse. Nam quod dictum est, *illud impleri*, dici potest bifariam: vel cum quod de certo subiecto prædictum est, re ipsa evenit: vel cum re eadem genere alteri similiter accidit, ut convenientia rei significetur: ut hoc loco. idque similibus exemplis probant, ut Matth. 13. v. 14. *Impletur in vobis prophetia Esaiæ: audietis & non intelligetis*. Hic convenientia rei est, non autem ejusdem subiecti, & ibid. vers. 35. *Ut impleteretur quod dictum per Prophetam, aperiā in parabolis os meum*, ubi simile est ejusdem rei exemplum, licet persona diversa. & cap. 15. v. 7. & 8. *Prophetavit de vobis Esaias dicens, appropinquat populus hic ore suo & labiis me honorat; Cor autem eorum procul abest à me*. Quibus verbis notari censent, quod Prophetæ, divino instinctu, in majoribus ipsorum similem hypocrisin condemnasset: nimirum consequentiæ ratione, cum idem genere vitium, in iis non minus quam in majoribus ipsorum extaret: ac propterea idem esset de utroque judicium. sic hoc in loco similitudinem esse in personis, Israël filium dictum ab Hosea, & Exod. 4. 22. *Filium primogenitum*, gratia nimirum vocationis: Christum autem filium, natura generationis. Deinde in adjunctis, deductionis in Ægyptum, & reductionis; Israël à morte quam fames attulisset, migratione in Ægyptum servatum: Christum similiter à morte, quam Herodes moliebatur, liberatum, & ex Ægypto, sublato illo periculo tandem reductum, non minus quam Israël in terram promissam.

Alter denique, negatione consequentiæ, solvendi modus est, qui ab aliis adfertur, simplicior & certis atque indubitatis exemplis magis confirmatus, & objectionibus adversariorum minus obnoxius: nimirum ut neque de solo Israël, neque de solo Christo, sed de utroque Prophetæ loqui statuatur. De Israël quidem immediate atque historicè, de populi Israëlitiçi jam olim ex Ægypto revocatione; mediatè verò ac propheticè de Christo, cujus ingressus & reditus, populi ipsius typo fuit à Deo adumbratus. Adeò ut hæc prophetia, non habeat sensus duos, historicum & propheticum, ut Pontificii de similibus locis perperam loqui solent: sed unum tantum sensum bimembrem, qui gradatim ac suo ordine, ut ostendimus, utrumque complectitur. Adeò ut si quis ad alterum tantum membrum accommodet, sensum quidem proponet; sed non integrum. id quod diligenter hoc loco & in similibus observandum. Cujus rei exempla sunt, ut Exod. 12. 46. *Os ejus non comminues*, de agno Paschali immediate & historicè dicitur, quemadmodum res ipsa arguit: mediatè verò per hunc typum, de Jesu Christo, agno spirituali Paschate nostro adumbrato, 1. Cor. 5. 7. ut Joh. 19. 36. *Facta enim sunt hæc, ut Scriptura impleteretur, Non confringeretur os ipius*. Similiter, 2. Sam. 7. 14. Prophetia de Salomone proximè, de Christo mediatè ac typicè adumbrato, Hebr. 1. 5. proponitur. Sed objicitur: si Israël in reductione ex Ægypto in terram promissam, fuerit typus reductionis Christi: Ergo etiam in sua idololatria, quæ proximis verbis exprobratur. Atqui posterius absurdum est. Ergò & prius. Verum negatur propositio, quia utitur falsa hypothese, quasi quicumque fuerint typi Christi, simpliciter & in omnibus fuerint typi; cum typus, secundum id tantum sit intelligendus, quatenus res adumbrata & divina expositio admittit. Certissimum enim est, Davidem typum fuisse Christi: sed non simpliciter in omnibus; (aliàs etiam in peccatis) sed in certis quibusdam; Sicut & Salomon, quæ rex Israël pacificus, & à Deo in filium adoptatus, typus fuit Christi, veri spiritualis regis Israël, & naturalis filii Dei, 2. Sam. 7. 14. & 1. Reg. 22. 9, 10, 11. & 1. Chron. 28. v. 6, 7. Non autem quatenus peccavit, 2. Sam. 7. vers. 14. Ac propterea alienum non est, si Israël typus statuatur, ratione beneficii divini,

vini, reductionis sc. ex Ægypto, & non maleficii idolatriæ.

Atque hæc de hujus loci vers. 15. genuina sententia, & veritatis illius assertione.

*Illustratio Versuum 17, & 18.*

Quemadmodum antecedenti versu 15. verborum *Hoc* citatio suas habet difficultates: Sic etiam vers. 17. & 18. Quibus Jeremiæ sententia, quæ extat cap. 31. 15. impleta dicitur. Cæterum difficultas, non tam in verbis, quam in recta sensus convenientia consistit. Verba enim Prophetæ sunt: *Vox in Ramah audita est, lamentatio, fletus, amaritudines. Rabel deslet filios suos, renuit consolationem admittere de filiis suis, quia non sunt*: Matthæus autem eadem verba citat pauculis (sed sensu fideliter expresso) mutatis paraphrasticè. Nam primò vocem Hebræam *רמר* retinuit, quæ ambigua est. Nam aut *excelsum locum* notat, ut Ezech. 16. 24. (unde quidam interpretantur in *excelsu*) aut urbem sic dictam, in tribu Benjamin, Hierosolymis & Bethlehemo vicinam, de qua Jos. 18. 25. & Jud. 19. 13. Atque ita acceperunt LXX. Interpretes & Matthæus accommodatè. Mutatio autem paraphrastica est, quod pro voce *amaritudinem*, quam LXX. Interpretes *δυσμὸν* *luctum* aut *ejulatum* reddiderunt, Matth. similiter habeat, sed emphasi pluralis numeri magis expressa, *δυσμὸς πολλός*, quod Metaph. voce *amaritudinum* distincta à *lamentatione* & *fletu*, denotatur. Nam quod Jerem. verba, constructè accepta, transferunt vulgò *fletus amaritudinum*, id est, amarissimus, quasi Epitheton esset fletus; necessaria ratione destituitur, & LXX. Interpretum ac Matth. versione aliter indicatur. In reliquis nihil est diversi, præterquam quod ellypsin copulæ seu conjunctionis illius & tribus in locis, quemadmodum revera intelligitur, rectè suppleant. Ad sensum verò quod attinet, de eo controversia est. Quæritur enim an Evangelista, hanc Prophetæ sententiam, fideliter exponat, cum de eadè infantum, ab Herode, Bethlehemi & in omnibus illius finibus, perpetrata dicat; *Tunc impletum est, quod dictum per Jerem. Prophetam dicentem: Vox in Ramah audita est, &c.* Objicitur enim ab adversariis Matthæi, Prophetam loqui tantum de calamitate Israëlitarum, quæ in destructione Judææ, cum in captivitatem Babylonicam abducti sunt, accidit. Ergo id non est impletum tempore Christi exhibitæ & Herodis. Verùm ab eruditis Interpretibus bifariam respondetur. Ac primum, negatione antecedentis, Prophetam enim loqui non de veteri, sed de nova ac recenti calamitate, tempore Christi, quod Prophetæ, promissionibus rerum terrenarum allegoricis ac legalibus figuris, instaurationem Ecclesiæ per Christum & Evangelii præcones proponat, & præstantiam regni Christi describat. Postea verò, ne quis Ecclesiam crucis expertem Christi adventu fore falsò existimet, calamitatem eo nato obventuram describit: quæ ex effectis consequentibus patheticè indicatur, nempe *voce, lamentis & ejulatu multo, seu amaritudinibus* supple animi, & per Prosopopœiam quandam Racheli mortuæ, in vicinia Bethlehemi sepultæ, deploratio filiorum tribuitur. Deinde, ne nimium Ecclesia calamitate pronunciata consternaretur, consolatio subjicitur divinitus, vers. 16. *Sic ait Iehovah: Cōhibe vocem tuam à fletu & oculos tuos à lachrymâ.* Sed objicitur, eam consolationem pertinere tantum ad Judæos in captivitatem Babylonicam abductos; Sic enim proximè additur, *quia est merces operi tuo, dictum Iehova, quod reversuri sunt à terra inimici*; quo reversio à Babylone hostili terra promittitur; quod Bethlehemitis & vicinis Christi tempore, non competit. Sed respondetur, propriè quidem non convenire, sed allegoricè: quod per liberationem à captivitate Babylonica & reditum in patriam promissam, significetur liberatio à captivitate, potestatis Satanae & peccati: & reconciliatio cum Deo, ad patriam cœlestem recuperandam; ut alibi etiam Scriptura loqui solet allegoricè.

Atque hæc de negatione antecedentis. Deinde altera

responsio est negatione consequentiæ: Etiam si Prophetæ ageret de calamitate sui temporis, non autem futura tempore Christi; rectè tamen dici posset impleta prophetia ac calamitas, non eadem quidem numero, sed specie: Quod quemadmodum vicinæ Bethlehemiticæ ea calamitas olim accidit: Sic etiam renovata fuit Christi tempore, adeo ut simile sit exemplum. Quemadmodum Jacob: 2. vers. 23. dicitur de Abrahamo, cum filium suum Isaac animo ac conatu sacrificasset: & impletum est, quod dicit Scriptura, *credidit Abraham Deo & imputatum est ei ad justitiam*. Atqui hoc dictum est à Deo, Gen. 15. v. 6. Rom. 4. v. 22. antequam Isaac esset natus: ac propterea idem numero impleri non potuit: Sed similiter postea impletum est. Quippe cum fide obtulerit Isaacum, Hebr. 11. v. 17. similiter etiam, ut initio justificatus est.

Atque hæc de vers. 17. & 18.

*Illustratio Versus 23.*

Memorabilis est in vers. 23. difficultas; cujus explicatio, ad rei intelligentiam & fidei confirmationem, adversus protervos Evangelii adversarios, necessaria est. Verba autem hæc sunt: *Et cum venisset, nempe in partes Galilææ, vers. 22. Habitavit in urbe, quæ dicitur Nazareth, ut impleretur quod dictum est per Prophetas, quia Nazareus vocabitur.* De quibus verbis consensus est, Jesum ita vocatum, non solum ab Apostolo, Act. 2. v. 22. & 3. 6. 4. 10. & à Christo ipso Act. 22. v. 8. Sed etiam ab adversariis, Matth. 26. vers. 71. & diversa terminatione Nazareus, Marc. 1. v. 24. & 14. v. 67. ut etiam ab Angelo, Marc. 16. v. 6. Dissensio verò est de Prophetarum citatione. Quæritur enim an rectè, an verò contra perperam sit instituta. opponitur enim hic nodus: Matthæus dicit, hoc dictum per Prophetas, & tamen in Scriptura nullibi extat; Ergò malè hoc asserit. In quo nodo expediendo, & olim, & nostris temporibus, à Theologis plurimum laboratum est; quorum sententias stricte persequemur. Solutio- nis enim modus duplex adferri solet. Primus est negatione antecedentis: Extare enim in Scriptura; sed quonam in loco judicia variant. Quidam Esai. 11. v. 1. eumque locum spectari sentiunt, ubi Christus vocatur *נצר* hoc est, *surgulus à radicibus ejus*, scil. Isai, & occasione urbis Nazareth, quæ surgulum notat, *נצר* sic Christum vocatum, ut Hieron. eam expositionem quorundam in Comment. Esai. 11. v. 1. recenser; *Illudque*, inquit, *in Evangelio Matthæi omnes quarunt Ecclesiastici & nusquam inveniunt, ubi scriptum sit, quoniam Nazareus vocabitur: Eruditi Hebræorum de hoc loco sumptum putant.* Hæc Hieron. Quod autem regeritur, non dici dictum per Prophetam putà unum, sed per Prophetas, ideoque plures: facilè solvitur. Nam est enallage numeri non inusitata, prophetæ, pro uno è prophetis, seu Prophetæ. Quemadmodum ejus rei exempla illustria extant. Primum Joh. 6. v. 45. *Scriptum est in Prophetis*, quod tamen in solo Esaiâ scriptum. Sic Actor. 13. vers. 40. *quod dictum in prophetis*, & tamen verba sunt, quæ adducuntur, solius Habakuki. Similis enallage numeri pluralis pro singulari, Matt. 27. vers. 44. *latrones* pro uno è latronibus, seu pro latrone, Luc. 23. 39, 40. Alii verò non Esaiam citari existimant, nec caput illius undecimum spectari, sed Judic. cap. 13. vers. 5. quo in loco de Samsone ab Angelo, dicitur, *quia puer, Nazareus Dei erit ab utero*. Sed quidam tamen illud minus idoneum existimant, primùm ob vocis diversitatem, quæ ob stare videtur. Nam Nazareth, cujus occasione Christus dictus est Nazareus, scribitur per 3 litteram, ut ex Syro Testamento constat. Nazareus autem Jud. 13. per litteram 2: Quam difficultatem movit Hieron. Esai. 11. v. 1. & expressè Tremell. in notis ad Matth. Syriacum cap. 2. Veruntamen responderi potest, quamvis diversæ sint literæ, maximam tamen esse inter 2 & 3 affinitatem, ut non mirum sit eas interdum commisceri. Ut quemadmodum Hebraicè *גל* *gluma* vel *palea minuta* dicitur: Sic Chaldaicè non solum *נצר* sed etiam literæ mutatione *נצר* ut Chaldaus paraphrastes, Psal. 1. v. 4. ea voce utitur. Ac propterea Naza-

Nazaræus & Nazareth potuit modo per *Tzadi*, modo per *Zain* scribi ac pronunciari. Sed secundo loco objicitur, hæc non posse inter se convenire: Nam esto, Nazareth etiam per *z* potuerit scribi & pronunciari, (quemadmodum Græci pro *z*, qua litera carent, *Zēta* ponunt,) atque ita cum voce Jud. 13. Nazaræus conveniat, sensus tamen ob stare omnino videtur. Nam Nazaræus dictus fuit, quia ratione educationis puerilis Nazarethæ habitavit, undè Jesus à Nazareth, Joh. 1. v. 35. & Act. 10. v. 38. appellatur. Ergò malè dicitur in eo impletum, quod à Prophetis dictum: *Nazaræum vocabitur*. Nam Jud. 13. sensus non est, Nazaræus erit, hoc est, à Nazareth educatione ortus: sed separatus erit ac sanctificatus, peculiari ritu, ad cultum Dei, ut res ipsa arguit. Verum nodus solvitur, Christum sic dictum ab urbe Nazareth, non ratione consilii hominum, quod ipsum ea occasione ita appellarunt: sed ratione consilii Dei, ita dirigentis præter eorum propositum, etiam revera Nazaræum dictum, quod Deo esset separatus ac consecratus. Quemadmodum similis locus, diversæ sententiæ, sub iisdem verbis, ratione hominum & Dei occurrit, Joh. 1. v. 50. Nam Caiphas Pontifex de Christi morte sic ait: *Non considerati, conducere, ut unus homo moriatur pro populo & non tota gens pereat*: Subjicit autem Evangelista. *Hoc à seipso non dixit, sed cum esset anni illius sacerdos summus, prophetavit, fore ut Iesum moreretur pro populo, & non solum pro populo, sed etiam ut & liberi Dei dispersi in unum congregarentur*. Atqui res ipsa docet, non eam fuisse mentem Caiphæ hostis Christi: Sed nihilominus factum est, ut quod malo animo & consilio aliter intelligebat ac pronunciabat, Dei tamen, sic linguam dirigentis, consilio; id enunciaret: quod alio sensu esset verissimum, quem Deus notare voluit iis verbis. Sic hoc in loco, si hominum, nomen Nazaræi vulgò tributum, mentem consideremus; significatum est Nazarethæ educatum; sin verò Dei, hoc ipsum gubernantis consilium, quis spectet, alio potissimum sensu ita fuit appellatus. Idque vocis ambigux attributione Deus innuere voluit. Quod autem à nonnullis objicitur, dici, non à Propheta sed à Prophetis: Illud jam ante solvimus, demonstrato usu talis enallages pluralis pro singulari. Id quod etiam Syrus interpres agnoscit, cum singulari utitur *נביא* in *Propheta*. Deindè non mirum, ut à nonnullis observatum, si liber Judicum, à prophetis diversorum temporum, qui illum librum auxerunt ac conscripserunt, dicatur *propheta*, hoc est, multorum prophetarum liber. Quamvis nonnulli & illud addant, posse etiam aliter, à *Prophetis dictum* affirmari, per Moysen prophetam, qui in libro Numer. cap. 6. de Nazaræis egit generatim, deindè per Prophetam in libro Judicum cap. 13. qui sigillatim de Nazaræo Samsonem agit. Sed postrema difficultas obtendi solet, nempe liber Judicum loquitur de Samsonem: Ergò non de Jesu Christo. Verum negatur consequentia, quia hæc non sunt opposita, sed composita. Nam de utroque loquitur; de illo, primum ac proximè; de Christo verò, secundo loco ac mediata, quod per typum Samsonis fuerit adumbratus. Nam quod regegitur ab erudito Interprete, Christum ea fecisse quæ Nazaræis erant interdicta, bibisse vinum, mortuos accessisse & attigisse, & comam non aluisse, ut ex 1. Corinth. 11. v. 14. & communi Judæorum usu apparet: illud infirma nititur hypothesi: Nazaræus enim non est unius generis, sed alius ceremonialis, alius eo adumbratus. Nec enim Christus fuit Nazaræus ceremonialis, aut voto libero, ut Numer. 6. aut necessario, ex Dei mandato, ut Samson, Jud. 13. Sed spiritualis, externaque ceremonia adumbratus, utpote qui segregatus à peccatoribus, totum sese Deo perpetua sanctitate consecravit, Heb. 7. v. 26. Quod autem Jud. 13. dicitur *eris*, hic verò apud Matthæum *vocabitur*: verbi differentia est tantum, sed sensus idem. Nam per Meton. adjuncti consequentis pro subiecto suo antecedente, verbum illud *vocari*, pro *esse* sæpè in S. literis usurpatur, ut Matth. 5. v. 9. *Beati pacifici, quia filii Dei vocabuntur*, hoc est, erunt, ita ut ab aliis pro talibus celebrentur, & Esa. 56. v. 7. & Marc. 11. 17. *domus precationis vocabitur*, hoc est, erit & agnoscetur.

Hæc de primo solutionis nodi objecti modo nempe ne-

gatione antecedentis. Alter verò est negatione consequentiæ; quamvis enim hoc in Scriptura sacra, non invenitur, non propterea malè citari à Matthæo, rectè concluditur: quia non ait, *scriptum est*; sed *dictum est*. Multa autem dicta à prophetis, quæ ab iis non sunt scripta. Sed objiciat aliquis. Atqui undè scire hoc potuit Matthæus? respondemus ex Spiritu S. cujus instinctu scripsit, revelatione. Quemadmodum Judas Apostolus in epistola sua, Henochi prophetiam recitat, quæ tamen nullibi in Scriptura posita, neque ab ipso Henoch scriptam esse probari potest. Deindè scire potuit traditione, à Patribus accepta, ac vulgò non ignota. Quemadmodum Paulo nota fuerunt Magorum, Moysi adversariorum in Ægypto, nomina, Jannes & Jambres; ut docet 2. Tim. 3. vers. 3. Licet enim ea, neque à Moysè, neque à prophetis essent scripta: dicta tamen fuerunt proculdubio, & per traditionem continuatam Judæis non ignota; ut ex Chaldæa Jonathanis paraphrasi, Exod. 7. constat, in qua nomina illa recensentur, Jannes & Jambres; Atque illa traditione Paulo nota esse potuerunt, (utpote Judaica disciplina accuratè imbuta,) & potissimum Spiritu S. declaratione, cujus instinctu epistolam illam animo concepit ac scripsit. Deindè etiam si Matthæus dixisset, *scriptum est*: Nihilominus verè dictum esse potest, licet in sacra Scriptura non invenitur: quia multa prophetarum scripta, partim hominum incuria, partim injuria temporum interciderunt: è quibus sententiæ quædam, vulgò notæ ac residuæ fuerint per traditionem: qualis & hoc loco apud Matthæum esse potuit, quam Spiritu S. ei dictando, veram esse ostenderit. Atque hoc sensit Chrysost. cum ait: *Quis Propheta hoc dixerit, ne superfluum laborem sumas, neque fueris curiosus; multa enim ex prophetis perierunt monumentis*. Sic etiam Theoph. *Quis, inquit, Propheta hoc dixerit non invenitur nunc; per negligentiam enim Judæorum multi libri desiderantur, & ob continuas captivitates*. Deinde antecedentem responsionem addit, cum ait: *Fortassis absque Scriptura, ἀρχαῖος hoc dicebatur apud Judæos*. Sed objiciat aliquis: si libri aliqui prophetarum perierint; Ergò non omnia ad salutem necessaria, Scriptura sacra continentur. Verum negatur consequentia: quia quæcumque ad salutem necessaria sunt, iis scriptis quæ supersunt sufficienter continentur, Johan. 5. v. 39. 2. Tim. 3. v. 15, 16, 17. quemadmodum Paulus ait, Act. 20. vers. 27. Se omne Dei consilium annunciasse, idque comprehensum esse scriptis Moysi & prophetarum extantium testatur, Act. 26. v. 22. Nam Canon perfectus Vet. Testamenti quinque libris Moysi primùm est constitutus: reliqui verò Prophetarum libri, ad expositionem & claritatem majorem accesserunt, non autem ad doctrinæ salutaris, quasi imperfectè traditæ, perfectionem. Quare quosdam libros prophetarum non extare agnoscimus, ut Josu. 10. v. 13. citatur *liber resti*. ut etiam 2. Sam. 1. 18. alius (ut circumstantia temporis ostendit) eodem titulo. & libri Semajæ Prophetæ & Edonis, 2. Chron. 12. vers. 15. & 13. 22. & liber Chronicorum Regum Israël, 1. Reg. 14. v. 19. & alter Regum Judæ, vers. 29, Nec enim illi, de libris Chronicorum extantibus, intelligi possunt; quandoquidem hi, libros Regum non antecesserunt; sed iis diu postea successerunt; & post reditum Judæorum à captivitate Babylonica, (& quidem per Esdram ut vulgo censetur) sunt conscripti. Idque inde liquet quod in genealogia, 1. Chron. 3. v. 19. Serubabel, (qui post captivitatem Babylonicam vixit,) imò & posterius ipsius recensentur. Etsi autem libri hi & nonnulli alii perierint; inde non sequitur, aliquid de dogmatis ad salutem necessariis periisse: cum omnia ea, ut ante ostendimus, scripta comperiantur in iis, quæ extant, & Dei providentia, ad salutem Ecclesiæ conservata. Sed objici potest adversus hanc solutionem: Si hæc sententia, nempe Nazaræus vocabitur, nullibi in Scriptura reperitur; Ergo non omnia, ad salutem necessaria, in ea conservata sunt, quandoquidem in perditis prophetis, quædam extiterint, quæ non extant in sacra Scriptura & tamen credenda sunt. Sed negatur consequentia & ratio illius est invalida. Quamvis enim id credendum sit relatè; seu quatenus illud à Matthæo est revelatum, & inde nobis

cognitum, non tamen absolute: quia non est dogma fidei, sed tantum quædam circumstantia ad illius plenioris explicationem pertinens. Nam sine cognitione illius, falsus esse potest, siquidem duabus de causis hanc sententiam, *Nazaræum vocabitur*, Matthæus recenset: quarum prima est, ut consoletur pios adversus scandalum ex nomine Nazaræi à Judæis arreptum, quasi non Bethlehemi, sed Nazarethæ esset natus, ideoque neque Messias esse posset, Joan. 1. v. 47. & 7. 41. & 42. Contra enim Evangelista occasionem nominis esse, ostendit quod Nazarethæ non natus, sed tantum educatus. Deinde altera etiam causa est, ut ad confirmationem fidei in Jesum Messiam inserviat, videlicet, ut sit membrum aliquod particulare, integræ & universalis hujus demonstrationis, omnia quæ de Messia prædicta sunt, in Jesu esse impleta, ideoque Jesum esse Messiam. Quo etiam illa nominis Nazaræi appellatio de Messia prædicta, ipsi conveniens pertinet. Sed cum prædicta à Prophetis de Messia, quædam illi sint propria solique convenientia; ea per se quoque sunt rationes validæ, ad illud probandum; quale est nativitas à virgine ex Esa. 7. Matth. 1. Alia verò non sunt propria, eoque nec per se ad probandum sufficiunt, quale est Matth. 2. quod Bethlehemi natus, quia id cum multis ipsi commune. Sic etiam quod Nazaræus vocatus. Ideoque non per se argumentum solidum constituit, (nec in eum etiam finem adducitur,) sed reliquis junctum. Quare inde satis liquet, quod Jesus Nazaræus esset vocandus, non pertinere ad dogmatis fidei constitutionem; sed tantum expositionem ac probationem, & quidem non universalem, nec per se, sed tantum particularem & reliquis junctam.

Atque hæc de diversis vindicationis sententiæ Matthæi cap. 2. 23. modis, quibus veritas ac fides illius in Prophetis de Jesu, Nazaræi nomine appellando, asseritur. Ut autem, quid in hac probabilium solutionum varietate, videatur maxime consentaneum, exponam: aptissimam arbitror secundam illam negatæ antecedentis propositionis solutionem, quod locus à Matthæo citatus extet, Jud. 13. v. 7. Ubi Samsoni attribuitur propriè: metaphoricè verò ac mediatè futuro Messie, per Samsonem, typo prophetico, adumbrato; ut antea pluribus ostendimus. Ac sanè, præterquam quod Nazareatu suo typus fuit Christi, in multis etiam aliis rebus, non humana, sed divina potentia præstitis, similitudinem habuit Christi. Adeò ut, licet non sit necessarium, verisimile tamen videatur, etiam in iis fuisse typum. Ut ut sit; prima similitudo est in conceptione, utrimque miraculosa, ac divinitus promissa: Samsonis quidem à matre sterili, Jud. 13. v. 3. Christi verò à virgine Matth. 1. Altera in fine conceptionis: Samsonis quidem, ut inciperet liberare Israël de manu Philistinorum, Judic. 13. v. 5. Christi verò ut liberaret omnino populum suum, Israël Dei, Galat. 6. v. 16. seu Ecclesiam suam à peccatis, Matth. 1. & salutem conferret ab hostibus nostris & à manu omnium eorum, qui nos oderunt, Luc. 1. v. 71. Diabolo ac mundo foris; carne verò intus. Tertia est in utriusque appellatione: Nomen prioris est Samson, Hebræis Simson, Jud. 13. v. 24. quod solem notat: & sanè in tenebris calamitatum reip. Israëliticæ, ab hostibus oppressæ, Solis instar exortus est: Christi verò appellatio, *Sol iustus*, Mal. 4. 2. *Oriens ex alto, ut appareat in, qui in tenebris & umbra mortis sedent, ad dirigendos pedes eorum in viam pacis*, Luc. 1. v. 78. & 79. Quarta est in vita seu rebus per Dei potentiam extraordinariam gestis. Primum enim; ut Samson Spiritus Dei robore, occurrentem leonem sævum ac rugientem in frustra discerpit, Jud. 14. 5, 6. Sic Christus Diabolum quasi leonem rugientem, 1. Petr. 5. 8. divina vi superavit, Gen. 3. v. 15. cum epist. Heb. 2. v. 14. Johan. 14. v. 29. & 12. 31. Et ut Samson vi divina, deinde solus hostes Philistinæ gravi plaga affecit, Judic. 15. v. 8. ac deinde mille viros occidit asini maxilla, vers. 15. Sic Christus hostes, mortem ipsi intentantes evasit, eosque repressit, Luc. 19. v. 30. & postea in terram verbo prostravit milites adversarios, Joh. 18. v. 6. Quinta, ut Samson hostes suos à quibus detinebatur, morte sua occidit, Judic. 16. 27. & 30. Sic Christus *per mortem abolevit eum qui mor-*

*tis habebat imperium, hoc est, Diabolum*, mundumque ac carnem quoque superavit, Hebr. 2. v. 14. Coloss. 2. v. 14, 15. Rom. 6. v. 6. & 8. v. 3. Denique, ut Samson vivus, ab hostibus, in urbe Gaza, portis custoditis inclusus, fores portæ cum duobus postibus, vi divina adjutus, arreptis, salvus egressus est: Sic Christus mortuus ac sepultus & ab hostibus Sacerdotibus primariis sepulchro obsignato & appositâ custodia conclusus, Matth. 27. 64. & 66. remoto lapide, resurrexit, atque evasit, Matth. 28. v. 2. & 6. Quæ similitudines, etsi non ad certam confirmationem doctrinæ de Christo pertineant, ad illustrationem tamen optimè convenire apparet. Atque hæc de illustribus illius loci, de Christo Nazaræo vocando, explicatione. Cui, quasi utilis *Corollarii loco*, visum est adicere locum Athanasii de perditis nonnullis Prophetarum libris; partim ut ea, quæ de hac materia antea diximus, illustrentur amplius; partim ut in Doctorum veterum & recentiorum scriptis, majore cautione & errore minori prudenter versemur. Eum autem locum Wolfgan. Musculus, insignis Theologus, in suis ad hanc Matthæi sententiam, commentariis recenset: qui inter opera Athanasii Latina, ejus tempore nondum extabat: sed in editione postrema Commelini Tom. 2. in fine Synopsos S. Scripturæ pag. 136. ponitur, sed Latine tantum his verbis: *Nathan, inquit, & Addo & Achia Silonita, & Semei, & Iehu, scripti libri, in libro Regum referuntur. Sunt autem isti propheta ex iis, qui prophetias suas literis mandarunt, quæ tamen non inveniuntur. Psalmorum Davidis trium millium numerum fuisse in Paralipom. scribitur: è quibus tamen 150. tantum ab amicis Ezechia regis selecti; reliqui verò absconditi sunt. Quinque millia Paræmiarum à Salomone edita esse, Scriptura in Paralipomenis tradit: nunc verò non sunt nisi Ecclesiastica illa & Canticum Canticorum; ex pluribus, quæ mystica sunt, selectas esse scriptum est. Quin & 5000. Canticorum Salomonis fuerunt. Es locutus est de arboribus à Cedro qui in Libano est ad Hysopum usque qui è muro nascitur. Locutus est etiam de jumentis, de volucris, de reptilibus & piscibus. Et hæc tamen nusquam in Hebræis literis reperiuntur. Iosephus prophetam Ezechielem duos prophetia libros scripsisse narrat. Nos verò jam unum duntaxat inveniri scimus. Itaque hæc omnia per impiorum Iudæorum amentiam & incuriam perisse manifestum est. Hæc ille. Quæ sanè, aut Athanasii viri doctissimi esse non videntur, aut saltem miris modis depravata. Nam ut pauca tantum attingam; vanum est in Paralipom. scribi, Davidem tria Psalmorum millia edidisse; imò nullibi in S. Scriptura id extat. Deinde Salomonem scripsisse 5000. Paræmiarum, ac deinde in Paralipomenis tradi, utrumque falsum est. Nam 3000. tantum recensentur & quidem tantum, 1. Reg. 4. v. 32. Ac mirum sanè est à doctissimo Musculo tam fædos errores non esse indicatos. Cæterum quod de duobus Ezechielis libris dicitur, illud extat apud Ioseph. Antiquit. lib. 10. cap. 6. Verum per duos illos libros videtur omnino intelligere duas illius distinctas partes, ut primus liber sit ab initio & finiatur, cap. 39. alter verò à cap. 40. ad finem: ubi de collapsæ Ecclesiæ per Christum restoratione agit. Quemadmodum me legere hanc conciliationem memini probè, sed author excidit. Idque etiam inde probatur, quod Iosephus contra Appionem lib. 1. solummodo viginti duos libros recenset, ideoque quæ de libris Ezechielis dicit, numero non convenirent.*

### DE CAPITULO III.

IN Evangelio Matthæi, duo præcipuè tractantur. Primum est Christi persona: alterum illius attributa. Ac persona describitur, partim à majoribus, unde ortus, nempe Abrahamo & Davide: partim à matre, è qua conceptus ac natus, virgine Maria, cap. 1. Personæ verò attributa reliquo opere explicata, sunt tria: vita, mors & resurrectio. Vita autem declaratur, cum privata, tum publica; privata est, quam inde ab infantia ad ministerium usque transegit. Cujus adjuncta recensentur à Matthæo tria, regni illius majestatis sub humili specie latentis, à Magis adoratio: & consequens ab Herode persecutio; & inde fuga in Ægyptum; & reditus atque habitatio Nazarethæ, ac Naza-



Nazaræi nominis origo cap. 2. Reliqua de infantia Christi, ut curiositati nostræ occurratur, prætereuntur: pauculatantum, Luc. 2. recensentur, quæ ad doctrinam idonea. Publica verò Jesu Christi vita est, quam in ministerio suo traduxit, ac duobus membris explicatur, præparatione ad ministerium, & executione illius. Præparatio illa est bimembris: Una enim est divina excellentiæ illius declaratio, capite tertio. Altera est, de tentatione Satanæ, victoria, cap. 4.

Divina autem excellentiæ Jesu declaratio est duplex, mediata & immediata. Illa est, per Joannis Baptistæ ministerium: qui & testimonium excellentiæ muneris ipsius exhibuit, & ad officium resipiscentiæ, ac fidei, in Christum, doctrina ac baptismo viam stravit. Testimonium autem, partim prædicatione, apud populum de Jesu Messia; partim compellatione ipsius Jesu continetur. Nam prædicavit primum generalius adventum regni cœlestis Messia exhibitum, eoque ad resipiscentiæ officium excitavit, vers. 2. Deinde specialius regis Christi potestatem ac potentiam in baptismo Spiritus Sancti & ignis vers. 11. & in iudicio universali exercendo, vers. 12. Atque hæc de mediata excellentiæ Jesu declaratione divina. Immediata verò est, quæ ab ipsomet Deo est sine hominum ministerio. Quæ partim in facto, nempe in apertione cœli & Spiritus Dei, sub specie columbæ, super Christum descensu, (quo muneri suo est inauguratus) vers. 16. partim in elogio patris, de persona Jesu divina vers. 17. consistit.

Hæc strictim de primariis hujus capitis membris. Reliquum est, ut quæstiones nonnullas, quæ moveri solent, expendamus.

*Quæstio I. ex vers. 1. de nomine Iohannis Baptistæ.*

**I**ohannem hunc, Zachariæ senis sacerdotis & Elizabethæ sterilis naturâ, Luc. 1. v. 7. sed Dei gratia sæcundæ, filium esse vers. 13. constat. Et ut ab Apostolo Johanne distingueretur, à baptizandi munere, ipsi primum imposito, Matth. 3. 6. & 11. Baptistam dictum esse, Matth. 14. 2. & 8. &c. cap. 16. v. 14. Deinde non humano consilio, sed Dei, per Angelum, jussu, Luc. 1. v. 13. à parentibus suis ita nominatum, Luc. 1. 60. & 63. Tertio non temerè, sed peculiaris rei significandæ gratiâ, illud impositum: ut Dei sapientia requirit, & usus in similibus nominibus, divinitus impositis, ostendit: ut nomen Abraham, Genes. 17. v. 5. Sara v. 15. & 16. Isaac v. 17. Israël Gen. 32. v. 28. Sic nomen Jesu & Immanuel, Matth. 1. & alia, certæ rei significandæ sunt indita à Deo. Præterea & illud etiam certum, nomen *ἰωάννης*, Græcè esse idem quod Hebraicè *יוחנן* 2. Reg. 25. v. 23. & Syris hoc loco *ܝܫܬܝܢ*: Denique originem illius esse à *ἰωάν* *gratias dare*. Sed de figura vocis & significatione eruditorum sententiæ variant. Nam primum quidam figuræ simplicis esse censent, ut jod sit litera formativa: Sed de significatione non idem censent. Sunt enim nonnulli, qui passivè *gratiosum* seu *gratum* & *acceptum* notari putant: idque videtur Angelus indicasse, Luc. 1. v. 13. & 14. *Vocabis nomen ejus Iohannem, & erit tibi gaudium & exultatio, & multi de ejus nativitate gaudebunt.* Quemadmodum etiam Christus ait, Johan. 5. v. 35. *Ille erat lucerna ardens & lucens; vos autem voluistis ad tempus exultare in luce ejus.* Alii vero activè interpretantur, *gratiam conferens*, hoc est, gratiæ præco. Nam quod Luc. 1. 14. de gaudio dicitur, illud non ut etymon seu nominis Joannis ratio: sed ut nativitatis illius & prædicationis gratiæ fructus denotatur. Quemadmodum Luc 2. v. 10. similiter de Christo enunciat. Denique sunt, qui utramque nominis rationem conjungunt, & quod gratiosus esset; & gratiæ præco ac minister, ut Luc. 1. 76. & 77. Idcirco isto nomine appellatum. Veruntamen quamvis hæc duo Joanni reipsa convenire, atque ita hæc inter se consentanea agnoscam: non propterea tamen possunt in Etymologiâ ita concurrere, ut eadem vox, eadem derivatione, à sua radice, & activè, & passivè simul accipiantur. Etsi enim quædam vo-

ces, à radice sua deflexæ, modò passivè, modò activè distinctim accipiantur: non tamen simul ac conjunctim, varia significatione, eidem subjecto tribuuntur. Alii vero non simplicem sed compositam vocem statuunt, ex *יוחנן* & *בן*, ut *יוחנן בן* sit contractè pro *יוחנן בן* quod extat, 1. Chron. 26. 3. Jonathan pro Jehonathan & Josedek pro Jehosedek, & similia multa. Atque ita sensum esse putant *Jehova gratiam præstabit.* Quæ expositio uberior est, & linguæ Hebrææ genio magis apta, & finem ministerii Joannis Luc. 1. v. 77. & 78. egregiè exprimens.

*Quæstio II. ex vers. 4. de Iohannis Victu, seu quid *ἀγρίδος* notent.*

**I**ohannis Baptistæ cibus describitur à Matthæo duplex, vers. 4. ut victus illius austeritas indicetur, nempe *ἀγρίδος* & mel agreste. Qua de causa adversus Phariseos dicitur, Matt. 11. v. 18. *Venis Ioannes neque edens neque bibens, & dicunt, demonium habet;* hoc est, quod solito cibo & potu communi non uteretur: ut Luc. 7. v. 33. exponitur; *venit Ioannes Baptista neque panem edens, neque vinum bibens & dicunt, demonium habet.* In quo cibo Joannis, extra controversiam est, quid sit mel agreste: nempe quod sine hominum cura, in agris ac desertis, ab apibus proferebatur; utpote cum in Judæa adeò copiosæ sint apes, ut etiam in petris, cavernis, cavis arboribus, agrisque mellificent; qualis mellificationis apum in cavata petra, Homerus meminit. Iliad. β. versu 88. Quo pertinet illud Mosis, Deut. 32. 13. *datque ei sugendum mel à petra,* & Psalm. 81. *Etiā melle ex petra satiarem te.* Et 1. Sam. 14. 25. dicitur in sylva fuisse mel in superficie agri, & vers. 26. de sylva dicitur, *ubi ecce fluxus mellis erat.* Hæc de melle certa sunt. Sed de priori disceptatur, quid scilicet hoc loco significant *ἀγρίδος*. Hac enim de re duplex est interpretum sententia. Nam primum plerique *locustas* interpretantur. quod ex quatuor locis, (quibus in Nov. Testam. occurrit) in duobus hoc citra controversiam significat: ut Apoc. 9. 3. & 7. undè & locus Matt. 3. 4. & Marci idem repetentis, cap. 1. v. 6. similiter exponitur. Cui expositioni, usus & esus locustarum, convenit: siquidem *אַרְבֵּעַ* locustæ (quam vocem *xx* plerumque *ἀγρίδας* verterunt) inter cibos Judæis licitos recensentur, Levit. 11. 22. Plin. etiam tribus in locis, similis esus meminit. Nam Lib. 6. cap. 30. naturalis hist. ait: *Pars quædam Æthiopum locustis tantum vivit, sumo & sale duratis in annua alimenta.* Deinde Lib. 7. cap. 2. de quadam Indorum gente ex Agatarchide, locustis eos ali asserit. Denique de locustis, Lib. 11. cap. 29. sic ait: *Parthis & hæc (nempe locustæ) in cibo grata.* Sic Eustath. in Homeri Odyss. Lib. 9. ex historia refert, Æthiopes Macrobios locustis vixisse, & viso pane, stercorei comparasse. edit. Rom. p. 1593. Atque hæc prima est expositio, ut *ἀγρίδος* locustas notent, ab effectis suis, sic dictas, ut Etymolog. magnum inter alia testatur, *κατὰ τὸ ἀγρὰ τῶν ἀσχυρῶν καὶ φυτόν ἀμυδρὰ*, quod summitates spicarum & plantarum depascant. Alii verò *ἀγρίδος* exponunt non locustas, sed *ἀγρίδουα*, hoc est, *τὰ ἀγρὰ τῶν δένδρων*. *δένος* enim, priscis quamvis arborem notabat, ut Scholiastes Aristophan. in comœdiam *ἰππείς* dictam, pag. 227. edit. Basilien. & Etymolog. magnum in voce *δένος* pag. 288. edit. Commel. testatur. Atque ita exposuit primus (ut videtur) Nicephorus Callistus, histor. Eccles. Lib. 1. 14. ubi de Joannis Baptistæ victu, in diserto loquens, ait: *Ibi tenerioribus arborum frondiumque summitatibus pro cibo, &c. utebatur.* Theophylactus idcirco ait in Comment. ad hunc locum, quosdam vocem *ἀγρίδος* exponere *τὰ ἀγρίδουα ἢ τοὶ ὀπώρας ἀγρίδας* summitates arborum, sive fructus agrestes. Sed prior expositio ob vocis significationem usitatam ac certam & rei convenientiam sive locustarum in cibis tenuioribus usum, communi consensu meritò præfertur. Altera verò ob significationis novæ, quam attribuunt, insolentiam (quam etiam in Thesaurο Græc. ling. perstringit Henr. Steph.) minimè convenit: quandoquidem conjectura Nicephori potius, quam ullo bonorum authorum usu aut indicio nitatur.

Hæc de austeritate victus Joannis : cui altera in amictu consentit, nempe vestimento è pilis Camelorum & zona pellicea circum lumbos, vers. 4. Cujus austeritatis universæ causa consideranda est, efficiens & finis. Efficiens fuit Dei voluntas ac directio, Luc. 1. v. 15. *Erit enim magnus in conspectu Domini, & vinum siceramque non bibet, & Spiritu S. implebitur etiam ab utero matris.* Finis vero austerioris illius vitæ fuit duplex; proximus quidem, imitatio Eliæ in amictu, 2 Reg. 1. 8. Et si enim victus similitudo non apparet, illud non obstat; sufficit enim in amictu fuisse, & quod uterque extraordinario quodam modo in deserto sit veratus, in primis verò, quod simili spiritu pietatis, zeli atque invictæ constantiæ, collapsum Dei cultum, restituerint, & regibus Hypocritis sese opposuerint, Elias Achabo & Jesabeli, Joannes verò Herodi Matth. 14. v. 4. Luc. 1. v. 17. *& ipse præcedet coram eo cum spiritu & potentia Eliæ, ut convertat corda patrum ad filios & rebelles ad prudentiam justorum, ut pareat Domino populum instructum,* unde Mal. 4. v. 5. Elias propheta, metaphoricè, ob similitudinem fuit appellatus: *Ecce, inquit, ego mittam vobis Eliam prophetam & convertet cor patrum ad filios.* Hinc Christus de Joanne, Matth. 11. v. 14. *Et si vultis recipere, ipse est Elias qui venturus erat.* ubi obiter notandum conjunctionem *ei Si*, exponi fortè posse *an*, ut interdum & *ἢ* Hebræis & *et* Græcis interrogativè usurpatur. Et cap. 17. v. 12. *Elias jam venit, & non agnoverunt eum.* Neque obstat, quod ipsemet Joannes Baptista rogatus, an esset Elias, se esse negarit: quia non Malachiæ prophetiam respicit, qua metaphoricè Elias dicitur: Sed mentem & errorem interrogantium Phariseorum, qui propriè personam Eliæ expectabant & intelligebant, Matth. 17. v. 11, 12. Itaque non absolute, sed relatè, ad interrogantium mentem, Eliam etiam se negat.

Hæc de proximo, austerioris vitæ Joannis, fine. Remotus verò fuit populi, per novitatem vitæ ejus & imitationem Eliæ, præparatio. Nam ut nova ista vitæ austeritas, improborum Phariseorum invidiam, Luc. 7. v. 33. sic contra populi admirationem & attentionem commovit. Unde Christus Matth. 11. v. 7, 8. ad turbas de Joanne ait, *quid existis in desertum ut spectaretis? arundinem quæ agitur à vento? sed quid existis? ut videretis hominem mollibus vestibus amictum?*

Atque hæc quidem ad versus quarti illustrationem.

### Quæstio III. ex vers. 6, 9, 14. de Baptismo Joannis.

Celebris est, inter nostros & Pontificos, de baptismo Joannis controversia, duabus in primis quæstionibus constans. Quarum prima est de genere illius: altera verò de vi & efficacia ejusdem. De genere enim quæritur, an fuerit Sacramentum: & comparatè de specie, an idem cum baptismo Christi. Nostri utrumque affirmant: Pontificii utrumque negant; ut inter alios Bellar. Tom. 2. de Baptism. Lib. 1. cap. 20. Cujus rationes ad veritatis confirmationem paucis diluemus.

Prima est: Baptismus Joannis ab ipso institutus est; non erat ergò Sacramentum, præsertim novæ legis. Consequentiam probat, quia nullus homo, purus, sacramenta instituere potest. Antecedens verò, quia in Scriptura passim vocatur baptismus Joannis, Matth. 3. v. 7, 21, 25. Verum respondetur, antecedens esse falsum, & rationem illius infirmam. Joannis enim baptismus dicitur, non quia author fuit illius, ut adversarius ait; sed quia fuit primus minister. Quemadmodum lex Moysi dicitur, non autem lex prophetarum aliorum, quod scilicet per eum primum lata sit: non quod author, sed quia fuit primus minister. Nam quod objicit Jesuita, posse eadem ratione baptismum Christi, vocari baptismum Petri & Pauli, quod Scriptura cavit: illud dissimile est, quoniam filius Dei, homo factus, imperavit suis Apostolis ut baptizarent, neque ipsi primi baptizarunt, ut Joannes fecit. Deinde Joannis baptismum non ab ipso, sed à Deo institutum esse docetur, Ioan. 1. 33. *qui misit me ad baptizandum aqua, dixit mihi,* & Matth. 21. v. 25. *An Joannis baptisma è cælo erat, an verò ex hominibus?* &

Luc. 7. v. 30. vocatur *consilium Dei*, & Matth. 3. vers. 15. susceptio illius baptismi, *justitia* dicitur. Quæ omnia sole licet clariora, Bellarm. obscurare conatur: sed non sine contradictione sui argumenti. Agnoscit enim primum cum Aug. libr. 5. de baptismo, cap. 9. & 13. & Tertul. de baptif. baptismum Ioannis à Deo fuisse institutum, sed mediante Ioanne. Ergò falsum agnoscit antecedens argumentum, quo asseruit baptismum Ioannis ab ipso institutum: item Ioannem non ministrum tantum fuisse baptismi, sed etiam autorem. Nam quod excipit, Deus solum in genere inspiravit & inspiratione illa mandavit ut baptizaret: sed ritum in particulari, quo baptizandum esset, ipse Ioannes instituit, non à Deo præscriptum accepit: illud vanum est, & ab omni Scripturæ usu atque indicio alienum figmentum: imò ei repugnans: quia Christus quæstione sua, Matth. 21. v. 25. disjunctivè interrogat, an baptismus Ioannis esset è cælo, an vero ex hominibus: quo ostendit non posse dici, & è cælo in generali, & ex homine in particulari, ratione ritus, ut adversarius contendit. Deinde cum receptio baptismi, suis ritibus administrati, sit Dei consilium, Luc. 7. v. 30. & justitia, Matth. 3. vers. 15. Ergò non Ioannes instituit, sed Deus.

Quare confutato primo argumento, alterum expendamus: hoc autem est hujusmodi: Ioannes non baptizavit, in nomine Patris, Filii, & Spiritus sancti: non igitur est idem Sacramentum cum baptismo Christi: Antecedens probatur, quia Scriptura hoc nullibi tradit. Sed negatur antecedens & rationis allatæ consequentia. Nam & Christus Ioannis 3. v. 26. dicitur baptizasse, & quidem plures quam Ioannes, cap. 4. v. 1. nempe per discipulos suos, vers. 2. 1. & tamen nulla omnino fit mentio formulæ baptizandi in nomine Patris, &c. quæ tamen certo negari non potest. Si exceperint, Christum postea ita mandasse, Matth. 28. vers. 19. indeque colligi, eandem formulam antea ab ipso servatam: quidni similiter, de Ioannis baptismo, colligi poterit: cum nulla prorsus in ritibus aut formula baptismi Ioannis & Christi differentia recenseatur.

Sed tertium profertur argumentum hujusmodi: Baptismus Christi est Sacramentum Nov. Test. baptismus Ioannis non est Sacramentum Nov. Test. ideoque non est baptismus Christi; sed Assumptio falsa est, & probatio illius infirma. Nec enim Ioannis ministerium ad Vetus Test. pertinuit ut Bellar. Tom. 2. de Sacram. Lib. 1. c. 14. asserit, sed ad Novum. Et si enim Christus Nov. Test. sit author, illud tamen à prædicatione illius, qua per se docuit, non primum cœpit: sed à prædicatione Ioannis, per quem tanquam præcursoresuum, Spiritus sui instinctu, & docuit & baptismum instituit in Iudæa: quem postea etiam ad omnes gentes propagavit. Matth. 28. *Lex enim & Propheta usque ad Ioannem,* Matth. 11. v. 13. *Ab illo tempore regnum Dei annuntiatur,* Luc. 16. v. 16. Ipse enim adventum Messie, regnumque illius, & salutem per ipsum annuntiavit, & coram Christo, accedentem ad se, demonstravit, & agnum Dei esse docuit, qui tollit peccata mundi, Ioan. 1. v. 29. Hinc initium Euangelii Jesu Christi dicitur, narratio de Ioannis ministerio, Marc. 1. & 2. & Luc. 3. v. 18. Baptista Ioannes evangelizasse populo asseritur.

Sed quartum objicitur argumentum: baptismus Christi iterari non potest: Atqui Ioannis baptismus potuit iterari, ut exemplum, Actor. 19. docet; ubi baptizati à Ioanne, à Paulo deinde baptizati dicuntur, vers. 4. Atque hoc præ cæteris est speciosum; & multos insignes interpretes torfit: sed Clariss. Bezzæ solutio ex D. Philippi Marnixii, ut ait, indicio, expedita est. nempe Actor. 19. hoc non dici, quod objiciunt, de discipulis illis Ephesinis baptismum Ioannis tinctis, quod in nomen Christi baptizati sint à Paulo: sed de Ioannis auditoribus, quod illi ab eo fuerint baptizati, in nomen Domini Jesu. Non enim ea sunt verba Lucæ de Ephesinis, sed verba Pauli de auditoribus Ioannis, quemadmodum relatæ voces, *ὡς, quidem, & δὲ, verò* vers. 4. demonstrant. *Iohannes quidem baptizavit baptismum resipiscentiæ; dicens populo ut crederent in eum, qui venturus erat post ipsum,* hoc est, in Christum Iesum (nempe baptizaturum



rum ipsos Spiritu sancto & igne, Matth. 3.) *Qui verò audierunt*, nempe Iohannem ista dicentem, *Baptizati sunt in nomen Domini Iesu*. Deinde sequuntur verba Lucæ, qui narrat vers. 5. Paulum iis (nempe discipulis Ephesinis, quos alloquebatur) imposuisse manus, & venisse in eos Spiritum sanctum, & locutos linguis, ac prophetasse: quemadmodum Act. 8. 15, 16, 17. Samaritani primum à Philippo sunt baptizati: sed missis deinde Petro & Iohanne Apostolis, impositione manuum acceperunt Spiritum sanctum. Atque hæc genuina solutio est. Nonnullis tamen responsio hæc placet, quasi hi discipuli, non à Iohanne ipso, rectè, sed ab imitatoribus ipsius, perperam essent edocti ac baptizati: quia etiam ignorabant an esset Spiritus sanctus: quod tamen Iohannes clarissimè docuerat, & Christum ipsos Spiritu sancto baptizatum promiserat. Ideoque antea malè baptizatos, postea bene baptizatos à Paulo. Veruntamen hypothesis illa de baptismo, Iohannis nomine ab aliis administrato, mera est, sine ullo Scripturæ indicio, conjectura. Deinde & ratio illius aliena; Nec enim ignorasse dicuntur, an esset persona Spiritus sancti (quemadmodum obtenditur) sed an dona illa extraordinaria (quæ Spiritus sanctus metonymicè dicuntur) essent collata. Respondent enim discipuli illi Ephesini eodem sensu, quo rogati erant à Paulo dicente, *an postquam credidistis, accepistis Spiritum sanctum*, id est, promissa illa creditibus extraordinaria Spiritus sancti dona, ut Ioh. 7. v. 39. *Hoc autem dixit de Spiritu S. quem accepturi erant credentes in eum*. Nondum enim erat Spiritus sanctus, quia Iesus nondum erat glorificatus. Deinde cum & discipuli dicantur, hoc est, Christiani, & credidisse in Christum: quis credat eos non credidisse, neque scivisse Spiritum sanctum? Sed objicit Bellarm. Tom. 2. de baptismo lib. 1. cap. 22. Marcus dixit cap. 1. v. 5. universos Hierosolymitas à Iohanne baptizatos: Atque ex illis tria millia, Act. 2. v. 41. & postea quinque millia, Act. 4. v. 4. ab Apostolis baptizata. Sed falsum est, Marcum dicere universos Hierosolymitas: tantum enim indefinitè dicit, Hierosolymitas. Et non omnes eos à Iohanne baptizatos testatur Lucas, cap. 7. v. 30. Deinde non eosdem, sed diversos esse, qui à Iohanne Baptista & ab Apostolis baptizati dicuntur, contraria attributa evincunt. Nam baptizati à Iohanne poenitentes fuerunt, & credentes in Christum, Act. 19. v. 4. Sed baptizati ab Apostolis, ante concionem eorum, nondum erant credentes in Christum; sed Christi hostes, qui ipsum crucifixerant, Act. 2. v. 33. & 36. nempe suo iussu, Matth. 27. v. 20, 22, 25. & per prædicationem Apostolorum conversi sunt ad fidem in Christum, Act. 2. v. 37. & 41. & 44.

Atque hæc de prima quæstione & Pontificiorum refutatione, qui baptismum Iohannis, non fuisse reverà eundem atque Christi baptismum; imò nec Sacramentum fuisse contendunt. Altera est, de vi & efficacia illius, ut Bellarm. distinguit, sed tamen eodem omnino pertinet, & quintum argumentum constituens, hoc modo: Baptismus Iohannis, non habuit eandem vim & efficaciam, quam Sacramentum baptismi Christi: Ergò non fuit idem. Antecedens etiam extat in Concil. Trident. Sess. 7. Can. 1. de baptis. *Si quis, inquit, dixerit, Baptismum Iohannis habuisse eandem vim, cum baptismo Christi, anathema sit*. Sed negatur antecedens; neque illud ex Sacris literis demonstratur. Nam quod obijciunt, Iohannem sui baptismi vim distinguere ab efficacia Sacramenti baptismi Christi, illis verbis, Marc. 1. vers. 8. *Ego quidem baptizavi vos aqua: Ille verò baptizabit vos Spiritu sancto & igni*: illud speciem aliquam habet veri, sed veritate destituitur. Nam verba illa sunt Joannis: sed eorum interpretatio Pontificia, falsa est: ludit enim fallacia homonymias. Nam in priori membro vox *baptizare* propriè; in posteriori vero metaphoricè accipitur. Verum ea metaphora bifariam exponi potest. Quidam enim de regeneratione seu sanctificatione per Spiritum sanctum ordinaria accipiunt; ut distinctio sit inter externum Iohannis ministerium, qui signum tinctionis aquæ conferat: & inter conjunctam internam Christi Domini efficaciam: quod regenerationem per Spiritum san-

ctum signo externo significatam efficiat. Qualis ministerii apostolici & efficaciarum Dei illi conjunctæ distinctio traditur, 1 Cor. 3. v. 5, 6, 7. Sed obijciunt: verba obstarè: Iohannem enim de suo ministerio dicere; *Ego baptizavi*, in tempore præterito, Marc. 1. v. 8. & apud alios Euangelistas, Matth. 3. v. 11. Luc. 3. 16. in præsentem, *ego baptizo vos aqua*: de Christo verò semper in futuro, *ille vos baptizabit*. Contra verò. 1 Cor. 3. utrimque de eodem tempore præterito dicitur: *Ego plantavi, Deus dedit incrementum*; adeo ut ea fuerint conjuncta, non disjuncta. Verum responderi potest, futurum tempus, interdum continuationem rei, non autem futuram illius inchoationem notare, quemadmodum Ioan. 14. v. 20. dicitur, *Qui diligit me, diligetur à Patre meo, & ego diligam eum & manifestum me faciam ei*. Neque etiam semper de Christo in futuro dicitur, qui baptizabit, sed etiam in præsentem, Ioan. 1. vers. 33. *Hic est qui baptizat Spiritu sancto*.

Secunda expositio est, baptizare Spiritu sancto & igni, per metaph. donorum extraordinariorum per Spiritum sanctum effusionem, Act. 2. v. 17. denotare: idque constat, ex divina interpretatione, primum ipsius Christi, Act. 1. vers. 5. *Nam, inquit, Iohannes baptizavit quidem aqua, vos autem baptizabimini Spiritu sancto*. Deinde ex repetitione Petri, Act. 11. v. 15. *Memini autem illius dicti Domini cum diceret, Iohannes quidem baptizavit aqua, vos verò baptizabimini Spiritu sancto*. Quo etiam pertinet promissio Christi, Ioh. 7. v. 38. & 39. *Qui credit in me, sicut dicit Scriptura, flumina aqua viva fluent ex ventre ejus: hoc autem dixit, de Spiritu quem accepturi essent credentes in eum: nondum enim erat Spiritus S. quia Iesus nondum erat glorificatus*. Nam quod excipit Bellarm. his verbis: *Quod autem attinet ad verba Christi & Petri, non est certum, eodem sensu illa verba dicta fuisse, à Iohanne Baptista & Christo: Voluit enim Dominus alludere ad verba Joannis, & tamen in alio sensu illa proferre*: Illud, inquam, non est solidè respondere, sed in re sancta ludere indignè; cum manifestè appareat, iisdem verbis, rem eandem, nempe baptismi Iohannis & Christi distinctionem proferri. Alii denique utrumque metaphoræ modum simul complectuntur: quod Christus baptizet Spiritu sancto & igni bifariam. Primum ordinariè: cum gratiam Spiritus sancti (quo Spiritu, tanquam igne purgamur) quatenus Dei filius confert: atque ita dici de Christo, Ioan. 1. v. 33. *ὁ βαπτίζων* qui baptizat, quod illud jam præstaret in auditoribus Iohannis. Secundo extraordinariè, post ascensionem, immisso in Ecclesiam Spiritu sancto, qui & aquæ & ignis instat, eos repurgaret ac scientia illustraret: cui etiam rei significandæ linguarum ignearum species inservivit. Atque hæc uberrima & maximè recepta est expositio. Nam hæc duo, sub eodem genere, donationis Spiritus sancti & ignis, continentur. Quamobrem quod Baptista dicit: *Ego baptizo vos aqua: Ille vero baptizavit vos Spiritu S.* non distinguit baptismum Joannis à baptismi Christi Sacramento: quasi ille baptismus fuisset separatus à Spiritus sancti gratia: hic verò eam contulisset; sed distinguit in baptismo Iohannem ministrum, à Christo Domino: quod ille externum ministerium in baptismo adhibeat: sed interna ac conjuncta gratia Spiritus sancti tinctione aquæ significata, à Christo Domino tribuatur, atque etiam extraordinaria illa Spiritus gratia conferatur, ut antea ostendimus. Hactenus de tertia quæstione.

*Quæstio IV. ex vers. 13. & seqq. de Christo, à Iohanne baptizato.*

DE Baptismo, quem Christus, à Iohanne suscepit, tria ab Euangelista recensentur: antecedens rei, res ipsa, & consequens illius. Antecedens constat Christi ad Iohannem accessu, & inde orta inter utrumque controversia. Accessus autem, & opportunitate sua, & sine describitur, vers. 13. opportunitas autem, tempore & loco idoneo declaratur. Tempus quidem idoneum cum ait, *Tunc*: hoc est, postquam illustre illud, quod præmissum est testimonium, de Christo proposuisset & confirmasset. Propositio fuit Christum, licet Iohannem sequeretur, nihilomi-

nus ipso esse validiorem, adeo ut ipse indignum se agnosceret, qui illius soleas portaret: hoc est, vilissimum ministerium præstaret. Confirmatio verò à divinis potentia Christi effectis petita est: nempe quod esset baptizaturus Spiritu sancto & igne: & quod mundum universum esset ultimo die iudicaturus: Electos primum à reprobis segregando: Deinde illos quidem, instar tritici, in horreum cœlesti, congregando, hosce verò, ut paleam inutilem, igne inferni inextinguibili exurendo, vers. 12. conferantur loca similia, Matth. 13. v. 37. ad 42. & 47. ad 51. Quo testimonio de Christo perhibito, opportuno tempore Joannem accessit. Locus verò opportunus etiam adjicitur, *Jordanus*: in quem venit ac descendit, quod Johannes ibi esset & in eo, vers. 5. baptizaret accedentes. Finis vero illius accessus indicatur vers. 13. *ut baptizaretur*, nempe eo tempore & in Jordane & à Joanne. Hæc de accessu Christi ad Joannem: orta verò inde controversia est hæc, an Christus esset à Joanne baptizandus. Ea autem bimembris est, siquidem Joannis oppositionem, & illius à Christo refutationem complectitur. Oppositio Joannis quæ *prohibitio* dicitur, partim facto contigit, quod scilicet offerentem se baptismo Christum, non baptizavit: partim sermone, qui duabus constat partibus, propositione & conclusione. Illa rationem habet facti, *Ego opus habeo ut à te baptizer*, nempe Spiritu sancto. Hæc vero indignitatem baptismi, emphatica interrogatione, describit, *Et tu venis ad me?* nempe ut baptizeris, vers. 14. Cui oppositioni Joannis, alterum controversiæ membrum attexitur, nimirum illius à Christo refutatio: qua primum facto Joannis opponit contrarium mandatum, *omitte nunc me*, hoc est, prohibere à baptismo desine: deinde rationi Joannis aliam rationem similiter opponit, qua Joannis consequentiam infirmat; & suum mandatum probat, his verbis: *Ita enim decet nos implere omnem justitiam*, vers. 15. Ubi *justitia* quidem nomine, debitam mandato Dei obedientiam, intelligit: *nos* verò *implere*, nihil aliud est, quam si expressisset, ut ego & tu eam non minus quam reliquam exequamur: Ego me baptizandum tibi offerendo, tu verò me baptizando. Unde liquet, τὸ ἀπειρὲς decens, hoc loco non decorum simpliciter notare, quasi baptismus non fuerit ei necessarius, ut quidam observant; sed officium debitum. quemadmodum etiam in Sacris literis plerumque in usu est, Eph. 5. v. 3. 1. Timoth. 2. v. 10. Tit. 2. v. 1. Hebr. 2. v. 10. 7. v. 26. Quibus in locis pro convenientia necessaria usurpatur: etsi pro decoro generalius semel, 1. Cor. 11. v. 13. accipiat: Et officium in Christi verbis significare, *Justitia* vox evincit. Baptismus enim Joannis, erat à Deo institutus toti Ecclesiæ: adeo ut ejus neglectus, consilii (hoc est mandati) divini rejectio nominetur, Luc. 7. v. 30. Ac propterea in baptismo hoc, non personæ dignitatem aut indignitatem, sed Dei mandatum esse spectandum & observandum docet Christus. Atque hæc de rei ipsius, hoc est, baptismi à Christo suscepti antecedente: cui secundo loco (Joanne à Christo monito ac persuaso) res ipsa seu baptismus accessit. Nam & Christum prohibere à Baptismo suo desit, vers. 15. eumque baptizavit vers. 16. Cæterum, licet de re & jure hujus baptismi, τὸ ὄν, seu veritas, ex Evangelicæ narratione & Christi assertionem sit certa, nempe quod baptizatus sit: & quidem ut omnem justitiam seu obedientiam erga Dei mandatum impleat: ὁ δὲ, tamen, seu ratio hujus mandati, & causa specialis est obscurior; quod mandatum hoc fini baptismi repugnare videatur. Sic enim objicitur: Cui res signo baptismi significata, prorsus non convenit, illi nec signum baptismi, jure tribui potest. Nam aliàs falsum esset signum ac sigillum. Atqui Jesu Christo res, signo baptismi significata, non convenit: Ergo nec baptismi signum. Assumptio probatur, quia ut signum baptismi est ablutio corporalis per aquam: sic res significata est ablutio seu purgatio spiritualis à peccatis, Eph. 5. 26. cum ratione maculæ; tum ratione pœnæ merita. Quæ ablutio primum fit Dei beneficio, quod promittitur: Deinde hominis officio, quod exigitur. Beneficium Dei est absolutio, partim per Spiritum sanctum, partim per sanguinem Christi. Illa est regenera-

tio seu vitiosæ naturæ, per virtutum, fidei, spei, ac charitatis donationem, sanctificatio: qua insita seu innata peccati macula, paulatim abluitur, 1. Cor. 6. v. 11. Tit. 3. v. 5. Hæc verò est peccatorum seu pœnæ iis debita, merito passionis & mortis Christi, remissio, 2. Cor. 6. 11. & 1. Joh. 1. v. 7. Hebr. 1. v. 3. Officium verò ablutio humanæ, baptismo significata, est quotidiana nostri à peccati reatu, & reliquiis, per fidei & resipiscentiæ exercitium repurgatio, Act. 19. 9. Jacob. 4. v. 8. Matth. 3. 8. Rom. 6. v. 4. Atqui neutrum horum Jesu Christo convenit. Non enim ablutio à peccatis, per Dei beneficium: quia sanctus est genitus, ac vitiosæ naturæ prorsus expers; ideoque regenerari non potuit; nec etiam remissione peccatorum abluere: quia iis omnino & absolutè caruit. Deinde nec ablutio, per officium suum Christo adfuit: quia nec fide remissionis peccatorum, nec vitæ resipiscentiæ opus habuit: quandoquidem cum sanctitate naturæ illius, perpetua vitæ innocentia, & sanctitas fuit conjuncta, Philip. 2. v. 8. Hebr. 4. v. 15. & 7. v. 26. Ac propterea cum spiritualis ablutio à Christo abfuerit (utpote natura, Luc. 1. v. 35. & vita perfectissimè sancto, Joh. 8. v. 29.) corporalis ablutio, ad spiritualement illam ablutioem significandam & obsignandam à Deo instituta, Christo tribui non potest. Hæc difficultas non exigua prima fronte apparet: quam nonnulli tollere conantur, negatione assumptionis syllogismi ante positi: Idque hac ratione; Quod licet Christus, in se consideratus, nullum habuerit peccatum, nec à proprio peccato abluere potuerit; in nobis tamen habuisse peccata, quæ fuerint abluenda: ac propterea dictum esse putant, 2. Cor. 5. 21. *Fecit, ut qui non novit peccatum, pro nobis esset peccatum, ut fieremus justitia Dei in eo.* Sed hæc solutio consistere non potest. Id quod vocis distinctione clarius evadet. Peccatum enim propriè acceptum, citra controversiam, ἀνομία, hoc est, legis divinæ transgressio est, 1. Joh. 3. v. 4. & per Synecdochē generis pro specie, peccatum dominans, ibid. vers. 9. designat. Neutrum autem ullibi in S. literis Christo attribuitur, neque etiam sanctæ, Sancto sanctorum tribui potest. Nam sive dicant, eum immediatè in se, sive mediatè in nobis habuisse peccata, seu inobedientiam erga Dei legem: inde necessario sequetur fuisse peccatorem. Nam modus mediat, & immediatus, peccati genus quidem dividit, non autem tollit, sed contrà statuit. Deinde peccatum impropriè, per Meton. duplicem usurpatur. Quarum prima est, causæ efficientis pro effectu: ut pœnam peccato debitam significet. Atque ita Christo peccata nostra adscribuntur, Esai. 53. v. 5. & 1. Petr. 2. v. 24. cum ait: *Qui peccata nostra pertulit corpore suo super lignum; ut peccatis mortui justitia viveremus.* Ubi per elegantem antanaclassin peccata priori loco impropriè pœnam peccatorum, posteriori verò injustitiam notant: ut oppositio justitiæ demonstrat. Neque etiam remissio peccatorum, (quæ nihil aliud est, quam pœnæ peccatis debita omissio ac condonatio,) Christo ascribi potest: quia pœnas, nobis debitas, pertulit, ac plenissimè Dei justitiæ satisfecit. Ideoque remissio ac condonatio locum non habet in Christo. Altera verò in vocis peccati usu Metonymia (quæ ex proprio oritur) est adjuncti pro suo subjecto: nempe ut peccatum, non pro pœna peccati, sed pro obnoxio illi pœnæ accipiat. Atque ita Christus 2. Cor. 5. 21. factus à Deo pro nobis peccatum dicitur: quod pœnis peccatorum pro nobis ut sponsor fuerit subjectus. Quemadmodum etiam victimæ, quæ mactabantur pro peccatis, peccata passim apud Moysen & Prophetas appellantur. Quamobrem ex hisce, quæ hæcenus disseruimus, satis, ut arbitror, intelligi potest, solutionem primam, quam expendimus, qua dicitur Christus in nobis habuisse peccata & ablutioem peccatorum, esse alienam, ac Christi sanctitati injuriam. Altera verò solutio est, in ea re conveniens, quod assumptio (qua asseritur, rem baptismi signo significatam, Christo prorsus non competere) negatur; sed causa ac distinctione alia: nimirum, quod quamvis specialis baptismi significatio, Jesu Christo non conveniat: generalis tamen, eidem optimè quadret: Ea autem est, fœde-

fœderis cum Deo, & communionis Ecclesiæ significatio & obfignatio; quod videlicet Deus, fuerit ejus Deus ac salutis dator: ipse vero ad perpetuam obedientiæ gratitudinem, ei præstandam, obstrictus & Ecclesiæ communioni adjunctus. Deinde licet ablutio à peccatis, in ordinario Ecclesiæ baptismo, sit specialis res significata: ea tamen non est res significata, in extraordinario capitis Ecclesiæ Jesu Christi baptismo, quemadmodum sanctitatis illius perfectio evincit, quæ ut peccatis contraria est omnino: sic etiam ablutionem à peccatis nequaquam admittit. Idemque etiam ex eo deducitur, quod baptismus Christi, licet peccato carentis, justitia Dei appellatur. Atque eadem est in reliquis sacramentis, à Christo perceptis (nempe circumcissione, Paschate, cœna Domini) ratio. Quæ Sacramenta communi ac generali modo, ac fine, consentaneè suæ sanctitati perfectissimè observavit: non autem speciali, qui Ecclesiæ ipsius utpote peccatis obnoxia, est propria. Atque hoc modo difficultas proposita, sine Scripturæ & sanctitatis Christi læsione, commodissimè expeditur. Cœterum observandum est, quod à quibusdam interpretibus, Christum idcirco baptizatum esse, dicitur, ut baptismum nostrum in se sanctificaret: illud videtur obscurius. Nec enim eam rationem è Scriptura probant; neque etiam sanctificatione baptismus habebat opus: quandoquidem ab institutione Dei mandantis, suam habeat sanctitatem, & pars esset justitiæ, etiam à Christo implendæ: quemadmodum adversus Joannem baptizare recusantem, ipsemet asseruit. Certum quidem est, baptismum, ex Christi eum percipientis factò, non exiguam accessisse commendationem, & apud nos fideles universos eo majori esse debere in pretio, quod ipsemet filius Dei ac Dominus noster eum nullo modo sit dedignatus, sed lubenter amplexus: Veruntamen hæc utilitas, à baptismo Christi promanans, à fine rei destinato videtur distinguenda.

Atque hæc de illustri hac quæstione, uti speramus, sufficiet.

#### *Illustratio Versuum 16, & 17.*

**E**xplicata, de baptismo à Christo suscepto, difficultate, superest, ut strictim de illustri consequente illius agamus. Quo testimonium de Jesu Christo divinum, partim in factò, partim in sermone consistens, describitur; primum ab adjuncto tempore, quando contigit, & loco unde testimonium processit; deinde à forma sua. Ac prius indicatur his verbis, vers. 16. *Et baptizatus Iesus ascendit statim ex aqua.* Quibustempus quando accidit explicatur: locus vero unde processit testimonium utrumque subjicitur seqq. verbis: *Et ecce aperti sunt ei cœli.* ubi initio vox *Ecce* rem observandam notat, quod vero *aperti dicantur ei cœli*, rem observandam declarat, objecto observationis, & fine objecti. Objectum est *apertio cœli*. Qualis autem ea fuerit; propria an verò impropria: seu re ipsa, an vero specie quadam; dissident interpretum judicia. Chrysost. enim propriè accipit: Hieron. verò contrà impropriè exponit, quod non re ipsa illud acciderit: sed specie tantum seu visu. Priorem sententiam probat doctiss. Calvinus, quæ etiam videtur magis consentanea attentioni & observationi, quam Euangelista per vocem *Ecce* requirit: & quia Marcus cap. 1. v. 10. exponens id quod Matthæus dicit, *apertos cœlos*, ait *ἄνοιγξεν τὰς σφάνδας. Fissos cœlos.* Deinde, quia simile exemplum occurrit in historia Stephani, Act. 7. 56. *Videō cœlos apertos & Filium hominis stantem à dexteris Dei.* Nam quod objicitur à nonnullis, Stephani solum vidisse, ideoque non recipi apertos cœlos: alioqui & reliqui omnes vidissent: Illud inquam minimè consequitur. Quia peculiari gratia aciem oculorum Stephani ita potuit Christus acuire, ut ipsi conspicuissent cœli aperti: aut etiam aliorum oculos sic continere, ne viderent. Quemadmodum simile exemplum in conversione Pauli apparet. Nam ipse quidem vocem Christi audivit loquentem; qui verò cum ipso erant, vocem non audiverunt, Act. 23. v. 8. & 9. Quod & opponitur, etiam

cœlos ita interdum dici claudi, qui tamen ante non fuerint aperti, Deut. 11. v. 17. *Claudat cœlos ut non sit pluvia:* Illud homonymia ludit: quia *cœli* vox pro aëre accipitur à Mese, quia aër aperitur cum nubes in pluviam resolvuntur: clauditur verò, cum pluvia retinetur. De cœlo autem tertio sermo non est.

Cœterum finis hoc est, cui cœli illi aperti sunt, declaratur cum dicitur *αὐτῷ Ἰησοῦ*: quod quidam insignes Interpretes de Joanne exponunt: alii vero de Christo; quia antecedentia verba Christum intelligi demonstrant, nec enim de Johanne, sed de Ipso loquuntur. Christo autem aperti sunt cœli: quia ad ipsius preces, Luc. 3. v. 21. & propter inaugurationem illius, ea apertura facta est: ut testimonium cœleste esse ostenderetur: quæ ratio simplicissima ac verissima aperti cœli. Quod autem nonnulli causas adferunt alias, primum ut indicaretur cœlestia Christum docturum: Deinde per incarnationem suam & sanguinem humana cœlestibus conciliaturum, Eph. 1. v. 10. & Coloss. 1. 2. Denique Christum esse, qui cœli januis referatis, aditum ad cœlum & thronum gratiæ fecerit: illæ causæ minus aptè huic loco videntur accommodari. Atque hæc de adjuncto cum tempore *quando*, tum loco *unde* testimonium divinum Christo perhibitur. Forma verò testimonii est duplex, apparitio Spiritus sancti & sermo Patris. Illud hisce verbis indicatur, *Et vidit Sp. Dei descendentem tanquam columbam & venientem super ipsum.* Quo primum objectæ apparitionis Spiritus sancti adjunctum: deinde vero ipsa apparitio describitur. Adjunctum notat illius certitudinem cum dicitur *Et vidit.* Sed quisnam viderit, disquiritur. Quidam enim interpretantur de Baptista, quoniam Joh. 1. v. 32. ait, *Confessi Spiritum sanctum descendentem quasi columbam de cœlo.* Sed non sequitur; Joannes vidit, Ergò Christus non vidit: imò uterque, tam Baptista, Joan. 1. v. 32. quàm Christus; imò & populus præsens, cujus etiam institutioni inseruit. Deinde cum precaretur, tempore apparitionis illius, (ut Luc. 3. v. 21. ostenditur) in cœlum intentos habuisse oculos satis colligitur: atque inde vidisse descendentem Spiritum. Atque hanc expositionem antecedentia ostendunt. Nam de eodem, cui cœli aperti dicuntur, etiam dicitur; *Et vidit.* Atque hæc de Spiritu S. apparitionis adjuncto sive certitudine, quod Christus eam vidit. Apparitio vero his verbis describitur, *Spiritum Dei descendentem quasi columbam & venientem in auctorem.* Ubi observandum quod *Spiritus Dei* vox accipitur non propriè, sed impropriè. Non propriè: quia alias descendisset propriè de cœlo, ut hic de Spiritu narratur: id quod alienum est à divina illius essentia, quæ infinita est. Nam cœlum & terram implet, Jerem. 23. 24. & Psal. 139. v. 5, 7, 8, 9. ac propterea loci mutatio, qualis est descensus, (nempe è superiori loco in inferiorem processus) ei convenire non potest. Impropriè verò per Metonym. Subjecti pro adjuncto, signum Spiritus Dei notat: idque explicatur seqq. hisce verbis: *quasi columbam.* Ubi quæstio oritur, an hæc revera fuerit columba, an verò tantum similitudo quadam. Nonnulli prius affirmant, fuisse columbam à Spiritu sancto è nihilo formatam, ad præsentem usum: qualia fuere ea corpora, quibus & Filius Dei & Angeli duo ipsi adjuncti, ad tempus, apparuerunt, Gen. 18. v. 2. Atque ita sensit Tertull. Sed uti videtur, hypostaticam unionem Spiritus & columbæ perpetuam statuens: ut à nonnullis etiam est observatum. Sic enim libro de carne Christi, cap. 3. *Qui (inquit) Spiritus cum esset, tam verè erat & columba, quam & Spiritus: nec interfecerat substantiam propriam, assumpta substantia extranea. Sed quæras, corpus columbæ ubi sit, resumpto Spiritu in cœlum; aquæ & angelorum. Eadem ratione interceptum est, quæ & eduxum fuerat. Si vidisses cum de nihilo proferebatur, scisses, cum in nihilum subducebatur. Si non fuit in manu visibile, nec finis. Tamen corporis soliditas erat: quo momenta corpus videbatur, non potest non fuisse, quod scriptum est. Hæc ille.* Alii vero non fuisse corpus solidum, sed tantum similitudinem fuisse statuunt, quia dicitur *cœli quasi columbam.* Verum responderi potest ratione Spiritus S. significati per columbam sic dici, ut explicetur apparitio per signum. Et Luc. 3. dicitur descen-

descendisse non simpliciter specie, sed corporali specie: ut species dicatur quod oculis fuerit objecta: Corporalis verò, ut à phantasmate distingueretur. Cæterum hæc columbæ species Spiritui sancto significando, ob similitudinem inter utrumque, fuit adhibita. Columba enim natura est simplex (unde Matth. 10. v. 16. monet Christus: *Esote simplices ut columba*) & mansueta: non fera ac rapax; quæ virtutes in Spiritu sancto & in Christo, qui eo donatus fuit, extiterunt conspicuæ, 1. Petr. 2. 22. & 23. Matth. 11. v. 29. & 12. 19. & 20. Unde Tertull. de Baptismo cap. 8. *columba figurâ delapsus in Dominum ut natura Spiritus S. declararetur per animal simplicitatis & innocentie: quod corporaliter ipso felle careat columba.* & August. Tom. 3. Lib. de agone Christiano ait, significare innocentiam & amorem spirituales, quod in columbæ specie visibiliter figuratum est. & Tertull. de Monogamia, cap. 8. *Cum ad simplicitatem, inquit, columba provocat* (nempe Christus Matth. 10. v. 16.) *avis non tantum innocua, verum & pudica, quam unam unus masculus novit.* Theophyl. verò præterea etiam munditiæ similitudinem addit Spiritui sancto consentaneam. Sic enim ait: *ὡσεὶ περιστερὰν διὰ τὸ ἀκακὸν καὶ ἁγίον, καὶ ὅτι καθαρώτατον ἐστὶν ἡ περιστερὰ. καὶ ἐνθα δυσωδία ἐστὶν, καὶ ἁμαρτία, hoc est, quasi columbam vero, propter innocentiam & mansuetudinem, & quia mundissima est columba, & ubi malus odor est, non permanet.* Cui illud Ovidii consentit,

*Afficiū ut veniant ad candida tecta columba;*

*Suscipiat nullas sordida turris aves.*

Hiscæ denique quidam fecunditatis convenientiam quoque spectari arbitrantur: quod ut fecundissima est columba: Sic Spiritus sanctus uberrimus omnium bonorum author, 1. Cor. 12. v. 6. Atque hæc de Spiritu & apparitionis illius modo, nempe quod specie columbæ descenderit. In descensu verò notantur termini duo. Primus, à quo, seu unde initium motus, nempe cælum, ut Johan. 1. v. 32. exprimitur, quod ideirco fuit apertum: alter terminus, ad quem ac principium quietis, est Christus, quod exprimitur his verbis: *ἐν αὐτῶν.* Sed de voce *αὐτῶν* partim interpretum consensus, partim dissensio est. Consensus quod Christum notet. Dissensus autem est de modo. Quidam enim *αὐτῶν* idem valere hoc loco, per enallagen pronominis relativi, pro reciproco, quod *ἑαυτῶν*: vel per *κράσιν*, *αὐτῶν*, cum spiritu aspero: ac vertendum *super se*, ut ad Christum, de quo sermo, reciproce referatur. Quemadmodum Hieron. Matt. 1. & vulgata versio, multique alii interpretantur. Alii verò relative exponunt super ipsum. Sed alii dubiè arbitrantur: alii certò asserunt, Dubiè arbitratur Erasmus, cum ait: *Venientem super se.* Ex Græco sermone non liquet utri sint aperti cæli, Christo an Ioanni, tum uter viderit columbam descendentem. (Hic notandum est, quod Erasmus ait, ex Græco sermone non liquet.) Atque ex Evangelista verbis magis videtur ad Christum referri, quam ad Iohannem, nisi quod sequitur *ἐν αὐτῶν*, quod interpret vertere debuisse, *super eum sive super ipsum.* Alioqui si *super se* sentiendum erat, dixisset, *ἐφ' αὐτῶν.* Certò verò asserit Clariss. Beza cum ait, *Ei, αὐτῶν Iohanni sc.* *Novam enim periodum incipio ab his verbis καὶ ἰδὲ, quamvis etiam ad Christum hoc referri possit, si ἐν αὐτῶν accipias pro ἐφ' αὐτῶν, id est, super se, ut habent aliquot veteres Codices Latini & Aug.* Sed in Græco inusitata est hac enallage. Verùm hisce opponimus usum & auctoritatem. Nam L X X. Interpretes (ut Romana editio ex antiquissimo exemplari expressa ostendit) frequentissime relativo *αὐτῶν* pro reciproco *ἑαυτῶν* utuntur. Nam, ut plurima omitam exempla, 1. Sam. 17. v. 40. *ἔλαβεν τὴν βασίλειαν αὐτοῦ ἐν χειρὶ αὐτοῦ, accepit baculum suum manu sua.* Ubi bis reperitur, & vers. 43. *καὶ τὸς θεοὺς αὐτοῦ, per Deos suos,* & vers. 49. *τὴν χειρὰ αὐτοῦ, manum suam,* & cap. 24. v. 7. & 8. *τοὺς ἀνδράς αὐτοῦ viros suos,* & in Nov. Testam. Joh. 1. 47. *Ἰδὲ Ἰησοῦς Ναθαναὴν venientem πρὸς αὐτὸν,* & Apoc. 9. 11. *ἔχουσιν ἐπ' αὐτῶν βασιλεία, habent supra se regem.* Nam quod post Stephanum Beza legit *ἐφ' αὐτῶν*, illud à correctoris opinione, non autem ab antiqua Scriptura esse, inde apparet, quod accuratissima, citra controversiam, editio Complutensis *ἐπ' αὐτῶν* ponit: & Græci Apocalypseos Interpretes Andreas Cæsariensis. Chrysostomi comment. in

epistolas Pauli, edit. Commelin. & Aretas Occumenio additus, similiter legunt. Quemadmodum etiam editio Haganoënsis Gerbelii anno 1521. & Oecolampadii Basilienlis, & Colinæ editio Græca Parisina, 1534. ex antiquis codicibus eandem lectionem sequuntur. Atque ita conveniet hæc lectio *ἐπ' αὐτῶν* cum Hebræa locutione *וְעָלָיו*: quæ modo relative, *super ipsum*: modo reciproce *super se*, denotare solet. Neque tamen Hebraismus erit: quia & Græcis authoribus in usu esse à Græcæ linguæ peritissimis est demonstratum, exemplis illustribus. Nam in epistola Basilii Magni, quam meditationibus Grammaticis Clenardus illustravit, legitur ex Matth. 16. v. 22. *tollat crucem αὐτοῦ suam* (etiam correctores *αὐτοῦ* legant in Matthæo) Clenardus verò exponens ait; crebrò reperitur *αὐτοῦ* pro *αὐτῷ*, quod per *κράσιν* dicitur, pro *ἑαυτοῦ*. Sic Clemens Alexandrin. Pædagog. lib. 2. pag. 85. edit. Commel. *ὁ γὰρ ἀμαρτάνων, παρ' ὅσον ἀμαρτάνει, χεῖρας καὶ ἀτιμώτερος αὐτοῦ αὐτῷ pro αὐτῷ, hoc est. Qui enim peccat, quatenus peccat, deterior & vilior ipse seipso.* & idem in Protreptico, pag. 20. *αὐτὸς αὐτῷ ἀπειρεῖται, ipse seipso confoditur.* Quæ loca etiam in Indice Græco doctiss. Sylburgius observavit, & manuscriptorum fide dignorum auctoritate probavit. quibus consentanea scribit ac probat de usu relativi *αὐτῶν* in Græcæ suæ Grammaticæ Syntaxi, pag. 304. *Relativum, inquit, hoc cum reciproco saepe commutatur.* Ut enim apud Iones & Poëtās frequenter *ἐ, ὃς, ἡ* leguntur pro *αὐτῷ αὐτῶν*, sic vice versa in communi lingua, Palæphatus: *ἀργεῖοι πολὺν χρόνον αὐτοῖς πλὴν ἔσαν ἡγεμόνες, hoc est, Argivi tutricem sibi Iunonem ducebant, αὐτοῖς pro ὀφείον.* itidemque in compositione *αὐτοῖς δίδασκεται* *αὐτοῖς seipso doctus, φιλαυτοῖς amans sui.* Idemque Henricus Steph. in thesauro ad vocem *αὐτῶν* ait: *αὐτῷ pro ἑαυτοῦ vel σκαυτοῦ vel ἑαυτοῦ;* itidemque in cæteris casibus & *αὐτῶν* pro *ἑαυτῶν*. Quæ repetit Scapula, aitque, pro quo sunt qui malunt scribere *αὐτῷ* & *αὐτῶν* cum spiritu aspero. Quod diligenter observandum: Nam sæpius contra veterum codicum fidem, vitiosa crisi, tenuem spiritum recentiores nonnulli in asperum permutarunt: quod etiam in Nov. Testament. accidisse collatio demonstrat: & in loco Apoc. 9. jam antea ostendimus. Hiscæ accedit Gretzerus in Græcæ Grammaticæ Syntaxi, cap. 6. reg. 10. *Relativum, inquit, αὐτῶν ponitur interdum loco reciproci.* Nazianzenus *ὁρῶν ἐν πλὴν τῇ δόμῳ κίνησιν ἐπ' αὐτῶν pro ἐφ' ἑαυτῶν, videns igitur motum populi contra se: καὶ ἔχουσιν ἐπ' αὐτῶν βασιλεία, Apoc. 9. pro ἐφ' ἑαυτῶν, & habent suum regem, seu & habent supra se regem.* Item, hæc relativi in locum reciproci substitutio efficit aliquando orationem ambiguam, ut notat Budæus: *δεῖ γὰρ αὐτῶν βασιλεύειν ἀρχὴς ἢ ἀν' ὧν πάντας τοὺς ἐχθροὺς τοῦ τοῦ πᾶντος αὐτοῦ, 1. Cor. 15. 25. ubi dubites (inquit Budæus) suū an ejus intelligere debeas. Oportet autem illum regnare donec ponat omnes inimicos sub pedibus ejus.* Locum etiam illum Apocalypseos ad enallagen illam *αὐτῷ* pro *ἑαυτοῦ* probandam, in sua Syntaxi erudita, posuit Martin. Crusenius. Quibus omnibus addo locum certum, Hebr. 6. vers. 7. *καὶ γὰρ ἡ γῆ ὡς αὐτῶν ἐπ' αὐτῆς πολλὰκις ἐχέμενον ὑγρόν.* Nam terra quæ imbrem sapiens in se venientem biberit. Atque ita etiam legit cum aliis Robertus & Henric. Steph. Beza, Casaubonus. Denique si rem spectemus, quid clarius esse potest verbis Marci cap. 1. v. 10. *καὶ statim ascendens (nempe Jesus) ex aqua, vidit findi cælum & spiritum quasi columbam descendentem, ἐπ' αὐτόν.* ubi aperte is qui ascendit ex aqua, is autem est Jesus, vidisse dicitur, spiritum Dei descendentem super ipsum, hoc est, seipsum. Nam super Ioannem, aut alium, non descendit Spiritus, sed super Christum tantum. unde necessario evincitur *αὐτόν* sumi reciproce pro *ἑαυτόν*, aut per *κράσιν*, *αὐτόν*. Idque Erasmus nonnihil movit, cum Matth. 3. ait: *At Marcus, qui Matthæum redegit in compendium, aliquanto etiam obscurius facit, & nisi res ipsa loqueretur & obfiterentur duo verba, ἐπ' αὐτόν, prorsus intelligeremus Christum vidisse, non Ioannem.* Hæc ille: Atqui *ἐπ' αὐτόν* non obstat, ut multis antea demonstratum est; neque etiam res ipsa, ut opinatur. Nam quod ait; *non referebat, ut Christus hac videret, quæ fiebant propter Iudeos, quo evidenti signo intelligerent, ipsum esse Messiam, non Ioannem, ad quem aliqui vox patris*



patris missa videri poterat; nisi columba palam designasset Iesum. Illud inquam alienum est. Nam Christi visio & Judæorum non sunt opposita. Apparuit enim Spiritus sanctus non solum propter Iudæos, & Baptistam; sed etiam propter Christum: quia precabatur Deum patrem, Luc. 3. v. 21. ideoque more suo in cælum suspiciens, Iohan. 11. vers. 41. Nec dubium etiam esse potest, pro impetrando Spiritu, ipsi per prophetas promissio, fuisse precatum. & Pater ipsum etiam compellasse dicitur à Marco, cap. 1. v. 11. *Tu es filius meus*. Quare ex hisce omnibus concludimus, verendum esse in autem super se. Sed quis finis sit illius descensus Spiritus, specie columbæ, & mansionis (ut Ioan. 1. v. 32.) super Christum, paucis explicandum est. Primarius autem fuit, ut notaretur, Iesum esse promissum Messiam; utpote qui & quatenus Deus baptizaret Spiritu sancto: & quatenus homo, eo esset plenissime donatus, ad munus suum exequendum, Prius indicatur Ioh. 1. v. 32. *Tunc testatus est Ioannes, dicens, Conspexi Spir. descendentem quasi columbam de cælo, & mansit super eum, & ego non noram eum, sed qui misit me, ut baptizarem aqua, ille mihi dixerat, super quem videris Spir. descendentem ac manentem super eum, hic est, qui baptizat Spir. S. : Ego igitur vidi ac testor illum esse filium Dei*. Alterum de Christo, promissionibus propheticis prædictum, Esa. 11. v. 2. *Super quo quiescit Spir. Iehova, Spir. consilii & potentia, Spir. scientia & reverentia Iehova, & c.* 42. v. 1, 2, 3. quam sententiam sic recitat & exponit Matth. 12. v. 17. ad 22. *Ecce puer meus, quem elegi: dilectus meus, in quo acquiescit (aut quo delectatur) anima mea, ponam Spiritum meum super eum, & c. arundinem quassatam non confringet, & c. In eius nomine gentes sperabunt*. Denique c. 61. v. 1. *Spiritus Domini super me, propterea quod unxit me: ut euangelizem pauperibus, misit me; ut sanem contritos corde; ut prædicem captivum dimissionem & cæci visus recuperationem, & confractos emittam in libertatem; ut prædicem annum Domini acceptum*. Idque Christus repetit, Luc. 4. v. 18, 19. & 21. de se exponit. Atque hanc Spiritus sancti acceptionem requirebat muneris prophetici ac mediatorii ratio. Quamvis enim abunde Spiritus sancti donis esset ante baptismum instructus; ut privatam vitam sanctè & sapienter institueret: post baptismum tamen ad publicum munus inauguratus, plenissime donis ad illud necessariis fuit à Spiritu sancto ornatus ac perpetuò directus: id quod memoratis hisce prophetiis exprimitur, & signo descensus Spiritus Sancti, specie columbæ, super ipsum, fuit significatum: Hisce addit Theoph. simile, cum ait: *sed & tempore Noë columba indicavit solutionem diluvii ramum oleæ ferens; & hic Spiritus sanctus significat solutionem peccatorum: ἐξ ἡς ῥαῖος ἐλάσας, ἐν ταύτῃ ἡ εὐαγγελία, ibi ramus oleæ, hic vero misericordia Dei*: Idemque tradit Tertull. de bapt. cap. 8. & arcam Noë figuram fuisse Spiritus sancti, ac pacis, cujus oleæ ramus signum esse solet. Verum utut simile sit commune; figuram tamen fuisse propheticam probari non potest.

Atque hæc de primo divino, è cælis, de Jesu excellentia, testimonio, quo declaratum est, ipsum esse Christum: nempe Spiritus sancti super eum descensu ac mansionem. Alterum est sermo patris: de quo Matth. cap. 3. v. 17. ait & *Ecce vox è cælis dicens; Hic est filius ille meus dilectus, in quo acquiesco*, ubi & præfatio de sermone, deinde sermo ipse describitur. At præfatio primum dignitatem sermonis indicat, cum ait, *Ecce*; ut rem observandam significet. Deinde originem admirandam, quod *vox è cælis*, nempe extitit, Marc. 1. vers. 11. Luc. 3. v. 22. Sermo vero est: *Hic est filius & c.* In quo prius membrum seu subiectum, de quo loquitur, indicatum voce *hic*, quasi intento digito Iesum notat, utpote super quem descenderat ac quiescebat, columbæ specie, Spiritus sanctus.

Attributum verò seu id quod de hoc Jesu dicitur, reliquis verbis continetur, quæ priori loco personam; deinde verò adjunctum illius declarant. Ac personam quidem ab altera natura, cum dicitur, *ὁ υἱός μου, ille filius meus*: nempe æterna generatione, non autem creationis, neque adoptionis gratiâ; sed proprius Rom. 8. v. 32. unigenitus, Iohan. 1. v. 14. ut qui Spiritu sancto baptizat: quod nemo

potest, nisi verus Deus, & ordine personarum Spiritu sancto prior. Adjunctum verò est dilectio & approbatio simplex atque absoluta, quæ indicatur cum additur, *dilectus, & expressus, ἐν ᾧ εὐδόκησα*. Quæ sic exponit Theoph. *τὸ ἐν ᾧ ἀναπαύομαι, ἐν ᾧ ἀξίονομαι*, hoc est, *in quo acquiesco, quo delector*: ut de eodem Christo prædictum est à propheta Esaia cap. 42. v. 1. *נִפְתָּח נֶפְשִׁי* supple *בְּ* hoc est, *delectata est anima mea in eo*: ut ex antecedenti liquet: quemadmodum Matth. 12. v. 17. recitatur *εἰς ὃν εὐδόκησεν ἡ ψυχὴ μου*, hoc est, *quo delectatur anima mea*. Qualis etiam sententia, quam Pater protulit, in illustri Christi apparitione, Matth. 17. v. 5. *Hic est filius ille meus dilectus, ἐν ᾧ εὐδόκησα*. Nam ut *εὐδοκεῖν* activè sumptum propriè *bonum ducere seu approbare*; sic etiam quia probatis delectamur, iisque bene volumus, inde per metonym. causæ efficientis pro effectu, *delectari* designat. Quapropter à LXX. Interpretibus Græcis ea vox poni solet pro verbo Hebræo *נִפְתָּח* ut Psalm. 45. v. 4. *εὐδόκησας ἐν αὐτοῖς* & Psalm. 147. v. 11. & 12. & Psalm. 149. v. 9. Similiter quoque eadem voce Græca LXX. Interpretes utuntur pro Synonymo prioris Hebræi verbi *נִפְתָּח* ut 2 Sam. 22. v. 20. *בִּי נִפְתָּח* *delectatur me*, *εὐδόκησεν ἐν ἐμοί*. Sic etiam hoc in loco Matthæi *dilectus, quo delector*. Id autem intelligendum est non comparatè, neque secundum quid, ut de hominibus: sed absolutè ac simpliciter, cum ratione personæ totius, tum ratione qualitatum ac sanctitatis perfectæ ac perpetuæ; unde Synecdochicè ratione hujus excellentiæ vocatur ab Apostolo Paulo, *dilectus ille*, propter quem Pater, nos fideles, naturâ filios iræ, in gratiam recipit ac diligit, Ephes. 1. v. 6, 7. Verum scrupulus aliquis hoc in loco occurrit: quandoquidem Matthæus à Marco & Luca prima fronte videtur dissidere. Siquidem Matthæus ait, vocem hanc Patris fuisse hujusmodi: *Hic est filius meus dilectus*. Marcus verò cap. 1. v. 11. cum Luca, cap. 3. v. 22. hæc ponit verba: *Tu es filius meus dilectus*. Sed hæc duo, quæ videntur dissentanea, eo conciliantur, quod alter sensum, alter verba ipsa expresserit: sive enim in tertia persona dicatur: *Hic est filius meus*; sive in prima, *tu es filius meus*; utrumque tamen non aliud, quam Jesus Christus intelligitur. Neque illud est insolens, ut in recensione dictorum sensus habeatur ratio, non autem singula verba enumerentur. Neque etiam magnopere refert scire, uter verba ipsamet expresserit Matthæus, an verò Marcus cum Luca. neque illud adeo certum est. Interim quidam Marcum & Lucam verba expressisse judicant, idcirco quod ea similiter recitent. Veruntamen inter eos etiam hoc est discrimen, quod Marcus cum Matthæo habet *ἐν ᾧ* in quo; Lucas verò in secunda persona relatè ad Christum *ἐν σοὶ* in te. Quamvis non videatur alienum, si dicatur, Matthæum ipsa verba recensere: quandoquidem alibi Pater, Matth. 17. v. 5. Marc. 9. v. 7. & Luc. 9. v. 35. & 2 Petr. 1. vers. 17. iidem usus sit verbis: quamvis fieri etiam potuerit, ut utrumque ordine sit dictum, repetitione, ad confirmationem majorem.

Atque hæc de vers. 16. & 17. unde orthodoxi Patres & posteri Theologi, non immerito, tres Deitatis personas & quidem inter se distinctas, non solum ex baptismi nostri institutione in nomine Patris & Filii & Spiritus sancti: sed etiam ex baptizati Christi Spiritu sancto donati & testimonio Patris ornati historia demonstrant.

#### DE CAPITULO IV.

##### De Christi à Satana Tentati Victoriâ.

POSTquam Evangelista Matthæus privatam Christi vitam exposuit, ad publicam in munere prophetico occupatam accedit, cujus describit præparationem, & executionem. Præparatio inaugurationem & concertationem cum Satana victricem complectitur. Inauguratio autem miraculo facta est duplici, primum Spiritus S. super ipsum specie columbæ descensu ac mansionem exteriori, Matth. 3. cum interiori gratiæ plenitudine, qua inunctus est conjuncta, Luc. 4. v. 1. Concertatio verò cum Satana, hoc quarto capite Matthæi, pugna & Christi victoriâ constans describitur. Cujus

jus scopus est, ut agnoscamus & credamus Iesum esse Christum, qui secundum promissionem, Gen. 3. caput serpentis esset contritus: Cujus rei hoc præludium est. Nam ut primus Adam à terra terrenus, 1. Cor. 15. v. 45. & 47. à Satana tentatus succubuit, Gen. 3. sic contra Iesus secundus Adam ac Dominus à cælo, 1. Cor. 15. vers. 45. & 47. eundem concertatione crebra devicit. Cæterum in hac concertatione recensentur primum rei antecedentia, deinde res ipsa, seu modus & eventus. Rei antecedentia vers. 1. sunt duo: causa impellens certaminis, & adjuncta. Causa est Spiritus. Nam *subdufus* dicitur ὑπο τῷ πνεύματι à Spiritu, aut potius, ab illo Spiritu, κατ' ἐξοχὴν, & relatè ad capitis tertii vers. 16. nempe, Sancto, quo plenus erat, ut Luc. 4. 1. Iesus autem Spiritu sancto plenus, reversus est à Iordane, & actus est per eum Spiritum. Cum autem actus ille accidere potuerit vel interno instinctu ac jussu; vel externo raptu: posterius magis consentaneum apparet: primum ex Matthæo, quia ait ἀρχὴν sublatum est. Nam quod vir eruditus ait, *præpositione videtur notari situm deserti: quod situm sit hoc, loco altiore, quam Iordanes fluvius*: illud minus convenit: quia præter Matthæum expressius id exponit Marcus cap. 1. v. 12. ἐκβάλλει αὐτὸν, hoc est, *ejicit ipsum*: quemadmodum Actor. 8. v. 39. Spiritus Domini Philip-pum ab Eunuchi præsentia alio abripuisse dicitur: Sic hoc in loco, *ejecisse*, metaphoricè subitum raptum notat. Spiritum autem causam fuisse certaminis, à fine raptus ostenditur: ut tentaretur à Satana. Ad cuius loci & aliorum multorum intelligentiam commodiorem, paucis ac distinctè quid *Satanas*, quidque *tentatio* notet, explicandum. *Satanas* autem à Syriaco שָׂטָן, addito Sigma, à Græcis dicitur. Hoc autem idem est quod Hebræum (unde oritur) שָׂטָן, 2. Cor. 12. v. 7. Quæ vox Hebraicè, ut quidam volunt, *apostatam* significat: ut expressè Irenæus asserit adversus hæreses, lib. 5. & Theodor. serm. 3. contra Græcos: quasi oriretur à radice שָׁטַן vel שָׂטָן *declinare*. Sed obstat derivationis analogia: deinde vocis in sacris literis significatio: qua perpetuò *adversarium* atque inimicum notat, nullibi *apostatam*. Deinde etymi indicatio seu etymologia satis clara est Zach. 3. v. 1. שָׂטָן שָׁמַר הַשָּׁמַר hoc est, *Satan stabat ad adversandum ei*. Quare propriè *adversarium* notat generatim, ut 1. Reg. 5. v. 4. Non est שָׂטָן hoc est, *adversarius, hostis, qui adversatur*: ubi vulgata versio minus aptè Hebræam vocem retinens vertit, *Non est Satan*, & 1. Reg. 22. v. 21, 23. Impropriè verò, modo per Synecdochen, modo per Metaphoram accipitur. Per Synecd. primum speciatim dæmonium notat: quod Dei gloriæ, & salutis humanæ, maximus ac perpetuus sit adversarius, 1. Pet. 5. vers. 8. cumque inter dæmonia Princeps eorum excellat: Satanæ vox singulariter, per Synecdochen strictiorem, pro eo usurpatur frequentissimè. Utriusque significationis exemplum extat in Christi verbis, Matth. 12. v. 26. Si *Satanas Satanam ejicit*, hoc est, si princeps dæmoniorum ejicit dæmonia, ut vers. 24. (cui hæc verba respondent) antecessit: qui *Satanas* princeps etiam *diabolus* appellatur, ut Apoc. 12. v. 9. ubi à subditis suis Angelis distinguitur: ut etiam Matth. 25. v. 41. & Apoc. 20. v. 2. *Serpens antiquus, Diabolus & Satanus* nominatur. Serpens antiquus, quod serpente quasi larvâ usus, Genes. 3. astutia sua primos homines seductos, 2. Cor. 11. v. 3. Peccati veneno infecerit, & interfecerit, Johan. 8. v. 44. *Diabolus*, hoc est, calumniator per Synecdochen generis, ac κατ' ἐξοχὴν, insignis ille præ cæteris omnibus; quia primum Deum apud homines, Gen. 3. v. 4, 5. Deinde homines partim apud Deum, Job. 1. v. 11. Apoc. 12. v. 10. partim apud homines calumniatur: tanquam mendax, & mendacii pater, Joh. 8. v. 44. *Satanas* denique, hoc est, *adversarius*: ut ante exposuimus. Secundò Satanæ vox per Metaph. ex hac Synecdoche (qua *Diabolus* notat) ortam, similem Satanæ designat: quemadmodum Christus Petrum, imprudenter, & acrius, contra officium; dictis ipsius adversantem, Matth. 16. v. 23. ita appellat: *abiretro à me Satana, scandalo es mihi*. quo in loco vox *Satanus*, non generatim *adversarium* significat, ut in Hebræo contextu sæpius accipitur: quia aliàs Evangelista Hebræam

vocem, præter morem interpretationis, non retinisset: sed Græcam posuisset. Neque etiam *Diabolus* intelligit Christus: quia hoc veritati repugnaret: sed Satanæ similem, nec simpliciter tamen: quia malus animus, & malus finis Satanæ consuetus, defuit: sed secundum quid, ratione medii tantum, seu dehortationis à cruce subeunda: qua, imprudente zelo impegit. Atque ita ut arbitror, satis apparet, quibus modis & vox *Satana*, qua in tentationis Christi historia utitur Marcus cap. 1. v. 13. & vox *Diabolus*, quam habet Matthæus cap. 4. v. 1. accipiat. Ideoque pauca jam etiam de *tentationis* voce, & re ipsa, ad majorem hujus loci & aliorum multorum lucem, adjungemus, *πειράζειν*, qua voce utitur Matthæus, Hebræis מְסִיחַ, Latinis *tentare*, est propriè *πειράων λαμβάνειν*, hoc est, *experimentum capere*: ut Hesychius eruditè, expressa etymologia, declarat. quemadmodum & L. X. Interpretes Græci, vocem Hebræam מְסִיחַ tentavit, *πειράων ἔλαβε*, Deuter. 28. v. 56. interpretantur, ut etiam Latine in Cicero ne, *experiar ac tentabo omnia*, *συωνύμως* conjunguntur.

Tentatio autem, qua alicujus experimentum capitur, sive ore, sive opere, alia est ἀδιάφορος seu media: alia διάφορος seu extrema. Media ea est, quæ in utramvis partem libera ac licita, hoc est, ut in ea nec virtus: nec vitium consistat: qualis Deut. 28. v. 56. *qua non tentat, plantam figere super terram*, & 1. Sam. 17. vers. 39. David de armis quarum erat insuetus ait, *non tentavi*. & 1. Reg. 10. v. 1. *venis ut tentaret eum anigmatibus*. Extrema verò tentatio est, in qua, aut virtus inest, aut vitium; ideoque alia bona est, alia mala. Bona est, quæ omnino rectæ rationi consentanea, hoc est, quæ à bono principio, seu animo recto, licito medio, ad finem bonum collimat. Hæc autem pro causæ efficientis diversitate, aut divina est, aut humana. Divina est, qua Deus hominem explorat, ut prodat qualis sit. Non propter se, quasi ignarus esset Deus, ut cognoscat: Est enim omnium gnarus; sed hominum causa: ut tentato, aut aliis etiam, innotescat. Atque ita rectè, tam pios, quam impios tentare dicitur. Impios, ut Israëlitas variis modis tentasse dicitur, ut illi patefacerent, quonam essent erga Deum animo, ut Exod. 15. v. 25. & 16. v. 5. & 20. Deut. 8. v. 2. & cap. 13. v. 3. Pios verò, ut Abrahamum: quem tentasse traditur, cum latentem illius fidem, & timorem Dei insignem, gravissimo mactationis filii mandato proposito, examinavit; ut iis patefactis Ecclesiæ imitationi inserviret. Genes. 22. v. 1. & 22. Hebr. 11. v. 17. qualem etiam tentationem David requirit, Psal. 26. v. 2. *Proba me, tenta me, funde renes meos, & cor meum*. hoc est, instar auri igne fusi, examina meam sinceritatem. Quia verò res adversæ, & persecutiones à Deo immixtæ, ut ignis aurum, sic fidem & obedientiam hominum erga Deum probant, 1. Petr. 1. v. 7. idcirco per metonym. effecti pro efficiente, tentationes appellantur. quemadmodum Luc. 8. v. 13. *Tempore tentationis*, hoc est, afflictionis, & persecutionis, ut Matthæus in eadem sententia exponit cap. 13. v. 21. Sic etiam Luc. 22. v. 28. Act. 22. v. 19. Jac. 1. v. 2, & 3. & expressè eleganter metaphora, *πείρασος πρὸς πειρασμὸν ἡρμομένη*, *visio ad tentationem facta*, hoc est, afflictio ad experimentum probitatis appellatur, 1. Petr. 4. v. 12. Hæc de tentatione divina. Humana verò tentatio bona est, quæ ab homine rectè quis exploratur. Ea autem est ratione objecti sui duplex: nempe vel Dei tentati, vel hominis. Dei, ut in exemplo Gedeonis, qui signum velleris primum humidi, Judic. 6. v. 37. deinde contra sicci à Deo petiit, vers. 39. ubi ait מְסִיחַ *tentem quasi hac vice hoc vellere*. ubi infirmitatis suæ conscius, ac studio patendi Deo, (& ut videtur instinctu illius) ac fidei suæ confirmationem, & obedientiam alacriorem, in re periculosissima, signum ab ipso petiit, & impetravit. Atque ita Deus se tentari, seu rei promissæ signum postulari à se, Achabo mandavit, Elai. 7. v. 11. quod perverfè rejecit dicens vers. 12. *Non petam, neque tentabo Iehovam*: quo aperta contumacia peccavit: sive incredulitate id factum sit, quod fidem promissioni divinæ derogavit: sive malitiosa hypocrisis, quasi omnis tentatio Dei, etiam ab ipso imperata, esset vitiosa. Deinde verò homo hominem rectè tentat:



tentat: cum aut alium, aut sese recto animo, rectaque via seu licito modo, ad bonum scopum, examinat. Alium quidem, sive is sit probus, sive improbus. Probus, ut quum Johan. 6. v. 6. Christus dicitur Philippum tentasse. Improbus, ut de pseudoapostolorum tentatione, Apoc. 2. v. 2. ad Angelum (hoc est, legatum seu pastorem) Ecclesie Ephesine dicitur: *tentasti*, hoc est, examinasti eos, qui se dicunt esse Apostolos & non sunt, & invenisti eos mendaces. Scipsum verò quis rectè tentat, cum fidem suam, & obedientiam, an sincera sit, perpendit diligenter, & ad Dei verbum examinat: de qua etiam Apostolus, 2. Cor. 13. v. 5. *Vos ipsos tentate, an sitis in fide*: Quibus eodem sensu subjicitur: *Vos ipsos probate*. Atque hæc quidem de tentatione bona, tam divina, quam humana: quæ, ut antea ostendimus, à bono principio, seu ex probò animo, licito medio, ad bonum finem tendit.

Mala verò est, in qua vel omnia, vel aliquid saltem horum deficit. Eaque ratione causæ efficientis, seu tentantis alia est Humana, alia Diabolica. Nam causa illius malæ tentationis Deus esse non potest: quia solus ac summè bonus est. Nullus enim, ut Christus ait, *bonus, nisi unus, nempe Deus*, Marc. 10. v. 18. *Quia lux est, nec ulla in eo sunt tenebra*, 1. Johan. 1. v. 5. *Nec in eo ulla est mutatio*, Jac. 1. v. 17. quocirca Jac. 1. v. 13. dicitur: *Nemo, cum tentatur, dicat se à Deo tentari. Nam Deus tentari malis non potest, nec quenquam tentat*. Verùm obijcitur: Quicumque nos inferre potest in tentationem malam, ille potest esse causa efficiens illius: Atque Deus nos potest inferre in tentationem malam: Ergò causa illius efficiens esse potest. Propositio firma videtur, quia illatio in tentationem, efficientiam, & quidem causæ principalis, notat. Assumptio probatur ex Matth. 6. v. 13. *Ne nos inferas* (sic enim Græcè est *ἐισενέγκῃς*, non autem inducas) *in tentationem*: quo indicatur Deum interdum hoc facere, aut saltem posse: aliàs injustè ac frustra illud peteretur, si ejus rei periculum, ac potentia abesset. Sed negatur propositio: quia illatio in tentationem est duplex: propria, & Metaphorica. qui proprie dicitur inferre in tentationem, ille causa est: quia potentia, & mandato ad peccata sollicitandum tentatori tradit: qui verò Metaphorice dicitur inferre in tentationem, quod ea agat, quæ similitudinem aliquam habent cum illatione propriâ, ille causa efficiens dici non potest. Priori modo Deus inferre in tentationem non dicitur: quia nullam vim nullumque mandatum ad tentationem adhibet: sed secundo tantum modo, quia bona tantum sua ab ingratis justo consilio aufert, unde certò, licet non ablationis illius vi, sed à causa aliunde procedente, consequatur tentatio mala, similitudine effecti è sua causa procedentis: sed diverso modo. Nam tentationis causa propria intus est caro, Jac. 1. v. 14. foris verò mundus & mundi princeps Satanas: quorum tentationes virtuosas Deus coercet; intus quidem, collatis Spiritus sancti donis, quibus caro reprimatur: foris verò potentia sua, qua providentiæ suæ fræno Satanæ, & mundi tentare studentis, conatus cohibet: cum vero suam illam gratiam adjuvantem, intus & foris, ab ingratis, suo modo, & ad tempus subducit, Metaphorice in tentationem inducere aut inferre dicitur: quod sc. eam gratiæ subductionem tentatio mala consequatur: sicut effectum, posita agente ac sufficiente causa, sequitur. Itaque convenientia est inter causam hanc efficientem, & Deum, in antecessione & adjuncta consecutione: quod ut tentantis actio est tentationis antecedens, & ea posita effectum sequitur: sic etiam gubernatio Dei gratiam suam subtrahentis, antecedens est: eaque posita, tentatio oritur. Sed in eo differentia consistit, quod à tentantis efficaciam tentatio promanat: eo quod causa illius est: sed actio Dei gubernantis vi sua tentationem non efficit: sed eam tantum ut adjunctum antecedit. Quamobrem tentatio vitiosa, seu mala, ratione causæ efficientis, seu tentantis, est tantum humana, & Diabolica. Humana ratione objecti, seu ejus qui tentatur, alia est Dei, alia hominis. Dei ab homine tentatio mala, imprimis vel diffidentia, vel confidentia nimia contingit. Diffidentia, ut cum contra promissiones Dei, præsentiam, aut potentiam

illius in dubium vocando, explorant, quid sit facturus: præsentiam quidem, ut Exod. 17. v. 7. de Israëlitis dicitur, *tentaverunt Iehoram dicendo: Estne Iehova in medio nostri, aut non*: Potentiam verò; ut de iisdem David, Psalm. 78. v. 18. *Tentaverunt Deum, & dixerunt, an posset Deus instruere mensam in hoc deserto*, & 1. Cor. 10. v. 9. *Ne tentemus Christum, sicut quidam eorum tentarunt, & à serpentibus perierunt*. Confidentia verò nimia tentatur Deus, cum promissionum divinarum abusu, neglecto ordine & officio divinitus præscripto, auxilii divini experimentum temere sumitur, ut Deut. 6. v. 16. Matth. 4. v. 7. & Actor. 15. v. 10. Hominis verò ab homine tentatio mala, vel est alterius vel sui ipsius. Alterius, ut cum Pharisei Christum sapius tentasse dicuntur, Matth. 16. v. 1. 19. v. 3. & 22. v. 35. hoc est, ex odio illius, insidiosis quæstionibus explorasse, quid dicturus esset: ut ex responsionibus ejus captionis & accusationis materiam arriperent, Joh. 8. v. 6. Matth. 22. v. 15. & 18. Sui ipsius verò tentatio mala est, cum quis ab insita vitiosa sua concupiscentia seducitur, ut Jacob. 1. v. 14. *Unusquisque tentatur, dum à propriâ concupiscentia abstrahitur & inescatur*. Ubi à piscatoribus objecta esca pisces allicientibus ad hamum, ac illectos perdentibus, elegans Metaphora observanda.

Atque hæc de mala tentatione humana, qua quis vel Deum, vel hominem, & quidem alterum, vel seipsum tentat. Diabolica verò tentatio primaria est, ut quæ pro deplorata ac perpetua Diaboli malitia, semper mala est, & humanæ tentationis malæ origo, 2. Cor. 11. v. 2. & 3. cum 13. & 14. Joh. 8. v. 44. Ephes. 2. v. 2. Ea autem est qua homines, ex sua malitia Joh. 8. v. 44. & 1. Petr. 5. 8. pravâ suggestionem explorat: ut eos seductos perdat, 1. Petr. 5. v. 8. Suggestio autem illius aut interna est, aut externa. Interna, qua internum hominis sensum seu phantasiam pravis objectis afficit; ut eo modo ac yia mentem animumque turbatum, à vero justoque avertat ad peccatum, ut Act. 5. v. 3. Luc. 22. v. 3. & 4. & 2. Cor. 4. v. 4. Nec enim immediate in mente aut voluntate operatur: quia ea Deus solus novit, 1. Reg. 8. v. 39. & homo ipse, 1. Cor. 2. v. 11. sed tantum mediate per phantasiam. Suggestio autem illa, pro objecti seu hominis tentandi ingenio, affectibus ac conditione variatur: quæ insidiosè observans, opportune laqueos suos accommodat ac nectit, & idonea rerum & sermonum ad peccatum objecta suggerendo, tentat: ut Judam furem Johan. 12. v. 6. vendendi Christi pretio objecto Luc. 22. v. 3. & 4. & Matt. 26. v. 15. ad prodicionem allexit atque adduxit. Sic divitiarum avidos, objecta earum impetrandarum, per fas & nefas, commoditate, tentat & illaqueat, 1. Tim. 6. v. 9. Sic superbos honorum, & libidinosos voluptatum occasione objecta allicit: denique ut hominem affectum, aut variis modis & occasionibus, ac temporibus affici posse conjicit: Sic objecta ad peccatum idonea opportunè suggerit ac tentat: ut Hieron. ad Matth. 15. ostendit & ait: *Diabolus adjutor & incensor malarum cogitationum potest esse: auctor esse non potest*. Atque hæc de interna tentationis Diabolicæ suggestionem, qua phantasiam afficit. Externa verò est, quam externo sensui objicit. Qualis fuit Evæ tentatio, cum eam insidiosè ac falsis verbis, & fructus vetiti elegantia occurrente, ad legis divinæ transgressionem provocavit. Ac talis etiam est, qua Jesum tentavit, sed contrario eventu.

Porrò Diabolus ab hoc indefesso pravæ tentationis studio *ὁ ἀεὶ παρὼν*, hoc est, (participio loco nominis posito) *tentator* appellatur, Matth. 4. v. 3. & 1. Thess. 3. v. 5. cumque tentatio illius sit frequentissima ac maxime noxia, Synecdochicè ac *κατ' ἐξοχὴν*, *tentationis* voce non raro intelligitur, ut Matth. 6. v. 13. & 26. v. 41. & 1. Tim. 6. vers. 19.

Hæc de Diabolo seu Satana & tentatione sufficere arbitramur: unde intelligitur finis Christi à Spiritu rapti, nempe, *ut tentaretur à Diabolo*, Matth. 4. v. 1. Exploratione externa illius: ut sequens narratio demonstrat. Sed scrupulus hic occurrit hujusmodi: omnis tentatio Diaboli est mala: Ergò Christus non potuit à Spiritu sancto justè transferri in desertum, eo fine, ut tentaretur à Diabolo.

C

Qui.

Quidam idcirco concedunt, non eo sine translatum: quia Matth. utitur voce *iva*, ut: quæ licet sæpe causæ efficientis propositum finem; interdum tamen occasionis antecedentis eventum consequentem notat, ut Apoc. 13. v. 13. *Editque signa magna, iva*, hoc est, *adeo ut etiam ignem faciat e caelo descendere*. Verum aptius negatur consequentia. Et si enim tentatio hæc activè sumpta, quatenus Diabolus eam malè obtulit. sit vitium; passivè tamen accepta, quatenus Christus illam fieri tulit, ac sine minima inclinatione constanter rejecit ac superavit, virtus est ac pia fortitudo; quemadmodum indigna Christianorum persecutio, qua infertur, iniquitas & peccatum est: quatenus verò patienter ac constanter perfertur, obedientia est Deo grata, Matth. 5. v. 10. & 2. Thess. 1. v. 5, 6, 7. & 1. Petr. 2. v. 19, 20, 21. & cap. 3. v. 14. Apoc. 3. v. 10, 11, 12. Atque hoc modo, ad probandam Jesu fidem & obedientiam Spiritus sanctus adversario Diabolo, ut tentaretur ab eo, ipsumque sine ulla læsione sui superaret, rectè objecit: ad consolationem Ecclesiæ, quæ ex hac tentatione aliisque quas pro nobis pertulit & superavit, promanat. Nam quatenus Jesus Dominus noster tentationem à Satana & mundo, sine ullo peccato suo, pertulit, exemplum est nobis servis suis patientiæ, & remedium impatientiæ, Hebr. 12. v. 2. & 1. Petr. 2. v. 21. & 3. v. 17. & 18. Matth. 16. v. 24. Deinde fulcrum est spei Christianæ, quod pro nobis tentationes passus eas superavit: ideo & misericors erit erga nos in tentationibus nostris, & ex iis liberare poterit ac liberabit, Hebr. 2. v. 17, 18. & 4. v. 15. & 16. Porro præter hunc raptus finem, adjuncta etiam temporis & loci indicantur. Tempus, cum dicitur; *Tunc*; & ut Marcus exponit, cap. 1. v. 12. *statim*, nempe simul ac Spiritus sanctus super ipsum descenderat, & vox Patris audita. Locus verò, unde à Spiritu Dei sursum per aërem alio abreptus, est ripa Jordanis: ut tempus raptus ostendit; quia in ea tunc erat, Matth. 3. v. 16. deinde locus, quo raptus fuit, vocatur *desertum*: hoc autem non aliud hic intelligitur, quam ab hominibus omnino secretum: ideoque dicitur, *versatus inter feræ*, Marc. 1. v. 13.

Atque hæc de concertationis Christi adversus Satanam antecedente cum causa, tum adjunctis. Causa fuit Spiritus Sanctus, qui in eum finem Jesum transtulit, & in arenam adversus tentatorem Satanam produxit. Adjuncta verò antecedentia modo exposuimus, nempe tempus, quando cœpit, inde ab accepto Spiritu & Patris testimonio: locus verò ubi certatum est, est Desertum. Quare ad ipsam concertationem & eventum illius paucis illustrandum procedamus.

Cæterum quamvis hæc concertatio *dies quadraginta*, (ut Marc. 1. v. 13. Luc. 4. v. 2. declaratur) durarit: illius tamen postremus & quidem acerrimus conflictus tantum recensetur, Scriptura more, Johan. 20. v. 30. & 31. & 21. v. 25. quod ad nostri institutionem & consolationem sufficiat. In quo triplex concursus accidit, quorum singuli oppugnatione ac tentatione Satanæ, & invicta Christi repugnantia constant. Et oppugnatio quidem partim operata arte, partim aperto Marte instituta est. Nam Diabolus primo & secundo concursu serpentinâ usus astutia, Christum ad defectionem à fide: tertio verò leonina impudentia, ad universalem à Dei cultu defectionem sollicitat. Christi verò repugnantia clypeo fidei, & gladio verbi divini, (tanquam armatura tutissima Ephes. 6. v. 16. & 17.) Satanam repellit ac devincit. Fidem autem Christi Satanæ bifariam oppugnat. Nam primo conflictu ad defectum illius: Secundo verò ad excessum subdolè provocat: irritum utrumque conatu. Ac prioris conflictus primum proponitur circumstantia: cum temporis, tum occasionis; deinde verò modus. Ac tempus exponitur à Matth. v. 2. *Postquam jejunasset 40. dies & quadraginta noctes*, hoc est, post 40. dies tentationis & jejunii exactos, Luc. 4. v. 2. Ex quo jejunio Pontificii ineptè omnino ac superstitiosè jejunium suum quadragesimale, atque annuum probare nituntur. Nam et si Christi actiones, secundum legem Dei nobis cum illo communem editas, imitari debeamus: miracula tamen nec imitari debemus, nec possumus. Nec

Pontificiorum jejunium quadragesimale Christi jejunio convenit, sed in multis ab eo dissidet. Christi enim jejunium factum est sine ulla esurie, Matth. 4. v. 2. deinde non arbitrio humano; sed divinæ omnipotentis miraculo: ideoque, tertio, non religionis seu cultus Dei opinione susceptum: sed quia satiatus divinitus victum non desiderabat. Quarto abstinentia ab omni cibo, Luc. 4. v. 2. Denique non quotannis, sed semel tantum. Contra verò Pontificiorum quadragesimale jejunium cum fame aliqua intercedente, atque esu levandâ est conjunctum: deinde, non vi divina, sed humano instituto ac viribus naturalibus; tertio, non satietatis sensu, sed cultus Dei opinione: quarto, non ab omnibus cibis perpetuè abstinent, sed à solis carnibus ac similibus, atque interim pisces indies & vinum sæpius varique bellaria absument; denique, non semel tantum, sed quotannis jejunium illud supposititium observant. Quare inepta omnino est ac merè superstitiosa κακοζηλία, quæ occasione à Patribus multis paulatim à Scripturæ simplicitate ad humanas traditiones declinantibus, accepta, in εὐλοθρησκείαν ac superstitionem rigidam degeneravit: qualem Christus, Matth. 15. v. 9. rejicit, & Apostolus damnat, Col. 2. v. 22. & 23. & 1. Tim. 4. v. 3. Quod autem Christus quadraginta dies à cibo abstinerit ante promulgationem Evangelii, in eo similis est Moysi, cui ante promulgationem legis idem evenit. Exod. 34. v. 28. & Eliæ Prophetæ, 1. Reg. 19. v. 8. Sed in hoc dissimilis est, quod Moses & Elias non suæ personæ virtute insita, sed externa & aliena, nempe Dei: Christus verò virtute sua interna, nempe divinæ naturæ, confirmatus, non edit. Atque hæc de prima, primi conflictus Satanæ, & Christi circumstantia, nempe tempore: altera est occasio, quæ est consequens post jejunium fames, quæ in fine vers. 2. ita indicatur: *postea esurivit*. Modus verò conflictus, ratione oppugnantis Satanæ describitur, vers. 3. *Et quum venisset ad eum tentator, dixit: Si filius Dei es, dic ut illi lapides panes fiant*. Quo Diaboli (qui tentator *ναὶ ἐξολω* dicitur) factum, & tentatio continetur. Factum est quod ad Christum jam esurientem, captata opportunitate, accesserit: unde colligitur, quod licet 40. diebus tentarit, Luc. 4. v. 2. Tamen non continuè, sed per sua intervalla id perpetrasset. Nam quod clariss. Musculus, & ante eum Cyprianus ferm. de jejunio & tentationibus, hanc primam accessionem & tentationem statuit, quasi quievisset toto jejunii tempore: illud Evangelistarum verbis, Luc. 4. vers. 2. & Marc. 1. vers. 13. minimè convenit. Rectius verò Hieron. Tom. 6. Comment. in Habac. cap. 3. ubi de Diabolo ait, *qui quadraginta diebus tentavit eum in solitudine*. Tentatio autem hæc est, quâ Dei patris de filio suo testimonium in dubium vocando, Jesum à fide in illum, ad diffidentiam ac desperationem, objecta insidiosè cibi inopia, seducere molitur. Sensus autem latens est: Si esses verè filius Dei, (ut vox è caelo testata est, & tu credis,) in hoc deserto, fame & cibi inopia laborans diceres: (hoc est, per Synecd. ediceres seu juberis ac præstares) ut hi lapides fierent panes: ne scil. inedia moreris, sed vivere posses. Nam hanc esse Satanæ mentem, etiam Christi responsio ei opposita ostendit. Atqui tu hoc non dices, nec fiet: Ergo non es filius Dei. Ratio consequentiæ propositionis est: quia Deus pater esse non potest, si tibi, translato à se in hoc desertum sterile, panem petenti, lapides tantum objiciat, Matt. 7. v. 9: & non potius ad vitam conservandam efficiat, ut illi in panes convertantur. Quam propositionem sub forma mandati breviter omnino proponit; sed illius probationem, ut & assumptionem, atque conclusionem, ut fallat, subdolè omittit. Qualis tentandi ratio in rebus adversis, ad fidem erga providentiam ac promissiones Dei expugnandam, Satanæ familiaris est ac valde periculosa: adeo ut etiam Davidem penè subverterit, Psalm. 73. v. 2, 3, 13, 14. Quod autem Cyprianus ferm. de jejunio & tentationibus statuit Diabolum ignorasse, Christum esse Dei filium proprium, & in eum finem tentasse, ut certitudinem illius inquireret, alienius est. Nam quis credat prophetias de Christo filio Dei, & de Jesu filio Dei testimonia divina ipsi fuisse ignota, aut de veritate eorum dubitasse?

Cæte-

Cæterum huic tentationi Satanæ subjicitur altera primi hujus conflictus pars, Christi sc. repugnantia, de qua his verbis, v. 4. *At ille respondens dixit, scriptum est, Non è solo pane &c.* ubi observanda sunt, primum arma, quibus Christus repugnat; & modus quo iis utitur. Arma sunt clypeus fidei erga Scripturam, & gladius Scripturæ adversus Satanam. Modus autem quo iis utitur, est fidelis citatio Scripturæ, & expressio idoneæ sententiæ. Citatio est, cum respondet, *scriptum est*, hoc est, κατ' ἐξοχὴν, per Prophetam, in Scriptura sacra, ut alibi etiam loqui solet, Matth. 11. v. 10. & 21, 13. & 26. 24. & 31. quo fidem suam de Scripturæ sacræ veritate, cui innitatur, rectè indicat: quia ea est omnium virtutum, seu fidei in Deum, & bonorum operum, perfecta norma, Deut. 5. v. 32. & 33. Sententia autem idonea quam exprimit, extat Deut. 8. v. 3. in fine illius. Integer verò est: *Afflixit enim te, & fecit ut esurires, sed cibavit te manna, quod non cognoveras, neque majores tui: ut notum faceret tibi, non solo pane vivere hominem, sed omni eo, quod prodit ex ore Iehovæ vivere hominem.* Unde apparet hoc Scripturæ dictum esse instar gladii, quo objectum à tentatore telum diffecat ac prostermit. Satanæ enim objecerat, si esset filius Dei, dicturum ut lapides fierent panis: quod scilicet non posset vivere. Contra verò Christus his verbis docet, falsam esse tentationis Satanæ consequentiam; nec enim sequi, si filius Dei sit, opus esse, ut lapides fierent panis: & hypothesein in tentatione intellectam, falsam: quasi homo solo pane viveret: cum Scriptura sacra per Prophetam, contrarium asserat. Docet enim non solo pane, ut cibo ordinario, hominem vivere: sed etiam, cum Deo placet, cibo extraordinario, & ut Moses loquitur *omni exitu ori Iehovæ*, & ut Christus exponit, *omni verbo prodeunte ex ore Domini.* ubi voce verbi (per metonym. adjuncti pro suo subjecto) res verbo significata intelligitur, ut Exod. 29. v. 1. & passim eo sensu usurpatur.

Cæterum hujus extraordinarii victus exemplum à Mose eodem versu præmittitur: quod Israëlitas (ad sexcenta circiter virorum, præter mulieres & parvulos, millia, Exod. 12. v. 33.) non pane ordinario: sed Manna cælitus defluente Deus annos 40. in deserto paverit, illique vixerint: & Christus post Moysen & Eliam, 40. dies, vi divina, sine pane aut cibo ullo, antea satiat. Deinde pane etiam Eliam, sed Angeli ministerio, non industria humana procurato aluit, 1. Reg. 19. v. 5, 6, 7. & pane ac carnibus indies mane & vesperi à corvo, licet natura voraci delato, aluit, 1. Reg. 17. v. 4. & 6. & pane à vidua Sareptana altus est Elias, sed extra ordinem farina & oleo, Dei omnipotentia, neutiquam imminutis. Denique Christus aquam in vinum commutavit, ut nuptialis convivii defectum curaret, Joh. 2. v. 9. 11. & quinque panibus, ac duobus piscibus, divina sua virtute auctis, quinque virorum millia, absque mulieribus ac puerulis pavit ac saturavit, ut nihilominus duodecim fragmentorum cophyni pleni superfuerint, Matth. 14. vers. 17. ad 22. & postea septem panibus & paucis pisciculis similiter quatuor virorum, absque mulieribus ac parvulis, millia ad satietatem aluit, ut etiam septem sportæ residuis fragmentis fuerint impletæ, Matth. 15. v. 32. ad 39. Quæ duo miracula uno complexu memorantur Matth. 16. v. 9, 10. unde etiam apparet falsitas tacitæ assumptionis, atque hypotheseos Satanæ: quasi Christus non posset, suo dicto seu mandato, lapides istos in panes commutare: potuit enim ut naturæ illius divinæ omnipotentia, & exempla similia mutationis aquæ in vinum, & panum ac pisciculorum incrementum evincunt: Sed tamen Satanæ tentatori, ex odio Christi & pravo sine imperanti, parere iustissime recusavit: quod alia ratione ac fine esset pascendus: Et ut Hieron. ad hanc sententiam ait: *Sic respondit Dominus, quia propositum erat ei humilitate Diabolum vincere, non potentia.*

Hæc de primo modo quo fidem Christi oppugnans Satanæ est usus, nempe ut ad fidei defectum seu ad diffidentiam ac desperationem seduceret: Sed à Christo per fidem & Scripturam resistente est confutatus: Id quod in primo conflictu accidit.

Alter verò modus est, quo ad fidei excessum, seu su-

perbam ac temerariam confidentiam adducere, Satanæ molitus est, secundo conflictu, de quo vers. 5, 6, 7. agitur: ut quum prima ad sinistram oppugnatio facta esset irrita: altera tamen ad dextram aggressio succederet. Verum difficultas hic emergit, de hujus tentationis h. e. conflictus ordine, & Evangelistarum consensu. Nam Matth. eum secundo: Lucas verò tertio: & tertium Matthæi Lucas secundo loco recenset: ideoque ex hac diversitate dissensio esse videtur. Sed nodus hic eo solvitur, quod ut profana; sic etiam sacra historia interdum promiscuè, seu ordine neglecto, rem gestam narret. Etsi enim aliqua diversitas sit, nulla tamen est oppositio, nulla dissensio, idem uterque narrat. Et ut Lucas in primo conflictu cum Matthæo ordine convenit: sic in secundo & tertio diversum, ut interim tamen nullo modo indicet, eo ordine, quo narrat, rem gestam contigisse: sed Spiritus sancti ductu scribens promiscuè rem ipsam recenset: ideoque dissensio non est. Quemadmodum etiam dum è Veteri Testamento dicta citantur, verborum tamen ordo interdum invertitur sine sensus injuria, qui solus tum spectatur. Cæterum uter eorum, Matthæus an Lucas, rei gestæ ordinem servavit, diversa sunt judicia. Quidam enim Lucam ordinem servasse arbitrantur: sed plerique alii rectius statuunt, hoc à Matthæo fieri: quemadmodum ex descriptione illius apparet. Prima enim ratio est materiæ convenientia: quia prima & secunda apud Matthæum tentatio, eandem partem cultus Dei, nempe fidem oppugnat: sed modo tamen diverso: Prima tentatione ad illius defectum seu diffidentiam: secunda verò ad excessum ejusdem seu confidentiam nimiam alliciens: tertia verò universum Dei cultum evertere conatur. Secunda ratio est à vocibus, quæ rei gestæ connexionem & ordinem indicant ac definiunt. Nam de secunda tentatione dicitur vers. 5. *Tunc assumit eum; tunc*, hoc est, simulac ad primam tentationem data esset illa responsio, quam versu antecedente descripserat: de tertia verò tentatione ait vers. 8. *Rursum assumit eum*: id quod secundam assumptionem notat relatè ad antecedentem, quam primam fuisse etiam ista relatione indicatur: Denique tentationem hanc ordine secundam fuisse sequentia etiam comprobant. Nam tertia tentatione ac secunda assumptione narrata, subjicitur vers. 11. *Tunc omittit eum Diabolus.* Nam vox illa *Tunc*, non aliò, quam ad proxima Christi in montem assumpti verba (quibus tertiam tentationem rejecit ac confutavit) referri potest. Quare ordine hujus conflictus secundi, à Matthæo narrati, demonstrato, ad rem ipsam seu oppugnationem Satanæ & repugnantiam Christi accedamus. In oppugnatione autem duo notantur, Satanæ factum, tentationem antecedens, & ad eam idoneum: Deinde tentatio consequens. Factum autem narratur vers. 5. *Tunc assumit* (id est, per enallagen præsentis pro præterito assumit) *eum Diabolus in sanctam urbem, & statuit eum super pinnam templi.* Quod factum duobus constat membris: primum est, assumptio in urbem sanctam: alterum est constitutio super pinnam templi. Ac de utroque communis quæstio exoritur, an hæc assumptio seu translatio (ut etiam altera vers. 8.) & constitutio sit propriè, an vero impropiè per metaphoram intelligenda. Quidam enim posteriorem sententiam probant, factam illam assumptionem ac constitutionem, non loci mutatione; sed visione quadam. idque illustrent exemplo Ezechielis, qui dormisse dicitur super latus sinistrum dies trecentos nonaginta, & supra dextrum, quadraginta, cap. 4. v. 5, 6. & è Chaldæa visionibus Dei adductus in terram Israël, & dimissus in montem valde excelsum, cap. 40. v. 2. denique elevatus à Spiritu atque introductus in templi atrium interius, cap. 43. v. 5. Atque ita Christum quoque non propriè assumptum, corporis, è deserto, in alium locum translatione; sed tantum visione atque imaginatione: qua factum, ut illud Christus putarit ita esse: & quidem exhibita visione, non à Satana, sed à Spiritu Christi, ut Cyprian. ferm. de jejunio & tentationibus ait: *Suo itaque Spiritu eum credendum est ductum & in desertum & super pinnam templi.* Sed repugnat hac in re a-pertis Evangelistæ verbis, qui disertè ista Diabolo attribuit,

buit, hoc modo. *Et assumpsit eum Diabolus*, vers. 5. & 8. Idcirco alii visionem factam statuunt, non ut in Prophetis à Spiritu Dei, sed à Diabolo per illusionem sensuum, quia Jesus sibi visus est ita transferri, & collocari, modo super pinnam templi; modo super montem. Prima tamen sententia, quæ propriè rem gestam exponi statuit, magis videtur consentanea: Christum reverà, è deserto, à Satana, in pinnam templi, per aërem translatus: quam etiam sequitur author imperfecti operis Comment. Chrysostomo adscriptorum in Matth. Rationes autem hæc sunt: Primò, quia historia narratur: nec à propria significatione recedendum, in explicatione, nisi ratio necessaria obster, ut citra controversiam est. Atqui nulla apparet necessaria: etsi nonnullas opponant, quarum primariæ sunt duæ, quæ aliquam habent speciem verisimilem, petitz ex Luc. 4. v. 5. Prima autem est, quod in Christi conspectu ostenderit Satanas *omnia mundi regna*: altera verò quod id præstiterit *puncto temporis*. Quorum prius fieri non potuit: Posterius verò multò minus. Sed hoc negatur, imò utrumque fieri potuit: Si verba Evangelistæ rectè exponantur. Nam *omnia regna mundi* intelligi possunt non absolute, sed relatè ad illum montem, id est, omnia regna in circuitu posita: quemadmodum, 2. Chron. 20. v. 29. *Et fuit pavor Dei, super omnia regna terrarum, cum ista audivissent*, hoc est, regna circumjecta, ut in simili ejusdem libri sententia exprimitur, 2. Chron. 17. v. 10. Deinde vox *omnia* non semper singula notat universaliter; sed interdum per Synecdo. multa designat, ut Dan. 2. v. 38. Nebucadnezzar traditur habere potestatem in omnia, in quibus habitant filii hominum, & bestiarum agri & omnia sub ipsius ditione esse. Denique Diabolus omnia regna ostendisse Christo dici potest, quod quædam, ratione terrarum, ut vicina (quemadmodum Mosi terram promissam è monte Nebo, Deus monstravit, Deut. 34. v. 1, 2, 3.) Reliqua verò remotiora, ratione situs, quem indicavit. Quod verò dicitur secundo argumento ostendisse *puncto temporis*, sententiæ propositæ non obstat: quia verba ea non strictè sunt accipienda; sed per consuetam omnibus linguis hyperbolen, ac tritum sermone proverbium, quando breve tempus comparatione aliqua longioris denotatur: ut Erasmus in adagiis, Chil. 2. cent. 2. adagio 70. (ex Terentio & Cicerone & eleganti Plutarchi *ὅλην αἰώναν ἀγῶνιν* sententia, *ἡλικία μικρὰ πᾶσι ἐστὶν ὁ βίος*, hoc est, *tota vita est punctum temporis*) demonstrat. Ac plura similia apud bonos autores occurrunt. Ut etiam in Scriptura, Esræ cap. 9. vers. 8. *Nunc exiguo momento (בְּמוֹעַת רָגַע) facta est nobis gratia*, hoc est, brevi tempore exacto. Atque ita pauci anni intelliguntur comparati cum longo præcedentis miseræ spatio. Quocirca nihil omnino hic est absurdi, si regna mundi puncto temporis ac momento demonstrata narretur propriè. Ac propterea quod doctiss. Scholiaſtes verba hæc, *puncto temporis*, apud Lucam, cap. 4. v. 5. cum voce prima, nempe assumit, construenda conjicit: non est opus, neque etiam constructionis coherencia hoc admittit.

Hic jam duabus rationibus, pro assumptione per metaphoram de sensuum Christi illusionem ac visione imaginaria confutatis: reliqua facilius diluuntur. Nam quod objicitur, primum absurdum esse, Christi excellentiam hoc tulisse, ut Diabolus eum pro arbitrio in varia loca transveheret, illud negamus: quia factum illud non solo Diaboli arbitrio contigit, quasi Christus ab eo contra voluntatem vi coactus esset ac raptus: sed Deo, ad majorem Christi victoris gloriam, concedente, Christoque in eundem finem indulgente: quemadmodum, quod est longè majus, corporis sui prodicionem, violationem variam, ac crucifixionem, Satanæ suos ministros adhibenti volens permisit, Luc. 22. v. 3. & 4. Johan. 13. v. 27, & 14. 30. ut nos servaret, & ita gloriosè de Satana triumpharet, Hebr. 2. v. 14. & 15. Col. 2. v. 14, 15. deinde si corporis Christi, sine ulla prorsus læsione, translatio, ob indignitatem credenda non est; multo sanè minus credendum, Satanam potuisse (uti statuunt) illudere omnibus Christi sensibus externis, & internis, ut in deserto existens se transferri & collocari existimaret. Altera objecta ratio est,

quod talis corporalis translationis à Satana factæ alia exempla in sacris literis non occurrunt; ideoque eam non contigisse Christo, sed negatur consequentia: quia non necesse est, ut omnia, quæ in sacris literis narrantur, habeant similia ibidem exempla: cum certum sit non pauca esse singularia. Imò talis etiam sensuum Christi & phantasiæ illusio (quam statuunt) exemplo simili in sacris literis destituitur. Denique objicitur, omnia in sacris literis scripta ad utilitatem nostram. Atqui nulla inde est utilitas, si Christi corpus è deserto per aërem in pinnam templi, & postea in montem sublimem transvectum describatur: Sed negatur hæc assumptio: quia utilitas est, insignis consolatio ac confirmatio Christianorum ex Christi tentatione & victoria illius promanans: primum cum Dei filius Christus ac Dominus noster ad tempus Satanæ rapienti fuerit permissus à Patre: inde sequitur nos non debere indignè, sed patienter ferre, si Deus in nostra corpora aut bona aliquid potestatis Satanæ concedat. Deinde cum Christus pro nobis illam raptoris Satanæ tentationem patienter tulerit ac tandem victor evasit: hinc certa spes oritur pro sua clementia etiam nobis à Satana tentatis opem laturum, Hebr. 2. v. 17, 18. 4. v. 15. Nam quod excipitur hisce locis Christum per omnia nobis similiter tentatum dici: atqui similis nobis non est; quod non re ipsa transferamur: id facillè solvitur. Nam similis tentatio genere convenit, etsi non ratione singulorum modorum. Nam ita Christus neque nobis etiam similiter per omnia passus dici posset, cum certas tentationes seu modos particulares accidisse Christianis constet, quibus Christus non fuit obnoxius.

Atque hæc ad quæſtionem de modo facti Satanæ, cum in translatione, tum in collocatione, nimirum, eum fuisse proprium, vera loci mutatione; non verò metaphoricum atque imaginarium illusionem Satanæ peractum: nunc superest, ut de loco facti pauca dicamus. Locus unde translatus est dicitur *desertum*; quo verò translatus est & collocatus, communis quidem est *urbis sancta*, proprius verò *templi illius*. Quid urbs sancta notet, caret controversia, nempe Hierosolymam, quæ per periphrasin ita appellatur, Matth. 27. v. 53. quod templo & cultui divino præ cæteris omnibus urbibus fuerit consecrata. Unde etiam Psal. 48. v. 2. *civitas Dei nostri, mons sanctitatis* & vers. 3. ut etiam Matth. 5. v. 35. *civitas magni regis*, hoc est, Dei, appellatur. Sed quid *templi illius* sit, exponendum. Ac primum illud controversia caret, propriè esse *parvam alam*, & inde per metaph. variè ad ea, quæ aliquam habent extantis alæ similitudinem transferri: unde Hesychius *πτερόν, ἀκρωτήριον*, hoc est, *extremitatem ac summam partem* exponit. Sed quomodo ab Evangelista usurpetur, diversa est interpretum sententia. Quidam spectata turrium & templorum nostrorum similitudine, vertumnum, venti flatus indicem notare conjiciunt. Sed minus aptè: quia in summo templo Hierosolymitano nihil tale fuit; ut ex descriptione fabricæ templi & tecti liquet, neque quicquam ab antiqua institutione mutatum Christi tempore, ullo probatur documento: ac propterea mirandum est doctiss. Martoratum, hanc etiam sententiam secutum. Alii verò accommodatè ad templi structuram pinnam illius seu ambitum ac loricam tecti interpretantur, quod alæ instar in extremitate tecti circumquaque extaret: quemadmodum de ædificiis omnibus (quæ plano tecto & ambulationi idoneo in Judæa construebantur) Deus præcepit, Deut. 22. v. 8. *Cum adificas domum novam, tum facito loricam ad testum tuum: ut non imponas reatum sanguinis domui tue, si deciderit aliquis*. Unde apparet Satanam hanc Christi in urbem sanctam translationem & collocationem super templi pinnam (tanquam tentationi suæ maximè idoneam) delegisse. Primum, quia templum summo montis Moriz vertici erat impositum, & pinna summitas erat templi ac tecti: locus hic ac statio sublimis præcipitationis suadendæ occasio fuit speciosa. Deinde cum civitas metropolis esset terræ sanctæ, Deique cultui cum templo consecrata: idcirco huc Christum transfuisse apparet: quod ad superbam confidentiam excitandam reliquis locis videretur opportunior:



tunior: quippe hæc præcipitatio futura erat non in hominum obscurorum ac paucorum præsentia: sed in maxima populi Judaici turba.

Atque hæc de præcedenti secundæ tentationis factio: cui tentatio verbis instituta subicitur, qua Christum oppugnat vers. 6. & dixit, &c. Quæ tentatio constat suasionem, & confirmationem illius. Suasio est: *Si filius es Dei, jace te ipsum deorsum*: ut scilicet hic in urbe sancta, in frequenti populi Dei Messiam expectantis, confluxu, hoc facto, tuam erga Deum patrem tuum fiduciam, quod illius sis filius, demonstrates. Hanc enim esse sententiam, ex confirmatione adjuncta, & Christi etiam refutatione colligitur. Confirmatio autem hujus suasionis indicatur his verbis: *Scriptum est enim* &c. quibus declaratur, unde confirmatio sit petita, deinde quænam ea sit, unde petita sit, ita indicatur: *Scriptum est enim*. Utitur autem Scriptura sacra subdolè: quia in Angelum lucis se transformans, 2. Cor. 11. vers. 14. & Christum Scripturam pugnamentum ac vincentem imitatus eandem præterit. Quænam autem sit Scriptura confirmatio, subicitur his verbis; *quia Angelus suus mandabit de te, & tollent te in manus, ne quando offendas ad lapidem pedem tuum*, Psalm. 91. v. 11. & 12. Quia in re fraus manifesta apparet, si quis verba Psalmi, & Diaboli inter se conferat. Nam voces nonnullas in medio positas, & ad rectam rei intelligentiam necessarias, perversè omittit, quod scilicet suasioni propositæ repugnantes, non ignoraret, quippe post ea verba, *quia Angelus suus mandabit de te*, additur, *ut te conservent in omnibus viis tuis*. Viæ autem tuæ nihil aliud sunt, quam progressus & actiones vocationi atque officio congruentes: ideoque ei contrarium erat, neglecta via legitima & officio suo, seipsum de summo tecto dejicere: id quod Satan sententiæ hujus prætextu suadebat. Atque ita suasio eadem non stabilitur, sed revera evértitur. Quibus accedit, quod ut ante ostendimus, pinna sive lorica templi, ut reliquorum ædificiorum, erat structa, non ut quis in eam cum periculo vitæ insisteret, multò minus, ut quis se de ea dejiceret: sed contra ne quis delaberetur; sed ut tuto posset sine periculo in tecto consistere.

Hæc de secunda tentatione Satanæ, qua Christi fidem oppugnavit: sequitur Christi repugnantia; qua respondens eam confutavit ac devicit. Modus autem generalis illius, est Sacre Scripturæ citatio, cum ait, *Rursum scriptum est*: quibus verbis non opponit Scripturam Scripturæ: sed eam exponit ex alio loco, & Satanæ fraudem atque impietatem demonstrat. Particularis enim modus est oppositio sententiæ, ex Deut. 6. v. 16. *Non tentabis Dominum Deum tuum*. Ideoque non licebat Christo, ut neglectis suis viis ac mediis, è templo descendendi divinitus oblati, superba confidentia, Dei auxilium, non necessaria præcipitatione exploraret.

Atque hæc de primo & secundo Satanæ, & Christi conflictu: in quorum utroque fidem Christi tentator oppugnavit. In priori quidem ad defectum illius seu diffidentiam: in posteriori verò ad excessum ac superbiam confidentiam sollicitavit: sed irritò utrimque conatu. Sequitur nunc tertius ac postremus conflictus, ubi de universa Christi religione concertatur. Cujus prior pars est Satanæ oppugnatio. in qua observanda est præparatio occasionis illius, & oppugnationis modus. Præparatio constat factio duplici, translatione, & ostensione. Illa indicatur his verbis: *Rursum transfert eum Diabolus in montem sublimem valde*. Cujus translationis terminus à quo, est pinna templi, quemadmodum connexio tentationum, cum ait, *rursum assumit*, ostendit: terminus verò ad quem translatus est; *mons sublimis valde*: quem, Scriptura tacente, definire vellet, temerarium est: inquirere verò curiosum. hoc tantum ex seqq. constat, idoneum fuisse regnis mundi diversis demonstrandis & tentationi consequenti. Hæc de translatione prioris scilicet Satanæ factio. Posterius verò declaratur his verbis, & ostendit ei omnia regna mundi & gloriam eorum; quomodo autem id fieri potuerit, in primæ translationis expositione declaravimus. Atque hæc de Diaboli factio duplici, quo & idoneum tentationi postremæ locum, ad regna mundi ostendenda delegit; & ea inde Christo o-

stendendo, superbiz & avaritiz accendendæ fomitem, ad apostasiam objecit. Oppugnatio verò hoc factum consequens est sermo ad Christum, quod indicat Evangelista cum ait; *dixitque ei*. Quis autem sermo fuerit, ita describit: *Hæc omnia tibi dabo, si procidens adoraveris me*. Quibus verbis promissionem, & conditionem annexam completur. Promissio est: *Hæc omnia tibi dabo*, quo innuit, se habere eam potestatem: idque etiam rationis loco expressit, ut Lucas plenius hoc recenset cap. 4. v. 6. *Tibi dabo potestatem hanc, & gloriam illorum; Nam mihi tradita est, & cuicunque voluero, do eam*. Sed vana est impudentis impostoris promissio, & falsa ratio: Solus enim Deus hanc retinet sibi potestatem, qui solus est Dominus universæ terræ, & regna pro arbitrio distribuit: ut sæpius Scriptura testatur. Nam quod obtendi posset, Diabolum vocari principem mundi, Johan. 12. vers. 31. & 14. v. 30. illud ad rem præsentem minimè pertinet. Nam *mundus* hoc loco metonymicè homines, & quidem infideles, ut 1 Johan. 5. v. 4. quia Diaboli suggestioni serviunt, Ephes. 2. v. 2. & 6. v. 12. non autem Regna mundi designat; quia Diabolus nec Jobo quicquam sine speciali Dei permissione potuit eripere, Job. 1. nec dæmones etiam porcos invadere; nisi impetrata prius à Christo venia, potuerunt, Matth. 8. v. 31. & 32. Quare falsa est hæc Satanæ promissio: *Hæc omnia tibi dabo*: quia nec erat in ejus potestate ea dare; nec Christus Dei filius omnium creator ac possessor ea potuit accipere: conditio verò promissioni annexa summa etiam est impietatis, & effrontis impudentiz, cum ait, *si procidens adoraveris me*. Quo in loco duplicem à Christo honorem postulat: primus est, quo petit, ut Christus coram ipso se prosternat, seu procidat; ut ea ratione Satanam ipsum, honore dignum, & cui servire paratus esset, ostenderet. Qui mos prostrationis in civili etiam, & honesta salutatione erat in usu, Genes. 18. v. 2. & 19. v. 1. & 23. v. 7. Qui honor Satanæ nullo modo, nec ipsius, nec Christianatione convenit. Non ipsius; quia capitalis ac perpetuus est gloriæ Dei, justitiæ ac salutis humanæ adversarius: ac propterea non amore, & honore inde promanante, sed odio, & detestatione omnium dignissimus est. Nec Christi etiam ratione: quia omnium creaturarum est Dominus & creator: ideoque ipse ab omnibus honorandus. Hæc de primo honore. Alter verò honor est *προσκύνησις* adoratio, hoc est, religiosa veneratio. Nam ut vox *προσκύνησις* propriè *οφθαλμοῖς* nosat: sic *προσκύνησις* quasi *αδούλησις*, pro eodem usurpatur. unde etiam pro venerari accipitur: quod ille vulgo mos esset adorationis, ut Ludovicus Cælius antiquarum lectio: lib. 10. cap. 8. ait: *Plinim, in adorando, inquit dextram ad osculum referimus. Et ita apologia item Apulejus: si sanum aliquod prætereas, nescis habet adorandi gratia manum labris admoveere*. Quibus addi potest ex Hier. Tom. 6. comment. in Hose. cap. 13. v. 2. ad verba illa: *sacrificant hominem, vitulos osculantur*, sic interpretatur, *vitulos adorantes*. & in comment. ad eum locum, pro eo (inquit) quod *juxta Symmachum, & Theodotionem vertimus adorantes, Aquila interpretatus est κατακύνειν*, id est, *deosculantes*. Qui enim adorant, solent osculari manum suam: quod Job fecisse se negat, dicens. (nempe cap. 31.) *si osculatus sum manum meam apponens ori meo: & hoc mihi ad iniquitatem maximam reputetur*. Idem Tom. 5. in Ezech. 8. ad verba ista: *applicat ramum ad naves suas*, sic ait: *ut per hoc eos idola adorare significet*. Denique & Job inter ceteras virtutes, etiam hoc habuisse se dicit, quod nunquam aspiciens calum & solem & lunam & astra fulgentia, osculatus sit manum suam; id est, *adoraverit creaturas*. Hactenus Hieron. quibus accedit denique locus memorabilis, 1. Reg. 19. v. 18. *Omnia genda qua non curvaverunt se Baali & omnes quod non osculatum est eum, quem locum LXX. Interpretes sic reddunt τὰς σόφας δὲ τὸ προσκύνησεν αὐτῷ*. Quam significationem vocis *προσκύνησις* pro osculo, Lexicographi etiam diligentiores, quantum observare potui, neglexisse videntur.

Ceterum de hoc venerationis osculo, memorabilis ac memoratus à Pithæo est Apuleii locus de asino aureo, lib. 4. *admoventes*, inquit, *oribus suis dexteram, priari digito in erectum pollicem residente, ut ipsam prorsus Deam Venerem religiosi adora-*



adorationibus venerabantur. Atque hic unus est ac frequentior in superstitiosa veneratione osculandi modus. Alter vero est, cum ipsum idolum osculantur, qua de re doctissimi. Drusus ad Hoseam cap. 13. v. 2. *Mos*, inquit, *osculandi usus erat in cultu divino: osculabantur autem manum aut os, manum inquam non idoli, sed suam (de qua se fuisse differunt in nostris observationibus) contra deosculabantur os idoli, quod verbum* פִּשָּׁן *quando absolute ponitur, perpetuo significat; ut Aben-Ezra notavit.* 1 Reg. 19. v. 18. *Reservavi tibi septem millia, quorum os Baalem non est osculatum.* Hæc ille, ubi tamen vulgata versio aliter accipiens, paraphrasi quadam ita reddit, *adoravit eum, osculans manum.* Ut autem constet, etiam idolo oscula appressa interdum, audiendus est Cicero in Verrem (ut hujus loci meminit Marcellus Donatus ad Suetonii Tiberium, cap. 34.) ubi de statua Herculis agit: *Rictus*, inquit, *ejus & mentum paulo attritus, quod in precibus ac gratulationibus non solum venerari eum, sed & osculari solent:* Hæc Cicero actione sexta in Verrem. Verum præter hanc significationem vocis προσκυνῶν, & ritum: certum est, frequentissima catachresi usurpari, pro corporis totius in terram prostratione, coram aliquo, reverentia causa. Atque ita à Lxx. interpretibus Græcis vox Hebræa קָרַע perpetuo redditur. Ea autem prostratio, adoratio vulgo nuncupatur, estque vel civilis Gen. 33. vers. 3. & 1. Sam. 20. v. 41. & 2 Sam. 1. v. 2. Matth. 18. v. 26. ad honorem civilem: vel religiosa, ad cultum divinum pertinet. Quæri autem potest qualem προσκυνῶν seu adorationem Satanas hic poscat; propriamne, quæ osculo fiat; aut impropiam, quæ totius corporis coram ipso reverenti prostratione exhibeatur: ac sanè cum Diabolus prioris, in cultu falsorum Deorum & idolorum, citra controversiam sit author, & eam etiam, ut ferunt, à sagis suis exigere soleat; eam hic intelligendam videri posset. Sed obstat Lucas cap. 4. qui pro eo quod apud Matthæum est προσκυνῶν μοι ἀδυνατεῖς με, habet ἐνώπιόν μου κοίταί με, ideoque de veneratione sine osculo intelligendum, & quidem non civili sed religiosa. Quæ prostratio corporis coram eo fieri non potuit, nec ratione finis generalis, ut amoris & honoris esset testificatio, (qualis Gen. 23. v. 4. Exod. 18. v. 7.) quia Satanas capitalis est Dei hostis, ad cuius caput conterendam, Genes. 3. v. 15. Hebr. 2. v. 14. & ad opera illius destruenda 1 Johan. 3. v. 8. missus erat Christus; neque etiam multo minus ratione finis specialis, ut tanquam omnium regnorum Dominus agnosceretur, & adea ab ipso impetranda, hanc prostrationis coram eo venerationem exhiberet. Quo modo Deo soli, universæ terræ Domino, Esai. 37. v. 16. & Zach. 4. v. 14. & soli regnorum, pro arbitrio suo, donatori, Daniel. 2. v. 23. gloriam detrahens, eam impudenter atque impiè sibi adscribit. Atque hæc de conflictu tertii inter Diabolum & Christum parte prima, nempe oppugnatione Diaboli.

Altera verò est Christi repugnantia vers. 10. *Tunc dicit ei Iesum &c.* qua in responsione duo continentur, mandatum & confirmatio illius. Mandatum est, *abi vel apage Satana*, quo indicatur, & cui & quid mandet: is cui mandat est Satanas; quo tentatoris nomen à moribus ortum & infita improbitate, recenset opportunè; quod ut adversarium κατ' ἐχθλῶν notat, quod Dei & Christi iustitiæ, ac salutis humanæ sit adversarius: sic hæc postrema tentatione, illud maximè, atque impudentissimè demonstravit; cum sui adorationem à Christo Filio Dei adorando postulavit: ideoque nomen hoc, in utraque priori repugnantia, consulto tacitum, hoc loco exprimit: ut & notum sibi esse tentatorem ac fallere non posse indicaret: Et causam etiam generalem innueret, cur ipse à Christo non esset ullo modo honorandus, nedum adorandus. Quod ut ille erat adversarius Christi injuncte: sic Christus iuste à Deo ipsi esset oppositus inimicus ac conculcator, Genes. 3. v. 15. Quid autem mandet, indicat vox ὑπάγε, *subdisce te*, qua pro imperio à se abire jubet, eoque nec adoraturum se coram eo; nec ipsum adoratione dignum, ostendit. Confirmatio verò gravissima subjicitur seqq. quibus indicat primùm, unde rejectionis Satanz & adorationis illius rationem petat, cum ait: *Scriptum est, nempe κατ' ἐχθ-*

χλῶ (ut ante vers. 4. & 7. in Scriptura sacra.) Deinde qua parte ac sententia illius, subjicit, cum ex eodem capite Deut. 6. v. 13. unde secundæ repugnantia dictum protulit: sic ait: *Dominum Deum tuum adorabis & ei soli servies.* Ideoque hic honor Satanz tribui non potest. Verum scrupulus hic occurrit, quod Christus in sententia Moysi citanda, partim aliquid mutavit, parem addidit. Mutavit, quia pro eo, quod Moyses in primo sententiæ membro ait: *timebis* יָרֵא / Christus ponit *adorabis*, προσκυνῶν: & in secundo vocem *soli* quod in Mose abest, apponit: ideoque objici posset, non fideliter Scripturam citari. Verum negatur consequentia, quia in illa diversitate vocum summus est rei consensus: & quod recitat Christus, illud reipsa seu sensus ratione, Moysi verbis intelligitur ac significatur. Nam timere Deum hoc loco etiam adorationem ac reverentem venerationem illius complectitur: ut etiam religiosus cultus universus per consuetam synecdochen, timoris Dei appellatione sæpius denotatur: ut quod Esa. 29. vers. 13. *Timor* vocatur, à Christo Matth. 15. vers. 9. *οὐκ ᾔδειν ῥησιμῶς colere* explicatur. Et timor Dei Gen. 20. 11. *cultum Dei* notat, unde Lxx. sensu expresso *προσκύνησαν*, & Prov. 1. v. 7. *εὐσέβειαν* rectè interpretantur. Quod autem ad verba illa, *servies illi*, vocem *soli* addiderit Christus: in eo nulla prorsus est corruptela: sed paraphrastica genuini atque indubitati sensus interpretatio. Proximo enim versu à Mose additur explicatio: *Non ambulabis post Deos alienos, è dis populorum, qui in circuitu tuo sunt: quia Dominus zelotes Iehova Deus tuus.* Si enim non alienis dis serviendum: Ergò soli Deo. Si non, quia zelotes; Ergò gloriam suam alteri tribui non vult, Esa. 42. v. 8. & Deut. 5. v. 9. alios adorari, aliis servire diserte vetat: quia Dominus Deus est ac zelotes. Quare ut Lxx. Interpretes paraphrastice hanc vocem *soli* huic loco explicando addiderunt; sic & Christus eandem tanquam sententiâ Moysi reipsa comprehensam diserte declaratione expressit. Servitus autem hæc non tollit ordinem œconomiz & potestatem inter Dominum & servum, neque officia servitutis eo pertinentis excludit: quia religiosa servitus hic intelligitur, qua nos totos animo & corpore ad leges Dei tanquam summi Domini ac legislatoris observandas, dirigimus.

Atque hæc de Moysi & Christi conciliatione, unde Satanam à Christo solidè confutatum esse apparet, quod idem ad Pontificios (qui Angelos & Sanctos demortuos, imò & statuas atque imagines adorant, iisque servant) confutandos valet. Nam quod excipiunt, servitutem λατρείας prohiberi, non autem δουλείας: inepta est ratio. Nam apud Hebræos, unde hæc sententia deprompta est, una vox est servitutis דָּבַד: quæ generalis est, & pro subjecti atque objecti ratione, modo religiosa, modo profana servitus est, ut Deut. 28. v. 47. *Propterea quod non servieris Iehova Deo tuo, &c.* hoc est, mandata ejus ad religionem ac cultum Dei pertinentia, non servaris, & v. 48. *Propterea servies inimicis tuis*, ubi servire tam de Deo quam de hominibus citrà vocis discrimen dicitur. Deinde si voces ipsas spectemus, servitus major est ac plenior, quæ δουλείας, quam quæ λατρείας voce propriè accepta notetur, ut enim τὸ λατρεῖν merces, & δουλέειν, ut exponi solet, est, μισθὸν δουλείαν mercede servitiorum, mercenarius famulus; sic λατρεῖν mercede servio: etsi generalius, deinde usurpetur: Contra verò vocem δουλείας, servum, qui totus in potestate Domini est, notare certum est: etiam si sæpe generalius usurpetur, ac propterea satis liquet, si vni vocis spectemus, maiorem esse servitutem δουλείας quam λατρείας. Ad quamvis creberrimus vtiis λατρείας, cum de cultu Dei agitur, in Nov. Testam. sit usus: idcirco tamen digniorem esse λατρείας, quam religiosam δουλείας, atque ut volunt alterius generis: illud nullo modo sequitur. Nam quemadmodum idololatria vetatur: sic etiam religiosè δουλείαν illi, qui non sunt Deus, diserte prohibetur: quemadmodum Gal. 4. v. 8. *ἡμεῖς ποτε τὸν μὴ φέρον θεόν, servivimus αὐτῷ, qui naturā non sunt Dei:* quod quis neget, idem prorsus valere, atque ἐλατρεύσασθαι, quemadmodum etiam pro una voce דָּבַד servire promiscuè modo δουλείαν, modo λατρείαν Lxx. usurparunt, & prius quidem frequentius, ut Deut. 28. v. 47. quia non

ιδά-

λατρεύς Κυρίῳ *servisti Domino* : vers. 48. λατρεύεις τοῖς ἑθνεῖς *tu servies hostibus tuis*, & 2 Chron. 12. v. 8. *erunt ei, סֵבְרִי Servi, & dignoscens servitutem meam, & servitutem regnorum*, ubi eadem vox סֵבְרִי : pro qua LXX. utroque loco habent vocem δουλεύς. Quare cultus religiosi, in λατρείᾳ Deo debitam & δουλείᾳ Sanctis, imò ὑπερδουλείᾳ virgini Mariæ convenientem, distinctio inepta & impia apparet : cum religiosam προσκύνησιν adorationem & gloriam Deo soli debitam creaturis communicent : cum contra religiosa & adoratio & servitus soli Deo, Christo iudice, conveniat ; ideoque cum Joannes viso Angelo, quem, ut videtur, Christum existimavit, humiliter se prosterne- ret ; Angelus Apoc. 19. v. 10. προσκύνῃσιν à se rejicit, cau- samque reddit, quod esset servus : ideoque non ut Do- minus adorandus ; ac subjecit : *Deum adora.*

Atque hæc de tertia Christi adversus Satanam repu- gnantia ac victoria ; cui ab Evangelista deinde subijcitur eventus, ad Christi gloriam pertinens duplex. Quorum primus est Satanæ devicti recessus. Alter est Angelorum bonorum accessus ac ministerium : Ac prius ita indicatur, *Tunc omisit eum Diabolus. Tunc* autem refertur ad Christi mandatum proxime antecedens, quo cum abire jussit : Omissio autem hæc intelligenda est non perpetua, sed ad tempus. Hoc enim indicatur, Luc. 4. vers. 13. *& finita omni tentatione Diabolus abiecit ab eo ad tempus*, aut potius ad *oportunitum tempus* μέχρι καιροῦ. Tempus autem illud in pri- mis fuit, cum per Phariseos aliosque crebrius tentavit, deinde per Judam prodidit, & per Sacerdotes in crucem tandem egit, ubi calcaneum Christi (infimum personæ) seu corpus ipsius, illæsa anima, confregit, Joh. 14. v. 30. sed capitis contritione devictus est, Gen. 3. & imperium ty- rannicum illius abolitum, Hebr. 2. v. 14. 15. Coll. 2. v. 15. Alter verò ; confictus Christi & Satanæ, eventus ita de- scribitur : *Ecce Angeli accedebant & ministrabant ei* ; quæ mu- tatio cum fuerit admiranda, idcirco præmittitur vox, ad magnitudinem rei observandam, *Ecce.* Quale autem hoc ministerium fuerit, non exprimitur : sed circumstantia ta- men famis Christi hoc videtur indicare : quod quemad- modum Eliæ, per ministerium Angeli, panis & aqua de- lata sunt in desertum, 1 Reg. 19. v. 6. ita & simile ministe- rium Christo esurienti præstitum, verisimile est. Quem- admodum, cum angustia animi gravissima afficeretur in horto, visus est Angelus ipsum corroborans, Luc. 22. v. 43. & Petrum angelus è carcere solutis vinculis eduxit, Act. 12. v. 7, 8, 9, 11. Ita & angelos ministrasse Christo victum opportunè, cum fame laboraret, & illius occasione, defi- ciente cibo, in deserto, à Satana esset tentatus, verisimilli- mum est. Cui & illud addi posset : etiam è sublimi mon- te, in quem à Satana erat translatus ab Angelis reventum : ut ministerium suum propheticum, jam Satana devicto, inter homines aggredereetur. Veruntamen quia Luc. 4. v. 14. dicitur : *Et reversus est Iesus per potentiam Spiritus in Ga- lileam* ; inde apparet, quemadmodum à ripa Iordanis pri- mum sublatus est in desertum, à Spiritu sancto, Matth. 4. v. 1. sic ab eodem, finita omni tentatione, inde relatum.

Atque hæc de Christi & tentatoris Satanæ confictu : & eventu hujus ignominioso, illius vero glorioso.

#### Illustratio CAPITIS V. Evangelistæ Matthæi.

**E**Ximia est ac celeberrima illa Christi concio, quæ tri- bus capitibus, quinto, sexto & septimo continetur ; quæ antecedentibus suis *circumstantiis*, & *forma* atque *effectu* consequenti, populi admiratione, cap. 7. v. 28, 29. describitur.

Antecedentes autem circumstantiæ recensentur tres, auditores, locus, & gestus concionantis.

Auditores, qui ausculturunt, fuerunt duplices, turbæ multæ confluxus & discipuli selecti. Prius indicatur vocē ὄχλος : quam interpretes elegantiores *turbam* reddunt : quod *turbæ* dicere vereantur, quandoquidem in plurali, tantum pro tumultu accipi observantur : vulgaris tamen interpres *turbæ*, si minus Latine (ratione significationis

usitata) magis certè appositè transtulit. Nam non una turba notatur, sed multa, seu variæ turbæ ex diversis locis ad eum confluxus, quemadmodum cap. 4. v. 25. disertè exprimit. Cujus confluxus ac consecutionis causa fuit Christi doctrina & miracula, partim visa, partim fama cognita, ibid. v. 23. & 24. Hoc autem turbæ multæ Chri- stum consecutæ visum studium, occasio insignis hujus concionis extitit, quemadmodum dicitur : *Cum vidisset au- tem turbam* (aut potius turbam multam ὄχλος.) Nam messis erat multa, operarii verò, nempe fidi, erant pauci : quemadmodum in simili turba, Matth. 9. v. 37. exprimi- tur : Et Christo hominum piscatori, Matth. 4. v. 19. eo- rum quasi piscium copia, retis prædicationis Evangelii ja- ciendi, insignis erat opportunitas : quam Christus (ad evangelizandum missus à patre, Esa. 61. v. 1, 2. & Luc. 4. v. 18. & qui eo erat zelo, ut cibûs ei esset, opus à patre mandatum exequi) minimè neglexit. Reliqui autem au- ditores, præter turbam multam, fuerunt selecti ipsius di- scipuli, seu apostoli nonnulli, qui κατ' ἐξουσίαν discipuli hoc loco appellantur : qui Christum idcirco accesserunt pro- prius, ut omnium doctorum & factorum illius futuri tan- dem testes fideles.

Altera verò circumstantia est locus, nempe mons. di- citur enim, *visa multa turba, ascendit in montem* : Cujus cau- sa fuit, ut sine impedimento, à turba & quasi ex altiori suggestu, melius, à tanta turba audiretur. unde vulgo ex August. hæc concio *Sermo Domini in monte* nominatur. Gestus autem est duplex ; corporis & oris. Corporis, quod sedit. Nam statio in loco declivi minus apta. Si- milia exempla sunt, etiam Matth. 13. vers. 3. ubi dicitur, quod Christus in navi sedit ; tota autem turba in littore astabat : ut ea discretionem melius audiretur, & Matth. 26. vers. 55. *quotidie sedebam in templo docens.* Ac mos ille fuit docentium apud Judæos, ut sederent, ut etiam Matth. 23. v. 2. dicitur, Scribas & Phariseos *sedisse super cathedram Mo- sÿ*. Dissimile verò exemplum, ut in re libera est, Joh. 7. v. 37. *Stetit in templo clamans, si quis sitit, &c.* Alter verò gestus est oris apertio, cum dicitur ὁ ἀνοίξας τὸ στόμα, & cum aperuisset os : quæ loquendi formula cum Hebræis sit valdè familiaris, quidam pleonasmum Hebræum sta- tuunt, ea de causa, quod nemo loqui possit nisi ore aper- to : alii verò contra non pleonasmum, sed emphasin esse, hoc loco ac tempore accommodatam censent, & qui- dem bifariam. Nonnulli enim clamorem seu sonoram vo- cem, qualis fuit Joh. 7. v. 37. norari putant, ut à multis astantibus rectius intelligeretur ; alii verò initium sermo- nis à continuatione distinctum significari arbitrantur : ut illud apud poetam, *in voces ora resolvit.* Quod sane videtur huic loco maxime consentaneum. Hæc de concionis cir- cumstantia seu auditoribus, loco, & gestu.

Concionis verò forma sequentibus declaratur ; ac pri- mum universè indicatur ; deinde particularim exprimitur. Indicatur autem universè cum dicitur, *docebat eos*, hoc est, non solos discipulos selectos atque sibi proximos, sed omnes etiam auditores, ut ex. c. 7. v. 28. in descriptione eventus concionis, seu effecti, clarissimè apparet. Cate- rum quæstio hic exoritur. Cum Lucas cap. 6. multa pro- miscuè, quæ hac concione continentur, recenscat ; an ea- dem sit concio cum hac, quam Matthæus describit. Qui- dam insignes interpretes eandem esse arbitrantur : alii verò similem quidem esse agnoscunt, sed aliam tamen statuunt : quod certum sit, Christum eandem doctrinam variis concionibus pro sua sapientia variè tractasse. Ar- gumenta autem pro hac sententia, quæ minus habet diffi- cultatis, & explicatio apparet, sunt multa ; quæ profe- runtur primum à loco, Matthæus vers. 1. Christum in mon- te concionatum afferit : Lucas verò cap. 6. v. 17. concio- nem quam recenset in loco tampestri habitam testatur. Deinde à gestu, Nam Matthæus sedentem, Lucas verò stantem docuisse tradit ibid. Denique à tempore, cujus inter Matthæum & Lucam differentia. Nam Matthæi concio fuit ante sanationem leprosi, Matth. 8. v. 1. & ante vocationem Matthæi cap. 9. Lucæ vero concio habita est post sanationem illam leprosi, Luc. 5. 12. & ante Matthæi

vocationem, Luc. 6. v. 13. & 17. Ac propterea non est cur multum laboremus, ut utramque concionem inter se omnino conciliemus: quandoquidem similes quidem sunt inter sese, non autem una eademque concio. Quamobrem hisce prius expeditis consequens est, ut primam partem hujus concionis succinctè illustrare conemur.

*Paradoxorum Christi, de hominis beatitudine,  
Explicatio.*

**A**Ntequam autem ad doctrinam Christi accedamus, paucis circumstantia illius duplex, nempe occasio & scopus, indicanda. Occasio fuit commune plurimorum vitium & bonorum inde impendens periculum. Vitium autem fuit, partim mentis error, seu varia ac falsa, de vera beatitudine hominis, in hac vita, opinio: partim animi consequens depravatio, seu studia ac facta perversa, ex errore illo, promanantia. Periculum verò inde metuendum fuit, fore ut (nisi occurreretur huic vitio) etiam boni, infirmiores inprimis, contagione illius inficerentur. Scopus verò Christi est; ut (quemadmodum fidi ac summi Prophetæ officium requirebat) auditorum saluti consuleret, & vitio atque periculo occurreret: ut & errantes corrigerentur, & reliqui in officio continerentur. Atque hæc de doctrinæ hujus primæ circumstantia.

Doctrina verò ipsa est medium destinatum & accommodatissimum ad scopum illum propositum obtinendum. In ea enim genuinam ac veram de hominis beatitudine sententiam erroribus hominum communibus oppositam, octo paradoxis atque aphorismis, ad doctrinam & consolationem bonorum complectitur. Quorum singula paradoxa propositione & ad maiorem intelligentiam ac consolationem, confirmatione constant.

Ac primum paradoxum describitur vers. 3. Propositio est, *beati pauperes spiritu*: Confirmatio verò *quoniam ipsorum est regnum cælorum*. ac propositionis subjectum est citra controversiam, *οἱ πτωχοὶ πνεύματι*, *pauperes spiritu*: attributum verò *μακάριοι* *beati*, supple *sunt*: ut articulus apertè, pro Græcæ linguæ usu, subjectum distinguit: quemadmodum Joh. 1. v. 1. *ὁ λόγος ἦν ὁ θεός*, & sermo erat Deus. Sic in aliis similibus. Verum quandoquidem de subjecti hujus accommodato sensu, inter eruditissimos interpretes controversia est: idcirco, ut eam & melius intelligamus, & accuratius expendamus, pauca ante rem, de vocis *πτωχὸς* origine & significatione præmittenda. Origo est à verbo *πτωσσω*, hoc est, *expavesco, timore percussus sum*: unde *πτωχὸς* *pavidum*, & inde metonymicè, *leporem*, animal pavidum notat. Significatio verò *πτωχὸς* in sacris literis alia est propria, alia impropria. Propria est qua egenum notat: quod egestas timidos ac pavidos reddere soleat: quemadmodum contrà divitiæ, fiduciæ illex, audaces. Egenus autem intelligitur sive re sit nulla, ac mendicus: ut Lazarus *πτωχός*, Luc. 16. v. 20. nominatur: sive retenui, qui *πτύχαι* pauper dicitur: ut Christus suos discipulos, Luc. 6. v. 20. appellat: qui egeni distinctè *πτωχοὶ τοῦ κόσμου* *τῆ γῆς* *pauperes hujus mundi*, Jac. 2. v. 5. dicuntur: quibus oppositi sunt *divites in hoc seculo seu mundo*, 1 Tim. 6. v. 17. Impropria vero significatio est metaphorica, qua propter similitudinem quandam, à re corporea, ad spirituales translata, similem pauperi significat. Pauperes enim primum opibus externis destituuntur: deinde ex inopiz ac suæ infirmitatis conscientia, & quod aliorum opus habeant auxilio, humiles esse solent, ut Prov. 18. v. 28. dicitur; *Supplicationes loquitur pauper, dives verò loquitur dura*. Atque hinc similitudinis prioris, nempe inopiz, ratione, virtutibus (quæ quasi spirituales sunt opes) destitutum seu virtutum egentem indicat, quemadmodum Apoc. 3. v. 17. *Nam dicis, ditatus sum & nullius egeo, neque nosti te esse arumnosum & miserabilem & πτωχόν*, egenum seu pauperem. Cui egenti opponitur dives, vers. 18. *Consulo tibi, ut emas à me aurum ut dives fias*: nempe, sicut Lucas cap. 12. vers. 21. exponit, in re simili, *dives apud Deum* & Jacob. 2. v. 5. *dives fide* dicitur. Similitudine verò posterioris seu humilis conditionis pauperis, pro eo, qui ex conscientia defectus ac quasi pauper-

tatis spiritualis, quod nihil à se habeat, præter miseriam (cum peccati, tum reatus ac meritæ condemnationis) omnia verò quæ habet bona, à Dei misericordia acceperit, 1 Cor. 4. v. 7. animo humili est; quo modo improprie pauper intelligitur. Esa. 61. v. 1. *Ad evangelizandum pauperibus*, & Matth. 11. v. 5. *& pauperibus evangelizatur* & Luc. 4. v. 18. *ad evangelizandum pauperibus misit me*, & Esa. 66. v. 2. *ad quem autem respiciam nisi ad pauperem & contritum spiritu; & tremmentem ad sermones meos? pauperem*, id est, humilem ut seqq. etiam exponunt, & Esa. 57. v. 15. *Habitabo cum contrito & humili spiritu*, & Psalm. 51. v. 19. *Sacrificia Dei sunt spiritus fractus, cor fractum ac contritum Deus non despicies*. Atque hæc de significatione vocis *pauperis*. Quare ad sensum illius ut accedamus, in subjecto primi hujus paradoxo, quidam proprie interpretantur vocem *πτωχός*; quia Luc. 6. v. 20. eandem esse concionem censent, ubi proprie accipitur, ac propterea, hoc etiam in loco, ita accipi debere statuunt. Alii verò contra, ut diversam concionem Matthæi ab ea, quam Lucas habet, esse judicant: sic etiam metaphoricè, ut sæpè accipi ostendimus, consideratione circumstantiæ, exponunt: quia Christus non solum dicit *pauperes* ut Luc. 6. sed addit vocem *spiritu*; qua metaphoram esse declarat. Nam quod excipiunt, esse ellypsin: *Pauperes spiritu*; pro, *pauperes, qui spiritu pauperes sunt*, hoc est, non quosvis pauperes, sed qui etiam spiritu sunt pauperes, esse beatos: quam insolens sit hæc ellypsis, & à constructione usitata recedens, quis non videat? Nec enim dicitur, *οἱ πτωχοὶ οἱ πνεύματι* supple *οἱ πτωχοὶ*, pauperes qui spiritu, supple, sunt pauperes. Et quid si etiam ita diceretur: eadem tamen ratione vox *pauperes* utrimque esset accipienda, per quandam expositionem: Neque ulla ratio solida occurrit, cur significatio hic esset varianda. Quamobrem *pauperes spiritu*, similitudine quadam, rectè intelliguntur, qui spiritu seu anima sunt demissi, & ut Theologi loqui solent, humiles; & quidem κατ' ἰσχυρὸν sic dicti, scil. qui ex agnitione partim suæ miseriz (seu peccati ac condemnationis iis meritæ) partim potentiæ divinz, ac misericordiæ, animo sunt demisso, (Psalm. 51. v. 19. & 131. v. 1. & 2.) & ad serviendum Dei voluntati & proximi salutis sunt propensi, 1 Petr. 5. v. 5. Phil. 2. v. 3. & 4. Atque hosce humiles κατ' ἰσχυρὸν dictos voce *pauperum* intelligi, in propositionis primi paradoxo subjecto, ex attributo, atque confirmatione illius, constat.

Attributum enim est, *beati*, supple *sunt*, hoc est felices; nec enim speciatim, pro beatitudine æterna re aut spe prædito, ut Psalm. 32. v. 1. Rom. 4. v. 6, 7, 8. sed generatim pro beatitudine seu insigni bono prædito accipitur: ut confirmatio in hoc & in sequentibus aphorismis, specie beatitudinis allatâ, evincit: quemadmodum in Sacris literis fieri consuevit; ubi aliquis *beatus* generatim ob diversam beatitudinis speciem (ut ob bona spiritualia aut corporalia, temporalia aut æterna) pronuntiatur; ut Psalm. 127. v. 5. qui liberis abundat beatus dicitur. Ratio autem à bono externo, nempe subsidio adversus inimicos ab iis futuro, affertur. Sic Matth. 13. v. 6. *beati sunt oculi vestri, quia vident; & aures vestra, quia audiunt*. Ratio autem est à speciali beatitudine seu insigni bono petita; quia *multis Prophetæ & iusti desiderarunt videre quæ videtis, & non viderunt*. Sic Psalm. 119. v. 1. *Beatus vir qui non ambulat in consilio improborum*, hoc est, felix est: Rationes verò sequentes à speciebus felicitatis id probant. Prima felicitas est bonorum operum in hac vita fertilitas vers. 3. altera verò est consequens vita æterna, vers. 6. sic hoc in loco *beatus* generatim accipitur: sed speciatim confirmatione probatur, quæ huic propositioni subiicitur, *quia ipsorum est regnum cælorum*. Syllogismus integer, quo Enthymema hoc absolvi potest, est hujusmodi: Quorum est regnum cælorum, illi sunt beati: pauperum spiritu est regnum cælorum: Ergo pauperes spiritu sunt beati. Propositio est certa, quia regnum cælorum est bonum eximium, ac propterea beatitudo quædam: & ea præditus, beatus. Veruntamen quia *regnum cælorum* diversâ significatione in Sacris literis usurpatur, & habendi modus diversus: idcirco distinctio illius, ad loci illustrationem, præmittenda. Nam ut de primo agamus,

*Regnum*

*Regnum celorum* dicitur bifariam : nempe ut *celorum* vox, vel subjectum locum, vel modum notet. Locum quidem, ut sit regnum quod in cœlo est ; atque ita accipitur pro æterna ac gloriosa piorum vita, qua devictis omnibus hostibus, Diabolo, carne, mundo, morte, in cœlis perfruuntur : unde etiam metonymicè & per appositionem grammaticam, *regnum celorum*, id est, cœlum, quod regni illius est sedes, dicitur : unde intrare in regnum celorum, Matth. 7. v. 21. & Actor. 14. v. 21. usurpatur ; & *multi ab ortu & occasu accubaturi* dicuntur *in regno celorum*, Matth. 8. v. 11. hoc est, in cœlo, quod regni Dei & Ecclesiæ sedes gloriosa. Atque ita dicitur de regno piorum, 2. Tim. 2. v. 12. *Si toleramus, etiam cum eo regnabimus*, hoc est, gloriæ cœlestis & æternæ erimus participes. Ideoque vulgò regnum celorum & vita æterna in cœlis, *regnum gloria* appellatur : quod in gloria illa, hoc est, vita æterna gloriosa consistat, & à Petro 1. epist. 5. v. 4. *Immarcescibilis gloria corona*, & cap. 1. v. 4. *hereditas quæ nec perire potest, nec contaminari, nec marcescere, nobis in cœlis servata* dicitur. Deinde regnum celorum interdum dicitur non ratione subjecti loci, in quo est : sed ratione modi, quo est. Atque ita Ecclesiæ, per Dei filium Jesum Christum, hominem factum, cœlestem regem, gubernatio ac regimen, regnum celorum, hoc est, cœleste, non mundanum, Johan. 18. v. 36. appellatur. Nam & rex cœlestis, è cœlo missus : & regnandi modus cœlestis, prædicatio Evangelii, & efficacia illius spiritus, quibus potentissimè Ecclesiam Judæorum misere collapsam restauravit, & nova gentium omnium vocatione amplificavit, & adversus hostes tuetur : de quo regno Matth. 3. 2. dicitur, *appropinquavit regnum celorum* : quod jam tempus esset, quo filius Dei patfactus in carne esset Ecclesiæ instauratione & collectione regnaturus, Luc. 19. vers. 11. 27. Quod quia annunciabatur Evangelio ; ideo *Evangelium regni Dei*, hoc est, de regno Dei, quo per filium regnat, nuncupatur, Marc. 1. v. 14. Atque ex hac significatione duplex alia per Metonym. promanet : prima est per Meton. adjuncti pro subjecto, circa quod versatur hoc regnum seu regimen Christi, cum pro Ecclesia Christi, in qua regnat, usurpatur, atque ita dicitur Matth. 5. 19. *minimus vocabitur in regno celorum*, hoc est, in Ecclesia : quemadmodum eodem sensu, *regnum Christi* dicitur Matth. 13. v. 41. *Colliget ex regno suo omnia scandala*, hoc est, ex Ecclesia : ut circumstantiæ loci evincunt. Atque ita qui in Ecclesia Dei sunt hypocritæ, quales Judæi vulgo, Matt. 8. v. 12. *Filii regni* dicuntur, secundum quid : quod ad Ecclesiam visibilem pertineant, ratione externæ vocationis, per Evangelium, & externæ communionis verbi & Sacramentorum : alii verò simpliciter *filii regni* appellantur, quod in Ecclesia sunt & simul ex Ecclesia, seu viva illius membra, per prædicationem verbi & internam Spiritus sancti regnerantis efficaciam, ut Matth. 13. v. 38. *Bonum semen sunt filii regni*. Secunda significatio metonymica est, cum *regnum celorum*, pro instrumento illius, nempe doctrina Evangelii usurpatur, quemadmodum Matth. 13. v. 31. *Simile est regnum celorum grano sinapi*, & vers. 44. *Simile est regnum celorum thesauro abscondito*, hoc est, doctrinæ Evangelii, per quam rex cœlestis Christus regnum Ecclesiæ suæ colligit, ac regnat, & per quod regnum in cœlis Ecclesiæ parat, ut Rom. 1. v. 16. *Evangelium potentia Dei dicitur*, (hoc est, potens Dei instrumentum) *ad salutem*. Hisce igitur de regni celorum significationibus explicatis, & cum hujus Christi sententiæ circumstantia collatis, duæ significationes accommodari possunt : nempe ut regnum celorum, vel quod in cœlis est, seu vita æterna gloriosa, intelligatur ; vel Evangelii doctrina, per quam Christus & hic regnat in nobis, & nos ad regnum in cœlis deducit. Ac posteriori modo non malè convenit sententiæ jam allatæ ex Esai. 61. v. 1. & Luc. 4. v. 18. *Ad Evangelizandum pauperibus misit me*. Veruntamen prior expositio posteriorem hanc includit, ac supponit necessariò. Nam quorum est regnum gloriæ in cœlis, iis etiam Evangelii doctrina (ut instrumentum ad id necessariū) tradita est, & tradetur in terris : contra vero multis Evangelii doctrina convenit, atque ex voluntate Dei prædicatur,

qui eam tamen adversantur, Johan. v. 11. Quibus propterea regnum in cœlis minimè convenit, Act. 13. v. 46. Ac propterea uberior est prior expositio : Cui rationi deinde accedit, quod similiter regnum celorum, quod vers. 10. promissum, declaretur vers. 12. non quod sit Evangelii doctrina in terris, sed merces multa in cœlis.

Aque hæc de regni celorum significatione & sensu hoc in loco. Quod vero additur *est eorum*, (nempe pauperum spiritu seu humilium) hoc est, ad eos pertinet, ut Luc. 18. v. 6. hoc intelligendum est non ratione possessionis, quæ in cœlo primum obtinetur : sed ratione hæreditatis, in terris, & quidem non merito, nec dignitate operis acquisita (quia humilitas etiam sanctissimorum hominum, & debita Deo est, & imperfecta ob carnem, & sæpius ob varias tentationes interrupta) sed per Dei gratiam donata : Primum prædestinatione æternâ, ad regnum Matth. 25. v. 34. & 2. Tim. 1. v. 9. Deinde temporali promissione facta humilibus hisce, qui scilicet ex agnitione suæ miseriz, & fide misericordiæ divinæ nihil boni sibi, omnia verò Deo accepta tribuunt, & ad serviendum illius mandatis ac gloriæ, & bono proximi, propensè ac lubentes se subjiciunt : quales promissiones etiam sunt, Esai. 57. v. 15. Psal. 51. v. 19. Matth. 23. v. 12. Luc. 18. v. 14, 16, 17. & 1. Petr. 5. v. 6. Jacob. 4. v. 10.

Atque hæc de primo Christi paradoxo : unde etiam reliqua (quæ eodem omnino attributo, & partim ratione conveniunt) facilius intelligentur : ac propterea, strata jam, in primi paradoxo explicatione, via, in reliquis futuri sumus breviores. Secundum autem de beatitudine hominis, in hac vita, paradoxum vers. 4. hoc modo describitur : *Beati qui lugent, quoniam ipsi consolationem accipient*. Cujus propositio est *beati qui lugent*, & subjectum ejus sunt *οἱ πένθοντες*, convenienter iis, quæ de primo paradoxo diximus. Quæ vox à *πένθω* lugeo, ut hoc à *πένθος* derivatur. quod primum propriè *mœrorem ac dolorem animi ob mortuum* designat : unde Etymologicum magnum ait : *πένθος κενώσις τῶν κατοικομένων, ὡς τὸ ἐν βαδύτατῳ εἶναι πῶς ἐν αὐτοῖς λύπῃ*, hoc est, *πένθος* propriè *in mortuum, ab eo, quod in profundissimo sit propter eos dolor*. Atque hoc sensu accipitur à LXX. Interpretibus, Ecclesiasticis, 7. v. 3. *εἰς πένθος*. Impropriè verò accipitur primum per metonym. subjecti, pro adjuncto signo luctus, ut LXX. Genes. 50. v. 11. *Viderunt incolæ terræ, τὸ πένθος* luctum, hoc est, signa luctus, seu ritus. Secundò per Synecdochen speciei pro genere accipitur, nempe pro gravi animi dolore Esai. 4. v. 3. *Iudæi erant ἰσχυρὸν πένθος* luctus magnus, vehemens animi dolor, LXX. verò habent *πένθος*, ut cap. 9. v. 22. *ὅτι τὸ πένθος εἰς χαρὰν*, à luctu in gaudium, & Jacob. 4. v. 9. *Risus vester convertetur eis πένθος* in luctum. Sic Prov. 14. 13. *ταλιταῖα τῆς χαρᾶς εἰς πένθος ἐρχεται*. *Extrema gaudii in luctum abeunt*. Atque hinc *πένθω* similiter propriè *lugeo ob mortuum*, ut Genes. 37. v. 35. *luxit filium LXX. ἐπένθη* & vers. 34. *descendam ad filium πένθων* lugens. Hinc deinde impropriè sumitur, primum per Metonym. subjecti, ut mœrorem animi, ob mortuum, signis testari significet, ut Matth. 9. v. 15. *An possunt filii thalami lugere quamdiu sponsus cum eis est? dies autem veniens, cum auferetur ab eis sponsum, & tunc jejunabunt*. Ubi luctus signum (inter alia quæ Esai. cap. 4. v. 3. recensentur) ponitur, & vox *πένθω* exponitur. Sic 2. Sam. 14. v. 2. *πένθοσιν, lugeo*, hoc est, lugere te simula, & *indue vestem lugubrem*. Atque hinc per Metaph. *πένθω* lugere terra dicitur, frugibus perditis squallida, Joël. 1. v. 10. Secundò per Synecdochen speciei pro genere usurpatur pro vehementer dolere, ut Esai. 10. v. 6. *ἐπένθη, lugebas enim transgressionem eorum*, & Amos. 8. v. 8. *lugebit πένθος omnis habitator*, 1. Cor. 5. v. 2. *ὅτι non potius ἐπένθησθε luxurians*. Atque hoc modo non propriè pro lugentibus mortuum : Sed Synecdochica significatione, pro mœrore animi magno affectis, hoc in loco usurpatur, vox *πένθοντες* lugentes : & quidem non generatim quivis, sed κατ' ἐξοχὴν certi intelliguntur, ut attributum & ratio adjuncta demonstrant. Nec enim quivis lugentes, beati : nec quivis eorum consolationem accipiunt : sed tantummodo quidam eorum. Verum qualesnam hi sint, diversa est interpretum sententia

Quidam



Quidam enim de iis, qui ob pietatem oppressi lugent: quæ sententia uti consentanea est analogiæ fidei, seu puriori doctrinæ, quæ sacris literis traditur; ita non videtur satis analogæ ac conveniens orationis contextui. Nam cum Christus hic statuat, uti apparet, diversos aphorismos, unus repeteretur mixtim, ac minus commodè. Nam de talibus agitur vers. 10. ubi beati pronunciantur, qui persecutionem patiuntur. Alii igitur accommodatius, distinctè, de iis, qui peccata lugent, ex serio eorum odio & amoris Dei zelo, exponunt. Verum quidam, lugentes, ob peccata aliena, hoc loco intelligunt: quemadmodum Hieron. in Comment. ad Matth. cap. 5. *luctus, inquit, hic non mortuorum ponitur communi lege naturæ, sed peccatis & vitiis mortuorum. Sic flevis & Samuel Saulem, (1. Sam. 15. & 16.) quia perituerat Deum, quod unxisset eum regem super Israël. Sic & Paulus flere ac lugere se dicit eos, qui post fornicationem & immunditiam non egerant penitentiam, 2. Cor. 12. v. 21. Alii verò, ut Chrysost. & Theophyl. aptius ob peccata sua inprimis, deinde & aliorum lugentes (nempe ex sancto amore iustitiæ, & odio iniustitiæ) interpretantur: de quibus Esai. 61. v. 1. & 2. qualis inter alios fuit Petrus, post Christum abnegatum, peccata sua amarè deplorans, Matt. 26. v. 75. Peccatrix, Luc. 7. v. 44. Christi pedes lachrymis irrigans; & auditores Petri, Act. 2. v. 37. & Ecclesia Corinthiaca, 2. Cor. 7. v. 9, 10. Atque hæc de secundo paradoxo subjecto: attributum verò est idem quod in primo, scilicet *beati*, supple sunt, hoc est, felices, ut antea exposuimus. Cujus attributionis & *μακαρισμὸς* veritas, non solum ex authore sententiæ, Christo, in cuius ore nullus dolus, 1. Petri 2. v. 22. sed etiam ex subjecti ipsius natura atque honestate elucet. Nam cum omnis ille sit felix, qui bono insigni præditus: & luctus, ob Deum peccatis offensum ex serio amore iustitiæ ortus, insigne bonum sit, eoque lugentes, de quibus hic agitur, sint eo præditi: eodem etiam felices esse apparet. Veruntamen præter hanc insitam propositioni huic rationem ab honesto, ad veritatem illius plenius firmandam & hoc officium amplius commendandum, confirmatio additur à bono utili consequente desumpta, hisce verbis; *quoniam ipsi consolationem accipient.* Etsi autem consolatio generatim vocari soleat oratio, aut res aliqua ad dolorem animi graviolem tollendum adhibita: hoc tamen in loco non quævis intelligitur: (quia humana consolatio sæpe vana ac fallax, Zach. 10. vers. 2. aut alioqui inutilis, minimèque accepta, Matth. 2. vers. 18. Genes. 37. v. 35.) sed consolatio divina, vera & efficax, quæ à Deo omnis solidæ consolationis authore, 2. Cor. 1. v. 4. promanat: eaque partim in hac vita, partim in altera contingit, ut Chrysost. rectè observat. Nam in hac vita consolatio constat, partim externa, Scripturæ Rom. 15. v. 4. & inprimis Evangelii (jucundissimi illius, Luc. 2. v. 10. de gratuita, per Christum servatorem, peccatorum remissione, nuntii) prædicatione: partim interna, Spiritus sancti consolatoris efficacia: qua fidem confirmat, & remissionis peccatorum gratiam, in cordibus sanctè lugentium, obsignat: de qua re locus est memorabilis, Esa. 61. v. 1, 2, 3. *Ad Evangelizandum pauperibus misit me, ad obligandum fractos animo, ad proclamandum captivis libertatem, & vinctis aperturam ergastulorum, ad proclamandum annum acceptum Iehova, & diem ultionis Dei nostri, ad consolandum omnes lugentes, &c.* & Johan. 14. v. 16, & 17. Rom. 8. v. 15. & 16. & 2. Cor. 1. v. 21. & 22. Matth. 11. v. 28. & 29. Alioqui verum etiam est, eos non solum, qui ab hostibus Evangelii, persecutionibus variis ob veram religionem, afflicti lugent; sed etiam eos, qui castigationibus divinis, aut exploratione paterna, egestate duriori, aut morbo graviore pressi, Psalm. 6. v. 7. aliave calamitate affecti, cum fide ac patienti spe lugent, consolationem à Deo in utraque vita accepturos: in hac quidem mali ablatione, Jacob. 5. v. 11. vel levamine, 1. Cor. 10. vers. 12. Psalm. 34. v. 19. & 20. & patientiæ invictæ, ac spei per Scripturam, Rom. 15. vers. 4. & per Spiritum sanctum, 2. Cor. 1. v. 3, 4, 5, 6, 7. confirmatione: in altera verò æternæ liberationis ab omnibus malis, & gaudii inenarrabilis, atque æterni, per resurrectionem gloriosam, &*

vitam æternam in cœlis donatione. Quo pertinet illud ad ditem epulonem dictum, *Memento te bona tua recepisse in vita, & Lazarum similiter mala; nunc autem hic consolatio habet; tu vero cruciaris.* & Apoc. 21. v. 4. *absterfus est Deus omnem lachrymam ab oculis eorum, & mors amplius non exstabit, neque luctus, neque clamor, neque dolor exstabit amplius, quia prima abierunt.* De qua etiam agit Christus in diversa ab hac concione, Luc. 6. vers. 21. *Beati, qui nunc fletis, quia ridebitis:* alloquitur autem fideles suos auditores, & contra vers. 25. *Va vobis qui nunc ridetis:* (nempe in peccatis & mundanis cupiditatibus) *quia lugetis & flebitis*, nimirum post hanc vitam. Hoc igitur etiam verum est, persecutionibus humanis, & variis ærumnis à Deo affectos, atque lugentes, cum fide ac patienti spe, suam consolationem accepturos: quia tamen, ut antea ostendi, de persecutionibus distinctè postea, in postremo paradoxo agitur: fatius est, ut hoc loco ob peccata sanctè lugentes, aut generalius omnes piè lugentes, extra humanas, religionis odio, persecutiones, (de quibus vers. 10.) intelligamus. Nam hæc duo, lugere ob peccata; & lugere ob ærumnas reliquas divinitus immixtas, non sunt dissimilanea, sed consentanea, & sub eodem sancto luctu comprehensa communiter: & utrique luctui promissa est consolatio, quæ hic fit verbi, & Spiritus gratiæ; postea verò cœlesti gloria.

Atque hæc de secundo paradoxo, de hominis, in hac vita, beatitudine. Tertium verò est huiusmodi vers. 5. *Beati mites, quoniam ipsi hereditate terram possidebunt.* De cuius ordine recto controversia est. Nam quidam ordinem hic esse inversum, non quidem Evangelistæ, sed posteriorum describentium vitio existimant: Alii verò id merito negant, ordinem autem inversum vel ratione antecedentis, vel ratione sequentis diversè arbitrantur. Ratione quidem antecedentis, quod hunc versum non quintum, sed quartum esse debere: & contrà quartum oportere esse quintum statuunt: id quod inde probant, quoniam non solum vulgata versio Latina, quæ antiqua est; sed etiam Hieron. in Commentariis & contextu, Matthæi quinto, ita legat. Cui etiam addi potest, quod August. Oper. Tom. 4. in explicatione sermonis Domini in monte, similem cum Hieron. ordinem servet. Veruntamen ratio infirma est: quia Latina versio citra controversiam rivus est: Græcus verò contextus fons est: ad quem in rebus dubiis recurrendum, illiusque iudicio standum. Atqui constat, ex manuscriptorum codicum consensu, & editione Roberti Stephani, & ex Græcis Patribus, Chrysost. & Theophyl. quod sententiam de lugentibus, alterâ de mitibus, priorem constituunt. Deinde idem etiam apparet ex vetustissima versione Syriaca, quæ etiam Græco contextui convenit. Denique ex Latina etiam versione tempore Tertulliani: quæ eundem servavit ordinem cum contextu Græco: siquidem lib. de patientia cap. 11. convenienter Græcis exemplaribus, hæc duas sententias similiter recenset. Deinde Leo Romanus Episcopus antiquus Homil. in festum omnium sanctorum, in expositione cap. 5. Matthæi, eodem ordine, has duas sententias, vers. 4. & 5. ponit, atque exponit. Denique in Latina vulgata editione codicis Complutensis laudatissimi eodem modo legitur. Quare hinc satis liquere potest, librorum transcribentium negligentiam in Latinam versionem, hanc ordinis, à Græco contextu, diversitatem accidisse. Atque hæc de prima, quæ obtenditur ordinis vers. 4. & 5. quasi præpostere positi perversione: quam ut doctiss. Piscator non sequitur; sic aliam ipse statuit. Cujus sententia cognoscenda, & ad textum Matthæi in ordine integritatem, & genuinam lectionem necessariò examinanda, ne autoritate à recto declinemus. *Hic, inquit, versiculus cum sequente trajectus est.* De cuius trajectionis origine sic conjicit: *videatur autem trajectio illa per descriptorem aliquem illata esse à similitudine terminorum versiculi quarti & sexti: uterque enim desinit in εὐνοίας. Itaque cum descriptor versiculum quartum absolvisset, cum deberet ea continuare quæ nunc habentur vers. 6. reflexit oculos in illius finem, qui cum sit similis fini vers. 4. perrexit ad vers. qui nunc est quintus: quo scripto, cum animadvertisset versi-*



*versiculum unum qui nunc est sextus, à se prateritum, subiecit illum quinto, qui debebat precedere.* Verum hæc sententia communi omnium tam Græcorum codicum atque exemplarium, & Syri interpretis, & patrum Græcorum, quam versionis Latinæ & Latinorum patrum consensu confutatur: & conjectura de erroris origine, seipsam variarum hypotheseum fictione aliena involvit atque evertit. Nam ut alia omittam, nec unus descriptor existit: sed plurimi toto orbe: nec si unus tantum fuisset, ullo modo credibile est, adeò non solum negligentem, sed etiam impium existisse, ut hoc versu uno præposterè scripto, & errore suo animadverso, maluerit sciens progrediendo sacri codicis ordinem corruptum servare, quam malè scriptum versum expungere, suoque deinde loco adscribere. Nec quæ de occasione erroris, ex termino simili *ἑξορταὶ* conjiciuntur, ullam habere verisimilitudinem quis non videat? Quare his omissis, argumentum ex materia sumptum expendamus, quo trajectionem atque ordinis genuini mutationem factam esse probare conatur: *Etenim* (inquit in Scholiis) *ex re ipsa planum est vers. 6. coherere cum tertio & quarto.* Sed negatur primùm consequentia: quia nititur hypothesei lubrica atque infirma, quasi in sententiarum, Dei verbo propositarum, positione, semper materiz convenientis in ordine haberetur ratio. Certum enim est, doctrinam Sacre Scripturæ sæpè promiscuè tradi: Deo rem ipsam, non autem ordinem illius observante: inprimis verò quando aphorismi, seu distinctæ sententiæ generales proponuntur: quemadmodum in Proverbiis Salomonis apparet. Ideoque à doctissimo Mercero subinde indicatum, non pauca loca minus rectè à nonnullis exposita, quod materiz connexionem nimis anxie affectarint. Sic etiam in hac ipsa concione Christi doctrina ab ipso promiscuè, prout ipsi placuit, proposita. Nam primum in hisce octo aphorismis, postremus de persecutione ob justitiam patientibus, ad primam tabulam, & tertium mandatum: Septimus verò ad secundam tabulam, & sextum mandatum pertinet. Deinde ipsemet Dominus Piscator, sua sententia idem probat, cum versu octavo castitatem, nono verò pacem commendari statuit: cum tamen primus ad septimum, posterior verò ad sextum Decalogi mandatum spectet. In vindicatione verò genuinæ legis sententiæ, ordinem similiter neglectum à Christo, rem tantum curante, apertè videmus. Nam in ea primum agit de secunda tabula, & quidem præcepto sexto vers. 21. & de septimo, vers. 27. Deinde verò præposterè de prima tabula, & præcepto Decalogi tertio, vers. 23. ac rursus denique relabitur ad secundam tabulam & præceptum sextum, vers. 38. Ad hæc, in eadem concione cap. 6. doctrinam de Eleëmofyna ad secundam tabulam & octavum præceptum pertinente agit primum: deinde verò subiecit alteram de oratione, seu precatione, quæ ad primam tabulam ac tertium illius mandatum refertur. Imò Marc. 10. v. 19. promiscuè Decalogi præcepta recenset, ac partim expositionem inserit, cum ait, *noſti præcepta, non machaberis, non occides, non furaberis, non falsum testimonium dices, nec damno afficito, honora patrem & matrem.* Et Paulus Rom. 13. v. 9. *Non machaberis, non occides, non furaberis.* Quare ex hisce perspicuè apparet, Christum & Apostolos, in suis proponendis doctrinis, ordinem rerum non semper observasse; sed sæpè commiscuisse, ac rem ipsam solam curæ habuisse. Ideoque non sequitur, sententiarum à Christo propositarum connexio, ratione materiz, erit aptior, si sextus versus cum quarto jungatur, quàm si quintus: Ergò illa est genuina lectio: usitata verò quæ differt ab ea, corrupta ac vitiosa. Atque hæc de prima solutionis objecti argumenti, per negationem consequentiæ, ratione: quæ sufficere posset: Altera tamen accidit ad majorem ordinis Græci contextus vindicationem, nimirum negatione antecedentis: neque enim (ut obtenditur) ex re ipsa planum est, versiculum sextum coherere cum quarto, quintum verò minimè. Nam contra constat experientia perpetua, paupertatem spiritus & luctum mites ac mansuetos: superbiam verò Spiritus & mundi gaudium immites ac feroces reddere: ideoque si ordo sit spectandus ac necessa-

riò servandus, effectum suæ causæ hoc loco accommodatè subiecit: quemadmodum & apud Apostolum *πραότης ταπεινοφροσύνη*, lenitas animi, humilitati subnectitur, Eph. 4. v. 2. Col. 3. v. 12. Sed videamus adversariæ sententiæ confirmationem, qua probare conatur, versum sextum conjungi debere cum quarto: quintum verò minimè: sed cum sequentibus. Ea autem est hujusmodi, quod (ut ait hujus sententiæ author) *tribus istis versiculis tertio, 4. & 6. ordine indicentur tres gradus affectionum animi, ad justificationem, (quæ beatitudinis initium est) necessariarum (quæ affectiones sunt paupertas spiritus, luctus, esuries, & sitis justitiæ) Mansuetudo autem cuius hic fit mentio, est in numero illarum affectionum, quæ ex fide (qua homo justificatur atque beatificatur) nascuntur. In quo numero etiam virtutes sequentes videl. Misericordia, v. 7. Castitas v. 8. Studium pacis atque concordia, v. 9.* Hæc ille. Verum quæ hic dicuntur de tribus affectionum gradibus ante justificationem necessariis, quasi pauperes Spiritu, lugentes, & esurientes justitiam, de nondum justificatis dicerentur: ut restrictio hæc non probatur: sic contrarium ex loci circumstantia demonstrari potest. Nam quicumque sunt beati, & quorum est regnum cælorum, illi sunt justificati: pauperes spiritu, de quibus hic agitur, sunt beati, & eorum est regnum cælorum: Ergo pauperes spiritu de quibus hic agitur, sunt justificati: Eadem sequentium, nempe lugentium, & sitientium justitiam, est ratio: quia beati pronunciantur & regni cælorum hæredibus subnectuntur. Deinde si, ut author hic ait, justificatio sit initium beatitudinis, & fide nos justificemur & beatificemur, & pauperes lugentes & sitientes justitiam sint beati: quomodo justificatos negabit? Nec enim dicitur, erunt beati. Nam & confirmatio beatitudinis addita hoc ostendit, & confessio Scholiastis: sic enim ait, *Beati, subaudi ei sunt.* Quod verò in Scholiis exponit, *ipsum est regnum cælorum, si scil. reliqua quæ sequuntur accesserint, item consolationem accipient, si scil. accesserit tertius ille gradus, ut nimirum esuriant ac sitiant justitiam:* quis inquam non videat, hisce modis, aphorismos hosce generales & absolute de beatitudine positos, & distincta ratione confirmatos immutari, atque enervari? Primum cum propositionis subjectum (nempe pauperes Spiritu & lugentes) in angustiam redigitur, & beatitudo de iis asserta incerta redditur. Nam si *pauperes spiritu* tantum eos notent, qui agnoscunt paupertatem suam spiritualem, quod natura destituti sint vera justitia, qua possint placere Deo, ut Scholiastes definit sua expositione; falsum est, omnes pauperes spiritu esse beatos. Nam & reprobis multis illud est commune, qui agnoscunt suam injustitiam, ut Judas Matth. 27. v. 4. Sed desperant ac miseri sunt. Eadem est lugentium ratio. Nam si luctus intelligitur (ut exponit) propter injustitiam illam agnitam: non omnes ita lugentes sunt beati; sed quidam eorum miseri, qui percunt, 2. Cor. 7. v. 10. ubi etiam observandum, hunc interpretem non satis sibi in expositione consentire. Nam ad vers. 4. in Scholiis ait, *qui lugent ] intelligo de luctu propter injustitiam (cujus modo facta mentio) agnitam, de quali luctu loquitur Paulus, 1. Cor. 5. v. 2. (verba autem sunt: Et vos inflati estis & non potius luxistis) & 2. Cor. 12. vers. ult. (Verba autem sunt: Et lugeam multos eorum qui peccarunt:)* atqui hisce duobus citatis locis apertè de justificatis agitur, nempe de Ecclesia Corinthiaca, & Paulo Apostolo. Deinde de luctu ob aliena peccata. Sed hæc hallucinatio ferri posset: sed illud est gravius erratum, quam quod bona fide dissimulari possit, ob seductionis periculum, quod in hisce aphorismis octo (qui à vers. 3. ad 13. continentur) *procreantes beatitudinis causas*, & titulo præmisso declarat, & in analysi inculcat: quarum causarum tres sint hominis beandi gradus, nempe paupertas spiritus, luctus, & fames ac sitis justitiæ, quæ justificationem antecedant: quatuor verò reliquæ justificationem, quæ beatitudinis initium, sequantur; id quod analogiæ fidei apertè repugnat. Nam nullæ hominum affectiones ac præparationes, nullaque opera fidem antecedentia, justificationis causæ, nedum *procreantes* esse possunt: imò nec fides ipsa causa illius est procreans (cum ea laus soli gratiæ Dei, ac merito Christi,

sti, & efficaciz Spiritus Sancti competat, Rom. 3. v. 24. & 28. Ephes. 2. v. 8.) Sed tantum instrumentalis. Neque fidei *causa procreantes*, paupertas spiritus, luctus & sitis iustitiz dici possunt: quia fides est merè gratuitum Dei regenerantis donum, Ephes. 2. v. 8, 9, 10. & 1. Pet. 2. v. 22, 23. neque etiam vitæ æternæ, quæ beatitudinis complementum, *causa procreantes*, mansuetudo, mundities cordis, pacis studium, persecutionis tolerantia, sine gravissimo errore statui possunt: cum vita æterna merè sit gratuita, Rom. 6. v. 23. non autem ulla affectionis nostræ, aut operis nostri effectione procreata. Ideoque & mirandum, & dolendum, in tam gravem errorem, in hujus capitis explicatione, si loquendi modum spectemus, virum doctissimum incidisse: quem errorem, tanquam scopulum, meritò indicandum, pro officii fide, existimavi: præsertim cum alibi contrà ac sanctius scribat. Ac propterea genuinum, ut tandem concludam, hujus de *mitibus* aphorismi ordinem, in omnibus omninò exemplaribus observatum, à corruptela falsò objecta vindicatum satis existimo.

Quocirca ad rem ipsam, seu tertium de beatitudine paradoxum succinctè explicandum procedemus. Cujus propositio est: *beati oi ὁπαῖς*, hoc est, *mites*, (ut Tertull. etiam in libr. de patientia cap. 11. rectè interpretatur) à ὁπαῖς singulari, cui Synonymum est ὁπά. Accipitur autem; ut Latinis, *mitis*, ac *lenis* bifariam. Nam propriè ad rem corpoream pertinet, atque *aspero* opponitur. Unde teste Henr. Stephano in thesauro apud Galenum, τὰ ὁπαῖα κλύσματα, *lenes clysteres*, & ὁπαῖα φωνή *leni voce* & similia dicuntur. Atque inde, per metaphoram, à propria significatione, ob similitudinem quandam, à re corporea ad animam transfertur, & *mitem* ac *mansuetum* notat. Nam ut mitia ac lenia corpora, nec aliis admota nocent: nec ab aliis tacta, eos lædunt: sed cedunt; sic & animo mites ac mansueti, quiete atque indulgentia sua, ab asperitate & ira immoderata sunt alieni. unde exegeti quadam eodemque sensu, 1. Petr. cap. 3. v. 4. ὁπαῖς & ἡσυχία πνεύματος, *mitis ac quieti spiritus* conjunguntur. Ac consentaneè Aristoteles Ethic. Nicomach. lib. 4. cap. 5. βέλεται γὰρ ὁ ὁπά. ἀτάραχος εἶναι, & μὴ ἀγριεῖν ὑπὸ τῷ πάθος, ἀλλ' ὡς ἂν ὁ λόγος τῆς, ἔτω & ὅτι τῆτος & ὅτι ὁσόντος χρόνον χαλεπαίνεν, hoc est, *vult enim mitis imperturbatus esse, & non abripi animi commotione, sed quemadmodum ratio ordinavit, eo modo & iis de causis, & tanto tempore indignari.* Et ut de indulgentia mansueti ibid. Aristotel. ait: ἔγὰρ τιμωρητικὸς ὁ ὁπά, ἀλλὰ μᾶλλον συλινωμονικός: *non enim ad ulciscendum pronus est mansuetus, sed potius ad ignoscendum propensus.* Sic etiam in sacris literis μακροθυμία, ad iram tarditas, & aliorum tolerantia, ac condonatio, tanquam effecta mansuetudinis, eidem in hortationibus, ab Apostolo subnectuntur, Col. 3. vers. 12. & 13. Eph. 4. v. 2. Mansuetudo autem de qua hic Christus loquitur, non generalis, & Ethnicis quibusdam communis; sed specialis intelligitur, ea scil. quæ ex vera fide, & serio Deo obediendi studio ac charitate proximi procedit: ut ex attributa beatitudine & ex Psal. 37. unde hæc sententia petita est, constat. Cujus mansuetudinis exemplum excellens fuit Moses mortalium omnium sui ævi, Deo teste, mitissimus, Num. 12. v. 3. Sed excellentissimum est Christus, Mose, ut omnibus virtutibus, sicut jam mansuetudine longè superior, Matth. 11. v. 19. & 21. v. 5. 1. Petr. 2. v. 21. & 22. v. 23. Cæterum mansuetudo hæc Christiana in rebus nostris, zelum gloriæ Dei, ac iustitiz, & sanctam adversus violationem illius iram non excludit; ut ex Mose, Exod. 32. v. 19. & Num. 16. v. 15. & Christo, Marc. 3. v. 5. Matth. 21. v. 12. apparet.

Atque hæc de subjecto propositionis hujus tertii paradoxo, de quo Basil. Magnus, in ὁροις κατ' ἐπιτομὴν, seu definitionibus contractis, quæst. 191. ait: τίς ἐστιν ὁ ὁπαῖς; ἀμετάδετος ἐν τοῖς κρείσσειν πρὸς ἐναγίστην Θεὸν σπουδαζομένων, hoc est, *quis est mansuetus? qui firmus est in iudicio eorum quæ ad placitum Dei studiose aguntur.* Hæc ille. Quæ quàm aptè dicantur, nondum assequi possum. Attributum verò quod subjecto convenit, commune est cum antecedentibus, *beati* supple. sunt.

Confirmatio verò propositionis, ab utilitate petita est,

quia *hereditate terram possidebunt*, quæ promissio repetita est, ex Psal. 37. v. 11. *Mites hereditate possidebunt terram.* Quid autem *terra* nomine designetur, primum est considerandum, deinde quid sit, *possidere hereditate*. Terram enim quidam propriè interpretantur; alii verò impropriè. Propriè, ut sit promissio boni ac felicitatis temporalis. Impropriè verò vel omninò, ut per metaphoram cælum tantum notet: vel partim, nempe ut propriè quidem terram, sed impropriè simul ac præcipuè, per metaphoram, cælum significet. Primam sententiam ex Græcis Chrysost. & Theoph. & ex Latinis Aug. Tom. 4. Libr. 1. de sermone Domini in monte proponunt. Alteram verò Origenes Homil. 26. in Numeros, quem sequitur Hieron. ad Matth. cap. 5. Postrema denique à D. Piscatore proponitur. Verum secunda expositio ea de causa non convenit: quia *terra* vox, neque usu communi, neque in Scriptura Sacra, ullibi cælum notat. neque causa ulla est, cum Christus aliquoties in his aphorismis, regni cælorum meminerit, cur metaphora illa prorsus insolente (nempe terræ voce pro cælo) uteretur. Nec causa afferri potest, cur à propria significatione hoc in loco recedatur. Nam quod Orig. & Hieron. aliique nonnulli è Psal. 27. v. 13. proferunt, *nisi crederem videre bonum Dei in terra viventium*; nihil ad rem facit: Primum quia non dicitur in Psal. terra simpliciter, ut hîc: sed *terra viventium*. Deinde *terra* etiam *viventium* non notat metaphoricè cælum: sed propriè terram, quæ à viventibus incolitur; atque ita à terra mortuorum ac sepulchris diversa distinguitur. quemadmodum Psal. 115. v. 16, 17, 18. *Non qui mortui sunt laudant: neque ulli descendentes in silentium: Sed nos benedicemus.* Atque ita accipitur etiam perspicuè, Psal. 52. v. 7. *avellet te à tentorio, & eradicabit te ex terra viventium*: Eodem sensu Psal. 42. v. 5. & 6. *Non est qui curet vitam meam: clamo ad te Iehovah, dicens: Tu es receptus meus, portio mea, in terra viventium*, hoc est, in hoc mundo, & Esai. 38. v. 10. & 11. *Dicebam non sum visurus Iah, Iah in terra viventium: non intuebor hominem amplius: Prior residuo annorum meorum: dicebam, non sum visurus Iah, Iah in terra viventium: non intuebor hominem amplius inter habitatores mundi*; quæ omnia sunt periphrasis mortis. & de Christi morte, Ies. 53. v. 8. *Excinditur è terra viventium*, & Ezech. 26. v. 20. *Reponam decus in terra viventium*, & cap. 32. v. 23. *quod terrorem indiderant terra viventium*, & 24. *qui descenderunt prapuriati in imas partes terra, qui indiderant terrorem suum terra viventium.* idemque repetitur vers. 25, 26, 27. & 32. In quibus omnibus apertè *terra viventium* ea, in qua homines vivunt, distinctè à sepulchro intelligitur, neque alia loca sunt, ubi illa phrasis occurrit. Quare cum *terra viventium*, neque in sacris literis, neque Hebrææ, aut Græcæ linguæ usu, per metaph. cælum notet; insolens illa ab Origene, aliisque post ipsum proposita significatio verisimilitudine caret. Et consequenter texta, quæ idem in se complectitur: & hoc præterea habet incommodi, quod unius ejusdemque vocis semel tantum positæ, & propriam, & impropriam sive metaphoricam significationem, non gradatim, sed simul statuit. Aptius autem diceretur esse Synecdochen partis pro toto: quod ut in Vet. Testament. promissiones rerum spiritualium ac cælestium, non raro promissione bonorum corporalium simul intelliguntur; sic hoc in loco. Cæterum hinc apparet, cum nulla causa justa subsit, cur à propria significatione ad impropriam, Metaphoram, aut Synecdochen transeamus: idcirco primam expositionem esse præferendam. Neque tamen obstat, quod objicitur, alienum fore, si inter promissiones regni cælestis, & bonorum spiritualium, una de bono terreno ac corporali esset inserta: quia nihil est incommodi: quandoquidem ad consolationem fidelium, utraque bona, tam corporalia, quam spiritualia, modo conjunctim, modo disjunctim pietati sunt promissa, 1. Tim. 4. v. 8. *pietas ad omnia utilis, habens promissionem vite præsentis, & futurae.* Et Christus in eadem hac concione cap. 6. v. 11. inter bonorum spiritualium petitiones, mediam, de donatione panis nostri quotidiani, peti mandavit: & regnum Dei primum quærentibus, reliqua nempe corporalia adjicienda promisit, v. 33.

Atque

Atque hæc de terræ significatione hoc loco: *hereditate* verò eandem possidere notat vitam in terra longam, (quæ sit quasi hæreditas) & pacatam, ut Ps. 37. unde hæc sententia deprompta est, disertè explicatur, v. 11. *Mites hereditate possidebunt terram, & delectabuntur multitudine pacis*, & v. 9. *Maligni excidentur; expectantes verò Iehovam ipsi hereditate possidebunt terram*; & vers. 22. *Benedicti ejus ipsi hereditate possidebunt terram; sed maledicti ejus excidentur*, & vers. 34. *Expecta Iehovam, & custodi viam ejus, & exaltabit te ad possidendum hereditate terram: dum excidentur improbi, videbis*.

Cæterum quia hæc promissio est boni corporalis, non autem ad salutem necessari, imò interdum noxii: idcirco cum conditione intelligenda, quatenus Dei gloriæ, & salutis nostræ ratio (cujus prima cura ac summa est apud Deum, & apud nos esse debet) ferre potest. Alioqui plerumque, ut experientia omnium temporum incit, ferocibus ac crudelibus & sanguinariis è medio sublatis, mites supersunt: ut Ps. 37. pluribus etiam ostenditur. Et, si interdum ad veritatis divinæ gloriæ afferendam, & salutem ipsorum procurandam, aliter eveniat: accedunt tamen, ac substituuntur bona spiritualia, quæ hereditatem terræ sua præstantia non solum compensent, sed etiam superent; qualia sunt tranquillitas conscientiæ, ex fide in Deum procedens, spes atque expectatio læta auxilii divini salutaris, & vitæ æternæ certò promissæ: animus deniq; sua forte contentus, qui cum pietate magnus est quæstus, 1. Tim. 6. v. 6. Quibus bonis fideles ac mites per Spiritus Sancti consolationem donantur, ac fruuntur: quemadmodum Paul. de se ait: Phil. 4. v. 11, 12, 13. *Ego enim didici is, in quibus sum, ad rem contentus esse. Novi autem deprimi: novi etiam abundare: ubique & in omnibus initiatus sum: & ad saturationem, & ad esuritionem: tum ad abundantiam, tum ad inopiam: omnia valeo per Christum qui me corroborat.* & 2. Cor. 6. v. 9, 10. *Vt morientes & ecce vivimus: ut qui castigamur, nec occidimur: ut dolentes, semper tamen gaudentes: ut pauperes, sed multos distantes; ut nihil habentes, sed omnia possidentes.* Quare fideles sunt beati, quia terram hereditate possidebunt; aut compensatione salutari, meliora bona obtinebunt.

Hæc ad paradoxum tertii de beatitudine hominis sententiam. Quartum verò est vers. 6. Cujus propositio *Beati esurientes ac sitientes justitiam*. Confirmatio verò, *quoniam ipsi saturabuntur*. Propositionis subjectum est, *esurientes ac sitientes justitiam*. De cujus genuina sententia interpretum judicia bifariam differunt; cum ratione adjunctæ esurie ac sitis; tum etiam ratione objectæ justitiæ, circa quam versantur. Primum enim quidam *esurientes ac sitientes* propriè, ut 1. Cor. 4. v. 11. & 2. Cor. 11. v. 27. Hebr. 11. v. 37, & 38. accipiunt; & quidem ea de causâ, quod arbitrantur eandem concionem eandemque hanc sententiam, quæ hic ponitur, Luc. 6. v. 21. descriptam, ideoque inde expositionem peti debere; ubi apparet absolute dici, *Beati qui nunc esuritis, quia saturabimini*: Deinde quia esurientibus ac sitientibus saturos opponit, quibus vix denunciat: ideoque non saturos justitiæ, sed cibo & potu affluentem designat. vers. 25. Verum diversa utrimque sententia est, ac diversa Lucæ 6. & Matthæi 5. ac sequentibus concio: quemadmodum initio hujus capituli pluribus rationibus ostendimus, quibus deinde accedit objectum circa quod hi esurientes & sitientes hoc loco Matthæi versari dicuntur, nec enim absolute dicitur *esurientes & sitientes*; nempe cibum & potum, sed *justitiam*: quæ cibum non est nec potus propriè. Neque ut excipitur, fingenda hic est ellypsis præpositionis *dià*: quasi sensus esset *dià tui digno-civilem*, propter justitiam, hoc est, ut exponunt, *qui propterea esuriunt & sitiunt, quod illis jus suum non tribuatur, aut quia justii sunt*: talis enim ellypsis insolens est, neque exemplis ullis demonstratur. Deinde esurire propter justitiam, quod exponunt, quod illis jus suum non tribuatur, minus convenit: Nam hi potius dicerentur esurire propter injustitiam: Ea enim in eo posita est, quod jus non tribuatur. Quod verò additur, *aut quia justii sunt*, id etiam alienum est: quoniam hoc modo, distinctum hoc paradoxum à reliquis, cum postremo vers. 10. *Beati qui persecutionem patiuntur propter justitiam*, confunderetur.

Quamobrem alii accommodatius, *esurientes ac sitientes*, hoc loco metaphoricè accipiunt, de ardenti desiderio, ut objectum, circa quod versatur, additum, nempe justitiæ; evincit, & Sacra Scriptura hanc metaphoram crebrò usurpat, ut Psal. 42. 2. & 3. *Sicut cervus glocitat ad alveas aquarum, sic anima mea glocitat ad te Deus. Sitiens est anima mea Dei*, & Psalm. 63. v. 2. *ô Deus, Deus meus es tu, tempestivè te requiro, sitiens est tui anima mea*, & Esa. 55. v. 1. *Quisquis sitit, venite ad istas aquas*, Ioh. 7. v. 37. *Si quis sitit, veniat ad me & bibat*: Apoc. 22. v. 17. *Qui sitit veniat, & qui vult, accipiat aquam vitæ gratis*. Quamobrem ex hisce perspicuum est, *esurientes & sitientes*, propter objecti circumstantiam, propriè accipi non posse, sed impropriè per metaphoram usurpari, ejusque metaphoræ exempla similia in sacris literis extare illustria.

Sed altera jam de vocis *justitiæ* significatione controversia est. Quidam enim de justitia Dei, alii vero de justitia hominis intelligunt. Qui de justitia Dei interpretantur, illi non essentialem, sed judicalem, quæ præmiis bonis, pœnas malis distribuit, exponunt: ut sensus hujus subjecti sit, qui vehementer desiderant, ut causâ ipsorum (qui indignè ab aliis oppressi jure suo fraudantur,) à Deo justo judice vindicetur, ut Luc. 18. v. 6, 7, 8. *Ait autem Dominus: audite quid judex ille injustus dicat; Deus autem non vindicabit electos suos clamantes ad ipsum die ac nocte, etiamsi iram differat super ipsis? dico vobis vindicabit eos cito*. Hæc autem vindicta fit, partim in hoc seculo, ut Psal. 37. v. 4, 5, 8. partim in altero, Mal. 3. v. 16, 17, 18. & 2. Thesal. 1. v. 5, 6, 7. Quæ expositio analogica est fidei, & contextui, & scopo etiam Christi (qui paradoxa proponit,) consentanea. Nam mundus illos miseros judicat, qui oppressi ab aliis sunt & jus suum à judicibus non assequuntur: quales sunt pauperes, viduæ, pupilli. Luc. 18. v. 3, 4. Esa. 1. v. 23. Sed ad Deum solum refugiunt, ut Mal. 2. v. 17. & 3. v. 14. & 15. quod præjudicium bonos etiam, & insignes viros interdum perturbat, ut Psalm. 37. & Psal. 73, & Jer. 12. v. 1. & 2. apparet. Altera tamen expositio est aliorum, qui de justitia non Dei judicis, sed hominis exponunt. Ea autem, ut res sit illustrior, distinguenda est paucis: alia enim imputata; alia inhærens dici solet. Imputata est justitia Christi mediatoris; 1. Cor. 1. vers. 30. Phil. 3. vers. 3. quæ est solutio debiti totius nostri erga Deum, ut & liberaremur à maledictione legis, & vitam æternam consequeremur. Quæ solutio duobus constat; prius est permissio maledictionis, seu universæ pœnæ nobis ob transgressionem Legis Deo debitæ, secundum sanctionem illius ac comminationem, Deut. 27. v. 27. Cujus perpeffionis solutæ vi à debito maledictionis liberamur, Galat. 3. v. 3. Rom. 8. vers. 1. Posterius, est universæ obedientiæ Deo à nobis ad salutem obtinendam debitæ; Levitic. 18. vers. 5. observatio. Cujus vi perfectè justii & hæredes, ac tandem possessores vitæ æternæ constituimur, Rom. 5. v. 17, 18, 19. & 10. vers. 4. Phil. 3. v. 8. Quæ solutio cum debitæ pœnæ perpeffione: tum obedientiæ ad vitam debitæ observatione, quoniam in mortis voluntaria tolerantia maximè eluxit, idcirco synecdochicè justitia illi ascribitur, 2. Cor. 5. vers. 20. Quæ justitia instrumento fidei (qua Christo unimur, ejusque bonorum fimus participes) acquiritur, & imputatur, unde *justitia fidei* dicitur, Rom. 4. vers. 11. & quia à Deo donatur, *dià δωρεάν*, *justitia Dei*, Rom. 10. vers. 3. appellatur.

Hæc de imputata justitia. Nam quod Scholiafles statuit, justitiam imputatam nihil aliud esse, quam remissionem peccatorum, illud alienum est. Nam justitia est virtus, remissio peccatorum non est virtus: Deindè remissio peccatorum est consequens justæ solutionis debitæ pœnæ effectum, non autem ipsa solutio: denique ut alia multa omittam, remissio peccatorum nihil aliud est, quam pœnæ peccatis debitæ omissio ac condonatio: quæ hominem injustum non constituit perfectè justum, & hæredem vitæ æternæ; sed à reatu mortis liberum. Ac quamvis individuo nexu remissio peccatorum, & imputatio obedientiæ seu perfectæ justitiæ sint conjuncta: ideoque

ex priori alterum rectè concludi possit: cum eo tamèn confundi non debet.

Altera iustitia, nempe inhærens est animæ per Spiritum sanctificantem ac regenerantem sanctitas inchoata, in hac vita; post hanc vero perfecta, Rom. 6. v. 13, 16, 18, 19, 20.

Hæc de iustitia hominis. ut autem ad rem ipsam accommodemus: quidam de una tantum iustitia, eaque vel imputata, vel inhærente: alii vero de utraque exponunt: quod videtur accommodatius; quia sententia redditur uberior, ac locupletior; cum generali *iustitiæ* voce utraque intelligi queat: neque ulla causa iusta appareat, cur speciatim interpretemur. Ac prioris iustitiæ titis seu desiderii exemplum in Davide extat insigne, Psalm. 133, vers. 2, 3, 4. Posterioris, Psalm. 119. v. 5. & 20. &c. utriusque autem Psalm. 51. Prioris quidem, vers. 3. 4. & 9. Posterioris verò vers. 12. & 13. & in Paulo Rom. 7. vers. 24. Quæ expositio de iustitia hominis & fidei analogiæ & huius concionis circumstantiis etiam convenit, non minus quam prima, de iustitia Dei iudicis ac vindicis: Eaque tanquam uberior ac magis distincta à reliquis aphorismis, videtur præferenda. Nam quod à nonnullis obijcitur, Christum hic paradoxa divina, opinionibus hominum huius mundi repugnantia, tradere: non fore autem paradoxum, si desideret quis iustitiam suam, eoque nomine dicatur beatus: cum multi hoc etiam laudent. Respondemus; desiderantes iustitiam Christi crucifixi esse beatos, mundo paradoxum est simpliciter ac ridiculum, partimque odiosum, Rom. 10. v. 3. & 1. Cor. 1. v. 18. & 23. Desiderare verò iustitiam, etsi probent nonnulli infideles, eam tamen à Deo propter meritum Christi & per Spiritum sanctificationis desiderare, non beatum; sed miserum, atque inutile, imo vitiosum censent omnes infideles. Quare magis paradoxum.

Atque hæc de propositionis quarti paradoxo subjecto, scil. *esurientibus ac sitientibus iustitiam*. Attributum est *beati*, supple sunt, hoc est, felices, quod initio exposuimus.

Confirmatio verò propositionis est, *quoniam saturabuntur*, ubi per cœptæ allegoriæ continuationem, desideratæ iustitiæ consecutionem, *saturationis* metaphora intelligit. Deus enim viva fide desiderantibus iustitiam, primum Christi, eam donat, & per Spiritum Sanctum in cordibus obsignat, Rom. 5. v. 1. & 8. v. 15. 16. Esai. 55. v. 1. Apoc. 3. v. 18. deinde suam desiderantibus iustitiam, eandem per Spiritum Sanctum inchoatam paulatim in hac vita augeat: in morte vero perficit, Rom. 7. v. 24, 25. Quia in hac vita nemo peccati omnis expers, 1. Ioh. 1. v. 8. & in cælum nihil ingreditur immundum, Apoc. 21. v. 27. Hebr. 12. v. 23. Ideoq; dum animæ fidelium vinculis corporis morte solvuntur, à corpore peccati liberantur.

Hactenus quartum paradoxum, cui quintum succedit. vers. 7. Cujus propositio est, *Beati misericordes*. Confirmatio illius; *quoniam ipsi misericordiam consequentur*. Propositionis subjectum sunt *misericordes*, qui misericordia sunt præditi. Misericordia autem generatim est amor erga miseros, qua ob miseriam eorum dolemus, & pro virili ab ea liberare conamur: Speciatim vero ea hic intelligitur, quæ ex vera fide & amore Dei promanat, & ad verbi divini normam regitur, & ad gloriam ipsius tendit: ut à communi etiam infidelibus non paucis misericordia, discernatur. Qualem hoc loco intelligi attributum beatitudinis & addita ratio satis indicat: officia autem misericordiarum in descriptione ante posita sunt duo: primum *compunctio*, hoc est, commiseratio, 1. Petr. 3. v. 8. qua ob aliorum miseriam ac dolorem, unà dolemus. de qua re Rom. 12. v. 15. *Gaudete cum gaudentibus, & flete cum flentibus*. Alterum officium est auxilium, quo miseri, pro virili nostra, à miseria liberentur. Auxilium autem est, partim per seipsum & immediatum, cum verbis factisque succurrimus, Matth. 25. v. 35. & 36. Jac. 2. v. 15. & 16. partim mediatum, cum id per alios commendatione præstamus: partim precibus apud Deum liberatorem: partim hortatu ac rogatu apud homines, qui juvare valeant: ut Paulus præstitit, 2. Cor. 9. v. 5. & 10.

Atque hæc de subjecto: attributum est ut in antecedentibus, *beati* sunt.

Confirmatio verò illius est, *quoniam misericordiam consequentur*, nimirum à Deo, partim in hac vita, cum immediatè sua gratia ac potentia providentiæ suæ, quâ miseros liberat: tum mediatè per homines instinctu Spiritus commotos: plenissimè verò in altera, 2. Cor. 9. v. 6, 7, 8. Matth. 25. v. 34, 35. Jac. 2. v. 13.

Hæc de quinto paradoxo: cui sextum additur, vers. 8. cuius propositio est, *Beati mundi corde*. Confirmatio vero, *quoniam ipsi Deum videbunt*. Subjectum autem propositionis est: *mundi corde*. *Mundi* autem hoc loco citra controversiam dicuntur, non propriè: de immunitate à corporalibus sordibus: sed metaphoricè, quemadmodum vox *cordis* adjuncta, definit, & attributum beatitudinis ac confirmatio illius demonstrant: quæ ad munditiem corporalem pertinere nequeunt. Deinde illud etiam certum est, mundum corde ac sceleris purum non intelligi, qui inhærente iustitia perfecta sit præditus: quia ea in nobis tantum est inchoata in hac vita, ob carnis adversus Spiritum repugnantiam, Gal. 5. v. 16, 17. Idque asserit Salomon, Prov. 20. v. 9. *Quis potest dicere, purificavi cor meum, mundus sum à peccato meo?* quia in se ac simpliciter mundum intelligit: quemadmodum idem dixit, 1. Reg. 8. v. 46. *Non est homo qui non peccet*. Veruntamen in eo controversia est, quinam hoc loco dicantur *mundi corde*. Et enim accipi potest ea descriptio vel generatim, vel speciatim. Generatim quidem ut iusti intelligantur; quorum corda, imputatione iustitiæ Christi, per fidem, sunt purgata. Actor, 15. v. 7. & deinde per Spiritum sanctificationis inchoatè ab inhærentibus peccati dominantis sordibus mundati sunt, atque iis modis corde sceleris puro ac virtutibus præditi sunt ornati. Quomodo dicitur, Psalm. 51. v. 12. *Cor mundum crea in me Deus, & Spiritum rectum innova in medio mei*, quomodo non male conveniret cum antecedenti. Nam ut ibi dicti sunt beati, qui esuriunt ac sitiunt iustitiam: Sic hoc in loco qui eam sunt assecuti. Veruntamen hoc modo incommode sententia hæc etiam antecedentes complecteretur. Nam talis cordis puritas generalis est virtus: reliqua verò officia hisce aphorismis proposita ac commendata ad speciales ac distinctas virtutes pertinent. Quamobrem si analogiam contextus diligenter spectemus, accommodatius est, ut de speciali ac distincta virtute interpretemur, nimirum de sinceritate animi ac simplicitate, ut Augustin. lib. 1. de Sermon. Domini in monte, aliique non pauci exponunt: quæ est aut generalis, cuiusvis hominis veritas, qua ab hypocrisis seu fallendi studio alienus est: aut specialis, hominis fidelis, quæ ex vera fide & amore Dei ac proximi orta; qualis hoc loco intelligitur: quemadmodum attributum beatitudinis, & promissum præmium solis fidelibus conveniens, perspicuè demonstrat. Ejus autem veritatis objectum circa quod versatur, est cultus Dei, & conversatio humana, & hac virtute præditi cor mundum seu purum in sacris literis tribuitur, ut Psalm. 24. vers. 4. *Innocens manibus, & purus corde, qui non offert ad vanitatem animam suam, neque jurat ad fraudem*: & Jac. 4. v. 8. *Purificate corda vos duplices animo*. Ubi manifestè animi puritas duplici, hoc est, fallaci animo, opponitur ac simplicitas commendatur. & 1. Tim. 1. v. 4. *Finis præcepti est charitas ex puro corde*, hoc est, animo sincero, & 2. Tim. 2. v. 22. *Qui invocant Dominum ex puro corde*. Quod verò Scholiastes, eruditus, *cor mundum*, oppositè impuris libidinibus, castum exponit, sententia quidem pia est, sed antecedente angustior, & phrasi Scripturæ non tantopere conveniens. Nam quod ait, hanc munditiem à Paulo appellari *ἀμαρτίαν*, cum ait 1. Thessal. 4. v. 3. *Hæc est voluntas Dei sanctificatio vestra, ut abstinatis à fornicatione*, non simpliciter admitti potest. Nam licet fornicatio sit quædam impuritas sanctificationi opposita: latius tamen hæc vox apud Paulum patet: quia sanctificatio, eo in loco, ab Apostolo, non solum fornicationi ac similibus fœdis libidinibus; sed etiam fraudibus atque injuriis opponitur, ut vers. 6. & confirmatio illius vers. 7. demonstrat. Quamobrem



obrem hoc loco mundi seu puri corde aptius intelliguntur, qui in Dei cultu, & humana conversatione animo sincero sunt præditi. De qua re Christus Matth. 10. v. 16. *Estote prudentes ut serpentes, & sinceri seu simplices ut columbæ.* Quæ sinceritas ac simplicitas perperam à fallaci mundo miseria censetur; & ea præditi quasi miseria traduntur atque iridentur. Ac propterea illis Christus, ad fidelium consolationem, in attributo propositionis hujus, beatitudinem adscribit, cum ait *Beati sc. sunt, hoc est, felices.*

Atque hæc de propositione: confirmatio vero illius, est, à beatitudinis specie excellentissima, *quoniam ipsi Deum videbunt.* Nam ubi hæc sinceritas est; ibi etiam viget sanctificatio, quæ videndi Dei conditio ac via necessaria, quia *sine ea nemo videbit Deum*, Hebr. 12. v. 14. Visio autem Dei duplex in sacris literis proponitur, una oculis corporis: altera oculis mentis seu intellectus. Prima est varia: sed præcipua est illa, qua facies illius, hoc est, gloriosissima Dei species, qua sese exterius patefacit conspicitur (nec enim essentia illius videri potest: quia corpus non est, quod solum visibile, sed Spiritus, Ioh. 4. vers. 24. Hinc 1. Ioh. 4. v. 12. *Deum nemo spectavit unquam*) de quali visione dicitur, Exod. 33. v. 20. *Non poteris videre faciem meam. Non enim videbit me homo & vivet.* & vers. 23. *Videbis posteriora mea, faciem autem meam videre non poteris.* An autem in cælis, talis etiam sit Dei facies videnda: an vero ea tantum, qua in filii corpore glorioso conspicitur, non curiosè inquirimus; etsi locus ille Exodi, illud quodammodo videtur innuere. Altera vero visio est oculis mentis & cognitionem notat; quæ Dei visio duplex, una est hujus vitæ, eaque imperfecta. Nam ex parte cognoscimus. 1. Cor. 13. v. 9. *& quasi in speculo videmus*, de qua re 2. Cor. 3. v. 17. *Nos autem omnes relecta facie gloriam Domini ut in speculo intuentes.* Ioh. 14. v. 9. *Qui videt me, videt patrem*, & 3. epist. Ioh. v. 11. *Qui male facit, non vidit Deum*, id est, cognovit. Altera cognitionis visio est perfecta 1. Cor. 13. v. 10. & 12. *Videmus enim nunc per speculum & per ænigma; tunc autem coram; nunc cognosco ex parte; tunc vero cognoscam prout cognitus sum.* Quæritur autem, an essentiam Dei sumus in se visuri, seu ipsammet cognituri in cælis. Ac Scholastici quidem hoc tuentur: alii verò cum Patribus plerisque negant, freti autoritate, 1. Tim. 6. v. 15. *Deus habitat in luce inaccessa, quam nemo hominum vidit, neque videre potest.* Deinde ratione, quod *nemo norit quæ Dei, nisi spiritus Dei*, 1. Cor. 2. v. 10. & 11. Secundò quia essentia Dei citra controversiam infinita est: ac propterea à finito intellectu videri non posse, nec hominum nec Angelorum; etsi *faciem Dei perpetuo videre* (hoc est, illustrem Dei notitiam habere, ac gloriam illius cognoscere) dicantur, Matth. 18. v. 10. Nam quod Scholastici excipiunt, essentiam Dei non posse quidem comprehendere, quia infinita est, posse tamen apprehendere: in eo valde inepta contradictione impingunt. Nam comprehensionis seu simplicis perceptionis, & apprehensionis seu perceptionis secundum quid; distinctio, rei tantum finitæ convenit, in qua totius & partis esse potest distincta ratio: sed infinito ac simplicissimo accommodari non potest. Sed tamen duo insignia: (ut ipsi arbitrantur) huic rei firmandæ adferunt argumenta, quibus visionem seu immediatam cognitionem essentia Dei demonstrari censent. Primum autem est ex illo loco, cujus meminimus. 1. Cor. 13. v. 12. *Tunc vero cognoscam sicut cognitus sum*, nempe à Deo, unde sic disputant: Deus nos perfectè cognoscit, nostramque essentiam ut condidit ac gubernat; sic penitissimè etiam videt. Ergo & nos ipsam Dei essentiam perfectè cognoscemus. sed negatur consequentia, quæ nititur falsæ hypothese: quasi inter Dei notitiam præsentem, quæ nos novit; & nostram futuram, quæ illum cognoscemus, statueretur æqualitas; cum sit tantum similitudo *ut & sic*. Si regeratur, similitudinem nihilominus esse in cognitionis utrimque in Deo, & in nobis perfectione, ut vers. 10. *Cum venerit perfectum, tunc quod ex parte est abolebitur.* Damus; sed perfectio nihilominus est inæqualis: Deus enim cognoscit perfectione suæ infinitæ natura

tura immensa: nos vero ipsum cognoscemus perfectione dimensa, pro finitæ naturæ nostræ modulo: quia perfectio pro subiecti ratione intelligi dicitur. Sed alterum argumentum ex loco, ut existimant, longè expressiore addunt, nempe ex 1. Iohan. 3. 2. *Filii Dei sumus, sed nondum patefactum est, quod erimus; scimus autem fore, ut cum patefactus fuerit, similes ei simus, quoniam videbimus eum sicuti est.* Unde ita concludunt: nos videbimus Deum sicuti est. Ergo ipsam essentiam illius in se videbimus. Verum responderi potest, primum negatione antecedentis. Non enim dicitur: videbimus Deum, sed *eum*, non *videre* sed *aut*. Si autem rursus excipiat, non de alio, quàm de Deo vocem illam *eum* posse intelligi, quia pronomen est quod suum nomen antecedens requirit, ad quod referatur, neque aliud ullum quam Dei nomen antecedere: respondemus vocem *aut* non semper ad nomen expressum referri, sed interdum ad intellectum *et* *ἐξ οὗ*, ob excellentiam. Quemadmodum etiam de Pythagora olim dictum à discipulis, *αὐτὸς ὁ θεός*, ipse dixit, ob præstantiam. Sic Ioannes vocem *αὐτὸς* & *ἐκείνους*, eo modo usurpat. Prius quidem, cap. 2. v. 28. *Neque pudeamus coram eo in ejus adventu*, quod licet Christi non sit expressa mentio, ad ipsum tamen ad iudicium venturum necessariò refertur: utrumque verò cap. 3. v. 5. *& scitis illum patefactum esse, ut peccata nostra tolleret, & peccatum in eo non esse;* & vers. 6. cum 8. ter, & semel vers. 7. vox *αὐτὸς* sine antecedentis expressione, sed *ἐξ οὗ* intellecta de Christo usurpatur. Secundò circumstantia etiam idem suadet, quia dicitur, *cum patefactus fuerit*: atqui ea patefactio non Dei essentia, sed Filio, qui semel patefactus est in terris, ut vers. 5. dicitur, & rursus patefiet die ultimo, convenit. Si quis tamen rigidè urgere velit, dici posset, verba illa *ὡς παρρησίᾳ*, non esse ad Deum, nec etiam ad Christum referenda: sed ad id quod erimus, *et* *ἐκείνους*: quemadmodum ea verba antecedunt: ut non vertamus, *cum patefactus fuerit*, ut noster interpres: *sed cum patefactum fuerit*, supple, *id quod erimus*. Quod autem dicitur cap. 2. v. 28. Rationem esse, cur ad Christum referri debeat, quia antecedens hoc docet, nempe *αὐτὸς*, & sequentia de ipsius adventu, evincunt: damus ita posse verti, sed necessariò debere verti, probari non potest: præsertim cum de Christo exponi possit; & antecedentia & consequentia, si non necessariò demonstrant, indicant tamen. Ac propterea solidum argumentum esse non potest: præsertim cum maneat illa solutio, vocem *αὐτὸς* ad Christum referendam, cui similes futuri sumus in gloria, eumque ut verum Deum patefactum in carne visuri. Similes loci sunt de similitudine gloriæ Christi, & Christianorum, Phil. 3. v. 21, Col. 3. v. 4. 1. Cor. 15. sub finem. Deinde etiam si ad Deum referretur, negaretur tamen consequentia: quia *videre ipsum sicuti est*, cognitionem tantum claram, quod *videre faciem* dicitur, notaret, oppositam cognitioni hujus vitæ in ænigmate. Quare visio Dei promissa mundis cordo ea est, qua primum corporis oculis videbunt Deum in Christo relucens, ut Job. 19. 25. & 26. Deinde oculis mentis, qua Deum illustri ac supra omnem hujus mundi cognitionem notitia Christiani cognoscent: quæ notitia capti nostro, in hac vita, longe superior: sed infinita Dei essentia inferior. Nam quod objicitur: si ita est, non erimus beati: quia non satisfiet desiderio videndi Deum: id facile solvitur. Nam tale desiderium videndi Dei essentiam immediatè, in cælo non erit, ubi nihil *ἀδύνατον* optabitur: quia illud ex ignorantia infinitæ Dei essentia oriretur, quæ ignorantia in perfectione aberit. Atque hæc de sexto aphorismo.

Septimus vero vers. 9. continetur, cujus propositio est, *Beati pacifici*; confirmatio verò *quoniam filii Dei vocabuntur.* Ac propositionis quidem subiectum est *pacifici*, seu qui pacem faciunt, sive conciliant. Pax autem mutuam innocentia concordiam notat, conditionibus suis instructam, sive ea sit privata, sive publica. Eaque rursus vel iusta est, vel iniusta. Iusta, cujus causæ ac conditiones rectæ rationi ac Dei verbo consentaneæ sunt: iniusta, cujus causæ aut conditiones contrariæ. Iustam autem Scriptura com-



mendat: atque ita vel pax propriè accipitur de mutua inter diversos concordia. Eaque pax pro subjeutorum ratione duplex statuitur, una est hominum cum Deo: cujus causa est justificatio, Rom. 5. v. 1. Nam quemadmodum peccatum homines Deo exosos reddit; sic contra, iustitia Christi imputata, gratiam ac pacem cum Deo conciliat; ibid. Conditio verò est obedientia fidei, & charitatis Deo debita quæ pacem illam fovent. Altera vero est hominum cum hominibus, quando ex amore Dei & proximi mutua innocentiam, patientiam ac beneficentiam amant, ac justè colunt: quæ præcipitur, 1. Pet. 3. v. 11. *Declinet à malo, & faciat bonum: quærat pacem, & persequatur eam*, & Hebr. 12. v. 14. *Pacem persequimini in omnibus*. Conditio autem iustitiæ generatim innuitur, Rom. 12. v. 18. *Si fieri potest, quantum in vobis est*, hoc est, quantum jure potestis, bonaq; conscientia, & usque ad aras, *cum omnibus hominibus pacem colentes*. Cui etiam paci opposita est interna dissensio & inimicitia, Eph. 2. 14, 15. & externæ verborum & factorum offensæ, 1. Cor. 14. v. 33. Rom. 12. v. 18, 19. 1. Pet. 3. v. 11. Atque hæc de pace propriè dicta quæ inter diversos existit: Impropriè verò accepta metaphoricè dicitur, animi ex fide gratiæ Dei, & spe salutis æternæ tranquillitas: cum animus terroribus ac tristitia non conflictatur, sed tranquillus est ac lætus, ut Ioan. 16. v. 33. *Hæc dico vobis, ut in me pacem habeatis, in mundo afflictionem habebitis*, & Rom. 15. v. 13. *Deus autem spei impleat vos omni gaudio, & pace, credendo, ut vos abundetis spe per virtutem Spiritus Sancti*. Hujus autem iustæ pacis triplicis author est Deus per Christum, unde Deus pacis appellatur, Rom. 15. v. 33. & 1. Cor. 14. v. 33. & 2. Cor. 13. v. 13. & Christus Princeps pacis, Esa. 9. v. 6. & *pax nostra*, id est, metonym. pacis author dictus, Eph. 2. v. 14. & 15. quod etiam docetur, Rom. 5. v. 1. Secunda vero causa, sunt homines, præcipuè quidem Euangelii præcones, qui Euangelizant pacem cum Deo, Rom. 10. v. 5. & ad pacem cum hominibus doctrina, & hortationibus extimulant: & variis consolationibus pacem ac tranquillitatem animi conciliant; & exemplo ad pacem præeunt. Deinde reliqui omnes fideles, qui innocentia, tolerantia, ac beneficentia, ex fide & amore erga Deum, & dilectione proximi, pro suæ vocationis ratione, odia ac dissidia injusta, sive adversus se, sive inter alios, & adversus Deum, tollere pro virili student. Atque hi demum hoc loco intelliguntur in propositionis aphorismi hujus subiecto, *Pacifici*: qui attributo antecedentibus aphorismis communi addito, commendantur, cum *Beati* dicuntur, hoc est, felices.

Confirmatio vero hujus propositionis atque attributionis est, *quoniam ipsi filii Dei vocabuntur*. Quo in loco, ad pleniorè intelligentiam illius, primum observandum, quid *Filii Dei*; deinde quid *vocandi* vox, hoc loco significet: quia utrumq; non uno modo, sed variè usurpari solet. *Filius enim Dei* dicitur, vel propriè, vel impropriè. Propriè ac generatione, qui nature & essentię Patris sui communicatione Filius est: quomodo solus Christus Dei Filius est: unde *unigenitus*, & *proprius Filius*, Rom. 8. nominatur: ut qui patri *quoniam*, *unum cum Patre*, Ioh. 10. ac *verus Deus*, 1. Ioh. 5. v. 20. Ioh. 1. v. 1. Impropriè verò Filius Dei dicitur, per metaphoram, is, qui similitudinem habet proprii filii Dei. Nam ut proprius Filius habet imaginem Patris essentialē: sic impropriè dictus non natura ac generatione talis est: sed accidente Dei beneficio, quo imaginem Dei habet accidentalem (quæ in veritate, sanctitate ac iustitia inprimis consistit) eamque vel ante lapsum creatione insitam: ut Adam, Gen. 1. 27. qui ideo in genealogia Christi, *Filius Dei* dicitur, Luc. 3. v. 38. & Angeli, qui simili ratione *Filii Dei* Job. 1. appellantur: vel post lapsum hominum, recreatione (seu renovatione, & ut Scriptura appellat metaphoricè regeneratione) restitutam. Atque ita credentes *Filii Dei*, & *ex Deo nati*, Ioh. 1. & 1. Ioh. 3. v. 1. appellantur, unde rursum, per catachresin, metaphoricè *Filii Dei* dicuntur, qui hisce regenitis sunt similes tantum, non autem renati: nempe hypocritæ, qui non fidem veram ac vivam sed fictam habent, & ad externam tantum Ecclesiæ societatem vocati sunt, atque inter renatos Dei filios versantur: verbum Dei similiter audiunt; sacramentis communicant; & honestate

vitæ externa se commendant. Qua catachresi *Filii Dei*, Gen. 6. v. 2. oppositi liberis reliquorum hominum ab Ecclesia alienorum intelliguntur, & *Filii etiam regni*, hoc est, Ecclesiæ, in qua Christus regnat, Matth. 8. v. 14. dicuntur: qui quidem sunt inter filios Dei in Ecclesia; sed non ex filiis Dei genuinis, & vivis Ecclesiæ membris, 1. Ioh. 2. v. 19. Atque hæc de vocis filiorum Dei distinctione. Hic autem intelliguntur *Filii Dei* non naturæ: quia id Christo proprium est: sed gratiæ seu beneficio imaginis Dei, & quidem non creatione inditæ. (Nam ea per lapsum exciderunt omnes, & amissa imagine mortui facti sunt peccatis, & iræ Filii, Eph. 2.) Sed accidente regeneratione per imaginis Dei restitutionem: non autem per solam vocationem externam, renatis filiis similes: Nam tales non sunt beati, ut hic de filiis Dei asseritur; sed miseri. Hæc de primo, nempe filiorum Dei significatione, huic loco conveniente. Ad secundum verò quod attinet, nempe quod additur, *vocabuntur*: observandum est, quod, cum quis filius Dei, ac regenitus vocari possit verè vel falsò; prius hic intelligendum, non posterius: illud enim beatum est; hoc verò miserum. Vocans autem hoc loco accipiendus est Deus, & Ecclesia: Nam mundus non ita vocat; quia non novit eos, 1. Ioh. 3. v. 1. *Videte qualem charitatem dederit nobis pater, nempe ut filii Dei vocemur, propterea mundus non novit vos, quia non novit eum*. Cæterum hæc *vocatio* Synecdoch. agnitionem, & rei veritatem simul complectitur, ut, Rom. 9. v. 26. *& erit, in quo loco dictum erat eis, non populus meus estis vos, ibi vocabuntur filii Dei viventes*: Sic Matth. 5. v. 19. *Minimus &c. Item magnus vocabitur in regno: vocabitur*, hoc est, verè censëbitur atque erit. Ratio autem, cur pacifici vocabuntur, ac verè censëbuntur, Dei filii, est: quia pacis hominum cum Deo, & cum hominibus conciliatio effectum est proprium filiorum Dei, atque imaginis Dei, cujus gratia filii illius appellantur: Deinde quia imitatio est Dei, qui Deus pacis est ac dilectionis, 1. Cor. 14. v. 33. & 2. Cor. 13. v. 13. Vnde filii dignoscuntur: quemadmodum Joh. 8. v. 39. *Si filii Abraham essetis, opera Abraham faceretis*, & vers. 42. *Si Deus pater vester esset, diligeretis me. Ego enim à Deo profectus sum*, & vers. 44. contra ait, *Vos ex patre Diabolo estis, & cupiditates patris vestri vultis implere*. Sic Matt. 5. v. 44. & 45. Imitationem patris filiorum notam esse ostendit Christus, *precamini pro iis, qui vos infestant & persequuntur vos, ut sitis filii patris vestri, qui est in cælis, facit enim ut sol suus oriatur super malos ac bonos*. Atque hæc de septimo aphorismo.

Octavus verò, qui est ultimus, continetur per *Beati* seu sententia generali, vers. 10. & traductione ad hypothefin, sive accommodatione ad auditores particulari, repetitur, atque illustratur vers. 11. & 12.

Propositio est, *Beati qui persecutionem patiuntur propter iustitiam*. Confirmatio, *quoniam ipsorum est regnum celorum*. Propositionis subiectum duobus constat membris, adjuncto fidelium, & occasione illius. Prius *ei adiuventi illi quos persequuntur*, seu *qui persecutionem patiuntur*. Persequi autem propriè ac communiter est magna contentione insequi ut assequamur, sive hostes, sive feram, sive quid aliud. In Nov. verò Test. bifariam usurpatur, in bonam partem, aut in malam. In bonam, propriè quidem Luc. 17. v. 23. Si opinionem scil. spectemus: metaphoricè verò (persecutione corporeâ ad animi studium ac conatum serium translata) virtutem aut salutem obtinendi studium notat, ut Rom. 9. v. 30. & 1. Tim. 6. v. 11. & 2. Tim. 2. v. 22. *Persequi iustitiam* & cap. 12. v. 13. *Hospitalitatem persequi*, & cap. 14. v. 19. *Quæ pacis sunt persequi* & similibus locis, 1. Cor. 14. v. 1. Phil. 3. v. 12, 14. & 1. Thess. 4. v. 15. Heb. 12. v. 14. & 1. Pet. 3. v. 11. In malam vero partem accipitur in reliquis locis, nimirum pro infestatione alicujus, ex odio, ut ipsi vel ejectione, vel apprehensione noceatur: & quidem *ἐξ ὀχλῶ* pro ea infestatione, quæ ex odio religionis veræ, & obedientiæ erga Deum promanat, ut Act. 7. v. 52. *Quem Prophetarum non persecuti sunt patres vestri & occiderunt*? Gal. 6. v. 12. *Ne ob crucem Christi persecutionem patientur*, Phil. 3. v. 6. *Secundum zelum* (nempe errantem; Act. 22. v. 3.) *Persequens Ecclesiam*, Act. 22. v. 4. *Hanc viam persecutus sum ad mortem*. Atque hoc modo etiam hoc in loco accipitur, id-

quæ

que occasio adjecta ad maiorem claritatem, & in persecutione consolationem exprimit, cum ait, *propter iustitiam*. Iustitiam autem non intelligit imputatam Christi: nec virtutem iustitiæ inhærentem: quia utraque persecutoribus est ignota: sed iustitiæ huius inhærentis opera, per metonym. usitatam, qua virtutum nomina pro effectis suis sæpissime usurpantur. Ea autem sunt primum confessio veræ doctrinæ, & falsæ confutatio: & conversatio in vero cultu Dei externo, & officiis erga proximum præstandis, verbo Dei conveniens. Quæ iustitia (hoc est, iusta opera) per se quidem amorem & amplexum omnium promeretur: sed hostium Ecclesiæ, vel zeli imprudentis, vel impudentis malitiæ vitio, in occasionem persecutionis arripitur. Unde pii interdum innocentia suæ, in hac re conscientia freti, & carnis imbecillitate moti, persecutionis patientiam miseram putant, ideoque impatientius ferunt, Psalm. 37. & 73. & hostes etiam Ecclesiæ eos miseros propterea iudicant: Contra vero Christus eosdem in hoc postremo paradoxo; adjecto ad hoc subjectum attributo, adversus hoc præiudicium perversum consolatur, cum *Beatos* pronunciat. Similis est generalis sententia, 1. Petr. 2. v. 19. & 20. & cap. 3. v. 14. expressior; *Si quid patiamini propter iustitiam, beati*. De qua etiam re, Jac. 1. v. 2, 3.

Huius autem propositionis confirmatio, non solum in subjecto latet: quia tolerantia persecutionum, ob cultam iustitiam, est laudabilis virtus, ac fortitudo Christiana, Deo grata, 1. Petr. 2. v. 19, 20. Sed etiam expressa subjicitur, petita ab adjuncta utilitate summa. *Quoniam ipsorum est regnum cælorum*, hoc est, vita æterna, ac gloriosa in cælis. Hæc enim iustitia, & ejus nomine persecutionis tolerantia, via est regni, non causa regnandi. Act. 14. v. 22. *Per varias enim afflictiones oportet nos ingredi in regnum cælorum*, 2. Tim. 2. v. 11. & 12. *Fidus est sermo, si una patiamur, una vivemus: si toleramus, etiam una regnabimus*, Jac. 1. *Beatus vir qui tolerat tentationem: quoniam cum probatus eris, accipiet coronam vitæ*. Sed objicitur insignis locus, ut probetur hanc Christianam patientiam esse non solum viam regni, sed etiam causam efficientem regnandi: quia 2. Cor. 4. v. 17. *Oppressio enim nostra, quæ momentanea & levis est, excellentis gloriæ pondus, quod æternum est, in nobis efficit, dum non consideramus ea quæ videntur, sed quæ non videntur: quæ enim videntur sunt temporalia, at quæ non videntur sunt æterna*. Quibus verbis tolerantiam oppressionum efficere æternam gloriæ pondus asseritur: ideoque vitæ æternæ gloriæ causam statui efficientem. Verum negatur consequentia, quia nititur lubrica hypothesi, quasi metonymice per *gloriam*, vita æterna gloriosa hoc loco intelligeretur; cum contra potius gloriantur materiam perpetuam de felicitate futura notet, quæ in oppressionibus comperitur, ut Rom. 5. v. 2. *Gloriamur sub spe gloriæ Dei, neque id solum, sed etiam gloriamur in afflictionibus*. Idque etiam circumstantiæ loci objecti ostendunt, cum dicitur, *in nobis efficit*; non autem efficit. Deinde causam addit gloriantionis, quod æterna bona spectarentur, quæ immensa: Deinde etiam si hypothesi adversariorum esset vera, ne hac quidem ratione causam obtinerent; quia vox *efficiendi* in sacris literis metaphoricè frequenter usurpatur, non pro causam esse, sed occasionem.

Atque hæc de aphorismo octavo, per thesin generatim propositio, ac confirmatio; cui deinde subjicitur illius repetitio, qua thesis hypothesi, seu universalis sententia particulari ad auditores accommodatione ac compellatione eorum illustratur. Ac primum propositio aphorismi repoponitur & amplificatur vers. 11. ubi subjecti pars prima amplificatur: nam non solum ait: *cum persecuti fuerint vos*; quod ad corporis & bonorum afflictionem pertinet: sed etiam quæ ad famæ & honoris læsionem pertinent, adjungit; quæ in duo distribuit: in convitia, quibus scil. piorum religio variè traducitur: & in mendacia, adversus personas Christianorum propriè effusa, quibus quodvis mali ac sceleris ipsis affingunt, ut & ipsorum animis ægrè faciant, & communi hominum odio exponant. Alterum vero subjecti membrum, nempe occasio persecutionis à potiori illustratur. Nam ut in aphorismo statuit *iustitiam*. Sic hoc loco pro ea *Christum* substituit: quod ex Christi odio eos, qui fidei in

ipsum professione, & vitæ secundum mandata illius institutione iustitiam colerent, persequerentur, unde Act. 9. *Saul, Saul, quid me persequeris?* Ioh. 15. v. 19, 20. Matth. 10. v. 25.

Hæc de subjecto. Attributum autem est idem atque in aphorismo, sed ad auditores pios accommodatè *beati eritis*. Confirmatio vero propositionis, Primum amplificatur hortatione ad consolationem institutâ, *gaudete & exultate*, hoc est metaphoricè, summopere gaudete, nempe si persecutionem & famæ læsionem illam patiamini, propter Christum, ut Jac. 1. v. 2. *Pro summo gaudio ducite, quoties in tentationes varias incideritis*. Hoc autem gaudium intelligendū, non qua afflictiones ab adversariis impiè inferuntur, & damna illata sentiuntur: ea enim causa doloris: sed quatenus propter Christum perferuntur: in quo & virtus est patientia, & honor apud Deum & Ecclesiam. Patientia enim est iusta gaudii causa, ut Actor. 5. v. 41. de Apostolis propter Christum flagellatis dicitur, *ipsi igitur gaudentes profecti sunt, quod digni habiti essent, qui pro nomine Christi contumelia afficerentur*. Quibus accedit effectum, quod ad profectum patientiæ faciant afflictiones, & virtutum inde consequentium, Rom. 5. v. 3, 4, 5. Jac. 1. v. 2, 3. & 1. Petr. 1. v. 7, 8. Atque ita sint *μαθήματα μαθήματα*: ut hoc Proverbium etiam Christo afflicto accommodatur, Heb. 5. v. 8. *ἐμαθὲν, ὅτι ὁ υἱοῦ τοῦ ἀνθρώπου, ἐκ τῶν ἡμετέρων, ὅτι ὁ υἱοῦ τοῦ ἀνθρώπου, ἐκ τῶν ἡμετέρων, ὅτι ὁ υἱοῦ τοῦ ἀνθρώπου, ἐκ τῶν ἡμετέρων*. Veruntamen, hisce hoc loco omisiss, Christus hortationem ad gaudium, & exultationem in persecutionibus, & famæ læsione propter Christum, bifariam confirmat: Primum quidem ab utilitate alia, ac sublimiore: Deinde ab exemplo prophetarum. Ab utilitate quidem consequente, nempe regno cælorum: quod simili quodam illustrat, cum ait, *quoniam merces vestra multa est in cælis*. Ubi regnum cælorum, cujus in aphorismo meminit, seu vitam æternam gloriosam in cælis, vocat *mercedem* & quidem *multam*. *Mercedem*: quod ut merces operæ ac laboris absoluti consequens est pretium, Jac. 5. v. 4. Sic etiam operum iustitiæ, & propter eam patientiæ persecutionum præmium, ac quasi merces est regnum cælorum, cujus præstantia amplificatione describitur: cum non solum *merces* vocatur, sed etiam *multa*: quia pro levi ac brevis temporis afflictione, ineffabilem animæ corporisque beatitudinem, & quidem æternam, consequimur, 1. Cor. 2. v. 9. & 2. Cor. 4. v. 17, 18. & 1. Petr. 1. v. 4. Quæ iustissima est exultationis (dolorem ex sensu persecutionum superantis) causa, 1. Petr. 1. vers. 4, 5, 6, 7. Unde iusti afflicti à mundo dicuntur *exultare gaudio ineffabili & glorioso*. ibid. vers. 8. Sed interim oritur hoc loco difficultas, Nam Pontificii hinc colligunt, iustos vitam æternam operibus promereri: Omnis merces, inquit, operanti data, merito operum tribuitur, atque acquiritur: Vita autem æterna est merces operanti data: Ergo merito operum tribuitur atque acquiritur. Verum negatur propositio: merces enim alia est merita, alia gratuita. Merita est, quæ sic propriè dicitur, & operibus jure ipsorum debetur, ut in parabola mercede conductorum, Matth. 20. v. 4, 13, 14. alia gratuita, quæ ex gratia ac mera liberalitate datur, ut Matth. 13. v. 9, 12, 14, 15. Vita autem æterna merces non est propriè dicta: non est operibus merita, sed gratis data merces. Primum quia omnia opera bona, sunt à nobis Deo, summo bono, & Domino creatori nostro, ac per Christum redemptori, debita obedientia: ac propterea per se nihil iis à Deo jure debetur mercedis, Luc. 17. v. 9, & 10. *Sic & vos cum omnia feceritis, quæ mandata vobis, dicite servi inutiles sumus: nam quod debebamus facere, fecimus*. Deinde non omnia opera bona mandata præstamus. Nam in multis labimur omnes, Jac. 3. v. 2. Ideoque ob lapsus debetur non vita, sed mors: *Maledictus enim qui non manserit in omnibus quæ scripta sunt in libro legis, Deut. 27. v. 26*. Tertio opera bona etiam sunt imperfecta in se, ob contagionem carnis repugnantis adversus spiritum, Gal. 5. v. 17. Ideoque ob defectum digna sunt non vita æterna, sed morte: quia Rom. 6. vers. 23. *Stipendium peccati mors, & Deut. 27. v. 26*. Quarto opera bona non possunt mereri vitam æternam, quia id quod meretur mercedem par esse mercedi debet, atqui non sunt pares afflictiones præsentis temporis futuræ gloriæ in nobis revelandæ, ut asseritur, Rom. 8. v. 18. & 2. Cor. 4.

& 2. Cor. 4. v. 17. & 18. Ergo merito seu jure iis non debetur. Veruntamen excipiunt adversarii: Esto; vitam æternam simpliciter seu omnino non mereantur; merentur tamen secundum quid, seu partim: quemadmodum si quis mille Philippicos deberet, & decem persolveret, minueretur debitum: Idque ex Matth. 20. probari posse videtur: quia merces data iis, qui unam tantum horam in vinea laborant, etsi per gratiam æqualis fuerit iis, qui duodecim diei horas laborant: nihilominus vocatur iusta merces, vers. 7. & 8. Nam licet denarius integer, ut operæ totius diei merces, non deberetur: unius tamen horæ laborem duodecimam denarii partem erant meriti. Unde etiam sequi videtur, Christianos suis operibus bonis licet imperfectis partem aliquam gloriæ cœlestis mereri. Sed negatur consequentia: quia similia non sunt eadem: & hic est differentia manifesta. Nam mercenarii opera corporalis non est jure necessaria, ac debita ei, à quo postea conducitur, sed arbitraria: non naturæ obligatione, sed voluntario cum conducente contractu debita: ac propterea non semper debita: sed tantum pro ratione mensuræ temporis pacti. Denique si operam non præstet, à mercede quidem excidit promissa: sed pœnæ non est obnoxius: Contra verò nostra bona opera non sunt arbitrio nostro libera; sed jure creationis & redemptionis omnino Deo debita; ac semper, & quidem si vel tantillum desit, non solum mercede excidimus: sed etiam pœnæ maledictionis lege statutæ sumus obnoxii, Deut. 27. v. 26. Quare nihil parabola ad meritum particulare statuendum conducit. Sed pressius hoc modo objicitur: Quod nobis reddetur à Deo, iusto iudice, & ut corona justitiæ, illud meremur. Atqui vita æterna reddetur ut corona justitiæ à Deo iusto iudice: Ergo eam meremur. Assumptio extat, 2. Tim. 4. v. 8. Verum negatur propositio. Corona enim justitiæ nostræ est gratuita, non merita: quia certamen justitiæ, ut ante ostendimus, Deo debitum. Deinde Deus quidem dabit, ut iustus iudex: sed non merito nostro: verum secundum pactum ac promissionem Evangelii gratuitam, Matth. 10. v. 22. *Qui perseveraverit ad finem, salvus erit*: Qua promissione Deus gratis sese obligavit: adeo ut justitia Dei in corona reddenda, non merito nostro, sed Christi Domini nostri, & gratuita Dei, quod Christum dedit, promissione, qua se nobis debitorem fecit, nitatur. Nam nostri ratione dicitur, Rom. 6. *Stipendium peccati mors, donum vero Dei vita æterna per Dominum nostrum Iesum Christum*. Idque vel inde etiam liquet, quia vita æterna hæreditas est, fluens ex dono fidei, & adoptionis per fidem gratiâ, Ioh. 1. & Rom. 8.

Sed contra proferunt locum, 2. Thess. 1. v. 5. *Quæ res est manifesto indicio iusti iudicii Dei, ut digni censeamini regno Dei, pro quo etiam patimini*. Si digni, inquit, regno: Ergo meremur. Verum non sequitur: digni enim sumus, hoc est, idonei, non merito nostro & insita dignitate; sed donata in Christo ac propter Christum: quia omnia opera nostra sunt imperfecta, eoq; exclusionem regni digni per nos; sed regno Dei digni sumus per & propter Christum, cui fide uniti sumus: & cujus gratiâ defectus operum nostrorum condonantur, & opera grata sunt, Heb. 13. v. 20. & 1. Pet. 2. v. 5. Cujus merito vitâ donamur æternâ, ut vers. 12. docetur. Quare regnum cœlorum non merita, sed gratuita merces, ratione suæ originis: etsi per accidens promissionis Dei indebita debita, non autem jure patientiæ nostræ, aut bonorum operum aliorum.

Hæc de prima causâ gaudii in persecutionibus. Altera ratio est ab exemplo patientiæ priorum prophetarum, & felicitis eventus, quorum conditioni sociari gloriosum est.

### *Illustratio Capituli Quinti Versus 13, & sequentium trium.*

**E**xplicatis octo de beatitudine hominum aphorismis, ad consolationem adversus mundi præjudicia perversa, à Christo propositis, non alienum videtur, si paucis sequentem, versu 13. & tribus sequentibus, propositam hortationem insignem perstringamus. Cujus occasio videtur fuisse

hypocrisis communis quæ inter Judæos, cum doctores, tum discipulos, grassabatur: qui neque in se erant sapientes, ac sinceri Dei cultores: nec aliis ad eam rem sermone & exemplo præbant; sed contra imitationis sui vitii, ac contagionis periculum creabant bonis; undè scopus videtur esse, ut huic malo primum generatim occurrat, suoque discipulos ab eo arceat. Ad quem scopum idonea est ac commodè directâ hortatio duplex, una obliqua, altera recta; utraque tamen ejusdem materiæ, licet tractandi modo differant. Ac prima, quæ obliqua, proponitur vers. 13. eaque constat propositione hortationis, deinde appositâ confirmatione. Propositio est: *Vos estis sal terræ*. Cujus subjectum indicat, quosnam Christus hortetur: attributum vero ad quid hortetur, innuit. Ac quosnam hortetur denotat, quando ait: *Vos*. Quæ vox citra controversiam præsentis auditores ac discipulos indicat. Quos quidam solos Apostolos intelligunt, quod præ cæteris ad eos hæc spectet hortatio: alii vero etiam reliquos fideles auditores compellari censent. Quæ expositio copiosior est, ut quæ priorem etiam includat; & Apostolos inprimis, reliquos verò deinde simul intelligat: id quod etiam verbis Christi probe convenit. Ad quid autem hortetur discipulos fideles innuit, cum ait, *estis sal terræ*; quo & beneficium vocationis divinæ, & officium indicando, obliquè ad officium præstandum excitat. Nam hic finis esse solet beneficii, & sua vi etiam eo pellicit. Beneficium vocationis indicat, cum eos *sal* vocat metaphoricè, ob similitudinem cum sale elegantem. Primum ratione sui: deinde ratione usus & effecti. Nam sal insitam habet acrimoniam, qua sapidum est ac simul durabile; unde durabilia sali comparari in sacris literis solent. Quemadmodum *pactum salis*, Num. 18. v. 19. hoc est, salis instar, aut sale conspersi ratione incorruptum ac perpetuum dicitur. Deinde effecta extra se habet similia. Nam cibos conditos sale conservat à putredine, ut durent; deinde gratos sapore suo reddit. Hinc Job. 6. v. 6. *An comedetur insulsum sine sale?* atque hinc etiam fideles *sal* vocantur, quod & in se & in officio erga alios, atque effectis suis, sali sint similes. Nam etsi naturæ vitiositate, per lapsum acquisita, sint insulsi, seu insipientes ac corrupti, Tit. 3. v. 3. Divino tamen vocationis beneficio donati sunt salis instar: utpote à corruptione errorum, ac scelerum alieni, & Deo grati; in qua re, vera sapientia notitiam religionis ac studium illius complectens consistit. Deinde officium & effectum, eorum est, ut alios oratione & vitæ suæ incorruptæ ac sanctæ, quasi sale, condiant, & adversus errorum ac vitiorum putredinem conservent: quod officium indicatur hîc, cum non solum *sal* vocantur, puta in se; sed etiam *terræ*, hoc est per metonym. hominum aliorum in terra, qui opus habent sale hoc spirituali. Atque ita officium indicando, hortatur tacitè seu consequentiæ vi, ad incorruptionem, non solum in seipsis, exercitio fidei & charitatis servandam: sed etiam in aliis hominibus, sermone & opere sancto procurandam, saliendo veritatis integræ propositione, & dictis factisque ad ædificationem proximi utilibus: quod, ut sacrificia Deo grata sale condienda; ut Marc. 9. repetitur: sic & nos, ut Deo simus grata hostia. Ac de priori expresse agitur, Marc. 9. v. 50. *Habete in vobis ipsis sal*: quod etiam typo sacrificiorum fuit adumbratum ac præceptum; *omnem autem oblationem muneris tui sale salito: neque cessare finito sal fœderis Dei tui, à munere tuo: Cum omni oblatione tua offerro sal*, Levit. 2. v. 13. quo denotatum ut nos simus hostia Deo grata, sale sapientiæ veræ, seu sanctitatis, notitiæ, & obedientiæ Dei, debere condiri: ut hostia sit sancta, Deoque grata, & à corruptione mundi insulsi aliena, Rom. 12. v. 12. Idque etiam Christus spectavit atque indicavit, Marc. 9. v. 49. *Quisque igne salietur, & omnis oblatio sale salietur*; ubi per ignem afflictiones intelligit, ut Luc. 12. vers. 49. quibus, ut aurum igne: sic fides in Christum sincera, 1. Pet. 1. v. 7. & Sanctitas, Hebr. 12. v. 10. & 11. à corruptione purgata, conservantur. De posteriori vero seu effecto hujus salis spiritualis dicitur, Col. 4. v. 5, 6. *Sapienter vos gerite erga extraneos, opportunitatem redimentes. Sermo vester semper sit sale, (id est, sapientia) conditus, ut sciatis quomodo oporteat vos unicuique respondere*: ut interpretes hunc locum

cum reddere solent: videtur tamen aptius, quia generalius, ut pro loqui accipiamus: quemadmodum ea vox ex Hebrææ vocis *לוי* usu ita interdum usurpatur; ut Matth. 11. v. 25. Marc. 9. v. 5. & 12. v. 35. Joh. 2. v. 18. Qui sermo sale conditus pluribus, Coloss. 3. v. 16. & 17. illustratur. Cæterum in eo etiam similitudo cum sale existit, quod ut in ejus usu, adhibenda prudentia, & idoneus modus: ut pro subjecti salendi ratione, quidam cibi nimirum solidiores copiosiore sale condiantur, ut penetret: alii vero teneriores, parciore: ne nimia acrimonia læsi consumantur: Sic etiam in divinæ sapientiæ usu, & reprehensionum sale condiendis, duriores ac pertinaciores, copiosius, & acrius, docendi ac reprehendendi, Tit. 1. v. 13. alii verò parcius, nempe teneriores, Gal. 6. v. 1. ne iis læsis atque offensis, gravius, pax violeatur: unde Marc. 9. v. 50. *Non solum*, ait Christus, *habete sale in vobis*, sed etiam addit, *& pacem habete inter vos*: qua prudentia adhibita utrique ab errorum ac vitiorum putredine conserventur. Atque hæc de obliquæ hortationis propositione, qua officium indicando, ad illud præstandum, consequentiæ ratione invitatur: ut in se sapientiam habeant, & in aliis recto usu illius promoveant.

Confirmatio vero hortationis est, qua officium fidelium, quatenus sal sunt in se, ne sua negligentia ac vitio à sapientiæ ac pietatis studio deficiant, ratione probatur ab infelici eventu triplici: & quidem continuata eleganter per allegoriam metaphora. Prima ratio est, quia si sal insulsum fuerit, *quomodo salietur?* nempe ipsum: ut res ipsa, consequentia & collatio, Marc. 9. v. 50. demonstrat. Ubi primum observanda est vox Græca *μωρὸν*, quæ, *insatiatum fuerit*, propriè notat; sed per metaphoræ rarioris modum, *insulsum fuerit*, significat. Nam ut *insulsum* pro insipiente, in quo non est, ut Poëta quidam loquitur, mica salis, seu sapientiæ, per metaphoram, à re corporea, ad spirituale, deductam, ac consuetam, dicitur: Sic rariore, ac reciproca à re spirituali, ad corporalem, metaphora, *insatiatum esse*, pro insulsum esse, ut (Marc. 9. v. 50. disertè exprimitur, *ὡς ἄνθρωπος ἡμῶν*, ) hoc loco usurpatur. Quemadmodum apud Græcos *ἰσχυρὸν* pro *robore*, & vice versa, *ἰσχυρὸν* interdum pro *robore* accipitur. Cæterum ad sensum loci quod attinet, docet Christus, quod ut sal, si vitiosum atque insulsum reddatur, aliunde saliri ac condiri nequeat; sic etiam fideles, si amissa spirituali sapientia, fiant salis corrupti instar, aliunde saliri seu sapientia donari nequeant. Id quod non de particulari defectione, sed de universali apostasia, quæ reparari nequit, intelligendum; quæ verè fidelibus nunquam contingit. Nam etsi ratione suæ imbecillioris potentiæ, & adversæ potentiæ hostium, cum carnis intus, tum mundi, & principis mundi Satanæ, foris, ni adesset Dei gratia, contingere posset; per accidens tamen certum, à Deo destinatum, ac promissum, nempe conservationem divinam, Joh. 10. v. 29. 1. Pet. 1. v. 5. nunquam fit. Si quis autem objiciat; si certà conservatio est, ergo inutilis est hortatio, quæ periculum ostendit, & ad officium stimulat, ne periculo pereatur: Negatur consequentia. Nam periculum revera est ratione nostri, id quod indicatur: periculum vero tollitur conservatione Dei, 1. Pet. 1. v. 5. partim per Spiritum Sanctum, qui in nobis, & carnem coërcet, & Spiritum seu fidem ac charitatem à Spiritu Sancto acceptam, confirmat, & extra nos tentationes mundi & Satanæ reprimat, ac temperat ne superemur, 1. Cor. 10. vers. 13. partim verbo suo nos officii monet; vitia arguit; & variis rationibus, & inter cæteras, præmiis minisque in officio retinet; & ubi opus, castigatione ad sanctiorem vitam revocat; ne insulsi facti cum mundo pereamus, 1. Cor. 11. v. 30. 31. & 32. Heb. 12. v. 9, 10, 11. Quare doctrina hortationis ad perseverantiam, in sapientia ac sanctitate, conservationi Dei non est adversa: sed modus illius ordinarius, quo divinitus conservamur.

Hæc de prima ratione. Altera vero, cur seriò fidelibus danda sit opera, ne, qui Dei beneficio sal sunt, hoc est, sapientia, seu notitia veræ religionis, & amore illius donati, sua negligentia, aut maleficio eam omitant, his verbis indicatur, *ad nihil valet amplius*: Sic fidelis, qui insulsum

seu insipiens factus fuerit, non erit sal terræ, hoc est, alios sale sapientiæ, quo caret, condire atque erudire non poterit.

Tertia ac postrema ratio est à consequente pœna, quæ indicatur, cum additur, *nisi ut abjiciatur foras & conculetur ab hominibus*, hoc est, quemadmodum sal insulso propriè hoc accidit; sic sal metaphorico, fidelibus, si insulsi reddantur, eveniet, ut à Deo rejiciantur, ac tandem condemnentur, Luc. 12. v. 47. Apocal. 2. v. 17. qua de re locus memorabilis extat, Hose. 4. v. 6. *Excindetur populus meus: eo quod scientia careat: quia tu scientiam spreveris, spernam quoque te, ne sacerdotio fungaris mihi: quia oblitus es legis Dei tui, obliviscar filiorum tuorum ego quoque*. Nam si Matth. 25. v. 30. Servus qui talentum Domini servavit, & eo ad Domini voluntatem, ac commodum non sit usus, in exteriores tenebras ejicietur: multò justius, qui præterea talentum amiserit.

Atque hæc de prima eaque obliqua hortatione. Altera verò quæ recta atque expressa, sequitur, & vers. 14. 15. & 16. continetur enthymemate insigni, cujus antecedens proponit Dei beneficium, seu conditionis fidelium, per Dei gratiam, dignitatem, vers. 14. & 15. consequens vero officii eorum executionem inde concludit vers. 16. Ac dignitatem quidem conditionis fidelium, tribus diversis atque elegantibus metaphoris, sed ad eundem scopum spectantibus, cum antecedenti hortatione describit. Comparat enim eos *luci*, & *monti*, v. 14. & *lucernæ*, 15. Primum indicat, cum ait: *Vos estis lux mundi*. Vbi subjectum *vos*, ut in prima hortatione, communiter de vere fidelibus accipitur. Nam quod de verbi ministris Apostolis non pauci exponunt, huic loco minus convenit: quia Apostoli dicti, nondum ad prædicationem Evangelii erant vocati, sed prius Christi institutione erudiendi, postea vero mittendi cap. 10. Attributum verò fidelium est *lux mundi*, hoc est, similes luci mundi: luci, hoc est, metonymicè luminari, seu substantiæ lucidæ. Luminare autem mundi propriè dictum præcipue est duplex: majus ac diurnum, Sol, minus seu nocturnum, Luna, ut Gen. 1. v. 16. exprimitur: quorum illud luce sua lucet, eoque *ἡ ἑσπερινὴ lux mundi hujus*, Joh. 11. v. 9. vocatur; hoc verò (ut eclipses ostendunt,) aliena à sole accepta: Ita luminare mundi impropriè dictum per metaph. est duplex: majus quidem, Christus, qui luce sua lucet, ut verus cum patre Deus, & author lucis, qui luce notitiæ, justitiæ, ac vitæ cum naturalis, tum spiritualis, homines mundi illuminat, Joh. 1. v. 4. & 9. & cap. 8. v. 12. Matt. 11. v. 27. Joh. 16. v. 13. & 14. Ideoque *lux mundi* *ἡ ἑσπερινὴ*, Iohan. 8. v. 12. & 9. v. 5. & *lux illa*, Joh. 1. v. 8. & *lux vera*, vers. 9. distinctè à creaturis, & *Sol justitiæ*, Mal. 4. v. 2. nominatur. Luminare verò minus, est Christianus quisque seu fidelis, qui lunæ instar à suo sole Christo, donatur lumine notitiæ Dei, & justitiæ: Nam natura fumus alioqui in tenebris ignorantæ & injustitiæ ac reatus, quo respectu *tenebræ* appellamur: Sed Christi nos per Spiritum illuminantis ratione, à tenebris illis liberati sumus, non perfectè, sed inchoatè: ac tandem morte plenè liberandi. Nam ut *ex parte cognoscimus*, 1. Cor. 13. v. 9, 10. Sic in nobis justus sumus ex parte, ob carnis adversus spiritum repugnantis, reliquias. Gal. 5. v. 17. Hujus autem illuminationis gratiæ ratione, qua à Christo, notitiâ Dei, & justitiâ illustramur, dicimur *conversi à tenebris ad lucem*, Act. 26. v. 18. & 1. Pet. 2. v. 9. & *lux*, Ephes. 5. v. 8. *Eratis enim olim tenebræ; nunc autem lux in Domino*, hoc est, per Dominum Jesum Christum. Eoque sensu de fidelibus suis auditoribus ait Christus; *vos estis lux*: quo dignitatem eorum beneficio vocationis acceptam, indicat absolutè in se: relatè vero cum addit, *mundi*, hoc est, metonym. hominum, qui in hoc mundo seu terra vivunt: quo dignitatem officii exponit, seu usum ac finem acceptæ lucis, seu gratiæ regenerationis: qua, notitia veri Dei, & inchoata justitiâ donati erant, ut enim *lux mundi* propriè est, quæ data est ad illustrationem mundi: sic & fideles dicuntur *Lux mundi*; quod dati essent lucis instar hominibus, ut iis prælucere: & notitiæ, ac justitiæ suæ patefactione, inservirent: ut ab iis illustrati, non impingerent ac perirent: Matth. 15. v. 14. Johan. 11. v. 10. *sed cognita recta veritatis ac justitiæ via; in ea incederent*,



rent, & ad regnum cœlorum tenderent ac pervenirent.

Atque hæc de prima metaphora, qua Christus fidelium auditorum suorum, ex Dei beneficio, dignitatem describit. Altera verò est, qua *urbi in monte posita* comparantur: quæ latere non possit, sed conspicua est: quò notatur fideles divina vocatione, à mundo secretos, & quasi evectos supra reliquos homines, ut latere non possint: sed dicta factaque eorum sint conspicua, & ab hominibus observentur; quomodo Ecclesia Christiana, Esa. 2. v. 2. *Mons excelsus super reliquos montes nominatur*. Tertia metaphora est v. 15. qua *lucernæ* comparantur, quod ut *eam non accendunt ut subter modium ponant, sed in candelabrum, ut splendeat omnibus qui sunt in domo*: Similiter fideles à Deo luce notitiæ, ac justitiæ esse accensos ac donatos, non eo fine, ut lateant, & inutiles sint proximo; sed ut iis præluceant in domo Dei, ac mundo; ut eorum opera homines illustrati, officio suo, sine offensa, rectè perfungantur.

Atque hæc de Enthymematis à Christo propositi antecedente, quo fidelium dignitatem descripsit, quod sint, quasi *lux mundi, civitas monti superstructa, ac conspicua, & lucerna*. Consequens verò quod ex hac antecedente dignitate, atque officio concludit, est hortatio ad executionem officii; quam primum proponit: deinde à finibus illustrat spectandis.

Hortationis propositio est; *sic splendeat lux vestra coram hominibus*: hoc est, vocati estis à Deo, ut sitis lux mundi: Ergo luce vestra splendere debetis coram mundo seu hominibus, 1. Joh. 1. v. 6, 7. & cap. 2. v. 9. Hoc autem fit primum doctrinâ, ad institutionem fidei & charitatis, & reprehensionem errorum, ac vitiorum, & consolationem adhibitâ, deinde vitæ sanctæ exemplo, ut Phil. 2. v. 15. *Ut sitis irreprehensi & sinceri filii Dei inculpatis; in medio nationis pravae ac perverse, inter quos homines splendetis, ut luminaria in mundo, sermonem vitæ prædicates*, Ephes. 5. v. 8. *Eratis olim tenebræ; nunc autem lux in Domino: ut filii lucis incedite. Nam fructus spiritus est in omni bonitate, justitia, & veritate, probantes quid sit acceptum Domino; & non communionem habete cum operibus illis in frugiferis tenebrarum, sed potius etiam arguite, &c. Omnia dum arguuntur à luce, manifesta fiunt, lux enim illud est, quod omnia reddit manifesta*; Sic. 1. Thess. 5. v. 5. & 6. *Omnes vos filii lucis estis, ac filii Dei: non sumus noctis, neque tenebrarum, nempe igitur ne dormiamus ut reliqui, sed vigilemus & sobrii simus*, & v. 8. *At nos qui sumus diei, sobrii simus, induti thorace fidei, & pro galea spe salutis*.

Hæc autem officii, in splendendo coram hominibus, propositio, à finibus in eo proponendis illustratur; quorum primus est proximi ædificatio ac salus: alter est, Dei lucis illius authoris gloria. Ac de priori ait: *Vt homines videant vestra bona opera*. Opera autem ea serviunt, partim fidelibus, qui iis visis ac perceptis ad imitationem sanctam excitantur. Quale exemplum, Phil. 1. v. 14. partim infidelibus, ut illorum, adversus fideles vitamque eorum, maledicta reprimantur; & eorum aliqui, ea via ad auditionem Evangelii invitentur; atque ita ex auditu, Deique gratiâ ad fidem & resipiscentiam convertantur: qua de re illustres duo loci, 1. Pet. 2. vers. 12. & cap. 3. v. 1. & 2.

Atque hæc de primo lucis splendentis seu bonorum operum faciendorum fine: Alter est gloria Dei, seu lucis ac bonorum operum authoris, agnitio ac celebratio, ut 1. Pet. 2. v. 12. *Conservationem vestram habeatis honestam inter gentes, ut pro eo quod loquuntur adversus vos, velut maleficos, ex bonis operibus quæ spectant, glorificent Deum in die visitationis*. Unde jam facile solvitur contradictionis species objecta ex Matth. 6. v. 1. *Attendite ne eleemosynam detis coram hominibus, ut spectemini ab eis*: quia non simpliciter prohibet dationem eleemosynæ coram hominibus: sed superbam, quæ oritur non ex sincero Dei & proximi amore, nec ad cultum & gloriam Dei; sed ex perverso sui amore, ad vanam ostentationem ac gloriam ab hominibus captandam, ut versus secundus demonstrat. Eleemosynam vero aliaque bona opera publicè facere, animo humili, ex amore Dei & proximi, & ad proximi ædificationem, seu, in notitia Dei & in obedientia erga ipsum, profectum, & Dei

gloriam, non prohibetur; sed jubetur. Nam de ædificatione dicitur, Rom. 15. v. 2. *Unusquisque nostrum placeto proximo in bonum, ad ædificationem, & 1. Cor. 14. v. 26. Omnia ad ædificationem fiant, & Ephes. 4. v. 29. Nullus sermo putidus ex ore vestro egreditor: Sed si quis est commodus ad ædificationis usum, ut gratiam auditoribus adferat*. De gloria vero Dei quærenda, 1. Corinth. 10. v. 31. *Omnia in gloriam Dei facite, & ad eam celebrandam, bonis piorum operibus alios excitari perspicuum*; ut ex publica Corinthiorum eleemosyna, 2. Cor. 9. 12, 13. apparet. Atque hæc ad hujus loci illustrationem: in quo duplici hortatione, notitiæ ac cultus Dei in nobis conservandi, & apud alios exercendi studium commendatum.

*Doctrina Matthæi Quinto, vers. 21, & 22.  
proposita, Illustratio.*

**A**Ntequam de re ipsa agamus, pauca de circumstantiis, occasione & scopo, præmittenda. Occasio autem est legis à Scribis & Phariseis violatio, & periculum inde dependens. Violatio autem fuit gemina: una, qua male docendo sententiam illius corruerunt: altera, qua per fucatam justitiæ speciem, mandata legis sunt transgressi. Periculum vero inde dependens erat à contagionis in discipulos Christi propagatione. Scopis vero Christi est, occurrere periculo. Medium autem ad hunc scopum adhibet primum universale; deinde particulare. Universale vers. 20. cum justitiam Scribarum & Phariseorum mutilam esse docet, & majorem ea requiri ab auditoribus, *ut in regnum ingrediantur*, hoc est, non in Ecclesiam; quia in ea jam erant; sed in cœlum, ut vita fruantur æterna. Particulare verò medium est detectio corruptæ justitiæ ab iis Scribis & Phariseis: primum in expositione legis, cap. 5. v. 21. & seqq. deinde in observatione illius fucata, cap. 6.

Verum controversia hæc exurgit, an hic sit scopus genuinus, Pontificii enim (ut etiam Anabaptistæ,) veterum Patrum autoritate, & rationibus quibusdam moti, alium statuunt: nimirum legis Decalogi correctionem, quasi perfectiorum doctrinam tradat, novamque legem, veteris loco proponat. Alii verò contrà, non decalogi Doctrinam corrigi: sed vitiosam illius expositionem à Scribis & Phariseis traditam confutari. Ratio prima est quia Christus disertè vers. 17. testatur: cum ait: *ne existimate, me venisse ut dissolvam legem & prophetas, non veni ut dissolvam, sed ut impleam*. Atque si contraria doceret, eam dissolveret, non impleret. Altera ratio est, quia *qui solverit unum ex minimis hisce mandatis, & ita docuerit homines, minimus vocabitur in regno cœlorum*, vers. 19. Atque Christus non minimus est, sed maximus. Ergo non solvit, nec solvenda docuit. Tertia est à cohærentia. Nam quod vers. 20. dixit, non posse discipulos suos in regnum cœlorum ingredi, nisi justitia eorum sit major quam Scribarum & Phariseorum: id vers. 21. & seqq. probat; quod justitiam lege præscriptam suæ expositionis traditione ipsi mutilarint, & maximam justitiæ partem omiserint, dum synecdochicè dicta propriè ac strictè accipiunt: unde vana justitiæ opinione, se & auditores suos corruerint. Atque hæc rationes tres ex antecedentibus petita sunt, quibus accedunt aliæ ex hoc loco & seqq. ac primum ex sententiarum quas Christus corrigit, propositione. Ratio quarta, quia si legem corrigeret, tum diceret, Audistis quod scriptum est, aut quod lex dicit: sed contra ait, Quod dictum est à veteribus. Quinta ratio, quia dicta, quæ Christus corrigit, ea partim à lege non ita traduntur: ut quod vers. 21. ad verba legis; *non occides*, addiderunt, *Quisquis autem occiderit, tenebitur iudicio*: quasi externum tantum homicidium, non etiam internum, odium, ira & odiosa convitia, prohiberentur, partim quod sententia legi ac prophetis contraria proponitur, quæ ratio sexta: Nam vers. 43. *Diliges proximum tuum*, ex legè quidem sumptum: additum vero, *& odio habebis inimicum tuum*, legis sententiæ omnino adversum: Nam Levit. 19. v. 17. & 18. dicitur: *Ne odio habeto fratrem tuum in corde tuo: Libere corripito proximum tuum: neque ferto in eo peccatum; ne ulciscitor; neque iram aservo in populos tuos: sed diligit proximum*



*proximum tuum sicut te.* Sic inimicis etiam beneficiendum mandatur, Exod. 23. v. 4. & 5. & Prov. 25. v. 21. ut Rom. 12. vers. 20. in eandem sententiam citatur. Deinde septima ratio est, quod ex oppositione sententiæ Christi constat, non adversam ab eo: sed consentaneam legi Decalogi doctrinam, rectamque illius expositionem adferri. Nam temeraria in fratrem ira & maledicta, vers. 22. repugnant legi charitatis, Diliges proximum tuum sicut te ipsum: ut charitatis naturam etiam Apostolus describit, 1. Cor. 13. v. 4. ad 8. & particulatim id ipsum synecdochicè sub homicidio prohibito continetur: quam Synecdochen Scriptura alibi exponit, & perfectio Decalogi, unde lex pendet, & prophetæ, Matth. 22. v. 40. evincunt. Deinde idem etiam probatur ex vers. 28. Nam Christus docet aspectum mulieris libidinosum ac concupiscentiam illius esse vitiosam, ac prohibitam tanquam adulterium cordis: Hoc autem eadem legis perfectione continetur. Nec enim diligit proximum ut sese, qui injustè alterius mulierem concupiscit, & ejus causa libidinosè eam aspicit. Deinde quia ita exponitur etiam Jer. 5. v. 8. & Job. 31. v. 1. ubi ait, *Fœdus pepigi cum oculis meis, & quid advertissem ad virginem?* & Prov. 23. vers. 33. ubi immoderati vini vitia recensens ait: *Oculi tui intueantur extraneas, & cor tuum loquetur,* (hoc est, cogitabit) *perversa.* Cumque decimo legis Decalogi præcepto, concupiscentia uxoris proximi simplex, seu non conjuncta cum voluntatis assensu, ut vitiosa prohibeatur: Multò magis concupiscentiam cum voluntatis assensu compositam ac conjunctam, quæ libidinoso aspectu sese exerat, prohiberi, & quidem ubi adulterium prohibetur, necessariò consequitur. Nam hoc vitium ad nullum aliud præceptum propinquius referri potest. Imo licet sapientiores Ethnorum, primos concupiscentiæ motus indeliberatos vitiosos esse non ita agnoverint; (quod pii ex decimo præcepto cognoscunt) accedente tamen voluntatis assensu vitiosos agnoverunt: ut Seneca in declamat. (quemadmodum Beza annotat) ait, *incesta est, & sine stupro, quæ stuprum cupit.* Eademque sequentium Christi sententiarum est ratio. Octava autem ratio est, quod Christus rogatus de operum ad vitam æternam justitiæ, à juvenè, non perfectionem aliquam; sed Decalogo præceptam commendavit, Matth. 19. v. 18. & 19. Nona denique ratio est, quod perfectior justitiæ insita fingi non potest, quam ut Deum diligamus ex tota cogitatione, corde & omnibus viribus, & proximum ut nos ipsos. Atque hæc summa est justitiæ Decalogo præscriptæ. Matth. 22. v. 36. & 37. Rom. 13. v. 9. & 10. Quæ partim Deut. 6. v. 5. partim Levit. 19. v. 18. proponitur.

Atque hætenus rationes attulimus, quibus probatur, Christum non corrigere hoc loco doctrinam Decalogi: sed perversam Phariseorum expositionem: qua Synecdochicè in Decalogo dicta, propriè ac strictè (contra perfectionem legis alibi à Mose & Prophetis expositam) interpretabantur: Imo in nonnullis contrariam sententiam inepta consequentia affinxerunt; reliquum igitur est, ut ad majorem veritatis hujus sententiæ confirmationem, ea quæ ab adversariis objiciuntur, expendamus. Contendunt enim Christum non legem interpretari: sed novam condere legem ac doctrinam. Idque probare conantur certis quibusdam argumentis: quorum quædam ex recitatione doctrinæ, quam Christus corrigit, alia ex Christi correctione ducuntur. Primum autem est ex vers. 21. audistis *ἐν ἑπτά τοῖς ἀρχαῖς*, audistis quod dictum est antiquis, id est, tempore Moysis: ideoque ad Phariseos non pertinet, qui tunc non extabant. Sed antecedens negamus. Nam *ἐπτά τοῖς ἀρχαῖς*, aliter exponi potest, consueta Græcis forma, pro *ἐν τῷ τῶν ἀρχαίων* ab antiquis sive veteribus, ut rectè Dominus Beza observat. Quam formam Horat. imitatus, ait: *Prima dicte mihi*, (hoc est, à me) *summa dicende Camæna.* Deinde esto, valeat ista versio, quam vulgatus sequitur: inde tamen non probatur, dictum antiquis, significare debere, iis qui tempore Moysis vixerunt. Nam nec Scripturæ facit mentionem, nec Moysis. Non enim ait: *Scriptum est*: neque *dictum à Mose*: sed simpliciter, *dictum.* Deinde *ἀρχαῖς* antiquis eum notat, qui diu fuit, etsi centuriæ anno-

rum non antecesserint. Nam *antiquis*, minori variè opponitur, quemadmodum Act. 21. vers. 16. Mnaso Cyprius vocatur *ἀρχαῖος μαθητής*, antiquus discipulus oppositè novitiis, ut qui talis diu fuerat, non recens: Sic etiam hoc loco, *dictum antiquis*, hoc est, majoribus vestris traditum: ut ostendat doctrinam illam corruptam, non recentem esse, sed antiquam. Nam quod regeritur, Phariseos non fuisse diu ante Christi tempora: illud huic antiquitati non obstat, quo minus illi, qui auditores Christi antecesserunt, eorum tanquam minorum ratione, *antiqui* dicantur. Deinde hoc constat ex Josepho Antiquit. Judaic. lib. 12. cap. 9. Sectam Phariseorum ortam tempore Demetrii regis Syriæ, & ducis Judæorum Jonathæ, plusquam 140. annis ante Christum. Denique etsi antiquitas major requireretur: non sequitur tamen, Phariseos horum errorum authoris primos extitisse; cum potius communis iis fuerit cum Scribis, seu legis doctoribus, quorum ordo antiquissimus, & doctrina, post Prophetarum tempora, paulatim vitata. Sed alterum urgent argumentum; Christus, inquit, multa corrigit, quæ tamen constant, non à Phariseis introducta; sed in lege proposita: quale est primum illud vers. 33. *Non perjurabis*, Levit. 19. v. 12. Nec Pharisei id corrumpebant: Quod autem additur, *Sed reddes Domino juramenta tua*, hoc est, quæ juraveris: extat pluribus; Num. 30. vers. 2. Verum respondetur, hæc duo nullibi in Scriptura conjungi, sicut hoc loco conjuncta sunt adversative: unde colligitur, hæc verba ut Scribarum & Phariseorum referri: qui conflata sententia ex Levit. 19. & Num. 30. Doctrinam præcepti tertii exponentes, ita mutilabant, in quo prohibetur assumptio nominis Dei vana, seu in vanum, hoc est, sive inutilis ac non necessaria sit; sive etiam falsa: in juramento aut extra: quam generalem sententiam angustius interpretati sunt; quasi in Decalogo, (ut etiam nonnulli Pontificii eos sequuntur hac in re,) perjurium tantum prohiberetur, & quidem non omne. Nam si quis oblique jurasset, nempe per templum, aut altare, nihil esse, non esse debitorem solvendi promissi; sin vero per aurum templi, aut per donum super altare juraret, debitorem esse, Matth. 23. v. 16. & 18. Leviora verò & obliqua juramenta per creaturas, non fuisse prohibita Dei lege, ex Scribarum & Phariseorum doctrina; potest colligi, ex Christi oppositione cap. 5. Matth. vers. 34. 35. 36. & simili exemplo, Matth. 23. modò recitato. Alterum exemplum objectant, ex vers. 38. audistis dictum, *oculum pro oculo, dentem pro dente*, quæ non sunt Phariseorum, sed Scripturæ verba, Exod. 21. vers. 24. Verum est esse Scripturæ verba, sed perversè à Scribis & Phariseis vulgò proposita, & exposita, atque accommodata: quasi iis vindicta privata concederetur; cum ea tantum ad publicam per judices vindictam ac talionem pertinerent. Nam quod objicitur, à Christo opponi vers. 39. non esse resistendum malo: & cædenti unam maxillam, alteram obijciendam: & contendere judicio volenti, ut tunicam eriperet, etiam pallium præbendum: item v. 44. dictum, *Diliges inimicum tuum.* Hæc autem inquit nullibi à Mose, aut prophetis tradi: ideoque novam esse legem; non veteris contra Phariseorum corruptelas expositionem. Verum negatur antecedens. Nam licet totidem verba non extant in Vet. Testamento: Sensus tamen idem traditur. Nam Christus comparatè hic loquitur, ut priusquam injuriam nobis illatam, per nos vindicemus, satius esse eam ferre, quam referre: imo etiam beneficio inimicos afficiendos: id quod etiam docetur locis initio à nobis memoratis, Levit. 19. v. 17, 18. Exod. 23. v. 4. & 5. & Prov. 25. v. 21. Nam quod objicitur, Israëlitis quidem præceptum, ut inimicis Israëlitis beneficerent; quod hi essent fratres; non autem alii; ut quod Exod. 23. v. 4. & 5. Auxilium inimico præstandum præcipitur, illud in simili sententia dicitur, Deut. 22. v. 1. & 4. de fratre seu Israëlita. Ad id respondemus. Esto; In Exodo tamen, & in Proverbiis generatim inimicus nominatur: eademque peregrinorum & Israëlitarum hæc ratio fuit, ut Deut. 10. v. 19. docetur. *Vos ergo amate peregrinos.* Neque, ut putant; obstat, quod Deus, Deut. 25. v. 19. memoriam Amalek deleri præcepit: Nam non est illud, quod probandum erat; privata

privata auctoritate vindicare: sed Deo publicè jubente, ejus judiciiis exercendis, tanquam milites Duci suo infervire.

Sed unum adversariorum Pontificiorum superest ex vers. 31 & 32. Hujus quinti capitis Matth. argumentum, quod Christus primum proponit sententiam corrigendam hoc modo: *Dictum est autem, Quisquis dimiserit uxorem suam, det ei libellum discessionis*: Cui opponit correctionem suam: *Ego verò dico vobis, cum qui dimiserit uxorem suam, extra rationem scortationis, facere, ut ea mœchetur, & cum qui dimissam duxerit, mœchetur*. In quibus verbis proposita primum sententia, non est à Phariseis, sed à Mose tradita, Deut. 24. v. 1. Huic autem Christus oppositam correctionem statuit: ac propterea concludunt, non Phariseorum doctrinam, sed Mosis ipsius, nova lege corrigi. Sed negatur primum antecedens: quamvis enim verba sint Mosis, ita tamen proposita fuerunt à Phariseis alio sensu accepta, atque exposita: quasi per se licitum esset uxorem pro arbitrio ac sine peccato, dato libello repudii, dimittere: quemadmodum apparet ex Matth. 19. vers. 19. ubi tentantes Christum Pharisei quærun, *Licetne homini dimittere uxorem suam quavis ex causa?* Deinde rogati à Christo, quid mandasset ipsis Mose, Marc. 10. v. 3. responderunt, *Moses permisit scribere libellum repudii, & dimittere*, vers. 4. Contrà verò Moses non permisit lege morali, seu Decalogi, sed tantum politica; & quidem non probans, sed solummodo tolerans, propter duritiem cordis Israëlitarum, Matth. 19. v. 8. Deinde non absolutè quavis de causa (ut Pharisei statuebant) sed tantum ea conditione, primum si ob rem turpem in ea inventam displiceret: Deinde ut libellum repudii daret: denique ut non liceret unquam reducere repudiata, si alteri nupisset. Causa verò illius additur Christi dictis consentanea: quod repudiata hoc modo sit polluta; & res abominanda coram Deo, ut à Mose. Deut. 24. expresse docetur. Si autem per se licitum fuisset uxorem repudiare; non polluta fuisset altero matrimonio. Ideoque hinc apparet, Mosen sic tolerasse, seu pœna politica non puniisse, ut interim gravissimè improbaret; idemque Christus docuit oppositione sua, & demonstravit ex prima conjugii institutione, Matth. 19. v. 6. Nam quod objicitur, non solum Mosen tolerasse: sed etiam Deum probasse, Mal. 2. v. 16. *Cum odio habueris dimitte*: respondemus, nos quidem agnoscere, eandem Mosis & Dei sententiam: Nam Mose Dei instinctu leges politicas proposuit ac descripsit, tanquam Propheta Dei, & fidelis fuit in tota Dei domo, hoc est, Ecclesia Israëlita, ut docetur Hebr. 3. v. 5. Sed Deum probasse repudium, uti objectant, illud non constat ex Mal. 2. duabus de causis: Primum, quia verba illa, quæ adducunt, aliter possunt exponi, nempe, *quia odio habens*, (supple est) *dimittere*, hoc est, dimissionem, ait *Leborva*. Et sic clariss. Interp. Tremel. & Junius reddiderunt hoc modo, *sibi odio esse dimissionem*; ut *pro quod* accipiatur, quemadmodum sæpè fit. Deinde esto, valeat objecta versio, quam probabilem omninò existimo; quia antecedentia Malachiae verba non loquuntur de dimissione uxoris; ideoque ad scopum hæc versio non videtur pertinere; sed de polygamia impura, quod scilicet præter uxorem legitimam & quæ una consensuisset, ejusdemque esset religionis veræ, ea despecta, aliam etiam deducerent, & quidem idololatriæ addictam vers. 11. Nihilominus tamen inde non sequitur, Deum repudium absolutè tanquam licitum probasse: sed comparatè, cum atroci illa in uxorem injuria, repudium ut minus malum indulsisse: iis scilicet conditionibus, quibus antea per Mosen, Deut. 24. v. 1, 2. lege politica, ob duritiem cordis ipsorum tolerarat; quam politicam tolerantiam Christus, Matth. 19. v. 8. docet, non esse factam, ut peccatum seu Decalogi transgressio esse desierit. Nam ab initio, in prima illa ac perpetua conjugii instituti lege, ante lapsum, non ita fuisse: & quæ Deus conjunxit, non esse divellenda. Et simul politicam illam tolerantiam, quæ duratura erat ad Messiam, ipse jam exhibitus abrogat, tanquam rex Ecclesiæ, à patre datus, qui Decalogi observationem, neglecta Judæorum duritie, diutius non ferenda, imposterum stabilivit.

Sed hæc, quæ à Pontificiis objiciuntur, Anabaptistæ aliud argumentum adjiciunt ex hoc capite quinto, v. 33. & 34. Certum, inquiunt, est, perjurium lege Mosis vetitum; sed tamen juramentum probatum: ut vers. 33. etiam recitatur: imò disertè imperatum, Deut. 6. v. 13. *Deum tuum timeto, & per nomen ejus jurato*. Contra verò vers. 34. Christus hoc prohibet, dicens: *Ne juretis omnino*: Ergo Christus, veteri lege abrogata, novam dedit. Respondemus ad antecedens, hæc non esse contraria, ut obtenditur: sed convenientia. Nam Moses juramentum verum ac necessarium præcipit: Christus vero legis Decalogi præcepto tertio consentaneè, leve ac falsum prohibet. Quale erat apud Judæos, eo tempore, ex gentilium (ut videtur) imitatione, obliquum, per cælum, terram, caput ac similia, juramentum: quo leviter ac falsò jurantes, se non esse reos perjurii à Deo prohibiti, perperam arbitrabantur. Sed duo rursus objiciunt. 1. quod Jacobus, cap. 5. v. 12. repetitâ hac Christi sententiâ addit, *neque ullum aliud juramentum*. Agnoscimus: sed hoc non absolutè (ut Anabaptistæ existimant ac contendunt) verum ad materiam subjectam relatè dicitur; nempe de omnibus juramentis ejusdem cum antecedentibus modi, seu de universitate non generis sed speciei, de qua agitur. Qualis vocis hujus est usus, Joh. 10. v. 8. *Quotquot ante me fuerunt, sunt fures*: Ergone Prophetæ & Johannes Baptista? 1. Cor. 10. v. 23. *Omnia mihi licent*; an igitur etiam homicidia? & cap. 9. v. 22. *Omnibus omnia factus sum*; an ergo idololatra? sic hoc in loco universalis particula, ad speciem, de qua agitur, restringenda: hoc est, neque ullum aliud juramentum, supple simile, leve ac falsum: quale etiam erat, quod docebant Pharisei, quisquis jurasset per templum, aut per altare, nihil esse; hoc est, si quis ita jurando aliquid promississet, non debere præstare; ideoque levi hujusmodi juramento fallere non esse perjurium, Matth. 23. v. 16, 18. Sed & alterum urgent, quod Christus (ut & Jacobus cap. 5.) Matth. 5. v. 37. dicat: *Esto autem sermo vester, etiam, etiam, non, non, quod supra hæc redundat, à malo est*, id est, (ut & nostri nonnulli exponunt,) quod affirmatis nudè affirmetis, quod negatis nudè negetis. Verum bifariam respondetur, primò sermonem hic pro subjecta materia, ac consuetudine Judæorum leviter jurantium, intelligi familiarem, in quo non necessaria sunt juramenta, neque utilia: ideoque illa prohibere, cum essent in usu vitioso, ac licita judicarentur; non autem omnem sermonem, ut postea liquebit, & ipsius Christi usus, qui præter *etiam & non*, alia quoque ad confirmationem nonnunquam adhibuit, ostendit. Altera responsio est, sensum hujus loci esse, in omni sermone veritatem esse servandam, ut sermo noster (sive affirmemus, sive negemus) sit rei dictæ consentaneus, ac constans; quod *supra hæc redundat*, hoc est, quod aliter est, quam dicitur, ac modo affirmatur modo negatur, à malo illo, scilicet Diabolo est, nempe mendacii autore, Joh. 8. idque ex repetitione sententiæ hujus, Jacob. 5. v. 12. clarius apparet: *Sit autem vestrum, vò val; val, vò vò, & illud etiam, etiam, & illud non, non*, hoc est, sermo vester, ne sit falsus, ut modò affirmetis, modò negetis, sed sit constans ac verus, ut 2. Cor. 1. v. 17. *Numquid levitate sum usus, aut num quæ delibero secundum carnem delibero, ut sit apud me etiam, etiam, & non, non?* hoc est, modo fortiter affirmem, modo ut negem, & vers. 18. *Quia sermo noster apud vos non fuit, etiam & non*, hoc est, inconstans ac inter se dissensans. Hanc autem genuinam esse Christi mentem, quod levia ac falsa juramenta prohibeat, non autem necessaria ac vera, ex sacris literis solidè demonstratur. Ac primum argumento tripartito ab exemplis sanctis. Nam quod in Nov. Testamento à Christo & Angelo sancto, & Apostolo Paulo, ex divino instinctu est usurpatum, illud non est à Christo absolutè prohibitum, & à malo ortum. Atque juramentum est in Nov. Test. à Christo, & Angelo sancto & Apostolo Paulo usurpatum: Ergo illud non est absolutè ab eo prohibitum. Propositio manifesta est; aliàs Christus, Angeli sancti & Paulus Apostolus ex Spiritu sancto loquens, peccassent: eorumque sermo à malo, hoc est, Diabolo fuisset ortus: quod cum sit absurdissimum, fieri non potuit. Assumptio autem

autem probatur, primum de Christo; non quidem quod usurpavit sæpè formulam assertionis: *Amen, amen*: Nam illud non esse juramentum simplex, nedum duplex, aliàs ostendimus: sed quod adjuratus à præside Synedrii Pontifice Maximo, per Deum viventem, ut diceret, an esset Christus ille filius Dei, hoc est, ut sub juramenti religione veritatem rogatus testaretur, paruit, ac juramentum ita firmavit, Matth. 26. v. 63. & 64. Quidam addunt locum, Marc. 8. v. 12. *Amen dico vobis, si dabitur nationi isti signum, & juramentum esse putant per ellypsin, seu defectum tæcitæ imprecationis consuetum: ut Psalm. 95. v. 11. & Heb. 3. v. 11. Iuravi in ira mea, si introibunt in requiem meam.* Sed dici potest, conjunctionem Græcam *et* (ut apud Hebræos ejusdem sensus, vox *et*) crebrò apud Græcos pro *an* usurpari, ut negationi inserviat; atque ita exponi potest locus ille, Marc. 8. *An dabitur signum?* id est, non dabitur: Quemadmodum in ejusdem sententiæ propositione, Matth. 12. v. 19. exponitur. Huc accedit, quod non solum apud autores bonos Græcos, sed etiam in Nov. Testamento crebrò *et* pro *an* usurpetur, ut Matth. 12. v. 10. & cap. 19. v. 3. *et* *ἐάν, an licet* & cap. 26. v. 63. *et* *εὖ, an tu;* & 27. v. 49. & alibi sæpius.

De Angelo quoque sancto jurante idem liquet, Apoc. 10. v. 6. *Iuravit per eum, qui vivit in secula seculorum.* Denique de Apostolo Paulo documenta sunt illustria, in epistolis Spiritus sancti instinctu scriptis. Ac primum, 2. Cor. 1. v. 23. *Testem invoco Deum in animam meam;* ubi & testem Deum invocatur, & simul ut iudicem; quia in animam suam, hoc est, ut eam puniat, si falsum dicat. Quod expressum esse juramentum negari non potest ullo jure: ut definitio illius evincit; quia juramentum per Deum nihil aliud est, quam illius in testem occultæ veritatis, & in iudicem ac vindicem mendacii invocatio. Deinde, Thess. 2. v. 27. ait Paulus, *adjuro vos per Dominum, ut recitetur hæc epistola omnibus sanctis fratribus:* quibus similia, etsi non tam plena illa sunt exempla, quibus Deum vocat in testem, Rom. 1. v. 9. Philip. 1. v. 8. Nam licet objici queat, etiam homines citari in testes, non minus quam Deum, & una cum Deo, ut 1. Thess. 2. v. 10. *Vos testes estis, & Deus,* nec tamen propterea per Thessalonicenses jurat, ideoque nec per Deum: responderi potest, diversam esse rationem: Deus enim non solum est testis quorundam, ut homines; sed omnium absolutè; quia omniscius. Deinde idem qui testis, est etiam iudex summus ac mendacii vindex: ideoque qui Deum dictorum testem citat, iudicem etiam intelligit, etsi illud expresse non enunciet.

Atque hæc prima liciti Christianis juramenti ab exemplis sanctis demonstratio. Altera verò est à testimonio prophetiæ divinæ, de juramento licitè à Christianis observando, Esa. 45. v. 3. *Per me juravi, produit ex me justum verbum, quod non revocabitur; mibi incurvabitur omne genu, omnis lingua jurabit,* illud de cultu Dei, in Christo filio, paraphrastice citatur, Rom. 14. v. 11. ubi pro *jurare* ponit Apostolus *confiteri*: ut ostendat vocem *jurare*, (quæ species confessionis ac laudis Dei) Synecdochicè pro juramento, & reliquis confessionibus Dei, quibus colitur, debere accipi.

Tertia demonstratio est à definitione juramenti hoc modo: Invocatio Dei in veritatis occultæ testem ac iudicem omniscium, justum & omnipotentem, qua dissensionibus occurritur; est Christianis licita. Nam ita & gloria Dei ut omniscii, & justii, & omnipotentis celebratur, & ædificatio proximi promovetur. Atque juramentum in Vet. Testamento probatum, nempe quod veritate, jure & justitia præstitum, Jer. 4. v. 2. est tale. Sic enim juramentum citra controversiam definitur, & exempla juramenti legitimi hoc demonstrant & Apostolus, Hebr. 6. v. 16. attestatur. Ergo juramenta in Vet. Testamento probata, sunt Christianis licita.

Quare ex hisce omnibus, cum rationibus, pro Ecclesiarum nostrarum sententia propositis; cum oppositorum à Pontificiis & Anabaptistis argumentorum refutatione, apertè constat, Christum in hoc cap. 5. Matth. non hoc agere, ut legem Decalogi per Moysen, à Deo traditam; no-

va lege mutet; sed ut falsam Phariseorum in Decalogi expositione doctrinam confutet; & ab ea auditores suos, ne seducantur, deterreat. Antequam vero vers. 21. & 22. paucis declarem, tollenda Pontificiorum est exceptio adversus rationem, quæ à nostris ex vers. 19. & 20. proferri solet: quod Christus majorem, quam Scribarum ac Phariseorum, justitiam requiri ad ingressum cælorum affirmet, hoc est, majorem quam illi & docébant & exercebant. Objiciunt enim hæc à Christo dici, non ut doctrinam eorum, sed ut vitam reprehendat: idque inde probare conantur, quod Matth. 23. v. 2. & 3. dicat: *Super cathedra Moysi sedent Scribæ & Pharisei, omnia quæcunque dixerint vobis servanda, servate; sed secundum opera eorum ne facite; dicunt enim & non faciunt.* Verum negatur consequentia. Nam hisce verbis, quod obtinent, non probatur; siquidem quod dicitur, *omnia quæ dixerint vobis servanda servate,* hoc in loco vox *omnia* intelligenda non absolutè: sed relatè; quæ scilicet ex Mose petita: quemadmodum præcepta illius expressa proponebant, non autem quatenus expositione sua corrumpebant. Nam Christus Matth. 16. v. 11. & 12. à fermento doctrinæ Phariseorum abstinendum præcepit, & cap. 15. v. 3, 4, 5. demonstrat & exprobat eos sua doctrina Dei mandata violare, ideoque vers. 14. relinquendos esse monet, tanquam cæcos cæcorum duces: & ut alia omittam, eo ipso capite 23. v. 16. eosdem duces cæcos vocat & suis dictis corripisse doctrinam de juramento demonstrat. Quamobrem, exceptione hac confutata, ad loci Matth. 5. v. 21, 22. explicationem brevem accedamus. In quo continentur primum propositio doctrinæ Phariseorum de sexto Decalogi præcepto imperfectæ: deinde doctrinæ Christi oppositio; qua imperfectionem illam arguit. Propositio est vers. 21. *Andistis, &c.* In qua observanda præfatio Christi, & Scribarum ac Phariseorum doctrina. Præfatio describit primum Scribas ac Phariseos: deinde eorum auditores. Illos quidem, cum vocat eos *ἀρχαίους antiquos*, qui diu docuerant, ac *senes, ἡγήτορες* vocationis & ætatis: qui eodem sensu *προφῆται* Seniores per excellentiam vulgo dicebantur, ut Matth. 15. v. 2. Auditores verò eorum indicat, cum ait: *Andistis dictum ab antiquis,* seu senioribus illis: quo ea, quæ propositurus erat, à conscientia eorum probat. Doctrina verò à Phariseis tradita continet primum repetitionem veram verborum legis, nempe præcepti sexti: *Non occides;* deinde imperfectam illius expositionem, ab homicidii pœna, quod *quisquis occiderit, tenebitur iudicio,* nempe capitali. Quæ verba Scribarum & Phariseorum non extant quidem in Mose, sed sententia Levit. 24. v. 17. Verum in eo discrimen, quod Moses ibid. non exponat præceptum sextum: quasi eo tantum homicidium externum prohiberetur: neque pœnam universalem; sed tantum politicam. Contra verò Scribæ & Pharisei legis politicæ sententiam cum Decalogi verbis confusè conjungentes, doctrina sua sententiam illius corrumpebant; quasi lege illa, *Non occides,* externum tantum homicidium prohiberetur, quod à Magistratu puniretur. Quare huic propositioni imperfectæ, Christus vers. 22. suam doctrinam opponit. Quæ oppositio præfationem, & legis perfectiorem expositionem complectitur. Ac præfatione primum sua dicta antiquorum seu presbyterorum dictis opponit, cum ait, *Ego verò dico vobis:* hoc est, Ego qui summus sum Propheta, ab omnibus audiendus; Deut. 18. v. 15. & Act. 3. v. 22, 23. Matth. 17. 5. Qui non veni ut legem dissolvam, Matth. 5. v. 17. Sed impleam: & ut dissolventes confutem, vers. 19. & 20. Deinde quibus dicat ostendit, cum ait, *vobis,* hoc est, auditoribus meis, qui antè legem corruptentes antiquos Scribas & Phariseos audivistis, & jam mei facti estis discipuli. Cui subicit Christus expositionem perfectiorem: ut illos à corruptela Phariseorum, ad rectam intelligentiam justitiæ lege traditæ, magis magisque adduceret; & ut justitiæ secundum mentem legis majori, quam Phariseorum erat, operam darent. Hæc autem expositio tria indicat vitia disparia, & triplici pœna distincta; quæ homicidii nomine simul fuerunt prohibita, & à Phariseis omittebantur. Quo-

rum primum est internum vitium : reliqua verò duo externa. Internum est *ira*, non simpliciter, sed temeraria: quam indicat, cum ait, *quicumque irascitur fratri suo temere*. Nam ira est duplex, una recta, altera prava. Recta est, quæ ex amore Dei & proximi oritur & recto secundum vocationem modo temperata, ad gloriam Dei, & proximi ædificationem tendit: quæ plerumque *zelus*, nempe prudens, appellari solet; qualis in Vet. Test. (inter ceteros) in mortalium sui temporis, Num. 12. v. 3. mitissimo Mo- se describitur, Exod. 16. v. 26. & 32. v. 19. & in Novo Testamento in Christo omnium absolute mitissimo, Marc 3. v. 5. Alia ira est prava, quæ à rectæ iræ declinat descriptione: cum vel causa iniqua est, vel modus. Ideoque hæc vox *temer*, à Christo rectè additur ad distinctionem. Nam quod Hieron. in Comment. ad hunc locum ait: *qui irascitur fratri suo; in quibusdam codicibus additur, sine causa, ceterum in veris definita sententia est, ira penitus tollitur, &c. Radendum est ergo, sine causa. Nam ira viri iustitiam Dei non operatur*. Jacob. 1. Id inquam temerarium est: quippe exemplaribus Græcis confutatur, ut ex Chrysost. vocem illam legente & exponente patet, qui ait: *non ergo ipsum irasci malum; sed importune irasci*. Et Isidorus Pelusiota epist. lib. 4. ep. 111. Similiter legit *ἐκ*. Et Syrus interpres antiquissimus, & exemplaria omnia Græca manuscripta Rob. Steph. nec iram omnem sed immoderatam & injustam, iustitiæ Dei ad versari convenienter Jacobi sententiæ, quæ ad hanc pertinet, exemplis Moysi & Christi antè confirmavimus. Et ipse Hieron. verba illa, Eph. 4. *Irascimini, & nolite peccare*, Tom. 9. Comment. in epistolam illam exponit hoc modo: *Ira non inebriet mentem, sed veritas dispenset; nec tuam injuriam, sed fratris animadverte peccatum*.

Atque hæc de interno ac primo vitio, quod Christus præcepto etiam sexto contineri rectè docet, tanquam originem homicidii. Ac rectè hoc loco Chrysost. *ῥίζα γὰρ τοῦ φόνου ἐστὶν ἡ ὀργή*, hoc est, *Radix enim cædis, ira*. Reliqua verò duo vitia sunt externa iræ effecta, nempe convitia, in fratrem seu proximum, dicta. Quorum prius est levius; posterius verò gravius. Levius est, *ῥέκα*, quæ vox non est Græca (licet Hesychius eam in Lexico suo ponat, & exponat, ut multa alia non Græca: partim Hebræa, partim Latina) sed Hebræa corrupta, hoc est, ad Syram linguam inflexa: quali post captivitatem Babyloniam ad Christi tempora utebantur: ut vox *Abba*, Rom. 8. v. 15. *Golgotha*, Joh. 19. v. 17. *Talitha*, Marc. 5. v. 41. & similia etiam ostendunt. Ad significationem verò quod at- tinet, quidam inconditam hominis indignantis vocem esse putant, qualis apud nos (ut id obiter dicam) esse solet vox *Ets*. Atque huc videtur Chrysost. & ex eo Theophylactus spectasse, cum simile esse dicunt, ut si quis dicat per contemptum, *ἀπὸ τοῦ ῥέκα*, hoc est, *abitu*. Alii verò aptius significativam vocem, sed diversè statuunt. Quidam à voce Syra, *רקק* & contractè *רק* id est, *spuere*, ut in Testamento Syro, Matth. 27. v. 30. *רקק* *spuebant*, deducunt. Hinc Theoph. ait, quosdam dicere Syriacè significare *κατὰ μῆτρον despuendum*, id est, abominandum: id quod nonnulli sunt secuti. Sed duo videntur ob stare. Primum, res ipsa: quia ut Beza rectè observat, hoc convitium esset atrocius quam sequens: quod non convenit. Nam ex minori adjuncta poena minus esse, quam sequens, (cui major poena denunciatur) constat. Alterum est quod tum potius dicendum esset *רקק*, quam *Raca*: nisi fortè probari queat, Syris non solum in usu esse *רקק* & *רק* sed & *ירק*, ab Hebræo *רקק* & *ירק* *spuere*. Alii igitur vocem *רקק* vacuum exponunt, ut Hieron. Matt. 5. *Hoc verbum, inquit, proprium Hebræorum est. Raca enim dicitur καὶ ῥέκα, id est, inanis aut vacuus, quem nos possumus vulgata injuria, absque cerebro nuncupare*. Hæc Hieron. Et interpres Syrus habet *רקק*, ad quam vocem, in notis suis, doctiss. Tremel. ait: *Hanc vocem objurgantis in Thalmudicis libris, præsertim autem in libro ברכות & in libro Sanhedrin Cap. חלק, legi semper ita scriptum, רקק vel רקק & sonat vacuum, subaudi judicio, ratione & cerebro, venitque à ריק quod etiam Hebræicè significat evacuare*. Atque hæc de primo convitio leviori. Alterum verò gravius est *μωρὸς*, quæ vox ut Etymolog. magnum tradit, derivatur ex *μῶ*, non, & *ωρ*,

id est, *cura*, quasi *qui nihil curat*, vel à *μῶ* & *ωρ*, *qui non videt quod utile*. Et primum generatim prudenti opponitur, ut Matth. 7. v. 24. & 26. & 25. v. 2, 3. & sapienti 1. Cor. 1. v. 27. & *fatuum* ac *stultum* notat. cumque stultitia sit gemina; una quidem, quæ innocens ac privativa dici solet; quæ prudentiæ defectus est, altera verò nocens ac positiva; qua quis perversa sapit, ac probat: ut inprimis de philosophis & sophistis gentilium accipitur, Rom. 1. v. 26. *Cum profiterentur se esse sapientes, & μωροὶ ὄντες*, hoc est, *stulti facti sunt*. Quales fatui improbi Synecdochicè hoc loco intelligendi sunt, voce generali speciatim restricta, ut distinctio aperta à voce antecedente nempe *Raca* evincit. Nam *Raca* vacuum prudentia ac sapientia: *μωρὸς* verò amplius hic notat, ut ex ampliore poena declaratur. Atque hæc de secundo convitio, nempe tertio vitio; quod homicidii mentione: (per Synecdochen partis pro toto) sexto Decalogi præcepto prohiberi ostendit: eaque ratione, non legem Dei, (quam exponit) sed fermentum Phariseorum corrigit, & iustitiam eorum mutilam ostendit. Nam in Vet. etiam Testamento non minus, quam à Christo prohibita est ira temeraria, ut Eccles. 7. v. 9. & 10. v. 10. & convitia ex ira temeraria, ac contemptu iniquo proximi orta, Prov. 11. v. 12. & utrumque generatim vetatur in summa legis secundæ tabulæ. Nam proximum non diligit sicut seipsum; qui temerè ei irascitur aut convitiatur. Sed adversus dicta ob- jici potest, Jacobum apostolum, cap. 2. v. 20 dicere, *homo καὶ vacue seu vanè*: quod est *ῥέκα*. Deinde Christum Matthæi 23. vers. 17. & 19. Phariseos increpantem dicere, *μωροὶ καὶ τυφλοί, stulti & cæci*. & Luc. 24. vers. 25. Discipulos suos ἀνόητοι *amentes* vocat: ut etiam Paulus Galatas cap. 3. vers. 1 & 3. Ergo legem suam reipsa solvit; sed negatur consequentia, quia hæc dicta sunt, non ex temeraria, aut falsa ira, & vindictæ privatæ studio, ac malevolentia in homines; sed verè ex sapienti zelo, odio vitiorum & amore iustitiæ, pro officio prophetæ, à Deo demandato, ad reprehensionem ac correctionem peccantium, & auditorum cautionem ac salutem. Ideoque facta Christi à verbis ipsius minimè dissident: idemque de similibus ac gravioribus quoque accusationibus Christi, & aliorum intelligendum.

Atque hæc de tribus vitiorum gradibus, à Scribis & Phariseis, in sexti præcepti explicatione, omisiss: quibus gradatim etiam poenam triplicem adjungit, & quidem divinam ac spiritualem, sed allegoriâ seu metaphorâ à poenis corporalibus judicii, *Synedrii* & *gehennæ ignis* desumptâ. Quæ ut variè exponuntur, sic brevitatibus causa, quod maxime videtur consentaneum, proponemus. Observandum igitur, quod Judicum apud Hebræos ordo fuerit triplex: infimus, medius & summus, ut in *Talmude libro Sanhedrin cap. Dine Mammonot*, initio illius traditur. Infimus ordo judicum, quem Sigonius de republica Hebræorum lib. 6. cap. 5. præterit, fuit trium virorum: qui non de capitalibus, aut gravioribus; sed de pecuniariis ac levioribus liti- bus judicabant. Medius verò ac summus de capitalibus. Ac medius quidem in singulis civitatibus erat viginti trium virorum, & Synedrium minus dicebatur: de quo Christus Matth. 10. vers. 17. *Tradent vos in Synedria*. Summus verò judicum ordo ac senatus erat in urbe regia, præcipuè Hierosolymis: eratque septuaginta & unius virorum, & Synedrium majus, ac κατὰ τὴν ἐξουσίαν *Synedrium* appellatur, à judi- cum maximo numero, dignitate & autoritate maxima. Ad quod Synedrium ea referebantur, quæ in minori Synedrio non poterant rectè expediri: ut judicia de rege, falso propheta, tribu, aut civitate aliqua. Hinc igitur Christus, primum, similitudine ducta, non ab infimo judicio: sed à medio (quale à Scribis intelligebatur, cum dicerent, *reus erit judicio*, nempe Synedrio minori, κατὰ τὴν ἐξουσίαν, in quo de homicidio judicabatur, ut causa capitali) iram temerariam judicio ac condemnationi divinæ esse obnoxiam: deinde convitium ex ea ira ortum levius *ῥέκα*, id est, *vacue ac vanæ* teneri Synedrio, id est, majori poena dignum docet: quem- admodum poena, quæ à Synedrio majore inferebatur, eam quæ à Judicio seu Synedrio minore infligebatur, gravitate, si non cruciatus, adjunctæ saltem ignominie magnitudine, superabat. Tertia denique poena vitii tertii ac gravioris convi-



vitiū (quo frater *stultus* nominatur ex ira temeraria) dicitur obnoxium reddere *gehennæ ignis*: ut pœna maxima adumbretur. Nam etsi pœnæ inferni sint duratione pares; intentione tamen, ac gravitate dispares existent, Mat. 10. v. 15. Hic autem similitudo petitur ab ea pœna, qua infantes, ab idololatriis Judæis, solebant olim, superstitione, ac crudeli traiectione per ignem comburi. *Gebenna* autem corrupta vox per apocopen, ut Syris *gibanna* deducitur hoc loco ab Hebræo *Gebinnom*, hoc est, *Vallis Hinnomi*, de qua voce Jos. 15. 8. Qua de re operæ pretium puto, si verba Hieron. adducam ex tom. 10. ac comment. in Matth. 10. *Idola* (inquit) *Baal* fuisse, juxta *Jerusalem*, ad radices montis *Moriab*, (in quibus *Siloa* fuit) non semel legimus. Hæc *vallis* & *parva campi planities* irrigua erat, & nemorosa, plenaque delitiis, lucusque in ea idolo consecratus erat. In tantam autem demerentiam populus *Israël* venerat, ut desertæ templi vicinia, ibi hostias immolaret, & rigorem religionis deliciæ vincerent, filiosque suos *dæmoniis* incenderent vel initiarent, & appellabatur locus ille *Gebennom*, id est, *vallis filiorum Hennom*. Hoc regum volumen, (2. Reg. 23. v. 10.) & *Paralipomenon* (Lib. 2. cap. 28. v. 3.) & *Jeremias*, (cap. 7. v. 30. & 32. v. 35.) *Scribunt plenissime*, &c. Futura ergo supplicia & pœnæ perpetuæ hujus loci vocabulo denotantur. Hactenus rectè Hieron. sed quod subjicit, minimè est admittendum, cum ait: *Duplicem autem esse Gehennam, nimii ignis & frigoris, in Job plenissime legimus*. Nec enim *Jobi* verba, c. 24. v. 19. quæ spectantur, id statuunt: nempe *siccitas etiam æstus rapiunt aquas nivis: sepulchrum*, (vel infernus *גיהנום*) eos qui peccarunt: Sensus enim clarus est, quod ut terra sicca & calor, sive æstus, aquas nivales quasi rapiunt, ac consumunt: Sic sepulchrum aut infernus peccatores. Quare protasis similitudinis cum sua apodosis perperam, & contra fidei analogiam confunditur. Sacra enim Scriptura apertè docet, ignem inferni esse commune supplicium omnibus damnatis. Ut autem ad rem ipsam redeamus, *gehenna ignis*, id est, ignita, metaphoricè, apud Judæos fuit, atque est in usu, pro inferno: quemadmodum contra hortus *Eden*, seu *Paradisus*, pro cœlo. Sic etiam Christus, ut consueta metaphora *Paradisum* pro cœlo usurpavit, cum diceret, *hodie mecum eris in Paradiso*: sic etiam *gehennam ignis* Matth. 18. vers. 19. Pro inferno appellavit: & absolute *gehennam* Matth. 5. v. 29, 30. & 10. v. 28. Hoc tamen in loco cum ait, *obnoxius erit gehennæ ignis*: non generatim, sed distinctè ac speciatim, pro maximis illius pœnis accipit: ut comparatio cum antecedentibus minoribus inferni suppliciis evincit. Nam quod nonnulli iudicio & Synedrio obnoxium esse, propriè accipiunt, quasi de temporalibus & corporalibus pœnis intelligerentur; gehennæ autem ignis obnoxium esse, pœnas æternas generatim notaret: illud minimè convenit; siquidem inde sequeretur, iram temerariam & convitium *pænis*, puniendum pœna capitali externa: qualis iudicio Synedrii minoris, & a Synedrio majori inferebatur: Deinde Christum leges politicas hic etiam tradere, & quidem rigidiores quam per Moysen datæ erant: Quæ prorsus aliena. Et res ipsa ostendit, cum pœnarum inferni, pro peccatorum disparitate, gradus, non possint propriè exponi, Christum prudenter similitudine à iudicio & Synedrio ducta, primos gradus duos adumbrasse; tertium verò gehennæ ignis per Synecd. generis pro specie, indicasse.

Atque hæc ad loci hujus, Matth. 5. v. 21. & 22. expli-  
tionem necessariam, & difficultatum reliquarum hujus ca-  
pitis solutionem sufficere speramus.

Cæterum non alienum videtur, si hac occasione sermo-  
nis Christi, paucis de idololatriæ, ac crudeli in gehenna  
cultu agamus.

*De Traiectione Superstitiosa liberorum infantum  
per ignem, in Gehinnom, sive Gehenna,*

**C**Rebra apud Prophetas traiectionis sive transmissio-  
nis filiorum & filiarum infantum per ignem mentio  
est: Quid autem ea significet, non eadem est inter He-  
bræos, neque etiam inter Christianos sententia. Locus autem  
de ea re insignis est, quo illa superstitio votatur, Deut. 18.

v. 10. *Ne invenitor in te, qui traducat filium suum aut filiam  
suam per ignem*, ut vulgò interpretantur: *וְאֵשׁ יִבְרַח* Sed  
simplicissimum tamen est, *in ignem*. Queritur autem  
hoc loco, quid hæc traductio designet; quidam illustratio-  
nem, hoc est, purgationem intelligunt; atque ita hoc loco  
& alibi exponit vulgata versio. Atque ita existimant non-  
nulli, morem fuisse, ut inter duos ignes, aut per ignem in-  
fantes raptim trajicerent; atque ita, ut non necarentur, sed  
vivi idolo consecrarentur; quemadmodum vulgata ver-  
sio, Lev. 8. v. 21. *De semine tuo non dabis, ut consecretur ido-  
lo Moloch*: Hebraicè *לֹא תִתֶּנּוּ לְמֹלֶךְ* est, *ad transire faciendum*,  
hoc est, ut transmittas Molecho; quod erat Ammonita-  
rum idolum, & 2. Reg. 16. v. 3. *Achas filium suum trans-  
misit in ignem*: ubi vulgata versio habet, *filium suum conse-  
cravit, transferens per ignem*. Idemque de Israëlitis, 2. Reg. 17.  
v. 17. traditur; & cap. 23. v. 10. de Josia dicitur: *Polluit  
etiam Topherb, quod est in valle filii Hinnom, ne transmitteret  
quis filium suum aut filiam suam in ignem Moloch*: ubi vul-  
gata versio habet, *ne consecraret per ignem Moloch*. Alii ve-  
rò contra statuunt hanc traiectionem notare combustionem.  
Atque ita A. Ezra Levit. 18. v. 21. *Non dabis de semine  
tuo Moloch*, exponit *לְשַׂרְף* *ad comburendum*: Sed ait quos-  
dam exponere de transmissione super ignem, qua fiebat, ut  
quidam infantes ea non morentur, alii verò morentur. Kimchi verò idoli Molech brachiis inditos infantes fuisse  
combustos tradit in comment. suis, 2. Reg. 23. v. 10. & Rabi  
Nathan similiter in lexico Thalmudico suo, quod Baal  
haruch, vocat; in voce *מֹלֶךְ*, Sic & Fagius ad Chaldæam pa-  
raphrasin Onkelosi, Levit. 18. v. 21. & Tremell. ad hunc  
locum, Matth. 5. in notis, in Syriaco Testamento, com-  
bustos fuisse filios asserit. Quæ sententia maximè consenta-  
nea videtur, infantes non simpliciter consecratos idolo, tra-  
iectione per ignem; sed combustos traiectione in ignem;  
idque non solum autoritate insignium authorum sic exi-  
stimamus; sed etiam imprimis hoc argumento. Talis tradu-  
ctio in ignem intelligitur locis citatis, qualis in usu fuit  
gentibus profanis, quas ejecit Deus è terra promissa, ut  
docetur Levit. 18. v. 21. cum 24. & Deut. 18. v. 9, 10, 12.  
2. Reg. 16. v. 3. Atqui hic fuit profanarum illarum gen-  
tium usus translationis in ignem, ut infantes, filios suos &  
filias, non per ignem transmitterent; sed in ignem combu-  
rendos mitterent, ut demonstratur, Deut. 12. v. 30, 31. *Ne  
exquiras de Diis earum (gentium) dicendo, quomodo coluerunt  
gentes istæ Deos suos; sic & faciam ego quoque. Ne sic facito Je-  
hova Deo tuo. Nam quicquid abominationi est Jehova fecerunt  
Diis suis. Nam & filios suos, & filias suas diis suis comburunt  
igne*. Ergo traiectio in ignem combustionem notat. Atque  
ita etiam videmus illud fuisse in usu, etiam Sepharvæis, qui  
in ditionem Israëlitarum fuerunt missi coloni, 2. Reg. 17.  
v. 31. & *Sepharvæi comburebant filios suos igne Adramelech,  
& Hanamelech Diis Sepharvaimorum*.

Atque hæc de ista quæstione, ad multa S. Scripturæ  
Vet. Test. loca melius intelligenda, sufficere arbitramur.

è C A P. VI.

*De Oratione Dominica;*

**Q**Uum Dei invocatio alia sit oratio, quâ aliquid ab i-  
pso petitur: alia gratiarum actio, quâ ob dona lauda-  
tur; prioris perfectissima formula est à Domino nostro Je-  
su Christo tradita. Vnde oratio Dominica dici solet; quæ  
quantum substringitur verbis, tantum diffunditur sensib-  
us, ut rectè Tertull. qui & illud addit, in ea brevium  
totius Evangelii contineri, lib. de oratione cap. 1. Ea au-  
tem describitur primum Matth. 6. v. 9. deinde Luc. 11.  
v. 2. Re quidem utrimque eadem, sed occasionis, loci &  
temporis circumstantia diversa. siquidem Matth. 6. Chri-  
stus primum ultro eam præscripsit communiter suis audi-  
toribus ac discipulis, in concione illa nobilissima, in monte  
habita, quæ cap. 5. 6. & 7. recensetur: Luc. verò 11. v. 1.  
postea alio in loco, cum precatus esset, ac rogatu cujusdam  
è discipulis, eandem formulam, pauculis verbis immutatis,  
& omiſſa conclusione repetiit. Constat enim Dominica  
apud Matthæum oratio, non solum præfatione & propo-  
sitione, sed etiam conclusione.

E

Præ



Præfatio quis oratur declarat, à benevolentia, cum Patrem; & ab omnipotentia exaudiendi, cum caelestem nominat. Propositio quid orandum sit sex petitionibus notat, & duas partes quasi tabulas complectitur. Prima est precatio boni. Secunda est deprecatio mali. Precatio boni, quatuor petitionibus constat. Nam tribus prioribus bonum spirituale triplex: quartâ vero bonum corporale petitur. Ac spirituale bonum est summum, vel summo subordinatum. Summum est *sanctificatio nominis Dei*, quo tanquam ad finem ultimum omnia referenda: de qua re petitione prima. Subordinatum bonum est, primum, *adventus regni Dei*, quo Ecclesiam regit; in hac quidem vita, per gratiam; post hanc verò vitam, per caelestem gloriam: de quo petitione secunda. Alterum bonum subordinatum est obedientia Deo Regi, in regno gratiæ, præstanda, imitatione obedientiæ, quæ in cælo est: de quo petitione tertia. Corporale verò bonum per Synecd. indicatum, est *panis quotidianus, bodi dandus*, petitione quarta. Atque hæc de precatione boni, cum spiritualis, tum corporalis; cui additur altera parte, ac quasi tabula secunda hujus orationis, deprecatio mali duplicis, primum præsentis, deinde futuri. Præsens malum est debita peccatis nostris pœna, quam deprecamur petitione quinta, de *remissione debitorum nostrorum*, hoc est, peccatorum, ratione pœnæ, Luc. 11. Futurum malum est *tentatio Diaboli*, qua ad peccata sollicitat, petitione sexta, *ne nos in eam inducat, sed ab ea liberet*. Atque hæc propositio petitionum sex: cui subjicitur ad confirmationem conclusio: Hæc enim à Deo peti, quod *illius sit potentia, & regnum*, eoque potestas præstandi; & *gloria, in secula*, quod ad eam omnia petita tendant; idque addito *amen* finitur.

Atque hæc strictim de orationis Dominicæ distinctione dicta sunt. Ad cujus illustrationem quædam expendenda. Ac primum de præfatione quæritur, an vox *Pater noster*, notet Deum communiter, seu tres personas, Patrem, Filium, Spiritum Sanctum, an verò primam tantum. Quidam prius, alii posterius probant; in eo tamen utrimque consentiunt, adorationem tribus personis convenire æqualiter, propter unam eandemque Deitatem: Deinde commune iis esse, quod nos regenerarint, & adoptarint in filios, eoque Pater noster communi ratione nominari queant. Sed in eo quæstio versatur, utra sententia sit convenientior huic loco: qui priorem sequuntur, hæc ducuntur ratione, quod ea sit uberior, ut quæ alteram etiam includat. Nam si tres personæ Patris nostri appellatione intelligantur, etiam prima persona (etsi non sola) intelligitur. Pro altera verò sententia, ratio est prima, quia in omnibus aliis Nov. Test. locis *Pater noster* perpetuò de prima persona usurpatur: quæ & *Pater Christi caelestis*, Matth. 18. v. 35. & *pater noster caelestis*, Matth. 5. v. 48. nominatur; Christi quidem naturâ; noster verò gratiâ, quemadmodum Ioan. 20. v. 17. *Ascendo ad Patrem meum, & patrem vestrum*. Sic & *Pater noster*, à Christo Filio distinguitur, in solenni illa ac frequentissima precatione, ac voto: *Gratia vobis, & pax, à Deo Patre nostro, & Domino Iesu Christo*, Rom. 1. v. 7. 1. Cor. 1. v. 3. & 2. Cor. 1. v. 2. 3. *Gratia, & pax, à Deo Patre nostro, & Domino Iesu Christo; benedictus Deus, ac Pater Domini nostri Iesu Christi, Pater inquam ille misericordiarum*, & Gal. 1. v. 3, 4. Eph. 1. vers. 2, 3. Col. 1. v. 2, 3. Phil. 1. v. 2. & 4. v. 20. & 1. Thess. 1. v. 1. & 2. Thess. 1. v. 1, 2. & 2. v. 16. & 1. Timot. 1. vers. 2. Philem. v. 3. Hinc etiam *unus Pater vester in cælis*, ait Christus, Matth. 23. v. 9. & Paulus Eph. 4. v. 5. *Unus Dominus &c.* & v. 6. *Unus Deus, & Pater omnium, qui est super omnia, & per omnia, & in omnibus vobis*. Quæ appellatio primæ personæ tribuitur, ob excellentiam, non essentiam, sed ordinis personalis ratione. Neque ullus in Nov. Test. locus apparet, qui expressè tres personas simul; aut distinctè Filium, aut Spiritum Sanctum Patrem nostrum vocet. Altera ratio est, quia ita Christus ipsemet interpretatur, quem Patrem nostrum intelligat, nempe suum etiam (etsi diverso modo, ut ante exposuimus) Joh. 15. v. 16. & 16. 23. *Quicquid petieritis Patrem, in nomine meo, (en quomodo à se distinguat) dabit vobis*: Ubi distinctè satis patrem nostrum orandum à se distinguit, & suum esse declarat; ut cap. 15. v. 15. & cap. 16. v. 26, 27,

& 28. ostendunt. Huc etiam pertinet, quod Paulus, Patrem, quem invocamus, *Abba ô Pater*, à Spiritu Sancto distinguat, Rom. 8. v. 14, 15. Atq; ita & hanc expositionem priori (licet ea in se sit pia ac ferenda) tanquam aptiorem prætulit Catechesis Palatina, ac nostra. Nam in expositione petitionis secundæ ad quæstionem 123. dicitur, adveniat regnum tuum, hoc est, *rege nos verbo, & spiritu tuo*. Ergo Pater noster alius est à Spiritu suo. Idque eodem modo dicitur, ut à Davide Ps. 51. v. 12. & 13. *Cor mundum crea mihi Deus, & Spiritum rectum innova, &c. ne projicias me à facie tua, & Spiritum Sanctum tuum ne auferas à me*. Deinde in sexta petitione, ad quæst. 127. dicitur: *Tu nos sustentas, Spiritus tui robore firmes*. Ubi manifestè Pater noster, quem oramus, distinguitur à Spiritu suo, & alium esse Spiritum ab illo Patre nostro ostenditur. Sic etiam accipit Ecclesia nostra in sacra cantione, orationis Dominicæ, in petitione secunda.

*Den Trooster soet / gheeft ons / die Christus ons troescydt*. Ubi Pater noster, qui oratur, distinguitur à Spiritu suo, & à Christo. Sic etiam in conclusione dicitur: *Want u ô Vader is dat Rijk etc. Met Christo uwen Soon alken / en den Heylighen Gheest ghemcen*. Ubi sole clarius, Pater noster, qui in oratione Dominica vocatur, & invocatur, à Christo filio unico, & à Spiritu Sancto alius statuitur. Idemque eadem ratione distinctè declaratur in universis precationum formulis, publicè receptis; & post Catechesin Belgicam adjunctis, ante, & post concionem, in cœnæ, & baptismi administratione, & universa liturgia sacra, ubi etiam expressè satis indicatur, *Patrem nostrum*, in oratione Dominica primam Deitatis personam, à Filio, & Spiritu Sancto distinctam intelligi: adeo ut hæc sententia, sine aurium multarum offensione, & contradictione, in nostris Ecclesiis, refutari non possit. Hisce accedit consensus Patrum. Nam primum Tertull. Lib. de oratione Dominica, cap. 2. ait: *Item in Patre Filius invocatur, ego enim, inquit, & Pater unum sumus*. Idemque declarat, cap. 3. & lib. contra Praxeam, cap. 23. expressè ait: *Pater noster qui es in cælis de Patre, ut à Filio suo distinguitur, distinguendum*. & Orig. *ὁ πατήρ*, de principiis, Lib. 2. cap. 4. sub initium. Deinde Cyprianus de Oratione Dominica, sectione 8. *Quanta autem, inquit, Domini indulgentia, &c. qui sic nos voluerit orationem celebrare in conspectu Dei, ut Deum Patrem vocemus, & ut est Christus Dei Filius, sic & nos Dei filios, nuncupemus*. Quartò Athanas. in epistola de Synodi Nicenæ decretis, sub finem. Præterea Chrysost. Tom. 4. Homil. 2. in Symbolum: *Videte, inquit in Patre, quod dixistis & in capite orationis, Pater noster qui es in cælis, hoc dicitis in symboli confessione, credo in Deum Patrem, &c.* Denique August. Tom. 10. Serm. 126. de tempore ait, *Nam quando nos terrestres, & miseri, & imbecilles & inutiles servi auderemus, vultum levantes ad cælum, dicere, Pater noster, nisi ipse per suum nobis unigenitum, hanc fiduciam præstitisset*.

Quare hisce omnibus consideratis Patrem nostrum de prima persona, in orationis Dominicæ præfatione, aptius explicari apparet.

#### Illustratio versus 11. De Pane & vinis.

Magna est, inter priscos Patres, non minus, quam inter quosdam recentiores Theologos, ac Philologos, de petitionis quartæ sensu in oratione Dominica, sententiarum discrepantia. Nam primum quæritur, quid panis hoc loco designet. Deinde quid *vinis* sit. Nam ad prius quod attinet, quidam panem propriè seu sine metaphora accipiunt; ut Chrysost. in Matth. Homil. 20. alii verò impropiè per metaph. exponunt, ut Athanas. Tom. 1. de humana natura Christi, editione Commel. pag. 474. de Spiritu Sancto. *Spiritus inquit, vocat Panem caelestem, dicens panem nostrum & vinum da nobis bodiè*. Alii verò Christum, seu corpus Christi; quia dixit. *Ego sum Panis vivus, qui de cælo descendis, & Panis quem ego dabo pro mundi vita*; ut Hier. Mat. 6. exponit & Aug. etiam Tom. 4. de Sermone Domini in monte Lib. 2. hanc sententiam recenset: quam tamen non probat, sed refutat, & suam (quæ tertia est hoc loco) adferens, præcepta

cepta divina exponit, cum ait, *restat igitur, ut quotidianum Panem accipiamus, spiritualem, præcepta sc. divina, quæ quotidie oportet meditari, ac operari.* Nam de ipsis Dominus dicit *operamini escam, quæ non corrumpitur.* Alii verò primam sententiam quæ proprium Panem, ac cibum corporis interpretatur, & eam quæ de corpore, Christi improprie accipit, proponant, & utramque probabilem statuunt; quemadmodum Tertull. lib. de oration. cap. 7. & Cypri. de oratione Dominica, Sect. 13. Nostra verò Ecclesia in Catechesi, primam merito sequitur. Ratio autem patet, à certissima regula interpretationis recte deducta; quia à propria significatione verborum non est recedendum ad improprium, nisi ratio contraria necessario hoc exigit: atque nulla hic est omnino ratio necessaria, quæ hoc suadeat. Nam propria significatio hoc loco accepta, orationis Dominicæ ordini, perfectioni, ac analogiæ fidei, probe consentit. Ordini, ac perfectioni, quia (ut Tertull. lib. de oratione cap. 6. ait) *quam eleganter divina sapientia ordinem orationis instruxit? ut post cælestia, id est, post Dei nomen, Dei voluntatem, & Dei regnum, terrenis quoque necessitatibus petitioni locum faceret.* Nam & edixerat Dominus, *querite primum regnum, & tunc vobis etiam hæc adjicientur.* Analogiæ verò fidei etiam consentire inde apparet, quod non solum, Prov. 30. v. 9. Sapiens similiter precetur, *ale me Pane* *¶* id est, *portionis mihi statuta*, hoc est, convenientis, seu ut alii interpretantur demens mei; sed etiam Paulus 2. Cor. 9. v. 10. idem Corinthiis precatur, cum ait, *Porro qui suppeditat semen serenti, Panem vobis ad escam suppeditet.* Deinde panem, hoc est, Synecdochicè, omnia vitæ corporalis necessaria, indies à Deo precari, est opus fidei, erga Deum, tanquam datorem bonorum omnium, Jac. 1. v. 17. non solum spiritualium, sed etiam corporalium, Psal. 127. & 128 & fiduciæ non in bonis nostris aut industria nostra, sed in Deo omnipotente, ac benigno Patre collocatæ, 1. Tim. 6. v. 17. Denique exercitium est obedientiæ Deo debitæ, qui sua bona peti vult, & petentibus se daturum promisit, Matth. 7. v. 7. Quæ verò huic sententiæ ab August. Tom. 4. de Sermone Domini in monte Libr. 2. objiciuntur, eandem non infringunt. Primum enim est hujusmodi: *Cut, inquit, oremus pro his adipiscendis, quæ sunt huic vitæ necessaria, veluti est victus, & tegumentum, cum ipse Dominus dicat, nolite solliciti esse quid edatis, vel quid induamini. An potest quisquam de eare, pro qua adipiscenda grati, non esse sollicitus, cum tanta intentione oratio dirigenda sit?* Sed negatur consequentia. Licet enim Christus sollicitudinem victus prohibeat, ea tamen non generatim de quavis, sed speciatim de anxia atque incredula intelligitur, quæ ex providentiæ divinæ, & paternæ Dei erga nos benevolentiam diffidentia promanat. Qualis est in iis, qui plus divitiis, quam Deo fidunt, & à sua cura atque industria plus quam à Dei providentia paterna; dependent; ut ex vers. 24. & seqq. in primis vers. 30. 31. & 32. constat. Alioqui enim cura, ac providentia humana, ex fide providentiæ, & voluntatis divinæ, & agnitionis officii nostri orta, necessaria est: & neglectus illius vitiosissimus: adeo ut Paulus 1. Tim. 5. v. 8. dicat: *qui vero suis, ac præcipue domesticis, non providet, fidem abnegavit, & est infideli deterior.* Ideoque non solum Joseph, cura prudenti, Aegypto panis copiam procuravit impofterum necessariam: sed etiam Christiani Ecclesiæ Antiochenæ, famis obventuræ per Prophetiam Hagabi certiores facti, collecta sua, pauperi Ecclesiæ Hierosolymitanæ sollicitè prospexerunt, per Pauli & Barnabæ legationem Actor. 11. vers. 28, 29, 30. eandemque curam Paulus adhibuit alibi 1. Cor. 16. v. 3. Gal. 2. v. 9, 10. Quare prima Augustini ratio omnino infirma: nec altera firmior, his verbis: *Et illud quod ait, querite primum regnum Dei, & hæc omnia apponentur vobis; non ait utique, querite primum regnum Dei, & deinde ista querite; sed hæc omnia, inquit, apponentur vobis, scil. etiam non querentibus: quomodo autem recte dicatur non querere aliquis, quod ut accipiat, intensissime Deum precatur, nescio utrum inveniri queat.* Sed solutio non est difficilis; Christus enim hoc loco ordinem querendorum ostendit, nempe ut prima cura sit regni Dei & justitiæ illius, seu obedientiæ Deo debitæ: non autem eorum, quæ ad corporis sustentationem requiruntur,

ut præposterè ac perversè vulgò fieri solet. Atque ita confirmat ac repetit, quod in oratione Dominica docuerat, petere utrumque: priori quidem loco, ante reliqua, nempe *adveniat regnum tuum, & fiat voluntas tua;* Postea vero, *panem nostrum da nobis;* & quamvis promittat Christus, querentibus regnum, & justitiam illius, reliqua adjicienda: petitionem tamen reliquorum non excludit: imò sua dona petentibus dare vult, & petenda præcipit; ut postea ostendit Matth. 7. v. 7. & 8. Deinde relatio, quæ Christus hic utitur, cum ait: *regnum Dei querite primum,* demonstrat reliqua secundo tamen loco petenda; ut quæ regnum primum querentibus danda; sed non (ut Augustinus objicit) sine precibus; nam ut citra omnem controversiam Deo debentur gratiæ pro paterna liberalitate, qua vitam nostram sustentat; sic necessario etiam hunc honorem ipsi debemus, ut hoc beneficium ab eo proficisci agnoscamus, & supplici oratione ab eo, tanquam patre nostro, petamus. Quare rationes Augustini adversus propriam panis, pro corporis cibo, hoc loco, significationem, sunt invalidæ. Quemadmodum etiam quod Erasmus (qui de pane cælesti, quo anima nutritur accipit) ait: *Nec enim in prece tam cælesti Christus de hoc opinor loquitur pane, quem à suis parentibus accipiant gentes:* Illud inquam, ut rectè Clariss. Beza notat, omnino repudiandum. Quippe, si quis observet, duplex hic est vitium; primum antecedentis, deinde consequentiæ. Antecedentis: quia primum, parentes etiam gentiles non dant panem, ut causa principalis; sed ut instrumentalis tantum: Deinde non simpliciter, sed secundum quid tantum; quia per Synecdochen panis nomine omnia vitæ sustentandæ subsidia necessaria Christus complectitur; parentes autem, ut ministri Dei, tantum partem eorum suis liberis; Deus vero, & parentibus & liberis omnia largitur, & pacem, bonam valetudinem, fertilitatem soli, opportunum solis splendorem, & pluviam tempestivam solus donat: & cum placet, immissa sterilitate, aut vastatione varia per animata aut inanimata, à parentibus & liberis aufert; Ideoque eâ obortâ, solemni parentum ac liberorum supplicatione, orandum præcepit Deus Joel. 2. v. 15, 16, 17, & gratias deinde agendas pro pane seu frumento impetrato v. 23, ad 27. Consequentia etiam est infirma; nam etiam bona, quæ Deus per ministros donat, parentes aut alios, nihilominus ab eo petenda, tanquam authore ac domino. Quamobrem cælestem hanc precepcionem non dedecet, ut Deo gloriam tribuamus quotidianam, in precibus, quod ipse sit non solum spiritualis vitæ author, quæ redemptor per Christum: sed etiam corporalis, quatenus & creator, ac providentia sua omnium animalium altor; & quatenus per filium redemptor non solum animæ, sed etiam corporis, 1. Cor. 6. v. 20. Ideoque & Paulus 1. Tim. 4. v. 3. ait: *cibos Deus creavit ad participandum cum gratiarum actione fidelibus.* & v. 5. de cibo ait: *sanctificatur enim per verbum Dei, & preces.*

Atque hætenus de significatione panis, quem in oratione Dominica à Deo patre nostro dari petimus. Quid vero sibi velit, quod addit, *¶* *ἐπιμαρ*, examinandum superest; siquidem de hujus vocis origine, & recta hoc loco significatione, inter Theologos, non solum veteres sed etiam recentiores, & inter Philologos ipsos, diversa sunt judicia; adeo ut vir doctissimus, ac pietate insignis, Doctor Scultetus in exercitationibus Evangelicis lib. 2. cap. 32. de hac difficultate differens, dicat: *Et Grammaticorum, & Theologorum carnificina hætenus fuit vocabulum ἐπιμαρ, ab hac ut utroque liberem operam dabo.* Hæc ille. Difficultas autem eo major, quod illa vox non alibi, quam apud Matth. cap. 6. & Luc. cap. 11. in oratione Dominica, & apud interpretes, ac lexicographos posteriores, inde petentes reperiatur: quemadmodum in primis à doctissimo Angelo Caninio, in fine grammaticæ Syriacæ, Assyriacæ, & Thalmudicæ, in tractatu de locis Novi Testamenti Hebraicis, cap. 14. de pane quotidiano asseritur: *ne legi quidem apud ullum autorem, nisi sacros.* Ad originem verò quod attinet, ea bifariam statuitur; quidam enim verbale esse tradunt, alii nomen compositum. verbale quidem ab *ἐπιμαρ* *post venio, sequor*, ut hoc ab *ἐπιμαρ* cum significat *eo, venio*: Unde infinitum *ἐπιμαρ*, & participium

ἐκ τούτου ex quo ἐκ τούτου subiens, post veniens, succedens, sequens, ut apud Euripidem Iphigenia in Aulide vers. 651. ἡ μὲν ἀπὸ τοῦ ὄρου, subiens vel proximè futura absentia. μὲν pro ὄρου. Quæ vox, ut loco jam adducto, accipitur absolutè actantum adjective: ut etiam Actor. 23. vers. 11. τῇ δὲ ἐκ τούτου ὄρου, sequenti verò nocte, & Actor. 7. vers. 16. τῇ δὲ ἐκ τούτου ὄρου, sequenti verò die. Atque hinc interdum relatè ad vocem ὄρου per ellipsin accipitur, ut Act. 16. vers. 11. τῇ δὲ ἐκ τούτου ὄρου, sequenti verò supple die, ut etiam Actor. 20. vers. 15. & 21. vers. 18. Atque hoc etymon probasse apparet Athanasium in libro de humana naturâ Christi pag. 474. Editione Commelin: τὸν ἐκ τούτου ὄρου τὴν τὴν μὲν ὄρου, panem ἐκ τούτου, hoc est futurum. Et Antesignanus ad Grammaticam Græcam Clenardi, ubi de verbalibus agit, pag. 128. editione Wechelii anno 1580. qui sic ait: ab ἐκ τούτου, proximè sequens dies, fit ὁ ἐκ τούτου ὄρου, quotidianus. Idque etiam olim secutum est Evangelium Hebraicum, ut Hieronymus Matth. 6. testatur: in Evangelio, inquit, quod appellatur secundum Hebræos, reperi τὸν ὄρου quod dicitur crastinus; idemque sequitur Erasmus annotationibus ad Matthæi cap. 6. & doctiss. Piscator, & Angelus Caninius capite ante citato, qui ait: quod cum Græcus Matthæi, ex Hebræo illo interpres, vocem illam Syriacam τὸν ὄρου nulla voce Græca posset exprimere, & sciret τῇ ἐκ τούτου pro postredie ab omnibus accipi, nomen novum, aptum tamen, servata analogia formasse, ἐκ τούτου. Sed in eo aliena primum est hypothesis illa, quod Evangelium Matthæi scriptum sit Hebraicè; deinde & altera quod Hebræum illud exemplar Evangelii, cujus Hieronymus meminit, fuerit genuinum Matthæi exemplar. Hæc enim duo à verò omnino dissentire perspicuis demonstrationibus in libello de genealogia Christi, ad calcem operis, ostendimus. Deinde in hoc etymo statuendo analogiam, nec Antesignanus, nec Caninius, insignes licet Grammatici, etiam Græci, observasse videntur: nam ut Doctiss. Pasor in suo Novi Testamenti Lexico notat (cum de voce ὄρου, & ἐκ τούτου eruditè differit) in lingua Græca à participiis adjectiva nomina non derivantur. Ac sane usus idem confirmat, aded ut ne à diligentissimis quidem Grammaticis ulla regula, aut exemplum tradatur. Si quis forte objiciat, ab ἐκ τούτου voluntariis; verum est & ἐκ τούτου ab ἐκ τούτου etiam formatur; sed hæc non sunt participia, sed potius nomina, quæ participiorum formam imitantur, ut Doctiss. Sylburgius in Grammatica Græca pag. 35. & 262. declarat. Quod vero in exercitationibus Evangelicis, & ἐκ τούτου à ἐκ τούτου & ἐκ τούτου ab ἐκ τούτου innuitur derivari, analogiæ Grammaticæ repugnat. Nec enim ἐκ τούτου sed ἐκ τούτου in usu est: neque hoc sensu participium ἐκ τούτου existat; nec si in usu esset, adjectivum inde formaretur, ut ante ostendimus. Alii igitur ἐκ τούτου (ut ἐκ τούτου & ἐκ τούτου & ἐκ τούτου) non esse verbale, sed compositum censent (ut Clariss. Beza, & Henricus Steph. in thesauro) ex ἐκ τούτου & ἐκ τούτου: quemadmodum ex ἐκ τούτου & ἐκ τούτου, ac proximè ex ἐκ τούτου, & ex ἐκ τούτου & ἐκ τούτου, potestati subiectus: quemadmodum Sylburg. in Grammatica pag. 262. docet, & Dominus Pasor in Lexico Nov. Test. Atque hanc compositionem Theophylactus Græcus etiam expressè in Commentariis ad hunc locum monstravit, & Hieronymus ad hunc locum, & vulgata versio illi attributa: ita tamen, ut vocem ἐκ τούτου non ut reliqui, pro ad, sed pro super, minus commodè accipiat. Verum adversus hanc compositionem vocis objicit Caninius, in loco ante indicato, eam esse contra Græcæ linguæ analogiam, quæ postulat ἐκ τούτου, non autem ἐκ τούτου, quem secutus exercitationum Evangelicarum author, ait: Error, à non intellecta origine Grammatica ortus, ἐκ τούτου enim, ab ἐκ τούτου, & ἐκ τούτου, compositum nomen esse crediderunt; quod si verum esset, ἐκ τούτου, non ἐκ τούτου dicendum fuerat. Sed error hic omnino nullus: Nec enim analogia compositionis obstat, cum ea non sit sola hæc, ut vocis ἐκ τούτου ante vocalem compositæ vocis, detrahatur, sicut ἐκ τούτου dicitur non ἐκ τούτου; sed etiam altera, ut interdum maneat: quemadmodum ex ἐκ τούτου & ἐκ τούτου, perjurium, & ἐκ τούτου, perjurium: & ex ἐκ τούτου & ἐκ τούτου, video, aspicio, fit primum ἐκ τούτου inspicio, & deinde ἐκ τούτου

ab ἐκ τούτου, unde ἐκ τούτου inspector, ut usus bohorum authorum, & lexicographi demonstrant. Quod adeo clarum est, ut etiam loco citato Caninius hoc agnoscere tandem cogatur, cum ait: quamvis igitur demus ab ἐκ τούτου, dici posse ἐκ τούτου, ut ἐκ τούτου ab ἐκ τούτου, significatus ipse verbi Syriaci, quod Christus usus est, repugnat. Quæ verò de voce Syriaca dicit, rectè refutat D. Scultetus in exercitationibus Evangelicis.

Quare demonstrata recta origine vocis ἐκ τούτου, de significatione genuina agendum paucis. Eam autem cum suo etymo expressit succinctè Theophylactus. cum ait ἐκ τούτου τὸν ἐκ τούτου ὄρου, & ἐκ τούτου ὄρου ὄρου h. e. ἐκ τούτου dicit, qui ad essentiam, & constitutionem nostram sufficiens; ubi videtur, essentiam pro vita, quâ sumus, accipere: quemadmodum Aristotel. Metaphys. lib. 4. cap. 5. necessarium, inquit, dicitur, sine quo, ut causa adjuvante, non continget vivere, ut respirare, & alimentum animali necessarium; impossibile enim est ὄρου τὸν ὄρου, sine eis esse, ubi quod prius vivere dixit, postea esse vocat eodem sensu. Atque hanc etymologiam, & sententiam ante Theophylactum, Basilii Magni (ut etiam rectè doct. Beza observavit) in Asceticis ad quæstionem 252. proposuit: τὸν ἐκ τούτου ὄρου, τὸν ἐκ τούτου ὄρου τὸν ἐκ τούτου ὄρου, hoc est, ut Musculus interpretatur, qui ad quotidianam vitæ sustentationem, substantiæ nostræ conducit. Chrysost. verò sensum exprimit: τὸν ἐκ τούτου ὄρου, τὸν ἐκ τούτου ὄρου, panem, ἐκ τούτου, hoc est, diarium, sive diurnum; & Suidas, ἐκ τούτου ὄρου ὄρου ὄρου, hoc est, ἐκ τούτου ὄρου ὄρου ὄρου, hoc est, ἐκ τούτου, panis, qui ad essentiam nostram aptus est, aut diurnus vel quotidianus. Nam vox illa; ἐκ τούτου alterutrum notat, ut Henricus Steph. in thesauro demonstrat. Latini patres idem etiam spectarunt, quando quotidianum verterunt, ut initio, cum de pane agerem, ex Tertull. Cypriano, & August. ostendi, & sic vulgata versio, Luc. 11. 3. Non super substantialiam, ut hoc loco, sed quotidianum interpretatur. Quæritur autem an satis rectè. Quidam ita censent, ut Beza: Petrus, inquit, interpres satis commodè quotidianum vertit. (sc. Luc. 11.) quum sic vocare, quod vulgatum & usitatum est, soleamus. Alii verò negant, primum quod Græci Interpretes ipsi non verterint ἐκ τούτου: attamen homo Græcus Lexicographus Suidas, secundo loco, ut modo ostendi sic exponit. Altera ratio est, quod λαμπρότης, esset vix tolerabilis: quia Luc. 11. pro ὄρου, hodie, ponitur τὸν ἐκ τούτου ὄρου. Si igitur inquit, ἐκ τούτου est ἐκ τούτου; dicendum fuerit otiosa & odiosa repetitione, panem nostrum quotidianum da nobis quotidie. Sed dici potest non esse otiosam repetitionem: quia ἐκ τούτου Græcè etiam notat diurnum, diarium, seu diei convenientem; atque ita fortè per catachresin; latine illa vox quotidianum, imitatione Græcæ vocis, initio usurpata. Atque ita simile erit illi Danielis 1. v. 5. dedit ei rex בִּרְמָה רֶמֶס רֶמֶס rem dici (id est, victum diurnum) in die suo, hoc est, quotidie, singulis diebus. Et eadem phrasis etiam extat Jerem. 52. vers. ult. Aut etiam dici potest, cum Clariss. Beza, panem quotidianum, pro vulgari, ac consueto accipi; ut scilicet à delitiis ac superfluis distinguatur ut 1. Tim. 6. vers. 8. Habentes victum, & amictum, ea nobis sufficiant. Quemadmodum à philologis cænum quotidianum alicui apponere citatur ex Plinio lib. 9. 35. & victus quotidianus ex Cicerone pro Roscio Amerino. Atque ita non malè conveniet cum eo, quod Syrus interpres habet: da nobis panem בִּרְמָה i. e. necessitatum: seu ut Trem. & alii reddunt, necessitatis, hoc est necessarium: ut ita sit plurale pro singulari בִּרְמָה, quod extat 1. Cor. 12. 22. Quamvis dici potest genitivo plurali (ut in huiusmodi constructione fieri solet) superlativum notari, id est maximè necessarium. Quamobrem gravis nulla videtur causa cur vocem illam quotidianum, aded receptam, in aliam mutemus; id quod etiam Clarissimus Beza similiter iudicat, etsi addat: præstiterit fortasse panem cibarium interpretari, vocabulo latine usitato quoque, in eadem significatione: vel per periphrasin, panem sustentandis nobis idoneum. Hæc ille: quamvis ambiguitatis vitandæ causa, si quid forte esset mutandum, cum Chrysostomo (qui ἐκ τούτου exponit) diarium sive diurnum malim, ut sit quod Ia. 2. 15. ἐκ τούτου ὄρου dicitur: & cum Dan. cap. 1. v. 5. (ut ante monui) conveniat. Cæterum, unicum.

cum videtur hoc loco dubium, quomodo conciliari possint Matth. & Lucas: cum ille habeat, *da hodie*: Lucas vero *da* *πᾶσι ἡμέραις* supple *ἐκάστῃ*, id est *singulis diebus*, quotidie: & ut Syrus recte vertit, *omni die*: Sed responderi potest primum cum Beza, ut *quotidianum*, *vulgarem* notet: & Luc. 11. *πᾶσι ἡμέραις* sine ellipsi, scilicet in diem, id est, quanto in hunc diem opus est: atque ita idem erit, cum voce *hodie*. Cui videtur simile illud Luc. 19. 17. de Christo; *ἔδοξεbat πᾶσι ἡμέραις* (id est, per diem seu die illo) *in templo*; ut oratio sit perfecta, ac sine ellipsi vocis *ἐκάστῃ*. Nam quod communiter interpretes exponunt, per ellipsin potius *ἐκάστῃ* *quotidie*, illud sequentibus non videtur satis coherere: sequitur enim *Sacerdotes vero & Scribæ quærebant eum perdere*, nempe eo die. Deinde esto, valeat communis interpretatio, & sit ellipsis *πᾶσι ἡμέραις* scil. *ἐκάστῃ*. *Quotidie*: diversitas erit inter Evangelistas, non contradictio. Nam qui petit panem hodie, non excludit panem sequentibus diebus, à Deo dandum: & qui panem dari postulat singulis diebus, hodie etiam dandum includit. Neque obstat quod Christus sollicitudinem craftini prohibet. Nam de incredula & immoderata solum cura agit: quemadmodum antea demonstravimus. Ac videtur Christus hac diversitate voluisse docere, & hodie & singulis diebus à Deo patre nostro, panem diurnum, ac necessarium expectandum, ac petendum.

Atque hæcenus de pane *ἐπισημ.*

*De Orationis Dominicæ petitione quinta.*

**P**etitio orationis Dominicæ quinta, constat propositione, & confirmatione. Propositio est: *Remitte nobis debita nostra*. In qua indicatur petitionis objectum, & subiectum, seu de qua re & quidnam petatur. Ac prius quidem sunt *τὰ δευλιμαία ἡμῶν*, id est, debita nostra. *Debitum* autem propriè est æs alienum, quod alicui reddi debet, ut Matth. 18. v. 30. & 32. ubi *δευλιμ* & *τὸ δευλιμαῖον* appellatur. Impropiè verò per metaphoram, vel per metonymiam usurpatur. Per Metaphoram primum bifariam: vel in bonam enim vel in malam partem accipitur. In bonam, ut officium præstandum notetur: quod scil. quemadmodum debitum creditori reddendum; sic & officium ei, cui obstrictus quis est, tribuendum, atque ita Rom. 13. v. 7. ubi prius significatione propria, posterius metaphorica accipitur; sic enim ait: *reddite igitur omnibus τὰς δευλιμὰς debita: cui tributum tributum, &c.* (en proprium debitum) *cui timorem timorem, &c.* en metaphorikum: unde ad officium debitum obstricti *debitores* etiam vocantur, ut Rom. 1. v. 14. c. 8. v. 12. In malam verò partem *debiti* vox ob similitudinem quandam translata, notat peccatum: quod sicut debitum ad æris solutionem, aut ejus defectu ad pœnam obligare solet. Matth. 18. v. 25. & 34. Sic etiam peccatum reum efficiens, debita pœnæ obnoxium reddit: quia stipendium peccati mors, Rom. 6. v. 23. & 1. Cor. 15. v. 56. Quæ significatio *debiti*, pro peccato, non Hebrææ, neque Græcæ linguæ, sed Chaldææ & Syriacæ (ut ab eruditis rectè observatum) familiaris. Qua potissimum lingua, ut Christus locutus est, sic vocem illius imitatus Matthæus, Græcè *δευλιμα* debitum, pro peccato usurpavit: Lucas verò *ἀμαρτίαν* cap. 11. vers. 4. eodem sensu posuit, sine dubio, ut à Christo in repetitione orationis Dominicæ factum. Nam & Christus Matth. 6. v. 14. & 15. quod antea v. 12. *δευλιμαία* dixerat, *τὰ παραπτώματα*, lapsus, hoc est, peccata appellavit. Atque inde etiam *δευλιμα* debitores pro peccatoribus dicti sunt, Matth. 6. v. 12. & Luc. 13. v. 4. *Putatis debitores fuisse præ omnibus*, id est, peccatores: Quemadmodum ex re ipsa, & v. 2. apparet. Similitudo autem debiti, & peccati, Matth. 18. v. 27. & 35. in parabola Christi explicatur. Atque hæc de significatione metaphorica, qua aut officium aut contra officii violationem seu peccatum (ob diversi debiti similitudinem ante explicatam) notat. Unde altera impropria oritur peccati duplex significatio, per metonymiam; primum efficientis, pro effectu: nempe ut non ipsum peccatum, sed pœnam peccato debitam designet: quemadmodum Zach. 14. 9. *Hoc erit Aegypti peccatum, & omnium gentium peccatum*, id est, pœna peccati: & de Christo dicitur Esa. 53. v. 12. *Peccatum multorum tulit*. & 1. Pet. 2. 24. *Similiter, qui peccata nostra pertulit*. Sic

etiam Hebr. 9. v. 28. *apparebit sine peccato*, hoc est, pœna peccati. Altera hinc procedens metonymia, est adjuncti pro subiecto, ut pœnam peccati ferentem seu hostiam pro peccato notet; ut Levit. 5. v. 9. *aspergito de sanguine illius peccati*, id est, hostiæ pro peccato: *item peccatum est*, hoc est, hostia pro peccato, & 2. Cor. 5. v. 21. *Eum, qui non novit peccatum* (notitia scil. experientia suæ, id est, qui nullius peccati sibi erat revera conscius) *pro nobis fecit peccatum*, h. e. hostiam pro peccato, seu pœnam peccati nostri ferentem.

Hæc de vocis *debiti*, & *peccati* significatione, cum propria, tum impropria. Hoc autem in loco Matth. non propriè, ut perspicuum est: sed impropriè accipitur: & quidem per Meton. priorem, ut pœnam debitam peccatis notet. Atque ita intelligitur, de qua re petitio quinta instituitur: ut alterum membrum, nempe id quod petimus ostendit. Hoc autem est *remissio* illius, cum dicitur, *ἀφες ἡμῖν, dimitte aut remitte nobis*, hoc est, condona: ne à nobis exige, consueta metaphora, à rerum, quæ vinculo astrictæ tenebantur, dimissione ac liberatione; quemadmodum Ioh. 20. v. 23. *remittere peccata, & ea retinere*, & Matth. 18. v. 18. *solvere & ligare*, eodem sensu opponuntur. Atque hinc constat, debitorum seu peccatorum remissionem nihil aliud esse, quam pœnæ peccatis debitæ omissionem, seu condonationem: & *remitte nobis debita*, seu peccata, notare, ne pœnæ ob peccata debitæ solutionem, seu satisfactionem à nobis exigas: sed clementer condones. Cæterum observandum est, remissionem peccati esse duplicem: unam universalem, alteram particularem, universalis est, quæ omnia peccata seu pœnæ omnibus peccatis debitæ, ac solvendæ, condonantur. Qualis quam hic petimus, qua omnis satisfactionis pœna, tam temporalis, quàm æterna, vivâ fide præditis, propter solutionem ac satisfactionem perfectam Christi, condonatur: Rom. 3. v. 25. Nam *sanguis Christi purgat nos ab omni peccato*. Hebr. 9. versu 26. Tit. 2. versu 14. 1. Joh. 1. versu 7. & 9. & Actor. 13. versu 38. & 39. & Jerem. 31. versu 34. & Hebr. 8. versu 12. & 10. versu 17. Rom. 8. versu 1. Particularis verò remissio est alicujus pœnæ corporalis in hac vita inferendæ ommissio. Qualem petiit & obtinuit Pharaon, à Mose, & à Deo. Exod. 10. versu 16. & 17. & Israëlitarum hypocritæ, ac sceleratissimi, Psal. 78. versu 35. & 37. & Achabus 1. Reg. 21. versu 24. Qualis particularis remissio, orta à lenitate Dei erga reprobos, justum illis iudicium futurum non abstulit, sed distulit: quod ea lenitate abutentes post hanc vitam debitas pœnas amplius luant, Rom. 2. versu 4. & 5. Hac autem petitione quinta non intelligitur particularis remissio ob generalem Dei misericordiam: sed universalis, quæ ex speciali erga fideles solos misericordia, propter Christi nati ac donati solutionem, pœnas omnes, peccatis ipsorum luendis debitas, credentibus ac pœnitentibus condonat. Quod autem Scholastes eruditus ad hunc Matthæi locum ait: *Christus nomine remissionis divinæ, hoc loco per Meton. subiecti intelligit, sensum illius in animo nostro, qui est sensus fidei*; illud omnino alienum est. Nam talis significatio ex nullo Scripturæ loco probari potest, neque etiam ex bonorum aucthorum loquendi modo: imò omnia loca in quibus ea phrasis extat, aliam expositionem flagitant: quemadmodum inductione eorum colligi potest. Deinde hac ratione petitio remissionis pœnæ peccatorum ex oratione Dominica imprudenter tollitur. Nam qui sensum seu fidem illius petit, eam jam factam statuit. Quare initio longè melius exposuit, cum dixit, *remitte id est condona, noli à nobis postulare per solutionem aut satisfactionem*. Quod autem postea subiungit, *Quoniam hic potissimum petimus, ut cordibus nostris per Spiritum Sanctum persuadeat, quod nobis remisit peccata nostra per Christum: ut percipitur ex annexa ratione & addita post explanatione*: illud inquam primæ expositioni non convenit. Nam quo modo quæso remissio peccatorum & condonationem pœnæ eorum, & simul ac potissimum persuasionem illius denotabit? Deinde an remissio peccatorum facta (ut hic statuitur) peti poterit? cum omnis sapiens petitio objectum habeat rem futuram, non autem præteritam. Neque sequens ratio aut expositio, à Christo addita, ullo modo hoc probat: quia similiter remittere peccata, pœnam seu vindictam non exigere



exigere seu condonare citra controversiam significat: cum dicitur, *sicut remittimus debitoribus nostris*: non autem significat, ut alteri persuadeatur pœnam seu vindictam ipsi remissam. Quare in eadem petitione declaranda, Luc. 11. insolentem hanc explicationem benè ac prudenter author ille omisit, & communem tantum sententiam rectè proposuit: cum ait, remitte nobis debita, id est, *noli nos punire propter nostra peccata*: & peccatorum remissionem ait per Meton: efficientis significare omissionem pœnæ. Quibus apte dictis accedunt Synonyma in sacris literis varia, ac periphrases diversæ quibus remissio peccatorum non aliter describitur: cujushmodi sunt, *non imputare peccata* scilicet ad pœnam, *tollere, ea non observare, non visitare, non intrare cum peccatore in judicium*, & similia sæpè in sacris literis obvia. Quare remissio peccatorum est pœnæ iis debitæ omissio, seu condonatio.

Veruntamen de hujus amplitudine inter pontificios & orthodoxos contraria est assertio, ac controversia. Nam Orthodoxi sentiunt, remissionem hic peti, & à Deo obtineri, pœnæ peccatorum universæ, (non solum æternæ, sed etiam temporalis) Dei judicio, secundum legis condemnationem, debitæ. Contra verò Pontificii statuunt: quemadmodum liquet ex Concilio Trid. Sess. 6. canon. 30. *Si quis inquit post acceptam justificationis gratiam, cuilibet peccatori penitenti ita culpam remitti, & reatum æternæ pœnæ deleri dixerit, ut nullus remaneat reatus pœnæ temporalis exsolvendæ, vel in hoc seculo, vel in futuro in purgatorio, antequam ad regna cælorum aditus patere possit, anathema sit*; & Bell. tom. 3. contr. 3. de bonis operibus lib. 1. cap. 6. *Deus cum nobis peccata dimittit, condonat injuriam, atque ad amicitiam suam nos reconciliat, neque expetit pœnam æternam: (quam sine summo exitio luere non possemus) requirit tamen ut temporalem satisfactionem minime negligamus*. Hæc ille. Satisfactionem autem hanc duplicem statuerunt; unam per nos: idque aut in hac vita, aut per cruciatum in purgatorio post hanc vitam: alteram pro nobis per alios, quorum satisfactio, pro peccatoribus hic penitentibus aut in purgatorio cruciatis, sublevandis succurrat, ut ex Greg. de Valentia in opuscul. Theologico, libro de indulgent. cap. 1. apparet.

Cæterum ab hac satisfactioe, viventes, Papæ beneficio, & interdum mortuos, per indulgentiam posse liberari, atque ita peccatorum pœnas temporales vel universas, vel partem earum, pro Papæ potestate, atque arbitrio, certis observationibus præscriptis, condonari affirmant. Indulgentiam verò Gregorius de Valent. loco memorato, definit hoc modo; *Indulgentia Ecclesiastica est relaxatio pœnæ temporalis, judicio divino, peccatis actualibus, post remissam culpam debitæ, per applicationem superabundantium Christi & Sanctorum satisfactionum facta, extra sacramentum, ab eo, qui legitimam ad hoc auctoritatem habet*.

Hicse ad intricatæ Pontificiorum sententiæ explicationem præmissis, argumenta eorum primaria expendemus, quibus probare conantur, homini remissis peccatorum pœnis æternis, propter unius Christi satisfactionem, pœnas tamen temporales non esse remissas: sed eas ab homine, per se, aut per alium exsolvendas: nisi scilicet indulgentia Papæ accesserit. Præmarium autem, quod adducunt, est Davidis exemplum geminum: primum est 2. Sam. 12. ei enim verè penitenti versu 13. remissis peccatis, pœna adhuc inflicta fuit, filii mors. versu 14. Sed negatur consequentia, quia hæc non fuit pœna satisfactionis, à severo iudice inflicta: sed pœna castigationis paternæ, ex amore salutis illius, ut corrigeretur, ac sanctior redderetur, Hebr. 12. versu 6. 9. 10. 11. & 1. Cor. 11. versu 32. & blasphemia hostium ea castigatione reprimeretur: & scelera hujusmodi Deo improbari constaret: sicut ex versu 14. apparet. Sed rursus objicitur, pœnam talionis, quam Deus Davidi ante resipiscentiam, comminatus erat, de violandis ipsius uxoribus, versu 11. nihilominus post condonata peccata, immixtam. 2. Sam. 16. versu 22. Verum eadem solutio est; res quidem mansit, sed finis mutatus. Nam pœna irati iudicis mutata est in castigationem benevoli patris.

Alterum Davidis exemplum petitur ex 2. Sam. 24. quod Davidi, post resipiscentiam, & petitionem remissionis peccatorum versu 10. ideoque imperationem illius, tamen pœna temporalis divinitus inflicta, versu 12. & 13. Sed eadem responsio est. Nam pœna ea non fuit satisfactionis, sed castigationis, ad correctionem illius, & exemplum aliorum: ut peccati illius imitationem, castigatione confecta, vitarent, & ut gloriæ Dei, apud hostes, per famam peccati, læsæ, confunderetur: ne ea peccata Deo quasi probanti ascriberent. Atque eadem Augustini in similibus objectionibus, (quas etiam Pontificii afferre solent, ut ex Gregor. de Valent. de indulg. cap. 1. liquet) solutio, tom. 7. de peccatorum meritis lib. 2. cap. 33. & 34. ubi duo ex Gen. 3. adversariorum nostrorum argumenta proponit. Primum est; mors pœna peccati est, & tamen in hominibus etiam fidelibus, quibus peccata remissa sunt, ea nihilominus manet. (cui addunt Pontificii & illud ex eodem cap. in sudore vultus, panis esum) deinde partus mulierum cum dolore licet pœna sit peccati, in piis etiam mulieribus, Deo per remissionem peccatorum reconciliatis, permanet, eamque ferunt. Solvit verò hæc argumenta Aug. cap. 34. cum ait: *ante remissionem esse illa, supplicia peccatorum, post remissionem autem certamina, exercitationesque justorum, item mortem, inquit corporis, propter hoc peccatum Deus homini inflixit, & post peccatorum remissionem, propter exercendam justitiam, non ademit*. Hæc ille. Quare Deus peccata remittit non partim, sed omnino: ut 1. Ioh. 1. *Christi sanguis nos purgat ab omni peccato*; & ea confitenti, ac remissionem petenti per veram resipiscentiam ac fidem omnino remittit: quemadmodum etiam universè promittit; *quicquid petieritis à Patre meo, in nomine meo, dabit vobis*. Ioh. 16. v. 23.

Atque hæc de petitionis quintæ, in oratione Dominica, parte prima, nempe propositione. Altera verò est confirmatio his verbis *ὅς ὁ ἡμῶν remittimus debitoribus nostris*: id quod à Christo apud Lucam cap. 11. in orationis Dominicæ formula (Matth. 6. publica concione proposita) privatim repetita, Apostolis hoc modo tradit, *ὡς γὰρ. Nam & ipsi remittimus omni debitori nostro*: unde videtur apud Matthæum similiter vertendum, *Nam & nos*: ut expressius cum Lucæ verbis conveniat, siquidem vox Græca *ὅς*, quæ propriè *ut* significat, inter alias significationes (quas triginta Henricus Steph. in thesauro suo enumerat, ac probat) etiam pro conjunctione *quoniam* five *quia*, nam, usurpatur: quemadmodum Steph. ibidem exemplis aliquot ex Homer. & Thucyd. demonstrat. Quibus addo duo loca insignia, primum Æschyli in Persis edit. Henr. Steph. pag. 138. *ὅς πᾶσι γ' ἵσ' ἐκείνα παροργίνα*, hoc est, *quia omnia facta sunt*: quemadmodum Scholiastes doctissimus ait, *τὸ ὅς, ἀντὶ τοῦ ὅτι ἐστὶν ὡς λέγει*, id est, *ὅς*, pro *quia* & pro *valde*. secundus locus est Sophoclis in Electra edit. Henrici Steph. pag. 132. *ὅς ἐκ αὐτῶν ἦδεν ὃ ἡμῶν ἰδὼν τῶν*. Quem versum doctissimus Camerarius ita transtulit; *quia scilicet nihil meorum malorum mihi notum fuit*. Et Triclinius Græcus Scholiastes primarius ad eum locum, ait, *quidam dicunt ὅς ἀντὶ τοῦ ὅτι. alii vero dicunt ὅς pro ὅτι, quod & melius*. Ubi sic usurpari apud Græcos & hoc loco à quibusdam ita exponi, agnoscit: etsi aptius putet, ut hoc loco, pro *revera* accipiatur. Idemque ab Euth. in Homer. duobus in locis diserte asseritur. Quo etiam ab Homeri interpretibus referri solet, Iliad. α. versu 182. *ὅς ἡμῶν ἀπαυγῆται, quoniam à me aufert*. Quare hinc constare satis arbitramur, vocem *ὅς* & Poëtis & aliis etiam authoribus Græcis interdum *ὅτι* & *quia*, quoniam, significare; ideoque cum pro *ὅς* Lucas habeat *ὅς*, consentaneum videtur, ut ita apud Matthæum in eadem petitione reddamus. Sin verò vocis *ὅς* propriam significationem retineamus, similitudo, non autem paritas indicabitur remissionis nostræ, & divinæ: & confirmationem non expressam ac directam (ut antecedens explicatio) sed implicitam, atque indirectam, positione conditionis requisitæ, innuet, nixam non merito aut præstantia remissionis nostræ, (ea enim imperfecta) sed gratuita Dei promissione, ut Christus postea exponit v. 14. *Nam si remisieritis &c.* quibus ostendit, conditionem remissionis divi-



divinitus certè impetrandæ, eam esse, ut nos aliis, qui nos offenderunt condonemus: eaque conditione posita, per fidem orationem similem à Deo gratiam obtenturos. Atque hæc strictim ad hujus loci intelligentiam dicta.

CAPITIS UNDECIMI

Versuum 20, 21, & 22. Illustratio.

**M**emorabilis & explicatu dignissimus est hic locus Matth. cap. 11. vers. 20. 21. & 22. descriptus, partim ob rei, quæ ibi continetur gravitatem: partim ob indignam Pontificiorum & Novatorum perversitatem: qui eo ad suum Semipelagianismum, & liberi arbitrii in conversione ad fidem, cum gratia Dei συνίστην ac concursum abutuntur.

Constat autem hic locus præfatione Matthæi, & oratione Christi. Præfationis Matthæi scopus est, facilius verborum Christi intelligentia. Medium verò ad eum scopum tendens, est explicatio temporis, & materiæ seu summæ verbis Christi comprehensæ. Ac tempus indicatur cum ait: *Tunc*, id est, postquam Iohannes ad Christum discipulos misisset, & ipse Iohanne commendato contemptum illius, & Christi, populo exprobrasset. unde colligitur, narrationem Lucæ cap. 10. vers. 12. 13. 14. 15. similem quidem esse, sed non eandem. Nam Christi oratio apud Matthæum habita est, postquam Christus, Apostolos ad prædicandum Euangelium mittendos, de officio & eventu monuisset; id quod Matth. 10. ad finem usque describitur. Quibus deinde post discessum eorum successit oratio, de Iohanne Baptista, & indigno populi contemptu, cap. 11. 1. 2. &c. Contra verò oratio Christi quam Lucas describit huic similem, accidit ante illam Apostolorum legationem, ut vers. 11. & 16. quibus includitur, demonstratur.

Materia verò seu summa orationis Christi indicatur: *cæpit exprobrare urbibus, in quibus editæ erant plurimæ virtutes ipsius, quod non uelavonCæ.* quibus verbis quidnam præcipue in sequenti Christi oratione contineatur, indicat Matthæus generatim primum; deinde exponit speciatim. Ac prius quidem est exprobratio: nam Christus probro increpat urbes, nempe tres, Chorazin, Bethsaida, & Capernaum, sitas in Galilæa, ad lacum Tiberiadis. Speciatim verò exprobratio declaratur 1. propositione collatæ ipsis à Christo gratiæ; deinde ingratitude ipsorum oppositione. Gratia autem est, quod in eis editæ fuerant ejus δυνάμεις, & quidem plurimæ. δυνάμεις autem (quasi diceret *potentias*, *vires*, &, ut vulgo transferunt ambigüe, *virtutes*) miracula significant, per metonym. efficientis pro effecto suo, quia ea sunt extraordinaria & miranda potentia divinæ opera; ut quæ humanæ naturæ vires superant. Quæ Christus ut verus Deus non aliena, sed sua æterna potentia effecit. ut Luc 9. v. 19. Marc. 16. v. 20. Atque ita observandum est discrimen inter Christi, & Apostolorum miracula perspicuum: Nam licet Apostolis potestatem edendi miracula dederit, Matth. 10. v. 8. potentiam tamen suam, qua propriè facta miracula, iis non indidit, neque communicavit: sed externum ministerium loquendi, & externa signa adhibendi tradidit: quibus suam efficaciam (ut solus miraculorum author) addidit. idque apparet etiam ex Actor. 3. vers. 6. Petrus enim claudum sanans dicit; *in nomine Iesu Nazareti, surge, & ambula.* ubi præceptum quidem miraculi, est Petri (qui Christo, de miraculis per Apostolos secuturis, Marc. 26. v. 17. credidit) sed miraculi propria effectio, nec omninò, nec partim à Petro; sed à Christo solo processit: quemadmodum diserte populum admirantem ipsemet monet, vers. 12. *Quid miramini super hoc, aut quid intentos oculos in nos habetis, quasi propria vi, aut pietate effecerimus, ut hic ambularet, & vers. 16. & per fidem in nomen ipsius, hunc quem conspiciatis ac nostis, confirmavit nomen ipsius: fides, inquam, quæ per ipsum dedit isti integritatem hanc coram omnibus vobis.* Quibus Christus miraculi solus author, fides verò erga promissionem Christi, de secuturis, Apostolorum ministerio, miraculis, causa impetrans statuitur. Ac propterea ex miraculis à Christo editis, inprimis quæ omnium crea-

turarum seu hominum, atque Angelorum vires superant (qualis resurrectio mortuorum, potentia visus penitus ablata restitutio, & similia) meritò concluditur, eum esse verum Deum: non quia miracula illa edidit: sed quia eo modo: quod scilicet vi suæ Deitatis, tanquam author; contra verò ex miraculis Apostolorum hoc concludi non potest, quia illi fuerunt eorum quidem causa impetrans, ac fide miraculorum promissorum impetrans: sed non propriè efficiens. Ideoque cum divina atque infinita potentia, qua miracula effecta sunt, iis non fuerit insita, neque communicata, sed à Christo vero Deo accesserit, (cui miraculorum, vi sua, effectio convenit, Marc. 16. vers. 20. Hebr. 2. vers. 4.) propterea Apostoli auctores miraculorum non fuerunt, sed tantum ministri: ideoque nec causa instrumentalis aliter quam improprie per metaphoram, appellantur. Nam instrumenta, propriè sic dicta (sive naturalia, sive artificialia) etsi non sint causæ effecti sui solæ, nec principales, adjuvantes tamen, insitaque sua vi ad efficientiam illius aliquid conferunt emolumenti: ut securis ad sectionem arboris vim suam exerit, quamvis homo secans, eaque utens, sit causa principalis. Instrumenta verò improprie dicta sunt adjuncta quædam antecedentia, quæ similitudinem quandam habent cum instrumentis, quod videlicet eorum instar; effectio, ut requisita conditio antecedant, eamque certò consequentem habeant. ita fides nos Christo unit, ac justificat, ut causa instrumentalis non propriè seu per se insita sua vi (ut naturalis & artificialis) sed improprie ac supernaturalis, quæ ex promissionis Dei vi, ea beneficia impetrat ac consequitur, virtute Spiritus Sancti. Sic etiam in edendis miraculis Apostoli fuerunt instrumenta eorum, non propriè sic dicta, natura, aut arte, indita vi, quasi vim insitam ad effectioem eorum unà cum principali causa requisitam, ac concurrentem habuissent: sed improprie, ut instrumenta supernaturalia, quod secundum promissionem, de miraculis per ipsos futuris à Christo factam, credentes, suo ministerio, ac fide, ea ab ipso impetrarint.

Atque hæc de gratia tribus urbibus collata, nempe virtutibus seu miraculis, in iis, à Christo editis, & quidem non paucis, sed (ut ad amplificationem gratiæ additur) plurimis, qualia etiam vers. 5. hujus capitis recensentur.

Ingratitudo verò urbium earum, hoc est incolarum, exprimitur ab Evangelista, cum ait, *ὅτι ἡ μετανοία, quod non egissent penitentiam*: quemadmodum vulgata latina versio exponit; *vel non resipuissent*; ut noster interpres Beza transtulit. Cujus vocis origo, ac significatio distinctè nonnihil explicanda est hoc in loco; ut sententia Evangelistæ, & Christi, eo melius intelligatur, & à corruptela Pontificiorum & Novatorum clarius vindicetur.

Νόσ, & contractè *νὸς*, *mentem*, & indè per Netonymiam subjecti pro adjuncto *sententiam mentis* notat. unde verbum *νόσ* *mente agito*, hoc est, *cogito*, aut *intelligo*, & cum præpositione *μετα* hoc est, *post* aut *trans* *μετανοία*, hoc est, ut Henricus Stephanus in Thesaurò exponit, *post intelligo*: atque ita opponitur voci *προνοία*, hoc est, *ante rem intelligo*, seu *prævidet* (quemadmodum idem ex Platonis Gorgia & Xenophonte probat) aut *mentem*, hoc est, *sententiam muto*, sicut idem Stephanus ait: Veruntamen ejus significationis exemplum ullum nec ipse adfert, nec alibi hactenus inveni: Videtur tamen innui in libro Sapientiæ cap. 12. vers. 10. *dabas νόσ μετανοίας locum penitentia* (ut interpretes transtulerunt communiter; aut fortè, *mutationis sententia*) *non ignorans, pravam esse generationem eorum, & infinitam eorum malitiam, nec mutantiam eorum ratiocinationem, ὅτι μὴ ἀλλὰ γὰρ ὁ λογισμὸς αὐτῶν ἐν αἰῶνα.*

Ab hac propria significatione oritur impropria, quæ longè frequentior est, ut per Metonymiam causæ efficientis, pro effecto suo, *penitere*, vel *penitentiam agere* significet: quod est, ex conscientia peccati minus ante considerati, mutata jam sententia, dolere. Quomodo *μετανοία* frequentissimè apud Græcos auctores pro penitentia usurpatur; qua de re eleganter Ausonius in epigrammate, de occasione & penitentia ait;

*Quæ tibi juncta comes? Dicat tibi. dic rogo, quæ sis?*  
*Sum Dea, cui nomen nec Cicero ipse dedit.*

*Sum Dea, quæ facti, non factique exigo pœnas.*

*Nempe ut pœniteat, sic Metanæa vocor.*

Lactantius autem Christianarum Institutionum lib. 6. cap. 24. ait, *ὑλανοῖαι* dicunt quàm nos Latine possumus *resipiscentiam* dicere; *Resipiscit enim ac mentem suam quasi ab insania recipit, quem errati piget, castigatque seipsum dementia, & confirmat animum suum ad rectius vivendum.* Veruntamen *ὑλανοῖαι*, & *ὑλανοῖα* Græcis per se generatim, *pœnitere*, & *pœnitentiam* notat; sive sit mali, sive boni; ut etiam exempla apud Henricum Stephanum in Thesauro adferuntur, aliaque in bonis authoribus occurrunt: frequentius tamen de secundo modo intelligitur. Convenit autem significatione cum verbo *ὑλαμαλίσω*, quemadmodum ex bonorum authorum usu constat; quæ de re locus memorabilis Plutarchi, *οἱ δὲ θυμίας: ἡ σύνεσις, ὅτι σύνεσις δὲ ἐν ἐργασμῶν, οἷον ἔλκεθ' ἐν σαρκί, τῇ ψυχῇ τῶν ὑλαμαλίσαντων αἰμαίνεσθαι αἶν, ἢ σύνεσθαι ἐπαπλήνως; τὰς μὲν γὰρ ἀλλὰ ἀναρτῆ λυτὸς ὁ λόγος, τῶν δὲ ὑλανοῖαι αὐτὸς ἐργάζεσθαι δακρυόεντα σύνεσθαι τῆς ψυχῆς, ἢ κολεζομένῳ ὑπ' αὐτῆς*, hoc est: *Conscientia qua conscius mihi sum peccatorum scelerum, ut ulcus in carne, in anima pœnitentiam cruentantem perpetuò ac vellitantem relinquit. Alias enim tristitias aufert ratio: pœnitentiam verò ipsa efficit, quæ à seipsa cum pudore animæ mordetur ac punitur.* Atque hac significatione hujus vocis usus frequens est in sacris literis, quemadmodum Jerem. 4. v. 28. & cap. 31. v. 19. *ᾠνῶν με ἡ πόλις*: LXX. interpretes utroque in loco vertunt *ὑλανοῖσω*. Sic etiam in Novo Testamento, Luc. 17. v. 4. *Si dicat ὑλανοῖσω pœnitet me, remitte ei*, ut rectè vulgata versio: minus verò aptè noster interpretes Latinus transtulit, *resipui*, & vers. 3. si *ὑλανοῖσθαι*, *pœnitentiam* egerit, & Hebr. 12. v. 17. dicitur de Esau, *ὑλανοῖαι*, id est, *pœnitentiæ locum non invenit*, quemadmodum interpretes communi consensu ita exponunt, & res ipsa flagitat. Atque ita in hac præfatione Matthæi accipitur hæc vox: ut Christi oratio ei subjecta ostendit. cuius scopus est, occurrere scandalo: ne auditores exemplo hujus impœnitentiæ seducerentur; sed ut hac oratione in timore Dei, & officio continerentur.

Partes autem illius sunt duæ, comminatio & confirmatio illius. Et comminatio quidem est hæc: *Ὡς τὴν Chorazin, Ὡς τὴν Bethsaida.* quæ indicat primum objectum, deinde modum, seu quibus, & quid comminetur. Illi autem, quibus minatur, sunt duæ urbes vicinæ, in Galilæa, ad lacum Tiberiadis, Chorazin, & Bethsaida; quibus Metonymicè habitatores earum, hoc est Chorasini & Bethsaidani intelliguntur. Quod verò minatur, est miseria, quam designat Christus, cum ait; *ὡς οὖν, ὡς τὴν.* Quæ vox *ὡς* apud LXX. interpretes Bibliorum & in Novo Testamento extat. ut etiam Henr. Steph. in Thesauro annotavit, sed usum illius apud alios authores, nec ipse, nec alii ostendunt; puram tamen Græcam vocem esse, vel illud indicat, quod *ὦς* latinum inde derivatum. Hæc autem vox, primum ac propriè est interjectio, miseriæ suæ 1. Sam. 4. vers. 7. 8. vel alienæ, Jerem. 34. vers. 5, index: deinde impropriè per *ὡς* loco nominis indeclinabilis posita, miseriæ notat, ut Apoc. 9. v. 12. *ὦς ἓξ, ὦς ἓξ*, hoc est miseria; atque ita opponitur felicitati, ut Ecclesiastis cap. 10. vers. 16. cum 17. & Luc. 6. vers. 20. cum 24. collato. Miseria autem hæc vel temporalis est: ut Luc. 21. 23. *ὦς ἡ γυνὴ ὡς ἡ πόλις*! vel æterna: ut Esai. 5. vers. 11, 18. 20. 21. 22. ubi *ὦς* denuntiatur ebriosis, aliisque improbis hominibus. & 1. Cor. 9. v. 16. *ὦς μοι* (supple erit) *ἢ ἢ* Euangelizem. & Matth. 23. v. 13. & seqq. sæpius inculcatum illud: *ὦς ὑμῖν Scribæ & Pharisaῖ*! atque ita hoc loco *ὦς* miseriæ; & quidem æternam notat: ut ex altera orationis Christi parte, nempe confirmatione, à pœna, in die iudicii ferenda, constat. Confirmatio autem est Enthymematica, cujus & antecedens & consequens comparatione minoris amplificatur. Antecedens autem rationem continet miseriæ, à causa efficiente, nempe Chorazinorum & Bethsaidanorum impœnitentia, quam compa-

ratione cum minori impœnitentiâ Tyriorum & Sidoniorum, (hominum à vera religione, & à republica Israelis alienorum) amplificando non exprimit, sed satis innuit, cum ait: *Nam si in Tyro &c.* Summa autem sententiæ Christi est; vos Judæi Galilæi, hominibus Ethnicis, Tyriis & Sydoniis, deteriores estis. Nam miraculis illis quæ inter vos edita sunt, non estis ad pœnitentiam adducti: Contra verò si Tyriis & Sidoniis ea accidissent, pœnitentiam egissent olim, cum sacco & cinere, hoc est, suum ob peccata dolorem, ac luctum solenni more fuissent testati. Nam in majori animi luctu in illis inprimis regionibus hoc erat usitatum, ut saccum induerent 2. Sam. 3. v. 31. & 1. Reg. 20. versu 31. & 32. & præterea interdum in cinere quoque federent. ut Esth. 4. versu 3. quo de ritu & apud Græcos ex Homer. & Plutarcho nonnulla in major. annotat. à Bezâ præferuntur. Hæc autem *ὑλανοῖα* seu pœnitentia Tyriorum, posita miraculorum illorum conditione, futura, intelligitur hujusmodi, quæ communis est electis & reprobis, credentibus in Christum, & non credentibus: qualis fuit Ninivitarum cum sacco pœnitentia. Jon. 3. versu 6. & 11. qui *ὑλανοῖσαν* pœnitentiam egerunt ad prædicationem Jonæ, Matt. 12. v. 41 quæ non ex fide in Christum orta (nam ea ex auditu Evangelii, Rom. 10. versu 16. & 17. quo caruerunt) sed ex fide comminationis, à Deo, per Jonam, propositæ, Jon. 3. versu 5. & 6. qualis etiam pœnitentia Achabi, cum sacco, describitur, comminationibus Dei per Prophetam excitata, 1. Reg. 21. 27. sic hoc in loco pœnitentia Tyriorum intelligitur futura, non ex viva in Christum fide: sed ex omnipotentis Dei creatoris, in miraculis seu virtutibus Christi, sese patefacientis, cognitione ac timore pœnæ: qualis pœnitentia, ante fidem in Christum requiritur, & interdum sine ea consequente existit, & à fide diserte distinguitur, ut Marc. 1. v. 15. *ὑλανοῖτε pœnitentiam agite, & credite Evangelio.* & Actor. 20. vers. 21. *Testificans in Deum pœnitentiam. ὑλανοῖτε, & fidem in Iesum Christum.* demque Hebr. 6. v. 1. *Non jacentes rursum fundamentum ὑλανοῖαι pœnitentiæ ab operibus mortuis, & fidei in Deum.* Atque hæc prima pœnitentia, quæ nondum credentium & ex fide in Deum creatorem omnipotentem mundi judicem oritur: & à secundâ, quæ credentium in Christum, distinguitur. Nam ut hæc à fide in Christum Servatorem procedit, & certæ est ad salutem via, 2. Cor. 7. v. 10. sic illa prior est prævia 2. Tim. 2. v. 25. & partim à Deo, partim ab hominis voluntate procedit, ut & Achabi & Ninivitarum exempla evincunt: atque ita originis suæ ratione, à fide in Christum (quæ merum Dei donum est, Ephes. 2. v. 8. 9. 10.) distinguitur. Quod autem de futura hac Tyriorum, posita illa conditione, pœnitentia asserit, illius veritas ex indefinita divinæ ipsius naturæ præscientia constat, qua novit, quidnam, quo posito antecedente, fuisset secuturum, etiam si neutrum evenerit. Nam posita ea conditione alterutrum fuisse eventurum, ut aut pœnitentiam agerent, aut non agerent, omnibus notum est, ex principio illo, quod duo opposita non possunt simul esse vera; sed utrum eorum fuisset futurum, cum res fuerit contingens, solus prævidit, qui infinita sua scientia omnia videt, nec solum necessaria, sed etiam futura contingentia certò prædicat. Similis autem locus est Ezech. 3. v. 6. 7.

Hicce jam expositis non difficulter Pontificiorum & Novatorum nodus, quem hicnectere conantur, dissolvitur. Probare enim hinc student, Deum, homines, ad fidem in Christum, convertere, non gratia merè perficiente, sed sufficiente, quæ demum, quando accesserit liber humanæ voluntatis assensus, fidem efficiat: ita ut duas statuunt fidei justificantis causas, Dei gratiam sufficientem, & hominis voluntatem liberè concurrentem. Idque ex hoc loco ita firmari statuunt; quod ea gratia, quæ oblata fuit Galilæis urbibus, seu incolis earum, fuerit sufficiens ad credendum in Christum, & tamen non crediderunt. Sufficientem autem fuisse inde colligunt, quod Tyrii & Sydonii, Christo teste, si ea iis fuisset data, in ipsum credidissent. Verum negamus Galilæis gratiam collatam fuisse sufficientem, ad credendum in Christum: Sed ad pœnitentiam agendam potuisse

potuisse sufficere agnoscimus, ad quam virtutes illæ seu miracula Christi erant idonea, nisi voluntatis eorum pravitata tanta obstitisset, quanta non fuit in Tyriis & Sidoniis: ad fidem verò non sufficiebat: quia ad eam imprimis requirebatur doctrinæ Euangelii revelatio, non solum externa, Rom. 10. v. 17. quæ ipsis adfuit: sed & interna per Spiritum regenerantem, Matth. 11. v. 25. 26. 27. & 16. 17. Ioh. 6. v. 44. & 65. Eph. 2. v. 8. 9. 10. & 1. Petri 1. v. 21. 22. & 23. quæ interna gratia ipsis defuit. Ideoque Christus non ait, *si in Tyro &c. credidissent in me: sed penitentiam egissent in sacco & cinere*. Ea enim miracula, seu virtutes Christi, instrumenta erant, ad considerationem omnipotentis Dei iudicis, & ad peccatorum conscientiam, Deique metum ac penitentiam in Tyriis & Sidoniis, non adeo pravis, excitandam, idonea ac sufficientia; imò si ea miracula evenissent, efficientia; ut Christus testatur. Quare sententia hæc Semipelagianorum errori nequaquam patrocinator.

Atque hæc de Enthymematis antecedente, prima scilicet confirmationis parte, qua Christus ab impoenitentia gravitate, iustitiam ac veritatem comminationis miseriæ probat. Consequens verò, seu altera pars, est propositæ comminationis conclusio, ad illustrationem, & amplificationem illius, per comparisonem pœnæ minoris Tyriorum & Sidoniorum, quod scilicet horum conditio, in die extremi iudicii sit futura tolerabilior, quam Chorazinorum & Bethsaidanorum: quo indicat illud, quod in antecedente non expressit, nimirum impoenitentiam ipsorum fuisse maiorem. Nam quamvis in die iudicii universalis, pœna damnatorum omnium futura sit, animæ simul & corporis, duratione temporis æqualis: quia communiter erit æterna: ratione tamen gradus, seu gravitatis pœnæ, erit inæqualis, peccatis inæqualibus respondens: quemadmodum iustitiæ divinæ & meriti peccatorum ratio exigit, Luc. 12. vers. 46. & 47. & 2. Cor. 5. vers. 10.

Cæterum observandum est, vocem *ἀλλὰ* quæ præter seu præterquam primo notat, ut Marc. 12. 32. Joh. 8. vers. 10. deinde *verumtamen*, Matth. 26. vers. 39. ut Henfychius rectè exponit *ἀλλὰ, ἔτι, δὲ, ὅμως*, hoc est, *ἀλλὰ* significat *præterquam, veruntamen*; accipi deinde, Ephes. 5. vers. 33. pro *itaque*, ut ex re ipsa Beza vertit, & Henricus Stephanus in Thesauo suo idem approbat. Atque hoc modo voce illa hic accepta erit directa conclusio, *itaque dico vobis*: sin vero ut vulgata versio, quæ *veruntamen* transtulit, accipiatur, erit obliqua conclusio hoc modo: Tyrii quidem, si ea miracula apud ipsos fuissent facta, quæ apud vos impoenitentes, pœnitentiam egissent: veruntamen, ut tolerabilior eorum est culpa, ita tolerabilior quoque eorum erit in die iudicii conditio quàm vestra. Beza verò hoc vertit, *quin etiam*.

Atque hæc de sententiæ huius explicatione breviter dicta; unde similis Christi, de Capernaumitis sententia, vers. 23. & 24. comprehensa, facillè intelligitur.

*Illustratio Versuum 25, & 26. ex  
Matth. XI. Capite.*

**P**Ræclara omninò ea est Concio Christi, quæ Matth. 11. inde à vers. 4. ad finem usque continetur. In ea enim primum est descriptio præstantiæ officii, partim Iesu Christi; partim Iohannis Baptistæ: cui deinde subicitur gravissima exprobratio adversus ingratos duplex: primum incredulitatis Judæorum plurium malitiosæ; deinde trium urbium Chorazin, Bethsaidæ, & Capernaumi impoenitentia magnitudo. Cui tertio loco jam subicitur inserta Christi ad Patrem oratio succincta. Cui postremo hortatio, ad fidem auditorum, in conclusione concionis adiungitur. Orationem autem Christi ad Patrem Evangelista describit vers. 25. & 26. duabus partibus: præfatione sua, & subiecta propositione orationi Christi.

Præfatio autem Matthæi tempus declarat orationis illius habitæ, cum ait *καὶ ἐν τῷ καιρῷ, in illo tempore*, aut potius *opportuno tempore*, nempe cum antecedentem de incredulitate multorum, & impoenitentia, reprehensionem præmississet, hæc locutus, dixit Christus. Nam vox *respon-*

*dens*, non propriè accipitur, ut orationem habitam ad interrogatam significet, (non enim præcessit ulla huius rei interrogatio) sed impropiè, per Hebraismum, hoc est, phrasis Hebrææ imitatione, in Euangelis consuetæ, generatim pro *locutus est*, accipitur. Causa autem huius præfationis est, quod Christus in oratione sua, quæ hic subicitur, Judæorum compellatione interrupta, ab auditoribus paulisper ad Deum Patrem sermonem convertit: unde statim in sequentibus ad auditores redit: ideoque ne quis alio tempore hæc à Christo dicta suspicetur, ejusdem omnino concionis parenthesis esse docet.

Orationis autem Christi interjectæ occasio est, quod exprobratio incredulitatis malitiosæ Judæorum plurimorum, & contrà laus eorum qui crediderant vers. 19. ita potuisset accipi, quasi discrimen illud inter utrosque à libera voluntatis humanæ inclinatione processisset; ideoque credentes, qui *fili*, hoc est, morigeri discipuli, *sapientiæ* vocantur, potuissent de se gloriari, & alii gloriam iis tribuere.

Scopus autem Christi est, ut huic injustæ atque impiæ arrogantia tempestivè occurrat, & Deo suam gloriam hac in re attribuat. Medium enim ad hunc scopum idoneum est, hæc Christi oratio: quæ constat duobus membris, nimirum exordio, & propositione. Exordium denotat obiectum & materiam generalem: seu, ut clarius exprimam, ad quem oratio dirigatur, & quid summam ea contineat.

Eum autem ad quem oratio dirigitur, describit primum à persona, cum ait *Pater*, nempe cuius sum filius *proprius* Rom. 8. atque *unigenitus*, Joh. 1. quemadmodum v. 27. satis perspicue declaratur: Deinde ab adjuncta potestate cum ait: *Domine celi & terræ*, nempe creationis jure: cuius potestatis meminit in eum finem, ut sit fundamentum ac ratio præstructa eorum, quæ deinde subicitur. Quum enim nulli omnino sit obstrictus, Rom. 11. v. 35. & 36. *Quis prior dedit ei & retribuetur ipsi? nam ex eo, per eum, & in eum sunt omnia*: Idcirco de suo potest facere, sine ulla injuria, quod velit, bonaque sua dare aut non dare pro arbitrio, Matth. 20. v. 25.

Materia autem generalis seu summa orationis indicatur, cum ait, *ἐξομολογῶμαι*, id quod propriè significat *confiteor*, ut Matth. 3. v. 6. *ἐξομολογῶμενοι τὰς ἀμαρτίας αὐτῶν confitentes peccata sua*, & Jacob. 5. v. 16. Deinde impropiè per Synecdoch. generis pro specie accipitur, in sacris quidem literis, pro *confiteri laudem alicujus* seu *laudare*, ut Rom. 14. v. 11. *omnis lingua Deo ἐξομολογήσεται confitebitur*, pro *laudabit, celebrabit*, & cap. 15. v. 9. *Propterea te in gentibus ἐξομολογήσομαι, confitebor*, hoc est, *laudabo*. Atque ita, hic secundus Hebraismus occurrit observandus. Nam verbum *תתן* apud Hebræos, in conjugatione hiphil *תתן*, quod propriè ac generatim confiteri significat, sive ad laudem, sive ad vituperium: frequenter per Synecdoch. generis, pro *laudare ac celebrare* usurpatur: ut Genes. 49. v. 34. Psalm. 6. v. 6. & 9. v. 2. *Confitebor תתן* (id est, *laudabo*) *Iehovam toto corde meo*: Explicatio autem sequitur, *narrabo omnia mirabilia ejus*. Cui secundæ significationi tertiam addit Pagn. in thesauro Hebrææ linguæ majore, ut sit *gratias ago*, similiter per Synecd. generis pro specie. Nam gratiarum actio est beneficii accepti confessio, ac celebratio. Veruntamen huius significationis exemplum idoneum sedulo licet quærenti, nondum mihi occurrit. Neque obstat quod Pagn. ibidem in radice *תתן* illud Psalm. 72. v. 2. *תתן confessi sumus aut laudavimus, gratias egimus*, exponit. Nam priorum duarum significationum exempla sunt obvia, quod de tertia nondum ostensum est; neque sane hic locus hoc requirit, ut vel ipse Pagn. ostendat, qui tres significationes dubiè proponit: Optimè autem fuit secunda significatio, *laudavimus* pro *laudamus, celebramus*: quemadmodum Tremell. & Jun. eruditè verterunt, & LXX. Interpretes, *ἐξομολογούμεθα* transtulerunt. Neque etiam iidem LXX. Interpretes vocem Græcam *ἐξομολογῶμαι* similiter, ullibi pro *gratias ago* posuerunt: neque ullus locus ex Nov. Test. adfertur, ubi ita accipi necesse sit. Hoc autem in loco Matthæi *ἐξομολογῶμαι* οὐ Interpres vulgatus, & alii, *Confiteor tibi* exponunt: quæ signifi-

ficatio videtur huic loco maximè idonea. Primum, quia propria est; deinde, quia nulla obstat ratio necessaria cur impròprium statuamus. Ac rectè doctiss. Beza in annotationibus suis exponit *agnosco coram te*; quod verò addit, *aut gratias ago, ut rectè Erasmus*: hoc dicitur quidem, sed quomodo probari possit, non video. Similiter Henric. Steph. in appendice sui Thesauri in voce *ἔξομολογῆσαι* ait, *juxta enim Hebraicum idioma hic ἔξομολογῆσαι est publicè agnoscere, ac profiteri: cujusmodi professiones publicæ, quoniam conjunctæ sunt cum laude ejus quem nos agnoscere profiteamur, factum inde est, ut ἔξομολογῆσαι aliquando accipiat pro gratias ago.* Matth. 10. *ἔξομολογῆσαι σοι, gratias tibi ago, laudes tibi dico, te prædico.* Hactenus ille. In quo confusio est duarum significationum diversarum. Nam *laudare*, & *gratias agere* inter se differre, perspicuum ac certum est: quod illud latius, hoc verò angustius pateat. Deinde quod *confiteri* Hebraicè *gratias agere* notet, asseritur quidem, sed hactenus nondum probatum certis documentis. Quare *confitendi* significatio propria simplicissimè huic loco convenit, quod liberè & apertè Christus, quid de patris actionibus sentiat, profiteretur.

Atque hæc de Exordio, quo generatim confessio, à Christo coram patre facta, continetur, propositio verò ei subiecta speciem confessionis exponit: qua rationem reddit illius differentia, quod viso Christo, auditaque illius doctrina, quidam non crediderunt, alii verò crediderunt. prioris ratio redditur his verbis, *quod hæc absconderis à sapientibus, & intelligentibus.* Quo in loco per vocem *hæc* intelligit mysteria regni cælorum; seu doctrinam Evangelii ab ipso propositam: ut res ipsa ostendit. Abscondisse autem ea dicitur Deus, non propriè, quasi jam ante ea fuissent revelata ac nota: sed metaphoricè, similitudine quadam: quod scilicet ea ignota non patefecerit. Cæterum hujusmodi absconditio est duplex: una externa, quæ aut Doctrina Evangelii non proponitur omnino: vel obscurè parabolis involvitur, ut non possit intelligi. de qua re Matth. 13. v. 10. 11. Christus enim rogatus à discipulis, quare per parabolas loqueretur eis, respondit, *quia vobis datum est nosse mysteria regni cælorum, illis autem non est datum*: idque factum esse, ob contemptum ante auditi Evangelii, vers. 13. exponitur, *quisquis enim non habet, etiam quod habet, (id est, quod putat se habere, Luc. 8. 18. sc. firmiter) auferetur ab eo: quemadmodum Matth. 25. 28. talentum ab eo ablatum traditur, qui illius usum neglexerat.* Interdum etiam abscondi dicitur doctrina, non exterius, sed interius, (quæ altera absconditio est) & quidem bifariam. primum cum doctrina non intelligitur, licet clarè proposita, idque vitio, atque errore præjudicii: quemadmodum Apostolis Christi clara illius de passione, & morte doctrina non fuit intellecta, Luc. 18. 34. idque ea de causa, quod regni mundani opinio oculos mentis ipsorum obfuscârat. Alter modus est, quo Evangelii doctrina perspicuè prædicata, intelligitur quidem ratione sententiæ: sed veritatis notitia, per Spiritum S. regenerantem donata, deest: adeò ut, intellectâ doctrinæ sententiâ, veritas tamen illius sit velata atque ignota: quomodo dicitur Luc. 19. v. 42. *Si tu nossees etiam, & quidem hoc tuo die, quæ ad pacem tuam sunt; nunc verò abscondita sunt ab oculis tuis.* id quod exponitur vers. 44. *eo quod non noveris opportunum tempus visitationis tuæ.* Qualis absconditio hoc loco intelligitur; Nam Christus apertè ac clarè cum alibi, tum hoc capite, sese Messiam esse docuerat, ac demonstraverat: adeo ut occulta non esset doctrinæ sententia, sed veritas illius. De qua intelligentia 1. Cor. 2. vers. 14. agitur: *Animalis homo, non percipit ea, quæ sunt Spiritus.* Nec enim Paulus loquitur de intelligentia sententiæ, sed veritatis illius. Nam sensum sæpius increduli accuratius intelligunt ac percipiunt, quam plerique credentes: ut experientia evincit, & oppugnatio veræ sententiæ Scripturæ.

Porro hujus absconditionis, seu non revelationis Evangelii internæ subiectum, statuuntur *sapientes & intelligentes*, hoc est, in Sacris literis, & multarum rerum scientia versati: quales fuerunt primores sacerdotes, legis doctores,

Scribæ & Pharisei, eorumque eruditi discipuli, ut Joh. 7. vers. 48. *Num quis ex primoribus credidit in eum, aut ex Phariseis?* Hoc autem indefinitè dicitur à Christo, ac de plerisque, non autem universè ac definitè de singulis. Nam Nicodemus Joh. 3. vers. 2. & 7. 50. in Christum credidit, & cum eo Joseph Arimathæus, Joh. 19. vers. 38. 39. Neque propterea tamen Deus incredulitatis author statuitur, cum Evangelii mysteria, non revelando, abscondisse dicitur: quia incredulitatem in hominibus non efficit: sed ipsorum vitio ortam & in iis inventam, sine ulla injuria relinquit, ut qui ad fidei beneficium dandum nemini sit obstrictus, Matt. 20. vers. 15. Rom. 11. vers. 35. & 36.

Atque hæc de ratione prioris partis, cur scilicet auditorum Christi pars una non crediderit. Posterioris verò, nempe quod quidam alii ex iis crediderint, ratio additur, cum ait, *& ea revelâris infantibus.* quomodo partim fidei originem, partim subiectum declarat.

Origo est revelatio Dei Patris, nempe per suum filium, Matt. 11. vers. 27. virtute Spiritus S. 1. Cor. 2. vers. 10. & 2. Cor. 4. vers. 13. Eph. 1. vers. 17. 18. Hæc autem revelatio non externa tantum, sed ei conjuncta interna intelligitur: quæ rursus duplex est: una fidei generalis ac mortuæ; altera specialis ac vivæ. Prior est, qua mens cognitione veritatis Evangelii per Spiritum Sanctum illuminatur. Sed ad fructum fiduciæ seu spei salutis per Christum, & charitatis Dei proferendum est inepta: qualis partim in hypocritis 1. Tim. 2. vers. 19. partim in iis, qui in Spiritum Sanctum peccant, Matth. 12. vers. 32. Hebr. 6. vers. 4. 5. 6. 7. Hæc prior non intelligitur hoc loco: ut collatio scopi vers. 19. ostendit. Posterior verò est, qua Evangelii veritas per Spiritum S. non tantum illuminantem, sed etiam regenerantem, revelatur, donata vivæ fidei virtute, quæ adjunctam habeat cordis in Christum fiduciam, & charitatem, ideoque per eas est efficax, Eph. 3. v. 12. Gal. 5. vers. 6. & 1. Tim. 1. vers. 5. de quali revelatione dicitur, Luc. 2. vers. 32. *Lux ad revelationem gentium,* & Matt. 16. vers. 17. *Caro & sanguis non revelavit tibi, sed pater meus, qui est in cælis,* & Esai. 53. vers. 1. cum Joh. 12. vers. 38. *quis credidit auditui nostro, & brachium Domini, cui revelatum est?* ac talis revelatio *καὶ ἔξομολω* accepta, hoc loco intelligitur.

Subiectum autem, cui illa revelatio facta, oppositè, subiecto absconditionis mysteriorum fidei, exponit Christus, cum ait, *infantibus*, quos non propriè sic vocat, ut 1. Cor. 13. vers. 11. Nam illi citra controversiam, per ætatis imbecillitatem, ad eam sunt inepti: sed improprie, per metaphoram, ac comparatè cum Sapientibus ac Literatis, rudes atque indoctos notat. ut Rom. 2. vers. 20. *eruditorem insipientium, magistrum infantum,* & Eph. 4. vers. 14. *ne simus amplius infantes.* Heb. 5. vers. 13. *rudis est sermone justitiæ, infans enim est.* cui vers. 14. opponit *adultos, qui propter habitum sensus habent exercitatos ad discretionem boni & mali,* 1. Cor. 14. vers. 20. *Ne estote pueri (aut infantes) Græcè νηπιόχα, intelligentia.* Tales autem comparatè cum doctis, & longo usu institutis, erant fideles Christi auditores, ut Joh. 7. vers. 48. & 49. *Num quis ex primoribus aut ex Phariseis in ipsum credidit? sed turba hæc, quæ non novit legem, execrabilis est,* & Act. 4. vers. 13. de Petro & Johanne Apostolis dicitur, *cumque percepissent, eos esse homines illiteratos, & idiotas.*

Cæterum ut in priori parte, sapientes indefinitè de plerisque: sic hoc in loco *infantes*, non universè ac definitè, sed indefinitè, ac de majori fidelium parte intelliguntur. Nam ut ante ostendimus, quidam eorum fidelium non fuerunt infantes, seu illiterati, sed literati: ut Nicodemus Phariseus ac doctor populi, Joh. 3. vers. 1. & 10. & Josephus Arimathæus Senator, Luc. 23. vers. 50. ut postea Paulus in Scholis egregiè eruditus. Actor. 22. vers. 3.

Atque hæc de differentia, cur quidam auditorum Christi in ipsum non crediderint, alii verò crediderint: nimirum quod illis Deus Evangelium Spiritu suo Sancto, donatione fidei non revelavit: hisce verò revelavit, ac fidem dedit. Id quod Christus illustrat, expositione causæ impulsivæ efficientis, utriusque communis cum ait, vers. 26.

*Etiā*



*Etiā Pater, quia ita placuit tibi*, nimirum illis non revelare, hisce verò revelare; Quo ostenditur, fidei causam esse, non voluntatem humanam, sed Divinam: ut etiā alibi dicitur, Joh. 6. v. 44. *Nemo venit ad me, nisi pater, qui misit me, traxerit eum* & vers. 45. *quisquis audivit, ac didicit à Patre meo, ad me venit*, & 65. *Nemo potest venire ad me: nisi ei datum fuerit à Patre meo*, & Act. 13. v. 48. *crediderunt, quotquot erant ordinati ad vitam æternam*. & Rom. 9. v. 18. *miseretur cujus vult &c.* Ephes. 1. vers. 9. *patescēto nobis mysterio voluntatis suæ, secundum suam iudiciā*. & cap. 2. vers. 8. 9. 10. *gratia servati estis per fidem: idque non ex vobis; Dei donum est: non ex operibus, ne quis gloriatur. Nam ipsius sumus opus, creati, (hoc est regnerati) per Christum, ad bona opera, &c.* Finis autem hujus gubernationis divinæ & decreti, quod sapientibus plerisque fidem non dederit, & illiteratis dederit, alibi explicatur, 1. Cor. 1. nempe ut omnium humanæ gloriationis materia eo melius tolleretur.

Atque hæc de genuina hujus loci sententia strictim dicta: idemque prima fronte videtur statuere, Bell. de gratia & lib. arbit. lib. 2. cap. 12. cum ait: *fides autem donum Dei, quod non omnibus datur, sed iis tantum, quibus eam Deus dare voluerit*: quod probat ex Epistola ad Philip. cap. 1. v. 29. *vobis donatum est &c. ut in eum credatis*: & sententiam eorum Pontificiorum, qui docent fidem à Deo iis donari, quos ex bono usu liberi arbitrii dispositos esse videret, jam olim in Pelagianis, (qui gratiam secundum merita nostra dari tradebant) damnatam asserit: ideoque ait, *proinde nemo credidit nisi à Deo doctus*, id est, *tractus ac persuasus*: idque probat ex hoc loco Matth. 11. *confiteor tibi &c.* & *Nemo novit filium nisi pater &c.* additque non agi hic de revelatione externa, sed de interna illa revelatione, quæ persuadet fidem: quæ non datur omnibus, sed quibus placitum est ante Deum, de qua etiā dicitur, Matth. 16. v. 17. *Beatus es &c. quia non revelavi tibi, &c.* Item *donum Dei ipsum velle credere & reipsa credere, quod non habent nisi qui credunt, quoniam eis solis Deus dignatur ita suadere, ut persuadeat*. Hæc Bellarm. videtur omnino sanctè statuere: veruntamen profana & Semipelagiana pontificiorum latet sententia. Quod ut melius intelligatur, quædam de consensione, & dissensione inter pontificios & nostros trademus: ut obscuritas sententiæ pontificiæ illustretur, & nostræ sententiæ veritas confirmetur.

Ac 1. in hisce aphorismis est consensus utrimque.

Primus est; fides in Christum est duplex: habitualis (eoque qualitas permanens) & actualis; ideoque actio transiens.

Secundus; Et habitualis quidem est fidei virtus, à Deo, per regenerationem, infusa, qua homo habilis est, ad credendum in Christum. Cujus fidei homo quidem subiectum est: quia ei divinitus illa inditur: sed non est causa cooperans, nec impulsiva promerens; utpote quæ merè gratuitum est Dei donum, Eph. 2. v. 8, 9, 10. ideoque vulgò hoc sensu dici solet, homines cum fide donantur, habere se merè passivè.

Tertius est. Actualis verò fides est ipsa credendi actio; cujus causa efficiens est duplex: Prima ac remota, & secunda ac proxima. Prima ac remota est Deus, Pater, Filius, Spiritus S. Phil. 1. v. 29. *Vobis datum est non solum in ipsum credere*, & 1. Petr. 1. v. 21. *Qui per ipsum creditis*. Secunda verò ac proxima est homo credens. Nam ut Deus ipsemet in nobis non credit; sed per Spiritum Sanctum efficit, ut credamus, sic nos credimus, seu actionem credendi auxilio Dei, nos proximè producimus, ut 2. Cor. 4. v. 13. *Et quia habemus eundem Spiritum fidei, secundum illud quod scriptum est, credidi & ideo locutus sum, nos quoque credimus, quamobrem etiam loquimur*. Atque hoc sensu dici solet, ratione fidei actualis, seu actionis credendi, hominem sese habere non merè passivè, quasi tantum esset subiectum operationis divinæ: sed partim passivè, quatenus Deus illam in eo operatur; partim activè quatenus homo cooperatur; alioqui homo non crederet: credere enim (citra ullam controversiam) est proxima credentis actio.

Quartus est. Hominis virtute fidei infusæ donati, credendi actionem seu fidem actualem illius Deus operatur

bifariam: Primum, quatenus est virtutis fidei datæ author & conservator; qui enim causa est causæ, idem etiā est causa effecti illius: Secundò quatenus ad actionem fidei concurrat auxilio suo, quo & malum obstat, nempe tentationes, cum carnis intus: tum Satanæ & mundi foris frænât, atque aufert; & contra bonum confert, exterius prædicationem Evangelii; *fides enim ex auditu*, Rom. 10. v. 17. interius verò Spiritus sui gratia mentem illustrando, ad attentionem & amplexum Evangelii excitat ac permoveat. Eph. 1. 17, 18. Atque hæc de generali consensione.

Dissensio verò maxima est in speciali explicatione. Nam ad fidem habitualem, seu virtutem fidei quod attinet, eam pontificii statuunt, primum in Baptismo, per regenerationis gratiam infundi, & quidem tam infantibus, quam adultis, ut liquet ex Concil. Trident. Sess. 6. cap. 7. Contra verò nostri hoc meritò negant, ac fidem ante baptismum adultorum, auditione Evangelii, virtute Spiritus Sancti infundi: baptismum verò (prout sacramentorum natura postulat) excitari, ac confirmari: quatenus signum ac sigillum est gratiæ Dei: nec propriè, sed impropriè per consuetam metonymiam. (subjecti scilicet pro adjuncto seu rei signatæ pro signo) *lavacrum regenerationis*, Tit. 3. appellari. Deindè Pontificii fidem actualem, qua primum actu credimus, statuunt non esse effectum fidei infusæ; sed præcedentem dispositionem, ac præparationem: quemadmodum Concil. Trid. Sess. 6. cap. 7. docet, & Bellarm. de gratia & lib. arbit. lib. 1. cap. 2. Atque hanc primam fidem actualem, seu credendi actionem esse ante baptismum, & regenerationem: eaq; hominem nec peccatorum remissionem, neque adoptionem ad vitam æternam consequi: Concil. Trid. Sess. 6. cap. 7. Contra verò nostri illud ex sacris literis probari posse negant: & fidem actualem non solum post baptismum, (quod adversarii etiā agnoscunt) sed præterea ante baptismum, ex fidei infusæ habitu, seu ex virtute fidei, (ut fructum ex arbore, flumen à fonte, & motum vitalem à vita) procedere: eaque hominem remissione peccatorum donari, & in hæredem vitæ æternæ adoptari, Scriptura præeunte, statuunt: quemadmodum Actor. 10. v. 43. generatim dicitur, *huic omnes prophetæ testimonium dant, remissionem peccatorum accepturum quemcumque, qui crediderit in eum*. Idque exemplis clarissimis etiā demonstratur. Qualia inter cætera sunt hæc; primum Cornelii centurionis & piorum illius comitum, in quos, Evangelio Petri audito credentes, nondumque baptizatos Spir. S. illapsus, Actor. 10. v. 44. & Actor. 11. v. 17. Deinde Zachæus idem docet, qui ante Baptismum, in Christum credens, salutis particeps, & filius Abraham factus, affirmatur Luc. 19. v. 9. præterea Latro in cruce, nondum baptizatus in Christum credens, vitæ æternæ promissionem & possessionem obtinuit. Luc. 23. v. 42, 43. denique Paralytico ante baptismum credenti, cum suis bajulis, in Christum Servatorem non minus, quam misericordem miraculorum authorem, sua potentia, remitti peccata, à Christo asseritur. Matth. 9. v. 2. *Videns Iesus fidem eorum, dixit, Confide fili, remittuntur tibi peccata*. quo loco ineptè Concil. Trid. Sess. 6. cap. 6. non ad fidem justificantem, & fiduciam inde promanantem, sed ad præparationem ac dispositionem illius, in prima fide actuali, probandam, abutitur. Nam cui peccata remittuntur, ille, citra controversiam, fide justificante præditus est: atque huic paralytico credenti in Christum peccata remittuntur. Ergo fide justificante præditus. Denique quemadmodum Abrahamus ante circumcissionem, primum scilicet Veteris Testamenti Sacramentum, (cui Baptismus successit) credidit, & justificatus est, & postea accepit circumcissionem, signum ac sigillum iustitiæ, qua donatus antea in præputio fuerat: similiter & credentes in Christum, eodem modo justificantur ante baptismum, per fidem: & in baptismum deinde signum ac sigillum regenerationis, ac iustitiæ fidei antea obtentæ accipiunt, tanquam genuini Abrahamæ spirituales filii: Rom. 4. v. 9. ad 14. & 13. vers. 24. Quod autem Concil. Trid. Sess. 6. cap. 6. ait, *de hac dispositione scriptum est, accedentem ad Deum oportet credere, quid est?*



est, & quod requirentibus se remunerator sit; illud omnino vanum est: quia hoc loco Hebr. 11. 6. non agitur ab Apostolo de antecedente ad vivam fidem ac justificationem præparatione: sed de viva ac justificante fide; quemadmodum res ipsa satis demonstrat; loquitur enim de fide qualis Henochi, quam vivam fuisse, ac justificantem constat, quod ad Deum assumptus ac servatus. Deinde agit de fide, qua placetur Deo, ideoque de justificante, qua sola Deo placemus, pacem habentes cum Deo, Rom. 5. v. 1. præterea de ea etiam fide disertè loquitur; qua acceditur ad Deum: quod fit, cum accessum habemus ad illius gratiam, ut Rom. 5. v. 2. *per quem habemus accessum, per fidem, in hanc gratiam, in qua stamus*; unde sequitur etiam accessus non solum per preces fideles, in terris; sed etiam tandem ad illius gloriam in cœlis: de quo etiam ad Deum accessu Ephes. 2. v. 18. & 3. vers. 12. agitur. Quartò de tali fide agitur, qua Deus requiritur, hoc est, vera pietate colitur, quod fidei vivæ solum convenit. Denique de ea fide agitur, qua creditur in Deum, requirentium, ac verè colentium ipsum, remuneratorem, *iudam dicitur*, reddentem mercedem, nempe vitæ æternæ in cœlis, Matth. 5. v. 12. ideoque de vivâ ac justificante fide agitur.

Porro de fidei actualis primæ causâ efficiente remota, rursus dissensio est. Eam Pontificii statuunt duplicem, gratiam seu auxilium Dei speciale, & deinde liberam hominis nondum regenerati voluntatem, quæ vult credere. Contra verò nostri hanc secundam causam duplici nomine negant. Primò, quia voluntati non regeneratæ (quam Spiritus S. ad bonum spirituale volendum, omnino ineptam tradit, Gen. 8. v. 25. Rom. 8. v. 7. 2. Cor. 3. v. 5. Ephes. 2. v. 1. & 4. v. 18.) optimam pietatis actionem, nempe Euangelium diligere, ac velle credere, idque menti imperare attribuunt: & quidem ita voluntatem esse liberam (teste Bellarmino de gratia & libero arbitrio lib. 6. cap. 15.) ut homo credat si vult, & si non vult, non credat. Secundò quia fatentur quidem, credere in Christum, esse mentis actionem, sed à voluntate imperatam fingunt: id quod meritò rejicimus: quia illud nec solida ratione, nec sacris literis probari potest. Nam ut in genere assensio veritatis, ac fides, ratione rei insita, vel autoritate dicentis tanquam veracis nititur: non autem ab amore veritatis, & imperio illius dependet: sed contrà amorem veritatis, assensio illius, tanquam objectum movens antecedit: sic etiam veritatis Euangelii cognitio, & assensus à revelatione & illuminatione veracis Spirit. S. omnino dependet. Eph. 1. v. 17. 18. per quem etiam *charitas Dei effusa in cordibus nostris* dicitur. Rom. 5. v. 5. hoc est, Charitatis Dei erga nos notitia, ac fides: Ex qua per eundem Spiritum (qui animum, seu volendi potentiam, charitatis virtute, per regenerationem induit) charitas actualis Dei oritur: quemadmodum fides quæ charitatem excitat, per eam efficax dicitur, Galat. 5. v. 6. eoque modo voluntas regenerata, sequens fidem mentis, eam diligit & approbat: non autem eam antecedit, & imperat. Imò tantum abest, ut voluntas hominis, sit causâ imperans atque efficiens fidei assensum libera electione, aut dissensum libera rejectione, ut etiam fide justificante donati, tentationibus interdum gravioribus pressi, & in fide infirmi, licet maximè desiderant ac velint, eum tamen fidei defectum excutere non possint, nisi nova Dei gratiâ eis succurratur: quemadmodum in lucta carnis adversus Spiritum, experientia demonstrat. Sed nihil est, quod specie quadam objici posset, quam quod Ioh. 5. v. 40. dicitur. *Non vultis venire ad me, ut vitam habeatis*: unde videtur posse colligi, fidem à libera voluntate, tanquam à causâ efficiente, dependere. Verum negatur Consequentia; quia illis verbis, non declaratur causâ efficiens fidei, neq; etiam origo incredulitatis: sed incredulitas à suo consequente amplificatur. Nam ut Iudæis eo loco exprobratur, quod non credebant in Christum, v. 38. sic origo illius erat, quod Moyses de Christo Prophetiam non intelligerent v. 39. ideoque sententiæ illius genuinæ non credebant, vers. 46. eaque statuitur causâ efficiens, cur in Christum non crederent, vers. 47. Consequens vero effectum illius ignorantie & incredulitatis erat voluntas mala, incredulitatem illam diligens, & Chri-

stum odio habens. Nam malam mentem secutus malus animus. Quod autem vers. 44. dicitur, *quomodo vos potestis credere, cum gloriam alii ab aliis capsetis, & gloriam, quæ à solo Deo est, non queratis*; illud non ostendit voluntatem esse causam efficientem impotentie credendi: sed effectum, atque argumentum incredulitatis, unde ea rectè concluditur. Nam gloriæ, quæ à solo Deo est, neglectus, & captatio gloriæ ab hominibus, effectum & indicium est certum, pravi iudicii & incredulitatis mentis; ut quæ pluris bona terrena ac fluxa, quam æterna æstimet: quæque propterea in Deum requirentibus se remuneratorem, Heb. 11. v. 6. non credat. Quamobrem hic locus adversariis minimè opitulatur: neque probat, liberam voluntatis electionem & imperium, actionis fidei, aut oppositæ incredulitatis, esse causam efficientem.

• Altera verò dissensio est, de gratiæ sive auxilii ad credendum necessarij, explicatione. Primo enim Bell. de gratia, & lib. arbit. lib. 1. cap. 2. & 11. 12. 13. gratiam hanc statuit duplicem: sufficientem tantum, qua homini omnia necessaria suppeditantur, ut possit velle credere, ac credere, nec tamen credere velit: & efficacem, quâ iisdem suppeditatis necessariis, homo re ipsa velit credere, ac credat. Cujus distinctionis fundamentum est, quod fidem à liberi arbitrii, seu à voluntatis humanæ assensu ac conditione suspendunt. Contra verò nostri sufficientem illam gratiam negant; & solam efficacem agnoscunt. Nam quod Bell. objicit, auxilium Dei verè sufficiens ad fuisse nonnullis, qui tamen conversi non sunt, & per hoc, auxilium illud efficax non fuisse; non rectè, loco citato cap. 13. & alibi, ex sacris literis probat. Nam ex Veteri Test. duo profert testimonia, 1. ex Esa. 5. v. 3. 4. *Habitatores Ierusalem, & viri Judæ, judicate inter me, & vineam meam, quid est quod ultra debui facere vineæ meæ, & non feci ei? &c. an quod expectavi, ut faceret uvas, & fecit labruscas?* Sed negatur 1. antecedens. Nam Esaias non ait, *quid est quod ultra debui facere vineæ meæ & non feci*: sed *quid faciendum ultra* לַעֲשׂוֹת מִדָּה. quibus verbis non de præterito, sed de futuro opere agit, scilicet quidnam pro illa ingratitude populi (quem vineæ nomine designat) faciendum Deo: ut sequentia demonstrant, quæ responsionem continent versu 4. *& nunc scire vos faciam, quid facturum sim vineæ meæ*: quæ apodosis poenas futuras referens, protasin declarat: sicut Ezech. 5. v. 9. *facturus enim sum in te, quod non feci*. Similis locus est Matth. 21. v. 40. & 41. ubi postquam Christus vineæ agricolas ingratos in Dominum, & crudeles in filium illius, descripsit, quærit, *cum igitur advenerit Dominus vineæ, quid faciet illis agricolis?* dicunt illi, *malos male perdet*. sic hoc in loco dialogismus: hoc tamen ordine, quod iudicium quærit Deus, & ad quæstionem ipse deinde respondet. Secundò quamvis verum esset antecedens, ac concederetur solita versio, infirma tamen esset consequentia: quia hic ageretur, non de omnibus, quæ necessaria erant absolutè, ad bonos fidei & charitatis fructus proferendos; sed relatè, hoc est, de omnibus iis, quæ ad culturam vineæ necessaria, ut versu 1. & 2. & 6. demonstrant: non autem de iis, quæ ad malam vineæ naturam in bonam commutandam, ad fructus proferendos necessaria: sed quæ ad ejus vineæ vitiositatem convincendam, contra solitam innocentie gloriationem sufficiebant. Quod autem excipit Bell. *quorsum diceret Dominus; Expectavi ut faceret uvas*, si non dedisset ei facultatem germinandi, & omnia necessaria ad proferendas uvas? Resp. negando consequentiam: quia hæc non dicuntur propriè, sed parabola continuata per metaphoram, & ἀνέκδοτον ἀδύνατον, similitudine à terrenis vinearum dominis petita: ac denotari patientiam Dei in Judæis ingratis, ac malignis tam diu tolerandis. Denique licet Judæi non potuerint naturam suam vitiosam mutare, per illam Dei culturam externam, (qua partim religionis & reipubl. leges, ac Sacerdotes carum doctores: partim reges defensores attribuit) nihilominus tamen potuerunt ea adjuti, externam præstare obedientiam, abstinendo ab externis illis, ac gravibus sceleribus, quæ in iis Esaï. 5. accusantur, ut iniustitiâ in iudiciis, vers. 7. & 23. avaritiâ in bonis iniquè augendis, vers. 8. ebrietate vers. 11. luxu

vers. 12.

vers. 13. profano comminationum vers. 19. & dextræ Dei contemptu, vers. 21. & 24. Ad hanc inquam externam disciplinam, sufficiebat externa illa Dei cultura; non autem ad internam, per veræ fidei, & charitatis actiones, conversionem: de qua re controversia est.

Atque hæc de priori testimonio: Cui alterum à Bellar. de gratia, & lib. arbitr. lib. 1. cap. 11. & 12. & lib. 2. cap. 12. adjicitur. ex Ezech. 3. vers. 6. *Si ad populum ignotæ lingue mitterem te, audirent te: domus autem Israel noluit audire te, quia noluit audire me.* Sed negatur consequentia: quia hic locus non agit de gratia sufficienti, ad credendum in Christum, aut diligendum Deum: neque enim de obedientia, sed de audientia verbi Dei disserit: quod Judæi peccatis addicti, & à Deo averſi, minas & hortationes Prophetæ patienter audire detrectarent, & duriter eas rejicerent: ad eò ut terrori essent Prophetæ. vers. 9. ipsumque affligerent, v. 25. ut etiam Jeremiæ accidit, cap. 6. illius v. 10. & cap. 11. vers. 21. Contra verò ostendit gentes audientiam Prophetæ, si ad eas mitteretur, præstituros: ideoque Judæos esse deteriores magisque impios, quam gentes, ostendit: ut etiam cap. 5. vers. 6. dicitur, *mutavit jura mea in improbitatem, plus quam gentes ipsæ; & statuta mea, plus quam regiones, quæ circumstant eam. Nam jura mea spreverunt, & in ipsis statutis meis non ambulaverunt.* Deinde etiam si de obedientia gentium per Prophetam futura ageretur; ea tamen non simpliciter & absolute, sed secundum quid, & comparatè esset intelligenda: quod ad poenitentiam scelerum (ut Ninevitis accidit) potuissent commoveri, Prophetæ sermone, potius, quam Judæi in sceleribus contumaciores, qui minas & hortationes Prophetæ contemnebant, ipsumque perſequebantur.

Quare hæc duo Veteris Testam. loca nihil pertinent ad probandam gratiam sufficientem, ad actiones veræ fidei, & charitatis proferendas, nec tamen efficacem. Quemadmodum etiam neque ea, quæ à Novo Testamento adducuntur, quorum primum est, quod Bell. de gratia & lib. arbit. lib. 1. cap. 11. & 12. ex Matth. 11. 12. de Tyriis & Sydoniis affert: sed illud, jam antea, in illius loci explanatione, solutum.

Secundum igitur quod affert Bell. de gratia lib. 1. cap. 11. est ex Matth. 23. v. 37. *quoties volui, &c. & nolui.* Verum hujus argumenti solutionem, Deo favente, ubi ad caput illud pervenerimus plenius explicare, & à corruptelis vindicare conabimur.

Tertium quod objicit eodem loco, est Act. 7. vers. 51. *Vos semper Spiritui S. resististis.* undè Bell. ita concludit: *Id est satis aperte significat, quibusdam inspirari bona desideria, & ita inspirari, ut converteri possint, & tamen eos nolle converti.* Sed negatur consequentia. Nam quod ait: *si non inspirabantur Judæis illis bona desideria, quomodo resistebant Spiritui Sancto?* id nititur falsa hypothefi, quasi illo tantum modo Spiritui S. resisti possit: cum contra generatim duplex sit modus: unus, quo Spiritui S. per Prophetas loquenti, 2. Pet. 1. v. 21. ideoque externo illius operi resistitur: quomodo revera patres Judæorum resistebant, 2. Chron. 36. v. 15. 16. alter est quo internæ Spiritus S. operationi resistitur, qualis etiam est cum cognitæ per Spiritum S. Evangelii veritatis, mundi amore, odiosè ac pertinaciter resistitur: Quale peccatum in Spiritum S. in Scribis & Phariseis nonnullis à Christo reprehenditur, Matth. 12. v. 32 ubi tamen nullum boni desiderii indicium exitit, & quamvis in quibusdam audito Evangelio, levis quidam ac brevis desiderii affectus excitetur, Matth. 13. v. 20. radice tamen fidei caret: v. 21. eoque ad fidem rectam non sufficit. Coeterum ad primum resistendi modum referendum est, quod Actor. 7. v. 51. dicitur, ut historia arguit: vocantur enim *duri cervicis, & incircumcisi corde, & auribus*, qui scilicet ne audire quidem reprehensiones divinas, à Spiritu Dei, per Prophetas, sustinerent; ut etiam exponitur vers. 52. *Patres vestri quem non persecuti sunt, & occiderunt ex prophetis?* Denique experientia etiam demonstrat. Nam Stephano per Spiritum S. loquenti v. 55. resistebant Judæi, v. 54. & 57. ut & alibi, Actor. 13. v. 45. & 46. Hæc ad hujus loci, Matth. 11. illustrationem ampliorem, dicenda duximus.

*Difficultates Cap. XII. Matthæi. Sæ Explicatio  
Locis & Sententiæ Matth. 12. v. 31. & 32.*

*De blasphemia in Spiritum Sanctum.*

Insignis hæc Christi sententia, & scientiæ, & conscientiæ quidem, ob rei difficultatem: quæ prima fronte occurrat, ob varia interpretum judicia. Conscientiæ verò, quia multi infirmiores Christiani tentationibus pressi, hujus dicti minus intellecti consideratione, ad desperationem penè rediguntur: quemadmodum experientia in Ecclesiastico consolandi officio exercendo sæpius demonstrat: Quare meretur hic locus explanationem genuinam. In quo observabimus primum rei circumstantiam, deinde rem ipsam. Circumstantia autem est duplex, occasio scilicet & scopus hujus loci. Occasio autem prima fuit atrox, ac malitiosum Phariseorum convitium, qui audito populi, ob miraculum Christi (quo dæmoniacum, mutum, & cæcum sanarat) sermone, *nunquid hic est filius David?* vers. 23. dixerunt contra conscientiam, ex malitioso adversus Christum odio, ejecti dæmonii authorem, non esse Deum; sed dæmoniorum principem Beelzebub, vers. 24. Altera verò orationis Christi occasio fuit, periculum seductionis auditorum, & majoris in Phariseis audaciæ, ex silentio Christi orituræ. Scopus autem fuit periculi, seu mali metuendi correctio, ut & populi de Christo recta opinio (quod sit Davidis filius, id est, Messias) non subverteretur à Phariseis: sed à Christo confirmaretur: & ut Phariseorum impudens maledictio aliquo modo refrænaretur. Medium autem ad hunc scopum ordinatum est Christi oratio: constans refutatione maledicti Phariseorum, vers. 25. & seqq. & comminatione gravissima adversus illud: quæ comminatio constat propositione, vers. 31. & illius expositione vers. 32.

Propositio est: *propterea dico vobis, (hoc est, ob impium illud maledictum) omne peccatum & blasphemia remittetur hominibus; blasphemia verò in Spiritum Sanctum non remittetur.* In qua propositione maledicti Phariseorum gravitatem simul, & poenam describit, & oppositione quadam reliquorum maledictorum exaggerat. Constat enim ea oppositio affirmatione, & negatione. Affirmationis subjectum, seu res de qua affirmat, est *omne peccatum & blasphemia.* Quæ verba bifariam exponi possunt: primò, ut genus & species copulentur expositionis causa, ut sensus sit, omne peccatum blasphemiarum: aut secundo modo, ut diversa connectantur, peccati voce speciatim accepta: ut scilicet peccatum reliquum, quod non est blasphemia, intelligatur ex distinctionis ratione: quemadmodum similis loquendi modus, apud bonos authores in usu est. Quemadmodum cum in qualitate explicanda, Aristoteles conjungit ut diversa, *habitus, & dispositiones* scilicet speciatim acceptam, ac distinctè, quæ non est habitus; Nam aliàs sine hac distinctione generatim, & propriè, non synecdochicè voce accepta, omnis etiam habitus est dispositio. Quod autem non indefinitè dicitur peccatum, nec definitè *aliquod peccatum*; sed *omne peccatum*: illud intelligendum quidem universè (qui enim omnia dicit, ut ajunt, nihil excludit) sed hæc universalitas, pro frequenti Sacre Scripturæ usu, est generum, non individuorum seu singularium: quemadmodum attributum certò demonstrat. Nam alioqui sequeretur nullum omnino peccatum puniendum; ideoque sensum rectè Beza ita expressit, *quodvis peccatum.* Eademque ratio est, cum additur, *& blasphemia* supple, omnis, id est, omnis generis seu quævis: quod tamen adhuc intelligendum cum exceptione, blasphemiarum in Spiritum Sanctum; ut sequentia demonstrant, id est, omnis alia blasphemia.

Hæc de subjecto. Attributum verò describit suum subjectum, ab adjuncto remissionis, cum additur, *remittetur*, hoc est, poena ejus omittetur, non punietur; (quemadmodum Matth. 6. in oratione Dominica pluribus exposuimus) ac intelligendum non de omnibus hominibus: nam reprobis peccata nequaquam remittuntur: sed quibusdam: quales sunt soli electi. Ac sensus est; Nullum peccati genus (excepta in Spiritum S. blasphemiam) cuius remissi exempli non eveniant: quemadmodum & in Sacris literis collatè

collatio singulorum mandatorum utriusque tabulæ, cum peccatis eorum, qui conversi ac servati sunt, demonstrare potest.

Atque hæc de affirmatione, primo scilicet propositionis seu oppositionis membro, quod ad amplificationem alterius adducitur. Negatio verò quæ altera oppositionis pars, consequitur hoc modo: *Blasphemia verò in Spiritum S. non remittetur*, ubi subjectum est *blasphemia in Spiritum S.* quæ verba paucis illustranda. *βλασφημία* & *βλασφημῶ* ab Etymologico magno, deducitur à *βλάβη*, noxa, & *εἶμ* fama, ut famæ nocumentum ac læsionem notet. Alii à *βλάπτω*, noceo, & *εἶμ* derivant; quod etiam videtur Henrico Stephano in Thesaurò &c. Vox autem hæc sumitur propriè, aut impropriè. Propriè quidem, & generatim, pro convitio seu maledicto quovis, sive in creaturas, ut Angelos, Jud. vers. 9. homines, Eph. 4. vers. 35. sive in creatorem, Apoc. 13. vers. 6. *blasphemiam*, (en genus) *contra Deum*, (en differentia illud ad speciem restringens.) Impropriè verò sumitur, per Synecdochen generis pro specie, cum maledictum adversus Deum notat, *ὡς ἔρχιν*, quod illud maledictum sit maximum, quod in Deum fertur; qualis *βλασφημία* Christo objecta, Matth. 26. vers. 65. *audistis blasphemiam*. & Luc. 5. vers. 21. *hic loquitur blasphemiam*, & Joh. 10. vers. 33. *propter blasphemiam &c.* Hic verò (ut etiam in primo oppositionis membro, *omnis blasphemia*) propriè ac generatim sumitur, & cum dicitur, *blasphemiam*, genus notatur: id quod addita differentia ab objecto, cum dicitur *Spiritus*, hoc est in Spiritum Sanctum, ad certam speciem restringitur. Nam verba illa, *blasphemiam Spiritus*, nihil aliud notant, quam objectum, non autem causam efficientem.

Atque hæc de voce, reliquum est ut de re nonnulla dicamus.

Rem verò ipsam, succinctè, proposita; atque explicata descriptione, complecti conabimur. Sic autem non incommodè, uti videtur, describi potest; *Blasphemia in Spiritum S. est impietas reproborum, quæ ex per-verso sui amore, & destinato Evangelii ac Christi odio Spiritum Sanctum de Evangelii veritate, ac Christo testantem, contra conscientiam maledictis oppugnant: ut gloriam Christi opprimant, & cupiditatibus securius inserviant.* In qua descriptione primum genus statuitur illius, nempe *impietas*, hoc est, immediata contra Deum injustitia. Nec enim mediata est, quæ secunda tabulâ vetatur, quâ obedientia Deo debita, per injuriam in proximum violatur, quæ distinctè à *sanctitate* posita, synecdochicè *injustitia* dicitur, Luc. 1. v. 75. Eph. 4. v. 24. qualis est injustitia, homicidium, adukerium, furtum, falsum testimonium, ac similia: quæ quoniam remitti possunt, & remissa esse in multis constat, hoc loco intelligi nequeunt; sed peccatum, quod directè, ac proximè contra religionem ac Deum committitur: quemadmodum huic generi addita, ex causis suis, differentia demonstrabit. Prima autem causa nempe efficiens, est vel impulsiva, seu agentem excitans ac movens; vel mota atque agens. Impulsiva rursus duplex est, remota, & proxima. Remota ac quasi fons est *corruptio*, seu perversus sui amor, quo quis suas cupiditates pravas magis quam Christum ejusque Evangelium diligit. Propinqua verò efficiens impulsiva, ex priori orta, est Christi, & Evangelii odium destinatum. Quia enim suis cupiditatibus, avaritiæ, superbiæ, hypocrisis, aliisque vitiis, quibus ad dicti sunt, omninò atque apertè repugnare sentiunt, idcirco destinata malitia oderunt: ut Christus testatur, Joh. 3. v. 19. *Hæc est condemnatio, quod lux venit in mundum, sed dilexerunt homines magis tenebras quam lucem, quia opera eorum sunt mala. Qui enim per-versus agit, odit lucem: nec venit ad lucem, ne arguantur opera ipsius*, & cap. 7. v. 7. *Mundus autem me odit, quia testor de eo opera illius esse mala: Qualis corruptio*, & indè promanans Christi & Evangelii odium, in Scribis & Phariseis illis in Spiritum Sanctum blasphemis apparet, Matth. 12. v. 24. & 33. & 21. v. 38. cum 45. & 46. Causa verò impulsiva, atque agens propria, sunt *reprobi*, seu non electi ad vitam, & ad justam condemnationem destinati: quia ab iis solis, etsi non omnibus, hæc impietas perpetratur: non autem ab electis ac verè fidelibus: quia attributum hujus

impietatis, quod scilicet ea non remittatur, electis non convenit: quia quos Deus prædestinavit, atque elegit ad salutem, eosdem vocat ad veram vivamque fidem, & justificat ac glorificat, Rom. 8. v. 29. 30.

Atque hæc de causa efficiente, cum movente agentem, tum agente. Altera verò causa seu materia proprie dicta, (nempe ex qua res est,) hic non traditur: quia accidens est non substantia, cui soli materia ea convenit: sed impropriè per metapho. sic appellata: nempe objectum circa quod hæc impietas versatur. Hoc autem est Spiritus Sanctus & quidem *ὡς ἔρχιν*, de veritate Evangelii testans, unde *blasphemia in Spiritum Sanctum* vocatur. Cæterum testatur ille duobus modis: Primum doctrinæ Evangelii revelatione, atque illuminatione mentis per cognitionem illius, Hebr. 6. v. 4. deindè miraculis per Christum editis, Mat. 12. v. 28. Joh. 5. v. 36. Nam generatim loquendo, cum Spiritus Sanctus sit æternus unâ cum Patre & Filio Deus, omnique boni legislator, omne peccatum est in Spiritum Sanctum. Hic autem specialis impietas intelligitur. Forma verò est adversus hoc Spiritum Sancti testimonium, non solum ex odio destinato, sed etiam contra conscientiam blasphemiam. Nam alterutrum, aut odium illud, aut conscientia reluctans, si desit, peccatum hoc in Spiritum Sanctum (in hac sententia à Christo appellatum) dici non potest: quia etiam electis, prius quidem ante fidem: posterius vero post fidem accidere potest. Nam ante fidem Paulus Apostolus ex odio destinato Christum, & Evangelium atque Ecclesiam persequens, blasphemus fuit: sed non contra conscientiam; verum per ignorantiam: ideoque misericordiam à Deo obtinuit, 1. Tim. 1. v. 13. 14. Post fidem verò infirmi quidam contra conscientiam blasphemii fuerunt, non ex odio Christi, & Evangelii, sed metu coacti à Paulo infideli, Act. 26. v. 11. Ideoque nec Paulo, nec iis, qui ab eo, è Christianis ad blasphemiam coacti sunt, specialis in Spiritum Sanctum blasphemiam (quæ hic intelligitur) tribui potest. Id quod etiam consequens eventus in Paulo demonstravit, 1. Tim. 1. 13. 14. *Qui prius eram blasphemus, & persecutor, & injuriosus, sed mei misertus est, nam ignorans hoc faciebam per incredulitatem, superabundavit autem gratia Domini nostri, cum fide, & dilectione in Christo Jesu.* Contra verò hujus blasphemiz exemplum est in Christi hostibus, sacerdotibus, scribis ac phariseis, non quidem in omnibus: sed in quibusdam. Non in omnibus inquam: quia Petrus Apostolus quosdam eorum, indefinitè loquens, excusat, cum ait, Act. 3. v. 17. *Et nunc, fratres, scio vos per ignorantiam fecisse, sicut & primores vestros, scilicet nonnullos.* In quibusdam verò, nam tales fuerunt sacerdotes illi, & pharisei quos Christus describit nomine Agricolarum, Mat. 21. v. 38. *Agricolæ, inquit, viso Filio, dixerunt inter se, iste est hæres, venite trucidemus eum, & obtineamus hæreditatem ejus:* quod de se dictum, tandem illi intellexerunt v. 45. & eo nomine studuerunt Christum prehendere v. 46. Tales etiam fuerunt hi, quos Christus hoc in loco. Matthæi increpat: qui licet per Spiritum Sanctum, cum revelatione atque illuminatione mentis, tum miraculis per Jesum editis, scirent, hunc esse Christum Spiritu Sancto actum: nihilominus ex odio illius, audita populi confessione de Christo, filio illo Davidis, (hoc est, Messia ex Davide promisso) commoti, in Spiritum Sanctum fuerunt blasphemii, contra conscientiam: dum miraculorum illius per Christum editorum auctoritatem esse statuunt Diabolum, de Christo dicentes: *Spiritus impurum habet*, Marc. 3. v. 30. & *Beelzebub habet, & per Principem demoniorum ejicit demonia*, Marc. 3. v. 22. & Matth. 12. v. 24. Eoque modo Spiritum Sanctum, horribili blasphemiam, contra conscientiam, impurum Spiritum & Beelzebub, demoniorum principem, hoc est, Diabolum appellant. Qualis etiam blasphemiam innuitur quidem ab Apostolo, Hebr. 6. v. 5. 6. exprimitur verò cap. 10. In primis verò vers. 29. *Quanto, putatis, acerbior supplicio dignus censetur, qui Filium Dei conculcarit, & sanguinem fœderis, quo per quem sanctificatus fuit, profanum duxerit? & Spiritum gratiæ contumelia affecerit?* Verum obijciat aliquis, hic causa efficiens propria ante posita confutatur, ac docetur peccatum in Spiritum Sanctum non

non esse reprobis proprium: sed etiam fide præditis, qui electi sunt, commune: Primum quia hoc loco blasphemus in Spiritum Sanctum dicitur *per sanguinem fœderis* (hoc est, Christi, qui ad novi fœderis confirmationem fusus Matth. 26. v. 28.) *sanctificatus*: quæ sanctificatio fidelibus atque electis propria, à nostris Ecclesiis statuitur. Hujus nodi prima fronte difficilius, solutio est duplex: prima per negationem consequentiæ, idque bifariam. Quidam enim sanctificatum dici, non propriè ratione veritatis rei: sed impropriè ratione opinionis hominum, id est, per quem videbatur sanctificatus, *ὁ ἁγιάζων*, metonym. subjecti, ut eruditus Scholiastes exponit. Verum ad hujusmodi metonymiam, quam vocat, aut potius metaphoram (ut sanctificatus, pro eo qui similis est sanctificato, ac talis videtur, accipitur) non temerè; sed tantum cum necessitas cogit, procedendum, quæ hic abest; alioqui vix quicquam erit in sacra Scriptura certum. Altera igitur solutio est, per *sanguinem*, vinum Cœnæ intelligi: per meton. in Sacramentis usitatam: quemadmodum poculum, id est, vinum Poculi, sanguis Christi, Matth. 26. 28. appellatur, & sanctificationem, hic non internam, sed externam, qua per vini Cœnæ usum à mundo quis segregatus est, ac Deo consecratus, intelligi. Verum quia & hæc solutio, à propria significatione, ad impropriam eamque duplicem, sine necessitate recedit, & sanctificationem non ut sanguinis effectum, hoc in loco intelligit; idcirco alia omnino adhibenda est solutio, negatione scilicet antecedentis: quod olim adversus Arminium, hunc locum objicientem, publicè respondimus: Nam verba illa *ἐν ᾧ ἡμεῖς ἁγιάζομεθα* per quem sanctificatus fuit, non pertinent ad blasphemum, sed ad Dei filium, cujus sanguis est sanguis Novi fœderis, Matth. 26. vers. 28. quo novum fœdus sancitum: per quem ipse Christus fuit sanctificatus, hoc est Deo in hostiam expiatoriam consecratus, ut Johan. 17. vers. 19. ait: *ὁ pro eis ego sanctifico me ipsum*, id est, ut etiam rectè Piscator exponit, offero me tibi in sanctam victimam. Qui locus cum hoc præsentī egregiè convenit, *ὁ ἁγιάζων*, hoc est, *per quem sanctificatus fuit*, (non autem fuerat, ut Beza transtulit) ut ad filium Dei, cujus in antecedentibus meminit, referatur. Eoque modo hujus impietatis magnitudo describitur, ab objecti, quod per eam læditur, præstantia, quod videlicet sit sanguis novi fœderis: deinde quod per eum Christus Dei filius sit sanctificatus, seu in hostiam Deo consecratus: ideoque gravissimum esse peccatum, quod tam pretiosum sanguinem, communem, hoc est profanum duxerint. Sed altera ratione instant adversarii, & objiciunt quod de blasphemo (de quo hic loquitur Apostolus) dicatur, *ὁ Spiritum gratiæ contumelia affecerit*. Ergo inquit, intelligitur, accepisse gratiam; eoque justificatum notari. Verum negatur consequentia: quia *Spiritus gratiæ* scilicet author, contumeliæ objectum esse potest; etiam si contumeliosus illius non fiat particeps: quemadmodum Actor. 3. vers. 15. qui Christum authorem vitæ dicuntur occidisse, illi tamen nec Christi, nec vitæ, erant participes; nec Diabolus Spiritum veritatis contumeliâ afficiens, veritatis illius habet communionem. Deinde esto, licet diceretur, *Spiritus gratiæ acceptæ*; ea tamen non esset de gratia justificationis necessario intelligenda: sed potius de gratia cognitionis veritatis Euangelii, per illuminationem Spiritus Sancti ut vers. 25. ostendit, & Hebr. 6. vers. 6. Nam gratiæ vox (quæ propriè gratuitam, seu immeritam benevolentiam notat) per Metonym. efficientis, pro suo effecto, idem est, quod donum, seu beneficium gratuitum: *χάρις* pro *χάρισμα*: ac deinde pro ratione rei varia, de qua agitur, variè specialius accipitur, ut Ephes. 4. vers. 7. *Sed unicuique nimirum data est gratia, pro mensura doni Christi*: ubi *gratia* non justificationem notat; sed dona ad Ecclesiæ ministerium collata, ut sequentibus ministrorum Euangelii gradibus exponitur. Quemadmodum & 1. Petr. 4. vers. 10. 11. *ut quisque accepit donum, ita alii in alios subministrantes, ut boni dispensatores variæ Dei gratiæ: Si quis loquitur, ut eloquia Dei: si quis ministrat, tanquam ex viribus, quas suppeditat Deus*. ubi *gratiæ* vox, non notat gratiam

justificationis, electis ac verè fidelibus propriam, (de ea enim non agit) sed dona ministerii, quæ etiam reprobis communicantur: sic hoc etiam in loco *gratia* pro subiecta materia convenienter accipi debet. Sed tertiò objici potest, adhuc majori veritatis specie, hoc modo: Apostolus hoc loco Hebr. 10. vers. 26. se annumerat iis, de quibus agit, dicens: *voluntariè enim peccantibus nobis, post acceptam cognitionem veritatis non adhuc pro peccatis reliquæ est hostia*: atque Paulus citra controversiam erat fidelis & electus. Ergo & illi, quibus se annumerat. Sed negatur consequentia, nempe Paulum seipsum annumerare. Neque enim illud ex eo sequitur, quod dicit *nobis*: quia ea vox *nos* interdum Synecdochicè accipitur, ac secundum quid, non autem simpliciter; sed pro aliquo ex nobis, hoc est, ex cœtu visibilis Ecclesiæ, quem alloquitur, in quo non solum verè fideles, atque electi, sed etiam hypocritæ ac reprobi, qualis Synecdoche perspicua est, 1. Petr. 4. vers. 3. *Sat enim est nobis, quod antea cœto vitæ tempore libidinem gentium patra verimus, incedentes in protervis cupiditatibus, vinolentiis, comessionibus, comotationibus, & nefariis idololatriis*: quam gravissimam impietatem, ac scelera Petro Apostolo verè tribui non posse omnes agnoscunt. Sensus igitur est, *nobis*, id est, nostrum parti, seu quibuscum nostrum; quales fuerunt quidam ex Judæis dispersis, per varias Asiæ provincias, quibus scribit: qui cum inter gentes versarentur, earum contagione, ante conversionem, hisce vitiis servierunt; ut sequentia Petri verba ostendunt, quæ non sibi, sed illis accommodat, eoque modo Synecdochen declarat. Eodemque modo Paulus, Tit. 3. v. 3. *Eramus quondam & nos amentes, rebelles, errantes, servientes cupiditatibus, ac voluptatibus variis, in malitia, & invidia degentes, odiosi, alii alios odio prosequentes*: Ubi in illis verbis *eramus nos* synecdoche est, ac secundum quid accipi debet vox ista *nos*, hoc est, pars nostrum. Nam Paulum ante conversionem talem non fuisse, ipsemet demonstrat, Actor. 22. vers. 3. & 23. 1. Phil. 3. v. 6. Denique, ut primam & reliquas objectiones simul confutemus, Esto; loquatur, Paulus de electis ac fidelibus: inde tamen non sequitur, ullos eorum esse causam efficientem hujus blasphemix, seu peccatum hoc speciale in Spiritum Sanctum committere, de quo quæstio est, & quod adversariis probandum. Ratio autem negationis est, quia Apostoli oratio non est categorica seu absoluta, sed hypothetica seu conditionalis, Hebr. 6. v. 6. & hoc loco similiter, ut ex vers. 26. constat, *peccantibus nobis*, hoc est, ut Beza sensum rectè expressit, *si peccaverimus*. Veritas autem enuntiationis hypotheticæ, (uti notum est) consistit tantum in connexionis seu consequentiæ, non autem in partis utriusque, vel unius veritate: quia vera esse potest enuntiatio, ut interim utraque pars sit falsa: ideoque ex ea antecedentis, aut consequentis veritas vitiosè concluditur, exempl. gratiâ Johan. 8. v. 55. *Si dixeris, quod non norim ipsum, ero similis vestrum, mendax*. Hæc Christi sententia verissima est, & tamen utrumque tam antecedens quam consequens falsum. Nec enim Christus id unquam dixit: nec mendax fuit: imò neque esse potuit. Sic etiam in Pauli enuntiatione: si de verè fidelibus accipitur, ex conditione posita in antecedenti, veritas illius facti, ineptè concluditur. Nec sequitur, si voluntariè peccaverimus, nempe in Spirit. Sanctum, nulla est hostia reliqua. Ergo ita peccamus. Sed excipitur: si hoc fieri non potest, aut nunquam fit: Ergo frustra ac sine ulla utilitate hæc comminatio ponitur. Verum negatur consequentia: primum quia si fieri non posset ullo modo, amplificationi ac confirmationi à re majori inserviret, ut Obadiæ vers. 4. *Si inter stellas poneret nidum tuum, inde deicerem te*; atqui antecedens fieri non potest: conditio tamen ea ponitur, ut probetur, multo facilius è petris ac rupibus, in quibus degebant Idumæi, ac quibus confidebant, in terram posse deijci. Sic etiam: si verè fideles ita peccarent, ut ab agnita veritate, pertinaci odio deficerent, ac fierent blasphemi in Spiritum Sanctum, ita punirentur; igitur magis alii, aut saltem etiam alii. Deinde non dicimus absolute esse impossibile, ut viva fide præditi ita pec-



tent: sed tantum relatè, & ex hypothesi. Nam si ipsos per se spectemus sine Dei auxilio, sanè tentationibus, partim internis suæ carnis, partim externis Satanæ, ac mundi, ad hoc peccatum adduci possent, Matth. 26. vers. 41. Luc. 22. vers. 31, 32. Sin verò Dei conservantis gratiam multiplicem, conjunctam verè fidelibus, ac perpetuam, spectemus; impossibile est, Ioh. 10. vers. 29. & 1. Pet. 1. vers. 5. Atque hoc pacto in nostris Ecclesiis impossibilem hanc defectionem statuunt. Itaque per se ratione virium nostrarum possibile; per accidens verò gratuiti Dei auxilii, impossibile est, ut verè fideles hanc specialem in Spiritum Sanctum blasphemiam committant. Sed rursus instant: Si ratione conservationis Dei certissimè est impossibile; Ergò inutiles sunt hortationes ad peccatum illud vitandum; & vanæ comminationes, si committerent. Verum iterum negatur Consequentia. Nam sub auxilio Dei conservante, & efficiente, ne potentia ita peccandi in actum prorumpat, continentur etiam tanquam modi quidam, & instrumenta utilia à Deo ordinata, hortationes ad officium, & comminationes pœnæ violanti officium propositæ. Quare perperam hæc duo, totum, & partem illius, opposita esse objiciunt. Totum enim est auxilium Dei conservans: pars autem illius una est hortatio & comminatio, quibus Deus utitur, præter refrænationem tentationum, ne vires nostras superent, 1. Cor. 10. & incrementum donorum, Christi intercessionem, & preces nostras, aliaque similia. Atque hæc de occurrente difficultate ex loco Hebr. 10. (ubi de blasphemia seu contumelia speciali in Spiritum Sanctum disseritur) in explicatione formæ hujus peccati diximus.

Finis verò illius blasphemix est duplex. propinquus, oppressio gloriæ Christi: id quod partim ex causa efficiente impulsiva in initio explicata; partim ex narratione blasphemix, Matth. 12. vers. 24. apparet. Remotus verò finis est, ut oppressa Christi gloria (quæ cupiditatibus eorum obstabat) securius cupiditatibus inservirent. ut enim Diabolus Deum, licet Summum Bonum esse norit, nihilominus tamen odit, non sub specie ac consideratione summi boni; sed sub specie mali, tanquam cupiditatibus ipsi propositis, adversarii: ita etiam Diabolum imitantes, blasphemii hi in Spiritum S. etsi Christum Dei filium, ac summum bonum esse non ignorent: similiter Spiritum S. de Christo testantem; oderunt tamen, quatenus sub specie mali seu fini ipsorum, ac cupiditatibus propositis, adversarium concipiunt.

Atque hæc de descriptione blasphemix in Spiritum Sanctum & expositione illius: unde comminationis à Christo propositæ subjectum intelligi potest. Attributum verò est pœna merita, quam indicat cum ait, *non remittetur*, hoc est, punietur, quemadmodum contrà peccati remissio est ab obligatione ad pœnam liberatio, ac pœnæ ommissio; ut in explicatione orationis Dominicæ pluribus exposuimus, idque in repetitione hujus comminationis deinde exponitur, distinctione, *non remittetur ei neque in hoc seculo, neque in futuro*. Vnde Pontificii purgatorium suum probare conantes, ita concludunt: Ergò quædam peccata remittuntur in hac vita, quædam non in hac, sed post hanc vitam: non autem in cælo, nec in inferno damnatorum ea remissio fit. Ergo in purgatorio. Sed negatur Consequentia, quia sensus est, *Non remittetur unquam* *αὐτῷ τὸ αἰῶνα*, ut exponit Marc. cap. 3. vers. 29. *non habet remissionem in æternum, sed obnoxius est æterno judicio*, id est, condemnationi. Distinctio igitur est non remissionis diversæ, sed durationis illius seu æternitatis, divisæ in hoc seculum, & in futurum, ad majorem rei evidentiam & terrorem. idque eo clarius est, quod Pontificii nituntur falsa hypothesi, quasi *hoc seculum* tempus vitæ cujusque notaret: *Futurum verò seculum* tempus post cujusque mortem, & quidem ante ultimum judicii diem. Nam tum temporis, ut fatentur, nullum erit amplius purgatorium, nulla reliqua remissio peccatorum. Atqui sacra Scriptura talem phrasium harum significationem non agnoscit. *Hoc* enim, seu *præsens seculum* oppositum *futuro*, est tempus ad ultimum diem, quo seculum hoc consummatur; *Futu-*

*rum* verò *seculum* ab ultimo die fluat, unde terminus illius à quo, *consummatio seculi* dicitur, Matth. 13. v. 39 40, 49. & 28. v. 20. & Luc. 20, v. 34. *Filii hujus seculi uxores ducunt, & nuptum dantur* (hoc est, qui ante finem, & consummationem hujus seculi erunt, illi nubent, &c. ut Luc. 17. v. 26. & 27.) quibus opponuntur v. 35. *Qui verò digni habitus fuerint, ut consequantur illud seculum, & resurrectionem ex mortuis, neque ducunt uxores, neque nuptum dantur*. Eodem sensu Marc. 10. vers. 30. *Istud seculum, & seculum venturum*, & Eph. 1. v. 21. *hoc seculum & futurum* opponuntur. Quare vana est Pontificiorum de hoc, & futuro seculo hypothesi. Deinde etiam si his verbis, *non remittetur in hoc seculo, neque in futuro*, notaretur distinctio, & hoc seculum hujus vitæ tempus, & futurum post hanc vitam significaret: inde tamen purgatorium minimè probaretur: quia cum non remitti peccatum, sit pœnæ obnoxium esse, ac puniri; sensus erit, fore ut & in hoc seculo & in futuro puniretur: quemadmodum etiam revera fit. Nam pœna hujus seculi est merita desertio à Deo, qua ipsis pœnitentia fidelis nunquam donatur, ut Hebr. 6. v. 4, 5, 6. & plerumque excæcantur, seu luce cognitæ veritatis ob ingratam malitiam privantur, Ioh. 12. v. 39. & 40. 2. Thess. 2. v. 10, 11, 12. Causa autem est hæc pœna, quod nunquam peccatum hoc remittatur, & peccatum ad mortem, idcirco *αἰῶνα* nominetur, 1. Ioh. 5. v. 16. non simpliciter, ac tantum, quod mortem mereatur, (hoc enim omni peccato convenit, Deut. 27. v. 26. Rom. 6. v. 23.) sed quod semper mortem æternam inferat. Ad cognitionem verò hujus peccati in Spiritum Sanctum specialis, quod attinet, ea est duplex, una divina, altera humana. Divina est, quæ per revelationem Dei: Humana verò, quæ per effecta hoc peccatum committentis contingit: qui duo modi Apostolorum temporibus fuerunt in usu, de quibus (saltem de priori) agitur, 1. Ioh. 5. vers. 16. 17. *Si quis viderit fratrem suum peccare peccato, quod non est ad mortem, petet à Deo, & dabit ei vitam, peccantibus non ad mortem. Est peccatum ad mortem, non pro illo dico ut roget: omnis iniquitas peccatum est, sed est peccatum, quod non est ad mortem*, hoc est, etsi omnis iniquitas sit peccatum, non tamen omne peccatum mortem certò infert. Ac prior quidem cognitionis modus, cessante prophetia, seu divina post Apostolos revelatione, similiter cessavit. Alter verò post eos tantum superest, quia effecta illius peccati propria esse non desinunt. Et illa quidem cognitio vel est ipsius peccantis, qui mentem animumque suum solus novit, 1. Cor. 2. vers. 11. Judicemque habet conscientiam; vel alterius, de peccante, ex effectis illius propriis; quæ cum rariora sint, rarior etiam est cognitio: nec temerè judicandum, nisi agnitæ veritatis Evangelii, & odii adversus eam destinati ac pertinacis documenta, ac blasphemix manifestè appareant. Qualia fuere in Juliano Imperatore apostata Constantini Magni genero, & ex fratre nepote, qui (ut narrat Socrat. Hist. Eccles. lib. 3. cap. 1. ut etiam Theodoret. lib. 3.) cum ab initio Christianus esset, ac tandem Libanii sophistæ, Ethnici, scriptis lectis, & accedente Maximi philosophi hominis Ethnici, ac Magi institutione, corruptus, eos imitari cœpisset, & ut malam Constantii Imperatoris de se suspensionem tolleretur, monasticam vitam simulavit; & in Ecclesia Nicomedensi lector designatus est, eaque fraude, pietatis fide facta, tandem Imperator creatus est, & publicè deinde Ethnicismum est professus, & variis modis (ut mandatis, promissis, minis, pœnis & scriptis libris contra Evangelia) Christianos oppugnavit, & Christum ac Christianam religionem scriptis, dictisque blasphemis, proscidit, dæmonesque invocavit, magicasque impietates coluit, ac tandem Christianorum perniciem meditans, in prælio cum Persis inito fagitta, incerto authore lethaliter percussus, sanguine ex vulnere suo manu impleta, in aërem sparsus, blasphemus ore exclamavit, *Vixisti Galilæe*, ut Theodo. hist. Eccles. lib. 3. cap. 25. recenset. Alterum exemplum hujus perniciosi peccati in Spiritum Sanctum recens, attribui solet Francisco Spiro causidico Italo, cujus historiam Johannes Sleidan. commentar. de statu religionis, lib. 21. anno 1548. recenset.

recenset. Veruntamen, quia Euangelii veritatem Spira abnegavit metu periculi, & amicorum de ipso sollicitorum, & liberorum persuasione, non autem ex odio destinato adversus veritatem Euangelii; idcirco peccatum illius abnegationis, non fuit peccatum in Spiritum Sanctum, de quo Christus loquitur: quamvis secuta sit horrenda desperatio, ex ignorantia peccati in Spiritum Sanctum definitionis; quod illud non aliud esse, quam notæ veritatis voluntariam, (licet tantum periculi metu factam) abnegationem existimaret: idque ut videtur, ex Christi verbis, Matth. 12. & inprimis Apostoli, Heb. 6. & cap. 10. non satis intellectis, per tentationem Diaboli, & conscientiae terrorem processit: adeo ut diceret, promissiones de Dei misericordia ad se nihil pertinere, & quod agnitam veritatem abjurasset metu periculi, destinatum se cruciatibus æternis, atque illos se animo jam persentiscere, atque videre: neque Deum amare posse, verum horribiliter odisse dicebat: in eoque persistebat, & miser in eo statu ac desperatione vitam finiit: ut Sleidanus recenset. Verum Wolffga. Musculus in Locis communib. de desperatione, huius exempli meminit; sed se Franciscum Spiram pro reprobo prorsus habere non posse ait, ex historia edita de iis, quæ cum ipso Paduæ acta, quodque quomodo se postea gesserit, & quis illius exitus fuerit ipsum fugeret: Hæc scripsit Anno 1560. post edit. Sleid. hist. in qua de exitu ejus agitur, quem aut nondum legerat, aut illius non meminerat.

Atque hæc de *blasphemia in Spiritum Sanctum*.

*Illustratio Versus 40. Matth. 12.*

**I**n signis est Jonæ & Christi comparatio, quæ vers. 40. huius capitis proponitur his verbis: *Sicut enim Jonas fuit in ventre ceti, tres dies & tres noctes: ita erit filius hominis in corde terræ tres dies, & tres noctes*. Ad cuius commodiorem intelligentiam, consideranda est primum rei circumstantia, deinde res ipsa. Circumstantia est occasio rei, & scopus. Occasio autem vers. 39. est remota, vel propinqua. Remota est petitio hæc Scribarum & Phariseorum; *Magister volumus ex te signum videre*. Propinqua verò est bimestris Christi responsio, sed altera sui parte obscurior. Prior autem est petentium accusatio: altera est petitionis recusatio. Accusatio hæc est: *Natio malitiosa*, (Nam *malitia* non simpliciter est mala, sed talis quæ aliis sua malitia est molestia) & *adulterina, signum requiris*. Qua ratione ostendit, illorum malitiam non esse sibi ignotam, quod scilicet petitio eorum à mala origine, medioque, ad finem malum, tenderet. origo enim mala fuit, quia non ex discendi studio; sed ex contumaci adversus Christum odio, processit. Nec enim ad fidem Christo faciendam, apud eos signis ullis erat opus; cum Christus ea abunde edidisset, ipsique vidissent, & invidentes acerbissimis atque horrendis blasphemis proscidissent. Deinde medium etiam seu modus petitionis malitiam habuit: quia simulationis larva eam subdole tegere sunt conati, quando Christum (quem apud populum, quasi dæmone agitatum accusarant) nunc *Magistrum*, quasi benevolentiae & honoris illius studio ducerentur, nominant. Finis denique fuit malus, nimirum ut Christum tentarent, & aliquam traducendi ansam captarent: quemadmodum Matth. 16. vers. 1. in simili exemplo factum est. Huic porro accusationi subjicitur consequens recusatio petitionis; *et signum non dabitur ei*. Causa autem illius, non est simpliciter petitio signi tantum. (Nam Gedeon firmandæ suæ fidei signum petens divinitus impetravit. Jud. 6. vers. 37, 39. & Ezechias similiter 2. Reg. 20. v. 10. & contra Achasis oblatum signum recusans increpatur graviter, Esa. 7. vers. 11, 12, 13.) sed causa fuit petentium signum malitia modò explicata: id quod Christus etiam indicavit, cum Scribas hosce & Phariseos idcirco *malitiosam & adulterinam nationem* nominavit.

Huic tamen petiti signi negationi, aliud ejus loco futurum prædicit Christus, cum ait *et non, nisi signum illud Jonæ prophetae supple dabitur ei*, ubi voces *et non*, significant, sed,

ut diversum, non autem exceptum aliquod notetur. Nam Christus non dixit generatim, non dabitur ullum signum. (Nam plurima postea edidisse certissimum est ex Matth. 14. & seqq.) sed de uno signo, & quidem tum petito loquitur; quod quia singulare erat, exceptionem non admittit. Atque hanc interpretationem, ut res ipsa suadet, sic vocum usus optimè fert. Nam quemadmodum vox, *nisi*, apud optimos latinæ linguæ authores pro *sed*, frequenter usurpari notum est: sic etiam *et non* apud Græcos (quos latini sunt imitati) est in usu, ut 1. Cor. 7. v. 13. *et non, sed, ut unicusque partitus est Deus, &c. ita incedat*. Gal. 1. v. 7. quod (scilicet Euangelium) *non est aliud, et non, sed, quidam sunt, qui vos turbant*. Ac similiter Synonymum *et non, sed* Cal. 2. 16. & Rom. 14. v. 14. *Nihil est impurum per se, et non, sed ei qui existimat aliquid impurum esse, ei impurum est*. Apoc. 21. v. 27. *Non ingreditur in eam ullum impurum, &c. et non, sed illi, qui scripti sunt in libro agni*. Sic etiam intelligendum est illud, Ioh. 17. v. 12. *quos didisti mihi ego custodiri, & nemo ex iis perivit, et non, sed filius perditionis*. Nec enim hoc loco est exceptio, ex datis Christo, quorum meminit: sed oppositio; quippe, *quos dedisti mihi, & filius perditionis*, hoc est, perditioni destinatus atque obnoxius, si rem spectemus, sunt inter se opposita. Nam *dati à patre Christo*: hic sunt Apostoli non simpliciter, quatenus Apostoli: sed qua electi ac vocati ex mundo ac fide donati; ut toto reliquo capite hæc significatio usurpatur, ut vers. 2 & 6. & 8. & 9. & 11. quibus locis omnibus non intelliguntur quicunque dati sunt in Apostolos; sed qui dati sunt, prædestinatione & vocatione ad fidem: quemadmodum attributa horum datorum evincunt: qualia sunt conservatio, oratio Christi pro iis, sanctificatio & salus. Deinde idem ostendit oppositio mundi (hoc est, cætus reproborum;) pro quo non orat, vers. 10. ideoque diversa significatio v. 12. non nisi ineptè omninò fingi potest. Sensus igitur huius loci convenienter huic significationi erit; signum petit: sed non dabitur ei, quod jam petit signum; sed aliud dabitur ei, nempe signum illud Jonæ prophetae. Quod quia obscurius nonnihil, lucem explicationis desiderabat.

Hæc de loci occasione. Scopus verò est obscurioris illius dicti illustratio; ut res ipsa ad scopum accommodatè comprobatur.

Hæc enim v. 40. proposita à Christo comparatio, declarat signum Jonæ prophetae non esse intelligendum proprie, de signo ac miraculo quod Jonæ accidit: sed de simili signo in Christo exhibendo. Hæc autem comparatio similitudinis non contracta est, ut vers. 29. sed partibus suis propositione & redditione explicata: quarum prior simile illustrans: posterior simile illustratum complectitur.

Propositio est: *Sicut enim Jonas fuit in ventre ceti tres dies & tres noctes*. De qua re agitur, Ion. cap. 1. vers. 17. Tres autem dies, & tres noctes, periphrastice tres dies (quorum singuli 24. horis constent ut Gen. 1.) denotant: sive simpliciter sint tres integri: sive secundum quid, non integri, ut hoc in loco redditio ostendit, cum Christus ait: *ita erit filius hominis in corde terræ, tres dies & tres noctes*. Quibus verbis, & is qui comparatur cum Jona, & res in qua comparatur, ostenditur. Qui comparatur est *ille filius hominis*, quo Synecdochicè *ὁ υἱος τοῦ ἀνθρώπου* certo Christus designatur, ut Matth. 16. & alibi. Cujus nominis ratio est, ut quidam volunt, petita ab excellentia humilis conditionis illius, quæ hoc modo notetur: de qua re Phil. 2 v. 7. Videtur tamen aptius esse, ut excellentia dignitatis officii ea periphrasi innuatur; ut sensus sit, ille promissus ab initio hominis filius, scilicet semen illud mulieris & Abrahami, filius Davidis, Messias promissus, quod omnino videtur declarari, Ioh. 5. v. 27. *& potestatem dedit ei, etiam iudicium exercendi, & illis ἀποθνήσκειν ἢ ζῆναι, hoc est, quia filius hominis est*, nempe promissus Messias, ad cuius officium, tanquam Regis, hoc iudicium pertinet. Et licet non esset hoc versu Ioh. 5. is sensus. sed simpliciter *filius hominis* denotaret hominem: dici posset declarari, ad filium Dei, de quo ante actum est, iudicium pertinere, quia filius hominis est,

hoc est, verè *ἡ ἀνάστασις* est, ideoque Messias ille, ad quem iudicium pertinet. Id autem quo Christus comparatur Jonæ, est sepultura & duratio illius. Et illa quidem metaphorica periphrasi hoc modo describitur: *erit in corde terræ*, hoc est, intra terram (ut cor in corpore) sicut cor alibi usurpatur. Quemadmodum Ezech. 27. v. 40. *Tyrus dicitur in corde maris sita*, quæ tamen non in medio extructa, sed non procul à continente distabat: unde ab Alexandro Magno obsessa, tandem terræ conjuncta est. Sic hoc in loco *in corde terræ* nihil aliud notat, quam in terra, sive intra terram. Ideoque inepti sunt Pontificii, qui hinc colligunt ac contendunt, Christum anima sua descendisse in infernum. Nec enim sequitur, Erit in corde terræ: ergo secundum animam: nec sequitur, in corde terræ; ergò in inferno: quia *cor*, ut ostendimus, non medium speciatim; sed internum spatium qualecunque metaphoricè designat. Nam quod objicere solent Christum non in corde terræ sepultum, quia positus est in sepulchrum è petra excisum, Matth. 27. vers. 6. illud inquam non sequitur: quia hæc non sunt opposita, sed consentanea: quia terræ nomine petra tanquam pars illius meritò comprehenditur. Duratio autem sepulturæ describitur: *Tribus diebus, & tribus noctibus*, hoc est, ut ante ostendimus, per periphrasin tribus diebus (qui singuli 24. horis constant) Synecco. acceptis: quemadmodum Christus exponit, Matth. 16. v. 21. & 17. v. 23. Cum ait, *tertia die resurget*. Deinde historia Euangelica idem demonstrat. Nam primi diei tribus horis: & secundo die integro, à vespera ad vesperam sequentem: & tertio die à vespera, ad primam matutini temporis partem, hæsit in sepulchro, ac tum resurrexit. Quæ verba ut plenius ac planius cum antecedentibus intelligantur, breviter similitudinem Jonæ, & Christi distinctè describemus.

Ea autem indicatur Jonæ nomine, adjunctis, & effectis consequentibus. Nomine, quia vocatus fuit *Iona*, hoc est, (ut Hebræa vox sonat) columba: Christus verò re ipsa moribus est columbæ instar Matth. 10. v. 16. sincerus, atque innocens, mitis & humilis, Matth. 11. v. 29. quod etiam à Deo fuit indicatum, quando in baptismo illius Spiritus Sanctus super ipsum quasi columba descendit, ac mansit, Matth. 3. v. 16. Ioh. 1. v. 32. Altera similitudo posita est in adjunctis, cum miseriæ, tum liberationis. Et in miseria quidem prima similitudo, quod Jonas sese ultrò è medio tollendum obtulit: ut navis, maximis fluctibus agitata, ac periculo submersionis obnoxia, non periret: sed servaretur. Jon. 1. v. 12. eoque in mare projecto, sedata tempestas, ac navis servata, vers. 15. Sic Christus ultrò sese lubens morti exposuit, Ioh. 18. v. 11. Eph. 5. v. 2. & v. 25. 26. ut Ecclesiam suam, ob peccata iræ Dei & exitio æterno obnoxiam servaret. Ioh. 6. v. 51. & 10. v. 15. eoque morte à Judæis & gentibus affecto: Judæorum & gentilium Ecclesia, ab exitio servata est, Act. 20. v. 28. Johan. 11. v. 50, 51, 52. Apoc. 8. v. 9.

Alteram in miseria utriusque est similitudo; quod ut Jonas, in mare ejectus, & à ceto deglutitus, in ventre illius, ac corde maris, tres dies ac tres noctes, sine corruptione hæsit, Jon. 2. vers. 3, 4. Sic Christus morti traditus & sepulchro concluso ac obsignato, Matth. 27. vers. 60. quasi absorptus, tres dies & tres noctes, in corde terræ, Matth. 12. v. 40. corruptionis expers, Act. 2. v. 24, 27. mansit. In liberatione verò est similitudo, quod ut Jonas à Deo liberatus, è ventre ceti die tertio salvus est emissus, Jon. 2. v. 11. Sic Christus aperto divinitus sepulchro, à morte liberatus, tertio die resurrexit, Luc. 24. v. 2, 5, 6, 7.

Atque hæc de similitudine quæ in miseriæ, & liberationis adjuncto apparet. Postrema similitudo in effectis consistit. Nam ut Jonas è Ceti ventre, quasi à morte liberatus, Ninevitas adiens, iis fuit signum Luc. 11. iisque prædicavit Dei verbum, fore scil. ut post dies quadraginta, Nineve subverteretur, nisi scil. (ut Dei mens erat) poenitentiam agerent: Sic Christus Judæis primum per se, divinum Euangelii verbum prædicavit, & ob neglectum illius, ac pertinacem rejectionem, brevi futuram Hierosolymæ, urbis, & populi, subversionem prædixit; Matth. 21.

v. 43. c. 23. v. 38. Datoque circiter 40 annorum ad poenitentiam spatio, & prædicatione Apostolorum, Primoribus Judæorum, ac plerisque non correctis, sed ferocioribus evadentibus, tandem subversio urbis, & horrenda incredulorum Judæorum pernicies, per Vespasianum & Titum Imperatorem Romanum consecuta est. Credentes verò Christi monitum secuti, Matth. 24. v. 15, 16. & ultra Jordanem, in urbem Pellam sese recipientes, ut hist. Eccl. docet, sunt servati.

Atque hæc de Jonæ & Christi similitudine, vers. 40.

*Vindicatio Sententiæ Matth. 12. vers. 43, 44. & 45.*

Quandoquidem hujus loci explicatio nonnihil videtur habere difficultatis, & doctrinæ de perseverantia sanctorum adversarii, ad oppugnandam eam, hoc loco solent abuti: non importunum fore arbitramur, si genuinam illius sententiam distinctè exponamus; & objectæ difficultatis solutione vindicemus: & primum à rei circumstantia, occasione scil. & scopo, ad rem ipsam aditum præparemus. Occasio autem est antecedens Christi, vers. 41. & 42. oratio, qua primum, Scribarum & Phariseorum, post cognitum Christum, poenitentiae expertem malitiam, oppositè Ninevitis, & reginæ Austri, demonstravit; deinde poenam in futuro seculo ipsos secuturam, prædixit. Scopus autem est hujus prædictionis amplificatio. Nam ad eum Christi verba vers. 43, 44. & 45. tanquam idoneum medium destinata, diriguntur. Quorum summa est, quod præter prædictam judicii ultimi poenam, in futuro seculo solvendam, aliam etiam in hoc seculo experientur; atque ita aptissimè declarat Christus, id, quod ante dixerat generalius, vers. 35. *Blasphemiam in Spiritum Sanctum neque in hoc, neque in futuro seculo remittendam*, hoc est, in utroque puniendam. Cæterum illud hoc loco non absolutè, sed ad majorem rei evidentiam ac pondus comparatè exponitur: ut adversarii Christi, ad terrorem meritum, & discipulis, ad salutarem cautionem inserviat. Comparatio autem est non paritatis, sed similitudinis, constatque propositione, ac redditione: quarum illa longior, hæc brevior existit. Propositio, simile illustrans complectitur his verbis vers. 43. 44. & initio 45. *Ceterum cum impurus Spiritus eierit ab homine, &c.* Quod simile quidam tanquam parabolam, à re nunquam facta, sed ficta, docendi gratia depromptam, esse censent: alii verò contra arbitrantur, à re interdum facta similitudinem desumptam: idque magis videtur consentaneum: cum nihil hic recensetur, quod non interdum usu possit evenire: deinde simili etiam exemplo, ex Ioh. 5. illustrari potest, postquam Christus ægram, qui annos 38. laborarat, sanavit; ita ipsum, ut vers. 14. traditur, admonuit: *Ecce sanus factus es, ne amplius pecca, ne quid deterius tibi accideret*: sic hoc in loco similiter dicitur; cum is, qui à dæmone liberatus est, ingrato liberationis contemptu, virtutibus vacuus, amplius peccat, ac dæmoni inservit, rursus postea iusto Dei vindicis iudicio, dæmoni permittitur, & deterior illius viri conditio est, quam antea fuerat. Ac causa iusta, cur hoc exemplum à dæmone obsessio potius Christus produxerit, quam aliud simile, duplex apparet. Una, quod propria corporis à dæmone obsessio, similitudine concinna cum metaphorica obsessione animæ, qua dæmonis suavis aguntur, Eph. 2. v. 2. conveniat. Altera causa, quod simul & Phariseos simili hoc terret; & sanatum à se dæmoniacum v. 22. periculi ac poenæ alioqui imminenti metu, ad officium extimulat, ut Ioh. 5. v. 14. in simili re factum.

Porro ut ad propositionis hujus distinctam explicationem procedamus, ea complectitur primum subiectum similitudinis, deinde modum: seu quis sit similis, & qua in re. Subiectum est homo, non universè omnis, sed particulatim aliquis, ut res ipsa declarat. Modus vero similitudinis est accidens conditio illius triplex, præterita, præsens, & futura. Ac præterita quidem est ab impuro Spiritu obsessio. *Impurus autem Spiritus*, periphrasi in sacra Scriptura frequenti, dæmonium notat; ut Matth. 10. v. 1.

*Dedit*

*Dedit eis potestatem adversus Spiritus impuros*, id quod v. 8. exponitur, *Dæmonia ejicere*. Et quod Marc. 1. v. 23, 26. dicitur, *Spiritus impurus*, illud Luc. 4. v. 35. *Dæmonium*, & vers. 33. *Spiritus dæmonii impuri* exponitur; quæ impuritas metaphorica, hoc est, malitia, opposita angelorum bonorum seu spirituum electorum sanctitati, non est à creatione Dei: qui omnia bona fecit, Gen. 1. v. 31. sed à voluntaria eorum à sanctitate naturali, declinatione, & lapsu, 2. Pet. 2. v. 4. Jud. v. 6. Hominis autem ab impuro Spiritu obsessio indicatur relatè. Primum cum exitus illius fit mentio. v. 43. & absolute, cum homo illius domus vers. 44. appellatur. Cujus obsessionis ac potestatis impuri Spiritus origo, non est à naturali, sive jure illius, sive subjectione hominis: sed à merito lapsus, & peccatorum hominis, & à Dei judicis & providentis iusta dispensatione: qua hominem dæmoni, non libera potestate illius, sed definitis modis, & terminis, (quos dæmon egredi non potest, Job. 1. v. 12. & 2. v. 6. Matth. 8. v. 31, 32.) obsidendum tradit. Atque hæc de conditione hujus hominis præterita.

Præfens conditio est duplex, nempe collata homini à Deo gratia, & relata ab homine ingratitude. Gratia autem à Deo collata, est ab illa obsessione liberatio, quæ declaratur his verbis: *Cum impurus Spiritus exierit ab homine*: quo & ante ingressum ipsum, & egressum designatur. Nec enim exire aliud est, quam illud, quod ante inerat, inesse definire. Coeterum hic exitus Spiritus impuri non est voluntarius; sed invitus, & Dei potentia coactus, ut ex seqq. etiam constat: qualis illius Spiritus impuri ratio, quem Christus ejecisse hoc cap. 12. v. 22. recensetur. Relata vero hujus hominis ingratitude, describitur per allegoriam, similitudine ab iis petita, qui hospites expectant: ut enim illi conclavia sua, si ab aliquo occupentur, vacua reddere, & verere atque ornare solent, ut apta & grata sint iis adventantibus: sic hoc in loco, homo ab obsidente dæmonio liberatus, virtutibus vacuus, & peccatis suis ad excipiendum dæmonem idoneus, & præparatus, proponitur. Nam licet peccata per se sint quali sordes & fæditates; spiritibus impuris tamen, ob pravitatem eorum, sunt instar nitoris & ornamenti, quo delectantur: quemadmodum lutum & sordes porcis delitiæ sunt.

Et hæc de præfenti conditione. Futura verò est Spiritus impuri primum reditus; deinde obsessio altera hominis illius deterior. Et reditus quidem exponitur occasione, & causa efficiente. Occasio est, quod ejectus spiritus impurus, quærens alium, quem obsideat, non inveniat: id quod per metaphoram, ab homine in exilium terræ aridæ, & desertæ relegato, qui frustra locum ubi quiescat, quærit, declaratur: quod dæmonii, ex homine ejectio sit instar exilii, & loci aridi & deserti. Causa verò est dæmonii de reditu, ad eundem hominem rursus obsidendum propositum, id quod vers. 44. ita describitur: *Tunc dicit* (hoc est, cogitat, & statuit per metaphoram usitatam) *revertar in domum meam, unde exii*. Reditus autem (qui ad propositi executionem principium est) indicatur, cum dicitur, *& cum venis, &c.* Obsessio verò hominis deterior describitur, ab occasione movente & modo. Occasio movens est, quod invenit hominem, quem antea obsederat, quasi *domum vacantem, versam, & ornatum*, hoc est, & à virtutibus, & sancta sollicitudine eum vacuum, & peccatorum suorum studio, dæmonio excipiendi idoneum. Modus autem est, v. 45. quod spiritus impurus assumptis septem, hoc est (per Synecdo. speciei pro gen.) multis spiritibus, quam ipse sit peioribus, cum iis hominem occupet, fiatque conditio ultima deterior prioribus. Cui simile est illud, cuius ante meminimus, Joh. 5. v. 14. *Ecce sanus factus es, ne amplius peccas, ne deterius tibi fiat*. Quod autem hic de spirituum impurorum deteriori obsessione dicitur, illud intelligendum non est, quasi illud ab eorum arbitrio, & libera potestate penderet: sed quod Dei iusto judicio, quatenus ipsi placet, hoc illis permittatur. Nam cum ne in porcos quidem eam habeant, sine venia, potestatem, Matth. 8. v. 31, 32. multò minus in homines.

Atque hæc de prima comparisonis hujus parte, nempe propositione, qua simile illustrans plenius est descriptum.

Alter pars est redditio in fine v. 45. cum dicitur: *ita etiam erit nationi huic malitiosa*. In qua redditione subjectum est, *natio hæc malitiosa*, quod licet à multis interpretibus, de Judæorum populo (cujus maxima pars erat hujusmodi) exponatur: alii tamen accommodatius, hoc loco, de Scribis & Phariseis, in Christum, & Spiritum S. blasphemis dici interpretantur. Nam eos ita ante vocavit, v. 39. & postea vocat Matth. 16. v. 4. & quasi intento in præfentes digito indicat, cum non solum ut antea dicit, *hæc natio malitiosa*: sed *etiam natio huic malitiosa*: Denique cohærentia orationis Christi, cum antecedentibus, ad eisdem hæc referri, declarat. Atque hæc de subjecto, cuius attributum est: *ita erit*, id est, (ut proximè, antecedentia ostendunt) postrema ejus conditio deterior erit prioribus; quod scilicet ob ingratitude, & malitiam in Deum (cujus gratia notitiam Christi acceperant) iusto judicio notitia eà essent privandi, & suis cupiditatibus, & efficaciz Satanæ tradendi. Quemadmodum Deus, eos, qui ingrati, contra conscientiam, pertinaci peccant, punire solet, Rom. 1. v. 21. 24. 2. Thess. 2. v. 10. 11. Joh. 12. v. 40. Atque hæc de loci hujus explicatione, unde facilius sequetur illius adversus perseverantiz sanctorum hostes vindicta. objiciunt enim hoc modo: Ille homo è quo Spiritus impurus hic ejectus dicitur, liber est, atque vacuus ab omni potestate Satanæ, purgatus à sordibus peccati; & ornatus virtutibus: & tamen conditio illius postrema deterior fit prioribus. Ergò verè sanctificati & fideles deficiunt. Sed negatur antecedens. Neque enim de ejectione spiritus impuri ex anima agitur: Sed ex corpore; nec de vacatione ab omni spirituali Satanæ potestate: sed ab obsessione qua corpori nocet: nec de purgatione à peccato, & ornatu virtutum: sed de bonorum, quæ Dæmoni ingrata remotione, & actionibus malis, ipsi gratis instructione hominis, sermo est: ut in explicatione ostendimus: idque etiam redditio similis illustrati, subjecta, evincit. Nam comparat nationem illam malitiosam illi qui ab impuro spiritu est liberatus, atque malitiosam esse & à malitia purgatam & virtutibus ornata, non sunt similia: sed aperte contraria. Quare quæ objiciunt, infirma & aliena sunt: cum non agatur de verè per regenerationem sanctificatis, seu viva fide & charitate donatis: sed in utraque comparisonis parte sermo est de non renatis. Et in propositione quidem loquitur Christus de eo, qui ab obsessione dæmonis corporali beneficio affectus, ingratus, non Deo sed peccatis inservit: in redditione verò de Scribis & Phariseis, qui per legem ab impuritate idololatriæ, & per Evangelium, illuminatione Spiritus S. ab ignorantia Christi, ad notitiam illius adducti, ipsum, ingrati & diabolo servientes, Joh. 8. v. 44. blasphemis impetebant. Ideoque ut illius à Dæmonis obsessione liberati, sic & horum Scribarum postrema conditio prioribus deterior futura, ut 2. Pet. 2. v. 20. 21. 22. statuitur. Quare frustra ex hoc loco perseverantiam sanctorum (qui Christi sanguine & spiritu regenerationis sunt sanctificati) adversarii oppugnant: quia de hisce neque propositio, neque redditio quicquam loquitur.

*Ex Matth. Capite XV. Illustratio Sententia Christi vers. 5.*

**I**Nter eas Christi sententias, quæ variè ob difficultatem, quæ apparet, exponi solent, postrema non est quæ Matth. 15. v. 5. (ut & Marc. 7. v. 11, 12.) continetur: his verbis: *quicumque dixeris patri aut matri, &c.* quocirca explicare conabimur: & brevi analysi, cohærentiam cum antecedentibus, & sequentibus præmittemus. Hoc autem capite ad versum usque 12. describitur certamen Scribarum & Phariseorum cum Christo, constans oppugnatione Christi v. 1. & 2. & propugnatione Christi, v. 3. & seqq. Et oppugnationis quidem exponitur, primum, circumstantia temporis, & loci: deinde modus illius. Tempus est, *tunc* cum scilicet Christus plurima ederet miracula, Mat. 14. v. 35. 36. & Marc. 6. v. 36. Locus verò duplex notatur: unde venerint Scribæ & Pharisei, nempe Hierosolymis v. 1. & Marc. 7. v. 1. & quidem Hierosolymitani, hoc est, Hiero-



Hierosolymis degentes, Matt. 15. v. 1. deinde ubi Christum oppugnare ceperint, indicatur, nempe in Galilæa, in qua miracula ista ab eo fiebant, ut ante offendimus, idque illis verbis indicatur, *accedunt ad Jesum*. Modus autem oppugnationis primum generalis declaratur, quod scilicet non factis, sed verbis Christum sunt aggressi; quod indicans Euangelista v. 1. ait: *dicentes*: Particularis verò modus v. 2. describitur hoc modo: *quare discipuli tui, &c.* in quibus verbis, injusta eorum criminatio est, qua discipulos aperte, & Christum oblique accusant. Constat autem propositione ac confirmatione.

Propositio est objectio facti, & qualitatis; factum ita exprimitur: *discipuli tui transgrediuntur traditiones seniorum*: qualitas verò cum quæritur, *quare*: quæ interrogatio hoc loco est indignationis nota, quasi dicerent: nullam justam rationem reddere poteris: ideoque & illi peccant, qui hoc faciunt: & tu, quia tui sunt Discipuli, & te ferente hoc faciunt. Confirmatio verò est, *Non enim lavant manus suas, cum edunt panem*; quæ verba non sunt intelligenda, de comuni gentium, & ad honestatem civilem pertinente, manuum lotionem: sed de propria Judæis, & supersticiosa ex traditione doctorum, quæ plenius Marc. 7. v. 2. 4. recensetur. Ad cuius rei illustrationem, consulendi sunt viri doctissimi Joseph Scalig. in Elencho Serarii cap. 7. & Joh. Drus. annotat. in Novo Testamento seu *præteritiorum* parte prima ad Marc. c. 7. v. 3. ubi de modo lotionis, quæ πυγμῇ fieri dicitur, ex Judæorum scriptis differitur.

Hæc de oppugnatione Christi, à Scribis & Phariseis facta. Cui deinde subijcitur propugnatio, quæ altera certaminis hujus pars. Cujus modus 1. generalis proponitur, quod etiam verbis, ut adversarii, non autem factis sit usus, quod indicatur his verbis: *at ille respondens eis dixit*. Deinde particularis modus subijcitur: quo accusationem Scribarum & Phariseorum confutat: non negatione facti, sed qualitatis objectæ. Nam primum Christus, universalem eorum sententiam, quæ accusatio objectæ nitebatur, diluit accuratissime à v. 3. ad 9. Deinde particularem, quæ discipulorum esum attinebat. v. 11. & 12. & quidem sermone ad populum converfo. Universalis autem sententia erat: qui seniorum traditiones transgrediuntur, illi certò peccant: hoc verò falsum esse docet Christus, quod traditiones eorum partim impiæ essent. v. 3, 4, 5, 6. partim vanæ, v. 7, 8, 9. Et impias quidem esse nonnullas, docet justa gravique recriminatione, quæ constat propositione v. 3. Confirmatione, v. 4. & 5. & conclusionem vers. 6. Propositio autem est: *quare & vos transgredimini mandatum Dei, per traditionem vestram?* In qua propositione accusationem factam à Scribis & Phariseis, in eos retorquet, simili modo sermonis; nam & factum objicit, & qualitatem illius. Factum simile quidem in genere facto discipulorum, quod ut discipuli erant transgressores mandati: sic quoque Scribæ & Pharisei; Quam similitudinem indicat cum ait: *ἡ ὑμῶν, & vos transgredimini*. In specie verò dissimile omnino ostendit, ratione causæ efficientis mandati: quod Scribæ Dei mandatum transgredierentur, in quo impietas consistit: contra verò discipuli mandatum & traditiones hominum tantum. Qualitatem idcirco facti innuit interrogatione, *quare*: quasi diceret; nulla causa subest justa: sed impia inobedientia est, vers. 3. Cujus propositionis confirmatio, est oppositio mandati Dei specialis v. 4. & transgressionis illius, per traditionem Phariseorum v. 5. Mandatum autem Dei speciale, proponitur à Christo duplex, commune, ac perpetuum, nempe quintum Decalogi præceptum, Exod. 20. *Nam, inquit, Deus mandavit dicens, Honora patrem &c.* deinde proprium Judæis, & politicum, Exod. 21. v. 16. *qui maledixerit patri, aut matri, morte moriatur*. Cui mandato duplici opponitur Phariseorum, per traditionem contrariam transgressio, v. 5. cum ait: *vos autem dicitis, quicumque dixerit patri aut matri &c.* de cuius antecedentis inprimis, & deinde de consequentis genuino sensu, multæ & veterum & recentiorum discrepantes sunt sententiæ: ex quibus, brevitatis causa, præcipuas expendemus. Ad antecedens autem subjectum enuntiationis quod attinet: *quicumque dixerit dñon ὁ πατήρ ἢ ἡ μήτηρ ἀφ' ὧν ὁ Θεός*, obser-

vandum est primum vocem *ἡν* usurpari hoc loco pro *ἀν*, potenciali, ut loquuntur, particula; ut alibi sæpius, Mat. 5. v. 19. *ὅς ἐάν ἔν λύπῃ, quicumque igitur solverit*, & cap. 8. v. 19. *ὅπου ἐάν ἀπέρχῃ, quocumque abieris*, & cap. 10. v. 14. *ὅς ἐάν μὴ δέξῃται ὑμᾶς quicumque non receperit vos*, & v. 36. *ὅς ἐάν λαλήσῃ quod locuti fuerint*. & cap. 16. v. 19. *ἡ δὲ ἐάν ἡθῆς, & quicquid ligaveris &c.* deinde etiam observanda est constructio vocis *ἀφ' ὧν*, cum accusativo ὃ pro dativo ὃ per ellipsin vocis *κατὰ*, quemadmodum Matth. 16. v. 26. *τί γὰρ ἀφ' ὧν λατρεύῃς*, Marc. 5. v. 26. *μὴ δὲν ἀφ' ὧν λατρεύῃς* &c. ut 1. Cor. 13. v. 3. *ἢ δὲν ἀφ' ὧν λατρεύῃς*. deinde & illud certum, quod hic dicitur *δῶρον* à Christo appellatum Corban, ut Marc. 7. *Corban, hoc est, donum*, expresse dicitur; qua voce donum Deo consecratum designatur. De re verò controversia est. Quidam enim hæc filii ad parentes verba, exponunt de operata fraude, & pietatis, ac benevolentiae quadam simulatione, hæc dici censent: alii verò de aperta honoris debiti, cum indignatione & ira, negatione, interpretantur. Ac priorem sententiam quidam sic sequuntur, ut vox *δῶρον*, *donum*, sit enuntiationis hujus subjectum, & ὃ ἐάν ἐξ ἐμῆ, ad subjectum etiam pertineant: ut sit sensus, donum quod à me offertur, tibi proderit. ut sit prætextus, cur parenti opem non ferat filius, quod pro salute & felicitate non solum sua; sed etiam parentis sacrificium obtulerit: ideoque tantundem esse, ac si in usus illius contulisset. Quam expositionem secuta est Genevensis Gallica editio Novi Testamenti. Alii verò subjectum statuunt diversum nempe ὃ ἐάν ἐξ ἐμῆ ἀφ' ὧν λατρεύῃς *quo à me jurari possis, ac deprecaris*: ut sit prædicatum, *Corban*, donum est Deo: Ideoque cum Deo consecratum sit, non licet tibi hoc conferre. Atque ita Chrysost. ad hunc locum de Scribis & Phariseis loquens explicat, cum ait: *Docuerunt juvenes pietatis simulatione contemnere parentes. Quinam & quodnam modo? Si quis parens diceret filio, da mihi hanc ovem quam habes, aut vitulum aut aliud hujusmodi &c. dicebat δῶρον ἐστὶ τὸ πρὸς Θεῷ, ὃ δὲ ἐάν ἐξ ἐμῆ ἀφ' ὧν λατρεύῃς, donum hoc est Deo, quo ex me jurari vis*. Sic etiam Theophylact. ait: *Christus docet, eos legem Dei transgredi: docebant enim liberos nihil dare parentibus: sed offerre, quæ haberent, in gazophylacium templi: & post pauca verba subijcit: Pharisei igitur suadentes liberis, nihil dare parentibus, sed offerre ea in thesaurum templi, docuerunt eos dicere, donum est, hoc est, Deo oblatum est ὃ Pater, quo à me jurari quæris*. (Hinc apparet ex Theophyl. antecedentem vocem nihil, item, quæ haberent intelligi, ab eo, non absolute; sed relatè ad ea, quæ à parentibus ad subsidium eorum petebantur, ut etiam sequens partitionis mentio indicat) *& ita ipsi partiebantur cum liberis pecunias, & parentes deferebantur, senili alimento destituti. Idem autem etiam feneratorum faciebant: Si quis enim alicui pecunias ad usuram dedisset: deinde difficilis esset debitor, nec debitum redderet, dicebat fenerator ad illum iniquum debitorem, Corban est, quod mihi debes, id est, bonum Deo oblatum. Debitor igitur ex illo tempore quasi Deo debens, etiam invitatus solvebat*. Eodemque modo hunc locum Marc. 7. similiter exponit. Ac quamvis in hac expositione vox *δῶρον* per ellipsin verbi substantivi, est, prædicatum statuatur, cum tamen præcedat ordine verborum suum subjectum: in eo nihil est absurdi: quia hæc inversio ordinis non est insolens: sed in Sacra Scriptura frequentissime occurrit. Nam ut omittamus quod Matt. 5. vers. 3. ad 11. usque octies prædicatum *μαναζοι* suis subjectis proponitur, hoc ipso cap. 15. frequenter conspicitur, ut vers. 7. *Propheta ait de vobis Esaias*, & v. 8. *appropinquat mihi hic populus*, & v. 22. *misere mei Domine*, & 28. *magna* (supple, est) *fides tua*, & 30. *& accesserunt ad eum turbæ multæ, ὅχλοι πολλοί*.

Atque hæc de primo expositionis hujus loci modo, quo fraude operata, & sub benevolentiae, & cultus Dei specie, honorem parentibus suis liberi subtrahebant; idque, ut vox *δῶρον* vel sit subjectum, vel prædicatum. Alter verò modus est, quo locus hic declaratur ab aliis, ut verba hæc à filio, subsidia parenti postulanti, denegante, aperta indignatione dicta fuisse intelligantur. Idque ex priscis Judæorum traditionibus (quæ in Thalmudis tractatu de iurejurando, & votis continentur) probant tres viri insignes, & linguarum

Orien-

Orientalium & Thalmudis callentissimi. Quorum verba, ut observatu dignissima, & quod libri eorum vulgo non sunt in promptu, non ingrata fore, si proponamus, confidimus.

Primus est Paulus à Judæo factus Christianus, & tandem in Hispania Episcopus Burgenfis: in Additionibus ad glossam Nicolai de Lira, Matth. 15. Ad istum, inquit, passum bene intelligendum, recurrendum est ad traditiones Pharisæas, seu Thalmudicas, quas Christus intendebat in proposito reprobare; ad cujus evidentiam sciendum, quod circa materiam votorum, unus liber à Thalmudicis est compositus, qui intitultur נדרים id est, vota: In quo unus error talis est: Tradunt enim quod sicut quilibet potest bona sua consecrare Deo, sic, quod facta hujusmodi consecratione per votum, postea non licet alicui talibus bonis uti, nisi in Dei obsequium, scilicet in servitio altaris vel templi, vel hujusmodi: sic quilibet potest consecrare bona sua singulariter, hoc est respectu unius personæ tantum, verbi gratia, si quis dicat alicui proximo, volo seu voveo quod bona mea sint consecrata respectu tui; tunc dicunt, quod illa bona sint consecrata respectu illius hominis tantum: sic quod nullo modo eis uti possit; ac si essent simpliciter Deo consecrata. Dominus tamen illorum bonorum & alii homines quicunque, possunt uti talibus bonis ac si non essent consecrata, sed mere propria (aut ut lectio ad marginem habet, profana.) Votum autem hujusmodi secundum eos multipliciter oritur exprimitur, & specialiter cum verbis significantibus aliquam rem consecratam, ut si dicat aliquis, sicut templum, sic est res mea: Tunc res illa est consecrata, tanquam templum: similiter si dicat, sicut altare, vel sicut corbona, vel hujusmodi: similiter si quis dicat, Munus sit, vel est, talis res, idem est judicium: intelligitur enim de munere Deo oblato. Ex quibus inferunt, quod dicat quis patri suo, munus quodcumque ex me tibi proderit: tunc pater nullo modo potest uti aliquo bono filii sui, etiam filio volente & patre in necessitate existente. Et hoc ideo, quod secundum traditionem suam prædicta omnia bona filii sui sunt consecrata, respectu patris. Quibus post pauca subjicit: Cujus sensus est, quod filius vovet, ut sit tanquam munus altari consecratum, quicquid sit (videtur redundare scriptorum vitio vox ista, aut deesse vocem quod) de bonis suis patri proderit, & sic filius taliter vovens, nullo modo potest prodesse patri secundum eos; quod est de directo contra præceptum divinum: & hoc est, quod legitur Marc. 7. quodcumque ex me tibi proderit: & ultra non dimittis eum quicquam facere patri suo aut matri. Hæc ille.

Alter verò est Andreas Masius, vir in linguis Orientalibus versatissimus, & qui ad Bibliorum Regionum apparatus, Grammaticam, & Lexicon linguæ Syrach conscripsit, qui in doctissimis in Josuam commentariis anno 1574. editis ad capituli sexti v. 19. eruditè sic ait: Res enim Deo devotæ (quas Græci ἀναθήματα & ἀναθήματα vocant) tam ea sunt, quæ in locis sacris dicantur, quam ea, quæ adolentur atque abolentur. Hebræi ipsas posterioribus temporibus vocaberunt נקבא, & elisa durioris soni litera קוב, Coban: eadem notatione scilicet. quæ Græci ἀναθήματα dicunt. Est enim קרב offerre, unde extat apud Hebræos doctores (tractatu de jurejurando & votis) hæc jurandi aut vovendi potius, solennis formula קרבן קרבן hoc est, anathema & res devota esto, quicquid illud sit, quo ego tibi profim, aut quam tu utilitatem ex me capias; quo voto cum quis apud aliquem usus est, quamvis necessitudine obligatum atque adeo erga suum ipsius parentem, nefas esse statuunt Rabbini, illum ullo beneficio, aut officii genere juvare: ne, quod Deo devoruit, videlicet, id humanis commodis serviat. Atque hæc ipsa est illa traditio, quam citat, damnatque Christus apud Matthæum & Marcum, tanquam Mosis legi adversantem, à nostris Interpretibus formulæ illius ignavis adhuc parum bene (ut mihi videtur) explicata, sive Græcis sive Latinis, nam in Syriacis Evangeliiis dilucidior apparet sententia. Hactenus Masius.

Tertius author est, Benedictus Arias Montanus, itidem in linguis Orientalibus & Thalmude exercitatissimus, quique maximam in Bibliis Regiis Tetraglotti, edendis, & apparatu instruendo, navavit operam. Is enim in elucidatione quatuor Evangelistarum, apud Plantinum excusa, anno 1575. ad hunc locum Matth. 15. ad ista verba: Vos autem dicitis, sic ait. Inter alia argumenta libri traditionum

(intellige Thalmuden) est argumentum de voto, multis partibus & questionibus disputatum, integro volumine. In votorum autem generibus duo sunt præcipua: quorum alterum ad hujus loci explicationem facit: ut quis jurejurando ac vovendo neget, se alium juraturum, vel amicum, vel patrem, vel uxorem, vel virum, &c. Appellatur autem hoc votum נדר נדר Nedar-Hanaab: Latine ad verbum votum utilitatis, vel commoditatis. Cujus multæ sunt species pro circumstantiis verborum: pro materia, quæ præstanda adjuratur. Est autem augustissimum in hoc genere votum, si quis dicat se alii נדר id est, commoditatem omnem abnegaturum. Forma concipiendi voti hujusmodi ea est vel simplex, sine juramento, in hunc modum אס קונם אני id est, voveo ego (sive confesco ego) si. Nam huic orationi & conjunctioni conditionali si, addebatur verbum pro arbitrio voventis. Atque hoc erat votum simplex, firmum tamen. Erat autem aliud firmissimum, & omnino insolubile, cui præter concepta verba adjungebatur juramentum, &c. Igitur his præcognitis facile locus hic exponetur, si Græca, simul cum Latinâ, conferatur lectio. Nam quod Græcè sic ad verbum legimus, δῶρον ὃ ἐὰν ἐξ ἐμῆ ἀπολαύσῃς, sic latine ad verbum lego, & dispungo, munus, quod si ex me juveris; manifeste ostenditur votum נדר conceptum & pronunciatum, adversum parentes, adjuncto juramento per Munus, juxta traditionem gravissimam, quod ejusmodi esse solet קרבן שאתאנא (videtur potius legendum נדר) quod ita explicant. נדר שאתאנא מנא אסור עלך id est, ad verbum δῶρον ἐξ ἐμῆ ἀπολαύσῃς ἀμφοτέρωθεν, quodcumque ex me juveris, (sive ut habet vetus Interpres, quodcumque ex me tibi proderit, vel profuerit) interdictum tibi est. Latine verò jam aperta est oratio, si post vocem Munus, dispungamus: significat enim ille Hebræismus concisus, idem ac si dicatur; sanctum munus juro me esse damnatum, si quicquam proficiatur ex me quod tibi profit. Hæc est traditio quam Christus allegabat disertis, ut diximus, verbis, ac satis diffuse in illo libro descripta & repetita. Hactenus Arias Montanus.

Quare variis jam propositis doctissimorum, veterum & recentiorum, de hujus loci sententia, interpretationibus, eas examinare, & quænam videatur maximè consentanea, explicare conabimur. Ac primum ea sententia, quam initio recensuimus, qua statuitur enuntiationis hujus subiectum esse donum, quod ex me (supple erit) prædicatum vero juveris; non videtur satis convenire. Nec enim reipsa, nec ulla specie illa inter se pugnabant, offerre dona, ut prodesse non minus parenti quam filio; & simul parenti opem ferre: quia utrumque lege Dei probatum: neque etiam ex Thalmude (in quo veterum Pharisæarum traditionum farrago continetur) aut ullis Judæorum scriptis hoc probatur, ab hujus sententiæ authoribus: & Paulus Burgenfis Judæorum, & Christianorum sui ævi doctissimus, contrariam Judæorum sententiam esse tradit, & ex Mose Maimonide comprobatur, in Additionibus suis ad glossam Lyræ Matth. 15. Neque sanè credibile est, Judæos ita fuisse impudentes, ut si quis patri dixisset; Ex meo dono, quod Deo offeram, tu etiam utilitatem seu benedictionem Dei percipies, propterea prohiberent, tanquam nefas, ullum subsidium patri conferre: quemadmodum Marc. 7. prohibitum demonstratur. Nam in illis filii verbis, nullum juramentum, nullum votum, si ita accipiantur, ut exponunt, apparet, nihilque quod ullam habeat causæ rationem, aut speciem illius, cur honor parentum, quasi illicitus filiis prohiberi potuerit. Ac propterea quod doctissimus Tremell. ad Nov. Testam. Syriacum, Matt. 15. v. 5. ait: significat hac excusatione, externo Dei cultu abundè satisfieri, patrio honori, ut qui Deo aliquid obrulerit, nihil amplius parentibus debeat, illud inquam minus convenire videtur. Quare aptiores expositiones sunt reliquæ, quæ speciosum prohibiti honoris, ac neglecti erga parentes prætextum continent, ac vocem δῶρον donum prædicatum esse, reliqua verò, nempe: quodcumque à me juvari posses, subiectum esse statuunt. Etli enim hæc præpostera sit constructio; non tamen est contra Hellenismum, neque insolens; sed in Sacra Scriptura usitatissima, ut antea demonstravi, & exempla passim in ea sunt obvia. Et Chrysost. & Theophyl. Græci disertissimi, eodem modo construunt & expo-

exponunt, ut ex ante dictis & citatis ex iis apparet.

Itaque primum probabilis est Chrysoft. & Theophyl. sententia, ut sit excusatio omitti honoris erga parentem, pietatis simulatione, quod id esset donum seu consecratum Deo. Nec enim consecrata Deo licebat in usus illius, eo-que, neque parentis conferre. Sed tamen altera expositio, ut sit, non excusatio, sed aperta recusatio honoris ac subsidii conferendi, cum indignatione quadam, sub cultus Dei specie, maximè videtur verisimilis, & quidem ut sit votum: quemadmodum ejus usum fuisse apud Judæos, ex Thalmude probatur: ut (quemadmodum tradunt Paulus Burgenfis, & Andreas Masius) sensus hic sit; *id quo à me juvari posses, donum esto*, hoc est, Deo devotum: ideoque Marcus cap. 7. vocem, qua Christus usus est, *Corban*, expressit, quod pro sacro dono usurpatur. In quo voto approbato à Phariseis violatur utrumque Dei mandatum à Christo propositum: religiosum quidem de honorandis parentibus: cum filii, honorem subsidii se parentibus exhibituros, voti religiosi specie negarent: politicum verò cum sprete lege divina, de pœna civili ac capitali ei inferenda, qui parenti malediceret, obliquè hoc præstarent: quando cum indignatione, & ira, in eos, sub voti servandi prætextu, opem se iis nunquam laturos assererent. Quod autem Arias exponit, *sanctum munus juro, me damnatum esse, si quicquam proficiscatur ex me, quod tibi profuit*; ut hoc modo sit irati in Patrem filii non simplex votum, sed juramentum: illud non videtur satis consentaneum. Primum, quia traditio Phariseorum, quam ipsemet ex Thalmude ac Judæorum interpretatione ponit; *quodcumque ex me tibi profuerit, interdictum tibi est*, apertè cum Paulo Burgenfi, & Masio convenit: & votum, non autem juramentum est. Deinde, aliam habent, quam ipsius expositio, constructionem & sententiam. Nam ita oratio plena est: excepta notissima verbi substantivi ellipsi, donum (supple) esto; ideoque cum Deo consecratum sit, & mihi nefas dare tibi: & tibi accipere. Contra verò Ariæ Montani expositio ellipses habet non necessarias. Nam pro voce *donum* aut *munus*, ponit ista, *sanctum munus juro, me esse damnatum*. Deinde obstant etiam verba Christi: non enim dicit *δῶρον ἐὰν donum si*: sed *δὲ ἐὰν ὁφραυθῆς quocumque juvari posses*. Nam si *ἐὰν*, non pro *ἀν*, sed pro *si* accipitur, tum pronomen à omnino erit superfluum. Cæterum causa, quæ ad hanc alienam interpretationem, prætermittit rectè, virum doctissimum adduxisse videtur, ea est, quod Josephus in medio libri primi, contra Apionem, Theophrastum de legibus citans, ait: *dicit enim quod prohibent Tyrionum leges, peregrinis juramentis jurare, inter quæ, cum quibusdam aliis, & juramentum dictum Corban enumerat. Apud nullum autem invenitur hoc juramentum præterquam apud solos Judæos. Significat autem (ut si quis ex Hebræorum dialecto interpretans diceret) δῶρον Θεοῦ donum Dei*. Quo loco strictim recitato, illustrissimus Josephus Scaliger de emendatione temporum in appendice, seu notis in fragmenta pag. 25. ait. *Et iste locus Theophrasti pulcherrimè interpretatur locum Matth. 23. v. 18. imò sine hoc loco Theophrasti ille Matthæi non intelligeretur*. Sed licet juramentum aliquod fuerit Judæis solenne, per *Corban* seu donum Deo oblatum: ideoque metonymicè à Judæis *Corban* dictum: inde tamen non est statuendum, Matth. 15. & Marc. 7. similiter intelligi oportere, ut ex antecedentibus rationibus, quas attulimus ex usu Judæorum, & ex verbis Christi apparet. Contra verò, rectè à Paulo Burgenfi, & Masio, votum statui, & quidem per enuntiationem non imperfectam sed perfectam, ex antiquis Judæorum traditionibus, Thalmude & interpretum Judæorum expositione, traditis, & ante memoratis constare potest. Nam quod vir illustrissimus eam rejicit, quasi præpostera esset contra Hellenismum interpretatio; deinde quasi adeo obscura esset, ut à nemine intelligi queat: iis jam antea ex superioribus testibus gravissimis, & explicatione perspicue satisfactum arbitramur. Quod autem ipsemet ita exponit, in Elencho Serarii cap. 9. *δῶρον, δὲ ἐὰν ὁφραυθῆς πατρὸς καὶ μητρός σου πῶς ἐὰν δῶρον, donum quod à me profectum tibi profuit, omni erga te honore me liberat*: illud Masii expositioni præferri debere non videtur. Primum,

quia Pauli Burgenfis & Masii expositio, sententiam perfectam (subjecto suo & prædicato constantem) servat; hæc verò sine necessitate ulla, imperfectam: ut in qua solum ponatur subjectum: prædicatum vero longiore ellipsi supplendum, statuit. Deinde Masii sententia nititur consuetudine, ac traditione Judæorum veteri: hæc verò auctoritate veterum omnino destituitur.

Hæc de orationis antecedente: *vos autem dicitis, si quis dixerit, quodcumque ex me tibi prodesse possit, donum (supple) est, aut esto*. Consequens verò *ἐὰν μὴ τιμῶν patrem suum, aut matrem suam*. Quæ verba bifariam exponi possunt. Primum ut sit oratio conditionalis, & imperfecta, ad quam supplendam, initio vox *ἐὰν* si, & in fine, *insons erit* addatur. Quemadmodum Clarissimus Beza interpretatur, (quem etiam nonnulli viri doctissimi sequuntur) qui verba *ἐὰν μὴ τιμῶν τὸν πατέρα αὐτοῦ ἢ τὴν μητέρα αὐτοῦ* sic reddit Latine, *etiamsi nequaquam honoraverit patrem suum, aut matrem suam, insons erit*. Secundo exponi potest, ut sit oratio perfecta, & à conditione absoluta, & libera, hoc modo; *etiamsi nequaquam honoret*, id est, nequaquam honorato ille: ut Christus non sua, sed Phariseorum verba, & mandatum recitare intelligatur, ad sententiam captam absolvendam: scilicet ut aoristus subjunctivus (qui circa omnem controversiam futuri habet significationem) non conditionaliter, sed absolute, & quidem pro imperativo, hoc loco accipitur. Quam modi enallagen, ut Latini imitantur: sic literarum sacrarum, & bonorum authorum Græcorum usus frequens comprobatur, ut Matth. 5. v. 17. *μὴ νομίσητε ne existimate* & vers. 36. *μὴ λέγεσθε ne jures, seu ne jurato*, & cap. 6. vers. 2. *μὴ σαλπίζετε ne buccinato*; & vers. 5. *ἐὰν ἴσῃ ne sis, vel ne esto* & vers. 13. *μὴ ἐισπύγῃς ne inferas*, id est, *ne infero*. Sic etiam elegantes, ac præci authors Græci: ut primum Theognis, *μηδὲς ἀνθρώπων τοῖσιν nullus hominum persuadeat*, hoc est *persuadeto* p. 10. editio. Lipsiæ anno 1603. opera Wolffgan. Seber. idem *μὴ ποτε &c. ἀλλότῃς ne unquam perdas* id est *perdito*, pag. 26. Hunc secutus Ifo-crates in oratione ad Dæmonicum, non procul ab initio; *μηδὲς συμφορὰν ἐνεδίκευς, nulli calamitatem exprobrato*; & sub orationis finem, *ἐὰν μὴ θαυμάσῃς, neque mireris*, id est, *ne admirator*. Si quis autem objiciat aliam, quam in locis citatis, apud Matthæum esse orationis formam; quod non simplex sit, sed geminata prohibitionis vox *ἐὰν*: illud inquam nihil orationis formam mutat, etsi prohibitioni, negationis geminatione, addatur pondus.

Nam quemadmodum aoristo subjunctivo eo modo absolute pro futuro indicativo utitur Matth. 5. v. 26. *ἐὰν ἔξῃς nequaquam exabis*: sic eodem modo, pro imperativo accipitur, Gal. 5. v. 16. *ἐὰν μὴ πλεονέξῃς nequaquam perficiatis*, hoc est, ut rectè Beza, *ne perficite*, sic hoc in loco Matthæi, *ἐὰν μὴ τιμῶν, & nequaquam honoret*, hoc est, *nequaquam honorato ille*. Atque eam esse, & horum verborum sententiam ex Marc. 7. v. 11. colligi potest: *Corban*, hoc est, *donum, quodcumque ex me tibi prodesse possit, & non amplius permittitis eum quicquam præstare patri suo, aut matri suæ*. Hinc enim apparet, post ea filii verba, ei à phariseis fuisse interdictum parenti ullam opem ferre: quod interdictum exprimitur apud Matthæum his verbis, *etiamsi nequaquam honoret seu honorato ille*. Si quis autem id minus convenire existimet ob copulam præmissam: non enim ita sonare verba, *si quis dixerit donum est, &c. nequaquam honoret*: sed *ἐὰν, & nequaquam honoret*: quæ copula hoc sensu posita omnino foret superflua atque inanis; ad illud negatione responderetur: Nam vox ista, *ἐὰν*, seu *etiamsi* posita, emphasin & vim suam habet, scil. ut antecedentis dicti, à filio, consequentiam necessariam declararet; quemadmodum non inanis est copula hæc, si judex ita discernat; si promissisti, etiam solvas: si es confessus te crimen illud perpetrasse, etiam pœnam perferas.

Quamobrem, ut tandem concludam; expositio sententiæ videtur hæc commodissima: *Vos autem dicitis, Quicumque dixerit patri aut matri, quodcumque ex me tibi prodesse possit, donum est aut esto; etiamsi nequaquam honoret patrem suum aut matrem suam*. Sic enim oratio non imperfecta, sed perfecta statuitur: & quidem traditioni Phariseorum antiquæ

quæ in tabulas Thalmudis relatæ, conveniens; cum eam Judæi prisci agnoscant: sensu denique non intricato, non obscuro, sed perspicuo, ( si quis diligentius attendat ) & cum Græcæ linguæ usu congruente. Nam verbi substantivi ellipsis adeo trita est, ut vix ellipsis censeri debeat. Quod autem *donum*, pro dono Deo consecrato accipitur, ut omnes agnoscunt, in eo non est oratio elliptica; ( ut quidam vir doctissimus censet ) sed synecdoche generis pro specie, quæ ut esset clarius Marc. 7. v. 11. vocem, qua Christus est usus, scil. *κοῦν* expressit. Quæ, si etymon spectemus, generatim donum notaret, sed in sacris literis pro dono solummodo, quod Deo consecratum, accipitur, & vox *Dei* rarissime additur: ut Levit. 23. vers. 14. *Corban Dei vestri*, & Num. 9. v. 13. & 31. v. 50. *κοῦν* Iehovæ. Atque ita quoque exposuit Origenes Tom 2. in Matth. 15. *Etenim si Deus dicit: Honora patrem & matrem, traditio ex adverso dicebat, eum non debere honorare patrem aut matrem, dono; qui, quod daturus erat parentibus, consecravit Deo, quippe Corban: palam est, Dei præceptum de honore parentibus exhibendo, per traditionem Phariseorum & Scribarum aboleri, quæ dicit non amplius oportere honorare patrem & matrem dono, eum, qui semel Deo consecravit, quod parentes solent accipere.* Quod autem Ptolomæus hæreticus in epist. ad Flor. teste Epiphano hæres. 13. aut 33. editionis Græcæ, pag. 99. hunc locum ita citat: *δὴ τὸν τῷ θεῷ, iis verbis non indicat aliam lectionem ( ut Camerarius opinatur, ) sed recitationem sensus, non verborum: quædam enim omitit, ut ὁ θεὸς; quædam verba mutat, atque addit, hoc modo, ὁ θεὸς ἡμεῶν τὸν νόμον, hæc est mutatio: Matthæus enim habet τὸν νόμον τοῦ θεοῦ: δὴ τὸν πατέρα & τὴν μητέρα, ( hoc addit ) pro ὁ θεός. Quemadmodum postea Epiphani. in refutatione Ptolomæi, sensum, non autem verba recitans, ait: pag. 101. *Sermo qui a Servatore dictus est: si quis dixerit Patri suo κοῦν, ἢ ἀγαθὸν, τίς ἐξ αὐτῶν, nil commodi ex eo percipiet scil. Pater & Filio.* Id quod etiam minus attendit latinus Interpres, qui verba ex Marco recensens, interpretatur ( *κοῦν*, hoc est, *donum* ) quodcumque ex me in tuum cedit commodum.*

Atque hætenus hujus loci difficilioris illustratio per-texta: unde, quid de aliis interpretationibus à nobis præteritis, censendum sit, facile poterit judicari. Quales sunt tres inprimis: quarum prima ita recensetur à Chrysostomo, ac rejicitur, *Nomnulli etiam, inquit, aliter exponunt, donum quodcumque ex me tibi proderit: ( id est, honorem tibi non debeo, sed dono gratis, si ego te honora-vero. ) Verum huiusmodi contumeliæ Christus nullam fecisset mentionem.* Altera alienior est August. Tom. 4. Quæstio. Evangelicarum lib. 1. sect. 16. qui sic ait: *Munus, quodcumque ex me, tibi proderit, id est, munus quod offers causa mei, ad te jam pertinebit. Quibus verbis filii significant, jam non sibi opus esse parentum pro se oblatione: quod ad eam ætatem pervenissent, ut possent jam ipsi offerre pro se: in hac videlicet ætate constituti, ut possent parentibus sum hoc dicere; & cum hoc dixissent, negabant Pharisei reos esse, si parentibus suis non præstarent honorem.* Postrema sententia & interpretatio est, quam secundo loco recenset Hieron. tom. 9. ad cap. 15. Matth. *Potest autem & hunc habere sensum; Munus quod ex me est, tibi proderit. Compellitis, inquit, filios, ut dicant parentibus quodcumque donum eram Deo oblaturus, in tuos consumo cibos, tibi-que prodest & pater & mater: ut illi timentes acciperent, quod Deo mancipatum videant, inopem magis velint ducere vitam, quam comedere de consecratis.* Hæc interpretatio ut mihi commodam; sic prior, quam Græcis Patribus consentaneam tradit, magis congruit. Docuerunt, inquit, pessimos filios, ut si quis ea, quæ parentibus offerenda sunt, vorare voluerit Deo ( qui verus est pater ) oblatio Domini præponatur parentum muneribus: vel certe ipsi parentes, quæ Deo consecrata cernebant, ne sacrilegii crimen incurrerent, declinantes, egestate conficiebantur. Atque ita fiebat, ut oblatio liberorum, sub occasione templi, & Dei, in sacerdotum lucra cederet. Hæc pessima Phariseorum traditio de alia veniebat occasione. Multi habentes obligatos ære alieno, & nolentes sibi creditum reddere: delegabant sacerdotibus, ut pecunia exacta, ministeriis templi, & eorum usibus deserviret. Hæc Hieron. Quam utramque Hie-

ron. sententiam, Beda in Marc. cap. 7. iisdem prorsus verbis transcripsit.

*Explanatio dicti, Matth. 16. v. 24.*

**A**Ntequam memorabilis, & celeberrimi hujus loci sententiam genuinam exponamus, ad faciliorem illius notitiam, occasionis & scopi illius circumstantiam paucis declarabimus.

Occasio autem gemina est, colloquium Petri & Christi antecedens, & periculum inde consequens. Ac colloquii quidem pars prima est privata; nam Petrus reverentiæ causa Christum assumsit, hoc est, à reliquis eum abduxit nonnihil: ne dicta ipsius alii præter Christum audirent. Modus autem alloquii illius est, temeraria dictorum Christi, à Petro instituta, reprehensio: qua Christum, ex imprudenti illius amore, à debita morte subeunda, quasi ea re immitis in se esset futurus, avertere conatur v. 22. Altera verò pars est Christi reprehensio, & quidem publica: qua conversus ad discipulos, perperam reprehendentem Petrum, contraria sententia graviter reprehendit, Marc. 8. vers. 33. idque in eum finem, ut non solum Petrus, sed etiam reliqui auditores, eo modo cautiore redderentur. Reprehensio autem mandato, & accusatione constat. Mandatum est ut post Christum abeat: non autem ipsi importuna & indigna reprehensione, & dehortatione præcat. Accusatio autem primum proponitur, cum *Satanam*, hoc est, adversarium vocat: deinde veritas & justitia accusationis, confirmatione exponitur: deducta à proprio adversarii effecto, cum externo, tum interno. Externo quidem, quod Christo esset scandalo: seu in via, atque obedientia subeundæ mortis, divinitus imperatæ, rectè procedenti, esset obstaculo, ab eaque avertere, & ad lapsum adducere imprudenter conaretur. Interno verò, quod carnali de morte Christi judicio abreptus, Dei & Christi sapientiæ, & voluntati contraria sentiret; eoque modo externi effecti, seu temerariæ ac vitiosæ reprehensionis, & dehortationis fontem indicat Christus. Hæc de Colloquio antecedente. Periculum verò consequens erat offensæ, & perturbatio discipulorum: cum Petri, nondum rem intelligentis; tum reliquorum, ob acerbam hanc increpationem, metuenda. Communis enim erat eorum de Christi & Christianorum conditione error; siquidem regnum Christi non solum spirituale, sed etiam mundanum fore, ex recepta Judæorum opinione, perperam sentiebant: ideoque neque ea, quæ à Christo, de morte; ex mandato Patris, & officio suo subeunda, fuerant subinde prædicta, intellexerunt, Marc. 9. v. 22. neque ea, quæ de persecutionibus, iis, aliisque credentibus, obventuris proposuerat monita, Matt. 5. & 10. & alibi, rectè capiebant: sed mundani Christi regni opinione quasi excæcati, mundanam in eo felicitatem, & insignes præ aliis dignitates sibi sperabant, & affectabant. Aded ut etiam post recentem mortis suæ à Christo prædictionem, de principatu inter se disceptarent, Marc. 9. v. 34. & Matth. 18. v. 1. Imò Petrus ipse post gravem hanc increpationem, & luculentam institutionem, Christo, ad mortem sæpissime prædictam, & Cœnæ Sacramento obsignatam, jam parato, eam nihilominus inveteratæ opinionis recordatione, & imprudenti Christi amore abreptus, gladio feriens, avertere conatus est, Joh. 18. v. 10.

Atque hæc de occasione hujus dicti. Scopus verò Christi fuit, ut huic Petri, & discipulorum offensæ & huic gemino, de Christi & discipulorum illius conditione, errori occurreret & mederetur.

Medium verò & remedium ad hunc scopum destinatum, & idoneum, est hic versus 24. *Tunc Jesus, &c.* Constat autem præfatione Evangelistæ, & Christi doctrina. Ac præfatio quidem tempus, & objectum doctrinæ Christi; seu quando & quibus eam tradiderit complectitur. Tempus indicatur, cum ait, *Tunc*, nempe post patefactum Petri errorem, & acrem illam à Christo subiectam increpationem; nam tum maximè erat tempestivum, ut error ille perspicua doctrina corrigeretur. Objectum verò, seu



illi, quibus Christus hanc doctrinam tradidit, sunt discipuli; *dixit inquit discipulis*. Nam licet error Petri, ratione sermonis ipsius, quo Christum reprehenderat, esset proprius; ratione tamen opinionis atque effectus animi erat reliquis discipulis (ut ante ostendimus) communis; ac propterea non solum Petro, sed etiam reliquis commune erat adhibendum remedium. *Discipulorum* autem nomine, non tantum Apostolos (ut sæpius *ἐκ τῶν μαθητῶν* accipi solet, præsertim cum ab aliis Christi discipulis distinguuntur) sed etiam reliquos doctrinæ Christi sectatores intelligit: quemadmodum in Marcus cap. 8. v. 34. exponit: *Et cum advocasset turbam cum discipulis suis, dixit eis, &c* ubi specialius, per *discipulos*, Apostolos intelligit; quia à turba, quæ etiam Christum sectabatur, distinguuntur; inter quos discipulos, & Petrum quoque complectitur, ut Luc. 9. v. 23. indicatur; *dixit autem ad omnes*. Cum enim communis omnium, de conditione Christi, & Christianorum, esset error, eos communi doctrina (ut ante ostendimus) erudire & corrigere studens, omnes compellavit auditores.

Atque hæc de præfatione Evangelistæ. Doctrina verò Christi sequentibus verbis continetur: *Si quis vult post me venire, abneget seipsum, & tollat crucem suam, & sequatur me*. Quibus verbis legitimos suos discipulos, ab officio describit, enunciatione hypothetica. Cujus antecedens est, *si quis vult post me venire*, hoc est, per Synecdo. generis pro specie, meus esse discipulus: quia hoc moris est, ut discipuli præeuntem magistrum sequantur, ut Matth. 4. vers. 19. Jesus vocans in discipulos Petrum & Andream, dixit; *venite post me*, & Act. 20. v. 30. *Ut discipulos post se abstrahant*. Consequens verò est, *abneget seipsum, & tollat crucem suam, & sequatur me*: quo modo officium discipuli Christi proponit, primum absolute; deinde comparatè secum exponit.

Officii autem propositio constat abnegatione sui ipsius, & tolerantia crucis mandata: prius indicat, cum ait; *abneget seipsum*. Id autem non propriè, sed impropriè intelligendum. Non propriè, quia veritati id repugnaret; illud enim nihil aliud esset, quam negare se esse quod est. Quemadmodum Petrus abnegavit seipsum, & Christum quoque cum se illius discipulum esse, eumque nosse negavit, Marc. 14. v. 66. 67. Luc. 22. v. 34. Atque ita, ut Deus, qui verax est, ac fidelis, seipsum negare non potest, 2. Tim. 2. v. 13. Sic eadem ratione, neque hoc præcipere propriè homini potest. Impropriè verò per metaphoram, & similitudinem quandam, ab iis deductam, qui aliquem nosse pro suo, ac communionem illius habere seriò abnegant (quales Judæi, qui Christum Act. 3. v. 13. 14. Joh. 19. v. 15. & Israëlites qui Moysen abnegasse dicuntur, Act. 7. v. 35.) negligere, atque averfari significat: quemadmodum, Tit. 2. v. 12. *abnegantes impietatem* eodem sensu dicitur. Cæterum seipsum Christus abnegare seu averfari jubet non simpliciter; sed secundum quid, & quidem non quatenus homo sanctitate & iustitia præditus eamque exercet: hoc enim Deus non vetat: sed lege præcipit; sed quatenus Dei mandato adversatur. Hoc autem fit duobus modis, per se, vel per accidens. Per se adversatur homo, Dei mandato, carne seu vitiositate innatâ, quæ in mentis cœcitate, seu errore, & cordis obduratione, seu affectuum, & voluntatis pravitate consistit. Eph. 4. v. 18. quarum dominium in incredulis: reliquæ verò in credentibus supersunt, quæ cum Deo, & legi ipsius adversentur per se, Rom. 8. v. 7. 8. & pugnent adversus Spiritum, hoc est, fidei, spei, charitatis sanctitatem, per Spiritum regenerantem insitam, Gal. 5. v. 16. Idcirco earum abnegatio, ut omnino necessaria ibid. præcipitur, Galat. 5. v. 16. & Rom. 12. vers. 2. Ephes. 4. v. 21, 22, 23. & Tit. 2. v. 11, 12. Per accidens vero homo adversatur mandato Dei, quando id, quod à Deo iussum & bonum est, agit, sed non bene: vel quod per se medium & liberum est, sed contra Dei universale vel particulare interdictum fit; vel ratione circumstantiæ, vel omninò. Prioris exemplum est: diligere parentes & sanguine junctos, vitamque suam, res bona & iusta est divinitus: sed si quis circumstantiam negligat, seu ordinem modumque

excedat, ac prius & magis eos amet, quam cœlestem patrem & vitam æternam; ratione circumstantiæ fit malum, non bene faciendo; quod alioqui in se est bonum, ut Matth. 10. v. 37. 38. & 16. v. 25. & propterea eo respectu abnegandum & odio habendum, Luc. 14. v. 26. Atque ita Abrahamus rectè amavit filii sui Isaac vitam; sed Deo vitæ & necis Domino mastrationem illius jubente, amorem filii in ordinem redegit, ac Dei amoris postponens, ei renunciavit, Deoque paruit, Gen. 22. v. 12. Heb. 11. v. 17. Posterioris & quidem ratione primi modi exemplum est huiusmodi: Cibus naturæ idoneus, ad esum licitus fuit ac liber ante Moysen; sed per accidens legis; Israëlitis latæ, de discrimine ciborum, ejus desiderium & usus in prohibitis cibis erat vitiosus: ideoque abnegari debebat.

Alterius exemplum est Abrahami obedientia, quicum patriæ & sanguine junctorum præsentiam amare ei liceret: Deo tamen desertionem eorum imperante, res licita facta est illicita; ideoque amoris illi, ob particulare præceptum divinum, erat renunciandum, Deoque, ut fecit, parendum, Gen. 12. v. 1. & Heb. 11. v. 8.

Atque hæc de abnegatione nostri. Alterum officium est crucis tolerantia. *Tollere* autem & ut Matth. 10. v. 38. *accipere*, & Luc. 14. v. 27. *portare crucem*, metaphoricè persecutiones, ab adversariis, pietatis odio inflictas, ad Dei gloriam patienter perferre designat, similitudine à Christo ducta, qui à Judæis religionis odio afflictus, crucem impositam portavit, Joh. 19. v. 17. Quod autem additur *suam*, illud non causam efficientem, sed officium notat, hoc est, non quam immeritus quis sibi accersit, aut sua improbitate meritis, 1. Petr. 3. v. 17. aut temeritate, cum sine officii læsione declinare posset ac deberet, Matth. 10. v. 23. Act. 8. v. 24. 25. incurrit: sed contra quam Deus vult, hoc est, officii necessitas seu obedientia Deo præstanda postulat: cum scilicet persecutionis tolerantia, sine pietatis violatione, vitari non potest, 1. Pet. 2. v. 19. 20. & 3. v. 17. Atque hæc de propositione officii absoluta. Cui subjicitur expositio comparata his verbis; *& sequatur me*, id est, meum exemplum. Nam Christus primò seipsum abnegavit, non ratione mali & vitiositatis, qua omninò caruit: sed ratione boni sui temporalis, seu vitæ, & quietis temporalis, cujus voluntatem seu amorem abnegavit, cum voluntati Dei, & amoris illius se subjecit, Matth. 26. vers. 42. deinde crucem pertulit; cum hora ipsius adesset, secundum Dei voluntatem, atque ita exemplo suo nobis præivit, & ad imitationem sui provocavit, 1. Pet. 2. vers. 21. & cap. 3. vers. 17. 18. Hebr. 12. vers. 1. 2. 3.

Atque hæc de hujus loci explicatione.

*Capituli Vicefimi Matthæi, à vers. 1. ad 17. Examen.*

**Q**Uoniam de genuina orationis Christi Matth. 20. vers. 1. ad 17. sententia, & veteres & recentiores Theologi, cum Orthodoxi, tum alii, magna opinionum varietate, inter se dissident: & Pontificii inprimis, ad suos, de operum meritis, errores fucandos abutuntur: idcirco opportunum, atque operæ pretium fore existimavimus; si, quid maximè veritati consentaneum videatur, paucis, à rei circumstantia, ad rem ipsam progressi, exponamus.

Circumstantia rei est occasio, & scopus illius. Occasio autem est duplex: prima est Apostolorum, aliorumque Christianorum, propter Christum, seu præstitam Deo obedientiam, sua commoda negligentium, infirmitas: partim fiduciæ sui, ex officii præstiti conscientia ortæ: partim elationis animi, qua se aliis comparantes primas ambiunt. Idque primum cap. 19. indicatur: ubi postquam Christus juveni opulento atque avaro, si sua bona pauperibus daret, Christumque sequeretur, thesauros in cœlo promiserat, v. 21. Petrus dixit: *Ecce reliquimus omnia, & secuti sumus te, quid ergo eris nobis?* v. 27. deinde uterque ille & fiduciæ sui, & elationis animi nævus, in Apostolis etiam postea hæsit: ut ex Jacobo & Johanne cap. 20. v. 21. & 22. & ex omni-

omnibus, Luc. 22. v. 24. apparuit. Altera occasio est Christi, ad Petri interrogationem, responsio; in qua, primum quidem, promissionem, cum de gloria Apostolis die ultimo eventura, v. 28. tum de eorum, qui ipsos imitentur, vita æterna, proponit: deinde verò, ut timorem Dei ac modestiam doceret, ac contraria illa vitia corrigeret, subjicit hanc sententiam: *multi autem primi erunt ultimi; & multi ultimi primi*. Atque hæc de occasione orationis Christi, Matth. 20. à vers. 1. ad 17. Scopus verò est hujus propositæ sententiæ, ad immodestiam, & elationem amplius reprimendam, illustratio: ut ex initio & fine hujus orationis, constat. Ex initio quidem quia illud cum antecedente aptè connectitur, cum dicitur *Simile enim*. Ideoq; à doctissimo Bucero rectè observatum, sedecim hujus capituli versus priores ad cap. 19. fuisse referendos: non autem usi factum, ab eo incommodè separandos. Ex fine verò: quia vers. 16. Christi oratio, de qua agimus, eadem prorsus sententiâ apertè repetitâ, concluditur.

Ad rem ipsam verò quod attineat, ea est medium, ad scopum propositum, seu illustrationem illius sententiæ, valdè idoneum. Nec enim hæc similitudo defecta est, (qualis Matth. 13. ad vers. 9. turbis tradita, cujus apodosis apud eas consultò supprimitur) sed perfecta: utpote quæ protasi simul, & apodosi gemina constet: seu non tantum generali redditione, ut Matth. 13. vers. 24 & 31. 32. 33. & 44. 45. nec solum speciali, ut Luc. 15. vers. 1. cum 7. 8. & 9: sed utramque, generalem quidem initio: specialom verò in fine (ut Matth. 13. vers. 45. cum 49. & cap. 22. vers. 1. cum 14.) complectitur. Generalis enim apodosis est hoc loco: *Simile enim regnum cælorum*: quæ habet subnexam protasin, seu simile illustrans, cum additur: *patrifamiliæ, qui exiit prima luce, ad conducendos operarios in vineam suam, &c.* ad vers. 16. sensus autem est: Quod dixi, multos primos fore ultimos, & contra ultimos primos; ea in re regnum cælorum simile est vineæ illi, ad quam colendam operarii vocati, & primi in opere, ultimi facti sunt in mercede, id quod explicatè vers. 16. concluditur. *Regni autem cælorum* nomine hoc loco, ut circumstantiæ demonstrant, Ecclesia Christiana (in qua Deus verbo suo, & Spiritu regnat) intelligitur: quæ vineæ cujusdam patrifamiliæ comparatur. Nam quamvis dicatur regnum cælorum simile patrifamiliæ conducenti operarios in vineam: hypallage tamen est, ac sensus, simile est vineæ, in quam paterfamiliæ operarios conduit. &c. Qualis hypallage alibi etiam à Christo usurpata: ut primum, Mat. 13. v. 24. *simile est regnum cælorum homini seminanti semen bonum*, hoc est, Ecclesia Christiana, (quæ filii regni vers. 38. & regnum Christi dicitur vers. 41.) *similis est semini bono* ut v. 38. exponitur, quod homo Christus v. 37. seminat. Deinde ibidem vers. 45. *regnum cælorum simile est homini mercatori, querenti, & ementi pulchras margaritas*: hoc est, Euangelium regni simile est pulchris margaritis, quas mercator querit, & emit. Ecclesia autem vineæ ob egregiam ac variam utrimque similitudinem, frequenter in Sacris literis comparatur, ut Psal. 80. vers. 9. Esai. 3. vers. 15. & 5. vers. 7. Jerem. 2. vers. 21. Matth. 21. v. 33. Luc. 13. vers. 7. quemadmodum etiam hoc loco.

Atque hæc quidem de generali prima apodosi; cui subiecta cohæret protasis; quæ parabolam, seu simile, illustrans Ecclesiæ statum, continet. Antequam autem de ea, atque de apodosi speciali agamus, præmittenda est erudita, & à Pontificiis non minus, quam à nostris probata de parabolis regula, quam Chrysostom. hom. 64. editio. Græc. in comment. ad hunc locum ita præscribit: *ἐδὲ ἔχθ' πάντε τι τοῖς παραβολαῖς, ὅτι λέγειν περὶ ἑαυτῶν; ἀλλὰ πὺ σκοπὸν μαδόντας, δι' οὗ εὐαγγελίζου, ὅτι δὲ πῶς αὐα, ὅ μὲν ἐν πλυσσασγμοῖν περιτρίβου. hoc est, Non oportet, omnia, quæ in Parabolis sunt, secundum dictionem curiosè agitare; sed scopum propter quem composita est, edocere, hunc decerpere; nec ulterius aliena tractare. Hæc ille rectissimè: alioqui multa, sæpè incepta, & falsa oriuntur. Nam in parabolis similitudo interdum est universalis in omnibus dictis, qualis prima Matth. 13. vers. 3. ad 9. quemadmodum apodosis tandem exponit, vers. 18. ad 23. Deinde altera vers. 47. ad 51. Alia*

verò est particularis, quæ in aliquibus tantum partibus consistit; ut in parabola iniqui dispensatoris, Luc. 16. prudentiâ in amicis comparandis: non autem injustitiâ ab eo adhiberi, similes nos esse debere, ibidem statuitur. Nam quod Mammona iniquitatis, eo in loco, piis etiam attribuitur, causa non est, quod ipsi (nam contrarium v. 13. traditur) sed quod maxima hominum pars, quæ à justitia aliena, qualis etiam dispensator iste, divitias plerumque iniquitate comparare soleat. Quamvis autem in parabola five similis illustrantis descriptione, plura interdum contineantur, quam rei illustrandæ conveniat: non est alienum: quia ad parabolam circumstantiis quibusdam ornandam id spectare extra controversiam est. Idque etiam in profanis oratorum, & poetarum similitudinibus comperitur. Deinde ut parabola similibus interdum dissimilia quædam habet adjuncta; sic plura nonnunquam ad eundem ornatum similia continet, quam ad orationis scopum spectant; ac propterea eorum ad rem propositam illustrandam accommodatio in apodosi omittitur: seu nihil in apodosi continetur, quod iis respondeat. Quemadmodum, ut his præmissis, ad protasin seu parabolam à Christo hoc loco propositam redeamus, utrumque in ea observari potest. Nam, ut vineæ, & regni cælorum seu Ecclesiæ operarii, inter se comparantur: de illis tamen (nempe vineæ operariis) quædam dicuntur, quæ hisce ita tribui jure non possunt. Cujusmodi sunt primum ratione vocationis, quod operarii vineæ in foro se sistant desiderantes, & expectantes vocantem, vers. 1. 2. & 6. 7. Operarii verò Ecclesiæ, non quærentes neque expectantes, evocantur, Joh. 6. vers. 44. Ephes. 2. vers. 8. 9. Rom. 10. vers. 22. Deinde ratione vitiorum, in operariis primò vocatis. Qualia recensentur, post mercedis distributionem, primum arrogantia, seu ex dignitatis suæ opinione, supra reliquos elatio, vers. 10. & 12. Deinde murmuratio, ac querela de injuria, adversus patrem-familias instituta vers. 11. & 12. cum 13. Præterea invidia vers. 15. quæ omnia opera ab operariis Ecclesiæ, in universali mercedis omnium distributione, quæ ultimo die continget, prorsus aliena esse, certissimum est. Deinde quædam etiam huic parabolæ insunt, quæ si rem ipsam spectemus similia sunt: sed tamen, non ut similia, in hac comparatione spectantur: sed tantum, ut adjunctæ ad parabolam ornandam circumstantiæ: non autem ut intentæ similitudinis illius partes, & apodosi illustrantes, adhibentur. Quia etiam illud est, quod non solum primi operarii, qui sub initium diei, & ultimi, qui sub finem illius vocati sunt, recensentur: sed etiam alii, qui inchoato die gradatim, quadrante diei inter se distantes, (puta hora tertia, sexta, nona,) sunt advocati: quorum tamen nulla in apodosi habetur ratio: quamvis (ut à diversis interpretibus rectè observatum (cum operariorum Ecclesiæ vocatione, operarique, convenientia insit satis concinna. Nam ut horarum illarum quinque, nempe primæ, tertiæ, sextæ, nonæ, undecimæ intervallis, operariorum vineæ vocatio & opera distinguitur: sic & operariorum Ecclesiæ vocatio quinque spatiis dispesci solet. Quidam enim à pueritia; alii ab adulescentia; alii à virili ætate; alii à senectute; alii ætate jam decrepita, seu sub vitæ finem, ad Ecclesiæ, suâ operâ, sanctoque exemplo inserviendum, evocantur.

Atque hæc de protasi, seu parabola. Apodosis verò (ad quam illa tanquam scopum suum genuinum spectat) subjicitur vers. 16. præfixa voce *ὅτι* sic, communi scilicet apodoseos protasi cohærentis, eique respondentis, nota, ac vinculum. Quæ apodosis, hoc in loco primum proponitur, deinde adjuncta ratione confirmatur. Constat autem duobus membris, quorum primum est: *ultimi erunt primi*; alterum vico versa, & *primi* (suppleantur) *ultimi*. Quinam autem *ultimi*, & quinam *primi*, intelligantur, Interpretum sententiæ maxima varietate inter se discrepant; ut autem brevitati consulamus, quænam genuina videatur sententia, exponemus. Ac primum generatim hoc constat, eadem Christi dicta, quæ in fine capituli 19. allata, hoc in loco (licet ordinè inverso) repeti, & parabola præmissa illustrari: quemadmodum reddi-

tionis

tionis nota *ἵνα, sic*, vers. 16. & v. 1. vox *enim*, cum eadem antecedenti sententia, parabolam ei connectens, ut antea ostendimus, evincit. Ac propterea eundem utrumque sensum esse necesse est. Atque perspicuum est cap. 19. agi de solis verè fidelibus, qui Christo vocantur parent, eique, fidei, & charitatis, ac tolerantiae crucis operibus, in Ecclesia militante, inserviunt, ad finem vitæ: quique & in hac vita, Dei beneficia; & post hanc, vitæ æternæ hæreditatem consequuntur: ut antecedentes vers. 27. v. 28. & 29. demonstrant: quemadmodum etiam in parabola, quæ cap. 20. ad eam rem illustrandam, subijcitur: omnes operarii in vineam conducti opera imperata fecisse, omnesque mercedem promissam recepisse, statuunt. Deinde & illud quoque clarè apparet, inter hosce fideles operarios Christum secutos, licet iis vitæ æterna sit communis, aliquod tamen, hac in re, fore inter eos discrimen. Id quod ostenditur, primum vers. 30. *Multi autem primi erunt ultimi; & ultimi primi*, hoc est, omnes quidem hi fideles, de quibus actum, æternæ vitæ erunt hæredes: sed non omnes eadem erunt dignitate; multi enim eorum, qui primi ratione vocationis, (seu qui diutissime Christo servierunt) in vitæ æternæ hæreditate erunt ultimi; non quidem ratione temporis: quia omnes illi simul ea donabuntur, Matth. 25. vers. 34. & 46. & 1. Thess. 14. vers. 14. 15. 17. Sed ratione honoris, seu gradus gloriæ: & vice versa, multi qui vocationis & officii præstiti duratione sunt ultimi, (quales sunt, qui sub vitæ suæ finem vocantur,) illi erunt, inter vitæ æternæ hæredes primi: seu excellent ratione gradus gloriæ cœlestis. Cujus discriminis occasio est: quod licet operis duratione primis sunt minores: majores tamen animi demissione, seu ut vocant, humilitate extiterunt: quod etiam in parabola non obscure innuitur, cap. 20. vers. 10. Causa verò est Dei summi domini, nullique quicquam debentis, Roman. 11. vers. 34. gratia liberrima, qui omnibus verè fidelibus donat vitam æternam, æqualem duratione, inæqualem verò gloriā, 1. Corinth. 15. v. 41. 42. 43. Gloriamque majorem iis, qui ex consideratione infirmitatis suæ, & grætiæ Dei, perpetua animi demissione præditi, operibus fidei, spei, charitatis, Dep, & Ecclesiæ, bono exemplo inserviunt, Nam licet eorum humilitas sit imperfecta, ob carnis spiritui repugnantis contagionem: eam tamen, imperfectiōne propter Christum condonata, acceptam habet: & in cœlo gratis coronat: ac minore animi demissione præditi, licet diutius vocatis, & labore functis, præfert. Ut enim Deus humilibus dare gratiam solet 1. Petr. 5. vers. 5. Sic humilioribus majorem. Si quis autem objiciat, Apostolorum operibus bonis conjunctam fuisse aliquam arrogantiam, (ut initio probavimus,) nihilominus tamen in vitæ æternæ honore, reliquis Christianis præferendos, promittitur Matth. 19. vers. 28. Respondemus, arrogantiam illam initio adfuisse: sed misso tandem Spiritu Sancto & afflictionibus variis, in hac vita, fuisse correctam: ne honore promisso excluderentur. Quemadmodum etiam 2. Corinth. 12. vers. 7. *Carni*, hoc est, corpori, *Pauli datus* dicitur, *aculeus*, nempe *Angelus Satan*, qui colaphos ei subinde infligeret, ne revelationum excellentia, sese animi superbia supra modum efferret. Hæc de genuina vers. 30. cap. 19. sententia. Unde liquet eandem esse repetiti hujus bimembris dicti cap. 20. vers. 16. rationem: ut etiam parabola ostendit. Nam in ea primi operarii illi dicuntur, vers. 8. & 10. qui prima luce vocati, totum diem operando, in vinea, occupant, officiumque, ad quod vocati erant, non minus quam reliqui fideliter perfecerrant, vers. 1. & 12. quibus similes statuuntur in apodosis sive accommodatione parabolæ vers. 16. *primi illi*, de quibus cap. 19. vers. 30. egerat, & hujus capituli vers. 1. innuerat, cum regnum cœlorum, hoc est, Ecclesiam, simile ait vineæ, in quam operarii conducti imperata opera exequuntur: ideoque hic similiter in regno cœlorum, seu Ecclesia, esse operarios fideles in officio præstando, de quibus intelligenda apodosis. Atque hoc sane in loco, videtur, hoc indicatum ipsa phrasi. Nam in propositione hujus dicti cap. 19. v. 30. enuntiationum sub-

jectis non adjecit Evangelista articulum: hic verò adjecit, dicendo *ἱ ἵνα, item ἱ ἵνα* ad rei demonstrationem, hoc est, *illi ultimi, item illi primi*, nimirum de quibus ante actum, cap. 19. v. 30. utpote cum eadem sententia ibi posita hic repetatur, & concludatur. Sensus autem est: quemadmodum inter eos operarios, qui in parabola dicuntur, à Patre-familias in vineam, dispari tempore vocati, & in ea ad finem diei fideliter operati, licet inter se mercedem acceperint æqualem: ultimi tamen, qui sub finem diei vocati, primis (qui prima luce conducti, totumque diem gravem ac fidelem operam impenderant) honore sint prælati, ac in mercedis distributione primi facti: Sic inter eos, qui ad Ecclesiam vocati, eique fidei, spei, & charitatis operibus inserviunt, ac vitæ æternæ mercede donabuntur, ea est differentia, quod multi ultimi, (scil. qui sub finem demum vitæ vocati) erunt dignitate, & gloriæ gradu primi. Atque hoc modo apparet, id quod cap. 19. vers. 30. propositum erat, adhibita parabola commodè illustrari, & in apodosis concludi. Sed huic expositioni omnino ob stare videtur hujus apodosis confirmatio: *Multi enim sunt vocati, pauci verò electi*. Unde plerique statuunt, in antecedenti apodosis, discrimen adferri, non inter servandos, sed inter vocatos, per Evangelium, ad externam Ecclesiæ societatem: quod primum ex iis vocatis multi sint reprobi hypocritæ, qui à pueritia in Ecclesia educati, ad fidem mortuam adducti, & professione Christi, externaque pietatis, ac tolerantiae crucis specie, commendati, tandem deficiunt; unde primi dicantur facti ultimi, hoc est, nulli, seu nullum in cœlo locum habituri. Deinde, quod eorundem vocatorum per Evangelium, pauci sint electi, scil. qui viva fide donati: quæ vocatio secundum propositum, scil. salutis dandæ appellatur, Roman. 8. vers. 28. & vocatio prædestinatorum, vers. 30. quemadmodum fides ea electorum dicitur, Tit. 1. vers. 1. Actor. 13. vers. 48. Ideoque de iis rectè dictum censent, quod ultimi (hoc est, qui tardius à vitæ suæ pristina sceleribus, ad poenitentiam, & vivam in Christum fidem convertuntur) futuri sint in cœlesti gloria primi. Quales fuisse ajunt, quosdam publicanos, & meretrices resipiscences, qui sacerdotes & presbyteros in regnum Dei præcedere affirmantur, Matth. 21. vers. 31. Vidit autem hanc difficultatem doctiss. Calvinus, dumque illius occasione, plerisque interpretes constrictos atque impeditos, à genuina parabolæ & apodosis illius sententia, variè abire, animadvertit: nodum hunc non solutione, sed sectione expedire minus rectè conatur; ut res ipsa evincit. Nam resectio hujus sententiæ, qua utitur, fieri non potest justa ratione, Nam quod ait in comment. ad hunc locum: *Itaque minime quadrat, quæ à quibusdam inseritur sententia: multi vocati, pauci verò electi*. In eo inquam duplex apparet hallucinatio. Prima est, quod eam sententiam hoc loco non à Christo sed à quibusdam insertam ait: cum contra omnium codicum, tam manuscriptorum Roberti Steph. & aliorum; quam excusorum, & Syriacæ interpretationis antiquissimæ, & patrum Chrysost. Hier. Theophyl. consensus unanimis, eam lectionem confirmet. Altera hallucinatio est, quod ait, hanc sententiam minime quadrare; nimirum antecedentibus, Nam contra si genuina, ut modo ostendimus, est Christi sententia, orationi propositæ convenire, ac quadrare necesse est. Origo autem & hujus opinionis, & aliarum diversarum (ut omnino videtur) hæc est, quod *electi* à Christo, & Apostolis per Synecdochen sæpius de electis ad vitam accipiantur, & vocati illis oppositi, de reprobis: quemadmodum hæc sententia totidem verbis extat, atque intelligitur Matth. 22. vers. 14. sed inde non satis rectè colligunt: Ergo & hoc loco voces *vocatorum* & *electorum*, (quæ diversis in locis pro ambiguitate earum diversè accipiuntur) eodem modo intelligendæ: habenda enim est ratio rei, de qua agitur, & circumstantiarum illius. Christus enim loquitur de verè fidelibus, qui ad opera fidei, & vitæ æternæ hæreditatem vocati, eam consequuntur: quorum ultimi erunt primi, & primi ultimi: cap. 19. vers. 30. deque iis, qui vocati ad mercedem

cedem vitæ æternæ, eam omnes consequuntur, ut ibid. & in protasi hujus similitudinis seu parabola indicatur: ideo de solis electis ad vitam æternam agitur. Cum verò inter hosce vocatos, & servandos, in gloriâ sit discrimen; quod ex eorum numero, relictis mediis, primisque, ultimi ad eum honorem evehantur, ut inter omnes illos fiant primi: quis non videat, jam optimè hic causam reddi, cur ultimi fiant primi; & primi contra, non fiant primi, nec medii: sed ultimi: quod scilicet hoc fiat, quia multi quidem sunt ad vivam fidem, & hæreditatem vitæ æternæ vocati: sed pauci eorum, ad eum honorem à Deo sint electi, ut in communi vitæ æternæ consecutione gloriæ gradu sint primi? Atque ita hanc sententiam, cum superiori apodofi, probè consentire, ac quadrare, tanquam causæ discriminis illius expositionem apparet: quod illud scilicet non à meritis eorum, sed à libera, ac liberali Dei electione dependeat, ut ultimi multi, primis, gloriæ excellentia, præferantur. Ac quamvis dilucida hæc solutio deesset: de conciliatione tamen non esset desperandum. Dici enim posset, vocem hanc *γὰρ, nam, enim*, non indicare hoc loco probationem sententiæ antecedentis: sed esse tacitæ objectionis solvendæ notam: quæ frequenter in occupationis figura usurpatur, ut communis omnium linguarum usus demonstrat. Ac si hoc in loco diceretur: Non est cur cuiquam mirum illud videatur, quod ex vocatis verè fidelibus ac servandis, ultimi reliquis præteritis deligantur, ut gloriæ gradu primi fiant: cum majus etiam discrimen appareat inter vocatos communiter ad cognitionem Christi, & externam Ecclesiæ societatem: quamvis enim multi sint, pauci tamen eorum ad vitam æternam sunt electi. Quod autem plerique *vocatos* de iis intelligunt, qui vocatione electis & reprobis communi, vocati sunt; & *electos* de iis qui ad vitam æternam electi sunt, hoc loco interpretantur: illud scopo, & parabolæ adversatur. Nam operarii vocati in vineam illam, qui similes sunt vocatis in Ecclesiam, vers. 1. omnes opera imperata perfecterunt, & mercedem omnes acceperunt æqualem, ideoque reprobi hypocritæ iis designari nequeunt. Deinde voces ipsæ in apodofi idem demonstrant. Nam primi vocatione dicuntur futuri ultimi, ratione mercedis vitæ æternæ. Ergo ea non carebunt: sed eam habituri dicuntur. Nam ultimus in mercedis distributione, ab iis, qui eam accipiunt, non excluditur: sed in eorum numero continetur, quamvis omnibus postpositus. Nam quod doctiss. Scholastes de verbis illis: *Erunt ultimi*, ait: *Est Synecdo. gemina, prior speciei pro genere, ultimi, id est, penè nulli, pro nulli: Posterior generis pro specie, nulli pro prorsus nulli*: Illud omnino alienum esse apparet. Nec enim usus sacræ Scripturæ eam significationem admittit: nec si admitteret, ulla esset Synecdoche, nedum gemina: sed metaphora potius dicenda; denique rationibus antecedentibus diluitur.

Atque hæc quidem ad difficilioris hujus loci expositionem: reliquum est, ut eundem à Pontificiorum impuro abusu vindicemus. Si quidem inter alios Bellarm. contr. Tom. 2. de poenitent. lib. 4. cap. 8. bona fidelium opera vitam æternam propriè mereri, ex hoc loco, v. 8. *Voca operarios, & da illis mercedem*, his verbis contendit: *Vox mercedis & nomen operariorum, & pactum cum operariis ex denario diurno, non permittunt nos aliter hunc locum exponere, quam de meritis propriè dictis, quibus ex iustitia merces debetur, denarium autem illum diurnum, qui pro mercede ponitur, communi consensu Patres esse docent vitam æternam*. Hæc ille. Sed negatur consequentia: quia non omnia quæ in parabola continentur, tanquam rei explicandæ similia, adducuntur: ut ipsemet Jesuita, Tom. 1. de sanctorum beatitudine. l. 1. cap. 3. §. *atque hinc*; cum Chryf. de hac parabola differens, ait: *Parabolas non oportere ex omni parte quadrare; sed solum considerandum esse scopum*. Ut etiam ex murmuris, oculi mali, & mercedis operariorum non simul, sed successivè distributæ, narratione demonstrat. Ac subdit; *solum ergo ex illa parabola de operariis habemus, minori tempore patres Nov. Test. laborasse, quam fecerunt patres Vet. Testamenti; & tamen ad eandem beatitudinem pervenire; vel certe, eos*

*qui convertuntur in senectute, breviorẽ laborem habere, quàm eos qui in adolescentia: & tamen posse non minus præmium adipisci*. Unde sequitur, si, ut ait Bellarm. hoc solum hic habemus, vana igitur sunt ea, quæ de merita bonis operibus victa æterna, (quæ ad scopum, ut apodofis docet, non pertinent) concludit. Deindè negatur etiam consequentia idcirco: quod etsi similitudo sit, non tamen in omnibus. Nam parabola hic est, non autem (ut Esa. 5. v. 1.) allegoria; sicut hæc duo perperam confundere solent Pontificii. Nec similitudo ulterius trahenda, quam rerum ipsarum, quæ comparantur inter se, natura patiatur. Quamvis enim Ecclesia suos habeat verè fideles operarios ut huic vineæ hoc loco attribuitur, & generatim in nonnullis inter se similes sint: sic speciatim tamen in multis dissimiles esse, res ipsa evincit. Similes autem esse agnoscimus, cum in ipsorum vocatione, tum in executione eorum, ad quæ vocati sunt. In vocatione autem conveniunt partim ratione vocantis, quod liberum, & patrifamilias, & Deo fuerit, vocare aut non vocare: partim ratione vocatorum, quod nec vineæ hujus, neque Ecclesiæ operarii, sine vocatione, ad opera accesserint vers. 1. & 2. & seqq. partim denique in vocationis eorum modo bimembri, nempe postulatione operis ad finem præstandi, & promissione certa mercedis reddendæ, ut in vinea vers. 2. sic in Ecclesia, Mat. 10. vers. 22. Heb. 10. vers. 36. & 39. operantibus. Secundo similes sunt in executione vocationis, partim ratione postulationis operum, quæ operarii utrinque præstant ad finem: ut enim de operariis in vinea vers. 8. sic de operariis in Ecclesia, Joh. 10. vers. 27. 28. Phil. 1. vers. 6. & 1. vers. 13. affirmatur: partim ratione mercedis à Domino utrimque operariis redditæ; ut de vineæ Domino, vers. 8. & 9. de Ecclesia verò Matth. 5. vers. 12. & 10. vers. 41. & 42. & 1. Cor. 10. vers. 8. Apoc. 11. vers. 18. docet. In hisce igitur, inter utrosque cum vineæ, tum Ecclesiæ, operarios, similitudo reperitur, ut res ipsæ, & Scripturæ, suis locis cum hac parabola comparatis, ostendunt. In multis verò sunt dissimiles, tam in vocatione, quam in executione. Nam in vocatione differunt primum, si vocatos spectes; quia operarii vineæ sese ad vocationem ultro suisque viribus præpararunt, locoque ac tempore idoneo se stiterunt, & vocationem desiderarunt atque expectarunt, vers. 3. & 7. Contra operarii in Ecclesia sese non præparant propriis viribus, nec vocandos sese ultro statuunt, nec vocationem desiderarunt, neque expectarunt; sed eam non quærentes vocantur, Rom. 10. v. 20. Eph. 2. vers. 8. 9. 10. Deindè in modo vocationis discrepantia est, cum ratione postulationis operum, tum ratione promissionis mercedis. Nam ab operariis vineæ obedientia postulatur, non absolute, quasi imperii alicujus jure; sed libera conductione, ac mercedis promissæ intercessionem vers. 2. Contra verò Deus ab Ecclesiæ operariis, tanquam Dominus à suis servis, creationis & redemptionis jure, opera exigit, Mal. 1. *Si ego Dominus*. & 1. Corinth. 6. vers. 20. ideoque mercedis promissio, operariis vineæ à Domino facta, fuit necessaria, ad opera eorum justè petenda: quia aliàs ei non erant obstricti: contra verò promissio mercedis, à Domino Ecclesiæ facta, non est necessaria, ad opera obedientiæ justè exigenda Luc. 17. vers. 9. & 10. Sed mere gratuita, 2. Tim. 1. vers. 9. Secundò in executione vocationis bimembris, videlicet cum in vocatorum obedientia, secundum postulationem præstita, tum in mercedis à Domino secundum promissionem redditione, maximum discrimen elucet. Nam obedientia vocatorum operariorum in vineam, primò fuit libera, licebat enim ipsis vocationem propositam amplecti, vel rejicere; quia patrifamilias non erant subditi. Contra verò fidelium obedientia, jure, quod Deo Domino debetur, necessaria. Deindè obedientia operariorum in vineam, propriis ipsorum, non autem Domini viribus fuit præstita: contra operariorum in Ecclesia obedientia, non nativis ac propriis, sed à Domino acceptis viribus præstatur, Ioh. 15. v. 5. 2. Cor. 3. v. 5. Phil. 2. v. 13. Deindè obedientia operariorum in vinea fuit perfecta, & simpliciter, ac per se accepta. vers. 8. & 12. Contra vero fidelium operariorum obedientiam



obedientia (ob carnis adversus Spiritum repugnantis contagionem, Rom. 7. v. 23. Gal. 5. v. 17. ) imperfecta est, 1. Joh. 1. 8. & Jac. 3. v. 2. Ideoque non simpliciter ac per se, sed per accidens gratiæ, propter Christum fide apprehensum, grata, Heb. 13. v. 21. & 1. Petr. 2. v. 5. ut enim Deus, quod in nobis efficit bonum, id agnoscit: sic accedenti à carne nostra contagioni (quæ poenam meretur, Deut. 27. v. 26.) propter Christum mediatorem clementer ignoscit, 1. Johan. 2. v. 1. & 2. Deinde obedientia operariorum in vineam vocatorum non fuit per se debita, (quia servi patrisfamilias non erant, nec per se obligati ullo beneficio) sed tantum per accidens initi pacti, de mercede, opere peracto ab eo recipienda, v. 2. 4. & 7. Contra vero obedientia fidelium in Ecclesia, Deo, qui vocavit, per se debita: quia per se jure imperata; ut antè etiam ostendimus: quia Deus summum bonum, & creationis ac redemptionis beneficio, eam meritò flagitat, eoque nec quicquam eâ fideles merentur, Luc. 17. v. 9. & 10. Deinde in mercedis redditione differentia est, quod operariis in vinea, propter obedientiam propriis suis viribus, liberoque tantum pacto, ac perfectè præstitam, merces merito ipsorum data, secundum justitiam distributivam; partim simpliciter, ut primis vocatis, qui totum diem operati v. 2. & 13. & 14. partim secundum quid, ut reliquis, qui tantum parte quadam diei in vinea operam impenderant: quibus pars mercedis justa, pro ratione temporis impensi v. 4. 5. 7. data merito; quod videlicet per se ad nullam operæ partem erant obligati: reliqua verò pars mercedis, quæ prioribus, acceptione integri denarii, facti sunt pares, ex mera gratia processit, v. 9. & 15. Contra verò fidelibus (qui vera fide, spe, charitate, operibus patefacta, ad Ecclesiæ ædificationem, Deo vocanti operam impenderunt) merces vitæ æternæ non ex parte: sed merè gratuita per Christum Rom. 6. v. 22. attribuitur: quia, ut ante ostendimus: Primum obedientia eorum non à propriis viribus; sed à Dei gratis regenerantis, ac sanctificantis beneficio, ac gratia oritur. Deinde quia debita est, Luc. 17. v. 9. 10. Tertiò quia imperfecta: ideoque per se mercedem non meretur vitæ æternæ: sed condemnationis ex lege, Deut. 27. v. 26. Quartò quia opera fidelium imparia sunt gloriæ revelandæ, Rom. 8. v. 18. Denique quia ea grata sunt Deo non simpliciter, ac per se: sed, ut modo ostendimus, per accidens gratiæ Dei, qui bonorum operum defectus propter Christum fide apprehensum, condonat.

Quod autem objicitur, mercedem operariorum, utrimque, & vocatorum in vineam, v. 4. & 5. & 7. & operariorum Ecclesiæ Heb. 6. v. 10. dici justam, ac propterea utrimque meritam: infirma est consequentia: quia etsi genere convenient, quod merces utraque sit justa atque debita: specie tamen justitiæ ac debiti differunt. Quia primis vineæ operariis jure dignitatis operæ perfectæ (ad quam ex solo pacto liberè fuerunt obstricti,) merces fuit debita, & par labori, ideoque merita: Contra verò operariis in Ecclesia fidelibus datur merces non jure operum, & obedientiæ præstitæ dignitate, (quia debita, & imperfecta) sed jure promissionis Dei gratuitæ, qua fidelibus piè viventibus propter Christum vitam promissit æternam: Eodemque modo solvitur hoc affine argumentum: Merces quæ datur justitiæ fidelium, à Deo justo judice, ea est merita: Atqui vita æterna est merces justa fidelium, quæ datur à Deo justo judice, 2. Thess. 1. vers. 5. 6. 7. & 2. Tim. 4. vers. 8. Ergò vita æterna est merita. Negatur enim propositio. Nam Deus ut justus judex mercedem tribuit diversis modis, nempe vel absoluto jure; vel relato tantum. Absoluto quidem, cum & dignitas operum & veritas sententiæ verbo Dei latæ eam exigunt: quo modo infidelibus injustitiæ operariis merces mortis æternæ debita, & jure dignitatis peccati, cujus stipendium est mors, Rom. 6. vers. 23. & jure sententiæ, Dei verbo, cum legis Deut. 27. vers. 26. tum Evangelii, Marc. 16. vers. 16. & Matth. 7. vers. 23. promulgatæ: adeò ut perspicuè gemina justitia in ea mercede appareat: relato vero jure, Deus ut justus judex mercedem tribuit, cum non spectat, quid operibus per se jure debeatur: sed quid iis ex gratia promiserit, atque

ita debitorem sese mercedis statuerit. Quomodo Deus tanquam justus judex, vitæ æternæ mercedem ac coronam, fidelibus justitiam exercentibus, dabit: quia eam, ob promissionem gratuitam, iis rectè operantibus factam, jure veritatis, ac fidei suæ inviolabilis, Tit. 1. v. 1. Heb. 10. v. 23. & 6. v. 17. & 18. debet, Marc. 16. v. 16. Rom. 6. v. 23. non autem jure dignitatis operum Justitiæ, quæ debita, & imperfecta sunt. Ac propterea quia merces maiorum operum, à justo judice non solum jure veritatis comminationis illius, sed etiam jure dignitatis operum tribuetur: idcirco merita est: Contra verò bonorum operum merces, non jure ipsorum, quia Deo debita, & imperfecta, ut monuimus: sed solo jure fidelis promissionis gratuitæ divinæ, fidelibus datur: ideoque non merita: sed immerita, ac merè gratuita merito dicenda est. Ac propterea frustra Bellar. alique Pontificii hanc parabolam arripiunt, ut vitam æternam propriè bonorum operum meritum esse concludant: cum contrà nullum in apodosi seu accommodatione parabolæ illius sit vestigium: & ipsa etiam parabola adversetur: ut quæ exceptis primis operariis, reliquis omnibus partim ex mera gratia mercedem datam demonstrat. Quod autem postremò excipiunt, operariorum in vinea, qui primis accesserunt, sed tardius, merces ex parte merita est operibus eorum: Ergo similiter merces operum fidelium merita; Negatur Consequentia; quia heterogenea confunduntur. Nam opera illorum operariorum in vinea non fuerunt debita: ideoque, pro ratione magnitudinis eorum, conveniens merces fuit debita. Deinde opera eorum fuerunt perfecta. Etsi enim parte diei tantum præstita: nihil tamen illis adfuit vitii, quo contaminarentur, ac privarentur mercede; neque etiam ad totius diei opera fuerunt vocati atque obstricti. Contra verò operarii Ecclesiæ opera præstant debita Deo: & imperfecta: & quidem tribus modis: primum, quia *non omnia*, quæ debent, præstant (*nam in multis impingimus omnes*, Jac. 3. v. 2.) sed quædam tantum. Secundo quoque *non omnino*, hoc est, non eo perfectionis gradu, quo debemus: quia non ex toto corde, tota anima & omnibus viribus, ut lex præscribit: denique *non semper*. Ac propterea ob hanc imperfectionem trifariam, merentur mortem, non autem vitam æternam, si per se considerentur, sine gratuita Dei condonatione propter Christum, Deut. 27. vers. 26. *Maledictus qui non manserit in omnibus, quæ scripta sunt in libro legis, ut ea faciat*; quemadmodum etiam Apostolus ad Galatas exponit.

Atque hac ratione, explicata jam genuina insignis hujus loci Matth. 20. v. 1. ad 17. sententia, eaque adversus Pontificiorum, ad operum bonorum merita stabilienda, abusum vindicatâ, finiemus.

#### Digressio de vocis mundi distinctione.

Quandoquidem magna est vocis *mundi* in Sacris literis ambiguitas, ejusque occasione, non pauci ad errores suos fucandos, & pios à veritate avertendos, aut perturbandos saltem, abutuntur: eaque vox apud Matthæum jam antè cap. 4. v. 8. & 5. v. 14. & 13. v. 35. & 38. & cap. 16. v. 26. & 18. v. 17. & in sequentibus cap. 24. vers. 21. 25. 34. & 26. vers. 13. occurrit: non alienum fore existimavi, si ad horum locorum commodiorem intelligentiam, distinctionem illius proponerem: ut sententiarum Scripturæ veritas sit illustrior, & adversariorum fraudes detegantur commodius, iisque qui id officii à nobis expectant, hac opera communiter inserviamus. Quod & prophanis, & Sacris Nov. Test. scriptoribus *κόσμος* dicitur, à Latinis *mundus* appellatur. Quæ vox propriè ornatum notat, ut 1. Pet. 3. v. 3. *in palliorum amictu, κόσμος*, id est ornatus. Deinde impropriè per tropum Metonym. adjuncti pro suo subjecto, universam cœli, terræ marisque & rerum iis comprehensarum, structuram ornatissimam notat (ut & *mundus* à munditie similiter dictus) quemadmodum Matth. 13. vers. 35. *ὁ κόσμος ἀπὸ fundationis seu origine mundi*, & similiter Joh. 17. vers. 24. & 1. Pet. 1. v. 20. Unde primum, per metapho-

taphoram, à rerum mundi copiâ traductam, multitudinem notat, Jacob. 3. vers. 6. *mundus iniquitatis*, ut Oecum. tradit; etsi quidam ornamentum exponant. Deinde per Synecdochen totius pro parte, mundi partem majorem, aut minorem significat. Majorem quidem, cum pro cœli, solique, marisque opificio à rebus comprehensis distincto usurpatur, ut Act. 17. v. 24. *Deus qui fecit mundum, & omnia quæ in eo sunt*. Minorem verò, cum pro terra accipitur, ut Matth. 4. v. 8. *ostendit ei regna mundi* & 26. vers. 13. *Euangelium prædicabitur in toto mundo*, Johan. 16. v. 28. *veni in mundum, & iterum relinquo mundum*, hoc est, terram. Ex qua angustiori significatione, alia per Metonym. subjecti continentis pro contento promanat, ut homines qui sunt in mundo significet. Idque non solum frequenter: sed magna etiam varietate, vel indefinitè, vel definitè usurpatur. Indefinitè quidem pro hominum cœtu, ut Matth. 5. vers. 14. *vos estis lux mundi*, id est, hominum, Johan. 7. v. 4. *patet fac te ipsum mundo*, id est, hominum cœtui. & Ioh. 12. vers. 19. *mundus post eum abiit*, quod clarissimus Beza vertit, *turba eum sequitur*. Definita verò significatione pro cœtu hominum, vel universali, vel particulari accipitur: pro universali quidem; ut Rom. 3. vers. 19. *& totus mundus reus fiat Deo*, id est, universi homines, meri scilicet (nam Jesus *ἁνθρωπος* excipitur, Hebr. 4. vers. 15. & 7. vers. 26.) *omnes enim peccaverunt*: vers. 23. Pro particulari verò hominum cœtu, per Synecdochen, nempe *καὶ ἔθνη*, numeri, vel dignitatis, interdum majorem, interdum præstantiorem hominum partem designat: Majorem quidem, quando pro infidelium hominum cœtu, idque vel generatim, vel speciatim accipitur. Ac generatim cœtum hominum tam ex electis, quam ex reprobis constantem significat, ut Johan. 15. vers. 19. *ex mundo non estis* (id est, ex infidelium hominum turba) *sed ego elegi vos ex mundo, propterea odit vos mundus*. Ergò discipuli Christi fideles antè fuerant pars illius mundi, unde à Christo electi, seu aliis relictis, per vocationem à Christo exempti. Et Eph. 2. v. 2. in quibus (scilicet peccatis) *olim versati estis, secundum seculum* (id est, vitam) *hujus mundi*, id est, infidelium hominum: quorum cœtus universus, relatè totus mundus eodem sensu vocatur. 1. Ioh. 5. v. 19. *Scimus nos ex Deo esse, & mundum totum in malo jacere*, ubi ex Deo natorum seu renatorum oppositio, de non renatis, seu de infidelium mundo, agi declarat: Speciatim verò mundus non infideles omnes communiter; sed ex iis reprobos tantum significat; ut Ioh. 17. vers. 9. *Non oro pro mundo, sed pro iis quos dedisti mihi*, ubi *mundus* pro reprobis perspicuè accipitur, ut oppositio negationis adjuncti, quod scilicet pro eo non orat (eoque sacerdos pro iis ac mediator non sit) demonstrat: deinde oppositio consequens id evincit; nempe, *sed pro iis, quos dedisti mihi*, hoc est, electis & servandis, ut Ioh. 6. vers. 37. Similiter 1. Cor. 11. v. 32. *sed cum judicamur* (id est, punimur) *à Domino erudimur, ne cum mundo judicemur* (id est, puniamur ac condemnemur.) unde etiam apparet, mundum damnandorum; eoque non electos, sed reprobos, (qui soli condemnantur) intelligi. Eodemque sensu *mundus impiorum*, 2. Petr. 2. v. 5. *καὶ ἔθνη* appellatur, & *mundus quem damnavit Noë*, Hebr. 11. v. 7. cœtus ille hominum reproborum nominatur, qui in impietate sua, diluvio periit. 1. Petr. 3. vers. 19. 20. Atque hæc de significatione mundi, qua ob excellentiam quantitatis seu numeri, pro majori eorum parte, pro infidelium cœtu; generatim: aut speciatim, pro reprobis accipitur. Altera Synecdoche est, qua mundus seu cœtus hominum ob excellentiam qualitatis, seu dignitatis, pro præstantiori hominum cœtu, nempe electis ad vitam æternam, sumitur, ut Johan. 17. v. 21. *ut mundus credat me à te esse missum*, & vers. 23. *ut cognoscat mundus me à te missum esse, & teque eos diligere, sicut me dilexisti*; ubi aperte Christus orat, pro fide mundi: unde sequitur contrarium esse reproborum mundo, pro quo Christus non orat, & qui in Christum non credit, vers. 9. Deinde pro electis jam fidelibus accipitur. 2. Cor. 5. vers. 19. *Deus erat in Christo mundum reconcilians sibi, non imputans eis peccata*

*ipsorum*: ubi mundus electorum quidem sed non omnium (nam pars eorum erat adhuc infidelis, imò pars nondum nata) verum fidelium intelligitur, ut adjunctum reconciliationis, & non imputationis peccatorum; quæ per fidem tantum obtinetur, Rom. 3. vers. 28. & 5. vers. 1: aperte demonstrat: interdum verò distinctè à Judæis fideles gentium reliquarum Synecdochicè notat, ut Rom. 11. vers. 12. *quod eorum (sc. Judæorum) ruina est opulentia mundi, & diminutio eorum opulentia gentium*, & vers. 14. *si abjectio eorum est reconciliatio mundi*, ubi aperte mundus Judæis opponitur, & nomine gentium exponitur: quemadmodum etiam, quod iis opulentia nempe Spiritualis gratiæ Dei, & reconciliatio attribuitur. Unde apparet fideles reliquarum gentium intelligi.

Atque hæc de vocis mundi in Sacris literis significatione varia, ac distincta: quæ ad multa Sacræ Scripturæ loca, etiam alia, quam retulimus, intelligenda conducent; si rei circumstantiæ cum hisce dictis conferantur. Id quod exemplis nonnullis fiet illustrius: primum enim Ioh. 3. v. 16. sententia est celeberrima: *ita enim Deus dilexit mundum, ut filium suum unigenitum dederit, ut quisquis credit in eum, non pereat, sed habeat vitam æternam*. De cujus mente controversia est satis nota, quid scilicet voce mundi hoc loco intelligatur. Quidam enim, inprimis Ecclesiæ Orthodoxæ adversarii, vocem mundi singulos homines; etiam reprobos notare statuunt; atque ita ex hoc loco, salutem per Christum partam, ad eos non minus, quam ad fideles, atque electos pertinere contendunt. Alii contra hoc merito negant, & mundi vocem, quia ambigua est, aliter accipi posse, imò ex Sacræ Scripturæ analogia aliter debere intelligi, variis rationibus probant. Primum enim illud ex mundi adjuncto, quod ei hoc loco attribuitur, nempe dilectione Dei salutari, constat: dicitur enim *sic Deus dilexit mundum*: quæ dilectio reprobis; qui in incredulitate atque impietate permanent; non convenit: siquidem, *super eos ira Dei manet*, Joh. 3. vers. 36. Deinde Christum eosdem nunquam agnovit, Matth. 7. vers. 23. *neque pro mundo reproborum orat*. Joh. 17. v. 9. ideoque nec ita à Deo dilecti sunt, ut Christus iis datus sit Servator. Præterea quos Deus justo judicio ante Christum natum; ac donatum, exitio certo destinavit; iis servandis Christum postea non dedit. Hæc enim sunt opposita, quæ in Deum non possunt cadere. Tales autem sunt reprobi, Matth. 25. v. 41. & Judæ vers. 4. Ergò reprobis servandis Deus Christum non dedit. Denique quos Deus ante Christi donationem mortuos damnavit, & exitio æterno inferni irrevocabili tradiderat: ad illos servandos Christum dare non poterat; quia falsus esse non potest, sibi que contrarius. Atqui Deus maximam reproborum partem jam ante Christi donationem mortuam æterno inferni exitio tradiderat ac damnavit. Ergò ad eam servandam Christum dare non potuit. Secundò ex antecedentis sequenti expositione idem colligitur, quia mundi dilectio & Christi donatio ad credentes restringuntur. Quocirca mundus hoc loco singulos mundi homines significare non potest. Quosnam autem Christus significet voce mundi, servata fidei analogia, duplex est expositio. Prima est, ut mundus electorum, seu ordinatorum ad vitam æternam intelligatur, ut Joh. 17. v. 21. & 23. hos enim Deus ab æterno dilexit, iisque filium suum donavit Servatorem, & hosce quoque, ex universo mundo vocatos ad fidem, exitio eximit; ac vita æterna donat. Veruntamen huic expositioni adversarii objectant sequentiâ verba: *ut quisquis crediderit, quæ omnino repugnare dictis statuunt, idque eo probant, quod mundi cujus est facta mentio, divisio quædam indicetur, nempe in eos qui credunt, & non pereunt, sed habent vitam æternam: & eos qui non credunt, ac pereunt, vita æterna destituti*. Ac propterea colligunt mundum debere intelligi, non tantum electorum ac servandorum: sed universum prorsus, eoque etiam reproborum & pereuntium. Verum responderi potest; illa verba, *ut quisquis crediderit*, non indicare divisionem: sed esse expositionem dilectionis, & finis Christi, electorum mundo donati: nempe ut nullus eorum credens pereat, sed habeat vitam æternam.

nam : Eoque modo via ostenditur, qua à perditione, cui per lapsum sunt obnoxii, liberentur : nempe per fidem in Christum. Nam ante fidem sunt exclusi à vita æterna, & perdit ratione amissionis imaginis Dei, seu veræ cognitionis Dei ac iustitiæ : deinde dominii peccati, ac tyrannidis Satanæ ; & merito peccati, rei mortis æternæ ; unde perdit ante fidem appellantur, Matth. 10. vers. 8. & 18. vers. 11. fide autem in Christum ipsis datum, à perditione liberantur, & vitam æternam consequuntur : primum ratione initii seu vocationis, sanctificationis, justificationis, ac pacis cum Deo : deinde ratione complementi ; hæreditate quidem in hac vita : post hanc verò possessione perfecta. Quare hinc apparet, non esse divisionem electorum & reproborum : sed distinctionem electorum ; quæ ut prima ac perdita illorum conditio indicatur ; sic altera salutaris ac beata ex Dei dilectione, Christi que donatione procedens, explicatur. Quamobrem rectè hoc loco, ut & alibi mundus electorum intelligitur. Atque hic primus solutionis modus. Alter verò deinde est, ut concessa, licet non necessaria divisione, quam obtundunt, vocem mundi non propterea singulos, qui sunt in mundo, tam reprobos quam electos notare : sed indefinitè homines, seu genus humanum ; non autem definitè singulos generis, sed secundum quid : ut expositio vocem indefinitam declarat : ita enim Deus dilexit mundum, id est, homines, quod cum posset universos perdere, Christum dederit, ut credentes in eum, vita donaret æterna : ideoque hæc dilectio mundi, & Christi donatio non ad singulos mundi simpliciter : sed secundum quid, ad credituros refertur.

Atque hæc de primo, eoque celeberrimo exemplo, quo usus distinctionis significationum *mundi*, perspicue demonstratur : alterum exemplum est, in affini ac simili Apostoli Johannis de Christo sententia, 1. Joh. 2. vers. 2. *Et ipse est propitiatio pro peccatis nostris : nec pro nostris solum, sed etiam pro totius mundi* : unde iidem (quos ante confutavimus) adversarii, qui Christi Servatoris dati & mortui gratiam universalem esse docent, ad errorem suum fucandum, sic disputant : qui pro totius mundi peccatis est propitiatio, ille pro singulis hominibus tam reprobis incredulis, quam electis credentibus est propitiatio pro peccatis. Nam qui totum dicit, nullam partem illius excludit : Atqui Christus, teste Johanne, est propitiatio pro peccatis totius mundi. Ergo pro singulis hominibus, tam electis quam reprobis. Sed negatur propositio, quia nititur falsa hypothesis, quasi *totus mundus* tantum universalem hominum cætum designaret in Sacris literis : Cum contra interdum particularem, ac certi generis significet : quemadmodum ex 1. Joh. 5. vers. 19. initio demonstravimus, mundum infidelium ibidem intelligi : & quidem *totum mundum* vocari, quod ex intellectu, mundi voce, infidelium cœtu, nullus eorum eximatur : sic contra mundus interdum de cœtu fidelium usurpatur, ut ex 2. Cor. 5. v. 19. Ioh. 17. v. 21. 23. ostendimus. Atque ita *totus mundus* in hac Johannis Apostoli sententia rectè accipi potest, ut nullus fidelium excipiat. Nam citra omnem controversiam, quæ hic dicuntur ad fideles pertinent, quorum Christus est advocatus, qui pro iis apud patrem intercedit, eorumque peccata, sui sacrificii merito, & applicatione, per fidem expiat, Hebr. 9. vers. 23. 24. Neque ratio est ulla iusta, cur ad reprobos, atque incredulos etiam referatur. Sed objiciat aliquis : si totus mundus plures in hac sententia Johannis complectitur, quam electos ac fideles, tum non solos eos notat : sed etiam non electos ac reprobos. Atqui totus mundus hic plures complectitur, quam electos ac fideles : Ergo etiam propterea non electos ac reprobos. Propositionem certissimam esse agnoscimus : Sed assumptionem negamus. Verum, inquit, ea probari potest, ex oppositione ista, *non pro nostris solum, sed etiam pro totius mundi*. Nam si hoc loco *peccata nostra*, electorum ac fidelium peccata significarent : *totius mundi peccata* significabunt, tam electorum ac fidelium, quam non electorum ac infidelium : Nam hoc modo totus hic mundus, parti illius, satis aperte opponitur. Atqui hoc loco *peccata nostra* significant electorum ac fidelium peccata : nam talis erat Johannes, qui

hic loquitur, & illi quibus scribit, quos secum complectitur, cum ait *etiam pro peccatis nostris*. Ergo peccata totius mundi, significant non tam electorum ac fidelium, quam non electorum atque infidelium, ut diversitas constet. Sed negatur consequentia propositionis. Nam ad veritatem illius, deest vox *omnium*, hoc modo : Si peccata nostra, hoc loco omnium electorum, ac fidelium peccata significant &c. quæ voce addita consequentia firma erit : sin verò de parte fidelium intelligatur, prorsus infirma est. Nam pars tantum fidelium, à toto mundo fidelium seu universo eorum cœtu, rectissimè hoc loco distinguipotest. Si priori modo corrigatur propositio, addita voce *omnium*, vera quidem erit : sed eadem vox *omnium* etiam in assumptione est supplenda, quæ hoc modo erit falsa. Nec enim Johannes hic loquitur de universis fidelibus, initio, cum ait, *non solum pro peccatis nostris* : sed tantum de fidelibus Judæis, quibus scribit, & sese annumerat : Quemadmodum illud colligitur & rectè probari solet ex vers. 7. hujus capituli, *fratres, novum mandatum non scribo vobis, sed mandatum vetus, quod habuistis ab initio* : hoc enim aperte de Judæis dicitur : quia ipsis lex charitatis Dei, & proximi, initio tradita per Moysen, eamque ab ineunte ætate perceperant : de gentilibus autem dici non potest, quibus ea non erat tradita ab initio. Deinde etiam si fideles Judæi, non intelligerentur tantum ; nihilominus tamen universitatem fidelium non designaret : sed partem eorum, nempe qui tum temporis cum Johanne extabant ; à quibus distingueretur totus fidelium cœtus, ab initio mundi ad finem usque futurus : seu quivis omnium temporum fideles : quomodo gratiæ Christi amplitudo illustratur, unamque ac communem esse omnibus omnino fidelibus declaratur : ut nulla temporum, nulla nationum, ætatum, conditionum, sexus, Gal. 3. v. 27. 28. 29. Apoc. 5. v. 9. sit distinctio, Rom. 3. v. 23. Quare hinc apparet voce *totius mundi*, non necessario, ut adversarii contendunt, universalem mundum, seu singulos omnino homines tam reprobos quam electos intelligi : cum de toto fidelium mundo accipi possit : deinde non posse de reprobis, sed debere de electis ac fidelibus accipi, ex totius mundi attributo etiam evincitur. Hoc autem est, quod *Christus sit propitiatio pro eorum peccatis* : id quod fidelibus solis convenit : iis enim solis Deus propitius redditur, ac peccata remittit, Rom. 3. v. 25. & 5. v. 1. Reprobos verò peccata (quia in impietate, atque incredulitate perseverant) non expiantur : quia, ut ante monuimus, *Christus eos non novit*, Matth. 7. v. 23. *Pro iis non orat*, Joh. 17. v. 9. *sed illa Dei manet supra eos* Joh. 3. v. 36. *eique sine fide placere non possunt*. Heb. 11. v. 5. & Marc. 16. v. 16. Nam Christus est propitiatio per fidem. Qua de re memorabilis est Apostoli definitio Rom. cap. 3. v. 22. 23. 24. 25. *Iustitia inquam Dei, per fidem Jesu Christi, in omnes & super omnes credentes : non enim est distinctio, omnes enim peccaverunt, ac deficiuntur gloria Dei : iustificantur autem gratis, ejus gratia, per redemptionem factam in Jesu Christo, quem proposuit Deus in æternum propitiatorium, per fidem in sanguine ipsius*. Quo etiam pertinet, Heb. 9. v. 15. & 24. & 10. v. 14. 17. Quare merito concludimus, perperam ab adversariis disputari, cum totum mundum hoc loco singulos homines denotare statuunt : cum *totus mundus* interdum universalis, interdum particularis infidelium aut fidelium denotetur, prout circumstantiæ locorum evincunt. Deinde in hac Johannis sententia illustri, non posse de toto mundo hominum universali (hoc est, ex omnibus electis & reprobis constante) intelligi : sed de toto mundo hominum particulari, & quidem fidelium tantum, qui omnes omnium temporum, ætatum, sexuum, gentium, conditionum fideles, sine distinctione (ut ante probavimus) complectitur. Atque ita usum doctrinæ initio, de mundi significatione varia, propositæ, allatis duobus, illustrium ac controversorum locorum, exemplis, declaratum satis speramus.

*Digressio Altera De usu vocis OMNIS.*

**Q**UONIAM vox *omnis* diversis modis, in Sacris literis, usurpari solet, & ejus neglectu, Sacra Scriptura loca nonnulla ab adversariis veritatis, ad errores suos stabilientes, & ea, quæ de Christo fidelium tantum servatore, jam diximus, infringenda adducuntur: non alienum fore existimavi, si antecedentibus illustrandis, & præmunientis, de significatione vocis *omnis* pauca subnecterem. Quædam enim sunt quæ videntur adversariis prima fronte patrocinari. Cujusmodi sunt sententiæ 2. Cor. 5. vers. 15. *Si unus pro omnibus mortuus fuit, ergo omnes mortui sunt, & pro omnibus mortuus est Christus, ut qui vivunt &c.* & 1. Tim. 2. v. 4. *Qui omnes homines vult servari, & ad cognitionem veritatis venire, & v. 6. qui (nempe Christus) dedit semetipsum, redemptionis pretium pro omnibus, & 2. Pet. 3. v. 9. patiens est erga nos, nolens ullos perire, sed omnes ad resipiscenciam tendere.* Ergo, inquit, Christus Servator est absolute singulorum hominum, tam reproborum, quam electorum. Sed negatur Consequentia: quia nititur falsa hypothese, quasi vox *omnis* semper notaret singulos absolute: cum contra, pro rei subjectæ, de qua agitur, ratione, diverse accipitur. Interdum enim idem est quod totus, Marc. 2. v. 13. *omnis turba*, id est, *tota*, nam de una tantum agitur, & Matth. 27. vers. 25. *omnis populus*, & 8. vers. 32. *omnis grex*, id est, *totus*: Nam unus tantum erat, non plures. Deinde interdum singula bifariam notat, nempe vel genera, vel individua. Genera, ut Gen. 7. v. 2. *omnia animalia*, id est, omnis generis, & Luc. 11. v. 43. *Decimatis omne oleum*, id est, omnis generis, non singula: ea enim decimari non poterant. Individua verò: *Ut omnis, qui credit, non pereat, sed habeat vitam æternam*, Joh. 3. Denique, per metaphoricam hyperbolen, pro plurimis, qui sint instar omnium, accipitur, Joh. 3. v. 26. *Omnes veniunt ad vitam*: quod de singulis intelligi non potest, sed multis, & Joh. 11. v. 48. *Omnes in eum credent*. Hisce jam positis, solutio objectionis propositæ firmatur, nempe recte negari consequentiam, quia vox *omnis* non semper absolute accipitur, sed sæpe relatè ad suum genus, ac subjectum, de quo agitur: sic etiam in locis citatis. Nam 2. Cor. 5. v. 15. *Omnes intelliguntur*, non absolute, sed relatè ad fideles, de quibus loquitur vers. antecedente 14. *Charitas Christi constrinxit nos*, & v. 16. *Itaque nos*, & v. 17. *Si quis est in Christo, &c.* Ecce, *nova facta sunt omnia* & vers. 18. *Omnia facta sunt ex Deo*; quod de fidelibus, merito mortis Christi renatis, & renovatis dicitur. Sic. 2. Petr. 3. v. 9. *Omnes electos* notat, quod indicat initium, *patiens est erga nos, nolens ullos*, (scil. nostram de quibus agit) perire, *sed omnes, scil. nos electos, &c.* ut connexio demonstrat. Denique 1. Tim. 2. v. 4. *Omnes*, non singula hominum, sed genera omnia notat; ut circumstantia loci satis ostendit; ideoque quosvis notat, ut v. 1. *ut fiant deprecationes, & gratiarum actiones pro omnibus*, id est, omnis generis ac conditionis hominibus, non singulis individuis: alioquin etiam precandum esset pro peccantibus in Spiritum Sanctum; id quod absurdum; cum iis peccata non condonentur. Idque etiam sequentia docent, cum dicitur: *pro regibus & omnibus*, id est quibusvis, *in eminentia constitutis*: ut ostendat non solum pro subditis, sed etiam regibus & magistratibus precandum, citra status discrimen: sic vers. 8. ibidem vox *omnis* accipitur: *volo vos precari in omni loco*, hoc est, non in singulis locis individuis; nam illud fieri nequit: sed singulis generibus, hoc est, in quibusvis: atque ita discrimen intelligendum precationis Christianæ, & priscæ Judaicæ, quæ certo loco erat stricta.

Atque hæc strictim de voce *omnis* & eorum locorum intelligentia: quibus addi potest, illud argumentum non posse intelligi de singulis hominibus, quasi Christi morte redemptis. Nam pro quibus Christus mortuus est, illi condemnari non possunt, ut Pauli demonstratio, Rom. 8. v. 34. *evincit, quæ est, qui condemnat, &c.* Atqui reprobi condemnantur certo. Ergo pro iis Christus non est mortuus. Propositio etiam inde certa est, quod Deus non pos-

sit justè exigere satisfactionem poenæ æternæ condemnationis ab iis, pro quibus Christus semel legi satisfecit. Hisce jam expositis, succurrit mihi locus, ad ea, quæ de mundo diximus, significata illustranda, Rom. 4. v. 13. *Non enim per legem promissio cessit Abraham, aut semini ejus, ut hæres esset mundi, sed per justitiam fidei.* Quæritur enim quid per vocem *mundi*, hoc in loco intelligatur. De qua re duplex est sententia: Prima est, ut *mundus* denotet fideles totius mundi, seu omnium gentium: quorum pater est Abraham constitutus promissione divina, v. 17. Quæ sententiæ fidei quidem est analoga: sed tamen si quis rem penitus introspiciat, circumstantiis hujus loci non videtur satis convenire. Primò, quia vocatur hæres: atque insoleus est locutio; si pater hæres filiorum suorum vocetur: interim agnosco excipi posse, vocem *hæredis mundi*, posse accipi, ut *mundus* non significet eum, à quo hæreditas, sed in quo hæreditas consistit: quemadmodum Christus, Psalm. 2. jubetur petere à patre; eique promittitur hæreditas gentium, hoc est, possessio earum, à Deo quasi jure hæreditario danda. Idcirco altera ratio solidior addenda, quod hæres non de solo Abrahamo dicatur, sed etiam femini postea tribuatur eadem hæreditas. Atqui nemo sui ipsius hæres esse potest. Denique quia hæreditatis communis Abrahami, & feminis ejus causa statuitur justitia fidei. v. 13. quæ cæli & vitæ in eo æternæ hæreditas acquiritur. Quare altera afferri solet expositio, magis huic loco consentanea, nimirum ut peculiari significatione, *mundi* voce, per metonym. signi pro re significata, cælum ipsum, parte mundi; terra scil. promissa, cæli typo, adumbratum, denotetur:

*Brevis, sermonis Christi, de Nuptiis habiti,  
& Matth. 22. à v. 1. ad 15. usque,  
descripti, Illustratio.*

**C**eleberrima est, ac diligentiori consideratione dignissima, hæc præposita sermonis Christi, *de nuptiis filii Regis, & ad eas invitatis, narratio*: partim ob copiosam doctrinam, quam complectitur, utilitatem: partim ob difficultatem, quæ in partium illius genuino sensu, & connexionem, consistit. Quocirca non alienum nec ingratum fore arbitramur, si, ad doctrinam hujus eximie illustrationem, succinctam illius explicationem adjiceremus. Hoc enim modo, & huic parabolæ facilius intelligendæ, & similibus tractandis aliquid commodi accessurum, speramus.

Sublimis omnino est Sacra Scriptura, de *Rejectione Judæorum, & vocatione Gentium*, doctrina: ad justitiam, & misericordiam Dei, & officium pietatis cognoscendum, necessaria. Itaque ea primum à Prophetis, & à Mose, Deut. 32. v. 21. Et ab Esaia cap. 10. v. 22. prædicta; quemadmodum Rom. 10. v. 19. & 9. v. 27. declaratur. Deinde verò à summo Prophetâ Jesu Christo, eadem doctrina repetita, atque inculcata sæpius: Inprimis verò paulò ante passionem ipsius. Quum enim Principes Sacerdotum, & Seniores populi, ei inique litem movissent, de autoritate, quâ in templo populum docebat, Matth. 21. v. 23. Hac occasione justissimè parabolis usus, non solum illorum incredulitatem, v. 32. & in ipsum crudelitatem, v. 33. Sed etiam poenam ipsis imminentem, v. 43. proposuit duplicem. Vnam, quod ab iis auferendum esset regnum Dei, hoc est, Deus illis ablaturus esset verbi sui, & Spiritus regimen, ita ut Ecclesia Dei esse desinerent: Altera verò, quod regnum Dei dandum esset genti, quæ illius satura esset fructus: hoc est, fore ut gentes, Dei verbo, & Spiritu vocati, regerentur, atque obedientiæ fructus Deo, regeniti, idoneos proferrent. Quum verò, hac sententiâ Christi adversarii, sacerdotes & Pharisei essent exacerbati, v. 46. & pii infirmiores potuissent offendi: idcirco Christus utrique incommodo studuit: ut & pios erudiret & confirmaret, & adversariorum suorum impietatem justamque poenam amplius demonstraret. Modus verò ad hunc scopum idoneus ac destinatus, est novus Christi sermo, quem præmissis duabus parabolis adjunxit, quique cap. 22. ad verbum usque 15. narratur. Quæ narratio continet, primum Evangelistæ Matt. præfationem; deinde Christi sermonem.



Præfatio, ad Sermonis Christi meliorem intelligentiam pertinet: ac circumstantiam, & genus illius exponit. Circumstantia sermonis est tempus quando, & personæ quibus est habitus. Tempus autem notatur cum ait: *Tunc respondens Jesus*, hoc est, cum ea dixisset, quæ ante cap. 21. explicata, ipsumque studerentprehendere. Respondisse autem dicitur, hoc est, sermonem exorsus: ut familiaris hic est Hebraismus, Matth. 11. vers. 25. Marc. 12. vers. 35. Luc. 14. vers. 3. & alibi. Personæ deinde quas Christus allocutus est indicantur, cum dicitur: *locutus est eis*, nempe quorum cap. 21. vers. ultimo proximè antecedente meminit Evangelista. Nec enim aliud est antecedens, ad quod referri potest vox *eis*: ut etiam altero præfationis membro (quo genus sermonis Christi relatè exponitur) ostenditur, cum ait: *rursum locutus est eis per parabolas*. Nam vox *rursum* relatè indicat, ante locutum esse per parabolas: quemadmodum revera duas cap. 21. sacerdotibus similes proposuit; Id quod observandum est idcirco, ne cum multis interpretibus temere hanc parabolam cum ea quæ Luc. 14. vers. 16. & seqq. describitur, confundamus. Quamvis enim ea similis sit, eadem tamen non est: sed diversa, ut circumstantiæ temporis, loci, vocantis & vocatorum evincunt. Cæterum quid parabola sit, & quare Christus parabolis sit usus, explicandum. Ad prius quod attinet, vocis illius origo & significatio observanda. Origo autem est à verbo *παρεβάλλω*: quod ut *adjicio & appello* Act. 20. vers. 15. notat: sic inde translata significatione, per metaph. pro *conferre ac comparare* usurpatur, quod aliquid cum aliquo collaturi, id illi admoveere plerumque soleamus, ut rectè Henricus Steph. in Græc. ling. thesaurus observavit: undè nomen, *παρεβολή* derivatur, quemadmodum Marc. 4. v. 30. *Τὸν ὁμοιωσάμενος τὸν βασιλεὺς τὰ θεία, ἐν ποίᾳ παρεβολῇ παρεβάλλωμεν αὐτὸν*: Cui assimilabimus regnum Dei, aut qua collatione conferemus illud, ut Dominus Beza rectè transfert, Ciceronem secutus. Quemadmodum Quintilianus Instit. Orat. lib. 5. cap. 11. ait. *Nam παρεβολή (quam Cicero Collationem vocat) longius res quæ comparantur repetere solet*. Ex qua vocis *παρεβολῆς* origine, propria illius significatio est, oratio, quæ rei alicujus conferendæ similitudinem, diversis membris constantem complectitur. Quo sensu dicitur Matth. 13. vers. 10: *quare per parabolas loqueris?* & vers. 24. 31. *aliam proposuit parabolam*. Impropria verò significatio est, quæ à propria, per tropum aliquem, deducta est, primum enim (quod minus vulgo observatum est) per Meton. adjuncti signi pro subiecta re significata, notat parabolæ significationem, ut Matth. 13. vers. 18. *Vos autem audite parabolam ejus qui seminatur*, hoc est, parabolæ significationem & expositionem: quemadmodum sequentia hoc manifestè demonstrant. Deinde per Metaph. bifariam accipitur. Nam ut in Parabola & similitudo est, & inde consequens orationis elegantia existit: sic interdum, prioris ratione, ea vox generatim similitudinem significat, Heb. 11. vers. 19. vel speciatim simile Propheticum seu typum atque exemplar, rei alicui simili designandæ, divinitus destinatum significat: quemadmodum Heb. 9. vers. 9, tabernaculum vocatur *παρεβολή*, hoc est, typus nempe cœli eo adumbrati: ut v. 8. & 11. declarat. Pro qua voce, *παρεβολή* seu exemplar, & *τύπος* exemplar ex adverso respondens, eodem sensu substituitur ibid, vers. 23. 24. a posteriori vero, sive ab elegantia quæ parabolis inest, orta est altera significatio: non quidem in Novo Testamento: sed in LXX. Interpretum versione frequens, nimirum ut sententiam, seu breve ac sapiens dictum, vel generatim quodvis: vel speciatim vulgo tritum, seu proverbium designet. Quemadmodum Hebræa vox *משל* (quam LXX. *παρεβολή* interpretantur) utrumque notat. Exemplum autem prioris est 1. Reg. 4. v. 32. cum Salomoni tria parabolarum, id est, sententiarum millia adscribuntur, & liber sententiarum Salomonis *משלים* cap. 1. v. 1. & vulgò vocis quadam abusione, *proverbia* appellantur. Posterioris verò exemplum est, 1. Samuel. 24. v. 15. ubi *παρεβολή ἀσχημία*, vetus proverbium dicitur: *ab improbis prodit improbitas*. Denique non solum pro brevi sententia, sed etiam pro longiore (ut Hebræa vox *משל*) ab iisdem

usurpatur, ut Num. 23. vers. 11. seq. & vers. 22. cum seqq. Atque hæc de vocis hujus origine ac significatione. Ad rem verò quod attinet: Parabolæ à Christo propositæ, & alibi in Scriptura comprehensæ, vel omiſſæ, vel adjuncta expositione apud auditores tractantur. Prioris modi exempla sunt, Matth. 13. parabola seminantis vers. 1. ad 9. usque: deinde altera zizaniorum v. 24. ad 37. Omissæ autem expositionis causa interdum est claritas parabolæ: quod ex antecedentibus similis argumenti, parabolis expositis, facile intelligi possint. Qualis est parabola filii prodigi, Luc. 15. vers. 12. cujus significatio ex vers. 7. & 10. satis manifesta. Deinde verò cum parabolæ inest obscuritas, tum pro auditorum conditione diversa, omiſſæ expositionis causa quoque est diversa. Nam ratione reproborum & ingratorum, origo seu causa movens, fuit impia eorum ingratitudo, & iusta Dei judicis per Prophetas patefacta voluntas: qua eos mysteria Evangelii celare voluit, ut Christus pluribus, Matth. 13. demonstrat, v. 11. ad 16. Finis verò, fuit iusta eorum pœna, v. 12. 13. Ratione verò electorum, & piorum, origo quidem seu causa movens omiſſæ expositionis fuit benigna ac gratuita Dei ac Christi voluntas, iis seorsim exponendi; ibid. v. 11. 12. Finis verò fuit, ut in iis seriam considerationem excitaret, id quod indicat vers. 9. cum ait: *qui aures habet ad audiendum, audiat*: partim ut ad desiderium & petitionem expositionis à Christo, eo modo invitaret: quemadmodum eventus petiæ ac impetratæ expositionis, primum parabolæ seminantis (ut ex Marc. 4. vers. 10. 14. & seqq. constat) & zizaniorum ut Matth. 13. v. 36. 37. ostendit. Atque hæc de parabolis sine expositione primum propositis. quæ verò adjunctam habent expositionem, ea est aut simplex, aut duplex expositio. Simplex quidem, cum vel initio tantum: vel in fine adjungitur: duplex verò, cum utrinque id fit. Cum autem initio id fit, tum declaratur partim orationis genus: videlicet quod non sit historia seu narratio propriè intelligenda, sed similitudo: partim primum parabolæ objectum, seu illud ad cuius similem conditionem declarandum parabola adhibetur. cujus exempla sunt, Mat. 13. ubi Regnum Dei simile dicitur vers. 24. homini seminanti: & vers. 31. grano sinapis: vers. 33. fermento, & 44. thesauro occultato, denique vers. 45. negotiatori. Cum verò in fine parabolæ expositio auditoribus adjungitur, id fit vel immediatè, ut in plerisque: vel mediatè in nonnullis: & quidem interposito, vel loquentis, vel auditoris, vel utriusque sermone, qui ad iudicium de re per parabolam narrata, pertineat. Primi autem modi exemplum est in parabola Dei, per Nathanem Prophetam, Davidi, de oviculæ raptu proposita, 2. Sam. 12. v. 5. 6. Secundi exemplum est Esai. 5. in parabola de vinea, v. 3. 4. Tertii verò modi exemplum manifestum est in parabola de vinitorib. Mat. 12. v. 40. 41. Cæterum quocunque modo expositio in fine parabolæ, immediatè aut mediatè ponatur: aut etiam postea aliis indicetur: ea non est generalis, sicut illa quæ initio ponitur: sed specialis, ut quæ rem parabola illustrandam, de subiecto aliquo, & à loquente intentam complectitur. Id quod fit bifariam: vel ratione omnium partium parabolæ (quando scilicet allegoria est, in qua non duæ res inter se comparantur: sed continuata metaphora per similitudinem una res tantum indicatur) vel ratione quarundam tantum partium: sicut in parabola propriè dicta, in qua distinctè duæ res inter se comparantur. Prioris autem modi exemplum est parabola seminantis, Matth. 13. v. 1. ad 9. quæ omiſſa apud populum declaratione, postea discipulis seorsim in suis partibus singulis exposita est. vers. 19. ad 24. Qualis etiam parabola illa modo indicata, de ovicula rapta, 2. Sam. 12. Posterioris verò modi exempla sunt in plerisque expositis parabolis in quibus non singula suam habent rei similis declarandæ significationem: sed nonnulla tantum reliqua verò ad ornatum parabolæ inseruntur, ideoque eorum applicatio in subiecta expositione omittitur. Nam primum illud in parabola humana Joatham, ad Sichemitas de arboribus Regem electuris apparet, Jud. 9. v. 8. ad 16. ubi pleraque, quæ in medio posita, ad parabolæ elegantiam, & ad majorem attentionem inserta sunt, ideoque in apodosi,

apodofi, hoc est, redditione (quæ eidem ut protasi, accommodatur, & expositionem continet) tantum fit collatio cum prima parabolæ parte, proposita vers. 10. initio, & in fine parabolæ vers. 15. quemadmodum versus decimus sextus, eosdem tantum exponens perspicuè demonstrat. Alterum exemplum est in parabola divina Christi, de dispensatore iniquo, cum piis (tanquam bonorum à Deo acceptorum dispensatoribus) collato, Luc. 16. quæ non simpliciter, ratione singularum partium: sed tantum secundum quid, ratione quarundam, similitudinem continet. Quæ enim de malitioso illius consilio, deque infideli ac fraudulenta in dominum injuria narratur: ea ad ornatum & attentionem majorem tantum parabolæ inferuntur, non autem ad *ὁμοιότητα* similitudinis perficiendam pertinent: sed tantum eo spectant, ut prudentia illius, & diligens cura ac operâ prompta ad vitæ suæ conservationem adhibita indicetur: atque eatenus tantum à Domino ipsius iniqui dispensatoris probata narratur: quam prudentiam etiam Christus, absoluta parabola, subjuncto corollario generali, indicat comparatè, cum ait: *filios hujus seculi prudentiores esse filiis lucis in suo genere*: ut eo modo parabolæ allatæ, primò occasionem indicaret, esse imprudentiam multorum piorum: deinde necessitatem rei, significatæ per apodosin, hortationis modo, exponit: quæ altera sui parte, infidelitatem ac injuriam in Dominum Deum manifeste reprehendit. Alterum exemplum est in parabola inventi ab homine thesauri, Matth. 13. In quo ardens illius desiderium, & acquirendi rebus omnibus postpositis studium; ac prompta opera, ad collationem officii nostri erga Evangelium pertinent: injuria verò illius, in acquirendi thesauri modo, per occultationem ac silentium inventionis apud Dominum illius, ad ornatum narrationis non ad similitudinem officii nostri indicandum inseritur: quia iustissimus Christus, injustitiam probare, ac commendare non potest. Sic in non paucis parabolis circumstantiæ etiam narratur nonnullæ; quæ licet injustitiam nullam contineant, ad scopum tamen non pertinent: sed tantum ad parabolæ ornatum & ad attentionem majorem: ideoque inepta esset argutia, si quis eas quasi similitudinem à Christo intentam interpretaretur. Quemadmodum si quis Matth. 13. in parabola grani sinapis proposita, in explicandis volucris & ramis vers. 31. occuparetur: aut in parabola fermenti, in tribus satis vers. 33. mysterium quæreretur: aut Luc. 15. v. 4. in parabola ovis perditæ, in nonaginta novem reliquarum ovium numero & similibus argutari vellet, à scopo Scripturæ ineptè aberraret. Ideoque videndum in parabolarum expositione, ne in fidei seu doctrinæ sacris literis explicatæ ac fide percipiendæ analogiam impingatur: Deindè ut in expositione Christi, quatenus expressa est, acquiescamus, & id quod ex illa ac antecedentibus & consequentibus recta ratione colligitur, proponamus. Denique quemadmodum non omnia quæ in parabolis continentur, in expositione parabolæ in Scriptura exposita sunt, neque exponi à nobis debent: sic etiam non omnia quæ similia sunt in parabola, & ad expositionem plenam sunt conferenda, in expositione illius semper exprimuntur: sed sæpius primaria tantum capita, ex quibus reliqua, examine adhibito, non difficulter colligi, intelligi ac explicari possunt. Quemadmodum parabola de vinea, Esa. 5. v. 7. exponitur tantum ratione beneficii Dei in Judæos collati, & contra ratione ingratitude atque improbitatis ab iisdem relatæ: Pœnæ verò expositio omittitur, quæ tamen à Deo, per parabolam certò ac citra ullam controversiam significata est; idque ex natura peccati, quæ pœnam tanquam suum stipendium attrahit, & ex ipsa parabola facillimè intelligi potest. Sic in parabola ovis perditæ, Luc. 15. in expositione, tantum amicorum & vicinorum gaudium, ex inventa ove perceptum indicatur v. 7. officium tamen & opera fidelis à Domino in ove sua quærenda, est vera & intenta similitudo: ut officium Christi, & operam fidelem illius in peccatoribus quærendis quasi perditis, & ad resipiscentiam reducendis notet: quemadmodum parabolæ occasio clarè satis demonstrat. Ea enim erat duplex; Primum quod Chri-

stus peccatores non fugeret, sed doceret, converteret, ac conversos susciperet & cum iis conversis ederet. Deindè quod Pharisei & Scribæ, quasi id omninò illicitum esset, idcirco offenderentur atque obmurmurent, v. 2. In parabola autem declaranda, per primam illius partem de recta quæsitio & inventione ovis perditæ, suam justitiam tuetur: Deindè per narrationem iusti gaudii ob perditæ ovis inventionem, injustitiam Phariseorum refutat: & tamen primum illud collationis membrum, per parabolam certò indicatum, in apodosi seu expositione parabolæ omittit, & alterum tantum membrum declarat. Id quod propterea videtur factum, quod prius ex occasione parabolæ intelligatur; deinde quod etiam ex posteriori necessario consequatur. Quod enim in cælo gaudium excitat, illud benè fit, & in terris gaudio, non autem offensa neque obmurmuratione dignum. Atqui peccatorum à recta justitiæ via aberrantium ad resipiscentiam reductio (qualis à Christo fiebat) in cælo gaudium excitabat. Ergo ea bene fiebat, & gaudio, non offensa neque obmurmuratione erat digna. Atque hæc de parabolæ voce, & natura illius, atque tractationis ejusdem in Sacris literis varietate, idcirco plènius explicare conati sumus, partim ut honestæ petitioni & auditorum utilitati communi inserviremus; partim etiam quod hunc de parabolis locum communem, & cognitu necessarium ad sacrarum literarum intelligentiam & explicationem, nondum explicatum invenimus. Ex hisce igitur facillè intelligitur, quid Matthæus cap. 22. in narratione sermonis Christi de nuptiis sibi velit, quando in præfatione parabolæ præmissa, post circumstantiam, cum temporis, tum personarum primò propositam, deinde genus orationis ostendit esse parabolam. Hoc enim notat orationem; quæ rei alicujus conferendæ similitudinem diversis membris constantem, complectitur.

Unum verò tantum superesse videtur; nempe ut declaretur, quid sit, quod ait, *Christum locutum esse talis per parabolas*: Cum tamen ex sequentibus sit certissimum, unam tantum proponi parabolam; adeò ut contradictio quædam prima fronte esse videatur. Cujus nodi propositi solutio duplex esse potest: una ut Phrasis hæc, *in parabolis*, pro parabolarum modo seu parabolicè accipiatur: quemadmodum Marc. 12. v. 1. eam phrasin ita exponendam existimat noster Interpres; quamvis initio responderit; *et si unam tantum parabolam Marcus memoret, multas tamen alias quas omittit indicare à Christo propositas*, cum ex Matthæo id perspicuè constet. Quæ sanè in eo Marci loco, priori aptior videtur esse responsio; quia propriam phrasis significationem retinet, & veritati similiter à Matthæo explicatæ, omninò consentanea est. Altera solutio est, esse numeri pluralis pro singulari enallage, in sacris literis; minimè insolente: ut vel ex ipso Matthæo probari potest. Nam cap. 27. v. 44. ait *exprobrabant ei latrones*, ubi clarissimè unus latro intelligitur: quemadmodum disertè in eadem historia exprimit Lucas, qui unum fuisse tradit, cap. 23. v. 39. Sic etiam in eodem Matthæo, & in eadem phrasi eadem occurrit enallage, cap. 13. v. 10. *Cur in parabolis loqueris?* & v. 13. *Propterea in parabolis loquor*, hoc est, parabola, quia unica tantum parabola seminantis citra controversiam intelligitur. Atque hæc de prima parte narrationis sermonis Christi, Matth. 22. nempe præfatione illius, à Matthæo ad illustrationem proposita v. 1.

Altera verò est Christi parabola, quæ reliquis versibus à 2. ad 15. continetur. Estque ejusmodi ut expositionem illius generalem initio tantum proponat, non autem in fine. Constat enim primum propositione generali, quæ collationis materiam primariam, seu res quæ inter se comparantur suis modis indicat; & particulari descriptione illius; propositio autem his verbis exprimitur v. 2. *simile est regnum cælorum homini Regi, qui fecit nuptias filio suo*. Cujus membra sunt duo: primum est subjectum, quod indicat rem illustratam seu quæ per parabolam declaranda intenditur. Secundum verò est attributum illius, quo simile illustrans, seu rem eam declarans continetur. Subjectum est *Regnum cælorum*: quod quia non eodem modo in Sacris literis usurpatur; idcirco distinctio ad meliorem illius intelligentiam

telligentiam, paucis præmittenda. Interdum enim Regnum gloriæ in cœlis, Matth. 5. vers. 20. intelligitur: interdum verò Regnum gratiæ in terris: quod cœlorum dicitur, non ratione loci in quo est: sed ratione modi quo est, nimirum non mundanum, sed cœleste: Atque ita notatur Regnum Dei, quo Ecclesiam verbo suo & Spiritu regit: ut Matth. 20. v. 1. unde per Synecd. generis pro specie excellentiori, Ecclesiæ, per Christum Regem illius & Apostolos renovationem, & ex omnibus gentibus amplificationem designat: ut cum regnum cœlorum appropinquare dicitur, Matth. 3. v. 2. & Marc. 1. vers. 14. 15. Interdum verò aliter bifariam accipitur per Metonym. primum adjuncti pro subjecto, in quo illud regnum exercetur: & Ecclesiam notat, in qua regnat, Matth. 13. v. 41. deinde verò per Metonym. effecti pro causa efficiente instrumentali, Euangelium notat, per quod regnat, Matth. 13. v. 33. Cæterum, rebus diligenter perpenſis, hoc in loco, regnum cœlorum, regimen Dei, quo Ecclesiam suam colligit ac regit, commodissimè designat: quemadmodum consequentium collatio ostendit. Attributum enim illius (quæ secunda propositionis pars est) ita exprimitur, *simile est homini Regi, qui fecit nuptias filio suo*; Quo indicat primum Christus, se non historiam, sed similitudinem & duarum rerum collationem afferre, ab homine rege terreno, ad Deum Regem cœlestem indicandum: deinde ostendit, qua in re ea similitudo consistat, nempe in nuptiis filio factis: quæ aptissima est collatio. Nam ut hic homo Rex dicitur; eoque regnum habere ac subditos indicatur, quos regebat, & modum quo regebat: ita Deus rex est, qui regnum habet non solum universale in omnes creaturas, eas communiter suâ sapientia atque omnipotentia regens Psal. 147. vers. 8. 9. Sed etiam particulare, quo Ecclesiæ suæ rex est peculiariter, eam gratia sui verbi & spiritus amanter colligens, & ad salutem regens ac deducens, Esai. 33. v. 22. Deinde ut homo Rex (cui Deus confertur) dicitur habuisse filium, cui nuptias fecit: ac per consequentiam necessariam, cui ut sponso sponsam desponsarat & conjugio adjunxerat: sic etiam Deus Pater habet filium suum unigenitum Jesum Christum, cui Ecclesiam desponsavit, & per ministerium verbi Euangelii sui, & per fidem illius, 2. Cor. 11. v. 2. spirituali conjugio conjunxit atque univit. Eph. 5. v. 32. unde sub typo Salomonis Christus *filius regis* vocatur, Psal. 72. vers. 1. cujus etiam cum Sponsa Ecclesia conjugium Psal. 45. & Cantico canticorum typicè describitur. Nuptiale autem convivium ei hic in terris, Joh. 3. v. 29. instituit Pater, gratiæ justificationis, pacis cum Deo, & gaudii per Spiritum Sanctum inde promanantis: Cui ultimo die accedet nuptiale convivium, gloriæ ac gaudii æterni in cœlis: de quo Matth. 25. v. 1. cum 5. & 10. & Apoc. 21. v. 2. De priori autem nuptiali convivio, non de posteriori à Christo hic agi, ex ipsa parabola satis constat: etsi non pauci de posteriore interpretentur. Nam in cœlestis convivii nuptialis mensa assidebunt soli verè fideles: in hoc verò etiam hypocritæ, veste nuptiali destituti & è nuptiis ejiciendi: quorum neutrum cœlo convenit. In quod sicut nullus impurus ingreditur: Apoc. 21. v. 27. sic nullus qui in cœlum ingressus est, inde ejicitur, sed in æternum permanet: quia vita æterna ac beata fruitur. Ac propterea hinc perspicue liquet, hoc in loco non agi à Christo de convivio nuptiali ipsius & Ecclesiæ triumphantis, (de quo Apoc. 19. v. 7. 8. 9. sermo est) sed militantis. Atque hæc de prima hujus parabolæ parte nempe propositione: quæ collationem status regni cœlorum in terris, cum nuptiis ab homine Rege filio suo factis summatim continet.

Altera verò parabolæ pars, est particularis nuptiarum illarum, ad Christi scopum directæ descriptio. Quæ quidem particularem expositionem subjunctam non habet: sed ea ex analogia versus primi & secundi colligi potest; & suis partibus breviter adjicere conabimur. Ea autem parabolæ pars particularis, nuptiarum illarum conditionem indicat. Narrat enim convivarum ad nuptias vocationem, & eventum illius. Vocatio autem illa, pro diverso vocatorum genere distribuitur: alia enim est invitatorum, qui

Judæos: alia non invitatorum, qui gentiles notant, vocatio.

Judæorum autem vocatio duplex, indicatur idoneo simili. Prima quidem v. 3. *Et misit servos suos, qui vocarent invitatos ad nuptias*. Quamvis autem non subjiciatur, servos missos mandatum vocandi executos: illud tamen eventus descriptione postea indicabitur. Hisce autem verbis, similitudine apta, vocatos Judæos, & vocationis modum describit. Judæos enim vocat *κατακλιθέντες vocātos*, id est invitatos antea. Quemadmodum enim justo tempore ante Regum nuptias convivæ invitari solent, ut illi sese ad eas tempestivè queant præparare; removendo scilicet omnia impedimenta: & parando vestes nuptiales, seque ad eas rectè exornando: postea verò paulò ante nuptias vocari solent, ut opportunè adsint: ita etiam Deus Judæos ad Christi filii sui nati communionem vocaturus, prius Scriptis Moſis & Prophetarum, de Christo & officio accessus ad ipsum per fidem, invitavit, Joh. 5. v. 39. 46. 47. & Act. 3. vers. 23. 24. & 10. vers. 43. Deinde per suos servos, Spiritu Sancto afflatos, Johannem Baptistam, Luc. 1. vers. 76. & Joh. 1. vers. 6. 7. 8. 23. & discipulos Christi, primum duodecim Apostolos, Matth. 10. v. 5. 6. 7. deinde LXX. alios, Luc. 10. v. 1. & 9. prædicatione Euangelii, ad Christi atque Ecclesiæ illius communionem, per fidem obtinendam vocavit. Nam licet vera sit sententia, quæ hæc de vocatione Judæorum primum facta per Prophetas interpretari soleant, non satis tamen videtur huic loco convenire: primum, quia Judæi ante invitati dicuntur: atqui ante Moſen & Prophetas quomodo Judæi invitati ad Christum dicuntur? cum ea vocatio per illos fuerit prima, eoque aliam invitationem non sequatur? deinde quia regnum cœlorum regimen Ecclesiæ renovatæ per Christum: aut Ecclesiam per eum renovatam, in qua regnat verbo & Spiritu: aut Euangelium Christi exhibitum designare solet: nullibi verò ad tempora ante Christum exhibitum referri probatur: ac propterea prior explicatio videtur præferenda. Atque hæc prima est Judæorum, per Euangelium, de Christo nato, ad fidem & communionem Christi atque Ecclesiæ illius vocatio: quæ ut eximium est Dei beneficium, erga Judæos & omni acceptione dignissimum, 1. Tim. 1. v. 15. ita eventus illius contrarius narratur: nempe maleficium Judæorum: quod vocationi gratuitæ ad cœlestes nuptias obedire noluerint: id quod in fine vers. 3. ita indicatur: *sed noluerunt venire*, nempe ad nuptias filii Regis. Id quod intelligendum, non de singulis, sed plerisque Judæis; ut historia Evangelica demonstrat. Quidam enim ad Euangelium Christi audiendum, & Ecclesiæ communionem acceſſerunt, partim per externam fidei professionem: partim etiam per internam, per fidem vivam; maxima tamen populi pars, cum sacerdotibus ac populi primoribus, à Christi confessione fuit averſa: id quod hac vocatorum contumacia adversus vocantem Regem per servos suos indicatur. Atque hæc de prima vocatione Judæorum & eventu illius, nempe vocationis rejectione.

Secunda verò vocatio post mortem & ascensionem Christi, per Apostolos & Apostolicos viros instituta est: quæ simili iteratæ à Rege vocationis convivarum, & eventu illius describitur. De priori dicitur vers. 4. *Rurſus misit alios servos dicens: dicite vocatis, ecce &c.* ubi per servos designantur simili idoneo imprimis Apostoli: qui à Christo primum missi ad Judæos, ad communionem Christi vocandos, Act. 1. v. 8. Quod autem hic in parabola servi alii dicuntur missi, & Apostoli, ut ante monuimus, ad primam etiam vocationem fuerint missi: illud expositioni allatæ non adversatur; quia circumstantia tantum est parabola, quæ ad rem significatam non pertineat. Quamvis etiam servi alii dici possint non ratione substantiæ sive personæ: sed ratione qualitatis: quod Spiritus Sancti cœlitus dimissi donis copiosè instructi, alii longè fuerint, quam prius. Denique alii etiam præter Apostolos, divinitus accepto Spiritus Sancti dono, ad Judæos fuerunt adhibiti. Quales inter alios Stephanus, Paulus, Barnabas, &c. Horum autem servorum aliorum missio seu lega-

legatio, à re convivis annuntianda describitur duobus membris: quorum prius est beneficium regis; quod prandium paratum sit, hoc est, convivium illud nuptiale, ut specialius indicatur: quod tauri & altitia mactata sint, & omnia parata. Alterum est officium vocatorum, quo vocantis responderent beneficio, his verbis: *venite ad nuptias*. Beneficium autem illud videtur notare, Christum in cruce mactatum, adeò ut consummata sint & parata omnia; ut Judæi ejus carnem ederent ad animæ recreationem & salutem, Joh. 6. v. 54. 55. Quamvis autem non exprimitur, servos hac legatione esse perfunctos, illud tamen (ut in prima legatione ad vocandum, monuimus) consequente eventu primo indicatur. Eventus enim legationis exactæ seu præstitæ duplex hoc in loco statuitur; Primus quidem est, injusta in gratuitæ ad communionem Christi vocationis rejectione inobedientia: alter est justa à Deo Rege, per regem terrenum adumbrato, pœna. Injusta autem hæc inobedientia, gradibus suis differens, alia facta est contemptu solo: alia verò etiam crudelitate in servos Regis adjuncta. Contemptu solo contigit: quod quidam dona corporalia spiritualibus, & mundana cœlestibus præposuerunt, ac curarunt. Id quod v. 5. hoc simili indicatur: *illi autem cum hoc neglexissent*, (nempe vocationem iteratam patientis ac benignissimi Regis) *abierunt: alius quidem in agrum, alius in mercaturam*. Altera verò adversus secundam ad nuptias filii regis benignissimam vocationem inobedientia, est reliquorum vocatorum malitia stupenda: quod non simpliciter ut alii, ingrato contemptu eam neglexerint: sed etiam crudelitatem in legatos ac vocantis Regis servos adjunxerint. Quæ duplex recensetur, nempe eorum apprehensio, & in apprehensos violentia seu crudelitas: quæ contumeliis & trucidatione indicatur. Quo simili Christus designat crudelitatem quam primores Judæorum eorumque sectatores erant perpetraturi in servos ac legatos Dei, videlicet Apostolos aliosque, qui ipsos amanter, Dei nomine, per suavem prædicationem Evangelii, ad Christi & Ecclesiæ communionem erant vocaturi. Quemadmodum ea crudelitas perspicuè declaratur, diserta Christi prædicatione, Matth. 23. 34. & Joh. 16. v. 2. & prædicationis illius complemento, multis exemplis, in Actis Apostolorum descripto: ut cap. 4. v. 3. 5. 18. 40. & 7. v. 57. 58. & 12. v. 2. 3. Atque hæc de secundæ seu iteratæ vocationis Judæorum ad Christum eventu primo, nempe injusta eorum ac malefica inobedientia, qua quidam vocationem contempserunt; reliqui verò etiam in vocantes Dei servos Apostolos crudelitatem exercuerunt. Alter est injustæ ac crudelis hujus inobedientiæ justà à Deo pœna: cujus describitur primum Occasus, deinde Species duplex. Occasus ita exprimitur. *Cum autem hoc audisset Rex*: quo per similitudinem quandam Dei cognitionem indicat: qua contemptum Judæorum adversus benignam vocationem ad Christi communionem, & in Apostolos legatos ac vocantes crudelitatem novit; non autem eundem cognitionis modum. Nam Reges mortales, ea, quæ legatis ipsorum evenerunt, ex relatione aliorum ac sua auditione primum norunt: quia ab iis abfuerunt: Contra verò Rex cœlestis, quoniam ubique intimè præsens est: & scientia ejus infinita, per se omnia pernoſcit penitissimè: nec est ulla creatura, quæ non conspicua sit coram ipso, sed omnia nuda & patentia oculis ejus, Heb. 4. v. 12. Hæc de occasione pœnæ. Species verò ejusdem est duplex: Prima quidem ira cœlestis Regis in Judæos, vocationem secundam contemptim & crudeliter averſantes, quæ ira simili regis terreni ita significatur, *iratus est*, nempe primum ob spretam primæ vocationis patientiam, & benignitatem, in secunda inobedientium convivarum ad nuptias filii vocatione: deinde ob crudelem legatorum vocantium occisionem ac trucidationem: Nam reges terreni adversus hujusmodi inobedientiam, & mandati ac Majestatis suæ læsionem justè irasci solent, hoc est ita commoveri, ut illud crimen punire velint: quemadmodum exemplum iræ Regis Ahasueri adversus Reginam Vasthi, ad convivium regale vocatam, ac contumaciter recusantem, ostendit, Esth. 1. v. 12. Sic etiam Deus Rex cœlestis iratus ostenditur, quod Judæi

secundò ad Filii sui & Ecclesiæ communionem, per Evangelium benignè vocati, id contempserint: & vocantes Dei servos ac legatos Apostolos apprehensos contumeliis ac morte affecerint. Cæterum ira & homini Regi, & Deo tribuitur, simili, sed non eodem modo. Nam in homine propriè est dolentis animi, ob injuriam (re ipsa aut opinione) acceptam, affectus vindictam cupiens: in Deo verò ira per Metaph. simili ab hominibus petito, non dolorem animi, neque ullam perturbationem illius (quia naturæ divinæ, quæ immutabilis ac beata permanet, perfectioni repugnat) sed justam de mandati sui violatoribus puniendis voluntatem designat. Altera verò pœnæ species, est justæ iræ Regis effectum geminum: prius quidem est immisſio hostilium exercituum ipsi servientium; postèrius verò est homicidarum illorum consequens perditio & urbis eorum incendium. Quo simili, justam, à Deo ad iram provocato, in hostes suos Judæos & Apostolorum homicidas imminentem pœnam perspicuè satis significat: Nam ut ira Regis nuncius mortis, Prov. 16. v. 14. ut exemplum regis Ahasueri in Hamanem irati, Est. 7. v. 7. 8. 9. ostendit, & Davidis in Ammonitas; qui ob violatos ipsius ad consolationem Regis missos legatos, justè iratus fuit, adeò ut misſo exercitu, urbem eorum regiam obsidere & destruere jusserit, 2. Sam. 10. v. 2. 4. & cap. 11. v. 1. 25. Sic etiam Deus ob lenitatis, ac benignissimæ ad nuptias Filii sui vocationis contemptum, & trucidationem suorum Apostolorum vocantium, Judæis justè iratus, in locum illorum legatorum ac speciosorum pedum Evangelizantium pacem, Evangelizantium bona, Rom. 10. v. 15. hostiles ac perniciosos Romanorum, sub Vespasiano & Titò exercitus, sibi tanquam summo & omnipotenti Domino subditos, occulta providentia regens, homicidis illis Judæis immisit, ipsosque fame, peste, gladio perdidit: urbemque eorum Hierosolymam, regionis caput, incendit ac diruit. Quemadmodum Daniel olim eam populi perditionem & urbis excidium ac desolationem longè antè prophetavit, cap. 9. v. 26: & Christus etiam paulò antè prædixit, non solum hæc, sed etiam aliis concionibus! Nam populi Judæorum perditionem alia parabola, Luc. 19. v. 14. & 27. prænuntiavit: & ibidem v. 42. ad 45. urbis & populi horrendum exitium, sine parabola, apertè ac distinctè declaravit; quemadmodum cap. 21. v. 20. exercitus Hierosolymam cincturos, & desolationem illius, & v. 24. trucidationem populi, & superstitum captivitatem & dispersionem explicavit. Quo etiam spectant Christi dicta, Matth. 23. v. 38. & 24. v. 2. & 15. & 21. A qua populi contumacis, adversus Christum, perditione, clementer Ecclesia fidelium conservata est: & quidem opportunè; simul ac Romanorum exercitus in terram sanctam pervenisset, erepta fuit, secundum Christi admonitionem, Matt. 24. v. 15. 16. quemadmodum præterea Eusebius hist. Eccles. lib. 3. cap. 5. de parte Ecclesiæ Judaicæ primaria, quæ Hierosolymis erat, ait: *populus Hierosolymitanæ Ecclesiæ oraculis cujusdam indicio, (quod probatoribus per revelationem traditum fuerat) antequam bellum oriretur, ex ea civitate migrare & oppidum quoddam trans Jordanem (quod Pella nominant) inhabitare jussus est: in quod qui in Christum crediderunt, relictis Hierosolymis commigrarunt*. Atque hæcenus primum vocationis hominum ad Christi communionem genus, in parabola de nuptiis propositum; exponere conati sumus. ut autem vocatio illa est duplex: sic duplex vicissim eventus. Prima vocatio est, quæ iis, jam antè, per divina eloquia (ipsis credita, Rom. 3. v. 2: & singulis Sabbathis lecta) invitatis contigit, Christo exhibitò ac vivente: cujus eventus fuit ingratus ac contumax vocationis contemptus. Altera post Christi mortem, resurrectionem, ascensionem, per Apostolos & alios Dei servos facta est: eventus verò infelix fuit, primum inobedientia: partim quorundam qui vocationem (mundi amore seducti) spreverunt: partim aliorum, qui crudeli odio illius, vocantes Dei Apostolos apprehenderunt, & apprehensos contumeliis ac morte affecerunt: Secundus eventus est hujus inobedientiæ ac crudelitatis pœna, nempe Dei ira & populi atque urbis excidium.

Porrò



Porro huic Judæorum ( ante per scripta Prophetarum invitatorum ) vocationi, & eventui illius exposito, adjungitur deinde descriptio vocationis eorum, qui antea non erant invitati, hoc est, reliquarum gentium, quæ in locum ingratorum ac rejectorum Judæorum successerunt. In qua, simili à rege terreno continuato, significatur vocationis hujus modus atque eventus. Modus est mandatum vocationis à Deo servis ipsius datum, & fidelis illius mandati per servos executio. Ad mandatum quod attinet, illius primum indicatur causa: deinde forma. Causa verò est duplex: Prima quod nuptiæ paratæ essent, ut v. 4. dictum, quod prandium paratum esset, tauri mactati & omnia parata; quod significat, Christo ( qui non solum convivii nuptialis sponsus, sed etiam cibus est ) paschate nostro jam mactato, ad epulas illius jam accedendum esse, 1. Cor. 5. v. 7. non solum Judæis, sed etiam gentibus. Nam ut ante Christi mactationem hoc erat Judæorum privilegium, seclusis ab ea vocatione gentibus, Matth. 10. v. 5. 6. Act. 14. v. 16. Eph. 2. v. 12. Sic contra per Christi mactati in cruce sanguinem, discrimine summato, gentes non minus, quam Judæi, erant vocandæ, Eph. 2. v. 13. 14. 15. 16. Matth. 28. v. 19. Act. 13. v. 46. &c. Altera causa mandati de vocatione gentium, est Judæorum, ob contumacem inobedientiam indignitas. Quæ ita adumbratur altera v. octavi parte; *sed qui vocati erant, non erant digni*: ut Matth. 23. v. 43. Act. 13. v. 46. 47. indicatur. Nam quemadmodum, ut ex historia Estheræ patet, regina Vasthi rejecta ob suam contumaciam, quod ad regis Assueri convivium se sistere nollet, ei Esthera in reginæ locum clementer substituta: ita Judæorum Ecclesia à Deo ob contumaciam rejecta, ac gentes clementer vocatæ in eorum locum; ut Paulus Rom. 11. per rejectionem Judæorum, salutem gentibus obtigisse declarat. Mandatum verò Dei ex hisce duabus causis per vocem *Ergo* conclusum exprimitur his verbis, v. 9. *Ite ergo ad compita viarum, & quoscunque inveneritis, vocate ad nuptias*: Quo vocatio gentium, similitudine quadam, in hac parabola designatur. Nam ut hi omnes, qui in viarum compitis invenirentur, distinguuntur ab iis, qui invitati prius à rege, & deinde bis ab eodem vocati ad nuptias contumaciter ac crudeliter venire recusarunt: & hisce Judæi denotati sunt: ut antea ostendimus: sic contra illis omnibus, qui promiscuè in compitis viarum invenirentur, gentes reliquæ præter Judæos intelliguntur: quas antea præteritas, nunc vocari ad nuptias, hoc est per Apostolos aliosque servos suos Evangelii prædicatione, ad fidem & communionem cum Christo ac Ecclesia vocari mandavit, Matth. 28. v. 19. Act. 13. v. 46. 47. Cui mandato convenit fidelis illius per servos Dei executio: quæ ita in parabola v. 9. describitur; *& egressi servi illi in viam, congregarunt omnes quos invenerunt, malos pariter ac bonos*. Quo significatur Evangelii prædicatione congregari ad Christi & Ecclesiæ externam communionem, non solum bonos, hoc est, verè fideles; sed etiam malos, hoc est, per synecdochen generis pro specie, hypocritas, fucatos fideles, qui externa professione & sacramentorum communione, veram fidem ac pietatem simulant: quemadmodum in parabola Sagenæ, pisces omnis generis colligentis, tales describit Matthæus cap. 13. vers. 47. 48. 49. Nec enim apertos ac palam malos Apostoli, aut ulli sancti Evangelii præcones congregare, & Ecclesiæ communioni per Sacramenta aggregare potuerunt aut congregarunt: quod tales à communione Ecclesiæ, tanquam pestis illius, sint arcendi; sed congregarunt opertos ac tectos: quos, quia sub ovina pelle sunt lupi, & sub externa fidei & vitæ Christianæ specie, internam fraudem, ac impietatem tegunt, (atque ita verè bonis exterius pares, imò interdum superiores apparent) idcirco ab Apostolis aliisque Evangelii præconibus dignosci non potuerunt, atque hinc omnes ex lege charitatis ( quæ interna cordis arcana Deo relinquens, ex rebus externis in optimam partem judicat ) eos malos sibi ignotos, pro bonis & verè fidelibus habet, donec latentem hypocritam videant: ut eos non ex Christi Ecclesiâ, sed in Ecclesiâ tantum fuisse sentiant. 1. Johan. 2. vers. 19. quales

fuere Simon Magus, Hymenæus, Philetus, alique plurimi. Atque hæc de gentium, ad Christi & Ecclesiæ externam communionem, vocatione. Cujus eventus (continuada vocatorum ad nuptias hominis regis similitudine) describitur duplex: nempe obedientia vocatarum gentium, qua sese Christi & Ecclesiæ communioni adjunxerunt; & consequens Dei de illis judicium. Ac prius quidem hisce verbis v. 10. designatur: *& impletæ sunt nuptiæ*; ( hoc est, nova significatione per Meton. adj. pro subjecto, convivii nuptialis locus ) *convivis*. Quo adventu & discubitu in regis terreni nuptiis, accessio ad Ecclesiæ communionem, à gentibus vocatis facta adumbratur: Quæ accessio partim digna est quorundam, partim indigna aliorum. Digna est, quæ vocationi conveniens, externam simul & internam obedientiam complectitur. Indigna verò est, quæ simul juncta ac mandata à Deo perperam separans, in sola externa fidei ( cum oris, tum vitæ Christianæ indicis ) professione & Sacramentorum cum Ecclesia participatione consistit. Quemadmodum autem prædicatione Evangelii, quæ gentes vocantur, ad finem usque mundi durabit, Matt. 28. v. 19. 20. sic etiam earum ad Christi & Ecclesiæ communionem accessio, eo usque duratura, ac tum demum plenæ erunt nuptiæ convivis. Hæc de primo vocationis gentium eventu. Secundus verò est Dei vocantis de iis judicium, plenis jam nuptiis futurum. Id quod describitur bifariam: primum quidem ab antecedente ad illud præparatione: Deinde à consequente præparationem judicis Dei sententia. Præparatio autem constat lustratione convivarum, & eorum examine. Lustratio notatur v. 11. *Ingressus autem rex ut spectaret convivas, vidit illic hominem non indutum veste nuptiali*. Quo simili, à rege terreno deducto, perfectissima Dei judicis scientia adumbratur, non autem singulis similibus circumstantiis respondet: quia nec ingressus, cum Deus ubique sit, nec lustratio ad notitiam comparandam in Ecclesia congregatorum ei necessaria: nam cælum & terram implet, & corda scrutatur omnia, omniaque in universum habet plenissimè cognita, ut supra etiam ostendimus: Ideoque licet Dei, in Evangelio prædicando servi, hypocritas à verè fidelibus, Christi & Ecclesiæ membris ( quia corda eorum ignorant ) discernere nequeant; Deus tamen cernit omnes, ac indignos ab indignis discernit accuratissimè. Indigni autem describuntur, qui veste nuptiali carent. Ea autem Christus per fidem vivam ( quæ per charitatem efficax, Gal. 5. v. 6. ) apprehensus intelligitur, quem fideles induunt, Gal. 3. v. 27. Nam ut Christus & Sacerdos, & victima, & altare, imò & templum; utpote quod iis fuerit adumbratus, diverso respectu vocatur: Sic hoc in loco & sponsus est, & cibus, & vestis, distincta aptaque comparatione. Hic enim vestis instar, nuditatem nostram ac vitiositatem sua justitia tegit: & perfectione suæ justitiæ ac grato ornatu atque optimi odoris suavitatis, quasi vestis nuptialis Deo acceptos reddit & benedictionis illius participes: quemadmodum vestitu Esavi primogeniti ornato & suave olenti indutus Jacobus, benedictionem à patre suo Isaac obtinuit. Quod autem hic rex dicitur in nuptiis vidisse hominem non indutum veste nuptiali: eo non unus tantum intelligitur, ( ut res ipsa, & finis parabola à Christo positus demonstrat ) sed illius exemplo reliqui etiam ( quasi specimine totius posito ) designantur omnes. Hæc de prima antecedentis præparationis ad judicium parte, nempe convivarum vocatorum & vocationi parentium lustratione, & indigni convivæ observatione. Altera verò pars, est examen illius à rege institutum, v. 12. constans regis quæstione, & indigni convivæ silentio. Quæstio est hæc, *amice quomodo hic intrasti, non habens vestem nuptialem*? In qua quæstione indicatur is à quo quærit, & quid quærat. Illum autem indicat, cum ait *amice* quo socium vocat singulari clementia, quod benignè in societatem convivii nuptialis esset vocatus, ac propterea debuerit grato animo ad convivium regis nuptiale dignè accedere. Quid autem ab eo quærat, est his verbis expressum, *quomodo hic venisti, non habens vestem nuptialem*? quibus officium ab eo violatum ostendit, & causam illius quærit. Quo nulla Dei ignorantia, neque

neque etiam propriè quæstio seu interrogatio designatur (qualis tamen à Deo instituta ad Adamum & Evam, Gen. 3.) Sed simili à rege terreno, Dei voluntas, declaratur: quod quemadmodum novit, quinam fucata sint Christi & Ecclesiæ membra: sic etiam hypocritas illos, ut indignos sua gratia, aversetur.

Alterum examinis membrum, examinati silentium est, illius nimirum hominis, qui sine veste nuptiali ad nuptias regis erat ingressus ac discubuerat cum aliis: quo simili notatur, fore ut hypocritæ, qui in Ecclesia jam latent, & Ecclesiæ ignoti sunt, patefiant in iudicio ultimo, & propria conscientia sceleris sui convincantur. Atque hæc de examine, secunda videlicet præparationis ad iudicium parte; Cui deinde sententia iudicis adversus læsæ majestatis regis convictum, mandato comprehensa succedens describitur vers. 13. 14. cum dicitur, *Tunc dicit rex, &c.* Quibus parabola verbis futura hypocritarum condemnatio describitur, & ratione addita à Christo declaratur. Condemnatio describitur bifariam: primum quidem à circumstantia gemina: Deinde à modo pœnæ inferendæ. Circumstantia autem prima est temporis, nempe *Tunc*, hoc est, eo tempore, de quo proximè meminit, videlicet, cum plenæ erunt nuptiæ convivis vers. 10. (ut in simili parabola dictum, cum fagena plena erit, Matth. 13. v. 48.) id est, cum vocatio ad Christi & Ecclesiæ communionem, per prædicationem Euangelii finem habebit, & hypocritæ à Deo patefient omnibus, ac convincentur, vers. 11. & 12. nimirum, quando illos Deus per Christum iudicem, quasi hædos ab ovibus separatos, ad sinistram collocabit, Matth. 25. v. 33. eosque convincet ex malis effectis, quod non habeant communionem cum ipso per fidem vivam, eoque non sint ex ovibus ipsius & veris Dei filii (qui soli sunt hæredes Dei & cohæredes Christi Rom. 8. vers. 17.) ibid. vers. 42. & seqq. Altera verò circumstantia sententiæ condemnationis, sunt causæ exequentes illius, quæ ita indicantur: *dixit rex ministris*, quo simili ministrorum terreni regis, adumbrantur Angeli Dei, qui sunt Spiritus ministratorii, non solum ut bonos seu fideles Dei servos tucantur, Heb. 1. & Psalm. 34. Sed etiam ut in hypocritarum condemnatione Deo serviant: quemadmodum Christus explicat in parabola primum zizaniorum Matth. 13. vers. 39. 40. 41. secundo in parabola fagenæ dejectæ in mare, ibid. vers. 49. Atque hæc de gemina circumstantia, cum temporis quando, tum causarum instrumentalium, seu eorum quibus executionem condemnationis hujus mandabit: quod scil. ultimo die, & quidem per Angelos sanctos illud fiet. Modus autem pœnæ, mandato iudicis præscriptæ, ultima parabola hujus parte, apto simili adumbratur his verbis: *Ligatis manibus & pedibus, &c.* Is autem modus constat ligatione, & in tenebras exteriores dejectione. Solebant enim puniendi ligari primum, ne evadere possent: & deinde in carcerem detrueri, ut exemplo Simeonis ostenditur. Gen. 42. v. 19. 24. *Tenebræ* enim exteriores hoc in loco, per metonym. adjuncti pro subiecto loco, carcerem notant, quod in eo tenebræ esse ad horrorem soleant: exteriores verò dicuntur, quod sint extra aliorum hominum, utpote in luce versantium, spatium secretæ, atque horribiles, ut adjuncta earum descriptio (nempe: *Illic erit fletus & stridor dentium*) declarat. Quibus similitudine quadam, condemnatorum hypocritarum per Angelos Dei apprehensio firma, & in infernum quasi carcerem perpetuum ac cruciatus æternos illic sustinendos dejectio explicatur: ut Christus ostendit, Matth. 13. vers. 41. 42. 49. 50. Cui etiam consentit dictum Christi de Iudæorum (filiorum regni, hoc est, Ecclesiæ, secundum quid ratione externæ vocationis,) pœna tali simili exposita, Matt. 8. vers. 11. 12. opposita prius Ecclesiæ gentium conditione felici ac beatitudine cœlesti, cum ait: *Dico vobis, multos ab occidente & oriente venturos & accubituros cum Abraham in regno calorum: Filios vero regni ejectionem iri in tenebras exteriores,* (hoc est, quæ extra regnum Dei in cœlis, erunt, ubi mera ac perpetua lux ac felicitas) *illic erit fletus ac stridor dentium.* Cæterum quia Ecclesia è gentibus collecta, occasione para-

bole, de rejectione & exitio populi Judaici: & unitis ex gentium Ecclesia ob vestis nuptialis defectum, condemnatione, potuisset carnis suæ tentatione contra Iudæos superbè gloriari (ut Rom. 11. malum illud Apostolus innuit, & corrigere multis studet,) quod illis essent longè præstantiores: Deinde quia verè fideles vestè nuptiali induti gloriam sibi potuissent arrogare, quasi suis viribus ac virtutibus vocationem non rejecissent, sed amplexi essent, atque ita Judæis ob dignitatem essent prælati: Idcirco utrique malo Christus occurrere voluit his verbis: *Multi enim sunt vocati: pauci verò electi.* Quibus ostendit primum, causam cur quidam ex gentium Ecclesia credituri sint in Christum eumque amplexturi, non esse, ipsorum præ Judæis præstantiam; sed Dei electionem gratuitam: qua ipsis ab æterno efficaciter vocando fidem donare & Christo unire decrevit. Ac propterea rationem nullam esse, cur de seipsis hac in re gloriantur; sed de Dei gratia, quia fides non ex nobis, sed Dei donum est, Ephes. 2. v. 8. ex gratuita electione ad salutem, tanquam medium eo destinatum à Deo, promanans, 2. Thess. 2. vers. 13. 14. 2. Tim. 1. vers. 9. unde etiam fides electorum vocatur. Tit. 1. v. 1. quod iis, non autem reprobis donetur. Deinde etsi Ecclesia gentium in Iudæorum locum successerit: non omnes tamen servatum iri: nam vocatos multos, sed ex vocatis iis paucos electos, ut per fidei & unionis Christi donum serventur. Ideoque quod de unius ex vocatis è gentibus damnatione dictum est, illud non de unico tantum homine intelligendum; sed de tota hypocritarum multitudine, sub unius exemplo adumbrata. Atque hæc de parabola nuptiarum regis, qua vocatio Iudæorum & gentium, & utrique respondens eventus explicatur.

*Vindicatio Sententiæ Christi, quæ habetur Matthæi*

*cap. 23. v. 37. Jerusalem, Jerusalem, trucidatrix Prophetarum, &c.*

**S**I quæ in Sacris literis memorabilis extet sententia, quæ Semipelagiani, Pontificii & Novatores suum, de liberi arbitrii viribus, & fidei origine, errorem tueri conantur: ea imprimis est, qua Christus Matth. 23. longam impietatis Scribarum & Phariseorum reprehensionem ac comminationem, tandem finiens, v. 37. sic ait: *Jerusalem, Jerusalem, trucidatrix Prophetarum, & lapidatrix eorum, qui ad te ipsam (ἀὐτὴν pro οὐαὶν) missi sunt: quoties volui congregare liberos tuos, quemadmodum gallina congregat pullos suos, sub alas, & nolulistis?*

Ex hoc autem loco ita argumentari solent: Si illi quos Christus se seriò convertere voluisse; atque affectu magno vocasse dicit, nihilominus tamen vocanti parere noluerunt: Ergo fidei origo non est à solo Deo vocante, & regenerante: sed etiam à libero voluntatis humanæ concursu. Atque verum est prius, ut hæc Christi verba testantur: voluisse eum congregare Ierusalem, eos tamen noluisse. Ergo verum est & posterius.

Sed primum, ut propositionem hoc loco non distinguamus: quia robur argumenti in assumptione consistit: eam probari ex hac Christi sententia negamus. Nec enim Christus dicit, quod illi, quos per internam Spiritus regenerantis efficaciam vocare voluit, congregari noluerint: sed tantum quod *Jerusalem*, hoc est, primores urbis, quales fuerunt Sacerdotum principes & Doctores, Scribæ & Pharisei, patres dicti, obstiterint, quominus Christus *ipsorum liberos*, hoc est, subditos, & discipulos congregaret: id quod tamen, invitis etiam illis, à Christo factum. Hanc enim genuinam esse sententiam, oppositio relatorum, nempe *Jerusalem*, & *liberorum illius*, ostendit. Deinde connexio cum antecessoribus, quemadmodum enim initio, reprehensionem & comminationem, adversus Scribas & Phariseos v. 13. incepit: *væ vobis Scribæ, & Pharisei, hypocritæ, quoniam clauditis regnum calorum coram hominibus: vos enim non introitis, nec in-*

*trovantes finitis introire*: sic hoc loco, eandem concludit, amplificatione quadam, ut etiam principes populi ac sacerdotes comprehendat, qui simul cum Scribis & Phariseis, ut patres populi, impio conatu vocationem & congregationem eorum variis modis, impedire sunt conati: partim diversis & atrocibus calumniis adversus Christum, & doctrinam, & opera illius; & eos qui Christum sequebantur: partim excommunicationis terrore, quo à libera Christi cogniti confessione, & publica auditione absterruerunt.

Sed adversus hanc genuinam expositionem Novatores obijciunt: Primum, Jerusalem in nullo alio sacrarum literarum loco, sensu hoc accipi, ut primores populi notet; ideoque hoc loco non posse de iis explicari. Sed negatur consequentia: quia nititur falsa hypothese, quasi necesse esset, ut omnes omnium vocum sacræ Scripturæ significationes, multis in locis extarent; cum contra fieri possit, ut uno tantum in loco, circumstantiis illius hoc postulantis, usurpetur vox aliqua. Exempli gratia: *Mundi* vox Rom. 11. v. 12. 15. certissime notat gentes omnes mundi, præter Judæos, seu fidelium omnium gentium cætum: quemadmodum distinctio Judæorum incredulorum ibidem evincit. Neque alibi tamen hæc Synecdoche reperitur. Deinde Ecclesiæ vox pro primoribus Ecclesiæ, Matth. 18. vers. 17. ut circumstantiæ demonstrant, certò accipitur, (*dic Ecclesiæ*) & tamen alibi, eo sensu, in sacris literis, non observatur. Sic hoc in loco, nomen *Jerusalem*, per Metonym. incolas illius; ac deinde Synecdochicè, non omnes; sed primores eorum (inter quos etiam erant Pharisei, & Scribæ) notat, licet eo tropo alibi non reperiatur; quod circumstantiæ hanc significationem, in hac Christi sententia flagitent; alibi verò nequaquam. Neque etiam alienum est ab usu communi, ut à civitate factum dicatur, quod à solis primoribus, seu senatu illius, ut patriæ patribus, factum. Idque amplius ex Novatorum absurda expositione confirmatur, ad quam confugere coguntur; qui vocem Jerusalem, hoc loco, accipi, pro ipsa urbe, & civitate affirmant, quæ matris instar, ut ajunt, cives & habitatores suos omnes, velut liberos, gremio & sinu suo fovebat, & complectebatur, idque probare contendunt ex Luc. 13. v. 34. ubi statim immediate, post verba illa: *non contingit prophetam perire extra Jerusalem*, id est, extra urbem illam (quæ eo nomine vocabatur) subjunguntur hæc verba: *Ierusalem, Ierusalem &c.* Siquidem infirma est hæc consequentia: nititur enim falsa hypothese, quasi ejusdem verbi repetitio semper eundem sensum postularret; cum contra pro circumstantiarum ratione, sæpe diverso sensu accipiat; quemadmodum illustria exempla demonstrant: ut Joh. 3. v. 17. *Filius hominis non venit in mundum, ut judicet mundum*: ubi in priori loco *mundus* terram: posteriori verò homines notare, aperte constat; & Rom. 2. vers. 25. 26. *Circumcisio tua, facta est præputium, si præputium jura legis servaveris, præputium illius pro circumcissione reputabitur*: ubi primo & ultimo loco *præputium* propriè: medio verò loco, metonymicè, pro præputiato (ut effecti circumstantia evincit) accipitur. Sic etiam 2. Cor. 5. v. 21. *Eum, qui non norat peccatum, pro nobis fecit peccatum*: ubi priori loco peccatum propriè; secundo verò per Metonym. in Mose frequentissimam, hostiam pro peccato designat: ut circumstantiæ evincunt. Atque ita alia plurima in sacris literis occurrunt non minus, quam in profanis, quæ acuminis quadam specie, in eadem sententia, diversa significatione usurpantur. Quæ acceptio unius vocis repetitæ, diversa significatione etiam in hoc loco comperitur; quemadmodum 2. Chron. 35. v. 34. *Deduxerunt eum Ierusalem*, id est, in urbem, & mortuus est, & sepultus est, in sepulchro majorum suorum; & totus Juda, & Jerusalem, (id est, habitatores illius) luxerunt eum. & Matth. 2. v. 1. *Venerunt Hierosolymam*, (id est, in urbem) & v. 3. *tota Hierosolyma*, id est, habitatores urbis illius. Atque ita etiam, 1. Cor. 12. v. 12. & post v. 27. *Christi* nomen ponitur: in priori quidem; *ita & Christus*, pro Ecclesia Christi, quæ spirituale ipsius corpus, v. 27. & quidem, ut nullo alio Scripturæ loco, eo modo usurpetur: quod etiam ad solutionem objectionis primæ, ante allatæ, ac confutatæ pertinet: Posteriori verò: *Vos estis corpus Christi*: *Christi* vox propriè, de persona illius dicitur. Præterea cum Jerusalem, ur-

bis habitatores sæpè notet, per metonym. (ut exempla modo allata à nobis docent, & 2. Reg. 18. v. 22. *Edixit Juda & Jerusalem*, id est, Hierosolymitanis.) Sic & hoc in loco Matth. 23. non diversa significationis species est; sed eadem significatio, ut Hierosolymitanos notet Scripturæ more: hoc tamen discrimine, quod non omnes, sed digniorem eorum partem: quia circumstantia oppositorum liberorum (id est, per metaphoram subditorum) ad patres eorum, hoc est, primores, (ut à Paulo Act. 22. v. 1. appellantur) necessariò restringit: ut in aliis vocum significationibus similiter fieri solet; ut etiam ex iis, quæ de vocis *Mundi* usu antea proposuimus, perspicitur. Quare falsa est adversariorum hypothesis, quasi ejusdem vocis repetitio semper eodem sensu fieret: ideoque malè inde colligunt: cum in hac sententia, apud Lucam, eodem sensu posita, quo apud Matth. præcedat vox *Jerusalem* pro ipsa urbe accepta, hic similiter de ea accipi. Nam circumstantiæ ratio aliter docet. Altera deinde est absurditas adversariorum, quod hac vocis Jerusalem pro ipsa urbe expositione, scopum suum, seu sententiam probandam omnino evertunt. Nam si Jerusalem significat urbem propriè, à liberis, hoc est, habitatoribus omnibus (ut volunt,) diversam: Ergo Christus de ea non ait, *Ego volui vos congregare*; quia hoc disertè de liberis ejus tantum dicitur. Deinde repugnat etiam attributis hoc loco Jerusalem effectis, nempe nolle liberos suos à Christo congregari: id quod urbi ipsi nullo colore tribui potest: Primoribus verò optimè. Denique non urbem ipsam, sed habitatores illius homines significari, sequentia ostendunt: *Relinquetur deserta domus vestra*, quo notatur destructio ædium, quarum erant domini, quæque inhabitabant: Deinde quod Christum videbunt, & vel inviti (ut dæmones, Matth. 8. v. 29.) Christi præstantiam confitebuntur. Quæ non nisi ineptissime ad urbis structuram inanem referri possunt. Et in quamcunque formam se verterint adversarii, illud clarum manet, Jerusalem liberos quos Christus voluit congregare, & Jerusalem, quæ noluit congregari, esse diversos: idque etiam adversarii, cum Jerusalem urbem exponunt, agnoscere coguntur, quia diversam à liberis agnoscunt. Ac propterea falsum est, quod concludunt, Christum hic dicere, eos quos voluit congregare, eosdem noluisse congregari. Ideoque quæcunque præterea adversarii adferunt, mera sunt effugia, aliena à scopo, nihilque probant. Quale est, quod obijciunt, hoc in loco esse profopopæiam; sed nullo argumento idoneo probant. Et quid si ita esset, hoc tamen permaneret firmum, eosdem quos Christus voluit congregare, & qui congregationem noluerunt, esse diversos. Profopopæiam autem frustra ex Luc. 19. v. 41. 42. probare conantur, cum ajunt, ibi dicitur Christus, cum appropinquasset urbi Hierusalem, ea visa, flevisse, ac dixisse, *O si vel tu nosse, hoc saltem die, quæ ad pacem tuam faciunt, &c.* Verum nulla est hic profopopæia. Nam vox *urbis* vers. 41. Synecdochicè urbem cum incolis suis designat, ut attributa demonstrant: quorum pars quædam, ad incolas seu habitatores illius; pars ad urbem ipsam; pars denique ad utrosque pertinet. Nam ignorantia eorum, quæ ad pacem pertinent, ad incolas spectat, vers. 42. Dejectio in solum, ad utrumque; Primò ad urbem ipsam: secundo, ad liberos seu incolas; ut simile indicatur. Ps. 137. v. 9. & rursum lapidum destructio ad urbem ipsam refertur. Causa verò illius, Luc. 19. v. 44. est ignoratio visitationis suæ v. 43. quæ ad incolas pertinet. Atque hinc apparet, destructionem, & urbis, & populi, à populi incredulitate oriri: non autem urbi calamitatem denuntiari; Matth. 23. & Luc. 19. quasi ipsa exitii sui, & suorum esset causa. Hoc enim veritati adversatur; ac propterea vana est, quam hoc loco fingunt, profopopæia.

Sed alia ratione, & via, ad solius gratiæ Dei efficacem perfectionem oppugnandam, & concursum liberi arbitrii, in conversione ad fidem, probandum, hoc loco abutuntur: si primores (inquiunt) urbis Jerusalem, eos quos Christus sermò, & cum proposito congregandi, id est, salvandi vocavit, impediunt, quo minus vocationi parerent, & regni coelestis participes fierent: Ergo cum Deus intendit sermò convertere homines, ea efficacia gratiæ non

non utitur, qua posita non possint non converti. At verum est prius ex hoc loco. Ergo & posterius. Verum ut de propositione distinguenda in impedimentum secundum quid, & impedimentum simpliciter, nihil dicam: falsa est assumptio; quia etsi impederent quosdam eorum, ne publica confessione ac Christi auditione simpliciter vocationi parerent: ut Nicodemi exemplum ostendit. Ioh. 3. v. 2. & parentes cæcī nati, Ioh. 9. v. 22. similiter fuerunt repressi à publica confessione: nihilominus tamen quos Christus convertere intendit, eos congregavit eis invitis; etsi eorum internæ, per fidem, ad Christum congregationis, externa patefactio, ad tempus fuerit impedita, ut Matth. 23. v. 13. *Ingredientes non sinitis introire*, hoc est, maledictis in Christum, & dehortatione, Ioh. 9. v. 16. & 10. v. 20. & excommunicatione eorum, qui ipsum confiterentur, v. 22, impedire & à fide avertere studetis. Ergo Christo volenti congregare populum, illi contra hoc noluerunt, & impedire conati sunt: & tamen Christus iis nolentibus, congregavit: ut experientia demonstrat, Ioh. 9. v. 20. 21. ut etiam ipsi principes sacerdotum, & pharisæi in synedrio suo apertè agnoscere coguntur, Ioh. 11. v. 48. *Si ita sinamus eum, (inquiunt) omnes credent in eum*. Quemadmodum etiam quo magis impedire conati sunt Apostolos, post Christum, ne Ecclesiam congregarent verbi sui præconio; eo magis congregata est, atque excrevit, Act. 4. v. 27. 33. & 5. v. 42. Neque illud negligendum est, hoc in loco nullum aliud effectum Jerusalem, adversus Christum congregationem volentem, adferri, quam quod noluerint: ac propterea, ut impedivisse eam congregationem probent, ex hoc loco non obtinebunt.

Atque hæcenus, objectionis adversariorum initio posita, minorem falsam esse ostendimus. Deinde quid si ea esset vera, atque ita verba sonarent, *Ego volui te congregare, & tu noluisti congregari*: inde tamen non sequeretur, primam hominis conversionem ad fidem (seu qua homo primum fide donatur) non fieri sola Spiritus Sancti regenerantis efficaciam, sed etiam accedente ad eam libero voluntatis assensu: adeò ut si homo velit, credat; si nolit, non credat: Ideoque conversionem fieri, sufficiente quidem Dei gratia, non autem perficiente sola. Hæc enim mens est adversariorum genuina. Ratio autem cur hoc non sequatur, est quia ambiguitate vocis *voluntas* abutuntur. Nam *voluntas*, aut decretum voluntatis, seu certam animi de re futura intentionem, ac propositum notat: quemadmodum Esa. 46. v. 10. *Consilium meum stabit, & omnis voluntas mea fiet*, & Ps. 115. v. 3. *Omnia quæ voluit, fecit*, & Ps. 135. v. 6. atque hac voluntatis significatione, quoscunque voluit Christus congregare, & servare, eos congregavit & servavit. Deinde vox *velle* interdum notat non decretum, seu animi de re destinata, & voluntatis propositum: sed approbationem, qua aliquid gratum habet, tanquam bonum, ut Ps. 5. v. 5. *Quia Deus non volens improbitatem*, id est, non approbans. Sic Col. 4. v. 12. *Ut sitis perfecti, & completi in omni voluntate Dei*, id est, omni obedientia, quam Deus probat, & gratam habet, & Rom. 12. v. 2. *ut probetis quæ sit voluntas Dei*, hoc est, quod Deus probat, & gratum habet. Cujus voluntatis seu approbationis boni, signum est mandatum officii, unde vulgò distinctione quadam vocis, *voluntas signi* nominatur. Sic Matt. 7. *Qui fecerit voluntatem patris mei*, & Hebr. 10. v. 9. *Ut faciam voluntatem tuam*, id est, mandatum. Atque hoc modo voluntas Dei non semper fit, sed ei frequentissimè hominum voluntas adversatur, ut Matt. 7. v. 21. Luc. 12. v. 47. Sic etiam Deus probat hominum conversionem, tanquam bonum, utpotè officium debitum, idque mandat, & gallinæ glocitantis, pullosque advocantis instar, vocat suo verbo exterius: interius verò in soli lectis, fidem per Spiritum Sanctum regenerantem donando, efficaciter congregat. Atque hoc modo dici posset Christum mandasse, ac probasse, congregationem multorum, quos verbo vocavit, etsi eos efficaciam interna Spiritus non congregavit.

Sed excipiant, internam Spiritus Sancti gratiam ad fidem sufficientem, non solum iis, qui congregantur & convertuntur, dari: sed etiam iis, qui non convertuntur: quia scilicet contempta gratia illa sufficiente, nolunt converti: Id-

que probare conantur ex Act. 7. v. 51. *duri cervicis, & incircumcisi corde, & auribus, vos semper Spiritui illi Sancto resististis, sicut patres vestri, ita & vos*. Sed negatur consequentia: quia Spiritui Sancto resistitur bifariam. Primum exterius operanti per verbum, quo per Prophetas & Apostolos loquitur, ut Matth. 10. v. 40. *Qui vos rejicit, me rejicit*, ait Christus: Ita qui Prophetis resistit, & Apostolis, Spiritui Sancto per eos loquenti, similiter resistit, eumque rejicit. Secundò interius ratione notitiæ veritatis, per Spiritus efficaciam, menti inditæ. Priori tantum modo quidam resistunt: quales qui ignorantia peccarunt, ut Act. 3. v. 15. 17. Alii verò utroque modo Spiritui Sancto, & per verbum docenti, & internam notitiam veritatis donanti, contra conscientiam, impiè resistunt; & multi eorum sine repiscentia hoc agentes, contra Spiritum Sanctum peccarunt, quemadmodum ex Phariseis, Matth. 12. v. 24. 31. & 21. v. 38. & 28. v. 14. 15. & Act. 4. v. 16. 17. apparet. Undè manifestè liquet, non sequi: hi Judæi (qui accusantur à Stephano. Act. 7.) resistunt Spiritui Sancto. Ergo propriæ Spiritus Sancti, regenerationem intenditis, gratiæ resistunt; quia de vocatione communi Spiritus Sancti ad cognitionem veritatis, accipi potest, & debet. Nam quidam tantum, hoc in loco, verbi ex instinctu Spiritus Sancti prædicationi, resistunt, ignorantes veritatem: qualis zelus in multis Judæis fuit, de quibus Apostolus, Rom. 10. v. 2. 3. *Testor enim de ipsis; eos zelum Dei habere, sed non ex notitia. Nam ignorantes Dei justitiam, & propriam justitiam studentes constituere, justitiæ Dei non sunt subjecti*. Alii verò eorum, scientes veritatem, impia contumacia ei resistunt: ut de iis etiam quos alloquitur Stephanus, dicitur Actor. 6. v. 10. 11. *Non potuerunt resistere sapientiæ & Spiritui, quo loquebatur: ubi resistere non pro adversari, propriè: sed synecdochicè, pro obsistere, & subsistere, seu superare ponitur: ut in simili loco, Luc. 21. v. 15. Resistunt tamen Stephano propriè: ut ex subornatis ab iis falsis testibus, & ex Stephani pertractione ad tribunal ibid. liquet. Nam v. 11. additur: *Submiserunt viros, dicentes: audivimus ipsum loquentem verba blasphemia, contra Moysen & Deum*. Atque hoc modo satis indicatur, cum Stephano prædicanti Evangelium, instinctu Spiritus Sancti, resistere, hoc est, adversari sint, propterea rectè dici eos resistisse Spiritui Sancto. Atque hoc modo, cap. 7. v. 5. obijcitur Judæis: *Vos semper resististis Spiritui Sancto*. (aut potius *avertistis irruentis in eum*, videl. Spiritum Sanctum, quemadmodum leones in jumentis prosternendis solent) *ut & patres vestri, sic & vos*. Idque exponitur versu proximo, quod prophetis (seu à Spiritu Sancto afflatis,) adversari sint: dicitur enim *quem prophetarum non persecuti sunt patres vestri & obstitit eis, qui prænunderunt adventum huius Justitiae, cuius vos nunc proditores, & trucidatores facti estis?* Quamobrem nihil ex hoc loco aliud colligi potest, quam quod in prophetas, & Christum Spiritu Sancto actos, ac veritatem docentes, ferarum more irruerint, non solum verbis contradicentes, ac maledictis impetentes, sed etiam persequentes & occidentes, ut Matth. 23. v. 34. 35. idque à quibusdam ignorantia, ut à Paulo, Actor. 7. v. 58. & 26. v. 10. & 1. Tim. 1. v. 13. ab aliis verò contra conscientiam, ex mera improbitate factum; ut nòdò ostendimus. Quare hinc nullo modo concludi potest, hominem, in quo Spiritus Sanctus conversionem operari sua gratia intendit, tantamque confert, quantum iis adhibet, quos convertit, nihilominus voluntate sua posse conversionem impedire: idque hoc etiam loco factum.*

Nam quod regerunt, illud inde probari, quod illi Spiritui Sancto resistisse dicuntur, cujus voluntas est Sanctificatio nostri, 1. Thess. 4. v. 3. Negatur consequentia; quia homonymia ludunt. Nam *voluntas* hoc loco significat rem Deo placentem, quam approbat, ac mandat: idemque cum eo, quod vers. 1. *placere Deo*, & vers. 2. *mandatum per Dominum Jesum* dicitur; non autem significat rem, quam vult decreto, hoc est, decrevit efficere. Nec enim juvat, quod ajunt, inde probari, quia conferuntur cum patribus, quibus tribuitur illud, quod *dolore affecerint Spiritum Sanctum*. Consequentia enim infirma: quia per Metaph. quæ *adversari* vocatur, *dolore afficere*, nihil aliud est, quam ingrata



ingrata ipsi præstare, ac facere contra mandata divina, quæ voluntatis approbantis sunt signa. Atque eo modo *exacerbasse Spiritum Sanctum* dicuntur Psal. 106. v. 32. & *rebellasse Deo*, & *dolore affectisse Spiritum S. ejus*. Esai. 63. v. 10. quod mandatis Spiritus S. per Moysen datis, & variis Dei operibus conspectis, noluerint tamen parere. Denique quod ex Act. 7. v. 53. obijciunt, ultimum argumentum hoc, quod dicatur, non servavisse legem: illud nihil omnino probat, sed tantum dicta à nobis confirmat: quod videlicet legi, ipsis, à Deo, assistentibus Angelis, exterius latæ, non paruerint, atque ita inobedientia sua mandatis Dei resisterint. Quod autem ajunt, inde concludi, scopum fuisse, ut eam servarent; si de reprobis loquantur, falsum est; Deus enim præsciebat certò non parituros: sed scopus fuit, ut officium doceret, & peccati & reatus mortis eos convinceret, Rom. 3. v. 19. 20. Electos verò præterea (seu præter hunc usum communem) dato Spiritu regenerationis, ad obedientiam, sua lege, tanquam vitæ norma, gradatim deduceret, ut Psal. 119. & 119. copiosè traditur. Ac propterea quod ajunt, certum esse, Spiritum Sanctum à parte sua egisse id omne, quod ad conversionem illorum, & Patrum necessarium, & sufficientissimum erat, id inquam vanum est. Neque illud ex eo rectè probant, quod vi veritatis à Stephano per Spiritum Sanctum loquente fuerint convicti, Act. 7. v. 10. quia ad conversionem major requirebatur gratia: nempe cordis, hoc est, animæ circumcisio, quæ caruisse hic dicuntur v. 51. non minus, quam patres eorum, Deo immorigeri, Deut. 29. v. 4. *Nondum dedit Deus Jeboræ mentem ad cognoscendum* (scilicet, ut oportet, vera fide, per charitatem ethicam) & *oculos ad videndum, & aures ad audiendum, usque in diem hunc* & cap. 30. v. 6. contraria promissio Evangelica idem indicat: *Circumcidet Deus tuum animum & animum seminis tui, ad diligendum Jeboram Deum tuum*. Ideoque quod de Judæorum, à Stephano convictorum, notitia veritatis ajunt: quod eà actione nulla major, nec excellentior à Deo fieri, nec ab homine, (salva mandati divini veritate) requiri poterat: in eo se produnt: ut & in superioribus: quod gratiam operationis divinæ, in hominis conversione, universam ac sufficientissimam, in cognitione veritatis solum statuunt: id quod apertè falsum est: quia ad conversionem ea cognitio non sufficiebat: sed præterea necessaria erat actio regenerationis per Spiritum Sanctum, seu donationis virtutis fidei, & charitatis, Ioh. 3. v. 5. & donatio Christi, ac tractio à Patre ad Christum, sine qua nemo potest ad eum venire, ac credere, Joh. 6. v. 65. 70. & contra quicumque Christo à Patre donantur, & ad eum trahuntur, illi certò ad Christum veniunt v. 37. 40. 45. Verum obijciunt rursus: Si non potuissent hi Judæi credere sine speciali Spiritus Sancti gratia: Ergò ridicula est hæc querimonia, quod resisterent semper Spiritui Sancto: quemadmodum si cæcus reprehenderetur, quod libros sacros non legeret; & mortuus, quod non surgeret. Sed negatur Consequentia, & exempla, quæ objectant, sunt heterogenea & aliena: quia resistere Spiritui Sancto, non significat simpliciter non parere fide & obedientia Deo debita (quæ ob vitiositatem naturæ in ipsis necessaria erat, non arbitraria) sed voluntaria, liberaque improbitate, Dei verbo reluctari: quam contumaciam peculiarem contra Prophetas, potuerunt coercere. Talis enim fuit repugnantia, quæ externis corporis instrumentis: ore inprimis, & manuum opere fuit occupata, nam de veritate convicti, & conscientia movente potuissent linguam à maledictis, & manus ab injuria abstinere. Quia citra controversiam, externa illa opera in voluntatis potestate consistunt ordinariè. Ideoque alia cæci illius, & mortui objecti ab adversariis ratio. Ac propterea hi non reprehenduntur: quia hoc præstare, ut unus legat, alter per se resurgat, simpliciter illis fuit impossibile, & ad illud non fuerunt obligati; illi vero reprehensione digni, ut ante ostendimus. Verum rursus obijciunt: Si fides sit Dei regenerantis solius opus, ut ante monuimus: Ergo ineptè ea homini præscribitur. Distinguo antecedens, fides enim aut habitualis est, aut actualis. Habitualis est virtus menti inhærens, qua habiles seu idonei sumus ad credendum in Christum, quæ solius Dei donum est, qui per Spiritum sanctifican-

tem, eam in nobis, sine nobis operatur, Eph. 2. v. 8. 10. eamque ut debitam ab hominibus rectè exigit: quia initio homines imagine Dei donati, apti erant ad omne verbum Dei credendum: sed eam potentiam vitio suo excusserunt, ideoque jure suo Deus non excidit: sed justè mandat: ut peccati, & condemnationis meritæ convincat. Actualis verò fides, est à Deo tanquam à causa principali, utpote qui virtutem fidei electis dat, qua ad actionem fidei sunt idonei, & verbo suo & ope Spiritus S. eorum animum ad actionem fidei excitat, & adjuvat: ab homine verò fideli est, tanquam à causa proxima, non quidem ex vi naturali per generationem, sed vi supernaturali per regenerationem acceptæ: ideoque solius Dei actio dici non potest, sed Dei & hominis habitu fidei donati. Nam primùm Scriptura quidem actionem credendi Deo, ut primæ causæ attribuit, à quo ea mediata est, Phil. 1. vers. 29. *quia vobis datum est, in negotio Christi, non solum in eum credere, sed & pro eo affligi*: ubi obiter observandum, vocem *ἐχάρησαν* potius vertendam, *gratis datum*, aut ut vulgatus interpret habet, *donatum*: deinde *τὸ ἔργον* *χρῆσις*. quod noster interpret reddit, *in negotio Christi*, aptius videtur, ut *τὸ* pro *τῇ* accipiamus: quemadmodum apud Græcos valde frequens: ut hæc sit interpretatio, *vobis gratis datum est illud, pro Christo*, h. e. ad honorem Christi, ut 2. Thes. 1. 11. 12. Deinde actio fidei etiam homini fideli tribuitur, & quidem immediatè seu proximè: non autem Deo immediatè. Deus enim non credit in homine fideli: sed virtute Dei, homo fide donatus, ipsemet credit: Ac propterea ipsi dicitur datum credere, Phil. 1. v. 29. credere autem est actio virtutis fidei. Ac propterea, sicut hæc duo, Deus & Homo, in charitatis obedientia Deo præstanda, concurrunt suo ordine: ut Phil. 2. v. 12. & 13. hæc duo connectuntur ab Apostolo, cum ait: *Cum timore, & tremore salutem vestram ipsorum conficite: Deus enim est is, qui efficit in vobis & velle, & perficere pro suo placito*: sic etiam in actionis fidei obedientia, eadem est duarum illarum causarum ratio. Deus enim ut monui, prima; homo verò proxima causa illius, statuitur in Sacris literis: quemadmodum 1. Cor. 4. v. 13. *Et quia habemus eundem Spiritum fidei; secundum illud, quod scriptum est, credidi, & ideo locutus sum; nos quoque credidimus*. ubi fides actualis, & Spiritui, & homini fideli tribuitur, ordine distincto. Idemque in principiis Epistolarum Pauli clarè docetur, in gratiarum actione, pro Ecclesia, apud Deum: in qua hæc duæ causæ conjunguntur disertè: quemadmodum 1. Thes. 1. v. 2. & 3. *Gratias agimus Deo semper de omnibus vobis, &c. indefinenter memorantes opus fidei vestræ & laborem Charitatis, & patientiam spei vestræ in Domino nostro Iesu Christo*. sic 2. Thess. 1. v. 3. 4. Eph. 1. vers. 15. 16. & alibi. Ac propterea Deus non est solus fidei actualis causa efficiens, sed etiam homo fidelis. Deus enim causa est remota, ut qui vires regenerando, seu per Spiritum Sanctum fidei habitum donando, ad actionem fidei simul excitat, atque adjuvat: partim carnis, Satanæ & mundi tentationes adversas coercendo: partim verbo, & Spiritus efficacia juvando: homo verò causa est proxima: addè ut rectè dici queat, Deum solum esse causam primam, virtutem seu habitum fidei donando: hominem verò solum esse causam proximam. Nam ut Deus solus virtutem seu habitum fidei dedit; sic homo fidelis solus credit. media verò causa primaria, est Deus, gratiæ defensionis, contra tentationes, ut ante monui, & adjumento suo: homo verò fidelis causa secundaria est, ut qui etiam, à Deo adjutus, ad actionem fidei, Evangelii meditatione, & precibus recto judicio sese excitat; quæ diligenter sunt observanda. Neque tamen, ut adversarii contendunt, primum fides actualis in voluntate residet, sed in intellectu. Nam quod Rom. 10. dicitur, *corde creditur ad salutem*: inde non sequitur voluntate credi: quia etsi vox cordis, interdum pro subiecti ratione, inprimis quando distinguitur ab intellectu, voluntatem notet, ut Matth. 22. *Diliges Dominum Deum tuum ex toto corde, tota anima, & tota cogitatione tua*: per se tamen positum cor, metaphoricè animam notat, Matt. 15. v. 19. *Ex corde enim exeunt cogitationes pravae*, (hoc ad intellectum pertinet) *cædes, adulteria, &c.* (hæc ad voluntatem) Sic etiam Rom. 10. nomen

men cordis, ori oppositum, animam notat: & quidem secundum intellectum. Sicut etiam Esai. 6. v. 9. (quod etiam Ioh. 12. v. 40. & Act. 28. v. 27. repetitur) *cor sapiens, & intelligens*, id est, anima, secundum intellectum: Et ut Rom. 10. v. 1. *Placitum cordis mei*, animam notat vox cordis secundum voluntatem: sic v. 6. *ne dixeris in corde tuo*, animam secundum intellectum significat, & notat. & cap. 16. vers. 18. *bländiloquentia seducunt corda*, id est, mentem, & 2. Corinth. 4. vers. 6. *Splenduit in cordibus nostris*, (hoc est, mente nostra) *ad illuminationem cognitionis in facie Jesu Christi*. & Matth. 9. v. 4. *quid cogitatis mala in cordibus vestris*, hoc est, in mente. Deinde, neque etiam fides actualis, ut adversarii contendunt, dependet à libera voluntatis electione, quasi hominis fidelis voluntas liberè posset efficere, ut ille crederet, aut non crederet: aut etiam contrarium crederet: quia credere ab habitu credendi, seu à virtute fidei procedit certò: adeò ut si voluntas, carnis repugnantis adversus Spiritum vitio, interdum adversaretur, fidem tamen excutere non posset prorsus. Quemadmodum enim, qui scientia præditus est, conclusionibus ob demonstrationes à principiis, per se fide dignis, fidem adhibet: velit nolit, credit, veritate convictus: sic etiam fidelis luce veritatis divinæ, ac demonstratione Evangelii à Spir. Sancto illustratus, certò credit: nec fides ejus à voluntate orta est, nec ab ea profus tolli potest, ut quæ divina revelatione nitatur.

Hic jam expositis, quædam quæ huc etiam adducunt adversarii argumenta, strictim proponemus, & diluemus. Ac primum objiciunt locum Esai. 65. v. 2. 3. *Expandi manus meas, toto die, ad populum perversum, qui gradiuntur per viam non bonam, post cogitationes suas: ad populum qui irasci faciunt me in faciem meam semper*, unde concludunt: Ergò Deus intendit convertere huic populum, & gratiam sufficientem ad fidem & charitatem ipsis obtulit: & tamen rebellionem suam non sunt conversi. Sed negatur consequentia, nam *manus extensio* per Metaph. ab hominibus, qui aliquos seriò vocant, deductam, non internam ac sufficientem ad fidem & charitatem gratiam: sed externam prædicationem significat: qua placitum sibi pœnitentiæ officium, per Prophetas præcipit: cui non solum non paruerint: sed etiam libera ac proterva contumacia exterius rebellarint. Nam via non bona, qua gradiabantur, (ut & majores) fuit publica, variaque idololatria v. 3. 4. & 7. & profusa externorum scelerum licentia, (ut cap. 1. & 2. & aliis indicatur) & Prophetarum contemptus protervus. Qualis etiam fuit Israëlitarum, 2. Reg. 17. vers. 13. ad 18. A qua scelerum externorum licentia abstinere potuissent; eoque pœnas iis meritò comminatur. Sed speciosius objiciunt sententiam Ezech. 18. vers. 31. *abjicite à vobis omnes prævagationis vestras, in quibus prævagationis estis, & facite vobis cor novum, & Spiritum novum. Cur enim moriemini à Domus Israël?* unde concludunt: Deus præcipit domui Israël, ut faciant sibi cor novum; Ergò Deus solus non est causa primæ conversionis, sed homo quoque Deo subordinatus, sua voluntate libera, etiam concurrat, ut si velit convertatur: si nolit, non convertatur. Sed negatur Consequentia: quia Propheta hoc loco non agit de prima hominum à Deo omninò averforum conversione: sed de lapsorum resipiscencia: quando fides & Charitas ad tempus impedita affectibus carnis, ac sopita, verbo Dei & auxilio Spiritus S. excitatur. Nam cordis novi effectio duplex est, prima & primam consequens. Prima est respectu initii, cum quis fidei & charitatis virtutibus prorsus carens, iis per regenerationem divinitus donatur. Quæ cordis novi effectio prima, à solo Deo est, Ezech. 36. vers. 26. *Dabo vobis, inquit cor novum, & spiritum novum ponam in medio vestri, & auferam cor lapideum de carne vestra, & dabo vobis cor carneum*, hoc est, molle ac ductile, tractanti Deo obsequens, non autem vitiosum. Alia deinde primam consequens, cordis novi effectio, est ratione incrementi illius, seu renovatio consequens, qua habitus virtutum languidi augentur ac firmanentur. Cujus causa primaria est Deus, ut Jerem. 31. v. 18. 19. ab Ecclesia Israëlita conversa dicitur: *converte me* (nempe amplius) *& conver-*

*rar, quia tu es Jeborà Dei meus, nam postquam conversus fuero, pœnitebit me: sic Ps. 51. v. 12. David ait: Cor mundum creabimibi Deus, & Spiritum rectum innova in medio mei*: ubi non de prima, sed de secunda conversionis gratia loquitur, & animi sui non prima regeneratione, sed renovatione: Nam jam conversus erat ad Deum citra controversiam, cum hunc Psalmum scriberet, verèque resipiscebat: & augmentum virtutum animi à Deo postulavit, quæ lapsu in homicidium, & adulterium, erant imminutæ. Secundaria verò hujus innovationis causa est homo renatus, quando exercitiis fidei, & Charitatis, hæc virtutes, Dei opè confirmat, atque auget: id quod indicat Apostolus fidelibus Ephesinis, corde novo donatis, & renatis, cum ait: Ephes. 4. v. 23. 24. *Renovari verò spiritu mentis vestræ, & induere novum illum hominem, qui secundum Deum conditus est, in justitia & sanctitate veritatis*. Cujus efficiendi modum actionibus variis sanctis, describit, sequentibus. Atque ita etiam Ecclesia tempore Ezechielis prolapsa in peccata, Ezech. 18. v. 31. ad eorum abnegationem, & cordis, per bonorum operum exercitia, renovationem provocatur. Secundo respondetur, quamvis Propheta hæc de non renatis pronuntiaret, infirma tamen esset consequentia: quia non sequitur: Deus præcipit, ut cor novum sibi faciant: Ergò illud etiam possunt præstare, præcepta enim hominum officium, non autem efficaciam: seu quid debeant, non autem quid valeant, designant. Quod verò objiciunt rursus, illud pugnare cum sapientia, & justitia Dei, nempe mandare impossibilia: negamus universaliter esse verum. Nam aliquid impossibile est, aut per se, & absolute: aut per accidens, & relate, ad certum statum, ac tempus. Quod priori modo impossibile, sapienter & justè non præcipitur: quia ad id, quod per se & absolute impossibile, nemo obligatur. Quod verò posteriori modo impossibile est, illud sapienter & justè præcipi potest. Quemadmodum cor novum, hoc est, cor habere, homini non per se, & absolute impossibile est, (nam ante lapsum homo, ut ad imaginem Dei creatus, ac justitia originali donatus, illud habuit, & Deo ad tempus exhibuit) sed per accidens; nempe hominis lapsus vitio, impossibile est, in illo vitiosæ naturæ statu. Id eoque Deus jure suo exigendi cor novum, quod homini dederat, & homo suo vitio perdidit, non excidit: quocirca justè præcipit & sapienter; partim ut reprobos suæ culpæ & condemnationis justè convincat: partim ut electos, hoc instrumento mandati, officium edoctos, interna per Spiritum sanctificatione additâ, ad officium adducat. Quare cum non-renati sint impotentia suæ, in novo corde sibi faciendo, authores; sequitur eos nec à culpa; nec à pœna, per eam merita, posse excusari: nec Deum, ullo modo; hoc impotentia hominis prætextu, insipientia, aut injustitia accusari. Sed excipiunt amplius: Impotentia illa cordis novi exhibendi contracta quidem est ab homine, merito culpæ primi lapsus: adeò ut sit causa quidem impulsiva promerens eam, sed non efficiens proximè. Deus enim ut justus judex, eam tanquam pœnam, proximè intulit, quod hominem ingratum & contumacem imagine Dei seu justitia originali donata merito privavit: unde concludunt, Deum, cum sit justissimus, non posse homini mandare, ut id faciat, ad quod faciendum ipse eum ita impotentem reddidit: & propter id punire. Verum primum antecedens non probant adversarii, Deum ut justum judicem ita punivisse hominem proximè ac per se: verum enim est Deum comminatum esse, *quo die comederis, morieris*: quo etiam mors spiritualis, seu privatio justitiæ originalis quasi vitæ cujusdam animæ intelligitur, ut Eph. 2. vers. 1. ea carentes *mortui in peccatis dicuntur*: sed tamen ipsemet homo peccans, eam justitiam suo lapsu violando, illam excussit: quemadmodum contra eandem, si in officio perstitisset, conservasset: adeò ut ipse homo suæ etiam pœnæ non solum fiteretur causa promerens, sed etiam iusto Dei judicio inferens imprudenter. Quemadmodum de gentilibus seipso suis peccatis punientibus simile quid traditur: Rom. 1. vers. 27. Deinde quid si antecedens probare possent, consequentia tamen est falsa: quia idem diverso respectu potest simul esse peccatum in se, & pœna peccati antecedentis; sive pœna judicis Dei, (seu ab ipso inflata)

ficta (& culpa iudicati hominis, pœnam aliam promerens: Sicut privatio in homine peccante cognitionis Dei, activè sive respectu Dei infligentis est iusta pœna; Passivè verò seu quatenus homo privatus est cognitione illa quam habere debebat, & quam suo merito perdidit, est iniusta culpa, ideoque pœnam aliam promerens. Quemadmodum Christus præcipit Judæis officium, Joh. 12. v. 36. *dum lucem habetis, credite in lucem, ut sitis filii lucis.* & tamen v. 37. dicitur, *non credebant in eum*: idque prædictum esse dicitur ab Esaja v. 38. *neque poterant credere, quia v. 38. ad 42. dicitur: Deus excæcavit oculos eorum, & corda eorum ne viderent oculis, & intelligerent corde, & converterentur, & sanaret eos*: ubi expressè quod ipsis impossibile erat, nempe credere, à Christo præcipitur, & quidem impotentia causa statuitur, excæcatio à Deo facta, antecedentis incredulitatis merito; & pœna consequens, ne intelligant, ne ferventur, &c. Sic Deus Rom. 1. gentiliū sapientes, quia notitiā Dei à Deo acceptā, non ad gloriam Dei erant usi, v. 18. & 25. propterea tradidit cupiditatibus cordium ipsorum, v. 24. & fœdis affectibus. Ideoque traditio activè iudicis Dei punientis, opus iustum fuit: cum frænū affectuum fœdorum, & cupiditatum cordium, quo eos Deus compescebat, ab ingratis & impiis abstulit. Traditio verò passivè; qua effrænatae sunt cupiditates pravæ, & fœdi affectus laxati, est hominis, meriti ratione, iniustitia, quæ pœnam meretur; adeo ut diverso respectu idem sit pœna simul à Deo, & culpa ab homine. Hinc v. 28. hæc complexus Apostolus ait: *Et sicut non visum est eis, Deum in notitia retinere, tradidit eos Deus in mentem reprobam; ut facerent quæ minimè conveniebant.* Sic etiam 2. Thess. 2. vers. 10. 11. 12. *pro eo quod amorem veritatis non receperunt, ut salvi fierent: propterea igitur mittet illis Deus efficaciam deceptionis: ut credant mendacio: ut dammentur omnes, qui non crediderunt veritati. sed acquieverunt in iniustitia*: ubi apertè idem, & pœna (ob veritatem non amatam) esse dicitur ratione Dei inferentis, & culpa ratione hominis eam meriti, & habentis: ac denique consequens eam pœnam indicatur. Immittit autem Deus ingratis veritatis notæ contemptoribus efficaciam deceptionis; primum cum aufert donum notitiæ veritatis: deinde cum frænū providentiæ, quo deceptorem Satanam coercerat, laxat & tentare finit. Eaque veritatis notæ privatio activè, ut à Deo est, tanquam iusto iudice, pœna est: passivè verò; ut in homine est ipsius vitii merito, peccatum est, utpote legi Dei repugnans. Denique præcipitur Israëlitis Deut. 6. vers. 5. *Diliges Deum tuum ex toto corde tuo, & ex toto anima tuo, & ex omnibus viribus tuis*, & tamen hoc præstare erat ipsis impossibile (Rom. 8. v. 3. & Prov. 20. v. 9.) ob privationem imaginis Dei, post lapsum: nec impotentiam illam Deus adhuc ab iis abstulerat, Deut. 29. v. 4. *Nondum dedit vobis Jehovah mentem ad cognoscendum, & oculos ad videndum, & aures ad audiendum, usque in diem hunc.* Illa tamen impotentia, ac defectus amoris perfecti Dei, peccatum fuit: quia legi divinæ repugnabat; ideoque pœnam etiam merebatur. Ac propterea vanum est, quod toties adversarii inculcant, idem non posse simul & pœnam esse, & peccatum pœna dignum. Quinimo in ipsis verè fidelibus, etsi sit per donum sanctificationis imminuta illa impotentia, & inchoata obedientia illius amoris Dei, impossibilis tamen est ratione perfectionis, quam lex requirit, idque oritur ex reliquiis impotentia, ex privatione imaginis Dei, ob carnem repugnantem Spiritui, Galat. 5. v. 17. quam impotentiam ab homine esse, ut promerente: sic à Deo iudice puniente, adversarii ipsimet agnoscere coguntur. Hanc autem residuam impotentiam esse peccatum, certò inde constat, quia legi Divinæ, Deut. 6. v. 5. contraria est. Ideoque ut stipendium peccati mors est, Rom. 6. v. ult. Deut. 27. Sic hæc impotentia licet sit primi lapsus pœna: nihilominus quatenus peccatum est, (utpote lege prohibitum, quæ contrarium mandat) suam etiam meretur pœnam: sed ea in verè fidelibus, propter Christum mediatorem, condonatur, qui nos liberat ab omnibus peccatis, 1. Joh. 1. v. 7. Quare ex hisce jam satis constare potest, mandatum illud Ezech. 18. v. 31. ad Ecclesiam Ju-

daicam, ut cor novum sibi faciat, non probare primam cordis renovationem, non à solo Deo: sed partim etiam à libera voluntatis humanæ cooperatione oriri. Sed alium, è Joh. cap. 5. v. 34. locum objectant, *Hæc dico vobis, ut salvemini* &c. v. 40. *Non viditis ad me venire, ut vitam habeatis*, unde ita argumentantur. *Hic locus inquit, manifestè indicat, scopum Christi fuisse salvare eos, quos alloquebatur; & Secundo medium ad scopum illum assequendum, à Christo adhibitum fuisse. Tertiò eos quibus medium illud propositum fuit, potuisse velle, imò voluisse contrarium. tum medio ipsi, tum ei quod per medium illud Christus intendebat. Unde colligitur evidenter, fieri posse, ut is, quem Deus serio salvare, & per media idonea ad salutem adducere vult, tamen non velit servari, & medium quod ad salutem ducit, amplecti.* Hæc illi.

Sed negatur antecedens, 1. Ratione primi membri. Nec enim hic scopus fuit absolutus, ut adversarii intelligunt, sed conditionalis: si crederent, ut v. 24. ejusdem cap. *qui sermonem meum audit, & credit in eum, qui misit me, habet vitam æternam.* Sic Christus hoc in loco ait: *Hæc dico vobis, ut salvemini, scilicet si credideritis.* Nam qui non crediderit, condemnatur, Marc. 16. Deinde secundum etiam membrum falsum est, quod ajunt à Christo ad scopum illum assequendum medium fuisse adhibitum, nempe quale adversarii intelligunt, scilicet sufficiens, quod hic subdole tacent, postea verò reponunt. Nam agnoscimus quidem externum Johannis Baptistæ, v. 33. testimonium & Christi prædicationem atque opera v. 36. fuisse medium, sed non sufficiens, ad salutem: quia interna gratia donationis fidei defuit: imò quod amplius est, etiam notitia Deitatis Christi, nam v. 18. dicitur, *quærebant Christum occidere, quod Deum diceret esse proprium suum patrem. seipsum æqualem faciens Deo*; Deinde si gratiam sufficientem Christus eis præbuisset, potuissent credere. Atqui Christus, v. 44. hoc negat; *quomodo inquit, potestis vos credere cum gloriam alii ab aliis capteris, & gloriam quæ à solo Deo est, non queratis?* quo ostendit eos ex effectis, dono fidei & regenerationis esse destitutos: ideoque non posse credere, nisi renovarentur à Deo. Qua de re memorabiles sunt hæc sententiæ Christi, Joh. 3. v. 5. *Nisi quis fuerit renatus ex aqua & spiritu, &c.* & cap. 6. v. 43. & 44. *Ne murmurate inter vos, nemo potest venire ad me, &c.* & v. 64. 65. *Sunt quidam ex vobis qui non credunt &c.* Propterea dixi vobis, neminem posse venire ad me, nisi fuerit ei datum à Patre meo. Et rursus v. 36. 37. *Sed dixi vobis, vos vidistis me, & non creditis. Omne quod dat mihi Pater, ad me veniet, & venientem non ejiciam foras.* & v. 45. *Omnis igitur, qui audit à Patre meo, & didicit, venit ad me, &c.*

Quare adversarii falsò ex hoc loco Johan. 5. ita tandem concludunt: *Vnde necessariò sequitur, Deum aliquandò verè, & seriò intendere salutem quorundam, mediaque ad finem illum sufficientia illis largiri: & tamen non obtinere actū, & reipsa eum finem, quem per media illa obtinere intendit.* Contrà verò ex hoc loco sic ratiocinamur: Quibus Deus non dat sufficientia ad salutem media, eorum salutem, ut finem suum destinatum, non intendit. Atqui Deus per filium suum Jesum Christum Joh. 5. Judæos hosce alloquens, iis media ad salutem sufficientia non dedit: Nec enim fuerunt regenerati per Spiritum Sanctum, sine qua re nemo servari potest, Johan. 3. imò quod amplius est, non habuerunt notitiam Deitatis Christi, ut ante demonstravimus. Ergo salutem eorum ut finem suum destinatum non intendit. Ad hæc, quos sciebat Christus, nec credere, nec credere posse, eorum salutem non intendit, ut finem destinatum: aliàs repugnasset sibi ipsi, qui solos credentes servandos docuit ac voluit. Atqui Judæos hosce, Joh. 5. nec credere v. 38. imò etiam incredulitate sua delectari, & nolle credere v. 40. nec posse credere, vers. 44. sciebat. Ergo eorum salutem Christus, ut finem destinatum, non intendit.

Sed rursus ad locum, Luc. 7. v. 30. confugiunt. *Pharisei & Legis Interpretes aspernati sunt consilium Dei contra semetipsos, non baptizati à Johanne.* Verum inde probari non potest, uti statuunt, Deum hunc finem intendisse, ut hi Pharisei per Joannem resipiscerent; & media sufficientia ad salutem resipiscentiā ipsis dedisse. Neque etiam consilium hic improprie, propositum Dei de fine designat, ut falsò

falsò statuunt adversarii : sed propriè mandatum Dei, per Johannem propositum, quo resipiscantiam & baptismum prædicavit, ac consuluit, argumento ab utili, remissione peccatorum, Marc. 1. v. 4. & à necessario ex hypothesi, ad fugam exitii, Matth. 3. v. 8. & 10. atque ita rejecerunt, uti dicitur, consilium Dei per Johannem. Idque indicatur etiam cum additur *non baptizati à Johanne*. Quæ propria vocis *consilii* significatio in sacris literis frequens observatur; Quemadmodum Paulus dicit Act. 20. *Sepe annunciai se omne Dei consilium*: quo non æternum Dei decretum sed doctrinam divinam intelligit, quæ officium præcipit, ac suadet. Et Apoc. 3. v. 18. *Consulo tibi, ut eras tibi aurum, igne exploratum, ut distingas*, & Prov. 1. v. 24. 25. *quia vocavi, & renuistis; extendi manum meam, & non est attendens: & amovisti omne consilium meum, & increpationem meam*. Ubi etiam consilii vox mandata ac doctrinam apertè notat. & v. 30. *Non voluerunt consilium meum, spreverunt omnem increpationem meam*. Ea autem voce *consilii Dei*, indicatur, rem, quam mandat, & consulit esse bonam in se, & eam velle Deum voluntate approbante, ut bonum ac debitum sibi officium: non autem velle semper voluntate propositi, finis, ac decreti. Hæc enim decreti voluntas, semper fit, Esa. 46. v. 10. *Consilium meum stabit, &c.* Idem quoque consilium illud irritum fieri non potest: Sed executioni mandatur. Quem enim finem sibi Deus proponit ac decernit: illum assequitur: quia omniscius, ac sapiens, & omnipotens; ac propterea si hic finis fuisset Deo propositus, vocando Phariseos hosce per Johannem, quos præciebat certò vocationem contempturos: neque hic fuisset finis, ut eos officium doceret, & simul contumaciæ convinceret, sed ut adversarii volunt, ut resipiscerent: Ergò sequetur, Deum insipienter sibi aliquid proposuisse: quia omninò frustra: Id autem absurdum, & sapientiæ illius adversum.

Verum unum superest argumentum, quod objiciunt, ab absurdo uti putant, deductum, idque fortius stringere gloriantur, hoc modo: Qui non poterant non, propter impotentiam (ex sola Dei punitione sibi inhærentem) aspernari prædicationem externam, illi ex illa rejectione pœnam aliquam graviolem attrahere non poterant: At hi non poterant non aspernari externam prædicationem, propter impotentiam ex punitione divina inhærentem: Ergò illi ex illa rejectione pœnam aliquam graviolem attrahere non poterant. Sed negamus propositionem. Nam quod ajunt, *Major clara est, quia pœna pœnam non meretur*: verum est, scil. quatenus pœna est à Deo inferente: sed quatenus in homine promerente est culpa, pœnam meretur consequentem; quia est defectus, legi divinæ, de perfecta obedientia præstanda à nobis, repugnans. Quod autem addunt: *nec actus punitionem necessario consequens, novum reatum potest inducere*; illud apertè jam antea allatis Scripturæ testimoniis perspicuis confutavimus. Nam Joh. 12. v. 39. & 40. Judæi non poterant credere; quia Deus eorum oculos justè excœcaverat, & tamen exitio puniuntur: & rejectioni Christi hanc pœnam consecutæ, eorum vitio, pœnam minatur, v. 48. *ὁ ἀρνῶν ἑμὲ, qui rejicit me* (ubi eadem vox quæ in objecto loco, Luc. 7. 30) *& non recipit sermones meos, habet judicantem ipsum; sermo quem ego locutus sum, ille judicabit eum ultimo die*. Deinde assumptio etiam non est simpliciter vera. Nam ἀρνῶν relectio seu aspernatio prædicationis externæ est duplex: una privativa, alia contraria. Privativa, cum quis non obedit cum obedire deberet: sed tamen se ei non opponit, factò contrario exteriori. Priori modo prædicatione à nonnullis rejicitur, cum eam audire negligunt; aut si audiant, non ex animo parent: quales fuerunt Capernaithæ, Joh. 6. Posteriori verò, cum prædicatione odiosè rejicitur, idque vel zelo imprudenti, Rom. 10. v. 1. vel impudenti malitia, qua prædicationem audire, & examinare ad Dei verbum nolunt, eamque prohibere, & alios ab auditione abstertere conantur: quales fuerunt hi Judæi: qui etsi privati erant post lapsum potentia credendi, vera fide, prædicationi Iohannis, & salutari resipiscantia parendi: habebant tamen potentiam naturalem accedendi Iohannem, & prædicationem illius audien-

di, & ad sacras literas sibi concreditas, & familiares, examinandi, & petendi à Iohanne explicationem: denique potentiam compescendi linguam à maledictis; qua tamen potentia quam habebant, ex mera ac voluntaria malitiâ uti noluerunt, cum possent. Ideoque ut fidei vivæ privatione merebantur pœnam æternam: sic accessione voluntariæ suæ contumaciæ pœnam graviolem sunt promeriti, eoque nomine à Christo etiam reprehenduntur, quod consilium Dei, hoc est; mandatum illius, per Iohannem Baptistam, malitiosè rejecerint. Nam ipsi baptismum Iohannis publicè reprehenderunt, Ioh. 1. vers. 21. & austeritatis vitæ illius sanctæ occasione, dixerunt, *habet demonium*, Luc. 7. v. 33. Ac propterea falsum esse apparet, quod adversarii, eos publicè & palam Iohannis baptismum, sive doctrinam, quam baptizando repræsentabat, improbasse, & sic quantum in se esset, annihilasse, constaret, audacter negant. Nam quamvis, ut objiciunt, Matth. 21. vers. 25. in templo, rogati, à Christo, de baptismo Iohannis, utrum è cælo an ex hominibus esset, non ausi fuerint dicere, ex hominibus esse, metu populi: Inde tamen non sequitur, nunquam ausos fuisse Iohannis baptismum publicè improbare: cum & publico neglectu auditionis illius, atque reprehensione, & impio maledictio ipsum impetierint, ut modo ostendimus: & Matth. 9. v. 11. 18. idem declaratur.

Quod autem diu postea in templo non ausi fuerint similiter maledicere, metu populi, ut objiciunt: ratio differentia est evidens: quia tum temporis populus Christum audiens, ab eo pendeat, hoc est, totus ei erat addictus. Ideoque cum Christum perdere studerent Pharisei, impediti sunt; Luc. 19. v. 47. 48. Sic cap. 20. similiter populum, Christum avidè audientem & Iohannis observantem, metuebant. Nam v. 6. dicitur, *si dixerimus. Ex hominibus, universus populus lapidabit nos; persuasus enim est Joannem esse Prophetam*. Quemadmodum postea cum Christo manus injicere vellent, v. 19. metu populi illius, abstinuisse dicuntur. Non mirum est igitur, non metuisse antea Iohanni maledicere, ubi inter sibi addictos, aut omninò, aut partim sine eo periculo versati sint; cum pro circumstantiis, aliter, atque aliter affecti fuerint, ut Matth. 22. v. 34. 35. Pharisei primum tentarunt Christum sua quæstione: & solutione data, & alia à Christo quæstione proposita ipsis, cui respondere nequibant, non sunt ausi eum amplius interrogare, vers. 46.

Verum inquirunt, si *consilii* vox hoc loco, Luc. 7. propriè acciperetur, tum aliquid boni ex eo ad Phariseos potuisset provenire: Atqui non potuit ex nostrorum, ut contendunt, sententia. Ergo consilium propriè non intelligitur. Sed negatur assumptio: Hoc enim potuisset bonum ad eos provenire, ut si voluissent, ut poterant, externam præstitissent obedientiam; & ita pœnæ eorum fuissent minores; quemadmodum contra voluntariâ ipsorum contumaciâ, auctis peccatis, pœnæ factæ sunt majores. Ac propterea adversariorum argumentum non stringit, nec solutionem allatam infirmat.

Quamobrem aliud jam examinandum est argumentum ex Esa. 5. cujus vim tantam esse gloriantur, ut illud judicent irrefragabile. Cujus hæc summa est: Si Deus Judæis omnia adhibuit necessaria auxilia, eo fine, ut pietatis & justitiæ officia præstarent, & tamen Judæi ea non præstiterint; ergo gratiæ suæ operationibus, conversionem Judæorum, non operatus est, (ut loquuntur) irresistibiliter. Atqui Deus Judæis omnia adhibuit necessaria auxilia, eo fine, ut pietatis & justitiæ officia præstarent: Ergò Deus non peregit gratiæ suæ operationibus conversionem Judæorum irresistibiliter. Sed primum in hac argumentatione est stupenda ignorantia Elenchi; quia consequens propositionis quod deinde concludunt, ad rem non facit: nec enim contradicit nostræ sententiæ; imò idem sentimus, nec aliter sentire vel stupidissimus potest: quia apertè Esajas testatur; Judæos non fuisse conversos; ideoque Deum conversionem in iis non peregissee. Conclusio autem hæc esse debebat, aut ejusdem sententiæ: Ergò Deus, primæ conversionis hominum, ad vivam fidem & charitatem, non solus est causa: sed ad



sed ad eam voluntatis (quæ gratiam amplecti aut rejicere potest) libera electio accedens requiritur. Deinde fallacia est homonymiæ mediæ termini. Nam officia pietatis, & justitiæ in propositione sumuntur simpliciter, ratione obedientiæ internæ, simul & externæ; in assumptione verò secundum quid, ratione externæ obedientiæ; de qua Propheta ait, qui aperta Iudæorum illorum peccata, idololatricam, ebrietatem, comminationum divinarum illusionem, proximi variis injuriis oppressionem reprehendit, à quibus abstinere potuissent; & à Deo variis, in conservatione Reipublicæ & Ecclesiæ, beneficiis corporalibus affecti, & verbo Dei de voluntate illius edocti, & ad officium, hortationum, promissionum & comminationum stimulis excitati, potuissent publicam pietatis & justitiæ disciplinam exercere; quod cum non fecerint, sed ingata & contumaci malitia in sceleribus illis perdurarint; minatur Deus publicas pœnas: quas Deus interminatus omittere solet, cum ad cognitionem miseriæ suæ, & externam ac publicam contumacium scelerum confessionem, & omissionem, adducuntur, quemadmodum exemplis Israëlitarum, Psalm. 78. v. 39. & Achabi, 1. Reg. 21. v. 26. ad finem usque apparet. Talem etiam conversionem publicam potuissent præstare Judæi hoc loco: & ad illam sufficientia media collata ipsis divinitus fuerant, quibus adjuti parere, & pœnas externas & temporales (de quibus Propheta Esaïas agit. v. 5. & 6. & 13. & 15. 26.) evitare. Quod autem contendunt adversarii media ad primam, & salutarem conversionem, & ad internam & externam pietatem præstandam sufficientia (hoc est, ut ipsimet definiunt necessaria) Judæis esse præstita, illud probare conantur.

Primum, quia eam Deus expectavit, & speravit. Imò de ea (inquam) non agitur: Sed de publica populi disciplina, & conversione à publica scelerum licentia. Deinde expectatio quæ Deo hoc loco tribuitur, non denotat spem propriè: sed Dei patientiam in toleranda populi contumacia; qua tempore dato, ad resipiscentiam provocavit, ut Rom. 2. v. 4. 5. Nam Deus omniscius præcivit, certissimè fore, ut hi Judæi non converterentur: Ideoque non expectavit conversionem eam, sperando; quia affectus non cadunt in Deum: Deinde quia spes fuisset non solum vana; sed etiam cum præscientia vanitatis conjuncta: quæ omnia indignissima Deo. Quare quod in ea expectatione vim argumenti sitam esse asserunt, inde imbecillitas ejus constat.

Sed addunt secundò, in eo etiam robur argumenti consistere, quod Deus de Judæis conqueritur, & eo nomine pœnas populo suo denuntiat. Sed inde non sequitur: Ergo potuerunt internam & salutarem non minus, quam externam obedientiam præstare; quia de externa & publica imprimis obedientia, ad externas publicasque pœnas evitandas, hic agitur.

Sed tertium urgent, quod dicatur, *quid erat faciendum vineæ meæ, quod non fecerim ei?* Ergò, inquiunt, omnia ad salutarem conversionem necessaria, & bonos fructus internos non minus quam externos proferendos præstitit. Verum solutio duplex. 1. Negatione antecedentis, quia textus Hebræus est propriè sic reddendus: *quid faciendum vineæ meæ?* ut ipsi adversarii coguntur agnoscere, non autem *faciendum erat*, de præterito, sed de futuro. Nam vox *וְיָ* quæ sequitur, accipi potest, non solum pro *amplius*: sed etiam (ut rursus adversarii agnoscunt) pro *deinceps*, & ita accipi oportere hoc loco, ostendit quæstionis, & responsionis convenientia. Nam postquam per parabolam beneficia Dei, & ingrata maleficia Iudæorum proposuit, ad Iudæorum (quos mutato nomine descripsit) iudicium provocat, ac postulat, vers. 3. & quæstionem proponit, vers. 4. *quid faciendum deinceps vineæ meæ?* ac v. 5. Responsionem ipse Deus subjicit, cum ait: *Nunc ostendam vobis, quid ego facturum sum vineæ meæ?* Similis locus extat Matth. 21. in parabola agricolarum improborum, quibus paterfamilias vineam suam, sepe munitam elocarat; de quibus quærit Dominus noster Jesus Christus, vers. 20. *Cum igitur venerit Dominus vineæ, quid facturum est agricolis istis?* dicunt ei, (Pharisæi) *malos male perdet.*

Eoque modo parabolam de se, mutato nomine, narratam; ignorantes, seipsos condemnarunt imprudentes: ut David audita Nathanis de ipso dicta, sed non intellecta parabola, 2. Sam. 12. v. 5. 7. Hic verò Deus, in hac prophetia, parabola narratâ & quæstione habitatoribus Jerusalem, & Judæis reliquis proposita, ipsemet respondet, de eo quod facturus erat, non quod fecerat. Sed tria objiciunt adversarii. Primò non esse verisimile iudicium Iudæorum postulari, super re ipsis ignota, & quam Deus illis postmodum notam fecit, sc. se punire velle: Secundò quia verba hoc non videntur ferre: quia additur immediatè, & non feci ei. Tertò, quia post quæstionem illam immediatè repetitur querela de non edictis fructibus, vers. 2. proposita: idque per voculam *וְיָ* quare, ut justam querelam ostendat. Sed respondemus ad primam objectionem, non quæri iudicium de re ignota Judæis: Nam ex parabola beneficii Dei, & maleficii Vineæ, satis nosse poterant, quid faciendum esset Deo iusto iudici: quemadmodum Judæi in simili quæstione, Matth. 21. (*Quid facturum est agricolis istis?*) cognoverunt. Idque eo magis his Judæis notum esse potuit, quia additur, & non feci ei, quo ostendit Deus, se non consuetas pœnas, sed insolitam ruinam illaturum, cum sc. per Chaldæos in primis vastavit regionem, & urbem Jerusalem, & populum captivum in Chaldæam transtulit: quod ita factum antea non erat universo populo. Et ne fortè diceretur à Judæis, ut adhuc expectaret ad tempus, dum vinea uvas ferret: quemadmodum Domino vineæ, dicenti ad vinitorum, ut ficum quæ fructum non tulerat, excinderet, vinitor respondens petiit, ut eo adhuc anno eam permitteret, donec fodisset circa eam, & fimum adjecisset, ut nisi tum fructum ferret, eam excinderet, Luc. 13. v. 6: ad 9. ne quid inquam hoc loco simile judicaretur, Deus per *אֲדָמָאִים*, seu per Metaphor. ab hominibus rei alicujus pœnitentibus deductam, ut Gen. 6. v. 6. conqueritur, quasi nimis diu expectasset, scil. ratione meriti Iudæorum, cum ait: *quare expectavi ut faceret uvas, & fecit labruscas?* Ideoque post longam patientiam contumaciâ improbâ læsam, expectationi non esse locum ostendit: quare ipsemet ad quæstionem respondet, & quid deinceps facturum sit, indicat. Quamobrem exceptiones illæ tres objectæ solutionem allatam, qua antecedens negavimus, non infirmant. Secundò etiam antecedens esset certum: ac Deus per Esaïam dixisset, *quid faciendum erat amplius vineæ meæ, & non feci ei?* ac de beneficiis præteritis ageretur: consequentia tamen esset infirma, quam inde deducunt. Nec enim, ut ante ostendimus, hic agitur de prima conversione salutari, interna simul & externa, deque mediis omnibus ad eam necessariis; sed de publica atque externa (ad publicas & externas pœnas vitandas) conversione, ab idolatria, aperto verbi Dei contemptu, ebrietate, & proximi per varias injurias oppressionem, ut sequentia demonstrant: ad quam publicam conversionem ipsos Deus, multis beneficiis in eos collatis, idoneos reddiderat: illi tamen voluntaria contumacia, in primis illis sceleribus perdurarunt. Deum autem non omnia hisce Judæis lapsis, & contumacibus tribuisse necessaria media, ad salutarem conversionem, seu vivam fidem & charitatem, inde constat; quod eos per Spiritum Sanctum non regeneraverat; nec cor lapideum ab eis abstulerat, neque eor carneum, (hoc est, molle, ac Deo cedens, atque obtemperans) dederat; quod tamen ad salutarem conversionem medium erat necessarium, Ioh. 3. v. 5. 6. Ez. 36. v. 25. 26. Eph. 2. v. 10. *Nam quicumque natus est ex Deo, non facit peccatum, (scil. dominans) quia semen ejus (scil. Dei) manet in ipso, & non potest peccare, quia ex Deo natus est, 1. Ioh. 3. v. 9.* Sed Iudæi contumaces, qui Esa. 5. arguuntur ac describuntur, potuerunt peccare, ac se peccatis mancipare, atque revera manciparunt. Ergo non fuerunt ex Deo nati. Item: quicumque natus est ex Deo, vincit mundum sua fide, 1. Ioh. 5. vers. 4. Atqui hi Iudæi non vicerunt mundum sua fide: Ergo non fuerunt ex Deo nati; ideoque non habuerunt tum omnia media necessaria ad salutarem conversionem, & internos externosque fructus bonos proferendos; sed quantum ad scelerum suorum cognitionem,

nem, & externam obedientiam (quæ etiam in non renatos cadit,) sufficiebat. Denique, etsi sermo hic esset, non solum de externis publicisque, sed etiam de internis fructibus bonis proferendis, & simul etiam Deus dixisset, quid faciendum erat amplius vineæ meæ & non feci in ea? inde tamen non sequitur, Deum Judæis lapsis omnia media necessaria, (ut adversarii volunt) ad bonos fructus internos externosque proferendos, tum contulisse: sed quantum ad gratuita Dei beneficia demonstranda, & ingratam Judæorum malitiam convincendam, justèque puniendam, sufficiebat: quia primum Deus initio eos, (ut & universum genus humanum) in Adamo sic crearat, cum vera sanctitate, ac iustitia habituali, ut tum possent bonos omnino fructus proferre: sed eam potentiam sui lapsus culpa excuserunt. Deinde etsi non potuerint post lapsum edere fructus bonos internos, ex viva in Deum fide, & charitate promanantes; quia non erant renati; potuerunt tamen edere fructus bonos secundum quid, ratione externi cultus Dei, & iustitiæ externæ: provocati Dei beneficiis, primum Ecclesiasticis, vocatione externa ad Ecclesiam, per veram, de Deo, & officio hominum erga Deum, doctrinam, & per stimulos, ad officium præstandum, nempe per promissiones & minas varias Prophetarum: Secundò beneficiis politicis, per constitutionem, conservationem, & locupletationem Reipublicæ in terra divinitus data, admirandam: quibus beneficiis adjunctæ etiam profanæ gentes, ad externam obedientiam potuissent adduci: ut vel Ninivitarum exemplum testatur. Ideoque merè fuit voluntaria Judæorum malitia, quod externos illos fructus non ediderunt: iusteque Deus eos potuit accusare ac punire, non solum, quod internis bonis, per excussionem imaginis Dei, seu iustitiæ originalis, carerent, ex vitio, per primum peccatum, in Adamo contracto: sed etiam quod exterius fructibus bonis fuerint destituti, quos tamen illis Dei beneficiis affecti, potuissent proferre: Proferre autem voluntaria contumacia noluerunt.

Verum postrema superest adversariorum objectio duplex, qua hanc responsionem elevare conantur; quarum prima fidem spectat hoc modo: Quas vires (inquiunt) Adamus à Deo ante lapsum non accepit, eas lapsu suo non amisit: ideoque neque posteri ipsius in ipso. Atqui vires credendi in Christum, Adamus à Deo ante lapsum non accepit; Ergò etiam eas non amisit, ac propterea neque posteri illius in ipso. Propositionem veram esse agnoscimus, sed falsa est assumptio. Nam quod ajunt Christum redemptorem ipsi tunc fuisse omnino ignotum: quia primum post lapsum revelatus est; ideoque non potuisse credere in Christum: Damus, non potuisse actu credere ante revelationem: habuit tamen potentiam, quâ, si Christus fuisset ipsi verbo Dei revelatus (ut hominibus lapsis contigit) haud dubiè credidisset. Nam quemadmodum Deus Abrahamo futuram posterorum post aliquot annorum centurias, servitutem miserrimam, & securam tandem per Dei gratiam liberationem, patefecit, Genes. 15. v. 13. 14. Cui Abrahamus fidem adhibuit: Sic etiam, si Deo placuisset, Adamo revelare, fore ut laberetur in peccatum, & mortis reatum; & deinde fore, ut filium daret redemptorem, omnibus verè in ipsum credentibus, Deo credidisset: quia imagine Dei donatus, & vitii omnis expers, omne Dei verbum sibi revelatum potuit credere. Ideoque ut dixi, si Deus ei revelasset futurum ipsius lapsum, ac miseriam, & securam per Christum redemptionem, potuisset sanè credere: Ac quamvis actu non crediderit: non propterea tamen potentia illius (ut objiciunt) fuit frustrà: quia ut illa in actum deduceretur, (pro potentiarum natura,) requirebatur objecta revelatio Christi; quemadmodum visu præditus habet potentiam videndi omne subjectum visibile, & per consequens regem quoque Persarum, etiam si actu nunquam videat. Nec tamen frustra est ea potentia videndi; primum quia ea non ad illud tantum objectum restringitur: sed ad omnia visibilia objecta extenditur, quorum quædam etiam percipit. Deinde, quia ut ad actum suum ea potentia deducatur, objecti visibilis præsentia requiritur. Sic etiam Adam ante lapsum habuit poten-

tiam, seu vires credendi omni verbo Dei, tam de Deo creatore, quam de Deo per Christum redemptore: quorum prius quidem ei fuit revelatum, atque ita actu credidit: posterius verò ante lapsum non fuit revelatum: ideoque actu non credidit: Idque non ob defectum potentiæ credendi: sed propter absentiam objectæ revelationis Christi, per verbum, quæ necessaria erat, ut potentia illa in actum deduceretur.

Atque hæc ad primam objectionem contra amissam in Adamo credendi potentiam. Altera verò, contra amissionem virium, & potentiæ à peccatis resipiscendi, objectio, cui plurimum fidunt adversarii, hæc est: Quod Adam à Deo ante lapsum non accepit, illud suo lapsu non amisit; atqui vires, quibus à peccatis potuisset resipiscere, ante lapsum à Deo non accepit; Ergò eas lapsu non amisit; & per consequens neque posteri in illo. Propositio certa est: Assumptionem autem eo probant; quia si Adam eas vires accepisset, non opus habuisset novis post lapsum viribus, ut resipisceret. Verum negatur Assumptio, & probationis consequentia: quia vires tales accepit, quibus servatis potuisset resipiscere; sed lapsu eas amisit, cum originalis iustitiæ habitu, (quo manente, potuisset ab actuali lapsu resipiscere,) privatus est: ideoque nova Dei gratia resipiscendam requirebatur. Quare hoc loco Esa. 5. satis perspicuè, uti speramus, adversus abusum adversariorum vindicato, ad alium procedamus.

Nam novum argumentum desumunt ex Ezech. 12. v. 2. *Fili hominis, in medio domus rebellis habitas, qui oculos habent ad videndum, & non vident, aures ad audiendum, sed non audiunt; quia domus rebellis sunt.* Undè sic colligunt: Si fieri potest, ut Deo nos ad conversionem vocante, habeamus quidem aures ad audiendum, tamen ex inobedientia non audiamus: oculos habeamus ad videndum & tamen non videamus: consequens est, conversionem non fieri à Deo in nobis, per vim irresistibilem. At illud fieri potest sitque reipsa. Ergò conversio non efficitur per vim irresistibilem. Verum priusquam respondeamus, observandum est in conclusione omissum, *in nobis*: Deinde obscuritate captata, statum quæstionis involvunt, cum vim irresistibilem ponunt, pro actione Dei omnipotentis, quæ non solum ad conversionem salutarem sufficit, sed eandem etiam potenter efficit, ut Eph. 1. v. 19. 20. dicitur. *Et quæ sit excellens illa magnitudo potentiæ ipsius, in nobis, qui credimus, pro operatione fortis roboris ipsius, quam exeruit in Christo, cum excitavit eum ex mortuis.* Resistere enim, (eoque & irresistibile) bifariam accipi potest; vel propriè, ut adversari notet generatim, etiam si eum, cui quis adversatur, non superet, ut Act. 13. vers. 7. 8. quærenti Sergio audire sermonem Dei à Paulo & Barnaba, restitit iis Elymas; sed conatu irritò, vers. 12. ut & 2. Tim. 3. vers. 8. Deinde resistere per synecdoch. speciatim notat resistendo superare, atque impedire, ut Luc. 21. v. 15. Act. 6. v. 10. Rom. 9. v. 19. Deinde ambiguitas est, in voce *nos*. Nam aut potest referri ea vox ad fideles, qui revera jam conversi sunt: aut ad homines indefinitè. Priori modo si accipiat, assumptio erit falsa: nec enim de fidelibus agitur à Propheta, qui convertuntur. sed de infidelibus qui non convertuntur. Sin vero secundo modo accipiat, negatur propositio: Secundo autem modo accipi, exponunt tandem adversarii: Nos, inquiunt, *contendimus, multos, quos interna actione ad conversionem Spiritus vocat, & disponit, hoc est, in quibus interne, ut se convertant, operatur, posse, nolle se convertere; adeoque etiam posse actu non converti: quia hic de Israëlitis dicitur, quod aures ad audiendum acceperint, ut se converterent, audire tamen, & videre noluerint.* Hæc illi: quo sensu falsa est propositio. Nam quamvis multi ad conversionem vocentur, & aures habeant ad audiendum, & tamen non audiant; non propterea tamen sequitur, conversionem non fieri in iis, qui convertuntur, omnipotentis Dei actione, & ut loquuntur, per vim irresistibilem: quia plura ad conversionem sunt necessaria, & plura à Deo adhibentur in iis, quos convertit, quem vocatio, & orta inde attentio & intelligentia, quæ auditu & visu hic notantur: quia præterea requiritur regeneratio, seu donatio cordis novi, & ablatio cordis lapidei: ut

dei: ut in superioris objectionis solutione demonstravimus. Sed excipiunt adversarii: oculos habere ad videndum, aures ad audiendum, gratiam regenerationis ac conversionis, qua possunt converti, significat: ut etiam nostri exponunt, Deut. 29. v. 4. *Sed non dedit vobis Iehovab cor ad sciendum, & oculos ad videndum, & aures ad audiendum usque ad hunc diem.* Sic etiam Ezech. 12. accipi debere contendunt. Verum respondemus non sequi: quia phrasim eadem quidem est, sed sensus diversus ob diversas loci circumstantias. Nam Deut. 29. Verba illa non possunt accipi propriè, de attendendi & intelligendi potentia, atque scientia simpliciter: sed synecdochicè, de ea auditione, visione, ac notitia, quæ conjuncta cum vera fidei, & charitatis obedientia: nam præcedentia hoc demonstrant, v. 2. & 3. *Vos vidistis omnia, quæ fecit Iehova ante oculos vestros, in terra Egypti, probationes illas maximas, quas viderunt oculi tui, signa & prodigia illa maxima.* quibus proximè subiungitur: *Sed non dedisti vobis Deus, &c.* Similia etiam loca de visu, & auditu operum, & verborum Dei extant, Deut. 4. v. 2. 9. 11. & 7. v. 18. & Exod. 19. v. 16. & 20. v. 19. Ac propterea non propriè, sed synecdochicè verba Moysi, Deut. 29. accipienda esse, res ipsa demonstrat. Hoc vero loco Ezech. 12. v. 2. alia ratio est, quia de visione, & auditione, cum obedientia conjuncta, intelligi non posse liquet: quia vocantur disertè rebelles. Ideoque oculos ad videndum, & aures ad audiendum habere nihil aliud hic notat, quam ex institutione verbi, facultatem habere ad audiendum illud, attentè, atque intelligendum officium: sed tamen contumaciter, ac contra conscientiam rebellarent; quemadmodum iis exprobratur, Ezech. 3. v. 7. *Domus Israel non cupit audire te, quia ipsi non cupiunt audire me. Nam tota domus Israel duri fronte, & duro corde sunt, & cap. 5. v. 6. Mutavit judicia mea in improbitatem, magis quam gentes, & statuta mea magis quam terræ, quæ in circuitibus ejus sunt, quia judicia mea reprobarunt, & in statutis meis non ambulaverunt.*

Sed quod dicimus, ad rectam obedientiam, & fructus resipiscentiæ bonos proferendos, requiri regenerationis gratiam, qua Deus det cor novum; obijciunt: talem nihilominus posse non ambulare in statutis Dei. *Quando enim dicitur.* Ezech. 11. v. 19. *Deum daturum eis cor, ut in statutis ejus ambulent:* explicandum, ut finis tantum dationis exprimat: ut autem cum finem certò obtineat, Deum omnipotentem actione effecturum, id verò non dicitur. Hæc illi. Verum in hac exceptione, adversarii, in angustias redacti, insignem produnt immodestiam; & quod aures habeant ad audiendum, sed audire recusent Scripturæ sententiam: siquidem ex prophetæ verbis apparet, obedientiam non tantum ut finem: (quemadmodum asserunt) sed etiam ut effectum Dei, ex novo corde secuturum, denotari: idque probatur primùm ex verbis antecedentibus, præcedente v. 18. *amovebunt,* (inquit) *omnia detestabilia ejus, omnesque abominationes ejus ab ea.* Quibus verbis ambulaturos in statutis Dei, prædicatur. Causa autem hujus effecti ita describitur vers. proximo 19. de quo inter nos agitur. *Nam, inquit, Dabo ipsis cor unum, & Spiritum novum ponam in medio vestri, & amovebo cor lapideum à carne eorum, & dabo eis cor carneum, ut in statutis meis ambulent, & judicia mea custodiant, & faciant ea; & erunt mihi populus, & ego ero eis Deus;* Ideoque conjunctio illa, ut, eventum & effectum denotat, ut aliàs solet, 2. Cor. 1. v. 17. & 7. v. 9. Apoc. 8. v. 12. quia causa redditur præcedentis, ac propositæ vers. 18. obedientiæ. Idem secundò patet ex hoc vers. 19. Nam in illis quibus Deus dat cor novum, & Spiritum novum, & amovebo cor lapideum, & dat cor carneum, hoc est, molle, in illis inquam efficit certò obedientiam. Nam sublata causa, tollitur effectus. Causa autem cur obedientiam multi vocati non præstent, sed sint rebelles: est cordis eorum duritia: qualis fuit in Judæis, quod Ezech. cap. 12. v. 2. (de quo disceptatur inter nos, & adversarios) Deus perstringit. & cap. 2. v. 3. 4. 5. *mitto ego te ad filios Israelis* (sic Judæos intelligit hoc loco,) *ad gentes rebelles, quæ rebellaverunt contra me, qui ut patres ipsorum defecerunt à me, usque ad hunc ipsum diem; & ad filios duros facie, & obfirmatos corde ego mitto, &*

cap. 3. vers. 7. *Domus Israel non volunt audire te, quia non volunt audire me:* Ecce inobedientiam eorum indicat Deus; causam verò declarat proximis verbis; *quia tota domus Israelis, sunt obfirmati fronte & duri corde.* Præterea idem etiam probatur ex connexa promissione: quorum enim Deus est Deus, & quos Deus pro suo populo, regenerans agnoscit, illi non sunt rebelles; sed obedientes, & Deo grati ac peccatorum eorum non recordatur amplius, Jer. 31. v. 31. ad 35. & Heb. 8. vers. 10. 11. 12. At omnes illi quibus Deus dat Spiritum novum, & cor carneum, eorum etiam Deus est, & illos Deus pro suo populo agnoscit. Ergo, illi non sunt rebelles sed obedientes, & Deo grati, ac peccatorum eorum non recordatur amplius. Ideoque illa verba, *ut in præceptis meis ambulent,* non finem tantum: sed effectum Dei eventurum notant. Idem denique clarissimè Ez. cap. 36. (ubi eandem omnino promissionem Israelitis, hoc est, Judæis factam repetit,) demonstrat, vers. 25. 26. 27. 28. *Et aspergam super vos aquas mundas, & mundabimini* וְסִחַרְתִּים *ab omnibus impuritatibus vestris, & ab omnibus stercoreibus vestris,* hoc est, (ut interpretantur,) stercoreis diis, *mundabo vos.* En expressè Deus dicitur facere, ut in statutis ipsius ambulent: hoc enim mundare est à sordibus peccati, liberare mentem, animum, actionesque. Causa deindè subjicitur proximis verbis: *Et dabo vobis cor novum, & Spiritum novum dabo in medio vestri, & amovebo cor lapideum à carne vestra, & dabo vobis cor carneum: & Spiritum meum dabo in medio vestri, & faciam, quod in statutis meis ambulabitis, & custodietis, & facietis, & habitabitis in terra, quam dedi patribus vestris, & eritis mihi populus, & ego ero vobis Deus.* Idemque demonstrat perspicuè versus proximus 29. *Et servabo vos ab omnibus impuritatibus vestris:* ubi expressè obedientiam Judæorum futuram, effectum Dei certum statuit. Quare ex hisce satis superque liquet, Deum non solum cordis novi donationem promittere, sed etiam obedientiam, tanquam cordis novi fructum in conversione efficere. Ac propterea Deus non solum gratiam sufficientem ad conversionem, in iis quos convertere intendit, præbet: sed etiam efficientem, primùm, quatenus dat Spiritum novum, & cor novum, & cor lapideum amovebo; deinde quatenus verbo excitat ad obedientiam, & Spiritu Sancto adjuvat; partim adversarios refrænando sua potentia: externos quidem, mundum improborum, & mundi hujus principem Satanam: internum verò carnem, seu vitiositatem insitam; partim confirmando fidei & charitatis habitus, sanctis motibus. Cæterum discrimen hic est observandum in modo operationis divinæ, in regeneratione, & in effectione novæ obedientiæ. In priori enim operatur Deus omnipotente actione; cum id quod prædicatione verbi novum cor præcipit, ipsemet solus efficit, Eph. 1. v. 19. & 2. v. 8. 9. 10. In posteriori utitur, partim vi omnipotentis, quatenus immediatè Satanam tentatorem providentiæ suæ freno coercet, ne gravius tentet: partim vi potente, sed finita, quatenus mediatè per Spiritum novum, & cor novum, seu fidei & charitatis habitus donatos, & conservatos, & deinde per sanctos menti animoque inditos motus, ut obedientiam præstemus, excitat, ac perducit. Ac propterea subdole adversarii statum controversiæ corrumpunt, cum ajunt, Deum non dicere, se omnipotente actione effecturum, ut in statutis ipsius ambulent. Ita enim perperam regenerationis, & novæ obedientiæ, seu bonorum operum effectiorem confundunt, quasi eundem utriusque efficiendi modum statueremus.

Cæterum quia ad argumenti ex Ezech. 12. v. 2. petiti ac pluribus jam consutati confirmationem, similia loca adferunt, ex Zach. 7. vers. 11. & Esa. 6. v. 2. Item Mat. 13. v. 14. & Actor. 28. v. 25. 26. idcirco paucis adversariorum error confutandus. Primus enim locus, Zach. 7. v. 11. 12. hic est: *Sed renuerunt attendere, & præbuerunt humerum declinantem, auresque suas aggravaverunt, ne audirent, & cor suum posuerunt ut adamantem, ne audiret legem ipsam, & verba quæ mittebat Iehova exercituum, Spiritu suo per prophetas.* At frustra, inquiunt, instituitur talis querela adversus populum, quorum cor Deus potuit per Spiritum suum emollire, ut atten-

ut attenderent. Sed negamus consequentiam; quia Deus conqueritur de publica protervaque legis suæ, & Prophetarum, (quos ad poenitentiam vocantes audire recusabant,) reiectione, à qua abstinere non minus, quam Ninivæ poterant. Nec enim hoc loco de interna ac salutari ad Deum conversione agitur; sed de externis erga proximum officiis, & abstinentia à nocendi proposito, ut vers. 9. & 10. antecedentes proximè ita declarant: *Sic locutus fuerat Jehova exercituum dicendo, judicium verum judicate, & benignitatem, & misericordiam facite quisque cum fratre suo. viduamque aut pupillum, peregrinum aut pauperem, ne opprimis, & malum quisque in fratrem suum ne cogitate, in corde vestro.* Quis hinc concludat? Potuerunt ab illo scelerato nocendi proposito, & istis externis maleficiis abstinere, & externam disciplinam (Dei beneficiis variis, ac conspicuis, & legis institutione ac prophetarum hortatu, promissis, minisque excitati) exercere; Ergo habuerunt sufficientem, ad salutarem conversionem gratiam. Nam quamvis Deus per Prophetarum prædicationem, interdum hypocritas externa sanctitatis specie superbos, & interni cultus Dei contemptores, acriter reprehendat: plerumque tamen adversus apertè sceleratos querelam instituit, minasque de publicis poenis proponit, ut eorum voluntariam contumaciam, & poenarum securarum justitiam demonstret, & hac ratione electos suos (quasi triticum in paleis latentes) à contagione illorum avèrat. Atque hæc de primo loco.

Alter verò est ex Esai. 6. v. 9. Cujus sententiæ periphrasis repetitur Matth. 13. v. 14. & Actor. 28. v. 25. 26. quibus, inquit, locis Esaias expressè dicit, Judæos oculis connivendo, auribus graviter audiendo, cor suum incrassando, impedivisse suam conversionem, cordisque sui sanationem. Voluit itaque Deus eos convertere, & sanare: illi impedivere, quod Deus effectum dare voluit. Noluit itaque Deus id operari irresistibiliter. Sed negatur consequentia. Nam loca illa Matthæi & Pauli actor. 28. tantum testantur de contumacia Judæorum, quod illi noluerint converti, & ita servari, quod scilicet notam veritatis doctrinam rejicerent. Deum autem voluisse (hoc est, approbasse ut debitum officium) conversionem, verum est: voluisse verò, hoc est, decrevisse, ac tanquam finem destinantium sibi proposuisse, & intendisse, ut adversarii tradunt, hoc falsum est. Deus enim omniscius, sapientissimus, atque omnipotens, quicquid vult suo proposito, illud assequitur, Ephes. 1. vers. 11. Esai. 46 vers. 10. Si ergo hoc loco ita voluisset, tum necessaria omnia media, ad conversionem (nempe fidem vivam, & resipiscenciam) per regenerationem dedisset, & potuissent credere & resipiscere. Sed media illa necessaria iis non sunt data: nec illi potuerunt credere: non solum ob innatam vitiositatem: sed etiam, quia Deus illos magis excœcavit justo suo judicio: partim quod eâ notitia officii, quam habuerant, & quam contemplerant, eos privavit: partim quod Prophetam ad eos miserit, cujus rectæ doctrinæ odio exacerbati, sese magis magisque opponendo, excœcaverunt, atque obdurarunt: quemadmodum Esaiæ verba, & Johannis interpretatio demonstrant. Sic enim ait Esai. cap. 6. v. 9. & 10. *Dic populo isti, audite audiendo & non intelligetis, & videte videndo, & non cognoscetis: fac pingue cor populi hujus, & aures illius aggravata, & oculos claude ne videant oculis suis, & auribus suis audiant, & sanem eos:* Quorum verborum sententia, paraphrastice explicatur à Johanne cap. 12. vers. 39. 40. 41. *Propterea non poterant credere, quia iterum dixit Esaias, Excœcavit oculos eorum, & obduravit corda eorum, ne videant oculis, & intelligant corde, & convertantur, ac sanem eos.* Hæc dixit Esaias quando vidit gloriam ejus, & locutus est de eo. Hactenus Johannes. Nam quamvis cognitæ veritatis contemptus, sit sufficiens causa, cur quis non convertatur, ac servetur; sed à Deo justè puniatur, privatione cognitionis, & traditione in mentem reprobam, seu judicii expertem, & in potestatem Satanæ, 2. Thess. 2. v. 11. & 12. Cognitio tamen privationem illam antecedens, non sufficit, ut quis se convertat ac servetur, sed requiritur præterea regeneratio, seu Spiritus novus, cor novum, & ablatio cordis lapidei. Ezech. 3. & 36. hoc est, sanctificatio mentis, per vivæ fidei; & voluntatis, per sinceræ charitatis

habitu: & adjunctum Spiritus Sanctis auxilium, ut inde possint actu credere in Christum, & Deum ac proximum rectè amare, & interius atque exterius in statutis Dei ambulare; sine qua regeneratione, hoc fieri non potest. *Nisi enim quis renatus fuerit ex Spiritu Sancto, non potest intrare in regnum Dei,* Joh. 3. v. 5. *quisquis autem renatus fuerit, vincit mundum fide,* 1. Johan. 5. vers. 4. *non peccat* (scilicet peccato dominante) *sed servat seipsum & malus ille non tangit ipsum,* quominus scilicet servetur: seu non lædit lethaliter: Quo etiam spectat illustris locus 1. Joh. 3. *qui natus est ex Deo &c.* Quæ sententia adeò clara est, ut eam adversarii partim agnoscere cogantur: partim verò, distinctione quadam elabi conentur. Agnoscunt enim cum ajunt hoc modo: *fatemur requiri cor novum, & ablationem cordis lapidei, ad conversionem: fatemur etiam Israëlitas, de quibus Ezech. loquitur, non habuisse cor novum,* id est, *cor quod conversum sit.* Ex qua adversariorum propositione, & assumptione, conclusio necessario sequitur: Ergo Israëlitis illi, de quibus Ezech. 12. vers. 2. loquitur, non habuerunt à Deo quicquid requirebatur ad conversionem. Elabi verò conantur cum ajunt, *sed ideo universè perperam negatur: eos habuisse conversionis gratiam.* Sed in eo ambiguitate ludunt. Nam si gratiam conversionis intelligant, quæ ad conversionem actualem sufficiat, (ut status controversiæ flagitat) tum negant quod modo falsi sunt: sin verò gratiam, quæ ad conversionem non sufficiat, intelligant, à scopo ineptè aberrant: Illud enim extra controversiam est, conversionis actualis principium esse situm in cognitione veritatis salutaris; idque non solum iis omnibus qui sunt conversi, donatum: sed etiam multis aliis, qui ad conversionem non perducuntur: quosque Deus non convertere omnino decrevit: alioqui quod decrevit, exequeretur: neque enim temerè ac frustra quicquam decrevit. Antequam verò finiamus hujus loci Ezech. 12. tractationem, expendendæ sunt adversariorum distinctiones, quas comminiscuntur, ut effugiant vim argumenti, adversus ipsos ex Ezech. 3. & 36. petiti, ubi de novo corde in conversione salutari agitur. Prima autem distinctio est gratiæ conversionis: deinde altera Spiritus regenerantis: quas cum prolixè & obscurius proponant, clarius ex ipsorum mente exponemus, ac discutiemus. Gratiam enim conversionis statuunt duplicem, unam quidem perfectam, ac plenam, alteram verò inchoatam tantum, ac imperfectam seu non plenam. Perfecta ac plena est, inquit, qua Deus conversionem in homine efficit: illaque rectè dicitur, non esse, nisi ubi ablato corde lapideo, novum in homine, id est, carneum, fecit. Inchoatam verò statuunt, qua Deus hominem non plenè ad fidem, & resipiscenciam convertit: sed illius principium donat, vires scilicet sufficientes ad credendum: quod ut ajunt, ubicunque prædicatur verbum, ibi in cordibus eorum omnium, quibus verbum Dei prædicatur, Deum adesse Spiritu suo, & internè, ejus operatione, sufficientes vires suffundere, ad apprehendendum illud verbum prædicatum, ut se convertant.

Verum hæc distinctio conversionis, & cordis novi, in hac materia vana est: nec enim ex Sacre Scripturæ usu ea deprompta est, de quo usu agitur in locis, quæ adversariis opponuntur, Ezech. 3. & 36. & Jerem. 31. cap. quæ cor novum, quod revera tale est, describunt, quodque lapideum non est: sed cordis lapidei ablationem includit: quo corde novo, in statutis Dei, Deo efficiente, ambulant: quemadmodum antea demonstravimus. Et quod in Novo Testamento nova creatura, 2. Cor. 5. v. 17. & Gal. 6. v. 15. & *novus homo qui secundum Deum,* (id est ad imaginem Dei) *conditus est, in justitia & sanctitate,* Eph. 4. v. 24. Col. 3. vers. 10. & *Spiritus etiam,* Gal. 5. vers. 16. 17. appellatur: ideoque habitualis justitia, & sanctitas notatur, cujus effecta ac fructus sunt internæ, ac externæ bonæ actiones Gal. 5. vers. 22. Cui novo cordi, novæ creaturæ, ac novo homini, ac Spiritui, opponitur *cor lapideum,* Ezech. 3. & 36. *homo vetus, & caro,* hoc est, peccatum originale, seu vitiosæ, atque inhærentes, agnataque qualitates praviæ, quæ à suis actionibus vitiosis distinguuntur, ut Col. 3. v. 9. Galat. 5. v. 19. Neque ullo alio in loco conversio salutaris, & cor novum in Sacris literis; pro sola cognitione veritatis (quæ

fides



fides historica vulgo dici solet) accipitur, neque eam sufficientem esse gratiam, ad fide vivā credendum, Deumque recte colendum, ullibi traditur: sed contra regeneratio ad eam rem (ut antè multis demonstravimus) necessaria est: qua regeneratione, virtutum fidei, & charitatis habitibus donentur, ut habiles atque idonei sint, ad vivas fidei, & charitatis actiones producendas. Ideoque falsum est, quod ajunt, vires sufficientes, quibus credere possint, à Deo dari omnibus iis, quibus Evangelium prædicatur. Quod inde etiam confutatur, quia Scriptura docet, Joh. 12. v. 39 quosdam non potuisse credere, qui tamen à Christo Evangelium audiebant, & miracula ejus videbant. Nam quod ajunt, phrasin illam non posse accipi absolute: sed pro eo, quod est ab animo alienissimum, hoc est, ut alii tradunt, valde difficile: id inde refutatur, quia dicitur ibidem, quod Deus oculos eorum excacarat: eaque causa statuitur, cur non potuerint credere, quod scilicet cum veritate cognita, contra conscientiam, prædicationi Christi adversarentur, seque ita excacarent quodammodo: hinc inquam, Deus justo judicio eos privavit ea cognitione, ac propterea multo minus potuerint credere. Sed aliud effugium jam quærunt, *Non agitur* inquit, *eo loco Johannis 12. de iis, qui primitus vocabantur ad Evangelium audiendum, sed qui jam dudum vocati fuerant, & diu multumque Deo vocanti resisterant, eaque ratione animum ita obfirmaverant, ut de ipsis verè dici potuerit, quod non potuerint credere. Si enim is, cui nova potentia semel data est, abutatur eadem, & malè agendo novum peccandi habitum sibi comparet, & quasi secundo se impotentem reddat: non dicimus ei semper novas rursus vires à Deo dari, ut singulis momentis credere possit quando velit; sed tantum ei, qui spretu Evangelii nondum reus est, antequam pænæ Evangelio denuntiatae mancipetur, vires à Deo sufficientes primum dari asserimus, quibus credere, & sic pœnam denuntiatam evadere possit.* Sed hoc effugium nihil juvat adversarios: primum quia jam ante ostendimus, solam notitiam veritatis non esse sufficientem, ut viva fide credatur; & fructus boni proferantur: quemadmodum Christus docet, Matth. 13. v. 20. ex iis, qui cum gaudio verbum accipiunt, sed radice carentes fructum ferre non potuerunt. imò v. 19. *quidam sunt, qui audiunt sermonem de regno illo (hoc est Evangelium) & non intelligunt, & venit ille malus, & rapit quod satum est in corde ipsius, hoc est, mente.* Ergo non omnibus quibus prædicatur Evangelium primum, intelligentia illius, multò minus sufficientia ad credendum media, donantur. Præterea cum Judæis multis Evangelium primum prædicatum fuerit, cognitio tamen Evangelii, hoc est, veritatis illius notitia, iis non est data, multò minus sufficiens gratia ad credendum. Nam Rom. 10. v. 2. ait Apostolus: *testor de ipsis eos Zelum Dei habere, sed non ex cognitione: nam ignorantes Dei justitiam, & propriam justitiam studentes constituere, justitiæ Dei non fuerunt subjecti.* Quare hinc concludimus, distinctionem illam conversionis, & donationis cordis novi, in perfectam seu plenam, & in inchoatam, non pertinere ad argumentum solvendum ex Ezech. 3. & 36. & Jerem. 31. quo demonstravimus promitti à Deo cordis novi donationem, & lapidei ablationem, ad conversionem salutarem necessariam, quæque conjunctam habeat remissionem peccatorum, & pacem cum Deo, Jer. 31. v. 33. 34. & liberationem ab omnibus impuritatibus, Ezech. 36. vers. 29. ideoque & vivam fidem promitti, sine qua hæc non possunt existere, Rom. 5. v. 1. Heb. 11. v. 6. 1. Tim. 1. v. 5. Jacob. 2. v. 19. 20. Atque hoc etiam modo altera adversariorum distinctio tollitur, quæ verbis diversa, eodem redit, cum ajunt: *Spiritus regenerationis duobus modis dicitur, vel quatenus regenerat, hoc est, ad regenerandum in homine operatur: vel quatenus jam regeneravit, & opus suum, hoc est, regenerationem perfecit, ideoque ejus dicuntur facti particeps, vel ii, qui regenerati sunt: vel ii qui adhuc regenerantur.* Verum quod statuunt Spiritum S. ad regenerandum in iis etiam operari, qui nunquam regenerati sunt, quia Spiritum regenerantem impediunt, falsum est. Nec enim Spiritus Sanctus finem sibi proponit ac decernit quem non assequatur: quia sapiens atque omniscius frustra non agit: & regeneratio, opus ipsius integrum est, non partim ab ipso, partim ab homine proma-

nans: neque regenerare volentem homo impedire potest: quia regenerando aufert cor lapideum, Ezech. 3. & 36.

Atque hæc de hujus loci Ezech. 12. vers. 2. contra adversariorum perversionem vindicatione. Atque ita expendimus eas objectiones, quas vario abusu Scripturæ, ab illius autoritate, ac sententiis depromunt. Superfunt aliæ à rationibus ductæ; quæ etiam ad pleniorum hujus materiæ intelligentiam, & ad fraudes adversariorum retegendas, examinandæ.

Quarum prima hæc est: Actus obedientiæ non potest esse is, qui producitur ea efficacia, qua posita, non potest non existere actus. At actus quem Deus in conversione nostri, in nobis producit, est actus obedientiæ. Ergo ille non producitur ea efficacia, qua posita non potest non existere actus.

Verum ut de majori nihil dicam (quam falsam esse Angelorum, Psal. 103. vers. 21. obedientia evincit) paralogismus est ignorationis elenchi: quia aberrant à scopo: concludunt enim, non ejus, quod statuimus, oppositum (ut in vero Elencho fieri debebat) sed quod controversia caret. Nam quamvis conversionem ad fidem, & charitatem habitualement fieri omnipotente Dei actione, qua ab eo solo in nobis, sine nobis (hoc est, sine actionis nostræ concursu) cor lapideum aufertur, & novum datur (cum Ezechiele cap. 3. & 36. & Apost. Ephes. 1. & 2.) statuamus: actualement tamen fidem & charitatem (hoc est, actionem credendi in Christum, & Deum amandi) non dicimus fieri immediate, omnipotente Dei actione: sed mediatè quatenus homines habitibus fidei, & charitatis, à se, ad credendum & amandum Deum, factos habiles, atque idoneos, verbo suo exterius docendo, & Spiritus efficacia interius confirmando, excitat accommodatè, ad fidei & charitatis actiones producendas. Ac quamvis, Evangelio primum proposito, ad fidei & charitatis actiones excitet, & ex propter carnis reliquias, & tentationes Satanae & mundi possint non existere; Deus tamen ita gubernat sapienter, ac potenter renatos, eosque confirmat, ut fidem & charitatem habitualement exerant, hoc est, ut revera credant in Christum, & Deum diligant. Neque enim ut adversarii nobis affingunt, actiones fidei & charitatis soli Deo adscribimus, quasi ab ipso solo nobis imprimerentur omnipotente illius actione: sed, quemadmodum habituum fidei, & charitatis, Deum solam esse causam: homines verò tantum subjectum statuimus: sic contra actionum fidei & charitatis duas causas agnoscimus, subordinatè, ut supra ostendimus: primam quidem ac remotam Deum, partim quatenus habitus illos nobis indidit regeneratione, quibus habiles atque apti sumus, ad actiones fidei & charitatis edendas: partim quatenus verbo suo, & Spiritu nos adjuvat, ac confirmat: secundam verò ac proximam causam, esse hominem reatum: non enim Deus credit in nobis, sed nos credimus virtute Dei, qui & vires ad illud dedit regeneratione, & verbi & Spiritus sui auxilio. Credere enim actio est immediata credentis hominis. Cæterum hic observandum est: quod illam actionem fidei quam in prima conversione Deus intendit, ac destinat efficere, certò etiam efficiat; verum, si quando postea officii nostri (nempe auditionis, & meditationis verbi, usus sacramentorum & invocationis Dei &c.) negligentia peccemus; non semper proposito Evangelio sequitur fides actualis; sed interdum Deo, Spiritus auxilium ad tempus ab ingratis subducente, & carnis, Satanae & mundi tentationibus habenas laxante, fidei actiones impediuntur: & dubitationes fidei adversæ oriuntur. Veruntamen Deus pro fidei sua clementique fœderis novi promissione, nobis ad tempus ita castigatis, succurrit, ne succumbamus, & tentationes temperat, ac Spiritus auxilio confirmatos, victores reddit, cujus rei exemplum in Davide Psalm. 51. & clara assertio divina est, 1. Cor. 10. 13. *Tentatio vos non cepit nisi humana, fidelis est autem Deus &c.* Deinde & illud non est prætereundum, quod ut propositio Syllogismi objecti ad rem propositam non facit; eamque falsam esse, exemplo obedientiæ angelorum ostendimus: falsa est etiam illius ratio, quam ei firmandæ adjungunt, cum dicunt: *quod actus obedientiæ sit actus voluntatis liberæ ab ipsa (quatenus principium electionis est) elicitus.* Nec enim, quod falso hic statuunt, omnis obedientiæ actus ad voluntatem perti-

pertinet: sed quidam ad intellectum, idque inde liquet, quia virtutes harum facultatum sunt distinctæ, ideoque propriæ utrimque sunt actiones, obedientiæ divinitus imperatæ: ut enim vivæ fidei habitus, virtus est mentis: sic obedientia fidei, quæ actu credimus, est mentis actio. Nec enim in voluntate est, ut in subjecto: neque à voluntate, ut causa efficiente: sed in mente, ut subjecto suo, & à fide habituali illius promanans; ut supra ostendimus. Quam fidei obedientiam actualem, ut mentis conscientia rectam iudicat; sic consequens voluntas (charitatis habitu donata ac renovata) eandem, ut bonum debitumque Deo officium amat, eaque delectatur, ut enim mens regenerita credit; sic voluntas quatenus regenerita, actioni fid ei non adversatur, ul lo odio: sed eam diligit, & carnis cupiditates Spiritui repugnantes, Galat. 5. vers. 16. Dei ope accedente reprimunt, ac superat; quia non caro, sed Spiritus in renatis (hoc est, vivâ fide & charitate habituali præditis) dominatur, Rom. 6. vers. 4. 5. 6. 14. & 1. Ioh. 3. vers. 9. & 5. vers. 18. Quare à vero aliena est adversariorum sententia, quæ ajunt, Quod voluntas, actus fidei causa proxima, immediata, & physica sit. Hanc autem intelligunt quæ Ethicæ opponi solet, quæ mediata, & suasionibus constat. Nec enim voluntas vi naturali insita, sed regenerita, ut voluntas, immediatè credit. Regenerita autem voluntas, non est causa efficiens actus fidei: sed causa amans illum actum fidei, & ad verbum fidei porro audiendum movens. Deinde multo magis à vero recedit, quod dicunt, actum obedientiæ fidei, à voluntatis libera electione oriri: quasi in potestate illius sit, viribus jam ad credendum sufficientibus à Deo acceptis, credere vel non credere; cum credere sit mentis actio; voluntatis autem velle: non credere. Atque hæc ad primæ objectionis à ratione petitæ confutationem suffectura speramus: quibus illustrandis ac firmandis etiam responsiones nostræ ad superiora argumenta inservient. Sequuntur nunc duo reliqua argumenta, à duobus enormibus (ut gloriantur) absurdis: quæ ex sententia nostrarum Ecclesiarum, ut obijciunt, consequantur, deprompta.

Primum est, quod ex ea sequeretur, quod non alii converti possint, quam qui actu & reipsa convertuntur, ubi observandum, conversionem hic debere accipi, non de notitia Evangelii, & poenitentia quadam, atque externa disciplina, ad quam pertingere potuissent non pauci, etsi ea caruerint; sed de conversione ab incredulitate, & peccati dominio, ad vivam fidem, atque salutarem resipiscientiam: de hac enim re inter nos controversia est. Negamus autem illud esse absurdum, quod non alii quam qui ita convertuntur (hoc est, viva fide, & salutari resipiscencia Evangelio obediunt,) converti possint. Nam, quod obijciunt, hoc absurdum esse ex eo colligi, quia alioqui omnes illi, qui non convertuntur, frustra, id est, nullo fine vocarentur ad salutem. Nec enim finis esse potest, ut salventur, quia aliàs eandem circa illos efficacitatem Deus adhiberet, quam circa electos. Qui enim vult finem, vult media ad finem certò ducentia. Respondemus primum; quotquot vocantur ad salutem, non proximè, nec absolute: sed primum ad fidem & resipiscientiam, eaque conditione, ad salutem vocantur. Marc. 16. vers. 15. 16. Rom. 10. v. 8. 9. 10. Ideoque non propterea necesse est, ut vires credendi reprobis non minus, quam electis Deus tribuat. Finis enim Dei vocantis electos (quos solus Deus novit, non autem ministri Evangelii) destinatus est, ut eos servet: quam ad rem prædicationi Evangelii addit operationem Spiritus Sancti, quæ virtutem fidei donat, & ut in Christum credant actu efficit. Eaque gratia ab electione ad vitam fluens, iis est propria: non autem reprobis communis. Johan. 6. vers. 37. 44. 65. Actor. 13. vers. 48. Rom. 8. v. 29. & 30. Neque propterea tamen reproborum à Deo vocatio, frustra est, hoc est, nulla utilitate, nulloque fine instituta: quia utilis est diversis modis. Nam inter eos qui vocati sunt, & ad cognitionem Evangelii adducuntur, quidam minus mali sunt: qui ea vocatione, ab idololatria ac scelerum licentia, ad externam Ecclesiæ societatem & vitæ honestatem, ac probitatem se componunt: eoque modo, secundum quid, ac pro viribus Evangelio obediunt: unde

fit, ut quamvis illis non sit datum, ut viva fide credant, tamen imminutis sceleribus, poenæ gradus post hanc vitam minores sint futuri in inferno, Matth. 11. 22. & 24. In iis verò qui malitiosi sunt, ut cognita Evangelii veritate, eam nihilominus oderint, aut contemnant & in peccatis suis pertinaciter procedant, utilis tamen est vocatio illorum: partim ut amplius retegatur eorum contumacia ac malitia; partim ut Dei gloria illustretur. Primum quidem benignitatis; quod eos Evangelio vocavit, & veritatis illius notitia donavit: quæ adjuti, potuissent minus peccare, ac secundum quid Evangelio obedire: nempe poenitentia scelerum, ex consideratione scelerum illorum, & iusti iudicii Dei: deinde auditione verbi, & vitæ honestate. Deinde *ma-*  
*ximè* *propterea*, hoc est, lenitatis Dei gloria; in illorum, contra conscientiam, malitia ac contumacia, adversus Evangelium, diu in hac vita perferenda. Denique utilis est hæc vocatio, ut gloria iustitiæ Dei, ob contumaciam eorum, in iis puniendis exercendæ, clarius pateat. Quæ de re sequentia Scripturæ dicta testantur, Ioh. 9. vers. 39. *Ego ad iudicium veni in hunc mundum, ut non videntes videant, & videntes cæci fiant* & cap. 3. vers. 19. & 20. *Hoc est iudicium mundi, quod lux venit in mundum, & dilexerunt homines magis tenebras, quam lucem: erant enim opera eorum mala. qui enim mala operatur, odit lucem, nec venit ad lucem: ne redarguantur opera ipsius*. Sic cap. 7. v. 7. *Me odit mundus, quia testor ejus opera esse mala*, & 15. vers. 22. *si non venissem, & non locutus essem eis, peccata non haberent*, (scilicet non absolute, sed comparatè, hoc est, tam magna) *nunc verò non habent quod prætexant peccato suo*, & vers. 24. *Si opera non fecissem inter eos, quæ nemo alius fecit; peccatum non haberent: nunc autem & viderunt & oderunt, tum me, tum patrem meum*, Rom. 2. vers. 4. 5. *An copiam benignitatis, & tolerantie ac lenitatis Dei contemnis, ignoras benignitatem Dei ad poenitentiam te duci? sed pro duritia & corde poenitere nescio. thesaurizas tibi ipsi iram, in diem iræ & patefactionis iusti iudicii Dei*. Atque hæc de utilitate vocationis, cum minus malorum; tum malitiosorum, ac contumacium eorum, quibus per Evangelium, & virtutem Spiritus datur notitia veritatis Evangelii. Eorum verò vocatio, qui Evangelii prædicatione ad notitiam veritatis illius non adducuntur, non est etiam frustra: quia utilis est partim ut communis hominum vitiositas eo magis pateat: cum eam, scilicet suo vitio, in Adamo amissa Dei imagine, acquisiverint: partim ut propria ipsorum ac voluntaria inobedientia convincatur, ad maiorem Dei in iis puniendis, iustitiæ declarationem: quod videlicet Evangelio vocati, illud attentè audire: aut eo audito, sacras literas examinare (ut debebant Ioh. 5. vers. 39.) recusarunt, Rom. 2. vers. 3. aut ad poenitentiam scelerum, doctrina Evangelii de iustitia & iudicio extremo stimulati, eam sine metu ullo contemserunt, ut Actor. 17. vers. 31. & 32: aut metu brevi inde affecti, in sceleribus suis nihilominus perstiterunt, Actor. 24. vers. 24. 25. & 26. Quare in nullis Evangelio vocatis, & tamen viva fide destitutis (etiam si in ea vocatione vires sufficientes ad credendum non acceperint) vocatio divina frustra instituta dici potest. Nam in omnibus vocatis (sive fide historica, ut vocant, hoc est simplici veritatis Evangelii cognitione donentur: sive ea non donentur) suam tamen habet utilitatem partim communem, partim propriam. Nam (ut claritatis causa, ac memoriæ facilioris, summatim pluribus arte explicata, nunc concludam) primum in iis qui cognitione Evangelii præditi sunt, si malitiosè contumaces sint, & Evangelio adversentur; interna eorum malitia amplius innotescit: in iis verò qui sunt minus mali, nec contumaces, sed dociles se præbent, & peccatorum Evangelii doctrinâ convicti ad poenitentiam, & vitæ honestatem, externumque Dei cultum pro virili adducuntur, imminutis hoc modo peccatis, ac vitiorum cursu pristino, minus ac mitius, quam reliqui, nempe contumaces, ob fidei defectum puniuntur. In iis verò; qui cognitione ea Evangelii non donantur: vocatio tamen utilis est, ut eorum voluntaria ac libera partim negligentia Evangelii, partim improbitas adversus illud, ut paulò ante ostendimus, plenius pateat, ad maiorem, iustitiæ Dei ipsos punientis, decla-

declarationem. Communis verò vocationis eorum omnium, sine vivæ fidei donatione, utilitas duplex est: una quod ea ratione gratia Dei vocantis electis specialis (quod scilicet non solum cognitione Evangelii; sed vivâ etiam fide, per regenerationem Spiritus Sancti donentur) comparatè cum reproborum vocatione, amplius declaratur, ad maiorem in illis gratitudinem excitandam, ut Matt. 11. v. 25. 26. 27. & cap. 13. v. 11. & Joh. 6. v. 43. 44. & 65. & cap. 10. v. 26. & 27. Rom. 9. v. 22. & 23. Philip. 1. v. 28. 29. unde *fides non omnium*. 2. Thess. 2. v. 2. quod non omnibus detur, sed *electorum* dicitur, Tit. 1. v. 1. *quia quos prædestinavit, eos etiam vocavit*, Rom. 8. v. 30. hoc est vocatione efficaci, quæ efficit id, ad quod vocat, nempe fidem vivam, 2. Thess. 2. v. 13. & 14. quæ *vocatio secundum propositum*, (nempe salutis conferendæ) vocatur ibidem Rom. 8. v. 28.

Altera utilitas est, quod eo modo insita hominibus vitiositas, qua ad vivâ fide credendum sunt inepti, ipsorum imprimis conscientiis patefiat, & partim etiam aliis, qui ex certis effectis eos in incredulitate morientes, non rarò experiuntur. Nam quamvis illud (ut adversarii objiciunt) ex universali Scripturæ de reprobis sententia non cognoscatur: particulari tamen experientia, reprobi in seipsis, & alii in nonnullis eorum, ordinariè cognoscunt. Nam extraordinariè de nonnullis particularibus reprobis, illud in Sacris literis declaratum constat. Atque ita apparet, universalem illam de reproborum incredulitate, in Sacris literis sententiam, particularem ejusdem experientiam minimè tollere: sed ab ea (utpote subordinata) amplius illustrati. Verùm adversus ea, quæ de credendi in Christum potentia, in Adamo amissa, ante diximus, objiciunt adversarii: Adamum eam non habuisse potentiam, neque habere potuisse; ideoque à posteris in ipso amissam dici non posse, id quod hac ratione apertè demonstrari contendunt: Qui nulla habebat peccata, ille non habebat potentiam verè credendi remissionem peccatorum per Christum: quia aliàs habuisset à Deo potentiam credendi mendacio: quia ubi verè creditur remissio peccatorum, ibi verè fuerunt peccata. Atqui Adamus in statu integritatis nulla habebat peccata. Ergo Adamus in statu integritatis non habebat à Deo potentiam verè credendi remissionem peccatorum per Christum. Sed negatur hoc loco propositio, & ratio illius. Nam quamvis Adamus in statu integritatis non haberet potentiam verè credendi remissionem peccatorum præsentium, quia iis carebat; de qua re agunt adversarii; potentiam tamen habebat, qua idoneus erat, ut crederet remissionem futurorum peccatorum. Etsi autem actu id tum non crederet: inde tamen non sequitur credendi impotentia: sed objecti, ad potentiam illius actionem necessarij, hoc est, revelationis Evangelii absentia. Nam si (ut supra ostendimus) Deo placuisset, Adamo futurum lapsum illius, & consequentem gratiam redemptionis per Christum revelare, potuisset actu credere. Quia cæcitas mentis, quæ causa incredulitatis, aberat, & imagine Dei præditus, poterat omni Dei verbo ipsi revelato, ac credendo, & per consequens etiam Evangelio (si ei fuisset à Deo revelatum) credere. Atque ita in hac credendi actione, non mendacio, sed veritati credidisset. Quare corrui adversariorum objectio. Verùm ad aliud effugium se convertunt: primum enim excipiunt. *Esto tamen, statuatur hominem quemlibet, etiam potentiam in Christum credendi habuisse, & amisisse, nondum sequitur inexcusabilem eum reddi, cum non facit id, quod sine potentia illa fieri nequit: quia ad impossibile nemo obligatur*. Reponso est, & propositionem, & rationem illius esse falsam. Nam verum quidem est, ad aliquod impossibile nempe ad illud quod alicui impossibile est per se, sine sua culpa, eum non obligari; Sed ad id quod non per se, sed per accidens amissionis potentia, sua culpa, alicui impossibile est factum, rectè obligari potest; idque apud Deum obtinere, Scriptura demonstrat. Nam certissimum est, observationem perfectam legis esse impossibilem homini post lapsum, & per lapsum, propter carnem, Rom. 8. v. 3. seu innatam peccati originalis vitiositatem: *quia ut non percipit homo animalis ea, quæ sunt Spiritus Dei*. 1. Cor. 2. sic et-

iam *intelligentia carnis inimicitia est adversus Deum; legi enim Dei non subjicitur: Nam ne potest quidem*, ut Rom. 8. expressè docetur: & tamen ad perfectam illius legis observationem omnes homines nihilominus sunt obligati: quia eam Deus Decalogi lege perpetuâ, & expositione illius repetita sæpius, præcepit, & transgressionis illius, omnes arguit, Rom. 3. vers. 20. *ut omne os obturetur, & totus mundus obnoxius fiat judicio Dei*: idque secundum sententiam legis, qua transgressionis illius condemnationem denuntiat, Deut. 27. v. 26. Quare universaliter verum non esse, quod objectant, ad impossibile nemo obligatur, clarissimè apparet. Idque etiam ratione Evangelii, ita probatur. Si Judæi illi (de quibus Johan. 12. agitur) non potuerunt credere, & quidem ea etiam ratione, quia excæcavit Deus oculos eorum, & tamen obligati fuerunt ad credendum, & puniti etiam ob incredulitatem; Ergo falsum est neminem ad impossibile obligari. Atqui verum esse prius, traditur à Johanne cap. 12. de credendi quidem impotentia (non prima, sed aucta, ob cæcitatem immisissam), seu privationem notitiæ Evangelii datæ, qua erant abusi v. 39. & 40. obligationem verò ad credendum ostendit mandatum illius vers. 36. & transgressionis mandati seu incredulitatis accusatio vers. 37. ubi etiam observandum est ex Esai. 53. vers. 1. in eodem loco Johannis causam etiam reddi, cur multi non credant, quod scilicet *Brachium Dei* (hoc est per Metaph. potentia Dei ad salutem, hoc est, potens instrumentum, Rom. 1. v. 16.) *iis non sit revelatum*, cum illud speciale sit, non universale ac commune, Dei Evangelio vocantis, beneficium, ut Matth. 16. vers. 17. Petro Apostolo à Patre fuit revelatum Jesum esse Christum ac Dei filium; cum tamen plerique Evangelio vocati, utrumque & Jesum esse Christum, & filium Dei ignorarent; ut ibidem vers. 14. & 15. apparet. Quocirca falsum est, quod adversarii universaliter objiciunt, ad impossibile neminem obligari. Neque juvat illa restrictio, *quod ex pæna antecedente positiva, impossibile est*: ut de obedientia legis & Evangelii naturali, post lapsum modò demonstravimus. Quo etiam spectat illud Christi Joh. 6. vers. 44. 45. *Nemo potest venire ad me, nisi pater, qui misit me, traxerit eum. Scriptum est enim in Prophetis; Et erunt omnes docti à Deo: omnis igitur qui audivit à patre, & didicit, venit ad me*: atqui non omnes, quibus Evangelium primum prædicatur, veniunt ad Christum, hoc est, credunt in Christum: Ergo non omnes illi, quibus Evangelium primum prædicatur, trahuntur à patre. Ideoque neque venire possunt ad Christum, & vers. 60. ait Christus Capernaïtis, aliisque auditoribus: *Sunt quidam ex vobis, qui non credunt*, & vers. 65. *propterea dixi vobis, nemo potest venire ad me, nisi ei datum fuerit à patre meo*: ideoque impossibile ipsis fuit, credere, quod necessaria ad fidem tractione, & virtutis fidei donatione, carerent; & tamen ad fidem fuerunt obligati; quia Christus illis fidem mandavit vers. 29. *Hoc est inquit opus Dei* (quod scilicet præcipit) *ut credatis in illum, quem ille misit*: & tamen nōrat Christus (cum fidem mandarat) ab initio, eos nec credituros, nec posse credere vers. 64. & 65. Non posse autem credere, quod primi lapsus vitio, ac culpa impotentes essent, & potentia nova, à Deo iis non esset data. Neque temerè tamen mandat: ut ex diversis causis vocationis reproborum, in antecedentibus ostendimus.

Hiscæ jam confutatis, opportunum omninò videtur, ut adversariorum ulcera ac blasphemias retegantur, & paucis gloriam Dei & veritatem Evangelii vindicemus. Sic autem argumento ab impossibili proposito (quod modo refutavimus) subjiciunt: *Et certe, inquit: num justè Deus hominem in æternam condemnationem abjicere possit, qui primò reus constitutus est peccati, quod in propria persona non commisit, sed quod ipsius est, per solam imputationem divinam: deinde qui propter hoc peccatum sic imputatum, à Deo punitur impotentia omni credendi in Christum, & per consequens mortem evadendi. Tertiò cui mandatur fides, quam propter infirmitatem impotentiam exercere non potest: quamque exercendo, falsum crederet: & quam nō exerceat, graviorei condemnationi addicendus sit. Quarto cui mandatum illud fidei servit ex prima Dei intentione, ut per hoc non credat, sed induretur. Quinto qui per blasphemiam*

*ipsum processum, & administrationem divinam, non credit: Theologorum (Scripturas rectè examinantium) conscientias judicandum relinquitur. Nobis non tantum excusabilis huiusmodi homo; sed is, qui cum homine ita agit, tyrannus severissimo Phalaride immansior, & truculentior futurus esse videbitur. Anima nostra non sit in cœtu talium.*

Haftenus adversariorum argumentorum congeries, & in conclusione animi ulcera, ac venenum. Quare argumenta objecta ordine breviter percurramus: quia jam antea in variorum argumentorum solutione copiosius egimus. Primum autem quod statuunt, Deum justè hominem in æternam condemnationem abjicere non posse, qui primò reus constitutus per solam imputationem divinam: in eo si suam proponant sententiam, falsa est: si nostram, calumnia. Nec enim qui damnantur, per solam imputationem divinam rei constituuntur: sed sua culpa, quia in Adamo, ut in principio, ac radice generis humani fuerunt, & in eo peccarunt: ut Scriptura testatur, Rom. 5. v. 12. Deinde, quod secundo loco dicunt, qui propter hoc peccatum sic imputatum, à Deo punitur impotentiâ omni credendi in Christum, & per consequens mortem evadendi: illud inquam justitiam condemnationis divinæ non confutat. Nam causa promerens hanc impotentiam, non est divina imputatio peccati: sed liberum hominis peccatum, quod justa imputatio illius, & poena consequitur: ut jam suprà multis ostendimus. Quod præterea tertio loco subjiciunt, ut injustum, quod mandatur fides, quam propter inflictam impotentiam exercere non potest; & quam ni exerceat, graviorei condemnationi addendus sit: Respondetur, non injustum esse, ut Deus fidei obsequium ob homine exigat, qui sua voluntaria culpa ejus præstandi impotentiam sibi acquisivit: quem admodum superioribus ex lege, & Evangelio, fusius demonstravimus. Quod verò in hac tertia injustitiæ objectæ specie, interferunt adversarii, *quamque* (scil. fidem) *exercendo falso crederet*, illud negamus. Veruntamen, ut res sit clarior, paulò plenius illustranda est. Sic enim probare solent: Quibus Christus sua morte peccatorum remissionem non acquisivit, illi non possunt sine mendacio credere Christum sua morte ipsis eam remissionem acquisivisse. Atqui reprobis &c. Ergo &c. Propositione clara est: quia quod falsum est, sine mendacio credi non potest esse verum; quia crederetur ac judicaretur aliter, quam res ipsa est. Assumptionem probant ex hypothesei nostrarum Ecclesiarum & communi sententia, quæ etiam Synodo Nationali definita; qua statuitur, Christum mortuum esse quidem pro omnibus & singulis hominibus electis: non autem pro reprobis; unde conclusionem, ut invitam à nobis concedendam statuunt. Similiter hoc modo ratiocinantur: Quibus peccata propter Christum non sunt remissa: illi non possunt sine mendacio credere in Christum. At reprobis non sunt propter Christum peccata remissa. Ergo, &c. Propositionem inde probant quia credere in Christum nihil aliud est, quam certò statuere ac fidere, sua peccata propter Christum sibi esse remissa; quod videl. fiducia remissionis peccatorum per Christum obtentæ, sit forma fidei, sine qua fides non est, & per quam propriè fides est. Assumptio autem ex hypothesei nostra & communi Ecclesiarum nostrarum sententia, uti volunt, probatur: unde firmam conclusionem esse contendunt. Sed ad primum syllogismum respondemus, in eo esse fallaciam ignorationis elenchi. Nam probatur non illud, quod à nobis negatum; sed id, quod asserimus: ut enim à nostris Ecclesiis statuitur, Christum tantum mortuum pro electis, in Christum viva fide credituris, non autem pro reprobis: sic etiam reprobis non esse credendum, Christum pro ipsis mortuum. Nemo enim ad credendum falsum obligatur: neque Scriptura falsum credendum præcipere potest: quia sancta ac vera est. Sed obijciunt nonnulli: fides in Christum, quæ Evangelio ad salutem præcipitur, à Paulo definitur eodem objecto, Gal. 2. *Vrvo per fidem filii Dei, qui &c.* Verum negamus, eo in loco fidem definiri: sed fidei vivæ objectum consequens denotari agnoscimus. Describit enim suam fidem, quam jam habebat: quæ enim fidei vivæ probè sibi conscius est, ille inde merito colligit, Christum pro se mor-

tuum. Nam notitia ac fiducia dilectionis, ac mortis Christi pro nobis, fidem non antecedit: sed ejus sensum consequitur tanquam fructus. Ideoque Paulus ut electionis suæ, & vivæ fidei sibi fuit conscius: sic ex eadem verè hoc statuit, Christum pro se mortuum: non autem docet hoc commune esse omnibus, quibus Euangelium prædicatur.

Ad alterum verò Syllog. quod attinet, negatur propositio illius, & ratio quam ei firmandæ adducunt. Nec enim verum est, credere in Christum, nihil aliud esse, quam certò statuere, sua peccata propter Christum esse remissa. Nam quod ajunt, fiduciam peccatorum propter Christum remissionem, esse fidei formam: id Sacris literis doceri, non agnoscimus; sed contrà, eam consequentem esse fructum, idque res ipsa demonstrat. Nam si remissio peccatorum est effectum fidem in Christum consequens: Ergò fiducia remissionem peccatorum, (quæ antecedentem remissionem eorum, ut objectum suum præsupponit) multò magis sequitur: At verum est illud ex Rom. 3. vers. 22. 25. cap. 15. vers. 1. Ergo fiducia remissionis peccatorum multò magis fidem consequitur: ideoque causa ac forma fidem constituens rectè dici non potest. Idque hoc etiam modo constat: Quod reprobis non minus quam electis mandatur, illud non est propriè fiducia peccatorum sibi remissionem per Christum: at credere in Christum, non minus reprobis quam electis mandatur: Ergo. Propositio clara est: quia reprobis peccata nunquam remittuntur: propterea non possunt etiam verè credere, ea sibi esse remissa: Deinde cum Christus non sit mortuus, ut pro reprobis peccatorum remissionem acquireret: illis nunquam sunt remissa peccata: quia non est in alio salus, neque aliunde peccatorum remissio, quam merito mortis illius obtineri potest: ac propterea cum reprobis propter Christi mortem peccata nunquam remittantur: nunquam verè possunt id credere, eique remissioni fidere.

Atqui credere in Christum jubentur ex officio: non igitur credere in Christum, propriè loquendo est fiducia remissionis peccatorum. Neque tamen cum jubentur credere in Christum, falsum jubentur credere, sed verum. Fides enim quæ ad remissionem peccatorum obtinendam præcipitur, est agnitio veritatis Evangelii de Jesu Christo filio Dei Ioh. 20. v. 31. omnium vivæ fidei credentium servatore, Ioh. 3. v. 16. charitatis effectiva, Gal. 5. v. 6. quæ fides *vivæ* (mortuæ opposita, Jac. 2. vers. 20. & 26.) rectè appellatur. Ex cuius fidei vivæ sensu ac conscientia, oritur certa remissionis peccatorum notitia, in mente, & ex ea fiducia illius, in corde: quatenus cor pro voluntate accipitur. Euangelium enim passim, uti notum est, propositionem universalem hanc suggerit: quicumque fide per charitatem effectiva præditus est, ille habet remissionem peccatorum. Conscientia autem credentis assumptionem singularem subjicit: Ego fide per charitatem effectiva, sum præditus. Unde certam conclusionem colligit; Ergo ego habeo remissionem peccatorum, unde voluntas regenerata fiduciam concipit. Atque hinc fidei effectum ea statuitur, Eph. 2. vers. 12. *In quo habemus libertatem, & aditum cum fiducia, per fidem ipsius*, scilicet Christi, ut objecti, hoc est, per fidem in Christum. & 2. Corinth. 4. v. 13. 14. *& quia habemus eundem Spiritum fidei, secundum illud, quod scriptum est: Credi di, & ideo locutus sum, nos quoque credimus, quomobrem etiam loquimur, scientes fore, ut qui excitavit Dominum Jesum, nos quoque per Jesum excitet, & sistat vobiscum.* Sic Christus Matth. 9. vers. 2. credenti in ipsum paralytico, dicit, *Confide* (βασις) *filii, remittuntur tibi peccata.* Quare hisce jam expostitis, satis liquet, vanum esse, quod in tertio objectionum membro, adversarii exprobrabant, quod reprobi credendo in Christum (ex nostrarum Ecclesiarum hypothesei) falsum crederent. Nam credere remissa sibi peccata, ut ostendimus, ad essentiam fidei constituendam non pertinet: sed effectum illius est consequens: unde in voluntate fiducia promanat. Quod autem quartò obijciunt, mandatum illud fidei reprobis inservire, ex prima Dei intentione, ut per hoc non credant, sed indurentur: illud negamus. Nam jam antè ostendimus, quosdam, qui non sunt contumaces, & rebelles, sed æquiores, hoc mandato, ope



Spiritus Sancti accedente, adduci ad fidem generalem, simplicis notitiæ veritatis Evangelii: quam historicam vulgo vocant: quæ inservit iis, non ut indurentur: sed ut quodammodo emolliantur: & ad poenitentiam scelerum pristinorum adducantur: & peccata eorum atque poenæ immineant. Ad contumaces verò quod attinet, injustum non est, si Evangelium iis proponatur; ut detecta illorum impietate, & in conscientia sua amplius de ea convicti, suo merito, iustoque Dei iudicio, ea occasione indurentur. Quemadmodum Pharaon Dei mandato sancto, rectaque gubernatione, suo vitio, iustoque Dei vindicis proposito induratus demonstratur, Exod. 7. v. 3. & 9. v. 16. & Rom. 9. v. 17. & 18. Quod denique quinto loco subiiciunt adversarii: eum qui per hunc ipsum processum, & administrationem divinam non credit, iustè puniri non posse: in eo nihil adferunt novi à superioribus quatuor objectis: & hypothefibus falsis nituntur ante confutatis. Nam primum Deus tali simpliciter processu non utitur: quia falsum credere non præcipit: ut tertio membro objecerunt: neque per reliquum processum (quatenus eum exposuimus secundum Scripturas) Deus causa est, cur non crediderint: sed ipsimet suo vitio, aut simplici, quod scilicet in Adamo peccantes, credendi potentia sese privarint; aut duplici, scilicet quod ad id accesserit contumacia voluntaria: ut suprà pluribus probavimus.

Atque ita satis confutatam hanc adversariorum farraginem objectionum arbitramur.

Veruntamen quia adversus ea, quæ de forma fidei objecta ab adversariis diximus, eam non esse propriè fiduciam obtentæ remissionis peccatorum: Scrupulus aliquis ab attentis nonnullis auditoribus est motus, non quidem ratione argumenti, quo usi sumus: sed ratione diversæ formæ fidei à nobis propositæ; idcirco, ut eum plenius eximam, utile fore omnino, ac necessarium existimo, ut rem ipsam penitus, sed succinctè tamen, expendamus. Nobis enim hac in re, sola veritatis illustratio, & adversariorum refutatio, cum timore Dei spectanda. Scrupuli moti sententia hæc est: Si effectivum esse charitatis, sit forma fidei, nullus in ea erit Christi respectus: id quod à natura fidei in Christum alienum. Sed negatur Consequentia: quia Charitas, cujus fides effectiva dicitur, non solum fertur in Deum creatorem: Sed etiam redemptorem, per Christum. Sed rursus excipi potest: Si effectivum esse charitatis, sit fidei forma, tum illud justificationis erit causa: Atqui citra controversiam justificationis non est causa: Ergo nec fidei forma. Propositionis ratio hæc est: quia operatio rei à formæ illius vi promanat: ideoque etiam justificatio fidei, à forma fidei promanat. Verum negatur propositionis consequentia, & ratio illius: quod videlicet eam non demonstret: quia particularis est, non autem universalis: seu de quibusdam, non de omnibus operationibus vera. Nam operatio est vel naturalis, vel supernaturalis: operatio naturalis à vi formæ suæ oritur: non autem omnis supernaturalis: qualis ea etiam est, quæ à sua causa procedit, non per se, vi interna: sed per accidens, vi externa. Quemadmodum miracula edere, opus est supernaturale, quod modò per se, modò per accidens efficitur. Nam ut Christus ratione divinitatis suæ operantis, miracula fecit per se, vi interna, Luc. 6. vers. 19. & Joh. 5. vers. 17. 19. Sic contra, cum Apostoli miracula ediderunt, non vi sua, ac potentia formæ suæ, ea effecerunt, Actor. 3. vers. 12. sed accedente potentia Christi qui ad fidem Apostolorum, & nominis Christi (secundum promissum Marc. 16. vers. 17. 18. 19.) invocationem, ea propriè effecit, Marc. 16. vers. 20. & Actor. 3. vers. 16. sic etiam justificatio est effectum fidei, tanquam instrumenti supernaturalis, & per accidens: quia non per se, interna illius vi justificamur: sed per accidens promissionis divinæ gratuito credenti factæ, Marc. 16. v. 16. Adeò ut propriè Deus causa efficiens; fides verò causa impetrans dici queat: quod videlicet ea justificatio, non à fidei dignitate aut efficacia propria: sed à mera gratuita Dei promissione, & efficacia oriatur. Sed esto, dicat aliquis; sit justificatio fidei operantis effectum, tantum per accidens: saltem erit etiam effe-

ctum tale fidei, quatenus ea effectiva est Charitatis: aut tantum quatenus est agnitio Jesu Christi, filii Dei, Servatoris fidelium. Atqui justificatio non est effectum fidei tantum, quatenus est talis Christi agnitio. Ergo justificatio etiam effectum fidei est, quatenus est effectiva Charitatis: Si negetur assumptio (ut verè negatur) tum ea videtur hoc modo probari: quia aliàs sequeretur reprobos, etiam fide sua, quæ huic similis est, justificari. Negatur Consequentia: Quamvis enim etiam talis fides agnitionis Jesu Christi in quosdam reprobos cadat: ac generali hac forma fidei, cum electis conveniat: Speciali tamen differt: nempe quia fides eorum non est effectiva charitatis Gal. 5. v. 6. Ideoque species illa fidei non est, quæ justificat, Jacob. 2. vers. 14. & 17. Sola enim illa agnitio Jesu Christi justificat, quæ est effectiva charitatis: Etsi forma generali sua, non autem speciali justificet. Forma enim specialis ratione justificationis, est tantum conditio, in fide justificante requisita; non autem justificationis efficiens, & ut clarissimè dicam, agnitio illa Christi filii Dei Servatoris fidelium sola justificat: etsi ea non sit sola, & à forma sua separata: sed habet vim effectivam charitatis connexam, quæ vis non est *causa*, seu causa cooperans ad justificationem, sed res necessaria, ad vivam fidem justificantem constituendam. Fidei enim justificatio, ut ante ostendimus, non oritur ex vi formæ fidei specialis, aut generalis: sed ex Dei libera ac gratuita promissione, vivæ fidei facta: & quidem, quatenus viva fides credit Jesum esse Christum, Filium Dei, servatorem viva fide prædicatorum, Joh. 20. vers. 31. & Act. 8. vers. 37. Rom. 10. vers. 9. & 10. Neque necesse est, ut quicquid justificationem antecedit necessario, propterea causa sit illius: alioqui poenitentia fidem necessariò antecedens, & justificationem, etiam causa justificationis esset, non minus quam fides: sic etiam vis effectiva charitatis, ad fidem justificantem constituendam necessaria est; etsi fides non eatenus justificet; sed quatenus est agnitio Christi, servatoris fidelium, ut antea explicavimus. Atque ita hanc de fidei forma sententiam, difficultatum solutione, clariorem redditam speramus. Ut autem ad reliqua adversariorum argumenta procedamus: quia iis responderi à nostris solet, proposito mandato fidei in Christum reprobos reddi inexcusabiles, quod Evangelium sibi non esse prædicatum, aut sese innocentes esse obtendere nequeant: idcirco nova quædam, uti vocant, argumenta opponunt: quæ ad plenioris veritatis defensionem, & errorum confutationem (ne quis hæreat scrupulus) etiam sunt expendenda.

Sed altero inquit argumento probamus, Deum non posse reprobis (quos vocant) offerre gratiam suam, & salutem eum in finem, ut inexcusabiles eos reddat: quia si eum in finem Deus offerat gratiam alicui, quem gratiæ participem facere non vult, ut omnis ipsi excusatio eximatur: jam non est, respectu illius vocati, verbum prædicatum sermo gratiæ & vitæ, ex propria, & primæ Dei intentione: sed est sermo mortis & condemnationis. Hæc illi. Sed respondemus, primum, adversarios, & in præmissa conclusione, & in argumenti antecedentis propositione, ei probandæ subjecta, statum controversiæ mala fide corrumpere. Nec enim nostri statuunt Deum offerre reprobis gratiam absolute, sed sub conditione fidei: atque ita, quemadmodum offert cum conditione, sic etiam cum conditione vult, neque oblatio voluntati ullo modo repugnat. Quare corrigenda est conclusio hoc modo: Deum non posse reprobis offerre gratiam, conditione fidei, ut eos magis inexcusabiles reddat. Deinde similiter corrigendum propositionis illius hypotheticæ antecedens hoc modo: Si Deus alicui, quem gratiæ sine fide participem facere non vult, gratiam conditione fidei offerat, ut omnis excusatio ei adimatur. Hisce jam expositis, Consequentia, quam adversarii nectunt, partim vana est: partim etiam infirma. Vana autem est, & à disputatione aliena; quandoquidem id probare conantur, quod ultrò statuimus; nempe, quando Evangelium hominibus reprobis prædicatur, finem illius à Deo intentum, eum non esse, ut eo verbo Evangelii vitam æternam iis conferat; sed ut officium illorum ostendat; & officii præstiti, ac vitæ connexionem certam. Neque propterea tamen (ut exprobrare solent) reprobos hoc pacto

hoc pacto simulatione falsa deludit; sed verè viam vitæ docet. & debitum officium iis imperat: imò verò, quod absurdum statuunt (quamvis, ut ostendimus, absurdum non sit) ex ipsorum etiam adversariorum sententia idem necessario consequitur, ut res ipsa demonstrat. Nam cum Deus Evangelium proponit, & gratiam-conditione annexa fidei iis offert, quos tamen antea præscit certò nunquam credituros, sed Evangelium perpetuò rejecturos: finis illius prædicationis nullo modo esse potest collatio gratiæ justificationis, & vitæ æternæ; quia alioqui Deus sapientissimus, frustra ac temerè contra omnis sapientiæ legem ageret. Nullus enim finis ab aliquo sapienter proponi potest, atque intendi, quem nunquam sese assecuturum certò prænovit; hoc enim vanum ac stolidum omninò esse, communi sensu cognoscitur. Deinde consequentia etiam partim infirma est: quia ex antecedente illo non sequitur, verbum prædicatum reprobis, esse sermonem mortis & condemnationis, hoc est, ut adversarii sese exponunt, cujus finis & effectum est mors & condemnatio: & cujus efficiens sit verbum prædicatum, tanquam medium efficax ad id ordinatum. Quia etsi Deus conditione fidei propofita, reprobis offerat gratiam: neque tamen gratiam ipsis incredulis velit dare: inde tamen non sequitur, finem à Deo intentum esse mortem, & prædicatum verbum oblatamque conditione fidei gratiam, esse medium, mortem & condemnationem efficiens, quia mors non sequitur Evangelium & oblationem gratiæ per se, vi illius: sed per accidens, vitio incredulitatis reproborum. Neque Deus eam mortem per se, ut finem intendit: sed justitiæ suæ, in ea, merito incredulitatis inferenda, paterfationem: quia mors per se malum est: ac propterea finis Dei, summi boni, esse non potest: nec morte delectatur: neque etiam prædicatum Evangelium tanquam medium efficiens mortis sibi proposuit atque intendit. Alio tamen modo, quàm adversarii hic intelligunt, ac sese exponunt, verè dici potest, verbum prædicatum, etsi ex Dei intentione, scopus illius non sit mors: reproborum tamen eorum, qui pereunt, ratione, esse eventum. Atque hoc sensu revera verbum prædicatum reprobis est verbum mortis, ac condemnationis: quemadmodum idem Apostolus disertè demonstrat. 2. Cor. 2. v. 15. 16. *Nam Christi bonus odor sumus Deo: in iis qui servantur, & in iis qui pereunt. his quidem odor mortis ad mortem: illis verò odor vitæ ad vitam:* ubi diligenter observandum est eventum utrimque intelligi; non verò effectum. Nam quamvis vita, ratione prædicati à Paulo Evangelii, fuerit effectum in iis, qui servantur fidelibus: hoc tamen in loco non ita consideratur: sed tantummodo, ut consequens illius eventus. Quemadmodum altero membro, mors non est effectum odoris Evangelii, in iis qui pereunt: sed tantum eventus, ex contemptu Evangelii, non ex vi Evangelii promanans. Sed secundo obijciunt. Quibus verbum suum Deus prædicari vult, ut occasionem ab ipsis habeat, justitiam suam vindicatricem exercendis; illis ea intentione prædicari vult, ut sit verbum condemnationis, non ut sit verbum gratiæ, & salutis. Atqui Deus vult verbum suum prædicari, eum in finem reprobis, &c. Ergo. Respondemus primò, distinctione antecedentis partis propositionis, quod justitiam vindicatricem exercere alicujus occasione, vel simpliciter, vel secundum quid accipi possit. Priori modo non convenit rejectioni Evangelii à reprobis. Nam ante Evangelium, ab iis auditum, nedum rejectum, Deus justam habet causam exercendi justitiam suam vindicatricem, ob peccatum in Adamo commune, & propriam atque innatam singularem vitiositatem, culpa ipsorum acquisitam: post Evangelium vero rejectum, non primò redditur homo justitiæ vindicatrici obnoxius: sed tantum ratione majoris gradus illius obligationis, ob culpam accedentem novam ad veterem atque antecedentem. Quibus jam explicatis, negamus hypotheticæ propositionis consequentiam: Nec enim ex antecedente consequens necessariò sequitur. Nam quamvis Deus intendat justitiam suam vindicatricem in iis, quos prædicatum Evangelium rejecturos præscit, exercere: non propterea tamen verbum prædicatum, ex intentione Dei, est verbum condemnationis, scil. efficiens, ut adversarii in-

telligunt. Nec enim Evangelium condemnationem efficit unquam: sed reproborum inobedientia, qua rejiciunt Evangelium, causa est per se. Ideoque condemnatio effectum non est Evangelii; sed tantum, per reproborum culpam, consequens adjunctum. Ideoque condemnatio non intenditur, ut sit Evangelii effectum; quemadmodum paulò ante ex 2. Cor. 2. demonstravimus.

Veruntamen rursus hisce occurrunt adversarii hoc modo: *Qui verbum suum iis prædicari curat, quibus gratiam nullam facere, ne potentiam quidem credendi (quam ipse per penam iis eripuisse dicitur) restituere vult; unde fit, ut ii, quibus verbum prædicatur, non possint non verbum prædicatum rejicere: ex illius intentione, verbum prædicatum est verbum, non gratiæ, sed condemnationis.* Atqui Deus, cum verbum suum curat prædicari reprobis, curat prædicari iis, quibus gratiam nullam facere, & ne potentiam quidem credendi, (quam ipse per penam iis eripuit) restituere vult; unde illos rejicere verbum necesse est. Ergo, &c. Respondemus primò ad propositionem, distinctione antecedentis: quia nolle gratiam facere, accipi potest, vel absolute sive crederent, sive non crederent: vel ob incredulitatem. Priori modo non statuunt nostri. Nam Evangelii doctrina universalis ac constans est, *quicumque crediderit, salvus erit.* Marc. 16. v. 16. Sed secundo modo; ut ibidem docetur, *qui non crediderit, condemnabitur.* Deinde, quod addunt, *unde fit ut ii, quibus verbum prædicatur, non possint non rejicere:* si vocem illam, (unde) statuunt propriam primamque causam; tum falsò illud nobis affingunt. Nec enim causa illius prima, ac propria, est Deus, per suam poenam; sed homo reprobus, per suam culpam, ac meritum atque effectum. Ideoque non Deo, sed homini vitium ascribendum. Denique rejectio Evangelii est duplex; una simpliciter, altera vero secundum quid. Simpliciter enim rejiciunt Evangelium illi, qui primò poenitentiae doctrinæ contempta, in pristinis suis vitiis hærent & acquiescunt; deinde non credunt, Jesum Christum esse Filium Dei, servatorem viva fide prædicatorum: denique, ad Dei in Christo servatoris charitatem, sunt inhabiles, quales plurimi Evangelium rejiciunt. Alii verò secundum quid tantum, quales illi, qui poenitentia ex lege concepta, ac Dei judicis justitia; deinde eatenus credunt Evangelio, ut statuunt Jesum esse Christum, Filium Dei, Servatorem viva fide credentium; & quidem non suis viribus, sed Spiritus Dei, communi secundum quid, cum electis gratia, nempe illuminationis mentis: sed ad Dei, in Christo redemptoris, charitatem (sub qua etiam fiducia salutis continetur) sunt inepti. Qui à contumacibus Evangelii rejectoribus sunt distinguendi. Hisce jam explicatis, in antecedenti, ambiguis, negamus consequentiam propositionis. Nam verbum prædicatum non est propterea ullo modo, neque ex intentione Dei (ut adversarii obtendunt) neque contra intentionem illius, verbum condemnationis scil. effectivum, ut perpetuò intelligunt, sicut modo ostendimus. Nam per se est verbum salutis; sed ad salutem requiritur fides, Rom. 1. v. 17. cui accidit consequens reproborum, ob rejectionem illius, condemnatio. Quamobrem confidenter nimis dicunt adversarii, *ratio majoris ex terminis liquet.* Nam termini partim, ut demonstravimus, sunt ambigui, partim etiam falsi, connexio verò eorum infirma.

Sed obijciunt, *Si verbum gratiæ per accidens, ipsis reprobis est verbum condemnationis: Ergo iis per se, est verbum gratiæ, & salutis. Atqui hoc absurdum. Ergo & illud:* Respondemus 1. Esse ignorationem elenchi, quia verbum gratiæ, hoc est, quod gratiam annunciat, infidelibus nullo modo, neque per se, neque per accidens, vera causa est condemnationis; ut adversarii intelligunt. Nam phrasis illa, *causa per accidens*, vel propriè accipitur: vel impropiè. Propriè quidem, cum præter intentionem efficientis, aliquid ab eo fit; quemadmodum fodiens agrum culturæ tantum causa, si eruat fodiendo thesaurum, eumque inveniat, effectum quidem est fossoris, apertio thesauri, & inventio illius: sed quia accidens antecedens fuit depositio thesauri, fossori ignota, & quia non eo fine fodit, (etsi fossione, ut causa efficiente invenit) idcirco dicitur causa per accidens. Secundò impropiè per metaphoram, ac similitudinè consequentis evenus,

ventus, causa per accidens sumitur pro occasione, effectum aliquod non efficiente, sed antecedente, cuius abusu, ac vitii alterius efficacia, sequatur effectum. Atque hoc modo, multi nostrum dicunt, Evangelium prædicatum, reprobis esse causam condemnationis per accidens, hoc est, occasionem, cuius abusu ac contemptu, merito inobedientiæ suæ, ac contumaciæ, reprobi condemnantur. Deinde ad propositionem quod attinet, negatur consequentia. Nam quamvis Evangelium sit occasio condemnationis reprobis lapsis, per accidens vitii ipsorum: quod scilicet & impotentia credendi, & contumaciæ suæ sint authores: non inde tamen sequitur, Evangelium post lapsum iis prædicatum, esse per se, ipsis verbum gratiæ, & salutis effectivum. Nam quod obijciunt: *Id quod per accidens alicui inest; illud potest ei non inesse*; falsum est: si enim propter accidens inseparabile, aliquid alicui inest; illud non potest ei non inesse, ut si cæcitas alicui inest per accidens, non potest ei non inesse. Quare corrigenda est ratio: *potest inesse, aut potuit non inesse*: atque ita nihil efficit. Sic enim reprobis per accidens culpa lapsus, & amissionis imaginis Dei, inest impotentia credendi Evangelio; unde tamen non sequitur, posse iis non inesse: quia licet ratione omnipotentia Dei, accidens illud tolli possit: non potest tamen ratione decreti Dei, nec ratione virium naturæ; sed potuit non inesse, si non fuisset lapsus, neque impotentiam sibi peperisset credendi Evangelio.

Sed excipiunt iterum: *Esse, impotentia sit in iis reprobis, per accidens, propter culpam eorum: ita tamen est in ipsis, ut infligta sit iis ab ipso Deo. Etenim impotentia non sequitur culpam, ut causam, ex qua emanat physica, velut calor ex igne: sed ut meritoriam causam, propter quam, à Deo, gratia supernaturali privari homo meritis fuit: unde impotentiam deinde fluere necesse erat. Ex quibus aliàs concludere solent. Ergo cum impotentia credendi sit ab ipso Deo, inde sequi, nisi ipse impotentiam illam in homine tollat, & potentiam credendi restituat, non posse hominem jure condemnari: sed Deum, & Evangelium causam fore condemnationis efficientem.* Verum ad antecedens quod attinet, prior illius pars ponitur quidem quasi certa; sed non probatur. Nam quamvis homo fuerit suo peccato meritoria causa privationis justitiæ originalis, & per consequens potentia credendi omni Dei verbo: nihilominus etiam fuit causa efficiens illius, quatenus, quasi veneno peccati sui, originalem justitiam expulit: quod Dei ordinatione ita esset data, ut sanctis operibus fervaretur: Legis verò transgressione periret. Nam si homo habitum virtutum moralium, crebris actionibus, rectæ rationi consentaneis, acquisitum, perdere potest vitiosis actionibus crebro iteratis: & si vitam corporis sibi potest adimere: quidni potuit etiam ex Dei ordinatione, & comminatione, qua die comederis, &c. sibi adimere originalis justitiæ vitam, atque habitum. Nam per unum hominem peccatum intravit, &c. Rom. 5. v. 12. Peccando pœnam privationis justitiæ meritus est, eamque sibi iusto Dei iudicio imprudens intulit; ut de peccatis gentilium simile quid asseritur, Rom. 1. v. 27. 28. quod ob impietatem dati à Deo in reprobam mentem, pœnam inferant sibi, & ferant. Deinde, esto (quod tamen probatum non est,) homo sit tantum causa meritoria privationis justitiæ originalis, eoque modo potentia obediendi Deo: inde tamen non sequitur, Deum propriè esse causam impotentia, & hominem non posse ob impotentiam, condemnari. Nam Deus est causa potentia, homo causa, impotentia, quia suo merito eam impotentiam acquisivit: Deus verò ut iustus iudex, potentiam, propter hominis culpam, illi abstulit, & hominem in sua impotentia reliquit. Sed exemplum urgent politicum à iudiciis humanis desumptum: si iudex ob meritam culpam aliquem excœcasset, non posset ab eo iustè exigere ut videret; & quidem pœna capitis proposita, nisi videret. Sic etiam cum Deus hominem obediendi potentia privavit, non potest ab eo exigere, ut obediat: & si non obediat, iustè punire: nisi potentiam obediendi ablatam restituerit. Sed negamus hæc comparata esse paria: ad videndum enim homo non est absolute obstrictus, nec legibus etiam magistratus: sed ad obediendum Deo, homo est natura, & ab-

solute obstrictus. Deinde differentiam inter humana & divina iudicia iusta, ex superioribus constare satis arbitramur. Nam illud inter nos, & adversarios controversia caret, hominem sua culpa amisisse potentiam servandi perfectè legem Dei: deinde Deum eam potentiam in hac vita nullis hominibus infidelibus (imò nec fidelibus) restituere: & tamen lege sua, eam obedientiam, additâ condemnationis transgressoribus pœna, præcipere; & quidem iustè: iustèque infideles propterea condemnare, Deut. 27. v. 26. Rom. 3. v. 19. Deinde iis, qui ob cæcitatem quoque promeritam, sua culpa, & à Deo infligta, non poterant credere, Ioh. 12. v. 39. & 40. mandatur tamen ut credant, vers. 36. & reprehenduntur, quod non crederent, vers. 37. & exitium eorum iustum declaratur, vers. 40. ut supra etiam ostendimus. Ac propterea falsum est, quod toties inculcant adversarii, Deum non eos iustè ob inobedientiam punire, qui suo merito obediendi potentia sunt privati. Deum enim iustè id posse ex lege & Evangelio demonstravimus, ubi interim observandum est, præter impotentiam parendi legi & Evangelio, esse in reprobis actus obedientia contrarios, ac voluntarios: à quorum multis, vel omnino, vel partim poterant abstinere: Et quamvis potentia credendi, ac viva fide destituantur, fide tamen historica donati, ea poterant non ita abuti, quemadmodum solent; & ea carentes, poterant prudenter, nec contraria Evangelio (utpote argumentis necessariis destituti) credere, sed assensum sustinere.

His jam refutatis, tertia probatio quam adferunt spectanda. Cui, inquirunt, eo fine offertur verbum ut rejiciat illud, & respuat; ei non potest adimi excusatio, cum illud rejicit. Atqui cui eo fine offertur verbum, ut per eam oblationem excusatio omnis adimatur, ei offertur eo fine, ut rejiciat. Ergo ei non potest adimi excusatio, cum illud verbum rejicit. Verum falsa est assumptio; quamvis enim Deus offerat, eo etiam fine reprobis Evangelium, ut eò magis inexcusabiles reddantur: non propterea offert eo fine, ut rejiciant: hoc enim peccatum est. Deus autem peccatum non intendit: quia malum est, legi ipsius repugnans: id quod summè bonus approbare non potest: sed ut prava ac latens rejiciendi Evangelii in reprobis propensio patefiat; & ut rejectionem verbi, ab iis fieri permittat: atque ita magis inexcusabiles reddat, ad justitiæ suæ, in iis magis excœcandis, & merito puniendis illustrationem. Quemadmodum, Joh. 12. v. 37. 38. 39. & 40. & 2. Thess. 2. v. 10. 11. 12. docetur. Nam quamvis hæc in locis, excœcationis finis videatur statui, reproborum ignorantia, & impœnitentia, Joh. 12. vers. 40. & credere mendacio. 2. Thess. 2. vers. 11. revera tamen finis non statuitur; sed eventus iusto Dei iudicio permixtus, denotatur. Nam quod dicitur hic (2. Thess. 2.) *ipsis mittere efficaciam erroris, ut ipsi credant mendacio*; hæc missio metaphoricè permissio est: non otiosa tamen, sed judicialis, qua privat Evangelii contemptores sua notitia, & Diabolo mendacii auctori, ac seductori, illiusque instrumentis habenas laxat, ut ita permittat eos credere mendacio ac iustè deinde puniat. Nec enim Deus fidei mendaciorum est author: quia illius iustus est ultor: author autem illius esset, si finis Dei esset ut crederent mendacio. Ex quibus omnibus satis liquet, finem oblatis à Deo reprobis verbi Evangelii, non esse, ut illi rejiciant, sed tantum eventum; quem Deus permittit vult, bono gubernationis modo, ad bonum finem, ut eo magis inexcusabiles reddantur. Quare rectè à nostris dictum, Deum verbo Evangelii non offerre gratiam suam cuiquam, eo fine, ut eam rejiciat: nec absolute, sed sub conditione fidei, & resipiscentiæ. Sed adversarii regerunt, hoc modo: 1. *Qui offert gratiam suam sub conditione, per se, sive ex pœna ab eo ipso, qui offert, jam ante infligta, impossibili eis quibus offertur: ille offert illis gratiam, eo tantum fine, ut rejiciant. Atqui Deus offert gratiam sub conditione, per se, ex infligta ab ipso pœna, impossibili reprobis, quibus offertur. Ergo eo fine offert, ut eam rejiciant.* Respondemus, assumptionem esse falsam: nec enim per se conditio gratiæ est impossibilis, sed per accidens vitii reproborum, quod lapsus sui culpa potentiam conditionis præstandæ, amiserint: ut supra ostendimus. Ideoque falsò (quali

sò ( quasi essent eadem , ) componuntur ista; *per se impossibile, & ex pœna infligta*. Nam quod impossibile reprobis pœnâ, illud per accidens culpæ eorum, propter quam infligta pœna, est impossibile. Deinde impotentia hujus causâ prima, ac præcipua, ex qua oritur, est hominis culpa; ideoque non ex Deo, sed ex homine est. Hic enim origo est, qui causâ & amissionis potentia credendi prima, & rejectionis Evangelii sola. Ea enim effectum est hominis, non Dei. Sed secundum syllogismum obijciunt hujusmodi: *qui offert gratiam suam, eo fine, ut in iis, quibus offertur, principalem suum finem ab æterno constitutum assequatur, ille offert, ut rejiciatur. Atqui Deus offert reprobis eo fine gratiam, ut in iis principalem suum finem ab æterno constitutum assequatur. Ergo.* Respondemus, propositionem esse falsam. Nam certum est electis offerri Dei gratiam, ut principalem finem assequatur: & tamen non offerri, ut rejiciatur, caret controversia. Quare corrigenda est propositio: Si Deus offert gratiam suam reprobis eo fine, ut in iis principalem suum finem ab æterno constitutum assequatur, offert ut rejiciatur. Atqui ita rursus propositio est falsa. Nam quod ajunt, *prædicationem verbi ratione reprobis esse medium tendens ad declarationem justitiæ Dei vindicatricis*: Verum est. Sed quod inde colligunt, vanum: Sic autem inferunt: *qui finem illum principalem suum assequi non potest in reprobis, nisi ab ipsis verbum rejiciatur, ille cum offert verbum & gratiam suam iisdem, ut finem istum suum assequatur, ideo offert, ut rejiciatur. Atqui Deus finem istum suum principalem assequi non posset in reprobis, nisi ii verbum rejicerent. Ergo.* Negatur propositio: quia in prima Logices principia, nempe finis definitionem impingit. Nititur enim hac falsâ hypothesi, quod omne id, sine quo efficiens finem suum principalem assequi non potest, sit finis; cum contra finis sit causa, cujus gratia res est: ideoque bonum est, & vi sua causam efficientem, ut ipsum assequatur, ad efficiendum movens. Alioqui si adversariorum hypothesis vera esset; quandoquidem chirurgus vulneratum curans finem suum principalem, in eo, sine illius dolore, assequi non posset: illius curæ finis esset, ut vulneratus dolore afficeretur. Breviter: accidentia subiecta, & adjuncta varia sæpe sunt hujusmodi, ut sine iis finis principalis obtineri non possit; & tamen inde non sequitur, ea etiam esse finem, hoc est, causam cujus gratia ( seu propter quam intentam ) efficiens operatur. Et jam ante demonstravimus, Dei, verbum Evangelii offerentis, finem esse non posse, rejectionem Evangelii; quia nullius sapientis, ac justî finis, est malum: multò minus Dei summi boni & sapientissimi. Sed illa rejectio à reprobis est accidens objectum, circa quod Deus versatur, illud decernendo permittere & regere. Ideoque non rejectio illa, sed permissio ac gubernatio illius justa, finis est Dei Evangelium offerentis, principali, atque ultimo fini, nempe justitiæ vindicatricis patefactioni inserviens. Quare prædicati reprobis Evangelii finis dici non potest, ut ab iis rejiciatur: Ideoque nec Deus accusari, ut causa illius: nec reprobi à culpa sua excusari possunt.

Sed obijcitur, reprobis suam verbi divini rejectionem excusare posse, ex nostrorum sententia, hoc modo: *Qui facit quod Deus vult, ille non peccat: Ego Evangelium rejiciendo, facio, quod Deus vult. Ergo ego Evangelium rejiciendo non pecco.* Respondemus, fallacia est homonymias. Nam vox *vult*, aut *amare* notat, Psalm. 5. v. 5. *Deus non est volens improbitatem*, hoc est, non amat, seu odit: Cujus amoris Dei signum est mandatum officii nostri, unde vulgo illud *voluntas signi* vocatur. Hoc sensu, quod Deus vult, non semper fieri, illud solè clarius est. Atque hoc modo verum est, qui facit quod Deus vult, ( hoc est, amat ac præcipit ) ille non peccat. Atque ita vera propositione existente, assumptio erit falsa. Nam qui rejicit Evangelium, facit quod Deus non vult, sed quod odit ac prohibet. Secundò vox *vult* sumitur pro decernere: idque vel efficere vel fieri permittere ac regere, Esai. 46. v. 10. *Consilium meum stabit, & omnis voluntas mea fiet*, hoc est, quicquid decrevi. Atque hoc sensu accepta propositio est falsa. Quia qui facit, quod Deus vult, hoc est, decrevit non efficere, sed permittere ac justè regere, ille peccat. Nam decretum ac voluntas per-

missionis habet objectum suum peccatum, circa quod versatur. Atque ita assumptio; Ego rejiciendo Evangelium, facio quod Deus vult, scilicet, permittere, vera est. Neque hac distinctione voluntates duas in Deo contrarias, ( ut falsò obijcitur ) statuimus, quasi esset divisio generis in suas species; sed tantum vocem ambiguum, in sua significata, ex Scripturæ usu, adversariis non ignoto, distinguimus. Voluntas enim interdum amorem, interdum decretum, & quidem vel effectum boni, vel permissionis mali notat. Unde clarè dici posset, distinctione vocis ambiguae in sua significata; voluntas alia est amoris, alia decreti: Et quidem decreti effectum boni, aut permissionis mali. Quare impiorum illa ab adversariis objecta excusatio, vana est & impia. Cui rei illustrandæ Christi crucifixio inservit, de qua Act. 2. v. 23. *Hunc definito consilio, & præscientia Dei datum, cum accepissetis, manibus iniquis affixum, interemistis*, & cap. 4. v. 27. *Congregati enim sunt verè adversus sanctum filium tuum Jesum, quem unxisti, Herodes, & Pontius Pilatus cum gentibus, & populis Israel, ut facerent quæcunque manus tua, & consilium prius definierat facienda.* Ubi interemptores Christi dicuntur fecisse, quæ Deus pro sua manu, hoc est, potestate, & definito consilio statuerat: & tamen à scelere non excusantur, sed accusantur ejus nomine. Ac quamvis sua providentia Christum iis tradiderit Deus: hoc est, potestati hostium permiserit: tamen alienus est à culpa: illi vero meritò culpandi. Hinc Christus Joh. 19. v. 11. ait Pilato: *Non haberes potestatem adversus me, nisi tibi datum esset superne: propterea qui me tradidit tibi, (nempe synedrium Judæorum) majus peccatum habet: utrique igitur peccarunt, sed Pilatus minus.* Nam quod adversarii voluntatem decreti, cum omnipotente voluntate, ( ex nostrorum ut statuunt sententia ) confundunt: in eo sanè non imperitiâ, sed calumnia impingunt. Nam verè à nostris dicitur, quod Esai. 46. continetur, *consilium Dei stabit & omnis voluntas illius* ( sc. decreti ) *fiet*: sed modus præfinitus, non est semper omnipotens vis: sed sæpius gubernatio sapiens, & suo modo potens. Ut enim ab æterno Deus prænovit perfectissimè omnes omnium rerum possibilitum consequentias, seu quo antecedente, sive causâ, sive occasione, certo aliquid sit consecuturum: ita eum ordinem decreto præstituit seu præfinivit, quo res decreta evenit; idque in decreto permissionis ac gubernationis peccati apparet. Nec enim vi omnipotenti, imò nulla vi, id decrevit efficere: sed sapienti ac justâ occasionum gubernatione, permittere in bonos fines. Sic libera voluntatis electione, sine ulla Dei cooperatione, in scelere, hostes Christi ipsum interemerunt. Nec solum in malis permittendis; sed etiam in bonis cooperandis, Dei agendi modus non est semper omnipotens, ut necessitate efficientis effectum procedat: sed sæpe sic suo modo potens est, ut effectum certò quidem, sed contingenter oriatur, hoc est, ut libera voluntate hominis potuerit non oriri. Exempli gratia: Deus bonum opus, puta elemosynam pauperibus dandam, hominibus piis ac misericordi animo præditis, objecto pauperum aspectu miserabili, & suasu sui verbi, excitat ad officium: quod lubenti animo, sed tamen libero præstant ( ut etiam interdum præter officium negligant ) idque eo modo contingenter agentis, certo pios illud præstituros, Deus ab æterno prænovit ac decrevit. *Quia omnia facit secundum consilium voluntatis suæ*, Eph. 1. v. 14. Quare non quicquid Deus decrevit, idem omnipotente modo, efficiendum constituit. Verum rursus adversarii, ex nostrorum de vocatione reprobis ad salutem sententia, obijciunt, inde sequi scilicet. *Si Deus non det iis potentiam credendi, quibus hoc præcipit, ut credant, ipsum simulatè agere. Videtur enim, inquit, intendere salutem eorum, atque idcirco eos vocare: cum tamen eos reproboverit, ac proinde salutis participes fieri noluerit.* Sed negatur consequentia: quia non vocat primum ad salutem, nec absolutè; sed primum ad penitentiam & fidem; deinde ea conditione, non alia, ad salutem, quam si credant. Hac enim conditione promittit tantum. Ideoque cum constans illa sit Dei voluntas, ut *quicumque crediderit, servetur; quicumque non crediderit, condemnetur*, Marc. 16. in hac vocatione agit verè, non simulatè: Sed inquit, *hinc colligitur fidem esse conditionem in Evangelio requi-*



lio requisitam, non promissum. Nam si promissum esset, crederent tam reprobi, quam electi. Verum nihil ad rem. Nam in vocatione, cum homines jubentur credere Euangelio, & credentibus promittitur salus, communis est ratio tam electorum quam reproborum. Sed præter hanc promissionem salutis conditione fidei, Euangelii doctrina etiam præterea docet, hanc fidem & salutem esse donum Dei, Eph. 2. v. 8. 9. 10. quod solis electis detur, Joh. 6. v. 44. & 65. & 10. v. 26. 27. Rom. 8. v. 30. Tit. 1. v. 1. Sed urgent amplius; fidem ut conditionem fidelibus proponi, & à Deo ipsis promitti: simul stare non posse. Si enim conditio proposita est, postulat: si promissum est, non potest postulari, aut frustra etiam postulat. Sed negatur præmissa propositio. Nam ista duo optimè convenire possunt. Conditio enim ostendit officium hominis, non autem potentiam illud præstandi: promissio verò docet, unde potentiam illam consequantur. Sic ab electis postulatur non minus quam à reprobis, ut credant in Christum: quia hoc officium est eorum commune. Sed cum præstare id non possint, communi lapsus primi vitio, in electis Deus se effecturum promittit, ut Joh. 6. v. 37. & 44. & 45. Ezech. 36. v. 25. 26. 27. Dabo vobis cor novum, & Spiritum novum ponam in medio vestri, & amovebo cor lapideum e carne vestra, & indam vobis cor carneum, & spiritum meum ponam in medio vestri, & faciam ut in statutis meis ambuletis. Unde apparet, Deum ab electis, qui convertuntur ab eo, non solum postulare ut officium faciant: ( prout passim ad id hortatur, ) sed etiam promitti, se Spiritu suo Sancto id ipsum effecturum. 1. Regenerando spiritum & cor, hoc est, mentem & voluntatem: donatione scilicet habituum fidei, & charitatis, quibus homines novi & habiles electi redduntur ad credendum, & diligendum: deinde effecturum ut ea ratione, adjuvante Spiritu, etiam actu credant ac diligant. Hæc enim duo primaria sunt Dei statuta. Quemadmodum etiam Hebr. 8. v. 10. 11. 12. idem promittitur ex Jer. 31. in novi fœderis descriptione. Imò & adversarii, hac in re, seipsos confutant: Fatentur enim Deum conditionem fidei ad salutem postulare, & tamen promissionem accidere agnoscunt, cum ajunt: Neque tamen negamus, Deum à parte sua promittere, se effecturum quicquid necessarium est ad fidem, quam postulat ac præscribit, ingenerandum. Ergò inquam conditio, & promissio simul stare possunt. Quamvis, quod hic de Dei promissione agnoscunt, ut electorum ratione est verum: sic reproborum respectu ( quibus commune esse passim tradunt adversarii ) falsum est. Exceptio autem qua huic contradictioni suæ mederi conantur, hæc est: Sed, inquit, quod Deus promittat, se immediate, & vi omnipotente, effecturum fidem in iis, à quibus eam postulat: id ab omni ratione nobis alienum videtur, & cum natura conditionum consistere non posse. Verum, primum est ex parte, fallacia ignorationis elenchi: quia statum controversiæ corrumpunt. Nam fides vel habitum notat, quo ad credendum habiles sumus, atque idonei: vel actum illius. Et fidei habitum quidem fieri à Deo, vi omnipotente, non autem mediatè per nos, hoc est vi nostra, statuimus, ex Eph. 1. v. 18. 19. & formulis novi fœderis, Ez. 36. & 31. & Joh. 6. & cap. 10. & Rom. 8. Alioqui, si immediatum opponatur prædicationi Euangelii, tanquam antecedenti necessario, quo posito Spiritus Sanctus fidem solus ingenerat: falsum est, nos statuere Deum immediatè efficere. Fidem verò actuale, seu fidei actum *τὸ μέλειν* non fieri immediatè, vi omnipotente: sed mediatè per hominem, fidei virtute donatum, & Dei verbo ac Spiritus auxilio excitatum, ut proximam & immediatam causam. Non enim dicimus, Deum credere, sed hominem fidei habitu præditum. Quare hunc credendi actum Deus & mandat homini verbo exterius, & interius per suum Spiritum donando fidei habitum, ad credendum, idoneum reddit; & audito verbo, suoque auxilio ad credendum actu excitat. Et ut de fidei virtute, seu habitu agamus, absurdum etiam non est, Deum illam electorum ratione postulare, & simul in iis eandem immediatè efficere. Postulatio enim seu præceptio notat, ac docet officium quod Deo debent, non autem quid præstare valeant: promissio verò ut antea monui, undenam illud promanet, declarat. Quemadmodum post Lazari mortem, Christus promiserat suscitationem illius, Iohan. 11.

vers. 13. & cum ille per se non posset Christum audire, nec surgere, utpote vita carens: Christus tamen simul & exterius prodire Lazarum iussit, v. 43. & vitam interius dedit, ac vires, ut audire & secundum promissionem prodire posset, eoque modo mandato parere, v. 44. Quemadmodum etiam paralytico omnino impotenti, per se, Matth. 9. v. 6. exterius iussit Christus, ut lectum tolleretur, & abiret domum, & simul interius, vi sua divina, valetudinem & vires restituit, quibus potens factus, Domini mandato paruit, v. 7.

Atque hæc ad primi absurdi, adversus orthodoxam de conversionis gratia doctrinam, refutationem. Alterum verò enorme ( ut vocant ) absurdum, quod obijciunt, est huiusmodi: Si ad conversionem hominis requiritur actio quædam irresistibilis gratiæ divinæ, non poterit quisquam ante converti quam re ipsa convertatur. Atque consequens est absurdum. Ergò & antecedens. Respondetur negatione assumptionis: ideoque ut eam probent adversarii, sic disputant: Quo posito suppeditatur quibusdam materia ad securitatem, negligentiam, contemptum & fastidium mediorum, quæ Deus adhibere solet, ad gignendum, efficiendumque conversionem ( uti sunt prædicationis verbi, &c. ) quibusdam verò materia perpetuarum dubitationum: illud absurdum est. Atqui posito, neminem ante converti posse quam re ipsa actu convertatur, id fit: Ergò, &c. Verum rursus merito assumptio tanquam falsa negatur. Nam quod ajunt, minor ex terminis liquet: Illud ratione utriusque membri vanum est: & neutrum ab adversariis solidè probatur. Obijciunt quidem ratione primæ partis hoc pacto: Si ante illam gratiæ irresistibilis actionem, non potest homo converti & illa posita statim necessariò convertitur: Ergò non necessaria, imò inutilis est omnis cura de mediis. Atqui verum est prius. Ergò, &c. Verum antequam respondeamus, tollenda est ambiguitas. Conversionis enim gratia est duplex, habitualis, & actualis. Prior est, qua homo virtute Spiritus Sancti regeneratur: seu fidei & charitatis virtutibus donatur. Altera est actualis, qua homo jam regnatus, Dei verbo, & Spiritus auxilio, virtutes illas, actu credendo, & diligendo, exerit. Si habitualis intelligatur, damus, ei gratiæ resisti non posse, eamque non solum certam sed etiam necessariam esse: Sin vero de prima conversione actuali sit sermo; eam certam quidem esse agnoscimus: quia Deus in eum finem convertit, mentem fidei, & cor charitatis virtute imbuens, ut in actum deducatur: Sed necessariam esse eam operationem negamus. Quia neque necessitate interna, neque externa, sive coactione peragitur. Ac quamvis ei resisti possit & impediri per carnis reliquias, & Satanæ mundique tentationes: ea tamen Deo sapienter, verbo & Spiritu protegente, & adjuvante, non impeditur. Hisce jam distinctis respondemus propositionis consequentiam esse falsam, quia subordinata non pugnant. Nam medium prædicationis Euangelii ad conversionem utramque ordinariè necessarium est; ad habituale quidem, quoniam licet solus Deus, propriè regeneret, sine cooperatione humanæ voluntatis, ( quod volunt adversarii ) verbi tamen prædicationis ad eam requiritur, ordinariè, ut antecedens medium efficax ad intelligentiam sensus Euangelii, & ut antecedens adjunctum necessarium, cui Spiritus Sanctus convertere volens, vim regenerationis, in electis ad vitam æternam, conjungit. Unde Euangelium ministerium Spiritus dicitur, 2. Cor. 3. v. 8. qui Spiritus, cum Euangelium ab electis auditur, ac sensus illius ex verborum perspicuitate, & attentione intelligitur, eosque convertere intendit, fidem habituale, erga Euangelium, vivam ( qua & veritatem Euangelii intellecti agnoscant, & ad charitatis opera proferenda sint idonei ) in iis creat, Eph. 2. v. 8. 9. 10. secundum Novi fœderis promissionem, Jerem. 31. v. 33. Hebr. 8. v. 10. & Ezech. 36. v. 26. 27. Atque ita etiam traditur 1. Petr. 1. v. 23. Renati non ex semine corruptibili, sed ex incorruptibili, per sermonem Dei vivi: Ubi sermo Dei ( id est, *ὁ λόγος*, Euangelium v. 25. ) medium, ac via statuitur regenerationis: Cujus quasi semen est Spiritus Sancti vis, seu efficax operatio, qua regenerat, ut 1. Joh. 3. v. 9. Qui natus est ex Deo, peccatum non perpetrat, quia semen ejus in ipso manet: Ut utrumque ad Spiritum Sanctum eruditè, & apertè à Clarissimo Beza refertur. Nam quod alii nonnulli insignes interpretes, ad Euangelium accommodant: illud non vi-

non videtur satis constructioni orationis Petri convenire. Non enim expositione quadam ait, *ex semine, ex verbo*: sed distinctè, *ex semine, per verbum*. Sin verò de verbo acciperetur, metaphora esset, qua antecedenti rei adjuncto necessario, rei effectio, per similitudinem antecessoris & eventus, tribuetur, ut 1. Cor. 4. v. 15. *Per Evangelium ego vos genui*, hoc est, Evangelium vobis prædicavi: quo audito, virtute Spiritus Sancti estis regeneriti. Atque ita intelligendum quod nostri Doctores, prædicationem Evangelii, regenerationis instrumentum vocant: scil. non propriè: Nam propriè instrumentum est reverà, causa ministra, principali interveniens: sed impropiè, ex usu Scripturæ; quo per metaph. antecedenti adjuncto necessariò, eventus consequentis effectio, tribui solet, ob similitudinem, ut ante diximus, quam cum causa habet. Quare licet conversio habitualis omnipotenti Spiritui Dei gratiâ efficiatur; non propterea tamen prædicatione & auditio verbi Evangelii ad eam est inutilis, ut adversarii objectant: imò necessaria, tanquam antecedens adjunctum, quod ad illam Spiritus Sancti regenerantis gratiam, ex ordine divinitus instituto requiritur. Ad conversionem verò actualem quod attinet: eadem verbi prædicatione, & auditio necessaria est, ut fidei & charitatis habitus, regeneratione donati, ad actiones credendi, & diligendi promoveantur. Hoc enim modo, non solum prædicati Evangelii auditio, est antecedens adjunctum necessarium, ut de conversione habituali ostendimus: sed etiam revera efficax instrumentum, ad fidei & charitatis opera (doctrinæ de Christo propositione, & hortatione promissionum stimulis accedentibus) excitanda ut Rom. 10. v. 14. *quomodo credent de quo non audiverunt* & v. 17. *fides igitur ex auditu, auditus per verbum Dei* & 1. Cor. 3. v. 5. *quid igitur Paulus, quid Apollo, nisi ministri per quos credidistis, & cuique prout Dominus dedit*. Nam Pauli prædicatione, non solum fuit antecedens, quo posito consecutum, ut Corinthii crederent: sed etiam revera efficax antecedens, seu causa efficiens instrumentalis, idonea, ad actionem virtutis fidei excitandam: quemadmodum causa principalis fuit Spiritus Sanctus, quatenus habitum seu virtutem fidei immanentem dederat, & eam ad actionem proferendam, suo auxilio promovebat, ut 1. Cor. 3. v. 6. 7. *Ego plantavi, Apollo rigavit: sed Deus dedit incrementum. Itaque neque is qui plantat, est aliquid* (nempe principale) *neque qui rigat, sed Deus datus incrementum*. Quæ non absolutè, sed comparatè dicuntur, ut v. 9. ostenditur. Nam *Dei sumus administri: Dei arvom, Dei ædificium estis*.

Veruntamen adversus ea, quæ de conversione habituali diximus, alia quædam sunt, quæ obijciuntur ab adversariis: etsi nulla harum distinctionum facta mentione. Ajunt enim hæc implicare manifestam contradictionem, *vi irresistibili, sive immediate conversionem in voluntate hominis effici, per media externa*. Sed primum hypothesi nituntur falsa: quasi conversio ad fidem & charitatem, tantum haberet locum in voluntate: cum ut aliàs ostendimus, fides ad intellectum, charitas ad voluntatem convertendam pertineat. Deinde negamus in hisce contradictionem esse: quia *immediatè efficere* accipi potest bifariam, vel ut significet proximè: ut sensus sit, quod inter efficientem Dei vim, seu actionem & effectam conversionem, nulla media, sive voluntatis liberè eligentis, ut adversarii contendunt: sive alia actio intercedat: vel ut *immediatè* accipiatur, relatè ad media antecedentia: quo modo nostri non accipiunt: sed priori modo. Ac propterea contradictio non est: sed adversarii, homonymias sophismate ludunt, non ignorantia: sed fallendi studio: ut imprudentes ipsi demonstrant, cum dicunt, *vi irresistibili, sive immediatè conversionem efficere*. Nam cum hæc duo tanquam Synonyma proponant, & vim irresistibilem intelligant eam, quam operantem voluntas humana impedire non potest: satis apparet, nullam esse contradictionem: quia *immediatè actio*, priori modo, media tantum sequentia, seu inter vim efficientem conversionis, & ipsam conversionem intercedentia, excludit. Si quis obijciat non posse dici media antecedentia: solutio est in promptu. Nam si absolutè illud accipiamus, verum est: sin relatè, falsum: hoc enim modo idem potest esse & antecedens me-

dium, & consequens, pro relatione terminorum diversa. Nam ut medium est ac dicitur propriè quod inter duo extrema existit: sic si in conversione hominis habituali (quæ mens, fidei, & voluntas, charitatis habitu donato, convertitur) Deum spectemus, ut causam convertentem, atque extremum primum, seu terminum à quo: & actionem Dei, qua convertit, ut effectum illius, atque extremum secundum, seu terminum ad quem: tum horum extremorum ratione, Evangelii prædicatione est medium, ratione quidem prioris extremi, consequens: ratione verò secundi, seu actionis ac gratiæ conversionis est antecedens medium, & quidem adjunctum ex ordinatione divina necessarium, ac metaphoricè instrumentum: non autem propriè loquendo est causa efficiens, quia vis tota conversionis à Spiritu Sancto procedit: Ideoque jam satis clarè patet, uti arbitramur, vanitas Sophistica adversariorum, cum dicunt: *immediatè enim actio medium excludit*. Nam verum quidem est, de actione immediata absolutè, hoc est, quæ nec antecedens, nec consequens habet medium: falsum verò est de actione immediata ratione mediæ consequentis, seu inter illam actionem & effectum intercedentis. Immediatè enim actio, hoc est, proxima, seu inter quam & effectum, nullum intercedit medium, habere potest medium antecedens, quod inter agentem Deum & actionem illam intercedat: atque ita una eademque actio, uno modo erit extremum primum: altero verò modo extremum secundum. Ac propterea diversa hæc relatio, omnem contradictionis speciem tollit. Unde perspicuè adversariorum objectiones propositæ diluuntur. Quemadmodum & illa similis, quæ ex verbis Apostoli 1. Cor. 3. v. 9. profertur. *Se, inquit, appellant ministros, per quos crediderant Corinthii. At si fides est effectum operationis divinæ, & immediatè, irresistibilis: falsum est, illos ministros fuisse, per quos crediderant*. Negatur Consequentia: quia Apostolus non loquitur de fide habituali, cujus causam immediatam, hoc est, proximam (non autem antecedenti medio carentem) nostri statuunt, actionem Dei regenerantis: sed de fide actuali, Apostolus ait, *per quos credidistis*: Credere autem actio fidei est habitualis, quæ per Meton. efficientis, pro effecto, fides, & fides actualis appellatur, cujus causa immediata, hoc est, proxima, non est Deus, nec Dei actio: sed homo fidelis, seu fide habituali donatus, ut supra ostendimus: aliàs non homo fidelis, sed Deus in homine crederet: quod perquam absurdum est. Ac probatio quam adjiciunt adversarii, cum ajunt: *immediatè enim operatio ministerium excludit*: ex anteposita distinctione vanitatis vincitur. Unde etiam facile nodus quæstionis, ab iis, adversus nostros, propositæ solvitur: *Explicit, inquit, qua ratione intelligat, externam prædicationem medium esse conversionis, non ut causam, sed ut instrumentum: eo tandem, velit nolit, dilabatur, ut prædicationem externam dicat concurrere, ut medium, ad representandum sensum eundem, quem antea immediatè sine prædicatione impressit Spiritus*: id est, *heutiquam, nec ad sensum nec ad consensum, per se producendum, in voluntate, concurrere: quod est totum ministerium exinanire, & curam ac sollicitudinem omnè de mediis irrita reddere*. Hactenus illi. In qua nimis confidenti quæstione, ac gloriatione inani, 1. observandum est, sensum ac consensum, (qui actio est mentis propria) voluntati, pro more suo, ineptissimè attribuere. Consentire enim, seu tanquam verum agnoscere, & velle, duo sunt quæ subjecto & genere differunt. Deinde confundunt etiam fidem habitualement, & actualem. Deinde falso nostris affingunt, quasi dicerent, fidem imprimi (sive habitualement, sive actualem) à Spiritu Sancto ante prædicationem Evangelii, cujus contrarium à nostris, cum Scriptura, traditur: ut antea explicuimus. Non concurrere autem Spiritum Sanctum cum hominis operatione, ad fidei habitualis effectum, tanquam *causas* seu conjunctas causas, verum quoque esse demonstravimus: quia solus Deus causa est illius efficiens; Sed tamen præcedente Evangelii prædicatione, ut medio destinato, & quasi instrumento; non autem propriè accepto: ac si insita sua vi ad efficiendum fidei habitum concurreret: Spiritum tamen Sanctum cum homine concurrere, ad fidei actionem, seu fidem actualem, non negamus: quia remota ac primaria quidem actionis credendi causa, est Spiritus S. tanquam author habitus

bitus fidei, & prædicationis Euangelii: denique auxilii, quo & defendit hominem regnitum, ab adversariis tentationibus, & simul confirmat. Secunda verò ac proxima actionis credendi causa, est homo fidei habitu à Deo præditus. Euangelii vero prædicatio non solum antecedens illius est necessarium, ex ordine divinitus instituto; Sed etiam propriè instrumentum: utpote quod vi insita, hominem habitu fidei præditum, excitat ac stimulat, ad fidei actionem exercendam, ut suprà declaravimus. Ideoque ministerium verbi hac nostrorum doctrina, ut adversarii falso exprobrant, non exinanitur, neque cura ac sollicitudo omnis de mediis irrita redditur: sed contrà stabilitur, ut quod medium sit à Deo ad fidem, cum habitualementum actuali efficiendam, ordinariè institutum. Quare ex hisce satis liquere arbitramur, prosyllogismi adversariorum (quo absurdum è nostrorum sententia enorme sequi contendunt) assumptionem, ratione primæ partis (quasi prædicationis Euangelii contentus materia suppeditaretur) esse falsam. Quemadmodum etiam, & alteram esse vanam, probationis illius, ab adversariis allatæ, examen, fidem faciet: Siquidem altera pars probanda est hæc: *Si nemo potest converti, antequam reipsa convertatur*, hoc est, (ut initio exposuerunt) *Si ante illam gratiæ irresistibilis actionem, non potest homo converti: eo posito, directè suppeditatur quibusdam materia perpetuarum dubitationum*. Probatio verò quam adferunt, duobus constans membris, hæc est; *quia tum ante, tum post conversionem, dubitandi iusta causa dabitur. Ante conversionem, quia qui certus non est, ex ipsa vocatione, an vocetur à Deo, eo fine ut salvus fiat; an eo tantum fine, ut ipsi omnis excusationis ansa adimatur: ille dubius relinquatur necesse est*. Respondemus, illud est alienum à re proposita. Non enim alteram minoris prosyllogismi partem probant: sed aliud, quod non nisi per ambages, & obliquam quandam consequentiam ad rem potest accommodari. Deinde ut obiter nihilominus respondeam: Dei vocatio externa, per prædicationem Euangelii, non suppeditat materiam dubitationis: quia vocatio ad salutem, etsi sit conditionalis, (ut quæ cum conditione fidei vivæ eam promittat) est tamen verissima, cui tunc vocati innitantur. Nam quod excipiunt, *huiusmodi certitudo non sufficit ad hoc, ut quis certus sit, se à Deo vocari, eo fine ut salvetur; an eo tantum fine, ut ἀπολυθῇ & reddatur*. Respondemus, vocantis Dei finis est, ut omnes & solos vocationi obedientes seu credentes fervet. Quemadmodum Marc. 16. v. 15. 16. non autem omnes absolute, etiam non credentes. Ac propterea etiam nemo vocatus per Euangelium, jure potest certò statuere, se vocatum ad salutem indubitato obtinendam, nisi prius fide viva sit præditus; neque propterea tamen Deus, ut obtendunt, simulatè agit, cum eos, qui in incredulitate nihilominus permansuri sunt, vocat: quia vocatione revera viam salutis & officium docet; licet ad illius præstationem vires solis electis suis, promittat ac conferat. Deus enim suo verbo nominatim non revelavit, exceptis paucis, quosnam elegerit, ac fidei virtute donare (ut medio ad salutem efficaci) decreverit: neque quosnam non elegerit, sed in incredulitate relinquere statuerit: qua ratione vocatis nulla occasio suspensionis suppeditatur, quasi Deus simulatè ageret. Nam vocatio seria ac vera est, hypothetica propositione nixa; *si credideris, servaberis*: & ad finem destinata rectum: salutem quidem, si vocatus credat, sive crediturus: sin vero non crediturus, ad ampliorem inobedientiæ ipsius, & in ea puniendâ, iustitiæ Dei patefactionem. Verum ad alterum probandum procedunt adversarii: nempe eandem dubitationum materiam relinqui, post conversionem: *quia conversi, quantisper non sentiunt vim talem irresistibilem, dubitandi causam habent, an verè conversi sint nec ne*. Verum quia hoc à nostris negari non ignorat; hoc modo probare conantur; *quod alias qui conversi sunt operationem Dei sensissent, qua efficax vel quod esset efficax & irresistibilis operatio*. Respondemus autem, *sensiri aliquid posse bifariam: vel immediatè per se, vel mediatè per suum effectum aut adjunctum proprium*. Lazarus mortuus, à Christo vita donatus, eam donationem non immediatè sensit: sed mediatè, ex motu & actione vitali, Ioh. 11. Sic Sauli cor Deus mutavit, & ille mutatus est in alium vi-

rum. 1. Sam. 10. v. 6. & 9. quam tamen mutationem non per se, & immediatè: sed mediatè ex effectis, prophetia, & heroicis motibus ad regendum idoneis, cognovit. Sic etiam regenerationem sui, seu ad fidei & charitatis habitum conversionem (quæ sine cooperatione virium humanarum, intellectus aut voluntatis, à Dei Spiritu peragitur) immediatè nemo cognoscit: ut & Christus quodammodo innuit Ioh. 3. vers. 8. Sed ex effectis & adjunctis propriis sentitur. Effecta sunt fides actualis viva: & charitatis actiones: Ac propterea non opus est, ut immediatè conversionem habitualement sentiant conversi, ut se conversos esse sciant immediatè, & à dubitatione illius sint liberi, ut adversarii obtendunt. Quemadmodum enim ex bonis fructibus arbor bona certò cognoscitur: sic regeneratio ex bonis ac propriis ipsius fructibus, quos in se conversi sentiunt: quemadmodum Johannes Apostolus in prima Epistola copiosè docet; ut cap. 2. v. 29. *Nostis, quicumque exercet iustitiam, ex ipso natum esse*. Similiter cap. 3. vers. 7. *qui exercet iustitiam iustus est, sicut ille iustus est*, & vers. 14. *Nos scimus nos translatos esse à morte ad vitam, quia diligimus fratres nostros*, & v. 19. *per hoc, nempe dilectionis opera, cognoscimus nos esse ex veritate, & coram ipso reddimus securâ corda nostra*, Et v. 13. & 14. *hæc est igitur doctrina ejus, ut credamus nomini filii ejus Jesu Christi, & diligamus alii alios, sicut mandavit nobis*. Nam qui servat ejus mandata, in eo habitat, & ipse in eo, & per hoc novimus eum habitare in nobis, nempe ex Spiritu quem nobis dedit, & cap. 4. vers. 13. *per hoc cognoscimus nos in eo habitare, & ipsum in nobis, quod de Spiritu suo dedit nobis*. & cap. 5. vers. 4. *Quicquid natum est ex Deo, vincit mundum; & hæc est victoria quæ vicit mundum, fides nostra*, Ex vers. 10. & 11. *qui credit in filium, habet testimonium in seipso, & c. Est autem hoc testimonium, nempe quod vitam æternam dedit nobis Deus: & hæc vita in filio est* vers. 19. & 20. *Scimus nos ex Deo esse, & totum mundum in malo jacere: Scimus autem filium Dei venisse, & dedisse nobis mentem, ut cognoscamus illum qui verax est: sumus in illo verace, filio ejus*. & c. Et Rom. 8. vers. 13. 14. *Si Spiritu actiones corporis mortificetis, vivetis. Quotquot enim Spiritu Dei ducuntur, ii sunt filii Dei*. & v. 16. *ipse Spiritus testatur unâ cum Spiritu nostro, nos esse filios Dei*. Quare ex effectis regeneratio cognoscitur. Quod autem rursus excipiunt; *Si ita est, tum omnino qui convertuntur, sentiunt & experiuntur se irresistibiles* (hoc est, omnipotente) *Dei gratia regentos: agnoscimus: quia nemo regeneratur (seu fidei & charitatis habitu donatur) à Deo, quin eadem gratia, ad vivæ fidei & charitatis actiones deducatur; unde certo se regnitum novit*. Sed quod addunt, *& per consequens, qui eam non sentit, conversum non esse: ac proinde causam habere dubitandi, an sit conversus ad illud respondemus: sentire accipi posse vel absolute vel relatè*. Qui absolute, seu nunquam sentit ex fructibus conversionem habitualement, conversus non est: qui verò post primum sensum, postea interdum non sentit, carnis scilicet & Satanæ tentationibus ad tempus impeditus, conversus tamen esse non definit. Quemadmodum enim ignis sub cineribus densioribus latens non sentitur: & tamen extinctus non est, sed cinere amoto, vires suas exerit: sic etiam ipse lucta spirituali, idem conversus interdum accidit: quando Deus Spiritus sui gratiam (quæ tentationes carnis, Satanæ & mundi graviores frænât,) interdum ad tempus subducit; ut vel castiget, vel probet, atque ad maiorem humilitatem, & timorem Dei excitet. Tum enim tentationis vi impediti, ad tempus de conversione sui, interdum dubitant. Sed nec ea dubitatio, ex vitio doctrinæ, de habituali, per solam Dei gratiam, conversione oritur: sed ex infirmitate carnis: Matt. 26. vers. 41. *nec perpetua est, sed ad tempus tantum: quia Deus non permittit tentari suos, supra vires (scilicet ut pereant) sed unâ cum tentatione evasione largitur*, 1. Cor. 10. v. 13. Cum discussa tentatione, fidei vivæ actionem, in iis rursus, suo verbo, & Spiritu opitulante, excitat, ut Psal. 51. vers. 12. 13. 14. Atque ita absurdi enormis exprobratio & probationem illius (quibus adversarii erroris sui probationem concludunt) confutatur.

Reliquum jam est, ut Orthodoxorum fundamenta (quibus sanam de conversionis gratia doctrinam quærentur) ab adver-

adversariorum objectionibus vindicemus. Prius tamen ad clariorem rerum intelligentiam observandum est, conversionem hominis, citra controversiam esse duplicem: unam habitualement, alteram actualem: & illam quidem, qua habitus fidei & charitatis efficitur: hanc verò qua credendi, & Deum redemptorem per Christum diligendi actiones producantur. Quemadmodum fides & charitas, vel propriè virtutes immanentes, vel impropriè actiones earum transeuntes notant. Sed de ordine, & efficiendi modo controversia est. Nostri ordine præcedere conversionem habitualement, ad fidei & charitatis virtutes, statuunt; sine qua non sumus idonei ad actiones fidei & charitatis exercendas: Contra verò adversarii, actualem conversionem præcedere contendunt. Nostri deinde docent, causam solam conversionis habitualis (seu qua in homine fidei & charitatis habitus efficitur) esse Deum suo Spiritu regenerante: medium verò antecedens & ordinarium adjunctum, esse Evangelii prædicationem, & sensus illius ex eo percepti intelligentiam: Actualis vero conversionis causam principalem esse Deum: proximum verò hominem, fidei & charitatis virtutibus à Deo donatum, ac renatum, earumque potentiâ agentem, verbo Dei excitatum, & Spiritu S. adjutum. Contra verò adversarii contendunt, conversionem habitualement ex crebris antecedentibus credendi & diligendi actionibus acquiri: actualem verò conversionem, partim à Dei gratia sufficiente: partim à naturali liberâ voluntatis potentia & electione oriri docent, adeò ut, à Deo, omnibus iis collatis, (quibus conversionis causa esse solet) liberum sit hominis voluntati credere in Christum ac Deum redemptorem diligere, vel non credere nec diligere Deum, idque etiam à multis fieri.

Hic jam præmissis, ad fundamenta nostrorum procedemus vindicanda, quæ adversarii adducunt: & in tres classes distinguuntur. Prima est, quod in Sacris literis peccator convertendus, vel ante conversionem suam, ita describatur, ut nihil in eo sit, quod ad conversionem facere, aut conferre quicquam possit; hoc est, conversionis primæ *causæ*, seu causam cooperantem, non esse ullas naturales hominis non renati vires. Ad quod probandum, ut res sit clarior, prius magis propria Scripturæ dicta adducemus, ex quibus deinde metaphorica facilius cognoscuntur. Ac primum de conversione ad fidem, deinde de conversione ad charitatem. Et si enim hæc sint conjuncta, distincta tamen sunt suis subjectis. Ad prius pertinet locus 1. Cor. 2. v. 14. *animalis autem homo non capit ea, quæ sunt Spiritus Dei, sunt enim ei stultitia; nec potest ea cognoscere, quia spiritualiter dijudicantur.* Qui locus est memorabilis, ideoque in eo detorquendo, valde laborant adversarii. Ac primum distinctione utuntur. *Primo*, inquit, *si per animale sive ψυχὴν hominem, merè naturalis homo, & omnis divinæ cognitionis expertus, intelligatur: perque cognitionem & dijudicationem, theoretica tantum intelligentia sive speculatio divinæ voluntatis, certum esse agnoscimus, hominem animale non percipere, nec percipere ea posse, quæ ad spirituale cultum Evangelio revelatum pertinent.* Si verò per animale, homo intelligatur sensibus suis planè & omnino, instar bruti animalis, ut in Epistola Judæ legitur, *mancipatus, Spiritum non habens: per cognitionem autem cognitio practica, sive approbatio eorum quæ Evangelio continentur, & à Deo patefacta sunt: certum est, talem non percipere nec cognoscere ex sese, id est, suo pte iudicio approbare non posse, ea quæ Evangelio continentur.* Cæterum ex eo non rectè concluditur, animale hominem, cum ei per Evangelium patefit, & revelatur Dei voluntas, non adipisci à Deo potentiam, qua possit Dei voluntatem clarè patefactam intelligere, & relicto animali genere vivendi, spirituale vivendi rationem sequi, probare & insistere. Verum aliena est præmissa distinctio, & consequentiæ negatio. Nam ad distinctionem quod attinet, ea est duplex; una vocis hominis ψυχὴν: altera perceptionis eorum quæ sunt Dei, seu quæ ad salutem pertinent. Ac prima distinctio vitiosa: quia non tam latè patet, quam sententia Apostoli: sed angustior est longè. Apostolus enim universaliter loquitur, de homine ψυχῶν, animali seu naturali, qualis jam post lapsum naturâ corruptâ existit: anima quidem rationali præditus, sed interna ac spirituali Dei revela-

tione nondum illustratus: opponitur enim spirituali, qui à Spiritu Sancto veritatis Evangelii notitia donatus, ut de rebus spiritualibus ad salutem pertinentibus rectè possit iudicare. ut v. 10. & 12. 13. & 15. Talis autem revelatio veritatis Evangelii, vel est fidei generalis nudæ ac mortuæ: vel specialis ac vivæ. Priori modo reprobis ac damnandis quibusdam convenit. Quales primùm illi, qui in Spiritum Sanctum peccare dicuntur, qui scilicet cognitam Evangelii veritatem, per internam revelationem Spiritus Sancti ad verbum accedentem, eam, suarum cupiditatum amore ducti, contra conscientiam, odio destinato oppugnant, Mat. 12. v. 20. 21. 38. deinde multi in Ecclesia Christianis veris immixti hypocritæ; qui vel sub veritatis professione latent, Matth. 7. v. 25. vel ab ea deficientes se produunt, 1. Tim. 4. v. 1. Contra verò adversarii sua distinctione particulariter de duobus tantum modis hominum animalium loquuntur. Primus est eorum, qui (ut ajunt) omnis cognitionis divinæ expertes; quales sanè Apostolus, hoc loco, ea circumstantia, non intelligit: sed eos quibus Evangelium prædicatur, & à quibus intellectum est, etsi non creditum, ut sequentia demonstrant. Nam verbis illis: *animalis homo non percipit ea quæ sunt Spiritus Dei*, subjicitur, *stultitia enim ei sunt*, ut etiam 1. Cor. 1. v. 18. 21. 22. 23. docetur. Quamvis enim gentiles Deum non nossent plenè, nec salutari usu, 1. Cor. 1. v. 21. aliquam tamen habuerunt Dei notitiam, Rom. 1. v. 19. 20. 21. Judæi quoque principes, licet Dominum gloriæ non cognovisse dicantur: quod non crediderint eum esse verum Dei filium ac Messiam: 1. Cor. 2. v. 6. intellexerunt tamen doctrinam Evangelii de Jesu Christo Dei filio, eaque de causa ipsum condemnarunt, Mat. 26. v. 63. 64. 65. Deinde, quod secundo loco *homines animales* accipiunt, ut in Epistola Judæ vers. 19. *καὶ ἡ ψυχὴν*, pro hominibus impiis, atque impudenter sceleratis, qui doctrinam libertatis Christianæ, 2. Pet. 2. vers. 19. ad Magistratum, contemptum, & luxum, & libidines abutebantur: ita ad paucos tantum animales pertineret, quomodo generalis hæc Apostoli sententia restringi non potest. Quare prima hæc distinctio hominis ψυχῶν vitiosa est: partim quia aliena, partim quia angustior. Altera vero distinctio est cognitionis & perceptionis, quod una sit theoretica tantum intelligentia, aut speculatio divinæ voluntatis: altera verò sit cognitio practica, sive approbatio eorum, quæ Evangelio continentur. Atque hominem ψυχῶν prioris modo ipsorum acceptum, non percipere, nec percipere ex se posse ea, quæ ad spirituale Dei cultum, Evangelio revelatum pertinent, certum esse, sese agnoscere testantur. Ubi observanda est adversariorum sententia. Nam ex sese intelligunt sine prædicatione Evangelii: ut postea clarius patefaciunt: quod prorsus à verbis Apostoli alienum est. Nam ille loquitur de Evangelii prædicati & intellecti perceptione: quia veritatem illius non agnoscunt, sed Evangelium iis stultitia esse dicitur. Deinde si homo animalis secundo ipsorum modo intelligatur, nempe qui sensibus suis planè & omnino, instar bruti animalis, mancipatus, Spiritum non habet: certum esse ajunt, si de cognitione practica, sive approbatione eorum, quæ Evangelio continentur, & à Deo patefacta sunt, agatur; talem non percipere nec cognoscere ex sese, id est, suo pte iudicio approbare non posse. Quomodo partim, quod à Scriptura à nostris concluditur, confirmant prima fronte: sed fraus latens postea patefiet. Atque hæc de distinctionibus. Ad negationem verò Consequentis quod attinet, sic ajunt: *ex eo non rectè concluditur animale hominem, cum ei per Evangelium patefit & revelatur Dei voluntas, non adipisci à Deo potentiam, qua possit voluntatem Dei clarè patefactam intelligere: & relicto animali genere vivendi, spirituale vivendi rationem sequi, probare & insistere.* Respondemus autem primò, in hac bimembri conclusione prius membrum falsò nobis attribui: docemus enim distinguendam intelligentiam sensus Evangelii, ab assensu veritatis illius. Ad prius enim non necessariam esse vim supernaturalem, ac potentiam aliquam internam Spiritus S. sed sufficere externam Evangelii clarè propositi prædicationem, & attentam hominis, etiam animalis, ingento valentis, considerationem: Quemadmodum etiam incredulorum Judæorum & gentili-



lium experientia evincit, qui Euangelii ( de persona, officio & beneficiis Christi ) doctrinam intelligentes, eandem Scriptis suis oppugnarunt. Quamvis interim à præjudicio occupatis ac minus attentis, prædicatio Euangelii perspicua, peculiari vitio non intelligatur. Matth. 13. v. 10. Imò & aliqua ex parte conversis Apostolis ad tempus illud accidisse dicatur, Luc. 18. v. 32. 33. & 34. De intelligentia autem sensus Euangelii non est controversia: neque eam, ex hoc Pauli loco, ab omnibus hominibus animalibus abesse concludimus: sed de perceptione veritatis Euangelii, seu assensione erga Euangelium, quæstio est. Atqui hanc Apostolus hominis animalis viribus naturalibus detrahit & Spiritui Sancto adscribit, 1. Cor. 2. vers. 12. 13. 14. Ideoque meritò concludimus, omnem veritatis Euangelii assensionem generatim à vi non naturali, sed supernaturali ac spirituali procedere: falsoque ab adversariis statui, naturales voluntatis humanæ vires, causam esse cooperantem, ad perceptionem veritatis Euangelii, & cum Spiritus operatione concurrere: ut interim taceam, voluntatem ne quidem renatam, causam fidei rectè dici posse: ut quæ ab ea non oriatur. Ad alterum verò membrum conclusionis quod attinet, illud obscurè ponitur, cum dicunt: *ex eo non rectè concludi, revelato Euangelio hominem animale, non adipisci à Deo potentiam, quæ possit relicto animali genere vivendi, spiritualem vivendi rationem sequi, probare & insistere*: cum clare ex nostrorum sententia, quam oppugnant, dicendum esset, non posse Euangelii veritatem cognoscere: nempe ratione virium naturalium. Nam Spiritui S. per illuminationem mentis, vires præbente, id fieri posse, ac fieri reipsa, oppositione spiritualium apud Apostolum demonstratur. Ineptè igitur arguantur, cum rationibus suis, conclusionis ab ipsis allatæ, contrarium probare student. Prima enim est, quod quibusdam hominibus animalibus potentiam credendi dari nostri asserant. Sed hæc ratio nihil ad rem: quia nemo nostrum negat, quibusdam hominibus animalibus potentiam dari credendi fide generali, seu assentiendi Euangelio: Sed contra statuunt. Deinde quod adversarii, quasi ex nostrorum sententia excipiunt, *at illi sunt electi*: ineptè dicitur. Nam cognitio veritatis Euangelii, seu fides generalis aut est viva, aut mortua, Jacob. 2. Vivam seu per charitatem efficacem electis solis convenire, ex Sacris literis nostri tradunt: mortuam verò quibusdam reprobis: & hæc non minus, quam illa, ex Spiritus Sancti potentia, atque illuminatione procedit. Atque ita secundum quid, ratione notitiæ veritatis Spiritum habent, ac spirituales sunt: etsi maxima ex parte sint animales, ac carnales. Deinde quod attinet ad verba illa, *at illi sunt electi*, respondent quidem, sed ita ut contradictio sit mera sententiæ ipsorum. At, inquit, hoc est *τὸ κενύοντος: nisi electi ad gratiam dicantur. At nos statuimus, in omnibus, qui vocantur*, id est, *ad gratiam eliguntur, potentiam credendi, & assentiendi dari à Deo*. Hæc adversarii. Atqui electi à nostris intelliguntur etiam ad gratiam fidei & justificationis, tanquam salutis medium. Et agnoscimus eis omnibus, qui ita vocantur, id est, ad gratiam eliguntur, potentiam credendi & assentiendi Euangelio dari à Deo. Quare omnino imprudentes adversarii, dum sententiam oppositam confutare student, eandem, suæ sententiæ repugnantes, suo testimonio confirmant. Altera ratio etiam inepta est huiusmodi, *quod de his expresse dicitur, quod verbum Euangelii pro stultitia habeant, sicut pro offendiculo Judæi*, 1. Cor. 1. *at Euangelium stultitia, & offendiculum esse nequit iis, qui cognoscere non possunt, cum illis revelatur Euangelium, quid sit & quid sibi velit*. Vera hæc quidem agnoscimus, & conclusionis ab adversariis nobis attributæ, prius membrum probant: sed cum in ea re ignoratione elenchi peccent, & nostris falsò tribuant, quod negemus animale hominem posse Euangelii clarè propositi sensum sua industria intelligere: ineptè in eo confutando occupantur. Tertia ratio est huiusmodi: *quia, si ex eo impotentia percipiendi ea, quæ Dei sunt, concluderetur, quod dicatur aliquis non percipere, quæ Dei sunt: tum de ipso Petro Apostolo jam regenito, dicendum foret, quod non posset intelligere ea quæ Dei erant; quia de illo dicitur, quod non saperet illa, quæ sunt Dei: sed quæ hominum erant*, Matt. 16. v. 23. Sed negatur Consequentia, 1. quia de

homine animali simpliciter hoc dicitur oppositè spirituali: & Euangelium ei stultitia esse dicitur: Contra verò hoc de Petro dicitur secundum quid, ratione mortis Christi, quam brevi futuram ac destinatam (præjudicio communi Judæorum occupatus) nondum intelligebat. Deinde non solum dicitur ab Apostolo de hominis animalis actu, *non percipit*: sed etiam de potentia illius, *nec potest ea cognoscere, quia spiritualiter dijudicantur*: quo demonstrat, cognitionem illam non ab humanis, sed à Spiritu Sancti viribus ac gratia procedere. Sed adversarii excipiunt, *illud non ob stare, quod dicatur eum non posse cognoscere: quia si de nuda scientia intelligatur, certum est*, inquit, *hominem non posse sine Spiritu Dei, id est, revelatione quæ per verbum fit, mentem Domini intelligere, uti est versu ultimo: Si de scientia approbationis accipiat, certum est, rectissime dici, non posse percipere aliquid, vel approbare rem aliquam, qui alienissimo animo est, à re aliqua percipienda: et si fieri possit, ut eam approbaret, & opinione præva deserta, eam amplecteretur, auxilio divinæ gratiæ: quæ in principio, nulli denegatur, qui ad communionem divinorum bonorum vocatur*. Hæc illi: quæ etsi ex superiori distinctionis examine, diluuntur; ut veritas tamen magis illustretur, & adversariorum errores clarius confutentur, paucis ea expendimus. Nam ad prius membrum quod attinet, de intelligentia mentis Domini per prædicationem Euangelii: de ea Apostolus non loquitur: Sed de scientia qua non solum Euangelium intelligitur, sed etiam rectè dijudicatur, ac veritas illius cognoscitur: quemadmodum versus 12. 14. & 15. demonstrant. Ac propterea perperam ab adversariis citatur versus ultimus; quia ille de cognitione mentis Domini loquitur, quæ non solum in illius intelligentia, sed etiam in scientia atque assensione veritatis versatur: *quis, inquit, Apostolus novit mentem Domini? nos autem mentem Domini habemus*. Quo dicto, nos, distinguit ab hominibus merè animalibus; quorum tamen plurimi sensum Euangelii prædicati intelligebant: sed (quod Spiritualibus Apostolus tribuit) non erant *interius docti à Spiritu Sancto, Spiritualibus Spiritualia conjungentes*, v. 12. nec *Spiritualiter omnia dijudicantes*, v. 14. & 15. utpote, *qui non acceperant Spiritum, qui ex Deo est, ut scirent quæ nobis Deus est gratificatus*, vers. 12. Deinde neque hoc prætereundum, quod ineptè ac falsò adversarii intelligentiam sensus, *scientiam* vocant: quæ tamen sine veritatis rei scitæ certitudine, esse non potest. Neque excusat quicquam, quod additur, *nuda*: ea enim præxin tantum excludit approbationis, ex adversariorum sententia; quæ tamen approbatio rei intellectæ, nisi adsit, scientia non est. Denique quod addunt de homine animali, eum non posse *sine Spiritu Dei*, id est, *revelatione, quod fit per verbum, mentem Domini intelligere*; si verba illa, *Spiritus Dei & revelationem per verbum*, tanquam Synonyma accipiant, ut sensus sit, sine prædicatione ac revelatione Euangelii externa, quæ à Spiritu Sancto habet originem, ut qui docet ac mittit Euangelii ministros: tum omnino alienum hoc est à scopo. Nam ipsi adversarii fatentur (ut ante ex ipsorum verbis ostendimus) Apostolum loqui de iis, quibus Euangelium stultitia est, quique propterea Euangelium ita prædicatum intellexerunt, quid sit & quid sibi velit. Sin vero tanquam diversa statuant, ut sensus sit, sine revelatione interna Spiritus Sancti, conjuncta cum externa Euangelii revelatione seu prædicatione, non posse hominem animale intelligere sensum Euangelii: tum inquam Scripturæ Sacre & experientiæ, imò suæ confessioni ante propositæ repugnant. Quare hoc primum distinctionis membrum, à scopo & verbis Apostoli, de quibus agitur, alienum est omnino aut falsum. Alterum verò partim verum, partim falsum. Verum primum est, quod dicunt: *Si de scientia approbationis agatur, certum est, rectissime dici, non posse percipere aliquid, vel approbare rem aliquam, qui alienissimo animo est à re aliqua percipienda*. Deinde quod agnoscunt, *fieri posse, ut eam probaret, & opinione præva deserta eam amplecteretur auxilio divinæ gratiæ*. Hæc duo rectè nobiscum profitentur: Sed tamen in secundo latet anguis in herba: Subest enim fallacia in auxilii divini definitione; eo enim intelligunt auxilium non perficiens, sed sufficiens: ut homo eo præcedente, naturalibus liberi sui arbitrii viribus possit illud, vel reddere irritum

irritum & non assentiri Euangelio: vel cum eo cooperari, & assensum seu approbationem Euangelii perficere. Falsum verò est quod attexunt hæc verba: *quæ* (scilicet gratia auxilii divini) *in principio nulli denegatur, qui ad communionem divinorum bonorum vocatur*: quo, veritati adversarios repugnare, ex iis, quæ ab initio huius controversiæ differimus, apparet. Quemadmodum etiam Apostolo Paulo, imò & suis dictis diserte contradicunt. Nam si homini animali Euangelium prædicatum, & intellectum, nihilominus est stultitia ante conversionem, & in plebisque manet opinio stultitiæ: quomodo datur omnibus gratia auxilii divini, qua Euangelium possint probare, & quidem quod amplius, animalibus seu naturalibus voluntatis libere eligentis, viribus? Cur autem addant, *in principio*: ex supra dictis patet. nam illud effugium est adversariorum: ut eo argumenta illa eludant, quibus ex Scriptura docetur, multos non potuisse credere, Joh. 12. vers. 39. & alibi, quod suo loco ante confutavimus.

Atque hæc ad vindicationem argumenti Orthodoxorum, ex 1. Cor. 2. v. 14. quo probatur hominem, viribus suis animalibus seu naturalibus non esse causam cooperantem fidei, atque assensionis Euangelii.

Alterum est ex 2. Cor. 3. vers. 5. ubi Apostolus ait: *Nos idoneos non esse ex nobis ipsis, ad cogitandum quicquam* (scilicet boni) *velut ex nobis ipsis: sed quod idonei sumus, ex Deo est.*

Ex quo loco nostri sic differunt: Qui ex seipsis non sunt idonei, ad cogitandum quicquam boni, velut ex se ipsis: sed quod idonei sunt, ex Deo est: illi multò minus ex seipsis, velut ex seipsis idonei sunt ad actum credendi & assentiendi Euangelio: Atqui nos fideles, teste Apostolo, sumus tales. Ergò multò minus sumus idonei, ex nobis ipsis, velut ex nobis ipsis, ad actum credendi, & assentiendi Euangelio: Sed quod idonei sumus, id ex Deo est. Ideoque falsum est, quod adversarii statuunt, ad actum credendi & assentiendi Euangelio nos idoneos reddi, partim auxilio gratiæ Dei: partim animali, seu naturali liberi arbitrii potentia. Nam ex nobis velut ex nobis, idoneos esse: & quod idonei sumus, id ex Deo esse, non autem ex nobis velut ex nobis, manifestè hic sunt opposita. Nam idoneos esse, nobis quidem tribuitur, tanquam subjecto, sed origo illius potentiae à Deo est, nobis verò derogatur. Atque hæc vis est argumenti. Adversarii verò strictim tantum adferunt locum à nostris objectum: & ad eum excipientes, primum: *in textu*, inquit, *non legitur vox boni: sed dicitur, non sumus idonei loquimur, supple dignum, aut par tam grandi & gravi ministerio*. Sed respond. vocem boni non exprimi quidem, sed tamen intelligi. Nam quicquid est, illud aut est extremum, (nempe bonum vel malum) aut medium, quod neque bonum, neque malum. Hic autem neque malum, neque medium intelligi potest: quia ad utrumque ex nobis ipsis, à natura sumus idonei: Ergo ut vera sit oratio Pauli, bonum intelligitur. Quod etiam inde colligitur, quia id ex Deo esse dicitur. Deinde quia sententia universaliter à Paulo proponitur, ideoque universaliter etiam accipi debet: nisi ratio necessaria eandem restringat: quæ ratio hoc in loco omninò abest, neque ab adversariis profertur. Nam quod obijciunt, *Apostolum loqui de ministerio suo, quo Corinthios ad fidem Euangelii adduxerat, & quasi Epistolam suam fecerat, scriptam non atramento, sed Spiritu Dei vivi, ante v. 2. & 3. &c. id est, fecerat prorsus spirituales homines*: fatemur in antecedentibus, Apostolum loqui de suo ministerio, & fructu illius: Sed inde non sequitur. Ergo sententia hæc: *non sumus idonei &c.* quæ universaliter proposita est, non est universalis: sed particularis: cum contra constet, universalem particularem includere, & fortius etiam ad scopum probandum pertinere. Deinde contra sequentia ostendunt sententiam hanc universaliter positam etiam esse universalem, non particularem: quia à particulari aperte distinguitur. Nam ut versu hoc quinto (de quo disceptatur) dictum est: *sed quod idonei sumus* (scilicet ad cogitandum quicquam) *id ex Deo est*: sic particulari ac distincta senten-

tiâ subicitur vers. 6. *qui etiam fecit nos idoneos ministros Novi Testamenti, non literæ, sed Spiritus*: ubi vox illa etiam, ostendit, non solum idoneos factos, ad aliquid, supple boni spiritualis cogitandum; sed etiam particulare hoc bonum ministerii. Idque ex eo quoque apparet, quod aliàs inanis foret omninò Tautologia, si ex adversariorum sententia sensus esset: quod idonei sumus ad Euangelii ministerium, id ex Deo est: qui etiam facit nos idoneos ministros: unum enim idemque repeteretur. Deinde observandum est, quod adversarii de Paulo dicunt, *quod Corinthios quasi suam Epistolam fecerit, scriptam non atramento, sed Spiritu Dei vivi, &c.* id est, fecerit prorsus spirituales: illud diserte ab Apostolo 1. Cor. 3. v. 1. negatur, cum ait: *non potui loqui vobis, ut spiritualibus, sed locutus sum vobis, ut carnalibus*, id est, ut infantibus in Christo. Deinde Paulus quidem se ministrum Euangelii & conversionis eorum nominat: ob Euangelii prædicationem, qua fidei objectum (scilicet doctrinam de Christo) proposuerat perspicuè, ut eam intelligerent: sed vim conversionis, ad veritatem Euangelii prædicati atque intellecti, cognoscendam, Spiritus Sancti illuminantis mentem actioni internæ attribuit, non suæ, cum ait, *Corinthios esse Epistolam à se quidem subministratam, sed inscriptam Spiritu Dei vivi in tabulis non lapideis, sed cordis carnis*. ut Ezech. 36. vers. 26. 27. & Jer. 31. vers. 33. & Hebr. 8. vers. 10. & cap. 10. vers. 16. Quam vim Spiritus Dei non esse communem, omnibus iis, quibus Euangelium initio proponitur (ut ad locum 1. Cor. 2. v. 14. ante examinatum asserunt adversarii) Apostolus hoc loco 2. Cor. 3. v. 14. & 15. declarat, cum de Judæis incredulis (quorum plerique Euangelium audierant) ait: *itaque occalluerunt mentes eorum; Nam usque ad diem hodiernum, in lectione Veteris Testamenti, manet non reiectum velamen: quod per Christum tollitur. Sed ad hunc usque diem, cum legitur Moses, velamen cordis eorum impositum est: postquam autem conversum fuerit ad Dominum, tollitur velamen*. Præterea ipsimet adversarii veritatis claritate coacti, ita porro respondent: *Secundò concedimus etiam lubentes, nos ex nobis ipsis idoneos non esse ad cogitandum, id est, excogitandum & inveniendum ullum bonum, scilicet spirituale & salutare: sed potentiam supernaturalem nobis à Deo, ex gratia, ad spiritualia intelligendum, volendum ac faciendum subministrari*. Tertio ad actus etiam graves & ministerium Apostolatus obaudum, specialem rerum multarum revelationem, & inculcationem necessariam fuisse. Ad gerendum etiam munus tam difficile, Spiritus singularem assistentiam, & corroboracionem similiter requisitam fuisse. Hæc illi: quæ si sincerè intelligant: sententiam suam de animalibus, seu naturalibus liberi arbitrii viribus, ad Euangelio prædicato assentiendum, cum supernaturali Dei gratia concurrentibus, subvertunt: ac sibi contradicunt. Sed fraus in sermonis ambiguitate latet. Nam potentia supernaturalis, à Deo ex gratia data ex adversariorum mente, primum est prædicatio Euangelii, sine qua doctrina de Christo à nobis intelligi non potest: quia prorsus ignota, nisi à Deo per verbum reveletur. Secundò loco, potentia etiam supernaturalis est ipsis Dei sufficiens auxilium, quo voluntas hominis adjuta, pro libertate naturali, doctrinam de Christo prædicatam, & intellectam, assensu suo, ut veram amplectatur aut quasi falsam rejiciat. Nostri contra Scripturæ ductu assensionem Euangelii non à potentia naturali, secundum quid, sed à supernaturali omninò oriri statuunt. Atque hæc ad antecedens argumentationis, quod ex 2. Corinth. 3. vers. 5. petitum. Ad consequens verò quod inde deduci solet, sic excipiunt. *At verò ex eo non concluditur, necessarium fuisse, ut Deus actum etiam ipsum, tum fidei, tum functionis Apostolicæ, in iis, ea vi efficeret, quæ posita non possent non credere, & ministerio recte fungi: sed contrarium potius; quia de idoneitate, sive aptitudine tantum diserte textus loquitur*. Verùm respondemus, eam non esse argumenti, quod adduci solet, conclusionem: sed hanc (ut supra posuimus, & postea in sequentibus adversarii agnoscunt) Ergò multò minus sumus idonei, ex nobis, velut ex nobis ipsis, ad actum credendi & assentiendi Euangelio: & per consequens, falsum est, quod adversarii

contendunt, ad actum credendi, & assentiendi Evangelio, nos esse idoneos, partim auxilio gratiæ Dei, partim animali, seu naturali liberi arbitrii potentia: hoc est, partim non ex nobis, partim ex nobis ipsis, id quod Apostoli sententiæ, (cum ait, *non sumus ex nobis ipsis, velut ex nobis ipsis, ad quicquam supple boni spiritualis idonei*) aperte repugnat, ut particularis affirmans universali neganti. Sed excipiunt adversarii, *Hoc non repugnat*, (inquiunt) *is quæ diximus. Ad actum enim tum cogitandi, tum credendi prærequiri idoneitatem, seu aptitudinem, à Deo ipso, in nobis productam, ad cogitandum & credendum nos non inficiamur, cum in textu disertè contrarium dicatur.* Verum hac confessione repugnantiam non tollunt: quia aptitudinis causas fingunt duas, ut ex statu controversiæ liquet: Primam quidem Dei gratiam supernaturalem sufficientem, ac præcedentem: alteram verò animalem, seu naturalem liberi arbitrii potentiam: cum Scripturæ sententiæ, de qua agimus, expressè homini eam omnino, detrahat, ac Deo oppositè ascribat. Verum alterum addunt commentum: Secundò, inquiunt, *actus cogitandi hic significat actum excogitandi, prout ex verbis textus apparet, λογισμας ος ειχ αυτων.* At verò actus excogitandi plus in se habet, quam actus intelligendi & credendi. Difficilius enim est excogitare, & invenire primum aliquid, quam rem inventam, & excogitatam intelligere, & percipere, ubi clare proponitur: Itaque argumentum à minori ad maius, quod ex hoc loco desumi solet, nullius momenti est, & falsæ hypothesei innixum. Hæc adversarii, in quibus suis modò dictis satis aperte contradicunt. Nam si verum est, quod ante dixerunt: *Ad actum tum cogitandi, tum credendi, prærequiri idoneitatem, seu aptitudinem à Deo ipso, in nobis productam, ad cogitandum & credendum, nos non inficiamur: cum in textu contrarium dicatur:* Si inquam hæc vera sunt, (uti reipsa vera sunt) quomodo conantur hic contrarium probare, quasi Apostolus sub cogitatione, non actum credendi: sed aliquid amplius nobis derogaret? Deinde vana etiam est probatio, quam ex significatione vocis λογισμα adducunt, quasi non significaret cogitare; sed excogitare, & invenire primum: prout sine ullo authore, sine ullo exemplo confidenter nimis asserunt. Nam λογισμα dico, significat propriè sermonem, seu orationem; & inde metaphoricè, pro cogitatione, seu ratione, quæ mentis quasi oratio, accipitur. Atque hinc propriè λογισμα idem est quod φημιζω, ut ait Hesychius in suo lexico, hoc est, λογισμα i e. dico: quemadmodum vocem φημιζω suo loco exponit, inde metaph. notat generatim cogitare, arbitrari, putare: ut Hesych. exponit, ενδουμμαι. Unde per Synecdo. rationem subduco, computo, item imputo, 2 Cor. 5. vers. 19. aut passivè imputor, Rom. 4. vers. 3. & alibi. Denique per metaph. à rationibus nummariis, quasi subductis omnibus colligo, seu statuo, Rom. 3. v. 28. & 8. v. 18. λογισμα vero significare, invenire primum aliquid, ut adversarii exponunt, non facile ejus probationem invenient, neque in Scriptura, neque in veteribus Græcorum hominum Lexicis, neque in accuratissimo Henrici Stephani Græcæ linguæ thesauro, quicquam hujusmodi comperient: sed contrà, quæ à nobis proposita sunt, luculenter etiam confirmantur. Quamobrem ineptè adversarii in voce λογισμα effugia quærunt; cum ex communi interpretum consensu, & reipsa, cogitare, significet: & frequenter Scripturæ usu ita accipiat, ut Marc. 11. vers. 31. Actor. 19. v. 27. & 1. Cor. 4. v. 1. & 13. v. 5. & 2. Cor. 12. vers. 6. Neque causa redditur, ab adversariis justa, cur ab hac significatione sit recedendum; præsertim cum jam antea adversarii, ut ex ipsorum verbis ostendimus, rem ipsam concesserint. Perstat igitur nostrorum ex 2. Cor. 3. vers. 5. contra adversariorum, de cooperatione naturalium liberi arbitrii virium, in conversionem hominis, ad fidem, argumentum.

Quum non simus ex nobis ipsis, velut ex nobis ipsis idonei, ad quicquam boni, scil. spiritualis cogitandum: multo minus ad assentiendum, & credendum Evangelio. Quod enim obtendunt λογισμα, majus seu difficilius esse quam credere Evangelio; falsa nituntur hypothesei significationis vocis illius, ut modò ostendimus. Ac propterea quod nobis exprobrant, argumentum illud à minori ad majus nullius esse momenti, & falsæ hypothesei innixum:

illis ipsis merito competere apparet.

Atque hæc ad secundi argumenti primæ classis ex 2. Cor. 3. v. 5. petiti vindicationem diximus. Consequens est, ut ad alia etiam procedamus.

Tertium argumentum est, ex Luc. 6. v. 18. & similibus locis. Qui mente sua sunt cæci, & tenebræ, seu omnino obtenebrati, respectu lucis doctrinæ Evangelio traditæ; illi non habent in se vires ulla, quibus esse possunt causa cooperans assensionis Evangelii, ac fidei. Hæc enim sunt opposita. Tales autem sunt omnes non regeniti, ante conversionem: ut probat Scriptura, Matth. 4. v. 16. Joh. 1. v. 5. Luc. 6. v. 18. Actor. 28. v. 18. Eph. 4. v. 18. & 5. v. 8. 1. Pet. 5. v. 9. Ergo ante eam, non habent in se vires ulla, quibus esse possint causa cooperans assensionis Evangelii ac fidei.

Adversariorum responsio primum posita est in explicatione phrasidis; cum inquiunt, *homines irrogeniti dicuntur cæci, in tenebris positi, &c. Si metaphoricam hanc vocem veritas in propriam, aliud nihil denotabit quam rerum divinarum, & voluntatis salutiferæ ignaros, & nescios: ac proinde etiam à timore Dei alienos. At ex eo nihil aliud concludi potest quam eos indigere clara veritatis propositione, ut scientiam consequantur.* Imo verò, inquam, propria cæcitas non solum videndi actum; sed etiam videndi potentiam tollit. Atque ita metaphoram quoque intelligendam, hominis animalis, seu naturalis, non regeniti descriptio evincit, locis jam ante citatis, 1. Cor. 2. vers. 14. *Animalis homo non percipit ea, quæ sunt Spiritus Dei; stultitia enim ei sunt, neque cognoscere potest: Quia spiritualiter judicantur.* & 2. Cor. 3. v. 5. *Non sumus idonei ex nobis ipsis ad cogitandum quicquam (sc. boni spiritualis) velut ex nobis ipsis: sed quod idonei sumus, &c.* Ideoque ut scientiam Evangelii, non renati consequantur, non solum indigent clara veritatis propositione: Sed etiam interna oculorum mentis illuminatione, seu fidei donatione: ut visu illius, veritatem, clarè, prædicatione Evangelii, oblatam, cognoscant: adeò ut, quemadmodum cæcis ut actu videant, non sola lux oblata sufficit, sed videndi etiam potentia restituta requiritur: Sic etiam se habet in hominis non renati cæcitate spirituali. Quia Evangelium prædicatum, & intellectum ab homine animali, percipi non potest, seu verum agnosci: nisi à Spiritu Sancto cæcitas, donatione lucis fidei interna tollatur. Nam quod adversarii obijciunt: *Si ita argumentum formetur, tum præcise ex proprietate vocis formabitur: unde concludetur, omnes eos, qui cæci dicuntur in Scripturis, non tantum intelligendi potentia opus habere: sed ne posse quidem intelligere: ac proinde nova semper intelligendi potentia opus habere: quod falsum esse evincit clare locus Apoc. 3. v. 17. ubi fideles Laodicensis cæci esse dicuntur; non quia nullo modo possent intelligere Evangelium: credebant enim jam Evangelio, & illud profitebantur: sed quod negligentiores erant, in officio faciendo.* Respondemus autem primò, ineptè ac falsò intelligentiam Evangelii, cum fide illius confundi. Prius enim, audito Evangelio, naturales hominis vires non excedit: sed ex Evangelii claritate, adhibita industria, intelligere potest, quænam illius sit sententiæ, seu quid sibi velit, ut supra demonstravimus, & adversarii agnoscunt. De posteriori verò solum controversia est, an homo suis viribus naturalibus Evangelium intellectum verum agnoscere, ac credere possit. Deinde ad rem ipsam quod attinet, negatur consequentia: quia non simpliciter ex voce argumentamur; quasi cæcus, in Scriptura, metaphoricè semper significaret potentiā credendi Evangelio omnino destitutum: sed cum de homine non renato, & velut ex seipso considerato, agitur: idque secundum expositionem Scripturæ sacræ, quæ de homine naturali ante conversionem loquens, cæcum mente ita describit: ut non solum ipsi adi-mat credendi actum, sed etiam potentiam naturalem credendi: ut supra demonstratum. Idque veritatis vi, (licet ei relucet hic adversarii) postea etiam fateri coguntur: Sic enim ajunt: *Sed esto, & nos supponimus, à Deo potentiam assentiendi & credendi, concedi: qui vocantur.* Ergo inquam frustra conati sunt, ante dictis suis probare, cum non renati cæci vocantur, propterea potentiam videndi iis non derogari. Quod verò subjiciunt, *At*

quæritur

queritur de ipso actu visionis, an Deus illum ita efficiat in homine, cum Deus actu videntem illum videre facere velit: non possit nolle videre, siue exempli gratia oculos mentis jam apertos iterum claudere ad conspectum lucis, id est, veritatis. Sed respondemus primò, adversarios ineptè hic tergiversari: quia à scopo quæstionis, ab ipsismet initio propolito, sophistarum more, declinant ad aliud, de quo hic non disceptatur: ideoque causæ suæ infirmitatem prodere. Nam cum antea tres classes fundamentorum sententiæ nostrorum proposituerint examinandas, ac confutandas; sic de prima classe ab initio loquuntur: *Prima est, quod in Scripturis sacris peccator convertendus, vel ante conversionem suam, ita passim describatur, ut nihil in eo sit, quod ad conversionem ipsius facere ac conferre quicquam possit.* Quo in loco adversariorum notanda est vox *possit*. Cujus rei probandæ argumenta nostrorum è Scriptura subjiciunt, inter alia; quod homo ante conversionem, in sacris literis cæcus vocetur. Quare hinc apertè conspicitur, quæstionem esse de potentia videndi, & potentia ad conversionem valente: non autem de actu solo videndi, ut adversarii fingunt. Cujus autem viribus potentia videndi derogatur, ei etiam actus necessario derogatur: quia is non nisi à potentia videndi procedere potest ac procedit. Quare quæstio est, ac manet, An homo non renatus suis viribus naturalibus, esse possit, aut sit, causa cooperans conversionis suæ; ad fidem. Adversarii affirmant, nostri negant. Idque ex eo etiam probant, quia cæci instar, omni videndi (hoc est, credendi Evangelio) potentia naturali destituatur. Quæ igitur ab adversariis aberrantibus à scopo præfixo, proferuntur, ea merito omitemus. Hoc tantum observato, quod iterum eorum effugium inane ostendit, quod exempli gratia ponunt, quasi hic de hujusmodi re quæreretur, *An homo oculos mentis jam apertos, iterum claudere possit, ad conspectum lucis, id est, veritatis:* In quo vanitatem suam produnt adversarii, dum statum quæstionis pervertant. Quæstio enim est, ut ex ipsorum verbis ostendimus, de peccatore ante conversionem, ideoque de cæco, qui lucis conspectu caret. Contrà vero hic fingunt adversarii, quæri de eo, qui jam habet apertos oculos mentis, & conspectu lucis veritatis præditus est, hoc est, secundum quid conversus à tenebris ignorantie Evangelii, ad lucis veritatis illius notitiam. Quare reliquis, quæ præter scopum adversarii adferunt, neglectis, & alibi partim tractatis, reliqua expendemus. Obijciunt enim adversus descriptionem illam hominum non renatorum, quod *tenebræ* appellantur: ut Johan. 1. vers. 5. Judæi tenebræ vocantur, quæ non comprehenderunt Lucem: Respondent autem, *nihil aliud notari, quam quod fuerint homines mundani, partim suis præjudiciis, partim suis affectibus, studiisque carnalibus, toti mancipati, qui non aliter vivebant & agebant, quam si omni prorsus divinæ voluntatis cognitione destituti essent.* Respondemus, hanc exceptionem & expositionem veritati repugnare; etsi enim quidam fuerint hujusmodi: id tamen de bona Judæorum parte dici non potest, quia zelo Dei, etsi non secundum scientiam, fervebant, & operum suorum justitiam statuere conabantur, ut Apostolus deiis, Rom. 10. vers. 1. 2. & 3. disertè attestatur. Johannes autem non de paucis, ut *ἱερογλωσσολογίας* sceleratis: sed de plerisque loquitur, ut etiam vers. 11. generatim dicit, ratione incredulorum Judæorum: *Ad suos venit, & sui eum non acceperunt.* Sed addunt adversarii: *Sic non comprehendisse lucem dicuntur, non quod beneficio lucis, & gratiæ concessæ comprehendere non potuerint, id est, non potuerint credere Evangelio, quod est verbum, & doctrina lucida, & splendida, tenebrarum, id est, impuritatis omnis expertis, ut 1. Joh. 1. vers. 4. legerè est; sed quod noluerint, aut non curaverint credere ei & obedire.* uti Joh. 3. v. 19. exponitur. Verum ut adversarii actum credendi Judæis illis defuisse, non autem potentiam illius statuunt; sic contrà refutantur, eo ipso, quod tenebras dici, (hoc est, omninò obtenebratos) agnoscunt; ac propterea caruisse mentis luce concedunt: ideoque videndi seu credendi potentia. Nam quod regerunt, *Evangelium esse doctrinam lucidam, & splendidam:* fatemur. Sed ea videri à cæcis, & obtenebratis mente non potest. Idque etiam Apostolus Johannes cap. 1. citato satis declarat. Nam ut

vers. 14. dixit: *ad suos venit, & sui eum non acceperunt.* Et vers. 12. alios contra, qui acceperunt, definit, *qui credunt in nomen illius, id est, filii Dei:* exponit deinde, unde fides illa oriat, seu à qua potentia procedat, v. 13. qui (inquit) *non ex sanguinibus, neque ex libidine carnis, neque ex libidine viri, sed ex Deo geniti sunt.* Ac propterea ostendit neminem posse credere, nisi ex Deo sit genitus: ut de ea re postea erit agendum. Deinde qui non habuerunt notitiam Christi, & Evangelii, illi notè potuerunt credere. Tales autem fuerunt plurimi Judæi, ut Actor. 3. vers. 17. cap. 13. vers. 27. dicitur. Quod denique adversarii obijciunt, *ex proprietate vocis tenebrarum, hoc non posse colligi, potentiam ad credendum iis defuisse: quia aliàs sequeretur, cum fideles vocentur lux in Domino, etiam illos, nulla ignorantia, nullo errore, nulla macula aut peccato laborare: Imò ne quidem errandi aut peccandi potentiam in iis locum habere posse.* Respondemus, argumentum à nostris non duci, à sola vocis proprietate: scimus enim aliquid posse dici, hoc modo simpliciter, vel secundum quid: sed ratione expositionis vocis metaphoricæ, in sacra Scriptura; quæ hominem, ratione lucis spiritualis doctrinæ Evangelii, cæcum, & prorsus obtenebratum statuit ratione oculorum mentis: ut sine visus, in mente, per Spiritum Sanctum restitutione, actu videre, & credere non possit: ut jam antea ex 1. Cor. 2. v. 14. & 2. Cor. 3. v. 5. aliisque similibus Scripturæ dictis demonstratum. Quare argumenti à nostris (ex cæcorum & tenebrarum epithetis, secundum Scripturas intellectis) petiti firmitas apparet.

Quantum argumentum ex Matth. 8. v. 22. & similibus.

Qui vitæ spiritualis seu justitiæ salutaris respectu, omnino sunt mortui, illi ad vivificationem sui, & ad actiones vitæ spiritualis seu ad conversionem ad fidem, & charitatem suam, & actiones earum, nihil virium habent, quibus possint cooperari. Atqui omnes homines peccatores, ante sui conversionem, respectu vitæ spiritualis, seu justitiæ salutaris, sunt omninò mortui. Ergò nulli homines peccatores, ante sui conversionem possunt suis viribus cooperari, ad sui vivificationem, seu conversionem ad fidem, & charitatem, & opera earum. Propositionis negativæ veritas, ex aperta subjecti, & attributi oppositione privativa, constat. Assumptionem probant loca sacra Scripturæ. Nam non conversi ad fidem, seu increduli peccatores, idcirco mortui, Matth. 8. vers. 22. dicuntur: *sine ut mortui,* (hoc est, vita fidei & charitatis privati) *sepeliant suos mortuos* (hoc est, vita corporis cassos) & 1. Pet. 4. v. 6. *Propterea quoque & mortui* (hoc est, increduli, ac vita spirituali destituti) *prædicatum est Evangelium: ut damnarentur quidem secundum homines, carne; viverent autem secundum Deum, Spiritu, & Ephes. 2. v. 1. & vos cum essetis mortui, offensi, & peccatis, & v. 5. Cum offensi mortui essetis, unda vivificavit cum Christo, &c.* Ut autem huic argumento respondeant adversarii, primò generatim de metaphoricis vocibus, non aliter quam res, & scopus requirunt, exponendis, multa quæ sunt extra controversiam, disserunt. Et deinde ex eo, quod homo peccator ante conversionem mortuus peccatis dicitur, à nostris concludi objectant: *Ergò ineptus est ad sui conversionem: Ergò novæ vires, & nova potentia ei danda est qua converti possit: Ergo non tantum potentia, sed etiam actus conversionis à Deo est.* Deinde ad singula hæc respondent; concedimus. Sed interim sub specie consensus, conclusionem pervertunt. Conclusio enim est ea, quam ipsi met adversarii nobis attribuant initio, nempe *hominem peccatorem ante conversionem sui, nihil in se habere, quod ad conversionem ipsius facere aut conferre quicquam possit*, hoc est, non esse causam Deo cooperantem: sed vires conversionis esse supernaturales, à quibus solis ea procedat: ac propterea non etiam à naturalibus liberi arbitrii viribus, ut adversarii ostendunt: quasi Deus sufficientem ad conversionem gratiam daret; sed ut ea existat, seu ut homo convertatur, concurrere debere naturales, liberi arbitrii vires, Deo cooperantes. Unde satis liquet adversarios sophistarum more, statu controversiæ corrupto, causæ suæ imbecillitatem detegere. Sed spectanda sunt sequentia. Nam attribunt nobis præter præpositas conclusiones etiam hanc: *Ergo homo non magis impedire potest conversionem sui, quam*



sui, quam is qui mortuus est sui ex mortuis resurrectionem. At inquam his verbis, rursus adversarii à scopo status controversiæ aberrant: hoc enim à nostris probandum proponitur, peccatorem nil conferre virium naturalium ad sui conversionem: ideoque quæstio est, non de potentia resistendi Deo, conversionem operanti: sed de potentia ad cooperandum conversioni. Hanc negamus: illam concedimus, quia carnis cogitatio inimicitia est adversus Deum: adeo ut reliquæ illius, etiam in renatis, resistent, ac repugnent spiritui, Galat. 5. vers. 17. Sed quamvis insit talis potentia vitiosa peccatori convertendo: ea tamen, à Deo, destinata conversionem operari volente, superatur: dum carnem seu vitiositatem naturalem, cui auditum Euangelium stultitia est, Spiritus sui regenerantis potentia, bona parte tollit: & cor novum ac Spiritum novum largitur, ut Ezech. 36. vers. 26. 27. 29. & Jerem. 31. & inde, Heb. 8. vers. 10. Tit. 3. vers. 3. 4. 5. 6. de qua re pluribus supra in refutatione superiorum egimus. Deinde quod ajunt: *En hac ratione in proprietate vocis mortui, totum præsidium argumenti positum habent*: Illud aperte falsum est. Nam vis argumenti posita est, ut ostendimus in similitudine, seu convenientia mortui, ratione vitæ corporis propriæ, & mortui ratione vitæ spiritualis metaphoricæ: quemadmodum similitudinem sacra Scriptura exponit. Ea autem est hæc, quod ut mortuus propriè ad vivificationem sui cooperari non potest, nec actiones vitales edere, quia vita corporali destituitur: Sic etiam peccator convertendus, ac spiritualiter mortuus, vita spirituali imaginis Dei, seu justitiæ ac sanctitatis, omnino privatus, non potest actiones vitales justitiæ ac sanctitatis edere, ut de viribus naturalibus, 1. Cor. 2. v. 14. & 2. Cor. 3. v. 5. disertè traditur. Et Ephes. 2. vers. 2. Homines convertendos, *mortuos peccatis* vocat, non moribus tantum: sed naturâ etiam: unde *natura filios iræ*, id est ob vitiositatem naturæ, iræ Dei obnoxiosos asserit, Et v. 8. *Fidem non ex nobis, sed Dei donum esse: non ex operibus, ne quis gloriatur*. Cujus rationem reddens ait: *Ipsius enim opus sumus, creati per Christum Jesum, ad bona opera, quæ præparavit, ut in iis ambulemus*. Quocirca quod adversarii objiciunt, ineptè hoc à nobis fieri quod totum præsidium argumenti in proprietate vocis mortui ponamus: ipsimet contra ineptè falsa nituntur hypothesi; quia non absolute vocis proprietatem, sed expositionem Scripturæ spectamus, & eatenus vocem illam accipimus: atque ex ea, sic exposita, solide argumentamur. Quare paralogismo elenchi impingunt adversarii. Interim tamen non inutile erit, si argumenta ipsorum nonnihil ad clariorem veritatis defensionem expendamus. Primum est hujusmodi: *Si conversionem hominis Deus eodem modo efficit, quo mortuum suscitavit*: Ergo Deus non mandaret nec præscriberet homini: ut se convertat, & resurgat à mortuis, sub seria promissione præmii excellentissimi, & comminatione pænæ atrocissimæ. Atqui Deus præscribit, & mandat, sub seria promissione vitæ æternæ, & comminatione æternæ mortis homini, ut se convertat & resurgat ex mortuis. Ergo. Minor est in Epist. ad Eph. 5. v. 14. *Excitare qui dormis, & surge ex mortuis, & illucescet tibi Christus*. Ratio majoris, ex figura petitur, quia stultè præscriberetur mortuo sub comminatione pænæ æternæ, & promissione præmii maximi, ut ex morte & sepulchro resurgeret. Sed respondemus, primò supplendam & exponendam esse conclusionem adversariorum; ea autem plena est hujusmodi: *Ergo conversionem hominis Deus eodem modo non efficit, quo mortuum ex morte suscitavit*. Ad sensum verò quod attinet; si verba illa, scilicet *eodem modo*, pro absolute, & omni modo intelligant; tum paralogismus elenchi, ut dictum est, committunt. Nec enim dissentaneam à sententia nostra, sed consentaneam conclusionem inferent. Nec enim nostri id statuunt, quod adversarii negant: Agnoscimus enim differentiam nonnullam esse inter mortuum propriè, seu vita corporali destitutum, & mortuum Spiritu metaphoricè, seu vita imaginis Dei ac justitia privatum. Nam prior non est obligatus ad suscitationem sui: ideoque ei mandari suscitatio, proposito obedientiæ præmio, & inobedientiæ pænâ, jure non potest. Posterior verò ad sui vivificationem & actiones vitæ est obligatus: quia à Deo, in creatione, imagine

ipsius seu vita spirituali justitiæ, donatus, eam servare, eaque Deum, ut summum bonum & creatorem suum beneficium, ac Dominum, vita spirituali colere; ex toto corde, tota anima, & omnibus viribus est obligatus: & ab eo vinculo, imaginis ac justitiæ per lapsum amissione, minimè liberatur: Sed nisi obedientiam illam præstet, iram Dei subire tenetur, ut in superioribus suo loco, pluribus est demonstratum. Sin vero illa verba, in conclusione, nempe *eodem modo* adversarii intelligere velint, ut à Scripturâ & nostris exponuntur, nempe, eodem modo; non absolute & universaliter; sed certo modo; eodem videlicet, quod mortui propriè; & peccatores ante conversionem mortui metaphoricè, eodem modo certo suscitentur: Primum, quod neutrius potentia naturali insita, sed sola Dei omnipotentia suscitentur ac vita donentur; tum in eo sententiam nostrarum Ecclesiarum agnoscimus, & quidem (ut antea ex Ezech. 36. Jer. 31. & utraque ad Corinth. probavimus) Scripturæ consentaneam. Quod etiam Apostolus, Eph. 1. 19. & 20 declarat: cum ait: *Et quæ sit excellens illa magnitudo potentiæ ipsius, in nobis, qui credimus, pro efficacia fortitudinis roboris*, (id est, fortitudinis robustæ, per Hebraismum) *ipsius, quam exeruit in Christo, cum excitavit eum ex mortuis*. Deinde eo etiam modo conveniunt utrique illi mortui propriè, & impropiè, nimirum quod quamvis per se utrique sint omnino impotentes, ad actiones vitæ suæ edendas: quod nihilominus tamen nec frustra, nec insipienter, iis, quos Deus vivificare vult, mandetur ab eo, ut suscitentur à mortuis: quandoquidem simul cum mandato externo, reddens per divinam suam potentiam, vitam internam, idoneos ac potentes efficit ad mandato parendum: ut exemplo Lazari patet, Johan. 11. Nam ut vers. 43. Christus præcepit, ut foras prodiret mortuus: sic vers. 44. obedientia præcepti exprimitur, cum subjicitur: *& mortuus ille* (aut potius qui mortuus fuerat) *exivit*. Quale etiam exemplum Luc. 7. vers. 14. 15. Sic eadem hac ratione hominibus vita spirituali carentibus, atque ita mortuis, officium mandatur à Deo per verbum, ut surgant: seu actiones vitæ spiritualis, fidei & charitatis exercent, & simul in electis interius per Spiritum Sanctum regenerando, & sanctificando mentem ac voluntatem, seu fidei & charitatis virtutes, tanquam vitam spirituales donando, idoneos ad actiones vitales edendas reddit. Atque hac in re convenientia est; hæc spectantur à nostris: & hujus contrarium erat adversariis concludendum. Quare ut ad antecedens strictim accedamus, si in propositionis antecedente, verba illa: *eodem modo efficere*, intelligantur absolute, & simpliciter, eo prorsus modo: (ut probatione subjecta, & à nobis modo relata, sese intelligere exponunt) tum paralogismo elenchi ineptè ludunt, neque nostram sententiam, sed suum figmentum oppugnant: Sin verò ea verba (nempe *eodem modo efficere*) accipere velint, quemadmodum ex nostrorum explicatione debebant, ut rectè differerent, tum falsa erit propositio. Nam licet mortuus corpore & mortuus Spiritu, seu ratione imaginis Dei, ac vitæ justitiæ, eodem solius supernaturalis potentiæ Dei, non autem naturalium virium modo, vivificentur & actiones vitæ suæ edant; inde tamen non sequitur: Ergo Deus non mandaret homini, sub comminatione, & promissione, ut se convertat, & resurgat à mortuis; quia etsi peccator ante sui conversionem non possit resurgere à mortuis, ac se convertere suis viribus: juste tamen & sapienter Deus hoc ei ita mandat: quia hoc est hominis officium, qui vires illas in creatione à Deo accepit, ut obedire posset, & suo vitio perdidit: Sed Deus jus suum ea ratione nequaquam perdidit. Ideoque mandando declarat hominis officium, quod sibi debetur: non autem hominis efficaciam seu parendi vires. Eas enim in convertendo non invenit, sed in eo quem convertere destinavit, efficit: cum vitam spirituales per regenerationem donat, atque ita hac vita donatum ad actiones vitæ illius, idoneum reddit, & adjuvat; partim exterius verbo, per declarationem officii, & stimulum promissionis, & comminationis excitando: partim interius, Spiritu suo Sancto tentationes frænando, & motibus sanctis firmando, ad actiones vitæ spiri-

spirituales edendas promovet. Quemadmodum Lazaro mandavit, ut surgeret, externa voce: & interius vita donando, ut mandato pareret, effecit, ut ante monuimus. Quod enim obiectant adversarii, *mandatum hoc, non fuisse propriè dictum mandatum; quia comminatione, & promissione non fuit sancitum*: illud inquam vanum est. Nam mandare propriè est generatim aliquid alicui præscribere: sive conditio promissionis præmii, & comminationis pœnæ adsit, vel absit. Hoc enim ad mandandi significationem nihil pertinet. Sic Christus obedientiam prodeundi foras, & per consequens ante surgendi à Lazaro postulavit; & Lazarus Christi potentia, vita donatus, illud præstando obedivit: ac propterea mandatum non fuisse propriè, quoniam pudore negant adversarii? Quod deinde secundo loco addunt, *mandato huic, (nempe ut surgeret, quemadmodum ante ab adversariis propositum) non obediebat propriè Lazarus, cum revivisceret: non magis quam infans, cum nascitur, aut mundus, cum creatur*. Respondemus, elenchi paralogismo rursus, ut antea sæpius, ludere adversarios, cum vocem *surgendi*, cum voce *reviviscendi*, seu *recuperandi vitam* confundunt: quasi scilicet nostri, ea pro Synonymis haberent, aut necessario habenda essent: cum contra hæc duo inter se, ut effectum & causam illius, manifestè differant. Nam vivificatio Lazari actio fuit potentiae divinæ Christi, non Lazari: eamque ei non mandavit: quia Lazarus ad id non erat obligatus, nec etiam idoneus: sed surgendi actionem, ac prodeundi foras (ad quam vivificando idoneum reddiderat) ipsi mandavit: & ipse jam vita donatus, mandato obediens, eandem surgendo præstitit. Quod autem à nostris dicitur, *quod mandando Deus efficiat, ut se convertant homines*: Adversarii obijciunt, nostros dicere, *mandando, Deum non posse efficere, ut mortuus peccatis convertatur, quia mandare, tantum actus externæ gratiæ est, quæ per se, ad conversionem ut causam non magis facit, quam lux ad cæcum illustrandum*. Respondetur adversarios, eodem elenchi paralogismo, impingere. Nostri enim loquuntur de conversione actuali, quæ est jam conversione habituali donati: ut verba jam proposita ostendunt; nempe *ut se convertant homines*. Cujus actionis instrumentalis est mandatum, ut ante ostendimus. Contra verò adversarii opponunt, quasi huic repugnantem, aliam nostrorum sententiam, quæ de conversione habituali agit, quam mortuus in peccatis convertitur. Cujus conversionis causam efficientem, propriè Deum solum nostri statuunt: non autem mandatum Dei; quod tantum est antecedens, adjunctum, in iis, qui vita spirituali, seu habituali conversione à Deo donantur, hoc est, regenerantur. Impropiè verò per metaph. ob similitudinem adjuncti proprii, cum causa instrumentali efficiente, mandato ac doctrinæ Evangelii, quasi causæ instrumentali, regeneratio nostri, 1. Pet. 1. v. 23. & ministro Evangelii, apertio oculorum, conversio à tenebris ad lucem, & à potestate Satanæ ad Deum Act. 26. v. 18. tribuitur. Et quia in convertendis conjunctam habet Spiritus Sancti efficaciam, qua vita spiritualis à Deo donatur; idcirco Evangelium etiam *ministerium Spiritus, qui vivificat*, 2. Cor. 3. v. 5. 8. appellatur, non autem quasi in omnibus, quibus Evangelium illud primum annunciat, eadem vis adesset; ut adversarii falsò statuunt. Nam alioqui ratione insitæ externo Evangelii mandato potentiae, non magis mortuo in peccatis ad vivificandum est efficax per se, quam lux externa ad internam videndi oculorum potentiam cæco dandam: sed ut lux, visu reddito, ad actionem videndi est efficax: sic lux Evangelii homini per conversionem habitualement, visu spirituali donato, ad actum videndi efficiendum, cooperatur. Sed rursus excipiunt adversarii, *imò eo ipso, quod Deus mandat, sub promissione præmii, & comminatione pœnæ, ut homo se convertat, non potest velle efficere conversionem ea efficacitate; quæ vi sua effectum necessariò sortitur*. Verum respondemus, si conversionem actualem intelligant, elenchi paralogismus est: nam licet nostri dicant, in iis, quos Deus primum conversione habituali donavit, quod hoc in eum finem fecerit, & eò etiam dirigat, ut homo actu convertatur certò: non tamen statuunt, necessariò: ut suo loco ostendimus. Verum si de habituali accipiant, sententia adversariorum falsa est: neque rationes

eorum, quas adducunt, firmæ sunt. Prima enim est: *quia (ut inquiunt,) Deus eodem tempore vellet, ut homo se converteret, & nollet. Ratio est, (ut addunt) quia si Deus ipse ea potentia vellet hominem convertere, hoc ipso nollet hominem se convertere: quia utrumque simul velle non potest; vellet enim ut unus idemque effectus, uno eodemque tempore, à duabus totalibus causis dependeret*. Respondemus, sophisma esse homonymias, in voce *volendi*. Nam *velle*, aut *amare*, seu *approbare* notat: & per metonym. subjecti signati, pro adjuncto signo, *mandare*, aut *decernere*. Atque ita, pro diversâ illa significatione vocis, Deus, sine ulla contradictione, idem potest velle, & non velle. Sicut vult, id est, ut bonum probat & mandat conversionem peccatoris, Ezech. 33. v. 11. & tamen plurimorum peccatorum conversionem non vult, hoc est, non decrevit: sed contra decrevit, in peccatis suis eos relinquere: quemadmodum revera reliquit: ut omnes gentes ante Christi, & Apostolorum tempora, sicut ambulare in viis suis. Actor. 14. v. 16. ut igitur hæc ad objectionem accommodemus: optimè hæc conveniunt, ut Deus dicatur, eodem tempore, posse velle, approbando, scilicet. & mandando officium, ut homo se convertat: & tamen non velle, hoc est, non decernere, ut homo hoc efficiat: alioqui sequeretur, nullam posse esse inobedientiam: quia Deus *impietatem non vult*, Psal. 5. v. 5. hoc est, non amat, sed odit, v. 6. & tamen impietatem decrevit, seu vult: non quidem efficere, sed justè permittere ac regere: ut experientia probat, ut etiam 1. Sam. 2. v. 25. dicitur: *Filii Eli non audierunt vocem patris sui, quia voluit Dominus occidere eos*. Ad eos autem quod attinet, quos Deus ipse regenerat, eorum regenerationem à se fieri vult, hoc est, decrevit: *omnia enim facit secundum consilium voluntatis suæ*, Eph. 1. v. 11. Atque hoc sensu ab homine convertendo ea fieri non vult: quia hoc non decrevit. Alio tamen sensu, ab eodem hoc fieri vult, hoc est, tanquam officium probat, ac mandat; ut homines, quid debeant, norint: imò ut aliàs ostendimus, etiam à verè fidelibus, in hac vita, non minus, quam ab infidelibus vult Deus amorem ex toto corde, tota cogitatione, & omnibus viribus: quia hoc probat & mandat: & tamen hoc ipsum Deus non vult, hoc est, non decrevit, in iis sua potentia efficere; neque etiam decrevit ut ab iis fieret. Hoc enim in hac vitâ à fidelibus, ob carnis reliquias, adversus Spiritum reluctantes, & quia nemo peccato caret, fieri non potest. Quare hinc etiam apparet, adversarios ambiguitate vocis *volendi* abutentes, frustra veritati reluctari: dum hæc duo inter se convenire posse, impossibile esse obiectant. Sed alteram adjiciunt rationem hujusmodi: *quod ipse Deus per actionem insuperabilem operari vult in homine, illud non cadit sub actum hominis: at quod mandatur, cadit sub actum hominis*. Ergò. Propositionem majorem, quæ controversa non est, operosè probant adversarii: Minorem verò quæ falsa est, quasi certissimam, ac confessam, ne verbo quidem firmare conantur. Nam mandata officium notant; non autem semper vires eorum, quibus mandatur, ut jam antea ostendimus: Idque vel ex illo etiam evincitur, quod Christus, Joh. 12. vers. 36. Fidem auditoribus incredulis mandat, cum ait, *dum lucem habetis, credite in lucem*, & tamen Evangelista non solum ait, v. 37. *Eos non credidisse in ipsum*. Sed etiam v. 39. subjicit, *non potuisse credere in ipsum*. Tertia etiam ratio invalida est, cum ajunt: *quia ridicula foret promissio præmii, & pœnæ comminatio*. Nec enim pro argumento serviret, quo moveri posset homo ad conversionem; nec pro instrumento, quo conversio quæ mandatur effici potest. Verum negamus ridiculam fore promissionem præmii, & comminationem pœnæ: quia Deus mandando officium, promissione sua eventum obedientiæ illius felicem: & comminatione in obedientiæ infelicem docet generatim: Speciatim verò electos convertendo suo Spiritu, ad officium reddit idoneos, & salutis promissæ capaces. Neque enim ad conversionem habitualement seu regenerationem, tanquam argumento movere vult peccatores, ut seipsos convertant, seu vivificent; hoc enim solius Dei opus: etsi sit hominis officium. Deo debitum: ideoque mandatum Dei, ad hanc rem ut homo seipsum regeneret, instrumentum non est propriè loquendo: (ut supra pluribus à nobis declaratum) sed tan-

tum improprie ac Metaphoricè, ut adjunctum antecedens: cui in convertendis electis, certò à Spiritu Sancto regeneratio accedit. Quod autem ad actualem conversionem (seu credendi & Deum diligendi actionem) attinet; ad eam excitandam, mandatum Evangelii, promissione & comminatione adjuncta, inservit, & revera illius instrumentum est efficax. Ac propterea infirmitas etiam hujus rationis elucet. Atque hæc de rationibus tribus, quibus adversarii nostrorum, adversus primum ipsorum argumentum, responsum refutare nituntur; quo argumento probare conati sunt, Deum conversionem hominis, non eodem modo efficere quo mortuum suscitet. Secundum autem argumentum, quo idem probare moliuntur, est hujusmodi: *Si actus conversionis sive conversio à solo Deo producente, & efficiente dependet, uti resuscitatio mortui à resuscitante: jam actus conversionis, vel conversio ipsa, homini converso ab ipso Deo tribui nullo modo possit; nedum præmium aliquod respectu actus illius homini converso tribui. Atqui tribuitur homini converso actus, & præmium respectu actus illius ei à Deo dandum dicitur. Ergo.* Respondetur, distinctione propositionis; Conversionem quatenus habitus est, à solo Deo fieri, qui virtutes fidei & charitatis regeneratione per Spiritum Sanctum solus efficit; atque ita homini non renato minimè tribuitur; quia privatus vita Spirituali justitiæ, ejus à Deo infundendæ, subjectum quidem est: sed causa cooperans esse non potest. Atque ea in re, impotentiâ mortuo similis est. Atque ita intellecta propositio confirmatione opus non habet. Sed assumptio tum est falsa. Sin vero conversio intelligatur actualis: seu actiones virtutum fidei & charitatis; tum est sophisma elenchi, nec enim concluditur sententia nostræ contradicens: quia Deum statuimus, actualem in nobis conversionem efficere, non eo modo quo suscitationem mortui: quasi solus ipse efficeret. Nam causa prima quidem est ac principalis atque etiam adjuvans: sed homo causa cooperans proxima: quia actualis conversio est actio Dei & hominis, non mortui in peccatis, sed suscitati ac conversi, seu vita spirituali à Deo jam donati; cujus vitæ vi & à Deo adjutus, actiones vitales credendi & diligendi Deum edit. Quare vanum omnino est, quod ad hæc adversarii respondent: *Hæc est*, inquit, *quorundam Contraremonstr. Theologia.* Imò constans est omnium nostrorum sententia. Nam Catechesis Ecclesiarum nostrarum, ad quæst. 8. responsione, regenerationem, qua ad bene agendum reddimur idonei, ut causam, aperte distinguit à bonis actionibus, ut effectis consequentibus. & quæst. ac respons. 43. conjuncta cum 45. & respons. 70. & 87. Ex quibus locis doctrinæ Ecclesiarum nostrarum, quam adversarii à teneris didicerunt, ac diu docuerunt, perspicue etiam apparet, calumniam esse quod ajunt, *quosdam nostrum pressos argumentis pluribus, huc tandem venire compulso.* Quis enim nostrum hanc doctrinam toties inculcatam in Catechesi, & ex verbo Dei petitam negavit? & quomodo credibile est, quenquam dixisse Deum in nobis fidei actionem efficere, ut vitam in mortuo efficit; cum sole clarius sit, hominem credere in Christum, ac Deum per Christum Redemptorem diligere: idque omnes fateantur: quo modo solum Deum illius actionis causam efficientem, excluso homine, vocabunt? Hoc igitur non est controversum, an homo credens in Christum, & Deum ut Redemptorem diligens, actionum harum etiam sit causa efficiens: sed de viribus quæstio: an actiones illæ ex naturalibus voluntatis liberæ eligentis viribus, (ut adversarii volunt) efficiantur. An verò ex supernaturalibus Spiritus Sancti viribus, habitum justitiæ seu fidei, & charitatis indentis, & ad actiones earum adjuvantis, oriantur tantum. Ut enim Lazarus (quod aliàs monuimus,) mortuus, à solo Christo vero Deo vivificatus est: non autem ad vitam suam est cooperatus; quod viribus esset destitutus: vita tamen donatus vi illius vitæ jam acceptæ, & mandati Christi instrumento, surgendi & prodeundi actionis causa fuit: Eodem modo se habet in vivificatione seu regeneratione spirituali nostra, & vitalibus (seu fidei & charitatis) actionibus. Illius enim Deus solus est effector; harum verò Deus ut vitæ, tanquam principii author, & ad actiones vitales excitandas adiutor, causa earum est princi-

palis: homo verò vita spirituali jam donatus à Deo, & auxilio illius præeunte ac comitante, illius viribus, actionem vitæ proximè producit: seu credit in Christum, & Deum suum redemptorem diligit. Cæterum Adversarii objiciunt: *Sed tamen nihil ipsos juvare potest*, inquit, *ipsorum Invenna. ratio est: quia dato, sed non concessio, fidem in primo instanti conversionis, ut habitum infundi; quæreretur nihilominus semper, annon homo verè conversus & regenitus dicatur, quod habitum illum habeat?* Respondetur autem, eo modo conversum esse verè: non tamen simpliciter, sed secundum quid, ratione scilicet habitus: nondum verò ratione actus ex eo promanantis: qui actus seu quæ actio finis est habitus illius, atque effectum consequens. Eoque modo diluitur id, quod adversarii excipiunt; *si concedant* (inquit) *jam necessario sequetur, actum illum non mandari: nec ex mandato necessarium esse, ad hoc ut homo convertat se: quia conversio absoluta ac perfecta jam est.* Hoc inquam responsione data diluitur. Nam ut mandatum conversionem antecedit; sic utramque & habitualement & actualem ut officium hominis præscribit: ut eo modo perfecta sit & absoluta conversio, si partes spectemus. Et illam Deus ex gratia regenerando solus efficit: hanc verò in homine & cum homine renato cooperatur. Ac propterea quod refutare conantur: si negemus hominem verè conversum dici, eo ipso quod habitum illum habeat, illud alienum est: quia talem verè conversum agnoscimus: sed conversionem absolutam ac perfectam negamus: quia actus ad eam rem requiruntur. Imò ne ipse quidem habitus conversionis ratione graduum absolutus ac perfectus est ratione sui: sed inchoatus tantum, ac paulatim absolvendus; quia carnis seu vitiositatis naturæ adversus Spiritum repugnantis, reliquæ in conversis illis (seu fidei, & charitatis virtutibus donatis) hærent, Rom. 7. Gal. 5. Quare hæc frustrà ab adversariis dicta. Non abs re tamen erit, si probationem eorum, quæ oblique partimque nostros attingit, paucis expendamus. *Si negent*, inquit, *tum necessario sequitur, actus illos, vel fluere necessario necessitate consequentis ex habitu illo; vel liberè ita produci, à voluntate habitu illo informata, ut possit eos non producere. Si illud dicatur, eadem manet difficultas: Si hoc, tum evertitur dogma eorum de absoluta quorundam electione, ex ipsis Contraremonstrantium principis.* Resp. ad propositionem, quoniam antecedens illius concedimus, consequentia nos non attingit. Sed ad consequens quod attinet, agnoscimus membrum illius primum, nempe actum conversionis (id est, actualem fidem & charitatem) non fluere necessitate consequentis, ex habitu illo, hoc est, ex fidei & charitatis virtutibus: sed persuasionem verbi, & auxilio defendente & firmante Spiritus Sancti. Alterum verò membrum ex parte falsum est: neque etiam sequitur ex antecedente; ideoque consequentia nulla. Falsam autem esse, ex parte inde constat: quia primæ partis conversionis, seu habitus fidei subjectum non est voluntas; ideoque eam non informat; sed subjectum habitus fidei est intellectus; ac propterea voluntas dici non potest, actionem fidei liberè producere: cum illius non sit actio credere. Quod verò ad charitatis habitum attinet, illum in voluntate (seu rationali appetendi potentia) esse, eamque informare, ut accidens suum subjectum, & actionem illius liberè producere, verum est. Neque propterea tamen (ut objectant) *dogma nostrorum de electione certa*, (quam ambigüe ac captiosè adversarii absolutam vocant) evertitur: neque syllogismo suo, quem adducunt, illud demonstrant, hoc pacto: *Qui se liberè* (inquit) *habet ad medium electionis executioni destinatum: ita ut possit illud producere, & non producere, is potest non salvari. At qui se liberè habet, ad actus illos, quibus conversio perficitur & absolvitur, vel sine quibus conversio hominis absoluta non est, ita ut possit eos producere; ille se habet liberè ad medium electionis executioni destinatum.* Ergo. Sed respondemus ignoratione elenchi, adversarios à re proposita declinare. Probandum enim erat, posita conversione actuali libera, dogma nostrorum de electione certa everti; eo verò relicto, probant, conversionis habitu donatum, posse non salvari: quod ambigüe dicitur, nempe vel per se considerando, vel per accidens: Si per se consideremus tantum, agnoscimus hominem conversum posse non salvari: quia

quia habet in se causam illius efficientem, nempe carnem (seu reliquias vitiositatis nativæ) repugnantem Spiritui, Gal. 5. seu fidei & charitati à Spiritu Sancto donatæ: adeo ut licet Spiritus sit carne solâ potentior in renatis: Si tamen accedat externa Satanæ & mundi tentatio, Spiritus succumberet, nisi auxilium Dei accederet: atque ita homo consideratus, & posset perire & periret, Matth. 26. v. 41. Luc. 22. v. 31. & 32.

Per accidens verò destinati, promissi, atque accedentis tempestivè auxilii divini exterius per verbum & castigationes: interius verò per refrænationem tentationum, & confirmationem Spiritus fieri non potest, ut vere conversi non salventur. Quo respectu dicitur Matth. 24. v. 14. *Si fieri posset, etiam electi seducerentur: sed propter electos* (ne scilicet pereant) *contrahentur dies*: ut traditur v. 22. scilicet afflictionis, ne illæ graviores sint, quam ut ferre valeant, ut 1. Cor. 10. v. 13. & 11. v. 32. Matth. 26. v. 41. Luc. 22. v. 32. & electos potentiz suæ præsidio conservat, per fidem ad salutem 1. Pet. 1. v. 5. & quasi in manu sua potentissima, adversus raptos, carnem, Satanam, mundum retinet, ac tuetur, Joh. 10. v. 28. 29. Quare verè conversus per se, ratione virum, quas in se habet, posset à carnis, Satanæ, mundi tentationibus superari, ac perire: per accidens verò gratiæ conversis promissæ, seu potentiz Dei conservantis, non potest perire: & quia ea gratia certò adest, idcirco etiam nunquam perit. Unde quoque apparet, falsò ab Advers. dici: *Secundò vertitur dogma de perseverantia*. Nam quod ajunt illi: *Si fieri posset ut actus omnes fidei, & spei cessent: jam fieri posset, ut homo totaliter excidat: quia habitus fidelem non facit. Actus autem omnes cessare possunt, imò sæpius cessant: quo modo ergo fidelis manet semper fidelis?* Hæc illi. Verum in propositione secundæ hujus objectionis est idem error elenchi, qui in antecedente convictus. Nam relatione ac respectu ad hominis conversi vires, per se consideratus homo, ille sine gratia Dei adjuvante, totaliter excidere posset: sin vero relatione & respectu ad Dei auxilium, per accidens gratiæ promissæ ac præsentis, consideremus hominem conversum, totaliter excidere non potest, ob sapientem non minus, quàm potentem Dei operationem. Deinde falsa est etiam Consequentia: quia licet omnes actus fidei & spei possint cessare, non inde tamen sequitur, posse totaliter excidere; quia habitus, cessante actu, nihilominus manet: ut noctu, cum homo dormit; aut interdum, cum aliud agenti, Evangelium cogitationi illius non objicitur, tum sanè omni actu fidei caret: & tamen virtute fidei præditus ac fidelis est: quæ fides objecto Evangelii proposito actionem fidei producit. Nam quod propositionis illius consequentiam, eo probare nituntur, *quia habitus fidelem non facit*, illud vanissimum est. Nam appellationes hujusmodi durantes, ab habitu defumi solere ac debere, & communis Doctorum sententia & res ipsa evincit. Nam habitus manent & sunt principia actionum: actio autem transit ac perit; ideoque denominationes, quæ durationem rei denotant, non propter actionem, sed propter habitum tribuuntur: ut justus non ab actione iusta transeunte, sed à virtute iustitiæ permanente nominatur: quemadmodum etiam liberalis, fortis, frugalis: sic etiam fidelis qui virtute fidei præditus: cuius virtutis signum & argumentum est actio fidei propria, seu ipsam credere. Quare quod objiciunt: *actus omnes cessare possunt, imò sæpe cessant: quomodo ergo fidelis manet fidelis?* Resp. actiones fidei, ad tempus quidem sæpe cessant, habitus tamen permanet: ideoque verè ab eo habitu, seu à virtute fidei durante, fideles, id est, virtute fidei præditi nominantur. Quemadmodum ab actione credendi, cum jam credunt, *credentes* rectè dicuntur: sed actione credendi præterita, atque absente, credentes propriè dici non possunt: licet improprie interdum nomen actionis significativum, pro nomine qualitatibus atque habitibus indice accipiat. Deinde adversariorum dicta in ipsos merito retorquemus. Nam si cessante omni actu fidei, fidelis esse desinit fidelis; (ut adversarii statuunt) Ergo uno eodemque die, homo conversus interdum erit fidelis eoque iustificatus, & Christi membrum atque hæres vitæ æternæ: videlicet cum de Evangelio cogitans illi credet: Sæpius verò (nempe noctu, somno, aut interdum cum aliis rebus occupatus, de Evangelio non cogitabit, eoque actus credendi cessabit) erit infidelis, ac pro-

pterea à justificatione & Christo, ac vitæ æternæ alienus, & sub ira Dei constitutus: similiter si ab actu fidei, fidelis dicatur, & eo cessante, non sit fidelis; Ergo omnes illi, qui aut casu subito opprimuntur, de Evangelio minimè cogitantes: aut in extremo vitæ, deficientibus sensibus ac viribus & cogitatione (ideoque & actu fidei) moriuntur, à salute excluduntur. Quotusquisque autem est, cui hoc non accidit? Quare ex his apparet, adversariorum objectionem omnino esse vanam, dum ab actu fidei: non autem ab habitu virtutis fidei, hominem fidelem esse ac vocari contendunt. Idque clarius etiam evadet ex eorum, quæ porro urgent adversarii, examine. Sed (inquiunt) *ut pressius adhuc respondeamus: nullo fundamento nititur, quod quidam Contraremonstrantes asserunt, Deum in homine convertendo primò operari habitum, & quidem irresistibiliter*. Sed primum statum quæstionis (cujus antea meminimus) hic confundunt adversarii. Nec enim hic quæritur, de modo operandi habitum, an is fiat insuperabili Dei vi; sed de ordine illius, an prius habitus, quam actus efficiatur à Deo. Deinde falsum est, quod statuunt, *quosdam nostrum in ea esse sententia*: cum constans sit ac communis, ut ex locis Catecheseos Ecclesiarum nostrarum antea demonstravimus. Denique quod objiciunt *hanc sententiam nullo nisi fundamento*, falsum est. Nam fundamentum hoc invictum est: omnis causa suâ naturâ prior est suo effectu. Atqui Scriptura teste, conversionis habitus est causa: actus, vi conversionis illius, effectum. Ergo conversionis habitus prior est natura conversionis actu. Assumptio extat iis in locis, ubi describitur conversionis habitus, seu permanens qualitas renovationis nostræ, ut in formula novi fœderis promissi, Ezech. 36. v. 26. 27. *dabo vobis cor novum, & Spiritum novum dabo in medio vestrum: & amovebo cor lapideum & carne vestra, & dabo vobis cor carneum: & Spiritum meum dabo in medio vestrum, & faciam, quod Hebraicè נִשְׁמָתִי in statutis meis ambulabitis & iudicia mea custodietis & facietis*; Quibus verbis duo inter se distinguuntur suo ordine; primum est donatio cordis novi & Spiritus novi; quæ soli Deo tribuitur: deinde actio illius statuitur, in statutis Dei ambulare: id quod & Deo tribuitur, & homini renovato. Deo ut causæ primæ; cum dicitur, *faciam*: homini verò corde & Spiritu novo jam donato, cum ait: *quod in iis ambulabitis & iudicia mea custodietis & facietis ea*. Cor autem novum, & Spiritum novum non actionem, quæ transit: sed qualitatem manentem atque habitum renovationis denotare, ostendit, præter phrasin ipsam, primum oppositio contrarii, nempe *cordis lapidei*, quo non actio transiens, sed qualitas permanens, seu habitus vitiosus peccati originis denotatur. Ideoque & *cor novum, cor carneum*, (id est, molle atque admittens impressionem verbi Dei) & *Spiritus novus*, non actionem, sed habitum renovationis & imaginis Dei, seu habitus sanctitatis inhærentis restitutionem designant. Deinde effecta idem demonstrant; primum enim est, *cordis lapidei ablatio*: quam actioni transeunti tribui non posse perspicuum est: una enim actio hominis bona abolere non potest habitum vitiosum acquisitum, multo minus innatum, qui pertinacius inhæret. Secundum effectum idem comprobatur, nempe *facere Dei statuta*: quæ à corde novo, tanquam effecta à causa sua præcedente, clarè satis distinguuntur. Secundò idem etiam Apostolus testatur, Eph. 2. v. 9. *ipsius enim opus sumus, creati per Christum Jesum, ad bona opera, quæ præparavit Deus, ut in iis ambulemus*: quibus verbis, habitus conversionis, creatio à Deo per Christum, ut principium & causa statuitur: finis verò & effecta, bona opera: quæ credendi & diligendi actionibus continentur. Neque hic excipi potest, *creationem quidem hanc præcedere multa bona opera, sed non omnia*: Imò contrà Apostolus antecedentia omnia nostra bona opera excludit apertè: quia scopus illius est, probare præcedens, suum dictum, vers. 8. & 9. nempe fidem Dei donum esse, non ex operibus, ne quis gloriatur: cuius rationem proximè hanc subicit, *ipsius enim opus sumus, creati per Christum, ad bona opera*: quo perspicuè docet, nulla bona opera hoc opus Dei, seu creationem per Christum antecedere; sed ea inde promanare. Denique ut alia omit- tam, Gal. 5. vers. 16. ut caro à suis concupiscentiis: sic Spiritus seu conversionis habitus à sua ambulatione, seu actionibus,



nibus, ut causa ab effectu posteriore distinguitur. & v. 19. ut caro, à suis operibus: sic Spiritus seu regenerationis gratia, à suis fructibus, charitate, fide, (nempe actuali) aliisque distinguitur. Per Spiritum autem non actionem transeuntem: sed ut principium actionum immanens describi, res ipsa arguit. Quemadmodum vitam spirituales, ab actione illius vitali etiam diserte distinguit, vers. 25. *Si Spiritu vivimus, Spiritu etiam incedamus.*

Quare inani confidentiâ adversarii asserunt, nullo fundamento niti nostros, asserentes, Deum in homine convertendo, primò operari habitum. Quod autem porro rationi manifestè repugnare asserunt, illud solidè non demonstrant: ut ex propositi ab adversariis Syllogismi examine apparebit, qui est huiusmodi: *Quod primò & rigide Deus ab homine exigit, ad salutem obtinendam, & pœnam evadendam: illud primò Deus in homine operari vult, & ad id primò gratia concurrat: atqui non habitum fidei & conversionis Deus primò & rigide exigit ab homine ad salutem obtinendam, & pœnam evadendam: Ergo non habitum, sed actum primò operatur, & ad actum gratia Dei primò concurrat.* Majorem præterimus, & assumptionem utpote falsam negamus. Interim tamen observandum, propositionem majorem ab adversariis vero argumento minimè firmari. Nam quod ajunt, *majoris veritas manifesta est; quia illud primò operatur Deus, quod ad salutem obtinendam necessarium est & sufficiens, at vero id quod Deus primò rigide postulat, illud ad salutem obtinendam necessarium est.* Ergo. In hoc Syllogismo falsa est propositio. Nam justificatio ad salutem est necessaria, ac sufficiens: & tamen eam non primò operatur Deus: sed fidem, quâ deinde justificamur. Ergo non quicquid ad salutem necessarium ac sufficiens, id primò operatur Deus. Hæc enim est recta subiecti & attributi dispositio; quam adversarii, si ordinem verborum spectemus, invertunt. Deinde assumptio imperfectè posita: quia vox omissa quæ supplenda. Nam medius terminus ex propositione perficiendus est hoc modo: *at quod Deus primò ac rigide postulat, illud ad salutem obtinendam necessarium est & sufficiens*, unde patet, assumptionem esse falsam. Nam Deus primò & rigide postulat auditionem sui verbi, ut antecedens conversionis necessarium, Rom. 10. vers. 14. *quomodo credent nisi audierint?* & tamen ad salutem obtinendam non est sufficiens. Matt. 13. v. 19. ad vers. 23. ut & Luc. 11. v. 28. dicitur, *beati qui verbum Dei audiunt, & observant illud*: quâ conjunctione notatur à Christo, auditionem verbi, sine observatione non solum non sufficere, sed etiam esse inutilem; ut expressius docetur, Heb. 4. v. 2. *Etenim Evangelizatum nobis est, quemadmodum & illis, sed sermo auditus non profuit iis; quia non commixtus erat fide in iis qui audierant.* Quamobrem prosyllogismum hunc quo Syllogismi propositi ab adversariis propositio major firmata, vitiosum omninò esse, & propositione sua & assumptione apparet. Quod autem attinet ad anticipationem objectionis, quam à nostris adversus majorem Syllogismi objici posse censent adversarii: & quod respondent, omitto; quia jam supra rem eam expendimus, & quæ hic repetuntur, confutavimus. Minorem igitur negatam quo modo porro probent examinandum. Minor, inquiunt, probatur hoc modo: *quod in fœdere primò ab homine exigitur, id primò ab homine Deus exigit ad salutem: at actus fidei, non habitus (nisi quatenus per actus comparandus est) in fœdere primò ab homine exigitur.* Ergo. Resp. ut illud quod probandum est, rectè probetur ac plenè, assumptionem oportet pleniorē fieri: & saltem ad voces illas; nempe *actus fidei*, addendum erat, & *conversionis*: ut etiam hoc distinctè ad actus charitatis referatur; atque ita de tota conversione (de qua in Syllogismo egerunt) intelligatur. Resp. autem assumptionem esse falsam, neque eam firma ratione ab adversariis probari. Verum, inquiunt, minor probatur ex fœderis Evangelici consideratione, in quo perpetuo legitur, *ambulate coram me, respiciite, & credite Evangelio, convertimini, &c.* Verum minorem probari negamus; quia & propositio non est vera, quod perpetuò ita legitur *Ambulate*, quasi nunquam expresse etiam habitus conversionis præciperetur: nam contrarium postea liquebit. & falsa etiam est Consequentia: Nam verum est, hæc esse prædicationis Evangelii mandata, eaque

conversionem actualem notare: sed non solam, seu ab habituali sive inhærente virtute, fidei & charitatis separata: sed cum ea, & ex ea procedentem. Nam ex novi fœderis formula, jam antea ex Ezech. 36. Ephes. 2. & Gal. 3. demonstravimus, primum fœderis servandi officium ab homine debitum ac mandatum, esse Dei beneficium: scilicet quod cor novum donat, unde actiones bonæ (seu fidei actualis & charitatis opera) Gal. 5. v. 22. promanant. Hæc enim Spiritui seu regenerationis per Sp. S. dono, Gal. 5. tribuuntur. Quo etiam pertinet illud Ioh. 1. vers. 12. ubi, quemadmodum in filios Dei adoptionem, fidei, velut instrumento, ascribit: sic causam illius vers. 13. generationem ex Deo statuit. ut & cap. 3. vers. 6. *quod natum est ex carne, caro est; quod natum est ex Spiritu, Spiritus est.* & vers. 3. *Nisi quis renatus fuerit denuo, non potest videre Regnum Dei.* Hoc autem est hominis officium & ei præcipitur, ut Eph. 5. v. 14. *Excitare qui dormis & resurge à mortuis, & illucescat tibi Christus.* & Deut. 10. v. 16. *Circumcidite ergo præputium cordis vestri*, (ecce mandatum habitus conversionis) & *cervicem vestram ne obdurate amplius* (en actum conversionis consequentem præcipit) quemadmodum utriusque Deus author statuitur, prioris quidem solus: (ut Rom. 2. v. 29. & Coloss. 2. v. 11. 12.) posterioris verò Deus, cum homine renovato; ut apparet Deut. 30. vers. 6. *Circumcidet Jehova Deus cor tuum & cor seminis tui*, (ecce habitum conversionis) *ad diligendū Jehovam Deum tuum, ex toto corde tuo, & tota anima tua*; en conversionem actualem, ex habituali manantem. unde apparet, cum opera Charitatis præcipiuntur, etiam charitatis virtutem unâ intelligi; ut antecedens ac conjunctum officium necessarium, ex quo effecta postulata procedant. Ac propterea cum præcipitur dilectio Dei, seu ut diligamus Deum, additur *ex tota anima, & omnibus viribus*: quo diserte sanctificatio interna animæ inhærens, & charitatis virtus tanquam actus dilectionis origo intelligitur. Quare ut paucis concludam, mandato conversionis actualis, (seu actionum fidei & charitatis) habitualis etiam conversio (seu virtus fidei & charitatis) simul, & quidem ut antecedens causa necessaria includitur; quia sine ea actus (ut ostendimus) esse non potest. Sed adversarii alia rursus via urgent, cum ajunt. *Huic rationi adjungi altera potest: quod Scriptura ipsi homini mandat, Ezech. 18. ut faciat sibi cor novum & Spiritum novum.* Esa. 1. v. 16 *ut sese lavet & mundus sit.* Sed negatur Consequentia: quia ex hisce verbis non probatur negata minor, quasi scilicet Deus non habitum, sed actum fidei & conversionis, primò & rigide ab homine exigeret ad salutem: quia verba Ezechielis de habitu conversionis agunt. Quod autem dicitur, *facite*; illud non effectum hominis, nec potentiam illius præsentem: sed officium tantum designat. Quod verò Esa. 1. v. 16. præcipitur hominibus prorsus sceleratis, *lavate vós*; illud ad utrumque officium & habitum, & actum (seu ad animæ & actionum purgationem) generatim pertinet: & similiter officium, non efficaciam neque potentiam hominum sceleratorum demonstrat. Quare frustra adversarii gloriantur, cum addunt: *hoc argumentum inprimis validum est, si per cor novum intelligatur fidei habitus: ut auctores isti volunt, quasi scilicet indicaretur istis verbis, habitum fidei & charitatis, hominum crebris actionibus primum acquiri, quia dicitur, facite: quod minimè sequi ostendimus.* Habitum enim Deus in omnibus præcipit, tanquam officium, & in solis electis efficit, ut merum solius Spiritus beneficium. unde alterum etiam oritur beneficium, quod corde novo donati, adjuvante etiam Deo, in statutis illius ambulant, ut Ezech. 36. & aliis locis antè propositis, plenius explicatur. Atque hoc modo secundum adversariorum argumentum concidit, quo probare conati sunt ex eo, quod non conversi, mortui, & mortui in peccatis dicuntur in Sacris literis, atque exponuntur, concludi non posse, eorum ad bonum Spirituale, impotentiam. Nam hunc statum controversiæ postea agnoscunt: etsi eum mirifice (ut ex ante dictis cognosci potest) depravârunt.

Quocirca ad tertium, quod adferunt argumentum transcamus, huiusmodi: *Si ex proprietate vocis quod homo convertendum mortuus dicatur in peccatis, solidè colligitur, cum nihil possit*

*hil posse conferre ad sui conversionem : Ergo non minus solide, ex ejusdem vocis proprietate colligetur hominem regentem peccare non posse, neque quicquam conferre posse ad peccandum : quia ille in Sacris literis dicitur mortuus peccato, mundo crucifixus &c. ubi enim eadem ratio militat, ibi idem jus : atqui hoc ex ipsorum Contraremonst. sensu absurdum. Ergo. Verum respondetur ad propos. 1. In illius antecedente esse Sophisma ignorationis elenchi. Nec enim, ut supra ostendimus, ex sola vocis mortui proprietate nostri id colligunt ; sed simul ex conjuncta in Sacris literis expositione multiplici : quæ tradit, ut in præceptis Dei ambulemus, auferendum prius cor lapideum, ac dandum divinitus cor carneum, hoc est, molle & idoneum ad Dei verbi impressionem excipiendam, & Spiritum novum, Ezech. 36. & hominem ante regenerationem esse carnem, Joh. 3. animale hominem non percipere ea, quæ sunt Spiritus Dei ; stultitia enim sunt ei : nec potest cognoscere : quia spiritualiter dijudicantur, 1. Cor. 2. v. 14. aded ut etiam de conversis ac verè fidelibus, si ratione potentia suæ naturalis, per generationem, non autem supernaturalis, per regenerationem considerentur, dicatur, non sumus idonei ex nobis ipsis, velut ex nobis ipsis, sed ignota aptitudo, seu quod idonei sumus, ex Deo est, 2. Cor. 3. v. 5. Nam cogitatum carnis inimicitia est adversus Deum : legi enim Dei non subicitur : neque enim potest, Rom. 8. v. 7. & Ephes. 2. cum fideles mortuos in peccatis, v. 1. & naturæ filios iræ, v. 3. hoc est, ob vitiositatem innatam, à vita Dei alienos & iræ Dei obnoxios vocasset : opponit vivificationem cum Christo, v. 9. & creationem ad bona opera : Deique opus appellat v. 10. Ex quibus omnibus satis apparet, mortuos dici infideles, quod mortuorum instar, vita spirituali imaginis Dei destituti, impotentes omnino sint, ad ullum opus bonum, nisi vita spirituali, per regenerationem donentur : ut actiones Spiritus proferant : quemadmodum antea probavimus. Atque hæc de propositionis Syllogismi objecti vitio, nempe ignorationis Elenchi sophismate. Sin verò adversarii antecedens intelligere velint de collectione, seu conclusionem ex proprietate vocis mortui non sola ; sed conjuncta cum expositione Scripturæ ; tum falsa erit Consequentia ; quia diversa est in Sacris literis vocis mortui, & mortui peccato metaphoricè accepti expositio : ut vel simpliciter, vel secundum quid usurpetur, prout subiecti nempe fidelis, & infidelis diversitas : aut relatio ejusdem fidelis diversa, hoc exigat. Quemadmodum in re præsentis, de qua agimus, infideles dicuntur in Sacris literis mortui, ut 1. Pet. 4. v. 6 propterea quoque evangelizatum est mortuis ; ut damnarentur quidem secundum homines carne, viverent autem secundum Deum Spiritu ; id quod simpliciter intelligendum esse, Scripturæ expositio evincit ; quæ docet expressè homines infideles ratione vitæ spiritualis, esse mortuos & mortuos peccatis, non secundum quid tantum, sed simpliciter : quia ad nullum bonum spirituale idoneos esse, 1. Cor. 2. aliisque locis antepositis aperte declaratur. Fideles verò mortui dicuntur peccato, pro diversa ratione seu relatione, modò secundum quid, modò simpliciter : Nam ratione sui, & qualitatis insitæ, mortui dicuntur peccato, Rom. 6. v. 11. quod in ipso peccatum originis antea vixerit, ac plane viguerit, iis dominando, Rom. 6. v. 17. & 20. & 7. v. 5. postquam verò per efficaciam Spiritus regenerantis, vita justitiæ donati sunt, peccatum in iis non simpliciter, sed secundum quid, majori scilicet ex parte, quasi lethali vulnere accepto abolitum, & dominium illius in hominibus regentis ereptum : unde mortui peccato, viventes Deo, Rom. 6. v. 11. & ex mortuis vivi dicuntur, v. 13. & quod peccatum iis non dominabitur, v. 14. & liberati à peccato, v. 22. Non autem simpliciter, sed secundum quid ita mortuos peccato dici, Scriptura demonstrat : quia regeneratio ac vita spiritualis, seu justitia, in nobis inchoata est : suosque indies habet progressus, non autem perfecta est : sed paulatim perficienda : quia insunt adhuc reliquiae carnis, quæ repugnant adversus Spiritum seu regenerationis donum, hoc est fidei & charitatis virtutem, Rom. 7. & Gal. 5. v. 16. Dico verò Spiritu ambulate, & carnis concupiscentiam ne perficite : quo ostendit Apostolus carnem in verè fidelibus reliquam adhuc inesse, & concupiscentias pravæ excitare : quibus sit obsistendum Spiritu, seu fide &*

charitate. Et. vers. 17. Caro enim concupiscit adversus Spiritum, Spiritus autem adversus carnem ; hæc autem inter se opposita sunt, ut non quaecunque volueritis, ea faciatis, & Ephes. 4. vers. 22. officium fidelium declaratur, deponere quod ad pristinam conversationem attinet, veterem illum hominem. Ergo si deponendus, suo modo inest, & vers. 24. & induere novum hominem, qui secundum Deum conditus est, ad justitiam & sanctimoniam veritatis : Quia igitur novus homo in verè fidelibus, secundum Deum est conditus ; Ergo regenti sunt, ac vita spirituali donati : & quia adhuc induere novum hominem jubentur, (hoc est, justitiæ & sanctitatis exercitiis ac precibus fidelibus dare operam, ut quod opus regenerationis, seu fidei & charitatis Deus in iis capit, illud, gratia Dei rectè utentibus, secundum promissionem, habenti dabitur, magis magisque perficiat) inde apparet, vitam spirituales in verè fidelibus nondum esse perfectam : ac propterea neque mortuos peccato simpliciter seu perfectè, si in se considerentur ; sed secundum quid, quod peccatum scilicet majori ex parte sit abolitum, & dominium illius ( licet repugnantia super sit ) ablatum, ne amplius dominetur. Rom. 6. Deinde verò si fidelis mortuus peccato dicatur, ratione originis habita, nempe meriti Christi, tum simpliciter mortuus peccato dicitur, hoc est, quod Christus morte sua id sit promeritus, ut Deo reconciliati à pœna vitiositatis naturæ, per restitutionem imaginis Dei, virtute Spiritus regenerantis, à peccati dominio & inhæione omnino liberarentur, servato gradu & ordine : Hæc enim promissa est gratia novi fœderis, Ezech. 36. Jer. 31. Hebr. 8. non solum justificationis, sed etiam sanctificationis, Hebr. 10. v. 15. 16. Cujus fœderis & beneficiorum causa est Christus sua morte, v. 10. 11. 14. & 2. v. 11. & 7. v. 22. & 9. v. 14. 15. Ioh. 17. v. 19. pro iis sanctifico me ipsum ( id est, in sacram victimam consecro ) ut & ipsi sanctificati sint per veritatem. ut v. 17. sanctifica eos per veritatem tuam, sermo tuus veritas est. ubi Deus tanquam causa principalis ; verbum Dei ut instrumentalis ; & Christi in cruce oblatio, ut causa promerens nostræ sanctificationis statuitur. Hinc Rom. 6. vers. 6. illud scientes veterem illum nostrum hominem cum eo crucifixum esse, ut enervetur corpus peccati, ne posthac nos serviamus peccato. Quod autem regeant adversarii, meritum tollit reatum, non ipsum dominium peccati & peccandi potentiam : nullam omnino Scripturæ autoritatem, nullamque rationem, ad id probandum, adferunt : & contra claram sacræ Scripturæ definitionem, locis ante citatis expressam, & argumenta illius solida, meriti Christi efficaciam, altera sui parte enervant. Quod autem illud inculcant ; Si jam mortui peccato, id est, plenè, renovati sunt ( fideles scilicet ) proinde peccare amplius non possunt : negatur Consequentia ; quia ut antè demonstravimus, mortui sunt fideles peccato & renovati simpliciter, seu plenè ratione meriti Christi : ratione verò effectiois illius per Spiritum Sanctum fideles mortui sunt peccato, & renovati in hac vita tantum secundum quid, ratione initii & quotidiani incrementi : in morte verò simpliciter ac perfectè renovantur, cum à corpore mortis omninò liberati per Christum, Rom. 7. v. 24. in cœlum ( in quod nihil immundum ingreditur, Apoc. 21. v. 27. ) transferuntur. Ideoque illud, quod adversarii postea inculcant : Si mortui sunt, non dicuntur adhuc mori : alioqui enim essent, & non essent mortui : illud inquam nullius esse momenti apparet ; quia hæc non sunt opposita, sed tantum diversa ; quia diverso respectu dicuntur, ut ostendimus. ideoque suis exceptionibus frustra conati sunt argumentum nostrorum eludere à vocis mortui, & mortui in peccatis, Ephes. 2. appellatione & expositione, ad hominis infidelis ad bonum spirituale impotentiam probandam, defunctum. Quare quod porro objectant, operæ pretium est, ut expendamus. Hæc ita breviter, inquit, disputavimus, tanquam si Phrasis hæc, mortuum esse in peccatis, procul omni dubio significaret ineptitudinem & impotentiam hominis ad bonum spirituale. Sed falsa est hæc oratio, & mera contradictio. Nam hæcenus disputarunt adversarii quasi hæc phrasis illud procul omni dubio non significaret : ut ex objectionibus supra allatis & confutatis perspicue apparet. Deinde altera rursus contradictione, causæ suæ iniquitatem produnt, cum addunt hæc verba : quod etsi concedi posset

posset & non illubenter concedimus: tamen nihil obstat, quominus alio longè sensu accipiat. Atqui si concedi potest, illam hominis ante conversionem, ad bonum spirituale, impotentiam, illa phrasi, *mortui in peccatis*, procul omni dubio significari: & non illubenter concedunt: quomodo igitur contrarium hactenus probare conati sunt: & quomodo sibi non contradicunt, dum subjiciunt, *tamen nihil obstat, quominus alio longè sensu accipiat*? nam ista duo dicta, nempe procul omni dubio significare, & nihilominus alio longè sensu accipi posse, ut opposita se mutuo tollunt. Sed significationem spectemus, & quem alium sensum intelligant. Id autem declarant his verbis: *ut significet eum, qui reus mortis & condemnationis est, propter peccata sua; sic enim disertè dicitur Ezech. 18. v. 24. morietur enim in peccatis suis, id est propter peccata sua, hic punietur, & tandem æterna morte afficietur.* Verum respondetur, illud nihil ad rem præsentem pertinere; agitur enim de sensu phrasim, *mortui in peccatis*, loco citato Eph. 2. v. 1. Deinde locus Ezech. non agit de morte præterita, aut præsentis, quæ per conversionem tolli potuit: sed de futura, cum temporali, tum æterna, quæ tolli non potest: sed excipiunt ulterius: *eo sensu accipiendam esse phrasin, Eph. 2. v. 1. non obscure demonstrari potest ex Conseqq. v. 2. 5. & 6. ubi mortui in peccatis dicuntur illi, qui in illis ambulaverant, &c.* Resp. 1. certum esse, quod iidem dicuntur fuisse mortui peccatis & in illis ambulasse: eaque ut consentanea quidem proponi, sed tamen tanquam diversa. Prius enim causa est; posterius verò effectum illius. Nam ex morte spirituali, seu carne, hoc est, peccato originis (quod vitæ spiritualis, seu iustitiæ originalis privatio & ad offensas ac peccata propensio) opera injusta, quæ *ambulare in offensis, & peccatis*, Apostolus appellat, sequuntur; ut etiam indicatur his verbis v. 3. *nos omnes conversati sumus in cupiditatibus carnis nostræ, facientes quæ carni ac cogitationibus libebant*: quibus verbis, ut caro à suis cupiditatibus, & cogitationibus: sic etiam utræque à factis (tanquam causa, & effecta) distinguuntur. Deinde vero negamus consequentiam: neque eam probant, cum dicunt: *at si mortuum esse in peccatis est idem, quod in peccatis ambulare, non satis commodè*: v. 2. *subjiciuntur illa verba, in quibus ambulastis*: at inquam, jam antea ostendimus, ea non esse idem, sed diversa. Nam mortui dicuntur in offensis & peccatis propter peccatum originis, quod uti diximus, vitæ spiritualis, seu iustitiæ originalis privatio est; atque offenderum & peccatorum omnium habitualium quasi hydra, & congeries: & simul actualium peccatorum fons. Sed alteram rationem objiciunt hujusmodi: *deinde mortuum esse opponitur τῷ vivificari cum Christo, & suscitari cum eo, & collocari in cælis, imò (ut in parallelo loco, Col 2. v. 2. & 13. videre est) τῷ condonari peccata.* ibi enim legitur, *vosque mortuos in peccatis, præputio carnis vestræ, cum eo vivificavit, vobis condonatis omnibus peccatis: quæ omnia, inquit, satis arguunt, per mortuos in peccatis, designari reos mortis, ac condemnationis; ac proinde à spe omni vitæ immortalis alienos ac seclusos.* Verum respondemus, opponi quidem mortuos peccatis, vivificationi unà cum Christo, Ephes. 2. hanc autem notare nostri regenerationem ac sanctificationem, res ipsa ostendit, ut Rom. 6. v. 4. *Sepulti igitur sumus unà cum eo, per baptismum in mortem: ut sicut excitatus est Christus ex mortuis in gloriam patris: ita & nos in novitate vitæ ambulemus, & v. 6. illud scientes, veterem illum nostrum hominem, cum eo crucifixum esse, ut emervetur corpus peccati, ne posthac nos serviamus peccato, & v. 11. Colligite vos ipsos tum mortuos esse peccato, tum verò viventes Deo, per Christum Jesum Dominum nostrum.* Deinde responderi potest, etiam si vivificatio, Eph. 2. citra controversiam designaret liberationem à mortis æternæ reatu: non propterea tamen hoc solum notaret: sed generatim liberationem à morte spirituali, cum culpæ, tum pœnæ peccati: ut sanctificationem & justificationem complectatur, seu vitam gratiæ Dei, & vitam iustitiæ. Atque ita persistit adhuc oppositio, mortuos in peccatis, seu vita iustitiæ destitutos vivificari à Christo, donatione vitæ iustitiæ & gratiæ, seu justificationis atque hæreditatis vitæ æternæ. Neque illud sequentibus adversatur, quibus utrumque beneficium describit Apostolus: justificationem quidem, cum gratia servatos docet, v. 5.

& 8. & regenerationem seu sanctificationem v. 10. cum ait: *nam ipsius opus sumus, creati per Christum Jesum* (hoc opponitur mortuis in peccatis, v. 1.) *ad opera bona, quæ præparavit Deus, ut in iis ambulemus*; hoc opponitur ambulanti-bus in peccatis, v. 2. Ac propterea utrovis modo vivificandi vox accipiat, aut speciatim pro sanctificatione, aut generatim pro vitæ spiritualis donatione, nempe sanctificatione & justificatione: persistat sententia, atque expositio à nostris posita, de mortuis in peccatis. Quamobrem ex hujus loci Eph. 2. circumstantiis sententia nostrorum non infirmatur, sed confirmatur; quemadmodum etiam ex loco parallelo quem objiciunt. Col. 2. v. 13. Quod enim adversarii contendunt, *in eo opponi mortuos in peccatis, τῷ condonari peccata*: illud meritò negamus. Nam disertè Apostolus opponit eos τῷ vivificari (ut etiam Ephes. 2.) Hoc autem aperte distinguit à condonatione peccati. Nec enim dicit, cum eo vivificavit, hoc est, condonavit vobis omnia peccata: sed vivificavit *καὶ ὁμοῦ*, cum condonasset, seu condonatis vobis omnibus peccatis. Nam mortis Christi fructus duo statuuntur, meritum condonationis peccatorum, & vivificationis seu regenerationis, quæ ex merito condonationis peccatorum & reconciliationis cum Deo, ut effectum è sua causa promanat. Nam Deo, per mortem filii, electis reconciliato, regeneratio ac vivificatio per spiritum in illis oritur, ut supra ex fœderis Dei formula, & illustribus Scripturæ dictis, contra adversarios meritum Christi mutilantes ostendimus. Quæ vivificatio in nobis, describitur ab Apostolo, suis membris, circumcisione spirituali per Christum; qua corpus peccati exuitur, v. 11. & resurrectione spirituali, per fidem efficaciam Dei, qui excitavit Christum à mortuis, v. 12. quam vivificationem deinde exponit v. 23. à sua causa, condonatione peccatorum.

Atque hæc ad exceptiones adversariorum (quibus primum nostrorum fundamentum generale infringere conantur) confutandas pertinent: unde etiam apparet, quam sæpè, & contradictione & elenchi ignorance sese implicarint; à quo sophismate, ne in conclusione quidem, sibi temperare potuerunt; cum fundamentum nostrorum primum prorsus invalidum esse concludunt, *ad stabiliendam thesin, quæ irresistibilis actio Spiritus in voluntatem ad actum fidei & conversionis, necessaria esse statuatur*: cum tamen primo fundamento nobis probandam, initio, ipsimet adversarii hanc thesin, non aliam proposuerint: quod scilicet *in sacris literis peccator convertendus, seu ante conversionem suam ita passim describatur, ut nihil in eo sit, quod ad conversionem ipsius facere aut conferre quicquam possit.* Ideoque à scopo aberrant, quòd de irresistibili Spiritus actione loquuntur; & eam, non in actu fidei & conversionis reliquæ, seu charitatis actu: sed in habitu utriusque statuimus: neque actum fidei ad voluntatem referimus, sed ad intellectum: ut supra satis ostendimus.

Quocirca ut primo fundamento generali multis argumentis gravibus instructo) impotentia hominis peccatoris ante conversionem ipsius, demonstrata est: Sic secundo fundamento generali, potentiam conversionis esse à solo Deo, non à viribus partim (ut adversarii contendunt) naturalibus, voluntatis liberè eligentis. Cum autem conversio hominis peccatoris sit vel habitualis (qua quis fidei & charitatis virtutibus, per regenerationem, instruitur) vel actualis, qua quis actu credit & charitatem exercet; utriusque efficiendæ potentiam, à solo quidem Deo oriri: sed effectio-nis modum diversum statuimus. Quod scilicet omnipotenti sua vi, habitualement conversionem operetur solus, adeò ut fieri non possit, ut, Deo eam operante, homo non convertatur: actualis verò conversionis diversa est ratio. Eam enim Deus non vi omnipotentis suæ immediata, sed mediata operatur: cum partim per verbum Evangelii exterius: partim per Spiritus sui auxilium interius, virtutes fidei & charitatis (à se conversione habituali infusæ) excitat, & confirmat ad actiones fidei & charitatis producendas. Inter auxilia autem quæ Spiritus Sanctus confert, continetur etiam benigna & sapiens ac potens tentationum carnis, Satanæ, mundique refrænatio, ne actiones earum virtutum (quod aliàs fieret) arceantur: ut supra ostendimus.

Hilse

Hic jam positis (ut tenebræ adversariorum discutiantur) videndum, quam bona fide, nostrorum argumentorum, secundi fundamenti, summam Syllogismo includant: & quam rectè respondeant. Syllogismus autem ab iis ita proponitur.

*Qui in conversione hominum tribuitur, quod creet & faciat in eis cor novum, quod regeneret illos, quod excitet ex mortuis, quod vivificet & illuminet eos, quod oculos & corda eorum aperiat, quod det illis respicientiam & fidem, & trahat illos, & circumcidat corda eorum: illi talis operatio tribuitur, quæ posita non potest non existere hominis conversio ex intrinseca operationis vi & potentia.*

*Atqui Deo in conversione hominum hi actus & similes plures tribuuntur. Ergo &c.*

Hic est syllogismus; in quo observandum est, primò, in assumptione conversionem habitualement à nostris, non actualement intelligi; deinde illa effecta, quæ Deo tribuuntur, intelligenda non propriè, sed per metaphoram: nec simpliciter, sed convenienter expositioni Scripturæ in illis locis ac similibus. Ac propterea quod primum adversarii probare conantur, proprietatem harum vocum absurde urgeri: alienum est. Hoc enim urgemus hic locis, ubi hæc sententiæ extant (ut Ezech. 36. & similibus) doceri conversionem habitualement, à solo Deo, omnipotenti vi oriri: non autem singularem vocum metaphorâ, similitudinem absolutam, in omnibus, notari. Secundò verò obijciunt: *Si efficacitatem Dei omnipotentem, in convertendo, illis phrasibus demonstrari statuamus, non poterit dici in Scripturis, peragere in conversione (Deum,) hoc per ipsos homines: quia his irresistibilis & omnipotens huiusmodi agendi ratio tribui nullo modo potest. Atqui passim legitur in sacris literis, quod homines (quorum ministerio Deus in conversione aliorum utitur) aperiant oculos eorum, qui in tenebris sunt, Act. 26. v. 28. quod gignant eos in Jesu Christo, 1. Cor. 4. v. 15. quod cogant sive ἀναγκάζω alios, ut ingrediantur, Luc. 14. v. 23. quod salvent homines, 1. Tim. 4. v. 10. Ergò. Respondemus primò, ad propositionem, distinctione consequentis. Nam aliquid dici potest Deus per homines agere bifariam, nimirum vel propriè, ut homines sint causa efficiens subordinata: atque ita propositionem concedimus: vel impropiè, per metaphoram, ut per homines intelligatur Deus agere, ut adjuncta tantum, utque actiones eorum non sint propriè operis causa efficiens instrumentalis, sed tantum antecedentia adjuncta, quibus positis, secundum promissionem suam, Deus solus sua potentia promissum opus propriè efficiat. Quomodo miracula dicuntur facta per Apostolos Act. 2. v. 43. & Rom. 15. v. 18. 19. Christus miracula per Paulum fecisse dicitur: non quod Pauli vi facta sint, sed per potentiam Spiritus Dei conjunctam illius prædicationi, v. 19. Neque Apostolorum reliquorum potentia aut pietate, Act. 3. v. 12. sed Dei, qui secundum promissionem (de miraculis ad Evangelii confirmationem futuris, Marc. 16. v. 17. Act. 2. v. 19.) fide ab Apostolis perceptam, Act. 3. v. 16. ea ad Christi gloriam edidit, v. 13. ideoque per Apostolos ea fecisse dicitur metaphoricè, ob similitudinem consequentis: quod ut effectum causam suam sequitur: Sic Apostolorum dicta aut facta, tanquam adjunctam ac præcedentem occasionem subordinatam, secuta sint miracula: non autem insita eorum, aut verbis, aut factis efficacia. Si hoc modo propositio intelligatur metaphoricè, & conversionem per homines Deum eo sensu peragere, tum falsa est. Nam verissimè, pro significatione diversa, & Deus peragere dicitur propriè, ac solus: quod tamen homines etiam agere dicantur impropiè per metaphoram: quod sint non propriè, sed quadam similitudine, instrumenta operum Dei: non verò significatione propriâ.*

Quemadmodum in sacris literis occasio antecedens (tam in malis quam in bonis) non rarò aliquid agere dicitur, non quod sit revera causa: sed tantum antecedens adjunctum, quo posito, alterius vi effectum consequitur. Unde etiam impropiè vulgò causa per accidens dicitur. Nam propriè loquendo causa per accidens dicta, verè causa est efficiens, sed præter scopum efficientis. Ad assumptionem verò quod attinet: Verum est, Deum ministerio alio-

rum uti, ad conversionem: eamque in sacris literis, à Deo, per eos effici, asseritur: sed diverso modo: habitualement quidem impropiè quia homines tantum sunt illius occasio & antecedens conditio; quod prædicato Evangelio respicientiæ & fidei; Deus Spiritu regenerante, virtutem fidei & respicientiæ animis electorum indat, ut habiles sint ad parandum Evangelio: actualis verò conversionis sunt causa instrumentalis. Nam ut Evangelium prædicatum, in electis, conjunctam habet à Spiritu Sancto donationem virtutum fidei & charitatis: sic illæ donatæ, statim ad actum credendi, & diligendi, juvante Spiritu, per Evangelium prædicatum excitantur: Atque utroque modo, sed distincta acceptione phrasos, Deus conversionem per homines peragere dicitur. Atque ita Paulus se 1. Cor. 4. v. 15. *Corinthios fideles genuisse* dicit per Evangelium: non propriè: sed impropiè: quod scilicet prædicato Evangelio ab ipso, Deus fuerit simul in iis, per Spiritum regenerationis, efficax. Eodemque modo dicitur *aperuisse oculos eorum, qui in tenebris sunt*, Act. 26. v. 28. Nam Paulus suo verbo lucem quidem Evangelii exterius prætulit: sed internam lucem, seu visum oculorum mentis, cæcis restituere non potuit; ut ea ratione externam Evangelii lucem prædicatione oblatam viderent, hoc est, ut intellecti Evangelii veritatem cognoscerent: sed illud opus fuit Dei proprium. Quo sensu Apostolo Petro (licet per prædicationem Johannis Baptistæ & Christi edocto, & Evangelio exterius revelato) dicitur; *quod caro & sanguis*, hoc est, homo ei non revelavit: sed pater cælestis, Matth. 16. v. 17. Quod porro exceptioni suæ firmandæ obtendunt, ex Luc. 14. vers. 23 *quod cogant, ἀναγκάζω alios ut ingrediantur*: illud à re proposita alienum est: nihil enim hoc loco aliud docet Lucas, quàm homines, Evangelii prædicatione, externæ vocationis, ad visibilem Dei Ecclesiam, esse ministros, per quos Deus primum intelligentiam Evangelii, operatur: & donata per Spiritum Sanctum notitia veritatis habituali, ad actum illius & professionem, in Dei Ecclesia, prædicationis doctrina ac stimulis excitat. Denique non obstat quod ex 1. Tim. 4. v. 16. proferunt, *quod homines salvent*: illud enim non de habituali conversione ac fide, quam Deus solus regeneratione per Spiritum Sanctum propriè efficit: sed de actuali fide, & salute consequente intelligendum: quod illius efficiendæ, & confirmandæ, prædicatione Evangelii, sint instrumenta. Quamobrem confutata jam satis adversariorum exceptione secunda, ad tertiam procedemus. Ea autem est huiusmodi: *Tertiò, inquit, quia alioquin actiones illæ passim ipsis hominibus, quos Deus convertere vult, non possent ab eo præscribi & mandari sub pænæ comminatione, videl. ut faciant sibi homines cor novum, ut circumcidant corda sua, ut excitentur à mortuis, ut accipiant gratiam, nisi æternum puniri velint: Si inquam actiones illas Deus ipse secundum proprietatem verborum, & phrasum metaphoricarum producat in hominibus. Hæc illi. Negamus verò consequentiam, quia ut supra demonstravimus, Deus hominibus nondum conversis mandat officium debitum: ut Deum non solum diligant, seu colant actu: sed etiam habitu, nempe ex toto corde, tota anima, & omnibus viribus, Deut. 6. & non præstantibus maledictionem justè comminatur, Deut. 27. quod impotentiae suæ homines sint authores: ideoque Deus neque jure mandandi, neque puniendi excidat. Quod autem ipsemet cor novum (quod hominibus justè mandat) in electis efficit, mera gratia est, ad salutem eorum collata.*

Sed quartam addunt rationem: *quia alioquin, inquit, actiones illæ ipsæ, quæ per istam omnipotentem efficacitatem, à Deo in conversione hominum effici creduntur, inepte tribuerentur iis ipsis, qui convertuntur. Atqui passim in Scripturis tribuitur iis qui convertuntur, quod se convertant, cor suum circumcidant, sibi faciant novum cor, & Spiritum novum, seipsos servent, seipsos mortificent, novum hominem induant, scribant in tabulis cordis sui, & similia alia infinita. Respondemus autem assumptionem in hoc syllogismo esse falsam, neque ullo Scripturæ loco probari ab adversariis. Nec enim iis qui convertuntur (hoc est, hominibus nondum conversis, in prima sui conversione, ac cordis renovatione, de qua hic agitur) ea tribuuntur effecta, quæ ab adversariis recensentur: quando-*



quandoquidem falsa nituntur hypothesi. Nam hominibus ante conversionem ipsorum mandatur quidem, ut se ex toto corde ad Deum convertant, cor circumcidant, &c. Sed talibus verbis neque effectum, neque efficacia operis illius ipsis tribuitur: sed tantum officium seu debitum illorum indicatur: & ut impietatis suæ convincantur, iuste ac sapienter exigitur. Quod autem quidam dicantur *seipso mortificare, novumque hominem induere*, illud non dicitur de iis, qui nondum sunt conversi: sed de iis, qui conversi sunt: ideoque non de prima conversione, sed de primæ incremento: ut ex hortatione ad Eph. 4. 22. 23. 24. apparet. Quod autem jam conversis, & corde novo per regenerationem donatis, incrementum illius tribuitur, in ea re Deo, omnipotenti sua actione efficienti, nihil derogatur. Nam verè conversi, dum officium faciunt, (hoc est, fidei & charitatis operibus, carnis suæ cupiditatibus resistunt, Deumque pro renovationis incremento precantur) illud incrementum, secundum promissionem *habenti dabitur*, Matt. 13. v. 12. & secundum fœdus gratuitæ vocationis ad fidem, & salutis hæreditatem, à Deo impetrant, 1. Thess. 5. v. 23. & 24. Adeò ut, quemadmodum Spiritum, & cor novum Deus solus in non conversis inchoat: sic solus in conversis officium facientibus, vi sua, secundum gratuitam promissionem, conservet, augeat ac perficiat. Ideoque hoc opus soli Deo tribuitur propriè: quia vi sola illius efficitur: conversis verò adscribitur impropriè tantum, ac per metaph. ob similitudinem quandam cum causa efficiente; quod scilicet illorum pietas ac preces sint adjuncta propria consecutionis incrementi Spiritus, & cordis novi, per Dei gratiam, à quo promanat: quemadmodum contra negligentibus officium pietatis & precum, & prolabantibus in peccata graviora hominibus conversis, ac regeneratis, Deus cordis novi donum imminuit, & Spiritus sui auxilium ad tempus subducit, ut ingratos filios castiget: contraque castigatis & seriò resipiscentibus restituit ac confirmat. Quemadmodum utrumque Davidi accidisse sacræ literæ testantur, ut Psalm. 51. v. 12. 13. 14. dicitur: *Cor mundum crea mihi Deus, & Spiritum rectum innova in medio mei. Ne projicias me à facie tua, & Spiritum Sanctum tuum ne auferas à me. Redde mihi gaudium salutis, & Spiritu voluntario sustentens me.* Ac propterea ex hiis satis liquet, assumptionem adversariorum esse falsam: partim quia neque effectio neque efficacia cordis, & Spiritus novi, ullibi in sacris literis, homini, ante conversionem ipsius, tribuitur: sed tantum officium illius: partim quia ubi homini illud tribuitur, sermo est non de nondum converso, sed de converso. Deinde tribuitur ei non propriè (ut Deo convenit) sed impropriè ac per metaph. qua adjunctum antecedens proprium conversionis notatur. Postrema porro ratio adversariorum quinta hæc est: *quia verbo (inquiunt) quod instrumentum Dei est, illæ actiones & effecta earum passim, in Scripturis tribuuntur. Atqui si proprietates eorum verborum pressè attendatur, impossibile est, ut actiones illis designatæ, per verbum tanquam per instrumentum peragantur: cum actiones illæ omnes irresistibiliter fiant; verbi verò actio tota moralis, & proinde resistibilis sit. Ex quibus evidenter colligimus, invalidas esse omnes illas argumentationes, quæ ex proprietate vocum, & phrasibus istiusmodi præcisè desumuntur.* Respondemus autem, hoc ultimum adversariorum argumentum cum secundo concurrere: ac propterea, eo jam confutato, verbo tantum perstringemus nempe negari consequentiam illius; quia illas actiones conversionis habitualis, seu regenerationis (nam de effectis regenerationis non agimus) ut verbi præconibus, Act. 26. v. 28. & 1. Cor. 4. v. 15. tribui impropriè per metaph. jam antè demonstravimus: Sic etiam verbo, Jac. 1. v. 18. & 1. Petr. 1. v. 23. impropriè adscribitur: Propriè verò Spiritui Sancto, sanctitatis animæ inhærentis ac permanentis, (seu fidei & charitatis) tanquam seminis incorruptibilis, auctori, 1. Pet. 1. v. 22. Tit. 3. v. 5. Unde fideles *ex Deo nati*, Joh. 1. v. 13. & 1. Joh. 3. v. 9. & *ex Spiritu*, Joh. 3. v. 6. Ac propterea non sequitur, regeneratio impropriè tribuitur verbo: Ergò cum propriè tribuitur Deo, non significat omnipotentem actionem. Nam ut Spiritus venti, libero & efficaci motu perrumpens spirat: Sic & Spiritus

Sanctus, Joh. 3. v. 8. Cæterum observandum est, quomodo adversarii subjiciant causam, cur Deo regeneratio hominum tribuatur: eam autem ita declarant: *quod usitatum fit, ac familiare ubique gentium ut nobilia semper effecta, causæ primæ principali accepta referantur: adeò, ut omnium reliquarum intermediarum, ab illa dependentium ratio fermè nulla habeatur, ut autem singularis illa excellentia clare indicari possit, bino est, quod voces exquisitissimæ adhiberi soleant, ad istam ἐξελω, & præstantiam quasi digito indicandam.* Ex qua adversariorum expositione liquet, eos statuere Deum regenerationis nostræ causam esse non solam: sed primam ac principalem: ideoque ἐξελω ipsi tribui: Liberam verò voluntatis humanæ electionem esse causam secundam ac proximam; adeò ut, Deo tanquam principali causæ regenerare volenti, & ea omnia operanti, quæ in hominibus regeneratis adhibuit, opera, nihilominus liberum esse hominis voluntati, gratiam illam Dei, vel amplecti vel omninò rejicere; & à nonnullis recipi liberè, ab aliis verò liberè rejici: atque ita conversionis gratiam, qua homo regeneratur, revelatione Evangelii, & donatione, non habitus fidei, & charitatis; sed motionis bonæ, in anima, transeuntis, seu auxilii sufficientis, non autem perficientis definiunt: libero verò hominis arbitrio hanc laudem adscribunt, ut causa regenerationis sit perficiens. Verum quia sacra Scriptura regenerationis gratiam non actione Dei transeunte: sed habitu seu qualitate permanente ac semine manente, 1. Joh. 3. definit, & aliis locis passim; Deumque illius non solum sufficientem, sed etiam perficientem causam esse tradit: idcirco loca illustriora eludere suis exceptionibus conantur, quæ à corruptelis & effugiis illorum sunt vindicanda.

Primus autem locus memorabilis extat, Ezech. 36. v. 26. quem adversarii ut corrumpant, nobisque hoc argumentum eripiant, sic primum proponunt: *Dabo vobis cor novum, & Spiritum novum dabo in medio vestri, & auferam cor lapideum à carne vestra, daboque vobis, &c.* Ad quem locum adversarii respondent: *ex eo argumentum solidum, pro modo operationis irresistibili, peti non potest, ob rationes hæc manifestissimas. 1. Quia promissio hæc dirigitur ad totum populum captivum, vel eos ex populo, qui istis temporibus; quibus promissio hæc à Deo implenda erat, victuri essent. At verò illi toti populo irresistibilis gratiæ operatio, promissa non est, fatentibus Contraremonstrantibus: Ergo. Respondemus vero, & propositionem & assumptionem esse vitiosam. Propositionem quidem; quia non est sufficiens disjunctio. Nam 1. quidem promissio hæc non pertinet ad totum populum: quia illi, quibus promissio hæc fit, per Prophetam, à Deo, congregati sunt, ex omnibus gentibus, & reducti in terram suam, v. 24. v. 28. Deinde mundati sunt à suis iniquitatibus, & Spiritu, ac corde renovati, & ad cultum Dei adducti vers. 25. 26. 27. & 33. Quorum neutrum toti populo convenit: cum non omnes reversi sint in patriam, neque omnes ab omnibus iniquitatibus suis mundati. Deinde non pertinet etiam ad omnes eos, qui isto tempore, quo promissio hæc à Deo implenda erat, victuri erant: quia neque hi omnes reversi sunt in terram promissam; sed ad solos reduces spectat: imò denique neque ad omnes reduces; quia in omnibus illis promissio hæc non fuit impleta. Quare corrigenda propositio hoc modo: *Promissio hæc dirigitur vel ad totum populum captivum Judæorum, vel ad reducendos à captivitate in patriam electos ad sanctitatem & salutem.* Atque ita correctæ propositio vera erit: alias generatim posita, falsa est. Assumptio vero etiam vitiosa est: quia quatuor constat terminis syllogismus. Partem enim tantum argumenti disjunctivi, ex propositione assumit hoc modo: *At verò toti illi populo irresistibilis gratiæ operatio promissa non est: addendum erat, neque iis ex populo, qui istis temporibus, quibus promissio hæc à Deo implenda erat, victuri essent; hæc est enim altera pars argumenti in propositione præmissi. Et quia nihilominus propositio, ut ab adversariis proponitur, mutila est, ut antè ostendimus; sic ex ejus correctione hæc esse debebat assumptio: atqui hæc gratia irresistibilis, nec toti populo, nec parti illius reducendæ in patriam, & ad sanctitatem ac salutem electæ à Deo promissa est.* Atque ita falsa est, ratione negationis secundi membri. Quamvis enim hæc promissio non pertineat ad totum populum;*

pulum : pertinet tamen ad partem illius : nempe ad electos ad salutem , in patriam reducendos. Quia Scriptura docet, regenerationem ( quæ cordis lapidei ablatione, & Spiritus ac cordis novi, seu virtutis fidei & charitatis donatione constat, vitæque sanctitatem parit : & de qua hic agitur. vers. 26. ad 30. usque ) esse Dei opus, & electis proprium : quia quicumque salutem æternam consequuntur, illi sunt ad eam electi : atqui & soli & omnes regeniti à Deo, salutem æternam consequuntur : *Soli* inquam, quia, *nisi quis fuerit regenitus, non poterit videre regnum Dei, neque ingredi in illud*, Ioh. 3. v. 3. 5. Omnes verò : *quia quicumque natus est ex Deo, peccatum non facit : quia semen ejus in ipso manet, & non potest peccare : quia ex Deo natus est*, 1. Ioh. 3. v. 9. Tales autem in quibus semen regenerationis manet, & qui non faciunt peccatum, nec possunt peccare, scilicet peccato dominante, illi certo servantur, Rom. 8. v. 1. 3. & regeneratis salutem æternam destinam, & dandam esse, 1. Pet. 1. v. 3. 4. 5. disertè traditur his verbis : *Benedictus Deus & Pater Domini nostri Jesu Christi, qui ex multa sua misericordia, regenuit nos in spem vivam per resurrectionem Jesu Christi ex mortuis, in hæreditatem, quæ nec perire potest, nec contaminari, nec marcescere, nobis in cælis servatam : qui potentia Dei custodimur, ad salutem quæ parata est patefieri ultimo tempore*. Quo in loco, ut regenerationis author statuitur Deus : sic ejusdem consequentia adduntur, 1. Spes viva ; ea autem non pedefacit, Rom. 5. v. 5. hoc est, non vana est ( qualis pudorem habet comitem ) sed salutem speratam assequitur. Unde *spe salvi facti* dicimur, Rom. 8. v. 24. Deinde hæreditas in cælis, ut finis regenerationis. Præterea docetur eam hæreditatem servatam, hoc est, tutam ac certam. Denique non solum hæreditatem seu salutem in cælis servatam regenitis : sed etiam regenitos servari, ac custodiri ad salutem, Dei potentia ( Dei potentia autem invicta & constans est in suis servandis, Ioh. 10. 19. ) & quod regeniti reportent finem fidei suæ, salutem animarum, v. 9. Quare ex hisce omnibus concludimus, cum hoc loco Ezech. describatur, cum regenerationis tum sanctitatis vitæ, populo Judæorum facta promissio : eam non ad totum populum ( totus enim non est sanctificatus, nec servatus ) sed ad partem illius, nempe electos ad salutem ( qui soli regenerantur ac servantur ) pertinere : & quidem ( ut circumstantia promissionis reditus in patriam evincit ) ad electos reducendos è captivitate in patriam. Unde perspicuè apparet vanum id esse, quod adversarii primò respondent, hoc modo : *Dato sed non concesso, id verum esse ( neque enim ullo argumento vel verisimili id probari potest, &c. )* Nam solidè inquam contrarium jam demonstravimus. Sed quid eo concesso, nihilominus concludant adversarii expendendum : ajunt autem, *ex isto fundamento sequi, non contineri hisce verbis ullam singularem promissionem beneficii alicujus novi, quod populo huic suo Deus faciat : promissio enim illa de fide danda, non minus ad electos, qui tum temporis erant, quam ad eos, qui futuri adhuc erant, pertinebat : & quidem tam ad gentiles quam ad Judæos*. Respondemus autem, beneficium dici posse novum vel simpliciter & absolute : vel secundum quid & relatè. Priori modo regeneratio electorum, per Ezechielem promissa, novum beneficium non est : quia omnibus ad salutem æternam electis, inde ab initio, commune est ; atque eo modo neque singularis hæc est promissio : posteriori verò modo rectè novum dicitur secundum quid, ratione circumstantiæ amplioris gratiæ, & quidem relatione, hoc est, comparatione instituta, populi Judaici liberati, cum captivo ac liberando. Neque enim adhuc omnes eo tempore Ezechielis, ad regenerationem & vitæ sanctitatem electi, conversi erant, ac novo Spiritu novoque corde donati : sed tandem renovandi promittuntur : quemadmodum etiam in conversis renovationis gratia futura erat uberior. Quemadmodum illud Efræ & Nehemiæ, præ cæteris, pio ac ferventi religionis studio procuratum esse, libris eorum demonstratur. Quare prima hæc exceptio corrui.

Altera verò est hujusmodi, quia ( inquiunt ) *in loco huic parallelo, Ezech. 11. v. 19. ( legendum vers. 21. ) manifestum signum reperitur, fieri posse, ut stante illa promissione, imò Deo juxta promissionem illam jam indente cor, & Spiritum*

*novum tribuente, nihilominus tamen aliqui cor contaminationum retineant, & ad Deum suum, ex animo, se non convertant*. At, inquam, qua ratione apertius & Dei verbis & libi ipsis contradicere possent ? Nam 1. Deus expressè, cum Spiritus & cordis novi promissione, primum ablationem cordis lapidei, hoc est, contumacis, Deoque resistentis, ( ut lapis sua durtie ) & donationem cordis novi, & carnei, hoc est mollis, ac Deo obedientis, ( opponitur enim non Spiritui, sed lapideo ac duro ) conjungit : quæ beneficia è diametro cordi contaminationum repugnant. Deinde Deus etiam cordi novo promisso adjungit etiam purificationem vers. 25. *& aspergam super vos aquas mundas, & mundabimini ab omnibus contaminationibus vestris*, & v. 29. similiter : *Servabo vos ab omnibus contaminationibus vestris*. Unde apertè sequitur, falsum esse, & huic doctrinæ Ezech. 36. cap. repugnans, quod adversarii objiciunt, quod Deo, juxta promissionem illam, jam indente cor novum & Spiritum novum tribuente, nihilominus tamen aliqui cor contaminationum retineant, & ad Deum suum, ex animo, se non convertant. Quod ut probandum est adversariis ; ita in ea re ex Ezech. 11. vers. 21. confirmanda, errores committunt insignes. Etenim hæc prima est eorum ratio : *Statim enim inquiunt, post recitatam, substantia prorsus eandem cum ea, quæ hic ( intelligunt Ezech. cap. 36 ) repetitur, promissionem, subjungit Deus proxime, per particulam quæ copulativa est, hanc comminationem : Et quorum cor ambulat ad cor contaminationum eorum & abominationum eorum, viam eorum dabo in caput eorum dixit Jehovab : Ex quo apparet præcedentem promissionem illis tantum factam esse, quorum cor non ambulat, &c.* In qua confirmatione infirma, primus error existit, ac se prodit sophisma ignorationis elenchi : quia à scopo omnino aberrantes, aliud prorsus probandum proponunt, aliud verò concludunt ; imò quod amplius mirandum contrarium. Probandum enim erat, Deo cor & Spiritum novum indente, juxta promissionem illam Ezechielis 36. ( ac propterea cor lapideum auferente, & à contaminationibus mundante, ac servante, & faciente ut in præceptis ejus ambulent, ) nonnullos tamen eorum nihilominus retinere cor contaminatum : quam contradictionem apertam, nova contradictione probationis loco augent : cum asserunt, ex parallelo loco Ezech. 11. apparere, præcedentem promissionem, illis tantum factam esse, quorum cor non ambulat ad cor contaminationum eorum. Ergo inquam, huic perspicuè contradicit, quod ante posuerunt, & probandum statuerunt, nempe secundum promissionem illam jam Deo indente cor, & Spiritum novum, retineri nihilominus à nonnullis eorum cor contaminatum, vetus scilicet ac novandum. Atque hæc de priori adversariorum errore.

Alter verò est falsæ consequentiæ ; neque enim, ut objeſtant, ex sententia Ezech. 11. v. 21. probatur, promissionem illam cordis novi, & ablationem cordis lapidei, &c. illis tantum factam esse, quorum cor non ambulat ad cor contaminationum : quasi scilicet hominum sanctæ actiones præcederent novi cordis donationem à Deo, & cordis lapidei ablationem : Contrarium enim docet Prophetæ. Nam expressè distinguit eo in loco, cap. 11. Judæos in terram Israël reversuros, in convertendos, & non convertendos. Ac convertendos ita describit, primum à vitæ ipsorum mundatione, vers. 18. *& venient illuc, & amovebunt omnia detestabilia ejus* ( scilicet terræ Israël ) *omnesque abominationes ejus ab eâ*. Cujus actualis conversionis ac mundationis vitæ ipsorum causam proximè Prophetæ subjungit ; nempe efficientem Dei gratiam, qua cor unum, & Spiritum novum eis indet, & cor lapideum amovebit, ac donabit cor carneum, ( hoc est, molle ac docile ) ut in statutis ipsius ambulent, & sint ipsius populus, & ipse sit eorum Deus, vers. 19. & 20. quemadmodum etiam plenius, Ezech. 36. explicatur. Quare cum ambulatio in statutis Dei sit finis, & effectum ablationis cordis lapidei, & donationis cordis novi, inde luculenter apparet, antecedens illius objectum, ( quod adversarii colligunt ) dici non posse. Huic porro convertendorum Judæorum descriptioni vers. 18. 19. & 20. opponit Prophetæ descriptionem

nem non convertendorum v. 21. ab effectu contrario prioris & eventu illius. Effectum est *cordis ambulatio ad cor detestabilius eorum* (de quibus v. 12.) & *abominationum eorum*: eventus verò est, quod *viam eorum*, (hoc est, mercedem, ac pœnam viæ eorum, seu vitæ improbæ) *in capite eorum reponet*. Unde satis constat, hinc non probari, bonas hominis actiones præcedere ipsam regenerationem seu cordis novi donationem, & cordis lapidei ablationem: quod adversarii contendunt temerè. Sed ad aliud argumentum majori confidentia procedunt: *Quod* (inquiunt) *ex eo solidissimè confirmatur, quod Scriptura Vet. Testamenti passim promissiones divinas, de dando populo suo cor unum, & de circumcidendo corde populi sui (quæ unum & idem sine dubio significant, quod hæc de qua agitur) sub conditione hac facere solet: Si conversus fuerit populus ad Jehovam Deum suum, & obediât voci ejus, tum circumcidet Jehova cor populi ut diligit Jehovam toto corde suo*, Deut. 30. v. 2. 3. 4. 5. 6. Levit. 26. v. 38. 39. &c. Hæc illi. Respondemus autem, nihil hoc facere ad locum, Ezech. 11. & 36. quia diversa est utrimque promissionum ratio. Ezechiel enim loquitur de iis, qui omnino erant incircumcisi corde: utpote quod lapideum erat, quique abominationibus scatebant atque impuritatibus; iisque promittit cordis lapidei ablationem, & novi donationem: ut verba ipsa expressè attestantur. Contra verò Moyses, Deut. 30. de conversis ad Deum agit, ut vers. 2. dicitur, & (nempe *quum ex v. 1.*) *conversus fueris ad Jehovam Deum tuum, & auscultaveris voci ejus, in omnibus, quæ ego præcipio tibi hodiè, tu & filii tui ex toto corde tuo, & ex tota anima tua*, hoc est, sincerè, ut interdum hæc phrasis non absolutam perfectionem; sed relatè sinceritatem notat: ut *totum cor, duplici cordi*, hoc est, insincero ac fallaci opponatur. Ideoque non loquitur de iis, qui habent cor lapideum & impurum, sed de regenitis, novoque corde à Deo donatis ac circumcisis Spiritu inchoatè, secundum omnia Dei mandata sincerè, etsi non perfectò gradu. Ac propterea Deus hujus gratiæ continuationem & incrementum iisdem pollicetur v. 6. & *circumcidet Jehovab Deus tuus cor tuum, & cor seminis tui, ad diligendum Jehovam Deum tuum, toto corde tuo & tota anima tua, ut vivas. Quemadmodum etiam David jam ad Deum conversus, & ei reconciliatus fide & resipiscencia, citra controversiam, corde novo erat præditus, in precatione, Psalm. 51. nihilominus tamen illius in se creationem à Deo, non initii, sed augmenti ratione precatur, v. 12. Quare hic locus, Deut. 30. nullo modo probat bonas hominis actiones, esse primæ conversionis & regenerationis conditionem antecedentem, ut adversarii volunt. Alter verò Livit. 26. v. 38. &c. quem adjiciunt omnino est alienus. Nam Deus pœnam Israelitis ob peccata minatur, v. 39. & resipiscitibus ac peccatorum veniam orantibus vers. 40. & 41. pœnarum liberationem pollicetur, v. 43. 44. 45. non autem docet conversionem eorum actualem esse conditionem, quæ præcedat primam cordis à Deo circumcisionem, ac regenerationem. Eademque prorsus est ratio sententiæ Jerem. 29. vers. 10. 11. 12. 13. 14.*

Quod autem tandem objiciunt ex Jer. 24. v. 4. 5. 6. 7. Contrarium docet. Nam vers. 7. dicitur, *Dabo iis cor, ad sciendum me esse Jehovam: eruntque mihi populus, & ego ero iis Deus: quia revertentur ad me, in toto corde suo: quo nihil aliud traditur, quam quod postea distinctè, cap. 32. vers. 38. 39. 40. erunt mihi populus, & ego ero iis Deus, & dabo iis cor unum, & viam unam ad timendum me, omnibus diebus, ad bonum ipsorum, & filiis ipsorum post ipsos, &c. & timorem mei dabo in corde ipsorum, ut non recedant à me, &c.* Unde apparet conversionem ad Deum & obedientiam, esse donationis cordis novi à Deo effectum: ac propterea vanissimum est, quod adversarii jactant: *Id ex eo solidissimè confirmari, quod Scriptura Vet. Testamenti passim promissiones divinas, de dando populo suo cor unum, & circumcidendo corde populi sui, sub conditione hac facere solet, si conversus fuerit populus ad Jehovam Deum suum: Cum contra hæc actualis conversio, seu bona opera consequens effectum regenerationis, ac circumcisionis cordis primæ statuatur disertissimè, Ezech. 11. & 36. & Jerem. 32. & alibi. Quemadmodum & ex circum-*

cisione cordis aucta, operum quoque bonorum augmentum promanare traditur, Deut. 30. v. 6. ut & initium bonorum operum, & progressum ex regeneratione oriri constet. Hæc de secundo adversariorum argumento.

Tertium verò est: *quia idem actus faciendi cor novum præcipitur à Spiritu Sancto homini, tum eadem planè phrasi, Ezech. 18. v. 31. Facite vobis cor novum: tum synonymis, Psalm. 95. v. 8. Nolite obdurare corda vestra, Jerem. 4. v. 4. Circumcidite vos Jehovæ & auferite præputia cordis vestri, viri Jebuda, 1. Chron. 22. v. 19. Præbete nunc cor vestrum, & animam vestram ad requirendum Deum, &c. Jerem. 4. v. 14. Lava à malitia cor tuum Jerusalem, ut salva fias, & similibus aliis infinitis, &c.* Respondemus autem consequentiam esse invalidam. Nam quamvis à Spiritu Sancto idem actus faciendi cor novum præcipiatur homini, inde tamen non sequitur, illud effectum esse hominis, sed tantum officium, quod Deus Jure suo exigit: etsi sua injuria homo sese id faciendi potentia privarit.

Sed quartò objiciunt experientiam, *quod ea non docuerit, hanc promissionem impletam esse post reductionem populi in terram Chanaanæam; nec temporibus ipsius Messie, ita ut magna, imò multò maxima pars Judæorum hac ratione ad Deum conversa sit: quin contraria omnia evenisse, quia obduratio Israelis obtigit, ita ut reliquæ quædam tantum servatæ sint; in quibus, suo tempore populus quasi redintegrabitur. Quod signum est promissionem absolutam non esse habendam. Etenim si absoluta promissio talis intelligeretur, impletam, sine dubio, eam fuisse experientia docuisset.* Respondemus, propositionem hanc postremò positam esse veram: assumptionem verò initio præmissam esse falsam. Nam revera experientia promissionem Ezechielis impletam docuit, partim post reductionem populi in terram Chanaanæam: partim atque in primis, temporibus Christi & Apostolorum, non quod maxima populi Judæorum pars sit conversa: sed quod magna; licet ea comparatè cum maxima, reliquiarum nomen obtineat. Et perspicuum est, post liberationem Judæorum à captivitate Babylonica eos nunquam ita idololatriæ fuisse addictos, ut antea. Deinde promissio hæc pertinet ad electos futuros, magno numero, Rom. 11. vers. 24. 25. 26. Nam quod regerunt, *omni tempore & hoc ipso etiam quo promissionem hanc faciebat, suos habebat, qui ipsum ex animo colebant, & diligebant.* Verum id quidem est, sed si comparemus statum Ecclesiæ ante captivitatem & in ea, cum statu post captivitatem; item ante Christum exhibitum, & post eum exhibitum, quam plurimi, admirandà Dei potentiâ ac gratiâ, ad verum Dei cultum (à quo ante erant alieni:) sunt conversi, ut primum historia Esræ, & Nehemiæ, cum secundo Lib. Regum comparata; Deinde Evangelia, Matth. 3. vers. 5. & 4. vers. 16. atque Acta Apostolorum cap. 2. vers. 41. & 4. vers. 4. ostendunt. Paulus denique Hebr. 8. v. 8. 10. 11. 12. 13. & 10. v. 15. 16. 17. Rem promissam impletam partim, ac tandem implendam plenius, Rom. 11. v. 25. 26. 27. testatur. Quare frustra querunt adversarii, *quid igitur singulare promitteretur?* Nam licet non sit absolute singulare: comparatè tamen singulare esse apparet beneficium, quod promittitur à Propheta. Deinde quod colligunt hoc modo: *Ex quibus omnibus liquet, phrasi hac metaphorica, dabo iis cor novum, non denotari eam operationis divinæ efficaciam, qua posita non possent non resipiscere, & se convertere Judæi; sed talem cui resistere, & voluntariam contumaciam opponere semper poterant: illud inquam non liquet ex ante dictis: & simul statum quæstionis hoc modo perturbant.* Nostri enim asserunt, cor novum & Spiritum novum omnipotenti Dei gratiâ dari, adeò ut operationem illam gratiæ divinæ, is, in quo eam Deus operatur, impedire nequeat. Idque Deus apud Ezechielem apertè demonstrat, cum ait, *auferam cor lapideum & dabo cor carneum*, hoc est, non durum, ac resistens Dei voluntati: sed molle, docile, ac obediens. Deinde ea datione adjunctoque Dei auxilio, hominem ita regi, ut licet carnis reliquæ, post regenerationem, Spiritui resistant, Galat. 5. vers. 17. non tamen dominantur, Roman. 6. vers. 14. sed domentur; & homo renatus certissimè ad obedientiam erga Deum adducatur, ut ibidem Ezech. 36. vers. 27. subjicitur, &

*Spiritum*

*Spiritus meum dabo in medio vestrum, & faciam quod in statutis meis ambulabitis; & iudicia mea custodietis, & facietis ea.* Quare mera verbi Dei corruptio est, cum dicunt: *Sensus enim loci est, Deum à parte sua tot ac tanta facturum circa populum suum, longo captivitatis tempore fractum, & supplicem factum, per quæ non tantum in officio contineri possent, sed certo certius (nisi planè refractarii esse velint, & nova rebellione Deo suo benefactori se opponere) in officio continendi essent:* Atque ita adversarii gratiam regenerationis dubiam, & à libero voluntatis humanæ arbitrio suspensam tradentes, Scripturæ manifestè contradicunt. Nam Deus hoc Ezechielis loco Spiritum novum, & cor novum, (eoque rectam intelligentiam & voluntatem) se daturum promittit: & ablaturum cor lapideum, ac daturum cor carneum, & facturum quod in mandatis illius sint ambulaturi: ideoque non potentiam, ac sufficientem solum, sed etiam efficientem & perfectientem gratiam asserit: quam adversarii contra negant. Nam quod excipiunt contra vocem dandi: quod dare aliquando dicitur ille, qui quantum in se est dat, etsi fieri possit ut non sequatur eventus, ut ex Deut. 29. vers. 4. manifestum est, & Iohan. 6. vers. 32. 34. Illud sanè nihil ad hanc rem pertinet. Primò, quod ex illo Deut. loco non est manifesta, ut gloriatur, ea vocis dare significatio: Sic enim ait Moyses. *Ei non dedit vobis Deus cor ad sciendum:* ubi dedit nihil aliud quam participes fecit, significat. Et Ioh. 6. vers. 32. offerre quidem; sed Ioh. 6. vers. 34. *Da nobis hunc panem,* conferre, ac participem reddere apertè significat. Deinde hæc consequentia, *dare interdum significat offerre, licet ab alio non acceptetur:* Ergò ex hac promissione dandi cor novum, non potest vera communicatio atque effectio concludi, meritò negatur. Nam loci Ezechielis circumstantiæ dationem talem describunt, qua Deus indit donum revera: quemadmodum demonstrant ista, *auferre cor lapideum, facere quod in præcepto Dei ambulent, & mundare ab omnibus impuritatibus,* vers. 25. 29. quæ omninò cum nova rebellione (quam accidere posse, & interdum accidisse contendunt,) perspicuè pugnant.

Atque hoc modo vindicato, adversus Adversariorum exceptiones, Orthodoxorum pro merè gratuita regeneratione, ex loco Ezech. 36. argumento, ad alterum procedemus.

*Secundus enim locus* (ut ajunt adversarii) est, Ioh. 6. v. 44. *vermo potest venire ad me, nisi Pater, qui misit me, traxerit eum;* Unde Orthodoxi contendunt, gratiam conversionis ad fidem, non esse solum sufficientem, (ut adversarii volunt:) sed etiam sua potentia invicta perfectientem: Ideoque non ab æncipiti liberi arbitrii sententia pendentem, ut adversarii statuunt. Ad quod respondent:

1. *Id probari non posse ex hoc loco; sive proprietates vocis trahendi consideretur, sive rei ipsius (phrasi ista, quem Pater traxerit significat) natura.* Nam si proprietates vocis consideretur, ea in rigore significat motionem violentam. At eam in conversione adhiberi nolunt Contraremonstr. quanquam si consequenter loqui velint, eam admittere cogantur. Si rei natura consideretur: quia tractio Patris significat actionem aliquam in homine productam & effectam, antequam venire possit ad Christum, &c. At si illa actio est ipsa actualis conversio, (ut Contraremonstr. volunt,) jam dicitur necessum esse, ut homo prius conversus actu sit, antequam venire possit ad Christum: quod absurdum est. conversus enim esset homo antequam posset converti.

Hæc adversariorum prima, eaque bimembris ratio: sed utrimque infirma. Nam primò negamus trahere propriè significare motionem violentam. Nam violentum immoderatam vim notare, & vocis à violò etymologiæ; & usus communis bonorum authorum testatur: Idque etiam rectè à doctissimo Giphano ad 3. Ethic. Arist. cap. 1. observatum; quod Deo tribui non potest, à quo omnis immoderata actio ac vis (utpote semper rectissimè agente) omninò abest. Trahere autem generatim potentem actionem notat: quæ propriè versatur circa rem corpoream, sive inanimatam, ut Iohan. 18. vers. 10. & 21. vers. 6. & 11. sive animatam, Actor. 16. v. 19. 21. v. 30. Unde, ab hac corporali potenti, ac majori vi & operatione, per metaph. ad animam transfertur, ut Ioh. 6. v. 44. & 12. v. 32. *Omnia tra-*

*ham ad me ipsum:* quo non violentam actionem, sed invictam notari agnoscimus, à qua tractus excludatur: ut qui trahitur, non trahat. Hæc autem tractio regeneratio est, qua Deus homini Spiritum novum, & cor novum, ideoque habitum ac virtutem vivæ fidei donat; atque ita idoneum reddit ad actionem credendi, eamque suo verbo, & Spiritus sui auxilio suaviter excitat, atque ex homine renato producit. Ideoque verum est, hanc tractionem Patris ad Christum, in homine antecedere ordine adventum ad Christum, hoc est, credendi in homine actionem: ea enim ex tractione illa, seu regeneratione atque habitualis fidei donatione procedit: neque ullum est hac in re (ut obijciunt) absurdum, quasi homo esset conversus, antequam posset converti. Nam conversio habitualis, seu donatio novi Spiritus & novi cordis, ordine, non tempore, primam conversionem actualem, ut causa suum effectum, ac potentia suam actionem præcedit. Quemadmodum etiam Ezech. 36. illa ita distinguuntur, eodem ordine; ut etiam supra demonstravimus pluribus; atque ex epist. ad Ephes. cap. 2. vers. 10. liquet. Ideoque hæc confusio habitus seu virtutis fidei, & actionis illius, in adversariorum objectionibus, observanda, qua passim ac subdolè statum controversiæ corrumpendo, fallere conantur. Hæc ad primam objectionem.

Altera verò est hæc: *Quia tractio Patris talem significat actionem, qua fit, ut quis veniat ad Christum. Atque is qui irresistibili actione trahitur, non potest dici venire ad Christum; neque enim qui trahitur, venit.* Respondemus, propositionem quæ verbis Christi nititur agnoscimus; assumptionem verò negamus & probationem illius: cujus causa est, quod adversarii, Iohan. 6. tractionem Patris, cum adventu ad Christum, quasi idem essent, confundant: cum ea inter se, tanquam causa efficiens & effectum, ut modo ostendimus, distinguantur. Tractio enim Patris ad Christum, est donatio habitualis fidei: quæ fit actione Dei omnipotenti, ideoque non solum invicta, & insuperabili, sed etiam (ut post Socinum loquuntur adversarii) irresistibili: quia id, quod aliàs resistere posset, nempe cor lapideum aufert, & dat cor novum, seu novas bonasque animi qualitates: adeò ut in hac conversione habituali, homo qui convertitur, nec sit causa efficiens: nec officiens & resistens: sed patiens tantum subjectum, ut in aliis etiam habitibus infusus divinitus accidit: ut 1. Sam. 10. v. 6. *irruetque super te Spiritus Jehovæ, ut prophetes cum eis, & mutaberis in alium virum:* cum scilicet heroicis ac regis virtutibus donaberis, &c. Venire autem ad Christum est tractionis illius effectum. Quum enim electis ac convertendis Deus verbum Evangelii exterius prædicat, suo etiam Spiritu Sancto interius virtutem fidei vivæ efficit, hominemque eo modo ad actum credendum verbo Evangelii objecto adducit. Nam ut actio credendi non excitatur vi omnipotente: sed ei à carnis reliquiis resistitur, Rom. 7. vers. 23. & 8. vers. 7. Gal. 5. vers. 17 (ac propterea irresistibilis actio hæc dici non potest) sic tamen ne caro, à mundo & mundi principe Satana adjuta, ita verbo & Spiritui seu dono regenerationis habitus fidei resistat, ut superet: propterea accedit conjunctum Spiritus Dei auxilium, quo & tentationes carnis repugnantes Spiritui refrænat, Matth. 26. vers. 41. Luc. 22. vers. 31. 32. 1. Cor. 10. vers. 13. & verbi objecto assistens actionem credendi elicit. Quare hæc secunda objectio sententiam nostrorum minimè confutat: Quemadmodum nec tertia firma est; cum addunt: *Tertio, quia alioquin dicendum foret, Christum indicare voluisse, causam, per quam fieret, ut illi de quibus loquitur, murrarent, & increduli manerent, fuisse quod Deus Pater illos ad fidem aut trahere non vellet, aut actu non pertraheret; ac proinde non culpa ipsorum fieri, quod non crederent: sed defectu voluntatis & gratiæ diviniæ.* Verum negatur hoc loco Consequentia. Nam licet ea ratio sit, cur dicantur non credidisse: quod credere illi solum valerent, qui à Patre regenerantur, ac virtutem credendi accipiunt; causa tamen per quam fit, ut non credant, non est defectus tractionis Patris: sed hominis vitium insitum: quod imaginem Dei sua culpa excusserit, & inde fiat, ut animalis homo non percipiat ea, quæ sunt Spiritus Dei: sed stultitia sint ei, &c.



ei, &c. 1. Cor. 2. vers. 14. adeo ut etiam ipsi regeneriti, non sint apti à seipsis quicquam (scilicet boni) cogitare, tanquam ex seipsis; sed aptitudo nostra ex Deo sit, 2. Cor. 3. vers. 5. ut qui & virtutes donat, & actiones virtutum suo verbo, adjunctoque auxilio Spiritus S. excitat, atque per hominem efficit; adeo ut Deus solus sit causa potentiae credendi in Christum: actionis verò causa non sola nec proxima, sed remota: utpote qui potentiam credendi dedit: & auxilio suo eandem verbo excitat, & ad actiones producendas adducit: homo verò renatus seu habitu & potentia credendi donatus, à Deo, causa est proxima; quia homo credit; non autem Deus: credere enim actio est credentis: Ergo ab homine credente est actio credendi: sed non ex seipso, ut 2. Cor. 3. vers. 5. hoc est, non vi naturali, aut acuminis mentis aut liberæ voluntatis; aut etiam institutionis humanæ: Sed origo ac vis est *invisibilis* aptitudo ex Deo: qui fidei habitualis dono hominem habilem aptumque ad credendum reddit. Ideoque fides habitualis (quæ virtus est in animo habitans & permanens, 2. Tim. 1. v. 5. utpote per quam Christus inhabitat in cordibus nostris, Ephes. 3. vers. 17.) non sola dicitur donum Dei, ut reipsa Apostolus docet, Ephes. 3. vers. 16. 17. sed etiam ipsa actio credendi, ex ea fide habituali, ut ex nova creatura promanans, Eph. 2. v. 8. 9. 10. Phil. 1. v. 29. similiter appellatur. Quemadmodum etiam ut charitatis virtus donum Dei statuitur. Eph. 3. v. 16. 18. Sic etiam actiones illius, nempe amare seu bonum velle, & operari, Phil. 2. v. 13. Deo meritò tribuuntur. Nam licet homo amet seu velit bonum, & efficiat: & à natura habeat vim volendi, & efficiendi: quia tamen natura post lapsum corrupta est, & à bono averfa, Rom. 8. v. 6. 7. & ad malum tantum propensa, Gen. 8. v. 21. vis bonum volendi ac faciendi est à sola Dei regenerantis gratia: qui Deus ut regeneratione novi hominis, fidei virtutem menti, sic etiam charitatis habitum voluntati infundit: quo habitu habiles atque apti sumus ad actiones charitatis perficiendas? Quemadmodum Gal. 5. v. 22. oppositè carni, *Spiritus* (hoc est, sanctitatis, per regenerationem à Sp. S. acceptæ) *fructus* dicuntur *charitas & fides*, hoc est, fidei & charitatis actiones: nam habitus hi, voce *Spiritus*, quod à Spiritu Sancto sint, per Metonymiam continentur.

Sed quarto objicitur ab adversariis, *sententiam nostrorum in huius loci usu non posse consistere: quia, ut ajunt, hæc ipsa tractio exponitur vers. seqq. per audire à patre & discere: ita quidem ut is qui primo audit à Patre, & didicit, venire dicatur ad Christum.* Sed negatur Consequentia: quia hac ratione indicatur, Deum esse, qui Evangelium per ministros suos proponit, ut electi audiant, simulque virtute Spiritus interna, atque omnipotentè conjunctâ, fidei habitum in iis efficit, objectoque Evangelio, fidei actionem docet eamque promovet: unde fides actualis, seu venire ad Christum procedit. Atque hoc modo, Deus Electos docere dicitur, & hi discere, cum doctrinam suam mentibus eorum indit, eandemque cordibus inscribit, Heb. 8. v. 10. atque ita idoneos reddit, ut veniant ad Christum. Neque, ut ajunt adversarii, ea in re quicquam est absurdi, quod à nostris dicitur, neminem, nisi fide donatus sit, venire posse ad Christum: siquidem, cum rationem addunt hanc; *quia sensus hic foret ineptus: quod nihil aliud notaret, quam quisquis jam credit vel crediderit in me, ille credit in me, vel credere in me potest;* in eo, inquam, homonymia ludentes, falsam nequeunt consequentiam: quia fides vel propriè habitum seu qualitatem mentis durabilem: vel actionem illius transeuntem impropriè notat: hoc est, vel virtutem qua quis ad credendum idoneus est, vel actionem credentis ex ista virtute promanantem. Quemadmodum reliqua bonorum habituum, ac virtutum nomina, propriè qualitatem manentem significant; impropriè verò per Metonym. causæ efficientis pro effecto, actiones earum notant. Quare cum fides propriè loquendo & credere, inter se tanquam habitus & actio illius differant, fide donatum esse, & credere non sunt idem, sed diversa: ac doctè dicitur, non autem ineptè (ut objectant) nemo potest venire ad Christum, seu credere, nisi fide seu virtute, qua idoneus reddatur ad credendum.

Quod autem porro addunt adversarii, *Quare necessum omnino est, ut tractio hæc Patris aliud nihil nolet, quam dispositionem illam animi, quæ Patris celestis indolem æquitatis & justitiæ amantem, vel ab improbitate alienam refert; ut plane conveniat cum reliquis pbrasibus, quæ passim, imprimis apud Johannem occurrunt, Qui ex Deo est, verba Dei audit, Joh. 8. v. 47.* Ad hæc inquam respondemus. 1. Adversarios, ut confutatione præcedenti ostendimus, ex falso antecedente malè concludere, primam tractionem hanc Patris, nihil aliud esse, quam dispositionem: cum revera sit habitus permanens. Est enim regenerationis ex Deo pars: ut vel ipsi agnoscunt, cum locum Joh. 8. v. 47. *qui ex Deo est, verba Dei audit*, plane convenire asserunt: Quamvis, (ut obiter hoc dicam) *natum esse ex Deo*, non fidem solam, sed etiam charitatem, tanquam partes suas, ut duo novi hominis membra complectitur. Quemadmodum Eph. 3. v. 16. novus homo proponitur, & vers. 17. 18. in hæc duo dividitur quemadmodum etiam definitur Col. 3. vers. 10. renovatione ad agnitionem secundum imaginem ejus qui condidit ipsum. & Eph. 4. v. 24. justitia & sanctitate veritatis: quæ ad charitatem pertinent, ut agnitio ad fidem. *Natum autem ex Deo* non esse dispositionem, seu qualitatem levem, ac facile mobilem, sed perdurantem, ideoque habitum, demonstratur, 1. Joh. 3. v. 9. *Nullus* (αὐτὸς per Hebraismum est universalis negatio, *nullus*: non autem particularis, pro quidam non, ut Græcis & Latinis) *natus ex Deo peccatum facit; quia semen ejus in ipso manet; & non potest peccare; quia ex Deo natus est.* unde constat primum, cum tractio Patris, & natum esse ex Deo, ut adversarii profitentur, conveniant, nativitatem ex Deo (seu habitualement conversionem ad fidem & charitatem) non sequi, & acquiri ex crebris actualis fidei & charitatis actionibus, ut adversarii passim contendunt: sed eas omnino præcedere: quia *nisi Pater traxerit, nemo potest venire ad Christum*; item quia ut Joh. 8. vers. 47. dicitur, *qui est ex Deo* (supplè natus) *verbum Dei audit*; sic etiam ibidem subjicitur, *propterea vos non creditis* (in textu est *auditis*) *quia ex Deo non estis*; quo declaratur, nisi quis renatus fuerit ex Deo, verba Dei non audire, hoc est, non obedire fide, seu non credere: ut altera pars versus exponit, cum dicitur, *vos non creditis*: nam eos propriè loquendo audivisse verba Dei, Christo docente, certissimum est, ut vel ex vers. 45. & 46. constat. ideoque regenerationem non acquiri longo usu obedientiæ fidei: sed obedientiam, qua Christo creditur, ex regeneratione ex Deo oriri designatur. Secundò etiam hinc sequitur, cum natus ex Deo (hoc est, tractus à Patre, ut hæc inter se convenire adversarii agnoscunt) 1. peccatum non faciat; deinde quia semen ejus manet in eo: 3. nec peccare (scilicet peccato dominante) possit; 4. denique quod ideo peccare non possit, quia ex Deo natus: Ex hisce cunctis & singulis sequitur, falsum esse quod adversarii statuunt, hominem qui à Patre trahitur seu natus est ex Deo, nihilominus posse non converti, ac sæpè etiam non converti (eoque peccare) seu tractionem illam esse tantum gratiam non perficientem actionem fidei, sed tantum sufficientem, cui homo ita tractus nihilominus resistere possit: & sæpè resistat, ita ut non veniat ad Christum: ut in huius etiam loci, Joh. 6. examine Adversarii tradunt. præterea ut in eo errant, quod tractionem hanc non habitum, sed dispositionem esse affirmant: sic etiam secundo loco, quod eam non intellectui; sed animo seu voluntati (cum dispositionem animi vocant) adscribunt: qua (ut loquuntur) *indolem Patris celestis, & naturam æquitatis & justitiæ amantem, vel ab improbitate alienam refert*: cum tamen fidei & habitualis & actualis subjectum sit mens seu intellectus: non voluntas: quemadmodum contrà, charitas non in mente, sed in voluntate existit: & justitiæ amor habitualis, non est causa fidei habitualis; sed hæc duo membra regeneratione, atque animæ sanctificatione simul donantur, ut antea ostendimus: fides verò habitualis causa est actionis fidei, atque etiam eo modo per charitatem efficax, Gal. 5. v. 6. quod eam ad actiones amoris Dei, & proximi promovet. Sed fidei actualis causa est proxima: actionis vero charitatis remota. Quod autem loca, Joh. 7. vers. 17. & 3. v. 20. (quasi eadem significarent) adjungunt, omnino à scopo

no à scopo suo (qui est probare Patris tractionem esse dispositionem) aberrant: quandoquidem Christus, in hisce duabus sententiis, non de dispositione (quæ qualitas est) sed de actionibus volendi facere voluntatem patris & operam dandi veritati, disertè loquitur: quæ actiones etiam ex gratia regenerationis oriuntur.

Atque hæc ad vindicationem argumenti Orthodoxorum ex Ioh. 6. v. 44. à corruptelis & effugiis, quæ ab adversariis proponuntur.

Tertius denique locus excutiendus, ejusque genuina similiter sententia asserenda. is autem locus est, Actor. 11. vers. 18. *nempe ergo Deus gentibus etiam dedit resipiscenciam ad vitam*, quem etiam sibi objiciunt adversarii: cui addimus reliquos duos, Act. 5. v. 31. *hunc Deus principem & servatorem erexit dextra sua, ad dandam resipiscenciam Israël.* deinde 2. Tim. 2. v. 25. *cum lenitate erudientem eos, qui contrario animo sunt affecti, ecquando det eis Deus resipiscenciam, ad cognitionem veritatis.*

Ad primum quidem respondent, eum non probare nostrorum thesin, siue proprietatem vocis dandi, siue loci ipsius sententia consideretur. Ac prius eo probare conantur, quod dare alicui aliquid propriè nemo dicitur, nisi cum relatione ad accipientem, siue is actu accipiat siue accipere saltem potuerit, imò etiam ex officio accipere debuerit.

Sed negamus dationem, cum relatione ad talem activam acceptionem, propriè dici: sed potius per Synecdoch. generis pro specie. Generalis enim dationis vox est, etiam ubi subiecti illius, cui accidit, nulla, nisi passiva receptio est, ut Actor. 17. v. 25. de Deo dicitur, *dans omnibus vitam & balitum & omnia.* & Ioh. 14. v. 16. *dabo vobis alium Consolatorem.* De donis etiam à Spiritu Sancto infusis, quorum subiectum quidem recipiens est homo, sed non causa cooperans, 1. Cor. 12. v. 7. 8. *unicuique verò datur declaratio Spiritus ad utilitatem, nam huic quidem per Spiritum datur sermo sapientiæ, &c.* quæ sane propriè etiam dici, res ipsa ostendit; ac dona Dei, quæ in nobis, sine actionis nostræ concursu, operatur, non minus dari, ac revera dona esse, sed etiam magis & absolutius, quam ea, quæ actione nostra accipiuntur. Alias verò significationes vocis dandi, quas proferunt omittimus: quia non ex sola & separata voce argumentamur: sed simul ex subiectæ materiæ circumstantiis. Quamobrem quod adversus hanc objiciunt, expendendum. Ajunt enim, *sententiam loci nihil habere, quod nobis favoreat: neque enim hic personarum certarum rationem haberi, quibus datum dicatur donum resipiscenciæ: sed tantum totius cujusdam communitatis in genere, cui à Deo, ex pura puta gratia, beneficium datum esse agnoscitur, propterea quod in ea reperti fuerint, qui Evangelio crediderunt, quod sine speciali gratia, & auxilio Dei fieri non potuit. Neque enim dicitur propriè in textu, huic aut illi inter gentes, sed gentibus, id est, populo gentiliurn gratia facta à Deo. id quod duobus indicis demonstratur. 1. quia is Evangelium, sicut hactenus Judæis prædicabatur. 2. quia interfuerunt, qui prædicationi Evangelii fidem adhibuerant & resipuerant, Deoque etiam grati eo nomine declarati fuerant.* Hæc adversariorum verba eo plenius posui, ut admirabilis eorum tergiversatio, & immodesta Scripturæ depravatio clarius pateret. Nam non solum gentium sed etiam certarum personarum rationem (contra atque contendunt adversarii) haberi hoc loco res ipsa evincit. Nam ex verbis etiam Petri, vers. 17. (*postquam igitur per donum dedit eis Deus ut & nobis, cum credidissimus in Dominum nostrum Iesum Christum, ego porrò quis eram qui Deum possem prohibere?*) manifestè apparet, de singularibus, certique personis (Cornelio scilicet & comitibus illius, ut etiam Act. 10. v. 44. 47. 48.) propriè dici. Qua posita ac concessa, de certis gentilibus hypothesei antecedenti, concludunt, ut vers. 18. traditur: *His autem auditis quieverunt, & glorificaverunt Deum, dicentes, Ergo sanè (Græce ἀγαθόν) & gentibus Deus resipiscenciam dedit in vitam.* Quo in loco, per gentes; Synecdochicè homines gentiles quidam intelliguntur, ut cap. 10. v. 45. *Judæi dicuntur obstupuisse, quod etiam in gentes, (id est, in Cornelium & comites illius gentiles) effusum esset donum Spiritus Sancti.* Sic cap. 11. v. 1. *audierunt Apostoli & fratres, qui erant in Judæa, gentes etiam recepisse*

*sermonem Dei.* quæ vox gentium non de populo aliquo universo: sed de iisdem omnino intelligitur, & v. 3. *Viri præputium habentes, ad quos Petrus esset ingressus, similiter vocantur.* Deinde, quid si etiam vox gentilium, cap. 11. v. 18. non gentiles personas singulares certò notaret, sed populum: nihilominus tamen de gentilium populo intelligeretur, non simpliciter, sed secundum quid: ratione quorundam singularium: idque ex hypothesei, de Corneli & sociorum illius conditione, à Petro narrata, & ab auditoribus approbata concluditur. Approbatio enim his verbis: *His autem auditis quieverunt & glorificaverunt Deum:* Conclusio verò sequentibus, nempe dicentes, *Ergo etiam gentibus Deus resipiscenciam dedit in vitam.* Quare responsio hæc adversariorum corrui, & genuina sententia nostrorum adhuc perstat.

Sed alia via effugere conantur adversarii, & quidem voce gentium pro quibusdam accepta, cum ajunt: *quanquam dedisse etiam resipiscenciam gentibus dici possit Deus, quia beneficio divino adductæ erant ut resipiscerent & doctrinæ de Jesu Christo crederent. Quicquid enim boni efficitur in hominibus, quocunque tandem modo efficiatur, id à Deo dari dicitur, siue efficiatur à Deo immediatè, siue per verbi ministerium, siue per miracula, siue per afflictiones, siue per benedictiones, siue per exempla, siue alia quacunque ratione.* In qua adversariorum exceptione, dum fatentur, dici posse Deum dedisse resipiscenciam gentibus, quia beneficio divino adductæ erant, ut resipiscerent, & doctrinæ Christi crederent; in eo, inquam, prima fronte, cum nostris consentiunt: sed addita beneficii Dei, seu vocis dandi distinctione, frustrà elabi conantur. Nam Deus hoc loco dare dicitur resipiscenciam, & quidem non quovis modo: sed ex gratia, & oppositè naturalibus hominum viribus, ut Scripturæ analogia partim alibi demonstrat; partim in loco parallelo (quem adduximus jam antea) indicatur, 2. Tim. 2. v. 25. 26. *ecquando det eis Deus resipiscenciam, ad agnitionem veritatis, ut ad sobrietatem redeant, ex Diaboli laqueo à quo captivi detinentur:* quibus verbis declaratur status impotentia eorum, qui à Deo convertuntur: nimirum quod sint primo instar ebriorum; deinde quod laqueo diaboli sint capti; ideoque liberari sola vi divina, quæ sobrietatem animi dat, & à laqueo Satanæ eripit, seu à potestate Satanæ eximit. Quemadmodum etiam hoc graviter explicatur, Col. 1. v. 12. 13. *gratias agentes Deo Patri, qui idoneos nos fecit, &c.* quo satis declaratur, ad eam rem ex nobis ipsis non esse nos idoneos: nec liberationis è diaboli laqueis adjutores: sed Dei gratuita potentia, atque invicta hoc fieri. Sic Ephes. vers. 19. 20. *quæ sit excellens magnitudo, &c.* & cap. 2. vers. 8. 9. *gratia enim servati estis &c.* ubi primum fides Dei donum esse dicitur, & modus donationis oppositione nostrarum virium explicatur, nempe *non ex nobis:* atque etiam modi operationis finis, *ne quis gloriatur,* hoc est, ne quis salutis & fidei laudem suis viribus ullo modo adscribat. Præterea fidem non ex nostris operibus, sed ex Deo solo esse probat Apostolus, eum addit v. 10. *ipsius enim opus sumus, conditi in Christo Jesu* (hoc est, per Christum) *ad opera bona, quæ præparavit Deus, ut in ipsis ambulemus.* quibus verbis demonstratur, originem bonorum operum, esse à Dei regenerantis efficacia: Ac propterea resipiscencia ac fides, hominum quidem sunt: sed non ex humana ac naturali vi adjuvante; sed ex sola vi divinitus accepta procedunt; quia & regeneratio (seu fidei & castitatis habitus) ex solo Deo est, & à solo Deo est. Ex solo Deo quidem; quia vis effectiva ex solo Deo oritur; à solo Deo verò, quia solus regenerat, non partim homo. Effecta verò regenerationis, seu resipiscenciæ & fidei opera, ex solo Deo etiam sunt. 2. Cor. 3. v. 5. & 1. Cor. 2. v. 14. Sed non à solo Deo; sed etiam ab homine, & quidem, ut causa proxima. Nam actio credendi est hominis, qui credit: sed vis, atque aptitudo, qua is credit, non est naturalis liberi arbitrii (quasi arbitri fidei) facultas; sed gratiæ & potentia divinæ, quæ regenerando hominem idoneum ac potentem ad credendum reddidit: qua potentia homo jam donatus, credere potest, ac reipsa objecto Evangelio credit. Ne verò carnis (à mundo & Satana firmatæ) tentationibus vis illa virtutis fidei impediatur, quominus

minus audito Euangelio actionem fidei proferat, idcirco Deus suo auxilio succurrit; cum primum potentia sui Spiritus tentationes illas refrænât; & deinde virtutem fidei regeneratione datam corroborat. Ex quibus, facilius, ea quæ ab adversariis coronidis loco subjiçuntur, dilui possunt. Quod autem, inquit, hic datio intelligatur talis, quæ non immediatè, nec irresistibiliter, sed per ministerium hominum facta sit, historia indicat: quia per Petrum ad fidem vocatus fuit Cornelius: cuius facti occasione, hæc hoc loco narrantur. Atqui per Petrum Deus respicientiam dare Cornelio irresistibili aut invincibili operatione non voluit, nec potuit: quia hominis actio immediatè non pertingit usque ad voluntatem ipsam, ut ei imprimere possit actum illum, quem Dei nomine ab illo cui imprimeret, postulat, &c. Sic de Apostolo dicitur, quod suaserint ea, quæ ad regnum Dei pertinent, Actor. 19. v. 7. quæ profecto ratio agendi supervacanea prorsus, & ridicula fuerit necesse est, si actum ipsum credendi Deus ea efficacitate operabatur, quæ posita non poterant non credere. Hæc illi.

Resp. autem paucis, Sophisma esse Elenchi: nec enim actum ipsum credendi dicimus Deum operari irresistibili atque invincibili sua potentia, primum quia resistit caro nostra, Gal. 5. v. 17. & cum mundo Satanas, Luc. cap. 22. v. 31. suis tentationibus: sed eas invincibili Spiritus sui potentia refrænât, Luc. 22. v. 32 & 1. Cor. 10. v. 13. 1. Joh. 4. v. 4. eademque potentia datam per regenerationem credendi vim, seu fidei habitum conservat; ut Eph. 3. v. 16. 17. dicitur, ut det vobis secundum divitias gloriæ suæ, ut potentia roboremini per Spiritum ipsius, in interiore homine, ut habitet Christus in cordibus vestris, & Col. 1. v. 11. Potentia omni facti potentes secundum robur gratiæ ipsius, ad omnem tolerantiam, & 2. Thess. 3. v. 3. Fides est Dominus, qui stabiliet vos & custodiet à malo, & 1. Pet. 5. v. 10. Deus omnis gratiæ (scilicet author) qui vocavit vos, &c. vos perficiat, stabiliet, roboret, fundet, & cap. 1. v. 5. qui potentia Dei custodimini per fidem ad salutem. Atque ita Deus primum tentatione, quæ resistit, per Spiritus sui vim refrænata, hominem fidei virtute donatum ac firmatum, simul etiam verbi sui prædicati instrumento, ad actionem credendi suaviter excitat atque adducit, suaviter, inquam, quia Euangelio in se nihil suavius est: ut quod gratuitam salutem credentibus in Christum promittit. Deinde quia fidei habitus (quo ad credendum propensi reddimur) hoc objecto Euangelio gratissimo ad credendi actionem producendam pellicitur. Ideoque actionem ipsam credendi, nec irresistibili, nec invincibili Dei potentia effici apparet; licet invincibili potentia contrarias ac resistentes carnis tentationes refrænât. Ad habitum verò fidei quod attinet, eum & invincibili & irresistibili potentia efficit: Invincibili quidem, quia vinci non potest virtus illius omnipotens: potentior enim est qui in nobis est, quam qui in mundo, 1. Joh. 4. v. 4. & excellens est ea magnitudo potentiæ ipsius in nobis, qui credimus pro efficacitate fortis roboris ipsius, Eph. 1. v. 19. Ea autem efficacia est, quæ cor novum dat, Ezech. 36. Irresistibili verò, quia simul aufert cor lapideum, ibid. quod resistere alias potuisset, ut supra pluribus declaratum.

Sed quærat aliquis, Annon Euangelium etiam sit medium regenerationis, eoque habitus fidei, ut actionis fidei est citra controversiam. Resp. medium propriè esse, quod inter duos terminos (à quo & ad quem) intercedit. Sed medium hoc est duplex, vel enim intercedit tanquam accidens adjunctum, consequens terminum à quo, & antecedens terminum ad quem: vel intercedit ut causa termini ad quem; atque ita breviter, medium vel est accidens adjunctum, vel est causa: utroque autem modo, sed distinctè Euangelium medium est fidei; habitualis quidem, tanquam medium per quod intercedens Deus eam sola sua potentia operatur. Nam intelligentiæ doctrinæ de Christo, Euangelium instrumentum est: sed virtutis fidei, quæ quis possit actu credere, causa sola est Deus: Euangelium vero tantum adjunctum medium, per quod tanquam viam, Deus fidem habitalem donat: quo sensu Euangelium dicitur ministerium Spiritus, 2. Cor. 3. v. 8. & regenit nos ex semine incorruptibilis per sermonem Dei vivi. 1. Pet. 1. v. 23. Jac. 1. v. 18. Actualis verò fidei Euangelium prædicatum

& intellectum est medium, & causa, seu medium effectivum: medium quatenus inter Deum causam efficientem, & inter fidei actionem intercedit: causa verò quatenus fidei actionem, (ut instrumentum idoneum) ex fide habituali (Deoque cooperante) doctrinâ suâ ac suasionem elicit. Atque hinc fides ex auditu Euangelii esse traditur, Rom. 10. v. 17.

Atque hæcenus gratiæ divinæ, in fide danda, operationem, contra adversarios asseruimus.

#### Illustratio Loci Matth. 24. vers. 15.

Cum magna sit, in celebris hujus sententiæ expositione, tam priscorum, quam novorum interpretum varietas; non abs re futurum existimamus, si eam paucis explicemus, & quid maximè videatur vero consentaneum, demonstremus.

Ac primò verba Christi, quæ extant v. 15. & 16. observanda. Cum ergo, inquit, videritis abominationem desolationis dictam à Daniele Prophetâ, stantem in loco sancto, (qui legit, ille animadvertat) tunc qui in Judea fuerint, fugiant in montes: Quibus parallela extant apud Marc. & Lucam. & Marcus quidem pro illis verbis, in loco sancto, ait, ubi non oportet: Lucas verò cap. 21. v. 20. sic refert. Cum autem videritis Jerusalem cingi ab exercitibus, tunc agnoscite appropinquare desolationem illius; tunc qui in Judea sunt fugiant in montes. Atque hæc sunt Christi verba, de quibus duo potissimum quærentur. Primum, ex quo Daniel capite ea sint desumpta. Quidam ex cap. 12. v. 11. plerique verò aptius paulo ex cap. 9. v. 27. petita statuunt. Nam quod objicitur cap. 9. de temporibus Antiochi, & desolatione abominabili per eum perpetrata agi (de qua Joseph. antiquit. lib. 12. cap. 7. ait: quod vastata urbe, in templo ara posita, porcos mactavit) illud circumstantis loci minimè consentit. Nam post Christi adventum & mortem, hæc futura desolatio statuitur: non autem ante illius adventum. Altera, quæ sensum loci attingit, controversia difficilior est, quidnam scilicet abominatio desolationis significet? quidam enim ad rem: alii verò ad homines significandos pertinere censent. Ad rem quidem bifariam. Sunt enim primò, qui abominationem desolationis, pro desolatione abominanda, per hypallagen Hebræorum interpretantur: ut 2. Thess. 2. v. 11. operationem erroris simili Hebraismo, pro errore operante, seu efficaci. & Apoc. 17. v. 11. damnatio meretricis pro meretrice damnata. Sed hoc non satis consentit cum verbis Christi. Is enim loquitur de signo futuræ, atque instantis desolationis: ut Lucas disertè exponit: tunc agnoscite &c. hæc autem interpretatio de visâ, ideoque præsentî desolatione: quæ duo inter se non conveniunt. Altera verò ad rem relata interpretatio est hæc: abominationem desolationis Metony: significare rem abominandam, quæ desolationem adferat: atque ita, Scripturæ more appellari idola ab adjuncto, quod sint abominanda. Atque ita quidam de imagine aut etiam statua Cæsaris exponunt, eamque quidam Tiberii à Pilato in templo positam, ajunt: ut Euseb. de demonstratione Evangelica lib. 8. demonstrat. 2. ex Dan. 9. affirmat, Pilatum noctu in templum imaginem Cæsaris intulisse: additque Philonem id confirmare, qui ait, Regias imagines Pilatum noctu in templo dicasse. Eusebium in hac narratione de Pilati facto sequitur Theodoretus com. in Dan. cap. 12. Sed hæc sententia similiter à recto aberrat: quia hæc narratio primum falsa est, errore, ut credibile, memoriæ Eusebii. Nam Joseph. antiquit. Jud. lib. 18. cap. 4. tradit, Pilatum signa militaria, imagine Cæsaris insignita, in urbem intulisse: non autem statuam ullam: neque etiam in templum. Deinde etiam inepta est expositio. Nam Christus loquitur de futura post mortem suam urbis & templi desolatione: hæc verò abominatio Pilati, quam obtundunt, jam acciderat Christo vivo, ante hanc concionem: ut colligitur ex Josephi de Bel. Juda. lib. 2. cap. 8. aliâs cap. 14. Missus inquit à Tiberio in Judeam Pilatus, cum curandam accepisset Regionem, nocte intempesta, operas in Hierosolymam intulit imagines Cæsaris. Quas Josephus, quia in militaribus signis seu vexillis erant depictæ (ut ex antiquit. lib. 18

lib. 18. cap. 4. ante ostendimus) *omnino*, id est, signa vocat: idque minus appositè interpres *statuas* vertit. Deinde quod Euseb. idem à Philone confirmari ait, alterum, ut videtur, memoriæ vitium. Nam Philo in lib. suo de legatione ad Cajum Caligulam ( qui imaginem suam in templo collocari, seque pro Deo haberi jubebat ) Pilatum ait auratos clypeos dedicasse, eosque nulla insignitos imagine, nec habentes quicquam vetitum : Deinde non in templo, sed in Herodis regia. Neque hoc in loco, neque alibi in Scriptis illius, imaginis Cæsaris in templo à Pilato præside positæ ulla extat mentio. Quare hæc Eusebii sententia consistere non potest : ideoque nec Clarissimi Beza, qui in suis ad hunc locum Matth. annotationibus, Eusebium, ut videtur secutus, ait: *sic autem designat Prophetæ profanationem templi, collocata ibi aquila & multis patratæ; quæ per legem non licebant: unde etiam mox secutum est & templi & urbis excidium, ut ex historicis patet.* At inquam, contrarium patere jam ante ostendimus. Nam quod Herodes supra majorem templi portam aquilam auream dedicavit, illud non solum ante Christi concionem accidit : sed etiam ante Christum natum : ut ex Josepho apparet, Antiquit. lib. 17. cap. 18. nec alterius aquilæ meminit. Neque etiam post signa militaria, à Pilato cum imagine Cæsaris impressa, mox secutum est & templi & urbis excidium : sed anni plus quam 40. intercessere : ut ex collatione Joseph. de bell. Jud. lib. 2. cap. 8. comparatâ cum Luc. 3. v. 1. 2. apparet.

Secundo porrò loco Chrysosth. quoque comment. in Matth. 24. homil. Lat. 76. Græc. 75. ( ut etiam Theoph. similiter ) abominationem desolationis de statua quidem Cæsaris explicat : sed alia quam Tiberii, ac posteriori, nempe de statua Titi, qui eam, ut ait, desolata urbe ac subverso templo intus statuerit. Sed illud primum non videtur credibile : Nam cum Joseph. captæ urbis & templi fuerit spectator, ac descriptor fidelissimus, & accuratissimus, nullam tamen positæ in templo aut loco illius, statuae Titi mentionem facit. deinde etsi id factum probari posset, consequentis tamen desolationis indicium, de quo Christus loquitur, esse non potuit. Atque hæc de secunda etiam statua Titi sufficient, ut inde cognoscatur, eam per abominationem desolationis non designari.

Tertia verò statua, ab aliis hac voce intellecta, nempe Adriani Imperatoris, longè post templi desolationem erecta est Hierosolymis; ideoque multo minus abominatio desolationis dici potest. Nam ut alia dicta omittam, abominatio de qua & Christus & Daniel loquuntur, non est accidens desolationis factæ; sed futuræ efficiens causa : ideoque à Christo, ut signum proponitur, quo præmoniti discipuli desolationem instantem effugerent: ut ex Matth. & Luc. verbis constat, idemque Daniel etiam demonstrat, qui cap. 9. v. 27. ait, & per alam, (id est, exercitum) *abominationem desolantem.*

Quare alii abominationem desolationis non de re aliqua, ( sive ipsa desolatione, sive imagine Tiberii, aut Titi aut Adriani ) intelligunt : sed vel de singulari homine abominando : vel hominum cætu interpretantur. Qui ad hominem singularem referunt, Antichristum interpretantur, ut Irenæus contra hæres. lib. 5. Hilarius Comm. in Matth. 24. & Hieronym. similiter in Matth. 24. quamvis hic in ea sententia proposita non plane acquiescat : sed postea repetita ea, alias etiam jam confutatas ( quasi probabiles ) similiter apponat his verbis : *potest autem quod dicitur abominatio desolationis, stans in loco sancto, simpliciter aut de Antichristo accipi: aut de imagine Cæsaris, quam Pilatus posuit in templo; aut de Adriani Equestris statua, quæ in ipso sanctorum loco usque in præsentem diem stetit. Abominatio quoque, secundum veterem Scripturam idolum nuncupatur, & idcirco dicitur desolationis, quod in desolato templo atque destructo idolum positum.* Verum hæc de Antichristo expositio à sententiæ Christi scopo, & circumstantiis aberrat: Christi enim scopus est discipulos præmonere, ordine, de urbis & templi primum, deinde de orbis in suo adventu excidio; & quidem convenienter duabus discipulorum quæstionibus, cap. 24. vers. 3. Ac prius prædixerat cap. 23. vers. 38. *Ecce relinquetur vobis domus vestra æquæ desolata seu deserta,* & cap. 24. v. 2. de templo ait, non

*relinquetur hic lapis super lapidem, qui non dissolvatur.* Deinde hujus desolationis proponit signa; ac primum remota, eaque partim communia: ut calamitates varias ab hominibus aut à Deo infligendas: partim propria; Ecclesiæ per falsos Prophetas, & persecutores afflictionem; deinde propinquum desolationis signum, nempe *cum viderint* ( hoc est, cum noverint ) *abominationem desolationis, stantem in loco sancto*; ut auditores Christi commonefacti eam evadere possent: quæ ad Antichristi adventum, longè post futurum, non pertinent.

Quocirca reliqui interpretes hanc abominationem desolationis non de uno homine Antichristo: sed de hominum cætu exponunt, & quidem bifariam. Quidam enim, ut Tostatus ad hunc locum, de Zelotis, hoc est, Judæis seditiosis & sceleratis, qui Zelum libertatis patriæ prætexcentes, templo occupato ac cæde polluto, inde ( tanquam ex arce ) rapinis ac cædibus horrendis grassantes, multa millia è populo trucidantes, urbem affligerunt, ut de iis narrat Joseph. de bell. Jud. lib. 4. cap. 5. & 7. & lib. 5. cap. 1. Quæ etiam de re cap. 2. ait: *Vetus quidam sermo ferebatur, tunc demum civitatem captam iri, sancta etiam flammis exurenda esse lege belli, cum seditio fuisset exorta, Deique sanum propriæ manus ante violassent, quibus Zelotæ nihil de eorum fide dubitantes, ministros se præbuerunt.* Quæ sanè expositio antecedentibus longè verisimilior, & Christi verbis paulò accommodatior. Nam hæc abominatio, desolationem ac destructionem urbis, populi ac templi, per Romanos factam, antecessit, signumque fuit imminentis desolationis clarissimum. Quam sententiam etiam sequitur è nostris Theologis Lambert. Danæus Comm. ad hunc locum Matth. Verum quia hæc Zelotarum seditiosa im pietas ac crudelis violentia non fuit causa efficiens, desolationis totius urbis ac populi, & subversionis templi ( de qua re Christus apertè agit ) sed tantum antecedens illius indicium: propterea reliqui interpretes abominationem desolationis, id est desolantem ( ut ante exponi debere ex Daniele demonstravimus ) aptissimè de exercitu Romano, à quo Jerusalem destructa, interpretantur. Ac primum quidem orig. tract. 29. in Matth. 24. & Chrysost. à priori sua jam ante proposita sententia declinans hom. 24. ait; *Tunc qui in Judæa sunt, ad montes fugiant. Tunc; quando? quando hæc fient? quando abominatio desolationis stabit in loco sancto, unde mihi videtur exercitus dicere.* Et Aug. Tom 2. Epist. 80. ad Hesych. eruditè declarat, ac probat eandem sententiam hisce verbis. *Lucas verò ut ostenderet, Tunc factam fuisse abominationem desolationis, quæ à Daniele prædicta est, quando expugnata est Jerusalem, hæc eodem loco Domini verba commemorat: Cum autem videritis circumdari ab exercitu Jerusalem, tunc scitote, quia appropinquavit desolatio ejus. Apparet itaque Tunc ibi positam desolationis abominationem, de qua duo illi Evangelistæ ( Matth. & Marc. ) locuti sunt; &c. Lucas ergo patefacit, quod esse posset incertum, non ad seculi finem, sed ad expugnationem Jerusalem pertinere, id quod dictum est de abominatione desolationis.* Atque hanc interpretationem secuti sunt in Commentariis suis in Matth. 24. Theologi insignes Bucerus, Musculus, Aretius, Junius, Piscator. Idque non immeritò, quia & Danielis & Christi verbis optimè convenit. Nam exercitus Romanus Titi Imperatoris Hierosolymam obsidentis, rectè vocatur abominatio, hoc est, Metonym. abominandus, quia ex hominibus abominandis constabat: scilicet profanis, & idolorum cultoribus, quos Deus, hominesque pii eo nomine abominantur, atque averſantur: ut Prover. 15. v. 9. *abominatio* ( id est, abominanda ) *feboræ est via improbi,* & cap. 29. vers. 27. *abominatio justorum* ( id est, abominandus justis ) *vir iniquitatis.* Deinde hic exercitus desolationem urbis, & populi antecessit, & revera effecit. Denique Lucas etiam illud declarat, ut ex Aug. ostendimus. Nam pro verbis illis obscurioribus Matth. ( nempe *cum abominationem desolationis videritis stantem in loco sancto* ) Lucas clariora hæc posuit, *Cum videritis Jerusalem cingi ab exercitibus, tunc agnoscite appropinquare desolationem ejus.* Et Danielis verba idem quoque indicant, cum illam abominationem desolationis vocat alam abominationum desolantem, hoc est, exercitum Romanorum idololatrum abo-



rum abominandum, ac vastatorem. Quemadmodum ala (ut rectè Clar. Junius observavit) etiam in Sacris literis, Metaph. pro exercitu, Esai. 8. v. 8. usurpatur: quod scilicet ut ala avium se expandit, sic etiam exercitus. Cujus interpretationis veritas, ex Contrariarum objectionum examine ac confutatione reddetur illustrior.

Prima est contra interpretationem ipsam, petita ex Scripturæ verbis, cum Danielis, tum Christi. Illius quidem, *erit in templo abominatio desolationis*, ut Hiero. & vulg. versio interpretantur. Christi vero *abominationem desolationis stantem, in loco sancto*: unde concluditur, non posse intelligi de exercitu Rom. obsidente urbem Jerusalem, ac stante extra templum, atque urbem in loco profano. Sed negatur prima pars antecedentis. Nam Daniel templi non meminit, & Hier. versio, non Hebræa Danielis verba sequitur, sed LXX interpretum paraphrasin, *ἐν τῷ ἱερῷ*. Deinde hæc etiam verba potius transferenda sunt, *adversus templum*, non autem *in templo*, nam *ἐν* cum accus: non *in* sed *ad*, vel *adversus* notare certissimum est. Quod verò Christus ait *abominationem desolationis stantem in loco sancto*, non propterea inde sequitur, templum debere intelligi. Nam sanctum pro varia relatione variè accipitur: ut templum sanctum dicitur per excellentiam comparatè cum urbe Hierusalem: & hæc propter templum (in quo sacra peragebantur) in ea comprehensum, respectu regionis urbs sancta nominatur. Sic etiam Judæa, populo sancto, & sancto Dei cultui consecrata, terra sancta comparatè cum regionibus gentium profanis, in quibus idololatria vigeat, communi usu nominata est: ut 2. Maccab. 1. v. 7. etiam appellatur. Quare non mirum, si pars terræ sanctæ, & quidem pomærium urbis sanctæ Jerusalem, locus sanctus appelletur, Matth. 24. ubi abominationem stare non decebat, Marc. 13. v. 14. utpote sanctitati repugnantem. Hæc prima objectio.

Altera verò est adversus probationem ex Luca allatam, quod inde non sequitur idem esse abominationem desolationis, apud Matth. & Marc. & exercitum cingentem seu obsidentem Hierosolymam, apud Lucam. Hæc enim duo diversa esse, non eadem statuunt: abominationem enim desolationis stantem in loco sancto (de qua Matth.) in Zelotis præcessisse: obsidionem verò (de qua Luc.) post secutam: quemadmodum Evangelistæ non rarò in eadem historia variant, ut quæ tradita ab aliis Evangelistis omittant, & omissa (ad pleniorum rerum notitiam) recenseant. Resp. Agnoscimus diversa, (non autem adversa) interdum in Evangelistis describi: sed in hac Christi prædictione idem à Matth. descriptum, jam antea ex eo ostendimus: quod eadem utrimque circumstantiæ (nempe consilium Christi de fuga celerissima) hoc demonstrant. Nam si ad evitandam desolationis calamitatem, subita fuga (Zelotis seditiosis in urbe & templo impiè grassantibus) à Christo mandata: tum sanè superflua esset admonitio de fuga postea demum maturanda, cum Jerusalem ab exercitu Romano cingi videretur. Deinde Zelotas seditiosos non posse per abominationem desolationis, hoc est, desolantem intelligi, jam antea ostendimus: quod urbis & templi desolatio, seu vastatio, & exitium non à Zelotis, sed ab exercitu Romano processit, ut etiam à Daniele, cap. 9. v. 26. prædictum est: *Et urbem, & sanctuarium perdet populus ducis venturi*, hoc est, Titi Romanorum ducis exercitus. Quod autem postremo (ut vim argumenti ex Luca petiti effugiant) obijciunt nonnulli, Lucam quidem exercitum Romanum atque obsidionem Hierosolymæ intelligere, sed tamen non de ultima obsidione per Titum, sed de priori per Syriæ legatum Cestium loqui; illud alienum est; Nam 1. obsidio de qua Lucas agit, signum fuit proximæ instantis desolationis, hoc est, interitus urbis & templi; deinde causa fuit iusta & à Christo proposita, cur ad eam evadendam opus esset subita, ac moræ experti fuga. Quorum neutrum obsidioni Cestii convenire historia evincit. Nam ea diu antecessit urbis & templi desolationem, ideoque fugæ tam celeris de qua Christus agit, nulla erat necessitas. Denique obsidio de qua Lucas loquitur, causa fuit illius desolationis: id quod de Cestii obsidione dici nequit, quæ neque templum, neque urbem desolavit; sed contra exercitus illius deserta obsidione, à

Judæis cæsus ac profligatus: ut Joseph. de bell. Jud. lib. 2. cap. 24. describit. Ac quamvis post Cestii casus adversos (ut Joseph. ibid. cap. 25. testatur) nobilium Judæorum multi, velut è navi pessum itura è civitate enatabant, & desolatio sit postea consecuta, ea tamen non à Cestii, sed à Titi exercitu effecta, cui omnia, quæ ex Luca allata, ad amussim conveniunt. Nam præter captivorum toto bello nonaginta septem millia, & urbis & templi destructionem, undecies centena millia Judæorum peste, fame, incendio, aliisque horrendis mortis generibus Hierosolymis perierunt, ut Joseph. de bell. Iud. lib. 7. cap. 17. expressè declarat: à qua calamitate Hierosolymitana Ecclesia, ante bellum Titi divinitus monita, in urbem Pellam, trans Jordanem sitam migrans, servata est, ut Euseb. hist. Eccles. lib. 3. cap. 5. recenset. Quare ex hisce omnibus liquet per abominationem desolationis, Matth. 24. Romanorum, Tito duce, exercitum Jerusalem obsidentem designari; unde genuina loci sententia cognosci potest.

#### Appendix loci Explicati.

Quandoquidem Joan. Calvinii eximii Theologi Commentarii in Evangelistas, apud omnes veritatis amantes maximo sunt in pretio, & eruditorum manibus non immeritò præ cæteris teruntur ac probantur; aliamque hujus loci interpretationem in iis proponit, eamque quæ à nobis tradita & asserta est, rejicit ac refutare conatur; ac præterea eundem aliis omisissis secutus sit & expresserit vir egregius Marloratus; non alienum neque ingratum fore speramus, si quasi laciniam, breve illius examen adjungamus: ut genuina sententia eò sit illustrior, & ab objectis difficultatibus amplius expediatur. Idque eò fiet commodius, quod insignis authoris dicta priora posterioribus atque aptioribus conferemus: quod ut mora examinis judicium acuit; sic *ἀπὸ τοῦ ἑσπέρου τοῦ σκότους*. Sententiæ autem illius pars prima est de verbis Danielis, quæ à Christo citantur: ait enim eos falli qui ex Dan. 9 hoc testimonium à Christo petatum esse tradunt. Ratio autem illius duplex: una, quod eo in loco, verba ista, *abominatio desolationis* non extent. Respon. Fateamur, sed consequentiam negamus: quia in locis prophetarum citandis nec Christus, nec Apostoli, Christi Spiritu directi, in omnem veritatem, eadem semper verba eorum recitant, sed sæpè sententiam tantum exprimunt, id quod sufficit, quemadmodum hoc in loco factum est. Nam Danielis verba sunt *כַּף שְׁקוּצִים מְשׁוּמִים* id est, *alam abominationum desolantem*. Christus verò pro *ala* (hoc est, exercitu) *abominationum*, eodem sensu *abominationem desolationis*, id est, desolantem, trito Hebraismo posuit, & exposuit per exercitum cingentem Jerusalem, ut ex Luca colligitur. Atque eodem modo LXX. Interpretes antea reddiderant. Neque mirum esse debet, si per enallagen numeri, pro abominationum voce, *abominatio* ponatur. Quare hæc ratio minime obstat, quemadmodum nec altera quam adjungit, cum ait: *Certum est Angelum, non de ultima vastatione, (cujus hic Christus meminit) differere, sed de temporali dissipatione per Antiochum, sed cap. 12. de finali*. Verum hæc objectio à nobis initio refutata est, & ab ipsomet Calvino, re melius postea considerata, contrarium laudabili candore statutum. Nam ut ex præfationibus illius liquet, Commentarios in Evangelistas scripsit. 1555. in Daniel. verò 1561. in hisce autem sic ait: cap. 9. *Alii sequuntur Græcam versionem, quam Christus citavit, Matth. 24. & aliis locis, quanquam videtur potius respicere ad 12. cap. sed quoniam utroque loco eandem abominationem designat, (nota bene) ego in ea parte non insisto*. Ubi obiter tamen observandum, sententiam Danielis cap. 12. de abominatione desolationis, hoc est, desolante: non autem de ea quæ per Titi exercitum accidit (de qua Dan. 9.) agi, sed de priore per Antiochum Epiphanem; ut tempora designata dierum 1290. indicant, quæ à vastatione templi per Antiochum ad mortem illius intercesserunt, ut clarissimi Theologi Junius & Piscator rectè observarunt. Atque hæc de Danielis verbis, à Christo citatis. Altera verò pars sententiæ Calvini, sensum verborum Christi spectat, cum ait, Locandam in templo abominationem esse, quæ si-

quæ signum sit ultimæ desolationis. Verum illud jam confutavimus antea. Christus enim Daniele secutus, loquitur non solum de abominatione quæ signum sit, sed etiam causa efficiens desolationis, ut ex Daniele probavimus.

*Illustratio Sententiæ Matth. 24. v. 24.*

**I**n signis, difficilis, ac dignus vindice nodus, in hoc loco duplex occurrit: Quæstio enim prima est de miraculis: altera de seductione.

Prima quæstio est, An hæc miracula à falsis doctoribus edenda, propriè sic dicantur, an verò impropriè. Quidam impropriè, per metaph. quod veris similia sint, dici tradunt, ac simpliciter esse falsa: hoc est, ratione cum finis, tum etiam rei ipsius: utpote, quod ad homines fallendos, seu à veritate seducendos fiant: & quod speciem habeant fallacem, seu non revera id sint, quod videntur, sed meræ præstigiæ. Idque probare conantur bifariam. 1. Scripturæ autoritate; deinde ratione. Illa est ex 2. Thess. 2. v. 9. ubi de Antichristi miraculis dicitur, hoc modo: *Cujus adventus est ex efficacia Satanae, cum omni potentia & signis, ac prodigiis mendacii*, id est, mendacibus. Ratio verò est, quod miracula sint opera infinitæ potentæ Dei propria, Psal. 72. v. 18. & ad veritatem testandam edita: Johan. 5. v. 36. Marc. 16. v. 20. Ideoque Satanae, & instrumentis illius adscribi non possint: quod Deus gloriam suam alteri non tribuat, Esa. 48. v. 11. Nec mendacium suo testimonio approbare possit, qui est *veritas*. Tit. 1. v. 2. Ideoque miracula tantum vocari per catachresin seu vocis abusionem metaphorice: quod videl. speciem tantum miraculorum, non autem rem ipsam habeant. Alii verò aliter sentiunt; quorum sententiam adhibita distinctionis luce illustrare, & ab aliis omiſsa nonnihil supplere conabimur. Primum enim falsorum doctorum miracula omnia sunt suo modo falsa, videl. ratione finis, qui est fallere, seu à veritate salutari, rectoque Dei cultu, seducere. Ratione verò rei, quædam falsa, quædam vera: quædam denique mixta, seu partim falsa, partim vera. Falsa re sunt ea, quorum res aliud est, & aliud videtur: ut cum Diaboli præstigiis, fallax rei species oculis & phantasie objecta, homines fallit. Vera re sunt ea, quorum res falsorum doctorum atque universæ naturæ humanæ ordinem ac vires excedit & superat: qualia miracula describuntur; Deut. 13. v. 1. 2. *Cum surgens in medio tui, &c.* Quo in loco prædictioni signi eventum illius convenire, eoque verum reipsa signum esse denotatur, etsi falsum habeat finem. Mixta verò sunt, quorum res partim falsæ, partim veræ sunt, qualia fuerunt Magorum Ægyptiorum miracula. ut conversio baculorum in dracones, Exod. 7. v. 14. 15. ubi baculi conversio fuit specie tantum, non re: dracones verò non sola specie, sed etiam reipsa, quod scil. baculi per operam Diaboli, celeritate incredibili ac sensum spectatorum fallente fuerunt ablati, & vi ejusdem dracones subito aliunde substituti, quos Moſis draco revera deglutivit. Nam quod insignes aliqui interpretes illud de præstigiis evanescentibus exponunt, non videtur Moſis verbis, nec Dei gloriæ consentaneum: aliàs enim divinum Moſis in dracone miraculum fuisset etiam hac in parte illusio. Neque hic rectè statuendæ sunt præstigiæ, cum nulla prorsus sit necessitas, quæ hoc urgeat: quandoquidem hæc res naturales Diaboli vires minimè superat, ut similia eorundem miracula sequentia (nempe aquæ in sanguinem conversio, ibid. vers. 25. & ranarum in terram Ægypti productio, cap. 8. vers. 6. 7.) idem arguunt: ac rectè August. de Trinit. lib. 1. cap. 7. & 8. Magorum Ægyptiorum dracones, sanguinem, ranas, revera fuisse indicat. Neque enim ad meras præstigiæ, atque externam tantum sanguinis, & ranarum speciem ea referri queunt: quia Diabolo non fuerunt difficilia. Etsi enim sæpè, Deo illius potentiam refrænante, eam exequi non valeat, Exod. 8. v. 18. Luc. 22. v. 31. Deo tamen aliàs permitte, suas vires exerit, ut Job. 1. & 2. Marc. 5. v. 12. 13. ostenditur. Neque obstant primæ sententiæ argumenta. Nam ad Scripturæ autoritatem quod attinet. 2. Thess. 2. v. 9. ea prodigia mendacia dicuntur generatim, ratione finis:

quod mendaciò firmando fiant. Ac licet inter ea quædam sint, simpliciter mendacia, seu non solum ratione finis, ut fallant, edita: sed etiam ratione rei, quod non id sunt, quod videntur esse, sed meræ præstigiæ: priora tamen à Paulo potissimum intelligi, nempe quæ secundum quid, seu ratione finis mendacia sunt, non autem ratione rei, apparet ex antecedentibus illis verbis, *cum omni potentia*, hoc est, omnibus Satanae viribus: quæ de meris præstigiis (in quibus exigua omnino potentia consistit) verè dici nequeunt. Quare hæc Pauli autoritas sententiæ à nobis propositæ minimè adversatur: quemadmodum nec ratio, quæ obtendi solet: Nam miracula quædam agnoscimus esse potentæ infinitæ propria: qualia sunt mortuorum suscitatio, & naturalis videnti & audiendi potentæ extinctæ restitutio: quæ Deo creatori conveniunt, cujus solius viribus, à naturalis potentæ privatione ad habitum datur regressio. Quædam tamen non sunt potentæ infinitæ propria: sed potentæ finitæ communiæ: ut pestis, ulcerum, ignis, pluviae, & grandinis per Moſen miracula, Exod. 9. v. 3. 10. & 23. Illa enim demonis potentiam non excedere, ex iis, quæ, Deo permitte, contra Jobum perpetravit, demonstratur, Job. 1. v. 12. 16. 19. & 2. v. 6. 7. Talia etiam fuerunt quædam Christi miracula: ut quod febrim ex tempore sanavit, Matth. 1. v. 15. & venum sedavit, v. 26. quæ humanas quidem vires excedunt, sed Satanae non superant. Quod autem Psalm. 72. v. 18. de Deo dicitur: *facit mirabilia solus*, illud non absolute de omnibus miraculis, sed particulatim pro subjecta materia (de qua in antecedentibus illius loci agitur) de admiranda Ecclesiæ, per Christum, Salomone adumbratum, salute, & adversus Diabolum & mundum conservatione, intelligitur. Neque etiam omnia miracula, sed sola divina, veritatis sunt testimonia. Neque ea in re Christi miraculis autoritas sua detrahitur, quasi ex iis non constaret ipsum esse Christum. Nam miracula ipsius præcipua, fuerunt potentæ infinitæ propria: reliqua verò de futuro Christo per Prophetas simul prædicta, & cum divina Euangelii doctrina conjuncta, & ad gloriam Dei facta sunt: unde Jesum esse Christum verè probatur Matth. 11. vers. 3. 4. 5. Quare ea demum miracula, de quibus egimus, vera esse concludimus, si rem spectemus, etsi finis ratione omnia falsa: Ideoque cum à verâ doctrina sint aliena, & ad mendacia firmanda pertineant, facillimè à divinis miraculis illis quæ Angelicam potentiam non superant, distinguuntur & cognoscuntur.

Hæc de prima quæstione, orta ex vers. 24. initio. Altera seductionem spectat, & ex fine versus promanat. Verba autem Christi de pseudoprophetis (magna signa & prodigia seu miracula edituris) sunt hæc: *ὅτι ἔλθουσιν, οἱ δυνάμει, καὶ τοῖς ἐκλάμψις*: de quorum interpretatione, ante rem ipsam, quædam præmittenda. Ea enim est duplex: una Latini Veter. Interpret. atque etiam Hier. hoc modo: *Ita ut in errorem inducantur, (si fieri potest) etiam electi*. Verum obstat ad accuratam versionem statuendam, vox *ἔλθουσιν*: quæ vox non passivam, sed activam solum habet significationem. *Πλανάω* enim est tantum *in errorem induco* seu *seduco*: ut bonorum Græcorum authorum & Scripturæ sacræ, ac LXX. Interpretum usus demonstrat, non autem *in errorem inducor*, aut *seducor*. Altera igitur expressior est translatio, à nostro interprete D. Beza proposita, hujusmodi. *Aded ut seducant, (si fieri possit) etiam electos*; Vel ut Clarissimus Piscator aptius reddit, *aded ut seducturi essent, &c.* Tertiam verò ab utraque in vocis *ὅτι* declaratione discrepantem, ac vulgò præteritam addi posse arbitramur hanc nimirum, *ad seducendum, si fieri possit, etiam electos*. Nam vox *ὅτι*, id est, ut, licet sæpius pro *ita ut* vel *aded ut*, per ellipsin, pro *ὅτι* *ὅτι*, *ita ut* accipiatur, atque eventum consequentem notet, non causam: non rarò tamen finem significat, ut Matt. 15. v. 33. *Unde nobis in deserto tot panes ὅτι χεῖρα τοῦ ὄχλου ποῦται*, hoc est, *ad saturandum turbam tantam*, ut optimè Doct. Henr. Steph. ad oram hujus loci in Testamento suo Græco minore interpretatur. Deinde Roman. 7. v. 6. *Nunc autem liberati sumus, &c.* *ὅτι δουλοῦν ἡμᾶς, ut serviamus*, ubi vox *ὅτι* pro *ita*, id est, ut (quemadmodum Oecumenius rectè exponit,) finem indicat, idemque est, quod *ita*, v. 4. & *ὅτι* v. 5. Idque scopus Apostoli demonstrat, qui est, ut serviamus

mus Deo ac iustitiæ: argumentum autem allatum est beneficium liberationis, ut ex cap. 6. v. 18. & 22. & 7. v. 4. perspicuum. Denique hanc interpretationem convenire huic loco ex Marci expositione in ejusdem sententiæ descriptione apparet. Nam pro eo quod Matthæus habet, *ὅτι λατρεύει*, ponit *ὅτι τὸ ἀπαλαύξειν*, ad seducendum.

Hæc de interpretatione: ad rem verò quod attinet, si *ὅτι* pro *adeo* ut accipiamus, & ad eventum referamus, sensus erit, miracula magna pseudopphetas edituros, adeo ut non solum reprobos, sed etiam (si fieri possit) electos essent seducturi. Quo in loco observandum, quid vox *electi*, deinde quid *seducere* hoc loco significet. Ad prius quod attinet, non quivis universè, sed electi à Deo ad vitam æternam *ἐξοχλῶ* intelliguntur: quemadmodum etiam antea, vers. 22. & post v. 31. Marc. 13. v. 20. 2. Thess. 2. v. 13. Cum autem hi electi, sint vel vocandi ad fidem, vel vocati: de prioribus hic non agitur. Nam tales à pseudopphetis non raro seduci (quod de electis hisce hoc loco negatur) experientia & vocatio eorum ab erroribus, sacris literis consignata demonstrat. ut 1. Petr. 2. v. 22. *Eratis enim omnes ut oves errantes*, &c. Idcoque de electis vocatis, seu fidelibus hic agi apparet: quales fuerunt etiam Christi discipuli, quibus Matth. 24. *videte, ne quis vos seducat*. *Seducere* autem propriè est à recta via abducere, ut Deut. 27. v. 18. *Maledictus ὁ ἄνθρωπος ὁ ἐκτρέφει τὸν υἱὸν τοῦ θυγατρὸς ἑαυτοῦ, ὅτι ἐκτρέφει τὸν υἱὸν τοῦ θυγατρὸς ἑαυτοῦ, ὅτι ἐκτρέφει τὸν υἱὸν τοῦ θυγατρὸς ἑαυτοῦ*. Unde per metaph. eleganti similitudine ab actione corporis deducta, decipere animum significat, seu à recta veritatis, ac iustitiæ doctrina à Deo tradita, ad errores avertere: ut 2. Petr. 2. v. 15. De seductis, expressa metaphora dicitur, *qui relicta recta via, erraverunt, secuti viam Balaam*. & Psalm. 119. v. 10. *Improbi posuerunt mihi laqueum, sed à præceptis tuis non aberravi*. Atque ita hoc loco *seducere* intelligitur à recta, veraque Christi doctrina, tanquam via salutari & ad vitam tendente, ad pravam, falsamque, & ad exitium ducentem abducere. Cæterum hæc seductio duplex est: Prima, secundum quid, & ad tempus tantum; secunda simpliciter, & semper. Prior hoc loco non denotatur, quia electos fideles ita seduci posse, ut ad tempus, & in nonnullis à recta veritatis & iustitiæ doctrina, diaboli arte, & humana imbecillitate seducantur, certum est: sed non penitus à recta via declinant: neque in errore persistunt, sed in viam reducuntur rectam; ut exemplum Davidis demonstrat, Psalm. 119. v. 176. *erravi*, (Lxx. habent *ἐκτρέφει*) *sicut ovis perditus, quære servum tuum*. Quemadmodum etiam electi fideles Galatæ, à pura Evangelii doctrina ad errorem, de circumcissione, & ceremoniis legis observandis, à falsis doctoribus seducti, non tamen à fundamento Christo abstracti: quia à primariis religionis capitibus non desecerunt, neque in errore eo persistenterunt: ut ex Epistola ad Galatas, quos adhuc fratres Paulus agnoscit, & ex Ecclesiarum Galatiæ propagatione cognoscitur. Quamobrem cum hic agatur de seductione, quæ electis accidere non potest, idcirco altera intelligenda est: nempe qua quis Christum deserit, seu à primariis doctrinæ de Christi persona, officio ac beneficiis dogmatibus, ad contrarios errores abducitur: talem enim intelligi hoc loco res ipsa arguit. Nam seductionis hujus objectum statuuntur quidem communiter omnes vocati ad cognitionem, tam electi, quam non electi: atque indicatur, scopum ac conatum pseudopphetarum esse, ut utrosque seducant. Id quod vox illa relationem notans, nempe (*etiam*) designat. Deinde eventus discrimen, oppositione quadam, & ratione illius, demonstrat: quod scil. seducendi sint non electi, contra verò electi seduci non possint. Nam cum Christus ait, *ut seducerent aut ad seducendum etiam, si fieri posset, electos*, eo modo ostendit, non electos posse seduci, ac seducendos, sed illud (*etiam*, hoc est, unà cum illis) non accidere electis ob privilegium ipsorum, quod scil. seduci non possint: quemadmodum in simili re, Apoc. 13. v. 8. *Adorabunt eam*. &c. & 2. Thess. 2. v. 9. 10. de Antichristo ac seducendis ab eo reprobis (qui periphrastice, *illi qui pereunt*, vocantur) distinctè ab electis dicitur: *Cujus adventus est secundum efficaciam Satanæ*, &c. De electis verò, quod non possint simpliciter, neque secundum quid, ad finem & exitium seduci, docetur, 1. Joh. 3.

v. 9. *Quisquis natus est ex Deo, &c.* Verum quæstio hic oritur explicatione dignissima, quonam sensu hic dicatur, *si fieri possit*: & quomodo conciliari hoc Christi dictum possit cum antecedenti ipsius ad discipulos hortatione, aliisque Scripturæ sententiis similibus. Nam hoc eodem cap. 24. v. 4. & 5. ait, *videte ne quis vos seducat; multi enim &c.* Unde hæc struitur, atque objicitur ratiocinatio. Quos Christus hortatur, ut videant ne à pseudopphetis seducantur, ii ab illis seduci possunt: atqui electi sunt, quos Christus hortatur, ut videant, ne à pseudopphetis seducantur. Ergo electi à pseudopphetis seduci possunt: Idcoque cum vers. 24. contrarium statuatur, dissentire videtur. Propositio hac ratione probatur, quod stultum sit hortari aliquos ad accuratam vitiationem ejus rei, quæ ipsis fieri non potest: & consequenter ubi nullum est omnino periculum; neque ullus esse potest curæ, ac cautionis humanæ fructus. Ideoque hæc stultitia in neminem sapientem: nedum in Christum sapientissimum, summaque sapientia semper agentem, cadere potest; ut hortetur ad id cavendum, quod fieri non potest. Assumptio autem liquet ex Christi hortatione modo proposita: Nam hortatur discipulos suos Apostolos, ut vers. 3. & 4. apparet, qui omnes excepto Juda Iscariote fuerunt electi, Joh. 17. v. 9. 12. Eodem etiam pertinent similes Scripturæ sententiæ. Solutio verò hujus nodi in conciliatione sententiarum Christi, (diversarum, sed non adversarum) in distinctione consistit. Utrumque enim distinctè verum est: Electos & seduci omnino posse, & non posse, diverso respectu, qti contradictionem tollit. Posse quidem si per se tantum, hoc est, sine concurrente Dei auxilio, considerentur. Nam quamvis in iis Spiritus dominetur, ideoque sola carne repugnante, sit potentior: tamen si accederet Diaboli & mundi tentantis potentia varia, & recederet Dei tuentis ac confirmantis gratia, non solum possent electi seduci, sed etiam revera seducerentur. Non possunt verò seduci per accidens proprium auxilii divini, quod ipsis electione ad vitam æternam est decretum & Christi morte partum, & Spiritus Sancti efficaciam interna, externaque præstatur. Ac propterea licet per se tantum considerati, seduci possint electi; ratione tamen accidentis auxilii Dei, non possunt: quia accidens illud est proprium, quod electis fidelibus promissum à fidei Deo, semper adest, Joh. 10. v. 28. *Non peribunt in æternum, nec rapit quisquam e manu mea, &c.* & 1. Petr. 1. v. 5. *Virtute Dei custodimur, &c.* Auxilium autem Dei est duplex: defensio à malo, & conservatio in bono, ut 2. Thess. 3. v. 3. distinctè indicatur: *est Dominus qui stabiliet vos, & tuebitur à malo*. Defensio autem est, quod seductores, Satanam, & pseudopphetas refrænat occulto gubernationis suæ freno, ne omnes suas vires, quando, atque ubicunque volunt, ad electos seducendos, exercent: sed tantum, quantum, quando, & ubi Deo ad suos probandos atque exercendos videtur commodum, 1. Cor. 10. v. 13. Alterum auxilium est electorum fidelium in bono confirmatio, partim externa, partim interna. Externa est per verbi Dei doctrinam; cum prædicatione illius, & veritatem docet, & variis hortationum, & reprehensionum stimulis adjunctis, ad amorem illius & errorum odium ac fugam extimulat. Quo pertinet Christi hortatio, Matth. 24. v. 4. & Actor. 14. v. 22. de Paulo & Barnaba dicitur, confirmasse eos, animas discipulorum, hortantes ut permanerent in fide, & cap. 15. v. 32. *Judas quoque & Syllas cum essent & ipsi Prophetæ multo sermone &c.* Sic v. 41. de Paulo additur, quod confirmavit Ecclesias: Denique Rom. 1. v. 11. *Expeto enim videre vos; ut aliquod impertiar vobis donum spirituale, ut vos stabiliamini*. Nam ut fidei origo est ex auditu prædicationis Evangelii, Rom. 1. v. 16. & 10. v. 17. Sic etiam confirmatio ejusdem. De reprehensione verò dicitur, Tit. 1. v. 13. *Redargue eos præcisè, ut sani sint in fide*. Interna verò electorum adversus seductionem à Deo confirmatio est efficacia Spiritus Sancti, qua cognitionem veritatis, & fidem datam servat atque auget, ut seductores vincant: ut 1. Cor. 1. v. 8. qui Deus, *etiam confirmabit vos, &c.* & 1. Thess. 3. v. 13. *ut (nempe Deus) corda vestra stabiliat, &c.* Cæterum huic, & defensioni à malo, & confirmationi in bono inservit cum primis (tanquam medium à Deo ordinatum),

natum) precatio cum Christi, tum Christianorum electorum pro se aliisque electis. Nam ad defensionem à malo pertinere primum precationem Christi docetur, Luc. 22. v. 31. 32. *Satanas apperit, &c.* & Johan. 17 Christus orans pro electis fidelibus, ait v. 11. *Pater sancte serva eos, &c.* & v. 15. *Non rogo ut tollas, &c.* & v. 20. *Non tantum autem pro his, &c.* Hoc autem precibus Christi impetrari, quod petit, generatim agnovit, ac de Christo confessà est rectissime Martha, Joh. 11. v. 22. Et Christus ipse attestatur idem vers. 42. De Christianorum verò electorum precatione efficaci similiter loquitur Christus, Joh. 16. v. 23. atque etiam auxilium Dei in refrananda tentatione Satanæ, solenni oratione peti iussit, Matth. 6. v. 13. *ne nos inferas in tentationem*, (hoc est, ne Satanæ tentatori habenas laxa) *sed libera, &c.* & 26 v. 41. *Vigilate, &c.* Ad confirmationem verò in bono à Deo impetrandam, pertinet etiam precatio, primum Christi, Johan. 17. v. 17. Deinde Christianorum electorum, à Christo præscripta ac mandata, pro ipsis, & aliis electis oratio, Matth. 6. *Adveniat regnum tuum, item fiat voluntas, &c.* & 1. Pet. 5. v. 10. Ita precatur Apostolus pro Ecclesia; *Deus omnis gratiæ, qui vocavit vos ad æternam suam gloriam in Christo Jesu, paulisper afflictos, ut perficiat vos, stabiliat, robores, fundet*. Hisce autem causis ac modis, conservationis fidelium à seductione & exitio, expositis, solutio argumentationis propositæ facilis est. Negatur enim consequentia conclusionis syllogismi. Nam quamvis electi seduci possint, non propterea tamen sequitur contrarium à Christo tradi, cum seduci posse negat: quia hæc duo diverso respectu dicuntur. Nam fideles imbecillitatis suæ ratione, absque auxilio Dei, seduci possunt: sed ratione auxilii divini ipsis semper accedentis, seduci non possunt. Sed objicere rursus solent; si per accidens proprium potentia auxilii divini defendentis ac confirmantis electos fideles, fieri non possit, ut seducantur à fide in Christum: Ergò hortationes, ut videant ne quis ipsos seducat, sunt inutiles & prorsus inanes. Verum negatur consequentia: quia hortationes, ut ostendimus, sunt media potentia divina externa, & modus quidam quo electi excitantur, ut videant, hoc est, prospiciant, ne pseudo-prophetæ eos seducant: quo scil. ad Scripturam diligenter legendam, atque audiendam: & ad eam tanquam ad lapidem Lydium examinandam, noscendam ac fugiendam, seductorum doctrinam, adducuntur, 1. Joh. 4. v. 1. 2. & 4. Quo etiam pertinet hortatio Christi Matth. 7. v. 15. 16. *Carrete vobis, &c.* à fructibus eorum cognoscetis eos. Fructus autem intelligit prophetiam eorum falsam, seu falsa religionis dogmata, & facta iis consentanea: ut quod gregi Domini, luporum rapacium instar, non parcant, sed quod eum à vera religione ad falsam avellere, ac perdere satagant. Ideoque ut hic Christus, sic etiam Paulus, Actor. 20. v. 28. 29. 30. hortatur Presbyteros, ut attendant seipsum & totum gregem, quod lupi graves non parcentes gregi, essent in eos ingressuri, & ex ipsismet exoritur, qui loquantur perversa & discipulos post se abstrahant. Ut igitur rem concludam paucis: Electi si per se, remoto Dei auxilio considerentur, seduci possunt à vera religione in exitium: sed per accidens proprium auxilii divini accedentis perpetuò, non possunt. Cujus auxilii divini externi pars aliqua est hortatio ad fugam seductionis: quia hæc etiam inter cætera media utitur Deus, ut electi qui per se seduci possent non seducantur. Quamobrem ut Christus hortatione ad cautionem seductionis, seduci posse per se ostendit: sic in hac sententia, quod fieri non possit, ut seducantur, respectu accedentis gratiæ Dei adjuvantis, quæ electis fidelibus propria, intellexit.

*De Mundi interitu ex Matth. 24. vers. 35.*

*Dissertatio.*

**M**emorabilis, & explicatu dignissima est de mundi interitu controversia, utpote de qua discrepantes sunt Theologorum sententiæ. Ac propterea opportunum atque utile fore arbitramur, si eam ad clariorem verborum Christi, Matth. 24. 35. *Cælum & terra præteribunt*, intelli-

gentiam, paucis examinemus. Quod ut fiat distinctius, à consensione exorfi, ad dissensionem procedemus. Consensio autem est, partim in subjecto verborum Christi, partim in attributo. In subjecto quidem ratione sensus vocum, *cæli & terræ*: Primum, quod cælum non invisibile ac summum, (quod *cælum cælorum*, 1. Reg. 8. & tertium 2. Cor. 12. v. 2. dicitur) intelligatur: quia illud est duratura in æternum beatorum sedes, Matth. 25. v. 34. 46. Joh. 14. v. 2. 3. & 2. Cor. 5. v. 1. Sed visibile solum, & quidem duplex, æreum & æthereum. Deinde terram hoc loco, ut alibi sæpè, per synecdochen partis primaria, pro toto, mare etiam complecti, ac totum terræ marisque globum designare. In attributo verò; nempè *præteribunt*, consensio est ratione veritatis: quod cælum & terra reverà interibunt. Nec enim pii Theologi in dubium vocant, an hoc sit futurum (ut de profanis irrisoribus futuris prædictum, 2. Pet. 3. v. 3. 4.) quia Christi & Scripturæ dicta vera esse ac divina agnoscunt. Dissensio verò est tantum de modo interitus: cujus dissensionis occasio est, quod modus ille in quibusdam Scripturæ locis non tanta claritate, quanta ipsemet interitus exponatur. Quæstio autem est, an cælum & terra secundum quid, seu partim, hoc est, ratione accidentium tantum interibunt: an verò simpliciter seu omnino, hoc est, ratione simul & accidentium & substantiæ sint in nihilum redigenda? Priorem sententiam plerique sequuntur, non solum recentiores Theologi, sed etiam præstantissimi veteres Patres; ut Orig. Chrysost. Basil. mag. Cyrill. Alexan. Theodor. Oecum. Ambr. Hier. August. Posteriores verò pauci olim & nonnulli nostra memoriâ magis probant. Non verò priorem, ut veritati maximè consentaneam merito amplectimur: ut ex confirmatione illius, & ex argumentorum adversariæ sententiæ confutatione apparebit. Confirmatio autem partim ex Vet: partim ex Novo Testamento extruitur. Ex Veteri enim imprimis occurrit, Ps. 102. vers. 26. 27. ut Apostolus, Hebr. 1. vers. 10. 11. 12. interpretatur: *Tu initio terram fundasti, & opera manuum tuarum sunt cæli: ipsi peribunt, tu autem permanes; & omnes ut vestimentum veterascent, ac veluti amictum circumvolves & mutabuntur.* unde primum argumentum, hoc est; Quæ præteribunt mutatione, vestis instar, eorum substantia ac materia manebit, non autem in nihilum redigetur: hæc enim sunt opposita: quia mutationis omnis terminus est mutatum, ideoque aliquid à priori diversum, non autem nihilum. Atqui cælum & terra præteribunt mutatione, ut Psaltes ait. Ergò eorum substantia ac materia manebit, non autem in nihilum redigetur. Sic etiam Origenes. *ἐπὶ δὲ τῶν*, lib. 1. c. 6. & Basil. & Theodor. in Psalm. 102. differunt & Hieron. in Esa. 66. eundem locum Psalmi exponens ait: *In quo perspicue demonstratur, perditionem & interitum, non abolitionem in nihilum, sed commutationem sonare in melius.* In Novo verò Testamento rationes perspicuæ suppeditantur. Primum, Rom. 8. v. 19. ad 23. *Etenim creaturæ, (id est, mundi conditi) exerto capite observatio, expectat revelationem filiorum Dei. Nam vanitati creaturæ subiecta est, non sua sponte, sed propter eum qui subiecit eam. Sub spe quod & ipsa vindicabitur ex servitute interitus in libertatem gloriæ filiorum Dei. Scimus enim creaturam unâ suspirare, & unâ parturire usque ad hoc tempus.* In quâ descriptione mundi creatum est (ut Chrysost. Oecumenius, aliique rectè observant) per prosopopæiam (similitudine quadam, quæ à persona humana deducitur,) describi conditionem illius, præsentem quidem miseram, futuram verò felicem: unde hoc argumentum universale oritur. Cujus conditio jam misera, ultimo die futura est à miseria immunis, ac felix: illud non omnino interibit, seu in nihilum non redigetur, sed in melius mutabitur: Atqui mundus est, cujus conditio jam misera, ultimo die futura est à miseria immunis, & felix: ut Apostolus pluribus hoc loco demonstrat. Ergò mundus non omnino interibit, seu in nihilum non redigetur, sed in melius mutabitur; ut totum hunc locum rectè Chrysost. de mundi non abolitione, sed restauratione exponit. Particularia verò argumenta sunt multa. Primum enim est huiusmodi: Quod quis cupidè, & quasi exerto capite rectè expectat, illud eo præsentè, non prorsus interibit: alioqui contra



contra naturam ( quæ bonum suum appetit perpetuò ) appeteret tempus sui interitus, & redactionis in nihilum. Atqui mundus cupidè, & quasi exerto capite expectat revelationem filiorum Dei, v. 19. quæ ultimo demum die futura. 1. Joh. 3. v. 2. Ergò mundus, præfente revelatione filiorum Dei, ultimo die, non prorsus interibit. Alterum argumentum est; quod vanitati subiectum est, ac rectè sperat vindicationem sui ex servitute corruptionis; illud non prorsus interibit, seu in nihilum non redigetur, sed è misero in felicem statum mutabitur. Nam cum spes, sit læta boni futuri expectatio, objectum ejus, cum recta est, malum esse non potest: multoque minus universalis interitus: neque vindictio à vanitate & corruptione, cum redactione in nihilum potest consistere; nihilum enim summa est vanitas. Atqui mundus vanitati subiectus rectè sperat vindicationem sui à corruptione v. 20. 21. Ergò mundus non prorsus interibit, sed è misero in felicem statum mutabitur. Tertium verò argumentum est; quod requiritur ad libertatem gloriæ filiorum Dei, illud futurum est, scil. ne gloria illa sit imperfecta. Atqui liberatio mundi à vanitate corruptionis requiritur ad libertatem gloriæ filiorum Dei: v. 21. Nam ut mundus propter hominem conditus: sic propter hominem in peccata lapsum, vanitati corruptionis ad hominem puniendum, obnoxius factus est, v. 20. adeò ut & terræ fecunditas, & cœli ad terræ ubertatem vires, sint nonnihil imminutæ ad dedecus, & pœnam hominis: sic ad libertatem ac gloriam plenam illius mundi redintegratio requiritur. Ideoque rectè Cyrill. Alex. comm. suis in Esa. 34. ait: *liberandam verò esse creaturam, divinus etiam Paulus ait, à servitute corruptionis in libertatem gloriæ filiorum Dei.* Idque mundus non penitus abolebitur: nam universalis interitus, liberationi à corruptione, adversatur. Quartum denique ex hoc loco argumentum est; quod una nobiscum rectè suspirat, ad liberationem sui, & una nobiscum parturit: illud liberabitur à sua miseria, ideoque non redigetur in nihilum, sed in melius liberatum, mutabitur. Atqui mundus una nobiscum parturit, &c. v. 22. 23. Ergò liberabitur à sua miseria, eoque non in nihilum redigetur. Alter Nov. Testam. locus est, Matth. 24. v. 29. 30. *Statim autem post oppressionem dierum illorum, sol obscurabitur, nec dabit luna splendorem suum, & stellæ cadent à cœlo, &c.* Unde hoc modo in suis comment. Matth. 24. v. 35. argumentatur Hieron. ad ista verba; *cælum & terra transibunt; verba autem mea non præteribunt.* Subjicit enim: *cælum & terra transibunt immutatione, non abolitione: alioquin quomodo sol obscurabitur, & luna non dabit lumen suum, & stellæ cadent: si cælum in quo ista sunt, terraque non fuerit.*

Alterum deinde argumentum hinc deducimus hoc modo: Quod post suum interitum adhuc supererit, illud non prorsus in nihilum redigetur: hæc enim sunt opposita, superesse, & nihil esse. Atqui cælum & terra post suum interitum adhuc supererunt. Ergò non prorsus in nihilum redigentur. Assumptio demonstratur verbis Christi, quibus docetur, post hanc obscurationem solis & lunæ, & stellarum (scil. secundum quid) casum, & virium cœli concussionem v. 19. quæ interitum mundi notant, (ut etiam Apoc. 6. vers. 12. ad 15. describitur) nihilominus tamen cælum, terram ac nubes superfutura, Matth. 24. vers. 30. Nam ille interitus antecedit proximè Christi adventum ad iudicium, quo adveniente, ut cælum, terra ac nubes, teste Christo; sic etiam aër supererit: ut Paulus 1. Thess. 4. v. 17. tradit, cum ait, *Deinde nos vivimus, &c. rapiemur simul cum iis in nubibus* (quasi curru triumphali ut Christus, Act. 1. hinc vulgata versio *in nubibus*, nostri verò interpretes *in nubes* non tam commodè) *in occursum Domino in aërem: & ita semper cum Domino erimus.* Quibus argumentis (ut alia omitamus, quæ post Orig. aliosque ab Hieron. in Matth. 24. & in Esa. cap. 51. & 65. adducuntur) coronidis loco hoc subijciemus clarissimum: Si in mundi interitu nihil supererit, præter cælum beatorum, ut nonnulli volunt, adversus quos disseruimus: evidentissimè sequitur, post mundi interitum, omnes dæmones, omnesque condemnatos, imò infernum quoque, aut fore cum Christo, & beatis in cœlo; aut fore, ut omninò in nihilum simul redigantur. Atqui

consequens utroque suo membro absurdissimum est: quia maledicti non cum Christo erunt in cœlo, sed à Christo rejecti abibunt in ignem æternum cum Diabolo & angelis ejus Matth. 25. v. 41. 46. & in cælum nihil quod inquinat, aut abominandum patrat, ingreditur, Apoc. 21. v. 27. Matth. 5. v. 20. & 7. v. 21. 23. sed soli electi & pii, cum Christo, cœlo fruuntur, Matth. 7. v. 21. & 25. v. 34. 46. Ergò etiam antecedens absurdum, nempe in mundi interitu, nihil superfuturum præter cælum beatorum. Atque hæc ad confirmationem prioris de mundi interitu sententia: quam etiam probat Ambrosius, libr. 5. epistolarum, epist. 2. cum præter alia sic ait: *Cælum & terra præteribit, postea autem & sol & luna & cætera stellarum lumina requiescent in gloria filiorum Dei.* Quam sententiam, secundæ ac contrariæ opinionis confutatio amplius illustrabit. Quidam enim statuunt cælum visibile, & terram interitura simpliciter, hoc est, & substantiæ, & accidentium respectu, in nihilum redigenda: quod partim Scripturæ autoritate, partim rationis consequentia, probare conantur. Scripturæ autem autoritas prima est ex 2. Petr. 3. v. 7. *Qui verò nunc sunt cæli ac terra, &c. & v. 10. Veniet autem sicut fur in nocte dies ille Domini, quo &c. & v. 12. Expectantes & properantes ad adventum dei, in quo cæli conflagrantes solventur, &c.* Unde hoc modo ratiocinantur: Quæ ultimo die cum stridore præteribunt, & æstuantia solventur, atque exurentur, ea peribunt omninò & substantiæ & accidentium respectu; atqui cœli ultimo die, &c. Ergò ea præteribunt omnino, ac substantiæ atque accidentium ratione in nihilum redigentur. Sed negatur propositio, eamque merito invertimus & retorquemus. Quæ exurentur, & liquefcent, eorum substantia non redigetur in nihilum: sed mutabitur eorum conditio: quemadmodum aurum igne ustum liquefcit, non autem perit; sed expurgatur, & renovatur; sic etiam cœlo & terræ accidet, unde postea additur v. 13. *Sed cælos novos, &c.* Idque etiam non malè à priscis Patribus observatum, ut Cyrill. Alex. in comment. Esa. 34. ait: *mundi consummationem adducit in medium & inquit, convolvetur quasi liber cælum, instar foliorum stellæ cadent: sicut etiam discipulus Servatoris dixit de extremo die; quia in ea cæli, procellæ in morem, transibunt, & elementa æstuantia solventur, terraque & quæ in ea sunt opera, exurentur omnia. Et novos cælos, & novam terram juxta promissionem ipsius expectamus. Igitur illud, convolvendos esse cælos & casuras stellæ, hujus universitatis renovationem potest ostendere; liberandam verò esse creaturam divinus etiam Paulus ait, à servitute corruptionis in libertatem filiorum Dei.* Similia habet Hieron. in Esa. 51. & 65. Sed scrupulus hic exiguus est. Objicitur enim: cælum novum & terra nova hic sunt intelligenda, in quibus (ut additur) iustitia habitat. Atqui hoc tantum convenit cælo beatorum. Ergo cælum beatorum est illud cælum novum & terra nova. Sed resp. primò, propositionem esse falsam; quia nititur constructione non necessaria, quasi verba illa, *in quibus*, ad cælum & terram essent referenda, tanquam iustitiæ memoratæ subiectum: cum potius ad vocem *nos* in verbo *expectamus* inclusam, per ellipsin usitatissimam pertineat: expectamus nos in quibus iustitia habitat. Idque etiam ostendit verbum *habitat*, quod ad nos seu fideles rectè pertinet, non autem ait habitabit. Neque Phrasis illa infrequens est. Nam ut Paulus negat *in carne sua habitare bonum*. Rom. 7. v. 18. sic contra *in Loide* dicit *habitasse fidem*, 2. Tim. 1. v. 5. Denique insolens est, ut cælum summum vocetur cælum novum & terra nova: neque veritati consentit: nam cælum beatorum renovationis expersidem omnino permanet. Quod autem vulgo eruditi interpretes verba illa *in die*, ad cælos novos tantum referunt; id quidem ferre potest constructio; sed non commodè satis fert res ipsa. Nam cælum novum distinctè à terra nova, cælum renovatum, non summum notare agnoscunt: ideoque ad aëreum & æthereum pertinet, sed quomodo quæso in eo iustitia habitare aut habitatura esse dicitur? Quare prior solutio magis est consentanea. Altera Scripturæ autoritas, quæ pro universali mundi abolitione obtenditur, est Joannis Apostoli Apoc. 20. v. 11. *& vidi thronum magnum candidum, & quendam ei insidentem, à cujus conspectu fugit terra*

terra & cælum, quorum locus non est inventus. Deinde cap. 21 v. 1. *Vidi cælum novum & terram novam, primum enim cælum & prima terra præterierat, & mare non amplius (in propter) erat.* Ex qua authoritate ita disputant: Quæ à conspectu Christi ultimo die iudicaturi fugiunt ac prætereunt: & quorum locus non est inventus: quæque non erunt amplius: illa omnino interibunt, seu in nihilum rediguntur. Atqui cælum, terra, mare sunt huiusmodi, ut Johannis verba testantur. Ergo ea omnino interibunt, atque in nihilum rediguntur. Verum negatur propositio; quia illa non est universaliter vera. Nam quæ prætereunt ac fugiunt, & loco omnino destituuntur, neque sunt amplius simpliciter & absolute, illa prorsus interire, certum est: quæ verò tantum secundum quid & relatè talia sunt, illa non prorsus, ac substantiæ suæ ratione, intereunt; quale est cælum, cuius vires concutientur, partesque illius (quas Petrus elementa vocat) stellæ liquefcent ac pristino loco deserto decident, Matth. 24. vers. 29. & mare resonabit, ac fluctibus agitabitur, Luc. 21. v. 25. Ideoque non simpliciter & absolute non esse, & locus eorum non amplius inventus, sed tantum secundum quid & relatè, ad conditionem pristinam, Scripturæ more dicuntur: ut Psam. 37. v. 16. de improbo dicitur: *deinde præterit, & ecce non erat amplius: nam quasi vivum & non inventus est.* & v. 10. *& adhuc paululum, plane non erit improbus: quod si consideraveris locum ejus, etiam non erit.* Atqui certissimum est improbum quidem interire, sed non in nihilum redigi; & locum pristinum relinquere: non autem omnem absolute. Sic etiam cælum, terra, mare, interitum mutationis sentient, non autem abolitionis: id quod non solum ex Matthæo & Paulo (ut ante ostendimus) sed etiam ex eadem Apocalypsi liquet. Nam interitus mundi, quem Johannes Apoc. 20. v. 11. describit, antecedit iudicium extremum, ut v. 12. etiam expressè docet: & mortui in conspectu Christi veri Dei stare dicuntur postea: quod citra controversiam non futurum est in cælo beatorum, sed extra illud in mundo visibili: ideoque non interiturum in nihilum solide concluditur. Quod etiam clarius indicatur in descriptione pleniori interitus mundi, Apoc. 6. v. 12. usque ad finem: *Ecce terræ motus magnus factus est, & sol factus est niger, ut saccus cilicinus: & luna tota facta est, ut sanguis: & stellæ de cælo ceciderunt in terram, sicut ficus abjicit grossos suos, cum vento magno concutitur, & cælum abcessit sicut liber qui convolvitur, & omnes montes & insulæ suis locis motæ sunt, & reges terræ &c. absconderunt se in speluncis &c. & dixerunt montibus, & petris, Cadite super nos à conspectu ejus, qui insidet throno, & ab ira agni.* Quibus verbis perspicue docetur mundi interitum futurum ante iudicium ultimum: & tamen post eum interitum speluncas & petras montium, licet suis locis commotæ fuerint, nihilominus fore, ut extent. atque ita apparet, neque Apocalypsis authoritatem, cæli, terræ aut maris abolitionem, sed mutationem tantum confirmare.

Verum argumentis ab authoritate Scripturæ petitis addunt postremum à ratione consequentis absurdi deductum huiusmodi: Si cælum hoc & terra non interibunt penitus, sed renovabuntur: Ergo Deus faciet ea, quorum nullus erit usus; quia in cælum beatorum recepti, ac perfecta gloria donati iis non habebimus opus. Atqui consequens est absurdum; quia Deus nihil facit frustra, utpote sapientissimus. Ergo cælum & terra interibunt penitus, non autem renovabuntur. Sed negatur propositio; quia cæli & terræ renovatio non erit frustra, sed utilis ad libertatem gloriæ filiorum Dei, teste Paulo Rom. 8. vers. 21. deinde ut sit cœlestis aula vestibulum ornatissimum, & hominibus glorificatis omnipotentiae, sapientiae ac bonitatis Dei ad eorum gloriam exercitæ, theatrum jucundissimum.

Quare merito ex hisce omnibus concludimus, cæli, terræ, marisque interitum non esse simpliciter, & absolute reductionem in nihilum, sed in melius mutationem. Verum cum in aquis & terra sint etiam animalia bruta, quæri possit, quid de iis sit sentiendum; an ea etiam sint immutanda cum cælo & terra in melius, an vero prorsus interitura. Prius enim videtur statui, Rom. 8. v. 20. 21. ubi de creaturæ liberatione à servitute corruptionis ultimo die disseritur: ani-

malia autem bruta creaturas esse controversia caret. Verum est, animalia bruta etiam esset creaturas, generatim voce accepta: non autem speciatim per Synecd. qua utitur hoc loco Paulus, creaturæ nomine non quasvis complectens: sed cælum & terram designans: ut attributa in descriptione illius demonstrant. qualis est, quod vanitati ac corruptioni sit obnoxia, non propter se, sed propter hominem, qui peccato suo hoc ipsum promeritus, ea ratione est punitus, v. 20. & Gen. 3. v. 17. 18. *Maledicta est terra propter te, cum molestia comedito ex ea omnibus diebus vitæ tuæ & spinam & carduum proferat tibi.* unde etiam colligitur satis, vires cæli ad terram fecundam reddendam fuisse similiter imminutas. Sed bruta animalia propter hominem reddita vanitati subiecta ac corruptioni obnoxia, nullibi traditur in Sacris literis. Deinde cum Petrus Apostolus 2. Epist. cap. 3. doceat, Terram & opera quæ in ea, exurenda esse; videntur & bruta ut Dei opera, & urbes aliaque ædificia, & opera humana contineri, neque æternitas brutis ullibi in Sacris literis promittitur. Quomodo autem ea sint interitura, an in nihilum, an verò potius in sua unde desumpta sunt elementa (quæ mutabuntur deinde in melius) sunt redigenda, Scriptura Sacra tacente non definimus, neque multis indagamus: etsi posterius magnis probabile videatur, ut nihil creatum in nihilum redigatur: sed in sua principia ad integritatem universi mundi, resolvatur. De exustione etiam terræ qualis & quanta futura sit, cum Deus id nos celare voluerit, non inquirendum curiosè arbitramur. Si cui tamen placeat audire, quid de hoc Petri loco, & terræ conflagratione, Aug. de Civitate Dei lib. 20. vers. 18. sentiat; verba illius coronidis loco attexam: *Qui autem nunc sunt, inquit, cæli & terra, eodem verbo repositi sunt, igni reservandi, in diem iudicii, & perditionis hominum impiorum. Proinde qui cæli, & quæ terra, id est, qui mundus pro eo mundo qui diluvio periit, ex eadem aqua repositus est: ipse igni novissimo reservatur in diem iudicii & perditionis hominum impiorum. Nam & hominum propter magnam quandam commutationem, non dubitat dicere perditionem futuram, cum tamen eorum, quamvis in æternis pœnis, mansura sit natura. Querat forsitan aliquis, si post factum iudicium, mundus iste ardebit.* (notanda est hoc loco Augusti. hallucinatio: nam mundi interitus ante iudicium factum, imò inchoatum eveniet, ut initio ex Matth. & Apoc. jam ante perspicue demonstravimus.) *antequam pro illo cælum novum & terra nova reponantur eo ipso tempore conflagrationis ejus; ubi erunt sancti: cum eos habentes corpora, in aliquo corporali loco esse necesse sit? Possumus respondere, futuros eos esse in superioribus partibus, quo ita non ascendet flamma illius incendii, quemadmodum nec unda diluvii. Talia quippe illis merent corpora, ut illic sint ubi esse voluerint. Sed nec ignem conflagrationis illius pertimescent, immortales atque incorruptibiles facti: sicut virorum trium corruptibilia corpora atque mortalia in camino ardenti vivere illa se potuerunt.* Hactenus Augustinus.

#### Illustratio Sententiæ Christi Matth. 24. v. 30.

Explicata jam plenius superiori de interitu mundi controversia, strictim vers. 35. indicata: uberius verò vers. 29. expressa: Consequens est ut ad insignis vers. 30. illustrationem procedamus. Verba autem hæc sunt: *Tunc apparebit signum filii hominis in cælo, &c.* Ex quibus hæc oritur vetus questio, quidnam signum filii hominis (id est, Christi) significet. Nam quidam per appositionem Grammat. sive expositionem; signum, & filium hominis idem notare: alii verò diversum existimant. Idem esse censet Clar. Piscator, *Id est, (inquit) ipse filius hominis, tanquam signum certissimum adventus sui ad iudicium. Syntaxis est qualis in illo: accepit Abraham signum circumcisionis, Rom. 4.* Alii verò diversum statuunt: & quidem bifariam, vel de interno, vel de externo signo interpretantur. De interno, quod scilicet in ipso Christi corpore futurum: nempe de clavorum in pedibus, manibus, & lanceæ in latere foraminibus exponunt: quæ etiam post resurrectionem tanquam signa Christi permanferunt, & Thomæ demonstrata, Johan. 20. vers. 27. Idque inde videtur probari, quod dicitur Zach. 12. v. 10. & Ioh. 19. v. 37. *videbunt in quem fixerunt.* & Apoc. 1. v. 7. *Ecce venit*

venit cum nubibus, & videbit eum omnis oculus, &c. De externo verò signo alii exponunt duobus modis. quidam de figura crucis, quæ in aëre quasi vexillum regium sit apparitura, ut fideles confoletur, & infidelibus crucis suæ hostibus terrorem incutiat. Quo etiam referunt quod Constantinus Magnus signum crucis ex lucis splendore figuratum, in ipso cælo soli imminens, manifestè aspexisset, cum hac inscriptione: *in hoc signo vinces*: idque ab Imperatore, sibi juramento firmatum, privata ratione, narrat Euseb. de vita Constantini cap. 22. quam sententiam non pauci Patres sequuntur. Alii de admirabili majestate Christi, quæ adventus ad iudicium signum sit futura clarissimum, exponunt. Nam ut primò advenit humilis, ut judicaretur ac pro nobis condemnandus: sic secundò venturus ad iudicandum sublimi gloria ac majestate admiranda conspicuus, omniumque Angelorum satellitio stipatus, Matth. 28. vers. 31. & in nubibus throno insidens sublimi, Matth. 24. vers. 30. Nam ut nube quasi triumphali curru in cælum est subvectus: sic eodem ipsum rediturum, ad conspiciendum, ab Angelo est prædictum. Actor. 1. vers. 11. ut signum adventus Christi. Huc etiam pertinet Apoc. 16. v. 16. quod de reprobis dicitur, inde Christum cognovisse cum horrore; *Et dixerunt montibus & petris, cadite super nos, & abscondite nos, &c.* Hinc etiam hoc signum proposuit suis hostibus Christus Matth. 26. v. 64. *Videbitis filium hominis sedentem ad dextram potentiae, venientem in nubibus cæli.* Atque hoc etiam modo, hoc loco de quo agimus Mat. 24. v. 30. Nam signum filii hominis, addita sequentibus verbis expositione, ita declaratur. Atque hæc sententia videtur maximè consentanea.

Explicatio Sententiæ. Matth. 24. v. 36.

& Marc. 13. v. 32.

Quoniam de hoc loco discrepantes sunt veterum & recentiorum Theologorum sententiæ: & res ipsa momenti est non exigui, sed ad doctrinam de persona Christi melius intelligendam plurimum conducit: idcirco illius examen breve instituentes, primum verba proponemus. Matthæi autem sunt hæc: *De die autem illo & hora nemo scit, neque Angeli cælorum; sed Pater meus solus.* Marci verò: *De die autem illo, & hora nemo scit, neque Angeli qui in cælo, neque Filius, nisi Pater.* Hieronym. verò in suis ad locum hunc Mat. commentariis, duplicem esse lectionem indicans, sic ait: *In quibusdam Latinis codicibus additum est, neque Filius, cum in Græcis & maxime Adamantii & Pierii exemplaribus hoc non habeatur ascriptum.* Similiter Athanas. in disputatione habita in Concilio Niceno contra Arium Edit. Commel. Græco-lat. pag. 97. objicienti hæc verba Ario respondet: *Et in Matthæo non refertur: neque Filius novit diem illum: & ceteri Evangelistæ omiserunt istius rei mentionem; à Marco autem solo relatum est, neque filius novit diem illum.* Hisce accedit Græcorum omnium codicum consensus; ut ex Roberti Stephani præstantissimo Testamento Græco majori forma excuso, & sedecim exemplarium manuscriptorum collatione, & variarum lectionum annotatione instructo, aliisque apparet. Quemadmodum etiam verba illa, nec Syrus interpres neque Theophyl. agnoscit. Chrysostomus verò ita legit hisce verbis adjunctis atque exponit: & ante Chrysost. Origenes in Matth. cap. 24. tractatu 30. eadem habet verba, *neque filius*: & in expositione repetit sæpius ac declarat. unde apparet olim fuisse variam lectionem hujus loci. Et Eras. quidem in annotat. suis Matth. 24. hanc Origenis lectionem genuinam esse arbitratur. Ratio autem illius infirma hæc est, *Cum Marcus*, inquit *Epitomen scripserit Matthæi, consentaneum est eum hæc non addidisse de suo: proinde suspicor inquit, hoc à nonnullis subtractum, ne Arianis esset ansa confirmandi Filium esse Patre minorem, qui nobiscum aliquid ignoret.* Sed quod ait Marcum epitomen scripsisse Matthæi (etsi non pauci ita loquuntur) merito negamus: quia licet sit brevior, ejusdem tamen Spiritus S. instinctu Evangelium scripsit: non autem brevium ex Matthæo descripsit: hoc enim Sacræ Scripturæ Majestati, quæ tota *debetur* est, 2. Timot. 3. repugnat. Deinde etiam si epitomen scripsisset

Matthæi; quod falsum: inde tamen minimè sequeretur, omnia verba utrimque convenire, nec quicquam extare posse in Marco, quin similiter in Matthæo extiterit: quia nil vetat quominus sensu servato, ex vi illius intellectum exprimatur. Siquidem ut alia omittamus, in hac eadem Christi concione, pro eo quod Matth. ait cap. 24. v. 42. *vigilate igitur*, Marcus amplius habet; hæc nimirum, *Videte & vigilate, & orate.* cap. 13. v. 33. Deinde quod Eras. suspicatur è Matth. has voces: *neque Filius*, ab Orthodoxis subtractas (nam hos intelligit, quia Arianis opponit) ut Arianis ansa deitatem filii oppugnandi præiperetur, illud omnino indignum ac temerarium est: cum ex conjectura levi, nulla autem gravi ratione sacrilegium Orthodoxis tribuit. Nam si illud fuisset eorum studium, in Marco eadem verba, ibidem occurrentia, non reliquisset integra. Contra verò credibile potius est, Origenem ea verba (*neque filius*) in suis in Matth. comment. adjecisse ex Marco, atque Chrysostomum, tanquam admiratorem, atque imitorem *Origenis* summum, eundem esse secutum. Nam Græca exemplaria, quæ Hieron. tempore extabant, & ea, quæ ab Adamantio & Pierio erant collecta, ut ostendimus, ea verba non habebant. Ideoque Theoph. qui ex Chrysost. commentariorum suorum opus, tanquam epitomen illius, citra controversiam contraxit, veterem lectionem sequitur, non Chrysostomum. Deinde Arius, ut impias quasdam Orig. de Filio Dei sentias est amplexus, & sui erroris perniciosi fundamenta inde hausit: sic credibile est eundem ex iisdem Orig. commentariis hunc Matth. locum adversus Athanasium errori suo amplius fucando protulisse. Ideoque jure meritoque ut ante declaravimus, ab Athanas. ei respondente, disertè negatum est, ea verba in Matthæo expressa: etsi in Marco extare agnoscat. Quod autem Latini Codices quidam, olim ea verba in Matth. sic habuerint, & Hilar. comment. in Matth. canon. 26. & August. tom. 10. de verbis Domini, sermone 21. ita legerint Latine: id ex Orig. commentariis profluxisse videtur, quandoquidem pleraque ac meliora exemplaria iis caruerint. Quod autem Erasmus objicit Hieron. in suæ enarrationis progressu sequi hanc lectionem: nihil magnoperè ad rem facit. Siquidem hoc non ideo facit, quod genuinam lectionem esse censeat: (Nam contrarium ante docuit) sed quod sensus esset verus, & re ipsa ac bona consequentia in Matthæi dicto contineri statuerit: quia Marcus ita exponit, dum Spiritus S. instinctu, eandem Christi concionem narrat: & quia Pater solus nosse diem iudicii affirmatur à Matthæo.

Atque hæc de genuina hujus loci lectione: ac propterea ad illustrationem illius procedemus. Ac primum de sententiæ hujus circumstantiis: deinde de sensu genuino, & assertionem veritatis adversus Arianos agemus. Circumstantia autem hujus sententiæ est occasio illius, & scopus. Occasio est discipulorum Christi aperta quæstio, & operata ac latens animi curiositas. Nam ut quæstio ab iis proposita est de signo adventus Christi, & interitus mundi vers. 3. cui Christus accurata responsione respondens, satisfecit: sic vitiosa curiositate tacitè desiderabant diem & horam illius adventus cognoscere: idque etiam inde colligitur, quod post Domini resurrectionem eodem vitio illo adhuc laborarent, ut ex diserta quæstione Actor. 1. v. 6. 7. apparet. Scopus verò est, 1. intempestivæ hujus curiositatis correctio; deinde officii stimulus, scilicet providentiæ, vigilantia, precum, & mandatorum Dei observatio; quemadmodum conclusio ex hujus sententiæ propositione, à Christo deducta Marc. 13. v. 33. & Matth. 24. v. 42. & 46. demonstrat. Medium autem ad hunc scopum destinatum; atque idoneum, est hæc sententia Christi: quæ latenti ac tacitæ curiositati non expressè, sed argumenti positione prudenter occurrit: Nam quod nemo novit: neque Angeli quidem (& ut Marcus addit, neque Filius) nisi solus Pater: illius cognitio non est postulanda. Atqui de die & hora adventus Christi nemo novit. Ergo illius cognitio non est postulanda. Atque hoc modo tacitam quæstionem anticipatione quadam, per contrariæ rationis assertionem, convenientissimè confutat Christus. Quemadmodum postquam à resurrectione ipsius expressè curiositatis hujus vitium quæstione

quæstione proposita declararunt Apostoli: Christus similiter expressâ reprehensione contrariâ eos apertè repressit, Actor. I. v. 7. *Non est, inquit, vestrum, nosse ipsos temporum articulos, quos Pater in propria potestate posuit.* Hactenus de circumstantia hujus loci, seu de occasione & scopo, quem ex ipsa sententiâ probavimus. Reliquum porro est, ut ad sensum progrediamur, & omittis faciliorebus, verba illa Marci *neque Filius, & Matthæi, sed solus Pater*, ob suam prima fronte difficultatem & interpretum varietatem expendamus: ut ea ratione è multis veterum & recentiorum quorundam tris, melius expediamur, & adversariorum Deitatis Christi argutius solidius diluamus. Cum enim Filius dicatur nescire diem judicii, inde concluderunt Ariani eum esse Patre minorem: ac propterea non verum & æternum cum Patre Deum: quandoquidem Deus citra controversiam omniscius est, neque ullius rei in eum cadere possit ignorantia. Cujusmodi solutio generalis ac communis est Theologis Orthodoxis, aliisque Deitatem Christi profitentibus, concessione quidem antecedentis: quia in Scriptura continetur: sed negatione consequentiæ. Deinde communis etiam est negatæ consequentiæ ratio generalis in distinctione vocis posita. Veruntamen in voce distinguenda, & in distinctionis illius modo statuendo magna est discrepantia. Quidam enim *sciendi*, alii verò *Filii* vocem distinguunt: atque ita demonstrare conantur hæc duo, Filium non scire diem judicii, & tamen scire atque omniscium esse, non pugnare inter se ob diversam vocis acceptionem: etsi primâ fronte secus videatur. Qui autem ad hanc solutionem distinctione vocis *sciendi* utuntur, inter se variant. Primum enim non pauci veterum, & imprimis Augustinus Tom. I. de Genesi contra Manich. lib. I. cap. 22. verbum *scire* non propriè, sed impropriè per Metonym. exponit, pro scire facere: quali tropo Rom. 8. Spiritum Sanctum gemere dicit, & Deum interpellare pro nobis: quod nos gemere & orare faciat; & ait Augustinus, *quia utiliter occultabat discipulis, nescientem se dixit, quia illos nescientes occultando faciebat.* Verum hæc solutio licet à Pontificiis multis avidè arripiatur, infirma est: primum quia Filius hic se Angelis conjungit quod nesciat. Atqui Angelos revera ac propriè nescire (cum non sint omniscii, nec ullibi ea notitia iis attribuitur) controversia caret: ideoque de filio similiter intelligendum. Deinde Christus se à Patre distinguit eo modo, quod diem illum nesciat, sed Pater sciat: ideoque si *non scire*, significet hoc loco, non scientem facere & occultare, tum etiam Pater nesciret: quia eam notitiam non communicarat, sed suæ potestati reservarat, Actor. I. vers. 7. Deinde quamvis verba, quæ actionem notant Metonym. ita interdum accipiantur: aliorum tamen quæ passionem indicant, diversa est ratio: neque illa vocis non sciendi significatio, aut usu communi, aut Scripturæ probatur. Nam quod Augustinus Tom. 4. quæstionum 83. quæst. 60. ait: *Sicut scire Deus dicitur, etiam cum scientem facit, sicut scriptum est, tentat vos Deus, ut sciat si diligatis eum;* illud à re ipsâ alienum est: quia Metaphoricè per ἀνθρώπων νόον, dicitur quasi Deus hominum more experientiam caperet; atque ita rem cognosceret. Neque Bellarmini tomo I. de Christo, lib. 4. cap. 5. probatio adjuvat, cum ait, *Scriptura passim ita loquitur ut Gen. 22. nunc cognovi, quod timeas Deum.* Nec enim ut asserit adversarius, ea verba significant nunc ostendi tibi, & aliis, quantum me colas: sed contra potius, nunc ostendisti mihi, quantum me colas, atque expertus sum, ac quasi cognovi. Quare hæc expositio non potest consistere. Ac propterea alii vocem *Filii* distinguunt (non autem vocem *sciendi*, quam propriè accipiunt) idque bifariam. Cum enim Christus sit filius hominis & simul filius Dei: nonnulli veterum Patrum, filium hoc loco priori modo intelligunt: quia non definitè dicitur filius Dei, sed filius indefinitè. Atque hoc modo Gregorius Nazianzenus oratione trigesima sexta, seu secunda de Filio, ac quarta de Theologia ait: *Eccui igitur dubium esse potest, quin horum quidem ut Deus cognitam habeat, ignoret autem ut homo? si quis partem aspectabilem* (intelligit autem naturam humanam visibilem) *ab ea disjungat, quæ mente sola perspicitur potest, (id est, divina). Nam quia absolute hoc*

*loco, ac sine relatione filii nomen ponit, nec adiungitur ei, ideo hinc nobis ansa porrigitur ita existimandi: ut ignorantiam hanc sensu maxime pio interpretemur, eamque humanitati non divinitati ascribamus.* Quæ in sententia Athanasius prævit oratione quarta contra Arianos edit. Commel. pag. 283. cum ait; *Siquidem homo factus non erubuit, propter carnem ex natura istarum rerum insciam, se ignarum fateri: ut ostenderet se ejus rei conscium, ut Deum, sed tamen carnaliter ignorare.* Quapropter non dictum est, ab eo, nec filius quidem Dei, ne divinitas ignorare videretur, sed simpliciter nec filius: ut filio hominis ista ignoratio remaneret. Quæ expositio si rem ipsam spectemus, analoga quidem est fidei S. literis traditæ: & mentem Christi de subjecto ignorantia fideliter exponit; eo tamen excepto, quod vocem filii non relatè ad Patrem, pro filio hominis accipit: quod neque locutioni Scripturæ, quæ nullibi voce *Filius* sine adjunctione Dei vel hominis, aliter quam pro Filio Dei accipit; neque hujus loci circumstantiæ satis congruit. Nam si loquutionem spectes, nullibi dicitur *filius*, de Christo absolute usurpatum, idem est atque filius hominis; sed ubicunque occurrit, filium Dei designat: sin verò circumstantiam hujus loci attendas, vocis Patris (quem non alium, quam suum intelligit) relatio, idem comprobatur. Quamobrem alii accommodatius voce Filii, non Filium hominis, sed Filium Dei designari judicant. Neque propterea hæc sententia favet Arianis: sed eorum argumentum solidè diluit: quia confundunt turpiter nomina personæ Christi, cum nominibus naturarum. Nam Filius Dei, non est nomen naturæ Christi: sed personæ, à divina natura (quam per æternam generationem à Patre habet) desumptum. Sensus autem est Filium Dei Patris, non scire diem ultimi judicii, non simpliciter ratione divinæ & humanæ naturæ, sed secundum quid, ratione humanæ naturæ. Quæ Phrasis de Christo, (ut similes) communicatio idiomatum dici solet; quæ est enuntiatio, in qua de persona Christi denominata ab una natura, prædicatur quod ei convenit secundum alteram naturam. Cujus Phrasis fundamentum est duarum naturarum in persona Christi unio: propterea quod cum illa persona constet divina & humana natura, & utriusque attributa ei convenient, ideoque utraque verè de eadem pronuntiantur: non solum cum significatur Christi persona, nomine ab utraque natura desumpto: sed etiam ab una tantum: ut exempli gratia filius hominis descenderat de cælo, & in terra existens dicitur esse in cælo, Joh. 3. v. 13. id est, Christus, qui est filius hominis, sed non secundum eam naturam, qua est filius hominis, sed secundum quod est Filius Dei, hoc est, non qua homo, sed qua Deus: quemadmodum contrà (ut ibidem traditur à Johanne) ascendit in cælum, qua filius hominis seu secundum humanam naturam. Similiter Filius pro nobis à Patre traditus, nempe in mortem, Rom. 8. sed non qua Filius Dei: sed quatenus filius hominis, seu secundum humanam naturam. Sic etiam hoc loco diem judicii nescit filius, hoc est, Christus qui est filius Dei: sed nescire dicitur, non secundum quod est Filius Dei (ita enim sapientia est Patris Prov. 8. & I. Cor. I.) sed secundum quod est filius hominis, seu secundum humanam naturam, ut etiam Paulus distinguendo exponit hujusmodi locutionem, Rom. I. v. 3. *de Filio, inquit, ipsius facti ex semine David, secundum carnem.* Atque hæc est genuina hujus loci sententia, & primi argumenti Arianorum, quod ex hac sententia arripiunt, solutio. Antequam verò ad alterum quod addunt, confutandum procedamus, ad majorem veritatis illustrationem, rei que certitudinem, quasdam alias etiam magnorum quorundam virorum responsiones adjungemus. Quidam enim utuntur quidem generatim, ut Aug. distinctione vocis *scire* ac *nescire*, sed aliis tamen modis. Ac primum quidem Ambrosius in Luc. cap. 17. non absolute, sed relatè dictum arbitratur cum ait: *horum novit, sed novit sibi, mihi nescit.* Eodem etiam spectat Hieronymus in Matth. 24. Et eruditus Pontificius Ferus in Matth. cap. 24. similiter ait: *sciebat: sed sibi, non nobis, hoc est, non acceperat mandatum, ut ea nobis manifestaret.* & Bellar. Tom. I. de Christo, lib. 4. cap. 5. respondet, *nec Angelos, nec filium scire ad dicendum.* Quæ responsio inepta, si rem spectes; sensus enim esset, Nemo novit, id



vit, id est, nemo novit aliis. Deinde Phrasi etiam reputat: Nec enim *non scire* significat ex usu linguæ non scire aliis, non scire ad dicendum. Præterea cum Pater solus scire dicitur, sensus esset, solum scire nobis, solum scire ad dicendum, atqui hoc falsum: quia Pater noluit nobis dicere, Act. 1. vers. 7 sed occultum nobis relinquere. Quare hæc expositio nullius est momenti. Altera etiam vocis sciendæ declaratio, nempe non scire id est nolle scire, similiter insolens & inepta est. Insolens; quia illa significatio nullo usu Scripturæ, aut bonorum authorum probatur. Inepta verò, imò & falsa: quia analogiæ Scripturæ adversatur. Sensus enim esset, de die & hora illa nemo scit, id est, nemo vult scire (atqui Apostoli volebant scire) nisi solus Pater vult scire: atqui Pater scit, non autem vult scire. Ideoque graviter ac verè illa interpretatio à Luthero, tanquam ineptum ac vanum commentum rejicitur, ut Bellar. libro ante citato, etiam ex concione, de natali Domini in Marc. cap. 13. *de die illo &c.* ita Lutherum dicentem adducit, *Intempestivam narrationem quidam hic afferunt, dicentes; Filius nescit, id est, noluit scire. Quid opus est istis commentis? &c.* plura autem si quis requirat, consulat Postillam Lutheri Ecclesiasticam de festis, in parte hyemali, in expositione loci Heb. 1. A qua recta Lutheri sententia, Ubiquitarii turpiter recedunt, ut ex Luca Osiandro, in Bibliis ad hunc locum apparet. Quare distinctione Filii, ratione naturarum in eo diversarum, optimè primum Arianorum contra Filii & Patris æqualitatem argumentum diluitur: videlicet quod quamvis Filius Dei secundum humanam naturam, in unitatem suæ personæ assumptam, non sciverit diem, nec horam judicii, cum hæc in statu humilitatis diceret: (quod scilicet ea scientia ad munus illius nondum requireretur) sciebat tamen secundum divinam naturam: utpote qui in Patre esset, Joh. 14. v. 10. unumque cum eo. Joh. 10. v. 30. & solus nosset Patrem, Matth. 11. v. 27. & in quo tota plenitudo Deitatis habitabat, Coloss. 2. v. 9. quique ut verus Deus, 1. Joh. 5. v. 20. unà cum Patre, & Spiritu S. ultimum judicii diem, ab æterno decreverat, ideoque divina sua natura eum ignorare non potuit. Quocirca rectè Cyrill. Thesauri lib. 9. cap. 4. ait: *Sicut ergo voluit, tanquam homo fame & siti, cæterisque hujusmodi laborare: Sic etiam, ut homo diem illum ignorat. Aliquando enim ut Deus, aliquando ut homo loquitur: ut & Deum & hominem se verum ostendat.* Et paulò post; *diem illum & horam & ignorat & scit: alterum ut homo, alterum ut Deus.* Hæc ille. Antequam verò ad secundam objectionem Arii diluendam procedamus, observandum est, quod Ambros. lib. 5. de fide cap. 8. ad objectum locum ab Arianis, *de die autem illa & hora nemo scit, neque Angeli cælorum, nec Filius, nisi solus Pater,* respondet; *primum veteres non habent codices Græci: (scil. Matthæi) quod nec Filius scit. sed non mirum si & hoc falsarunt qui Scripturas interpolare divinas. Qua ratione autem videatur adjectum, proditur, dum ad interpretationem tanti sacrilegii derivatur.* Hactenus Ambros. Quare initio non temerè diximus, Erasmus in eo esse iniquiorem, quod depravationem hujus loci Orthodoxis ascribat, & corruptam Arianorum lectionem probet.

Porro secundum urgent Arianum argumentum, ex sequentibus illis verbis, *nisi solus Pater*, hoc modo. Si solus Pater novit diem judicii: Ergo nullus alius: ideoque neque Filius simpliciter; sed tam secundum divinam, quam secundum humanam naturam eum ignorat: quia si nosset, non igitur solus Pater nosset. Hujus autem nodi solutionem quandam adfert Aug. Tom. 1. de genesi contra Manichæ. cap. 22. & Tom. 4. quæstionum octoginta trium quæst. 60. & alibi cum ait: *secundum hanc figuram etiam Patrem solum dixit scire diem ipsum, quia eundem Filium scire faceret.* At inquam ea solutio omninò & aliena est, & ut ante ostendimus, nititur falsa hypothese, quasi *scire* significaret, *scire facere*: ideoque refutationem ampliorem non desiderat. Vera autem solutio est altera, nempe negatione Consequentiae propositionis Arianorum, ac distinctione vocis, *nisi*, & *solus*: quæ licet excludat alios, illud tamen fieri potest duobus modis: vel absolutè vel relatè tantum. Absolutè quidem, cum omnes in universum citra ullum discrimen excludit; quomodo Deus dicitur solus nosse corda hominum,

1. Reg. 8. v. 39. & extendisse cælos solus, Job. 9. v. 8. & Esai. 44. v. 24. quod ea nulli prorsus præter Deum conveniant. Relatè verò tantum, cum vox *solus* aut *nisi*, alios non absolutè, sed certi generis excludit, nempe creaturas: ut Matth. 11. v. 27. *Nemo novit Filium nisi Pater: neque Patrem quisquam novit, nisi Filius, & cuicumque voluerit filius revelare.* Qua sententia, notitia Filii, soli Patri: & Patris, soli Filio attribuitur: oppositè creaturis, non autem inter se. Nam nec Pater nec Filius, seipsos possunt ignorare, neque eosdem Spiritus Sanctus; qui scrutatur etiam profunda Dei, 1. Cor. 2. v. 10. Sic etiam nemo novit ea, quæ sunt Dei, nisi Spiritus Dei ibid. v. 11. Pater tamen & Filius, ab ea cognitione minimè excluduntur: sed creaturæ solæ. Omniscientia enim non est proprietas personalis Patris, nec Filii, nec Spiritus Sancti; sed essentialis Deitatis proprietas; ac propterea cum uni personæ ex tribus attribuitur, exclusivè voce, *nisi*, aut etiam addita voce *solus*, creaturæ tantum excluduntur: ut hoc in loco, nullus, nempe è creaturis, novit diem judicii: ideoque nec Angeli, nec filius quatenus creatura est humana, sed Pater, qui oppositè Deitati Filii & Spiritus Sancti asseritur: ut in similibus locis, Matth. 11. & 1. Cor. 2. similiter intelligi ostendimus. Nam vox *nisi* excludit, sive addatur vox *solus* sive omittatur, neque est ullum in Phrasis sensu discrimen. Sic Rom. 16. v. 27. de Patre dicitur: *soli sapienti Deo sit gloria, per Jesum Christum in sæcula.* Nec tamen Filius, quatenus est Deus, ipsaque sapientia, Prov. 8. excluditur, quemadmodum demonstratur Apoc. 5. v. 13. *Sessori Throni, (id est, Patri) & agno (id est, Filio) benedictio, & honor, & gloria, & robur in sæcula sæculorum.* & 1. Tim. 6. v. 16. *solus Dominus Rex regum, & Dominus dominorum vocatur Pater: quod idem tamen Filio Dei attribuitur, Apoc. 19. vers. 16. Et 1. Tim. 6. vers. 17. Pater dicitur solus habere immortalitatem, & tamen Filius Dei 1. Joh. 5. vers. 20. dicitur verus Deus, & vita æterna; & Johan. 5. vers. 26. ut Pater habet vitam in seipso: sic etiam dedit Filio (scilicet per æternam generationem) vitam habere in seipso.* Denique Apoc. 15. v. 4. Pater dicitur solus sanctus, & tamen nec Filius, Sanctus Sanctorum, nec Spiritus Sanctus excluditur: sed creaturæ omnes, etiam Angeli, & humana filii natura: qui licet Sancti sint sanctitate temporali, atque accidente, finita; non tamen essentiali, æterna atque infinita: hoc enim essentialitæ divinæ proprium est. Quamobrem rectè responsum est adversus Arianorum argumenta, quæ ad inæqualitatem Deitatis Filii, & Patris probandam adducunt. Ad primum, scilicet quod Filius Dei sit nomen non naturæ, sed Personæ Christi, à divina natura desumptum: cui per *νομινα* *ἰδιωμα* tribuitur quod ei convenit tantum secundum humanam naturam: Ideoque inde concludi non potest, filium Dei simpliciter nescire diem judicii: siquidem quæ homo nescit, quæ verò unus cum Patre Deus, eundem cognoscit. Deinde ad alterum argumentum: cum dicitur à Christo, nullum scire nisi solum Patrem, intelligi non absolutè, sed comparatè ac relatè ad creaturas: quarum nulla, ne Angeli quidem, aut filius (nempe secundum humanam naturam) licet inter creaturas illi excellant, cum Patre norunt. Antequam verò eas objectiones, quæ huic sententiæ opponuntur à Pontificiis, confutemus, non alienum fore existimamus, si Maldonati Jesuitæ, viri quidem docti, sed in nostros, Calvinum & Bezam inprimis, perquam acerbi, atque iniqui, interpretationem proponamus atque examinemus paucis, ut eo melius appareat quam miserè, atque indignè à Jesuitis primariis illustris hæc sententia detorqueatur, ut suum de omniscientia humanæ naturæ Christi, inde ab initio ortus illius, errorem tueantur. *Animadverto*, inquit Mald. *nunc non solum negare Filium hominis diem judicii scire: sed etiam affirmare solum Patrem scire: quo verbo non solum filium, sed etiam Spiritum Sanctum videtur excludere. Sed nisi fallor eodem modo Christus loquitur quo supra cap. 20. vers. 23. sedere autem ad dextram aut ad sinistram, non est meum dare vobis, sed quibus paratum est à Patre meo. Itaque indicat, quod magis est, se non solum ut hominem, sed etiam ut Deum modo quodam diem judicii ignorare: non quod ignoret, sed quod*

non

non ipsius sit officium scire: sicut non dixit quibus paratum est à me, sed à Patre meo, non quod non etiam ab ipso paratum esset: sed quod regnum parare, id est, prædestinare, non ipsius, sed Patris officium sit. Sic etiam Patris est constituere, quando solvendus sit mundus, quando dies iudicii futurus sit. Hoc est quod Apostolus dicit, Act. 1. v. 7. non est vestrum nosse tempora, vel momenta, quæ Pater posuit in sua potestate. Propterea solus ipse scire significatur. Atque hic, nisi fallor, verus est sensus. Hæc Mald. qui multis modis fallitur. Primum quod illis verbis nisi solus Pater, Filium excludi putet; deinde quod etiam Spiritum Sanctum insolenti paradoxo, à notitia diei iudicii excludi existimat: quorum utrumque jam ante ex re ipsa, seu divina utriusque essentia omniscia, & ex locis similibus confuravimus. Tertiò fallitur, dicendo quod eodem modo Christus loquatur Matth. 20. Non est meum dare, sed quibus paratum est à Patre meo. Nec enim eo modo excluditur absolute Filius (ut Jesuita perperam arbitratur) sed tantum secundum quid, quia homo. Quartò fallitur, quod altero paradoxo absurdo asserit, Christum etiam, ut Deum, modo quodam diem iudicii ignorare, non quod ignoret, sed quod non ipsius officium sit, scire. In eo enim mera apparet, & phrasis ipsius, & rei perversio. Phrasis quidem, cum nescire exponit (contra omnem rectè loquendi usum) non esse officium scire; Rei verò perversio est: quia impium est dicere, Filii ut Dei, non esse officium, scire diem iudicii. Nam inde sequitur esse officium illius, non scire: atque ita officium illius per scientiam quam habet, & agnoscit adversarius, violabitur. Quintò fallitur cum ait, quod regnum parare, id est, prædestinare non ipsius, sed Patris officium sit: hoc enim confessis Theologiæ principiiis manifestè repugnat. Nam opera Dei ad extra sunt tribus personis communia: ideoque non minus Filius & Spiritus Sanctus præpararunt regnum, ac prædestinarunt quam Pater: etsi ad Patrem ut primam personam ordinis ratione soleat referri; non excludendo, sed includendo reliquas personas, quia una eademque communis est earum actio. Qua de re rectè Athan. Orat. 4. contra Arianos; *Quod si jam definita est dies, & hora à Patre, clarum est quod per Filium destinata: & novit ipse, quod per ipsum est destinatum.* Idemque post nonnulla ait: *Sic igitur interrogantibus discipulis de fine, pulchrè tum dixit, neque Filius, propter carnem: ut ostenderet quod ut homo nesciret. Hominum enim proprium est ignorare.* Et Cyrill. Alex. thesaur. lib. 9. cap. 4. *Non oportet igitur propter hanc vocem ignorationem Dei verbo incurrere, sed potius misericordiam ejus admirari, quod non recusaverit propter nos ad tantam humilitatem descendere, ut omnia nostra, & ipsam etiam ignorantiam humanam susciperet.* Sexto. In eo similiter fallitur Jesuita, quod ait Patris esse constituere, quando solvendus sit mundus, quando dies iudicii futurus sit, quasi illud à Filii officio esset alienum: cum contrà ut unum essentia est Filius cum Patre: sic una eademque est voluntas & actio illius; ut quæcunque Pater facit, Filius faciat similiter, Joh. 5. v. 19. Septimo denique in eo fallitur, quod ex dicto Christi, Act. 1. v. 7. quod temporum momenta Pater in potestate sua posuerit, concludat eo significari Patrem solum ea scire: scil. non Filium: cum contra potestas Patris, potestati Filii, qua homo quidem est, opponatur, non autem qua Deus. Hac enim ratione ut eadem est utrimque essentia, eademque proprietates, ac perfectiones essentielles: sic eadem necessario est potestas.

Sed objiciunt Pontificii, non posse de Filio secundum humanam naturam propriè, verè dici, nescivisse eum diem iudicii, quod in anima Christi fuerit omniscientia, inde ab ipsa creatione illius: idque ex sacræ Scripturæ tam prophetiæ quam Apostolicæ autoritate probare conantur. Nam ex Prophetis Bellarm. Tom. 1. de Christo, lib. 5. cap. 2. citat testimonium Esaiæ 11. ubi de Christo dicitur: *Requiescat super eum Spiritus domini, Spiritus sapientiæ, &c.* Sed negatur consequentia: quia Spiritus sapientiæ non est omniscientia, sed scientia finita, ut humanæ finitæ naturæ ratio indicat, & Scriptura, quæ eam sapientiam suos habuisse progressus, atque incrementa testatur, Luc. 2. v. 40. *Puerulus autem crescebat, & corroborabatur Spiritu, implebaturque sapientia.* Cujus argumenti vim vidit Bellarm. atque elabi co-

natur lib. 5. de Christo cap. 5. variis modis, sed frustra. Primum respondet vocem *αυξημεν* aliquando significare redundans, quod est idem quod *αυξησιν*, quod secutus est interpretes vulgatus, qui vertit *plenus*. Veruntamen abusionem illam vocis asserit quidem Bell. sed non probat. Deinde antecedentia verba Lucæ interpretationem illam confutant, cum dicitur: *crescebat, & corroborabatur Spiritu*: non igitur jam inde ab initio conceptionis ac nativitatis, ut Pontificii contendunt, fuit plenè corroboratus. Altera verò responsio quam adfert, hæc est: dico, inquit, si legamus *passivè*, implebatur, sensum hunc esse, quod sapientiæ tam increata, quam creatæ quæ in ipso erat, replebantur indies magis organa corporea & movebantur atque aptabantur ad opera excellentiora faciendæ. Sed quid ineptius fingi potest, quam statuere organa corporis impleri sapientiæ: cum sapientiæ subiectum non sit corpus, sed sola anima? Tertiam itaque adfert responsionem; *replebatur sapientiæ acquisita per experimentum proprium.* Tamen si enim nihil ignoraret theoricè, cum haberet infusam scientiam omnium rerum; tamen practice ignorabat illa omnia, quæ non fuerat expertus. Quomodo Paulus dicit, eum didicisse obedientiam, per ea quæ passus est, Hebr. 5. Sed respondemus verba Lucæ, non de acquisita per experientiam, sed de infusa per Spiritum Sanctum sapientiæ loqui, quam Spiritus ipsi infudit, & qua corroboravit: unde dicitur quoque, *implebatur*: ut sapientiæ infinitam crevisse appareat. Idemque deinde ostendit versus ultimus, *Iesus autem proficiebat sapientiæ, & statura, ætate*, aut potius *statura, ac gratia apud Deum, & apud homines.*

Quod autem Bellarm. ibidem cap. 5. ait: quod Christus profecerit sapientiæ, opinione hominum quibus indies magis aperiebatur sapientiam suam, alienum est. Nec enim loci circumstantiæ hujusmodi expositionem admittunt, ut proficere per abusionem vocis significet putari proficere: dicitur enim v. 40. *Corroborabatur Spiritu*, item, *implebatur Spiritu*, & vers. 52. *Proficiebat sapientiæ & ætate*, aut potius *statura*. Atqui illa corroboratur & statura profectus dicitur ratione ipsius Christi, non autem ratione opinionis hominum. Deinde fingat licet adversarius, Christum dici profecisse opinione hominum: tamen argumenti hujus vim non evadet. Nam opinio illa aut vera fuit, aut falsa. Si vera, tum fuit rei consentanea: hoc est, revera Christus profecit sapientiæ, non minus quam opinione hominum: id quod à multis inde probatur, quod postea subjicitur *coram Deo & hominibus*: Sin falsam dicat adversarius, blasphemus erit in Evangelistam, cum verba illius demonstrent, ipsum, ea quæ scribit, narrare ac probare. Nam ut illud v. 40. *Puerulus autem crescebat, & corroborabatur Spiritu* narrat tanquam verum, (nec enim sola opinione humana crevit, & corroborabatur Spiritu) sic quod sequitur, *implebatur sapientiæ*, simili modo conjunctim narrat. Et vers. 52. ait: *Proficiebat sapientiæ, & statura*, atqui statura revera proficiebat, non sola hominum opinione. Ergo & sapientiæ similiter profecisse communi voce proficiendi, designat. Ac propterea Athanasius contra Arrian. orat. 4. pag. 230. eruditè, ac distinctè ita hunc locum exponit: *ἐκ τῆς σοφίας, ἧς σοφία ἱστῶ, αὐτὴ ἡ δὲ αὐτοῦ σοφία, ἀλλὰ τὸ ἀνθρώπινον ἐκ τῆς σοφίας σοφώμενος*: hoc est, non sapientiæ, quatenus sapientiæ est, ipsa secundum seipsam, progressus fecit; sed humanitas in sapientiæ profecit. Et Cyrill. Alex. thesaur. lib. 10. cap. 7. Si ergo Christus, qui est sapientiæ, profecisse in sapientiæ scribitur, non ipsa profectò, sapientiæ enim in seipsa proficere non potest (intellige infinitam, qualis Christus est) non ergo ipse: Sed humanæ proficiebat natura. Et paulò post ait, undique ergo patet, non sapientiæ ipsam, in quantum est sapientiæ, sed humanam naturam in sapientiæ profecisse. Generatim verò duo profert ibidem Cyrill. theorematà observatu digna: primum cum adversus Arrianos, qui objiciebant, hac distinctione, unum Christum dividi, sic ait: *Unus profectò Dominus Iesus Christus, & non duo: & unus hypostaticè atque personaliter, in duabus naturis.* Alterum theorema est: Sic igitur quæ de Christo scribuntur intelligenda sunt, ut nec quæ Deitati conveniunt, humanitati ejus attribuantur: nec quæ humanitatis propria sunt ad Deitatem ipsius desorquantur. Tertiò loco accedis Theodo. dialog. 2. *ἀποκρίσει*, ubi

verbis Eranistæ, quæ ipsemet approbat ac laudat, sic sententiam, Luc. cap. 2. v. 52. exponit: *Etate enim corpus proficit, sapientia verò anima.* Denique Ambros. comment. in Luc. 2. de Christo ait: *qui secundum carnem utique sapientia Dei implebatur, & gratia.* Idemque explicatius lib. de incarnationis Dominicæ Sacramento cap. 7. ait: *Et Jesus proficiebat etate, & sapientia, & gratia apud Deum, & homines. Quomodo proficiebat sapientia Dei? doceat te ordo verborum; profectus etatis, profectus sapientie, sed humana est. Idem etatem præmisit, ut secundum hominem crederes dictum. Etas enim non divinitatis, sed corporis est. Ergo si proficiebat etate hominis, proficiebat sapientia hominis.* Pluraque eodem pertinentia ibidem inculcat. Quare ex hisce satis apparet, quam vana sit Bellarmini jactatio, Tom. 1. de Christo lib. 4. cap. 1. quod ait: *Catholicorum communis sententia, semper fuit, Christi animam in ipsa sui creatione, repletam scientia, & gratia, ita ut nihil postea didicerit, quod antea nesciret:* & ait ita docere omnes Patres. Solutio igitur hoc ex Veteris Testamenti autoritate argumento, reliqua quæ ex Novo testamento adducit, breviter expendamus. *Christus, inquit, ab initio accepit gratiam sine mensura, Job 3. v. 34. Ideoque non potuit proficere.* Negatur consequentia, Johannes quidem dicit, *non enim ex mensura dedit ei Deus Spiritum*, sed ea phrasis *non ex mensura* seu *sine mensura dare*, per metaph. significat, non parcè, sed affatim ac copiosè dare, consueta loquendi forma: ut in libro Judit. cap. 7. & *non habebant ut biberent ad satietatem aquam die uno, quoniam in mensura dabant eis.* & Apul. asino aureo lib. 4. *hordeum affatim, & sine ulla mensura largita est.* Sic Christo, qua homo, Spiritus copiosè datus. Nam Christianis quidem non omnia Spiritus Sancti dona: sed quædam tantum dantur, pro mensura donationis Christi, Ephes. 4. v. 7. *Nam huic quidem per Spiritum datur sermo sapientie, alii verò sermo cognitionis, per eundem Spiritum, &c.* 1. Cor. 12. v. 7. 8. 9. 10. Omnia verò hæc Spiritus Sancti dona, & copiosè quidem Christo secundum humanam naturam tradita, 1. Cor. 11. v. 2. Inde tamen non sequitur, illa copiosa Spiritus Sancti dona fuisse infinita, ut augeri non potuerint: imò contrarium asseritur, Luc. 2. v. 40. *corroborabatur Spiritu.* Sed tertio pro infinita humanæ naturæ Christi sapientiæ objicitur illud Ioh. 21. v. 17. *Tu omnia nosti.* Sed id dicitur secundum divinam Christi naturam, à qua humanæ ipsius naturæ omnia ad officium præsens pertinentia revelabantur. Denique objicit Bellarm. ibidem locum Col. 2. v. 3. *In quo sunt omnes thesauri scientiæ, & sapientiæ Dei.* Sed negatur consequentia, quemadmodum ipsemet Bellarminus dum Lutheranos confutat, similiter facit: quia licet in Christo sint, non inde sequitur, ergo ratione ipsius humanæ naturæ: Deinde etsi ratione ipsius humanæ naturæ diceretur, intelligendum esset, inesse unione personali, non autem ut qualitatem in suo subiecto proximo. Quemadmodum ibid. Apostolus v. 9. ait, in Christo habitare totam plenitudinem Deitatis. Atque hæc ad illustrandam genuinam, Matth. 24. v. 36. & Marc. 13. v. 32. sententiam suffectura speramus.

*Illustratio Locorum Quorundam Matthæi, è Capite 26.*

**I**Nter ea, quæ distinctam atque accuratam explicationem Matth. 26. desiderant, est etiam tristitiæ Christi & precatationis illius adjunctæ descriptio. De utroque enim & præsci Theologi & recentiores diversis sententiis inter se discrepant. Quas breviter proponere & excutere, ad genuinam Scripturæ intelligentiam, conabimur.

*Quæstio 1. de Christi tristitia.*

**I**N quâ expendenda, primum occasio illius, deinde modus ac causa: Occasio autem quæstionis oritur ex verbis, partim Matthæi, partim Christi, quibus tristitia hæc describitur: Quæ verba proponenda ac paucis explicanda; ut rei tractatio sit clarior. Verba autem Matthæi hæc sunt vers. 37. *Et assumpto Petro, & duobus filiis Zebedæi, cepit contristari, & gravissime angere:* Græcè *λυπνίσαι & ἀδυνασῆν;*

ut etiam Marcus, & assumit Petrum & Iacobum & Iohannem secum, cepitque *καταμυβήσαι & ἀδυνασῆν*, hoc est, *expavescere, & gravissime angere:* ut rectè omnino noster interpres doctiss. Beza reddidit. vulgatus verò Latinus minus expressè *ἀδυνασῆν* in Matthæo vertit, *cepit mæstus esse.* & dilutius adhuc in Marco *tædere* exponit. Hoc enim modo & verbi illius, & rei gravitatem enervat. *ἀδυνασῆν* enim, ut doctiss. Hesychius explicat, est *ἀγωνία* angor, seu *cum gravi dolore luctor*: ut de hac Christi tristitia, Luc. 22. v. 44. ait: *eum fuisse ἐν ἀγωνίᾳ, angore*, seu quasi luctæ cum dolore angustia. unde etiam Suidas ait, *ἀδυνασῆν, λίαν λυπῆσαι valde tristis sum*, à nomine *ἀδύμων*, qui quasi nimia doloris fatigata fatiscit, ac concidit, ut ex Eusth. in Homer. Henr. Stephanus fideliter in thesauro suo expressit. Atque hoc etiam ex Christi verbis constat, quibus tristitiam suam describit, quæ vers. seq. 38. Matth. 26. continentur: quemadmodum etiam Marc. 14. v. 34. *πρίν ἵνα anima mea usque ad mortem.* Nam primum *πρίν* non generatim tristitem significat quemvis, ut vulgata versio reddidit: sed valde tristem: unde noster interpres posuit, *undiquaque tristis*, sed brevius ac concinnius *pertristis*, exponi potest. Quemadmodum propositio *πρίν* in compositione significationem augere solet; sic etiam in hac voce; ut Arist. 4. Ethicorum ait, *ἐν τῷ πρὶν πλεονάζει, ἐν τῷ πρὶν πλείονος*, ut à Bud. in Græcæ linguæ commentariis proponitur. Exstat autem sententia hæc cap. 3. hoc est, *neque in secundis valde letus erit, neque in adversis valde tristis.* Idemque ostendit, quod non otiosè, sed ad maiorem validæ tristitiæ amplificationem additur: *usque ad mortem*, hoc est, lethalter: nec valdè tantum, sed etiam maximè tristem: quemadmodum hæc phrasis tali sensu in sacris literis usitata est, ut Esa. 38. v. 1. *ægrotabat Ezechias usque ad mortem*, hoc est, lethalter, gravissimè: non autem, quod ea ægritudo ad mortem usque duraverit: & Jon. 4. v. 9. dicitur Jonas fuisse *iratus usque ad mortem*, & Phil. 2. v. 30. *Nam propter opus Christi accessit ad mortem usque*, & v. 27. *ægrotauit proxime mortem.* Atque hæc de Evangelistæ, & Christi verbis, quæstionis occasione. Modus verò illius hic est. Quæritur enim primum de hujus tristitiæ Christi magnitudine: deinde de origine, ac causa commovente. Ad magnitudinem quod attinet, quidam existimant, hanc tristitiam fuisse tantum tristitiæ alicujus gustum, & initium: quia de ipso dicitur *cepit contristari.* Atque ita Origenes ait comment. ad hunc locum, *cepit povere, vel tristari, nihil amplius tristitiæ vel pavoris patiens, nisi principium tantum.* Nec enim scriptum est, quia *pavit vel tristatus est.* Sed *cepit povere, & cepit tristari.* Quando & dixit: *tristis est anima mea usque ad mortem*, quod ipsum tale aliquid significare videtur, tanquam si dicat, *tristitia cepta est in me, ut non omni modo sim sine gustu tristitiæ, non semper, sed usque ad tempus mortis in me est: ut cum mortuus fuero peccato, moriar & universæ tristitiæ, cuius principium tantum fuit in me.* Hæc Origenes. Cujus sententia, primum Evangelii verbis abutitur; quia, cum Matthæus ait de Christo *cepit contristari*, initium temporis tristitiæ illius, non autem tristitiæ magnitudinem notat: quasi tantum esset tristitiæ initium ac gustus, ut Origenes censet. Deinde iisdem quoque confutatur, cum testantur, Christum non solum contristatum fuisse, sed etiam gravissimè anxium; nec tristem tantum, sed pertristem & quidem usque ad mortem, hoc est, lethalter seu gravissimè ac mortis instar: ut David eo sensu, *dolores mortis*, Psalm. 116. v. 3. & alibi appellat. Idemque evincit tristitiæ illius effectum geminum: Primum quidem deprecatio Christi vehementissima, de poculo passionis, & mortis horrendæ, Joh. 18. v. 11. auferendo, Matth. 26. v. 39. Alterum verò, quod, ut ait Lucas cap. 22. v. 44. *in ea ἀγωνία sudor ejus erat, quasi grumi sanguinis, descendentes in terram;* Denique huc accedit consequens subsidii Angelici adjunctum: Nam ut ibidem v. 43. traditur, *visus est Christo Angelus, è caelo corroborans ipsam.* Quæ omnia maximam atque eximiam quandam tristitiam, ac dolorem demonstrant: ideoque perpetram atque injuriè in Christi passionem, non tristitiam, sed initium tristitiæ ac gustum illius, nominat Origenes: ut in ejus sententia sequenda similiter impingit Hieronymus. Neque dictis obstat quicquam, quod Hieron. Tom. 2. in dialogo

dialogo adversus Pelagian. libr. 2. ait. *In quibusdam exemplaribus tam Græcis quam Latinis invenitur, scribente Luca, apparuit illi Angelus de celo, confortans eum, haud dubie Dominum Salvatorem.* Et si enim Hieronymus iis verbis indicet in quibusdam exemplaribus id abfuisse, illud tamen aut descriptorum negligentia: aut forte imperita audacia factum: quod scilicet ea verba gloriæ Christi adversari, & ab adversariis illius inserta existimarent. Nam Hieronymus rectum agnoscit, cum ait: *Salvator in passione ab Angelo confortatur & Cristobulus meus, non indiget auxilio Dei,* Deinde consentaneum est officio Angelorum, qui ministerium Christo inde ab initio præstiterunt, ut Matth. 4. vers. 11. & alibi. Quare hæc prima Orig. & Hieron. sententia aliena est. Altera vero huic repugnans vera est, Christum scilicet non tantum initium, & gustum aliquem tristitiæ, sed ingentem, supra reliquos mortales, anxietatem fuisse expertum: ut argumenta supra posita evincunt. Atque hæc quidem de prima hujus quæstionis controversia: nempe de hujus Christi tristitiæ magnitudine. Altera verò est, de causa illius, ac primum quæritur an libera, an verò necessaria fuerit. Prius asserunt Pontificii, quod Christus hac tristitia ratione naturæ suæ humanæ carere omnino potuerit: sed libera voluntatis suæ electione eam suscepit. Alii verò hoc meritò pernegant: quia ea tristitia fuit pars pœnæ pro nobis debitæ, ac subeundæ necessariò: ut decreti Dei firmitati, & prophetiæ veritati satisfaceret, Luc. 22. v. 22. Matth. 26. v. 54. Ideoque Christus patienter quidem pertulit, sed non libera electione eam suscepit: quia gemino illo vinculo fuit obstrictus. Quo etiam pertinet, quod ait Luc. 12. v. 50. *Baptismo oportet me baptizari, & quo modo constringor* (hoc est, angor) *quo usque hoc perficiatur?* & Marc. 8. v. 31. & Luc. 24. v. 7. & 26. ubi necessitas hæc declaratur. Deinde cum tristitiæ causa generatim esse soleat mali præsentis sensus; vel futuri metus; vel denique utrumque; quænam harum fuerit disquiritur. Plerique enim metum mali futuri, causam esse statuunt; ac sanè mirandam illius esse vim experientia multorum demonstrat; sed in eo definiendo dissident interpretes. Nonnulli enim veterum patrum, Christum tristitia affectum, non suam, sed aliorum causam statuunt; & quidem partim ob futurum discipulorum in passione, & morte scandalum; partim ob Judæ proditoris, & Judæorum peccata, & futurum eorum ac templi urbisque Hierosolymæ horrendum exitium: ut Ambros. in Luc. cap. 22. ait: *Tristis videbatur & tristis erat, non pro sua passione, sed pro nostra dispersione. Denique ait: Percutiam pastorem & dispergentur oves: tristis enim, quia nos parvulos relinquebat, &c.* Neque distat à vero, si tristis erat pro persecutoribus suis, quos sciebat immanis sacrilegii pœnas duros. Sic etiam Hier. comment. in Matth. 24. *Contristabatur, inquit, non timore patiendi, qui ad hoc venerat, ut pateretur, & Petrum timoris arguerat, sed propter infelicitissimum Iudam, & scandalum omnium Apostolorum & rejectionem populi Iudeorum, &c.* Tunc ait illis tristis est anima mea usque ad mortem, &c. quæ contristatur anima est, & non propter mortem, sed usque ad mortem contristatur, donec Apostolos sua liberet passione. Hæc Hieron. Alii vero contrā statuunt tristitiam hanc Christi, & anxietatem gravissimam, hoc in loco, fuisse ortam, non ex miseræ peccati ac pœnæ aliorum consideratione, sed ex passionis & mortis suæ horrendæ atque instantis animoque occurrentis metu: ut alia etiam similia loca Luc. 12. v. 50. & Ioh. 12. v. 27. 28. cum 23. & 24. ostendunt, & in deprecationis Christi explicatione, clarius apparebit. Nam quod obtenditur, metum passionis & mortis, Christi potentia, & officio, ac sacris literis repugnare, alienum est. Nec enim potentia Christi adversatur: quia etsi quatenus Deus avertere poterat, potentiam tamen suam continuit: ut secundum decretum æternum & veritatem Scripturæ, humana natura assumpta, pro salute electorum omnium, pateretur ac moreretur. Deinde verum quidem est, cum milites ipsum essent capturi, Christum eosdem prostravisse ad brevem sermonem suum occulta divinæ naturæ suæ operatione: sed in passione & morte, ut etiam hujus tristitiæ tempore, hanc potentiam divina Christi natura exercere noluit: ut ita humana natura ad tempus deserta à sub-

dio illo, pateretur, atque ita nos Deo reconciliaret. Unde eruperunt ei in cruce illa verba: *Deus mi, quare me deseruisti?* Neque officio etiam Christi repugnat: sed ei merito consentit. Nam ut verus erat homo, nobis per omnia similis, excepto peccato: ita similiter lege naturæ, & lege Decalogi suam incolumitatem, & vitam amavit: & contrarias perpassiones, ac mortem horrendam eo respectu metuit, sine ullo desperationis aut excessus vitio. Neque etiam Evangelii historiæ repugnat. Quod enim objicit Ambros. *Ceterum quam constanter se morti obtulerit, consequentia declarant, quandoquidem querentibus occurrit*, illud inquam verum quidem est, sed inde sententia illius non confirmatur. Neque enim antecedens passionis metus, studium Deo parendi excussit: sed sibi conjunctum habuit: & confirmatus ab Angelo, metum superavit, ac sese militibus constanter ac pacatè obtulit. Quod autem Hieron. obtendit, Christum ad hoc venisse, ut pateretur, & Petrum timoris arguisse: utrumque agnoscimus: inde tamen non sequitur, Christum non metuisse passionem. Nam metus ille pars fuit passionis non exigua: & ex instantis passionis expectatione orta. Deinde Petri exemplum prorsus dissentaneum ist. Illius enim metus, quo Christi mortem metuit, cum inobedientia erga Deum conjunctus fuit, Matth. 16. vers. 22. 23. quemadmodum cum ipse mortis suæ periculum adeò immoderatè metuit, ut Christum abnegaret: Christi verò metus naturæ & rectæ rationi fuit consentaneus. Ac quamvis dixerit: *anima mea tristis est usque ad mortem*, inde tamen colligi non potest, ipsum non propter mortem fuisse tristem: hæc enim optimè possunt convenire: sive ea phrasis tristitiæ durationem notet, ut Hieron. ac nonnulli veterum sentiunt: sive magnitudinem, ut ex usu Scripturæ accipiendam esse, jam ante ostendimus. Quare ex hisce apparet, alteram sententiam esse aptiorem, qua scilicet ab aliis statuitur, causam tam ingentis metus Christi, fuisse passionem & mortem horrendam, ipsi imminentem animoque objectam. Ceterum reliqua est tertia proposita quæstionis, de causa tantæ tristitiæ, & anxietatis Christi, responsio ac sententia: videlicet causam fuisse non solum imminentis passionis horrendæ metum, sed etiam præsentis sensum. Siquidem à Deo pœna nostra ei imposita est: antequam ut pecus ad macerationem duceretur, Esa. 53. vers. 6. 7. ac dolores inferni primum sensit: ut postea in cruce, cum exclamaret, *Deus mi, Deus mi, quare deseruisti me?* & ut videtur, non multo minores, ut præ animi dolore guttæ sanguinis in terram procidentes indicant. Idque ex deprecationis Christi sequentis examine clarius patebit.

#### Quæstio 2. De Christi precatione.

Quemadmodum tristitia Christi, Matth. 26. v. 37. & 38. descripta, variis interpretationibus agitur: sit etiam Christi precatio v. 39. sequente, subjecta, quæ est hujusmodi: *Pater mi, si possibile est, transeat à me poculum hoc; verumtamen non ut ego volo, sed ut tu* & Marc. 14. v. 36. *Abba Pater, omnia possibilia sunt tibi, transfer à me hoc poculum; verumtamen non quid ego velim, sed quid tu*: Et Luc. 22. v. 42. *Pater si vis, ne quæres* (infinitum pro imperativo,) *transfer poculum hoc à me: verumtamen non mea voluntas, sed tua fiat.* Quæ precatio objectum, & subjectam materiam, seu quem, & quid precetur, designat. Objectum, seu is, quem precatur, est pater prima Deitatis persona. Cui voci Marcus præmisit *Abba* vocem Syriacam, idem significantem; sive indicare voluerit, qua voce Christus sit usus, nempe *Abba*, quam additione Græcæ vocis Pater interpretetur: sive quod eandem vocem, ad auxilin geminatam à Christo declarare studeat. Quemadmodum Syrus interpretes accepit, qui ponit *Abba abbi, Pater, Pater mi*: ut etiam idem interpretes, Roman. 8. v. 15. pro *Abba pater* & Gal. 4. v. 6. quia oratio est multorum nomine, vertit *Abba Abba*, id est, pater noster. Quod etiam similiter Tremell. ad locum Marci, sequens, ait: *Hæc amabilis Dei appellatio pluribus locis recurrit*, Rom. 8. v. 15. Gal. 4. v. 6. Porro ingeminatio non solum in Hebræa lingua, sed in quibusvis etiam linguis vehementiam notat; sicut etiam, quod ea simplex non est, sed aliquid additur, ut hic: *Pater, Pater mi, vel noster*: quod melius fiducia declaratur.



Subjecta verò materia, seu id, quod Christus à Patre precatur, duabus constat partibus: diversis quidem, sed pro diverso respectu, minimè adversis, videl. deprecatione, & approbatione. Deprecatio his verbis continetur: *Si fieri potest, transeat à me poculum hoc*: quibus indicatur quidnam deprecetur: & quo modo. Prius est, ut poculum hoc transeat ab ipso. Cum autem *poculi* vox sit ambigua, ut aut propriè aut impropriè accipiat: illud citra controversiam constat, non propriè hoc loco, sed impropriè per metaph. appellari. Verum in explicatione illius cum generali, tum speciali, hoc loco diversa sunt interpretum judicia. Quocirca ad rei illustrationem, observato Scripturæ usu atque explicatione, paucis, distinctione adhibita, illustrare conabimur. Nam *poculum* metonym. pro vino acceptum, inde per metaph. translatione duplici usurpatur. Prima enim est à Patrefamilias ac pocillatore sumpta, qui pro convivarum ratione, vinum ad necessitatem ac modestam hilaritatem, iis distribuit. Atque ita similitudine quadam, à poculo huiusmodi, sitim ac tristitiam discutiente, in bonam partem, vox ea accepta, Dei beneficia, quæ hominibus alendis ac recreandis tribuit, designat; ut Psalm. 16. v. 5. *Febovab est portio prædii, & poculi mei*, hoc est, portionis illius author, seu bonorum eorum. Altera deinde translatio à vini potioribus, & poculo inebriante ducta; qui alios maioribus poculis exauriendis, urgendo inebriant, adeo ut & mentis quædam insania, atque ignominia vomitus, ac nuditatis, consequi soleat. Atque ita similitudine quadam accipitur primum pro impia doctrina, ac peccatis, quibus homines à recta ratione, ac fide & cultu Dei seducti quodammodo inebriantur, atque impietate sua ignominia sese exponunt: ut Apoc. 17. v. 4. De muliere (Antichristi figura) dicitur: *Habens poculum aureum in manu sua, plenum abominatione & immunditia scortationis ejus*, & v. 2. *Cujus scortationis vino inebriati sunt incolæ terræ*. Secundo accipitur pro afflictione gravi, divina, aut humana: quod ex ea (instar haustus poculi vini grandioris) animi perturbatio, bonorum denudatio, & hominum contemptus oriatur. Cujus significationis illustra in sacris literis extant testimonia, ut Psalm. 77. v. 9. *Nam poculum in manu Febovab, & vinum turbidum, est, & plenum mixtione, ex quo fundit; veruntamen feces ejus quas expresserunt, bibent omnes impii terræ*, & Lament. 4. v. 21. *O filia Edom, &c. Etiam ad te transibit poculum, inebriabis te, & nudabis te*. Deinde Ezech. cap. 23. v. 31. & seqq. locus est observandus, *Quod, inquit, in via sororis tue ambulat, idè trado poculum ejus in manum tuam. Sic ait Dominus Febovab, poculum Sororis tuæ bibes profundum, & latum, & capacissimum, adrisum, & subsannationem, ebrietate & mærore repleberis, &c. Bibes illud & exsuges*. Sic Hab. 2. v. 15. 16. *Væ potum præbenti proximo suo, adbibenti utrem tuum, & etiam inebrianti, ut intuearis nuditatem eorum. Saturaris ignominia præ gloria, bibe tu quoque & retege præputium: & divertet ad te poculum dexteræ Febovæ, & vomitus ignominiosus ad gloriam tuam*. Et Jerem. 25. v. 15. *Sume poculum istud vini, excandescantiam istam (Junius per ellips. poculi ex antecedente vertit poculum æstus) è manu mea: & bibendum dato istud omnibus gentibus, ad quas ego mitto te. Ut bibant & concutiantur atque insaniant propter gladium, quem ego missurus sum inter eas*. Sic in Novo Testamento, Apoc. 18. v. 6. *Reddite ei, sicut & ipsa reddidit vobis: & duplicate ei duplum, secundum opera ejus: in poculo quod propinavit, propinate ei duplum*, hoc est, ut reges terræ, pro propinato impiæ doctrinæ poculo, poculum afflictionis atque exitii, Antichristo bibendum vice versâ redderent. Quare ex hisce satis liquere arbitramur, eam quæ vulgò obtinet, hujus vocis *poculi* ac phrasos *bibere poculum* interpretationem, non esse satis aptam; quasi à poculo amaræ potionis agristradito, & ingrato, similitudo esset deducta, ad afflictionem gravissimam denotandam. Nam quamvis sensum pariat satis concinnum: Scripturæ tamen usu probari non potest, ut omnium locorum inductione non minus, quam eorum, quæ attulimus, illud demonstratur. Verum interim est, afflictiones gravissimas notari: sed non à medico poculo, sed à poculo vini inebriante metaphorâ deductâ. Quo etiam modo frequenter Christus eâ significatione poculum suum

appellat, ut Matth. 20. v. 22. *Potestisne bibere poculum quod ego bibiturus sum?* & v. 23. *Poculum quidem meum* (id est, meo simile, non par) *bibetis*. Joh. 18. v. 11. *Annon bibam ipsum poculum quod dedit mihi Pater?* Sic etiam hoc loco, Matth. 26. v. 39. *Transeat à me poculum hoc*, id est, gravissima passionis & mortis afflictio: quemadmodum interpretes generatim hanc sententiam agnoscunt; qui tamen in causa speciali hujus petitionis definienda, inter se plurimum dissentiant. Quamvis enim generatim metum mali, ac tristitiam ingentem, de qua ante actum est, causam hujus deprecationis extitisse tradunt; alii tamen in speciali explicatione aliud tradunt. Quidam enim (ut de tristitia ante ostendimus) non de Christi: sed de aliorum passione, metum exponunt, ut Ambrosius in Lucam cap. 22. ut supra retulimus: & Hieron. ad hunc Matthæi locum, qui ita ait: *Postulat, ut si possibile est, transeat ab ipso passionis calix, de quo supra diximus; postulat autem non timore patiendi, sed misericordia prioris populi, ne ab illis bibat calicem propinatum. Unde & signanter non dixit: transeat à me calix, sed calix iste, hoc est, populi Judæorum, qui excusationem ignorantie habere non potest, si me occiderit habens legem & prophetas, qui me quotidie vaticinantur*. Verum hæc sententia primum Scripturæ autoritate destituitur, ideoque merito, quod ipsemet Hieron. in comment. iisdem ad Matth. 23. ait: *Hoc quia de Scripturis non habet auctoritatem, eadem facilitate contemnitur, qua probatur; illud inquam ei reponendum*. Deinde quia passionis Christi per se horrendæ gravitatem elevat, atque enervat. Sed multò adhuc indignius antè impegit Hilar. comment. ad Matth. cap. 26. *Pro his, inquit, rogat, qui passuri post se erant, dicens, transeat calix iste à me: id est, quo modo à me bibitur, ita ab his bibatur, sine spei dissidentia, sine sensu doloris, sine metu mortis*. Quibus verbis (ut etiam alibi) passionem Christi reverà tollit. Quare alii sanctius sentiunt, poculum hoc loco passionem & mortem Christi designare; transitionem autem illius liberationem ab ea; ejusque deprecata passionis causam fuisse horrendæ gravitatis illius metum, quod scilicet universæ omnium peccatorum electorum pœnæ onus ipsi esset perferendum, ut Esai. 53. v. 4. traditur, *dolores nostros bajulavit, & v. 5. dolore afficitur ex defectio-nibus nostris, atteritur ex iniquitatibus nostris: castigatio pacis nostræ imponitur ei*, & v. 6. *Febovab facit ut incurrat in eum pœna omnium nostrum*. Ideoque non solum corporis dolores ab hostibus, sed etiam pœnas inferni (quia nobis debitæ erant) animo ac corpore pertulit, à Deo inflictas. Atque hinc Luc. 12. v. 5. ait Christus *baptismo oportet me baptizari, & quo modo constringor (seu angor) usque quod perficiatur?* & Joh. 12. v. 27. & 28. (postquam mortis suæ antea meminisset v. 24.) commotus animo ait: *nunc anima mea turbata est, & quid dicam? Pater conserva me ab hac hora; sed propterea veni in hanc horam*. Eodem etiam pertinet, quod Luc. 22. in tanta fuisse narratur tristitia atque angore, jam passioni propinquior, ut sudorem instar grumorum sanguinis ipsi expresse-rit, & Angeli cœlestis adventu fuerit corroborandus, & in cruce exclamarit, *Deus mi, Deus mi, quare deservisti me?* Et Heb. 5. v. 7. dicitur de Christo: *Qui in diebus carnis suæ, cum deprecationibus & supplicationibus apud eum, qui poterat ipsum servare à morte, cum clamore valido, & lachrymis obtulisset, & exauditus esset in diebus illis ex metu*; Et licet vulgatus interpres pro sua reverentia interpretetur, nihilominus ex antecedentibus patet, Christum in cruce non minus quàm in horto liberationem postulasse: non Judæorum causa (qui jam suam crudelitatem impiam in ipsum compleverant) sed sua: eandemque completa passione impetrasse, solutis à Deo doloribus mortis, Act. 2. v. 24. seu anima illius non relicta in inferno, v. 17. Verum duo inprimis adversus hanc sententiam obijciuntur argumenta. Primum, quod fortitudini ac constantiæ; alterum, quod pietati illius adversetur: cui tertium accedit, quod sapientiæ repugnet. Nam fortitudini adversatur, quod eo modo multis Martyribus, (qui passionem ac mortem non sunt deprecati, sed intrepidè subierunt) erit inferior. Idque urgent Augustin. Tom. 8. in Psalm. 21. exposit. secunda, cum ait: *Nisi forte putatis fratres, quando dixit Dominus, Pater si fieri potest, transeat à me calix iste, morte timebat! Non est fortior miles, quam Imperator. Sufficit servus, ut sit*

ut sit sicut dominus ejus: Paulus enim dicit miles regis Christi: compellor à duobus, concupiscentiam habens dissolvi & esse cum Christo. Ille optat mortem, ut sit cum Christo, & ipse Christus timet mortem? Inde erat illa vox: membrorum ipsius vox est, non capitis. Quo loco fundamentum erroris apparet doctrinæ de passione Christi: quod distinctione subvertitur. Negatur enim hæc consequentia: nempe martyres, ut Paulus, non timebant, sed desiderarunt mortem: Ergo Christus non deprecatus est suam passionem & mortem metu ejusdem. Illorum enim passio & mors fuit, corporis tantum & infligta ab hominibus: Deinde habuerunt auxilii Dei in animis ipsorum confirmationem: contra verò passio Christi non fuit simplex, sed duplex; externa quidem ab hostibus: & interna dolorum inferni, quos Deus pro omnium nostrorum peccatis ipsi imposuit, Esa. 53. Deinde in ea passione ab auxilio Dei non fuit confirmatus, sed desertus, donec pro nobis patiundo satisfecisset, ut nos ad Deum adduceret, 1. Petr. 3. v. 18. Ideoque Christi passionis metus fortitudini illius debitæ non adversatur. Sed altera difficultas obtenditur, quod pietati Christi repugnet. Cum enim propterea natus esset, & novi fœderis Mediator datus, ut morte intercedente nos redimeret, Hebr. 9. v. 15. Idcirco officium ejus erat, ut mortem lubenter subiret: idque antea testatus est, Matt. 16. v. 21. oportere se multa pati, & occidi. Idemque postea cum caperetur à militibus, Petrum iis obloquentem increpans, confirmavit his verbis, *Annon bibam poculum istud quod Pater mihi dedit?* Quare hæc passionis & mortis deprecatio pietati seu debitæ Deo obedientiæ repugnabit. Verum negatur consequentia: quia debita à Christo obedientia constabat amore Dei & sui ac proximi: utrumque autem rectissime pro diversi objecti respectu ac consideratione, in hac deprecatione exercuit. Nam quatenus Christus, mente sua considerabat horrendos illos cruciatus, quos partim jam præfentes anxie sentiebat: partim imminentes prævidebat: eos ex amore sui ipsius recto (utpote à Deo naturæ insito, & secundâ legis tabulâ præcepto) tanquam naturali suo bono adversos, jure meritoque averfabatur. Amorem vero Dei, in modo deprecationis demonstravit. Nec enim absolute cruciatus illos transire desideravit; sed relatè ad naturæ bonum, & cum conditione voluntatis divinæ: ideoque amorem sui, amoris Dei, tanquam primo ac maximo mandato, servans rectum ordinem, subjecit. Nec enim ait simpliciter, & absolute, *Pater transseat à me poculum hoc*: sed, *si possibile est*, nempe per tuam voluntatem: ut Lucas exponit; *Pater si vis*. Possibile enim est aliquid vel re, vel jure. Re; cum illa operandi potentiam non excedit: jure, cum ei consentit. Sic Galatis re quidem ipsâ possibile erat, ut oculos suos erutos Paulo darent; Sed jure non erat possibile: quia legis Dei jus repugnabat, Gal. 4. v. 15. Sic possibile erat Deo (si rem spectemus & cum ea divinas vires) passionis poculum à Christo auferre: quia ad id præstandum vires aderant: unde Christus ait, Matt. 26. v. 53. *Annon putas me posse nunc precari Patrem meum, & sistet mihi plusquam duodecim legiones Angelorum?* Sed tamen jure constantis æternæ Dei voluntatis, & veritatis prophetiæ ipsius, non erat possibile: ut Christus ibidem proximè v. 54. subjicit, *quomodo ergo implerentur Scripturæ, quod sic oporteat fieri?* Nam Deus seipsum abnegare non potest, 2. Tim. 2. v. 13. Ideoque nec immutabile voluntatis decretum mutare: nec veritatem verbi prophetici violare: quia immutabilis est, Jac. 1. & *ad dñs* mentiri nescius, Tit. 1. v. 2. Eaque impotentia, vera potentia est: mendacio, & mutationi non posse esse obnoxium. Sed difficultas sese offert, quæ ex narratione Marci promanat, unde videtur Christus absolute passionem simpliciterque declinasse. Nam propositio illius est, Marc. 14. v. 35. *Pre-catus est, ut si possibile est, transiret ab ipso illa hora*, hoc est, poculum passionis. Assumptio verò v. 36. *& dixit, omnia* (ideoque & horæ hujus ac poculi translatio) *tibi sunt possibilia*. Conclusio denique subditur: *transfer à me hoc poculum*. Sed negatur hanc syllogismi constructionem extare. Nam v. 35. continentur verba Marci, quibus sequentis pre-cationis Christi, v. 36. sensum indicat: sed v. 36. Christi verba recenset: quæ rationem petitionis & petitionem continent. Ratio præmissa est, omnia tibi possibilia sunt; scil. si

velis (ut Marc. 1. v. 40. dicitur, *si vis, potes me servare*) atque eo sensu hoc loco, *si possibile est*, scil. per tuam voluntatem, & ut Lucas exponit, *si vis*. Nam ut transferretur poculum, requirebatur non sola Dei potentia, sed etiam operum potentia directrix voluntas; quæ quidem potentia vires non imminuit, sed modum operandi definit. Verum rursus objicitur. Esto, non pugnet hæc Christi deprecatio, cum pietate atque obedientia Deo debita: sapientiæ tamen adversatur. Petit enim à Deo sub conditione voluntatis illius, quod tamen per Dei voluntatem ac decretum possibile non esse optimè sciebat atque prædixerat: ideo frustra atque insipienter petit. Sed negatur consequentia: Etsi enim voluntatem Dei optimè sciret: memoria tamen illius divinitus est obscurata, partim immisso præsentis dolore: partim objecta imminenti passionis horrendæ cogitatione, quæ animam Christi turbavit, (ut antea etiam professus fuerat, Johan. 12. v. 27.) & memoriam ad breve momentum sine vitio tamen avertit: quia pars ea fuit perfectionis Christi pro nobis; & statim definitæ voluntatis Dei de passione recordatione, ab ea petitione destitit, & in illa voluntate Dei objecta animo acquievit: ut altera pre-cationis hujus pars, nempe approbatio demonstrat: cum ait, *veruntamen non ut ego volo, sed ut tu*, & ut Lucas cap. 22. expressius ponit: *Pater si vis transfer à me hoc poculum: veruntamen non mea voluntas, sed tua fiat*. Idque etiam ex repetitione hujus approbationis, in secunda pre-catione & tertia apparet, Matth. 26. v. 42. cum 44. *Rursus*, inquit, *secundò abiit, & precatus est, Pater mi, si non potest* (nempe jure, seu per tuam voluntatem) *hoc poculum transire à me, quin bibam ipsum, fiat voluntas tua*. Atque hac ratione apparet Christi deprecationem de poculo transferendo nec constantia debita, nec pietatis, nec sapientiæ officio repugnasse. Atque hæc de tota Christi pre-catione.

*Difficultatis ex Matth. 27. v. 9. & 10. Examen.*

**D**ignus est, citra omnem controversiam, vindice nodus in verbis Matth. 27. v. 9. *Tunc impletum est quod dictum est per Jeremiam Prophetam, dicentem; Et acceperunt triginta argenteos pretium illius æstimati, qui æstimatus est à filiis Israël, & dederunt eos pro agro figuli, sicut constituit mihi Dominus*. In cujus dicti explicatione admiranda varietate interpretes, cum prisca, tum novi certarunt. Duplex enim est quæstio; una de citato Jeremia Propheta: altera de recta prophetiæ sententia. Prima enim fronte in utroque impegisse videtur Matthæus Evangelista.

*De Prima Quæstione, An rectè Jeremias Propheta hic citetur.*

**O**ccasio hujus quæstionis est ea difficultas, quod in Jeremia Propheta (cujus hic meminit Evangelista) nullibi hæc prophetia invenitur, sed apud Zachariam. Nam quod de agro à Jeremia jussu Dei empto cap. 32. traditur, citra omne dubium omnino ab hac re, quæ à Matth. narratur, alienum est: ac propterea in citatione illius error videtur manifestus. Quem nodum ut expediant interpretes, quidam excusatione; alii negatione utuntur. Excusatio autem adfertur duplex inprimis: Quidam errorem Evangelistæ esse posse agnoscunt: veruntamen non animi, sed memoriæ lapsu. Quemadmodum Erasmus ait in annotat. ad hunc locum: *Cæterum, inquit, etiamsi fuisset in nomine duntaxat memoriæ lapsus, non opinor quenquam adeo morosum esse oportere, ut ob eam causam totius Scripturæ Sanctæ labascatur authoritas*. Verum ista excusatio principio Theologiæ repugnat *αὐτὸς ἴσα*, sic ait Dominus. Quippe tota Scriptura divinitus inspirata, 2. Timot. 3. ideoque morositas non est, sed pietas, si quis inscribendo Apostolum nullo modo errasse asserat: cum Ecclesia superstructa sit super fundamentum Apostolorum & Prophetarum, Ephes. 2. v. 20. Ideoque hic etiam apparet, alienum magis esse quod Aug. de consensu Evangelistarum lib. 3. cap. 7. ait, *Quid ergo intelligendum est, nisi hoc factum esse secretiore consilio providentiæ Dei, qua mentes Evangelistarum sunt gubernatæ*. Potuit enim fieri ut

animo

animo Matthæi Evangelium conscribentis pro Zacharia, Jeremias occurrerit: ut fieri solet quod tamen sine ulla dubitatione emendaret saltem ab aliis moribus, qui ipso adhuc in carne vivente, hoc legere potuerunt, nisi cogitares recordationi suæ, quæ Spiritu Sancto regebatur, non frustra occurrisset aliud pro alio, nomen Prophetæ, nisi quia ita Dominus hoc scribi constituit. Ratio autem quam adfert Augustinus aliena est, quod ob Prophetarum unum Spiritum & consensum, quæ ab uno dicta, singulis tribui possint. Sic enim ait: Cum igitur, & quæ dicta sunt per Jeremiam, tam sunt Zachariæ, quam Jeremie: & quæ dicta sunt per Zachariam, tam sunt Jeremie, quam Zachariæ; quid opus erat, ut emendaret Matthæus, cum aliud pro alio sibi nomen occurreret à se scriptum relegisset. Quam excusationem commentus est August. quia antea in eodem opere de consens. Evangelist. lib. 2. cap. 12. asseruerat, omnem falsitatem abesse ab Evangelistis, non solum eam quæ mentiendo promittitur, sed etiam obliuiscendo. Sed quam aliena sit ab omni usu Scripturæ hæc excusatio, per se patet, nam alioqui promiscuè, & alibi eadem adhiberi potuisset ratio. Quare alii interpretes non Evangelistæ, sed librariorum seu describentium errorem statuunt; vel quod nimis rapit describentes Jeremiæ prophetiam, hoc dictum negliger omiserint: vel esse in Evangelio, negligentius ab aliquo descripto, *σάμα γὰρ ἐστίν*, seu descriptionis lapsum; & pro Zacharia Jeremiam esse positum. Quos duos modos solutionis hujus nodi proponit Euseb. Cæsariensis. Episcopus de demonstratione Evangelica lib. 10. destratione 7. edit. Græc. edit. verò Latinæ 4. Nam quod in annot. ad hunc locum, Beza Eusebium ait censere cum August. esse *ἀναγνώσκοντες*: in eo ipso *ἀναγνώσκοντες* *ἡμῶν*, bona cum venia dictum sit, commisit, ut verba Eusebii evincunt. Priorem autem Eusebii solutionem non immerito ab aliis neglectam apparet. Neminem enim invenio qui vitium in Jeremiæ codice negligentia commissum statuatur; neque causa iusta subest. Alteram verò non pauci adducunt, ut ante Euseb. Origenes in Matth. cap. 27. eam etiam producit, & August. cum ait de consens. Evangelistarum lib. 3. cap. 7. si quis autem moveatur, quod hoc testimonium non invenitur in Scriptura Jeremiæ Prophetæ, & ideo putat fidei Evangelistarum aliquid derogandum: Primò noverit, non omnes codices Evangelistarum habere, quod per Jeremiam Prophetam dictum sit, sed per Prophetam. Possemus ergò dicere his potius codicibus esse credendum, qui Jeremiæ nomen non habent; dictum est enim hoc per Prophetam, sed Zachariam, unde putatur codices esse mendosos, qui habent nomen Jeremiæ: quia vel Zachariæ habere debebant; vel nullius; sicut quidam; sed tantum per Prophetam dicentem, qui utique intelligitur Zacharias. Hoc autem ut probabile ponit, etiam aliud ipsi, ut ostendimus modo, placuerit. Placet tamen non paucis Theologis magni nominis: sicut Calvino, hoc loco; cum ait, Quomodo Jeremiæ nomen obrepserit me nescire fateor, nec anxie laboro: Certè Jeremiæ nomen errore positum esse pro Zacharia, res ipsa ostendit. Et Wolf. Musc. ait; Apparet pro Zacharia positum Jeremiam à Scriba forte, qui putaverit Evangelistam de Ieremia sentire, qui agri emti mentionem facit cap. 32. Nam glossa ordinaria admonet in plerisque codicibus Latini non haberi Jeremiam, sed simpliciter, quod dictum est per Prophetam, dicentem. Sic etiam Beza arbitratùr alicujus imperitia, olim Jeremiæ nomen adscriptum, cum Evangelista, ut alibi sæpe, ita etiam hoc loco, tantum scripsisset *διὰ τοῦ προφήτου*. In qua conjunctura se eo quoque confirmari ait, quod in Syriaca versione vetustissima, non ascribatur ullius Prophetæ nomen; & tamen secundam addit conjecturam, quod in literarum compendiis facillè potuit *ζωὴν* in *ιω* mutari. Quam conjecturam clariss. Piscator, & alii non pauci sequuntur. Veruntamen quemadmodum hanc, Scribarum culpā, mutationem nominis, ut probabilem initio Aug. proposuit: ut antea ostendimus prolatis illius verbis: sic eam tamen non sequitur, certasque rationes adducit, cum ait; sed utatur ista defensione cui placet, mihi autem cur non placeat hæc causa est; quia & plures codices (Latinos intelligit) habent Jeremiæ nomen: & qui diligentius in Græcis exemplaribus Evangelium considerant, in antiquioribus Græcis ita se perhibent invenisse, & nulla fuit causa cur adderetur nomen, ut mendosius fieret. Cur autem

de nonnullis codicibus tolleretur, fuit itaque causa, ut hoc audax imperitia faceret, cum turbaretur questione, quod hoc testimonium apud Jeremiam non inveniretur. Hæc August. de cons. Evangelist. lib. 3. cap. 7. Ac sanè cum Origenes antiquissimus author, in hujus nodi solutione comment. in Matth. cap. 27. nullius variæ lectionis faciat mentionem, quā alioqui potuissent commodè uti: an ulla tum fuerit codicum diversitas in Prophetæ nomine, dubitari potest. Quare alii nulla excusatione, sive memoriæ Matthæi; sive Scribarum imperitiæ, usi, genuinam ac veram esse nominis Jeremiæ lectionem arbitrantur: sed bifariam. Quidam enim Jeremiam eundem, cujus extat sub eo nomine Prophetia (quamvis in ea non reperitur hæc verba) intelligi opinantur: sed in scripto apocrypho fuisse conservata: quod plura dixerit, quam scripserit. Idque primùm conjicit Orig. ad hunc locum, cum ait: suspicor aut errorem esse Scripturæ (hoc est, descriptionis, quod Euseb. ut antè ostendimus, Scribæ *σάμα γὰρ ἐστίν* vocat) aut esse aliquam secretam Jeremiæ Scripturam, in qua scribitur. Et post nonnulla subjicit: si autem hæc dicens aliquis existimat se offendere, videat ne alicubi in secretis Jeremiæ hoc prophetatur. sciens quoniam Apostolus scripturas quasdam secretorum profert, sicut dicit alicubi (scilicet 1. Cor. 2. v. 9.) quod oculus non vidit, nec auris audivit; In nullo enim regulari libro hoc positum invenitur nisi in secretis Eliæ Prophetæ. Item quod ait sicut Iohannes & Mambres restiterunt Moysi (scilicet 2. Tim. 3. v. 8.) non invenitur in publicis Scripturis, sed in libro secretorum, qui superscribitur Iohannes & Mambres. unde ausi sunt quidam in epistolam ad Timotheum repellere, quasi habentem in se textum alicujus secreti: sed non potuerunt, primam autem Epistolam ad Corinth. propter hoc aliquem refutasse quasi adulterinam, ad aures nostras non pervenit. Hæc Orig. ubi obiter observandum, Latinum interpretem pro Apocrypho sæpius secretum obscurius vertisse, deinde quod verba illa 1. Cor. 2. v. 9. in nullo libro regulari, hoc est, Canonico inveniri ait, non rectè asseritur. Quamvis enim in editione LXX, interpretum non ita appareat (id quod Originem movit) extat tamen Esai. 64. v. 4. Hebraicè: ut Hieron. Tom. 2. de optimo genere interpretandi, ad Pammachium, rectè observans ait: sed sicut Scriptum est, quod oculus non vidit, &c. solent in hoc loco, apocryphorum quædam deliramenta sectari, & dicere, quod de apocalypsi Eliæ testimonium sumtum sit, cum in Esaja juxta Hebraicum ita legatur. Cæterum conjecturam Orig. de apocrypho Jeremiæ firmat Hiero. cum ait in Matth. cap. 27. Legi nuper in quodam Hebraico volumine, quod Nazarenæ sectæ mihi Hebræus obtulit, Jeremiæ apocryphum; in quo hæc ad verbum scripta reperi. Alii verò in eo consentiunt, ab Evangelista vocem Jeremiæ positam, Matth. 27. & quidem sine ullo memoriæ vitio: quod scilicet hæc à Ieremia sint dicta: sed non ab eo cujus sub Jeremiæ nomine extat prophetia: sed ab alio, qui ut Erasmus in annot. conjicit, ac multi sequuntur, binominis fuerit, Jeremias simul, & Zacharias appellatus: in cujus Prophetia quæ hic recitantur, reipsa extant. Nam plurimos olim fuisse binomines extra omnem controversiam est. Atque hæc de variis hujus difficultatis solutionibus. Reliquum est, ut de iis meam quoque sententiam communicem. Primum igitur probabile videtur, culpā Scribarum, Jeremiæ nomen pro Zacharia positum: ac verissimilis est Clarissimi Bezæ conjectura, cum errorem accidisse ex veteri compendio scriptionis, ac pro *ζω*, *ιω*, hoc est, Zacharia, Jeremia lectum. Atque ita putarim salvo meliori iudicio, Apoc. 7. v. 6. similiter pro nomine *ωδ*, *Μανασση* (quasi *Μαν* contractum legerit Scriba) obrepisse: quod primùm ex eo liquere videtur, quod v. 4. dicitur ex omni tribu Israël obsignator *μαρτυροῦν* recenseri: quod alioqui, tribu Danis omiſsa, non constabit. Deinde quod cum v. 7. tribus Joseph numeretur, illa Manassen cum Ephraïmo simul complectitur, atque inde apparet Manassis nomen redundare: præsertim cum intervallo majore separatum à tribu Josephi hoc loco numeretur. Nam quod Lyranus lib. de Antichr. ait, propterea Danem omiſsum, quod ex ejus tribu Antichristus esset oriturus, quod Gen. 49. *Dan coluber in via* dicatur, ineptissima conjectura est, & proposita argumenta minimè attingit. Secundo loco probabile etiam est, nullum

nullum hic esse apud Matthæum descriptionis errorem; sed vocem Jeremiæ esse genuinam, & quidem vel ut Jeremias, sub cuius nomine extat prophetia, intelligatur: vel Zacharias Propheta. Ac priori modo tollitur objecta difficultas, quod Matthæus dicat impletum esse, quod dictum est per Jeremiam Prophetam dicentem; non autem quod scriptum est. Ideoque licet in scripta Prophetia non extet: inde tamen non sequitur, ab eodem non fuisse dictum. Plura enim Prophetæ dixerunt, quàm scripserunt. Scripserunt autem ad Ecclesiæ usum perpetuum, quæ Spiritus Sanctus delegit, atque ipsis scribenda inspiravit ac direxit. Quemadmodum Euangelistæ Christi dicta & facta singula scriptis non tradiderunt: sed quæ salutis nostræ sufficerent, Deo inspirante, consignarunt, Joh. 20. v. 30. 31. & 21. v. 25. Sic dictum Christi memorabile, *beatius est dare, quam accipere*, quod à Paulo citatur, Act. 20. v. 35. illud ab Euangelistis nullibi expressum est; etsi ex similibus colligi queat. Deinde 1. Cor. 15. v. 6: Christum post resurrectionem simul ac semel esse visum plusquam 500. fratribus, & v. 7. quod postea visus sit Jacobo: quorum neutrum tamen ab Euangelistis describitur. Sic in Veteri Testamento quædam à Mose omiſsa, quæ in Novo tamen recensentur: ut 2. Tim. 3. v. 8. Magorum duorum, qui Mosi in Ægypto resisterunt, nomina Jannes & Jambres: ut Ionathanis dicta paraphrasis Chaldaea Exod. 7. v. 11. eosdem ex traditione nominat: & Plinius histor. naturalis lib. 30. cap. 1. cum ait, *Est & alia Magices factio, à Mose & Jamne & Jothabe Judæis pendens, sed multis millibus annorum post Zoroastrem*. In quo ut impiè Mosen Magum statuit: sic imperitè & Magorum patriam & annorum calculum numerat. Si quis objiciat hæc omiſsa, ad historiam, non autem ad fidei dogma pertinere: ac propterea diversam esse rationem; Responderi potest, quæ hic narrantur à Matthæo, ad historiam quoque pertinere: neque fidei dogma constituere, sed tamen ad circumstantiam prodictionis Christi pertinere. Deinde illustris illa Enoch, septimi ab Adamo, Prophetia, epistolæ Iudæ v. 14 ad fidei articulum de ultimo judicio pertinens; nullibi tamen in Veteri Testamento traditur: sed ut sententiam traditione longa propagatam, & Apocrypho Henochi libro, ut veteres indicant, insertam ac vulgo notam, Spiritus S. Apostolo Iudæ inspiravit, & ea ratione à falsis traditionibus secernendo, sanctificavit. Quod idem in hoc Testimonio Jeremiæ Prophetæ accidere potuit, ut quod traditione acceptum, libroque Hebræo apocrypho insertum, atque ita, ut vulgo non ignotum: per eundem Spiritum Matthæo dictatum, atque ut verum ad Ecclesiæ ædificationem declaratum sit. Quo etiam quidam referunt locum Matth. 2. v. 23. *Nazareth vocabitur*; qui ut existimant, nullibi extet in scriptis Prophetarum; Sed contrarium aliàs explicuimus. Atque hæc, servata voce Jeremiæ, sententia prior verisimilis. Posterior verò (quæ etiam ordine tertia est) est, quæ statuit Zachariam Prophetam fuisse binominem, atque etiam Jeremiam dictum. Eamque expositionem tanquam simplicissimam & minimis difficultatibus obnoxiam, lubenter amplectimur. Nam licet Zachariæ alterum nomen, nempe Ieremias, in Veteri Testamento nullibi ei tribuatur; inde tamen non sequitur, eo caruisse, aut vulgo etiam id non fuisse traditione notum, & à Spiritu Sancto, hoc loco, libero delectu nominis positum. Neque homonymia (quasi erroris periculum esset) hic objici potest: quia verba Jeremiæ hic attributa, cum sint non ex altero Jeremia, sed ex Zacharia desumpta, eundem satis indicant, & ab altero Jeremia Propheta citra erroris periculum distinguunt. Quemadmodum idem ex aliis similibus ac perspicuis exemplis constat, in quibus pro nomine uno in Veteri Testamento posito, alterum ibidem omiſsum, pro arbitrio Spiritus S. in Euangelio est positum: ut binomines fuisse ex circumstantiis appareat. Primum illustre exemplum est Matt. 23. vers. 35. ubi Zachariæ occisi Pater vocatur Barachias, qui tamen non eo, sed altero tantum nomine, Iojada in Veteri Testamento, 2. Chron. 24. v. 21. nominatur; de quo intelligendum esse alterum nomen Barachiz, propria illius circumstantia evincit, nempe Filii Zachariæ cædes inter templum & altare; ut in Chro-

nicis traditur, & à Matthæo demonstratur. Alterum exemplum non minus perspicuum extat, Marc. 2. v. 26. ubi idem sacerdos vocatur Abiathar (filio suo Abiathari cognominis) qui 1. Sam. 21. v. 2. & seqq. tantum vocatur Achimelech, ut ejusdem omnino proprii facti, in Marco & Samuele, historia, nempe panis sacri, Davidi ab ipso porrectio, certò evincit. Atque ita nihil etiam absonum est, si Sp. S. similiter è duobus Zachariæ Prophetæ nominibus, alterum Jeremiæ pro suo arbitrio delegerit (ut Matt. 23. & Marc. 2.) & adjuncta Prophetia propria Zachariam intelligi ac binominem fuisse, hoc nomine indicet. Atque hæc ratione, satis clarè, primam hujus loci, de nomine Jeremiæ Prophetæ difficultatem, expeditam arbitramur; scilicet quod Zacharias Propheta designetur: Superest ut alteram de Prophetiæ & Matthæi convenientia expendamus.

*De secunda Questione, an Zacharia Prophetia à Matthæo rectè citetur.*

Prophetia autem extat Zachar. 11. v. 12. 13. hoc modo: *& dixeram illis, si bonum videtur in oculis vestris, date mercedem meam; si non, desistite: & appenderunt mercedem meam triginta argenteos. Dixit autem Iehova mihi, projice eos ad figulum, magnificentia pretii (id est, magnificum pretium) quo æstimatus sum ab illis: & accepi triginta illos argenteos, & projeci eos in Domo Iehovæ, ad figulum: Matthæi verò verba quæ ille Propheta ascribit, hæc sunt: & accepit triginta argenteos, pretium æstimati, quem æstimaverunt, à filiis Israël, & dederunt eos ad agrum figuli, sicut constituit mihi Dominus. Hæc Zacharias & Matthæus. Quæ inter se collata, primo intuitu scrupulum non exiguum lectori movent, quomodo scilicet inter se consentiant: id quod Hieron. quoque Comment. in Matth. 27. observavit, cum ait: *Hoc testimonium in Jeremia non invenitur, in Zacharia verò, (qui penè ultimus est 12. Prophetarum) quædam similitudo fertur: & quanquam sensus non multum discrepet, tamen & ordo & verba diversa sunt*. Unde ita objicitur; qui verba diversa & diverso ordine proponens Prophetiam citat, ille non fideliter eam citat. Atqui Euangelista Matthæus hoc facit. Ergo non fideliter. Sed negatur propositio: quia citatio non solum Prophetiæ, sed etiam cujusvis sententiæ, aut narrationis fidelis esse potest duobus modis: unus est ratione rei & circumstantiæ expressæ: alter ratione rei ac sensus tantum, quæ non minus fidelis est, quam prior: quando scilicet in citatione non additur totidem verbis, & ordine eodem, hæc prædicta: quemadmodum hoc loco Euangelista ait, *Tunc impletum est quod dictum est per Jeremiam Prophetam*: non autem ait, quod dictum est totidem verbis & eodem ordine; hoc enim non spectavit, nec spectare necesse erat; sufficit enim ei sensum seu summam rei, (ut sæpe fieri solet) fideliter referre; id quod etiam fideliter præstitit. Nam primum ait: *accepi triginta argenteos*, quod idem est cum eo quod Propheta dixit, *appenderunt mihi triginta argenteos*, & ut post ait *pretium*. Si quis objiciat à Matthæo dici, *acceperunt*, non autem *accepi*; respondemus (ut doctè Dominus Piscator observat) *ἵλατον* ambigüe dici, & tam posse verti in singulari *accepi*, quam in plurali *acceperunt*. Idem quod Matthæus ait, *pretium æstimati quem æstimaverunt*, convenit cum Prophetæ verbis ironicis, *magnificum pretium, quo æstimatus sum ab illis*. utrumque enim intelligitur de æstimatione venditi & empti à Judæis Dei Filii patefacti in carne. Verba autem sequentia apud Matth. à filiis Israël, durius videntur coherere cum præcedentibus: sed constructione duplici ab interpretibus difficultas tollitur. una est ut coherereant cum voce *ἵλατον*; atque ita clarior foret interpretatio, si ei conjungeretur in versione latina hoc modo, *Et accepi à filiis Israël triginta argenteos, pretium, &c.* Altera verò est, ut suo loco manens, cum proximo per ellipsin vocis *ἵλατον* quidam connectatur: quem æstimaverunt quidam è filiis Israël: quemadmodum Clarissimo Beza placet. utrumque autem probabile est, & Prophetiæ sententiæ consentaneum: sed secunda hæc constructio, verba prophetæ magis sequitur, *æstimatus sum ab illis nempe Israelitis*: quod idem est passivè cum*



vè cum activa oratione Matthæi, *estimaverunt me quidam è filio Israël*. Atque hæc de cohærentia versus noni Matthæi. Versus autem decimus est: *& dederunt eos ad agrum figuli*, pro quibus Propheta habet, *& projecit eos in domo Jeshovæ ad figulum*, eodem sensu. Nam *dederunt*, impersonaliter, Phrasi Hebræis usitata, pfo datus est, ponitur, ut Luc. 12. v. 20. *auferent animam tuam*, id est, auferetur, & alibi. A Propheta enim projectum pretium in templo: & datum deinde ad figulum, ut eo pretio accepto, agrum traderet. Quem sensum confirmant verba sequentia, *sicut constituit mihi Dominus*. Nam ea conveniunt cum Dei mandato, quo illud Propheta statuit faciendum, cum ait, *projice eos* (argenteos scilicet) *ad figulum*, id est in templo ad figulum, quemadmodum factum Propheta, quo Deo obtemperavit, consequens exponit. Quidam tamen putant, non legendum apud Matth. *id est, dederunt*, sed *id est, dedi*, quod ita legerit Syrus interpres: & aptius conveniat Propheta verbis. Veruntamen quamvis hoc doctè dicatur, antecedens tamen solutio nodum etiam solvit, & præterea consensu omnium Græcorum codicum comprobatur: à quo sine necessitate, ad lectionem corrigendam non est recedendum. Cæterum reliqua est primaria difficultas, quomodo historia Matthæi de triginta argenteis acceptis conveniat cum Propheta verbis: inprimis quod Zacharias narrat, se à Deo accepisse triginta argenteos, & in templo jecisse ad figulum. Atqui Matthæus narrat, id factum à Juda venditore Christi, & non ipsum ad emendum figuli agrum hoc fecisse, sed id consecutum per sacerdotes hypocritas ac superstitiosos. Verum solutio ab interpretibus commoda affertur; id quod tandem futurum erat Filio Dei in carne patefacto, non expressis omnibus circumstantiis narrari, sed summam rei per typum, ac similitudinem quandam Prophetice adumbrari. Deus enim apud Prophetam comparat se Pastori: quod ut pastor pro cura sua mercedem laboris requirere solet: sic fore ut ipse Filius Dei, homo factus, pro impensa sua opera (qua Judæos, verbi sui prædicatione, fideliter pavisset) quasi mercedem ac fructum laboris, respicientiam ac fidem reposceret: (ut in parabola vineæ, Matth. 21.) ipsos verò contra ingratos, odio acerbissimo, mercedis loco appensuros adversario ipsius Judæ proditori argenteos triginta. Deinde Judæ proditoris, factum, quo argenteos desperante pœnitentia relatos in templo projecit: eo non fine, sed eventu, ut ad agrum figuli, pro eo emendo, deferrentur: illud per simile Propheta factum, fuit adumbratum. Neque enim necesse est, ut in hoc typo aut aliis singula minutatim conveniant: sed tantum ut summa capita, quæ divinitus intenta ac proposita. Neque tales typi Prophetici sunt insolentes; qui vel extra visionem, vel in visione aliqua de rebus futuris contingunt. Ut in hoc ipso capite Propheta vers. 15. ostendit his verbis: *Tandem dixit mihi Jeshovæ; sume tibi instrumentum pastoris stulti*: id quod typus fuit futuræ tandem stultæ gubernationis Judææ, ut rectè Clariss. Junius ibidem exponit, & versus ipse 16. sequens ostendit. Sic apud Ezechielem complures Prophetici rerum futurarum typi cap. 3. v. 1. de esu voluminis, & cap. 4. de urbis Hierusalem obsidione; & v. 4. 5. & 6. de cubatione in latus sinistrum trecentis nonaginta diebus, & in dextrum 40. multaque alia ejus generis recensentur. Sic etiam Hose. 1. v. 2. & seqq. jubetur Propheta à Deo, ut assumat uxorem scortationum, & natos scortationum, cum omninò scortetur hæc terra aversa Jeshovam: Deinde Prophetam hoc fecisse, & ordine ternos liberos ita procreasse, ac nomina rem futuram Judæis designantia iis indidisse: id quod non propriè factum, quia justitiæ Dei repugnabat: sed in visione Prophetica populi scelera sunt adumbrata. Sic etiam hoc in loco typo quodam, ac parabola Prophetica, id quod in venditione & emtione Christi erat futurum, ratione pretii triginta argenteorum, & usus illius pretii, fuit significatum: & summam rei è Propheta Matthæus fideliter retulit, et si neque eodem ordine, neque eodem verborum numero, nec singulis circumstantiis expressis. Ideoque Matthæus eum Prophetæ locum, cum ait: *Tunc impletum est id, quod dictum erat per Prophetam fideliter retulit*; quia sensum illius summam re-

ctè expressit, nihilque protulit, quod non typo Prophetico fuerit significatum: quemadmodum ex collatione Matthæi v. 9. & 10. cum Propheta verbis atque sententia jam ante probavimus.

Atque hæc strictim, quemadmodum necessitas postulabat, ad hujus etiam secundæ quæstionis solutionem pertinent. Concludimus ergò verè scopum ac sensum Prophetiæ Zachariæ expressum: ut quæ rei futuræ non propriam descriptionem continet; sed impropriam; quod scilicet typo ac Parabola Prophetica actionum Dei, & populi Israëliti atque Propheta, adumbratur id, quod Filio Dei, à populi Judaici primoribus, & Juda similiter erat obventurum. Quemadmodum Joh. 19. v. 33. dicitur: Christi crucifixi crura non fuisse fracta: id quod v. 36. factum dicitur, ut Scriptura impleteretur; *illius os non confringes*. Id quod primò atque immediatè de agno Paschali dictum Exod. 12. Verum nihilominus etiam de Christo, mediatè per agnum Paschalem (tanquam typum Propheticum, 1. Cor. 5. v. 7.) adumbrato, prædictum: adeò ut illorum verborum Exodi sensus sit bimembris: primum enim membrum est, agni propriè dicti Paschalis os non frangendum; alterum est, nec Christi eo agno adumbrati. Causa autem cur agni Paschalis os vetitum sit fangi, non alia fuit, quàm ut ea re integritas crurum Christi, divinitus destinata, hac similitudine ac typo significaretur. Unde etiam videmus in hujusmodi typis esse convenientiam partim similitudinis, partim generis: similitudinis, ut agni Paschalis propriè sic dicti, & Christi agni metaph. generis verò, ut adjunctæ occisionis, sine crurifragio, utrimque communis. Sic etiam Deus Pater, Christi; & Propheta Jeremias, Judæ fuit typus, partim similitudine quadam acceptæ pecuniæ; partim projectione ejus in templo actione conveniente. Atque hæcenus de difficultatis Matth. 27. v. 9. 10. Examine, Reliquum est ut quædam è capite ultimo discutiamus.

*Vindicatio genuina Sententiæ Matth. 28. Ac  
primum de modo Exitus Christi  
è sepulchro.*

Christum à mortuis surrexisse & è sepulchro exiisse caret controversia: sed quia modus exeundi non est expressus, de eo quæritur an sepulchro omninò clauso atque obsignato permanente, per illud corpore suo penetrarit, nec ne. Prius enim contendunt Ubiquitarii; idque probari asserunt, primum rerum serie, quod nulla hic fiat mentio modi resurrectionis, sed tantum suscitati Christi: atque ad factam jam resurrectionem è sepulchro probandam, Angelum removisse lapidem ab ostio monumenti v. 2. & 6. Deinde à facto simili: nam Joh. 20. v. 19. per clausas fores corpore suo repente penetravit in conclave, & discipulis apparuit. Contra verò Orthodoxi hanc Corporis Christi per clausum sepulchrum & obsignatum penetrationem meritò negant: quia talis penetratio dimensionum, corpori verè naturali ac solido omninò repugnat: deinde è nullo Sacræ Scripturæ loco probatur. Nam historiæ resurrectionis series, (ut falsò obtendunt) hoc non demonstrat: quia exitus è sepulchro modi alii, naturæ corporis integritate servata, esse possunt, quam per naturæ solidi corporis repugnantem dimensionum penetrationem. Primus enim est, quod perquam probabile, per Angelum id esse factum, ut v. 2. dicitur: *Et ecce terræ motus factus est magnus. Angelus enim Domini cum descendisset de cælo, & accessisset, devolvit lapidem ab ostio*. Sed objicit Ægid. Hun. (ut etiam Lucas Oslander in Bibliis ad hunc locum recitat) non eo fine lapidem ab Angelo revolutum, ut resurgere posset Christus: sed hoc duntaxat consilio, ut vacuum sepulchrum ostendi posset: Et ratio, quam adducit, hæc est, quod in hac resurrectione declaratus fuerit Filius Dei cum potentia Rom. 1. Sed negatur Consequentia. Nam resurrectio Christi, de qua Paulus agit, est vivificatio illius: quam vi suâ divinâ effecit, ut Joh. 10. v. 17. & 18. eaque ipsum Filium Dei esse demonstravit: exitus verò è sepulchro est consequens resurrectionis à mortuis: quem efficere potuit primum mediatè, per Angeli ministerium: ut *Angeli potentiæ illius* vocantur, 2. Thess. 1. vers. 7. Ideoque potentiæ Christi Filii Dei minimè

minimè repugnat, si ad domini sui ac potentiae declarationem, Angelo cœlesti usus sit, tanquam ministro suo, ad lapidem sepulchri amovendum, Deinde etsi Christus ante amotum ab Angelo sepulchri lapidem redivivus è sepulchro exivisset, quod tamen nullà ratione probari potest: inde tamen corporis illius per sepulchri clausi lapidem penetratio non necessariò sequeretur: quia potuit Christus divina sua potentia subito lapidem sepulchri (ut ad exitum viam patefaceret) remove, & rursus adhibere, ac sigillum integritati suae restituere. Cujus rei ab Angelo quoque factae simile exemplum in historia liberationis Petri & Iohannis è carcere apparet, Actor. 5. vers. 19. Quo in loco narratur, Angelum, aperto carceris ostio, eos eduxisse: & v. 23. Carcerem nihilominus manè conclusum quam tutissimè inventum, & custodes astantes. Quare hoc Ubiquitariorum argumentum omninò infirmum est, & rectè vulgò traditur, Christum è sepulchro, lapide per Angelum remoto, exiisse.

Altera similiter adversariorum ratio nequaquam stringit. Nec enim (ut objicere solent) Iohan. 20. v. 19. asserit, Christum per fores permanentes clausas, suo corpore penetrasse: sed tantum advenisse, τὸν δὲ φωνήσαντος αὐτὸν foribus clausis, sive cum fores jam clausae essent. Quibus verbis ab Evangelista declaratur tempus ingressus Christi: non autem modus: quasi fores mansissent clausae, & per eas corpore suo penetrasset. Verba enim hæc sunt; *Et foribus clausis, propter metum Iudeorum, venit Christus, & stetit in medio*: non autem ait per clausas fores venisse: neque illud fuit necessarium. Potuit enim fores divina sua potentia subito aperire, ut Actor. 12. v. 10. Angelo cum Petro procedenti, porta ferrea ultro aperta, viam in urbem præbuit. Deinde etsi disputandi gratia daretur, manentibus foribus clausis Christum venisse in medium discipulorum: inde tamen non sequeretur, per eas fores solidas corpore suo solido penetrasse, quia alia via esse potuit, nempe ut paries vi divina illius fuerit apertus rursusque conclusus subito, ut minimè animadverteretur, ut de aperto carcere & concluso similiter antea ostendimus. Quare quod Ubiquitarii ex hoc loco velut simili, suam de penetratione lapidis sepulchri sententiam confirmare nituntur, omninò alienum est: quia antecedens eorum est falsa interpretatio, & consequentia quam inde deducunt, etiam infirma.

*Vindicatio Genuina Sententia Dictorum Christi, Matth. 28.*

v. 18. 19. 20.

**A**Tque hæc ad illustrationem Matth. 28. vers. 2. & 6. & genuinæ illius de exitu Christi è sepulchro sententiae, adversus Ubiquitarios vindicationem suffectura speramus: Reliquum est, ut duos præterea eorum errores, de Omnipotentia & Omnipræsentia, humanæ naturæ communicata, confutemus, ac deinde Anabaptistarum contra pædobaptismum argumentum expendamus, ac diluamus. Vtrique enim falsis suis dogmatis patrociniū quærunt, ex Apostolorum ad omnes gentes legatione, quæ Matth. 28. v. 18. 19. 20. describitur. Quæ descriptio duabus constat partibus. Prima est nova institutio ministerii Ecclesiastici apud omnes gentes exercendi. Deinde promissio præsentiae Christi: ut eo stimulo quasi lubentius ac constantius officium peragerent. Institutio autem ministerii illius describitur à fundamento suo, seu causa efficiente, ac ratione primaria; deinde à ministerii partibus. Causa ac ratio institutionis, tantquam per idoneam præfationem, proponitur à Christo v. 28. *data est mihi omnis aëria potestas in cælo & in terra*; unde v. 19. officium Apostolorum concludit. De cuius loci genuina sententia disceptatur.

*Quaestio est; An ex hoc loco probari possit, Humanam Christi naturam esse omnipotentem.*

**U**Biquitarii hoc affirmant: Orthodoxi verò negant: quod illorum fundamentum sit falsum, & argumentatio ex hoc loco perperam deducatur. Fundamentum qui-

dem falsum est, cum statuunt; quod per unionem personalem communicatae sunt humanae naturæ, proprietates divinae: ut est omnipotentia, omnipræsentia, omniscientia, &c. ut totidem verbis D. Jacob. Herbrandus in Compendio Theologiae, loco, de Christo, asserit. Hoc enim falsum est: quia proprietas communicari non potest. Nam proprium alicui esse seu soli convenire: & alteri communicari, seu non soli convenire, sunt manifestè repugnantia. Deinde proprietates hæc divinae sunt infinitæ, & ipsa Dei essentia ex communi omnium Patrum & Orthodoxorum consensu: ideoque humanæ naturæ Christi non sunt communicatae, quia ea nec infinita est, nec Deus Deinde argumentatio etiam adversariorum, qua ex hoc Matthæi loco errorum suum stabilire conantur omnino vitiosa est. Sic enim differunt: Cui data est omnis potestas in cælo & in terra, ei simul data est inhærens omnipotentia, ideoque est omnipotens. Atqui humanæ naturæ Christi (ipsomet teste) data est omnis potestas in cælo & in terra. Ergo humanæ naturæ Christi simul data est inhærens omnipotentia, ideoque est omnipotens. Verum negatur huius Syllogismi & propositio & assumptio. Propositio quidem: primum, quia nititur falsa hypothesis, quasi, potestas esse non posset sine potentia eam exequendi: cum hæc interdum sint separata, ut exempla illustra demonstrant. David enim Saulo Rege vivo, habuit omnem potestatem necessariam ad regnum, utpote à Deo per Prophetam Rex unctus: & tamen potentiam non habuit ante Sauli Regis obitum, sed tum demum eam est consecutus, nec tamen omnem initio: quia ad tempus, decem tribus Israelitarum Sauli filio paruerunt. Sic etiam humana Christi natura, licet potestate Angelis fuerit superior in statu humiliationis ante mortem: potentia tamen fuit inferior, Hebr. 2. v. 9: ut etiam ab Angelis fuit corroborata: quemadmodum traditur Luc. 22. v. 43. & à Dei auxilio ad tempus (ut pro salute nostra pateretur) deserta Matth. 27. v. 46. Sed post resurrectionem, Angelis ei subjectis, ac glorificata, iis facta est superior, Eph. 1. v. 21. 22. Unde etiam patet vanam esse exceptionem, qua Ubiquitarii uti solent: Si potestas data destituatur sua potentia, tum frustra est: hoc enim non consistit. Nam licet frustra esset, si perpetuo sua potentia ad potestatis executionem destitueretur, frustra tamen non est, quæ ad tempus tantum ea caret: quemadmodum Davidis, & humanæ naturæ Christi exemplis modò demonstravimus. Secundò vitiosa etiam est propositio: quia non est universaliter vera. Nam omnis potestas intelligi potest, vel simpliciter & absolutè: quæ prorsus nulli subest, omnia autem sibi habet subjecta: alia verò relatione tantum, ut quæ potestati alteri subest, & omnibus sibi subditis præest. Ac prior potestas infinita est ac solius Dei propria: cui soli summa in omnia potestas & regnum competit. Posterior verò potestas est subordinata, atque finita: qualis humanæ naturæ convenit, ut quæ potestati divinæ naturæ infinitæ subest atqui inferior existit. Ideoque omnis potestas non absolutè, sed relatè tantum humanæ naturæ convenit. Quocirca licet potentiam habeat glorificatus, ut potestatem suam exequatur; ea tamen omnis finita est, non autem eadem cum omnipotentia divinæ naturæ, quæ infinita est, ac propterea communicari naturæ finitæ non potest; quia Deo propria soli convenit, utpote essentia illius, non accidens, nedum commune. Atque hæc de propositionis vitiis. Assumptio quoque falso laborat testimonio. Nam Christus non ait hoc loco Matthæi, humanæ meæ naturæ data est omnis potestas; sed *mibi*; quæ vox non naturam, sed personam notat, ut Ioh. 8. v. 88. *antequam Abraham esset, ego sum*: unde non sequitur, ergo secundum humanam naturam: Nam hoc apertè falsum est; sed secundum divinam, utpote quæ æterna, omninò verum est. Sed rursus excipiunt hic adversarii: Christo omnis potestas data, aut quæ Deus, aut quæ homo: non autem quæ Deus, potestas ei data. Ergo quæ homo. Assumptionem ita probant; qui habet per se omnem potestatem: & per se summum est bonum: nullius indigens: illi omnis potestas dari non potuit. Christus, quæ Deus, habet per se omnem potestatem, & per se summum est bonum, idque perfectissimum, nullius indigens. Ergo Christo, quæ Deus, omnis potestas dari non potuit. Sed respondemus,

N

primi

Primi Syllogismi propositionem esse vitiosam: quia in ea non est sufficiens enumeratio. Nam disjunctio illa habet medium; omnis potestas Christo data est, aut secundum divinam, aut secundum humanam naturam; medium enim seu tertium est, aut secundum utramque. Nam Christo data est ab æterno omnis potestas absolute sumta, seu infinita, quatenus est Deus, per generationem æternam, qua Pater, filium generando, eandem singularem divinam essentiam, ac propterea omnem etiam infinitam potestatem ut Deitati propriam communicavit. Quo etiam sensu dicit Joh. 5. v. 26. *Ut Pater habet vitam in seipso, ita etiam Filio dedit vitam habere in seipso*. Deinde eadem potestas Christo, quæ filius Dei, in tempore data dici potest, per Metaphoram in similibus Scripturæ locis usitatam, *quando aliquid dicitur fieri, cum incipit patefieri*: ut alicubi monet Augustinus, quomodo nomen Dei sanctificari dicitur, non quod è profano fiat sacrum, sed quod tale patefiat, Mat. 6. v. 9. & sapientia à filiis suis justificari, cum iusta declaratur, ibid. c. 11. v. 19. & anima Dominum magnificare, cum magnitudinem illius patefacit, Luc. 1. Sic etiam Joh. 17. v. 5. loquitur Christus: *Glorifica me Pater eâ gloriâ, quam apud te habui, antequam hic mundus esset*: hoc est, eam gloriâ quæ carnis assumptæ atque afflictæ velo, ad tempus latuit, patefacito. Atque ita patefacta omnis potestas data dici potest, id est, datam esse declarata est: cum liberatus est ab humili naturæ humanæ statu, & Filius Dei declaratus est potenter, per resurrectionem à mortuis, Roman. 1. v. 4. Humanæ verò naturæ, ut antea ostendimus, data est à Deo omnis potestas, non absoluta, atque infinita: sed reſta ad creaturas, ac finita: quod scilicet cœli, terræque, Angelorum & hominum Dominus sit constitutus. Itaque potestas Christo data bifariam, primum propriè seu ratione actionis: Deinde impropriè ac metaphoricè ratione patefactionis illius. Propriè enim inde à nativitate data est illi ea omnis potestas, quia Christus seu unctus à Deo Patre in Regem, ac Dominum est erectus, Psal. 2. v. 1. 2. Actor. 4. v. 26. 27. Metaphoricè verò per similitudinem data est patefactione: quia latens illius potestas, ac dominium in cœlo & in terra, resurrectione ac glorificatione declarata est. Quo sensu etiam dicitur, Jesus crucifixus à Deo factus Dominus & Christus Actor. 2. v. 36. non propria actione; nam talis erat ab initio, Luc. 2. v. 11. 26. sed impropriè seu patefactione, cum suscitatus est à mortuis, & amplius cum postea ascendit in cœlum, ac sedit ad dextram Dei, & Spiritu Sancto misso, & collectione Ecclesiæ ex omnibus gentibus omnis illius potestas magis magisque patefacta est. Quare inde etiam prosyllogismi adversariorum propositionem falsam esse apparet. Nam quamvis Filio Dei genito dari non potuit propriè omnis infinita potestas; quia genitus eam habet; potuit tamen ei dari, ac data est, etiam, generatione æterna, quæ Pater Filio suam essentiam divinam ideoque 8: proprietates essentielles communicavit, ut antè ostendimus. Atque hæc de prima inter Ubiquitarios & nostros ex Matth. 28. v. 18. quæstione.

### Secunda Quæstio

Ex vers. 22.

*An ex illis Christi verbis, Ego sum vobiscum omnibus diebus usque ad consummationem sæculi, rectè probari possit, Corpus Christi esse ubique?*

**L**utherus, & affectu illius affirmant; Orthodoxi vero merito negant; quia & occasio sententiæ illorum: & modus probandi sacris literis adversatur. Occasio enim quæ eos movit antecedens ac prima, est error (ut vulgo vocant) de consubstantiatione: seu de corporis Christi, in pane & sub pane Cœnæ latentis præsentia. Altera vero consequens, est commentum Ubiquitatis, seu omnipræsentie corporis Christo, quo dum errorem priorem probare conantur, eundem geminant. Ac de priori quidem memorabilis est ipsius Lutheri confessio, Tom. 2. edit. Witt. de captiv. Babyl. pag. 66. his verbis: *Dedit mihi quondam, cum Theologiam Scholasticam haurirem, occasionem cogitandi Dominus Cardinalis Cameracensis lib. sentent. 4. a-*

*cutissimè disputans, multò probabilius esse, & minus superfluum miraculorum poni, si in altari verus panis, & verum vinum non autem accidentia esse astruerentur; nisi Ecclesia determinasset contrarium: postea videns quæ esset Ecclesia, quæ hoc determinasset, nempe Thomistica, hæc est, Aristotelica, audacior factus sum, & qui inter saxum & sacrum hærebam, tandem meam conscientiam stabilivi, verum panem verumque vinum, in quibus Christi vera caro, verusque sanguis non aliter nec minus sit, quam illi sub accidentibus ponunt. Hæc ille. Cardinalis autem cuius meminit est Petrus de Aliaco, qui quæstionibus in sententias, lib. 4. quæst. 6. art. 2. ea proponit. De posteriori vero errore idem Lutherus de Eucharistia tom. 7. Sermone, de Sacramento corporis & sanguinis Christi pag. 337. sic ait: *Nam quamquam nusquam non sit Christus, in omnibus etiam creaturis: & ego illum in silice, in igne, in aquis. addo etiam in laqueo invenire possum; sicut certò inest etiam laqueo; citra tamen verbum illic querendus non est, nec vult ut in flammis, aut in fluctus me ipsum, de scopulo aliquo præcipitem, aut obstructo collo literam longam ex me faciam*. Ex qua corporis Christi ubiquitate (quod vulgo minus videtur observatum) etiam Christianorum ubiquitatem deducit, ibid. pag. 336. *Ego docendum prædico, Christum sedere ad dextram Dei Patris sui dominantem omnibus creaturis, peccato, morti, vitæ, mundo, inferis, & superis, diabolis & Angelis. Hæc ubi credideris jam in corde tuo, Christum habes, ita sit ut tuum cor in cælo sit, non in speciem, aut per somnium, sed plane veraciter; ubicunque enim locorum ille est, ibi te quoque esse necesse est*. Ut autem hanc ubiquitatem corporis Christi adversarii probent, hanc imprimis Christi promissionem, *Ego sum vobiscum*, urgent: sed modus argumentandi vitiosus hic est. Christus dicit: *Ego sum vobiscum* omnibus diebus ad consummationem sæculi: Ergo Christus secundum utramque naturam nobis est præsens, & per consequens etiam suo corpore: ac propterea illud est ubique. Negatur enim consequentia: quia nititur falsis hypothesebus; quarum prima est in explicatione vocis *ego*: nempe quod quæcunque Christus sibi sub voce *ego* tribuit, ea intelligi debere simpliciter, seu secundum utramque naturam, quod apertè falsum. Nam quamvis nomen *Ego*, ut objectant, sit nomen personæ: & tota, hoc est, indivisa persona *divinæ & humanæ*, divina & humana natura constans, denotetur: inde tamen minimè sequitur, simpliciter, seu secundum utramque naturam esse intelligendum. Nam interdum quidem simpliciter secundum utramque naturam, pro attributi ratione communi accipitur; ut Johan. 8. vers. 12. *Ego sum lux mundi*, & Actor. 9. vers. 5. *Ego sum Jesus*: Sepius verò secundum quid, ratione alterius tantum naturæ, sive divinæ, sive humanæ intelligitur. Divinæ quidem; ut Ioh. 8. v. 58. *Antequam Abraham esset, ego sum*: & 10. v. 30 *Ego & Pater unum sumus*, id est eadem essentia. Humanæ verò, ut Marc. 10. v. 38. *Potestisne bibere poculum, quod ego bibiturus sum & baptismo baptizari, quo ego baptizor*, Matth. 26. v. 39. *Veruntamen non quod ego volo, sed quod tu*. Secunda falsa hypothesis est: in expositione phrasis (seu prædicati de subjecto *Ego*) *sum vobiscum*; quasi designaret tantum propriè essentiæ præsentiam; cum sæpius per metaphoram auxilium designet: quemadmodum Genes. 48. v. 21. *Eritque Deus vobiscum*, & Exod. 10. v. 10. *Ita erit Jehova vobiscum*: & Phil. 4. v. 9. *Deus pacis erit vobiscum*. Quæ præsentia non propria essentiæ est: nam ita citra discrimen, Deus est cum omnibus creaturis, utpote infinitus: sed de præsentia auxilii, qua Ecclesiæ peculiariter adest: quemadmodum præsentis auxilii destitutio, desertio dicitur: quo etiam modo Christus ait; *Deus mi, Deus mi, quid me deseruisti?* Deinde quod secundo, ex consequentia prima, Christus nobiscum est omnibus diebus, ergo secundum utramque naturam, colligunt. Deinde, ergo Christi corpus est ubique: similiter vitiosa est hæc consequentia: quia Christus potest merito secundum utramque naturam dici præsens. Primum quia præsentia essentiæ alicujus est duplex: immediata: sicut Deus, quia essentia illius est infinita, cœlum & terram implet, Jerem. 23. vers. 24. ac propterea immediatè ubique præsens, essentia sua nobiscum est, Psal. 139. v. 8. 9. 10. Actor. 17. v. 27. 28. vel mediata,*

mediata, per vinculum aliquod intercedens: quomodo caput præsens est omnibus membris: quia ab eo separatum non est, sed eadem anima & nervis coherens, unitur. Similiter Christus secundum humanam etiam naturam caput suæ Ecclesiæ, cum ea unum est, Ephes. 5. v. 31. & 32. Unionem mysticam per eundem Spiritum Sanctum. 1. Cor. 12. v. 20. & 27. qui Spiritus per fidem nos ipsi coniungit. Ideoque licet Christus sit in cælo suo corpore, nos verò in terra, hoc tamen unionis vinculo conjunctus nobiscum semper est. Deinde ratione præsentiæ auxilii etiam adest nobis, quatenus & suà apud Patrem intercessione, 1. Johan. 2. vers. 1. semper interpellat pro nobis, Roman. 8. vers. 34. & Hebr. 7. vers. 25. & orat Patrem, ut alium consolatorem det nobis, ut maneat nobiscum in æternum, Spiritum, illum veritatis. Deinde Ecclesiam descendit variis modis: ut cum hostes illius interdum è cælo prosternit, ut Paulum Actor. 9. vers. 4. & 5. partim Angelorum ministerio curat, ac tuetur, Heb. 1. vers. 14. Actor. 5. vers. 19. & 12. vers. 11. Atque ita Christus est nobiscum suo auxilio, secundum utramque naturam, divina natura faciente quod suum est; nempe Spiritus sui efficacia ministros Evangelii idoneos efficiendo, vocando, consolando, & fidem ac charitatem per regenerationem in auditoribus operando, Ecclesiamque totam adversus tentationes atque insultus Satanæ & mundi defendendo: Deinde humana quoque natura faciente quod suum est, partim intercedendo apud Patrem, pro ministerii & Ecclesiæ per Spiritum Sanctum propagatione, ac defensione; partim eam, ut antè monuimus, variis mediis, finita etiam sua virtute, Angelis & hominibus superiori, confirmando. Nam corporis Christi in his terris immediatam præsentiā, & ubiquitatem non posse hoc loco intelligi, analogia fidei evincit, ut Christi dicta ac facta testantur. Dicta; ut Johan. 11. vers. 15. *Gaudeo propter vos, ut credatis, quod ibi non fuerim, sed eamus ad eum;* & cap. 12. vers. 8. *Pauperes enim semper habebitis vobiscum, me verò non semper habebitis;* & cap. 14. vers. 3. *Si vero, parabo vobis locum, & rursus veniam, & assumam vos, ut ubi ego sum, & vos, sitis;* & cap. 16. vers. 28. *Rursus relinquo mundum* (hoc est, terram) *& proficiscor ad Patrem.* Idemque facta declarant, quia cum Christus hisce verbis ministerium Evangelii instituit, & præsentiā suam est pollicitus, è terra per aërem susceptus est in cælum, & sedit ad dextram Dei, Marc. 16. vers. 19. Nec in terra, sed ibi est in cælo, Coloss. 3. vers. 1. 2. Atque ibidem manere oportet ad ultimum diem restitutionis omnium, Actor. 3. vers. 21. ac tum demum inde rediturus, Actor. 1. vers. 11. ut etiam articulis fidei continetur. Denique veritati corporis Christi ubiquitas adversatur. Nam cum ad veritatem corporis humani requiratur distinctio membrorum & capitis, (ut caput non sit in calcaneo, sed suo loco; nec calcaneus in capite, sed suo loco) ea prorsus tollitur, si corpus Christi statuatur ubique, & manifestam contradictionem implicat: ut Christi corpus non sit corpus, imo totum Evangelium de Christi corpore evertit. Nam si ex unionem hypostatica oritur necessariò ubiquitas Christi corporis, (ut Ubiquitarii contendunt) inde sequitur, id non solum esse conceptum in Mariæ virginis utero, sed etiam (ne quid amplius dicam) in omnium sceminarum utero; imò non natum esse ex Maria virgine, quia nativitas est ex utero in quo erat, in lucem, ubi non erat, productio: quod ubiquitate corporis Christi positā omninò negatur. Nam quod ubique est, illud è nullo loco egredi, nec in locum ullum pervenire potest: hæc enim sunt repugnantia. Sic omnia humanæ naturæ Christi dicta & facta, non certis tantum locis, sed omnibus ubique contigissent; nec solum in Judæa fuisset crucifixus, nec in unico ligno, sed in omnibus ubique terrarum, imò cruci affigi (quia loci mutationem requirit) non potuisset: neque etiam à cruce auferri: nec sepulchro inferri ac concludi; neque inde etiam resurgere atque exire; ac falsa esset Angeli gratio: *exiit, non est hic:* nec relicta terra, per aërem nube subvectus ascendere potuisset in cælum, nec inde redire: quia hæc omnia loci mutationem, seu recessum ab uno loco &

accessum ad alium, necessariò notant, quæ ubiquitati repugnant. Nam quod obijcere solent, modo naturali seu præsentiā locali Christi corpus tantum esse uno in loco: sed modo cælesti, ac præsentiā supernaturali esse ubique seu omnibus in locis, illud contradictionem non tollit, sed confirmat. Fingit enim duos veri corporis propriæ in loco præsentiæ modos contrarios. Nam corpus Christi pro corporis naturalis, & quidem nobis per omnia similis ratione, pro triplici sua dimensione (id est, longitudine, latitudine, & profunditate,) & membrorum vera, ac necessaria, locis diversis positione (ut cerebrum sit in capite, non in corde, nec cor in cerebro) necessariò suo loco circumscribitur. Ideoque idem corpus (ac per consequens, omnia illius membra, atque articulos eorum) omnibus esse in locis, naturæ veri corporis humani, ut quæ distincta est ac finita, clarissimè repugnant. Ac propterea modus, quem fingunt, supernaturalis ac cælestis, mera sunt verba ac merum figmentum: quia non solum diversus est à natura, ac supra eam; sed etiam è diametro adversus naturam; quia idem corpus statuit finitum simul, ac circumscriptum suisque membris loci diversitate distinctum, & nihilominus contra infinitum & incircumscriptum, nec suis membris loci diversitate distinctum: adeò ut exempli gratia, cor Christi non solum sit extra cerebrum in corpore medio, sed etiam simul modo cælesti in cerebro, & singulis corporis membris, quod ubiquitas statuit, ut alia absurda omittamus. Quare ex hisce satis apparet, ex illis Christi verbis: *Ego sum vobiscum usque &c.* non posse rectè concludi, corpus Christi esse ubique; sed contra, illud ab hac sententia alienum, & simul analogiæ Scripturæ, & corporis veritati repugnare. Reliquum est, ut genuinam v. 19. sententiā, adversus Anabaptistarum perversionem vindicemus.

### Quæstio est,

*An infantum Baptismus ex hisce verbis queat consulari?*

Ubi primum extra controversiam est, infantes non Christianorum, Turcarum, Judæorum, aliorumque à professione Christi alienorum, non esse baptizandos: quod à fœdere Dei sint alieni: sed de baptismo infantum ex Christianis parentibus natorum quæstio est, an is ex hac Christi sententia queat consulari. Anabaptistæ quidem hoc statuunt, & pertinaciter propugnant: Contra verò Orthodoxi rectè hoc pernegant, & ad examen argumentationis illorum provocant. Ea autem hæc est; qui doceri non possunt, illi non sunt baptizandi: Ratio, quia doctrina præcedere debet baptismum, teste Christo, *Ite, docete omnes gentes, baptizantes eos.* Atqui infantes doceri non possunt, ob intellectus immaturi imbecillitatem: adeò ut ne discrimen quidem dexteræ & sinistræ suæ norint, Jon. 4. vers. 11. Ergò infantes non sunt baptizandi, ubi constructio, obiter observanda. Nam vox *ἔθνη*, *gentes*, est neutri generis, & pronomen *αὐτοῖς* eos masculini: quia est, ut vocant *σύνδισσις*, qua vocis synonymæ genus attribuitur, ut hoc in loco vocis *λαῖς*. Qualis constructio est Matth. 21. vers. 28. *τίκτον* neutro genere, cum quo v. 29. *ἰσχυρὸν* masculino genere jungitur, & Galat. 4. vers. 19. *παιδὲς καὶ ὁλοὶ ἀδελφοί*, ubi constructio refertur ad vocem synonymam *παιδὲς*. Respondetur autem negatione propositionis bifariam: Primum quia probatione è Scriptura sacra destituitur: Christus enim non ait, *docete*, sed *μαθητεύσατε*, hoc est, *Discipulos facite*: ut à quibusdam eruditissimis interpretibus observatum. Et sane ea voce hoc notari, inductione locorum Scripturæ, ubi ponitur, non minus quam etymo vocis constat: ut Matth. 27. vers. 57. *ἔμαθον τὸν ἰησοῦν* id est, *ἔμαθον τὸν ἰησοῦν*, erat discipulus Christi, ut Johannes, cap. 19. v. 38. De eodem Josepho Arimathæensi exponit. Deinde, Actor. 14. vers. 21. *ἠκούσαντες οὖν τὸν λόγον τοῦ κυρίου καὶ ἐκείνου καὶ μαθητεύσαντες ἱκανοὶ, εὐαγγελίζοντο ἐν τῇ πόλει, & διδύσαντες πολλοὺς.* Nam quod interpretes, vulgatus & alii, *docentes* vertunt, illud huic loco minus convenit: quia vox *μαθητεύσαντες* tanquam consequens



sequens prædicati Euangelii, à prædicatione ipsa distinguitur. Quamobrem vocis huius usus non est alius in Scriptura, quam ut significet, *discipulos facere*. Deinde ut Christus non dicit; *docete & baptizate*, sed *discipulos facite baptizantes, &c.* *Docentes eos servare, omnia quæ mandavi vobis*. Sic hisce verbis, faciendi discipulos modum, duobus gradibus definit, baptismo & doctrina Christi universa. Ac propterea si verba urgeantur Matthæi, seu ordo eorum, inde potius concludendum, baptismum debere præcedere doctrinam. Si forte objiciatur Marc. 16. vers. 25. & 16. dici, *Prædicate Evangelium universæ creaturæ* (nempè humanæ *καὶ ἑσχατῆς*,) *qui crediderit, & baptizatus fuerit, salvus erit*; ac propterea inde sequi quod prædicatio & fides præcedere debent baptismum: illud minimè sequitur, nec solutionem datam infringit: quia Marcus alteram tantum partem faciendi discipulos breviter exprimit, cum ait, *prædicate Evangelium*, hoc est, doctrinam de Christo, & hominum resipiscencia ac fide: Matthæus verò plenius ac distinctius utrumque modum faciendi discipulos gradatim proponit: nempe primum baptismum, & infantes obligantur, disciplinæ, simulac capaces erunt, suscipiendæ: Deinde doctrinam Euangelii, quæ fidei in Christum & resipiscentiæ observationem exigit. Quod autem à Marco dicitur, *qui crediderit & baptizatus fuerit*, ita ut credendi vocem baptismum præponat: inde tamen non sequitur, fidem necessariò debere præcedere: quia non semper verborum ordine, nativam rerum seriem, & ordinem Evangelistæ indicant, sed promiscuè; ut Evangelistarum in eadem re narranda ordinis diversitas crebra ostendit. Deinde ne longius abeamus, idem ex ipso Marco cap. 1. v. 4. demonstratur, cum ait: *Baptizabat Johannes in deserto & prædicabat baptismum resipiscentiæ*. Si objiciatur, eodem modo dici posse, etsi apud Matthæum dicatur: *baptizantes in nomine Patris, &c. docentes observare, quæ præcepi vobis*, ordinem rerum necessariò inde non posse concludi, agnoscimus: at hoc sufficit ad probandum argumentum adversariorum non esse necessarium. Verùm ut hæc responsio ad insolentem Anabaptistarum jactationem retundendam idonea est; sic altera deinde responsio, quæ adferri solet, solida: qua scilicet etiam negatur propositio, quia ea non est universaliter vera. Quamvis enim vocem *καὶ πάντας* sumeremus cum plerisque, pro *docete omnes gentes, baptizantes illos*; tamen non juvat. Christus enim hic loquitur, non de infantibus; sed de adultis, qui doctrinæ sunt capaces; & quidem de incredulis à fœdere, & signo ac sacramento illius, (quo fœdus obsignatur) alienis; qui propterea per doctrinam Euangelii, ad fidem in Christum erant adducendi, ut per eam fœderati facti, baptizarentur: Ac propterea in omnibus incredulis gentibus, tam Judæis, quam reliquis adultis, hanc rationem servarunt Apostoli: In Judæis quidem ad fidem conversis,

Act. 2. v. 41. *qui libenter sermonem illius acceperunt, baptizati sunt*. In reliquis verò similiter, ut Act. 8. v. 35. Æthiopi dynastæ primum Evangelium à Philippo prædicatum est Dei jussu, & baptismum, eo audito, postulanti, post fidei in Christum professionem editam, baptismus est collatus vers. 37. Postquam igitur per fidem facti sunt Deo fœderati, baptismum susceperunt, fœderis & promissionis divinæ sigillum. Ac similiter, liberi ex iis nati, facti sunt fœderati Deo, ut Genes. 17. v. 7. *Ego sum Deus tuus, & seminis tui post te*. Ut enim ea causa fuit, cur Abrahamo adulto circumciso, liberi illius & posteri infantes, etiam sunt circumcisi: sic eadem causa est, cur adultis parentibus ad fidem conversis, baptismus sit conferendus, & liberi eorum infantes etiam sint baptizandi: quemadmodum ex Apostoli Petri argumentatione ad Judæos adultos proposita, apparet, Act. 2. v. 38. & 39. *Resipiscite, & baptizetur quisque vestrum in nomine Jesu Christi, ad remissionem peccatorum & accipietis donum Spiritus sancti. Vobis enim & liberis facta est promissio*: Ubi idem omninò argumentum baptismi recipiendi à Petro, commune adultis & liberis, statuitur. Sic enim plenus erit syllogismus: quibus promissio illa est facta à Deo, illi sunt baptizandi: vobis & liberis vestris facta est illa promissio. Ergo vos & liberi vestri baptizandi. Nam quamvis de adultis tantum concludat Apostolus: ob communem tamen rationem, necessariò de liberis etiam concludi potest ac debet. Ac propterea, ex hac Christi de gentibus sententia, *καὶ πάντας* omnes gentes, baptizantes eos, concludi non potest, infantum Christianorum baptismum confutari: Primum, quia ut ostendimus *καὶ πάντας* non necessariò hic (imò nullibi in sacris literis certò) significat *docete*: sed *discipulos facite*. Deinde licet illud non significaret, hic ordo tamen ad solos adultos, eorumque baptismum esset referendus: non autem absolute universale baptismi subjectum definiretur: quemadmodum antea ostendimus. Veruntamen objici posset contra primam solutionem, Si ea recta esset, tum in adultis baptismus etiam præmittendus doctrinæ & fidei eorum, id quod citra controversiam omninò alienum est. Verùm rursus negatur consequentia. Nam quamvis vox *baptizantes* post vocem *καὶ πάντας*, *discipulos facite*, priori ordine ponitur: *docentes* verò posteriori, non sequitur tamen, universè in quibusvis eundem hunc ordinem observandum: quia hoc modo partes officii ministrorum Euangelii, proponuntur, quæ pro baptizandorum ratione diversa, diversum in praxi ordinem postulant: ut scilicet in his, qui doctrinæ capaces sunt, doctrina & fides præcedat baptismum: in aliis verò, qui doceri non possunt per naturam, & quia parentibus Christianis nati, Deo fœderati sunt, baptismus, in signum fœderis illius, ad futuram fidem obligans, præcedat doctrinam.

Atque hæc adversus Anabaptistarum errorem dicta.

## FINIS EXPLICATIONIS

### LOCORUM MATTHÆI.

FRANCIS-

## FRANCISCI GOMARI

S.S. Theologiae Doctoris &amp; Professoris,

SELECTORUM,  
EUANGELII LUCÆ

Locorum, (CAP. 1. &amp; 2.)

## ILLUSTRATIO.

**R**ECLARE Irenæus adversus hæres. lib. 3. cap. 1. ait: *Non enim per alios dispositionem salutis nostræ cognovimus, quam per eos, per quos Evangelium pervenit ad nos, quod quidem tunc præconaverunt, postea verò per Dei voluntatem, in Scripturis nobis tradiderunt fundamentum & columnam fidei nostræ futurum.* Hæc ille. Ac propterea, in eò declarando, pro modulo nostro; operam nostram conferendam duximus. Nam ut in Matthæo antea versati sumus; ita simile studium in Lucæ Evangelio (quod non pauca habet singularia) adhibere, nec inutile, neque ingratum fore speramus. Antequam verò telam illam ærdiamur, nonnulla de titulo prætexenda. siquidem duo in eo expendenda occurrunt, *authoritas illius, & sententiæ veritas.*

## De Authoritate Tituli.

**Q**Uæritur an ea sit divina, an verò humana? Prius nonnulli; Posterius verò alii non temerè statuunt: idque probari potest, ex maxima illa brevissimi in ipso limine tituli varietate, quæ in exemplaribus Græcis ad MSS. codices expressis, atque impressis, apparet: Quippe non solum in verborum ordine, sed etiam numero, inter se discrepant. Nam Haganoensis editio anno 1521. ita habet *Εὐαγγέλιον κατὰ Λουκᾶ*: ut etiam Basiliensis Bebelii, anno 1531. cum præfatione Oecolampadii: & Novum Testamentum Roberti Stephani filii, minori forma in 16. anno 1569. & Plantini. Contra verò in aliis, inverso ordine & voce, *κατὰ Λουκᾶν*, addita legitur; *κατὰ Λουκᾶν εὐαγγέλιον* ut in laudabili illa Henr. Steph. minori forma, editione 1576. Deinde etiam in reliquis inseritur vox *ἀγιος*, ut in illustri illa editione Complutensi *κατὰ Λουκᾶν ἁγίου εὐαγγέλιον*: & in Nov. Testamenti Roberti Stephani Patris ad 16 MSS. codices collati editione, forma majori, & in Parisiensi Simonis Colinaei anno 1534. & in Basiliensi Brillingeri anno 1558. Quibus alium, ab hisce omnibus diversum, in Syriacæ versione, titulum adjungemus *קריש ספרמא דלוקוס סברמא דלוקוס קריש* *Evangelium sanctum prædicationis Lucæ Evangelistæ*; quibus verbis etiam annectitur, *qui locutus est & prædicavit in Alexandria magna.* Ex qua multiplici varietate tituli, ab opere secreti, satis constare potest, nullum ab Euangelistâ titulum operi præmissum: alioqui in illa brevitate, tantam diversitatem, neque descriptores, qui in initio laboris diligentiores esse solent, neque Ecclesia unquam admisissent. Nam si genuinus aliquis ac divinus exstitisset titulus, sine impietate magna, ista verborum additio, detractio, & transpositio, nec fieri, nec ferri potuisset. Deinde si Euangelistâ noster in altero suo Actorum Apostolicorum libro titulum non præfixit, quid mirum, si huic operi non præmiserit? Non præfixisse autem non solum ex codicum varietate, sed etiam ex editione Compl. quæ ex antiquissimis & præstantissimis exemplaribus expressa, patet. In qua hic titulus: *κατὰ Λουκᾶν τὸ εὐαγγέλιον κατὰ Λουκᾶν τὸ εὐαγγέλιον*. Quis autem credat Lucam Evangelistam, pro sua modestia, tam insolenti Apostolis & Evangelistis titulo, sese sanctum nominasse. Quare autoritas tituli Evangelio huic præfixi, non divina est; sed humana: ut qui non à Luca; sed ab Ecclesia, illud Evangelium, ab aliis distinguente, promanavit; ut in reliquis libris sacris accidisse, alibi ostendimus. Cæterum in

tanta varietate, ut simplicissimum, sic antiquissimum hunc titulum initio memoratum aabitratur, *Evangelium secundum Lucam.* Atque hæc de authoritate hujus tituli: sequitur.

## De veritate Sententiæ illius.

**Q**Uum autem hæc veritas nihil aliud sit, quam tituli cum opere, cui præponitur, convenientia; ea, ob communem omnium consensum; non tam probationem, quam declarationem requirit: quæ in partium iudicio atque explicatione consistit. Partes autem sunt duæ, prior libri *subiectum*, seu rem, quæ eo describitur, posterior *causam efficientem*, seu eum, qui descripsit, complectitur: *Subiectum* est Evangelium, seu de Christi *nativitate, vita*, (id est, dictis ac factis) & *morte illius, ac resurrectione*, historia; ut Act. 1. v. 1. 2. scriptor testatur, & scriptum etiam perspicue demonstrat. Quæ verò ad Evangelii vocem & naturam cognoscendam amplius requiruntur, ea *thesibus disputatis* plenè sunt exposita. *Causa* verò *efficientis* indicatur his verbis, *κατὰ Λουκᾶν*, hoc est, *per Lucam*, ut *κατὰ secundum*, pro *si* interdum usurpari constat: ut non primus author, sed primi minister indicetur: qui Evangelium Deo authore descripsit. Quod licet post antiquissimum Irenæi, lib. 2. cap. 11. interpretem, *secundum Lucam*, vulgò etiam transferatur, non satis Latine dici videtur: cum talis vocis, *secundum* significatio, nondum, veterum authorum Latinorum exemplis, confirmata appareat. Ac propterea hoc considerasse videtur Cyprianus, cum vitata istius vocis insolenti abusione, Græcam ita retinuit, Evangelium *κατὰ* Matth. *κατὰ* Lucam &c. lib. 2. sect. 8. adversus Judæos. Tertull. verò adversus Marcio. lib. 4. cap. 2. sensum Latine ac rectè exprimens, *Evangelium Lucæ* appellat ut etiam Ruff. in explic. Symboli. Nam ut Pauli, & aliorum Apostolorum Epistolæ, in eorum titulis, nominantur, non quod earum sint causa principalis (quod soli Deo convenit) sed ministra, quod per eos Deus illas tradidit: sic etiam Evangelium Lucæ & aliorum eadem ratione nominatur. quemadmodum & Christus libros Moysi Marc. 12. v. 16. & Stephanus Actor 7. v. 42. librum Prophetarum appellavit.

● Ad Lucam verò Evangelistam quod attinet, ejus descriptionem nobis exhibuit primum Hieron. tom. 1. Catalogi Script. Ecclesiasticorum Sect. 17. *Lucas inquit Medicus Antiochenus, ut ejus Scripta indicant, Græci sermonis non ignarus, Sæctator fuit Apostoli Pauli, & omnis peregrinationis ejus comes; scripsit Evangelium de quo idem Paulus, Misimus, inquit, cum illo fratrem, cujus laus est in Evangelio, per omnes Ecclesias: & ad Coloss. salutat vos Lucas medicus: & ad Timoth. Lucas est mecum solus &c.* Deinde Dorotheus Martyr Tyri Episcopus, in Synopsi, vitam Lucæ Græcè descripsit; quam Rob. Steph. in præfatione Lucæ exhibet: cujus hæc sententia est; Lucas Evangelistâ Antiochenus quidem fuit genere; medicus verò arte. conscripsit quidem Evangelium procuratore Petri Apostoli: Acta verò Apostolorum procuratore Pauli: peregrinatus enim est cum Apostolis ac maxime cum Paulo. cujus etiam mentionem facit Apostolus in Epistola; *Salutat vos Lucas Medicus*: mortuus est Ephesi, & ibidem sepultus. Denique Theoph. quoque in præfatione sua ante Evangelium Lucæ, vitam il-

lius descripsit. Sed hæc sufficient. Quia in re, certum est ac citra controversiam, duobus locis, ab Apostolo Paulo, Lucam Evangelistam commendari, Phil. v. 23. 24. *Salutate &c. Aristarchus, Demas, Lucas, &c. qui sunt mei adiutores mei.* & 2. Tim. 4. v. 11. *Lucas est mecum solus.* Sed an aliis duobus in locis Col. 4. v. 14. & 2. Cor. 8. v. 18. idem intelligatur, iudicia doctorum variant. De prior Col. 4. v. 14. *Salutat vos Lucas medicus ille dilectus*, communis penè omnium sententia est, non alium, quam Evangelistam eundem intelligi, ut ex Hieron. & Dorotheo. antè ostendimus. cui Theodoretus & Theophylactus ad eum locum, alique Patres consentiunt. Contra verò doctissimus interpres, alium esse Lucam contendit. Ratio autem illius est, quod Lucas notior fuerit, quam ut opus esset tali indicatione; deinde quod splendidiore elogio fuisset insignitus; puta, coadjutoris, aut fidi saltem comitis, & certaminum participis: ideoque conjicit ipsum tum abfuisse. Verum ea rationis neutrius firmitas est, ut à communi consensu recedere debeamus. Nec enim idcirco statuitur Medici nomen fuisse additum, quasi id opus esset, sed liberè atque opportunè. Nam ut 2. Tim. 4. v. 11. solo nomine contentus Paulus, nihil addidit; sic contra Phil. v. 24. eadem libertate, coadjutoris vocem adjecit: sic hoc in loco vocem medici non importunè conjunxit: non quidem quod opus esset, sed ad gratiæ Dei commendationem. Nam ut Matth. 19. v. 3. se Matthæum publicanum, ab ante acta conditione (ad misericordiæ Dei professionem) nuncupat; sic Lucam ex Medico corporis, à Deo in medicum animæ vocatum, commodè ad Dei laudem, à priori officio medicum vocat: quemadmodum de Luca Hieron. Tom. 9. in Comm. Epistolæ ad Philem, ait: *Quomodo Apostoli de Piscatoribus piscium, piscatores hominum facti sunt; ita de medico corporum, in medicum est versus animarum.* Deinde etiam non opus fuit, ut insigniori titulo insigniret, puta *Adjutoris*, quum id semel tantum adhibuerit: multo minus *comitis*, & *certaminis participis*, cum id nullibi adjungatur. Denique aliud etiam insigne elogium additum est à *dilectus ille*, nimirum ob pietatem & fidelitatem, ac constantiam in Paulo comitando, adjuvando, & reliquis deferentibus, apud cum permanendo. Quia de re Irenæus advers. hæres. lib. 13. cap. 14. quali etiam periphrasi, inter Apostolos, insignitus est Johannes, Evangelii cap. 21. v. 7. *Discipulus ille quem diligebat Jesus.* Quare conjectura illa de duplici Luca apud Paulum, *Medico* uno, & altero *Evangelista*, & illo cum ad Coloss. scriberet præsentem, hoc verò tum absente, omninò infirma est; neque ex ullo Scripturæ loco probatur. Ad hæc, cum Paulus, ubi certam Lucæ Evangelistæ mentionem facit, Demam ei conjungat, ut Philem. v. 24. Sic se à Dema desertum, conqueritur, eo tempore, quo Lucam fideliter permanere asserit, 2. Tim. 4. v. 11. & ante hanc desertionem, Lucam & Demam Col. 4. adfuisse indicat. Quare quomodo verisimile est, alium Lucam ab Apostolo designari? Concludimus itaque; non immerito, communem Patrum & aliorum Theologorum sententiam, in hujus loci explicatione, retinendam.

Supereft, ut etiam non nihil differamus de posteriori loco 2. Cor. 8. v. 18. *misimus autem una cum illo fratrem, cujus Laus est in Evangelio, per omnes Ecclesias.* Queritur enim an hac periphrasi Lucas Evangelista, an verò alius designetur? iudicia enim interpretum sunt diversa: Quidam veterum Patrum Lucam Evangelistam intelligunt, ut Chrysostomus testatur. Idemque postea asseruit Hieronymus. Catalogo Script. Ecclesiasticorum in fine operis: & Theoph. 2. Cor. 8. & alii complures. Contra verò Chrysost. & Theodoret. Barnabam describi arbitrantur: quam sententiam multi sequuntur. Sed tamen priorem non solum esse antiquiorem, sed etiam magis consentaneam, collatis argumentis, omninò existimamus; quia hæc descriptio commodissimè Lucæ Evangelistæ attribui potest, quoniam ei ad amissum convenire res ipsa indicat; Barnabam verò nequaquam. Nam. 1. hoc certum est, Lucam Pauli fuisse comitem & adiutorem constantem cum hanc Epistolam scriberet: ideoque ad Corinthios mitti potuit: Barnabas verò jam exacerbatus, antea à Paulo discesserat, Actor. 15. v. 39. neque ullibi Pau-

lo postea adfuisse scribitur. Neque obstat, quod 1. Cor. 9. v. 6. sui & Barnabæ meminit, quod gratis Evangelium annuntiarunt; hoc enim non dicitur de præsentem: sed de absente, ratione antecedentis cum eo peregrinationis Actor. 13. v. 4. loquitur. Quemadmodum etiam de se & reliquis Apostolis, licet absentibus, agit, 1. Cor. 9. vers. 5. Deinde ille, de quo 2. Cor. 8. fit mentio, dicitur missus à Paulo: id quod Lucæ probè convenit, ut etiam antiqua & recepta Epistolæ illius subscriptio hoc testatur.

Barnabam verò à Paulo unquam missum, aut mitti potuisse, minimè probabile est: utpote, qui ob præclaras Spiritus Sancti dotes, maximi apud Apostolos fuit habitus, Actor. 11. vers. 22, 23, 24. neque reipsa Paulo fuit postpositus, vers. 30. & cap. 12. vers. 25. & 13. 1. & 27. & 14. vers. 12, 14, & 15. 2. vers. 12, 25. Deinde quod additur; *fratrem illum, cujus laus est in Evangelio per omnes Ecclesias*, de Luca Medico intelligi potest, qui sicut propter Evangelium, cum Paulo prædicatum, multis Ecclesiis erat celebris (quod etiam de Barnaba dici potuit) per omnes tamen Ecclesias laudem illius viguisse, ob scriptum ac propagatum Evangelium, minimè dubitandum; id quod de laude Barnabæ dici potuisse, non videtur verisimile: ut qui non Evangelium scripserit, & nonnullis Ecclesiis adhuc ignotus esse potuerit. Neque enim obstat locus 2. Cor. 8. v. 19. qui Chrysostomum permovit, quo dicitur de eadem fratre, *Nec id solum, sed etiam suffragiis delectus est, ab Ecclesiis, socius peregrinationis nostræ, cum hac beneficentia, quæ administratur à nobis ad Dei gloriam.* Nam ea Pauli verba Lucæ rectè tribui potuerunt, quia cum esset fidelissimus, ac compertus Ecclesiis, peregrinationum Pauli comes, ipsiq; charissimus, prudenter ab Ecclesiis ad Eleemosynam, quam collegerant, Hierosolymam perferendam, delegari cum Paulo potuit: non minus quam longè antea, primam Ecclesia Antiochena collectam suam pecuniam, per Barnabam & Paulum ibidem præsentem, Hierosolymam miserat: quod tempore deferendæ Eleemosynæ (de qua 2. Cor. 8. agitur) ob Barnabæ separationem à Paulo, aliasque quas antè attulimus rationes, fieri non potuit. Nec majoris sunt momenti rationes, quas profert Theod. Prima enim hæc est, quod Barnabas Antiochiæ, ab Ecclesiæ Prophetis & Doctoribus, Spiritus Sancti jussu ad opus destinatum, cum Paulo missus sit. At inquam legatio & societas Barnabæ & Pauli, tempore & scopo, atque opere, ab hac legatione differt: quia illa facta est, ante Barnabæ à Paulo separationem, cum adhuc simul essent Antiochiæ. Deinde nec ad deferendam eleemosynam ad Ecclesiam Hierosolymitanam missi sunt; sed ad ministerium prædicationis Evangelii extra Judæam, ut operis executio, Actor. 13. & 14. & conclusio cap. 14. v. 25. & 26. demonstrat. Hæc verò legatio, de qua Paulus agit, in objecta sententia 2. Cor. 8. v. 19. post separatum à Paulo Barnabam, facta est; deinde non ad prædicandum Evangelium, sed ad ministerium perferendæ Hierosolymam eleemosynæ destinata, 2. Cor. 8. v. 19. Altera verò Theodoretici ratio est, quod Barnabas fuerit Pauli, in legatione Hierosolymam, socius; eique & Paulo ab Apostolis pauperum Ecclesiæ Judaicæ memoria commendata. Verum hoc à Scopo alienum est, qui hic spectandus. Nam illa legatio facta est ante separationem, cum uterque esset Antiochiæ, unde ad Concilium Hierosolymam missi, non autem ad eleemosynam deferendam, Actor. 15. v. 2. & ibidem pauperes suæ Ecclesiæ Jacobus, Petrus, Johannes Paulo & Barnabæ commendarunt, Gal. 2. v. 10. Ex quo non sequitur, eos illud simul, in commendandis & perferendis eleemosynis, postea præstitisse. Neque hoc Paulus, de utroque, loco illo ad Gal. sed de se tantum subjicit, *quod etiam studui facere.* Nec immerito, quia cum ab hac legatione Antiochiam essent reversi, Actor. 15. vers. 30. & Petrus venisset Antiochiam, & non ob dogma, sed ob imprudentem simulationem (in quam etiam Barnabam pertraxerat suo exemplo) à Paulo esset reprehensus, Galat. 2. vers. 11. & 13. post aliquos dies, Paulus & Barnabas, oborta offensione, alter ab altero discessit, Actor. 15. vers. 36. 39. & 40. Quod vero quidem Silam notari conjiciunt, non est verisimile, quia etsi in multis Ecclesiis ejus fuerit laus celebris,

celebris, non tamen probari potest, quod in omnibus, ut de Luca 2. Cor. 8. dicitur: deinde licet initio Silas, cum Paulus Corinthum venit, ei adfuerit, Actor. 18. v. 5. non tamen ibi cum eo mansisse dicitur, cum Paulus annum & sex menses ibi manserit, v. 11. Huc etiam accedit, quod neque postea ullibi inter Pauli comites recensetur, cum illi tamen nominatim exprimerentur v. 18. & Actor. 19. v. 22. & 20. v. 45. ac propterea Silam Paulo tum temporis non adfuisse, cum postea ad Corinthios, primam conscriberet Epistolam; multo minus cum secundam per fratrem (cujus laus in Evangelio dicitur fuisse per omnes Ecclesias) mitteret. Concludimus igitur hanc Pauli 2. Cor. 8. v. 18. & 19. sententiam de fratre illo, cujus laus in Evangelio, per omnes Ecclesias, non Barnabæ, nec Silæ, sed Lucæ convenire; nec de simplici Evangelii prædicatione, sed de Scriptione intelligendam: quo modo hæc Pauli sententia, ad Evangelii Lucæ divinam auctoritatem commendandam pertinet: id quod plenius erat explicandum. Atque hæc de tituli Evangelii Lucæ auctoritate, & veritate. Nunc, Deo propitio, de Evangelio agemus: ac primum.

### De præfatione Lucæ Evangelii.

**A**bsoluta hujus libri inscriptione, sparsim librum ipsum explicandum aggrediemur. Quum autem universali hujus operis præfatione, & rei tractatione constet; à prioris, pro modulo nostro, examine, ob illustrem illius difficultatem atque utilitatem, ordiemur: quæ prioribus quatuor versibus continetur. Eaque in re, Lucas à reliquis Evangelistis differt; quod illi præfatione hujusmodi careant, & à re ipsa, initium sumant. Nam quod Matth. cap. 1. præmittit, *liber generationis Jesu Christi, Filii David &c.* & Marcus cap. 1. *Principium Evangelii Jesu Christi*; Præfationes quidem sunt, verum non universales totius operis, ut hic apud Lucam, sed particulares primæ partis, ut connexio sequentium declarat; hujus autem differentię origo non ab aliqua necessitate, sed à libera Spiritus Sancti voluntate dependet. Nam ut ei placuit in reliquis Evangelis hujusmodi præfationem omittere; sic hoc in loco liberè atque utiliter adhibere voluit; ut ex partium explicatione constabit.

Præfatio enim *occasionem* & *causas* hujus libri completur.

Occasio autem est multorum, in Evangelii de Christo compositione, infelix, ac periculosus conatus: qui primis duobus versibus proponitur, & exponitur his verbis: *Quoniam multi aggressi sunt, componere narrationem earum rerum, quarum plena fides nobis facta est, prout tradiderunt nobis, qui à principio autem spectatores ipsi & ministri fuerunt τῶ λόγου.* quæ paucis explicanda. Ac 1. certum est, occasionis, ad scribendum à Luca Evangelium datæ, authores à numero indicari, cum ait, *multi*: sed illud ambigitur, quinam intelligantur eâ voce. Plerique adversarios veritatis esse censent, qui malitia ac veritatis odio, ut hæreses suas stabiliarent, sub Apostolorum nominibus Evangelia supposuerint. Verum hoc non est satis verisimile, quia alioqui Lucas eam malitiosam, noxiamque impietatem tam leviter non notasset; sed pro officio, & ad seductionis fugam necessariam, graviter accusasset. Quare alii non de malitiosis atque hæresibus accipiunt; sed de imprudentibus veritatis fautoribus, qui præmatuře atque imperito veritatis Evangelii propagandæ zelo, movebantur. Occasio autem, ab illis data authoribus, est conatus infelix in componenda Evangelii historia, sine Spiritus Sancti inspiratione ac directione. Idque descriptione hac notatur, cum ait: *componere narrationem earum rerum, quarum plena fides facta est nobis*, (nempe ab Apostolis, ut sequentia exponunt) *prout tradiderunt, qui à principio spectatores ipsi, & ministri fuerunt τῶ λόγου.* Res enim quas Apostoli tradiderunt est Evangelium, Matth. 28. v. 19. 20. Marc. 16. v. 15. & 20. Conatus autem indicatur, cum ait: *ἐπιχειροῦντες*: *ἐπιχειροῦν* enim propriè significat *in manus sumere*, seu *manum admove*, & inde *conari* seu *incipere, aggredi*. Cum autem conatus sit duplex, vel felix quum ei propositus scopus respondet, eventu: vel infelix, cum nequaquam eventus succedit, talis hoc in loco intelligitur,

quemadmodum partim hac voce innuitur: quoniam effectum conatus seu aggressionis reticetur: quemadmodum in reliquis duobus locis (ubi eadem vox tantum occurrit) Actor. 9. v. 29. *ἐπιχειροῦντες αὐτὸν ἀνελθεῖν conati vel aggressi sunt eum interficere.* & 19. v. 13. *ἐπιχειροῦντες ἀπομαρτυρεῖν, conati sunt nominare*, irritus utrimque conatus designatur: partim verò oppositio Lucæ, hoc in loco idipsum indicat, cum rerum illarum, de quibus conati erant scribere, certitudinem non illis, sed sibi aliisque similibus attribuit: *non enim ait conati &c. quarum plena fides facta est* ipsis aut in ipsis, sed *in nobis*, id est, in animis nostris seu nobis: nec ait: *prout tradiderunt* ipsis, sed *nobis*; utrimque eos Evangelii Scriptores, à se, aliisque rectè institutis, segregans; ut qui res ad Evangelium pertinentes nondum rectè edocti, temerario ausu describere aggressi essent. Atque hæc de prima hujus præfationis parte, nempe *occasione scriptionis* hujus libri.

Altera verò pars *causas scriptionis* continet, *efficientem* ministram, & *materiam* subjectam, deinde *formam* externam, & cum objecto *finem*. *Efficiens causa*, à qua origo rei est, proponitur cum *remota*, tum *proxima*. *Remota* est, quæ ad scribendum movit, estque 1. doctrinæ Evangelii ab Apostolis traditæ v. 1. & 2. & à Luca animo accuratè ἀκριβῶς acceptæ cognitio v. 3. quæ vox *παρεκλάβην* hic notat. Nam ut propriè *consequi* significat, sic ab actione corporea ad animum translata, metaph. *cognoscere*, seu *intellectu consequi* generatim notat (sive res sit facilis sive difficilis) ut etiam *consequi*, atque *assequi*, simili metaphorâ, Latinis dicitur. De qua significatione plura Budæ. in Comm. Græcæ Ling. & Henr. Steph. in Thes. exemplis illustribus comprobant. Quemadmodum etiam 2. Tim. 3. v. 10. accipitur. Unde *ἐπαρκαλέσθην* & contrarium *ἀπαρκαλέσθην*. Aristot. Eth. 2. cap. 7. Cæterum, ex hac Lucæ sententiâ, error eorum convellitur, qui Lucam unum, ex 70. Christi discipulis fuisse (quos Apostolorum discipulos non fuisse certò constât, quod Lucæ hic tribuitur) asserunt, ut Epiph. hæres. 20. deinde eorum etiam error, qui Lucam Pauli discipulum statuunt, ut Tertul. advers. Marc. lib. 4. cap. 5. & à Paulo genitum, id est, ad Christi notitiâ conversum affirmant, ut Hieron. in Esai. cap. 60. sub finem. Deinde ad hanc ab Apostolis acceptam, accuratam ac universam Evangelii notitiâ, additur *proxima causa efficiens*, scribendi propositum, cum ait: *Visum est etiam mihi* (ut à multis illis factum, sed aliter) *scribere*, nempe ea omnia, quæ accuratè de Evangelio sum consecutus; hoc autem notari, ex connexionione cum antecedentibus, & ex vers. sequente quanto apparet. Atque hoc modo scripti hujus causa altera, nempe *materia subjecta*, seu res quam describit, nimirum *Evangelium* indicatur: & quidem non mutilum, neque alienis insertis corruptum, ut ab aliis factum, sed integrum & sincerum, cum ait *omnia*. Quemadmodum etiam cum tertiam causam nempe *formam externam*, seu tractandi modum indicat, voce *κατὰ τὸν ὅρον*, nam *ἐξῆς* adverbium ab *ἐχουα* hebreo derivatur, ut à doctissimis rectè observatum: sic ex propositione *κατὰ* secundum & adverbio *ἐξῆς*, id est, *ordinatum*, compositum, propriè significat *coherenter* (ut etiam Clar. Beza notat) id est, ordine; ut etiam Actor. 18. v. 25. *ordinem autem*, si primarias Evangelii partes consideremus (puta *Prædecessoris Christi historiam*, ac *Christi conceptionem, natiuitatem, vitam* (dictis factisque constantem) *passionem, mortem ac resurrectionem*) egregiè observavit: licet historicorum more, in particularibus quibusdam, ordinem, sine rei iactura, nec inutiliter neglexerit: cum illud, ad scrutationem & collationem Scripturæ, sit instar stimuli. Atque hæc de hujus libri forma externa seu tradendi modo: Cui cum objecto finis postremo conjungitur. *Objectum*, seu is ad quem liber hic scriptus ac destinatus est, *suo nomine*, & *dignitate*, explicatur, *nomen est διδοῦναι*, quæ vox ex etymologia, *Dei amantem* notat; unde, pro substantivo ac proprio nomine, interdum accipitur. Atque ita hoc in loco & Actor. 1. v. 1. sicut epitheton adjunctum evincit; non autem pro quovis Christiano, ut quibusdam etiam veterum placuit, intelligitur.

*Dignitas* verò hujus Theophili ex epitheto patet, cum *κεντρὸν* vocat. quæ vox *fortissimum* seu *optimum*, & *dignitate potentem*



*pollentem* notat, ac magistratum gerenti attribui solet. Quem admodum praesidibus Romanis, ut Felici, Actor. 23. v. 26. & 24. v. 3. & Festo cap. 26. v. 25. quo modo etiam apud Romanos Candidati, *boni viri* (ut Seneca ostendit Epistolarum lib. 1. epist. 3.) & magistratum adepti, *optimates* olim dicti, ut Baronius annal. lib. 1. anno Christi 58. sect. 33. observat. Atque ita ex hoc epitheto colligitur, Theophilum fuisse virum singularem, & quidem dignitate ac potentia praestantem; atque ut ex seqq. patet, in religione Christiana rectè institutum: ideoque ut Acta Apostolorum, sic etiam Evangelium suum eidem prudenter inscripsit, ac misit, ut ad custodiam autographi, & ad Exemplarium ex eo propagationem sinceram inter fideles, ob pietatem ac potentiam, valde idoneum: adeò ut hoc modo, dum ad unum scripsit, ad omnes (ut Tertull. de similibus scriptis alicubi loquitur) scripsisse merito (si usum communem spectemus) dici possit: ut finis communis (licet unius meminerit) ostendit. *Finis* enim seu causa, cujus gratia hoc Evangelium Lucas conscripsit, & ad Theophilum misit, exprimitur v. 4. cum ait, *ut agnoscat earum rerum, de quibus scripsit, apostolus Paulus*. Quae dictiones, ad rei intelligentiam, paucis explicandae. Ac prioris quidem origo est ab ἡχίω sono, unde ἡχίω (ut Henr. Steph. in Thes. Græ. Ling. notat) proprie significat *insono*, & per Synecd. generis pro specie doceo, indico, ut 1. Cor. 14. v. 19. & κατ'ἡχίωυ voce discō, ut generatim Actor. 21. v. 24. κατ'ἡχίωυ μετ' οὗ, ut vulgatus reddit, *audiverunt de te*, Beza. *fama perceperunt de te*. In reliquis verò locis Novi Testamenti κατ' ἡχίωυ, ad primam in religione, viva voce, institutionem refertur: ut Actor. 18. v. 25. κατ'ἡχίωυ vulgatus *edoctus* Beza expressius *initiatus*. & Rom. 2. v. 18. Galat. 6. v. 6. in quibus locis melius *initiare*, aut *voce erudiri* (ut etiam hoc loco) exprimeretur, quam à vulgar. & Beza factum est. Nam quod noster interpretes, & alii transferunt, hic in hoc Lucae loco, *auditione accipere*, illud tanquam nimis generale minus videtur convenire. Propius accedit vulg. interpretes, *de quibus eruditus es*; accommodatius verò erit, *de quibus voce eruditus es*. Hæc de prima dictione.

Altera deinde dictio consideranda est, nempe ἀσφάλεια: cujus origo est ἀσάλλω, *Labi facio, evertō* (unde σφάλμα *lapsus*) & per Metaph. *fallo*, sic inde compositum nomen ex privativa part. α, ἀσφαλὲς *firmus*, & fallaci ac dubio opponitur. Actor. 2. v. 3. 4 & 22. v. 30. unde ἀσφάλεια *firmitas, à fallacia immunitas*: hinc vulgatus interpretes & post eum Beza, *veritatem* hoc loco transfert, Erasmus verò *certitudinem*, eodem ferè utrimque sensu. Atque hoc modo Lucas Evangelii sui veritatem, ac certitudinem à fallacibus multorum Evangelii, quorum initio meminit, discriminat: nimirum ut eo Theophilus instructus, in percepta ab initio veritate, adversus fallacias aliorum præmunitus, constanter peristeret. Qui finis non solum Theophilum spectat: sed etiam omnes fideles, pro natura Evangelii, Johannis 20. v. 31. & totius Sacrae Scripturae scopo, 2. Tim. 3. v. 16.

Atque hæc quidem de præfatione (quæ occasione, & causis libri constat) diximus. Quia verò duarum Græcarum vocum, videlicet τὸ λόγος v. 2. & εὐαγγέλιον v. 3. significationem non satis explicuimus, sed ad finem distulimus: neque etiam descriptionis hujus Evangelii, cum tribus aliis collati, tempore, quicquam monuimus; illud jam non inutiliter, ac ad pleniorē ac certiorē veritatis notitiam, examinari posse, ac debere, arbitramur.

*De sensu vocis τὸ λόγος v. 2.*

**V**OX λόγος *Sermo*, diversas habet in Sacris Literis significationes, eaque occasione, hoc in loco, variè ab interpretibus explicatur. Quidam *de persona Christi*, ut Ioh. 1. vers. 1. & 14. & 1. Ioh. 1. v. 1. & 5. v. 7. & Apoc. 19. v. 13. alii verò aliter: ac, plerique de Evangelio exponunt: quod similiter κατ' ἡχίωυ ita appellatur, Actor. 8. vers. 4. & 11. vers. 19. & 14. vers. 21. & 16. vers. 8. quidam tamen generalius *rem* interpretari malunt, ut objecta quædam incommoda vitent facilius: ut sit idem, quod v. 2. περιγραφή Hebræorum more, r̥pud quos רבך *verbum* pro re usurpa-

tur: ut etiam vox λόγος, id est, *Sermonum* vers. 4. & cap. 2. vers. 15. *videamus τὸ πῶς verbum illud*, id est, rem illam dictam. Prima autem sententia est Patrum, ut Orig. & Ambros. ad hunc locum, & Athan. Oratione 3. contra Arianos; quam non immeritò amplectimur: ut rationes fidem faciunt: quia illa hujus loci circumstantiis ad amussim consentit: Reliquæ verò duæ iisdem repugnant. Nam revera Apostoli ab initio, quo Christus Propheticum hoc munus exercere cœpit, ipsi adfuerunt, Ioh. 15. v. 27. & quidem illius ἀκούοντες, spectatores ipsi, qui suis oculis ipsum spectarunt, & ministri ipsius fuerunt Luc. 6. v. 13. Actor. 1. v. 3. & 4. vers. 20. & 10. vers. 39. & disertissimè, 1. Ioh. 1. v. 1. contra verò Apostoli non fuerunt Spectatores sermonis Evangelii, neque etiam esse potuerunt: quoniam naturæ illius repugnat; sed fuerunt auditores, ac deinde præcones. Sed objicitur, *videre* per Catachresin *pro audire* nonnunquam accipi: Quemadmodum Exod. 20. v. 18. & populus videbat tonitrua, & lampades; ac propterea etiam hoc in loco rectè dici potest, Apostolos fuisse spectatores Evangelii, pro eo quod est auditores. Verum hæc difficultas tollitur duobus modis. Primò, negatione Consequentia, quia licet verbum Hebraicum, ea significatione, in Exodo acciperetur, non propterea sequitur, in Græco verbo idem valere; multò minus in nomine composito ἀκούοντες, de quo hic quaestio est. Deinde negatur etiam antecedens: nec enim verum est Exod. 20. *Videre* pro *audire* usurpari per abusionem vocis, sed per Synecd. Speciei pro genere, pro *sentire* seu *experiri*. nam vox ea apud Moysen videbant, non solum de tonitruis, sed etiam de lampadibus similiter dicitur; tonitrua audiebant, lampades videbant, utraque verò communiter sentiebant id quod *videndi* voce per catachresin Synecdoch. notatur. quo etiam modo dicitur Ioh. 8. vers. 51. *mortem non vedebit in æternum*, & Luc. 2. v. 26. *videre mortem* pro *sentire* & *experiri*: quemadmodum etiam in alia sensus specie Luc. 9. vers. 26. *gustare mortem* simili Synecdoche dicitur. Quare firmum perit argumentum propositum, spectatores ipsos τὸ λόγος, non posse intelligi, auditores sermonis Evangelii. Neque eo excusari potest, si dicant: vocem ἀκούοντες ad miracula referri; ὑποτίθεται verò ad Evangelium: quia illud, ipsa vocatione constructione confutatur; quæ hoc modo convellitur. Nec enim ulla hic miraculorum, ad quæ relationem habere possint, facta est mentio. Sed constructione perspicua τὸ λόγος vox, ad utrumque, cum spectatores tum ministros refertur. Ideoque non Evangelium de Christo, sed ipsum Christum significat. Atque ita secunda hujus vocis interpretatio corrui. Quemadmodum & tertia; quæ *sermonem* per Hebraismum *rem* interpretatur; seu ea, quæ ab Apostolis tradita, & quorum fides facta, hoc enim cum Lucae verbis non consentit. Nam primum dicuntur Apostoli fuisse Spectatores sermonis: atqui Apostoli præcipuarum rerum, quæ ab ipsis traditæ, & quarum fides ab iis facta est, non fuerunt spectatores: utpotè conceptionis, natiuitatis, mortis (nam solus Johannes adfuit, Joh. 19. v. 27.) & resurrectionis Christi, nec etiam doctrinæ Christi, quæ videri non potuit. Deinde Apostoli dicuntur fuisse sermonis hujus ὑποτίθεται ministri, id est, illi subservientes, ac causa adjuvans. Atqui neque rerum earum, quarum certa fides facta est per Apostolos, (quas *sermone* notari putant) Apostoli fuerunt ministri; quia sine eorum opera ac ministerio Christus conceptus, natus, vixit, docuit, miracula sua divinâ potentia edidit, passus est, &c. ac propterea per *sermonem* hoc in loco res, seu ea, quæ ab Apostolis tradita, intelligi nequeunt. Sed objicitur, neque primam etiam sententiam suâ carere difficultate; adeò ut etiam egregii interpretes inter nos, eâ commoti, non primam, sed secundam accipientes, nutent atque hæcant Agnoscimus sanè: sed ratio, quæ eos commovit, omninò infirma est; si quis, rectâ lance, accuratè expendat. Ea enim hæc est; quod præter hunc locum Luc. 1. nullus alius in utroque illius libro extet, in quo λόγος nomen, Christum significet: ideoque neque hic ita accipi posse. Verum negatur primò Consequentia, quia nulla causa est necessaria, cur non possit aliqua vox una significatione, uno tantum libri loco usurpari: in reliquis verò omnibus aliud notare, Deinde contra ipsa experientia Scripturæ, eam hy-

eam hypothefin confutat. Quod vel duobus illuftribus exemplis demonftratur. I. Ex Matth. 8. v. 22. ubi *mortui*, Metaph. infideles, in prima parte fententiæ, significant: in priori verò & reliquis Euangelii illius locis, aliter ufurpatur. Alterum exemplum eft ex ipfo Luca, & quidem in eadem voce λόγῳ, de qua difceptatur. Nam cap. 16. verf. 2. *rationem ac modum adminiftrationis* notat: non autem alibi in Euangelio: neque in Actis. Nam etfi quod hic dicitur ἐπὶ τοῖς λόγοις. & Actor. 19. v. 40. ἐπὶ τοῖς λόγοις Phrafi conveniat, fenfu tamen differt, quia prius Luc 16. *rationem adminiftrationis*: pofterius verò *caufam* notat. Hifce addi poteft, quod eadem λόγῳ vox à Luc. Actor. 20. v. 24. peculiari fignificatione ufurpatur, cum ait, εἰς τοὺς λόγους ὑμῶν ubi *refpectum* feu *curam* notat, ut vulg. interpres, *nihil horum vultor*. Eraſ. *nihil me movet*, Beza *nullius rei habeo rationem*: nec ullibi præterea hac fignificatione utitur. imò in eadem Phrafi Actor. 1. v. 1. λόγοις ἰπποκράτους *Sermonem feci*, per Synecd. generis pro specie, *librum feci*, denotat: nec tamen alibi, in Luca, eo fenfu, λόγῳ vox exſtat. Quare objecta difficultas confutata eft. Accedit deinde (licet non fit neceſſaria, fed ad uberio rem ſcripturæ intelligentiam accommodata) altera etiam reſponſio, negatione antecedentis: quia vox λόγῳ à Luca, in Actis, pro filio Dei, Chriſto, ſimiliter accipitur, cap. 20. v. 32. *commendo*, inquit, *vos Deo, & τῷ λόγῳ ſermoni gratiæ ejus, qui poteſt ſuperſtruere, & dare vobis hæreditatem cum ſanctificationis omnibus*. Nam quod, communi interpretum ſententiâ, vulgo de Euangelio interpretantur: quod alibi etiam *ſermo gratiæ*, per periphrasim interdum vocatur, ut Actor. 14. v. 3. illud, ex huius loci ſententia, duobus modis, refelli poteſt: quia & adiunctum, & effectum *ſermoni gratiæ* attributum, ei adverſatur. *Adiunctum* quidem, quia *Sermoni gratiæ*, de quo hic agitur, fideles commendantur: Euangelium verò contra fidelibus commendatur, ut 1. Tim. 1. v. 18. cum 2. Tim. 2. v. 2. ac propterea *ſermo gratiæ*, hoc loco non Euangelium, fed Chriſtum notat: ut hac ratione evincitur. Cui altera accedit ab effecto. *Effectum* enim ſermonis gratiæ hic ſtatuitur, quod poſſit ſuperſtruere, & dare nobis hæreditatem &c. Id quod Chriſto omninò convenire, perſpicuè conſtat: utpotè qui nos (ut & totam Eccleſiam) ſuper ſe, (ut vero Eccleſiæ fundamento Eph. 2. verf. 21. & 4. verf. 12.) ſtruit, ac conſervat, Matth. 16. v. 18. & dat nobis hæreditatem, id eſt, vitam æternam, cum ſanctificationis omnibus, Euangelium verò nos non ſuperſtruit Eccleſiæ fundamento: ſed instrumentum eſt Chriſti, quo nos ſibi ſuperſtruit: neque hæreditatem illam nobis dat. Nam licet Euangelium ſit instrumentum fidei, per quam vita æterna datur: Chriſtus tamen is eſt, qui eam nobis dat, Col. 3. v. 24. Ioh. 6. v. 33. & 10. v. 28. Neque obefle poteſt, quod hic vocetur *ſermo gratiæ ejus*; quia ita Chriſtus ab effecto deſcribitur, quod gratiæ Dei cauſa ſit. Quemadmodum etiam 1. Ioh. 1. v. 1. idem λόγος ζωῆς *Sermo vitæ* citra controverſiam nominatur; quod vitæ ſit author, Hebr. 4. v. 9. quali etiam Phraſi, *Deus omnium gratiæ* 1. Pet. 5. verf. 10. & *Spiritus gratiæ*, Heb. 10. v. 29. vocatur: quod gratiæ origo.

Merito igitur concludimus Lucam Euangeliftam in hac præfatione verf. 2. voce λόγῳ, Chriſtum designare. Ac propterea hac priori maximi momenti voce jam explicata, ac firmata ſententia genuina, tribus etiam verbis agemus,

#### De voce ἀνωθεν

**Q**Uæ, ab ἀνω *ſupra*, derivatur, & propriè ad locum pertinens, ſignificat *ſupernè*, ſive *à ſummo*. Ique vel relata, pro à ſumma parte, ut de velo templi, Marc. 15. v. 38. deque Chriſti tunica Ioh. 19. v. 23. vel absolute (quod in Sacris Literis frequentius eſt) τῷ ἱερωδῶνι *de cælo* ſeu à Deo, ut Ioh. 3. v. 31. ἀνωθεν ἐρχόμενος, id eſt, *quod ſupernè venit*, id quod in eadem periodo exponitur ὁ ἐκ τοῦ οὐρανοῦ ἐρχόμενος, *qui de cælo venit* item Ioh. 18. v. 11. *niſi tibi datum eſſet ἀνωθεν ſupernè*, id eſt, *de cælo*, à Deo, & Iacob. 3. v. 15. *ſapientia ἀνωθεν ſupernè* id eſt, *cœlitus*, id eſt, *à Deo descendens*: interdum verò. ſed rariffimè, pro ἀπὸ ἀρχῆς, à principio ufurpatur, ut ad tempus referatur: quemadmodum Actor.

26. v. 5. *ut qui noverint me ἀνωθεν, à principio*, aut *à ſuperiori tempore*. vel pro *denuò* accipitur, ut vulgò reddi ſolet. Ioh. 3. v. 3. & 7. atque hæc de vocis huius uſu in Sacra Scriptura. Quoniam verò fenſu, hoc in loco, à Luca accipitur, merito diſquiri poteſt. Ac communis quidem omnium interpretum (quantum obſervare potuimus) ſententia eſt, vocem ἀνωθεν hic ſignificare idem, quod ἀπὸ ἀρχῆς *à principio, jam antea*. Verùm bonâ bonorum atque eruditorum veniâ, non temerè, neque novitatis ullius, ſed ſolius veritatis ſtudiodio, aliam interpretationem ſubſtituendam arbitramur: nempe *ſupernè*, id eſt, *cœlitus*, ſeu à Deo. Rationes autem ſunt hæ: Primum, quia hoc modo propria huius vocis ſignificatio, ut ſit adverbium Loci, (convenienter vocis etymologia, ſive origini) retinetur: à qua ſecundum probatam interpretationis regulam, non eſt recedendum ad impropiam, niſi juſta cauſa obſtet. Contra verò communis interpretatio à propria ſignificatione deſlectens, per Metaph. ad tempus relata, pro ſuperiori tempore, impropria eſt. Deinde, quia non ſolum prior, quam poſuimus, ſignificatio, longè frequentior eſt, quam altera; quæ ſemel tantum, ut Actor. 26. v. 50. occurrit: ſed etiam prior ſententia ſenſum efficit uberio rem. Nam ſi auferatur illud *à principio*, nihilominus hoc ex reliquis intelligitur: quia Lucas dicit, *ſe omnia conſecutum*; ideoque & principium eorum: & ait, *ſe ſcripturam ordine*, quod ſine principii & conſequentium cognitione, rectaque diſpoſitione, fieri non potuit. Contra cum additur vox, *ſupernè*, id eſt, *de ſupernis locis*, novum accedit pondus ad commendationem huius ſcripti. Id quod ex reliquis verbis, non ita demonſtrari poteſt. Siquidem eo denotabitur divina huius Euangelii authoritas, quod non ſolum accuratè totam Euangelii doctrinam, ab Apoſtoliſ traditam, ſit conſecutus, ſed etiam ſupernè, id eſt, *cœlitus* ac divinitus Dei gratia inſpirante ac dirigente: non verò humanitus ac merâ ſuâ induſtria. Cumque reſipſa hoc flagitet, ut, quæ de notitia Euangelii, tradentibus Apoſtoliſ accepta, deque ſcribendi propoſito, à Luca referuntur, ea inſtinctu ac directione Dei, per Spiritum Sanctum interpretes intelligant, ſuaque explicatione verba iſta, *viſum eſt mihi*, ſuppleant, & *Spiritui Sancto*, ut Apoſtoli loquuntur. Actor. 15. Cur ergo non potius (cum vox ἀνωθεν crebrius hoc ſignificet) hoc etiam in loco, ſine ſupplemento intelligendum? Quare cum hæc ſignificatio vocis ἀνωθεν, *ſupernè*, id eſt, *de ſupernis locis*, ſit propria; altera verò impropria. deinde hæc in Scriptura frequentior, altera verò rariffima: & hæc ſententiam reddat uberio rem atque auguſtiorẽ; illa verò anguſtiorẽ: hæc denique cœleſtem authoritatem (quæ Euangelio rectè convenit) exprimat; illa verò nequaquam: Idcirco ſperamus fore, ut juſti rerum æſtimatores, non temerè nos, à communi interpretatione vocis ἀνωθεν, reſiſſe: Sed eam, quam vox ipſa, & inſigne rei momentum ſuggeſſit, eſſe amplexos, cognoscant. Quare hoc explicato reliquum eſt, ut nonnulla adjungamus.

#### De ſcriptionis Euangelii Luca, cum Matthæo & Marco collati, tempore:

**I**ohannis autem mentionem hoc loco præterimus: quia omnium veterum & poſteriorum conſenſu, poſtremus inter quatuor Euangeliftas (ut qui diutiſſimè vixerit) Euangelium conſcripſit, & præcedentium trium Euangeliftarum ſcripta cognoscere, ac comprobare potuit; ut veritatis corruptoribus, ad maiorem Eccleſiæ ſecuritatem, occurreret. ideo de reliquis tribus tantum agimus collatione videlicet Luca, cum Matthæo & Marco inſtituta. Plerique autem veterum Patrum, Matthæum ante Marcum, & hunc ante Lucam Euangelium ſuum ſcripſiſſe, ſtatuunt: adeo ut vel inſcitia, vel temeritate laborare videri poſſit, qui non iis aſſentiantur. Doctiſſimus tamen Beza in contrariam ſententiam inclinat: Sic enim in annot. majo. ad. v. 1. ait: *ſed hoc forſitan ex hoc loco utcumque colligi poteſt, Lucam ante Matth. quoque & Marcum hanc ſuam hiſtoriam edidiſſe*: quod ſanè non ſolum, ut veriſimile, ſed etiam verum omninò arbitramur. Primum quia (ut v. 1. demonſtratum) ante Lucam, qui Euangelicam hiſtoriam componere aggreſſi ſunt, eam non

non rectè composuerunt. Matthæus & Marcus verò eam rectè composuerunt. Ergo illi non ante Lucam Evangelii historiam composuerunt. Nam quod Mald. Jesuita objicit, verbum *ἡμεῖς* non propriè significare *aggredi temerè*; sed generaliter *aggredi, suscipere, manum ad opus admove*: id inquam non negatur, si absolute verbum illud consideretur; Sed relatè ad hujus loci circumstantias, nempe subjunctam oppositionem cognitionis, & Scriptionis Lucæ, speciatim accipitur. nam quamvis Lucas cum illis Scriptoribus, quorum meminit, in genere operis, (quod ut illi, sic ipse Evangelium conscripserit) conveniat: in specie tamen differre indicatur: quod nimirum Lucas ea, quorum ipsi plena fides facta: & quæ ab Apostolis tradentibus omnia, & accurate percepta cognovisset, ordine scripserit; alii verò Scriptores, quod ipse præstitit, conati sint, non præstiterint: quemadmodum ex distinctione opposita; communis interpretum consensus observavit, & finis scripti huius, agnitio certitudinis Evangelii vers. 4. demonstrat: ut postea clarius docebimus. Neque enim, cum Scriptorum Evangelii meminit, eo modo, quasi exemplum, quod imitetur, proponit Lucas: sed contra, ut ad temerariam illam Scriptionem cavendam præmuniat. Ac sanè *μαρὰ δὲ οὖν* illud Jesuita iste commentus, non veritatis, sed calumniandi nostrorum studio, quemadmodum hisce verbis ostendit: quod si, inquit, hæc sententia, aliud nihil haberet commodi, tamen illud haberet, quod si eam sequeremur, facillimè hæretici cujusdam interpretis (Bezam intelligit) errorem refelleremus, qui colligit ex his verbis, primum omnium Evangelistarum scripsisse Lucam: quod etsi omnis antiquitatis repugnet historiæ, tamen alio argumento ex Scriptura sumto refutari non potest, quam quod hoc loco Lucas significet Matthæum & Marcum ante se Evangelium scripsisse. Nolo tamen (ut monere soleo) opinionem meam, aut suspicionem potius, nisi non benè probatam (tam multis præsertim dissentientibus authoribus) lectorem sequi. Hæcille. Cujus sententiæ non convenit quod Lucas ait: *Multi conati sunt*: quo autem multi non sunt: nempe Matthæus & Marcus. Deinde quod vers. 2. dicitur, *prout tradiderunt nobis, &c.* quo Apostoli ab illis, qui vers. 1. dicuntur conati componere historiam Evangelii, apertè distinguuntur. Cumque traditio hæc, ad prædicationem, non autem ad scriptionem referatur; ut res ipsa indicat & communis omnium consensus: inde etiam clarè cognoscitur, Apostolos tum temporis, Evangelia sua scripto nondum promulgasse, quos alioqui, ut à temerariis illis ac multis scriptoribus distinguerentur, Lucas non fuisset præteriturus. Denique si Matthæus & Marcus, ante Lucam, sua scripsissent Evangelia, Theophilus ad quem scripsit non opus habuisset ut eorum, quibus de doctrina Evangelii fuerat eruditus, veritatem seu certitudinem agnosceret: Nam jam antea ex Evangeliiis Matthæi & Marci, si exstiterent, agnovisset. Atqui opus habuisse ex fine scripti, ad ipsum, à Lucæ, Evangelii, apparet: ac propter Matthæus & Marcus non ante Lucam; sed Lucas ante eos, Evangelium scripsit. Sed obtenditur veterum Patrum consensus, qui uno ore omnes Matthæum Evangelistam primum conscripsisse Evangelium, asserunt. Verum ut rationes ex divinis Lucæ verbis ante allatas, narrationi Patrum simplici, omnique probatione destitute, non temerè preponimus: Sic eos unanimi consensu illud asserere negamus. Nam Tertull. hoc, non ut certum omnino, asserit: sed ut verisimile proponit, adversus Marcio. lib. 4. cap. 4. Quum de Evangeliiis Apostolorum ait; *quasi non & hæc à primordio fuerit, quemadmodum & Lucæ. atque hæc magis à primordio fuisse credibile est, ut priora quam Apostolica, ut cum ipsis Ecclesiis dicata.* Deinde contrarium antiquissimus Irenæus indicat lib. 3. cap. 1. adversus hæreses, ubi ita inquit: *Matthæus in Hebræis ipsorum lingua, Scripturam edidit Evangelii, cum Petrus & Paulus Romæ evangelizarent, & fundarent Ecclesiam. Post verò horum excessum, Marcus discipulus, & interpres Petri, & ipse, quæ annunciata erant per scripta nobis tradidit, postea & Johannes, &c.* Vidit hoc Baronius Cardinalis: & dum ex eo testimonio sese extricare conatur, suis ipsemet laqueis amplius involvitur. Sic enim suam sententiam primum proponit Annal. lib. 1. anno Christi 41. sect. 15. Hoc

anno, inquit, *Matthæus Evangelista, primus omnium, ut author est Eusebius, Hebraico sermone Evangelium conscripsit. Sed quod ad tempus hoc spectat, his contradicere videtur Irenæus*: Verba autem illius à nobis ante posita recenset, ac subjicit; *Sed utra horum authorum sententia probetur verior, diligenti studio perquiramus. Si igitur Irenæi verba, eo sensu quis putet accipienda, ut non nisi post Petri ac demum Pauli Romam adventum, Matthæum Evangelium scripsisse dicat, magna profecto sequeretur absurda. Siquidem Paulus non ante tertium Neronis annum, Romam accessit, anno scilicet Domini (secundum initam à nobis rationem) quinquagesimo nono. Quod si, ex sententia Irenæi, velimus, non aut dictum tempus, à Matthæo scriptum esse Evangelium; illud imprimis, quod est in confesso apud omnes, negari opus esset: Matthæum primum omnium Evangelistarum scripsisse Evangelicam historiam. Siquidem non Marcus tantum, sed etiam Lucas ante Matth. Evangelium scriptis mandassent: Quandoquidem (ut ex his, quæ inferius, suis locis, dicentur apparebit) ante adventum Pauli Romam uterque edidisse suum Evangelium, reperitur. At inquam illud, quod Baronius putat, absurdum non est, nimirum: Si potius Irenæo, Patrum penè antiquissimo, in historia de Evangeliorum scriptoribus (quem etiam Andrad. orthodox. explicationum lib. 2. pag. 28. sequitur) quam aliis posterioribus credatur. Neque propterea sibi contradiceret, quod, (ut Baronius loquitur) ipse (sicut alii) omnes Evangeliorum scriptores recensens, primo loco Matthæum numerat. neque enim sequitur, primum inter omnes numerat: ergo primum scripsisse censuit. Deinde neque hoc probatum est: nam lib. 3. cap. 1. tres tantum recenset, Matthæum, Marcum, Johannem, & ubi omnium Evangelistarum meminit, lib. 3. cap. 11. promiscuè recenset. Matthæum, Lucam, Marcum, Johannem. Postea verò primum Evangelium Johannis (et si Johannis nomen non exprimat) nominat, deinde Lucæ: tertio Matthæi: & postremo Marci. Quare hæc Baronii ratio corrumpitur. Nec altera majoris est momenti, quam proximè adducit, ab absurdo petitam, cum ait: *Rursus & illud, quod omnes æquè affirmant, irritum reddatur ac falsum, nimirum, Matthæum antequam Apostoli in diversis orbis provincias proficiscerentur, Evangelium scriptis tradidisse, siquidem ante adventum Pauli Romam fuisse divisos per orbem terrarum Apostolos, nulla est dubitatio*: At inquam, quod illud absurdum sit, quomodo probabit? nam ejusdem est, cum antecedente, ponderis. Verum operæ pretium est, observare, quam ridiculè verba Irenæi, ad suam sententiam tuendam, detorquere conetur: sic enim supradictis continuo subjicit: *Cæterum, quod ad Irenæi sententiam cum dicit, tum à Matthæo Evangelium scriptum esse, cum à Petro & Paulo Romana Ecclesia fundaretur: non sic accipienda putamus esse verba, ut non nisi post Pauli Romam adventum id factum esse voluerit significare: sed potius intellexisse, ipso initio foundationis Romanæ Ecclesiæ, à Matthæo Evangelium esse conscriptum: Cum nimirum Petrus Romam accessit, & tantæ molis erigendæ posuit fundamentum, Quod factum est post quatuor annos, anno scil. secundo Claudii Imperatoris, Dominique quadagesimo quinto* At inquam, quis adeo stupidus, ut credat idem esse, cum Petrus & Paulus Romæ fundarent Ecclesiam, atque cum solus Petrus inciperet fundare. Hæc enim expositio sententiæ exponendæ apertè contradicit. Deinde saltem illud, quod statuit antea Baron. Matthæum anno Christi 41. scripsisse Evangelium, hoc modo, ex verbis Irenæi, falli convincetur. Nam si primum scripsit (ut Baron. hic asserit,) quatuor annos post, anno 45. non igitur annos 4. ante, anno 41. ut paulo ante asseruit. Hisce proximè conclusionem, non minus viro docto indignam, atque ineptam, connectit, cum ait: *Nec enim sic Irenæum de Paulo meminisse credimus, quasi non ante Pauli Romam adventum Matthæus scripserit, sed communi potius (tum ipsius, tum cæterorum Patrum) usu loquendi cum de Romanæ Ecclesiæ foundatione fit mentio, Paulum æquè ac Petrum nominasse: non quod Paulus eodem, quo Petrus tempore, Romam venerit, ac simul cum Petro fundamentum jecerit: sed quod desuper edificaverit, ac denique eandem Ecclesiam, unâ cum Petro, consecraverit.* Hæc ille. Sed quum tam perspicuè tempus scripti Evangelii Matthæi, ab Irenæo definiatur; nempe cum Petrus & Paulus Romæ*

Romæ Euangelizarent, & Ecclesiam fundarent: quis credat, Baronium hoc revera non credere, & non potius, quæ in animo convictus credit, erroris antiqui, & Pontificis tuendi studio negare? neque talem interpretationem, quam fingit, aut Irenæi aut aliorum Patrum, ullo exemplo probat, aut probare poterit. Etenim ab Irenæo non simpliciter fit mentio Petri & Pauli, quod Romæ euangelizarint, & Ecclesiam fundarint, omiſſa temporis circumſtantia, ſed etiam convenientia indicatur temporis illius, & editi Evangelii Matthæi. Quare malam cauſam peſſimè Baronium defendiſſe, apparet. Atque illud etiam obſervandum, quod cum contendat Marcum ſcripſiſſe ante Lucam: illud ex hoc Irenæi loco perſpicuè confutatur: Nam ut Irenæus Mattheum ſcripſiſſe aſſerit, tum cum Petrus & Paulus Romæ euangelizarent, (de qua re actum) ſubjicit: *Post verò horum exceſſum, Marcus etiam, quæ annunciata erant, perſcripta nobis tradidit.* Quæ adeò clara ſunt, ut Baronius reſponſionis inops, ea verba in tacta relinquere maluerit, quam perfrictâ fronte tergiverſari. Atque hæc ſufficere arbitramur ut conſtet probari non poſſe, Mattheum aut Marcum ſcripſiſſe Evangelium ante Lucam: ſed contra Lucam ante reliquos Euangelistas: ob rationes, initio, ex ipſo Luca, adductas. Cæterum quod non videtur vulgò animadverſum, apud Euſebium Hiſt. Eccleſ. lib. 5. cap. 8. in Irenæo, loco citato, poſt mentionem Evangelii Marci, inſerta ſunt hæc verba: *Λυκάς ὁ ἀκόλουθος Παύλου, τὸ ἐν εὐαγγελίῳ κερύσσειον διαγγέλλον, ἐν βιβλίῳ κατέθετο: Et Lucas verò ſectator Pauli, Evangelium ab eo prædicatum libro diſpoſuit.* Quæ verba videntur potius Euſebio indita, quàm in codice Irenæi defecta: ut codicum ab Eraſmo, aliſque collatio oſtendit: & ſi verè eſſent Irenæi, Baronii tamen ſententiam, de Evangelio Matthæi anno 41. conſcripto confutarent, ut antè demonſtratum. Quibus non incommodè, quaſi corollarium adjici poterit, Baronii, de Evangelio Lucæ, quaſi à Propheta typicè prædicto, narratio. Sic enim ad annum Chriſti 58. ſect. 34. ait: *Inter typica, ac ſymbolica illa quatuor Evangelistarum inſignia, (quæ primum Ezechiel, inde verò Iohanni Evangelistæ fuerunt divinitus demonſtrata, & à Patribus divino plane Spiritu declarata) facies bovis, ob miniſterium ſacerdotii, à quo Lucas Evangelium auſpicatur, ab omnibus ipſi tribuitur. cum alioqui (ſi licet ſacris profana conjungere) antiqua voce, in Italia (ut author eſt Varro, de ling. Lat. lib. 6.) Bos, luca conſueverit appellari.* Sic antea Bar. ad annum Chriſti 31. ſect. 2. de quatuor Evangelistis loquens, ait: *Quorum admirabilem excellentiam atque præſtantiam, Ezechiel propheta, ſub quatuor animalium ſymbolicis ſpeciebus, in divina illa cælitus oſtenſa viſione gloriæ Domini præcognovit.* Hæc ille, quæ partim falſa, partim ridicula. Falſa, quia in Ezech. viſione cap. 1. animalia illa quatuor, contra diſertam Dei ipſius explicationem, quæ Cherubim notare aſſerit, cap. 10. 16. & 20. de quatuor Evangelistis dici ſtatuit. nam licet Irenæus adverſ. hæreſ. lib. 3. cap. 11. (quem plurimi ſequuntur) hoc aſſermet: in eo veniam potius erroris, quam aſſenſum rectæ explicationis promeretur. Quemadmodum & primum illius argumentum, quo ibidem, nec plura eſſe, nec pauciora Evangelia, ex eo probat, quod quatuor ſint regiones mundi, & quatuor principales Spiritus ſeu venti. Neque id fanè ulla veriſimili ratione ex Ezechiel probari poterit, cum nec ſcopus prophetæ, nec animalium illorum diſtincta ſuis circumſtantiis deſcriptio, Evangelii quatuor accommodari queat, & Dei, ut oſtendimus, expoſitio de Cherubim, adverſetur. Ideoque non ſolum è Patribus Theodor. in Ezech. Deo præeunte, ſimiliter exponit: ſed etiam Pontificiorum interpret. primarii, Mald. & Mariana, idem neglecta vulgari ſententia, ſtatuant. Nam licet ea ſit antiqua, non tamen vera: ut quæ, ab antiquiore divina expoſitione, falſi convincatur. Ridiculum etiam eſt, quod ex Varrone refert, quaſi Bos, luca, antiqua voce, in Italia conſueverit appellari. Hoc enim non ſolum eſt ἀβυσσὸς λόγων: ſed etiam aperte falſum. Nec enim Varro de voce luca agit: (quaſi ea bovem notafſet) ſed de periphrasi, nempe luca bove. Sic enim Varro ait: *apud Ennium: atque prius pariet locuſta Lucam bovem. Luca bos, elephas:* & explicatione ſe-

quenti, originem periphrasi huius, & vocem, *Luca*, adjectivum eſſe docet. Idemque Plinius naturalis hiſtor. lib. 6. cap. 6. Similiter Elephantem, vocatum *bovem lucam*, id eſt, Lucanam, tradit: id quod adeò clarum eſt, ut etiam Mariana, 1. cap. Lucæ, hunc Baron. errorem nominatim perſtrinxerit: quare nobis vitio verti non poteſt, ſi non ſolum ineptum, ſed etiam falſum hoc, *de bove luca*, commentum confutemus. Hoc enim inter alia plurimum conducit: ut, quemadmodum ex antedictis ſic ex hoc ſpecimine, appareat: quam partim mala fide, partim quanta negligentia, in autoribus, non ſolum ſacris, ſed etiam profanis adducendis, utatur. Ut ea cautione inſtructi, non temerè dictis illius fidem adhibeamus. Atque hoc modo abſoluta Evangelii Lucæ præſatione, ad tractationem, ſeu hiſtoriam Evangelicam, ſelectioribus locis, Deo favente, illuſtrandam, accedamus. Quæ cum primum agat de Iohanne Baptiſta, Chriſti præcurſore: Deinde de ipſo Chriſto; in priori quædam expendemus, quorum primum erit.

Sententiæ verſ. 6.

Contra Origenis & Pontificiorum abuſum deſenſio.

Quum Lucas Evangelium de Chriſto, à præcurſore illius Iohanne Baptiſta ordiatur, non immeritò excellentiam parentum illius Zachariæ, & Elizabethæ, (ad maiorem ſequentium intelligentiam, & Iohannis, ac Chriſti Domini illius commendationem) primo loco deſcribit. Ea autem excellentia, partim generis nobilitate, partim inſigni juſtitia, declaratur. Ac prior quidem v. 5. poſterior v. 6. his verbis exprimitur. *Erant autem juſti ambo, in conſpectu Dei, incedentes in omnibus mandatis & ſtatutis Domini inculpate.* Quibus, Zachariæ & Elizabethæ juſtitia, cum habitualis ac ſincera: tum actualis, tanquam fructus illius, atque index continetur. Habitualis quidem, quod *erant juſti*, id eſt, juſtitia præditi, eaque *coram Deo*, hoc eſt, ſincera: quia Deus omniſcius cordium ſcrutator, 1. Reg. 8. externa ſpecie falli non poteſt, 1. Sam. 16. v. 7. Actualis verò eſt, quod *incederent in omnibus mandatis, & ſtatutis*, ſive conſtitutionibus, Domini inculpate, id eſt, quod utramque legem, tam charitatis, quam ceremoniarum, ſine fuco, inculpate obſervarint. Prior enim vox *ἐπιπλάς* præcepta, legem decem præceptorum, ſeu decalogi, diſtinctè notat, quando cum ea, vox *δικαιώματα* ſtatuta copulatur. Quæ duobus Hebræis nominibus מצות & חקוק omnino ſignificatione reſpondent. Quemadmodum à LXX. Interpret. hæc duo ſimiliter ἐπιπλάς & δικαιώματα transferuntur: & à vulgato Interpret. Præcepta & ceremoniæ, Deut. 10. v. 13. & 28. v. 4. & 30. v. 10. Quibus duobus, aſt triplicem legem (Decalogi. Ceremon. & Judic.) ſimul notandam, sæpè addi ſolet vox Hebræa משפטים: quam vocem LXX. κείμενα vel κείρεν vertunt, Latini *judicia*, Deut. 5. v. 31. & 7. v. 11. & 8. v. 11. & 30. v. 16. Atque hæc ſtrictim de ſenſu huius loci: quæ ut paulò plenius intelligamus, duplex illius, ad errores ſtabiliendos, abuſus indicandus, ac diluendus occurrit. Primus autem eſt Origenis, qui inter Patres celebris, non ſolum ob doctrinam; ſed etiam ob indignam ſacræ Scripturæ, per ineptas allegorias, & impura dogmata non pauca, depravationem. Qualis etiam in comm. ad hunc locum perſpicui eſt. ut autem ſpecioſius hoc ageret, fundamentum diſtinctione quadam, præſtruit, cum ait: *Absque peccato eſſe, in ſacris literis dupliciter intelligitur, ut ſit alterum, nunquam omninò peccaſſe: alterum, peccare deſiſſe.* Unde priori ſenſu fatetur Origenes, nullum eſſe abſque peccato: de poſteriori verò negat his verbis: *Si verò ſic intelligant, hominem non eſſe abſque peccato, ut negent quempiam, poſt vitia, ita ſe ad virtutem conferre, ut nunquam omninò peccet, falſa eorum ſententia eſt.* Idque probare conatur ex Ephel. 5. v. 26. Chriſtus, inquit, exhibuit ſibi glorioſam Eccleſiam, non habentem maculam; non quia Eccleſiaſticus vir nunquam habuerit maculam, ſed quia nequaquam ultra maculatur: non habentem rugam: non quod ruga veteris hominis in eo aliquandò non fuerit; ſed eam habere deſerit. Atque eo etiam modo hanc Lucæ ſententiam accipiendam ſtatuit: hæc, inquit, idcirco diximus, ut doceamus, poſſe hominem, ob id, quod peccare deſerit, vocari abſque



absque peccato, & immaculatum. Unde & manifestissime de Zacharia & Elizabetha scribitur; erant iusti ambo in conspectu Dei, &c. urgetque illa verba: in conspectu Dei: utpote qui corda solus videt, & iustus est iudex. Hæc Origenis sententia: qui distinctionis suæ membrum secundum exponens, sacræ Scripturæ clarissimis decretis è diametro adversatur; & dicta Pauli, & Lucæ perperam exponit. Nam ad prius quod attinet: falsam ait esse sententiam: si quis neget, quempiam à vitiis ad virtutem ita sese referre, ut nunquam omninò peccet. Contra verò discretè pronuntiat Apostolus Johannes 1. ep. 1. Nec enim tantum ait, v. 10. Si dicimus nos non peccasse, mendacem facimus eum: quod Origenes agnoscit; sed etiam, quod Origenes negat ac damnat, v. 8. ait Apostolus, Si dixerimus, nos peccatum non habere, nos ipsos seducimus, & veritas non est in nobis, & Proverb. 20. v. 9. Quis potest dicere, mundum est cor meum, purus sum à peccato? & Eccles. 7. v. 21. Non est enim homo iustus in terra, qui faciat bonum, & non peccet; & communis Ecclesiæ totius, atque quotidiana precatio, Luc. 11. v. 4. & Jac. 3. v. 2. contrarium ostendit. Quamobrem Origenes Pauli, & Lucæ verba pervertit. Nam primò & verba Pauli & sensum violat. Verba quidem, quia Paulus non ait de Christo exhibuit sibi, sed ut exhiberet, & agnoscere sibi. Sensum verò etiam corrumpit: quia, quod Paulus expressè loquitur de Ecclesia gloriosa, (qualis futura primum est in cælis) illud Origenes detorquet ad Ecclesiam, cum infirmitate militantem in terris. Et gloriosa rectè dicitur, non habere maculam, nec rugam, nec quicquam ejusmodi; sed sanctam & inculpata esse: militans verò veterum macularum ac rugarum habet reliquias. Quamvis enim ea exuisse veterem hominem, cum factis ipsius, & induisse novum Col. 3. v. 9. 10. affirmetur: utrumque tamen, non simpliciter, sed secundum quid; seu non omninò: sed majori parte intelligitur. Idque eo perspicuè demonstratur: quod fideles jubentur adhuc deponere vetèrem hominem, & renovari Spiritu mentis suæ, & induere novum hominem, Ephes. 4. v. 22. 23. 24. & mortificare membra sua terrena Col. 3. v. 5. vide etiam Rom. 12. v. 2. & 2. Cor. 7. v. 1. quod autem sine macula est simpliciter, illud purgari non potest, sed totum purum est; & quod non est, illud deponi, exui, transmutari non potest; sicut nec indui, id quo perfectè induti sumus. Quare cum reliquiæ carnis seu veteris hominis adversentur Spiritui, & Spiritus carni, Galat. 5. v. 17. Rom. 7. v. 23. & Caro tamen non dominetur, sed Spiritus, Rom. 6. v. 14. & 18. idcirco patet Ecclesiam militantem non esse simpliciter, seu omni parte sine macula, & sine veteris hominis ruga. Ac propterea falsum est omninò, quod de Ecclesia militante affirmat Origenes, eam esse sine ruga veteris hominis, quod eam habere desierit. Neque illud, ut ostendit, manifestissime de Zacharia & Elizabetha scribitur, à Luca: neque etiam ex ejus verbis rectè concludi potest; quod ut clarius constet, syllogismo rem constringemus. Quicumque iusti sunt coram Deo, & in omnibus illius mandatis, ac statutis incedunt inculpati, illi peccare desierunt: atqui Zacharias & Elizabeth fuerunt tales: Ergò peccare desierunt. Speciosa quidem, sed vitiosa oratio, ob sophisma amphiboliæ, in medio termino; qui diversis modis accipitur. Nam homo, iustus coram Deo, & inculpatus dicitur, vel per se, vel per accidens. Per se, qui talis est propriæ justitiæ jure; qualis solus Christus, Heb. 7. v. 26. Christus dicitur Pontifex sanctus; innocens; impolutus; segregatus à peccatoribus, & 9. v. 14. qui se ipsum obtulit inculpatum Deo. & 1. Pet. 1. v. 19. Ut agnum immaculatum, & incontaminatum. Per accidens verò iusti coram Deo, & incedere in omnibus mandatis & statutis, inculpati dicuntur Christiani veri, seu verè fideles, nimirum per accidentem Dei, per Christum, gratiam, seu expiationem ac condonationem. Quia licet quis (per sanctificationem, à Spiritu Sancto inchoatam) habuerit internam justitiam & externam, secundum omnia Dei mandata: non tamen eo perfectionis gradu, qui jure legis requiritur, id est, non ex toto corde, tota cogitatione omnibusque viribus, Matth. 22. v. 37. ob carnis adversus Spiritum concupiscentiam, Gal. 5. vers. 17. Idcirco ob hunc defectum, si hæc justitia fidelium per

se tantum spectetur, peccatum, seu legis transgressio est; sed per accidens gratiæ Dei, hunc defectum, per fidem in Christum condonantis, iusti coram Deo & inculpati dicuntur. Qua de re duæ sunt memorabiles sententiæ; una 1. Pet. 2. vers. 3. ubi fideles dicuntur esse *Sacerdotium sanctum, ad offerendas spirituales hostias, acceptas Deo, per Jesum Christum*. Altera & quidem expressior est sententia de Deo, Hebr. 3. v. 21. *Perficiat vos in omni opere bono, ad præstandam illius voluntatem: efficiens in vobis, quod acceptum sit in conspectu suo, per Jesum Christum*. Nam licet bonum in nobis efficiat Deus, & catenus probet: quia tamen illud carnis nostræ rebellantis contagione inlicitur, non nisi per & propter Christum, gratuita condonatione acceptum est. Neque causa est, cur quispiam excipiat: Deus (ut Apostolus ait) nos perficit in omni opere bono: ac propterea nihil in nostris operibus est imperfectionis: quia Apostolus non loquitur de perfectione, ut appellant graduum, seu obedientia ex toto corde, tota cogitatione, & omnibus viribus intenta: sed de perfectione partium; seu quod Deus Spiritu suo sanctificante, carnis dominatu sublato, obedientiam secundum omnia legis præcepta in nobis inchoet, non autem carnis reliquias penitus tollat, sed per Christum condonet: ut sequentia exponunt. Atque ita ut fideles per se considerati, à Deo jure legis culpam merito possunt: sic non nisi per accidens gratiæ, culpam remittentis, iusti coram Deo, & inculpati vocantur: ut Luc. 1. v. 74. 75. 76. *Ut sine metu, è manu inimicorum nostrorum liberati, serviamus ipsi cum sanctitate & justitia in ipsius conspectu, cunctos dies vitæ nostræ*. & 1. Cor. 1. vers. 8. *Deus etiam confirmabit vos, usque ad finem, inculpato, in diem Domini nostri Jesu Christi*. Quare ex hisce apparet, vanam esse syllogismi objecti consequentiam: quia iustum esse coram Deo, & inculpatum, in propositione, per se intelligitur, ex Origenis sententia antea proposita; in assumptione verò ex Lucæ verbis proposita non per se, sed per accidens gratiæ Dei per Christum, accipitur. Idque etiam ex vers. 20. constat, ubi peccatum incredulitatis Zachariæ indicatur, ac culpatur ab Angelo Dei. Deinde August. tom. 1. Epistol. 95. *Quia sacerdos erat Zacharias, peccatum habuisse docet: quod summi sacerdotes quotidie pro peccatis propriis, totiusque populi victimas offerrent, ex Dei lege*, Hebr. 7. v. 27. Ideoque falsum est, quod Origenes Zachariam inculpatum fuisse per se, seu justitiæ propriæ perfectione, ac peccare desuisse, contendit. Atque ut nonnullis dictis Ario viam stravit; sic hoc exemplo Pelagianis prævit: de quibus August. lib. de hæres. cap. 88. ait; *in id etiam progrediuntur, ut dicant vitam justorum in hoc seculo nullum omninò habere peccatum, & ex his (nempe iustis,) Ecclesiam Christi, in hac mortalitate, perfici; ut sit omninò sine macula & ruga, quasi non sit Christi Ecclesia, quæ in toto terrarum orbe clamat ad Deum: dimitte nobis debita nostra*. Hæc August. Hoc igitur abusu primo hujus loci plenius confutato: facilius alterum diluemus; is autem est Pontificiorum. Cujus abusus primò occasio & scopus; Deinde forma, seu modus considerandus est. Occasio quidem est, Orthodoxorum adversus Pontificios, de justificatione hominis coram Deo, ex operibus, argumentum hujusmodi: Nulli peccatores ex operibus suis justificantur coram Deo: omnes homines sunt peccatores. Ergò nulli ex operibus suis justificantur coram Deo. Scopus autem est, ut ex hac Lucæ sententia assumptionem confutent, atque ita contrarium stabiliant. Modus autem est oppositio hujus exempli, Luc. 1. vers. 5. quia Zacharias & Elizabeth dicuntur fuisse iusti coram Deo, incedentes in omnibus illius mandatis & statutis, inculpati. Verum negamus inde sequi illos non fuisse peccatores: quia non per se, id est, jure dignitatis justitiæ eorum propriæ, iusti coram Deo, & inculpati dicuntur (ut antea demonstravimus) sed per accidens gratiæ Dei, imperfectionem bonorum operum propter Christum, condonantis. Quod adeò perspicuum est, ut ipsimet adversarii hoc fateri cogantur; quemadmodum Thom. Staplet. in Antid. Evangelicis ad hunc locum ait: *Docet hic locus, justitiam bonorum operum coram Deo talem esse, & sic in omnium mandatorum observatione consistere, ut à gravioribus tantum peccatis immunitis*

munis sit; non quod iam exacta observatio necessarii requiratur, quæ cum nullis levioribus peccatis consistat. Hæc ille: unde apparet demonstrationem Orthodoxorum inconcussam persistere. Deinde hæc Lucæ verba in Pontificios retorquemus; Qui habent peccata, illi non sunt jure operum suorum justi coram Deo: Zacharias & Elizabeth fatentibus adversariis (ut est Concil. Trident. sess. 6. cap. 11.) habuerunt peccata; quod etiam ex Luca jam ante ostendimus de Zacharia: Ergo non fuerunt jure operum justi coram Deo. Neque distinctio valet, quam adducunt, inter peccata levia ac venialia, & gravia seu crimina & mortalia: quia generatim peccatum omne repugnat justitiæ, quam Deus præcipit: quia est transgressio legis, 1. Joh. 3. vers. 4. & stipendium peccati mors, Rom. 6. vers. 23. Ac licet non omnia peccata sint æqualia: omnia tamen & legis jure, & merito suo, sunt mortalia, id est, mortem merentur, Deut. 27. v. 26. Gal. 3. v. 10. Sed credentibus in Christum, confitentibus, & resipiscentibus, ex Dei gratia, propter Christum, condonantur, 1. Joh. 1. v. 9. Ideoque David orans ait: Psal. 143. v. 3. *Ne venias in iudicio cum servo tuo: quia non erit justus coram te ullus vivens.* Quod autem Stapleton. Luc. 1. v. 6. respondet nostris; *si nemo coram Deo justificabitur: Ergo nec per suam, nec per alienam justitiam, ipsi imputatam, nec per opera, nec per fidem aliquis justificabitur.* Hoc inquam, vanum est effugium: quia David non potuit deprecari iudicium Dei per fidem: quia illud fit per Dei misericordiam ac gratiam, peccata, propter Christum, remittentem, Rom. 3. v. 24. ac beatus David prædicat, quibus remissa sunt peccata, Psal. 32. v. 1. 2. ideoque nec sapienter, nec pie, hoc misericordiae, per fidem in Christum, iudicium, deprecari potuit; sed contra pro eo precatus est; quemadmodum de omnibus sanctis ibidem testatur, Psal. 32. vers. 6. Iudicium verò Dei, ex operibus hominis, declinavit rectè, ac deprecatus est, ut est Psal. 130. *Si iniquitates observaveris fab, Domine quis stabit?* Et sanè de hoc iudicio verba Davidis quæ frustra corrumpere Stapleton. conatur, intelligenda esse Apostolus, Rom. 2. v. 20. 21. 22. & Gal. 2. v. 16. proponens, disertè ac perspicuè exponit. Præterea, ut initium sententiæ, Luc. 1. v. 6. quo Pontificii abutuntur, in eos retorquimus: ita reliquum, iis refutandis, retorquemus hoc modo: Qui habent peccatum, illi suorum operum jure, non possunt dici justi coram Deo, nec incessisse in omnibus Dei mandatis, inculpatè: quia peccatum omne culpa est, & culpam ac reprehendi potest: atqui Zacharias & Elizabeth, (ut de his & omnibus sanctis agnoscunt Pontificii) habebant peccata. Ergo suorum operum jure, non possunt vere dici, incessisse in omnibus Dei mandatis, & statutis inculpatè. Cum autem verè dicantur ab Evangelista inculpati, quod intelligi cum non possit de jure operum: sequitur intelligendum ratione gratiæ Dei, condonantis imperfectionem operum, propter Christum. Nam quamvis Stapleton. *culpam inculpatum*, sive *irreprehensum*, aut cum vulgat. interpr. *sine querela*, hominum ratione, dici censet; ut Phil. 2. vers. 15. & 3. v. 6. & 1. Thess. 2. vers. 4. accipitur; & in eo etiam Augustin. tom. 7. contra Pelagianum & Cœlestinum lib. 1. de gratia Christi cap. 47. & tom. 2. epistola 95. sequatur: ut & Bellarminus tom. 4. de amiss. gratiæ, lib. 1. cap. 6. Maldonatus tamen Jesuita generatim accipit; ut, inquit, *sensus sit, adeo diligenter Dei mandata, institutionesque servasse, ut nihil in eorum observatione desiderari, nihil neque apud homines, neque apud Deum reprehendi possit.* Unde inquam sequitur, cum agnoscat fuisse peccatores, non jure operum, sed Dei munere ac gratia, inculpatum dici, ut supra ostendimus. Ac licet ea sententia, quæ inculpatos apud homines exponit, sit probabilis, & adversariis nullo modo faveat; tamen non est necessaria: quia etiam alibi, ratione Dei, fideles in hac vita dicuntur inculpati, & ab eo tales confirmandi, ut Luc. 1. v. 74. 75. 76. & 1. Cor. 1. v. 8. de qua antea, & 1. Thess. 3. v. 13. dicitur, *ut corda vestra inculcata stabiliat in sanctimonia coram Deo, & Patre nostro, in adventu Domini nostri Jesu Christi cum omnibus sanctis, & ibid. c. 5. v. 23. Ipse autem Deus sanctificet vos totos, & integer vester Spiritus, & anima & corpus, inculpatè in adventum Domini nostri Jesu*

Christi serventur. Qualis sanctitas inculcata, sine conjuncta remissione peccatorum, propter Christum, esse non potest: Ideoque tales de fidelibus sententiæ, non aliter sunt accipiendæ quam per accidens gratiæ Dei, defectus condonantis. Quomodo etiam intelligenda sententia Hiskia, de sua justitia, quam objicere solent, Esa. 38. v. 3. *Memento Jeborva quæso, quod ambulaverim in veritate, & corde perfecto & bonum in oculis tuis fecerim*, & tamen postea v. 7. *Sua in Deum peccata confitetur.* Quemadmodum etiam, 2. Reg. 18. de eodem dicitur, v. 6. *& adhæsit Jeboræ, non declinavit ab eo, custodivitque præcepta, quæ præcepit Jeborab Moysi*; & tamen v. 14. peccatum suum injustitiæ, in regem Assyriorum, agnoscit, & consequens etiam v. 16. in Dei templum injustum fuisse, coram Deo, describit. Quare illa justitia coram Deo, quæ ei attribuitur, non de jure operum per se accipienda, sed per accidens, ratione accidentis veniæ, defectus sc. peccati, intelligenda.

Atque ita, non solum Origenis, sed etiam Pontificiorum in hac celeberrima Luc. 1. v. 6. sententia corrumpenda, abusum detectum, ac confutatum arbitramur. Quamobrem ad alia illustranda procedimus. Primum,

#### De Missione Angeli ad Virginem MARIAM.

Quemadmodum præcursoris Christi Iohannis Baptistæ conceptionem admirandam, missio cælestis Gabrielis ad Zachariam, & annuntiatio illustris, ac fidelis antecessit, idque ab Evangelista, unà cum eventu consecuto, hætenus explicatum: sic recto ordine, de Christo acturus, similia, eodem nuntio accidisse describit. Ac primò, missionem Angeli Gabrielis ad virginem Mariam, ad conceptionem & nativitatem Christi nuntiandam: deinde fidelem Angeli obedientiam declarat. In missione autem observanda est *causa illius efficiens*, (nam finis, seu nuntium, cujus gratia missio instituta, hic ad *πυμολογία* vitandam, omissa, in executionis narratione explicatur) & *circumstantia*. Causa efficiens est Deus. Circumstantia est accidens temporis & loci: & persona cum missa, tum ea, ad quam missa est. Tempus quando contigit, est mensis sextus, scil. conceptionis Iohannis Baptistæ, ut v. 24. indicatur, *Post illos autem dies concepit Elizabeth uxor ejus, & occultavit se mensibus quinque: ad quod refertur, quod vers. 26. sequitur, mense autem sexto.* Locus verò quo missio instituta, est urbs Galilææ *Nasareth*. Persona deinde missa notatur primò appellatione officii, *Angelus* id est, nuntius *ἄγγελος*, cælestis, ut Hebr. 1. v. 14. Deinde proprio nomine, cum additur, *Gabriel*; qui ante ad patrem Iohannis Baptistæ fuerat similiter missus, Luc. 1. v. 11. & 19. Persona autem ad quam missus est, describitur, à conditione sua, & nomine. Conditio est partim interna, quod virgo: partim externa, quod viro Iosepho, è domo, id est, genere Davidis, desponsata. Nomen verò est Græcè *Μαρία*, Latine Maria. Atque hæc strictim de hujus loci analysi. Sequitur jam quæstio de nomine Gabriel, & Maria. Non enim inutilis est verborum concertatio, si quis nomina hæc nonnihil examinet: sed hoc partim ad diversa Sacrarum litterarum dicta accuratius intelligenda: partim ad errores Pontificios communes clarius relegendum & confutandum conducit.

Ad 1. quod attinet, Certum est Angelum Gabrielem memorari Dan. 8. v. 16. & Luc. 1. 19. & 26. & vocem esse Hebræam, & quidem compositam. Sed de compositionis modo, & de nominis significatione diversa sunt iudicia, quidam enim ex tribus vocibus constare putant *גַּבְרִיֵּל* & affixo pronomine primæ personæ. Atque ita in Appendice bibliorum Complut. in libro interpretationis nominum Hebraicorum tertio modo, *fortis meus Deus*, exponitur. Alii verò ex duabus tantum vocibus formatum iudicant, ex *גַּבְרִי* & *אֵל*: Ita ut in medio sit epenthesis, euphoniæ causa: ut in quibusdam aliis, ad suaviorem compositionem, fieri solet, ut in nomine *הַיְיָ* ex *מֶלֶךְ* & *יְרֵךְ* id est, interprete Apostolo, Hebr. 7. v. 3. *βασιλεὺς δικαιοσύνης, rex justitiæ.* Quæ sententia maxime communis. Sed in significatione exprimenda variatur. Primum enim

Hieron.

Hieron. tom. 5. in Danielelem, cap. 8. ait. *Gabriel enim in linguam nostram vertitur, fortitudo, vel robustus Dei.* Quem sequitur Complutensis nominum interpretatio, in secunda expositione sua hac: *Fortitudo Dei.* Idemque tradit Theophilus Lebæus in onomastico Theologico: ut etiam illustres quidam Danielis interppr. Verum obstat vocis גַּבְרִיֵּל in sacris literis usus, quod nullibi *fortitudinem* notet, sed *virum*; licet (ut vox Latina *vir*) à viribus nomen habeat nempe à verbo גַּבַּר *fortem esse*. Quare alii non fortitudinem, nec fortem (qui גַּבְרִיֵּל dicitur,) sed virum exponunt: atque ita quidem interpretatio Complut. prima est, *vir Deus*, ut sensus sit, Deus est vir, metaph. id est, fortis: quo tropo dicitur, Exod. 15. vers. 3. *Jehovab vir belli*, id est, bellicosus. Deinde multi simplicius explicant, *vir Dei*, à virili specie, qua Angeli, ut ministri Dei, apud homines apparere solent. Unde etiam crebrò, à prophetis, idcirco *vir* appellatur, Genes. 12. v. 2. & 19. v. 10. Ceterum hoc etymo statuto, disquiritur an hoc nomen, *Gabriel*, sit proprium; an verò commune, seu an singularem personam; an verò accidens illius officium, cum aliis Angelis commune, significet? Prior sententia, (quam Hier. comment. in Daniel. cap. 4. aliique Patres tradunt) magis consentanea est, ob nominis unius ex duabus vocibus compositionem: qualis in nomine proprio sæpius adhiberi solet; in accidentis verò periphrasi insolens est. Sed pro altera secunda sententia objicitur. Insolens omninò esse in sacris literis, ut ulli Angelo nomen proprium tribuatur. Cui argumento non opponemus Angelum Raphaëlem ex libro Tobie, cap. 12. vers. 15. neque Jeremielem ex libr. 4. Esra cap. 4. vers. 36. neque Uriëlem cap. 5. vers. 20. (quia libri hi sunt apocryphi. & fabulosi:) Sed cum Hieron. in Daniel. cap. 8. opponimus Archangelum Michaëlem: de quo Dan. 10. vers. 13. & 21. & in epistola Judæ, vers. 9. & Apoc. 12. v. 7. Nam quod insignes interpp. hac voce, non Angelum creatum; sed filium Dei intelligi statuunt; illud, si quis diligenter expendat, suis rationibus minime evincunt. Quarum prima est, à nomine ipso petita מִכָּאֵל id est, *qui sicut Deus*, qui honor soli Deo competit, Respondemus autem, interpretationem hanc meritò negari: quia vox Hebræa, non est propriè nomen relativum (*qui nempe*) sed interrogativum, *quis*, sicut usus vocis demonstrat. Ac licet sic accipiat ab interpp. Eccles. 7. vers. 14. ex ea tamen rarissima catachresi, statui non potest, ita in aliis vocibus, & in hac intelligi oportere: præsertim cum in similibus dictis, ubi Deus celebratur, vox מִי interrogativè semper accipiat, Exod. 15. v. 11. מִי *quis sicut tu inter Deos*, & Psalm. 35. vers. 10. *Jehovab מִי* id est, *quis sicut tu*, & Psalm. 71. v. 19. & 89. v. 9. Esai. 44. v. 7. Jerem. 49. v. 19. & 50. v. 44. Neque Dei majestas læditur, cum hoc nomen Michaël, id est, *quis sicut Deus*, Angelo tribuitur: quia est confessio Majestatis Dei, non autem alienatio illius à Deo. Quod inde etiam probatur, quod idem nomen Michaël, à piis parentibus ac laudatis suis filiis crebrò impositum est; ut Num. 13. v. 14. & 1. Chro. libro sæpius, ut cap. 5. v. 13. & alibi 2. Cher. 21. v. 2. Esai. 8. vers. 8. Alterum quod adferunt argumentum ob attributo principis populi, quo vocatur Dan. 10. v. 21. petatum simile, non stringit. Nam licet Christus sit jure summus, & absolutus populi Judaici princeps: huic tamen probè consentit, quod Angelus Michaël princeps populi illius, Dan. 10. v. 21. vocatur: quia hoc fit, quod populo Judaico, ad Filii Dei nutum, esset institutus Princeps. & sic principatus etiam, nomina Angelis tribuuntur, Ephes. 1. v. 21. Col. 1. v. 16. Quare argumentum hoc invalidum est; ut etiam postremum ex Apoc. 12. v. 7. quod Michaëlis & Angelorum ejus fiat mentio: Angeli autem Christo subditi sint. Fatemur nos Christo subditos, tanquam summo Domino: Michaëli verò ut Archangelo, qui Christo subiectus est: quemadmodum adversarius Michaëlis Diabolus, & Angeli ejus ei opponuntur v. 9. Confutatis igitur hisce rationibus, quibus probare conantur, per Michaëlem debere Filium Dei Christum intelligi: contra superest, ut demonstretur, non solum non debere, sed etiam non posse ita intelligi. Primum, quia Michael vocatur Archangelus. epist. Judæ, vers. 9. Atqui

Archangelus disertè distinguitur à Christo, 1. Thess. 4. v. 17. Deinde quia Michael unus è numero Archangelorum vocatur, Dan. 10. v. 13. cum ait: *Michael unus Principum primorum venit, ut me adjuvaret.* Hoc autem de Filio Dei dici rectè non potest: ut qui non sit è numero Archangelorum, sed extra numerum eorum, Deus omnipotens ac creator. Neque excusari potest, si quis *unum* pro *primo* (ut interdum fit, Gen. 1. & alibi) accipi objiciat: quia eodem res redibit. Nam primus principum primorum, è numero & ordine eorum est. Præterea Angelus Gabriel, loco Danielis citato, facti sui difficultatem describens, ait: v. 21. *Ne unus quidem est, qui confirmet se mecum, nisi Michael Princeps vester.* Atqui si ea voce Filius Dei intelligeretur, inepta & illo indigna esset oratio: quoniam nullum majus auxilium, quam Filii Dei, cujus potentia infinita, excogitari potest. Denique quod in epist. Judæ v. 9. de Michaële dicitur, quod *non ausus fuerit Diabolo maledictum ingerere: sed dixerit, increpet te Deus*: id ad Dei Filium omnipotentem omnium Dominum ac judicem, referri indignum est. Nam licet talis increpatio (qualis Jehovæ adscribitur, Zach. 3. v. 2) Filio Dei tribui possit; quo modo, non ausum fuisse maledictum ingerere, dici potest: cum & Christus, Joh. 8. ipsi perspicuè maledixerit, & judex sit dæmonum, quos ultimo die in æternum condemnaturus sit supplicium. Quamobrem ex hisce satis patet, falsum esse, quod objicitur; nulli Angelo in sacris literis nomen proprium adscribi; ideoque persistat communis Patrum sententia, qua vocem Gabriel, singularis Angeli nomen proprium esse censent. Id quod etiam attributa duo, cum nomine Gabriel conjuncta, suis locis demonstrant, nempe *vir*, Dan. 9. v. 12. & *Angelus*, Luc. 1. v. 26. quia si Gabriel non personæ nomen esset, sed officii, communis aliis Angelis, nempe *vir Dei*, tautologia esset inepta, *vir, vir Dei*, si sensum consideremus, quem obtinent. Porro observatu dignum est, quod idem Angelus Gabriel, olim à Deo missus, ad Danielelem prophetam, ut tempus futuri adventus Christi, & salutem per eum pronuntiaret, Dan. 9. Et deinde completo tempore, à Deo missus ad virginem Mariam, ut conceptionem Christi instantem, & nativitatem rectè secuturam annuntiaret. Atque hæc de Angelo Gabriële, quibus pauca adjungemus.

#### De Nomine Maria.

UT autem de hoc nomine paucis etiam agamus; eò nos provocat indigna Pontificiorum, ad superstitionem, translatio. In nomine autem spectanda est vox & significatio illius. Vox enim aut integra aut contracta est: Integra est in Græco Μαρία, in Nominativo, Accusativo & Vocativo, Luc. 1. v. 27. 34. & 30. In genitivo Μαρίας Luc. 1. vers. 41. vel Μαρίας Luc. 2. vers. 5. In Dativo Μαρίας Actor. 1. v. 14. Contracta verò vox est Μαρία per apocopen ultimæ litteræ μ. Ac licet Μαρία de sola Virgine Maria, in Euangelis, & de alia pia muliere, Rom. 16. v. 6. dicatur: Μαρία verò de sorore Lazari Ioh. 11. v. 2. aliisque Marc. 16. v. 1. idem tamen nomen esse reipsa, Syrus interpres declarat: qui sine discrimine, utriusque loco habet מָרְיָם. Hæc de voce ipsa. De significatione verò illius controversia est. Nam ad Patres quod attinet, Hieronym. Tom. 3. de nominibus Hebraicis in Exodo. *Maria*, inquit, *illuminatrix mea, vel illuminans eos, aut Smyrna, aut Stella maris.* & ibidem de nominibus in Matthæo ait: *Mariam plerique aestimant, interpretari, illuminant me ipsi, vel illuminatrix, vel Smyrna maris: sed mihi nequaquam videtur. Melius autem est ut dicamus sonare eam, stellam maris, sive amaram mare. Sciendum Maria Syro sermone Domina vocatur.* In quibus verbis postremis, error videtur observandus Hieronymi: nam Syris *Domina*, *Hera*, non vocatur Maria מָרְיָם sed מַלְכָּה vel מַלְכָּה (ut doctissimi hujus linguæ lexicographi testantur) quæ vox à Maria diversa est, Ioh. 11. vers. 19. Deinde libro interpretationis nominum in Bibliis Complut. de eodem nomine hæc habentur: *Maria exaltata; vel amaritudinis mare, aut Myrrha maris: sive doctrix, vel magistra maris, aut ex Syro & Hebræo, Domina maris.* In qua varietate memorabilis

memorabilis est Pontificiorum abusus, quod Stellam maris interpretantur, & in suis idololatricis, ad Virginem Mariam, precibus, ita invocant, in Bonaventuræ opere, quo ea, quæ in Psalmis Davidis Deo tribuuntur propria, ad Virginem Mariam detorsit, ac Pfalterium appellavit: id quod Constantiæ anno 1661. cum canticis aliisque precibus ac litanis, ab Episcopo Constantiensi probatum, & recusum est. Sic enim in Psalmo 66, vers. 4. *illumina me stella maris* &c. & in Litanis ad Virginem Mariam, pag. 357. *Maria stella maris Maria porta cæli* &c. *ora pro nobis*. Quem appellationis fucum incrustare conantur duobus argumentis. 1. ex sententia Hieronymi ante proposita, qui Mariam *stellam maris* interpretatur. Sed negamus: quia error est ab imperitia aut negligentia descriptorum illius libri: quia legendum est, non *Stella*, (quæ Hebræicè כוכב dicitur) sed *Stilla*. Nam ut מים Hebræis mare, sic מים Esai. 40. v. 15. *stillam* notat. Quo spectavit Chytræus, Comm. in Matth. cap. 1. quia ad vocem Maria ait, *Stilla maris*, vel *amarum mare*, vel *doctrix populi*. à מים & עים. Nec alterum argumentum firmitus est, quod nomen illud Maria compositum sit ex מים luminare & מים mare ut Costerus conjicit: sic enim nomen esset מים non autem מים. Cæterum ut & Pontificiorum error peculiaris, & vulgaris eorum, aliorumque (quos legere contigit) corrigatur: duo sunt statuenda. Primum est, מים suavioris pronuntiationis gratia, à Græcis LXX. interpret. (ut initio ostendimus) & in Novo Testamento Græco, & in Syra interpretatione poni pro Hebræo מים. Quam vocem, ut suis vocalibus non mutatam Chaldaei paraphrastæ retinuerunt. Exod. 6. vers. 20. & 15. vers. 20. Sic LXX. interpretes exilem atque obscuriorem vocalem Chirick seu i breve, in a plenioris ac clarioris soni vocalem mutarunt. id quod Apostoli & Euangelistæ secuti sunt. Quemadmodum in pluribus aliis à LXX. interpretibus factum est, verbi gratia, Bileam, in Balaam: quomodo etiam Apostolus Iudas vers. 11. enuntiavit. Quamobrem cum Hebræorum vocem מים & Græci LXX. interpretes & Syri mutarunt, in מים, significatio illius non ex hac posteriori: sed ex priori sumenda: quia, litera, A, hic non est nativa vocalis, ad vocis primæ naturam pertinens: sed tantum nativæ vocalis vicem supplet, ad sonum suaviorem. Qua in re, primus interpretationum huius vocis error communis consistit. Alter est, quod genuinam compositionem & significationem vocis מים (bona cum venia dictum sit, veritas studio) non observarunt. Componitur enim ex nomine מים i. e. *rebellio* proverb. 17. v. 11. (à verbo מים *rebellis fuit*) & pronomine affixo מים eorum: quemadmodum vox integra מים extat Nehem. 9. vers. 17. מים in *rebellionis sua*. aut eorum: ut ex nomine מים fructus & מים eorum, מים fructus eorum, Esai. 37. vers. 30. componitur. Cur verò illud nomen, primum sorori Moysi impositum sit; non minus incertum est, quam cur frater Moysi, & illius, Aäron sit nominatus. Quare ex hisce apparet, Pontificios inepto errore deceptos, quod falso Mariam sive Mariam significare stellam maris contendunt, & hoc quasi imperio ei attributo, impiè, hoc titulo, Virginem Mariam invocare. Atque hæc quidem de Angeli Gabrielis, ad Virginem Mariam, *missione*. Sequitur deinde fidelis illius, per Gabriel, *executio*. Quæ in facti & sermonis imperati obedientia consistit: ita tamen, ut consequentes utrinque eventus, commodo ordine, interserantur. Factum autem est ingressus Angeli ad virginem versu 28. initio. qui non sensum, ut homines solent, sed repente, pro more & potentia Angeli: cui omnia pervia, tanquam Spiritui: id quod ex apparatione illius v. 19. colligitur: Cujusmodi etiam fuit accessus Angeli, Dan. 6. v. 32. & Actor. 5. v. 19. & 10. v. 3. & 11. vers. 13. & 12. v. 7. cum 10. collato. Sermo verò Gabrielis, salutationem ad Virginem Mariam & annuntiationem conceptionis & nativitatis Christi complectitur. *salutatio* autem est sermonis initium, quo salutem alicui optamus, ad testandam & acquirendam benevolentiam. Qualis, hoc in loco, Angeli Gabrielis ad Mariam describitur, propositione, & expositione atque amplificatione constans. *Propositio* vers. 28. hæc est: *χαῖρε καὶ εὐαγγελισμένη*: quibus describitur virgo Maria, quæ salutatur, & modus salutationis.

Atque illud quidem Græcè est *καὶ εὐαγγελισμένη*: cujus vocis origo est à *χαῖρε* gratia: unde oritur *χαῖρε* gratum sive acceptum facio, & *χαῖρε* gratum seu acceptus fio, unde *καὶ εὐαγγελισμένη*. de qua voce noster interpret ait: *Hæc est ἡ ἡμετέρα quod participium Lucas, novo vocabulo Græco, expressit. idemque etiam in annot. ad Eph. 1. v. 6. ἡμετέρα ἡμετέρα ait, ἡμετέρα* ficto quidem verbo, sicut etiam finxit alibi verbum *ἡμετέρα*. Verum licet, ex profanis authoribus Græcis, usus earum vocum nondum appareat; non novam tamen, neque à Paulo fictam esse demonstrari potest, quia verbum *ἡμετέρα* duodecies à LXX. interpretibus usurpatur, ut Num. 16. v. 7. Deut. 1. v. 6. & alibi. Sic etiam *καὶ εὐαγγελισμένη* usurpatur à Jesu Siracide Ecclesiastici cap. 18. v. 18. *καὶ εὐαγγελισμένη* apud virum gratiosum. gratia præditum. Ad sensum verò quod attinet, latini patres, & vulgata versio vocem *καὶ εὐαγγελισμένη* reddunt *gratia plena*, ut etiam Syrus interpret: quasi significaret gratiam inhærentem, sive dona collata in Mariam; cum contra notet gratiam, seu gratuitam dilectionem, in Deo, erga Mariam ut etiam Angelus postea exponit: *invenisti enim gratiam apud Deum*: sic etiam vox ea accipitur, Ephes. 1. v. 6. *ad laudem gloriæ suæ gratiæ, quæ nos sibi ἡμετέρα gratos fecit in illo dilecto*. Quippe qui ex ejus plenitudine omnes accepimus & gratiam pro gratia, Joh. 1. v. 16. neque sine Christo ad gratiam, neque ad gloriam Dei patet accessus, Joh. 14. v. 6. Actor. 4. v. 12. neque sine fide in illum possumus placere Deo, Heb. 11. v. 6. Marc. 16. v. 16. Atque hæc de salutatio Mariæ descriptio, ab adjuncta Dei, erga eam, gratiā. Formula verò seu modo salutationis est, *χαῖρε*; quæ vox propriè significat *gaude*, ut LXX. interpretes Lament. cap. 4. vers. 21. *χαῖρε* (Hebr. שׂוֹשׁ) *gaude filia Edom*. & Matth. 5. v. 12 *χαῖρε* *gaudete*. unde per Metonym. adjuncti pro subjecto, *salvere*, ieu *prospere esse* notat. Siquidem prosperitas gaudium parit. Atque hoc modo *χαῖρε* & *χαῖρε* solennis ac communis est, apud Græcos, salutandi formula. De qua elegantissima ac lectu digna extat Luciani oratio, Tom. 3. *de lapsu in salutatione*. Quam formulam ac tropum Horat (Græcos imitari solitus) expressit Epistolarum lib. 1. epist. 8. cum *Celso gaudere, & ben: rem gerere Albinovano, Musa rogata refer*. Latini verò *salve*, & *salutem* frequentius usurpant: & in alloquio, etiam *ave* pro *χαῖρε* usi sunt: quemadmodum Martial. lib. 5. epigram. 53. ait: *Exprimere, Rufe, fiduciam licet cogant, ave Latinum, χαῖρε non potest Græcum*. Quod autem Festus Pompejus ait, *avere, nihil aliud, esse quam cupere, cum significet & gaudere*: illud, inquam, si gaudere Metonymicè acceperit, cum Horatio, verum est: Sin verò ut videtur, propriè intelligat, quasi verbum *avere*, & *salvere*, & *gaudere* (ut Græcis *χαῖρε*) significaret, illud non est verisimile: quia nullo prorsus exemplo probat: neque tale, à diligentissimis Latine Lingue magistris profertur. Porro, ut Græci authores profani, hac salutationis formula sunt usi, nempe *χαῖρε*: sic etiam talis in Novo Testamento recensetur; ut *fucata* Judæ proditoris Matth. 26. v. 49. *χαῖρε* *παῖς*. *Ave Rabbi*, & militum cap. 27. v. 42. & *sincera*, Actor. 15. v. 23. & 23. v. 26. & Jac. 1. v. 1. 2. Ioh. v. 10. Sic hoc etiam in loco. At querat aliquis: quam voce usus sit Angelus, cum Græcè non sit locutus? Resp. non usum voce Hebræa (sub qua & Syram, Scripturæ usu, Ioh. 5. v. 2. & 19. v. 13. 17. comprehendimus) quæ gaudere notat: ut ironicè lament. 4. v. 21. *שׂוֹשׁ gaude filia Edom*, quod LXX. vertunt *χαῖρε*: quia ista vox non est, eo modo, salutationis formula Hebræis, qualem hic contineri res ipsa, & versus sequens demonstrat. Ideoq; consentaneè significationi vocis *שׂוֹשׁ*, cum Metonym. *salvere* significat, videtur omninò respondere solemnī, in salutatione, voci *שׂוֹשׁ* *pax*: ut 2. Sam. 18. v. 28 & dixit Regi *שׂוֹשׁ*: pro quo tamen Regum ulterior salutio, sed eodem sensu *שׂוֹשׁ* *ut Rex*: ut 2. Sam. 16. v. 16. & alibi sæpius, id est, *שׂוֹשׁ* *prosperè vivat*. Atque ita vocem *שׂוֹשׁ*, 2. Sam. 18. v. 28. *Et dixit Regi שׂוֹשׁ* scilicet tibi sit, & Judic. 6. v. 23. *שׂוֹשׁ* *pax tibi*, & Esai. 48. v. 22. *non est שׂוֹשׁ* *pax* (prosperitas, vera scilicet) *improbis*: LXX. transferuntur *χαῖρε*: quo sensu, in salutatione, vox ea adhiberi solet Hebræis. Atque ita quoque Syrus interpret *χαῖρε*, in hac salutatione Gabrielis *שׂוֹשׁ* *pax tibi*, rectè transtulit. Atque ea salutandi,



tandi, Hebræo, Syroque more, formula à Christo indicata quod enim dicitur Matt. 10. v. 12. *Salutate eam* (scilicet domum) illud Luc. 10. v. 5. exprimitur *dicite pax huic domui*. Eoque modo usus est in salutatione ipsemet Christus Luc. 24. vers. 36. *pax vobis*. At inquires, pax, seu salus, ac prosperitas quæ salutando optatur, absens est; Virgini verò Mariæ ea erat præsens: ut quæ corpore animoque salva ac prospera erat: ideoque Salutatio hæc non videtur ei rectè convenire. Verùm respondetur, pacem seu salutem non optatam ab Angelo ratione initii, hoc enim aderat; sed ratione continuationis, & incrementi futuri. Sicut Apostoli eodem modo, fidelibus, spirituali salutatione, optant pacem & gratiam à Deo, Rom. 1. vers. 7. & alibi: non quatenus ea jam fruebantur; sed ratione augmenti futuri: ut exprimitur sensus Dan. 6. v. 25. *שלמכון שפא* *pax vobis multiplicetur*. 1. Pet. 1. v. 2. & 2. Pet. 1. v. 2. *gratia vobis, & Pax multiplicetur*. Atque hæc de salutationis Angelicæ propositione: Cui subijcitur *expositio & amplificatio*. Nam ut Virginem Mariam salutans Angelus, eam gratam (id est, acceptam) factam indicavit; eique salutem est precatus: sic causam illius efficientem, seu datorem utriusque, declarat: & peculiaris etiam beneficii adscriptione amplificat, cum ait: *Dominus tecum; benedicta tu inter mulieres*. Quæ utraque enuntiatio ob verbi substantivi ellipsin, imperfecta est: ideoque, pro temporis illius modo diverso, variè exponi potest ac solet: Id quod explicationem atque examen aliquod desiderat, Et ad prius quod attinet: de *subiecto* enuntiationis, seu voce, *Dominus*, dubium non est, Deum denotari. De *attributo* verò quæritur: quia verbum substantivum suppleri potest, vel ut affirmatio, vel ut optatio sit. Affirmatio rursus vel rei præsentis, vel futuræ. Præsentis quidem, ut Judic. 6. v. 12. *Jehova tecum* (supple) est, quemadmodum versus proximus supplens hoc docet. Sic etiam 2. Samuel. 7. v. 3. Esai. 41. vers. 10. Jerem. 1. vers. 8. Hagg. 1. v. 13. quod plenissimè exprefsit Christus, Mat. 28. v. 10. & Act. 18. 19. Futuræ verò rei affirmatio est hoc sensu: *Dominus tecum*, (supple) erit, ut Amos 5. vers. 41. *Quærite bonum, sic Jehova Deus exercituum vobiscum* (supple) erit. & 2. Chron. 20. 17. id quod plenè dicitur, 1. Chron. 22. v. 11. & 16. Sic Gen. 48. v. 21. Optatio verò indicatur his verbis, cum intelligitur verbum, *sit*, ut Ruth. 2. v. 4. *Jehova vobiscum* (supple) sit: est enim certa salutatio. Quod etiam in successus felicitis voto plenè exprimitur, 1. Sam. 13. vers. 37. & 20. vers. 23. *Jehova sit tecum*. Cum autem hæc enuntiatio, *Dominus tecum*, cum ellipsi verbi substantivi, vel est, vel erit, vel sit, pro Scripturæ usu, diverso accipi possit: quidam tertio modo exponunt: ut sit salutationis formula. verùm circumstantiæ hujus loci non satis consentit: nam plena salutatio, *חַיִּים*, *salve* antecessit: quæ Hebrææ salutationi, *pax tibi*, respondet: atque ita duplex salutatio poneretur: id quod in Sacris Literis insolens. Secundo modo aptius explicari posset: *Dominus erit tecum*: ut sit promissio. Optimè verò convenit primus modus, *Dominus est tecum*, ut Beza transtulit Cæterum observandum est, *Deum cum aliquo esse*, bifariam accipi. Primùm, propriè ratione essenriæ illius infinitæ, quæ cælum & terram implet, Jer. 23. vers. 24. & Psal. 139. v. 8. 9. 10. Act. 17. v. 27. 28. atque ita omnibus creaturis adest. Secundò accipitur impropriè, per Metaph. pro favere atque adjuvare: quod qui alicui præsentis sint, ac se sistant, favere soleant, atque opem ferre: quemadmodum & Latinis eadem Metaphorâ, verbum *adesse* usurpari certum est. Huc pertinent ista loca, Esai. 41. vers. 10. Ier. 1. vers. 19. *ne timeas, quia ego sum tecum*. & Act. 18. vers. 9. 10. *ne timeas &c. nam ego sum tecum*, scilicet favore & auxilio. Atque hoc modo, verba Angeli, *Dominus tecum*, hoc in loco rectè intelliguntur. nam inde gratia Mariæ Virgini facta promanavit, quod Deus cum ea esset, & gratiam in Christo sibi reddidisset: unde merito ab eodem salus seu prosperitas salutatione Angeli petita. Cui expositioni adjungitur amplificatio descriptionis Mariæ salutatæ: quia ut gratiam (id est, acceptam) factam, nempe à Deo appellavit: quod beneficium commune omnibus verè fidelibus, viris ac mulieribus, Ephes. 1. vers. 6: Sic proprium, ad

exaggerationem gratiæ beneficium adjungit, cum ait Angelus; *benedicta tu in mulieribus*. Cujus enuntiationis subiectum & attributum illustrationem aliquam requirit, ob diversas insignium authorum explicationes. Nam primum vox *benedicere* propriè ad sermonem refertur, & vel *laudare* notat, ut Luc. 2. v. 28. *benedixit Deo*. (unde per antiphrasin, *maledicere*, 1. Reg. 21. v. 10. & Job. 1. vers. 11.) & Iacob. 2. vers. 3. *benedicimus Deo*, ac per Syned. generis pro specie, *gratias agere*: quod est laudare ob beneficia, ut Matth. 26. vers. 26. & Marc. 14. vers. 22. & Luc. 22. v. 19. *ὡς ὅτε ὡς ὅτε ὡς ὅτε* *quum benedixisset*; quod Paulus 1. Cor. 11. repetens exponit *ὡς ὅτε ὡς ὅτε*, *quum gratias egisset*; vel, denique *bona optare* notat, ut Matth. 5. vers. 24. *benedicite iis, qui execrantur vos*. & Rom. 12. vers. 14. & Luc. 24. vers. 51. Deinde hæc vox interdum non ad sermonem refertur, sed per Metonym. effect. pro efficiente *benefacere* designat: quod scilicet beneficia laudem ac gratiam provocent, ac procreent: atque ita ut nos benedicimus Deo, cum eum laudamus, eique gratias agimus; sic contrà nobis Deus benedicere dicitur, cum beneficia, laude ac gratiarum actione digna confert, ut Gen. 12. vers. 2. *Benedictam tibi*. & 22. v. 18. & Act. 3. v. 25. *In semine tuo benedicentur omnes gentes terræ*. & cap. 26. v. 12. Galat. 3. vers. 9. *benedicentur cum fidei Abrahamo*. Ephs. 1. vers. 3. *Benedixit nobis*. Atque hinc *ὡς ὅτε ὡς ὅτε* *benedictus*, bifariam accipi potest: vel à propria significatione, ut *laudatum* notet, ut Psal. 132. vers. 2. 1. Chron. 16. vers. 36. deinde à significatione Metonym: notat *beneficio affectum*, ut Ruth. 3. v. 10. *benedicta tu Jehovæ*. Sic Matth. 25. vers. 24. *benedicti Patris mei*. Atque hinc quidam in Angelica salutatione, vocem *ὡς ὅτε ὡς ὅτε* interpretantur *laudata*, ut Jud. 5. vers. 25. *benedicatur præ mulieribus Iael*, id est laudata sit. Alii verò benedicta, id est, beneficio à Deo affecta, seu beata, felix, exponunt. Quæ expositio priori accommodatior: quia non solum (ut prior) Mariæ Virgini convenit; sed etiam majoris est ponderis, ac cum seqq. optimè cohæret. Quænam autem benedictio seu beatitudo hic intelligatur, quæstio est. Quidam è Pontificiis de beneficio spirituali exponunt: quod Maria virtutibus illustribus à Deo donatis excelleret; alii verò loci hujus circumstantiis rectè consideratis, de singulari aliquo beneficio, ac beatitudine interpretantur: quod destinata esset à Deo; ut fieret *Mater Christi*. Nam ratione hujus beatitudinis, cum Maria concepisset, Elisabeth Spiritus Sancti afflatu dixit vers. 42. & 43. *benedicta tu in mulieribus, & benedictus fructus ventris tui: & unde hoc mihi, quod veniat mater Domini mei ad me?* & vers. 45. *beata quæ credidisti: nam perficientur ea, quæ dicta sunt, &c.* Unde excitata Virgo Maria exultans Deum celebrat Servatorem suum, & causam reddit, vers. 48. *quia respexit humilitatem ancillæ suæ; ecce enim ex hoc tempore beatam prædicabunt me omnes generæ generationes*. Quod sanè, ut apparet, dixit ob filium Christum futurum, longè justius, quàm Lea Gen. 30. v. 12. ob natum sibi filium Aser, dixit, *propterea beatam me dicent omnes mulieres*. Cæterum hujus beatitudinis magnitudinem, comparatione reliquarum mulierum declarat, cum non ait simpliciter *Benedicta seu felix es*, sed addit, *in mulieribus*, id est, felicissima mulierum: ut Cant. 1. v. 8. & 5. v. 9. 17. talis ferè phrasis extat, *pulchra in mulieribus*, seu inter mulieres, id est, mulierum pulcherrima. Cæterum ex hac comparatione conatur Jesuita Maldoss. infringere propositam vocis *benedicta*, expositionem, hęc modo: Si Virgo Maria diceretur benedicta seu beata; ratione conceptionis ac nativitatis Christi, seu quatenus mater illius: tum ea ratione non posset dici omnibus aliis mulieribus beator: quia major beatitudo est, Christum fide & Charitate concepisse, quam utero, ut Christus ipsemet testatur, Luc. 11. v. 27. 28. Sed negatur Consequentia. Nam cum mulier illa solum illud externum Christi, in utero gestati & educati, beneficium (non habitâ vivæ fidei, & gratiæ Dei ratione) æstimaret: Christus illud non negat, esse conditionem felicem, sed ei spirituale obedientiæ fidei, & gratiæ Dei donum præfert: in Virgine verò Maria utrumque extitit: cum spirituale beneficium (quod commune habuit

cum

eam aliis piis mulieribus, ut Elisabeta cap. 1. v. 6. & Anna Prophetissa, Luc. 2. vers. 36.) tum corporale, quod proprio Dei dono, Christi destinata ac facta sit mater: ideo revera fuit beata, id est, scilicet, quod per vivam fidem in Christum venturum, facta esset Deo grata, & quod promissioni Angeli de conceptione Christi crediderit. Deinde etiam, quod eundem Christum conceperit. Ac prior quidem beatitudo, id est felicitas, major erat, ut quæ ad salutem necessaria, & salutem adferens: quæ piis Deoque gratis mulieribus communis fuit, & sine comparatione aliarum, voce præcedente *κατασκευασμένη, grata facta*, fuit indicata. Posterior verò minor quidem erat, nec ad salutem æternam sufficiebat: Sed tamen ut proprium ac singulare Dei beneficium commendatur, comparatione aliarum mulierum omnium, quibus illud non contigit: nec enim *beatum esse* semper notat, *καὶ ἐξελύω*, æternæ beatitudinis (re aut spe) compotem, ut Psal. 32. v. 2. Rom. 4. v. 8. sed generatim *felices*, seu bono aliquo insigni, sive spirituali, sive corporali præditum. Quemadmodum 1. Reg. 10. vers. 8. *beati vero stantes coram te*, & Psal. 127. v. 5. *Beatus dicitur cui bonorum liberorum copia*. & Luc. 10. v. 23. *Beati oculi, qui vident, quod videtis*. & 23. v. 29. *Beata steriles*. qualis etiam corporalis beatitudo Virgini Mariæ, quod Mater Christi facta est, rectè attribuitur. Atque hæc de salutationis Angelicæ sententia, atque usu: ad cuius illustrationem, à contrario abusu ampliorem, sequitur, per Digressionem non importunam.

*Succincta Angeli Gabrielis, & Pontificiorum, in Salutatione Virginis Mariæ.*

OPPOSITIO.

**E**A autem generatim in eo consistit, quod *Angelus Gabriel*, ea salutatione usus est rectè, secundum Dei voluntatem, & personæ opportunitatem. Contra verò *Pontificii perversè*. Angelus enim recto principio, modo & fine eam est usus. *Principio* quidem recto, quoniam ex Dei mandato semel: *Pontificii* contra, sine Dei mandato quotidiè: deinde Angelus recto medio ac modo: Quia Virgini Mariæ præfenti, in primo accessu, sapienter ac iuste salutem, revera futuram optavit, eamque honore tituli convenientis honoravit: Contra verò *Pontificii stultè*, atque *injustè* salutem optant: cum certò sciant, eam salutem jam ante multa secula, in hac vita, fuisse inchoatam; & post hanc vitam, perfectam in cælis, ipsi donatam: ac propterea stultè ei, hac salutatione Angelicâ optant, id quod revera jam habet: & rursum, necessaria Consequentia, eidem *injustè* detrahunt, id quod habet, ut salutationis natura evincit: *Salutatio enim est salutis seu prosperitatis optatio*. Quicquid autem sapienter optatur, non præsens, sed futurum statuitur. Ac propterea, dum Virginem Mariam honorare contendunt, eam indignè dedecorant.

*Finis* denique *Angeli* fuit rectus & pius, ut Deo obediret, atque ita eum glorificaret & ut Virgo Maria salutem optatam à Deo obtineret, eamque consolaretur, addita gratulatione gratiæ (seu immeritè dilectionis à Deo acceptæ) unde *κατασκευασμένη*, id est, *gratiam nactam apud Deum*, vers. 28. appellat: Contra verò *Pontificiorum finis est perversus* atque *impius*. *Perversus* quidem, quia is non est, ut Virgini Mariæ salutem seu prosperitatem à Deo optent, (quod natura salutationis flagitat) sed contra ut eam invocent, & salutem, ac bona quævis sibi aliisve, ab ea danda precentur: Quemadmodum preces eorum, & publicæ & privatæ perspicuè demonstrant. Quam salutationem Angelicam idcirco precationi Dominicæ ordinariè subnectunt: quemadmodum etiam libri precum à Pontificiis probati Doctoribus, ut *Hortulus animæ*, aliique abundè testantur. Quale est *Psalterium Beate Mariæ*, Constantiæ, minima forma editum, & ab Episcopo probatum pag. 237. & 264. & 265. Cujusmodi stultitia cum impietate conjuncta committitur, cum invocantes Rochum contra pestem, ita salutant: *Ave Roche sanctissime*. item, *Vale Roche*. ibid. pag. 407. Atqui quid quæso absurdius fingi potest quàm ei (quem in cælis beatum, & à peste liberatorem, ad salutem dandam invocant) salutem & valetudinem optare? Nec finis Pontificiorum in abusu salutationis Virginis Mariæ, solum est perversus; sed etiam impius

in Dei Majestatem, & Christi unici servatoris gratiam ac meritum. *In Dei Majestatem* quidem, quoniam scopus eorum est, ut Dei gloriam Virgini Mariæ communicent: quia ipsam salutantes invocare student: quasi in cælis constituta esset omnia, cordium scrutatrix, & omnipotens, bonorum donatrix, quæ Dei sunt proprietates, soli ipsi convenientes, 1. Reg. 8. vers. 39. Rom. 16. v. 17. 1. Tim. 6. v. 13. Ideo ille solus invocandus, ut & illi soli serviendum Matth. 4. vers. 10. Deut. 6. v. 13. Et Actor. 10. Petrus à Cornelio adorari noluit, rationemque solidam adjecit, dicens; *Surge, quia ipse ego non sum*; quâ disertè docet, hominem non esse adorandum: alioqui ratio illius, quod abfit, esset vana. Similiter Angelus Dei Apoc. 19. v. 10. Johannem adorare se parantem prohibuit, dicens, *vide ne (supple feceris) rationemque addit hanc, conservus tuus sum, &c. Deum adora*. Quo demonstrat, conservum non adorandum, sed solum Deum. Pontificii contra Mariam Virginem, quæ homo, & serva Dei, sive *ancilla*, Luc. 1. vers. 38. (non minus quam reliqui homines & servi Dei) horrenda idololatria adorant: atque invocando, Majestatem Dei violant. Quibus blasphemias scatet, inprimis, *Psalterium Beate Mariæ*, cujus antea meminimus; in quo, quæ Deo, in Psalmis attributa gloria propria, ad Virginem Mariam transferatur. Ex quo, & annexis canticis, & precationibus, quam plurima exempla impietatis illius horridæ colligere facile est. Deinde finis Pontificiorum in adoratione atque invocatione Virginis Mariæ est, ut ipsi gloriam Christi (quam Scriptura Christo propriam esse docet) communicent. ibidem in Litanis Beate Virginis Mariæ pag. 116. *Maria advocata nostra: Maria propitiatorium universæ terræ: Maria Dei & hominum mediatrix: Maria in qua omnis spes vitæ, & virtutis*. & pag. 257. *Maria porta cæli*: & pag. 204. *sic placitum est unigenito filio tuo, Virgo sanctissima, ut maxima devotionis affectu te vellet à nobis venerari*: (NB.) *qui totius boni plenitudinem in te posuit*: &c. Sic Ps. 2. & 80. & 81. &c. quam impietatem numerosam Epiphanius adversus hæreses, gravissimè damnat, hæres. 69. contra Antidico-Marianitas. *Sit inquit in honore Maria; Pater, filius & Spiritus Sanctus adoretur: Mariam nemo adoret: non dico mulierem, imo neq. virum: Deo debetur hoc mysterium. neq. Angeli cupiunt talem glorificationem*. & paulò post ait: *et si pulcherrima est Maria, & sancta, & honorata; at non ad adorationem*, Hæc ille. Unde liquet, orationem illam de laudibus Beate Virginis Mariæ Bibliothecæ Patrum Tom. 7. falsò adscribi Epiphanio: quia illi è diametro adversatur, cum ait: *Conspicio eam ab Angelis adorari*. Cui impietati accedit totius orationis stylus & Materia: quæ non doctum Ephanius: sed indoctum, atque ineptum Monachum autorem arguit. Ideoque non bonâ fide eam orationem Baronius, tanquam genuinam Epiphani ( & ut vocat, luculentam ) commendat, *Annal. Tom. 1. in apparatu ad annales sect. 45. Hæc speciminis loco sufficiant ad demonstrationem oppositionis salutationis Virginis Mariæ ab Angelo rectè factæ, & Pontificiorum, stultè impièque ad invocationem detortæ. Absoluta igitur, digressione ad rem ipsam rediemus*; & post salutationem Virginis Mariæ explicatam atque illustratam à contrario, succedit apparitionis Angeli, & Salutationis Virginis Mariæ ab eo factæ, *Eventus*. Is autem est animæ Virginis Mariæ motus, & sedatio illius per Angelum. *Motus* v. 29. proponitur duplex: *Cordis timor, & mentis dubia cogitatio*. Ac timor quidem, per Synecd. generis pro specie, notatur his verbis: *illa verò perturbata est*, timore scilicet, ut admonitio Angeli v. 30. *ne time*: & causa perturbationis adjuncta demonstrat. Ea autem fuit Angeli subitò atque inopinatò apparentis visus, & sermo. id quod ita describitur: *illa verò cum vidisset, perturbata est, in sermone ejus*, id est, cum eam sermone compellaret. Quum enim Angeli ministri sint Dei, ad piorum defensionem, & impiorum poenam: & piis, illustri vultu ac vestitu splendente, sese patefacere soleant, ut Luc. 24. v. 4: inde fit, ut eorum inopinatus atque admirandus conspectus ac sermo, simulque peccatorum conscientia, subitum iræ Dei, ac poenæ timorem incutiat, ut Luc. 24. vers. 5. & cap. 1. v. 12. Daniel. 8. v. 16. 17. 18. Atque hæc de cordis Mariæ motu. *Mentis* verò motus fuit dubia illius cogitatio, seu discerta-

seu disceptatio: *qualisnam esset salutio*. Cujus disceptationis causa fuit, quod salutio esset insolita. Nam non solum communis erat salutio, quâ salutem seu prosperitatem ei optabat: sed etiam propria, propter adjunctam laudem, quod *grata esset reddita*, & *Dominus cum ipsâ*, & quod *benedicta esset inter mulieres*, id est, mulierum beatissima: ideoque qualisnam esset illius salutationis sensus, mente suâ disceptabat, seu variè cogitabat. Nam quod verbum *διαλογίζεσθαι* hoc in loco à vulg. interp. aliisque transfertur, *cogitare* illud non videtur hujus vocis, atque hujus loci vim satis plenè explicare. nam ut vox *λογίζεσθαι* generatim est, *cogitare*, *estimare*: sic addita vox *ἀπὸ* propriè vim specialem indicat, ac *diversa cogitare*, seu *disceptare* significat: quemadmodum Matth. 16. v. 7. 8. & 21. v. 5. Atque hæc de primo apparitionis, & salutationis Angeli eventu, nempe animæ Virginis Mariæ motu, timore nempe cordis & dubiâ cogitatione seu disceptatione mentis.

*Alter verò eventus est utriusque motus sedatio* per Angelum. Ac prioris quidem vers. 30. Timorem autem (ut fieri solet) ex vultu commoto, & silentio Mariæ, cognoscere potuit Angelus. Modus autem est, primùm dehortatio à timore, quæ his verbis indicatur: *Tunc dixit ei Angelus, ne time Maria*. Deinde confirmatio hortationis additur: quod Deum haberet non iratum, sed propitium ac faventem: ideoque nullam esse justam timendi causam. hoc enim notat, dicens: *invenisti enim gratiam apud Deum*: quo modo anceps epitheton *καταειρημένην* *grata* seu *accepta facta*, in salutatione positum, clarè exponit: indicans à quo & apud quem *grata* esset reddita. Ac sensum noster interpret ita feliciter expressit, *es enim in gratia apud Deum*. Nam hæc phrasis *invenire gratiam* ex usu Sacræ Scripturæ, non semper propriè notat, eam quærendo suo studio ac labore, obtinere: sed sæpe per Metaph. *invenire*, pro *alicui evenire*, generalius usurpatur. ut apud homines, Laban Iacobo ait, Gen. 30. v. 27. *Si nunc inveni gratiam in oculis tuis*: cum tamen eam nec meritis esset, nec quævisisset. contra Iosephus suâ fidelitate & opéra, dicitur invenisse gratiam apud suum Dominum, Gen. 39. v. 3. 4. Gratia verò ab homine apud Deum invenitur, id est, homini evenit, non solum gratis, seu sine illius merito, Ephes. 1. v. 6. sed etiam contra meritum: quia omnes peccaverunt, ac meriti sunt suis peccatis, iram Dei & condemnationem, Rom. 3. v. 23. 24. Hæc de modo sedationis cordis seu timoris Virginis Mariæ. Sequitur deinde *sedatio motus mentis illius*, nempe dubiæ atque anxietatis cogitationis de insolitâ atque obscuriore salutatione: Quâ Angelus ipsam non solum gratiam redditam: sed etiam benedictam inter mulieres, id est, mulierum beatissimam prædicarat, *Modus autem sedationis* hujus, est Angeli ad Virginem Mariam annuntiatio: quæ quidem proponitur v. 31. 32. & 33. sequentibus verò explicatur. *Annuntiatio* autem est promissio filii, Virgini Mariæ facta, cum annexo mandato, de nomine *Jesu* ipsi dando: deinde summæ excellentiæ filii descriptio. Quæ duo cum sint admiranda, idcirco præmissa voce demonstrativa, id est *Ecce*, ad majorem attentionem, ac considerationem ordine proponuntur.

*Promissio* autem est v. 31. *Et ecce concipiens in utero & paries filium* Ubi vis conjunctionis, nempe *et*, quæ cum antecedente copulat, observanda hoc modo: *in gratia es apud Deum*, & *concipies* &c. id est, non solum in gratia es apud Deum: quod tibi commune cum aliis mulieribus sanctis: sed etiam (ut sequentia ostendunt) quod mater futura es Jesu Christi filii Dei: ac propterea meritò mulierum omnium beatissima. Cui promissioni annexum est mandatum de nominis filii impositione, cum ait: *Et vocabis nomen ejus Jesum*, de qua re egimus in Matth. cap. 1. v. 21. Descriptio verò istius filii est à summa excellentia. Quæ generatim indicatur, cum ait, v. 32. *hic erit magnus*, nempe *καὶ ὁ ἄριστος* præ omnibus; & speciatim exponitur, 1. Ratione personæ: deinde ratione adjuncti regni. Ac personæ quidem: quia filii Virginis Mariæ excellentia declaratur, cum dicitur: *& Filius altissimi vocabitur*. Per *altissimum* autem, hoc in loco, Deus Pater, ex opposita relatione filii, intelligitur. Nam quia Deus suam in cælo potissimam gloriam patefacit, idcirco

in eo esse, & habitare dicitur, tanquam summus Dominus: ideo *Deus altissimus*, Gen. 14. v. 18. & Heb. 7. v. 1. comparatè cum creaturis, Psal. 97. v. 9. & per ellipsin vocis *Dei altissimus*, Psal. 9. v. 3. Quod nomen cum absolutè sumitur, tribus personis commune est: quia unus essentia est Deus, licet trinus personis. Cum verò relatè ad Filium (ut hic *Filius altissimi* dicitur) Deus Pater altissimus intelligitur: id est, altissimi vox primam personam divinam, non autem Deum absolutè significat. Hoc enim absoluto modo, filius, utpotè verus Deus, Ioh. 1. 1. & 1. Ioh. 5. 20. non minus, quam Pater altissimus est. Filius autem altissimi, quod si phrasin spectemus bifariam quis dici potest, vel propriè, seu natura, is, qui à Patre ex ipsius substantia genitus est, eoque ejusdem est essentia; vel impropriè per Metaph. similitudine quadam, non naturâ, sed gratiâ: & quidem vel creationis, ut Angeli boni, Job. 1. v. 6. & Adam Luc. 3. v. 38. vel regenerationis, ut fideles, Luc. 6. v. 35. filii altissimi nominantur, & Joh. 1. v. 12. 13. Propriè autem Jesus Christus filius altissimi est, ac dicitur: *quia proprius Dei Patris filius*, Rom. 8. v. 32. & *unigenitus qui est in sinu Patris* Ioh. 1. v. 18. *ὁὐνιγενος*, ejusdem essentia & potentia cum Patre, Ioh. 10. v. 30. Quod autem additur, *vocabitur*: multi eam vocem, per Metonym. adjuncti pro subjecto, exponunt, erit: ut apud Esai. 1. v. 26. *vocaberis civitas justis*, id est, *eris*. Et cap. 4. v. 3. *Residuus in Jerusalem sanctus vocabitur*, id est, erit. Quidam verò per Metonym. effecti pro sua causa, pro agnosci accipiunt, ut Matt. 5. v. 9. *filii Dei vocabuntur*, id est, agnoscentur tales. Sed tamen nulla apparet gravis causa, cur à propria significatione hujus verbi declinemus: quum ea & locis illis Esai. & Matth. citatis probe conveniat; & his Angeli verbis similiter *vocari*, pro vere *vocari*, commode accipi potest. Nam Jesus Filius Mariæ, ut etiam revera fuit Dei filius, in una persona; ita quoque vocatus fuit à Deo Patre, Luc. 3. v. 22. & 9. v. 35. & à Spiritu Sancto afflatis, Johanne Baptista Ioh. 1. v. 34. & ab Apostolis Matth. 16. v. 16. Ioh. 6. v. 69. & 10. v. 30. & ab aliis verè fidelibus, Ioh. 1. v. 50. Actor. 8. v. 37. Atque hæc de priori descriptione Jesu, filii Mariæ, ratione personæ suæ.

*Altera est, ab adjuncto regno*: cujus jus & regimen prædicat. Ac *jus* quidem in fine vers. 32. *dabitque*, inquit, *ei, Dominus Deus Thronum* seu regiam sedem *Davidis Patris ipsius*. Sedes autem Davidis, pro regno illius (per Metonym. adjuncti signi pro subjecta re significata) ut 2. Sam. 3. v. 10. accipitur, & illa per Metonym. similem, Ecclesiæ regnum Spirituale. Joh. 18. v. 36. per Davidis externum regnum, adumbratum typo Prophetico, intelligitur: quemadmodum Psal. 132. v. 11. ut Actor. 2. v. 30. exponitur, quo etiam spectat Esai. 9. in illustrissima illa, de Christo *καὶ βασιλεύσει*, & regno illius, Prophetia v. 7. *ad multiplicandum principatum, & pacis non erit finis: super solum David, & super regnum ejus ad parandum illud &c.* Quemadmodum Christus Ecclesiæ rex promissus, Jerem. 30. v. 9. David rex vocatur, his verbis: *& servient Jeboræ Deo suo, & Davidi Regi suo, quem suscitabo eis*. sic Ezech. 34. v. 23. 24. & 37. v. 24. 25. Hose. 3. v. 5. *Davidem autem Patrem Jesu* vocat Angelus Gabriël, non quod ex eo proximè sit genitus: sed quod ex virgine Maria, quæ ex sanguine Davidis, longâ serie, erat orta. Unde Christus Psal. 132. v. 11. & Actor. 2. vers. 30. *fructus lumborum Davidis*. & Rom. 1. v. 3. *factus ex semine David, secundum carnem*, nominatur. Jus autem regni dependet à personæ majestate; quâ filius Dei rex Ecclesiæ à principio: & quâ filius hominis, factus est Rex, ex decreto, & donatione Patris, Psal. 2. v. 6. & 8. Atque hoc indicatur ab Angelo, quum ait, de hoc throno, id est, regno Davidis: *dabitque ei Dominus*. Atque hæc de regno Christi, ac jure illius.

Cui deinde *regiminis descriptio* adjungitur, v. 33. *regnabitque super domum Jacob, in æternum, & regni ejus non erit finis*. In qua descriptione *populus regni*, & *modus ac duratio regnandi* observanda est. *Populus* autem vocatur, *domus Jacob*. Jacob autem filius fuit Isaacii, duodecim Patriarcharum Pater, à Deo ipso *Israël* vocatus, Gen. 32. v. 28. unde *populus*, ab eo ortus, vocatur *Jacob & Israël*, per Metonym. efficientis pro effecto, id est, Jacobitæ, & Israëlitis, Esai. 14.

Esaï. 14. v. 1. & eodem sensu *domus*, id est, familia *Jacob*, ut Esaï. 2. v. 5. & *domus Israël*, Esaï. 5. v. 7. Cum autem ille populus esset à Deo electus, ac segregatus in populum peculiarem, Dout. 14. v. 27. ad ipsum colendum; hinc, per Metaph. Ecclesia Christiana, ea periphrasi, intelligitur: quod ut Christus, *rex David* à Prophetis dictus est, quod semini illius esset promissus, & per Davidem, tanquam typum Propheticum adumbratus; & *thronus David* thronum seu regnum Christi spirituale, simili typo designat: sic etiam domus Jacob, id est, populus Dei, super quem David regnavit, fuit typus populi Christi, seu Ecclesiæ electorum, ipsi subjiçendæ, cum ex Judæis, tum ex gentibus, Luc. 2. vers. 32. Atque ita Ecclesia Christi, *Israël Dei* vocatur Gal. 6. v. 16. & *genus electum, ac populus acquisitus*, 1. Pet. 2. v. 9. super quem Christus, regnaturus dicitur hoc loco. 1. dum peregrinatus est in terris: deinde cum triumphat in cœlis. In terris quidem ordine differenti: & quidem pro diverso Christi statu. Nam, in humili statu, ad mortem usque, regnavit super Israëliticum populum solum, Matth. 15. v. 25. Abolita verò per mortem, diuturna illà gentiliū, à Christo & regno illius separatione, in statu gloriæ cœlestis, ad dextram Dei collocatus, super utrosque tam gentiles, quam Judæos regnat, Actor. 14. v. 15. 16. Joh. 11. v. 52. Ephes. 2. v. 12. 13. 14. & 3. v. 5. 6. Hæc de populo super quem Christus regnat: *Modus* deinde *regnandi*, est *vocatio* à Christo in populum suum, ad gratiam in terris, & gloriam in cœlis obtinendam, Rom. 8. v. 30. & *vocati populi conservatio* ad salutem. *Vocatio* autem in populum Christi, fit partim exterius: partim interius. Exterius, quum per Evangelium, prædicatum leges fidei, & resipiscentiæ, ac charitatis, quibusvis hominibus, tam reprobis, quam electis, inter se mixtis præscribit: & promissione gratiæ ac salutis obedientibus: & comminatione iræ, ac condemnationis inobedientibus & regnum ejus averfantibus sancit, Marc. 16. v. 16. Joh. 3. v. 36. Luc. 19. v. 27. Interius verò per animæ sanctificationem, Spiritu suo Sancto solis electis, leges suas, menti & cordi eorum inscribit, Heb. 8. v. 10. id est, veræ fidei, & charitatis virtutes donat, & obedientes suis legibus efficit, Ezech. 36. vers. 26. 27. Atque hæc de vocatione populi, primo scilicet quo super eum Christus, in terris, regnat, modo. Alter verò est *populi hujus electi ac vocati conservatio*: qua in veræ fidei & charitatis obedientia, adversus hostes, carnem intus, & mundum infidelium, ac mundi illius Principem Diabolum foris, Spiritus sui potentia, defendit ad salutem, Matth. 16. v. 18. Joh. 10. v. 28. 29. v. & 16. vers. 33. & 1. Pet. 1. v. 3. 4. 5. 1. Joh. 5. v. 4. 5. Atque hoc modo regnat Christus supra populum suum, vocando efficaciter: & deinde in regnum æternum, per glorificationem animæ & corporis, adducendo. Alter modus est, quo super populum suum, nempe Electorum Ecclesiam, triumphantem in cœlis, regnat, non ut hic in terris, per vocationis & conservationis, adversus hostes, gratiam: sed subjectis omnibus hostibus nostris, per gloriam: qua Ecclesiam suam, maculæ omnis expertem, ac perfectè sanctam ac gloriosam, Deo Patri, ac sibi, in æternum, perfectissima charitate servantem, Ephes. 5. v. 27. Phil. 3. v. 20. 21. ac pro salute accepta celebrantem, sistet. Cujus præludium illustre extat, Apocal. 5. v. 9. Atque hæc de modo secundo, quo Christus regnaturus est. Duratio verò regni Christi indicatur ab Angelo, cum non solum ait: *regnabit*, sed addit: *eis vultus aïônas, in secula, & regni ejus non erit finis*. Quibus infinita regni Christi duratio ostenditur, duplici quidem phrasi; sed eodem tamen sensu: & quidem ut posterior phrasis priori explicandæ egregiè inserviat, ne quis perperam interpretetur. Nam in priori vox *aïônas* variè accipi posset. *Aïôn* enim propriè tempus sempiternum, ac termini expers notat; quasi *aïôn* *ôn* *semper existens*. Et quidem vel absolute, ac simpliciter, quod utroque termino, id est, principio & fine caret: quo modo solus Deus *aïôn* & æternus, Rom. 16. v. 26. vel secundum quid, ac relatè tantum ad finem: & ita vita in cœlis, æterna, in inferno verò pœna, seu mors æterna, Matth. 25. vers. 46. Unde per metaph. *aïôn*, continuum, ac longum tempus, principio & fine suo terminatum, variè notat; exempli gratia, tempus

usque ad annum Iubilæum; spatium vitæ humanæ: & sic tempus illud usque ad primum Christi adventum: quo modo ceremoniæ dicuntur duraturæ in æternum. Quare ut omnis tollatur ambiguitas, additur, hoc loco, explicatio genuina, his verbis: *Et regni illius non erit finis*: quo declaratur, fore illud in æternum, duratione infinità. Sed objicitur ex 1. Cor. 15. v. 25. *Oportet eum regnare, usque quo omnes inimicos subjecerit pedibus ejus*: quæ ex Psalm. 110. v. 1. petita, & Act. 2. v. 35. & Hebr. 1. v. 13. repetuntur. Ergò quando hoc factum erit, ultimo die judicii, tunc Christus non amplius regnabit: Ideoque non durabit in æternum, sed illi erit finis. Verum negatur consequentia, quia nititur falsa hypothesi, siue fundamento significationis vocis, *usque quo*, seu *domec*: quasi non solum, eo modo, res antecedens affirmata, vel negata includeretur: sed etiam sequens continuationis rei excluderetur. Contra enim illud non cognoscitur ex hac voce, sed ex rei ipsius natura, aut ex Scripturæ sententia expressa, vel per loci circumstantias expositione: quemadmodum exempla perspicua evincunt, quæ rectè adferri solent, ut Genes. 28. v. 15. *Non deferam te, usque quo perfecero id, quod locutus sum tibi*. Unde falsò concluderetur, ergò postea deseruit. 2. Sam. 6. v. 23. *Et Michal filia Saul non fuit proles, usque in diem mortis*. Nec inde inferri potest. Ergò post mortem, & c. 1. Sam. 15. vers. 35. *Non perrexit Samuel invisere Saulum, usque ad diem mortis suæ*. Inde non sequitur, ergò post mortem suam perrexit eum invisere, siue invisit eum. Ioh. 5. v. 17. *Pater meus usque adhuc operatur*: Quod sequentem operationem excludere, citra controversiam, non potest. Sic Rom. 5. v. 13. *Usque ad legem peccatum erat in mundo*. & 14. *Regnavit mors ab Adam usque ad Moysen*. Atqui certissimum est, inde concludi non posse: ergò post legem peccatum non fuit in mundo: & mors post Moysen non regnavit. Utrumque enim falsissimum esse constat. Veruntamen rursus excipitur, ex antecedentibus Pauli verbis, 1. Cor. 15. vers. 14. Christus traditurus regnum Deo Patri, cum aboleverit omne imperium, & omnem potentiam, & virtutem; ideoque regnare ipse tum desinet. Nam tradere Patri regnum, & sibi retinere, sunt contraria. Sed negatur consequentia: quia nomine *regni* intelligitur, non regnandi potestas, sed Ecclesia, quam ut à Patre acceperat colligendam, defendendam, & glorificandam: sic, superatis omnibus hostibus, eam non peccato seu morti obnoxiam, sed gloriosam, Patri plenissimè subjectam sistet. Aded ut, sicut Pater, cum Filio regnum dedit, sibi regnum non ademittit; sic nec Filius regno se exuet, cum Patri tradet. Licet modus regnandi futurus sit diversus: non per verbum, & gratiam conversionis, ac defensionis, adversus hostes in terris, sed per gloriam in cœlis, ut supra explicavimus. Nam Christum regnaturum sine fine, non solum Angelus Gabriel hoc loco expressè asseruit; sed etiam prophetæ hoc disertè tradiderunt, ut Psalm. 45. vers. 7. sicut ab Apostolo, Hebr. 1. vers. 8. proponitur, cum ait: *Ad Filium autem (dicit) thronus tuus, Deus, in seculum seculi*. & Esa. 9. v. 7. *Amplitudini illius principatus & pacis non erit finis, in solio Davidis, & in regno ejus, stabiliendo illud, & fulciendo, illud jure, & iustitia, ab isto tempore in seculum usque*, & Dan. 7. v. 14. De Christo dicitur: *Et huic datus est dominatus, gloriaque ac regnum: ut omnes populi, nationes, & lingue ei serviant: Cujus dominatus est perpetuus, qui non præterit: & regnum ejus, regnum quod non corrumpitur*. Quare hæc tam illustria sunt, ac perspicua, de æterno atque infinito Christi regno, prophetarum, & Angeli Gabriëlis, & Apostoli ad Hebræos testimonia, ut ea, quæ idem Paulus alibi tradit, contradicere non possint: sed alium convenientem habere sensum necessum sit. Sed postremò objici potest, ex 1. Cor. 15. v. 38. *Postquam verò subjecta fuerint ei omnia, tum & ipse Filius subicietur ei, qui subiecit ipsi omnia, ut Deus sit omnia in omnibus*. Ergò Christus tum non amplius dominabitur: eoque non regnabit in æternum: sed tum regni illius erit finis. Verum negatur consequentia, quia Filius Dei, secundum divinam naturam, Patri subiectus esse non potest: quia secundum eam, illi est *ipson*, ejusdem omnino essentia, potentia, & majestatis, cum Patre,



Patre, Deus: sed intelligitur qua homo factus, & eatenus Patre minor ac subiectus, tanquam creatura creatori. Deinde consideratur synecdochicè, quatenus, tanquam spirituale caput ac Dominus, cum Ecclesia tanquam membris ipsius, unum mysticum corpus constituit, Ephes. 5. 30. 31. atque ita Christus (qui in unitate personæ, & Filius Dei, & Filius hominis est) ipsum cum Ecclesia simul significat, ut 1. Cor. 12. v. 12. *Sicut enim corpus unum est, & membra habet multa: Omnia autem membra corporis unius multa cum sint, unum sunt corpus: Ita & Christus.* Atque hoc modo Filius Dei, personam Christi *ἡ ἀνθρώπου* notans, tali synecdoche, cum Ecclesia intellectus, ante subiectos omnes hostes, Diabolum, peccatum, mortem, nondum erat secundum quid, ratione suæ Ecclesiæ, Patri plenè subiectus: sed hoc demum erit, cum se non solum secundum humanam naturam (quod semper fecit) sed etiam secundum Ecclesiam suam, sibi mysteriorum quodam unitam, per fidem, plena glorificatione illius, Patri subiectam exhibebit. Atque ita nihilominus perpetuò, super Ecclesiam, tanquam spirituales domum Jacob, in æternum, sine fine, licet alio modo, regnaturus (ut Angelus Virg. Mariæ prænuntiavit) in æternum, caput Ecclesiæ suæ ac Dominus: quem Ecclesia, in æternum, Dominum agnoscet, & celebrabit, ac colet. Atque hæc de annuntiationis ab Angelo ad virginem Mariam factæ propositio.

Sequitur deinde illius annuntiationis *Expositio*: cuius occasio indicatur primùm, deinde modus. *Occasio* autem describitur v. 34. *Dixit verò Maria ad Angelum, quomodo erit istud, quandoquidem virum non cognosco?* Quibus quæstio Mariæ, Angelo proposita, & ratio illius continetur. Quæstio est, *quomodo erit istud?* ubi observandum, de quo, & quid quærat. Prius notatur, cum ait, *istud*, nempe quod Angelus dixerat v. 31. fore ut conciperet, & pareret filium: ut ratio sequens, & Angeli etiam responsio declarant. Posterius verò seu id quod quærit, est modus conceptionis, cum ait, *quomodo erit hoc?* seu ut vulgata versio, *fiet hoc?* Hoc autem quærit, non incredulitate, ut Angelo contradiceret: quemadmodum Sara, Genes. 18. v. 33. & Zacharias, Luc. 1. v. 18. & 20. (quod tamen Gregor. Nyssenus de sancta Christi nativitate statuit) sed rem ipsam credidit v. 45. ubi dicitur, eam beatam esse, quæ credidit: quamvis fortè Greg. Nyssenus hanc vocem *credidit*, potuerit intellexisse, non ratione initii, cum hanc quæstionem proponeret: sed ratione consequentis assensus: quando explicatione Angeli auditâ, dixit: *fiat mihi, &c.* Causa autem cur probabile magis sit, eam etiam hanc quæstionem, non incredulitate, sed discendi studio proposuisse, hæc est: Quod alioqui Angelus Gabriel, non minus Mariæ, quam Zachariæ Luc. 1. v. 20. incredulitatem exprobrasset, aliquo saltem modo. *Modum* verò conceptionis ignorans, de eo, discendi studio, rectè quærit. Cui quæstioni ratio subijcitur, *quoniam virum non cognosco*, id est, hætenus à conjugati viri congressu immunis sum. Quam significationem vocis *cognosco*, rectè doctissimus Beza, Matth. 1. v. 25. explicavit. Cæterum Pontificii verba illa, *virum non cognosco*, de voto virginitatis, à Maria ante facto, interpretantur vulgò. Sic enim, inter alios Doctor Parisinus Johannes Gagnæus, ad hæc Mariæ verba, exponit, id est, *quamvis desponsata sim, deliberavi tamen apud me & constitui, nullius viri copulæ ad hære. Deo enim inspirante decreverat in virginitate degere, præter sui populi morem, cui nulla major esset gloria, quam in Israël relinquere semen: at contra, non relinquere, ignominie.* Et Maldon. *Virum non cognosco*, exponit, *non soleo cognoscere, nec possum: & quidem non natura, aut lege prohibente, sed voto.* Verum ista expositio nullo modo ex sacris literis probari potest: *virum non cognosco*: id est, non possum cognoscere, propter virginitatis votum; quum sit insolens, ac violenta, verbi *cognosco*, perversio. Deinde repugnat illud naturæ ac iuri dispensationis Mariæ: cuius generalis finis est cognitio mariti. Atque hinc doctissimus Calvinus nervosè ait: *Perfidè passa fuisset marito collocari, sanctumque conjugii fœdus, non sine Dei ludibrio, sprevisset.* Sed excipit contra Calvinum Maldonatus. *Paulus*, inquit, *vult conjuges orationis causa abstinere conjugio*, 1. Cor. 7. vers. 5.

*non sprevit igitur Maria sanctum conjugii fœdus, sed meliorem elegit partem, quæ auferri ab ipsa non possit, nec virum lufit, cui, declarato voto, consentientique in eius observationem, nupsit.* Verum, ut omittamus vanum illud, de Iosephi consensu, figmentum: falsum omninò est, quod ait: Paulum vel le conjuges abstinere à conjugio, 1. Cor. 7. v. 5. nam loquitur tantum Apostolus, de brevi abstinencia à congressu conjugali, ut verba illius diserta hoc demonstrant: *Ne, inquit, fraudate alii alios, nisi si quid ex consensu, ad tempus: ut vocetis jejunio, & precibus: & rursum simul convenite, ne tentet vos Satan, propter incontinentiam vestram.* Quod autem obijcitur Patrum quorundam sententia: ea non nititur sacra Scriptura: sed hominum opinione, ex antiqua & fabulosa narratione concepta: qua factum, ut hac in re, & in quibusdam aliis, patres antiquitatis specie decepti, vero fundamento, non aurum, sed stipulas superstruxerint: quales sunt stipulæ, ea, quæ de hac re ex Greg. Nysseno, Serm. de nativitate Christi fabulosa recenset, inter alios, Baronius annal. tom. 1. in apparatu ad annales, Sect. 44. Nam initium illius, quod citat, est: *Audui arcanam, & occultam quandam historiam, talem de ea re prodentem narrationem.* Quibus Nyssenus non ait, se eam historiam, ut fide dignam, approbare: quemadmodum sanè nemo sanæ mentis jure probare potest. Nam ut omittamus figmentum illud miraculi, quo Annam (quam Christi matrem vocat) è sterili fœcundam, Dei gratia, & è viro gravidam esse factam tradit: quod nullo vero documento probari potest; quid quæso hisce verbis vanius esse comperitur? quibus de Anna sic loquitur; *Sanctum sanctorum ingressa, supplicat Deo, ne legum beneficio privetur, quæ nihil in legem peccasset: sed ut mater fieret, ac Deo, quod gigneretur, consecraret.* Ubi primò apertè hæc fabulosa histaria sacris literis repugnat: quando Annam Sanctum sanctorum ingressam ait: cum constet certò, hoc fuisse solius summi Pontificis privilegium, & quidem semel tantum quotannis, Hebr. 9. v. 7. & 25. quas nugæ verus & supposititium proto-evangelium Jacobi, (quod orthodoxographorum, tom. 1. extat in editione Basilienfi) recensens, cautius paululum, non in Sancto sanctorum, sed in horto supplicasse Annam asserit: quamvis illius fœdior adhuc sit lapsus, cum virginem Mariam ait, educatam in Sancto sanctorum, & cibum ex Angeli manu sumfisse: quare hinc constat, quam falsa ac fabulosa illa sit, quam Gregorius Nyssenus narrat, historia: & quam indignè lectorum patientia abutatur Baronius, qui figmenta illa vanissima, & apertè sacris literis adversa, quasi fide digna testimonia, adducere non erubescit. Quum ne ipsi quidem doctiores Pontificii, eam narrationis Nysseni partem, de Mariæ, ad perpetuam virginitatem, à matre facta consecratione, probent: sed ab ea, & inter se, dissentiant. Quare vana est eorum sententia, qui virginem Mariam, ante desponsationem, vel post eam, ante salutationem Angelicam, virginitatem, Deo vovisse; vel à matre, antequam nasceretur, ad eam fuisse consecratam, contendunt: cum ex sacra Scriptura nullo modo probari possit. Sed obijcitur August. qui non traditionibus, sed Scripturæ verbi nititur, tom. 6. lib. de sancta virginit. cap. 4. cum ait: *quomodo inquit, fiet istud, quoniam virum non cognosco: quod profecto non diceret, nisi Deo virginem se ante vovisset.* Hæc ille. Sed negatur consequentia; quia sine ullo antecedenti tali voto, potuit modum, quem ignorabat, discendi studio, quærere. Quum enim promissioni Angeli, de filii conceptione instante (ut etiam eventus, v. 39. cum 42. 43. collato, ostendit) fidem adhibuisset, ac sciret, se virum non cognovisse hætenus: ideoque ordinario modo non esse intelligendum: recto modo, verum discere desiderat. Nam quamvis Esa. 7. Christi conceptio & nativitas ex virgine, prædicta esset, mirum non est, si perturbata rei admiranda magnitudine, de prophetia ista non cogitaret: aut cogitans, explicationem desideraret: quia modus ab Esaia, quo virgo paritura dicitur, ibidem non exprimitur. Neque id mirum in Maria, cum non desit simile admirantis Abrahami exemplum, qui audita Dei promissione, de Filio, sibi ex Sara nascituro, Genes. 17. v. 17. *Cecidit in faciem suam, & risit, dixitque in corde suo, an nato centum annos nascetur (Filius scil.) an etiam Sara?*

an nata

an nata annos nonaginta pareret? quæ dubitationem aliquam, non de promissionis veritate, sed de rei promissæ modo designant. De qua re Athanasii memorabilis sententia, tom. 1. edit. Græco-lat. de sanctissima virgine Deipara, pag. 815. *Quin, inquit, & hic hæsitat virgo, utpote ad naturam respiciens, & de Josepho cogitans, cui desponsata erat, tale responsum dedit: quomodo fiet istud? quoniam virum non cognosco: & quandoquidem, inquit, O Angele virum non cognosco, tu autem per hoc adverbium, id est ecce, quod demonstrandi vim habet, ecce, inquis, concipies: quasi de tempore jam instanti mihi loqueris: quomodo istud fieri possit? Atque hæc de virginis Mariæ quæstione: quæ responsionis & expositionis Angeli occasio est.*

*Responsio autem, verba ante proposita, de Mariæ conceptione & nativitate Filii declarat & confirmat. Declarat autem conceptionis Mariæ modum, ac defensionem illius, & personæ Filii præstantiam ante positam plenius repetit. Modus autem est Efficacia Spiritus Sancti: quem modum ita recenset Lucas; & respondens Angelus, dixit ei, Spiritus Sanctus superveniet super te. Supervenire autem non propriè accipi debet: quia Spiritus Sanctus verus est Deus, ubique præsens, Psalm. 139. v. 7. Ideoque propriè loquendo, nec venit, nec abit. Sed venire dicitur metaphoricè: quando operatione peculiari præsentiam suam patefacit. Quumque cælum sit gloriæ Dei locus præcipuus, inde descendere & supervenire dicitur; id quod etiam interdum, externa signi, super aliquem, specie indicatur: ut super Christum, Matth. 3. v. 16. Johan. 1. v. 33. descendisse dicitur Spiritus Dei, specie columbæ. Et super Cornelium, & comites illius, Act. 10. v. 44. & Act. 1. v. 8. Recipietis virtutem, id est, potentiam, Spiritus Sancti supervenientis super vos: ut Actor. 2. eventus respondet. Quibus in locis agitur de donis, operatione Spiritus Sancti infusis: ut loci circumstantiæ ostendunt. Hic verò cum Angelus ait: Spiritus Sanctus superveniet super te aut in te, indicatur illius efficaciam virginem concepturam: quia de modo conceptionis virgo quæsierat; quomodo id fiet? tum dixit ei Angelus: Spiritus Sanctus superveniet in te, i. e. Spiritus Sancti operatione hoc fiet, non autem generatione eius substantia: quia alias esset Pater Christi, & humana Christi natura esset essentia divina; aut essentia divina, quæ immutabilis, mutata esset in naturam humanam: quæ omnia sunt absurda. Neque obstat, quod Matth. 1. v. 18. de Maria dicitur, inventa est uterum ferre ex Spiritu Sancto, quia, licet vox illa, ex, causam materiale notet, sæpe tamen causam tantum efficientem significat, ut Rom. 11. v. 36. & alibi. Neque etiam contrarium probat, quod apud Matthæum sequitur v. 20. quod in ea conceptum, genitum ex Spiritu Sancto est. Ergo ex materiam hic notat, quia generatio ei tribuitur: generatio autem est, ex sua substantia productio similis. Negatur enim consequentia, & ratio addita eam non probat; quia licet generatio, propriè accepta, id notet; impropriè tamen efficere significat, ut apud Henr. Stephan. in thesauro Græc. ling. tom. 1. pag. 838. exempla videre licet. Theophrastus ait: πῦρ φησὶν, quod ignis gignat. Et Isocrates in Panathenæico πλεῖς ἡμῶν πόλεις, & ἀνθρώποις τῶν αὐτῶν ἀνδρῶν, urbes quæ genuerunt & aluerunt tales viros. Plato Epist. βλάττω ἰσθμῶν & λυπῶν ἡμᾶς, voluptas damnum & tristitiam gignit. Sic etiam 2. Tim. 2. v. 23. ἡμῶν μάχας. Gignunt, id est efficiunt, pugnas; Johan. 3. v. 8. Quisquis genitus est ex Deo. In quibus locis, neque vox Græca ἐκ, id est, ex materiam notat, sed efficientem tantum: neque genitum, propriè, est substantia sua productionem: sed generatim effectiōnem notat, citra controversiam: quia veritas orationis, propriam significationem admittere non potest, quemadmodum etiam, in objecta Matthæi sententia, ob plurima absurda, quæ aliās inde orirentur, ut ante ostendimus. Ex Spiritu Sancto igitur genitum dicitur, quod operatione Spiritus Sancti, in Maria, & ex Maria effectum: non autem ex substantia Spiritus Sancti. Id quod etiam Menno Simonis, Anabaptistarum Princeps, in colloquio Wismariensi, agnovit: nimirum non ex substantia Spiritus verbum carnem factum: quod aliās Pater esset Jesu Christi. Qua de re videt etiam poterunt ea, quæ Matth. 1. v. 20. & Johan. 1. v. 14. adduximus. Atque*

hæc de declaratione modi, quo fieret, ut Maria conciperet filium: nimirum operatione ac formatione Spiritus Sancti, iis verbis indicata: Spiritus Sanctus superveniet in te.

Sequitur deinde declarationis altera pars, ad consolationem virginis Mariæ pertinens. Quia enim ipsi gravidæ seu prægnanti futuræ (ob ignotam aliis, ex Spiritu Sancto conceptionem) periculum imminerebat, fuscipionis adulterii, & dimissionis à Josepho (ut eventus docuit Matth. 1. v. 19.) & supplicii capitalis ex lege Deut. 22. v. 23. 24. Idcirco promissione defensionis Dei, periculorum cogitationi occurrit, his verbis: & ὑμῶν, id est, potentia (vulgò ambiguit virtus) altissimi ἐπισκιάσει σοι inumbrabit te. De cujus sententiæ antecedente subjecto, & consequente attributo, diversæ expositiones extant. Antecedens enim subjectum est potentia Altissimi in quo, per Altissimum, Deum Patrem notari, certum est: sed quidnam, per potentiam intelligatur, disquiritur. Quidam enim Deitatis personam certam notari censent: & quidem, vel Filium, ut 1. Corinth. 1. v. 24. Christus Dei potentia & sapientia appellatur: vel ut Spiritum Sanctum significet, quæ ὑμῶν, potentia similiter vocatur, Luc. 24. v. 49. Donec induamini virtute ex alto. Sed priori interpretationi obstat, quod attributo & circumstantiis huius loci non satis videatur consentire: posteriori vero, quæ plerisque probatur, obstat, quod ita statueretur inutilis ejusdem rei, clarioribus verbis propositæ, obscura repetitio. Utrique denique obstat: quod, sine ulla ratione necessariâ, à propriâ vocis significatione, ad impropiam, receditur: Potentia enim, cum de Deo, sive absolute, sive Deo Patre dicitur, propriè non personam certam Deitatis, sed attributum illius proprium, nempe omnipotentiam, aut omnipotentem actionem, notare solet: ut Matth. 22. vers. 29. 1. Cor. 2. vers. 5. & 2. Cor. 4. vers. 7. Quo modo optimè, sine ulla prorsus difficultate, accipi potest: & (pro communi interpretationis regula) propria significatio, cum nulla iusta causa impropriam postulet, servanda. Nec enim ulla obstat loci, aut rei circumstantia: & consequens enuntiationis, seu prædicatum egregiè quadrat: hoc autem est ἐπισκιάσει σοι. Quæ vox variè accipitur, primò quidem propriè, ut Matth. 17. vers. 5. Nubes lucida ἐπισκιάσει αὐτοὺς, obumbravit eos, & Actor. 5. v. 15. Ὕμῶν ἐπισκιάσει, obumbraret aliquem. Deinde metaphor. & quidem ex nominis οὐρά, umbra, translata similitudine: ut enim umbra, eos, qui in ea sunt, adversus æstum tuetur: ut Jonæ accidit, cap. 4. vers. 5: sic pro eo, quod à malis, quasi ab æstu tuetur, similitudine quadam, umbræ vox accipi solet: ut Esa. 25. v. 4. De Deo dicitur, quod fuerit receptus ab inundatione, umbra ab æstu. & cap. 30. vers. 2. 3. recipiunt se in umbram Ægypti. & Lament. 4. v. 20. In umbra illius vivemus inter gentes. Sic Dam. 4. v. 12. ubi, in visione, rex, arboris specie, designatur; dicitur sub ea bestias umbram captare. Atque ab hac umbræ significatione, verbum ἐπισκιάζειν, obumbrare, metaph. accipitur, pro à malo, quasi æstu quodam defendere: ut Hebræam vocem כָּסָה tegere, protegere, tueri. LXX. Interpret. Græci ἐπισκιάζειν obumbrare interpretantur, eadem, cum Angelo, hoc in loco, metaphora: sic etiam Psalm. 91. vers. 4. Ἀλὴ σου ἐπισκιάσει σοι, obumbrabit te. & Psalm. 140. vers. 8. Jēborā Domine robur salutis meæ ὡς τὸ κεφάλαιον caput meum, LXX. ἐπισκιάσεις ἐν τῷ κεφάλαιῳ obumbrasti super caput meum. Atque ita etiam voce obumbrare, pro defendere utitur Virgilius Æneid. 11. in illis verbis: Et magnum reginæ nomen obumbrat, id est, ut doctissimus Servius explicat, subaudi Turnum, tuetur, defendit: & est translatio ab arboribus. Hæc Servius. Ex quo vocis umbræ in sacris literis, & verbi ἐπισκιάζειν in LXX. Interpret. usu crebro, & eleganti, facile percipi potest, eam significationem esse consuetam: deinde huic loco convenientissima est, ac sensum parit uberiorem, quam communis ac vulgata expositio: quasi idem, quod in antecedente dictum, superveniet demonstraret: cum tamen huius significationis nullum omninò proferatur exemplum. Denique eventus etiam præclare consentit. Nam cum, ob conceptionem, Josephus, adulterii suspectam haberet Mariam virginem; ac propterea dimittere vellet: potentia Dei obumbrata, id est, defensa est, cum

cum per Angelum missum, de conceptione per Spiritum Sanctum, Josephus edoctus est; ac iussus, citra difficultatem, Mariam ducere, Matth. 1. vers. 20. Quod autem Stapletonus, in antidotis Evangelicis in Lucam, hæc verba Angeli exponens, ait: *ad hanc questionem respondet Angelus, ostendens, quod loco virilis seminis, superveniet in eam, & illabatur Spiritus Sanctus, & loco virilis amplexus obumbrabit, & complexabitur illam virtus altissimi*; illud inquam, purissima Scripturæ verba, impurâ similitudine, corrumpit: cum neque prima phrasis, *Spiritus Sanctus superveniet super te*; neque *obumbrandi* vox illam significationem habeat: neque illam ex Scripturæ usu neque ex bonis authoribus, probaverit. Ideoque Jesuita Maldon. hujusmodi depravationem, hoc modo, non malè accusat; ad hunc locum, cum ait: *Qui, nescio quid turpe, hoc loco, significare seminant, non solum parum mihi religiosi, sed penè impudenter videntur*. Hæc ille. Atque hoc modo, de conceptionis modo, & defensione illius, adversus pericula futura, actum.

Cui accedit, *descriptionis Filii promissi, plenior repetitio*. Nam ut v. 32. significavit, Filium Mariæ vocandum Filium Altissimi: sic eam descriptionem, insertâ pleniori explanatione, utilissimè repetit, cum ait: *propterea & <ῥωμῆν> ex te sanctum, Filius Dei vocabitur*. Quibus verbis primum subjectum descriptionis Christi, ante positæ: Deinde rationem attributi illius exponit. Ac subjectum quidem, cum Filium Mariæ repetit periphrasi quadam, cum ait: *& <ῥωμῆν> ex te <ῥωμῆν>*. Quæ verba singula nonnihil expendenda. Primum enim *& <ῥωμῆν>* genitum seu natum, id est, quod gignitur vel nascitur, non accipitur propriè, de tempore præsentis: nam nec natus, nec conceptus erat Mariæ Filius: sed per temporis enallagen frequentem, in omnibus linguis, præsens, pro paulò post futuro usurpatur pro nascituro proximè, ideoque interpretantur vulgò, commodè, *id quod nascetur*: quod nihil aliud, quam filium notat. Nam licet *& <ῥωμῆν>* neutrum sit genus, sensu tamen masculinò usurpatur, Scripturæ more: quemadmodum Joh. 3. vers. 6. *& <ῥωμῆν>*, quod natum est, bis ponitur pro *<ῥωμῆν>*, qui natus est, & 1. Iohan. 5. v. 4. *& <ῥωμῆν>*, idem quod cap. 3. v. 9. *& <ῥωμῆν>*, quisquis natus. Ideoque Cyprianus lib. 2. testimon. adversus Iudæos num. 10. vertit. *Qui nascetur*. Deinde verba illa *& <ῥωμῆν>*, quidam, non à Luca Evangelista, sed ab alio addita, putant: ut Erasmus in annot. ad hunc locum quia, ut ait: *ea neque in ulla Græcorum exemplaribus reperit; nec apud Theophylact. quidem; neque in antiquis codicibus Latinis*. Hæc ille. Ac sanè quindecim manuscript. exemplaria Robert. Steph. ea non habent, nec libri Græci Novi Testamenti editi Hagonoæ, Basileæ, Parisiis, Lipsiæ: habet tamen (ut etiam Erasmus fatetur) editio laudata Aldi: Deinde Complutensis, ex antiquissimis ac præstantissimis manuscriptis edita: quæ tanti pretii est, ac momenti; ut Robertus Stephanus eam manuscriptis suis exemplaribus 16. annumerarit & primo loco ob excellentiam posuerit. Deinde Biblia etiam Regia, & ibidem è regione versio Syra, *qui nasciturus ex te*. Ac mirum profecto, quod in appendice ad Biblia Regia, in interlineariis Bibliis, in Luca, *& <ῥωμῆν>* ommissa. Huc accedit Græcus codex, quo usus Tertullianus, lib. 4. contra Marc. cap. 7. item codex Cypriani, lib. 2. testimoniorum contra Iudæos num. 10. & Hieronymi, tom. 9. in translatione Evangelii Lucæ. Sic Athanasius tom. 1. epistola ad Epictetum, item contra hæreses, pag. 850. 882. Quare hanc lectionem vocum *& <ῥωμῆν>* tot antiquorum ac probatorum Patrum testimoniis innixam, non alienam, sed genuinam esse, & descriptorum quorundam negligentia olim omissam, vel, ut clarissimus Beza loquitur, temerè aut malitia expunctam. Unde apparet, doctrinam, ea dictione indicatam, oppugnatam fuisse ab adversariis. neque mirum est, cum longo tempore, toto penè orbe, Arriani, aliique hæretici dominarentur, hæc verba esse detracta; ac propterea restituenda, ut à Beza, & Casaubono, in Græco Testamento factum. Sensus igitur verborum, quibus subjectum, (nempè Filium Mariæ,) periphrasi quadam, repetit Angelus, est, *quod nasciturus ex te*, id est, filius tuus, è tua substantia, superventu, (id est, operatione) Spiritus Sancti, nasciturus. Quemadmodum

Filius Dei dicitur *& <ῥωμῆν>*, factus ex muliere, Galat. 4. v. 4. & factus ex semine Davidis, secundum carnem, Rom. 1. v. 3. Hoc autem subjectum, ab adjuncto, declarat, cum vocat, *Sanctum*, à sanctitate perfectâ: qua peccati originis omnino expers, perfectissimo iustitiæ habitu fuit præditus, Hebr. 7. vers. 26. & 1. Pet. 1. v. 19. Unde perfecta, ac perpetua ad mortem usque obedientia, seu iustitia actualis promanavit, Phil. 2. v. 8. Origine autem primum huius absentiae peccati est, quia non est conceptus potentia naturali, viri generantis, quo modo tantum peccatum originale, seu vitiositas naturæ, per lapsum corruptæ, propagatur in posterum Johan. 3. v. 6. & Rom. 5. v. 12. Deinde sanctitatis origo est Spiritus Sancti, sanctam humanam naturam, ex virginis Mariæ substantia, operantis, efficacia. Atque hæc de antecedentis, seu subjecti, descriptionis personæ Christi, repetitione periphrastica, & annexa declaratione, ab adjuncta sanctitate, his verbis, *Quod ex te nascetur sanctum*.

Sequitur *consequentis*, seu *prædicati*, de nascituro ex Maria Filio, *repetitio*, cum de filio Mariæ dicitur: *Filius Dei vocabitur: & illius declaratio* à ratione, cum præmittitur *propterea*, id est, propter illam, è Spiritu Sancto superventuro, operationem: quæ ex Maria virgine effectorem humanæ naturæ Sanctæ, & efficiendo, conjunctionem illius, cum Filio Dei, in unitatem personæ, continet. Eaque causa est, cur Filius Mariæ sit, ac vocetur Filius Dei Patris: quia Filius Dei, per Spiritum Sanctum, naturam humanam sibi, ex eâ, formavit; & formando, in unitatem suæ personæ, assumpsit: ita ut unionis illius personalis, ut operis externi Deitatis, sit cum Patre (qui corpus ei aptavit Hebr. cap. 10.) & Spiritu sancto, causa efficiens: solus verò filius illius subjectum est, adeo ut solus sit ac dicatur Immanuel *& <ῥωμῆν>*, Deus patefactus in carne; & Filius Mariæ, Filius Dei proprius verè vocetur, ea phrasi, quæ unionis duarum naturarum in unam personam index est, & communicatio idiomatum, à Theologis, appellari solet, quæ est enuntiatio, in qua, de personâ Christi, ab una natura, nomine personali nominatâ, prædicatur, quod ei convenit secundum alteram naturam; exempli gratia, Iohan. 3. v. 13. Filius hominis dicitur esse in cælo. Ubi Filius hominis personam Christi notat, appellatione personali, à natura unâ nempe humana, in concreto desumpta; deque ea prædicatur, quod non secundum humanam naturam, sed secundum divinam conveniebat. Sic vicissim de persona Christi, à natura divina, nomine personali, denominata, quum Filius Dei vocatur, rectè prædicatur, quod ei, non secundum divinam, sed secundum humanam naturam solum convenit: Sic enim Filius, (nempè Dei Patris, ut relatio ostendit) diem ultimum ignorasse dicitur, nempe secundum humanam naturam. Marc. 13. v. 32. Atque ita etiam rectè dicitur Filius hominis, seu Filius Mariæ, est Filius Dei: & Filius Dei, est Filius hominis Ioh. 5. vers. 26. collat cum 27. utrumque enim est nomen personam Christi notans: unum quidem à natura humana, alterum verò à divina, quâ præditus est, desumptum. Sic Filio Dei, Rom. 5. vers. 10. attribuitur mors, & cap. 8. vers. 32. dicitur pro nobis traditus, nempe in mortem, id est, Christus, secundum humanam naturam. Quem sensum Scripturæ veritas omnino requirit: & expositio illius distinctè in sacra Scriptura demonstrat, in similibus: quemadmodum Rom. 1. v. 3. videre est. Atque hoc modo Filius Mariæ, natus ex Maria, Filius Dei vocatur: quia Filius Mariæ, non naturam humanam singularem absolutè, sed personam Christi, humanâ naturâ præditam, significat. Ideoque cum sit nomen personæ, meritò id, quod personæ est, de eo prædicatur. Similis quodammodo enuntiatio de hominibus extat, in sacris literis. Nam ut homo constat carne, seu corpore, & anima: sic de personâ humana, ab una eorum denominata, prædicatur, quod convenit secundum alteram: ut cum anima sumitur, pro anima prædico, seu pro persona animata, (ut Genes. 46. v. 15. 18. 22. 25. & alibi) ei interdum tribuitur, quod convenit secundum carnem, seu corpus, ut Genes. 46. vers. 26. *Omnes animæ, quæ ingressæ sunt, cum Iacobo in Egyptum*. & Levit. 17. v. 15. *Omnis anima*, id est, persona animata, quæ comederit. Quæ non secundum animam, sed secundum corpus, intelligenda.

ligenda. Sic etiã de homine à carne denominato, ut personam humanam notet, dicitur, Esa. 49. v. 26. & Ezech. 21. v. 5. & *sciet omnis caro*, id est, homo, non secundum carnem, sed κατ' αἵμα secundum aliud (ut Patres loquuntur,) nempe secundum animam. Quare cum Filius Mariæ sit appellatio personæ, nempe personam Christi notans: non mirum, si Filius Dei vocetur, nempe secundum divinam naturam. Quo modo etiã Filius Davidis, est Dominus Davidis, Psalm. 110. v. 1. Matth. 22. vers. 44-45. Atque hæc, de propositæ conceptionis Mariæ expositione.

Cui confirmatio adjungitur, ad confirmationem fidei Mariæ. Primò, ab exemplo similis miraculi facti: Deinde à Deo loquentis potentia. Exemplum est vers. 36. ubi præmittitur, ad rei admirandæ attentionem, voce *Ecce*, ait: *Ecce, Elisabeth cognata tua, & ipsa concepit filium in senectute sua, & hic mensis & sextus ipsi, quæ vocabatur sterilis*. Quibus miraculi subiectum, modus & tempus notatur. Subiectum, seu persona, in qua miraculum factum statuitur, describitur nomine, cognatione, & qualitatibus. Nomen est Elisabeth, de qua ante vers. 5. uxor Zachariæ sacerdotis. Cognatio indicatur, quum dicitur, *cognata tua*, Græcè οὐλοῦσα. Unde quæstio, de cognationis hujus veritate, moveri solet. Cum enim Elisabeth, (ut vers. 5. dictum) esset ex genere Aaronis sacerdotali, ideoque ex Levitica tribu: Inde videtur sequi, Mariam cognatam illius, etiã fuisse ex eadem tribu, non autem ex tribu Judæ, & familia Davidis: neque etiã ullibi hoc, expressis verbis, in Novo Testamento affirmatur. Verum rectè negari solet Consequentia; quia Elisabetha, ex tribu & familia Aaronis esse potuit, genere Paterno, & ex tribu Judæ, ac familia Davidis, genere Materno; atque ita cognata Mariæ, non absolutè, sed relatè ad matrem suam. Quod autem obtenditur Lex, Num. 36. v. 6-7. 8-9. de filiabus Zelapheadi, ex qua sequi videtur, Elisabeth fuisse, simpliciter, ex tribu Aaronis, id est, Patrem & matrem ipsius; non autem ex tribu Juda: quod aliàs non potuisset nubere viro, ex alia tribu. Sed negatur Consequentia: quia illa lex tantum agit de filiabus, quæ fratribus carentes, idcirco hæredes erant paternæ possessionis, quæ nubere vetantur extra familiam tribus paternæ: cujus sola ratio additur, ne possessionis è tribu in tribum averterentur. Quamobrem ubi filia, è tribu Juda, hæres possessionis non erat, non prohibebatur nubere viro, ex alia tribu. Quemadmodum Michal filia Saulis, è tribu Benjamin, non hæres (quia fratres habebat) nupsit Davidi viro piissimo, 1. Sam. 18. v. 27. sic etiã mater Elisabethæ, de qua agimus, è tribu Judæ nubere potuit viro, ex familia Aaronis, si hæres non fuit: atque ita possessio, à tribu & familia Davidis, in aliam non fuit translata. Similia exempla sunt in Aarone, Exod. 6. v. 23. & Jojada, 2. Chron. 22. v. 11. Imò etiã si Elisabeth fuisset hæres, viro, è tribu Levi, nubere potuisset: sed eà conditione, ut hæreditas ad proximos ejusdem familiæ transfret: quia Levitæ ab omni hæreditate possessionis, in terra Canaan, Dei lege, erant exclusi, Deut. 18. v. 1. ideo hæreditas ad eos transferri non poterat. Quare si mulier, hæres possessionis Levitæ nupsisset, hæreditas ipsius reditura erat ad sanguine proximos. Deinde etiã si Elisabeth virginis Mariæ cognata fuisset simpliciter, & absolutè, id est, non solum respectu Patris sacerdotis, sed etiã Matris ratione ex tribu Levi ac sacerdotali: inde tamen nondum posset demonstrari: Mariam Virginem non fuisse ex tribu Juda: quia fieri potuit ut esset ratione Patris sui, ex tribu Juda, & familia Davidis; ratione verò Matris, ex tribu Levi, atque familia Aaronis. Quæ tribus cum caruerit hæreditate, sine violatione legis, potuit filia illius tribus, viro è tribu Juda, vel alià nubere. Ac licet, ut objicitur etiã ab Anabaptistis, non disertis verbis exprimitur in Scriptura: Mariam Virginem fuisse è tribu Juda & familia David: Consequentia tamèn necessarià id demonstratur; cum filius Virginis Mariæ, Iesus, filius Davidis vocatur, Matth. 1. v. 1. & Luc. 1. v. 32. & è semine Davidis secundum carnem, Rom. 1. v. 3. 2. Tim. 2. v. 28. ideoque matrem virginem ex eadem familia fuisse necesse est. Cæterum observandum, à viro doctissimo, ad hunc locum novam responsum ad objectionem propositam,

ex voce *cognatæ* petitam, adferri: nimirum vocem *συγγενής* *cognata*, sumi generalius, pro congenere, seu Israëlita muliere, quæ ex Israël, communi Patriarcha duodecim tribuum, genus duceret: ut accipitur ea vox, Rom. 9. v. 3. & 4. *Pro fratribus meis, cognatis meis secundum carnem, qui sunt Israëlita*. Quæ ingeniosa quidem est interpretatio: prima tamen, quam attulimus (quam idem secundo loco proponit) responsio, uti communis est, sic videtur, non levibus de causis, præferenda: quia vox *συγγενής*, & apud LXX. Interp. & communi linguæ Græcæ usu, propinquum cognatum, notare solet: non autem eum, qui à communi gentis authore remotius prognatus: quemadmodum etiã accipitur in Novo Testamento, excepto unico illo Rom. 9. v. 3. Deinde, quia Angelus cum Elisabetham nominat: ac plures essent, in populo Israëlita, eo nomine, dictæ: ob celebritatem illius; distinctè ad cognitionem illius, ait: *cognata tua*. Si autem ea vox tantum significaret cognatam ipsius, quæ ex eodem Patriarcha Israëlita esset orta, distinctio fuisset inutilis. Quum credibile omnino sit, plures, ex Israëlita ortas, vocatas fuisse Elisabethæ nomine. Denique cum cognatam inviserit Maria Virgo, & tres circiter menses, apud eam diverterit vers. 56. nullo modo credibile est, cognatam ejus dici ratione Israëlitis, remotissimâ ac generalissima significatione: sed potius cognatam fuisse propinquam: utpotè cui tam familiaria, ac tam diuturna propinquitatis officia sunt exhibita. Hactenus igitur de illius, quæ in exemplum similis miraculi adducitur, descriptione: ex nomine nempe Elisabeth & cognatione Virginis Mariæ. Altera verò est, à *qualitate*, nempe concipiendi impotentia duplici: una ætatis, quod esset senex; altera naturæ, quod esset sterilis: ut antè à Luca vers. 6. propositum: & utrumque etiã hoc loco ab Angelo traditur: prius quidem, cum ait: *in senectute sua*. Posterius verò, dicendo, *quæ vocabatur sterilis*: id est, non solum erat, sed etiã talis verè nota erat, & cum aliqua ignominia (ut Luc. 1. vers. 25. indicatur) *sterilis vocabatur*. Quo modo absolvitur descriptio subiecti, in quo miraculum factum erat.

Prædictum verò miraculum ipsum indicat, cum de vetula & sterili, quæ vi naturæ concipere non poterat, ait: *concepit filium*: & circumstantia temporis addita, illustrans, ait: *Et hic Mensis est sextus*: Cæterum miraculosæ hujusmodi, per Dei omnipotentiam conceptionis, exempla antiqua extant in Sacris Literis: quemadmodum in Rachele, Gen. 29. v. 35. cum 30. v. 22. in uxore Manoz cui sterili per Angelum Domini promissum est, fore ut conciperet & pareret filium. Iud. 13. vers. 3. & 5. denique in Sara, quæ sterilis naturâ Gen. 11. vers. 30. & senectute grandiori ad concipiendam prolem inepta Gen. 17. v. 17. & 18. v. 10. 11. 12. Tamen ex eâ Deus filium Ahrahamo promisit Gen. 17. 16. & 19. & promissum implevit, Gen. 21. vers. 1. Veruntamen, his antiquis miraculis præteritis, Angelus exemplum novi ac præsentis miraculi (ut eo magis Virginis Mariæ fidem erga conceptionem promissam stabiliret) adducit in Elisabetha cognata ipsius: quæ licet & naturæ, & senectutis impotentia, ad prolem concipiendam, esset inepta, Dei tamen omnipotentis gratiâ, fecunda reddita filium conceperat.

Altera confirmationis ratio est, à Dei promittentis omnipotentia, v. 37. cum ait, *quia apud Deum non erit impossibile ullum verbum*. Quo in loco, *verbum*, bifariam accipi potest, sensu utrimque vero, vel per Hebraismum, ut Luc. 2. v. 15. *rem* notet: atque ita generalis sit sententia: ut Iob. 42. v. 2. *כל אשר תבקש אלהים* quod omnia poteris. & Marc. 10. v. 27. *omnia possibilia Deo*. & Luc. 18. v. 27. vel ut *verbum*, significatione consueta, intelligatur: ut sensus sit: nihil impossibile, quod Deus dixerit. Quæ expositio proprietatem vocis retinet. Et huic sententiæ favere videtur *eventus* sermonis Angeli vers. proximo 38. constans primum responsum Mariæ Virginis, quâ audito Dei verbo credidit. Deinde Angeli, absoluta legatione, discessu. Prius enim notatur, cum Lucas ait. *Dixit autem Maria, Ecce Ancilla Domini, fiat mihi ut quod dixeris secundum verbum tuum*. quo se (præmissa ad majorem evidentiam adverbio demonstrandi, *Ecce*) ancillam Domini, eoque subiectam ipsi proficitur, & verbo Dei, per Angelum, audito) ut possibili, ob Dei potentiam, & futuro,



& futuro, ob ejus veritatem) omnino acquiescit: & effectum illius expectat. Atque ita Angelus ab ea discessit. Quomodo *legatio* Angeli Gabrielis, & *annuntiatio* Virgini Mariæ proposita, & colloquio exposita, una cum suo *eventu* à nobis explicata est. Ad cujus rei plenior confirmationem, sequitur.

*Erroris Anabaptistarum, quo abutuntur v. 32.  
& 35. Confutatio.*

**I**llustris est Angeli Gabrielis, in descriptione personæ filii Virginis Mariæ, oratio v. 32. *hic filius altissimi vocabitur & 35. propterea quod gignetur, vel nascetur, ex te sanctum, filius Dei vocabitur.* Quam orationem, Anabaptistarum antesignanus Menno Simonis, ad suum errorem, de incarnatione Verbi, fucandum, obscurare, variis modis, est conatus. Quemadmodum inprimis ex Wismarienti, illius & Martini Micronii, Orthodoxam sententiam eruditè defendentis, colloquio, perspicuè apparet. In quo observandus primùm consensus partium: deinde dissensio & examen illius. Consensus autem in hisce hypothesebus præcipuè observandus. Primum in eo convenit, in Christo tantum unam esse personam. deinde in ea duas esse naturas, divinam & humanam, pag. 527. tertio Christum esse verum Deum & verum hominem, verumque Dei & hominis filium. Dissensio verò est in humanæ illius naturæ origine. Orthodoxi eam esse ex substantia Virginis Mariæ, si carnem spectemus, ortam: Contra Menno ait, carnem Christi ex substantia cœlestis Patris esse, qui est Pater Jesu Christi, etiam juxta humanam naturam, pag. 474 & 511. *dicimus, iuquit, Patrem suum verbum, & semen ex sua substantia, in Mariam, tanquam in agrum præparatum seminasse, in qua sit factus homo.* Ratio autem illius prima ac primaria est, ex Joh. 1. v. 14. *Verbum caro factum est*, ubi per carnem, hominem rectè intelligit: sed *factum* perperam interpretatur, hoc modo pag. 538. illius colloqui, *Verbum carnem esse factum, perinde ut aqua facta est vinum, Job. 2. & Loti conjunx facta est in statuam salis Gen. 19.* Sed primùm negatur consequentia: quia aliquid factum dicitur, non tantum mutatione in aliud: sed etiam alterius accessione, sive accidentis sive substantiæ. Accidentis quidem? quemadmodum Christus dicitur factus pro nobis maledictum, Gal. 3. vers. 13. & factus Pontifex. Hebr. 6. v. 20. Accessione verò substantiæ, ut Genes. 2. v. 7. & 1. Cor. 15. v. 45. (Adam, id est, corpus Adami) factus dicitur in animam viventem. Sic *verbum factum est caro*, id est, homo, accessione humanæ naturæ, ut Scriptura exponit, quum Philip. 2. v. 6. 7. de Christo dicitur: *quum esset in forma Dei, ipse se exinavit, formam servi assumpta.* & Hebr. 2. v. 16. *semen Abrahamæ assumpsit*, id est, non in gratiam & communionem suscepit, ut ex Epistola Rom. 14. v. 1. & 15. v. 8. objicitur: sed in unitatem suæ personæ: ut antecedens versus 14. ostendit: quo disertè, non communio gratiæ, sed carnis & sanguinis, denotatur: ut etiam v. 17. *unde per omnia debuit similis fratribus fieri.* Atqui nec similis factus esset nobis per omnia, nec frater noster, nisi ejusdem nobiscum esset generis homo, quamvis enim sit frater fidelium, ratione imaginis Dei, & hæreditatis cœlestis: tamen participatione carnis similiter hoc loco frater esse dicitur. Deinde Mennonis expositio falsam reddit Johannis sententiam: cum attributum, seu prædicatum illius, *factum est*, exponit; ut aqua vinum facta, Joh. 2. hoc est, revera mutatum est. Primùm enim subjectum illius sententiæ, nempe *verbum*, agnoscit ex Joh. 1. v. 1. esse verum Deum: inde necessarià consequentiā negat fuisse verum Deum, antequam caro factum est. Nam verus Deus est æternus, *in æternum manet.* Lam. 5. v. 19. *non mutatur,* Num. 23. v. 19. & Malach. 3. vers. 6. *apud quem non est transmutatio, nec mutationis savoxiaoma, adumbratio.* Jac. 1. v. 17. Contra verò ex Mennonis sententia, ut aqua vinum facta, Joh. 2. vers. 9. & Loti uxor statua salis facta, Gen. 19. vers. 26. mutatione substantiæ unius in aliam; Sic *verbum caro factum*, per mutationem verbi in carnem: ac propterea *verbum*, ante illam mutationem, non fuit Deus; quia Deus mutari non potest. Secundò, Scriptura docet,

*verbum esse Deum ab initio*, Joh. 1. v. 1. & postquam factum est caro, *verbum esse adhuc verbum*, 1. Joh. 1. v. 1. & 5. vers. 7. & Apoc. 19. vers. 13. & esse *verum Deum & vitam æternam*, 1. Joh. 5. v. 20. & permanere: ac licet cœli mutantur, semper tamen eundem esse, Heb. 1. v. 10. 11. 12. Contra verò expositio Mennonis, *Verbum*, postquam caro factum est, & *Verbum & Deum* permanere, consequentiæ necessitate, negat. nam si mutatum est *Verbum* ac verus Deus, in carnem, quum homo factum est (ut statuit:) *Verbum* & verus Deus esse desiit: nam quod mutatum est in aliud, idem non permanet: sed aliud jam est, quam prius: ut aqua, cui comparat *Verbum*, quæ mutata in vinum, non amplius aqua fuit, sed aliud fuit, nempe vinum: & Loti uxor, mutata in statuam salis, desiit mulier esse uxor, quod erat prius. Denique cum una numero sit essentia divina, æterna & immutabilis, Patri, Filio, Spiritui Sancto communis: sequetur per hujusmodi essentiæ divinæ mutationem, nec verum Deum antea extitisse: nec jam exstare. Atque ita Deum, necessaria consequentia, Menno, cum suis, in depravatione hujus loci Johannis, prorsus tollit. Quare hæc prima erroris illius ex Joh. 1. v. 14. petita ratio, non solum invalida est, sed etiam prorsus impia: ut quæ Scripturæ S. & confessæ ab adversario hypothese, de Christo vero Deo, omnino adversetur. Sed alterum ex Angeli verbis, antè à nobis explicatis, Luc. 1. v. 35. rapit argumentum. *Appellatur, inquit pag. 526. filius Dei. Ergo carnis suæ originem habet à Deo Patre, aliàs filius esse non posset.* Verum hoc sequi, omnino negamus. Nam ex hypothese quarta communi, ac confessæ à Mennone, Christus æternus est Dei filius, ex substantia Patris ab æterno genitus: propterea causa cur sit ac dicatur filius Dei, non est, quod carnis Christi origo sit ex substantia Patris: quia jam ab æterno erat filius Patris: ideoque dici non potest factus Dei filius in tempore, ex substantia Patris genitus (quod enim quis est, illud ipsum non fit: quod enim fit, nondum est) sed quia filius Dei æternus, humanam naturam ex Maria, operatione Spiritus S. formavit, ac formando, in unitatem personæ suæ assumpsit: idcirco filius Mariæ, ob hanc unionem personalem, vocatur filius Dei: quia, filius Mariæ, nomen est, non absolutè humanam naturam significans; sed est nomen personæ, Christum, naturā humanā præditum, significans; quemadmodum suprà plenius ostendimus. Ideoque de persona Christi verè prædicari potest, quod ei, secundum utramvis naturam, convenit. Quod autem Menno objicit, pag. 508. *Christus est Dei filius. Ergo Deus etiam Pater ipsius est, secundum humanam naturam.* Illud non sequitur: neque eo probat, quod ait: *nam nullus existit Filius absque Patre.* Respondetur: naturali potentia, omnis filius habet Patrem; sed omnipotentia Dei fieri potest, & futurum esse prædictum est, Esai. 7. *Ecce Virgo concipiet, & pariet filium.* Idq; impletum in Matre Christi, Virgine Maria demonstratur, Matth. 1. v. 23. Luc. 1. v. 27. & 35. ideoque si Virgo concepit, ergo non est ex alterius semine, sive virili, sive alio. Quumq; filius sit genitus ex virgine, quæ mater illius vers. 43. cujus ventris fructus est ibid. vers. 42. idcirco. Christus adumbratus per Melchisedecum, cujus neque Pater, neque Mater idcirco à Mose recensentur, ut sit similis filio Dei, qui etiam revera sine Matre est, quatenus ab æterno, à solo Patre, ex substantia illius genitus: & sine Patre, quatenus ex Maria Virgine, sine Patre, in tempore genitus. Quare falsum est, quod Menno ex naturalis potentie ratione urget: *nullus infans existit sine Patre:* cum ex sola Matre, Dei potentiā existere posse, atque existere, Scriptura, ut ostendimus, doceat. Aliàs, eodem modo ac jure, concludi posset, nullus infans nascitur, naturali potentia, ex Virgine. Ergo Christus non est natus ex Virgine. Et quemadmodum Christus, filius Dei Patris propriè est, quia ex ejus substantia genitus: pari ratione est filius hominis, quia ex hominis, Mariæ scilicet substantiā genitus.

Sed objicit Menno; hac ratione, duas in Christo, contra Scripturam, statui personas: unam, ex hominis: alteram, ex Dei substantia genitam. Negatur autem rectè sequi: quia unam statuimus personam, unum filium: duas verò naturas, unionem personali conjunctas. Una enim eademque Christi

Christi indivisa persona, & filius Dei est, & filius hominis est, ut & Menno faretur: sed relatione diversâ, pro duplici natura illius divina & humana, unde denominatur; prioris relatione, vocatur Christus filius Dei, quod ex Dei substantia; posterioris verò relatione, filius hominis, quod ex hominis (puta Virginis Mariæ) substantia genitus. Error autem Mennonis est, quod personam & naturas: & nomina, personam Christi unicam notantia, cum nominibus naturæ confundat.

Sed objicit rursus; mulieres carere semine, ac propterea malè à nostris dici: Christum esse ex semine matris. Id quod probare conatur ex Sacra Scriptura, 1. Cor. 11. v. 12. *Sicut enim mulier ex viro est: ita & vir per mulierem: non autem dicitur ex muliere.* Sed illud alienum est: quia Apostolus loquitur de excellentia viri supra mulierem, ratione primæ originis: quod mulier, Eva scilicet, è costa Adami, non autem Adam ex Eva, vers. 8. Deinde ratione finis creationis: vir enim creatus non est, propter mulierem: sed mulier creata est propter virum, vers. 9. quibus paritatem tamen, certo respectu, viri & mulieris, indicat: ne dictis illis, mariti, ad superbiam & contemtum uxorum, abuterentur, cum ait vers. 11. *Attamen neque vir absque muliere, neque mulier absque viro*, scilicet quod vir & uxor, ad propagationem generis humani, simul requirebatur. Hisce subdit vers. 12 *sicut enim mulier ex viro* scilicet creata, ut vers. 9. *ita & vir per mulierem*, scilicet vir est, quod idem, quod versu præcedente dixit: *neque vir absque muliere.* Mulieres verò habere semen, non solum ex Philosophis Aristotele, aliisque: & Medicis, Galeno aliisque demonstratum est: sed etiam ex Sacris Literis perspicue apparet; ut Levit. 12. vers. 2. *Mulier cum seminificaverit, & pepererit masculum.* quod sole clarius testimonium est. Cui simile extat Heb. 11. vers. 11. *Sara vim accepit, ad defectionem seminis* *ἐκ τῆς καταβολῆς τοῦ σπέρματος*: non autem *ἐκ τοῦ σπέρματος* ad conceptionem seminis viri, & Esai. 51. vers. 1. *Judæi dicuntur non solum ex rupe excisi, sed ex cavo foveæ effossi*, id est, allegoricè ex Abrahamo & Sara sterilibus v. 2. ideoque ex utriusque substantia. Eodem etiam refertur communis benedictio. Gen. 1. vers. 28. qua Deus eis (mari & foemina) benedixit ac dixit eis, *crescite & multiplicamini, & implete terram.* Ubi crescere, seu fructum ex se facere, & multiplicari, tam mulieri, quam mari tribuitur. Quemadmodum ex uno grano plura multiplicatione oriuntur: sic ex mulieris non minus, quam viri semine, plures posterius multiplicatione propagantur. Quæ multiplicatio non potest esse simpliciter ratione totius personæ, sed ratione seminis, sicut Exod. 32. vers. 13. *multiplicabo semen vestrum sicut stellas cæli.* & Gen. 17. vers. 2. *multiplicabo te*, exponitur cap. 22. vers. 17. *multiplicabo semen tuum.* Præterea in prima promissione Mesia, Gen. 3. v. 15. *Semen mulieris nominatur, & contritum caput serpentis promittitur.* Cujus diserta explicatio de Christo. Heb. 2. v. 14. *Quoniam igitur pueri participes sunt carnis & sanguinis, ipse quoque consimiliter particeps factus est.* Deinde v. 17. ait: *unde debuit per omnia fratribus similis fieri.* Quare, ex hisce Scripturæ testimoniis, perspicue demonstratum, mulieres non minus quàm viros, habere semen. Deinde Christum carnem suam habere ex substantia humana, quam assumsit, Phil. 2. vers. 6. 7. Heb. 2. v. 16. Et ne quis hoc cum Anabaptistis nonnullis, de assumptione in gratiam, & communionem, ut Rom. 15. vers. 7. interpretari posset, vocatur *semen Abrahamæ*, id est, Meton. filius illius, Matth. 1. vers. 1. & Gen. 2. vers. 11. Actor. 3. vers. 25. *In semine tuo benedicentur omnes gentes.* Et ad Gal. 3. vers. 16. ita exponitur: *Abrahamæ verò dictæ sunt promissiones & semini ejus. Non dicit & seminibus ut de multis. sed ut de uno, & semini tuo, qui est Christus.* Quemadmodum & Apostolus de se ait: *Semen Abrahamæ sum*, & ego, 2. Cor. 11. v. 22. id est, ex semine Abrahamæ. Præterea Christus est filius Iudæ, Gen. 49. v. 10. unde Apoc. 5. v. 5. *Leo ex tribu Judæ* dictus est, sic etiam Heb. 7. v. 14. *manifestum est ex tribu Juda exortum esse Dominum nostrum*: Ad hæc Christus *filius Davidis* vocatur, Matth. 1. v. 1. quia ex illius semine genitus, ut Actor. 13. vers. 23. & 2. Tim. 2. v. 8. & Actor. 2. vers. 30. Christus

vocatur *fructus lumborum ipsius secundum carnem.* Sic etiam Christus *germen Davidis* vocatur, Ier. 23. vers. 5. & 33. vers. 15. & *radix Davidis* Apoc. 5. vers. 5. & *genus Davidis* cap. 22. vers. 16. quæ omnia clarè demonstrant, Christum secundum carnem esse ex semine David. Ac similiter, quia David ex Patre Isai genitus, Ruth. 4. & Matth. 1. vers. 6. Sic Christus ex Davide ortus, vocatur *virga extrunco Isai, & surculus ex radicibus ejus*, Esai. 11. vers. 1. unde per Metonym. causæ pro effecto ibid. v. 10. *radix Isai* (ut Rom. 15. vers. 12. ex Esaiâ, de Christo dictum repetitur) sic dictus, quod sit ex radice illius: ideoque ex substantia illius: quemadmodum surculus è substantia radice. Et quia Christus ex Abrahami semine, ex tribu Iuda, ex Isai, ex Davide, & ex patribus ortus est, propterea Rom. 9. dicitur generatim vers. 45. *quorum sunt Patres, ex quibus est Christus* *τῶν πατέρων* (secundum carnem, vel quod ad carnem attinet) *qui est super omnes Deus benedictus in secula.* Unde copiosè & perspicue apparet, Christum carnem suam habere ex substantia humana, non autem divina; & ex humana substantia Virginis Mariæ, quæ ex Patribus illis orta; cujus ratione solum superiora de origine carnis Christi dicta, vera sunt, atque intelligi debent. Ac Christus non solum dicitur genitus in Virgine Maria, Matth. 1. v. 20: quod urgent Anabaptistæ; sed & ex ea, Matth. 1. v. 16. & Luc. 1. v. 35. & afflatu Spiritus S. Christus *fructus ventris ejus* v. 42. & Maria Mater Domini, vers. 43. & Christus filius ejus, v. 31. verè nominatur. Nam quod Menno objicit, fructum appellari, quod è substantia Patris, Verbum, aut semen Patris conceperit: quod Maria foverit, nutrierit, gestarit, ac tandem pepererit: quemadmodum ager semen aliunde injectum fovet, nutrit, ac tandem producit, & tamen fructus illius dicitur, etsi non sit ex illius substantia. Respondetur, similitudinem illam non esse ex Sacris Literis petitam, neque rei, de qua agitur, convenientem: Sed similitudo desumpta est ab arboribus fructiferis, quæ ex sua substantia proferunt fructus, ut Psal. 128. v. 3. *Uxor tua ut vitis fructificet.* Quemadmodum antea ostendimus, Christum appellari *germen & surculum ex radice & trunco*: quæ substantiæ originem demonstrant. Atque ita etiam Gal. 4. vers. 4. dicitur filius Dei à Patre missus, *factus ex muliere.*

Sed rursus instat Menno alia via. Si, inquit, Christi caro esset ex carne Virginis Mariæ: Ergo Christus esset peccator: quia, post lapsum hominis, caro illius peccato obnoxia. Sed negatur Consequentia: quia hominis caro, per se considerata, creatura Dei est, ratione suæ essentia, & eatenus substantia illius est bona: sed per accidens propagationis peccati originis, vitiosa redditur: quæ peccati propagatio, tantum fit conceptione naturalis ex viro & femina: & idcirco conceptio Christi, ne esset vitiosa, per Spiritum Sanctum supernaturali potentia supervenientem, è substantia Virginis Mariæ sanctè peracta est. Unde etiam dictum ab Angelo, *quod nascetur ex te Sanctum*: atque ita Christus, naturâ humanâ suâ, omninò nobis est similis, excepto peccato, Hebr. 2. vers. 14. & 4. vers. 15. id est, quia non ex vitiosa substantia, sed ex substantia sine vitio, per potentiam Spiritus Sancti conceptus, ac natus est sanctus. Si autem (ut Menno nostris objicit) ex eo, quod Christum, secundum carnem, ex Mariæ substantia, ortum statuunt, rectè sequeretur, ipsum statui peccatorem: tum à nostris meritò retorqueretur, simili ratione, ex Mennonis sententia (qua Christi carnem ex Matris substantia nutritam, atque etiam auctam statuit) similiter Christum esse peccatorem. Quare cum Consequentiam hanc infirmam esse agnoscat, priorem etiam illius infirmam esse, nullo jure, negare potest. Reliqua argumenta Mennonis (ut antea monuimus) ex eo sunt orta: quod personam & naturam non distinguat: & nomina personalia, seu quæ personam Christi notant, cum nominibus naturam, non autem personam notantibus, confundat. Quemadmodum cum objicit: *filius Dei mortuus est. Ergo caro, quæ mortua, est filius Dei. Ideoque ex substantia Dei Patris.* Negatur verò Consequentia: Nam filius Dei est nomen personæ Christi: mortuus autem dicitur non secundum Spiritum æternum, seu divinam naturam, sed secundum carnem: quem-

admodum Christus dicitur, *mortificatus carne, sed vivificatus Spiritu*, 1. Pet. 3. v. 18. & *passus pro nobis carne*, cap. 4. v. 1. Sic filius Dei non norat diem iudicii, Marc. 13. v. 32. nempe secundum humanam naturam, non secundum divinam: secundum eam enim norat omnia. Sic filius Dei distinctè dicitur factus ex semine David, secundum carnem, Rom. 1. v. 3. non autem secundum divinam naturam ex eo factus. Quà etiam distinctione Christus dicitur, Actor. 2. v. 30. ex fructu lumborum Davidis secundum carnem. Sic filius hominis, nomen est personæ Christi, à natura humana personaliter denominati. Unde Joh. 3. v. 13. dicit Christus de se, *filius hominis, qui est in cælo*, nempe, non secundum carnem, seu humanam naturam (Sic enim anima & corpore tantum erat in terris) sed secundum divinam, quia ut verus Deus, cælum & terram implet, Jerm. 23. vers. 24. Sed aliud præterea argumentum Mennonis (quo plurimum confidit, & discipuli illius: ac videtur speciosissimum) etiam hoc loco, ad pleniorē veritatis illustrationem, proponendum ac confutandum. Est autem hujusmodi: *Quicquid de cælo descendit, illud ante erat in cælo: Christi caro de cælo descendit: Ergo erat in cælo: & per consequens, non est facta ex substantia Mariæ.* Verum totum antecedens (scu, & propositio & assumptio) negari potest. Propositio; quia licet ea, si propriè descensus & cæli vox accipiatur (ut Apoc. 18. 1.) sit vera, impropriè tamen accepta, ut sensus sit, à Deo, qui in cælis est, effectum esse; falsa est: ut Jac. 1. v. 17. *Omne perfectum donum superne est, descendens à patre luminum.* & c. 3. 16. *Sapientia descendens superne*, id est à cælo, à Deo, ut Johannis baptizatus à cælo, id est, à Deo esse dicitur, Luc. 20. v. 4. dona autem illa & sapientiam effecit Deus in terris: neque ea antè fuerunt in cælis. Atque ita, licet caro Christi diceretur descendisse de cælo; inde tamen non sequeretur, antè fuisse in cælis, multo minus ex substantia Patris (quod Anabaptistæ sentiunt) sed sensus esset, carnem Christi à Deo tanquam causa efficiente, non autem ex Dei substantia factam. Deinde assumptio etiam falsa est. Neque enim, ut Menno, alique Anabaptistæ statuant, ex eo probatur, quod Christus ait, Joh. 6. v. 51. *ego sum panis qui de cælo descendit*: quandoquidem vox, *Ego*, personam Christi notat, qui descendisse dicitur à cælo, secundum divinitatem: non propriè (quia ubique existens, cælum ac terram implens, locum mutare non potest, eoque nec descendere propriè) sed impropriè, cum Deus patefactus in carne, 1. Tim. 3. vers. 16. assumptâ servi formâ, Phil. 2. vers. 7. Neque adversarium juvat, quod Joh. 3. vers. 13. dicitur, *qui de cælo descendit, filius hominis, qui est in cælo*: nam *Filius hominis* est appellatio personalis, nominans Christum, qui ex homine natus, nempe ex Matia Virgine: non autem abstractè & absolutè humanitatem Christi, ut adjunctum demonstrat: nam dicitur, *qui est in cælo, & qui descendit à cælo*: quod de persona Christi secundum divinitatem, non autem secundum humanitatem dictum. Eodem sensu, idem de persona Christi loquendi modus personalis est, Joh. 6. v. 62. *Si videritis filium hominis ascendentem ubi erat prius.* Cum enim *Filius hominis* sit nomen personæ Christi, constantis divina & humana natura, de eo rectè dicitur, quæ secundum hanc aut illam: aut secundum utramque naturam conveniunt. Sic filius hominis, secundum humanam naturam, verè ascendit in cælum: & secundum divinam naturam, erat prius in cælo.

Sed solutis hisce assumptionis probationibus: alia est reliquis speciosior: & quam, tanquam palmariam, obtendit Menno in Colloquio Wismar. & ejusdem factæ socius, Theodoricus Philippi, in Enchiridio doctrinæ Christianæ Belgico, fol. 66. 67. eosque secutus Petrus Colonienfis, in colloquio Franeque. cum Ruaro Acronio, pag. 185. Probatio autem illa, uti objiciunt, clarè notatur verbis Christi, Joh. 6. v. 51. *Ego sum panis vivus qui de cælo descendi, si quis ederit ex hoc pane, vivet in æternum, & panis quem ego dabo, caro mea est, quam ego dabo pro mundi vita.* Verum meritò hoc negatur, carnem Christi hoc loco dici descendisse de cælo: & quod inde colligitur, falso nititur fundamento, nempe quod etiam panis, qui de cælo descendit, est caro Christi. Ergò caro Christi non est ex substantia Virginis Mariæ. Antecedens enim in hisce Christi verbis minimè

continetur. Nam Christus de persona sua, ait: *ego sum panis vivus, qui de cælo descendit.* de carne verò non ait, & panis qui de cælo descendit, caro mea est: sed distinctè ait, & panis quem ego dabo. Ideoque Theodor. Philippi in Enchiridio fol. 67. ita colligit: *Si Christus est panis cæli, & si panis cæli est caro Christi: sic etiam est impossibile, quod Christi caro facta sit ex semine Mariæ.* Sed assumptionem ponit, quæ neque hoc loco: neque ullibi, in Sacris Literis continetur: ac propterea textum orationis Christi pervertit. Quemadmodum etiam Petrus Colonienfis, loco antè à nobis citato, folio 185. Sic enim (ut verba ejus ad verbum latinè translata sonant) ait: Joh. 6. 51. *Si Christus ipse testatur, quod ipse panis vivus de cælo venit, & quod ille idem Panis erat ipsius caro, non igitur potest ea esse ex substantia Mariæ.* In quibus verbis similis corruptio: Christus enim ait: *& panis, quem ego dabo, caro mea est*: non autem ille idem panis, qui de cælo descendit, caro mea est. Christus enim secundum utramque naturam panis est, per Metaph. id est, similis panis: quod ut panis vitam corporalem conservat: sic Christus spiritualement: secundum divinam quidem naturam, ut causa principalis; secundum carnem verò seu humanam naturam, ut principali inserviens. Ac prius indicatur hoc loco cum Christus de sua persona, secundum Deitatem considerata, ait: *Ego sum panis vivus, qui à cælo descendi.* Nam Christus est verus Deus & vita æterna, 1. Joh. 5. vers. 20. qui à Deo Patre missus in mundum Joh. 10. v. 36. factus ex muliere Galat. 4. v. 4. De carne verò loquens, distinctè ait: *& panis quem ego dabo, caro mea est*: quo ostendit non solum suam Deitatem esse panem, sed etiam carnem. Verum hoc discrimen ostendit, quod de persona dixerat: *ego sum panis, qui de cælo descendit.* Hic verò distinctè, *panis quem ego dabo*, nam dicere carnem Christi descendisse de cælo, illud & Sacris Literis, & fundamentis adversariorum apertè repugnat. Nam Sacra Scriptura docet, Sermonem, qui verus & æternus est Deus, Iohan. 1. vers. 1. factum carnem, vers. 14. per conceptionem Virginis Mariæ ex Spiritu Sancto, Matth. 1. vers. 20. & Luc. 1. vers. 31. 35. Idemque Menno, colloquii Wismar. fol. 13. pag. 2. ait: *Non sentio, quod caro Christi fuerit ab æterno, sed quod in plenitudine temporis, in Maria (in qua verbum caro factum est) principium suum habuit, ac propterea non à cælo carnem detulit.* & Petrus Colon. Colloq. Franeq. pag. 159. & 160. & Theod. Philip. in Enchir. fol. 66. utraq. pag. Ergò, ante conceptionem illam, non fuit caro Christi in cælo: ideoque neque ex cælo descendit. Nam quod est, illud non fit, idem quod est: quia jam est: & quod fit illud nondum est id, quod fit. Fatetur autem Menno, & asseclæ illius, ut ante ostendimus, verbum carnem factum in Maria, ex Matth. 1. v. 20. *Quod in ea genitum ex Spiritu Sancto est.* Ac propterea fieri non potest, ut verbum carnem à cælo detulerit. Deinde, ex eo etiam sequeretur, Verbum habere duas carnes, seu duplicem humanam naturam: unam in cælo, antequam conciperetur in Virgine, & alteram deinde conceptam in virgine tum primum, cum Verbum caro factum est. Quæ absurda, à ratione ac S. Scriptura omninò aliena esse, perspicuè apparere potest. Origo autem erroris est, ut aliàs & antè monuimus, quod Menno, & Mennonitæ personam Christi, & naturam illius humanam confundant, ut etiam divinam. Cujus rei illustre exemplum præbet Petrus Colon. Colloquio Franeq. pag. 192. in perversione loci Joh. 9. v. 37. & 38. Cæcus, inquit, *videbat Christum corporalem, palpabilem, visibilem, quod corpus ipse adoravit; quod si verum est (ut Ruardus ait) simul fuisse Mariæ carnem & substantiam, Dominus cæcum verbis bene reprehendisset, dicens: nihil præter Deum adorari debere: quia de me rotunde declaro, quod intelligam, Christum fuisse Deum, & unigenitum Dei Filium, quem cæcus adoravit; nec enim convenit, ut quis adoret id, quod à terra suam habet originem.* Hactenus ille, ubi primum Christum, & corpus Christi, quasi unum essent, confundit: cum Christus sit in una persona, verus Deus, & verus homo: id est anima & corpore præditus: qui rectè adoratur, quia Deus: corpus verò Christi Deus non est, sed pars tantum naturæ humanæ; ac propterea non est Christus: ac falso ex Joh. 9. asserit, cæcum adorasse corpus Christi. Nam

vers. 38.

vers. 38. de cœco dicitur, *ille verò dixit, credo Domine, & adoravit eum*, nempe Dominum, (id quod adversarius deinde agnoscere cogitur, cum ait: *Christum fuisse Deum, & unigenitum Dei filium, quem cæcus adoravit*) non autem dicitur, quemadmodum objicit, adoravit corpus Christi: nam Deus solus adorandus, Matth. 4. v. 10. ut adversarius hic rectè notat: ideoque quod non est Deus, non est adorandum; corpus Christi non est Deus: Deus enim est Spiritus, Joh. 4. v. 24. Spiritus autem carnem & ossa non habet, ut corpus Christi, Luc. 24. v. 39. Deinde Deus est ab æterno Rom. 16. v. 26. corpus Christi formatum in tempore, operatione Spiritus Sancti, Matth. 1. & Luc. 1. Denique, ut alia multa omittamus, Deus est invisibilis, & immortalis; 1. Tim. 1. v. 17. & cap. 6. v. 16. contra verò corpus Christi visibile & mortale, ac mortuum est. Ergo corpus Christi non est Deus. Ac propterea adversarius, corpus Christi, & Deum perperam confundens, Christum esse Deum, necessariâ consequentiâ, negat: licet verbis illud fateatur. Nam quod objicit ex Joh. 9. v. 37. *vidisti eum*, scilicet filium Dei; verum est, nempe secundum carnem ab eo assumptam, quæ visibilis erat: non verò secundum essentiam divinam, quæ invisibilis, citra controversiam: *Filius enim Dei*, nomen est personam Christi notans. sicut filius Dei factus ex semine David: sed, ut addit Apostolus, distinctè, secundum carnem, Rom. 1. v. 3. Quo etiam modo intelligendum illud, quod objici solet, 1. Joh. 1. v. 1. *quod erat ab initio, quod audivimus, quod vidimus oculis nostris, spectavimus, & manus nostræ palparunt de sermone vitæ*. Ea enim verba, de sermone vitæ, qui homo factus est, dicuntur, quod visus auditus, ac palpatum sit, nempe, secundum carnem: non secundum essentiam divinam, quæ Spiritus est invisibilis, inpalpabilis. Quemadmodum contrâ, secundum divinam naturam, intelligendum, quod præmittitur: nempe, *quod erat in principio*, ut Joh. 1. v. 1. Nam cum *sermo vitæ* sit nomen personæ Christi, illi rectè attribuuntur, partim quæ conveniunt secundum divinam naturam, partim quæ conveniunt secundum humanam. Atque ita corrumpit ejusdem erroris de corpore Christi repetitio adversarii Petr. Colon. colloqu. Leovardienf. pag. 194. *hoc*, inquit, *corpus ante declaratum, confiteor indignus cum Petro*, Mat. 16. v. 16. *esse filium viventis Dei*. Ubi manifesta falsitas, atque impietas apparet: nam Petrus Apostolus, de Christo, filio hominis, rogatus non ait: corpus tuum est filius Dei: quod apertè falsum & impium: Sed *tu es*, quod personam Christi significat. Filius etiam hominis non est idem, quod humana essentia: multo minus idem quod pars humanæ essentiæ, nempe corpus: sed personam Christi, ex homine, nempe Maria Virgine, natum, denotat: ac propterea cum persona sit eadem, non solum homo, sed etiam Deus, Deique filius, rectè Dei filius nominatur. Sicut filius hominis dicitur fuisse in cœlo Joh. 3. secundum divinitatem suam, non secundum humanam essentiam: quia secundum eam tantum erat in terra: quod nondum ascendisset ad Patrem Joh. 20. v. 17. Atque hæc ad confutationem Anabaptistarum: qui verbis Angeli, de filio Mariæ, Dei filio, ad errorem suum, de origine carnis Christi ex Patris substantiâ, fucandum, indignis modis abutuntur, ut autem selectis hujus Capituli locis, ad explicandum propositis, finem imponamus, brevis subjicietur

*Versus LXXVII. ejusdem Capituli*

#### ILLUSTRATIO.

**P**Ræclarum omninò est Zachariæ, patris Iohannis Baptistæ canticum, non solum propter autorem Deum, cuius Spiritu repletus prophetavit, vers. 67. Sed etiam ratione materiæ, seu ipsius Prophetiæ, quam proponit: qua primum Dei redemptoris per Christum beneficium celebrat, vers. 67. ad 75. usque: deinde filium Iohannem, compellendo describit, ab adjuncto Prophetico officio, & futura fidei illius executione, quod Domini Christi futurus esset præcurfor, & suo ministerio (nempe prædicationis & baptismi) Domino viam esset paraturus, vers. 76. eo fine, ut daret cognitionem salutis populo Christi, in remissionem pecca-

torum. In quibus verbis utraque pars declarationem aliam quam desiderat. In priori autem observandum, quid sit *cognitio salutis*, nempe æternæ: & qua modo eam Johannes daturus dicatur.

*Cognitio enim salutis* duobus modis intelligi potest 1. ut salus sit subjectum cognitionis, seu rem cognitam notet: quemadmodum Phil. 3. 8. *cognitio Christi* & 2. Pet. 1. v. 2. *agnitio Dei*. Deinde ut cognitionis effectum significet, id est, quæ cognitio salutis efficiens instrumentalis. ut Psalm. 18. v. 48. *Deus salutis meæ*, id est, salutis meæ causa efficiens. Prior explicatio usu Phrasis præfertur: & tum non generatim, *cognitio salutis* intelligitur, sed per Synecd. generis pro specie cognitio viva, seu vera fides, quæ per Spiritum regenerantem datur & effectiva est Charitatis Gal. 5. 6. ac sola remissionem peccatorum, justificationem ac salutem consequitur. Quo modo etiam *cognitio* usurpatur, Esai. 53. v. 11. *cognitione sui justificabit justus servus meus multos*. & Joh. 17. v. 3. *hæc est vita æterna, ut cognoscant te, illum verum Deum, & quem misisti Jesum Christum*, quibus locis cognitio viva, seu viva fides intelligitur, quæ ad vitam æternam citra controversiam, necessaria est, Marc. 16. v. 16. Sed quibus & quomodo Johannes Baptista daturus hanc cognitionem æternæ salutis vivam; seu fidem veram dicatur, non immerito quaeritur. Prius enim indicatur (nempe quibus) cum dicitur, *populo ejus*, nempe Domini Christi, id est, solis electis ad vitam æternam, quibus fides viva propria Tit. 1. v. 1. Actor. 13. v. 48. Joh. 10. v. 26. quos Christus etiam, ut populum suum distinctè appellatum, solos servat, Matth. 1. vers. 21. & Joh. 6. Cum verò cognitionem salutis daturus populo Domini, Johannes dicatur: disquiratur deinde, quomodo hoc fiat, ac verè de Johanne pronuntietur: quoniam hoc videtur Scripturæ adversari, quæ hanc datæ fidei gloriam soli Deo vindicat: ut qui solus hominem regenerat, & cognitionem salutis donat: Matth. 11. vers. 27. *Nemo novit filium nisi Pater, neque Patrem quis novit nisi Filius, & cui filius voluerit revelare*. & 16. v. 17. Joh. 6. vers. 44. Eph. 2. vers. 8. Phil. 1. vers. 29. unde videtur necessariò sequi, cum fides sit Dei donum non potuisse à Johanne Baptista dari. Sed negatur Consequentiâ, ob vocis *dandi* significationem diversam. Ea enim accipitur vel de causa principali, vel de causa instrumentali & adjuvante subordinata, qui modi optimè inter se consentiunt. Cognitionis enim salutis, de qua hic agitur, seu veræ fidei causa efficiens est Deus per Spiritum Sanctum, unde *Spiritus fidei*, 2. Cor. 4. vers. 13. ut author illius, vocatur, & Ephes. 1. vers. 17. 18. dicitur: *ut Deus Pater dei vobis Spiritum sapientiæ & revelationis, per cognitionem ipsius, illuminatis oculis mentis vestræ*. Sed tamen ad eam rem utitur instrumentis (seu causis subordinatis, suo modo adjuvantibus) duobus, proximo quidem verbo Evangelii, remoto verò Evangelii ministris. Et utrumque hoc instrumentum demonstrat Apostolus, Rom. 10. v. 14. *Quomodo crederent de quo non audierint? Quomodo ergo audirent absque prædicante?* En, præcones Evangelii causæ instrumentales fidei. & v. 17. *Ergo fides ex auditu: auditus autem per verbum Dei*. En causam instrumentalem proximam, Sic 1. Cor. 3. v. 5. *Quid igitur Paulus, quis autem Apollos, nisi ministri Dei, per quos credidistis, & ut cuique Dominus dedit*. Cœterum inter dationem cognitionis salutis, id est, fidei vivæ à Deo, & dationem ab instrumentis Dei, nempe verbo Evangelii, & Evangelii ministris, maximum est discrimen. Nam ea in re consideranda sunt duo, primum intelligentia doctrinæ salutis: deinde agnitio veritatis illius, & quidem viva, seu charitatis effectiva. Prioris nempe intelligentiæ doctrinæ salutis causa prima, ac primaria est Deus: qui Evangelii (utpote doctrinæ, naturâ pforus ignotæ) author, & Evangelii ministros instruit, ac mittit. Causa verò ministra, atque instrumentalis proxima quidem est verbum Evangelii: remota verò sunt ministri illius: ita ut Evangelium lectum aut prædicatum, & diligenter auditum ac consideratum intelligi possit etiam ab hostibus illius incredulis, ob claritatem doctrinæ illius, ratione capitum primariorum: ut experientia eorum hostium, in veræ Evangelii ac salutis doctrinæ propositione & oppugnatione evincit. Posterioris verò, seu assensus,



per quem Euangelio tanquam vero quis assentitur, actio propria est Dei: id quod loca antè posita demonstrant: & Apostolus 1. Cor. 3. v. 7. indicat. *neque is qui plantat est aliquid, neque qui rigat, sed Deus qui dat incrementum.* Veruntamen, sicut assensus, quo Euangelii veritas agnoscitur (seu intelligentia veritatis illius: non autem intelligentia sensus) per Spiritus Sancti revelationem existit, ac communis est electis ad salutem, & multis reprobis, 2. Pet. 2. vers. 21. 22. Heb. 10. v. 16. sic, ne hæc agnitio veritatis Euangelii sit mortua fides, atque inutilis ad salutem Jacob. 2. vers. 17. propterea requiritur, ut sit effectiva charitatis, Gal. 5. ut viva ac salutifera fides existat: quod etiam à Deo per Spir. Sanctum regenerantem tantummodo promanat, & electis proprium est; qualis fides hoc in loco *cognitionis salutis* Phrasi, per Synecd. intelligitur, cuius dandæ instrumentum, ac minister futurus statuitur, suo nimirum, ut ostendimus, modo, Johannes Baptista; quemadmodum etiam eventus comprobavit. Nam quemadmodum prædicavit Euangelium de Christo, Joh. 1. v. 29. & fidem in illum, Actor. 19. vers. 5. sic per eum crediderunt, Matth. 21. v. 32. Joh. 1. v. 37. & 42. Atque hæc de primo hujus sententiæ explicandæ membro, quo finis prior ministerii Iohannis Baptiste declaratur, nimirum, *ut daret cognitionem salutis*, id est, ad fidem in Christum, salutis autorem, inferviret.

Alterum verò membrum, secundum finem, ex priori oriturum, describit, cum ait: *ἐν ἀπολύσει ἁμαρτιῶν*. Quod variè exponitur. Cujus occasio est propositionis *ἐν*, id est *in*, diversa significatio. Nam vox ea accipitur sæpius, vel pro *in*, id est *per*, ut 1. Cor. 12. v. 3. & 9. ut vers. 8. exponitur, & 2. Pet. 1. v. 13. vel eadem vox ponitur pro *in*, *ad*, ut terminum aut finem notet, ut Rom. 2. vers. 5. & 1. Thess. 1. v. 8. indicat enim ibi motum ad locum: ut etiam Hebr. 4. v. 11. Priorem significationem sequitur noster interpretès in hoc loco, Luc. 1. v. 77. *ut des cognitionem salutis populo ejus, ἐν ἀπολύσει ἁμαρτιῶν, per remissionem peccatorum*: ut hæc verba construuntur tantum, cum proxima voce *salutis*, & sensus sit: quod salus per remissionem peccatorum contingat. Posteriorem verò vulg. versio retinet, *in remissionem peccatorum*, ut terminum ac finem notet: & construat non cum voce *salutis*, sed cum cognitione salutis, id est, vivâ fide: cuius finis, atque effectum instrumentale est, remissio peccatorum, Actor. 10. vers. 43. & alibi. Atque ita Luc. 3. v. 3. Johannes Baptista dicitur prædicasse baptismum resipiscentiæ, in remissionem peccatorum. Sub qua resipiscencia, per Synecd. fides erga Euangelium simul continetur: quemadmodum etiam Luc. 24. vers. 47. & Actor. 19. v. 4. Sic Petrus Actor. 2. v. 38. *Resipiscite, & baptizetur quisquis vestrum in nomine Jesu Christi, in remissionem peccatorum.* Utraque interpretatio pia ac probabilis est: posterior tamen, ob loca, de ministerii Iohannis fine, jam adducta, videtur præferenda non immerito: præsertim cum prior interpretatio illa, non necessariam ellipsin statuatur, *τὴν ἀπολύσει* pro *τὴν ἐν ἀπολύσει*, quæ per remissionem, supple est, posterior verò interpretatio simplex est, neque ellipsin illam requirit. Atque hæc de interpretatione.

Supereft, ut succedat, ad majorem loci, de quo agimus aliorumque intelligentiam, *remissionis peccatorum explicatio.* Hæc enim ad illustrem illam ac primariam, de justificatione hominis coram Deo, doctrinam, accuratius dignoscendam, multaque Scripturæ loca illustranda, conducit plurimum. Quod ut ordine, ac distinctè expendamus: duo, pro ordine illorum, considerata, nempe, *peccatum & remissio* illius: quorum illud *subjectum* est, hoc verò illius *subjecti adjunctum*. Ad prius quod attinet, initio vocis origo & significatio (quæ, ad rei notitiam, ac tollendam ambiguitatem, viam sternunt) præmittenda. Origo vocis *peccati* usque proximè oritur, citra controversiam, est *peccare*: sed an hoc verbum sit primum, an verò aliunde ortum, merito disquiritur. Veteres enim Latinæ Linguæ authores, (quantum hæcenus observatum) prius statuunt, quum nullius etymi nominis meminerint. Quidam verò recentiores literarum restauratores, posterius sequuntur: sed diversam tamen originem definiunt. Perottus in laudatissimo Cornucopie libro, *peccare à pellicare, id est, cum pellice coire*

seu adulterium committere, derivat: unde generalius, ait, de omnibus delictis, & erroribus dictum. Id quod probant & ex Perotto recensent Ambr. Calep. & Thesaurus Latinæ Linguæ, seu forum Romanum Cœlii, Julius verò Cæsar Scaliger vir acutissimus, de causis Linguæ Latinæ, lib. 1. cap. 31. à nomine, *pecus*, geminata litera, c, *peccare* derivat; Id quod probat Becmannus in eruditissimâ Latinæ Linguæ originibus: quod sit (ut ait) quasi in pecuinam indolem degenerare. Quidam verò alii, à nomine *pecus* quidem, sed proximè, à *pecucare*, per Syncopen: quasi pecudis instar aberrare. Veruntamen neque *peccare*, neque *pecucare*, priscis Latinæ Linguæ authoribus nota. Neque etiam prior Etymologia Perotti videtur consentanea: nam licet hac parte sit superior, quod *pellicatus* Latina sit vox, quæ à *pellico*, citra controversiam, voce obsoletâ, deducitur; insolens tamen est illius in verbum *pecco*, deflexio, quasi duplex l, in c, mutaretur, quod autem *peccare*, pro adulterium committere, interdum accipitur à Poëtis, Synecdoche est generis pro specie: quare simplicius est, ut cum priscis autoribus, *peccare* thema esse, seu vocem primam, originis expertem, dicatur. Deinde ad significationem quod attinet; quidam idem notare censent, quod transilire lineas, obtento Ciceronis dicto paradoxo 3. cum ait: *siquidem est peccare, tanquam transilire lineas: quod cum feceris, culpa commissa est: quam longè progrediare cum semel transieris, ad augendam transseundi culpam nihil pertinet.* Sed inquam primum obiter notandum: pro verbo *transilire*, Lambinum notare ad oram libri loci citati, è veteri codice, *transire*; ut etiam Nizolius, ac deinde forum Romanum Cœlii legunt: & sequentes voces repetitæ ac conjugatæ, *transieris*, ac *transseundi* satis clarè comprobant. Deinde Cicero, iis verbis, non exponit quid sit peccare: sed componit, seu comparat cum transitu linearum. Quare potius statuendum, *peccare*, propria significatione, nihil aliud esse, quam malè, seu contra officium facere: & *peccatum*, malè factum, seu contra officium factum: quemadmodum Ciceronis paradoxo 3. eleganti oppositione, apparet: *rectè facta* (inquit) *à virtutibus proficiuntur: peccata ex vitiis manant.* Hæc de Latina voce: quibus pauca tantum de Græcâ, & Hebræâ addemus. *ἁμαρτία* & *ἁμαρτία* peccatum, Græcis ab *ἀμαρτάνω* (pro quo in usu est *ἀμαρτάνω*) *aberro*, sive à via, sive à scopo destinato: ut rectè Henricus Stephanus ait, in Thesouro Græcæ Linguæ, & exemplis multis demonstrat. Inde per Metaphoram *peccare* significat, quasi à via legis aberrare. Quam significationem in Novo Testamento semper obtinet, sic Hebræis *חָטָא* quod aberrare notat propriè: ut Jud. 20. vers. 16. *fundâ iaciens lapidem ad capillum חָטָא חָטָא & non aberrabat.* Quæ propria significatio, unico tantum illo loco, extat. secunda verò inde per Metaphoram orta est, *peccare*, quasi à via justitiæ ac legis propositâ aberrare. Ex qua significatione fit nomen *חַטָּאת* & *חַטָּאת* peccatum: cuius synonymum est *פָּשָׁע* propriè *perversitas*, *iniquitas*. Sic Psal. 32. v. 2. pro quo Rom. 4. *ἁμαρτία* ponitur. Sic *עוֹשֵׂה דֶּשֶׁת* defectio: quia peccatum à Deo defectio est: quæ tria conjuncta sunt, Exod. 34. v. 7. Atque hæc de peccati voce & significatione. Quo modo strata jam est, ad rem ipsam seu definitionem peccati, via. Quæ definitio ex 1. Joh. 3. vers. 4. contractius produci solet: *ἡ ἁμαρτία ἐστὶν ἡ ἀνομία* *peccatum est legis* (divinæ scilicet) *transgressio.* quemadmodum 1. Samuel. 15. vers. 24. *חַטָּאתִי כִּי־עָבַרְתִּי אֶת־פִּי־דְוָרָה* *peccavi, quia transgressus sum os*, id est, verbum *feboræ* ut LXX. *ἁμαρτία ἐστὶν ἡ ἀνομία* *transgressio legis* & *ἡ ἀνομία* Heb. 2. vers. 2. *transgressio*, dicta; quemadmodum peccator, *transgressor legis*, Jac. 2. v. 10. eleganti Metaph. ab illicita, uti videtur, terminorum transgressione, desumpta: quemadmodum *ἁμαρτία* peccatum, expositione naturæ illius, *ἀνομία* dicitur: ut liquet ex Jerem. 31. vers. 34. *peccati eorum non recordabor amplius.* Quod ab Apostolo Heb. 8. vers. 12. citatur, post verba illa, *peccatorum illorum*, addita explicatione *ἡ τὴν ἀνομίαν* & *transgressionum legis eorum*, illustratur. Quamvis enim hæc duo, *peccatum & legis transgressio*, eandem rem de-

rem declarent, modo tamen significandi differunt. ἀνομία enim ab ἀνομ- deducitur: quæ vox ex particula ἀ, & nomine νόμος, id est, *lex*, composita est, & ut ἀ privativum vel absque notat, vel *adversus*: sic ἀνομ- dicitur, qui vel *absque lege* est, sive *ex lexi*, ut 1. Cor. 9. vers. 21. vel qui est *adversus legem* (ut idem sit quod παράνομ-, unde παράνομον *legem transgrediens*, Act. 23. vers. 3.) ut 2. Thess. 2. v. 8. & 1. Tim. 4. v. 9. ubi *justo* opponitur: ut 2. Pet. 2. vers. 8. opera ἀνομία, id est, *legi adversa*, justitiæ opponuntur. Atque ab hac secunda significatione, vox ἀνομία non carentiam legis (quæ peccati expers esse potest) sed repugnantiam, ac transgressionem legis, seu inobedientiam significat. Ac propterea merito justitiæ opponitur. 2. Cor. 6. v. 14. & Heb. 1. v. 9. & bonis operibus. Tit. 2. v. 4. Quod sicut justitiæ norma, *lex*: sic violatio illius, *injustitia*. & quemadmodum *lex* omnem justitiam, tam habitualement, quam actualement præcipit, Matth. 22. v. 37. & 39. sic generatim omnis illius transgressio peccatum est, & ἀνομία: licet per Synecd. interdum pro specie una accipiat, ut Rom. 6. v. 19. *sicut stitistis membra vestra non ἀνομία, sed ἀνομίαι*. gementum exemplum est illustre, ubi priori loco peccatum habituale, seu originale; posteriori verò actuale è priori enatum intelligitur. Cæterum ut paulò plenius peccati definitio percipiatur, hoc modo à genere & differentia duplici describi posse, non incommodè videtur: *Peccatum est actus, vel habitus malus, legi Dei repugnans, maledictionis reum constituens*. Genus autem est actus vel habitus malus: Differentia primum essentialis est ἀνομία, seu repugnantia adversus legem, qua differentia genus propositum restringitur, & ab actu atque habitu malo, qui illegitimus non est; sed aut naturalis tantum aut artificialis, distinguitur: sic etiam accidentaliter differentia est effectum peccati proprium, quod reum maledictionis constituat: id quod iuxta Dei comminatio, legi addita, perspicuè demonstrat, Deut. 27. v. 26. *Maledictus qui non ὀμνί stabilizat (id est, perseveranter observet) verba legis istius, ut faciat ea*. Quod dictum non solum LXX. interpretes, sed etiam Apostolus ita exposuit Galat. 3. v. 10. *Maledictus qui non permanet (ἰμνησῇ) in omnibus quæ scripta sunt in libro legis, ut faciat ea*. ideoque ut omnis peccans reus est mortis, seu ad pœnam mortis ferendam obligatus: sic etiam ob Dei judicis justitiam vindicatricem, & comminantis veritatem, ut pœnam illam peccator ferat, absolutè necessarium est, Gen. 2. v. 17. Rom. 1. vers. 32. & 5. vers. 12. & 6. vers. 23. Jac. 1. vers. 15. Ac propterea, quæ Lucæ 11. v. 4. dicuntur *peccata*, eadem à Matth. 6. v. 12. *debita* appellantur: non quod ea debeantur; sed Metonym. quod peccantes pœnæ debitæ obnoxios reddant: quemadmodum debita pecuniaria, eum, qui solvendo non est, ad pœnam obligant, Matth. 18. Quæ debiti Metaphora etiam Dan. 1. vers. 10. Atque ita peccantes idcirco *debitores* appellantur, Luc. 13. v. 4. nempe pœnæ mortis solvendæ: quales propriè dicuntur *digni morte*, Rom. 1. vers. 22. & *regebenmæ ignis*, Matth. 5. vers. 22. ἰσοπέτ. *rei æterni judicii*, id est, condemnationis, Marc. 3. v. 29. Atque hinc fit, ut *peccati* vox (ut etiam Synonymorum illius) per Metonym. duplicem usurpetur. Prima est Metonym. causæ pro effecto, cum pœnam peccati notat; ut Gen. 19. v. 15. *ne consumaris in iniquitate* (id est, pœna iniquitatis) *hujus civitatis*. & 1. Pet. 2. v. 24. *peccata nostra sustulit in lignum*. Altera Metonym. ex priori orta, est adjuncti pro suo subjecto, cum sacrificium peccati, quod pœnam peccati perfert, significat, ut Levit. 4. vers. 3. & vers. 33. ut etiam Psal. 40. v. 7. *peccatum noluit* id est sacrificium (supple legale) pro peccato, seu pro solvendâ peccati pœna: Quod Apostolus ad Hebr. 10. vers. 8. transtulit per ellypsin οὐκ ἀμαρτίας, pro peccato, scilicet θυσιῶν sacrificium. Qualis phrasis apud LXX. Levit. 6. vers. 30. πάντας τὰς θυὰς ἀμαρτίας & omnia (scilicet sacrificia) pro peccato. Eadem Metonymia est 2. Cor. 5. 21. *fecit eum peccatum*, id est, sacrificium pro peccato, ad pœnam peccati, debitam nobis, ferendam. Ea autem pœna est mors prima, & secunda. Prima est vitæ corporis privatio per animæ ex eo migrationem, 2. Cor. 5. 8. 9. & 2. Pet. 1. v. 5. & 15. Secunda verò mors Apocal. 2. v. 11. & 20. vers. 6. sunt animæ & cor-

poris (ob infinitam Dei legislatoris, ac summi judicis, Gen. 18. vers. 25. & Jac. 4. vers. 12. Majestatem læsam) cruciatus infiniti valore: aut compensatione quadam (ob finitam peccatoris naturam) duratione infiniti, seu æterni. Prioris exemplum est in Christo, Esai. 53. v. 4. 5. 6. & Galat. 3. v. 13. posterioris in reprobis omnibus Dan. 12. v. 2. Matth. 25. v. 41. Siquidem pœnæ utriusque mortis perfrendæ modus est duplex: aut per ipsum peccatorem; aut, Deo acceptante, per sponsores, ac vadem Christum. Ac prior quidem modus lege expressus Deut. 27. v. 26. posterior verò in lege suppressus, sive tacitus: sed ex Dei legislatoris mente intellectus: & Evangelio Christi, cum promissi, Gen. 3. v. 17. & 22. v. 18. Act. 10. vers. 43. tum missi, revelatus, Galat. 3. v. 13. Heb. 2. v. 14. Act. 3. v. 25. Cujus Christi perpessio mortis, est valoris infiniti: quia persona infinita est, ἀσέβητος, unde humanæ naturæ passæ dignitas accedit infinita: *Deus enim, qui Ecclesiam suo sanguine acquisivit*. Act. 20. v. 28. *Qui per Spiritum æternum* (hoc est, divinam suam naturam) *seipsum obtulit inculpatum Deo*, scilicet Patri, Heb. 9. vers. 14. Hactenus de peccato.

Consequens est, ut de remissione illius agamus: à voce similiter exorisi. Ea autem Græcè est ἀφέναι. Cujus origo est ab ἵνω, pro quo in usu est λαύω mitto: unde ἀφέναι *dimitto, remitto*. Atque ex hoc nomen ἀφέναι dimissio, remissio: & per metaph. *condonatio*, ob similitudinem, ut videtur, quandam, à captivorum è carcere, & vinculis dimissione ac liberatione. Quemadmodum allegoria tali (seu continuata quadam metaphora) peccatorum remissio describitur, Esai. 61. v. 1. *Ut prædicem captivis ῥῶν libertatem, & vinclis apertionem carceris*. Id quod Luc. 4. v. 18. exponitur, *ut prædicem captivis ἀφέναι, dimissionem, & confractos emitam ἐκ ἀφέναι*. Beza, *in libertatem*, id est, in remissionem: Erasmus *per remissionem*. Hebraicè verò pro ἀφέναι (cum hoc condonare significat) propriè est verbum סלח cui plena constructione addi solet, *peccati*, aut *iniquitatis* vox, ut 2. Chron. 6. v. 27. Exod. 34. 9. Jerem. 31. v. 34. & 33. v. 8. vel per ellypsin reticetur: & condonare peccata significat; ut Levit. 4. vers. 20. הָם לְהַם & *condonabitur eis*, scilicet peccatum: ut expressè LXX. ἐν ἀφέναις αὐτοῖς ἀμαρτία, & *remittetur eis peccatum*. Sic etiam Lam. 3. v. 42. & Esai. 55. v. 7. Ex qua significatione nomen extat סלחה *condonatio*, pro condonatio peccatorum, ut Psalm. 130. vers. 4. *apud te סלחה *condonatio*, id est, condonatio peccatorum*. Et Daniel. 9. vers. 9. *apud Dominum sunt miserationes סלחות & condonationes*, id est, remissiones peccatorum. Denique Nehem. 9. vers. 17. אֱלֹהֵינוּ סלחָנוּ *Deus condonationum*: quod LXX. exprimunt διδοῦσθαι τὰς ἀμαρτίας. Quo etiam modo Græcè, ἀφέναι, pro ἀφέναι τῶν ἀμαρτιῶν accipitur, Marc. 3. vers. 29. *Non habet ἀφέναι*, id est, *remissionem peccatorum, in æternum*. Et Hebr. 9. v. 22. *Sine sanguinis effusione non fit ἀφέναι, remissio*, nempe peccatorum. Hæc etiam de remissionis vocè.

Ad rem verò quod attinet: ut *remittere*, *condonare* significat: sic *peccata*, per metonym. eff. pro effecto, pœnas peccatorum notat, ut rectè, cum aliis Theologis, Dominus Piscator, Luc. 11. v. 4. in scholiis agnoscit. Et sanè usus Scripturæ idem comprobatur, diversis metaphoris, eodem sensu intellectis. Quales sunt *delere, auferre, tollere, non imputare, non recordari. Post tergum aut in profundum maris projicere peccata*, id est, peccatorum pœnam non inferre, seu condonare: quemadmodum etiam apud Latinos remittere peccata, & pœnas peccati remittere, eodem sensu usurpari solent. Remissio ergò peccatorum, est pœnæ, peccatis debitæ, absolutio, seu condonatio. Quæ pro efficientis ratione, aut humana est, aut divina. Humana est, qua homo homini, jure mandati divini, Matt. 6. vers. 14. 15. peccati in se commissi, pœnam condonat: ut fecit Joseph, Genes. 50. v. 16. 17. Divina verò peccatorum remissio ea est, qua Deus, ex misericordie gratia pœnam peccatis debitam, condonat, quo modo inter se opposita sunt, Psalm. 89. vers. 8. *Deus tollens*, supple peccatum, id est, condonans & absolvens; & *vindicans*, id est, pœnam pro peccato inferens. Porro hæc divina remissio aut particularis est, aut

universalis. Particularis est, qua partim, seu pœnam tantum temporalem hominibus reprobis condonat. Quale exemplum illustre in Israëlitis rebellibus, ac præsentem pestem promeritis, Num. 14. v. 12. pro quibus, ut Moses orat, v. 19. Sic etiam Deus condonavit: non simpliciter, & absolute: sed pœnam temporalem tantum; non autem æternam: quia increduli permanferunt, ac perierunt, Hebr. 3. v. 18. 19. & 4. v. 3. & quidem particularem, de qua agitur, nempe præsentem pestis mortem: quam Deus non inflixit: non omnem tamen temporalem condonavit, quia aliam iis minatur, nempe pœnam exclusionis ex terra promissa. Talis etiam antea fuit iisdem reprobis remissio peccatorum facta particularis, cujus Moses in loco jam citato meminit, cum ait: *condonasti populo ab Ægypto, huc usque*. Qua de re etiam videre est, Psalm. 78. v. 34. 35. 36. 37. 38. Tale etiam exemplum in Achabo comperitur: cui Deus, licet non ex viva fide pœnitenti, pœnam, quam minatus ei erat, illius temporis ratione, condonavit: non autem absolute, quia eam non abstulit: Sed in posteros ipsius distulit: neque omnem pœnam temporalem reliquam ei condonavit, sed eam tandem intulit, ut 1. Reg. 21. v. 27. 28. Cujusmodi denique pœnæ temporales remissiones extant frequentes, in improbis ac reprobis: quum meritis pœnas Deus non infert: sed iis parcat, imò multis beneficiis afficit: id quod iustitiæ Dei primâ fronte non videtur consentaneum; adeo ut in Ecclesia Dei, non rarò, ea re perturbentur, non tantum hypocritæ, Mal. 3. v. 13. 14. 15. Sed etiam interdum verè pii, Psalm. 73. v. 12. 13. 14. Jerem. 12. v. 1. 2. Sed tamen Deus nihilominus est iustus iudex: Nam licet, ad tempus, pro sua patientia ac lenitate iis parcat: suo tamen tempore, patientiâ divina abutentes, iustè punit, ac tarditatem supplicii gravitate illius compensat, Psalm. 73. v. 17. idque vel in hac vita, Psalm. 37. v. 32. 35. 36. & Jerem. 12. v. 3. vel post hanc vitam, Mal. 3. v. 18. & 4. vers. 1. quo spectat Apostolus, Rom. 2. 4. & 5. *An copiam benignitatis ejus, & tolerantiae, & uisitationis, tarditatis ad iram, contemnis? ignorans quod benignitas Dei te ducit ad resipiscentiam? Sed pro duritia tua, & corde resipiscentiæ experte, thesaurizas (id est, accumulas) tibi iram, in diem iræ, & patefactionis iusti iudicii Dei.* Atque hæc de remissione peccatorum particulari. Universalis est, quâ Deus, ex speciali gratia, omnibus ac solis hominibus electis, ac fidelibus, debitam, pro peccatis eorum pœnam universam (tam temporalem, quam æternam,) propter Christi sponforis, ac Mediatoris ab eo dati, plenam passionis & mortis, pro iis, solutionem, per fidem in ipsum, condonat. In qua descriptione, *genus & differentia* observanda. *Genus*, (seu id quod ei cum particulari remissione commune est,) est pœnæ, pro peccatis hominum debitæ, à Deo, ex gratia, condonatio. *Differentia* verò distinguens, subjecto, adjuncto, & causis propriis, continetur. *Subjectum proprium* sunt electi, Johan. 10. vers. 11. 16. & Rom. 8. v. 30. ut ex adjuncto, & causis etiam liquet. *Adjunctum* enim est remissionis magnitudo: quod pœnam universam; temporalem simul & æternam, simpliciter condonat; non autem temporalem tantum, nec partim, & ad tempus, ut, in particulari fieri solere, ante demonstravimus. Id quod illustria sacræ Scripturæ dicta evincunt: qualia sunt Jer. 31. v. 34. *Condonabo iniquitatem eorum & peccatorum eorum non recordabor amplius*, hoc est, non puniam, per metaph. similitudine ab hominibus ac iudicibus ducta, qui oblivioni tradita, ac ignota malefacta non puniunt. Quod similiter dicitur, Ps. 51. v. 11. *Abconde faciem tuam à peccatis meis: & alterâ metaph. declaratur, cum additur: & omnes iniquitates meas dele*: simili à debitorum è libro deletionem, qui non exiguntur. Et Esa. 43. v. 25. Sic etiam cap. 44. v. 22. & 38. v. 17. & Neh. 7. v. 19. quibus in locis omnium peccatorum remissio, variis metaphoris, luculenter demonstratur. Id quod distinctè ex causis etiam remissionis illius; in descriptione antecedente positis, confirmari potest. Quarum causarum alia prima, alia secunda: *Prima* est, specialis, erga electos Dei, gratia; seu gratuita, erga electos, peccatores, ac mortis reos, dilectio, qua primò, Christum pro iis vadem, seu sponforem (Hebr. 7. v. 21. cum 22.) & Mediatorem dedit, cap. 9. v. 15. & pœnas, iis debitas, ipsi perferendas

imposuit, Esa. 53. v. 6. Rom. 3. vers. 24 & 5. vers. 8. & 2. Cor. 5. v. 21. Deinde propter ejusdem Christi satisfactionem pœnæ dictæ, à peccatorum pœnis absolvit. 2. Cor. 5. v. 19. *Secunda* verò causa efficiens remissionis universalis, est *principalis*, vel *instrumentalis*. Principalis est Christus perfectâ pœnarum, electis debitæ, per passionem & mortem solutionem. Esa. 53. v. 4. 5. 6. 8. Siquidem Christus dedit animam suam, (id est, vitam,) λύτρον, redemptionis pretium pro multis, Matth. 20. vers. 28. & quidem ἀντὶ πάντων, id est, ex adverso respondens, seu æquale redemptionis pretium, 1. Timoth. 2. v. 2. quomodo vox ἀντὶ, in nomine ἀντὶ πάντων, id est, æquilibrium usurpatur: Christus enim ad abolitionem peccati, per sacrificium sui ipsius, patefactus est, Hebr. 9. v. 26. & sanguine suo æternam λύτρον, redemptionem nactus, ibid. v. 12. in quo habemus, ἀντὶ πάντων, redemptionem, per sanguinem ipsius, remissionem peccatorum ex divite ipsius gratia, Ephes. 1. v. 7. Coloss. 1. v. 14. Nam licet ratione Christi (qui passione & morte suâ pretium plenum persolvit) remissio sit merita: electorum tamen ratione, est ex mera Dei gratiâ: ut qui pro peccatoribus, atque ita suis hostibus, mortem promeritis, Christum sponforem dedit, Rom. 5. v. 8. & fidem, per quam Christi & remissionis peccatorum communicatio obtinetur, gratis donat, ut Ephes. 2. v. 8. Atque hæc de causa remissionis peccatorum secunda principali, nempe eam promerente.

Instrumentalis verò, est fides viva; quæ agnitio est Jesu Christi, filii Dei servatoris, Ecclesiæ, per regenerationem Spiritus Sancti donata, charitatis (ideoque fiduciæ & spei) effectiva, Johan. 20. vers. 31. Actor. 8. v. 37. Ephes. 2. vers. 8. 9. Johan. 1. vers. 12. Galat. 5. v. 6. Jacob. 2. v. 17. Cujus fidei effectum (ideoque fide, naturæ ordine, posterius) est remissio peccatorum, Actor. 10. v. 43. & 13. v. 38. 39. Roman. 3. v. 24. 25. Galat. 2. v. 16. Ceterum adversus hanc universalem peccatorum remissionem, per fidem in Christum, satisfactionem illius meritam, statuunt Pontificii, eam locum quidem habere, in prima remissione, quæ fiat per baptismum (ut concilium Trident. Sess. 14. cap. 2.) non autem in secunda remissione, quæ lapsis post baptismum datur: in qua pœnitenti pœna æterna quidem condonetur, non verò pœna temporalis: quæ homini hic, vel in purgatorio, luenda: quemadmodum ibid. Sess. 6. can. 30. statuitur: *Si quis post acceptam justificationis gratiam, cuilibet peccatori pœnitenti ita culpam remitti, & reatum æternæ pœnæ deleri dixerit, ut nullus remaneat reatus pœnæ temporalis exsolvenda, vel in hoc seculo, vel in futuro, in purgatorio, antequam ad regna cælorum aditus patere possit, anathema sit.* Atque ita Bellarm. tom. 2. de pœnitentia l. 4. cap. 10. utramque & primam & secundam illam, quam statuunt remissionem, distinctè exponit, his verbis: *In baptismo non requiritur satisfactio ex parte nostra, &c. ut tamen requiratur ex parte nostra opera laboriosa, quibus, pro reatu pœnæ temporalis divini iustitiæ satisfiat.* Hæc ille. Opera autem illa laboriosa declarat Concil. Trident. Sess. 14. cap. 13. nempe pœnas à Deo inflictas patienter toleratas: vel à sacerdote injunctas; item sponte susceptas vel jejuniis, orationibus, eleemosynis, vel aliis etiam pietatis operibus. Sic etiam Bellarm. memorato lib. cap. 5. rationem adducit, *Siquidem, inquit, maxime consentaneum est rationi, ut sic Deus, ex misericordia, peccata condonet, ut etiam iustitiæ, quoad ejus fieri potest, satisfieri velit.* Sed contra ab orthodoxis rectè respondetur: respectu nostri peccata ex mera misericordia condonari: respectu verò Christi, sponforis nostri, Deus illas pœnas ab ipso exegit, & Christus, eas perferendo, plenissimè satisfecit. Sed addit Jesuita: *Neque solvitur argumentum, Christum pro nobis Deo Patri abundè satisfecisse. Nam etiam si ad amicitiam Dei recuperandam, & pœnam sempiternam evadendam, congruens fuerit, ut nobis Christi satisfactio applicaretur, cum nos tantò oneri omnino impares essemus, tamen ad expiandam pœnam temporalem, per Christi gratiam idonei effecti, par erat, ut nos ipsi, qui Deum offenderamus, eidem, nostro labore satisfacere mus.* Hæc ille. In quibus verbis duo errores gravissimi continentur. Prior de Christi satisfactione: posterior de nostrâ. prior enim est, quod negat Bellar. Christum pro pœnis temporalibus peccatorum, post baptismum à nobis commissorum,

missorum, satisfecisse: cum contrarium Sacra Scriptura (ut supra demonstravimus) asserat, nimirum *in Christum incurrisse iniquitatem* (id est, iniquitatis poenā) *omnium nostrum*, Esai. 53. vers. 6. & Jerem. 31. v. 34. Hebr. 8. v. 12. *condonabo iniquitatem eorum, & peccatorum eorum non recordabor amplius*: si autem condonatis peccatis, ea punit, eorum recordatur: & ut Psal. 51. v. 11. David petit hoc modo à Deo: *absconde faciem tuam à peccatis meis, & omnes iniquitates meas dele*: Sic Esai. 38. v. 17. dicitur, *projecisti post tergum omnia peccata mea*, & Mich. 7. vers. 19. *projicies in profundum maris omnia peccata*. & Hebr. 9. v. 26. *Christus ad abolitionem peccati* &c. & Actor. 13. v. 38. 39. & 1. Joh. 1. v. 7. Ergo Christi satisfactio pro peccatis nostris integra est, & absoluta. Quare à Bellar. aliisque Pontificiis violatur perfecta Christi satisfactio, cum illius merito temporalem poenā, peccatis nostris post baptismum debitam, deleri negant. Posterior error Bellarmini est de satisfactione nostra: quod laboriosis operibus nostris, pro reatu poenae temporalis, justitiae Dei satisfiat: hoc enim similiter Sacris Literis adversatur. Primum, quia eo modo injustitiam Deo manifestè attribuit. Cum enim Christus, pro omnibus peccatis nostris, sua passione & morte, abundè satisfecerit Dei iudicio, *factus pro nobis peccatum*, id est, hostia pro peccato, *ut fieremus justitia Dei in eo*, 2. Cor. 5. vers. 21. & *nos redemerit ex maledictione, factus pro nobis maledictum*, Gal. 3. v. 13. *Nullaque sit condemnatio iis, qui sunt in Christo Jesu*, id est, fidelibus, Rom. 8. v. 1. atque ita Dei justitiae plenissimè pro nobis sit satisfactum: Dei justitia non fert, ut poenā satisfactionis ullam, pro peccatis à nobis, exigat: quemadmodum creditor, debiti solutionem à Sponsore integrè praestitam, à debitore sine injustitia, exigere non potest. Secunda erroris demonstratio est, quia satisfactio, qua poenā temporalem, peccatis nostris debitam ferendo, justitiae Dei satisfiat, impossibilis est nobis: nam ea deberet esse omnis vitii expert, ac perfectè sancta: alioqui non tolleretur poenā, sed merito eam augetur. Contra, verò omnes actiones nostrae sunt vitio contaminatae, ob repugnantiam carnis (id est, vitiositatis reliquae) adversus Spiritum Gal. 5. v. 17. Ideoque justitiae Dei, pro peccatorum expiatione, satisfacere non possunt: sed satisfactione Christi, per fidem apprehensā, expianda sunt, ut Deo placeant, Heb. 13. v. 21. 1. Pet. 2. v. 5.

Cæterum quia Pontificii (ex Concil. Trid. Sess. 6. Can. 30. & Sess. 14. Can. 13. sententia) summo consensu docent, post remissionem culpam id est peccatum, sæpe remanere reatum poenae temporalis: idque perspicuis & illustribus Sacrarum Literarum exemplis demonstrari gloriantur: idcirco primaria quibus potissimum nituntur, paucis expendimus, ac diluamus. Duo autem in Davide proferunt exempla: Primum quidem 2. Reg. 12. 13. 14. ubi (ut ait Ballarm. tom. 2. Controvers. lib. 4. c. 2.) David post impetratam veniam adulterii atque homicidii, punitus est morte filii. Secundum exemplum est, 2. Reg. 24. ubi iidem Davidi, ob numeratum populum, post peccatum remissum, poenitenti optio datur, ut eligat in poenā peccati, bellum, famem aut pestem. Sed responderetur, hasce afflictiones non esse propriè poenas iudicis vindicantis, ad satisfactionem illatas; sed castigationes Patris, ad peccantis, & aliorum correctionem adhibitas: peccantis quidem, ut ea castigatione resipiscat ad salutem, 1. Cor. 11. v. 32. & Heb. 12. v. 10. 11. & data hostibus blasphemiae occasio praecideretur, 2. Sam. 12. v. 23. Aliorum verò correctio, ut castigationis huiusmodi exemplo moniti, à peccatis iis imitandis absterrentur. Atque hæc, pro instituti ratione, adversus Pontificiorum de remissione peccatorum errorem diximus. Superest illustris atque utilissima, ad rei propositae declarationem, quaestio.

*An remissio peccatorum sit tota fidelium, coram Deo, justificatio, ad vitam aeternam obtinendam?*

**R**esponderi autem potest duobus modis, pro duplici remissionis peccatorum significatione. Prima enim est à reatu seu debita peccati poenā, absolutio: quemadmodum supra, ex S. Literarum usu, ostendimus: & communis vete-

rum, ac recentiorum Theologorum, Matth. 6. v. 12. & Luc. 11. v. 4. expositio consentit. Atque hoc quidem modo remissio peccatorum accepta, non est tota fidelium, coram Deo, ad vitam aeternam justificatio. Hæc enim tantum est, qua perfectè iusti, coram Deo judicantur, iusti autem perfectè non sunt, nec verè tales judicari possunt, nisi totum Deo debitum persolverint. Debitum enim est duplex: unum per accidens peccati, nempe poenae, ob legis divinae transgressionem, perferendae, Deut. 27. v. 26. Rom. 1. v. 32. & 6. v. 23. Alterum verò debitum est per se, nempe obedientiae legi Dei, perfectè, ad finem usque praestandae. Quorum debitorum solutio necessaria nobis est: prioris quidem, ad remissionem peccatorum, seu poenae mortis debita absolutio: Posterioris verò ad imputationem justitiae, ad vitam aeternam. Ideoque Christus, qui se vadem ac sponsorem, pro nobis, obtulit, utrumque debitum persolvit: poenae quidem ad remissionem peccatorum, Esai. 53. vers. 4. 5. 6. Ephes. 1. vers. 7. Obedientiae verò universalis ad justificationem vitae, Rom. 5. v. 17. 18. Secunda verò remissionis peccatorum significatio est, quā, per Synecd. partis pro toto, simul justitiae imputationem complectitur: quo modo. Psal. 32. v. 1. 2. usurpatur: ut Apostolus Rom. 4. recitat, & Synecdochen explicat. Recitat autem v. 7. & 8. *Beati quorum remissae sunt iniquitates, & quorum obsecra sunt peccata. Beatus vir, cui non imputat Dominus peccatum*. Synecdochen verò explicat v. 6. praecedente, cum ait: *Sicut etiam David pronuntiat beatum illum hominem, cui Deus imputat justitiam absque operibus*. Quibus verbis indicat, non solum remissionem peccatorum, seu non imputationem eorum, ad poenā: Sed etiam imputationem justitiae, seu utramque justificationis partem, positione primae, denotari. Id quod & ejus, cui remissa sunt peccata, attributum: & remissionis prima significatio, demonstrat. Attributum, quod ei, cui Deus non imputat peccatum, id est, cui poena peccati remissa est, conveniat beatitudo, beatusque sit. Atqui ad perfectam, ad finem, justitiam, & vitae aeternae beatitudinem (de qua hic agitur) non sufficit remissio peccatorum (absque Synecdoche accepta, id est, poenae, peccatis debita absolutio: sed etiam perfecta justitia, seu plena legis Dei ad finem, impletio: ut antea probatum est. Nec enim alius quàm ex fide justus, vivet, seu vitam aeternam fruetur, Rom. 1. vers. 17. & perfecta justitia, seu plena, ad finem, legis obedientia, necessaria ad justificationem vitae, Levit. 18. vers. 5. Rom. 5. v. 18. 19. Ac propterea cum remissioni peccatorum beatitudo adscribatur; & justitiae imputationem, à qua dependet beatitudo, includat, ut Apostolus testatur: ut vera sit illius expositio: Synecdochen esse necesse est. Neque excipi potest, remittere peccata, & non imputare peccata, sensu esse diversa; quia, ex usu Scripturae supra ostendimus, hæc duo, idem, licet diversis metaphoris, significare: ut etiam, cum Ambrosio, D. Paræus, Rom. 4. v. 7. confirmat: cum ait, *tribus phrasibus* (nempe *remittere, tegere, non imputare peccata*) *idem dicit David*: & paulò post, *imputat Deus peccatum, cum punit: non imputat, cum non punit*.

Sed objicitur: quicumque est non peccator, seu non injustus, ille est perfectè justus, id est, universam Dei legem, ad finem usque, implevit. Is autem, cui remissa sunt peccata, non est peccator, seu, non injustus. ergo is, cui remissa sunt peccata, est perfectè justus, seu legem Dei perfectè implevit. Verum totus hic Syllogismus est vitiosus: utraque enim & propositio, & assumptio, meritò negatur. Nam primum propositio nititur falsā hypothesi: quod non peccatorem esse, & perfectam legis impletionem, ad finem justum esse, necessariò atque immediate consentiant. Contrarium enim ex Adami, ante lapsum exemplo, demonstratur. Nec enim eo tempore erat peccator, quia non erat transgressor legis: & tamen nondum perfecta legis ad finem observatione justus. Quia licet relatè ad illud tempus, continuasset justitiam, non tamen ad finem. Ac propterea, quemadmodum illi, tunc temporis, non debebatur poena mortis: quia nondum peccarat: sic nec ei debebatur primum vitae aeternae; quia in sua justitia cæpta, & ad tempus continuatā, non permanfit ad finem. Quæ permissio, ad vitam aeternam jus ac possessionem acquirendam, erat necessaria,



Deut. 5. v. 35. & 39. & 19. v. 9. & 27. v. 26 & Levit. 18. v. 5. deinde assumptio etiam veritati repugnat: cui enim remissa sunt peccata, is non definit esse peccator, sed reus pœnæ, peccato debitæ: quemadmodum Matt. 6. v. 12. & Luc. 11. v. 4 remittere peccata, & Deo, & nobis tribuitur, eadem significatione generali: pro pœnam peccati condonare. Quemadmodum quum iis, qui in nos peccarunt, peccata remittimus, eo ipso non judicamus esse justos: sic nos Deus, cum peccata nobis remittit, id est, pœnam peccatorum condonat, eo ipso non justos, sed non reos, seu à pœna peccati liberos, statuit. Quemadmodum humana remissionis peccatorum exempla particularia, idem docent. Quale inter cætera primum Josephi, qui Fratribus suis, scelerum pœnas metuentibus, ac remissionem petentibus, Gen. 50. v. 17. peccata remisit: nec tamen eos non peccatores ac justos, judicavit: sed contra disertè peccata illorum indicasset traditur, v. 20. Alterum exemplum est Davidis, quem cum Simeï ita precaretur, 2. Sam. 19. v. 19. *ne imputet mihi Dominus meas iniquitates: neque recorderis, quæ iniquè egit servus tuus*; hoc non petiit, ut non injustum judicaret: sed ne pœnam mortis, peccatis mereretur, exigeret, ut v. 21. intellectum: sic etiam David, ipsum exaudiens, pœnam illam peccati condonavit, jurans: *non morieris*, v. 23. sed tamen hominem sceleratissimum, non judicavit justum; Sed tantum à pœna absolutum. similiter in remissione peccatorum à Deo, quum orantibus Israëlitis reprobis, in deserto, peccata remisit, à præfenti quidem pœna absolvit: eos tamen propterea nullo modo statuit non peccatores: sed tantum non reos illius pœnæ; quia peccata eorum nôrat, & disertè exprobrat, Psalm. 78. v. 36. 37. 38. Sic etiam quum Deus, propter Christum sponsores nostrum, absque Synecdoche, dicitur peccata remittere, nihil est aliud, quàm pœnas, peccatis nostris debitas, (quia Christus eas pro nobis pertulit, ac comminationi legis, Deut. 27. v. 27. satisfecit, Galat. 3. v. 13.) condonare; non autem judicare non injustos, seu justitiam imputare, id est, universam totius legis, ad finem usque, impletionem attribuere. Quia pœnæ, peccatis debitæ, permissio, non constituit justos, sed impunes, à reatu absolutos, non autem peccati expertes. Excipitur quidem, legem Dei perfectè impleri, duobus modis: vel obedientia, vel pœna. Sed falso: quia legis impletio definitur, in sacris literis, perfectæ omnium mandatorum illius, ad finem, obedientia (ut supra demonstravimus) non autem pœnæ, pro inobedientia debitæ, permissio. Sicut generatim pœnæ, pro peccatis, permissio, non est perfectæ legis impletio. Quemadmodum qui ob commissum furtum, à magistratu, pœnas furto debitas, & inflictas pertulit; eo ipso non fit, nec judicatur justus, seu immunis à peccato: sed liber à reatu, seu à pœna peccato debita absolutus. Quemadmodum etiam, qui eruto alterius oculo, parem pœnam passus est, secundum comminationem legis Exod. 21. v. 24. Ea tamen pœnâ non factus est observator legis, quæ læsionem alterius prohibet; sed contra injustus esse non definit, ut qui legem violavit, & violationis illius perpetuum, in alterius oculo, stigma, ac testem injustitiæ suæ reliquit.

Sed ad assumptionem confirmandam, tandem quasi sacra anchora profertur: quod homines obligentur tantum ad obedientiam legis, vel ad pœnam: ac propterea qui pœnas, pro inobedientia erga legem, pertulit, legem perfectè implevit. Verum antecedens illius probationis manifestè religionis fundamento repugnat: Nam ut, citra controversiam, homines peccatores, per accidens peccati, obligati sunt ad pœnam mortis: sic generatim omnes homines absolute ac perfectè, ad obedientiam legis Dei, indissolubili vinculo, sunt obligati: Deo enim obedientia ab hominibus perfectæ necessariò debetur; ratione & ipsius Dei, & rei, seu ipsius obedientiæ. Dei quidem, quia & summum est bonum, Matth. 19. vers. 17. ideoque summè amandus: & summus ac perpetuus Dominus, obedientia perpetuâ colendus, Mat. 1. v. 6. Ideoque ab ipsius amore & obedientia (in qua legis impletio posita, Matth. 22. v. 37. & 40.) neminem absolvere potest, quia se ipsum abnegare non potest, 2. Tim. 2. v. 13. Rei verò seu obedientiæ ipsius ratione, homo similiter est obligatus necessariò ac semper: quia

in ea maxima hominis perfectio ac bonum, & primaria cum Deo similitudo consistit, Eph. 1. vers. 24. Col. 3. vers. 10. 1. Pet. 1. v. 16. Adeo ut æterna naturæ & Scripturæ lege, ad eam appetendam ac præstandam, obstringatur. Ac propterea in homine peccatore utraque obligatio concurrat: Ad pœnam quidem mortis, per accidens peccati, Deut. 27. vers. 26. Ad obedientiam verò legis, per se, cum Dei, tum rei seu obedientiæ ipsius ratione necessaria, ut modò demonstravimus. Quorum prioris solutio, ad maledictionem tollendam, pertinet, Deut. 27. v. 26. Posterioris verò ad necessariû officium præstandum, & ad vitæ præmium consequendum, Levit. 18. v. 5. Quod enim obtenditur, pœna est impletio legis: Ergò ad justitiam sufficit: antecedens omnino falsum esse, supra abundè ostendimus. Nam pœnæ perpeffione, comminatio, legi adjuncta, impletur; non autem lex ipsa, seu mandata de obedientia amoris Dei, & proximi perfectæ ac perpetua. Ideò & ratio annexa, quæ affertur vana est; nimirum quod dupliciter lex impletur, vel per obedientiæ perfectæ præstationem: vel, cum hæc est violata, per sufficientis pœnæ perpeffionem. Nec verius est, quod additur: utraq; satisfat justitiæ Dei: utraq; igitur est legis impletio, & justitia & *δικαιοσύνη*. Antecedens enim homonymiâ ludit. Nam perpeffio pœnæ satisfactio quidem justitiæ Dei vindicatrici, quæ pœnam mortis, transgressoribus legis, comminatur: non autem justitiæ, à Deo, per legem, hominibus mandatæ; de qua controversia est: ideoque ea pœnæ perpeffio non est impletio legis: non justitia, sed tantum meritum injustitiæ effectum. Neque duplex illa impletio legis ex sacris literis rectè probatur. Obtenditur quidem, de priori dici, 1. Joh. 3. vers. 7. *Qui facit justitiam, justus est*; de posteriori Rom. 6. v. 7. *Qui mortuus est, justificatus est à peccato*. Sed posterius illud Rom. 6. v. 7. minimè traditur. Id quod etiam D. Paræus, ad hunc locum, observavit, cum ait: *neque hoc vult, nempe Apostolus, nos mortuos peccato, non amplius peccare, sed peccato non amplius servire*, id est, *ejus dominio exemptos esse*. Ac rectè sanè: quia aliud est legem perfectè implevisse, (de quo quæstio est,) & aliud justificatum esse à peccato, id est, (ut idem exponit) liberatum esse à reatu, aut dominio peccati. Similiter, quod Rom. 8. v. 3. dicitur, *Condemnavit peccatum in carne, ut justificatio legis, id est, *δικαιοσύνη* vobis impleretur in nobis*: Illud, inquam, est alienum: quia *δικαιοσύνη* vobis, non improprie, hoc loco, justificationem legis significat, (cum nemo à lege justificetur) sed proprie *jus legis*; & quidem non quatenus, suâ comminatione adjuncta, pœnam peccati justè exigit, Deut. 27. v. 26. (hoc enim non in nobis, in quibus nulla condemnatio, Rom. 8. v. 1. sed in Christo, pro nobis impletum, Gal. 3. v. 13.) sed quatenus tanquam justitiæ norma, obedientiam Deo debitam, suis mandatis, jure à nobis requirit. Hoc autem jus paulatim in nobis impletur, merito mortis Christi, Rom. 6. v. 6. & efficacia Spiritus sanctificantis; inchoatè quidem in hac vita; perfectè verò post hanc vitam, in morte: ut anima, plene sancta, cœlo donetur: in illud enim nihil immundum ingredi potest. Ap. 21. v. 27. Quod etiam Christus asseritur factus pro nobis peccatum, id est, sacrificium pro peccato, ut fieremus justitia Dei in eo, 2. Cor. 5. v. 21. quodque justificati dicimur Christi sanguine, Rom. 5. v. 9. per Synecdochen, tota Christi obedientia ad mortem, mortem autem crucis, intelligitur: in qua, justitia, lege mandata, à Christo præfata, continentur. Nam nec mortis perpeffio, nec sanguinis effusio, est perfectæ justitiæ, lege mandata, (quia hæc est perfectus, ac perpetuus Dei & proximi amor) nec pars illius justitiæ; quæ passio non est, sed habitus, aut actio legi Dei conformis. Idque adeò clarum est: ut propterea, per Synecdoch. obedientiam Christi, in conditione humili, inde ab initio ad mortem usque perferenda, mortis & sanguinis vocibus notari agnoscant: quam obedientiam crucis, *obedientiam passionis* propterea, ineptâ phrasi, aut contradictione aperta, nominant: passivum enim est, quod passionem notat, non autem quod circa passionem versatur: ut ex ling. Latin. authoribus, & usu, constat. Justitia autem de qua hic loquuntur, est obedientia actionis divinitus imperatæ: ac propterea activa dicenda esset. Verum cum obedientia illa, in

perpe-

sione subeunda, sit tantum pars obedientiæ, legi debita, & quidem per accidens peccati: idcirco perfecta obedientia dici non potest, qualis pro nobis præstanda erat, ad justitiam & vitam æternam obtinendam, Levit. 18. v. 5. qualemque Christus pro nobis præstitit, quia *per ejus obedientiam justii constituuntur multi* Rom. 5. v. 19. nullus autem justus est, nili qui perfectam mandatorum legis obedientiam habeat, Jac. 2. v. 10. seu perfectum Dei & proximi amorem, ad finem usque, servavit. Et ut ad vitam æternam perfecta etiam justitia requiritur: sic *donum justitiæ Christi accipientes, regnabunt in vita per unum Jesum Christum*, Rom. 5. v. 17. & *per unius obedientiam est justificatio vitæ*, ibid. v. 18. Ideoque justitia illius nobis per fidem donata, absolute perfecta est; atque adeo ubicunque justii dicimur per Christum, & Christi habere justitiam, perfecta totius legis, ad finem, obedientia intelligatur, necesse est: quia particularis illa obedientia, seu voluntaria subjectionis actio, quæ poenam patienter pro nobis tulit, per accidens peccati debita, justitia perfecta non est: imo si reliqua legis obedientia deficiat, ob hunc defectum, ne particularis quidem justitia erit, Jac. 2. 10. ac propterea nec justum constituere potest: sed universalis quoque obedientia ad justitiam requiritur, Deut. 27. v. 26. Levit. 18. v. 5. quæ, sine perfecto Dei, & proximi amore, ex toto corde, tota animâ, & omnibus viribus, esse non potest, Luc. 10. v. 27. 28. & Matth. 22. v. 37. 38. 39. 40. Quare obedientia Christi, quæ justii sumus, & à Deo justificamur, id est, justii judicamur, non est tantum obedientia particularis, in poena nobis debita, ob peccatum, perferenda; sed universalis totius legis obedientia. Vnde etiam sequitur, remissionem nostrorum peccatorum, sine Synecdoche, acceptam, id est, poenæ pro peccatis nostris debitæ absolutionem, ob Christi pro nobis passi & mortui satisfactionem, per fidem nobis imputatam, non esse totam justificationem, ad vitam æternam consequendam, necessariam: sed etiam universalem legis, à Christo pro nobis præstitam justitiam, ad justitiam & vitam æternam esse necessariam. Vnde merito communis Ecclesiarum Palatinatus, & Belgii Catechesis, ad quæst. 62. ait: *quod oporteat eam justitiam, quæ in judicio Dei consistat, perfectè absolutam esse, & omni ex parte legi Dei congruentem*. Ac propterea justitiam Christi, quæ nobis imputatur ad justificationem, talem omnino disertis verbis, eadem Catechesis explicat, atque inculcat, quæstione 60. & 61. Sic etiam in liturgia, Catechesi annexa, & solemni Ecclesiarum Palatinatus & nostrarum usu, constantur approbata, in formula administrationis cœnæ: quæ omnibus ei communicaturis ad institutionem & consolationem, tam rudiorum quam doctiorum, perpetuò prælegi solet, eadem sententia, disertè proponitur, sub initium. *Secundo*, inquit, *perscrutetur quisque cor suum, &c.* Idemque postea perspicuè ac distinctè inculcatur his verbis: *Jesum Christum, &c. iram Dei, &c. & omnem obedientiam divinæ legis, & justitiam pro nobis implevisse*. Quæ sanè dicta adeo clara sunt, ut quasi solaribus radiis scripta videantur; adeo expressa, ac distincta, ut omnem dubitationis ansam præcidant ac tollant. Quod autem excipitur, in quibusdam locis Catecheseos ejusdem, passioni & morti Christi non solum liberationem ab æterna morte, sed etiam justitiam & vitam æternam attribui: ideoque ex iis locis hæc dicta exponi debere. Respondetur: antecedens, sed recte intellectum, concedimus: nam passione & morte, per synecdoch. intelligitur tota Christi obedientia, cum in poena pro nobis perferenda; tum in justitia perfecta, legi debita, ac pro nobis ad salutem observanda: ut supra ostendimus ac demonstravimus. Ratio autem hujus synecdoches est; quia licet obedientia Christi, in passione & morte perferenda, non fuerit universalis justitia, lege mandata: sed tantum pars illius, per excellentiam tamen, pro tota obedientia, rectè usurpatur: utpotè in qua primarius Dei, Heb. 10. v. 9. 10. & proximi amor, Rom. 5. v. 6. 7. Ephes. 5. v. 2. eluxit. Atque ita mirum non est in nonnullis Catechesis locis, quæ obiectantur, synecdoch. eam usurpari. Id quod apparet ex iis locis, quæ ante produximus; ubi Catechesis, disertè, justificationis doctrinam tractat, & ex professo definit. Quamobrem objectionis consequentia rectè

negatur: quia expressa ac distincta definitio non ex aliis locis, sed alia ex iis intelligenda, ut etiam justitiæ perfectæ natura idem flagitat: quæ nec poenæ perpassio est; nec obedientia particularis in poena perferenda, perfecta justitia dici potest: quia ad eam universalis totius legis observatio, ut antè ostendimus, requiritur.

Quod autem objicitur adversus synecdoch. antè positam: talem non esse posse partis pro toto, ubi partes sunt planè *ἡγεμονίαι*: illud, inquam ex artis præceptis probari non potest: & exemplis, & Scripturæ usu confutatur. *Anima* enim & *caro*, sunt partes planè diversi generis, hominem constituentes: & tamen frequentissimè per Synecdoch. modò *anima*, modò *caro* totam hominem designat. Sic etiam nihil est absurdi, si particularis Christi justitia, in passionis & mortis illatæ obedientia consistens, pro universalis justitia, per synecdoch. & *καὶ ἡ ἐξουσία*, usurpetur. Quemadmodum etiam vulgò, & apud philosophos, *justitia* vox, quæ particularem virtutem notare solet, interdum per synecdoch. pro universalis omnium virtutum complexu, accipitur, unde illud ab Aristotele laudatum, *ἡ δὲ δικαιοσύνη οὐκ ἄλλω πᾶσι ἀπορίῃ ἐστὶν*: *Justitia verò comprehens*, (vel *summam*) *universa virtus est*. Universalis autem, lege mandata, justitia, habitum justitiæ perfectum, & actiones omnes legi conformes, requirit; ut ex summa legis apparet. Nam in ea actiones quidem justitiæ præcipiuntur, cum dicitur: *Dilige Dominum tuum, & proximum tuum*; habitus verò justitiæ, cum dilectioni additur: *ex toto corde, totâ anima, & omnibus viribus*, Luc. 10. vers. 27. & 28. Quemadmodum etiam non solum actiones vitiosæ: sed etiam naturæ vitiositas, ut legi Dei repugnans, Rom. 8. v. 7. per legem prohibetur, Rom. 7. v. 7. Sic contra, per eam prohibitionem etiam contraria naturæ sanctitas mandatur, ut sine eâ, actionum justitia, seu obedientia, legis Dei sit imperfecta. Quamvis enim naturæ justitia, ante lapsum fuerit Dei donum, non autem ratione suæ originis, mandatum hominis officium; ad eam tamen, ratione conservationis illius, & usus, ad actiones bonas exercendas, fuit obstrictus: & quia homo per lapsum justitiam originalem excussit, eam Deus, jure suo, à nobis reposcit, ad perfectionem justitiæ ac salutem; & in Christo pro nobis exhibitam per fidem donat. Quæ perfecta naturæ, & actionum Christi justitia, est instar vestis pretiosæ, & suaveolentis, primogeniti Esavi. Nam ut Jacobus frater illius eâ indutus ac tectus, non à maledictione (cui non erat obnoxius) exemptus est; sed primogenituræ benedictionem, quæ destituebatur, obtinuit: sic etiam fideles, per passionis & mortis Christi poenam, à maledictione liberati: ejusdem, tanquam fratris ipsorum primogeniti, Rom. 8. v. 29. perfecta obedientię justitia, per fidem induti atque ornati, benedictionem hereditatis cœlestis, à Deo Patre, consequuntur. Quæ duo meriti Christi beneficia, (nempe poenæ pro nobis debitæ solutio, ad absolutionem ab ea; & impletę obedientię ad justitiam,) quum individuo nexu inter se coherent, mirum non est, si prioris positione, etiam posterius, per Synecdoch. (ut supra ostendimus) una comprehendatur. Licet hæc duo sint partes totius debiti, pro nobis soluti, toto genere differentes, ut natura eorum evincit. Nam, per poenam mortis, satisfit, legis comminationi, ad liberationem à maledictione: per obedientiam verò implentur legis mandata, ad justitiam & vitam. Sic etiam, quæ ex hisce duobus distinctè dependent, nimirum remissio peccatorum ob poenam, pro nobis, à Christo sponse, solutam: & justitię, ob perfectam ejusdem pro nobis obedientiam, imputatio, sunt partes justificationis nostrę coram Deo: quæ inter se ad unum totum constituendum necessariò conveniunt; sed definitione tamen, atque etiam genere differunt. Ideoque, sine naturę utriusque violatione, absque Synecdoche, pro eodem censerî non possunt. Atque ita satis patere existimamus: remissionem peccatorum nostrorum, non esse totam justificationem nostram, coram Deo, ad salutem: sed tantum partem illius; quæ, à poena, peccatis nostris debita, absolvimur; non autem ea pars, quæ, justitia perfecta Christi, nobis per fidem imputata, justii judicamur.

Cœterum, ut quorundam piorum, & eruditorum expectationi

tioni clarius satisfiat; ea, quæ ex scripto typis excuso & re-  
tuso, incommoda opponuntur, paucis ordine expendemus:  
licet superioribus satis arbitremur sublata. Primum autem  
est; *Confundi hoc modo justitiam personæ, & meriti Christi,*  
*quam Scriptura frequenter conjungit quidem, sed & manifestè*  
*distinguit, ut causam efficientem, vel sine qua non; & causam*  
*materialem justitiæ nostræ, Esa. 53. Servus meus justus, &c.*  
Hebr. 7. v. 26. 2. Cor. 5. v. 21. 1. Pet. 3. v. 18. Respon-  
demus, nullam fieri hujusmodi confusionem, qualis obji-  
citur: sed rectam universalis bimembris meriti Christi di-  
stinctionem, Prius enim membrum est pœna passionis &  
mortis, qua liberationem à pœna nobis est promeritus: al-  
terum verò est perfecta justitia, seu legis obedientia, ad  
mortem usque absoluta, quæ nobis meritus est vitam æter-  
nam. Ideoque contrà non rectè justitia meriti Christi, per-  
pelliioni pœnæ, (quæ propriè nec habitualis, nec actualis  
justitia est) tribuitur. Neque etiam obedientia particularis,  
absolutè perfectajustitia (cùm universali non sit) dici po-  
test: Ac quamvis perfecta Christi obedientia, seu justitia,  
fuerit conditio necessaria, ut per pœnam ipsius, à maledi-  
ctione absolveremur, Hebr. 7. (alioqui si voluntati Dei ino-  
bediens, eam pertulisset, peccasset: eoque modo pœnam  
ipse sibi fuisset promeritus) nihilominus tamen obe-  
dientia universa Christi, nostra justitia est, ad justificatio-  
nem vitæ, Rom. 5. Quemadmodum etiam pœnæ mortis,  
pro nobis debitæ, permissio, conditio fuit necessaria, ut obe-  
dientia sua vitam posset nobis acquirere; quia mortis pœ-  
næ obnoxius, sine illius, per se, aut per sponsores Chris-  
tum, solutione, ex justitiæ Dei vindicantis, & absolutè  
comminantis jure, per obedientiam sequentem, jus vitæ  
æternæ obtinere non potest.

Secundum, quod obijcitur incommodum, est hujusmodi:  
*Distinctiones inter non injustum, & justum esse: inter legem non*  
*transgredi, & legem implere: inter non mortuum & vivum esse,*  
*plus habent subtilitatis, quam veritatis; quum, revera, sint*  
*termini æquipollentes.* Verum ad illud jam ante responsum,  
in Adamo antelapsum, eam distinctionem extitisse: ut qui  
non erat injustus, relatè ad id tempus: eoque nec morti ob-  
noxius; sed tamen non fuit absolutè justus, (quod intelli-  
gitur in quæstione,) seu non implevit perfectè legem: quia  
ad impletionem, & jus vitæ, ex pacto legis, permanens in  
illa justitia erat necessaria. Deinde nititur hæc objectio hy-  
pothesi non vera, & antè refutata: quasi scilicet remittere pec-  
cata notaret, judicare non habere peccata, non esse legis  
transgressorem, non esse injustum: cùm ipsimet contra de-  
finiant, remissionem peccatorum esse à reatu pœnæ debitæ  
absolutionem: & remittere peccata idem, quod non punire:  
aliud autem est, liberum esse à legis transgressionem; aliud,  
liberum à pœna, ob transgressionem debitæ: ideoque hæc  
merito distinguuntur.

Tertium incommodum obtenditur: *Si, passiva obedientiæ*  
*imputatione, nondum sumus justi: sed tantum non injusti: quo-*  
*modo verum illud; justificati per sanguinem Filii ejus: reconciliati*  
*per mortem?* Sed, antecedens hypothesi non rectè niti-  
tur. Nec enim hoc dicitur; obedientiæ Christi, in perpe-  
ssione & morte ferenda, imputatione, nos esse propriè non  
injustos: sed à pœna peccati absolutos: obedientia enim illa  
particularis fuit, ideoque non potuit justum perfectè redde-  
re. Quod autem sanguine filii Dei justificari dicimur, Synec-  
dochen esse supra ostendimus: quod, nec pœnæ debitæ  
permissio sit per se justitia; nec etiam obedientia particula-  
ris, in ea perferenda, perfecta, seu universalis justitia, sine  
contradictione, statui potest.

Quartum incommodum est hujusmodi: *Si remissio pec-*  
*catorum non est tota justificatio: quomodo verum illud: beati*  
*quorum remissæ sunt iniquitates? & quomodo Apostolus ibidem*  
*pro eodem sumit, imputare justitiam, & non imputare pecca-*  
*tum?* Ad illud jam supra ostendimus: hæc per Synecdo-  
chen intelligi, non solum posse, sed etiam necessariò debe-  
re, ex definitione remissionis peccatorum, & imputationis  
justitiæ, & ex beatitudine ei attributa.

Quintum est: *Si ommissio obedientiæ legis, & imperfectio*  
*sanctitatis nostræ, non expiantur passiva obedientiâ Christi; sed*  
*neceffe est, illam quidem actuali Christi obedientia; hanc vero*

*nativa sanctitate tegi. Quomodo rursus verum illud: Sanguis*  
*Jesu Christi purgat nos ab omni peccato: nisi forte imperfectio,*  
*& ommissio illa non sint peccata?* Respondemus autem, an-  
tecedens omninò esse alienum; nec enim hoc statuitur; sed  
agnoscimus peccata solum expiari sanguine Christi, id est,  
pœnam eorum debitam tolli, atque eo sensu tegi Christi  
passione & morte; ideoque quæstionem frustra proponi:  
Sanguis enim Christi purgat nos ab omni peccato, 1. Ioh. 1.  
vers. 7. id est, passio illius & mors remissionem peccato-  
rum, vers. 9. id est, à pœna peccati absolutionem obtinuit  
merito suo: quod sanè aliud est, quam justum coram Dei  
tribunali efficere.

Sextum est: *Si non passiva, sed activa obedientiâ Christi*  
*justificamur: quomodo non est Christus frustra mortuus?* Sed  
frustra hoc etiam quæritur: quia utrumque, & passio Chri-  
sti utilis ac necessaria, ad pœnam peccati tollendam: & to-  
tius legis perfecta, ac perpetua obedientia utilis ac necessa-  
ria, ad perfectam justificationem nostram. Ideoque nec  
frustra Christus mortuus; quia nos per mortem ipsius à  
morte liberavit: nec frustra obedientiam perfectam præsti-  
tit; quia per eam, nobis, morte Christi expiatis, vitam ac-  
quisivit: utrumque autem debitum, & pœnæ, & obedien-  
tiæ perfectæ, ut supra ostendimus, necessarium; neq; unum  
sine altero, ad justificationem & salutem sufficit. Ac pro-  
pterea frustra etiam quæritur: *Quid enim necesse esset Chri-*  
*stum mori, & moriendo meruisse remissionem peccatorum; si*  
*justè ac sanctè vivendo, jam meritis nobis erat justitiam?* *Justi-*  
*tia enim remissionem peccatorum necessario præsupponit.* Re-  
spondemus enim, Christi passionem, & obedientiam, ab  
initio vitæ ad mortem usque, convenisse; ac licet passionis  
complementum, in morte positum, postremum tempore  
occupet locum, in ordine tamen justificationis, remissio  
peccatorum præcedit: imputatio verò obedientiæ justi-  
tiæ perfectæ succedit; quia ea remissionem peccatorum  
supponit, ut in fine objectionis dictum. Utrumque tamen,  
licet ordine differant, simul, à Deo justificante, pera-  
gitur.

Septimum, quod obijcitur incommodum, hoc est: *Ma-*  
*nifestum esse, omnem illam partitionem meriti Christi in duo,*  
*vel tria, &c. aut morti Christi, aut justitiæ Dei plurimum de-*  
*rogare.* Verum id merito negamus. Neque contrarium se-  
quentibus rectè probatur, cum dicitur: *Nam duæ vel tres*  
*justitiæ nostræ partes: vel sunt tres perfectæ justitiæ Christi, sa-*  
*tisfacientes legi per se singulæ; vel sunt totidem imperfectæ, ad*  
*unam perfectam constandam concurrentes. Si imperfectæ, annon*  
*apertè derogatur morti Christi? Si perfectæ, quomodo tres vel*  
*duæ satisfactiones postulant, cum justitia Dei non nisi unam*  
*requirat?* Respondemus, justitiam universalem, quæ requi-  
ritur, esse unam ac perfectam (ut quæ sit totius legis abso-  
luta, ad finem usque, obedientia) cujus partes sunt justitia  
originalis, & actualis: quæ singulatim per se non sunt per-  
fecta totius legis observatio: sed ad perfectam, seu univer-  
salem justitiam constituendam, simul concurrunt. Neque  
eâ ratione ullo modo, nedum apertè, derogatur morti Chri-  
sti: quia mors Christi, quatenus eam Pater infixit, fuit  
justa Dei judicis, peccata nostra in sponfore punientis, actio:  
quatenus verò Christus eam passus est, per se justitia (ut quæ  
vel habitus, vel actus est, lege Dei mandatus) dici non po-  
test: quatenus verò Christus Patri obediens, eam mortem  
volens subiit, Ioh. 18. v. 11. Phil. 2. v. 8. Hebr. 10. vers.  
9. 10. & se in sacrificium pro peccatis nostris obtulit Eph. 5.  
v. 2. Hebr. 10. v. 12. & cum vitæ passiones essent consum-  
matæ, Ioh. 19. v. 30. animam suam in manibus Patris tra-  
didit, Luc. 23. v. 46, ea obedientia non fuit tota, Deo de-  
bita, obedientia, sed pars illius excellens; ideoque à tota,  
quam lex requirit, & Christus præstitit, distinguenda.  
Quod autem Deus pœnam, peccatis nostris debitam, Chri-  
sto imposuit, ut nos ab ea absolveret; & simul perfectam  
mandatorum obedientiam, ab eodem acceperit, ad no-  
stram justitiam & salutem perfectam: eo ipso minimè injus-  
tus est, ut malè obijcitur; quia ad utrumque & pœnæ, &  
obedientiæ debitum, eramus obligati: ac quemadmodum  
Adami obedientia ante lapsum, fuit etiam nostra: ut & la-  
plus illius noster quoque; & licet Adamus ipse in obedien-  
tia

tia perstitisset ad finem, & ita nos cum illo; nihilominus tamen, ad obedientiam Deo præstandam, ipsimet fuisset obstricti: Sic etiam licet Christi obedientia sit etiam nostra: nihilominus nos ipsi etiam obedientiæ debitores sumus: non quidem ut vitæ æternæ jus acquiramus (hoc enim solus Christus præstare potuit, ac præstitit) sed ad officium, Deo, Christoque perpetuò debitum, præstandum. Licet enim perfectè Deo obedire nequeamus, tamen per accedens gratiæ Dei, ob passionis & mortis Christi meritum, pœna debita condonatur.

Octavum incommodum ita proponitur: *Si pars justitiæ nostræ querenda hic; pars ibi; pars in morte; pars in activa obedientia Christi; pars in nativitate sanctitatis Christi: quomodo non periculose distrahitur fides nostra, & labefactatur conscientia?* Respondemus distinctione passionis & mortis Christi, & justitiæ universalis, ut ante ostendimus, fides non periculose distrahitur, nec conscientia labefactatur: Sed rei veritas, & conscientiæ tranquillitas stabilitur. Quod autem justitia universalis, (quam lex, citra controversiam, mandat) cum originalem naturæ, tum actualem operum justitiam complecti dicitur, (quemadmodum contrà injustitia universalis, quam lex prohibet, originalem, & actualem injustitiam in se continet) quis quæso hanc distinctionem verissimam & utilissimam non agnoscat? Quod autem justitiæ universali eæ partes tribuantur, in sacris literis, jam antea ostendimus ex Luc. 10. & Matth. 22. *Diliges Dominum Deum*, &c. Sic etiam Paulus distinguit veterem hominem à factis ipsius; & novum hominem, qui secundum Deum conditus est in justitia, & sanctitate veritatis, ab actionibus justis ac sanctis Col. 3. v. 9. 10. 12. 13. 14. & seq. Eph. 4. v. 22. ad finem capitis.

Nonum ac postremum incommodum ita proponitur, atque exaggeratur: *Denique, quod unum me maxime hic impedit, nusquam legi Scripturas sic tripartiri aut bipartiri justitiam nostram.* Sed contrà meritò dicitur, bipartitam esse justitiam perfectam (ut quæ necessariò duabus partibus, ad universalem legis impletionem, constet) ante primi incommodi propositionem, distinctè in Scriptura legi, ex Luc. 10. v. 27. & 28. & proximè ad antecedens incommodum ex Col. 3. & Eph. 4. perspicuè demonstravimus. Ideoque cum citra controversiam primum legatur, Christi justitiam esse nostram, 1. Cor. 1. vers. 30. & 2. Cor. 5. vers. 9. Deinde eam esse perfectam, ut qui venit, ut legem impleret, atque implevit, Matth. 5. v. 18. 19. ac Patri fuit obediens usque ad mortem, mortem autem crucis, Phil. 2. vers. 8. & finis sit legis, ad justitiam omni credenti, Rom. 10. v. 4. perfecta justitia alia esse non potest, nisi universalis legis; quæ habituali, & actuali justitiâ perficitur. Cujus actualis justitiæ pars primaria quidem est Christi obedientia, (i. e. voluntaria subjectio) in pœna pro nobis perferenda; neutiquam verò est tota actualis justitia, nedum universalis justitia; quæ ad justitiam nostram perfectam ac vitam æternam necessaria. Deut. 27. 26. Lev. 18. v. 5. Quod autem objectum est, *nusquam id etiam lego de actuali justitia* (nempe ut ex antecedentibus liquet) *esse justitiam nostram, aut partem illius justitiæ*; quis, inquam, hæc verba non miretur? Cum enim idem postea Christi ad mortem obedientiam apertè definiat, voluntaria demissione ad mortem usque, peccatis nostris à lege statutam, nonne perspicua contradictio est? Nam voluntaria demissio quid aliud est, quam actio voluntatis, sese Deo submittentis; sicut etiam hanc obedientiæ actionem declarat in seipso Christus, Matth. 26. v. 42. *Non mea, sed tua voluntas fiat.* & Hebr. 10. v. 9. *Ecce venio, ut faciam voluntatem tuam.* Quare obedientiam hanc non fuisse actualem, & tamen eandem fuisse voluntariam, seu ab actione voluntatis perfectam, asserere, manifesta contradictio est. Deinde quis in sacris literis versatus verè dicere queat, se non legisse illud Rom. 5. v. 9. *Sicut per unius hominis inobedientiam peccatores constituti sunt multi: ita per obedientiam unius justus constituti sunt multi.* Nam quod excipitur, illud de obedientia exinanitionis, & mortis tantum dici, quæ formæ servilis assumptione & mortis obedientia continetur; illud, inquam, alienum est. Primum, quia formæ servilis assumptio, non est humanæ naturæ Christi obedi-

tia, (de quâ agimus,) sed propria actio, quatenus Filius Dei: nec enim humana natura se assumpsit, sed assumpta est, quæ formæ servili continetur: Deinde obedientia, quam Apostolus hoc loco intelligit, absolutè ponitur, & absolutè intelligi debere, effectum, quod illi attribuit, demonstrat. Nam nulla particularis obedientia potest justum constituere, sed sola universalis, ut suprà probatum: Obedientia autem illa in humiliatione, & passione, ac morte perferenda, est particularis; ac propterea justum, coram Dei tribunali, (ubi perfecta & absoluta justitia requiritur) constituere non potest. Neque sanè *Ædæon*, inobedientia Adami, & Christi *ὕπακοη*, obedientia, ut morbus & remedium, (sicut objicitur) æqualiter opponuntur. Nam Christus longè plus boni nobis contulit, quàm Adami peccatum abstulit. Nam Adami unus lapsus, secundum Dei comminationem, Genes. 2. vers. 17. inobedientiâ suâ mortem promeruit: (quia ad eam unius mandati transgressio sufficiebat, Deut. 27. vers. 26. Iac. 2. v. 10.) Sed jus vitæ æternæ, (quod solis in justitia ad finem perseverantibus adest: Adamo verò defuit) auferre non potuit. Christus verò Sponsor noster, sua obedientiâ, non solum volens, pœnam peccato, in Adamo commisso, debitam pertulit: sed etiam proprii nostri peccati originalis, inde orti, & omnium actualium nostrorum supplicium persolvit: ut nos à meritâ tot nominibus pœna absolveret. Deinde non solum nos ab universâ hac pœna liberavit, sed etiam perfecta mandatorum Dei impletionem, tanquam universali sua justitia, pro nobis præstita, jus vitæ æternæ, (quod nec in Adamo habuimus, ideoque neque in eo amisimus) acquisivit: ut ibidem Apostolus Rom. 5. v. 17. *Etenim, si per unius lapsum mors regnavit per unum: multò magis qui redundantiam gratiæ & doni justitiæ accipiunt, in vita regnabunt per unum Jesum Christum.* Vitæ autem illius æternæ & jus, & possessio, solis perfectâ justitiâ præditis, competit, Deut. 27. v. 26. Levit. 18. v. 5. Ideoque justitia universalis Christi, quæ nobis ad salutem donatur, seu obedientia totius legis universalis intelligitur: Ideoque Apostolus non de sola particulari Christi obedientia, seu voluntaria passionis & mortis perpeffione; sed de universali obedientiâ loquitur; quæ sola perfecta justitia, ac sola vitam æternam producit. Quare cum hæc tam clarè ac solidè in sacris literis tradantur, lecta ea sunt, sed quod minus intellecta à nonnullis, illud ex hypotheseum falsarum principiis promanavit. Quales sunt inprimis hujusmodi: pœnæ pro peccatis debitæ perpeffionem, esse legis totius impletionem, seu perfectam justitiam: Deinde homines peccatores obligari tantum ad pœnam; vel tantum ad obedientiam: præterea, eum cui peccata remissa sunt, eo ipso cessare esse peccatorem; quæ omnia Sacris Literis adversari ex antè dictis apparet. Atque hætenus de remissione peccatorum, ad veritatis illustrationem egimus: eamque sine synecdoche acceptam, non esse totam coram Deo justificationem probavimus: sed tantum partem illius; nempe à pœna mortis æternæ, peccatis nostris debitæ, propter Christi satisfactionem, absolutionem: per Synecdochen verò acceptam, etiam justitiæ imputationem ad vitam æternam, simul complecti.

#### De Capite Secundo.

Quoniam hætenus, in selectioribus locis primi capitis, sumus versati (in quo ea, quæ nativitatem Christi antecesserunt, nempe conceptio ipsius, & memorabilia illius adjuncta continentur) ac pro modulo nostro, expendimus: idem quoque institutum, in secundi capitis locis illustrioribus, prosequi conabimur. Quumque inter ea primum occupet locum nativitatis Christi descriptio, brevem illius declarationem (Deo favente) proponemus. Quia verò ea in re, prophetiarum de adventu Christi, cum ipso eventu, collatio, ad rectam intelligentiam, & fidei confirmationem, est necessaria: eoque cum primis Jacobi Patriarchæ prædictio, Genes. 49. v. 10. (*non recedet sceptrum, &c.*) pertineat, atque adduci communiter soleat: non abs re nos facturos arbitramur, si distinctam illius prophetiæ explicationem præmittamus: ut genuina illius sententia melius ac tutius percipia-



percipiatur, & iustæ quorundam petitioni inferviamus. Si quæ enim prophetia in sacris literis extat, non solum diversis, sed etiam adversis veterum Patrum, & recentiorum Theologorum sententiis exposita, (ut de Judæis, pertinacibus ac subdolis Christi adversariis, nihil dicamus) hæc profectò, præ cæteris, excellit. Ac propterea dignissima est, ut aliqua, in illius illustratione, opera impendatur: ut ea ratione graves, quæ objectari solent, difficultates, facilius expediri: & Judæorum, aliorumque hominum profanorum corruptelæ, clariùs ac solidiùs confutari, ac dilui possint. Quia verò admirandæ hujus expositionum varietatis, & corruptelæ occasio, est vocum Hebræarum hujus Prophetiæ, partim ambiguitas, partim ob raritatem earum obscuritas: idcirco operæ pretium esse videtur, ut ab earum explicatione exorssi, ad sensus indagationem, atque examen deinde procedamus.

Vocum autem harum, ordine constructionis, prima est שבט: quæ propriè notat virgam, Prov. 23. v. 13. de puero dicitur; cum percusseris eum שבט virga, non morietur: & animam ejus ab inferno erues. vel baculum: ut Exod. 21. v. 20. Quum quis percusserit servum suum &c. שבט virga & moriatur impropiè verò per tropum usurpatur ac 1. quidem per Synecd. generis pro specie, sceptrum notat, seu baculum regentis, sive regis, ut Amos 1. vers. 5. & 8. & Esth. 5. v. 2. Deinde per Metaph. pro eo, quod virgæ aut baculo simile est: nam ut, quod interdum stylum seu calamus notat, Iud. 5. v. 14. & Psal. 45. v. 1. prætereamus; quod huc non pertinere constat; translatio frequentissima est, ut tribum Israëliticam notet: quod ut ex una stirpe, multæ virgæ oriuntur: sic ex uno Israël Patriarcha tanquam stirpe, multi populi distincti (quos tribus vocant) exorti sunt: qui 12. שבט Israel appellatur, Exod. 24. v. 4. Altera verò translatio à virga desumpta, afflictionis ministrum significat: quemadmodum Deus Sennacheribo ait, Esai. 10. v. 5. & 31. שבט virga iræ meæ: quod scilicet eo quasi virga usus, populum suum afflixerit: unde secundo tropo, per Metonym. efficientis pro effecto, afflictionem significat, ut 2. Sam. 7. v. 14. sic Job. 21. v. 9. Psal. 125. v. 3. Deinde rursus per Metonym. adjuncti, partim signi pro re signata, regimen notat, ut Psal. 45. v. 7. Esai. 14. vers. 5. partim etiam, pro regiminis subjecto, seu Rege, accipitur. Ezech. 19. v. 14. Sicut etiam Latinis apud Horat. mors sceptrum, id est, reges ligonibus, id est, fossoribus æquat. Hæc de primæ vocis שבט significatione propria, & impropria.

Secunda vox facilius est, יסור à verbo סור derivata, ac propriè est, discedere, recedere, ut Exod. 3. v. 4. 5. 2. Sam. 2. v. 21. impropiè verò per Metaphoram, ad rem inanimatam transfertur: & inter cætera amoveri, auferri, deficere significat, ut Ezech. 10. v. 11. Altera verò metaphorica significatio est, qua סור peccare notat, relatè ad Deum, ut ducem sequendum, Ier. 17. v. 5. vel ad legem Dei, quæ quasi via est: ut Deut. 5. v. 32. 33. eaque elegans significatio est, sed ad hunc locum, citra controversiam, non spectat.

Tertia vox est, יורר quæ propriè nomen est filii Jacobi, Gen. 49. vers. 34. deinde impropiè, per Metonym. vel causæ efficientis pro effecto, usurpatur pro populo Iudaico, ex illo procreato: ut cum Rex Iudæ, id est populi Iudaici vocatur passim in libris Regum: vel per Metonym. adjuncti pro subjecto, pro terra populi Iudaici, sive Iudæa, ut 1. Sam. 23. vers. 3. ut 2. Chron. 36. vers. 23. sed hæc significatio postrema, ut huic loco non quadrat: sic neque ab interpretatione ulla, ad hanc Prophetiam accommodari comperitur.

Quarta vox est מוקק à radice חקק: quæ propriè est sculpere: ut Esai. 22. vers. 16. impropiè verò primum per Metaph. pro scribere accipitur, Esai. 30. vers. 8. deinde per Metonym. adjuncti pro subjecto statuere, quod decreta seu statuta sculpi, vel scribi soleant: ut Iud. 5. vers. 9. in Pual, participium pro nomine, est מוקק scriptum, statutum: ut Prov. 31. vers. 15. per me reges regnant, seu scribunt, ut LXX. interp. & Valent. Scindlerus in lexico: aut ut alii malunt, statuunt, decernunt, justitiam. Unde participium loco nominis positum מוקק Scriba, ex significatione propria: aut ex tropicâ, judex, legislator, qui statuta condit. Quæ vox sexies extare comperitur: videlicet 1. hoc loco Genes. 49.

vers. 10. deinde, Num. 21. vers. 18. tertio, Deut. 33. v. 21. quarto, Iud. 5. vers. 14. quinto, Psal. 60. vers. 9. sexto, Esai. 33. vers. 22. Et prætereundum non videtur, quod D. Kimchi in Comm. in quatuor locis à nobis inter cætera memoratis (nempe Gen. 49. Num. 21. Deut. 33. Iud. 5.) ait, omnium illorum significatio est Scriptura, id est, Scribam notant. Cujus explicationis utilitas, in sensu dignoscendo, magni est momenti. Atque hæc de quarta voce.

Quinta difficultas consistit in hac Phrasi מבי רגלי ad verbum, ex inter, vel in medio pedum ejus: מבי enim aut adverbium est: atque ita frequentius est in usu, & inter notat: aut nomen, id est, medium (ut Esai. 44. vers. 4. מבי רגלי in medio graminis, (licet alii, inter gramen, ut litera ב redundet, sed citra necessitatem) ut pluralis numerus בנים & בנות, & dualis בנים demonstrant. רגלים propriè pedes significat, impropiè verò (præterquam quod vices notat, quod huc non spectat) per Synecd. partis pro toto pedes cum cruribus & femoribus designat, ut 2. Sam. 9. vers. 13. claudus utroque pede. Unde LXX. interpr. Gen. 49. vers. 10. & מבי רגלי, ex feminibus sive femoribus illius, interpretantur: unde honestatis causa, per meton. adjuncti pro subjecto, à situ, sic appellari verenda arbitrantur. Idque spectasse videtur paraphrasis Chaldæa, Ionathani ascripta, cum exponit, ex semine ejus: & Hierosol. versio, ex filiis filiorum ejus. Atque huc à nonnullis refertur, quod Chaldæus Jonathan, id quod Hebraicè dicitur: שני ידים utinas suas. Reg. 18 v. 27. & Esai. 36. v. 12. honestatis causa reddiderit periphrasi, מבי רגלי aquas pedum suorum: id quod Masorethæ secuti ad marginem hujus loci lectione posuerunt, מבי רגלי, & harum vocum puncta (ut ita légeretur) supposuerunt voci textus: quemadmodum etiam in voce præcedente חרדים, quod foramina sua, seu anos suos notat, honestatis causa, sensum metonymicum, Ionath. Chaldæus מפקתהו excrementa sua, posuit: quod Masorethæ ad marginem Hebraicè secuti legendum monent, excrementa sua צואתם & puncta hæc voci contextus, ut antea, nimis audacter, supponunt, hoc modo, חרדים. Cæterum Scripturæ Sacre usu nondum constat satis, pedes, pro viri verendis, usurpari. Nam quod afferunt ex Deut. 28. vers. 57. etiam (oculus ejus malignus erit, ex v. 56. id est, invidet) in secundas ipsius, quæ prodeunt ex inter vel in medio pedum ejus: illud non de viro, sed de femina dicitur, & uterum notat, quem, honesta voce, interfeminium, Apulejum vocare tradunt: quod positus sit inter femina, hoc est, femora, quæ pedum nomine Synecdochicè continentur. unde fortè hic commodè verti posset, ex interfeminio: ideoque LXX. hic pro iis, femora, ut etiam Gen. 49. transtulerunt. Deinde per Metaph. (ex hac significatione Synecdochica, qua pedes & crura, ac femora notat, promanantem) populum subditum distincte significat, in allegoria, Esai. 7. v. 20. Novacula ista, Rege Assyriæ, pilum capitis, & pilum pedum, & barbam etiam consumet. Ubi rectè doctiores interpretes capitis nomine gubernatorem; pedum verò mentione relata, ei subjectos designari ostendunt: pilorum autem & barbæ abscissione, facultatum spoliatio videtur denotari.

Porro sexta vox nobis explicanda est, עד: quæ propriè significat usque, cui addi solet וְעד aut עד quod, pro usque quo, seu donec: & interdum sine additione eorum. Estque continuativa dictio (ut rectè Marcus Marinus in Arca Noe) rei que subjectæ, de qua agitur continuationem ad terminum adjunctum notat. An verò res illa ultra terminum additum tendat, vel non tendat, illud ex re ipsa, de qua agitur, & ex circumstantiis, cognosci potest, Gen. 6. v. 7. & 8. v. 5. & 46. v. 34. & 33. v. 14. Num. 25. v. 28. 2. Sam. 6. v. 23. Sic cum וְעד Genes. 29. v. 8. & alibi sæpe. deinde cum עד Gen. 26. v. 13. Altera verò significatio vocis עד est seculum, æternitas, continua duratio, usque & usque: nomen scilicet ex adverbio natum, ut Esai. 9. vers. 6. & 67. vers. 15. & cum ל ad seu in: Proverb. 12. vers. 19.

Septima porro vox est כי, & propriè significat, quia, vel quod, frequentissimè verò, pro adverbio temporis quando, cum, pro כאשר (quemadmodum Græcis καὶ, & priori, & hoc modo etiam usurpatur) ut Deut. 4. v. 25. Exod. 12. vers. 26.

Octava

Octava vox est **שִׁילָה**: quæ alibi in Sacris Literis semper est nomen loci, seu urbis in tribu Ephraim, in qua erat arca Domini, post ingressum in Chananæam, Josuæ. 18. vers. 1. 8. 9. & 19. vers. 51. **שִׁילָה** sine Jod, & Jud. 18. v. 31. *in domo Dei, quæ est in*, **שִׁילָה** cum Jod. & Iud. 21. v. 19. **שִׁילָה** cum ם pro ן sine Iod. in qua urbe arca Dei mansit usque ad Heli Sacerdotem magnum, 1. Sam. 4. vers. 4. 17. Altera hujus vocis significatio, si originem spectemus, anceps est: quidam compositam esse, & quidem vel ex tribus vel ex duabus vocibus: alii verò simplicem statuunt. Qui compositam ex tribus sentiunt, secundam esse docent præpositionem ל, genit. aut dativ. notam. tertiam verò pronomen affixum & ך pro ן positum quale exemplum est Gen. 13. vers. 3. **אֶת־הָאֵלֶּה** tentorium ejus. Sed in prima voce definienda discrepant. Nam primum LXX. sic exponunt, ut legisse videantur, non **שִׁילָה** sed **שִׁילָה** pronomine præfixo, & contracto ex **שִׁילָה**, qui, quæ, quod: ut Cant. 4. vers. 2. Sic enim LXX. interp. **שִׁילָה** *αὐτῆς τῆς πόλεως αὐτῆς*, usque dum veniant, quæ ei reposita: ut editio Romana habet, & in notis suis ostendit, ita etiam legisse Clement. Alex. Orogen. Euseb. Cæsari. & Cyprian. Sed in hanc lectionem defectum irrepsisse subjecti, de quo agitur, eruditè observans Mercerus monet, ac legendum **שִׁילָה** *αὐτῆς τῆς πόλεως αὐτῆς* cui sunt ea quæ reposita sunt. Hæc ille. Sed aliam deinde lectionem Notæ editionis Romanæ indicant: quæ extat apud Ignatium, Irenæum, Tertull. (addo Theodoretum) nempe **שִׁילָה** *αὐτῆς τῆς πόλεως αὐτῆς* cui repositum est: & utramque lectionem, eadem notæ ajunt, agnoscere Iustinum Martyr. cui adjungimus non solum Iulianum Apostatam contra Christianos: sed etiam Cyril. Alex. Tom. 3. contra Iulianum lib. 8. pag. 178. deinde & Athanasium, sed diversis in locis: primam enim profert lib. de incarn. verbi Dei, edit. Græco-Lat. pag. 68. Secundam verò in passionem & crucem Domini pag. 807. Ac videtur secunda hæc lectio, utpote clarior, ac plenior, substituta: partim ob defectum illius vocis **שִׁילָה** (quo subjectum orationis notatur) cui (id est, *is cui*) deinde ob Hebraïsmum pleonasmum pronominis antecedentis **שִׁילָה**, Græcè redundantis: Sed apud Hellenistas Hebræos, Græcè loquentes, non in solentem. Græcos autem secuti sunt Paraphrastæ Chaldæi, Onkelos, & Ierosolymitanus, qui similiter **שִׁילָה** interpretati sunt, ac si idem esset quod **שִׁילָה** pro **שִׁילָה** sicut etiam Aben Esra testatur, *Sunt* (inquit) *qui dicunt esse modo expositionis Chaldaicæ, secundum sensum שִׁילָה quia illius. Sic enim explicant, quia illius est regnum.* Sic R. Salomo, *donec veniat Schilo*, exponit, *Rex Messias: quia regnum illius est.* Fortasse occasionem & Græci & Chaldæi paraphrastæ arripuerunt ex simili, de Messie regis adventu, promissione Ezech. 21. vers. 27. *donec veniat מָשִׁיחַ אֲשֶׁר לְאֹהֲלֵי הַמִּשְׁכָּן* est *ms.* Verum hæc expositio Hebrææ voci non convenit: etsi enim ך pro ן affixo poni non sit insolens: alienum tamen est ut sit loco ך & dagech. Quare hæc prima vocis **שִׁילָה** ex tribus compositio, minus apta est. Altera verò est ex **שִׁילָה** (ab inusitata radice **שִׁילָה** aut **שִׁילָה** æquare ut D. Kimchi in lib. Rad.) & **לָה**, id est, *munus ei*, ut Psal. 76. v. 12. quam expositionem refert R. Salomo. Sed hæc expositio similiter in vocis Hebrææ vocalem impingit; nec enim est **שִׁילָה** sed **שִׁילָה**. Deinde dictionem unam atque individuum in duas separatas, ineptè, ac nimis temerariè dividit, in **שִׁילָה** & **לָה**. Denique orationem etiam destitutam suo subjecto, & simul obscurissimam reddit; quis enim sensus illius *donec veniat munus ei*? Quare expensis iis expositionibus, quibus vox **שִׁילָה** ex tribus composita statuitur: Sequitur jam eorum probabilis sententia, qui ex duabus vocibus compositam arbitrantur, nempe ex nomine **שִׁילָה**, id est, *filius*, & pronomine affixo ן hoc est, *ejus*, ut ך sit pro ן, *filius ejus*, ut Paraphrasis Chaldaica Ionathanis transtulit **שִׁילָה** *וְעִיר בְּנֵי* parvus filiorum ejus, id est, filiolus ejus. Atque ita Rabbinus quidam (ut hic Aben Esra tradit) **שִׁילָה** *filius ejus*: & post hosce D. Kimchi in lib. radicum, qui statuit tres voces, idem significare **שִׁילָה**, **שִׁילָה**, & apud Rabbinos **שִׁילָה** (quod tamen David de Pomis, *abortivus, embryo*, exponit ex Hebræo **שִׁילָה** quod ea vox Eccl. 6. v. 3. in Targum reddatur **שִׁילָה**, id est, *fœtus abortivus*: ut & R. Nathan in Baalharuch in radice **שִׁילָה** in Thalmude exponit.) Eas autem tres voces à tri-

bus diversis radicibus derivari significatione una, ut aliàs in diversis ordinibus verborum fieri solet: ut **רָמָה**, **רָמָה**, & **רָמָה**, & similia synonyma. **שִׁילָה** autem *filium* notare colligit Kimchi ex significatione vocis **שִׁילָה** in illis verbis **וְשִׁילָה** (per paragogen pro **שִׁילָה**) quod extat Deut. 28. vers. 57. & in secundas suas, quæ prodeunt, &c. licet enim **שִׁילָה** à **שִׁילָה** quietum aut saluum esse deriveretur, & secundas (id est, ut Aben Esra hic definit, pelliculam, in qua fœtus in utero continetur, ac servatur) propriè designet: per Meton. tamen subjecti continentis pro adjuncto contento, *prolem* notat: quemadmodum Onkelos transtulit *filium suum*, quo etiam modo Ionathanem, Gen. 49. **שִׁילָה** interpretatum ostendimus. Atque ita etiam Rab. Salomon **שִׁילָה** *בְּנֵי קְטָנִים* filios parvos exponit: ac sanè circumstantiæ antecedentium, hunc sensum necessariò flagitant. Nam dictione **שִׁילָה** non possunt propriè *secundæ* intelligi: quia secundis mater non potest invidere esum carnis (de quo tamen disertè agitur) quia elus solùm animali convenit. Quod non immeritò hic observandum. Ac propterea probabile est, vocem **שִׁילָה** quoque *filium* notare, & sensum reddidit commodum. Ut enim Messias jam antè in Genesi *Semen*, id est, *filius*, *Abrahami*, *Isaaci* & *Jacobi*, à Deo fuit nominatus: sic consequenti patrum ordine (ex quibus Christus oriundus erat) rectè *filius Judæ* dicitur: quemadmodum postea *filius Davidis*. Sed tamen aliqua est hic difficultas: Cum enim **שִׁילָה** & **שִׁילָה** Kimchi rectè statuat, è radicibus diversis oriri: quomodo ejusdem esse significationis constabit? deinde cum idem Kimchi dicat 1. significare *secundæ*, 2. *filium* è secundis ortum: quomodo viro secundæ convenient? Nam quod doctissimus Porchetus, in sua victoria contra Iudæos, cap. 2. quem secutus est Petrus Galat. de arca. Cathol. verit. lib. 4. cap. 4. in eo statuit mysterium, cum ait: *nominatur Silo, id est, Messias à Matre, non à Patre, contra consuetudinem Sacrarum Literarum, denotatur ipsum esse de materia matris absque carnali patre*; illud inquam multis valdè arrisit: sed ut rectè à Foritero, viro eruditissimo, aliisque notatum, pronomen affixum 1 eos refutat, quod masculini sit generis & ad Iudam referatur, non autem ad matrem. Ideoque D. Kimchi, & alii **שִׁילָה** Schiloh exponunt non *filius ejus*, scilicet mulieris, sed *filius illius Iudæ*, de quo antè actum. Quamobrem, ad difficultatem tollendam, potius dicendum, primà quidem significatione vocem **שִׁילָה** significare *Secundæ*: secunda verò significatione communiter *filium*: sive relatio sit ad Matrem, sive ad Patrem. Quum tamen Onkelos, Deut. 28. **שִׁילָה** filiolum verterit: videtur statuisse **שִׁילָה** non idem, sed aliud denotare; ac propterea aliter Gen. 49. vertisse. Antequam verò ulterius procedamus, non inutile nec ingratum fore existimamus, si varias Iudæorum hujus vocis expositiones, quasi in fasciculum breviter ab Aben Esra collectas, transferamus. *Sunt inquit qui dicunt ad modum interpretationis Chaldaicæ esse secundum sensum שִׁילָה: & sunt qui dicunt ex derivatione בשִׁילָה Deut. 28. v. 57. sunt qui dicunt ex vocabulo antecessorum nostrorum benedictæ memoria שִׁילָה: & est, qui exponit illud de urbe, & exponit בָּאָהָרָה sicut שִׁילָה & occidit Sol, Eccl. 1. v. 5. donec veniat finis שִׁילָה, quia sic scriptum Psal. 78. v. 60. & reliquit tabernaculum שִׁילָה, & postea vers 70. elegit servum suum David: & hoc non est remotum; aut שִׁילָה erit ut שִׁילָה filius ejus, & pro ן, ut in medio שִׁילָה tabernaculi sui (Gen. 9. vers. 21.) ex derivatione ne me שִׁילָה cuius expositio est parere facies שִׁילָה. Hactenus Aben Esra. Primam autem expositionem jam antè expendimus, & secundam, simulque tertiam & quintam; eo excepto, quod novum hic argumentum affertur, ex significatione verbi **שִׁילָה**: sed alienum est, nec enim **שִׁילָה** à verbo **שִׁילָה** oritur, neque hoc verbum significat *parere*, nec in Hiphil. *parere facere*, sed *quietum esse*, & per Antiphrasin *errare*: quod qui errat, minimè quietus sit. Quo etiam referri solet. 2. Chro. 29. v. 11. ut Da. Kimchi ad hunc locum exponit, & Rab. Salomon, affertque similem verbi hujus apud Chaldeos usum. & 70. similiter vocem **שִׁילָה** transferunt *vanus errare facias* idemque res ipsa quæ citatur, evincit. Ac propterea optandum fuisset, ut doctissimus concordantiarum Hebr. instaurator, in hac sua interpretatione*

tatione recta, *errare facias, fallas*, acquievisset; & non postea, eodem loco repetico, aliam & alienam hanc expositionem prēmisset; *Secundines, in secundina pones*: quod ad cautionem tantum monendum est. Ad quartam expositionem, de urbe Silo, quod attinet, ea suo loco postmodum erit diluenda.

Hicce jam alter interpretationis modus succedit, eorum scilicet qui vocem *Silo* non compositam esse judicant, sed simplicem: idque diversis modis. Quidam enim lectionem rectam à Judæis, Christi odio esse corruptam, nempe mutato פ in ה: ac legendum שילוח, id est, *mittendus*, ut versio vulgata legit: quæ Hieronymo adscribi solet. Quæ sententia est etiam August. Steuchi, Episcopi Eugubini in Gomm. Genes. 49. vers. 10. Sed hoc minimè credibile est: sed potius versionis vulgatæ authorem exemplar Hebræum habuisse vitiosum, cum פ loco ה. nam nec Patres ulli, qui Hieron. antecesserunt, aliter quam cum ה legerunt: ut nec ante Christi tempora LXX. interpretes, nec Chaldaus Onkelos, ut eorum interpretatio evincit. Deinde licet superstitione quadam, in paucis vocibus, *aliena puncta* (sensum tamen non corrumpentia) supposuerint; ipsum tamen Scripturæ Hebræicæ contextum consonantibus constantem religiosissimè intactum reliquerunt: ut à doctissimis viris rectè observatum. Adeo ut R. Saadias immenso & curioso labore (ad lectionis veritatem conservandam) quoties in Bibliis singulæ alphabeti literæ extent, numerarit, & celebri suo carmine expresserit. Deinde Judæos hanc lectionem non corrupisse, Christi & Christianorum odio, inde patet: quia Chaldaeam paraphrasin (quæ expressè hoc loco de Messia exponit) non corruperunt: sed illibatam, magnæque cum reverentiâ, conservarunt, ac plerique secuti sunt. Denique quia D. Kimchi, apertus Christianorum hostis, alique ante ipsum, vocem *Silo* interpretati sunt, *filii ejus*, scilicet Judæ: id quod, ad personam Christi describendam, plùs habet momenti, quam שילוח, quæ vox generatim *missum* notat, sive ab homine, sive à Deo, & ad quævis ministeria missum. Neque etiam Siloah in Scriptura aliter usurpatur, quàm de fonte Siloë, qui unicus fuit Hierosolymis, ut Hier. Tom. 5. in Jer. cap. 14. tradit: de quo Esai. 8. vers. 6. Quem fontem Siloë, quidam (ut inter alios Cyrill. in Joh. cap. 9.) Christi missi à Patre, ut Spiritualem nostram cæcitatem curaret, typum fuisse, ex nominis addita Joh. 9. vers. 6. interpretatione, missus, & ex eventu liberationis à cæcitate, conjiciunt. Atque eo accommodant, quod Genes. 49. v. 10. dicitur Siloh: unde videri potest, vulgatæ interpretationis authorem, codicem habuisse vitiosum, cum Gen. 49. vertit *mittendum*. Eam autem interpretationem non esse Hieronymi puram, ac sinceram, verisimile est: quia de Siloah agens Jer. 14. nec Prophetiæ Iacobi, nec Christi ullo modo meminit: ut nec alibi, nec etiam in Quæstion. suis in Gen. 49. (ubi multa tamen minoris momenti observat,) ullam hujus lectionis varietatem indicat: multo minus à Judæis depravatam, & *Siloah* legendum statuit. Altera verò de voce *Silo* sententia, quæ eam simplicem, & incorruptam statuit, derivatam vult à radice שילח quæ propriè *quietum esse* notat, ut Job. 3. vers. 26. שילחי *quies fui*. Unde per metaph. prosperum seu salvum esse, Psalm. 122. vers. 6. שילחי *Felices, seu salvi sunt diligentes te*: & vers. 7. שילחי *quies*, pro salute seu felicitate accipitur. Unde etiam *Silo* secundum analogiam ac formam vocum קיוו *suffusus* & קיוו *carduus* (ut Val. Schindlerus rectè observavit) derivatur, & *felicem* ac *Salvatorem* convenientissimè significat, ut *omnis*, Luc. 2. vers. 11. & Esai. 52. vers. 10. Christus salus metonym. id est, salutis author, (in quo solo est salus, Actor. 4. vers. 12.) nominatur. Quæ erudita declaratio videtur Forstero in Diction. Hebræic. deberi, qui ad vocem *Silo* sic exponit, *Salvator felix, quod ei scilicet omnia adversus mortem, Satanam, mundum feliciter succedant, ac verti posse germanice, Wolfahrt*. Quem secutus est Avenarius in suo lexico Hebræico; & doctiss. Mercerus, commentar. in Genes. 49. ita exponit, *tranquillus, felix, cui omnia prosperè succedunt, devicta morte, Satana, mundo*: & Sebast. Castellio in bibliis vertit *Sospitator*: & Valent. Schindlerus, *Salvator, felix, cui feliciter omnia succedunt, pacificus*.

*paci & felicitatis author*. Quam etiam sententiam post Hebræorum explicationes recenset in suo Lexico clariss. Buxtorf. & Germanica Lutheri versio prima, *Heldt*. Uti etiam nostra Belgica vetus. Ac sanè, si quis omnia, quæ de vocis *Silo* origine ac significatione proferuntur, consideret, in reliquis omnibus non exigua est difficultas; in hac verò postrema expositione omnia egregiè fluunt, ac quadrant. Nam (ut ostendimus). 1. Radix שילח usitata est. 11. Formatio vocis analogia. 111. Significatio ipsa, *Messia*, (de quo agitur) attributo in Sacris Literis nomini ac beneficiis, ad amissum congruit. Hoc unicum tantum videtur posse obtendi, nimirum eam vocem aliis Scripturæ locis non extare. Sed hoc nullius est momenti: quia non paucae voces sunt, quæ semel tantum inveniuntur. Nam hoc idem probat nomen ab eadem radice שילח *quietum esse* deductum שילח *quies*: nam semel tantum extat, 2. Samuel 3. vers. 27. שילח *in quiete*. Deinde שילח Deuteronom. 28. vers. 57. & non alibi; imò שילח cuius nec radix extat, nec per se in Sacris Literis ullibi reperitur. neque enim שילח est שילח cum affixo ה pro ו (ut quidam putant, ) quia dicendum esset שילחי, vel per anomaliam שילח: ut à פשה *linum*, contractè dicitur פשה *linum meum*, pro פשה Hof. 2. vers. 9. Deinde quia verbum, cum ea voce constructum, est masculinum, nempe נכח, hoc refellit; alias enim dicendum fuisset נכח. Neque etiam שילח à שילח derivatur: quia Hebræicæ masculina à femininis minimè derivantur, sed contra feminina à masculinis. Ac propterea postrema vocis שילח expositio, etsi à priscis Patribus minimè sit explicata, meritò reliquis præferenda, atque amplectenda, veritatis studio.

Supereest ultima vox explicanda יקרה: in qua plerique ut Jod esse statuunt radicale, ab inusitata radice derivant, nempe יקה cum ה mobili, non autem quiescente & antecedente patach, non autem camets, ut utrumque malè notatur, significare autem *audire & obedire*, ut Pagn. in thes. maj. Ling. Sanctæ ait: etiam Arabicè idem significare, teste R. Ionathane, & inde esse יקה & forma contracta, seu in regimine יקה (ut à רבה est רבה ratio, & contractè רבה) sed ק habere dageſch, euphoniæ gratia, ut Kimchi alique rectè observant; & significare *audistum, obedientiam*, & Kimchi ait, *auditionem & acceptionem mandati*. Atque ita Onkel. Chald. Paraphrastes, *audient*, sive *obedient*, exponit; & paraphrasis Hierosolymitana, sensu expresso, *servient ei omnia regna terræ*: illam significationem probat Kimchi, ex Proverb. 30. vers. 17. de qua voce Mercerus ad eum locum; & doctissimi Lexicographi. Alii verò Jod non radicale, sed formativum putant; sed diversa origine & modo, à קרה (ut ו mutetur in ה) derivant, id est, *expectare*, Psalm. 37. vers. 9. & 40. vers. 2. aut *congregare*, Genes. 1. vers. 9. Hinc à LXX. hæc exponitur *ἐπεσθαι, expectatio*; à R. Salom. verò *congregatio*: alii rursus à נקה *purum esse* derivant, ut purgationem notet: quod Messias purget peccata: ut ita dageſch in ק sit loco Nun. Sed obstat, quod ו in ה mobile non mutetur: ideoque non convenit radix קרה. Denique alii à קרה *obtusum fieri, debilitari*, de ferro propriè Eccles. 10. vers. 10. & metaphor. de dentibus, *obſupſcere*, Jerem. 31. vers. 29. & sic Rab. Salomo, ex usu Thalmudis etiam exponi posse, ait: apud quos *obtusio, debilitatio gentium* exponitur: & periphrasis, Jonathani ascripta, exponit, *propter eum liqueſcent gentes*. Sed hæc interpretatio aliena est, quia non solum verbum Hebræum קרה nullibi in Sacris Literis de alio dicitur, quam de ferro, aut dentibus obtusis: neque liquefactionem, aut debilitationem hominum notat. Deinde quia eo modo fingitur, *Messiam venturum ad afflictionem, & perditionem gentium*; cum contra in antecedentibus & consequentibus de eo prophetiis, vocatio earum ad obedientiam, & benedictio ac salus per Messiam promittitur. In antecedentibus quidem, Genesios 22. vers. 18. cum Galat. 3. vers. 16. Deinde Genes. 25. vers. 14. quæ benedictio obedientiam (sive quæ esse nequit) certò includit: Sic etiam consequentibus prophetiis explicatum est. 1. Per Moſen, Deut. 32. vers. 21. id quod de gentium, ad obedientiam erga

erga Christum, vocatione, exponitur, Rom. 10. vers. 19. Cui convenit deinde Esaia propheta, cap. 65. vers. 1. 2. cum Rom. 10. vers. 20. Inprimis verò clarissima est, de confluxu omnium gentium, & obediencia earum erga Messiam, propheta, cap. 2. vers. 3. 4. 5. seqq. & 42. v. 1. 4. 6. ut Matth. 12. v. 18. & Luc. 2. v. 30. 31. 32. & Esaï. 49. v. 6. ut Luc. 2. declaratur. Unde apparet alienam esse eorum Judæorum expositionem, qui promissionem gentibus factam, de earum vocatione ad obedientiam, & per eam benedictione ac salute, in comminationem, de earum oppressione interpretantur. Quare prima hujus vocis **יְהוּדָה** expositio, pro obedientia, reliquis præferenda. Atque hætenus in vocem hujus gravissimæ, ac celeberrimæ prophetiæ de Messia, declaratione, versati sumus: Consequens jam est, ut ad sensum illius (qui variè à Christianis, & Judæis statuitur) examinandum, procedamus: ac primum de Christianorum sententiis.

Hi autem in eo consentiunt omnes, hanc prophetiam describere adventum Messia, & adventus illius tempus: dissentiunt verò in circumstantia temporis definienda. Plerique enim statuunt, adventum Messia promitti, ablato jam à Judæis sceptro, id est, regno. Idque primum factum cum Herodes non Judæus, sed Idumæus, rex Judææ constitutus est; quo regnante Christus est natus, Matth. 2. vers. 1. quam sententiam proposuit Origenes in Genes. 49. Homil. 15. quem plerique tam Græci, quam Latini Patres & posteri eorum sunt secuti. Contra verò alii non ablato, sed manente ac stante sceptro **שֵׁבִט** Christum adventurum, hac prophetiâ tradi, statuunt: ita tamen ut in re ipsa consentientes, vocem **שֵׁבִט** & *Juda*, diversa significatione, exponant. Quidam enim **שֵׁבִט** non sceptrum, sed tribum interpretantur, quod eo sensu plerumque à Mose accipitur: & Iuda de Patriarcha Iuda: quod propria hæc sit significatio, & huic loco probè conveniat: quam insignem explicationem debemus acceptam ferre doctissimis nostris interpretibus Tremellio & Iunio, qui primi ita transtulerunt: *Non desistet tribus à Juda, neque legislator in medio pedum ejus, usque dum venturus erit filius ejus.* (Sic enim *Silo* interpretantur, ut suprà ostendimus,) & in annot. sensum, ex collatione, ut ajunt, eventus, cum vaticinio, hoc modo, exponunt; *hic esse videtur sensus: non prius Jebudæ genas confundetur; & distinctæ tribus nomen amittet, neque prius regnum Dei ab ea ad alias gentes derivabitur, quam ex se, promissum humani generis Servatorem, qui lux est gentium, genuerit. Nam cum regnum decem tribuum diu ant: captivitatem Babylon. (ut Vaticinium, Esaï. 7. v. 8. docet) planè dissipatum fuerit, & populus esse desierit: tribus tamen Judæ, &c. manserit impermixta semper, usque ad exhibitionem Christi.* Hæc illi. Quam interpretationem candidè Dominus Piscator, in quæstion. suis in pentateuchum, anno 1624. editis est amplexus, cum ait: *Magis probanda videtur versio nostrorum: vaticinii porro sensus est, non desituram tribum Judæ, neque etiam potestatem omnem imperandi ademptum iri, antequam venerit Christus in regnum suum: id quod factum est post ipsius ascensionem, die Pentecostes. Post autem hoc initium regni Christi ad dextram Dei, tribus Judæ, omnisque in ea imperandi potestas, desit, per eversionem Hierosolymæ à Tito. Secundo modo alii vocem **שֵׁבִט** sceptrum, Iudam verò tribum Judæ significare judicant: atque ita Athanasius accepit de incarnatione verbi adversus Iudæos differens, tom. 1. pag. 68. editio. Græco-Lat. cum ait: *Præsentem igitur sancto sanctorum meritò ob signata est visio, & regnum Hierosolymitanum desit: tam diu enim ungebantur reges donec ingrederetur sanctus sanctorum: & Moses quoque ad eum usque, Judæorum stetit regnum prophetat, dicens: non deficiet Princeps ex Juda, & Dux è femoribus ipsius, donec venerint quæ reposita sunt ei, & ipse erit expectatio gentium.* Sic etiam doctissimus D. Chytræus in narrationibus in pentateuchum, Genes. 59. ubi ad hunc locum ait: *Per spicue definit tempus adventus Christi Patriarcha Jacob, cum inquit: stante politia Iudaica, & durante ministerio docendi publico, Messiam venturum esse: Atque ita etiam, ante Messia adventum non abolendum sceptrum, Chaldæus Paraphrastes Onkelos exponit: Non recedet exercens potestatem a domo Iuda, &**

*Scriba ex filiis filiorum ejus usque in seculum, usque quo veniat Messias, quia ejus est regnum.* Atque hæc sunt repugnantes, de circumstantiis temporis adventus Christi, sententiæ: quæ paucis, ad rei veritatem illustrandam, necessariò expendendæ.

Ac prima quidem (quæ Messiam venturum promitti tradunt, cum sceptrum à Iuda fuerit ablatum) ita ferè omnium consensu recepta est: ut, qui eam non probavit, & temeritate in antiquam, & communem doctorum sententiam impingere, & annis Ecclesiæ contra Iudæos detractis, in eam injurius esse videatur. Sed temerarius non est, qui antiquiorem habet veritatem prophetiæ insitam, & eventu comprobata; neque injurius est in Ecclesiam, qui, pro vitreis armis, sive fragilibus, adamantina, contra Iudæos subministrat: ut, ex sequenti examine, cognosci poterit. Nam communis illa sententia, si prophetiam Iacobi diligenter introspiciamus, ex ea nullo modo est derivata; sed negationis illius, *non auferetur, &c.* contraria affirmatio est; quod statuunt, auferetur sceptrum à Iuda, antequam veniat. *Donec* autem continuationem rei affirmatæ aut negatæ ad terminum appositum pertinentem designat: ut in vocis explicatione, supra ostendimus. Neque ullum, ex universa Scriptura, contrarium exemplum, ubi donec ad tempus refertur, hætenus adductum. Ut autem res sit clarior, similibus contradictionibus, illustrabimus 1. Quod Genes. 29. vers. 8. dicitur, *non possumus* (scilicet adquare pecudes) *usque quo, sive, donec congregati fuerint greges:* Ejus contradictio est; possumus antequam congregentur greges. Deinde 2. Sam. 6. vers. 23. *Non fuit ei proles, donec mortua est:* Cujus certè contradictio est: fuit ei proles antequam mortua est. Sic in Novo Testamento, Matth. 1. vers. 25. *Non cognovit eam, donec peperit:* Contradictio est illius: cognovit eam antequam peperit. Sic Matth. 5. v. 18. & v. 27. In hisce, & similibus omnibus, quis non apertam contradictionem agnoscat? Sic etiam: *Non auferetur sceptrum à Juda, donec veniat &c.* Et auferetur, antequam veniat, certa contradictio est. Cujus prior pars est, quæ in Scriptura ponitur, ideoque vera est: posterior verò, quæ ei, communi ferè opinione, opponitur, vera esse non potest. Sed quia prophetiæ veritas, in consensione illius, cum rei prædictæ impletionem, consistit: ideoque, ex eadem, prophetiæ sententia illustratur, ac dignosci solet: Secundò jam quoque eventum spectemus. Hujus enim minus recta observatio imprudentem illam contradictionem peperit. Siquidem spectata tribus Judæ, ante natum Christum, conditione, quod Herodes, non Judæus, sed Idumæus proselytus, esset rex Judæorum, inde concluderunt, sceptrum, (quod regnum interpretati sunt,) jam à Iuda ablatum, per Herodem M. Sed illud Stripturæ manifestè repugnat. Sceptrum enim regium omninò ablatum fuit à Iuda, capto rege postremo, Iechonia, ut Ierem. 22. vers. 30. dicitur: *Nullum ex semine ejus sessurum in solio David, & dominaturum amplius in Judam.* Et Ezech. 21. vers. 26. De Zedekia ultimo Rege, *Tolle coronam: hæc futura non est:* quod repetitur & exponitur, vers. 27. *Hæc non futura est, donec venerit is cuius jus ipsum,* (id est, Messias) *& tradam ei.* Quibus locis asseritur de regno Iudæ, illud tollendum, nec futurum, donec Messias (rex Iudæ spiritualis) adveniat. Ac propterea, cum, inde à Zedekia rege capto, Iuda non habuerit regium sceptrum, seu regnum, illud ab eo postea auferri non potuit. ubi etiam observandum, cum propheta ait, de corona, (id est, regno per met. sign. adj. præ subj. significato.) *Ea non erit, donec veniat is, cuius est:* Contradictio illius est: ergò erit, antequam veniat. At, inquirunt, Iuda habuit reges quinque, quorum postremus fuit, Antigonus, Aristobuli regis filius, qui regnum autoritate Iudæorum ac potentia ab Herode alienigena ablatum, possedit. Verum respondetur: Iudam non habuisse reges ex se ortos; sed ex tribu Levi ac Sacerdotali: Ideoque non legitimos reges, qui (quod ad tribum Iudæ pertinebat) regnum injustè usurpabant; quemadmodum etiam summum sacerdotium, contra legem à Deo institutum, invaserunt. Quare Herodes regnum, non à tribu



à tribu Juda, sed à tribu Levi, seu ab Assamonæis Levitis, injustè regnum usurpantibus, abstulit. Ex quibus omnibus apparet: primam illam, de sceptri regii, ante Christum, per Herodem, ablatione, sententiam, & prophetiæ contradicere; & eventu ipso confutari: Ideoque eam minimè probandam: Sed veritate comperta, meliori commutandam: quam & prophetia, & eventus probant; nimirum, sceptrum non auferendum ante Messiae adventum. Cumque duplex modus, in hac sententia explicanda, sit observatus: Prior quidem sensum habet insignem, & eventu prophetiæ hujus consentaneum. Sed una tamen difficultas ei objecta comperitur: nimirum quod Patriarcha Jacob vers. 1. in præfatione suæ prophetiæ, se ea prædicturum ait, quæ posterioribus temporibus essent eventura: ideoque non filiis ipsius, sed eorum tribubus. Huic autem rationi addimus, idem ex ipsa prophetia demonstrari: quia res prædictæ in ea, non ipsis Jacobi filiis, sed tribubus eorum convenire, perspicuum est. Denique idem etiam demonstrat expositio Jacobi, vers. 16. *Dan judicabit populum suum, ut quævis tribuum Israël.* Deinde Moysi vers. 28. *Omnes istæ sunt tribus Israël duodecim, & hoc est, quod elocutus est eis Pater eorum, cum benediceret eis.* Quibus attentè consideratis, per vocem Iudæ, hoc in loco, non Patriarcham Iudam propriè: sed illius posteros, seu tribum Iudæ intelligendam, demonstratur. Unde necessariò etiam sequitur, vocem Hebræam שבט non tribum in hac prophetia, sed sceptrum potius denotare: quia, si tribum notaret, inepta foret tautologia, hoc sensu; non auferetur tribus, à tribu Iuda. Nam quod vir doctissimus, in quæstionibus suis ad pentateuchum, ad quæstionem hanc; utra recta versio, non desistet tribus à Iuda: aut non recedet sceptrum à Iuda, respondet, *vocabulum ipsum שבט utramque admittit; nec non Vaticanii sensus.* Veruntamen, quia vocabulum illud tribum sæpè significat; Sceptrum verò (id est, regiam potestatem) nunquam quod sciam; magis videtur probanda versio nostrorum: Sed tamen invenitur vocabulum שבט eo sensu, Zachar. 10. vers. 11. שבט Sceptrum Egypti recedet. Et (ut alia omitam) Num. 24. vers. 17. Quemadmodum ipsemet vir doctissimus, in eodem opere, ad eum locum, rectè exposuit. Deinde licet ea vox nullibi in Sacris literis regnum notaret; tamen pro regimine (quod hoc loco sufficit) accipi constat, ex Psalm. 45. vers. 7. *Sceptrum rectum, sceptrum regni tui.* Amos 1. vers. 8. שבט Sceptrum Ascalone. Posterior verò secundæ sententiæ modus (qui scilicet שבט à Iuda, ante Christum natum, non ablatum statuit,) in duarum vocum diversa expositione, à priori modo differt. Nam שבט Sceptrum, de regimine; & Iudam, de tribu Iudæ, intelligit. Ac sane, si quis accuratè rem expendat, comperiet hanc sententiam, ab omnibus antè memoratis incommodis, esse immunem: & verbis, atque explicationi prophetiæ, & eventui illius, probè consentire. Nam cum, per sceptrum, intelligatur regimen: idque vel unius, nempe regis, vel principis; vel plurium, nempe Magistratus, ac judicum: illud hoc loco neque de regis, neque de principis regimine, verè exponi potest. Non de regis, quia illud, per Nabuchodonosor, captq; rege Zedekia, fuit ablatum, sicut prædictum diserte, Ezech. 21. vers. 26. 27. ut antè ostendimus. Neque etiam, de regimine Principis, rectè accipi potest: quia illud à Iuda, per Assamonæos (alias Makkabæos) Levitas, ac Sacerdotes, ablatum; & ad tribum Levi, iniquè translatum, ac propagatum. Nam quod multi Assamonæos fuisse ajunt, ex tribu Iuda, materno genere, ortos: ideoque sceptrum Principum à Iuda non ablatum: illud merà nititur conjecturâ. Nam licet interdum Sacerdotes, è tribu Iuda, uxores (lege id non prohibente) duxisse constet: unde tamen illud perpetuò factum, aut Assamonæos id imitatos, probabitur? Deinde filii, non à tribu Matris, sed à tribu Patris, in Sacris Literis, censentur. Quemadmodum licet mater Eleazari, Sacerdotis summi, esset foror Nahafon, Exod. 6. vers. 23. qui erat ex tribu Iuda, Matth. 1. vers. 4. tamen non pertinuit Eleazarus ad tribum Iudæ; sed Levi tantum: nec Iudæis, sed Levitis Sa-

cerdotibus, à Deo accensus. Nam aliàs Pontifex esse non potuisset. Idque etiam perspicuè traditur, Heb. 7. v. 13. nullum ex tribu Iuda curasse altare: & vers. 14. *Palam est enim è tribu Iuda exortum esse Dominum nostrum. Cujus tribus respectu nihil de Sacerdotio locutus est Moyses.* Denique jus successionis in regimine, non pertinuit ad fæminas; sed ad mares tantum: (ut de regno docetur, Deut. 17. vers. 14. 15.) jus regiminis igitur à matre, quæ eo caruit, ad filium propagari non poterat.

Ad tertium verò gradum regiminis, quod attinet; nempe magistratus & judicum (quos Græci *κρισται*, Iudæi verò corruptâ voce *Sanhedrin* vocant) illud regimen, ante Christum, non est ablatum: etsi variè Synedrium paulatim sit imminutum. Exemplum autem memorabile est, in pòlitia, ac judicibus: postquam subacta Iudæa, à Romanis, per Pompejum, tum primum (ut Iosephus conqueritur antiquit. lib. 14. cap. 8.) Iudæi libertatem amiserunt, subiecti Romanorum imperio. Nam cum antea Synedrium summum esset tantum Hierosolymis: missio Romæ Gabinio, potestas illius imminuta. Nam ut Iosephus eod. lib. cap. 10. testatur: *Constitutis quinque iudicibus conventibus, in totidem æquales partes, totam Provinciam distribuit: ita ut alii jura peterent Hierosolyma, alii Gadara, Amathunte alii, quarti Hierochunte, quinti Saphora, quod est Galilea oppidum: Sicque liberati Dominis sub Optimatum dominatione debebant.* Hæc ille. Postea verò cum Principatus Hircano, à Cæsare, esset redditus: restituta etiam Synedrii summi potestas. Objicitur quidem Sanhedrin seu iudices summos, excepto Samea, omnes, paulò antè Christum, ab Herode, teste Iosepho occisos; ac propterea sceptrum, seu regimem judicum, (quod solum tribui Iudæ supererat,) ante Christum esse ablatum. Verum primum, antecedens non esse simpliciter verum, respondemus: quia Iosephus quidem antiquit. lib. 14. c. 17. unius Sameæ meminit: sed postea tamen, seipsum exponens, lib. 15. cap. 1. Pollionem quoque ei annumerat. Deinde neque probari potest, paulò ante Christi nativitatem, iudices illos esse occisos. Producitur quidem, ad primam ac communem sententiam probandam, & eam, quam genuinam esse ostendimus, confutandam, testis Philo de temporibus, qui (ut centuriæ Magdeb. cent. 1. libr. 1. recitant ac sequuntur) ita tradit: Herodem trigésimo anno sui regni, Sanhedrin, Græcè *συνέδριον*, (id est, ordinarios iudices LXX. ex domo Davidis, constitutos: penes quos summa authoritas, in cognoscendis, ac dirimendis controversiis, erat) occidisse: substitutis aliis, suo arbitrio, & quos in sua potestate futuros sciebat. Sed, inquam, testis ille, qui profertur, non est fide dignus: nec enim est verus ille Philo Judæus, sed alius quispiam supposititius: ut non solum à nostris viris insignibus nonnullis; sed etiam ante, à doctissimis Pontificiis, observatum, atque assertum. Ac tandem à Benedicto Pererio, in Comm. in Daniel. libr. 11. pag. 659 & 660. eruditè, ac multis argumentis, est demonstratum. Deinde, ad rem ipsam quod attinet: hujus testimonii objecti falsitas, ex Iosepho, solidè confutari potest. Nam antiquit. lib. 15. cap. 1. occisos, præter Pollionem, & Sameam, Iudices ostendit, captis vi Hierosolymis. Id quod factum, non trigésimo Herodis anno, (ut Pseudo-Philo affirmat,) sed tertio (id est, non septem annos ante natum Christum: sed 36. circiter annos) ut ex Iosepho antiquit. lib. 14. cap. 26. coll. cum cap. ultimo, apparet: qui & initium regni Herodis, & occupationem Hierusalem, cum Iudices occisi sunt, cum annotatione, cum Olympiadum, tum consulum Romanorum, describit. Atque hæc de falso enthymematis oppositi antecedente. Deinde etsi illud verum esset, vitiosa nihilominus esset consequentia: quia licet illos iudices summos omnes, & quidem eo tempore, quo obtenditur, occidisset: inde tamen non sequeretur: Herodem etiam iudicum successionem sustulisse. Nam objectum etiam, ex Philone illo spurio, testimonium, (quo nonnulli decepti, primam sententiam, de ablato sceptro à tribu Iuda, tueri; & contrariam confutare student) alios ab Herode substitutos tradit. Sed quid opus est eo? Cum Herodes

Herodes ipsemet, agens de causa cædis Hircani; longè post iudices illos sublato, Synedrium extitisse, fatetur; cum in suis commentariis scripserit: se literas Malchi, ad Hircanum missas, Synedrio ostendisse; quemadmodum Josephus ex comment. illius recenset, antiq. lib. 15. cap. 9. etsi alios aliam causam afferre adjungat: Synedrium tamen fuisse, quod Herodes asserit, nullo modo negat. Deinde neque causa fuit, cur iudices alii non substituerentur. Nam quod iudices illos priores occiderit, hoc factum est tantum ob offensam eorum, & conceptum inde ab Herode odium, & vindictæ studium: quod ortum fuerat; partim, quia ipsum antequam rex esset, tanquam cædis reum, ad causam dicendam citant: & probè norat, se, nisi armatis satellitibus fuisset stipatus, ac nisi Hircanus aliis obstitisset, capite multandum: partim, quod cum pòstea, à Romanis, rex esset constitutus, eum admittere noluerint: eique Hierosolymorum urbem oppugnanti, Antigono adversario faventes, hostiliter repugnarent: ut ex Josepho satis superque constat, Libr. 15. cap. 1. Quod enim obtenditur; Iudices illos priores fuisse ex familia Davidis; posteriores verò iis substitutos, fuisse externos profelytos: illud est commentum, priori simile, ac probè teste omnino destitutum. Ajunt quidem, idem ab Herode, in Pontificis, pro arbitrio, abrogatione, & novi surrogatione, factum. Cavens enim ne quis illustri crearetur Pontifex: idcirco Ananelo, viro obscuri & peregrini generis, familiariter noto, Pontificatum dedit: ut Josephus antiquitat. libr. 15. cap. 2. & 3. testatur. Sed respondetur primum, per *illustres*, intelligi Assamonæos (qui diu, & Reges, & Pontifices, fuerant; & populi gratia pollebant) ne, si aliquem ex iis ad Pontificatum admitteret, generis regii fiduciā, regnum affectaret: ut Josephus libr. 20. antiquit. cap. 8. ait: *Herodes autem accepto à Romanis regno, non amplius ex Assamonæo genere creavit Pontifices*. Deinde libr. 15. cap. 17. de Herode, periculum ab Assamonæo genere metuente, ait: *Videns neminem superesse regii generis, præter Hircanum, utile ratus est, non amplius permittere, ut impedimento sit*: Aut (ut Latinus Interpres vertere maluit,) *è medio tollere*. Hoc autem periculum Herodi non erat metuendum, à iudicum Judæorum successione. Deinde Ananelus Pontifex, etsi non esset ex illustribus ortus, comparatè cum Assamonæis, sed obscuri generis: nihilominus tamen è Pontificibus erat oriundus, etsi extra Judæam natus; ut Josephus antiquit. lib. 15. cap. 3. testatur. Neque etiam Herodes Pontifices, ut obtenditur, ex profelytis, sed ex genere sacerdotum ortis, constituit: Quemadmodum Josephus libr. 20. cap. 9. disertè affirmat. Denique, quod observandum in hac controversia, etiam si fingeretur, Herodem non solum iudices summos, excepto uno atque altero, occidisse; sed etiam successionem aliorum sustulisse: imminutum quidem esset sceptrum iudicum, sed non ablatum: quia magistratus, ac iudices inferiores, Synedrio magno subditos, nec defecisse ante Christum, nec auferri potuisse, sine totius reip. Iudaicæ confusione, atque exitio, perspicuum est. Quare sententiam ante positam, de scepro regiminis iudicum, à Iudæa, ante Christum natum, non ablato, demonstratam, & adversus exceptiones (quas hactenus observare potuimus,) satis vindicatam, speramus. Alterum igitur superest, ut subjiciamus breve

*Examen errorum, quibus Judæi recentiores,  
Prophetiam Jacobi, Genes. 49.  
v. 10. detorqueunt.*

**H**orum autem Judæorum spectandus est primùm consensus, adversus Christianos: deinde inter eos, dissensio varia. Consensus est, 1. Messiam nondum venisse: neque hac Prophetia Jacobi illud significari: sed expectandum adhuc Messiam. Dissensio verò est, in diversis depravatæ hujus Prophetiæ modis. Quidam enim priora verba perperam interpretantur: alii verò posteriora. Ac priora quidem illi, qui *שבת* afflictionem: & *מחקק* exactorem, seu oppressorem exponunt, hoc sensu; non auferetur à tribu Iu-

da virga, id est, afflictio: neque exactor, atque oppressor, donec veniat Messias. Quo etiam modo antiqua illa Hispanica translatio Iudaica Ferrariensis, quæ Kimichio attribui solet, interpretatur. Sed illud repugnat Prophetiæ, multis modis. Ea enim continet benedictionem tribus Iudæ: ut Gen. 49. v. 28. de tribubus singulis, testatur Moyses: & antecedentia, vers. 8. 9. & sequentia vers. 11. 12. omnia apertam benedictionem continent. Contra verò afflictio perpetua, usque ad Messiam, quam hæc depravatio fingit, maledictio est continua. Deinde vocem *מחקק* falsò *exactorem*, seu *oppressorem* interpretantur, contra vocis significationem: cum *scribam*, vel *legislatorem*, notet. Nec solum Prophetiæ, sed etiam eventui ejus adversatur: nam, regnante Davide, Iudæi floruerunt victoriis perpetuis, adversus hostes; & toto Salomonis tempore, in alta pace quieverunt felices. Denique universo etiam veterum Hebræorum magistrorum consensu contrario confutatur. Eandem autem objectionem vir doctissimus, sibi datam à quodam Rab. Francofurtensi, suis in Genesin quæstionibus postremis, declarat: nimirum *virgam, id est, castigationem hic ex Rabbini sententia significari*. Respondisse autem se, *vocabulum illud, hic significare sceptrum regium: quod vox מחקק ostenderet. deinde non solum tribum Judæ, sub virga illa esse: sed omnes etiam tribus Israël: hoc autem loco de solâ tribu Judæ sermonem haberi. quibus inquit, addo nunc שבת pro virga, id est, afflictione, nusquam (quod sciam) in Scriptura occurrere*. Hæc ille. Cujus secunda responsio recta est, ut res ipsa & v. 28. ostendit: sed prima non convenit, ut supra demonstratum: nec tertia, ut exempla plura ejus significationis vocis *שבת* antea, de vocibus agentes protulimus.

Posteriora verò verba alii Iudæi pervertunt: ac primùm nonnulli *על* æternitatem: & vocem *כי* quando, seu, cum interpretantur: ut sensus sit: Sceptrum à Iuda non auferetur in æternum, cum venerit Messias. Sed primò obstat S. Scripturæ usus, in qua *על* sequente proximè voce *כי* nusquam æternitatem: sed usque significat: ut *כי על* idem sit quod *עד אשר* usque quò: ut Genes. 26. v. 13. *עד כי יגדל* donec creverit. Deinde has duas voces perperam in constructione dividunt. Nam ad illud, quod doctissimo Amando Polano, à Iudæo, objectum est, accentum lethib sub voce *על* indicare, particulam hanc, ad constructionem præcedentis membri, pertinere: rectè respondit, illam, de accentu, rationem esse falsam: ut exemplis demonstrat contrariis Gen. 2. v. 5. 11. & 3. v. 1. 3. 5. & 11. v. 10. Hæc ille. quibus addi potest, inter alia, Genes. 49. vers. 24. præterea contrarium etiam probat antecedens pausa seu accentus distinguens Atnach, in voce antecedente *וְיָלֵךְ*: unde apparet, vocem sequentem *על*, non cum antecedente, sed consequente *כי*, esse construendam. Denique huc accedit paraphrasis Chaldaea triplex. Nam Onkelos habet, *non recedet &c. in æternum*, *עד עלמא* id est unquam. & deinde verba illa *כי על* exponit usque quò veniat: *עד דמתי* & Hierosolymitana, & Ionathanis exponunt: *עד דמן רמת* ad usque tempus, quo veniet. Neque proferunt ullam veterum Hebræorum contrariam expositionem. Quare hæc prima Iudæorum, in posterioribus hujus Prophetiæ verbis, depravatio, subsistere non potest.

Altera est in voce Silo depravatio Iudæorum: quæ ad duo genera referri possunt. Primò, ut perfecta sit oratio; secundò, ut defecta. Qui perfectam statuunt: eorum quidam Silo Nebucadnezareem esse contendunt: quia is est, qui sceptrum à Iuda primus abstulit, capto Zedekia, ultimo Iudæorum Rege; & populo è Patria in Babyloniam translato. Sed inepta omnino hæc sententia est: 1. quia sceptrum quidem regium abstulit; sed non Iudicum. deinceps nulla ratio reddi potest, cur ille Silo vocaretur: nec enim filius ejus, supple Iudæ, fuit: neque etiam servator populi: sed oppressor. præterea quod additur in Prophetia; *& ipsi erit obedientia gentium* (quo voluntaria subjectio notatur) ei non convenit: quia vi populi coacti, ipsi subjecti sunt. Denique obstat universalis vetustissimorum Hebræorum Doctorum, cum Paraphrasium Chaldaicarum: tum Rabbiorum, contraria expositio. Ac propterea alii deinde vocem Silo, non de Rege, sed de urbe Silo interpretantur;

tantur : &  $\aleph \daleth$  non propria significatione ut *veniat*, notet : sed impropria per antiphrasin, & metaphoram quasi *interire*, hoc est, per arcæ Domini translationem, in alium locum, à Deo relinqui : ut Psal. 78. v. 60. *& reliquit tabernaculum Silo* : & v. 70. *& elegit servum suum Davidem*. Sed hæc interpretatio (quam Aben Esræ D. Kimchi in lexico tribuit; ipse verò cujusdam esse, atque etiam probabilem ait) probabilis non est : primum, quia vocis Hebrææ significationem alienam affert. Nam  $\aleph \daleth$  improprie per antiphrasin, pro *abire*, vel *subire*, & quidem de sole tantum usurpatur : nulli vero pro *interire* accipitur. Deinde per translationem arcæ Domini, non perit Silo, sed mansit nihilominus, etiam si gloria illius eo modo perierit. Denique hæc sententia, si rem spectemus, vanissima est. Nam Sceptri Judæ finem statuit, ante illius initium : seu ablationem sceptri, ante collationem. Nam arca translata est à Siloh, sub Eli Sacerdote, ac iudice populi, plus quam 50. annis ante regnum Davidis : qui primus è Juda, regium Sceptrum habuit. Nam ante id tempus habuit Rex Saul è tribu Benjamin : & ante hunc Iudex Samuel regimen habuit, qui erat è tribu Levi. Quare hæc sententia mera depravatio est. Reliquæ verò interpretationes Judæorum, non perfectam, sed defectam orationem statuunt. Silo enim per ellipsin præpositionis  $\aleph$ , pro in Silo accipiunt. deinde subjectum non esse Silo : sed subjectum deesse, idque diversè suppleunt. quidam enim de Saulo : alii verò de Jeroboamo exponunt : hoc est, antequam Saulus, vel Jeroboamus veniret, ungendus in regem, in Silo. Atqui præterquam, quod præter Scripturæ usum, collationem sine subjecto fingunt, (quod neque ex textu, neque aliunde probari potest) Saul non in Silo, sed in Mispâ in regem unctus, 1. Sam. 10. v. 17. deinde ab eo Sceptrum à Juda non est ablatum : quia id Juda nondum habebat, sed sub Davide demum : neque etiam Jeroboam in urbe Silo, sed in Sichem rex factus, ut 1. Regum. 12. colligitur. Deinde licet defectione decem tribuum à Roboamo, ad Jeroboamum, Sceptrum Judæ ex parte transiit, atque ita imminutum : non tamen ablatum penitus : quia post Roboam, Rex Judæ esse non desit, sed regnum Judæ continuatum usque ad captivitatem Babylonicam. Ac propterea Rab. Salomon Iarchi, & quidam Iudæi posteriores, fatentur, Sceptrum tribus Judæ, ad Messiam, Servatorem populi sui, duraturum, à Iacobo prædici : sed nondum Messiam advenisse. Atque licet Iudæa diu multum sit vastata, tamen in Babylone perpetuo hæcenus mansisse regium Judæ Sceptrum. Sed falsa est ea assertio : quæ neque ex Iosepho, qui antiquitates Iudaicas accuratè scripsit : neque experientia probari potest : Sed merum figmentum. Deinde per tribum Judæ intelligitur populus, qui suam habuit politiam in Iudæa, inde à tempore Davidis : & quem populum Deus promiserat, se post 70. annos captivitatis, in patriam reduciturum. Qui populus inde jam dispersus, & destructa urbe Ierusalem, in varias regiones abductus, Rempubl. habere destitit. Atque hæc de erroribus Iudæorum. Quare hisce jam confutatis : finem huius Prophetiæ explicationi imponemus.

*Narrationis Luca Evangelistæ, Capite Secundo,*

*De Nativitate Christi,*

EXPLICATIO.

Quemadmodum olim Christi Servatoris, è Virgine, conceptio, & nativitas, divinitus per Prophetam, Esai. cap. 7. v. 14. prædicta : sic etiam jam instantem utriusque eventum, in Virgine Maria complendum, Deus, per Angelum Gabrielem, ad eam missum, promittit : Luc. 1. v. 31. *Concipies in utero, & paries filium, & vocabis nomen ejus Jesum*. Quorum impletio, ab eodem Evangelista Luca, enarratur. Conceptio quidem Christi c. 1. Nativitas verò cap. 2. septem prioribus versibus. Cujus narrationis observandus est, 1. Scopus, ad quem tendit : deinde modus, ad eum institutus. Scopus autem est idem, qui totius Evangelii Scriptis traditus est : nimirum ut cognoscamus *Jesum esse Christum Servatorem, divinitus promissum, & credentes vocem*

*æternam per eum habeamus*. Joh. 10. vers. 21. *Modo autem narrationis ad hunc scopum directus, atque idoneus, est summa nativitatis Jesu Christi, à Luca descriptæ, & nativitatis Messiae Servatoris, propriis suis notis, à Deo, per Prophetas, promissæ, convenientia. Quæ ex partium narrationis expositione, & Prophetiarum collatione facta, perspicue apparebit. Partes autem primariæ sunt duæ : quarum prima circumstantias nativitatis Jesu Christi : altera nativitatem declarat.*

*Circumstantiæ in primis sunt tempus quando : & locus, ubi ea evenit. Tempus autem distinctis tribus, dispari claritate, gradibus, vers. 1. & 2. proponitur. Quorum primus generalior est, scil. tempus imperii Cæsaris Augusti; de quo Augusto, Suetonius, in illius historiâ, consulendus. Verum, quia annos imperavit 56. specialius additur secundus temporis gradus, nativitatem Christi paulisper antecedens, nempe, quum edictum à Cæsare Augusto prodit, ut describeretur tota Æthiopia, supple  $\gamma\eta$ , id est, *habitabilis terra* : nempe, per Synecdochen, pro magna illius parte, quæ Romano imperio erat subiecta : & inde, per Metonym. loci pro locato, homines regionum illarum. Descriptionis autem eorum mandatæ finis, fuit notitia capitum, & tributis solutio consequens opportunè. Hoc autem edictum factum dicitur, *in diebus*, (hoc est temporibus) *illis*, nempe, de quibus auctum cap. 1. id est, post Johannem Baptistam natum. Tertius verò temporis natæ Christi gradus, expressissimus est : quia tempus non antecedens, sed præsens designat vers. 2. cum descriptio illa, edicto promulgata, atque imperata, præsidente Syria Cyrenio. Quem enim Latini scriptores Quirinum vocant, Tacit. Annal. lib. 3. pag. 130. edit. Paris. Lipsii, & in notis 162. ille à Græcis, mutatâ parumper voce (ut in aliis etiam nominibus fieri solet) Cyrenius dicitur. Qui erat, à Cæsare Augusto, ad hanc descriptionem, legatus : ut hac in re, non autem absolute, Syria præsidet : quia præsidem suum habuit Quintilium Varum ; ut rectè in annotationibus, à doctiss. Beza observatum. Sub Syria autem annexa Judæa simul intelligitur : ut etiam ex v. 3. constat. Neque huic descriptioni, jussu Cæsaris peractæ, adversatur : quod Herodes tum temporis Judææ Rex fuerit, Matth. 2. v. 1. quia à Romanis, quasi precario, regnum obtinuit : ut summam interim potestatem sibi reservarint. Porro hæc descriptio, Cyrenio præsidente, vocatur prima : ut à secunda, quæ ab eodem facta, distingueretur. Prima enim fuit universalis, totius terræ, Romanis subiectæ vers. 1. scilicet cum Christus nasceretur, ac vivente Herode Magno, Matth. 2. vers. 1. Contra verò secunda descriptio, quam memorat Lucas Act. 5. vers. 37. & Ioseph. describit Antiquit. lib. 18. cap. 1. fuit particularis Syriæ & Iudææ : deinde post Christum diu natam, atque Herodis Magni obitum : imò etiam post filii illius Archelai, in Regno Iudææ, successionem Matth. 2. v. 22. & ejusdem relegationem, è regno, Viennam : quemadmodum Ioseph. antiquit. lib. 17. cap. 15. & lib. 18. cap. 1. & 3. diferte testatur. Quod discrimen primæ & secundæ descriptionis, rectissime à Beza, in annot. observatum : à plerisque verò, ante, & post ipsum, interpretibus, non rectè confusum apparet. Hæc de tempore natæ Jesu Christi : quod cum circumstantiis promissæ adventus Christi, per Prophetiam Jacobi Patriarchæ, Gen. 49. v. 10. probè consentit, cum ait : *non auferetur Sceptrum à Juda, & dñs veniat Silo*, id est, Messias, Servator. Nam ut promittitur populi Judaici, & Sceptri, id est, regiminis illius, conservatio, usque ad Christi adventum : sic revera utrumque, ad Jesu Christi nativitatem, permansit. Sed post Christi mortem demum, & ob eam, à Judæis illatam, & pertinacem Evangelii rejectionem, utrumque esse desit. Per Romanos enim vastatâ Judæâ, & Jerosolymis dirutis, populus Judæus, antea suis familiis distinctus, dispersus, ac mirifice confusus factus est : & regimen magistratus sui antecedens amisit : de qua re Dan. 9. vers. 26. Matt. 23. vers. 38. & 24. v. 2. 15. quemadmodum etiam experientia à Iosepho pluribus explicata testatur. Verum objiciat aliquis : Christum natum, cum Iudæa, regno Herodis, & imperio summo Cæsaris Augusti, subiecta esset : ideoque Sceptrum Judæ, ante Iesum Christum,*

Christum, fuisse ablatum. Sed hoc minime sequitur: quia licet sceptrum summum, hoc est, regimen regis, capto Zedekia, per Babylonios, ablatum sit, usque ad Messiam adventum, Ezech. 21. vers. 26. 27. Et regimen medium, hoc est, Ducum, per Levitas Maccabæos, & ab illis, per Romanos ablatum sit, tamen infimum regimen, per suos iudices, & magistratus (licet potestate paulatim imminuta) ad Christum usque relictum, experientia & historia Iosephi, ut etiam Evangeliorum, demonstrat. Neque obstat, quod Herodes superiorem, ac communem Iudæorum senatum, Iudicum LXX. occiderit, duobus exceptis. Inde enim non sequitur, alios in eorum locum, è Iudæis, ad Reipubl. conservationem necessariam, non fuisse substitutos. Nam quod, de profelytis substitutis, ex conficto Philonis Iudæi libro obtenditur, vanum est omnino: nulloque, fide digno, Scriptore probatur. Quare Iesus Christus, tempore prophetæ Iacobi conveniente natus est.

Quemadmodum etiam & loco destinato, Bethlehem Jude: quæ secunda est nativitatis Jesu Christi circumstantia. Cum autem Virgo Maria habitaret Nazareth, in Galilæa, Luc. 1. vers. 26. Causæ duæ humanæ recensentur, quibus factum est, ut Iesus Christus Bethlehemi nasceretur. Quarum prior, est obedientia Iosephi, & Mariæ erga Cæsarem: altera verò Mariæ prægnantis status.

Obedientia autem est, qua edicto Cæsaris, ut quisque in urbe sua, id est, familiæ suæ, describeretur, obtemperarunt, quæ, ut vers. 3. aliorum Iudæorum simili obedientia, declaratur, his verbis: *ibant omnes ut describerentur, quisque in urbem suam*: sic etiam Iosephi, & Mariæ Virginis obedientia indicatur, profectio Bethlehemum: & causis illius.

Profectio quidem initio vers. 4. perspicue ita proponitur. *Ascendit autem etiam Ioseph, à Galilæa, ex Urbe Nazareth in Judæam, in Urbem David, quæ vocatur Bethlehem*. Ubi notandum profectio hanc, *ascensum* vocari, eo quod Iudæa altior sit, quam Galilæa. Deinde *Cruisatem David* dici, non quam condidit (sicut arx Sionis vocatur, 2. Sam. 5. vers. 7. & 9.) Sed in qua natus, & educatus 1. Sam. 16. v. 1. & 18. Quod etiam hic distinctè explicatur, additâ voce, *Bethlehem*: quod Hebraicè significat *domum panis*, propter agrorum fertilitatem. Quemadmodum, eodem sensu, vetustiore nomine, Ephrata, id est fructifera (à verbo *פָּרָה* fructificare) vocatur, Genes. 35. v. 19. Ruth. 4. v. 11. Atque ita David dicitur filius viri Ephratæ Isai, 1. Sam. 17. v. 12. id est, Bethlehemitæ: quemadmodum Isai vocatur ibid. cap. 16. v. 1. Veteres autem Theologi tradunt: Christum, panem vitæ, in Bethlehem, id est, loco panis convenienter natum: quod sanè similitudine quadam dici potest: non autem ac si esset Prophetici typi mysterium: quasi hic scopus fuisset inditi nominis, ut Christum ibidem nasciturum esse designaretur. Atque hæc de Iosephi & Mariæ Bethlehemum profectio. Cui deinde causa, cum movens, tum finalis, adjungitur. *Movens* quidem v. 4. in fine illius; *propterea quod esset ipse ex domo & familia Davidis*, ortus. Ideoque Bethlehemum, ut in Urbem suam, unde familiæ origo, profectus est; quemadmodum alii omnes, in suam quisque urbem: ut vers. 3. indicatur. *Finalis* verò causa notatur v. 5. *ut describeretur cum Maria desponsata sibi uxore, quæ erat prægnans*. Unde ex priori horum verborum parte, apparet, profectio Mariæ (non minus, quam Iosephi) necessitas: quod descriptio fuerit capitum, ex edicto Cæsaris. Ex posteriori verò parte, obedientiæ magnitudo apparet, ex eo, quod cum esset *prægnans*, & partui vicina (ut sequentia ostendunt) iterque longum (circiter quatrimum) & anni tempore difficili, suscepit: ut Cæsaris, Domini sui, mandato obtemperaret.

Cæterum præter hæc causas humanas profectio Bethlehemum, ab Evangelista expressas, *primaria efficiens ac celestis*, fuit *Dei decretum, & providentia illius*. Decretum enim erat à Deo, ut Christus nasceretur, non in Urbe Nazareth, (quæ Luc. 4. vers. 16. cum 23. patria illius, per Metaph. tantum, quod ibi sit educatus, dicitur.) Sed Bethlehem: ut index decreti, Prophetia, Mich. 5. vers. 1. Messiam in ea Urbe nasciturum, prædixit. quod etiam Matth. 2. v. 5. 6. repetitur. Providentia verò Dei, hoc decretum, sapienti

sua directione, exsecuta est: quippe, ut *regis in manu feboræ, quocumque vult, inclinat illud*, Prov. 21. v. 1. Sic etiam & Cæsaris Augusti animum inclinavit, ut eo tempore, quo Maria virgo erat prægnans, descriptionem capitum mandaret, & Iudæorum, in sua cujusque urbe, peragendam, statueret: & Iosephi ac Mariæ animos pios, ad obedientiam profectio Bethlehemum, ut ibidem descriptum, adimpleret: ut decretum suum, per Prophetam patefactum, quamvis instrumentum illius, Cæsar Augustus, hoc minime sibi haberet propositum: neque etiam (ut verissime) Iosephus, neque Maria: alioqui non tam diu suum iter Bethlehemum, usque ad partum vicinum, & periculosum, ac permolestum hyemale tempus, distulissent: sed Dei providentia, rem totam, eo modo gubernavit. Atque hæc de prima causa, qua factum est, ut Iesus Christus Bethlehemi nasceretur: nempe Iosephi & Mariæ, erga edictum Cæsaris, obedientia: qua Bethlehemum profecti sunt, ut ibi describerentur.

Alterâ verò est *Maria Virginis prægnantis status*, cum Bethlehemum pervenisset: qui vers. 6. indicatur: *factum est autem cum essent illic, completi sunt dies, quibus ipsa pareret*, hoc est, mensibus novem à conceptione, pro communi parientium natura, exactis, ut de Elisabetha dicitur Luc. 1. vers. 57. *Elisabethæ verò impletum est tempus parienti*. Atque hæc de prima huius, de nativitate Christi, narrationis parte: nempe temporis, & loci circumstantiis.

Alterâ verò est, *de ipsa nativitate*; quæ. 1. *proponitur*: deinde, ab adjuncta humili conditione, *declarat*. Proponitur autem initio vers. 7. his verbis *& peperit filium suum primogenitum*. *Primogenitum* vocat Evangelista, non relatè, ac distinctè à postgenito, sed absolute: quod ante eum, è Maria nullus sit natus, quemadmodum usus vocis primogeniti demonstrat, Exod. 13. v. 2. 12. 15. Luc. 2. v. 23. ubi de primogenitis omnibus absolute, sine aliorum succedentium, aut non succedentium ratione, Deo offerendis mandatum. Primogenitus enim propriè dicitur primum genitus, sive alius postgenitus sit, sive non. Ut priori modo Esau primogenitus vocatur, Genes. 27. vers. 32. Iacob verò postgenitus: posteriori verò Christus, quatenus ab æterno à Patre genitus, primogenitus vocatur, Hebr. 1. vers. 6. & tamen est unigenitus à Patre, Ioh. 1. vers. 14. Sic etiam, quatenus homo est, filius Mariæ Virginis, primogenitus dicitur: quod primus, ex ea, natus: & ut communis, ac pios Ecclesiæ consensus agnoscit, unigenitus. Neque enim credibile est, Iosephum pro sua pietate, ac reverentia, Mariam Virginem (utpote à Deo consecratam, ut Messias, virtute Spiritus Sancti, in ea, conciperetur ac nasceretur) cognoscere ausum: quod impurè Helvidius olim contendebat. Neque obstat, quod dicitur, *Iosephum non cognovisse Mariam, donec peperisset filium suum primogenitum* Matth. 1. vers. 25. Nec enim aliud ex voce, *donec*, colligi potest, quam ante partum non cognovisse: unde non sequitur, ergò post cognovit: ut usus vocis *donec*, 2. Samuel. 6. vers. 23. & aliis in locis, demonstrat. Quod autem Christo fratres tribuuntur, Matth. 12. vers. 46. 47. & nominantur, cap. 13. v. 55. Iacobus & Ioses, & Simon, & Iudas, & sorores ejus: id non de fratribus, ex iisdem parentibus, proximè natis; sed de cognatis intelligitur. Quorum tres fuerunt fratres inter se, Iacobus filius Alphei, Apostolus, Luc. 6. vers. 15. distinctè à Iacobo Zebedei, minor dictus, Marc. 19. v. 40. & frater illius Iudas Apostolus, Lebbeus etiam dictus, cognomine Taddæus, Mat. 10. vers. 3. & distinctè à Iuda Iscarioth, Iudas Iacobi, scilicet frater, vocatus, Luc. 6. v. 16. & Epist. Iud. v. 1. Tertius est Ioses, de quo Marc. 15. v. 40. Nam Maria (alia quam virgo) vocatur Mater Iacobi minoris; & Iose ibid. Quartus est Simon, qui etiam fuit Apostolus, Cananites, distinctè à Petro, dictus Matth. 10. vers. 4. qui Iacobo & Iudæ, fratribus, ordine subnectitur, Marc. 3. vers. 18. & à Luca cap. 6. vers. 15. Act. 1. vers. 13. inter Iacobum & Iudam, fratres interponitur: unde, fratrem eorum fuisse, colligitur; denique quod Christus dicitur *primogenitus inter multos fratres*, Rom. 8. vers. 29. Per fratres multos, multitudo fidelium intelligitur; non propriè, sed improprie quia



quia sunt ei cognati, ratione communis naturæ humanæ; & ratione imaginis seu sanctificationis, Hebr. 2. vers. 14. 17. & communis hæreditatis, Rom. 8. vers. 17. Hæc de nativitate Jesu Christi propositio: quæ ab adjuncto statu humili, atque abjecto declaratur, altera hujus 7. versus parte: *& fasciis eum involvit; reclinavitque eum in præsepi: eo quod non erat eis locus in diverforio. Humilis autem hic status describitur duobus quasi gradibus: ministerio matris puerperæ: & loci quietis vilitate. Ministerium matris est, quod Jesum filium, obstetricis ope destituta, ipsamet curavit, fasciis involvendo, & involutum ad quietem reclinando. Id quod à puerpera recenti, sine gravi molestia, ac dolore, fieri non potuit. Nam etsi partus, in calidioribus regionibus, qualis Iudæa, non tam difficilis, quàm frigidioribus: nunquam tamen dolore carere potest: ut naturæ ratio, & experientia universalis, probat: & comminatione certâ, Deus generatim mulieribus indixit Genes. 3. vers. 16. *in dolore paries filios tuos*. Ideoque vana est veterum quorundam, & Pontificiorum inprimis, opinio: quâ Mariæ partum, sine dolore, factum: & sine molestia, hanc curam filio nato præstitisse, miraculo quodam, extra Scripturam, conficto, temerariè statuunt.*

Alter humilis status gradus est, in loci quietis vilitate: quod non in domo natus, sed in stabulo: nec in cunis, sed in præsepi repositus. Cujus ratio hæc redditur: *eo quod non erat locus in diverforio*; Ideoque factum id, non Mariæ vitio, sed necessitate, & hominum inclementia: quod nullus è diverforio, neque ex vicinis, commiseratione ductus, locum cesserit. Qui status humilis nati Christi, generatim, à Prophetis prædictus, Esai. 11. v. 1. & cap. 53. v. 2. Zachar. 9. v. 9. *Rex tuus venit &c. pauper*, & pro quo citatur Matth. 21. vers. 5. *mansuetus*: quod mansuetudo paupertatis soleat esse comes. unde 1. Cor. 8. vers. 9. dicitur: *Christus pro vobis pauper factus est, ut vos paupertate illius dites fieretis*. cui convenit etiam pauper Christi viventis status, Matth. 8. vers. 20.

Quare ex hisce omnibus, jam expositis, generalis hic usus meritò concluditur: Iesum esse Christum, promissum per Prophetas: quia omnia; quæ de Messiae nativitate prædicta, eique soli conveniunt, in Iesu Christi nativitate, impleta sunt. Nam ut conceptus, ita natus è Virgine, desponsata quidem Iosepho: sed non cognita: ut Esai. 7. v. 14. prædictum: eo tempore quo populus Iudaicus inconfusus ac distinctus erat: & Politia, seu regimen illius, licet imminutum, nondum tamen plenè ablatum: sed in suis magistratibus, ac iudicibus, permanens, ut Gen. 49. vers. 10. prædictum: & primùm post ipsius mortem, utrumque ablatum, Dan. 9. v. 26. 27. Et natus, in loco Bethlehem ut Mich. 5. vers. 2. denique in statu humili atque abjecto, Esai. 11. v. 1. & 53. v. 2. Zach. 9. v. 9. ac propterea in eum credendum, ut vitam æternam habeamus.

Præterea, historia nativitatis Christi, etiam ad opera fidei exercenda, Iosephi & Mariæ exemplo, Christianos extimulat. Nam 1. edicto Cæsaris, tanquam Domini sui, secundum 5. Decalogi præceptum (ut & reliqui Iudei v. 3.) paruerunt, egregia sua obedientia: sic etiam omnes, eadem communi lege obstricti, Cæsari, seu omni potestati superiori, subiecti esse debent, Matth. 22. v. 21. 1. Pet. 2. v. 13. 14. adeo ut nemo excipiat, Rom. 13. v. 1. seq. ut ad hunc locum consentaneè Chrysost. ait: *omnis anima potestatibus supereminentibus subdita sit, etiamsi Apostolus sis, siue Evangelista, siue Prophetæ, siue quisquis tandem fueris: neque enim pietatem subvertit ista subiectio*. Hæc verè Chrysost. Quibus addatur, quod Iesus Christus, licet, qua filius Dei, esset Cæsaris Dominus, & ab omni subiectione liber: tamen, quatenus filius hominis, pro se, & Petro, tributum solvens, Cæsari obtemperavit, Matthæi 17. vers. 27. Ac propterea detestanda est Pontificis Romani inobedientia, atque iniustitia: quod non solum se, & suos Ecclesiasticos, à potestate omni politicâ, omninò excipit; sed etiam omnem Politicam potestatem, omnesque homines, sibi subiectos esse debere, statuit: ut in extravag. epistolis communibus, de *majoritate & obedientia*, lib. 1. cap. 1. *quam sanctam, &c.* Bonifacius 8. Papa, ita concludit, ac decernit; *porro, subesse*

*Romano Pontifici omnem humanam creaturam, declaramus, dicimus, definimus, & pronuntiamus, omninò esse de necessitate salutis*. Hæc Pontificis in Cæsarem inobedientia, ac rebellio, Dei verbo, & obedientiæ Iosephi & Mariæ, erga Cæsarem, contraria: ideoque illam fugere ac detestari: hanc verò sequi, & imitari debemus. Quemadmodum etiam & alterum eorum fidei opus, nempe patientiam: qua partim Iosephus, & Maria Virgo, ut obedirent Cæsari, iter difficile, ac permolestum, & stabuli hospitium vilissimum; hominumque inclementiam, ac despectum, sine ullo murmure in Deum, aut homines, rectè pertulerunt: sic & nos, in officio præstando, molestias, & injurias, patienter ferre: & hoc exemplum justum imitari debemus. Et ut Maria Virgo amorem suum erga Iesum natum, in eo, exercuit: quod, licet puerperio imbecillis esset, eum tamen non neglexit: sed, pro tenuitate sua, fideliter curavit: sic, suo hoc exemplo, non solum damnavit crudelitatem earum matrum, quæ liberos natos ledunt, aut exponunt, aut negligunt: sed etiam dilectionem, ac curam maternam commendat.

Denique cum Christus, pro nobis factus sit pauper, & contemptus: ut nos, suâ paupertate, ditaret, 2. Cor. 8. v. 9. æquo animo, cum Christo, & pro Christo, paupertas & contemptio hominum ferenda, ut cum eo regnemus, Rom. 8. v. 18. 19. 2. Tim. 2. vers. 22. Hactenus explicatio & usus hujus historię nativitatis Christi.

#### De Nati Jesu Christi patefactione.

Quoniam, post nativitatis Christi historiam ab Evangelista traditam, illustris illius patefactio, ad eandem fidei, & operum fidei institutionem, proximè subnexa, describitur; ac solenni, annuoque festo enarrari solet: non abs re, nec ingratum fore arbitramur: si succinctam illius analysin, ac declarationem proponamus: ut honestæ quorundam petitioni obtemperemus. Ea autem *patefactio* est duplex, una quidem *divina*: altera verò *humana* inde orta.

Ac *divina* quidem, à vers. 8. ad 15. comprehensa, describit *personas*, quibus, & per quem, patefactio ea facta est: deinde *modum* illius.

Ac *personæ*, quibus primùm ea gratia indulta, designantur vers. 8. à communi, partim officio, partim effectu. *Officium* quidem, cum pastores vocantur; *effectum* verò, quod in eadem Bethlehemitica regione, fideliter suo, in curando grege, officio fungerentur: cum excubando tum vigilias noctis agendo, super gregem suum. Causa autem cur sapientibus, divitibus, ac potentibus hujus mundi, & Bethlehemi versantibus, neglectis, Christi nativitas hisce pastoribus primùm sit patefacta, hæc est; ut eo modo ostenderetur, Christi regnum in terris non esse mundanum, Ioh. 18. vers. 36. & communis Iudeorum error, qui contra sentiebant, confutaretur. Ideoque ut Iesum Christum, in statu humili & abjecto, nasci voluit Deus: sic eundem unicum, summum animarum pastorem, Ioh. 10. vers. 16. 1. Pet. 5. vers. 4. cap. 2. vers. 25. per Ezechielem cap. 34. v. 23. promissum, primùm humilibus ac pauperibus gregis pastoribus voluit patefieri. Quemadmodum etiam postea, ad eundem scopum spectavit Euangelium, per Christum pauperibus prædicatum, Matth. 11. vers. 5. & 25. & per Apostolos, pauperum potissimum vocatio; ut Apostolus testatur, 1. Cor. 1. vers. 27. & Iacob. 2. vers. 5. *nonne Deus elegit pauperes mundi hujus, divites fide?* quales etiam fuerunt hi pastores, Messiam expectantes: ut ex fide illorum operibus, promptâ scilicet erga verba Angeli obedientiâ, confessione, ac celebratione Dei, viso paupere Christo, sequentibus indicatur. Hæc de personis, quibus Iesus Christus natus, primo loco patefactus est; nempe pastoribus, in regione Bethlehemi, gregem, fideliter, noctu curantibus.

*Persona* verò, per quam divinitus patefactio illa contigit vers. 9. indicatur: nempe, *Angelus*, id est, nuncius: & quidem non hominis, sed *Domini*, id est, Dei. Angelus autem, *ἄγγελος*, Spiritus celestis dicitur, ab officio suo (de quo Heb. 1. v. 14.) cœlitus à Deo ad Pastores hosce missus; ut Iesum Christum natum, iis, ad salutem, revelaret. Describitur autem Angelus ab apparitione admirandâ; & eventu illius,

Illius. Apparitio autem admiranda primum generalius innuitur, cum dicitur; *Ecce*. Specialius verò exponitur, partim repentino, & inopinato adventu, cum additur; *adversus*, hoc est, cum nihil minus expectarent: partim conjuncta gloria Dei, (seu illustri fulgore, Dei presentie, & Angeli signo) quæ circumfulsit eos; ut hunc Angelum lucis, live celestem; ac sermonem illius verum esse, ostenderetur: ac Majestas Jesu Christi, sub humili atque abjecto humanæ naturæ statu velatam, revelaretur: ad fidem ac salutem Ecclesiæ. Quemadmodum etiam primaria Evangelii mysteria, in eundem finem, per Angelos Domini, patefacta sunt: ut conceptio, & nativitas futura Christi, Luc. 1. v. 26. 31. & facta primum conceptio, Matth. 1. v. 20. 21. deinde nativitas, hoc loco: & resurrectio Matt. 28. v. 5. 6. Ascensio denique in cælum facta: & futurus, è cælo, ejusdem Christi reditus, nempe ad judicium, Actor. 1. vers. 10. 11. Eventus autem hujus apparitionis gloriosæ Angeli est duplex: primus est magnus pastorum timor: ortus, partim ex imbecillitate naturæ: quæ, novis, ac repentinis commoveri solet: partim ex imperfectione fiduciæ in Deum: quæ oriri solet, ex justitiæ, ac potentie Dei, & peccatorum nostrorum conscientia: cum subito presentie divinæ, aut Angelorum, judicii Dei ministrorum signa, inopinatò apparent, ut hoc loco. Qua de re, inter alia, exempla sunt, Luc. 1. v. 12. 29. Marc. 16. vers. 5. *Alter eventus*, est consolatio adversus metum, ab Angelo proposita, duplex: prima est dehortatio à metu vers. 10. *Tunc dixit eis Angelus, ne metueretis*. qualia exempla, in simili metu, Luc. 1. v. 13. 30. & Matth. 28. v. 5. *Altera* consolatio, est ratio dehortationi subiecta ab utilitate insigni, quam suo adventu afferat, cum ait: *ecce enim Evangelizatio vobis gaudium magnum, quod erit toti populo*. Unde sequitur: pastores hosce non debere metueri; sed contra tranquillo, lætoque animo esse. Quibus verbis, rationi præmittit vocem *ecce*: ut attentos reddat, & præstantiam rei, observatu dignam, denotet. Ac deinde rationem ipsam proponit: quod *Evangelizet eis*, id est, bonum nuntium afferat. Quod bifariam declaratur: 1. ab effectu, scilicet gaudio inde consecuturo: deinde à præstantia illius gaudii, quam describit, ab adjuncta magnitudine illius, cum ait: *gaudium magnum*: & ab objecti amplitudine, nimirum *quod erit*, non privatum illorum pastorum, eo tempore: sed commune πάντι τῷ λαῷ. quod vulg. interp. reddit *omni populo*: Eras. verò, ut & noster interpres, *toti populo*, ut ad Judæos referatur. Quamvis autem utraque expositio, & veritati, & hujus loci circumstantiis, sit consentanea: prior tamen, non immeritò, videtur præferenda: 1. quia propriam vocis πάντι τῷ λαῷ significationem retinet: 2. quia sensum habet pleniorē: & gaudii magnitudinem, de qua agitur, magis demonstrat. Nam licet Evangelium Christi nati, & gaudium inde ortum, prius quidem tempore, ad Judæos pertineat, Matth. 10. vers. 5. 6. postea tamen communiter, ad omnem populum pertinuit. Matth. 28. vers. 19. Actor. 1. vers. 8. quemadmodum Prophetiis divinis olim prædictum, ut Genes. 22. vers. 18. & 26. v. 4. Psal. 117. v. 1. collato cum Rom. 15. vers. 10. quam etiam ob rem Propheta Aggæus, cap. 2. vers. 8. Christum promissum, *omnium gentium desiderium*, vocat. Unde etiam Simon Justus, viso Christo ait, Luc. 2. vers. 30. 31. 32. *Viderunt oculi salutem tuam, quam parasti in oculis omnium populorum, lumen revelandum gentibus, & gloriam populi tui Israël*. &c. Neque hinc tamen, universalis gratiæ salutis, per Christum natum, Patroni, probare possunt: eam, ad singulos omnium populorum, pertinere: cum illud, de solis electis, ac fidelibus, ex omnibus populis intelligendum sit, ut Rom. 4. vers. 16. 24. Apoc. 5. v. 9. Quibus etiam solis, Christus patefactus, solidum offert gaudium, 1. Cor. 1. vers. 23. 24. ac quamvis πάντι τῷ λαῷ impropria significatione (licet frequenti) idem quod λαῷ τῷ λαῷ, notare concederetur: ex eo tamen, universalis ista Christi gratia, quam tantopere obtinent, nullâ solidâ consequentia, probaretur, 1. Quia totus populus, per Metaph. consuetam, accipi potest, pro magna populi parte: quemadmodum ipsemet Lucas, eodem modo, hanc phrasin usurpat: cum in Evangelio cap. 19. v. 48. & 21. v. 38.

tum etiam in Actis cap. 2. vers. 47. ut res ipsa evincit. Deinde non solum ita exponi posset: sed etiam deberet necessariò; ad veritatem verborum Angeli retinendam: quæ aliàs falsa esset: quemadmodum attributum populo gaudium magnum, perspicuè demonstrat. Nec enim singulos è populo Iudæorum Christo patefacto, gavissimos: sed multos contra eum averfuros prædictum, Esai. 8. vers. 14. Sicut hoc de Christo exponitur, à Iudæis rejecto, Luc. 2. v. 34. Rom. 9. vers. 33. deinde Esai. 53. vers. 1. ut exponitur, Ioh. 12. vers. 38. id quod similiter experientia docet, & Evangelica historia describit, Matth. 2. vers. 3. 4. nato Christo & nativitate illius audita, primores Iudæorum non gavisos, sed perturbatos valde: sic cap. 21. vers. 38. & alibi. Atque hæc de Angelo, per quem natus Christus, patefactus est pastoribus.

Sequitur jam *patefactionis modus* vers. 11. 12. propositus; & illius, per connexum aliorum Angelorum consensum admirandum, confirmatio. Modus autem patefactionis Christi nati, ut probatio antecedentis versus, connectitur: & primum *Christum* describit; deinde *nativitatem* illius. *Christum* autem describit, tribus suis titulis: quorum primus, beneficium illius indicat, cum ait: *Servator*, nimirum populi sui, id est, Ecclesiæ, Matth. 1. v. 21. Luc. 1. v. 33. & quidem solus, & perfectus, Actor. 4. vers. 12. *Secundus* titulus est, *Christus*, καὶ ὁ χριστός, hoc est, Messias, promissus ad salutem: quo officium illius comprehenditur triplex. *Tertius* titulus est *Dominus*, quo potestas illius, & imperium, in Ecclesiam, declaratur. Atque hæc strictim de *Christi descriptione*.

Altera est *nativitatis*: quæ primum proponitur, cum dicitur: *natus est*. deinde exponitur, partim à fine, partim à circumstantiis accidentibus. Ac *finis est*, cum ait: *vobis*, id est, natus est vestro bono, ad salutem vestram: pro credentibus enim Christus natus, Esai. 9. v. 6. quales hi fuerunt pastores: ut antè, ex fidei operibus certis ostendimus; & sequentia monstrant. *Circumstantiæ* autem indicantur duæ, tempus & locus. *Tempus* nativitatis notat vox *hodie*, seu hoc die, quæ vox ad rem propositam, non exiguum habet momentum. Quod ut melius percipiamus, ac nonnullis Scripturæ locis lux accedat: *diei* significatio duplex observanda; quia interdum latius; interdum strictius usurpatur. Latius quidem, quando tempus horarum 24. (nempe ab uno solis occasu ad alterum) designat; ut Gen. 1. v. 19. *Et fuit vespera, & fuit mane, dies quartus*, quomodo dies, in hebdomadam, mensium, aliorumque temporum numeratione, citra controversiam intelligi solet. Strictius verò *diei* vox accepta, oppositè nocti, usurpatur; & secundam diei 24. horarum partem, tantum notat; quemadmodum Genes. 1. vers. 14. *ad distinctionem faciendam inter diem & inter noctem*. Ac quamvis, pro inæquali, quatuor anni temporum, ratione, tempus diei, dispari magnitudine, varietur; unde pauciores, vel plures horæ diei esse solent; apud Iudæos tamen, in duodecim horas æquales, dividi solebat. Quemadmodum eo sensu, voce *diei* Christus utitur, atque ita distinguit ac definit Ioh. 1. v. 9. *nonne duodecim sunt horæ diei?* Hoc verò in loco, Angelus, significatione latiore accipit; nec enim sole jam lucente, Christus est natus; sed nocte: nimirum eo tempore, quo Angelus pastoribus illis apparuit: id quod factum nocte vers. 8. neque intelligi potest de die, hanc noctem præcedente; quia initium diei, latius accepti, non à Solis ortu antecedente, sed ab occasu Solis ad alterum illius occasum censetur; uti ex Scripturæ usu ostensum. Ideoque Christus, non tempore diei, sed noctis natus est; quod indicatur voce, *hodie*. Id quod etiam ad difficultates declarandas, quas & mater Christi puerperio sensit; & Christus infans perpassus est, facit: quod hyberno tempore, & quidem nocte, quæ frigidior esse solet, nativitas accidit. Atque hæc de prima nativitatis Christi circumstantia, nempe tempore, quando natus, & patefactus.

Altera verò, est *locus*, in quo natus est; & quidem primò communis: deinde proprius. Communis ita indicatur; *in urbe David*, id est, Bethlehem: quemadmodum expositum supra vers. 4. Atque ita Prophetiam de familia, ac patria

tria Messie, vulgò notam Ioh. 7. vers. 42. hac periphrasi, ad fidem firmandam, in memoriam revocat. Cum autem hujus declarationis scopus fuerit: ut pastores, ea occasione invitati, Christum quererent, atque inviserent: neque tamen Christi inveniendi, clarum satis esset signum: idcirco Angelus Dei, præter hunc locum pluribus communem, proprium quoque, tanquam Christo nato soli convenientem adjungit: cum vers. 12. ait; *Hoc vobis erit signum, invenietis infantem, fasciis involutum, & jacentem in præsepi.* Quia verò ea humilis, ac abjecta prorsus, Christi conditio, indicata, potuisset Pastores offendere: quod ex communi Judæorum errore (à quo ne Apostoli quidem, aliquamdiu, fuerunt immunes) credebatur, regnum Messie promissi etiam fore mundanum: idcirco, sapienti Dei providentiâ, adhibitum est salutare remedium. Nam propositum, ab Angelo, de humili ipsa Christi nativitate, Evangelio: Lucas Evangelista deinde annexam ostendit aliorum Angelorum confirmationem, vers. 13. Qua suis testimoniis, Evangelii, ab uno illo Angelo propositi, veritatem, ac excellentiam, comprobant. Qua in re observanda est, accurata testium Angelorum descriptio: deinde testimonii modus. Angelos enim describit ab adjuncto duplici, nempe officio, & copiâ admirandâ. Officium est, quod sint ministri Dei, ei fideliter inservientes: id quod per Metaph. exercitus similitudine indicatur. Ut enim exercitus hominum, principi suo, atque imperio ejus subditus est, atque obtemperat: sic etiam Angeli omnes sunt ministratorii Spiritus, qui ministerii causa mittuntur &c. Heb. 1. vers. 14. unde etiam similiter, ut hoc loco, exercitus Dei, & ministri, qui faciunt voluntatem ejus, appellantur, Psal. 103. vers. 20. 21. Cumque omnes creaturæ Deo exercituum subsint, distinctè exercitus caelestes nominantur: ut à terrenis distinguantur. Copia verò horum admiranda declaratur: non solum quod exercitus; sed etiam quod multitudo exercituum nominantur. Nam ut Daniel. 7. vers. 10. de Angelis Dei dicitur: *millies mille ministrabant ei, & myrias myriarum coram eo stabant*: Sic hoc in loco, singulari exemplo immensa Angelorum copia, à Deo missa cœlitus, ad Christi nati Evangelium, ab Angelo uno propositum, & ad pastorum fidem confirmandam. Atque hæc de testium Angelorum descriptione.

Modus verò testimonii est duplex: primus in opere: posterior in oratione eorum consistit. Opus est accessus eorum admirandus, atque opportunus. Admirandus notatur: cum dicitur: *& repente adfuit*: opportunus, cum additur, *cum illo Angelo*: qua, cum Angelo, societate, consensum suum cum illo re ipsa sunt testati. Oratio verò Angelorum (qua explicatius testimonium præbuerunt) proponitur: 1. generatim, cum dicitur: eos *laudasse Deum*: nempe ob Christi nativatem, quam Angelus annuntiarat. Deinde speciatim, cum *forma laudationis* (brevis quidem, sed nervosa) recitatur: nimirum quod dixerint vers. 14. *gloria in altissimis Deo, & in terra pax, in obedientia vobis.* Antequam verò ad hujus cantici Angelorum explicationem accedamus: quædam de lectione præmittenda. Ea enim observatur duplex: una est, *in ἀρχαῖς ἰουδαίας*: altera verò est, *in ἀρχαῖς ἰουδαίας*. Et utraque suis authoribus, ac fautoribus nixa: quemadmodum, post Erastum, accuratè Doct. Beza in suis annotationibus maj. ad hunc locum annotavit. Quæ primum distinctè proponenda, nonnullisque illustranda, atque augenda: deinde verò ea ad examen revocare conabimur.

Priorem autem lectionem probat, I. communis exemplarium Græcorum consensus; quem etiam Pontificii, aliique omnes, qui de hac re disserunt, agnoscunt. Deinde Patres Græci illustres; ut 1. Eusebius Cæsariens. de demonstratione Evangelica lib. 4. cap. 10. deinde Basilus Mag. in anaphora; quæ extat in bibliotheca Patrum, tom. 4. ex præstantissimi viri Andreae Massi versione, ex antiquissimo codice. III. Greg. Naz. Orat. 2. in Pascha. IV. Chrysost. Col. 1. homil. 3. & Tom. 2. homil. 56. ad populum Antiochenum. Epiphanius etiam contra Ebioneos, à Beza citatur; sed nec in Græco exemplari; nec in Latina versione adhuc observavi. V. Andreas Hierosolym. sermone in nativitatē S. Mariæ, Bibliotheca Tom. 7. cap. 1. VI. Nice-

phorus Calistus histor. Eccles. lib. 1. cap. 12. VII. Denique Theophylactus Luc. 2. vers. 2. Altera verò lectio est *in ἀρχαῖς ἰουδαίας*: quam proponit primum vulg. versio Latina, *in hominibus bonæ voluntatis*; deinde patres Antiqui, 1. Græci, Origenes. Tom. 2. Comm. in Luc. homil. 13. & Chrysost. Tom. 2. Sermone de nativitate Domini, & alibi. Præterea Origenem secuti Latini Patres, Cyprian. lib. de nativitate Domini; Ambros. lib. 2. in Lucam, Hieron. Tom. 1. Epist. ad Theodorum; & August. Tom. 5. de Civitate Dei. lib. 14. cap. 8. Utra autem lectio præferenda sit, disceptatur. Pontificii secundam genuinam esse contendunt, ob vulgatæ versionis auctoritatem (quam Concil. Trident. sancivit) Origenem & Latinos Patres secuti. Quemadmodum Jesuita Mald. ait, ad hunc locum: *Non dubito, multis fretus authoribus, affirmare, Græcos nunc codices hoc loco esse corruptos, legendumque esse ἰουδαίας bonæ voluntatis: ut noster legit interpret, & rationem addit, quod aliàs non erit commodus sensus, si legatur, in hominibus bonæ voluntatis.* Noster verò interpret modestius loquitur: sed nihilominus tamen, ad secundam tandem lectionem, inclinat, cum ait: *ad me verò quod attinet: quamvis, ut ante dixi, in omnibus exemplaribus, excepto illo meo vetustissimo, legimus ἰουδαίας, & ita sim, in contextu, interpretatus, tamen Origenis, Chrysost. veteris interp. auctoritatem, ipsam denique rationem secutus, non recusem legere ἰουδαίας, & totam hanc orationem, in duo tantum membra, partiri, hoc modo: gloria in (cælis) altissimis Deo, & in terra pax, in hominibus dilectis seu placitis; neque enim hæc pax ad alios pertinet, quam ad eos demum, quos gratia sua dignatur.* Hæc ille. Veruntamen, cum aliis interpretibus non immerito, primam lectionem præferendam, arbitramur; quia ea lectio, quæ communi omnium Græcorum exemplarium, quæ extant, consensu probatur, & veritati, locique circumstantiis convenit, recta est, ac retinenda. Hæc autem lectio, in qua *ἰουδαίας* continetur, communi omnium Græcorum exemplarium consensu, probatur; & veritati, locique circumstantiis convenit. Ergo ea recta est ac retinenda. Propos. controversiâ caret. Verum, adversus primum assumpt. membrum, objici potest exemplar antiquum, cujus meminit Beza: in quo legitur non *ἰουδαίας*, sed *ἰουδαίας*: sed illud & unicum est, & fidem non meretur: quia non est sincerum, sed ab antiquo descriptore, temerario ausu corruptum, quemadmodum exempli gratia vel genealogia Christi, Luc. 3. vers. 23. contra omnium codicum, & patrum, ac posteriorum Theologorum consensum, foedissimè interpolata, evincit: quemadmodum illius exemplaris verba, in annot. Beza ad eum Lucæ locum, cum admiratione illius recensentur. Ac quamvis in Origine, latine (nam Græca non extant) *bonæ voluntatis* legatur: inde tamen non sequitur, eandem fuisse communem & antiquam codicum Græcorum, lectionem: quia potuit audacia quadam critica, interpret judicasse aliter scribendum, quam codex illius Græcus ferebat. Aut si ita legit, in suo codice, rectè dici potest: ut una hirundo non facit ver: sic neque unus codex communem consensum præfertim, cum contra ante à nobis demonstratum sit, aliam lectionem proborum exemplarium extitisse: ut ex Euseb. Cæs. Basil. mag. Greg. Nazian. Chrysost. aliisque memoratis, ostensum. Neque mirum est, si, ut Latinus interpret, sic etiam Latini Patres, lectionem Origenis, ob doctrinæ illius admirationem, sint secuti: cum errorem illius, de humanarum virium dignitate sequerentur nonnulli: & hujus etiam lectionis occasione stabiliri perperam existimarunt. Quemadmodum etiam ex Ambr. ad hunc locum apparet, qui Tom. 3. Serm. de Nativitate Domini, sic ait: *Videte quid dicat ipsa sententia, pax in hominibus bonæ voluntatis: non in quibuscunque hominibus, sed bonæ voluntatis hominibus: ut intelligas pacem Christi non debiti esse, sed meriti.* Qua in re Sacris Literis, de gratuita hominum vocatione, ac salute, ad eò manifestè repugnat: ut etiam Jesuita Mald. cavendum esse, asseruerit. Quod autem Chrysost. lectionem illam Origenis pluribus in locis sequi dicitur: illud ex Græco illius contextu nondum probatum: sed ex homiliis quibusdam Latinis, de quarum & auctoritate, & fideli versione non satis constat: cum appareat, Patrum interpretes Latinos, si quando

quando occurrit Scripturæ testimonium productum, versionem vulgatam ejus loco ponere consuevisse sapius. Quemadmodum etiam quod producit Beza, Chrysost. in Matth. Hom. 37. id quidem in Latina versione, quæ tum exabat, sic legitur: sed in Græco Exemplari, quod postea primum in lucem, cum accuratior versione, prodit, ibidem omnino non additur *ἐν ἀνθρώποις ἐνδονία*; neque etiam *ἐν γῇ*. Sed opponitur receptæ lectioni ratio duplex, ad eam confutandam: una est à phrasi petita, altera à sensu. A phrasi, quod aliàs copula, quæ secundo membro apponitur, ultimo loco poni debuisset, pro communi sermonis ratione, hoc modo: *gloria in altissimis Deo, in terra pax, & in hominibus ἐνδονία*. Sed illud non necesse est, quia per ellipsin copulæ, ante ultimum membrum, optimè phrasis constare potest: hoc modo: *gloria in altissimis Deo, & in terra pax, & in homines benevolentia, seu bona voluntas*. Quemadmodum etiam Syrus interpres copulam supplevit: quod & rectè à Beza annotatum. Atque ita sensus quoque, non ut ostenditur, incommodus erit, sed veritati Evangelii, & loci hujus circumstantiis, omnino consentaneus. Laudatur enim Deus, ab hac Angelorum multitudine, tribus modis. 1. ab adjuncto Dei; deinde à duobus illius effectis. Adjunctum est gloria, quæ Deo erat in altissimis, supple, locis, seu cælo: hoc est, quod ab Angelis, & beatis animabus, gloria illi tribueretur in cælo. Qualis etiam gloriæ, Deo, ab iisdem attributæ, descriptio illustris, Apocal. 5. v. 11. ad finem, continetur. Hujus autem glorificationis ratio annectitur: quod Christus esset in terra; quod secundum hujus hymni membrum: quod ita indicatur: *& in terra pax*. Quo modo Christus, per elegantem ac momentosam, effecti pro sua causâ, Metonym. intelligitur: ut Ephes. 2. v. 14. *pax nostra* vocatur: & v. 17. explicatur ratio, quod *veniens Evangelizaverit pacem*; & Rom. 5. v. 1. quod *per eum pacem habeamus apud Deum*: sicut etiam *Princeps pacis*, Esai. 9. v. 6. dicitur; & quidem v. 7. *cujus pacis non erit finis*. Cæterum quod Christus hoc in loco improprie ac per tropum, potius, *pax*; quam proprie pacis author, vel effector vocetur: illud ad excellentiam, ac perfectionem pacis, quam affert, indicandam, pertinet. Quemadmodum simili ratione non solum *ωὐν* hoc est, ut Patres interpretantur, *Salvator*, ab Angelo, Luc. 2. v. 21. sed etiam simili tropo *ωὐν* id est, *salus* à Spiritu S. per Simeonem, v. 30. & per Esai. cap. 49. v. 6. *salus Dei, ad extremum terræ* nominatur: quod in nullo alio sit salus Actor. 4. v. 12. Sic & *pax nostra*, quod ab eo solo, *pax nostra* universa procedat. Cui nativitati Christi (ut pacis nostræ spiritualis authoris) rectè convenit: quod tum temporis, cum totius terræ descriptio fieret, *pax* esset externa, in tota terra, quæ Romanis subiecta: ut historiæ Romanæ testantur. Quod autem Matth. 10. v. 34. Christus ait: *non veni missurus pacem in terram*, & v. 35. *nam veni factururus, ut dissideat filius adversus Patrem suum*: illud sententiæ propositæ minimè adversatur. Angeli enim loquuntur, hoc loco, de pace cum Deo; Christus verò de pace cum hominibus infidelibus. Angeli Christum pacem, id est, pacis effectorem, proprie intelligunt: Christus verò *faciendi* verbo Metaph. utitur, similitudine quadam: quod ut causa antecedente, sequitur effectum: sic antecedente actione Christi, qua Evangelium pacis prædicat, sequitur infidelium, adversus fideles odium, & persecutio: non vi actionis Christi bonæ; sed vitio infidelium, qui occasione illius, ad dissidium, & cædem fidelium, abutuntur: ac propterea non proprie: sed improprie ea Christus efficere dicitur. Quod autem vulgo responderi solet: Christum pacis cum Deo, causam esse, per se: dissidii verò hominum causam per accidens: illud sensu quidem recto, sed Phrasi minus recta dicitur: quia causa per accidens, est species causæ efficientis: ideoque revera causa. Quemadmodum si quis fodiens, thesaurum inveniat; revera inventionis causa efficiens est, etsi illud non spectarit, sed agriculturam. Hinc etiam rectè definiri solet causa per accidens, quando præter efficientis scopum, aliquid ab ea efficitur. Atque hæc de secundo hujus laudationis membro, ab effecto primo, nempe beneficio Dei. Cujus merito in cælis ei tribuitur gloria, nempe, quod *pax*,

i. e. Christus pacis author, esset in terra.

Alterum Dei effectum, quod membro laudationis tertio denotatur, his verbis continetur: *ἐν ἀνθρώποις ἐνδονία, in homines benevolentia*. Benevolentia autem intelligitur Dei: quæ electos suos, gratis, ita dilexit, ut Filium suum, pacis ac salutis authorem, pro eorum salute, nasci voluerit: ut Eph. 1. v. 5. & 6. de Deo dicitur: *Qui prædestinavit nos ad adoptionem in filios per Jesum Christum in sese, secundum & bonæ benevolentiam affectum voluntatis suæ: ad laudem gloriæ gratiæ ipsius, quæ nos gratis effecit sibi gratos in illo dilecto*. Electos enim intelligi, quod hi solum fruuntur pace, non solum alii, sed etiam Iesuitæ celebriores agnoscunt. Quod autem *ἐν ἀνθρώποις*, non, *in hominibus*, sed *in homines* (ut non subjectum, sed obiectum notetur) interpretamur: cum tamen in antecedenti, *ἐν ὑψίστοις in altissimis*: ut etiam Synonymum *ἐν γῇ in terra*, subjectum delignetur: ex eo, inquam, non sequitur, eodem modo in hoc secundo loco intelligendum. Quia ut aliarum; sic hujus præpositionis, *ἐν*, usus est diversus: qui, pro rerum, quibus adjungitur, ratione diversa, diversimode etiam est exponendus. Quemadmodum in antecedenti, per vocem *ἐν*, subjectum notari, res ipsa evincit: quia loco præponitur, in quo gloria est: hic verò homines non sunt subjectum, in quo *ἐνδονία*, Dei benevolentia inest: sed obiectum, in quod ea fertur. Atque ita *ἐν* pro *in*, frequentè in Sacris Literis significatione, (etiam vice versa) usurpatur, ut citra controversiam, 1. Thess. 4. v. 7. & Hebr. 4. v. 11. Et in eadem etiam periodo, significatione diversa, extare comperitur, 2. Timoth. 1. v. 13. *ἐν πίστι καὶ ἀγάπῃ, in fide, & charitate*, τὴν ἐν Χριστῷ Ἰησοῦ, quæ est in Christum Jesum, Utrumque enim in nobis est, non in Christo: sed ut ab eo est, sic etiam in eum tendit.

Quare commodò omnino est, & phrasis, & sensus ratione, proposita hujus laudationis Angelorum explicatio: quæ in cælis gloriam Deo tribui asseritur; & effecta Dei recensentur, quæ gloriam illam merentur atque excitant, nempe beneficium Dei, quo pax, id est, pacis author, Christus, esset in terra, & in homines esset benevolentia Dei: è qua beneficium illud procedebat. Cujus scopus est, ut pastores aliique pii, ob Christi in terris nati beneficium, & benevolentiam Dei, Angelorum exemplo præeunte, ad gloriam Deo, in terris, tribuendam, excitarentur. Cæterum disquiri potest, cum hoc in loco sit, citra controversiam, verbi substantivi ellipsis: eaque esse queat, vel præsentis temporis, nempe *est*: ut sit affirmatio, (quemadmodum ante explicuimus: ) vel futuri temporis, ut suppleatur, *sit* aut optatio notetur: quare priore potius, quàm secundo modo exponatur? nempe hoc sensu: *gloria sit in altissimis, &c. Pax sit, &c.* Respondetur: Lucam, præmissâ rei summâ, priori modo intelligendum esse, declarare, cum ait: *Angelos laudasse Deum*: laudatio autem & optatio sunt orationes, quæ genere suo, differunt. Laudatio enim affirmatio est, & bona præterita, aut præsentia, aut utraque, celebrat: optatio verò affirmatio non est, nec boni præteriti, nec præsentis celebratio: sed tantum boni futuri apprecatio. Ac propterea hæc angelorum oratio affirmatè intelligenda. Igitur, si quis distinctè quærat: an non oratio possit esse partim optatio, ut initio, *Gloria Deo*, supple sit, *in altissimis*: partim verò affirmatio in seqq. duobus membris? Negatur: quia obstat copula, secundum membrum cum priori connectens, cum dicitur; *Et pax in terra*; per quam, cum eodem verbo, conjungitur. Atque ita, ut in priori verbum substantivum optationi inservit; sic etiam hoc in loco inserviret: atque ita etiam esset optatio: alioqui sensus idoneus non esset, gloria sit Deo in altissimis, & in terra pax est hominibus; nisi *&*, pro *etenim*, seu *quia*, accipere, per ellipsin, velimus: ut ita quodammodo similis sit, Psalm. 148. vers. 1. 2. 3. 4. 5. *Laudate Deum à cælis, &c.* Veruntamen obstat hoc loco insolentia significationis copulæ proposita, quæ rarissimè, pro *etenim*, in Novo Testamento usurpatur. Præterea huc accedit, quod proposita explicatio, ac probata, simplicior est, atque usitata: quæ affirmationem etiam in primo membro statuit. Nec dubitari potest, quin, cum Angeli, in terras missi, Deum laudarent: etiam aliqui Angeli in cælis eundem celebrarent. Denique rei illius affirmatio multo magis ad sco-



ad scopum pertinet, quam optatio: quia plus habet virium, ad fidem pastorum confirmandam; eosque ad similem laudationem provocandos: cum exemplum laudantium Angelorum proponatur, ad imitandum. Atque hæc prima est, ac divina nati Jesu Christi patefactio, proposita per Angelum, & multitudine Angelorum accedente, ac Deum laudante, confirmata. Sequitur

*Quæstio ex versu 23. An Christus  
Natus sit aperiendo  
Matris uterum.*

**H**Ac enim de re adversæ sunt sententiæ: quas ad veritatem Scripturæ melius intelligendam, proponemus primum; deinde paucis examinare conabimur. Pontificii enim & Ubiquitistæ pernegant: veteres quosdam Patres secuti. Quorum Patrum mentem Erasmus, ad hunc locum, commodè expressit ac repressit; imbecillitatem illius detegens, cum ait: *Iam olim pia credulitas, omnium animis infixit: Christum sine sordibus, sine nixu, ac labore parturientis, clauso virginis utero, prodiisse. Quæ sanè, ut sunt dictu plausibilia, nec irreligiosa: ita certis Scripturarum testimoniis doceri non possunt.* Hæc ille.

Alii verò contra sentiunt: ut etiam Patres antiquissimi; Tertull. lib. de carne Christi c. 23. *Quis, inquit, propriè vulvam adaperuit: quam qui clausam patefecit?* Sic alia ibidem similia profert. Secundò Orig. tom. 2. in Lucam. Homil. 14. ait: *Matris Domini, eo tempore, vulva referata est, quo & partus editus.* Hisce consonant insignes Patres sequentes. 1. Ambrosius, Luc. 2. ad hunc locum, *Quia, inquit, omne masculinum, adaperiens vulvam, sanctum Domino vocabitur: Verbis enim legis promittebatur Virginis partus.* Deinde in fine, ait, de Christo: *Hic est, qui aperuit matris suæ vulvam, ut immaculatus exiret.* Deinde Hieron. tom. 1. ep. ad Eustachium, de custodi. virginitate, ait, de Christo: *Cruentus egreditur: pannis involvitur.* Sic etiam tom. 2. adversus Pelagian. lib. 2. *Solus Christus portas vulvæ virginis aperuit: quæ tamen clausæ jugiter permanserunt.* Intelligit autem Hieronymus ab eo tempore; ut ostendat, Virginem peperisse aperto utero; & rursus Theophyl. ad hunc locum, de Christo ait, *αὐτὸς ὁ δὲ θεὸς τὴν μήτραν τῆς μητρὸς ἰπσὲν ἀπαρτίσας* *Ipsè enim adaperuit matricem virginis.*

Atque hæc duæ, inter se, adversæ sunt sententiæ: quarum posterior non immeritò amplectenda; prior verò rejicienda, gravibus de causis. Quarum prima est, (quemadmodum Erasmus rectè observavit) quod ea Scripturæ testimoniis probari non potest. Deinde quia Scripturæ repugnat, Luc. 2. v. 22. ubi dicitur: *Cum impleri fuissent dies purificationis Mariæ secundum legem Moysi.* Undè sequitur; ergò ante illud tempus exactum, fuit impura, nempe secundum ceremonias legis, ob menstruorum fluxum, ideoque, aperto utero, Filium peperit. Deinde idem v. 23. affirmatur, cum causa redditur, quod Jesus Hierosolymam sit adductus: *Prout (inquit, scriptum est, in lege Domini: Omnis masculus ἀνορθωὶς μήτραν, aperiens matricem, sanctus Domino vocabitur: id est, erit.* Quo demonstratur convenientia nativitatæ Jesu, & masculi: de quo lex Dei loquitur. Si enim Christus non aperuit matricem: ergò neque oblatus est secundum legem illam; atqui, secundum legem illam, oblatus dicitur. Ergò matricem aperuit. Tertiò, universaliter mulieri parienti dolor debetur, ex comminatione Dei, Gen. 3. & eadem ratione, per consequentiam naturalem, infantibus nobis nascentibus, ex justitiâ comminationis Dei, ob peccata nostra, dolor in partu debitus: idcirco, ut Scriptura impleteretur necesse fuit, ut mater Christi cum dolore pareret: & Christus sponsor noster, non sibi, sed nobis debitum partus dolorem perferret. Itaque qui contrà statuunt, veritati, & justitiæ Dei, Sacris Literis expressæ, adversantur; & dum Christum honore afficere student, apertè dedecorant: cum gratiam humiliationis Christi, qua dolores nostros pertulit, & pœnas, iniquitatis nostræ debitas, perfolvit, Esa. 53. v. 4. 5. 6. immittunt. Quod autem Cyprianus de

nativit. Christi objicit, Mariam non fuisse obnoxiam dolori partus, de quo Gen. 3. quod concepisset sine culpa: nihil ad rem. Nam partus dolorem, non ob conceptionem; sed ob primum lapsum, Deus comminatus est. Denique eâ ratione fingunt miracula, Dei verbo, & corporis Christi veritati, contraria: cum Christus verum corpus, carne & ossibus, habuerit, & servarit, Luc. 24. v. 19. Cui contrarium est dicere: eum exivisse ex utero, illo manente clauso: solidum enim ac integrum, & illesum corpus manens, per solidum corpus, tale manens, penetrare posse, citra contradictionem, dici non potest.

*Historia De Circumcisione Christi  
Luc. 2. v. 21. Declaratio.*

**Q**Uoniam solenni ritu, hæc historia, quotannis, post Natalem Servatoris in Ecclesiis nostris, explicari solet: eamque intactam præterivimus: non ingratum fore speramus, si illustrem hanc materiam, expectationi quorundam obsecundantes, nonnihil examinare, atque illustrare conemur. Quare ordinis ratio flagitat, ut primum communiter de circumcisione: deinde propriè de circumcisione Christi differamus. Ad prius autem quod attinet: à voce ordiemur: ut, ad rem ipsam clarius explicandam, via præstruatur.

Vox autem *circumcisio*, quam etiam *lxx*. Interpret. & Sacra Nov. Testam. literæ *εὐρυπλὺ* vocant; Hebraicè *מילה* dicitur: pro quo singulari, per enallagen numeri, plurale *מילות* usurpatur, Exod. 4. vers. 26. Origo autem unde derivatur, est *מל*: quod propriè quidem notat *omniò rescare*, seu *amputare*, quod Græcè *εὐρύπλυν* *circumcidere* dicitur. Quemadmodum ita de herbæ, aut fœni resectione dicitur, Psalm. 90. vers. 6 *Manè florebit & mutabitur vespere* *מל* *rescabitur & arefcet*. Impropiè verò usurpatur primò per metaph. & notat *perdere*, *interficere*, ut Psalm. 37. vers. 2. *Ut herba מל rescabitur*. Deinde per Synecdoch. generis pro specie *rescare præputium* significat, Gen. 17. vers. 10. 12. ut etiam Græcè *εὐρύπλυν*, ibid. apud *lxx*. & in Nov. Testam. Luc. 1. v. 59. cap. 2. v. 21. & aliis in locis, ubi occurrit perpetuò similiter usurpatur. Unde etiam *εὐρύπλυν*, *circumcisio* specialiter accipitur: & per metonym. adj. pro suo subiecto, circumcisiſum interdum significat, ut Rom. 15. vers. 8. Galat. 2. vers. 7. 8. quæ Synecdoche, propria phrasi expressa, est *circumcidere præputium*, Gen. 17. v. 23. Exod. 4. v. 25. aut eodem sensu, genere præmissio, *carnem præputii*, Gen. 17. v. 11. Lev. 12. vers. 3. *Præputium* autem cui circumcisio accidit, est pellicula, sive cuticula, quæ summam membri virilis partem, seu glandem, tegit, ob cuius pellis, seu cutis resectionem, contemptim Judæus à Romanis Apella, & recutitus, quasi absque pelle, seu cute illa nudatus, appellari solet. De Latinæ verò vocis præputii etymo, Grammatici certant; Hebraicè autem vocatur *עריץ*, Gen. 34. vers. 14. à naturali suo usu, à verbo *עריץ* quod Rabbin, & inter illos Rab. Nathan, *obturare*, *claudere*, exponunt. Unde etiam *עריץ* Gen. 17. vers. 14. id est, *præputiatus*; quod *lxx*. non solum plerumque reddunt *ἀποβύς*, *incircumcisus*: sed etiam nova voce eleganti, & ad Hebræam exprimendam necessariò formata, *ἀποβύς*, ut Jos. 5. vers. 7. *עריץ* *præputiati*. *lxx*. *ἀποβύς*. Unde ab iisdem nomen Gen. 17. vers. 11, derivatur *ἀποβύς*, (quod etiam Actor. 11. v. 3. Rom. 2. vers. 25. usurpatur) id est, *præputium*. Quemadmodum Etymologicum magnum ait: *ἀποβύς*, ἐκ τῆς ἀποβύς. Quod rectè post illum exponit Varinus, *ὁ τὸ ἀποβύς* *ἀποβύς* *ἐστίν*, qui summum, (scil. membri virilis, seu glandem) *tectum* habet: *ἀποβύς* enim, summum, & *βύς* *tego*, & *ἀποβύς*, *tectum* designat. Unde constat, conjecturam viri insignis (qui putat vocem *ἀποβύς*, esse corruptam, è Græca pura & antiqua apud Aristotelem *ἀποβύς*, ) nequaquam convenire: Præsertim, cum Græci antiqui caruerint nomine, quo propriè præputium, seu pelliculam, quæ glandem tegit, notarent: ut ipsemet Aristot. de historia animalium, libr. 1. cap. 13. disertè testatur, de glande agens; cum ait:

τις αὐτὸν ἀνώνυμον δέγμα, quæ autem circa eam est cutis, nomine caret: & ut Gaza interpretatur, quam quæ integrit cutis, vacat nomine. Ideoque Herodotus in Euterpe, defectu nominis proprii, pudenda circumcidere, pro cute eorum, dixit. Contraque ἀρσινόδιαν, ibid. Aristoteles declarat, cum ait: κούρη τέτυ, (scil. δέγμα, cuti, quæ glandem tegit,) & τὴ βαλάνη ἀρσινόδια, hoc est, commune verò huic (scil. cuti,) & glandi est ἀρσινόδια. Quorum verborum sensum Gaza transtulit, hoc modo: Totum tamen, quod ex ea cute glandeque constat, præputium est. Ubi tamen obiter observandum, virum longè doctissimum, defectu vocis Latinæ, quæ Græcam plenè exprimeret, per Synecdoch. partis pro toto, catachresi quadam, exposuisse: præputium, enim Latine, prius tantum, nempe cutem glandis, quæ præputari seu amputari solet, non etiam glandem, quam tegit, significat. Posteriores verò Græci, cutem illam, quæ Aristotelis tempore, nomine carebat, ῥόδω vocarunt: ut Dioscor. lib. 4. cap. 15. & Pollux Onomastic. lib. 4. cap. 36. & Hesychius. Deinde ῥόδω idem etiam notare Henric. Stephan. ex Aristophan. demonstrat.

A Polluce deinde loco memorato ἀρσινόδια & ἀρσινόδιος definitur, τὸ ῥόδω πρὸς, id est, præputii prominentia: ita ut partem tantum præputii Polluci notarit: ideoque angustius apud eum, quam ἀρσινόδια, accipitur, quæ totum præputium (aptissime à L X X. Interpp. formatavoce) designat. Atque hæc de circumcisionis & præputii voce ad pleniorē intelligentiam præmittenda duximus.

Ad rem verò quod attinet, circumcisio præputii, propriè dicta, alia sacra est: alia non sacra. Sacra, quæ à Deo imperata: de qua postea agemus. Non sacra, quæ à Deo non imperata: eaque vel superstitiosa; vel superstitionis expers. Superstitiosa est, quæ, prava sacræ imitatione, ad superstitionem suscepta; estque vel gentiliū, vel Judæorum post Christum quorundam. Quam, licet attingere sufficeret, in gratiam tamen accuratorum auditorum, brevem illius declarationem subnectemus: quod notitia illius non solum sit digna scitu; sed etiam, ad sacræ circumcisionis, à contrariis, illustrationem, conducatur. Ac primum, de superstitiosa gentium quarundam circumcisione: quæ à priscis authoribus memoriæ tradita, proponemus. Inter eos autem familiam ducit Herodot. qui in Euterpe, seu libr. 2. edit, Henric. Stephan. Græcè, pag. 65. & latine p. 45. sic ait: Virilia alii talia relinquunt, qualia natura sunt, præter eos, qui ab istis (scil. Ægyptiis,) didicerunt: Ægyptii circumcidunt; & paulò post, addit: Virilia circumcidunt, munditiæ gratiā: plures facientes seminandos esse, quam decoros. Deinde eodem libro Græcè pag. 80. Latin. 56 Soli omnium hominum Colchib, & Ægyptiis, & Æthiopes, ab initio statim pudenda circumcidunt. Quod autem Herodotus subjicit: Nam & Phænices, & Syrii, qui sunt in Palæstina, didicisse id ab Ægyptiis, & ipsi consentiunt: Illud, inquam, vanum est: cum contra Ægyptii, cacozele Israëlitarum, qui inde ab Ahrahama circumcisi, & Ægyptiorum fuerant incolæ, ab iis didicerunt. Porro Herodot. addit: Syrii verò qui Fluvium Thermodontem, & Parthenium accolunt, & horum contermini Macrones, à Colchib, se nuper didicisse, ajunt. Nec solus Herodotus: sed etiam Judæus Josephus, contra Appionem libr. 2. ait, de sacerdotibus Ægyptiis: Circumciduntur omnes, & à porcinis carnibus abstinent. Denique veteres etiam Theologi similia statuunt: ut Origenes contra Celsum libr. 5. Circumcisionis, inquit, causa non eadem est Judæis, quæ Colchib aut Ægyptiis: ac proinde non eadem Circumcisio. Deinde Theodoretus in comment. ad Ezech. 20. v. 13. Circumcisionem, inquit, Idumæi quoque habebant, qui ab Esau genus ducebant, & Ismaelitæ similiter, Ægyptii item, à Judæis hanc edocti observare studebant. Quod per Prophetam Ieremiam Deus declaravit, cum dixit: & visitabo super omnes circumcisos, &c. De quibus etiam Hieronymus in comment. Jerem. 9. v. 25. sic enim interpretatur locum Ezech. 20. v. 13. Multarum ex quadam parte gentium, (& maxime quæ Judææ, Palæstinæque confines sunt,) usque hodie populi circumciduntur, & præcipue Ægyptii, & Idumæi, & Ammonitæ, & Moabitæ, & omnis natio

Sarracenorum, quæ habitat in solitudine, &c. Quod autem postea dicitur à Propheta, omnes gentes habent præputium; illud de reliquis, præter eas, quas memoraverat, gentibus, non incommode, cum Theodoro, intelligit. Denique ut Testimonium Epiphani de circumcisione gentium prætereamus, quod extat de Idumæis, hæref. 30. non omittenda videtur, miranda Ambrosii de prophana gentiliū quorundam circumcisione, narratio; Primum tom. 4. De Abrahamo Patriarcha, libr. 2. cap. 11. Ægyptii, inquit, quarto decimo anno circumcidunt mares: Feminae apud eos, eodem anno, circumciduntur: quod eo, scil. anno incipiat flagrare passio virilis, & feminarum menstrua sumant exordia. Sed de hac narratione (nisi fortè de suo, ut videtur, tempore, loquatur) non immeritò, ob priscam historiam dissentientem, dubitari posset. Deinde verò idem, tom. 3. ep. 77. contra impios gentiles, antiquam circumcisionis Israëlitarum religionem contemnentes, differens, ait: Sed etiam ipsorum (scil. gentiliū) sapientissimi quique, ita circumcisionem approbant, ut electos suos, erga cognoscenda & celebranda mysteria, circumcidendos putent. Denique Ægyptii, qui & Geometriæ, & colligendis Syderum curribus, operam intendunt suam, impium judicant sacerdotem, qui nequaquam habeat circumcisionis insigne: Nam neque magici carminis sapientiam, neque Geometriam, neque Astronomiam, judicant viam suam obtinere, sine circumcisionis signaculo, &c. Hactenus Ambrosius. Ex quibus memoratis testimoniis omnibus apparet; quandam præputii circumcisionem profanam, apud nonnullas gentes fuisse olim in usu: ut etiamnum apud Mahumetanos. Atque hæc de primâ superstitiosa circumcisione, quæ gentiliū.

Altera verò est Judæorum: qui circumcisionem, post Christi mortem, ad salutem, necessariò observandam, contendunt. Quales fuerunt primùm quidam Christum profitentes, Act. 15. vers. 1. Concilii Apostolorum decreto refutati, v. 24. & 28. & Pauli, Galat. 5. v. 2. sententia damnati. Deinde reliqui Judæi Christi hostes, & olim, & nostris temporibus, falso religionis prætextu. Nam quamvis circumcisio sæculi, Gen. 17. v. 13. vocetur; inde tamen non sequitur, semper observandum; quia vox σάις seculum, continuum quidem, & longum tempus notat, sed sæpius termino aliquo finitum: idque vel anno jubilæo, ut Exod. 21. vers. 6. Erit ei servus in seculum, hoc est, ad annum usque jubilæum. ut Levit. 25. vers. 40. vel tempore vitæ, quod morte finitur, ut Psalm. 75. vers. 10. Annunciabo in seculum, id est, ad mortem usque. Sic & tempus continuum, ad Messiam usque, vocatur seculum: quem admodum observatio festi Paschatis vocatur statutum seculi, Exod. 12. v. 17. 24. & lucernarum accensio, cap. 27. vers. 21. & similes ceremoniæ, statuta in seculum dicuntur, hoc est, perpetuò ad Messiam usque duratura; qui novum fœdus, novas ceremonias allaturus, ut Jeremias prædixit cap. 31. v. 23. Ut etiam, ex illius verbis, idem colligit, ac demonstrat Apostolus, Heb. 8. vers. 7. 8. 9. 13. nimirum veteribus ceremoniis abolitis. De ritibus autem, quos Judæi in circumcisione, superstitiosè, & ridiculè observant, vide Sebastianum Munsterum, Josue cap. 5. in annotat. suis, ad Biblia Hebræo-Latina anno 1546. edita: & Buxtorfium seniore, in Synagog. Iudaic. cap. 2. ubi inter alia tradit, circumcisorem non solum particulam præputii anteriorem, cultello, abscindere: sed etiam, sanguinis fluxu paulatim sedato, unguibus suis (quos super pollice utroque acuminatos habet,) pelliculam pudendi puerilis truncatam, arreptam dilaniare. Hæc ille. Unde apparet, hanc dilacerationem, à Judæis, circumcisioni superstitiosè adjungi: quia eam Deus non instituit; neque adhuc, tempore Cornelii Celsi, Romani Medici, in usu, fuisse, ex ea arte constat, quam libr. 7. cap. 25. tradit, de nova circumcisorem formatione præputii, per attractionem, sectionem, & emplastra. Cujus formationis novi præputii causa invenitur duplex: impietas, vel error. Impietas quidem prima fuit, ante Christum, in Judæis apostatis; qui, ut Antiochi illustis tempore, defectuionem suam ad gentium idololatram, amplius testarentur, (ut 1. Maccab. cap. 1. vers. 16. asseritur) præputia sibi

sibi publicè fecerunt. Quod similiter Josephus antiquit. libr. 12. cap. 6. testatur. Secunda impietas post Christum (abolita jam circumcisionis religione) fuit partim Judæorum, partim Samaritanorum; de qua re memorabile Epiphani, libr. de mensuris, & ponderibus, in medio testimonium extat, his verbis: *Hujus* (scil. Severi Imperatoris) *temporibus, Symmachus quidam Samarita, ex numero sapientum apud ipsos, cum non reperisset fidem apud propriam gentem, Principatus studio agrotans, & contra propriam tribum indignatus, accedit ad Iudeos, & fit Profelytus, & circumciditur, secunda circumcissione. Et ne mireris de hoc, optime auditor, contingit enim hoc. Qui enim à Iudæis ad Samaritas profugunt, rursus circumciduntur: Similiter & qui à Samaritis ad Iudeos confugiunt. Ad hoc adhuc gravius est, quod etiam à circumcissione primum præputiati sunt, arte quadam medica, per instrumentum attractorium, quod *μασσίτης* appellant, internam membrorum cuticulam attrahentes; suturamque admittentes, & glutinatoriis circumdantes, præputium rursus superinducunt.* Hæc ille. ubi obiter observandum, legendum videri *μασσίτης* & *μασσίτης* traho, attraho. Nam si à *μασσίτης*, id est, *texo, struo*, oriretur, (quasi dicatur *textorium*, sive *compositorium*, scil. præputii,) dicendum esset *μασσίτης*, per r non per s ut analogia formationis, ex *μασσίτης*, flagitaret. Atque hæc de impietate in novi præputii, per attractionem, formatione Error verò illius rei causa fuit, in quibusdam, tempore Pauli, Judæis, in Christum credentibus; qui præputium, in homine Christiano sanctitatis ratione, circumcissioni præferendum, putabant. Quem errorem Apostolus prohibet, ac refutat, 1. Corinth. 7. vers. 8. *Circumcissus aliquis vocatus fuit? ne attrahat*, (scil. præputium) *In præputio aliquis vocatus fuit? ne circumcidatur*; vers. autem 19. subjicit rationem hanc: *Circumcisio nihil est, & præputium nihil est, sed mandatorum Dei observatio.* ut etiam Gal. 5. v. 6. Quam Pauli sententiam Epiphanius loco ante memorato etiam ita explicat. Atque hæc de circumcissionis, non sacræ, specie prima, nempe supersticiosa: eaque, vel ex impietate, vel ex errore, orta.

Altera verò est superstitionis expers: quæ in Judæis credentibus infirmioribus, non religionis necessitate: sed vitandæ offensæ, & plenioris, de libertate Christiana, institutionis studio, ad tempus tolerata. Qualis etiam fuit illa, à Paulo Apostolo, Timothei (matre Judæa, sed Græco patre nati) circumcisio: quæ non fuit sacræ, quia ex mandati divini religione non erat observanda, neque etiam supersticiosa, falsâ Dei cultus opinione suscepta; sed liberè, ac prudenter, ad præsentem Ecclesiæ utilitatem, tum temporis, adhibita: ne apud Judæos fideles infirmiores, Timothei incircumcisi in prædicando Evangelio, ministerium, redderetur inutile, Actor. 16. vers. 3. Quemadmodum contra Titum (matre Judæa, patre non Judæo natum) liberè, ac prudenter circumcidere noluit Apostolus, ad Ecclesiæ utilitatem; ne falsi fratres, libertati Christianæ insidiantes, ea occasione abuterentur, Galat. 2. v. 3. 4. 5. Hactenus de circumcissione non sacræ, cum supersticiosa, tum superstitionis experte.

*Circumcisio verò sacræ, est Sacramentum Veteris Testamenti ordinarium, ac primum: quo Abrahamo, ac familiæ illius & posteris, & infantibus quidem, octavo natiuitatis die, præputii amputatio à Deo mandata, spiritualem à peccato circumcissionem signans, & obsignans: ad fœderis, ac pacis cum Deo, & aggregationis ad Ecclesiam Dei, & segregationis à profanis gentibus professionem, ac conservationem, destinata.*

In qua descriptione, genus, & differentiam strictim proposuimus; quæ nonnihil, ad pleniorē intelligentiam, distinctè illustrare conabimur. Genus remotum est Sacramentum: quia est visibile signum, ac sigillum fœderis salutis, per Christum, Rom. 4. vers. 11. Unde non solum proprie signum fœderis inter Deum, & circumcisos, Gen. 17. v. 11. Sed etiam per metonym. subj. signati pro signo, fœdus vocatur, vers. 13. Ut autem genus hoc remotum restringatur, & fiat proximum, duo gradatim adduntur. Primo, cum dicitur, *Veteris Testamenti*: ut à Sacramentis Nov. Testam. Christo exhibitō, institutis, discriminetur: Deinde *ordinarium*, ut ab extraordinariis Veteris Testamen-

ti, (de quibus 1. Corinth. 10. vers. 1. 2. 3.) distinguatur. Differentia verò huic generi proximo adjuncta, illud ad certam speciem contrahens, atque ab aliis ejusdem generis discernens, sequentibus descriptionis verbis, indicatur: Quæ partim propriis hujus Sacramenti circumstantiis: partim suis caulis, continetur. Circumstantia autem propria, est adjunctum tempus, & subjectum. Ac tempus quidem denotatur, duobus modis: uno, cum hoc Sacramentum vocatur *Primum*: Prius enim est paschate, non solum institutione, Gen. 17. v. 10. 11. cum Exod. 12. collato: sed etiam observatione, ante Paschatis usum, necessaria, Exod. 12. v. 48. Alter temporis modus, in infantibus definitus, est *dies natiuitatis octavus* Gen. 17. v. 12. cap. 21. vers. 4. Exod. 12. vers. 3. Cujus ratio colligi solet ex Levit. 12. vers. 3. coll. cum 3. quod scil. mater septem dies à partu masculi, (ceremoniali lege) contactus ratione, esset impura, & partum eo tempore impuraret: octavo verò die eatenus pura; ut etiam filius; adeo ut, circumcissione sacrâ, Deo consecrari posset. Atque hæc de temporis circumstantia.

Subjectum verò proprium circumcisionis sunt soli mares, Gen. 17. v. 10. quia soli præputium habent: quod solum circumcidi debuit, ibid. vers. 11. Deinde non solum adulti; sed etiam infantes. Atque ita circumcisio, bifariam, à Paschatis Sacramento, differt, ac distinguitur. Nam Pascha non solis masculis, sed etiam fœminis, neque infantibus (utpote ad solidiorem agni cibum ineptis,) sed solis adultioribus institutum, Exod. 12. quamvis autem ad solos mares circumcisio pertinebat; non tamen promiscuè ad omnes; sed ad Abrahamum cum familia (seu filiis, ac servis, tam natis domi, quam emtis) & posteris, Gen. 17. vers. 10. 11. 12. Sub quibus etiam profelyti, ex alienigenis, pii Dei cultores, Ecclesiæ Israëliticæ sese aggregare volentes, continentur: Quemadmodum Exod. 12. vers. 48. disertè exprimitur. Cujusmodi profelytorum exempla, Actor. 2. vers. 10. & cap. 6. vers. 5. & cap. 13. v. 43. Atque hæc de propriis circumcisionis circumstantiis; nimirum, tempore, & subjecto; quibus ea, ab aliis Sacramentis, differt.

Sequuntur deinde causæ ejusdem: quæ non absolute & simpliciter; sed relatè, ac partim ad differentiam pertinent; ut earum expositio demonstrabit. Quarum causarum prima est efficiens: eaque duplex; principalis, aut principali inserviens. Principalis est Deus: qui, pro suo jure, circumcissionem hanc instituit, Gen. 17. & institutam confirmavit, Lev. 12. vers. 3. ac solus instituere potuit. Ad eum enim solum, cultus divini præscribendi autoritas, tanquam ad unicum legislatorem, Deut. 12. v. 32. Jac. 4. vers. 12. pertinet. Quæ causa efficiens principalis, omnibus Sacramentis (ut quæ cultus Dei species sunt) communis est. Principali vero inserviens causa propria est: qua circumcisio, ab aliis Sacramentis, differt. Estque minister; vel ministri instrumentum. Minister est Abrahamus, Gen. 17. v. 23. 24. & ejus, posterius patresfamilias. Nam quod Zippora, uxor Moysi, filium suum circumciderit, Exod. 4. vers. 25. illud non recta ratione, sed perturbatione animi, atque errore, factum. Quod etiam Josua, jussu Dei, totum populum Israëliticum circumcidisse dicitur, Jos. 5. vers. 2. 3. illud non immediatè, ac per se: sed mediatè, suo mandato, per alios, nempe patresfamilias, effecisse intelligendum, immensa myriadum populi copia persuadet. Judæis verò nunc alius mos est: quia non paterfamilias, sed alius, ejus loco, circumcisor peritus, & assuetus, adhibetur: ut clariss. Buxtorfius in Synagog. Judaic. loco supra à nobis memorato, describit. Ac fanè, si quis accuratè perpendat, idem videtur olim, in circumcissione Johannis Baptistæ, observatum. Nam Luc. 1. vers. 59. dicitur: *Et die octavo venerunt, ut circumciderent eum, & vocabant nomen ejus Zachariam*: Quibus verbis, & circumcisio, & prima nominis impositio, advenientibus tribuitur: quæ Zachariæ patri, (ut qui non advenerat; sed domi erat: neque illud nomen imposuit, sed impositum mutavit,) non conveniunt. Hæc de circumcisionis ministro. Ministri verò instrumentum erat culter acutus, non autem

autem lapis, quod quidam existimant. Quamvis enim Exod. 4. vers. 25. vocatur צֶרֶךְ: eaque vox, Ezech. 3. vers. 9. lapidem notet: alibi tamen *acumen*: & illo loco Exodi, metonymicè, *cultrum acutum* significat: ut Aben Ez. ibid. & D. Kimchi in libr. radicum, exponunt. Sicut etiam Josu. 5. vers. 2. cultri circumcissionis חֶרֶב צֶרֶךְ *gladii*, id est, cultri, *acuminum* seu *acierum*, id est, acuti vocantur: ut etiam Chald. paraphrasis ibidem interpretatur, אֶמְלִיךְ חֶרֶב *Scalpella acuta*. Quam interpretationem ibidem in comment. sequitur D. Kimchi, & Rab. Levi: qui *cultros chalybeos* exponit. Atque hæc de prima causa circumcissionis, nempe efficiente cum principali, tum ei inserviente, scil. ministro, & ministri instrumento.

Secunda deinde causa est materia, nempe præputii amputatio; quæ non absolute (nam & gentibus quibusdam convenisse supra ostensum,) sed relatè ad reliqua Sacramenta: propria est: quia nulli eorum convenit. Quum autem circumcisio sacra pro communi sacramentorum natura, sit signum, ac sigillum fœderis cum Deo, Gen. 17. v. 17. Rom. 4. vers. 11. Forma illius (pro relati natura) generalis, in relatione ad rem significatam, & obsignatam, tanquam ad suum correlatum, consistit. Res autem significata, & obsignata, est animæ spiritualis à peccatis, quasi ab impuro præputio, circumcisio, Rom. 2. vers. 29. Quæ pro duplici, Dei & hominum in fœderis salutis, obligatione, duplex etiam existit: nempe beneficium Dei gratuitum; & hominum fœderatorum officium necessarium. Quæ res significata, circumcissioni non est propria, sed etiam baptismo communis: ut distinctè postea cognoscemus. Beneficium autem Dei gratuitum est: quo gratis, per Christum, à peccatis liberat: cum ratione debitæ pœnæ; tum ratione culpæ seu vitiositatis. A debita autem pœna peccatorum Deus homines fœderatos liberat, ac circumcidit, per justificationem: quâ, propter Christum sponsores (qui pœnam debitam pro iis persolvit, Esai. 53. vers. 5. 6.) peccata remittit, Rom. 3. v. 25. & propter perfectam obedientiæ Christi justitiam, Phil. 2. vers. 8. pro iis, ad salutem præstitam, per fidem justos judicat, Rom. 5. v. 18. 19. qua de causa Rom. 4. v. 11. dicitur: Abrahamum accepisse signum circumcissionis, sigillum justitiæ fidei, quod etiam beneficium, baptismo significatum, per Metaphoram à circumcissione petitam notatur, Col. 2. v. 13. *Vosque mortuos in peccatis, & præputio carnis vestræ, cum eo vivificavit, condonatis vobis omnibus peccatis*. A culpâ verò seu vitiositate peccatorum liberat Deus, per sanctificationem, seu regenerationem, in hac vita inchoatam, & paulatim auctam: post eam verò perfectam, de qua agitur Deut. 30. v. 6. *Circumcidet Jehova Deus tuus cor tuum & cor seminis tui: ad diligendum Iehovam Deum tuum toto corde & tota anima tua, propter vitam*, id est, ut vivas. Cum autem hæc sanctificatio à Deo efficiatur, Christi merito, Rom. 6. vers. 6. & Spiritus ejus efficaciam, & baptismo communiter significetur: idcirco Metaphora eleganti continuata, à circumcissione petita, circumcisio Christi nominatur: ut ex memorabili Apostoli sententia apparet, Col. 2. v. 11. 12. *in quo* (id est, per quem scilicet Christum) *etiam circumcisi estis, circumcissione à cheremina sine manibus facta in amputatione detractioe corporis peccatorum carnis per circumcisionem Christi: conscripti cum eo per baptismum &c.* Atque hæc de prima spirituali à peccato circumcissione: quæ gratuitum est Dei beneficium, externa carnis circumcissione primò significatum. Altera peccati circumcisio, est necessarium hominum fœderatorum officium, quod fidei, & charitatis exercitiis, certantes, reliquiarum peccati originis, cogitationes, & cupiditates, Deo adjuvante, refecant. Quod officium externa circumcissione significatum, & obsignatum per Meton. signi pro signato, declaratur, atque exigitur, Deut. 10. v. 16. & Jerem. 4. v. 4. Quemadmodum contra hujus officii, circumcissione præputii carnis, signati & obsignati, contemtores, in Sacris Literis præputiati, & incircumcisi corde appellantur, Jerem. 9. vers. 24. Ezech. 44. v. 5. Actor. 7. vers. 2. ut etiam circumcisio eorum factum præputium (id est, præputii instar impurum) asseritur, Rom. 2. v. 25. Atque hæc de signi ac sigilli circumcissionis, re signi-

ficata, & obsignata: in cujus significatione & obsignatione forma non propria, sed baptismo communis. Propria verò in significandi modo diverso consistit. Nam in circumcissione, liberatio à peccato, similitudine circumcissionis præputii: in baptismo verò similitudine immersionis, vel ablutionis aquæ, significatur & obsignatur. Hæc de forma.

Finis verò (sive bonum illud, cujus gratia sacramentum circumcissionis institutum ac destinatum) primarius est, vel secundarius. Primarius est fœderis, ac pacis cum Deo, professio, ac conservatio: quemadmodum omnium fœderum finis generalis est, ut conditiones fœderis, inter fœderatos, observentur. Secundarius verò est inprimis, aggregationis ad Ecclesiam Dei, & segregationis ab impiis gentibus professio & conservatio. Nam Abrahami familiæ, & posteris, ad communionem Ecclesiæ & sacrorum, circumcisio necessariò erat observanda: quoniam eâ contemtâ, à gratiâ Dei, populo illius, ac sacris divinis, excommunicabantur, Gen. 17. v. 14. Exod. 12. v. 48. deinde ab impiis gentibus, eadem circumcissione, segregabantur: idque & Deus, imperata circumcissione: & Abrahami posteris, circumcissione observata, profitebantur, atque firmabant. Quem circumcissionis usum, ac finem, Apostolus quoque exponit, Ephes. 2. vers. 11. 12. *Mementote vos quondam gentes in carne, (qui dicebamini præputium ab ea quæ vocatur circumcisio in carne, quæ manibus facta) illo tempore fuisse absque Christo, alienos à Repub. Israël, & extraneos à pactis promissionis, spem non habentes, & Dei expertes in mundo*. Unde etiam elegantè similitudine circumcissionem, & ceremoniam legem reliquam (quibus Israël à gentibus ante Christi mortem segregabantur) vocat intergerini parietis septum, jam à Christo solum, v. 14. per mortem ipsius, v. 15. 16. Atque hæc de circumcissione sacra, generatim, actum.

Quare superest, ut de circumcissione singulari Christi, paucis etiam agamus: quæ Luc. 2. vers. 21. ita proponitur: *& cum impleti essent dies octo, ut circumcideretur puerulus, etiam vocatum est nomen ejus Iesus, quod vocatum fuerat ab Angelo priusquam ipse in ventre conciperetur*. Quibus verbis circumcisio Christi & adjuncta nominis impositio describitur. Ac circumcissionis quidem tempus, & res ipsa exprimitur: Tempus, cum dicitur: *& cum impleti essent dies octo*, ubi dies octo à nativitate: & quidem non simpliciter, sed per Synecdoch. quandam, secundum quid, intelliguntur. Non simpliciter: quia aliàs sequeretur Christum fuisse non octavo, sed nono die contra legem, circumciscum. Per Synecdoch. igitur septem dies, & octavi pars impleta, denotantur. Quo etiam modo lex, Gen. 17. v. 12. loquitur, *filii octo dierum circumcidentur*, & cap. 21. vers. 4. similis locutio, id est, octavo die: quemadmodum disertè exponitur, Levit. 12. v. 3. *& in die octavo circumcideretur caro præputii illius*. Hæc de tempore. Circumcisio verò ipsa Christi non exprimitur: Sed posito antecedente per ellipsin, innuitur: cum dicitur: *ut circumciderent puerulum*, supple, *& circumciderunt*. Qualis etiam omninò ellipsis, Luc. 1. vers. 59. ubi de Baptistæ circumcissione tantum dicitur: *& die octavo venerunt, ut circumciderent puerulum*: intelligitur autem, *& circumciderunt eum*. Cæterum disquiri solet; cur Christus fuerit circumciscus? constat enim eum non habuisse peccata; quæ à Deo & ab ipso essent circumcidenda; quia ipse is est, qui à peccatis suo merito, & Spiritus sui efficaciam, circumcidit, Col. 2. vers. 11. 12. 13. quocirca etiam Iohannes Baptista Christum baptizare initio recusavit, Matth. 3. v. 14. dicens: *ego necesse habeo à te baptizari*, nempe Spiritu Sancto, *& tu venis ad me?* Causa autem, cur Christus fuerit circumciscus, prima fuit ea, quam similiter significavit Baptista, de suo baptismo, respondens: nimirum, quod oporteret omnem justitiam implere, seu, omnem legi divinæ obedientiam (cujus pars erat circumcisio, Levit. 12. vers. 3.) præstare, Galat. 4. v. 4. 5. Ac licet specialis formæ ratione, circumcisio Christi, ab aliorum circumcissione, differret: ut qui is similis, excepto peccato, Heb. 2. v. 17. & 4. v. 15. generali tamen formâ conveniebat: nempe significatione, & obsignatione fœderis cum Deo, Genes. 17. v. 11. Quod fœdus in eo consistebat, partim quod Deus, Christi esset Deus, secundum promissionem generalem, ei quoque (ut semi-



ni Ahrahami, Galat. 3. v. 16.) factam, Genes. 17. v. 7. & secundum sententiam de eo singularem, Psal. 45. v. 8. & Hebr. 1. v. 9. partim quod Christus ad voluntatis Dei obedientiam, esset obstrictus, Joh. 6. vers. 38. Matth. 5. v. 17. Altera causa circumcisionis Christi fuit, ut Ecclesiæ Israëlitarum aggregaretur, & cum eâ communionem haberet, sine qua, ab eadem fuisset alienus, & à populo Dei exterminandus, Gen. 17. v. 14. Tertia denique causa, cur Christus circumcidi debuerit, fuit officium Propheticum: ut esset *minister* (id est, Propheta) *circumcisionis* (id est, Judæorum circumcisorum) *pro veritate Dei, ad confirmandum promissiones patrum*, Rom. 15. v. 8. Qualis promissio Deut. 18. v. 15. *Prophetam in medio tui, è fratribus tuis, sicut me, suscitabit tibi Iehova Deus tuus: ei auscultate.* Is autem Propheta est Christus, Actor. 3. v. 22. quem, sine circumcisione, Judæi nunquam pro fratre, nedum pro suo propheta, agnovissent: sed quasi profanum, atque à populo exterminandum, fœderis Dei violatorem, omnino rejecissent. Atque hæc strictim de circumcisione Christi: quæ, ad rei intelligentiam, suffectura speramus. Plura, hac de re, vide, in explicatione locorum illustrium, Matth. 3. Conjecturas verò tam veterum Patrum quam recentiorum quorundam Sacrarum Literarum interpretum, eò quod probatione è Sacris Literis destituantur, brevitatis causa prætereunda, existimavimus. De nominis verò Jesu impositione, quæ circumcisioni adjuncta fuit, Matth. 1. copiosè à nobis explicata, non repetemus.

*De Scientia Christi, ad vers. 52. Cap. 2. Luca illustra-  
tionem, & genuini sensus confirmationem,*

#### D I S S E R T A T I O.

**I**N Domino nostro Jesu Christo, scientiam esse sive cognitionem, extra omnem controversiam est. Sed, in ea explicanda, multi hoc loco, aliisque abusi, graviter, & olim, & nostra memoria, aberrarunt. Ac propterea oportuum, atque utile existimamus: ut, quid, hac de re, piè credendum sit, succinctè declaremus.

Ac 1. quidem duæ sunt, in una Christi persona, distinctæ, & intelligentes naturæ: divina, quæ increata, & infinita est: & humana, quæ creata, & finita. Quarum prior communis, & eadem numero cum Patre, & Spiritu Sancto, utpote singularis, atque individua: per quam hæ tres personæ, unus sunt Deus. Altera verò natura communis, & eadem, non numero, nec dignitate: sed specie, cum aliis hominibus. Christus enim *Immanuel*, *ὁ θεὸς μετὰ ἡμῶν*, Matth. 1. v. 21. *verbum*, assumptione seminis Davidis, vel Abrahamæ, *caro factum*, Rom. 1. v. 2. Heb. 2. v. 16. Joh. 1. v. 14. Unde necessariò adversus Monothelitas, sequitur: duplicem esse in Christo scientiam: nempe infinitam, qua Christus Deum, & omnia, absolutè cognoscit, & infinitè: eaque scientia Deitati illius convenit. Atque hoc modo Christus, non solum sapiens, & sciens: sed etiam scientia, & sapientia, communiter cum Patre, & Spiritu Sancto, dicitur, Prov. 8. v. 12. 19. Quemadmodum etiam relatè ac distinctè, per Synecd. connotata persona, *Sapientia Dei*, nempe Patris, Prov. 8. v. 12. cum 22. & 1. Cor. 1. v. 24. nuncupatur; quod Filius à Patre, per ejusdem essentia, & per consequens scientiæ communicationem æternam, sit genitus: & Patrem etiam, in tempore, patefaciat, Matth. 11. v. 27. Ex quibus error 1. Themistii, & sectatorum ejus, convincitur: qui docuerunt, divinam Christi naturam, quædam ignorasse, unde non solum Themistiani, ab authore: sed etiam ab errore suo Agnoëtæ dicti, quod divinæ naturæ Christi ignorantiam aliquam attribuerint. Eadem deinde ratione Arrius & Eunomius confutantur: qui scientiæ Filii modum, cum Patre *ὁμοῦν* coessentialem, & æqualem, negarunt.

Testimonia autem quibus Agnoëtæ, & Arrius communiter abutebantur, sunt ea, quibus Christus ignorantiam sibi attribuit, ut cum ait: diem, & horam judicii, nec Angelos nosse, nec filium: sed solum patrem, Marc. 13. vers. 33. Quem nodum Orthodoxi Patres, variis modis, conati sunt dissolvere, quod ad majorem judicii in eorum lectione

prudenciam, succinctè ostendemus. Primum enim Hilarius de Trinit. lib. 9. sic ait; *In eo quod nescit, dispensatio potius absconditæ scientiæ, quàm natura est nesciendi.* Item, *scienter nescit.* Item, *Filius nescire se dicit, ne & alii sciant.* Quare ex hac sententia nescire, erit nolle revelare: ideoque nec Patrem etiam scire, quod similiter noluit revelare. Eandem tamen sententiam proposuit Basil. Magnus contra Eunomium lib. 4. Deinde aliter respondent Epiphanius in Anchorato, & Chrysostomus Tom. 3. Homil. de Trinit. scientiam esse duplicem, Theoricam & practicam: Patrem nosse diem judicii utroque modo, quod judicium tradiderit Filio: Filius tantum theoricè: quia nondum exercet judicium: Angelos verò neutro modo. Sed hæc interpretatio, verborum Christi scopo repugnat. Deinde sequitur nec Patrem similiter nosse diem judicii; quia nondum illud per Filium exercet. Tertiò igitur alii doctius respondent, hoc dictum Christi non ad divinam, sed ad humanam naturam pertinere: ut Gregorius Nazianzenus oratione secunda de Filio ait; *Novit quidem ut Deus, ignorat autem ut homo.* Et ante Nazianzenum Athanasius Sermon. 4. contra Arrianos. *Sed quod ait (ut etiam alii post ipsum) non dictum esse, ne Filius quidem Dei, ne divinitas ignorare videretur: sed simpliciter, Ne Filius, ut filii hominis ista ignoratio maneret:* id inquam argumentum potius, quàm solidum. Cum enim dicat: *nullus novit, neque Angeli qui in cælo, neque Filius, nisi Pater;* Filium Patris, ex relatorum natura, intelligendum apparet. Expedita autem & clara est quæ adferri solet, responsio, per eam phrasin, quæ communicatio idiomatum dicitur: quæ scilicet personæ Christi, nomine personali, ab una natura denominatæ, tribuitur quod ei convenit secundum alteram: ut Filius hominis erat in cælo: cum loqueretur in terra, Ioh. 3. v. 13. & Rom. 1. v. 3. *de Filio ejus* (id est, Dei) *facto ex semine David:* non qua filius Dei, sed qua Filius hominis; quemadmodum distinctè additur, *secundum carnem.* Sic etiam Filius Dei Patris rectè dicitur diem judicii ignorare, secundum humanam suam naturam; Filius enim Dei nomen est non absolutum, quod naturam tantum notat divinam: sed concretum, quod personam Christi divinâ naturâ, per generationem à Patre, constantem significat: ideoque Christo ita denominato ignorantia & omniscentia, secundum aliud & aliud (ut Patres loquuntur) distinctè tribuitur. Quemadmodum doctè & eleganter Cyrillus Thesauri lib. 9. cap. 4. & libro altero *ad Reginas* explicavit. De qua etiam re graviter atque eruditè Augustinus de Trinit. lib. 1. cap. 11. ait: *Quapropter cognita ista regula intelligendarum Scripturarum, de Filio Dei, ut distinguamus, quid in eis sonet secundum formam Dei, in qua æqualis est Patri; & quid secundum formam servi, quam accepit, in qua minor est Patri: non conturbabimur tanquam actibus repugnantibus inter se, sanctarum librorum sententiis.* Hæc ille. Quæ adversus eos, qui hæc duo confundunt, cum veteres hæreticos, tum Anabaptistas & Ubiquitarios meritò observanda.

Atque hisce, de essentiali hac divinæ naturæ Christi scientiâ, præmissis: ad humanam animæ illius scientiam, transeamus, Quam ad rem, ut ordine agamus, observanda est prius, scientiæ distinctio, in *supernaturalem*, & *naturalem.*

*Supernaturalis* est, quæ supra naturæ ordinem, immediate, à solo Deo, promanat. Estque aut triumphantium in cælo, perfecta, 1. Cor. 13. vers. 10. quæ *scientia beatorum*, vulgo, dici solet: aut militantium in terris, per revelationem divinam: quæ, & comparatè, & in se, *scientia ex parte*, vocatur, 1. Cor. 13. vers. 9. 12. Qualis in Prophetis. *Naturalis* verò scientia, quæ naturæ ordine contingit; quæ vel insita est, seu congenita (qualis est principiorum quorundam scientia, seu *notitiæ naturales*) vel acquisita: & quidem doctrina, aut experientia: quam idcirco *experimentallem* vulgò vocant. Quomodo illud de Christo dictum, 2. Cor. 5. v. 21. *qui non sciebat peccatum:* à Patribus nonnullis exponitur: quod nullum peccatum in se esset expertus: sed immunis à peccato. Quibus strictim præmissis: de scientia Christi, in hac vita queritur: 1. An habuerit scientiam beatorum; omnisque ignorantia fuerit expers. Scholastici quidem communiter, in 3. sent. lib. dist. 13. affirmant: eamque definiunt, *qua ipsa Dei essentia, & omnia in ipsa, (quasi in speculo) videntur.*

*videntur*. Atque ita statuunt, Christi animam, cum *verbum*; tum res omnes in *verbo*, inde à principio conceptionis, in hac vita, fuisse contemplatam. Sed ut definitionem illam, visionis Dei, vanam esse, aliàs ostendimus, sic assertionem etiam hanc refellit Scriptura, quæ Christo, in hac vita, ignorationem aliquam adscribit: & statum gloriæ Christi, in cœlis, ab humiliationis statu in terris, passim dividit. Quod ut magis fiat perspicuum, argumenta Scholasticorum succinctè confutanda. Ea autem potissimum Thomas Aquinas Summ. Theol. pag. 3. q. 19. artic. 2. & quæst. 10. art. 2. adducit. Sunt autem ea partim Scripturæ testimonia: partim rationes.

I. Testimonium est Joh. 8. v. 55. *ego scio eum*: Sed inde non sequitur: animam Christi, scientiam habuisse beatorum in cœlis, multò minùs vidisse suam animam essentiam Dei, & omnia in Deo: quia illa infinitæ & indivisibili essentiae adversatur: vanumque est effugium distinctio scientiæ comprehensionis, & apprehensionis Dei: quæ nullum habet locum, in objecto infinito, & partitioni minimè obnoxio: sed tantum in objecto finito. Atque ita, pravâ hac distinctione, in Deo, ipsum finitum, & divisibilem, partibus constantem, constituunt.

II. Testimonium est, ex Apoc. 5. v. 12. *Dignus est Agnus accipere sapientiam &c.* ubi glossa ad vocem sapientiam addit: *omnium rerum cognitionem*. Sed illud nihil ad rem propositam: quia eo in loco agitur, de statu gloriæ Christi, post mortem: non autem de statu humiliationis, ante mortem: ut liquet ex connexis verbis; ut etiam ex v. 9.

III. Est Joh. 2. v. 24. *ipse sciebat quid esset in homine*. Verum est, sed quâ Deus, & qui solus *sciebat*. deinde licet quâ homo, seu de anima humana illius acciperetur: ex eo tamen visio essentiae Dei, & omnium rerum in ea refulgentium: neque etiam scientia beatorum, probari potest. Nam omnia quæ ad officium rectè exsequendum, pertinebant, (qualis erat auditorum animus) ea natura divina Christi, humanæ suæ naturæ revelabat: adeo ut non externo ullius indicio haberet opus, neque etiam fictitio illo divinæ essentiae speculo.

IV. Desumit ex Joh. 21. v. 17. *tu nosti omnia*. quod eadem ratione explicandum est: divina scilicet sua scientia, & quantum, ad officii executionem, requirebatur, revelatione divinâ, secundum humanam naturam factâ.

V. Christus dicitur, *plenus gratiâ & veritate*, Johan. 1. v. 14. Rectè quidem: sed primùm hæc plenitudo gratiæ, non formaliter, sed efficienter intelligenda: non enim loquitur Evangelista de gratia, Christo inhærente: sed de gratia, quam confert Ecclesiæ: & de veritate, non qua prædictus erat: sed quam exhibet, implendo umbras, & promissiones: quemadmodum ex Atithesi Legis Moysi v. 17. (quæ maledictionem nuntiabat, & ceremoniarum umbras continebat) apparet. Deinde non agit de altera natura, & quidem anima Christi (de qua, inter nos, quæstio est) sed de persona: *Ab* enim caro factus dicitur, *plenus gratiâ & veritate*. Nam ad hanc gratiæ redemptionis collationem, & ceremoniarum impletionem, agit utraque natura, quod suum est, & suo modo. Denique quamvis concederetur, de anima Christi esse sermonem, ab Evangelista institutum; Scholasticorum tamen sententiam nequaquam probaret. Quoniam hæc gratia & veritas, aut infinita & increata; aut finita & creata, intelligitur. Si autem infinita, & increata, ea est ipsamet essentia Dei; quæ accidens rei finitæ, & creatæ, animæ scilicet Christi, esse non potest: sin verò finita dicitur inde tamen beatorum gratia, & scientia concludi non potest; quia gratia ea, & scientia, duplex est generatim, absoluta, vel relata. Alia enim plenitudo earum est, quæ viæ, seu huic vitæ in terris convenit: alia, quæ patriæ, & vitæ cœlesti. Ac prior quidem, pro ætatis & muneris ratione, aliorumque comparatione, ita appellatur. Quemadmodum Apostoli jubentur eligere Diaconos, *plenos Spiritu, & sapientia*, Actor. 6. v. 3. & Stephanus dicitur *plenus Spiritu & sapientia*, ibid. vers. 8. & Barnabas, *plenus Spiritu & fide*, Actor. 11. v. 24. ac Tabitha, *plena bonis operibus*, Act. 9. v. 36. Denique Romani fideles, *pleni beneficentia, & omni cognitione*, Rom. 5. v. 14. Sic Christus secundum animam

suam, cum versaretur in terris, fuit plenus gratia, & veritate hujus vitæ, pro ætatis & officii exequendi ratione, aliorumque omnium comparatione.

VI. Testimonium desumit ex Joh. 1. v. 16. *Ex plenitudine ejus accepimus omnes*: sed eodem modo, cum superiori solvitur: quia de persona *Ab* agitur; à qua accepimus gratiam, pro gratiâ, nimirum à divinâ & humanâ naturâ, utraq; distinctè agente, quod suum est, ad commune gratiæ, & veritatis *Ab*, seu complementum.

VII. Quod objicitur est, quod Christo, *ad mensuram, Deus Spiritum non dederit*, Joh. 3. v. 34. Verum illud nihil ad beatorum scientiam; multò minùs ad omnium rerum scientiam, in anima Christi, in terris probandam, pertinet: quia (ut loci hujus antecedens circumstantia demonstrat) Evangelista loquitur, de Spiritu Prophetico, quo aliis omnibus præfertur: videlicet quod Deus Spiritus Sancti dona, quæ ad summi Prophetæ, & capitis Ecclesiæ, officia exequenda requirebantur: non quasi ex mensura, hoc est, quædam tantum (ut de Prophetis & Apostolis dicitur, Ephes. 4. v. 7.) sed omnia plenissimè in Christum effuderit, Esai. 61. v. 1. 2. & Luc. 4. v. 18. 19.

VIII. Testimonium adjicit Canus, in locis communibus, ex Joh. 1. v. 18. *Deum nemo vidit unquam, unigenitus Filius, qui est in sinu Patris, ille nobis exposuit*. Si quis excipiat fortè, id dici, non ratione humanæ, sed divinæ naturæ: regerit ille, unigenitum Filium exponere Patrem, non solum, quâ Deus, omni tempore: sed etiam quâ homo, post assumptionem carnis; ac propterea quâ homo etiam videt Patrem. Respondemus: Christum vidisse Patrem, utraque sua naturâ, & utraque exposuisse nobis: sed diverso videndi, & exponendi genere. Vidit enim, hoc est, cognovit, secundum divinam naturam, per se, immediatè, atque infinitâ scientiâ: quo modo solus Patrem videt, sive cognoscit, Matth. 11. v. 27. & Joh. 6. v. 46. Secundum humanam verò naturam, per accidens gratiæ revelationis, & quidem finitæ: quatenus ad illius perfectionem, ac salutem, & ad officii Prophetici executionem, requirebatur: quæ innoxiam, seu peccati expertem, quorundam ignorantiam, non excludit: ut initio, partim ostendimus, & suo loco postea clariùs apparebit. Deinde Patris expositio ea est, quâ nobis doctrinæ de Patre, & voluntate illius salutari, notitiam confert: utraque quidem naturâ: sed modo prorsus diverso. Primus enim humanæ naturæ conveniens, est externus atque organicus tantum: quum prædicatione Evangelii, Patrem, & doctrinam illius salutarem omnem, proponit, Esai. 61. v. 1. 2. Luc. 4. v. 17. 18. Joh. 15. v. 15. Secundus verò modus est internus, ac principalis, & naturæ ipsius divinæ proprius: quo prædicationis illius externæ notitiam, ac fidem, illuminatione mentis, operatur: Si ne quo interno, Patrem exponendi, modo, externus humanæ naturæ Christi (ut etiam Apostolorum illius) nihil est, 1. Cor. 3. v. 7. Neque ex illa expositione, per prædicationem Evangelii, concludi potest, visio essentiae Dei, & omnium in ea, de qua controversia est. Quare argumentum adversarii corrui.

Neque validius est nonum, quod sequitur, ex testimonio Christi, Joh. 3. v. 13. *Nemo ascendit in cælum, nisi qui descendit de cælo, Filius hominis, qui est in cælo*. Tunc, inquit Canus, *anima, in cælum ascendere, dicitur; cum videt Deum*. Sed negatur expositio, & consequentia illius: Expositio quidem, quia licet quosdam etiam è nostris, de notitiâ, exponere constet: ea tamen exemplo ejus significationis omnino caret. Sed obtenditur sententia Deut. 30. v. 11. 12. *quo de præcepto Dei dicitur; Non est occultum neque longinquum. Non est in cælis, ut dicas, quis ascendet nobis in cælum, ut sumat illud, & nobis annuntiet?* Verum manifestè propriè ascensio in cælum designatur, quia longinquo opponitur, & finis distinctus ostendit; *ut sumat illud, & nobis annuntiet*. ubi ascensio, ut antecedens, & notitia præcepti, ut consequens finis ac fructus disertè diversa statuuntur. denique sequentia propriè accipienda, idem probant v. 13. *neque est ultra mare, ut dicas, quis transibit nobis ultra mare, & sumat nobis?* Deinde neque quod Rom. 10. v. 5. dicitur; *quis ascendat in cælum &c.* quicquam probat: quia ut è Mose citatur

tatur locus, ita circumstantiæ utrimque eundem sensum arguunt. Sed objicit Canus: locum, de quo agimus, non posse, de ascensione humanæ naturæ, propriè intelligi: quod obstat verbum præteriti temporis, *ascendit*; ideoque quando additur, *nisi qui descendit Filius hominis*, ellipsis verbi supplenda est ex antecedenti, nempe *ascendit*: id quod verè de humana Christi natura dici non poterat, quia illa nondum ascenderat, sed demum post resurrectionem ascensura. Sed negatur consequentia. Nam licet verbum in antecedenti positum, & in consequenti per ellipsin sit omissum ac repetendum: non est tamen necessarium ut eadem temporis circumstantiâ repetatur; sed vel eadem vel diversa, prout rei veritas postularit. Cujus rei exemplum est, Apoc. 2. vers. 17. ubi Christus ait: *novum nomen scriptum, quod nemo cognovit, nisi qui accipit*, sive *qui accipit*: ubi, in fine sententiæ, certa est ellipsis verbi *cognoscere*: quæ, pro rei veritate, supplenda est, non eodem tempore præterito, sed præsentis, aut futuro, *cognoscet*, aut *cognoscit*. Nam cognitio (ut verba ostendunt) non antecedit, sed sequitur, aut comitatur acceptionem. Si enim nemo cognovit, nisi qui accipit; sequitur, eum, qui nondum accepit, non cognovisse. Sic etiam hoc in dicto Christi, verbum, *ascendere*, in secunda parte deest; & ex prima parte, ad sensus perfectionem, supplendum; sed non est necessarium, ut eodem tempore præterito, *ascendit*, repetatur: sed futuro, *adscendet*: ut ascensionis Christi nondum factæ, sed futuræ, veritas requirebat. Quemadmodum etiam eruditè Theophylactus exposuit. Atque ita exceptio adversarii diluitur. Quibus etiam illud addimus: licet, *ascendere*, ex antecedenti; & quidem voce præteriti temporis, esset expressè repetita: inde tamen non sequeretur necessariò, significationem debere esse rei præteritæ: quoniam, ut frequentissimum est apud Prophetas, ut, per temporis enallagen, præteritum, pro futuro, usurpetur: Sic etiam in Novo Testamento illud non est insolens, ut Ioh. 15. v. 16. clarissimè comperitur: *nisi quis in me manserit & ab eo, ejectus est foras, & exarsit*, id est, ejicietur, & exarescet. Cui non abfimile in Epist. Jud. v. 11. *contradictione Core & Aaron perierunt*, hoc est, peribunt; ut res ipsa ostendit: quia comminationis est exitii, non præteriti, sed brevi futuri: ut etiam finis v. 13. demonstrat. Cujus enallages usus est, ut rei futuræ certitudinem indicet; quod adeo vera esset ac si jam evenisset. Quare quod excipit adversarius, quocunque se vertat, nihil, ad suam sententiam probandam, obtinebit. Atque hæcenus primum argumentorum genus à Pontificiis, cum Scholasticis, tum posteris Theologis, ex Scriptura petitur, expendimus, ac diluimus.

Quamobrem ad secundum, à rationibus quibusdam petitur, procedemus. Quarum prima hæc est: *Christus dicitur omnium iudex constitutus à Deo, quia filius hominis est*, Joban. 5. v. 27. & ideo anima Christi (ut concludit Thomas Aquinas,) *cognoscit omnia existentia, secundum unumquodque tempus*. Sed hoc nihil ad rem; quia non concludit, quod probandum susceperat; nempe animam Christi, inde ab initio, in his terris, habuisse scientiam beatorum in cœlis: vidisse essentiam Dei; & omnia in ea. Deinde negatur etiam consequentia: quia subjectum hujus sententiæ Christi, est *Filius Dei*, ut ex v. 26. liquet; attributum verò, quod *Pater ei potestatem dedit faciendi judicium*; & ratio additur, *quia* (scil. Filius Dei) *est filius hominis*, promissus ille Emmanuel; verbum caro factum; Deus patefactus in carne. Iudex enim est Christus totius mundi, ratione officii regii, divinâ naturâ agente quod suum est, & humanâ quod suum; ad unius judicii *πολιτευμα*, complementum. Persona enim Christi, id est, Filius Dei homo factus; est iudex mundi constitutus: non autem humana natura Christi: licet, ad idem judicium, distinctè concurrat. Deinde Christus Iudex est totius mundi, pro diverso suo statu, diverso etiam modo. Nam, in statu humiliationis, Iudex fuit constitutus, ratione potestatis, seu juris ad universale judicium, suo tempore exercendum: non autem ratione facti, seu executionis judicii: ideoque, in eo statu, nondum, ad officium judicis Christi, in terris versantis, notitia omnium judicandorum, & circumstantiarum, in a-

nima Christi, requirebatur: neque ei adfuit; quia ipsemet Christus, qui, quatenus Deus omnia ab æterno novit, tum temporis diem iudicii sibi ignotum fuisse, nimirum ratione humanæ naturæ, discretè testatus est, Marc. 13. v. 32. In statu verò glorificationis, ultimo die, iudicium exerciturus, Iudex erit utroque modo, & jure, & facto: seu officii demandati, & executionis illius ratione. Ideoque judicandorum notitia, tum ei, secundum humanam naturam, quæ iudicium pronuntiabit, per revelationem divinæ ipsius naturæ, non deerit; sed inde tamen non sequitur: Ergo anima Christi, in statu glorioso, videbit essentiam Dei, & omnia in ea: (nam scientia judicandorum finita est: visio verò illa, quam statuunt, infinita est) multò minus in statu humili, de quo, inter nos, controversia est. Quare prima hæc ratio corrui.

Secunda autem hæc est, *Christi humanitas, gloriæ sanctorum* (quæ in visione Dei consistit,) *causa est*, Hebr. 2. v. 10. Ergo ea excellentissimè Christo convenit. Respondemus, si de statu Christi glorioso, in cœlis, loquantur, ineptè à scopo aberrant: quoniam de eo non est quæstio: Sin verò de statu humili intelligant, vitiosa est consequentia: Nam Christus, humiliatione sua in his terris, gloriæ sanctorum causa fuit: & tamen gloriâ minor extitit, non solum Angelis, Heb. 2. v. 7. & beatis (ut qui in cœlis ab omni molestia liberi, ineffabili gloriâ fruuntur) sed etiam aliis hominibus, in terris, Psalm. 22. v. 7. Esai. 53. v. 2. 3. Oportebat enim, ex Dei voluntate, gloriæ sanctorum causam, per passionem ad gloriam pervenire, Heb. 2. v. 10. Ac licet reliquis hominibus in terris, scientiâ fuerit major: non omnia tamen absolute cognovisse (nec per visionem essentiae Dei & omnium, quæ in Deo) sed quædam, sine peccato, ignorasse, & sapientiâ profecisse, Scriptura demonstrat: ut plenius apparebit è seqq. Atque ita etiam secunda hæc ratio evanescit.

Tertia quoque ejusdem est momenti: *vidimus*, inquit, *gloriam ejus ut unigeniti à Patre*, Job. 1. v. 14. Ergo non potest gloria major cogitari, quam qua Christus plenus fuit: eoque & essentiam Dei vidit, & omnia in ea, non minus, sed præstantius, quam sancti & Angeli in cœlis. Sed negatur consequentia: Nam Evangelista hic non loquitur, de gloriâ, insita humanæ naturæ Christi: sed de divinæ naturæ ac potentie illius, per miracula patefacta. Idque ostendit Evangelista, cum addit: *Vidimus gloriam illam*: quemadmodum etiam exponitur, Johan. 2. v. 11. Matth. 17. v. 2. Petri 1. v. 16. 17. Miracula autem illa Christi facta sunt quidem, adjuncto ministerio humanæ naturæ; sed effectus eorum, à sola divinæ naturæ potentia, promanavit.

Quartam porro rationem Thomas Aquinas adducit, sum. part. 3. quæst. 7. art. 9. cum ait: *Quanto aliquid receptivum, propinquius est causæ influenti, tanto abundantius recipit. Atqui anima Christi, reliquis creaturis rationalibus, propinquius conjungitur Deo, gratiæ fonti. Ergo maximam recipit influentiam*. Respondemus, à scopo aberrari: Hæc enim debebat esse conclusio, (ut status controversiæ demonstrat,) ergo anima Christi, in his terris, vidit essentiam Dei, & omnia in ea. Deinde falsa etiam est propositio: quæ licet rectè intellecta, locum habeat, in causis naturalibus, necessariò agentibus: tamen in voluntariis, diversa est ratio: quemadmodum in Deo, qui non necessitate naturæ, sed libertate voluntatis, dona distribuit. Neque unio personalis humanæ naturæ cum divina, in unitatem personæ, causa est necessaria summæ illius gloriæ: sed liberum ac sapiens Dei decretum, quo eam, pro statu diverso, diversis gradibus, dispensavit: ut, nonnisi per ignominiam passionis, gloriam cœlestem Mediator noster Christus obtineret, ut Luc. 24. vers. 20. asruitur. Ac quamvis Dei, in cœlis, visio, sit gratia, ac donum, Christo, jam conveniens: visio tamen essentiae Dei, & omnium in ea, non est gratia: quia neque datur à Deo, neque dari potest creaturæ rationali: quæ finita, infiniti capax esse non potest. Imò neque etiam visio Dei, rerum omnium finitarum notitiam designat: beati enim in cœlis Angeli Deum vident semper, Matth. 18. v. 10. ut etiam sancti homines, in cœlesti gloria, Matth. 5. vers. 8. & tamen, Christo teste, diem iudicii nullus norat: neque Angeli in cœlo; ut nec ipsemet, scil. qua homo, Marc. 13. v. 32.

Quintam

Quintam porrò rationem affert Melchior Canus, in locis communibus: *Si, inquit, Christi anima non vidisset Deum, inde ab initio à facie ad faciem, fuisset imperfecta*, 1. Corinth. 13. v. 12. *atque ab utero fuit perfecta: quia Christus non sapiebat, ut parvulus: sed vir erat ab initio*, Jer. 31. v. 22. *Fœmina circumdabit* *וְנָרְוָהּ* virum, hoc est, Maria Christum. Sed negatur Consequentia; quia *וְנָרְוָהּ* vir non semper ætatem perfectam norat, sed interdum sexum, nempe marem; ut Job. 3. v. 2. *conceptus est* *וְנָרְוָהּ* id est, masculus. Deinde ad locum Jerem. quod attinet: quamvis latini Patres, *fœminam*, de Maria, *virum*, de Christo, interpretentur: illud tamen necessarium non est. Nam, ut varias Theologorum explicationes omittamus, consentaneum omnino videtur: ut, per fœminam, Judæorum Ecclesiam intelligamus: quæ ut antè fuerat, à Deo averfa, tandem adventu Christi, novo Dei beneficio erat convertenda: & Christum virum, seu, maritum suum, Ephes. 5. vers. 29. 30. 32. circumdatura, atque amplexura per fidem, sub novo fœdere; Id quod ab eodem propheta, paulò post, vers. 31. 32. proponitur: ut Hebr. 8. v. 9. seqq. Apostolus explicavit. Nam, toto illo capite Jeremiæ, duplex redemptionis modus Ecclesiæ Judaicæ promittitur: quorum prior est corporalis è captivitate Babylonicâ: alter Spiritualis, per Christum, typo prophetiæ, adumbratum: scil. redemptio à captivitate peccati, ac Satanæ, per Christum; quemadmodum etiam in aliis prophetiis idem observatur: id quod ex subjecta promissione novi fœderis, à prophetâ, disertè declaratur. Atque ita quintæ rationis infirmitas apparet.

Sexta autem est etiam Cui: Cui, inquit, *communicatur esse, ei etiam communicatur operatio, quæ consequitur esse: ut cui datur esse ignitum, ei etiam communicatur, ut calefaciat. Atque propria Dei actio est, videre seipsum: hac autem visione beatus est: Ergò cum anima Christi habeat esse divinum: habebit etiam, suo modo, divinæ naturæ propriam actionem; Atque adeo videbit Deum*. Verum dum confusè adversarius ita argumentatur; in Eurychetis, atque Ubiquitariorum errorem, (ut alia omittamus) incidit. Nam si humana Christi natura, in terris, habebat esse divinum; erat Deus: & si propriam Dei actionem, ut ait, habebat; ea actio non erit Dei propria: proprium enim est, quod soli convenit: ideoque manifesta contradictio est. Aut si propriam Dei actionem habebat, erat Deus; proprium enim & id cui proprium, citra controversiam, convertuntur. Cœterum ad argumentationem ipsam respondetur: falsam esse assumptionem. Nam essentia divina non est communicabilis creaturæ: quia unica atque individua Patris, Filii, & Spiritus Sancti propria: ideoque humana quidem natura ei unita est: Sed non una est: unio enim facta *ἀνυχώτως ὑπὸ ἀναίρεσις*, citra confusionem, citraque divisionem; & licet plenitudo Deitatis, in humana Christi natura, sit; non tamen ut forma, in materia sua, nec ut qualitas in subjecto inhærens; ut calor ab igne in ferro, sed ut forma Dei diversa, ac distincta, à forma seu natura humana, personaliter unita, Phil. 2. vers. 6. 7. quemadmodum licet corpus Salomonis, unione personali, animæ illius junctum, unam constituerit personam: tamen animæ illius sapientia, non est communicata corpori: sic neque essentia, neque operatio Dei propria, humanæ naturæ communicata, nec communicari potuit: quia propria. Denique cum corpus Christi, in terris, non minus, quàm anima esset unitum Deitati ipsius, tamen neque omniscientia, neque immortalis vita fuit præditum, communicatione quadam.

Septima porrò ratio, quæ à Cano etiam objicitur, hæc est: *Christus fuit caput, in his terris, non solum hominum, sed etiam Angelorum*, Ephes. 1. Coloss. 2. *Absurdum est igitur, membra caput, scientiæ & claritate, antecellere*. Verum negatur consequentia: quia ad tempus, dispensatione divinâ, ad salutem nostram procurandam, minor factus est Angelis, Hebr. 2. v. 7. & reliquis hominibus, Psalm. 22. Esa. 53. v. 2. 3. Sed

Octava ratione excipit adversarius: *Christus, inquit, tamen præstantior factus dicitur Angelis*, Hebr. 1. vers. 4. *Ergò anima Christi non solum parem, sed majorem etiam habuit gloriam*. Verum negatur consequentia: Apostolus enim lo-

quitur non de Christi anima, sed de persona: quæ in eo præstantior Angelis, dicitur, quod filius Dei sit, scil. propriè: cum Angeli sint, per gratiam, metaphoricè. Et tamen iisdem Angelis, in terris, ob statum suum humilem, in assumpta natura, minor, (ut modò diximus) appellatur, Hebr. 2. v. 7.

Nonam & ultimam rationem objicit Canus, deductam ex Col. 2. v. 3. *In quo sunt omnes thesauri, sapientiæ, & cognitionis absconditi. Atque, inquit, in Christo non fuissent omnes, si scientia beatorum animæ illius defuisset*. Respondemus, bifariam, 1. Quod ratio hæc nititur hac hypothesi; verba Pauli, *ἐν ᾧ*, construenda necessariò, cum voce Christi: cum potius ad vocem, *mysterii*, (cui descriptio additur distincta, *Dei Patris & Christi*) referenda sint; ut ex iis, quæ Apostolus antè exposuit, elucet, cap. 1. vers. 25. 26. 27. cap. 4. vers. 3. Cui constructioni, atque expositioni sequentia etiam conveniunt: quia huic mysterio Dei (seu doctrinæ Evangelii) opponitur, *deceptio probabilis sermonis*, v. 4. & *Philosophia, & inanis deceptio, secundum traditionem hominum, secundum elementa mundi, & non secundum Christum*, vers. 8. Quemadmodum etiam, 1. Cor. 2. v. 7. *Sapientiam Dei in mysterio occultam* (id est, doctrinam Evangelii) sapientiæ hominum opponit, vers. 5. Altera responsio est; etsi necessariò, de Christo, accipi debere, probari possit: si ita tamen accipiamus, analogiæ, & fidei, & hujus loci, non male convenit: atque, hoc modo, negatur consequentia; quia Christus nomen personæ est: in qua persona, revera, sunt omnes thesauri sapientiæ ac cognitionis: sed inde non sequitur; Ergò secundum humanam naturam, in eo, sunt omnes thesauri: de qua re quæstio est. Neque obstat vers. 9. quo de Christo dicitur: *In eo habitare omnem plenitudinem Deitatis corporaliter*: quia unio naturæ divinæ & humanæ, non autem confusio proprietatum denotatur. Denique licet de sapientia, & cognitione Christi, ageretur, respectu humanæ naturæ, seu animæ (quod probari non potest) intelligeretur aliter, quam adversarii contendunt: nimirum non de omniscientia absolute: sed relatè, de omni ea scientia, de qua egit, ad salutem necessaria, ut cap. 1. vers. 9. *Ut impleamini omni agnitione voluntatis ejus, cum omni sapientia & intelligentia spiritali*, & 28. *Erudientes omni sapientia, ut quemvis hominem sistamus perfectum in Christo Jesu*. & cap. 2. v. 2. *& omni opulentiâ certò persuasæ scientiæ, ad cognitionem mysterii Dei & Patris & Christi*, quibus proximè subjicitur vers. 3. *in quo sunt omnes thesauri scientiæ & cognitionis scil. mysterii Dei & Christi*. Unde apparet agi, hoc loco, de sapientia, & cognitione salutifera, quæ à Christo, & per Apostolos nobis revelata: de qua in antecedentibus etiam egit: ut ostendimus. Atque hic fuit Apostoli scopus, ut ostenderet, extra Christum, salutiferæ doctrinæ fontem, nullam sapientiam salutiferam esse quærendam: sed in ea, per Evangelium revelata, acquiescendum: ideoque humanam sapientiam, ac doctrinam fallacem, esse fugiendam: ut ex seqq. vers. 4. & 8. cum 22. & 13. apparet.

Quamobrem cum neque testimoniis Scripturæ sacræ, neque rationibus prolatis à Pontificiis, probari possit: Christum in terris versantem, scientia beatorum coelestium fuisse præditum: multo minus Dei essentiam, & omnia in ea vidisse: concludimus, eam opinionem esse vanam, atque impiam: naturæ divinæ cum humana: & status Christi humilis cum glorioso, confusionem: diversisque contradictionibus implicatam. Atque hæc de scientia beatorum, quam in visione essentiae Dei, & omnium in ea, definiunt falsò Pontificii: quamque attributam animæ Christi, in terris versanti, contendunt, disseruimus.

Secunda deinde quæstio est, de scientia Christi in terris, infusa, seu revelata. De qua re Bellarminus libr. 4. de Christo, cap. 1. sic ait: *Catholicorum sententia communis semper fuit: Christi animam, ab ipsa sui creatione, repletam fuisse scientia: ita ut nihil postea didicerit, quod antea nesciret*. Idque probare nititur, 1. Scripturæ testimoniis, quorum primum est Esa. 11. v. 1. *Egredietur virga de radice Jesse, & flos de radice ejus ascendet: requiescet super eum Spiritus sapientiæ, &c.* Deinde conjungit loca reliqua: quibus Christus à Deo



dicatur unctus Spiritu, Psalm. 45. vers. 8. Esa. 61. v. 1. Actor. 4. vers. 27. & 10. v. 38. Verum respondent nostri primum, Unctionem personæ, non autem tempus unctionis notari. Nec enim ullo horum locorum, eam Christi unctionem factam esse, in ipsa conceptione, indicatur. Imò potius id evenisse potissimum anno trigesimo ætatis, cum super eum (ut muneri prophetico obeundo inauguraretur) descendit Spiritus, Luc. 3. v. 22. 23. ut etiam Hieronymus exponit, Esa. 61. & à Christo satis declaratur, Luc. 4. v. 8. Deinde licet de conceptione ageretur: potuisse tamen postea augeri sapientia, & gratia, ut asseritur, Luc. 2. vers. 52. non negaretur. Quemadmodum etiam Baptista, in utero matris, repletus fuit Spiritu Sancto, Luc. 1. vers. 15. Neque tamen profecisse negari potest: ita Christus accepit Spiritum variorum donorum: sed dona, pro ætatis, & officii obeundi ratione, suum habuerunt incrementum. Quæ frustra diluere conatur Bellarminus: Nam quod excipit contra primam solutionem; conjungi, in eadem sententia, incarnationem, seu conceptionem, & hanc unctionem; rectè responderetur, Vanam esse consequentiam; quia rerum diversarum, in eadem sententia, conjunctio, momenta temporum non necessariò conjungit, verbi gratia, Esa. 7. v. 14. & 15. dicitur: *Ecce virgo concipiet & pariet filium, & vocabis, &c. Butyrum & mel comedet*: nihilominus tamen hæc tria, non eodem, sed diverso tempore, accidisse constat. Sed instat adversarius; Christum non solum unctum Spiritu Sancto, anno trigesimo, sed etiam ab utero, unde Luc. 2. vers. 11. *Christus*, id est, unctus dicitur. Non negatur: sed diversus fuit unctionis gradus, uti ostendimus. Quod autem adversus secundam solutionem objicit, ex Joh. 1. & Col. 2. ad illud, in præcedenti questione, respondimus.

Quibus testimoniis Bellarminus rationes quasdam addit, quæ minus habent coloris, quam illæ, quas antea, ex Scholasticis, & Cano allatas, confutavimus. Earum autem prima, ab unione hypostatica desumpta est, hujusmodi: *Non est ullo modo credibile, ut verbum personaliter factum sit homo, & non simul effuderit in ipsa incarnatione in illam humanitatem omnia dona, quorum capax erat*. Imò, inquam, id maxime credibile, ac credendum est: quia dispensatio salutis nostræ procurandæ, & officii Christi in terris ratio, ac status humiliationis hoc postulabant Hebr. 2. vers. 7. 9. 17. 18. Quod autem objicit absurdum esse, *animam Dei, & sapientiam, non esse sapientissimam*: Illud non est magis absurdum, quam animam Dei, seu, quæ à Deo assumpta, fuisse tristem usque ad mortem, Marc. 14. vers. 34. & corpus Dei immortalis esse mortuum.

Secunda Iesuite ratio est: *Sapientia, & gratia homini Christo naturalis fuit: ut docet August. Enchir. cap. 40. Ergo ea accepit Christus in incarnatione*. Respondemus, Augustinum non facere sapientiæ mentionem, sed tantum gratiæ, id est, Spiritus Sancti. Deinde non sequitur: Christus à nativitate habuit Spiritum: Ergò omnia dona, & quidem summo gradu: id quod adversario probandum est.

Tertia ratio par est momenti: *Homo in incarnatione, cepit esse Filius Dei. Ergò tunc debuit repleti omnibus donis, quia filius est hæres*. Negatur. antecedens: Nam Christus homo, fuit Filius Dei ab æterno: homo enim nomen personæ est Christi: quod imperitè, aut potius improbè, cum nomine humanæ naturæ (quæ Filius Dei non est,) confunditur. Deinde negatur consequentia: nec ratio illius quicquam probat: Filius enim hæres est semper jure, non autem semper facto: sic etiam Christus, pro officii Mediatoris conditione, per ignominiam ingredi debuit in gloriam, & hæreditatis cœlestis possessionem, Luc. 24. v. 26.

Quarta quæ obtenditur ratio est: *Quod Christus sit factus caput non solum hominum, sed etiam Angelorum, Quam jam ante, à Cano allatam, satis refutavimus*.

Atque hæc ad rationes Bellarmini strictim dicta: reliquum est, ut nostrorum (Lutheri, Zuinglii, Bucer, Calvini, Beza, quos nominatim traducit,) sententiam confirmemus; & ab exceptionibus illius vindicemus. Docent enim nostri Christum, pro ætatis & officii ratione, reverà, ac successivè, crevisse scientia; cum revelata; tum acquisita, reliquorum hominum instar: sed tamen, observatis cer-

tis differentiis: quod scientiam numero, & gradu præstantiorem longè, acceperit. Deinde quod non ab externo principio, ut reliqui prophetæ, sed ab interno, propriæ Deitatis patefactione. Nituntur autem nostri disertis Sacrarum Literarum testimoniis, & rationibus inde desumptis; quas colligere breviter, & illustrare nonnihil conabimur.

Testimonia autem sunt partim è Veteri, partim è Novo Testamento deprompta. E Veteri quidem à nostris Interpp. non contemnendis in suis Comm. ad Esa. contra Pontificios assertur, cap. 7. v. 15. ubi proposita conceptionis vel nativitatis Christi promissione, vers. 14. subjicitur: *Butyrum, & mel comedet, וְיֵרֵךְ אֶת הַיָּדַיִם* ad cognoscere, id est, donec cognoscat, *reprobare malum, & eligere bonum*. Ergò non ante erat cogniturus. Veruntamen adversarii quidam eodem loco, ad suum dogma probandum, abutuntur: quia vocem וְיֵרֵךְ vulgatus interpres vertit: *ut sciat*. Cum autem conjunctio, illa, *ut*, vel causam notet; vel eventum, (ut usus ostendit,) Lyranus ad Esaiam 7. cap. ait. *Non causaliter, sed consecutivè accipiendum*: ac si declararetur, Christum, ab infantia, habuisse plenitudinem scientiæ, ad reprobandum malum, & eligendum bonum. Sed licet conjunctio, *ut*, finem non rarò notet, aut eventum: tamen *ad*, seu, *donec*, notare, res ipsa arguit. Nam finis esus butyri, & mellis, (de quo agitur,) non fuit, ut cognosceret reprobare malum: sed ut nutriretur: & tamen, si finem notaret (ut quidam putant) sententia contra Pontificios perstaret. Finis enim rei, si executionem spectemus, rem sequitur; non autem præcedit. Deinde neque eventus, ut Lyranus putat, rectè notari potest; nam eventum butyri & mellis notando, consequens notaretur, non autem antecedens: eventus enim rei, re posterior. Contra verò sensus commodissimus est hujusmodi: forè ut Christus edat butyrum & mel, donec cognoscat reprobare malum, & eligere bonum, id est, donec ex infantia discesserit, & ætate & cognitione adoleverit. Ideoque Achafo regi metuendum non erat, futurum, ut à Syris, & Israëlitis, regnum illius subverteretur. Idem probat alterum Esaie testimonium, non quidem absolute, sed relatè ad Pontificiorum hypothesein: quod extat vers. 16. quem illi de Christo exponunt: nempe. *antequam sciat puer reprobare malum, & eligere bonum*: quo à Pontificiis concessio, & posito, sequitur: Scientiam, de qua agitur, posteriorem esse conceptione, & nativitate Christi. Sed excipit Lyranus; *hanc phrasin, (antequam sciat,) idem notare, atque ante conceptionem; quod istam scientiam habuit in instanti conceptionis: ideo de scientia humana sic dicitur, (antequam sciat.)* Sed, inquam, illud omninò à phrasi Scripturæ, & omnium bonorum authorum, abhorret, atque inaptum est; & simul manifestam contradictionem continet. Si enim ante conceptionem: ergò non in instanti conceptionis, scivit: quomodo autem scire potuit humana Christi natura, antequam concepta. Observandum autem est, tertii testimonii loco, non quidem absolute, sed ex hypothesi sententiæ Patrum, quam Pontificii vulgò sequuntur, nimirum, Esa. 8. vers. 4. ubi dicitur: *Antequam sciat puer vocare Patrem suum, & matrem suam*; quod de Christo intelligunt. Quod quamvis non satis rectè exponatur: interim tamen, ex eo, Patres colligunt, Christum, quæ ignorabat, didicisse. ut Ambrosius de incarnationis Sacramento, cap. 7. Idemque confirmat Epiphanius in Ancorato. Et sanè, (hypothesi hac posita, de Christo agi,) inde solide, contra Pontificios, Patres docent, Christum paulatim scientiam majorem acquisivisse.

Porro ad Novi Testamenti loca quod attinet: Primum testimonium est de Christi scientia, paulatim auctâ, ex Luc. 2. vers. 40. *Puerulus autem crescebat, & corroborabatur Spiritu, implebaturque sapientia: & gratia Dei erat cum eo*. Quod argumentum, quia perspicuum est, & adversarios maxime premit: idcirco Bellarminus contra, tribus modis, respondere conatur.

Primum, vocem πληρούμενος aliquando idem significare, quod πλήρης plenus, ut vetus interpres vertit. Verum antecedentia verba, *crescebat & corroborabatur Spiritu*: & expressius vers. 52. hanc interpretationem refutant. Quemadmodum etiam Ambrosius loco antè memoratò; & addit: *Quid igitur*

tur implebatur, erat non Dei, sed nostra sapientia. Quo etiam dicto secunda Bellarmini ratio diluitur. Ait enim: *Si legamus passivè, sensum esse, quod sapientia tam creatà, quam increatà, quæ in ipso erat, replebantur magis ac magis organa corporea & movebantur ad opera excellentiora facienda.* Sed ridicula hæc est vanitas: quia organa corporea, non sunt scientiæ subjectum, sed anima sola. Quod autem Athanasium sermone quarto, contra Arrianos testem adducit, alienum est. Nam cum Arriani profectum, Christo, quæ verbum Dei, tribuerent, illud refutat, & de persona, secundum humanam naturam dici ostendit, Tom. 1. edit. Commel. & pag. 290. ait: *Ideoque non sapientia quatenus sapientia est, ipsa per seipsam profecit: Sed τὸ ἀνθρώπινον, humanitas in sapientia profecit.* Et paulò post: *Non dicit, λέγει, profecit, sed Jesus: quo nomine homo factus, Dominus vocatus fuit, ὁ ἐκ τῆς ἀνθρωπίνης φύσεως τοῦ θεογονητῆρος, ut sit humanæ naturæ profectus: quemadmodum superius admonuimus.* Hactenus Athanasius, quem Bellarminus pro se adducit, cum contrarium disertè statuatur. Quare ad tertiam responsionem delabatur adversarius, Christum profecisse, non scientia infusa, sed acquisita tantum, & quidem non theoricè, sed practicè, experimento proprio. Sed illud antecedentia refutant. Ut enim crevit & roboratus est Spiritu, ratione incrementi & virium: ita implebatur sapientia, plenius accedente: & sapientia, neque usu communi, neque Scripturæ exemplis hujus phrasidis interpretatio probari potest; nempe implebatur sapientia: id est, experiebatur magis ac magis suam sapientiam; sed reverà insolens & inepta expositio. Nam quod Bellarminus verba Ambrosii de incarnationis Sacramento cap. 7. adducit hujusmodi; *Christum habuisse naturam humanam initio perfectam, & tamen sensu humano profecisse:* Nihil inquam nobis obest; quia perfectam intelligit, substantiæ, (disputat enim contra eos qui Christum anima caruisse fingebant,) non autem omnium accidentium aut scientiæ ratione. Sic enim proximis verbis se exponit; *Quomodo, inquit, proficiebat sapientia Dei? doceat te ordo verborum; profectus ætatis, profectus sapientiæ, sed humanæ est.* Et paulo post, *sensus igitur proficiebat humanus.* Ubi per sensum, intellectum intelligere apparet. Idemque sequentia, quibus infantie Christi ignorantiam ex Jesaiâ attribuit, demonstrant. Quare primum Novi Testamenti è Luca petitum testimonium, invictum perstat.

Alterum est ex eodem Luc. cap. 2. v. 52. *Jesus proficiebat sapientia, & c. ætate, & gratia apud Deum & homines.* Ideoque cum sapientia divina, (ut quæ infinita atque immutabilis est, (non creverit: humanam crevisse, necessarium est. Sed argumentum hoc bifariam eludere conatur Bellarminus. Primum ait: Christum profecisse opinione hominum, quibus indies magis aperiebat suam sapientiam. Et ad eam rem, Athanasium, Oratione quarta, De Filio, nobis objicit. Verum in eo fides adversarii desideratur; quia non simpliciter negat, Christum sapientia profecisse; agit enim Athanasius contra Arrianos: qui Christum non solum, quæ Filius hominis, sed etiam, quæ Filius Dei, profecisse contendebant. Idque agnoscere cogitur Bellarminus, cum addit: *Athanasius præcipue de Christo, quæ Deus erat, negat profecisse.* Quod verò subijcit: *eum solum admittere profectum, quoad externam demonstrationem sapientiæ; & simpliciter negare Christum interno profectu ullo modo auctum esse:* id de divina quidem natura verum est: sed de humana hoc negare, falsum. Id quod, inter cætera, hæc verba ostendunt: *Quemadmodum enim passus est carne, & carne esuriit, & carne fatigatus est: ita quoque pro ratione, conditioneque suæ carnis, in sapientia profecisse:* Non enim, segregato verbo, abjunctoque à corpore, profectus iste, qualis is est, de quo loquimur, obvenit: Sed quia in carne erat, quæ proficiebat: ideo ejus, quod in carne ipsius continebatur, dicitur. Deinde paulò post disertè distinguit: Non, inquit, Sapientia, quatenus ipse sapientia est, progressus fecit: Sed humanitas in sapientia profecit. Quare Athanasius hoc Lucæ testimonium, non ut Pontificii, sed ut nostri, exponit. Sicut etiam Vigilii, libr. 3. & 5. contra Entychen. Secundò, refutatur etiam Bellarmini interpretatio, adjunctis Lucæ verbis, quibus Christus dicitur profecisse, sapientia, & ætate, & gratia apud Deum &

homines. Sed idem excipit: *apud Deum & homines,* debere conjungi, cum profectu in gratia; non autem cum profectu in sapientia & ætate. Idque inde probare conatur: quod non soleamus dicere aliquem profecisse sapientia vel ætate, apud Deum & homines; quia sapientia & ætas res absolutæ sunt, nec ab alio pendent. Verum hoc refutatur Scripturæ usu, Genes. 6. vers. 11. *Et corrupta est terra coram Deo,* & cap. 10. vers. 9. *Erat fortis venator coram Deo.* & Luc. 24. vers. 19. *Jesus fuit vir Prophetæ, potens in opere & sermone, coram Deo & populo.* Sic etiam hac phrasi, *coram Deo, & hominibus,* veritas rei declarari solet, 2. Corinth. 8. vers. 21. Cui oppunitur, *coram hominibus,* Luc. 16. vers. 15. Cæterum, quod addit adversarius, Christum dici, gratia apud Deum, & homines profecisse: quia quotidie magis diligebatur ab hominibus, & recipiebat signa benevolentiae Dei: Illud causæ nostræ non adversatur: Sed in eo tamen errat, quod profectum gratiæ apud homines, de dilectionis erga Christum incremento; profectum verò gratiæ apud Deum, de externorum divinæ benevolentiae signorum augmento, exponit: & hac ratione gratiam, diversa omnino significatione, in eodem loco, interpretatur. Quod quum ineptum esse animadvertat, longè tamen ineptius addit: *Sive quod idem est, crescebat quotidie, in externis signis benevolentiae Dei, & hominum:* Quippe hanc, à superiori explicatione, diversam esse, res ipsa loquitur. Aliud enim est, magis indies diligere, id quod ad animam pertinet: aliud, dilectionem exterius significare; quemadmodum etiam declaratur eo loco, quem tamen in eum finem, ex 1. Sam. 2. vers. 26. adducit: *Et puer crescebat, & placebat, & coram Deo & coram hominibus.* Ideoque tandem adversarius, diffidens huic responsioni suæ, altera via elabi conatur; agnoscit enim Christum profecisse sapientia, apud Deum & homines: sed exponit operibus sapientiæ, judicio Dei & hominum. Sed natura hujus phrasidis obstat: quia opera sapientiæ non sunt sapientia, sed effecta illius. Deinde vox ætatis, quæ annectitur sapientiæ, à Luca, cum eodem verbo, *profecit,* constructa, refutat eum; ait enim, *profecit sapientia & ætate.* Ætate autem incremento vero profecit, non sola patefactione illius: ideoque sapientia similiter crevisse indicatur: non autem externa tantum illius significatione: sed interno sapientiæ incremento. Et quemadmodum, judicio Dei & hominum, Christus crevit ætate, (ob virium & staturæ incrementum conspicuum,) sic etiam sapientia crevit reipsa, & judicio experientiae aliorum: quemadmodum rectè Ambrosius, de incarnatione cap. 7. ex ordine verborum, hoc demonstrat: Quare adversus Bellarmini effugia, stabilitum est, ac perstat secundum nostrorum argumentum.

Tertium verò è Novo Testamento testimonium extat, Matth. 24. vers. 36. Cujus testimonii confirmationem, & ab exceptionibus adversarii vindicationem vide in dictatis ad Matth. 24. vers. alleg.

Consequens jam igitur est, ut rationes etiam, quibus utuntur nostri, ad eandem, de scientia Christi, in terris crescente, sententiam probandam, adjungamus: Licet non parvis sint momenti, ac claritatis. Quarum prima est, ex Johan. 11. vers. 34. ubi Christus quærens de Lazaro, ait: *Ubi posuisti eum?* Unde videtur ipsum ignorasse locum. Verum quia objici posset: quætionem Christi non arguere semper ignorantiam illius, ut ex Johan. 6. vers. 6. constat; nec videri probabile, ipsum sepulchri locum ignorasse: qui antea præcivit ac prædixit morbum, ac mortem Lazari. Ideoque argumentum non necessarium. Interim tamen vix ulla verisimilis ratio hujus quætionis, præter ignorantiam, dari potest. Ac propterea ita etiam intellexit, & exposuit Cyril. Alex. de Trinit. libr. 9. cap. 4. *Aliquando, (inquit de Christo,) ut Deus; aliquando ut homo loquitur: ut & Deum, & hominem se verum ostenderet. Ut Deus dixit ad discipulos: Lazarus amicus noster dormit; cum nullus ei nunciasset: ut homo interrogabat, ubi posuisti eum?* Et paulò post ait: *Utrumque, ut Deus, scivit; & utrumque, ut homo ignoravit.* Quod intelligendum est, per se; nam per se ignorans ut homo, prius revelatione suæ Deitatis percepit; posterius, hominum, ad quætionem illius, indicio.

Alteri

Altera deinde nostrorum ratio est, ex Matth. 21. 19. Marc. 11. 12. 13. *Christus esuriens venit ad ficum: ut inveniret aliquid in ea, & cum venisset ad eam, nihil invenit nisi folia: Ergo ignoravit abesse fructus.* Si enim scivisset ante, non adesse fructus: non in eum finem venisset, ut inveniret eos. Neque, ut quidam exponunt: rectè dici potest Christum hic tantummodo captasse occasionem, ex absentia fructus, & vacua foliorum copia: ut discipulis fructus pietatis sinceræ commendaret: hæc enim explicatio scopo accessus Christi, ut inveniret fructus, repugnat. Verum obijciunt, non esse credibile ipsum ignorasse, quandoquidem subjicitur, *non erat tempus ficuum.* Respondetur, à nonnullis: Christum ignorasse speciem arboris, atque illam erroris innoxii extitisse causam: Nam aliæ arbores citius; aliæ tardius fructus ferunt: ac propterea Evangelistam causam reddere, cur non inveniret fructus in ficu: nimirum, quia non esset tempus ficuum. Sed obstare huic expositioni videtur, quod non dicat Evangelista, cum ad arborem pervenisset, ficum comperisse: Sed *καὶ εὗρεν ἔκκενον*, seu *procul* vidisse ficum, & ad eam venisse. Sed alii respondent; non fuisse alienum, si præteriti anni reliquias aliquas retinisset. Nam & nostris, & longè frigidioribus regionibus, sæcundæ arbores, aliquando suæ fertilitatis præteritæ reliquias aliquas diutius, ultra maturitatem, fertilitatis suæ præteritæ argumenta, retinent. Denique memorabilis est Alberti Magni expositio, Matth. 21. *Non enim, inquit Marcus, erat tempus ficuum: & hoc videtur: quod circa Pascha fuerit: & tum videtur, quod injuria fiat maledictæ arbori: quod non est signum sterilitatis, quando non habet poma, tempore, quo non debet habere. Sed respondendum est: sicut est Jerusalem in terra calida, & maxime in clivis montium, in quibus est reverberatio solis, ficus in Pascha habent fructum præcoquum, quem desideravit Dominus. Et, quod dicit Marcus: intelligitur de fructu communi. Ficus enim duo genera emittit: præcoquas, & sequentes. Ficus præcoquas semel emittit: & alias continuè. Itaque semper habent fructum.* Hæc Albertus. Quam sententiam confirmasse videtur Plinius, libr. 15. cap. 18. qui ficus tradit esse *biferas*, imò *triferas*. Denique experientia etiam, apud nos, Alberti sententiam confirmat. Atque hæc de secunda ratione, pro innocenti Christi, in re, ad officium, nec pietatis, nec prophetiæ pertinenti, ignorantia.

Tertia ratio est, ex precatione Christi, in agone constituti, & quidem maxime feriâ, Matth. 26. vers. 39. *Pater, si possibile est, transeat à me poculum istud: veruntamen, non ut ego volo, sed ut tu.* Unde apparet, Christum, licet habituali scientia, poculum illud passionis, & mortis, à se transferri non posse, norat, Matth. 16. vers. 21. & 20. vers. 22. actualis tamen scientiæ ratione, ad breve momentum, horrendæ passionis terrore, ac præfensione, Marc. 15. v. 33. & Matth. 26. vers. 37. turbatâ ipsius animâ, illud tum ignorasse: quemadmodum & deprecatio, & revocatio deprecationis evincit. Nam si voluntatis Dei irrevocabilis, & officii necessarii memoria fuisset præfens, actuque novisset, per Dei voluntatem, fieri id non posse: profectò sanctè contrarium precari nequisset; sanctè autem precatum fuisse, constat. Deinde revocatio illa deprecationem corrigens, restitutam voluntatis Dei memoriam, ac notitiam, demonstrat: quia in ea acquiescit, & ad poculum bibendum, paratum se offert. Quod autem gravissimo imminentium dolorum terrore, ad momentum, voluntatis Dei notitia ofuscata est, ut eam non consideraret; peccatum illud non fuit: sed pars pœnæ peccatorum nostrorum, quam pertulit. Revocatio autem Christi, per Angeli ministerium; à quo in agone isto fuit confirmatus, processisse videtur, Luc. 22. vers. 43. Ideoque per intervalla, repetita, secundo & tertio loco, precatione, omisit deprecationem, firmatâ jam memoriâ, & in Dei voluntate acquievit, Matth. 26. vers. 42.

44. Quod autem Bellarminus Tom. 1. de Christo libr. 4. cap. 5. excipit: *Christum dicere: si vis, Luc. 22. v. 42. non quod ignoraret Patrem nolle: sed ut ostendat affectum naturalem suæ voluntatis, ad fugiendam mortem, conjunctum cum omni subjectione ad Patris voluntatem:* illud, inquam, vanum effugium est. Qui enim aliquid precatur à Deo, quod certò scit, non esse possibile; sed, irrevocabili Dei voluntate, Deum nolle; ille & stultè precatur, cum sciat id non posse obtineri: & injustè, quia sine fide, quæ promissionem exauditionis requirit: imò contra fidem; id quod à Christo alienissimum est. Quare deprecatio illa, affectum naturalem Christi, omnibus à Deo, ad conservationem sui, insitum, cum memoriæ de voluntate Dei, & officio ipsius necessario, perturbatione conjunctum patefecit: alioqui nec sapienter, nec sanctè passionis & mortis poculum potuisset, sciens, ullo modo, deprecari, aut in dubium vocare, ut antè ostendimus. Ac propterea in eo, quod affectu naturali, ignorantia quadam, ex terroribus animi procedente, precatus est, non obtinuit à Deo, Psalm. 22. vers. 3. Non tantum, quia relatè, cum conditione, petit: ut transiret poculum, si possibile esset; si Pater vellet: ut Bellarminus de Christo, libr. 4. cap. 5. statuit; sed quia petit cum conditione, quam, extra hunc terrorem, impossibilem esse, antea norat: & quam, citra ignorantiam, ex perturbatione ortam, nunquam proposuisset: nec proponere sapienter, neque ex fide, potuisset.

Quarta denique nostrorum ratio (qua Christum, secundum humanam naturam, in terris, non omnia, à conceptione, scivisse, probant,) desumpta est, ex Hebr. 2. vers. 17. & 4. vers. 15. *Christum, per omnia, nobis similem factum, excepto peccato.* Sed contra respondet Bellarminus, *omnium* nomine intelligi ea, quæ ad perfectionem pertinent: vel ad redemptionem faciunt. Respondetur, id esse verum, quamvis non satis firma ratione illud comprobet. Nam ad redemptionem nostri pertinuit, ut Christus ignorantiam nostram, quatenus sanctitati non obstabat, neque muneri ipsius exequendo, in se susciperet; quia pœnas, nobis debitas, luit. Neque inde sequitur, ut adversarius contra objectat: *debuisse febri, podagra, cæterisque morbis affligi:* quia neque hi morbi singulis hominibus obveniunt. Et satis fuit habuisse corpus, quod morbis affligi potuerit: etsi credibile omnino, nullum horum, quod muneri prophetico exercendo obstarent, pertulisse: quia, (ut inquit Athanasius sermone de incarnatione verbi) *neque morbo laborare Dominum decebat, ut qui aliorum morbos sanabat.*

Atque hanc, de aliqua, & innoxia Christi ignorantia, ad redemptionem, & consolationem Christianorum, utili, sententiam, orthodoxi Patres confirmant. Sic enim Athanasius, Orat. 4. contra Arrianos: *Siquidem (inquit) hominis proprium est ignorare, ac præcipue ea, quæ sunt istius generis: & in eo ipso, proprium quiddam est benevolentiae Salvatoris nostri, adversus nos homines; siquidem homo factus non erubuit, per carnem, ex natura istarum rerum, insciam, se ignatum fateri; ut ostenderet, se ejus rei conscium, ut Deum; sed tamen carnaliter ignorare.* Deinde Cyrillus thesauri, libr. 9. cap. 4. *Non oportet igitur, per hanc vocem, ignorantem Dei Verbo inurere: sed potius misericordiam ejus adorari: qui non recusavit, propter nos, ad tantam humilitatem descendere; ut omnia nostra, & etiam ignorantiam humanam, susciperet.* Item: *Vere se dixit, ut hominem ignorare, infirmitates enim nostras omnes accepit: hac de causa ignorasse se dixit.* Hæc Cyrillus. Quare meritò, Pontificiorum temeritatem (qui asserunt Christum, ab initio conceptionis suæ, perfectam omnium rerum habuisse scientiam: adeò ut nihil omnino ignorarit,) Sacris literis repugnare concludimus. Atque hæcenus, ad quandam versus ultimi cap. 2. Lucæ illustrationem, ac confirmationem, de scientiæ Christi incremento, differuimus.

FINIS eorum, quæ author in LUCAM  
commentatus est.

# FRANCISCI GOMARI,

S. S. Theologiae Doctoris & Professoris,

## SELECTIONUM

### EUANGELII JOHANNIS Locorum,

### ILLUSTRATIO.

#### PREFATIO.

**A**Nequam ad rem propositam accedamus, non alienum fore duximus, si brevi descriptione totius operis praemissa, ac succinctè explicata, viam quodammodo praemuniremus. Ac descriptio hac est: Euangelium Johannis est Nov. Testamenti historia, de exhibito Messia, per Johannem Apostolum, divino afflatu ac directione, Graecè conscripta, ad doctrinam salutarem, sufficienter per tres reliquos Evangelistas exarata, propagationem ad finem mundi, & pleniorum ac sublimiorum explanationem: praesertim verò ad divinitatem Christi contra Antichristos asserendam, ad Dei in Christo gloriam, & Christianorum fidem ac salutem. Hac autem historia constat titulo, & tractatione; seu inscriptione & scripto. Nam cum tituli librorum sacrorum, alii sint genuini, nempe qui à sacris scriptoribus sunt praefixi, quemadmodum Esa. 1. v. 1. et Apocal. 1. v. 1. Alii verò ab Ecclesia aptè adjecti, sive ab operis initio, ut duo libri Moysi Breschith, Velle Schemoth, à Judaeis: sive à rei materia, ut Genesis, Exodus, à Graecis & Latinis appellantur; hunc genuinum esse, ex collatione Marc. cap. 1. v. 1. apparet. Aptum autem & verum esse, res ipsa docet. Titulus enim est: Euangelium secundum Johannem: quo materia seu subjectum hujus operis indicatur, & causa efficiens instrumentalis. Materia est Euangelium: Quia vox, cum propriè generatim latum nuntium significet, in Theologia usurpatur bisariam. Primum enim per Synecdochè generis pro specie, doctrinam de salute per fidem in Christum absolūtè notat. Quomodo verbum conjugatum εὐαγγέλιον, Euangelium praedico accipitur, Hebr. 4. v. 2. Nam & nobis euangelizatum est, quemadmodum & illis, nempe Israëlitis antiquis. Verum hac doctrina de salute per Christum venturum, non Euangelium, sed εὐαγγέλιον promissio καὶ ἰσχυρὸν dici solet, ut Galat. 3. v. 17. sed doctrina salutis per Christum exhibitum vocatur distinctè, Euangelium, ut Roman. 1. v. 1. 2. Euangelium Dei quod ante promiserat in Scripturis sanctis. Euangelium autem, id est, bonum nuntium duplici de causa merito appellatur. Prima est, quia salutem & vitam aeternam afflictis conscientibus, per fidem in Christum annuntiat; id quod commune habet cum promissionibus Prophetarum de Christo. Neque obstat, quod Hebr. 11. v. 39. fideles Veteris Testamenti dicuntur non reportasse promissionem: quia improprie hoc loco rem promissam, nempe Christum exhibitum & pro nobis mortuum ac glorificatum, notat, ut sequens versus, & cap. 12. v. 2. & res ipsa, alibi explicata, satis indicant. Altera verò nominis causa, est propria, quia peculiariter promissionum Patriarchis & Prophetis factarum ac scriptarum, de optato Messia adventu, complementum annuntiat, Matth. 3. v. 2. Luc. 1. v. 54. 55. & 2. v. 10. & 10. v. 24. Johan. 8. v. 56. Rom. 10. v. 15. Hebr. 11. v. 39. & 40. Denique 1. Petr. 1. v. 10. 11. 12. Secundò ex hac metonymica significatione deducta est altera, cum quatuor libri, quibus hac doctrina Evangelii divinitus perscripta est, Evangelia appellantur: ut Marc. 1. v. 1. & quidem καὶ ἰσχυρὸν, si quis cum reliquis Novi Testamenti libris comparet. Nam ex historia persona, vita, mortis, resurrectionis & ascensionis, promissum Messiam venisse: & Jesum Maria virginis Filium hunc esse Messiam demonstrant. Reliqua verò scripta, licet Christi adventum non dissimulent, dictorum tamen & verborum ac passionum Christi historiam (quod ab Evangelistis ea satis esset descripta) praetereunt, & dogmatibus explicandis potissimum insistant. Ac propterea, quamvis revera Euangelium contineant: hoc tamen nomen peculiariter quatuor prioribus Novi Testamenti libris attributum. Quemadmodum enim quinque libri Moysi, sunt Veteris Testamenti, quasi fundamentum, ac primus, à Deo datus fidei canon perfectus, cujus explanationi cetera Prophetarum scripta inserviunt: sic etiam quatuor Evangelia, reliquis Novi Testamenti scriptis, instar Canonis fidei & morum perfecti, simili ratione, subternuntur, & operis pleni perfectione antecellunt: Nam legis sententiam, fidei articulos, Sacramentorum (cum Baptismi, tum Coenae Dominicae) & disciplinae Ecclesiae institutionem, atque orationem Dominicam, (quibus Novi Testamenti Theologia absolvitur) sola plenè tradunt. Qua de re rectè Cyrill. praefatione in Johannem ait: Exquisita profectò, divinitusque defluxa omnium Evangelistarum doctrina. Nam cum quasi ab alta specula cuncta circumspiciat, auditorum undique commodum ita diligenti studio colligit, ut qui veritatem divinarum sentiunt dogmatum, (si recto animo sacrarum literarum sensum inquirunt) facile quicquid eis conferat, inveniant. Hac ille de Evangeliorum perfectione. Hujus autem Evangelii Johannis causa instrumentalis efficiens, est Johannes Apostolus, Alphaei filius, & Jacobi majoris frater, Matth. 10. vers. 2. qui duo à Christo ab Effectus ministerii, quasi tonantis, metaphoricè nominati sunt Boanerges, hoc est, (ut ait Marcus 13. vers. 17.) filii tonitruum. Johannes autem Christo praeter ceteris discipulis fuit dilectus, unde & in sinu illius recubuit, Johan. 13. vers. 23. & periphrastice vocatur, discipulus, quem Christus diligebat, nempe praeter ceteris, eodem in loco & cap. 20. vers. 2. & cap. 19. v. 26. Vbi etiam Christus jam cruci affixus, Johannem quasi filium futurum Matris suae: & vers. 27. Matrem vicissim quasi Matrem futuram Johanni, commendat. Eum autem esse hujus Evangelii scriptorem, ipsemet demonstrat, eadem periphrasi consueta, Johan. 21. vers. 20. Videt discipulum, quem Jesus diligebat, &c. et vers. 24. subjicit: Hic est discipulus ille, qui de his testa-



testatur, & hæc scripsit. Vnde etiam causa efficiens principalis cognoscitur, nempe Deus, qui ut totius Sacra Scriptura, Spiritus sui inspiratione, atque directione, est anthor, 2. Tim. 3. v. 16. Sic et hujus Evangelii: utpote quod Apostoli est Christi, in omnem veritatem deducti, Johan. 16. v. 13. quique propterea Johan. 21. v. 24. de se, dilecto Christi discipulo, in tertia persona loquens, ait: & scimus verum esse testimonium ejus. Ideoque & impie & inepte olim circa annum mortis Christi 167. odio doctrina Johannis, de Jesu Christo  $\lambda\gamma\omega$  vero Deo, hæreticus Artemo cum sectatoribus, Evangelium Johannis, quasi à Cerintho scriptum rejecit. Vnde sectatores illius  $\lambda\gamma\omega$  ab Epiphonio hæres. 51. & Alogiani ab August. lib. de hæres. cap. 30. nominantur. Qua de re pluribus Danaus in annot. ejusdem libri differit. Cujus Artemonis impta ineptia inde apparent, quod Johannis Evangelio Cerinthii errores (de quibus August. de hæresib. cap. 8.) maximè confutentur. Deinde Evangelii Johannis Apostoli, Ecclesia traditi,  $\alpha\omega\gamma\epsilon\alpha\sigma\theta\epsilon\iota$ , tum adhuc extitisse, brevis temporis & Ecclesie fides, satis arguit: ut etiam  $\alpha\omega\gamma\epsilon\alpha\sigma\theta\epsilon\iota$ , seu exemplaria inde descripta, & toto penè orbe propagata evincebant; & hostium etiam Ecclesie consensum accedit: qui licet hoc Evangelium (ut & alia) magno studio oppugnarent, Johannis tamen esse agnoverunt, ut ex Juliano Imperatore Apostata (qui tres libros adversus sancta Evangelia scripsit, ut Cyrill. monet,) satis constat: quemadmodum verba illius contra  $\lambda\gamma\omega$ , cap. 1. Johannis prolata, & deinde à Cyrillo confutata testantur, ut ex Cyrill. apparet contra Julian. pag. 181. edit. Basilienf. lib. 8. Atque hæc de Evangelii Johannis efficiente causa, seu scriptore, Johanne Apostolo; & authore Deo. Occasio autem scriptionis, ut prisca Theologi observarunt, fuit duplex. Vna, quod ab antecedentibus Evangelistis tribus, quadam scripta essent obscurius, & quadam omissa, quæ utiliter illustrari & explicari poterant: altera verò, fuit periculum contagionis errorum, cum præsentium Ebtionis & Cerinthi, qui Jesu Christi divinitatem negantes, eum Josephi & Maria filium esse (abusi genealogiis Christi, à Matthæo & Luca exaratis) contendebant; aded ut salus Ecclesie hoc remedium à Deo & Johanne postularet; Neque solum ut periculo præsentium errorum; sed etiam futurorum occurreretur, Dei providentia singulari, quantum hoc Evangelium, tribus prioribus accessit; ut veritas Evangelii de Christo, hac quasi quadriga subvecta triumpharet. Finis denique scriptionis hujus Evangelii proximus quidem, est Evangelica veritas, de persona Christi  $\delta\epsilon\alpha\sigma\theta\epsilon\iota$ , & attributis illius, cum officio, tum beneficiis (præsertim de divina illius natura,) illustratio ac propagatio, ad finem usque mundi, Johan. 20. v. 31. & Matth. 28. v. 20. Vnde Cyrill. præfatione in Johannem, ait: Hac re commotus Johannes, par esse putavit, tam præsentibus, quam futuris, hujus Evangelii conscriptione consulere. Remotus verò finis est duplex: nempe medius quidem Ecclesie utilitas, cum in vera fide accuratior institutio, & adversus Christi hostes confirmatio; tum salus aterna, Iohan. 20. v. 12. Deinde ultimus, Dei in Christo gloria, inde redundans.

Atque hæc quidem de causis hujus Evangelii. Circumstantia verò descriptione à nobis simul indicata sunt duæ: lingua, qua conscriptum est hoc Evangelium, & tempus quando. Ac lingua statuitur Græca, quæ & reliqua scripta erant Evangelia: & quidem ratione, novo sædert omnibus gentibus proponendo, convenientissima. Primum ob communem illius intelligentiam. Nam de suis etiam temporibus Hieron. præfatione lib. 2. in Epistolam ad Galatas ait: Sermone Græco omnis Oriens loquitur. Quinimò, inquam, & pars Occidentis. Nam in Italia & Gallia, Græcam linguam non ignotam fuisse, ibidem ostendit, & ex historiis constat. Secundò ob versionis in alias linguas commoditatem: quod Græca lingua præ ceteris omnibus maximè esset communis. Vnde & hoc Evangelium in Hebræum sermonem conversum est, ut Epiphon. hæres. 51. tradit. Cui consensanea, de Græco Johannis Evangelio translato, referens Chrysost. in Iohan. Homil. 1. ait: Syri, Ægyptii, Indi, Persæ, Æthiopes, & innumerae aliæ gentes in suam linguam transtulerunt. Atque hæc prima est Evangelii hujus circumstantia: altera verò est tempus, quo conscriptum. Quod generatim Patres statuunt, nempe post edita tria reliqua Evangelia, (nam plurima ab illis posita, tanquam satis jam explicata omittit) & quidem, ut sentiunt etate senili, ut Epiphonius inter ceteros hæres. 51. tradit. Iohannes enim Apostolus diutissime vixit, aded ut anno demum centesimo, à Christi nativitate obierit, ut Chronologi diligentiores ostendunt. Atque hæc ad tituli & descriptionis declarationem pertinent: sequitur porro scriptum ipsum, quod (si materiam ac scopum communem spectes,) dividitur in descriptionem primum personæ; deinde eorum, quæ ad personam pertinent. Ut autem persona est Immanuel  $\delta\epsilon\alpha\sigma\theta\epsilon\iota$ , constans divina & humana natura: sic utramque, cap. 1. luculenter demonstrat. Ac divinam inde à cap. 1. vers. 1. ad 14.

CAPITIS PRIM.

Deinde contrà Euangelium commendatur fidelibus, tanquam depositum fideliter servandum & observandum, Luc. 12. vers. 48. 1. Timoth. 6. v. 20. ut etiam Paulus, 1. Tim. 1. vers. 18, propositâ Euangelii summâ, ait : *Hoc mandatum commendo tibi*, & 2. Timoth. 2. v. 2. *Ista commendo hominibus fidei*, & 2. Timoth. 1. v. 13. 14. *Exemplar teneto sanorum sermonum, quos à me audisti in fide & charitate quæ est in Christo Iesu, bonum depositum serva*. Ideoque nullibi ab Apostolis aut Evangelistis, fideles Euangelio commendantur; sed contrà, uti ostendimus, Euangelium fidelibus. Deo verò, cujus fidelitate & cura custodimur, meritò commendamus nos : ut Christus, Luc. 23. v. 46. *In manus tuas commendo Spiritum meum* : & 1. Petr. 4. vers. 19. vel alios, ut Actor. 14. vers. 26. & cap. 15. vers. 40. Quod autem Filius Dei, hoc loco Pauli, non simpliciter *ἀγαπᾷ*; sed *ἀγαπᾷ* gratiæ Dei appellatur, descriptio est ab effectu proprio, quo ab omni alio *ἀγαπᾷ* distinguitur, quod author sit gratiæ Patris, per quem nos Pater sibi reconciliavit, & in quo nos gratos habet, Rom. 5. v. 1. Ephes. 1. vers. 6. & 7. Quod epithetum rectè adjicitur, ut causa notetur obliquè, cur fideles Filio Dei *τῷ λόγῳ*, commendentur.

Atque hæc per occasionem, ad hujus Psalmi de Trinitate memorabilem sententiam illustrandam pertinent. Unde illud constat, Iehovam & verbum Iehovæ distinguî, & hac periphrasi Filium Dei ita appellari. Quemadmodum etiam & illud rectè est observatum, Chaldæum paraphrasten plurimis in locis, quæ de Messia loquuntur, pro Iehovæ nomine

ne כִּכְר, id est, λόγος, substituisse; quemadmodum doctiss. Petrus Galatinus de arcanis Catholicæ veritatis, contra Iudæos lib. 3. cap. 4. & 5. demonstrat. Ex hisce igitur omnibus apparet, Filium Dei, non insolenter à Iohanne λόγος appellari. De cuius vocis, hoc loco & similibus, cum interpretatione, tum genuino sensu disquiritur. Nam ad interpretationem vocis quod attinet, vulgò plerique *verbum*: alii verò cum quibusdam Patribus Latinis *sermonem*, plenius atque expressius Latine transferunt. *Verbum* enim propriè Græcè est *ῥῆμα* & pars tantum λόγος. Veruntamen, per Synecochen partis pro toto acceptum, idem quod λόγος notat, ut Matth. 26. v. 75. & recordatus est Petrus verbi Iesu, quod ipsi dixerat: priusquam gallus vocem ediderit, ter me abnegabis: & Rom. 10. v. 8. *prope est ῥῆμα verbum in ore tuo.* item: *hoc est verbum fidei quod prædicamus.* & Heb. 6. v. 5. *postquam gustaverint bonum dei ῥῆμα Dei verbum.* denique 1. Pet. 1. vers. 25. *ῥῆμα verbum Dei manet in æternum: hoc autem est verbum Evangelii.* Quare hoc modo idem valent *verbum* & *sermo*. Verum ad sensum genuinum quod attinet, major sanè est difficultas. Nam licet in eo sit interpretum consensus, Filium Dei appellari *verbum* vel *sermonem*, non propriè; sed impropriè per tropum: in tropi tamen explicatione, seu nominis impositi ratione, diversa sunt iudicia. Diversitatis autem hujus occasio, est vocis λόγος ambiguitas, & probabilis, pro varia significatione convenientia. Λόγος enim propriè *sermo* est, seu oratio, & λόγος *σερμολογίας* sermo prolatus & externus dici solet: unde per Metaphoram ad animam transfertur, & primùm *cogitationem* notat, quæ est quasi tacita mentis oratio: atque inde, per Metonym. effecti pro sua causa, *rationem*, seu cogitandi ac ratione utendi facultatem animæ insitam significat: ut usus communis Græcorum ac Philosophorum in primis declarat. Quo sensu homo definitur animal λογικόν ratione præditum. Hæc significationes etiam Aristotelis nota distinctio, inter τὸν ἐξω λόγον, & τὸν ἑσω λόγον, externum oris, & internum animæ sermonem declarat. Quemadmodum rursus, à Græcis Patribus, λόγος, internus distinguitur; ut unus sit ἐμφυτός & ἐσωδής, insitus & essentialis, nempe ratio seu cogitandi facultas: alius verò ἐκδιδάσκων inditus seu acquisitus mentis conceptus, ac rationis operatio seu cogitatio. unde Hesychius Lexicographus: ἐκδιδάσκων inquit λόγος, πᾶς λόγος ἐν τῇ λαμβανόμενῃ: *inditus sermo, est omnis sermo mente conceptus.* Atque hinc variè hujus vocis λόγος Ioh. 1. vers. 1. interpretationes sunt exortæ, è quibus primariam excerptam. Nam primùm communis ea maximè est sententia, Filium Dei λόγος à Iohanne appellari, per Metaphoram ab interno sermone derivatam, & quidem à ratione: unde ipsum λόγος ἐμφύτου *sermonem insitum* vocant. Qua de re memorabilis ac celebris est Gregorii Nazianzeni sententia, oratione secunda de Filio, quæ quarta est de Theologia, & Oratio 36. edit. Græco-Latinè: Sic autem ait: Secunda ante finem pagina: δοκεῖ δέ μοι λέγεσθαι, &c. Λόγος, ὅτι πρὸς τὴν παλαιοῦ ἔτος ἔχει, ὡς πρὸς τὸν λόγον, & μόνον διὰ τὸ ἀπαθὲς ἔχει τὴν φύσιν, ἀλλὰ καὶ τὸ συναρτῆσαι τὸ ἐξ ἑαυτοῦ γενέσθαι: h. e. *Videtur mihi, &c. λόγος dici, quia ita se habet ad Patrem λόγος, ut ratio ad mentem, non solum propter generationem passionis expertem: sed etiam conjunctionem & enuntiandi vim.* Quæ sententia analogica quidem fidei est seu doctrinæ Sacris Literis explicatæ: Sed an Phrasi Scripturæ sit consentanea, disquiritur. Quidam enim insignes Theologi aliter opinantur, ut doctissimus Beza, in annotationibus ad hunc locum ait: *Mibi non sit verisimile, tam subtiliter illum voluisse hoc loco differere; & rationem addit: Habenda, inquit, potius fuit opinio, ratio idiomatis Hebræi quam Græci. Quamvis enim Iohannes Græcè scripserit, tamen in tradenda Theologia, ac præsertim in illis tradendis arcanis, neque à verbis, neque à locutionibus recessit, quæ in verbo Dei & in Synagoga ita erant usitatæ, ut ab ipso etiam vulgo, si non res ipsa, at certè vocabula intelligerentur. Iam verò apud Syrum interpretem, pro λόγος legitur ܠܘܓܐ quæ voce significatur λόγος & σερμολογίας: quam linguam multi existimant etate Christi fuisse in Iudæa popularem, & in editione Chaldaica innumeris penè locis, pro eo quod in contextu scribitur Iehova, scriptum invenimus ܠܘܓܐ & Chaldaeus interpretes sæpè pro eadem habet Pitbgam*

Adonai. Hæc eruditè Beza; quibus hanc addo rationem: si causa, cur Filius Dei appellatus sit λόγος, est quod sit rationi menti insitæ similis: tum eadem erit causa, cur à Davide Psal. 33. vocetur דָּבָר *verbum aut sermo*. Atqui non eadem est causa cur ita vocetur à Davide Psal. 33. Ergo neque ea est, cur à Iohanne. Propositio nititur hypothesei confessa ac probata ab Orthodoxis, cum priscis, tum posteris: nempe quod eodem utrimque sensu Filius Dei vocetur *verbum* siue *sermo*. Assumptio verò probatur ex vocis Hebrææ & conjugatæ siue thematis illius usu. Nam דָּבָר *verbum*, & דָּבָר *verba facere* seu *dicere*, propriè ad externum verbum pertinere, ut Psal. 18. vers. 1. deinde per Metaphoram, ad internum seu ad cogitationem, quæ est quasi sermo intellectus, transferri, ut Psal. 12. v. 3. & 14. vers. 1. notissimum est: tertio vero modo, ut sermonis intellectus causam, seu rationem insitam menti (à qua cogitatio procedit) significet, nullum prorsus documentum apparet, ideoque hæc significatio, usu omni destituta, non est admittenda, Psal. 33. Atque hæc de prima hujus vocis λόγος expositione atque examine.

Altera est, ut internus quidem sermo intelligatur, sed ita tamen, ut Metaphora sit, non à sermone inlito seu naturali mentis ratione: sed ab effecto illius, cogitatione nimirum, seu oratione mentis, qui λόγος ἐκδιδάσκων dictus, ut antea ostendimus. Quo modo insignis Theol. Wolfgangus Musc. ad hunc locum ait: Λόγος ita sermonem sonat, ut nihilominus & rationem & sapientiam significet, quæ quæ sonitu proferuntur, intus in corde disponuntur. ut igitur *verbum, consilium & sapientia; mentis conceptu & partu, velut imago quædam in lucem profertur, & rectè cordis proles dici potest: ita & Christus sapientia, consilium & verbum Patris, filius ac proles Dei est, imaginem Patris ostendens, & in lucem ad mortalium cognitionem proferens.* Quo etiam Calv. spectat, cum ait Com. in Ioh. cap. 1. v. 1. *Quod sermonem vocat Dei Filium, hæc simplex mihi videtur esse ratio, quia primum æterna sit Dei sapientia & voluntas, deinde expressa consilii ejus effigies.* Nam ut *sermo character mentis dicitur in hominibus: ita non ineptè transfertur hoc quoque ad Deum, ut per sermonem suum dicatur nobis seipsum exprimere.* Verum hæc expositio, etli doctrinam complectatur veram, hoc tamen habet incommodi, quod unius ejusdemq; vocis λόγος significationem, non ab una metaphora (uti fieri oportebat) sed à duabus simul deriveret, nempe à significatione duplici τῷ λόγος: una, qua mentis orationem impropriè: altera, qua orationem seu sermonem oris propriè designat. Deinde (ut de prima expositione dictum) primum hujus secundæ expositionis membrum, subtilius videtur, quam ut simplicitati doctrinæ Evangelicæ conveniat: ut omittam, quod non solum in eo statuitur Metaphora, sed etiam Synecdoche: cum mentis sermo speciatim, pro recta & sapienti cogitatione accipitur. Ideoque multò minus, viri alioqui insignis, Aretii expositio congruit: qui hujus vocis λόγος causas hæc, aliis etiam accumulat. Quod ad cautionem solum monemus: nam hac ratione adversariis ridendi præbatur occasio, cum in causa nominis λόγος assignanda ea aggregantur, quæ in recto vocis usu minimè concurrunt.

Atque hæc de primo expositionis genere, quo causa redditur, quamobrem Filius Dei vocetur λόγος, videlicet quod sit similis sermoni hominis interno: siue rationi insitæ, ut quibusdam videtur, siue conceptæ, seu cogitationi, ut aliis placet. Alterum verò expositionis genus, est ut per tropum, à sermone externo desumptum, Filius Dei, λόγος appelletur: Sed modus tropi diversè ab eruditis exponitur. Primus est, ut sit Metonym. adjuncti pro suo subiecto, circa quod versatur, nempe à verbo Dei externo petita: ut Beza in annot. explicat, his verbis: *Vt mihi verisimile videatur Iohannem hoc nomen velut à medio summis, quo soliti fuerint veteres illi Messiam vocare, quasi cum dicas de quo locutus est, siue quem pollicitus est Dominus: ne quis fortasse me existimet statuere Filium, non esse ἐμφύτου λόγον, & Patri ἐκδιδάσκων. Itaque ὁ λόγος, benedictum illud Semen, Deum & hominem, hoc sensu declarat, de quo Adæ, Abrabæ, Isaaco, Iacobo, Davidi, & electis omnibus locutus est Dominus, quasi sermonem seu promissum Dei voces.* Quam sententiam sequitur Lamb.

Dan.

Dan. in opusculis suis lib. de visibilib. Ecclesia, pag. 1614. Verum licet expositio hæc sit pia, non est tamen satis apta: quia eodem sensu λόγος à Davide Psal. 33. quo à Johanne usurpatur, ut antea etiam ostendimus, cui tamen Psalmo, hæc expositio eo modo non convenit. Quare alter modus est, ut Filius Dei dicatur λόγος sermo, per Metaphoram, non ab interno, sed ab externo sermone desumptam. Nam ut sermo hominis, est quasi character & index cogitationis mentis (unde ἡγγελος νόημα & nuntius cogitationis dici solet) sic Filius Dei is est, per quem Pater se patefacit. Quam expositionem proposuit August. Tom. 3. duobus illustribus locis. Quorum prior extat lib. 7. de Trinitate cap. 3. cum de hoc verbo ait; *Illud enim æternum est, & illuminando dicit nobis de se & de Patre, quod dicendum est hominibus. Ideoque ait, nemo novit Patrem nisi Filius, & cui Filius voluerit revelare: quia per Filium revelatur Pater, id est, per verbum suum.* Posterior verò est lib. de fide & Symbolo cap. 3. *Verbum autem Patris ideo dictum est: quia per ipsum innotescat Pater. Sicut ergo verbis nostris id agimus cum verum loquimur, ut animus noster innotescat audienti, & quicquid secretum in corde gerimus, per signa hujusmodi ad alterius cognitionem perferatur: sic illa sapientia, quam Deus Pater genuit, quoniam per ipsam innotescit animus secretissimus Patris, verbum ejus convenientissimè nominatur.* Ex recentioribus deinde Theologis, idem omninò declarant, duo insignia Ecclesiæ reformatæ Lumina. Primum Petrus Martyr, Comm. in lib. Judic. cap. 6. & locis Comm. Claf. 1, cap. 4. sect. 6. ita explicat, *Filius quippe Dei seu λόγος ab Evangelista nominatur, quod ab eo temerè fieri credendum non est: sed quia per ipsum Deus intelligatur loqui, cum Scripturæ testantur illum fuisse locutum.* Ego toties Filio Dei Christo Domino nostro, id attribuendum censeo: nempe ut Deus per eum Patribus & Prophetis locutus fuerit. Idque Martyr probat ex Joh. 1. v. 18. & 12. v. 41. qui locus etiam est memorabilis: *ista locutus est Esaias cum vidit gloriam ejus & dixit de eo.* Ubi voces istas ejus & eo ad Christum relatas, observandas monet. Deinde accedit Zacharias Ursinus, qui Tom. 1. in loco de Trinit. postquam Filium Dei vocavit personam, per quam Deus exerit suam efficaciam, & voluntatem suam patefacit ac perficit, proximè subjicit. *Hæc enim quamvis & ipsa nominatur sermo, quia Deus per eam loquitur; tamen de ea dictum est sermo ille erat Deus.* Quæ expositio etiam prioribus sententiis (licet alteram etiam conjungant) comprobatur, & à doctissimo Piscatore, postquam geminam nominis hujus rationem cum multis, initio in analysi proposuit: alteram tantum in Scholiis non immerito reponit. Quam sanè simplicissimam, & præ cæteris, à difficultatibus liberam arbitramur: & scrupuli, qui à Clariss. Beza, aliquo modo moventur, facile eximi possunt. Nam primum ait: *Postrema hæc notatio, videtur nonnihil impropria: quia λόγος, nusquam alibi quod sciām accipitur pro interprete, seu pro eo qui loquatur; sed pro eo potius, quod aliquis loquatur.* Deinde quod eadem ratione posset quoque Spiritus Sanctus dici verbum, id est, interpretes Filii, ex eo quod scriptum est infra Job. 14. v. 26. & 16. v. 13. Verum responderi potest ad primam rationem, negari Consequentiam. Quia nititur hac hypothesi seu tacita propositione, nempe quæ vox non alibi in Scriptura accipitur eo modo quo illic exponitur, illa non ita est exponenda. At inquam hæc propositio non est solida, neque probata. Quid enim vetat quominus aliqua vox, per aliquem tropum & accommodatè ad rem ipsam, uno tantum in loco usurpetur? Quia possunt quædam dici per tropum aliquem, puta Metaph. Metonym. Synecd. semel tantum; neque necesse est, ut ad probandum tropum alia loca adhibeantur. Sufficit enim probare primùm propriam significationem non convenire: deinde tropum illum analogiæ, cùm doctrinæ fidei Sacris Literis traditæ; tum circumstantiæ contextus consentaneum: tertio denique nullam expositionem aliam esse aptiorem. Ex. grat. Exod. 4. v. 16. ait Deus, *alloquetur pro te populum, eritque tibi pro ore.* An hic vox *oris* interpretem non significavit, antequam Jeremias cap. 15. v. 19. eodem sensu est usus? Et quid si non fuisset usus, an propterea ea vox aliter esset exponenda? Deinde Mal. 3. v. 23. Elias Propheta vocatur Johannes

Baptista; Atqui nullibi in Veteri Testamento ea voce significatur. Deinde ibid. v. 20. Christus vocatur *Sol iustitiae*, cum tamen nullibi in Sacris Literis ita vocetur, etli aliis eodem sensu; & *Sapientia*, Prov. 8. An verò alibi ita in Veteri Testamento usurpetur, disquiri potest. Deinde Iohannes Baptista ex Esaia ait; *Ego sum vox clamantis in deserto* Ioh. 1. v. 23. hoc est vocem edens, verba faciens, prædicans: atqui quantum observare potuimus non alibi ea significatione nomen *vox* accipitur. Deinde negatur assumptio. Nam jam antè ostendimus verbum ita accipi in V. Testamento Ps. 33. & Hag. 2. quod significationes reliquæ ei non conveniant. Altera similiter ratio negatione Consequentiæ solvitur. Nam licet Spiritus S. sit interpres Dei, ideoque verbum Metaphoricè dici possit: inde tamen non sequitur, verbum hoc in loco Iohannis & similibus; non significare Filium Dei: quia circumstantia loci ostendit Synecdochicè Filium ita nominari, ut qui solus est Verbum caro factum. Alioqui etiam sequeretur sapientiam Prov. 8. non esse nomen Filii Dei: quia etiam Spiritus S. est sapientia Dei, & omnis sapientiæ author: sed hoc discrimen, quod sapientia Filium significans Prov. 8. v. 24. 25. à Spiritu S. generationis mentione distinguitur. Sic Spiritus S. Consolator dicitur, quod fideles consoletur Ioh. 15. v. 26. & tamen Filius etiam Consolator est, uti notum, & illis etiam verbis, *aliū Consolatorem*, indicatur, hoc est, aliū Consolatorem quam Filius est. Quamobrem ex hisce satis apparere arbitror, has rationes non esse solidas: sed Filium Dei, per Metaphoram, à sermone externo (tanquam conceptus mentis indice) derivatam, rectè *verbum* appellari: quod nimirum Pater per eum sese hominibus patefaciat, ut Ioh. 1. v. 18. & Matt. 11. v. 27. Verùm de tempore hujus patefactionis ac sermonis controversia est.

*An Filius Dei, sermo Patrem patefaciens, in Sacris Li-  
teris vocetur absolute, ratione omnis temporis; an verò relatè  
tantum, ratione temporis à nativitate sua ex Maria Virgine.*

Quæ quæstio nec curiosa est, neque inutilis; quia ad rectam personæ Christi notitiam pertinet. & Orthodoxi quidem unanimi consensu prius statuunt. Contra verò Samosatensiani, posterius affirmant. Sic enim eorum antesignanus Faustus Socinus in explicatione primæ partis capituli primi Johannis, id est, usque ad v. 15. hoc contendit. Causa autem efficiens, quæ ipsum movit, est illius de persona Jesu Christi hæresis; quasi is non sit æternus Dei Filius, ejusdem cum Patre essentia: sed in tempore factus, cum ex Maria conceptus ac natus est: ac merum esse hominem, neque antea in rerum natura extitisse. Finis verò affirmationis illius fuit, ut argumentum Orthodoxorum, pro veritate tuenda ab iis propositum eluderet, & errorem suum (quem eo confutari animadvertēbat) fucaret ac tueretur. Id quod facit, magnā sanē animi arrogantia, quam ipso præfationis initio desertē patefacit, cum ait: *multa profecto sunt, in quibus adhuc Christianus orbis cæcutit, & plura fortasse quam quis vel credere vel etiam cogitare possit.* Hæc ille. Cum contra Socinum cæcutire, examen hujus controversiæ propositæ, satis, uti speramus, demonstravit. Orthodoxorum enim sententia est, Filium Dei, non solum, postquam è Virgine Maria natus est, extitisse ac locutum esse: sed etiam jam antea fuisse sermonem, & Deum Patrem partim interius, partim exterius, patefecisse. Idque probatur ex analogia fidei, seu ex Sacræ Scripturæ locis, ut ex brevi specimine apparebit. Prima enim inde deducta ratio hæc est. Ille, cujus Spiritu Prophetæ fuerunt edocti: ille eo tempore extitit, & Deum patefecit hominibus. Atqui sermo seu Iesus Christus Filius Dei, is est, cujus Spiritu Prophetæ fuerunt edocti, 1. Pet. 1. vers. 11. Ergo ille tempore eo extitit, ac Deum hominibus patefecit: Ideoque non primùm post natiuitatem ex Virgine Maria. Deinde ille, cujus gloria vidit Iesaias, & qui Iesaiam est allocutus, eumque misit, & de quo Propheta loquitur, is eo tempore extitit, Deiq; voluntatem patefecit. Atqui Filius Dei is est, cujus gloriam Iesaias vidit, & ipsum allocutus est, ac misit, & de quo Propheta locutus est. Ergo eo tempore extitit & Deum patefecit. Propositio perspicua est: quia cujus gloria videtur,



eius gloria & ille, necessitate consequentiæ existit: deinde qui loquitur & Prophetam mittit, non potest non existere. Assumptio similiter certa est, ex Esaia & Iohanne Apostolo. Ille enim cap. 6. initio describit gloriam Dei Jehovah, v. 1. 2. 3. 4. Deinde dicit se vidisse eundem v. 5. & v. 8. & 9. ait: *Deinde audi vi vocem Domini dicentis, quem missurus sum, & quis iturus est nobis?* (hic observandum, personarum distinctionem & numerum esse) Cui dixi: *En ego, mitte me. Tunc dixit, ito, & dic populo isti, &c.* Johannes autem Apostolus, cap. 12. v. 41. ea exponens ait: *Hæc dixit Esaia cum vidit gloriam ejus & locutus est de eo;* Ubi gloriam Domini Jehovah apud Esaia, Christi fuisse gloriam: & quæ de Domino illo dicuntur, de Christo locutum esse testatur. Nam pronomen *autem ejus*, item *eo*, de Christo perspicue dici ex antecedentibus vers. 36. & proximè sequenti v. 42. apparet. Præterea ille, qui Israëlitas est allocutus, & quem tentarunt illi in deserto: is tum temporis extitit, ac Dei voluntatem patefecit. Atqui Christus est is, quem tentarunt Israëlitas in deserto. Ergo tum temporis extitit, ac Dei voluntatem patefecit. Propositio per se clara est. Nam quod non est, non loquitur nec tentatur: & quod loquitur, necessitate consequentiæ existit. Assumptio autem extat, partim Exod. 23. vers. 20. ubi Christus vocatur Angelus seu nuntius Dei, nempe Patris, ad Israëlitas servandos missus: cujus voci obtemperandum, nec eum exacerbandum, quod non laturus esset defectionem impunitam, quia *nomen Dei in eo est*, hoc est, verus est Deus. partim Num. 21: v. 5. ubi Israëlitas dicuntur murmurasse contra Deum: Jehovah autem immisis serpentibus eos punivisse. Eum autem esse Christum, Paulus 1. Cor. 10. v. 9. attestatur, cum ait: *Ne tentemus Christum, quemadmodum & quidam eorum tentarunt & a serpentibus perierunt.* Nam quod adversus hunc locum contra Wiekum excipit Socinus, per Christum Moysen intelligi, qui Christus vocetur, quia fuit electus à Deo in populi ducem, unde etiam alicubi Rex vocatur: absurdissimum est. Nam de Iesu Christo agi, non de Moysè, res ipsa loquitur. Nec enim Christiani Corinthii, quos à tentatione Christi absterret, potuerunt Moysen tentare: Nec etiam in sequentibus ulla Moysi mentio. Quare ex hisce satis constare potest, Filium Dei, sermonem vocari absolute, non autem relatè tantum ad tempus, ex quo è Virgine Maria natus est. Nam quod adversus hæc objicitur, Heb. 1. v. 1. dici: *Deum olim multis partibus & modis locutum esse Patribus per Prophetas, ultimus verò hisce diebus locutum esse nobis per Filium:* sententiæ antè confirmatæ non repugnat. Nec enim hinc sequitur; Ergo olim non est ullo modo locutus per Filium: sed tantum per Prophetas: quia non absolute, ac generatim, de omni locutione Dei agit: sed de ea, qua Ecclesiam exterius docet: atque ea in re, conditionem Ecclesiæ Novi Testamenti præstantiorem esse docet quam Veteris Testamenti. Quod videlicet in Veteri Testamento Prophetæ meri homines & quidem partitò atque obscurius; in Novo verò, Filius Dei, verbum homo factum, Ioh. 1. v. 14. Deus patefactus in carne, 1. Tim. 3. v. 16. plenius ac clarius voluntatem Patris patefecerit, Ioh. 1. vers. 16. 17. & 18. Unde etiam Hebr. 3. vers. 3. 4. 5. 6. Christum Christianorum Apostolum seu legatum à Deo missum ac Doctorem summum, Moysen, tanquam Dominum servo, & tanquam Deum creatorem omnium, creaturæ opponit. Idemque ex objecto capite primo ad Hebr. apparet. Nam. v. 2. Apostolus ait: *per Filium secula condita.* & v. 10. eum Dominum esse, qui terram fundavit, cujus manuum opera sunt celi: Unde sequitur, ex hoc proprio solique vero & æterno Deo convenienti opere, Filium hunc esse verum & æternum Deum; ideoque olim locutum esse Patribus mediatè per Prophetas; tandem verò hominem factum immediatè, per seipsum, ad posteros Patrum peculiari gratia locutum. Pater enim per Filium & Spiritum Sanctum Prophetas, & per illos Ecclesiam, olim ante Filium hominem factum, est allocutus: ut 1. Pet. 1. vers. 11. & 12. traditur, Spiritum Christi in Prophetis fuisse ac pronuntiasse doctrinam salutis per Christum venturum. Idemque Ioh. 12. v. 41. & 1. Cor. 10. v. 9. (ut ante ostendimus) comprobatur. Denique sequentia Ioh. cap. 1. attributa huic

sermoni, v. 1. 3. & 8. demonstrant, Filium Dei semper extitisse, & Deum Patrem patefecisse, quemadmodum ex eorum examine constabit.

Atque hæc de subjecto *ἀρχή*. Ad attributa transeamus. Primum est: *Erat in principio.* Quo prima Evangelistæ enuntiatio absolvitur; unde hoc citra controversiam concluditur, Filium Dei *ἀρχή* dictum, antè principium extitisse, quia non ait; in principio esse cœpit, sed erat. Idque adeò clarum est, ut ipsemet Socinus in explicatione hujus capitis pag. 14. loquens de sermone: *In principio*, ait, *jam erat, & erat à Deo huic muneri, voluntatem suam scilicet patefaciendi, destinatus.* Deinde principium mundi seu rerum creaturarum intelligi etiam confessum, quia Johannes disertè v. 3. asserit: *omnia per hunc facta sunt, & absque eo factum est nihil, quod factum sit.* In hisce est consensus: sed de mundi & rerum creaturarum significatione, controversia est.

*An Principium Creationis propriè dicta seu primæ, de qua Genesios cap. 1. agitur; an vero impropriè per Metaphoram ac secundæ creationis, seu spiritualis renovationis mundi per Evangelium; principium hoc loco intelligitur.*

PRiUS asserunt Orthodoxi plerique. Nam quod Cyril. Alex. & quidam alii veterum, per principium, Deum Patrem intelligunt: ut sensus sit, quod Filius in Patre erat, illud alienius esse, res ipsa satis declarat. Nam imperfecta redditur hoc modo Iohannis oratio, & inconcinna: ob tautologiam quæ committeretur. Id enim ostendit quod sequitur, *& sermo erat apud Deum*, quod nihil aliud, quam in Deo Patre. Denique intelligitur in Principio quod vers. 2. conjunctim enunciatur, *hic erat in principio apud Deum.* Idemque si Cyrilli interpretatio constaret, sensus esset, in Patre erat apud Patrem: quod inanem repetitionem complecteretur. Quare alii meritò principium creationis primæ exponunt. Contra verò posterius, seu principium creationis secundæ ac spiritualis per Evangelium, intelligi debere Socinus contendit, ut ex pag. 8. constat, cum ait: *Johannes, cum de spirituali mundo per Christum creato scripturus esset, usus est illa ordinis voce, non autem æternitatis notâ: ut intelligamus verbum hoc fuisse, non quidem ab omni æternitate, sed anteres creatas omnes novi mundi, & pap. 13. ait: in principio erat verbum, hoc est, Christus Dei Filius in principio Evangelii, eo nimirum tempore quo Johannes Baptista ad frugem Israëlitarum populum revocare cœpit, & antequam ipsius Baptiste prædicatione innotuisset, jam erat.* Hæc de statu controversiæ utrimque; quem paucis expendemus. Ac priorem sententiam, de principio creationis primæ mundi, de quo Gen. 1. vers. 1. veritati consentaneam esse ex iis quæ de *ἀρχή* Deitate, & locutione per Prophetas adduximus, comprobatur: & ex sequentibus Iohannis verbis amplius postea elucebit. Socini verò expositionem esse meram Scripturæ perversionem, demonstrat inconstantia, & vanitas illius. Inconstantia quidem, cum voci *principii* hoc in loco duas adscribit diversas significationes, nempe principium novi mundi & principium Evangelii. Quæ inter se perspicue differunt, tanquam consequens effectum, & antecedens causam instrumentalis. Evangelii enim principium fuit ante principium novi mundi, seu restauratæ Ecclesiæ: quia creatio illius spiritualis seu regeneratio fit præcedente Evangelio, 1. Pet. 1. v. 23. & Jacob. 1. v. 18. Si igitur principium Joh. 1. v. 1. significat principium novi mundi, non significat principium Evangelii: sin verò significet principium Evangelii, non significat principium novi mundi: quia hæc natura & ordine differunt. Neque excipi potest meritò, hoc in loco, hæc duo probè convenire: quandoquidem Evangelium est principium seu causa efficiens novi mundi: quoniam ea exceptione ac ratione, ineptâ homonymiâ ludetur. Cum enim hic agitur de principio, vox hæc accipitur significatione propria, pro prima parte rei, de qua agitur: non autem Metaphoricè, pro causa efficiente, quæ similis principio; Quæ ut principium rei alicujus reliquas illius partes antecedit: sic causa efficiens rei, rem ipsam. Quare inconstans hæc est

hæc est expositio. Deinde vana etiam est, quia prorsus inepta, falsa, ac probatione Scripturæ destituta. Ineptam enim esse inde apparet, quod cum Evangelium, significet veram annuntiationem Christi Servatoris nati; sensus erit ex Socini mente; In principio annuntiationis Christi nati, Christus erat seu existerat: quæ insolens omnino, & ridiculè superflua oratio. Quis enim adeo desipit, ut qui verè aliquem natum annuntiarī credat, ut non multo magis existerē intelligat? quod vera ea annuntiatio esse non possit, nec talis credi, nisi res ipsa existat. Deinde falsam etiam esse apparet, quia Evangelii principium perperam definit, cum ita ait pag. 14. *Evangelii principium à Baptistæ prædicatione descendendum esse.* Nam quamvis publica Evangelii prædicatione inde cœperit initium: falsum tamen est, Evangelium generatim inde cœpisse, & principium illius non ante extitisse. Quia illud Angelis Dei in Sacris Literis adscribitur: ut enim conceptionem Christi proximè futuram Luc. 1. v. 30. & seq. & factam Matt. 1. v. 20. & 21. Sic nati Christi Evangelium pastoribus annuntiarunt, ut Luc. 2. v. 10. *dixit Angelus: ne timeat, ecce enim euangelizabo vobis gaudium magnum, quod erit toti populo: quia hodie vobis natus est Servator, qui est Christus Dominus in civitate Davidis.* Imò & ante Johannem Baptistam post Angelos Evangelium annuntiavit in templo Symeon, Luc. 2. v. 29. 30. & Anna Prophetissa, eodem tempore, in templo, ut Luc. 2. v. 38. *Hæc igitur cum eo ipso momento supervenisset, vicissim confitebatur Domino, & loquebatur de eo omnibus qui expectabant redemptionem in Jerusalem.* Ac propterea falsum est absolute, principium Evangelii, fuisse prædicationem Johannis Baptistæ, ut Socinus contendit. Deinde ex hoc etiam apparet falsum esse, principium novi mundi seu restauratæ Ecclesiæ esse à prædicatione Johannis Baptistæ: Nam ut Evangelii principium, ante fuisse ostendimus; Sic non fuit inutile, sed ad pastorum & aliorum conversionem efficax, Luc. 2. v. 16. 17. 18. & 38. Denique hujus expositionis adversarii vanitas, inde etiam demonstratur, quod thraconicè ait pag. 4. *Quæ dicenda sunt, ut majore ex parte nova, & nostro seculo inaudita: & efficaces suas rationes jactat temerè, ut ex examine constabit.* Ratio autem est pag. 4. *Nam Evangelii principium à Baptistæ prædicatione ducendum esse ex Marco cap. 1. vers. 1. liquidò constat, quem hic noster (quod ad principii nomen attinet) authorum habet.* Verum quod probandum erat, minimè hic demonstratur. Asserit enim tantum, quod noster (scilicet Johannes) Marcum, quod ad principii nomen, authorem habet: nec enim sequitur: meminit Marcus principii Evangelii: Ergo Johannes ipsum imitatus est, & nomine principii idem intelligit. Deinde etsi Evangelii, ratione publicæ ac solennis prædicationis, principium fuerit à Johanne Baptistæ ministerio: generatim tamen loquendo, jam antea principium illius fuisse, multis perspicuè demonstravimus. Quod autem ait contra Wiekum pag. 329. principium significare initium aliquod, idque pro subiecta materia varium ac diversum: illud agnoscimus; sed quod postea subjicit: *Cum igitur subiecta materia hic sit Evangelium, nulli dubium esse potest, quin hoc loco, in principio, Evangelii initium significet.* Negatur antecedens: quia circumstantiæ hujus loci ostendunt agi de principio mundi, seu rerum creaturarum, ut antè ostendimus, & Socinus ipsemet exponit, (etsi mundum, & res creatas metaphoricè accipiat) ac propterea non intelligi principium Evangelii (ut antea ex differentia mundi & Evangelii clarissimè demonstravimus) sed principium hujus mundi, seu rerum creaturarum per Dei Filium. Unde concludimus, sermonem hunc seu Filium Dei esse æternum: quia ante creatum hunc mundum nullum fuit tempus, hoc est, duratio rei præsens, præterita & futura: sed mera æternitas, seu infinita ac successionis omnis expers duratio. Atque ita primum τὸ αὐτὸ attributum, nempe, quod in principio erat, adversus Socini corruptelas assertum. Alterum verò est, quod de sermone eodem ait Johannes: *Erat apud Deum.* In cuius loci explicatione, consensus est triplex. 1. Declarari his verbis, ubi erat αὐτὸ. Deinde Dei nomine hîc intelligi Patrem; Denique sermonis à Deo Patre distinctionem nota-

ri, quod videlicet Filius alius sit à Patre, apud quem erat; idque hac etiam phrasi designari, ut etiam adversarius contra Wiekum, pag. 335. disertè affirmat his verbis: *Responsio de distinctione apertissimam personarum Patris & Filii jam ab Evangelista fuisse factam, cum dixit: hunc fuisse apud illum.* Hæc ille. Verum oritur jam

Quæstio, quid hoc loco significet:

*Erat apud Patrem.*

IN qua dissolvenda, inter Orthodoxos & Socinum dissensio est. Illi enim, ut ante principium hujus mundi, sermonem extitisse, (quia erat in principio) statuunt: sic apud Patrem, hoc est, in Patre extitisse exponunt, ut Johan. 14. vers. 11. Christus ait, se esse in Patre, unius scilicet ejusdemque essentiae singularis utriusque ratione: Id quod etiam asseritur Iohan. 17. vers. 5. *Glorifica me Pater apud te ipsum ea gloria, quam habui apud te, antequam mundus esset.* Socinus verò contra exponit hoc modo, pag. 14. *Et verbum erat apud Deum, hoc est, Jesus, quatenus Dei verbum, antequam Baptistæ prædicatione patefieret, soli Deo notum erat.* In qua expositione, duplex est Sacra Scripturæ perversio: una ratione doctrinæ; altera ratione phrasidis illius Doctrinæ quidem: quoniam Sacra Scriptura tradit, multis prædicatum ac notum fuisse jam antea, Iesum esse Christum Servatorem Ecclesiæ; ut Mariæ virgini, & Iosepho, & Elizabethæ ac Zachariæ, parentibus Baptistæ, etiam ante nativitatem, & postea pastoribus, Magis, Symeoni, Annæ prophetissæ, & multis Christum expectantibus, quibus ipsa hoc Evangelium annuntiavit; ut ex Matt. cap. 1. & 2. & Luc. 1. & 2. apparet. Unde constat, ante & post nativitatem, Iesum esse Christum, fuisse notum hominibus non paucis ante Johannis Baptistæ prædicationem. Objicit quidem Socinus, pag. 14. ad sententiam suam probandam Baptistæ verba. Primum: *Ego baptizo vos aqua, medius autem vestrum stat, quem vos nescitis, ipse est, qui post me venturus est,* Iohan. 1. vers. 26. Deinde addit: *Imò & Baptista, qui suam esset Christus, se ignorasse fatetur, dum inquit: & ego nesciebam eum, sed ut manifestaretur in Israël, propterea ego veni aqua baptizans.* vers. 31. Verum homonymias sophismate ludit adversarius. Nam notitia alia est mentis, alia est sensus. De priori inter nos quæstio est: Hæc autem testimonia de posteriori loquuntur. Nam licet Pharisei, ignorarent Christum utroque modo, alterum tamen hic spectat Iohannes; quod in medio ipsorum stantem Christum, non cognoscerent: quemadmodum etiam Iohannes de se similiter ait, *non noram eum*, quia faciem ac formam illius ignorabat. Nam Filium Mariæ virginis esse Christum, eoque Prophetam ac sermonem Patris, ignorare non potuit: partim, quia miraculo quodam cum adhuc in utero esset materno, ad matris Christi salutationem exultavit, Luc. 1. v. 41. & 44. partim, quia nullo modo credibile est, Johannis parentes piissimos, cognitionem quam de Iesu Christi adventu, officio, & effecto, & Baptistæ filii ministerio in via illi præparanda habebant per revelationem divinam, contra officium reticuisse, & Evangelium salutis tantopere expectatum dissimulasse: quod tamen tam illustri Cantico prædicarat: sed potius contra, pro officio institutionis filii patefuisse, ut ab Anna prophetissa, in Evangelio prædicando omnibus iis, qui Hierosolymis redemptionem expectabant, Luc. 2. vers. 38. factum esse recensetur. Undè perspicuè etiam apparet, quamvis Iohannes venerit ut Christum manifestaretur Israël, nimirum publico & continuo ministerio: ante tamen ab Angelis & sanctis hominibus manifestatum ad tempus, non paucis. Deinde falsa etiam est Consequentia: quidam ignorarunt Iesum esse sermonem: ergo omnes: omnes enim ignorasse, probandum; cum illud apertè asserat adversarius, & probandum suscepit. Hoc enim notat cum ait: *Erat apud Deum: hoc est, soli Deo notum erat.* Ergo prima Socini perversio Scripturæ, ratione doctrinæ illius conspicitur. Altera autem est perversio phrasidis Scripturæ, cum insolentem prorsus significationem illi affingit: quasi *apud Deum esse*, significaret, Deo soli notum. Nam quod ait: *Constat in Sacris Literis dictionem apud, in hac significatione usurpari, meritò negamus.*

Obijcit quidem dictum, 1. Iohan. 1. vers. 2. *Annuntiamus vobis vitam æternam, quæ erat apud Patrem, & manifestata est nobis.* Sed respondemus, hoc nihil ad rem. Sensus enim est perspicuus, ac Scripturæ consentaneus: Primum vitam æternam hoc loco denotare personam τὸ λόγος, nempe Filium Dei, ut vers. 1. vocatur *sermo vitæ*: & 1. Iohan. 3. vers. 20. *verus Deus ac vita æterna*: in quo vita est, ut in fonte, à quo vita æterna derivatur, vers. 12. & Ioh. 1. v. 4. Hanc autem vitam æternam, seu Filium Dei, Iohannes ait se annuntiare; describit autem duobus membris, primum est, quod erat apud Patrem, hoc est, in Patre, ut verus & invisibilis Deus; alterum quod assumptâ humanâ naturâ, visibilis factus est ac manifestatus, ut vers. 1. *Quod audivimus & vidimus & contrectavimus de sermone vitæ*, & initio hujus versus objecti; *vita patefacta est, & vidimus.* & Iohan. 1. vers. 14. *Sermo caro factus est, & habitavit inter nos & vidimus gloriam ejus, ut gloriam unigeniti à Patre.* & 1. Timoth. 3. v. 16. *Magnum pietatis est mysterium, Deus manifestatus est in carne.* Quare ex hoc dicto 1. Iohan. 1. vers. 2. Vita æterna erat apud Patrem, non rectè probatur, Ioh. 1. v. 1. *erat apud Patrem* significare, notum esse soli Patri. Neque opponitur directè, ut adversarius statuit, manifestationi: sed ei potius componitur: quod qui apud Patrem erat, & in Patre est ac manet, homo factus in carne sit conspicuus, quem Apostoli viderunt. Contrà verò hic locus retorqueri ita in adversarium potest: qui est vita æterna: seu verus Deus, & vita æterna; ille est æternus, principii temporis & finis expers. Filius Dei est talis, ut ostendimus. Ergo æternus: ac propterea non est merus homo, ut Socinus contendit, quasi scilicet ante nativitatem à Virgine Filius Dei non extitisset. Neque alter etiam, quem ad phrasis hujus perversionem adducit, locus idoneus est, Luc. 2. v. 52. *Et Jesus proficiebat sapientia, ætate & gratiâ apud Deum & homines*; Quod idem est (ait Socinus) ac si diceret, in Dei & hominum conspectu. Respondetur enim non eandem esse phrasin, de qua agimus; sed aliam, ut etiam expositio Socini arguit. Non enim dicitur, erat apud Deum, sed proficiebat sapientia apud Deum; quæ, sanè valdè diversa sunt. Deinde *apud Deum*, non significat, soli Deo notus erat: nam contrarium statuitur proximis verbis, cum additur, *& apud homines.* Contrà verò, adversario probandum est, *apud Deum* significare, soli Deo notum. Ergo à scopo suo ineptè aberrat, & error turpis est ignorationis elenchi. Quare temerè toties inculcat: *Quod verbum, & Christus esset, id verò omnibus prorsus ignotum erat*, pag. 14: & ibid. *Erat apud Deum, hoc est, soli Deo notus erat*, & pag. 15. *Quæ (vita æterna) prius omnes penitus latebat, mundo innotuit*: item: *Ante Baptiste prædicationem in mundo ignotum fuisse, adeo ut jure non secus ac vita æterna tunc temporis apud Deum fuisse dicatur.* Quæ crebra, tam crassi erroris (jam ante perspicuis testimoniis confutati,) indignitas evincit, Christum Socino fuisse ignotum, si seriò egit: sin secus, impio ausu in eo laborasse ut notum Christum, ignotum redderet. Atque hæc ad vindicationem secundi attributi, quod de λόγος enunciatur, nempe quod sermo ille erat apud Deum.

Tertium est, τὸ δὲ ὁ λόγος, de quo consensus est inter orthodoxos & Socinum, in nonnullis. Primum, quod hujus enunciationis subjectum (ut etiam articulus indicat,) sit ὁ λόγος, etiamsi præposterè, ut sæpe fieri solet, ponatur. Attributum verò, quod de eo prædicatur esse, τὸ θεός, ut ordo genuinus sit, & sermo ille erat Deus. Deinde in secundo attributo: *Erat apud Deum*, vocem Dei, Deum Patrem notare: in hoc verò, erat Deus, Deum Patrem non notare, quia Filius non est Pater, sed apud Patrem, ab eo distinctus. Dissensio verò est de genuina vocis Dei, in hoc attributo, significatione.

Quidnam vox *Deus* in his verbis: *& sermo erat Deus*, significet.

**A**Ntequam verò hanc quæstionem discutiamus, quædam de propria vocis Dei significatione præmittenda; ut rei tractatio magis illustretur, & adversario uberius oc-

curratur. Quidam enim censent, hoc nomen, Hebræis מֶלֶךְ & plurale מְלָכִים pro singulari usurpatum, propriè *judicem* significare, atque communem esse significationem, vero atque æterno Deo, & creatis Angelis ac magistratibus: quemadmodum vulgò Rabbini tradunt, & inter alios D. Kimchi in Comment. in Psalm. 4. vers. 2. *Omne*, inquit, *Elohim significat judicem.* Quæ sententia plurimis viris piis atque eruditis comprobatur. Alii verò statuunt, eam vocem in Sacris Literis significare propriè ipsummet æternum atque omnipotentem Deum: Impropiè verò, per metaphor. ob similitudinem quandam aliò transferri: & quidem primum ad eos, per quos Deus, quasi per vicarios suam potentiam ac potestatem exercet. Quomodo hoc nomine vocantur Angeli, Psalm. 8. v. 6. cum epistola ad Hebr. 2. v. 7. & magistratus Exod. 22. vers. 28. & Psalm. 82. v. 1. Deinde transfertur etiam vox Dei ad idola ac falsa numina, per vocis abusionem: non quod sint Deus propriè, aut vicarii Dei; sed quod ea pro Deo vero, à suis habeantur ac colantur, atque ea in re, externam aliquam, ob hunc cultum, similitudinem habeant veri Dei. Unde in Sacris Literis distinctè *Deus*, epitheto *veri ac viventis*, ab omnibus distingui solet: quemadmodum Jerem. 10. vers. 10. *Jebo-va Deus veritas* (aut veritatis, hoc est, verus.) *Ipse verus Deus & Rex sempiternus*: & eodem sensu, *naturâ Deus*, iis qui natura non sunt Di, Galat. 4. vers. 8. opponitur: Atque ita 1. Corinth. 8. v. 4. dicitur, *nullus est Deus alius, nisi unus.* Quæ sententia priori præfertur. 1. Quia si מֶלֶךְ & מְלָכִים pro singulari usurpatum aut plurali, *judicem* propriè significaret; tum oriretur à radice quæ *judicare* significat, ut apud Hebræos nomina officii & actionum verbalia sunt, quæ à verbis derivantur. Atqui vox מֶלֶךְ non derivatur ab aliqua radice: quia est radix ipsa. Nam quod nonnulli ab מָלַךְ execratus est, item *juravit*, deduci statuunt, quod per Deum solum sit jurandum: illud quidem, si rem spectemus, concinnum est: sed Grammaticæ repugnat; quia in hoc verbo, מָלַךְ est quiescens, in מֶלֶךְ verò mobile, hoc est, pronunciatum. Deinde neque etiam ratio Davidis Kimchi, quam in Comment. ad Psalm. 4. vers. 2. adducit, hoc rectè demonstrat: *omne Elohim significare judicem: quia ita iudices in terra appellantur.* Nam licet ita appellentur interdum, inde tamen non sequitur, esse appellationem propriam, sed potius, quemadmodum ante dictum, metaphoricam: ut ea ratione, Magistratum origo & potestas à Deo accepta, indicaretur, ad majorem erga eos reverentiam & obedientiam excitandam: quod scilicet sint quasi vicarii Dei in terris: unde etiam *potestates à Deo ordinatæ* appellantur, Rom. 13. v. 1. 2. Non enim sequitur, iudices vocantur dii in terris: Ergo eadem significatione Deus in cælis. Quia etsi hoc nomen de utrisque dicatur: non propterea tamen eadem est nominis utriusque ratio: quia *ἐμὸς ὁμοῦς*, ac diversâ ratione accipi posse ostendimus: propriè de Deo vero, seu æterna & omnipotente substantia: metaphoricè verò de Magistratu; quod ut verus Deus, sua potentia ac sapientia omnia gubernat: sic magistratus, quasi vicarii Dei, accepta ab eo potestate, ei in hominum gubernatione sint similes.

Præterea si ea vox propriè *judicem* significaret: quomodo sine tautologia, iudex de eo Prædicaretur: ut Psalm. 7. v. 12. & 50. v. 6. *Deus est iudex.* Quare non rectè Socinus ait, p. 16. *In divinis literis nomen hoc מֶלֶךְ יְהוָה (seu, ut quidam loquuntur, per antonomasiam) tanquam ejus proprium, illi summo omnium auctori Deo tribuitur, quippe qui sit omnium Dominus atque iudex, & fons atque origo ac largitor omnium bonorum.* Nam quod uni מֶלֶךְ יְהוָה tribuitur, illud aliis, (quibus hoc nomen commune est) eadem significatione convenit, exceptâ tantum excellentiâ. Atqui Deum de vero Deo, & creatis rebus dici, non eadem iudicis significatione aut dominii, sed diversâ ratione apparet; cum de illo propriè: de hisce non nisi metaphoricè dicatur. Qualis etiam metaphora est Latinis, in eo exemplo quod Socinus indicat; *Homo homini Deus*; hoc est, Deo collatione auxilii ac beneficiorum similis.

Quare hisce jam præmissis, ad quæstionem de significatione vocis Dei, Ioh. 1. v. 1. procedamus. Orthodoxi enim propriè, de vero & æterno Deo accipi affirmant: & ex analogia

analogia seu convenientia, primum contextus (seu orationis propositi) deinde S. Scripturę reliquę, jam antea citatę, demonstrant: quia sermo hic fuit ante res omnes creatas, v. 1. easque omnes fecit v. 3. & Coloss. 1. v. 16. Ac Dominus est, qui initio terram fundavit, & cuius opera sunt cęli, Hebr. 1. v. 8. Coll. cum 10. *Verus Deus & vita æterna*, 1. Ioh. 5. v. 20. quod *veri Dei nomen*, soli æterno Deo, in Sacris Literis attribuitur. Contrā verò Socinus hoc confidenter, p. 16. negans, ait: *At verò asserere, Christum ita Deum esse, ut summus ille sit altissimusque rerum omnium auctor, qui cęlum terramque condidit, suprema est inscitia. Nam in Sacris Literis, solus ille Iesu Christi Pater atque omnipotens Iehovah, hoc honore insignitur.* Imò inquam contrarium jam ante demonstravimus, Filium esse omnipotentem cęli terręque conditorem, ac Jehovam. At objicit 1. Corinth. 8. v. 5. & 6. *Nam esset summi qui dicuntur dii, si ve in cęlo, si ve in terra: quemadmodum sunt dii multi & domini multi: nobis tamen unus est Deus, Pater ille, ex quo omnia.* Quidam viri eruditi ac pii respondent, fallaciam esse homonymias: nomen *Patris*, in questione sumi personaliter de persona Patris, relatè ad Filium: in hoc verò Pauli loco, eam vocem essentialiter & metaphoricè, pro creatore omnium usurpari, ut Malach. 2. v. 10. Ideoque tribus personis commune esse epithetum. Veruntamen distinctio Patris ex quo omnia: & Iesu Christi, per quem omnia; hanc responsionem non videtur satis admittere. Quare *Patris* voce, de prima persona accepta, respondemus negatione consequentię. Primum quia Pater hic est subjectum, ut additus articulus: (cum dicitur *ὁ πατήρ*) indicat; & *ὁ θεός* dicitur prædicatum. Jam verò agnoscimus Patrem esse Deum unum: sed inde non sequitur, quod Filius & Spiritus Sanctus excludantur, quia & Filius est Deus unus, & Spiritus Sanctus similiter. Nec propterea tamen sunt plures dii, sed una ac singularis trium personarum deitas; atque ita singulę divinę personę sunt unus Deus. Quomodo etiam Christus ait: *Ego & Pater unum sumus.* Secundò etiam si subjectum huius sententię Pauli, esset *unus Deus*, prædicatum verò, est *Pater*, non tamen rectè ex eo concluderetur, unus Deus est Pater, ergo est Pater solus. Denique etiam si hoc rectè sequeretur: inde nihilominus nondum obtineret Socinus id quod contendit, nimirum Filium, à Deitate Patris hoc loco excludi; quia vox *solus*, quę alios excludit, de Patre etiam (ut de reliquis,) potest accipi bifariam, vel absolute, ut omnes citra exceptionem excludat: vel relatè ad creaturas, quę à nomine Dei propriè accepto, seu à vero, & natura Deo excluduntur: ut hoc in loco multis diis dictis, opponitur unus Deus. Idque ex hoc ipso loco probatur: Nam si ex eo, quod dicitur: *Unus Deus Pater*, rectè concludatur, Filium excludi à deitate: sequetur etiam, cum proximè subiiciatur: *Et unus Dominus Iesus Christus.* Patrem non esse Dominum, sed voce unius Domini, Christo attributi, excludi. Atqui hoc omninò absurdum est, (quia citra controversiam, Pater, est Rex regum, & Dominus dominantium, 1. Timoth. 6. v. 15.) Ergo & illud absurdum est. Denique retorquemus hunc locum in adversarium, hoc modo: Qui unus est Dominus, ille est verus Deus: Christus unus est Dominus; Ergo verus est Deus. Sed aliam rursus sententiā, & majori (ut videtur) specie, opponunt adversarii ex Ioh. 17. v. 3. *Hęc est vita æterna, ut cognoscant te solum verum Deum. & quem misisti Iesum Christum.* unde sic argumentantur: Qui solus in sacris Literis dicitur esse verus Deus, præter illum nullus est verus Deus. Atqui Pater solus, in sacris Literis dicitur esse verus Deus, ut patet Iohan. 17. v. 3. Ergo præter Patrem nullus est verus Deus; ac propterea inde sequitur, Filium non esse verum Deum. Hac ratione freti exultant adversarii: sed temerè: quia error est duplex: siquidem & propositio, & assumptio, falsa est. Propositio quidem, quia non est universaliter vera. Nam *solus* potest dici (ut modò ostendimus) vel absolute: & sic prorsus omnes præter suum subjectum excludit: vel relatè tantum, & sic non absolute, sed convenienter relationi, quosdam tantum excludit. Quemadmodum soli Patri, soli Filio, & soli Spiritui Sancto, intellecta oppositione creaturarum,

non personarum Deitatis reliquarum, quędam attribuuntur: quemadmodum Matth. 11. v. 27. *Nemo novit Filium nisi Pater*, hoc est, solus ille novit: atqui Filius seipsum ignorare non potest: nec Spiritus Sanctus eundem: quia scrutatur etiam profunda Dei: 1. Cor. 2. v. 10. sed creaturę excluduntur. Deinde ibidem ait Christus. *Neque Patrem quisquam novit, nisi Filius, & cui Filius volet revelare.* Atqui certissimum est, Patrem non excludi à sui ipsius cognitione, nec Spiritum Sanctum. Denique 1. Cor. 2. v. 11. *Quę Dei sunt nemo novit nisi Spiritus Dei:* & tamen citra controversiam est, nec Patrem, nec Filium ab ea cognitione excludi. Sed in his omnibus soli Patri, notitia Filii: soli Filio, notitia Patris; & soli Spiritui Sancto, notitia Dei sic tribuitur, non ut reliquis personis duabus notitia ea detrahatur: sed tantum, ut creaturę ab ea excludantur. Unde satis apparet voces: *nemo nisi*, & quod eodem sensu dicitur, *solus*, Personę alicui divinę tributum non necessariò absolute accipi, ut reliquas personas excludat: sed non rarò relatè, ut creaturas tantum excludat. Quare ut propositio sit universaliter vera, ita reformanda ac restringenda est: Qui solus absolute in Sacris Literis dicitur esse Deus verus. Atque hoc modo etiam corrigenda erit assumptio, Atqui Pater solus, absolute in Sacris Literis dicitur esse verus Deus, quod negamus: & ab adversariis probari non potest, ut plenius constabit. Atque hinc error propositionis convincitur, quod ad syllogismi objecti refutationem potest sufficere. Deinde assumptio etiam falsa est, quę asserit, solum Patrem in Sacris Literis dici esse verum Deum: quia in probatione allata, ex Ioh. 17. v. 3. sophismate compositionis & divisionis ludunt. Nec enim à Christo dicitur, ut te solum cognoscant esse verum Deum: quasi vox *solum*, ad subjectum pertineret; sed ut cognoscant te (supple esse) *illum solum verum Deum*: ut Gręca verba ostendunt; ut cognoscant te, scil. esse τὸν μόνον ἀληθινὸν θεόν, non autem, ὅς μόνος te solum, sed cum articulo ὅς τὸν μόνον, te illum solum, quo ambiguitas tollitur, & vocem, *solum*, ad prædicatum pertinere ostenditur.

Nam quod objicitur, non dici expressè ut cognoscant ὅς εἶναι te esse, sed simpliciter te; neque ellipsin esse hoc loco verbi substantivi: sed ita transferri debere: ut cognoscant te solum verum Deum; atque ita per appositionem Grammaticam Patrem (voce illa *te* significatum,) describi: Illud inquam meritò negamus: quia ellipsis illa verbi substantivi, à nostris indicata, nullā regula Syntaxeos, neque circumstantia ullā huius orationis confutari potest; cum optimè utrimque consentiat: neque ulla necessaria adferatur huius objectę oppositionis ratio. Deinde et si probari posset, ea verba ita esse constructa, & eo modo debere intelligi, nihil tamen obtinerent, sed eadem foret sententia. Nam sensus esset: ut cognoscant te, scil. ὅτι τὸν μόνον θεόν, te existentem, hoc est, te esse illum solum verum Deum: quia non dicitur, ὅς μόνος, supple ὅτι τὸν ἀληθινόν θεόν: sed ὅς, supple ὅτι τὸν μόνον ἀληθινόν θεόν. Ideoque inde apparet, vocem istam τὸν μόνον, positā licet illa appositione, fore partem appositionis & epithetum veri Dei: non autem Patris epithetum, quasi diceretur, solum te verum Deum. Imò ex hoc ipso loco, aptius ita concludi solet; Filium hic declarari etiam esse illum solum verum Deum, quia forma orationis copulatę hoc indicat: ut cognoscant te esse illum solum verum Deum, & quem misisti Iesum Christum, supple, esse illum solum verum Deum. Idque consimili loco probari potest, 1. Iohan. 5. vers. 20. *Scimus Filium Dei venisse, & dedisse nobis mentem, ut cognoscamus verum Deum: & sumus in vero, in Filio eius Iesu Christo.* Hic est ὁ ἀληθινός θεός, verus Deus & vita æterna, ubi priori loco verus Deus, Deum Patrem, voce Dei personaliter accepta, (seu per ellipsin vocis Patris) significat: quemadmodum relatio ad Filium eius ostendit: Posteriori verò Filius (qui primum vocatur verus,) verus Deus, essentiali significatione, ac sine ellipsi ulla dicitur. Nam quod contra Wiekum pag. 315. contendit adversarius, cum dicitur, *hic est*, pronomen hoc, non ad Filium sed ad Patrem referendum; illud inquam genuina constructio ac propria refutat: Neque ulla ratio est necessaria, cur à propria constructione cum proximo nomine



recedamus. Nam quod objicit, non simpliciter hic agi de vero Deo: Sed illo vero Deo, ut articulus in Græco appositus, ὁ αὐτὸς, aperte indicat, Christum autem etsi verus est Deus, non tamen est ille verus Deus, ille inquam solus verus Deus, ille solus perfectissimè ratione Deus, nam Pater tantum iste Deus est. In eo inquam error est duplex: primum, quod verum Deum sine articulo, & verum Deum cum articulo, tanquam reipsa differentes statuit: cum tamen verus Deus nullibi in Sacris Literis (ut locorum omnium inquisitio & examen demonstrat) pro alio quàm pro æterno Deo accipitur: si ve adsit articulus, ut hoc loco: si vè absit, ut 1. Thes. 1. vers. 9. Servire θεῷ ζῶντι καὶ ἀληθινῷ, & Iohan. 17. v. 3. non dicitur τὸν αὐτὸν θεόν; sed sine articulo, αὐτὸν θεόν; ut etiam in Vet. Testamento, 2. Chron. 15. vers. 3. & Ierem. 10. vers. 10. Esa. 65. vers. 16. *Deus veritatis*, hoc est, verus, sine Hebræo articulo nominatur, & LXX. Interpretes, Esa. 44. vers. 6. *ὁ πᾶς ἐμὲ ἐκ ἑστὴν ὁ θεός*. & v. 8. *ἐγὼ εἰμι θεός* *ὁ πᾶς ἐμὲ*. & cap. 45. v. 5. *ἐγὼ εἰμι ὁ πᾶς ἐμὲ θεός*. Atque ita apparet, adversarium suam assertionem pro regula falsò adducere. Eademque opera diluitur hoc argumentum, quo probare conatur, quia Christus Iohan. 1. v. 1. vocatur *θεός* sine articulo: Pater verò *ὁ θεός* cum articulo: propterea non esse eundem cum Patre Deum, sed alium: non naturā Deum seu non æternum & omnipotentem Deum, ut Pater est *ὁ θεός*; sed gratiā factum in tempore. Quomodo olim (vir quidem insignis, sed erroribus scatens) Origenes, Arrii & Arrianorum imprudens origo, ineptè atque impiè exposuit, Tom. operum 2. & in Euangelium Iohannis Tom. 2. cum tradit, Patrem esse Deum verum, cum articulo: *λέγον* verò & alios Deos, participatione ac sine articulo. Ac subiicit: *Ille λέγων, qui est apud Patrem, in principio existens, quia est apud Deum, semper manens Deus; haud quaquam id habiturus, nisi apud Deum esset. Et haud quaquam Deus mansurus, nisi perpetuo mansisset in explicatione paternæ profunditatis.* Plura de Orig. erroribus tradit Epiphanius. contra hæreses, contra Origenem hæres. 63. Ut autem ad rem redeamus, discrimen hoc duplicis Dei articulo hoc non demonstratur: quia promiscuè, (nomini Dei, verum Deum significantis,) articulus adest aut abest, ut exemplis Scripturæ modo ostendimus, qualia præterea ad pleniorē demonstrationem è multis sunt hæc, Matth. 27. v. 46. *θεός μου, θεός μου, Deus mi, Deus mi*, clamat Christus ad Patrem, quod idem repetitum à Marc. cap. 15. v. 34. ponitur cum articulo *ὁ θεός μου, ὁ θεός μου*: Sicut etiam de vero Deo, Marc. 12. v. 32. *εἷς ἐστὶν θεός, unus est Deus*: ut etiam 1. Corinth. 8. v. 6. & Ephes. 4. v. 6. & 1. Tim. 2. v. 5. Rom. 3. vers. 30 *εἷς ὁ θεός*. Ad Gal. autem 3. v. 20. *ὁ γὰρ θεός εἷς ἐστὶν*, ut etiam Iac. 2. v. 19. Deinde falsum etiam est, quod Filius Dei, ut ait adversarius, non vocetur Deus cum articulo: quia contrarium apparet Ioh. 20. v. 28. in confessione Thomæ, de Christo, & ad Christum, *ὁ κύριός μου καὶ ὁ θεός μου, Dominus meus & Deus meus* (supple es) & sole clarius id etiam patet ex Act. 20. v. 28. *Constituit vos ad pascendum τὸν ἐκκλησίαν τῆς θεῆς Ecclesiam Dei quam proprio suo sanguine acquisivit*, ubi τῆς θεῆς non de Patre, quia nullum habuit proprium sanguinem: sed de Filio, qui solus sanguine suo Ecclesiam redemit, necessariò intelligitur. Ac propterea perspicuum est, primum, discrimen illud *θεός* cum articulo & sine articulo, esse vanum. Deinde, non solum Patrem vocari Deum cum articulo, sed etiam Filium: & propterea ex hypothese & argumento adversariorum sequeretur inde, Filium esse verum illum & æternum Deum.

Sed aliis Scripturæ locis probare contendit Socinus, Filium Dei non esse eundem cum Patre Deum: seu propriè ac naturā Deum; sed gratiā & metaphoricè, ob similitudinem aliquam cum Deo: & quidem excellentiorem reliquis creaturis. Primus locus est Ioh. 10. vers. 34. 35. 36. Cum, inquit, apud Iohannem Christus à Judæis accusaretur, quod cum homo esset, se Deum faceret, respondit: *Nonne scriptum est in lege vestra, quia ego dixi, Dii estis? si illos dixit Deus, ad quem sermo Dei factus est, & non potest solvi Scriptura: quem Pater sanctificavit & misit in mundum, vos dicitis me blasphemare, quia dixi Filius Dei sum? Quibus verbis Christus se Dei Filium esse, non negavit, imò asseruit: sed Deitatis sue*

divinæque (ut ita loquar) filietatis rationem explicuit, eamque primariam & verissimam; & quia homo erat, non aliam deitatem & divinam filietatem sibi ausus est vendicare, quam quæ à Deo per sanctificationem ipsi ut homini concessa fuisset. Hæc adversarius. Respondemus autem negatione Consequentia; Christus enim se testatus erat esse proprium Dei Filium; quia non solum Deum vocaret suum Patrem, sed etiam unum cum eo essentia, v. 30. *Ego & Pater unum sumus*. Hoc autem offendit Iudæos auditores incredulos, qui sublati lapidibus tanquam blasphemum obruere studebant v. 31. ut exponunt v. 33. *ob bonum opus non lapidamus te, sed ob blasphemiam, & quod cum homo sis, facias te ipsum Deum*. Hic est igitur status controversiæ, *An Christus sit in eo blasphemus, quod se Filium Dei, proprium scilicet & eundem cum Patre Deum, appellavit?* Id quod Christus, ut benè à se dictum, in defensione probat, primum comparatione minoris: Si illi, ad quos sermo Dei factus est, Psal. 82. vers. 6. sine blasphemia vocantur Dii: malè vos dicitis me blasphemum, quod dixerim Filius Dei sum, nempe proprius. Atqui verum prius: *quia Scriptura solvi non potest*, hoc est, vera est ac constans. Ergo & posterius. Consequentiam probat, quia sanctificatus est à Patre, & missus in mundum: ideoque ante sanctificationem seu ordinationem ac segregationem ad mediatoris officium, & antequam veniret in mundum, seu antequam homo factus esset, jam exstabat, ut Ioh. 6. v. 51. *Ego sum panis vitæ, qui de calo descendi*. Galat. 4. v. 4. *misit Deus Filium suum factum ex muliere*. & 1. Timot. 3. vers. 16. *Deus patefactus est in carne*, & Hebr. 2. v. 16. *Semen Abrahamæ assumpsit*, & Philip. 2. vers. 6. *Qui cum esset in forma Dei, non duxit rapinam, parem esse Deo; sed ipse se exinanivit, forma servi accepta, similis hominibus factus*. Ergo non verus tantum homo, sed etiam proprius Dei Filius. Alterum argumentum Christi, est ab operibus deductum: *Qui facit opera Dei Patris propria: ille est unus cum Patre Deus*. Atqui ego facio opera Dei Patris propria. Ergo sum unus cum Patre Deus. Quo pertinent illa verba vers. 37. 38. *Si non facio opera Patris mei, nolite credere mihi: si vero facio, etiam si mihi non credatis, operibus credite: ut cognoscatis & credatis Patrem in me esse, & me in Patre*, hoc est, unum essentia cum Patre: ut vers. 30. dixerat, *Ego & Pater unum sumus*. Idque Iudæi fati intellexerunt, ac propterea dicitur v. 39. *Rursus ergo studebant eum prehendere. Sed exiit ex ipsorum manu*. Similis locus est Ioh. 5. v. 17. *Pater meus adhuc operatur, & ego operor*, & additur v. 18. *propterea magis studebant eum Iudæi trucidare, quia non solum solvisset Sabbathum: sed etiam Patrem proprium dixisset Deum, parem seipsum faciens Deo*. Christus verò hoc minimè negat: sed contrà probat v. 19. *Amen amen dico vobis, non potest Filius à semetipso (hoc est sine Patre) operari, nisi viderit Patrem operantem: quæcumque enim ille facit, hæc etiam Filius pariter facit*. Quo ostendit omnia quæ facit, facere cum Patre, eadem Patris potentia, ideoque & essentia præditus, quemadmodum v. 21. subiicit: *Sicut Pater vivificat mortuos, ita & Filius quos vult vivificat*. Quamobrem tantum abest, ut hic locus Ioh. 10. vers. 34. & seq. Christum Filium Dei gratia factum, probet; ut contrà, proprium Dei Filium esse (ut etiam disertè Rom. 8. vers. 32. nominatur) & unum cum Patre Deum demonstret. Sed rursus ad alium Scripturæ locum confugiens, ait Socinus: *Christus igitur Deus est, quia est Dominus, Princeps, Benefactor noster: quæ omnia Deo Patri suo accepta refert: Sic enim ait Petrus, Act. 2. vers. 36. Certissime ergo sciat omnis domus Israël, quia & Dominum eum & Christum fecit Deus hunc Jesum quem vos crucifixistis*. Sed negatur Consequentia, quia hic locus Petri Apostoli, de officio Iesu Christi agit, ac dominio in tempore dato, Luc. 1. v. 32. 33. & Hebr. 1. vers. 8. 9 non autem de universo ejus dominio quod habet, quā Filius Dei est. Sic enim ab initio mundi, totius mundi est Dominus, ut Heb. 1. v. 10. distinctè subiicit: *Et tu Domine ab initio, terram fundasti, & opera manuum tuarum sunt calis*: Neque idem est, Dominum esse & Deum esse (quemadmodum ab adversario hæc duo perperam confunduntur) prius enim relatè ad subditos creatos tanquam servos refertur: sine quibus non est Dominus; sed Deus absolute essentiam æternam atque omnipotentem

potentem designat, ut supra ostendimus. Atque ita Pater etiam Deus fuit ab æterno: sed per creationem creaturarum (tanquam servorum) in tempore cœpit esse Dominus: ita etiam Filius Dei, antequam secula fecit, Filius erat, Patri *quoniam*, verus Deus; postquam autem secula fecit, Heb. 1. vers. 2. factus est primum Dominus. Quare Filius Dei, non est factus Dominus à Patre: sed creationis, à se eadem cum Patre omnipotentia factæ, jure.

Verum urgent: qui factus est à Patre Dominus, ille ante non erat Dominus. Atqui à Petro Apostolo Christus dicitur factus Dominus: Ergo Christus non erat ante Dominus. Sed negatur Consequentia ob duplicem homonymiam: unam quidem in voce *Dominus*: alteram in voce *factus*. Dominus enim in propositione intelligitur de eo, qui summum in omnes res creatas habet imperium: id quod Deo (utpote Creatori) soli convenit: In assumptione verò de eo, qui Ecclesiæ Dominus. Ideoque hæc duo à Petro conjunguntur in objecta sententia: *Dominum & Christum*. Deinde *factus*, in propositione accipitur propriè, de eo, qui tum esse id cœpit cum factus esse dicitur; in assumptione verò impropriè, per Metaphoram, pro patefactus est. Nam Apostolus Petrus, in concione objecta, Actor. 2. disertè loquitur de statu Christi glorioso, quo excellenter patefactum est, ipsum esse Dominum & Christum, sessione ad dextram Dei, & missione Spiritus divina & admiranda v. 33. 34. 35. 36. ut etiam in simili loco, Eph. 1. v. 20. 21. & 22. *& omnia pedibus ejus subjecit, & ipsum dedit caput super omnia ipsi Ecclesiæ*. Atque ita non propriè de effectione; sed metaphoricè de patefactione intelligendum. Idque ex eo etiam perspicuè demonstratur, quod Luc. 2. vers. 11. ab Angelo asseritur: *Natus est vobis hodie servator, qui est Christus Dominus, in urbe David*, & Matth. 11. vers. 27. ait Christus; *Omnia mihi tradita sunt à Patre meo*. Sed esto (inquiunt) hoc saltem constat, à Patre accepisse dominium in Ecclesiam. Ergo non est verus & æternus Deus: quia Deus est omnis bonifons ac perfectè beatus, cui nihil dari potest. Sed negatur Consequentia, quia dicitur accepisse, non quasi eo ante caruerit (quia etiam ante assumptam humanam naturam Filius Dei, fuit Ecclesiæ Dominus inde ab initio) sed quia secundum Patris, suum, & Spiritus Sancti decretum, in assumpta humana natura, se Dominum Ecclesiæ patefecit, eamque sanguine suo redemit, Actor. 20. *Deus*, id est, Deus Filius per ellipsin, & ut vulgo loquuntur, personaliter voce accepta, *redemit Ecclesiam suo sanguine*. Quod enim id Patri tribuitur, ut objicitur, reliquis personis non adimitur: Christus enim non solum à Deo Patre, sed etiam à Spiritu Sancto missus dicitur & unctus, Esai. 61. vers. 1. & ipse venit dominator ad templum suum. Mal. 3. vers. 1. Sic etiam Pater Filio corpus adaptavit Hebr. 10. vers. 5. & ipsemet tamen assumpsit semen Abraham, Heb. 2. seu, cum esset in forma Dei, formam servi assumpsit Phil. 2. unde apparet ante nativitatem & conceptionem fuisse, & quidem dominatorem. Patri autem acceptum fert, quod in humana natura assumpta dominium exercet, quia prima persona est ordine, ad quam id refertur. Neque tamen Spiritus Sanctus aut ipsemet excluditur: quia una eademque singulari voluntate ac potentia naturam humanam assumpsit; ut in ea peculiari ratione, ut *ἀνθρώπων*, Ecclesiam regeret. Cæterum licet duabus constet naturis: una tamen est persona, atque ita unus est Dominus, cui dominium convenit, & qui dominium exercet: sed diversa ratione: secundum divinam naturam, divino modo atque infinito; secundum humanam verò, finito modo, ut in officio Mediatoris, utraque natura agit quod suum est, cum communicatione alterius ad commune apotelesma. Sicut cum Ecclesiam ut Dominus regit, miraculis naturæ finitæ suæ vires excedentibus: item cum Sp. Sanctum mittit & per eum operatur, ad colligendam, ac propagandam Ecclesiam: id facit secundum divinam naturam: secundum humanam verò ad id concurrit, intercessione sua: ut Johan. 15. v. 26. *Cum venerit Spiritus, quem ego mittam*, & 16. vers. 7. *mittam eum ad vos*, nempe qua Filius Dei ac secunda Deitatis persona: sic cap. 14. vers. 16. *Ego rogabo Patrem*, nempe qua filius hominis, rogat enim secundum humanam natu-

ram. Deinde Christus qua Filius Dei, Dominus est Angelorum simpliciter, quia eos creavit, ideoque eorum non solum est Dominus, ratione debiti ab ipsis ministerii: sed etiam ratione essentiae: quam ut è nihilo creavit, sic etiam sustinet ac conservat divina sua potentia, & in nihilum etiam potest redigere; secundum humanam verò est Dominus Angelorum, ratione ministerii: quatenus Dei donatione illis est præfectus, eoque ad ministeria obcunda mittere potest iisque imperare, Eph. 2. v. 21. Secundum divinam etiam naturam dominium summum ei convenit, quatenus ab Angelis etiam adorari jubetur, Heb. 1. vers. 6. ut omnis & omnipotens Deus, vers. 8. & 10. quatenus verò homo, Deum adorat, Joh. 17. vers. 1. & Rom. 8. vers. 34. Quare ex hisce omnibus satis apparet, ex eo quod Jesus ab Apostolo Petro dicitur factus Dominus Actor. 2. inde minimè sequi, qua Filius Dei est, non ante fuisse Dominum: eoque non esse verum illum Deum.

Sed aliud præterea objicit Socinus *Pater*, inquit, *ille gloriæ apud Paulum* Eph. 1. 17. *Deus Domini nostri Jesu Christi esse dicitur*. Resp. 1. fallaciam esse compositionis & divisionis, hoc est, constructionis. Verba enim hæc sunt: *ut Deus, Domini nostri Jesu Christi Pater ille gloriæ det vobis &c.* ubi vox *Domini*, non cum antecedente voce *Deus*, sed cum sequente, *Pater ille gloriæ*, construenda. Nam Paulus vocem *Dei*, hac descriptione declarat, se scilicet Patrem Domini nostri Jesu Christi intelligere: Ideoque vocem eam, non *in modo* sed *in persona* intelligendam, de prima persona Deitatis: & ad consolationem, & fidem in Christum confirmandam, addit: Domini nostri Jesu Christi esse Patrem, ideoque Jesum Christum ei *ὁμοῦνον*, ejusdem cum Patre essentiae; ut antecedentia satis declarant. Nam Pater Domini nostri Jesu Christi similiter v. 3. dicitur: & ut Christum, verum etiam Deum ostendat, subjicit: *is elegit nos in ipso ante foundationem mundi*. Ergo ipse extitit ante mundum, & in ipso ac per ipsum nos elegit; quemadmodum etiam *in ipso*, id est, per ipsum nos & omnia creavit, & ipse est ante omnia, & omnia per eum subsistunt, Col. 1. vers. 16. 17. Quæ opera sunt veri Dei propria. Deinde fides & spes salutis in ipsum, honor est soli Deo debitus; quæ duo Christo hoc capite tribuuntur. Spes quidem vers. 12. fides v. 15. Deinde quemadmodum Pater v. 17. (de quo agimus) vocatur *Pater gloriæ*: sic etiam Christus *Dominus gloriæ*, 1. Cor. 2. vers. 8. & ut Patri adscribitur donatio Spiritus sapientiæ: quod opus Dei proprium est: sic & Filius eundem donat, Joh. 15. vers. 26. Ephes. 4. vers. 7. & 8. & ut nos creavit: sic recreat ac regenerat eodem Spiritu Sancto. Eph. 2. vers. 10. & pacis, charitatis ac fidei est author, Ephes. 6. v. 23. Quare hæc Pauli sententia, Eph. 1. v. 17. perperam à Socino detorta. Deinde quamvis recta adversarii esset constructio ac necessaria, quod probare non potest; nihilominus tamen, adhibita solida distinctione, consequentiae falsitas evinceretur; & distinctio, ex allatis, in eadem Epistola, Christi effectis divinis, & adjuncto cultu Dei proprio probaretur: quemadmodum ex alterius loci, rectè quidem proposita, sed malè expositi examine constabit. Sic enim objicit præterea Socinus magna confidentia & majori specie, cum ait: *Magister ipse veritatis Christus, ore proprio, id clarè testatus est* Job. 20. v. 17. *Ascendo ad Patrem meum, & Patrem vestrum, Deum meum & Deum vestrum*. Unde hic ex adversarii sententia oritur Syllogismus: is, cujus Deus Pater Deus est, non est idem cum Patre Deus: Sed si sit Deus, alius est atque inferior ac factus ab eo Deus. Atqui Christus est is, cujus Deus Pater Deus est: Ergo non est idem cum Patre Deus: sed cum dicitur Deus, alius atque inferior ac factus Deus intelligitur: nempe Deus non ab æterno, sed in tempore: non natura ac generatione, sed gratia. Verum negatur propositio, quia non est universaliter vera. Nam Pater Deus alicujus dicitur, vel simpliciter considerati: vel secundum quid tantum. Simpliciter considerati Deus est meræ creaturæ bifariam. Primum generationis jure creationis, quo pro numine ab ea agnoscendus ac colendus, quemadmodum Num. 16. v. 22. *Deus spirituum omnis carnis*, Ier. 32. v. 27. *Ego sum februa Deus universæ carnis*. Speciatim verò deinde jure fœderis salutis Deus est Ecclesiæ;

Ecclesiæ: quomodo piorum Deus esse dicitur: ut Abraham, Isaac, Iacobi. Quo pertinet Dei oratio ab Abrahamum, Gen. 17. v. 7. *Ero Deus tuus & semini tui post te*, & Mat. 22. v. 32. Secundò Pater Deus dicitur alicujus, secundum quid, non autem simpliciter: nempe Jesu Christi. Nam Christus est Deus patefactus in carne, 1. Tim. 3. v. 16. seu *deusque*: ideoque quatenus Deus creator est, eatenus non habet Deum, sed unum est cum Patre Ioh. 10. seu unus cum Patre Deus: quatenus verò homo ac creatura Dei, eatenus habet Deum: à quo creatus & ad imaginem illius sanctus formatus, ad eum colendum. Atque ita dixit Christus quà homo: *Deus mi, Deus mi quare deseruisti me?* Matth. 27. vers. 49. & hoc loco Ioh. 20. ait: *ad Deum meum & Deum vestrum*. Sed rursus objici solet ex priori membro: qui Deum tantum habet Patrem, eodem omninò sensu, quo quidam meri homines: ille non est naturà Filius Dei æternus, sed gratià: ideoque non verus naturà Deus, sed gratià; & Deum habet colendum ut superiorem, non minus quam homines. Atqui Christus Deum tantum habet Patrem, eodem omninò sensu, quo quidam meri homines. Ergo non est naturà Filius Dei, sed gratià: neque est naturà verus Deus æternus, sed Deum habet superiorem, ut reliqui. Propositio certa est: quia aliàs quidam meri homines, qui Deum similiter habent Patrem, essent dii, quod absurdum: quia Deus est unus. Assumptio probatur ex Christi verbis: *Ascendo ad Patrem meum & Patrem vestrum*, ideoque eodem omninò sensu Deus Pater, est Pater Christi, quo memorum hominum est Pater, quales fuere discipuli quos alloquitur. Verum negatur assumptio, neque ea Christi verbis probatur. Nam hoc tantummodo iis asseritur, eundem esse Patrem Christi, & discipulorum: non autem dicitur eodem modo: multò minùs additur, tantum. Nam Deus Pater verè est Pater Christi & noster: sed diverso modo. Deus enim Pater, non est Pater noster propriè: seu natura ac generatione, ex illius essentia: sed tantum impropriè, per Metaph. ac gratia sola: partim creationis Mal. 2. vers. 10. partim recreationis seu regenerationis ad imaginem Dei, Ioh. 1. vers. 12. & 1. Petr. 1. vers. 23. Christi verò Pater est duobus modis, quemadmodum duplici constat natura: unde etiam Filius Dei, & distinctè Filius hominis appellatur. Nam quatenus est filius hominis, impropriè ac communi ratione cum hominibus aliis, Dei Filius est per similitudinem dictus: quatenus creatus ac formatus est ab eo ad imaginem Dei, Hebr. 2. v. 11. 12. *qui enim sanctificat* (scil. Christus) *& qui sanctificantur* (Christiani) *ex uno* (scil. Patre) *omnes sunt, quam ob causam non pudet ipsum eos fratres vocare*. Quà verò Filius Dei distinctè à filio hominis dicitur, propriè Filius est Dei, & Pater propriè ipsius est Pater. Hoc enim respectu nullos habet fratres: quia & proprius est Dei Patris Filius, Rom. 8. v. 32. & unigenitus Ioh. 1. v. 14. eoque modo solus est Dei Filius. Quæ distinctio, quàm modò Filius Dei, modò filius hominis dicitur, declaratur in Sacris Literis passim, ut Rom. 1. v. 3. 4. *de Filio ejus factò ex semine David secundum carnem, declarato Filio Dei per potentiam, secundum Spiritum sanctificationis ex resurrectione mortuorum*, & cap. 9. v. 5. *quorum sunt Patres, ex quibus est Christus secundum carnem: qui est super omnia Deus benedictus in secula*. & 1. Tim. 3. v. 16. *Deus patefactus est in carne*. & 1. Pet. 3. v. 18. *mortificatus carne, vivificatus Spiritu*, id est, divina sua natura, quæ Spiritus supernaturalis ac æterna essentia: ut Ioh. 10. v. 17. ea etiam distinguit: *ego pono animam meam, & rursus assumam eam*. Quod opus nisi veri Dei esse non potest. Verum confugiunt tandem Samosateniani ad verba Angeli, Luc. 1. v. 35. *Spiritus Sanctus superveniet in te: & virtus altissimi inumbrabit te: propterea quod nascetur sanctum, vocabitur Filius Dei*. Unde sic colligunt: Qui propter conceptionem è Spiritu Sancto tantum vocatur Filius Dei: ille ante eam non fuit Filius Dei. Atque Iesus propter conceptionem è Spiritu Sancto tantum vocatur Filius Dei. Ergo ante conceptionem non fuit Filius Dei; ideoque non est Filius Dei per æternam generationem, neque ejusdem cum Patre Deitatis. Propositio probatur hac hypothesi; quia conceptio è Spiritu Sancto, nihil est aliud, quam miraculosa humanæ naturæ, è Virgi-

ne formatio: Ac propterea, si ea causa est sola, cur filius Dei vocetur, Ergo ante eam, effectum illius, nempe esse & vocari Dei Filius, esse non potuit. Assumptio exprimitur Angeli verbis ante mem oratis. Verum negatur propositio, & (ut alia omittam quæ dici poterant) etiam ratio illius. Nam conceptio illa Christi non solum formationem humanæ naturæ: sed etiam simul unionem illius cum persona *in* *se* seu Filii Dei complectitur. Quæ unio propria causa est cur filius Mariæ vocetur Filius Dei: quia nimirum æternus Dei Filius, virtute Spiritus Sancti (qui Spiritus non minus est Filii quam Patris, Rom. 8. v. 9. & per quem etiam operatur) humanam naturam è Virgine, in unitatem personæ suæ formando assumpsit, ut antea ex Epistola ad Phil. 2. v. 7. & Hebr. 2. v. 16. & aliis Scripturæ locis demonstravimus. Ac quamvis Filius Mariæ sit nomen à natura humana desumptum, personam tamen Christum, divina & humana naturà constantem significat. Unde per communionem idiomatum, Filius Dei rectè vocatur: ut etiam in Petri confessione, Matth. 16. vers. 16. *Tu* (scilicet Fili hominis) *es Filius Dei* idque etiam res ipsa ostendit; nam si causa propria ac sola (ut Socinus contendit) cur Filius Dei vocetur, sit illa humanæ naturæ formatio: sequitur non solum, Patris esse filium: sed etiam Spiritus Sancti, imò sui ipsius filium; quandoquidem opus illud tribus personis commune est: Patri, Hebr. 10. vers. 5. *Corpus aptasti mihi*; ubi diligenter Filius Dei, cui corpus aptatum est, à corpore distinguitur, contra Socinum. Spiritui Sancto etiam commune est, ut locus Luc. 1. modo adductus demonstrat; & Filio, quia humanam naturam assumpsisse docetur, Phil. 2. Hebr. 2. Ad hæc Filius Dei, secundum humanam naturam est sine Patre, quemadmodum secundum divinam sine matre, ut Melchisedeci historià adumbratum, Hebr. 7. v. 3. Ac propterea Filius Dei, non est distinctè appellatus, quatenus è matre virtute Spiritus Sancti natus, alioqui *unigenitus* verè dici non posset. Denique non esset alioqui unigenitus Dei Filius: Nam quod objiciunt, ob miraculosam è Virgine formationem ipsius, vocari unigenitum: quod eo ab omnibus hominibus disjungatur, falsum est: quia non minus, imò magis miraculosa est Adami & Evæ formatio: ideoque *unigeniti* vox, ea de causa Christo tribui non potest. Neque dici potest unigenitum dici, non ratione modi miraculosi, sed quod è Virgine ortus. Nam pari jure diceretur Adamus unigenitus, ratione modi miraculosi è terræ & Eva unigenita, ratione formationis ex Adami costa: Atque ita tribus hisce esset eadem supernaturalis & divina formatio: & singulorum è diversa materia. Quare ex hoc Lucæ loco probari non potest, Christum distinctè ab omnibus Filium Dei dici ob formationem miraculosam è Virgine: cum Adami & Evæ formatio ejusdem sit generis. Denique quomodo poterit Christus dici filius unigenitus, ob miraculosam formationem è Virgine, cum magis sit miraculosa Angelorum è nihilo formatio? qui etiam filii Dei vocantur. Nam qui post myriades Angelorum innumera-biles minori miraculo est formatus: quomodo unigenitus dicitur, & Filii Dei nomine ab iis separabitur? ut Heb. 1. vers. 4. & 5. *Tantò præstantior Angelis factus, quantò præstantius supra eos affectus est nomen. Cui enim Angelorum unquam dixit, Filius meus es tu, ego hodiè genui te? & rursus: ego ero ei Pater, & ipse erit mihi Filius*, & cap. 3. Moysi ut creaturæ præfertur tanquam Deus creator existens, vers. 3. & 4. v. 5. & 6. Moyses famulus fidelis, Christo, ut filio domus totius, postponitur.

Sed adversus hæc objicit Socinus pag. 17. cum ait: *Neque aliud intendit author Epistolæ ad Hebræos, dum Christum Dei Filium cum Angelis & Mose confert; Ex qua collatione clarè apparet, Christum non minus quam Angelos & Moysen, quicquid habet, id omne Deo acceptum referre; sed tamen, ut ille ait cap. 1. vers. 4. tantò præstantior factus est, quanto excellentius præ illis sortitus est nomen. Periret enim collatio illa, si Christus non à Deo, sed à seipso cuncta haberet quæ possidet. Sed negatur Consequentia; quia cum Filius Dei, homo factus, accepisse aliquid à Patre affirmatur, illud non propriè dicitur: sed Metaphoricè, ut suprà ostendimus: quod secundum*

dum decretum commune Patris, suum, ac Spiritus S. ea habere sit patefactum, ut Joh. 17. v. 5. *Pater glorifica me ad gloriam, quam habui apud te, antequam hic mundus esset.* Nam cum esset in forma Dei, accepta servi (seu humanæ naturæ) formâ, ac statu humiliationis, etsi interdum, scintillæ quædam gloriæ divinæ naturæ in miraculis emicantes, Filium unigenitum ostenderent, Joh. 1. vers. 14. latuit tamen ad tempus splendor illius, seu deitatis gloria illustris, quæ postea per glorificationem humanæ naturæ revelata est illustris. Atque inde satis constat, Christum, quâ Filius Dei est, non accepisse propriè, quasi ante non habuerit, dominium in res creatas: sed à se aut à divina suâ naturâ habere non minus quàm Patrem, utpote per quem Pater secula condidit, Hebr. 1. vers. 2. ideoque Dominus dicitur, qui initio terram fundavit, & cujus manuum opera sunt coeli, vers. 10. Sed potestatis patefactio, donatio illius dicitur, Joh. 17. v. 2. Quemadmodum simili phrasi, glorificatio Patris, qua Filius Patrem glorificat. v. 1. non effectiorem, sed patefactionem gloriæ designat. Quæ verò quâ homo accepit à Patre, ea, ut non habenti propriè sunt donata à Patre: sed non à solo; verum etiam per Filium ac virtute Spiritus Sancti: adeò ut quatenus Filius hominis est, ea dona acceperit; quatenus verò Filius Dei, eadem dederit: ut idem, sed non secundum idem, simul sit dator & acceptor. Quemadmodum quâ Filius hominis, anima corpori rursus unita est ac vitam recepit: quâ verò Filius Dei, divinâ suâ potentiâ eandem vitam restituit, Joh. 10. vers. 17. *Ego pono animam meam & rursus assumam eam,* & cap. 2. v. 19. *disfruite templum hoc, & in tribus diebus erigam illud.* Quod cum sit opus Deo omninò proprium: idcirco ad Rom. 1. Christum, qui è semine David secundum carnem vers. 3. declaratum ait Apostolus Dei Filium, per potentiam secundum Spiritum sanctificationis, ex resurrectione mortuorum. Quare ex hisce satis constat, falsum esse quod contendit Socinus: nihil habere Christum, quod verè & propriè, ut homo ille non habeat. Nam quod objicit, *Adoratio etiam ab ipsis Angelis Christo ut homini à Deo donata: Ergo multò magis reliqua omnia.* Negatur antecedens. Christus enim, qui homo, jussus est adorari: sed non quâ homo, sed quâ unigenitus ac primogenitus Dei Filius, ac Deus, qui patefactus est in carne, ut Hebr. 1. vers. 6. asseritur his verbis: *rursus autem cum inducit primogenitum in orbem terrarum, dicit; & adorent eum omnes Angeli Dei.* Idque à sua causa declarat Apostolus, quod Angeli sint Spiritus creati ac ministri Dei, vers. 7. Filius verò, Deus in seculum seculi, vers. 8. & creator ac Dominus, qui initio terram fundavit, & cujus manuum opera sunt coeli, vers. 10. idque res ipsa etiam evincit. Nam adoratio, quatenus cultum religiosum notat, quo ex fiducia omniscientiæ, omnipotentia, & omnipræsentia, illius, qui adoratur, opem illius imploramus, aut pro beneficiis gratias agimus, mero homini tribui non potest; quia illa fiducia, & omnipræsentia, omnipotentia atque omniscientiæ gloria, soli æterno Deo conveniunt. Hinc Jer. 17. vers. 3. *Maledictus vir ille qui confidit in homine & statuit carnem brachium suum, à feborva autem recedit animus ejus.* Deinde solus Deus ubique præsens est, Psal. 139. vers. 7. & seq. qui etiam cælum terramque implet, Ierem. 23. vers. 24. Nulla verò creatura ubique esse potest: quia definita, non infinita: ideoque Angeli licet creaturæ præstantissimæ, è cælo mittuntur in varia loca, ad sua ministeria in terris obeunda, Hebr. 1. v. ult. & in cælum redeunt: & homines circumscripti suis terminis, ubique esse nequeunt. Sic Christus humana sua natura in terris non est præsens; sed in cælo, quo ascendit, & unde venturus est ad judicium, Act. 1. & Col. 3. vers. 1. Solus etiam Deus omniscius est, solus corda filiorum hominum novit, 1. Reg. 8. vers. 39. solus omnipotens 1. Tim. 6. vers. 15. ac propterea fiducia in eo solo collocanda, solusque religiosè adorandus seu invocandus, Matth. 4. vers. 10. *Dominum Deum tuum adorabis, & illi soli servies.* & Esai. 42. v. 8. *Ego feborva: hoc est nomen meum, gloriam meam alteri non dabo.* Quamobrem cum gloria adorationis, quæ Deo propria est, Christo tribuatur: necessariò sequitur id fieri, quatenus unus cum Patre Deus, ubique præsens, o-

mnipotens & omniscius, cui illa gloria convenit. Hisce jam demonstratis, facile refutatur, quod à Socino ad fucandum errorem adducitur. cum probare conatur, Christo (quem hominem tantum esse agnoscit) tribui adorationem quatenus homo, seu secundum humanam naturam: non divinam, quam impugnat. Verum authorem suæ opinionis citat Paulum, Philip. 2. vers. 9. 10. *Propter quod & Deus exaltavit ipsum, & donavit illi nomen quod est super omne nomen, ut ad nomen Jesu omne genu flectatur, cælestium, terrestrium & infernorum.* Sed negatur consequentia. 1. Quia licet adversarius obtineret, hæc de Christo dici secundum humanam naturam, nihil tamen efficeret; quia responderetur, hoc loco non agi expressè de adoratione, quatenus invocationem religiosam notat, de qua quæstio, & quod sibi probandum suscepit adversarius: sed de agnitione domini Jesu Christi. Atque ita etiam secundum humanam naturam Christus Angelorum & hominum Dominus est constitutus ac declaratus; cujus imperio sit parendum: Id quod religiosam, ut omnipotentis & omniscii cordis scrutatoris invocationem, non includit; de qua adoratione tamen quæstio est. Nam humanæ naturæ Christi dominium supra Angelos & homines, non est simplex & indefinitum: seu ratione & naturæ eorum & ministerii: nec enim creavit eos, neque in nihilum redigendi potestate Christus præditus qua homo; hoc enim soli creatori, ac divinæ naturæ proprium: sed dominium habet ratione juris imperandi ipsis, & ministerium eorum cum domini agnitione exigendi, ut Ephes. 1. vers. 21. 22. Hoc autem indicat Paulus Phil. 2. Nam ut vers. 9. ait, *ut ad nomen Jesu se flectat omne genu:* sic v. 11. additur, *omnisque lingua confiteatur Dominum Jesum Christum, ad gloriam Dei Patris.* Hoc autem dominium supra Angelos & homines habet Christus secundum humanam naturam, quia est humana natura Filii Dei, assumpta carne, crucifixi in ea. Ideoque ob dignitatem unionis hypostaticæ, & mortis obedientiam, hoc dominium, quod ab initio incarnationis habuit, Luc. 2. vers. 11. & Matth. 11. v. 27. glorificatione patefactum est illustrius. Atque hinc liquet ex hoc loco Pauli, non necessariò consequi adorationem invocationis Christo tributam qua homo: quia flexione genuum (per Metaphoram à servis dominos suos honorantibus desumptam) agnitio Christi Domini declaratur. Deinde etiam si genuflexio necessariò adorationem significaret, & phrasis (quæ propriè tamen latius patet) hoc flagitaret, inde tamen minime sequeretur, Christo quatenus homo, seu humanæ naturæ illius, sed contrà quatenus Deus, illud attribui. Primum quidem; quia jam ante, & ratione, ab attributis adorandi (nempe omniscientia, omnipotentia & omnipræsentia) & Scripturæ testantis auctoritate demonstravimus, adorationem soli Deo competere. Deinde etiam circumstantiæ hujus loci, hanc genuflexionem ad Christum ut Deum referri posse admittunt. Nam quod ab adversario objicitur, Christum dici factum obedientem usque ad mortem crucis, de eo ut homine dici: ideoque & genuflexionem seu adorationem secundum humanam naturam ei similiter attribui: negatur consequentia. Paulus enim describit personam Christi: & modò ei attribuit, quod ipsi convenit quatenus Filius Dei ac verus Deus: modò qua filius hominis ac verus homo. Quia Filius Dei, quod initio ante assumptam servi formam esset in forma Dei: nec rapinam existimaret parem esse Deo: Deinde quod se exinanivit forma servi accepta, seu in unitatem suæ personæ assumpta natura humana Deo subjecta: ideoque secundum eam impar Deo Patri, & sub statu illius humili velata fuit divinæ naturæ gloria. Quatenus verò homo, persona Christi describitur ab effecto: quod fuit obediens ad mortem usque crucis. Quod autem additur: *propterea eum exaltavit,* ad personam pertinet, secundum utramque naturam; sed diverso tamen modo. Nam secundum humanam naturam exaltatus est, cum omni miseria ea est exemptus, & resurrectione à mortuis: & vitæ æternæ ac gloriæ cælestis, supra omnes etiam Angelos donatione decoratus: qua verò Deus non in se gloriofius factus: sed gloria divina antè velata, sub humili, afflicta ac crucifixâ natura humana, per illius glorificationem revelata est, ut Rom. 1. vers. 4. Adoratio



ratio verò, eidem etiam Christo tribuitur; non respectu humanæ, sed divinæ naturæ ratione, utpote cui ea propria est, quemadmodum ante demonstravimus. Atque hoc in simili sententia ab Apostolo exponitur, Rom. 14. vers. 10. 11. *Omnes enim sistemur ad tribunal Christi: scriptum est enim, dicit Dominus, quoniam mihi se flectet omne genu, & omnis lingua confitebitur Deo.* Quæ verba ad amussim convenire cum hisce ad Philip. apparet. Quamobrem ex hisce omnibus satis perspicuè cognosci potest, adorationem Deo convenientem, Christo non secundum humanam naturam, sed secundum divinam attribui: & Christum Deum & hominem in una persona existentem adorari: seu Deum in carne patefactum, sed non secundum humanam naturam, sed divinam: quatenus æternus ac verus est cum Patre Deus. Ideoque hoc adversarii argumentum ab adoratione Christi ductum ita in ipsum merito retorquetur. Is qui à Deo Patre jubetur adorari, est verus ille Deus: solus enim Deus adorandus, eique religiosè serviendum, Matt. 4 & gloriam suam alteri non tribuit, Esai. 42. Atqui Deus Pater Christum jubet adorari, Hebr. 1. & Phil. 2. Ergo Christus est verus ille Deus. Nam quod objicitur: accepit à Patre hanc gloriam, Ergo per se non habuit: ideoque non ut Filius Dei, seu verus ille Deus, sed ut homo tantum accepit. Negatur Consequentia: quia donatio Patris & acceptio Filii, ut supra ostendimus, patefactionem notat. Sic cum Filium primogenitum introduxit in orbem terrarum, iussit ut eum Angeli adorent: non quasi gratiâ ei tribueretur, id quod antea non haberet: sed ut patefieret gloria unigenito debita, & officium Angelorum præscriberetur. Utque Filius glorificat Patrem, patefactione gloriæ illius: sic & Pater Filium, patefaciendo gloriam ejus, quam habuit ante foundationem mundi, Joh. 17. Atque hæc ad primi versus Johannis sententiam, adversus Socini perversionem vindicandam, suffectura arbitramur; unde æternitas Filii Dei: deinde à Patre distinctio; & eadem tamen cum Patre Deitas elucet.

Vindicatio versus 3. *Omnia per ipsum facta sunt, & sine ipso factum est nihil, quod factum est.*

Quemadmodum antecedentibus descripta est Christi Deitas: sic hoc in loco eadem ab effectu describitur ac probatur: nempe omnium effectione. Sed de genuino universalis hujus dictionis, *omnia*, sensu, controversia est. Orthodoxi enim Deitatis Christi assertores hanc vocem, de prima cœli, terræque, & rerum iis contentarum complexu interpretantur: & de creatione illa agi, quæ Genes. 1. pluribus describitur. Idque primum loci circumstantiâ comprobant, quia non solum dicitur sine ulla restrictione, *omnia per ipsum facta sunt*: sed etiam *omnia* exponuntur sequentibus: *& sine ipso factum est nihil quod factum est.* Quo ostendit Apostolus, voce illa *omnia* significari omnes res, quæ factæ sunt, ut nihil excipiat quod factum est: ideoque Christum non factum, sed omnium factorem & creatorem. Deinde idem expressâ Scripturæ autoritate demonstrant. Nam de Christo dicitur Heb. 1. v. 2. *Per quem & secula fecit*, & v. 10. *Tu Domine in initio terram fundastis; & opera manuum tuarum sunt cali:* & Col. 1. v. 16. *Nam per eum creata sunt omnia, quæ in cælis sunt, & quæ in terris, visibilia, & invisibilia, sive throni, sive dominia, sive imperia, sive principatus, sive potestates, omnia per eum & in eum creata.* Hoc autem opus est merè divinum: solus enim verus ille Deus creator est, Esai. 44. v. 24. *Facio omnia, extendo cælos solus, expando terram per meipsum.* Contra verò tam perspicuam sententiam, Socinus universalem hanc dictionem, nempe *omnia*, non ita latè accipiendam contendit, ut cœli terræque creationem comprehendat: sed de spiritualibus mundi structura; qui non corporeis, sed spiritualibus rebus, id est, Evangelii verbo construitur, quo homines instaurantur & spirituali quadam ratione creantur: quo pertinere ait id quod dicitur ab Apostolo, 2. Cor. 5. v. 17. *Si qua ergo in Christo nova creatura est, vetera præterierunt, nova facta sunt omnia*, item Joh. 15. vers. 5. *sine me nihil potestis facere*: qui locus (ait Socinus) hunc nostrum explicat elegantissimè. Verum hæc expositio hujus loci vitiosa est: quoniam ne-

que ex loci circumstantiis: neque ex aliis Scripturæ dictis probari potest. Nam ad loci circumstantiam quod attinet, nihil antecedit unde probari possit: contrà verò cum descripta sit æternitas Christi: quod in principio non factus est, sed erat: & quidem apud Patrem, & erat Deus: inde sequitur necessariò, ut antea in eorum verborum vindicatione ostendimus, esse unum cum Patre Deum ac mundi creatorem. Ideoque descripta persona τὸ αἶψα, anteaquam caro factus est, aptissimè effecta describuntur: primò creationis: deinde verò assumptionis carnis, & recreationis ac redemptionis. Deinde à propria vocum expositione non est recedendum: neque universaliter dicta, sunt restringenda, nisi necessaria sublit ratio: quemadmodum expositionis rectæ norma requirit: alioqui nihil à perversione esset tutum. Atqui hic nulla necessaria subest ratio, neque ulla ab adversario adfertur: cur cum dicatur universaliter, *omnia per ipsum facta sunt*, ut vox *omnia* restringatur ad pauca, nempe ad novam creaturam, & conversionem hominum Christo exhibito factam. Nam quod citat adversarius dictum Apostoli, 2. Cor. 4. v. 17. nihil ad rem facit; quia primum initio loquitur de iis, qui sunt in Christo, seu Christianis jam existentibus, & Christo per fidem unitis: eosque dicit esse novam creaturam: & vetera præterisse seu veterem hominem, omniaque non simpliciter facta, sed nova, hoc est, renovata per regenerationem; adeo ut ex hisce omnibus appareat, agi de recreatione ac regeneratione spirituali, adeò ut hic locus non possit aliter accipi: sed Joh. 1. simpliciter dicitur de Christo, *omnia per ipsum facta sunt*, non autem nova facta sunt. Et ne quis restringat, ait; *sine ipso nihil factum est, quod factum est.* Præterea falsa est etiam adversariorum expositio: quæ seipsam quoque evertit. Nam cum statuunt, Christum esse tantum hominem, & universam novam creationem per ipsum factam, illud experientia confutatur. Nam certum est, ad fidem in Christum Johannis ministerio fuisse conversos plurimos ac novas factos creaturas, Luc. 1. v. 76. 77. Matt. 3. Joh. 1. Actor. 19. v. 4. sine Christi, ut hominis, opera aut mandato. Nam Johannes suum ministerium auspicatus est, immediatè à Deo ad id vocatus: & viam Christo, prædicatione Evangelii homines conversuro, præparavit; sed neque illius opera humana, neque mandato hoc fecit. Ideoque sic contrà adversariorum expositio retorqueri potest: Si omnis nova creatura quæ Christo exhibito facta est, per ipsum facta: & tamen non omnis facta est per eum quatenus homo est, seu per humanam illius naturam: Ergo necessariò facta est quatenus Deus: nullum enim est medium. Deinde qui effector est novæ creaturæ, & omnia, quæ eò pertinent, facit: ille non est merus homo, sed verus Deus, ideoque omnium etiam creator. Atqui Christus (fatente adversario, & hunc locum Johannis explicante) est effector novæ creationis, & omnia, quæ eo pertinent, facit: quia sine eo nihil factum est, quod factum est. Ergo Christus non est merus homo, sed verus Deus ac verus creator. Propositio clarissima est, quia nova creatio, est mentis & voluntatis, per Evangelii ministerium, & efficaciam internam Spiritus Sancti, fidei & charitatis donatione renovatio; Quæ fieri non potest nisi à vero Deo. Primum quia fidei & charitatis donatio interna, in Sacris Literis, soli Deo ascribitur, Ioh. 1. vers. 13. & 1. Cor. 3. vers. 5. 6. 7. & Eph. 2. vers. 8. & omnipotentiz Dei opus est, Eph. 1. v. 18. & 19. Deinde operatio per Spiritum Sanctum (qui Spiritus Dei est, & in Deo est, 1. Cor. 2.) est opus Deo proprium, à quo procedit, utrumque autem Christo convenit; fidei quidem & charitatis donatio; Eph. 6. v. 23. ideoque *per Christum creati dicimur ad bona opera*, Eph. 2. v. 10. operatio verò per Spiritum Sanctum ei tribuitur, Joh. 1. vers. 33. *baptizabit vos Spiritu Sancto.* & quia eum mittit à Patre, Joh. 15. v. 26. & 16. v. 7. & 13. 14. 15. ait: *cum autem venerit ille Spiritus veritatis, deducet vos in omnem veritatem. Non enim loquitur à semetipso; sed quæcunque audieris loquetur, & quæ ventura sunt, renuntiabit vobis. Ille me glorificabit, quia de meo accipiet quod renuntiabit vobis. Omnia quæ habet Pater, mea sunt: propterea dixi, de meo accepturum quod renuntiabit vobis.* Sic Actor. 2. v. 33. Christus dicitur effu-

disse Spiritum Sanctum; & dona Spiritus Sancti, 1. Cor. 12. vers. 11. & 12. Christo attribuuntur, Ephes. 4. v. 7. 8. & 16. unde etiam Spiritus Sanctus, non solum Patris, sed etiam Filii nominatur, Rom. 8. v. 9. quia ut à Patre procedit, & Pater per eum operatur, Johan. 15. v. 26. sic etiam à Filio procedit, qui per eum operatur, eumque mittit. Ideoque de Spiritu Sancto dicitur, eum à Filio audivisse, & à Filio accepisse (per metaphoram, similitudine ab hominibus ducta) quæ Filius per Spiritum Sanctum patefacit. Eademque metaphora de Christo Dei Filio (quod obijcere solent adversarii) intelligendum illud Baptistæ dictum, Johan. 3. vers. 31. *Qui è caelo venit*, (id est, Filius Dei homo factus. Nam nec anima nec corpus ejus è caelo venit) *supra omnes est, & quod vidit & audivit hoc annuntiat*: Item v. 35. *Pater diligit Filium, & omnia dedit illi in manum*: quia scilicet Pater per Filium operatur, sibi *omnia*: ut & Pater & Filius per Spiritum Sanctum. Quomodo etiam Christus ait Johan. 5. v. 19. *Non potest Filius à semetipso operari nisi viderit Patrem operantem* (hoc est, Filius omnia operatur à Patre per se, *quæcunque enim ille facit, hæc etiam Filius similiter facit*, & v. 21. *Sicut enim Pater excitat mortuos & vivificat: sic & Filius quos vult vivificat*. Quibus verbis denotatur eadem Patris & Filii singularis potentia & operatio, servato tamen ordine personarum. Nam ut Pater est à se: sic à se operatur per Filium: ut Filius est à Patre: sic à Patre dicitur operari, per se, essentia suæ omnipotentia: quæ unum est cum Patre, per Spiritum Sanctum. Spiritus Sanctus verò à Patre & Filio per se eadem essentia & potentia. Quia loquendi formula indicatur (ut antè de Spiritu Sancto,) Filium esse à Patre & à Patre operari: quemadmodum mittere dicitur Spiritum Sanctum à Patre, Joh. 15. v. ult. quod Pater per Filium operetur.

Quare ut ad rem redeam, sequitur ex adversariorum expositione, si per Christum, Joh. 1. v. 3. ideo dicantur omnia facta, & sine ipso factum esse nihil quod factum est: quod sit author novæ creaturæ, adeo ut nihil eo pertinens ab eo non sit factum, ipsum esse verum Deum ideoque quocunque tandem se vertant, veritate constricti convincuntur. Cæterum ut veritas amplius illustretur, operæ pretium est, ut paucis etiam allata Scripturæ testimonia, (quibus creatio mundi Christo tribuitur) ab exceptionibus Socini vindicemus. Primum autem locum adduximus illustrissimum, Col. 1. v. 16. *in ipso, id est, per ipsum, creata sunt omnia, quæ in caelis, & quæ in terra, visibilia & invisibilia, &c. Omnia per ipsum & in ipsum creata sunt; & ipse est ante omnia: & omnia per ipsum subsistunt*. Adversarius contra Wick. de divinitate Filii & Spiritus Sancti, pag. 363. hoc argumentum solvere conatur his verbis: *Sensus igitur totius loci est, per Christum omnes res, tam cælestes quam terrestres intelligentia præditas reformatas fuisse: & primum quidem earum omnium Dominum ipsum Christum esse factum: ita ut omnes jam, ab ejus nutu pendeant, & quicquid virtutis, aut potestatis habent, in ejus manu sit positum*. Sed vanum est hoc effugium, quia & sententiæ Pauli, & perfectioni Angelorum repugnat. Nam Paulus disertè ait, omnia per Christum creata, tam quæ in terra, quàm quæ in caelo; tam visibilia quam invisibilia; & esse ante omnia; non autem restringit ad res intelligentia præditas, ut adversarius fingit, non autem probat. Deinde si de reformatione intelligatur facta, per Christum hominem tantum (ut adversarius contendit) falsum erit, ea omnia per Christum, quæ homo reformata. Nam quæ in caelis sunt, nulla reformatione habebant opus, utpote perfectè beata; & quæ in terris, non omnia reformata; sed plurima non potuerunt reformari, ut reprobi, qui deformes ac peccatis corrupti permanserunt: & qui reformati fuerunt, multi nativitatem Christi antecesserunt; & eo nato non omnes ab humana ipsius natura reformati, quia jam antè demonstravimus per ministerium Angelorum & hominū, Simeonis & Annæ prophetis conversos, antequam humana Christi natura ad intelligentiam rerum, nedum Evangelii prædicationem esset idonea: & à Johanne immediatè divinitus vocatò sine humanæ naturæ Christi opera aut mandato, ad fidem conversos plurimos ac reformatos constat: ideoque de humana Christi natura dici non potest, quod omnia per ipsum & in ipsum creata sunt. Deinde

cum dicatur Christus hoc loco, *esse ante omnia*; illud humanæ naturæ illius tribui non potest, sive de creatione prima, sive de secunda accipiamus. Nam prius caret controversia, Angelos omnes, & plerisque homines ante Christi conceptionem creatos ac formatos. Secundum etiam inde constat, quod plurimi facti sunt novæ creaturæ spirituales, seu renati ex Deo, antequam humana natura Christi extaret. Nam (ut de sanctis Prophetis ac Patriarchis nihil dicam) Josephi, virginis Mariæ, Elizabethæ & Zachariæ, Simeonis & Annæ Prophetissæ, aliorumque piorum exempla id evincunt: ideoque per humanam Christi naturam omnia reformata dici non possunt. Præterea cum creatio novæ creaturæ novæ sint invisibiles (ut quæ non in corporis, sed in Spiritus, per fidem & charitatem renovatione internâ consistat) hæc autem creatio, de qua Paulus Col. cap. 1. loquitur, sit non minus visibilium, quàm invisibilium creatio, inde perspicuè sequitur, non de secunda creatione, quæ metaphorica est; sed de propria ac prima rerum omnium creatione agi. Ideoque ex hisce omnibus satis liquet, ex circumstantiis hujus loci, expositionem adversarii apertè falsitatis convinci, nec circumstantiis solum; sed etiam Angelorum cælestium perfectione eandem confutari: quandoquidem Angeli non sunt facti nova creatura, quia nunquam fuerunt vitiati: sed in creationis primæ integritate perstiterunt: unde & sancti Angeli, qui voluntati Dei semper parent, in Sacris Literis passim describuntur. Ac propterea reformati dici non possunt, qui nunquam fuerunt deformes: sed illud solis hominibus convenit, utpote qui soli, lapsu suo se deformarunt & reformatione habuerunt opus. Quamobrem falsum est omnino, quod adversarius statuit, Angelos à Christo reformatos eoque recreatos: contra vero cum & eorum essentia, & qualitates, sanctitas perpetua, & potentia eorum insita, manserint integra: ab humana Christi natura rursus creatos ac reformatos, quoniam quæso colore aut verisimilitudine dici potest? Ac propterea quod de eorum creatione non minus quam reliquorum creatione ab Apostolo dicitur, illud de prima creatione intelligendum. Idque amplius etiam inde apparet, quod omnia, etiam Angeli à Christo creati, per Christum consistere, in hoc illustrissimo loco, Col. 1. dicuntur, hoc est in sua essentia atque integritate per Christum sustentari: Atqui per humanam Christi naturam Angeli cælestes non consistunt: sed in sua essentia & integritate, ut ante nativitatem Christi, Dei creatoris omnipotentia sustentati constiterunt: Sic etiam Christo nato similiter consistunt, neque quicquam iis hac in re decessisse probari potest, nam oppositè sanctis Angelis, Angeli apostatæ dicuntur non servasse suam originem; à qua sancti Angeli, neque per se declinarunt, neque ab ullo remoti sunt. Quare cum dicantur consistere per Christum, inde constat illud ei non attribui secundum humanam, sed secundum divinam naturam. Neque etiam colorem habet veritatis quod adversarius excipit: sed contra ad illius errores amplius convincendos pertinet. Nam excipit adversarius, *omnia dici reformatas per Christum* (intelligit autem humanam ejus naturam) *primum, quia omnium Princeps ac Dominus est constitutus*. Atqui inepta omnino hæc est ratio. Nam dominii hujus constitutio, non est Christi effectum, sed adjunctum: effectum verò Dei: ideoque creatio ac reformatio rerum omnium à Christo facta dici non potest. Neque altera etiam ratio quam adducit, convenit: nempe *ideo etiam dici reformasse omnia, quod per Christum pacificati sunt Angeli cum hominibus*. Atqui hic dicitur, omnia creata per Christum: pacificatio autem creatio dici non potest; neque Scripturæ, neque bonorum authorum usu. Deinde non omnia per Christum pacificata, quia maxima pars hominum sunt reprobi, qui nec Deo (sub cuius ira manent ob incredulitatem, Johan. 3.) nec Angelis cælestibus pacificati dici possunt. Et licet Angeli serviant benignè iis qui servandi sunt Hebr. 1. v. ult. propterea tamen dici non potest, ipsos esse reformatos (quia in iis nulla erat deformitas ac vitium,) multò vero minus dici potest, idcirco creatos. Quæ adeo perspicua sunt, ut adversarius contra Wick. pag. 365. coactus fuerit non obscure illud agnoscere, & postea turpi contradictione sibi adversari.

Sic enim ait: *Quod Angeli cum hominibus sint pacificati. non eam vim per se fortasse habet, ut propterea ipsi Angeli reformati dici possint; nec nos id dicimus: sed neque etiam affirmamus, pacificare esse condere & creare. Verum affirmamus, eo quod per Christum omnes res caelestes & terrestres intelligentia praeclara, inter se conjunctae & pacificatae & reconciliatae erga Deum sunt, merito dici posse, hanc rerum universitatem, novam quandam formam accepisse. Quid enim magis pertinere potest ad reformationem universitatis earum rerum, quae intelligentia sunt praeclara, quam si, ubi antea inter se dissidebant, ac disjunctae erant, in unum & eundem finem consentiant ac conspirent, quasi in unum corpus conjungantur, ac coalescant?* Haecenus adversarius, qui sibi egregie contradicit, si quis haec inter se, & cum sequentibus conferat. Nam si pacificare, ut agnoscit, non sit reformare: ergo reformati dici non possunt, quia pacificati sunt: nec reformatio in pacificatione consistit. Deinde si Angeli propterea reformati dici non possunt: quia pacificati sunt cum hominibus, ut agnoscit. Ergo in pacificatione reformatio non consistit: sequeretur enim aliàs, cum homines pacificati sint cum Deo per Christum: non minus Deum esse reformatum quam homines, quo nihil excogitari potest pietati magis adversum. Ac propterea etiam vox *creandi* absolute posita, interdum in Sacris Literis significaret reformare, tamen hoc in loco Col. 1. v. 16. ita accipi non posset: quia circumstantiae antea nobis propositae, & Angelorum caelestium perfectio, repugnant. Deinde series etiam sequentium idem ostendit. Nam ut vers. 16. omnia per ipsum creata & vers. 17. per ipsum omnia subsistere docuit: sic distinctè creationi huic subicit Christi dominium in Ecclesiam universam, vers. 18. & reconciliationem ac pacificationem caelestium & terrestrium per mortem v. 20. & 21. & sanctificationem, qua merito mortis Christi novae finis creaturae, vers. 22. Quae omnia perversè ab adversario confunduntur: & ex distincta oratione Pauli Apostoli, inepta redditur tautologia. Quibus etiam addi potest, alienum esse, quod ait adversarius: *omnia optime inter se cohaerere, si vox condita seu creata sunt, reformati sunt, interpretemur, quod ex usu Sacrarum Literarum fieri posse ostendunt hi loci, Esa. 45. v. 8. & cap. 65. v. 18. Ephes. 2. v. 10. & 15.* Nam licet eam vocis *creandi* significationem haec loca, ab adversario objecta, certò probarent: sententiae tamen Pauli minimè conveniret; ut antea pluribus demonstravimus. Deinde neque haec loca etiam, ut adversarius contendit, id solidè probant. Nam Esa. 45. vers. 8. *Ego Jebova creavi eum*: effectum seu formationem notat: quod scilicet Deus Cyrum (de quo initio capitis agit, in promissione de ipso futuro data,) formaret; ita ut creare hoc loco, efficere; non autem factum ac formatum reformare designet, ut etiam vers. 7. antecedens proximè similiter loquitur: *formans lucem & creans tenebras: faciens pacem ac creans malum; Ego Jebova facio omnia haec.* Quo in loco perspicuè eodem sensu, ut Synonyma, *facere & creare* usurpantur. Neque etiam alter locus, Esa. 65. v. 18. aliud evincit. Verba enim sunt haec: *Ecce ego creo Jerusalem & populum ejus gaudium.* Nam sive vocem Hebraeam, pro nota accusativi accipiamus: sive pro praepositione, dativi casus nota, (ut saepe heri certum est, & Lexicographi demonstrant, & lectio Scripturae evincit,) *creandi* vox, idem notabit, quod *facere*. Ac priori modo sensus erit, *ego Jerusalem & populum ejus facio gaudium*: hoc est, per metonym. adjuncti, gaudio plenam; posteriori verò, *ego faciam Jerusalem & populo ejus gaudium*, seu gaudio afficiam. Nec denique Ephes. cap. 2. vers. 10. (licet de sanctificatione agatur) vox *creandi* aliud per se notat, seu vi sua, quam *facere*, sed per subjectam circumstantiam restringitur ad novam creationem. Postquam enim dixit Apostolus: *Ipsi enim opus sumus, creati in Christo*, additur *ad bona opera*, hoc est, idonei facti ad ea; quod sit renovatione seu regeneratione, v. 15. *Creati in unum novum hominem*, hoc est, effecti; sicut alibi quoque creaturae vox, additione vocis, nempe novae, restringitur, 2. Corinth. 5. v. 17. & Ephes. 4. vers. 24. & Col. 3. vers. 10. *Novus homo creatus secundum Deum in vera justitia & sanctitate*, hoc est, factus novus homo: Modus autem efficiendi, suo subjecto & addita forma describitur ac restringitur. Contra verò Co-

loss. 1. v. 16. absolute ponitur vox *creandi*: neque ulla loci circumstantia restringitur, quia dicitur simpliciter: *Omnia per ipsum creata sunt, quae in caelis & quae in terra; visibilia & invisibilia*: quemadmodum etiam dicitur de Christo, Ephes. 3. vers. 9. *Qui omnia creavit per Christum*, hoc est, mundi totius universitatem, quod accommodatè traditur, ut inde constet, eundem rectè rerum omnium restauratorem constitui. Quare hinc liquet, ex locis hisce ab adversario objectis, non probari, vocem *creandi* significare idem quod reformare: deinde etiam si significaret, tamen Col. 1. v. 16. ita accipi non posse, ut diversis ac solidis argumentis antea demonstravimus. Atque hoc modo vindicato hoc illustri loco adversus Socini exceptiones, inde concludimus Christum esse ante omnem rem creatam, & universum hunc mundum per eum conditum. Quare ad reliqua duo testimonia, quibus idem probavimus & probare solent Orthodoxi, progrediemur. Ea autem petita sunt ex epistola ad Hebr. cap. 1. Ac primò quidem continetur vers. 2. his verbis: *Per quem* (nempe Filium, ut citra controversiam, vers. 1. demonstrat) *& secula fecit.* Objicit autem adversarius 1. verba ipsa: nimirum non dici ab Apostolo: per quem caelum & terram, sed secula; deinde non addi *creavit*, sed *fecit*: aitque contra haec ad futurum mundum seu seculum referri debere; quod nomen *secula*, sive, ut in Graeco est, *αιών*, aeternitatem illam quam speramus, & qua futurum nobis seculum continetur, quodammodo ob oculos ponit, & idcirco futurum illum mundum evidentius significat. Verum respondemus 1. etsi vocibus illis non utatur, aliis tamen, ejusdem valoris ex usu Scripturae, idem significari. Nam *secula*, per metonym. adjuncti pro subjecto, in Novo Testamento *mundum* significant; cui mundo duo tribuuntur secula: unum quidem, quod à creatione mundi ad finem quo renovabitur, fluit; & hoc *seculum*, dicitur: alterum verò, quod post finem hujus mundi & renovationem illius in aeternum durabit: & distinctè ac oppositè, *illud seculum & venturum seculum* appellatur: quemadmodum perspicuè apparet, Matth. 12. vers. 32. *Non remittetur ei, neque in hoc seculo, neque in futuro.* Similiter Luc. 18. v. 30. ait Christus, *qui non recepturus sit multiplicia, hoc tempore: & in seculo venturo vitam aeternam.* Atque ita mundus (seu caelum & terra & res iis comprehensae) à duratione generatim in Novo Testamento vocatur *seculum*, & etiam *secula* eodem sensu, ut 1. Corinth. 2. v. 7. *ante secula*, id est, ante mundum creatum, & Hebr. 11. vers. 3. *Fide intelligimus constructa fuisse secula, ut quae cernimus non sint ex apparentibus facta.* *Seacula*, id est, mundum universum, quae caeli terraeque & omnium rerum complexu continetur. Deinde *facere* non minus de prima caeli terraeque & omnium rerum creatione, quam *creare* usurpatur, ut Genes. 2. v. 2. *Cum autem perfecisset Deus die septimo opus suum quod fecerat, die septimo quievit ab omni opere quod fecerat:* & v. 3. *quia in eo quievit ab omni opere, quod faciendo crearat:* & v. 4. *Istae sunt generationes caeli & terrae quando creatae sunt, quo tempore Jebova fecit terram & calum.* Deinde Exod. 20. v. 11. *Sex diebus fecit Deus calum & terram.* Imò cum de creatione caeli & terrae agitur; non solum eodem sensu, pro voce *creandi*, *facere* in Prophetis usurpatur saepe, sed etiam longè frequentius *faciendi*, quam *creandi* voce utuntur: quemadmodum locorum inductio demonstrat. Sic in Novo etiam Testamento, *creare & facere calum & terram ac mundum*, eodem sensu accipiuntur; ut Act. 14. vers. 15. *Qui fecit calum & terram, & mare & omnia quae in eis*, cap. 17. vers. 24. *Deus fecit mundum, & omnia quae in eo.* ubi certo constat, *fecit*, tantundem notare atque *creavit*. Quod autem excipit adversarius contra Wiekum adversus allatum testimonium ex Hebr. 11. vers. 3. non ibi dici facta esse secula: sed aptata, id est, concinnata & aptè composita, atque accommodata: ad illud responderetur, unum idemque re ipsa utraque voce designari. Nam cum Genes. 1. v. 31. dicitur: *Quicquid fecerat, ecce erat valde bonum*, illud indicatur, quod caelum & terram perfecit, Genes. 2. vers. 2. 3. 4. nec enim fecit secundum quid, sed omnino ac perfectè: quia perfecit. Quod etiam propriè vox

Examen versus quarti: *In ipso vita erat  
& vita erat lux hominum*

IN quo loco enunciationes sunt duæ: unde totidem oriuntur quæstiones: una de prioris subjecto: seu quidnam *vita* hoc loco significet: altera de posterioris attributo, quid *lux hominum* denotet; quæ ordine paucis expendemus.

Ac primum, ad *vitam* quod attinet, nostri, causam ac fontem vitæ, tam animalis quam spiritualis exponunt: quæ cum omnia fecit *Abz*, jam erat: quod omnium creatori & conservatori convenit propriè; ideoque Deitas Christi hoc etiam modo declaratur. Contrà verò Socinus contendit, tantum de vita æterna, & immortalis (quam per Christum homines consequuntur,) agi: Christum autem perpetuò intelligit merum hominem, seu solâ humanâ naturâ constantem, non autem divinâ. Expositionem autem probare conatur duobus argumentis: Primum est, 1. Ioh. 5. vers. 11. quo id elucidissimè explicari ait his verbis; *Quoniam vitam æternam dedit nobis Deus: & hæc in Filio ejus est.* Verum negatur Consequentia: Nam etsi Christus sit author vitæ æternæ: inde tamen minimè sequitur, eum non esse authorem quoque vitæ animalis; hæc enim non sunt opposita, sed *καὶ ἡμία*, quæ sub eodem nomine vitæ generatim continentur: & alterum ex altero consequatur. Indeque Deitatis Christi assertores, hoc retorquentes in adversarios, meritò concludunt, ac sententiam suam probant, hoc modo: Si Christus est author vitæ æternæ Ergo etiam verus est Deus, ideoque & vitæ animalis author, Atqui (fatente adversario cum Scriptura,) Christus est author vitæ æternæ, Ergo verus est Deus, ac per consequens author etiam vitæ animalis. Propositio inde probatur, primum; quia regeneratio seu sanctificatio per Spiritum Sanctum (quæ principium est vitæ æternæ, Ioh. 5. vers. 24. & 25.) est opus Dei proprium, 1. Corinth. 3. vers. 6. & 7. Ephes. 2. vers. 8. 1. Pet. 1. v. 22. & 23. Ac propterea cum Christo hoc in Scriptura tribuatur, Ioh. 15. vers. 16. & 16. v. 14. & Ephes. 2. vers. 10. Idemque adversarius agnoscat, velit, nolit: sequitur eum esse verum Deum, ideoque & vitæ animalis authorem. Deinde cum vitæ æternæ pars, sit corporis gloriosa ultimo die fuscitatio à morte; idque opus Deo sit proprium, puræ scil. omnipotentis effectum, Rom. 4. vers. 17. & 24. & Christus illud efficiat Ioh. 6. vers. 39. & 40. Phil. 3. vers. 21. (ut etiam agnoscit adversarius) inde sequitur Christum esse verum Deum, ac per consequens non solum vitæ æternæ authorem (unde 1. Ioh. 5. vers. 20. verus Deus & vita æterna vocatur) sed etiam vitæ animalis: ut quæ æterna vita longè est inferior, 1. Cor. 15. v. 53. Quare sententia 1. Ioh. 5. v. 11. perperam ab adversario adducitur, ut probet, in sermone seu Christo dici, Ioh. cap. 1. vitam esse, tantum ratione vitæ æternæ: & quidem quod vitam æternam non per divinam naturam (quam negat) sed per humanam naturam, (quam solam agnoscit) hominibus conferat.

Alter vero locus, quem adversus rectam sententiam objicit, est Ioh. 5. v. 25. *Amen amen, dico vobis, quia venit hora, & nunc est, quando mortui audient vocem Filii Dei & qui audiverint, vivent; Sicut enim Pater habet vitam in seipso, sic dedit & Filio vitam habere in seipso.* Ex quibus (inquit Socinus) verbis apertissimè constat, & à Deo Christum hæc accepisse, ut vitam in semetipso habeat: & quo sensu id dicatur, nimirum, quia vocem ejus audientes, vitam adipiscuntur. Respond. autem, verum esse, cum Deus Filio suo dederit vitam habere in semetipso, eam Filium accepisse à Patre: quemadmodum relatorum natura postulat: sed inde non sequitur: Ergò Filius eam primum accepit in tempore: quia eandem omnino vitam, quam habet Pater, communicatione per generationem æternam, dedit Filio, non autem novam vitam efficiendo. Ac propterea Filius etiam fons est omnis vitæ, cum corporis, tum animæ, sicut Pater. Pater autem sic vitam seu vitæ fontem in semetipso habet: Ergò & Filius ita habet. Nam paritas utriusque denotatur: & ut Pater vitam dat, sic & Filius, ut Joh. 5. vers. 19. *Quicumque enim facit*

*ἡμῶν*, Hebr. 11. vers. 3. quam urget adversarius, significat. Nam *ἄβζ* est *æqualis & integer*: unde *ἄβζ* homo perfectus, 2. Tim. 3. dicitur, & inde oritur *ἄβζ* & *ἄβζ*, perficio, construo. Quare etsi *facere & perficere*, si solum ponantur, differunt ut genus & species; quod non omnia quæ fiunt, perficiuntur, & integrè conponuntur; tamen cum additur circumstantia mundi, aut cæli & terræ, idem denotatur, ut jam antea ostendi ex Gen. 1. & 2. quemadmodum etiam Prov. 3. vers. 19. dicitur, *Sapientia fundavit terram, & stabilivit celos intelligentia*: ubi idem quod *creare* notant *fundare & stabilire*, quæ, etsi modo significationis differant, reipsa tamen conveniunt: cap. 8. vers. 26. eodem sensu: *adhuc non fecerat terram*: quod idem est quod *crearat*, & vers. 27. *Cum aptaret celos*: quod *lxx.* Interpretes reddunt *ἐκτίνας*; etsi enim diversa sint verba, eodem tamen sensu inter se usurpantur. Quare alienum est quod diversam vocem, Hebr. 11. vers. 3. nempe *aptare*, non autem *facere* usurpari objectat. Nam etsi circumstantiæ aliquæ differant: idem tamen reipsa notant: quemadmodum citata à nobis Scripturæ loca ostendunt. Sed rursus in excipit adversarius: *Finge*, (inquit,) *in isto loco (Hebr. 11. vers. 3.) disertè scriptum esse: facta esse secula, quid hoc ad rem nostram: cum istius loci, ad nostrum nulla prorsus appareat relatio, & tanto intervallo, (id est, decem capitibus interpositis) alter ab altero distet; Non satis est probare facere secula, significare celum & terram creare: sed conjecturas saltem afferre oportet, cur hæc significatio in loco nostro (Hebr. 1.) agnoscenda sit, At nullæ unquam afferentur.* Hæc adversarius. Respondemus autem, non fingi ab Orthodoxis (ut objicitur) unum esse sensum reipsa, cum dicitur, *facere secula* vel *perficere* aut *aptare*: ut ex locis Scripturæ modò demonstravimus; deinde nimis contemptim ac confidenter ait adversarius, quod nullæ unquam conjecturæ afferentur, quibus hæc significatio in hoc loco sit agnoscenda.

Nam, ut alia hoc tempore omittam, primum hoc extra controversiam ponimus, tanquam utrimque agnitum, *secula* hoc loco significare mundum: unde hoc argumentum statuimus: *Fecit secula*, hic significat primum mundum fecit, aut alium mundum: puta ut adversarius ait, mundum futurum. Atqui non significat, mundum futurum fecit: ergò mundum primum. Assumptio certa est: quia mundus ille futurus nondum est factus: mundus de quo Paulus Heb. 1. loquitur est factus: ergò mundus hic non est ille futurus: Propositio confirmatur; quia hæc sunt contradictoria, futurum esse, oppositè presentis; & esse factum: futurus enim mundus erit ultimo die, nempe cælum novum & terra nova, 2. Pet. 3. v. 13. Assumptio verò verbis Pauli continetur disertè, cum ait: *Fecit secula*: ac propterea firma est conclusio. Deinde in sacra Scriptura seculum venturum, hoc est, futurum, notat durationem perpetuam post mundi renovationem; quæ duratio communis est inferno ac cælo, ut disertis verbis, Matth. 12. vers. 32. & Luc. 18. vers. 30. traditur. Neque vitam æternam notat; sed ab ea distinguitur expressè Luc. 18. v. 30. ut à tempore, id quod in tempore datur. Neque denique Ecclesia gloriosa ullibi in sacris literis mundus futurus aut venturus vocatur: neque hoc loco intelligi potest: quia illam ultimo demum die Christus efficiet: sed nondum effecit, Rom. 8. vers. 21. Phil. 3. vers. 21. & 1. Petr. 1. v. 4. & 5. & 1. Ioh. 3. vers. 2. Nec denique cælum beatorum, seculorum voce hoc loco intelligi potest: quia illud jam est, non autem futurum est; imò inde ab initio factum est, Matth. 25. v. 34. Quamobrem meritò concludimus, non conjectura ulla; neque solum ex circumstantia aliqua: sed etiam (ut vulgò loquuntur) ex substantia seu ex rei ipsius natura, cum dicitur: *per quem secula fecit*; de creatione mundi hujus, non de futuri mundi effectione necessariò intelligendum.

Quocirca jam satis vindicata hac, de rerum omnium effectione, seu mundi hujus creatione, sententia, ad proximam similiter adversus corruptelas Socini muniendam, procedemus.



facit Pater: eadem & Filius similiter facit, & vers. 21. Ut enim Pater suscitavit mortuos; sic & Filius quos vult vivificat. Deinde quod ait adversarius, Patrem dedisse Filio habere vitam in seipso; inde constare apertissimè, eo sensu dici, nimirum, quia vocem ejus audientes, vitam adipiscuntur: illud est commentum inane adversarii, & omni probatione destitutum: contraque apparet ab Evangelista Johanne, primum proponi hoc loco effectum Christi, quod auditores vivificet seu sanctificet: Deinde propositum illud à causa efficiente illustrari, non vice versa. Causa autem traditur hæc, quod scilicet vitam habeat in semetipso, ut Pater: ideoque non mirum, si opus illud divinum, nempe vivificationem sibi attribuat, cum ipse sit fons omnis vitæ pariter cum Patre: utpote à quo omnis vita (sive naturæ, sive gratiæ, sive gloriæ) promanet: Quare hinc etiam constat, adversarii expositionem, objectis illis sacræ Scripturæ locis, minimè probari. Hac igitur ratione vocis vitæ, (quæ primæ enuntiationis vers. 4. subjectum est) genuina sententia vindicata: ad alteram similiter asserendam procedemus. Quæ his verbis continetur: *Et vita erat lux hominum.* De cujus attributo quæritur, quid scilicet lux hominum, hoc loco significet. Et quidem in eo generatim consensus est, vocem lucis, non propriè externam ac corpoream lucem designare: sed impropriè per metaphoram ad aliud, quod huic luci simile est, translatum: nimirum, quod ut lux illuminat, sic vita, quæ in Christo est, spiritali modo homines illustret. Sed speciatim de modo simul ac tempore dissensio est. Quippe Deitatis Christi assertores statuunt, Christum lucem dici hominum, quod ab eo, quasi fonte, & prima essentia intelligente, omnis vis rationis atque intelligentiæ hominum, cum naturalis, tum supernaturalis, (quasi lumen quoddam spirituale) inde à mundi initio promanarit: Contra verò Socinus (ut suam de Christo, humana tantum natura constante, sententiam tueatur) sic exponit: *Est igitur (inquit) vita illa æterna, quæ erat in Christo, lux hominum: quatenus, ut mox dicemus, Christus hujus vitæ patefactione illuminat omnem hominem; cum alioqui omnes hujus mundi homines in umbra mortis sederent, nullam vitæ æternæ firmam certamque spem habentes:* Quibus proximè subjicit, tanquam titulum à se exponendum, Joannis verba, *Et lux in tenebris lucet & tenebræ eam non comprehenderunt.* Cui titulo subjicit expositionem hanc: *Christus lux dicitur, non solum quod cælestis doctrina homines ad vitam æternam illuminet: sed etiam quod vita irreprehensibilis, atque sanctissima illius præluceat, ut ipsum imitentur: exemplum enim, inquit Johannes. cap. 13. v. 15. dedi vobis, ut quemadmodum ego feci: ita & vos faciatis.* Hæc Socinus: quibus lucem hanc hominum, suis tenebris, obscurare conatur; sed frustra: ut ex hisce etiam rationibus constabit. Nam 1. lux hominum, quam Johannes intelligit, illuminat omnem hominem venientem in mundum. Atqui cælestis humanæ naturæ Christi doctrina; & vitæ illius irreprehensibilis ac sanctissimæ exemplum, quibus homines illuminat ad vitam æternam, non illuminant omnem hominem venientem in mundum. Ergo doctrina humanæ naturæ Christi, & sanctissimæ illius vitæ exemplum, quibus homines illuminat ad vitam æternam, non sunt lux illa hominum, quam Johannes intelligit. Propositio expressè extat vers. 9. *Erat lux vera, quæ illuminat omnem hominem venientem in mundum.* Idque adeo clarum est, ut adversarius verbis modò citatis agnoscat, Christum illuminare omnem hominem. Assumptio verò experientia notissima demonstratur, 1. Quia maxima hominum pars, ante humanæ Christi naturæ doctrinam & vitæ illius exemplum, non illuminata est per eam, aut alium, ad vitam æternam, sed in tenebris ignorantiae doctrinæ salutis periit, Ps. 147. v. 20. Acl. 14. v. 16. Deinde quia per Christum natum, docentem ac sancta vita præeuntem, minima pars Judæorum (ut gentiles taceam) illuminata: sed maxima pars in tenebris ignorantiae permansit, Joh. 3. v. 19. 20. Rom. 10. v. 3. & 11. v. 5. 7. & 8. Neque exceptio ea habet locum, qua obtenditur, Christum doctrinam & exemplo præluxisse Judæis illis: sed ipsos hanc lucem salutarem non comprehendisse, ut Johan. 3. v. 19. *Hoc est judicium, quod lux venit in mundum, & dilexerunt homines*

*magis tenebras quam lucem, erant enim opera eorum mala.* Nam illuminare inquam, non solum est lucem prætereundere seu præluceat; sed etiam lumen indere atque illustrare. Nam quamvis sol præluceat etiam cæcis, eos tamen non illuminat: quia oculi eorum luminis capaces non sunt, nec redduntur; similiter nec Christus eos illuminat, quibus in cecitate spiritali manentibus, doctrinam & exemplo tantum præluceat. Tertia assumptionis probandæ ratio est, quod plurimi, inde à Patriarchis ad Christum natum, luce doctrinæ ad vitam æternam sunt illuminati: quemadmodum etiam Christo jam nato, antè illius doctrinam & vitæ exemplum: partim ministerio Angelorum: partim hominum, (ut Johannis Baptistæ & aliorum) Spiritus S. instinctu sunt illuminati ad vitam æternam: Ergo non omnes homines sunt per Christi hominis doctrinam & vitæ illius exemplum illuminati. Nam quod Socinus de Johanne Baptista his verbis objicit: *Is vera lux non erat, quæ Evangelium Dei verè nobis patefacit, & ejus prædicatione tenebras hominum mentes illustravit: Baptista enim baptismum pœnitentiæ tantummodo prædicavit; Christus autem per Evangelium & mortem aboluit, immortalitatemque in lucem protulit,* 2. Tim. 1. v. 10. Verum respondetur, certum esse, quod Scriptura asserit: Christum esse veram lucem: Johannem non esse veram illam lucem, ut v. 8. traditur, & ratio additur, v. 9. (qua lucem illam veram, ut luminis omnis fontem describit) à proprio effecto, quod non aliquos tantum, sed omnem hominem venientem in mundum illuminet: quod neque Johanni, neque ullæ meræ creaturæ: sed soli Deo tribui potest.

Deinde malè Socinus veram hanc lucem describit, veræ Evangelii patefactione. Nam ea non omnem hominem illuminat, ut ante ostendimus, quod tamen huic veræ luci proprium: præterea nec Christo soli, quatenus est homo, convenit: sed etiam Johanni Baptistæ, qui publicè ac verè divino instinctu ac vocatione immediata, Evangelium prædicavit, eoque modo complures ad vitam æternam illuminavit: Nam quamvis baptismum pœnitentiæ prædicavit, ut Scriptura docet; falsum tamen est, quod ait Socinus, id tantum prædicasse. Nam Ioh. 1. vers. 7 dicitur *venisse ut testaretur de luce, ut omnes per eum crederent;* deinde doctrinam Evangelii de persona, officiis & beneficiis Christi prædicavit, ut vers. 29. ad 37. usque, & cap. 3. v. 28. ad finem usque; copiosè ac perspicuè docetur. Ideoque cum dicitur prædicasse baptismum pœnitentiæ, per Synecdochen fides Evangelii simul intelligitur, ut Marc. 1. v. 4. *Prædicans baptismum pœnitentiæ in remissionem peccatorum;* atqui ea, fide tantum obtinetur. Et Acl. 19. v. 4. dicitur: *Johannes baptizavit baptismum pœnitentiæ, populo dicens, ut crederent in eum, qui post ipsum veniret, hoc est in Christum Jesum.* Idemque ex Spiritus S. instinctu ante prædictum est à Zacharia Baptistæ Patre in Cantico, Luc. 1. v. 76. & 77. *Propheta Altissimi vocaberis: præibis enim ante faciem Domini, ut pares vias ejus, & des cognitionem salutis populo ejus in remissionem peccatorum.* Ubi obiter notandum vocem *des* pro *is* (ut sæpe solet) usurpari, & cognitionis effectum ac finem denotari: ut Luc. 3. v. 3. in ejusdem sententiæ repetitione dicitur: *Prædicans baptismum pœnitentiæ, is in, seu ad remissionem peccatorum.* Quare cum veræ Evangelii patefactio & per eam illuminatio ad salutem, non solum humanæ naturæ Christi prædicationi: sed etiam Johannis Baptistæ ministerio, in Sacris Literis tribuatur ac conveniat; inde sequitur falsam esse Socini expositionem: qua Christum oppositè Johanni Baptistæ lucem hominum, & lucem veram dici definit, quod Evangelii patefactione hominum mentes in tenebris ignorantiae constitutas liberat, & in veram resurrectionis vitæque æternæ lucem ac certam spem tradit. Hoc enim, ut modo demonstravimus, humanæ Christi naturæ, & Johanni Baptistæ commune est: quod verò Christus lux omnium hominum, & lux vera dicitur, Christo proprium est, ut ipsemet adversarius agnoscit, cum ait ibidem: *Solum ergo Christus est lux vera.* Ceterum vera appellationis hujus causa, est non illa Socini, nempe humanæ naturæ Christi doctrina & vita; sed alia, nimirum, quod Christus est fons lucis & omnis veræ intelligentiæ: Johannes verò Prophetæ & Apostoli, suo modo lux fuerunt

fuerunt hominum : sed non absolute omnium ; nec omnis lucis : sed quorundam hominum, & ratione cognitionis doctrinae salutis per Christum. Deinde lux seu notitia Evangelii, qua aliis praeluxerunt, rivus tantum fuit, à Christi fontis gratia promanans. Nam per Spiritum illius Prophetæ olim 1. Pet. 1. v. 11. & Apostoli postea Ioh. 15. v. 26. & 16. v. 13. & 14. & 2. Cor. 13. v. 3. sunt illustrati : & quidem ex parte, 1. Cor. 13. v. 9. pro mensura donationis Christi, Ephes. 4. v. 7. Denique neque aliter illuminarunt, quam ut causa ministra; Christus verò, ut causa principalis, Ephes. 2. v. 10. & 6. v. 23. Rom. 15. v. 18. Sine cujus divina atque interna oculorum mentis illustratione, omnis eorum externa Evangelii prædicatio, inutilis fuisset atque impotens, 1. Cor. 3. v. 5. 6. 7. Unde etiam sequitur, mutilam esse veræ lucis definitionem qua eam adversarius restringit ad prædicationem & exemplum vitæ Christi ; quia hoc modo non illuminat omnem hominem venientem in mundum, ut supra demonstravimus. Neque effugium Socini hoc argumentum solvit, sed perplexa atque æstuante dubitatione opposita, magis confirmat. Reponiones enim adducit quatuor diversas : Quarum tres priores constructionem horum verborum receptam sequuntur : postrema verò novam in ejus locum substituit : sed quocunque se Protei more vertat, manifestè constringitur. Nam Prima responsio est, orationem esse defectam : *Illuminat omnem hominem*, nempè per ellipsin qui illuminatur : ac sensum esse tradit, quod quicumque ex hominibus hujus mundi ad vitam æternam illuminantur, non alia ratione illuminentur, quam per Christi Evangelium : ubi primum fraus adversarii, ambiguitate ludentis observanda. Nam cum Evangelium Christi accipi possit, vel pro doctrina de Christo : vel pro Evangelii prædicatione à Christo homine facta : priori modo vera est sententia. Nemo enim aliter ad vitam æternam illuminatus est unquam, inde ab initio mundi, quam per Evangelium de Christo : utpote quod à Deo in Paradiso primum prædicatum. Posteriori verò modo, quo accipit adversarius, falsa est sententia. Nam quamvis Christus, quatenus Deus, omnes eos, qui illuminantur ad vitam æternam, illuminet, non omnes tamen, nec omnino, per humanam suam naturam. Non omnes, inquam : quia multos & ante natiuitatem è virgine : & post eam : antequam doctrina & exemplo vitæ praeluceret, Evangelii doctrinam, Angelorum & Johannis aliorumque piorum hominum ministerio, quatenus Deus, illuminavit, ut supra demonstravimus. Neque omnino, quia etsi humana natura, externa doctrina & vita praeluxit : cæcitatem tamen mentis non abstulit, neque lucem indidit : sed sola divina sua natura oculis mentis, cæcos regenerando illustravit, donata virtute fidei : ut ea instructi, externam Evangelii lucem amplecterentur. Deinde adversarii expositioni obstant verba à Johanne addita ; quia non simpliciter dicitur : *Omnem hominem*, sed additur, *venientem in mundum*, hoc est, dum homo oritur : non autem, tum demum, postquam ortus est atque adolevit. Atqui nullus homo, dum venit in mundum, illuminatur notitia Evangelii (ad quam intelligendam per ætatem tenerrimam est ineptus) sed omnis homo à sua origine, ratione, quasi lumine quodam spirituali donatur : unde homo animal rationale meritò definitur. Quare prima hæc solutio Socini, qua ellipsin seu defectum orationis statuit, à veritate perspicue deficit. Secunda similiter responsio infirma, quæ sine ellipsi in vocis *omnis* distinctione consistit. Nec enim de omni individuo ; seu omni singulari homine : sed de omnis generis hominibus, posse intelligi ait, hoc sensu, quod citra personarum acceptionem, cujuscunque generis homines, gentes ac Judæos, doctos atque indoctos, nobiles atque ignobiles illuminet. Atqui obstat huic expositioni ; Primum, quod ut ante monuimus, nulli venientes in hunc mundum prædicatione Evangelii illuminentur : quia videlicet usu rationis insitæ adhuc careant. Deinde falsum etiam est Christum prædicasse Evangelium sine acceptione, hoc est, distinctione personarum, Gentilium & Judæorum : Ipse enim contrarium, cum in terris versaretur, docuit ac præcepit. Nam licet

speciali quadam gratia nonnullis Gentilium Evangelium obiter prædicarit, Ioh. 4. v. 40. 41. & 43. illud tamen ab Apostolis fieri vetuit, Matth. 10. v. 5. *In viam Gentilium ne voveritis : & in urbem Samaritanorum ne ingrediamini*. Itē verò potius ad oves perditas domus Israël, & Mat. 15. v. 24. *non missus sum* (scil. ordinariè) *nisi ad oves perditas domus Israël*. Post mortem verò Christi primum, sublato discrimine populorum, ex Christi mandato, Evangelium anuntiatur omnibus gentibus, Matth. 28. v. 19. Quamobrem secunda hæc adversarii responsio confutatur, ejusque (ut & primæ) infirmitas, tertiæ quam subjicit indicio, amplius declaratur. Sic enim adjicit Socinus : *Tertiò & hoc fortasse est verius, quod Christus quantum in se est, synecdochicè tamen, Evangelii luce omnium mentes illustret*. At inquam illud à vero alienius esse res ipsa evincit. Nam primum falsum est, Christum etiam omnium mentes illustrare, quia plerique in tenebris manent, & plurimi ante eum, & sine illius prædicatione ac mandato illuminati : ut supra probavimus. Deinde Christus sua prædicatione Evangelii, non omnes suos auditores (nec omnes homines,) quantum in se est illuminavit. Nam qua Filius Dei est, divina sua virtute poterat omnes per Spiritum Sanctum viva fide donare, Matth. 11. v. 27. quod tamen non in omnibus auditoribus, sed in electis suis solum præstitit, Ioh. 10. v. 16. & 26. Deinde etsi Christus prædicatione Evangelii & vitæ exemplo fecerit, quantum in humana ipsius natura (quam solum agnoscit Socinus,) ad illuminandum pertinebat : inde tamen dici non potest illuminasse omnes homines, multo minus omnes venientes in hunc mundum : quia externa illa prædicatio in iis qui in incredulitate sua perstiterunt, nihil luminis attulit : quia externa lucis Evangelii præsentio, cæcos infidelium animos non illustrat, si interna Spiritus Sancti illustratio, qua visum spirituale restituit, desit, 1. Corinth. 3. vers. 7. Quare vana est illa ellipsis, quam fingit adversarius : Christus illustrat quantum in se est. Quemadmodum etiam, quod secundo loco subjicit : *Synecdochicè tamen Evangelii luce omnium mentes illustrat*. Id enim, & obscure & ineptè dicitur : obscure quidem, quia exceptio hisce verbis expressa ; *Synecdochicè tamen* ; si ad priora pertineat, significabit Christum, quantum in se est, & secundum quid illuminasse : sin vero ad posteriora referatur, sensus erit, omnes homines Synecdochicè acceptos, hoc est, pto majori hominum parte, vel parte aliqua, hoc est, plerisque, vel aliquos illuminasse. Ineptè verò quia neutra acceptio ; neque cum verbis Evangelistæ : (*illuminat omnem hominem venientem in mundum*) conveniet, neque cum rei veritate, ut ex ante dictis appareat. Atque hoc modo refutatis tribus prioribus adversarii responsionibus, quibus hanc sententiam pervertere studet, quæque in eo conveniunt, quod receptam ab omnibus constructionem sequuntur ; superest ut quartam atque ultimam, in qua acquiescit, expendamus. In ea autem, nova constructione atque interpretatione posita, elabi conatur his verbis ; *Præterea hæc verba aliter legi possunt, nimirum hoc pacto : Erat lux vera que illuminat omnem hominem, veniens in mundum. Vox enim Græca ἐρχομαι, tam luci, quam homini accommodari potest. In hanc sententiam alibi Christus ait : Ego lux in mundum veni, ut omnis qui credit in me, in tenebris non maneat ; & hæc sine dubio est germana hujus loci lectio & interpretatio*. Hactenus Socinus. Respondemus verò primum, verba Evangelistæ duplicem quidem posse ferre constructionem : cum illam, quam interpretes communi consensu proponunt ; tum alteram, quam hoc loco reponit adversarius : sed prior tamen genuina est : quam sententiæ hujus veritas flagitat. Nam posterior parit sensum falsum ; quia Christus, veniens in mundum, non illuminat omnem hominem : quia multi in tenebris ignorantie permanserunt, & non pauci postquam venit in mundum, hoc est, homo factus, ab aliis illuminati sunt ; ut jam ante demonstravimus. Quamobrem ex hisce satis superque apparet Socini error, qui illuminationem hoc loco, de illustratione hominum, per prædicationem Evangelii ab humana Christi natura propo-

propositi exponit. Contrā verò perstat interpretationis ante positæ veritas: nempe Christum oppositè Iohanni & aliis ministris vocari lucem veram: quod scilicet tanquam fons lucis, omnem hominem illuminat, lumine rationis naturalis. Nam id solum omnibus hominibus, & quidem venientibus in mundum, seu ab ipso ortu eorum commune est, quo illuminantur; ac propterea illud solum, non aliud hoc loco intelligendum; unde etiam, velit nolit Socinus, Ceitas Christi demonstratur. Nam solus Deus, citra controversiam, rationis naturalis in hominibus est author: cum creatione prima Adami & Evæ: tum etiam propagatione consequente: unde meritò Deus peculiariter, parentibus nostris oppositè (quibus corpora debemus proximè) *Pater spirituum* Hebr. 12. vers. 9. nominatur. Verum quia adversarius, contra hanc veritatis huius lucem, sinuosum, objectionis cuiusdam, velum obtendit, illud postremo loco discutendum. Abutitur autem occasione vers. 7. quo de Iohanne Baptista dicitur: *Venit ad testimonium, ut testaretur de luce: ut omnes per eum crederent*, subjicit enim hoc argumentum cum ait: *Sed quodnam testimonium huic luci dedit Baptista? Num eam ab omni æternitate fuisse, vel cælum terramque creasse? quam longè absunt ista ab illius verbis. Num eam omnibus rebus creatis Spiritum vitamque hanc naturalem semper administrasse? Nihil minus: testatus enim tantummodo est de Iesu, quod esset Christus & Agnus Dei, qui mundi peccatum auferret: quod baptizaturus esset Spiritu Sancto & igni, cum ipse aqua tantum baptizaret; quod se maior ac præstantior esset; & alia huiusmodi. Quare vel alium sibi Christum, ab eo cui testimonium dedit Iohannes Baptista fingant necesse est: vel invictum Christi gloriæ Baptistam fuisse dicant; vel saltem ejus dignitatis atque præstantiæ ignarum, & porro nullius momenti ejus testimonium fuisse: cum illa de Christo reticuerit, quibus si destitutus foret, nihil penitus cum humano generi profuturum existimant omnes ii, qui Christum cæli terræque conditorem, animantiumque omnium sempiternum vivificantem & unicum Deum nostrum esse contendunt.* Hactenus Socinus. Cujus orationis pars prima, quæ negatione præfidenti constat, falsa est. Nam Christum esse ab æterno creatorem cæli ac terræ, vitæque & spirituum authorem, Iohannes Baptista constanter docuit: etsi non totidem verbis, sensu tamen eo tendente. Quia ut hæc attributa Deo vero conveniant, ac propria sunt: sic etiam Christum non merum, sed verum hominem, ac verum simul Deum testatus est multis: quemadmodum inductione testimoniorum comprobatur, quæ, partim antequam Christus Euangelium prædicasset; partim posteaquam prædicare cepit, protulit. Antequam enim prædicasset Christus Euangelium, Iohannis Baptistæ testimonium primum extat, Joh. 1. vers. 15. 16. & 17. In quo tria divinitatis Christi argumenta extant. Primum est, v. 16. *Ex plenitudine ipsius* (scilicet Christi, ait Iohannes,) *omnes accepimus, & gratiam pro gratia.* Atqui Iohannes Baptista ex plenitudine Christi, quatenus homo est tantum, nihil acceperat, imò nondum Iohanni conspectus erat, vers. 33. Ergo ut vera sit sententia, acceperat ex plenitudine Christi, quatenus Deus; nullum enim est medium. Alterum Deitatis argumentum est, quia Christum, oppositè omnibus, unigenitum Dei Filium vocat, vers. 18. ideoque ejusdem cum Deo Patre essentia. Tertium Deitatis Christi argumentum est, quod Baptista testatur Christum esse in sinu Patris, hoc est, ipsi intimum esse, & omnium conscium: & quod Patrem exposuit: Atqui secundum humanam suam naturam Christum non erat in sinu Patris: neque eum adhuc exposuerat seu patefecerat. Ergo inde ostendit Baptista, Christum esse non merum hominem, sed verum Deum: ut Matth. 11. vers. 27. Christus consentaneè ait, *Nemo novit Patrem, nisi Filius, & cui voluerit Filius revelare.* Atque hæc de primo Iohannis testimonio, unde Christi Deitas & æternitas apparet. Alterum verò testimonium ab eodem prolatum, describitur v. 21. ad 29. in quo Deitatis Christi documentum est clarissimum, vers. 23. ubi ex Esai. 40. vers. 3. officium suum prædictum exponit: *Ego, inquit, sum vox clamantis in deserto: complanate viam Domini:* Qua voce Domini, more recepto, pro voce Iehovæ, quam Isaias ponit, utitur. Is autem Dominus seu Iehova

est Christus, qui Iohannem sequebatur, & cui venturo, ad docendum viam parabat; ut Luc. 1. vers. 77. traditur: *Præibit enim ante faciem Domini, ut pares vias ejus.* Cui etiam consentit id quod traditur Matth. 11. vers. 10. Tertium testimonium est à vers. 29. ad 35. ab Evangelista explicatum, in quo tria similiter Deitatis Christi argumenta adducuntur, quorum primum est vers. 29. cum Christus vocatur à Baptista, *Agnus Dei, qui tollit peccatum mundi:* quo, ut verum hominem per Metaphoram agni mactandi, ut 1. Pet. 1. indicat, sic verum etiam Deum esse eo demonstrat, quod tollat peccatum mundi, id est, omnium credentium totius mundi; Hoc enim opus à mera creatura (qualem Socinus Christum fingit) provenire non potest; neque redimendo, neque sanctificando; sed à Deo solo, unde etiam Christus redemptor, Act. 20. vers. 28. *Deus, qui redemit Ecclesiam suo sanguine,* vocatur. Alterum argumentum est quod Baptista testatur, vers. 31. Christum Spiritu Sancto baptizare; quod opus est merè divinum. Nam per Spiritum, neque sanctificando mentem, neque miracula varia edendo operari (quod baptismo Spiritus denotatur) nulli creaturæ: sed soli Deo, cujus Spiritus est, & qui in Deo est, convenit: ut supra etiam suo loco ostendimus. Tertium denique argumentum, est non novum, sed renovatum, seu repetitum, cum ait v. 34. *Ego igitur vidi, & testor hunc esse illum Filium Dei,* scilicet unigenitum (ut primo testimonio vers. 18.) & proprium, Rom. 8. v. 32. ut ea appellatio nulli Angelorum eo modo tribui potest, Hebr. 1. v. 5. Atque hæc sunt præcipua Iohannis Baptistæ testimonia, antequam Christus Euangelium prædicaret. Postquam verò prædicare cœpisset, testimonium ei Iohannes Baptista perhibuit illustre, quod describitur. Ioh. 3. à vers. 27. usque ad finem. In quo Deitatis Christi argumenta sunt imprimis duo. Primum quidem vers. 29. cum testatur, Christum esse sponsum Ecclesiæ: quemadmodum etiam à Paulo describitur, 2. Cor. 11. vers. 2. & Ephes. 5. vers. 23. cum 25. & 32. Hic enim honor Sponsi Ecclesiæ, soli Deo proprius est, Hos. 2. vers. 19. & 20. qui gloriam suam alteri non tribuit, neque rivalem fert, utpote Zelotes Exod. 20. vers. 5. adeò ut Ecclesia, si alterum sponsum admittat, non casta, sed adultera merito censeatur. Ac propterea cum Christus sit justus Ecclesiæ sponsum: eundem cum Patre Deum esse necesse est: & per consequens mundi creatorem. Alterum deinde argumentum Deitatis Christi extat vers. 31. quo Baptista, Christum *super me*, & eodem sensu, *de cælo venisse* testatur, quemadmodum etiam Christus Iohannis 3. vers. 13. se descendisse de cælo profitetur: unde sequitur, ipsum antequam homo factus esset, extitisse & quidem in cælo: ideoque verum esse Deum. Nam cum in cælo tantum sint creati Angeli, & piè mortui, deinde Deus: Christus autem citra controversiam nec Angelus creatus, nec mortuus tum fuerit: sequitur fuisse verum Deum. Si quis verò excipiat, Christum dici de cælo venisse ratione doctrinæ, quæ cœlestis: aut ratione formationis miraculosa ac potentia cœlestis: utraque exceptio infirma est, etsi speciem aliquam habeat primæ fronte. Nam Iohannis doctrina erat etiam de cælo, Matth. 11. v. 9. 10. & 21. v. 25. Iohan. 1. vers. 33. Luc. 1. vers. 17. & formatio illius de matre sterili, fuit etiam miraculosa, ac cœlesti Dei virtute peracta, Luc. 1. vers. 7. nihilominus tamen idem Baptista oppositionem inter se & Christum instituens, ait: se de terra esse; Christum verò de cælo. Quemadmodum Adamus, licet cœlesti creationis virtute esset formatus; nihilominus ab Apostolo, primus homo de terra; Christus verò, secundus homo Dominus de cælo, 1. Cor. 15. vers. 47. appellatur: quod scilicet ille merus esset homo: hic verò verus Deus patefactus in carne, 1. Timot. 3. v. 16. Ex quibus constat, cum Christus de cælo esse dicitur oppositè Baptistæ, indicari verum esse Deum. Quare inde necessariò sequitur, esse cæli & terræ Creatorem, omniumque Spirituum vivificantem, quia hoc Deo proprium: ac propterea Iohannem illud docuisse, cum Christum verum esse Deum, variis argumentis solidis est testatus.

Atque hoc modo asserta est genuina Evangelistæ doctrina: qua Christum, lucem hominum & veram lucem esse ostendit,

ostendit, quæ illuminat omnem hominem venientem in mundum. Atque ita à vers. 8. & 9. hujus capitis primi Iohannis, ad vers. 10. adversus errores vindicandum procedemus.

**A**ssertio genuinæ sententiæ vers. 10. *In mundo erat, & mundus per eum factus est: & mundus (vel ut Beza sensum rectè exprefit, sed mundus) eum non cognovit.*

**H**ujus autem loci, citra controversiam sunt tres enuntiationes: quæ oppositionem Christi & mundi continent: Duabus enim prioribus proponitur Christi beneficium erga mundum nempe præsentia illius in mundo, & illius effectio. Postrema verò enuntiatione, opponitur mundi ingratitude & maleficio, quod Christum sibi præsentem ac beneficientem multis modis, & factorem suum non cognoverint, scilicet notitia debita, cum cultu iusto conjuncta; Hac in re consensus est. Verumtamen quidnam mundus, & effectio illius significet, disquiritur. Qua de re duæ sunt sententiæ inter se dissident. Ac primum communis Ecclesiæ sententia est: *mundum* in duabus prioribus enuntiationibus simpliciter, seu omnino intelligi: hoc est, cælum terramque & omnia quæ iis continentur designare; quemadmodum versu antecedente, quo dictum est, *venientem in mundum*, & Ioh. 17. v. 5. *antequam hic mundus existeret*, & v. 24. *ante foundationem mundi* Deinde vocem *ἡ γῆ*, hoc est, *factus est*, notare creationem illius, quemadmodum Genes. 2. v. 2. & Actor. 17. v. 24. *Deus qui fecit mundum*. In tertia verò enuntiatione, vocem *mundi* non simpliciter, sed secundum quid, seu Synecdochicè pro hominibus mundi accipi, idque controversiâ caret; ut etiam attributum illius demonstrat, scilicet quod Christum non cognovit: id quod tanquam reprehensio ponitur; quæ in ratione destitutis non habet locum. Deinde & illud constat, homines non singulos: sed plerisque intelligi; idque attributionis veritas etiam evincit. Nam cum multi homines pii extiterint, qui Christum verâ religione cognoverunt: si de singulis hominibus hoc dictum intelligeretur, sententia foret falsa: id quod à Sacra Scripturæ veritate perpetuâ alienum est. De plerisque verò est vera: ut experientia & Scriptura testantur; ideoque non de singulis, sed de plerisque hominibus accipi oportet. Sensus autem jam positus: & loci circumstantiis: & rei veritati (partim antecedentibus verbis, partim alibi in Sacris Literis explicatæ) convenit. Nam mundum per Christum factum esse seu creatum, jam antè traditum est, vers. 3. *Omnia per ipsum facta sunt, & absque eo factum est nihil, quod factum sit*: atqui mundus, cælo terraque constans, citra controversiam factus est, Ergo sine Christo factus non est: ut etiam pluribus antea, in refutatione objectionum adversarii demonstravimus; deinde quia in ipso vita erat & lux hominum vers. 4. quæ etiam illuminat omnem hominem venientem in mundum vers. 9. Ideoque cum vitæ sit fons, omnibus viventibus vitam præbens, atque etiam luminis rationis, in omnibus hominibus in mundum venientibus, mundi creatorem esse, verumque Deum (ut supra ostensum) necesse est. Idemque alia Sacre Scripturæ loca Col. 1. v. 16. & Heb. 1. v. 2. & 10. supra allata & adversus exceptiones vindicata, perspicue evincunt. Contra verò Socinus tradit. Nam & expositionem antepositam negat, & oppugnat: & aliam opponit ac propugnat, errore duplici; quæ, & quid *mundus*: & quid, *factus est*, designet, perperam exponit. Nam ad prius quod attinet, vocem *mundi* in tribus hisce enuntiationibus pro hujus mundi hominibus accipi, nulli dubium esse debere asserit: ac ratio illius est hæc; *Id enim (inquit) manifestissimè apparet, dum inquit, & mundus eum non cognovit. Nam de hominibus hoc tantum dici, nemo inficias ibit.* Verum negatur Consequentia; quia nititur falsâ hypothesi, quasi necesse esset, ubi eadem vox repetitur, eundem debere esse utrumque sensum. Nam circumstantiæ locorum sæpè diversam significationem, & in profanis, & in Sacris Scriptoribus esse demonstrant: & elegantiz atque acuminis cujusdam mo-

di, in tali diverso usu comperitur. Quale ingeniosum carmen in Neronem sparsum Suetonio. in vita illius cap. 39. recenset.

*Quis neget Anea magna de stirpe Neronem?*

*Sustulit hic Matrem, sustulit ille Patrem.*

Ubi vox *sustulit*, primo in loco occidit; posteriori gestavit, significat. Sic Matth. 8. v. 22. *Sine mortuos* (hoc est, incredulos) *sepelire mortuos suos* (hoc est, vita defunctos) & Rom. 8. v. 24. *Spe* (proprie accepta) *servati sumus*: *Spes verò* (per Metonym. pro re sperata) *quæ videtur, non est spes*: ut etiam Psal. 53. v. 6. *Expavescent pavore, ubi non est pavor*, id est, pavoris causa: & vers. 5. *Edunt populum meum* (hoc est Metaphoricè comminuunt ac consumunt) *ac si ederent panem*, nempe proprie. Et ut alia omittam, vox mundi bifariam accipitur, Joh. 3. v. 17. *Non enim misit Deus Filium suum in mundum, ut condemnet mundum, sed ut servetur mundus per eum*. Ubi primo loco *mundus* inferiorem hanc mundi partem, hoc est, terram notat: quemadmodum Joh. 16. v. 28. *Egressus sum à Patre & veni in mundum: rursus relinquo mundum & proficiscor ad Patrem*. Secundo verò & tertio loco *mundus* significat homines fideles totius mundi: quia hi soli non condemnantur; solique servantur. Quare hypothesis adversarii falsa est: quasi vox eadem repetita, deberet eodem sensu utrumque intelligi. Id quod etiam, sibi contradicens, tandem ipsemet innuit sequentibus cum ait: *Si modò vox mundus hic significationem non variat: ut nunc quidem quodammodo pro concessio sumimus*. Quibus verbis dubitat, an *mundus* hic significationem non variet, & tamen initio (ut ante citavimus) dixit: *Mundum pro hujus mundi hominibus accipi nulli dubium esse debet: id enim manifestissimè apparet, cum inquit: & mundus ipsum non cognovit*. Atque hanc contradictionem non tollit, quod ad marginem ad vocem, *si modo*, ab operis editore annotatur, in Racovienſi editione pag. 31. *hæc verba ita in alio exemplari leguntur; hoc intellige verum esse, si modo vox mundi, ter hoc loco à Johanne prolata, semper in eundem sensum sit accipienda, ut accepta est in hoc scripto paulò antè cum hic locus explicaretur*. Atque hætenus annotatio, & argumenti Sociniani, ab ipsomet autore confutatio. Unde liquet primus error Socini, quo significationem vocis mundi, in tribus hisce enuntiationibus, pro hujus mundi hominibus accipi asseruit. Alter error in perversa vocis *ἡ γῆ*, hoc est, *factus est*, explicatione consistit. Nam Hebraismum esse statuit, quo verba simplicia pro compositis (quibus Hebræi carent) accipiantur, quasi scilicet factus est, pro refectus est acciperetur, ut Ephes. 3. vers. 9. *qui omnia creavit per Iesum Christum: id est instauravit; iterum condidit: & Ephes. 2. v. 10. ipsius enim sumus factura, creati in Christo Iesu in bonis operibus: ubi nemo non videt & fatetur, non de prima nostri creatione, sed de recreatione, ut ita loquar, seu nova creatione facta, sermonem esse, ut 2. Cor. 5. *Vetera præterierunt, nova facta sunt omnia*. Hæc ille. Verum ineptè primum hoc loco Hebraismum fingit, quasi simplex pro composito acciperetur: neque ea, quæ adducit loca, ei rei probandæ sunt idonea: quia *facere & creare* in locis citatis, non Hebraismo: sed Metaphora quadam accipiuntur. Deinde expositio etiam quam adfert, verbis Evangelistæ repugnat. *Mundus enim qui hic à Christo factus dicitur, eum non cognovit: contra verò mundus qui à Christo renovatus est, ipsum cognovit*. Ergo mundus à Christo renovatus non est mundus, qui hic à Christo factus dicitur. Propositio verbis Iohannis constat. Assumptio per se clara est: quia renovatio illa & nova creatio in mentis illuminatione & voluntatis sanctificatione consistit: & veteri homini seu tenebris ignorantie mentis, & cordis obdurationi opponitur. Nec differtur adversarius, qui hanc novam creationem, ex tenebris & morte in lucem immortalitatemque translationem exponit; & postea ait *nonne qui vitam dat, rem facit atque creat: item cur vicissim per Christum, qui vitam hominibus confert, qui humanum genus à morte liberat æterna, mundus factus non diceretur?* Quamobrem cum propositio Syllogismi ante à nobis positi Evangelistæ testimonio contineantur: Assumptionem verò res ipsa, & adversarii confessio comprobent: inde conclusio*



necessariò deducitur. Coeterum postremo loco probare conatur verba illa, *mundus per ipsum factus est*, non significare ipsum esse cœli terræque creatorem. i. quod sit inauditum dogma, quod nec quisquam de illo: nec Christus ipse de se id unquam protulit: imò ne cogitare quidem unquam est ausus. Sed impudentem hanc blasphemiam jam antea, inprimis verò in vers. 1. 3. 8. ac 9. explicatione abundè refutavimus. Alterum argumentum est: quia Christus Patrem suum solum esse creatorem agnovit: quod quia à nostris constanter negatur, duo profert Christi, ex Johannis Evangelio, testimonia. Quorum primum est, quod cap. 20. vers. 17. eum qui omnia creavit, nobiscum & Patrem & Deum suum appellavit: deinde quod cap. 14. v. 28. se Patre minorem esse apertè fassus sit. Verum quia prius argumentum, jam ante ab adversario propositum, suprà distinctè & abundè confutavimus: eadem non repetam. Alterius verò consequentia negatur; quia est Sophisma à dicto secundum quid, ad dictum simpliciter. Christus enim Patrem majorem se agnoscit, non simpliciter, quatenus Filius Dei est, & quatenus Filius hominis: sed secundum quid: seu quatenus filius hominis. Quomodo etià dicitur Phil. 2. vers. 6. *Qui cum esset in forma Dei, non duxit rapinam parem esse cum Deo, sed seipsum exinanivit servi formam acceptam, similis hominibus factus*. Ita licet quà Filius Dei, par sit Patri: utpote unum cum eo, Joh. 10. v. 30. nempe essentia: eoque modo Pater etiam est in ipso, & ipse in Patre, Joh. 14. v. 11. Quatenus tamen Filius est hominis, minor est Patre: qui tantum Deus est; non autem *θεὸς ὁμοιωμένος* Deus homo factus. Et quatenus Filius Dei est filius hominis: eatenus Patri, ut Deo & Domino suo, à quo formatus est, obedientiam debebat, Joh. 14. v. 31. & 6. vers. 38. Cujus ea erat voluntas, ut per mortem tenderet ad Patrem & cœlestem gloriam, Luc. 24. v. 26. & pro suis fidelibus in cœlo intercederet, Joh. 14. vers. 16. & tandem cœlo bearet vers. 3. & cap. 6. v. 39. & 40. Atque hæc sincera maximè ac simplex, locique circumstantiis aptissima argumenti hujus (olim ab Arrianis objecti, & à Socino nunc repetiti) solutio; licet præterea diversæ olim à priscis atque Orthodoxis Patribus responsiones fuerint allatæ. Interim ab insigni Theologo, nova hujus loci interpretatio adfertur, quæ tribus verbis expendenda. Ea autem est: *Pater major*, id est, *beatior*, *Synecdoche generis*, ut *Joh. 15. vers. 10. me ] nempe qualis nunc sum, donec mortuus fuero*. Significat se, *ubi profectus fuerit ad Patrem participem fore cœlestis illius beatitudinis, qua Pater fruitur: quo nomine discipuli merito gaudere debeant, non autem ipsi hanc beatitudinem invidere: si modo ipsum diligant*. Verum non videtur ea ratione adversariis satisfieri: Nam ut alia omittam, Christi, qua Deus, beatitudo, (quæ in perfectione divinæ essentia illius sapientissimæ, justissimæ & potentissimæ consistit) nec minor nec major est quàm Patris: sed una eademque atque immutabilis utriusque beatitudo est: quatenus verò homo, licet beatitudo illius ascensione in cœlum, qua profectus est ad Patrem, facta sit major: semper tamen atque infinità discrepantiâ Pater beatitudine major permansit; nec illius beatitudinis, nisi similitudinis cujusdam ratione, Christus, qua homo particeps dici potest. Deinde universa Christi oratio ad discipulos Joh. 14. eò tendit, non ut Christus suum per perfectionem ad Patrem commodum declaret: sed ut discipulorum utilitatem indicet vers. 3. 12. 14. 16. 17. & 26. & humanæ suæ naturæ officium, quo Patri suo, tanquam majori seu Domino suo erat obstrictus: ut mandato illius pareret vers. 31. Quas duas causas indicat Christus v. 28. de quo agimus. Ac primam quidem, cum ait: *audistis me dixisse vobis, ab eo* (nempe in cœlum, ad Patrem, ut ab eo inde consolatorem Spiritum Sanctum vobis impetrem, v. 16. 17. & 27.) *& redibo ad vos* (nempe ut dixerat vers. 3.) *ut assumam vos ad meipsum: ut ubi sum ego & vos sitis*. Altera causa est, proficiscor ad Patrem: quia Pater major me est, utpote Dominus meus, qui mihi hoc mandavit vers. 31. ideoque discipulos, si Christum diligenter, non debere ob illius abitum tristari, sed gaudere, quod ea res & Patris voluntati, & ipsorum saluti conveniret. Quemadmodum in consentanea ejusdem doctrinæ repetitione, Joh. 16. vers. 5. 6. & 7. traditur. *Nunc autem*

*ab eo ad eum, qui me misit, sed quia hæc locutus sum vobis, tristitia implevit cor vestrum. Sed ego veritatem dico vobis, expedit vobis ut ego abeam. Nisi enim abiero, Consolator ille non venit ad vos: sin autem profectus fuero, mittam eum ad vos*. Quamobrem ex hisce satis apparere arbitror, minus aptè exponi illud dictum: *Pater major* id est, *beatior est me*: nempe *qualis nunc sum, donec mortuus fuero*: Sed optime convenire, *major est me*, secundum quid, quatenus sum Filius hominis: utpote eatenus Patris tanquam Domini mei servus, ideoque minor; quatenus verò Filius Dei, eatenus non minor Patre, sed ei æqualis. Atque ita etiam quà Filius hominis rogaturum se ait Patrem, ut det Spiritum Sanctum, Joh. 14. 16. & 17. & ita minor est Pater: quatenus verò Filius Dei, ait v. 13. *si quid petieritis in nomine meo, ego faciam, ut glorificetur Pater per Filium, & v. 14. Si quid petieritis in nomine meo, ego faciam*: & cap. 16. v. 7. de Spiritu Sancto Consolatore ait; *Sin autem profectus fuero, mittam eum ad vos*: Atque ita non minor, sed æqualis Patri declaratur. Quia ut Spiritus Dei est unus: sic communis est Patris & Filii Spiritus, Rom. 8. v. 9. ideoque uterque per Spiritum operatur: quemadmodum etiam Spiritu Christi Prophetæ olim prophetarunt, 1. Pet. 1. vers. 11. Atque hac demum distinctione naturarum Christi, & probatione distinctionis ex eodem etiam capite, Sophisticum Socini argumentum confutatur. Quamobrem ex hisce omnibus, ad versus 10. cap. 1. Johannis vindicationem, allatis, perspicuè apparet, quid de ista Socini gloriatione sit judicandum, quâ suam versus illius expositionem producturus ait: *Quid autem hoc loco sibi velit Johannes, à nemine quod sciam adhuc rectè expositum fuit. Quare conabimur nos verum sensum ex ejus verbis elicere, & omnibus apertissimum facere*. Contra enim genuinam Apostoli sententiam, mirificè à Socino corruptam, clarè demonstravimus: Et ut paucis summam rei complectamur: hanc veram Evangelistæ esse sententiam ex dictis constat: nempe cum *ἀγὼ*, Dei Filius, in mundo esset præsens, non solum essentia sua, qua cœlum & terram, (ut verus cum Patre Deus) implet, Jer. 23. v. 24. sed etiam sua gubernatione sustentans omnia, Hebr. 1. v. 3. & bonitatis atque omnipotentia suæ donis variis (homines inprimis) cumularer, Act. 14. v. 17. cumque mundus universus per ipsum factus esset: & in eo, tanquam speculo, ipsius Deitas, omnipotentia, sapientia ac bonitas relucerent, Psal. 19. vers. 1. & Rom. 1. v. 18. 19. & 20. quod nihilominus plerique homines mundi, ingrati erga Filium Dei creatorem suum, ipsum non rectè cognoverint, nec debito honore sint prosecuti; ut Rom. 1. v. 18. & 27. de gentibus & inprimis de sapientibus eorum traditur: Quemadmodum etiam de gentibus communiter, Actor. 14. v. 16. & 17. clarissimè verò Actor. 17. v. 25. ad 31. mundi à Deo creatio, & in eo præsentia illius, atque in homines à se creatos beneficentia: & contraria eorum ingratitude atque ignorantia Dei describuntur.

Atque hætenus de vers. 10. & communi hominum plerorumque in Filium Dei creatorem & benefactorem suum ingratitude; sequitur

#### Quæstio de Versus 11. sententia.

*Ad sua venit: & sui eum non receperunt,*

**I**N eo autem consensus est omnium, describi hoc loco *τὸ ἀγὼ* seu Filii Dei peculiare erga Israëlitas beneficium; cum dicitur: *ad sua venit*; & contraria Israëlitarum ingratitude, quod Filium Dei non acceperint: hoc; in eum non crediderint, seu non verâ fide sint amplexi: ut v. 12. ad finem exponitur. Quæstio verò, si cum antecedentibus conferatur, minoris est momenti: ideoque brevius tractanda; Et quidem duplex; Prima est, quid significet vox *sua*, cum dicitur: *in sua venit*. Quidam enim quia neutro genere ponitur, non Israëlitas, sed terram Israëlitarum exponunt; quod quia populus Dei in ea degebat, peculiariter Dei esse censeretur: Alii contra perinde esse statuunt, *ad sua venit*, atque ad suos: quod Israëlitas essent quasi Dei bona & peculium. Deinde quod etiam adjectivum neutrum absolutè positum, non solum pro rebus inanimatis; sed

sed etiam pro animatis & hominibus usurperetur, ut Eph. 1. v. 10. dicitur, in Christo tanquam capite recolligi omnia, & 2. Cor. 5. v. 18. *hæc omnia ex Deo, qui nos sibi reconciliavit per Jesum Christum*; Ideoque sensum non malè expreflit Beza: *ad suos venit*.

Altera verò quæstio, est de tempore ac modo hujus adventus Filii Dei. Ac primum communior illa est sententia, ut intelligatur de adventu Christi in carne: quo natus in Judæa, & Evangelium Judæis prædicavit, de quo Joh. 3. v. 19. *Hæc est condemnatio, quod lux venit in mundum, sed dilexerunt homines potius tenebras quam lucem*. Altera sententia est adventum Filii Dei ad Israëlitas denotari, qui, antequam homo esset, contigit. Quam expositionem genuinam esse, & rei convenientia indicat, & loci circumstantia demonstrat. Nam si rem ipsam spectemus, ea ad amussim quadrat. Nam Sacre Literæ utrumque ostendunt: & gratiam Filii Dei, qua ad Israëlitas tempore Moïsis & Prophetarum venit: & ingratitudinem eorum atque impietatem, quæ ipsum incredulitate sua plerique rejecerunt. Filius enim Dei venit ad Israëlitas, patefactione sui admiranda ac benignissima; cum eos ex Ægypto eductos columna nubis & ignis, per mare algosum: ac deinde per desertum, annos 40. præviis ac præsens deduxit: & Evangelium salutis, partim promissionibus, partim typis variis per Moïsem & Prophetas promulgavit. Contra verò Israëlitarum plerique, ingrata contumacia atque incredulitate ipsum rejecerunt. Hæc enim duo membra inde probantur, primò quod 1. Cor. 10. v. 9. dicitur, *neque tentemus Christum, sicut quidam eorum tentarunt*. Certum autem est, verum ac merum Jehovah fuisse eum, quem Israëlitarum tentarunt in deserto, Psal. 95. v. 8. & Hebr. 3. v. 9. eumque Jehovah tentatum Christum esse, Paulus affirmat: Ideoque ante incarnationem suam ad eos venisse apparet: Deinde etiam Evangelium à Filio Dei ante incarnationem Israëlitis promulgatum asseritur, 1. Pet. 1. v. 10. & 11. *De qua, inquit, salute inquisiverunt, & scrutati sunt Prophetæ, qui de gratia erga vos prophetarunt, scrutantes in quem temporis articulum, præmuncius ille, qui in ipsis erat, Spiritus Christi declararet futuras in ipso perpeffiones & gloriam illas consecuturam*. Sic etiam Esaïas cap. 6. tradit se gloriam Jehovah vidisse: eam autem fuisse Christi gloriam, ideoque Christum illum Jehovah, Ioh. 12. v. 41. affirmatur. Ingrata verò & incredula Israelitarum, erga ductorem ac doctorem suum contumacia, similiter describitur Hebr. 3. v. 9. 10. 11. 19. & 4. v. 2. Et quemadmodum Iohannes Evangelista sequentibus verbis, cum ait: *quotquot autem eum acceperunt &c.* declarat rejectum quidem esse Dei Filium à suis plerisque, sed non omnibus: quia quidam eum receperunt, ac Filii Dei facti sunt vera fide: sic idem olim Israelitis ante accidit, quia Filium Dei, ipsis variis illustribus signis ac beneficiis patefactum, nondumque hominem factum rejecerunt plerique, ut ex 1. Cor. 10. vers. 10. & Hebr. 3. & 4. ostendimus; sed tamen non omnes, ut Heb. 3. v. 16. expresse dicitur: *Nam quidam cum audissent, exacerbarunt Dominum, non omnes tamen ii, qui ex Ægypto exierunt per Moïsem*: de reliquis verò, parte maxima & incredula contrà subjicit v. 18. & 19. *Quibus autem juravit, non ingressuros in requiem suam, nisi ii qui non obediunt? & videmus, non potuisse ingredi propter incredulitatem*. Quare ex hisce satis apparet, hanc expositionem hujus adventus Filii Dei ad suos, hoc est, Israëlitas, ante incarnationem illius, ingratos & incredulos, rei veritati optimè convenire. Deinde loci circumstantiis indicari ac probari, inde patet: quod & antecedentibus Evangelistæ verbis optimè conveniat, & sequentia eum sensum flagitent. Nam ut antea præsentiam Filii Dei in mundo à se condito communem; & communem ingratitudinem mundi Evangelista descripsit; ut res indicat & contra Socinum probavimus: sic aptissima connexionione specialem ac propriam quandam præsentiam, adventu ad Israelitas sibi confederatos: & eorum peculiarem incredulitatem subnectit. Quemadmodum Apostolus Paulus ad Romanos, omnes homines reos peccati ac condemnationis convicturus, de gentibus id primum cap. 1. de Judæis deinde cap. 2. demonstravit. Ac sanè, cum in Novo Testamento sapius incredulitas veteris po-

puli Israëliti describitur: quo modo credibile est, illud hoc loco maxime opportuno à Johanne neglectum? Quicquid sit, hoc saltem constat, propositam hanc expositionem antecedentibus egregiè cohærere, & ad amplificationem gratiæ ac misericordiæ Christi erga Israëlitas contumaces pertinere. Sequentia verò idem amplius demonstrant. Nam vers. 14. dicitur: *& caro factus est, & commoratus est inter nos*: Quibus verbis satis clarè res nova distinctè describitur. Nam cum hic adventus Christi in carnem (de qua 1. Joh. 4. v. 3.) describitur: & subnectatur antecedentibus; diversum ab iis esse apparet, ac describi id, quod post priorem adventum & ad suos contigit. Alioqui si, *ad suos venit*, significaret venit incarnatione & Evangelii prædicatione: ineptè subjiceretur postea, *& caro factus est, & commoratus est inter nos*, seu Filius Dei caro, id est, homo factus est, & commoratus est inter nos, cum idem jam antea, secundum priorem expositionem, dictum foret copiosius. Quare ex hisce liquere arbitramur, hæc verba Johannis, de adventu Filii Dei ad Israëlitas, antequam homo factus esset, non autem postquam caro factus est, debere intelligi; ideoque & Socinum hac in re etiam errare ac confutari, cum allerat Sermonem seu Filium Dei, antequam caro factus esset, non extitisse omnino. Reliquum igitur est, ut ad sequentia illustranda, & adversus errores præcipuos vindicanda procedamus. Quæritur enim de versu 14,

Quidnam significet, *Et sermo ille caro factus est?*

DE qua re primum consensus est, quod subjectum sit *sermo ille*; attributum verò *caro factus est*. Ac de priori etiam constat, eundem sermonem intelligi, qui hactenus à vers. 1. est descriptus, nimirum qui erat à principio apud Deum Patrem, & quidem Deus: per quem omnia facta sunt, & vita & lux hominum; lux vera, quæ illuminat omnem hominem venientem in mundum, per quam mundus conditus est, quem tamen mundus bona parte non agnovit, imò neque sui, hoc est, Israëlitarum plerique ad quos venit: hic inquam sermo certò intelligitur, ideoque verum & æternum esse cum Patre Deum, ex hisce, Orthodoxi demonstrant: ut ex ante dictis, & argumentorum Socini confutatione demonstratum. Quare ea re satis stabilita, attributum plenius expendendum. De quo Orthodoxis duplex cum Anabaptistis disceptatio existit: una quidem cum Menonitis, τὸ ἄβυσ Deitatem atque æternitatem agnoscentibus, Christumque verum Deum simul & verum esse hominem profitentibus: altera cum Socino aliisque Samosatensianis Anabaptistis: qui ἄβυσ æternum Deum esse negant, & merum esse hominem contendunt: ut qui ante nativitatem ex virgine non extiterit. Ac primum Orthodoxi exponunt verba illa: *Caro factus est*, hoc est, homo factus est, assumptione humanæ naturæ in unitatem personæ suæ, quemadmodum breviter ænigmatè pio tritoque de Christi persona dici solet:

*Sum quod eram (Deus) nec eram quod sum (homo) nunc dicor utrumque*, nempe Deus homo, *ὁ θεὸς ὁ υἱός*. Quæ expositio primum ex Sacris Literis petita est: ac primum è consentaneis dictis, Hebr. 2. v. 16. ubi de Filio Dei dicitur, *semen Abraham assumptum*, & 1. Tim. 3. v. 16. *Deus patefactus est in carne*, & Rom. 1. de Filio suo, *facto ex semine David, secundum carnem*, declarato Filio Dei per potentiam, secundum Spiritum Sanctificationis, ex resurrectione ex mortuis, & Rom. 9. vers. 5. de Christo dicitur: *Ex quibus est Christus secundum carnem, qui est super omnia Deus benedictus in secula*. Deinde idem ex hac ipsa, de qua agitur sententia apparet: ut examen sententiæ Menonitarum demonstrabit. Hi enim hoc modo explicant: sermonem illum factum esse carnem, mutatione in carnem: quemadmodum Ioh. 2. v. 9. aqua dicitur facta vinum, hoc est, mutata in vinum: sic etiam sermonem factum carnem, hoc est, mutatum in carnem. Verum hæc expositio attributi, subjecti sui naturæ repugnat: ideoque falsa est. Nam verus Deus est immutabilis, Jac. 1. vers. 17. *apud Deum non est mutatio, nec conversionis obumbratio*. Atqui sermo ille, fatentibus Menonitis, fuit & est verus Deus; Ergo immutabilis. Idque etiam disertè de Filio Dei; Creatore coeli & terræ asseritur è Psal. 102. Heb. 1.

Heb. 1. vers. 11. *ipsi peribunt, tu verò permanes*, & vers. 12. *& mutabuntur, tu verò idem es*. Deinde qui caro factus, adhuc verus est Deus, & vita æterna; ille non est mutatus in carnem. Sermo ille caro factus, adhuc verus est Deus & vita æterna, 1. Joh. 5. vers. 20. & 1. Tim. 3. vers. 16. Ergo sermo ille non est mutatus in carnem. Denique quod in aliud mutatum est, illud esse desiit quod ante erat: quemadmodum aqua facta vinum, hoc est mutata in vinum, aqua esse desiit. Atqui sermo ille caro factus, verus Deus esse non desiit ac sermo Dei Patris: Ergo in carnem non est mutatus. Ideoque falsum est, quod adversarii Mennonitæ contendunt, factum esse carnem, hoc loco denotare mutatum esse in carnem. Ideoque alium esse sensum horum verborum oportet, si mutatio non intelligatur; nempe cum Sermo ab æterno extiterit, ac semper maneat idem, carnem factum esse assumptione humanæ naturæ in unitatem suæ personæ, ut alibi, nempe Hebr. 2. explicatum ostendimus. Verum scrupulum hic movent Mennonitæ, & eo dicto Heb. 2. minimè probari objectant. Cum enim dicitur: *Non enim utique Angelos assumpsit, sed semen Abrahamæ assumpsit*; illud non propriè de assumptione humanæ naturæ ex semine Abrahamæ intelligendum; sed impropriè per similitudinem, de assumptione in gratiam ac reconciliatione. Sensum enim esse: cum & Angeli apostatæ: & homines à Dei gratia & salute, ob sua peccata essent reiecti, iræque Dei obnoxii; non Angelos illos apostatas seu dæmones à Filio Dei in gratiam assumptos ac reconciliatos Deo, sed solos homines credentes in ipsum, qui sunt spirituale Abrahamæ semen, Rom. 4. vers. 16. & Galat. 3. vers. 29. Eamque vocis *assumendi* significationem probare conantur ex Epist. ad Rom. 14. vers. 1. *Eum verò qui infirmus est fide, assumite*, & cap. 15. vers. 7. expressius: *assumite alii alios, sicut & Christus assumpsit nos in gloriam Dei*. Verum respondetur, hæc loca non obstat sententiæ ante positæ: quia diversæ utrimque circumstantiæ, diversum etiam sensum flagitant. Nam ut Apostolus Hebr. 1. Filii Dei divinam naturam descripsit: sic cap. 2. humanæ naturæ, ad salutem hominum necessariæ, participem factum tradit, ut vers. 12. Christus hominum frater dicitur, quod ex uno omnes, & v. 14. & 15. *Quoniam igitur pueri participes sunt carnis & sanguinis: ipse quoque consimiliter particeps factus est eorumdem: ut per mortem aboleret eum, qui mortis haberet imperium, & liberos redderet quos quot metu mortis per totam vitam obnoxii erant servitutis*. Quibus verbis perspicuè duo notantur: primum est; Filium Dei humanæ naturæ participem factum esse: & quidem nobis similiter, & ideo fratrem nostrum esse. Atqui si Christi humana natura esset ex mutatione Sermonis: non esset similiter particeps, nec frater noster: sed genere differret. Deinde necessitas hujus participationis humanæ naturæ nobis cognatæ indicatur: nempe ut mori posset, & morte sua fratres suos ejusdem carnis & sanguinis participes liberaret. Quibus verbis deinde proximè subjicitur: *non enim utique Angelos assumpsit, sed semen Abrahamæ*, hoc est, non enim ulum ex Angelis aut Angelicam aliquam naturam in unitatem personæ suæ assumpsit; sed semen Abrahamæ assumpsit, hoc est, carnem & sanguinem ex Abrahamæ posteritate secundum promissionem, Gen. 22. v. 18. & Gal. 3. vers. 16. è Virgine scilicet Maria; unde etiam Galat. 4. v. 4. dicitur: *Misit Deus Filium suum factum ex muliere*, & Rom. 1. v. 3. *de Filio ipsius facto ex semine David*: & Rom. 9. vers. 5. *ex Patribus secundum carnem, qui est, &c.* Quare ea omnia ostendunt, Filium Dei esse idoneum Servatorem hominum: ut qui non Angelicam naturam assumpsit, quæ mori non poterat, & ab hominum natura & peccatis eorum aliena: sed humanam, & quidem secundum promissionem Dei, semen mulieris, Gen. 3. caput serpentis contriturum, hoc est, potestatem, Hebr. 2. Semen Abrahamæ, seu carnem & sanguinem ex Abrahamo procedentem, ut mori posset & veritati promissionum divinarum satisfaceret, & nostræ naturæ particeps nos Deo reconciliaret: ut etiam proximus versus demonstrat: *unde oportuit eum per omnia fratribus similem fieri*. Ideoque si per omnia similis factus & frater noster est ejusdem humanæ naturæ est particeps non alterius, quæ cognata non est, sed ex mutatione τὸ ἄλφᾱ Filii Dei, ut

Anabaptistæ fingunt, promanarit. Atque hæc ad Mennonitarum Anabaptistarum in hoc loco pervertendo errores diluendos satis. Nam altera quæ superest exceptio, quia à Samozatenianis repetitur, eaque nititur ac proponit Socinus, commodè in illius examine solvetur. Socinus enim, quia Deitatis Christi hostis est acerbissimus, idcirco vocem ἡγίασεν, non ut omnes interpretes communi consensu, sed alia ratione exponi posse ac necessariò debere contendit. Ac posse quidem aliter verti indicat, cum ait: *Nemo ignorat hæc verba non minus, & verbum caro fuit, quam & verbum caro factum est, & bene, & propriè verti posse*. idq; ex Luc. 24. v. 19. probat, ubi de Iesu Christo dicitur, à discipulo quodam: *ὁ ἡγίασεν αὐτὸν πρὸς ἡμᾶς, ὁ ὢν ὁ υἱὸς τοῦ Θεοῦ, ὁ ὢν ὁ υἱὸς τοῦ Θεοῦ, ὁ ὢν ὁ υἱὸς τοῦ Θεοῦ, ὁ ὢν ὁ υἱὸς τοῦ Θεοῦ*, ubi vox ἡγίασεν, non factus est, sed fuit necessariò exponi debere constat. Verum respondetur, si vocis usum spectemus in genere, nemo interpretum negat, quin ἡγίασεν interdum fuit, non autem factus est, notet; idque etiam demonstrant, cum hoc cap. 1. Iohannis v. 6. ἡγίασεν αὐτὸν & vertunt, *fuit homo missus à Deo, &c.* Sed si hujus loci, de quo controversia est, circumstantiam consideremus, hanc vocem significare factus est, quemadmodum antecedentium & consequentium materia & connexio demonstrat. Nam id antecedentibus, sicut ante probatum est, τὸ ἄλφᾱ seu Filii Dei attributa sunt posita, quæ ad Deitatem Christi solam pertinent; unde gradatim ac consentaneè ad humanam naturam describendam procedit: quod Sermo ille, nimirum in plenitudine temporum, caro factus sit: ut Galat. 4. dicitur, *in plenitudine temporis*, hoc est, expleto prædicto divinitus tempore, Deum Filium suum misisse factum ex muliere: atque ita Deus patefactus in carne est, eà in unitatem personæ assumptā. Quo spectant etiam consequentia: *& commoratus est inter nos; & spectavimus gloriam ejus, ut unigeniti à Patre*: Quo satis clarè ostendit, Filium Dei sic factum esse hominem, ut nihilo minus Deus esse non desierit: sed divinam omnipotentiam suæ gloriæ miraculis, naturæ humanæ vires superantibus, reddidisse conspicuam. Cui solidæ veritati hypotheser quædam & rationes à Socino opponuntur; sed frustra: ut ex earum examine constabit. Nam ad hypotheser quod attinet, earum prima est, quæ his verbis indicatur, cum ait; *hoc loco itaque non caro factum est, sed caro fuit, verbum istud* (intelligit autem ἡγίασεν) interpretari debemus. Superius enim demonstratum est, verbi nomine, hominem illum, qui ex Maria Virgine natus est, intelligi oportere, qui caro fieri non potuit, sed caro erat. Verum hujus hypotheser falsitas jam antè ex Sacris Literis, & argumentorum Socini refutatione demonstrata est multis. Nam ut reliquis omissis, breve aliquod indicium referamus, de sermone illo dictum est, per eum omnia facta & sine eo factum esse nihil quod factum est: deinde illuminare omnem hominem venientem in mundum. Atqui hæc talia sunt attributa, quæ humanæ naturæ Christi, sine falsitate manifesta, tribui nequeunt: ne quidem, si de renovatione ac regeneratione hominum, ex falsa Socini interpretatione, intelligantur: cum regenerationis interna operatio, sit opus non humanum, sed divinum: & externo ministerio, & ante Christum natum, & eo nato, multi fuerint regenerati, sine humanæ illius naturæ ulla opera: ut supra copiosè & perspicuis exemplis demonstravimus. Quare hæc prima hypothesis adversarii à vero aliena est: quemadmodum etiam altera, quæ in occasione & scopo prolata hujus sententiæ consistit. Occasionem enim statuit periculum offensæ duplicis ex lectione antecedentium verborum Iohannis orituræ: Scopum verò esse, ut periculo huic occurreret, eique mederetur: Modum autem medelæ, esse expositionem conditionis Christi, his verbis: *& verbum caro fuit*; ne quis æternum cum Patre Deum, celi terreque creatorem in antecedentibus intelligi existimaret. Hæc summa est hypotheser secundæ adversarii. Verum quia operæ pretium est, ut verba illius cognoscamus, quibus tantopere confidit: Deinde quia ad distinctam refutationem, & ampliorem veritatis vindicationem conducit: idcirco verba illius non divisim, sed conjunctim, etsi prolixiora, proponemus; ne consultò vim argumenti à nobis omissam existiment. Sic autem ait: *Duabus autem potissimum de causis, iis, quæ prius dixerat, hoc addidit Iohannes: Primum enim hoc spectabat, ne si quis*

si quis ea quæ de Christo superius scripserat, legeret, nimirum quod sit Deus, per quem omnia sunt facta: & tamen vel ex aliis, qui de Christo scripserant, vel ex notissima fama percepisset: vel etiam ipsemet vidisset, Christum fuisse hominem abjectum, Israelitici populi Sacerdotibus & Senatoribus inuisum, à quibus etiam vitam suam tutatus non esset, prima fronte offenderetur, existimans, vel Johannem de alia re quapiam scripsisse: vel hominibus imponere atque illudere voluisse: vel ea vera non esse, quæ cæteri de Christo scripserunt; quo fieret, ut si jam Christo nomen dare cepisset, vel saltem quænam esset ejus religio, diligenter inquireret: hæc quæ certè absurda sunt, secum animo reputans, protinus Christi religionem fere omnem abjiceret, & penitus falsam suspicaretur. (Hactenus occasionem seu periculum exposuit, addit verò deinde scopum Iohannis, hoc modo: ) Quocirca postquam tot laudibus Christum decoravit, aperte deinde confessus est eum fuisse carnem, hoc est, hominem imbecillum, ærumnosum, despectum, humilem, contemptum, mortisque obnoxium. Carnis enim nomine in Sacris Literis hominis imbecillitatem atque humilitatem significari apertissimum est: Hinc illa hymnographi verba: & recordatus, quia caro sunt, (Psalm. 78. vers. 39.) Hinc illa Esajæ: Omnis caro fenum, & omnis gloria ejus, quasi flos agri. Hinc illa Hieremiæ: Maledictus homo qui confidit in homine, & ponit carnem brachium suum. Innotescitque hoc modo magis Dei gloria atque potentia, qui per Christum, licet caro fuerit, hoc est, humilis atque abjectus homo, admiranda tamen tot opera patraverit, quæ superius Johannes exposuit. Hactenus Socinus. Unde primò apparet, eum laciniosa, ac verbosa orationis circuitione, veritatem conatum obscurare; sed frustra. Nam offensa illa, quam proponit, locum habere non potuit in verè fidelibus; quibus Evangelium suum post reliquos omnes Apostolos, divino afflatu conscripsit: quia jam antea ex Evangelistarum, & Apostolorum reliquorum doctrina ac scriptis didicerant, Christum esse Filium hominis, & simul Filium Dei unigenitum, Immanuel, id est, Deum nobiscum: Deum patet factum in carne: Deum, qui Ecclesiam redemit suo sanguine, per quem omnia visibilia & invisibilia creata: & per quem omnia consistunt, ideoque ex lectione verborum antecedentium Iohannis nullam poterant concipere opinionem, quasi de alio, quam Christo loqueretur: quod nossent Johannem Baptistam venisse tantum, ut de Christo, non de alio testaretur: qui etiam Deitatem, non minus, quam humanam naturam multis erat testatus: ut suprà probavimus. Deinde non potuissent etiam de veritate verborum Iohannis, ut Socinus fingit, dubitare; quoniam jam antea, ex aliis Apostolis Christum *θεός* esse didicissent. Quod attinet verò ad infideles, non erat curanda iniqua eorum offensa. Paulus enim ait, 1. Cor. 1. v. 23. *Nos verò prædicamus Christum crucifixum, Judæis quidem scandalum, Græcis* (hoc est, per Synecdochen speciei, gentilibus) *stultitiam, ipsi verò vocatis Judæis & Græcis Christum, Dei potentiam & Dei sapientiam.* Unde etiam deinde patet, hisce verbis à Iohanne, de humana Christi natura additis, non potuisse corrigi infidelium offensam. Nam etsi dictum fuisset & sermo ille fuit homo, non autem factus est caro: inde tamen colligere non poterant certò, doceri tantum hominem fuisse: Sed utrumque hoc capite indicari: antecedentibus quidem, ipsum verum esse Deum, factorem omnium: sine quo nihil factum: factorem mundi: & in quem credendum ac fidendum sit: ideoque necessariò æternum Deum: quia ut Ierem. 17. v. 5. *Maledictus qui confidit in homine & ponit carnem brachium suum.* Hic verò dici hominem esse: & rursus sequentibus declarari Deum esse, cum additum sit: & *vidimus gloriam ejus ut unigeniti à Patre:* qui solus Patrem vidisse, & in sinu Patris esse dicitur: quemadmodum iactio dictum: & *sermo erat apud Deum.* Idque multo magis ex his verbis judicassent meritò, quam Judæi, Iohan. 5. vers. 28. ex Christi verbis, v. 17. rectè collegerunt, quod Patrem suum dixisset Deum, parem se faciens Deo. Quod objectum Christus non negavit; sed sua responsione ab omnibus, & iisdem cum Patre operibus communibus, & eodem honore confirmavit: à vers. 18. ad 24. Neque opus erat infidelibus, qui de Christo audivissent, aut eum vidissent: ut docerentur ipsum esse hominem & crucifixum. Ideoque ad scandalum eorum

tollendum non necessarium erat, neque utile ut diceretur fuisse hominem, & quidem imbecillum, ærumnosum, despectum, humilem. Hæc enim erat in incredulis Evangelii auditoribus (ut ex 1. Cor. 1. ostendimus) arrepta scandali ac rejectionis Evangelii potissima occasio. Ubi & illud observandum obiter, quod Socinus vocem *carnis*, hoc loco Iohannis, ad humilem hominis Christi conditionem designandam restringit, illud iusta probatione destituitur: neque etiam ex vocis illius usu evinci potest. Nam cum homo constet anima & corpore, (quod carnis voce, oppositè spiritui designari solet, 2. Cor. 4. v. 11. coll. cum v. 10. & Hebr. 12. v. 9.) totus homo interdum unius partis nomine, sine significationis discrimine appellari solet. Modò enim anima vocatur: ut Genes. 46. v. 15. 18. 22. 26. Ezech. 18. v. 4. & 20. Actor. 7. v. 14. Rom. 13. v. 1. modo caro dicitur: ut Esa. 40. v. 5. *Revelabitur gloria Jeboræ, & videbit omnis caro pariter:* ac similiter, Luc. 3. v. 6. *Et videbit omnis caro salutem Dei:* Johan. 17. v. 2. *Dedisti ei potestatem omnis carnis:* Rom. 3. v. 20. *Non justificabitur ulla caro,* id est, vivens homo: ut ex loco unde hæc sententia desumpta, Psal. 143. v. 2. & reipsa liquet. Quibus in locis, multisque aliis, *caro*, per synecdoch. partis pro toto, simpliciter hominem notat: non autem speciatim cum adjuncto, hominem despectum & humilem. Quo etiam modo ab Evangelista hic accipitur; *Sermo ille caro*, id est, homo factus est, seu assumpsit semen Abrahæ. Hebr. 2. Carnis ac sanguinis particeps, ibid. Nam licet etiam humilis sit factus & ærumnosus nostrà causà; illud tamen hoc in loco non spectatur. Neque ea dicta quæ profert adversarius, probant vocem carnis, hoc loco significare hominem imbecillum, ærumnosum ac despectum. Nam licet alicubi ita acciperetur: inde tamen non sequeretur, etiam hîc debere accipi: cum plerumque hominem simpliciter: sive humilem & despectum, sive potentia & honore eminentem significet, ut antè ostendimus. Deinde si quis etiam dicta objecta spectet, ea non certò istam, quam obtendit Socinus, habent significationem. Nam Psal. 78. v. 39. *Recordans eos carnem esse, vox carnis non hominès imbecilles, sed simpliciter imbecilles notat,* ut Esa. 31. v. 3. *Agyptius vero, homo est, non Deus: & equi eorum caro; non Spiritus.* Deinde neque locus, Esa. 40. vers. 6. hoc confirmat, cum dicitur: *Omnis caro fenum, & omnis gloria ejus,* (sic cum vulgata versione, sensu non male expresso, legit Socinus: sed Hebraicè est, *וְהָיָה*, id est, benignitas ejus) *quasi flos agri.* Hîc enim *omnis caro*, non hominem imbecillum tantum & ærumnosum (ad quod probandum adducitur) sed omnem hominem generatim notat, quacunque etiam potentia & benignitate ac gloria præditum: & per comparisonem cum flore agri, non durabilem esse sed corruptioni obnoxium declarat. Ideoque non solum homines ærumnosi, ut Socinus sentit, sed etiam ac præcipuè potentia atque opibus florentes intelliguntur: quemadmodum etiam hanc sententiam, Jac. cap. 1. v. 10. & 11. de hisce exponit. Atque huc etiam pertinet Psal. 103. v. 14. 15. 16. *Nam ipse novit figmentum nostrum, memor nos pulverem esse, quod hominis ipsius (וְהָיָה) ipsius mortalis, exponit clarissimus Junius) dies sunt similes feno, sicut flos agri sic florebit.* Denique alienum etiam est Jeremiæ dictum, à Socino prolatum è cap. 17. v. 5. *Maledictus homo* (Hebraicè est *וְהָיָה* vir ille) *qui confidit in homine, & ponit carnem brachium suum.* Nam quis adeo cæcutiat, ut non observet, *carnem* in hac sententia non posse significare speciatim hominem humilem, ærumnosum & abjectum (id, quod probandum suscepit Socinus) sed hominem, & quidem, ut circumstantiæ ostendunt, florentem atque humana potentia præditum: in quo suum brachium, hoc est, robur ac præsidium collocet: quod ærumnoso & abjecto homini, qui ipsemet alieno opus habet auxilio ac robore, minimè convenit. Quare ineptè omnino hæc loca à Socino sunt producta, quasi vox *carnis* in iis tantum significaret hominem humilem, ærumnosum ac despectum: multoque magis impingit, cum inde concludit, etiam hoc loco Iohannis debere intelligi. Cum verum quidem sit Filium Dei, factum esse hominem ærumnosum: sed tamen hoc in loco, voce *carnis* designari, probari non potest.



potest. Et quid si etiam probari posset, tamen eam, quam ex antecedentibus orituram alioqui offensam obtendit Socinus, minimè sustulisset, imò potius auxisset, ut ante ostendimus. Vana igitur est prima, quam adfert, horum verborum à Johanne positorum causa, seu occasio & scopus. Quemadmodum multò magis causa altera quam subijcit. Eam enim hoc modo exponit: *Voluit deinde Johannes his verbis seipsum quodammodo interpretari, & dubitationem omnem tollere, quæ in legentium animis (eorum præsertim, qui de Christo nondum audierant) oriri potuisset. Nam si ea non addidisset, potuisset aliquis, & quidem jure in eum errorem incidere, in quem plerique omnes, sed nunc maximo ipsorum vitio, indicisse videmus. Hoc est, ut existimaret verbum hoc, de quo scribit Johannes, aliud quid diversum esse, vel aliquando fuisse ab homine illo Jesu. Et Platonica philosophia fortasse imbutus, cum videret & Deum hic appellari, & in principio apud Deum fuisse, quin & mundum per id factum esse, statim persuasus foret, Evangelistam nostrum procul dubio Platoni conformem esse. Hæc ille. Quibus perspicuè in explicatione, cum occasionis antecedentis hujus dicti Johannis, (& verbum caro ἡ σὰρξ) tum etiam scopi consequentis, aberrat. Nam ad occasionem quod attinet, ea falsà hypothese, & inepta principii petitione nititur: nimirum, quasi error esset credere πρὸ ἀρχῆς initio non fuisse carnem, hoc est, hominem, sed tantum Deum. Hoc enim contrà verum esse, jam antea solidè probavimus: quod antecedentia τὰ ἀρχαία attributa, humanæ naturæ Christi, sine perspicuis erroribus attribui non possint, imò nec ulli creaturæ, sed soli Deo creatori. Neque propterea (ut Socinus iniquè exprobrat) absurdum est, si Philosophi quidam, nonnulla dictis Johannis quodammodo consentanea scripserint. Nam ut Psal. 33. v. 10. verbo Jehovah cæli facti dicuntur; quid mirum si Mercurius Trismegistus in Ægypto ea à vicinis Judæis hauserit, & ex eo Plato ac Platonici? Neque etiam Christiani, in iis dictis Philosophorum citandis aliud spectarunt, quàm ut ostenderent adversus gentiles, ex gentiliū Philosophorum scriptis etiam veræ hujus doctrinæ, quasi scintillas quasdam & indicia elucere: ideoque cum hæc à gentiliū sapientibus tradita sint, quos tanti faciunt: non esse justam causam, cur tantopere hanc Johannis doctrinam, quasi absurdam statuunt. Quare vana est illa Socini conclusio, quæ ex inepta petitione principii, & conjecturis alienis, nulloque argumento munitis ita colligit: *Huic itaque malo, &c. ut occurreret, apertè testatus est, verbum hoc, non substantiam quandam incorpoream, vel naturam divinam atque æternam, sed hominem fuisse, & hoc pacto omnem dubitationem sustulit.* Hæc ille. In quibus falsà est consequentia. Nec enim sequitur; Sermo est homo: Ergò non est Deus: quia utrumque diverso respectu est verum. Nam & Filius hominis est: & simul Filius Dei unigenitus: Deus patefactus in carne: Deus qui redemit Ecclesiam suo sanguine. Unde etiam atrox Socini blasphemia apparet, cum ait: *Et licet hoc ipse, apertissimis verbis utendo optimè præstiterit, non destitit tamen nobis & veritati adversarius Satan, quoad hominibus persuasit, vocem ἡ σὰρξ, non fuisse, sed factum esse, hoc loco significare: atque effecit, ut quod validissimum argumentum fuisset ad errores hosce Platonicos, ex Christi Ecclesia exterminandos, omnis fallaciæ potissimum fundamentum extiterit.* Hactenus Socinus. Cujus blasphemia confidentia, accusatione temeraria, non autem probatione solida, ut antè ostendimus, asseritur. Nec enim sequitur, ut modò diximus, Sermo fuit homo: Ergò non etiam Deus æternus. Deinde neque hoc sequitur: Sermo ille fuit homo: Ergò fuit principio homo. Nam si (ex hypothese Socini) verba antecedentia: *ad suos venit, & sui eum non receperunt*, de Christi adventu in carne, & deinde prædicatione inter Judæos intelligantur: sensus erit, Sermonem illum de cælo venisse ubi erat, Joh. 3. v. 31. descendisse de cælo, Johan. 6. v. 38. ubi erat prius vers. 62. & factum in terra ex semine David secundum carnem, Rom. 1. v. 3. factum ex muliere, Galat. 4. v. 4. magnoque mysterio Deum patefactum in carne, 1. Tim. 3. v. 16. Ideoque si hic intelligendum esset, verbum caro fuit: sensus esset: postquam ad suos venit. Nam ante illum adventum ita intellectum sermonem fuisse & extitisse: & carnem*

tum non fuisse, ex dictis liquet. Ideoque ex hypothese expositionis Socini, concludi non posset verba illa: *Sermo caro fuit*, ad omnia antecedentia, quæ de sermone dicuntur, esse referenda. Deinde expositionis hujus vocis ἡ σὰρξ, ab Orthodoxis prolata, authorem non esse Satanam; ut Socinus objicit, sed contra potius expositionis Socini, (ut alia ante dicta omittam) ex demonstratione hac, ex superioribus nota, constare potest: Quæ expositio, Deum, per Johannem Evangelistam verè loquentem, statuit ea loqui, quæ sunt aperta mendacia: ea Satanam habet authorem. Atqui expositio Socini, qua statuit verba illa: ἡ σὰρξ & σὰρξ ἡ σὰρξ, vertenda omninò esse: & verbum caro fuit: illudque referendum esse ad omnia antecedentia, à primo versu dicta; eoque denotari Sermonem, antequam homo esset, non fuisse æternum cum Patre Deum: imò nihil omninò fuisse: sed omnia quæ ei tribuuntur, ut mero homini tribui ac convenire; hæc inquam expositio statuit Deum, per Johannem Evangelistam verè loquentem, ea loqui, quæ sunt aperta mendacia. Ergò Socini expositio Satanam habet authorem. Propositio per se, ex Dei & contrario Satanæ ingenio, perspicua est. *Deus enim verax est*, Rom. 3. vers. 4. & ἀπὸ δὲ δὲς μὲν τὴν ἀλήθειαν, Tit. 1. vers. 2. *lux est, & tenebræ in eo non sunt ullæ*, 1. Iohan. 1. vers. 5. Satan contra Iohan. 8. vers. 44. *in veritate non perstitit, quia non est veritas in eo: cumque loquitur mendacium, ex propriis loquitur: mendax enim est & pater illius.* Ideoque Christus veræ suæ doctrinæ ofores, ex Diabolo esse ibidem affirmat. Assumptio vero supra multis demonstrata est. Nam quod sermoni tribuitur, nempe (ut reliqua præteream) omnium rerum effectio, est Deo propria: sive rectè cum Orthodoxis generatim de prima creatione ac gubernatione (ut Col. 1. v. 16. 17. & Hebr. 1. vers. 2. 3. 8. cum 10.) sive perperam ex Socini expositione, de creatione nova, seu regeneratione accipiamus. Nam quemadmodum Christus, quatenus homo est, nullius rei creator est, multò minus omnium: sed creatura à Deo creata; sic etiam hominum internam renovationem seu regenerationem Christus, quatenus homo est, in nullo perfecit: quia opus est omnipotentis divinæ, per Spiritum Sanctum, Ephes. 1. vers. 17. 18. 19. & 1. Corinth. 3. v. 7. Neque solus, qua homo, causa fuit ministra adjuvans (quod pro hujus sententiæ veritate ex Socini mente esse deberet) quia sine illius prædicationis ministerio & opera, renovati ac illuminati sunt non pauci: partim per Spiritum prophetiæ, ut Anna prophetissa & Symeon Luc. 2. & Johannes Baptista, Johan. 1. v. 6. & 7. & Luc. 1 v. 77. partim per creaturarum ministerium: ac primum Angelorum, Matth. 1. vers. 20. ad 24. & 2. vers. 2. & 12. & Luc. 1. & 2. deinde hominum, ut Zachariæ suo cantico, Luc. 1. Deinde Symeonis Luc. 2. vers. 25. ad 33. & Annæ prophetissæ, ut egregiè declaratur illius in Evangelio prædicando populo sedulitas, vers. 36. & 38. Denique Johannis Baptiste, Johann. 1. Quare ex hisce conclusio posita solidè deducitur, expositionem Socini, qua sensum horum verborum: καὶ ἡ σὰρξ & σὰρξ ἡ σὰρξ, esse statuit: & verbum caro fuit, inde ab initio suo, non autem Deus æternus Satanam habere authorem: & per consequens Orthodoxorum explicationem, illi ex adverso contrariam, Deum habere authorem. Ideoque eam non esse, ut adversarius calumniatur, errorem Platonicum, ex Christi Ecclesia exterminandum; nec omnis fallaciæ potissimum fundamentum: Sed contrà veritatis argumentum invictum. Ac vana est, quam subijcit censura, cum ait: *Mirum est tamen, tot Theologos viros eruditos & præstanti ingenio præditos, in hanc sententiam concessisse, ut scilicet vox ἡ σὰρξ factum est, hoc loco interpretari debeat.* Mirum verò contra est, Socinum apertam ac demonstratam veritatem ausum esse oppugnare, & quidem hactenus accusatione mera & conjecturis causarum vanis. Verùm ne sine justa causa hæc dixisse videatur: admirationis suæ causas subijcit; nempe quod hinc duo (præter infinita alia, quæ absurdissima sunt) perspicua absurda efficiantur. Prius ita describit. *Nam quid absurdius dici potest, quam Evangelistam prius narrasse verbum in mundo fuisse: ad suos venisse, & potestatem, ut Filii Dei fiant, eis dedisse, qui ei fidem ad-*

dem adhibuerint; deinde subungere ipsum verbum *carne factum esse*, quasi ad nos venerit antequam natum foret: & prius in mundo fuerit, postea vero caro sit factum? Respon- demus, Socinum falsâ niti hypothese: quasi quod dicitur in mundo fuit; deinde, & ad suos venit, intelligendum esset, de præsentiâ & adventu in carne. Nam illa, de præsentiâ Sermo- nis ante assumptam carnem in mundo dicuntur; qua non solum Deitatis suæ essentia: sed etiam variis generalibus ad omnium hominum conservationem beneficiis iis adfuit, ac præsensem se ostendit, Actor. 14. v. 17. & 17. v. 25. & 28. cum epistola ad Coloss. cap. 1. v. 16 & Hebr. 1. v. 3. sed etiam deinde ad Israëlitas fœdere sibi junctos, peculiariter ve- nit: non quidem in carne, sed illustribus præsentiæ suæ sig- nis: columna nubis & ignis, aliisque signis admirandis, ut antè exposuimus; & verbo suo ad ipsos, & per Moysen ac Prophetas, Euangelii promissiones proponens, 1. Pet. 1. v. 11. quod Euangelium non acceperunt sed rejecerunt, Hebr. 4. v. 2. plerique; non omnes tamen, cum quidam crediderint & servati sint, Heb. 3. v. 16. 17. Quare primum hoc absur- dum, quod ex nostrorum interpretatione sequi objicit So- cinus, hoc modo diluitur; Ac propterea scopulus non est, in quem impingimus: quemadmodum temerè exprobrat. Si- cut neque etiam alterum, quod fingit esse absurdum & qui- dem gravius, consistit: *Quid magis*, inquit, *absonum existi- mari potest, quid magis ad iram, quam Deum carnem factum fuisse? quis ad hæc non horret & contremiscit?* Sed rursus falsâ nititur hypothese: quasi verè dici non posset: Deus factus est caro, nisi sui mutatione; Neque enim hoc sensu ab Ortho- doxis exponi probè novit, sic enim subjicit: *At dicunt, li- cet verba istud præ se ferant, nos tamen commodiore explicatio- ne adhibita, nihil aliud verbum carnem factum esse, significare dicimus; quam id in virginis Mariæ utero carnem assumpsisse.* Vera sanè oratio; & hæc nostrorum est sententia, quam in- digno sarcasmo frustra exagitat Socinus, hoc modo: *Elegans sanè interpretatio: sed undenam illam hauserunt? quemnam lo- cum huic similem (qui interpretationem istam patiat) ex Sacris Literis adducere poterunt? ut non omnino ineptè & inerudi- tè divina miracula interpretari fuisse videantur.* Respondemus eam interpretationem nostri hauserunt ex Scripturæ ipsius declaratione, Heb. cap. 2. Quo loco modus, quo Filius Dei caro seu homo factus est, generatim definitur, cum dicitur v. 14. *Carnis & sanguinis particeps factus est*, & v. 16. *Assum- psit semen Abrahæ.* Idque etiam subjecti hujus orationis ra- tio flagitat. Nam αὐτὸς hic (ut antecedentibus describitur, & ex aliis Scripturæ locis probatum) homo existens, nihilo- minus in principio fuit Deus, & homo factus, verus est Deus & vita æterna, Joh. 1. v. 1. & 1. Joh. 5. v. 20. & à Thoma Apostolo homo Christus, nihilominus etiam ὁ υἱοῦ τοῦ θεοῦ, Joh. 20. vers. 28. jure vocatur; qui cælum & terram creavit, Hebr. 1. vers. 8. & 10. qui Deus existens & homo, una tamen est persona: unus Dominus, non duo, Ephes. 4. vers. 5. Immanuel, Deus nobiscum, Matth. cap. 1. Deus patefactus in carne, 1. Timoth. 3. vers. 16. Ac propterea hisce declaratur, non mutatione sui in car- nem; sed illius unionem seu assumptionem carnis in unita- tem personæ suæ carnem factum. Ac propterea Scriptura exponente, & Sermonis, seu Filii Dei persona hoc po- stulante, ita meritò exponitur: eum carnem factum, non mutatione in carnem, sed assumptionem seu unionem illius hypostatica. Quod verò objicit Socinus, ex Sacris Li- teris similem locum, qui istam interpretationem patia- tur; adduci non posse: Respondetur niti hypothese non certa: quasi nullus vocis alicujus usus esse possit singu- laris: præsertim in singulari mysterio, quale hoc in lo- co esse Scripturæ expositione demonstravimus. Deinde locus etiam est similis, Genes. 2. vers. 7. & factus est Adam anima vivens; sicut sensum rectè vetus interpres reddidit, non autem, Adam seu corpus factum animatum, mutatione corporis in animam, sed unionem animæ. Sed rur- sus Socinus subjicit: *Addo quod non nullò minus absurdum est, si quis dicat Deum carnem assumpsisse, quam si diceret car- nem factum esse, quod & ipsi indicant, cum docent quomodo hoc factum sit; nullo modo explicari vel percipi posse; Hæc scilicet ratione Satani errores suos, licet manifestos tuetur.* Re-

spondemus, Socinum petere principium, & niti falsâ hy- pothesi: quasi revera absurdè diceretur: Verbum caro factum est; cum jam antea ex Sacra Scriptura id sit proba- tum: & modus generalis inde explicatus, factum, non mu- tatione sui: quia idem permanet Deus, Hebr. 1. vers. 11. 12. Sed assumptione carnis in unitatem personæ, ut multis demonstravimus. Filius enim Dei existens, factus est ni- hilominus ex semine David, secundum carnem, Rom. 1. vers. 3. Deus misit Filium suum (de cælo nimirum, exi- stentem) factum ex muliere, Galat. 4. vers. 4. Et quemadmodum Filius Dei (quasi assumendæ carnis simili- tudine,) olim visibili veroque corpore formato & assum- pto, sine anima & sine unionem hypostatica, ad tempus conspicuus factus est, Genes. cap. 18. Sic tandem veram humanam naturam, in unitatem suæ personæ assumens, Deus conspicuus factus est in carne, 1. Tim. 3. vers. 16. Ideoque neutrum absurde à nostris dicitur: sed Sacris Literis declaratur utrumque: cum verbum carnem fa- ctum esse; tum modum effectiois illius, esse assumptio- nem carnis in unitatem personæ suæ: adeò ut homo verus factus, nihilominus Deus esse non desierit, sed verus sit Immanuel *ἱμάνθρωπος*, homo simul ac Deus. Neque absurda hæc esse indicant nostri, ut ineptè objicit Soci- nus, cum assumptionem humanæ naturæ in unitatem personæ Filii Dei, nec explicari, imò nec percipi posse docent. Nititur enim adversarius falsâ omnino hypothese: quasi omnia quæ percipi nequeunt, essent absurda. Cum certissimum sit, primum multarum rerum naturalium abditas esse causas, quæ nullo modo percipi queunt: Et ut alia omittam, personalis animæ cum corpore suo unio- nis modum, an Socinus unquam percepit? & tamén unionem veram fuisse quis neget? Deinde certum est, multa de Deo in Sacris literis tradita & nominata esse mysteria, quorum modum percipere non possumus, Rom. 11. vers. 33. quæ tamen verissima: Et ut plu- rima mysteria: quorum Apostoli meminerunt, tacea- mus, de re proposita disertè ait Paulus, 1. Timoth. 3. vers. 16. *Sine controversia mysterium pietatis magnum est, Deus patefactus in carne:* quod tamen verissimum, ut à Spiritu Sancto profectum, constat. Quamobrem hinc satis superque apparet, quàm impiè Socinus (ut veram doctrinam exosam redderet) expositionem nostrorum, sacræ Scripturæ consentaneam, errorem Satanæ appel- let. Quod verò hoc pietatis Dei, in carne patefacti my- sterium, cum ficto impietatis Pontificiæ, de conversio- ne panis Eucharistici, in Christi corpus mysterio confert: quasi utrumque cæco, ut appellat, errore, similiter trade- retur: putida calumnia est. Nam prius mysterium, ut ostensum, sæpius Scriptura tradit ac nominat: Posterius verò eâ non traditur, sed multis modis confutatur: quod & verbis institutionis Cænæ: & corporis Christi existen- tis, (non autem formandi) veritati ac proprietatibus re- pugnet. Ac propterea falsò à Socino dicitur: *Idem & in iis quæ (legendum, in eo quod) de Deo & Christo nobis cre- dendum est, evenisse perspicimus.* Neque rationes quas sub- jicit hoc probant, ut ex earum examine patebit. Quod ut fiat majori perspicuitate, conjunctim primò verba ad- versarii proponemus, ne quid omissum videatur, quod alicujus sit ponderis. Verba autem sunt hujusmodi: *Quam- vis enim manifestissime appareat, nullâ ratione fieri posse, ut divina illa essentia, indivisibilis, atque incommutabilis: si- ve quod ad personam, ut ipsi loquuntur: si ve quod ad substan- tiam attinet; carnem assumpsit, ita ut unum suppositum, ut ajunt, cum homine sibi assumpto sit facta: & multò minus, ut Filius hoc tantummodò fecerit, non etiam Pater & Spiritus Sanctus: quos tamen tres, simplicissimum illum atque unicum nostrum Deum constituere contendunt. Nihil præterea absurdius excogitari posse (cui quidem tota reclamatione natura,) quam ut tres sint unus; & unus tres sint. Ex qua opinione, innumera por- tentis oriri necesse est longè absurdissima. Unde sacra divinaque o- racula penitus subvertantur, ita tamen nescio quo pacto Chri- stianorum vulgus fascinatam fuit, vel ita stupidum est, ut omnia hæc non solum constanter credat: verum etiam ab hac fide salu- tem suam omnino pendere existimet: & sibi ipsis homines illu- denses*

dantes atque imponentes, quod vident, se non videre; quod autem non vident, se penitus videre sint persuasi. Hæc Socinus: qui tribus argumentis ab absurdis consequentibus, ut contendit, nostros in doctrina de Sermonem homine facto fasci- natos esse concludit: iisque confidens, nostris acerbè in- sultat. Primum est, quod simplicitati & immutabilitati per- sonæ & essentiae divinæ repugnet assumptio carnis, ut u- num suppositum cum homine sibi assumpto sit facta. Sed respondetur primò, Falsa adversarium niti hypothesi: quasi nostri docerent, Filium Dei assumpsisse hominem, hoc est, personam humanam naturam præditam. Quamvis e- nim quadam nominis abusione, Patres nonnulli Ortho- doxi, & quidam è nostris eos secuti, interdum ita voce *hominis*, pro humana natura intellectâ, non autem pro persona, utantur: propriè tamen loquendo, (ut in con- troversia definienda ac disceptanda requiritur) nemo ho- minem seu humanam personam assumptam tradit. Quip- pe concors eorum adversus Nestorium (duas in Chri- sto personas fingentem) est sententia, Deum non as- sumpsisse hominem propriè, sed formam hominis, seu naturam humanam: quodque Filius Dei, cum esset in forma Dei, formam servi assumpsit, Phil. cap. 2. vers. 6. 7. seu semen Abraham, Hebr. c. 2. vers. 16. eam- que formam seu naturam humanam formando, in uni- tatem personæ suæ assumpsit: adeò ut non duo sint Christi; sed unus tantum: una persona, non duo. Dein- de etiam negamus simplicitati & immutabilitati divinæ naturæ hanc assumptionem adversari. Nam hæc naturæ humanæ assumptio, insitam Filii Dei simplicitatem non sustulit; neque in ea mutationem ullam attulit. Quod ut antè fuit in se simplex & immutabilis; sic etiam jam ho- mo factus, idem omninò permanet, Hebr. cap. 1. v. 11. 12. Nam assumptio hæc compositio non est, sed quasi appositio, qua integra, & immutata\* manente persona filii Dei, humana natura personaliter ab ea assumpta est, & in ea sustentatur. Neque enim humana natura ad per- sonalem Filii Dei subsistentiam: neque ad essentiam illius perfectionem quicquam contulit; sed tantum ad officium mediatoris peragendum. Ad quod requirebatur; & na- tura humana, quæ pro salute hominum pati & mori posset; & divina, quæ infinitam passioni & morti huic dignitatem adderet, & mortem superaret. Atque ita primum à Socino objectum absurdum confutatur. Alterum verò, (quod à veritate longè alienius censet,) est huiusmodi: *multo minus*, (scilicet fieri posse) *ut Filius tantummodo hoc fecerit*, (id est, humanam naturam assump- serit,) *non etiam Pater & Spiritus Sanctus*. Rationem verò addit: *quia tres simplicissimum illum atque unicum nostrum Deum constituere contendunt*. Respondemus autem, formationem naturæ humanæ, & unionem cum *alio* communem esse Patri, Filio & Spiritui Sancto: quia o- pus est unius ejusdemque communis omnipotentiae; Sed terminus ac subjectum unionis, seu persona assumens sibi, solus est Filius. Ac quamvis humana natura unita sit di- vinæ naturæ; quæ unica ac tribus personis communis; non est tamen unita ei in persona Patris aut Spiritus San- cti: sed in persona solius Filii: ideoque simplicitas essen- tiæ divinæ, personarum distinctionem non tollit. Ac quam- vis Pater sit Deus, & Spiritus Sanctus sit Deus & Filius Deus, una eademque deitate communi tribus: non tamen Pater, neque Spiritus Sanctus est Deus patefactus in carne, Deus qui redemit Ecclesiam suo sanguine: Sed solus Fi- lius is est, Actor. 20. vers. 28. 1. Timoth. 3. vers. 16. Ac licet cum Patre & Spiritu Sancto in eadem forma Dei ef- fet, quæ unica; solus tamen servi formam accepit, Phil. 2. vers. 6. 7. Sed postremum adjicit adversarius ab absurdo argumentum: *Nihil*, inquit, *absurdius excogitari posse (cui quidem tota reclamatione natura) quam ut tres sint unus: & unus tres sint*. Verum negatur id esse absurdum: totique naturæ adversum. Hæc enim quæ prima specie contradictoria vi- dentur; quia tamen ratione diversa dicuntur, probè inter se conveniunt: unus est enim Deus, non tres dii, hoc est, una est essentia æterna, omnisca, sanctissima atque omni- potens, non tres: tres verò personæ hac essentia prædite,

non autem una tantum persona. Atque ita ratione unius ejusdemque essentiae, Filius Dei ait: se & Patrem unum esse. Johan. 10. vers. 30. Ratione verò personæ ac substi- tentiæ, qua Filius, non Pater: Patrem alium esse afir- mat, Johan. 5. vers. 32. quemadmodum utrumque di- stincta ratione dicitur, 1. Joh. 1. vers. 7. *Tres sunt qui te- stantur in celo, Pater & alius, & Spiritus Sanctus, & hi tres unum sunt*; tres personæ scil. & una divina essentia. Quare falsò conqueritur Socinus, ex hac sententia innumera por- tenta oriri longè absurdissima. Neque ut objicit, hæc fa- scinatio aut stupiditas nostrorum est censenda: cum di- stinctè Sacra Scriptura præunte ac prælucente, unam divi- nam essentiam, & tres personas eadem essentia præditas a- gnoscimus ac profiteamur, Patrem, Filium, & Spiritum San- ctum, quibus fides nostra innititur, & baptismus conse- cratur: Contraque satis apparet, Socinum omnem pieta- tem ac pudorem in hac doctrina, de æterna Christi Dei- tate, & humanæ naturæ assumptione excussisse: cum hor- rendis ante positis blasphemis conclusionem hanc non ab- similem subjicit: *Sperandum est*, inquit, *ut monstrosa hæc de Deo nostro & Christo ejus figmenta, quæ hoc tempore Sacro- sancta, & omni veneratione dignissima præcipuaque religionis nostræ arcana esse creduntur, aliquando tandem (fremat licet mundus interea, & igni ferroque serviat) Deo volente ita cum- eorum oculis retegantur & unicuique tanto sint ludibrio, ut ne- minem non pudeat se his fabulis, non dicam fidem habuisse, sed autem accommodasse*. Hæc est impia ac proterva Socini (qua hujus sententiæ: & *alio* caro factus est, depravationem con- cludit) invectiva: cujus vanitas, ex iis quæ ante in examine illius dicta sunt, facile perspicui potest. Ut autem admi- randa Socini & Socinianorum dogmata & errores, in do- ctrina de persona & naturis Christi, melius retegantur: ut- que appareat, non solum divinam illius æternamque es- sentiam negari, sed etiam doctrinam de humanæ illius na- turæ origine ac materia fœdissimè corrumpi, verba Soci- niani, (hoc est, Socini, ut communis opinio & stylus ar- guit) contra Wiekum, p. 220. 221. producemus: quæ sen- tentiam illius vulgò minus notam complectuntur. *Quam- vis autem Christus*, inquit Socinus, *in utero virginis, ex sub- stantia virginis & Dei non sit generatus, negari tamen non po- test, quin Dei virtus in Christo homine formando viri vicem suppleverit. Nam cum ipsa virgo ad Angelum dixisset: quomodo fiet, quoniam virum non cognosco? statim Angelus respondit: Spi- ritus Sanctus superveniet te & virtus Altissimi obumbrabit ti- bi: quod omnino perinde est, ac si dixisset: Quod viri opus in ho- mine gignendo fieri solet: hoc virtutis divinæ opus fiet. Nec sanè consequitur, quia Christus homo in Virginis utero ex ipsa Dei sub- stantia non sit genitus, idcirco ex sola Virginis substantia cum fuisse generatum. Nec Mennonitis danda est occasio, ejusmodi male conclusis rationibus in suo errore perseverandi: Sed quemad- modum urgendum est, Christum hominem ex Virgine matre, non minus sumpsisse, quam alii homines ex suis matribus sumant: so- mere autem ex ipsis Sacris Literis, & Physicis etiam si opus sit rationibus demonstrandum. Sic non est negandum Dei virtutem, in Virginis utero, substantiam aliquam creatam immisisse, aut ibi creasse: ex qua Christus, juncto eo quod ex ipsius Virginis sub- stantia sumpsit, verus homo generatus fuerit: qui propterea ut homo, non matrem tantum, nempe Virginem ipsam habuerit; sed Patrem quoque, nempe ipsum Deum. Hæc Socini sententia, quæ ut nova: sic omninò impura, 1. quia ex Sacris Literis non est petita, deinde quia iisdem repugnat. Ex iis enim petita non est: quia verba Angeli, quæ ei rei probandæ præmittit, neque alia, hoc non demonstrant. Nam. Luc. 1. v. 35. An- gelus, adventu Spiritus S. & virtutis altissimi obumbratione, non iudicat materiæ alicujus, ut seminis fœcundi immissio- nem: aut in virginis utero creationem, ut adversarius som- niat: sed operationem divinam solummodo: cujus potentiâ conceptura erat Virgo. Quemadmodum simile conceptio- nis miraculosæ recens exemplum, ad fidei confirmatio- nem, adjicit Angelus proximo versu: *Et ecce Elizabeth co- gnata tua & ipsa concepit Filium in senectute sua, & hic men- sis est sextus ipsi quæ vocabatur Sterilis*, nempe reuera; nam vers. 7. dicitur: *non erat ipsi pueri, ea quod Elizabeth esset Sterilis*. Et sanè cum Deus Adamum (è terra,) & Evam ex*

Adami

Adami costa formârit; nonne facilius è Virginis substantia corpus humanum formaverit? Neque ratio probabilis hujus figmenti adfertur, de materiæ alicujus novæ creatione, & cum substantia Virginis conjunctione ad corporis Christi constitutionem. Scopus autem hujus impuri figmenti est, ut errorem suum stabiliat; quasi Christus non dicatur Filius Dei ratione generationis æternæ à Patre; sed ratione generationis temporalis corporis, ex quadam creata substantia nova: & ejusdem cum substantia Virginis conjunctione, ad corporis formationem efficiendam: quasi ita dicatur Filius Dei à Deo generatus. Quod ut è Sacris Literis minimè probatur: sic deinde iisdem etiam adversatur. Illæ enim docent Filium Dei ab initio extitisse verum Deum, Joh. 1. vers. 1. mundi, seu cœli teræque omniumque visibilium & invisibilium creatorem, Col. 1. vers. 16. Heb. 1. 10. atque ita sine matre: factum verò in tempore ex muliere, Gal. 4. vers. 4. & quidem Virgine: ideoque sine patre propinquo. Nam si Spiritus sanctus non solum vi divinâ virginem fœcundam reddidit, sed etiam substantiam aliquam creatam immisit, quæ seminis virilis loco, vim generandi habuerit: sequitur Mariam deliisse esse virginem concipiendo talem substantiam: atqui Christum natum ex Virgine controversiâ caret, Matth. 1. vers. 23. Quare æternitas Filii Dei, antè demonstrata: & nativitas è Virgine intacta, gravissima sunt argumenta, quibus adversarii novum figmentum confutetur. Quod etiam per Melchisedecum Christi typum indicatur, Hebr. 7. de quo dicitur vers. 3. *Sine patre, sine matre, sine genealogia: nec principium dierum, nec finem vitæ habens, assimilatus Filio Dei, manet Sacerdos in æternum.* Quibus verbis Melchisedec similis statuitur Filio Dei bifariam. 1. Ratione personæ: deinde ratione sacerdotii. Personæ; quod sit sine patre; quatenus scil. Filius hominis, natus ex Virgine Maria: eoque non ex alia quàm matris substantia genitus: Deinde sine matre; quatenus Filius Dei: ut etiam eo modo, quia erat in principio Deus, Joh. 1. v. 1. nec principium dierum nec finem vitæ habet. Sed objicit adversarius: *Animadvertendum est, non dixisse divinum istum scriptorem, Christum seu Filium Dei fuisse assimilatum Melchisedeco: sed contra Melchisedecum Filio Dei: ut scil. intelligamus, non omnia quæ de Melchisedeco dicit, eadem in Christo esse: sed illis ea omnia contineri quæ de Christo in Melchisedeco vult fuisse adumbrata.* Verum impingit hoc loco Socinus in naturam relatorum reciprocam; simile enim simili suo vicissim simile est: alioqui simile non est; Ideoque si in iis Melchisedeck Christo est assimilatus: Ergo Christus Melchisedeco in iis similis est; ut inter typum & archetypum sit mutua similitudo. Deinde frustra alterum effugium hic quærit adversarius ut æternitatis attributum Filio Dei deroget, cum ait: *initium dierum ipsius, intellige in sacerdotii munere obeundo:* Hoc enim alienum est. Quis enim non videat æternitatem personæ, & æternitatem sacerdotii ordine proponi, ac distingui suis modis? Æternitatem quidem personæ, primo loco: quod ea sit absoluta, ratione utriusque termini: quod scil. & termino à quo careat: quod principium dierum non habeat, quia videl. erat in principio, Joh. 1. v. 1. nec etiam terminum ad quem, habeat: quod vitæ fine caret. Sacerdotii verò æternitas deinde subjicitur, ac describitur: quod manet Sacerdos in æternum: non autem est Sacerdos ab æterno. Neque obstat ratio quam subjicit adversarius, cum ait: *Nam si de initio vitæ auctor loqueretur, vox dierum fuisset ommissa, & dictum fuisset: nec initium, nec finem vitæ habens.* Resp. nullam hujus dicti esse necessitatem. Nam alterutro modo, eodem sensu loqui potuit Apostolus: nam non habere initium dierum, est æternum esse: non quod dies attribuantur ei, sed negantur. Deinde quid si etiam attribuerentur, per metaphoram essent intelligendi, pro duratione: quemadmodum non dissimili metaphora, Filii Dei, veri Dei creatoris anni, non defecturi dicuntur, Heb. 1. v. 12. Quod verò præterea objicit Socinus: *Quid quæso ad rem, de qua ibi agitur, pertinere potest, quod Christus aliquo modo revera sine patre & sine matre fuerit? Præsertim si hoc ad istum modum interpretemur, sine patre in terris, sine matre in cœlis.* Respondetur illud à scopo non esse alienum, sed ei maximè consentaneum: quia talis require-

batur Novi Testamenti sacerdos: qui simul esset homo & Deus. Homo quidem; qui pro hominibus reconciliandis posset mori, Hebr. cap. 2. vers. 14. & 17. & quidem è Virgine, Matth. cap. 1. vers. 23. & per consequens sine patre, virtute Spiritus sancti, ibid. vers. 20. & 21. ut nobis per omnia similis esset, excepto peccato Hebr. cap. 2. vers. 17 & 4. vers. 15. Deinde quoque requirebatur ut sacerdos Novi Testamenti esset æternus Filius Dei, ideoque sine matre, Psalm. 2. vers. 8. & Hebr. cap. 5. vers. 5. & 6. Verus Deus: ut passioni & morti assumptæ suæ carnis, dignitatem adderet infinitam: & mortem ejus superaret, eam suscitando à mortuis, vitamque æternam tribuendo; atque etiam fidelibus omnibus tribueret: quemadmodum, Hebr. cap. 9. vers. 14. dicitur Christus per Spiritum æternum se obtulisse immaculatum Deo, hoc est, divinâ suâ natura. Quemadmodum Act. cap. 20. vers. 28. etiam dicitur Deus redemisse Ecclesiam suo sanguine; & 1. Petr. cap. 3. vers. 18. mortificatus carne, vivificatus Spiritu asseritur, hoc est, divinâ sua natura. Quo etiam Spiritu, dicitur iis qui in carcere sunt spiritibus prædicasse, cum olim immorigeri essent temporibus Noachi. Quemadmodum etiam 1. Petr. cap. 1. Prophetæ Spiritu Christi acti prophetasse dicuntur. Et sicut Christus, Johan. cap. 10. vers. 17. & 18. suscitationem suam à mortuis, quæ opus merè divinum, sibi attribuit, ut antè attribuerat, Johan. cap. 2. vers. 19. & 21. Sic etiam suscitationem omnium fidelium ultimo die, sibi meritò vindicat, Johan. cap. 6. vers. 39. 40. Deinde talis Sacerdos requirebatur qui nos sanctificaret, ac Spiritu Sancto baptizaret, Hebr. cap. 9. vers. 14. & 15. & Joh. cap. 1. vers. 33. quod sanè solius Dei (cujus solius est Spiritus) proprium est. Denique cum Christus, secundum carnem, non sit à Patre, ex ipsius substantia procreatus: non esse eatenus Filium ipsius ab eo genitum apparet: cum generatio, non sit creatio ex aliena substantiâ: sed ex sua substantia, secundum naturæ convenientiam propagatio seu productio. Quamobrem ex hisce manifestè apparet, falsum esse omnino, quod adversarius fingit, humanæ naturæ materiam non constare ex sola Virginis substantia: sed simul ex adjuncta & immissa à Spiritu Sancto, nova quadam substantiâ, aut in utero Virginis formata; atque ita Filium Dei dici, quod ab eo sit generatus.

Atque hæc ad vindicationem veritatis horum verborum Johannis: *Et Sermo caro factus est*, suffectura speramus. Quare ad reliqua, quæ supersunt procedemus, ex quibus etiam utraque unius ejusdemque personæ Christi natura, & divina & humana demonstrabuntur.

De Genuino sensu verborum, vers. 14. *Et habitavit in nobis: & vidimus gloriam ejus, gloriam ut unigeniti à Patre.*

AD rectam hujus dicti sententiam, primùm observandum est scopus illius: Deinde modus, seu medium, quo ad eum tendit Evangelista. Scopus est, probare sententiam antecedentem, ὁ λόγος ἐξ ὧν ἐγενήθη. Modus verò & medium quo Evangelista hoc præstat, est ab experientia sua & aliorum Apostolorum. Nam 1. Christum hominem factum, probat ex eo, quod ait, ἡ σκηνή αὐτοῦ ἐν ἡμῖν, *tabernaculum in nobis fixit*, hoc est, inter nos ad tempus habitavit. Nam naturale vitæ suæ curriculum non absolvit: sed, illud violenta, ab hostibus Judæis, illata morte est abruptum, id quod per ἡ σκηνή αὐτοῦ videtur expressum. De qua humanæ naturæ Christi experientia ait idem Apostolus, 1. epistola cap. 1. v. 1. *Quod erat à principio, quod audivimus, quod vidimus oculis nostris, quod spectavimus & manus nostræ contrectaverunt de Sermonem vitæ.* Secundò λόγος sic hominem factum, nihilominus mansisse λόγος, Dei Filium, experientia etiam comprobatur, cum ait, *& vidimus gloriam ejus, gloriam ut unigeniti à Patre.* Siquidem voce gloriæ, non propriè celebrem illius à multis rectè judicantibus laudem, sed impropriè per metonym. excellentiæ τὴν λόγος gloriosam patefactionem intelligit. Quo etiam pertinet illud, Joh. 1. epistola, c. 1. v. 2. *Nam vita illa conspicua facta est, & illam vidimus, & testamur, & annun-*



& annuntiamus vobis vitam illam æternam, quæ erat apud Patrem & patefacta est nobis. Ubi diligenter notandum est, Apostolum similia iis, quæ Euangelii cap. 1. v. 1. proposuerat, his locis repetere. Nam ut in Euangelii initio dixit, *in principio erat Sermo*; sic etiam hoc loco v. 1. *quod erat à principio*. Et ut in Euangelio sequitur: *Sermo erat apud Deum*, item, *vita erat*: sic hoc in loco ait: *annuntiamus vitam illam æternam, quæ erat apud Patrem, & patefacta est nobis*. Quo modo perspicue docet, *ἀβύσσος*, ante patefactionem in carne, extitisse, & carnem factum, sine mutatione sui extare; ideoque non primum extitisse, cum patefactus est in carne hominibus. Ad gloriam verò, hoc est, excellentiam Christi gloriosam quod attinet, illa consistit in duobus, nempe in effectis illius & adjunctis. Effecta sunt opera miraculosa ac divina, quemadmodum ipsemet Johannes interpretatur cap. 2. Nam post narrationem, editi à Christo, in conversione aquæ in generosum vinum miraculi, subiicit: *Hoc initium signorum fecit Iesus in Cana Galilææ, & manifestam fecit gloriam suam, & crediderunt in eum discipuli ejus*. Adjuncta verò excellentiæ Christi gloriosæ sunt multa; inprimis verò, in baptismo & in monte, testimonium divinum de personæ Christi excellentia. In baptismo quidem Matth. 3. vox Patris audita: *hic est Filius meus dilectus, in quo acquiesco*, seu quo delector; & Spiritus Sancti super Christum specie columbæ descensus ac quies: quo designatum est, Christum esse, qui baptizaturus erat Spiritu Sancto, Johan. 1. Ex quibus, *ἀβύσσος* esse æternum ac verum Deum clarissime demonstratum. Huc accedit alterum in monte adjunctum, in gloriosa Christi transfiguratione, & Patris in nube collucens testificatione: *Hic est Filius meus, &c.* quod etiam à Petro, 2. ep. c. 1. v. 16. commemoratur cum ait: *Non enim arte compositis fabulas secuti, notam vobis fecimus Domini nostri Iesu Christi potentiam & adventum: sed ut qui oculis nostris aspeximus illius Majestatem; Acceperat enim à Deo Patre honorem & gloriam, voce cælitus ad eum delata, à magnifica gloria: hic est ille Filius meus dilectus, in quo ego acquiesco: & hanc vocem nos audivimus à cælo delatam; cum essemus una cum eo in monte*. Quam gloriam Christi, in effectis ab eo miraculis, & adjunctis hinc consistere, Socinus etiam agnoscit, si genus ipsum spectemus. Quæstio autem existit, an ex iis probetur, Christum esse verum & æternum Deum? Socinus enim hoc negat: Orthodoxi verò constanter meritoque hoc affirmant. Idque solide ex miraculorum illustrium natura demonstrant. Nam qui insitâ sua potentia, fecit ea miracula, quæ sunt opera Deo propria: ille est verus & æternus Deus. Atqui Christus fecit ea miracula; Ergo Christus est verus Deus. Propositio certa est: quia propria Dei sunt, quæ soli Deo conveniunt. Assumptio autem inde probatur: quia vitæ omnino amissæ restitutio, seu suscitatio à mortuis, & visus omnino amissi renovatio; sunt miracula omnipotentiae Dei propria. Deus enim est solus, qui ista præstare potest: cum à privatione visus & vitæ, per finitam potentiam ad habitum non detur regressio. Ideoque licet dæmones multa ediderint opera, quæ si ab hominibus facta fuissent, essent miracula: nulla tamen fuerunt infinitæ potentiae opera; sed illorum potentiae magnæ, sed finitæ convenientia: qualis est variorum morborum curatio subita. Ideoque visus & vitæ omnino amissæ restitutio nunquam eorum potentia, quia finita est, effecta est, neque effici potuit. Christus verò hæc potentia suâ perfecit: cum & cæco nato visum restituit: & mortuos suscitavit: non solum ut instrumentum aliquod, sed ut causa efficiens vi sua insita, Johan. 5. vers. 21. *Ut Pater excitat mortuos: sic Filius quos vult vivificat*. Nam licet quidam Prophetæ & Apostoli mortuos suscitarint: ejus rei non fuerunt causa efficiens per se, hoc est, sua potentia: sed tantum causa instrumentalis & impetrans. Christus contra insita sua vi miracula edidit: Apostoli per accidens concurrentis potentiae Christi. Nam Luc. cap. 6. vers. 19. dicitur; *Potentia ab eo exibat & sanabat omnes*: & Marc. cap. 16. vers. 20. *Illi verò egressi prædicarunt ubique, Domino una operante, & sermonem confirmante per signa subsequens*, & Actor. 3. v. 12. ait Petrus: *Quid intentos oculos in nos habetis, quasi propria vi (scilicet efficiente) aut pietate (scilicet impetrante) effecerimus,*

*ut hic ambularet? & v. 16. Per fidem in nomen ipsius, hunc quem conspiciatis ac nostis, confirmavit nomen ipsius*. Deinde ut ostendimus, Christus non solum alios suscitavit à mortuis, & suscitabit ultimo die omnes fideles, Johann. cap. 6. v. 39. 40. sed etiam seipsum suscitavit, Johann. 2. vers. 10. cum 21. & 10. v. 16. Quo clarissime demonstratur, ipsum esse non solum mortuum, secundum carnem, hoc est humanam naturam: sed etiam vivificatum secundum Spiritum, 1. Pet. 3. v. 18. seu secundum essentiam ac potentiam suam divinam: Ideoque manifestè sequitur, non solum, *ἀβύσσος* seu Filium Dei hominem esse factum; sed etiam verum Deum permansisse: & ut 1. Iohan. 5. vers. 20. dicitur: verum Deum esse & vitam æternam. Atque ita ex hac miraculorum Christi gloria, Socini hæresis de Christo homine tantum, non etiam Deo, confutatur: & Deitas Christi assertitur; idque sequente expositione gloriæ etiam declaratur cum additur: *gloriam unigeniti à Patre*. Verum hinc oritur quæstio minime negligenda, quæ summam salutis attingit:

Quid vox illa, *Unigenitus à Patre*, hoc loco significet?

DE hac enim re Socino primum cum Orthodoxis deinde secum controversia est. Cum Orthodoxis quidem: quod hi Christum Filium unigenitum à Patre propriè dici statuant: quod revera à Patre sit solus genitus, hoc est, ejusdem essentiae divinæ communicatione editus: Idque primum ex antecedentibus liquere: quia Filius in principio erat apud Deum Patrem: & quidem verus Deus: factor mundi, ac propterea ejusdem cum Patre essentiae Filius. Deinde Filii Dei, hominis facti, primum effecta miraculosa, quæ gloria ejus dicuntur, soli Deo propria, ut antè ostendimus, evincunt hunc Filium esse verum Deum: ideoque proprium seu geniturâ Filium. Secundò adjuncta Dei Patris testimonia, quæ ad alteram gloriæ partem pertinent, idem comprobant: iis enim non solum de Christo testatus est, eum esse Filium; sed etiam ipsum baptizaturum Spiritu Sancto Iohan. cap. 1. vers. 33. ideoque verum esse Deum. Neque enim his verbis notatur, fore ut Spiritus Sanctus, per ipsum agat; sed contra fore, ut ipsemet per Spiritum Sanctum, ab ipso procedentem, operetur. Iohan. cap. 15. vers. 26. & 16. vers. 13. 14. ut supra plenius exposuimus. Nec solum antecedentia Christum Filium esse geniturâ, ideoque ejusdem essentiae Filium esse ostendunt: Sed alia etiam Scripturæ sacræ loca similiter evincunt. Nam ut Rom. cap. 8. vers. 32. Filius Dei proprius dicitur: Sic Iohan. cap. 5. vers. 28. dicitur: *Propterea ergo magis studebant Iudæi eum trucidare, quia non solum solvisset Sabbathum: sed & Deum dixisset Patrem proprium, parem se faciens Deo*. Nam quod vocem *ἰσὺς* vulgatus & noster interpretes vertunt *suum*; non solum à propria significatione vocis illius, citra necessitatem, recedunt; sed etiam vim sententiæ, ut apparet, enervant. Nam ut se parem facit Deo, qui Deum dicit Patrem proprium; sic non propterea quis se parem facit Deo, qui Deum dicit suum Patrem; Suum enim, aliorum non excludit Patrem. Nam ipsi Iudæi etiam hoc sibi tribuebant Ioh. cap. 8. vers. 41. Sese tamen impares Deo agnoscebant. Neque est quod objiciatur, hæc verba esse, non Evangelistæ vera, sed Iudæorum falsa: ac calumniam, quæ narretur, non autem probetur. Contrarium enim ex antecedentibus, & consequentibus liquet. Ex antecedentibus: quia verba Christi, Ioh. cap. 5. vers. 17. fuerunt hæc: *Pater meus usque adhuc operatur, & ego operor*: quo ostendit, (ut & v. 19. exponitur,) *quæcumque ille (scilicet Pater) facit, hæc etiam Filius similiter facit*, ideoque ex perpetuis ac communibus Filii cum Patre operibus, Deum, proprium Patrem dici, rectè intellexerunt; quamvis in eo gravissimè errarunt, quod illud non crediderint. Quorum incredulitatem secutus est Socius; sed in sensu verborum, ab illis, rectè intelligentibus, perverso studio declinavit. Deinde in sequentibus, Christus nullo indicio hanc intelligentiam Iudæorum ullius erroris

erroris arguit : sed contrà confirmat, inter alia, ab operibus Deo propriis, quæ sibi attribuit speciatim, ut vers. 21. ait : *Sicut enim Pater excitat mortuos : ita & Filius, &c.* Quare cum Judæi Christi mentem rectè intelligerent, solam incredulitatem eorum reprehendit, vers. 46. 47. Alioqui si malè mentem illius cœpissent, & calumniam blasphemiz ipsi impigissent : ad gloriam Dei, calumniam illam, pro officii ratione apertè removisset. Atque hæc Orthodoxorum est sententia, Filium Dei vocari unigenitum, non temporali gratia ; sed genitura, & quidem æterna : quod patri suo sit *ἄκων*, ejusdem singularis essentiz. Cui Orthodoxæ è Sacris Literis petitz sententiæ adversatur Socinus, ac contendit : Christum non vocari Filium Dei unigenitum, quod ab æterno ; sed quod in tempore ab eo sit genitus : & quidem expositione duplici. Quatum ut utraque nostris, sic posterior priori contradicit. Priorem autem proponit in libello explicationis primæ partis cap. 1. Johannis. Exponit enim Filium unigenitum significare, dilectissimum ac præcipuum Dei Filium esse, ac deinde subjicit hæc verba : *Vox unigeniti hoc loco non illud videtur significare quod vulgò creditur, Christum videlicet natura Filium Dei esse ; cum alii scilicet adoptionis filii sint, sed potius ( ut nos exposuimus ) illi acceptissimum esse, & alius dignitate præstantem.*

Verum quia illud à nostris negatur, ac probationem desiderat, propterea hanc adfert : quod *μονογενὴς* respondet Hebrææ voci *יחיד* : quæ cum de Filio dicitur, unicum quidem significat, sed non tantum genitura, verum etiam dilectione, successione, vel singulari quadam proprietate, qua cæteris fratribus suis antecellat & ab illis meritis distinguatur. Verum negamus vocem Hebræam *יחיד*, & Græcam *μονογενὴς*, cum de filio aliquo dicitur, idem significare ; quia primum Filius potest esse *יחיד*, hoc est, unicus, ut tamen non sit unigenitus. Qui enim primus ante alios nascitur : eatenus unicus est, donec alii nascantur : & si plures quidem sint geniti, sed unicus tantum superstes, reliquis defunctis, unicus verè dicitur, non autem unigenitus. Deinde vox *μονογενὴς*, nullibi in Sacris Literis aliud significat, quam eum qui solus est genitus ; non autem unice dilectum : etsi dilectio illa sit consuetum unigeniti consequens adjunctum. Contrà verò vox *יחיד* unicus, unice dilectum interdum notat, ut adversarius ex Proverb. cap. 4. vers. 3. probat : ubi Salomon ( licet plures ex eadem matre haberet fratres, 1. Chronic. 3. ) se tamen *unicum inter filios matris sue* appellat : non propriè, sed metaphoricè : quod esset quali unigenitus, aut similis unico filio, id est, summoperè dilectus. Quod autem adversarius objicit, eundem Isaacum, Genes. 22. vers. 2. 16. vocari Filium unicum : & Hebr. cap. 11. vers. 17. *μονογενὴς*, illud dictis minimè adversatur. Nam Genes. 22. Isaacus vocatur *Filius unicus* : non metaphoricè, sed propriè ; siquidem reipsa erat Filius unicus & unigenitus. Licet enim ( quod objectat adversarius ) Abraham duos habuerit filios, Ismaëlem scilicet & Isaacum : ei tamen non repugnat, Isaacum fuisse unicum, nempe non absolute, sed relatè, ad Saram ; Erat enim unicus Abrahami ex Sara filius : quia ex ea ipsum solum habuit, non plures. Atque hoc respectu verè *μονογενὴς*, unigenitus vocatur. Ideoque vanum est, quod hisce verbis, Genes. cap. 22. *Non peperisti filio tuo unico* : adversarius asserit, demonstrari, eum non genitura unicum, sed dilectione potissimum ; Isaacum Abrahami filium appellari : ubi etiam insignis adversarii hæsitantis inconstantia apparet, cum ait, *potissimum*, quo alias etiam esse rationes hujus appellationis significat, nempe, ut ante proposuit totidem verbis ; *vel videlicet quod unice ab Abrahamo diligeretur & ( hanc quidem potissimam hujus rei causam credimus. )* Nam LXX. Interpretes vocem *יחיד* *ἀγαπῶν*, id est, dilectum ibidem sunt interpretati : vel quod ad eum solum promissiones pertinerent, & is solus Patris hæres futurus esset ; vel etiam quod mirabilis quodam modo non vulgari, ut Ismael natus erat. Ubi primum observandum, tres modos expositionis proponi, significationis genere discrepantes, ideoque non convenire simul, unaque voce minimè denotari, quod tamen indicat cum ait : *potissimum*. Dein-

de potissima etiam illa ac prima significatio, quam adfert, licet Prov. 4. locum habeat ; quemadmodum subjecti Salomonis, de quo ibidem agitur, conditionem flagitari ostendimus : huic tamen loco Genesios non convenire, ex Apostoli ad Hebr. cap. 11. vers. 17. interpretatione apparet : qui *μονογενὴς*, id est, unigenitum ( quæ vox solum genitum, ut usus illius vocis evincit, significat ) interpretatur. Deinde ex reipsa etiam apparet ; quia genitus unicus fuit Abrahami, non absolute sed relatè ex legitima uxore Sara filius. Denique verba etiam Dei per Angelum, filium unicum & dilectum distinguunt, tanquam subjectum & adjunctum illius : cum non solum ait : *Filium tuum unicum*, sed etiam ad amplificationem adjungit *quem diligis* ; quis enim non videat fore alioqui *παρρησια* inanem, hoc modo, filium dilectum, quem diligis. Ideoque interpretatio LXX. Interpretum, quam adducit Socinus, hoc loco, ut multis aliis, non est idonea : quia imprudenter loco subjecti, epithetum, inani repetitione reponit ; & loco propriæ significationis, metaphoricam sine ulla necessitate exprimit. Quemadmodum & alibi iidem interpretes similiter errarunt, ut Amos 8 : 10. *Disponam eam quasi luctum unici* i. e. unigeniti : LXX. interpretati sunt *πένθος* *ἀγαπῶν* luctum dilecti : quo modo vis sententiæ non parum enervatur. Nam etsi omnis filius unicus & unigenitus soleat esse dilectus : non omnis tamen dilectus est unicus aut unigenitus ; imo neque omnis dilectus est à diligente genitus. Deinde minùs senè est dicere luctum dilecti, quam unigeniti : quia cum eximè diligatur unigenitus : ideo luctus ea voce gravissimus indicatur : Ideoque post verba ista : *quasi luctum unici* : Subjicitur explicatio hoc modo : *ut finis illius sit tanquam diei amarissimi*. Quemadmodum contra etiam LXX. Interpretes errarunt, cum vocem *μονογενὴς* inepto prorsus abusu pro *יחיד* unica, posuerunt Psalm. 22. vers. 1. *Eripe a gladio animam meam, à cane unicam meam*, hoc est, solitariam, adjutore omni destitutam, ut querela vers. 12. ostendit : ac propterea etiam Aquila Græcus interpres rectè *μοναχὴν*, id est, solitariam : LXX. verò ineptissimè *μονογενὴν* transtulerunt. Quare frustra Socinus LXX. Interpretum versionem hoc loco infidam & sæpè paraphrasticam ad errorem suum fundandum obtendit. Neque inde probari potest, vocem *Unigeniti*, idem esse quod unicum : cum *unici* vox de filio dicta latius pateat quàm unigeniti : & non nisi per Synecdochen generis pro unigenito usurpetur : quam Synecdochen loci circumstantia Genes. cap. 22. demonstrat & evincit. Ideoque ex falso antecedente, falsum hoc & inconstans consequens deducit Socinus, cum ait : *Quare & Christus inter tot fratres, unigenitus Dei Filius dicitur. Nam & Deo unice charus fuit ( nec alio præstantiore titulo eum Pater, dum adhuc in terris ageret unquam ornavit, quàm cum Filium suum charissimum esse dixit ) & solus ante omnes universarum hæres est constitutus : & tot tantisque præterea dotibus magis quàm cæteri omnes exornatus fuit. Nam & oleo exaltationis præ consortibus unctus fuisse dicitur, ut merito Filius Dei unicus fuerit appellatus : adde etiam admirabili illum & cælesti, non autem naturali & humana ratione ( sicut alios omnes ) natum esse, propter quod etiam Dei Filium vocatum iri Gabriel Angelus Mariæ ejus matri prædixit, Luc. cap. 1. v. 32. Hæc Socinus. Quæ diruto antecedente fundamento concidunt, & dissentanea sunt inter se. Nam ut alia omittam, si unigenitus notet admirabili ac cælesti ratione genitum ac natum : Ergo non significat dilectum propria enim & metaphorica significatio non conveniunt. Deinde unigenitum Dei Filium non dici ratione formationis humanæ naturæ, superioribus satis demonstratum, & verba Angeli, Luc. cap. 1. adversus Socini abusum vindicata : atque ostensum est, Filium Mariæ vocari Filium Dei, quod eadem persona, quæ est Filius hominis, sit etiam Filius Dei : sed diversa ratione : Filius hominis quidem, quatenus genitus è matre, humanæ naturæ est particeps : Filius verò Dei, quatenus ejusdem essentiz paternæ ac divinæ communicatione ab æterno est genitus. Quia enim *ἁγίος* Dei Filius, assumptione humanæ naturæ, ex virgine Maria, in unitatem personæ suæ, ca-*

ro seu homo factus est; idcirco Filius Dei dicitur Filius hominis: Et Filius hominis Filius Dei vicissim appellatur: quia utrumque nomen, non naturæ est nomen, sed personæ, à natura altera denominatæ. Filius enim hominis seu Mariæ, notat humanam naturam ex Maria matre præditum: Filius vero Dei, divina natura, ex Deo Patre præditum. Nam unio duarum naturarum in Christo hypostatica, qua Filius Dei humanam naturam ex Maria virgine, in unitatem personæ suæ, virtute Spiritus Sancti assumpsit (ideoque utraque naturam præditus est) causa est efficiens communicationis proprietatum: qua fit, ut eidem personæ convenient revera, quæ utriusque naturæ sunt propria. Ideoque phrasis illa, qua Christi personæ, denominatæ (in concreto ut vocant, seu voce personam notant) ab una natura, attribuitur, quod ei convenit secundum alteram: Idcirco peculiariter communicatio idiomatum dici solet, quia illius est effectum & indicium: ut Iohan. cap. 3. Filius hominis in terra existens, erat in cælo: non quatenus Filius hominis: nam eatenus erat extra cælum tantum; sed quatenus Filius Dei, qui cælum & terram implet. Et Marci cap. 13. vers. 32. Filius Dei ignoravit diem iudicii: non quia Filius Dei: eatenus enim fuit omniscius; sed quatenus Filius hominis. Idque etiam distinctè ab orthodoxis Patribus exponi solet, cum subiecto personali, ab una natura denominato, quædam attribui dicunt *κατ' αὐτόν*, secundum alteram naturam. Idque ex Sacris Literis depromptum, ut Rom. cap. 1. v. 3. *Filius Dei dicitur factus ex semine Davidis κατὰ σάρκα secundum carnem*, hoc est, secundum humanam naturam. Sed obicit Socinus hoc modo: *Quod autem Johannes, cum Christum Dei unigenitum nuncupavit, genitura illum unicum esse nequaquam intellexerit, dubitari non potest: alioqui sibi ipsi contrarius fuisset: qui paulo ante Christo fidentes, ex Deo natos esse dixerat: Sed negatur consequentia: quia homonymiæ sophisma est.* Christus enim Dei unigenitus dicitur genitura propriè sumpta: quia Deus verus, ejusdem cum Patre essentia, ut supra multis ostensum: Fideles verò nati ex Deo, & filii Dei appellantur, per metaphoram, seu similitudine quadam: ob gratuitam regenerationem spiritualem, qua imagine Dei sunt donati. Denique quod ait: *Vocis etiam unigeniti sensus ex eo clarè percipi potest, quod Deus ita mundum dilexisse dicitur, ut Filium suum unigenitum dederit: Nati si istic unigenitum aliter quam unice dilectum atque omnium charissimum interpretatus fueris, plurimum ponderis illi sententiæ detraxeris.* Negatur Consequentia: Nam licet vox unigenitus, non notet unice dilectum: id tamen connotat, per consequentiam necessariam, quia Deus Pater non potest non maximè amare Filium suum unigenitum, unius ejusdemque essentia communione sibi conjunctissimum. Hactenus jam confutata est prima Socini expositio: qua Christum, non genituræ sed dilectionis causa, Filium Dei unigenitum appellari asseruit. Verum quia alias etiam expositiones subjunxit, non ut consentaneas, sed ut dissentaneas; usus disjunctiva particula *vel*, non autem conjunctiva &, ipsum sibi contradicere ostendimus, cum concludit, non genituram unicum, sed dilectione potissimum, Dei Filium unicum appellari. Cui sententiæ suæ, disertè contradicit, in refutatione Wieki de divinitate Filii & Spiritus Sancti; cum genitura filium dici statuit, & quidem triplici, ut vocat filiationis gradu. Cui errori quasi fundamentum præmittit doctrinam de generatione filiorum Dei: quod quia ad illustrationem pertinet, ipsius verbis proponemus. *Filii dicuntur ab eo geniti, per similitudinem aliquam, quam cum eis habent, qui ex alicujus substantia generantur; hæc siquidem propriè dicta est, tum generatio, tum filiatio. Habent inquam, considerati respectu Dei: quemadmodum illi respectu ejus, ex quo sunt geniti. Hæc autem similitudo duplex esse potest: aut videlicet in ipsa persona: aut in modo existendi. In ipsa persona intelligo: ut quemadmodum ii, qui ex substantia alicujus generantur, similes sunt, & substantia, & qualitatibus illi ex quo sunt geniti, sic isti Deo sint similes in iis quæ Deo sunt propria, cujusmodi sunt sapientia, sanctitas, immortalitas, dominatio, &c. In modo autem existendi intelligo; vel quia ut existerent tales, Dei actio & operatio intervenierit, ut actio & operatio interveniens illius, ex cujus substantia quis sit generatus, ad hoc ut ei simi-*

*lis existeret: vel quia ipsum suum esse, seu quod simpliciter existerint, ex tali Dei actione & operatione habeant, quæ aliqua ratione actioni & operationi respondeat illius; ex cujus substantia quis generatus, unde habuit, ut existeret.* Hisce à Socino substratis, proximè subjicit: *Hujus autem rei quam postremo diximus, nullum revera exemplum habemus, nisi in Christo Jesu, qui ut supra docuimus hoc ipsum quod existerit, id est, conceptus & natus fuerit; ex tali Dei actione & operatione habet, quæ viri gignentis actioni respondet, quod nec in Angelis, nec in ulla alia re creata contigit, adeo, ut quatenus simpliciter existunt, non geniti à Deo, sed creati tantum dici possunt, quicumque præter Christum Filii Dei appellantur. Christus verò quatenus simpliciter existit, non creatus modo à Deo, sed etiam ab ipso genitus merito dicatur. Ex quo, ut dictum fuit, consequitur, ut naturalis Dei Filius jure appellari queat, & quidem solus naturalis ac propterea unigenitus, ac præsertim inter homines, quorum respectu unigenitus Dei Filius est appellatus.* Hactenus Socinus: unde aliis omiſſis, quæ ex superioribus confutantur abundè, sic breviter concludimus: Si Christus idcirco dicatur unigenitus, quia solus generatus est à Patre: Ergo falsò Socinus antea tradidit, eum non genituram, sed dilectione Filium unigenitum appellari. Deinde veritati etiam repugnat. Nam Christus proprius est Dei Filius, Rom. cap. 8. & Deus Pater proprius illius Pater, Johan. cap. 5. ut antè probavimus: Ergo ex illius substantia genitus: non autem improprius similitudine tantum Filius, ut Socinus tradit. Deinde neque etiam genitus dici potest ratione humanæ naturæ à Patre; quia eateenus *κατὰ τὸν*, Heb. cap. 7. & quia à Virgine genitus; Eoque falsum est, aliquam creatam substantiam, ut Socinus vult, utero Virginis à Spiritu sancto immisſam, aut in eo creatam, quæ cum Virginis substantia conjuncta carnis Christi sit materia; quod merum Socini, sine Scripturæ autoritate figmentum. Denique neque illud etiam ipsum efficeret unigenitum Dei Filium, imò neque Filium. Nam creatio partis materiæ corporis, non magis dici potest generatio: quam totius naturæ rationalis creatio: Et ad generationem veram requiritur ejusdem naturæ rationalis communicatio.

Verum quia causas & gradus, quibus Christus Filius Dei, & quidem unigenitus dicatur, plures constituit Socinus: neque plenè ac perfectè Christum Filium Dei fuisse ab initio conceptionis ac nativitatæ contendit: operæ pretium erit, si explicationem illius proferamus. *Videamus (inquit contra Wiekum p. 238.) Quomodo Jesus Christus sit Dei Filius. Jam dictum est, eum Dei Filium naturalem esse, propterea quod natus sit Dei Filius. Verum cum filiatio ex Deo, similitudine potissimum contineatur, quam quis cum Deo habeat: potest ipse Christus, quatenus propter hanc causam (præter illam quod existentiam suam per Dei actionem & operationem habet similem, ei, per quem existunt ii, qui ex Patris sui substantia sunt geniti) Filius est, non modo naturalis, sed etiam adoptivus Dei Filius dici, eo sensu, quo, ut dictum est, Scriptura homines Christianos adoptivos Dei filios vocat, nempe quia similitudinem quam cum Deo habet, non in ipso conceptu & nativitate habuit, sed postea ex Dei dono & gratia illam adeptus est. Quæ quanto major & multiplicior, ut ita dicam, indies in illo fuit: tanto excellentior Dei Filius est factus, & non semel, neque una ratione à Deo genitus, &c. per adoptionem ejus cum Deo similitudinis, quam antea vel omnino non habuit, vel non tantam. Quæ duo postrema, quia probationem desiderabant: idcirco eam adferre conatur adversarius; prius quidem hoc modo: *Similitudinem cum Deo immortalitatis non habuit Christus ante resurrectionem suam, propterea merito, Actor. 13. v. 33. verba Psalmi: ego bodie genui te, ad Christi resurrectionem retulit.* Sed negatur Consequentia: Nam resurrectione Christus genitus dicitur non propriè, sed impropriè, per metonym. subiecti pro adjuncto, id est, à Deo Patre genitum, ac Filium ejus esse, declaratum notat: quemadmodum Rom. cap. 1. dicitur *declaratus Filius Dei, per potentiam, secundum Spiritum Sanctificationis, ex resurrectione mortuorum.* Nam quod Socinus ait: *dici definitum*, idque constitutum propriè significare: ideoque indicare ante resurrectionem Filium Dei plenè ac perfectè non fuisse: figmentum est, ratione destitutum & à vocis *εις* & *εως* significatione & usu alienum. Nam ea vox, à nomine *εως* h. e. terminus ac finis deducta, propriè terminari ac finire*

*finiri* notat : & per metaphoram, à re corporea petitam, *de-cernere*, vel *desinire* seu *declarare* significat. Quo postremo Chrysost. Græcæ suæ linguæ opumè gnarus, hoc loco similiter exposuit. Sic etiam nihil est magis usitatum, quam ut definitio, quia rem declarat, *ὁ ἀρχὴ* à Græcis appelletur. Quod autem *ὁ ἀρχὴ* definitum, id est, constitutum, atque effectum propriè significet, temerè ac sine ulla probatione ab adversario asseritur : ut res ipsa etiam indicat, fictam eam significationem huic loco minimè congruere. Nam cum Filius Dei dicatur disertè factus ex femine David ante resurrectionem : inde apparet, non dici postea factum esse Filium per resurrectionem : sed contrà declaratum, id quod erat : nempe non solum Filium Davidis secundum carnem : sed etiam Filium Dei, secundum Spiritum, per resurrectionem à mortuis : cum carnem assumptam potentiâ Spiritus, seu divinæ suæ naturæ, à mortuis suscitavit ut Joh. 2. v. 19. & 21. & 10. v. 17. & 18. Quamobrem falsò & ineptè Socinus ita concludit : Christum ante resurrectionem Dei Filium plenè ac perfectè non fuisse : cum illi & immortalitatis, & absolutæ dominationis cum Deo, similitudo deesset. Nam immortalitatem humanæ naturæ, vel dominationem supra reliquas creaturas tributam, Filium Dei effecisse, nec probat, nec probare potest adversarius : & Filium Dei ante carnis suæ resurrectionem non fuisse immortalem, neque universorum Dominum, omninò falsum est & S. literis contrarium. Nam in principio erat Deus : & vitæ erat in ipso : & omnia per ipsum facta sunt, Joh. 1. cum visibilia tum invisibilia, Col. 1. v. 16. & potentiam habebat in se ante resurrectionem carnem suam suscitandi, ut ante ostendimus : quemadmodum revera suscitavit eâ potentia. Id quod à solo Deo & vitæ immortalis fonte peragi potuit. Et tanquam Deus, cœli & terræ creator, ac Dominus omnium absolutus, Heb. 1. v. 2. 10. 14. ab Angelis, ut ministris suis, cum in orbem terrarum introducit, adorandus statuitur, Heb. 1. v. 6. Quare falsum est Christum resurrectione factum revera Filium Dei : cum per eam tantum sit declaratus, id quod ante erat. Deinde falsum est etiam ipsum, qua Filius est Dei, tum primum, adeptum immortalitatem & absolutum imperium ; cum æqualis Patri, ut verus Deus ab initio utrumque habuerit. Ideoque vana est Socini assertio, cum in resurrectione Christi, illius, uti loquitur, filiationem quoque positam esse ; nec antè plenè ac perfectè Filium Dei fuisse, contendit. Deinde alter etiam modus, quo Christum à Deo genitum ac Filium ejus unigenitum dici statuit (quasi ille in similitudine perfectæ sanctitatis & sapientiæ humanæ, post nativitatem accedentis consisteret) manifestè falsus est. Nam 1. Christus qua Filius Dei est, nec sanctitate nec sapientiâ, neque ante nativitatem, neque post eam crevit : sed utramque ab æterno, ut verus Deus habuit apud Patrem & cum Patre : & illuminavit omnem hominem venientem in hunc mundum, & Spiritu suo Prophetas imbuivit : utpote sapientia prima, quæ ante mundum creatum erat apud Deum Patrem, Prov. 8. Deinde falsum est, humanæ naturæ Christi sanctitatem, in conceptione & nativitate fuisse imperfectam ; post nativitatem verò factam esse paulatim majorem & perfectam, ut Socinus asserit. Nam imperfecta hominis sanctitas est *ἀσπεία* seu legis transgressio : Lex enim sanctitatem perfectam ex toto corde, toto animo, tota cogitatione, & omnibus viribus requirit, Luc. 10. v. 27. ac propterea imperfectam damnat, in qua aliquid deest, Deut. 27. vers. 26. Gal. 3. 10. Atqui in Christo concepto & nato nulla fuit *ἀσπεία*, legis transgressio : quia natus est sanctus, nobis per omnia similis, excepto peccato, Hebr. 4. vers. 15. quia talis nobis conveniebat Pontifex, sanctus, innocens, impollutus, segregatus à peccatoribus, Heb. 7. vers. 26. Unde necessariò sequitur : ergò in Christo concepto & nato nulla fuit imperfecta sanctitas, ideoque post conceptionem & nativitatem non est demum paulatim perfecta reddita. Neque quod Socinus è Scriptura obtendit, contrarium demonstrat. Nam quod objicit, Luc. 2. vers. 52. dici : *Jesus autem proficiebat sapientiâ, & statura, ac gratia apud Deum & homines*, illud nihil ad rem ; quia sanctitatis, Christo in conceptione & nativitate collatæ, nulla sit me-

tio : ideoque à statu controversiæ aberrans, in limine impingit adversarius. Si enim objiciatur, sapientiam (cujus hoc in loco fit mentio/sanctitatis esse partem, quod mentis sanctitas in sapientia consistat, illud merito negamus. Nam sapientia quæ sanctitatis pars est ea non est aliud, quam vera Dei & cultus illius ad salutem mandati agnitio. Cui si accedat donum propheticum, Sacras Literas plenius intelligendi, quod ad alios docendos necessarium ; id quidem sapientiam auget : sed sanctitatem insitam non auget, quia illa ab omnibus hominibus, ad sanctitatem seu conformitatem cum lege Dei, non requiritur. Sic Christus ab initio, seu à conceptione & nativitate fuit sapientia, quatenus ad sanctitatem seu legis observationem erat necessaria ac sufficiens, plenè instructus ; sed sapientiæ incrementum, quod ad Evangelii prædicationem, & accuratam Sacrarum Literarum notitiam atque explicationem requirebatur, postea accessit opportunè, cum ad munus propheticum exercendum fuit missus. Cujus sapientiæ incrementum paulatim inde à teneris, Luc. 2. v. 40. inprimis verò anno duodecimo eluxit : cum doctores in templo, suis de religione quæstionibus, exerceret vers. 46. de quo etiam profectu consequente agitur, vers. 52. cum dicitur : *Jesus autem proficiebat sapientiâ & ætate*. Quæ sapientia prophetica in Christo perfecta est, postquam à Johanne baptizatus Patris cœlestis voce, & Spiritus Sancti super ipsum descensu ac quiete, ad munus propheticum est unctus supra confortes & inauguratus, Johan. 1. v. 33. Esa. 11. v. 2. & 61. v. 1. Quamobrem sapientia sanctitatis, quæ in Christo, ad perfectionem legis & salutem requirebatur, in eo fuit ab initio perfecta ; aliàs ipse non fuisset perfectè legi conformis, sed ejus transgressor ac peccator. Sapientia verò prophetica, quæ ad munus propheticum exercendum requirebatur, illa antea ad sanctitatem non erat necessaria : neque paulatim suis incrementis ante missionem ad hoc munus accedens, nec deinde missione perfecta, sanctitatem Christi insitam adauxit ; utpote lege Dei minimè præscripta (quæ sanctitatis tamen norma est) sed tantum tanquam conditio, ad munus propheticum rectè obeundum pertinuit. Hæc quidem de sapientia aucta, ad sanctitatis incrementum in Christo probandum, non objicit Socinus : sed tantum ait : *Quod si perfectam sapientiæ cum Deo similitudinem ab ipso ortu habuisset, certè sapientiâ, ut ætate, proficere, id est, augeri apud Deum & apud homines non potuisset* ; Veruntamen quoniam ab aliis objici speciosè, & ingeniolis auditoribus in mentem venire & scrupulum movere potuissent, solutionem opportunè adferendam existimavimus. Cœterum vocem *gratiæ* urget adversarius ex Lucæ sententia ante posita, cum ait contra Wiekum pag. 243. *De sanctitate, id est, justitiâ & vitæ integritate divina & cœlestes ipsa loquitur, quandoquidem ea in infantem non cadit, & rationis usum in homine ejusque actionem requirit. Hancque non minus quam sapientiam unâ cum ætate in Christo auctam fuisse (quævis prout ætas ferebat semper perfecta fuit) illud indicat quod gratia apud Deum ipsum profecisse Christum Lucas scribit, id est, indies illi gratiorem fuisse, quod fieri non potuisse videtur, si ab ipso ortus initio non solum pro ætate, sed etiam omnino absolute perfectâ justitiâ & vitæ integritate illa, de qua loquimur, Christus fuisset præditus*. Hæc Socinus : qui statum controversiæ ineptè corrumpit, cum causam & effecta ; seu habitum sanctitatis inhærentem, cum actionibus illius sanctis transeuntibus sophistice confundit. Nam sanctitas inhærens perfecta est per se considerata : & vitæ integritatem, seu sanctas actiones (ut causa suum effectum,) certò antecedit, easque perficit ; non autem ab iis perficitur, sed perfecta indicatur : adeò ut sine ulla imperfectione actionibus sanctis ad tempus interdum careat : scilicet cum eas officium à Deo præscriptum, ob naturalem à Deo creatam ac vitii expertem conditionem, non requirit. Quemadmodum Christus in infantia sua actiones sanctas nondum edere poterat, nec debebat : quia usu rationis ad eas necessario, sine ullo suo aut aliorum vitio, ex naturali à Deo creata conditione carebat : ac propterea ad actionum sanctitatem non erat obligatus : Ideoque sanctitas propterea non erat imperfecta. Deinde etiam Christus jam adules, Marc. 4. v. 38. in na-



vi dormiens, sanctitate perfectâ erat præditus: quamvis nullas illius actiones ederet. Neque etiam rationis usu post infantiam, neque excitatione ac vigilia post somnum accedente, perfecta est illius sanctitas; sed actionibus suis talis declarata est: in se verò perfecta, sine ullo sui decremento aut incremento perduravit. Ideo satis hinc liquere arbitramur, quàm vanum sit illud, quod de imperfecta Christi sanctitate in infantia illius adversarius objectat. Quemadmodum etiam nullius est momenti, quod ex incremento gratiæ arguitur, quia posita expositione falsa nititur. Nam quod dicitur apud Lucam Jesus profecisse gratiâ apud Deum, illud explicat hoc modo: *indies illi gratiorem fuisse, quasi gratia, de qua sermo est, passivè acciperetur, & in Deo atque in hominibus fuisse diceretur, non autem in Christo: sed tantum erga Christum; Id quod nec probat, nec probare potest adversarius: cum Christus inde ab initio fuerit Filius Deo charissimus, & perfecta sanctitate præditus, ut modò ostendimus, ideoque perfectè Patri dilectus. Quare perperam ex falso hoc antecedente, concludit fieri non potuisse, ut Christus ab ortu initio, omninò absolute perfecta iustitia fuerit præditus. Quocirca ut falsa expositio corrigatur, apparet ex re ipsa, non gratiam quæ in Deo erat & hominibus: sed quæ in Christo erat crevisse, ut non favorem & benevolentiam Dei & hominum erga Christum: sed per metonym. adjuncti pro subjecto, Christi officium Deo, hominibusque gratum significet, quemadmodum, 1. Petr. 2. v. 19. τὴν γὰρ χάριν, hoc enim gratia est, (id est, res grata) si quis propter conscientiam Dei sufferit: & similiter vers. 20. Si cum benefacitis, tamen afflicti toleratis, hoc gratia apud Deum, id est, res grata Deo, seu officium Deo placitum. Sic etiam hoc loco, crevit Christus gratiâ apud Deum & apud homines: gratiâ hoc est, re grata, nempe sanctarum actionum officio, quæ creverunt: non gradu, quasi imperfectæ essent (cum singulæ fuerint legi Dei perfectè conformes: quia omni ~~circum~~ caruit Christus) sed tantum numero, quia quo diutius vixit, eo plures sanctas actiones, pro officii continuandi ratione & occasione oblata edidit. Quomodo, cum vitæ Christi sanctitas non sit ex imperfecta reddita perfectior, sed continuata: nihil Socinus efficit. Quemadmodum & Angeli electi plures indies sanctas actiones peragunt: & tamen neque sanctitas naturæ eorum, neque sanctitas vitæ seu actionum ex imperfecta fit perfectior: sed perfectionem suam perpetuò retinent. Similisque beatarum animarum & ipsius Christi in cœlis (sanctas actiones, continuo Dei & Ecclesiæ amore, exercentis) est ratio: An ideo tamen Socinus aliquam imperfectionem sanctitatis Christi in cœlo arguere, & inde (ut disputat) Christum nondum plenè ac perfectè esse Dei Filium, concludere ausit? Quare falsa est Socini expositio, de sanctitate Christi, paulatim ex imperfecta perfectiore reddita: & sententia etiam de triplici Christi, ut loquitur, filiatione, quasi ab initio non plenè ac perfectè fuisset Dei Filius: sed paulatim suis gradibus in terris ea in re profecisset, & primum tandem in cœlo collocatione ad dexteram Dei fuisset plenè ac perfectè Filius Dei unigenitus effectus. Atque ita Socini explicationem: qua initium Evangelii Johannis de divina & humana natura impio ausu corrumpere conatus est, satis clarè ex Sacris Literis confutatam speramus. Reliquum est ut ad maiorem veritatis illustrationem ea, quæ in calce illius operis ad defensionem illius adjecit, excutiamus.*

Examen responsionis Socini, ad objecta quædam Martini Czechovitii: offensi explicatione illorum verborum: *Erat apud Deum ille & homo Christus, id est, soli Deo notus.*

**O**bjectio prima est: *Quomodo erat in mundo, si soli Deo notus erat?* occasio objectionis est, quia Socinus p. 14. expositionis initii capitis 1. Johannis ait, *Verbum erat apud Deum, hoc est, Jesus quatenus Dei verbum, antequam existere prædicatione patefieret, soli Deo notus erat, item, in mundo erat: hoc est, inter homines versabatur*, p. 30. Responsio autem Socini ad primam hanc questionem hæc est: *Imò di-*

*ci potest soli Deo fuisse notus: quia in mundo esset, & tamen nullus hominum, ne Johannes quidem Baptista illum tunc temporis nosset.* Verum frustra elabi conatur adversarius. Nam cum inter homines versaretur; quemadmodum nomine & facie, illis omnibus ignotus esse non potuit, (ut Socinus agnoscit,) nisi cæcos fuisse dicamus: sic etiam omnibus: ratione personæ & officii ignotus esse non potuit: quia nonnullis antequam inter eos versaretur aut natus esset, Angeli prædicatione fuit notus: ut Iosepho, & virgini Mariæ, atque Zachariæ; & recens natus pastoribus, Annæ prophetissæ & auditoribus illius ac Symeoni; quemadmodum suprâ ex Matth. 1. & Luc. 1. & 2. distinctè demonstravimus. Quod autem Johanni Baptistæ eo tempore ignotum fuisse objicit; illud de facie illius, non de persona & officio dici posse, suprâ multis perspicuè probavimus. Quia verò elumbem hanc responsionem videtur satis animadvertisse Socinus: aliud effugium quærit: ut opposita conciliet, cum ait: *quod si in mundo esse pro eo accipitur, quod est munus suum exercere, non eodem tempore dicit Evangelista illum fuisse in mundo, quo erat apud Deum: sed hoc in principio: illud autem postea.* Sed quo modo probabit, ut alia omittamus, phrasin hanc generalem, *in mundo erat*, speciatim pro eo accipi debere quod est munus suum exercebat: si probare non potest, quorsum conditionem hanc ineptè proponit? quare constrictus manet adversarius. Atque hæc de prima responsione ad objectionem primam.

Altera est: *Cur Angelis erat notus, si soli Deo erat notus? Angeli enim cecinerunt: natus est vobis Salvator.* Respondet Socinus, vox soli voci Deo conjuncta, posita est, ad exclusionem hominum, non Angelorum. Præterea, etiam si noverant Angeli eum esse Servatorem, non tamen noverant qualis & quantus Servator esset. Verum neutra responsione argumentum solvit. Nam ut secundam (brevioris explicationis gratiâ) expendamus, merum est sine ulla probatione distinctionis figmentum, quod neque cum doctrina Socini antecedente, in expositione cap. 1. proposita, neque cum Sacris Literis consentit. Nam ad prius quod attinet, verba illa: *in principio erat apud Deum*, p. 14. exposuit, quod Jesus, quatenus Dei verbum, antequam Baptistæ prædicatione patefieret, soli Deo notus erat: item quod Jesus verbum & Christus esset, omnibus ignotum prorsus erat. Quare cum hic fateatur adversarius Angelis notum fuisse Jesum esse Servatorem: inde sequitur novisse eos Jesum esse Christum: Ideoque non soli Deo soli id erat notum. Sacris etiam Literis idem repugnat: Nam quomodo ignorare potuerunt Jesum Filium Virginis esse Christum Servatorem, & qualis ac quantus esset Servator; cum clarè à Prophetis id esset prædictum, Genes. 3. & 22. Psalm. 2. & 22. & 110. Esa. 7. v. 9. 11. 53. & 61. Dan. 9. Mich. 5. Deinde quia sua Evangelii prædicatione id patefecerunt. Nam ad personam Christi quod attinet, esse Filium Virginis virtute Spiritus Sancti conceptum ac sanctum, & simul filium Dei, Matth. c. 1. & Luc. cap. 1. ac propterea ~~divinitus~~ Immanuëlem, Matth. 1. Deinde ad officium quod attinet, esse Christum Dominum, Luc. 2. Denique ad beneficia quod attinet, esse Servatorem, Luc. 2. & quidem qualis esset ac quantus Servator, nempe qui populum servaret à peccatis ipsorum, ac Jesus, hoc est, Servator ideo vocaretur, Matth. cap. 1. annuntiarunt: unde meritò concludimus, qui omnino norant Iesu personam, officium & beneficia, illi non ignorabant, qualis & quantus esset Servator. Atqui Angeli ante prædicationem Baptistæ illud norant. Ergo non ignorabant, &c. Nam talem ac tantum Sacre Literæ nobis describunt, ut Prophetarum locis memoratis & Joh. 20. v. 31. apparet. Atque ita vanitas effugii secundi responsionis hujus Socini conspicitur: quemadmodum & primi similis est ratio, cum ait, *cum dictum est soli Deo fuisse notum, homines, non Angelos excludi.* Atque cum Angeli noverint Jesum esse Christum, & illud ipsum clarè annuntiarint hominibus pluribus, Matth. 1. Luc. 1. & 2. quomodo quæso illud soli Deo notum esse potuit. Atque hoc modo Socini ad secundam questionem responsio fatis confutata. Reliquas verò questionem & responsiones, exceptâ ultimâ, brevitas causâ, cum ex antè dictis satis diluantur,

uantur, recensēbimus tantū, ut adversarii sententia melius intelligatur, & impietas illius retegatur.

Tertia objectio est: *Et Sermo erat Deus, quomodo Deus, si ignotus erat?* Responsio Socini est hæc: *Christi divinitas non in operatione ipsa, sed in operandi potestate consistit: & præterea in exactissima rerum divinarum scientia, utraque autem ipsarum prædictus erat Christus, etiam antequam mundo pateficeret.*

Quarta quæstio: *Erat in principio apud Deum. Quomodo erat, cum nondum passus, nondum mortuus erat, nondum resurrexerat, nondum in cælum ascenderat.* Responsio est Socini, imò si erat & ignotus usque ad annos 30. quomodo non apud Deum (id est, soli Deo notus, in principio erat?

Quinta quæstio est, omnia per ipsum facta sunt: quomodo omnia, cum nondum passus, nondum mortuus erat, nondum resurrexerat, nondum in cælum ascenderat, &c. Responsio Socini est, imò cum Evangelista scripsit, ista jam omnia facta erant.

Sexta quæstio: *Et sine ipso factum est nihil, quomodo cum illa quæ superius dicta sunt per ipsum non facta sunt?* Responsio est: dictio universalis ad subjectam materiam, id est, ad negotium Evangelii referenda est. Deinde nihil supra narratur, quod factum sit, præter ipsum Sermonem, per quem eundem non potuit ipse Sermo fieri.

Septima quæstio, in ipso vita erat, ille illuminat omnem hominem venientem in mundum: quomodo illuminat, cum adhuc tunc temporis, etiamsi homo erat, soli Patri notus erat? Responsio est, soli Patri in principio notus erat, non autem postea, cum cepit illuminare.

Octava quæstio: fuit homo missus à Deo: quomodo Johannes de illo testatus est, si jam omnia per ipsum facta sunt, aut si jam docuerit, quid opus erat testificari de eo? Responsio est Socini: hic & huius, & proxime præcedentis, & quinti argumenti fallacia cernitur. Neque enim unica & simplicissima est narratio Evangelistæ, eaque summo ordine digesta, ut ex toto contextu unicuique patet. Igitur etiamsi prius dictum fuerit, per Sermonem facta fuisse omnia; & postea missum fuisse Johannem, non tamen illud prius fuit, hoc posterius: Postquam enim Evangelista de Sermonem quædam in universum dixisset, iterum de ipso narrare incipit, & quædam quæ obscurius antea attigerat, aliquanta clarius exponere. Hæc (inquam ego) Socini verba antè posita recitare suffecerit: quod observatâ scripti Socini confutatione antecedente, ea simul corruant.

Nona & ultima quæstio: In mundo erat & mundus eum non cognovit, quid hoc rei est, quod renatus mundus non cognoscat Christum, cum per ipsum factus sit. Responsio Socini est hæc: mundus est per Christum quantum in ipso Christo fuit, factus, id est, reformatus, tamen eum non cognovit. Nam & Servator mundi Christus dicitur, licet pauci sint, qui servantur. Deinde nihil impedit, quo minus vox mundus varia significatione hoc loco accipiat. Hæc ille. Secundam responsionem hanc supra satis plenè diluimus: prima verò contradictionem includit apertam. Nam mundum à Christo factum esse, id est, reformatum ex sententia Socini: & eundem mundum Christum non agnovisse, hoc est, non reformatum è diametro sibi mutuo adversantur. Nullus enim Christum non agnoscens, reformatus dici potest: quia nova ei forma, manente veteri, non est indita. Quod autem Christus dicitur Servator mundi: sensus non est, omnium hominum in universum, sed electorum: populi sui: Matth. 1. Qui ei dati sunt à Patre, Joh. 10. qui mundus seu universitas electorum reconciliatur Deo, 2. Cor. 5. v. 19. pro quo mundo electorum tantum orat Joh. 17. ideoque eorum tantum est Servator; quia eorum tantum mediator: pro mundo verò reprobos non orat, Joh. 17. ac propterea vanum omnino est, quod de Christo mundi Servatore objicit Socinus.

Atque hæc ad hujus responsionis Socini confutationem diximus.

*Examen loci insignis ac controversi, Johan. 1. vers. 12. & 13.*

**H**Actenus distinctæ in una Christi persona naturæ, divinæ, & humanæ descriptionem, ab Evangelista Johanne cap. 1. ad vers. 15. propositam, adversus varias Soci-

ni corruptelas vindicavimus: Consequens est ut illustrem illam, de fide & regeneratione sententiam, vers. 12. & 13. comprehensam, nonnihil expendamus, & adversus gratiæ Dei hostes, ejus auctoritate abutentes, tueamur. Quod ut commodius peragatur, prius antecedentem rei circumstantiam, (ut connexio cum superioribus rectius intelligatur.) Deinde verò rem ipsam exponemus.

Ad circumstantiam autem antecedentem, quod attinet: ea est duplex: occasio & scopus. Occasio est, partim narratio antecedens, de ingrata Israëlitarum in Filio Dei (qui ad ipsos peculiari supra omnes gentes, gratiâ sese patefaciendo advenerat,) non accipiendo, contumacia: partim erroris & offensæ incautorum lectorum periculum; qui putare potuissent, ea quæ de Israëlitarum vitio dicta sunt, ad omnes eos universè citra exceptionem pertinere. Scopus verò est, hujus erroris atque offensæ anticipatio atque aversio. Medium verò ad hunc scopum destinatum, ac remedium idoneum, est res ipsa, quæ hoc dicto Johannis continetur: *Quotquot autem eum acceperunt, dedit eis ius etiam tunc, ut filii Dei fierent, (nempe) qui credunt in nomen ejus: qui non ex sanguinibus, neque ex voluntate carnis, neque ex voluntate viri, sed ex Deo geniti sunt.* Cujus succincta paraphrasis ac summa totius sententiæ hæc est: quod licet plerique Israëlitarum, Moysis & Prophetarum tempore olim Dei Filium (peculiaris gratiæ adventu ipsos ducentem, ac viam salutis docentem,) non acceperint, ideoque perierint: illud tamen ad omnes Israëlitas universè non pertinere: quosdam enim eorum ipsum vivâ fide accepisse, ejusque dono ac gratia regenerationis, non autem ullis suis viribus Filios Dei fuisse; ideoque hæredes vitæ æternæ ac servatos. Talem autem methodum ac cautionem, in eadem prorsus re tractanda, ab Apostolo observatam, Hebr. cap. 2. apparet. Nam cum v. 9. 10. & 15. incredulitatem ac contumaciam priscorum Israëlitarum, oratione indefinitâ accusasset: illud non de omnibus iis universè vers. 16. Sed de magna eorum multitudine intelligendum v. 17. 18. & 19. exponit. Porro hæc Johannis oratio constat propositione, & expositione illius. Ac propositio est bimebris; cujus subjectum est: *Quotquot autem eum acceperunt:* Attributum verò seu prædicatum est: *Dedit eis ius etiam tunc, ut filii Dei fierent.* Quia verò subjecti expositio deinde subicitur: idcirco eam, ante attributi explicationem, majoris & perspicuitatis & brevitatibus causa præmittimus. Expositio autem hæc subjectum illustrat definitione; & causæ illius efficientis explicatione. Definitio enim declarat quinam sint, qui Filium Dei acceperunt. Cum enim acceptio Filii Dei; alia sit propria; ac corporis manibus peragatur, (ut Matth. cap. 21. v. 39. sub vinitorum parabola Principes Sacerdotum & Pharisei, Filium Dei accepisse, & vineâ ejecisse atque occidisse dicuntur,) alia verò impropria, ac metaphorica, per similitudinem à corporis ad animi actionem derivata: idcirco Evangelista opportunè exponit, non illo, sed hoc modo intelligendum, cum ait: *Iis qui credunt in nomen ipsius;* qua phrasi metaphoricâ similiter usus est Christus, Joh. cap. 5. v. 43. *Ego veni in nomine Patris mei, & non accipitis me: si alius in nomine proprio venerit, ipsum accipietis:* ubi bis accipere pro credere usurpatur, ut etiam Johan. cap. 12. v. 48. *Qui rejicit me, & non accipit verba mea,* hoc est, qui non crediderit iis, ut versu antecedente propriè expresserat. Idemque aliis etiam metaphoris alibi declaratum: qualis est, *venire ad Christum,* Johan. cap. 5. v. 40. & cap. 6. v. 35. & 44. hoc est, in eum credere: Sic hoc in loco Filium Dei accipientes, per metaphoram explicatam, credentes in nomen ejus definiuntur: quod illi sint qui Filium Dei, sese Evangelio patefacientem, & Ecclesiæ servatorem sese offerentem, vivâ fide, quasi manu quadam spiritali amplectuntur. Nam cum credentes in nomen Christi sint duplices: quidam mortuâ & inutili ad salutem fide præditi, Jac. cap. 2. v. 14. 17. 20. 26. (quales multi illi, Johan. cap. 2. v. 23. de quibus disertè dicitur: *Qui credebant in nomen ejus: quibus tamen Christus seipsum non credebatur,* vers. 24.) alii verò vivâ ac salvificâ fide (Galat. cap. 5. v. 6. Heb. cap. 10. v. 39. quæ non simulata appellatur, 1. Tim. cap. 1. v. 5.) credentes: postscriptes hoc loco necessariò intelligantur, quem-

admodum

admodum attributi tituli *filiorum Dei* (oppositè reliquis Israëlitis incredulis) ratio evincit, & eorum credentium ex causa efficiente (divina scilicet regeneratione) expositio clarius adhuc demonstrat: ut quæ solis, vivæ fide præditis citra controversiam convenit. Atque ita apparet, Evangelistam subjecti hujus positione & expositione indicare: quod de Filio Dei, à suis Israëlitis non accepto, sed incredulitate rejecto dictum est, non universè de omnibus pronunciatum: nonnullos enim ex iis ipsum accepisse, hoc est, viva fide illum amplexos. Nam licet non ita expressè totidem verbis illud significet, illud tamen propositionis hujus subjecto perspicuè satis includitur, & orationis non conditionalis, sed absolutæ forma consueta, & orationis sanctæ gravitas necessariò requirit. Nam nisi Filium Dei aliqui recepissent, ineptè atque inutiliter omninò diceretur: *Quotquot autem eum receperunt*: & attributum præstantiæ eorum atque expositio consequens frustra fuisset adjecta. Atque hæc de prima expositionis subjecti parte, seu definitione: qua declaratum, quinam sint, qui Filium Dei acceperunt: nimirum credentes in ipsum: quæ pars ad illustrationem phrasos ambiguarum pertinet. Altera verò causam illius efficientem exponit: remotione primùm causæ falsæ, ut consuetum hominibus errorem corrigat, & quasi noxiam herbam primum evellat: deinde positione causæ veræ, ut rectè sentientes confirmet, & veritas in eorum animis magis radicetur: utroque verò modo Dei gloriæ, & credentium modestiæ, consolationi, ac salutis inserviat. Ac falsam quidem credentium (quatenus scilicet credentes seu fide præditi sunt) causam removet, cum ait v. 13. *Qui non ex sanguinibus, neque ex voluntate carnis, neque ex voluntate viri*, (supple geniti sunt:) Veram contrà ponit, cum addit; *sed ex Deo geniti sunt*. Quorum verborum summa est; non ex generatione aut voluntate humana: sed ex regeneratione divina credentes oriri. Cæterum in remotione tria negantur: quæ diversè ab interpretibus exponuntur præstantissimis; ideoque examen desiderant. Primum (quod negatur scilicet) est, origo credentium *ex sanguinibus*. Quod quidam per enallagen pluralis pro singulari, sanguine usurpari censent: alii verò citra enallagen interpretantur: quod ex sacre Scripturæ testimoniis, & Medicorum consensu, non ex solo patris, sed etiam matris semine generatio existat. Quemadmodum Genes. cap. 3. dicitur: *Semen mulieris conteret caput serpentis*, hoc est, Christus ex virginis sanguine natus, ut Heb. cap. 2. v. 14. explicatur: & Levit. cap. 12. v. 2. *Mulier cum semen dederit* (עֲרֵבָהּ Hebraicè) & pepererit masculum; Denique Heb. cap. 11. v. 11. *Fide etiam ipsa Sara potentiam ad dejectionem seminis accepit, & præter tempus ætatis peperit*. Quod enim vulgatus interpretes, in conceptione seminis, quemadmodum etiam noster, post Erasmus, ad concipiendum semen, verterunt, id phrasi Apostoli non quadrat: quia Græcè non est ἐκ σπέρματος αἰσθηματός, hoc est, ad conceptionem seminis: sed ἐκ σαρκὸς καὶ αἵματος, hoc est, ad dejectionem seminis: ut non de viri illius, nempe Abrahami: sed de ipso Saræ semine intelligatur. Reliqua duo, quæ ab origine credentium ac fidei remouentur, hoc loco Evangelistæ, sunt *voluntas carnis & voluntas viri*. Quæ *carnis & voluntatis* voces diversè explicantur. Nam ad carnem quod attinet, quidam cum Augustino, *carnis* nomine fœminam indicari statuunt, quasi id, quod initio generatim dictum esset, *ex sanguinibus*, jam distinctè explicaretur. Aliis verò, ut clarissimo Beza, minus id placet, & hominis conceptionem naturalem ac carnalem, quæ Spiritui opponitur Joh. cap. 3. exponit: atque ita etiam quidam, verborum quadam congerie, unum idemque, *voluntate carnis, & voluntate viri* significari, ut idem sit quod *ex sanguinibus*, arbitrantur. Verùm *carnis* voce fœminam hoc loco posse ac debere exponi, certis de causis existimamus. Posse quidem: quia illud nihil omninò, si rem ipsam spectemus, habet incommodi, & ad distinctam amplificationem aptum est. Deinde debere etiam sic accipi, quoniam disjunctio carnis à viro, (cum dicitur: *non ex voluntate carnis: neque ex voluntate viri*) id ostendit. Eo enim modo res diversæ per vocem *neque* distingui solent. Si quis autem objiciat, vocem *carnis*

in Sacris Literis frequentissimè hominem notare generatim, non autem speciatim fœminam, verum est: sed non est tamen insolens, ut vox generalis, pro una tantum specie accipiat, per Synecdochen generis pro specie (quemadmodum etiam generalis vox *carnis*, per Synecdochen pro homine speciatim accipi solet) inprimis verò quando expressè ab altera specie distinguitur: ut hoc in loco *carnis*, quæ voluntatem habet, seu homo, distinguitur à viro: unde perspicuè apparet virum ea voce hic non intelligi: sed eam carnem, quæ vir non est, quæque non alia est quam fœmina. Quare hic Synecdoche est generis pro specie, eamque distinctio carnis à viro certo demonstrat. Altera interpretum discrepantia, in vocis *voluntatis* expositione consistit. Quidam enim generationis libidinem intelligunt, atque pro voce *voluntatis* in illius locum, *libidinem* substituunt suæ interpretatione: quemadmodum clarissimus Beza eumque secuti nonnulli transulerunt. Verùm hæc interpretatio non videtur probabilis, hisce de causis: Primum quia hoc modo voci Græcæ, qua Iohannes utitur, nempe *βίβλη* (quæ propriè *voluntatem* notat) impropriad significationem, sine solida probatione usus illius, attribuunt. Nam quod noster interpretes, in suis maioribus ad hunc locum annotationibus, ait; Marc. cap. 10. vers. 35. *τὸ θέλω accipi pro θέλωμι*: illud primùm non est necessarium, dicitur enim θέλωμι, hoc est, *voluntas*, ut quicquid petierimus præstes nobis. Nec enim ea vox, solum desiderium aut optationem designat (ut eò in loco in notis suis noster interpretes tradit) sed firmam voluntatem, quam imprudenti ac vana fiducia Christo patefaciunt. Deinde quid si etiam significaret hoc loco tantum desiderium; inde tamen non sequeretur, libidinem illam carnalem notare, quod tamen erat probandum. Secundò licet etiam alicubi libidinem generationis significaret: propria tamen voluntatis significatione relicta, impropria non esset admittenda, nisi aliqua gravis causæ necessitas hoc postularet. Atqui ea hoc loco nulla est, neque ulla profertur. Præterea quomodo credibile est, Evangelistam unam eandemque generationem carnalem tam operose voluisse tribus vocibus, *sanguinem, libidinis carnis, & libidinis viri* explicare, & quidem cum eas, diversitatis nota (nempe voce *neque*) inter se distinguat? Quocirca *voluntatis* vox, hisce de causis, & quæ doctrinam suppeditat uberiorem ad Dei gloriam, meritò retinenda. Ad sensum enim quod attinet, Evangelista in remotione causæ falsæ, humanas vires à fidei & fidelium origine excludit, quarum prima est generatio propria ac corporalis, ex sanguinibus, hoc est, quod non generentur credentes naturæ vi, quia illa omninò vitiosa est, quemadmodum asserit Pfalteres, Ps. 51. *Ecce in iniquitate sum formatus & in peccato concepit me mater mea*, & Ephes. 2. propterea naturæ filii iræ appellamur; nimirum ob insitam naturæ nostræ, ex primo lapsu corruptæ, vitiositatem. Altera falsa causa, quæ remouetur à credentium ac fidei origine, est voluntas hominis. Ut autem omnem voluntatem hominis clarius excludat, idcirco adhibita distributione illustrat cum dicitur, *neque ex voluntate carnis*, (hoc est, fœminæ, ut ante demonstravimus) *neque ex voluntate viri*: ut eo modo diserte omnem exceptionem tollat. Quo etiam pertinet illud Christi, cum audita fidei Petri confessione subiecit, Matth. 16. *Caro & sanguis non revelavit tibi*, id est, nullus homo tibi revelavit. Atque hæc de remotione falsæ efficientis causæ seu originis credentium in Dei Filium: cui positio veræ causæ opponitur ad Dei gloriam, cum additur: *sed ex Deo geniti sunt*, hoc est, à Deo. Nam vox illa ex sæpissimè non materiam, sed efficientem notat, non solum in authoribus profanis, sed etiam in Sacris Literis frequenter: ut Rom. 11. v. 36. *quia ex eo* (id est, ab eo) *per eum & in eum sunt omnia*; & 1. Cor. 11. v. 12. *ut enim mulier ex viro: omnia verò ex Deo*, ubi in priore parte versus vocula *ex* materiam: in secunda verò efficientem certò notat. Sic 1. Joh. 3. v. 8. *qui facit peccatum, ex Diabolo est*: & vers. 12. *Cain ex malo illo erat*. Sic hoc in loco credentes dicuntur geniti ex Deo, id est, à Deo: & quidem non propriè, sed impropriè per metaphoram. Nam si propriè dicerentur geniti ex Deo: essent ex Dei essentia nati: & per consequens *ἰσχυροὶ* ejusdem cum Deo

Deo essentiae, ac veri Dii, quod falsum est: cum ea sit simplicissima, ideoque omnis partitionis expers. Quare credentes non propriè, sed metaphoricè & improprie ex Deo geniti dicuntur, hoc est, regeniti: ob similitudinem quæ inter carnalem generationem, & spiritualement regenerationem existit. Ea autem similitudo est gemina, quarum una est in semine: altera in vi illius, ad formationem prolis efficaci. Nam primùm, quemadmodum in generatione carnali, ab homine generante, procedit semen carnale, tanquam origo prolis: sic in regeneratione spirituali, à Deo regenerante procedit semen spirituale, nempe verbum Evangelii, tanquam fidei ac credentium origo quædam: sicut de credentibus. 1. Petr. 1. v. 23. dicitur: *Renati non ex semine corruptibili per sermonem Dei vivi* (hoc est, ut v. 25. exponitur) per Evangelium. Deinde quemadmodum ad generationem carnalem prolis, non sufficit semen per se: quia sæpe infœcundum est, adeo ut inde proles non generetur: sed etiam requiritur insita potentia ad formationem prolis efficax: sic etiam in generatione spirituali seu regeneratione, non sufficit per se Evangelii prædicatio, tanquam spirituale semen, ut inde credentes fiant; sed requiritur non insita, sed conjuncta Dei efficacia: hoc est, interna sanctificatio per Spiritum Sanctum, quæ menti habitum fidei, & voluntati habitum charitatis infundat, ut inde actiones sanctæ, virtutis cum fidei; tum charitatis, Evangelio excitatæ oriuntur. Atque hac demum efficaci Dei gratiâ concurrente, Evangelium est potentia Dei ad salutem omni credenti, Rom. 1. v. 16. sine ea verò inefficax est, quemadmodum, 1. Cor. 3. v. 7. dicitur: *neque qui plantat, quicquam est, neque qui rigat, sed Deus, qui dat incrementum*: & 1. Corinth. 2. v. 14. *Animalis homo non percipit ea, quæ sunt Spiritus Dei: stultitia enim ei sunt, neque potest nosse: quia spiritualiter discernuntur*. Ideoque Christus, Matth. 16. ait: *Caro & sanguis non revelavit tibi: sed Pater meus celestis*. Ad quam regenerationem illustrandam eximius omnino est locus Ezech. 36. v. 26. 27. *& dabo vobis cor novum, & spiritum novum dabo in medio vestrum, & amovebo cor lapideum & carne vestra, & indam vobis cor carneum: & spiritum meum dabo in medio vestrum: & faciam hoc quod in præceptis meis ambulabitis, & jura mea observabitis & facietis ea*. Sic etiam Bph. 2. v. 8. 9. 10. *Gratia enim estis servati per fidem: & hoc* (id est, hæc res, ut 1. Cor. 11. v. 24. *hoc est corpus meum*, id est, hæc res, nempe hic panis) *non ex vobis, Dei donum est; non ex operibus, ne quis gloriatur. Nam ipse sumus opus, creati in Christo ad opera bona, quæ præparavit Deus ut in eis ambularemus*. Unde manifestè apparet, primùm regenerationem oriri non à natura generationis carnalis, neque à bona ullius hominis voluntate: sed à mera Dei gratiâ; deinde bona fidei & charitatis opera, esse regenerationis illius fructus, ideoque gloriam eorum, non hominibus, sed Dei & Christi operantis gratiæ tribuenda. Et si enim credere, sit actio credentis; ea tamen non ex ullis hominis viribus naturalibus, sed ex sola regenerationis gratiâ procedit. Atque ita perspicuum est, Evangelistam Johannem meritò ac sapientissimè (ut homini arrogantiam detrahat, & Deo gloriam ascribat debitam) originem credentium explicuisse, quoniam factum sit, quod reliquis Israëlitis incredulis manentibus, quidam crediderint; quod scilicet illud non à generatione è parentum sanguinibus, neque ab ullius scemine aut viri voluntate promanarit: sed quod à Deo sint geniti, hoc est, regeniti, non ratione substantiæ, sed qualitatibus: quod ab eo sanctificati, & fidei habitu quasi vita spirituali sint donati, è qua actiones vitales fidei processerint, seu actus crediderint. Unde consentaneè ait Christus, Joh. 6. v. 65. *Nemo venit ad me, nisi ei datum fuerit à Patre meo, & Phil. 1. v. 13. Vobis datum est, ut credatis*. Ideoque ut falsæ causæ fidei remotio, opportunè ad hominum arrogantiam, in fide & salute, omnino aut partim sibi ascribenda, avertendam pertinet: sic veræ causæ illius positio, gloriam gratiæ Dei amplificat: & ad gratitudinem obedientiæ provocat: ac solida consolatione credentium animos, ex cognitione gratiæ imbuat. Atque hæc tenus de propositionis hujus subjecto, (nempe quæ quæ Filius Dei acceperit) & expositione illius: reliquum præstat, ut attributum seu prædicatum, quo scilicet opus, quæ

propria, sed omn. similiter credentibus communis declaratur, his verbis: *dedit eis iussus & vim dñi*. De quorum verborum & interpretatione & sensu genuino movetur controversia: quæ ex iis, quæ de subjecti expositione protulimus, nunc facilius expeditur. Quidam enim, gratiæ adversarii, & virium humanarum cum Pelagio patroni, *iussus licentiam*, hoc est, potestatem in utramque partem liberam, hoc est, quæ eligere aut rejicere possit: & *vim dñi*, ut fiant filii Dei interpretantur: atque inde concludunt, Deo per Evangelium gratiam & salutem offerente, & gratia sua præveniente, à libero arbitrio, seu à libera in utramque partem ad eligendum vel rejiciendum voluntate existere, ut credant & filii Dei fiant. Alii verò, contra Pelagianos meritò utrumque negant: & verba ita transferunt: *dedit eis potestatem quod filii Dei facti sint*: ut vox *vim dñi* indicat. *Potestatis* autem voce dignitatem intelligunt, quæ in eo posita sit, quod filii Dei facti sint. Quæ potestate ac dignitate inter homines major esse non potest: quod qui ea sint donati, habeant jus, Deum Patrem suum vocandi, & celestis hæreditatis. Liberam verò eligendi aut rejiciendi potestatem non designari, hinc liquet: Nam quod ortum est, non ex voluntate carnis: neque ex voluntate viri, sed ex Deo regenerante: illud non est in libera in utramque partem hominis potestate situm. Atqui quod nonnulli credant in Christum, illud non est ex voluntate carnis, neque viri ortum, sed à Deo regenerante, ut Johannes tradit. Ergo quod quidam credant in Christum, illud non est in libera hominis in utramque partem potestate situm. Deinde quod actionem credendi antecedit, & credentium origo est, illud non est in libera credentium voluntate positum. Atqui Filium Dei fieri, actionem credendi antecedit. Ergo fieri Filium Dei, non est in libera hominis voluntate positum. Propositio inde constat, quod contraria sint inter se: antecedere, & consequi: factum esse, & tamen esse in potentia libera, ut fiat vel non fiat. Quod enim est, non fiet; quod fiet, nondum est. Assumptio quoque inde probatur, quia fieri Filium Dei, nihil aliud est quam à Deo regenitum esse: quemadmodum filium hominis fieri, nihil aliud est quam gigni ab homine: & filium hominis esse, nil aliud quam ab homine genitum esse. Nam filii definitio certa est, qui à parente gignitur est: sic qui credit in Christum, Filius Dei est, qui à Deo genitus est, spirituali scilicet regenerationis gratia: Ex qua gratia antecedente credentes sunt geniti, hoc est, habent suam originem, ut Johannes hic tradit. Ergo credentes sua origine non sunt priores, multò minus ut in eorum libera potestate sit positum, ut gignantur ex Deo aut non gignantur, hoc est, ut filii Dei fiant, aut non fiant. Atque illud etiam non ignorarunt Pontificii doctores semipelagiani, licet orthodoxorum odio à vera sententia declinarint. Cujus rei memorabile in Maldonato Jesuita ad hunc locum exemplum: cujus verba, quia plenius hanc materiam, quam Bellarminus antecessor, tractant, proponenda, & ad majorem ac clariorem veritatis vindicationem examinanda paucis. Sic enim ait: *Placuerat mihi aliquando, quod apud quendam postea interpretem legi iussus, hoc loco non potestatem sed dignitatem honoremque significare, & verbum vim dñi non fieri, sed esse. (Nam id quoque utrumque verbum significat) ut esset sensus: iis qui credidissent in nomine ejus; quique non ex sanguinibus, neque ex voluntate carnis, sed ex Deo nati sunt, hunc honorem, hanc dignitatem tribuisse, ut filii Dei non postea fierent, sed etiam essent. Dissolvens postea, cum magis consideravi, cumque hæc apud hæreticum interpretem legi. Hæc ille. Hæreticum autem intelligit Beza, quem cum Calvino passim indignis calumniis proscindit. Atque inde patet, quod Jesuitæ non raro veritatem vident sensus Scripturæ; sed quia illa ab orthodoxis est explicata, iis invident atque eo nomine rejiciunt. Verum ut hunc nodum adversus virium humanarum patronos, hoc Johannis loco nexum, solvat idem Jesuita, aliam affert interpretationem, nimirum: *Filii Dei hic non intelligi eos, qui ex Deo geniti, sed (ut ait) eos, qui filiorum sunt ut hæreditate, qui in celo, quasi in domo Dei sunt: Ex enim Scriptura propriè filios appellat; intra nos (inquit) gentes, adoptionem filiorum Dei expectantes, Rom. 8. vers. 23. utraque sententia est: ac si duxisset, dedit eis potestatem hæreditatis Dei & coherede**



& cohæredes Christi & suos fieri. Quos enim Paulus, Rom. 1. v. 23. Filios futuros dixit, eodem capite vers. 16. dixerat futuros hæredes. Hac ratione nihil in hoc loco manet difficultatis. Nam iis qui jam verè erant filii Dei, quique non ex sanguinibus, neque ex voluntate carnis, neque ex voluntate viri, sed ex Deo nati erant, potestatem, id est, jus dedit ut hæredes quoque illius fierent, quod est alio sensu, filios Dei fieri. Hæc Jesuita. Quibus verbis objectum sibi nodum non solvit: sed vana expositione ac contradictione seipsum magis implicat, nodumque fortius astringit. Nam 1. cum sole sit clarius, filium generationis propriè significare eum, qui ex parente est genitus: quemadmodum pater propriè est, qui filium genuit; ut definitio utriusque evincit: Jesuita agnoscit quidem natos ex Deo, verè filios Dei esse: sed aliam præterea filiorum Dei significationem affingit, ut idem sit quod hæreditate Dei in cælo frui. Deinde absurdus etiam addit, quod eos Scriptura propriè filios appellet; Neutrum enim ex Scriptura probatur: quia quod ex Apostolo, Rom. 8. v. 23. objicit *geminus adoptionem filiorum expectantes*: illud nihil omnino ad rem facit. Nam *adoptio filiorum* hoc loco non potest accipi propriè (ut adversarius statuit) quia omnes credentes, cum Spiritu Dei agantur, sunt filii Dei, ib. v. 14. & acceperunt Spiritum adoptionis in filios, quo clamant Abba Pater: & ipse Spiritus testatur una cum Spiritu nostro, nos esse filios Dei, v. 15. & 16. Sed *adoptio in filios* in loco objecto impropriè accipitur, pro adoptionis illius, per resurrectionem gloriosam, patefactione: ut verba proximè subjecta definiunt, qua resurrectione gloriosa non fient, sed patefient filii Dei, ut 1. Joh. 3. v. 2. Nunc filii Dei sumus, & nondum patefactum est, quod erimus. Scimus autem cum ipse patefactus fuerit, fore ut videamus eum sicuti est. Idemque antecedentia Pauli verba demonstrant v. 19. Nam creatura quasi exerto capite expectat revelationem filiorum Dei: Ergo credentes filii Dei facti sunt, sed nondum gloria eorum patefacta: ut v. 21. memoratur, sperari gloriam filiorum Dei, utpote qui non filii sperentur futuri, sed sint reipsa; nec tamen gloriosi sint, sed demum futura expectetur gloria. Deinde quod dicit Jesuita: *Itaque perinde est, ac si dixisset, dedit iis potestatem hæredes Dei & cohæredes Christi ac suos fieri*: illud sententiæ ab ipso propositæ manifestè contradicit. Nam hæredem fieri, in terris contingit, non autem in cælo: hæreditate vero frui, in cælo sit, non in terris. Quicumque enim filii Dei sunt, sunt etiam hæredes: hæredes Dei, cohæredes verò Christi, Rom. 8. v. 17. atqui omnes in terris credentes sunt filii Dei, vers. 14. 15. 16. ut etiam adversarius profitetur: Ergo omnes in terris credentes, sunt hæredes Dei. Quod autem sunt, ejus rei liberam potestatem non possunt accipere, ut in cælis id demum fiant. Quod enim, ut ante monuimus, fiet, illud nondum est; & quod est, non fiet. Deinde falsum etiam est, quod subdit: *Quos Paulus Rom. 8. v. 23. filios futuros dixit, eodem capite vers. 17. dixerat futuros hæredes*: Imo verò inquam contrarium ab eo dictum, jam ante evicimus. Quare falsa omnino est assertio qua ait: *hac ratione, nihil in hoc loco manet difficultatis*. Contra enim ex falsa illius expositione, & elumbi probatione: denique ex perspicua contradictione, auctam difficultatem jam modo demonstravimus. Ac vana etiam est, quam inde deducit, conclusio hujusmodi: *Cum enim dicit, alios recepisse, alios non recepisse, quis utrorumque non videt libertatem, qua illi noluerunt recipere, isti voluerunt? Et cum dicit, dedit iis potestatem filios Dei fieri, quis non animadvertit liberam eorum indicari voluntatem, si perseverare velint, si non, degenerare?* Hæc Jesuita. Quæ jam, confutatis hujus conclusionis fundamentis simul corruunt: ideoque merito contrarium ex iis coronidis loco deducimus. Cum enim Evangelista asserat, quosdam Christum recepisse, hoc est, in eum credidisse; eosque esse, qui non ex sanguinibus, neque ex voluntate viri; sed ex Deo geniti sunt; quis non videat causam hujus discriminis tradi, cur cum alii non crediderint, quidam crediderint, non à voluntate ullius hominis, sed à Dei voluntate ac regeneratione gratuita oriri? ut etiam Jac. 1. v. 18. de Deo dicitur: *Is sermone veritatis, quia voluit, genuit nos*. Atque inde ex hac generatione spiritali fides (hoc est, fides actualis) oritur, ac fructus Spiritus (id est, doni

regenerationis seu infusæ sanctitatis per Spiritum S.) appellatur, Gal. 5. v. 22. ac Dei donum, qui nos per Christum creavit ad bona opera, Eph. 2. v. 8. 9. 10. statuitur. Deinde cum à natura, voluntati inditam eam statuunt potestatem Pontificii, ut Evangelio prædicato & communi Dei auxilio præcedente, homines credant vel non credant; ejusque potestatis usum causam esse proximam, cur quidam credant, alii verò non credant: sequitur non esse donum Dei credentibus proprium; & contra si sit donum Dei credentibus proprium, non esse à voluntatis liberæ natura. Cumque illam potestatem communem statuunt etiam iis qui audito Evangelio non credunt; quomodo quæso credentium donum, oppositè non credentibus, hoc loco verè dicitur? Præterea quis non videt Jesuitam versione sua, cum ait: *Dedit iis potestatem filios Dei fieri, aut ut fiant*, sententiam Evangelistæ pervertere. Nam verbum *ἔδωκεν*, cum sit aoristus 2. medius, non solum significationem habere potest temporis futuri, sed etiam (pro aoristi natura) significationem præteriti, quod adversarius ipsemet agnoscit in hujus loci explicatione: cuius etiam exemplum perspicuum apparet, 1. Thess. 1. v. 7. *ὅτι ἡμεῖς ὑμᾶς τοῦτο*, hoc est, (ut vulgatus interpres rectè vertit:) *ita ut facti sitis forma*: seu ut noster interpres habet *exemplar*: non autem *ut fiat*. Atque hoc modo debere apud Johannem significatione præterita accipi, ex reipsa demonstratum. Deinde ex verbis Evangelistæ quoque probatum est, non posse vocem *potestatis*, hoc loco significare liberam hominum voluntatem; sed jus ac certam dignitatem supra alios: quod scilicet facti sint filii Dei. Cujus potestatis & in alios juris amplitudo, in eo posita est, quod carne, Satana ac mundo sint superiores, 1. Joh. 5. v. 4. & 18. Deinde quod omnia eorum salutis inservire oporteat, unde Paulus, 1. Cor. 3. v. 22. & 23. ait: *sive Paulus: sive Apollos: sive Cephas: sive mundus: sive vita: sive mors: sive presentia: sive futura, omnia vestra sunt*. Denique quis etiam non videat Jesuitam, altero conclusionis suæ membro, veritati, Sacris Literis disertè explicatæ, contradicere, quando ex potestate filiorum Dei concludit indicari, quasi perspicuum, liberam perseverandi aut degenerandi voluntatem. Etenim Sacre Literæ contrarium docent: quemadmodum expressa Iohannis sententia demonstrat, 1. ep. 3. v. 9. *Qui natus est ex Deo, peccatum non facit: quia semen manet in eo, nec potest peccare*, (peccato scilicet dominante, quod ad mortem ducit) *quia ex Deo natus est*. Verum quidem est, credentes habere potentiam defectionis à sanctitate sua & hæreditate salutis principium duplex (quod tamen Dei donum non est, sed creaturæ vitium Deo repugnans) unum internum atque insitum: nempe carnis (seu vitiositatis naturæ corruptæ) reliquias, quæ spiritui (seu sanctitati fidei & charitatis, per regenerationem Spiritus S. donatæ) adversantur, Gal. 5. v. 17. Alterum est externum: nempe mundi infidelium, ac principis illius mundi, Satanæ, tentationes; partim fraudulentæ; partim violentæ: adeo ut licet Spiritus sit promptus, subsidio tamen divino si destitueretur, succumberet: atque ita credentium sanctitas non solum secundum quid deficeret, hoc est, quod imminueretur (quod interdum, Deo auxilium Spiritus sui, castigatione iusta, ad tempus subducente, accidit, quemadmodum Davidis, Psal. c. 51. v. 12. & 13. & Petri, Matth. cap. 26. v. 70. 72. 74. exemplis constat) sed etiam simpliciter seu omnino extinguere, Luc. 22. v. 31. & 32. Nunquam tamen illud evenit: neque per accidens proprium, carni, mundo, & Satanæ oppositum, atque potentius, evenire potest, hoc est, propter adjunctum conservantis potentissimæ Dei gratiæ auxilium: quo credentium sanctitatem fovet ac tuetur: ut carne, mundo, Satana superiores evadant: Johan. 10. v. 28. & 29. *Oves meas nemo rapiet de manu mea*, &c. & 1. Pet. 1. v. 5. servari dicimur præsidio virtutis Dei, per fidem ad salutem: & Luc. 22. vers. 32. *Oravi pro te, ne deficiat fides tua*. Cujus auxilii divini succurrentis ratione, de credentibus etiam dicitur, Rom. cap. 6. vers. 14. *Caro vobis non dominabitur, non enim estis sub lege, sed sub gratia*, scilicet servante ac conservante, adversus peccati vires: ut vers. 6. & 7. declaratum: & 1. Johann. 4. vers. 4. *Vos ex Deo estis, filii, & vincitis eos quia potentior est qui est in vobis, quam qui in mundo*

*mundo est: & 1. Joh. 5. v. 18. Scimus quod quisquis natus est ex Deo, non peccat: sed qui genitus est ex Deo, conservat seipsum: & malus ille non tangit eum.* Ideoque vanum est, quod nonnulli, ut locum Joh. 10. v. 28. eludant, objiciunt, fore quidem ut nemo oves Christi ex manu ipsius eripiat, ipso invito; sed tamen si ipsæ oves, sua stoliditate & malitia, à manibus Christi recedere velint, invitas non retinebit. Quasi verò inter hostes, qui oves à manu Christi eripere student, caro propria hominis non contineretur. Deinde cum Christus sit pastor bonus, non solum ab hostibus, sed etiam à stolido errore oves, licet interdum invitas revocat: & ne prorsus deficiant, conservat: aliàs fides pastor non esset, qua ratione, locis jam citatis, credentes etiam sese servare, quod amplius est, dicuntur: quod ad eam rem Deus iis vires suggerat necessarias & efficaces. Quamobrem ex hoc examine satis liquere arbitramur, Jesuitæ conclusionem, ex perversa verborum Evangelistæ expositione deductam, omnino esse falsam. Antequam verò finem faciam, ut omnis scrupulus removeatur, & veritas explicata sit clarius: non alienum erit, si duo, quæ ante dictis ob stare videntur, nonnihil expendamus. Unum est ex Matth. 5. ubi v. 44. & 45. dicitur: *Benefacite iis qui oderunt vos, &c. ὁπως ᾗνα ᾖ, ut sitis filii Patris vestri:* Ergo *ἡ ἀγάπη*, seu filiorum Dei effectio, est effectum antecedentis obedientiæ ac beneficentiæ credentium. Verum negatur consequentia: quia hæc phrasidis non necessariò significat tantum ejus, quod nondum est, effectio; sed interdum per metonym. subjecti pro suo adjuncto, ejus quod est, patefactionem: ut Joh. 15. v. 8. *In hoc glorificatus est Pater meus, ut fructum multum adferatis, & eritis mei discipuli;* hoc est, patefiet vestrales esse: Id quod res ipsa demonstrat: Nam Christus hac tota concione alloquitur tantum Apostolos suos ac revera discipulos: ut inde à c. 13. apparet, ac propterea quod jam ante erant, non demum postea fieri poterant: sed patefieri, ut cap. 13. v. 35. *Ex hoc omnes cognoscant vos esse discipulos meos, si charitatem habueritis alii in alios.* Deinde non solum ita potest hoc loco Matth. similiter exponi: quia sententiam veram continet: sed etiam debet: quia contraria expositio, quæ obtenditur, orationis contextui repugnat. Nam non solum dicitur: *ut sitis filii*, (quasi jam non essent) sed addit Christus, *Patris vestri:* Ergo reverà ostenditur eos esse filios; filii enim definiuntur (ex relatorum natura) qui habent Patrem. Deinde benefacere osoribus suis & pro iis rectè precari; sunt effecta filiorum Dei, non autem causa efficiens eorum. Nam bonos fructus facere, nisi ex Deo natus & fide Christo insitus, nemo potest, Ioh. cap. 15. vers. 4. & 5. *Sicut palme non possunt ferre fructum à semetipso, nisi manserit in vite: ita & vos, nisi in me manseritis; Ego sum vitis, vos palmites: is qui manet in me, & in quo ego, hic fert fructum multum: Nam absque me nihil potestis facere:* & Ephes. cap. 2. vers. 10. *Per Christum creati sumus ab bona opera, quæ præparavit Deus ut in iis ambulemus.* Atque hac objectionem soluta; solvitur eadem operâ, quod Jesuita statuit de duplici credentium *ἡ ἀγάπη*: antecedente quidem per regenerationem facta, qua geniti dicimur ex Deo: consequente vero, qua in cælo hereditate cælesti fruamur. Etsi enim de iis qui filii Dei jam erant, dicitur: *ut sitis filii*: altera tamen *ἡ ἀγάπη* non indicatur, sed primæ atque unicæ patefactio in terris, per bona opera facta declaratur. Nam Christus hic non loquitur de eo, quod in cælis, sed quod in terris futurum erat, nimirum si inimicis & infestis benefacerent (quod in hac vita fit, non autem in cælo fiet) tum fore filios Dei, cum hoc faciant: ut etiam v. 48 ait. *Estote igitur vos perfecti, ut Pater vester, qui in cælis est, perfectus est:* Ubi perfecti, eoque & filii Dei, non in cælis sed in terris: distinctè à Patre (qui in cælis esse dicitur) intelliguntur. Sed alter accedit locus, quem Socinus contra Wiekum, p. 238. adducit ex Luc. c. 20. v. 36, *Neque enim mori possunt amplius: Pares enim sunt Angelis & filii sunt Dei, cum sint filii resurrectionis.* Unde concluditur: Ergo qui regeneratione sunt filii Dei, à alio postea modo fiunt Dei filii, nempe resurrectione: Ideoque rectè à Jesuita ante dictum, duplicem esse *ἡ ἀγάπη* seu veram filiorum Dei effectioem, eamque à Iohanne indicatam, cum natis à Deo credentibus,

datam potestatem ut filii Dei fiant, asseruit. Verum negatur Consequentia: Nam in hisce verbis objectis scopus est, probare id, quod vers. antecedente, contra Sadducæorum objectionem, de incerto (posita resurrectione) conjugio futuro in altera vita dixerat: nimirum, quod *qui digni habiti fuerint, qui seculum illud consequantur & resurrectionem ex mortuis, neque ducant uxores, neque nuptum dentur.* Medium seu argumentum ad illum scopum probandum hoc versu subjicitur: *neque enim mori possunt amplius, ac propterea neque conjugia celebrantur.* Hoc enim tanquam certum & notum ex Genes. 1. v. 28. præsupponitur, Conjugia divinitus instituta ad generis humani propagationem, ut crescant & multiplicentur homines: & post lapsum, ut ab interitu vindicarentur, quod in altero seculo ac vita, cum non amplius mori possunt, non erit opus. Quod autem non amplius mori possunt, probat Christus bifariam. 1. Quia sunt pares Angelis: qui omninò immortales: Deinde quia sunt filii Dei, filii resurrectionis existentes, hoc est, non simpliciter filii Dei: sed etiam *resurrectionis filii*, hoc est, per tritam Scripturæ phrasin, participes illius, ut Matt. 13. v. 38. & Ephes. 5. v. 6. & 8. & 1. Thessal. 5. v. 5. seu tales qui resurrexerunt, ac propterea immortales ac gloriosi effecti. Qualis filiorum Dei resurrectio, quemadmodum 1. Corinth. 15. v. 53. & 54. dicitur: *Oportet enim hoc corruptioni obnoxium induere incorruptam naturam: & hoc mortale induere immortalitatem. Cum autem hoc corruptioni obnoxium induerit incorruptam naturam, & immortale hoc induerit immortalitatem; tunc fiet illud quod scriptum est: Absorpta est mors ad victoriam.* Ideoque in objectionem proposita, illorum verborum τῶν ἀνθρώπων, οἱ οὐ μένουν, cum sint filii resurrectionis, interpretatio, etsi vulgo recepta: tamen neque necessaria est, neque sententiæ satis consentanea. Non necessaria: quia magis propriè reddi potest, *filii resurrectionis existentes*, ut ante ostendimus: ut eo modo non causa exponatur efficiens, qua filii Dei fiant: sed ut filii Dei in altero seculo ac vita, à seipsis in hoc seculo constitutis, distinguantur hoc adjuncto resurrectionis; ut modo exposuimus. Deinde illa interpretatio vulgata, eo sensu qui objicitur à Socino non est sententiæ Christi satis consentanea. Nam sequeretur Christum uti hoc loco, hac ratione infirmam. In altero seculo viventes, non posse amplius mori, duabus de causis: Prima, quia sunt pares Angelis: Deinde quia sunt filii Dei. Atque etiam in hoc seculo sunt filii Dei, & tamen morti obnoxii, atque ita infirma esset hæc ratio secunda: aut si ratio non esset, temerè poneretur: quorum utrumque à gravitate Christi & sanctitate alienum. Contra verò firmissima est ratio, addita sequenti descriptione filiorum Dei, ab adjuncto resurrectionis: quia ut filii Dei in hoc seculo mori possunt; sic contra filii Dei in altero seculo, post resurrectionem mori amplius non possunt; quod scilicet ea sit non ad mortalem, sed ad immortalem ac beatam æternamque vitam. Quare quod ait Socinus: *Christus siquidem ipse affirmat, eos qui digni fuerint habiti seculo illo futuro & resurrectione ex mortuis, fore Dei filios, ob id quod resurrectionis sint filii* Luc. 20. v. 36. (ubi vocem ὄντες, ut errorem suum de Christo, per resurrectionem facto Dei Filio fucaret, perperam interpretatur) consistere non potest. Contra verò ex hoc loco, Ioh. 1. v. 12. 13. meritò non solum Orthodoxi, sed etiam Jesuitæ rectè adversus Socinum aliosque Deitatis Christi hostes concludunt, Iesum Christum non solum esse hominem, sed etiam verum & æternum Deum: quia dare potestatem filiorum Dei seu regenerare, est opus Dei proprium, quod Christo tamen hoc in loco tribuitur.

*Examen illustris doctrinæ quæ Iohan. 1. vers. 14. sine & sequentibus quatuor continetur.*

**M**emorabilis atque explicatu dignissimus hic est locus, non solum ob rem ipsam, quæ eo proponitur; sed etiam ob expositionem, quæ à non paucis tradi solet insignibus interpretibus; partim ut videtur minus plenam; partim varietate quadam intricatam. Quamobrem ut genuina illius sententia uberius intelligatur, & difficultas quæ movetur, facilius discutiatur: illius etiam examen, succincta brevitate, instituere conabimur.

Ut autem illud commodius præstetur, methodum Evangelistæ

angelistæ strictim præmittimus. Etenim ut summatim, initio hujus Evangelii, Christi descriptio continetur; sic distinctè in ea duo primaria sunt capita. Primum enim persona: deinde qualitatis personæ præstantia declaratur. Ad personam quod attinet, ea ab essentia divina simul & humana describitur, quod scilicet sit *θεῖος* seu Deus homo factus. Ac Deum quidem esse, à primo versu ad 14. Hominem verò factum, vers. 14. ad finem explicatur: & utrumque patefactum atque Evangelistæ aliorumque Apostolorum experientia compertum, ibidem ad majorem rei fidem designatur. Alterum verò, quod in descriptione Christi subjicitur, nempe qualitatis personæ illius præstantia, in fine vers. 14. recensetur, quod Christus plenus sit gratiæ ac veritatis. Quæ duo descriptionis Christi membra, sequentibus confirmantur. Persona quidem *θεῖος* vers. 15. Præstantia verò qualitatis illius vers. 16. & sequentibus. Quorum omnium scopus est ut credamus Jesum esse Christum Filium Dei, & credentes vitam æternam habeamus in nomine ipsius, Iohan. cap. 20. vers. 31. Ac priorem partem descriptionis Christi, quæ de persona illius, divina & humana natura constante, agit, jam antè in Socini confutatione exposuimus: posterior verò, cum utriusque partis distincta probatione, restat explicanda. Posterior autem descriptionis Christi pars, quæ qualitatis illius præstantiam tradit, in fine vers. 14. comprehensa est his verbis: *Plenus gratiæ & veritatis*. Quæ non cum proximis verbis: *Vidimus gloriam ejus ut unigeniti à Patre*: sed cum prima parte sunt construenda: alioqui vitiosa foret constructio, ut rectè interpretes observarunt. Hæc autem descriptio est bimembris: prius autem membrum naturæ, est subjectum: nempe personæ Christi qualitas; *gratia & veritas*: adjuncta verò præstantia, est utriusque plenitudo. Ad prius quod attinet, quia *gratia & veritas*, pro materiæ subjectæ ratione, diversâ significatione usurpantur, propterea ante rem ipsam distinctè vocum explicationem præmittimus. Nam *χάρις* Gracè, hoc est *gratia*, interdum benevolentiam ex mera liberalitate promanantem notat: atque benevolentiam, operibus debitæ, opponitur, quemadmodum Rom. cap. 11. vers. 6. *Si autem ex gratia, non jam ex operibus: alioqui gratia jam non est gratia: sin ex operibus, jam non est gratia, alioquin opus non est opus*. Interdum verò per metonymiam efficientis pro suo effecto *χάρις* nihil aliud est quam *χάρισμα* sive *δωρεά*, hoc est, donum ex gratia illa profectum: & quidem vel generatim quodvis: vel per Synecdochen speciatim donum, ob excellentiam suam, generali significatione intellectum. At generalis quidem significationis exemplum extat, & expositio illius luculenta, Ephes. cap. 3. vers. 8. *Mibi data est gratia hæc Evangelizandi inter gentes*: hoc est, donum gratiæ Dei, sicut vers. 7. antecedente propriè, de eadem prorsus re expressum est. Specialis verò significationis exemplum est, Rom. cap. 1. vers. 5. *Per quem accepimus gratiam & apostolatam*: ubi *gratiæ* vox, donum justificationis ac reconciliationis cum Deo notat: de qua re, 1. Timoth. cap. 1. vers. 13. & 14. ut etiam eadem vox accipitur Rom. cap. 5. vers. 20. *ubi auctum est peccatum, superabundavit gratia*. Atque hæc de voce gratiæ; quantum quidem ad hujus loci intelligentiam necessarium.

Quare strictim voce *gratiæ* explicatâ, ut ambiguitas tolleretur, ad rem ipsam procedemus. Cum autem hæc qualitas, Deo homini facta, seu Christo tribuatur, quæstio duplex emergit: una de subjecto, seu quatenus Christo tribuatur: altera de ipsa attributâ qualitate, quidnam ea hoc loco significet. Ad priorem quæstionem quod attinet, (quantum observare potui) plerique doctiores interpretes prisca novique in eo consentiunt, hoc attributum gratiæ (ut etiam veritatis) de Christo non simpliciter hoc loco, secundum utramque naturam: sed secundum quid, seu secundum alteram duntaxat intelligi. Veruntamen in eo dissentiunt, quod quidam ad Christum, secundum divinam naturam referunt: quomodo Cyrill. Alexan. in suis in Ioh. ad hunc locum commentariis, & nostris insignes quidam interpretes exponunt. Alii verò contrà ad humanam naturam restringunt. Deinde ad vocem *gratiæ* quod attinet, eam

Christo tribui priores exponunt: quod Christus secundum divinam naturam sit omnis gratiæ ac donorum fons: posteriores verò, quod humana ipsius natura, dona Spiritus Sancti ex divina gratiâ collata habeat. Veruntamen magis omnino consentaneum arbitramur, ut *καρὸς* caro factus, seu Christus, in quo gratia esse dicitur, non secundum quid, seu secundum unam tantum naturam (divinam vel humanam) accipiat: sed secundum utramque: quemadmodum etiam res ipsa considerata satis superque demonstrat: quia gratia hæc in Christo, statuitur fons & causa gratiæ in nobis vers. 16. dicitur enim: *ex plenitudine ejus accepimus omnes, gratiam pro gratia*. Atqui gratiam, non solum à divina, neque solum ab humana Christi natura accepimus: sed ab utraque. Siquidem citra controversiam unum est, utriusque naturæ, quod suum est (cum communione mutua) facientis, *συνέκτισμα*, confectum opus. Ac propterea sensus hujus loci mutilari omnino videtur, cum de una tantum natura exponitur, quod ad utramque conjunctim pertinet. Cæterum ad significationem vocis *gratiæ*, quod attinet, ea hoc loco videtur denotare gratuitam salutis conferendæ benevolentiam. Nam ea gratia intelligitur, ex cujus plenitudine tanquam fonte gratiam accipimus, ut asseritur v. 16. Atqui ex Christi benevolentia hujus plenitudine tanquam fonte, gratiam accipimus. Siquidem totius salutis nostræ origo est gratuita Christi benevolentia & amor erga salutem nostram, sive ad salutem nobis conferendam. Etenim quatenus est Deus, gratia illius in eo elucet: primum quod caro factus, Joh. 1. 14. sese pro nobis humiliavit, forma servi seu natura humana servili assumptâ, Phil. 2. 7. & carnis ac sanguinis particeps factus est; ut per mortem aboleret eum, qui mortis habebat imperium, h. e. Diabolum Hebr. 2. 14. & 15. ut adoptionem in filios acciperemus, Gal. 4. vers. 4. & 5. ac vita æterna donaret, Joh. 6. vers. 51. Deinde re ipsa etiam hanc propositam salutem gratuitam complevit. Deus enim acquisivit Ecclesiam suo sanguine, Act. 20. vers. 28. h. e. Deus Filius, non Pater, non Spiritus Sanctus; quia solus Filius habet (ob assumptam humanam naturam) sanguinem. Denique divina Christi gratia, est salutis meritæ collatio. Nam regeneratio (seu animæ per fidem & charitatem sanctificatio ac renovatio) justificatio, reconciliatio, adoptio, & vitæ sanctificatio, ac denique glorificatio (in quibus salus nostra continetur,) à divina Christi gratia potissimum promanant: Ideoque gratia hæc, divinæ inprimis Christi naturæ tribuenda. Deinde etiam suo modo humanæ naturæ gratia, seu gratuita salutis nobis conferendæ benevolentia convenit: quia ex ea nos etiam accipimus gratiam. Nam sic nos dilexit, ut justus pro injustis atque hostibus, mori voluerit, ut nos ad Deum adduceret, 1. Pet. 3. 18. Rom. 5. 6. 7. & Eph. 5. vers. 2. *Christus dilexit nos & tradidit seipsum pro nobis, oblationem ac victimam in odorem bonæ fragrantie*. Sic etiam deinde doctrinâ sua & Apostolorum missione, Matth. cap. 28. nos vocat, & salutis partæ participes reddit, suæque intercessionem apud Patrem pro nobis, Johan. 17. Rom. 8. vers. 34. 1. Ioh. 2. vers. 1. in salute conservat, ac tandem in possessionem salutis æternæ nos vocabit atque immittet extremo die, Matth. 25. vers. 34. Quare cum gratia, quam accipimus ex plenitudine gratuitæ dilectionis Christi, tam secundum divinam naturam, quam secundum humanam (suo utrimque modo distincto, sed tamen conjuncto ad unum apotelesma seu perfectam salutem nostram) profluat: inde meritò concludimus, hanc gratuitam Christi, secundum utramque naturam, ad salutem nobis conferendam dilectionem, voce *gratiæ*, hoc in loco, ab Evangelista Iohanne designari: neque aliter, quam utriusque concurrentis efficacia, gratiam ac salutem in nos potuisse redundare & à nobis percipi. Atque hæc quidem de *gratiæ* significatione, ac sensu.

Ad *veritatem* vero, gratiæ hoc loco copulatam, Christoque attributam quod attinet; ea non propriè de convenientia verborum illius aut signorum aliorum cum re significata hic accipitur (etsi ea fuerit in Christo plenissime) sed per metonym. causæ pro effecto: pro rei, verbo significatæ in-

que indicatæ, impletione: quia ea impletio efficit, ut verba & signa sint vera, non falsa ac fallacia. Atque hoc loco ita accipitur: ut eo modo indicetur, quod quæcunque olim Dei Filius de persona sua & attributis (cùm humilis & gloriosi status, tum in Ecclesiam beneficiis) Spiritu suo per Prophetas futura significarat, 1. Petr. cap. 1. vers. 11. ea omnia impleverit. Modus autem significandi fuit, partim verbo, partim signis visibilibus. Verbo: ut Iohan. 5. v. 39. *Scrutamini scripturas, & illæ testantur de me*: & vers. 46. *Si Moysi crederetis, mihi crederetis, de me enim ille scripsit*. Cujusmodi impletio passim ab Evangelistis & Apostolis declaratur ac probatur, convenientiæ eventus, & prophetiæ antecedentis descriptione. Undè illud creberrimè occurrit: *hoc factum est, ut impleretur quod dictum est, &c.* & similes formulæ collationis utriusque: quemadmodum cum de persona Christi & beneficiis agitur, Matth. cap. 1. vers. 22. & cap. 8. vers. 17. Luc. cap. 4. vers. 21. & cap. 24. vers. 27. Iohan. cap. 12. vers. 38. & 41. & 19. vers. 24. & 36. Actor. 10. vers. 43. Rom. 15. vers. 8. & 2. Cor. 1. vers. 20. generatim dicitur: *quotquot enim promissiones Dei sunt, in ipso sunt etiam, & in ipso sunt Amen*: Hoc est, verè sunt ac complentur. Signa verò visibilia, sunt typi varii, partim personarum, partim rerum. Personarum quidem; ut Melchisedechi, Hebr. 7. vers. 1. & 2. deinde Davidis Psalm. 2. vers. 1. ad 7. (reliqua enim, quæ nonnulli interpretes Davidi & Christo communia statuunt, ad solum Christum pertinent: ut circumstantiæ demonstrant, & Novi Testamenti expositio) de cuius impletione, Actor. cap. 4. vers. 25. & 26. Deinde prophetia de Davide, ut typo Christi, Psalm. 41. vers. 10. cuius impletio, Ioh. 13. vers. 18. Tertiò, Salomonis Regis sponsi, & reginæ illius sponsæ, Psalm. 45. typi Christi regis ac sponsi, & reginæ ac sponsæ illius, Ecclesiæ 2. Corinth. cap. 11. vers. 2. Ephes. cap. 5. vers. 27. Apocal. 21. vers. 2. ut etiam ex eo Psalmo sententiæ ad Christum accommodantur, Heb. cap. 1. vers. 8. & 9. cum quo capite etiam prophetia conferenda, 2. Samuel. cap. 7. Denique Ionæ typus: cuius impletio in Christo indicatur, Matth. cap. 12. vers. 40. Res verò quæ typi fuerunt Christi, partim sunt extraordinariæ, ut in deserto primùm serpens æreus, cuius typus proponitur & explicatur, Iohan. cap. 3. vers. 14. 15. Deinde Manna, Iohan. cap. 6. vers. 32. & 1. ad Corinth. cap. 10. vers. 3. Denique petra, aquam emittens ad sitim Israëlitarum sedandam, quæ 1. ad Corinth. cap. 10. vers. 4. Christus dicitur, hoc est, Christi ac gratiæ illius typus, Iohan. cap. 4. vers. 14. & cap. 7. vers. 37. partim ordinariæ, ut tabernaculum Mosaicum: Deinde summi sacerdotis officium & sacrificia: aliæque ceremoniæ legales diversæ, tanquam ἀντίτυπα τῶν ἀληθινῶν verorum exemplaria, adumbrantia Christi qualitates, officium, ac beneficia: quorum veritas, hoc est, complementum, in Christo esse demonstratur, partim Iohan. cap. 19. vers. 36. 1. ad Corinth. cap. 5. vers. 7. Colossen. cap. 2. vers. 17. plenissimè verò in epistola ad Hebræos, & imprimis cap. 7. & tribus sequentibus, unde cap. 10. vers. 1. de horum typorum usu summatim dicitur; *Legem umbram obtinuisse futurorum bonorum, non expressam formam rerum*: quam formam & antè, & eodem cap. in Christo exare ostendit.

Atque ita etiam apparet, Christo non solum gratiam, sed etiam veritatem hoc loco secundum utramque naturam attribui: dum ea quæ Christus per Spiritum suum (partim verbo, partim signis personarum & rerum visibilibus) olim significarat, eadem (utrâque naturâ quod suum est operante) compleverit. Unde etiam ex dictis præstantia hujus gratiæ & veritatis, voce plenitudinis explicata, satis intelligitur: quia ad plenam nos gratuito servandi benevolentiam nihil omninò in Christo defuit, eamque donatione salutis obsignavit: quod salutem perfectam conferat, & quidem solus hoc præstet ac præstare potuerit, Actor. cap. 4. vers. 12. unde Ephes. cap. 1. vers. 23. dicitur: *omnia* (nempe ad salutem necessaria) *implere in omnibus scilicet Ecclesiæ, de*

qua agit, membris; Ac similiter plenum veritatis constat: quia omnia, quæcunque de sua persona & attributis atque beneficiis salutaribus, Ecclesiæ conferendis, verbis, signisque variis prædixerat ac significarat, reipsa implevit. Quæ & gratiæ & veritatis plenitudo ipsi est propria: quia nulli, neque Angelo, neque homini convenire potest.

Atque hætenus de persona Christi σταθερά, & qualitatibus illius præstantia, nempe gratiæ & veritatis plenitudine. Cui descriptioni bimembri subijcitur utriusque confirmatio. Ac personæ primum vers. 15. à testimonio Iohannis divino: quod primum ab adjuncto suo declaratur, deinde forma sua seu modo definitur. Adjunctum quidem indicatur his verbis: *quod Johannes* (Baptista scilicet) *testatus est de eo* (nempe Christo) *& clamavit*. Quo indicatur, testimonium hoc non fuisse privatum, sed publicum, in magna scilicet auditorum undique concurrentium ad Baptistam frequentia, Matth. cap. 3. vers. 5. ideoque ut ab omnibus audiri posset, clamore pronuntiatum. Forma verò, seu modus expressus Baptistæ verbo definitur; cum additur: *dicens: Hic est de quo dicebam, qui post me venit*, ἔμελλεν εἶναι ὁ ἀποστόλος μου ἢ. Quod testimonium propositionem, & rationem illius complectitur. Propositio, primâ sui parte (hoc est, subiecto suo) de quo testetur, indicat: altera verò parte (hoc est, attributo suo) quid testetur, designat. Ac prius quidem indicatur his verbis: *hic est, de quo dicebam, qui post me venit*; Quibus Iesum Christum describit, obscurius quidem, sed certò tamen: ut sequentia verba, in fine hujus versus demonstrant: quia illa soli Jesu Christo quadrant. Ceterum quo sensu hæc periphrasis Jesu Christo tribuatur, diversæ sunt eruditorum sententiæ. Quidam enim de tempore: alii de loco exponunt. Tempus autem nonnulli prædicationis; reliqui verò ætatis (quod Christus sex mensibus junior esset quàm Baptista) intelligunt. Verum neutra hæc de temporis ratione interpretatio, vocis ἐπιτελεῖσθαι significationi videtur satis convenire. Nam neque in Novo Testamento ullibi ad tempus; sed ubique ad locum refertur: Deinde nec LXX. Interpretes, quantum ex Concordantiis Græcis colligi potest, aliter quam ad locum referunt: si unum exceperis, ubi metaphoricè ad tempus refertur, Daniel. cap. 2. vers. 39. ubi pro Chaldæo כְּתֵר, *post te exurget regnum*, vertunt ἐπιτελεῖσθαι, quasi à tergo tuo, post tua tempora. Quare aptior apparet secunda expositio: *Is qui post me venit*, id est, à tergo, ut auditor masequitur: quod à Christo factum, ex sequenti historia constat. Hæc de subiecto: nempe Iesu Christo, de quo Iohannes Baptista est testatus. Attributum verò est ἔμελλεν εἶναι μου ὁ ἀποστόλος μου. Quæ verba, cum diversè usurpari soleant, prius exponenda, significationum distinctione ac probatione: ut sensus deinde melius intelligatur. Nam ad primam vocem quod attinet, ἔμελλεν, ante quidem significat: sed bifariam usurpatur. Primum: ut ad loci situm referatur; qua significatione, non autem alia in Novo Testamento usurpari, rectè à Theodoro Beza observatum, & locorum omnium in Concordantiis Græcis examen hoc quoque demonstrat. Deinde temporis antecessorem notat. Nam quamvis in Novo Testamento eâ significatione alibi non occurrat: à LXX. tamen interpretibus in Veteri Testamento longè frequentius hac significatione, quam prima illa usurpatur. Nam pro Hebræo קָדָם (cùm ante, relatè ad tempus notat,) Job. cap. 29. vers. 2. Lamentationum Ierem. cap. 5. vers. 21. Mich. cap. 7. vers. 20. & alibi sæpius: deinde pro בְּרִאשֹׁנָה ante, prius, Iosue cap. 8. vers. 5. Iud. cap. 20. vers. 32. & 39. Ierem. cap. 7. vers. 12. & aliis in locis, Græcam vocem ἔμελλεν posuerunt. Altera vox quæ à Iohanne posita ambiguitatem habet, est ἐστίν. Nam ἐστίν cum suis conjugatis, bifariam accipi solet: vel passivè, ut significet factum esse, ut Iohan. 1. vers. 3. *Omnia per eum ἐστίν facta sunt*, & vers. 14. *& sermo caro ἐστίν, factus est*: vel activè, ut significet esse, non autem fieri; ut Iohan. 1. v. 6. *ἐστίν fuit homo missus à Deo*, & Rom. 3.



& Rom. 3. vers. 4. *πίστεως* 3, hoc est, *Esto autem Deus verax*. Atque hæc de vocum *ἐμπεδοῦ* & *ἐγώ* significatio duplici, ad sensum huius attributi investigandum, observanda. Antequam verò hoc agamus, quia pressius ac concisus de priori membro diximus: ut ea expressius & plenius, ad certiore intelligentiam illustrentur; ea nonnihil prius expendemus, ut sequentia aptius connectantur. Ac primum, si Iohannis Baptistæ, de Christo testantis hoc loco scopum spectemus, proximus quidem, est prius testimonium obscurius in animis auditorum firmare, & simul declarare; ut ex re ipsa apparebit: remotus verò, est auditorum in Christum *διαβεβαιῶν* ac servatorem fides, ut Iohan. cap. 1. vers. 7. dicitur, Iohannes venisse ad testimonium, ut testaretur de luce (hoc est, de Jesu Christo v. 4. & 5.) ut omnes per eum crederent, & Actor. 19. v. 4. *Iohannes quidem baptizavit baptismο resipiscentiæ, dicens populo, ut in venientem post ipsum crederent*, hoc est, Christum. *Qui verò audierant*: (nempe auditores Iohannis è populo illo, ut *ἐγὼ* & 3, mutua relatio ostendit,) *baptizati sunt in nomen Iesu*. Ad quem scopum attingendum, testimonium Baptistæ, hoc v. 15. descriptum de Christo *διαβεβαιῶν*, egregiè adhibetur. Nam ante dati testimonii repetitio, illud inculcando confirmat: & illius, de quo testatur, digito facta ostensione, obscuritatem testimonii tollit. Duæ enim hic sunt partes: antecedentis testimonii de Jesu Christo, nondum noto, repetitio: & illius expositio. Repetitio testimonii in his verbis: *qui post me venit ἐμπεδοῦ ἐγὼ γέγονον*, quia prior me erat: Hoc enim non jam ab ipso primum pronunciatum, sed antecessisse indicatur, cum ait: *de quo dicebam*: Dixerat autem ante Christi baptismum, & priusquam is populo esset ostensus ac notus, Matth. cap. 3. vers. 11. cum 13. & Iohan. cap. 1. vers. 26. Idque ad maiorem veritatis confirmationem repetivit, ac simul declaravit post Christi baptismum, Iohan. 1. vers. 30. Nam quod initio hic ab Evangelista summatim proponitur, illud sequentibus plenius, narratione circumstantiarum vers. 19. ad 35. declaratur. Porro ad partes antecedentis ac repetiti testimonii quod attinet, eæ, ut ostendimus, & res ipsa arguit, sunt duæ: propositio, ac ratio illius. Ac propositionis bimembris pars prima, seu de quo Baptista testatur, est Iesus Christus, ut ex præfatione Evangelistæ præmissa, qua dicitur, *Iohannes testatus est de eo* (nempe Filio Dei homine facto) & ex attributo, ac ratione (quæ nulli quàm Iesu Christo convenire possunt) constat. Iesum autem Christum indefinitè atque obscurius describit, cum ait: *qui post me venit*: ut paulatim errorem populi, de se quasi Christo promisso, corrigat, & veri Christi notitiam instillaret. Cæterum huius periphrasis (pro vocum *ἐγὼ* & *ἐγώ* acceptione varia) diversa interpretum expositio profertur: quæ ad iudicium de iis confirmandum expendenda. Primum enim Cyril. Alexand. in comment. huius loci, non propriè, sed metaphoricè exponit, per similitudinem quandam, à solito progredientium ordine desumptam (in quo honoratiores antecedunt: reliqui verò post & à tergo sequuntur) ut sensus sit: qui me honore jam posterior est apud populum, utpote ignorà illius dignitate atque excellentia. Quo etiam referri posset quod Baptista ait postea, Iohan. cap. 3. vers. 30. *illum oportet crescere: me verò minui*. Veruntamen quia à propria vocis significatione ad impropriam ac metaphoricam, sine gravi urgente causa, non est recedendum (ut certa interpretandi regula flagitat) idcirco alii aliter explicant. Nonnulli enim vocem *ἐγὼ* post, ad tempus referunt: ut ex Græcis Patribus ad hunc locum Chrysost. (qui per vocem *μετὰ* exponit) & Theophylactus: & contra Ariomanitas hæres. 49. in Græco; 69. in Latino codice, Epiphan. in ea re consentiunt: sed in tempore (quodnam scilicet intelligatur) definiendo dissentiunt. Nam Epiphanius de conceptionis, & Theophylactus de nativitate tempore (quod eodem redit) interpretatur: quod scilicet sex menses Christus post Iohannem Baptistam esset natus. Chrysostomus verò non de nativitate tempore id dici contendit, atque illud, ait, à *Matthæo* innui, (corrigendus hic est memorie lapsus, & legendum est *Iohanne*: extat enim cap. 1. v. 30.)

dicente *ὁ ἐγὼ* *μετὰ* *ἐγώ*: quod si enim de nativitate locutus fuisset, non dixisset *ἐγὼ*, sed *ἡ*. Alteram rationem addere potuisset, quod licet vox *ἐγὼ* *ἐγώ* (quæ Evangelista utitur) non solum *venientem*, Matth. 26. v. 64. aut *venturum*, Iohan. 18. v. 4. Luc. 18. v. 30. sed etiam *eum qui venit*, Ioh. 3. v. 31. significare possit, & *venire in mundum*, Ioh. 1. v. 9. & c. 6. v. 14. & c. 9. v. 39. aut *venire in carnem*, 1. Ioh. 4. v. 2. & 2. epist. Ioh. v. 7. pro nasci usurpetur: *venire* tamen absolute, aut *venire post aliquem*, ea nativitate significatione, omnino esse insolens. Alteram igitur expositionem adfert, quam non pauci sequuntur: nimirum, ut Christus Iohanne posterior dicatur prædicationis Evangelii ratione; quia eam primum post Iohannis captam prædicationem, & baptismum ab eo susceptum est exorsus, ut ex Matth. cap. 3. vers. 1. cum cap. 4. v. 1. & Actor. 19. v. 4. constat. Quæ sententia priore probabilior: sed tamen quandoquidem ea vocis *ἐγὼ* (de posteriori tempore intellectæ) significatio rarissima est: adeo ut nullibi in Novo Testamento, nec alibi in Veteri apud Lxx. Interpretes, quàm Daniel. cap. 2. vers. 39. reperiatur: idcirco alii accommodatius ad loci situm, hoc sensu referunt: qui ut auditor (eoque quasi inferior) me docentem sequitur. Quæ explicatio nullam videtur parere difficultatem; ut quæ, & phrasidis significationi propriæ (ut Matth. cap. 16. vers. 24. *Qui vult post me venire*,) & analogiæ, cum fidei, tum huius orationis contextui atque etiam historiæ, Iohann. cap. 1. vers. 26. & 27. ad amissim conveniat. Ideo D. Beza vocem *ἐγὼ*, non vocula, *post*, ambigüè cum vulgato interprete: sed distinctè loci circumstantiâ expressâ, *post*, id est, à tergo transtulit.

Atque hæc de expositione partis antecedentis seu subiecti propositionis: quæ est periphrasis Iesu Christi, de quo Baptista testatur, obscurior quidem per se: quia eum neque nominat, neque ostendit: sed quæ parte consequente seu attributo, imprimis verò ratione illius illustratur. Attributum autem est id, quod de Christo testatur his verbis: *ἐμπεδοῦ ἐγὼ γέγονον*. De quorum verborum interpretatione (quod ea, ut antè explicuimus, bifariam usurpentur,) & genuina sententia disceptatur. Nam ad interpretationem quod attinet, quidam ut verba sonant: alii verò metaphoricè interpretantur. Ac priores quidem, vocem *ἐμπεδοῦ*, ad antecessorem temporis, non autem loci (quia hoc modo Iohannes Christum antecessit) referunt: *γέγονον* verò Epiphan. pag. ante citatâ activè exponit, & de Christi in terris perpetua accessione ac præsentia: ut significet, *fuit*. Verum licet vox *γέγονον* hoc ferre possit; tamen huic loco non convenit: quia inepta foret *πυρρολογία*: ante me fuit: quia prior me erat. In illa igitur vocis *γέγονον*, pro *factus est*, acceptione, quidam consentiunt: sed contrariis inter se sententiis, expositione sua dissident. Nam primum Arriani (ut Chrysostomus & expressius æmulus illius Theophylactus tradit) exposuerunt: *ante γέγονον factus est, hoc est, eundem creatus est*: quasi filius Dei prima esset creatura, per quem deinde mundus & omnia in mundo creata. Verum hæc expositio analogiæ doctrinæ fidei, Ioh. 1. v. 1. de Christo Deo traditæ, & aliis Scripturæ locis repugnat: & sequentibus etiam verbis confutatur. Nam hoc sensu posito, oratio & ratio Baptistæ seria ac solida, redderetur inanis, inutilis, & omnino inepta. Inanis, quia esset mera *πυρρολογία*. Inutilis, nam qui dicit, *ante me factus est*, ille simul priorem fuisse asserit: imò amplius, quia modum etiam specialem indicat, nempe per effectiorem. Inepta verò ac ridicula esset ratio: *factus est ante me*, quia prior me erat: cum potius contrà fuisset dicendum: *prior me erat*, quia ante me factus, hoc est, creatus est, ut rectè Chrysost. hanc Arrianorum absurditatem vidit ac diluit. Altera verò (servata illa interpretatione vulgata) expositio, non communis est, sed propria, ac solius (nisi fallor) Martini Bucer, qui in comm. in hunc locum, *factus est*, idem significare existimat, quod *genitus est*: additque: *Neque offendit, quod factus est potius quam genitus Evangelista scripserit: utrumque enim nomini μεταφωρεῖται*. Verbo tribuitur: & Schelomo formatam atque constitutam sapientiam dixit, Prov. 8. versus autem sunt 24. & 25. Verum licet errori Arrianorum sententiam contrariam, ac fidei analogam

analogam tueatur : expositionis tamen modus, non solum *ἡμεῖς* est, sed etiam periculosam erroris Arrianorum (licet præter authoris mentem) ansam arripiendam præbet; Ideoque hac in re non probandus; præsertim cum nullibi in Sacris Literis *facere* pro gignere (multo minus, cum de Filii generatione æterna agitur) usurpetur. Nam quod ait Prov. 8. dici, *formatam esse sapientiam* (licet quidam sic interpretentur) negamus; dicitur enim, *לְלֵךְ* quod propriè significat *genita sum*, vel *partu edita*: unde non aliter nisi per metaph. cum de rebus creatis agitur, *formari* interdum significat. Ideoque cum prima significatio ac propria Filio Dei à Patre ab æternitate genito conveniat, Psal. 2. & in Vest. Test. passim genitus: nullibi vero formatus, nedum factus dicatur: Idcirco hæc singularis expositio aliena est: nec minus quam prior etiam Arrianorum, sequentibus Baptistæ verbis refutatur. Nam eadem esset inepta oratio hoc modo: ante me factus est, hoc est, genitus, quia prior me erat; qui enim ante genitus dicitur, idem etiam prior fuisse dicitur, & quod amplius est, modus etiam specialis indicatur, nempe generatione. Deinde ratio esset invertenda: prior me erat, quia ante me genitus est, ita enim probaretur rectè genus per speciem: ineptè vero expositione generis, certa species concluderetur à Baptista. Quare hic nævus eximio Theologo condonandus: sed ne quis impingat, indicandus: & ne Arriani eo abutantur, diluendus. Ac propterea cum prima attributi *ἡμεῖς* *ἡμεῖς* *ἡμεῖς*, ut verba propriè sonant, expositio, huic rei non possit convenire (ut modo demonstratum) sequitur impropriè ea verba esse intelligenda. Atque hæc jam est altera à doctissimis præfatis novisque Theologis prolata ac probata explicatio per metaph. *ante me factus est*, hoc est, majori honore ac dignitate affectus est: ut è Patrib. Chryf. & Theoph. & Aug. in Joh. tract. 3. eosque secuti, similiter explicarunt non pauci, è Pontificiis antiquioribus, Nicolaus à Lyra; & è nostris clariss. Beza, qui etiam postremò, *ante positus est mihi*, transtulit, secutus omnino August. ad hunc locum Johannis. Cæterum hæc metaph. inde est desumpta, quod ante alios progressio & collocatio, honoris majoris causa fieri soleat: unde Cyril. ait, *ab imagine & similitudine rerum humanarum sermonem captum: Solet enim qui præcedit posterioribus gloriosior semper videri.* Quod etiam Christi de convivis monitum illustrat. Nam Luc. 14. v. 8. & 9. ait, *cum vocatus fueris ab aliquo ad nuptias, ne accubito primo loco, ne forte honoratior te sis vocatus ab eo, & veniens dicat tibi: da huic locum, & tunc incipias cum ignominia ultimum locum tenere.* Verum de tempore & definitione hujus gloriæ discrepantes sunt sententiæ: Quidam enim per enallagen præteritæ temporis pro futuro, mihi antepositus est, pro anteponeatur, exponunt: ut Chryf. quem probat ac sequitur Dominus Beza in Annot. Alii verò aptius, de honore non dando, sed dato (propriè phrasim observata) accipiunt. Deinde in definiendo honore non pauci gloriam ab hominibus intelligunt, quam postea sua doctrina & miraculis, majorem quam Iohannes est assecutus, Ioh. 3. v. 26. 27. 30. & 10. v. 41. 42. Sed phrasim potius & res ipsa ostendit gloriam non ab hominibus dandam, sed à Deo Patre datam intelligi: nempe in primis quod esset constitutus Christus & Jesus; ideoque Iohannis Baptistæ ac totius Ecclesiæ Dominus ac Servator, Luc. 2. v. 11. Matt. 1. v. 21. ut Baptista ipse profiteretur, Ioh. 3. v. 28. 29. 31. Hæc de testimonii propositione. Ratio autem illius, quæ subjicitur hæc est: quia *ἡμεῖς* *ἡμεῖς* *ἡμεῖς*, prior me erat. Nam quod Bucer; *me erat primus, seu princeps meus*, vertit, id rectè à Domino Beza confutatur; quia phrasim usus hoc non fert. Priorem autem quidam dignitate, ut Beza, *præstantior me est*, interpretantur; deinde Cyrillus, non tempore sed naturâ priorem indicari. Alii denique de tempore priori simplicissimè intelligunt, secundum quid; non quatenus homo, sed quatenus *ἡμεῖς* qui erat in principio, Ioh. 1. v. 1. ideoque verus Deus; nam cum Christus quatenus homo, Iohanne esset posterior: & interim ante Iohannem erat, hoc est, existerat: non merum hominem, sed etiam verum Deum esse, non quidem exprimitur, sed innuitur: ut Christus, Ioh. 8. v. 58. ait, *antequam Abraham esset, ego sum.* Ad cuius loci intelligentiam succinctè & rectè. Chryf. ibi-

dem ait: *Cur non dicit ἡμεῖς sed ἡμεῖς, hoc est, non eram sed sum.* Resp. autem quemadmodum Pater hoc verbo *ἡμεῖς* utitur: sic etiam ipse, quia hoc significativum est perpetuæ essentiae, liberum ab omni tempore. Hæc de testimonii Iohannis de Christo dati repetitione. Expositio vero illius, est ad præsentem Christum accommodatio, his verbis: *hic est*: Nam ut indefinite Christum advenisse & post se venire Baptista testatus erat: sic jam quisnam ille esset, quemque dato testimonio intelligeret, definite coram demonstrando indicat, ut hic sit sensus: is de quo dicebam, qui ante me, &c. est hic quem demonstro, ut v. 29 & 36. simili demonstratione est usus, cum dixit: *ecce agnus Dei.* Atque hæc strictim ad hujus v. 15. explicationem diximus.

*Anacephalæosis antecedentis explanationis  
vers. 15. ac brevis illustratio.*

EX iis, quæ initio hujus examinis diximus, perspicuum est Evangelistam v. 14. complexum descriptionem præstantiæ Christi, primum personæ, deinde qualitatum. Ad personam quod attinet, esse *ἄνθρωπον* seu Filium Dei hominem factum: id quod experientia sua & aliorum compertum ostendit. Eum enim versantem inter ipsos ut verum hominem, & simul gloriæ ipsius divinæ, patefactæ ex miraculis ac divinis signis observatione, Filium Dei unigenitum agnovisse. Qualitas verò declarata est, cum dicitur: *Plenus gratia & veritate*: Cujus bimembris descriptionis confirmatio subjicitur; prioris quidem partis, de persona Christi, divina & humana natura constante vers. 15. à testimonio divino per Iohan. Baptistam. Testimonium autem illud est antecedentis de Christo *ἡμεῖς* testimonii repetitio & illius expositio. In repetitione enim humanam ejus naturam indicavit, cum ait, *is qui post me venit*, hoc est, me, ut auditor atque homo conspicuus sequitur. Officium verò, quod Christus sit, obscurius indicat, cum ait: *ante positus est mihi*, nempe à Deo Patre, quod esset Christus Dominus ac servator, Iohannes verò servus illius indignus, Matth. 2. vers. 11. ac per eum servandus. Divinam verò naturam innuit, *quia prior me erat*, id est, prior me exstabat: quo causam reddidit Baptista, cur sibi antepositus sit à Deo honore, ac Christus constitutus, Joh. 3. v. 28. 29. quod scilicet Iohannes esset homo tantum, non adeo diu natus, è terris: Christus verò Filius Dei, qui in principio erat Deus, Ioh. 1. v. 1. & è cælo venerat, ac supra omnes erat, Ioh. 3. v. 31. Ideoque non tantum humana natura constare: sed etiam alia antiquiore ostendit, nempe æterna & divinæ; cum alia præter hanc fingi non possit. Quo modo in descriptione Christi jam nati & exhibiti, imitatur prophetiam de venturo Messia, Mich. 5. v. 2. propositam: *Tu Bethleem Ephrata, annon minima es in ducibus Judæ? ex te mihi egredietur dominator in Israël, & egressus ejus à principio, à diebus sæculi.* Quæ prophetia Judæis non erat ignota, ut ex Mat. 2. v. 5. 6. constat: Ideoque Iohannis Baptistæ testimonium, de exhibito Christo cum hoc conveniens, ab attentis auditoribus rectè perpensum, facilius intelligi potuit; atque cognosci, Iohannem Baptistam hoc testimonio docere; Christum olim promissum jam exhibitum; & licet posterior esset qua homo, & qua præco Evangelii futurus: nihilominus tamen ipse esset antepositus, ut qui prior eo extiterit, scil. à diebus sæculi, qua Deus. Quam antecedentis testimonii à se dati repetitionem, recto ordine ac gradu, expositione illustrat. Nam cum dubitatio illa, multorum auditorum & aliorum animos occupasset, an Iohannes Baptista esset Christus; quandoquidem cultum baptismi religiosum instituisse; idcirco negavit primò se esse Christum, Ioh. 1. v. 18. 20. & contra causam reddidit, quod is tantum esset qui pararet viam adventanti Domino, v. 23. hoc est, Christo. Tertiò Christum jam venisse, & in medio auditorum stare ignotum vers. 26. eumque describens quartò ait: *ipse est qui post me venit*, v. 27. Quod testimonium, ut videtur, est antecedens, v. 15. summatim præmissum; hoc tantum observandum, quod post illa verba: *ante me factus est*, v. 15. sequitur, *quia prior me erat*: sed vers. 27. additur: *quo ego non sum dignus ut corrigam soleæ ejus servam*: quæ verba vers. 15. omittuntur: quemadmodum ratio illa, *quia prior me erat*, vers. 26. omittitur.

ut in ejusdem rei narratione similiter, non raro fieri, collatio Evangelistarum inter se demonstrat. Quamvis fortè testimonium antecedens, quod vers. 15. recitatur, non est idem omnino, quod vers. 27. describitur. Nam hoc datum est in responsione ad quæstionem Phariseorum vers. 19. 24. 25. illud verò à Baptista antè potuit esse discipulis ipsius propositum. Quale etiam describitur, Matth. cap. 3. vers. 11. *Ego quidem baptizo vos aqua ad resipiscendum: qui vero post me venit, potentior me est, cujus non sum dignus, qui soleas ejus portem: ipse vos baptizabit spiritu & igne.* Nam cum Baptista baptizandis diceret, ut crederent in venientem post ipsum, hoc est, (ut Paulus interpretatur) Christum Jesum, Act. 19. vers. 4. hinc colligitur idem testimonium de Christo (etsi aliqua verborum diversitate) fuisse sæpius iteratum, ac propterea testimonium, quod hic repetitur, diversum esse ab eo, quod v. 27. narratur. Atque hæc de repetitione ante dati testimonii: Ex quo personæ Christi, ut hominis & Dei, præstantia & adventus intelligi potuit: sed quisnam ex eorum, qui ponè ipsum veniebant, numero is esset, distinctè nondum explicat: idcirco gradatim, infirmos auditores docens, secundo loco jam expositionem hic subjicit, nempe: *de quo dicebam, is qui post me venit, &c. hic est*, nempe hic Iesus, quem videtis, quem vobis ostendo.

Atque hæc est ἀναλαλωση vers. 15. de testimonio Iohannis Baptiste, priori nimirum confirmationis vers. 14. membro, quo probatum Iesum esse Christum διαβεβαιω. Alterum vero membrum est, quo qualitas gratiæ & veritatis illius probatur, vers. 16. & seqq.

Discussio vers. 16. *Et ex plenitudine ejus nos omnes accepimus, & gratiam pro gratia.*

Illustris hujus loci, cum scopus sit, ut modò indicavimus, probare Iesum Christum esse plenum gratiæ & veritatis: modus eò destinatus ac medium argumentum, est ab effectu, seu beneficio proprio in nos redundante desumptum. Cujus orationis partes duæ sunt perspicuæ. Prima est subjectum: *nos omnes*. Quod quidam de Iohanne Baptista (continuante hoc modo suum testimonium) & Vet. Test. Patriarchis, Prophetis, reliquisque fidelibus exponunt. Alii verò accommodatius de Iohanne Evangelista, prosequente jam ac confirmante quæ v. 14. dixerat, interpretantur, ut sit sensus; ego & reliqui omnes credentes in Christum. Hoc enim suadet arctissima horum verborum: *ex plenitudine ejus accepimus*, cum vers. 14. *plenus gratiæ & veritatis*, connexio; ut etiam alia argumenta, quæ à Domino Beza adducuntur, hoc comprobant. Quibus & illud addi potest, non tantum oppositionem illam comparatam (quæ sequitur) gratiæ & veritatis Christi, cum lege Moïsis, ostendere, non intelligi de eo, quod commune est Vet. Test. Prophetis; sed etiam quia, cum Iohannes hoc testaretur, gratia illa & veritas minima ex parte extabat: sed postea ministerio, obedientia & sacrificio Christi maxima ex parte erat demum extitura. Attributum verò his verbis continetur: *ex plenitudine ejus accepimus, & gratiam* (hoc est, & quidem gratiam) *pro gratia*. Quibus fidelium felicitas describitur duobus modis. Primum enim indicatur quidnam ea sit: deinde expositione causæ declaratur. Indicata felicitas est acceptio gratiæ. Gratiæ autem vox, licet variè accipi soleat (ut in vers. 14. explicatione ostendimus) hoc tamen loco donum Christi gratuitum significare, ex loci circumstantiis apparet: quia accipi dicitur, & quidem ex plenitudine ejus. Cum autem ea dona sint varia, tamen ex vers. 14. & 17. comparatione apparere omnino videtur, intelligi gratiam seu donum justificationis *καὶ ἔξωθεν*: quod scil. inde vita æterna dependeat; unde vitæ justificatio, Rom. 5. dicitur. Quomodo vox gratiæ usurpatur Rom. 1. vers. 5. *per quem accepimus gratiam*: quam 1. Tim. 1. v. 13. 14. 15. plenius explicat Apostolus; & Rom. 5. v. 20. dicitur: *ubi auctum est peccatum, superabundavit gratia*, h. e. gratuita justificatio ac reconciliatio cum Deo. Acceptio autem hujus gratiæ fit per fidem: quæ quasi spiritualis quedam est manus, qua eam donatam amplectimur, ut Act. 26. v. 18. *ut remissionem peccatorum & sortem inter sanctificatos*

*accipiant per fidem in me*, & Rom. 5. v. 1. *Justificati ex fide pacem habemus apud Deum*. Hæc de felicitatis fidelium indicio: expositio vero adjuncta eandem illustrat & amplificat, à causa illius efficiente duplici, remota & propinqua: Efficiens remota his verbis continetur: *Ex plenitudine ejus*, nempe Christi, qui autor est & fons gratiæ justificationis ac pacis cum Deo. Eam autem fundit ac donat ex plenitudine, scil. gratiæ suæ, de qua ante dictum vers. 14. *plenus gratiæ & veritatis*, ut etiam in ejus loci explicatione jam antea demonstravimus; ex gratia illius, hoc est, ex gratuita salutem æternam & media illius nobis conferendi benevolentia; eorum collationem promanare. Propinqua vero causa efficiens gratiæ justificationis innuitur, cum dicitur: *pro gratia*, hoc est, propter gratiam; quemadmodum vox ἀντὶ non solum vicem indicat, ut Matth. 2. v. 22. ἀντὶ ἡρώδα, loco Herodis, & 5. v. 38. ὀφθαλμὸν ἀντὶ τοῦ ὀφθαλμοῦ, & dentem ἀντὶ τοῦ ὀφθαλμοῦ: sed etiam causam notat impulsivam: raro quidem finalem, 1. Cor. 11. v. 15. & Heb. 12. vers. 2. qui ἀντὶ τοῦ προpositum sibi gaudium (hoc est, ut eo potiretur) crucem pertulit, non autem vice gaudis: ut rectè à prima sua versione, in postremis ad hunc locum notis, recessit noster interpres: quia in Christi potestate libera non fuit, crucem declinare: quia illud decreto Dei atque prophetiæ illius veritati, Luc. 24. v. 26. 27. & humanæ naturæ, à Filio Dei assumptæ scopo destinato, Hebr. 2. vers. 14. & assertioni illius, Matth. 20. vers. 16. & alibi, apertè repugnat. Sæpius verò causam impulsivam efficientem vox ἀντὶ notat: ut frequens illud & apud LXX. Interpretes & in Nov. Test. usurpatum ἀντὶ τοῦ, ut Luc. 1. vers. 20. ἀντὶ τοῦ ὅτι propterea quod non credidisti: & 19. 44. & alibi: sicut & Eph. 5. vers. 31. ἀντὶ τούτου, propter hoc, pro quo Marc. 10. v. 7. ἡ ἰσχυρὰ τούτου, ejus causa, dicitur. Quo sensu vox ἀντὶ accepta, optime huic loco convenit: ut gratia, pro qua gratiam justificationis accepimus, intelligatur Christi mediatoris gratia pro nobis præstita justitia, qua omne debitum nostrum, ad liberationem à morte ac maledictione, & ad vitæ æternæ jus obtinendum persolvit: dum & passus & mortuus est pro nobis: & obediens factus est Patri ad mortem usque crucis. Quam justitiam suam universam nobis, ex plenitudine gratiæ suæ, seu amore salutis nostræ præstitit, Ephes. cap. 5. v. 2. eamque per fidem nobis applicat & donat; qua fide nos sibi unit ut membra capiti, ut ipsius justitia fiat etiam nostra, ob mysticam hanc unionem, unde communio justitiæ oritur, atque ita simus revera in Christo justi, 2. Corinth. cap. 5. v. 21. Eaque justitia causa impulsiva est, cur à Deo justificemur, hoc est, perfectè justi judicemur, & hæredes regni cœlestis constituamur. Quæ gratia justitiæ Christi pro nobis præstitæ describitur, Roman. 5. vers. 15. *Nam si unius offensa multi mortui sunt; multo magis gratia Dei & donum per gratiam, quæ est unius hominis Jesu Christi, in multos redundavit.* & vers. 17. *Etenim si per unius offensam mors regnavit per unum, multo magis ii, qui abundantem illam gratiam & donum justitiæ accipiunt, in vita regnabunt per unum Jesum Christum.* & vers. 18. *Sicut per unius &c.* ubi per ἀντὶ, justitia, nempe Christi intelligitur, ut oppositio antecedentis offensæ, & consequens effectum, justificatio evincit. Atque hæc simplex (ut patere omnino existimo) hujus loci expositio est; ut quæ & vocum significationem usitatam retineat, & analogia sit fidei & contextui, & ad scopum Apostoli probandum, summamque Evangelii ac beneficii Christi explicandam, maxime idonea. Nam licet eam in nullo veterum Patrum, neque etiam recentiorum Theologorum scriptis observarim: non dubito tamen quin ea non paucis viris eruditis in mentem venerit. Ad plerasque explicationes (quæ adduci solent) quod attinet, non immeritò usurpari posse videtur vetus illud dictum: *quem fugiam video, quem sequar non habeo*. Cujus rei specimen breve adjiciam. Qui propius ad scopum videtur accessisse, est Aug. tract. 3. in Johan. ipsa inquit, *fides gratia est: & vita æterna gratia est pro gratia*. Quo indicat, nomine gratiæ quam accepimus, significari vitam æternam (cujus initium hic habemus re, complementum verò spe) cum verò dicitur *pro gratia*, indicari antecedens fidei donum, ut causam efficientem atque instrumentum, quo vitam æternam consequimur.

mur. Sed clarior foret (eadem manente sententia) ac plenior expositio, si diceretur, accepimus gratiam fidei, pro gratia vitæ æternæ hoc est, ad eam obtinendam: ut *et* finem notet. De reliquis interpretationibus videantur interpretes.

*Declaratio Verborum Joh. cap. I. v. 17.*

UT insignis hujus sententiæ explicatio (quæ ad antecedentium illustrationem requiritur,) commodius instituat, paucis ante rem ipsam, exordii loco, circumstantia illius exponenda. Ea autem est causa proponendæ hujus sententiæ impulsiva duplex: occasio nimirum, unde oritur: & scopus seu finis, quo ea tendit. Occasio autem est antecedens præstantiæ qualitatis Christi descriptio, propositione & expositione constans. Propositio enim vers. 14. hæc erat: Christum esse plenum gratia ac veritate. Expositio verò ab effectibus petita, v. 16. subjicitur; nempe à collatis in nos beneficiis; quod ex plenitudine illius nos omnes (post Christum exhibitum fideles) accepimus gratiam pro gratia, hoc est, donum gratuitum justificationis pro meriti illius ac redemptionis gratia, non exhibenda ut in Vet. Test. sed exhibita: qua Christus justificationem nostram, sua inde ab initio vitæ perpeffione & obedientia ad mortem usque crucis jam promeruit. Quæ præstantis gratiæ & veritatis Christi descriptio, cum propter intellectus humani imbecillitatem, plenior aliquam explicationem desideraret: idcirco ex hac occasione memorata, scopus Evangelistæ proximus est illius amplior declaratio ac probatio: medius autem est per eam fidei nostræ & gratitudinis erga Christum confirmatio: ultimus est Christi, gratiæ datoris gloria.

Atque hæc de impulsiva hujus sententiæ causa gemina. Modus autem ac medium, quo Evangelista, hac occasione, ad scopum illum tendit, accommodatissimum, est hæc sententia, quæ ait vers. 17. *Nam lex per Moysen data est: gratia ac veritas per Jesum Christum facta est.* Collatione enim legis per Moysen latæ, quid gratia & veritas data & accepta significant, ostendit; ac simul Jesum Christum Moysen majorem: & conditionem nostram, quam fidelium ante Christum præstantiorem esse comprobatur. Partes autem hujus sententiæ (pro communi collationis natura bimembri) sunt duæ: prima quæ rem propositam, oppositione quadam declarat: altera, quæ ab hac declaratur. Et illa quidem est, *Lex per Moysen data est.* Cujus orationis subjectum est *lex*: quæ hoc loco primum non humana, sed divina intelligitur *ἡ ἐξουσία*, ut attributum, cum dicitur: *per Moysen data*, evincit; deinde & illud perspicuum est, non propriè singulari hac voce legis, unicam ac particularem aliquam legem intelligi (quales multæ Lev. 6. v. 7. 11. & alibi apud Moysen distinctè recensentur) sed per consuetam numeri singularis, pro plurali enallagen; leges generali significatione intelligi. Leges autem divinæ sunt duplices; religiosæ, quæ religionem, seu rectum Dei cultum imperant: deinde politicæ, quæ politice seu gubernationis civilis Israëlitarum modum præscribunt. Ac de politicis quoque hoc loco non agi, sed de religiosis, gratiæ & veritatis oppositio ostendit. Illæ autem sunt vel omnibus hominibus communes ac perpetuæ: vel Israëlitis propriæ, & ad tempus usque Messias duraturæ. Ac priores quidem vocantur *decem verba* seu Decalogus, Exod. 24. v. 28. & à materia sua, vulgò angustius atque obscurius apud populum, *lex moralis*. Pro qua appellatione plenius ac planius, & ad Ecclesiæ captum accommodatius, *lex Charitatis*, à materia sua appellanda. Posteriores verò leges religiosæ, sunt statuta de ceremoniis seu ritibus sacris cultus Dei; quæ per Synecdoch. generis pro specie *ἡ θρησκεία* statuta ac decreta; Deut. 4. v. 5. & ab Apostolo Eph. 2. v. 15. *lex mandatorum ex dyabolo in decreta* (nempe ceremoniarum seu rituum sacrorum) posita, & Heb. 7. v. 16. *lex mandati carnalis*, & Heb. 9. vers. 10. *ad tempus correctionis imposita* vocatur. Utraque autem hæc lex religiosa, communi legis voce, ab Evangelista in hac sententia denotatur: ut ex sequentis membri collatione constet. Quis autem fuerit illarum usus & efficacia, succinctè, ad hujus sententiæ intelligentiam, exponendum. Ac prima quidem lex Decalogi seu Charitatis, tam, quam recta

perfectæ ac debitæ à nobis justitiæ norma, pravitatem atque injustitiam nostram (tam innatam, quam ex ea enatam) indicat: unde ex lege agnitio peccati dicitur existere, Rom. 3. vers. 20. & addita maledictionis in transgressores comminatione, peccati convictos condemnat, Deut. 27. v. 26: unde prædicatio illius legis, *ministerium condemnationis*, 2. Cor. 3. v. 9. appellatur. Secunda verò nempe lex ceremonialis, typus fuit & index, primum miseriæ nostræ; cum peccati, tum meriti per illud mortis, unde *chirographum decretorum* (seu ceremoniarum) nobis adversarium, Col. 2. v. 14. appellatur. Quo pertinebant inter alia multa, ablutiones variæ: sordium spiritualium, nempe peccatorum nostrorum indices. Hebr. 9. vers. 10. & 14. & mactationes ac sanguinis effusio, & carnis victimarum adustus: quæ mortis, & ignis inferni pœnas nobis debitas ac solvendas, designabant. Atque hic primus quidem fuit: sed secundarius tamen legis ceremonialis usus. Secundus verò ac primarius erat, ut nos ab illis sordibus atque pœnis, per Christi obedientis ac patientis victimam liberandos, visibili quadam promissione adumbraret, Hebr. 10. v. 1. 2. 3. & 9. 13. 14. & 22. & 23. Atque hæc de primæ partis institutæ ab Evangelista collationis subjecto, nempe lege, Decalogum & ceremonias, complectente. Attributum verò illius est: *per Moysen data est*: quo legis adjunctum indicatur, & causa illius adjuncti. Adjunctum est quod data est, hoc est tradita populo Israëlítico. Causa verò hujus adjuncti, seu dationis legis ministra exprimitur Moyses, ut etiam Joh. 7. v. 19. Princeps verò causa est ipsemet Deus: ut qui solus illius est author, & primus ac primarius dator: ut phrasis etiam hæc indicat, cum lex data dicitur, non à Moysen, sed *per Moysen*; ac propterea eadem lex & Moysis Luc. 2. v. 22. & Actor. 15. vers. 5. & simul Dei, Luc. 2. v. 23. & Rom. 7. vers. 22. distincto hoc sensu appellatur.

Atque hæc de primo institutæ collationis membro, nempe *Lex per Moysen data est*, quod ad rei propositæ declarationem pertinet. Alterum verò quod prioris oppositione declaratur, est: *gratia & veritas per Jesum Christum facta est.* Quibus verbis, *gratia & veritas* legi: & effectio per Christum (tanquam authorem) dationi per Moysen, ut ministrum, confertur ac præfertur. Nam ad prius quod attinet, gratia Christi, opponitur suo modo, legi Decalogi: & veritas, legi ceremoniarum. Nam primum lex Decalogi per Moysen data, perfectam justitiam, ad jus vitæ requirit, Levit. 18. v. 5. & Gal. 3. v. 12. non autem eam donat: deinde ob injustitiam nostram, maledictioni adjudicat, Deut. 27. v. 26. Galat. 3. v. 10. non autem ab ea nos liberat, nec liberare potuit. Contra verò, gratia per Christum facta est, qua passione & morte, maledictionem legis pro nobis perferens, ab eadem nos exemit, Gal. 3. v. 13. & sua ad mortem usque obedientia Phil. 2. v. 8. ac perfecta justitia, ad salutem pro nobis præstita, nobisque per fidem donata, justos nos constituit, & jus vitæ æternæ confert, Rom. 5. v. 17. 18. & 19. Deinde lex ceremonialis per Moysen data, futuram quidem redemptionis ac justitiæ acquirendæ & conferendæ gratiam significavit: sed eam non contulit; veritas verò illius (seu complementum) per Christum facta est. Quamobrem ceremoniæ legis dicuntur, Col. 2. v. 17. *umbra rerum futurarum, at corpus est Christi*, & Heb. 10. v. 1. *Lex enim umbram obtinens futurorum bonorum, non expressam formam rerum, iis hostiis, quæ singulis annis continenter offerunt, nunquam potest accedentes sanctificare.* Ideoque *ἡ ἀγαθή* similitudo, Hebr. 9. v. 9. & *ἡ ἀποδείξασθαι* signa seu exemplaria, vers. 23. denique *ἡ ἱστορία* verorum vers. 24. appellantur: quorum veritas per Christum facta, Hebr. 9. v. 14. & 26. & 10. vers. 14. & passim in illis capitibus, explicatur. Ac propterea fidelium post Christum, meliorem esse conditionem quam antecedentium, asserit Apostolus, cum Heb. 11. vers. 39. & 40. de fidelibus omnibus ante Christum exhibitum ait: *atque hi omnes testimonium adepti per fidem, non obtinuerunt promissionem* (hoc est, rem ipsam Prophetis ac Ceremoniarum umbris promissam) *quod Deus de nobis melius quid providerat, ne absque nobis consummarentur*; Quamvis enim Christi jam nati, passi, crucifixi,



fixi, mortui, suscitati, & in cœlos subveſti, fructum, nempe gratiam justificationis ac salutis perceperint: gratiam tamen, quæ justificationem ac salutem promeruerit, non habuerunt præſentem, ſed futuram expectarunt. Quemadmodum Prophetæ dicuntur, 1. Pet. 1. v. 11. & 12. *ſcrutati, in quem, aut cujuſmodi temporis articulum, prænuntius ille, qui in ipſis erat Spiritus Chriſti, declararet eventuras in Chriſto perſeſſiones, & gloriam illas conſecuturam. Quibus patefactum eſt, non ſibi ſed nobis adminiſtrare, quæ nunc annuntiata ſunt, &c.* Ac propterea ex hac collationis (legis per Moſen datæ, & oppoſitæ gratiæ ac veritatis per Chriſtum factæ) explicatione, ſatis apparet, quid gratiæ & veritatis vocibus ab Euangelista ſignificetur. Ut autem ad majorem intelligentiam, ſummatim rem complectamur: gratia Chriſti ab Euangelista recenſita, eſt triplex; quarum prima eſt, ipſi inhærens, de qua dicitur verſ. 14. *plenus gratia*, hoc eſt, gratuita, ſalutem mediâq; illius nobis conferendi, benevolentia; quæ gratia eſt ſons & origo, ex cujus plenitudine reliqua gratia promanat, & à nobis accepta eſt verſ. 16. ac per Chriſtum facta verſ. 17. Ea autem duplex ſtatuitur; una quidem gratia meriti justificationis: qua mediatoris officio fungens Chriſtus, omne debitum noſtrum, quo ad liberationem à morte, & ad juſ vitæ acquirendum, legi obſtricti eramus, pro nobis, in ſe gratis ſuſcepit, ac plenè perſolvit. Altera verò, eſt gratia justificationis, qua per fidem, meriti ſolutionis ſuæ juſtitie participes reddit: quæ duplex gratia, diſtinctè verſ. 16. ita expreſſa eſt; *accepimus gratiam, pro gratia*, hoc eſt donum justificationis, pro dono redemptionis. Sic veritas Chriſti ab Euangelista duplex indicatur: una quidem inhærens, qua de cauſa *plenus veritate* dicitur verſ. 14. quia omnia, quæ de Chriſti perſona & adjunctis illius, tam qualitatibus, quam Mediatoris officiis, per Moſen & Prophetas promiſſa & adumbrata erant, in eo ſunt completa, Matth. 2. v. 23. & Luc. 1. v. 70. 72. & 73. Altera verò veritas eſt, quæ ex prioris veritatis plenitudine orta: cum tanquam verus Mediator omnia ea præſtitit, quæ præſtanda lege Moſis variè ſunt adumbrata ac promiſſa: de quo verſ. 17. dicitur: *Lex per Moſen data eſt: gratia & veritas per Ieſum Chriſtum facta eſt.* Nam ut ea propria eſt vocis à *πῶλο* ſignificatio: ſic vim illius, ad hunc locum rectè agnovit Chryſoſtomus, dum antithetiſin eſſe inter legem datam, & factam gratiam ac veritatem obſervat. Hactenus verſus 17. explicatio. Cui ſuccinctè nonnulla ſubnectemus.

De ſenſu verſus 18. *Deum nullus vidit unquam, unigenitus ille Filius qui eſt in ſinu Patris, ille expoſuit.*

**O**ccasio huius dicti eſt duplex: prior quidem antecedens præſtantiæ Chriſti demonſtratio, per collationem cum Moſe inſtitutam: quæ in ea re conſiſtit, quod per Moſen tanquam miniſtrum lex utraque, cum decalogi, tum ceremonialis data, quarum illa juſtitiam perfectam ad vitam æternam obtinendam exigit; non autem donat: & ob injuſtitiam noſtram maledictioni adjudicat; non autem ab ea liberat. Lex verò ceremonialis Servatorem venturum & futuram per eum redemptionem ac ſalutem adumbrat; non autem exhibet. Contra verò per Ieſum Chriſtum tanquam Dominum & Servatorem facta eſt gratia & veritas. Gratia quidem, qua univerſum noſtrum Decalogo exactum debitum exſolvit, partim dum maledictionem nobis ob injuſtitiam, ſeu legis tranſgreſſionem debitam pro nobis perferendo, ab eadem nos exemit; partim dum perfectam juſtitiam ſeu ad mortem uſq; obedientiam pro nobis præſtitit, ut juſ vitæ nobis acquireret, ac per fidem donaret. Veritas verò per eum facta eſt, quatenus hanc gratiam (ſeu ſalutis meritiæ beneficium) ceremoniis legis adumbratam, ac futuram reipſa implevit. Altera huius dicti occaſio eſt tacita obiectio, quæ à nimis Moſis admiratoribus cogitari ac proponi poterat: nimirum quamvis Ieſus Chriſtus ſit gratia, qua præſtitit, quod exigebat Decalogus, & veritate, hoc eſt, complemento rei per legis ceremonias adumbratæ, Moſe præſtantior, in eo tamen Moſem excellere, quod primus inter Prophetas fuerit, cui Deus ſe cognoscendum peculiari

alloquio ac familiariter præbuit, & per eum ſui notitiam Iſraelitis primum promulgavit, Exod. 33. v. 11. & Num. 12. v. 6. 7. 8. Scopus autem eſt præſtantiam illam Chriſti ſupra Moſem, amplius & plenius declarare, & ſimul tacitæ huic objectioni occurrere: ut conſtet, omnibus modis Ieſum Chriſtum Moſe excellentiorem: ut fides noſtra in Chriſtum amplius ſtabiliatur. Modus autem qui ad hunc ſcopum collimat ac dirigitur, eſt altera Chriſti ſupra Moſen excellentia, hoc dicto expreſſa, *Deum nullus vidit unquam: unigenitus ille Filius, qui eſt in ſinu Patris, ille expoſuit.* Cuius ſumma eſt, quod Ieſus Chriſtus non ſolum quatenus redemptor eſt gratiæ ſalutaris merito & donatione illius per fidem, Moſe major ſit; ſed etiam ratione cognitionis Dei & patefactionis illius, qua non tantum Moſem & omnes homines, ſed etiam Angelos exſuperat. Partes autem ſunt duæ: prima, quæ hanc præſtantiam aliis derogat omnibus, altera quæ eandem Ieſu Chriſto attribuit. Et illa quidem eſt hæc: *Nullus Deum vidit unquam*: Cuius orationis ſubjectum eſt *ὁ θεός*, non unus ſeu nullus, neque hominum neque Angelorum: quemadmodum attributi veritas, & proprietas Filio Dei aſcripta oſtendunt, ideoque vocem *ὁ θεός* aptius hoc loco vox generalis *nullus*, quam ſpecialis *nemo* (quam homines tantum excludere tradunt) exprimit. Attributum verò eſt, *Deum vidit unquam*. Dei autem voce hoc loco non communiter eſſentia divina, tribus perſonis communis intelligitur: Sed propriè Deum Patrem ſignificat, ut antea Johann. 1. verſ. 1. *ὁ λόγος erat apud Deum*: idque relatio unigeniti Filii, in altera parte expreſſa, demonſtrat: ut etiam alibi frequenter: Quemadmodum Joh. 3. verſ. 16. *Sic Deus dilexit mundum, ut Filium ſuum unigenitum daret*, & verſ. 17. *Non enim miſit Deus Filium &c.* Eodemque modo Deus Pater hoc loco intelligitur. Deinde quod additur *vidit*, illud non propriè de viſu oculorum dicitur. Verum quidem eſt, quod nulla creatura Deum oculis corporis viderit, neque etiam videre poſſit, 1. Tim. 6. v. 16. quia Spiritus eſt Joh. 4. v. 24. ideoque eſſentia incorporea atque inviſibilis, & obiecti viſibilis accidentibus carens: illud tamen Euangelista hoc dicto non indicat; ut ſequentia comprobant; loquitur enim de tali viſione, quæ ſoli Filio Dei propria eſt. Atqui ſecundum divinam naturam oculis corporeis Patrem non videt, quia eatenus iis caret: nec etiam ſecundum humanam naturam oculis Deum Patrem vidit, quia Deitas incorporea & infinita, corporei & finiti viſus obiectum eſſe non poteſt. Nam quod quidam olim (ut Moſis & Prophetarum ſcripta tradunt) Deum vidiffe dicuntur, illud non de Dei eſſentia; ſed de viſibili aliqua ſpecie, ac præſentia illius ſigno pronuntiatur. Quamobrem cum viſio Dei non propriè intelligatur, metaphoricè accipienda eſt, ut cognitionem ſignificet, quemadmodum Joh. 8. v. 56. *Abraham Pater veſter geſtavit videre diem meum* (nempe oculis corporis Meſſiam exhibitum, ut multi Prophetæ) & *vidit* (id eſt, oculis fidei cognovit) & *gauiſus eſt*; & Joh. 6. v. 46. *non quod Patrem viderit quiſquam*. Quibus etiam locis *videre* pro *cognoscere* certò uſurpatur, eleganti ſimilitudine. Nam quemadmodum oculus in corpore rem viſibilem; ſic intellectus in anima rem intelligibilem percipit. Unde etiam in Sacris Literis *oculus* metaphoricè appellari ſolet; quemadmodum etiam *videre* pro *cognoscere* accipitur; id quod ſequentibus locis illuſtratur. Ac primum Luc. 19. v. 42. *Si etiam tu cognoviſſes, etiam hoc ipſo die, quæ ad pacem tuam ſunt! nunc verò occulta ſunt ab oculis tuis.* ubi *cognoscere*, & *ab oculis occultum eſſe*, hoc eſt, intellectui ignotum, inter ſe opponuntur, ac mutuò ſe exponunt: ut contraria contrariis illuſtrentur. Similiter Apoc. 3. v. 18. *Collyrio unge oculos tuos, ut videas*, hoc eſt, remedium intellectui tuo adhibe, ut intelligas: & Act. 26. v. 16. à Chriſto dictum Apoſtolo hoc modo, *ut aperiās oculos eorum, ut ſe convertant à tenebris ad lucem, & à poteſtate Satanæ ad Deum.* Denique Eph. 1. v. 18. *Illuminatis oculis cordis veſtri* (hoc eſt, animæ) *ut ſciatis, &c.*

Quamobrem concinna hoc loco Metaphora inde deducta eſt, cum vox *videndi* ab Euangelista in propoſita ſententia cognitionem designat. Cum autem cognoscendi modus ſit duplex; vel per ſe, ſeu ſua vi; vel per accidens revelationis

lationis aliunde acceptæ: posterior modus in hac propositione sententia nequaquam intelligi potest: quemadmodum hujus loci veritas evincit, quæ alioqui constare non posset, sed aliis Scripturæ Sacræ dictis manifestè repugnaret. Nam ipsemet Evangelista 1. Epist. cap. 2. v. 14 ait, *Scribo vobis filioli, quia novistis Patrem*; & similiter Christus Joh. 14. vers. 7. discipulis suis ait; *jam nunc cognoscitis eum*, scilicet Patrem, & vidistis eum, & Gal. 4. v. 8. & 9. *Tunc quidem non cognoscebat is Deum: nunc verò cum noveritis Deum &c.* denique Moysen, Prophetas, Apostolos, Ecclesiamque fidelium universam Deum Patrem non ignorasse sed cognovisse certissimum est, quoniam ea cognitio ad vitam æternam necessaria declaratur Joh. 17. v. 3. Quocirca hic cognoscendi modus secundus non designatur, quia & Angelis & hominibus fidelibus omnibus convenit. Contra verò is qui ab Evangelista intelligitur, nulli inest, ut disertè affirmatur, *Deum nullus vidit unquam*, unde perspicuum est de primo cognoscendi modo accipiendum, quod dicitur *nullus Deum vidit*, hoc est, cognovit, scilicet per se, seu sua vi: ideoque quotquot viderunt ac cognoverunt, illud aliunde seu aliena revelatione contigit. Neque alio modo Moyses, Prophetæ & Apostoli, Dei Patris notitiam perceperunt. Cæterum ne quis hanc negationem (qua Dei Patris visio, hoc est, cognitio, omnibus creaturis detrahitur) ad certi tantum temporis circumstantiam pertinere existimet: idcirco non solum de omnibus: sed etiam de omni tempore intelligendum declaratur, cum additur *unquam*. Atque hæc quidem de primo oppositionis hujus membro, quo omnes creaturæ, tam Angeli quam homines, & inter hosce Moyses, Prophetæ, Apostoli, Deum Patrem sua vi non vidisse, hoc est, cognovisse dicuntur. Alterum verò est oppositio Christi, qua laus ista ipsi ascribitur his verbis: *unigenitus Filius, qui est in sinu Patris, ille exposuit*. Cujus orationis subjectum, continet Jesu Christi descriptionem, à natura divina petitam: deinde ab adjuncto illius. Ac prius quidem indicat cum ait: *unigenitus Filius ille*, scil. Dei Patris, de quo jam actum in superioribus Evangelistæ verbis, quibus Deo Patri *quoniam* ac verum cum Patre Deum ostendit, ut vers. 14. exposuimus. Causa autem cur hoc in loco non posita sit vox Jesu Christi, sed periphrasis hæc personæ, à natura divina deducta, sit adhibita, ea est, ut hoc modo causam attributæ cognitionis Patris subindicaret, quemadmodum id prudenter in Sacris Literis, in aliis similibus locis observari solet.

Adjunctum verò personæ Filii Dei unigeniti subjicitur his verbis: *qui est in sinu Patris*: id quod non propriè dici perspicuum est: quoniam Deus Pater eum sit Spiritus, sinu, qui corpori humano proprius, destituitur: sed impropiè per metaphoram, quæ tamen diversè ab eruditis interpretibus exponitur. Quidam enim de naturæ conjunctione atque adeo essentiae unitate hanc phrasin interpretantur: quo modo Joh. 14. v. 11. Christus ait discipulis, *credite mihi, quod ego sum in Patre, & Pater in me est*. Alii verò de conjunctione intimi amoris exponunt: quo parentes & nutritii liberos summo affectu in sinu suo continent ac fovent: quemadmodum Num. 11. v. 12. *an ego concepi totum populum hunc? an ego peperii illum? quod dicis ad me, porta eum in sinu tuo, quemadmodum portat nutritius lactentem*. Sic etiam Lucæ 16. v. 22. dicuntur Angeli portasse Lazarum in sinum Abrahæ. Quo modo Esai. 40. v. 11. dicitur: *velut pastor gregem suum pascet: in brachium suum congregabit agnello, & in sinu suo portabit*. Quo etiam modo Joh. 13. v. 23. dicitur de Iohanne Evangelista, *erat autem unus de discipulis Jesu recumbens in sinu ipsius, is quem diligebat Iesus*. Atque ab hac consuetudine humana, similitudo deducta est hoc loco, ad intimum Patris erga Filium suum unigenitum, amorem & mutuam præsentiam ac notitiam declarandum. Hæc de subiecto orationis. Attributum verò quod de hoc Filio unigenito in Patris sinu existente, seu præsentissimo ac dilectissimo prædicatur, est effectum illius, seu beneficium ab eo promanans, cum dicitur: *exposuit*. Ad cujus plenioris intelligentiam duo sunt observanda: primum sensus expositionis: deinde objectum illius, seu quinam illi sint, quibus exposuerit. Ad prius quod attinet, certum est per

ellipsis vocis ex antecedenti membro intellectæ dici, *exposuit*, nempe *Patrem*: quem præter ipsum nullus novit, per se. Expositio autem illa posita est in declaratione personæ Patris, coque essentiae illius divinæ, & proprietatis personalis, quod Filium genuerit sibi *quoniam*: deinde operum creationis & gubernationis: & in iis mandatorum illius ac redemptionis Ecclesiæ: quatenus ea expositio salutis hominum conducit. Filius enim Dei solus Patrem per se novit perfectissimè: ut Joh. 6. v. 46. *non quod Patrem viderit quisquam, nisi qui est à Deo, hic vidit Patrem*, quia una eademque illius & Patris est essentia, ac notitia: adeo ut seipsum ut Filium Patris noscens, Patrem suum ignorare non possit: unde Joh. 14. v. 9. 10. *qui vidit me, vidit Patrem*: item, *non credis me in Patre, & Patrem in me esse?* Homines verò (imò & ipsimet Angeli) non nisi revelante Filio Patrem norunt: ut Matth. 11. vers. 27. *nullus cognoscit Patrem nisi Filius, & cui Filius voluerit revelare*. Quomodo soli Filio (non oppositè reliquis personis Deitatis, sed creaturis) Patris notitia attribuitur, nempe per se: hominibus verò per accidens tantum gratuitæ revelationis, à Filio pro voluntate illius factæ. Cæterum de hujus patefactionis objecto, hoc est, de iis quibus ea contigit, disquiritur: an de fidelibus Novi Testamenti, an verò de omnibus omnium temporum universè sit intelligendum. Prius sequitur cum multis aliis noster interpret: qui propterea hisce verbis vocem, *nobis*, ad sententiam explendam, inferendam duxit, atque etiam inseruit. Veruntamen posterius omninò videtur præferendum: quod illud supplementum vocis *nobis*, nulla ratione necessaria comprobetur: deinde quia altera sententia est plenior, ut quæ priorem illam simul suo ambitu (tanquam genus suam speciem) complectitur: Neque temerè amplitudo phrasin Scripturæ in angustias contrahenda. Denique ex priori oppositionis membro satis clarè apparet, Evangelistam Iohannem non loqui de nobis tantum: sed etiam de omnibus omnium temporum Dei cognitoribus; quia non dixit: *nullus nostrum vidit Deum*, sed, *nullus unquam vidit Deum*, nempe per se suaque vi: Ideoque cum hic subjiciatur *Filius Dei unigenitus, qui est in sinu Patris, ille exposuit*: sensum esse apparet, nempe iis, qui unquam, inde ab initio mundi huc usque, Deum cognoverunt: adeo ut Filius, tanquam *suus* Patri, naturâ ac per se: omnes vero reliqui, qui Deum Patrem cognoverunt, tantum expositionis illius ac revelationis gratiâ cognoverint.

Atque hæc de genuina hujus dicti Iohannis 1. vers. 18. sententia.

#### De visione Dei.

Quia de hoc argumento variæ non solum hæreticorum: sed etiam Orthodoxorum sunt sententiæ; ut hic locus penitus intelligatur, quædam de visione Dei, salvo interim meliori iudicio, explicaturus sum. Quod ut fiat melius, à distinctione exordiar.

Visio bifariam distingui potest: primum ratione causæ efficientis in externam corporis, & internam cordis: deinde ratione objecti in visionem essentiæ & signi illius. Unde cum de Deo differitur, duplex emergit controversia: quarum prima est de visione Dei externa. Cum enim Deus oculis corporis visus dicatur sapius, quæritur an essentia divina videri possit ac visâ sit, aut tantum signum illius. Prius negant Orthodoxi, alterum affirmant ac probant. Primum Scripturæ autoritate, Exod. 33. v. 20. Joh. 1. v. 18. Rom. 1. vers. 20. Col. 1. vers. 15. 1. Tim. 1. vers. 17. & 6. v. 16. 1. Johann. 4. vers. 12. Deinde rationibus naturæ, primum quod sola finita: deinde composita: denique corporea oculis videri possint: quia ut objecta sensuum naturam generis ipsorum non excedunt; sic potentia visus corporis objecto simili ac corporali terminatur. Deus verò est simplicissimus, infinitus, incorporeus, Johan. 4. v. 24. Idem denique declaratur Patrum consensu communi, quem partim adducit August. Epist. 111. ad Fortunatianum, & sequenti ad Paulinam. Quare triplex hinc error refutari potest. Primum eorum qui Deum corporeum & forma humana præditum (unde dicti sunt Anthropomorphitæ) adeoque visibilem oculis nostris finxerunt, idque

que rationibus frivolis, quas paucis diluamus. Prima fuit, quod Deo membra ascribuntur humana in Sacris Literis. Verum est, sed similitudine quadam & Metaphoricè, non propriè ex rei natura. Altera, homo ad imaginem Dei fuit conditus: Ergo Deus formam habet humanam. Non sequitur, quia imago Dei non in forma externa corporis, sed in iustitia, sanctitate & veritate constituitur, Eph. 4. v. 24. Tertia est, Deus sapius forma humana apparuit ac conspectus est. Fateor, sed non tanquam essentiâ & natura sua; sed ut externo præsentie sue signo, quo vel foris oculis corpus humanum exhibuit, vel intus animo speciem illius impressit: ut præsentiam suam aliquo modo adumbraret, Gen. 18. v. 1. & 28. vers. 12. Num. 12. v. 8. Esai. 6. v. 1. Dan. 7. vers. 9. 13. Quare non valet hæc ratio, alioqui cum Deus forma ignis & nubis apparuerit, ejusdem esse formæ concluderetur. Sed plura de his Aug. Epist. 111. 112. & c. Alter error fuit Arrianorum, qui Patrem quidem invisibilem, sed filium visibilem asserabant, ut *oponias* everterent: unde stabilita doctrina de æterna deitate Filii, eadem opera error ille concidit, ut ex Augustino liquet. Tertius error est, Deum esse Spiritum: sed tamen oculis corporeis posse conspici. Qua de re duæ opiniones. Prima eorum qui etiam in hac vita id evenire posse statuerunt: abusi testimoniis, quibus Deus facie ad faciem visus dicitur Jacobo, Genes. 32. v. 30. & Mosi Num. 32. v. 8. Jobo, qui oculis suis Deum vidit Job. 42. v. 5. Sed loci illi non de essentia Dei loquuntur: sed de signis illius & forma corporea qua Deus apparuit, ut liquet Genes. 32. v. 24. Et quidem non ea gloria, qua eam illustrare non potuisset, ad testandam præsentiam suam: quia summam illam lucem nemo mortalium ferret, Exod. 33. v. 18. 20. Secunda sententia est eorum qui statuerunt Deum in hac quidem vita non conspici posse oculis: sed in cælo tantum: atque huc retulerunt promissiones illas de visione Dei, Matt. 5. v. 8. Hebr. 12. v. 14. 1. Ioh. 3. v. 2. Quas non ad corporis, sed ad mentis oculos referri debere demonstrat August. Epist. 111. & 112. Quod autem ex Iobo objicitur: *carne mea visus sum Deum, & oculi mei aspiciunt*, cap. 19. v. 26. 27. id inquam nihil efficit. Non enim loquitur de visione essentiæ divinæ, sed gloriæ: quæ & in cælo relucet: & in Christo, qui Deus est patefactus in carne, in quo Pater tanquam in imagine sua refulget. Huic errori affines sunt, qui agnoscunt nos quidem, non visuros oculis Dei essentiam in cælis: sed videre posse, absolutâ Dei potentia. Nam hæc opinio contradictionem implicat, quum Dei & oculorum naturæ repugnet: ut August. docet Epist. 111. & 112. etsi in lib. de Civit. Dei c. 29. dubitet. Hæc de visione Dei externa; sequitur altera quæstio de visione interna, quæ pro duplici statu nostro, nempe viæ & patriæ, gratiæ & gloriæ, duplex existit. Primum enim quæritur, an essentia Dei à mente videri possit etiam in hac vita; deinde an in altera. Ad prius quod attinet, consentiunt plerique Deum ordinariè in hac vita videri non posse; sed quidam putant extraordinariè privilegio quodam & in raptu videri posse (Aug. ep. 112. c. 13. idque probare conantur exemplis duobus, primum est Moysis: sed hoc refellitur. Exod. 33. 18. 20. Alterum est Pauli: verum nec illud quidquam probat. Etsi enim viderit & audierit mysteria in cælo, essentiam tamen Dei vidisse non dicitur: ut falsò Bonaventura exponit lib. 3. dist. 14. q. 21. §. 24. Itaque alii contrà sentiunt, essentiam Dei in hac vita videri non posse: idque probant ex his locis. Exod. 33. 20. *Non enim videbit me homo & vivet*. Ioh. 1. 18. & 1. Ioh. 4. 12. *Deum nemo vidit unquam*. & 1. Cor. 13. 12. *videmus nunc per speculum in ænigmate*. 1. Ioh. 3. 2. *cum apparuerit similes ei erimus, quoniam videbimus eum sicuti est*. Denique quia visio Dei tanquam fidei præmium & beatitudo promittitur. Sed de hac quæritur, an visuri simus ipsam essentiam Dei in cælo. Qua de re orthodoxorum diversæ sunt sententiæ. Ac primum id negat Basilius, cum inter cætera ait, neque intelligibilem neque effabilem esse naturæ hominis essentiam Dei lib. 1. contra Eunomium. Secundo Theodoretus, cum ait: *Dico, etiam ab Angelis videri non potest divina natura*. Ac paulo post. Eran. *Quomodo ergo intelligemus, quod Angeli eorum vident faciem Patris vestri?*

Orth. Sicut intelligere solemus dicta quæ testantur Deum ab hominibus conspectum esse. Orthod. Mentiuntur ergo affirmantes se Deum vidisse? Eran. Absit. viderunt enim quæ ipsos cernere fas erat. Orth. Ergo Dominus in quo est suavitatis humanitatis, attemperat revelationes ad captum spectatorum. Non sane Dei essentiam viderunt, qui revelationum illarum spectatores fuerunt. Nos verò & piis cogitationibus utentes, & divinis asservationibus credentes, quæ diserte affirmant Deum à nemine conspectum esse, dicimus ipsos non divinam naturam vidisse, sed imagines quasdam captivi ipsorum accommodatas. Sic etiam de Angelis cogitemus, quoties audimus hoc dictum, quod semper videant faciem Patris nostri. Non enim divinam essentiam cernunt, quæ nec circumscribi, nec contineri, nec cogitatione comprehendi potest, quæque omnia continet, sed lucem quandam naturæ ipsorum accommodatam. dial. 1. immutabilis. Tertio Chrysost. in Ioh. 1. Homil. 14. Nam id quod est Deus, non modo Prophetæ non viderunt: sed neque Angeli neque Archangeli. Solus autem ipsum videt Filius & Spiritus S. Quod si omnis natura creata est, quam ratione increatam videre poterit? Ad illa autem loca, Angeli vident faciem Patris, quænam erga ea sententia? quæ illo in loco, beati mundo corde, quoniam ipsi Deum videbunt, cogitationem namque atque imaginationem, quam pro viribus nostris de Deo capimus, eam visionem appellat. Neque aliter de Angelis intelligendum est, propter puram ipsorum & nullo somno obnoxiam naturam, cum nihil aliud quam Deum mente semper agitant. Propterea Christus, nemo inquit agnoscit Patrem nisi Filius. Quid igitur, num omnes in ignorantia vivimus. Sed nemo ita cognovit Patrem ut Filius: ut igitur multi quisque pro captu suo ipsum viderunt, substantiam autem nemo vidit: sic multi Deum cognoscimus, non tamen substantiam qualis est, nisi solus ejus unigenitus, qui certam notionem visumque ac comprehensionem habet, qualem filium de patre habere par est. Et alibi. Quando ne in cælo quidem virtus aliqua sit creata, quæ cernit divinam substantiam. Audiamus igitur Angelos, Sanctus, sanctus, sanctus, concinunt, & suos avertunt oculos cum ne condescensum quidem & indulgentiam Dei valeant tolerare. Hom. 1. de incomprehensibili Dei natura. Hanc sententiam repetit ac probat ex 1. Timoth. 1. & 6. quod Deus non solum invisibilis dicatur, sed etiam habitare lucem inaccessibleem. Idem docet Ursinus tomo 1. expositione præcepti. 3.

Contrà alii sentiunt, Dei essentiam in cælo ab Angelis & piis mente videri; ut Aug. epist. 112. & post eum scholastici, qui visionem aliam esse dicunt apprehensionis, quæ consistit in manifestatione veritatis rei cognitæ; aliam comprehensionis in inclusione totalitatis. Sic Bonavent. in Magist. lib. 1. dist. 3. qu. 1. quemadmodum etiam in 1. 3. dist. 14. quæst. 1. §. 14. ait: *Plus enim dicit comprehensio, quam cognitio plenitudinis vel perfectionis: supra enim cognitionem addit inclusionem*. Sic Thomas in Magist. lib. 4. dist. 49. quæst. 1. ait: *quando essentia rei cognoscitur secundum modum sui cognoscibilitatis, tunc res comprehenditur: & in summa p. 1. quæst. 12. artic. 7. illud comprehenditur, quod perfectè cognoscitur. Perfectè autem cognoscitur quod tantum cognoscitur quatenus est cognoscibile*. Atqui hinc sic sese explicant, altero modo videri Deum à se solo ut infinito infinitè, & ut loquuntur totaliter: à creatura verò tantum priori modo solum, sed non totaliter: *videt enim finitè* (ut ait Thomas) *quod de se est visibile infinitè*. Sic Aug. Epist. 112. Atque hac ratione respondent ad dictum Chrys. loqui eum de visione comprehensionis qua solus Deus se videt. Sed hæc responsio cum Chrysost. non convenit, ut ex superioribus illius dictis constat. Nec enim comprehensionem ab apprehensione verbis aut re distinguit. Nam comprehendere aut penitus comprehendere nihil aliud Basilio, Chrys. Theod. significat, quam ipsammet essentiam immediatè contemplari, ut distinguatur comprehensio essentiæ immediatè à comprehensione illius mediata ex effectis aut signis. Nec melior est altera Bonaventuræ responsio lib. 3. dist. 14. quæst. 3. qui quod Chrysostomus ait, *Angelos non vidisse quid sit Deus*, interpretatur, *non manifestant, ut Matth. 24. de die illo nemo novit neque Angelus: sicut etiam fovea cæca dicitur quod non manifestat quod habet in se*. Hæc enim explicatio

plicatio verbis Chrysostomi aperte adversatur, & locum Matthæi pervertit: alioqui si non nosse sit non patefacere, nosse Patris erit patefactio, cum contrarium Christus aperte statuatur. Act. 1. v. 7. Verum ad priorem Scholasticorum responsionem probandum excipit Thom. pag. 1. quæst. 12. art. 1. Chrysostomum loqui de visione comprehensionis, idque inde probare contendit, quod post verba illa de Angelis subdit Chryf. Joh. 1. *Visionem hic dicit certissimam Patris considerationem & comprehensionem tantam, quantam Pater habet de Filio.* Fateor: sed comprehensionis vocem non distinguit ab apprehensione: nec aliud intelligit quam visionem essentiae Dei: quam non duplicem facit; sed unicam statuit, quæque soli Deo conveniat: ut ea quæ supra attulimus evincunt, & homilii quinque de incomprehensibili Dei natura copiose Chrysostomus demonstrat. Sed jam argumenta utrimque perpendamus. Qui non videri immediate ipsam essentiam Dei statuunt, hæc testimonia divina adducunt, Joh. 1. v. 18. *Deum nemo vidit unquam,* 1. Tim. 6. v. 16. *Deus lucem inhabitat inaccessibilem, quem nullus hominum vidit, sed nec videre potest.* Sed bifariam respondet Bonaventura lib. 3. dist. 14. quæst. 3. Primò Deus non potest videri, scilicet viribus nostris, potest tamen munere Dei: unde super illud 1. Tim. 6. *Lucem habitat inaccessibilem*, glossa, *inaccessibilis est viribus nostris, accessibilis muneribus suis.* Secundo non potest videri substantia, scilicet in via: ut Exod. 33. *non videbit me homo & vivet.* Sed hanc interpretationem refutant Patres iis locis quibus Deo soli ea laus tribuitur, ut Matth. 11. v. 27. & Joh. 6. v. 46. & 1. Cor. 2. v. 10. 11. At contra excipiunt Scholastici. Non potest substantia Dei videri, id est, plenè comprehendendi: hæc autem loca agere non de apprehensione, sed de comprehensione essentiae Dei, quæ nec plenè à nobis potest comprehendi, nec sine Dei beneficio apprehendi. Quare nec nostris viribus, nec plenè Deum videmus. Sed huic responsioni opponuntur alia testimonia & rationes. Angeli non possunt ferre splendorem illum quo Deus apparet Es. 6. Ergo multò minus ipsammet essentiam. Secundo si non plenè videbimus essentiam Dei, ergò nec essentiam, quia simplicissima est. Tertiò claritas divinæ essentiae cum infinita sit, magis excedit oculum mentis, quam solis fulgor oculum corporis: unde concluditur, sed hic non potest solis intueri essentiam propter fulgoris excellentiam à quo hebetatur, ergo nec ille contemplari divinam essentiam. Respondet Bonaventura lib. 3. dist. 14. quæst. 3. *Est excellentia conservans, & est excellentia corrumpens. Excellentia conservans est in spiritalibus: sed corrumpens in objectis corporalibus;* itaque esse dissimilitudinem solis & Dei. Sed contra potest urgeri, Deum lucem habitare inaccessibilem, 1. Timoth. 6. itaque esse eandem rationem. Quartò infinitum à finito percipi non potest, quia nulla est proportio: Sed essentia Dei infinita est, anima nostra finita. Verum respondet Bonaventura: *infinitum est duplex, unum quod opponitur simplici (hoc est, infinitum compositum) & tale non capitur à finito, quale est infinitum molis: aliud est simplex quod habet infinitatem cum simplicitate ut Deus, & tale infinitum quia simplex est, ubique totum est: quod infinitum in nullo sic est, quin extra illud sit, & sic intelligendum est in cognitione Dei. Et ideo non sequitur quod si cognoscitur totus, quod comprehendatur, quod intellectus ejus totalitatem non includit, sicut nec creatura immensitatem.* Hæc ille lib. 1. distinct. 3. quæst. 1. Docta quidem hæc responsio est: sed contra objicitur. Cum igitur Deus sit infinitum simplex, ergo à quocunque videbitur ejus essentia, videbuntur ea quæ in Deo sunt omnia. Nam infinitum compositum videri potest, ut non omnia quæ in eo sunt videantur: sed simplex minimè. At non omnia quæ in Deo sunt videntur: quia scientia Dei non videtur: alioqui sancti in cælis essent omniscii. Adhæc visa Dei essentia, videtur necessariò ejus scientia: quia potentia, scientia cæteraque attributa & operationes essentiae internæ sunt ipsamet essentia Dei: qui est actus purus simplicissimus. Quemadmodum hæc & alii argumentis demonstrant Lombardus lib. 1. dist. 8. & 22. & ad ea loca Scholastici, Bonaventura & Thomas: & hic præsertim in summa sua part. 1. quæst. 14.

art. 4. Et ex nostris Zanchius fusè docet scientiam & scire esse Dei essentiam, de attrib. Dei lib. 3. quæst. 10. & 11. Idemque de actionibus Dei internis & essentialibus demonstrat lib. 5. c. 1. Eademque est communis Theologorum sententia. Superest itaque ut fundamenta eorum proponam qui Dei essentiam in cælis immediatè videri censent. Ea autem sunt partim testimonia Scripturæ Sacre, partim rationes. Testimonium primum est ex 1. Cor. 13. v. 12. *Cernimus autem nunc per speculum in ænigmate: tunc autem à facie ad faciem.* Ergo inquirunt essentiam Dei in se videbimus. Verum negatur consequentia. Nam primum dici potest cum Oecumenio, loqui Apostolum de Filio. Deinde si de Deo & rebus divinis absolute agatur, notari clariorem veritatis & gloriæ Dei cognitionem, quam in hac vita est: non autem essentiae visionem: quemadmodum Deus Moysi cognitionem aliorum Prophetarum notitiæ iisdem verbis præfert Num. 12. v. 8. Sed instant Paulum subjicere; *Tunc autem cognoscam, sicut cognitus sum.* Sed quidam respondent vocem sicut notare hoc loco non modum cognitionis nostræ, sed causam: ac vertendum potius: tunc autem agnoscam, id est, plenius cognoscam sicut agnitus sum: hoc est, vocatus à Deo & approbatus. Quæ Chrysostomi sententia est: quem sequitur Wolfg. Musculus, quum ait; *Erit ergo futuri seculi cognitio non simpliciter & à facie sed à facie: qua res antea in hac vita tenuiter & ex parte cognita, adhuc quidem agnosceremus in futuro: sed amplius ac perfectius quam nunc.* Quam ad rem adfert Musc. elegantissimam similitudinem Reginæ Sabæ, 1. Reg. 10. v. 7. additque juxta quod & agnitus sum. *Sicut electi inde ab initio mundi, ubi tempus vocationis venit, agnoscit nos Dominus quos olim elegit.* Hæc Musculus. Loci similes sunt, Matth. 7. vers. 23. *nunquam novi vos:* Phil. 3. v. 12. *Persequor ut apprehendam, cujus causa sum apprehensus à Christo.* Sed objicit potest, hanc expositionem non posse constare, quia verbum agnoscendi aliter de Deo quam de nobis accipitur. Verum nihil in eo absurdi: nam ut in aliis antanaclases crebræ: sic in hoc dicendi genere, quemadmodum Gal. 4. v. 5. *Nunc verò postquam cognovistis Deum, aut potius cogniti estis à Deo.* Sed alii admittunt vocem sicut hoc in loco notare modum & similitudinem: sed inde non sequi: Deus cognoscit essentiam nostram, ergo & nos illius: alioqui sequeretur, Deus cognoscit nostram scientiam, ergo & nos divinam. Itaque Photius apud Oecumenicum rectè ait; *Sicut & cognitus sum; hoc est, exactè & perfectè. Ad hoc enim ego ab initio cognitus sum, ut & ipse perfectè & exactè qui me cognovit dominum cognoscam, quemadmodum homini possibile est.* Hæc de priori testimonio.

Alterum est, 1. Joh. 3. vers. 2. *Videbimus eum sicuti est:* ergo divinam essentiam. Sed negatur consequentia: ac duplex adfertur ad eum locum responsio. Primum verba illa non de Deo absolute; sed de Deo in carne patefacto: h. e. de Christo esse accipienda: ut interpretes agnoscunt & ex vers. 5. & 8. demonstratur. Deinde etiam si ageretur de Deo absolute, non aliud tamen notaretur, quam longè excellentior gloriæ Dei patefactio: *videbimus eum sicuti est,* hoc est, sicut in cælo gloriam suam patefacit. Credimus enim hic nos esse filios Dei, Deum esse Patrem nostrum: ibi videbimus eum sicuti est; nimirum patrem nostrum in cælesti gloria. Nam de ea re agit Apostolus. At inquirunt si gloria Dei videtur, ergo Dei essentia: Sic Bonavent. excipit, *non est, inquit, aliud claritas, aliud natura,* lib. 3. dist. 14. quæst. 3. Sed hoc negatur: quia gloria & claritas Dei alia est naturalis; quæ cum sit ipsamet Dei essentia simplicissima ac compositionis & accidentis omnis experta, in se videri nequit: sed tantum in effectis: alia est gloria voluntaria, quæ videri potest, partim oculis corporis, partim mentis. Et corporis quidem; aut à tergo imperfectius, in hac vita, ut Moysi contigit: aut facie ad faciem perfectè ut in cælo: de qua visione propriè agit Deus, Ex. 33. v. 20. 23. et si secus Augustinus Ep. 112. & quidam alii accipiant. Mentis verò oculis videtur gloria Dei eadem patefactionis ratione quam sola docebit experientia. Denique videbimus Deum & essentiam Dei non in se, sed in gloria cælesti & perpetua, alioqui sequeretur, ut antè demonstravi, nos visuros scientiam Dei eoque fore omniscios. Hæc



Hæc de testimoniis : ad rationes transeamus.

Prima autem est ; si nunquam essentiam Dei videre potest intellectus creatus, vel nunquam beatitudinem obtinebit : vel in alio ejus beatitudo consistet quam in Deo : quod est alienum à fide. In ipso enim est ultima perfectio rationalis creaturæ, qui est principium essendi. Hæc Thomas part. 1. quæst. 12. art. 1. Sed negatur consequentia : quia beatitudo in Dei visione & fruitione consistit, non absolute, sed quatenus capere potest creatura rationalis, ut enim internam & spirituales Dei patefactionem non capient oculi corporis, quia naturam eorum omnino excedit, nec propterea felices esse desinent : sic & oculi mentis, quamvis ipsammet divinam essentiam (quæ infinita est, & mentis aciem infinite superat) immediate et in se visuri non sint : non propterea tamen beatitudine sua carebunt. Visuri enim sunt essentiam Dei, eaque fruituri in gloria qua Deus se toti homini patefaciet et communicabit : adeo ut futurus sit hac ratione, ut Paulus loquitur, *omnia in omnibus*, hoc est beatorum summum bonum et beatitudo. Altera Thomæ eodem loco ratio, quam etiam habet Bonavent. lib. 3. dist. 3. quæst. 3. hæc est ; Inest homini naturale desiderium cognoscendi causam, cum intuetur effectum. Si igitur intellectus rationalis creaturæ pertingere non possit ad primam causam rerum, remanebit inane desiderium, unde simpliciter concedendum est, quod beati Dei essentiam videant. Verum negatur hypotheseos illius consequentia : nec enim ullum remanebit in cælo inane essentiam Dei immediate videndi desiderium sed tranquillitas erit summa : quia si quod tale est in hac vita desiderium, illud non est insitum à natura, sed à corruptione & ignorantia naturæ : quæ nec modulum suum, nec Dei immensitatem intelligit. Nam ut Thomas ipsemet definit part. 1. quæst. 12. art. 8. naturale desiderium rationalis creaturæ est quod spectat ad perfectionem naturæ. At inquam videre immediate in se Dei essentiam, non est perfectio hominis. Itaque desiderium illius non est naturale. Inest homini quidem desiderium naturale cognoscendi causam, cum videtur effectus : sed quatenus causa cognosci potest. Alioqui non minus erit desiderium primam causam comprehendendi (quod fieri non potest) quam apprehendendi, quod Scholastici volunt.

Tertia ratio ex Bonav. lib. 3. dist. 13. quæst. 3. colligi potest : unio hypostatica humanæ naturæ cum Deo plus est quam unio gratiæ, quæ cognoscitur divina essentia. Itaque cum prior unio facta sit in Christo, altera etiam fieri multò magis potest. Sed negatur etiam consequentia. Etsi enim unio hypostatica majoris sit dignitatis, quam unio visionis ipsiusmet essentia Dei, non propterea tamen sequitur eam facilius posse, aut ullo modo posse fieri. Quia ut illa unio naturæ Dei convenit ; ita hæc repugnat : quare prior unio facta est quia Deus est potens, altera non fit, quia impotens esse non potest, ut ante disputatum est. Nec enim potest essentia Dei videri, quin scientia Dei & omnia quæ in Deo sunt videantur, atqui hoc fieri non posse Scholastici agnoscunt : Ergo nec illud. Sed excipit Thomas part. 1. quæst. 12. art. 8. ac negat consequentiam : *quia sic*, inquit, *aliqua videntur in Deo, secundum quod sunt in ipso. Omnia autem alia sunt in Deo, sicut effectus sunt virtute in sua causa. Sic igitur videntur omnia in Deo, sicut effectus in sua causa. Sed quanto causa perfectius videtur, tanto plures ejus effectus in ipsa videri possunt.* Sic in addit. ad pag. 3. quæst. 92. art. 3. *Quanto inquit aliquod principium perfectius cognoscitur, tanto plura sciuntur in illo. Sicut in uno demonstrationis principio, ille qui est perspicacioris ingenii plures conclusiones videt quam alius qui est tardioris.* Hæc Thomas. Sed primum respondetur, malè effecta divina cum conclusionibus principiorum conferri : illa enim sunt voluntaria eoque libera, hæc verò necessariò ex principiis deducuntur.

Deinde negatur assumptio. Nam omnia non solum sunt in voluntate aut potentia Dei ut causa : sed etiam in Dei scientia, quæ res omnes in sua voluntate aut potentia fitas, in iis contemplatur perfectissimè. Quare visa Dei essentia, videbitur etiam scientia. Sed objici potest, scientiam sumi bifariam : pro actu primo, & sic videri posse aut pro actu secundo & scientiæ operatione seu contemplatione ; & sic

videri non posse, eoque visa scientia, non omnia videri quæ in ea. Verum respondetur, etsi in nobis actus sit geminus : in Deo tamen propriè non habet locum, quia est actus purissimus & simplicissimus, in quo idem est esse & essentia, scire & scientia, actio interna & essentia, ut nostri graviter probant, & à Thoma quoque pluribus in locis asseritur ac demonstratur, Summæ part. 1. quæst. 14. art. 4. & quæst. 19. art. 4. & quæst. 25. art. 1. & quæst. 30. art. 2. quæst. 41. art. 4. & alibi frequentissimè. Cæterum obiter observanda est magna sententiæ Scholasticæ de visione Dei temeritas, quia dicitur summa Thomæ, additionibus ad part. 3. quæst. 92. art. 3. *Ideo unusquisque videntium Deum per essentiam, tantò plura in ejus essentia conspicit, quantò clarior divinam essentiam intuetur : & inde est, quod de his potest unus alium instruere : & sic scientia Angelorum & animarum sanctarum potest augeri usque ad diem judicii, sicut & alia quæ ad præmium accidentale pertinent : sed ulterius non pertinet, quia tunc erit ultimus status rerum, & in illo statu possibile est, quod omnes omnia cognoscent, quæ Deus scientia visionis novit.* Hactenus de visione Dei.

*Brevi de agni Paschalis & J. Christi Comparatione tractatio.*

Memorable atque explicatu dignissimum est Johannis Baptistæ de Christo testimonium, quod extat Joh. 1. v. 29. *Ecce agnus ille Dei, qui tollit peccatum mundi.* & v. 36. *Ecce agnus Dei.* Ad cujus non minus quam multorum aliorum S. Scripturæ locorum similium intelligentiam, plurimum conducit recta agni Paschalis & Christi, tanquam typi adumbrantis, & archetypi hoc typo adumbrati, comparatio. Ac propterea non ingratum neque inutile fore existimamus, si eam distincte ac succinctè proponamus. Quæ in re tractanda, curiosis atque ineptis allegoriis (quibus aures quidem titillari, sed sancta Theologia contaminari solet) omissis, S. Scripturæ præeuntis vestigia sequemur. Ex illius autem indicio comparatio in quatuor præcipue capitum similitudine, *natura* scilicet, *usus*, *adjuvantium*, & *finis* atque *effectus* consistit. Si *naturam* spectemus, innata innocentia & perfectio utrimque similis. Nam ut agnus, ex communi sua natura mansuetus atque innocens est, & agnus Paschalis ex proprio Dei mandato perfectus, hoc est, membris integer, & immaculatus esse debuit. Exod. 12. v. 5. & 6. Sic etiam Christus agno illo Paschali adumbratus, mansuetus Matt. 11. v. 29. Atque innocens est, agni instar Esa. 53. v. 7. & defectus ac maculæ peccati omnino expers. Heb. 2. v. 17. & 4. v. 15. ac perfectè sanctus. Ideoque Heb. 7. 26. Christus vocatur sanctus, innocens, incontaminatus, separatus à peccatoribus : ac causa redditur, quod talis nobis conveniret pontifex : deinde expositio agni Paschalis typo 1. Pet. 1. 19. agnus inculpatus & incontaminatus dicitur. Deinde non solum in *natura*, sed in *usu* etiam, utriusque convenientia apparet varia. Nam primum, ut agnus Paschalis erat mactandus, & sanguis illius effundendus : ita & Christus vocatur agnus ille mactatus Apoc. 5. 6. & 12. Cujus agni sanguis effusus, ibidem v. 9. & 1. Pet. 1. 19. memoratur. Deinde ut agnus ad mactandum deductus, pro insita sua mansuetudine, ducenti non reluctabatur ; sic & Christus ad mortis victimam petitus, ultrò ac prompta voluntate sese obtulit Johan. 18. 4. & 8. Heb. 10. 9. unde Propheta hoc prædicens, ait : *ipse afflictus fuit, & non aperuit os suum, ut ovis ad mactationem ductus est, & ut agnus coram suo tonsore mutus, ita non aperuit os suum, ut diserte Esa. 53. 7. prænuntiatum, & de J. Christo repetitum atque expositum Act. 8. 32. Tertius usus erat, quod agni mactati sanguis, hyssopi fasciculo, duobus postibus & superliminari domus aspergendus erat, Ex. 12. v. 7. Sic Christi sanguis aspergitur & applicatur animis nostris à Spiritu S. per obedientiam fidei, qua Christi. & sanguinis illius effusi participes reddimur, quemadmodum 1. Pet. 1. 2. dicitur : *per sanctificationem Spiritus, ad obedientiam & asperisionem sanguinis Christi.* Quartus usus est, quod agnus Paschalis debebat assari, Exod. 12. v. 8. Sic Christus ignem iræ Dei (qui ignis consumens Heb. 12. 29.) in cruce sustinuit Esa. 53. 6. Matth. 27. 46. Quintus usus est, quod*

ossa agni Paschalis integra erant relinquenda, non frangenda, ut præcipitur Exod. 12. 46. Sic etiam Christi ossa non sunt fracta Joh. 19. 33. Licet illud in crucis supplicio esset usu receptum, (& quidem ut videretur, ne diuturnior crucifixi vita poenæ modum excederet) & unâ cruci affixis id acciderit v. 31. & 32. quæ res Dei providentia contigit, ut agni Paschalis typus Christum respiciens, revera adimpleretur, ac propterea dicitur v. 36. *Illâ facta sunt, ut impleretur Scriptura, Os illius non conteretur.* quæ verba de agno Paschali. Exod. 12. 46. & Num. 9. 12. immediatè dicuntur; deinde mediatè de Christo, per agnum Paschalem, tanquam typum propheticum adumbrato. Sextus denique usus agni Paschalis fuit, ut illius carnes assæ ab Israëlitis ederentur. Exod. 12. 9. sic etiam Christi crucifixi, & mortui carnem, imò totum Christum ore fidei edere nos necesse est Ioan. 6. 53. & 54. Atque hæc de secundo institutæ comparationis capite, nempe usus agni Paschalis, & Christi similitudine varia. Tertium vero est quod in *adjunctis* similibus consistit. Nam in esu agni Paschalis duo erant adhibenda: quorum primum erat absentia fermenti duplex; una quidem à panibus, qui cum agno edendi, quos azymos seu non fermentatos esse oportuit. Exod. 12. 8. & 18. 20. altera ab ipsis etiam domibus, ut v. 15. *Septem dies panes azymos comedite, veruntamen ipso die primo jam amovebitis vetus fermentum de domibus vestris* & v. 19. *Septem dies vetus fermentum ne reperitor in domibus vestris.* Sic etiam in hoc Christi per agnum Paschalem adumbrati esu, ac festo spirituali perpetuo celebrando, abesse debet fermentum spirituale duplex, primum in nobis, alterum deinde à domo nostrâ. In nobis quidem, ut simus expertes falsæ doctrinæ & improbæ vitæ; quæ panum fermento adumbrata. Nam quemadmodum fermentum, massam farinæ inflat ac tandem tumidam reddit: sic falsa doctrina & improba vita homines inflat, & contra Deum elatos ac superbos reddit, ideoque per fermentum sunt adumbrata: sicut etiam à J. Christo metaphoricè *fermenti* voce designata, ut exponitur Matth. 16. 12. & Luc. 12. 1. Deinde non solum in nobis abesse debet fermentum, sed etiam à domo nostra, hoc est, Ecclesia; quod fermentum sunt homines, falsa doctrina aut improba vita imbuti, qui disciplina Ecclesiæ à presbyterio, communione Cœnæ Christi arcedendi. Nam ut fermentum, vel exiguum cum tota massa comparatum, totam nihilominus massam fermentat, inflat ac tumidam reddit: sic vel unicus hujusmodi homo perversus, nisi ab Ecclesiæ communione excludatur, totam Ecclesiam, pravò exemplo tolerato, perturbat & vitiis tumentem reddit ac corrumpit: quemadmodum Gal. 5. 7. 8. 9. dicitur: *Currebatis pulchrè, quis vos interpellavit, ut non obsequeremini veritati? Hæc persuasio non est ex eo, qui vocat vos; paululum fermenti totam massam fermentat.* Quam utriusque fermenti (cum in nobis, tum à domibus nostris) removendi absentiam plenè satis Apostolus describit. 1. Cor. 5. 6. 7. 8. his verbis: *an nescitis quod parum fermenti totam massam fermentat? Expurgate igitur vetus fermentum.* (i. e. hominem incæstuosum) *ut sitis nova massa.* (Hæc de fermento veteri, à domo Ecclesiæ per disciplinam Ecclesiæ removendo) *sicut estis fermenti expertes* (hoc respondet panibus azymis) *Etenim Pascha nostrum sacrificatum est, Christus.* Itaque festum agitemus, non cum fermento veteri (id est, in aliis hominibus, scandalum præbentibus) *nec cum fermento malitiæ, & malignitatis* (in nobis scilicet) *sed cum azymis* (hoc est, non fermentatis panibus) *sinceritatis & veritatis.* Atque hæc de primo adjuncto esus agni Paschalis, & Christi eo adumbrati: nempe absentia fermenti gemini, cum in nobis, tum à domo nostra. Alterum verò adjunctum esus agni Paschalis, fuerunt herbæ amaræ, unâ cum panibus azymis edendæ: sic etiam in Iesu Christi agni nostri spiritualis esu, per veram fidem, toleranda ac devoranda est afflictio, quæ piè in Christo viventes comitatur, 2. Tim. 3. v. 12. Act. 14. v. 22. Ac propterea Christus suos discipulos ad crucem ferendam, ipsumque ea in re sequendum, paratos esse debere demonstrat ac præcipit, Matth. 16. v. 24. Quæ crux, cum sit animis nostris amara ac difficilis, non immeritò herbis amaris videtur significata. Quibus herbis amaris, etiam abnegatio nostri (quam similiter

Matth. 16. cum cruce ferenda necessariam esse demonstrat) non incommode designari, videri possit. Cum enim ea abnegatio nostri, occisio veteris hominis, & mortificatio membrorum nostrorum appelletur: magnam sanè esse amaritudinem illius apparet, & experientia comprobatur. Veruntamen quia ea abnegatio nostri (hoc est, cum iudicii mentis corruptæ, tum voluntatis cupiditatum Deo repugnantium) fermenti remotione adumbratur: idcirco satius est, ut distinctè, per herbarum amararum cum agno Paschali esum, crucis (seu persecutionis ob Christi fidem) conjunctè tolerantiam solummodo intelligamus. Atque hæc de esus agni Paschalis & Christi, adjunctis similibus, tertio scilicet comparationis hujus capite.

Quartum verò in *fine & effectis* consistit. Nam agni Paschalis sanguis, postibus & superliminari fuit aspersus, ut esset signum ac sigillum Israëlitis, quo domi manentes, moniti, crederent promissioni Dei de iis clementer in communi primogenitorum cæde prætereundis: & simul ut esset medium, quo viso, Deus ipsorum vitæ parceret, atque primogenitos cæsurus, præter eos transiret, quemadmodum Exo. 12. v. 13. dicitur. *Erit autem sanguis ille vobis in signum super illas domos, ubi eritis, & videbo sanguinem illum, & transibo præter vos: sic non erit in vobis plaga exitialis cum percutiam* (hoc est, cædem committam) *in terra.* Qua etiam de causa agnus ille, cujus sanguis aspergendus, Metonymicè Hebraicè *Pesach*, Exod. 12. v. 21. & Chaldaicè *Pascha* Luc. 22. v. 7. & 15. h. e. *transitus* appellatur: quod esset transitus Dei interficientis signum ac medium: ut etiam effectum fini suo respondens demonstravit, Exod. 12. v. 23. 27. cum 29. Sic etiam Christus (agno Paschali tanquam typo Prophetico adumbratus, & Sacramento Veteris Testamenti obsignatus) est verus agnus Dei, cujus morte & sanguinis asperione, omnes in Ecclesia (tanquam Dei domo) fideles, eorumque liberi, ut veri Israëlitarum Dei, Gal. 6. v. 16. redempti ac tecti sunt ab ira Dei. Quæ ut infideles perdit: sic fideles ob Christi sanguinem, ipsorum animis fide aspersum, 1. Pet. 1. v. 2. præterit Ioh. 3. v. 36. Rom. 3. v. 25. & 8. v. 1. Heb. 2. v. 14. & 1. Ioh. 1. v. 7. ideoque per Metonym. adjuncti signi pro subjecto, seu re significata, *Pascha & agnus* appellatur. Quemadmodum 1. Cor. 5. v. 7. *Pascha nostrum immolatum est, Christus,* & Ioh. 1. v. 29. & 35. *agnus Dei* & 1. Pet. 1. v. 18. 19. *agnus inculpatus & immaculatus: cujus pretioso sanguine redempti sumus:* & Apoc. 5. v. 6. *agnus qui mactatus est, & redemit nos sanguine suo:* & Apoc. 7. v. 14. *agnus in cujus sanguine stolæ lavarunt ac dealbarunt fideles.* Quibus consentit Justinus Martyr Dialog. cum Tryphone Judeo, cum ait pag. 200. Edit. Commelini, *mysterium igitur agni, quod Pascha mactare jussit Deus, typus erat Christi, cujus juxta rationem fidei in ipsum, aspergunt domos suas, hoc est, seipsos credentes in ipsum.* Plura ibid. & pag. 264. Ideoque ut Christi per agnum Paschalem adumbratio memoriæ melius inhaereret, eodem recurrente agni mactandi die festo, Christus Pascha nostrum pro nobis sacrificatus est, suamque Ecclesiam ab ira suo sanguine tutam conservat, Rom. 5. v. 9.

Atque hæc de agni Paschalis ut typi prophetice adumbrantis: & Christi ut archetypi eo adumbrati comparatione. Cui addenda brevis

#### De voce Pascha

#### A P P E N D I X.

Quamvis ea, quæ strictim de voce Pascha declaravimus, ad rei intelligentiam ac popularem explicationem sufficiant: quia tamen hac de re prisca Theologi diversis sententiis inter se discrepant, non alienum erit, si eas paucis discutiamus, ut in iis legendis prudenter versemur: utque relictis nævis, rectè dicta amplectamur. Nam de origine, & significationis vocis ratione questio est. De origine enim quidā statuerunt *Pascha* esse vocem Græcam à *πάσχω* *pator* derivatam; unde Tertull. lib. 3. adversus Judæos c. 10. ait: *& adjecit, Pascha esse domini, i. e. passionem Christi.* Quam sententiam rectè rejicit Aug. Epist. 119. ad Ianuarium, cum ait: *Vocabulum ipsum quod Pascha dicitur, non Græcè (sicut vulgè videtur solet) sed Hebræum esse dicunt, qui linguam utramque non verunt.*

Alterâ

Altera sententia est Greg. Nazian. qui rectè quidem Græcam vocem esse negat, sed dum Græci sermonis imitatione corruptam esse asserit, à recto aberrat, cum oratione 42. in sanctum Pascha ait: *Pascha hoc magnum & venerandum, & ab Hebræis juxta eorum vocem nominatur, & paulò post subdit: quod verò in multis Scripturæ locis accidisse comperimus, ut vocabula quadam ab obscuriori sensu ad aptiorem, atq; à duriori sono ad elegantiorē commodiorēq; immutata sint, idem hic quoq; contigisse animadvertimus: quidam enim salutiferæ passionis nomen hoc esse arbitrati, ac deinde per literæ θ in π, & in χ mutationem, hanc vocem ad linguam Græcam accommodantes, hunc diem Pascha nominaverunt, atque hæc vox postea consuetudine, atq; usu confirmata est, multitudine videlicet hoc verbum, ut magis pium, calculo suo comprobante.* Hæc ille, in quo error est manifestus duplex, ex ignorantia linguæ Hebrææ profectus. Primus quidem est, quod vocem פֶּסַח ait Hebræam esse: cum contra ex Mose constet Hebraicè, Exod. 12. esse פֶּסַח, pro qua voce 2. Chro. 30. sæpius, & cap. 35. sæpius apud LXX. interpretes פֶּסַח vitio haud dubiè scriptorum, ut ex aliorum locorum collatione percipi potest, reperitur; unde פֶּסַח illud amplius corruptum videtur. Alter error est, vocem Pascha ex פֶּסַח literarum θ & χ commutatione Græcorum imitatione corruptam. Contra enim vocem eam esse Chaldæam puram putam liquet. Etenim pro Hebræo פֶּסַח Chaldæus Paraphrastes Onkelos Exo. 12. v. 21. & Jonathan Ezech. 45. v. 21. habet פֶּסַח, quod etiam servata analogia Pascha dicitur: ut pro Hebræo חֶסֶד h.e. argentum, Exo. 12. v. 44. Chaldæus Onkelos habet פֶּסַח. Quo modo etiam LXX. interpretes Exo. 12. & alibi Chaldæa voce usitata ac molliori utuntur; Idemq; ab Evangelistis & Apostolis pro sermonis tum consueti ratione, similiter usurpatū. Atque ita etiam doctissimus Judæorum sacerdos Josephus, Antiquit. Jud. lib. 2. c. 5. ait, τὴν ἰογλὴν πάχα καλῶντες festum Pascha vocantes: & Philo Judæus lib. de Decalogo ait: Ἐβραῖοι παλαιοὶ γλῶττι πάχα αἰσχρολόγουσι; Hebræi patria lingua Pascha appellant. Atq; hæc de voce Pascha: quæ in S. Literis Græcè, genere neutro, & indeclinabilis est: ut in vocibus barbaris fieri consuevit, ut Ioh. 11. v. 55. prope erat τὸ πάχα, item ἐν τῷ πάχα, & c. 18. v. 39. ἐν τῷ πάχα, & ante v. 28. ut ederet τὸ πάχα. Latini verò Theologi hoc interdum imitati sunt: interdum declinarunt, ut Tertull. adversus Psychicos c. 14. *Pascha celebramus: in Pascha jejunamus:* Sed lib. adversus Judæos c. 10. & alibi ait: *diei hujus Paschæ.* Quæ duplex loquendi ratio à sequentibus Latinis Patribus & à vulgato interprete promiscuè usurpatur. Non paucis placet declinare Pascha, Paschatis. Ad interpretationem verò vocis quod attinet, ea non *passionem*, ut ante ostendimus; sed *transitum* designat: quemadmodum etymon vocis Hebrææ à פֶּסַח deductæ evincit, & Exod. 12. v. 11. & 12. demonstratur. Atque hinc rectè Josephus Antiqu. Judaic. lib. 2. c. 5. de Pascha ait: significat autem παύσασθαι: & Philo dei immutatio exponit διαβάσιν. Sed quamobrem ita vocetur, & cujusnam transitum designet, diversæ sunt Theologorum sententiæ. Nam primum Gregor. Nazianzen. Oratione 44. in sanctum Pascha ait: *ita dici historica quidem ratione propter Israëlitarum ex Ægypto in Chananeam regionem fugam & migrationem: sin autem spiritualem sensum spectemus, propter nostram ex his inferioribus ad superiora & promissionis terram progressionem, & ascensum.* Hæc ille. Cujus primam rationem refutat disertè Moses Exod. 12. v. 11. 12. 26. 27. quibus apertè ostendit transitum Jehovæ, non autem Israëlitarum (qui Dei transeuntis mandato domi tum concludebantur v. 22.) intelligendum. Id quod Josephus loco jam commemorato commodè expressit, cum ait: *idcirco transitum dici, quod eo die præteritis illæsis Hebræis, Ægyptios morbo, (hoc est, peste, ut postea exponit) percussisset.* Ac sanè historia Mosis testatur, non Israëlitarum officium atq; effectum: sed Dei beneficium voce transitus denotari. Qua prima ratione destructa: altera etiam (quæ ei tanquam fundamento innititur) necessariò corrui. Deinde similis quoq; in August. observanda ac cavenda est hallucinatio: qui multis in locis, imprimis verò Tom. 8. in Psal. 120. ait: *Pascha Hebræum verbum est, & non interpretatur passionem, sed transitum; per passionem enim transit Dominus à morte ad vitam, & fecit nobis viam creden-*

*tibus in resurrectionem ejus.* Quod etiam in Psal. 68. & Tom. 2. Epist. 119. ad Ianuarius probare conatur ex Ioh. 13. v. 1. dicens: *Pascha transitum commendat: quod admonuit etiam Iohannes Evangelista, &c. Cum autem venisset hora qua transiret Iesus de mundo ad Patrem: expressit ergo transitum Paschæ.* Quæ aberrationes Patrum in tanta Scripturæ luce iis prælucente, accuratè sunt observandæ, ut cum judicio ac prudentia in iis legendis atq; imitandis versemur: & ut exemplo eorum discamus, quam periculosum sit à simplici ac sincera Scripturæ veritate, ad argutas humani ingenii allegorias deflectere. Cujus vitiosæ consuetudinis in Ecclesiam invecitæ propagator fuit præcipuus Clemens Alexandrinus, eumq; secutus ac longius multo evagatus est Origenes, qui reliquis deinde Patribus (eruditionis suæ, & scriptorum copia commotis) viam ad similem, allegorias, sine Scripturæ auctoritate captandi, licentiam, stravit. Author verò hujus corruptelæ fuisse videtur Philo Iudæus, Orator disertus, & Philosophus, Platonis imitator insignis, de quo illud olim e-logium ferebatur: ἡ οἰκὸν παλαιῶν, ἡ παλῶν οἰκόν. Is enim historiam Mosis sacram, & præcepta legis ceremonialis arguto ingenii sui lusu, variis allegoriis, à genuino sensu detorsit. Id quod etiam in doctrina de Pascha apparet, ut in libro τῆς ἐν θείῳ πνεύματι κληρονομή pag. 344. Edit. Græcæ: Πάχα δ' ἐστίν, ὅταν ἡ ψυχὴ πὶ μὲν ἀλογῶν παθῇ, & σωματικῶν μαλακῶν: τὴν δὲ εὐλογῶν ἀνιδνεῖαν ἐκυσίως πάχα, hoc est, *Est autem Pascha, quando anima irrationalem affectum dediscere meditatur: rationalem verò rectum affectum, volens patitur.* Sic ἐν συνόδῳ pag. 298. ait, ψυχὴν πάχα, ἢ πάντῃ παύσῃ, ἢ πάντῃ αἰδνεῖ διαβάσιν, id est, *animæ Pascha dicitur, omnis affectus & omnis sensus transitus.* Hujusmodi autem allegoriarum scopus fuit, ut profanarum gentium homines, latentium mysteriorum opinione, ad Sacrarum Literarum & religionis reverentiam amplius allicerent: & simplicitatis contemptum averterent. Sed ad rectum scopum prava ratione contenderunt: cum pro vera verbi Dei sententia, ingenii sui figmenta substituerunt indignissimè. Quæ etiam ratio magnum variarum ceremoniarum humanarum cumulum, in Ecclesiam invecit, & sinceritatem veri cultus Dei, post Apostolorum tempora paulatim magis magisque corruptit; adeò ut allegoriarum fingendarum licentia, & ceremoniarum humanarum institutio, duo primarii corruptæ religionis fontes existant.

Atque hæc de voce Pascha: superest ut ad majorem eorum, quæ de Christo per agnum Paschalē adumbrato diximus, illustrationem pauca subnectamus.

*De verbis Apocalypses 13. vers. 8. Quorum nomina non sunt scripta, in libro vitæ, agni illius mactati, à jacto mundi fundamento.*

DE hisce enim discrepantes sunt eruditorum interpretum sententiæ. Primum enim plerique verba illa, à *fundatione mundi* construunt, cum proximè præcedentibus vocibus, *agni mactati*: ut hoc antiquitatis adjuncto, agni mactatio describatur. Alii verò accommodatius ad priora illa referunt, *scripta in libro vitæ, à fundatione mundi*: quemadmodum è Patribus Aretas in Commen. ad hunc locum exposuit. Id quod ex repetitione hujus sententiæ Apoc. 17. vers. 8. comprobatur. *Quorum (inquit Johannes) non sunt scripta nomina in libro vitæ, à fundatione mundi.* ubi manifestissimè verba illa, à *fundatione mundi*, ad nomina scripta referuntur: hoc tantum est discriminis, quod Apocal. 13. vers. 8. interferatur libri vitæ author, nempe agnus mactatus: qui quatenus unus idemque cum Patre & Spiritu S. Deus est, hujus descriptionis & electionis ad vitam æternam est author, ut etiam sanguine suo, quatenus agnus mactatus, redemptor. Quo etiam modo Apocalyp. 21. vers. 8. dicitur de civitate cœlesti, quod *in eam nihil ingrediatur, quod polluit, & quod abominandum est facit, sed ii tantum, qui scripti sunt in libro vitæ agni.* Cur autem Johannes non *Filius Dei*, aut *Christi* usus sit voce, sed periphrasi, *agni mactati*: illud videtur omnino factum, ut Chri-

ut Christianos (quorum ob Christum cædes ac martyria, cum ante, tum postea recenſet) Christi ſimiliter pro nobis mactati exemplo, non minus quam electione ad vitam ab eodem facta, conſolaretur; quemadmodum Heb. 12. v. 1. 2. 3. eandem conſolationis & hortationis rationem ſequitur. Atque ita Apoc. 5. v. 6. 8. 12. 13. & ſingulis penè ſequentibus capitibus Chriſtus *agnus* appellatur. Deinde & illud obiter obſervandum, quod qui hæc verba: *à fundatione mundi*, ad agnum mactatum referunt, minus tamen dextre videntur explicare; quaſi ſcilicet ſenſus eſſet, Chriſtum mactatum prædeſtinatione divina, & typis ſacrificiorum Prophetiſis: ac denique ratione mactationis Chriſti fide apprehenſæ: quemadmodum Abrahamus Ioh. 8. v. 56. Chriſti diem viſiſſe aſſeritur. Contra enim ſi ſcopum huius loci conſideremus, aptior ad conſolationem, quæ ſpectatur, eſſet interpretatio huiusmodi: Chriſtum dici à fundatione mundi in ſuis membris (ipſi tanquam capiti per Spiritus S. & fidei vinculum conjunctis) mactatum, ut in Abele, aliſq; impiè olim occiſis Matt. 23. v. 35. quorum catalogus numerofus Heb. 11. recenſetur: ideoque cap. 12. v. 1. *martyrum* ſeu *teſtium nubes*, hoc eſt, denſa copia appellatur: unde ſequitur crucem à nobis quoque patienter eſſe ferendam; ut Hebr. 12. v. 1. & 2. concluditur. Quemadmodum & Chriſtus Paulo Chriſtianos perſequenti dixit Act. 9. v. 4. *Saul, Saul, quid me perſequeris?* & Paulus poſtea Col. 1. v. 24. hoc imitatus: *Reliquias, inquit, afflictionum Chriſti viciffim expleo in carne mea.* Cum enim Chriſtus & Eccleſia illius, myſticum corpus conſtituant 1. Cor. 12. v. 12. & 27. ob unionem illam, communio quædam paſſionum, & gloriæ exiſtit; adeo ut, quæ membris Chriſti fiunt, ipſi facta dicantur, ut Matt. 25. v. 35. 36. 40. & viciffim, quod Chriſto convenit quaſi capiti & exemplari, nobis etiam ut membris ſecuturis in ea re attribuitur. Ut Eph. 2. v. 6. Deus dicitur, *nos una ſuſcitaffe & collocaffe in cælis in Chriſto Jeſu*: quia ſcilicet Chriſtus caput noſtrum eſt, & cauſa reſurrectionis ac vitæ cœleſtis nobis donandæ, 1. Cor. 15. v. 20. 21. 48. cum 49. & 50. Atque hæc obiter ad huius loci Apocal. 13. verſ. 8. illuſtrationem dicta, ſequitur jam

*Explicatio ſuccincta Iohannis 1. v. 29. Poſtero die videt Iohannes Jeſum venientem ad ſe, & ait:*

*Ecce agnus Dei, qui tollit peccata mundi.*

Quemadmodum Ioh. 1. v. 6. & 7. Iohannis Baptiſtæ officium divinum explicatur, his verbis: *fuit quidam miſſus à Deo, cui nomen Iohannes, is venit ad teſtimonium, ut teſtaretur de luce; ut omnes per eum crederent*; ſic etiam fidelis muneris illius executio, propoſitis teſtimoniis, comprobatur. Quorum priora indefinita de Chriſto Iohannem ſequentes v. 26. & 27. poſteriora verò definita de Chriſto coram præſente ac demonſtrato proponuntur. Quorum primum v. 29. & quinque ſeq. continetur: Cuius ſcopus, eſt planior ac plenior præſtantie Chriſti deſcriptio, & fidei in ipſum excitatio. Modus autem eſt officii ac beneficii illius, deinde teſtimonii ante dati explicatio, & perſonæ divine confirmationis. Prius continetur, verſ. 29. quo primum teſtimonii circumſtantie; deinde teſtimonii forma proponitur.

Circumſtantie autem ſunt tres: teſtis, tempus, & occaſio. Teſtis eſt Iohannes Baptiſta, ob munus propheticum & fidelitatem fide digniſſimus, Matth. 11. v. 11. & 14. Tempus eſt dies poſterus, nimirum à legatione Judæorum ad Iohannem, & reſponſo illius quo Chriſtum advenſiſſe, & in medio ipſorum ignotum ſtare, illoq; ſe inferiore, atq; indignum ſervum aſſeruerat. Occaſio denique teſtimonii, eſt adventus Jeſu ad Iohannem, & Iohannis viſus: *Vidit enim Iohannes venientem ad ſe.* Cur autem Chriſtus advenſiſſe non explicatur: ſed ex rei ipſa colligi poteſt, id factum, ut per Iohannis miniſterium amplius innotefceret, ad Dei gloriam, & ad Eccleſiæ fidem, ac ſalutem; quemadmodum etiam Iohannes gradatim doctrinam de perſona & officio Chriſti explicans, hac Chriſti præſentia eſt uſus, ad clarius de illo teſtimonium perhibendum. Atque hæc ſtrictim de teſtimonii circumſtantijs. Teſtimonium verò ipſum eſt huiusmodi: *Ecce*

*agnus Dei, qui tollit peccata mundi.* Cuius partes ſunt duæ: ſubjectum & attributum: ſeu is de quo teſtatur: & illud quod teſtatur; Ac prius quidem adverbio demonſtrandi, nempe *Ecce*, designatur: idem enim eſt, ac ſi dixiſſet: Hic quem intento digito vobis oſtendo, ſcil. Jeſus ille, quem ad me venientem coram videtis. Atque ita doctrinam de Jeſu Chriſto, prudentia inſigni, auditoribus inſtillat. Nam antea quidem Chriſtum advenſiſſe, ac ponè ſe venire teſtatus erat primùm populo Matth. 3. verſ. 11. deinde legatis Judæorum Iohan. 1. ſed quiſnam is eſſet reticuerat: hic verò expreſſè intento digito oſtendit, & ad ipſum contemplandum provocans, definit Chriſtum eſſe Jeſum: ut attributum declarat, quo Jeſus deſcribitur; nimirum quod ſit *agnus Dei, qui tollit peccatum mundi*, hoc eſt, Chriſtus ille, promiſſus generis humani, ſua victima, redemptor, à peccatis. Qua deſcriptione officium & beneficium Jeſu exponitur. Prius quidem cum dicitur *agnus Dei*; poſteriori verò, cum additur; *qui tollit peccatum mundi*: Quæ brevis eſt, ſed nervoſa oratio: ideoq; diſtinctius expendenda. Ac primum Jeſus vocatur *agnus* à Baptiſta, ut etiam ab Euangelista in Apocalypſi frequentiffimè, & 1. Pet. 1. v. 19. non propriè, ut res ipſa docet, ſed impropriè per tropum. Quiſnam autem ſit tropus interpretum ſententiæ diſcrepant. Quidam enim Metaphoram ſtatuunt, quod ob ſimilitudinem naturæ agni, agnus appellatur, videlicet ob ſimilem innocentiam, ac manſuetudinem, Matt. 11. v. 29. ut Eſai. 53. v. 7. Act. 8. v. 32. agno comparatur. Alii verò convenientius ac ſententia uberiori Metonym. eſſe cenſent, qua vox ſigni pro re ſignificata accipitur; quod ſcilicet is ſit, qui agno mactato, in Veteri Teſtamento, eſt adumbratus. Ceterum cum agnus legalis fuerit in primis vel quotidie, vel tempore Paſchæ mactandus: non pauci de priori interpretantur: de quo Num. 28. v. 3. & 4. dicitur, *hoc eſt igne abſumendum, quod offeretis Iehovæ: agni ammiculi integri bini, quoque die, in holocauſtum jugiter.* Agnum illorum unum parato mane, agnum alterum parato inter duas vespertas. ſic Exod. 29. v. 38. Alii verò de agni Paſchali, in Ægypto primùm mactato, & quotannis eodem die recurrente offerendo, de quo Exod. 12. quo prophetico typo Chriſtus fuit in primis illuſtri ſimilitudine adumbratus: ut 1. Cor. 5. v. 7. ideo dicitur: *Paſcha noſtrum ſacrificatum eſt, Chriſtus.* quemadmodum antea in collatione agni Paſchalis & Chriſti, copioſius expoſuimus. unde etiam conſtat veriſimilius omninò eſſe Jeſum agnū vocari: quod agno Paſchali (cuius mactati ſanguis poſtibus erat aſpergendus, & caro edenda) fuerit designatus. Quo modo Chriſti officium denotatur: quod ſit ad id ordinatus, ut velut agnus inculpatuſ & immaculatuſ pro nobis fieret victima; 1. Pet. 1. v. 19. Quod verò Jeſus non ſimpliciter agnus, ſed *agnus Dei* dicitur, ea voce à Paſchali ac legali agno diſtinguitur. Hic enim ex Dei quidem mandato: ſed hominum ſtudio atque opera fuit ſecretuſ, ac paratuſ in victimam, Exod. 12. 3. Contra verò Jeſus eſt agnuſ, ſine ulla hominum opera, ſolà Dei gratia deſtinatuſ, ac datuſ, ut pro nobis mactaretur, Joh. 3. v. 16. & 1. Joh. 4. v. 9. & 10. ideoque hoc loco, ab authore ac datore ſuo, meritò diſtinctè à typo ſuo (nempe agno Paſchali) *agnus Dei* appellatur. Atque hæc de prima, deſcriptionis præſtantie Jeſu Chriſti, attributo comprehenſæ, parte, videlicet officio illius, quod appellatione *agni Dei* indicatuſ. Altera verò pars beneficium illius explicat proximis verbis hiſce, *qui tollit peccatum mundi*. Quibus moduſ beneficii, & objectuſ illius (hoc eſt, quidnam boni præſtet, & quibuſnam) indicatur. Ac prius quidem eſt: *qui tollit peccatum*. Cum autem *peccati & tollendi* voces in Sacris Literis, diverſo ſenſu uſurpari ſoleant, hinc diverſo modo à Theologiſ hoc loco explicantur. Peccatuſ enim, aut legis Dei tranſgreſſionem, ut 1. Joh. 5. 17. *omniſ iniquitaſ peccatuſ eſt*; aut per Meton. efficientiſ pro effecto, poenam peccati notat, ut Lev. 24. 15. *quicuſque blaſphemerit Deum ſuum, omninò ferto peccatuſ ſuum*, i. e. poenam. unde poſtremo per Meton. adjuncti pro ſubjecto poenam ferentem victimam, Lev. 14. 19. & alibi ſæpe designat: quo ſenſu 2. Cor. 5. 21. Chriſtuſ factuſ peccatuſ dicitur. Deinde vox *agere* tollere, vel attollere ac ferre notat, ut Matt. 9. v. 6. *tolle lectuſ tuuſ*, vel auferre, ut Luc. 19. 22. *agere auferens, quod non poſui.*



Hac ambiguitatis vorum *peccati* & *tollendi* occasione, & verisimili utrimque convenientia, diversis modis *peccatum tollere* exponitur. Quidam enim *peccatum* legis transgressionem notare censent, & *tollere* auferre exponunt, & quidem bifariam. Nonnulli enim speciatim de peccato originis: quia illud *κατ' ἰσχύν*, ut peccatorum reliquorum origo ita nominari solet, Rom. 6. 12. 13. 14. & c. 7. v. 8. 11. & 20. Non enim hic dici peccata, sed peccatum tollit. Alii verò commodius vocem *peccati*, indefinitè hic positam, non strictè ac speciatim, sed generatim de omni peccato intelligi posse ac debere arbitrantur. Possè quidem, quia usus Scripturæ hoc fert: in qua peccatum non rarò generatim accipitur, ut Rom. 3. 20. *per legem agnitio peccati*, & 1. Joh. 3. 4. *peccatum est legis transgressio*, Gal. 3. v. 22. *Conclusit Deus omnes sub peccatum*: & quod Rom. 4. v. 7. dicitur: *beati quorum tecta sunt peccata*, illud eodem sensu repetitur numero singulari v. 8. *Beatus vir cui non imputavit Dominus peccatum*. Debere autem ita accipi generatim hoc loco inde probatur; quia nulla ratio solida est, cur speciatim accipiamus, & contra S. Scripturæ explicatio hoc requirit. Nam ut Christus dicitur Heb. 9. v. 26. *per sacrificium suum patefactus ad abolitionem peccati*: sic illud v. 28. & c. 10. v. 12. peccatorum voce, & 1. Joh. 1. v. 7. *omni peccato*, explicatur, & c. 3. v. 5. de Christo dicitur: *Annon vobis quod ille patefactus est, ut peccata nostra tolleretur*. Deinde quidam non peccatū propriè dictum seu legis transgressionem: sed pœnam illius, per Meton. causæ pro effectu suo acceptæ, interpretantur: quam pœnam universam Christus tulerit, h. e. pertulerit in se, ut 1. Pet. 1. v. 24. de Iesu Christo dicitur: *qui peccata nostra omnia super lignum*, ut prædictum Esai. 53. v. 6. *Jebova facit ut incurram in eum iniquitas omnium nostrum*, h. e. pœna iniquitatis: & v. 12. & ipse peccatum multorum pertulit: & Heb. 9. v. 28. *ita & Christus semel oblatus, ut multorum peccata* (i. e. pœnas peccatorum) ferret, altera vice absque peccato (i. e. pœna atque humilatione omni, per glorificationem, liber) *conspicietur, iis qui ipsum expectant ad salutem*. Veruntamen licet hæc tertia sententia sit fidei omninò consentanea (quia Christus revera, in cruce inprimis, pœnam peccati pro nobis pertulit) huic tamen dicto Baptistæ non satis videtur convenire. Nec enim dicit tollit peccatum, sed tollit, ut etiam præfens ac continuum, non autem futurum solum semelque tribuendum beneficium indicaret. Deinde media sententia, ante posita; longè est uberior ac magis propria: ut peccatum tollere, sit transgressionem legis auferre. Id quod à Christo factum bifariam. Primum extra nos per sacrificii sui dignitatem, quā promeritus est, ut peccata nostra auferantur: deinde in nobis per efficaciam sui Spiritus, qua peccata nostra, secundum meriti sui satisfactionem revera aufert. Ac prior quidem modus hoc loco non videtur intelligi: quia Christus, sacrificio suo nondum peracto, abolitionem peccatorum nondum erat promeritus, sed postea promeriturus: eoque modo peccatum non auferebat, sed ablaturus erat, tempore passionis & mortis secuturo; quemadmodum Hebr. 9. v. 26. dicitur, *nunc semel in consummatione seculorum ad abolendum peccatum, per immolationem sui ipsius, patefactus est*. Posterior vero modus peccata nostra auferendi optimè convenit. Nam quamvis ordine causæ, meritum abolitionis peccati ipsam abolitionem antecedit: temporis tamen ordine, ipsa abolitio non solum sequitur in multis, qui post Christi passionem per fidem à peccatis suis servati sunt: sed etiam inde ab Evangelio primum Patriarchis promulgato, secundum Dei decretum, passionem ac meritum Christi in iis antecessit. Quemadmodum enim debitores à vinculis suis & carcere liberari solent, si fide dignus atque acceptus sponzor solutionem promiserit, etiam si ea nondum sit præstita: sic etiam, quia Filius Dei post lapsum hominum in peccatum, factus est electorum sponzor, & à Patre suo ad illud destinatus atque acceptus, ut humana natura, constituto tempore assumpta, pro iis satisfaceret, idcirco vi illius sponsonis fide perceptæ, ac certò tandem futuræ solutionis, à vinculis peccati, etiam ante Christi solutionem, non minus quam postea, sunt exempti Act. 10. vers. 43. Heb. 11. vers. 39. & 40. Idque etiam sacrificiis expiatoriis Vet. Testamenti aliisque sacramentis fuit confirmatum; eoque

modo etiam ante Christum Abrahamus, & fideles eorum posterius, Rom. 4. justificati dicuntur. Ceterum Christus in nobis peccatum aufert duobus modis, quemadmodum utrumque extra nos suo sacrificio est promeritus. Primus est per sanctificationem, qua peccatum originis, & vitiosæ illius actiones abolentur: ut Rom. cap. 6. vers. 6. dicitur, *Vetus noster homo cum eo scilicet Christo crucifixus esse, ut enervetur corpus peccati, ne posthac nos serviamus peccatis*. Sic etiam Heb. 9. vers. 14. *quanto magis sanguis Christi, qui per Spiritum æternum seipsum obtulit inculpatum Deo, purgabit conscientiam vestram, à mortuis operibus, ad serviendum Deo vivo?* Quæ peccati ablatio inchoatur; liberatione à dominio peccati, Rom. 6. 12. & 22. perficitur verò cum reliquiæ illius Christi virtute, tandem in morte omninò delentur, Rom. 7. v. 24. 25. Atque hic primus modus est, quo Christus pro sacrificii sui merito, vi sui Spiritus, peccatum in nobis aufert. Alter verò modus est, cum peccati vim mortiferam, quia iræ Dei, & maledictioni obnoxios reddit Deut. 26. 27. Rom. 6. 23. in nobis abolet: cum scil. Spiritus sui S. efficacia, per obedientiam, nos sibi unit Eph. 3. 17. ac sanguine suo aspergens 1. Pet. 1. 2. satisfactionis sui sacrificii communionem donat, & maledictionem ac stipendium peccati Rom. 6. 23. tollit Gal. 3. 14. Rom. 8. 1. Quo etiam sensu ab Apostolo Joan. 1. epist. 1. 7. sanguis Christi dicitur nos purgare ab omni peccato, ratione scil. reatus, seu obligationis ad mortem æternam: quia hic non de sanctificatione à peccati vitiositate, ut Heb. 9. 14. sed de justificatione ab illius condemnatione agitur: quemadmodum satis perspicue ex sequente v. 9. apparet. Reliqua, quæ ad hæc illustranda pertinent, ex collatione agni Paschalis & Christi innotescunt. Atque hæc de Iesu Christi (ut agni Dei) beneficii modo: seu quidnam boni præstet. Cui objectum, seu illi quibus hoc præstat, adjungitur, cum ad verba illa, *tollit peccatum*, Baptista adjicit vocem *mundi*, hoc est mundi electorum seu universitatis eorum, qui à Deo ad vitam æternam electi: pro quibus omnibus & solis Christus natus & victima factus: id quod adjunctis duobus mundi, jam explicatis, demonstratur. Ea autem sunt peccatum, & ablatio illius. Peccatum enim primum omnes creaturas irracionales, à voce *mundi* hoc loco intellecti, excludit: quia leges iis ob defectum rationis non sunt latæ ac mandatæ: ideoque nec peccare in eas potuerunt, nec possunt Rom. 4. 15. 1. Ioan. 3. 4. Deinde Angelos etiam bonos ac sanctos excludit: quia illi nec peccarunt, nec peccabunt; sed Deo semper obtemperant Psal. 103. 21. Ablatio vero peccati, mundum reprobos, hoc est universos reprobos, *mundi* nomine interdum per Synecd. significatos, tam Angelos, quam homines excludit: quod eorum peccatum maneat, non autem tollatur Ioan. 3. 36. quia Christus eorum non est Servator, sed severus iudex Matth. 25. 41. neque pro mundo reprobos mediator est, siquidem eos ab oratione sua mediatoriali excludit Ioan. 17. 9. & in incredulitate justè relinquit Ioan. 6. 65. & 12. 39. Ex quibus necessariò sequitur per *mundi* vocem, hoc loco à Baptista non universè omnes homines, tam reprobos, quam electos intelligi: sed per Synecd. mundum electorum, id est solam electorum universitatem: Quæ per excellentiam quandam, per Synecdochen totius pro parte primaria, mundi nomine designatur: quia iis omnibus & solis fidem donat, & peccata aufert: quos enim elegit, eos vocat ac justificat Rom. 8. 29. 30. unde Christus Ioan. 17. 9. ait; *Non oro pro mundo, sed pro iis quos dedisti mihi*: In qua sententia mundum reprobos, datis sibi à Patre seu electis opponit, quod non pro illorum, sed pro horum sanctificatione ac conservatione v. 17. precatur; sicut expressè pro mundo electorum orat. v. 20. *non pro iis tantum oro; sed etiam pro eis, qui credituri sunt per sermonem eorum in me*: & v. 21. *ut mundus credat quod me misisti*: & v. 23. *ut mundus cognoscat, quod me misisti*. Sic etiam Ioan. 10. 15. Christus dicit, se animā ponere pro ovibus: h. e. electis, partim tum credentibus, à quibus cognoscebatur v. 14. partim pro in ipsum ac per ipsum credituris v. 26. Sic reprobos contra à fide & ovium suarū numero excludit v. 26. quemadmodum similiter Ioan. 6. 36. 37. eosdem inter se opponit. Hinc divinitus Christus dicitur vocandus Jesus, quod servaturus sit populum suum (h. e. electos sibi à Patre,

Patre, ut eos servet datos) à peccatis ipsorum, atque ita ait Christus: *ego animam dabo pro vita mundi*, hoc est, universitate electorum, præstantissima mundi parte; quia hi omnes & soli vitam æternam consequuntur. Quocirca Eph. 5. 25. dicitur Christus se ipsum dedisse pro Ecclesia, ut eam sanctificaret. Quo etiam modo *mundi* vox, pro mundo electorum intelligitur 2. Cor. 5. 19. *Deus erat in Christo* (hoc est per Christum) *mundum reconcilians sibi, non imputans eis peccata ipsorum*: quia non imputatio peccatorum, propria est electis, ac beandis Rom. 4. 8. Atque hujus mundi electorum totius, inde ab initio ad finem seculi, propitiatio atque intercessor est, ac dicitur Christus 1. Ioan. 2. 1. & 2. Ex quibus omnibus constare satis potest, Iesum Christum merito, à Ioanne Baptista, hoc testimonii elogio decoratum, *hic est agnus Dei, qui tollit* (h. e. sacrificii sui merito ac spiritus efficacia aufert) *peccatum* (universum) *mundi* (electorum.)

*Brevis Conciliatio locorum Ioann. 1. 33. & 34. cum Matth. 3. 13. & 14.*

**I**oannis primo cap. v. 33. & 34. narratur Ioannis Baptiste, de origine ac modo cognitionis J. Christi testimonium, his verbis: *Et ego non noveram eum: sed qui me misit, ut baptizarem aqua, ille mihi dixerat: super quem videris spiritum descendentem ac manentem super eum, hic est qui baptizat Sp. S. Ego igitur vidi, & testor hunc Filium Dei esse.* Matt. verò ait c. 3. 13. & 14. *Tunc advenit Iesus à Galilea in Iordanem ad Ioannem, ut baptizaretur ab eo: At Ioannes prohibebat eum, dicens: ego necesse habeo, à te baptizari, & tu venis ad me? Quæ duæ narrationes, quo modo inter se consentiant, non satis prima fronte apparet. Ioannes enim docere videtur, Iesum Christum, Baptiste, non solum non fuisse familiarem ante descensum Sp. S. super eum: sed etiam vultu omnino ignotum: & hoc signo primò innotuisse se. Matthæus verò antea notum fuisse ostendit; quia ante baptismum & illum Sp. S. descensum, Iesum ea notitiæ producta causa, baptizare renuit, quod baptismi ipsius opus non haberet, sed contra ipsemet opus haberet, ut à Jesu Christo baptizaretur, nimirum Sp. S. Ideoq; hanc difficultatem movet Chrysost. hoc modo: *quod si ante baptismum eum non cognovit, cur prohibebat eum dicens: ego à te opus habeo baptizari? hoc enim signum erat certissimæ cognitionis*: Verum licet hæc dicta Ioannis & Matthæi, inter se dissidere videantur: optimè tamen consentiunt. Nam Baptiste verba, quæ apud Ioannem Euangelistam extant, hoc tantum affirmant, Iesum Christum non fuisse sibi notum, ante divinum illud testimonium, de signo descensuri ac mansuri super eum Sp. S.: non autem ait non noveram eum, ante baptismum, & Sp. S. descensum; Matthæus verò tradit id, quod post illam prædictionem antecedentem, de descensu Spiritus evenit: nempe accessum Christi ad Baptismum, & notitiam illius ac recusationem Baptiste. Id quod à Chrysost. etiam rectè observatum, his verbis: *itaque cum inquit, non noram eum, superiora tempora respicit, non quæ circa baptismum fuerant. Nam quo pacto prohibuisset dicens, ego habeo à te baptizari? Cæterum quomodo Ioanni Christus notus factus fuerit, ab Euangelista non exprimitur: veruntamen ex re ipsa satis colligitur, illud nova Spiritus Dei revelatione, post primam intercedente, contigisse. Cujus rei simile exemplum multiplex reperitur 1. Sam. 16. Cum enim Samuel à Deo esset missus Bethlebemum, ut unum è filiis Isai, à Deo in Regem destinatum inungeret, neque cognosceret quemnam ex iis omnibus Deus delegisset; primum accedentibus, Jehovah monitu, eum non esse percepit v. 8. accedentibus deinde reliquis sex, suo ordine vocatis, de singulis horum dixit: *neque hunc Iehova elegit.* Dixit autem illud, non ex ingenio; sed ex tacita revelatione divina, sine qua cognoscere non potuit, ut v. 8. docetur: Et ut priores septem non electos à Iehova, singularibus revelationibus ordine didicit v. 11: sic quisnam esset electus, accedente primum Davide, per Dei revelationem cognovit v. 12. Sic etiam Ioannes, accedente Iesu ad baptismum, vel paulo ante, ipsum esse Messiam, qui Sp. S. baptizaret divina revelatione didicerat, etiam si revelatio illius divina nullibi memoretur. Atque ita hæc duo, Ioannis & Matthæi loca, inter se minimè dissidere, ex collatione constat.**

*Quæstio ex Ioan. 1. 52. de ascensu & descensu Angelorum super Iesum Christum.*

**D**ifficilis intellectu sententia occurrit Ioan. 1. v. ultimo: *Ab hoc tempore videbitis cælum apertum, & Angelos Dei ascendentes & descendentes, super filium hominis.* Obscurum enim, quid cæli apertio, & hic ascensus ac descensus Angelorum super Christum significet: & quando id contigerit. De hac enim re diversæ veterum & recentiorum expositiones apparent: quas paucis proponere atq; examinare conabimur: ut quid veritati maximè videatur consentaneum, facilius intelligatur. Prima autem expositio, hoc loco eventum rei, Prophetico Iacobi Patriarchæ somnio adumbratæ, à Christo promitti censet: Extat autem illud descriptum Gen. 28. 12. 13. *Et ille somniavit: & ecce scala constituta in terra, ac summitas illius pertingebat ad cælum: & ecce Angeli ascendeant ac descendeant per eam; & ecce Iehova stans supra eam dicebat, & c.* Veruntamen bifariam accommodant. Quidam enim scalam hanc mysticè Christum designare censent; quod quemadmodum scala, infernè terram, supernè cælum, Deumq; supra scalam astantem, contingebat: sic Christus mediator ac conciliator est unicus, inter Deum & homines 1. Tim. 2. & Ioan. 14. *Ego sum via, veritas, & vita: nemo venit ad Patrem nisi per me.* Atq; ita Christi beneficio, Angeli cœlitus missi, Ecclesiæ saluti inserviunt, Heb. 1. 14. Quam sententiam inter alios doctiss. Calvinus loquitur, cum præter alia sic ait: *Non dubito, quin ad scalam alludat, quæ monstrata fuit Patriarchæ Iacob per somnium: verè enim in Christo præstat, quod visio illa adumbrabat. Deniq; huius loci summa est: Cum esset totum genus humanum extraneum à regno Dei; nunc cælorum januam nobis esse patefactam, ut simus cives sanctorum, & Angelorum socii: atq; ut hi, ordinati salutis naturæ custodes, ex beata quiete ad opem miseris nostris ferendam descendant.* Quam explicatione etiam Wolf. Musc. celebris Theologus Gen. 28. est secutus. Verum, quoniam Christus, hoc loco Ioannis, citra controversiam, ea quæ hic visuros discipulos recenset, tanquam majus ac conspicuum Deitatis suæ, à Nathanaële confessæ, argumentum pollicetur: illud ad invisibile Christi Mediatoris ac Servatoris Ecclesiæ beneficium commune, non satis commodè aptari videtur. Quamobrem alii aliter accommodant: & Angelorum ascensum & descensum, non ad beneficium per Christum, erga Ecclesiam: sed ad personæ Christi dignitatē, propriè referunt; cui tanquam Domino Angeli inserviant. Atque ita, re ipsa (ut apparet) melius perpenſa, Wolf. Musc. in suis ad hæc verba Christi commentariis, explicat, & deinde subdit: *Videtur autem Christus his verbis, figuram illam, quæ in Iacob Patriarcha præcessit, exponere, ut in ipso implendam fuisse moneat: jam enim tum prælineatum est per somnium, ex lumbis Iacobi venturum, qui cælum aperiret, & super quem Angeli ascenderet & descenderet. Quando sit impletum in Christo, Evangelicæ testantur historiæ, Angelorum ascensum & descensum commemorantes, ut in illius nativitate, in deserto, in horto cum esset capiendus, in ascensione; Quando autem discipuli ista adimpleta viderunt, non ita commemoratur ab Evangelistis, nisi dicamus, id esse factum in resurrectione & ascensione.* Hactenus Musculus. Verum ut ea, quæ initio, impleta statuit, non examinemus; quia ad rem nostram non faciunt: nec enim ea Apostoli viderunt: in resurrectione descendit quidem Angelus è cælo: sed descensus ille discipulis non est visus, neque etiam ascensus: In ascensione vero Christi, visi sunt quidem Angeli duo, viri specie: sed super Christum descendentes visi non dicuntur Act. 1. 10. Deinde etsi à Iacobi somnio, aliqua similitudo de Christo peti possit, non videtur tamen typum de eo propheticum continere. Nam res ipsa ostendit, huius visionis scopum esse; ut demonstraret, Deum Angelorum suorum ministerio, Iacobo adversus pericula præsentem, subsidio futurum ut Gen. 28. 15. exponitur: *Ecce ego tecum sum, ut custodiam te, quocunque rueris, & reducam te ad hanc ipsam terram: non enim deseram te.* Atque ita, si hic typus foret propheticus (quod nullo certo argumento probari potest) hæc foret illius significatio: Deum Christo similiter per Angelos suos auxiliaturum; quod quamvis revera sæpius factum constet, Matt. 4. v. 11. & Luc. 22. v. 43. non videtur illud ad Deitatem Christi probandam

(quod hic spectatur) satis idoneum argumentum: quod talis Angelorum subsidiaria apparitio, ante Christum Patriarchis (ut Abrahamo Gen. 22. 12. Lotho c. 19. 1. Iacobo c. 32. 1.) & postea Apostolis Act. 5. 19. & c. 12. 7. & 10. acciderit. Quamobrem altera est interpretum sententia; hæc verba Christi Ioan. 1. v. ult. non continere impletionem visionis in somno Iacobo factæ Gen. 28. 12. 13: sed aliam Christi promissionem, de diverso ab illo Angelorum ascensu, ac super se descensu. Atque in ea re merito conveniunt: id quod Christus prædixit hoc loco absolute, id verè dixisse; neque de eventu dubitandum: quia *in ejus ore nullus inventus est dolus* 1. Pet. 2. 22. sed de tempore impletionis ambigitur. Nonnulli enim id jam factum, alii vero futurum adhuc statuunt. Qui factum putant, temporis circumstantia differunt. Quidam enim ad id, quod absolute tentatione Christi, in deserto factum dicitur Matth. 4. 11. (*Tunc omisit eum Diabolus, & Angeli accedebant & ministrabant ei*) referunt. Verum hic descensus Angelorum non convenit; quia jam contigerat, antequam Christus discipulis eum promitteret: confestim enim à baptismo suo & Patris de ipso, ut Filio dilecto ac delectabili, testimonio, in desertum Spiritus instinctu tentandus processit: postea vero demum ad Baptistam regressus est Joh. 1. 29. & 35. ac deinde descensus Angelorum futuri meminit vers. ult. deinde etiam discipulis conspicui; quod in deserto fieri non potuit, discipulis nondum collectis. Alii igitur ad aptiora tempora accommodant, quorum plerique ea definiunt: alii verò, ut incerta, indefinita relinquunt. Inter eos autem qui definiunt, sunt Chryf. & Theoph: qui illud tempore passionis Christi in horto, & resurrectionis ac ascensionis illius factum esse statuunt. Sed ad primum illud non videtur pertinere, quia ut Luc. 22. 43. traditur: *visus est autem ei Angelus à cælo, corroborans eum*; Nec enim discipuli Angelum illum dicuntur vidisse, ut qui jactu lapidis aberant v. 41. & quidem somno oppressi v. 45. sed Christus. Deinde corroboratio per Angelum facta, non Deitatis Christi, sed humanæ imbecillitatis erat argumentum. Quemadmodum deinde Matth. 28. 2. die resurrectionis quidem Angelus Domini descendisse à cælo dicitur, sed discipulos id vidisse neutiquam asseritur: neque dici potest, quia omninò aberant. denique de Angelorum, tempore ascensionis Christi, descensu intelligi non posse, jam ante etiam demonstravimus: quia nulla fit descensus super Christum mentio, multoque minus illius à discipulis visus recensetur. Quapropter aliis simplicior videtur & periculi omnis expers sententia, ut illud quod hoc loco narratur, factum quidem agnoscant; sed tempus esse incertum judicent: neque ea in re quicquam esse difficultatis: quia Evangelistæ non omnia quæ acciderunt, sed quæ ad salutem nostram sufficerent, instinctu divino perscripserunt, ut expressè docetur Ioa. 20. 30. & 21. 25. Contra vero alii hunc promissum ac videndum à discipulis Angelorum ascensum & super Christum descensum, non de facto aliquo, sed de futuro demum die ultimo, adventus Christi ad judicium interpretantur: & metaphoricè simpliciter Angelorum ministerium notari censent: similitudine à Regum servis deductâ, quia ascendere & descendere solent, ut sua ministeria à Rege imperata exequantur. Veruntamen ea metaphora non videtur necessaria; quia propria significatione, vera etiam est oratio: ut sensus hic sit: quod Christus ut Angelorum Dominus, caterva eorum circumquaque stipatus, è cælo in aerem descendet; Angeli verò divino ejus imperio servientes, ad electos imprimis colligendos, & coram tribunali Christi sistendos, in terram descendent, & ad Christum ascendent eos ipsi sistent. Nam de Angelorum caterva dicitur Matth. 25. 31. *Cum autem venerit Filius hominis in gloria sua & omnes sancti Angeli cum eo* & 2. Tess. 1. 7. ejusdem, hoc modo fit mentio, cum dicitur: *in revelatione Domini Jesu, de cælo, cum Angelis potentie sue*. Venturum autem Christum in aerem 1. Theff. 4. 17. asseritur: mittendos denique ab eo Angelos in terram, ac reversuros ad ipsum traditur Marc. 13. 26. *Et tunc videbunt Filium hominis, venientem in nubibus cæli, cum potentia multa, & gloria: & tunc mittet Angelos suos, & cogent electos ejus à quatuor ventis, à terræ ex-*

*tremo ad extremum cæli*: & Matth. 13. 41. *mittet filius hominis Angelos suos, qui colligent ex ipsius regno omnia offendicula, & v. 49. prodibunt Angeli & separabunt malos è medio justorum*. Quod sane illustrissimum est argumentum, quo probatur, Iesum esse Dei Filium: quemadmodum illud similiter proposuit Matth. 26. 64. adjuratus enim ut diceret, an esset ille Filius Dei, respondit: *ab hoc tempore videbitis Filium hominis sedentem ad dextram potentie, & venientem in nubibus cæli*. Quamobrem in propositis variis, de hoc Christi dicto Ioan. 1. 52. sententiis (ut quænam maximè videatur vero consentanea, exponamus) duas posteriores cæteris antecellere arbitramur: quæ in eo consentiunt, quod hic non narratur impletio aliqua somni Iacobi Patriarchæ Gen. 28. sed diversæ rei promissio. Prima autem verisimilis est sententia: quâ statuitur, Christi verba propriè accipienda, & citra controversiam, ob Christi veritatem, impleta suo tempore: sed impletionem illius ut multa alia, cognitu ad salutem nostram non necessaria, ab Evangelistis consultò ommissa. Verum una difficultas obstare videtur: quod talis Angelorum descensus & ascensus, etiam Patriarchis & Apostolis, ut antè ostendimus, fuerit communis: ideo inde probari non posse, Iesum esse Filium illum Dei, qui tamen hujus promissionis citra controversiam est scopus: sed ad illud responderi posset, hunc descensum, Christi jussu factum (ut Cyrillus explicat) debere intelligi: aut saltem, cum reverentiæ Angelorum, tanquam Domino suo debitæ, testificatione. Altera vero, quæ ascensum atque descensum hunc nondum factum esse, sed ultimo demum judicio futurum, exponit, maximè videtur idonea: ut quæ solidè ac perspicuè Iesum filium hominis, esse simul filium illum Dei demonstrat. Sed tamen aliqua etiam superest difficultas, quod non videatur hæc expositio verbis Christi satis convenire: ait enim, *videbitis Angelos descendentes super filium hominis*, Angeli vero, ultimo judicii die, descendent quidem à Christo in terram, hominibus ad judicium colligendis, & cum iis ad Christum ascendent, ut jam ante ex Evangelistarum testimoniis probatum; sed tamen descensus super Christum non videtur posse quadrare. Respondemus autem bifariam. 1. vocem *in* cum accus. constructam non solum notare *super*: sed interdum *supra*, ut à doctiss. Lexicographis ac Grammaticis demonstratur. Atque hoc modo rectè conveniet, quod caterva Angelorum, è cælo cum Christo descendens, partim ipsum (ut stipatores, regem) præcedent: partim à tergo secuti descendentes supra ipsum consistent, ut in simili Esa. 6. 1. & 2. visione dicitur: *vidi Dominum insidentem solio & Seraphim astantes supernè*. Ideoque in hujus sententiæ expositione supra diximus, Christum è cælo descensurum Angelorum caterva circumcirca stipatum. Deindè responderi etiam clarius potest, *in* à *aut* significare *ad ipsum*: quod quemadmodum alii Angeli præbunt, alii sequentes, ad ipsum descendent. Nam vox *in*, cum accus. non rarò idem notat, quod præpositio Græca *πρὸς*, h. e. *ad*: quemadmodum Luc. 3. 2. *fuit verbum Domini in* *ad Ioannem*, & cap. 10. 9. *appropinquavit in* *ad vos*. Quæ loca, ut ad hanc significationem in N. Test. Lexico à doctiss. Pasore citata sunt rectè: sic alia ad rei ampliorem illustrationem addo, Act. 8. 26. *vade in* *ad viam*, & 10. 11. *descendens vas in* *ad* (non autem *super ipsum*) ideoque exponitur cap. 11. 5. ubi eadem res repetitur: *& vas pervenit in* *ad me usque*. Neque huic expositioni obstat, quod promittatur à Christo illud, quod demum ultimo die futurum: quia gloriosus Christi ad judicium adventus, conspicuus, pertinet non minus ad consolationem piorum, quam ad impiorum terrorem excitandum: ut Matth. 26. 27. *futurum est enim ut filius hominis veniat cum gloria Patris sui cum Angelis suis, & tunc reddet unicuique secundum facta ejus*. Eademque prædictione usus est Christus coram impio Judæorum Synedrio c. 26. 46. ut ante ostendimus. Quare ex his omnibus apparet, hanc de descensu & ascensu Angelorum ad Christum sententiam, huic dicto Ioan. 1. 52. maximè consentaneam esse.

Ex capite Ioannis secundo Quæstio prima  
de vers. II. orta.

Postquam Ioannes Euangelista, illustre Christi miraculum (quo aquam copiosam, in nuptiis, in vinum generosum converterat) descripsit, subiicit deinde præstantiæ illius declarationem his verbis: *hoc initium signorum fecit Iesus in Cana Galilee, & manifestam fecit gloriam suam, & crediderunt in eum discipuli ejus.* Quo modo huius miraculi ordinem, & effecta indicat, ordinem quidem, quod initium fuerit signorum Iesu, h. e. primum illius miraculum: Effecta verò ejusdem duo adjungit. Quorum primum, est manifestatio gloriæ ipsius, h. e. potentiæ gloriose; alterum verò, ex hoc procedens, est fides discipulorum, qui crediderunt in eum. Id quod non de fidei initio intelligendum: Nam jam antea credebant: sed de illius continuatione, atque incremento, ut Ioan. 14. 29. & 20. 31. Quæstio autem hic exsurgit: An hoc miraculum à Christo factum sit iusta fidei in ipsum causa: qua sc. credatur, ipsum esse Christum, Filium Dei, ejusdem cum Deo Patre essentialitatis, ac verum Deum, cui soli cultus fidei convenit. Quæstionis autem huius ratio est duplex; prima; quod mutatio unius substantiæ in alteram, etiam à meritis hominibus effecta: quomodum à Mose & Aarone Exod. 7. 10. mutatus etiam baculus in serpentem, & vers. 20. fluminis totius aqua, in sanguinem, & cap. 8. 17. totus pulvis in pediculos mutatus. Deinde & altera etiam ratio est, quod Apostoli etiam majora fecerunt opera, ut Christus testatur Ioan. 14. 12. *Amen amen dico vobis, qui credit in me, opera quæ ego facio & ipse faciet, & majora iis faciet: nam ego ad Patrem proficiscor.* Sicut Actor. 5. 12. dicitur: *per manus autem Apostolorum, edebantur signa & miracula multa in populo,* & vers. 15. & 16. *adeo ut in plateas afferrent agrotos, & ponerent in lectis ac grabatis, ut venientis Petri vel umbra innumbraret aliquem eorum. Conveniebat autem etiam vulgus vicinarum urbium in Ierusalem, adducens agrotos ac vexatos à spiritibus impuris, qui sanabantur omnes.* Verum solutio est; mutationem aquæ in vinum à Christo factam: & mutationem aquæ in sanguinem, à Mose & Aarone, plurimum inter se differre: Moses enim & Aaron eam nequaquam fecerunt suâ potentiâ: Nam sola aquæ percussio iis attribuitur Exod. 7. 23. mutatio verò aquæ in sanguinem (ut & reliqua omnia eorum miracula) à sola Dei omnipotentia processit ut vers. 6. dicitur: *Ego verò obdurabo cor Pharaonis, ut multiplicem signa mea, & prodigia mea in terra Egypti:* Eademque miraculorum à Prophetis editorum ratio est: qui tantum causa fuerunt ministra, efficiens antecedentia adjuncta, quibus Deus propriâ sua potentia miraculi effectum conjunxit. Ac propterea ex Mosis & Prophetarum miraculis, concludi non potest eorum omnipotentia, & fidei in ipsos cultus: Christus verò insitâ sua ac divina potentia, ut Deus, caro factus, ac patefactus in carne, hanc mutationem, ut & alia miracula effecit. Idque indicatur à Joanne hoc loco, cum dicitur, manifestasse suam gloriam, h. e. gloriosam Deitatis suæ potentiam, ut Ioan. 1. 14. dicitur: *vidimus gloriam ejus ut unigeniti à Patre.* Quomodum etiam Luc. c. 6. 19. & tota, inquit, turba studebat eum tangere, quia potentia ab eo exibat, & sanabat omnes, & c. 8. 46. de sanata à fluxu sanguinis scemina ait Christus: *tetigit me aliquis, nam ego cognovi virtutem seu vim ex me exisse.* Eademque est miraculorum Christi & Apostolorum differentia. Et si enim majora Apostoli (teste Christo Ioan. 14.) ediderint miracula: ea tamen non fuerunt insita eorum vi facta, sed per divinam Christi potentiam, ministerio illorum conjuncta, ut Marc. 16. 20. asseritur: *Illi autem egressi prædicarunt ubique, Domino una operante, & sermonem confirmante sequentibus signis:* & Act. 14. 3. dicitur Dominus testimonium perhibuisse sermoni gratiæ, & dedisse ut signa ac prodigia fierent, per manus eorum. Idemque disertissime Petrus Apostolus, miraculis maximè clarus, bifariam ostendit: Primum populo, ad claudi sanati miraculum ab ipso editum stupenti, professus est Act. 3. neque propria vi, aut pietate sese hoc effecisse vers. 12. sed nomen Christi vers. 16. h. e. Christum

per metonym. adjuncti pro subjecto, ut Ioan. 2. 23. *crediderunt in nomen ejus* ph. e. in eum. Deinde Act. 9. 34. paralytico dixit Petrus: *Enea, sanat te Iesus Christus, surge.* Quare cum Apostoli fuerint tantum miraculorum, ratione accidentium, ministri: & quidem non ad suam gloriam, sed ad Christi gloriam manifestandam: Christus verò non minus horum, quam suorum miraculorum insita sua potentia extiterit author: & utraque sint edita, ut probarent Euangelium, sc. Jesum esse Christum Dei Filium Marc. 16. 20. & Act. 14. 3. & miracula Christi in eum etiam finem sint conscripta, ut id credamus Ioan. 20. 30. & 31. inde clarissimè sequitur, miraculis Christi rectè probari, ipsum esse Dei Filium, omnipotentem atque æternum cum Patre Deum, cui fides omnium Christianorum merito innitur. Atque hactenus de prima hac quæstione.

Altera quæstio, de vers. 23. & 24. consensu.

Quoniam de horum versuum convenientia difficultas aliqua existit: idcirco eam succinctè explicare conabimur. Nam cum v. 23. dicatur: *multi crediderunt in nomen ejus*, hoc est, in Christum: sequenti vers. 24. subnectatur, *ipse autem Iesus non credebat eis semetipsum, eo quod nosset omnes:* ex hisce dissensio quædam oriri videtur. Siquidem, uti objicitur, *credere in Christum*, est amplius quàm *credere Christo*, nempe sincera vivaque fide eum amplecti. Id quod hisce Christi auditoribus tribuitur: & tamen iisdem Christus dicitur, seipsum non *credidisse*, hoc est, commisisse, quod nosset omnes: quomodo non viva & sincera fide præditos fuisse denotatur. Ac propterea hinc sequi videtur, eosdem Judæos viva fide credidisse in Christum, & simul tamen iudicio Christi non credidisse. Hunc nodum negatione consequentiæ interpretes solvunt; sed in ratione negationis inter se differunt. Quidam enim agnoscunt, aliud esse credere in Christum, quàm credere Christo, si propriè priorem phrasin illam accipiamus: impropriè verò per catachresin, seu vocis quandam abusionem idem denotare; atque hoc demum modo hoc Joannis loco accipi debere: ideoque quoniam non quicumque ita credit in Christum, hoc est, Christo sive doctrinæ illius ut veræ assentitur, sit sincerâ vivaque fide præditus, non mirum est, si Christus ab huiusmodi auditoribus tanquam infidis sibi caverit. Alii verò negant illam objectionis hypothesin antecedentem, videlicet quod credere in Christum, & credere Christo, inter se differant: quasi prius propriè ad vivam fidem pertineret; impropriè verò per catachresin etiam ad mortuam ac temporariam seu inconstantem accommodaretur. Atque ita clariss. Beza in annotat: ad hunc locum exponit: *in nomen ejus Hebraismus*, inquit, *pro ei, vel in eum: inter quæ duo vel nullum certè, vel non ita magnum est discrimen.* Quo etiam modo & Laurentius Valla ante explicarat in cap. 1. Joannis, & Bucerus præfatione in epistolam ad Rom. idem tradidit ac probavit: & post eos doctif. Drusus observ. lib. 3. c. 1. qui idem etiam locis aliquot rectè demonstravit: in eo tamen nonnihil opinione sua deceptus est, cum illud à doctissimis viris ignoratum, & à se primo inventum sibi videri affirmat. Nam contrarium, non solum ex Valla & Bucero: sed etiam ex clariss. virorum Tremell. & Junii interpretatione communi, constat: qui Hebræam hanc phrasin: *credere in aliquem*, cum in prophetis occurrit, verterunt, *credere alicui*: ut usus etiam scripturæ requirit. Nam Gen. 15. 6. de Abrahamo dicitur: *credidit in Iehovam*, pro Jehovah, ut LXX. interpp. atque etiam Apostolus exponunt, *πίστευσεν τῷ θεῷ*, Rom. 4. 3. Id quod etiam collatione facta Mosis & Pauli, à Bucero in præfatione commentariorum in epistolam ad Rom. observatum: idemque ab Apostolo repetitur Gal. 3. 6. & Jac. 2. 23. quibus locis credere in Deum, & Deo, idem notant: & ut circumstantia loci evincit, per Synecd. generis pro specie, de viva fide dicitur utrumque. Deinde Exod. 14. 31. *Israelitæ crediderunt in Iehovam, & in Moysen*, h. e. Jehovah & Mose, ut Iunius, & LXX. Interpp. Deo & Mose: Id quod non de viva fide, sed de mortua ac fluxa intelligendum, ut in ejusdem omninò historiæ repetitione exponitur disertissime Psal. 106. 12. & 13. *crediderunt in verba ejus* (id est, verbis ejus)



ejus) *cantaverunt laudem ejus: citò obliti sunt operum ejus, non perdurarunt ad consilium ejus, & v. 24. non crediderunt verbo ejus*, sic 1. Sam. 27. 12. & *credidit in David*, id est, Davidi seu verbis illius fidem adhibuit, Prov. 26. 25. *ne credas in eum*, i. e. ei, & Jer. 11. 6. *ne credite in istos*, id est, istis: & Mich. 7. 5. *ne credite in amicum*, id est, amico, sic Jon. 3. 5. & *crediderunt in Deum*, h. e. (ut LXX. interpp. exponunt) Deo, seu verbis Dei per Prophetam Jonam. Id quod relatè intelligendum, ratione objecti verbi iis prædicati, nempe comminationis legalis, de interitu Ninives: non autem promissionis Evangelii, de remissione peccatorum & salute per venturum Messiam: quia id ipsis ignotum ac minimè prædicatum fuerat; Ideoque credidisse in Deum dicuntur, non quod fide in Christum promissum fuerint præditi, sed quod Prophetæ, interitum minantis verba, divina ac vera esse statuerint: ut alibi etiam ostendimus. Sic eodem omnino sensu, de Judæis iisdem dicitur Ioan. 8. 30. *multi crediderunt in eum* & v. 31. *dixit Iudæis qui crediderant ipsi*, & cap. 14. 11. *credite mihi*: pro quo v. 12. dicitur, *credens in me*. Deinde quod Actor. 9. 42. dicitur credere in Dominum, illud Actor. 5. 14. & 18. 8. credere Domino, diversâ constructione, sed manente eadem sententiâ exprimitur, ut etiam cap. 16. 31. mandatur commentariensi à Paulo: *crede in Dominum*, & de obedientia mandati dicitur v. 34. quod crediderit Deo; & 1. Ioan. 3. 23. *ut credamus nomini Filii ejus*: pro quo Ioh. 5. 13. dicitur: *ut credatis in nomen Filii Dei*, denique 1. Ioan. 5. 10. ait Apostolus: *qui credit in Filium Dei habet testimonium in seipso: qui non credit Deo, mendacem facit eum, quia non credidit in testimonium quod testificatus est Deus de Filio suo*. Ubi perspicuè, credere cum præpos. *in*, & sine ea cum dativo constructum, eodem prorsus sensu adhibentur. Quamobrem ex copiosis ac perspicuis hisce, Sacrarum literarum documentis, constare potest, credere in Christum; & credere Christo, significatione non differre, sed convenire; ut sit generatim, fidem ei habere. Id quod per Synecdo. generis pro specie, pro subjecti, cui attribuitur diversitate, interdum de viva fide: interdum de mortua ac temporaria fide, ut hoc loco Iohannis, distinctè intelligendum. Deinde & illud observandum de hac phrasi: *ἡ πίστις αὐτοῦ*, Ioa. 3. 15. & 16. & 18. & 36. *ὅτι τὸ νόησον* Actor. 9. 42. & 16. 31. & 22. 19. *ἡ πίστις* Rom. 9. 33. & 10. 11. & 1. Tim. 1. 16. hoc est, credere in ipsum: & credere in ipso, neque Græca phrasi, neque Latina, sine Solæcismo usurpari: Est enim merus Hebraismus à puritate Græci & Latini sermonis citra controversiam recedens: adeo ut nulum hujusmodi phrasis Græcæ, neque etiam Latinæ, in bonis ullis authoribus exemplum sit observatum. Quo hebraismo, cum LXX. interpp. & Iudæi Græcè loquentes, sæpius uterentur; Apostoli similiter ut recepta phrasi in Ecclesia, Deo dirigente, sunt usi, & Græci Latiniq. Patres imitati sunt. Ideoque phrasis illius vis, non ex Græco sermone, multo minus ex Latino, ut à plerisque factum (quasi propriè esset fiduciam in aliquo collocare, eique quasi fundamento inniti, quemadmodum vim præpositionis *in* exponendam existimant) sed ex Hebrææ linguæ proprietate atque usu exponi debet: ut modo explicatum. Cæterum corollarii vice, & ad hujus loci Ioan. 2. 23. & 24. intelligentiam ampliorem, vocis *πιστεύω* significatio generalis, strictim explicanda. Ea enim est triplex: una quidem propria, fidem adhibere seu assentiri: duplex verò impropria: prima, ut significet fidere, per meton. efficientis pro effecto: cui enim fidem adhibemus, ejus dictis fidere solemus. Altera impropria significatio, ex secunda illa modò explicata per similem tropum derivata, est concedere, seu fidei alicujus committere: hoc enim ex fiducia erga aliquem oritur. Prima autem significatio, quæ propria est, tam profanis, quàm sacris literis, citra controversiam est tritissima; secundæ verò (licet ea Græcis authoribus sit frequens) in Sacris tamen N. T. scriptis exemplum adhuc quærimus: unum autem eò spectare videtur Marc. 5. 36. & Luc. 8. 50. ubi Christus Jairo dicit: *ne metue, crede solummodo & servabitur*, sc. filia tua. Cum enim credere & metuere opponantur: credere non videtur aliud significare hoc loco quàm fidere, seu firmiter sperare. Verùm illud non necessariò

sequitur; quia cum metus ex incredulitate oriatur; non solum fiduciæ, sed etiam fidei opponitur; quæ fiduciam parit & metum tollit. Et sanè Jaius credens Christo, opem illius petiverat: quam etiam Christus annuerat, & cum eo idcirco domum illius contendebat. Hanc autem fidem, mortis filia illius nuncius, ut importunam atque inutilem esse monuerat Luc. 8. his verbis *filia tua mortua est, ne fatiga magistrum*. Quocirca ne de filia salute dubitaret, atque ita metueret, Christus præcipit, ne metuat, sed solummodo credat, h. e. filiam suam per ipsum servandam sibi persuaheat. Tertia denique significatio, ut bonis scriptoribus Græcis usitata: sic hoc loco Ioan. 2. 24. perspicuè usurpatur: *non credidit seipsum is*. Nullum tamen aliud exemplum in N. T. in conjugatione activa observamus: in passiva cum alibi, tum Rom. 3. 20. *ἐπιστεύθη τὰ λόγια τοῦ θεοῦ*, h. e. *eis credita sunt eloquia Dei*: & Gal. 2. 7. *ὅτι πιστεύσαμεν τὸ εὐαγγέλιον*, quod creditum mihi esset Evangelium. Obiter denique quæri posset, quid significet Ps. 119. 66. *credidi mandatis tuis*. Ratio quæstionis est, quia credendi objectum, est illud quod pro vero habetur: atqui mandata nihil enuntiant veri, sed tantummodo imperant officium ideoque iis credi non posse videtur. Solutio autem est duplex: prima, ut voce *mandatorum*, per catachresin, verbum Dei enuntiativum intelligatur: altera, ut sit metony. subjecti pro adjuncto: quia mandata non nuda à Deo per Moysen sunt proposita: sed simul Dei nomine tradita, & adjunctis cum obedienti, promissionibus, tum inobedienti minis firmanur. Atque horum adjunctorum respectu, David iis credidit: quod ea & à Deo verè profecta, & promissiones ac minas veras esse statuerit. Hactenus quæstionis ex Ioan. 2. 23. & 24. explicatio.

*Quæstio tertia ex vers. 22. de convenientia experientia & fidei.*

Digna est Evangelistæ Iohannis c. 2. 22. sententia: quæ paucis illustretur. Ea autem hæc est: *cum ergo resurrexisset à mortuis, recordati sunt discipuli ejus quod hæc dixisset, & crediderunt scripturæ, & sermoni quem Jesus dixerat*. Occasio autem hujus sententiæ est primum antecedens Christi oratio, vers. 19. quâ mortem à Iudæis sibi inferendam: seque suavi resurrectionem allegoriâ hac declaravit v. 19. *destruite templum hoc, & tribus diebus erigam illud*: in quo maximè miraculum consistit: & opportunè petentibus miraculum proponitur. Deindè eventus illius in Iudæis, nempe ignorantia, qui templum propriè delapidea, ad cultum Dei structurâ, perperam intelligerent: cum Christus loqueretur de templo metonymicè accepto, hoc est, corpore suo, per pronomen *hoc* monstrato, & per templum adumbrato: quod in Christo non solum Deitas esset sua gratia, ut in templo: sed etiam unitate hypostatica plenitudo Deitatis in eo habitaret corporaliter Col. 2. 9. Alia verò fidelium est ratio, quorum corpora Dei templa appellantur: quod ad cultum ejus sint sanctificata, & Spiritus sanctificantis gratia in iis sit. Scopus autem hujus sententiæ, est hanc Christi orationem, & eventum illius in Iudæis, amplius declarare: id quod fit ab eventu in Apostolis gemino, cum præsentem ante resurrectionem; tum consecuto post eam. Præsentem quidem simili, quod sc. Christi verba non intelligerent. Licet enim illud non expresse dicatur: innuitur tamen consequente demum notitia ac fide: idque inde etiam probatur, quia Evangelistæ testantur Apostolos, etiam post hanc Christi orationem, cum suam resurrectionem non obscure sed planis ac perspicuis verbis prædixisset Matth. 16. 21. Luc. 9. 22. & alibi, nondum tamen intellexisse: ut Luc. 18. 31. 32. & 33. Christus prædixit discipulis, secundum prophetarum scripta se trucidandum, & tertio die resurrectionem: & tamen vers. 34. subjicit Evangelista: *ipsi verò nihil horum intellexerunt: errantesque ista verba ipsis occulta, nec cognoverunt quæ dicebantur*. Consecutus verò horum verborum Christi in Apostolis, post resurrectionem eventus, est utilitas orationis Christi duplex: Prima recordatio: altera verò fides habita, cum Prophetis (mortis & resurrectionis Christi prænuntiis) tum sermoni hujus Christi. Hoc tamen etiam post resurrectionem

nem ipsis nuntiatum, non ante crediderunt, quam idem experientia didicissent, ut Luc. 24. cum mulieres resurrectionis Christi reipsa, & Angeli testimonio conscia, Apostolis eam narraissent, dicitur v. 11. *sed visa sunt apud eos quasi deliramentum verba earum, neque crediderunt iis*: deinde licet Christus à resurrectione visus esset, Mariæ Magdalenæ, & iussu Christi resurrectionem, & ascensionem secuturam indicasset Ioan. 20. 17. & 18. Nihilominus nondum crediderunt ut Marc. 16. 11. dicitur: *illi verò cum audissent eum vivere & conspectum fuisse ab ea, non crediderunt*, & v. 12. & 13. ne quidem duobus discipulis quibus Christus apparuerat & multis suæ resurrectionis fidem fecerat: ut Luc. cap. 24. docetur) credidisse dicuntur. Idemque probat v. 14. secuta à Christo, ea occasione Apostolis se patefaciente, exprobratio illius incredulitatis, cum dicitur: *Postremò una sedentibus ipsis undecim, exhibuit sese, & exprobrauit incredulitatem eorum & cordis duritiam, quod iis qui ipsum conspexerant excitatum, non credidissent*. unde jam quaestio exurgit, quomodo potuerint tum credere? Ratio quaestionis est, quia experientia, quæ sensu: & fides, quæ dicentis autoritate nititur, non videntur posse consistere. Nam quemadmodum ex Aug. vulgò dici solet, *si vides, non est fides*. Verum solutio est, non esse contradictionem in hisce, si quis accuratè consideret ac distinctè: quia experiri ac videre, & credere, non dicuntur ad idem, seu respectu ejusdem objecti: sed diversi. Nam experientiæ ac visus objectum, fuit hac in re apparens ac visum Christi corpus: fidei verò objectum, fuit aliud, nempe verbum Christi: quemadmodum hoc loco Ioan. 2. dicitur: *& crediderunt Prophetis & sermone Christi*. Quod autem dicitur Ioan. 20. 29. à Christo: *quia vidisti me, Thoma, credidisti: beati qui non viderunt & crediderunt*; eo non indicatur objectum fidei esse visum: sed causam, quæ in memoriam revocavit Christi dicta, & fidem excitavit, ut de Apostolis communiter hoc loco Ioan. 2. dicitur: *Cum ergo resurrexisset à mortuis, recordati sunt discipuli ejus quod dixisset: & crediderunt scripturæ*, (quam scilicet iis Christus, & ante resurrectionem, & post exposuit, & ut eas intelligerent effecit Luc. 24. 44. & 45.) *& sermone quem Jesus dixerat*. Scripturæ autem credidisse dicuntur ante mortem à Christo memoratæ, partim repetitione dictorum post resurrectionem facta, & partim interna mentis illustratione per Spiritum Sanct. ut Luc. 24. 44. & 45. *dixitque iis: hi sunt sermones quos locutus sum vobis, cum adhuc essem vobiscum: oportere impleri omnia quæ scripta sunt in Lege Moysi, & Prophetis, ac Psalmis de me. Tunc aperuit eorum mentes ut intelligerent scripturas*. Ex quibus etiam verbis colligitur, causam incredulitatis Apostolorum, non fuisse pravitatem: sed ignorantiam: quod quæ de Christi resurrectione in Prophetis prænuntiata, & à Christo consentaneè indicata, nondum intelligerent: sed tam propriè, quam allegoricè à Christo de ea dicta, latentem aliquam significationem habere existimarent: præiudicio communi Iudæorum ex parte abrepti: quod regnum Christi, non solum spirituale, sed etiam corporale in his terris futurum sibi fingerent, ut Matth. 20. 21. cui errori Christus ibidem passionem & mortem suam opponit v. 22. Imo licet Christus iis mortem suam & resurrectionem prædixisset, nihilominus primum ipsi ignorabant hoc dictum & timebant eum interrogare Mac. 9. 31. & 32. ac deinde nihilominus de magnitudine atque honoris præstantiâ apud Christum inter se contendebant v. 33. & 34. denique in cœna etiam ultima, postquam Christus corporis sui fractionem, & sanguinis effusionem prædixisset, & unum ex ipsis proditorem fore; deque eo inter se disquirent: nihilominus regni mundani opinione quasi fascinati, inter se de dominatu contendere cæperunt Luc. 22. 23. & 24. Sed quærat hic aliquis; Cum resurrectionem Christi etiam ipsis annuntiatam primum non crediderint: an igitur nullam omninò habuerunt resurrectionis Christi fidem? Resp. ipsos resurrectionem illius, non absolutè dici non credidisse, sed relatè tantum, respectu nempe temporis præteriti: hoc est, non jam factam tertio die: obliiti enim erant sermonum Christi, quorum postea viso Christo, ipsique in memoriam eos revocante atque illustrante mentum Luc. 24. 44. & 45. recordati sunt atque intellexerunt

Ioann. 2. 22. Sed cum mortuum certò scirent, futuram illius resurrectionem saltem ultimo die, pro communi Iudæorum, exceptis Sadducæis, fide Ioan. 11. 24. Actor. 23. 8. crediderunt. Atque hætenus de capitis secundi Ioannis versu ultimo.

*Ex Capite Tertio Iohannis, Quæstio Prima, Quid sit, genitum esse ex aqua & spiritu?*

CEleberrima est Christi ad Nicodemum responsio Ioa. 3. 9. *Amen amen dico tibi, nisi quis fuerit genitus ex aqua & spiritu, non potest introire in regnum Dei*. Cujus occasio est duplex: remota & proxima. Prior est antecedens ejusdem materiæ doctrina v. 3. proposita: *Amen amen dico tibi, nisi quis fuerit genitus denuo &c.* Quibus verbis Nicodemus viam ad salutem à Christo cognoscere desideranti, eam indicavit: nempe regenerationem ad salutem esse necessariam. Proxima verò occasio, est Nicodemi ignorantia: qui regenerationem hanc, metaphoricè à Christo dictam, indoctè omninò, significatione propria accepit vers. 4. Scopus autem seu finis est, ut errorem hunc corrigat. Modus autem, quo ad eum tendit, idoneus, est hæc responsio: quia antecedentem suam doctrinam, expositione interpositâ, repetit, atque ita docet, eam non de corporali, sed de spirituali regeneratione esse intelligendam. Constat autem hæc, ad Nicodemum responsio Christi, duobus membris; nempe exordio, & propositione doctrinæ. Exordium autem accommodatissima est ad rem ipsam introductio, quæ ad attentionem & docilitatem, ac fidem illius excitandam, auctoritatis & veritatis rei proponendæ declaratione, pertinet. Auctoritatem enim indicat cum ait: *ego dico tibi*. Quibus testatur se esse authorem sequentis dicti: se inquam, quem Nicodemus ex miraculis editis, à Deo missum esse, ac dirigi v. 1. cognoverat ac professus erat. Veritatem verò cum ad vocem *dico* addit, *amen*. Cujus vocis significatio prima, est *verus*; altera, *verè*: idemque notat quod ἀληθῶς Luc. 9. 27. λέγω δὲ ὑμῖν ἀληθῶς: idem enim Matth. 16. 28. exprimitur voce Hebræa in Ecclesia consueta, ἀμὴν λέγω ὑμῖν, & eodem sensu alia phrasî Luc. 4. 25. ἐγὼ ἀληθῶς λέγω ὑμῖν. Geminatur autem ad certitudinis amplificationem, & majorem attentionem ac fidem excitandam *amen, amen*; verè, verè, id est, verissimè. Ac propterea ob dicentis Christi auctoritatem, & dicti illius qualitatem, nempe veritatem insignem, Nicodemus omnibusque attentè ac docili fide amplectendum illud esse, hoc exordio indicatur. Propositio autem responsionis est: *nisi quis fuerit genitus ex aqua & spiritu, non potest videre regnum Dei*; quæ eadem, quæ de regeneratione brevius antè dixerat, expositione clariori illustrat. Cujus propositionis hypotheticæ partes sunt duæ: antecedens, & consequens ex eo. Antecedens est: *nisi quis genitus fuerit ex aqua & spiritu*. Quibus Christus exponit, quid præmissis illis verbis: *nisi quis genitus fuerit denuo*, intelligat, expositione causæ regenerationis efficientis, ex aqua & spiritu, quod scilicet regnitum esse, sit genitum esse ex aqua & spiritu: ideoque non propriam ac carnalem generationem intelligi: sed impropriam ac spiritualement, quæ non ejusdem sit generis, cum carnali: (qualem sibi fingeat Nicodemus) sed alterius; utpote quæ similitudine quadam, à carnali generatione deducta, ita appelletur. Quæ non in hominis formatione; sed in qualitatibus illius reformatione sive sanctificatione consistit. Et quidem ut una est generatio carnalis, quod homo semel tantum generetur: sic una tantum est spiritualis; quod homo ex spiritu semel tantum generetur, quæ secunda generatio seu regeneratio, non ratione sui, quasi eadem bis fieret, sed ratione oppositionis primæ, quæ carnalis est, sic dicitur; ideoque ne duplicem regenerationem fingeret Nicodemus, non ait: nisi quis fuerit genitus denuo ex aqua & spiritu, sed genitus. Quæ generatio non homo: sed novus homo Eph. 4. 24. & Coloss. 3. 10. & nova creatura 2. Cor. 5. 17. metaphoricè vocatur, quod ea regeneratione, mens erroribus impura: & cor desideriis immundum, sanctitate nova reformantur. Cujus causa efficiens hoc loco exponitur: *aqua nimirum & Spiritus*. De qua re, inter interpp. partim consensus est; partim dissensus. Consensus

sentio quidem est, voce *Spiritus* tertiam Deitatis personam, nempe Sp. S. intelligi, eumque revera esse regenerationis seu sanctificationis autorem, 1. Pet. 1. 2. & 22. 23. de qua re simili metaphora, locus illustrissimus extat Ezech. 36. 26. *Et dabo vobis cor novum, & spiritum novum ponam in medio vestri: & amovebo cor lapideum: indam vobis cor carneum* (i. est, non vitiosum, sed molle ac docile, ut oppositio lapidei cordis docet) hæc regeneratio: causa verò subijcitur versu proximo 27. *& spiritum meum ponam in medio vestri, quo faciam, ut in statutis meis ambuletis &c.* Dissensio verò est inter Theologos de significatione vocis *aquæ*. Quidam enim eam de aqua corporali: & quidem per Synecd. generis pro specie excellentissima, seu *αὐτὴ ἡ ζωὴ*, de aqua Baptismi interpretantur: unde non solum Ubiquitarii, Pontificios secuti: sed etiam olim communi, Augustini tempore, opinione, baptismum ad salutem absolutè necessarium esse statuerunt, ut sine eo nemq. ne infantes quidem, vitam æternam consequatur: quemadmodum ex Innocentii Pap. Romani ad Concil. Milevita. epistola (quæ inter Augustini epistolas posita est. 93.) & ex variis Augustini & aliorum dictis apparet. Alii vero contrà *aquam & spiritum*, hoc loco, idem notare: & *aquam*, metaphoricè accipi, additaque voce *spiritus* exponi judicant. Quæ sententia antecedenti non immerito præferenda. Primum quia analogia est scripturæ & contextui: neque refutari potest ullo argumento solido. Analogam autem esse ex eo liquet: quia complectitur doctrinam S. literis, & huic loco, citra ullam controversiam, consentaneam, & phrasin etiam usitatam: quemadmodum Esa. 44. 3. *effundam aquas super sitientem, & fluent a super aridam: effundam spiritum meum super semen tuum; ubi aqua & spiritus, eodem sensu proferuntur: & Ezech. 36. 25. & effundam super vos aquam mundam &c. & spiritum meum ponam in medio vestri & Ioan. 7. 38. & 39. aquæ voce Christus spiritum intelligit. Qualis etiam Phrasis (ut à Calvino aliisque rectè observatum) extat Matth. 3. 11. *baptizabit vos Spiritu S. & igni.* Quo in loco *ignis*, non significat aliquid à Sp. S. diversum: sed idem omninò, per metaphoram: quia vis Spiritus Sancti, ignis similitudine, eleganter adumbratur. Nam quod obijciunt, ignem hoc loco non Sp. S. significare: sed signum linguarum externum, cum interna linguarum notitia conjunctum Actor. 2. illud omninò alienum est. Nam baptismus, Spiritus & ignis, à Ioanne Baptista, auditoribus, eoquæ Dei Ecclesiæ communiter promittitur: contra verò linguarum illarum ignearum signum, & eo signatum cognitionis linguarum efficacis donum, non fuit commune: sed Apostolis ac paucis aliis proprium; ut 1. Cor. 12. 10. & 11. dicitur, *Alii vero* (scil. donatur) *prophetia: alii descretiones spirituum: alii vero gratia linguarum: alii verò interpretatio linguarum: sed omnia hæc efficit unus ille spiritus, distribuens privatim singulis sicut vult, & v. 30. num omnes donum habent sanationum, omnes linguis loquuntur, num omnes interpretantur?* Quomodo autem hæc sententia etiam extendatur ad dona illa extraordinaria, ad Matth. cap. 3. exposuimus. Ceterum antecedentibus argumentis, probabile addi solet, nempe voce *aquæ & Spiritus* idem denotari: quod cum Christus rationem subijciat, cur ad regnum obtinendum oporteat regenerari aqua & spiritu, nihilominus solius generationis ex spiritu meminit vers. 6. Deinde solidum argumentum est præterea: Aqua quæ hic intelligitur, certò regenerat. Aqua baptismi non certò regenerat. Ergo aqua baptismi non est aqua quæ hic intelligitur. Propositio verbis Christi, & confessione adversariorum nititur. Assumptio exemplo Simonis Magi demonstratur, qui Act. 8. 13. baptizatus dicitur, & tamen non fuit regnitus, ut descriptio illius demonstrat, & Petrus declarat v. 20. & 21. Præterea regeneratio (quæ fide, spe, charitate, ut adversarii etiam agnoscunt, constat) in adultis antecedit baptismum Marc. 16. 16. *qui crediderit & baptizatus fuerit, & Act. 8. 37. si credis ex toto corde, baptizari licet, & 10. 47. exemplum etiam Cornelii demonstrat, qui fide & Sp. S. ante baptismum fuit præditus. Ergo regeneratio non est effectum baptismi proprium, quod Advers. contendit. Quod autem baptismus nos servare dicitur: illud non ratione ori-**

ginis atque inchoationis, sed confirmationis dicitur: quia fidem excitando, sanctificationem confirmat per Sp. S. efficaciam. Verbum enim Evangelii, causa instrumentalis est regenerationis per Sp. S. 1. Pet. 1. & potentia Dei ad salutem Rom. 1. sed sacramenta sunt causa confirmans instrumentalis: idque mediata per fidem, quam excitant ac firmant. Denique necessarium argumentum deducitur ex consequente hujus sententiæ; nimirum *non potest introire in regnum Dei*, hoc est, vitæ æternæ in cælis frui, unde hic oritur verus elenchus, quo sententia adversariorum confutatur, hujusmodi: Aqua, de qua hic Christus loquitur talis est, ut sine ea nullus possit introire in regnum Dei. Atqui aqua baptismi talis non est, ut sine ea quis non possit introire in regnum Dei. Ergo aqua baptismi non est aqua, de qua Christus hic loquitur. Propositio est Christi sententia: Assumptio probatur 1. ex adversariorum expositione, qui agnoscunt defectum baptismi, martyrio & voto baptismi, cum obtineri non potest, suppleri, atque ita hominem regenerari ac servari. Deinde vulgò, & quidem rectè assumptio nem etiam probant 1. exemplo latronis non baptizati: cui precanti Christum in cruce his verbis, *Jesu Domine! memento mei, cum veneris in regnum tuum*, dixit Jesus, *Amen dico tibi, hodie mecum eris in paradiso* Luc. 23. 42. & 43. deinde quod distinctè Christus dicat Marc. 16. 26. *qui crediderit & baptizatus fuerit, servabitur, qui verò non crediderit condemnabitur.* Quo discrimen statuitur fidei, ut omninò ad salutem necessariæ, & baptismi, ut mandati quidem, sed sine quo, si absit contumax contemptus, salus obtineri possit. Quibus addimus, ex hypothese Pontificiorum contra ipsos argumentum, ab Apostolorum exemplo petendum. Hypothesis enim eorum est Concilio Trid. definita sess. 7. baptismum Joannis, fuisse alium, quàm Christi; illo Spiritum S. non datum: hoc verò dari: & per aquam hoc in loco baptismum Christi intelligi statuunt. Unde assumptio nem hoc modo confirmamus: Apostoli introierunt in regnum Dei: Apostoli non fuerunt baptizati aqua baptismi Christi. Ergo aliqui non baptizati aqua baptismi introierunt in regnum Dei. Propositio certa est Luc. 10. 20. & confessæ etiam ab adversariis. Assumptio inde constat, quia solo baptismi Joannis baptizati sunt: aqua verò à Christo non sunt baptizati: sed Christus alios baptizavit Joann. 3. 26. *ipse baptizat, & omnes veniunt ad ipsum*: sed tantum per discipulos, ut cap. 4. 2. *quamvis Jesus ipse non baptizabat, sed discipuli ejus*: quos Apostolos fuisse, selectos nimirum ad ministerium discipulos, controversia caret. Nam quod Bell. de Baptismo lib. 1. c. 9. ait, *Christus autem non baptizabat quidem ordinariè per se, sed per discipulos* Joann. 4. tamen aliquem vel aliquos sine dubio baptizavit, ut scribit Aug. in epist. 108. ad Seleucianum: & Evodius Apostoli Petri successor in Antiocheno episcopatu scribit, beatam virginem & S. Petrum ab ipso Christo baptizatos, ut refert Nicephorus lib. 2. hist. c. 3. & Euthy. in 3. Joann. Id inquam humanum est figmentum, scripturæ adversum: quæ diserte verba illa, quibus c. 4. 1. Christus baptizasse dicitur, exponit vers. 2. Christum ipsum non baptizasse, sed discipulos: neque ullum omnino extraordinarii baptismi facit indicium. Ideo postea Bell. ait: *Christus & Paulus majoribus rebus intenti, baptizandi officium aliis committebant, ut patet de Christo Joann. 4. & de Paulo Act. 19.* Quare ex hisce omnibus consequitur, aquam in hac Christi sententia, non significare aquam baptismi: sed Spiritum Sanctum. Ac propterea quod Concil. Trid. ei, qui baptismum ad salutem non necessarium dixerit, anathema (obtentu hujus sententiæ: *nisi quis natus fuerit &c.*) denunciat Sess. 7. de baptis. can. 2. & 5. ut brutum fulmen meritò contemnendum. Nam quod consensum Patrum obtinent plurimorum, ei cum Luthe-ro aliisque Theologis S. Scripturæ consensum jure meritoque opponimus, præsertim cum in doctrina de necessitate sacramentorum ita aberrarint illi, ut ne ipsi quidem Pontificii, sine insigni dissensione, iis consentiant. Id quod illustrissimo Papæ Romani antiqui exemplo comprobatur. Nam Innocentius I. Pontifex in epistola sua ad Patres Concilii Milevitani (quæ inter August. epistolas est 93.) sic ait: *Illud vero quod eos vestra fraternitas asserit prædicare, parvulos etiam*

ios aeternae vitae praeiis sine baptismatis gratia posse donari, perfactum est. Nisi enim manducarint carnem filii hominis, & biberint sanguinem ejus, non habent vitam in seipis. Qui autem hanc iis, sine regeneratione defendunt, videntur mihi ipsum baptismum velle cassare, cum praedicant, hoc habere, quod in eos creditur non nisi baptismo conferendum. Quibus verbis Innocentius, pro illius aevi errore communi, baptismi & Eucharistiae ad salutem consequendam necessitatem etiam in infantibus, scripturae abusu statuit: baptismi quidem, ex Joan. 3. nisi quis genitus fuerit, &c. Eucharistiae vero ex Joan. 6. nisi manducaveritis. Quorum alterum, nempe de Eucharistiae necessitate, contra Papae sui definitionem, & communem Patrum illius aevi sententiam, non solum Concil. Trid. improbat, sed etiam anathemate ferit, sess. 21. can. 4. Si quis dixerit parvulis antequam ad discretionis annos pervenerint, necessariam esse Eucharistiae communionem: anathema sit. Priorem vero, de baptismi ad salutem necessitate, errorem, ut veram sententiam tuetur, & contradicentibus anathema denunciat idem Concil. sess. 7. de baptif. can. 2. & 5. ut ante ostendimus. Nostri verò illud decretum, ex abusu Joan. 3. 5. extructum & gravibus rationibus ante confutatum, meritò averfantur. Atque hactenus de prima hac quaestione ex Joan. 3. 5. petita, quod baptizari aqua & spiritu idem significant.

*Digressio, quae succinctè narratio missionis Spiritus Sancti, Actor. 2. v. 1. 2. 3. 4. proposita, explicatur.*

Quoniam de regeneratione per Sp. S. egimus non abs re futurum arbitramur, si de missione Spiritus Sancti Actor. 2. versibus quatuor prioribus explicata, brevi digressionem, expendamus: ita enim fiet, ut quae jam ante de baptismo Spiritus & ignis à nobis sunt proposita, melius intelligi queant: & scrupuli, qui occurrere possunt, facilius removeantur. Ut autem ab idoneo exordio initium faciamus, & ad rem deinde commodius perveniamus, ita non inconcinne formari posse videtur. Ut Apostoli Euangelium omnibus gentibus rectè praedicarent, duo erant necessaria: primum vocatio divina: deinde dona ad fidelem illius executionem necessaria. Ac propterea Christus utrumque iis conferre voluit, atque etiam contulit. Nam primum ante ascensionem suam, ad Euangelium omnibus gentibus praedicandum vocavit Matth. 28. & Actor. 1. v. 8. deinde cum donis, ad eam rem praestandam nondum essent praediti: sed in fide, charitate & constantia necessaria, omnino infirmi, & docendi facultate ac linguarum necessariorum notitia destituti: donis hisce omnibus abundè instruere voluit, atque re ipsa per Sp. S. admirandam operationem instruxit. Voluntas enim ex promissione: res ipsa verò ex impletionem illius declaratur. Promissio enim primum ante mortem facta describitur Ioan. 14. 16. 17. Ego, inquit, rogabo Patrem & alium consolatorem dabit vobis, ut maneat vobiscum in aeternum: spiritum illum veritatis, quem mundus non potest accipere, quia non novit eum, neque cognoscit eum: vos vero cognoscitis eum, quia apud vos manet, & apud vos erit: & c. 16. 12. & 13. multa habeo vobis dicenda: sed nunc ea ferre non potestis, cum verò venerit spiritus ille veritatis, deducet vos in omnem veritatem. Deinde eandem promissionem repetivit Christus post resurrectionem, & Apostolorum officium simul praescripsit Actor. 1. 4. 5. denunciavit iis ne discederent Hierosolymis, sed ut expectarent promissum Patris: quod inquit audistis ex me. Nam Ioannes baptizavit quidem aqua: vos autem baptizabimini Sp. S. & igni, istis non multis post diebus. Cujus promissionis & mandati impletio Actor. 2. quatuor prioribus versibus describitur: quae descriptio duabus constat partibus: quarum prima, est de adjuncta donationis Spiritus S. circumstantia: altera verò de donatione ipsa. Circumstantia autem est duplex ac v. 1. exponitur, tempus nimirum & Apostolorum ad Spiritum S. accipiendum praeparatio. Tempus autem exprimitur his verbis: & cum compleretur dies Pentecostes. Quibus & dies certus, & pars illius definitur. Dies erat Pentecostes: quae Graeca vox πενήκοντι, quinquagesimam notat; & per ellipsin vocis ἡμέρας dies, & c. festum è tribus anniversariis secundum significat, ut

etiam Actor. 20. 16. & 1. Cor. 16. 8 quod die quinquagesimo, initio ducto post diem primitiarum, seu inde à tercio die Paschatis, Hierosolymis ab omnibus Iudaeis masculis eo congregatis erat celebrandum, ad peractae messis gratitudinem testandam Levit. 23. 15. & 16. Exod. 23. 16. & 17. & 34. 22. & 23. Deut. 16. 9. 10. 16. Pars autem huius diei Pentecostes; quae missus Spiritus, declaratur, cum additur: cum compleretur. Nam licet multi ad initium diei referunt, atque interpretantur, cum advenisset: ut prolixè hanc rem tractat clarif. Beza: potius tamen significatione magis propria, de die ad finem vergente, intelligendum arbitramur. Nam diei illius quinquagesimi, (qui à vespere ad vesperam extendebatur Genes. 1. 5.) bona pars erat jam completa, hora nimirum tertia diei, à solis ortu Act. 2. 15. adeo ut novem tantum, è viginti quatuor horis, superesset complendae. Hoc autem tempus, fuit valde idoneum, ad Sp. S. donationem: primum ratione promissionis illius: deinde ratione finis. Promissionis quidem ratione: quia Christus die quadagesimo à resurrectione Apostolis suis Sp. S. promiserat, post paucos dies mittendum Act. 1. 5. pauci autem sunt, dies decem: decimus enim à Christi ascensione fuit dies Pentecostes. Deinde dies hic fuit idoneus, ratione finis donationis Spiritus: nempe ut praedicatione Apostolorum, Sp. S. donati miraculum omnium nationum hominibus piis, ad festum congregatis innotesceret: & Ecclesiae ex iis colligendae inserviret, ut etiam trium circiter millium conversione v. 41. inservit. Cui etiam rei matutinum tempus, cum festum hoc compleretur, fuit opportunum: ut maiorem attentionem bonorum, in donorum Spiritus patefactione excitaret: & maledicorum ora fortius obturaret, sicut factum esse vers. 12. & 15. traditur. Atque haec de temporis, nempe diei Pentecostes; & quidem matutini, circumstantia. Altera verò, est relictà Apostolorum ad Spiritum Sancti receptionem praeparatio, quae his verbis strictim continetur: erant omnes concorditer in eodem loco; quibus ostenditur eorum sese praeparantium numerus, & modus. Numerus, cum dicitur, omnes, h. e. Apostoli, duodecim, nemine eorum excepto, neque officium negligente: quorum scil. versu proxime praecedente cap. 1. v. ult. meminerat: ad quos duodecim Apostolos vox omnes, sua constructione omnino refertur, ut etiam cap. 2. 14. exponitur: adeo ut missi Sp. S. hoc die, subiectum fuerint omnes & soli Apostoli: sicut etiam iis peculiariter Sp. S. donatio cap. 1. promissa, ut pluribus rectè à clarif. Beza observatum. Ex quo pleno Apostolorum numero, discrimen apparet, ab antecedente eorum numero à Christo selecto. Nam ut ait Ioan. 6. 70. duodecim quidem elegerat: sed unus eorum erat diabolus, h. e. metaphoricè Diabolo similis, mendax & homicida Joann. 8. 44. Matth. 26. 47. 48. Actor. 1. 19. sed Matthia jam in locum ejus recens electo Actor. 1. 26. omnes fuerunt sancti Apostoli, Apoc. 18. 20. & 21. 14. qui sese ritè, Sp. S. expectantes praepararunt: ut deinde modus praeparationis ostendit, cum dicitur: erant concorditer in eodem loco. Qui modus duplici convenientia describitur, primum loci, deinde cordis seu animi. Quibus modis, Christi, Sp. S. promittentis mandato, paruerunt; quo caelum ascensurus praeeperat, ut Hierosolymis commorarentur, donec induerentur potentia ex alto Luc. 24. 49. & Actor. 1. 4. denunciavit ne abscederent Hierosolymis sed expectarent promissum Patris, nempe Sp. S. Quod mandatum duobus gradibus complerunt Apostoli. Primum quod eo accepto, Christoque in caelum ascendente, ipsum adorarint, & reversi sint Hierosolymam cum gaudio magno Luc. 24. & in eadem domo sint commorati. Actor. 1. 13. & die Pentecostes omnes in eodem loco erant, ut hoc loco Actor. 2. 1. traditur. Quae convenientia loci ac congregatio, ad Sp. S. expectandum fuit opportuna: quia Christus iis non separatis: sed in unum congregatis ac conjunctis (ut ad unum munus destinatis) Sp. S. donare statuerat: quemadmodum etiam congregatis in nomine suo praesentiam suam communiter addixerat Matth. 18. 20. Altera convenientia Apostolorum, est cordis seu animi, cum dicuntur non tantum unà fuisse, sed etiam concorditer: Quae concordia fuit duplex, una in charitate mutua inter



inter se: altera in communi eorum charitate erga Deum, seu pietate: ut plenius exponitur, c. 1. 14. *Hi omnes perdurabant concorditer in oratione & deprecatione.* Ubi concordia perseverantia, & effecta illius, sc. officia pietatis communia declarantur, nempe oratio pro bonis promissis; deinde deprecatio pro malorum aversione; Quo modo ad Sp. S. dona illa copiosa, atque admiranda accipienda recte sese prępararunt. Nam charitas mutua necessaria iis erat ad rem promissam obtinendam Matth. 18. 19. & 35. & 6. 12. 14. & 15. quemadmodum etiam charitatis erga Deum ac fidelis precatio Luc. 11. 9 *petite, & dabitur vobis* & v. 13. *quanto magis Pater cęlestis dabit vobis Sp. S. petentibus ipsum,* & Iacob. 1. 5. *si cui desit sapientia, postulet eam à Deo: & v. 6. postulet autem cum fide.* Ac propterea etiam Apostoli, ut Sp. S. dona miraculosa ipsis promissa, obtinerent, recte precibus, iisque constantibus sunt usi: ut fidem suam erga promissa Dei testarentur, ipsumque tanquam Spiritus datorem agnoscentes celebrarent. Unde evenit, ut quemadmodum Apostoli hac pręparatione convenientiæ in eodem loco Hierosolymis, & concordia in charitate, cum mutuâ, tum erga Deum pietatis exercitiis: debita obedientia Christi mandatum impleverunt, sic vicissim Christus suam promissionem de Spiritu S. missione fideliter adimplevit, ut v. 2. 3. 4. docetur his verbis: *Tunc exiit, &c.* quibus secunda hujus descriptionis de Sp. S. missione pars continetur: qua donationis Sp. S. modus, & eventus declaratur. Modus est autem prorsus miraculosus: qui consistit, partim in adjunctis donationis Sp. S. signis externis: partim in ipsa significata internæ donationis illius gratiâ. Signa autem externa sunt duplicia: quorum primum fuit auditum; alterum visum: ut pluribus sensibus eruditi, in officio præstando amplius confirmarentur. Et auditum quidem signum, fuit ventus vehemens ac resonans, ut v. 2. declaratur: *Et exiit repente è cęlo sonitus, tanquam delati flatus violenti: & replevit totam domum, ubi erant sedentes.* Ventus autem hic describitur à magnitudine sua, & ab effecto. Magnitudo indicatur, cum dicitur *tanquam* (vel utpote) *flatus delati violenti.* Effectum vero est sonitus quem edidit: qui declaratur adjuncto suo, & subjecto. Adjunctum est celeritas, quod scil. non paulatim ac sensim, sed repente; seu ex improvviso, *ἀφ' οὐρα*, id est, *ἀπ' οὐρα*, cum nihil minus appareret, aut expectaretur, sit ortus. Subjectum verò est locus duplex: unus è quo & alter ad quem pervenerit. Primus est cælum, h. e. ex alto: alter est tota domus, in qua Apostoli sedebant: quam implevit, non autem alia loca. Quibus simul indicatur, non naturalem, sed præternaturalem ac particularem illi domui ventum extitisse Sp. S. potentia, è sublimi, in Apostolorum gratiam excitatum: quo signo Sp. S. & illius in Apostolis efficax operatio, denotatur. Nam primò, ut ventus delatus seu ruens, & violentus pervadit libero suo ac forti impetu eique obsisti non potest: sic Spiritus Sanctus non solum in regeneratione, de qua agitur Iohann. 3. 8. potentiâ sua insuperabili utitur, afflatu suo interno Ephes. 1. 17. 18. 19: sed etiam extraordinario miraculo eandem in Apostolis augens, & dona ad Evangelium omnibus gentibus prædicandum conferens, iis sapientiam & fortitudinem invictam contulit: ut promissio & experientia probavit. Promissio Luc. 21. 15. *Ego dabo vobis os, & sapientiam, cui non poterunt contradicere, neque resistere ulli, qui se vobis opponunt.* Experientia verò prædicatione Evangelii, & reprehensione libera, animoque adversus pericula, ad pervadendum, in officio constanti comprobavit, Actor. 2. 15. & 23. & 3. 15. & 4. 8. 10. 11. 19. Deinde ut ventus ac sonitus illius fuit repentinus, & è cęlo delatus, domumque ubi confidebant Apostoli, implevit: sic etiam omnes Apostoli Sp. S. potentiâ sunt induti ex alto (id est cęlo) secundum promissionem, Luc. 24. 49. ut etiam experientia comprobatur Act. 2. 4. eorumque ministerio sonitus Evangelii per afflatum Spiritus S. ad fines orbis pervasit: ut Rom. 10. 18. traditur. Atque hæc de primo donationis Spiritus S. signo, nempe audito: alterum est signum visum, nempe linguæ, de qua re v. 3. *& visæ sunt iis dispersitæ linguæ, instar ignis, seditque super unumquemque eorum.* Linguæ autem signum describitur 1. ab adjuncto, deinde

à subjecto, seu quales sint visæ, & super quosnam. Adjunctum autem indicatur duplex: unum quod fuerint *dispersitæ*: alterum quod fuerint *instar ignis*. Subjectum verò statuuntur singuli Apostoli: nam super unumquemque eorum sedisse dicuntur. Cujus signi gratia significata fuit per linguas quidem dispersitas, infusa per Sp. S. variarum linguarum notitia adumbrata, quæ ad Evangelium omnibus gentibus (pro mandato officio Matth. 28.) prædicandum, erat necessaria. Nam quemadmodum, cum una initio esset omnium hominum lingua, ad superbam turrem Babylonicæ structuram impediendam, hominesque dispergendos varietas linguarum divinitus, pœnæ loco, fuit introducta Gen. 11. 6. 7. 8. 9. sic contrà ad homines variis linguis divisos, prædicatione Evangelii congregandos, atque uniendo, & ad Ecclesiam Dei, ex omnibus gentibus extruendam, variarum linguarum notitia singulis Apostolis benignè fuit donata, ut omnes intelligerent, & ab omnibus eo beneficio intelligerentur; quemadmodum experientia demonstrat Actor. 2. 6. 7. 8. Deinde quod linguæ fuerunt instar ignis, ea re designata fuit internæ gratiæ vis quasi ignea, simul cum linguarum variarum notitia, per Sp. S. infusa. Nam ignis duas habet qualitates, lucem & calorem. Ac luce quidem illuminat, & recreat sive exhilarat: calore verò accendit & purgat. Sic etiam Apostolis infusa fuit primum quasi lux spiritualis, interna scilicet gratia, qua & mens illustrata à Spiritu S. à quo (secundum promissionem Christi Ioh. 16. 13.) deducti sunt in omnem veritatem: & cor eorum eadem luce recreatum atque exhilaratum, cum consolatore, veritatis Spiritu in æternum cum iis mansuro, sunt donati, Ioan. 14. 16. Secundò ignis hujus spiritualis calore partim accensi sunt amore Dei, & Ecclesiæ, ad officium Apostolicum intrepidè, atque in mediis afflictionibus cum gaudio præstandum, Actor. 5. 29. & 41. partim ut aurum externo igne à suis scoriis purgatur: sic Apostoli hoc spirituali igne interno à suorum præcedentium vitiorum consuetis sordibus repurgati sunt: aded ut neque terrenum Christi regnum amplius cum vulgo Iudæorum sibi finxerint: neque de dignitatis inter ipsos præstantia præ cæteris obtinenda contenderint: neque in periculis, terrore ullo (ut antea) perculsi, ab officio declinarint: ut historia hujus libri Actorum copiosè demonstrat. Cæterum cum hac spirituali lucis & caloris Spiritus S. gratia, ad Ecclesiæ, ex Iudæis & gentibus colligendæ, ædificationem sint donati Actor. 1. 8. idcirco hoc linguarum ignearum signo, non solum quid in ipsis Spir. S. efficeret: sed etiam quid per ipsos quoque in auditoribus ipsorum esset operaturus, designatur: nempe fore; primum ut Apostoli suæ doctrinæ & vitæ luce homines converterent à tenebris ad lucem, ut de Paulo dicitur Actor. 26. 18. & gratuita per Christum peccatorum remissione ac salute prædicata, perculos recrearent, ac consolarentur. Cujus exemplum illustre extat Actor. 2. 37. & 38. deinde & hoc designabat, fore, ut ignei sui zeli exemplo, & prædicationis Evangelii fervore (ut ante Luc. 24. 32. à Christo factum dicitur) auditorum animos amore veritatis ac sanctitatis inflammarent. Cujus rei miranda in primis demonstratio est, primum, quod unica Petri concione tria auditorum millia ita sunt accensa, ut ad fidem & sanctam Ecclesiæ societatem sint conversa, Actor. 2. 41. Deinde altera etiam Iohannis & Petri prædicatione, de Christo, aded Spiritus igne fuit prædita, ut quinque auditorum millia fide sint illustrata, & ardore pietatis facta ferventia Actor. 4. 4. ut multitudo credentium fuerit cor unum & anima una, ibid. v. 32. Atque hæc de primo donationis Spiritus Sancti modo; nempe adjunctis illius signis externis, cum auditis, tum visis. Alter modus est ipsa interna, iis signis declarata, donorum Spiritus Sancti collatio: quæ v. 4. describitur his verbis: *Repleti sunt autem omnes, Spiritu Sancto &c.* Quibus donationis Spiritus subjectum, seu quibus ea contigit, & præstantia illius indicatur. Subjectum sive illi quibus Spiritus Sanctus donatus, sunt omnes nempe Apostoli, & quidem nemine excepto, ut vox *ἀπαντες* designat. Nam ut signa externa, venti violenti ac sonori, & linguarum dispersitarum, atque ignearum, ad eos omnes perti-

nuisse antè declaratum est, disertis Lucæ verbis: sic etiam signorum illorum veritas postulavit, ut omnes illi similiter gratiæ Spiritus Sancti internæ, per ea significatæ, fierent participes. Præstantia verò huius donationis Spiritus in eo consistere ostenditur, quod *Spiritu repleti sunt*, non absolute quidem, sed relate, hoc est, à Spiritu Sancto omnium donorum (quæ ad apostolicum munus perfectè obeundum requirebantur) plena copia iis fuerit infusa: adeo ut eatenus illis nihil eorum defuerit. Id quod per metaphoram seu similitudinem quadam, ab aqua in vas effusa, & illud replente, ex usu scripturæ indicatur, ut hic vers. 17. de ea re ex Joële profertur promissio, *Effundam de spiritu meo in omnem carnem*: ita enim præpositionem Græcam *ἐν* aptius in quàm super vertendum arbitramur, ut res ipsa ostendit: Nec enim super nos, sed in nos effunditur. Quæ spiritus effusio Apostolis plenè contigit: ut in explicatione signorum antecedenti, distinctè ostendimus: quemadmodum etiam promissionis Christi veritas Joan. 14. 26. & 15. 26. & 16. 13. requirebat. Quæ plena donorum extraordinariorum Spiritus S. copia, ante non fuerat collata propterea, quod ea ad statum Christi in celestem gloriam ascensione suscepti, ex Dei sapienti ac constanti decreto pertineret: ut ex Psalm. 68. 19. Apostolus demonstrat Eph. 4. v. 8. *quapropter dicit* (supple scriptura) *cum ascendisset in sublime, captivam duxit captivitatem, & dedit dona hominibus*. Idque etiam Christus prædixerat Ioan. 16. v. 7. *ego veritatem dico vobis, expedit vobis ut ego abeam. Nisi enim abiero, consolator ille non veniet ad vos; sin autem profectus fuero, mittam eum ad vos*. Ac propterea etiam dicitur ab Apostolo Ioan. 7. 39. *Hoc autem dixit de spiritu, quem accepturi erant, credentes in eum, nondum enim erat Sp. S.* (id est, admiranda atque extraordinaria illa donorum Sp. S. copia, in Apostolos primùm, & illorum deinde ministerio in Ecclesiam effusa) *quia Iesus nondum erat glorificatus*. Nam quamvis Christus jam primùm à resurrectione ante ascensionem suam in gloriam celestem, afflaverit Apostolos ac dixerit; *accipite Sp. S.* illud tamen non pertinuit ad dona illa admiranda, ac plenam Sp. S. copiam, de qua hoc loco agitur, sed ad primitias quasdam, ac quasi gustum quandam Spiritus illius; ut ejus gubernatione, usque ad Plenam die Pentecostes receptionem, in officio, partim communi constantis pietatis confirmarentur, partim in Apostolici muneris proprio, ad duodecimi, in Judæ locum, Apostoli electionem tutò dirigerentur. Quemadmodum Spir. instinctu, è S. Lit., officium suum intellexerunt, ac fideliter executi sunt; ut Act. 1. 14. & 15. ac reliquis, ad finem usque capitis describitur. Atque hæc de modi donationis Sp. S. (cùm externis signis, tum internæ gratiæ significatæ dono comprehensi) descriptione. Cui postremum eventus, nimirum consequens ex eo effectum (quo interna Sp. S. donatio exterius, ad utilitatem Ecclesiæ patefacta est) subjicitur in fine v. 4. his verbis; *cæperuntque loqui aliis linguis prout Spir. ille dabat eis eloqui*. Quibus effectum acceptionis Sp. S. donati primùm proponitur: deinde à causa efficiente principali exponitur atque amplificatur, propositio autem est, quod Apostolici *cæperunt loqui aliis linguis*. Quo prædicationis Apostolorum, & initium, & adjunctus modus declaratur. Initium est, quod *cæperunt loqui*, scil. *καὶ ἔρχοντο* loquendi voce accepta, de Christo, hoc est, cæperunt prædicare Hierosolymis Evangelium de Jesu Christo servatore, quia ad id erant vocati Marc. 16. 15. & in eum finem acceperant Sp. S. Act. 1. 8. & 2. 11. dicuntur *locuti magnifica Dei facta*: nempe in missione Filii, traditione in mortem, suscitatione & glorificatione, exhibitæ. Modus autem prædicationis adjunctus est, quod non una lingua, suâ nimirum Hebræâ, sed (ut linguarum dispartitarum signo fuerat significatum) aliis etiam linguis, pro auditorum, quos alloquebantur ac docebant, ratione locuti fuerint. Cujus rei utilitas erat primaria tum temporis Hierosolymis, ut auditores eo miraculo comperto attentiores ac dociliores redderentur, & ad divinam Apostolorum vocationem cognoscendam melius præpararentur: quemadmodum vers. 7. & 8. dicitur: *Nonne omnes isti qui loquuntur sunt Galilæi? quomodo igitur nos audimus eos sua quisque lingua, in qua nati sumus, Parthi, Medi, &c. & v. 11. & 12. Cretes, Arabes, audimus eos loquentes nostris linguis magnifica Dei facta; obstupecebant autem omnes, &*

*hæsitabant dicentes, quid hoc rei esse posset?* Hoc autem linguarum miraculum, non in auditoribus, ut nonnulli fingunt: sed revera in Apostolis variarum linguarum notitiâ donatis, extitisse, res ipsa, & multa scripturæ loca ad Corinthios, & alibi demonstrant. Cæterum hæc propositio, expositione causæ principalis explicatur. Nam quamvis Evangelium variis linguis loquerentur, illud tamen ab iis solis non est factum, sed imprimis à Spiritu Sancto ac propterea additur à Luca hoc loco; *prout Spiritus ille dabat eis eloqui*. Quibus verbis declaratur Spirit. S. non solum fuisse datorem donorum scientiæ Evangelii, & notitiæ variarum linguarum; sed etiam moderatorem ac directorem linguæ eorum, adeo ut iis dicenda, ex ampla rerum notitia peculiariter suggererit, atque ad suggesta proferenda perduxerit: sicut promissum erat à Christo Apostolis Marc. 13. v. 11. *ne ante solliciti estote, quid locuturi sitis, neque meditamini: sed quicquid datum fuerit vobis illo momento id loquimini, non enim vos estis, qui loquimini, sed Sp. S.* Atque hæc de secunda descriptionis donati Apostolis Sp. S. parte. Prima enim fuit circumstantia idonea cùm temporis, diei Pentecostes, tum præparationis Apostolorum: qua officium à Christo ad Sp. S. acceptionem mandatum præstiterunt, convenientia, cum loci, tum cordis. Loci, quod Hierosolymis in eadem domo congregati fuerint. Cordis, quod concorditer, nempe charitate tum mutua inter se, tum communi erga Deum exercitio precum perseveranti. Qua in re officium sibi à Christo mandatum, obedienter impleverunt. Altera vero pars, est Christi Sp. S. ipsis donantis beneficium, quo vicissim suam promissionem admirando modo atque eventu implevit: Modus enim fuit partim signorum externorum, cùm auditi venti sonantis, tum visarum linguarum miraculum, partim interna ac significata plenæ donationis Sp. S. gratia, quam eventus atque effectum illius, Evangelii variis linguis Sp. S. directione stupenda prædicatio, confirmavit. Atque hæc huius descriptionis missi in Apostolos Sp. S. explicatio, cui paucis, ad præsentem Ecclesiæ statum, applicationem seu consequentem ex ea utilitatem subjungemus. Ex prima autem huius narrationis parte utilitas ad nos promanans, est cognitio duplex, una, officii à nobis præstandi, altera vitii in nobis corrigendi. Officium enim nostrum hinc discimus, quia Apostolorum erga Christi mandatum obedientia, quâ sese ad promissa illa extraordinaria Sp. S. dona recipienda præpararunt, propositum nobis est exemplum quod imitemur. Quemadmodum enim mala impiorum exempla in S. literis recensentur, ut ea vitemus 1. Cor. 10. v. 6. & 2. Pet. 2. v. 6. sic contra bona piorum exempla proponuntur ut ea imitari studëamus Jac. 5. v. 10. Heb. 6. v. 12. & 1. Cor. 11. v. 1. Ac propterea nobis etiam, ut promissam per Sp. S. regenerationis (seu fidei & charitatis) confirmationem atque incrementum à Deo obtineamus, Apostolorum exemplo, mandatum, ad eam rem consequendam, officium, sedulo præstandum est, nimirum ut cum fidelium Ecclesia (cui Sp. S. promissus) in domum Dei convenientes aggregemur: & concordii, cùm mutua inter nos, tum communi erga Deum charitate ac precum perseverantia uniti Spiritus S. incrementum, secundum promissionem expectemus: Matth. 18. 19. & 20. Luc. 11. 13. & Heb. 10. 25. docetur. Vitium verò, quo ab hoc officio variè declinamus, ex iis quæ ab Apostolis facta, & contra à nobis fiunt, inter se oppositis, perspicuè cognosci potest. Nam 1. Apostoli, Christo obedientes, Hierosolymis congregati in unam domum, Sp. S. expectarunt; Contra verò non pauci nostrum ex eorum sunt numero, de quibus Apostolus Heb. 10. 25. ait, quod mutuam nostri aggregationem deferere consueverunt: quemadmodum pulpita domus Dei, die sacro, imprimis post meridiem, deserta, quodammodo exprobrant. Deindè Apostoli Sp. S. expectantes fuerunt concordēs, cum mutua erga se, tum communi, erga Deum charitatē, corde & ore ab eo Spiritus gratiam promissam perseverantibus precibus implorando. Contra verò non pauci nostrum, etli convenientes in Dei domum eodem loco, reliquis fidelibus exterius aggregentur. Longissimè tamen interna animi discordiâ ab iis sunt disjuncti; partim quod pro mutua cum proximis charitate, odia aperta aut clandestina fovent; partim dum in commu-

nes cum

nes cum fidelibus (ad Spiritus S. gratiam obtinendam) preces variè peccant, ac charitatem Deo debitam violant. Primum enim nonnulli nostrum peccant neglectu, dum consultò post primas preces ab Ecclesia habitas, in domum Dei primum veniunt: & ante postremas eam deferere consueverunt. Alii verò peccant hypocrisis, qui sanctarum precum cum Ecclesia communionem simulantes, non Apostolorum, sed Phariseorum exemplum imitati, ore quidem Deo appropinquant, & labiis honorant, sed cor eorum ab eo procul remotum est, Matt. 15. 8. Alii deniq; etsi seriò precentur, in eo tamen ab officio declinant, & Apostolorum exemplum negligunt, dum contra officium mandatum à Christo, Luc. 18. 1. & à Paulo 1. Thess. 5. 17. non semper ac sine intermissione precantur; neq; cum Apostolis in precibus perdurant: sed subinde segnescunt. Quamobrem hoc seriò nobis agendum est, ut hæc vitia receptioni Sp. S. (ut patet auctoritate Rom. 14. 17.) & Apostolorum exemplo contraria agnoscetes, ea deploremus ac vitemus, & Apostolos imitati nos sanctè, pro officio mandato præparemus, h. e. ut sacris diebus in sanctam Dei domum nos Ecclesiæ aggregemus: & concorditer in charitate mutua inter nos, & communi erga Deum, ipsum pro gratia Spiritus impetrandæ, vera fide ac perseverantia oremus. Id quod non solum officii nostri iustitia, ante demonstrata, flagitat; sed etiam consequens nostra felicitas inde permanens persuadet, quæ ex secunda hujus contextus parte cognoscitur. Utilitas enim illius est insignis, fidelium, officium hoc demandatum obedienter præstantium, consolatio. Quod quemadmodum Apostolis, peculiaria Spir. S. dona, officium rectè facientibus, secundum promissionem sunt collata: sic etiam nobis, Apostolorum exemplo rectè præparatis, ac Christi mandato obtemperantibus, promissam Sp. S. regenerantis ac dirigentis gratiam ampliorem similiter conferendam, minimè dubitandum: quia unum utrimque est fundamentum: nimirum quod Deus est verus ac fidelis, qui hominibus officium mandatum præstantibus, promissa fideliter præstat, 1. Tit. 1. 2. 1. Thess. 5. 24. sed hæc consolatio ad eos non spectat qui (contra Apostolorum exemplum, & officium à Deo mandatum) sacras fidelium congregationes, & charitatis mutue ac pietatis concordiam negligunt. Ut enim qui Deum obedientia honorant, ab eodem ipsius gratia honorantur; sic contra qui ipsum inobedienter dedecorant, eosdem dedecorat 1. Sam. 2. 30. unde experientia docet, complures, quia Sp. S. hoc contemptu afficiunt, illius ope destitui: adeo ut neq; scientia, neque pietate proficiant; sed contra Hebræorum instar Hebr. 5. 11. & 12. segnitie suæ in pristina ignorantia hæreant: & carnis suæ atque impuri spiritus tentationi iuste traditi, linguas habeant dispersas, & igneas, non Apostolorum instar, ad Ecclesiæ unionem & veritatis ac charitatis in ea illustrationem, atq; inflammationem pertinentes: sed ad Ecclesiæ damnum gravissimum. Divisa enim eorum est lingua, dum ut Jac. 3. 10. dicitur, *ex eodem ore procedit benedictio & maledictio: & v. 9. & lingua benedicunt Deo & patri & eadem hominibus maledicunt ad similitudinem Dei conditis*. Ignea deinde eorum est lingua ad nocendum, & perendum comparata, qualis Jac. 3. 6. describitur: *lingua etiam flamma est, & mundus iniquitatis &c. inflammans orbem conditum, & inflammata à gehenna*. Quamobrem cum omnium nostrum, ob carnis adversus Spiritum repugnantis reliquias, Gal. 5. v. 17. fides & charitas sit imperfecta, ideoque Sp. S. regenerantis & sanctificantis confirmatione opus habeamus, summa nitendum est vi ac studio, ut Apostolorum exemplum imitemur, non deferentes aggregationem nostri mutuam Heb. 10. v. 25. sed eam colentes: nec solum in eandem sacram Dei domum conveniamus lubenter, sed etiam concorditer charitate mutuâ conjuncti ac devincti, fidelibus ac constantibus precibus Sp. S. gratiam ampliorem petamus, & cum Davide dicamus Ps. 51. v. 12. *cor mundum crea in me Deus & Spiritum rectum innova in medio mei*; Deinde hac consolatione nos sustentemus, fore ut Deus vicissim, tanquam benignus, & in promissionibus fidelis Pater Spiritu suo inchoatam in nobis regenerationem adaugeat, ac confirmet, ut in doctrinæ salutis noticia, fide & charitate & pietate in Deum, ad illius gloriam, proximi utilitatem, &

salutem nostram proficiamus.

*Corollarium, De Vsu ac fine Festi Pentecostes.*

Quoniam in explicatione historię missionis Spiritus S. quædam à priscis atque recentioribus Theologis de Pentecoste, tempore & usu sunt tradita, quæ à nobis sunt omissa: idcirco non inutile fore existimavimus, si ea paucis primùm proponeremus, deindè ad normam S. Scripturæ examinare cōnaremur. Ad usum autem quod attinet seu finem institutæ Pentecostes, illa vetusta est, etiam Hebræorum Rabbiorum non minus quàm veterum Patrum sententia: Festum Pentecostes, inprimis, ad memoriam latæ à Deo è monte Sinai legis, institutum. Atque hinc historię missionis Spiritus S. in Apostolos Acto. 2. interpretes plerique inter Pentecostes Judæorum & Apostolorum, discrimen usus, hac ferè ratione exponere solent: quod inter utramq; Pentecosten, quidnam interfit, faciliè cognosci possit ex discrimine, quod est inter legem Mosaicam, & legem Evangelii: inter Sinai montem & inter Sionem inter horribilem Spirit. fragore suo Sinai montem concutientē, & eum Spiritum, qui convocatos Apostolos Hierosolymis, à recepto cum majestate in cælum Christo, afflavit; & inter terribilem ignem in Sinai flagrantem, & eum ignem, qui in dissecis linguis apparuit, in novi fœderis sanctione, qui ignem eum divini amoris significavit, quo Apostolorum linguæ inflammatae denuntiaturæ essent non legem & literam occidentem sed legem Evangelii per Spiritum Christi vivificantem, æternamque pacem, salutem ac gloriam afferentem: de quibus linguis vates: *quam speciosi sunt pedes Evangelizanum pacem*. Horum linguæ in novo Pentecostes die expeditæ, promptæ, amabiles, suaves, quas Israëlita in cœlis scripti cives ferrent, redditæ sunt, quæ iranimos eorum doctrinam plenam pace, salute vera, gloria, velut stylo imprimerent; de qua lingua, quæ Messie lingua est, his verbis vates, *lingua mea velut stylus est notarii velocis*: Contra lingua Moïsi legislatoris fuit lingua tarda & impedita, veluti ipse in Exodo conqueritur, lingua inamabilis, dura, insuavis, a qua abhorrent Israëlita. Atque hæc quidem doctis Theologo Martino Borrhao in comment. Levit. 23. cujus sententiæ fundamentum est, quod eodem die quinquagesimo lex data divinitus, & Pentecostes festum celebrandū. Veruntamen si quis accurate rem perpendat, compariet, ubi arbitramur, neq; consequentiam, neq; rationem antecedentē esse solidam. Non consequentiam, quia etsi eodē die, quo lex lata est, Pentecostes festum celebrandū fuisset: non propterea tamē hujus finis esset legis latæ memoria, grata mente celebranda: quia fines festorum ex hujusmodi temporum convenientia definiri non debent: sed ex S. Litterarum declaratione. Cum autē frequens festi Pentecostes fiat mentio, finis quidē (ut in superiori explicatione ostendimus) is declaratur, ut gratitudinē Deo, ob messiem donatū ac peractam, primitiarum oblatione præstarent Lev. 23. 10. (unde *primitiarum dies* Num. 28. 26. vocatur) sed eum esse finem ut legis latæ memoriam colerent, nullibi indicatur. Deindè etsi consequentia valeret, antecedens tamen ratio ex scripturis probari non potest, sed potius contrarium. Nam ut probabilis omninò est sententia ac recepta, legem Dei quinquagesimo die ab exitu ex Ægypto latam: Pentecostes tamen diem esse posteriorem, non autem eundem, initium illius demonstrat, unde supputatur. Nam Pascha die 14. mensis primi erat celebrandum Exo. 12. sequenti verò die nempe 15. erat primus, è septem, dies azymorum & quidem festus: ut disertè traditur Lev. 23. vers. 5. 6. *primo quoque mense, decimo quarto illius mensis inter duas vespertas, Pascha est feboræ: decimo quinto vero die, ejusdem mensis festum est azymorum feboræ, septem diebus panes azymos edetis*: Atque hoc die primo azymorum, prima illius parte quæ erat nox, Pascha ante mactatum & assatum erat comedendum ea ipsa nocte Exod. 12. v. 8. postero deindè illius festi azymorum diei, nempe decimo sexto initium est dierum quinquaginta festi Pentecostes, quemadmodum disertè Lev. 23. v. 15. 16. explicantur. Quare hoc primùm observandum, quod vulgo à multis traditur, initium dierum Pentecostes esse à die Paschatis ducendum, minime convenire. Nec enim inclusive, ut loquuntur, convenit: quia si dies

fuit 14.

fuit 14. primi mensis: neque exclusivè, hoc est, post proxime; quia tum initium esset à die 15. statuendum, contra decimum sextum fuisse, jam ante sit demonstratum. Hæc de initio dierum quinquaginta, quorum postremus fuit Festum Pentecostes: Dein latæ legis, eadem ratione cum Pentecoste fuisse quinquagesimum, dicitur quidem vulgo, sed probationem solidam hætenus frustra requirimus: Imò potius latam legem diverso die, nempe antecedente, colligitur ex libro Exod. 19. 1. collato cum v. 11. Nam v. 1. dicitur *בחדש השלישי* in mense tertio exitus filiorum Israël ex terra Ægypti, eo ipso die pervenerunt in desertum Sinai. Quo in loco cum dicitur eo ipso die, sensus est, tertio: ut quemadmodum mensis tertii meminerat, sic etiam diem numero cum mense convenientem, tertium fuisse: unde colligitur adventus Israëlitarum è regione montis Sinai diem fuisse ab exitu ex Ægypto quadragesimum quintum. Nam dies illius exitus fuit decimus quintus mensis primi, qui constabat triginta diebus. Ideoque ad secundum mensem sunt dies sexdecim: secundus verò mensis habuit dies viginti novem (ut Calendaria Hebræa ostendunt, imprimis Caroli Sigonii in republica Hebræorum, deinde idem ostendit Calendarium Hebræum Genebrardi in præfatione in Psalmos: denique Doctoris Mulerii p. m. Calendarium) qui juncti simul sunt dies 45. Hisce addantur tres dies mensis tertii Exod. 19. 1. & cum hoc tertio horum trium jungantur duo, erunt dies quinquaginta. Nam Exo. 19. v. 10. & 11. dicitur *sanctifices eos hodie* (id est, die tertio mensis tertii, v. 1.) & *cras, ut sint parati in diem ipsum tertium, nam ipso die tertio descensurus est Jehovah super montem Sinai*. Quare ex hisce apparet initium dierum à quo quinquagesimus latæ legis recensetur, esse diem exitus ex Ægypto, id est, diem mensis primi decimum quintum; dierum verò Pentecostes initium est dies decimus sextus, Ergò non eodem die conveniunt. Unum interim hic observandum, clariss. nostros interpp. ne quidem quinquagesimo die exitus ex Ægypto latam legem statuere: ut etiam alter eorum D. Junius in analytica Exodi explicatione c. 19. v. 1. ait; *incidit autem illa dies in quadriduum ante Pentecosten*. Causa hujus dicti est, quia illi interpretes verba Moysis: *בחדש השלישי* non exponunt mense tertio, sed in novilunio tertii, & addunt (quasi per ellipsin omissum) mensis. Cujus rei occasio est, quod vox *שלישי* mensis, vel per Synec. principium mensis neomeniam seu Calendas notat. Verum licet alibi interdum hoc significet, tamen apud Moysen ea significatione semel tantum Num. 29. 6. ita usurpatum comperi; deinde sine necessitatis specie ellipsis statuitur vocis, *mensis*, denique servata orationis Moysis sine ulla ellipsi, integritate, Lxx. interpp. vertunt *רביעי* *quartus* *tertius*, id est, tertio autem mense, eosque sequuntur Onkelos paraphrastes chaldæus, & doctissimi interpp. alii. Ideoque quod, eo ipso die, pro sua interpretatione exponunt nostri interpretes, sc. novilunii, illud minus videtur consentaneum, licet Aben-Ezra opinione sua præverit: de tempore tamen latæ legis aliter sentit, traditione majorum citata; nempe legem latam sexto die mensis Sivan, qui mensis tertius. Verum hoc modò, non die quinquagesimo ab exitu ex Ægypto, sed quinquagesimo primo die lex esset lata, ut ante tradita computatio evincit. Calculus enim Aben-Ezra non convenit, quia Neomenia mensis tertii fuit dies ab exitu ex Ægypto quadragesimus quintus, ut ante demonstravimus, & tertio die ab eo inclusivè lex lata, v. 11. Ergo dies legislationis esset tum quadragesimus septimus. Nam conjectura Aben-Ezra, qua elabi conatur, quasi triduum duplex esset intelligendum: prius quod duravit donec ad Deum ascenderet Moyses, alterum postquam descendisset, usque ad legem latam, illa inquam nullà ratione scripturæ probatur, sed contra Moysi verbis repugnat. Neque etiam Rabbi Moysi Ben-Maimon (Aben Ezram & traditionem potius quam rationem secuti) autoritas in eodem Pentecostes, & latæ legis die statuendo ob stare potest, cum tertia parte (seu libro 43. ait hoc modo: *septimanarum* (sc. festum) *est dies donationis legis, & ad magnificandum diem illum numerantur dies à primo festo ad illud*. Hoc enim jam antea confutatum: Ac contra S. Literis convenientius de festo Pentecostes tradit Joseph. Jud. ac sacerdos doctissimus. Quippe Antiquitatum Jud.

lib. 3. c. 10. ait: *secundo die azymorum, qui est decimus sextus, Deo primitias hordei offerunt: agnumque in sacrificium maculant*. Ac deinde Pentecostes originem exponens ait: *Ἐξ ὧν ἐξ ἡμέρας ὁ διασημῆνός ἐστι πέντε τὴν δούσαν (αὐτὰς ἡμέρας αἱ τῶν ἐξ ἡμέρων ἡμέρας πέντε ἀρχόντα ἐν ἡμέρᾳ, ) τῇ πεντακστῇ (ὡς ἔχειτο ἡ παραβολὴ, σημαίνει ὅτι τὸ πέντε πέντε) σποράς ἐστι τῷ θεῷ ἄρτον ἀφ' ὧν μὴ πλείων ἀσάρωτας δύο μὲν ζῆμονος γινώσκων. Quæ verba ita interpretatus est Sigismundus Gillenius: *Post Paschale sacrum elapsis septem septimanis, hoc est, 49. diebus quinquagesima (quam à numero Asartha Hebræi vocant) offerunt Deo panem è farina triticeæ duobus assaronibus, cum fermento confectum*. Ubi observandum in primis, verba illa Josephi *Ἐξ ὧν ἐξ ἡμέρας ὁ διασημῆνός ἐστι πέντε τὴν δούσαν*, non satis aptè versa esse hoc modo *post Paschale sacrum*: dicendum enim erat, *post illud sacrificium*, nempe secundi diei azymorum, seu diei decimi sexti mensis primi, ut antecedentia perspicuè evincunt, & Mosis congruit Levit. 23. 15. & 16. & Deut. 16. 9. qui Moyses ibidem, illud quinquaginta Pentecostes dierum numerationum principium esse declarat. Quare ex hisce omnibus consideratis, perspicuè apparet, diem Pentecostes, non fuisse eundem cum die latæ legis, sed diversum; ideoque quod propterea & olim & nostro ævo, à plerisque quasi certum statuitur, diei Pentecostes consecrati finem esse memoriam legis, eodem die latæ, illud nulla ratione probabili innititur. Interim verum est, ad gratiæ Spiritus S. die Pentecostes ad Evangelii notitiam ac promulgationem collatæ, amplificationem dici posse, eam dono latæ legis longè præstantiorem; quod lex à Deo horribili cum sono, tum igne præmissa Exod. 19. 18. & 19. lata; auribus populi cum terrore magno excepta, non autem cordi illius inscripta: contra verò Evangelium, præmissa sono flatus confirmante, & læto linguarum ignearum conspectu præcedente, Apostolorum menti ac cordi suaviter inscriptum: ut illius promulgatione suavissimâ Ecclesiam colligerent ad salutem. Cæterum festi Pentecostes, à Deo instituti, sine alieno jam satis, uti speravimus, confutato; non inutile erit, si paucis genuinum explicare conemur. Is autem vel perspicuè expressus est, vel rectè adumbratus. Expressus atque apertè explicatus est, publica officii gratitudinis erga Deum ob duo eximia corporalia beneficia collata, testificatio: quorum primum erat messis triticeæ donatio: gratitudinis autem officium, pro eo præscriptum, erat primum publica primitiarum illius messis oblatio, unde etiam *festum primitiarum* vocatur Num. 28. 26. quia duos ex messe panes offerebant, primitias Deo, cum suis sacrificiis Levit. 23. 16. & seqq. & Deut. 16. 10. Alterum deinde fuit sacri epuli hilaris cum liberis ac servis & Levitis ac peregrinis invitatis, ad Dei gloriam celebratio, Deut. 16. 11. Secundum Dei beneficium erat liberatio ex servitute Ægypti, & introductio in terræ promissæ ac bonorum illius possessionem: gratitudinis verò officium erat illius gratiæ utriusque præstitæ justa recordatio. Deut. 16. 12. & publica illius coram Deo & Ecclesia protestatio, quæ accuratè ac plenè Deut. 26. à 1. ad duodecimum describitur. Hæc de fine festi Pentecostes perspicue expressio: Cui alter adumbratus hoc typo accedit, nimirum beneficii spiritualis per Christum conferendi, & officii gratitudinis ei præstandi prophetico hujus festi typo significatio: ut Col. 2. 16. & 17. dicitur, *ne quis igitur vos damnet, ob cibum vel potum, aut respectu diei festi, aut novilunii, aut Sabbat horum, quæ sunt umbræ rerum futurarum, corpus autem est Christi*, hoc est, res significata ad Christum pertinet, Beneficium enim Dei, spirituale per Christum, externo Pentecostes signo adumbratum est duplex: primum donorum Spiritus S. (quasi messis cuiusdam) primum Apostolis, deinde per eos Ecclesiæ collatio Ephes. 4. vers. 8. alterum est liberatio è spirituali servitute peccati, Joan. 36. 8. Rom. 6. 6. & 18. ex potestate Sathanæ Col. 1. 13. ac translatio in regnum filii ipsius dilecti, & hæreditatem cælestem Col. 1. 12. & 1. Pet. 1. 3. Gratiitudo verò, pro hoc beneficio duplici, Deo per Christum debita, & per Israëlitarum in Pentecoste graditudinem adumbrata, prima est, ut donis illis spiritualibus acceptis, Deo per Christum primitiæ eorum, sancta recordatione ac celebratione offerantur: & ad gloriam illius ad vitæ spiritualis ac veræ sanctitatis, cum nostræ, tum proximi, incrementum, hisdem utamur Eph. 4.*



Eph. 4. 12. Altera est, ut liberati à servitute peccati & Satanæ, ac translati in regnum Christi, hereditatem celestem, grato animo hoc recolamus, & coram Deo atque Ecclesia profiteamur, & quemadmodum scriptura præcipit) ut *gens sancta, ac populus acquisitus, virtutes illius annuntiantes, qui nos è tenebris in lucem suam admirandam vocavit* 1. Pet. 2. 9. *gratias agentes Patri, qui nos idoneos fecit, ad participandam sortem sanctorum in luce, qui liberavit nos à potestate tenebrarum ac transfudit in regnum Filii sui dilecti, in quo redemptionem habemus per sanguinem ipsius, remissionem peccatorum.* Col. 1. 13. 14. Quæ gratiarum actio, non solum animo & ore, sed etiam opere peragenda est, ne liberati à servitute illa peccati ac satanæ, contemptâ gratiâ ac fœda in gratitudine serviamus rursus peccato: sed Deo ac Christo redemptori, in verâ sanctitate ac iustitia ipsi debita, grati serviamus; Luc. 1. 74. & 75. & Rom. 6. 6. & 19. & 22. Atque hæc de usu ac fine Pentecostes.

*Corollarium Secundum, de Distinctione donorum Spiritus Sancti.*

**Q**Uoniam Spiritus S. extraordinaria, per Christum in cœlos subvectum, donatio, diversis facta est modis; eos succincte perstringemus; ut ante dicta magis illustrentur. Modus autem est duplex: unus immediatus: alter medius. Immediatus est, qui à Deo solo, sine intercedente creaturæ adjumento, dispari gradu contigit. Primarius enim fuit Judæorum, duodecim scilicet Apostolorum, qui (ut muneris Apostolici gravitas tequirebat) repleti sunt Sp. S. signis stupendis ea plenitudo iis confirmata est Act. 2. Secundarius atque inferior fuit gentilium quorundam, nempe Corn: Ce nturionis & amicorum illi adjunctorum: qui ante baptismum acceptum, Sp. S. donis repente sunt donati Act. 10. 44. & 47. ac statim locuti sunt linguis (scilicet variis) & magnificaverunt Deum v. 46. Medius verò donationis Sp. S. modus est, quo Baptizati, precibus & impositione manuum, dona Sp. S. extraordinaria subito infusa, varie acceperunt: ordinarie quidem per solos Apostolos. Act. 8. 14. 15. 16. 17. 18. & 19. 6. & 2. Corinth. 11. 4. Galat. 2. 2. & 5. & quidem non plene ut ipsi Apostoli, sed ad Ecclesiæ utilitatem distributione varia 1. Cor. 12. 6. ad 12. Hebr. 2. 4. Extraordinarie verò Paulus per Ananiam, singulari Dei jussu, impositione manuum, & ante baptismum repletus est (utpote Apostolus destinatus) Sp. S. Act. 9. 17. Rom. 15. 18. & 19. & 1. Cor. 14. 18. Atque hæc de modorum donationis Sp. S. extraordinariæ distinctione.

*Illustratio verborum Christi Ioan. 3. v. 10. & 11. & questionis ex v. 12. ortæ explicatio.*

**Q**Uoniam eam quæstionem, quæ ex Ioan. 3. 12. verbis exurgit, explicare nonnihil, ob maximam veterum & recentiorum interpretum varietatem decrevimus: idcirco ad meliorem illius tractationem, opportunum fore existimamus, si brevem v. 10. & 11. analysin præmitteremus, à communi occasionis & scopi verborum Christi circumstantia exorssi. Occasio quidem est indocta Nicodemi quæstio v. 9. proposita *quomodo possunt hæc fieri?* Hæc enim stupidam illius ignorantiam, & ex ea profluentem incredulitatem ostendit: nimirum quod Christi, de regeneratione ex spiritu doctrinam, perspicua venti similitudine illustratam, nondum intelligeret. Scopus verò est, ut ipsum ad sui vitii agnitionem ac correctionem adducat. Ad quem scopum sibi propositum collimando, tanquam medium valde accommodatum, responsionem dirigit vers. 10. & duobus sequentibus: quæ gravem ac nervosam reprehensionem complectitur. Ea autem est duplex: prior, qua solum Nicodemum arguit ignorantie; posterior, qua ipsum cum similibus Phariseis incredulitatis insinuat. Ignorantie autem reprehensio v. 10. proponitur hoc modo: *respondit Jesus & dixit ei: Tu es magister ille Israël, & hæc non nosti?* Qua responsione ignorantia illius, primum ab objecto, deinde ab adjuncta indignitate describitur. Objectum ita indicat; *& hæc non nosti?* Hæc scilicet de regeneratione ex spiritu, tam clarè à me exposita: id quod culpam ignorantie satis demonstrat: ideoque ut vim vocis illius amplius osten-

dat, non ait tantum, *hæc*, sed, *& hæc*, hoc est, etiam hæc non nosti? hoc est non solum quæ prima vice non ita clarè proposui, sed etiam, quæ jam repolita perspicuè declaravi: quæ non abdita ac sublimia religionis sunt mysteria: sed illius elementa. Cujus ignorantie adjuncta indignitas, partim interrogationis figura innuitur, qua rem mirandam atque indignam esse (quasi provocatione ad Nicodemi conscientiam) ostendit; partim argumento ab officii illius repugnantia ducto demonstrat: *Tu es magister ille Israël*, hoc est, unus ex Phariseis & primoribus Judæorum (ut v. 1. dicitur) magister insignis, ad Israëlitas Dei verbo erudiendos præfectus: ideoque indignissimum est, quod doctrinam de regeneratione ex spiritu, tam clare expositam, & ad rudimenta doctrinæ salutariæ pertinentem adhuc ignoras. Atque hæc de prima reprehensione solius Nicodemi, nempe indignæ ignorantie illius. Altera ei ac similibus Phariseis communis reprehensio est incredulitatis duplicis; quarum prima est ratione doctrinæ traditæ: altera verò ratione doctrinæ tradendæ. Ac prima quidem exprimitur hoc modo, vers. 11. *Amen, amen dico tibi, quod scimus loquimur, & quod vidimus testamur: sed testimonium nostrum non recipitis.* Quibus verbis pluralis numeri, incredulitatem Nicodemi & similibus Phariseorum describit ab objecto, & ab adjuncta iniquitate. Ab objecto, cum ait *testimonium nostrum non accipitis.* Testimonii autem voce, intelligit doctrinam Evangelii, qua de veritate salutari erat testatus Ioan. 18. 37. quo etiam modo usurpatur c. 3. 32. *Nostrum* autem vocat: ut Ioannem Baptistam unâ testantem secum annumeret, quia ille etiam divinitus venerat, ut testaretur de illa luce (hoc est, Christo) ut omnes per eum crederent Ioan. 1. 7. quemadmodum etiam revera de veritate est testatus v. 27. & 5. 33. & 3. sub finem. Hujus autem testimonii incredulitas, metaphora insigni, à donis oblati & non acceptis petita, declaratur, cum dicitur, *non accipitis*; tu scilicet Nicodeme, & reliqui similes Pharisei, qui & Ioannis & meam doctrinam audivistis, non creditis. Neque obstat quod Nicodemus v. 2. de se & similibus Phariseis est professus, *scimus te magistrum venisse à Deo*: quia testimonium de persona Christi, vero Deo & agno tollente peccata mundi, à Ioanne propositum sapius, & à Christo confirmatum, nondum intelligebant, neque acceperant fide: sed miraculis ejus commoti Prophetam duntaxat credebant; ut ibidem Nicodemus declarat: ideoque illi cum aliis vere dictum: *testimonium nostrum non accipitis.* Cæterum metaphora vocis *accipiendi*, pro credere, proposita & simul exposita extat etiam Ioan. 1. 11. & 12; & 3. 32. Fides enim est quasi spiritualis animæ manus, quâ doctrinam Evangelii, & promissa illius bona ac dona amplectimur, eorumque participes fimus, Act. 26. 18. Hujus autem non accepti testimonii, seu adversus Evangelii prædicationem incredulitatis iniquitas demonstratur, à testimonii Christi ac Ioannis veritate: quam præfatione, & subjecta rei assertionem describit. Præfatio est: *Amen, amen dico vobis*, hoc est, veritatem aut vere, vere, dico; ut qualitatem sequentis sermonis indicet; & quidem ad majorem attentionem ac fidem comparandam vocem *Amen*, sic geminat, ut in reliquis omnibus Christi dictis, ubi apud Joannem occurrit. Nam quod nonnulli veterum Patrum, & vulgò non pauci, pii atque eruditi viri juramenti, & quidem gemini formam esse statuunt, cum dicitur: *Amen amen dico*: illud à veritate omnino alienum esse, res ipsa demonstrat, & Hebræorum ac doctiss. virorum consensus attestatur. Res ipsa: quia juramenti definitio ei non convenit: Juramentum enim est Dei, tanquam omniscii testis, & iusti atque omnipotentis judicis, in occultæ veritatis vindicem invocatio: Atqui Amen, & amen amen dico, hoc est, veritatem aut verè dico, non est invocatio Dei &c. Sed tantum asseverationis forma: qualis est, cum dicitur sanè, reverà, certe, aut veritatem dico: Ideoque juramentum non est. Propositio definitione juramenti ex 2. Corinth. 1. 23. & 1. Thess. 2. 5. & re ipsa, communi consensu citra controversiam recepta, ac certa est, ac probationem non desiderat. Assumptionem usus scripturæ, & omnium lexicographorum Hebræorum expositio confirmat. Deinde expositio etiam Evangelistarum idem demonstrat atque evincit. Nam senten-

sententiam Christi Matth. 16. 28. *Amen dico vobis*, Lucas c. 9. 27. repetit & exponit *ἀληθῶς*, id est, *verè dico vobis*. Sic Matth. 24. 47. *amen dico*, Luc. 12. 44. repetitur: *verè dico*: & Mar. 12. 43. *amen dico*, Luc. 21. 3. dicitur, *verè dico*, in ejusdem utrimque sententiæ Christi, recensione. Sic etiam Jer. 28. 6. dicitur *amen*, hoc est, *verè*, aut *veritas*, supple sit, quod exponitur seqq. proximè verbis, *sic faciat Jeborua*, ubi & LXX. interpp. vocem Amen transferunt *ἀληθῶς*. Sic Psal. 41. 14. & 72. 19. & 89. 53. similiter ponitur: *Amen & amen*, id est, *verum*, supple sit; quod LXX. *ἀληθῶς, ἀληθῶς* sensu expresso, nempe, *sit*, interpretantur: & 2. Cor. 1. 20. *promissiones Dei in ipso (sunt) etiam, & in ipso (sunt) amen*, id est, *veritas*. Præterea neque ex Veteris neque ex N. T. ullâ probâ ratione firmari potest, *Amen* esse juramenti formam. Nam quod à quibusdam obtenditur Esa. 65. 16. dicitur: *jurabunt in Deo amen*: illud omnino alienum est: quia manifestè conjuncta, perperam dividunt. Amen enim hoc loco est epithetum Dei, ac veritatem notat: non autem est forma juramenti: quemadmodum constructio perspicuè evincit, *jurabit* (inquit Esajas) *בְּיָמֵינוּ* per Deum veritatis, hoc est, *verum*: ut à falsis diis distinguatur: ut ibidem similiter dicitur, *benedicet sibi בְּיָמֵינוּ* per Deum veritatis i. e. *verum*, ut rectè LXX. interpretes in utroque *ἀληθῶς* Deum verum transtulerunt: ac propterea objecta interpretatio omnino aliena est. Atque hoc etiam modo vox Amen Apoc. 3. 14. usurpatur, ubi Christus ait *Ego sum ὁ ἀληθῶς*, id est, *veritas*, aut *verus*, ut sequitur *testis fidus & verax*. Deinde è N. T. proferunt exempla ad Hebr. c. 6. 13. *Deus enim pollicitus Abraham, cum non posset per quemquam majorem jurare, juravit per seipsum*: & 14. subjicitur *dicens ἰμὴν benedicendo benedicam tibi*: Verum illud etiam ad rem ipsam non facit. Quæstio enim est, an *Amen* in sacris literis ullibi sit forma juramenti: atqui hujus vocis hîc nulla prorsus extat mentio, siquidem ἰμὴν non Hebraicè, sed Græcè dicitur: neque una est dictio, ut *Amen*, sed duæ sc. ἰμὴν & προσέξω (ὁρκός, ut Eustat. in Homerum alique exponunt) & ἰμὴν, idem, significans, quod ἰμὴν quidem. Sed excipere possit aliquis, ἰμὴν certe quidem, hic juramentum ab Apostolo vocari: Ergo etiam Amen idem significans, nempe, *certe, vere, juramentum* erit. Verum negatur antecedens. Nam Apost. Dei juramentum verbis antecedentibus v. 13. descripsit, cum ait: *juravit per seipsum*. Cui juramento, rem eo promissam distincte subjicit, *certe benedicendo benedicam tibi*; Idque etiam collatio verborum Moïsi (quæ ab Apostolo citantur) perspicue evincit. Nam Gen. 22. 16. dicitur, *per meipsum juro, dicitur Jeborua: quandoquidem fecisti rem hanc, & non subtraxisti filium tuum, unicum tuum*: & v. 17. deinde additur proximè *וַיֵּשׁ* id est, *certe benedicendo benedicam tibi*: ubi expresse ac distincte primum forma juramenti ipsius præponitur, *juro per me ipsum*; pro quo Paulus in 3. persona posuit *juravit per seipsum*. Deinde verò res ipsa, juramento promissa exprimitur: *benedicendo benedicam tibi*, eique promissioni, non ut novum juramentum (id enim præcesserat) sed ut qualitatis seu veritatis rei juratæ indicium præmittit, nempe asseverativum adverbium *וַיֵּשׁ* id est, *certe*, quod licet proprie sit conjunctio, quia; interdum tamen per enallagen partis orationis, sit adverbium significans *certe, profectò, vere*, ut Gen. 27. 36. *וַיֵּשׁ* nonne rectè vocatum est nomen ejus Jacob; D. Jun. vertit. *quam rectè*, Hiero: *juste*: & Chaldaus Onkelos, *וַיֵּשׁ* id est, *pulchre rectè*, & Jonathani adscripta Chaldaea paraphrasis, *וַיֵּשׁ בְּקוֹשָׁתוֹ*, hoc est *in veritate*, i. e. *vere*, & Es. 7. 9. *si non credatis, וַיֵּשׁ*, id est, *certè non eritis firmi*, seu stabiles: ut Mercerus in magno Thesauro Pagnini exponi posse ait, & alii etiam doctissimi viri, atq; inter eos clariss. Ursinus explicant. Atq; ita etiam Gen. 22. 17. de quo agimus, vox *וַיֵּשׁ* exponitur per ἰμὴν à LXX. interpp. & ab Apostolo ad Hebræos. Cum autem *וַיֵּשׁ* citra omnem controversiam non sit juramentum: Ergo neque etiam ἰμὴν voces duæ ei interpretandæ divinitus adhibetæ hoc significant. Quare licet hæc asseverandi voces, nempe ἰμὴν antecedenti juramento subnectantur (ut etiam apud profanos authores non rarò fit) inde tamen non sequitur juramentum esse; cum eadem maneat etiam citra juramentum significatio: quemadmodum usus harum vocum e-

vincit. Ad cuius etiam rei illustrationem referri potest locus Apostoli 1. Tim. 2. 7. *veritatem dico per Christum, non mentior*: in qua sententia juramentum est illud, *per Christum* sc. juro: rei verò juratæ qualitatem indicat quod ait; *veritatem dico, non mentior*, quod idem est atque *amen dico*. Atque hæc de voce Amen, unde constat amen amen (id est, *vere, verè*) dico tibi, esse asseverationem veritatis sententiæ seu assertionis sequentis, qua Christus testimonii (seu doctrinæ à se & Baptista traditæ) veritatem designat. Assertio vero clarius exponitur ad majorem attentionem ac fidem bifariam, propriè primum: cum ait: *quod scimus, loquimur*; deinde per metaphoram idem illustrando ait *quod vidimus testamur*: hoc est, quod certò scimus: Nec enim Evangelii doctrinam, quæ hîc intelligitur à Christo, oculis corporis (qui ad id inepti erant) sed animi oculis, seu intellectu suo, cum Baptista vidit ac percepit. Nam quod nonnulli pluralem illam vocè, *scimus*, de Christo & Prophetis interpretantur, non adeo aptum est, atque si de Christo & Baptista exponamus. Similis ferè locus est infra in sententia Baptistæ de Christo v. 32. *quod vidit inquit, & audivit, hoc testatur: & testimonium ejus accipit nemo*, hoc est, pauci: quod comparati cum incredulorum multitudine quasi nulli essent: Nemo enim non propriè, sed per hæc metaph. intelligitur. Quod autem Christus ait præsentī tempore usus, *scimus, loquimur*: item eodem sensu, *videmus, testamur*, eo modo doctrinam antè propositā, & indies continuari significat. Nam eo tempore adhuc & Christus & Ioannes eandem Evangelii doctrinam docebant Ioa. 3. 26. cum 4. 12. Atq; hæc de prima incredulitatis Nicodemi & similibus Phariseorū reprehensione, respectu doctrinæ traditæ v. 11. Cui altera adjungitur, ratione doctrinæ tradendæ v. 12. *si terrena dixi vobis, & non creditis: quomodo si dixerō vobis cælestia, credetis?* Quæ reprehensio constat duobus membris, consequente, & antecedente illius confirmatione. Consequens est: *quomodo, si dixerō vobis cælestia credetis?* confirmatio verò deducta est ex antecedentis incredulitatis magnitudine, ratione ab objecto, nempe rebus terrenis comparatè petita: *cum terrena dixi vobis & non creditis*. Hæc enim est mens hujus loci: siue Græca vox ἰμὴν sumatur propriè, pro *si*, conjunctione conditionali, conditionis veritas supponitur ex antecedentibus, perinde ac si subjiceret: *atq; terrena dixi vobis, & non creditis*: siue ἰμὴν per ἰμὴν & ὅτι, hoc est, *siquidem, quia*, accipiat, ut etiam Act. 4. v. 9. *et ἀνακρινόμεθα, siquidem (aut ut Beza, quandoquidem) de nobis quæstio habetur*, ut etiam Græca Scholia, eodem Beza teste, similiter ἰμὴν per ἰμὴν hoc loco exponunt. Ea autem scholia intelligit, quæ Oecumenius collegit ex Patrum scriptis, in opere Veronæ edito p. 22. & rectè Dominus Piscat. Rom. 8. 31. *et, si Deus pro nobis, ait: si ponis, pro quia, ut in illo Catonis, si Deus est animus &c. Vel potius est ellipsis assumptionis quæ repetitur propositionis connexæ antecedens, si Deus pro nobis est, ut est, quis igitur erit contra nos*. Hæc ille. Prius tamen, ut Act. 4. omnino præferendū videtur, quia ellipsi caret ac plena est oratio. Atque ita Enthymema erit hujusmodi: quia terrena dixi vobis, & non creditis, cælestia quomodo credetis, h. e. multo minus credetis. Nam interrogatio illa quæ ait *quomodo*, negationem firmiorem indicat, quasi provocatione ad Nicodemi conscientiam: h. e. nequaquam credetis, ac consequentiæ ratio solida est, qui enim minora non intelligit, ad majora ac graviora intelligenda aptus esse non potest. Verum hic oritur.

*Quæstio, quid terrena, & cælestia hoc loco significant.*

DE hac enim re interpretum diversa extant judicia: quorum præcipua tantum paucis expendemus, à vocum ambiguarum distinctione exorisi. Nam *ἐσθλὰ, & ἐπαινετὰ* aliter atque aliter usurpari solent. *ἐσθλὰ* enim (cui contrarium est *κακὰ*) significat, quod in cælo, vel è cælo vel cælo conveniens; In cælo autem vel imo, seu aëreo (ut Eph. 6. 12. *spirituales malitias in cælestibus*; Beza in sublimi exponit, h. e. in aëre, ut Eph. 2. potestas in aëre tribuitur) vel medio seu æthereo (ut 1. Cor. 15. 40. corpora cælestia, qualia Sol, Luna, stellæ, & terrena opponuntur) vel deniq; in summo beatorum cælo, ut Phil. 2. 10. *omne genu cælestium, terræ, & subterraneorum*. &c. 3. 19. *terrena curantes*, id est, quæ in terra sunt, quorum, ut ait, *Deus venter*. Secundo cælestia significat

significat quod è cælo: Heb. 3. 1. *ἀλλήλους ἰσχυροῦς*, id est, *vocationis cælestis participes*, & 6. 4. *donum cæleste*, id est, quod à Deo, qui in cælis: quemadmodum contra Jac. 3. 15. *sapientia terrena* (quam animalem & dæmoniacam vocat) opponitur ei, *quæ supernè*, id est, è cælo, à Deo est. Tertiò cælestia designant ea, quæ cælo conveniunt: ut qualitate cælesti prædita 1. Cor. 15. 49. *Sicut gestavimus imaginem terreni, gestabimus etiam imaginem cælestis*, h. est, qualitate v. 48. & 53. ac gloria cælesti præditi: ut Phil. 3. 21. exponitur. Præter hæc significationes, in S. literis usitatas: vox *cælestia* interdum per metaph. usurpari solet, pro rebus valde excellentibus: quod quemadmodum cælum æthereum terrâ immenso spatio sublimius est; sic etiam illæ rebus aliis præstent. Atque hæc de vocum ambiguarum distinctione, cujus occasione discrepantes hujus Christi sententiæ expositiones in medium proferuntur. Quidam enim interpretes primâ significatione spectata, *terrena* exponunt res quæ in terra sunt: qualis est resipiscencia, baptisumus, regeneratio ac similia: *cælestia* verò quæ in cælo sunt, idque notari putant voce Græcâ *βασι*, quandoquidem Christus non ait *ἡμεῖς terrena*, sed *ἐν γῆναι, quæ in terra sunt*: neque ait *ἐν οὐρανῷ cælestia*, sed *ἐν οὐρανῷ supercælestia*. Atque sic *terrena* dici resipiscencia, & baptisum, ac regenerationem, quod sint rudimenta quædam cælestis doctrinæ, quæ in hac terra in credentibus absolvantur; *cælestia* verò quæ in cælis sunt, & non in mortalibus perficiuntur, qualis est Christi divinitas, atque eadem cum Patre & Sp. S. majestas, & si quæ alia sunt hujusmodi, qualia ferè ab Apostolo Ephes. 1. 2. 3. & Col. 1. de Christo traduntur. In qua erudita expositione, ratio tamen non est satis solida; quia usus scripturæ docet simplex *ἐν γῆναι*, & compositum *ἐν οὐρανῷ*, eodem sensu non raro usurpari: quemadmodum etiam ex collatione Matth. 6. 14. & 26. & 32. & ex cap. 18. 35. apparet. Hæc prima expositio, quæ proprietatem vocis servat: secunda verò est, qua nonnulli has voces per metaph. interpretantur; & quidem alii absolute in se: alii verò comparatè inter se consideratas accipi arbitrantur. Absolute quidem & in se consideratè secundum quid, ut *terrena* & *cælestia* dicantur, non ratione materiæ, seu rei, quam Christus docuit; sed ratione formæ ac modi docendi. Nam res, quam Christus Nicodemum ac similes docuerat, non erat terrena, sed cælestis: nempe doctrina resipiscentiæ, regenerationis ac fidei: quam credere homo terrenus atque animalis, sine cælesti Spiritus gratia, non poterat. Modus verò docendi fuit terrenus, h. e. more hominum rudes instituentium humilis ac facilis intellectu; utpote quia subinde similibus ab hominum consuetudine desumptis, usus fuerat: qualis etiam fuerat proposita proximè Nicodemo, doctrinæ de regeneratione per spiritum, illustratio: qua venti liberè ac potenter flantis similitudine erat usus. Contra alii *terrena* & *cælestia* non absolute in se, sed comparatè inter se intellecta dici arbitrantur: quod scil. ea, quæ à Christo & Joanne Baptista erant tradita, continebant tantum religionis Christianæ rudimenta: quæ comparatè cum sublimioribus, quæ supererant mysteriis, *terrena*, similitudine quadam, h. e. humilia; sublimiora verò, *cælestia*, quasi à captu hominum rudium remotiora, nuncupantur. Quæ expositio illustrari posse videtur ex Apostoli reprehensione Hebr. 5. 12. *Vos enim; quos oportuit pro temporis ratione, doctores esse, rursus opus est doceri, quæ sint prima elementa eloquiorum Dei, factique estis ij, quibus opus est lacte & non solido cibo*: & c. 6. 1. & 2. *quapropter omisso sermone in iis Christi ad perfectionem feramur, non jacentes rursus fundamentum resipiscentiæ ab operibus mortuis, fidei in Deum, baptisum &c.* Alii denique utramque hanc metaphoricam interpretationem simul videntur componere & in unum conflare: quemadmodum D. Beza, ad illa verba in major. annot. *si terrena &c.* ait: *si crasso & plebeio stylo loquentem non intelligitis, & ideo loquentem repudiatis; Nec enim doctrinam suam terrenam vocat, sed ejus elementa, & ejus tradendi modum rudiatæ nostræ accommodatum, & similitudinibus, desumptis à rebus communibus & sensui nostro obviis (qualis erat illa de venti flatu) illustratum.* Hactenus ille. Porro hæc metaphoricæ expositiones, & aliis scripturæ locis satis concinnè conveniunt, & huic Christi

sententiæ: Veruntamen quædam iis obstare videntur. Quorum primum est, quod vox *cælestia* à bonis authoribus pro rebus excellentibus interdum usurpetur, sed in S. literis hæc significatio non reperiatur: deinde quod amplius est, nullum ex antiquis Græcis authoribus à nobis observatum exemplum, neque à doctioribus ac diligentioribus prolatum, quo voces illæ *terrestria* & *cælestia* inter se, ut in hoc Christi dicto opposita, humilia & sublimia, h. e. res intellectu faciliores & difficiliore significent. Deinde etiam si alibi fortè talis harum vocum significatio reperiretur, à propria tamen earum significatione ad impropriam & metaphoricam, nullo modo esset recurrendum, nisi doctrinæ S. literis comprehensæ veritas, aut loci circumstantiæ illud evincerent; quorum neutrum hoc loco comperitur. Nam prima illa sententia, qua voces istæ propriè accipiuntur (quod etiam clar. Wolf. Musc. ut simplicem maximè probat) & doctrinæ sacræ, & circumstantiis hujus loci probè consentit; ut terrena, ea quæ sunt aut erunt in terris: cælestia, quæ sunt, aut futura in cælis intelligantur. Nam poenitentia, regeneratio, sanctificatio inchoata, fides, baptisumus ac similia quæ docebat Christus, in terra peraguntur: ideoque terrena rectè dici potuerunt: in cælo verò erat Deitatis Christi majestas, ac myriades Angelorum cum quibus Christus è cælo venturus ad judicium Matth. 26. 64. præterea in cælo partim erant animæ piè defunctorum & cælestis eorum conditio, nempe perfecta sanctificatio & beatitudo æterna; partim futura erant corporis Christi & Christianorum cælestis æternaque gloria, atque felicitas Phil. 3. 20. & 21. & 1. Cor. 15. 48. 49. & Matth. 13. 43. Hæc & similia nondum erant à Christo, cum religionis rudimenta traderet, explicata, sed explicanda: quemadmodum postea suis locis explicuit, & proximè sequentibus explicare coepit. Qua de re M. Bucer ait: *cælestis magister omnia cælestia dixit, ut certè renasci ex Spiritu nihil minus quam terrena res est, attamen terrenum & crassum dici potuit, si id confertas, cum eo, quod nos per omnia conformes fieri oportet imaginem unigeniti: & prorsus esse Deos.* Ubi observandum expositionem hanc videri partim ad 2. metaphoricam expositionem referri, partim ad primam propriam. Deinde observandum postrema verba per hyperbolem majorem ac duriorē dicta, pro divinæ naturæ esse participes ut 2. Pet. 1. 4. nempe non ratione essentiae, sed ratione similitum qualitatum. Quomodo Bucero prævisse Athanasium comperimus, quod de incarnat: filii Dei pag. ult. edit. Græcolat. Commel. de Filio Dei ait; *homo factus manens Deus, ut homines Deos redderet, manentes homines.* Sed præstat ab hujusmodi hyperbolis abstinere, & clarius loqui; ne erroribus ulla detur occasio: quamvis metaphoricè in S. literis Magistratus *dii* dicantur. Coeterum interpretatio prima, quam antea posuimus, longè aptior est, quàm ea, quæ ab Aretio (fortasse solo) proponitur: qui terrena ad exemplum de vento referre mavult, *ἐν γῆναι* autem intelligit doctrinam de regeneratione, quæ res cælestis est. At inquam de vento dicta non attingit Nicodemus sua dubitatione antecedente: neque credibile est, ipsum adeò fuisse sensus expertem, ut quæ de venti flatu libero clarissimè à Christo dicta, non intellexerit. Atque hæc de proposita quæstione, ad illustrationem illius, strictim diximus.

Ex Joan. III. vers. 13.

Quæstio de sensu verborum Christi:  
Nullus ascendit, &c.

Memorabilis est atque explicatu dignissima Christi, Joh. 3. 13. sententia, quæ ait: *& nullus ascendit in cælum, nisi qui descendit de cælo; filius hominis, qui est in cælo.* Constat autem duabus partibus. Quarum prima est propositio, his verbis comprehensæ: *& nullus ascendit in cælum*, altera verò expositio, qua ut errori occurratur seqq. verbis subjectum propositionis (nempe *nullus*) exceptione sui declarat. Ac de subjecto, hoc inter interpp. convenit, eâ voce non Angelos intelligi, de quibus in hac oratione tota non est sermo: ut qui in cælo sunt, cælestia norunt, & è cælo descendere, atque in cælum rursus ascendere, à Christo

Christo dicuntur Ioan. 1. 52. sed homines designari: quocirca vulgatus interpres commodè vocem *ἰδὲς*, quæ generatim *nullum* significat, exposuit, *nemo*, quæ vox hominem solum excludit. De prædicato verò sive subjecti hujus attributo controversia est, quidnam *ascendere in cælum* significet hoc loco. De ea enim re duplex est explicatio. Prior quidem communior, utpote à priscis Theologis, & plerisque recentioribus propoſita: nempe hanc phrasin propriè de ascensu, h. e. è terra infima, in summum cælum penetratione ad vitam æternam, accipi. Posterior verò nonnullis insignibus Theol. propria, qui hæc verba metaphoricè exponunt: quæ sententia doctis. M. Bucer est, quem nostri Theologi ferè reliqui omnes sunt secuti, ut sit sensus; Nemo myſteria regni cælorum cognoscit, vel unquam cognovit: quemadmodum dicitur Ioan. 1. *Deum nemo vidit unquam, Filius qui est in sinu Patris, ipse revelavit nobis*, & Matth. 11. *nemo novit Patrem, nisi Filius, & cui Filius voluerit revelare*. Hujus autem sententiæ authores, duo adversus priorem objiciunt argumenta. Primum est, quod posita ea proprià expositione, necessariò inde sequeretur, orationem Christi fore falsam, ac propterea metaphoricè intelligendam: Nam Christus, cum addit, *nisi qui descendit de cælo, filius hominis &c.* indicat, se jam ascendisse; atqui ascensu propriè accepto, illud erat falsum: nondum enim ascenderat eo modo, sed primum post resurrectionem erat ascensurus. Verùm responderi potest bifariam: primum non dici à Christo, quod in cælum ascenderit; Est enim hoc loco elliptica oratio: *Nemo ascendit nisi filius*: & non necesse est, ut verbum *ascendit* eodem tempore præterito subintelligatur: sed potest, ac debet etiam (ut veritas rei postulat) in futuro tempore repeti: quemadmodum à Theophylacto in commentariis ex Chrysoſt. in compendiis contractis factum est, qui hoc modo breviter exponit: *ἰδὲς τὸν ἀναβήσαντα εἰς τὸν οὐρανόν, ὃς μὴ ἂν ὡς μέγα μὲν ἀναβῆται, ἀλλ' ὡς ὁ ἰσχυρὸς, h. e. Nemo Prophetarum ascendit in cælum, nisi ego solus ascensurus sum in cælum, sicut etiam descendit*. Deinde alteram etiam solutionem addimus, hypothesein objectionis (licet communi expositione quasi certa probeatur, nempe *ἀναβήσαντα* vocem præteriti temporis, significationem præteriti servare, ac vertendum *ascendit*) non esse necessariam: quia potest accipi significatione, ut loquuntur, potentiali: ascendit, pro ascenderit, h. e. poterit ascendere. Nam verba non solum reliqua, sed etiam præteriti perfecti indicativi (ut exemplis eruditè ab Henrico Stephano in Græcæ Lingue Thesauſo docetur) cum conjunctione potentiali *ἂν* juncta, non actum rei, sed rei futuræ potentiam interdum denotant: idemque nonnunquam fieri per illius conjunctionis ellipsin: Ad quam constructionem hic etiam locus Ioannis referri potest, ut sit sensus: Nemo ascendit, hoc est, ascendere poterit, in cælum, *εἰ μὴ* nisi filius hominis, qui sc. ascendere poterit. Hanc alteram etiam expositionem verisimilem adducere visum: ut inde plenius cognoscatur, etiam hanc secundam objectionis hypothesein in expositione vocis *ἀναβήσαντα* non esse necessariam; utraque igitur solutio objectionem confutat; prior tamen responsio, sufficere potest. At objici potest, insolentem esse expositionem, nemo ascendit in cælum, nisi filius hominis, suppledo ascendet: quia ubi antecedentis verbi ellipsis est, ibi illud ipsum eodem tempore est repetendum sive suppleendum. Verum hoc negatur: neque insolens est, si ipsa verbi significatione manente, circumstantia temporis pro rei hoc flagitantis ratione; mutetur: ut vel ex eo loco, qui ad contrariam expositionem illustrandam adducitur, apparet, nempe Matth. 11. 27. *neque Patrem quisquam novit nisi Filius*, supple novit, *& cuiuscunque voluerit*, hoc est volet, *revelare*, sc. noscet. Sed alterum argumentum, à scopo loci deductum profertur: quod ea expositio ab illo aliena sit, quia doctrina de ascensione in cælum, propriè accepta, proximè præcedentibus verbis non cohæret: Contra verò posterior optimè convenit: cum enim antè dictum sit: *si dixerō vobis cælestia, quomodo credetis?* supponitur, Christum posse cælestia dicere: Id autem oppositione aliorum omnium hominum demonstratur, quia nemo novit cælestia, nisi solus filius hominis, ut

qui è cælo descendit, & in cælo sit. Ac propterea D. Beza, pro hac, quam probat sententia interpretatur ista verba: *ἰδὲς*, *Nullus enim*: ut *εἰ* & copula, pro causali *sc.* seu *&*, pro *etenim* (quod interdum fit) accipiatur. Hanc difficultatem objectam vident etiam prisci Theologi, eamque indicat ac solvere conatur Theophyl. (Chrysoſtomum ut solet secutus) hoc modo: *Nemo ascendit, &c. Neque hoc videtur habere communionem cum iis, quæ ante ipsum sunt: si quis verò accuratè mentem Domini viderit, valdè etiam cum iis, quæ ante illud sunt, communionem habere apparebit. Cum enim Magistram & prophetam nominasset Nicodemus; ne me, inquit, puta quasi prophetam è terra existentem à Deo missum ut doceam, sed superne me descendisse, puta ut filium, non è terra esse, nemo igitur prophetarum ascendit in cælum, nisi ego solus ascensurus sum, ut etiam descendam*. Hæc ille. Summa est connecti hanc sententiam cum antecedentium initio, ut corrigatur primus Nicodemi error. à Christo antè intactus, non autem cum proxime antecedentibus: Neque enim necesse est, ut in oratione omni sequentia semper cum proxime antecedentibus cohæreant, cum ad ea quæ antea dicta sunt utiliter explicanda, regressio nonnunquam institui soleat. Quo posito, secundo loco, aptius paulò responderi potest, Christum reprehensâ ignorantia atque incredulitate Nicodemi, ut attentiores redderet, & ad fidem provocaret, postea redire hoc vers. 13. ad explicationem ingressus in regnum cælorum, hoc est, anima & corpore in cælum ascensionem ad vitam æternam, & modum illius duplicem ostendere; unum per se, inſtâ vi, qualis solius Christi futura ascensio: alterum per alium, vi Christi: qualis fidelium. Prius vers. 13. posterius seqq. explicari. Denique si quis accuratè rem ipsam spectet, cum proxime antecedenti versu, commode etiam cohæret. Nam ut cælestium meminit explicandorum à se; sic ea ex parte explicat, ascensione in cælum, descensione è cælo, & præsentia in cælo. Quamobrem primam expositionem secundæ præferendam meritò concludimus: primum quia propriam significationem vocum retinet: altera verò metaphoricam, quæ admittenda non est, nisi causa necessaria cogat: Ea autem hic nulla est, ut ex objectionum confutatione constat, quia & veritati Scripturæ, & loci circumstantiis probè congruit. Deinde, quia phrasis usum, in S. literis observatum retinet: contra verò metaphorica ab eo recedit. Nam quod objicitur locus Deut. 30. 12. & similis Rom. 10. 6. quasi eodem modo improprie acciperetur, *quis ascendet in cælum*, id est, quis cælestia cognoscet; illud negatur. Proprie enim accipi verba Moſis demonstrant, antecedentia & consequentia: postquam enim vers. 11. dixit, *mandatum quod præcipio tibi, &c. illud non est longinquum*: hoc proximè v. 12. exponit, *non in cælis est ut dicas, quis ascendet nobis in cælum, & accipiat illud, &c. neque trans mare, &c.* Quæ disertè de ascensu propriè agi demonstrant. Atque hæc de prima hujus loci quæſtione; sensu videlicet verborum Christi: *Nullus ascendit in cælum*, sequitur

*Secunda Quæſtio, quomodo ascensio in cælum, soli Christo tribuatur?*

Sacræ literæ disertissimè tradunt 2. Reg. 2. 11. Eliam Signeo curru subvectum, ascendisse in cælum; & animas piorum mortuorum in cælum ascendere, & cum Christo esse, Ioan. 14. 3. Phil. 1. 23. & corpora post resurrectionem ascensura, 1. Theſſ. 4. 17. & Apo. 21. 27. ac propterea ex hac re prima fronte videtur consequi, non esse verum, ascensionem in cælum soli Christo tribui. Cum autem verba Christi citra controversiam sint vera, 1. Pet. 2. 22. quæritur, quomodo hæc inter se queant conciliari? Respondemus autem, distinctione nodum hunc solvi. Nam ascensio in cælum: aut sumitur generatim, pro quavis è terra in summum cælum translatione, atque ita verè Christo & piis communiter convenit: aut speciatim. Ascensio enim in cælum dividitur ratione causæ efficientis oppositæ, in eam quæ per se, seu propriis viribus ascendens fit: & in eam quæ per alium, seu alterius viribus contingit. Atque ita hæc conciliantur inter se: Nemo nisi Christus ascendit



in cœlum, propriis suis viribus. Ipse enim ascendit, primum vi dignitatis suæ, seu obedientiæ ad mortem usque crucis, secundum pactum Dei, Lev. 18. 5. *hoc fac & vires*. Atque ita fuit efficiens remota, nempe causa impulsiva, ut Phil. 2. 9. & Hebr. 12. 2. exponitur. Deinde vi divinæ suæ naturæ, qua, ut se à mortuis suscitavit, Ioan. 2. 19. 21. & c. 10. 17. sic etiam in cœlum tandem ascendit. Atque ita, ut solus est causa remota ac movens: sic etiam solus proxima atque exequens. Et hunc specialem ascensionis modum, non autem generalem, soli Christo attribui ex antecedentibus & ex consequentibus apparet. Ex antecedentibus quidem, quia regnitum posse videre regnum Dei, & in id introire, hoc est, ascendere in cœlum, asseruit vers. 3. & 5. sequentibus verò vers. 16. dicitur: *ut credentes in Christum habeant vitam æternam*: Ea enim in cœlo est, & præcedentem ascensionem in cœlum necessario includit: & credentibus contingere, non per se, sed per Christum declaratur. Quo etiam pertinent ea, quæ initio proposuimus testimonia. Hæc de secunda, sequitur

*Tertia Quæstio, quid filius hominis hoc loco significet?*

**O**Rigo hujus quæstionis est, quod licet certum sit, filium hominis distinctè dici, ab Adamo, qui homo fuit, sed non filius hominis: utpote qui creatus à Deo, non verò à patre homine generatus, tamen bifariam usurpatur: propriè, aut impropriè per tropum, qui diversus etiam esse potest. Propriè quidem, atque universali significatione denotat ab homine genitum: atque ita accipitur Psal. 115. 16. *cæli sunt Jehovæ, & terram dedit filiis hominum*, & Psal. 144. 3. *Jehova, quid est homo ut agnoscas eum: filius hominis, ut rationem ejus habens?* & Esai. 56. 2. *beatus homo qui fecerit illam, & filius hominis, qui prebenderit illam*. Quo etiam modo Ezech. 2. 1. & singulis ferè capitibus Ezechiel à Deo *filius hominis*, id est, homo vocatur. Deinde *filius hominis* per Synecd. accipitur bifariam: primum generis pro specie, cum opponitur filio viri, & hominem plebeium, distinctè à potentiore designat, ut Psal. 49. 3. *etiam filii hominis, etiam filii viri*, hoc est, tam plebei, quam præstantes. Secundo per Synecdoch. generis pro individuo, seu certo homine generali. Atque ita Christus seipsum vocat passim ad humanæ suæ naturæ veritatem indicandam: ideoque plerumque distinctè additur articulus emphaticus, *ὁ υἱὸς τοῦ ἀνθρώπου, filius ille hominis*: ut non quemvis, sed singularem aliquem denotari ostendat: Quocirca excellentia quædam indicari videtur: unde nonnulli egregii interpretes, excellentiam infirmitatis Christi, humilisque conditionis nostræ causâ susceptæ, notari putant: hominem nimirum afflictum & contemptum: ut de Christo dicitur Esai. 52. 14. *Cum obstupuerint de te multi, dicentes, adeo corruptum esse præ ullo aspectum istius, & formam istius præ filiis hominum*: quod etiam plenius explicatur Esai. 53. 2. & 3. quomodo de Christo dici existimant Ioan. 19. 5. *Ecce homo*. Verum obstat, uti videtur, huic explicationi; quod Christus etiam jam in gloria constitutus cœlesti vocatur eadem periphrasi filius ille hominis, ut Actor. 7. 56. *Ecce conspicio cœlos apertos, & filium hominis stantem ad dexteram Dei*. Altera igitur expositio est, sic vocari, ut excellentiam non infirmitatis, sed dignitatis illius significet: ut sit sensus, homo ille olim promissus Adamo & Patriarchis, futurus Messias, & per Prophetas prædictus. Atque ita videtur Psal. 8. 5. *filius hominis*, accipi: ut Hebr. 2. 6. & seqq. exponitur. Et fortè eo spectat, quod Ioan. 12. 34. à Christi auditoribus dicitur: *Nos audivimus ex lege quod Christus maneat in æternum: & quomodo dicis, oportere filium hominis extolli? quis est ille filius hominis?* atque ita videtur accipi Ioan. 5. 27. *& potestatem ei dedit judicium etiam exercendi*: & id est, *quia filius hominis est*, id est, promissus ille homo Messias, cui judicium divinitus destinatum: de quo, suo loco, Deo favente, plenius sumus acturi. In qua expositione diversitate hoc interim certum ac citra controversiam est, humanæ naturæ Christi veritatem designari hac phrasi: an verò præterea aut abjectæ conditionis, aut

muneris excellentia denotetur, disquiri potest: posterius verò; ob causam allatam, comparatè magis videtur consentaneum: etsi Matth. 16. 13. *quem me dicunt esse filium hominis*, non videatur satis quadrare, si quis circumstantias expendat. Nam hoc quasi notum præsupponitur, se esse filium hominis, de quo quid judicent homines querit.

*Quarta Quæstio, quo sensu de filio hominis dicatur, quod descenderit de cœlo: & tamen quod esset nihilominus in cœlo.*

**Q**Ua de re duplex est sententia: Prior quidem, quod ea Christo tribuantur *κατ' αὐτό*, nempe secundum divinam naturam: seu non quatenus homo, sed quatenus Deus, Dei filius: ut orthodoxi Patres, & nostræ etiam Ecclesiæ consentaneè exponunt: ac descensum non propriè sed metaphoricè accipi, quod Dei Filius sit patefactus in carne, seu sit caro factus assumptæ servi forma, Phil. 2. Tum enim Deus, ex scripturæ usu, descendere è cœlo dicitur, cum in terris peculiari aliqua ratione præsentiam suam patefacit, quod excellentissimè in naturæ humanæ assumptione in terris factum est. Unde 1. Tim. 3. dicitur: *magnum est pietatis mysterium; Deus patefactus in carne*; Altera verò de attributi descensus è cœlo, & præsentiae in cœlo sensu, sententia est, quæ priorem expositionem (qua utrumque ad Christum, secundum divinam naturam refertur) partim concedit; partim negat: sed contrario tamen modo à diversis explicatur bifariam. Anabaptistæ enim Mennonitæ posterius attributum, nempe præsentiam hanc in cœlo, non ad humanam naturam: sed ad divinam tantum pertinere agnoscunt: prius autem de humana interpretantur, atque inde probare conantur, Christum suam carnem, non ex virginis Mariæ substantia in terris assumpsisse; sed eam è cœlo descendentem utero illius intulisse, matremque Christi nihil aliud, præter gestationem, nutritionem atque partum contulisse: ut olim Marcion (adversus quem eruditè scripsit Tertull.) aliique nonnulli, ac per eam quasi canalem conceptum, & ad tempus partus servatum transiisse. Contra verò Lutheri discipuli, Ubiquitatis, ut vocant, corporis Christi assertores, prius attributum, nempe descensum è cœlo, Christo convenire tantum secundum divinam naturam concedunt, ac statuunt descensum illum non propriè, sed metaphoricè intelligendum: posterius verò ad humanam naturam pertinere contendunt: atque inde probare conantur, Christi corpus multis esse in locis, imò ubique: utpote quod eodem tempore fuerit in terra, Nicodemum alloquens: & nihilominus simul in cœlo præsens. Utriusque autem sententiæ argumentatio & hypothesis illius vana est; imò sua expositione satis perspicuè eandem, si attendere velint, refutant. Argumentatio enim est, quia non dicitur filius Dei descendit de cœlo: sed filius hominis, propterea non secundum divinam naturam, sed secundum humanam descendit è cœlo, ut Mennonitæ concludunt. Deinde Ubiquitarii similiter sic disputant: filius Dei hic non dicitur esse in cœlo, sed filius hominis: ac propterea illud non secundum divinam, sed secundum humanam naturam intelligendum est. Verum fragilis utrimque consequentia: quia hypothesi ac fundamento falso nituntur. Nec enim quæcunque de filio hominis dicuntur, necessario secundum humanam naturam sunt intelligenda; quia filius hominis, & humana natura non sunt idem omnino; Filius enim hominis, personam humanam naturam præditam significat: humana verò natura, personam non notat. Ac propterea cum filius hominis hic personam Christi, ab una natura humana denominatam significet: verè omnino de eo dicuntur attributa, quæ personæ Christi tantum conveniebant secundum alteram, nempe divinam naturam. Sive enim Christus, Filius Dei, à divina natura: sive filius hominis, à natura humana denominetur, persona Christi indicatur. Ac propterea quia in persona Christi utraq; natura existit: verissimè utriusque naturæ attributa de ea, per vocem personalem denominata, dici possunt: sive vox personam notans sit desumpta à tota persona, ut Immanuel, seu *ὁ θεὸς μετ' ἡμᾶς*, Christus, & Jesus, ac similes voces:

voces: sive ab una natura, ut Filius Dei, & filius hominis. Quemadmodum exempli gratia de Christi persona, denominata à natura divina, seu de Filio Dei dicitur: eum esse in sinu Patris Ioan. 1. 18. & tamè ignorasse diem iudicii Marc. 13. 32. Quorum prius, quatenus Filius Dei est, seu secundum naturam divinam: alterum verò, non quatenus Filius Dei, sed quatenus Filius hominis: seu non secundum divinam naturam, quia omnisficia est: sed tantum secundum humanam intelligendum. Quemadmodum etiam similiter Filius Dei Rom. 1. 3. dicitur esse ex semine Davidis, non secundum divinam naturam: sed, ut Apostolus interpretatur, secundum carnem, hoc est, humanam naturam. Sic etiam de Christi persona, denominata voce personali ab humana naturâ desumpta, rectè dicuntur ea, quæ conveniunt, non solum secundum humanam naturam (ut cum filius hominis tradendus dicitur in manus hominum Matth. 17. 22.) sed etiam quod personæ Christi convenit secundum alteram, nempe divinam naturam, ut cum dicitur, filium hominis esse filium Dei. Qualis de Christi persona phrasis (qua personæ Christi voce personali ab una natura denominatæ tribuitur, quod ei convenit secundum alteram tantum) communicatio idiomatum appellari solet; quod talis phrasis ex eo oriatur, quod utriusque naturæ Christi propria, sint personæ illius communia, & illa phrasi convenienter significantur. Idemque sese confutantes imprudenter expositione sua utrique; & Anabaptistæ, & Ubiquitarii, suæ probationis hypothesin fundamentum omninò destruunt. Nam filio hominis præsentiam in cælo Anabaptistæ attribui exponunt, non quâ filius hominis, seu non secundum humanam naturam: sed secundum divinam: & rectè ac consentaneè cum orthodoxis: Et Ubiquitarii, filium hominis descendisse de cælo, non quatenus filius hominis, seu non secundum corpus & humanam naturam: sed quatenus filius Dei, seu secundum alteram nempe divinam naturam, rectè exponunt. Ergo utrique hanc hypothesin nostram confirmant: nempe, non quæcunque de filio hominis dicuntur, ea esse de ipso secundum humanam naturam intelligenda: sed interdum debere secundum divinam naturam explicari: tum scilicet quando rei veritas hoc flagitat; sive attributi & subjecti consensio. Atque ita suam falsam hypothesin, qua eorum expositio atque argumentatio nititur, perspicue ab ipsismet evertitur. Nam si descensus è cælo, filio hominis convenit secundum naturam humanam idcirco, quia dicitur filius hominis: ejusdem rationis vi sequetur, etiam fuisse secundum humanam naturam in cælo, cum esset in terris, quod tamen Anabaptistæ negant. Et contra: si quia dicitur, *filius hominis qui est in cælo*, inde sequitur secundum humanam naturam fuisse in cælo: eodem omninò fundamento sequetur, eandem descendisse de cælo, quod tamen Ubiquitarii negant. Quamobrem ex hisce perspicue concluditur, neque Anabaptistarum, neque Ubiquitatorum interpretationem ab ipsis probari, neque etiam probari posse: ut fidei analogia, seu doctrina S. Literarum de Christi persona satis demonstrat: ut contra Anabaptistas Ioan. 1. ostendimus; & contra Ubiquitarios, veritas corporis Christi (quod triplici sua dimensione, & partium unitarum, pro locorum intervallo, distinctione constat) evincit. deinde cum esset in terris, non fuisse suâ naturâ humanâ in cælo: quia aliàs non potuisset proprie ascendere in cælum: quemadmodum revera, motu locali, è terra, videntibus Apostolis in aërem, ac porro in cælum ascendit Act. 1. Quod autem ubique est, locum non mutat, quia jam in omni loco est: ac propterea locus nullus est quem deserat: nec locus ullus in quem accedere valeat. Et rursus, cum jam secundum humanam naturam, post ascensionem, in cælo sit, non est amplius in terra Coloss. 3. 1. *querite quæ supra sunt, ubi Christus est* & v. 2. *quæ supra sunt querite, non quæ in terra*; Et cum in terra esset Christus, certo fuit in loco, pro natura veri sui corporis circumscripti, & membris distincto loco positus, non alibi, eodem tempore: ut Ioan. 11. 15. *gaudeo quod non ibi* (nempe apud Lazarum) *fuerim, sed venis ad ipsum*. Imò omnes articuli fidei de Christo, hoc monstro Ubiquitatis corporis Christi, violantur. Nam si

Christi corpus, ob unionem hypostaticam (ut contendunt) cum divina naturâ ubique est, & ab initio sui extitit: sequitur necessariò, non in solo utero virginis conceptum ac gestatum, sed ubique fuisse conceptum: neque natum seu ex utero virginis in lucem egressum, sed in eo & ubique mansisse; quia quod ubique est, locum omnem implet, seu locum nullum deserit, nec ab ullo loco abest. Hæc enim sunt contradictoria: abesse à loco, & in eodem esse seu non abesse. Deinde si corpus Christi ubique est; non est cruci uni affixum in Judæa: sed omnibus crucibus toto orbe: imò quod amplius est, nulli cruci affigi potuit: quia jam antè in cruce hac omnibusque aliis ubique fuerit. Neque etiam mortuus fuerit: quia morte anima à corpore separatur, & corpus ab anima. Atqui corpus quod ubique est, ab anima separari non potest, aliàs ubique esse desineret. Neque etiam à cruce removeri, ac sepulchro imponi potuisset, quia ubique existens, in eo jam antea fuisset. Neque etiam corpus mortuum potuisset animæ rursus uniri ac vivificari, si fuisset ubique: quia ab anima nunquam fuisset separatum. Neque è sepulchro fuscitati atque exire potuisset, quia ubique existens, locum nullum deserere, nec locum alium adire potuisset, quia verò fuscitatus est è sepulchro, non fuit ubique, ut etiam Angelus ait, Marth. 28. v. 5. 6. *Scio vos Jesum mortuum querere, non est hic, nam fuscitatus est, prout dixit: venite, videte locum, ubi jacebat Dominus*. Præterea si corpus Christi ob unionem hypostaticam cum natura divina sit ubique, neque etiam (ut ante ostendimus) ascendere potuisset in cælum, quia jam ante ubique existens, fuisset etiam in cælo. Nec etiam inde redire posset ad iudicium; quia ubique existens, cælum deserere, seu ubique non esse simul non potuisset. Hæc enim omnia difertè sunt contradictoria: ubique manere; certo loco esse, locumque aliquem deserere, novumque occupare. Atque hæc brevis speciminis causa adduximus, ut Ubiquitatis sententiam (pro qua, tanquam pro Helena sua decertant) hujusque loci perversam interpretationem, monstrosas contradictionibus, veri corporis Christi (suis terminis ac membris circumscripti ac distincti) veritatem, & articulorum fidei de Christo doctrinam universam violare, perspicue demonstraremus. Ideoque quæ ad Ubiquitatem corporis Christi probandam adferuntur ab iis, vana esse necesse est: imprimis verò, quod quasi primarium argumentum objectare solent, ab unionem hypostaticam desumptum hujusmodi: Eorum quæ hypostatice sunt unita, uno existente ubique alterum etiam ubique esse necesse est; quia aliàs non unio esset, sed divisio. Atque divina & humana natura in Christo hypostatice sunt unita: & earum una nempe divina est ubique: Ergò & alteram, nempe humanam, ubique esse necesse est. Verum nostri merito propositionem negant. Nam ad unionem hypostaticam servandam, non requiritur ut utraq; natura sit ubique; sed sufficit, ut una tantum nempe divina sit ubique. Ac propterea humana natura, licet non sit ubique, nunquam tamen à divina, quia illa ubique est, separari potest. Atque hæc ad perversam hujus loci expositionem confutandam sufficere arbitramur. Corollarii loco, memoratam à nobis Lutheri, de Ubiquitate corporis Christi sententiam, subnectere visum est: ut ejus certior sit atque utilior, ad differendum cum-ubiquitariis memoria. Sic autem tom. 7. oper. Latinæ editio: Wittenberg. sermone de Sacramento corporis & sanguinis Christi pag. 337. *Illi autem stolidi imaginantur, Christo ascendendum & descendendum esse per aërem, sinenti se detrahi in panem, quoties ejus corpus manducamus; atque hujusmodi quidem cogitationem parens est stolidi (solida inquam) illa humanæ sapientiæ ratio. Neque enim opus est ut verbis quæ dicuntur cælitus, detrahatur, sed nostræ fidei & securitatis confirmandæ gratia nobis data sunt, ut sciamus illum certò invenire. Nam quamquam nusquam non sit Christus, in omnibus etiam creaturis: & ego illum in filice, in igne, in aquis, adde etiam in laqueo invenire possim, sicut certo etiam inest laqueo: citra tamen verbum illic querendus non est, nec vult, ut in flammis aut in fluctibus me ipsum de scopulo aliquo præcipitem, aut obstructo collo literam longam ex me faciam. Est quidem passim in omnibus locis, neque tamen vult, ut passim illum captes, aut quæras; sed ubi verbum esse audieris, ibi*

*ibi captato & illum rectè & certo capies, alioqui impia persuasione Deum tentabis atque idolatriam committes.* Hactenus Lutheri verba. Cujus absurditatis profanæ, plurima similia in eodem sermone comperiuntur. Ad absurditatem Lutheri in doctrina de cœna cognoscendam (ut obiter hoc dicam) consideretur locus in confessione de cœna, tom. 3. Jenensi, operum Germanicorum pag. 487. ubi impiam Nicolai Papæ sententiam, Berengarii confessione præscriptam laudat, & glossam Pontificiam eam damnantem recitat.

Quæstio ex vers. 14. & 15.

*De similitudinis ibidem propositæ genere, & partibus illius primariis.*

**E**Gregia omnino est Christi sententia, Joan. 3. v. 14. & 15. *Et sicut Moses exaltavit serpentem in deserto: ita exaltari oportet filium hominis; ut omnis credens in eum non pereat, sed habeat vitam æternam.* Quæ egregiè antecedenti connectitur. Nam ut modum ascensus in cœlum, vi sua, sibi soli v. 13. Christus vendicavit; sic sese quoque ascensus in cœlum, seu vitæ æternæ credentibus authorem esse declarat, similitudine eleganti. De cuius genere & partibus primariis, quædam strictim explicanda.

Ad prius quod attinet, similitudines quæ ex V. T. in Novo proferuntur sunt duplicis generis: quædam enim indefinite sunt ac communes, aliæ verò definite ac propriæ. Communes sunt, quando simile ad aliud simile illustrandum adfertur, quod multis accommodari potest, neque in eum finem factum est, ut ad proprium aliquid designandum, divinitus destinaretur; quemadmodum 1. Cor. 10. de Israëlitis, ob impia facta in deserto divinitus occisis, dicitur v. 6. *Hæc autem typi nostri fuerunt; ut ne concupiscamus res malas, sicut illi concupiverunt,* hoc est, exempla sunt iusti iudicii Dei; ut iis etiam moniti, alii redderentur cautiores ac sanctiores, non autem ut rem futuram (quasi prophetici typi) certo indicarent: Definitæ vero ac propriæ similitudines sunt, quando simile aliquod, ad aliud simile illustrandum adfertur, ad quod peculiariter adumbrandum ac significandum divinitus est institutum, ut ceremoniæ V. T. quæ propterea *antitypa verorum* Heb. 9. v. 24. appellantur; & *umbra futurorum, cuius corpus est Christi,* hoc est, ad Christum pertinet Col. 2. v. 17. Hebr. 10. v. 1. qualis fuit Jonæ, ventre Ceti excepti, & triduum commorati, atque inde ejecti, Christum adumbrantis similitudo Matth. 12. v. 40. Quomodo etiam multa Davidis & Salomonis Christi fuerunt typi, ut aliàs ostendimus. Utra autem sit similitudo in hac Christi sententia, disquiri potest, nempe an indefinita sit ac communis: an verò definita ac propria. Quorum postremum maximè verisimile ab eruditis, non temerè statuitur, si quis rem diligenter spectet, quia non solum convenientia est elegans in utroque comparationis membro: sed etiam, quia nullum tale nec specie nec genere, remediū adversus meritas pœnas exemplum extare apparet: ideoque ad beneficium Christi adumbrandum pertinere videtur. Neque ratio probabilis alia apparet, cur ad serpentem morsum, serpentem æneum erigi atque aspici voluerit Deus, & quidem Israëlitis ad idolatriam propensis: ut etiam posteris temporibus, eodem serpente æneo, ad idololatriam sunt abusi, ideoque Rex Hiskias eundem propterea confregit. 2. Reg. 18. v. 4. Deinde destinatum etiam ac propheticum typum, seu rei futuræ, ex Dei instituto, significationem esse, Christus satis indicare videtur, cum non ait simpliciter: sic exaltabitur: sed, *sic oportet filium hominis exaltari*: quod scilicet illo etiam prophetico typo ac simili, illud divinitus esset olim adumbratum: ideoque cum Deus sit verus, impleri oportuit, ut aliàs Christus de prophetiarum impletionem loqui solet Matth. 16. vers. 21. & 26. vers. 54. & Luc. 24. vers. 27. & 46. Hæc de genere similitudinis. Partes autem illius sunt duæ: protasis seu propositio: & apodosis seu redditio. Propositio simile illustrans, ac simul propheticè probans proponit contractius hoc modo: *sicut Moses in deserto exaltavit serpentem*: omittit enim tanquam rem (ex Num. 21. 5. ad 10.) notam; ut à serpentibus læsi eum aspiciendo, à morte imminente libe-

rati viverent. Apodosis autem explicatio est his verbis: *ita exaltari oportet filium hominis: ut quisquis crediderit in eum, non pereat, sed habeat vitam æternam. sic enim dilexit Deus, &c.* In qua duorum similium, serpentis ænei, & Christi comparatione illustris similitudo observanda est triplex: nempe antecedentis originis, præsentis conditionis, & consequentis finis. Primum enim origo utrimque est duplex, occasio & causa impulsiva. Illa quidem fuit miseria hominū, hæc verò misericordia Dei. Miseria autem fuit peccatum & pœna illius. Nam ut Israëlitis sua incredulitate, & injusta impiaque murmuratione adversus Deū, iustè ab ipso, serpentibus immixtis, lethali morsu puniti sunt Num. 21. sic omnes homines in Adamo, graviter peccaverunt Rom. 5. 12. deinde generatione naturali illius propagati, vitiositatis naturalis seu peccati originis veneno ab ipso Rom. 5. v. 12. & 14. atque à maioribus suis Ps. 51. v. 7. Eph. 2. v. 1. infecti sunt, ac morti temporali atque æternæ obnoxii. Hæc de miseria cum Israëlitarum, tum omnium hominum simili: quæ una antecedens origo. Altera verò est misericordia Dei, hoc est, illius erga miseros dilectio, seu benigna liberandi à miseria voluntas: ut de serpentis ænei origine Num. 21. 8. & de Christi donatione Joan. 3. v. 16. diserte explicatur. Hæc de antecedenti utriusque origine. Altera deinde comparationis pars, est præsentis conditionis convenientia: Nam ut serpens æneus, similis fuit figuræ serpentibus venenatis, à quibus Israëlitis læsi, sed non similis veneno, siquidem eo caruit; sic Christus hominibus, peccati veneno infectis, similis factus est figura atque habitu Phil. 2. v. 7. & 8. utpote à Deo missus in similitudine carnis peccati, id est, peccatricis Rom. 8. v. 3. sed peccatis omnino carens, Heb. 4. v. 15. In qua tamen comparatione differentia declaratur ea, quod serpens æneus figuram, non autem formam seu essentiam veri serpentis habuit, Christus verò (qui cum eo comparatur) non solum figuram, sed etiam formam seu essentiam hominis veri habuit, Phil. 2. v. 7. ideoque ibidem homo v. 8. & hoc loco *filium hominis* expressè nominatur. Hæc de secunda, nempe præsentis seu inistæ conditionis convenientia. Tertia verò in consequente fine consistit, hoc est, in causa propter quam, & serpens æneus, & Christus exortus est. Finis autem est duplex, prior, est usus: alter est fructus illius, ex usu promanans. Usus autem est duplex, Proximus & remotus. Proximus, est utriusque secundum Dei voluntatem exaltatio, illiusque patefactio. Exaltatio autem; est è terra in lignum sublime erectio: serpentis quidem ænei in perticam, iussu Dei Num. 21. vers. 8. de quo hic dicitur brevius, *ut Moses exaltavit serpentem*: Christi verò in lignum crucis, ut hic additur, *sic exaltari oportet filium hominis*, hoc est, in crucem tolli. Oportuit autem ita fieri primum ob voluntatis Dei decretum, ut Act. 2. v. 23. *Hunc definita voluntate & præscientia Dei traditum, cum accepisset per manus exilegum (vel impiorum) cruci affigentes sustulistis.* Deinde crucifigi oportuit, propter divinam S. Literis prædictionem, signis certis factam, quale signum propheticum fuit 1. erectio serpentis ænei in deserto in perticam: deinde damnatorum quorundam apud Israëlitas mandata crucifixio, ut eo supplicio, Christi, pro nobis damnati, crucifixio, prophetico signo præfiguraretur Galat. 3. vers. 13. Christus dicitur factus execratio, *scriptum est enim: Execrabilis quisquis pendet in ligno*, hoc est, Christi execrabilis figura, metonymice. Et quia Christum secundum decretum Dei, eodem die de cruce tolli oportebat, idcirco etiam in figura crucifixorum apud Israëlitas, idem fuit à Deo imperatum Deut. 21. 23. *ne pernoctato cadaver ejus in ipso ligno: sed omnino sepelito ipsum eodem die, nam suspensus execratio (id est, execrabilis) est Deo: ne ergo polluito terram tuam, quam Jebora Deus tuus dedit tibi in possessionem.* Quæ strictim ad difficilis hujus loci Galat. 3. & Deut. 21. illustrationem (ab interpretibus, in varias sententias distractis, minus observatam) adjicienda existimavimus. Quare Christum exaltari in lignum crucis oportuit, ob immotam voluntatis Dei constantiam Es. 46. 10. & scripturæ ac propheticæ figuræ veritatem: Scriptura enim solvi non potest Joan. 10. 35. ideoque etiam hac in re eandem impleri oportuit Luc. 24. 26. & 27. Unde Christus etiam postea Judæis eandem

eandem sententiam proposui: nempe: oportet filium hominis exaltari; ut Joan. 12. 34. ab auditoribus Christi indicatur, ubi obiter observandum, ista verba Christi in antecedenti orationis illius narratione, à Joanne esse omittas; quia Evangelistæ non integras Christi conciones perpetuo, sed frequenter selectiora tantum ad usum Ecclesiæ in primis pertinentia, compendii causâ describunt, quemadmodum de Christi factis Ioan. 20. 30. 31. & 21. 25. similiter traditur. Deinde ut exaltatio serpentis, facta est non in obscuro loco: sed coram Israëlitis aperto, in deserto in quo erant, ut conspici posset; sic Christum exaltatum ac crucifixum Evangelii prædicatione palam etiam proponi ac quasi crucifigi Gal. 3. 1. oportuit, ut cognosci posset. Ubi obiter observandum, minus recte à nonnullis magni nominis interpretibus, hanc Christi exaltationem, ad solam Evangelii prædicationem referri, cum potissimum ad crucifixionem referendam esse typus erecti ænei serpentis, & Iohannis Evangelistæ expositio c. 12. 32. & 33. perspicue demonstret, cum ait (post ista verba Christi: cum exaltatus fuero de terra, omnes, sc. electos, traham ad me ipsum (hoc autem dixit, significans quali morte esset moriturus. Atque hæc de primo ac proximo, serpentis ænei & Christi usu simili: nempe utriusque exaltatione in lignum, ejusque exaltationis patefactione. Remotus verò est, ut omnibus & solis inserviret aspicientibus: serpentem quidem æneum, oculis corporalibus: Christum verò oculis fidei spiritualibus: quemadmodum de priori dicitur Num. 21. 8. *fac tibi serpentem, & impone eum pericæ: eritque ut quisquis morsus fuerit, cum aspexerit eam, vivat*: de posteriori verò dicitur hoc loco: *sic exaltari oportet filium hominis, ut quisquis crediderit in eum, & ut in simili sententia Christus loquitur Ioan. 6. 40: ut omnis qui videt Filium & credit in eum*: neque omnis tantum, sed etiam solus qui credit, Ioh. 3. v. 18. & 36. quia ut pro mundo infidelium oratione mediatoriâ non oravit Ioann. 17. 9. sed pro fidelibus ibid. & vers. 21. & 23. sic pro infidelibus non est in crucem exaltatus in victimam: sed pro fidelibus, pro quibus se sanctificavit (hoc est, Patri in cruce in sacram victimam obtulit) Ioann. 17. 19. & Eph. 5. 2. & 25. & 26. Atque hæc de primi finis, nempe usus ænei serpentis & Christi convenientia: alter verò finis utriusque, est fructus ex hoc usu (scilicet exaltatione eorum in lignum & aspectu) propositus ac promanans: nempe à morte liberatio, & vita: temporalis quidem, à serpentis ænei conspectu: æterna verò à Christi crucifixi intuitu seu fide. De priori, ratione fructus illius propositi dicitur Num. 21. 8. *imponere eum pericæ: eritque ut quisquis morsus fuerit, vivat*: deinde ratione fructus promanantis v. 9. & *faciens Moses serpentem æneum imposuit eum cuidam pericæ, eratque cum memor disset serpens aliquem, ut intuens in serpentem illum æneum, viveret*. De posteriori verò dicitur à Christo, hoc loco v. 15. *ut quisquis credit in eum, non pereat, sed habeat vitam æternam*.

Atque hæc de serpentis ænei & Christi comparatione: quâ declaratum est, Christum esse fidelibus auctorem ingressus in regnum cælorum, seu ascensus in cælum ad vitam æternam. Ne quis autem eam Christi exaltandi donationem & salutem per ipsum, credentium merito, aut fidei dignitati insitæ ascribat, causam illius primam seu impulsivam (ut supra indicavimus) subjicit v. 16. cum ait: *ita enim Deus dilexit mundum, ut filium suum unigenitum dederit, ut quisquis credit in eum, non pereat, &c.* Quibus docet, Christi pro nobis nati ac crucifixi ad salutem nostram donationem, non è nobis: sed è prævia Dei dilectione, hoc est, salutis nostræ amore promanasse: ut eleganter, 1. Ioan. 4. 9. & 10. explicatur his verbis: *in hoc patefacta est charitas Dei in nobis, quod filium illum suum unigenitum misit in mundum, ut vivamus per eum; In hoc est charitas; non quod nos dilexerimus Deum: sed quod ipse dilexerit nos, & miserit Filium suum, ut esset propitiatio pro peccatis nostris*. Verum hic oritur.

Quæstio ex Ioan. III. v. 16. *Quidnam mundi voce significetur.*

DE varia vocis *mundi* significatione, hoc tempore plenius non agam, quia aliàs illud à nobis præstitum: sed tantummodo quantum ad controversæ explanationem

brevem pertinere videtur. Ac primum, in eo Theologorum interpretum consensus est, *mundi* vocem hoc loco homines, ut mundi incolæ designare: Sed quæstio est, an universè singuli particulares homines intelligantur, nec ne. Primam enim sententiam adversarii nostri sequuntur diversi: quod videl. Deus singulos homines, nemine prorsus excepto (tam infidelem Judam proditorem, quasi fidelem ac beatum Petrum) ita dilexerit, ut Christum ipsis servatorem dederit. Quo etiam accommodatur illud 1. Ioan. 4. 14. *testatur Pater misisse Filium servatorem mundi*: & c. 2. v. 2. *ipse est propitiatio pro peccatis nostris, nec pro nostris solum, sed etiam pro totius mundi*. Verum non sequitur inde, singulos mundi homines intelligi. *Mundus* enim interdum gentes mundi notat: atque ita totus mundus, non unam aliquam gentem, ut Iudæorum, sed omnes gentes notat. Unde non sequitur; Ergò singuli homines gentium intelliguntur: quemadmodum gentes, oppositæ Iudæis, Rom. 11. v. 11. *mundus* vocantur, & imminutio Iudæorum, opulentia mundi v. 12. & reconciliatio mundi dicitur v. 15. quod de corpore gentium, non de singulis illius partibus seu singulis hominibus, sed electis intelligendum: quos ad fidem & salutem destinavit, & sua tempore vocat ac servat. Nam hæc explicatio de singulis hominibus analogiæ S. Sacræ repugnat: quæ Christum tantum intercessorem & servatorem mundi electorum atque fidelium tradit, ut antea ostendimus, & alibi fufius exposuimus. Altera igitur sententia est, mundum non universè omnes & singulares homines notare. Atque ita bifariam, servatâ doctrinæ sacræ veritate exponunt. Quidam enim nomine mundi, omnes electos ad vitam, seu mundum electorum intelligunt: quia illos solos Deus primum dilexit, speciali amore, h. e. servare voluit (Ioan. 6. 39. & 44. & 65. & 17. 2. & 9.) & solis illis mediam salutis, Christum & fidem, atque per eam salutem donat Rom. 5. 9. & 10. & 1. Ioan. 4. 9. & 10. Eph. 1. 3. ad 8. 2. Thess. 2. 13. & 14. Sed obijciunt 1. vocem mundi pro electis ad salutem, in S. literis non usurpari alibi: ideoque hanc expositionem vocis hoc loco esse alienam. Verum respondetur, contrarium liquere ex Ioan. 17. ubi v. 9. Christus ait: *non oro pro mundo: sed pro iis quos dedisti mihi*: ubi vox *mundus* oppositè datis à Patre (seu electis, ut Ioan. 6. 37. *omne quod dedit mihi Pater, ad me veniet*, & v. 39.) reproborum universitatem notat, pro qua non orat: Contra verò Christus orat pro mundo, ut credat. v. 21. & 23. unde constat mundum hoc loco c. 17. his versibus, nullos reprobos, sed solos & universos electos designare, eos videl. quos ad fidem secundum electionem erat vocaturus. Idem etiam liquet ex 2. Cor. 5. vers. 19. *Deus est in Christo mundum reconcilians sibi, non imputans iis lapsus eorum*. Atque illi, qui reconciliantur Deo, & quibus non imputat peccata, non sunt omnes homines: alioqui nulli sub ira Dei manerent: sed soli electi, quos fide data sibi reconciliat Rom. 5. v. 1. & cap. 8. v. 29. & 30. sic etiam Ioan. 1. v. 29. Christus dicitur *agnus Dei, qui tollit peccatum mundi*: Atqui reproborum peccata non tollit, sed electorum tantum, qui soli justificantur. Et Ioan. 6. v. 33. *Christus dat vitam mundo*; reprobis autem non dat vitam, quia pereunt. Ergò electi tantum intelliguntur ea mundi voce. Sed rursus obijciunt, quia hoc loco dicitur à Christo: *quisquis credit in ipsum, non pereat*, inde sequi vocem *quisquis* distributionem aliquam notare: quod scil. ex hoc mundo, de quo loquitur, non singuli servantur; sed tantum credentes: ideoque mundum universè omnes & singulos homines denotare: alioqui Christum dicturum fuisse *ita enim ut credens*, non autem *non è munda omnis credens*, seu *quisquis credit*. Quæ exceptio tanti apud adversarios est momenti, ut nullo modo confutari posse gloriarentur: Imò, multos è recte sentientibus commovit, ut electos, quorum nullus perit, voce *mundi*, minimè intelligi posse hoc loco existimarint. Atque hujus nodi solvendi difficultas vulgo præteriri solet. Sed responderi potest commodè, distributionem quidem esse mundi, de quo Christus loquitur: non tamen in diversa subjecta, sed ejusdem subjecti, in diversos status: quia voluntas Dei est constans, ut electi quamdiu non credunt, sint perditioni obnoxii, &



xii, & à vita æterna exclusi, contra verò, quando credunt in Christum, ut tum non pereant, sed habeant vitam æternam, primum hæreditatis jure: deinde re ipsa per glorificationem, quemadmodum hic duplex electorum, cum perditionis, tum salutis status; prior ante, posterior post fidem distinctè explicatur, Rom. 3. 23. & 24. & 5. 8. 9. 10. & Eph. 2. 1. 3. 4. 5. & 8. & 12. cum 13. Col. 1. 13. Atque hæc prima est ac solida objectionis solutio, ut vox mundi, electos notet. Altera verò similiter satis accommodata est; quod videl. quamvis voce *mundi* non definite electorum mundus seu universitas eorum intelligeretur: inde tamen non sequatur, homines singulos denotare: quia genus humanum, seu gentes mundi, notare potest: quemadmodum supra Rom. 11. usum vocis illius ostendimus. Atque hoc modo verum est, Deum genus humanum dilexisse, etsi non singulos generis: omnes gentes, etsi non singulos gentium: dilectio enim mundi, hac significatione posita, non simpliciter, sed secundum quid intelligi debet: ut etiam Rom. 11. constat. Nec enim singulos mundi dilexit, h. e. servare voluit; sed eos tantum quos Filio suo per fidem servandos dedit; ut etiam sequentia ostendunt verba: nempe, *ut omnis credens in ipsum non pereat, sed habeat vitam æternam*. Ideoque dilectio mundi eo continetur & describitur, quod ex eo credentes omnes & solos, vita æterna donare voluerit atque donet. Atque hæc de quæstione ex Joh. 3. 16. petita, quid voce *mundi* significetur: sequitur jam ut horum sedecim versuum, qui una Dominica, pro more quotannis explicari solent, in gratiam & usum auditorum, rogati, strictim proponamus.

*Analysis succineta Evangelii Joan. III. à v. 1. ad 17.*

Christus à Patre tanquam summus Propheta constitutus, fideliter suo munere functus est. Siquidem Evangelium, & publicè, & privatim, ad salutem auditorum docuit. Prioris quidem exemplum c. 2. Joh. à v. 12. ad finem usque describitur: posterioris verò hoc loco; ubi prima religionis fundamenta Christus catechesi quadam tradidit: & Evangelista ad communem Ecclesiæ institutionem descripsit. In qua descriptione primò circumstantiæ antecedentes: deinde institutio consequens declaratur.

Circumstantia autem, est partim persona, quæ instituta est à Christo: partim tempus, quando ea institutio contingit. Persona autem v. 1. denotatur, non solum à communi natura, cum dicitur *homo*: sed inprimis ab adjuncto duplici, sc. nomine & officii præstantia. Nomen fuit *Nicodemus*, voce Græca, quæ sensu convenit cum inversa voce *Δουλος* (qualis ille ad quem Isocrates suam parænesin scripsit) & cum altera *Νικόλαος*: quæ omnes voces Græcæ, *victorem populi* notant. Neque mirum, Judæum hominem, Græcum nomen habuisse: quia postquam Alexandro Magno & successoribus ejus Syriæ Regibus Græcis paruit Judæa, non solum voces multas Græcas alias, suæ linguæ immiscuerunt Iudæi: sed etiam nomina Græcorum propria liberè suis liberis indiderunt, atque usurparunt, ut Act. 6. 5. non solum in recensioe Diaconorum, unus ipsorum utpote profelytus Antiochenus Nicolaus dictus: sed etiam reliqui Græca habuerunt nomina: ut Stephanus, h. e. *corona*, Græcè: & *φιλιππος* equorum amator, & cæteri similiter, quemadmodum & inter Apostolos Matth. 10. 3. unus fuit similiter appellatus Philippus, & v. 2. alter nempe frater Petri, Andreas, hoc est, *virilis* dicitur. Alterum verò adjunctum nempe officii Nicodemi instituendi præstantia est, quod fuit *princeps Judæorum*, non solus nec summus; sed unus ex Senatoribus Joh. 7. 49. & doctoribus populi Joh. 3. 10. Atque hæc de persona à Christo instituta. Secunda circumstantia est tempus, quando sc. Christus eum instituit, quod v. 2. primum proponitur: quod sc. noctu id contingit: deinde à causa importuni illius temporis exponitur, quod Nicodemus tum primum, institutionis gratia accesserit; idque haud dubiè metu statuti Iudæorum, Joh. 9. v. 22. & infirmitate fidei accidit, ut palam se Christi discipulum profiteri nondum sit ausus, ut colligitur ex Joh. 7. 50. & 19. 38. 39. Porro hisce duabus personæ & temporis circumstantiis præmissis, institutio Catechetica Nicodemi,

ex Christi (arundinem quassatam non confringentis, & linum fumigans non extinguentis, Matth. 12. 20.) clementi gratia promanans, describitur colloquio de vita æterna consequenda: quod quæstionibus Nicodemi discipuli, & responsionibus Christi Magistri alternis, catecheseos more constat. Hoc autem colloquium agit primum de ingressus in regnum cælorum, seu salutis obtinendæ conditione: deinde de modis ac causis illius. Prius autem à v. 2. ad 13. constat tribus partibus: quarum singulæ bimembres: utpote quæstionem Nicodemi, & Christi responsionem continentes. Primæ partis prius membrum, nempe quæstio Nicodemi, non expressè ponitur: sed confessione de Christo, & ad Christum facta, tanquam ex antecedente consequens innuitur. In qua confessione primum officium Christi: deinde causam efficientem illius agnoscit. Officium quidem, cum eum *Rabbi*, h. e. magistrum rectè vocat Matth. 23. 8. Causam verò efficientem officii proponit, cum à *Deo venisse Magistrum* dicit: & confirmat; primum à sua, & aliorum similium conscientia, cum addit, *scimus*: deinde ex effectis, nempe Christi miraculis prophetæ Dei indicis comprobatur v. 2. Quo Nicodemus tacite indicat, quod doctrinam de regno cælorum, seu salute obtinenda, à Christo tanquam Propheta, ad illud divinitus misso, audire (non minus quam alius à Paulo Act. 16. v. 30.) desideret. Etsi enim quæstionem non expressè proponat; eam tamen fuisse illius mentem; non solum confessio hæc eò tendens: sed etiam Christi responsio, ad eam quæstionem accommodata ostendit: quæ responsio alterum est primæ hujus colloquii partis membrum v. 3. Quo 1. præfatione asseverationis geminatæ, *amen amen*, ad majorem attentionem præmissa, deinde conditionem ad regnum Dei videndum, h. e. eo fruendum, seu ad vitam æternam consequendam necessariam esse ait, ut quis denuo gignatur. Eoque modo Pharisaicæ de naturalibus humanæ naturæ, ad salutem viribus, opinionioni Mat. 19. v. 16. 17. occurrit: ut miseriam atque imbecillitatem suam Nicodemus agnoscat. Atque hæc de prima quæstione & responsione. Altera verò pars ei succedit, ac primum Nicodemi quæstio, ex crassa ignorantia metaphorici sermonis Christi orta: qua regenerationem de propria ac carnali generatione intelligens, de modi illius potentia querit vers. 4. Responsio verò Christi, suam de regeneratione responsionem malè intellectam exponit: & Nicodemi errorem refutat. Exponit autem responsionem datam repetitione ejusdem, atque insertionem declarationis illius: qua eam regenerationem à causa efficiente Sp. S. (quod instar aquæ animas purgat ac renovat sanctitate indita) describit v. 5. Errorem autem Nicodemi duplicem corrigit. 1. quod regenerationem ex carne intelligeret: Christus verò illud eo refutat v. 6. quod illud, quod ex carne (h. e. homine naturali, peccato & iræ Dei obnoxio) genitum est, similiter caro est Psal. 51. vers. 7. Eph. 2. vers. 1. 2. 3. ideoque à Dei regno & vitæ æternæ alienum: Contra verò, quod ex Spiritu Sancti, per sanctificationem genitum, Spiritus (hoc est spiritualis) est, seu à spiritu sanctificatus: ideoque ad regni Dei seu vitæ æternæ fruitionem idoneus: qua expositione necessitas regenerationis etiam ostenditur. Alter error Nicodemi, est quod regenerationis modum omnino, rerum sensibilibus instar, percipi posse existimaret: Cui errori Christus occurrit, docendo regenerationem ex spiritu esse actionem arcanam. Nam primum admirationem & errorem Nicodemi corrigit v. 7. & causam reddit: quod modus regenerationis sit arcanus: quod renati, ex sensu fidei & charitatis Dei, eam quidem factam sentiant: sed modum operationis non percipiant: id quod comparatione venti flantis, & Spiritus regenerantis illustrat v. 8. Atque hæc de secunda quæstione & responsione. Tertia pars sequitur: cujus prius membrum est ultima Nicodemi quæstio v. 9. qua rursus indignâ ac stupida ignorantia de modo regenerationis querit: *quomodo hæc possunt fieri?* Posterius v. membrum, est responsio Christi, non universa: sed quatenus gravem meritamque Nicodemi reprehensionem continet duplicem, 1. ignorantie illius particularis: deinde communis, cum aliis similibus incredulitatis. Nam ignorantiam illius reprehendit vers. 10. cum ait: *Tu es magister &c.* Quo indicat indignam & admiratione

miratione dignam, & quidem interrogatione efficaci usus, duabus de causis. 1. Propter claritatem doctrinæ de regeneratione, à Christo propositæ & expositæ, cum ait: *hæc non nosti?* hoc est, non solum quæ primum propositum: sed etiam quæ jam perspicuè illustravi: deinde propter ipsius Nicodemi munus, cui repugnabat: ut qui erat Magister seu doctor Israël; ideoque admirandum & indignum, quod ipse ea religionis rudimenta à Prophetis toties explicata, & à Christo reposita nondum intelligeret. Altera verò reprehensio, nempe communis ei & similibus Phariseis (quos sibi sociarat vers. 2. cum diceret *scimus*, nempe ego & similes) continetur sequentibus. Incredulitatem autem geminam arguit, 1. Quidem præsentem: deinde futuram. Præsentem vers. 11. quo primum incredulitatis illius objectum, circa quod ea versatur indicat: deinde modum. objectum, seu id quod non credebant, est doctrinæ Evangelii veritas iis proposita, cum ait: *quod scimus loquimur & quod vidimus testamur*, scil. ego & Baptista: Idque præmissa asseverationis formula præmunens ait: *amen amen dico tibi*. Modus verò incredulitatis est, quod testimonium illud non reciperent fide. Incredulitas verò futura, ex præsentia hac concluditur, vers. 12. *si terrena non creditis, si dixerero vobis cœlestia, quomodo credetis?* nempe vestris viribus. Nam spiritus regenerationis gratia, ad utraque credenda, necessaria, eaque redduntur homines idonei ad credendum. Atque ita absoluta est responsio Christi tertia, ac prima hujus Evangelii doctrina: quæ est de conditione ingressus in regnum cœlorum ac salutis æternæ necessaria, nempe regeneratione. Altera v. sequitur, quæ de modis ac causis illius agit: atque ita à terrenis ad cœlestia etiam, explicanda, accedit Christus. Modum autem salutis seu ingressus & ascensionis in cœlum, ac vitæ æternæ obtinendæ, duplicem exponit: primum per se, insitaque sua vi, quem Christus sibi soli attribuit vers. 13. ut qui solus sit omnipotens *ὁ υἱος τοῦ Θεοῦ*, Filius Dei, qui è cœlo descendit, & in cœlo est, suamque humanam naturam in cœlum erat subvecturus. Alter modus ingressus in regnum cœlorum ad vitam æternam obtinendam, est viribus non suis, sed alienis nempe Christi. Quem modum expositione causarum ingressus in regnum, seu salutis nostræ describit. Primum enim exponitur causa salutis nostræ propinqua: deinde remota: Propinqua, est primum meritoria, Christus crucifixus, quod typo serpentis ænei illustratur ac probatur. vers. 14. deinde instrumentalis fides vers. 15. Remota verò ac prima, est Dei Patris dilectio: quâ salutem nostram voluit, & deinde Christum nobis misit, & ad salutem donavit vers. 16.

*Explicatio ac Vindicatio loci Ioan. cap. 3. vers. 34.*

Insigne est Baptistæ de Christo testimonium, quod extat Johan. 3. v. 34. *Quem enim misit Deus, verba Dei loquitur; non enim ad mensuram dat Deus spiritum*. Quo testimonio quoniam Ubiquitarii indignè abutuntur; idem paucis illustrare, & adversus errorem eorum vindicare conabimur. Quocirca ad faciliorem intelligentiam, primum circumstantiam illius antecedentem: deinde testimonium consequens expendemus. Circumstantia autem observanda, est duplex: occasio & scopus. Occasio, est antecedens descriptio fidei in Christum à suo fructu, nempe gloria Dei: videlicet quod is qui Christum recipit (spirituali scil. fidei manu) obsignavit quod Deus est verax v. 33. hoc est, quasi sigillo suo comprobavit. Scopus verò seu finis ad quem tendit, est occasionis illius, seu fructus fidei explicati, illustratio ac confirmatio. Atque hæc strictim de testimonii hujus circumstantia. Testimonium vero ipsum, est medium ad eum scopum destinatum atque idoneum. Continet enim rationem, quâ antecedentem de fructu fidei sententiam (quod qui credit in Christum, obsignavit quod Deus verax est) solidè confirmat. Partes autem confirmationis illius sunt duæ: nempe rationis propositio, & deinde rationis illius probatio. Propositio autem rationis primum universè indicatur voce *Nam*; quæ causalis conjunctio est, & rationis, sive argumenti ad conclusionem probandam

indicium: deinde particulariter exprimitur his verbis: *quem misit Deus, verba Dei loquitur*. Quæ enuntiatio constat subiecto, de quo Baptista loquitur: & prædicato, quod de eo dicitur.

Subiectum autem est: *ὁ ὁ Θεὸς ἀπέστειλεν*, hoc est, *Quem misit Deus*. Quibus verbis personam de qua agitur, & officium illius indicat. Personam quidem, Jesum Christum, de quo in antecedenti versu locutus. Nam citra controversiam posito tantum relativo pronomine *ὁ, quem*, est ellipsis pronominis antecedentis nempe *ἵνα*. Ideoque licet vulgatus interpres ellipsin retineat hoc modo: *quem misit Deus*, rasmus tamen, eumque secutus D. Beza, & alii defectum, claritatis causâ, suppleverunt vertentes, *is quem misit Deus*. Veruntamen quia Latinum *is*, ambigüe usurpatur: nempe quod interdum non solum idem notet quod pronomen demonstrativum *hic*: sed etiam non rarò idem significet indefinitè, quod *ille*, vel *talis*: ideo vitandæ ambiguitatis causâ, & claritatis gratiâ, satius arbitramur, ut vocem *ἵνα* supplendam Latinè, per pronomen demonstrativum *hic* (ut revera definitè significat) vertamus: *hic quem misit Deus*: hic, nempe de quo locutus sum modò: sicut in simili phrasi plenè exprimitur Joh. 5. v. 38. *ὁ ἀποστείλων ἐκείνους, τέτρω & πνέω*, hoc est, *huic, quem misit ipse, non creditis*, ut hanc vocem *τέτρω* ita propriè cum vulgato interprete reliqui exposuerunt. Quamobrem ex hac demonstrativi pronominis deficientis atque intellecti ratione, constat Christum distinctè intelligi: ut unam ex prædicato & sequente probatione constat, personam Christi hoc loco designari. Nec enim omnis qui à Deo missus, verba Dei loquitur (ut vel Jonæ Prophetæ fugitivi exemplum arguit) neque ullus præter Christum, spiritum non ex mensura accepit. Persona autem Christi periphrasi ab officio deducta, nominatur his verbis: *Quem misit Deus*. Quo officii efficiens: & officii genus indicatur. Efficiens causa dicitur *Deus*: Quæ vox hoc loco, non communiter essentia divina præditum, sed propriè Deum Patrem significat: quem admodum ex loci hujus circumstantiis distinctè apparet. Nam Deus hoc versu ut dans spiritum, à spiritu dato distinguitur: & similiter à Christo quem misit, quia ipse missus non est: & vers. sequente expressè Pater exponitur, & à filio Christo relatione mutua distinguitur: quemadmodum etiam antea Johan. 3. vers. 16. eodem sensu dictum, *Deus misit filium suum*. Ut contrà alibi, Dei nomen propriè essentiam divinam communem non notat, sed personam secundam, nempe Deum filium, non autem Patrem, nec Spirit. Sanctum, ut Act. 20. vers. 28. *Deus redemit Ecclesiam*: quia circumstantia adjuncti illius, cum dicitur *proprio sanguine*, quo Pater & Spiritus S. carent, soli personæ Filii, ob assumptam humanam naturam & sanguinem effusum convenit. Quæ missio Christi, Deo Patri, non exclusis tamen reliquis personis, sed tanquam primæ personæ tribuitur ordinis causâ. Aliàs enim una tantum est mittendi voluntas, & actio communis Patri, Filio, & Spiritui Sancto, utpote unius veri Dei: quemadmodum de vocatione Esaiæ dicitur Esai. 48. v. 16. *Jehova (nempe Pater & Filius) mittit me, & Spiritus ejus*. Atque hæc de officii Christi causa efficiente sive authore illius, nempe Deo Patre: officii verò genus indicatur, cum dicitur: *ὁ ἀποστείλων, quem misit*. Unde etiam ab hac missione, *Apostolus & Pontifex professionis nostræ*, Hebr. 3. v. 1. appellatur. Ut autem quænam missio hic indicetur, dignosci possit, distinctio illius exponenda. Missio enim seu legatio Filii à Patre in S. literio duplex memoratur: una è cœlo in terram, ad humanam naturam assumendam. Quæ missio non propriâ significatione dicitur, in qua locus primus deferitur: medius transitur, & ad tertium pervenitur: Filius enim Dei sic missus est è cœlo; ut tamen in cœlo nihilominus suâ essentiâ permaneret; sed impropriâ significatione, per similitudinem quandam, petitam ab iis, qui aliquò mituntur, ac se ibi patefaciunt: Sic Filii Dei incarnatio atque in carne seu humana natura patefactio in terris 1. Timoth. 3. vers. 16. *missio illius à Patre nominatur*. De qua agitur Rom. cap. 8. vers. 3. *Deus misso filio suo in similitudine carnis peccati*, hoc est, peccato obnoxio, & Galat. 4. v. 4. *emisit Deus Filium suum*

*sum, factum ex muliere*, 1. Ioan. 4. v. 9. *Filium suum unigenitum misit Deus in mundum, ut vivamus per eum*. Atque hæc prima missio est. Altera verò missio Christi, propria significatione sic dicta, est qua homo jam factus, à sua habitatione atq; privata vitæ conditione, ad publicam Evangelii in Galilæa & Judæa prædicationem, divina vocatione emissus est. De qua agitur Esai. 61. v. 1. *ut Evangelizem pauperibus, misit me*: id quod Christus Luc. 4. v. 18. repetit & de seipso dictum esse ostendit vers. 21. & Ioan. 4. v. 34. similiter ait: *cibus meus est ut faciam voluntatem ejus, qui me misit, & perficiam ejus opus*, hoc est, impetratam Evangelii prædicationem: quemadmodum etiam Ioan. 20. v. 21. *sicut misit me Pater: ita mitto vos*. Mittebat autem Apostolos ad Evangelium prædicandum: atque ita se missum intelligit. Hæc de duplici Christi à Patre missione: unde etiam duplex, veterum & recentiorum, hujus sententiæ Baptiste interpretatio est. Quidam ejus significatione prima de Christi incarnatione expogunt: ut conveniat verbis antecedentibus vers. 31. *qui superne venit*: ac sensum esse, qui missus est, ut nasceretur. Alii verò significatione secunda exponunt de Christi missione, non in carnem, sed ad officium prædicationis Evangelii: quemadmodum antecedentia & consequentia Christi effecta, nempe testimonium, & loqui verba Dei, videntur postulare. Deinde quia primæ missionis, quæ à cælo est, jam antè vers. 31. meminerat, cum supernè venisse affirmaret, videtur magis consentaneum, ut hanc missionem, non de eadem, sed de secunda ac succedente intelligamus: ut ea ratione sanctitas officii illius designetur: nimirum quod sese in legati Dei ad Evangelium prædicandum officium non falforum prophetarum more Jerem. 14. v. 14. ingesserit: sed ad illud sit à Deo vocatus & missus, convenienter ordinationi divinæ: sicut Rom. 10. v. 15. dicitur: *quomodo prædicabunt, nisi mittantur?* ut similiter de officio Christi sacerdotali, Heb. 5. v. 4. & 5. asseritur. Ut autem hæc concinna interpretatio est; sic neque analogiæ fidei, neque contextui repugnat, ut utrumque expositione jungamus. Si quidem hi duo missionis modi diversi quidem sunt, sed non contrarii: quoniam Christo gradatim, seu ordine temporis diverso similiter conveniunt. Atque ita subjectum hujus sententiæ seu rationis Baptiste, solum Christum designabit bifariam: nimirum non solum intellectu pronomine demonstrativo *hic*: sed etiam adjuncta missione hac: quod licet Ioannes & Prophetæ à Deo etiam essent missi ad verbum illius prædicandum: solus tamen Christus è cælo, in carnem missus, ad illud officium. Atque hæc de Christi missione in carnem, & ad officium propheticum, seu verbum Dei prædicandum: id quod subjecto primæ partis hujus versus continetur. Prædicatum verò, effectum Christi, nempe fidelem hujus officii executionem designat, cum additur: *verba Dei loquitur*. Ut autem hoc prædicatum melius intelligatur, duo disquirenda sunt: primum quid *Deus*, & *Dei verba*: deinde quid *loqui* significet hoc loco. Ad prius quod attinet: Quidam nomen *Dei* de Filio exponunt: ut sit sensus: Loquitur ut Deus: seu verba ipsius non sunt meri hominis, sed veri Dei verba. Sed argutior & coactor est expositio: neque ullo simili Scripturæ loco confirmatur, etsi verba Dei creberrimè in S. literis memorentur. Aptius igitur omnino est, ut aliter exponamus, nempe ut quamvis revera verba Dei sint communia Patri, Filio & Spir. Sanct. si ipsa per se consideremus: hoc tamen in loco, *Dei* nomine, Patrem intelligi, ut circumstantia loci demonstrat: quia missus dicitur à Deo, nempe Patre, ad verbum illius prædicandum: ut antè demonstravimus. Ergo cum dicitur, *loqui verba Dei*, *Dei* nomine Patrem intelligi apparet; & probatio addita evincit, cum Deus ei spiritum dedisse asseritur: Pater nimirum Filio, ut vers. 35. traditur: Quare *Deus* hoc loco Deum Patrem notat, qui sua verba locutus est per Filium Hebr. 1. vers. 1. *Verba autem Dei non generatim quavis, sed speciatim doctrinam Evangelii designant*: quia ad hanc rem missus erat à Patre, Esai. 61. vers. 1. & Luc. 4. v. 18. & v. 21. quemadmodum etiam Actor. 13. vers. 5. & 7. & 13. & 44. & 46. & alibi passim *verbum Dei*, verbum

Evangelii, seu Evangelium significat, ut 1. Pet. 1. v. 23. quemadmodum disertè explicatur vers. 25. Sic autem vocatur Evangelium per Synecdoch. generis, pro specie excellentiori, quod *ὁ λόγος* ob excellentiam dici solet: quod scil. Evangelium sit eximium præ cæteris Dei verbum, ut epitheta illius seu periphrales demonstrant: quia est *verbum gratiæ* Actor. 14. vers. 3. *verbum regenerationis* 1. Pet. 1. v. 23. *verbum fidei* Rom. 10. v. 2. *verbum reconciliationis cum Deo* 2. Cor. 5. v. 19. *verbum salutis* Act. 13. v. 26. *potentia Dei ad salutem omni credenti*, Rom. 1. v. 16. unde Christo Petrus tribuit *verba vitæ æternæ* Johan. 6. v. 68. *verba igitur Dei*, Evangelium hoc loco, & quidem merito notant: ut enim ad illud prædicandum erat missus: sic historia Evangelica demonstrat, id à Christo propositum. Deinde vox *loquendi* hoc loco, non de uno aliquo actu, aut ad tempus tantum: sed de perpetuâ constantia Christi intelligenda. Quamvis enim indefinitè dicitur, *loquitur*: adeo ut si vocem spectamus per se, tam particulariter, quam universaliter accipi possit: universè tamen accipiendam, & Christus testatur Joan. 7. v. 16. & 12. v. 48. & 49. & res ipsa ostendit: quia qui testimonium ejus recipit, obsignat quod Deus sit verax; & quia Christus, ut ipse asserit, est veritas, Joh. 14. v. 6. in cujus ore nullus est dolus, 1. Pet. 2. v. 22. Atque hæc quoque de sententiæ hujus prædicato: nempe effecto Christi: quod verba Dei loquatur ac doceat. Unde, quod probandum erat, sequitur: eos qui Christi testimonio credunt, Deum veracem esse, comprobare: quia testimonium Christi sunt Dei verba, ideoque qui ea credit ac vera statuit, Deum verum esse agnoscit. Hactenus de prima hujus versus parte: quæ rationem antecedentis v. 33. complectitur: sequitur deinde pars altera, quæ his verbis continetur: *Non enim ex mensura dat Deus spiritum*. Quibus rationis allatæ probatio primùm indicatur voce, *enim*: deinde verò exprimitur, cum dicitur, quod *Deus non ex mensura dat spiritum*. Cujus probationis subjectum est *Deus*, nempe Pater: ut circumstantia & antecedens & consequens, & prædicatum quoque ostendit. In quo distinguitur Deus, ut dans spiritum, à spiritu qui datur: & à Christo, cui datur. Est enim hoc in loco (ut ante in prima parte) ellipsis pronominis demonstrativi *αὐτῷ*, hoc est, huic scil. Christo: quam ellipsin rectè interpretes suppleant: quia illa vox intelligi debet, quemadmodum veritas sententiæ (quæ solo hoc modo conservatur) requirit. Ad rem autem quod attinet: hujus prædicati partes sunt duæ: prima indicat donum Christo datum: altera vero modum illius adjungit. Ac donum quidem est spiritus, sicut exponitur, cum dicitur: *dat spiritum*. Quid autem hoc designet, ob vocis spiritus ambiguitatem, diversæ sunt Theologorum sententiæ. Nam licet in eo sit consensus, nomen spiritus, Spirit. Sanct. *ὁ ἅγιος* hic notare: bifariam tamen hoc sensu in Sacris Literis usurpatur. Primùm enim tertiam Deitatis personam notat, quemadmodum Johan. 3. vers. 5. & 6. genitus ex spiritu & Matth. cap. 28. vers. 19. in nomine Patris, filii, & Spirit. Sanct. & alibi. Secundo per Meton. causæ efficientis pro effecto, operationem ac dona Spirit. Sanct. significat, ut Johan. cap. 7. vers. 39. *hoc autem loquebatur de spiritu, quem accepturi erant credentes in eum: nondum enim erat Spirit. Sanct.* quia *Jesus nondum erat glorificatus*; id quod non de persona Spiritus Sanct. accipi potest: Ea enim est æterna: sed de operatione illius, ac donis inprimis extraordinariis, de quibus Actor. 2. vers. 4. & 17. & cap. 10. vers. 44. ubi dicitur: *illapsus est Spirit. Sanct. in omnes*: idque vers. 45. exponitur, effusum esse donum spiritus. Atque hæc primariæ sunt significationes. Cujus duplicis significationis Spirit. Sanct. occasione, duplex etiam interpretum est sententia: una quidem, ut ipsa persona Spirit. Sanct. notetur: altera verò, ut operatio illius seu dona Spirit. Sanct. intelligentur. Ac priorem quidem proponit Theophylact. ac de Christo non secundum humanam naturam, sed secundum divinam exponit: ideoque hanc sententiam ita declarat: *Prophetis enim Deus spiritum, nempe orationem spiritus, & ex mensura dat: Christo verò, neque ad mensuram neque omnino dat: habet enim ipsum essentialiter Christum*. Quo

Quo exponendi modo, negationem dati Spiritus absolutam, non relatè tantum ad unum modum constituit. Verùm illud minus rectè convenit: quandoquidem si ille sensus esset, omnino spiritum Christo non esse datum: frustra modus adderetur, *non ad mensuram*: deinde ad rem quoque propositam confirmandam (cui tamen infervit) non esset accommodata ratio, imò potius eandem videretur evertere. Nam si Christo, de Deo testanti, Spiritus Sanctus non est datus: quomodo verba Dei locutus diceretur? Denique cum & prophetarum prædictionibus Esa. 11. & 61. & Psal. 45. vers. 8. & Christi Luc. 4. vers. 18. atque Apostolorum Hebr. 1. vers. 9. assertionibus, Christo spiritum esse datum, ad Christi descriptionem & gloriam asseratur: idcirco altera expositio magis convenit, ut Christo dicatur datus spiritus, hoc est, dona Spirit. Sancti, idque non secundum divinam naturam, quæ cum sit perfectissima, ei nihil dari potest: sed secundum humanam. Modus autem indicatur hujus donationis spiritus, cum distinctè additur: *non ex mensura*. Qua distinctione donationis spiritus modum duplicem esse innuit: unum quidem ex mensura: alterum absque mensura. In qua phrasi, metaphorica ac proverbialis quædam loquendi forma est, similitudine à re corpora, quæ mensurari potest ac solet, ad spiritualem deducta. Quæ enim dantur mensura quadam, ea non omnia dantur: sed ex omnibus quædam: contra vero quæ sine mensura dantur: illa copiosè dari solent: ut Esræ 7. vers. 22. Rex, Esræ iussit dari argenti, frumenti, vini & olei, non quantum desiderare vellet, sed certam mensuram tantum: ad sal vero quod attinet, de eo ait: *sal vero absque mensura, quantum velis*. Similiter hinc Christus, à Christi ministris omnibus: Prophetis, Apostolis, reliquisque fidelibus distinguitur. Hi enim acceperunt Spirit. Sanct. dona, certa quadam mensura: quia non omnia, sed quædam: eaque non paria inter se, nec ullus eorum excellentissimo gradu: quemadmodum Rom. 12. vers. 3. Apostolus jubet nos sapere ad sobrietatem, *pro ut Deus cuique partitus est mensuram fidei*: & Eph. 4. v. 7. *sed unicuique nostrum data est gratia, secundum mensuram donationis Christi*. Quod distincta donorum à Christo datorum enumeratione declarat seqq. & 1. Cor. 12. vers. 4. ait: *discrimina donorum sunt: sed idem spiritus*: ut illud distributione varia ad vers. usque 11. explicat: in quo versu, summam ea complectens, ait: *sed omnia hæc efficit unus & idem spiritus, distribuens privatim singulis prout vult*: Qualem etiam mensuræ spiritus distinctionem mensura disparem, in Elia & Elisæo Propheta, sacræ literæ, 2. Regum cap. 2. ostendunt. Nam Elisæus spiritum Eliæ duplicem postulavit vers. 9. eumque obtinuit vers. 10. cum 11. Ac quamvis Paulus omne Dei consilium (nempe ad salutem utile ac necessarium) annuntiavit Act. 20. vers. 20. & 21. & 27. sibi tamen aliisque Prophetis, datum esse Spirit. Sanctum ex mensura, seu ex parte fatetur, cum ait 1. Corinth. 13. vers. 9. *Ex parte enim cognoscimus, & ex parte prophetamus*. Atque hæc de primo dati Spirit. Sanct. modo, scilicet ad mensuram seu ex parte, quæ Christi ministris variè convenit: à quibus Christus secundi modi attributione discernitur, nimirum quod licet in eo habeat Christianos consortes: quod ut illis, sic etiam ipsi Spirit. Sanct. est datus, in hoc tamen differt ac præ omnibus, iis donis excellit, quod non certa mensurâ spiritus ei sit datus: sed sine mensura, hoc est, cumulativè, quantum scilicet excellentia muneris ipsius, & ejusdem sancta voluntas requirebat: Id quod prædictum à Propheta Davide Psalm. 45. vers. 8. *unxit te Deus, Deus tuus, oleo gaudii, præ consortibus tuis*: Quod de Christo dictum Hebr. cap. 1. vers. 9. ostenditur, idque enumeratione quadam donorum spiritus explicatum est, ab Esaia Propheta cap. 11. vers. 1. 2. & 3. his verbis. *Nam prodibit virgula e truncis succiso Isai, & surculus e radicibus ejus efflorescet: super quo quiescet spiritus Jehovæ: spiritus sapientie, & intelligentie, spiritus consilii & potentie, ac timoris Jehovæ*. Quibus verbis prophetia de Christo, Spirit. Sanct.

donando continetur: Quam prophetiam cum sequentibus, ad ipsum pertinere diserte vers. 9. 10. citatione & de Christo expositione Rom. 15. vers. 12. & ex ipsa constat. Cæterum de tempore disquiri potest: an inde ab initio spiritus Christo non ex mensura datus intelligatur, an vero postea. Ad quod distinctè respondemus, si spiritum seu dona sanctificationis consideres, quo & mens, salutaris notitiæ Dei requisitæ, & voluntas amoris ac timoris Dei virtutibus fuit imbuta: inde ab initio eum spiritum accepit Christus, conceptus enim est è Spiritu Sancto, & omnino sanctus natus est, Luc. cap. 1. vers. 35. & sanctus, innocens, impollutus, segregatus à peccatoribus permanfit, Hebr. cap. 7. vers. 26. adeo ut sanctificationem habuerit non ex mensura, seu ex parte tantum, sed sine mensura universam. Sin verò reliqua Spiritus Sancti dona consideremus, ea Christus non habuit initio sine mensura: sed convenienter ætati ac statui privato: quemadmodum Lucæ. cap. 2. vers. 40. de ipso dicitur: *puerulus autem crescebat & corroborabatur spiritu*, πληρούμενος *plenus* (ut sic dicere liceat) *sensu sapientiæ*. Nec enim πληρούμενος *plenum* notat (ut vulgatus interpret vertit) sed *quod impletur* ideoque sensum Dominus Beza fidelius expressit *& implebatur*. Nam licet postea, cum factus esset annorum duodecim v. 42. in medio magistrorum, respondentem, omnes ipsum audientes sint admirati, ob intelligentiam illius, postea tamen vers. 52. profecisse dicitur sapientiæ & statura ac gratia apud Deum & homines. Postquam verò jam circiter 30. annos esset natus, Luc. cap. 3. vers. 23. & ad destinatum munus propheticum exercendum mittendus: Spiritus propheticus sine mensura ei est datus, eoque unctus atque idoneus ad munus suum exercendum redditus. Eaque interna Spiritus Sancti donatio, externo spiritus signo, quasi columbæ super Christum descenditis ac manentis specie Matth. 3. vers. 16. & Luc. 3. vers. 22. adumbrata: quemadmodum idem etiam signum fuit Joanni Baptistæ indicatum, ut eundem esse, qui licet ut homo Spiritum Sanctum acciperet, tamen ut verus Deus aliis Spiritum Sanctum esset daturus cognosceret, Iohan. 1. vers. 33. & v. 34. Quia verò hæc donatio spiritus prophetici fuit non ad tempus aliquod facta: sed à Deo continuata: idcirco dicitur hoc loco, *dare ei*, nempe quod datum semel spiritum non auferat, nec imminuat, sed continuet ac conservet. Atque hæc de genuino hujus loci sensu: superest ut eundem à corruptela Ubiquitarianorum breviter vindicemus. Illi enim sic colligunt: Cuicumque datus est spiritus: seu dona spiritus, sapientia & scientia, &c. non ex mensura: illi communicata est scientia ac sapientia Dei infinita. Atqui humanæ naturæ Christi datus est spiritus, seu dona spiritus, sapientia, scientia, &c. non ex mensura. Ergo humanæ Christi naturæ communicata est scientia ac sapientia Dei infinita. Verum negatur propositio: primùm quia nititur falsa phrasis illius, *non ex mensura*, interpretatione, quasi idem significaret atque infinitum, seu quod quis non potest metiri, sive ut sic dicam, immensurabile: quo sensu loqui solent adversarii, cum dicunt: hominibus aliis dona dari dimensa: Christo immensa, hoc est, ut ipsi quidem interpretantur, infinita. Contra verò jam antea ex libro Esræ cap. 7. vers. 22. demonstravimus, aliam esse significationem illius phrasis, ut copiam non infinitam significet, sed indefinitam, seu non certa mensura circumscriptam; sed pro conditione ac voluntate libera ejus cui datur: seu ut Esras ibidem loquitur, *quantum velis*. Atque ita similiter Deus Pater humanæ Christi naturæ dicitur dare spiritum (hoc est, dona Spiritus Sancti) non definitâ quadam mensura: sed quantum illius officium & sancta voluntas requirebat. Secundò propositio etiam idcirco vera esse non potest: quia & subjecti, & prædicati natura eandem falsi convincit. Subjecti quidem; quia natura humana, cui datur spiritus, finita est: ac propterea contra suæ naturæ limites, infinitæ Dei scientiæ capax esse non potest.



potest. Prædicati verò, quia scientia Dei infinita, est ipsamet Dei essentia: ideoque naturæ humanæ communicari non potest: quia nulla humana natura Deus esse potest. Tertiò, illud in quo quis habet multos homines consortes, non est infinita Dei scientia: quia iis convenire non potest, ut certò constat. Atqui spiritus Christo datus, est illud in quo multos habet consortes. Hebr. 1. vers. 9. Ergo spiritus Christo datus, non est infinita Dei scientia: sed cummulata supra consortes Spiritus Sancti dona. Denique quod Deo soli convenit, illud humanæ Christi naturæ (ut quæ Deus non est) convenire non potest. At scientia cordis humani (eoque multo magis infinita omnium scientia) soli Deo convenit, quemadmodum dicitur 1. Reg. 8. vers. 39. *Tu enim solus nosti corda omnium filiorum hominis.* Ergo scientia cordis, eoque multo magis scientia Dei infinita, humanæ naturæ Christi convenire non potest. Verum quia nonnulla speciosè opponuntur, ea veritatis illustrandæ gratiâ paucis expendemus. Obijcitur enim primum, ad infinitæ Dei scientiæ, Christi humanæ naturæ communicatæ probationem assertio Apostoli Coloss. 2. vers. 3. qua dicitur: *in quo sunt omnes thesauri sapientiæ & cognitionis absconditi:* Sed respondetur primum, hunc locum non pertinere ad rem: quæstio enim inter nos est de scientia, quæ Christi humanæ naturæ à Spiritu Sancto data: hic verò Coloss. 2. ut quidam eruditi interpretes rectè observant, non de Christo, sed de doctrina Christi, seu Euangelii (quod mysterium vocatur) agitur. Nam cum dicitur: *in quo:* intelligendum est ex antecedenti, ac supplendum *mysterio:* cujus commendatio tractatur, ut cap. 1. vers. 28. dicitur: *quemvis erudientes omni sapientia, ut quemvis sistamus perfectum in Christo Iesu, & c. 2. v. 2. charitate compactis, & omni opulentia certo persuasæ intelligentiæ ad cognitionem mysterii Dei & Patris & Christi;* quibus subjungitur: *in quo, sunt omnes thesauri sapientiæ, &c.* ubi satis ex scopo Apostoli apparet, voces, *in quo*, construendas cum voce antecedenti, *mysterii*, non autem *Christi*, licet hæc vox sit propinquior: Sequentia etiam, idem ostendunt: quibus ad retinendam hanc mysterii Evangelii cognitionem hortatur vers. 4. Secundò etiam, ut non pauci exponunt, objecta illa verba, non ad mysterium seu Euangelium: sed ad Christum pertinerent, inde tamen non sequetur necessariò, Ergo illud non ad divinam, sed ad humanam ejus naturam pertinet. Tertiò etiam, ad humanam naturam necessariò referri oporteret, inde nihilominus minimè sequeretur, eam infinità Dei scientiâ & sapientiâ esse præditam: quia omnes thesauri sapientiæ & cognitionis, non absolute, sed relatè ad finem certum, hoc est, ad salutem necessariæ intelligentur, ut ex cap. 1. vers. 28. & cap. 2. vers. 2. colligitur. Denique etiam, & Christus, & secundum humanam naturam intelligeretur, & omnes thesauri sapientiæ & cognitionis, infinitam scientiam Dei designarent, inde tamen non sequeretur necessario, Ergo humana Christi natura infinità Dei scientiâ est prædita, seu infinite omnia cognoscit: quasi ea esset in natura humana, tanquam forma in subiecto, quod informaret atque idoneum ad intelligendum omnia universè redderet; sed quod in se, quasi anima in corpore, personali unionem, non autem proprietatum ullâ communionem: quia unio illa, ut orthodoxi Patrum consensus testatur, facta est *ἀνυπόστατος* *inconfuse*, quemadmodum contra Eutychem à Sacris literis statuerunt: ita ut in Christo, pro natura illius duplici, divina & humana, sic etiam duplex distincta scientia, voluntas, potentia; divinæ quidem naturæ, quæ infinita est, infinita: humanæ verò, quæ finita est, finita scientia, &c. Atque ita dicitur vers. 9. sequente, *in ipso inhabitat πῦρ πνεύματος θεοῦ ὑμῶν*, quod vulgo interpretantur, *inhabitat omnis plenitudo deitatis corporaliter:* sed expressius reddendum videtur, hoc modò; *tota plenitudo:* non quod corpus Christi sit deitas: sed quod corpori, totique humanæ naturæ deitas personaliter sit unita: adeo ut in Christo duæ infinitæ naturæ, divina &

humana. Quamvis etiam cum nonnullis Patribus aliisque exponi posset vox *corporaliter* per metaphoram, pro, *revera*, quemadmodum *corpus*, *umbra* ea significatione opponitur, pro re adumbrata in Veteri Testam. quemadmodum in hoc ipso capite 2. ad Coloss. vers. 17. perspicuè apparet. Atque ita prima adversariorum objectio confutatur. Altera verò hæc est: Quicumque novit corda hominum, ille infinità Dei scientia præditus est, 1. Regum 8. Atqui humana natura Christi novit corda hominum Johan. 2. vers. 24. 25. *ipse autem Jesus non credebatur eis seipsum, eo quod nosset omnes: nec opus esset ut quisquam ei testaretur de homine: ipse enim sciebat quid esset in homine.* Ergo humana natura Christi infinità Dei scientia prædita est. Verum respondetur negatione propositionis: quia ea non est universaliter vera: siquidem non quicumque novit corda hominum, ille infinita Dei scientia præditus est: ut Prophetarum exempla demonstrant. Neque obstat quod solus Deus *ὁ ἀποκρύπτους* appellatur. Sic enim *ὁ ἰσχυρὸς* vocatur, non autem significatione generali: quemadmodum ex distinctione notitiæ cordis hominum clarius apparebit. Ea enim est duplex: una per se, seu vi propria: altera per accidens, seu vi aliena. Quæ per se est, seu vi sua, ea est immediata cordis, hominum notitia universaliter ac simpliciter, ac soli Deo convenit: eoque sensu *cordium scrutator* dicitur: videlicet primò, quod sua vi; deinde quod omnes tertiò quod omnium hominum (ut 1. Reg. cap. 8. dicitur) tam cogitationes in mente, quàm actiones in voluntate latentes, non ex parte, sed simpliciter, seu omnino infinita sua sapientia, quasi oculo, ubique intimè præfens, sine ulla imagine intercedente intuetur: Nam ut Hebr. 4. vers. 13. dicitur: *Nec est ulla res creata, quæ non conspicua sit coram ipso: imò omnia sunt nuda & patentia oculis ejus.* Atque hæc de priori cordium notitia, soli Deo propriâ. Posterior verò cordis notitia Prophetis etiam tribuitur: qui occultas cogitationes atque voluntates hominum cognovisse leguntur. Quemadmodum exemplo Prophetæ Abiæ, qui cogitationes & affectus uxoris Jeroboami cognovit, apparet 1. Regum 14. vers. 5. Ac similiter Elisæi exemplo idem patet, qui servi sui, nomine Gihezi, cogitata falsa, & avara studia novisse traditur 2. Regum cap. 5. vers. 26. Qualis cordis notitia in hiscè aliisque à divina cordis notitiâ plurimum differt. Primò enim non fuit per se, hoc est, vi ipsorum humana: sed vi aliena, nempe gratuitâ revelatione divina. Deinde non etiam fuit immediata, sed mediata: quia animæ cogitationes & voluntates cognoverunt quidem, non tamen in ipso corde hominum, cui inerat, eas intuentes: neque etiam ratione proprietatis earum: sed contrà tantum in sua mente cognoverunt: deinde non nisi in imagine seu specie cogitationum & voluntatum simili, per revelationem divinam impressa. Tertio hujusmodi, Prophetis data cordis cognitio, non fuit cordis omnium hominum, sed tantum paucorum. Quartò neque universaliter paucorum illorum, omnes cordis seu animæ motus, cogitationes scilicet & voluntates eorum: nec denique simpliciter, sive omnino cognoverunt eas quas cognoverunt, sed tantummodo quantum Deus iis voluit revelare. Ideoque talis cordis notitia, multis modis finita, nullo modo infinita Dei scientia dici potest. Ac propterea propositio objecta, quod quicumque corda hominum novit: infinita scientiâ sit præditus, meritò à nobis negata est. Si autem propositionem restringere velint adversarii ad primum illum notitiæ cordis modum, tum falsa erit assumptio. Nec enim humana Christi natura, eo modo corda hominum novit; neque locus Joannis, quem opponunt & complurimum fidunt, illud comprobatur: siquidem quod ait. *non credebatur eis semetipsum, eo quod nosset omnes:* illud inquam, de notitia omnium quidem dicitur, sed non absolute, verum relatè, scilicet ad eos omnes auditores de quibus sermo est ibidem: deinde etiam norat humana Christi natura omnes eos, non per se, seu insita sua vi:

nec

nec immediatè in illis intuens : sed mediatè in se, seu mente sua, per revelationem divinæ suæ naturæ personaliter ipsi humanæ unitæ, quæ omnia, ea, quæ ad officii, in natura humana executionem conducebant, revelabat. Ac propterea non opus erat, ut quisquam alius, humanæ naturæ Christi testaretur de homine, quia ipse norat, quid esset in homine; nempe secundum divinam naturam, quæ humanæ naturæ illius id pro conditione officii & illius voluntate revelabat. Quemadmodum hoc loco, ut humana natura sibi ab infidis illis, ac levi fide præditis auditoribus caveret; corda eorum revelabat, adeo ut nullius alterius opus haberet testimonio. Sed alia probatione arguitur, quia Johan. 21. vers. 17. dicitur expressè, *Domine, tu omnia nosti*: sed respondetur primum: hæc de persona Christi dici, unde non sequitur, Ergo secundum humanam naturam: quia ad divinam naturam referri potest, quæ citra controversiam omnia novit: & quæ humana natura ipsius desiderat, ei patefacit, adeo ut ad eam rem, nec Petri, nec ullius hominis indicio ac responsione opus habeat. Deinde etsi ad humanam naturam tantum referant, nihil inde evincit; quoniam vox *omnia* non absolutè, sed relatè ad rem propositam, quam quærebat Christus, erit intelligenda: quod scilicet ea omnia nosset. Nam Petri (pro cuius fide ne deficeret, orâret, & conversionem prædixerat. Luc. 22. vers. 32.) amorem erga se ignorare non poterat. Atque ita in multis sacræ Scripturæ locis, vox *omnia*, non absolutè accipienda: sed ad materiam de qua agitur, sive ad rem propositam restringenda est relatè: alioqui sententiæ multæ verissimæ, forent falsæ: ut exempli gratia ex paucis hisce perspicuum est; ut Ioan. 2. vers. 15. *ejecit ex templo omnes*; nempe illos de quibus v. 14. venditores scilicet & nummularios: non autem cultores Dei: & Ioan. 4. v. 25. *ille annuntiabit nobis omnia*, nempe non absolutè: sed quæ ad rectum Dei cultum pertinent, de quibus agitur in antecedentibus: & 1. Cor. 2. vers. 15. *Spiritalis dijudicat omnia*: non absolutè, sed relatè ad ea quæ à Deo nobis gratis data. v. 12. & 10. v. 23. *omnia mihi licet*, nempe adiaphora illa, de quibus egit: & 2. Cor. 5. vers. 17. *nova facta sunt omnia*, quod de fidelibus renatis ac renovatis per Spiritum S. dicitur tantum: & v. 18. *omnia sunt ex Deo*, & Rom. 11. v. 36. *Ex Deo sunt omnia*, nempe omnia bona vers. 35. non absolutè, ut etiam peccata complectatur. Sic hoc in loco, *nostis omnia* scilicet hæc, quæ quæris. Humanam autem naturam Christi non omnia absolutè novisse ex Marc. 13. vers. 32. constat: ubi dicitur: *de die autem illo, & hora nemo novit (neque Angeli qui sunt in celo, neque Filius) nisi Pater*. Filius autem secundum divinam naturam tanquam æternus cum Patre Deus diem iudicii, utpote à se decretum ignorare non potuit: sed ignoravit secundum quid, & *alio*, secundum humanam naturam: cui id nondum erat revelatum, neque etiam sibi revelari voluit, quod illud esset intempestivum ut Act. 1. ostendit, Patrem hoc sibi reservasse. Atque hæc ad loci huius Ioan. 3. vers. 34. de Spiritu, Christo non ex mensura dato, illustrationem, ac vindicationem ab Ubiquitariorum erroribus diximus: sequitur jam.

## CAPITULUM

quarti à v. 1. usque ad 43. succincta  
Analysis.

Superiori capite tertio, explicata est à Ioanne Evangelista rerum à Christo in Iudæa gestarum historia: sequitur hoc quarto capite reditus illius in Galilæam, ad Evangelium prædicandum, descriptio. Ea autem constat duobus membris: primum est declaratio causæ impulsivæ: alterum est narratio illius reditus. Causa impulsiva fuit cognitio invidiæ Phariseorum: quorum avaritiam atque ambitionem lux Evangelii Christi arguebat: ideoque ipsi oderant, eique nocere studebant, Johann. 3. vers. 19. & 20. unde autem cognoverit eam invidiam, reticetur, sed ex capite secundo vers. 24. & 25. intelligi potest, revelatione divinæ suæ naturæ ipsi innotuisse, quoniam

hoc ad pericula & insidias prudenter declinandas pertinebat: quamvis etiam ex effectis, scilicet dictis ministris eorum cognoscere potuerit. Cæterum invidiam Phariseorum non exprimit Evangelista, sed innuit occasione; quæ ponitur vers. 1. & explicatur vers. 2. Narratio verò reditus posita est in propositione vers. 3., & expositione illius bimembri. Primum quidem viæ, deinde adventus in Galilæam, cum utriusque eventu. Ac via quidem explicatur vers. 4. & 5. De Samaria autem & Samaritanis legi possunt secundus liber Regum cap. 17. & Joseph. antiquitat. lib. 9. cap. 14. & 18. & lib. 12. cap. 13. Eventus verò in via, est conversio duplex; nempe mulieris Samaritanæ: & deinde per eam popularium illius. Ac prior quidem explicatur, suis accidentibus, & causis, atque effectis. Accidentia sunt subjectum seu locus, & adjuncta occasio, quæ partim fuit fatigatio Christi ex itineris labore, & calore meridiano (erat enim hora sexta ab ortu solis) & sessio illius ad puteum vers. 6. partim Samaritanæ mulieris accessus vers. 7. Causæ verò conversionis explicantur duæ, efficiens instrumentalis, & forma ejusdem. Efficiens, est colloquium Christi cum Samaritana, quo eam instituit: ut fides esset ex auditu verbi, Rom. 10. Hoc autem colloquium tribus constat partibus, quarum prior de aqua, posterior de vero veri Dei cultu, & tertia de Messia disserit. Quibus partibus gradus conversionis respondent. Ac de aqua quidem duplici agitur: primum de externa putei, de qua petitio Christi proponitur vers. 7. & à causâ impulsiva illustratur, quod ut haustro carebat; sic discipuli, quibus uti potuisset, aberant vers. 8. Deinde subjicitur Samaritanæ responsio: qua petitionem Christi quasi absurdam arguit, Syllogisticè, sed loco propositionis (ut sæpe fit) probationem illius substituit. Argumentum autem illius est à gentis utriusque dissidio ductum. Nam Judæi à Samaritanis tanquam profanis hominibus, abhorrebant, neque cum iis usus intercedebat, vers. 9. causa autem generalis illius dissidii erat duplex: prima in Samaritanis, odium unius Dei veri, seu superstitio summa in fovenda idololatria cum gentibus communi 2. Reg. 17. & hæresi singulari, qua verbum Dei & cultum illius adulterabant. Nam & Saduceos secuti, solum Pentateuchum Moysi probabant: ut Tertull. de præscriptionibus adversus hæreses docet; & neglecto templo Hierosolymitano, ad cultum Dei destinato divinitus, aliud contra Dei decretum alibi in monte Garizim extructum colebant: quemadmodum Josephus antiquit. lib. 11. cap. 8. & lib. 12. cap. 1. testatur. Altera causa erat morum eorum perversitas, atque odium in Judæos acerrimum atque inveteratum, & maleficia plurima, ut Josephus antiquit. lib. 12. cap. 1. declarat. Atque hinc Samaritanus proverbiali convitio, pro homine profano ac scelerato apud Judæos usurpabatur: ut ex blasphemia in Christum Ioan. 8. vers. 48. apparet. Huc etiam accedebat quod Samaritani terram Samariæ, Israëlitis à Deo datam, iis ejectis, voluntate Regis Assyrii occuparant, summa cum Iudæorum offensione. Atque hæc de vers. 9. unde ab hac mulieris, de aqua putei responsione, transitur ad doctrinam de aqua viva. Cujus doctrinæ propositio à Christo primum ponitur, deinde examinatur: & à fructu suo exponitur. Propositio Christi mulieris ignorantiam arguit: quod Christum, qui Dei donum est salutiferum, negligat: deinde officium illius, & beneficium suum docet, nimirum quod aquam vivam à Christo datore petere debuerat, vers. 10. Atque huius propositionis, de beneficio & efficacia Christi, examen & expositio subjiciuntur. Examen autem continetur objectione mulieris: quæ interrogatione opposita, modestiæ gratia, disputat Christum non habere aquam vivam: quod ex puteo illo haurire non posset, ob profunditatem illius, & haustri aut situlæ defectum: nec aliam aquam præter istam meliorem dare posset. vers. 11. Consequentiam autem probat comparatione, (ut ipsa quidem putabat) majoris; cum non sis major Jacobo Patriarcha, qui

*eba, qui hunc puteum tradidit, & ex eo cum liberis bibit, v. 12.* Hæc de examine propositionis Christi de beneficio aquæ vivæ; sequitur ejusdem expositione, responsione Christi comprehensa. Quæ errorem mulieris corrigit, ac docet, se non de corporali putei aqua: sed de longe alia ac præstantiori, nempe spirituali agere; eaque ratione non verbis (ut rectè monet Cyrillus, sed re ipsa, majorem se Jacobo declarat, comparatione aquæ putei Jacobi, & aquæ suæ. Cujus comparationis partes sunt duæ: protasis & apodosis, hoc est, propositio, & redditio. Propositio est v. 13. quod aqua illa corporalis putei, corporis sitim ad tempus tantum tollat: non verò perpetuò, quod scilicet *quisquis bibit ex aqua ista, sitiet rursus*. Redditio verò est, quod aqua spiritualis, quam Christus daturus erat, spirituales animæ sitim sic sedat, ut qui eam biberit, non sitiat in æternum, sed aqua ista in eo fiat fons aquæ salientis in vitam æternam v. 14. De cujus aquæ allegoria insigni, distinctè, absoluta hujus historiæ Analyti, Deo favente, acturi sumus. Hujus autem responsionis Christi fructus, est petitio mulieris, quam proponit Christo cum ait: *Domine da mihi aquam istam*; & à fine declarat, cum addit: *ut non sitiam, neque veniam hic ad habendum*, v. 15. Petitionem autem hanc quidam ironiam esse existimant atque incredulam: Chrysost. verò seriam, & ex fide dictorum Christi profectam: idque aptius apparet: quia in re dubia, de mente proximi charitas credere ac sperare jubet meliora, 1. Cor. 13. 7. Cæterum in eo erravit Samaritana; quod Christi, de aqua spirituali dicta, de aqua corporali interpretatur: et si petitionis obedientia, & fiducia de Christi potentia, ad fidem veram fuit quasi quædam via: ad quam Christus eam magis præparat responsione sua: quæ ipsam ad agnitionem peccati abducit, duobus modis: primum mandato, ut abeat & virum suum advocet, & ad Christum veniat v. 16. deinde postquam ingenuè habere se negavit v. 17. patefactione conditionis & peccati illius v. 17. & 18. Atque hæc Christi responsio describitur à consequente suo effectu, primo fidei mulieris quasi gradu, seu conversionis initio, cum Christum prophetam esse fidelem agnoscit ac profitetur, v. 19. Quæ ratione posita transiit ad alteram colloqui partem, de vero veri Dei cultu & Messia: quarum utraque alloquio mulieris, & Christi responsione constat. At de priori quidem primum Samaritana Christum, (quia Prophetam esse certo animadvertit) interrogat. Quæstio autem est de ritu & loco colendi Deum; utri rectè, & suo loco Deum colant, Samaritani an vero Iudæi? Quæ quæstio non exprimitur quidem, sed per apostrophen innotuit: proposita utriusque gentis diversa sententia. Ac primum Samaritanorum: *Patres*, inquit, *nostri in hoc monte adorant*: Ad cujus loci intelligentiam tria sunt paucis exponenda, quid primum *mons*; deinde *adoratio*; denique *Patres* hoc loco significant. Ad montem autem quod attinet, fuit is Sichari aut Sichemo urbi proximus, cæteris montibus illius tractus sublimior: ex quo benedictiones illæ legis eam observantibus, coram populo universo sunt promulgatæ, Deut. 27. vers. 12. in quo Sanballat Chuthæus, Samariæ Satrapa, templum permisso Alexandri Magni, post devictum Darium extruxit, eique generum suum Manassæ, Iaddi pontificis Hierosolymitani fratrem præfecit: ad quem multi Sacerdotes & Israëlitarum externis conjugiiis intricati defecerunt. Id quod posteris etiam temporibus similiter accidit: si quis enim apud Hierosolymitanos aut illiciti summi cibi, aut violati Sabbathi reus agebatur, Sichemum transfugebat, ut Iosephus Antiquit. lib. 11. cap. 8. tradit. Ac postquam Prokomæus Lagi filius, occupatis Hierosolymis multos captivos ex montano Judææ tractu & Hierosolymorum vicinia, Samariaque ac Garizim monte in Ægyptum traductos, iussit sedes ibi figere, seditiones continuæ fuerunt inter Judæorum posteros & Samaritanos: patria instituta porvaciiter retinentes, pugnabantque inter se jugiter, dum Hierosolymitani suum templum Spiritum S. esse asserunt, & victimas à Judæis non alio mittendas: Samaritæ autem in montem Garizim mitti debere contendunt; quemadmodum describit Ioseph. antiquit. lib. 12. cap. 1. Ideoque Christum & discipulos noluerunt, eo nomine, divertentem

recipere: quia Hierosolymam tendere videbatur, Luc. 9. v. 52. 53. Hæc de monte & religione illius, ad totam hanc historiam plenius intelligendam pertinent. Deinde quod attinet ad vocem *adorandi*, ea hoc loco non propriè ac promiscuè de quavis adoratione accipitur. Ea enim sine controversia erat ubique licita: ideoque impropiè per Synecdoch. de solenni atque cum sacrificiis conjuncta intelligitur. Denique *Patres*, quorum mulier meminit, quidam Abrahamum & Jacobum sic appellari putant, à quibus originem sese ducere Samaritani falsò gloriabantur ut v. 12. Jacobum patrem suum nominat, & Ioseph. lib. 11. antiquit. cap. 8. tradit. Alii verò probabilius de majoribus Samaritanis, post templi illius in monte Garizim ædificationem interpretantur. Atque hæc Samaritanorum, de adorationis seu solennis Dei cultus loco, sententia. Cui ex adverso Iudæorum opponitur adoratio, *vos* (nempe Iudæi) *dicitis, Hierosolymis esse locum illum* (hoc est, templum) *ubi oporteat adorare*, vers. 20. unde quæstio ex controversiæ hujus antecedentis propositione talis intelligitur, utri, igitur, Samaritani ne an verò Iudæi rectè Deum adorent. Atque hæcenus quæstio Samaritanæ. Cui subjicitur Christi responsio, quæ de adorationis loco, & modo agit. De loco quidem primum futuro, deinde præsentis. Ad futurum quod attinet vers. 21. præfatione hortationis ad fidem præmissa, loci discrimen illud in adoratione Dei, brevi abolendum docet, ut Malach. 1. v. 11. prædictum, & 1. Tim. 2. v. 8. postquam scilicet Christus in sancta sanctorum & celestem Jerusalem ingressus fuerit Hebr. 9. v. 24. & 12. 22. Alioqui eo usque, & Christus, & Apostoli Hierosolymis, secundum Dei verbum solennibus festis adorarunt necessario, Matth. 21. 13. Luc. 2. 24. Neque obstat quod Apostoli etiam post Christi resurrectionem & acceptum Sp. S. in templo Hierosolymis adorarunt, Actor. 2. v. 46. & 3. 1. & 22. 17. quia hoc ab iis factum est, non legis Dei necessitate, de qua Christus disserit: sed Christiana libertate: & quidem, ut ea populi in templum concurrentis frequentia, ad Ecclesiæ propagationem melius uterentur. Hæc de futura Dei adoratione, quam v. 21. proponit & postea exponit. De præsentis vero agit Christus v. 22. ubi directè satis ad quæstionem mulieris respondet, ac iudicium suum de adoratione & religione utraque, cum Samaritanorum, tum Iudæorum adiungit, ne eos antecedenti sententia, inter se æquasse videretur. Ac Samaritanorum adorationem atque religionem damnat, cum ait: *vos adoratis quod nescitis*, hoc est, verum & unicum Deum ignoratis, ac propterea in adoratione illius impingitis. Nescire autem eos dicit, non quidem absolute: sed relatè, scilicet si officium eorum spectetur & cum Judæis comparentur. Nec enim Dei naturam: nec voluntatem in verbo patefactam ritè norant: ut qui etiam falsos Deos ei adiungerent ac colerent, & mandata divina de religioso illius cultu, multis modis violabant. Contrà Iudæorum cultum Christus probat, cum ait, *vos adoramus quod scimus*, nempe ex Dei verbo, naturam illius & voluntatem edocui. Ut enim Deus se solum adorari ac coli voluit Matth. 4. v. 10. & deinde arbitrium cultum semper vetavit: sic templum & domum solennis orationis ac sacrificiorum, non quolibet in loco fieri, sed certo & à se præscripto in V. T. mandavit Deut. 14. v. 23. & 16. 5. nimirum Hierosolymis 1. Chron. 22. v. 10. Cæterum hanc Iudæorum, de recto Dei cultu notitiam, à causa illustrat: *quia salus ex Judæis est*. Salutis autem nomine quidam salutarem Dei cognitionem, per Meton. effecti, pro instrumentali sua causa accepti, intelligunt ut Es. 2. v. 3. *Ex Sion exibit lex, & verbum Dei à Jerusalem*. Alii verò (ut Cyril. Alexan. ad hunc locum) per Meton. effecti pro causa principali, Christum intelligunt, qui salutis author, & ex Iudæis esse dicitur Rom. 9. v. 5. ut sit sententia, quod Iudæi sint fœderati Dei, quibus promissus est Christus: cujus gratia Ecclesia & verbi Dei cognitio apud Iudæos conservata Psalm. 147. v. 20. & Rom. 3. v. 2. de quibus Iudæorum privilegiis, Rom. 9. 4. 5. & Eph. 2. v. 11. & 12. agitur. Atque hæc de præsentis Dei adoratione v. 22. Quibus futuræ adorationis antea v. 21. propositæ, expositionem ac declarationem uberiores subjicit: quod licet Iudæi præsentis illo tem-

illo tempore religionis necessitate, rectè Deum Hierosolymis adoratione ac sacrificiis in templo colerent: id tamen non fore jus perpetuum: sed aliam fore colendi Dei rationem, cum ait: *sed venit hora & nunc est* (h. e. metaphoricè, brevi erit, ut sit præsens, pro paulo post futuro) *cum veri adoratores adorabunt Patrem spiritu & veritate*. Sp. a. opponitur hypocrisi: quâ lingua tantum oratur, cor autem procul abest quo vitio non minus quam Samaritani, ipsi Judæi laborabant, quemadmodum Christus iis exprobrat Matt. 23. *Veritas* autem hoc in loco, non opponitur mendacio (nam hoc ipsum spiritus voce antecedente exclusum est) sed figuris & umbris legalibus, ut Joan. 1. v. 17. Qualis fuit figura & umbra in templo ad arcæ propitiatorium aspiciens adoratio solennis; & privatis in precibus, ad illa loca vultus conversio 1. Reg. 8. v. 48. & Dan. 6. v. 11. deinde sacrificia: quibus omnibus Christus, tanquam verum propitiatorium, Rom. 3. vers. 29. & sacrificium simul ac summus pontifex Heb. 8. 9. 10. deinde ad illum conversio, & per eum ad throni divini gratiam adorantium accessio, in N. Testam. præstanda, fuit adumbrata. Quare veritas, Meton. in hac sententia notat typicarum promissionum ac ceremoniarum impletionem, quæ impletio earum veritatem constituit. Atque hinc liquet, Patres quidem V. Test. adorasse Deum in spiritu & veritate propriè sic dicta, hoc est, ex animo ac verè, sed non hac veritate, de qua Christus hic loquitur: quia ceremonias loci & temporis ac sacrificiorum, secundum mandatum Dei in adoratione solenni observant. ideoque hæc adoratio, de qua Christus loquitur, N. Testam. propria est. Idque à voluntate Dei Patris probat Christus, v. 24. quod *tales querit, qui ipsum adorent*, Spiritu quidem seu animi sinceritate, semper, veritate verò, hoc est, sine ceremoniarum legalium necessitate, post Christum. Idemque secundo demonstrat à natura Dei, cum ait *Deus est Spiritus*. In qua enuntiatione subjectum, *Deus*, ab attributo, *Spiritu*, licet præposito distinguitur suo articulo ut Joan. 1. v. 1. *Deus lumen verum*, & *Sermo erat Deus*: *Sermo* enim, subjectum esse, articulo demonstratur. Deus autem vocatur Spiritus, hoc est, essentia incorporea atque intelligens. Ideoque Spiritu, quem intuetur, seu sincero animo coli vult: & veritate, seu ea adoratione quæ ceremoniali adumbrata est. Atque hæc interpretatio maximè à Theologis comprobatur, ut scilicet veritas non mendacio, sed ceremoniis legalibus opponatur. Quæ ut magis illustretur, rationibus hanc expositionem confirmare conabimur. Prima autem est, quod distinctio futuri temporis & præteriti illud indicat v. 23. *venit hora*; alioqui Christus nihil hic novi diceret, si veritas hypocrisi ac mendacio esset opposita, quia omnes veri adoratores ita ab initio Deum adorant; & talem adorationem semper flagitavit Ps. 50. v. 8. 14. 15. & alibi. Deinde quia hæc sententia refutari non potest solidis argumentis. Si quis verò objiciat, verba Christi de tempore præsentis loqui, non autem de futuro: quia utitur voce præsentis temporis nempe *ἐρχεται ὥρα, venit hora*. Respondetur negatione consequentis; quia etsi *ἐρχεται* propriè sit præsentis temporis, tamen per enallagen temporis præsentis pro futuro crebrò usurpari solet; ut etiam in antecedenti Christi sententia v. 21. *ἐρχεται ὥρα*, hoc est, *veniet hora*, cum neque in hoc monte, neque Hierosolymis adorabitis Patrem & postea v. 25. novi quod *Messias ἐρχεται* hoc est, *veniet*, & v. 35. *adhuc quadrimestre est, & messis ἐρχεται*, id est, *adveniet*: & alibi sæpius. Sed rursus sequentia verba urgeri possunt: quod addatur, *& nunc est* scilicet hora: ac propterea non loquitur de eo quod futurum est, sed quod præsens. Verum rursus negatur consequentia: quia eadem est temporis enallage quæ in antecedenti, ut Joan. 5. 25. *ἐρχεται ὥρα ἡ νῦν ἐστίν, venit hora & nunc est*, id est, *veniet & imminet*, ut sequentia diserte evincunt, quæ de re futura loquuntur, cum dicitur: *cum mortui* (scilicet metaphor. peccatis mortui seu spiritali iustitiæ vita destituti) *audient vocem filii hominis*. Ubi prior phrasis, *venit hora*, tempus futurum significat: posterior v. nempe *nunc est*, futuri temporis quantitatem indicat, quod scil. non longo post tempore, sed paulò post seu brevi futurum esset: quemadmodum hoc secundum omittit Christus, quando de mortuo-

rum propriè dictorum resurrectione loquitur sequentibus v. 28. cum ait *ἐρχεται ὥρα*, hoc est, *veniet*, non autem addit & nunc est, quia illa resurrectio propriè dicta, non paulò post, sed in fine mundi futura erat. Quamobrem ex hisce satis liquet propositæ vocis *veritatis* expositionem, ut cere- moniis legalibus opponatur sententiæ Christi convenire, & adversus exceptiones firmam consistere. Atque hæc de re- cta Dei adoratione præsentis scilicet & futura: quæ secunda colloquii Christi & Samaritanæ parte examinata est; sequitur denique tertia: quæ de Messia agit. Constat autem mulieris de eo professione v. 25. & Christi responsione sequenti. Professionis illius occasio, fuit Christi doctrina, de abolenda ceremoniali adoratione, certo in loco restricta, & de salute à Judæis, hoc est, de Christo venturo v. 21. & adorationis alio modo brevi futuro v. 22. Hæc enim occasione verborum Christi propinquum Messia adventum colligens fidem suam de Christo futuro, Samaritana profitetur bifariam: primum de personæ illius adventu: deinde de ejusdem effecto, seu beneficio ab illo conferendo: Quæ Samaritanæ confessio ac fides, fuit secundus ad veram conversionem illius gradus. In prioris autem confessione, primum fidei suæ certitudinem indicat, cum ait *scio*: nempe ex prophetiis Moïsi de Christo apud Samaritanos notis ac prædicatis. Deinde objectum fidei, seu quidnam crederet designat, quando ait, *quod Messias ἐρχεται*, hoc est, *veniet*, seu *venturus est*. Quod autem additur: *qui dicitur Christus*: ea verba sunt interpretatio vocis Hebrææ *Messias*: non à Samaritana; quæ Græcam linguam ignorabat: nec ad Christum dicta, qui cum Hebræus esset, interpretatione vocis Hebrææ; Græca lingua opus non habebat: sed ea verba sunt Ioannis Evangelistæ, qui Græcè scribens omnibus gentibus, hoc ad lectorum Hebrææ linguæ imperitorum, intelligentiam inservit, ut alibi: Ideoque per parenthesin hæc verba sunt notanda. Posterius verò confessionis fidei de Christo membrum, de effecto illius, nempe beneficio, confendo indicatur his verbis: *cum venerit ille, nobis annuntiabit omnia*: nimirum ea omnia, quæ ad verum Dei cultum & salutem pertinent: quemadmodum circumstantia loci, & sententiæ veritas inprimis evincit. Nec enim universaliter & absolute omnia annuntiaturus erat Christus: ut certa experientia concionum illius probavit, sed ea solum, quæ ad munus illius propheticum requirebantur; scil. ad veram religionem ac salutem necessaria. Similis locus est Ioan. 14. 26. ubi Christus ait: *Sp. S. docebit vos omnia*: nem non absolute (ea enim nunquam perceperunt Apostoli) sed relatè omnia, scil. quæ ad salutem ipsorum & ad executionem officii Apostolici pertinebant: sicut subjecta materia exigit. Hæc de Samaritanæ mulieris confessione de Messia: Cui Christi responsio subicitur, priorem illius partem corrigens, cum dicit: *Ego is sum, qui loquor tibi*; Messias, quo ostendit adventum Messia non futurum, ut illa putabat, sed jam præsentem v. 26. Hactenus Christi & Samaritanæ mulieris colloquium: quod declaratur ab intercedente adjuncto: partim à consequente effecto. Adjunctum intercedens est primum discipulorum (qui emendi cibi causâ abierant in urbem Sichar v. 8. (ad Christum, cum Samaritana adhuc loquentem, reditus, ut dicitur, *interea autem advenerunt discipuli ejus*: deinde admiratio eorum, quod cum muliere loqueretur: cujus admirationis conjuncta silentii modestia indicatur, quod nemo tamen dixit, *quid queris, aut quid loqueris cum ea?* v. 27. Consequens v. colloquii effectum, est conversio Samaritanæ seu vera illius in Christum fides: quæ ex fructu suo, gemina scil. charitate declaratur: primum quidem charitate & gratitudine in Iesum Christum: cujus cognitionem ac regnum propagare sedulo studet: deinde charitate in populares suos Samaritanos, quos ad Christum & fidem in ipsum adducere studet: utrumque autem ostendit, primum ardenti affectu, quo statim relicta hydris, ne quid ipsam moraretur, & ut Christo, qui aquam petierat inserviret, abiit in urbem nempe Sichar seu Sichem, in regione Samariæ sitam, & populares suos est allocuta v. 28. secundo eandem charitatem geminam erga Christum & populares patefecit v. 29. oratione seu sermone fideli: quæ primum populares suos ad Iesum secum accedendum



dendum & videndum vocat: deinde ratione vocationis illius. Quam subijcit, qua ipsum Messiam seu Christum esse ostendit enthymemate: cujus antecedens, est ratio probans, *ille dixit mihi quaecunque feci*: consequens verò probandum est; *numquid iste est Christus?* Ad prius quod attinet, argumentum illud fuit probabile: non necessarium: neque Samaritana ipsa ex eo aliud antea conclusit, quam Jesum esse Prophetam v. 19: sed ex doctrina Christi, de vero Dei cultu, & de seipso assertionem, quod esset Christus v. 26. per Sp.S. illustrationem accedentem, fidem concepit, & eodem modo popularibus suis persuadere haud dubiè conata est atque persuasit. Ad posterius vero quod attinet: consequens conclusio, interrogatione quadam firmata, dubitationem non arguit: sed assertionem firmiorem, Hebræorum phrasi consueta designat, quasi testimonio, à conscientia eorum petito: Idque ex eo patet, quod propter sermones Samaritanæ, multi primum in eum credidisse dicuntur ut v. 39. & 42. apparebit. Atque hæc de Samaritanæ conversione: Sequitur deinde Samaritanorum conversio: cujus primum inchoatio, ex hac mulieris oratione orta: deinde confirmatio illius per Christum describitur. Inchoatio autem fidei innuitur primum ex effectu: postea vero differtè exprimitur. Innuitur autem suo effectu, nempe obedientia: quâ mulieris popularis suæ de Christo adeundo hortationi paruerunt: cum exierunt ex urbe, & venerunt ad eum v. 30. Cujus accessionis narrationi, adjunctum atque intercedens Apostolorum cum Christo colloquium interferitur: Constat autem gemino discipulorum & Christi sermone: quorum prior hortationem discipulorum, & Christi responsionem continet. Hortatio autem illorum est qua Christum ad cibum meridiano jam tempore manducandum invitant, ut v. 31. dicitur; *ἐν τῷ ὥρῃ τῇ ἐκείνῃ* supple *ἔσθω* *medio tempore seu interim* (hoc est dum Samaritani in itinere sunt, ut ad Christum perveniant) *rogabant eum discipuli dicentes, Rabbi* (hoc est magister quod Christo propriè convenit Matth. 23. 8.) *comede*. Responsio vero Christi est illius recusatio: qua id renuit, adducta ratione allegorica, ex sermone discipulorum, per similitudinem translata, cum dixit, *Ego cibum habeo quo vescar, quem vos nescitis*, v. 32. Quo modo suum, ad regni Dei propagationem, zelum seu fervens studium declarat. Quemadmodum enim Samaritana properè, relicta hydra, & neglecto illius usu ac prandio suo, populares secum ad Christum adducere studuit atque adduxit: sic Christus licet fatigatus, dilato prandio, eosdem avidè, prædicationis Evangelii & salutis eorum desiderio, expectavit, v. 32. Ex qua Christi, cibum ab ipsis oblatum recusantis responsione altera colloquii pars promanat: constans discipulorum quæstione inter se, & Christi responsione ad ipsos. Quæstio autem est v. 33. *dicebant ergo discipuli alii ad alios: Num quis attulit ei quo vescatur?* Cujus dubitationis atque inquisitionis causa; fuit sensus verborum Christi ignorantia: quod allegoricè ab eo dicta, seu similitudine quadam enuntiata, propriè intelligerent, Responsio vero Christi, ad hanc à se observatam discipulorum ignorantiam corrigendam dirigitur: quæ primum sententiam suam, malè ab illis intellectam, interpretatur: deinde vero eosdem ad similem diligentiam extimulat. Interpretatio autem hæc est; *cibus meus* (de quo scil. locutus sum) *est, ut Patris, qui me misit, voluntatem exequar, & opus ipsius perficiam*, v. 34. voluntatem autem Patris vocat; per Meton. consuetam, rem ab eo mandatam: quia voluntatis Dei, officium debitum approbantis, objectum est: unde mandatum illius, distinctione vocis, *voluntas signi*, vulgo dici solet: quia mandato suo Deus significat, id quod voluntate approbat. Ea autem res à Deo probata, ac Christo mandata, erat prædicationis Evangelii, auditorum illius conversio ad fidem ac salutem æternam; Ad illud enim erat à Patre missus, Esai. 61. vers. 1. & Luc. 4. vers. 18. & 21. unde etiam consentaneè, Ioan. 6. v. 37. & 38. ait: *quidquid dat mihi Pater, ad me veniet, & eum qui venit ad me, non eiciam foras, quia descendi de celo ut faciam non meam voluntatem* (scilicet solam, oppositè Patris voluntati, ut adversarii falsò judicabant) *sed voluntatem ejus qui misit me*. Quam voluntatem Patris intelligit Christus, eamque exponit, di-

cens: *& opus ipsius perficiam*, hoc est, opus ipsi debitum; utpote ipsi probatum atque ab ipso mihi imperatum. Quod etiam modo hac phrasi utitur Christus, Ioan. 6. vers. 29. *hoc illud est opus Dei, ut credatis in eum quem misit ille*, Opus Dei, non quod efficit (etsi illud sit verum (sed quod ei debetur ex mandato ipsius justo, ut versus antecedens, ubi eadem phrasis præcessit (quæque hic repetitur) demonstrat. Quemadmodum etiam Ier. 48. v. 10. *maledictus qui facit fraudulentè opus Dei*, hoc est, Deo mandanti debitum. Sic opus Dei, Deo, ex mandato illius, à Christo ad prædicandum Evangelium misso, debitum erat, ut Evangelium prædicaret, hominesque converteret. Cujus rei occasione oblata, illi cibum postponit: quia dilectio Dei, (quæ primum ac summum est mandatum Matt. 22.) hoc postulabat. Eam autem occasionem differtè prandii ac cibi sumendi optatissimam fuisse indicat, quod Samaritana & populares illius, Christi præsentiam & doctrinam avidè desiderantes accedebant; quorum institutio atque amplior conversio, Christo fuit quasi cibus animæ suavissimus: cujus delectatione cibum esurientis corporis lubenter differebat. Atque hæc de v. 34. prima responsionis Christi parte, nempe verborum suorum à discipulis malè intellectorum, clara interpretatione. Altera vero pars est, qua discipulos ad similem fidem ac diligentiam, argumentis quibusdam ac nova allegoria excitat atque extimulat. Primum autem argumentum, est temporis opportunitas ex auditorum accedentium ad audiendum Evangelium promptitudine: quam comparatione minoris declarat, quod messis frugum terræ quatuor adhuc menses aberat, ac propterea omnino immaturæ essent ad metendum: spiritualis verò (seu similitudine quadam dicta messis) jam aderat, idque à sensu visus probatur, cum ait: *attollite oculos vestros & spectate regiones, nam albæ jam sunt ad messem*: Qua allegoria Samaritanos Sichemitas ad audiendum Evangelium (conceptâ de adventu Christi fide promptos) atque avidos, maturæ messi comparat: Ideoque quemadmodum cum matura est messis, metendi festinatione sedula est opus: ne grana è suis glumis, hoc est, folliculis concidant ac corrumpantur: sic etiam maturâ jam spirituali messe, scilicet auditoribus Evangelii avidis, Christo & discipulis maturandum, ut eam falce prædicationis Evangelii, quasi demetant, & in Ecclesiam, quasi in aream congregent; ne neglecta eorum cura, dilabantur ac pereant v. 35. Simili allegoria usus est Christus Matth. 9. v. 37. & 38. cum dixit discipulis suis, magna auditorum turba accedente: *ipsa quidem messis multa est; operarii autem pauci: rogate igitur Dominum messis, ut emittat operarios in messem suam*. Atque hæc quidem de 1. argumento Christus Apostolos suos, ad sui, in diligenti Evangelii prædicatione imitationem extitit, nempe à temporis opportunitate: sive ab auditorum idoneorum promptissima copia, quasi messe eorum jam matura. Alterum vero geminum, à prædicationis Evangelii utilitate duplici deductum est: prima utilitas est, Evangelium prædicantium adjunctum: scilicet quod qui *merit, mercedem accipi*. v. 36. Metere autem dicitur, qui animos fide exhibiti Messis jam præparatos, non sola prædicatione Evangelii (ut ex Mat. 7. v. 22. & 23. apparet) sed etiam vivè fidei exemplo. 2. Tim. 4. v. 7. 8. amplius erudiunt, & à mundo aberrantium quasi refecant, & Ecclesiæ aggregant. Merces autem dicitur non propriè: sed per metaphoram, à conductis operariis Mat. 20. 1. inprimis verò ac speciatim, à messoribus, ut Matth. 9. v. 37. 38. derivatam. Nam ut messoribus vocantur pacta mercede, ad opera sua præstanda: quibus peractis redditur pacta merces: sic etiam Apostoli vocati à Deo sunt, ad opus prædicationis Evangelii, conditione salutis æternæ; & peracto fideliter opere, salutem etiam obtenturos indicatur hac allegoria: ut Matth. 25. vers. 21. & 23. clarius exprimitur. Merces autem est non merita (ut Pontificii objectant) sed gratuita, quemadmodum cuncta bona opera ab Apostolis aliisque (solo Christo excepto) præstita, multis de causis evincunt; primum quia fuerunt Deo creatori ac redemptori debita, iusteque ab eo mandata, quemadmodum Christus Apostolis ait Luc. 17. v. 10. *sic & vos cum omnia feceritis quæ mandavi vobis, dicite, servi inutiles sumus, quia quod fa-*

*cere debebamus, fecimus.* Ideoque Deo non beneficium indebitum, sed debitum officium præstituros docet. Quo modo relatè, hoc scil. respectu, non autem absolute *inutiles* dicuntur: alioqui ad gloriam Dei utiles, 2. Tim. 2. 21. & ad beneficia gratuita à Deo obtinenda sibi etiam utiles 1. Tim. 4. 8. Tit. 3. 8. extiterunt. Secundò opera bona omnia Apostolorum (multoque magis prædicatio Evangelii, quæ tantum pars eorum extitit) fuerunt imparia mercedi vitæ æternæ, Rom. 8. 18. & 2. Cor. 4. 17. & 18. ideoque non merita illius. Tertiò opera illa fuerunt imperfecta: primùm quia non fecerunt omnia mandata: *in multis enim habimur omnes*, ait Iacobus Apost. cap. 3. 2. & 1. Ioan. 1. 8. ideoque Apostoli etiam iussi sunt precari, *remitte nobis debita nostra*, Matth. 6. 12. h. e. peccata Luc. 11. 4. deinde ea etiam opera bona quæ fecerunt, fuerunt vitata, ob carnis reliquæ, spiritui repugnantis contagionem Gal. 5. 17. ideoque si meritum eorum spectemus per se, ob imperfectionem suam merentur non vitam, sed mortem æternam Rom. 6. 23. & maledictionem, Deut. 27. 26. Gal. 3. 10. Neque bona opera Apostolorum, aut aliorum, bona dicuntur, nisi per accidens imputatæ operantibus fidelibus satisfactionis Christi, ob quam imperfectio eorum à Deo condonatur, ut Hebr. 13. 21. & 1. Pet. 2. 5. declaratur. Ac quamvis ea ratione, opera per se imperfectè bona (ideoque maledictionem merita) per accidens remissionis culpæ defectus à mortis reatu, propter Christi mortem fide apprehensam sint liberata: vitam tamen æternam promereri non possunt; quoniam in se imperfecta nihilominus permanent. Ad vitam autem operum dignitate obtinendam, perfecta requiritur omnium obedientia, Matth. 19. 17. & 22. 37. 38. 39. & Lev. 18. 5. cum Rom. 10. 5. & Iac. 2. 10. Denique bona, eatenus non sunt ex nobis, sed sunt gratuita Dei dona Ioan. 15. 5. & 2. Cor. 3. 5. & 6. Hebr. 13. 21. Eph. 2. 8. 9. 10. quibus propterea homines pii nihil promerentur apud Deum: sed contra Deus, iis gratuito datis, ab hominibus meretur gratitudinem. Quamobrem merces vitæ æternæ quam Christus Apostolis, quasi messoribus spiritualibus promittit, non merita est; sed meritè gratuita; quia stipendium peccati mors, donum vero Dei vita æterna Rom. 6. vers. 23. Neque aliter operibus hominum bonis debita, aut à iusto iudice danda dicitur 2. Tim. 4. v. 8. quàm ratione gratuitæ promissionis Dei, qua debitum officium præstantibus, indebitam vitam promittit; ideoque ex veritatis iustitia (quæ rei promissæ præstationem requirit) debitorem vitæ æternæ gratis dandæ sese constituit Deus ac gratis donat. Ideoque merces, quæ Apostolis (quasi auditores Evangelii prædicatione metentibus atque in Ecclesiæ aream congregantibus) addicitur à Christo, non est merita: sed gratuita, neque operi illi per se debita (quia prædicatio Evangelii non est universalis obedientia) sed per accidens gratuitæ promissionis divinæ: ut pluribus demonstravimus. Atque hæc de prima utilitate prædicationis Evangelii, nempe Apostolorum mercede, hoc est, salute æterna, fidei operariis, à Deo messis Domino promissa & obtinenda. Altera vero utilitas, est effectum prædicationis Evangelii instrumentale in auditoribus, per eam conversis, quàm Christus indicans ait. *Et cogit*, hoc est congregat, *omni fructum in vitam æternam*, Quæ verba nonnulli, idem cum antecedentibus, per expositionem quandam, significare statuerunt quasi iis merces Apostolorum indefinite memorata, definiretur hoc modo: nempe merces non in terris danda, sed in cælo (ut Matth. 5. v. 12) vita æterna. Alii verò diversum esse censent, & utilitatem auditorum fidelium, ex prædicatione Evangelii ad eos redundantem intelligunt. Quæ interpretatio priori non immerito videtur præferenda; quia sententiam Christi reddit plenior: siquidem pro unica prædicationis Evangelii utilitate, duplicem ponit: deinde etiam quia scopo Christi (hoc est, excitationi Apostolorum ad fidem promptamque Evangelii prædicationem) stimulum addit acriorem. Is enim est, quod auditores, jam fide aliqua de Christo venturo imbutos (quasi sementis fructus Matt. 13. v. 8.) prædicatione Evangelii demessos, & in Ecclesiæ aream congregatos, collecturi essent in granarium coeleste, ad vitam eo-

rum æternam. Prædicatio enim Evangelii, ut fidei inchoanda ac confirmanda est instrumentum 1. Cor. 3. v. 5. sic etiam salutis, tanquam effecti ex fide promanantis Marc. 16. v. 16. Eoque argumento Apostolus quoque Paulus ad fidem promptamque Evangelii prædicationem fuit commotus, ut declarat Rom. 1. v. 15. & 16. *Et ita*, inquit, *prompta est mea facultas vobis quoque qui Romæ estis Evangelizare: non enim me pudet Evangelii Christi: potentia enim Dei est ad salutem omni credenti*: Et Timotheum à gemina salute, cum sua, tum auditorum ipsius (ut Christus hoc in loco facit) extimulat, cum ait 1. Tim. 4. v. 16. *Attende tibi ipsi & doctrinæ; per siste in istis; idem si feceris: & te ipsum servabis, & eos, qui te audiunt*. Porro hæc auditorum Evangelicæ prædicationi credentium utilitas, seu vita eorum æterna, declaratur ab effecto illius: quæ utilitas tertia ac tertium argumentum est, quo Christus Apostolos suos, ad fidem promptamque Evangelii prædicationem excitat, nempe à gaudio mellorum & seminantium communi: cum ait, *ut & qui seminat, simul gaudeat, & qui meret*. Per seminantem autem (ut veteres & recentiores Theologi exponunt) Moses & Prophetæ designantur, quod prædicationibus suis de Christo, & viva voce, & deinde scriptis suis, ad perpetuam lectionem Ecclesiæ traditis, ad Christi adventum credendum viam straverint. Quemadmodum Samaritana ex Moysi doctrina, vulgo recepta, scivit, Christum venturum: deinde, cum venerit, omnia ipsis annuntiaturum, ut vers. 25. indicatur, qua de re ut (etiam de tota hac allegoria) memorabilis est Cyrilli Alexandrini ad hunc locum explicatio, cum ait: *Sata intellectualia & spicæ spirituales sunt, qui prophetarum voce culti, ad fidem Christi perveniunt; quæ sices albescent tunc, cum jam maturus & promptus est, ad suscipiendam fidem Christi & veram religionem, animus: messoria verò falsæ; est Apostolorum splendida prædicatio, quæ à legalibus figuris auditores abscindens, ad arcam, id est, ad Ecclesiam Dei transponit: ubi labore virtutis contriti, fulgens in triticum ac divino dignum horreo efficiuntur*. Hæc. Cyrillus. Veruntamen plenior futura est, & ut arbitramur, etiam convenientior expositio, si non solum seminantis, hoc est, seminantium voce, Prophetæ V. T. sed etiam Johannes Baptista & Christus inprimis ac præcipuè intelligatur: qui Christus miraculorum suorum famâ & doctrina, viam ad plenioris messis Apostolis præparavit. Nam ut Christus, concursu populi, doctrina ipsius & miraculis excitati, Matth. 9. v. 35. & 36. observato, discipulis dixit: *messis quidem multa, operarii verò pauci, orate igitur dominum messis: ut emittat operarios suos in messem suam* vers. 37. & 38. sic post resurrectionem eisdem ad metendum emissurus, ait Act. 1. v. 8. *eritis mihi testes Hierosolymis, in tota Judea & Samaria, usque ad fines terræ*: Ideoque commodissimum videtur, ut per seminantes non solum Prophetæ intelligantur, sed etiam Joannes Baptista & præcipuè Christus, qui Apostolis, Evangelii prædicatione Judæos & Samaritanos ad fidem ac salutem conversurus, quasi messoribus eorum futuris, doctrinæ semina antea jecit, & ad maturitatem fecundavit ac promovit. Atque hæc de seminantibus & metentibus: quorum laboris effectum est auditorum fidelium salus. Cujus salutis fructus est gaudium, quod ad laborem, in officio prædicationis Evangelii ab Apostolis præstando, libenter perferendum, incitamentum est. Gaudium enim hoc in loco intelligitur, quod ex hac ad fidem conversione ac salute, post resurrectionem existit: quia Prophetis etiam seminatoribus defunctis, cum Apostolis messoribus communcæ simul fore dicitur, ideoque non in hac vita, sed post hanc. Quale gaudium, præter præsens, futurum ab Apostolo memoratur 1. Thessalo. 2. vers. 19. *Nam quæ est nostra spes aut gaudium aut corona de qua gloriamur: annon & vos in conspectu Domini nostri Jesu Christi in ejus adventu?* Hoc autem gaudium, de salute auditorum, causam habet amorem triplicem, Dei primum, quia ex salute hac regnum illius & gloria augetur; deinde proximi, quia summo illius bono ac gaudio (ex lege communionis sanctorum) quasi proprio gaudendum; denique ex amore sui, gaudebunt; quod labor seminationis & messis non erit frustra impensus, sed finem propositum assecutus. Atque hæc de tertiâ prædi-

prædicationis Apostolorum utilitate, tertio scilicet argumento ac stimulo, ad prædicationis officium, prompto animo faciendum. Quartum ac postremum argumentum, est à facilitate laboris Apostolorum; quam comparatè cum Prophetis, Baptista, & Christo, continuata allegoria seu similitudine ab agricolis deducta, describit, primum propositione, deinde expositione illius. Propositio continetur v. 37. constans proverbio celebri, & accommodatione illius: proverbium est, *alius est qui seminat, & alius qui metit*: quod proverbium non solum apud Judæos, sed etiam Græcos fuit in usu: ut Erasmus in Adagiorum Chiliadibus recitat: *ἄλλοι μὲν σπέρουσιν, ἄλλοι δὲ ἀμείνουνται*, id est, *alii quidem serunt; alii vero metent*. Quo significatur, non quod semper: sed id quod sæpe fieri solet, ut scilicet unus laboret: alius emolumentum laboris illius percipiat. Accommodatio autem hujus proverbi est, cum Christus illud in Apostolis usu venire testatur, dicens: *illud dictum verum est* (hoc est, verum comperitur) *in hoc*, scilicet quod dixi, vos metere, messetque colligere in vitam æternam, ut expositio vers. 38. subjecta declarat; *Ego*, inquit, *missi vos ad id metendum, in quo vos non laborastis*, nempe antea, ut seminantes solent: quorum est diuturnior ac major labor, quem impendunt, dum agrum arant, rastro glebas illius comminuunt, stercoreant, semina jaciunt, unde seges exurgit, ac paulatim ad maturitatem succrescit. Alios verò, labores hosce pertulisse, nempe Prophetas, Joannem Baptistam & Christum: Apostolos verò in labores eorum (hoc est, in segetem ab illis satam, copiam scilicet auditorum ad fidem in Christum, doctrina eorum laboriosa præparatam) intrasse, ut meterebant. Verum hoc in loco difficultas prima fronte non exigua emergit, nimirum quod Christus dicit Apostolis: *ego missi vos ad metendum*; deinde, *vos in labores eorum introistis*. Hoc autem experientiæ adversari videtur, quia missio hæc postea demum facta est, Matth. 10. v. 1. & 5. Responsio autem ad hanc difficultatem solvendam profertur duplex; quarum (ut eas nonnihil illustremus) in eo quidem est consensus, quod utrimque negatur consequentia; quoniam ea quasi repugnantia statuuntur, quæ tamen re ipsa non adversa sunt, sed tantum diversa, quæ diverso tempore acciderunt: sed in temporis illius expositione responsionum illarum est dissensio: quidam enim missionem Apostolorum à Christo ad metendum (de qua hoc loco agitur) de antecedente interpretantur; quod antequam Christus hæc diceret, ea accidisset: atque ita vocem *missi*, propriè accipiunt de tempore præterito: missionem verò quæ Matth. 10. vers. 1. & 5. narratur, postea factam: ideoque nullam esse in hisce duobus repugnantiam. Alii verò censent hic agi à Christo, non de missione Apostolorum jam tum præterita, sed suo tempore futura, ac vocem *missi* idcirco non propriè, sed impropriè per Metonymy. accipi tradunt, ut significet mittere decrevi. Cui interpretationi probandæ ratio adfertur duplex: una ex Matth. 10. vers. 5. ubi dicitur: *vos autem duodecim emisit Jesus*: & tamen non statim miserit. Verum ex hoc loco Matthei, neque etiam aliunde illud probatur; imo contrà tota legationis historia ostendit revera factam missionem, non autem decretam tantum in animo Christi, aut promissione designari: advocatis enim iis dedisse potestatem in Spiritus immundos, aliaque miracula edendi ostenditur vers. 1. & eos emisit ad Judæos tantum: & abire ac proficisci iussit vers. 5. & 6. & officia cum prædicationis Evangelii, tum edendorum miraculorum iis præscripsit v. 7. & 8. ut alia omittam. Idemque ex Marco & Luca, eandem historiam narrantibus, evincitur. Marcus enim cap. 6. v. 7. dicit, Christum vocatis duodecim Apostolis, cepisse eos emittere binos; & explicato Christi mittentis mandato subijcit v. 12. *Et egressi prædicarunt, ut resipiscerent*: Lucas similiter cap. 9. v. 1. & 2. ait: *convocatis duodecim discipulis suis, dedit eis potestatem, & misit eos, ad prædicandum regnum Dei*, & v. 6. missionis executio exponitur, cum ait, *egressi vero obierunt singulos vicos, evangelizantes & sanantes ubique*. Quare cum dicatur, Apostolos missioni Christi, de qua agitur, egressos paruisse, inde sequitur missionem impropriè, de electione & destinatione, ut suo tempore mitterentur,

accipi non posse, ac falsum esse, quod Christus Matth. 10. non statim miserit. Prima igitur hujus expositionis ratio aliena est: & altera similiter infirma, quæ petita est ex Mar. 3. 15. quod ibidem dicitur Christus duodecim Apostolis dedisse potestatem spirituum immundorum; quam tamen non tunc dederit, sed postea cum eos mitteret ad prædicandum cap. 6. 7. Idcirco verò dictum esse, dedisse illam potestatem tunc: quia tunc eos elegit, ut suo tempore eam illis potestatem daret, eaque ratione & Christum Joann. 4. dicere, *ego misi vos*, hoc est, elegi ac destinavi, ut mitterem vos. Verum inquam falsum prorsus est Marc. c. 3. sic locutum: Non enim utitur verbis præteriti, sed futuri temporis significationem habentibus. Nam vers. 14. & 15. ait: *Et constituit duodecim ut secum essent, & ut eos mitteret* *καὶ ἵνα ἔχουσιν ἐξουσίαν, ut prædicarent & haberent potestatem*. Nam quod vulg. interpretes vertit, *& dedit illis potestatem*, verborum Marci perversio est, qui non habet vocem *ἰδωνας*, sed *ἔχουσιν*; ideoque res ipsa evincit; quia ut ex Matth. 10. & Luc. 9. constat, hæc duo, scilicet prædicationis officium, & potestas miraculorum, conjunctim à Christo tradita sunt, non vero temporibus divisa. Quemadmodum etiam ex Marc. 6. 7. in finis (cap. 3. præpositi) executione, nempe promissa missione Apostolorum apparet, ubi dicitur: *& advocatis duodecim, cepit eos mittere, & dedit eis potestatem spirituum immundorum*. Atque hæc ad confutationem duarum rationum, quibus probare studet Maldon. Jesuita, verba Christi hoc loco Joann. 4. vers. 38. *ego misi vos*, intelligi posse impropriè, hoc est elegi ac destinavi, ut vos mitterem. Cæterum ad hanc expositionem alioqui probabilem aptius adferri posset locus 2. Tim. 1. 9. *qui servavit nos, & vocavit vocatione sancta, non ex operibus nostris: sed ex suo proposito & gratia, quæ data est nobis in Christo ante tempora secularia*, hoc est, ab æterno. Vnde perspicue apparet, quod gratia dicatur data hoc loco, non propriè, sed impropriè per metonymy. effecti pro causa; hoc est, decreta ab æterno eo, ut daretur; quia additur: *ante tempora secularia*; æterni enim, gratiæ dandæ per Christum, decreti effectum, est datio gratiæ in tempore per vocationem efficacem atque hæc de secunda objectæ difficultatis responsione verisimili. Cui tertia addi posset, nimirum esse hoc in loco enallagen temporis præteriti pro futuro, *misi vos*, id est, mittam: quemadmodum Prophetæ frequentissimè res futuras præterito tempore, ad rei certitudinem indicandam enuntiant; quo sensu, & Aug. & Theoph. intellexisse videntur, ut ex seminantium & metentium expositione colligi potest, etsi vocem, *misi* non exponant. Veruntamen primam expositionem sine ratione propositam, & à Mald. rejectam, aptissimam arbitramur. Nam si quis accuratè investiget, rationes non defunt graves; prima est, quod servat hæc interpretatio proprietatem vocum, à qua, sine solido argumento, ad tropum recedendum non esse constat: quod hoc in loco desideratur. Nam quod objici posset, Evangelistas alios nullibi hujus primæ missionis Apostolorum facere mentionem: inde tamen minimè sequitur, Ergo ea non accidit: quia certissimum est, non pauca à reliquis Evangelistis omissa, à Ioanne tandem exposita. Neque etiam sequitur, Legatio Apostolorum postmodum à Christo facta narratur Matth. 10. v. 1. & 5. Ergo alia nulla antecessit: quia inquam Apostoli Christo vivente non habuerunt missionem seu legationem perpetuam, sed temporariam: ideoque sæpius pro occasione, & Christi voluntate mitti potuerunt. Nec denique obstat quod dicitur Marc. 6. vers. 7. *Et advocat duodecim illos, cepitque eos mittere binos, deditque eis potestatem adversus Spiritus impuros*. Nam his verbis non indicatur initium omnis missionis absolute: sed relatè hujus missionis particularis, quod ea tum temporis cepit, ut Mar. 6. vers. 2. *cepit in Synagoga docere*, & tamen cap. 1. v. 39. dictum, *prædicabat in Synagogis eorum in tota Galilæa*: & vers. 21. *ingressus Jesus in Synagoga docebat*: quæ temporum & locorum distinctione conciliantur: sic etiam Marci verba, cum Ioannis dicto distinctè conveniunt. Idque altera etiam ratione nostra, ad primam expositionem probandam, amplius confirmabitur. Ea autem suppediatur à Ioanne hoc ipso cap. 4. vers. 2. cum dicitur; *quam-*

quam *Jesus ipse non baptizabat, sed discipuli ejus*. Ergo ad baptizandum à Christo fuerant missi, quia baptismus eorum vocatur v. 1. baptismus Christi, & per consequens, missi etiam fuerant, ad Evangelium annuntiandum: quia baptizare & prædicare sunt duo ministerii Evangelici effecta, individuo mandati nexu conjuncta. Matth. 28. 19. ut cui unum mandatum, alterum similiter imperatum sit. Ac propterea quod Christus hic ait: *mihi vos ad metendum: & vos in labores eorum introistis*, de antecedente missione: quam secuta est alia Matth. 10. v. 1. & 5. ut etiam Marc. 6. v. 7. & Luc. 9. v. 1. & 2. rectè intelligatur. Cæterum eo firmiter posito, illud adjungi posse videtur: per synecdochen quandam, partem ministerii Evangelici positam pro toto, hoc est, ut simul reliquam sequentem missionem connotet, primum quod ante Christi mortem ad solos Judæos, non autem gentes, neque Samaritanos sint missi, Matt. 10. v. 5. & 6. deinde quod post Christi mortem & resurrectionem Matth. 28. 19. ad omnes gentes, hoc est, Aët. 1. v. 8. ad Judæos, Samaritanos reliquosque ad fines terræ, ut plenius hic sit sensus; Ego misi vos & missurus sum: introistis in eorum labores; & introibitis postea. Atque illud hujus loci circumstantiæ indicare videntur, cum dicitur v. 35. *Eccce regiones jam albæ sunt ad messem, & qui metit, mercedem accipit*: Quo etiam Apostolos messorum fore indicat, ut prædictum ac mandatum Aët. 1. v. 8. & completum Aët. 8. v. 14. 15. 17. & 25. qualis synecdoche Ioan. 16. v. 11. extat, cum dicit Christus: *princeps mundi hujus condemnatus est*. Hæc enim condemnatio cœpit Christi prædicatione; qua Diabolum damnans, ex animis multorum, & miraculis è corporibus ejecit: perfecta verò est postea merito mortis ipsius, ut explicatur Ioann. 12. vers. 31. Heb. 2. v. 14. & Col. 2. v. 15. deinde potentia spiritus Col. 1. vers. 13. & Rom. 16. v. 20. in hac vita; & tandem ultimo die 1. Cor. 15. v. 25. & Matth. 25. v. 41. Neque illud ei contrarium est, quod ante diximus, dictum Christi, *ego misi* proprie accipi, hic verò per synecd. partis pro toto; quia synecd. partis proprietatem vocis non tollit: sed ea conservata accessione improprie amplificat significationem. Totum enim omnes suas partes continet, nullam excludit, aliàs totum esse definiret: sed synecdoche totius pro parte, significationem propriam non retinet, neque augeat sed imminuit, quia totum pro una parte tantum acceptum, reliquas non designat. Atque hætenus ad hujus loci difficultatam expediendam disseruimus; quæ occasionem, uti speramus, dabunt ad similia penitus discutienda. Atque hætenus de discipulorum cum Christo colloquio: quod professione Samaritanorum ad Christum intercessit. Ad quam professionem rediens Ioannes. Causam illius declarat, & Eventum. Ac Causa quidem illius ponitur v. 39. fides scilicet in Christum quæ primum proponitur; quod multi Samaritanorum illius urbis Sichar crediderunt in eum, scilicet eum esse promissum Messiam: deinde exponitur ab efficiente instrumentali, cum additur: *per sermonem illius mulieris testantis eum ipsi dixisse, quæcumque ipsa fecerat*. Quo in loco brevitas causa ommissum est primum quod hortata erat, ut secum ad Christum venirent, ipsumque viderent: deinde quod emphatica interrogationis forma concluderat vers. 29. *nuncquid ipse est Christus?* Et quidem non exprimitur; sed facile intelligitur, ipsam addidisse, Iesum de se hoc affirmasse, seipsum esse Messiam. Atque hæc professionis Samaritanorum causa: ut cum mulieris sermone credebant esse Christum, ejusdem hortatione cum ipsa Christum adirent: finis autem fuit, ut ab eo doctrina salutis erudirentur. Eventus verò professionis hujus triplex subjicitur; nempe petitio eorum à Christo; deinde impetratio rei petitæ: denique fructus inde promanans. Petitio eorum describitur hoc modo: *Cum ergo venissent ad eum Samaritani, rogarunt eum, ut apud ipsos maneret*: Quo scilicet præsentia illius & doctrina salutari fruerentur. Impetratio verò rei petitæ est, quod Christus mansit ibi duos dies v. 40. doctrinam scilicet salutis docens, pro vocationis suæ ratione, Esa. 61. v. 1. & Samaritanorum voto; ut fructus consequens demonstrat. Fructus enim præsentia & doctrinæ Christi duplex proponitur; quorum primus, est numeri credentium Samaritanorum

maximum incrementum: quod licet antea multi crediderint v. 39. multo plures tamen crediderunt per sermonem ipsius Christi v. 41. Quo indicatur mulieris illius sermone ad Christum videndum fuisse commotos, non solum multos illos credentes: sed etiam alios non credentes, multo plures fortè curiositatis causa: quod indicatur illis verbis, & *multo plures crediderunt per sermonem ipsius*. Alter fructus, est multorum eorum, qui antea crediderant, confessio fidei, ad Samaritanam mulierem directæ; qua conversionis suæ, ad veram ac salutarem fidem, causam efficientem explicant ἀναίσιον ἔστιν, hoc est, remotione alienæ causæ, & positione veræ, v. 42. Remotio alienæ causæ est, quod mulieri illi dicebant, *ἐνὶν non adhuc seu non amplius*, ut ante, *propter tuos sermones credimus*, nimirum ipsum esse Christum: positio autem veræ causæ, ad probationem remotionis illius pertinens, est quod addunt, *ipsi enim audivimus & scimus hunc scilicet Iesum, esse verè Servatorem illius mundi Christum*; quibus verbis fidem sermonibus mulieris, non derogant; sed veritatem eorum profitentur, eamque amplificat, distinguendo fidem antecedentem, à præsentia. Prior enim fides eorum per mulieris illius sermonem, erat tantum rudis quædam de Messia jam exhibitio opinio: quoniam non nitebatur nisi mulieris testimonio: non autem demonstratione ex Dei verbo ac notitia certa. Contra verò hac rudi ac quasi informi fide ad Christum audiendum præparati, ex auditu doctrinæ Christi plenius omnino instituti, & à Spiritu Sancto interius illuminati ac renati: non opinati sunt, ut antea, sed sciverunt Iesum hunc esse illum verè Christum & Servatorem mundi. Atque hætenus de Christi in Galilæam professione, & intercedente conversione ad fidem, primum Samaritanæ, deinde Samaritanorum urbis Sichar. Quia vero quæ de aqua viva v. 10. & 13. & 14. dicuntur, obiter tantum attingimus, & distinctam illius explicationem, post absolutam analysin propositam distulimus, idcirco succinctè, eam, quæ superest, questionem discutimus.

*Quidnam per aquam vivam, v. 10. 13. & 14. à Christo memoratam, significetur?*

Qua de re præcipuè Theologorum sententiæ sunt duæ: prima quidem, ut de doctrina Evangelii: altera ut de Spiritus Sancti gratia intelligatur. utrumque enim aquæ vivæ appellatio, ejusque attributa, quæ hic recensentur convenire possunt. Idque de priori etiam (licet alteram sequatur) agnoscit doctissimus Calvinus cum ait: *sunt qui de Evangelii doctrina exponant: cui ego hanc appellationem congruere fateor*. Hæc ille. utrumque enim egregiam habet cum aqua viva naturali similitudinem; quod ut darius ac distinctius patefiat, prius explicandum est, quidnam aqua viva naturalis sit: ac quænam illius utilitas insita, atque effectum inde procedens. Ad primum quod attinet, quid aqua sit naturalis, nemini dubium; *viva* autem ea dicitur, distinctionis causa; ut discernatur ab aqua quietâ, ac quasi mortuâ: & è fonte fluentem designat. Quo sensu viva dicitur, non propria significatione, quasi revera viveret, quia aqua substantia est inanimis, ideoque vita (quæ actus animæ est in corpore animato) destituitur: sed improprie per similitudinem quandam à corpore animato seu vivente derivatam. Quemadmodum enim corpus animâ carens non movetur, sed contrâ vivum, animæ vi movetur: sic aqua è fonte profluens non quiescit: sed movetur. Deinde utilitas insita illius est, ut sit remedium idoneum vitæ, adversus sitim conservandæ. Sitis enim est corporis, ex interno siccitatis, atque caloris cruciatu orta, humidi ac frigidi potus cupiditas; quæ nisi restinguatur, mortem certò parit. Cujus mali medela est imprimis aqua viva: ut quæ insito suo humore, ad siccitatem, & frigore suo, ad calorem sitientis tollendum, atque ita in vita conservandum accommodata est. Effectum autem illius est, ut sitim re ipsa tollat. Quam ad rem duo requiruntur: primum ut aqua illa sitienti offeratur, ut bibi possit: deinde ut præsens atque oblata ad bibendum, à sitiente quantum sufficit imbibatur: absens enim, aut sitienti prohibita, aut præsens oblata, & à sitiente spreta, vel non rectè pota: non prodest. Atque hæc de aquæ



aquæ naturalis insita potentia atque utilitate, deinde effecto, modoque illius necessario: unde illustri similitudine, & doctrina Evangelii, & Spiritus sancti gratia, aqua viva Spiritualis, ea appellatione intelligi potest, quemadmodum utriusque distincta comparatio declarabit. Primum enim si doctrinam Evangelii consideremus, ea aquæ vivæ similis est; primum ratione originis: quod ut illa à fonte corporali promanat: sic & Evangelium à Deo aquæ vivæ fonte spirituali, procedit, unde *Evangelium Dei* Rom. 1. v. 1. appellatur. Deinde similis est ratione insitæ utilitatis. Nam quemadmodum aqua viva naturalis, insitâ sua potentia utilis est ad corporis sitim tollendam; sic etiam Evangelii doctrina utilis est ad sitim animæ spirituales aufferendam, & ad vitam spirituales conferendam. Sitis enim animæ, est avidum salutiferæ justitiæ & vitæ æternæ desiderium, ex conscientia, propter justitiæ illius vacuitatem & condemnationis reatum, cruciante promans. Cui desiderio tollendo Evangelium Dei, veram justificationem ac salutem per Christum proponit, & utriusque ad consolationem conferendæ instrumentum est: ideoque *verbum gratiæ Dei* Act. 20. 24. & *gratiæ Christi* Act. 14. 3. & *verbum reconciliationis* 2. Cor. 5. v. 19. *verbum vitæ* Philip. 2. v. 16. & *verbum salutis* Act. 13. 26. denique *potentia Dei ad salutem* Rom. 1. v. 16. multiplici ac nervosa periphrasi nominatur. Denique doctrinæ Evangelii cum aqua viva naturali comparatæ similitudo, est in effecto atque in efficiendi modo. Nam quemadmodum aqua viva naturalis, sitim tollit quidem: sed non in omnibus, verum in iis, quibus & ea præsens offertur & à sitiente rectè ac sufficienter bibitur: sic etiam spiritualis doctrinæ Evangelii aqua viva, eorum tantum sitim spirituales, justitiæ Christi & salutis promissione ac collatione tollit, consolatur ac servat, qui eam non mortuâ fide, quæ inutilis est Jac. 2. vers. 14. sed viva, amplectuntur atque imbibunt Marc. 16. v. 16. Gal. 5. v. 6. Ex eo enim justificationis & salutis fiducia, hoc est, spes firma ac spirituale gaudium promanat, Rom. 5. vers. 1. 2. Ephes. 3. v. 12. Porro quemadmodum doctrina Evangelii, aquæ vivæ naturali similis 1. ratione insitæ cum facultatis, tum utilitatis: deinde ratione effecti ac modi illius, uti demonstravimus: sic simul, peculiari præstantia, (quam Christus aquæ spirituali vivæ tribuit) ab eadem discernitur, eique præcellit. Primum enim aqua viva naturalis, quam quis semel imbiberit, corporis quidem sitim, sed ad breve tantum tempus tollit, non autem perpetuò; deinde ipsa etiam aqua naturalis in eo qui bibit, non permanet, sed corrumpitur ac perit. Contra verò Evangelii doctrina, quam quis viva fide semel imbiberit, efficit, ut non sitiat in æternum, priori scilicet siti spirituali: quia non amplius, ut antea, à vacuitate justitiæ salutiferæ & condemnationis reatu cruciatus, eorum liberationem desiderat, etsi gratiæ progressum sitire in hac vita nunquam definat. Deinde Evangelii doctrina in eo, vivâ fide semel percepta, non perit neque corrumpitur: sed in ipso fit fons aquæ, salientis in vitam æternam: hoc est, in eo, qui vivâ fide Evangelium percipit, illud fit in eo instar fontis qui non exarescit, sed in eo ad salutarem consolationem & ad vitam æternam perdurat: fructumque in eo profert, 1. Thes. 2. 13. Quæ duo, nempe effecti salutaris ac perdurantis attributa, & quæ prolata à nobis expositione sunt proposita, aliis etiam similitudinibus à Christo & Apostolis egregiè illustrantur ac confirmantur, adversus loci hujus perversiorem. A Christo quidem, Luc. 8. 15. cum metaphora seminis tritici, in bonam terram insiti, radicati & fructum perferentis, Evangelium designat, quod corde honesto ac bono, quasi bona terra, hoc est, fidei excipitur, & in eo permanens fructum profert *ἐν ὑμῖν*, hoc est, cum perseverantia, ut ea vox accipitur Matth. 10. 22. Deinde idem Apostolorum sententiis illustribus declaratur, similitudine seminis humani ad Evangelii potentiam ac perseverantiam in verè fidelibus designandam: Ac primum Ioan. 1. epist. cap. 3. 9. ait; *omnis qui natus est ex Deo, non facit peccatum* (nempe dominans. Rom. 6. 6. & 14. seu ad mortem per synecd. generis pro specie, alioqui enim etiam renati peccatum, generatum pro transgressione legis. 1. Ioh. 3. 4.

sumtum, habent omnes 1. Ioan. 1. 8.) *sed semen ejus* (nempe quo renatus est, Evangelium scilicet) *manet in eo, & non potest peccare, quia ex Deo natus est.* Deinde Petrus 1. Pet. 1. 23. de fidelibus ait, eos esse *renatos ex semine, non corruptibili, sed incorruptibili, per sermonem Dei viventis & manentis in æternum*, hoc est. ut vers. 25. exponitur, per Evangelium prædicatum. Vnde perspicue apparet doctrinam Evangelii, viva fide receptam à fidei anima, non excuti nec perire, sed retineri, in eoque exuberare ac permanere, & ad salutem usque credentis, efficacem esse. Ex qua comparatione aquæ vivæ naturalis, & doctrinæ Evangelii satis perspicui posse existimamus; quæcumque hoc loco à Christo de aqua viva spirituali, à se donanda dicuntur, ei satis aptè convenire, ac primam hanc expositionem esse valde verisimilem. Altera vero est, ut per aquam illam, gratia (hoc est donum Sp. S. non quævis: sed salutaris, & eorum qui justificantur propria intelligatur. Veruntamen in hujus gratiæ seu doni definitione, sive distincta illius explicatione, sententiæ inter se discrepant. Primum enim quidam gratiam regenerationis esse statuunt: sed ei obistere videtur, quod ea non bibatur, sed à Spiritu Sancto infundatur; dum virtutem suam divinam, prædicationi Evangelii conjungendo, fidei, charitatis & spei firmæ seu fiduciæ habitus seu virtutes infundit, atque ita simul habiles reddit ac permovet ad Evangelium prædicatum, vivâ fidei actione, confestim amplectendum. Ac propterea cum regeneratio fidem actualem hanc vivam antecedit, tanquam causa suum effectum, idcirco hac fide regeneratio bibi, hoc est, percipi non potest. *Bibere* autem esse credere, communis est sententia, & similibus locis scripturæ comprobata, ut Ioan. 6. 35. *qui credit in me, non sitiet unquam* & c. 7. 37. dicitur: *si quis sitit, veniat ad me, & bibat*; idque exponitur proximis verbis v. 38. *qui credit in me, flumina aquæ vivæ e ventre ejus fluent.* Verum pro hac sententia responderi posset, vocem *bibere* eo quidem sensu, locis modo adductis pro credere accipi: sed hoc in loco accipi posse per metaph. latiore, pro infusione Spiritus Sancti percipere; quomodo Esa. 44. v. 3. promittitur à Deo cum ait; *effundam aquas super sitientem & fluent a super aridam, effundam Spiritum meum super semen tuum.* Atque hoc spectasse videtur doctiss. Calvinus cum ait; *Nomen aquæ ad Spiritum transfusum; trita enim in Scripturis metaphora, & optimam rationem habet, sumus enim instar aridæ sterili quæ terra, nullus in nobis succus, nullus vigor, donec Spiritu suo nos Dominus irriget.* Alii verò gratiam consolationis Spiritus sancti (qua testimonium nobis perhibet de remissione peccatorum & pace cum Deo per Christum, atque de adoptione nostri gratuita in filios & hæredes Dei Rom. 8. v. 15. 16. eoque modo conscientię cruciatum tollit animamque spirituali gaudio afficit) intelligunt. Veruntamen hæc consolatio strictius explicata, non videtur hoc Christi dicto satis commode intelligi: quia aqua, quam promittit se daturum, res est, quæ fidem vivam, tanquam objectum illius percipiendum antecedit: utpote quæ datur, sive offertur, ut fide imbibatur, intimisque animi recessibus recondatur, ad sitim spirituales extinguendam. Illud autem Spiritus Sancti, de justificatione & adoptione obtenta testimonium, quo fideles consolatur, fidem vivam non præcedit; sed eandem consequitur. Ac propterea, ut hæc sententia melius constare posset, oporteret *et bibere* hoc loco non de prima fidei actione: sed de consequente accipi: seu de actione fidelium, quâ postquam illam Spir. S. de justificatione & salute ipsis acquisita consolationem perceperunt, ei fidem adhibent, atque fiduciam concipiunt. Verum cum Christus hic videatur de primo aquæ potu ac fide illius loqui, qua ista sitis spiritualis simul ac semel tollitur, idque fide prima fieri, jam ante sit probatum; aptius est, ut de dono, Spiritus consolatoris primo, accipiamus; nimirum Evangelii doctrina, ut initio explicuimus. Illa enim, non est doctrina naturâ nota: aut humana inquisitione percepta: sed à Spiritu sancto (tanquam aquæ vivæ fonte) promanans: è quo etiam aqua viva in animam Christi profluxerat, ut auditoribus eam sitientibus ad bibendum, & ad animæ requiem ac salutem daret ac communicaret: quemadmodum res illa declaratur

Esa. 61. vers. 1. qui locus refertur & ad Christum accom-  
modatur Luc. cap. 4. vers. 18. his verbis: *Spiritus Domini  
super me, propterea quod unxit me, ut Euangelizem pauperi-  
bus misit me, ut sanem contritos corde, ut prædicem captivis di-  
missionem, & cæcis visus receptionem, & confractos emittam  
in libertatem, ut prædicem annum Domini acceptum.* Quo in  
loco, sitientes Spiritus Sancti gratiam, vocantur pauperes,  
contriti corde, captivi, cæci, confracti: fons aquæ vivæ,  
Spiritus Sanctus: aqua viva, Euangelium: sitis denique  
ablatio, sanatione, prædicatione dimissionis à captivita-  
te, visus restitutione ac libertate declaratur. Eaque Spi-  
ritus Sanct. aqua viva, nempe doctrina Euangelii, illius af-  
flatu ac prædicationis ministerio data (ut supra ostendi-  
mus) bibitur, cum viva fide (quam Spiritus Sanctus  
etiam efficit, unde *Spiritus fidei* vocatur 1. Cor. 4. v. 13.)  
ea recipitur: cujus consequens effectum, est sitis spiritualis  
(seu desiderii liberationis à statu iniustitiæ ac maledictio-  
nis) abolitio: ut nunquam in eum statum incidant, ac pro-  
pterea ab illo semel liberati, liberationem eam non amplius  
desiderent. Nam hæc Sp. S. aqua viva, fide percepta, fit  
in verè fidelibus fons scaturiens in vitam æternam: utpote  
qui fiduciam pacis cum Deo, & salutis obtinendæ, adjuvan-  
te Spiritu S. magis magisque pariat, ac conscientiam paca-  
tam foveat. ut Rom. cap. 5. v. 1. & 2. docetur, deinde v. 5.  
ait Apostolus: *porro spes non pudefacit, quod charitas Dei  
effusa sit in cordibus nostris per Spiritum Sanct. qui datus est  
nobis: & c. 8. 15. & 16. Accepistis spiritum adoptionis  
per quem clamamus Abba pater: quippe Spiritus testatur undè  
cum spiritu nostro nos esse filios Dei, & 2. Cor. cap. 1. v. 22.  
de Deo dicitur: qui etiam obsignavit nos, deditque arrhabo-  
nem Spiritus in cordibus nostris; ut etiam cap. 5. 5. & Eph.  
cap. 4. vers. 30. ait Apostolus; ne tristitia afficiat Spiritum  
Sanctum Dei per quem obsignati estis in diem redemptionis:*  
Unde satis apparet, quomodo doctrina Euangelii, ut a-  
qua spiritualis, fiat in iis, qui eam viva fide perceperint,  
quasi fons saliens in vitam æternam: quoniam instrumen-  
tum est, quod à Spir. S. ortum, ab eodem conservatur in  
verè fidelibus atque efficax redditur, accidente ipsius  
gratia: qua carnem, Satanam, mundumque refrænât, ne  
supra vires tentati fideles, ab Euangelii doctrina deficiant:  
deinde sanctis cogitationibus inditis, memoriam doctrinæ  
Euangelii subinde renovat, fidemque in eam confir-  
mat ac fiduciam inspirat, donec ad salutem promissam tan-  
dem deducat. Quippe cum in verè fidelibus ad diem us-  
que redemptionis, pignoris instar divini perduret (ut an-  
te ex Apostolo ostendimus) bonum opus quod in iis cæ-  
pit, perficit ad diem Christi. Hoc enim non solum à Deo,  
pro fidelibus precatur Apostolus Philipp. 1. vers. 6. &  
2. Thes. 1. vers. 11. sed etiam Deum præstiturum testatur,  
quia fidus est, nimirum quòd id promissit, ac certò secun-  
dum promissionem fideliter sit executurus 1. Thes. 5.  
vers. 23. & 24. Atque hæc ad propositam hanc quæstio-  
nem, quidnam aqua viva Ioan. 4. designet, nonnihil illu-  
strandam diximus: unde perseverantia sanctorum nervoso  
argumento ab orthodoxis stabilitur. Nam quod obijcitur,  
verba illa: *qui biberit ex hac aqua quam ego dabo, non sitiet in  
æternum*, hoc est, nunquam; non absolutè, sed hac condi-  
tione dici, nisi qui biberit eam, rursus evomat, idque inter-  
dum evenire; illud, inquam, meritò negamus, quia à Chri-  
sto, verbis proximè sequentibus refellitur. Nec enim ait  
tantum; *quisquis autem biberit ex aqua, quam ego dabo ei, non  
sitiet in æternum*: sed etiam causam reddit, cur sitire non  
possit, cum ait: *sed aqua quam ego dabo, fiet in eo fons aque  
salientis in vitam æternam*, quo perspicuè docet, eam aquam  
nunquam evomi. quia fit in eo fons (ideoque pro fontis na-  
tura res permanens est,) & quidem qui non obstruitur,  
quia salit in vitam æternam. Quo satis declaratur, Euange-  
lii doctrinam viva fide susceptam nunquam evomi: sed  
gratiâ Spirit. S. in fidei augeri ac permanere. Quemadmo-  
dum etiam disertis Scripturæ locis, omnino consentaneis,  
antea à nobis demonstratum, inprimis 1. Ioh. 3. vers. 9.  
ubi expresse dicitur: *qui natus est ex Deo non peccat, quia se-  
men ejus* (hoc est, doctrina Euangelii, sicut definitur 1.  
Pet. 1. vers. 23.) *in eo manet; imo peccare etiam non potest,*

*quia ex Deo natus est.* Quod autem Bellar. de justificatione  
lib. 3. cap. 25. excipit: *fons ille siccare & obstrui potest, dum  
sumus in hoc loco tentationis*; illud verbis sequent. Christi,  
quibus hic fons describitur, manifestè repugnat: quia voca-  
tur fons aquæ salientis in vitam æternam, ideoque non  
obstruitur, & 1. Cor. cap. 10. docetur, Deum non ferre,  
ut tentemur supra vires; sed cum tentatione eventum  
felicem dare. Deinde frustra etiam Bellar. sententiam  
1. Ioh. cap. 3. de certa renatorum ac viva fide præditorum  
perseverantia conatur eludere. Observandum autem est  
primùm, quod vim illius argumenti sentiens fatetur diser-  
tè, hunc locum omnium esse difficillimum, ideoque varias  
aliorum explicationes à se prolatas, minus probans, tandem  
agnoscit Ioannem loqui de peccatis lethalibus, atque ita  
difficultatem tollere conatur cum ait: *Igitur sententia A-  
postoli hæc est: qui natus est ex Deo, non peccat, nec peccare po-  
test lethaliter, dum perseverat filius Dei; quoniam semen  
illius, id est charitas &c. in ipso manet: item, quoniam si  
maneat, efficit ut homo non peccet nec possit peccare, tamen po-  
test non manere, si quis (ut diximus) eam abiciat, & cupi-  
ditati sponte succumbat.* Verum manifesta apparet inter Bel-  
larmini & Ioannis verba contradictio: quia ex Ioannis cla-  
ra assertione, duæ quas proponit exceptiones, ad hujus ar-  
gumentum vim declinandam, falsi arguuntur. Prima enim  
exceptio est hæc, qui natus est ex Deo non peccat, scilicet  
lethaliter, dum perseverat filius Dei: quasi non omnes na-  
ti ex Deo permanerent filii Dei. Quæ exceptio ex Ioanne  
hoc modo diluitur, ea quam addit ratione: *quia semen e-  
jus manet in eo.* Unde hæc oritur demonstratio: omnis  
ille in quo semen regenerationis ipsius manet, manet et-  
iam filius Dei; Atque omnis ille qui natus est ex Deo,  
est is in quo semen regenerationis ipsius manet. Ergo omnis  
qui natus est ex Deo, manet filius Dei. Propositio per se  
clara & à Bellar. confessâ, quia de semine illo ait; *si ma-  
neat, efficit ut homo non peccet, nec peccare possit*: Ideoque  
inquam nec filius Dei esse desinit. Assumptio est Apostoli  
Ioannis. Deinde secunda exceptio magis adhuc perspicuè  
Apostolo repugnat, quia Iesuita ait: *si maneat semen, effi-  
cit ut homo non peccet nec possit peccare: tamen potest non mane-  
re, si quis illud abiciat.* At inquam Ioannes disertè testa-  
tur: semen hominis nati ex Deo, in ipso manere: Ergo non  
peccat nec peccare potest; non rejicit illud semen: ma-  
nere enim & rejici, hoc est non manere, sunt contradicto-  
ria. Præterea qui peccare non potest lethaliter, in illo se-  
men regenerationis manet, quia solum ita peccando excuti  
potest, ut Bell. agnoscit; sed qui natus est ex Deo, peccare  
non potest, teste Ioanne. Ergo in nato ex Deo, semen ipsius  
manet, non autem excutitur: Ideoque falsum est quod  
excipitur, interdum non manere, sed abjici. Denique si  
natus ex Deo peccare ad mortem non potest; quia na-  
tus est ex Deo: Ergo nullus natus ex Deo, potest desi-  
nere esse natus ex Deo. Nativitas enim ex Deo, causa hoc  
modo statuitur à Ioanne perseverantiæ illius: quia scilicet  
hæc est voluntas Dei, ut quemadmodum, nisi quis renatus  
fuerit ex Spiritu Sancto non possit ingredi in regnum cæ-  
lorum, Ioan. 3. v. 5. sic etiam voluntas est Dei, ut omnis  
qui ita renatus est, per gratiam ipsius (regenerationis do-  
num adversus carnis, mundi ac Satanæ tentationes conser-  
vantem ac foventem,) perseveret vitamque æternam obti-  
neat, ut 1. Pet. 1. 3. 4. 5. dicitur; *Benedictus Deus & Pater  
Domini nostri Jesu Christi, qui ex multa sua misericordia re-  
genuit nos, in spem vivam, per resurrectionem Jesu Christi ex  
mortuis, in hereditatem, quæ nec perire potest, nec contamina-  
ri, nec marcescere, nobis in cælis servatam; qui virtute Dei  
custodimur per fidem ad salutem, quæ parata est patefieri tempore  
ultimo.* Idemque sententia Ioannis parallela 1. Ioan. 5. 18.  
expressius demonstrat, cum ait; *scimus quod quisque natus est  
ex Deo, conservat seipsum: & malus ille non tangit eum*: scili-  
cet lethaliter, ut peccet ad mortem: unde sequitur cum na-  
ti ex Deo se conservent à peccato ad mortem. (Dei scilicet  
virtute confirmati 1. Pet. 1. 5.) Ergo falsum est quod ab-  
jiciant regenerationis semen, ut fingit Bellarminus. Sic et-  
iam idem demonstrat insignis Christi promissio Ioan. 10.  
de ovibus suis, scilicet renatis ac viva fide præditis vers. 18.

Ego, inquit, vitam æternam do eis, nec peribunt in æternum, neque rapiet eas quisquam à manu mea. unde sequitur: si Christus dat vitam æternam, Ergo ea perpetuò durat, aliàs æterna non esset: deinde si non pereunt in æternum, hoc est, nunquam, Ergo non peccant ad mortem, neque filii Dei esse desinunt. denique si manu Christi & Patris omnipotentis continentur, neque quisquam inde eas rapiet: Ergo nec regeneratione neque adoptione in filios Dei excidunt. Nam quod excipitur, nemo adversarius rapiet è Christi manu: sed aberrare volentes ac perire, Christumque ultro deferentes, invitas non retinebit: multiplex est in hac exceptione vitium. Nam primum falsa nititur hypothese duplici: quarum prima est, quod adversarios ovium Christi, duos tantum statuunt, eosque externos, mundum & Diabolum; tertium vero, qui internus atque insensibilissimus est, omittunt, nempe carnem, quæ repugnat spiritui Gal. cap. 5. vers. 17. quæ ut internum defectionis principium à Christo nos abducere fatagit, & omnium actualium peccatorum origo est. Idcirco si nemo adversariorum fideles è Christi manu eripiet; Ergo nec foris mundus, nec Diabolus: neque intus caro nostra, ideoque oves Christi à defectione, ab illo omnino conservantur. Nam defectio, & à Christo in exitium aberratio, ex nullis aliis causis, quam ex hisce adversariis procedere potest. Altera deinde falsa hypothesis, est de Christi officio & fidei executione illius: si ve amore ac cura salutis ovium; quasi Christus hoc officium negligendo, oves perire volentes permetteret; officium enim illius est, ut oves suas à Patre sibi commissas, tanquam pastor bonus non solum tueatur adversus lupos: sed etiam ut ultrò aberrantes quærat, & in rectam viam, ne pereant, pro viribus reducat. Quemadmodum ipsemet demonstrat, primum Luc. cap. 15. vers. 4. & 5. pastorum fidelium more, cum ait; *quis ex vobis, si habeat centum oves & perdidit unam ex illis, non relinquit illas nonaginta novem in deserto & pergit ad eam quæ periit, usque dum eam inveniat & inventam imponit in humeros suos gaudens.* Deinde Ioan. cap. 6. vers. 39. *hæc est autem voluntas ejus qui misit me Patris, ut quicquid mihi dederit non perdam ex eo, sed suscitem illud in ultimo illo die.* Quod etiam officium secundum Patris voluntatem, fidei amore ac cura exequitur, quia proficitur verè, se pastorem esse bonum, qui animam suam ponit pro ovibus suis, Ioan. cap. 10. vers. 11. 14. & 15. quod etiam prædictum est per Ezech. cap. 34. vers. 16. ubi Dei nomine, per Christum pastorem, oves suas pascente dicitur: *percutentem requiram, & depulsam reducam* & vers. 23. per quem id facturus sit exponens, ait; *Excitabo in pastorem unum, qui pascet eas, servum meum Davidem* (sic autem Christum, ex Davidis femine promissum, & per eum adumbratum, metonymicè intelligit) *ipse pascet eas: & ipse iis erit pastor.* Denique cum Christus ante hæc verba: *& nemo rapiet eas è manu mea*, expresse, ut ante ostendimus, præmiserit, se ovibus suis dare vitam æternam; deinde neque in æternum perituras, nullo modo è suis manibus ad exitium elapsuras solidè demonstravit, & omnem exceptionem, quæ adferri poterat, exclusit. Ideoque certo hinc constat oves Christi (hoc est, renatos ac viva fide præditos) non ultrò à Christo aberraturas, ut omnino eum deferant aut pereant. Quamvis enim ad tempus, ac certis vitiosis actionibus aberrant (ut Davidis & Petri exempla ostendunt) nunquam tamen è manu, seu potentia Christi conservante exiliunt; sed eas ita freno suæ providentiæ curat ac retinet, ne penitus excidant ac pereant, quia tempestivè suo verbo & Spiritus potentiâ interna externaque excitat, ac perducit ad resipiscentiam salutarem: ut Davidis & Petri conversio, & è sopore peccati excitatio indicat. Unde 1. Cor. cap. 10. vers. 13. dicitur: *fidelis autem est Deus, qui non sinet vos tentari supra id quod potestis, sed præstabit viam cum tentatione etiam evasione, ut possitis sufferre.* Quare ex hisce satis superque apparet, ex sententia Christi, de aqua viva (quæ in æternum, sitim bibentis, hoc est, fide viva eam haurientis, tollit; & in eo fit fons vitæ æternæ) solidum peti argumentum geminum, ad sancto-

rum perseverantiam demonstrandam, & exceptiones adversariorum ex eo loco, & ex parallelis sive consentaneis modo citatis, ac confirmatis, omnino confutari. Unde utilitas hujus sententiæ, ad consolationem fidelium perspicue elucet.

Atque hæcenus de quæstione proposita, quidnam scilicet sit aqua viva, ad illustris Christi sententiæ declarationem diximus.

## SECUNDA QUÆSTIO

ex vers. 10. An ex illis verbis probari possit, quod libera voluntate humana vires cum Dei gratia, in prima hominis conversione, cooperentur?

Qua de re Pontificiorum & inter alios eorum Maldonati, & Orthodoxorum contrariæ sunt sententiæ. Illi enim id affirmant: hi vero meritò negant: quod nulla recta consequentia ex illis Christi verbis demonstrari possit. Verba enim hæc sunt: *si scires donum illud Dei: & quis sit qui dicit tibi, da mihi potum, tu petisses ab eo, & dedisset tibi aquam vivam.* In quibus de antecedente enuntiationis conditionalis, scilicet *si scires donum Dei, & quis sit qui dicit tibi, da mihi potum*, controversia non est. Nam ut Iesuita ille etiam agnoscit, donum Dei Christum notat: & sequentibus exponitur, cum dicitur: *& quis sit qui dicit tibi, da mihi potum*: Cumque dicitur; *si scires*, sensum esse; si scires me (qui à Deo datus loquor tibi) non solum Iudæum, sed etiam verum Messiam, regem ac Deum Iudæorum. De consequente vero disceptatur, quia dicitur *ut autem scires autem*, quod vulgatus interpres vertit: *tu forsitan petisses ab eo & dedisset tibi aquam vivam.* Unde sic objicit: *quod dicitur forsitan, Græce est, ut autem scires tu petere ab eo potuisses, &c. significatur autem facultas liberi arbitrii, qua poterat mulier aquam petere, vel non petere, si vellet.* Hæc adversarius. Sed primum negatur antecedens. Nam licet conjunctio *ut*, interdum sit potentialis particula. Sæpe tamen non est potentiæ, sed actus ipsius indicium, ut 1. Iohan. 2. 19. *E nobis egressi sunt, sed non erant ex nobis.* Nam si fuissent ex nobis, mansissent utique nobiscum, ut rectè vulgata, & Pontificiis approbata atque authentica versio ostendit: & sic noster etiam interpres rectè reddit, quemadmodum sententia ipsa hoc flagitat; quia si quis verteret, potuisset nobiscum manere, sententiam perverteret, quia eam redderet ineptam. Nam initio dicitur, rationis loco adversus scandalum defectionis: *egressi sunt ex nobis: sed non erant ex nobis*: quo indicat si ex nobis fuissent, non egressuros. Ideoque confirmatur expresse. cum dicitur: *nam si fuissent ex nobis, mansissent utique nobiscum*; quia non de potentia, sed de actu quæstios; deinde subjicit Apostolus: *sed ut manifesti sint, quod non omnes sunt ex nobis*; Ideoque qui ex nobis sunt, non exire è nobis indicantur, sed perseverare. Deinde alia multa, & in sacris, & in profanis authoribus loca reperiuntur, unde constat, conjunctionem *ut*, sæpius actum notare, ut hoc etiam in loco: non autem potentiam, multo minus liberam potentiam. Sic hoc in loco *ut autem scires, tu petisses*: Idque etiam sequens phrasis ostendit: & res ipsa evincit, cum additur, *ut autem scires & dedisset tibi aquam vivam*, ut vulgata versio (quam ex decreto Concilii Tridentini probare congrunt Pontificii) interpretatur. Unde evincitur vocem *ut*, non semper potentiam: sed actum etiam significare posse. Ac propterea si falsum est, Christum omni qui potest petere aut non petere aquam vivam, ipsum eandem esse daturum: falsum etiam est, hanc hujus loci esse sententiam, potuisses petere aut non petere ab eo aquam vivam, & dedisset tibi. Atqui prius falsum esse, adversarii etiam agnoscunt: qui solis petentibus aquam dari, non omnibus potentiâ petendi præditis: quam omnibus Evangelium audientibus adesse statuunt: quorum multi tamen non petunt, eoque nec impetrant aquam vivam. Si autem etiam verba illa *ut autem scires*, quis interpretetur potentialiter, inepta & inutilis omnino erit sententia: neque etiam pro liberi arbitrii

arbitrii viribus, in conversione hominis cum gratia Dei, ut volunt, concurrentibus, quicquam feret adjumenti; sensus enim esset, potuisses liberè petere aut non petere ab eo, & potuisset tibi liberè dare aut non dare aquam vivam. Quamobrem ex hisce apparet, quàm meritò antecedens negemus: quo statuunt conjunctionem *et* hoc loco potentiam notare liberam, hoc est, potuisses petere, non autem actum significari, fidel. petiisses. Deinde consequentia etiam non est firma: quia etiamsi sensus esset, potuisses petere: inde non sequeretur, agi de potentia logica indefinita, ac libera in utramque partem: quia accipi posset ac deberet potius de potentia supernaturali, ac definita ad agendum hoc est, vim habuisses, qua revera petiisses, quia si Samaritana cognovisset certo, sive scivisset quis esset Jesus, nempe Immanuel seu Deum patefactum in carne, ac Christum promissum, (quæ notitia fit solâ Dei per Spiritum S. revelatione Matth. 16. v. 17. & 1. Cor. 12. v. 3.) illa etiam quia electa erat à Deo ad fidem in Christum, ut eventus demonstrat, ejusdem Sprit. Sanct. operatione excitata, vim petendi accepisset, ac revera petiisset. Denique etiamsi potuisset viribus liberi arbitrii naturalibus petere vel non petere aquam vivam, inde tamen nondum sequeretur, conversionem ad fidem vivam esse, partim ex Dei gratia, partim ex libera voluntatis potentia; quia ut antea multis demonstravimus, aqua viva non significat hoc loco spiritus regenerantis gratiam, neque ipsam fidem actualem, sed doctrinam Evangelii, Dei gratiâ per Spiritum Sanctum revelatam, quæ conversionem antecedit: & ad quam dandam (hoc est prædicatione ad credendum offerendam) quibusvis Christus erat missus, non solum petentibus, sed etiam non petentibus Johann. 3. vers. 19. & 5. vers. 40. Rom. 10. vers. 20. Ergo multis modis vitiosum est Pontificiorum, ac similium gratiæ salutaris adversariorum, ex hoc loco, adversus conversionem ad fidem merè gratuitam, argumentum. Restat jam, ad reliquam hujus capituli illustrationem,

*Analysis succincta narrationis, sanati miraculo Christi, febris lethalis, Iohan. 4. vers. 46. ad finem usque.*

Quemadmodum Evangelistæ, in vitæ Christi narratione, duo hæc capita complectuntur nim. quæ Christus cepit facere, & docere Act. 1. v. 1. sic etiam hoc cap. 4. Ioannes in expositione reditus Christi in Galilæam, hæc duo etiam complectitur; primum doctrinam illius salutarem, qua rediens in ipso itinere convertit ad fidem Samaritanam, & Samaritanos urbis Sichar: deinde factum illius, nempe sanationis lethalis febris miraculum. Id quod à v. 46. ad finem usque capituli recensetur; cuius recensitionis partes sunt tres; antecedentia miraculi: deinde miraculum ipsum: denique consequentia illius. Antecedentia autem miraculi, sunt duo; occasio illius, & causa illud impetrans. Occasio, est adventus duplex: primus quidem Christi, in Canam rursus. Quod oppidum, quia nomen habet commune duabus urbibus, uni, quæ vicina Sidoni Jos. 19. & alteri, quæ Nazarethæ propinqua, idcirco ad intelligentiam rei distinguitur, partim subjecta regione in qua sita erat, partim adjuncto Christi miraculo, ibidem antea edito. Subjecta regio, est Galilæa; dicta hoc loco *ἡ ἐξ ἧν inferior* scilicet, in qua Cana hæc erat sita, & vicina ei Nazarethæ, & itinere diei circiter distans Capernaum; in eaque etiam erant Bethsaida & Chorazin; non autem superior Galilæa quæ Tyro & Sidoni vicina, unde altera Cana Sidoniorum vulgò dicta. Adjunctum verò Christi miraculum ibidem editum indicatur cum dicitur: *ubi fecerat ex aqua vinum*, quo causa aliqua adventus Christi indicari videtur, nimirum quod cum Christus antea in illa urbe benignè fuisset in nuptiis exceptus: eamque miraculo liberali donasset, credentes in ipsum in fide confirmare & altero miraculo etiam cohonestare voluerit, ut etiam ex versu ultimo colligitur. Alter verò adventus est aulici ad Christum: qui describitur à loco unde venerit, nempe Capernaumo; & ratione quare venerit duplici, vers. 46. prima est filii ægrotudo, quæ fuit febris, vers. 52. & quidem lethalis, v. 47. & 49. secunda fuit auditio adventus Christi medici

divini in Galilæam, nempe Canam, ut v. 47. dicitur. *Is cum audivisset Iesum advenisse ex Iudæa in Galilæam, abiit ad eum.* Atque hæc de primo antecedente miraculi, nempe occasione illius. Alterum vero antecedens, est causa, quæ miraculum impetravit, nimirum petitio aulici, patris ægroti, duplex. Ac prima quidem describitur à suo modo, & eventu illius. Modus petitionis designatur his verbis: *et cum rogavit, ut descenderet ac sanaret ipsius filium.* Hujus autem petitionis duo sunt membra: primum est, ut descendat Jesus à Cana Capernaum, ad filium ipsius sanandum: alterum est finis descensus, nempe ut deinde sanaret: cuius ratio ab Evangelista subijcitur; *quod esset moribundus*, seu morti vicinus: adeo ut nisi divina ope succurreretur, brevi esset moriturus; hoc enim indicatur per verba illa, *ἦν πληθύνοντος ἐκεῖ*, ut in simili re Luc. 7. vers. 2. *ἦν πληθύνοντος ἐκεῖ* moriturus erat, morti vicinus; sic in historia Jairi Mat. 9. vers. 18. *filia mea ἄρτι ἐπληρώθη* (hoc est, modo vitam finit) scilicet metaphoricè (ut etiam Luc. 8. vers. 42. *ἀπὸ θανάτου*) quod perinde est, quasi mortua est, seu lethaliter ægra, & ut explicatur Marc. 5. v. 23. *ἡ ἀπὸ τῆς ἰσχυρῆς* in extremum adducta est. Nam Jairo de morte filii tum nondum constituisse, ex Marc. 5. v. 35. & 36. apparet. Cæterum in hac aulici, pro filio moribundo petitione, partim fidem, partim infirmitatem illius fidei patefecit. Fidem quidem, quod Iesu tribueret, & potentiam sanandi, & voluntatem, quæ rogatus sanaret: Hæc enim duo petitionis illius fuerunt fundamenta, quibus ea innitebatur: alioqui de alterutro diffidens minimè rogasset. Origo autem eorum fuit celebris miraculorum à Christo potenter & benignè, nemine repulso, factorum fama: cum ante festum in tota Galilæa Mat. 4. vers. 23. & 24. tum recenter in festo Hierosolymis peracto. Ioan. 2. v. 23. & 4. 45. Hæc de fide aulici. Infirmitas verò fidei est, quod Iesum non crederet absentem sanare posse: sed tantum præsentem, ut modi præscriptione indicat, dum petit, ut ad filium descendat. Ac propterea non ut Deum omnipotentem agnoscebat; sed tantum ut merum hominem ac Prophetam, miracula coram edendi potentiâ præditum. Qualis etiam infirmitas extitit Jairi Marc. 5. 23. Contra vero firma fides fuit Centurionis, qui Christo sanationis omnipotentiam attribuit Matth. 8. vers. 8. 9. Hæc de petitionis modo. Eventus verò, est Christi ad aulicum reprehensio: qua incredulitatem hanc, cum aliis non paucis communem, ipsi exprobrat, quæ v. 48. hæc est: *Nisi signa & miracula videritis* (sc. tu & tui similes Galilei) *non crederitis*, nempe doctrinæ meæ, me esse filium Dei in carne patefactum, officio Christum, beneficio Iesum, Ecclesiæ à peccatis servatorem, quemadmodum Christi doctrina prædicabat: quam tamen vulgò, in miracula potissimum intenti, negligebant: miraculis vero impetratis excitati electi, doctrinæ attendebant, eamque Deo per Spiritum regenerantem operante, viva fide amplectebantur: ut etiam in hoc aulico paulò post factum esse, in consequente miraculi declarabitur. Hæc de prima petitione, ratione & modi & eventus illius. Cui altera, eodem cum priori spectans adjungitur, ut v. 49. dicitur: *dixit ei Regius ille, Domine descende, priusquam moriatur filius meus*: quo ut antea, partim fidem, partim infirmitatem fidei, seu adjunctam incredulitatem divinæ Christi potentie ac naturæ plenius rursus patefacit. Fidem; quod crederet Christum sanare posse: ac licet incredulitatem ipsi exprobrasset, nihilominus tamen benignitate suâ sanaturum. Infirmitatem verò fidei ostendit duplicem: prima est quod præsentiam Christi ad sanationem necessariam adhuc existimaret: idque declarat, cum urget ipsum, ut sine mora ad filium sanandum descendat: altera verò est, quod Christum posse mortuum filium suscitare non crederet: ideoque ait: *descende antequam moriatur filius meus*, quasi eo mortuo vitam ei restituere nequiret. Qualis omnino fuit incredulitas domesticorum Jairi Marc. 5. v. 35. cum dixerunt ei: *filia tua mortua est, quid amplius vexas magistrum?* Similis etiam quodammodo fuit, in vera ac viva fide prædita Martha, brevis incredulitas actualis, cum acerbo Lazari fratris mortui dolore, quasi nebula quadam, mens illius esset offuscata; tum enim dixit Christo Ioan. 11. v. 21. *Domine si fuisses hic, frater meus non fuisset mortuus: sed colli-*



colligens se ac corrigens nonnihil, ait vers. 22. *sed & nunc scio fore, ut quacunq[ue] petieris à Deo, det tibi*: neque tamen post Christi promissionem suscitandi fratris, cum ille lapidem sepulchri tolli juberet, tum quidem suscitationem fratris credebatur futuram vers. 39. ideoque à Christo ob promissæ suscitationis oblivionem reprehenditur ac corrigitur vers. 40. Hic vero regius sive aulicus de quo agitur, habitu fidei in Christum omnipotentem Dei Filium omnino destitutus, nullo modo credidit Christum posse absentem sanare & mortuum suscitare. Atque hæc de antecedentibus miraculi hujus, cum occasione illius, tum causa impetrante, scilicet petitione aulici: quod antecedens, prima est hujus historiæ pars. Altera verò est miraculi, per Christi responsum significatio vers. 50. *dixit ei Jesus: Vade, filius tuus vivit*, quæ responsio mandato constat, cum ait: *Vade* seu proficiscere, nempe Capernaum ad filium: & ratione, qua clementer condonata priori incredulitate, sanationis miraculum petitem, jam à se impetratum atque effectum asserit, cum ait: *Filius tuus vivit*, hoc est, *ὁ υἱός σου ζῇ*, benè vivit seu rectè valet: pristina valetudini à me, licet absente, supra opinionem tuam restitutus est. Tertia vero ac postrema hujus historiæ pars, sunt consequentia miraculi: primum fructus, ex Christi sermone, miraculum indicante ortus: deinde scientia miraculi facti. Ac fructus quidem est duplex: nempe aulici fides, & obedientia. Fides quidem, qua primo errore (de necessaria Christi ad sanationem filii præsentia) correcto, affirmationi Christi, de vivente, hoc est, rectè valente filio, credidit, ut dicitur: *credidit ille homo sermoni quem dixerat ei Jesus*. Obedientia verò est, qua fide miraculi excitatus, mandato Christi (ut proficisceretur domum ad filium) paruit: ut hic dicitur; *& profectus est*. Atque hoc primum miraculi est consequens. Alterum vero est scientia miraculi, hoc est, sanationis filii, & quidem à Christo factæ, cognitio. Cujus scientiæ describitur origo, seu causa unde ea sit orta: deinde effectum ex illa scientia promanans. Causa vero cognitionis illius duplex memoratur: prima quidem, per quam sanationem filii; altera vero per quam eandem à Christo factam cognovit. Prior fuit officiosa, servorum occurrentium Domino suo, de sanato filio annuntiatio: quæ ut ex fidelitate & amore Domini suo processit: sic ad consolationem illius tendebat, vers. 51. altera vero causa fuit prudens servorum examen, de hora sanationis, ab aulico institutum, constans quæstione ipsius, & responsione servorum, horam hesternam septimam (scilicet ab ortu solis) indicantium vers. 52. unde agnovit filium, eadem hora à febre lethali liberatum, qua Christus hoc ei dixerat: ideoque factum illud, non vi naturæ aut artis alicujus: sed Christi potentia. Hæc de causa cognitionis miraculi sanationis filii aulici à febre lethali. Effectum illius est fides aulici ac familiæ vers. 53. quæ fides non fuit miraculi præstiti (nam jam antea illud crediderat, vers. 50.) sed doctrinæ Christi, de ipsius persona, officio ac beneficiis. Nam cum Christus, & in tota Galilæa, & Capernaum, Evangelium antea prædicasset: cujus summa erat, Jesum esse filium Dei, patet factum in carne, promissum Christum ac servatorem fidelium; Miraculum hoc Christi, ad eam doctrinam celebrem, sed neglectam, in memoriam revocandam inservit: cui accessit interna Spiritus Sancti animam regenerantis gratia: qua fidei habitum indendo, ad Evangelii fidem actualem habilem reddidit atque excitavit; sine qua gratia, & miracula, & renovata auditu Evangelii memoria nihil omnino ad fidem profuissent, 1. Cor. 3. vers. 5. 6. 7. Atque hæc hujus historiæ miraculi sanationis filii aulici à lethali febre, Christi omnipotentia ac bonitate clementi, perfectæ. Quod miraculum ab ordine suo versu ultimo describitur: quod nimirum fuerit secundum signum, à Christo, cum venisset à Judæa in Galilæam, editum; nimirum non absolute, sed relate in oppido scilicet Cana Galææ, ut vers. 46. Primum enim mutationis aquæ in vinum, primo adventu accidit, Joan. 2. alterum vero sanationis hujus miraculum secundo adventu cap. 4. 3. factum est. Nam antea in Galilæa plu-

rima fuisse edita miracula, ex Marth. cap. 4. apparet. Atque hæc est hujus historiæ à vers. 46. ad finem analysi.

*Prima Quæstio, De illis verbis: Ex Cap. 5.*

*Est autem Hierosolymis ὄτι τῇ πρὸς βοάμην*  
*καλυμμένη.*

**H**actenus Christi, è Judæa in Galilæam digressi doctrina & miraculum cap. 4. explicata: sequitur porro, hoc quinto capite, descriptio reditus, religionis causa, Hierosolymam, & res ibidem gestæ. Ac prius quidem vers. 1. proponitur, & adjuncta temporis circumstantia illustratur (ut causa reditus cognoscatur, & res gesta sit illustrior) nempe festo Judæorum. Veruntamen cum tria solemnia fuerint divinitus instituta festa, quæ quorannis ab omnibus Iudæis masculis erant celebranda Hierosolymis; festum Azymorum seu Paschatis, festum hebdomadum seu Pentecostes, & festum denique tabernaculorum, Deut. 16. vers. 16. quidam de priori, *ὁ ἑορτή* dicto, plerique verò cum Chrysostomo, Cyrillo, Theophyl. de secundo: reliqui verò de tertio festo, tabernaculorum scilicet, agi censent: ut Mercator in harmonia sua Evangelica multis disputat. Res autem Hierosolymis gestæ, sunt duæ: miraculum sanationis ægri, qui annos 38. morbo, lecto erat affixus: & consequens eventus. In descriptione miraculi, & quidem antecedentibus illius examine non indigna est brevi circumstantia loci, qui ab Evangelista describitur. Locus autem communis sunt Hierosolymæ: proprius vero partim propinquus, partim proximus, propinquus indicatur illis verbis: *Est Hierosolymis ὄτι τῇ πρὸς βοάμην καλυμμένη.* De quarum vocum interpretatione diversa sunt judicia. Quidam enim sic exponunt: erat ad pecuariam, piscinam: & quidem ut vox *πρὸς βοάμην* dicatur per ellipsin, quam quidam putant suppleri additione vocis *ἀγορῆς*, hoc est, ad forum pecuarium; quemadmodum & olim Clarissimus Beza; & Henricus Stephanus ad N. Testamenti, Sidneo inscripti, marginem, exponit. Verum quia de hoc foro, neque ex Sacris literis, neque aliunde constat; idcirco Dominus Beza postea aliam vocem aptius intellexit cum nonnullis nostrorum, nempe *πόρτα*, hoc est, ad portam pecuariam, de qua Nehem. 3. vers. 1, ut etiam LXX. Græci interpretes ibidem (ut rectè monet) hac voce sunt usi, siquidem Nehem. 3. vers. 1. *ἡ πόρτα τῆς βοάμης* interpretantur *τὴν πόρταν τῆς βοάμης*, portam pecuariam, ut etiam vers. 32. & 12. 39. Altera aliorum expositio, sine ulla ellipsi utramque vocem in nominativo casu (ut adjectivum cum suo substantivo constructum) accipiens, aliam habet lectionem, nempe *ὅτι ἡ πόρτα τῆς βοάμης καλυμμένη.* Quomodo legerunt Chrysostomus & ejus imitator Theophylactus, & ut videtur, etiam Hieronymus de locis Hebraicis (tom. 3.) à litera B. incipientibus, sub finem: *Bethesda* (inquit) *piscina in Jerusalem, quæ vocabatur βοάμην, & à nobis interpretari potest pecualis. Hæc quinque quondam porticus habuit, ostendunturque gemini lacus, quorum unus hybernis pluviis impleri solet, alter mirum in modum rubens quasi cruentis aquis anti qui in se operis signa testatur. Nam hostias in ea lavari à sacerdotibus solitas ferunt, unde & nomen accepit.* Hæc Hieronymus. Veruntamen etsi in hac lectione, si rem spectemus, nihil insit difficultatis, omnium tamen Græcorum codicum Roberti Steph. sedecim, & aliorum etiam, lectio (quæ habet voces, *ὄτι τῇ πρὸς βοάμην*) adversatur. Tertia expositio est eorum qui receptam hanc lectionem sequuntur, de qua initio egimus, eo excepto, quod vocem *καλυμμένη* in dativo per *α*, cum jota subscripto legunt. Verum huic obstat, primum constans lectio manu scriptorum codicum, quorum memini, in quibus illud jota abest: deinde res ipsa etiam adversatur, quia hoc modo redderetur oratio Evangelistæ imperfecta. Nam neque verbum *est*, initio positum, neque *καλυμμένη* habebit nomen substantivum ad quod referatur. Verum quia illam sententiam tueri contendit Matth. Flaccius Illyricus, illius interpretatio (qua substantivi defectum, à nobis obiectum supplere conatur) expendenda est. Opinor, inquit, hanc sequentem esse verissimam lectionem. *Est autem Hierosolymis ad probaticam piscinam ea* (scilicet domus aut ædificium) *quæ Hebraicè vocatur Bethesda, habens quinque*

quinque porticus &c. ut utraque illa prior vox sit dativi casus in Græco, dependens à præpositione ἐν. Verum hac ratione imperfecta futura oratio, novo & insolenti supplemento curatur: quasi ἐν τῇ πόλει &c. ἢ ἐν λαοῖς, perinde esset atque ἐν τῇ πόλει &c. οἰκία aut οἰκοδομή, ἢ λαοῖς. Ac quamvis huiusmodi ellipsis non esset insolens, sed exemplo aliquo probari posset, ea tamen sine ratione necessaria non esset admitenda. Ea autem hic desideratur: Nam quæ ab Illyrico proferuntur rationes, sunt infirmæ; quarum ut ait prima est, quia veteres (Chrysost. & Theoph.) conjunxerunt probaticam & piscinam tanquam adjectivum & substantivum. Verum est; sed illud nihil ad rem. Negatur enim consequentia: quia voces hæc in nominativo posuerunt, non autem in dativo: neque verba sequentia ἢ λαοῖς ad vocem οἰκίας (quasi ea supplenda foret) retulerunt, sed ad expressum nomen, scilicet piscinam: Neque etiam legerunt præpositionem ἐν, neque dativum τῇ. Altera etiam ratio non stringit, cum ait, quia non piscina, sed adjunctum ædificium habuit quinque porticus, in quibus jacerent languentes: At inquam assumitur hic perperam, quod erat probandum: nempe Bethesdam fuisse nomen ædificii, sive ut postea loquitur, hospitalis, habentis quinque porticus: cum contra, ut ostendimus, veterum Patrum & communi ferè interpretum sententia, Bethesda nomen piscinæ fuerit. idque etiam communis codicum Græcorum lectio, quam antea citavimus, comprobatur. Neque obstat quod querit Illyricus; quomodo enim in piscina jacerent? aut quis esset porticum usus in piscina? Respondemus, ex eo, quod dicitur, piscinam habuisse quinque porticus, inde non sequitur, eas fuisse in piscina: sed quod habuit eas in suo ambitu adjunctas, & ad usum sanationis in piscina pertinentes; ut ex v. 4. & 7. apparet. Qua phrasi, mare sua littora, & flumina suas ripas habere dicuntur, non quod insint, sed quod adsint. Tertia ratio est, quid inquit, illud adjectivum ὡς βασιλὴ pecuaria faceret, aut significaret sine omni substantivo? Nam quod alii domum, alii forum subintelligunt, quid attinet tertiam aliquam rem extra negotium hic describere: sola piscina satis notare poterat locum ubi illi ægroti jacerint. Resp. substantivum concinnè intelligi ac suppleri à doctioribus voce πύλη; ad pecuariam portam: & causa distinctionis rectè adhiberi, ut hæc piscina à reliquis distingueretur, quæ Hierosolymis fuerunt: qualis inter alias piscina Siloe Ioan. 9. 7. Quam licet Dominus Beza eandem cum hac fuisse conjiciat, obstare tamen videtur nominis utrimque diversitas, & Nehem. 3. 15. cum v. 1. collatio, unde remotiorem fuisse piscinam Siloe à porta pecuaria, vicinam vero portæ fontis colligitur. Quarta ratio simili infirmitate laborat, cum ait: certum est duas distinctas res describi: piscinam scilicet & adjunctum hospitale seu domum pauperum. Fatemur piscinam & porticus distinctas fuisse: inde tamen non sequitur, vocem οἰκίας esse intelligendam per ellipsin: id quod probandum erat. Deinde quod de hospitali & domo pauperum ait, conjectura est, omni probatione destituta; Evangelista enim porticus piscinæ adstructas nominat: nullam vero domum pauperum indicat. Quinta ratio est, illud, inquit, indicium est verioris lectionis, quod ante καλυμμένη non adest articulus discretivus distinguens hanc piscinam ab aliis. Respondemus vero articulum discretivum non esse ubique necessarium, ut (inter alia exempla) Matth. 26. 36: venit Jesus οὗτος λαοῖς λαλῆσαι καὶ διδάσκειν, pro quo potuisset dicere; τὸ λαοῖς τὸ λαλῆσαι. sic hoc in loco potuisset etiam dicere Evangelista ἢ καλυμμένη ἢ λαοῖς, sed non necesse fuit, distinguatur enim satis à situ, ad pecuariam, scilicet portam; & ab adjuncto proprio nomine Hebraico, Bethesda. Postremam rationem hanc objicit Illyricus: plerique interpretes etiam inviti, & contra suam lectionem eo divolvuntur, quod piscina sit vocata probatica seu ovilla, idque ideo quia Levitæ ibi oves offerendas natare fecerint & laverint, non domum aut forum, ubi oves sunt venditæ aut servatæ. Verum primum id, quod de interpretibus ait nonnullis (Nam de plerisque fidem non facit) eo suam lectionem non probat; Nam sunt nonnulli, qui ob duplicem, lectionem; etsi primam (ob Græcorum condicum consensum) præferant, alteram tamen cum Chrysost. & Theophylacto, ut probabilem non rejiciunt:

ut Henricus Stephanus, cujus supra memini, ad hujus loci marginem notat interpretationem duplicem his verbis: ad (forum) pecuarium est piscina: vel sequendo lectionem alteram, pecuaria est piscina. Deinde negatur etiam consequentia: Nam multorum etiam consensus, certo veritatem non constituit. Hæc de prima difficultate.

Secunda questio. De genuina lectione & significatione nominis Bethesda.

Quoniam jam ante demonstratum satis arbitramur, piscinam, de qua Ioan. 5. agitur, dictam fuisse Hebraicè Bethesda: deque vocis illius lectione & significatione genuina discrepant magnorum interpretum sententiæ; idcirco breviter, ad illustrationem veritatis, & in similibus prudentem cautionem, eas expendemus.

Ac primum quidem de lectione vocis dissensio est, quæ lectio triplex profertur. Prima Bethesda: secunda Bethesda: tertia Bethesda: Nam quod quartam addit Wolf. Musc. בית, Erasmi commentum est: non autem ullius codicis lectio. Quarum prima confirmatur communi manuscriptorum Rob. Step. codicum scriptione: deinde Chrysostomi & exemplarium variorum N. T. Græci, Basileæ, Tiguri, & Parisiis editorum, aliorumque, & Syri etiam interpretis consensu, ideoque genuina ista lectio non immerito statuitur; secunda vero & tertia, corruptæ; quia neutra manuscriptis exemplaribus comprobatur, neque excusis, quæ fidem mereantur. Secundam enim tantum in Theophylacto Romano (qui pressè tamen Chrysostomum sequi solet) invenimus; idque haud dubiè descriptoris aut typographi vulgatam editionem sequentis, vitio: quemadmodum in Hieronymo de locis Hebraicis (ut rectè in Annotat: Erasmus monstravit) factum est. Ac verisimile est, nominis urbis Bethesda affinitate hoc vitium irrepsisse. Unde etiam tertia lectio promanavit Bethesda, quam in sola editione Græca Novi Testam. Haganoæ anno 1521. ad Aldinum (ut quidem indicatur) exemplar excusa, hæcenus observavimus: licet eam Isidorus Clarius in biblicorum cum suis scholiis editione vulgata, sit secutus: & pro vulgata scriptura Bethesda, substituit Bethesda. Et è nostris D. Mart. Bucerus in commentariis ad hunc locum ponit, cum ait: Græce scriptum Bethesda, sed sine ulla antiquorum codicum Græcorum & Latinorum autoritate, ideoque Calvinus hanc lectionem ratione carere rectè monet. Quare prima quæ passim extat lectio, genuina est. Ad significationem verò quod attinet, in eo quidem consensus est, Bethesda nomen esse compositum ex duabus vocibus, ac priorem esse בית (quæ propriè domum, deinde per synecdoch. usitatam locum notet, ut etiam Luc. 19. v. 29. pro Græca voce οἰκίας olearum, Syra versio habet בית הלל locus olearum sive olivæ.) De altera verò voce cum בית composita, dissensio est. Quidam enim (ut inter eos D. Calvinus) putant vocem esse Chaldaicam בית, ex Hebræo בית deductam: quæ defluxum seu effusionem notet, quod, ut ait, aqua per canales ducta sit: unde sacerdotes baurerent: nisi forte nomen impositum loco fuerit, quod per siphones aqua funderetur. Altera verò sententia est Bethesda compositum ex בית & חסה lingua Syriaca: quæ, quod Hebræis potissimum esset post Babylonicam captivitatem usitata, Hebraica etiam appellatur. Quæ lectio & expositio maximè idonea: quia eandem Syrus interpres expressit, & rei optimè convenit, בית חסה enim significat locum benignitatis vel misericordie, quod Deus in ea piscina, per miraculosam sanationem, suam exerceret misericordiam. Alienum verò omnino est: quod hanc vocem, primum Lyranus (qui perperam etiam Bethesda legit) exponit, domum ovium: deinde etiam Erasmus (quod magis mirandum) in paraphrasi sua; in qua, ad hunc locum sic ait: Græce dicitur probatica, nimirum à pecudibus: quod illic sacerdotes hostias immolantes ablueri soleant; & ab eodem argumento Hebraice dicitur Bethesda, quasi dicas domum pecuariam. Error autem utriusque inde ortus est quod Hieronymi verba, supra à nobis memorata, malè intellexerunt, ut etiam ex Erasmi

annotationibus in Novo Test. apparet, ibi enim recitatis illis Hieronymi verbis, quorum postrema sunt hæc; *nam hostias in ea lavari à sacerdotibus solitas ferunt, unde etiam nomen acceperit*: quæ verba ad hostias ovium mactatas referuntur & rationem indicant, cur piscina hæc probatica, id est, ovina vel pecuaria fuerit dicta. Nam quod Erasmus loco Annotat: citato ait; *id non solum pertinet ad vocem Græcam βεθσαινα quæ pecudem aut ovem significat, verum etiam ad Hebraicam בית ערר domum gregis*: illud inquam ab Hieronymi verbis alienum est; qui nominis Bethesda in verbis postremis, de quibus agitur, non meminit: nec etiam ita meminisse potuit, quia Bethesda nullo colore dici potest significare domum gregis, neque etiam nisi valde ineptè pro Bethesda nomen בית ערר (quod neque Johannes habet, neque Hieron. neque ullus quod sciam alius author) substitui potest. Ideoque ut eam sententiam tanquam duriorum M. Buceris meritò refutat; sic minus rectè, Erasmus secutus, eam Hieronymo adscribit. Quemadmodum & hunc secutus Dominus Calvinus ad hunc locum: *quod autem, inquit, ad nominis rationem attinet, merito à doctis rejicitur Hieronymi commentum, qui Bethbeder facit ex Bethesda & gregis domum interpretatur*. commentum esse fateor, sed Erasmi, ut ante ostendimus, non autem Hieronymi: apud quem nec Hebræa vox illa Bethbeder, neque interpretatio illa invenitur. Atque hæc de lectione & significatione vocis Bethesda. Reliquum est, ut de consueto sanationis in piscina miraculo, pauca subnectamus.

*Prima quaestio. De adjuncto tempore.*

Quæritur enim primum, quando hujusmodi sanationis miraculum originem cepit: Deinde quo anni tempore contigerit; denique quando desierit. De primo verisimilis est Tertull. sententia lib. de anima cap. 50. cum ait: *fuit etiam Judææ lacus medicus ante Christum*. Sed quando primum cepit, non indicat; desisse autem brevi post Christum ob incredulitatis Judæorum pertinaciam à Deo vindicatam, tradit lib. adversus Judæos cap. 3. *Piscina, inquit, Bethsaida* (sic enim vitio descriptorum, & hic & alibi legitur) *usque ad adventum Christi curando invalescunt ab Israël, desit à beneficiis, deinde ex perseverantia furoris sui, ne nomen Domini per ipsos blasphemaretur*. Quo autem anni tempore, ac quoties hoc miraculum acciderit, incertum est: quia nulla profana historia hujus miraculi meminit (sortè, ut à nonnullis conjicitur, quod non diu durarit: ideoque ignotum fuerit exteris) sed solus Evangelista Ioannes recenset; qui etiam hoc tantum indicat, illud factum esse, postquam ab Angelo turbata esset aqua, *et tunc visum*, quod vulgata versio nimis generatim transtulit, *secundum tempus*, ut etiam apud Ambrosium legitur; sed aptius esset, *opportune vel opportuno ac statuto tempore*; ideoque Dominus Beza vertit *certo momento*. Verum an illud sæpius; an verò semel tantum quotannis contigerit? & an in festo, aut aliàs; nihil est certi. Probabilis autem est sententia Tertulliani lib. de baptis. cap. 5. cum ait: *unum semel anno liberatum*: & Ambrosii lib. de his qui initiantur mysteriis cap. 4. ubi de hac piscina ait; *in qua unus annuus sanabatur*. Hæc strictim de tempore.

*Secunda quaestio. De causa miraculi Sanationis hujus efficiente.*

AD efficientem quod attinet, certum est Deum fuisse miraculi authorem: sed de modo efficiendi, an mediatum, an verò immediatum fuerit, hoc est, an per instrumenta cooperantia, an verò sola suæ potentie operatione, aquæ perturbationem consecutâ effecerit, disquiritur. De primo modo Tertull. libro de baptis. cap. 5. exponens ait: *Proficiente itaque in hominibus gratia Dei plus aquis & Angelo accessit, quia vitia corporis remediabant*. Ex quibus verbis, ut etiam antecedentibus aliis apparet, eum statuere causam instrumentalem sub Deo, causâ principali, cooperantem fuisse duplicem: primam quidem remotam, Angelum scilicet qui vim sanandi aquis piscine indidit suæ perturbatione: Deinde instrumentalem proximam fuisse vim aquæ ab Angelo inditam. Quam sententiam nonnulli alij

sequuntur. Verum Evangelista neutrum hoc locò affirmat. Siquidem testatur solum post Angeli descensum & aquam ab eo turbatam, deinde primum in aqua ingressum ægrum, fuisse sanatum: Quo beneficium Dei consequens notatur, non autem causæ instrumentalis effectum. Quemadmodum accidit simile Jordani aquis, cum Naaman Syrus septena lotionem, jussu Elisæi peractâ, à leprâ suâ est sanatus, 2. Regum. cap. 5. vers. 14. Non quod in illis Jordani aquis, aliqua vis fuerit ab Elisæo indita: neque etiam quod naturalis aut supernaturalis vis in iis aquis, potius, quàm in aliis fluminibus inhæreret: sed adjuncta tantum fuit conditio mandata, ad cujus observationem, divina potentia sola accedens, lepram in aqua sanavit. Sicut etiam cæci oculos Christus luto oblevit, & ille in piscina Siloë sese jussus abluit ac visum recepit; non per inditam aliquam vim aquæ, sed divina Christi potentia: à qua potentia sola, à cæcitate universis naturæ viribus incurabili, liberatus est, Iohan. cap. 9. v. 6. & 7. Ac sanè, cum hæc sanatio in aquis piscine Bethesda momento contigerit, non fuit naturalis: sed prorsus supernaturalis; ac propterea nec ab aqua naturali, neque etiam ab Angelo, sed à Deo naturæ auctore solo promanavit. Deinde si Apostoli miracula sanationum, non sua vi ediderunt, Actor. cap. 3. v. 12. sed fide in Christum ea tantum impetrarunt: Christus verò invocatus ea præstitit, vers. 16. sequitur, multo minus eam vim aquæ inditam attribui posse. Denique licet Deus vim sanandi diversas ægritudines (quæ vires naturæ non superabant) aquis piscine indere potuerit, non tamen ad quascunque, de quibus vers. 4. agitur, curandas: quia earum nonnullæ vires naturæ omnino superabant, & à sola Dei omnipotentia (quæ incommunicabilis est,) curari potuerint. Qualis fuit cæcitas, seu totius naturalis videndi potentie privatio; quæ ut in aquis Siloë, Iohan. cap. 9. sic etiam in aquis Bethesda, Iohan. cap. 5. vers. 3. & 4. sed non ab aquis, neque ab Angelo curata, aut curari potuit; sed à sola omnipotentie Dei creatoris operatione: motum aquæ & primum ægri ingressum secuta: adeò ut ea sanatio fuerit operationis Angeli & descensus ægri, non effectum, sed tantum consequens adjunctum. Quemadmodum cum cadaver sepulchro Elisæi injectum, contactis ejus ossibus revixit ac resurrexit, 2. Reg. 13. v. 21. illud non est factum vi aliqua ossibus illis inditâ: sed sola Dei omnipotentia accedente atque efficiente. Siquidem citra controversiam suscitatio mortuorum, est Dei operatio propria atque incommunicabilis. Quare ex hisce omnibus merito concludimus, aquis piscine Bethesda nullam neque ab Angelo, neque etiam à Deo inditam fuisse vim aut indi potuisse, quæ cæcis visum restituere & primos quoscunque ægros ingressos sanare valeret: sed eam gloriam soli omnipotenti Dei operationi attribuendam. Atque hæc de secunda hac quaestione, de miraculorum in aquis piscine Bethesda editorum, causa efficiente; sequitur jam

*Tertia Quaestio. De causa ejusdem finali.*

UT autem finis commodius intelligatur, spectanda est 1. Miraculi occasio. Ea autem fuit miserrimus populi Judaici status, quo post variam, sub exteris Regibus servitutem, tandem Romanorum dominio subiecti sunt: unde periculum erat ne animi eorum calamitatum nebulis obscurati, de promisso Messie adventu diffiderent, & à Deo se omnino desertos existimarent. Quare cum opus haberent in his malis Dei consolatione, ut eâ confirmati redemptionem spiritualem per Messiam patienter expectarent, in eum finem Deus duplex extraordinarium remedium & beneficium Iudæis contulit. Quorum primum fuit prophetiæ jam longo temporis intervallo desideratæ restitutio: quo & de brevi venturo Messia minimè dubitarent, & postea de jam noto certiores redderentur: ut exemplum prophetæ Symeonis justî, & Annæ prophetidis, Luc. cap. 2. multis declarat. Alterum extraordinarium Dei beneficium, ad consolationem populi Judaici miseri pertinens, fuit miraculum sanationis ægrorum quorumvis in aqua piscine Bethesda, Iohan. cap. 5. quo Deus reipsa peculiarem suam erga Iudæorum populum misericordiam demonstravit; ut eorum in Deum

in Deum fidem & spem confirmaret, & adversus præsentis miseræ acerbitem consolaretur. Cœterum hoc jam disquiritur, an præter hunc finem, qui ex re ipsa satis apertus, alius etiam fuerit absconditus; nimirum an hæc miraculosa in aquis piscine ægrorum quorumvis sanatio, fuerit, ex Dei voluntate atque ordinatione, typus quidam propheticus, spiritualem à peccatis sanationem ac liberationem adumbrans. Ac primum quidem antiqui Patres nonnulli & Pontificii, ut certum statuunt: alii verò quasi probabile tantum existimant: quia hic finis typicus nullibi ab Evangelista exprimitur: neque ullo indiciò certo innuitur. Probabile quidem videri posset, primum ex simili, Joh. 9. v. 7. ubi cum cæci sanatio describitur facta in aqua piscine Siloë, Evangelista subicit vocis Hebrææ interpretationem, cum ait: *quod exponitur missus, seu legatus* (משלח) enim pro quo corruptè *Siloam* scribitur; ut videtur ex usu, hoc ipsum notat, quo videtur indicare, latere in ea voce ac re aliquod mysterium: quod fuerit typus Christi à Deo Patre primum mittendi, deinde missi ad animæ cecitatem Spiritualement tollendam; quod ut incertum, tanquam probabilis conjectura ex re ipsa colligitur. Deinde sanatio miraculosa per Christum facta, fuit signum sanationis spiritualis à peccatis tanquam animæ morbis, unde quod de ablatis per Christum morbis nostris, Esa. 53. traditur allegoricè, illud in Christo, morbos curante varios, impletum dicitur, Matth. 8. v. 17. quod nimirum curationis morborum corporalium finis esset, ut significaretur, Christum spirituales animi morbos seu peccata curare. Cœterum eo posito, hanc sanationem in aquis piscine corporalem, typum fuisse sanationis animæ à peccatis: adhuc disquiretur, quid per aquam sit adumbratum, & reliqua. Primum Patres non pauci, ut Terr. Chrys. Ambros. Theophyl. baptismi sacramentum significari censent; deinde verò dissentiens ab iis August. de sermone Domini, serm. 42. ait: *Hæc ergo quod nobis præstitit, piscina illa significat. Breviter dico, aqua illa Judaicus populus erat, quinque porticus, lex: quinque enim libros scripsit Moses, ergo aqua quinque porticibus cingebatur: sicut ille populus lege coerceretur. Aquæ perturbatio in illo populo, est Domini passio; qui descendebant, sanabantur.* Sic Tom. 9. tract. 17. in Joh. similia habet, & hoc etiam addit: *descendere ergo in aquam turbatam est humiliter in Domini passionem credere.* Verum si hîc admittenda esset significatio aliqua typica, ea potius esset statuenda, ut per aquam intelligeremus Christum, qui passione quasi turbatus est, in cujus sanguinem verà fide sese quasi immittentes, ab omnibus peccatis suis liberantur: quemadmodum allegoria non dissimili à Zacharia, cap. 13. vers. 1. dicitur; *die illo erit fons apertus domui David, & habitatoribus Jerusalem pro peccato & pro separatione ex immunditia.* Verum quemadmodum antea diximus, quoniam hic finis significationis rei spiritualis, per sanationem in piscina miraculosam, ex Scriptura probari non potest: propterea in sola historia est acquiescendum, & à typis divinis temerè fingendis abstinendum. Qua in re ut veteres Theologi Origenem in primis aberrantem secuti sunt; sic hosce Pontificii imitati graviter impegerunt, sinceramque Theologiam multis modis, ut rectè ab eruditis Theologis observatum, corruerunt.

Hactenus miraculosæ in aquis Bethesda sanationis causam, primum efficientem, deinde finalem, examinavimus. Quia verò Pontificii inde suam de sacramentorum & baptismi imprimis, efficacia, sententiam tueri conantur: non inutile, nec ingratum fore speramus, si ad uberiores veritatis illustrationem à nobis subjiciatur brevis ac perspicua

*Digressio, qua proponitur ac strictim excutitur Bellarmini, de efficacia Sacramenti Baptismi sententia, & ejusdem ex hoc loco probatio.*

**A**D sententiam autem quod attinet, ea est, Baptismum nostrum, esse veram, propriam, atque immediatam causam instrumentalem remissionis peccatorum & regenerationis, seu perfectæ sanctificationis animæ, per infusionem habituum fidei, spei ac charitatis, ac denique animæ spiritualement atque indelebilem characterem imprimere: ut

apparet ex Bellarmini lib. 1. de baptism. cap. 12. cum ait: *Primo enim baptismus tollit ac delet verè omnem culpam & penam: Secundo, confert ex opere operato gratiam & dona divina, quibus verè ac formaliter justificatur,* (observanda hic est Pontificiorum corruptela, qui vocem *justificandi* in Sacris Literis positam, pro sanctificare usurpant) *homo: Tertiò, imprimat indelebilem characterem, ob quem iterari non potest.* Deinde idem de Sacramento Eucharist. libr. 1. cap. 7. ait: *In baptismo non sola interna ablutio, sed etiam externa mandat animas: illa formaliter: ista efficienter atque instrumentaliter:* & lib. 2. de Sacramentis in genere cap. 4. ait, *Sacramenta verè & immediatè sanctificare:* & ibid. eod. libro cap. 1. ait: *Ex his omnibus id, quod activè & proximè atque instrumentaliter efficit gratiam justificationis, est sola actio illa externa, quæ sacramentum dicitur; & hæc vocatur opus operatum (accipiendo passivè, operatum) ita ut idem sit, Sacramentum conferre gratiam ex opere operato, quod conferre gratiam ex vi ipsius actionis sacramentalis, à Deo ad hoc institutæ, non ex merito agentis vel susipientis, &c.* Deinde subjungit plenior expositionem hanc, *Nam voluntas Dei, quæ Sacramento utitur, concurrat quidem activè, sed est causa principalis: passio Christi concurrat, sed est causa meritoria, non autem effectiva, cum non sit actu, sed præterierit, licet maneat objectivè in mente Dei: potestas & voluntas ministri concurrunt necessariò, sed sunt causæ remotæ, requiruntur enim ad efficiendam actionem Sacramentalem, quæ postea immediate operatur. Probitas ministri requiritur, ut ipse minister non peccet Sacramenta ministrando, non ipsa tamen est causa gratiæ in suscipiente, nec jurat susipientem per modum Sacramenti, sed solum per modum impetrationis & exempli. Voluntas, fides & penitentia in suscipiente adulto necessario requiruntur ut dispositiones ex parte subjecti, non ut causæ activæ: non enim fides & penitentia efficiunt gratiam sacramentalem, neque dant efficaciam Sacramenti, sed solum tollunt obstacula quæ impedirent, ne Sacramenta suam efficaciam exerere possent.* In qua doctrina Bellarminus secum minimè consentit. Nam quod ante baptismum, ex illius sententia fit, illud non fit primum baptismum. Atqui ex illius sententia justificatio fit ante baptismum: Ergò non primum per baptismum, ut ipse contendit. Assumptionem probat, de sacramentis, libro 2. cap. 13. cum ait: *Non est autem consequens veteres Patres non habuisse gratiam, aut habuisse sine organo applicante Christi merita. Nam etsi non habuerunt eam per Sacramentum, tamen habuerunt per fidem: ut etiam (NB.) nunc adulti per fidem & contritionem veram justificantur, antequam re ipsa ad Sacramentum accedant.* Sic etiam Thomas Aquinas part. 3. quæst. 69. artic. 1. ad secundum ait: *Quando aliquis adultus penitens ad baptismum accedit, consequitur quidem remissionem omnium peccatorum ex proposito baptismi, perfectius autem ex reali perceptione baptismi:* & ibidem artic. 4. ad secundum: *Remissionem, inquit, peccatorum aliquis consequitur ante baptismum, secundum quod habet baptismum in voto vel explicitè, & tamen cum realiter suscipit baptismum, fit plenior remissio quantum ad liberationem à tota pena. Ita etiam ante baptismum Cornelius & alii similes consequuntur gratiam & virtutes per fidem Christi & desiderium baptismi explicitè vel implicitè; postmodum tamen in baptismo majorem copiam gratiæ & virtutum consequuntur.* Idem denique ibidem artic. 5. ad 1. *Adulti, inquit, prius credentes in Christum, sunt ei incorporati mentaliter; sed postmodum cum baptizantur, incorporantur ei quodammodo corporaliter, scilicet per visibile Sacramentum, sine cuius proposito nec mentaliter incorporari potuissent.* Quo etiam pertinere è jure pontificio illud in decreto Gratiani de consecratione c. baptismi vocem: ubi inter alia ex Augustino dicitur: *quantum itaque valeat etiam sine visibili Sacramento baptismi, quod ait Apostolus: corde creditur ad justitiam, ore autem confessio fit ad salutem, in illo latrone declaratum est: Sed tunc impletur invisibiliter, cum mysterium baptismi non contemptus religionis, sed articulus necessitatis excludit.* Quo etiam spectat Papæ Innocentii tertii sententia, Decretalium, libr. 3. tit. 43. cap. 3. *Nam, inquit, cum quis non solum per Sacramentum fidei, sed per fidem etiam Sacramenti efficiatur membrum Christi, & qui Christum habet per fidem, etiam si baptismum non habeat, habet*



utique fundamentum, præter quod aliud poni non potest, quod est Christus Jesus; & ibidem cap. 2. ad quæstionem de salute presbyteri non baptizati, qui se baptizatum putabat, & in fide Ecclesiæ Christi ac confessione obierat, sic respondendo decernit Innocentius: *Ab originali peccato solutum, & cælestis Patris gaudium esse adeptum asserimus incunctanter.* Hæc ad sententiam Bellarmini de efficacia baptismi, quæ ut ostendimus antea, & ipsius verbis, & Thomæ Aquinatis, ac Papæ dictis, confutatur. Ad probationem verò (quam ex hoc loco, Johan. cap. 5. de Sacramentis, lib. 2. cap. 4, & 11. deducit) quod attinet, ea est; aquam scilicet Bethesdæ ab Angelo turbatam, (in qua primum ingressus à quacunq; corporis sui ægritudine sanabatur) fuisse figuram à Deo ordinatam, ad baptismi efficaciam significandam: ac propterea quemadmodum ab ea omnes morbi corporales sanabantur; sic à baptismo omnes animæ morbos seu peccata sanari, integramque illius valetudinem seu sanctitatem perfectam restitui. Verum in hac probatione primum duplex in antecedente falsa est hypothesis: prima, quod statuit quasi certum, aquam illam Bethesdæ fuisse baptismi figuram, à Deo ordinatam: deinde altera, nempe aquæ illi inditam fuisse vim, quâ sanavit quosvis corporis morbos. Nam licet utrumque à nonnullis Patribus dicatur; Augustinus tamen, & quidam alii aliter statuerunt. Deinde obstat etiam res ipsa, quia cæcis visum restituere, solius omnipotentis Dei operationi est tribuendum; quæ nulli creaturæ communicari potest, ut supra ostendimus. Ideoque in aqua illa, ut loco subjecto ad id ordinato, & post turbationem illius per Angelum, ut adjunctum antecedens, æger primus ingressus est sanatus, non autem ab aqua, sed in aqua, neque ab Angelo. Deinde consequentia vitiosa est. Nam licet aqua illa piscinæ turbata typus fuisset baptismi; inde tamen minimè sequeretur, baptismum esse verè ac propriè causam instrumentalem proximam atque immediatam sanationis animæ ab omnibus peccatis, & perfectæ sanctificationis; quia aqua illa non fuit causa sanationis instrumentalis, sed locus tantum ordinatus, in quo Deus sanabat per se solum. Opus enim omnipotentis proprium erat, cæcitatem sanare ac visum omnino amissum restituere, quod in illa piscina factum, ideoque hoc argumentum retorqueri potest: Si aqua piscinæ illius ab Angelo mota, non habuit vim sanandi cæcitatem corporis & quosunque morbos corporis: multò minus aqua baptismi eam habet efficaciam, ut animæ cæcitatem ac morbos spirituales seu peccata tollat, & mentem notitiâ Dei salutari illuminet, & prorsus sanctificet animam. Unde satis apparet, Bellarmini aliorumque Pontificiorum probationem ex Johan. cap. 5. petitam, esse inanem. Ut autem Pontificiorum, ac Bellarmini inprimis, in hac de Sacramentorum efficacia disceptatione errores, perplexa vocum obscuritate intricatos, facilius intelligamus, eosque commodius confutare valeamus, expendenda est quæstio:

*Quonam sensu, & an rectè dicant Pontificii, Sacramenta Novi Testamenti continere ac conferre gratiam, non ex opere operantis, sed ex opere operato.*

AD cuius declarationem primum spectandum est, quomodo opus operantis, & opus operatum ab iis exponantur. Qua de re Bellarminus lib. 7. de Sacramentis cap. 1. ait: *Omnes Catholici opponunt opus operatum operantis; & per opus operatum intelligunt opus bonum seu meritorium ipsius operantis, ac postea ibidem ait: id quod a Deo & proxime atque instrumentaliter efficit gratiam justificationis, est sola actio illa Sacramentalis, quæ Sacramentum dicitur: & hæc vocatur opus operatum, (accipiendo passivè opus operatum) ita ut idem sit Sacramentum conferre gratiam ex opere operato, quod conferre gratiam ex vi ipsius actionis Sacramentalis à Deo ad hoc institutæ.* & Doct. Johannes Viguerius in institut. ad Christianam Theologiam cap. 16. v. 13. ait: *opus operatum intelligunt ipsum opus aut rem ipsam in se: & valere ex opere operato dicitur, cum ex re ipsa applicata aliquis effectus utilis sequitur, & non solum ex opere operantis, hoc est, propter sanctitatem aut ejus qui applicat, vel recipit aut*

*utitur: quemadmodum panis habet ex se, siue ex natura sua vim nutriendi.* Idem quoque rursum opus operatum distinguit ibidem v. 11. cum ait: *Et sic gratiam conferre ex opere operato, potest dupliciter intelligi; uno modo ex opere operato ex pacto & ordinatione divina solum: alio modo ex opere operato ex pacto & ordinatione divina, & per virtutem inherentem: & hoc solum convenit Sacramentis Novæ Legis.* Quæ distinctio à Bellarmino neglecta, sed rectè ex scholasticorum aliorumque, phrasis illius authorum, diversa usurpatione deprompta est. Siquidem omnes, virtutem conferendi gratiam Sacramentis attribuunt; sed tamen in illius virtutis-explicatione dissentiant: adeò ut Gregorius de Valentia suorum ut vocat Catholicorum opiniones quinque recenscat; in opere de rebus fidei, lib. de efficacia Sacramentorum. Quarum primam ita exponit: *Opinio est multorum Catholicorum, Sacramenta gratiam conferre, non quia illa producant ullo modo illam, sed quia ipsis adhibitis Deus, ex pacto & promissione quandam gratiam producat ac conferat.* Fuit hæc sententia Bonaventuræ & Scoti, qui tamen verbis concedit, posse nihilominus appellari Sacramenta causas instrumentales, quæ necessariò propter pactum movent Deum, ut vi illorum conferat & producat gratiam. item: ea opinio est Durandi, Occami, Gabrielis & Richardi; Quam opinionem rejiciens Gregorius de Valentia ait: *Sed revera hæc opinio nihilo plus tribuit Sacramentis quam hæretici, ut rectè Soto annotavit.* Contra tamen Bellarm. de Sacramentis, lib. 2. cap. 11. ait: *Hæc responsio salva fide defendi potest.* Secunda opinio est, inquit, *Sacramenta causas esse gratiæ non nisi mediate & quodam ordine, quia scilicet proxime efficiunt antecedentem quandam formam in anima, ad quam consequitur gratia divinitus producta, neque videntur alia ratione duci, nisi ut declarent quemadmodum non concurrant Sacramenta ad ipsam immediate productionem gratiæ, quam creati putant, &c.* Sic Halensis & aliquando D. Thomas, Capreolus, Paludanus & Franciscus Ferrariensis. Tertia opinio, ut ait, est, *Sacramenta esse causas gratiæ tantum morales, quæ scilicet ex pacto propter promissionem & merita Christi (cujus tanquam instrumenta & canales sunt) movent Deum ad producendam & conferendam gratiam.* Ita Caius. Quarta opinio est, ut ait, Soti, *Sacramenta esse causas gratiæ, non quia qualitatem illam quæ est gratia producant; sed quia sunt causæ, ut homo sit gratus Deo.* Quinta opinio est, ut ait, Cajetani, nempe *Sacramenta esse veras causas qualitatis gratiæ non principales, sed instrumentales, hoc ipso videlicet quod Deus illis utitur ad productionem illius effectus, qui est gratia, tamen si super naturam seu efficacitatem naturalem ipsorum, quo fit ut censeatur à nobis possint instrumenta gratiæ quasi physica, id est, quæ ad productionem gratiæ prævio quodam modo conferant, hoc ipso, quod sic exercentur & usurpantur ad eam rem divinitus.* Hæc ille. Quibus addo quod Johannes Viguerius institut. cap. 16. vers. 11. ait. *Est in ipsis Sacramentis aliqua virtus instrumentalis à Deo impressa, quæ continet & causat etiam attractivè ipsam gratiam justificantem, & paulo post: in Sacramentis novæ legis causatur gratia ex opere operato, & per virtutem inherentem illi.* Cæterum quintam illam sententiam, Cajetani scilicet, quam Gregorius de Val. probat, Bellarminus etiam ait, se putare probabiliorē & tutiorem, de Sacramentis, lib. 2. cap. 11. quod (ut exponit) *Sacramenta sint causæ efficientes etiam physica; sed instrumentales: Virtus autem divinitus indita non sit aliqua qualitas inherens spiritui vel corporali: sed sit solum motus siue usus Dei, per hoc enim quod Deus utitur hac actione Sacramentali ad gratiam producendam, elevat eam & facit eam attingere effectum supernaturalē quam non posset attingere, si à quocunque alio moveretur: & paulò post: Quare motio illa, qua Deus movet Sacramenta, est sola applicatio Sacramenti ad opus, & est in ipso Sacramento, non in Deo: & ibidem paulo post: Ex quo sequitur, ut motio seu usus Dei in Sacramentis sit, non solum virtus agentis instrumento impressa, sed sit tota virtus & ratio, per quam agunt. Idem quod est in securi acies & vis agendi illi impressa, id totum est in Sacramentis sola motio Dei.* Veruntamen Bellarminus in hac sententia nondum acquievit ut apparet, cum de Sacramentis lib. 2. cap. 1. ait: *Notandum, non esse controversiam de modo quo Sacramenta sint causæ, id est, an physice attingendo effectum, an moraliter tantum; &*

*rursum*

rursus si physice, an per aliquam qualitatem inherenter, an per solam Dei motionem: ista enim ad questionem fidei non pertinent: sed solum generatim an Sacramenta sint vera & proprie causae instrumentales justificationis, ut vere ex eo quod quis baptizatur, sequatur ut iustificetur; Nam in hoc conveniunt omnes Catholici. Et paulò post subicit: In hac re satis est, probari posse, ex fide Scripturarum, ut ostendamus Sacramenta esse causas gratiae, quomodo id fiat difficillimum est intelligere, nedum explicare. Qua in re sequitur Catechismus Roman. Concilii Tridentini decreto, & Pii V. Pontificis jussu, editum: in quo capite de Sacramentis dicitur: quo autem pacto tantae res & tam admirabilis per Sacramentum efficiatur, ut (quemadmodum sancti Augustini sententia celebratum est) a qua corpus abluat & cor tangat, id quidem humana ratione atque intelligentia comprehendere non potest. Hisce jam explicatis ad sensum dogmatis Pontificii, quo statuunt Sacramenta continere ac conferre gratiam, non ex opere operantis, sed ex opere operato: reliquum est, ut an rectè id dicatur, paucis expendamus; siquidem id affirmat, ac decernit Concil. Trident. Sess. 6. Càn. 8. Si quis (inquit) dixerit, per ipsa novae legis Sacramenta, ex opere operato, non conferri gratiam, sed solam fidem divinae promissionis ad gratiam consequendam sufficere; anathema sit. Contrà verò nostri meritò id negant, quia & phrasis ista, & res ipsa est absurda. Phrasis quidem: partim quòd vocem, *operatum*, passivè usurpantes perversè ac sine ulla necessitate significationem illius corrumpunt: cum rectè dici potuisset, *opus efficiens*, & *effectum*; pro *operante* & *operato*; partim vero quia *opus operantis*, obscura atque insolenti, & bonis Linguae Latinae authoribus, & praeis Patribus significatione, bonum opus ministrantis vel suscipientis Sacramentum intelligunt. Res verò etiam absurda est: quia expositio quam afferunt confutatur atque evertitur: ut hic Syllogismus, ex ea deductus, demonstrat: Sola actio illa externa, quae Sacramentum dicitur, est opus operatum, & activè ac proximè atque instrumentaliter efficit gratiam justificationis, teste Bellarmino de Sacramentis libr. 2. cap. 1. Atqui opus operantis ministri est actio illa externa, quae Sacramentum dicitur. Ergo opus operantis ministri est opus operatum & activè ac proximè atque instrumentaliter efficit gratiam justificationis. Assumptio per se clara est, & à Bellarmino de Sacramentis libr. 2. cap. 11. traditur, cum ait: Nam actio sacramentalis propriè est actio ministri dantis sacramentum; item: itaque actio ministri est illa, qua Deus utitur tanquam instrumento ad iustificandum: quando ergo minister utitur rebus & verbis, ut in baptismo, confirmatione, & unctione extrema, tunc etiam Deus utitur rebus & verbis, & proinde virtus Dei est in utrisque, & oportet illa duo simul concurrere, alioquin nihil fieret. Hæc Bellarmin. Quare si quis excipiat, ipsum dicere de sacramentis l. 2. c. 1. quod potestas & voluntas ministri concurrunt necessario (intelligit autem ad efficiendam justificationis gratiam) sed sunt causae remotae, requiruntur enim ad efficiendam ipsam actionem sacramentalem, quae postea immediate operatur. Respondemus 1. hoc ipso non infirmari: sed bifariam argumentum à nobis positum confirmari. 1. quia argumentum nostrum non loquitur de causa remota, putà voluntate ministri: sed de proxima, nempe actione sacramentali, quae immediate (ut agnoscit Bellarmin:) gratiam efficit: quae actio est opus operantis ministri. Secundò, quia si voluntas ministri sit causa proxima actionis sacramentalis: remotà verò causa gratiae quam actio illa efficit, Ergo non uno tantum, sed duplici modo opus operantis ministri causa est gratiae, primum remota quidem voluntas illius recta; proxima verò est voluntatis illius executio, nempe actio sacramentalis, seu recta sacramenti effectio: utraque enim, & voluntas illa, & actio ex ea promanans, sunt opera operantis ministri, prius internum, posterius externum. Quare ex hisce meritò concludimus, reipsa opus operantis ministri & opus operatum unum idemque Pontificis esse, & utrumque gratiae justificationis causam declaratione eorum constitui. Ideo propositum Pontificiorum dogma, expositione Bellarmini solidè evertitur. Deinde quod idem de Sacramentis libr. 2. cap. 1. (ut ante ostendimus) affirmat: in hoc consentire omnes Catholicos, sacramenta esse veras ac

proprias causas instrumentales justificationis; illud primum Catholicorum multorum prima ex Gregorio de Valentia recitata opinione falsi arguitur: quia diserte negat ea ullo modo producere gratiam, sed Deum ex pacto iis adhibitis eam producere. Ac licet causam instrumentalem Scotus vocet, improprie tamen eam intelligere Gregorius de Valentia indicat, cum ait: *verbis eum id concedere*, hoc est, non reipsa. Deinde res ipsa arguit, quia omne proprium instrumentum effectum instrumentale reverà producit. Secundò, seipsum etiam Bellar. falsi arguit, cum de Sacramentis libr. 2. cap. 11. fatetur disertè: ex sententia recentiorum, Cani (quae tertia est ex Greg. de Valent. à nobis recitata opinio) & L'edemii, sacramenta esse causas justificationis, sed morales (intelligit autem causas impulsivas, non effectivas) non physicas (hoc est, vi ulla illis ad producendum effectum indita praeclatas) quomodo vera causa est homicidii qui illud fieri jubet, licet ipse hominem, qui occiditur, non attingat: additque Bellar. Idemque sensisse videntur antiqui Scholastici multi, ut Bonaventura, Scotus, Durandus, Richardus, Ockam, Marsilius, Gabriel in quartam distinct. 1. vol. 2. qui docent sacramenta vere iustificare, & tamen volunt solum Deum producere gratiam ad praesentiam sacramentorum: ita ut neque sint sacramenta causae physicae, nisi (videtur vocem nisi pro sed usurpare) sine quibus non fieret effectus. unde sequitur ex Bellarmini confessione, tam multos insignes doctores Catholicos non agnoscere Sacramenta esse proprias causas efficientes instrumentales: ideoque subicit etiam, tutiorem esse sententiam, quae dat Sacramentis veram efficientiam. Ideoque falsum est, quod asseruit, contrarium omnes Catholicos sentire. Atque hoc sufficit tanquam contradictionum Bellarmini de Sacramentorum efficacia breve specimen.

#### Quaestio de sensu verborum Christi, Ioan. V. 27.

Insignis est sententia Christi Ioan. 5. v. 27. Et potestatem dedit ei, etiam iudicium exercendi, *ὃν οὐδὲς ἀνθρώπου ἐστὶν*. In qua sententia Christus personae suae dignitatem exponit. Constat autem propositione & declaratione illius. Propositionis pars prima, sive subjectum illius, per ellipsin, ex antecedenti v. 26. perspicuam, est Pater, scilicet Christi proprius, prima Deitatis persona. Consequens verò seu praedicatum est: *dedit ei etiam potestatem iudicium exercendi*. Quo in loco iudicium exercere, καὶ ἰσχυρὰν, de universali ultimo die iudicio intelligitur: quemadmodum versus sequentes 28. & 29. distinctione iudicii illius & eventus declarant. Cuius iudicii potestatem Pater dicitur dedisse ei, hoc est, Filio nempe suo proprio: ut relatio ad Patrem v. 26. ostendit. Dicitur autem potestatem dedisse exercendi iudicium ultimum, non ratione rei; sed ratione modi. Non rei inquam, quia cum una eademque sit Filii & Patris potestas in omnes creaturas, utpote ab iis eadem omnipotentia creatas: eatenus Filio non est data, sed eam habuit per se; sed ratione modi tantum, quo Pater cum Filio & Sp. S. ab aeterno decreverunt, ut Filius homo fieret, & redemptor atque rex Ecclesiae: qui universale iudicium sua persona immediate exerceret, adeo ut, licet Pater iudicaturus sit mundum per filium, nihilominus tamen vers. 22. dicitur: *Neque enim Pater iudicat quemquam*, nempe immediate sine Filio. Sed omne iudicium dedit Filio. Filius autem exercet secundum utramque naturam, unde Act. 10. v. 42. de Jesu suscitato à mortuis ait: *praecipit autem nobis ut predicaremus populo ac testificaremur, eum esse, qui definitus sit à Deo iudex vivorum & mortuorum*: ut etiam forma iudicii illius Matth. 25. v. 31. & seq. demonstrat. Quae propositionis huius expositio, altera sententiae Christi parte etiam confirmatur: hæc enim est illius subjecta declaratio *ὃν οὐδὲς ἀνθρώπου ἐστὶν*. Quae verba duobus modis transferri solent. Plerique enim cum veteri interprete vertunt vocem *ὃν*, quia, nonnulli verò quatenus: ut *ὃν*, idem sit quod *quatenus* per ellipsin praepositionis *quatenus*: ut interdum à bonis authoribus Graecis usurpari rectè comprobant: ut sensus sit, Christum regem & iudicem esse, etiam quatenus homo est. Quae explicatio quamvis per se sancta sit: prima tamen videtur praefenda, quandoquidem ea scopo & circumstantiis huius loci probe convenit,

convenit, & vocis *in* significationem propriam, & Sacris literis usitatissimam retinet; ideoque ab ea non est recedendum, nisi causa necessaria eò nos adigat, quæ hoc loco deest. Nam quod objicitur, Christo quatenus est Filius Dei, non convenire datam esse potestatem: quod eam habuerit in se ac per se: neque dici posse eam esse datam generatione æterna, quia licet omnipotentia & omnis potestas ita sit data per æternam ejusdem essentiae communicationem, non tamen potestatem judicandi, quæ certam ad judicandos habet relationem: illud inquam (ut alia omittam) distinctione ante propositâ diluimus; datam scilicet potestatem dici, ratione decreti, quo Filius rex ac judex Ecclesiæ immediatus communi Patris, Filii & Spiritus Sancti voluntate destinatus est: quomodo Filio dedit oves (seu electos) servandas Ioan. 10. & 17. Sic Filium iisdem dedit servatorem, Ioann. 3. & Esâ. 9. Quare causa non est cur *in* per ellipsin exponamus, cum propriè sine defectu, sensus sit accommodatus. Quocirca vox *in*, non *quatenus*, sed *quia*, seu rationem notat, qua probat Filium Dei esse iudicem immediatum: quia hoc officium proprium est Filio Dei incarnato: quod homo factus est ex Dei decreto in eum finem, ut esset iudex univerforum, ac servator Ecclesiæ: Quæ simplicissima est sententia.

*Quæstio brevis an ex v. 29. Pontificii Ecclesiarum nostrarum, de fidelium operibus, doctrinam rectè confutent.*

Sic quidem illi contendunt: nostri verò merito negant, Sicut argumentorum objectorum examen ostendit. Duo enim ex hoc loco colligunt: primum ajunt, falsum esse quod nostri statuunt, omnia fidelium opera, si ad severi iudicii divini libram examinentur, fore peccata: quod hoc loco refutari objectant, quoniam ea à Christo bona appellantur, *qui bona*, inquit, *fecerint*. Deinde perperam à nostris negari bona opera mereri vitam æternam, id quod à Christo affirmari ajunt, his verbis, *prodibunt in resurrectionem vitæ*. Verum ad prius respondetur, negatione consequentiæ: quia homonymia est in voce *bona*. Nam vel simpliciter ea accipitur, vel secundum quid tantum. Priori modo nostri negant bona fidelium opera sic dicta esse bona; Christus verò posteriori intelligit. Nam opera nostra sunt imperfecta: quia ad perfectionem eorum requiritur, ut ex amore Dei ex toto corde, tota anima, & omnibus viribus procedant, contra verò caro fidelium (seu reliquæ vitiositatis naturalis, hoc est, peccati originis) pugnat adversus spiritum Galat. 5. hoc est, regenerationis donum; ideoque opera bona fidelium si per se considerentur, ob imperfectionem suam, iusto Dei iudicio mala sunt, quia sunt *aperta*, legis divinæ (quæ omnibus modis perfecta opera requirit) transgressio. Bona autem appellantur, partim secundum quid, partim per accidens. Secundum quid, quatenus legi Dei consentanea: per accidens verò, quatenus imperfectio ac contagio adhærens, per & propter sacrificii Christi satisfactionem condonatur. Sed objici posset, mala possunt remitti per Christum, sed per eum bona fieri, Deoque placere non possunt: quia Christus perpeffione poenæ, nobis pro peccatis debita, reatum quidem peccatorum nostrorum sustulit: sed peccatorum naturam non mutavit: ideoque cum sola bona Deo possint placere, mala ei displicere necesse est. Verum respondetur, mala (nempe moralia seu peccata) sunt duplicis generis: alia per se ac simpliciter, seu omninò mala sunt, nimirum quæ Deus lege sua prohibuit: & à principio malo seu à vitiositate naturæ promanant: unde *opera carnis* dicuntur, quæ per fidem & resipiscentiam quidem fidelibus propter Christum remittuntur; nunquam tamen bona fiunt in se, aut iudicio divino, quod secundum veritatem est: quoniam summum bonum ac summa veritas sibi adversari non potest. Alia verò mala sunt non simpliciter & absolutè: sed tantum secundum quid ac relatè: qualia sunt opera fidelium lege præcepta, quæ Deus in hac vita spiritu suo in nobis efficit: quæ bona dicuntur, ratione sui principii nempe Dei, & ratione rectitudinis eatenus insitæ: sed carnis nostræ spiritui

repugnantis contagione inficiuntur: eoque respectu, ob imperfectionem accidentem bono Dei operi, mala sunt iudicio Dei: nihilominus tamen à potiori parte atque etiam origine, quatenus à Dei regenerantis ac juvantis gratia sunt orta, & lege Dei mandata ac consentanea, bona nominantur eique grata sunt: quatenus verò carnis nostræ contagione imperfecta sunt, eatenus per fidem propter Christi satisfactionem condonat, ut Hebr. 13. v. 21. *Deus perficiat vos in omni opere bono, ad præstandam ipsius voluntatem, efficiens in vobis quod acceptum sit in conspectu suo per Jesum Christum*. Ecce bonum opus vocatur quatenus Deus efficit in nobis: quia tamen id caro nostra inficit, propterea gratum esse dicitur per Christum, quia id quod bonum in nobis efficit Deus, eatenus illud agnoscit ac probat: quod autem à nobis contagionis accedit, agnoscit etiam atque improbat, sed tamen propter Christum fide apprehensum ignoscit ac condonat: ut etiam 1. Petr. 2. v. 5. *ipsi quoque veluti vivi lapides ædificemini domus spiritualis, sacerdotium sanctum, ad offerendas hostias spirituales acceptas Deo per Jesum Christum*. Id quod fuit prophetico typo adumbratum per bracteam seu laminam auream Aaronis summi sacerdotis, de qua Exod. 28. v. 38. *Sic esto super frontem Aaronis, ut auferat Aaron iniquitatem rerum sacrarum quas consecraverint filii Israelis, omnium donorum, rerum consecratarum ab illis: Esto ergo super frontem illius iugiter, ut sit benevolentia erga illos coram Jehova*. Id quod Clariss. D. Junius rectè exponens ait: *auferat non in persona sua, sed in summo Pontifice Christo, quem typicè referebat*. Notantur enim hic duo beneficia solius Christi, remissio peccatorum, & reconciliatio æternæque benevolentia, quæ eodem versu subijcitur. Atque hinc etiam refutari potest quod objicitur: mala non sunt facienda; bona fidelium opera, ex nostrorum sententia sunt mala, Ergo bona fidelium opera non sunt facienda. Negatur enim consequentia propter homonymiam vocis, *mala*; quæ in propositione accipitur de malis per se & omninò: in assumptione de malis per accidens ac secundum quid: alioqui falsa erit propositio. Nam quæ mala sunt per se & omninò, ea non sunt ullo modo facienda: nec etiam quæ mala per accidens sunt & secundum quid, facienda sunt quatenus mala; sed tantum quatenus bona, eaque ratione bona fidelium opera, quatenus per accidens contagionis carnis repugnantis sunt mala & imperfecta, eatenus non sunt facienda: hoc est, tollendum est illud accidens vitium, non autem subiectum bonum seu actio lege præcepta. Atque hæc ad confutationem primæ objectionis, quam Pontificii ex hoc loco proponunt. Ad alteram verò quod attinet, qua meritum vitæ æternæ operibus bonis idcirco adscribunt, quod teste Christo, qui ea fecerint, prodibunt in resurrectionem vitæ. Respondetur vitiosam esse consequentiam. Nam hisce verbis non meritum aut causa vitæ æternæ indicatur, sed antecedens conditio & via. Cum enim bona opera sint effecta veræ fidei, ex iis fideles judicabuntur, Neque voces istæ usurpatæ, *nam, quoniam*, & similes, in tribuenda gloria cælesti, ut Matth. 25. v. 34. ea esse non solum viam regni, sed etiam causam regnandi, comprobant: quia, ut alias monuimus, luditur homonymia vocis *causæ*, quæ aut argumentum quodvis notat seu rationem, qua aliquid probatur: quæ causa consequentiæ dici solet: aut argumentum essentiale, cujus vi res est, puta efficientem materiam, formam vel finem designat. Quæstio autem est inter nos, non de ratione, sed de causâ, & quidem efficiente ac promerente. Bona enim opera sunt antecedens conditio ad salutem necessaria, cujus certum consequens, non autem effectum, est vita æterna: Ideoque ratio est vitæ æternæ dandæ secundum promissionem: sed illius vi aut merito non datur, sed vita donum Dei est per Jesum Christum, Rom. 6. v. 23. qui imperfecta nostra opera suo sanguine expiat, & gratuito præmio coronat: quod non nos, sed ipse suis operibus bonis, perfectè legem implendo, promeruit. Sed urgent sequentia verba Christi, quod non solum ait: Eos qui bona fecerint vitam consecuturos: sed etiam oppositè, qui mala fecerint in resurrectionem condemnationis prodituros, unde sic colligunt: mala opera merentur mortem. Ergo bona, vitam: quia contrariorum, quatenus

quatenus contraria sunt, contraria sunt consequentia. Respondetur bona & mala opera absolutè ac simpliciter sumpta sunt contraria, sed in hominibus non ita sunt contraria: quia mala damnatorum, sunt simpliciter & absolutè mala; utpote lege vetita, ideoque ex legis sententia Deut. 27. v. 26. maledictioni sunt obnoxia. Bona verò servandorum, sunt bona non simpliciter, sed partim tantum; quia ob carnis contagionem sunt imperfectè bona. Deinde etiam si singula hominum bona opera quæ faciunt, essent per se & omnino bona: meritum tamen vitæ æternæ inde concludi non posset: quia diversa est vitæ & mortis conditio. Nam ad mortem vel unicum sufficit peccatum, Deut. 27. v. 26. Gal. 3. v. 10. *maledictus omnis* &c. contrà verò ad vitam non sufficit unum aut alterum bonum opus, immò nec plurima, sed omnium præceptorum, ex omnibus viribus, omni tempore requiritur obedientia: adeo ut si quis novem præcepta perfectè servavit, reliquum verò violet, meretur mortem, ex comminatione legis, & natura peccati, Deut. 27. v. 26. Jacob. 2. vers. 10. ideoque rectè dicitur Rom. 6. v. 23. *stipendium peccati mors est, donum verò Dei est vita æterna per Iesum Christum Dominum nostrum*. Idque duplici de causa: primum quia non servamus omnia, sed in multis impingimus omnes, Jacob. 3. 2. deinde quæ servamus sunt imperfecta: quia non ex omnibus viribus (ut Matt. 22. v. 37. requiritur) Rom. 8. v. 5. Gal. 5. v. 17. Ideoque nostris bonis operibus Deum non habemus debitorem, sed nos ei debitores sumus ac peccatores: qui jure quidem non vitam, sed mortem meremur: verum per gratiam Christi, condonatis peccatis, vita æterna, licet imperfectè bona opera præstantibus, secundum promissionem gratis datur. Atque hæc ad hujus loci vindicationem contra Pontificios, sufficient: reliquum est, ut explicata ratione miraculi à Christo præstiti, & Digressionem quadam interposita, ad miraculi illius eventum, & quædam dicta illustranda procedamus.

*Illustratio eventus miraculi facti ac patefacti: qui eventus v. 10. & seq. continetur.*

**D**escriptionem miraculi à Christo editi, & patefactionem illius, per sanatum hominem, gestatione grabati, cui antè æger incubuerat, sequitur eventus illius, nempe duplex Judæorum ob eam rem offensio ac concertatio sive controversia. Quarum prima fuit cum sanato: altera cum Christo. Prior autem constat duabus partibus; quarum prima bimembris est: nempe Judæorum accusationem: & sanati defensionem complectens. Accusant enim ipsum, quod grabatum gestaret, expresso Enthymemate, cujus antecedens est: *Sabbatum jam est*, consequens verò. Ergò *non licet tibi tollere grabatum* v. 10. Quæ ratio desumpta est à religione Sabbathi, de qua Exod. 20. v. 10. & Jer. 17. vers. 21. cujus violatio fuit crimen gravissimum: primum propter finem Sabbathi duplicem, nempe externum ac publicum Dei cultum, ad quem observandum otium illud præscriperat Deus: & propter fœdus Dei obsignandum, quietem scilicet à peccato & omni miseria per Christum, ut liquet, Exod. 31. vers. 13. Ezech. 20. vers. 12. Col. 2. v. 16. ideoque mortem Sabbathi violati pœnam constituit Deus Exod. 31. v. 14. & 15. & reipsa mortem violatori intulit, Num. 15. v. 35. Secundò gravitas hujus peccati elucet ex adjuncta præcepti facilitate: unde patet violationem illius non infirmitatem fuisse, sed contemptum contumacem. Hæc de vers. 10. & Judæorum accusatione, qua sanatum, Sabbathi violati nomine arguunt. Sequitur jam illius defensio tacita consequentiæ negatione: cujus loco probationem adducit, ab anthore seu præcepto illius, qui sanarat. Quo ostendit, opus hoc sanationis esse non humanum (quo solo violabatur Sabbathum) sed divinum, & ex præcepto Dei, per servum suum, ad miraculi divini gloriam ac Dei cultum gestationem grabati rectè præceptam v. 11. Huic verò defensioni subjicitur altera controversiæ cum sanato pars: constans quæstione Judæorum, & sanati responsione. Quæstio Judæorum est: *quis est ille, qui tibi dixit, tolle grabatum tuum & ambula* v. 12. Quam quæstionem, non sincero animo ac discendi studio: sed fallaci odio sciscitantur.

Responsio autem sanati describitur, primum ab adjunctis antecedentibus; deinde à forma suâ. Adjuncta antecedentia sunt duo: primò silentium; deinde responsionis occasio. Silentium indicatur à suis causis, scilicet quod Iesum Christum non nosset nomine; deinde quod ob digressionem seu secessum Christi ipsum ostendere nequireret, vers. 13. Antecedens verò responsionis occasio, est gemina: primum Christi conspectus in templo, quo se sanatus contulerat, ut Deo gratias ageret, pro more, ut Actor. 3. v. 8. deinde admonitio Christi: qua explicatur, primum Dei beneficium in ipsum collatum, *Ecce sanus factus es*: secundò sanati officium, id quod primum proponitur his verbis: *ne amplius pecca*, quo originem morbi peccatum fuisse indicat: deinde confirmatur sequentibus, comminatione majoris pœnæ cum ait: *ut ne deterius quid tibi contingat*, vers. 14. Hæc de responsionis antecedente. Forma verò illius declaratur vers. 15. *abiit ille & nuntiavit Judæis, Iesum esse qui sanum ipsum fecerat*. Nam quamvis antè Iesum non nosset nomine, ut v. 13. ostensum, cognoscere tamen postea hoc potuit, vel Christi indicio (licet hoc loco ea circumstantia non explicetur brevitate causa) vel populi indicio. Cæterum hac responsione, suam indicat erga Iesum Christum gratitudinem: nec enim ullo pacto credibile est, ipsum malo animo atque ingrato, utque Christum traduceret, rem ad Judæos detulisse; sed contrà ut grato animo Christum iis commendaret, quemadmodum Chrysost. Cyrill. & August. rectè exponunt. Non enim ait id, quod rogatus fuerat, Iesum jussisse ut grabatum tolleretur, sed Iesum esse, à quo sanatus fuerat, vers. 15. Atque hæc de priori Judæorum concertatione ac controversia cum sanato habita: unde altera cum Christo orta est, quæ deinceps explicatur. Constat autem duabus partibus: quarum utraque bimembris est: siquidem & Judæorum Christum oppugnantium malitiam, & Christi sese defendentis innocentiam denotat. Ac prima quidem parte, malitiæ Judæorum initium describitur, vers. 16. ex persecutione Christi, & causa illius injusta duplici: finali quidem, ut occiderent eum: impulsiva verò efficiente, quod ista fecisset Sabbatho, hoc est, quod eo die sacro sanasset ægrum, & grabati gestationem eidem mandasset: quorum utrumque lege vetitum perperam statuebant, ut etiam alibi Matth. 12. v. 10. Luc. 13. v. 14. Ioan. 9. v. 16. Ideoque Christum prehendere atque occidere studebant, & hic, & eadem omnino de causa Ioan. 7. v. 1. 32. & 34. sed frustra; quia nondum *hora illius* (hoc est, passionis destinatum tempus) venerat, Ioan. 7. v. 30. Siquidem divinæ providentiæ freno animi eorum, injecto timore, ut Matt. 21. v. 26. coerciti sunt, ne id quod quærebant, hoc est, per metaph. studiosè moliebantur, exequerentur. Hæc de Judæorum Christum oppugnantium malitia vers. 16. Innocentia verò Christi, defensione prima illius describitur. Cujus modus responsione continetur: quæ primum generatim indicatur, deinde particulatim exprimitur. Ac generatim indicatur, cum dicitur: *Iesus autem respondit eis*; Quæri autem non immeritò hîc potest, quonam sensu hîc Christus dicatur *respondisse* eis, cum tamen sermo Judæorum nullus præcessisse videatur, cui responderet: sed tantum cogitationes illorum ac perversa voluntas recensentur? respondere autem est ad sermonem, alicujus sermonem reponere. Verum id esse agnoscimus, si vox ea propriè accipiatur, ut Ioan. 1. vers. 49. & 51. Impropriè tamen per Synecd. speciei pro genere, *loqui* significat. Atque ita interdum citra controversiam, Matth. 11. v. 25. & 12. v. 1. Marc. 9. v. 5. & 12. v. 35. pro sermonem incipere usurpatur: ut apud Hebræos verbum *אמר*. Solvi igitur difficultas potest bifariam: primum *respondendi* vocè impropriè accepta pro loqui: ut sensus sit, locutus est, aut dixit iis: vel propriè, quod scilicet Christus responderet ad Judæorum sermonem, vel externum, quem brevitate causa Ioannes (ut in similibus circumstantiis fieri solet) omiserit; vel potius internum, seu animo conceptum, non ore expressum: quod videlicet illorum cogitationes perversas sciret; & qua Deus, & qua homo, sed distinctè: qua Deus quidem, omniscientia naturali, qua corda eorum intuebatur; quatenus homo verò per revelationem divinæ suæ natura, quæ



ræ, quæ omnia, ad officium propheticum illius pertinentia, animæ Christi revelabat: Adeo ut omnia, quæ Deus, absolute & immediate noverit: quæ verò homo, non omnia absolute, sed relatè, seu ea omnia, quæ ad officii ipsius executionem pertinebant, & quidem mediâtè in se atque in speculo revelatæ notitiæ menti inditæ cognovit, ut Marc. 2. vers. 8. Luc. 9. vers. 47. Joann. 18. v. 4. Quæ de re pluribus Ioan. 2. à nobis actum. Porro modus responsionis particulatim exprimitur, cum ait Christus: *Pater meus usque adhuc operatur, & ego operor*, hoc est, omnibus diebus, tam Sabbathi, quam aliis, inde à creatione mundi huc usque operatur Pater, & ego operor, scilicet *τὸν αἰῶνα ὁμοίως*, Hæc & eodem modo, seu potentia eadem, ut postea Christus exponit, v. 19. Quorum verborum vim, ad scopum pertinentem, Cyrillus ita expressit: *si creditis, opificis Dei voluntate, Sabbathi quoque die, omnia gubernari; cur temerè accusatis eum per quem Pater operatur?* Hæc ille. Quod enim opus divinum est, illud Sabbathum non violat, eoque neque accusari jure potest. Atque sanatio miraculosa ægri, opus divinum est, quod Pater in me & per me, ut omnia reliqua, operatus est: quemadmodum Ioan. 10. vers. 37. dicitur: *si non facio opera Patris mei, nolite credere mihi*, & cap. 14. v. 10. *Pater qui in me manet, ipse facit illa opera*. Quare cum opera miraculosa Filii, sint opera Patris ac divina, non violant Sabbathum, ideoque jure accusari non possunt: Neque etiam gestatio grabati, à Filio Dei homini sanato præcepta (siquidem ad certam valetudinis & virium virtute divina restitutionem patefaciendam, & ad Dei gloriam celebrandam pertinens) rectè reprehendi potest. Sed objiciat aliquis: cum Deus quieverit die septimo ab omnibus operibus suis, Gen. 2. v. 2. quomodo convenit Christi dictum, *Pater meus usque adhuc operatur*? Optimè inquam: quia quievissè dicitur, non absolute ab omnibus operibus: sed relatè tantum: nempe à creationis mundi operibus, antè capite primo descriptis: ideoque non solum dicitur: *quieverit ab omni opere suo*, sed etiam distinctè additur, *quod fecerat*: non autem ab opere conservationis & gubernationis mundi operibus variis. Quod autem vulgo dici solet: *quievissè ab omni opere*; quod nullas novas species postea produxerit, solidam illius probationem hætenus desideramus. Hæc de vers. 17. primæque concertationis Iudæorum, cum Christo, parte: qua detectum est Iudæorum malitiæ adversus Christum, initium, & Christi innocentia, ipsius responsione probatæ. Altera verò pars è priori orta jam succedit: quæ partim malitiæ Iudæorum Christo adversantium incrementum, partim Christi innocentiam planius ac plenius demonstrat. Ac primum quidem proponitur v. 18. his verbis: *propterea ergo magis quærebant eum Judæi trucidare, quod non solum solvissè Sabbathum: sed & Patrem suum dixisset Deum, parem se faciens Deo*. Quibus verbis malitiæ contra Christum continuatio & incrementum indicatur. Continuatio, quod Christi responsione non sunt mitigati ac correcti, sed propterea adhuc ipsum occidere quæsi-verunt. Incrementum verò malitiæ declaratur voce *magis*, quod magis hoc quæsierint. Secundo causa impulsiva utriusque redditur: prima quidem continuationis malitiæ, quod Sabbathum (opinione ipsorum) solvissè, hoc est, non observando violassè: altera verò causa est incrementi malitiæ, quod etiam Patrem proprium dixisset Deum, parem se Deo faciens, hoc est, (per usitatam metaphoram) dicens, ut Iohan. 10. vers. 33. *Homo cum sis, facis te ipsum Deum*, & 19. v. 7. *Filius Dei se fecit*, id est, dixit; & Ioh. 8. v. 53. *quem te ipsum facis*, denique 1. Ioh. 1. vers. 10. *Si dicamus quod non peccavimus, mendacem ipsum facimus*, hoc est, eo modo dicimus. Quarum causarum propositarum prima, falsa est, quia opus Christi Sabbatho præstitum, non fuit humanum & servile, quod Sabbatho prohibitum: sed divinum, quod Pater per ipsum, usque adhuc cum Filio operans, etiam fecisset: ut antecedens Christi responsio ostendit: ideoque non mortem, quam moliebantur, sed gratiam merebatur. Altera verò causa, vera quidem erat: sed vitiosa illius consequentia. Nec enim sequitur idcirco Christum trucidandum, quod Patrem proprium dixisset Deum, faciens (hoc est, dicens) se parem Deo, ut etiam perperam hoc con-

cluserunt, Iohan. 10. v. 33. & 19. v. 7. Hoc enim verum est, non blasphemum: quippe proprius est Dei Filius Rom. 8. v. 32. & unigenitus, Joh. 1. v. 14. Deus creator & conservator omnium, Ioh. 1. v. 2. & 3. (ut pluribus ibidem demonstratum) æqualis Deo Patri, Phil. 2. v. 6. quemadmodum passim in Sacris Literis Christo Dei Filio, quæ soli Deo conveniunt, propria nomina, attributa, opera, cultus religionis ac gloria æqualiter tribuuntur. Quamobrem in mente verborum Christi intelligenda non errarunt Iudæi, sed quod ea falsa esse statuerent: ipsumque Christum propterea morte dignum judicarent. Unde etiam perspicui potest, veteres & novos æternæ Deitatis Christi hostes, imprimis Arrianos gravissimè impegisse, quod Iudæos Christi mentem non rectè interpretatos esse, sed insigni calumnia eandem pervertisse confinxerunt. Contrarium enim ex antecedentibus Christi verbis constat. Nam qui dicit Patrem suum & se usque adhuc operari, scilicet eadem & similiter; ille dicit se Dei filium proprium, & parem Deo. Proprium enim est Dei, huc usque operari. Atqui Christus hoc dixit, ut ante ostendimus v. 17. Ergo dixit Patrem proprium esse Deum, parem se faciens Deo. Nam quod Arriani objectant, Christum hanc Iudæorum interpretationem quasi falsam, sequentibus confutare: contrarium ex iis liquebit, nimirum ipsum demonstrare se esse Patri æqualem, multis argumentis, quibus se Deo Patri confert: ideoque mortem, quam inferre quærebant, propterea non mereri; sed amorem & obedientiam. Qualia argumenta sunt, primum quod quæcunque Pater facit, hæc faciat Filius similiter: 2. quod ipse sicut Pater, quos vult vivificat. 3. quod pariter cum Patre honorandus. 4. quod ut Pater, habeat vitam in seipso, ut vivificandi principium seu fontem. Atque hæc de secunda Iudæorum adversus Christum concertatione; cui deinde Christi defensio additur, responsione illius, quæ primum generatim (ut in priori factum) proponitur; deinde particulatim exponitur. Proponitur quidem v. 19. *Respondit ergo Jesus ac dixit eis*, verba scilicet eorum, non ore expressa, sed mente suppressa atque agitata respiciens ac confutans: ac docens se revera Deo Patri parem, responsionis modo, qui varia Patris & Filii collatione constat. Cujus 1. membrum operum paritatem, quam v. 17. prius indicarat, plenius describit reliquo hoc versu, præfatione præmissa, *Amen amen* (hoc est verissimè) *disco vobis*. Collatio verò duabus constat membris: primum est, quæcunque Filius operatur, eadem etiam operatur Pater: secundum est vice versa: quæcunque operatur Pater, hæc Filius operatur similiter; Quibus eadem omnino omnia Patris & Filii opera statuuntur. Ac propterea, cum sub iis omnibus creationis & gubernationis omnipotentis opera & miracula, per divinam omnipotentiam edita contineantur, Filium eorundem cum Patre operatorem, Deo Patri parem esse omnipotentia, ideoque & essentia eundem esse, necesse est. Ac secundum quidem membrum licet suam aliquam habeat difficultatem, primum tamen longe difficilius, ideoque pressius explicandum. Verba autem sunt hæc: *non potest Filius à seipso operari quicquam, ei nisi pater, nisi quid viderit Patrem operantem*, unde Arriani Deitatis Christi hostes, duo argumenta deducunt: primum est ex prioribus, alterum verò ex posterioribus verbis. Ex prioribus quidem hoc modo: quicumque æternus Deus est, ille potest operari à seipso. Filius autem non potest operari à seipso. Ergo Filius non est æternus Deus; cujus nodi solutio generalis est negatione consequentiæ: quia vitiosus est syllogismus, ob quatuor terminos: sed in expositione eorum particulari, nonnulla est discrepantia. Quidam enim statuerunt minorem terminum, seu vocem Filii, aliter atque aliter accipi: in assumptione, Filii vocem intelligi quatenus homo est, per communicationem idiomatum, qua personæ Christi, ab una natura denominatæ, tribuitur, quod ei convenit secundum alteram: quemadmodum, Marc. 13. 32. Filius non norat diem judicii, scilicet qua homo, seu secundum humanam naturam: aliàs Filius Dei omnia norat, qua Filius Dei seu Patri *ὁμοῦ* per æternam generationem. Sic Filius Dei factus ex semine Davidis, secundum carnem Rom. 1. v. 3. Contrà verò in conclusione quæ controvertitur, vo-  
cem

cem Filii accipi, quatenus Filius Dei est. Verum hæc verborum quorundam ac partim recentiorum, solutio, neque antecedentibus neque sequentibus convenit, utraque enim ostendunt de Filio Dei, quæ Filius agi. Antecedentia quidem, quod eadem ab initio Patris & sua opera esse asseruit, v. 17. Atqui Christi opera quæ homo fuit, ut edere, bibere, ambulare, &c. quomodo dicuntur opera Patris? aut quomodo, quæ usque adhuc operatur, humanæ naturæ tribuentur? consequentia verò etiam obstant, quia dicitur: *quæcunque operatur Pater, Filius hæc similiter operatur*: quod non secundum humanam naturam, sed secundum divinam tantum Filio tribui posse, perspicuum est, ut Joh. 1. 3. *omnia per ipsum facta sunt; & sine ipso factum est nihil, quod factum est*. Quare plerique meritò aliter respondent, nimirum non minorem terminum, sed medium, h. e. non vocem *Filius*, sed phrasin *αὐτὸς ἐὰν ἔσθω, ἀπὸ τοῦ ὁμοίου*, diverso sensu usurpatam, quatuor parere terminos. Nam à seipso aliquid bifariam dicitur, vel ut efficiendi potentiam notet, ut idem sit, quod sua vi; ut opponatur potentia alienæ: quo modo accipitur, Joh. 18. v. 34. *αὐτὸς ἐὰν ὁμοίου ἔσθω, ex te ipso tu hoc dicis, an alii dixerunt de me?* & 2. Cor. 10. v. 7. *Cogitet αὐτὸς ἐὰν ἔσθω, ex seipso, id est, non meo instinctu*. Joh. 11. v. 51. *hoc verò αὐτὸς ἐὰν ἔσθω, ex seipso non dixit*, h. e. non vi insita, sed alienâ, h. e. instinctu divino: & 2. Corinth. 3. v. 5. *non quod idonei simus ad cogitandum, αὐτὸς ἐὰν ἔσθω, ex nobis ipsis*, id est, insita vi: vel accipi potest hæc phrasin ut non efficiendi vim: sed tantum ordinem ac primum terminum efficiendi designet. Priori autem modo accipi in propositione: quicunque enim æternus Deus est, ille ita operatur à seipso, hoc est, per se, non aliena ulla vi, sed sua: posteriori verò modo in assumptione è verbis Christi petita; quod à seipso non potest operari, hoc est, quod ordinis operandi primus terminus sit, non ipse, sed Pater. Quod quemadmodum à Patre ab æterno genitus existit: sic etiam à Patre operatur. Quod Pater, ut ratione ordinis personarum divinarum à se est, non ab alio: sic etiam in operandi ordine à se operatur, non ab alio: neque ab alio operari potest. Filius verò, ut personæ ratione est à Patre, sic operationis ordine non à seipso, sed à Patre operari dicitur, ut Johan. cap. 8. vers. 28. *à me ipso nihil facio*, & cap. 14. vers. 10. *Pater qui in me manet, ipse facit opera*. Quam ordinis, in eadem omnino operatione, distinctionem, Christus declaravit, Johan. cap. 15. vers. 26. *quem (scilicet consolatorem Spiritum) mittam vobis à Patre*: & 16. vers. 13. de Spiritu Sancto ait: *non enim loquetur à seipso: sed quæcunque audierit, loquetur*: & v. 14. *de meo accipiet & annuntiabit vobis*: Neque rectè excipi potest, etiam priori modo phrasin, *à seipso*, pro eo, quod est suâ potentia, accipi debere in Christi verbis: quia contrarium ex sequentibus (ut alia præteream,) evincitur. Nam qui, quæcunque Pater operatur, hæc operatur similiter, & qui vitam habet in semetipso: denique qui quos vult vivificat, is non alienâ, sed sua potentia operatur. Talis autem Filius asseritur. Et si enim operetur potentia Patris: ea tamen non est aliena, ac Patri propria: sed Filio per generationem æternam, non minus quàm ipsa essentia, communis. Utenim unica est essentia divina: sic unica est potentia tribus personis communis; eaque etiam essentia ac potentia, non est à Patre, in Filio, effectione ipsius, sed sola communicatione.

Hactenus ad primi argumenti Arrianorum, ex primis hujus sententiæ Christi verbis arrepti confutationem. Alterum vero est ex sequentibus verbis desumptum: *nisi quid viderit Patrem operantem*, unde ita urgent: qui non potest quicquam à seipso operari, nisi quid Patrem viderit operantem, ille non est Patri æqualis. Filius autem Dei non potest quicquam à seipso operari, nisi quid viderit Patrem operantem. Ergo Filius non est Patri æqualis. Assumptio verba Christi continet. Propositionem autem confirmare conantur hoc modo: Qui non potest quicquam operari, nisi quid viderit Patrem operantem: illius operatio est posterior Patris operatione, ideoque non eadem, sed facta per imitationem operationis. Atqui Filius non potest quicquam operari, nisi quid viderit Patrem operantem: Ergo Filii operatio est posterior, ideoque non eadem,

sed pro imitationem facta. Assumptionem agnoscimus: sed propositionem negamus: neque allata ratione rectè probatur. Nam primum nititur infirma hypothesi: quasi verba illa *ἐὰν μὴ ἴδῃ* viderit Patrem operantem, essent pars una enuntiationis hypotheticæ: antecedentia verò, pars altera; cum contrà antecedens sententia sit integra ac simplex: cuius ut subjectum est *Filius*, sic prædicatum, *non potest quicquam à seipso operari*. Cujus prædicati deinde expositio subijcitur, his verbis: *nisi quid viderit Patrem operantem*. Quibus verbis duo exponuntur: primum quid præcipue significet, non à seipso posse operari: nempe nisi Patre operante, utpote qui per Filium operatur; secundum verò est operationis illius adjunctum, quod Pater non operatur, nisi id viderit Filius, hoc est cognoverit, seu non operari Filio inscio; Novit enim, ut Joh. 7. v. 29. dicitur, Patrem, quia à Patre est. Neque inde rectè infertur. Ergo Patris operatio prior est, Filii posterior, ut qui Patrem, quem videt operantem, imitetur: quia hæc notitia non est operatione posterior, sed ei conjuncta. Nec ideo etiam opera Patris & Filii sunt diversa, sed prorsus eadem: quemadmodum hujus cognitionis subiecta probatio demonstrat, cum dicitur: (*quæcunque enim Pater facit, etiam hæc* (ideoque non alia) *facit Filius similiter*, id est, eodem modo, eadem potentia: ac propterea Patrem, ob eandem cum ipso operationem, operantem videt, h. e. cognoscit. Deinde etsi necessariò ex Christi verbis sequeretur opera Patris, visio nem Filii antecedere, quod falsum esse ostendimus: consequentia tamen adversariorum non esset necessaria: diceretur enim vocem *operantem* significare (per meton. effecti pro causa) volentem operari. Quemadmodum verba, quæ propriè effectiorem significant, crebrò per velle efficere usurpantur: ut cum Judæi vellent Christum lapidare, Joh. 10. 31. illud vocatur à Christo, & à Judæis lapidare, v. 32. & 33. Deinde, Joh. 13. v. 27. dicit Judæus: *quod facis, fac etiam: quod facis*, hoc est, quod vis facere, nimirum ut me tradas Judæis: Qualia sunt apud Græcos multa, ut apud Eurip: in Orest. edit. Græcolat. p. 22. *ὡς δὲ κτείνῃς, Si te occideris*, h. e. occidere velit. Atque hoc modo dici posset sensum hîc esse, nisi viderit Patrem operantem, h. e. velle operari: ut voluntas seu decretum operandi antecedit, non tempore, sed ordine notitiam illius: ideoque objectio etiam hac ratione tolleretur. Atque hoc ad defensionem solutionis datæ: quod verba illa: *nisi quid viderit Patrem operantem*, non sunt pars enuntiationis hypotheticæ (quasi altera pars esset, *Filius non potest quicquam operari à seipso*) sed expositio integræ sententiæ antecedentis, ideoque brevi paraphrasi Dominus Beza interposuit claritatis causa; id est, quemadmodum similis expositio requiritur, Joh. 15. v. 4. *Palmes non potest ferre fructum à seipso, nisi manserit in vite*, ubi rectè similiter ante vocem *nisi*, perspicuitatis causâ, idem interpretes voces, *id est*, interposuit. Quo etiam spectat quodammodo locus Johan. cap. 16. vers. 13. *cum venerit inquit, πνεῦμα τὸ ἁγίον, ille* (id est,) *Spiritus veritatis*. Ac propterea non imperitè Dominus Beza (ut perperam objicit Maldonatus,) sed eruditè vertit: neque melior est, quam Maldonatus affert, interpretatio, ut *ἐὰν μὴ* pro *sed* accipiamus. Nam quamvis hoc modo (ut Latinis *nisi*) interdum usurpatur, ut 1. Cor. 7. v. 17. Gal. 1. vers. 7. & 2. vers. 16. Apoc. 21. vers. 27. hoc tamen in loco minus rectè congruit: quia non dicitur simpliciter *ἐὰν μὴ, nisi*, sed additur vocula *τί*, hoc est, *ἐὰν μὴ, nisi quid*. Neque dici jure potest vocem *τί* hîc redundare; quasi tantum intelligeretur *μὴ*; quia neque ex Sacris Literis, neque ex ullis Græcis authoribus, ab iis, qui hoc statuunt, probatur, *ἐὰν μὴ* significare simpliciter *non*. Neque huc referri potest, *μὴ ἢ* cum interrogationem notat, tum enim *μὴ* nequaquam significat, *non*, sed *an*, seu *nunquid*. Quod autem vulgatum interpretem secutus Iesuita, *τί* interpretatur *quod*, quasi *τί* poneretur, pro *ὅτι*: illud inquam dici quidem agnoscimus: sed hujus significationis non conjecturam, sed solidam è Græcis probationem adhuc desideramus: alioqui si ea extaret, commodissima sanè foret expositio. Quare præstat Bezzæ expositio, ut verba illa, *nisi quid*, propriè accipiantur: & *nisi quid viderit Patrem operantem*.

*operantem*, superioribus addi, ut sint eorum interpretatio atque illustratio. Sed postremò obijcitur ab Arrianis vers. 20. *Pater enim diligit Filium: & omnia demonstrat ei, quæ ipse facit, & opera ipsis majora demonstrabit ei, ut vos miremini.* Unde sic concludunt: Pater demonstrat Filio omnia quæ ipse facit: Ergo Patris opera sunt priora, quàm Filii, eaque diversa; ac per consequens non est æqualis Patri. Verùm negatur consequentia, quia non dicitur: demonstrat ei omnia opera, quæ fecit, (ut de operibus antè factis) sed quæ facit. Demonstrare autem Filio opera illa, est Filio conscio operari: cum enim Pater omnia per Filium operetur, de quo Iohan. cap. 1. vers. 3. & quæcunque facit Pater, hæc operetur Filius similiter, hoc capitè 5. (vers. antecedente, sequitur quæcunque facit Pater, ea Filium nosse: atque ita Filio demonstrabit, istis (nempe miraculis, cum in ægri sanatione, tum in virium integritatem restitutione editis) majora, quod per Filium, Patris facta videntem, cæcis visum, Iohan. cap. 9. vers. 7. & mortuis vitam restituit, Luc. 7 v. 14. & 15. & cap. 8. vers. 54. & 55. Iohan. cap. 11. vers. 43. & 44. Sed excipiunt Arriani: Pater operatur per filium: Ergo Filius est Patris instrumentum, ac propterea inæqualis est Patri. Verùm negatur consequentia: quia vox illa, nempe *per*, notat hic ordinem tantum diversum operandi (ut etiam aliàs frequenter) non operationis ullam diversitatem. Pater enim operatur à se: Filius à Patre per se, virtute sua, non alienâ. Nec enim solum operatur eadem quæ Pater: sed etiam similiter eademque potentia, ut v. 19. explicatum: instrumentum contrà, non similiter operatur ei, qui instrumento utitur; neque instrumentum habet insitam vim operandi, nisi à principali agente motum recipiat. Atque hac ratione loci hujus sententiam, adversus varias objectiones munire atque illustrare studuimus.

*Capitis sexti vers. 1. ad 15. brevis expositio.*

**Q**Uoniam hujus cap. 6. pars prima, à vers. 1. ad 15. descripta, quotannis in hisce Ecclesiis explicari solet: non alienum fore existimavimus, si eam strictim illustrare conaremur. Hactenus quæ à Christo Hierosolymis gesta sunt, & Iudæorum crudelis ingratitude, quæ ipsum sunt persecuti, ac trucidare studuerunt: licet Dei providentiâ sint prohibiti, quo minus id exequi potuerint, ut ex anteced. cap. apparet; sequitur jam eventus illius declaratio, quod Christus suæ prædicationis & miraculorum gratiam, ab indignis alio transtulit. Duo enim hoc cap. 6. declarantur: primum Christi è Judæa reductus in Galilæam: secundo ejusdem gesta ibidem. Reditus autem indicatur, partim tempus, partim locus. Tempus, cum dicitur; *post hæc*; id est, post illam Iudæorum Hierosolymis ingratham incredulitatem ac malitiam, & Christi defensionem oppositam. Locus est, quod *abiit trans mare Galilææ, quod est Tiberiadis.* v. 1. Gesta vero Christi, ut à Luca, Act. 1. dividuntur in opera & doctrinam: sic eadem hoc loco ordine recensentur commodis exemplis; nempe Christi miracula, & concio illius gravissima. Ac miraculorum describitur primum occasio, sc. populi ad Christum concursus, quod eum turba multa sequebatur; deinde diversitas. Nam primum multa ejusdem generis describuntur: deinde singularia duo alterius. Multa quidem cum dicitur: *quia videbant, quæ edebat in ægrotis* (nempe sanandis) *signa*, i. e. miracula. Hæc enim sunt opera, præter & supra communem naturæ ordinem ac vires, à Deo edita, potissimum ad omnipotentia & veritatis divinæ significationem ac confirmationem, Ioh. 5. 36. Marc. 16. v. 20. Act. 14. 3. omnipotentiam enim indicant, quod causis secundis Deus non sit allicitus: veritatem verò, quia mendacii testimonium summè verax perhibere non potest: unde miracula ab effectu suo, *signa* etiam appellantur. Ut autem hæc sanationis hujus ægrorum multorum dignitas melius intelligatur, duo consideranda videntur, primum discrimen illius à sanatione Medicorum: deinde causa, cur potius hoc miraculi genus quam alia ediderit. Ad sanationem enim Christi quod attinet: ea à medicorum sanatione differt plurimum. Medicorum enim arte sanatio facta naturam non excedit: Christi verò supernaturalis est, ac divina: sæpe quidem ratione subiecti seu morbi curati:

semper verò ratione modi. Medici enim curant non omnes morbos: sed eos tantum, qui naturali medicamentorum efficaciam tolli possunt; deinde curant modo naturali, si instrumentum & tempus consideres. Nam medicamentis utuntur quæ insitam curandi vim obtinent, & paulatim tantum curant, lenteque vires restitunt: Christus verò curat quosvis morbos, etiam maximè naturâ incurabiles, & quidem virtute supernaturali ac divina, quod ex modo demonstratur: Ac primum ex adhibitis quasi instrumentis, quæ aut nullam sanandi vim habent in se, ut cum voce curat ac sanat: aut interdum contrariam habent ac nocentem vim, ut cum cæci oculos luto oblitos aperit, Joh. 9. Secundò tempore: nec enim valetudinem neque vires restituit paulatim, sed momento. Quamobrem rectè non artem declarasse: sed signa, hoc est, potentia Dei documenta in ægrotis edidisse hoc loco asseritur. Atque hæc etiam ratione miracula Christi à Satanæ operibus admirandis distinguuntur, forma nimirum & fine. Ac forma quidem bifariam. Nam Christi miracula fuerunt præter naturæ, seu causarum secundarum ordinem ac vires. Contra verò Satanæ opera secundum naturam seu naturalibus causis fiunt, etsi sæpe occultis: quas ipse pro ingenii sui sublimitate & usu longo, tanquam optimus physicus exploratas habet, & pro summa agilitate sua ad effectum producendum accommodat. Atque hinc sæpe fit, ut ex causarum ignorance id verum miraculum esse falsò putetur, quod ejus tantum similitudo est ac larva: qualia miracula fuerunt Magorum in Ægypto. Deinde Christus multa edidit miracula, quæ Diabolus ne specie quidem, sine præstigiis seu oculorum fascinatione imitari potest: Cujusmodi sunt omnia quæ naturalibus causis fieri non possunt, sed sola Dei omnipotentia, ut visus & auditus omnis extincti restitutio, & mortuorum vivificatio. Hæc de discrimine miraculorum in forma ipsa posito: cui alterum, in fine consistens, accedit. Nam Christi miracula, facta sunt potissimum ad doctrinæ antè à Deo traditæ, & ad potentia illius gloriam, & hominum salutem. Contra verò Satanæ miracula ad ipsius & pseudoprophetarum honorem impium, & ad erroris patrocinium, hominumque exitium eduntur. Ideoque Christi miracula, cum immediatè, tum mediatè per Apostolos, facta, omnibus modis forma ac fine, meritò *vera* appellantur: contra verò Satanæ miracula ob formæ & finis vitium *falsa* appellantur, 2. Thess. 2. vers. 9. 10. 11. ac propterea illa non propriè, sed impropiè per metaphoram (ob quandam verorum miraculorum similitudinem) *miraculi* nomen in Sacris Literis obtinent. Denique ad hujus loci & similium illustrationem, etiam observandum est discrimen, inter Christi & sanctorum Apostolorum aliorumque piorum hominum miracula, duplex: partim in efficiendi, partim in finis destinati modo consistens. Nam efficiendi modus diversus est: Christus edidit miracula propria sua virtute atque autoritate, tanquam verus Deus, Marc. cap. 2. vers. 10. & 11. & cap. 5. vers. 30. & cap. 16. vers. 20. & Iohan. cap. 5. vers. 19. 21. 23. Apostoli verò aliique sancti, ut ministri, non suo, sed Christi Domini sui auctoris nomine atque virtute, Matth. 10. vers. 8. Act. 3. v. 6. & 12. & 9. vers. 34. Eaque virtus non ipsis Apostolis inhærebat: sed tantum exterius conjuncta erat, atque ad ipsorum petitionem, vel præsentiam miracula effecit. Alterum verò discrimen, in finis modo consistens, est quod miracula quæ Christus ipsemet edidit, in eum finem facta sunt, primum ut ostenderet seipsum esse Messiam promissum; Deique Filium, Matth. 11. vers. 2. 3. 4. 5. Iohan. 5. vers. 36. unde secundus finis promanans fuit, ut in Iesum, tanquam salutis authorem crederetur, Ioh. 10. v. 37. & 38. & 14. v. 11. in quem etiam finem Christi miracula, ab Apostolis sunt descripta. Ioh. 20. v. 30. & 31. Contra verò Apostoli quamvis miracula ediderint, ut causa ministra, in eundem reipsa finem, modus tamen illius fuit diversus. Non enim idcirco ea edebant, ut seipsos esse Messiam Filiumque Dei ostenderent: sed ut Iesum, cui ministrabant, eum esse testarentur: neque etiam ut in ipsos crederetur, sed ut in Iesum credendum demonstrarent, cujus nomine & virtute accedente fierent miracula,

miracula, Act. 3. vers. 6. 12. & 16. Atque hætenus miraculorum sanationis ab ipsomet Christo editorum dignitas, quæ ex discrimine sanationis Medicorum: & miraculorum Satanæ, atque etiam Apostolorum demonstrata. Alterum verò hoc loco explicandum superest, nempe causa, cur potius hoc miraculorum genus à Christo sit editum (ut Matth. 4. vers. 23. & 24. cap. 15. v. 30. 31.) quam alia, estque multiplex: Prima enim fuit, quod Christus, pro sua sapientia noluit curiositati hominum inutili, & vano desiderio (ut Matth. 16. vers. 1. & 4.) sed utilitati eorum inservire, quemadmodum Act. 10. vers. 38. dicitur: quod *Jesus obambulavit beneficiis afficiens & sanans*. Altera causa fuit, quia talia erant à Deo decreta ac per Prophetam prædicta de Messia, ut Esa. 35. v. 4. 5. 6. *Ipse advenit servaturus vos, tum aperientur oculi cæcorum, & aures surdorum patefient, tunc saliet claudus velut cervus, & cantabit lingua muti*. Ideoque Christus à Iohanne Baptista per discipulos ejusrogatus, an esset Messias qui venturus erat, ex iisdem miraculis, & ex doctrina Evangelii illud comprobavit, Matth. 11. vers. 4. & 5. dicens, *renuntiate Johanni quæ auditis & videtis: cæci visum recipiunt, & claudi ambulant, leprosi mundantur, & surdi audiunt, & mortui excitantur, & pauperibus evangelizatur*. Tertia causa hujus generis miraculorum sanationis corporalis, fuit ut eo modo adumbraret, se esse verum illum Messiam, qui merito passionis suæ, pœnas peccatis nostris debitas perferendo, ab iisdem pœnis nos sanavit, ut Matt. 8. 16. & 17. explicatur: *obtulerunt ei (Christo sc.) daemones multos, & ejecit Spiritus verbo: omnesque male affectos sanavit: ut impleretur quod dictum est per Jesaiam prophetam: ipse invaleuit nostras accepit, & morbos portavit*, nimirum ut ipso ferente iniquitates nostras, h. e. pœnas iniquitatum nostrarum, ab iisdem sanaremur seu liberaremur, ut Esa. 53. v. 4. & 5. docetur. Postrema denique causa talium miraculorum in sanandis afflictis ea fuit: ut benevolentiam atque attentionem populi sibi compararet, eoque gradu ad fidem alliceret. Nam divina potentia in miraculis relucens, movet quidem spectatores, sed ei conjuncta præterea admiranda illa erga plurimos homines miserrimè afflictos misericordia ac beneficentia, majores animis addit stimulos ac promovet ad Christum sequendum: ut cum alibi, tum Matt. 4. v. 24. & 12. v. 15. & 15. v. 30. & 31. ut etiam ex eventu horum miraculorum apparet. Nam ut adventus populi ad Christum, occasio fuit prædicati à Christo Evangelii & sanationis ægrorum. Luc. 9. v. 10. & 11. sic ea doctrina & miracula edita causa fuerunt, ut ex hoc loco Iohannis v. 2. apparet, cur Christum, à populo sese in locum desertum recipientem, nihilominus sint secuti. Atque hætenus primum miraculorum genus, in sanatione ægrorum multorum consistens, explicatum est: sequuntur deinde duo singularia, diverſi generis: quorum primum est multorum millium admiranda cibi multiplicatione, saturatio, quod à vers. 3. ad 16. describitur tribus modis: primum suis circumstantiis; deinde causis: denique eventu. Circumstantia est miraculi locus, tempus & præparatio illius. Locus quidem communis, est Galilæa, in quam Christus venerat, ut ex vers. 1. constat: proprius verò fuit urbis Bethsaidæ desertum, (Luc. cap. 9. vers. 10.) monti, in quem Christus cum discipulis ascenderat, subiectum, vers. 3. Id quod omninò factum videtur, ut ea loci deserti, ac populi sequentis fatigati, ciboque destituti, occasione, miraculum hoc efficeret: quemadmodum etiam postea simili occasione à Christo factum, Matth. 15. v. 32. & 33. Tempus autem miraculi indicatur à Ioanne indicio mensis, quod festum Paschatis esset propinquum v. 4. id quod mense Nisan seu Martio celebrabatur. Lucas verò c. 9. v. 12. etiam tempus, ratione partis diei indicat, nempe quod dies jam declinaret ad vesperam. Atque hæc de miraculi circumstantia utraque, cum loci, tum temporis. Tertia verò, nempe præparatio illius, primum explorationem Apostolorum: deinde Christi mandatum, & adjunctam ejus obedientiam complectitur. Quorum prius constat Christi quæstione, & Apostolorum responsione. Quæstionis autem primum proponitur occasio (nempe turbæ multæ ad ipsum adventantis conspectus) & modus,

unde ememus, & c. v. 5. deinde exponitur à fine suo, seu cur quæstionem illam proposuerit: nimirum ut tentaret, hoc est, exploraret Apostolum Philippum, quem compellavit: non autem ut illud, quod quærebat, sciret: *ipse enim sciebat quid facturus esset*, v. 6. Ac rectè ad hunc locum Aug. *Interrogamus aliquando quod nescimus, audire volentes, ut discamus: aliquando interrogamus, quod scimus, scire volentes utrum & ille sciat quem interrogamus. Utrumque hoc noverat Dominus, & quod interrogabat sciebat, & quid esset futurum ipse noverat, & hoc nescire Philippum sciebat similiter: quare itaque interrogabat? nisi quia illius ignorantiam demonstrabat*. Hæc August. Nec malè addit Cyrillus: *rudiorum ad sublimiora ingenio consequenda, & ad fidem vocans & roborans, rogat*. Hæc de Christi quæstione: cui succedit Apostolorum responsio: quæ imbecillitatem fidei eorum declarat, quod rei difficultatem & humanas vires potius considerarent, quam Christi Filii Dei potentiam. Ea autem responsio est duplex: prima quidem Philippi, quem Christus nominatim interrogarat vers. 7. altera Andreæ fratris Simonis Petri vers. 8. & 9. Atque ita exploratio Apostolorum finitur: cui deinde additur alterum præparationis miraculi membrum, nempe Christi mandatum: & adjuncta illius obedientia prompta. Mandatum proponitur & exponitur vers. 10. proponitur quidem his verbis: *dixit autem Jesus, facite ut isti discumbant*, scilicet distinctè per centenos & quinquagenos, ut Luc. 9. vers. 14. dicitur. Quo gemina actio exigitur; primum Apostolorum, ut Christi nomine turbæ imperent ut ea discumbat humi: & turbæ deinde ut pareat. Exponitur autem hoc mandatum à facilitate illius, seu à discumbendi in terra commoditate: quia erat multum gramen eo in loco. Obedientia verò prompta Apostol. & turbæ exprimitur cum dicitur: *discubuerunt ergo*: & numeri adjuncto describuntur discumbentes, cum dicitur: *viri numero circiter quinquies mille*, h. e. (ut Matth. 14. v. 21. declaratur) absque mulieribus & pueris. Cujus explanationis numeri finis est, ut obedientia turbæ magis ad imitationem nostram commendetur: & deinde inprimis, ut miraculi magnitudo ac potentia eo amplius, ad Christi gloriam cognoscatur: quemadmodum in simili miraculo describendo factum, Mat. 15. v. 18. denique ut Apostoli Christum sequentes, in ejusdem potentia & bonitate comperta fidem ac spem suam firmiter collocarent; & de victu obtinendo magis essent securi, ut Mat. 16. 8. 9. 10. Christus hunc usum exponit. Atque hæc de tertia circumstantia, sc. præparatione illius, quæ exploratione Apostolorum, & Christi mandato adjunctaque obedientia continetur, ac prima est narrationis hujus singularis miraculi pars. Altera verò pars succedit: qua exponitur causa efficiens, materia & forma: seu quis miraculum fecerit, in qua re, & quomodo. Ac primum efficiens persona indicatur, nempe Jesus, qui id solus edidit: impulsiva verò causa efficiens interna fuit, illius misericordia: externa verò, populi, gregis instar, pastore destituti miseria, Marc. 6. v. 34. Materia deinde subjecta, seu res illa in qua miraculum effectum, est cibus exiguus, quinque scilicet panum & duorum piscium. Qui cibus describitur ab adjuncta actione gemina; primum Christi: deinde Apostolorum, Christi quidem, quod eos panes, ut hic dicitur, & pisces (ut Matth. 14. 19. exprimitur) acceperit; deinde quod gratias egerit (Deo scilicet Patri, in cælum suspiciens Matth. 14. v. 19.) ut ad usum & esum, pro officio pietatis, & more suo sanctificaret 1. Timoth. 4. v. 4. & 5. præterea (ut Matth. 14. 19. & Mar. 6. v. 41. & Luc. 9. 16.) fregit: denique distribuit discipulis seu Apostolis, ut sc. apponerent discumbenti turbæ Marc. 6. 41. Actio verò Apostolorum fuit, quod Christi potentiæ credentes, & mandato ejus obtemperantes, cibum turbæ apposuerunt ac distribuerunt. Forma verò seu modus miraculi est cibi fracti inter Apostolorum distributionem, virtute Christi divina multiplicatio, turbæ abunde sufficiens. Qualis etiam postea à Christo facta Mat. 15. 37. & olim ejusdem filii Dei virtute, ad votum Eliæ, in farinæ & olei modici viduæ Sareptanæ longa accretione 1. Reg. 17. 14. & v. 16. & in olei modici viduæ cujusdam Prophetæ, secundum Elisæi prædictionem & consilium incremento admirabili, 2. Reg. 4. vers. 5. 6.



Cœterum hæc fracti panis & piscium multiplicatio, non exprimitur quidem : sed effectis suis duobus perspicue demonstratur. Quorum primum, est saturatio totius turbæ: alterum vero est residuorum fragmentorum collectio ac copia. Saturitas autem declaratur à Ioanne. vers. 11. quod discipuli dederint iis cibi tantum, quantum volebant : & vers. 12. additur quod expleti sunt, & Matth. 14. 20. dicitur : *& comederunt omnes & saturati sunt*, scilicet numero viri circiter quinquies mille absque mulieribus & pueris, ut vers. 21. ibidem traditur. Residuorum verò fragmentorum collectio quidem à Christo Apostolis, ad frugalitatis commendationem, ne quid periret : & ad miraculi splendorem mandata vers. 12. atque ab Apostolis facta vers. 13. copia verò fragmentorum indicatur his verbis : quod *compleverunt duodecim cophinos ( sive corbes ) fragmentorum ex quinque illis panibus*, ( & ut Marc. 6. vers. 43. declaratur ex piscibus illis, scilicet duobus ) *quæ superfuerant iis qui comederant*, vers. 13. Hæc de huius miraculi forma seu modo, panum scilicet & piscium paucorum admiranda multiplicatione, ad turbæ satietatem abundè facta. Finis verò huius miraculi à Christo facti non exprimitur quidem, sed ex iis quæ de miraculis generatim ante diximus, & ex sequentibus etiam satis colligi potest, nempe communis finis, ut eo miraculo omnipotentiae suæ opere ostenderet Iesus seipsum esse Christum ; & ut auditores crederent in ipsum ad salutem æternam, Ioan. 20. 30. 31. Matth. 11. 3. 4. 5. Proprius verò finis videtur fuisse : ut quemadmodum miraculosa sanatione morborum, sese liberatorem nostrum à pœnis æternis significarat ac probarat, ut ex Matth. 8. v. 16. & 17. constat : sic etiam miraculosa panum multiplicatione ac corporis nutritione, se esse panem cœlestem designasse videtur : ut in ipsum credentes, eumque fidei ore manducantes, saturarentur ac vitam æternam obtinerent : quod indicari omnino videtur hoc capite sexto, cum postea saturatis hisce objicit vers. 26. *quæritis me, non quod vidistis signa* ( iisque scilicet commoti in me credatis ) *sed quod edistis è panibus & saturati estis*, hoc est, quod non Christum tanquam cibum mentis, sed panes tanquam cibum ventris requirerent : ideoque vers. seq. 27. hortatur, ut contrà cibo mentis ( nempe Christo ) acquirendo darent operam, hoc est, vers. 29. in ipsum crederent. Quæ verò alia, in confectandis diversis allegoriis, nonnulli veterum & recentiorum huc adducunt, ea à Sacr. literarum sinceritate multum recedunt : in quibus tamen, ob sacrosanctam earum dignitatem, ingenii humani lusus omnes sunt fugiendi. Atque hæc de secunda historiæ huius singularis miraculi parte, nempe causis omnibus ; superest tertia pars atque ultima, nempe miraculi eventus duplex. Prior est vers. 14. populi ex eo ortum iudicium, nempe Iesum esse Christum, cum dicunt : *hic est verus* ( non falsò, ut quidam antè pseudoprophetæ ) *propheta ille, qui venturus erat in mundum*. Hæc enim est Messiae periphrasis, petita ( ut omnino videtur ) ex Deut. 18. v. 15. *prophetam è fratribus vestris excitabit vobis Deus*. Quo modo *ἐξ ὅχου* Christus intelligitur prophetarum princeps : hæc enim verba sunt illustri de Christo prophetia, quemadmodum disertè Actor. 3. vers. 22. 23. & 24. demonstratur. Quo etiam pertinet primum illud Samaritanæ Ioann. 4. vers. 25. dictum : *novi quod Messias veniet : cum venerit ille, annuntiabit nobis omnia*. Deinde illud etiam Baptistæ Matth. 11. v. 2. Christo propositum per discipulos, non sua causa ( hoc enim norat, & jam ante testatus erat ) sed discipulorum causa ; *Tunc, inquit, is es, qui venturus erat, an alterum expectamus ?* Cœterum ne quis impingat, observandum est, quod hæc fides turbæ non fuit satis recta : quia ex communi Iudæorum errore, nec personam huius prophetæ, neque attributum illius officium ac beneficium sincerè credebant. Nam ad personam quod attinet, non Immanuel seu *Δευτερον*, Deum patefactum in carne : sed *ψαλδς ἀνθρώπων* merum hominem esse credebant : deinde ad attributum officium quod attinet : prophetam quidem agnoscebant, sed reliquorum tantum more, ( etsi præstantiorem gradu ) quasi exterius tantum docere posset, non autem mentes pro arbitrio ac divina sua virtute illustrare, animosque con-

vertere : deinde talem prophetam, qui miracula non vi sua insita efficere possit : sed ea à Deo tantum impetrare valeret. Qualis fuit initio fides cæci nati ac sanati à Christo Ioan. 9. v. 31. deinde Sacerdotem fore credebant, qui bruta offerret Deo, non autem seipsum ad redemptionem Ecclesiæ : denique ad Regium officium quod attinet, regnum illius mundanum credebant, ac beneficia mundana : victoriam de hostibus omnibus, pacem, alimentorum copiam, opesque & honores expectabant. Id quod ex altero, miraculi huius in eadem turba, eventu, apparet, vers. 15. Is enim est propositum illorum ut ad Christum venirent, eumque correptum, regem statuerent, vers. 15. nimirum non ut ab illo tanquam rege spiritali gubernarentur verbo & Spiritu Sancto, ipsosque adversus omnes spirituales hostes tueretur, ac regni sui cœlestis tandem participes efficeret, sed in regem mundanum, à quo beneficia mundana expectarent : quemadmodum hoc perversum eorum iudicium ac propositum Christus ipsis exprobrat hoc capite vers. 26. Ideoque etiam effectum ex hoc proposito consequens confirmat ; quia ut Evangelista ait vers. 15. *Iesus ergo cum hoc nosset* ( scilicet per divinæ suæ naturæ internam revelationem ) *secessit rursus in montem solus*, hoc est, è planitiè ( in quam descenderat ad turbam ) relictis ibidem discipulis, iussuque suo coactis navigio præire Bethsaidam Marc. 6. vers. 45. rursus se subduxit in montem solus. Id quod ob vesperam ( quæ ex vers. 16. apparet ) secretius fieri potuit : eoque etiam modo, sua à discipulis absentia, alteri miraculo singulari, in mari præstando, viam præparavit, quod sequentibus explicatur. Atque hæcenus horum quindecim versuum explicatio.

*Ad versus 19. & 20. illustrationem, succincta doctrina de Timore adumbratio.*

QUoniam hoc cap. 6. v. 19. & 20. timoris discipulorum, à Christo reprehensi, fit mentio : & alibi etiam interdum timor reprehenditur : interdum verò commendatur ac præcipitur, non importunum fore speramus, si paucis doctrinam de Timore complectamur : ut eo facilius, quid de eo in explicatione S. literarum sit distinctè statuendum, dignoscamus. Ut autem à definitione ordiamur : Timor est animi affectus, quo malum futurum mente apprehensum, averfatur : aut ( ut Ciceroni in Tusculanis visum ) *futura ægritudinis sollicita recordatio*. Cuius timoris objectum statuitur malum, futurum nimirum ; sive reipsa, & malum sit & futurum sit ; sive opinione tantum. Unde pro distinctione mali duplicis : timor alius est mali culpæ, sive peccati : alius mali pœnæ ac supplicii. Ac timor peccati est, qui ex periculi illius conscientia oritur : & distinguitur in eum timorem qui per se est : aut per accidens, seu per aliud tantum. Per se quidem, cum timetur peccatum tanquam malum, duplici bono repugnans : primum bono gloriæ Dei, seu iustitiæ à Deo mandatæ, quia peccatum est legis transgressio 1. Ioann. 3. vers. 4. alterum bonum est perfectio nostra, quæ in perfecta animæ iustitia atque obedientia erga Deum potissimum posita est : qui timor præcipitur Philipp. 2. vers. 12. & 2. Corinth. 7. 1. Timor verò peccati per accidens seu propter aliud tantum, est cum peccatum metuitur quidem, sed non quatenus peccatum est, seu Dei legis violatio, sed ratione effecti, seu quatenus stipendium illius est pœna. Prior peccati timor *filialis*, hoc est, liberalis : posterior *servilis*, vulgò dici solet. Atque huc distinctè illud referunt Poëtæ dictum.

*Oderunt peccare boni virtutis amore ;*

*Oderunt peccare mali formidine pœnæ*, scilicet tantum. Hæc de timore peccati seu culpæ. Timor verò pœnæ, ratione causæ efficientis, aut naturalis est, aut moralis. Naturalis, qui à natura insitus est : quæ sicut sui conservationem, insita à Deo facultate appetit : sic contrà dolorem & destructionem sui eadem ratione averfatur, & periculum ejus reformidat. Quare hic timor absolutè ac per se consideratus peccatum non est : quia à naturæ auctore Deo promanat : sed per accidens circumstantiarum moralis fit, cum

fit, cum à bono more aut malo existit: unde etiam bonus vel vitiosus pœnæ timor appellatur. Bonus is est, qui à bono principio, bono modo, bonoque fine regitur. A bono principio, cum ex certa veri mali notitiâ, & ex verbi Dei fide, secundum illius normam, ad gloriam Dei tendit. Qualis fuit Christi timor Matth. 26. v. 37. & 38. naturâ ipsi inditus, & fide in Deum, modo ac fine bono directus: ut Christi perfecta sanctitas evincit. Vitiosus verò est, qui ab hisce conditionibus declinat. A principio quidem bono: si timor cum incredulitate ac diffidentia misericordiæ Dei sit conjunctus; quomodo 1. Joann. 4. v. 18. dicitur: *timor non est in charitate, sed perfecta charitas ejicit timorem, timorem enim cruciatum habet, qui verò timet, non perfectus est in charitate.* Timorem enim Joannes intelligit, qui opponitur fiduciæ Christianæ, ut ex vers. 17. antecedente apparet. Deinde à principio etiam recto declinat timor, cum causa impulsiva illius, seu objectum movens vel bonum est ac metuitur quasi malum (quemadmodum Apostoli Joan. 6. vers. 19. & 20. Christum quasi spectrum æstimantes metuerunt perperam) vel malum est, quod tamen non futurum docetur verbo Dei: idque aut promissione generali, aut speciali. Sic malè metuebant Apostoli ob tempestatem in mari suum interitum, Christo servatore cum ipsis in nave præsentem, Matth. 8. vers. 25. 26. Secundò timor à modo recto declinat, cum aut minor est, aut major quam debebat. Minor; cum ex vana confidentia & inobedientia non satis timetur, quantum ad fugam peccati timendum erat. Qualis est timor in hominibus qui temerè neglectis legitimis mediis, pericula non necessaria incurrunt. Quemadmodum Petrus, virium suarum imprudenti præfidentia, Luc. 22. vers. 33. neglectoque Christi, de trina ipsius futura abnegatione monitu: in aulam summi sacerdotis, inter Christi hostes capitales sese intulit, & periculo tentationis, cui impar erat, temerè sese exposuit, Joan. 18. vers. 16. 17. Major verò timor est quam esse debebat, qui ex incredulitate, vel ex impatientia procedit, modumque justum excedit. Incredulitate quidem, aut plenâ aut aliquâ: Plena quidem, cum promissionibus Dei omnino fides derogatur, qualis timor in hominibus infidelibus, Caino, Juda proditore, cæterisque similibus apparet. Aliqua verò incredulitate timetur, cum non plenè sed partim de promissionibus Dei dubitatur. Qualis timor est etiam in verè fidelibus: in quibus, ut regeneratio nondum absoluta est: sic fides & spes seu fiducia adhuc imperfecta est, ob carnis adversus spiritum repugnantis contagionem, de qua re Galat. 5. vers. 17. Impatientia verò peccat timor, cum Dei auxilium, illius invocatione & rectis mediis non expectatur patienter: sed malis mediis eorum loco arreptis, imminenti pœnæ periculo occurritur: ut Saul instantis prælii periculo perterritus, contra Dei voluntatem, sacrificia ad sui liberationem ac populi, perperam obtulit 1. Samuel. 13. vers. 9. cum 13. Atque hæc de timore pœnæ vitioso, ratione modi. Denique timor vitiosus est ratione finis, cum homines bona terrena, nempe vitam, commoda, aut honores suos, summo bono scilicet Dei gloriæ & saluti suæ præferunt. Qualis eorum est timor, qui tyrannos veritatis & sanctitatis persecutores plus metuunt quàm Deum ipsum, & mortem temporalem amplius timent, quàm æternam. Quem timorem Christus, Matth. 10. v. 28. gravibus rationibus prohibet, ac Dei timore imperato, corrigit. Atque hæc strictim de timore diximus.

*Observatio, ad historiam, miraculi Johan. 6. v. 16.*

*ad 22. & similitum historiarum, sensum sincerum conservandum, conducent.*

**I**llustris omnino est hæc navigantium Apostolorum nocturno tempore, vento adverso, & miraculorum Christi (quibus recreati & in fide confirmati sunt) historia; quæ collatione Matth. 14. & Marc. 6. plenius intelligitur. In qua explicanda, Veterum allegoriæ (ingeniosæ magis, quam aptæ) ne iis à sinceritate scripturæ seducamur, cavendæ sunt. Quamvis enim in Vet. Testamento extent non solum historiæ nudæ: sed etiam quædam simul typicæ,

quæ præter proprium rerum sensum, secundariò etiam rem aliam adumbrabant, illud tamen non est mirandum, quia umbræ tales, Christo nondum exhibito, conveniebant, Coloss. 2. vers. 17. & Hebr. 10. v. 1. Neque tamen typi prophetici, nisi Scripturæ expositione præeunte, sunt statuendi. At illud de Novi Testamenti historia, nisi certa ejus sint indicia, probari non potest. Sed objicit Augustin. in explicatione hujus historiæ Joann. 6. ut probet naviculam Apostolorum, significasse Ecclesiam, cum dicit: *Si non hoc primò in Ecclesia intelligimus, quod illa navicula patiebatur, non erant illa significantia, sed simpliciter transcurrentia: si autem videmus exprimi in Ecclesia, veritatem illarum significationum: manifestum est hæc facta Christi genera esse locutionum, &c.* Hactenus ille. Sed negatur meritò consequentia. Et si enim similitudo quædam est inter Ecclesiam, mundi hujus adversitatibus obnoxiam: & naviculam Apostolorum, vento adverso & fluctibus impetitam: & inter utriusque per Christi gratiam ac potentiam, felicem exitum: quæ similitudo ad conditionem Ecclesiæ, comparatione quadam illustrandam, non autem probandam, docendi gratia, utiliter adferri potest, inde tamen non sequitur, hunc esse propheticum ac mysticum hujus historiæ aut rei gestæ scopum. Alioqui quot similitudines ex gestis Novo Testamento narratis peti possent, tot essent mysteria, quo nihil absurdius esse constat. Altera verò objectio Augustini est: cum facta Christi probabili ratione carent, mysterium in iis latet. At hoc interdum fit, quod Augustin ex vers. 15. probat: *Neque enim (inquit) verè, si nollet, teneretur: si nollet, raperetur: qui si nollet, nec agnosceretur. Nam ut noveritis esse mysticè factum, non ex necessitate, sed significante dispositione, &c.* Hæc inquam ratio Philonem Iudæum & post eum Christianos Theologos, Clement. Alexandr. & maxime Origenem ejusque imitatores movit, ut ubicunque in Sacris Literis probabilis, facti aut historiæ, ratio obscurior est, ea loca allegoricè variis conjecturis interpretati sint: partim imprudenti quodam zelo, ut scilicet Sac. Literarum simplicitatem adversus fastum & contemptum Ethnicorum tuerentur (quo etiam modo externo Dei cultu præscripto, varias ceremonias in eundem finem affinxerunt) partim infirmitate quadam humana, ut ingenium suum monstrarent. Sed respondemus jam ad Assumptionem, facta Christi semper esse cum ratione conjuncta, etiam si rationem non semper capiamus: ideoque reticente Scriptura, vitanda est temeritas. Nec sequitur quod opponit August. si Christus non necessitate secessit, ergo mysterium in eo latet: nam interdum Christus conatus adversantium vi divina repressit immediatè: interdum mediis uti voluit atque usus est, moderatione prudentissima: ut in hoc loco objecto, Christus recessu suo in montem consilia auditorum (imprudenti zelo, spirituali suo regno adversantium) dissipavit: partim mora injecta, qua subitus atque inconstans turbæ impetus deferbuit: partim testificatione animi sui à dominatione mundana averfi: denique ut eo recessu ac dimissis navigio Apostolis, ad novi & multiplicis miraculi occasionem commodè uteretur, seque Filium Dei, ac domitorem maris & ventorum, verum Deum ac Dominum demonstraret, eoque modo Apostolos in vera fide & fiducia in Iesum Christum Filium Dei, infirmiores, confirmaret, ut eventus clarè ostendit, Matth. 14. vers. 31. 32. Hactenus observatio, ad Historiæ Joann. 6. v. 16. ad 22. sinceritatem conservandam pertinens.

*Illustratio sententiæ Christi Joan. 6. vers. 29.*

**C**eleberrimum est Christi dictum Ioan. 6. vers. 29. *Ὁτι ἐστὶ τὸ ἔργον τοῦ θεοῦ, ἵνα πιστεύωσι ἐν εὐμ, (supple αὐτὸν) ὃν ἀπέστειλεν ἰησοῦς: Hoc illud est opus Dei: ut credatis in eum, quem misit ille.* Ad cùjus intelligentiam disquiritur, quidnam opus Dei hoc in loco significet: Hæc enim de re diversa sunt Theologorum judicia. Nam primum multi opus Dei exponunt quod ipse operatur, ut Actor. 15. v. 18. & alibi passim: idemque succinctè ac clarè ita dici arbitrantur quod pluribus traditur vers. 44. *Nemo potest venire*

venire ad me nisi Pater &c. & vers. 65. *nemo potest venire ad me, nisi datum fuerit ei à Patre meo, & Philipp. 1. v. 29. vobis i. aeiðn gratis datum est, pro Christo, non solum in ipsum credere; Ephes. 2. v. 8. & tunc & hoc (id est, hæc res, fides hæc) non ex vobis, Dei donum est: Ideoque locum hunc Ioan. 6. idem omnino designare censent; ac propterea hoc argumento uti solent, ad fidei causam efficientem, contra gratiæ Dei adversarios demonstrandam. Verum hæc sententia etsi per se considerata, sine loci circumstantiis veritati sit consentanea, quia Deus fidem operatur: & fidei opus perficit, Philipp. 1. v. 4. 5. 6. & 2. Thessal. 1. v. 11. huius tamen loci circumstantiis non rectè convenit. Scopus enim Christi est, non ut Dei beneficium, quod ipse in hominibus operatur: sed ut hominis officium declaret: quemadmodum hoc constat, primum ex vers. 27. *operamini* (hoc est, operam date) *non cibo qui perit, sed cibo qui permanet in vitam æternam*: deinde ex quæstione Capernaitarum inde orta vers. 28. *quid, inquit, faciemus, ut operemur opera Dei?* Ergo opera Dei non significant hic ea, quæ Deus operatur, scilicet quatenus operatur: sed opera ab hominibus Deo præstanda: ad quam quæstionem explicandam pertinet hæc Christi descriptio cum ait: *Hoc est opus Dei* (nempe de quo locutus sum, & cuius vos interpretationem queritis) *ut credatis in eum quem misit ille*. Unde satis perspicuum est, per opus Dei, non significari id quod Deus ipsemet operatur, sed quod auditores operari vult. Verum obiciat aliquis, hoc non videtur Sacris literis convenire, nam id quod homo operatur, illud non est opus Dei: Atqui fides seu credere in Christum, est opus Dei, citra controversiam ex locis ante citatis: Ergo fidem homo non operatur. Sed negatur propositio: quia unum idemque, diverso causarum genere, & Dei, & hominis potest esse opus. Dei quidem, tanquam causæ primæ ac primariæ: hominis verò ut causæ secundæ ac secundariæ: ut Philipp. 2. 12. dicitur: *cum timore ac tremore vestram ipsorum salutem & æternam conficite*, & vers. 13. *Deus enim is est qui efficit in vobis* (ecce opus Dei indicatur ut causæ principis) *ut velitis & efficiatis* (en opus hominum fidelium tanquam causarum secundarum.) Sed rursus excipi potest: Fidem solius Dei opus ab orthodoxis appellari, verum illud est, ac scripturæ consentaneum; sed distinctè tamen intelligendum. Nam fides in Christum est duplex: habitualis & actualis. Habitualis, est virtus divinitus per Spirit. Sanctum audito Evangelio infusa: quo habitu virtutis fidei habiles seu idonei redduntur, ut actu Evangelio credant: quæ fides actio est non hominis: sed qualitas permanens, à qua fideles nominantur, & solius Dei per Spirit. S. regenerantis est opus, non autem hominis qui fide donatur. Atque hoc est quod vulgo in Scholis dici solet: homo ratione huius habitus se habet merè passivè: hoc est, subiectum est, cuius animæ ea fides divinitus inditur; non autem causa efficiens, nec prima nec secunda. Actualis verò fides, est ipsa credendi actio transiens: cuius causa efficiens prima ac mediata est Deus, qui fidem habitualement indidit, atque Evangelii prædicatione & Spirit. S. efficacia eandem ad actum credendi producendum excitat ac dirigit sua potentia & sapientia: proxima verò & immediata est homo, fide habituali per regenerationem donatus: ille enim credit & credere dicitur in Sacris Literis: Deus autem in homine non credit: credere enim reverà est opus hominis, non ex naturalibus arbitrii aut ingenii viribus, sed ex donatæ virtutis fidei & auxilii divini viribus. Atque ita dicitur Phil. 1. ipsis datum esse credere: ut & opus eorum, tanquam causæ proximæ: & opus Dei per gratiam donantis tanquam causæ primæ ac primariæ intelligatur. Quare ex hisce omnibus non immerito concludimus, opus Dei, de quo Christus hic loquitur, non significare opus, quod Deus operatur (quamvis etiam ipsius quoque ut causæ primæ sit opus) sed quod homo Deo præstat. Ideoque altera expositio huius loci circumstantiis magis consentanea est: nimirum ut opus illud Dei significet id quod mandat, eo-que ipsi debitum, ut Ier. 48. 10. *maledictus qui facit opus Feboæ fraudulenter*: sic etiam 1. Cor. 6. 10. *opus enim Domini operatur, ut & ego*: hoc est, opus à Domino mandatum,*

nempe prædicationem Evangelii. Quo etiam modo interdum iustitia Dei accipitur Iac. 1. 20. *ira viri iustitiam Dei non operatur*, id est ipsi debitam seu ab eo mandatam. Id enim verè Dei esse dicitur, quod ipsi mandati jure debetur. Quod autem nonnulli exponunt opus Dei quod Deo gratum, ut Psal. 51. 19. *sacrificia Dei*, id est, ipsi accepta, illud si rem ipsam spectemus eodem prorsus redit: sed tamen si quis accuratè consideret, comperiet usui phrasidis huius accommodatius esse, ut opus Dei, nempe mandantis, seu quod Deus præscribit, & sacrificia Dei quæ Deus mandat (nempe præcipuè) intelligamus: etsi verum sit, Deum nihil mandare, nisi quod probat atque gratum habet. Cui expositioni congruit etiam Christi dictum Ioan. 4. 34. *Esca mea est, ut exequar voluntatem ejus qui misit me, & perficiam ipsius opus*, hoc est, quod mihi mandavit scil. Evangelii prædicationem, Ioan. 12. 49. Atque hætenus subiecti huius sententiæ Christi, Ioan. 6. 29. nempe operis Dei explicatio: cui attributum, quod de illo subiecto dicitur succedit, hisce verbis comprehensum: *ut credatis in eum, quem misit ille*. Quibus verbis illud opus Dei definitur genere suo & differentia. Genus est *ira mēvōnti ut credatis*: In quo observanda est vocis *ira* significatio, ne ambiguitate implicemur. Hæc autem præcipue est triplex: prima est quod sæpius finem notat, ut Ioan. 20. 31. *Hæc autem scripta sunt, ira mēvōnti, ut credatis Jesum esse Christum filium illum Dei, & ira mēvōnti, & ut credentes vitam habeatis æternam*. Secundo, ut non finem propriè, sed eventum tantum significet (hoc est, Latine *adeo ut, ita ut*, ut Græcum *ὥστε* etiam usurpatur) 2. Cor. 7. 9. *nam tristitia affecti fuistis secundum Deum, ut nulla in re detrimento sitis affecti*, denique expositionem rei notat, ut Ioa. 6. 39. *Hæc est voluntas ejus qui misit me Patris, ut quicquid mihi dedit, non perdam ex eo & v. 40. hæc est voluntas ejus qui misit me, ira ut omnis qui videt filium & credit in eum habeat vitam æternam*. Quibus duobus in locis voluntas Dei, de qua Christus agit, definitur expositiva particula *ira ut*, non autem finis neque eventus voluntatis indicatur. Sic etiam hoc in loco, *ut credatis*, opus Dei describit à suo genere, ac si diceretur; opus illud Dei, ad quod vox exhortatus sum, & de quo queritis, est credere vestrum seu actio fidei. Differentia verò hoc genus restringit, & opus Dei clarius ac proximè exponit, additione objecti, hoc est, illius in quem credendum, his verbis: *in eum quem misit ille*, scil. Deus Pater. Qua periphrasi seipsum Christus designat *ὁ υἱὸς τοῦ πατρὸς* atque emphaticè, ut sit rationis instar, cur in ipsum credendum sit; quia nimirum missus est à Deo Patre, ideoque ipsi tanquam Filio legato Patris credendum. Missus autem dicitur bifariam: primum incarnatione & patefactione in carne Rom. 8. 3. Gal. 4. 4 in quam sententiam rectè Cyrillus in Ioan. cap. 1. ait: *venisse in mundum (quamvis in eo præsens semper sit) dicitur incarnationis mysterio*. Deinde missus etiam dicitur, ratione vocationis ac legationis, ad munus Mediatoris obeundum, Ioan. 4. 34. & Luc. 4. 18. unde non difficulter Arrianorum solvitur objectio: Filius, inquiunt, cum mittatur à Patre in mundum, mutat locum: ideoque non est ubique, & idcirco non est verus Deus. Sed negatur consequentia. Nam in mundum missio non est propria: sed metaphorica, novumque atque admirandum patefactionis modum significat: quod Deus Filius seipsum carne assumptâ sive humana natura patefecit in hoc mundo seu in terris, ut 1. Tim. 3. 16. & Ioan. 1. 14. & Gal. 4. 4. Nam in terra patefactus, nihilominus tamen cælum non deseruit Joann. 3. 13. Et quemadmodum Filius suo modo: sic & Spiritus S. suo etiam modo mitti dicitur Ioan. 15. 26. Et Deus descendere dicitur in montem Sinai, Exod. 19. 11. 18. ob peculiarem sui patefactionem conspicuam. Sed excipiunt iterum: is qui mittitur, minor est mittente: Filius autem mittitur à Patre: Ergo minor est eo. Verum negatur propositio, quia æqualis ab æquali consensu communi potest mitti: Ideoque rectè vulgo dicitur: Missio non tollit æqualitatem essentiæ. Atque hæc ad sententiam Christi, Ioan. 6. 29. illustrandam strictim diximus: sequitur jam ad majorem etiam trium sequentium versuum lucem,

## Collatio brevis, Manna &amp; Christi.

**D**UO extraordinaria ac miraculosa Israëlitis in deserto tradita fuisse sacramenta: tanquam externa ac visibilia Christi & beneficiorum illius signa ac sigilla, nempe Mannam, & Petram, aquam fundentem in deserto, tradit Apostolus 1. Cor. 10. 3. 4. 5. ubi vult Corinthios non ignorare, *Patres nostros omnes eandem escam spiritualementem edisse, & omnes eundem potum spiritualementem bibisse, biberunt enim ex sequenti spirituali Petra, Petra verò erat Christus: sed plerisque eorum non approbavit Deus.* Ac propterea non inutili curiositate, sed pro debito scrutationis sacrarum literarum officio facturi videmur, si utriusque, Mannæ scilicet & Christi, ut signi & rei significatæ collationem instituiamus: & quæ in hac Ioan. 6. oratione videntur dissidentanea, breviter conciliare conemur. Collatio autem in simili occasione, causis, & effectis præcipue consistit. Occasio enim Mannæ fuit ut Exod. 16. describitur, in populo Israëlítico, cibi, in sterili deserto, defectus, & inde fames; ac sine divino remedio, secutura certa mors, populique murmuratio, Mosisque ad Deum oratio. Sic occasio Christi Mediatoris, fuit hominum post lapsum, iustitiæ penuria ac fames illius spiritualis, mortem æternam, nisi divinitus subveniretur, certò allatura. *Omnes enim peccaverunt & destituerunt gloriam Dei,* Rom. 3. 23. omnes peccati accusat lex: *ut omne os obturetur, totusque mundus Dei iudicio reddatur obnoxius* ibid. v. 19. & 20. Altera convenientia est in causis similibus, efficiente ac fine. Ac primum quidem in efficiente: cum impellente, tum exequente. Nam impellens causa utrimque fuit in danda Manna & in dando Christo, non meritum ullum nec dignitas ulla hominum: sed mera ac gratuita Dei misericordia: qua ut Mannam populo Israëlítico indigno, contumaci atque adversus Deum incredulitate murmuranti promisit, Exod. 16. sic nobis omnibus, ob carnem & opera illius, Deo adversantibus, Rom. 5. 8. 10. & 8. 7. Christum Gen. 3. ab initio in paradiso promisit. Deinde ut promissæ Mannæ efficiens causa exequens fuit miraculosa Dei operatio; non autem vis ulla naturæ: unde Israëlitis, ignorantes quid esset, seu quæ species esset, & Dei donum extraordinarium observantes, Mannam pluvia dimissam, generali voce *מן* appellarunt, hoc est *portionem*, scilicet à Deo quasi cibum constitutum, paratam: à qua voce masculina *מנה* *portio* omnino derivata videtur. Sic etiam Christi Mediatoris incarnatio (qua ex virgine Maria conceptus est) fuit non naturalis, sed miraculosa per Spiritus Sancti omnipotentiam solam effecta, Luc. 1. Altera causa, in qua similitudo Mannæ & Christi apparet est finis. Nam primum, ut Manna data est divinitus ut pistillo contunderetur, atque igne (in olla aut sub cinere) coqueretur, ut cibis corporis fieret idoneus Israëlitis, Num. 11. v. 8. sic etiam Christi corpus frangi, & animam illius doloribus quasi conteri ac concoqui necesse fuit, ut cibis animarum salutaris efficeretur, Esai 53. v. 4. & 5. & 1. Corinth. 11. v. 24. Id quod etiam pane Cœnæ fracto signatur. Secundus finis similis est, quod ut Mannam edi oportuit ad corporis famem tollendam, & vitam ejus conservandam: sic etiam Christus spirituali fidei ore (ut Manna spiritualis) nobis necessario percipiendus atque edendus, ut ad vitam æternam iustitiæ illius alimento satiemur Ioan. 6. v. 35. & 53. Atque hæc de similitudine Mannæ & Christi in causa, cum efficiente, tum fine. Tertia porro collationis pars, in similitudine effectuum utriusque consistit, nimirum quod quemadmodum Mannam edentes, à fame corporis & imminente morte liberati fuerunt: & in vita corporali conservati: sic etiam Christum (ut Mannam spiritualementem) ore fidei comedentes omnes, ab eo spirituali iustitiæ alimento perpetuo satiantur, ut non pereant, sed habeant vitam æternam, Ioann. 3. v. 16. & 6. 35. & 54. & 56. primum hæreditatis gratuitæ jure, postea verò re ipsa. Quæ similitudines Mannæ cum Christo, non solum ex mutua collatione instituta apparent: sed etiam divinitus à Deo sunt destinatæ, quia Manna data est Israëlitis, ut Christum cibum spiritualementem & beneficia illius spiritualia significaret ac credentibus confirmaret, tanquam

sacramentum sive signum ac sigillum fœderis Dei salutaris per Christum initi in eum finem institutum. Qua etiam de causa ab Apostolo, 1. Corinth. 10. 3. reliquis extraordinariis Vet. Testam. Sacramentis annumeratur, & ab eo spirituali usu (non autem ab essentia) cibis spiritualis, hoc est, ad rem spiritualementem (nempe ad Christum & beneficia illius) signandam & oblinendam donatus, appellatur. Hisce additur similitudo in Mannæ & Christi abjunctis duobus. Quorum prius est, quod ut Manna colore fuit candido, instar pruinæ Exod. 16. vers. 15. & bdellii Numer. 11. 7. sic Christus ab omni nigra peccatorum maculâ immunis est, 1. Petr. 1. v. 19. & 2. 22. Hebr. 4. v. 15. candore virtutum præditus: quemadmodum de eodem sub typo Salomonis dictum est Cantic. 5. v. 9. *dilectus meus candidus est.* Deinde alterum adjunctum est, quod ut Manna suavis erat cibis, quodque sapor ejus esset tanquam sapor humoris præstantissimi ex oleo, Numer. 11. vers. 8. deinde præterea sapor erat velut crustuli melliti, Exod. 16. Sic Christus (Manna nostra spiritualis) suavissimus est, utpote qui author est salutis: & cujus jugum benignum & onus leve, Matth. 11. vers. 30. & humilis ac mitis, & Euangelii ac Spiritus Sancti operatione, suavissimam perterritis (peccatorum & meritæ condemnationis conscientia) credentium animabus consolationem ac requiem adfert, ibid. v. 29. unde de Christo Petrus 1. Epist. cap. 2. vers. 3. ait, *siquidem gustatis quam benignus sit Dominus.* Atque hæcenus Mannæ (tanquam typi & sacramenti extraordinarii) & Christi ut rei significatæ collatio; unde etiam Mannæ hujus Israëlitis datæ, & Mannæ Arabum ac Medicorum discrimen perspicue apparet. Nam Manna Israëlitarum 1. miraculosa fuit, 2. dura erat, ideoque pistillo tundeatur, 3. in crastinum servata vermibus corrumpebatur, 4. cibis erat idoneus, non autem medicamentum, 5. saporem habebat mixtum, partim quasi olei præstantissimi, partim quasi crustuli melliti, 6. per annos 40. quotidie, excepto Sabbatho, decidebat, 7. in deserto Sinai. Manna verò Medicorum (quam Arabes imitatione quadam, ut Aben Ezra docet Exod. 16. etiam Manna vocant) naturalis est, 2. mollis est, non autem dura; 3. servatur diu incorrupta; 4. medicamentum est, non autem cibis; 5. nec saporem eundem habet nempe mixtum, quasi olei præstantissimi seu quasi crustuli melliti: nec etiam 6. (ut Aben Ezra testatur) in deserto Sinai reperitur sed alibi; 7. nec toto anni tempore, sed duobus tantum mensibus ex aëre decedit, nempe mense Martio & Aprili. Quamobrem ex hisce satis superque apparet, adversus miraculi Mannæ contemtores homines profanos maximum discrimen Mannæ Israëlitis datæ & Mannæ Medicorum. Hisce jam ad similitudinis Sacramenti extraordinarii Mannæ, & Christi, ea re adumbrati, collationem explicatis: reliquum est ut paucis differentiam utriusque consideremus, & Christi Ioan. 6. 32. & 33. de Manna iudicium, cum Mannæ historia conciliemus. Siquidem aliqua primo intuitu oriri videtur repugnantia: quæ ut commodè tollatur, ac consensio mutua declaretur, duo paucis sunt expendenda, nimirum occasio illius iudicii Christi: & iudicium ex ea consecutum. Occasio autem est incredulorum Iudeorum contra Christi, ad fidem in ipsum hortationem responsio, constans objectione & confirmatione illius. Obiectio continetur v. 30. his verbis: *dixerunt ergo ei, quodnam signum edis, ut videamus & credamus tibi? quid operaris?* Cujus objectionis contractus positæ explicatio ac sensus hic est: si rectè jubes, ut tibi (hoc est, doctrinæ tuæ, quæ te Messiam esse, & panis vitæ æternæ datorem doces) jure credamus: Ergo edendum tibi est tale signum, quod videamus & jure tibi docenti te talem esse credamus; Atqui tu tale signum, quod videamus, & te talem esse, docenti credamus, non edis. Ergo non rectè jubes, ut tibi (nempe docenti te esse Messiam & panis vitæ æternæ datorem) credamus. Cujus argumentationis propositione & conclusione omiſsa (ut in objectionibus brevioribus non raro fieri solet) assumptio tantum, quæ rationem hortationi objectam continet, exprimitur; & ad maiorem fiduciam atque evidentiam illius indicandam interrogatione & repetitione illustratur ac simul amplifi-



amplificatur. Interrogatione quidem; quia non dicunt simpliciter, Tu non edis tale signum: sed *quodnam edis signum, ut videamus & credamus tibi?* scilicet docenti te esse Messiam ac datorem panis vitæ æternæ: quasi ad Christi conscientiam provocantes dicerent: nonne verum agnoscis, quod nullum hujusmodi signum edideris, quo viso tibi ea de te docenti, credamus? Repetitione verò cum dicunt: *quid operaris?* nempe dignum, ut jure tibi, talia de te dicenti credamus. Quoniam vero iis objici poterat, inter cætera, recens Christi miraculum ac beneficium: quod quinque panibus & duobus pisciculis circiter 5000. ipsorum, incremento admirabili paverat; unde Jesum esse Christum colligerant, ideoque regem creare studuerant vers. 14. & 15. idcirco mutata sententiæ, & cur signum illud ipsis non satisfecerit, ut eum esse Messiam & panis vitæ datorem crederent, confirmatione hoc loco subjecta demonstrare conantur. Quæ petita est, à comparatione majoris, nempe Mannæ, quam Deus per ministerium Moïsi rogantis, Israelitis olim dederat, id quod indicatur vers. 31. *Patres nostri, inquit, comederunt Manna in deserto, sicut scriptum est: panem de celo dedit iis ut vescerentur*, ut Exod. 16. 4. & nominatim Psal. 78. 24. traditur. Unde innuunt Christum non esse Messiam panis vitæ æternæ datorem, quod ipse panem terrenum & pereuntem semel tantum ipsis dederat: quam rem perpetuam fore frustra speraverant vers. 26. qua de re ait August. *Tu promittis cibum qui non perit, sed permanet in vitam æternam: & non talia operaris qualia Moïses: panes hordeaceos ille non dedit: sed dedit Manna de celo: & quidem, ut observat Cyrill. in deserto, hoc est 40. annos, non semel tantum.* Hæc de objectione & confirmatione illius: cui succedit Christi responsio vers. 32. & sequentibus, qua objectionem propositam confutat comparatione quadam, qua seipsum opponit ac præponit Mannæ, ac docet cibum illum quem promittit ac donat, longè præstantiorem esse Mannam, multis de causis. Nam 1. Manna data est ministerio Moïsi, hoc est, ad petitionem Moïsi, de populi cibo destituti murmure conquerentis apud Deum: sed panis quem Christus promittit, à sola Dei dantis gratia procedit, nullius verò petitione. Quam præstantiam indicat cum ait: *Moïses non dedit vobis, sed Pater meus dat vobis*, hoc est, vobis, ut credatis, offert; sed solis eum Evangelio oblatum recipientibus confert. Deinde Manna à Moïse impetrata non est data è celo: contra panis quem Christus promittit, datum est è celo. Verum illud videtur repugnare historiæ Mannæ, Exod. 16. 4. *dixit Jehova ad Moïsem: Ecce ego faciam, ut pluat vobis panis, ex ipso celo*, & Psal. 78. 23. & 24. *& præcepit superioribus nubibus superne, & januas celorum aperuit, & depluit super eos Mannam ad comedendum, & frumentum celorum dedit iis.* Verum hæc probè inter se consentiunt: quæ si verba tantum spectes, non sensum, dissenteanea evadent. Nam Scriptura locis objectis *celum* intelligit de celo aëreo, quoniam è nubibus superioribus Manna decidit; Christus verò de celo summo, *ὁ ἐξ οὐρανό* *celo* appellato, in hac sententia loquitur: è quo panis ille ab ipso promissus descendit: quatenus Filius Dei in cælis existens supremis, homo in terris factus sese patefecit. Neque obstat quod Manna, Psal. 78. 25. vocatur *panis robustorum*, hoc est, ut exponi solet, Angelorum: quia per hyperbofen quandam hoc dicitur, quod panis ille fuerit præstantissimus, qualis, si Angeli edere possent, iis convenire posset: Angeli enim Spiritus sunt, quibus panis non convenit: Quare in hac objectione fallacia est homony: quod autem Christus alio sensu voce *celi* usus sit, quàm Capernaitæ, illud non fallendi, sed eos ad altiora excitandi studio præstitit. Ac sanè cælum aëreum, cum celo supremo comparatum tanquam longè præstantissimo, cæli nomen non meretur. Tertia præstantia est quod Manna non fuerit panis ille verus sed typicus, signum scilicet alterius: panis verò quem Christus promittit, est *verus ille*, hoc est, typo sacramenti Mannæ adumbratus. Quæ triplex hujus panis oppositio, & præ Mannæ excellentia denotatur v. 32. his verbis: *Moïses non dedit vobis panem de celo: sed Pater meus dat vobis panem de celo, verum illum*; Id quod quartâ addita excellentia probatur ab effecto, non cum Mannâ communi, sed proprio.

Nam panis ille è celo verus est, qui dat vitam mundo, hoc est, non solis Israelitis, ut Manna data: sed omnibus totius mundi fidelibus, hunc panem non dente & ventre, sed mente ac vivâ fide edentibus: & quidem dat vitam, non corporis temporalem, ut Manna Israelitis, qui mortui sunt v. 49: sed animæ & corporis æternam. Quæ excellentia, repetitis simul (ad majorem attentionem) duabus prioribus, ita recensetur vers 33. *Nam panis Dei* (cujus scilicet donati causa impellens & exequens solus est Deus) *is est qui descendit de celo* (scilicet summo) *& dat vitam mundo.* Quibus præmissis, sequitur jam panis illius vivifici descriptio. Cujus occasio primùm proponitur, deinde descriptionis modus additur. Occasio, est Judæorum incredulorum, cibum ventris adhuc quærentium petitio, v. 34. *dixerunt ergo ei, Domine, da nobis semper panem istum*: nimirum ut eum edamus ac vivamus: cui errori corrigendo inservit Christi responsio vers. 35. qua panem illum vitam dantem ac malè ab iis intellectum commodo descriptionis modo exponit, ac docet; primùm quid sit: & deinde quibus vitam conferat. Ac prius indicat cum dixit iis: *Ego sum panis ille vita*, hoc est, vitam efficiens. Quibus verò hanc vitam conferat ac conservet, exponit seqq: *qui venit ad me, nequaquam esuriet: & qui credit in me, non sitiet unquam.* Quibus ostendit hunc panem de quo loquitur, verè fidelibus vitam perfectam tribuere, & quidem perpetuo; Nam qui venit ad Christum, non propriè, sed metaphoricè intelligitur, scilicet de adventu non pedum (sic enim etiam Capernaitæ advenerant) sed fidei: qua à Christo primùm alieni, ipsi per fidem uniuntur. Idque exponitur, cum sequitur postea: *qui credit in me*; vita autem perfecta indicatur metaphoricè: Quemadmodum enim vita corporis conservatur cibo, qui famem; & potu, qui sitim tollit: sic ait Christus de eo qui venit ad ipsum fide, seu qui credit in ipsum, nec esuriet, nec sitiet: & quidem *unquam*. Qua voce perseverantiam gratiæ ac vitæ donatæ demonstrat, & Mannæ tacitè opponit ac præponit, quod scilicet qui Mannam semel ederant, rursus esurierint; deinde quod ea famem quidem ad tempus abstulerit, sed non sitim: ideoque ad corporalem vitam conservandam pertinebat, sed sola tamen non sufficiebat; quemadmodum contra Christus ad vitam spirituales omnibus modis sufficit. Hæc de Mannæ & Christi primùm similitudine: deinde differentia.

*Explanatio succineta Illustrum verborum  
Christi, Joan. 6. 37.*

Postquam Christus sui tanquam panis verè cælestis percipiendi ad vitam æternam modum explicuisset, nempe fidem in ipsum vers. 35. ejusque defectum Capernaitis objecisset vers. 36. ac propterea panis illius promissi, & ab ipsis malè intellecti ac petiti, vers. 34. non posse fieri participes innuisset; idcirco scandalo illius incredulitatis, ad stabiliendos infirmos suos discipulos, occurrere studet: ad quem scopum hæc verba Christi, tanquam medium accommodatum diriguntur, cum vers. 37. ait: *quicquid dat mihi Pater, ad me veniet, & venientem ad me non ejiciam foras.* Quibus verbis fidei originem & fructum duplici sententia proposita declarat. Ac prius quidem sententiâ primâ, cujus subjectum seu pars antecedens est, *omne quod dat mihi Pater*; In quo Synecdoche generis pro specie gemina est observanda: prima in voce *omne*. Cum enim ea vox universè sumpta, de omnibus rebus tam inanims, quam animatis accipitur, ut Ioan. 1. 3. *omnia per ipsum facta sunt*, hoc tamen in loco speciatim omnem hominem significat, ut alibi Ioan. 12. 32. *& ego si exaltatus fuero, omnia traham ad me. omnia*, id est, omnes homines, & quidem electos, & c. 17. 2. consentaneè huic loco dicitur: *ut omne quod dedisti ei, det iis vitam æternam*, id est, omni homini quem dedisti. Atque ita hoc loco accipi debere ex attributo, adventu ad Christum, & adjuncta promissione (quæ solis hominibus convenit) constat. Altera Synecdoche est in his verbis, *quod dat mihi Pater*: Nec enim generatim quovis homines, potestati ac dominio Christi à Deo Patre subditos intelligit, (quia non omnes illi veniunt ad Christum) sed solos eos, quos Christo dat, hoc est, dedit: ut ea præsentis pro

pro præterito enallage exponitur v. 39. *omne quod dedit mihi*: ut secunda sententia & versus 39 clarissimè exponit. Verum homines Christo ad salutem iis conferendam dati, duplices sunt: Quidam enim dati sunt, æternæ electionis ratione, hoc est, prædestinati, ut per fidem Christo darentur, ac fierent Christi membra, & per eundem servarentur: quo modo 2. Tim. 1. 9. dicitur gratia nobis donata per Christum Iesum ante tempora secularia: hoc est, prædestinata. Alii verò præterea sunt dati per vocationem Evangelii, & Sp. S. ad fidem, qua Christi membra existunt. Quomodo Apostoli Christo dati dicuntur, non solum decreto seu electione, sed etiam vocatione: ut Ioan. 17. 6. *Pater, nomen tuum hominibus, quos dedisti mihi è mundo: tui erant* (nempe ratione gratuitæ electionis ut 2. Tim. 2. 19. *novit Dominus qui sunt sui*) & *mibi eos dedisti, & sermonem meum servaverunt*. Quomodo mundo reproborum opponuntur v. 9. his verbis. *Ego pro iis rogo, non pro mundo rogo; sed pro iis, quos dedisti mihi, quia tui sunt*. Idcirco Christus etiam oves suas à Patre datas, Ioan. 10. duplices statuit: alias quæ tantum oves erant ratione electionis ad fidem & salutem, non autem ratione executionis illius seu vocationis, ad communionem Christi, & Ecclesiam, per fidem: alias verò etiam vocatione efficaci. De prioribus loquitur, Ioan. c. 10. 6. *alias etiam oves habeo, quæ non sunt ex hac caula*, (scilicet Ecclesia fidelium Iudæorum) *illas quoque oportet me adducere, fietque unum ovile & unus pastor*: quæ de gentiliùm electionis vocatione futura dicuntur: qui oves erant non re ipsa, sed electione sola, hoc est, prædestinati, ut suo tempore, oves & membra Christi & Ecclesiæ fierent. De posterioribus verò loquitur Christus v. 27. *oves meæ vocem meam audiunt, & sequuntur me*. ideoque dicuntur esse in manibus Christi, & conservari v. 28. & 29. Priores verò nondum erant in manibus illius, sed oves tantum destinatæ atque aberrantes absque Christo Eph. 2. 12. Quales dati Christo (seu prædestinati, ut per eum crederent ac servarentur) in proposita ac prima sententia, de qua agimus, intelligendi sunt, non autem dati re ipsa per vocationem efficacem ad fidem, ac communionem Christi atque salutem: quemadmodum prædicatum huius sententiæ demonstrat, cum dicitur, *veniet ad me*, hoc est metaphoricè, credet in me (ut ante v. 35. expositum) eoque modo fidem electionis sequentem fructum esse declarat, non autem conditionem antecedentem, ut sectarii contendunt. Nec enim Christus ait, omne quod venit (hoc est credit) ad me, dat mihi Pater: sed quicquid dat mihi Pater, hoc est, ab æterno destinavit, veniet ad me, hoc est credet. Quos enim prædestinavit Deus, hos ad fidem vocavit, Rom. 8. v. 30. Actor. 13. 48. & *crediderunt quotquot erant ordinati ad vitam æternam*, & 2. Tim. 1. 9. *qui servavit nos, & vocavit vocatione sancta, non secundum opera nostra, sed secundum propositum & gratiam, quæ data est nobis per Christum Iesum, ante tempora secularia*. Sic etiam 2. Theff. 2. 13. & 14. *Nos autem debemus gratias agere Deo semper de vobis, fratres dilecti à Domino, quod elegerit vos Deus, ab initio, ad salutem, per sanctificationem spiritus & fidem veritatis, ad quod* (hoc est, ad quam rem) *vocavit vos per Evangelium nostrum, ad obtinendam gloriam Domini nostri Jesu Christi*. Hæc de prima Christi in hoc loco sententia, qua fidei originem ac subjectum exponit. Altera verò pars est: & *venientem ad me non ejiciam foras*. Quibus verbis fructus fidei demonstratur, per quamdam *visum*: minus enim dicit, quam intelligit: sensus enim est, admittam eum, ac conservabo ad vitam æternam. Quemadmodum probatio sequens à fine descensus Christi è cælo evincit, cum ait eum esse, ut faciat voluntatem non suam, (scilicet tantum, ut, *doctrina mea, non est mea*, Ioan. 7. 16. 17.) sed Patris, qui ipsum misit, v. 48. Eamque voluntatem (hoc est metonymicè, rem quam vult) definit v. 39. *Hæc est autem voluntas ejus, qui me misit Patris, ut omne quod mihi dedit, non perdam ex eo, sed suscitem illud* (scilicet ad vitam æternam) *in ultimo illo die*. Idemque declarat subjectum medium, seu instrumentum, quo datos à Patre vita donat, nempe fides, cum ait: *hæc est autem voluntas ejus, qui misit me, ut omnis qui videt filium*, (id est, oculis fidei, ut ea metaphora sequenti voce exponitur) & *credit in eum, habeat*

*vitam æternam, & ego suscitabo eum ultimo illo die*. Atque hætenus succincta verborum Christi, Ioan. 6. 37. explicatio: sequitur jam

*Versus 44, adversus veteres & recentiores corruptelas vindicatio.*

Eleberrima sanè, magnaue interpretum contentione Cagitata est Christi sententia Ioan. 6. 44. *Nemo potest venire ad me, nisi Pater, qui misit me, traxerit ipsum*: ac propterea operæ pretium fore existimamus, si genuinam illius sententiam breviter expendamus. Ad cujus intelligentiam commodiorem primùm occasionis & scopi circumstantiam, deinde rem ipsam distincta partium explicatione ostendemus. Occasio autem est Iudæorum adversus Christum murmur: cujus objectum & modus antecessit. Objectum quidem fuit Christi doctrina; partim de ipsius persona, quod à Patre cælesti missus descendisset è cælo, ideoque Filius esset Dei: partim de officio ac beneficio ejusdem, quod esset panis, scilicet vitæ æternæ; hoc est, Christus salutis author promissus vers. 41. Modus verò objectionis est: Jesus est filius Ioseph: Ergo non descendit de cælo. Antecedens probant à communi ac confessa inter ipsos notitia Patris illius, imò etiam matris: quod interrogatione illustrent vers. 42. Scopus autem Christi est, hæc occasione oblata, huic scandalo in discipulorum credentium gratiam potissimum occurrere. Ad quem scopum, tanquam medium idoneum pertinet Christi responsio bimembris, prima ejus pars est dehortatio à murmuratione inter ipsos orta vers. 43. altera pars est dehortationis à murmure ac rejectione doctrinæ Christi ratio; nempe quod ejus fides, sit peculiare gratiæ Dei donum, quo innuit, cum eo destituerentur, ipsos non esse idoneos doctrinæ Christi judices. Fidem autem esse Dei donum v. 44. tradit, cum ait: *Nemo potest venire ad me, nisi Pater qui me misit, traxerit eum: & ego suscitabo illum ultimo die*. Quibus verbis fidei originem, & fructum illius, salutem describit. Ac prioris quidem sententia assertionem conditione definitam complectitur. Assertio est, *Nemo potest venire ad me*. Cujus subjectum, *nemo*, perspicuè idem est quod nullus homo: sic etiam attributum, nempe *potest venire ad me*, significat potentiam habet credendi in Christum, ut antecedentia & consequentia Christi verba demonstrant. Antecedentia quidem vers. 35. ubi quod dixerat, *qui venit ad me*: ibidem exponit, *qui credit in me*: sequentia vero, quia pro eo, quod dixerat, v. 45. *venit ad me*, ponit, v. 47. *credit in me*, & vers. 64. *sed sunt quidam ex vobis, qui non credunt*: & v. 65. *propterea dixi vobis, nemo potest venire ad me*. Idemque attributa venientium ad Christum evincunt. Quocirca & Græci Patres ac Latini & Pontificii quoque hanc *venienti* vocem communi consensu nobiscum de fidei actione exponunt, ut idem sit hoc loco *venire & credere*. Hæc de assertione: quæ ut vera non esset, si absolute poneretur (quia multos ad Christum posse venire ac credere, scriptura & experientia comprobant) idcirco addita hac conditione restringitur, nempe: *nisi Pater, qui misit me, traxerit eum*. Quorum verborum priora ex antecedentium explicatione satis sunt perspicua, ac controversia carent: posteriora verò declarationem desiderant. Ac primum illud constat, *trahere aliquem ad Christum*: non propriè de externa ac violenta corporis ad aliquid motionem accipi; sed impropriè, per metaphoram ad similem operationem incorpoream, qua homo ad credendum redditur idoneus, transferri. Deinde & hoc etiam apparet, hanc tractionem ad Christum, non idem esse quod credere; sed diversum ab eo, nempe illius antecedens, ac causam aliquam. Sed hoc jam queritur, an sit causa efficax, quam actio credendi certò consequatur: an verò causa tantum sufficiens: adeo ut ea licet præcedente, in voluntatis humanæ libertate positum sit, credere, vel non credere. Prius à nostris, scriptura præeunte statuitur. Nam ut propria tractio trahentis solius est actio, tractum verò est subjectum patiens, non causa cooperans; sic etiam spiritualis hæc Dei, ad Filium tractio; de qua Hieron. lib. 3. contra Pelagian. ait: *quando dicit, nemo potest venire ad me, frangit superbientem liberi arbitrii libertatem, quod et si velis ad Christum*

ad Christum pergere: nisi Pater meus cælestis traxerit eum, nequaquam cupiat, & frustra nitatur. simul & hoc animadvertendum, quod qui trahitur, non sponte currit, sed aut retractus & tardus, aut invitus adducitur. Quibus verbis saltem tractionem efficacem, non sponte factam intelligi docet. Hæc autem tractio, est habitus fidei, per regenerationem merè gratuitam, à solo Deo, omnipotenti operatione, donatio; quo habitu donati, ad actionem credendi facilem ac certam producendam habiles aptique redduntur. Nam credendi actionem ex regeneratione oriri, constat ex Christi verbis Ioann. 1. 13. ubi de credentibus ait: *qui non ex sanguinibus, neque ex voluntate carnis, neque ex voluntate viri, sed ex Deo nati sunt*, quemadmodum ad illum locum pluribus exposuimus: & cap. 8. 47. *qui ex Deo est, verba Dei audit*, (id est, credendo obedit) *propterea vos non auditis, quia ex Deo non estis*, hoc est, non regeniti ex Deo. Omnipotenti autem Dei actione fidei habitum donari testatur Apost. Eph. 1. 19. & 20. cum ait: *Et quæ sit excellens illa magnitudo potentie ipsius in nobis, qui credimus, pro efficacia fortis roboris ipsius: quam exeruit in Christo, cum suscitavit eum ex mortuis*. Quo etiam spectat novi fœderis promissio, Ierem. 31. ac repetita Hebr. 8. 10. & 11. *indam leges meas* (scilicet fidei & charitatis) *menti eorum & cordi eorum inscribam &c. & omnes cognoscent me; & Ezechiel. 36. 26. 27. dabo vobis cor novum, & spiritum novum dabo in medio vestrum, & auferam cor lapideum, de carne vestra, & dabo vobis cor carneum, & spiritum meum dabo in medio vestrum, & faciam ut in præceptis meis (hoc est, fidei & charitatis) ambuletis, & iudicia mea custodiat, & operemini*. Quorum verborum auctoritatem secutus Aug. similiter hanc tractionem Patris, de virtutis fidei per regenerationem gratuitam dono interpretatur tom. 7. de prædestin. sanctorum lib. 1. cap. 8. Cujus verba illustria, ut Pontificiis, qui Patribus potissimum nituntur, & Augustinum reliquis præferunt, occurramus, referemus. Hæc itaque gratia, inquit, quæ occultè hominis cordibus divina largitate tribuitur, à nullo duro corde respuitur. Ideoque quippe tribuitur, ut cordis duritia primitus auferatur. Quando ergo Pater intus auditur, & docet, ut veniatur ad Filium, auferit cor lapideum, & dat cor carneum, sicut propheta prædicante promissit: sic quippe facit filios promissionis, & vasa misericordiae, quæ præparavit ad gloriam: Cur ergo non omnes docet, ut veniant ad Christum, nisi quia omnes quos docet, misericordia docet, quos autem non docet, iudicio non docet, quoniam cuius vult miseretur, & quem vult indurat. Et paulò post rursus ait August. Cum igitur Evangelium prædicatur, quidam credunt, quidam non credunt: sed qui credunt, prædicatore forinsecus sonante, intus à Patre audiunt atque discunt: qui autem non credunt, foris audiunt, intus non audiunt, neque discunt: hoc est, illis datur ut credant, illis non datur, quia nemo inquit, venit ad me nisi Pater, qui misit me, traxerit eum, quod apertius postea dicitur &c. propterea dixi vobis, quia nemo potest venire ad me, nisi ei fuerit datum à Patre meo. Ergo trahi à Patre ad Christum, & audire ac discere à Patre, ut veniat ad Christum, nihil aliud est quam donum accipere à Patre, quo credat in Christum. Neque enim audientis Evangelium, à non audientibus; sed credentes à non credentibus discernebat, qui dicebat, nemo venit ad me, nisi datum ei fuerit à Patre meo. Hactenus August. unde satis constare potest, ipsum etiam hanc tractionem ad Christum, de efficaci ac merè gratuita Dei solius operatione exponere: qua fidei virtutem per regenerationem seu animæ sanctificationem donat: ut ea donati, re ipsa in Christum credant: ideoque etiam ex Sacris Literis comprobavit. Neque ob stare potest quod in comment. suis in Joan cap. 6. aliud tradat: quia quæ in suis concionibus, vulgi more popularius ac minus accuratè tractat, ea in seria ac gravi contra Pelagianos disceptatione solidius explicat. Qua genuina sententia jam proposita ac stabilita, reliquum est, ut eandem nonnihil à noxiis multorum corruptelis, ad gratiæ Dei gloriam, vindicemus. Nam primum sunt nonnulli, qui fatentur quidem tractionem hanc, de qua Christus loquitur, denotare efficacem Dei motionem, sed tamen in ea definienda indignè impingunt: alii verò eam efficacem negant. Ac priorem quidem sententiam Græci Patres Chrylost. & Cyrill. quos alii nonnulli

sequuntur, probant, ac de vocatione efficaci non præveniente, sed sequente hominis dignitatem interpretantur. Sic enim Theophyl: qui sua potissimum ex Chrysofomo contraxit, rem plenius exponit: illos, inquit, trahit Pater, qui habent propositi aptitudinem: Eos autem qui seipsos faciunt ineptos, non trahit ad fidem. Nam sicut magnes non omnia ad quæ propius applicatur, sed solum ferrum trahit: ita Deus ad omnes quidem appropinquat: eos verò, qui magis idonei, & familiaritatem erga ipsum demonstrantes, trahit. Hactenus Theophyl. Alii verò, ut doctiores etiam Pontificii, hanc sententiam velut gratiæ Dei (ut quæ ex mera detur misericordia) adversam meritò rejiciunt: ut inter alios Thomas Stapleton in antidotis Evangelicis ad Ioan. c. 6. 37. qui ait, *Euthymii sententia apertius respondet, eos à Deo non excitari qui se indignos gratiæ exhibuerint, excitari verò qui aliqua præparatione se faciunt dignos: in quam sententiam propendit Chrysost. & alii Græci, & ipse Cyrillus lib. 3. cap. 39. in Ioann. Ceterum cavenda hæc doctrina & repudianda est, & sancti August. imo Ecclesiæ Catholicæ sententia tenenda est, neminem seipsum ad gratiam præparare, ut se gratia Dei dignum faciat, sed ipsam præparationem à Deo esse*. Ut etiam Jesuita Maldo. ad h. l. cur pater non omnes trahat, ait: *Cyrill. Theoph. Euthym. respondent, quia non omnes digni sunt: quod nimis affine est Pelagianorum errori*. Pontificii verò hanc tractionem ad Christum, de præveniente Dei gratia exponunt: sed in ea describenda, partim Pelagio consentiunt, partim inter se, imò & à se ipsis (si quis expendat diligenter) mirificè dissentiunt: id quod paucis demonstrandum. Ac primum duplicem ferè statuunt tractionem ad Christum, unam efficacem, qua cor lapideum auferitur ac fides inditur; quæ peculiaris est paucis: aliam sufficientem, quæ communis est omnibus; quam hoc loco à Christo intelligi, plerique Pontificii statuunt: ut Ioannes Ferus Ioann. 6. cum ait, *nemo dicere potest, quod à Deo non trahatur*. Sicut enim medicus aut doctor aliquis insignis, homines ad se trahit, non vi sed scientiâ suâ; item, sicut ovem attrahis ramo viridi canem pane, puerum nuce, & generaliter, sicut trahit sua quemque voluptas, sic Deus trahit beneficiis, promissis, manifestatione veritatis, imò etiam flagellis: quamvis potius flagellis cogat nos; maxime autem trahit ad filium manifestatione veritatis. Et Bellarm. de gratia & libero arbitr. lib. 2. cap. 8. ait, *trahit omnes pater, sed pro loco & tempore: at non omnes veniunt, licet revera possint*; Et paulò post ait, *trahi, esse audire: non autem venit omnis, qui audit: sed omnis qui audit & discit*. Item, *posse tamen omnes credere, ac proinde omnes à Deo audire ac trahi perspicuum est ex illo eodem cap. 6 Ioannis, ubi Dominus hortabatur omnes ad fidem, quod non fecisset, nisi scrivisset omnes potuisse credere*. Verum ipsemet ab hac sententia proximis verbis recedit, potest, inquit, tamen alia responsio adhiberi, quæ ut verum fatear magis congruere videtur Evangelicæ sententiæ, si dicamus Dominum loqui de gratia efficaci, quæ ita suadet, ut persuadeat: dicitur autem non posse venire, qui non trahatur per efficacem gratiam, non quod absolutè non possit, sed quia infallibiliter non veniet, sicuti etiam contra qui trahitur, potest absolutè non venire, tamen infallibiliter trahitur. Ex quibus Jesuitæ verbis patet ipsum statuere in conversione hominis ad fidem, præcedentem quidem credendi causam esse tractionem Patris, non tamen solam, sed adjuvantem: naturales verò liberæ voluntatis vires ea gratia adjutas, esse causam alteram, liberè cooperantem; aded ut eandem tractionem, nihilominus rejicere potuerit. Deinde tractionis illius efficaciam in opportuna tantum suasionem sufficienti consistere statuit, cum (ut ait) *ita vocantur, ut Deus videt aptum fore, ut sequantur vocantem*. Deinde, cum nemo possit venire ad Christum, nisi efficaciter à Patre trahatur: sequitur scripturæ repugnare quod Bellarm. ait lib. 2. memorato c. 12. *Nam tamen si pie credamus, omnibus dari pro loco & tempore auxilium sufficiens, quo possint credere: tamen scriptura docet, re ipsa non credere, nisi illos, qui habent auxilium efficax, quo fit, ut homo non solum possit credere, sed etiam credat*. Ioan. 6. 45. & 37. & cap. 10. 6. Hæc referre ob apertam contradictionem, refutare est. Quod autem excipit: *nemo potest venire, id est, sine dubio nemo veniet*; ineptè omnino actum credendi cum potentia illius confundit, quippe seipsum

seipsum ibid. de gratia & liber. arbit. lib. 6. cap. 2. priorum oblitus, refutat: *observandum*, inquit, *non dixisse Dominum, nemo venit, sed nemo potest venire*; & paulò post, *si venire est credere, & nemo potest venire nisi trabatur à Patre: certe nemo potest credere, nisi trabatur à Patre*; Deinde ibid. illud quoque quod lib. 2. cap. 12. objecerat, etiam diluit ac refutat. Quæ autem de voluntatis cum Dei trahentis gratia cooperatione statuunt Pontificii, ea in explic. cap. 23. Matthæi diluimus. Cæterum illud prætereundum non est, quod non pauci de subjecto & proxima fidei causa differentes, nec rei veritati, nec sibi ipsis, consentiant. Nam fidem esse in voluntate, tanquam in subjecto. & à voluntate, tanquam à causa efficiente, statuunt. Quo spectat illud quod ait Augustinus de prædestinat. sanct. lib. 1. cap. 5. *non quia credere (inquit) vel non credere non est in arbitrio voluntatis humane: sed in electis præparatur voluntas à Domino, ideo ad ipsam quoque fidem. quæ in voluntate est, pertinet: quis enim te discernit, & quid habes quod non accepisti?* Quæ sententia ex iis quæ ex Aug. supra retulimus, confutatur. Nam si à nullo corde duro gratia respuatur, quod duritia illius per Dei gratiam auferatur, & fides detur, ut ipse statuit, & ex S. literis probavit: non est igitur fides in arbitrio voluntatis humane posita. Deinde cum in eodem de prædest. sanct. lib. 1. cap. 2. dicat; *ipsum credere nihil aliud est, quam cum assensione cogitare*; sequitur necessariò, cum nec cogitatio neque assensus sit in ipsa voluntate, sed in mente: fidem in voluntate non esse sitam. Quod autem obtendi solet, & opinioni illi causam præbuisse videtur Roman. 10. 9. & credideris corde tuo, & v. 10. corde creditur ad justitiam, quibus addi potest dictum Actor. 8. 37. *si credis ex toto corde*, & cap. 15. 9. *fide purificans corda eorum*: & Ephes. 3. 17. *ut habitet Christus, per fidem in cordibus vestris*, & Hebr. 3. 12. *cor prævium, incredulum*; inde malè concludunt: Ergo fides non in mente, sed in voluntate, & à voluntate existit, quam voluntatem cordis vox significat. Negatur enim consequentia: quoniam vox cordis non una significatione usurpatur. Nam præter significationem propriam, qua internam corporis partem nobilissimam significat, per metaphoram quandam interdum notat animam, quæ intima hominis est, & nobilissima illius pars, quemadmodum Matth. 15. 19. dicitur: *Nam ex corde egrediuntur cogitationes malæ, cædes &c.* quorum prius est mentis, posterius voluntatis, utrumque verò animæ opus. Interdum verò animæ facultatem designat, ac primùm voluntatem, ut Joann. 16. 6. *Tristitia implevit cor vestrum*, & v. 22. *gaudebit cor vestrum*, & 2. Petr. 2. 14. *cor habentes ad avaritiam exercitatum*: quemadmodum etiam, cum menti & cogitationi cor opponitur, Hebr. 8. 10. Matth. 22. 37. simili modo accipitur. Deinde verò ad mentem significandum sæpius transferitur, quemadmodum cum dicitur, *corde intelligere* Matt. 13. 15. & Joann. 12. 40. Actor. 28. 27. *cor insipiens obscuratum est* Rom. 1. 21. *dicere* (id est, cogitare) *in corde* Matth. 24. 48. Rom. 10. 6. *item cogitationes cordis* Hebr. 4. 12. & *qui luxit in cordibus nostris* 2. Cor. 4. 6. *cordibus suadere* 1. Ioan. 3. 20. & v. 21. *si nos condemnat cor nostrum, major est Deus corde nostro, & novit omnia &c.* Atque hoc modo in locis objectis etiam vox cordis mentem significat. Deinde ex S. literis apparet, bonam voluntatis actionem non esse causam fidei: sed contrà bonam voluntatis actionem seu dilectionem ex fide viva oriri demonstrat Apostolus, Galat. 5. 6. *fides per charitatem efficax*, & 1. Timoth. 1. 5. *finis mandati est charitas, ex puro corde, & conscientia bona, & fide non simulata*: quemadmodum Hebr. 11. bonæ voluntatis seu dilectionis Dei & proximi opera plurima, piorum veterum, fidei ipsorum effecta fuisse demonstratur. Quamobrem bona voluntas non efficit fidem: sed ex fide viva promanat, & fidem amat. Atque hæc ad celeberrimam hanc de tractione ad Christum sententiam illustrandam ac vindicandam diximus: sequitur porro

*Versus 51. adversus Anabaptistarum abusum illustratio.*

**M**emorabilis ac gravissima est hæc Christi sententia: *Ego sum panis vivus, qui è cælo descendit. Si quis ederit*

*ex hoc pane, vivet in æternum. Et panis quem ego dabo, caro mea est, quam ego dabo pro mundi vita.* Cujus dicti occasio est antecedentis præstantiæ Christi propositio, qua comparatione Mannæ, ut rei minoris, Christus suæ personæ, officii ac finis illius, atque beneficii excellentiam, continuata panis metaphora, descripsit *ἀνθρώπος*, cum quasi digito intento in seipsum ait: *hic est*, sicut etiam vers. 58. similiter concludit. Personæ autem excellentiam indicat cum se è cælo descendisse ait: hoc est, filium esse Dei, à Patre, è cælo in terris patefactum, in carne, ad personæ suæ unitatem assumptum. Officii verò, cum se quâdam similitudine panem vocat, hoc est, ordinatum, & aptum ad vitam spiritualem conservandam. Finis verò est, ut quicumque ipsum fide ederet, eundem à morte æterna conservet. Qua descriptione Christi posita, scopus Christi hoc loco est, ut eam amplius declararet. Medium autem seu modus, quo ad scopum illum contendit, est repetitæ ejusdem sententiæ adjuncta expositio. Nam primum illius subjectum, deinde attributum ejusdem exponit. Subjectum quidem, quia quod dixerat vers. 50. *hic*, expresse notat, cum ait *ego*, quo personam suam denotari ostendit. Attributum verò personam & officium describit ac repetit iisdem verbis, nempe *sum panis, qui è cælo descendit*: declarat verò, cum pro pane vitæ, hoc est, vivifico, reponit *vivus*: ut ostendat, inde oriri, quod vitam conferre possit, quod sit vivus, hoc est, vitam in se habeat, videlicet vitæ æternæ fontem. Deinde repetit finem & beneficium suum, & quidem exponit, cum certitudinem illius statuit, & simul beneficium expresse designat. Nam certitudinem ostendit, cum non ait, *ut qui*, sed *si quis ex eo ederet*: ut non solum eum esse finem destinatum: sed etiam certò eventum illum consecuturum, indicaret. Deinde beneficium expresse designat, cum pro liberatione à malo, nempe quod non morietur: reponit collationem boni, dicens, *vivet in æternum*. Quibus Christus subjicit uberiorem expositionem: cum enim dixisset, se esse panem vivum, qui de cælo descendit, seu secundum divinam naturam, quæ è cælo descendit, & carnem assumpsit: ne quis secundum eam naturam tantum panem vivum existimaret, igitur ostendit panem vivum esse etiam carnem, cum ait, *& panis quem ego dabo* (scilicet ad edendum fide) *caro mea est*. Quo modo autem vivifica sit, exponit, cum ait: *quam ego dabo, pro mundi vita*, id est, ego Filius Dei, summus sacerdos, per Spiritum æternum offeram carnem meam in victimam, pro mundi (scilicet electorum & credentium) vita æterna, Heb. 9. 14. 15. Eph. 5. 2. In ea enim datione & oblatione existit complementum passionis Christi ad expianda peccata, & liberationis à morte; & actionis obedientiæ, ad nostram justitiam, & vitam æternam, Rom. 5. 19. Phil. 2. 8. ut hæc duo Christi beneficia, *expiatio iniquitatis, & adductio justitiæ sempiternæ* recensentur Daniel. 9. 24. Quibus jam obiter explicatis, superest ut Anabaptistarum errori, qui hac Christi sententia abutuntur, occurramus. Ex ea enim probare conantur, corpus Christi è cælo, non ex Maria ortum: hoc est, verbum quod è cælo descendit, mutatum esse in carnem. Sic enim argumentantur: Quod descendit de cælo, illud non est ex substantia virginis Mariæ: Caro Christi descendit de cælo, ut hoc loco Ioan. 6. 51. doceri asserunt. Ergo non est ex substantia virginis Mariæ. Ad cujus nodi solutionem præmittendum est, phrasin hanc, *descendere è cælo*, accipi vel propriè, ut Angelus descendisse dicitur è cælo Matth. 28. 2. vel impropriè per metaphor. idque bifariam, 1. ut effectiorem Dei, qui in cælis est, notet, ut Joannis Baptismus dicitur esse è cælo, Matth. 21. 25. quod Deum haberet authorem, & Iacob. 1. 17. *omnis donatio bona, & omne donum perfectum superne est, descendens à Patre luminum*: & cap. 3. 15: *non est ista sapientia superne* (id est, è cælo) *descendens*, sensus est, Deum non habet authorem: deinde extraordinariam Dei in terris patefactionem significat, ut Psal. 18. 10. *inclinauit celos, & descendit*: & Elai. 6. 41. *utinam disrumperes celos & descenderes*. Hisce jam ad phrasin intelligentiam præmissis, solutio est duplex: prima, per negationem consequentiæ syllogismi, quia vitiosus est: quippe medius terminus seu argumentum in propositione sumitur propriè, de vera



de verâ rei è cœlo, per loci mutationem descensione: In assumptione verò ex Ioan. 6. 51. petita, improprie de Dei extraordinaria operatione, seu formatione ac conceptione carnis Christi cœlesti, per Spiritus Sancti potentiam, Luc. 1. 35. quia substantia illius est ex virgine Maria: Christus enim fructus est uteri illius, Luc. 1. 42. & idem factus ex muliere, Galat. 4. 4. factus è semine David secundum carnem, Rom. 1. 3. Veruntamen quamvis hæc responsio vim argumenti Anabaptistarum suo modo retundat: huic tamen opponi posset; Adamum è terra, & Evam è latere illius, virtute Spiritus Sancti omnipotentem formatam, & tamen nullibi dici descendisse è cœlo: imo cum Christus & Adamus inter se conferuntur, oppositione quadam 1. Cor. 15. 47. primus homo dicitur ex terra pulvereus: secundus homo Dominus ipse è cœlo: si autem esse è cœlo seu descendisse è cœlo significaret omnipotentem corporis Christi à Deo formationem: oppositio non videretur conveniens, quia primus etiam homo similiter formatus est, ideoque non minus dici potest esse è cœlo. Ac propterea altera responsio commodior ac simplicior est, ut negetur syllogismi objecti Assumptio: licet enim eandem ex hac Christi oratione, Ioan. 6. 51. difertè confirmari glorientur; contrarium tamen, examine instituto, apparebit. Sic enim disputant: Panis vitæ de cœlo descendit: caro Christi est panis vitæ: vel quod reciprocum est, panis vitæ est caro Christi, Ergo caro Christi de cœlo descendit. Sed negatur propositio: quia non est universalis. Non enim verum est, quicquid est panis vitæ de cœlo descendit: quia *panis vitæ* notat similitudine quadam id quod idoneum vitæ dandæ seu conservandæ medium. Sic Christus est panis vitæ secundum utramque naturam: Id quod etiam distinctè exponitur, quia ad illud apotelesma, seu vitæ effectum complendam, divina & humana natura concurrunt: humana natura quidem quatenus ea Patri fuit obediens ad mortem, mortem autem crucis, atque ita pro nobis & maledictionem legis pertulit, & perfectam iustitiam pro nobis implevit: ut liberati à morte vitam æternam consequeremur. Christus verò quæ Filius Dei, humanam naturam sibi hypostaticè univit propterea, ut illa obedientiam ad mortem usque pro nobis præstaret; & ad illam obedientiam & mortem, eandem direxit & obtulit: & infinitam dignitatem iis contulit, & promerita beneficia per obedientiam illam & mortem, divina sua efficacia vocando, sanctificando, justificando, glorificando, confert, unde Heb. 9. 14. dicitur: *Quanto magis sanguis Christi, qui per spiritum æternum seipsum obtulit inculpatum Deo purgabit conscientiam vestram*, & hac de causa dicitur Act. 20. Deus (id est Filius) Ecclesiam suo illo proprio sanguine acquisivisse. Ex quibus apparet Christum esse panem vitæ, hoc est, vitæ æternæ authorem, non solum secundum humanam, sed etiam secundum divinam naturam, utraque natura faciente quod suum est, ad commune vitæ æternæ opus absolvendum. Ac primum quidem, cum Christus ait: *Ego sum panis vitæ, qui de cœlo descendit*, subiectum est *ego*, id est, persona Christi, de qua attributum dicitur secundum quid, nempe secundum divinam naturam, seu quatenus Filius Dei est: quia non tantum dicit, *sum panis vitæ*: quod aliàs secundum utramque naturam intelligi posset: sed addit descriptionem illius, qua restringit his verbis: *qui de cœlo descendit*: Filius autem Dei citra controversiam descendit de cœlo, missus à Patre, & in terra è virgine matre homo factus, Galat. 4. 4. 1. Tim. 3. 16. Ac propterea Adamo, tanquam homini tantum è terra orto, Christus opponitur 1. Cor. 15. 47. quod licet sit homo, nihilominus tamen etiam sit Dominus è cœlo, hoc est, verus etiam sit Deus. Cum autem dicitur: *& panis quem ego dabo, caro mea est*, sensus est, etiam panis quem ego dabo, &c. nam per anticipationem quandam dubitationi occurrit, atque ostendit se quidem esse panem vitæ secundum divinam naturam, qua è cœlo, descendit: sed tamen non solum secundum eam, verum etiam secundum humanam naturam, quam in victimam erat daturus pro mundi electorum ac credentium vita. Neque obijci jure potest, dici hoc loco: *& & &*, & panis: non verò, *etiam panis*: quia hæc significatio non est insolens, sed longè frequen-

tissima, ut vel hæc exempla petita ex Euangelistis communi consensu declarant, nimirum Matth. cap. 12. vers. 8. Marc. 4. 25. & 13. 22. Luc. 9. 54. 10. 11. 17. 39. 11. 34. 40. 45. & 12. 59. 13. 7. 24. 23. Ioann. 5. 27. & longè plurima, ut de reliquis N. Test. scriptis, & exemplis plurimis in iis extantibus nihil dicam. Deinde longè plura ex solis Euangelistis proferri possent exempla, imprimis ubi verunt Latinè & pro *etiam* quia hæc conjunctio Latina similiter pro *etiam* frequentissimè usurpatur, sed in hisce jam citatis exemplis, & D. Beza & vulgata versio rectè transtulerunt pro *& etiam*, ut non si simpliciter connexionis conjunctio, sed ut connotet eorum, quæ connectit, aliquam præterea similitudinem, seu convenientiam, in aliqua re. Quare non sequitur, Christus hoc loco Ioan. 6. 51. dicit: *& panis quem ego dabo est caro mea*: ergo eadem est omnino caro, de qua ante Christus dixit: *ego sum panis vivus qui de cœlo descendit*: Hoc enim nititur infirmo prorsus fundamento, quasi necesse esset, ut conjunctio *&* hoc loco significaret expositionem ejus quod præcessit: quasi sensus esset *& & &* hujusmodi, id est, panis quem ego dabo; cum contra hæc significatio vix ullibi extet in N. Test. quàm ubi dicitur *& & &*, quod declarare solent, *id est, Pater*. Et quamvis sæpius extaret, quia illa impropria est ac rarior significatio, ideo, nisi urgente ratione necessaria, non esset admittenda: quæ hoc loco omninò adversariis deest. Deinde & illud observandum est, Christum non dicere: & panis quem ego dabo edendum, scilicet fide, est caro mea tantum: nam Christus secundum utramque naturam fide percipiendus est ad vitam æternam, ac secundum utramque naturam consequenter est panis vitæ, ut supra pluribus exposui. Quare ex his omnibus satis liquet, Anabaptistarum argumentum ex hoc loco Ioan. 6. 51. petatum; ut Christi carnem è cœlo descendisse probent, non posse consistere. Sequitur jam

*Succincta sententia Christi, Ioan. 6. 53.  
vindictio.*

**C**eleberrima est hæc Christi sententia: *Amen, amen dico vobis, nisi ederitis carnem Filii hominis, & biberitis ejus sanguinem, non habebitis vitam in vobis*. In quibus verbis explicandis discrepantes sunt sententiæ. Prisci enim Theologi, tempore August. ea de esu sacramentali Cœnæ Domini interpretati sunt; ideoque etiam infantibus ad salutem necessariam Eucharistiam censentes, iis communicarunt: ut ex Aug. ep. 23. ad Bonifacium, etiam ex Cypriani sententia declaratur: adeo ut etiam Ecclesia Romana idem crediderit, ut ex epistola Innocentii Papæ ad Concilium Milevitanum exarata constat, tom. 2. August. ep. 93. *Illud*, inquit Innocentius, *quod eos vestra fraternitas asserit prædicare, parvulos æternæ vitæ præmiis etiam sine baptismi gratia posse donari, persatuus est. Nisi enim manducaverint carnem filii hominis, & biberint sanguinem ejus, non habebunt vitam in semetipsis*; Contra verò doctiores Pontificii rectè censent, hanc Christi sententiam, non de sacramentali, sed de spiritali carnis Christi manducatione intelligendam: & quod amplius est, Pius IV. Papa Roman: cum Concilio Trident. sess. 21. cap. 4. reipsa eam Innocentii Papæ & aliorum sententiam damnat his verbis: *si quis dixerit parvulis, antequam ad annos discretionis pervenerint, necessariam esse Eucharistiæ communionem, anathema sit*. & cap. 4. ejusdem sessionis dicitur: *denique eadem sancta Synodus docet parvulos usu rationis carentes, nulla obligari necessitate ad sacramentalem Eucharistiæ communionem: siquidem per baptismi lavacrum regenerati, & Christo incorporati adeptam jam filiorum Dei gratiam, in illa ætate amittere non possunt*. Quod autem ad Innocentii Papæ & aliorum excusationem additur, vanum omninò est effugium, cum subjicitur: *Neque ideo tamen damanda est antiquitas, si eum morem in quibusdam locis aliquando servavit: ut enim sanctissimi illi Patres, sui facti probabilem causam pro illius temporis ratione habuerunt: ita certè eos nulla salutis necessitate id fecisse sine controversia credendum est*. Hæc conciliatio Patrum & decreti Concilii Tridentini hoc loco facta, ex Innocentii & Augustini epistolis, antea à nobis citatis, apertè confutatur, & vanitatis illius impudentia luculenter

luculenter etiam ex aliis August. locis convincitur, ut ex tom. 7. contra Pelagianos lib. 1. cap. 20. Cujus verba hæc sunt: *Dominum audiamus inquam, non quidem hoc de Sacramento lavacri dicentem, sed de Sacramento Sanctæ mensæ, quo nemo rectè nisi baptizatus accedit: nisi manducaveritis carnem meam, & biberitis sanguinem meum, non habebitis vitam in vobis; quid ad hoc respondere poterunt, nisi pertinacia pugna- ces nervos adversus constantiam perspicuæ veritatis intendat, an verò hoc quisquam etiam dicere audeat, quod ad parvulos hæc sententia non pertineat?* Hæc Aug. item tom. 7. contra Iulianum lib. 1. de Innocentio Papa Romano ait: *qui denique parvulos definiuit, nisi manducaverint carnem filii hominis, vitam prorsus habere non posse: unde etiam ut Concilii Tridentini; sic Stapletoni pervertentis Patrum & Augustini sententiam audacia perspicitur, quia hæc affirmare non erubescit in antidotis Evangelicis Joan. 6. fuit quidem, inquit, in veteri Ecclesia consuetudo, parvulis Eucharistiam porrigendi, (ut patet apud Cypr. Sermon. de lapsis, cuius testimonium citat Aug. epist. 23.) sed falsum est veterem Ecclesiam hac consuetudine, tanquam re ad salutem parvulorum necessaria usam fuisse.* Quæ verba è diametro Augustini explicationi utrique postremum propositæ repugnant: & quod contra ejusdem dis- ferta verba, ipsum loqui, ait, non de Sacramentali manduca- tione, sed de fructus illius perceptione in baptismo, falsi convincitur. Quæ diligenter, ad Concilii Trident. Staple- toni, ac similium in Patrum sententiis corruptendis ac ne- gandis effrontem impudentiam demonstrandam observan- da sunt. Cæterum rectam esse secundam sententiam, quæ initio posita est à nobis, quæ verba Christi proposita, *nisi manducaveritis*, non de Sacramentali, sed de Spirituali carnis Christi manducatione interpretatur, res ipsa demon- strat. Primum quia sacramentalis manducatio tum non- dum erat instituta, ideoque ignota: deinde quia sine sacra- mentali manducatione fideles multi vitam consecuti sunt: sine hac autem, de qua Christus loquitur, vita haberi non potest: denique quicumque manducationis hujus particeps est, ille vitam æternam consequitur, ut sequentia proxima verba ostendunt: *qui manducaverit carnem meam, habet vi- tam æternam.* At multi habent Sacramentalem manduca- tionem, qui tamen vita æterna carent. Nihilominus tamen Pontificii quidam secundam ac contrariam expositionem sunt secuti: & inter alios Thom. Staplet. scriptor clarus, & si quisquam, maledicus. Hic enim in antidotis in Evangelia ad hanc sententiam, contendit Christum loqui de Sacra- mentali manducatione. Quia verò prioris sententiæ fautores Pontificii hoc etiam argumento usi sunt, quod non solum hic manducatio carnis, sed etiam sanguinis simul juncta sunt, & ad salutem necessaria pariter dicuntur: ideoque de Sacramentali manducatione si ageretur, fore ut Eucharistia necessariò sub utraque specie esset ad salutem necessaria (quod tamen decreto Conc. Trid. repugnat) idcirco no- vam expositionem comminiscitur, ut hanc difficultatem solvat, cum ait: *hæc Christi verba tamen si conjunctivè legan- tur, sunt tamen disjunctivè intelligenda: ac si dixisset, nisi man- ducaveritis carnem filii hominis, vel biberitis sanguinem ejus. Est enim Hebraismus in sacris frequens, quem Ioannes more suo sequitur; Exo. 21. ubi nostra versio habet, qui percusserit patrem suum, aut matrem, et qui maledixerit patri suo vel matri, mor- te morietur: in Hebræo est conjunctio &, sed interpret sensum se- cutus est.* Hæc ille, adductis præterea ad id probandum qui- busdam locis ex Job. 31. Ps. 129. & imprimis Ez. 18. *qui in montibus comederit, & uxorem proximi polluerit, & paupe- rem oppresserit, & pignus non reddiderit &c. morte morietur, ubi certum est singulis illis sceleribus deberi mortem.* Hæc ille. Verum cum dixerit prædenter Stapletonus, Joannem mo- re suo id sequi, nullum tamen ex eo, imo neque ullum ex aliis N. T. scriptis adducit exemplum. Ac quamvis conjun- ctio &, ubi rei necessitas hoc postulat, disjunctivè per enal- lagen acciperetur pro vel: hoc tamen in loco nulla ratio ne- cessaria extat, deinde cum proxima verba, v. 54. *qui edit car- nem meam & bibit sanguinem meum, habet vitam æternam,* de eadem re loquantur, hoc tantum discrimine, quod prius necessitatem, posterius utilitatem carnis & sanguinis notet: inde apparet, si in priori, vox &, pro vel, capiatur, & hoc

similiter in loco accipi debere, quod absurdum esse Staple- tonus sua expositione (qua vocem & copulativè cum Aug. accipit) perspicuè indicat. Dicit quidem Staplet. *hæc verba disjunctivè accepta nullam habent difficultatem; & disjunctivè accipi debere illud probat, quod supra diximus, Christum uni spe- cies effectum vitæ æternæ assignare: loquitur autem Staplet. de his verbis Christi, si quis manducaverit ex hoc pane, vivet in æternum, panis quem ego dabo, caro mea est, qui manducat hunc panem, vivet in æternum.* Verum ineptè principium petit: hoc enim controversum ac primum probandum erat, in illis Christi dictis agi de manducatione sacramentalium contra de Spirituali sermonem esse ex præmissis à nobis ar- gumentis constet, & præterea ex modo illius manducatio- nis nempe per fidem, ut antecedentia evincunt. Deinde car- nis voce non excludi sanguinem, sed Synecd. includi, patet: quia non sola caro data pro mundi vita, sed etiam sanguis. Sic cum ait Christus: *qui ederit ex hoc pane*, simul etiam san- guinem Synecd. complectitur, ut v. 35. huic pani, & famis & sitis ablationem, attribuit. Quia verò ad v. 51. hujus sexti capitis Joannis, sex profert argumenta, quibus Christum de Sacramento loqui contendit, ea paucis sunt diluenda. Pri- mum autem est hujusmodi: *Duplicem hic donationem ponit: alteram nobis: panis quem ego dabo, de quo prius dixerat, quem filius hominis daturus est vobis: alteram pro nobis, caro mea est, pro mundi vita.* Hæc posterior est corporalis: ergo & prior: ideo enim posterior adjecta est ut priorem exponeret. Verum negatur consequentia. Nam licet idem panis detur & nobis & pro no- bis: alius tamen est utrimque donationis & acceptionis mo- dus: prior quidem spiritualis, qua Evangelio edendus offer- tur, & fidei ore percipitur, Joan. 6. 35. *ego sum panis vitæ, qui venit ad me, nequaquam esuriet; & qui credit in me, non sitiet un- quam:* posterior verò corporalis est Act. 2. v. 23. *Hunc definitio consilio, & providentia Dei deditum, cum accepissetis manibus in- iquis affixum interemistis.* Quod autem adversarius ait: *poste- rior adjecta est, ut priorem exponeret, sibi ipsi non consentit. Nā cum duplex sit, ut ait donatio, quarum una non est altera, quomodo posterior priorem exponit.* Hæc ad primum. Se- cundum deinde argumentum est: *Hæc, inquit, donatio panis futura dicitur, quem ego dabo, sicut donatio carnis pro mundi vi- ta futura erat; unde in Græco repetitur, quem ego dabo: sed non nisi corporaliter utrumque tum futurum erat, quia ad spirituales donationem quod attinet fide donandam, ab initio mundi, utra- que (legendum videtur, utique) facta erat &c. Quare Cal- vinus, & qui de Spirituali per fidem manducatione hæc verba exponunt, verbum Christi, dabo, prorsus evacuant falsque ar- guunt.* Sed negatur hic etiam consequentia. Nam licet utra- que donatio & panis & carnis, pro mundi vita, futura pro- mittatur, cum ait Christus, *dabo*, inde tamen minimè sequi- tur, eandem prorsus esse utrimque rationem. Nam caro danda erat non sæpius, sed semel in victimam pro mun- di vita Hebr. 9. v. 26. & 1. Pet. 3. v. 18. neque etiam ante data, sed in posterum danda tantum, contra vero panis & dandus erat, & datus atque dabatur bifariam; primum ob- latione per Evangelium, quo omnibus conditione fidei promittitur illius collatio: Quemadmodum Capernaitis in- credulis licet, datus dicitur v. 32. *Pater meus dat vobis panem illum verum è caelo.* Deinde datio fit collatione, qua pane il- lo fruuntur ad vitam æternam: quæ donatio solis credentib. convenit. Quomodo Christus ostendit eum nondum esse datum Capernaitis, sed si crediderint, dandum, vers. 27. ut v. 35. *ego sum panis ille vitæ, qui venit ad me, non esuriet, qui credit in me, non sitiet unquam, & v. 47. & 48. qui credit in me, habet vitam æternam. Ego sum panis ille vitæ.* Atqui creden- tes tum fuisse tum alibi, tum etiam inter incredulos illos Ca- pernaitas certum est, non solum Apostolos, v. 69: sed etiam alios quosdam auditores; nec omnes dicuntur fuisse incre- duli, sed multi ex iis v. 60. quo aliquos credidisse hac di- stributione indicatur. Deinde manducationem hujus panis spirituales intelligi, quæ fit per fidem, liquet ex initio hu- jus doctrinæ Christi v. 27. *operamini, inquit, non cibo qui pe- rit, sed cibo manenti in vitam æternam, quem filius hominis da- bit vobis*, operari autem cibo dando, est credere in Chri- stum v. 28. & 29. quia vero Capernaitæ increduli erant, da- tum quidem hunc cibum oblatione per Evangelium, postea

indicatur: non tamen dederat Christus collatione, qua fruerentur, idque ob conditionis, fidei necessarii ab ipsis neglectæ defectum: quemadmodum contra verè credentibus ab initio dedit, & credituris omnibus ad finem mundi virtute Spiritus Sancti dabit. Tertium Argumentum ab adversario fufius propositum contraheamus; Donum Christi per fidem manducandi, est commune toti Trinitati: panis quem Christus promittit, non est communis toti Trinitati, sed proprius ut filio hominis secundum humanam naturam: Ergo panis quem Christus promittit non est donum Christi per fidem manducandi. Sed negatur Assumptio: nam Filius hominis nomen est personæ Christi, ab una natura denominatæ, ut Johan. 3. *Filius hominis qui est in cælo*: ideoque non sequitur, vers. 27. dicitur Filius hominis daturus illum cibum: ergo secundum humanam naturam tantum, imò verò etiam secundum divinam naturam dat: & Pater per Filium communionem illius donat vers. 32. Sed proprium esse Christi, inde probare conatur, quia talis est donatio carnis pro mundi vita; sed ut alia omitamus, negatur id proprium esse Christo secundum humanam naturam; quia secundum divinam etiam naturam, per spiritum æternum, carnem suam dedit pro mundi vita, Heb. 9. vers. 14. & Deus redemit Ecclesiam suo sanguine, Act. 20. vers. 28. & Pater etiam dedit Filium pro nobis, mediatè, Rom. 8. vers. 32. Quartum argumentum est: *Hunc*, inquit, *cibum præfert Manna, Ergo in veritate cibi & manducationis corporalis conveniunt.* Sed negatur consequentia: neque probatio, quam subdit, solida est, cum ait: *non enim constituitur differentia, nisi inter ea, quæ aliquo modo conveniunt. Nullo autem prorsus alio modo conveniunt Manna & caro Christi in sacramento, nisi in sola manducatione corporali utrique communi.* Verum hic est sophisma petitionis principii: Nam quod in quæstione est ac probandum, illud quasi concessum subternit, nempe in hac differentia Mannæ & Christi proposita agi de Sacramento Eucharistiæ: deinde falso ac sine ulla probatione asserit, Mannam & Christum, nullo prorsus alio modo convenire, quam in manducatione corporali: cuius vanitas ex distincta Mannæ & Christi collatione, à nobis proposita, perspicuè confutatur. Quintum Argumentum est cum ait: *Hunc cibum promittit Christus daturus credentibus in se nec nisi prius credentibus, quam ob causam de fide disputavit tam multa: prius est igitur credere in Christum, & postea hunc cibum accipere: Ergo aliud est credere, aliud accipere.* Verum inquam hic est sophisma elenchi, quia aliud probat quam quod probandum erat: hoc enim probandum proposuit disertè, Christum de Sacramento hic loqui: non autem quæstio est an credere præcisè sit manducare. Si verò excipiat aliquis, si credere sit aliud, quam manducare: Ergo manducare ore corporis sit, non autem fide. Negatur Conseq. Nam quamvis credere præcisè ac propriè non sit manducare, ejus tamen actio spiritualis ac propria est manducare panis hunc cælestem, hoc est, Christum redemptorem Evangelio oblatum accipere: ut Joh. 1. vers. 12. *quotquot ipsum acceperunt*, exponitur ibid. *qui credunt in nomen ipsius*, & Eph. cap. 3. vers. 17. *Christus dicitur per fidem habitare in cordibus nostris*: quo significatur, quod virtute Spiritus Sancti per fidem Christo uniamur. Neque ignorat Staplet. præcisè loquendo, Calvinum, quem indignè & immerito proscindit, Joan. 6. apertè distinguere inter hæc duo, scilicet credere in Christum, & edere Christum, tanquam causam instrumentalem & effectum illius. Quod autem vulgo dici solet, *credere esse edere*: oratio est metonymica usu trita: ut *credere est vita æterna*, Joan. 17. vers. 3. & cap. 12. 50. *mandatum ejus vita æterna*, & 14. vers. 6. *ego sum vita*, id est, vitæ efficiens: sic etiam edere pro edendi causa. Denique hoc argumentum non immeritò in adversarium retorqueri potest hoc modo: Manducatio, de qua Christus hic loquitur, convenit solis credentibus; ut Staplet. hic asserit; Atqui manducatio in Sacram. Eucharistiæ non convenit solis credentibus: quia etiam non credentes hypocritæ fidem simulantes manducant; Er-

go, manducatio in Sacram. Eucharistiæ non est manducatio, de qua Christus hic loquitur. Sextum atque ultimum est his verbis expressum: *fides non in carnem, sed in totum Christum est. Divinitas & tota Christi humanitas obiectum est, fideque percipitur: nulla igitur causa esset cur hunc cibum carnem suam & quidem toties vocaret, nisi de carnis proprietate & proprio manducationis officio loqueretur.* Verum respondemus, invalidam esse omninò consequentiam; causa enim cur hunc cibum carnem suam vocet Christus, est ut ostendat, se non solum esse cibum secundum divinam, sed etiam secundum humanam naturam, quod utraque natura ad redemptionis ac vitæ cælestis complementum concurrat, ut supra ostendimus. Nam is manducat carnem Christi, qui credit filium Dei carnem suam, in unitatem suæ personæ assumptam, pro vita mundi credentium in sacrificium obtulisse: adeò ut manducando carnem Christi, simul totam personam manducemus, seu communionem illius habeamus. Unde hujus etiam argumenti infirmitas apparet. Atque hæc de hujus sententiæ Joan. 6. vers. 53. adversus corruptelas vindicatione. Reliquum jam est, ut ad hujus capitis absolutionem explicetur

*Quæstio de recto verborum Christi sensu Joan. 6. 63.*  
*Spiritus est qui vivificat: caro non prodest quicquam: verba quæ loquor ego, spiritus sunt & vita.*

ILLustris omninò est hæc Christi oratio, de cujus genuino sensu varia omninò sunt interpretum judicia. Ac propterea operæ pretium esse arbitramur, ut ea, quæ præcipua sunt, nonnihil, præmissis occasionis & scopi circumstantiis, expendamus. Occasio autem est incredula Judæorum ex doctrina Christi arrepta offensio duplex: prior quidem, ratione personæ, quod non crederent Christum esse proprium Dei Filium, qui è cælo descendisset, v. 41. & 42. posterior verò quod non crederent carnem illius edendam ac vivificam v. 60. Scopus autem Christi est ut huic offensæ occurrat; atque illos malè offensos, interrogatione quadam indicat vers. 61. Modus autem seu medium ac remedium, quod ad hunc scopum dirigit, pro duplici offensa est duplex; primum enim ostendit se descendisse è cælo, quia ascendet in cælum, scilicet sua vi: ideo si id conspicerent quærit, an hoc eos offenderet? hæc enim per ellipsin è superiori versu intelligenda, hoc est, annon cognoscetis me verè dixisse, quod prius in cælo fuerim atque inde ut Filius Dei descenderim? quia nemo ascendit in cælum nisi qui descendit de cælo, Filius hominis qui est in cælo, Joa. 3. ubi Christus etiam ut hic per communicationem idiomaticum, de sua persona, denominata à natura humana prædicat, non solum quod ipsi convenit secundum humanam naturam, nempe ascendere in cælum: sed etiam secundum alteram, nempe divinam, scilicet quod prius erat in cælo, hoc est, descendisset de cælo, nempe ratione modi peculiaris præsentis, in assumpta humana natura: sed tamen ratione ipsius essentis & gloriose patefactionis in cælo esset. Adeò ut, diverso respectu, utrumque consentiat, filius hominis est in cælo Johan. 3. & filius hominis erat prius in cælo Johan. 6. qua de re Aug. locum Johan. 3. confrens sic eruditè ait: *Sic erat Filius hominis in cælo, quemadmodum Filius Dei erat in terra: Filius Dei in terra suscepta carne: filius hominis in cælo, in unitate personæ.* Deinde causam hujus phraseos (quæ communicatio idiomaticum dicitur) esse docet, ut intelligamus unam personam esse Deum & hominem. Atque ita Christus priorem offensionem Judæorum refutat, quod rectè dixerit, quod prius erat in cælo, indeque descenderit: quia vi suâ ascendet, divina natura humanam subvehente, in cælum. Posteriores verò offensionem diluit hoc vers. 63. quo sensum verborum suorum de carnis suæ manducatione & vivificandi efficacia, declarat. Primum enim mentem suam explicat: deinde antè se dictis applicat: ut consensus utriusque appareat. Ac prius quidem continetur his verbis: *Spiritus est qui vivificat, caro non prodest quicquam.* In quibus

quibus maxima consistit difficultas, ac diversis modis sententia illius exponitur. Cujus varietatis occasio est verborum *spiritus* & *carnis* significatio, in S. Literis pro locorum circumstantiis varia: & quod probabili quadam ratione ad Christi sententiam diversis modis videantur posse accommodari. Ac primò quidem nonnulli *spiritum* & *carnem* non propriè, sed metaph. de spiritali & carnali verborum Christi intelligentia exponunt, sed duplici modo: unde duplex interpretatio exurgit. Quidam enim voce *Spiritus* sensum allegoricum: *carnis* voce verò proprium, & ut vocant literalem sensum intelligunt: quod quemadmodum Spiritus sive anima hominis sub carne latet: ita sensus allegoricus sub verbis propriè aliud significantibus, sit inclusus. Quam explicationem simili scripturæ usu probare conantur ex duobus locis; primum quidem ex Apoc. 11. vers. 8. ubi de Roma Antichristiana dicitur, & *cada vera eorum* (scilicet jacebant) *in plateis urbis magnæ, quæ vocatur spiritaliter Sodoma & Egyptus, ubi & Dominus crucifixus est*. Ubi *spiritaliter* idem est quod allegoricè atque occultiore significatione. Deinde 2. Cor. 3. vers. 6. dicitur *littera occidit, spiritus verò vivificat*: ubi inquirunt littera literalem sensum; spiritus verò spiritalem seu allegoricum sensum designat. Veruntamen hæc sententia à multis minus probatur, 1. quod caro & spiritus, opposita inter se, ut hoc loco, nullibi in Sacris Literis hoc sensu accipiuntur. Nam Apoc. 11. conjugatam vocem *spiritaliter* ita usurpari agnoscimus, non autem spiritum. Ad locum verò quod attinet 2. Cor. 3. *spiritum*, *littera* opponi apparet, non carni: nec spiritalem sive allegoricum sensum denotat, ut ipsemet Aug. qui ita erat interpretatus, postea remelius considerata, in libro de spiritu & littera agnoscit, *litteram* significare legem: *spiritum* verò Euangelium: quod nimirum Spiritum Sanctum habeat conjunctum, unde *ministerium spiritus* 2. Cor. 3. appelletur. Præterea adversus illam expolitionem etiam objicitur ab eruditis nonnullis, quod res ipsa eandem quoque refutet. Nam spiritus de quo Christus hic loquitur, est qui vivificat: sensus spiritalis seu allegoricus non vivificat: quia plurimi eo præditi, tamen increduli sunt, ac pereunt, ergo sensus spiritalis seu allegoricus, non est spiritus, de quo hic Christus loquitur. Veruntamen pro hac sententia dici posset: primum sensum allegoricum intelligi fide perceptum: vel deinde, per sensum allegoricum intelligi rem eo sensu explicatam, nempe spiritalem Christi manducationem. Cæterum alia gravior ratio opponi potest: nimirum quod à propria & usitata significatione, ad impropiam non est discedendum, nisi ratio solida id evincat: qualis hoc loco nulla apparet: neque etiam ab hujus sententiæ fautoribus adducitur. Quo etiam argumento, & alter exponendi modus, qui à nonnullis de spiritali & carnali intelligentia profertur, confutatur: cum metaph. voce *carnis* vitiositatem hominibus innatam: *spiritus* verò nomine sanctificationem, qua homo virtute spiritus renatus est, interpretantur: ut spiritalis intelligentia sit, quæ ab illo spiritu seu interna sanctitate; carnalis quæ à carne, hoc est, vitiositate, oriatur. Verum licet hæc voces ita nonnunquam oppositæ in Sacris Literis usurpentur, ut Rom. 8. vers. 13. Gal. 5. vers. 16. & 7. & 19. collato cum 18. & 22. ut etiam *spirituales* ac *carnales* 1. Cor. 3. vers. 1. opponuntur: à propria tamen significatione, sine ulla necessitate hoc modo receditur. Deinde si caro vitiositatem nativam significaret in verbis hinc Christi: tum non solum dixisset, *caro non prodest*, sed contra potius, cum hoc omnino controversia careat, occidit: quemadmodum oppositio spiritus, qui vivificat, & natura vitiositatis carnis postularet. Atque hæc de prima expositionis ratione, quæ duos modos in se completur. Altera verò expositio est; ut sine metaphora, vera caro verusque spiritus, & quidem vel Christi, vel aliorum hominum intelligatur. Quidam enim hinc *spiritus* & *carnis* vocibus divinam & humanam Christi naturam intelligi statuunt: quemadmodum eo sensu hæc voces distinctè accipiuntur. Rom. 1. vers. 3. & 4. &

1. Tim. 3. vers. 16. & 1. Pet. 3. vers. 18. Atque ita sensus erit hujus loci; caro mea seu humana natura non prodest ad vivificandum per se, sine divina natura (qualem tantum Capernaitæ à Christo intelligi perperam opinabantur) sed spiritus, hoc est, divina mea natura (quæ *spiritus æternus* ad discrimen ab anima ipsius, Heb. 9. vers. 14. dicitur) est, qui vivificat, ut fons vitæ: cujus accidente gratia, caro, per se ad vitam æternam dandam inutilis, utilis redditur. Ac propterea Christum non errasse apparet, cum carni suæ, divinæ naturæ unitæ, vivificandi vim tribuisset: sed Capernaitas iniquè offendi, quod carnem Christi à divinitate separatam statuebant; actalem dici à Christo ore corporis ad vitam æternam esse manducandam, falsò existimabant. Alii verò carnis & spiritus voces non de Christo, sed de hominibus reliquis interpretantur: ut *caro*, corpus, *spiritus* verò animam significet. Quemadmodum etiam in Sacris Literis distinctè hæc duo opposita nonnunquam intelliguntur: ut Heb. 12. vers. 9. *patres carnis*, hoc est, corporis: & *pater spirituum*, hoc est, animarum, nempe Deus, inter se discernuntur. Quo modo sensus erit luculentus ac facilis, & ad scopum Christi accommodatus. Is enim est ut confutet Judæorum offensionem, qui verba Christi de carnis suæ manducatione ad vitam æternam propriè, ore corporis peragenda accipiebant: ac propterea (quia id sexto Decalogi præcepto *non occides*; ideoque multò minus hominem comedes, adversabatur) ut durum & intolerabile averfabantur vers. 52. & vers. 60. contra verò Christus hic docet, carnem, hoc est, corpus humile ad hanc carnis suæ manducationem ac vivificationem non prodesse: sed spiritum: ideoque non cibum carnis esse, seu oris & ventris: sed mentis per fidem, quæ causa efficiens illius est instrumentalis: ut multis antea à Christo explicatum vers. 29. collato cum 27. & 28. & vers. 35. & 40. si quis verò objiciat adversus hanc declarationem: *carnis* hoc sensu pro corpore hominum acceptæ nulla ante facta est mentio: sed tantum carnis Christi: ac propterea non de carne Capernaitarum, & hominum aliorum generaliter; sed de carne Christi singulariter intelligendum. Negatur antecedens: Nam licet vocis *carnis* eo sensu, non sit facta mentio expressa, tamen implicite indicata est: cum error Capernaitarum ita descriptus est, ut citra ullam controversiam ex eo constet, illos manducationem carnis Christi de manducatione carnali, seu quæ carne & ore corporis fit, perperam intellexisse: ideoque ad illum errorem corrigendum, aptissime carnem hominum ad eam manducationem & vitam conferendam esse inutilem, rectè ostenditur. Deinde cum Christus in Anteced. de carne sua agens, semper distinctè dixerit, *caro mea*, vers. 51. 54. 55. 56. & *carnem filii hominis ederitis*, vers. 53. hic ommissa omni distinctione generatim dicit, *caro*, quemadmodum illud à D. Beza contra antecedentem de carne Christi sententiam observatum: propterea probabile est, eo modo hic indicari Christum non suam carnem singulariter, sed carnem seu corpus hominum Capernaitarum, & aliorum generatim intelligere. Denique ne temerè D. Beza expositionem novam præterisse videamur, ea paucis ex Annot. ad hunc locum repetenda, & strictim, ad majorem rectæ interpretationis cognitionem expendenda: siquidem ait Christum refellere Capernaitas, *ratione à communi sensu petita, ac si diceret? Qui fit, ut me de naturali & usitato illo comedendi & bibendi usu locutum somnietis, quo cibus & potus in ventrem ingeruntur? Vos enim sensus ipse docet, ne hanc quidem vitam animalemanare à carne quæ dentibus comeditur, sive à cibo & potu, qui in ventrem ingeritur, neque hanc vitam præstat vel adimit, utpote quæ aliunde nempe ab hominis spiritu corpus vivificante proficiatur. Itaque quorsum ego vitam tali manducationi carnis meæ, & tali sanguinis mei potui attribuerim? Scitote igitur, me non de corporali edendi vel bibendi modo, imò ne de animali quidem vita, cujus unius retinendæ studio teneri vos video, sed de mei spiritali perceptione, quæ non dente sed mente peragitur, & ad vitam illam spiritalem*



*spiritualem & æternam spectat, translativè fuisse locutum. Et sic quidem ego appositissimè explicari Christi verba existimo.* Hactenus clarif. viri paraphrastica verborum Christi nova expositio: quæ salvo meliori iudicio antecedenti, proxime à nobis propositæ longè videtur postponenda. Primum quia nova ista expositio, *carnem* de carne generaliter quæ editur, & spiritum de anima hominis interpretatur: Atqui talis oppositarum vocum hac significatione usus, nullo in loco Scripturæ observatur. Deinde Christus locutus est de vita æterna tantum, non autem de vita animali: ac propterea cum dicitur spiritus vivificat, si de vita animali illud intelligatur, aberrabit oratio à scopo proposito Christi, & à mente Capernaitarum, qui satis clarè audiebant Christum loqui de vita æterna conferenda. Neque sane video qua ratione ad eum scopum accommodari possit, nisi per longiorem atque obscuram consequentiam: ut ex paraphrasi antecedente perspicui potest. Denique quo modo rectè dici potest cibum & potum vitam non præstare, sed spiritum, hoc est, animam? Nam etsi id verum sit ratione causæ procreantis, ac primæ effectiōis vitæ; cibus tamen & potus tanquam causæ conservantes vitam præstant. Quamobrem huic novæ expositioni antecedens omnino videtur præferenda, ut quæ perspicuè Christi verba explicat, & Capernaitarum de carnali carnis Christi ad vitam manducatione errorem solidè refutat: Quod caro seu corpus ad vivificationem, eoque ad manducationem carnis Christi non prodest: sed spiritus, seu anima humana, ore fidei carnem Christi manducando, vivificet. Deinde meritò etiam expositio illa de carne & spiritu Christi similiter huic novæ videtur proponenda; utpote quæ ad eandem carnem, de qua Christus ante locutus erat, pertinet, & Capernaitarum, ut ostendimus, errorem refutat graviter. Quod autem antea à nobis ex D. Beza ut probabile argumentum adductum est; nimirum non videri intelligi carnem Christi, quia non dicitur caro mea, nec caro filii hominis distinctè ac singulariter, ut in præcedentibus verbis; sed alio modo, scilicet generali, cum dicitur simpliciter caro, ideoque aliud esse significationis modum: ad id inquam responderi posset, etiam hoc in loco, cum dicitur *ἡ σὰρξ*, non necessariò generatim accipi debere de quavis carne: articulum enim sumi posse hoc loco pro pronomine *αὐτῇ*, ut *ἡ πένθος* ille poëta, de Homero dici solet, ex frequenti in huiusmodi Græcæ linguæ & Scripturæ usu. Quemadmodum huius significationis inter alia multa hæc exempla sufficere possunt: *ὁ λόγος sermo ille*, Joan. 1. vers. 1. 2. 14. *τὸ φῶς lux illa*, vers. 8. *ὁ ἀμνὸς τοῦ θεοῦ, agnus ille Dei*, vers. 29. item *ὁ υἱὸς τοῦ θεοῦ; οὗτος ὁ βασιλεὺς τοῦ Ισραὴλ*; *Tu es rex ille Israël?* vers. 50. *Tu es ὁ χριστός, Christus ille* Matth. 16. vers. 16. quemadmodum etiam hæc omnia dicta ita accepta D. Beza rectè interpretatur. Ac propterea *ἡ σὰρξ* intelligi potest hoc loco *illa caro*, ut non generaliter, sed singulariter ad antecedentem Christi carnem referatur, sicut vers. 52. *quo modo potest hic nobis dare, τὴν σὰρκα carnem illam*, scilicet suam, de qua locutus est. Quo etiam modo vulgatus interpres & D. Beza *τὴν σὰρκα carnem suam* interpretantur. Quare utraque expositio valde accommodata est, ut *spiritus & caro*, vel de Christo: vel de aliorum hominum anima & corpore intelligantur: sed tamen posterior sensum videtur & faciliorem & clariorem continere.

*Quidam Christi verba Job. 6. in fine vers. 63. designent.*

Quoniam hic versus celeberrimus ac gravissimus duobus constat partibus: quarum priori doctrinam à se, de carne sua ad vitam æternam manducanda propositam, malèquæ à Capernaitis (qui id carnis dente & ventre peragendum opinabantur) intellectam explicat: posteriori verò expressè ad eandem doctrinam applicat, propterea ut illam jam antea exposuimus; ita hanc quoque, ob varias ac discrepantes interpretum sententias examinare ac declarare nonnihil conabimur. Nam licet ex

prioris partis enarratione, ac præcipuarum de ea opinionum discussione, difficultas maximè sit imminuta: nonnulla tamen ad accuratiorem huius intelligentiam sunt observanda. Quod ut majori fiat perspicuitate, primo loco eam quam simplicem ac priori parti & scopo maximè consentaneam arbitramur sententiam, distinctè proponemus ac confirmare conabimur; deinde opiniones diversas, delectu quodam habito, excutiemus paucis. Præmissis autem prius horum verborum scopo & divisione, ad expositionem procedemus. Ad scopum autem quod attinet: initio huius versus Christus, ad erroris Capernaitarum (quo Christi carnem ad vivificationem, carne seu dente & ventre manducandam dici putabant) refutationem contrarium docuit: nempe spiritum (seu mentem, fidei ore Christi carnem manducantem) vivificare: carnem vero (seu dentem & ventrem) ad manducationem & vivificationem illam non prodesse. Quo quasi fundamento quodam, prima parte huius versus posito, alteram ad sui defensionem subicit, & doctrinæ antecedenti, quæ Capernaitæ offensi fuerant, applicat. Declarat enim se de spiritu & vita: non autem de carne & vita locutum: ideoque Capernaitas imperitè & iniquè iis offendi. Dividitur autem Christi sententia in subiectum & attributum. Subiectum seu illud de quo agit est huiusmodi, *verba quæ ego loquor*. In quo duo sunt observanda, ad clariorem rei cognitionem: primum quidem quid *verba* hoc loco significant; deinde quid sit, *loquor*. *Verba* enim accipi possunt bifariam: primum propriè; ut dictiones & orationem designent: vel impropriè, per metonym. adjuncti pro suo subiecto, nempe ut rem verbis significatam notent, ut 2. Sam. 14. vers. 15. *Rex faciat verbum ancillæ suæ*, & vers. 21. *feci verbum hoc*, hoc est, rem verbo significatam; Quo etiam modo dicitur, *facere omne præceptum* Deut. 6. vers. 24. hoc est, facere omnia, quæ præcepta sunt. Exod. 29. vers. 35. & Joan. 15. vers. 10. *custodire præcepta*, exponitur vers. 14. *facere ea quæ præcipio*. Sic Rom. 2. vers. 13. *factores legis*, id est, rerum lege significatarum ac mandatarum. Atque per huiusmodi metonym. *verba* hoc loco intelliguntur: hoc est, res verbis significatæ, ut ex attributo *spiritus & vita*, colligitur: quod non dictionibus ipsis, sed rei significatæ convenit. Deinde cum dicitur: *quæ ego loquor*, enallage est temporis, hoc est, quæ modò locutus sum. Nam quia id quod paulo post futurum est, & quod paulo ante præteritum, quasi præsens æstimatur: idcirco utrumque præsentis temporis verbo, sæpius cum vulgò, tum etiam in Novo Testamento indicatur: paulo post futurum quidem, Johann. 14. vers. 1. *proficiscor*, & vers. 4. *abeo*, & vers. 5. *nescimus quo abis*, & alia plurima: paulo ante præteritum verò, Matth. 13. vers. 10. *Cur is loqueris per parabolas & vers. 13. per parabolas loquor eis*, & Johan. 4. vers. 26. *ego is sum qui loquor tibi*. In quibus omnibus paulo ante præteritum citra controversiam intelligitur. Sic etiam hoc in loco: Christus enim ea intelligit, quæ de necessaria manducatione carnis suæ ad vitam, Capernaitis modò dixerat: ut scopus huius sententiæ (nempe confutatio Capernaitarum) vers. 61. indicatus ostendit; quo pertinet expressa hæc applicatio, *verba quæ ego loquor vobis*: sensus enim est, res, verbis quæ ego locutus sum, significatæ, sicut non potuerunt à me dici de carne vestra & aliorum, quia ea ad vivificandum & ad edendum carnem meam non prodest: sed tantum spiritus seu mens per fidem vivifica: propterea etiam ea quæ verbis meis significavi, non sunt caro, sed spiritus & vita; quibus attributum continetur, secunda huius sententiæ pars. *Spiritus* porro & *vita* accipiuntur propriè, ut antea in prima huius versus parte, de mente & vita æterna, ut sensus sit: quod antea dixi, vobis & omnibus hominibus necessarium ad vitam, ut manducetis carnem meam, id non dixi de carne vestra seu dente ac ventre: sed de spiritu seu mente, carnem meam per fidem manducante, & vita æterna inde consecutura. Atque hæc prima est planior ac plenior expositio: si quis verò *spiritum & carnem* in priori huius versus parte

parte de Christi divina, & humana natura interpretetur, ut antea retulimus; eodem modo non incommoda erit secunda expositio; ut etiam in altera hac parte spiritus eadem significatione intelligatur: nimirum ut sensus sit, cum caro mea (si consideretur, ut à vobis Capernaitis sit, secreta à suo Spiritu æterno, seu Deitate sua) ad vitam non proflit: sed vivificatio sit opus Deitatis (quæ Spiritus vivificus. 1. Cor. 15. 45. nominatur) similiter non de talis carnis manducatione carnali & vivificatione: sed de spiritu & vita æterna inde promanante sum locutus. Verum præter hæc duas expositiones (quarum prior facilitate atque ubertate longè videtur præferenda) aliæ etiam proferri solent: sed tamen minimè conferendæ cum prioribus, quoniam à propria vocis, *spiritus* non minus quàm *carnis*, significatione, sine ulla ratione necessaria recedunt: idque vel ut eodem sensu spiritus accipiat quo in priori parte interpretati sunt: vel diverso. Eodem quidem, ut significet sensum allegoricum: vel ut animæ per spiritum regenerationis sanctitatem (carni, h. est vitiositati innatæ oppositam) intelligamus. Diverso verò sensu accipiunt, qui spiritum metonymicè Euangelium notare existimantes, ita explicant, quod eodem sensu Christus hunc sermonem suum de pane cælesti (qui summam Euangelii continet) spiritum & vitam appellaverit, quemadmodum Paulus Euangelium vocavit spiritum, qui vivificat 2. Cor. 3. 6. h. e. efficax Sp. S. instrumentum (unde ministerium spiritus ibidem v. 8. dicitur) quo fidem in nobis electis accendit, nosque ita vivificat Rom. 10. 17. & 1. 16. Veruntamen quemadmodum à propria significatione ad impropiam, sine ulla necessitate hoc modo declinatur: sic etiam ad scopum, nempe refutationem Capernaitarum, non ita commodè pertinet: neque satis cum prima hujus versus parte, ubi spiritus carni opponitur, cohæret. Ac propterea uberius harum expositionum refutatio non requiritur, quemadmodum multo minus, quod maximus alioqui inter Patres Theologus, Cyrillus, spiritum hoc loco, carnem Christi significare statuit: cum & ea significatio sit insolens, & Christus spiritum carni disertè prima parte opponat.

Hactenus de difficultatibus Cap. sexti.

*Ad Cap. 7. v. 2. illustrationem, de σκηνωσὶς explicatio.*

Cum tria annua ac solennia fuerint Israelitis à Deo per Moysen instituta festa: nempe Paschatis, Pentecostes, & Tabernaculorum: quibus celebrandis omnes masculos convenire Hierosolymas oportuit, Exod. 23. Deut. 16. & 2. Chro. 8. ac de prioribus, nempe Paschate & Pentecoste, antea suis locis à nobis actum est plenius: non inutile fore arbitramur, neque ingratum, si etiam de tertio, nempe tabernaculorum festo, ad hujus loci ac similium illustrationem, paucis ac distinctè differamus. Festum autem tabernaculorum hoc loco σκηνωσὶς dicitur, à figendis tabernaculis, ex pulcherrimarum arborum ramis, sub quibus dies septem, à mensis septimi die decimo quinto debebant, & honestè hilaritati se dabant: quemadmodum describitur institutio illius Levit. 23. & illustre ejus exemplum proferitur Neh. 8. Finis autem cum reliquis festis, Paschatis nimirum & Pentecostes communis, fuit beneficiorum Dei corporalium & spiritualium recordatio, & publica pro iis Deo gratiarum actio præstanda. Proprius vero finis, pro beneficiorum aut modi diversitate distinguitur. Proximus enim hujusmodi finis spectavit beneficia corporalia duo. Quorum primum erat, quod cum olim in deserto incertis sedibus, sub vagis tabernaculis vixissent; inde à Deo per Josuam in terram promissam & urbes ac domos stabiles essent introducti, Levit. 23. vers. 43. Deinde quod cum antea in deserto, terræ fructibus & horreis ac cellis fuissent destituti, tandem in Chanaanæ uberem terræ proventum, eumque recondendi facultatem essent consecuti. Unde non solum *festum tabernaculorum*: sed etiam *festum collectionis* à Mose appellatur Exod. 23. vers. 16. ad eandem rem significandam, ut apparet Deut. 16. vers. 14. & 15. In quam sententiam sic ait Theophylact. ad hunc locum: σκηνω-

σκηνα celebrabant in gratiarum actionem propter convectas fruges mensis septembris, ideo & tabernacula figebant & sub dio degentes lætabantur. unde Psalmos quosdam qui inscripti sunt, pro torcularibus, quidam compositos esse dicunt in hoc festum. Nam tunc torcularia sua implebant, & uvæ premebant, propterea agebant gratias, & psalmis utebantur atque aliis in gratiarum actionem; talis psalmus est octavus. Hæc de sententia Theophylacti, & fine hujus festi proximo: nimirum ut esset grata beneficiorum corporalium illorum recordatio, Deique eo nomine celebratio. Remotus vero finis fuit ut esset typica ac prophetica futurorum, per Christum beneficiorum spiritualium adumbratio; quemadmodum communiter de festis illis dicitur Colof. 2. v. 17. Verum quænam propriè sit res significata, diversa videtur Theologorum esse sententia. Augustinus enim cum nonnullis aliis sentit: quemadmodum Israelitæ typi fuerunt fidelium (qui Israel Dei dicuntur Galat. 6. vers. 16.) & Pharaos, Diaboli: mare rubrum, baptismi: hostes Israelitarum Ægyptii, peccati typi extiterunt: sic tabernacula & desertum, hujus mundi: & terram promissam, cæli typum fuisse, pluribus exponit. Cyrillus tabernaculorum festum, resurrectionis corporis & vitæ æternæ umbras fuisse dicit: sed probationes quas adducit, non sunt adeo firmæ. Ait enim Christi carnem esse tabernaculum illud Davidis, quod erectum Amos. 9. v. 11. resurrectione. Sed doctiores interpretes rectè demonstrant, humile Christi regnum à Propheta denotari: ut circumstantiæ declarant, & Actor. 15. v. 16. Neque etiam melius convenit id quod ex Zach. 14. vers. 16. adfert, reliquæ gentium celebrabunt festum tabernaculorum. Nec enim in eo loco agitur de vita æterna, sed de statu Ecclesiæ Novi Testamenti in hoc mundo, & quidem pro more Prophetarum, qui cultum spirituales Dei in Novo Testamento futurum, corporalibus illis umbris exponunt, concinna allegoria. Idque etiam confirmatur ex ejusdem loci vers. 18. quo poenam iis minatur, qui festum illud non celebrant: id quod sanè nullo modo vitæ æternæ convenit, in qua nullum transgressionis periculum, neque ulla poena habet locum. Interim tamen, si rem ipsam, remota probatione illa consideremus, pia est Cyrilli de fine hujus festi sententia. Quam etiam sequitur Theophil. cum ait: *Scenopégia autem significat resurrectionem, quando omnes quidem fructus nostrorum operum consummantur, tabernaculaque nostra per mortem destructa iterum constructentur.* Ceterum ut propositam de fine hujus festi remoto sententiam absolvamus, arbitramur utramque, & Augustini & Cyrilli sententiam consentaneè S. Lit. commoda ratione posse conjungi, hoc modo: ut tabernacula, mundum hunc & corpus nostrum mortale & humile adumbrarint, in quo quasi peregrini extra patriam constituti versamur, Hebr. 11. vers. 13. & 14. unde Christi per Josuam adumbrati beneficio liberamur. Nam quemadmodum pii dicuntur hic non habere manentem civitatem, sed futuram inquirere, Hebr. 11. 14. 15. & 13. 14. & municipium πολιτεια nostrum in cælo esse, Phil. 3. 20. sic corpora nostra tabernacula appellantur, 2. Cor. 5. 1. & 4. & 2. Pet. 1. 13. Quocirca rectè dici potest, quod scenopégia, quatenus festum erat tabernaculorum, & liberationem à terrenis tabernaculis, & fixæ in cælis sedis beneficium typicè designabat. Adumbrabat enim liberationem, primum animæ à vinculis tabernaculi corporis mortalis, & à deserto mundi: deinde etiam corporis, à morte & corruptione in statum gloriosum, atque ascensionem in stabilem ac cælestem civitatem, Hebr. 11. v. 10. & 16. & 13. 14. Quatenus vero hæc scenopégia festum erat collectionis, & proventus annui beneficium notabat, & magna hilaritate, non in vetustis ac consuetis, sed in amœnissimis ramorum tabernaculis, omni luctu tristitiaque à Deo prohibita, Deut. 16. 14. 15. Neh. 8. 11. festisque conviviis ex bonis partis celebrabatur: sic etiam adumbravit hoc festum eo modo, felicem fidelium in cælis conditionem: quod in æternis illis cælorum atque amœnissimis tabernaculis, Luc. 16. corporibus suis gloriosis, æternis summisque gaudiis (quæ etiam conviviis à Christo metaphoricè significata, Matth. 8. 11. &

Luc. 22. 30.) perfruentur. Atque hæc breviter de Scenopægiæ seu tabernaculorum festo.

*Quo sensu Christi fratres Ioh. 7. 3. & 5. vocentur.*

**D**E hac enim quæstione duplex est sententia: prima quidem Helvidii: qui Mariæ ex Iosepho filios, post Christum genitos, & uterinos illius fratres intelligi tradidit: sedh ujus errorem Hieron: tom. 2. lib. de perpetua Mariæ matris Christi virginitate refutat, & eleganter adversus vocis unius aucupium distinctè ait; quatuor modis in scripturis divinis *fratres* dici, naturâ, gente, cognatione, affectu; Altera vero est recepta omninò sententia: ut in hoc Joannis loco *fratres Christi* consanguineos notent, qui scil. ex eodem quidem parente, non proximo (quales germani aut uterini fratres dicuntur) sed remotiore sunt prognati. Quinam vero hi fuerint consanguinei, diversa est interpretum sententia. Quidam enim (ut loco jam memorato Hieronymus) fratres Domini, hoc est, cognatos appellari, filios materteræ Christi, nempe Mariæ Cleopæ: cujus liberi fuerint Iacobus minor, (qui frater Domini dicitur Gal. 1.) & Iudas, duo Apostoli, & Iosef; qui antea non credentes postea crediderint. Epiphanius quoque eosdem intelligit, sed ex Iosepho è priori illius conjugio genitos fuisse ait, contra hæreses lib. 3. tom. 2. hæresi 78. Eandemque sententiam habet Cyrillus in comment. ad hunc Evangelistæ locum, & ad eam confirmandam adducit sententiam Ier. 12. 6. *fratres etiam tui & domus patris tui spreverunt te.* Veruntamen hoc alienum est, siquidem Propheta eo in loco, de Christo non loquitur, quemadmodum Cyrill. putavit, sed de seipso, à suis contempto conqueritur. Deinde in eo etiam cum Hieron. Epiphanio. Chryf. aliisque hallucinatur, quod Iacobum & Iudam, *fratrum* voce, in hac Evangelistæ sententia designari statuit: quemadmodum etiam quod ait, postea credidisse & in Apostolorum numerum relatos: illud enim clarissimè refutatur, non solum temporis ratione, quia hæc, quæ hoc c. 7. recensentur, postremo vitæ Christi anno contigerunt: contra verò Christum ab initio sui muneris duodecim Apostolos jam vocarat: sed etiam quia apertè jam antea, Ioa. 6. 70. duodecim Apostolorum vocatorum ac fidelium (uno excepto Iuda Iscariota) facta erat mentio. Quamobrem hisce consideratis certū illud est, consanguineos Christi intelligi, non tamen Iacobum nec fratrem ejus Iudam. Ideoque alii melius sentiunt, eos fratres seu consanguineos incredulos alios ab his fuisse: sed quinam illi nominatim fuerint, omninò ignorari: quia eorum nulla in S. Lit. explicatio reperitur. Atque hæc paucis de hisce fratribus Christi.

*De Capitis 8. vers. 1. ad 12. autoritate ac sententia, disceptatio.*

**P**ostquam Evangelista superiori capite septimo, Christi Hierosolymam ad festum tabernaculorum profectionem, & gesta in eo festo descripsit: deinceps hoc capite octavo, eorum quæ postero die festi contigerunt, narrationem subjicit. Quæ duabus constat partibus primariis: videl. historia adulteræ, ad vers. 12. & sermone ac colloquio Christi cum Iudæis, reliquo capite. Ad historiam autem quod attinet, in ea primum consideranda est illius autoritas: deinde sensus. De priori enim quæstio est magni momenti: An hæc, de adultera ad Christum adducta narratio, ab Evangelista Ioanne sit conscripta: atque ita divinam habeat autoritatem, & pars sit Evangelii illius genuina: nec ne? Quidam enim tam ex antiquis, quam ex recentioribus, tam nostris, quam Pontificiis Theologis magni nominis, de totius hujus narrationis fide dubitant. Cujus dubitationis suæ varia habent argumenta, quæ primum ab Erasmo: deinde ab aliis, ipsum minus consideratè secutis plenius proferuntur. Quæ licet à D. Piscatore sint satis rectè discussa, si pleraque spectemus; non alienum tamen fore arbitramur, si eadem hoc loco penitus expendamus, & nonnullis observatu dignis, ad clariorem historię veritatem, corroboremus.

Ac 1. objiciuntur veterum testimonia duplicia, partim eorum, qui eam apertè rejecerunt: partim aliorum, qui

eam præterierunt. Ad prius autem probandum, proferatur testimonium Eusebii histor. Eccl. lib. 3. cap. ultimo, quasi diserte diceret, à quodam Papia, hanc de muliere adultera historiam fuisse scriptam, quæ habebatur in Evangelio, quod dicitur *secundum Hebræos*. Id quod quasi certum ab Erasmo in Annotat. ad hunc Ioannis locum ponitur: idque ab Eusebio dictum, similiter à doctissimis Pontificiis & nostris interpretibus asseritur: sed si rem diligenter examinemus, meritò negabimus, illud ab Eusebio scriptum esse: Verba enim ejus Græca de Papia, antiquissimo authore, sed exigui judicij hæc sunt: *ἐκ τῶν παλαιῶν δὲ καὶ ἄλλων ἱερῶν καὶ γυναικὸς δὴ πολλὰς ἀμαρτίας διαβλῆναι ὅτι τὸ κυρίον, ἢ τὸ ἐξ' ἱεραίου ἐπαγγέλιον περιέχει*, hoc est, *Exposuit autem & aliam historiam de muliere accusata de multis peccatis apud Dominum, quam Evangelium secundum Hebræos continet.* Quæ verba priora olim Rufinus, quemadmodum malè intellexit: ita malè (ut multa, citra controversiam, alia) vertit ac pervertit hoc modo; *simul & historiam subjungit de muliere adultera, quæ accusata est à Judæis apud Dominum*; Id quod omninò à sententia Eusebii Græca alienum esse, oppositio utriusque mulieris arguit. Nam apud Eusebium, Græcè loquentem, nulla sit adulteræ mentio: deinde ea cujus meminit, de multis peccatis fuit accusata; hæc autem de qua Iohan. 8. agitur, fuit accusata de adulterio, & quidem solo; non autem de multis peccatis. Ac propterea Eusebius de alia omninò muliere, non de hac, de qua controversatur, locutus est. Ac propterea mirandum est, Erasmus virum literatissimum hic passum esse sibi à vitiosa interpretatione Rufini ita imponi, ut Græcum exemplar non consuleret: nisi forte illud ipsi nondum fuerit visum. Cujus etiam Erasmi, in plerisque egregia diligentia freti, & Pontificii & nostri, maximi nominis Theologi, credulitate quadam, ac neglecto examine, in eundem lapidem impigerunt. Quod auditores sincerè ad ipsorum utilitatem monere cogimus: ut in rebus inprimis controversis, ipsos authores Græcos consulamus, ne quid temerè interpretationi, (quæ non semper pari diligentia instituitur) fidamus. Quare hoc primum argumentum, ut probetur ab antiquis Patribus hanc historiam rejectam, nullius esse momenti, sed prorsus alienum, satis demonstratum existimamus.

Alterum vero est, quod à multis fuerit præterita; atque ita quodammodo ad Evangelium non pertinere indicarint. Quales citantur primum Patres, inprimis Orig. & Chryf. sed non sequitur, illi eam historiam in explicatione cap. 8. Ioannis præterierunt: Ergo non existimarunt eam fuisse à Ioanne scriptam. Respondemus autem Origenem multa in Ioannis explicatione omisisse: Nam à capitis quarti explicatione, omisso quinto, sexto, & septimo, transfuit ad cap. 8. v. 19. Nec Chrysoft: omnia exposuit, in suis illis ad populum concionibus in Ioannem, sive facilitatis, sive delectus alicujus causa, ad brevitatem, aut etiam descriptoris negligentia. Deinde, ut rectè Erasmus agnoscit, illius mentionem facit in Ioan. homil. 60. cum inter exempla, quibus Pharisei malitiosè ac subdolè, ut Christum accusarent, ipsum interrogarunt, recenset, cum ait: *rogarunt autem liceret censum dare Cæsari: & an lapidanda esset adultera: & de ea quæ septem viros habuisset deprehensa erat, percunctati sunt*: quemadmodum Latinus interpres reddidit, & ab Erasmo aliisque citatur. Nam quamvis Græca verba sint alia, nempe *καὶ οὗτοι ἀπορώσαντες γυναικὸς διαβλῆναι: & de mulieris dimissione collocuti sunt*: eodem tamen verba de mulieris dimissione redeunt, an adultera illa esset impunita dimittenda, nec ne; quoniam nulli præterea mulieri in Evangelio accommodari potest, de qua Christus à Phariseis sit rogatus. Ad Nonnum autem & Theoph. ac similes non adeo antiquos etiam objectos quod attinet, credibile est, illos malè intellecta Eusebii sententia (non minus quam de Rufino antea ostendimus) similiter aberrantes hanc historiam præterisse, aut exemplar mutilum secutos. Sed præter Patrum eorum omissionem, etiam exemplaria antiqua objectant, in quibus hæc historia absuerit, & in nonnullis absit. Verum idem ex memorato jam errore processisse verisimile est: & tali Codice Syrus interpres videtur seductus, ut hanc historiam

riam omiserit; tamen in multis codicibus extitisse agnoscit Hieron: tom. 2. dialog. 2. contra Pelag. cum ait: *in Evangelio secundum Ioannem, in multis & Græcis & Latinis codicibus invenitur de adultera, historia, quæ accusata apud Dominum*: atque inde etiam contra Pelagian: tanquam ex verè divina scriptura argumentatur. Deinde eandem etiam legit Athanasius, qui in Synopsi S. Scripturæ, exposita primum septem priorum capitum summa, ait de capite octavo; *subjicitur de muliere super adulterio accusata*. Deinde (quod ab aliis videtur minus annotatum, sed tamen addendum) Cyrill. Alexan. historiam hanc ut revera Joannis, sine ulla dubitationis significatione distinctè proponit ac multis explanat. Adeo ut appareat, virum aliàs doctissimum Benedictum Aretium hoc loco memoriâ lapsum, cum à Cyrillo hanc historiam omissam concedit. Quibus etiam accedunt (uti rectè ab aliis quoque observatum) Ambros. tom. 3. epistolarum lib. 7. epistola 58. & lib. 9. epist. 76. & August. in Ioann. cap. 8. & alibi quoque. Quod autem Erasmus ait: *non habetur in plerisque Græcis exemplaribus*, illud de nonnullis cum Hieronymo agnoscimus: quæ scilicet à scriptoribus ex mutilato exemplari derivata: de plerisque verò admittere nequimus: primum, quia in omnibus fedecim Græcis manuscriptis antiquis exemplaribus Roberti Stephani, nullo excepto, reperitur. Deinde in septendecim D. Bezae exemplaribus antiquis, unico tantum excepto, ut in quarta annotationum majorum edit. an. 1588. testatur. Quemadmodum etiam olim Leidæ in antiquo manuscripto codice Evangeliorum Græco-Latino, à Nobilissimo Dn. Georg. Douza Constantinopoli allato mihiq; monstrato, eandem historiam quæsitam inveni. Hisce accedunt Græcæ N. T. editiones consentaneæ, eæque diversæ: ut vel ex hisce liquet: prima est Haganoënsis Gerbelii, anno 1521. deinde Græcum Testamentum Basiliense, apud Bebelium, anno 1533. præterea Parisiense Colinaei, anno 1534. & alterum Basiliense priori præstantius Brylingerii, anno 1558. ex non paucis (ut in titulo indicatur) venerandæ fidei exemplaribus accuratissima lima editum: denique hisce accedit etiam accuratum illud, ex variis insignis fidei codicibus Græcum Testam. Lipsiæ cum variis lectionibus editum anno 1564. Ac propterea quorundam codicum veterum N. Test. hujus historiæ (aut per negligentiam, aut per errorem describentium) omisso, auctoritatem illius non infringit. Quare à testimoniis ad alias, ex re ipsa petitas atque objectas rationes confutandas procedemus. Quarum prior est, quod in hac de adultera narratione dicatur, Jesum solum fuisse relictum, & mulierem in medio stantem v. 9. id quod non videtur verisimile, ob templi celebritatem, & discipulorum fidem atque populi in re nova curiositatem, Christo in templo permanente. Verum negatur consequentia: quia antecedens nititur falsa hypothesis: quasi v. 9. Christus relictus diceretur solus absolutè: cum id dicatur tantum relatè, non ad populum, neque multò minus ad fideles discipulos: sed tantum ad Phariseos accusatores mulieris; quemadmodum illud ex antecedentibus verbis satis apparet: ubi dicuntur illi, tactâ eorum per Christi sermonem conscientia, singulatim exiisse, & Christum relictum solum, scil. ab illis. Sed objicitur rursus v. 10. dici, erexisse se Jesum, & neminem conspexisse præter mulierem: ideoque absolutè hoc dici. Verum negatur rursus hæc consequentia: quia id relatè dici, Christi verba satis demonstrant, quæ propterea subjicit: *ubi sunt tui accusatores?* Neminem igitur accusatorum intellexit. Altera vero ratio quæ obtenditur, est, nempe quod inter se non consentiant v. 9. & 10. cum 12. Nam prioribus traditur Christum sine Phariseis fuisse solum, neminemque eorum conspexisse, & tamen v. 12. dicitur dixisse eis: *ego sum lux mundi*, idque audientibus & respondentibus Phariseis v. 31. Ideoque iidem dicuntur, eodem tempore, & absentes & præsentibus fuisse: quæ contradictio est. Sed negatur etiam consequentia, quia non sequitur, egressi fuerant: ergo non potuerunt postea regredi. Quid enim vetat quominus primum inopinata Christi responsione, conscientiam ipsorum vellicante, attoniti discesserint: paulò vero post, pro sua malitiâ resumto animo (ut alia via Christo insidiarentur) redie-

rint? Nec enim dicitur quod Christus eo ipso discessus & absentia eorum tempore dixerit, *ego sum lux mundi*, sed dicitur: *rursus ergo Iesus locutus est iis*: non autem continuavit sermonem de muliere cæptum: sed eo absoluto ac postmodum iis jam regressis locutus esse indicatur. Porro tertia ex historia hac, adversus divinam illius auctoritatem ratio, ex v. 8. objicitur, quo Christus dicitur scripsisse in terra; id quod non videatur credibile: quia id Christus aliàs fecisse nullibi legitur. Sed negatur consequentia, quoniam non omnia Christi facta sunt repetita: quasi nulla, semel tantum potuissent fieri. Contrarium enim variis exemplis clarissimis evincitur: quemadmodum primum inter alia, Mat. 17. 2. Christi gloriosa transformatio, & cum Mose atque Elia colloquium: deinde Joan. 9. 6. & 7. quod è sputo & terra luto factò, oculos cæci oblevit & ablutione in piscina Silœ imperata ac facta visum restituit: denique Marc. 7. 33. & 34. quod surdum ac difficulter loquentem insertis in aures ejus digitis, & sputo linguam attingens auditum ei restituit, & linguæ vinculum solvit. Atqui ea semel tantum fecisse legitur, non minus quam semel hic scripsisse in terra; id quod etiam recta ratione non caruit: ut postea indicabitur, ideoque & hæc objectio quoque vana est. Quarta denique ratio, est magna lectionis varietas, quæ non videtur potuisse in historiam divinam à Ioan. Evangelista scriptam cadere. Sed negatur consequentia: cum enim olim typographis careant, & librarii tantum essent, qui libros describerent, potuit fieri ut eorum negligentia varietas aliqua inciderit, utpote memoria casu aliquo aberrante, vel aliquid omiserint; vel pro voce in textu expressa ac scribenda Synonymum quod ejus loco occurreret substituerint; vel denique quod in margine erat scholium, in textu omisso esse signum arbitantes, propterea addiderint: Quemadmodum in Latinis Græcisque authoribus accidisse sæpius à doctissimis viris, multis in locis demonstratum est. Idque in hac historia describenda olim etiam contigisse, in nonnullis codicibus, non est mirandum: quemadmodum in hac historia variegationes codicum manuscriptorum studiosè à D. Beza collectæ, quarum septem ad omissionem: quinque ad additionem, & decem ad mutationem aliquam pertinent: ita tamen ut sensus historiæ inviolatus in illis variantibus codicibus nihilominus permanserit. Quod vero editio Basileensis à D. Beza adducitur v. 9. ea de editione anni 1533. intelligenda & varietas illius perquam exigui est momentis: sed altera anni 58. ex venerandæ fidei exemplaribus accuratissimè adornata, lectionem receptam sincere exhibet. Deinde ut hujus objectionis infirmitas pateat, quod videl. ex codicum quorundam in nonnullis vocibus varietate, fidem hujus historiæ elevare student: idcirco necessarium hoc loco duximus ut perspicuis exemplis, ex aliis certæ atque indubitæ fidei scripturæ partibus similem aut etiam majorem lectionis varietatem accidisse, demonstremus: & quidem ex magno ac laudatissimo Roberti Stephani Testamento Græco majori. Ac primum Joan. 6. versibus quinque à 55. ad 60. sex, & quidem majoris quam hoc in loco momenti, occurrunt: & Act. 6. 8. 9. & 10. quinque variegationes majores similiter apparent: & cap. 16. in foliis quatuor versibus à 35. ad 39. longe major extat varietas, quam in tota hac adulteræ duodecim versuum historia. Et ut cap. 25. & 26. varias lectiones prætereamus, Ioan. 4. versibus sex ab 11. ad 17. octo variegationes sunt lectiones, magis sanè à textu differentes, quem illæ quæ in hac historia obtenduntur. Et 1. Pet. 2. in tribus tantum versibus 19. 20. & 21. septem variegationes extant lectiones: & c. 3. versibus quindecim à 5. ad 21. sunt septendecim: & 2. Pet. 1. v. 1. ad 12. sunt duodecim (& quidem majoris momenti quam Ioan. 8.) lectiones discrepantes: & cap. 2. versibus 21. nempe à 1. ad 22. si quis rectè computet, variegationes lectiones sunt 23. quis tamen ex hujusmodi codicum quorundam lectione ac neglectione varia auctoritatem harum Scripturæ partium in dubium vocare possit? Ac propterea argumentum illud à varia quorundam codicum lectione (& imprimis quæ sensum nullo modo lædit) deductum, hisce exemplis clarissimis confutatur. Atque hæc de prima sententia, eorum scil. qui de hujus historiæ fide dubitant.



Contra vero secunda atque alia, quæ recepta in Ecclesiis sententia est, qua statuitur, hanc historiam esse Ioan: Evangelistæ genuinam. Ratio autem est à materia, stylo, & præstantissimorum Patrum ac codicum antiquissimorum testimonio. Materia quidem, quia ea & aliis insidiosis Pharisæorum tentationibus, & consuetæ Christi in iis percipiendis ac sapienter superandis sapientiæ, & erga peccatores mansuetudini atque hortationi ad resipiscentiam optimè congruit. Deinde stylus etiam, Ioan. Evangelio egregiè consentit, ut rectè ab eruditis observatum. Denique antiquorum ac præstantissimorum Patrum, & codicum antiquorum consensus accedit, non solum Athanasii, Chryf. Cyril. Alex. Ambr. Hier. & Aug. ut supra ostendimus: sed etiam hisce omnibus longè antiquioris patris, Ammonii Alexandrini, Christiani Philosophi ac Theologi doctissimi, præceptoris Origenis: ut testatur Euseb. hist. Eccl. lib. 6. cap. 19. edit. Græcæ, Roberti Steph. versionis vero Latinæ recognitæ, cum notis Grynæi cap. 18. in veteri denique Latina operum Eusebii versione cap. 15. qui Ammonius harmoniam 4. Evangelist. composuit: unde Euseb. nova methodo canones Evangeliorum, ut fatetur, contraxit; ideoque Ammonii fidem & diligentiam probavit: qui etiam præmissi sunt Test. Græco à Roberto Steph. majori forma excuso. In qua Ammonii harmonia (quæ in Micropresbytico, & in monumentis Patrum orthodoxographis, ac simul Bibliotheca S. Patrum tom. 2. inserta extat) in ea parte, quæ gesta Christi anno prædicationis tertio recenset, sic ait: *ingressu autem templum Domino, Scribæ & Pharisei adulteram in opere nefario deprehensam producunt, captiosè querentes, quid fieri statueret. Porro Jesus ita responsum temperavit, ut neque illam absolvens, Moysi legem abrogare, neque condemnans, in tanta peccantium multitudine vindictam à sola hac paupercula expetere videretur.* Denique addimus, quod Ammonio multo antiquior Tatianus Alexand. Justinii martyris (teste Eusebio Eccl. hist. lib. 4. cap. 27.) discipulus, in harmonia Evangeliorum, quæ extat in Monument. Patrum orthodoxographis Basil. excusis cap. 120. totam de muliere adultera historiam, Evangelistæ verbis describit. Si quis fortè objiciat, hunc Tatianum factum hæreticum & Encratarum ducem, ac tum hanc Harm. conscripsisse; ejusque Theodoretum exemplaria plusquam CC. in Ecclesiis suis inventa deposuisse, & eorum loco quatuor Evangelia reposuisse, ac propterea inde hanc de adultera historiam, illius testimonio non posse probari, in Ecclesia fuisse Joanni attributam: Negatur consequentia. Nam Theodoretus hoc quidem refert, hæreticarum fabularum lib. 1. cap. de Tatiano; sed in ea harmonia nihil aliud omninò reprehendit, nisi quod, ut ait, amputarit genealogias & alia quæcunque ostendunt Dominum natum ex Davide secundum carnem: non autem arguit, quod Evangelistæ aliquid alienum addiderit. Atque ita sanè satis clarè demonstrat Theodoretus, se agnoscere illam de adultera historiam, in illa Tatiani harmonia positam, ad Evangelium revera pertinere: aliàs, ut detractionem ex Evangelio aliquam nominatim reprehendit: sic additionem, si quæ fuisset, similiter arguisset: cum Joannes æqualiter utrumque gravissima comminatione damnet Apoc. 22. 18. & 19. Quare cum nulla solida ratio contra auctoritatem hujus historiæ, Joan. 8. 1. ad 12. proferatur: & aliæ contrà à nobis sint allatæ fide dignæ, meritò concludimus de ea non esse dubitandum. Cæterum cum quædam olim etiam Hieronymi ætate extiterint Evangelii Joannis exemplaria, in quibus hæc historia defuit: quæri meritò potest, quænam illius rei fuerit causa. De qua re Erasmus tres diversas conjecturas proponit: Quarum prima est, quod fieri potuerit, ut quod ab Evangelio Joannis perierat, in apocrypho extaret: altera quod Joannes hanc partem post editum Evangelium illi adjecerit, itaque factum, ut in quibusdam codicibus haberetur, in quibusdam non haberetur: Tertia, fieri posse, ut in apocryphis multa vera referantur, ex veris igitur hanc historiam adjectam: quod jam auctoritatem habet, non quod in apocryphis scripta fuerit, sed quod Papias à suo doctore audierit: quodque hanc Ecclesiæ consensus, ut Evangelio dignam comprobarit. Hactenus Erasmus. Sed primæ conje-

cturæ repugnat Patrum & fidelium aliorum diligentia: nec credibile est periisse ex omnibus exemplaribus hanc historiam, nemine animadvertente ac nemine prohibente. Altera etiam conjectura licet ingeniosa sit, tamen refutatur ex Joan. 20. 30. & 31. quo in loco causam cur multa præterierit, reddit; & Evangelii sui perfectionem asserit: deinde hæc quæ fingitur interpositio hujus historiæ scriptiōnem consequens, humanæ memoriæ ac judicii fragilitati convenire potest, ut quemadmodum dicitur, *ἡμεῖς ἐπορεύθημεν ἐν τῷ κόσμῳ*; sed illud Deo, Evangeliorum autore atque inspiratore, omninò indignum est. Denique tertia conjectura minus probabilis est: partim quia temerarium omninò fuisset, si qui divino operi hujus Evangelii perfectio, aliquid interposuissent, quod consultò author divinus Evangelista, imò Deus ipse omittere voluisset: partim quia fuisset sacrilegium in Dei Evangelium, auctoritatem hujusmodi usurpare, & sine revelatione divina Deique mandato, S. Literis aliquid pro arbitrio addere Apoc. 22. 18. & 19. Denique hæc conjectura nititur falsâ Eusebii de Papiâ loquentis interpretatione: neque Papias etiam ob judicii defectum maximum, quem arguit Eusebius, fidem ullam meretur. Alia vero præterea August. extat sententia de hac re tom. 7. de adulterinis conjugii lib. 2. cap. 7. cum ait: *sed hoc videl. infidelium sensus exhorret, ita ut nonnulli modicæ, vel potius inimici, veræ fidei (credo metuentes peccandi impunitatem dari mulieribus suis) illud quod de adulteræ indulgentia Dom. fecit, auferrent de codicibus suis: quasi permissionem peccandi tribuerit, qui dixit: deinceps noli peccare.* Ut vero rem concludamus, causa omissionis hujus de adultera historiæ, ut antea indicavimus, omninò esse videtur, quod Eusebii hist. Eccl. scriptoris celeberrimi ac doctissimi verba ex lib. 3. c. ultimo, & historiam, de muliere apud Dominum accusata (quam exposuisset Papias, quæque in Evangelio secundum Hebræos extaret) de hac muliere adultera malè intellexerunt, ut ex Rufini versione ostendimus, ideoque tanquam apocrypham & à Papiâ, Evangelio Joan: temerè additam censentes, in descriptione Evangelii Joannis omiserunt: quemadmodum hæc ratio imprimis Erasmus, & alios viros eruditos nonnullos de hac re dubitare fecit. Idque eo magis credibile: quod nullo documento probatum comperimus, ante Eusebium, neque in Eusebio, ullam exemplarium Joannis, in quibus hæc adulteræ hist. deesset, fieri mentionem: contra vero & ex Tatiano Justinii Mart. discipulo, & ex Ammonii Alex: præceptoris Origenis Harmonia Evangeliorum, sine ulla dubitatione aut ullius unquam reprehensione, historiam hanc contineri, supra ostendimus: & haud dubiè in discipulo ejus Origene, in Joannem Comment. ab hoc scriptis, extaret, nisi capitis quinti, sexti & septimi explicatio omninò, & capitis octavi octodecim priores versus essent præteriti, initio primum factò à v. 19. Quibus omnibus (id quod ab aliis notatum non meminimus) adjiciendum, Eusebium in suis Evangeliorum canonibus, quos imitatione Ammonij Alexandrini (industriam illius disertè commendans) conscripsit, hanc adulteræ historiam canone 10. (ubi tribus ultimis columnis, quæ à solo Joanne scripta sunt, ostendit) referre: columna 2. num. 3. capitulo 11, hoc est 86. designatur etiam hæc historia: quemadmodum apparet ex Test. Græco Stephani supra memorato, ubi vetera illa capitula (in quæ Evangelia olim ab Eusebio distincta) exprimuntur. Idemque etiam ex Hieronymo probatur, qui canones illos decem Eusebii interpretatus est, & Latinis numeris expressit, ut indicat præfatione in 4. Evangelia ad Damasum; quæ historia etiam tom. operum illius 9. unà cum tabulis decem illorum canonum, ex Eusebio uti diximus verforum, canone 10. cap. 86. designatur: & in Evangelio Joannis ab Hieronymo recognito (quod eodem tom. 9. extat) capitulum 86. à cap. Ioan. 7. v. 45. usque ad v. 19. cap. 8. pertinet: veru v. 19. annotavit Hierony: capitulum 87. Ex quibus perspicuè apparere potest, Eusebium post Ammonium hanc historiam, non à Papiâ additam, sed à Joanne editam ac genuinam, sine ulla dubitatione statuisse. Ac propterea si ex malè intellectis historiæ Ecclesiast: verbis, supra memoratis, factum est, ut postea in nonnullis codicibus hæc historia à descri-

descriptio sit omiſſa, illud temerariam ipſorum imperitiam oſtendit ( cum Eusebius in canonibus ſuis capitulum Joannis, eam diſtinctè agnoſcat ) ſed authoritatem hiſtoriz hujus non imminuit. Quare hac re jam ſatis, uti ſperamus, adverſus objectiones ſtabilita, explicationem illius ſuccinctam ſubjiciemus. Ac primum ſcopus Evangeliz obſervandus eſt geminus. Prior eſt ut demonſtret pertinacem Iudeorum in Chriſto perſequendo improbitatem: quod non ſolum aperta vi eum à medio tollere conati ſint, ut cap. 7. declaratum: ſed etiam, divina providentia impediti, non quieverint tamen, ſed eum dolo malo perdendi occaſionem captarint. Alter eſt, ut cognoscatur Chriſti ſapientia, juſtitia ac potentia, qua perverſos ac ſubdolos adverſariorum conatus, in ipſorum dedecus, evaſit, & contrà ad ſuam gloriam, & peccatorum ſalutem convertit. Cæterum partes hujus narrationis ſunt tres: nimirum rei inter Phariſæos & Chriſtum geſta circumſtantia, deinde modus, denique eventus. Circumſtantia autem ſunt quatuor; prior eſt tempus: nempe poſtridie feſti tabernaculorum: altera eſt locus, nempe templum: tertia teſtes, totus ſcil. populus, hoc eſt, per Synecd. magna populi multitudo: quarta denique, occaſio rei, videl. Chriſti actio, quod populum doceret, de quibus v. 1. & 2. agitur. Quod autem Chriſtus ſedens populum docuiſſe dicitur, id liberè ab eo factum eſt, ac fortasſe quod vigiliis laſſus conſuetum ſcribarum morem ſit ſecutus: quemadmodum & alibi Matth. 5. v. 1. cum doceret, ſediſſe dicitur: alibi verò ſteſit Joa. 7. 37. Hiſce porrò circumſtantiis, modus rei inter Phariſæos & Chriſtum geſta, ſecundo loco adjungitur: qui duobus quaſi gradibus oſtendit, quomodò Phariſæi ſe erga Chriſtum, & Chriſtus viciffim erga Phariſæos ſe geſſerit. Et in priori quidem gradu primum Phariſæorum facta & dicta, quibus Chriſtum aggreſſi ſunt, deſcribuntur. Facta enim ſunt, quod mulierem in adulterio deprehenſam adduxerunt ad Chriſtum, & coram eo conſtituerunt v. 3. Dicta vero eorundem, narrationem & quæſtionem continent. Narratio autem primum v. 4. accuſationem adulterii manifeſti mulieris cujuſdam; deinde poenæ lapidationis, ſecundum Moſis legem ( ſcil. Lev. 20. 10. ) promeritz declarationem continet. Quæſtio vero proponitur, qua judicium Chriſti de ea poena requirunt v. 5. deinde ab Evangelizta v. 6. exponitur, à fine quærentium duplici: primus enim fuit ut tentarent ipſum. Cum autem tentatio ſit latentis animi alicujus exploratio: eaque vel bona, quæ ex bono principio, ac bono medio ſeu modo, ab bonum finem tendit: alia vero mala quæ talis non eſt ( ſive omninò, ſive partim ) hoc loco Synecdo. poſterior intelligitur: quia principium illius non fuit Dei & juſtitiz ac veritatis noſcendæ amor: ſed Chriſti odium. Medium autem non fuit ſermonis ſinceritas, ſed ſubdola, amoris, juſtitiz & veritatis à Chriſto ut vero doctore cognoscendæ, ſimulatio. Finis denique fuit, ut Chriſtum illaquearent, & ad noxiam ipſi reſponſionem allicerent. Qualis etiam prava Phariſæorum in tribus ſimilibus vitiis tentatio. Matth. 22. 15. 16. & 18. continetur. Atque hæc de quæſtionis Phariſæorum fine primo, nempe tentatione Chriſti. Secundus vero ac præcipuus ( utpote cui tentatio inferviebat ) fuit, ut Chriſtum accuſarent: nimirum vel apud Magiſtratum: vel ſaltem apud populum. Apud magiſtratum quidem; ut ſi mulierem adulteram non lapidandam reſpondiſſet, tum quaſi ſcleratum Moſis ac Dei adverſarium, & mortis reum arguerent. Apud populum vero, ut ſi lapidandam reſpondiſſet, tanquam non manſuetum erga peccatores ( ut tamen ſe prædicabat, Matth. 11. 29. & vulgo talis habebatur ) ſed ſeverum convincerent, & populo eo modo odioſum redderent; quod improbum illorum conſilium ac dilemma breviter & rotunde ita exponit Aug: hoc loco: *ſi ( inquit ) eam juſſerit lapidari, manſuetudinem non habebit: ſi eam dimittiſſe conſuevit, juſtitiam non temebit. ut autem manſuetudinem non perdat ( in qua jam populo amabilis eſt factus ) ſine dubio eam dimitti debere dicturus eſt, hinc nos invenimus accuſandi occaſionem, & eum reum faciendum tanquam legis prævaricatore: Hæcenus Aug. Atque hæc de Phariſæorum primis erga Chriſtum rebus geſtis, ſcil. factis & dictis. Sequitur jam alterum, nempe, quomodo*

Chriſtus primum erga hoſce inſidioſam quæſtionem proponentes ſe viciffim geſſerit: id quod in fine v. 6. ita exprimitur: *Ieſus autem incurvatus deorſum, digito ſcribebat in terra.* Quid autem Chriſtus hac inclinatione & ſcriptione voluerit, diſquiri ſolet. Quidam enim id ſuſpectum habent quaſi inſolens: neque conſpicere poſſunt qua ratione id commode poſſit explicari: Alii vero cauſas aliquas, ſed non pari ſelicitate exponunt. Quas nonnihil colligemus, ut res plenius intelligatur, & quod maxime vero conſentaneum videatur, facilius queat dignoſci. Ac i. quidem Aug. videtur omninò ad diſcrimen legis & Evangelii hanc in terra ſcriptionem reſerre, videl. quod lex ſit olim lapidi propter duros inſcripta: Evangelium vero hominum cordibus tanquam terræ fructiferæ unde Chriſtus fructum ferat. Alii vero conjiciunt hoc factum eodem fine, ſed diverſam ſimilitudinis rationem afferunt: quod ſc. homines ſint terra & cinis. Verum licet hæ interpretationes aliquam præ ſe ſerant ſubtilitatem, tamen à re propoſita alienæ ac coactiores apparent. Hieron. verò paulò probabilius, & propius ad rem ipſam accedens, diſſerit, dial. 2. contra Pelag. Ait enim Chriſtum eorum qui accuſabant & omniū peccata mortalium terræ inſcripſiſſe: ſecundum quod ſcriptum eſt Jer. 17. verſ. 13. *relinquentes autem te in terra ſcribentur.* Veruntamen illud obſtare huic expoſitioni apparet, quod Phariſæi non ſcripturæ Chriſti, ſed ſermone illius commoti, peccata ſua cognoverint, & pudæfacti diſceſſerint: deinde dictum illud Jeremie alienius eſt. Nam ſcriptio illa de qua loquitur, non eſt propria: ſed metaphorica. Nam ut ſcriptio in cælo, Luc. 10. verſ. 20. electum inter hæredes regni cæleſtis notat; ſic in terra ſcriptum, inter homines à Deo alienos & mundo addiſtos ac reprobos designat, ut ex loci circumſtantiis colligi poteſt: & convenit cum dicto illo ſimili, Pſalm. 69. verſ. 29. *deleantur de libro viventium, & cum juſtis non ſcribantur.* Ideoque conjectura Hieron. fulſet verifimilior, ſi dixiſſet, Chriſtum hac ſcriptione in terra voluiſſe indicare Phariſæorum juſtitiam & gloriam non eſſe veram & in cælo inſcriptam: ſed in terra tantum, & externa tantum ſpecie atque hominum opinione, non Dei approbatione niti, Luc. 16. verſ. 15. atque ita Phariſæos eſſe terrenos ac terrena tantum ſapere, quemadmodum, hoc cap. 8. verſ. 22. & 23. illos hoc nomine reprehendit. Quod verò nonnulli, Chriſtum terræ inſcripſiſſe ſuo digito, ajunt, ut oſtenderet ſe eundem eſſe, qui legem illam in tabulis digito ſuo ſcripſerit ac Moſi tradiderit, ac propterea Moſis authoritate non teneri; illud omninò à re propoſita alienum apparet, & apertæ profeſſioni Chriſti Matth. 5. v. 17. repugnat. Eadem ratione temerarium eſt, quod nonnulli Chriſtum terræ inſcripſiſſe ajunt; *terra eſtis & de terra judicatis*: Quemadmodum etiam quod alii idem ſcriptum volunt, quod poſtea reſpondit, eſſi cum re melius conſentiat, mera tamen eſt conjectura. De incurvatione verò in terram, multæ etiam adferuntur cauſæ. Primam enim ajunt eſſe, quod Chriſtus ita ſignificare voluerit humiliationem ſuam: quod non ſolum è cælo in terram deſcenderit, ſed etiam ad infirmitates noſtras ſe demiferit: ſed ea expoſitio à ſcopo hujus loci alienior eſt. Alteram deinde cauſam adducunt, quod Chriſtus hac ratione docuerit factum eſſe demittendum, & propriam infirmitatem eſſe contemplandam: ſed ea ſimiliter rei propoſitz minus quadrat. Tertiam aliquantò probabiliorē addunt, id factum, ut oſtenderet, in judicio non eſſe præcipiendam ſententiam. Quartam ad hæc proferunt, ut oſtenderet, ſe non veniſſe ad judicandos, ſed ad ſalvandos peccatores. Quintam apponunt, ut quaſi aliud agendo, & velut ancipiti quæſtione dubius factus & circumventus, quæſtionem declinando, ipſos importuniores in ipſorum dedecus, repetita quæſtione redderet: denique quod faciei averſione illa adverſarios reſponſione indignos, & abominatione digniſſimos eſſe, judicaret. Atque hæc de diverſis inclinationis & ſcriptionis Chriſti expoſitionibus. Quibus propoſitis, quidnam maxime vero conſentaneum arbitremur, paucis perſtringemus. Ac primum hoc certum eſſe apparet, Chriſtum adverſariorum ſuorum inſidioſè tantum contemptum aliquam inclinatione ac ſilentio ſuo indicafſe:

indicasse; scriptione autem in terra similiter eos responsione indignos significare voluisse omnino videtur, aliudque agendo, quaestionis eorum neglectum (ut vulgo in similibus fieri solet) indicasse. An autem inscriptio illa facta sit figuris, an verò literarum notis (utrumque enim & *scribo* & *pingo*, voce *χαρῶν* denotari potest) incertum; Ac prius videtur probabile, & ad Phariseorum neglectum indicandum accommodatum. Quid verò Christus scripserit, quoniam scriptura hoc prorsus silet, conjecturis non est indulgendum. Licet enim nonnulli, novitate atque argutia quadam, imperitorum aures titillante, prurientes vulgo placeant; tamen nec solidum, nec sanctum est, Origenis & imitatorum illius more, à sincera verbi divini simplicitate recedere, & humanis commentis eandem profanare. Atque hæc de primò rerum inter Phariseos & Christum gestarum gradu: cui alter à Joanne subicitur, tribus constans partibus. Quarum prima est Phariseorum, eandem quaestionem a se propositam, & à Christo neglectam repetendo perseverantia, initio, v. 7. Altera verò, quid Christus egerit cum sermone, tum facto declarat, tribus membris. Primum quidem, quod tandem ea Phariseorum quaerendi perseverantia motus sese erexit: deinde quid dixerit, nim. *qui vestrum immunis est à peccato, primus in eam jaciatur lapidem*, in fine v. 7. Qua responsione subjecto quidem, eum cui poenæ executio convenit: attributo verò ordinem puniendæ mulieris adulteræ, & modum poenæ indicat, sapientia ac justitia admirabili. Hac enim ratione Phariseorum consilia reddens irrita, justitiam æquitatem temperat: ne aut legis Moisaicæ violator; aut solitæ & promissæ mansuetudinis immemor videretur. Subjectum autem responsionis notatur cum ait: *qui vestrum immunis est à peccato*: Græcè *ἀναμῆτος*. Qua periphrasi hypocrisin Phariseorum perstringit, quod in aliorum peccatis conspiciendis acuti, in suis verò cæci essent. Cæterum quid *peccati* nomine intelligatur hoc in loco, diversa interpretum est sententia: quidam enim verisimili explicatione eam vocem absolute & generatim omne peccatum, hoc est, quamvis legis transgressionem denotare putant: quasi Christus hac via procedens hypocriticam Phariseorum justitiam, (qua se velut peccati expertes, & totius legis observatores, ostentabant ac gloriabantur, Matt. 19. v. 16. & 23. v. 28. & Luc. 16. v. 15. & 18. v. 11.) patefacere & confutare voluerit: Alii verò peccatum speciatim exponunt: & quidem bifariam. Quidam enim de adulterio (pro subjecta materia de qua agitur) interpretantur: sed dispari tamen modo. Sunt enim qui de externo opere: & sunt qui de interna illius concupiscentia, ut Mat. 5. v. 28. exponunt; quasi Christus diceret: mulier peccavit opere, vos cordis concupiscentia. Verum neutrum videtur satis accommodatum: Non prius, quia verisimile non est, hos omnes aut plerisque Phariseos (quos conscientia peccati arguebat) fuisse adulteros: Neque etiam posterius, quia cordis impuritatem ac concupiscentiam, nihili, aut parvi omnino aestimabant, ut ex oppositione Mat. 5. v. 27. & 28. apparet: ideo conscientia ipsorum eo sensu posito, ipsos non percussisset. Quare alia specialis expositio est, ut *peccatum* *ἐξ ὧν* pro scelere accipiat: quo sensu non raro in S. Literis *ἀναμῆτος* peccator, pro scelerato, seu eo qui gravioribus criminibus est additus, usurpatur: ut Ps. 1. v. 1. Luc. 7. v. 39. Joan. 9. v. 24. & 31. Atque ita *ἀναμῆτος* peccati, hoc est, sceleris expertem notat. Quæ declaratio cæteris videtur magis idonea. Atque hæc de responsionis Christi subjecto: nimirum ad quosnam mulieris adulteræ punitio pertinet. Attributum verò ordinem indicat & modum. Ordinem, cum ait *primus*: quia ex lege Moysis, testes criminum capitalium lapidationis initium facere tenebantur, Deut. 13. v. 9. & 17. v. 7. Sed objiciat aliquis, quæcunque tandem interpretatio adferatur, inde videtur omnino consequi, judicia publica non esse exercenda ab iis, qui peccati aut criminis alicujus sibi sunt conscii: eaque ratione vel omnes, vel pars aliqua judicum à judicii executione arceri videtur. Verum id minimè sequitur: quia Christus hoc in loco non regulam generalem proponit: sed ad improbos atque insidiantes adversarios sese accommodat; ut cum Christum peccati arguere stu-

dent, ipsi contra hoc modo, suæ conscientiæ judicio atque indicio convincantur. Eos enim tantum alloquitur ac docet, quid in hoc singulari, de adulteræ mulieris judicio, ab insidiosè quaerentibus observandum censeat. Deinde, etiam si aliorum judicum eadem omnino esset ratio; iisque idem præscriberetur, nihil inde incommodi sequeretur: quia Christus hoc loco non agit de judicio, sed de executionis illius ordine, & exordium ab innocente fieri debere indicat. Nec enim dicit his verbis, ut soli immunes à peccato peccatores puniant: sed ut infons initium faciat: reliquos verò nullo modo excludit, sed potius initii mentione facta includit, cum ait, *primus jaciatur lapidem*, atque ita ordinem statuit. Quamobrem iudices, qui sceleratos plectunt, justè quidem faciunt, quia id Deus ipsis præcepit, & salus Reipub. idem postulat: sed in eo injustè faciunt ac graviter peccant, si ab iisdem aut similibus sceleribus, quæ in aliis puniunt, ipsi non abstineant. Atque hæc de ordine poenæ, adulteræ inferendæ, seu primo attributi membro: Alterum verò est poenæ declaratio, cum in fine vers. 7. ait: *in eam jaciatur lapidem*: Quibus verbis, suum cum Mose consensum omnino ostendit, & insidias Phariseorum simul evadit. Atque hoc modo rerum à Christo, secundo gradu cum Phariseis gestarum priora duo membra (nempe facta Christi, cum inclinatio, tum scriptio in terra, & deinde responsio illius) exposita sunt. Tertium verò ac postremum iis adjungitur: id autem est facti illius repetitio, ut v. 8. dicitur: *& rursus incurvatus deorsum, scribebat in terra*. Cujus facti rationes adferuntur tres. Quarum prima quidem arguta magis quam probabilis: quasi scilicet Christus bis scribendo significare voluisset: se legem & Evangelium dedisse: quod primum verba legis, deinde Evangelii protulit, cum primò meritam poenam v. 7. postea immeritam gratiam v. 11. annuntiavit. Reliquæ verò duæ rationes quæ adjunguntur, magis sunt verisimiles: nimirum Christum hac ratione adversariorum mentibus deorsum sese incurvando, atque aliud rursus agendo altius voluisse imprimere: deinde hoc etiam egisse, ut liberiores haberent exeundi, in ipsorum tamen dedecus, facultatem. Hactenus rei inter Phariseos & Christum duplici congressionis gradu gestæ narratio, quæ secunda totius hujus historiarum pars est. Cui tertia duplici eventu constans subicitur. Quorum prior est in Phariseis: alter verò in Christo. In Phariseis quidem sermonis Christi effectum duplex: primum quidem stimulus ac morsus conscientiæ peccatorum ipsorum: secundum verò inde procedens, est singulorum Phariseorum illorum, à senioribus usque ad ultimos, discessio à Christo, & simul à muliere quam adduxerant & accusarant, v. 9. Alter verò eventus, scilicet in Christo notatus, est erectio corporis illius, ac discessionis Phariseorum, ac relictæ mulieris observatio: & deinde colloquium consecutum cum muliere adultera. Cujus partes sunt tres, Christi quaestio: mulieris responsio: & Christi conclusio. Quaestio Christi est gemina: una, *ubinam essent accusatores illius*. Id quod non ignorantia testandæ gratiæ factum: sed potius, ut hypocrisin & malitiam eorum, auditoribus patefaceret: quod scilicet non justitiæ nec legis Moysis amore mulierem adduxerant, atque accusando judicium Christi rogarant: sed tentandi atque insidiandi vitæ Christi studio hoc fecisse: id eoque relinquendo mulierem id satis declarasse. Altera quaestio est, de condemnatione mulieris, *an nemo*, inquit, *te condemnavit*? v. 10. Mulieris verò responsio, ad secundam quaestionem Christi pertinens, est, quod ipsa dixit, *Nemo Domine*. Denique conclusio Christi, ex hac responsione procedens bimembris est: primum enim membrum ad consolationem mulieris pertinet: alterum verò ad ejusdem correctionem. Ad consolationem quidem refertur, quod primum ait: *nec ego te condemno*. Qua ratione Christus nec judici politico munus condemnandi detrahit: neque illud sibi contra Prophetici muneris sui rationem, Luc. 12. v. 14. arrogat. Neque obstat id, quod monuit antè Phariseos, dicendo: *qui vestrum immunis est à peccato, primus projiciatur in eam lapidem*: Siquidem ista responsione mulierem politicâ autoritate judiciaria (qua carebat, Luc. 12. v. 14.) non condemnavit: sed sententia Prophetica, tantum

rum quid juris esset divini, à Phariseis interrogatus, simpliciter explicavit. Deinde cum illi, quorum munus erat iudicium exercere, & mulierem punire, illud omitterent: Christus merito, cum politicus Magistratus non esset, quantum ad ipsum attinebat, eam impunitam reliquit. Unde etiam apparet Anabaptistas hoc Christi dicto imperitè atque iniquè abuti, cum ex eo gladii in sceleratis puniendis usum Magistratui interdictum atque illicitum esse contendunt. Hæc de primo conclusionis Christi membro: nempe consolatione mulieris. Alterum verò ad correctionem illius pertinens, est hortatio, qua ad discessum & peccati fugam, sive ad resipiscentiam, pro officio Prophetico, Marc. 2. vers. 17. & more suo, Ioh. 5. vers. 14. hortatur, cum ait vers. 11. *Vade & ne amplius pecca.*

Atque hæc de historiæ huius autoritate & genuina sententia admodum. Sequitur jam ad illustrationem vers. 44.

*Brevis, De Diaboli, & Angelorum ejus lapsu,  
Dissertatio.*

Quandoquidem octavo hoc capite Iohannis perquam illustis de Diaboli lapsu extat sententia: adeò ut vix ulla in S. Literis exstet præstantior: opportunum fore existimamus, si paucis, quid de hoc argumento sobriè ac piè credendum sit, ex Dei verbo declaremus. Ac primum quidem illud extra controversiam statuimus, Spiritus creatos (qui Angeli, hoc est nuntii καὶ ἄγγελοι dicuntur) alios esse bonos, alios verò malos, qui impuri Spiritus passim in Scriptura appellantur. Deinde etiam horum malorum Spirituum ordines esse varios satis patet, vel ex Epist. ad Eph. cap. 6. v. 12. ubi imperia, potestates, mundi rectores vocantur: sed eos definire & inter se distinguere, Scriptura tacente, temerarium est omnino. Hoc interim omni controversia caret, inter eos impuros Spiritus, unum excellere cæterisque omnibus præesse: ac propterea illi distinguuntur accommodatè in principem & subditos illius. Princeps autem eorum variis nominibus à qualitate imprimis per-versa, atque ab effectis suis καὶ ἔργων describitur: quorum duo primaria sunt, reliqua secundaria. Et è primariis quidem frequentissimum est Græcum δαίμων Matth. 4. 1. Ioh. 8. hoc est, criminator seu accusator ac calumniator: quia Deum apud homines Gen. 3. 4. 5. & homines apud Deum, Iob. 1. v. 9. & 2. 5. & Apoc. 12. 10. hominesque apud homines accusat ac calumniatur, unde Ioh. 8. v. 44. dicitur mendacium loqui, & mendax ac Pater ejus, nempe mendacii, nominatur. Cujus nominis ratio rectè à Chrysost. in 2. ad Cor. cap. 1. homilia 2. & à Theodoro de affectionibus Græcanicis sermone 3. observatum. Alterum deinde primarium nomen è duobus, est Hebræum שָׂטָן & Satanus addita terminatione Græca, Luc. 11. v. 18. hoc est adversarius, ut Hieron. in commentariis suis, Esai. 27. rectè statuit ac probat ex Zach. 3. 1. ubi dicitur stetit Satan à dextris ejus שָׂטָן ut adversaretur ei. Sic autem convenienter suis moribus appellatur, quia nimirum & Dei gloriæ & hominum saluti continuò adversatur. Dei quidem gloriæ, cum verbi illius veritati, & mandatorum sanctitati, suas contradictiones ac mendacia, Gen. 3. v. 4. & 5. & impia sua præcepta, quibus gloriam Dei sibi arrogat (ut Matth. 4. vers. 9. & 10.) opponit. Hominum verò saluti adversatur, cum à notitia verbi Dei, Matth. 13. v. 19. & à fide illius ac mandatorum Dei obedientiâ debita eos aver-tendo, Gen. 3. v. 4. & 5. à semita salutis, in deviam incredulitatis atque impietatis viam, ad exitium pertrahere fatagit, Ioh. 8. v. 44. & 1. Ioh. 3. v. 10. & alibi. Idque interdum aperta vi: interdum verò operata fraude: unde & leoni comparatur, atque adversarius noster dicitur, 1. Pet. 5. v. 8. & serpens antiquus ac draco Metaphoricè nominatur, Apoc. 12. v. 9. Quod autem Theodoretus de Græcanicarum affectionum curatione Serm. 3. Satanam ait secundum Hebræam vocem apostatam denotare, ac si שָׂטָן non à שָׂטָן adversari, sed à שָׂטָן, hoc est, declinare, deficere, derivaretur: ingeniosè quidem & appositè ad Satanæ lapsum, sed tamen non genuina derivatione: quia, uti ostendimus, שָׂטָן adversarium notat ex noto themate שָׂטָן, id est, adversari. Præter hæc duo primaria & sequentiora Principis

malorum Angelorum nomina, alia etiam secundaria in S. Literis extant: qualia sunt nomina duo Hebræa, quorum prius Metaphoricum est Beelzebub, quod Dominum Muscæ significat, & ad detestationem nominis idoli Accaronitarum sic vocati, 2. Reg. 1. v. 2. (ut in fabulis Græcorum imitatur sine muscis, Iovis cognomen) Satanè impositum: pro quo vulgò majoris abominationis gratiâ, uti ferunt, Beelzebub, id est, dominum stercoreis appellarunt, Luc. 11. v. 18. & 19. ut idola Ezech. 22. 3. stercorea, id est, dii stercorei, per contemptum dicta. Alterum nomen Hebræum est בְּלִיַּאל, quod durior aspiratione omiſsa dicitur Belial, 2. Cor. 6. 15. Quod nomen commune quidem est sceleratis hominibus: sed Diabolo tanquam omnium sceleratissimo, Synecdochicè per excellentiam attribuitur. Quæ vox citra controversiam composita est ex adverbio בְּלִי, id est, sine, absque, & deinde ex altera voce: quam quidam Hebræi esse nomen בְּלִי, id est, jugum statuunt, ut hæc vox Belial idem significet quod Latinis, in jugis, jugi expers: ut Hieron. Esai. 27. ait Belial, id est, apostata, prævaricator, & absque jugo, quod scilicet jugo mandatorum Dei per inobedientiam semel excusso, totus sit Deo rebellis. Verùm alii secundam compositionis vocem esse בְּלִי censent à Themate. בְּלִי utile esse, prodesse, in Conjugat. hiphil: ut sensus sit, nequam, improbus, Belg. Deuge-niet, Gall. Vau-neant: ut ita vocetur diabolus, quod omnino sit inutilis: nihil boni seu virtutis in eo sit, sed vitiis omnino mancipatus. Cui expositioni favet, quod si prima expositio esset genuina, potius dicendum fuisset בְּלִי אוֹר אוֹר בְּלִי: nunc verò dicitur geminato jod consonante per dagesch forte בְּלִי אוֹר: atque eo indicatur jod secundum, esse secundæ vocis primam litteram: utramvis verò sequamur etymologiam, ejus vocis sensui alia nomina, diabolus Græcè notantia, probè conveniunt, qualia sunt δαίμων, malus ille, Mat. 13. 19. & δαίμων tentator ille, Matth. 4. 1. & 3. & δαίμων τῆς αἰῶνος: mundi hujus Princeps, Ioh. 14. 20. hoc est, infidelium mundi, Eph. 2. v. 2. non quod eos creaverit, aut absolute pro imperio regat (quemadmodum Maſichæi impiè olim docuerunt) sed quod tanquam carnifex secundum judicis Dei decretum occultum, ac traditionem, 2. Theſſ. 2. 9. puniat: deinde quod infideles non minus libenter, quàm impiè legibus illius se subjiciant, Eph. 2. 2. eumque pro Deo suo habeant. Qua etiam de causâ alio nomine, Deus hujus sæculi, 2. Cor. 4. v. 4. h. e. Impiorum hujus mundi nominatur. Atque hæc de spirituum malorum principe: subditi verò spiritus mali dæmones dicti sunt, Marc. 5. v. 12. hoc est, ut exponi solet, quasi dæmones, id est, periti, à magna scientia & peritia: & dæmonia eodem sensu, Matth. 7. v. 22. dicuntur. Ac licet apud gentes infideles dæmonum vox generatim pro diis (sive bonis sive malis) usurparetur: eosque quasi revera Deos colerent: nihilominus tamen falsi erant dii: ideoque dæmoniis (hoc est spiritibus impuris) non autem Deo sacrificasse dicuntur, 1. Cor. 10. v. 20. Quod verò dæmonia Satanæ sint subditi, inde liquet quod Satanus (sub nomine Beelzebub notatus) princeps dæmoniorum, Matth. 12. vers. 14. dicitur, & mutua relatione dæmonia illa Angeli (hoc est, nuntii diaboli, Mat. 25. vers. 41. & Apoc. 12. v. 7. & 9.) appellantur. Inter quos quidam etiam sunt gradus: licet hominibus occulti: alique dæmones alii sunt potentiores & nequiores, ut Luc. 11. v. 26. ubi de spiritu impuro semel ejecto vers. 24. ac redeunte dicitur v. 26. accipit septem alios Spiritus, peiores quàm ipse sit. Et de dæmonio à Christo ejecto, & quærentibus discipulis, cur id non potuerint ejicere, Mat. 17. 18. respondit v. 21. hoc verò genus (scilicet dæmoniorum) non egreditur, nisi per precationem & jejunium. Ad numerum verò horum quod attinet, maximum esse indicatur, cum vel unum hominem legio dæmonum occupasse dicitur Matt. 5. 9. Quantus autem præcisè sit numerus Scriptura apertè non definit: quemadmodum etiam, neque an tot sint Angeli mali, quot boni. Quod enim Thom. Aquinas (ut & alii Scholastici Pontificii) part. prim. quæst. 63. art. 9. pauciores esse probat ex 2. Reg. 6. ubi Propheta ait: plures nobiscum sunt quam cum illis, id inquam non est solidum; quia in eo loco ab Eliseo Propheta



non instituitur comparatio Angelorum bonorum cum malis, cum plures nominat; sed cum militibus Syris, quos metuebat illius famulus. Quod etiam inter alios Gregor. de Valentia adducit locum Apoc. 12. 4. *Draco traxit secum tertiam partem stellarum: non igitur, inquit, mediam partem aut majorem; illud inquam nihil ad rem, siquidem nititur vana hypothese, quasi per stellas hæc notarentur Angeli illi, qui cum Diabolo lapsi sunt: cum contra homines ad præclaram Evangelii cognitionem vocatos, (qui in Ecclesia stellarum instar sua doctrina ac confessione aliis præluxerant) designet; Quos quia vivâ fide destituti erant, seductione sua ab externa Ecclesiæ communione ad mundi amorem pertraxit. Nam Angeli Satanæ non dicuntur ab ipso Satana, sed cum ipso Satana à Michaelē & Angelis ejus è cælo in terram projecti, vers. 7. 8. 9. Interim verisimile est, plures esse bonos quam malos Angelos, quandoquidem ad consolationem nostram Dan. 7. v. 10. de Angelis bonis dicitur: *millies mille ministrabant ei, & myrias myriadum stabant coram eo*, & Matt. 26. v. 53. Christus plus quàm duodecim legiones Angelorum roganti mittendas fore asserit: de malis verò Angelis nullibi tam immensus numerus indicatur. Cæterum horum omnium dæmonum scelera non immerito passim in S. Literis Diabolo tribuuntur: quemadmodum ea quæ à nuntiis vel ministris fiunt principi ac domino eorum adscribi solent, quando ea imperio illius peraguntur. Atque hæc quidem de Diabolo & Angelis ejus non adeò controversa sunt: sed de lapsu illius, si naturam ejus & effecta consideremus, graviores extant quæstiones. Nam de natura illius lapsus quæritur: primum an sit: deinde quid sit. An sit quidem disquiritur: quia primum hæretici nonnulli olim eum lapsum esse omninò negarunt: quod Diabolum malum esse statuerent non accidente lapsu, sed natura sua, & quidem vel ab æterno (quemadmodum Manichæi, qui duo æterna & contraria principia rerum omnium, Deum & Diabolum asserébant) vel in tempore per Dei creationem. Sed Manichæorum errores pereruditè ac prolixè August. explicavit, ac diluit, & quidem potissimum in libris contra Faustum Manichæum. Nam solus Deus æternus atque immortalis 1. Tim. 6. v. 16. primus & ultimus Es. 41. v. 4. omniaque quæ in mundo sunt visibilia & invisibilia, Angelos, homines, cæteraque quæ extant à Deo habere originem creationis, Scripturæ asserit, Act. 14. v. 15. Col. 1. v. 16. Alter etiam error refutatur à natura Dei, quæ summè bona est, ac propterea mali causa esse non potest, 1. Joh. 1. v. 5. & Jac. 1. v. 13. & à testimonio Scripturæ quod omnia valdè bona creata sunt, Gen. 1. v. 31. utrumque denique errorem solida ratione à pœna divina diluit Theodoretus, hæreticarum fabularum lib. 5. c. de diabolo, cum ait: *quomodo enim jussu puniretur, qui talem ab initio naturam esset sortitus? item satis est, quod Diabolo minatus est Christus supplicium ad ostendendum eum sponte sua improbitatem elegisse: Non est enim justis Dei proprium eum punire, qui necessitate malus fuit*. Hæc ille. Quibus accedunt præterea clarissima Scripturæ testimonia, 2. Pet. 2. v. 4. *Deus Angelis, qui peccaverunt non pepercit*: & in Epist. Judæ v. 6. *Et Angelos qui non servaverunt suam originem, sed reliquerunt suum domicilium, judicio magni illius diei, vinculis æternis sub caligine reservavit*. Nam quod objicitur ex Joh. 8. v. 44. *Diabolus in veritate non stetit*: Ergo non est lapsus. Negatur Consequentia, quia verbum *stetit*, ponitur pro *perstitit*: simplex pro composito: ut ex locis Petri & Judæ Apostoli jam memoratis liquet. Ideoque rectè Augustinus de Civit. Dei lib. 11. cap. 15. ait: *oportet illud, quod dictum est, in veritate non stetit, sic accipiamus, quod in veritate fuerit, sed non permanserit*. Quod etiam secundò objicitur: *Diabolus ab initio peccat*, 1. Joh. 3. v. 8. Ergo non fuit sine peccato, negatur consequentia: quia non intelligitur initium essentiae aut ortus diaboli, sed ut Augustinus & cum eo Scholastici vulgo exponunt, peccati initium: aut potius dicendum initium mundi absoluti. Verum tertio objicitur ex Job. 40. v. 14. *hoc est initium figmenti Domini, quod fecit ad illudendum ab Angelis suis*: Sed illud omninò alienum est, quia Jobus loquitur de Elephante. Quod autem veteres Theologi allegoricè de Diabolo interpretati sunt, illud non convenire*

Scripturæ, res ipsa satis declarat: & responsio quam August. adducit de Civitate Dei lib. 11. cap. 15. pia quidem, sed minus apta: deinde verba illa: *ad illudendum ab Angelis suis*, non in Hebræo fonte, sed in LXX. interpretum versione in multis non satis fideli (ut Hieronymus sæpius demonstrat) proponitur. Denique similis est ratio loci qui objicitur ex Ps. 104. v. 26. *Draco hic quem finxisti, ad illudendum ei*: Nec enim de Diabolo, imò neque de dracone agitur ibidem: sed de balæna: *balæna*, inquit, *quam formasti ad ludendum in eo*, scilicet mari: quod nihil ad Angelos pertinet. Quare Augustini & aliorum quorundam Patrum allegorias consecrantium studium, veniam potius, quam imitationem meretur: quia Scripturæ simplicitas eo modo contemnitur, & commentis humanis indignè corrumpitur. Si quis verò Diaboli & Angelorum illius nomina objecerit, quasi naturalis eorum mali hoc modo designaretur: Contra id meritò negatur: quia ea nomina non naturam, sed voluntariam naturæ corruptionem & effecta illius denotant: ut ante demonstratum est. Quare ex hisce omnibus concludimus, aliquem lapsum esse Diaboli, & Angelorum ejus, quo à Deo & justitia originali, in qua ante steterant, desciverunt. Priusquam verò ad alteram quæstionem, quid sit, accedamus, quædam de adjuncta temporis circumstantia, & loci præmittemus. Ac de tempore lapsus non disquiremus, an in momento creationis potuerint labi (quemadmodum Scholastici curiosius, & contrariis inter se sententiis disputant) sed quando revera lapsi sint: Qua de re Petrus Lombardus sentent. lib. 2. dist. 3. ait: morulam aliquam inter Angelorum creationem & lapsum intercessisse: quod etiam sequutus est cum aliis non paucis insignis inter Scholasticos Gregorius Ariminensis ad eand. distinct. Contra verò Thomas Aquin. id negat, ac docet, in primo instanti post creationem sui Angelos esse lapsos; Summæ Theol. part. 1. quæst. 63. artic. 6. Sed neutram sententiam alii sinceriores Theol. approbant; quod non S. Scripturæ definitione, sed humanis atque infirmis quibusdam ratiunculis nitatur. Addunt deinde certi nihil de tempore lapsus posse statui, præterquam quod Evæ & Adami lapsum (qui mendacio ac fraude Satanæ contigit, Gen. 3. & 2. Cor. 11. v. 3.) antecesserit. Ac prius sanè meritò amplectimur: Veruntamen de secundo, salvo meliori judicio, aliter sentiri posse, sine ulla temeritate existimamus. Quamvis enim articulum lapsus, Scriptura nihil explicante, definire nequeamus, eum tamen post hominis, ac totius mundi ceationem accidisse, ex testimonio divino colligimus. Nam Gen. 1. 31. dicitur: *Cum inspicere deus quicquid fecerat, ecce erat bonum valdè*. Sed ut duo objici possunt: sic ea, ad rei claritatem, paucis diluenda. Primum enim est, id à Mose non simpliciter dici, sed secundum quid, quatenus à Deo factum: deinde Moſen non absolutè locutum de omnibus creaturis: sed tantum de rebus externis, & in oculos incurrentibus, quorum antè meminerat: non autem de Angelis. Sed ad priorem scrupulum objectum respondetur, eam quæ adfertur interpretationem esse coactam: quia ex antecedentium operum approbatione divina liquet, Deum non judicasse diebus creationis singulis, de bonitate operum, secundum quid, sed simpliciter ratione naturæ & conditionis rei creatæ, ac propterea in hac etiam conclusione atque universali Dei judicio de mundo universo seu creatorum universitate eadem debet esse sententia. Ad alterum verò quod attinet; dictum Moſis, non solum simpliciter: sed etiam absolutè esse intelligendum de omnibus in universum Dei creaturis, tam invisibilibus atque Angelis, quàm visibilibus: quia omnia illa à Deo sunt creata, Col. 1. v. 16. ut ex verbis apparet: quia dicit generatim, *omnia quæ Deus fecerat*: sub quibus etiam Angelicæ creaturæ continentur: easque *cali* nomine Gen. 1. v. 1. synecdochicè erat complexus, & cap. 2. v. 1. sub exercitu cælorum designantur: ut in Disp. de creatione mundi pluribus demonstravimus. Deinde statim à perfecta totius mundi creatione Satanam cum suis Angelis lapsum ex 1. Joh. 3. 8. colligitur: *Diabolus*, inquit, *ab initio* (supple mundi) *peccat*: & Joh. 8. v. 44. ex effecto consequente declaratur, *ab initio* inquit, *fuit homicida*. Atque hæc de lapsus tempore, quan-

re, quantum ex S. Literis sobriè colligi potest. Ad locum verò quod attinet in quo contigit lapsus ille, exigua est quaestio: Nam vulgo ea sententia communi consensu statuitur, eum in cælo beatorum accidisse: Id quod ex duobus Scripturæ locis colligitur: quorum prior est, 2. Pet. 2. 4. *Deus Angelis qui peccarant non pepercit sed in tartarus h. e. ut interpretantur, in tartarum detruſos catenis caliginis tradidit damnationi servandos*, Alter est Iud. v. 6. *Angelos qui non servarant suam originem, sed reliquerant proprium domicilium, ad iudicium magni dñi vinculis æternis sub caligine servavit*. Quibus sententiis, lapsus Angelorum indicatur: à Petro quidem, cum ait: *Angelos qui peccarant: à Iuda verò: Angelos qui non servarunt suam originem*, h. e. originalem sanctitatem, sed ab ea declinantes peccarunt. Deinde pœna, lapsus comes, & à Deo inflicta, à Petro quidem bifariam indicatur: generatim quidem cum ait, quod iis peccantibus Deus non pepercit; & deinde speciatim cum ait, in tartarum detruſisse &c. A Iuda verò speciatim tantum declaratur, cum ait: reliquisse proprium domicilium, nempe non sua sponte, sed præcipitatos à Deo, ut Petrus definit. unde satis apparet Angelos in cælis lapsos, quia propterea inde deturbati dicuntur. Nam quod Aug. Eugubinus de perenni Philosophia, lib. 8. c. 38. tradit, malos Angelos nunquam fuisse in cælo beatorum, sed creatos in aëre, ibique peccasse: paradoxum illud non merito à doctioribus refutatur, quia disertè proprium suum domicilium reliquisse, à Deo inde præcipitatos, dicitur: & tamen in aëre adhuc versari ac dominari, Eph. 2. 2. asseritur; Ergo domicilium eorum primum non fuit aër. Quare exposita temporis & loci lapsus circumstantia, ad alteram quaestionem primariam, nim. quid lapsus sit, procedemus. De ea enim re diversæ sunt sententiæ: quarum prima ut verisimilis est, sic plerique eam amplectentes, superbiam fuisse affirmant: idque divina S. Scripturæ autoritate probare conantur. Ac primum quidem ex Ecclesiastici 10. 14. *principium omnis peccati est superbia*: Sed negatur consequentia: partim quia autoritas Ecclesiastici non est divina ac prophetica, sed humana: ac liber non Canonicus sed apocryphus: partim quia malè recitatur, & pejus quoque applicatur. Nec enim in fonte Græco est *ἀρχὴ πάντων ὑπερηφανίας*, sed sine voce *πάντων*, *initium superbiae*, non autem omnis. Neque etiam ibidem sermo est de peccato Angelorum, sed hominis ut ex v. 14. apparet, & ex v. 15. fine: *qui tenet eam subvertetur*: atqui Angeli mali omnes jam subversi erant; quare ad rem non facit. Deinde alter locus profertur ex Ies. 14. 11. 12. 13. 14. *detræcta est ad inferos superbia tua, & quomodo cecidisti de cælo Lucifer qui mane oriebaris &c.* Verum licet hæc sententia auctoritatem habeat divinam: tamen ad controversiam propositam non pertinet; quia certò loquitur de Rege Babylonix, ut propositio v. 4. exprimit; & narratio sepulchri ac vermium quibus subiceretur v. 11. & 15. & 19. deinde mactationis filiorum illius, v. 21. & conclusio expressè loquens v. 22. Sed inquirunt historiam quidem esse de Rege Babylonix; sed allegoria quadam ac sensu latente Diabolum describi. Verum fatemur quidem veteres Patres sic accepisse, ut Tertullianum contra Marcionem lib. 5. c. 11. ubi de Diabolo ait; *qui dixerit, Propheeta referente, ero similis Altissimi, ponam in nubibus thronum meum*. Locus autem est Esai. 14. 14. ut etiam repetit ibid. c. 17. Deinde Origenes etiam contra Celsum in ea historia allegoriam esse contendit: sed solida ratione probari non potest. Nam quod *de xpo* lib. 1. c. 5. urget illa verba v. 12. *Cecidisti de cælo Lucifer* nihil habet momenti. Nam casus ille non accipitur propriè, de lapsu è summo cælo: sed Metaphoricè de lapsu è sublimi ac quasi cœlesti imperii Babylonici throno ac fulgore: similitudine quadam in S. Lit. usitata: ut Lamet. Ier. 2. v. 1. dicitur: *dejecit e cælo in terram ornatum Israël*: & Dan. 4. 22. similiter de Rege Babylonix dicitur; *magnitudo tua crevit & pervenit usque ad cælum*, & Matt. 11. 23. *Tu Capernaum, quæ es ad cælum sublata, ad inferos deprimeris*. Deinde ut reliquas circumstantias prætereamus, quomodo verba illa, *in cælum ascendam*, Diabolo labenti convenient, qui ante lapsum in cælo erat & ibidem, ut supra ostendimus, lapsus? Nam quod Tho. Aquinas in Magist. sentent. lib. 3. dist. 5. exponit, *ascendam in cælum*, non limpyreum, in quo

erat, sed in cælum S. S. Trinitatis; illud inquam inane est novi cæli figmentum, & à loci huius circumstantiis aliena interpretatio, quia additur, *supra stellas Dei fortis*, ideoque infra eas constitutus dicitur. Quod verò Petrus Lomb. l. 2. dist. 2. exponit *cælum* vocari Dei celsitudinem: ut sensus sit; ascendam ad æqualitatem Dei; contrarium sermonis series ostendit, nim. de eo dici, qui stellis sit inferior, quia dicit: *ascendam in cælum supra stellas*. Denique quamvis hoc non obstaret, & probabilis illa esset de Diaboli lapsu allegoria, ex ea tamen nisi à Sp. S. exponeretur, firmum non posse argumentum deduci constat. Quapropter quod Patres, & Origenem inprimis secuti Scholastici cum vulgo, Diabolum *Luciferum* appellant, ex aliena atque inepta huius loci interpretatione promanavit. Atque ita ex hoc testimonio Scripturæ nihil de Diaboli lapsu concludi solidè potest. Tertium verò ab Orig. eodem in loco adducitur ex Ez. 28. & ante Orig. à Tertull. contra Marcion. lib. 2. c. 10. ubi ait: *in persona enim principis hoc ad Diabolum pronuntiatur: Fili hominis &c.* Ez. 28. v. 12. Quam Prophetiam, cum prisca Patres alii, & Scholastici Pontificiorum Theologi, primum esse de Diaboli lapsu argumentum statuunt, idcirco rationes, quibus potissimum Origenes utitur, expendemus. Eæ autem sunt numero sex. Quarum prima est quod v. 12. dicitur; *signaculum similitudinis & corona decoris*; & Hieron. in Comment. ad hunc locum exponit de similitudine Dei. Sed primum mala est Tertull. & Orig. interpretatio inde orta, quod LXX. interpretes legerunt *חֶסֶד* *signaculum* cum sit *חֶסֶד* *obsignans*: & *כְּכֹרֶת* *similitudinem*, cum sit *כְּכֹרֶת* *summa* seu *numerus* à radice *כָּרַן*: nec *corona decoris*, sed *perfectus pulchritudine*, etsi eodem sensu, dicitur. Deinde quamvis ita locutus esset Propheta, nihilominus tamen Regi Tyriorum, quem expressè designat, cum ait: *profer lamentationem de Regē Tyri*, probè conveniret. Nam cum iudices ac principes ob muneris præstantiam Metaphoricè *Dii* vocentur, quid mirum, si Rex Tyri *signaculum similitudinis Dei* appellaretur? & cum opum copia, atque omni ornatu excelleret, consentaneè *perfectus pulchritudine & corona decoris* dici possit? quemadmodum Jerusalem Lament. 2. v. 15. & Ezech. 16. v. 12. 14. Esa. 62. v. 3. similibus modis describitur. Imò ipsa Tyrus urbs illa Ez. 27. v. 3. *perfecta pulchritudine*, & Ies. 23. v. 8. suos coronare & quasi Reges efficere traditur. Neque solum ut ostendimus Regi Tyri convenire potest hæc sententia: sed etiam soli ipsi, non verò Diabolo attribui posse res ipsa arguit. Nam lamentatio quæ hoc versu præcipitur Prophetæ: non potest piè, pro Diabolo, æternis suppliciis ob hostilem in Deum animum damnato, institui: quia lamentatio amoris effectum: contra verò Diabolus, hostis est Dei & hominum irreconciliabilis, cuius pœnam iustissimam & irrevocabilem lamentis prosequi nefas est: Regis verò Tyri pœnam licuit deplorare: quia homo ac vicinus Judæis, & à quo commoda non paucæ ob vicina commercia ad Judæos redundarant: ideo commiseratione quadam dignus erat. Quare primum hoc argumentum corrūit. Alterum verò quod adjungit, est ex v. 13. quod in deliciis Paradisi fuisse dicitur: id quod in Comm. ad hunc locum contra Judæorum interpretationem similiter urget Hier. & loco jam antè memorato Tertull. contra Marcion. libro secundo, capite decimo. Sed hoc nihil omnino evincit: ut enim omittamus, quod alia verba in Hebræo contextu extant, hoc neq; ad Paradisum terrestrem, de quo Moyses agit, Gen. 2. 8. nec ad paradisum cœlestem, de quo Johannes agit, Apoc. 2. 7. sed Metaph. ad Tyri præstantiam & externam Regis felicitatem adumbrandam pertinet. Quemadmodum enim Sodomorum regio, paradiso Dei (quia omnino irrigua erat) comparatur, Gen. 13. v. 10. & Rex Babylonis, propter summam opum copiam vocatur Cedrus, & arboribus Paradisi præfertur, Ezech. 31. 3. 8. 9. iisdemque Rex Ægypti confertur, Ezech. 31. 18. ita etiam Tyrus paradisi vocatur, similitudine quadam, ob mirabilem rerum ex toto orbe insignium convectam abundantiam, quæ prolixè describitur ab Ezech. toto c. 27. Atque hæc Regem Tyri fuisse in paradiso, commoda & eleganti metaphora dicitur. Tertium porro ex Ezech. 28. petitum argumentum, est ex verbis hisce v. 14. *Ex quo die creatus es, cum Cherubim*

E c

Cherubim



probatum est. Atque hæc de prima, adversus veterum interpretationem ratione: Altera est, quod hic rex de quo agitur, est idem qui initio cap. v. 2. princeps Tyri dicitur. At ille homo tantum est, ut ex ipsis verbis apparet, *homo* *is*, item, *sed in corde maris*: quæ diabolo non conveniunt. Tertia, quod Propheta jubetur tollere lamentum super rege Tyri: quod ut antea ostendimus, Diabolo tanquam perpetuo & irreconciliabili Dei & salutis humanæ hosti, ac irrevocabili & notissimæ damnationi obnoxio attribui non potest. Quarta est, quod Propheta jubetur verba sequentia prædicere regi Tyri: Ergo Diabolus per eum typicè non intelligitur, quia Prophetarum vocationi & scopo repugnaret. Nec enim illi legati fuerunt Dei ad Angelos, sed ad homines, nec alio fine pœnas iis prædixerunt, nisi ut aut lapsi converterentur, aut resecta eorum contumacia, clarius justitia Dei punientis patefieret. Quinta ratio est, quod Propheta minatur principi pœnam futuram, & ejectionem ex Paradiso: At illa Diabolo jam suo modo contigerant, non autem futura erant: ac propterea quod Hier. ait: *Nec mirabimur in parte contraria pessimos reges in typo prævaricatorum præcedere principum: cum optimos reges Davidem, & Salomonem, & Josiam ac Patriarchas & Prophetas in figura Domini Salvatoris præcessisse doceamus*: Id inquam nihil probat, quia horum multis modis diversa est ratio. Primum enim, non est absurdum, reges nonnullos, homines pios, fuisse hominis Christi typos: & quæ de regibus illis prædicuntur futura, Christi venturæ fuisse umbras: sed illud insolens est, homines statui Angelorum typos: ac Prophetam de futura regum impiorum ruina adumbrasse præteritum diaboli lapsum. Deinde quæ in Prophetiis typicis de Davide, & Salomone ac similibus dicuntur, ea Christo rectè suo modo conveniunt, & ei convenire in N. T. declaratur. Sed contrà Ez. 28. plurima à Propheta dicuntur, quæ diabolo convenire, neque ullibi in Scriptura exponitur: neque verè attribui possunt, ut ante ostendimus. Quamobrem ex hisce omnibus merito concludimus hanc Prophetiam, Ez. 28. de Diaboli lapsu non esse intelligendam. Porro ut antecedentia è V. T. objecta testimonia aliena esse demonstravimus: sic postremum, quod è N. T. adducitur, ad lapsus Satanæ genus denotandum, magis accommodatum est, petatum ex 1. Tim. 3. v. 6. *Non neophytus, ne inflatus incidat eis κεῖμα τὸ διαβόλου*, hoc est, *eis τὸν αὐτὸν τὸ διαβόλου τὸ πῶλον*, in eandem cum diabolo condemnationem: nempe in quam ille ex superbia etiam incidit: ut Chrysost. & Theod. declarant, quemadmodum etiam Hier. & Theoph. Sed obijci potest, voces *κεῖμα* & *διαβόλου* esse ambiguas: ac quosdam, *διαβόλου* accusatorem vel calumniatorem, & *κεῖμα* criminationem *καὶ ἰξοχάν*, non per Meton. condemnationē exponere. Verum Diaboli vocem non generatim, sed singulariter pro Satana accipi apparet è v. 7. ubi de eadem re agens Apostolus ait: *in laqueum Diaboli incidat*. Deinde *κεῖμα* etiam in Nov. Test. *judicium, reatum*, aut *condemnationem* notat; sed *criminationem* seu *accusationem* significare nondum probatum. Quare ex hac demum Apostoli sententia maximè veritati consentaneum videtur, Diaboli lapsum fuisse superbiam: sed de modo superbiæ, seu qualis ea fuerit, quæstio est. Ac generatim quidem in eo ferè consentiunt plerique, quod similis Deo esse voluerit: idque probant ex Esai. 14. & Ezech. 28. quæ opinio, uti probabilis est, quoniam homines ad talem superbiam seduxit Gen. 3. certa tamen non est: licet id confidenter cum Scholasticis suis Pontificiis asserant. Siquidem loca illa, quæ ex Prophetis adducunt, aliena esse supra demonstravimus. Quare temerè modum specialem definire conantur. Quidam enim censent Diabolum peccasse, quod instar Dei esse voluerit, secundum æqualitatem: non quidem simpliciter & absolute: sed secundum quid: quod partim in naturalis suæ perfectionis fruitione, tanquam in summo bono (neglecta beatitudine supernaturali futura) acquieverit, sicut Deus in perfectione sua naturali, tanquam in beatitudine sua acquiescit: partim quod nulli subesse & omnibus sua autoritate præesse voluerit: quemadmodum Thom. Aquinas sentit: præsertim in magist. sent. l. 2. dist. 5. Alii verò putant in eo lapsum, quod ut Deus esse voluerit, non secundum æqualitatem, sed secundum similitudinem:

nempe quod beatitudinem supernaturalem appetierit, non divinæ gratiæ auxilio, sed suæ naturæ virtute. Quam sententiam probabilem putat Thom. Aquin. summæ part. 1. quæst. 63. art. 3. quam ex libro Anselmi de lapsu diaboli cap. 6. proponit. Tertiò Thomista non obscurus Johannes Viguerius Instit. Christianar. cap. 3. v. 15. in eo lapsum diaboli peculiarem statuit, quod pro Christo mediator esse voluerit: quod unionem hypostaticam cum Filio Dei & mediationem, & locum humanitatis Christi appetierit. Sed quia hæc tres de speciali labentis Satanæ superbia sententiæ, humana tantum conjectura, nulla verò Scripturæ autoritate, neque ullis solidis rationibus nituntur, idcirco recitationem tantum non refutationem desiderant. Atque hæc de prima maximè probabili ac probata à plerisque sententia: nempe primum Diaboli lapsum seu peccatum, quo à Deo defecit, fuisse superbiam, etsi speciem ac peculiarem illius modum definire, Scriptura id non revelante nequeamus. Altera verò opinio est Scoti, subtilis dicti, in sent. lib. 2. d. 6. qu. 2. qui illud Satanæ peccatum primum, non superbiam fuisse statuit, sed luxuriam spiritualem, & inordinatam ex præstantiæ suæ contemplatione delectationem. Verum quod improprie loquendo luxuriam vocat spiritualement, id clarius à Gabr. Biele in sent. lib. 2. dist. 6. inordinatus amor sui, hoc est, *φιλαυλία* dicitur. Verum hic primus est superbiæ gradus ac modus: ac propterea hæc opinio à plerisque Scholasticis rejicitur. Tertia denique sententia est Satanæ lapsum fuisse illius (ob hominis ad imaginem Dei creati dignitatem, & in creaturas inferiores dominium) invidiam: sed invidia ex superbia & malevolentia oritur: id eoque primum peccatum esse non potuit. Atque hæcenus de primo Diaboli lapsu seu peccato egimus: quibus pauca etiam de Angelorum illius peccato adjungenda. Ac communis & probabilis est sententia, illos eodem peccati genere cum principe suo esse lapsos: quemadmodum ex iis locis colligi posse videtur, quibus peccatum Angelorum citra discrimen ullum summi & subditorum recitatur, 2. Pet. 2. v. 4. & Jud. v. 6. an autem eodem tempore, an verò postea sint lapsi, curiosior quam utilior est disceptatio. De causa verò quæri solet an ea sit interna vel externa. Quidam enim arbitrantur dæmones interno motu suaque sponte, sine ulla externa suggestionem, ac sine ullo exemplo simul peccasse; alii verò non sponte, sed diabolo hortante, aut occasionem præbente pariter peccasse. Quæ communis plurium opinio probabilis, quia Angeli Diaboli dicuntur, & in lapsu ac pœna conjunguntur, ut 2. Pet. 2. v. 4. & Jud. v. 6. & Math. 25. 41. Quod autem Scholastici & vulgo Pontificiis ad eam rem confirmandam adducunt dictum Apoc. 12. *draco traxit secum tertiam partem stellarum*: illud supra, cum de numero lapsum Angelorum ageremus, confutavimus: & Origenes etiam in Matt. tract. 30. stellas hæc homines, operum splendore illustres exponit: id quod scopo loci magis accommodatum. Ac propterea Durandus sent. libro 2. dist. 6. hunc quidem locum citat, interim tamen ingenuè ait, cum Scriptura nihil de hoc (scil. an Diaboli lapsus fuerit aliis Angelis causa vel occasio peccandi) dicat: nihil esse certi. Quamobrem à diaboli & Angelorum ejus lapsu in peccatum, ad consequens illius effectum, nempe lapsum in pœnam transeamus. Is autem est multiplex: primus enim est lapsus è gratia ac favore Dei, in iram illius perpetuam, Matth. 25. 41. & Jud. v. 6. Alter est lapsus è cælo in aërem, naturæ suæ caliginosum, ubi velut catenis quibusdam vincti, à cœlestis gloriæ luce arcentur, ac judicio universalis servantur, quemadmodum dicitur, 2. Pet. 2. vers. 4. *Deus Angelis qui peccarant non pepercit: sed τὰς τρεῖς καὶ τρεῖς catenis caliginis tradidit damnationi servatos*, & Jud. vers. 6. *Angelos qui non servaverunt suam originem, sed reliquerunt suum domicilium, judicio magni illius diei vinculis æternis sub caligine reservavit*. Verum cum Deus dicatur Angelos peccantes *τὰς τρεῖς καὶ τρεῖς*, idque proprie videatur esse, cum in Tartarum deiecit: & vulgatus interpres, *detrahit in tartarum*; & noster D. Beza in tartarum detrusos, vertant, quasi idem sit, quod *πῶλον ἐν τῷ τάρταρῳ*: ut ex Homer. Iliad. 8. profertur ab interpretibus, & tartarum, more Græcorum, unum infernum intelligunt, difficultas quædam emergit: Si-



quidem obicitur, dæmones in sublimi seu in aëre, Eph. 2. 2. & 6. 12. & in terra versari, Iob. 1. 7. & 2. 2. nec adhuc in infernum detrufos, Luc. cap. 8. vers. 31. Quem nodum alii aliter solvere conati sunt. Primùm quidem Bened. Aretius hanc Petri sententiam in Comment. ait intelligendam de Archidæmone, qui in tartaro servetur. Sed unde id probabitur, cum (ut alia omittamus) in terris hominem seduxerit: Gen. 3. & Christum tentarit? Matth. 4. Altera autem solutio magis verisimilis adfertur à D. Piscatore: Deum initio quidem, statim scilicet à commissio Angelorum peccato & rebellionem, detrufisse eos in tartarum, seu in infernum: sed ita tamen, ut quoties ei visum est, ante ultimum iudicium eos inde exire permittat in terram, & liberum hunc aërem: rursusque ad tempus saltem, aliquam eorum partem in tartarum includat; ne hominibus super terram possint nocere. idque confirmat duobus Scripturæ locis primum Apoc. 9. vers. 11. & deinceps: ubi dicitur, aperta abyfso exiisse locustas, id est, Spiritus infernales, quippe qui impositum sibi habebant regem Angelum abyssi Abaddon: illisque datum, ut cruciarent homines, certo tempore; Deinde cap. 20. narratur descendisse è cælo Angelum, qui habebat clavem Abyssi, id est, inferni, tartari, item vinxisse Satanam annos mille. *Ex his*, inquit, *duobus locis clarè apparet, spiritus tartareos ita inclusos esse carceri suo (qui nominatur abyfsum & tartarus) ut interdum ad tempus inde emittantur in terram, tum rursus includantur & vinciantur: unde legio illa cacodæmonum* Luc. 8. *Dominum rogavit ne sibi imperaret, ut irent in abyfsum.* Quia verò obijci poterat, quod Judas vincula illa (quibus mali Angeli sub caligine ligati sunt) nominat æterna: respondet post D. Bezam; id referendum esse ad perpetuum ipsorum horrorem, quo velut constricti, instar maleficorum in carcere inclusorum, iudicium illud ultimum expectant, ut cacodæmones clamabant: *venisti ad torquendum nos ante tempus?* Matth. 8. 29. item Iacob. 2. 19. *dæmonia credunt Deum esse unum, & horrescunt.* Hæc erudita magis ac verisimilior est objectæ difficultatis solutio, quàm antecedens. Cui nonnulla tamen, salvo meliori iudicio, videntur obstare. Nam posita hac declaratione, statuitur, Diaboli & Angelorum ejus locum ordinarium esse infernum, in quem sint detrufi: extraordinarium verò esse hunc aërem, quando Deus hoc ad tempus interdum permittit; id quod non videtur convenire cum locis objectis ac solvendis. Nam Ephes. 2. v. 2. Diabolus vocatur *princeps potestatis aeris*: & 6. v. 12. Angeli illius vocantur *spirituales malitiæ, quæ sunt in celestibus*, supple locis, hoc est, in cælo aëreo: ideoque locus eorum non extraordinarius, sed ordinarius est aër. Deinde quæ ex Apoc. 9. & 20. adducuntur, ea aptissimè per allegoriam intelliguntur, ut pleraque alia & hic & in aliis locis Apocalypsis. Nec enim Satanæ propriè catena vinciri potest: sed similitudine quadam vinciri dicitur, & in abyfsum concludi, cum potestas homines seducendi refrænatur: quemadmodum contra solvi atque emitti; cum Deo iusto iudice illud permittente ac quasi vincula laxante, seducit. Quare si vox *ταρταρου*, pro *πύλω οὐς τὰς τῶν οὐρανῶν ἐν τὰρταρον* in tartarum deijcio, accipiat, uti ab interpretibus fit, aptius videtur: ut primùm è cælo in infernum dejectum esse dicatur: non ut ibi puniretur ac detineretur: sed inde exiens in aëre, non autem in cælo, ad diem iudicii servaretur. Sed cum *ταρταρου* non alibi occurrat, neque tartari in S. Liter. ulla fiat mentio, non incommode, uti arbitramur, significatione metaphorica, pro *præcipitare ex alto cælo in aërem* accipi posset; eamque significationem videntur objecta etiam loca postulare: imò deinde etiam res ipsa omninò videtur persuadere. Nam cum infernus damnatorum, iis, qui in eum deijciuntur, sit certus ignis ac cruciatus eorum æterni, etiam ante iudicium ultimum, locus, Luc. 16. v. 23. & 24. & contra Diabolus ab ignis æterni cruciatu ipsi parato, ante diem iudicii sit liber, Mat. 25. v. 41. quomodo potuit in eum Diabolus deijci & in eo quasi carcere, sine ignis æterni cruciatu detineri? ideoque legio dæmonum rogavit, Luc. 8. v. 31. Christum, ne mandaret ipsis, ut abirent in abyfsum, non quasi in carcerem ac custodiam tantum, sed ne discruciantur in eo, ut apparet ex declaratione v. 28. & Mat. 8. v. 29. etiam asseri-

tur, eos dixisse Christo, *Venissime ut nos cruciaretur seu torqueres, hæc enim, ante tempus?* quod scilicet nossent, dejectionem in abyfsum seu infernum, tormenta inferni simul adferre. illorumque tempus nondum ipsis advenisse: sed eam tandem à iusto iudice inferendam die ultimo cognoscant; idcirco etiam exhorrescunt, Jac. 2. v. 19. Quod autem catenis caliginis traditi, 2. Pet. 2. v. 4. & catenis æternis sub caligine servari, ad iudicium magni illius diei, dicuntur; illud non videtur ad horrorem illum, ut quidam statuunt, sed potius ad aërem (per se natura sua caliginosum, & comparatè cum cælesti ac perpetua luce merito caliginem dictum) pertinere: quod eo aëre, quasi catenis per Dei providentiam injectis à cæli, unde ejecti sunt, regressu arceantur. Catene autem æternæ dicuntur, hoc est, perpetuæ, non absolutæ; sed relatè ad diem iudicii, ut Apostolus exponit: tum enim primùm nunquam desituris inferni tenebris, (quæ per excellentiam, non *ζῆλον*, sed *ζῆλον* & *ὀξύς* caligo tenebrarum, hoc est, densissimæ tenebræ, 2. Pet. 2. v. 17. dictæ) mancipabuntur. Atque hæc de secundo Diaboli & Angelorum ejus in pœnam lapsu. Tertius verò ex duobus prioribus necessariò consequens, est ex damni (amissæ Dei gratiæ & cælestis gloriæ) sensu, & ex supplicii æterni imminenti scientia horror ac conscientiz tormentum, Jac. 2. v. 19. Mat. 8. v. 29. Luc. 8. v. 30. & 31. Quartus lapsus est à sanctitate naturæ, quam peccando excussit, in perpetuam obdurationem in malo: unde diabolus, *malus* vel *malignus* ille. Mat. 16. v. 13. in quo veritas non est, & cujus cupiditates & opera sunt mentiri & occidere, Joh. 8. 44. & Angeli illius *spirituales* malitiæ, Ep. 6 v. 12. appellantur. Ceterum hujus in malo obdurationis partes sunt duæ: ut à Gregorio Ariminensi in secundum sententiarum librum dist. 7. qu. 2. statuitur, nimirum non habere bonam voluntatem; & non posse carere malâ. Prioris causam esse ait universalem subtractionem gratiæ, & auxilii specialis Dei, sine quibus nullus habere potest unquam bonam aliquam voluntatem. Posterioris verò causam esse conscientiam ac sensum pœnæ atque desperationem absolutam. Ideoque Dei ratione, Angelos malos suâ gratiâ privantis, hæc pœna iusta est: dæmonum verò sese ultrò obdurantium ratione, iniusta culpa. Quare meritò impiam Aureoli Scholastici sententiam damnat, qui Deum authorem peccati fecit. Ait enim, Deum infundere habitum intensissimum malitiæ, inclinantem ad actum displicentiæ & odii Dei; & necessitantem voluntatem ejus ad malum: ut recenset ac refutat Scholasticus non indoctus Marsilius ab Ingen, in lib. 2. sent. quæst. 5. art. 3. Quintus denique sequetur lapsus in infernum ac flammæ illius præcipitatio; quæ pœna non infertur iis hoc tempore, sed in diem iudicii differitur, Matth. 25. 41. & 2. Pet. 2. v. 4. & Jud. v. 6. Luc. 8. v. 31. Quamobrem probabilis non est glossæ ordinariæ, Jac. 3. v. 6. & Scholasticorum quorundam sententia, qua statuitur, Diabolum ubicunque sit, vel in aëre, vel sub terra, secum ferre tormenta suarum flammarum. Quod verò Bell. de summ. Pontif. lib. 1. cap. 9. pœnam Diaboli statuit, quod cum ante lapsum omnibus Angelis præset, post lapsum hanc dignitatem amisisse, ac sanctum Michaellem principem omnium esse factum, idque ex Apocal. 12. colligit, ubi Michael & Angeli ejus Diabolo & Angelis ejus opponuntur, & hanc sententiam certam & exploratam vocat, id inquam egregia est temeritas. Nam quamvis Michael dicatur Archangelus, Judæ v. 9. eique Angeli attribuantur boni, quasi subditi illius, Apoc. 12. inde tamen non sequitur hoc primum esse factum post Diaboli lapsum: neque etiam Diabolum antea Ecclesiæ omnium Angelorum fuisse principem ex Scriptura probari potest: etsi dæmonum princeps dicatur, Matth. 12. v. 24. eique regnum in eos attribuitur, v. 26. illique Angeli ejus dicantur, Matth. 25. v. 41. Nam quæ ad hanc rem probandam adfert Bell. ibidem, nihil aliud sunt, quam merus S. Scripturæ abusus. Verum enim est, behemoth Job. 40. *principium viarum Domini* vocari: sed vanum & ineptum est, quod Diabolum notari ait, cum & nomen & circumstantiæ Elephantem describi, evincant. Alienum etiam est, quod Esai. 14. Luciferum (qui pulchritudine inter stellas excellere apparet) dici affirmat: & Ez. 28. omnem lapidem pretiosum esse operimentum ejus.

ejus. Prius enim ad Babylonis, posterius verò ad Tyri Regem pertinere, jam antea ex re ipsa demonstravimus.

Hæc de Diaboli & Angelorum illius pœna irrevocabili: de qua quæri solet, quænam illius discriminis sit causa, quod Deus non minus misericors, quàm justus, Diabolo & Angelis ejus peccantibus non pepercit, sed sine spe veniæ condemnavit: hominibus verò lapsis in peccatum pepercit, ac Christum Servatorem iis dedit. Verum duplex est. Literis causa colligitur: prima ac primaria quidem est in Deo, nempe liberrimum ac rectum illius placitum. Utrique enim suo lapsu in peccatum, stipendium illius nempe condemnationem erant promeriti: ideoque utrosque condemnare potuisset justè, sed illis merito eorum parcere noluit per justitiam: hisce verò Christum donando & pro iis damnando ad mortem, parcere voluit per misericordiam: Cujus misericordiæ opera, ut nulli sunt debita, sic à Dei potestate liberrima dependent, Matt. 11. v. 27. Rom. 9. v. 14. & 15. Secunda verò discriminis causa, est extra Deum, in demonibus & hominibus: nempe peccati utrimque discrimen. Nam homines in terris, seductione Diaboli decepti, in peccatum sunt prolapsi: Contrà verò Diabolus in cœlo excellentioribus donis præditus, sua sponte à justitia defecit contumaciter: ideoque hominum peccatum remissibile fuit, & gratia Dei immerita remissum fidelibus: Diaboli verò quasi peccatum in Spiritum S. Matth. 12. v. 32. irremissibile, sine spe veniæ, partim punitum, partim ultimo die puniendum: quia ignis æternus Diabolo & Angelis ejus paratus dicitur, Matth. 25. v. 41. Ideoque non immerito jam olim damnata fuit Orig. sententia, qui Diabolum tandem liberandum ac servandum statuit. Hactenus de lapsu Diaboli.

*Analysis Iohan. 8. vers. 46. ad finem usque.*

**M**emorabilis est Christi sententia, Ioh. 3. v. 20. *quis quis perversè agit, odit lucem: nec venit ad lucem, ne arguantur opera ejus*; Cujus rei exemplum in Judæis Christi adversariis, Ioh. 8. perspicuum est. Etenim nec doctrinæ, nec vitæ Christi lucem (utpote erroribus ac vitiis suis adversantem) ferre potuerunt: ideoque eandem odiosè sunt averfati, & Christum interficere studuerunt. Quamobrem utrumque iis, licet reluctantis, Christus exprobrat, & Abrahamo ac Deo Patre suo gloriantes, ex hisce effectis refutat: & simul à Diabolo Patre esse, collatione facta, demonstrat: quod ut ille homicida & mendax ac mendacii pater: sic illi cupiditates ejus imitarentur, dum & Christum occidere molirentur, & propterea ipsi non crederent, quia veritatem iis dicebat: eoque modo apertè mendacii amorem & veritatis odium demonstrarent. Quibus expositis subjicitur reliqua colloquii & actionis Christi cum Judæis narratio, à v. 46. ad finem usque constans descriptione, primum colloquii: deinde eventus illius, qui vers. ultimo continetur. Colloquium autem, ratione rei subjectæ, de qua disceptatur, in duas partes distribuitur: una enim de Christo & Judæis: altera de Christo solum agit. Ac prior quidem est oratio solius Christi, constans defensione sui, & accusatione Judæorum adversariorum. Defensionem autem sui contra adversarios proponit Christus his verbis initio v. 46. *quis ex vobis arguit me de peccato*, scil. jure. Quibus & suam in doctrina veritatem, & in vita sanctitatem, remotione contrarii peccati objecti indicat: & interrogationis figurâ ad examen adversarios provocando confirmat: atque ita se indignum odio ipsorum, dignum, verò amore ac fide demonstrat. Cui defensioni opportunè adversariorum accusationem duplicem subjicit: unam quidem interrogatione: alteram responsione: comprehensam. Interrogatio in fine v. 46. hæc est: *Si veritatem vobis dico, quare vos non creditis mihi?* Cujus antecedens pars, prima quidem specie conditionem incertam videntur notare: sed tamen rem certam designare, ex hujus loci circumstantiis, apparet. Primum ex antecedenti v. 45: *quia*, inquit, *ego veritatem dico vobis*, non igitur eam statuit dubiam, sed certam supponit. Deinde ex Christi v. 46. defensione ac provocatione, *quis inquit, ex vobis arguit me de peccato?* Modus autem quo certitudo deno-

tatur, est, ut Conjunctio Græca *ei* sumatur pro *mi* vel *mihi*, hoc est. *quandoquidem*: ut apertè Actor. 4. 9. *ei* *ἀνακρίνομαι*, *quandoquidem* *διδικασαί*, & Rom. 8. 31. *ei* *ἵνα* *pro nobis* i.e. *quandoquidem*, quoniam. & c. 7. 16. & 20. conjunctio *ei* non dubiè pro *si*: sed pro *quandoquidem*, seu *quoniam*, de re certò supposita dicitur: ut etiam Eust. in Homer. Iliad. ò. edit. Roman. pag. 1025. lin. 15. apud Homerum *ei* per *ἐπειδή* exponit. Consequens verò hujus sententiæ est; *quare non creditis mihi?* Quibus verbis primum includitur obliqua accusatio impietatis Judæorum, quod non crederent Christo vera docenti: quia quæstio, de rei alicujus ratione, rem illam extra controversiam supponit: deinde ratio quæritur hujus incredulitatis, non ignorantia quadam: nam jam antea nòrat: neque ut illi responderent: sed ut ipse responsione subjecta (quemadmodum fecit v. 43.) gravius ac justè accuset, & gloriationem eorum (qua se Patrem habere Deum jactatione quadam objecerant) amplius confutaret. Quam responsionem v. 47. hisce verbis complectitur: *qui ex Deo est, &c.* Ejusque responsionis primum fundamentum: deinde forma seu modus explicatur. Fundamentum est descriptio nati ex Deo, à proprietate illius: adeò ut in subjecto vox *omnis* & *solus* intelligatur, *qui*, inquit, *ex Deo est, verba Dei audit*. Ex Deo autem esse, hoc loco à Deo regeneratum esse significat, ut Ioh. 1. v. 13. & alibi. *Audire* autem est per Synecd. generis pro specie, audire cum obedientia fidei, h. e. credere (ut Matth. 17. 5. *Hic est Filius meus dilectus, hunc audite*, & Actor. 3. 22. ex Mose dicitur: *audietis eum* & v. 23. *quisquis non audierit*, i. e. in Prophetam Christum non crediderit) ut sequentia etiam demonstrant cum ait: *non auditis*, cum tamen propriè loquendo audirent: Sensus igitur est: *omnis ac solus qui natus est ex Deo, verbum Dei audit verà fide*. Credere enim Christo, est regenerationis (quæ dono habitus seu virtutis fidei & charitatis constat) effectum proprium, quod omni & soli regenito convenit: ut Ioh. 1. v. 13. 1. Pet. 1. v. 22. & 23. Quo fundamento jam proposito ac substrato, ipsa responsio huic innixa subjicitur his verbis, *propterea vos non auditis* (scilicet cum fide, seu non creditis) *quia non estis ex Deo*, nempe renati, seu Deum non habetis Patrem, ut falso estis gloriosi: aliàs audiretis cum fide: atque ita secundum hoc accusationis membrum ex primo, nempe incredulitate, demonstratur. Hæc de oratione Christi solius; primà scilicet colloquii parte, quæ de Christo & Judæis simul agit: & illius quidem defensionem: horum verò geminam accusationem (nempe quod neque Christo veritatem docenti crederent: neque propterea ex Deo nati sint) complectitur. Altera pars sequitur, in qua de Christo alternis objectionibus Judæorum, & Christi responsionibus tribus modis disceptatur. Prioris modi prius membrum, nempe obiectio Judæorum proponitur v. 48. quâ propter defensionem & accusationem Christi jam explicatam offensi concludunt, se benè dicere: primum, ipsum esse Samaritanum, h. e. Metaphoricè hominem impium, piorumque consortio indignum, ut Ioh. 4. v. 9. deinde dæmonium habere, quo sc. regetur, ut Mat. 12. v. 24. Ioh. 7. v. 20. & 10. v. 20. Cui impiæ objectioni ac blasphemix secundum membrum, nempe responsio Christi, quâ se defendit, subjicitur v. 49 50. & 51. negatione & probatione illius constans. Negatione quidem criminis objecti secundi, cum ait: *Ego Dæmonium non habeo*: Probatione verò etiam sese Samaritanum non esse, h. e. impium, similiter ostendit. Ea autem probatio tribus constat rationibus, quarum extremæ ab effectis suis: media verò ab adjuncto desumuntur. Prius enim effectum est propositum v. 50. quod scil. honoraret Deum Patrem, doctrinâ sc. & sanctæ vitæ obedientiâ: id quod neque Samaritano neque dæmoniaco attribui posset: ac propterea ostendit se omninè esse indignum, quod ipsum contumelia afficerent: cum ait, *& vos dedecoratis me*. Cæterum observandum est hæc verba, quæ affirmatè vulgò leguntur, videri potius per interrogationem legenda: licet enim idem utrimq; sit sensus, ad rei tamen indignitatem vehementius demonstrandam interrogatio accommodatior est. Atque hæc de prima ratione Christi ab effecto, nempe quod Patrè suum Deum honoret. Antequam verò secundâ subijciat, tacitè objectioni occurrat, quæ adversus Christi, de

fuis effectis testimonia opponi potuisset, ut v. 13. factum, quasi ea ex vana arrogantia essent orta, & ad rei probationem non essent idonea: idcirco ait, se non querere suam gloriam, eam in re, sed Dei gloriam. Deinde secundum rationem affert (qua probat se non esse Samaritanum, neque demoniacum, sed Deo gratum) à Dei Patris contrariio hisce convitiis testimonio, cum ait, *est qui querat & judicet*, hoc est ut ego honoro Patrem, & illius gloriam quero: sic ille gloriam meam querit, Ioh. 5. 22. & 23. ac de me judicat, partim cœlesti voce Matth. 3. 17. Ioh. 5. 32. partim divinis per me miraculorum operibus, Ioh. 5. v. 36. Tertia ratio est ab effecto obedientiæ fidei sermonis seu doctrinæ ipsius, scilicet, liberatione à morte, nempe secunda, hoc est, ab æternis animæ & corporis cruciatibus. Quæ ratio v. 51. continetur: ubi *conspicere mortem*, per Metaph. pro sentire atque experiri usurpatur: ut Psal. 89. v. 49. *quis vivet, & non videbit mortem*, sic Luc. 2. vers. 26. *non visurum mortem*. Atque hæc de primo disceptationis inter Judæos & Christum modo. Secundi verò modi prius membrum, seu objectio Judæorum, est, quæ primùm blasphemiam præcedentem repetunt: scilicet Christum demonium habere, & ejus cognitionem asserunt, dicentes: *nunc cognovimus te demonium habere*: deinde rationem hujus cognitionis afferunt, quod oratio Christi esset falsa, & arrogans hoc modo: *Abrahamus mortuus est, & Prophetæ: & tu dicis, qui sermonem meum servaverit, mortem non gustabit in æternum*: quasi dicerent, audesne hæc dicere; malè dicis, v. 52. Dixerat quidem Christus. *non conspiciet*: sed idem sensus est, quemadmodum *gustare mortem*, pro mori, Metaphoricè, Matth. 16. 28. & Heb. 2. vers. 9. usurpatur, Consequentiam autem probant v. 53. quia tu non es major Abrahamo, neque Prophetis, qui mortui sunt. Hoc enim interrogatio notat: Ergò sermonem tuum servantibus, falso promittis eos non morituros unquam: Atque ut acrius Christum arguant, ei vanam gloriam exprobrant, dicentes: *an major es Abrahamo patre illo nostro? quem teipsum facis!* hoc est judicas? per consuetam Metaphoricam, ut Matth. 12. 33. *facite arborem bonam* Joh. 10. vers. 33. *homo cum sit, facit se ipsum Deum*, Ioh. 19. v. 7. *Filium Dei se fecit*, & v. 12. *omnis qui se Regem facit*, id est, dicit. Hæc de secunda objectione, In cujus probatione error duplex: Primus quod Metaph. de morte secunda à Christo intellecta, de prima accipiunt: alter quod eundem Abrahamo & Prophetis minorem statuunt. Sequitur deinde ad illam Judæorum objectionem Christi responsio: qua primùm objectam arrogantiam diluit, & deinde in adversarios retorquet. Diluit quidem v. 54. distinctione, qua ait: *Siego me ipsum glorifico, &c.* Quibus verbis duplicem glorificationem esse ostendit: primam vanam, qua quis seipsum glorificat solus, sine Dei approbatione: alteram veram seu approbatam à Deo; ostendit autem si prior adesset, eam fore vanam, cum ait: *si ego me glorifico*; scilicet solus, sine voluntate & approbatione Dei Patris: ut similes phrasæ alibi extant, Ioh. 7. v. 16. *Doctrina mea non est mea*, nempe solum, sed ejus qui misit me: deinde oppositio quam Christus adjungit, hunc sensum demonstrat cum ait: *sed Pater ille meus is est qui me glorificat*, scilicet testimonio suo & operibus, ut vers. 50. expositum: quare glorificatio Christi non erat vana. Deinde contra Christum, objectam falsam glorificationem retorquet: scilicet quod dicerent ac gloriarentur Deum, qui Pater Christi erat, Deum esse ipsorum vers. 54. sed falsò: quod non nossent eum, scilicet neque ut Patrem Filii, neque voluntatem ejus esse doctrinam: Euangelii: contraque Christus, sese fore similem ipsis mendacem, si se eum non nosse diceret: cum contra eum nosset & sermonem ejus servaret, vers. 55. Secundo, se Abrahamo majorem ostendit: ab Abrahami Patris ipsorum (non secundum Spiritum v. 39. & 40. sed secundum carnem ut v. 37.) desiderio, Christi adventum videndi (scilicet oculis corporis, ut Luc. 10. vers. 24.) & vidit (oculis scilicet fidei Rom. 4. vers. 20.) & gravisus est, vers. 56. Hæc de secundo disceptationis inter Judæos & Christum modo: quem tertius postremo sequitur. Cujus primùm membrum est objectio Judæorum: qua Christum falsi arguere student: quod cum 50. annos

nondum haberet diceret se Abrahamum vidisse: quod inde colligunt, quod dixerat Abrahamus diem meum vidit. In quo error, quod visum fidei Metaphoricum, propriè interpretarentur v. 57. Alterum membrum est Christi responsio v. 58. qua se Abrahamo priorem esse asserit: *Amen amen*, id est, revera dico vobis, antequam Abraham fieret, ego sum: nempe secundum divinam naturam: nam secundum humanam erat ex Abrahamo. Matth. 1. v. 1. ideoque posterior. Atque hæc de colloquio. Cui secunda pars hujus narrationis principalis subjicitur versu ultimo, scilicet eventus duplex: nempe Judæorum impia crudelitas veritate offensorum: quæ in eo consistit, quod lapides sustulerint, ut in Christum jacerent. Deinde contra Christi prudens evasio, quæ se occultavit, & è templo exivit, transiens per medium eorum, ac sic præterit seu evasit; Dei scilicet providentia adversarios coercente, quod scilicet hora, seu tempus decretum passioni ac morti, nondum adesset, Ioh. 7. v. 30. & 8. vers. 20. Hactenus hujus Dominicæ analysis.

*Capitis Noni, Versuum priorum septem Illustratio.*

Postquam Evangelista Johannes sermonem Christi mutuum cum Judæis habitum, & eventum illius, seu ex eo ortam persecutionem capitalem, Christi evasione exposit cap. 8. pergit deinde; & Christi in officio Prophetico, partim miraculis, partim doctrinâ salutaris exercendo, continuationem describit. Ac primùm quidem historiam, seu narrationem miraculi, in curatione cæci proponit, prioribus versibus septem: deinde eventum illius adjungit seqq. Narratio autem illa primùm antecedentes miraculi circumstantias, deinde modum ejusdem consequentem complectitur. Ac circumstantia indicatur quadruplex: nimirum tempus, subjectum, occasio, v. 1. & ortum inde discipulorum & Christi colloquium, versibus quatuor seqq. Tempus autem quando hoc miraculum à Christo sit editum, indicatur his verbis: *& præteriens*, hoc est, cum à Judæis ipsum lapidare molientibus, sese è templo subduxisset, & per eos transiens præterisset; atque ita extra eorum esset conspectum, ut ex vers. ult. cap. 8. intelligitur. Hoc autem tempus amplius seqq. declaratur, cum v. 14. & 16. dicitur: *erat autem Sabbatum*. Ex qua temporis circumstantia, Christi fidelitas erga Deum prompta, & invicta adversus hostes constantia elucet. Quamvis enim Judæi Sabbatha miraculis violari contenderent, Luc. 13. 14. eoque nomine Christum odissent, & acerbè accusarent Ioh. 9. 16. atque occidere molirentur, Matth. 12. 10. & 14. & Ioh. 5. v. 16. nihilominus in miraculis edendis Deo constanter paret, hoc tempore non minus, quàm antea diebus Sabbathi, Matth. 12. 15. Atque hæc de miraculi tempore. Subjectum verò, seu persona, in qua factum miraculum dicitur, à natura sua, & miseria declaratur. A natura: cum homo vocatur: à miseria verò, cum *cæcus natus* dicitur, hoc est, non ex vidente factus; sed quod miserrimum est, inde à nativitate. Nam ea cæcitas, est simpliciter & absolute, potentiæ videndi privatio: ideoque nullius creaturæ vi curabilis. Tertia porro circumstantia est occasio miraculi: partim objecta, partim adjecta. Objectum enim fuit cæci illius, Christo prætereunte, præsentia, Dei providentia ita dirigente. Adjuncta verò occasio fuit Christi intuitus: dicitur enim vidisse eum. Id quod primùm non de simplici visu, sed de intento intelligendum: ac deinde cum misericordie sanandi voluntate conjuncta. Prius enim ex sequenti, de hac cæcitate, colloquio: posterius verò ex ipsa sanatione consequente clarissimè colligitur. Quarta denique & ultima est discipulorum & Christi colloquium, ex hac præsentis hominis cæci nati, & aspectus in eum attenti, occasione promanens. Constat autem hoc colloquium duabus partibus: discipulorum quæstione & Christi responsione. Ac quæstio vers. 2. primùm universaliter indicatur his verbis: *& interrogaverunt &c.* deinde particulatim exprimitur: *dicentes Rabbi*, &c. Qua quæstione declaratur objectum quæstionis, seu is, à quo queritur: & materia illius, seu res quæsitæ. Objectum est Christus, quem designant Apostoli appellatione Rabbi, hoc est, interprete Apo-

te Apostolo *Ἰωάννης*, Johan. 1. vers. 39. seu *Ἰωάννης*, Mat. 23. v. 8. hoc est, *doctor*, seu *magister*. Qua voce generatim accepta, etiam Iohannes Baptista, à discipulis suis rectè vocatus fuit, Ioh. 3. v. 26. sed Christus à suis discipulis Ioh. 4. v. 31. & cap. 11. v. 3. & alibi speciatim (quia Messiam esse credebant) *ἡγίασμα* appellatur: quod esset doctorum verbi Dei Princeps ac dominus. Quo etiam sensu Christus unicum se doctorem seu magistrum appellat, Matth. 23. v. 8. Hæc de quæstionis objecto, Christo doctore ac Propheta summo. Quæstionis verò materia, seu res ipsa, quam quærunt, hæc est, *quis peccavit, hic an parentes ejus, ut cæcus nasceretur?* hoc est, quænam causa impulsiva hujus à nativitate cæcitat? an ea peccatum parentum, an verò ipsius cæci? Qua in re hypotheses quasdam extra controversiam supponunt: quarum prima vera; eam cæcitatem à Deo inflictam, & quidem rectà causa: Altera verò falsa, causam impulsivam hoc loco fuisse peccatum: hoc enim indicant discipuli Christi, cum quærunt, an hic peccarit, an verò parentes ejus, ut cæcus nasceretur. Nam vox *ἡγίασμα* non significat hoc loco finem, sed eventum ac consequens effectum, ut res ipsa ostendit. Neque expositioni antè positæ obstat, quod omnium afflictionum origo sit peccatum: aut quod hoc eas mereatur: quia illud non semper est causa Deum movens, ut afflictiones immittat: neque finis perpetuò est, ut peccatum puniat: sed aliæ interdum sunt causæ: nim: ut vel homines probentur; vel ut virtutes eorum reddantur illustriores; vel ut ab iis vitiorum rubigo abstergetur: vel Dei gloria peculiariter eo modo illustretur, ut ex seqq. apparebit. Tertia denique hypothesis discipulorum fuisse videtur, ut eruditi interpretes observant, quod statuerint illi Pythagoricam *μετεμύωσιν*, *animarum per mortem à corporibus suis, in alia nascitura transmigrationem*. Quem errorem tum viguille inter Iudæos, ex hisce verbis colligunt, quibus discipuli indicant fieri potuisse, ut ante nativitatem anima cæci peccaverit, aliquo actu: quod sine ista animæ transmigratione, qua in antecedenti corpore peccatum commiserit, non videtur posse intelligi: cum nondum natus actu peccare nequiverit. Deinde idem probant ex Matth. 14. v. 2. ubi Herodes de Christi miraculis famâ audita dicitur suis servis dixisse: *hic est Iohannes Baptista, ipse excisus est à mortuis, ac propterea virtutes agunt in eo;* & clarissimè cap. 16. v. 14. quidam Iudæi de Christo (testibus Apostolis) judicabant, eum esse Iohannem Baptistam: alii verò Ieremiam, aut unum ex Prophetis. Verum adversus hanc sententiam duo objici possunt: primum quidem ex Theoph. non esse verisimile, rudes & indoctos discipulos Græcorum nugas credidisse. Verum respondetur, postquam ab Antiocho, Philosophorum Scholis Judæa corrupta fuit, ad religionem veram subvertendam, varios inde errores in legis divinæ doctores, & per eos in vulgus emanasse. Atque ita animarum per mortem à corporibus suis in alia corpora nascitura transmigrationem, vulgò notam & contagione quadam receptam fuisse, ex citata Matth. 1. v. 41. sententia constat; cumque errorem ad posteros Iudæos propagatum constat ex Elia Levita, qui in libro Tisbi in voce *תשובה*, revolutionem duplicem tradit: unam corporum mortuorum extra terram promissam, per cavernas terræ, usque dum eo pervenerint, necessariam ut possint resurgere: alteram verò animarum: cum Cabalistæ tradant, unamquamque animam se volvere per tria corpora hominum: & locum Scripturæ, undè id probant, esse Iob 33. 29. *Ecce ista omnia operatur Deus tribus vicibus.* unde (ut ait;) *Sic dicunt, quod anima primi hominis volutaverit se in corpus David Regis: & inde reversura sit in corpus Messie. Idque significari per literas, quæ sunt in voce דָּוִד quatuor: unaqueque integram dictionem constituit: Adam, David, Messias. Sic quoque dixerunt, quod animæ hominum prævaricatorum migrent in corpora animalium, unaqueque secundum peccatum suum.* Et in ejusdem libri fine, in explicatione vocis Tisbi, ex Iudæorum ac sua sententia ait, Eliam Prophetam (quem tempore Achabi extitisse Scriptura tradit) etiam tempore Iudicum extitisse ac Pinchasum fuisse: dixerunt, inquit, *Rabbini nostri quod Pinchas fuerit Elias: jam constat Pinchas occisisse, quando designatum fuit facinus illud, cum concubina in*

*Gibea, sicut dicitur: Et Pinchas Filius Eleazar, filii Aaron, stabat coram eo in diebus illis: quod si verum est, sequitur Eliam tum eo tempore supervivisse.* Hactenus Elias Levita.

Quare mirum non est si Christi Discipuli, ista vulgari Iudæorum contagione, animarum transmigrationem aliquam fuerint opinati: & hujus hominis animam, in corpore suo præcedente, aliquo opere scelerato promeritam, ut in corpus cum cæcitate nasciturum, Deo vindicante, intrusa migraret. Sed altera objectio est, etiam si ea fuerit vulgi opinio: aliud tamen spectasse Christi discipulos: quod scilicet peccatum cæci nati de peccato originis intellexerint. Eo enim non solum cæcitatem, sed æternum etiam exitium & detrusionem in infernum fuisse promeritum. Verum responderi potest, ex proposita disjunctione oppositi peccati parentum & peccati hujus cæci nati, apparere, non quæri de peccato originis (in eo enim parentes & cæcus conveniebant) sed de aliquo unius partis actuali peccato seu scelere, quod alteri non conveniret, quemadmodum disjunctionio hæc: *quis peccavit, hic an parentes ejus?* distinguit. Neque rectè dici potest, ob peccata cæci actualia prævisa ipsum fuisse punitum: quia illud ordini justitiæ divinæ repugnaret. Nec enim poena actu inflictæ, justè suam causam promerentem tempore antecedit, sed ei succedit; quia poena est peccati perpetrati stipendium. Quare Apostoli in quæstione sua, Christo proposita aberrarunt: partim in causa hujus cæcitat, quasi ea esset peculiare aliquod peccatum: partim in intellectu peccati ipsius cæci: quasi anima ipsius ante nativitatem aliquo scelere peculiari cæcitat, fuisselet causa. Quemadmodum ex secunda colloquii hujus parte, nempe Christi responsione amplius confirmatur: qua causam hujus cæcitat, declarat anæresi & thesi, seu negatione ac remotione causæ falsæ, quam discipuli statuebant: & contraria affirmatione seu positione veræ causæ, quam ignorabant. Ac negatio quidem indicatur, cum ait Christus: *Neque iste peccavit; neque parentes ejus.* Id quod non absolutè dicitur (utrique enim & in Adamo, & vitiositate naturæ peccarant) sed relatè ad effectum cæcitat, nempe ut cæcus nasceretur, sicut quæstio Apostolorum, non minus quàm rei veritas hoc demonstrat: quippe non absolutè quæsierant, an ipse vel parentes peccassent: sed an ita peccassent, ut Deo puniente, inde cæcus esset natus. Cui negationi ac rejectioni causæ, falsò creditæ: affirmationem annectit, qua veram, & discipulis ignotam causam finalem (unde etiam impulsiva cognoscitur) 1. proponit, deinde exponit. Proponit autem vers. 3. cum ait: *Sed* (nempe cæcus natus est) *ut opera Dei manifesta fiant in eo.* Opera autem Dei intelligit non justitiæ punientis: hoc enim Christus negavit: sed misericordiæ & omnipotentis divinæ effecta, quæ in hoc sanata, per Christum, cæcitat, miraculo eluxerunt. Ideoque Dei placitum, & gloriæ Christi atque doctrinæ illius confirmandæ amor: non autem hominis peccatum, illiusque odium, hujus cæcitat, causa impulsiva dici debet. Quemadmodum finalis etiam causa fuit non justitiæ vindicantis, sed bonitatis & omnipotentis Dei ac Christi gloria. Bonitatis quidem; quod cum Deus potuisset justè in ea cæcitate relinquere, ob primi lapsus in Adamo (in quo omnes peccavimus) & vitiositatis eo acquisitæ reatum, clementer tamen ab ea voluerit liberare. Omnipotentis verò; quod cæcitat, occasione & sanatione, ea innotuit ac quasi publico præconio sit patefacta: ut eam vel inviti hostes Christi agnoscere cogerentur. Simile exemplum est in Lazaro, cujus morbus & mors divinitus accidit: non pro poena, sed pro Dei gloria, ut Filius Dei glorificaretur suscitatione illius Joh. 11. vers. 4. Sed objiciat aliquis: Si Deus sine meriti peccati ratione, in hac vita, afflictiones immittit hominibus, ad suam gloriam patefaciendam; Ergo injustè affligit. Negatur Consequentia; primò, quia nullum affligit, quin peccato perpetrato, aut agnato ac originali, amplius supplicium sit promeritus: Deinde nulla esse potest injustitia, si Deus dona sua non omnibus communicet (quale hic fuit videndi potentia naturalis) aut si data auferat ad suam gloriam: quia ea ipsius potestati summæ sunt subjecta, neque per se, neque per accidens promissionis omnibus debita, Matth. 20. vers. 15.



*annon licet mihi quod volo facere in meis*, & Rom. II. v. 35. *quis prior dedit ipsi & reddetur ei?* Nulla est igitur iniustitia, si Deus quibusdam ad tempus visum non donet, ut gloriæ ipsius inserviant: quemadmodum in hac cæcitate seu visus naturalis omiſſa communicatione contigit: qua etiam plus commodi & honoris cæco accessit, quam commodi defuit: quoniam eundem Deus hoc bono affecit, ut ad tempus cæcitate sua illustrandæ gloriæ Dei esset occasio, subjectum ac speculum; & eâ via ad fidem in Christum, visumque animæ salutarem converteretur. Quo modo Jobum bonorum & liberorum ac valetudinis privatione afflixit: non ut peccata illius (à quibus non erat penitus immunis) puniret: sed ut pietatem & patientiam illius velut aurum igne probaret, & probatum liberaret, longèque feliciorē quam antea redderet: illiusque exemplo ad fidem, patientiam ac spem extimularet & consolaretur, Jacob. 5. ut etiam prophetas (licet peccati non expertes) variis adversariorum iniustis persecutionibus permixtis exercuit: non ut peccata eorum puniret: sed ut eorum virtutes redderet illustriores, eorumque martyrio seu veritatis confessione ac patienti constantia, suam illustraret gloriā, & toti Ecclesiæ quasi exemplaria perpetua ad imitationem salutarem proponeret, Jac. 5. v. 10. & Matt. 5. v. 12. Denique omnes pios variis afflictionibus, rectè atque utiliter exercet Deus, 2. Tim. 3. v. 12. non ut peccata eorum pro meritis ac pro sua iustitia vindicet, Rom. 8. v. 1. sed ut pro paterna dilectione castiget, eaque viâ à peccatis atque exitio avertat, 1. Cor. 11. v. 32. & sanctitatis suæ ac vitæ æternæ participes reddat, ad gratiæ suæ gloriā, Heb. 12. v. 6. 7. 8. 9. Quare ex hisce liquet, Christum non malè dixisse, hominem illum natum fuisse cæcum, non ob suum, neque ob parentum peccatum: sed ut opera Dei manifesta fierent in eo, id est, ut ea cæcitas esset occasio gloriosi, Dei Patris, per Christum, miraculi, ad cæci & aliorum conversionem conducens. Atque hæc de causæ finalis, cur homo iste cæcus fuerit natus, propositio: cui deinde subiicitur expositio: qua Christus, quænam sint ea Dei opera, quorum meminit, primum à causâ proxima, deinde à temporis circumstantia declarat. Causam autem proximam seipsum esse ostendit, initio versus 4. cum ait; *oportet me opera ejus operari qui misit me*, hoc est, miracula illa, quæ ad confirmationem Evangelii, per Messiam efficienda, Deus per Prophetam prædixerat: inter quæ etiam recensetur aperire oculos cæcorum, Esai. 35. v. 5. & Matth. 11. 5. nimirum non omnium: ut ex multis cæcis, ad probaticam piscinam à Christo non curatis, sed præteritis, Joh. 5. v. 3. apparet: sed certorum, quos Deus pro libera sua potentia ac voluntate, ad suæ misericordiæ & omnipotentis gloriā, per Filium suum patefaciendam, delegerat. Quales multi describuntur Matth. 9. v. 28. 29. 30. & c. 12. 22. & in primis cap. 15. v. 30. & cap. 20. 34. & 21. 14. denique talis etiam fuit hic cæcus natus. Hæc autem opera Dei Patris, nempe miracula, Christus facere dicitur secundum utramque naturam: sed diverso tamen modo. Nam si vim, qua propriè facta sunt spectemus, ea est omnipotens: quia omnes creaturæ vires excedit: eoque tantum secundum divinam naturam communem eandemque cum Patre. Quo modo ait, se opera Patris facere, Joh. 10. v. 37. & Patrem, qui in ipso manet, facere opera, Joh. 14. vers. 10. Secundum humanam verò naturam: quatenus externa adhibuit, vel imperavit miraculorum divinâ vi efficiendorum signa: ut ex seq. hic apparebit. Atque hæc de prima expositionis operum Dei parte, qua proxima eorum causâ impetrans indicatur. Altera verò est circumstantiæ temporis expressio: qua docetur, quamdiu ipse Christus miracula hujusmodi, nempe immediatè per humanam suam naturam & mediatè per Apostolos sit effecturus, cum ait v. 4. reliquo & quinto; *donec dies est*, & c. Qui locus variè ab interpretibus exponitur: adeo ut scrupulus non exiguus videatur: quid Christus *dies* & *noctis* vocibus designet. Nam 1. quidam utrumque ad Christum referunt: ut *dies*, vitam illius: *nox* verò, mortem designet. Alii verò utrumque non ad Christum, sed ad homines referunt, quia dicitur: *venit nox cum nemo potest operari*: non autem dicitur, cum ego non potero ope-

rari. Verum hi rursus in modo explicationis specialis non conveniunt. Chrysost. enim & Theop. *dies* & *noctem* communiter omnium hominum intelligunt: & *dies* de tempore hujus sæculi ad diem usque judicii interpretantur: quod ut dies aptus est laboribus, sic hoc tempus fidei & resipiscentiæ congruat. Contra verò *noctem* de die judicii exponunt: quod ut nox ob tenebras inepta sit laboribus: sic dies judicii ad fidem & resipiscentiā sit importuna. Alii verò maximè ut videtur accommodatè ad hujus loci scopum, *dies* & *noctem* ad Iudæos, inter quos Christus versabatur referunt, & *dies* exponunt tempus cognitionis Evangelii per Christum, cum immediatè, tum mediatè per Apostolos: cum inter Iudæos ut sol luceret doctrinâ & miraculis, eosque illustraret: *Noctem* verò contra tempus ignorantis secuturum, quo lucem doctrinæ & miraculorum per se, & deinde per Apostolos traditam ob impium Iudæorum contemptum iis erat subducturus, eosque in tenebris ignorantis relicturus. Quo etiam pertinet dictum Joh. 12. vers. 35. & 36. & Act. 13. 46. & expositio Christi v. 5. *quamdiu*, inquit, *sum in mundo ego, lux sum mundi*: hoc est, homines doctrina & miraculis illustro, ut rectè Theoph. Id quod appositè dicit ante proximum miraculum: adeo ut quemadmodum vers. 4. officium suum esse ostendit, ut opera Dei operaretur: sic illius effectum, nempe fidelem offitii executionem sibi hoc loco attribuit. Atque hæc de hoc discipulorum & Christi colloquio, ultima scilicet hujus miraculi circumstantia, quæ proximè antecessit: sequitur deinde opportunè efficiendi miraculi modus; externus, & internus. Externus, seu causa instrumentalis est duplex: prima seu remota in Christo: secunda verò seu proxima in cæco extitit: In Christo quidem, est factum & dictum illius. Factum indicatur, v. 6. nimirum quod *spuit humi*, & *fecit lutum de spuito*, idque *illevit oculis cæci illius*. Cur autem illud lutum adhibuerit oculis, non adeo certum est. Chrys. & Theop. quidem putant id factum, ut ostenderet se fuisse qui primum Adamum ex luto formavit. Quam sententiam plerique sequuntur: sed ea arguta magis videtur, quam vera. Alii verò aliud conjiciunt diversimodè. Simplicissimum verò hoc videtur, quod Christus contrario medio uti voluerit: ad majorem cum declarationem potentis, tum populi attentionem. Lutum enim potius excæcandis quam sanandis oculis convenit. Hæc de Christi facto: Mandatum verò illius v. 7. ita describitur, *dixit ei, vade, lava, in piscina Siloam* (quod est, si interpreteris, missus.) Qua de re movetur quæstio, cur non confestim ac præsentem cæcum, ut alios similes cæcos sanavit. Qua de re Hier. Esai. 8. vers. 6. ad illa verba: *aquas* מַיִם (pro quo LXX. omiſſa ultima litera ob asperitatem, & addita litera euphoniæ causa *μαιναι*, ut Iohannes, ponunt) *quæ lentè procedunt*; & ut Hiero. interpretatur, *vadunt cum silentio*, sic ait: *Siloam autem fontem esse ad radices montis Sion, qui non jugibus equis, sed incertis boris diebusque ebulliat, & per terrarum concava & antra saxi durissimi cum magno sonitu veniat, dubitare non possumus: nos præsertim, qui in hac habitamus provincia*: Et postea exponens hujus missionis causam addit Hiero: *Legimus in Evangelio secundum Johannem, quod cæcum à nativitate, cujus oculos luto ex salvia sua facto Dominus linierat, misit ad aquas Siloæ; quibus cum cæcus lavisset lutum, cæcitate deterſa clarum oculorum lumen accepit. Quod, post signi magnitudinem, indicat non aliter cæcitatem Iudæorum & omnis increduli posse sanari: nisi doctrinâ aquarum Christi, quæ absque strepitu & clamore verborum leniter fluit, tenebræ prioris fugentur erroris*. Hæc Hiero. Theophylactus verò tres hujus missionis causas recenset: prima est, ut discamus cæci, fidem & obedientiam. Secunda, ut Christus confundat Iudæorum (qui luto oblitum videre potuerunt) ingratitude, ita ut non potuerint postea dicere, hic est, hic non est. Tertia, ut ostendat se non esse iniquum legi veteri: propterea inquit Theoph. *Evangelista interpretationem Siloæ ponit: ut discas quod & illic Christus eum sanavit: & quod Siloā figura sit Christi. Sicut enim spiritualis petra est Christus: sic & spiritualis Siloā. Et sicut torrens ille Siloā repentinus & vehemensior apparebat terribili quodam fluxu: ita & adventus Domini occultus,*

*occultus, & Angelis incognitus, omne peccatum virtute diluit.* Hæc ille. Atque hoc ab interpretibus quasi extra contro-  
versiam ponitur, aliquid inesse mysterii, in illa missione ad  
piscinam Siloæ: idque ob Apostoli interpretationem ad-  
iunctam, quod hoc in loco non temerè factum esse perspi-  
cuum est: quia Siloam non fuit nomen à Christo primum  
impositum, ut interpretationem aliquam desideraret: sed  
antiquissimum, & Prophetæ Esaiæ cap. 8. vulgoque usi-  
tatum: deinde fontem illum & piscinam fuisse Christi, à  
Deo Patre missi, ad nos à peccatis abluendos ac sanandos  
typum. Ac de priori non videtur dubitandum: posterius  
etiam probabile videtur, & Hieronymi explicatio ad sco-  
pum accommodata: ut & missionis rationes priores, duæ  
è Theophylacto recitatae, cui similes quædam missiones,  
miraculum antecedentes, sunt Naamani Syri ab Elisæo Pro-  
pheta missi, ad abluendum se in Iordane, ut à lepra sua pur-  
garetur, 2. Reg. 5. v. 11. & seq. & leprosum decem à  
Christo ad Sacerdotes ablegatio, & in itinere curatio,  
Luc. 17. v. 14. Atque hæc de prima seu remota causa ex-  
terna instrumentali, nempe Christi facti & mandato. Altera  
verò est cæci fidelis erga Christi mandatum obedientia mi-  
raculum impetrans: quæ in fine v. 7. indicatur hoc modo:  
*abiit ergo & lavit*: ubi vox *ergo*, obedientiam & fidem: *la-  
vit* verò effectum denotat. Atque hæc de modo ac medio  
miraculi efficiendi externo: internus verò est latens ac di-  
vina Christi virtus: quæ sola oculorum visum in cæco crea-  
vit: Id quod ex effecto describitur, cum additur, *reditque*  
(nempe à piscina illa Siloæ & lotionem) *videns*. Atque hæc  
tenus narratio sanationis cæci nati, miraculo Christi effe-  
ctæ, ac Joh. 9. versibus septem prioribus descriptæ expli-  
catio. Ad cuius uberiorem intelligentiam non alienum fore  
speramus, si ei à nobis subiiciatur.

*Quæstio. An & quatenus filii propter peccata paren-  
tum à Deo puniri possint?*

**Q**Ua de re Sacrae Mosis & Ezechielis literæ contraria  
videntur statuere: sed re perspecta, consensus eorum  
apparebit; quia non de iisdem, sed de contrariis filiis lo-  
quuntur. Nam Ezechiel. 18. vers. 20. dicitur: *Filius non  
portabit patris sui iniquitatem*, hoc est, trita Metonymiâ ef-  
ficientis pro effecto poenam iniquitatis. Id quod non de  
quovis filio generatim: sed de pio filio, qui patris sui pec-  
cata nec sequitur nec probat: sed contra improbat ac con-  
trariis operibus bonis Deum colit, intelligendum: ut ibi-  
dem vers. 17. & 19. à Propheta disertè explicatur. Moses  
verò Exod. 20. v. 5. ait, Deum visitare iniquitatem Pa-  
trum in filios: Id quod non generatim de quibusvis piis &  
impiis: sed speciatim de solis impiis intelligit: ut subjuncta  
verba perspicuè demonstrant, cum addit speciatim: *in eos,  
qui oderunt me*. Sed obijci potest: Si iusti sint, omnino in  
iustè puniri: sin iniusti, posse quidem iustè ob sua peccata  
puniri, quod iis poena debita tribuatur: sed nullo modo ob  
peccata parentum, quæ sunt aliena: ac propterea manere  
vim argumenti hoc modo: Ob peccata aliena nulli punien-  
di sunt, quia iustitia suum cuique tribuit, non autem ali-  
enum, non suum: sed patrum peccata sunt filiis tam impiis,  
quam piis aliena. Ergo neutri filii ob peccata patrum puni-  
endi. Verum negatur assumptio: quia peccata patrum,  
non sunt filiis impiis aliena, sed sua: quia peccata patrum,  
quæ aliena sunt origine, fieri possunt filiorum propria du-  
bus modis: primum consensu, quando ea approbant, ut  
Rom. 1. vers. 32. deinde imitatione, dum eorum exemplo  
ad similia perpetranda stimulantur. Ergo filii impii com-  
municando hisce modis parentum sceleribus, eadem red-  
dunt sua: & vicissim parentes filiorum peccata sequendo  
aut probando, ea similiter sua efficiunt. Quamobrem filii  
impii, & propter sua quæ ipsimet perpetrarunt, & propter  
parentum peccata iustè puniuntur. Propter sua quidem  
per se: quoniam ea ipsimet effecerunt eorumque authores  
sunt: propter parentum verò peccata per accidens: qua-  
tenus ea à parentibus facta, approbatione aut imitatione,  
aut utroque modo faciunt sua. Sic etiam impii patres, &  
propter sua peccata per se quæ ipsi commiserunt, & pro-

pter filiorum suorum impiè facta, quatenus imitatione aut  
approbatione eorum fecerunt sibi propria, vicissim iustè  
puniuntur. Sed excipiat aliquis, hanc responsionem locum  
habere posse in adultis, qui peccata aliena imitatione aut  
consensu suo approbant, eoque modo sua efficiunt: sed in  
infantibus aliam esse rationem. Nam primum ob Adami  
peccatum omnes infantes puniuntur: naturâ enim mortales  
& iræ Dei obnoxii sunt: quomodo igitur hæc poena  
cum Dei sententia, Ezech. cap. 18. conveniet? Si quis re-  
spondeat, infantes, licet non actu Adami peccatum imiten-  
tur, habitu tamen similis naturæ corruptæ, hoc est, conta-  
gione peccati originalis imitari. Contrà regeri potest: pec-  
catum originale non esse tantum culpam ratione hominis:  
sed etiam poenam ratione Dei iudicis: ac propterea iniquè  
videri privatione imaginis Dei posteros Adami puniri. Ac  
propterea conciliatio ac responsio plenior esse poterit: Eze-  
chielem, cum ait, *filius non portabit iniquitatem patris*, lo-  
qui de peccatis certorum hominum propriis, qui suam tan-  
tum personam sustinent: sed peccatum Adami, non fuit ei  
proprium, sed commune etiam totius posteritatis ab ipso  
generandæ, & in ipso tanquam in radice humani generis  
conclusæ, omniumque filiorum ab ipso generandorum  
personam, ex Dei instituto, sustinente: ideoque sibi &  
omnibus naturaliter propagatis generatione posteris pec-  
cavit, & poenam sibi, suisque omnibus est promeritus: un-  
de Rom. 5. vers. 12. dicitur: *per unum hominem peccatum  
in mundum introiit, ac per peccatum mors, atque ita in omnes  
homines mors transiit, in quo omnes peccarunt*: Et ne quis ad  
adultos ea restringeret, omnes etiam infantes intelligi osten-  
dit, v. 14. *Sed regnavit mors ab Adamo usque ad Moysen, in  
eos etiam, qui non peccaverant ad similitudinem transgressionis  
Adami*. Id quod de adultis intelligi non potest: qui in  
multis similiter labuntur omnes: sed de solis infantibus,  
qui similibus vitiosis actionibus carent. Ideoque etiam  
Adamus, futuri (scilicet hominis Christi, 1. Cor. 15.  
vers. 47.) typus ibidem idcirco dicitur: quod ut omnes ab  
Adamo naturaliter generati peccati illius & condemnatio-  
nis sunt participes, sic omnes à Christo supernaturaliter re-  
generati fideles, eorumque electum semen, iustitiæ illius  
& vitæ æternæ sunt participes: quemadmodum hic typus  
sequentibus ab Apostolo plenius explicatur. Verum obij-  
citur præterea exemplum filii Davidis ex Bersabea procrea-  
ti, qui morte sublatus est ob patris sui peccatum, 2. Sam. 12.  
vers. 14. ac propterea liberos innocentes, ob merè alienum  
peccatum, interdum à Deo puniri. Sed neganda est Conse-  
quentia: quia Scriptura ostendit Davidem castigatum mor-  
te filii: sed inde non sequitur: ergo mors ea, filio fuit pœ-  
na. Deus enim in una actione, pro ratione diversorum ob-  
jectorum, diversas habere potest causas concurrentes. Si  
Davidem spectemus, mors ea fuit non poena pro peccato  
satisfaciens, à Deo iusto iudicio inflicta, vers. 13. Sed pa-  
terna castigatio: sin verò filium illius consideremus, mors  
ea fuit, ut minueretur scandalum, & memoria deleteretur  
adulterii à Davide perpetrati, vers. 14. & infans electus  
(ut ex charitate speramus) eo citius, vita mortali ærum-  
nosa, cum immortalis atque gloriosa commutata bearetur.  
Sin verò fuisset reprobis: ut ob reatum primi lapsus, &  
peccati originalis per illum acquisiti vitium, occasione ac  
via huius peccati Davidis, ad justam poenam deduceretur:  
Ideoque filii Davidis infantis mors: aut non fuit propriè  
ut poena, hoc est, permissio ad satisfactionem pro peccato,  
à Deo iusto iudice ac vindice orta: sed tantum impropiè,  
hoc est, vitæ ad tempus tantum indultæ, à Deo, tanquam  
Patre privatio, ad Davidis, in ea re, amissione filii, castiga-  
tionem: & filii celerem ad cœlestem gloriam evocatio:  
aut si mors fuit ut poena infantis, non ea à Deo inflicta est,  
ut pro Davidis Patris peccato satisfaceret: sed pro peccato  
primo in Adamo perpetrato atque originali id promerente,  
& ad castigationem Patris. Quemadmodum cum ob nu-  
merati à Davide populi transgressionem, multa Israëlita-  
rum millia Deus per Angelum occidit, 2. Samuel. 24. v. 17.  
finis fuit respectu Davidis, ut numerosa ea subditorum pri-  
vatione ipse castigaretur: respectu verò subditorum finis  
fuit, ut electi eo modo per mortem in cœlestem patriam ac  
vitam

vitam æternam traducerentur Dei gratia; reprobi verò ob concurrentia sua peccata meritis inferni suppliciis, Dei severitate iustâ afficerentur. Atque inde satis apparet, neminem nisi ob sua peccata puniri propriè loquendo, Deumque in omnibus esse iustum, neminemque, neque adultum neque infantem iniuste affigere.

*Capitulum x. Johannis, Illustratio.*

**P**rimariæ hujus capituli partes sunt duæ: quarum prima est concio Christi atque eventus illius à vers. 1. ad 22. altera verò est disputatio cum Judæis, illiusque consequens eventus, inde à vers. 22. ad finem usque capituli. Antequam autem de priori agamus, duo ad commodiorem illius intelligentiam sunt præmittenda, occasio nimirum & scopus. Occasio fuit Phariseorum præsentium perspecta malitia. Nam cum Christus illis peccatum exprobrasset, cap. 9. v. 41. quod de veritate doctrinæ ac miraculorum Christi, divina potentia convicti, ipsi nihilominus incredulitate sua sese opponerent: ad se excusandos objicere potuissent, se non peccare: sed sapienter & sanctè Christum averfari: quod nec divinam haberet Ecclesiam docendi vocationem, neque fideliter eam exequeretur: quemadmodum utrumque Christo in Senatu suo antea derogarant, vers. 24. 28. & 29. & sibi contrarium arrogarant, v. 28. & 34. Scopus verò est quod Christus huic tacitæ & frequenti Phariseorum calumniæ respondet, demonstrando & muneris sui Prophetici ad Ecclesiam docendam auctoritatem, & in eo exequendo fidem: contraque objecta iniquè crimina iustè in eos retorquet, ut fideles confirmetur.

Cæterum ad concionem quod attinet, ea constat parabola allegorica, prioribus versibus quinque: & expositione illius à vers. 6. ad 19. Ac parabolam quod attinet, in ejus narratione, primum rei circumstantia: deinde res ipsa describitur. Circumstantia autem est duplex: nimirum adjuncta rei qualitas, & objectum: hoc est, qualisnam ea sit, & quibus propolita. Hæc autem qualitas est rei veritas: quæ indicatur non juramenti (ut pluribus aliis demonstravimus) sed seriæ assertionis formula hac, *Amen, amen dico*: hoc est, verè, verè, seu verissimè dico. Nam quamvis in Christi ore non sit inventus dolus, 1. Pet. 2. vers. 22. ideoque omnia ejus dicta sint vera: ad majorem tamen attentionem comparandam, hac assertionem veritatis rei dicendæ, cum alibi, tum hoc etiam in loco uti voluit. Objectum verò hujus parabolæ, seu illi, quibus ea à Christo fuit propolita, sunt Pharisei illi, qui Christum quæstione sua tentarant, quosque versu proximè antecedente nempe in fine capituli noni reprehenderat, ac pœnam iis comminatus erat, quod cognitæ veritati ac Christo impiè resisterent; & sic eosdem, continuando orationem, hac parabola alloquitur, cum ait, *dico vobis*. Atque hæc de circumstantia parabolæ. Ipsa verò parabola Phariseos & Christum, falsi & veri pastoris descriptione, opponit. Ac prioris quidem descriptio continetur his verbis: *qui non ingreditur per ostium in caulam ovium: sed ascendit aliunde, ille fur est & latro*. Assumptionem autem & conclusionem Phariseorum conscientie addendam relinquit: nempe; at vos non ingredimini in caulam ovium per ostium: sed ascenditis aliunde; Ergo fures & latrones estis. Quæ verba non propriè, sed Metaphoricè per similitudinem quandam intelligenda: quemadmodum propterea parabola vocatur, vers. 6. idque à Christo sequenti expositione docebitur. Hæc autem falsi pastoris descriptio, partim orationis subjecto, partim attributo ejusdem continetur. Subjectum enim falsum pastorem à propria quadam nota designat: primum omissione boni, quod non ingreditur per ostium in caulam: deinde commissione mali, quod ascendat, ut ab iis fit, qui per fenestram irrumpunt, Joel. 2. vers. 9. ut autem *ovium* vox fideles: sic *caula* locum congregationis ad quietem spiritualem. Deique cultum; & *ostium* Christum significat, per quem solum rectus in Ecclesiæ & societatem & gubernationem ingressus datur. Denique ut ingressus in caulam per ostium, ratione ingredientium est duplex, pastoris quidem ad gubernationem; ovium verò ad quietem & conservationem: ita in Ecclesiam per Christum ingressus similiter est duplex. Fideles

enim ingrediuntur per Christum, cum in ipsum credunt & sacramentis Ecclesiæ initiuntur: hac enim ratione recipiuntur in Ecclesiam, Actor. 2. vers. 41. & 47. Pastores verò Ecclesiæ per Christum ingrediuntur, quando vocationem habent legitimam (hoc est, secundum Christi institutionem, ad pascendum Domini gregem accedunt) & doctrinam illius fideliter proponunt, Rom. 10. vers. 15. Heb. 5. vers. 4. Matth. 28. vers. 20. Contrà verò ingressus aliunde, ac quasi per fenestram, eorum est, qui in alterutro, vel in utroque peccant. Quidam enim doctrinam habent veram, sed vocatione legitima carent: alii vocationem habent rectam, sed non doctrinam: alii denique utroque destituuntur. Quales olim extitere Pseudoprophetæ, qui currebant in caulam ovium & Ecclesiam docebant, cum tamen à Deo non essent missi, & simul falsam doctrinam pro vera obtrudentes Ecclesiam vastabant, Jer. 14. vers. 14. Hoc autem in loco secundi generis pastores mali inprimis intelliguntur (quales Pharisei, quos Christus compellat) qui vocati ad docendum, salutis doctrinam, à Filio Dei per Prophetas traditam, neque ipsi credebant, neque Ecclesiæ fideliter proponebant; sed eam fermento suo corruptentes, Matth. 16. vers. 12. auditores à salutis doctrina, & à Christo salutis auctore seducebant, Matth. 15. vers. 14. Joh. 9. vers. 22. & 24. Atque hæc de orationis hujus, qua falsus pastor describitur, subjecto: quo illius *πικνέω* seu certissima nota designatur: quod sine fide in Christum, ac sine doctrinæ illius veritate in congregationem Ecclesiæ irrumpens, docendi munus sibi arripit. Attributum verò eundem à moribus ipsius describit cum ait: *fur est & latro*. Nam quamvis vox Græca *λῆσ* (orta à nomine *λῆν* per Ionicam dialysin pro *λῆα*, id est, *præda*) generatim *λῆσ* *ἀγν* *πρædas* agere seu *πρædari* notet: atque inde nomen *λῆσ*, & per Synæresin contractè *λῆσ* *πρædonem* propriè significet: quia tamen *πρædones* solent non raro etiam raptam prædam trucidare, idcirco per Synecdochen interdum speciatim talem *πρædonem*, hoc est, *latronem* notat: ut Matth. 21. vers. 13. & cap. 27. v. 38. Quemadmodum etiam Iohan. 18. vers. 40. Barrabas vocatur *λῆσ*, hoc est, latro seu trucidator, ut Marc. 15. v. 7. & Actor. 3. v. 14. disertè exponitur. Atque hoc etiam sensu in hac sententia accipitur: In qua etiam per Synecdochen generis pro specie, *furi* nomen similiter hoc loco accipitur, ut v. 10. declaratur. Cæterum hæc voces *furi* & *latronis* ita acceptæ, Metaphoricè, seu quadam similitudine, falsorum doctorum mores ac scopum declarant, quod videlicet sua falsa doctrina auditores, à cultu Dei & Ecclesiæ communione, quasi prædam auferre ac perdere studeant, ut v. 10. exponitur. Atque hæc de falsi pastoris descriptione vers. 1. Sequitur deinde veri ac boni pastoris opposita descriptio, ejusque illustratio plenior. Descriptio autem notam illius propriam tradit, nimirum quod per ostium ingreditur, hoc est, legitima vocatione & vera Christi doctrina instructus, ad Ecclesiam docendam ad ducendam accedit: ideoque de hoc prædicatur, apposito attributo sententiæ, eum esse ovium pastorem v. 2. scilicet legitimum, qui non titulo tantum, sed reverà pastor est: ut hujus & antecedentis sententiæ oppositio ac descriptio ostendit, & sequens illustratio ex adjunctis & effectis, cum pastoris, tum ovium ostendit: iisque tanquam notis à falso pastore & à falsis ovibus distinguit. Primum autem pastoris adjunctum est, quod *janitor* ei aperiat. Is autem est Deus: qui sua potestate, tanquam Ecclesiæ Dominus, destinatum Ecclesiæ suæ pastorem, pietate ac cognitione Christi, ad pascendam Ecclesiam sufficienti donatum, ad muneris illius executionem vocat: vel immediatè per se, (ut Prophetis & Apostolis contigit) vel mediatè per Ecclesiam, ut Actor. 20. v. 28. atque ita vocatum per Ecclesiam suam, in congregationem illius, ut verum pastorem admittit. Alterum verò adjunctum veri pastoris, est simul officium atque effectum ovium fidelium erga ipsum, nempe quod vocem ejus audiunt. *Vox* autem per Metonym. adjuncti pro subjecto notato, doctrinam salutarem, vocis prædicatione propolitam, denotat: quam oves, hoc est, verè fideles dicuntur *audire*, non generatim quovis modo, sed speciatim per Synecdochen.

ecd. audire cum obedientia, ex frequenti Scripturæ usu: ut etiam res ipsa arguit, & versus octavus demonstrat: ubi contra de voce falsi doctoris dicitur, oves vocem furis non audire, hoc est, ei non obedire. Deinde hisce duobus veri pastoris adjunctis, tria ejusdem ad gubernationem pertinentia adduntur effecta. Quorum primum est ovium evocatio: alterum educio: tertium denique antegressio. Ac de priori dicitur: *Et suas oves vocat nominatim*, nempe ut ipsum sequantur: quemadmodum consequens effectum ostendit. Quo modo Christus indicat veri pastoris officium atque effectum: ut non solum publicè, sed etiam privatim, instituendorum & confirmandorum fidelium curam gerat: quemadmodum illustre in Apostolo Paulo exemplum, qui ad conscientiam presbyterorum Ecclesiæ Ephesinæ provocans ait; *vos scitis*, Act. 20. 18. & subjicit v. 20. *ut nihil subterfugerim eorum, quæ vobis conducerent, quo prius ea vobis annuntiarem, & docerem vos publicè & per domos*, & v. 31. *Idcirco vigilate, memores me per triennium nocte & die non cessasse cum lacrymis monere unumquemque*. Hæc de primo: De altero verò pastoris veri effecto dicitur: *Et educit eas*, v. 3. nempe (ut vers. 9. exponetur) ad pascua spiritualia, Evangelii scilicet doctrinam, Christum & beneficia illius ore fidei manducanda ac ruminanda, ad vitam æternam. De tertio denique boni pastoris effecto ait Christus, versus quarti initio: *Et cum oves suas emisserit, antegreditur eas*: nempe ad pascua, ad quæ vocarat atque eduxerat. In quo pastoris proprii, seu brutarum ovium: & pastoris Metaphorici, Ecclesiæ scilicet fidelium, discrimen observatur: Ille enim gregem suum sequitur: nisi ingruentis lupi aut alterius feræ periculum urgeat: Contra verò Ecclesiasticus pastor antegredi dicitur: quod salutis doctrina vitæque exemplo, & constantia in periculis, verbi Dei gladio ab Ecclesia avertendis: & cum opus est, ad salutem illius conservandam fidemque confirmandam, fortiter perferendis, ducis instar præcedit: qua de re insignis locus Heb. 13. 7. Atque hæc de pastoris boni effectis; quibus subjiciuntur fructus eorum consequentes, ovium scilicet effecta: partim erga suum pastorem, partim contra alienum. Erga suum pastorem in fine v. 4. cum dicitur: *Et oves eum sequuntur*, nempe vocantem, educentem, atque antegredientem, hoc est, fide ac charitate doctrinæ illius obediunt, & in utroque pium pastoris exemplum imitantur: quemadmodum de Thessalonicensibus dicitur, 1. Epist. c. 1. v. 6. & Paulus hoc requirit, 1. Cor. 11. v. 1. cum ait: *imitatores mei estote: ut & ego Christi*. Quia autem sequendi pastorem causa in genere esse potest duplex: nempe vel imprudentia ac temeritas, seu incerta de probitate pastoris opinio: vel prudentia seu sinceritatis ac probitatis illius, ad normam fidei exploratæ notitia, Act. 17. 11. 1. Joh. 4. 1. idcirco Christus hoc loco declarat, qualem pastoris sequelam intelligat: indicata causa illius recta, cum ait, *quia norunt vocem ejus*. Nosse autem non generatim de quavis notitiâ hic intelligitur: sed de tali, qua sciunt ipsum vera, seu Sacris Literis consentanea docere, & quem tuto sequi possunt ac debeant, 1. Thess. 5. v. 21. Heb. 13. v. 17. Atque hæc de primo ovium spiritualium seu verè fidelium effecto, nempe erga pastorem suum bonum. Alterum est contra alienum v. 5. his verbis. *Alienum autem nequaquam sequuntur: sed fugient ab eo*. Quo i loco *alienus* non intelligitur verus ac pius alterius particularis Ecclesiæ pastor: quia inter utrumque est convenientia, & cum occasio est, audiendi ac sequendi potestas est: sed intelligitur falsus pastor: qui falsâ doctrinâ Ecclesiam corrumpere ac perdere conatur, ideoque eum nequaquam sequuntur, quasi pastorem, sed fugient ab eo quasi à depastore ac lupo rapace, Matth. 7. v. 15. Gal. 1. v. 8. & 9. & 1. Joh. 4. vers. 1. Cujus rei etiam causam adjungit: *quia non norunt vocem alienorum*, ubi similiter, ut antea, verbum *nosse*, non generatim accipitur: siquidem doctrinam alienorum seu falsorum doctorum à Christi doctrina, alienam esse ex comparatione utriusque cognoscunt, aliâs temerè eam fugerent: sed speciatim pro vera non agnoscere significat. Atque hæc tenus parabola: sequitur deinde parabolæ expositio. Sed præmissa prius atque inserta per Evangelistam sententia: qua antecedentis orationis modum, &

deinde expositionis consequentis occasionem declarat, v. 6. Modus autem indicatur cum ait: *Hanc parabolam dixit eis Jesus*: ubi observandum vocem *parabolam*, propria significatione *proverbum* denotare, ut 2. Pet. 2. v. 22. accipitur. Quia verò non pauca proverbia eaque acutissima, allegorica esse solent, ac similitudinis quasi tegmine rem aliam, non expressam significant: hinc Johannes Evangelista solus *parabolam* vocem non pro proverbio, sed pro parabola (ut Hebræis *מָשָׁל* utrumque complexitur) per Metaph. quandam usurpavit: ut cap. 16. v. 25. & v. 29. *τὴν παραβολάν, τὴν μυστικὴν* hoc est, liberæ apertæque orationi opposuit. Quo etiam modo, ut res ipsa arguit, hoc in loco accipitur: ideoque claritatis causa *parabolam* eruditè interpretantur: quia collatione quadam aliud dicitur, & aliud ea similitudine adumbratum designatur. Atque hæc de orationis ante propositæ modo loquendi. Expositionis verò occasionem Iohannes ostendit esse stupidam Phariseorum, quos Christus compellârat, ignorantiam, cum ait: *illi verò non cognoverunt, quoniam illa essent quæ loquebatur eis*: cum tamen crebrò in Prophetis ut Ecclesiæ membra oves; sic ministri verbi, pastores, eleganti similitudine atque explicata appellentur, ut Esai. 63. vers. 11. Jer. 23. 1. & seq. imprimis verò Ezech. 34. vers. 1. & reliquo toto capite: cui hæc Christi concio egregiè omninò convenit. Ac propterea mirandum est, Phariseos, qui se videntes ac sapientes jactabant, hanc parabolam non intellexisse de se partim, partim de Christo dictam. Ideoque addit Iohannes: *Jesus ergo rursum dixit eis*. Atque ita parabolæ expositio à Christo data narratur: quæ præcipua capita declarat. Ac primum quia in utraque, tam falsi, quàm veri pastoris descriptione, *ostium ovium* meminit: idcirco *ostii* explicationem præmittit: ac deinde descriptionem utramque declarat. Ad ostii verò explicationem quod attinet, ea primùm præfatione munitur: deinde exprimitur. Præfatio qualitatem illius, nimirum veritatem (assertione eadem qua vers. 1. erat usus) indicat, cum ait initio vers. 7. *amen, amen dico vobis*: id est, etsi illud non creditis, verissimum tamen est, quod vobis dico, id est, jam sum dicturus, ut præsens, pro paulò post futuro accipi solet. Explicatio verò exprimitur in fine vers. 7. *ego sum ostium ovium*: nimirum de quo locutus sum: quia per solum Christum Dei Filium aditus est ad Ecclesiæ fidelium, non solum societatem: sed etiam ad fidele ministerium: quia fide in ipsum Ecclesiæ membra facti, ei aggregantur: & vocatione ac doctrinâ salutis, de eo & ab eo accepta, ad ministerium Ecclesiæ rectè exercendum pervenitur. Cum enim Christus non sit tantum homo, sed etiam verus cum Patre Deus, & unicus inde ab initio Dei hominumque Mediator, 1. Tim. 2. 5. non solum post incarnationem, per ipsum fide apprehensum oves ipsius membra Ecclesiæ fiunt: sed etiam inde ab Ecclesiæ initio, Rom. 4. v. 23. 24. & toto cap. Heb. 11. & 1. Cor. 10. v. 1. 2. 3. 4. Similiter non solum per Christi jam nati vocationem & doctrinam acceptam, per eum quasi ostium Ecclesiæ pastores intrant. Matth. 28. v. 19. 20. Eph. 4. v. 11. 12. Sed etiam Prophetæ ab initio extra ordinem Spiritu Christi edocti, & ab eo missi prophetarunt, 1. Pet. 1. vers. 10. 11. & pastores Ecclesiæ fideles, per illius vocationem ordinariam & doctrinam illius per Prophetas traditam, ad Ecclesiam rectè pascendam sunt ingressi. Ideoque Christus eleganti ac recta similitudine sese ovium (seu Ecclesiæ fidelium) ostium appellavit. Atque ita ostio ovium explicato, ad alteram partem accedit, nempe descriptionis falsi, & veri ac boni pastoris distinctam expositionem. Nam primùm notam falsi pastoris in descriptionis illius subjecto v. 1. propositam, nempe quod non ingreditur per ostium in caulam, sed ascendit aliunde, explicat, cum ait, versus octavi initio: *quotquot prædixerunt mihi ante me venerunt*, (nempe in caulam ovium, ad Ecclesiam docendam, ut ab Ecclesia audirentur) *fures sunt & latrones*, ut vers. 1. Verum hic non exigua difficultas oriri videtur: quæ ex hac phrasi *πρὸ μὲν* moveri solet. Nam primum hæretici Manichæi, auctoritatem Prophetarum eo prætextu rejecerunt, quod ante Christum fuerint: ideoque contenderunt eos non veros fuisse pastores, sed fures & latrones, qui minimè sint audiendi: ut



Theophylactus etiam hanc impietatem narrat. Contra verò Orthodoxi de Prophetis agi negant: sed in modo expositionis hujus phrasis, ad objectæ difficultatis solutionem, nonnihil discrepant. Quidam enim ellipsin esse putant ex antecedenti supplendam hoc modo: Quicumque ante me venerunt, scilicet tanquam ostium ovium: Quo modo accepisse videtur Chrysostomus, cujus hæc sunt verba: *non de Prophetis hoc intelligendum est, ut ajunt hæretici: illos enim audierunt & per eos Christo crediderunt: sed de Theuda & Juda & aliis seditionis*. Alii verò, licet eodem sensu de pseudo-christis Christum antegressis etiam accipiant, in eo tamen differunt, quod vocem *αὐτὸν* non interpretandam censeant, ut vulgò fit, *ante me*, sed *pro me*, id est, meo loco. Verum hujus significationis probationem allatam, neque ab iis, neque in præstantioribus lectionibus adhuc observavi: Euripides tamen in Alcestide (quæ mariti, aliàs morituri, loco mortem obiit) suppeditat: ubi in editi: Græco-Lat. Pauli Stephani, initio illius tragædiæ, dicitur pag. 607. *αὐτὸν αὐτὸν, mori pro ipso*, seu ejus loco: & de eadem, eodem sensu, pag. 636. *αὐτὸν αὐτὸν, pro te mori*: quemadmodum etiam pag. 643. & 45. Veruntamen etsi hæc vocis *αὐτὸν* significatio esse possit: videtur tamen expositio angustior esse, quam Christi scopus ferat. Nam hoc modo hæc oratio nihil ad Phariseos pertineret, qui nunquam eo sensu pro Christo venerunt: id est, nullus eorum se Christum promissum esse jactavit: & tamen illud satis apparet, non frustra hæc Christum asserere, sed Phariseos inter ceteros ut falsos pastores ac Christi adversarios in proposita parabola generalis sententia descriptos reprehendi. Tertia igitur est aliorum explicatio plenior, & ad scopum accommodatior: nimirum ut qui venerunt ante Christum, nempe in caulam ovium, intelligantur illi, qui ipsum non sunt secuti: id est, qui salutis doctrinam à Christo per Prophetas traditam negligentes, ad Ecclesiam docendam ac regendam falsa doctrina proruperunt: atque ita per ostium non intrarunt, sed aliunde: Ideoque in orationis hujus attributo ait, tales esse fures & latrones, ut vers. 1. monuit, id est, non veros Ecclesiæ pastores, sed illius quasi directores. Quam falsi pastoris initio descripti expositionem in fine vers. 8. ab adjuncto eorum ex sententia vers. 5. ad attentionem repetito declarat, cum ait, *sed non audierunt eos oves*: Quo in loco *oves* Metaphoricè atque *οἱ ἐχθρὸν* verè fideles seu viva fide præditos intelligit, ut antea: Quemadmodum etiam attributum ostendit, cum dicitur *non audierunt eos*, scilicet cum obedientia, per Synecdoch. ut ante vers. 3. ut similiter accipitur audiendi vox, Matth. 17. v. 5. & Joh. 8. vers. 47. Actor. 3. vers. 23. Etsi enim quidam verè fideles, Christo, ad eos castigandos ac cautiore reddendos, aliquantum sinente, à falsis pastoribus ad tempus & secundum quid decepti, eos audiant: non tamen perpetuò neque etiam simpliciter audiunt, sed ne omninò per suam fragilitatem seducantur à falsis pastoribus, idcirco à Christo summo pastore tempestivè ab errore revocati conservantur, v. 28. & Ezech. 34. v. 16. & 22. 23. 24. ac Matth. 24. v. 24. Atque hæc de falsi pastoris, vers. 1. descripti expositione. Cui altera nempe oppositæ, vers. 2. veri pastoris descriptionis expositio succedit, vers. 9. & ad majorem attentionem ac declarationem prius repetendo se esse ostium, scilicet ovium, deinde ait; *per me si quis introierit, servabitur, & ingredietur & egredietur, & pascua inveniet*. Quibus verbis primum quid sit quod v. 2. dixerat, *qui verò ingredietur per ostium*, declarat orationis hujus antecedente parte, cum ait: *qui per me introierit*, scilicet in caulam ovium, ad Ecclesiæ ministerium, à me scilicet vocatus, & doctrina à me accepta instructus. Deinde eum esse verum pastorem exponit parte consequente, à fructu adjuncto & ab effectis. Fructus est quod *servabitur*, 1. Timoth. 4. v. 16. Effecta verò sunt duo: primum quod *ingredietur & egredietur*, hoc est, Deus Ecclesiæ suæ quasi janitor, ingredienti ad oves, & egredienti ut oves educat in pascua, aperiet, ut vers. 3. dictum: seu Deo probante, ac secundante, officio suo fungetur securè. Alterum effectum est, quod *pascua inveniet*, nempe ovibus suis, doctrinam scilicet Evangelii & bona eo annuntiata, Christum, & justitiam illius, ore fidei, ad vi-

tam æternam manducanda & ruminanda, ut vers. 3. Nam quamvis ea quæ hoc vers. 9. dicuntur, suo modo commodè ovibus seu membris Ecclesiæ per fidem in Christum convenient: ex ipsa tamen parabola, quæ exponitur, & ex antecedenti & consequenti versu, de pastore agi, non immeritò à doctioribus colligitur. Quæ enim antea de bono pastore dixerat, ea sibi oppositione duplici accommodat. Primum enim furi, deinde etiam mercenario infido opponit. Ac per furem quidem falsum pastorem notat, ut v. 1. expositum: cujus advenientis finem suo fini opponit v. 10. cum ait: *fur non venit, nisi ut furetur, & macet ac perdat*, quæ vers. 1. exposuimus. Christi verò venientis finis est contrarius geminus: nempe ut fideles vitam habeant, & abundantiam habeant, hoc est, salutem æternam, & omnia ad eam necessaria abundè per Christum consequantur, Actor. 4. vers. 12. & 1. Cor. 1. v. 30. Altera Christi oppositio est, quæ se à mercenario discernit: quæ oppositio contrariis duabus descriptionibus constat. Ac prioris quidem parte prima seipsum describit, vers. 11. I. Ab officio; deinde ab effecto beneficio erga oves: Officium indicat cum ait, *Ego sum ὁ ποιὺν ὁ καλὸς, pastor ille bonus*. Pastorem autem se etiam (non minus quam antea ostium diverso respectu) vocat, non propriè brutarum ovium: sed per similitudinem quandam fidelium, unde *pastor & episcopus animarum* dicitur, 1. Pet. 2. vers. 25. deinde *bonum illum* vocat *κατ' ἐχθρὸν*, hoc est, promissum per Prophetas Messiam, Davidis nomine adumbratum, unicum illum Ecclesiæ pastorem, Ezech. 34. vers. 23. & 37. vers. 24. & Matth. 26. vers. 31. scilicet summum, ac Dominum & Deum ovium, Esai. 40. v. 10. & 11. Heb. 13. vers. 20. 1. Pet. 5. vers. 4. Deinde effectum beneficium erga oves indicat, eum ait: *pastor ὁ καλὸς, ille bonus, ponit animam suam pro ovibus*: Ita enim Christus emphaticè de se, eadem cum initio versus phrasi, sed in tertia persona loquitur: ut aliàs de se, modò in prima, modò in tertia persona loqui solet, ut Joh. 3. v. 12. cum 13. & cap. 5. vers. 23. cum 25. & v. 37. cum 38. & cap. 6. vers. 67. cum 58. *Animam* verò *ponere*, notat *mori*, ut Johann. 10. vers. 15. 17. 18. & cap. 15. vers. 13. *Mori* verò *pro ovibus*, hoc est, fidelibus, non significat in hac sententia, ut iis sua passione & morte, pro veritate & justitia perferenda, exemplar imitandum præberet, ut ex 1. epist. Petri cap. 2. vers. 21. Sociniani contendunt: quia hoc commune fuit Christo cum multis martyribus, pro veritate ad Ecclesiæ ædificationem mortuis; deinde secundarius tantum fuit finis & fructus ad Propheticum munus pertinens: sed primarium fuit, quod ad proprium officium sacerdotale requirebatur, neque priori fuit exclusum, nimirum quod pœnas nobis debitas, nostro loco, pertulit: ut ibidem 1. Pet. 2. v. 24. & cap. 3. vers. 18. ex Esaja cap. 53. v. 5. & Hebr. 9. v. 25. & 26. & Rom. 3. vers. 24. 25. apparet. Hæc prima Christi descriptio: cui contrariam mercenarii opponit vers. 12. cum ait; *Mercenarius autem &c.* Quo in loco *mercenarium* non Ecclesiæ, falsa doctrina, adversarium: sed pastorem infidum, ut sequentia ostendunt, intelligit: nec eum generatim, qui Ecclesiam vera doctrina pascens mercedem laboris ab Ecclesia recipit, hoc enim justum & à Christo institutum, 1. Timoth. 5. vers. 18. Luc. 10. vers. 7. & 1. Cor. 9. vers. 7. à communi jure; & vers. 8. ad 14. ex lege Moysi, & vers. 14. ex Christi ordinatione probatur: sed per Synecd. speciatim eum intelligit; qui mercedem ac lucrum tantum captans, Ecclesiam pascit; ut Ezech. 34. vers. 2. 3. ut descriptio mercenarii ostendit: primum per negationem, deinde per affirmationem. Negatio est: *& qui non est pastor*, scil. bonus: *cujus oves non sunt propriæ*. Quo autem sensu hoc dicatur, præmissa vocis illius distinctione, illustrabitur. Nam *proprium* in S. Literis vel speciatim, vel generatim accipitur. Speciatim pro eo quod soli convenit, ut Matth. 22. 5. proprius ager, Tit. 1. 12. proprius Propheta: quo sensu expressè etiam proprium communi opponitur, Actor. 4. 32. Generatim verò per Synecd. eadem vox, pro eo quod alicui convenit, usurpatur, ac *suum* notat, alienoque opponitur, ut Luc. 2. 3. civitatem *id est propriam*, id est, suam: nam multis erat communis, & 1. Thess. 2. v. 14. à com-

ad *contribulibus propriis*, id est, suis: quod scilicet ad ipsos propter communem gentem & civitatem pertinerent tanquam concives: & vers. 15. ibidem impiorum Judæorum dicuntur Prophetæ proprii, id est, sui, qui communes tamen erant Judæis etiam piis. Qua secunda significatione in hac mercenarii descriptione oves dicuntur non esse illius propriæ, hoc est, non suæ, sed alienæ: non quidem simpliciter seu omni ex parte, sed secundum quid, maximeque parte. Nam licet ad illum pertineant oves ratione officii, quatenus vocatus est ad eas fideliter pascendas ac regendas: ratione tamen effecti, seu executionis officii non sunt ipsius: quia eas nec amat, neque fideliter regit: sed ut alienas à se æstimat ac tractat. Qua generali significatione oves negantur illius esse propriæ: ut contra in antecedente parabola v. 3. & 4. oves dicuntur veri pastoris propriæ, h. e. suæ, seu quod ad eum pertineant: non quidem jure domini (quod soli Christo pastori summo convenit) sed ratione vocationis ad eas pascendas ac rectè gubernandas; & ratione executionis fidelis, eas pro officio amando, pascendo, & antegressione fida ac forti defendendo. Atque hæc de mercenarii per negationem descriptione: quod non sit pastor, scil. bonus: & oves non sint ipsius, sed alienæ. Altera verò est descriptio per affirmationem perfidiæ illius; qua conspecto *lupo* (h. e. Ecclesiæ adversario, qui falsa doctrina, & persecutione concitata, verè fideles à recta fide avertere ac perdere studet, Matt. 7. v. 15. & 10. 16. 17. & Act. 20. 29.) Ecclesiam sibi commissam non defendit, sed deserit: & securitatem suam hominumque gratiam pluris æstimans, quam salutem Ecclesiæ, ea deserta perfidè fugit, eamque rapiendam ac dissipandam lupo permittit. Qui raptus verè fidelium non simpliciter, neque ad finem usque est intelligendus, ut v. 8. ostendimus; & ex sequenti v. 28. & 29. perspicuè constat: sed secundum quid & ad tempus tantum. Atque hæc de prima descriptionis Christi & mercenarii oppositione. Sequitur deinde altera, qua mercenarium describit priori loco, ut antecedentem de eo sententiam opportunius illustret atque amplificet, v. 13. Reddit enim rationem, cur viso lupo mercenarius Ecclesiam deserat ac fugiat contra officium: *quia* inquit, *mercenarius est*, scil. *καὶ ἐξ ὧν*, tantum: seu qui mercedem tantum amat, non verò Dei Domini sui gloriam, neque Ecclesiæ fidei ipsius commissæ salutem: ac quia Ecclesiam non curat, fugit. Deinde huic mercenarii descriptioni, altera Christi contraria subjicitur: propositionem, & expositionem illius complectens. Propositio autem est v. 14. cum ait: quod sit bonus pastor, non autem mercenarius, & quidem ille bonus pastor: nempe Propheta summus, Deut. 18. v. 15. Act. 3. v. 22. & 7. 37. verusque Messias promissus, ut omnium pastorum princeps & Ecclesiæ Dominus, Ezech. 34. 23. & 24. quemadmodum v. 11. declaravimus. Deinde quod ovium habeat curam, ostendit ex sua atque earum notitia mutua: non quavis (nam ita & hircos & lupos novit) sed per Synecd. ea scil. quæ cum amore conjuncta, ut nosse Psal. 1. v. 6. Matt. 7. 23. & 25. 12. & 2. Tim. 2. v. 19. usurpatur. Novit autem Christus omnes oves suas, i. e. omnes verè fideles, quia Deus est *καὶ οὐκ ὁνομασθεὶς*, Apoc. 2. v. 23. Ecclesiam amans ac vivæ fidei dator: Norunt verò oves Christum per fidem, ex verbo ipsius, & Spiritus Christi virtute conceptam, eamque vivam seu per charitatem efficacem. Hæc de bimembri descriptione Christi qua mercenario opponitur. Expositio verò illius utrumque membrum declarat, initio ducto à secundo, nempe mutua sua & ovium cum amore notitia. Eam enim comparatione similis inter Patrem & seipsum notitiæ declarat v. 15. deinde se esse pastorem illum bonum demonstrat ex effectis suis duobus, de solo Messia bono illo ac summo pastore promissis. Primum est, quod animam suam ponat pro ovibus, hoc est, earum loco morti sese volens exponat, Deo Patri in sacrificium pro Ecclesia expiatorium, Esai. 53. v. 5. & 6. Eph. 5. v. 2. Alterum est vocatio electorum inter gentes: qui oves erant Christi ratione electionis divinæ, qua Christo dati: nondum verò ratione vocationis: sed tandem per Christum, ad fidei obedientiam & ad Ecclesiam, post Christi mortem atque ascensionem, jussu ac virtute illius per Apostolorum mini-

sterium vocandi. Id quod de bono illo pastorum principe Messia erat prædictum, Gen. 22. 18. Act. 3. v. 25. Esai. 42. v. 1. & c. 11. 10. Mat. 12. v. 18. Rom. 15. v. 9. ad 15. adeò ut unum futurum esset, ex Judæis & gentibus credentibus ovile seu ovium grex, id est, una Ecclesia, ex utrisque constituta, Eph. 2. v. 15. & pastor etiam unus, nempe summus, Ezech. 34. v. 23. & 24. Quibus indicatis effectis, subjicit tandem Christus prioris nempe positionis animæ (h. e. voluntariæ mortis pro suis ovibus) adjunctum, & finem atque eventum. Adjunctum est vers. 17. amor Patris: siquidem mors Filii pro Ecclesia, est ipsi sacrificium gratissimum, Eph. 5. v. 2. Finis verò & eventus futurus dicitur, non ut animam in morte relinquat: sed ut eam depositam rursus (scilicet ad salutis per mortem promeritæ consummationem) resumat v. 17. Quam animæ positionem & assumptionem à causa concurrente duplici declarat, v. 18. Prima est potestas utriusque, & quidem cum potentia conjuncta: quod ut animam illius nemo tollit ab eo invito, quia omnipotens est Deus, sed ultrò cum voluit deposuit: sic etiam ut omnipotentis Dei Filius suscitandi sese habuit potestatem ac potentiam, quia etiam se suscitavit, Ioh. 2. v. 19. Altera causa utriusque est mandatum Patris, qui Filium pro salute Ecclesiæ mori voluit, Psal. 40. v. 8. 9. Heb. 10. v. 8. 9. & à mortuis resurgere, Psal. 16. v. 10. 11. Act. 2. v. 31. Esai. 53. vers. 10. 11. Hactenus Christi concio parabola & expositione illius constans: qua se bonum ac summum Ecclesiæ pastorem ac Messiam promissum declaravit. Eventus verò est dissidium inter auditores ea occasione ortum vers. 19. Cujus partes sunt: hostium Christi in ipsum blasphemia, qua auditores Christi ab eo avocare conantur v. 20. illiusque deinde ab auditoribus probis negatio, & argumento à divina Christi in cæco sanando potentia confutatio vers. 21. Atque ita absolvimus primam hujus 10. cap. Iohannis partem: quæ habitam à Christo in tabernaculorum festo (ut apparet ex Iohan. 7. vers. 2.) concionem, & eventum illius complectitur. Cui altera pars, & quidem de re, alio tempore consecuta, succedit: quæ duplici Christi cum Judæis disputatione, & utriusque eventus constat. Ac disputatio quidem à suis circumstantiis, modo suo describitur. Circumstantiæ autem sunt tres, tempus, locus, occasio. Tempus autem, festo Encæniorum, & anni parte, videlicet hyeme, qua illud celebrabatur distinctè definitur vers. 22. Locus deinde proponitur templum, per Metonym. subjecti pro adjuncto acceptum: ideoque ne quis erret exponitur à Iohanne, cum *porticum Salomonis* appellat. Salomonis autem dici videtur, non propriè ea porticus, quæ ab ipso antea extructa, 1. Reg. 6. vers. 3. (ea enim à Babyloniis destructa fuerat) sed Metaphoricè, quod ad similitudinem illius esset rursus extructa, & deambulationi ad sacra imprimis colloquia inserviens. Denique occasio disputationis Christi cum Judæis, fuit Christi in ea ambulatio: qua Judæis ad festum Encæniorum congregatis sese conspiciendum, & ad docendum præsentem atque obvium exhibuit, vers. 23. ut autem ea melius ac plenius intelligi queant, paucis dicendum

## De ENCÆNIIS.

*Ἐγκαινία* Græca vox est, à Latinis patribus priscis & Ecclesiæ usu trita: quæ ab *ἐν* & *καίνω* certò derivatur. Quam nonnulli, etymon secuti, *renovationes*: alii verò, sensu vocis accuratius expresso, *dedicationes* interpretantur. Hac enim *ἐγκαινίων* voce LXX. interpretes Græci reddiderunt Hebræam *הקדשות*: quæ *initiationem* seu *dedicationem solenni consecratione peractam* designat: quemadmodum Esdræ 6. v. 16. 17. *Encænias*, id est, *dedicationes domus Dei*, & Neh. 12. v. 27. *Encænias muri Jerusalem*; sic etiam vocibus conjugatis inde deductis eodem sensu transfulerunt. Nam ut ex nomine *ἐγκαινία* oritur *ἐγκαινίζω*, *dedico*, *consecro*, Hebr. 10. vers. 20. & *ἐγκαινίζωμαι*, *dedicor* seu *consecror*, Hebr. 9. vers. 18. Sic eodem sensu à Græcis LXX. interpretibus Num. 7. vers. 88. *ἐγκαινίους ἡ δωματίου* *dedicatio altaris*, & vers. 84. *ἐγκαινίους ἡ δωματίου* similiter pro *הקדשות* usurpatur; unde per Metonym. subjectæ rei significatione, pro

ta, pro signo ei adjuncto, vox *ἱερὸν*, id est, dedicationes, pro festo, ad dedicationis templi Dei atque altaris memoriam quotannis celebrandam, instituto, usurpatur in hac Evangelistæ sententia. Cæterum dedicatio huiusmodi triplex reperitur: quarum duæ priores in Sacris Literis, tertia verò extra eas memoratur. Prima enim dedicatio fuit templi primi à Salomone extructi, quæ 1. Reg. 8. capite toto describitur copiosè. Secunda verò fuit secundi templi, post primi destructionem, ac reditum ex captivitate Babylonica, rursus ædificati consecratio, Esr. 6. 16. 17. Postrema denique dedicatio facta est, cum à duce Juda Macchabæo, secundum illud templum à gentibus pollutum, & ex parte dirutum, diligenter repurgatum, reparatum, novoque altari instructum fuit, 1. Macch. 4. v. 59. Ex qua triplici huius dedicationis seu consecrationis solennis templi occasione, triplex etiam doctiorum interpretum, de hoc dedicationis festo, sententia promanavit. Quidam enim ad primam dedicationem templi Salomonis: alii ad secundam celebrandam, Encæniam instituta statuunt; ut Theoph. etiam recenset: alii denique ad tertiam spectasse affirmant: quæ sententia rei consentanea non immerito censetur ac cæteris præfertur. Nam hæc Encæniam de quibus Johannes agit, celebrata sunt hyeme, ut ipsemet hoc loco testatur: ideoque nec primæ, nec secundæ dedicationis festum, Encæniarum voce, hic intelligi apparet. Nam prima dedicatio facta est, non in hyeme, sed in autumno, mense septimo, 1. Reg. 8. secunda verò mense Adar, Esr. 6. v. 15. qui duodecimus fuit, ac partim Februario, partim Martio (ut lunares Hebræorum erant menses) respondet, & in primis in Judæa, ad ver inclinat. Deinde nec primæ, nec secundæ dedicationis templi festum annuum institutum aut observatum in Sacris Literis memoratur: neque illius ex Hebræorum scriptis, aut usu ullum documentum producit. Contra verò tertiæ dedicationis templi atque altaris, octo dierum festum annuum, à Juda Macchabæo & fratribus illius & tota Ecclesia Judaica statutum traditur, 1. Macc. 4. vers. 59. cum 56. & quidem in hyeme celebrandum, nempe mense nono (qui partim in Novembrem, partim & quidem maxime in Decembrem incidit) die verò vigesimo quinto & septem seqq. ibidem v. 52. & 56. unde *ἡμέρη ἐγκαταστήσῃ τῷ θυνασθεῖν*, dies dedicationis altaris v. 59. appellantur: & festum hoc ad sua usque tempora solenniter observatum fuisse Josephus etiam antiquit. lib. 12. cap. 11. pluribus declarat. Atque hæc de festi huius historia: unde quæstio brevis, de religione illius emergit. Videtur enim prima fronte festum superstitiosum, quia cultus Dei institutio ad solum Deum, unicum legislatorem, pertinet, qui idcirco mandata hominum, Matt. 15. vers. 9. ex Esai 29. & *ἰδὲλοθεραπεία* seu arbitrium cultum, Col. 2. vers. 20. 23. rejicit. Verum negatur, novum Dei cultum hisce Encæniis institutum: sed cultui divinitus imperato, circumstantia temporis licita Ecclesiæ, & ad gloriam Dei pertinens, addita. Nam ut pro beneficiis à Deo in recuperatione & dedicatione templi acceptis, gratiam ac perennem debebant memoriam; sic eidem fovendæ, annuum illius tempus, non necessitatis jugo: sed libera Ecclesiæ voluntate institutum inserviebat. Quale festum Purim; id est, sortium ab Hestera & Mardochæo unanimi Iudæorum consensu quotannis institutum, Esther. 9. vers. 23. & à Iudæis observatum, 2. Macchab. 15. vers. 37. ubi etiam *ἡμέρη Μαρδοχαίου* dies Mardochæi appellatur. Quibus accedit, quod Christus hoc etiam festum cum Iudæis observavit. Atque ita in Ecclesia Christiana, singularium quorundam ac eximiorum beneficiorum divinitus acceptorum occasione, festa quædam ad ea grato animo memoranda ac celebranda, sine superstitione, ordinis, non necessitatis causa, alicubi instituta observantur. Quod autem Pontificii horum Encæniarum prætextu, suorum templorum dedicationes Encæniam similia esse, & sanctè quotannis celebrari probare conantur, omnino alienum est: quia ea non sacra, ad solius Dei gloriam, & cultum ab ipso præscriptum, sed profana est dedicatio, cum templa eorum pleraque creaturis sint consecrata, & impiæ Missæ cultu polluta. Atque hæc de Encæniis cele-

bratis, tempore scilicet hyberno. Quare propositis tribus circumstantiis, temporis, loci & occasionis, reliquum est, ut ad modum disputationis Christi cum Iudæis procedamus, qui seqq. declaratur. Disputatio enim prima agit de Christi officio: altera verò de ejusdem innocentia & persona. Ac prima quidem subdolum Iudæorum accessum ac sermonem ab iis Christo objectum & sinceram Christi responsionem continet. Accessus autem Iudæorum his verbis describitur: *Judæi igitur cinxerunt eum*. Quo in loco per Iudæos *καὶ ἱερογῶν* quosdam primarios eorum Scribas & Phariseos reprobos, Christi adversarios, intelligit: quemadmodum ex antecedentium, (cap. 9. v. 40. & cap. 10. v. 20. 26. 39. cum cap. 7. v. 32. & 44.) collatione colligitur. Horum autem ad Christum accessus subdolum, à modo illius indicatur: quod eum cinxerunt, id est, non solum Christum à fronte, sed etiam à tergo & à lateribus aggressi sunt, ne ulla ratione elabi posset: & quidem captata ambulationis illius in porticu templi occasione: quod etiam voce *igitur* (quæ conclusionem ex antecedenti notat) indicatur. Sermo verò ad Christum quo ipsum insidiosè adorti sunt, constat quæstione & petitione. Quæstio est quod dixerunt: *quousque animam nostram suspendis*, id est, Metaphoricè, anxiam dubiamque relinquis: nimirum an sis Christus ille promissus nec ne, ut sequentia hoc demonstrant. Atque ita primum falsò exprobrant Christo in doctrina de officio ipsius obscuritatem, & quidem diuturnam, quam indicant voce illa, *quousque*. Petitio verò hæc est: *Si tu es Christus ille, dic nobis manifestè*, id est, sermone libero, seu liberè atque apertè: in qua re geminus latet dolus. Primus quidem, quod simulant discendi ac credendi studium: alter verò quod insidias suas ac malitiam dissimulant, dum hoc captant, ut Iesus confiteatur se esse Christum illum, i. e. regem Iudæis per Prophetas promissum, eaque ratione quasi Cæsareæ Majestatis reum peragerent: quemadmodum etiam eo modo postea factum est, Luc. 22. 66. & 23. 2. & Ioh. 19. 12. Atque hæc de prima huius disputationis parte, Iudæorum scilicet accessu ad Christum & sermone quem Christo objecerunt. Cui altera, nempe responsio Christi subijcitur: qua duplici (cum officii ac testimonii sui, tum Iudæorum contumacia) oppositione facta, sese ab objecta doctrinæ obscuritate excusat, & culpam in ipsos retorquet. Prior autem oppositio, est sermonis Christi, ante propositi, & incredulitatis Iudæorum, cum dicitur: *respondit eis Iesus: dixi vobis* (nempe *manifestè*, seu liberè atque apertè, me esse Christum illum) & *non creditis*: Quo demonstrat non in se, sed in Iudæorum contumacia incredulâ culpam residere. Altera verò oppositio, est operum suorum divinorum, quæ de se testata esse asserit, id est, ipsum esse Christum v. 25. (ut etiam Matt. 11. 3. & 5. Ioh. 5. 36. & 10. v. 37. 38. & 14. 11.) & contrariæ incredulitatis Iudæorum, cum ait, v. 26. sed *vos non creditis*: Quo similiter vitium eorum & hypocrisin confutat: qualis oppositio, Ioh. 5. 36. & 38. explicata. Sed oritur hic difficultas, de hoc operum testimonio. Objici enim potest, à Christo dici, Ioh. 14. 12. *qui credit in me, opera quæ ego facio, & ipse faciet & majora eis faciet*. Ergo ea non fuerunt testimonia certa Iesum esse Christum, alioqui & Apostoli fuissent Christi. Sed negatur consequentia: quia eadem quidem numero majora Apostoli ediderunt miracula: sed efficiendi modo omnino diversa. Christus enim vi sua divina, causa fuit miraculorum suorum, Ioh. 5. v. 19. 21. Luc. 6. 19. Apostoli v. tantum fuerunt instrumenta exteriorum signorum, non internæ potentie; Contra Christus causa fuit princeps, cujus potentia, externo ministerio Apostolorum conjuncta, eorum miracula effecit Mar. 16. v. 20. Act. 3. v. 12. 16. Ac propterea ex Christi miraculis meritò concludi potuit, ipsum esse Deum patefactum in carne, promissum Messiam: Apostolos verò tantum ministros illius. Cæterum Christus anticipationem quadam objectionis, scandalo incredulitatis horum & similium Iudæorum occurrat, ad consolationem fidelium, & quidem bifariam: primum redditione rationis, qua ostendit eos ineptos ad fidem, remotione subjecti proprii veræ fidei, cum ait: *Non enim estis ex ovibus meis*, id est, prædestinatis ad fidem & salutem per Christum. Oves quippe sunt illi, qui à Deo Patre, Chri-

Christo summo animarum pastori, ad pascendum & servandum electione dati sunt æterna, Ioh. 6. v. 37. Idque vel sola adhuc prædestinatione seu electione ad fidem, & Ecclesiam: vel etiam vocatione efficaci ad fidem & ovile Christi, id est, Ecclesiam: adeo ut priores oves ad Christum & Ecclesiam suo tempore sint adducendæ: posteriores verò adductæ, quemadmodum vers. 16. distinctè dicitur. Oves autem priori modo hic intelliguntur oves prædestinatione: seu homines electi ad fidem in Christum & Ecclesiæ societatem: qui omnes & soli, suo tempore efficaciter vocantur & adducuntur Euangelio, & virtute Spiritus Sancti ad fidem in Christum & Ecclesiæ communionem, Joh. 6. v. 36. 37. 39. 44. 65. Ideoque fides electorum vocatur, Tit. 1. v. 1. & credidisse dicuntur quotquot erant ordinati ad vitam æternam, Act. 13. v. 48. Tales autem non fuisse Judæos hosce, norat Christus bifariam. 1. per se infinità suā scientia, qua Deus est. 2. revelatione Deitatis suæ, qua homo ac Propheta summus; unde August. in Joh. tract. 48. ad huius loci explicationem ait, *Videbat eos ad æternum exitium prædestinatos.* Quod autem Christus subjicit: *sicut dixi vobis*, vers. 26. ad sententiam hanc referri potest, & conferri cum loco simili, Joh. 6. vers. 36. 37. 65. & cap. 8. vers. 21. vel ad sequentia, quibus partim vers. 4. & 16. dicta repetit: Sed prius videtur magis consentaneum. Atque hæc de primo modo, quo Christus periculo scandali, ex Iudæorum illorum incredulitate metuendi, occurrit, redditione rationis, nempe quod illi non essent ex ovibus ipsius, id est, electis seu prædestinatis ad fidem in Christum & Ecclesiæ communionem. Alter verò modus sequitur, nempe opposita proprietatis ovium Christi descriptio: primum ab earum effectis: deinde à Christi pastoris in ipsas beneficiis. Effecta autem ovium sunt duo; vocem Christi audire & Christum sequi. Prius est huiusmodi; *oves meæ vocem meam audiunt*; Quo in loco vox Christi, doctrinam Evangelii (ad quam promulgandam erat missus, Luc. 4. v. 18. 19. 21. & Matth. 11. v. 5. designat. Auditio verò illius non generatim auris perceptionem indicat (quia ea etiam Iudæis, qui tamen oves Christi non erant, conveniebat) sed speciatim per Synecd. generis pro specie auditionem cum benevolentia ac obedientia fidei conjunctam: ut antè v. 3. similiter dictum: *& oves vocem ejus audiunt*: & v. 16. *& vocem ejus audient*: & Joh. 8. v. 47. *Qui ex Deo est, verba Dei audit: propterea vos non auditis* (nempe obedientia fidei; nam aure percipiebant) *quia ex Deo non estis*. Sic hoc in loco sensus est, oves meæ vocem meam audiunt, id est, electi à me vocati per vocem Evangelii & Sp. S. gratiam aure & fide illud amplectuntur: id quod prius est ovium effectum. Posterius verò his verbis indicatur: *& sequuntur me*, id est, Metaphoricè, doctrinæ & vitæ exemplo me præeuntem fidei operibus seu vitæ sanctitate imitantur, ut supra v. 4. & 1. Pet. 2. v. 21. Atque hæc prima est ovium Christi descriptio, nim. ab effectis earum: audientia, id est, obedientia, seu fide vocis Evangelii Christi, & imitatione illius. Altera verò est à Christi in oves ipsius beneficiis: nimirum agnitione earum, & fructu inde promanante. Agnitionem autem indicat cum ait, v. 27. *Et ego eas agnosco*: Id quod non accipitur hoc loco generatim, de simplici notitia: quia ea communis est etiam reprobis (quos noverat non esse oves suas) imò omnibus etiam rebus: sed speciatim, per Synecd. generis, notitiam cum amore conjunctam denotat: quæ ovibus propria statuitur: qua eas pro suis agnoscit (ut 2. Tim. 2. 19. Deus novisse dicitur qui sint sui) & diligit; quo sensu Ps. 1. 6. Deus viam justorum nosse asseritur: & contra Matt. 7. 23. reprobos non nosse dicitur: quorum tamen iniquitatem ibidem novisse indicatur. Fructus verò ac beneficium alterum ex agnitione hac promanans, est donatio vitæ æternæ, & exitii remotio perpetua. De vitæ autem æternæ donatione ait v. 28 *Et ego vitam æternam do eis* Quæ vita per gratiam vocationis & justificationis inchoatur: per gloriam verò cum animæ, tum corporis sempiternam perficitur, ut in catena salutis, Rom. 8. 30. describitur. Deinde exitii contrarii remotio propositione & confirmatione describitur. Propositio autem hæc est: *& non*

*peribunt in æternum*, id est, nunquam: ut usus huius phrasidis, Matt. 21. 19. Marc. 3. 29. Joh. 4. 14 & 11. 26. & 1. Cor. 8. v. 13. arguit, & antecedens promissio evincit. Nam ubi vita æterna est, quæ hic promittitur, ibi nullo tempore exitium esse potest: alioqui vita non esset æterna, quæ aliquo tempore esse desineret. Cui sententiæ de immunitate à perditione consentit illa Ioh. 3. 16. *Sic Deus &c.* & 6. 39. *hæc est autem voluntas ejus qui misit me Patris, ut quicquid mihi dederit non perdam ex eo, sed suscitem illud ultimo die*, nempe ad vitam æternam, v. 40. Confirmatio verò huius propositionis à Christo adjungitur in eum finem prudentissimè ut tacitam cogitationum difficultatem eo modo dilueret, & ovium suarum fidem stabiliret. Etenim objici poterat, oves esse infirmas per se: hostes verò præpotentes: ideoque illas non esse extra perditionis periculum positas. Idcirco Christus oppositâ suâ potentiâ ac benevolentia, seu benignâ voluntate oves suas conservandi, propositum beneficium confirmat, & objectionem istam solidè confutat, dicens: *neque eas rapiet quisquam è manu mea*: Quibus verbis significat, quod licet oves ipsius, ac fideles, per se, ob insitam imbecillitatem, & majores hostium vires, auxilio Christi destitutæ perire possent: nunquam tamen reipsa perituros, quod à Christo pastore suo perpetuò conserventur. Conservationem autem hanc ita exprimit, cum oves in manu sua esse indicat: perpetuitatem verò invictam, cum neminem eas inde rapturum asserit. Atque hæc de beneficii Christi, quo oves suas ab exitio conservat, confirmatione: quæ nova amplificatione amplius comprobatur ab eadem Patris conservatione. Cujus summa hoc Enthymemate continetur. Nemo eas potest rapere è manu Patris: Ergo nemo eas rapiet è manu mea. Antecedens est v. 29. Consequens probandum antecessit, v. 28. & utriusque cum antecedentis, tum consequentiæ probatio hîc adjungitur. Antecedentis, cum ait: *Pater meus qui dedit mihi, major est omnibus*, i. e. potentior omnibus hostibus ovium: nec iis solum, sed etiam omnibus creaturis, utpote omnipotens Deus; ideo absolute dicit, *major omnibus*: In qua Patris periphrasi, novum simul observandum est argumentum, quod hisce verbis includitur: *qui dedit mihi*, nempe prædestinatione æternâ, & deinde vocatione efficaci tradidit. Is enim finis est illius donationis datarum ovium, salus æterna, & ab exitio præservatio, Ioh. 6. v. 39. 40. ideo nulla earum è manibus Patris eripietur, cum voluntas illius æterna, irrita fieri non possit, Esai. 46. v. 10. nec potentia superari, ut qui sit major omnibus. Consequentia verò probatio ab unitate Christi cum Patre deducta hoc modo subjicitur v. 30. *Ego & Pater unum sumus*. Quod intelligendum est non ratione personæ; nam ita alius est à Patre (i. e. alia persona) ut Ioh. 5. v. 32. affirmat. Idemque Christus demonstrat hoc loco per relationem: primum cum ait: *Ego & Pater*. Filius enim omnis à Patre citra controversiam distinctus est: deinde plurali numero declarat, cum ait: *sumus*, denique quia non dicit *unus*, quod personam notat, sed *unum*. Ac propterea cum unum sit cum Patre: & ex Patris manu oves ejus eripi nequeant: inde probat consequi, neque ex sua manu quenquam eas rapturum. Cæterum hic quæstio exurgit, quonam sensu dicatur: *Ego & Pater unum sumus* Occasio illius quæstionis, est diversa Phrasis acceptio. Hinc enim quidam de unitate seu consensione voluntatis utriusque exponunt: quemadmodum Ioh. 17. vers. 11. *Pater sancte serva eos, per nomen tuum, quos dedisti mihi, ut sint unum, sicut & nos*: & vers. 21. *ut omnes unum sint, sicut tu Pater in me, & ego in te*: ut & ipsi in nobis unum sint, & vers. 22. *ut sint unum sicut & nos unum sumus*. Quo etiam modo dicitur, Actor. 4. vers. 32. *multitudinis credentium erat cor, & anima una*, id est, ratione voluntatis ac concordia. Alii verò de unitate essentia: ut 1. Iohan. 5. vers. 7. *& hi tres unum sunt*, ex re ipsa meritò interpretantur. Nam licet prior explicatio analoga sit fidei, & locis modo ex Iohan. 17. citatis conveniat: analoga tamen non est huius loci circumstantiis. Ideoque Patres Orthodoxi contra Arrianos & Samosatē. Deitatis Christi odio hanc sententiam de sola voluntatis unitate seu concordia exponentes, posteriorem asseruerunt: Christum scilicet docere, se Filium esse Patris,



non adoptionis gratiâ, sed naturâ, verum ac proprium Dei Patris Filium, utpote *quoniam*, ejusdem omnino essentia, & per consequens ejusdem etiam potentia ac voluntatis: Id quod ex antecedentibus & consequ. satis clarè apparet. Ex antecedentibus quidem: quod iis similiter divinam suam potentiam, ideoque eandem cum Patre Deitatem declaraverit. Nam dare vitam æternam; electos ac fideles sua manu retinere; & adversus omnes hostium vires ac conatus tueri, ne è manu ipsius eripiantur (quæ sibi diserte attribuit Christus) opera sunt non meri hominis, sed veri Dei propria. Ex seqq. verò idem etiam apparet: primum, quia Iudæi, eodem prorsus modo, non de unitate solius voluntatis, sed essentia; seu de eadem cum Patre Deitate intellexerunt, ut expresse testantur vers. 33. *Tu homo cum sis, facis teipsum Deum*. Neque obijci merito potest, eos aut per errorem quendam non rectè Christi mentem intellexisse; aut per malitiam, perverso verborum Christi sensu, illud ei affinxisse: quia contrà, Christum opera illa sua divina sibi quoque ascripsisse, eoque modo Deitatem sibi attribuisse ignorare non poterant, quemadmodum Iohan. 5. Iudæi ex eo quod Christus Deum vocasset suum Patrem, & eadem illius opera sibi quoque vendicasset, v. 18. concluderunt rectè, quod Deum Patrem proprium dixisset, parem se faciens Deo. Id quod à Christo ibidem non negatur, sed ut verè dictum, pluribus probatur. Deinde idem etiam ex Christi responsione hoc loco similiter, tanquam rectè ab ipsis dictum, solidè comprobatur; ut ex sequentibus postea apparebit. Cæterum cum hac ovium Christi perpetua conservatione, perseverantia fidelium stabilitur, & ab Orthodoxis confirmetur: idcirco adversariorum gratia Christi objectiones, ad clariorem veritatis defensionem, strictim proponemus ac diluimus. Prima autem est hujusmodi: Hanc promissionem *oves meas nemo rapiet è manu mea*, non ad omnes verè fideles Christo insitos ac justificatos pertinere: sed tantum speciatim ad quosdam, videlicet ad eos, qui vocem Christi audiunt & ipsum sequuntur, vers. 27. Sed ex fidelibus justificatis multi desinunt vocem Christi audire eumque sequi. Ergo hæc promissio ad eos non pertinet. Verum & assumptio quæ principium petit, falsa est: & propositio. Nam Christus hoc in loco, quod adversarii volunt, non distinguit oves suas ab ovibus suis, ac si quædam audirent Christi vocem, quædam non; sed contrà communem ovium suarum actionem describit, ut forma orationis demonstrat. Subjectum enim est, *oves meæ*: attributum verò, *vocem meam audiunt*, non autem pars subjecti: Et præterea perspicuum est, Iudæis non ovibus, qui non credebant in Christum, nec ipsum sequebantur, opponi hoc loco oves Christi, quod illæ utrumque hoc præstarent. Sed iterum obijciunt, Verum esse *nemo rapiet oves*: sed inde non sequitur. Ergo ultrò errante voluntate à Christo non deficient: Christus enim oves suas tuetur contra hostes ac raptores: sed si ingrata sint oves, ac Christum deserant, non retinebit invitas, sed deseret: conservat contra vim hostium, sed non contra voluntariam earum defectionem. Verum responderetur, optimè ex Christi promissione illa perseverantiam fidelium sequi: quia hostes ad oves rapiendas intenti, non solum sunt foris Satanas & mundus (ut falsa hypothesi gratia adversarii hinc statuunt) sed etiam intus caro, seu nativa vitiositas, quæ pugnat adversus Spiritum, Galat. 5. & menti rebellat, Rom. 7. vers. 23. & à qua omnis vitiosa concupiscentia & operatio promanant, Iac. 1. vers. 14. 15. Ideoque ut Christi oves è manu illius, externi hostes, nec Satanas nec mundus: sic neque internus hostis, caro suis concupiscentiis eripiet. Ideoque Christus non minus carnis, ad apostasiam sollicitantis, quam Satanae & mundi vires coercebit. Deinde idem etiam refutatur ex antecedenti Christi beneficio & officio. Beneficio quidem: quia oves suas agnoscit seu amat: deinde quia dat iis vitam æternam, ideoque non permittit ut prava carnis voluntate abripiantur ac excidant; hoc enim permittere, & amori summo erga oves, & promissæ illis vitæ æternæ manifestè adversatur. Officio verò similiter confutatur: quia Christus est pastor ille bo-

nus, per Prophetas promissus, qui animam suam ponit pro ovibus, v. 11. Ergo non finit ut oves quæ ipsius sunt, & ad servandum à Patre datæ, per errorem voluntatis pravae carnis ab ipso abstrahantur seu deficient: sed maturè inviam reducit ac retinet: alioqui non bonus pastor, sed mercenarius esset: imò mercenariis multis, quibus oves non sunt propriae, deterior; quia licet hi, ingruente lupo, metu illius sapius fugiant: oves tamen à grege aberrantes reducere solent. Ac propterea ut Deus Ezech. 34. pastores Israël ideo reprehendit ac poenam iis minatur, quod ovem depulsam non reducerent & pereuntem non requirerent, vers. 4. & 5. Sic contrà veri pastoris officium esse docet, ut dispersas oves requirat: atque hoc ipsum se facturum promittit vers. 16. & 22. per Christum, de quo vers. 23. ait: *Nam excitabo eis pastorem unum, qui pascat eas, & ipse erit pastor*; unde perspicue apparet Christum non permittere, nec per veri ac fidi pastoris officium posse permittere, ut oves, quæ ipsi ad pascendum ac servandum à Patre datæ sunt, errore voluntatis ipsarum aberrantes negligat ac perire sinat: unde sequitur, eos qui hoc Christo tribuunt, ipsum unum, bonum ac fidum pastorem illum esse, reipsa inficiari. Perstat igitur invicta Christi in ovibus suis, ne unquam pereant, conservandis constantia: & inde profluens ovium illius in fide ac communione Christi perseverantia. Quo etiam pertinet memorabilis illa sententia, 1. Pet. 1. vers. 5. *Virtute Dei custodimur per fidem ad salutem*. Atque hæc de prima Christi cum Iudæis disputatione: cui eventus illius in Iudæis consecutus subjicitur, vers. 31. hoc modo: *Sustulerunt ergo rursus lapides Iudæi, ut lapidarent eum*. Quibus verbis Iudæorum impietas, quæ antea sub pietatis prætextu latuerat, v. 24. & magnitudo illius impietatis describitur bifariam: primum ab occasione, quâ moti sunt: nim. quod Christus se Dei Filium, unumque cum Patre asseruisset: id quod Evangelista voce conclusiva (cum ait *igitur*) declarat. Deinde ab iteratione: quod non jam primum hoc tentaverint, sed rursus, nempe ut antea expositum cap. 8. vers. 59. lapidare studerent. Atque hoc modo prima Christi cum Iudæis habita disputatio absoluta est: cujus eventus, secundæ disputationi occasionem præbuit. Ea autem statu controversæ, & ordine partium à priori differt: quod in priori de Christi officio agitur, præeuntibus Iudæis suo sermone: in hac verò de innocentia & persona Christi disceptatur, Christo sermonem inchoante. Ac de innocentia controversia est: An Iudæi Christum meritò lapidare studerent, nec ne. Quæ describitur sermone Christi ad Iudæos, & contrariâ responsione Iudæorum. Sermo autem Christi, primum innocentiam ipsius, prolatis in Iudæos beneficiis defendit: deinde impietatem Iudæorum accusat. Ac prius quidem hisce verbis declaratur, cum ait: *multa vobis bona opera declaravi ex Patre meo*. Opera autem hoc in loco, ut ex circumstantiis colligi potest, officii sui propria intelligit: prædicationem scilicet Evangelii divinam, & miracula, quibus eam confirmavit. Quemadmodum de opere prædicationis Evangelii ait, Ioh. 4. vers. 34. *Esca mea est, & exequi voluntatem ejus qui misit me, & perficere ipsius opus*. Quod etiam hic intelligi apparet: quia eo peculiariter hinc fuerunt offensi Iudæi. De operibus verò miraculorum divinisantè egit Christus vers. 25. utraque autem hæc opera bona vocat: primum quia mandato Dei erant consentanea; deinde per unam eandemque potentiam Filio cum Patre communem effecta; denique ex amore Dei ad gloriam illius, & ovium salutem profecta, Quæ opera, ut à qualitate sua bona vocantur: sic à quantitate adjecta amplificantur, cum ait *multa* fuisse: quod utraque indefessâ gratia copiosè exequeretur. Ideoque ob bonitatem eam atque copiam, amorem ac fidem, non autem odium ac lapidationem merebantur. Atque hæc de priori sermonis Christi ad Iudæos parte: nempe de innocentia ipsius per beneficia collata patefactæ defensione. Altera verò est impietatis Iudæorum accusatio, interrogationis figura ad majorem rei indignitatem proposita his verbis, *propter quod illorum operum me lapidatis?*

*lapidatis*? Accusatio autem est, quod Christum ob bonum opus lapidarent, id est, lapidare vellent ac molirentur. Id quod impietatem ostendit ratione rei primum: nam ob bonum opus nemo nisi impiè lapidatur: deinde ratione personæ, quod Christum Dei filium lapidare studerent, cum ait, *me*. Interrogatio autem est: *ob quodnam illorum*? hoc est, è multis illis operibus bonis, à me exhibitis, certum aliquod indicate; quo innuit omnia illa esse perfectua, adeò ut nullum ab iis nominari possit, quod lapidatione sit dignum, sed contrà amore ac fidem mereatur, ideoque Judæos injustos atque impios esse, dum optimè meritum lapidare student. Porro huic sermoni Christi ad Iudæos, quo sese defendit, & illos accusavit, responso opponitur à Iudæis hoc modo: *ob bonum opus non lapidamus te, sed ob blasphemiam*, & (id est, nam copula, hinc ut alibi sæpius, vim habet exegeticam) *quia tu homo cum sis, facis te ipsum Deum*. Quibus verbis defensionem adversus Christi accusationem instituunt, nimirum quod ipsum non impiè, sed piè lapidare studerent. Prius monstrare conantur negatione causæ à Christo objectæ, quasi ob bonum opus id tentarent: hoc enim negant. Posterius verò declaratione causæ probare conantur, quod scilicet propter opus ipsius malum, imò impium ac morte dignum hoc molirentur. Hoc autem primum generatim indicant; deinde ad rei majorem evidentiam speciatim exponunt. Generatim quidem; cum dicunt: *sed ob blasphemiam*, scilicet tuam, *lapidamus te*, id est, ut antea, lapidare studemus. Quia autem vox *blasphemie* aliter atque aliter usurpari potest, idcirco ad clariorem rei intelligentiam eam strictim exponemus. Blasphemie autem vox Latina non est, etsi Latinorum Patrum atque Ecclesiæ usu perquam trita sit: sed à Græcis desumpta. Nam ut à *βλάττειν*, id est, *nocere, lædere*, & *ὄντως* *φάμα* *βλασφημίας* derivatur: ita ex hoc verbo *βλασφημία* promanat, quæ *βλαβὴν τῆς ὀνόμας*, *famæ* seu *nominis læsionem*, ut Etymolog. magnum testatur, seu *maledictum*, generatim significat. Blasphemia autem ratione sui objecti in quod tendit, distinguitur. Objectum enim illius aut Deus est, aut Dei creatura: atque ita hujus objecti additione vox generalis, ad certam suam speciem distinctè restringitur. Quemadmodum prioris ratione, *blasphemia adversus Deum* Apoc. 13. vers. 6. & *blasphemare Deum*, cap. 16. v. 11. ratione verò posterioris objecti, seu creaturæ, jubet Paulus, *neminem blasphemare*, Tit. 3. v. 2. id est, nullius hominis famam lædere: & de Archangelo dicitur Iudæ vers. 9. quod non *ausus fuerit iudicium blasphemie*, id est, maledictum *inferre*, scilicet Satanæ, ut antecedens docet. Impropiè verò per Synecd. generis pro specie, blasphemie vox interdum speciatim, & quidem bifariam, pro specie duplici distinctè usurpatur. Ac primò quidem pro maledicto in homines: ut cum recensionis vitiorum adversus proximum, *blasphemie* mentio inferitur; ut Marc. 7. v. 22. Col. 3. v. 8. Eph. 4. v. 31. 1. Tim. 6. v. 4. quo etiam modo *blasphemi*, id est, in alios maledici, 2. Tim. 3. intelliguntur. Secundò pro maledicto seu convitio in Deum frequenter accipitur: ut Matt. 26. 65. Luc. 5. 21. & Apo. 13. v. 1. 5. Quo etiam modo *blasphemie* vox à Iudæis hoc loco pro blasphemia in Deum, seu pro nominis Dei læsione *ὁ βλάττειν* usurpatur, quod crimen ex mandato legis divinæ lapidatione erat puniendum, Lev. 24. 14. 16. Sed Christum blasphemiam protulisse, impia est Iudæorum calumnia, ac revera in Dei Filium blasphemia: ut generalis hujus accusationis expositio ac probatio ab ipsis speciatim subjecta, satis demonstrat. Expositio enim consistit in obtentæ blasphemie descriptione. *Tu te ipsum facis Deum*, id est, Metaph. dicis; quemadmodum *faciendi* vox eo sensu sæpè accipitur, ut Matt. 12. 33. & in simili accusatione adversus Christum. Ioh. 5. 18. & 19. v. 7. In quibus verbis calumnia non consistit: nam verum erat Christum hoc dixisse: non quidem totidem verbis: sed aliis eodem sensu: nim. cum se Filium Patris, eadem cum Patre potentia & essentia unum asseruit: sed calumnia consistit in horum Iudæorum consequentia: quod in ea re blasphemiam esse positam falso statuerunt. Deinde probatio etiam consequentiæ infirma est, cum ajunt. *Homo cum sis*. Nec enim rectè sequitur: *Tu es homo*, Ergo blasphemia est, quod te Deum esse dicis. Hoc

enim non sequitur: quemadmodum subjecta Christi apologetica responsio demonstrat: qua Iudæorum accusationem diluit, & quæ de persona sua dixerat; tuetur. In qua apologia, duplici utitur ratione: quarum una ex S. Scripturæ autoritate; altera ex ejus operibus desumpta. Ac prior quidem bipartita argumentatione tractatur. Prima enim parte fundamentum accusationis objectæ (nempe quasi blasphemia sit, si quis dicat, aliquem hominem esse Deum) refutat opposita scripturæ illud affirmantis autoritate clara (ideoque cum fiducia quadam ad conscientiam Iudæorum interrogationis figura provocat) his verbis vers. 34. *Nonne scriptum est in lege vestra; ego dixi, dii estis*? ubi observandum est paucis, quid *lex*, & quid verba legis citata significant. Legis autem voce non propriè Dei mandata ut Matth. 5. v. 17. nec impropriè per tropum metony. subjecti, libros Moïsi, quibuscum continentur: sed per Synecd. hujus partis, indefinitè totam Sacram Scripturam designat. Quemadmodum interdum in lege scriptum dicitur, quod ex Propheta Esaia, 1. Cor. 14. vers. 21. aut ex libro Psalmorum, Ioan. 15. vers. 25. depromptum est: ut hoc etiam in loco scriptum dicitur in lege, quod tamen non in Moïse, sed in alia scriptura, nempe Ps. 82. vers. 6. continetur. Legem autem *vestram* vocat Christus, quod non solum Scribis & Phariseis cum quibus agit, esset tradita communiter, ut aliis Israëlitis: sed etiam ut doctoribus legis commendata peculiariter, eaque potissimum gloriarentur. Deinde ad verba legis seu Psalmi quod attinet, in iis notatur primum quis dicat, nempe Deus per Psalmen. *Ego dico*; deinde quid dicat, nempe *estis dii*. Cujus dicti subjectum est *vos*: id quod in verbo *estis* (pro quo Hebraicè est *אנחנו* *vos*) inclusum latet. Intelliguntur autem iudices ac magistratus Israëliti: quemadmodum ex anteced. illius Psalmi v. 2. liquet. Attributum verò est, *Dii estis*; quod etiam ibidem vers. 1. dicitur his verbis: *inter Deos iudicabit*: Qua etiam voce Iudices seu magistratus per Moysen vocantur, Exod. 21. v. 6. & alibi. Hoc autem non propriè fit: sed per metaph. ob similitudinem gubernationis cum Deo: quod scilicet sint vicarii illius, qui ab ipso potestate accepta constituti sunt, ut populum iudicent ac regant, Rom. 13. vers. 1. 2. Ex quibus apparet, non esse blasphemiam, si quis dicat, aliquem hominem esse Deum: alias Psaltes divino instinctu de iudicibus (quos homines esse norat ac vocat vers. 7.) non dixisset, esse Deos vers. 6. Atque ita fundamentum accusationis adversus Christum, opposita autoritate scripturæ absolutè confutatum, quæ prima est hujus argumentationis ex autoritate scripturæ pars. Altera verò ex eadem comparatè per consequentiam inde deductam proponitur; atque inserta ratione confirmatur. Argumentationis autem propositæ brevis summa hæc est: si scriptura homines Iudices rectè dicit esse Deos: injustè igitur obijcitur à vobis, me blasphemare, quia dixi me esse Deum: atqui scriptura iudices verè dicit esse Deos. Ergo injustè obijcitis me blasphemare, quia dixi me esse Deum. Propositio conditionalis est constans antecedente conditione, & consequente inde deducto. Antecedens est v. 35. *si illos dixit Deos, ad quos sermo Dei factus est, & non potest solvi Scriptura*. Quibus verbis testimonium scripturæ, & veritas illius indicatur. Citatione autem testimonii notantur tria, quoniam, de quibus, & quid testetur. Quisnam, ostendit Christus cum ait: *dixit*, nempe lex, id est, scriptura, Psal. 82. quam antea citavit v. 34. & ad quam hoc verbum refertur. Illi verò de quibus testatur, statuuntur illi, *ad quos sermo Dei factus est*, id est, quos sermo Dei Psalmo illo compellavit: qui non alii sunt, quam iudices seu magistratus, quorum excellens officium, ad rectè iudicandum, Deorum nominatione in illo Psalmo exprimitur, v. 1. & perversa jurisdictio eorum accusatur, v. 2. denique Deus per Prophetam pœnam ob violationem illius officii ac nominis minatur: quod scilicet etsi dixerit, *Dii estis & filii excelsi omnes*, nihilominus tamen ut homines morituri essent ac cauri. vers. 7. Quare mirandum est, in re tam perspicua, eximie notæ Patres, aliosque non paucos interpretes, eorum ductu, generatim de omni-

de omnibus Israelitis interpretari: cum tamen in hoc Psalmo solos Judices populi, non autem populum iis subditum compellet Deus: quemadmodum neque ullibi in S. Litt. Deorum nomen omnibus Israelitis attributum legimus. Atque hæc de Scripturæ testimonio, cuius veritatem Christus declarat cum subjicit, *non potest solvi scriptura*, nempe *ἡ ῥήξις* sacra: ideoque nec dictum Psalmi citatum: utpote scripturæ pars. Solvi autem scriptura dicitur (per metaph. à rebus vinculo compactis, quæ cum solvuntur, infirmantur) cum autoritas vel mandati illius per inobedientiam: vel veritatis affirmationis illius per incredulitatem ac negationem contemnitur ac violatur: quod licet re seu facto ab hominibus fieri possit: jure tamen fieri non potest: id quod hoc in loco ex usu hujus vocis *solvendi* in scriptura colligitur, quemadmodum Matth. 5. 17. *non veni ut solvam legem*: & v. 19. *qui igitur solverit unum ex mandatis hisce minimis*: & Ioan. 7. 23. *si circumcisionem accipit homo Sabbatho, ut non solvatur lex Moysi*, id est, contemptu honor illius violatur. Alioqui si scripturam per se consideremus, autoritatem mandati & veritatis habet in se insolubilem: quia Dei summi omnium Domini (penes quem absoluta mandandi potestas est, quique mentiri non potest) verbum est. Ideoque licet autoritas illius ab hominibus reipsa contemni possit: eam tamen nec jure contemnere, nec reipsa tollere ullo modo queunt: siquidem illius potestatis & veritatis autoritas invicta, verbumque Dei manet in æternum, Esa. 40. v. 8. Ergo scriptura hic dicitur solvi non posse, quod autoritas quam habet, negari jure non possit. Ideoque judices illos Deos esse rectè dixit, neque ab ullo rectè negari, multò minus blasphemix nomine accusari potest. Atque hæc de propositionis Christi conditionalis parte antecedente, v. 35. Consequens verò subjicitur v. 36. his verbis: *quem Pater sanctificavit & misit in mundum, vos dicitis blasphemare, quia dixi, filius Dei sum?* Antequam verò rem ipsam exponamus, observanda est in verborum constructione Græca ellipsis, & pleonasmus. Ellipsis quidem, initio cum dicitur: *ὅτι id est, quem Pater sanctificavit*, ubi manifestè vox aliqua deest, quæ ad rectum sensum supplenda est. Ac noster interpres supplet pronomen *me*, quod subsequenter verbis: *ὁμοῦς λέγει, ὅτι βλασφημῶν*, non satis quadrat. Dominus Piscator aptius supplet: *ὁ αὐτὸς de eo*: sed simplicissimum est, ut intelligatur pronomen *τὸν εἰ*, ut sequatur, *quem Pater sanctificavit &c.* vos dicitis: quemadmodum Joa. 3. 34. *ὅτι ἵδ' quem enim misit Deus loquitur*: pro *ὅτι* *ὅς*, *is quem*. Pleonasmus verò est vocis *ὅτι* in seqq. hisce verbis *ὅτι βλασφημῶν*, ideoque ab interpretibus ferè pro more, in citandis dictis usitato, omitti solet. Atque hæc de verborum constructione: Ad rem verò quod attinet, nempe consequens ex antecedente conditione à Christo deductum, id constat descriptione illius, & probatione. Descriptio autem illa (ad majorem objectionis blasphemix indignitatem declarandam) per interrogationis figuram amplificata, hæc est: *Vosne dicitis, blasphemias: quia dixi filius Dei sum?* Interrogationem enim esse, non simplicem affirmationem, non solum interpretum consensus ostendit: sed idem etiam cum antecedente conditione connexio (quæ alias non solum inepta, sed etiam falsa esset) evincit. At dicat aliquis: aliud à Judæis Christo objectum, quàm ab ipso responsum: ideoque oratio videtur omninò inepta. Illi enim objecerant, quod dixisset seipsum esse Deum ac propterea blasphemum: Christus verò aliud, quàm ipsi objectum, respondens ait: Vos dicitis me blasphemare, quia dixi filius Dei sum. Verùm hæc duo reipsa probè consentiunt: quoniam licet verbis sint diversa, sensu tamen omninò conveniunt. Christus enim Filium Dei intelligit non gratia sed natura: qualem se antea asseruerat, attribuendo sibi eadem opera divina, eandemque potentiam Patris, & per consequentiam necessariam eandem essentiam seu Deitatem: quod præterea etiam indicavit, cum se unum cum Patre dixit. Ex quibus Judæi ea verba ita rectè intellexerunt, quod iis se Deum faceret, id est, affirmaret (ut etiam antea Joa. 5. vers. 18. & postea Joa. 19. v. 7.) etsi in eo impiè blasphemiam sitam esse objectarent. Quod igitur Christus Judæorum verba non re-

petierit: *tu te ipsum facis*, id est dicis, *Deum*, sed, *quia dixi filius Dei sum*, illud ob rei consensionem nihil habet difficultatis: sed potius idem & majori quidem efficacia complectitur. Si enim ex verbis Judæorum respondisset, *quia dixi Deus sum*, potuisset (ex sensu positæ antecedentis conditionis: si illos dixit Deos) intelligi, quasi se Deum dixisset eodem modo, nempe non propriè: sed impropriè tantum ob similitudinem quandam officii: nunc verò illi errori occurrens eorum verborum loco hic substituit, *quia dixi Filius Dei sum*: nempe ut antea docuerat ejusdem cum Patre operationis ac potentix, & unum cum illo: ideoque non gratia, sed natura filius, ac propterea verus cum Patre Deus. Quare consequentia recta est, si scriptura judices, ad quos Psal. 82. sermo Dei factus est, rectè dixit esse Deos ob similitudinem quandam officii cum Deo: multò magis sine blasphemia me Deum esse dixi, ut qui sum non gratia, sed natura Filius Dei: eoque non impropriè, sed propriè Deus. Atque hæc de consequentiæ hujus descriptione. Cui à Christo præmittitur probatio, his verbis: *quem Pater sanctificavit, & misit in mundum*. Quibus duplex ratio consequentiæ propositionis adfertur: unde se verum Deum esse ostendit. Prima enim est, quod à Patre sit sanctificatus. Cum autem sanctificare in S. Litt. significet, vel sanctum facere Ioan. 17. v. 17. aut talem prædicare Matth. 6. v. 9.: vel ad sanctum usum ordinare seu consecrare Ioan. 17. v. 19. sic hoc in loco accipitur pro consecrare, & quidem ad sanctum Christi, servatoris electorum, officium. Quæ sanctificatio est duplex: una quidem ab æterno facta per electionem: de qua 1. Pet. 1. v. 20. Cum Christum ait præordinatum ante jacta mundi fundamenta: Altera in tempore per vocationem ac consecrationem spiritus Luc. 4. v. 18. Prior autem hoc loco intelligitur: quia missionem in mundum antecessisse indicatur: unde solidè concluditur; Pater me sanctificavit, id est, ad officium Christi Servatoris electione præordinavit. Ergo sum proprius Dei Filius ejusdem cum Patre essentix, ac verus Deus. Ratio est: quia Christus, per Prophetas promissus, est *δικαιότατος*: filius Davidis quatenus homo seu secundum carnem, Rom. 1. 4. & simul Dominus Davidis Psal. 110. 1. Matth. 22. 43. 44. quatenus Filius Dei à Patre genitus, religioseque colendus Psal. 2. v. 7. 12. ut Deus, solium habens æternum Psal. 45. v. 7. Hebr. 1. v. 8. Jehova justitia nostra Jer. 23. vers. 6. Quamobrem prima hæc ratio, à sanctificatione seu consecratione in Christum servatorem petita, qua consequentiam probat, firmissima est. Altera verò est à sui sanctificationi missione à Patre in mundum, cum ait: *Et misit in mundum*: Hæc autem missio est, qua Pater Filium suum unigenitum, secundum præordinationem æternam, è cælo in terram misit, ut assumptâ natura humana, esset Christus servator electorum: ut 1. Joann. 4. v. 9 dicitur, *in eo patefactus est amor Dei erga nos, quod filium suum unigenitum misit in mundum, ut vivamus per eum*: & Joa. 3. v. 17. *misit Deus filium suum in mundum, &c.* & Gal. 4. vers. 4. *Postquam venit plenitudo temporis &c.* Heb. 2. *assumpsit semen Abraham*. Ac propterea antequam natus esset homo, Filius Dei erat unigenitus ac proprius: ideoque verus Deus, non merus homo. Nam quatenus filius hominis: nec è cælo venerat: nec adhuc in eo erat: sed quatenus filius Dei, ut homo fieret, è cælo descenderat, non loci mutatione cælum relinquens, Joa. 3. v. 13. sed in terris sui patefactione, in carne, præsentem se peculiari assumptionis humanæ naturæ modo sistens; ut Ioan. 16. v. 28. *Exivi à Patre, & veni in mundum*. Ideoque vanum quod à Deitatis Christi hostibus objicitur. Filius è cælo missus est à Patre in mundum: Ergo ab eo separatus est; ac propterea non est unum cum Patre essentia. Illud inquam non rectè sequitur: quia hæc missio non propriè dicitur, qualem adversarii intelligunt: sed metaphoricè: Quemadmodum enim Deus descendere dicitur è cælo, Psal. 18. v. 10. Exod. 19. v. 11. Esa. 64. v. 1. non quod cælum deserat (cælum enim & terram implet Jer. 23. v. 24.) sed quod suam præsentiam novo quodam modo patefaciat: sic Filius Dei similiter descendisse è cælo, ac missus, ac venisse in mundum dicitur non propriè: sed per metaph. quod quemadmodum illi qui descendunt aut aliquod

aliquò mittuntur, præsentiam suam declarant; sic & Filius Dei, eadem Patris ac sua voluntate, humanam naturam assumendo in terris, & novo illo unionis personalis modo præsentiam suam patefaciendo, descendisse à cælo ac missus in mundum dicitur. Nam propriè loquendo jam antea erat in mundo, & mundus per eum factus erat Ioan. 1. v. 10. sed metaph. loquendo missus in mundum dicitur: quo modo nondum erat in mundo, antequam semine Abrahæ assumpto verbum caro factum est: quia hoc demum modo, Deus patefactus est in carne, 1. Tim. 3. vers. 16. Sed aliam rursus rationem huiusmodi obtinent adversarii: omnis missus inæqualis est suo mittenti. Filius est missus, Pater mittens. Ergo Filius Patri inæqualis est. Verum propositio negatur: Nec enim missio certum est inæqualitatis argumentum: nulla enim solida ratio afferri potest, cur non communi consensu æqualis ab æquali mitti possit: imò etiam ab inferiori: quemadmodum si natus minor majorem fratrem consensu illius ad negotium aliquod expediendum mittat. Quare Christus rectè probavit, se proprium esse Dei Filium, eoque verum Deum. Atque ita propositio primæ argumentationis Christi comparatione minoris ex Scripturæ autoritate descripta ac probata est: nempe, si scriptura rectè iudices dixit esse Deos: Ergo multo magis ego rectè dixi me esse Dei Filium, scilicet proprium, ejusdem cum Patre potentia atque essentia, eoque verum Deum. Probatio est, quia Filius Dei, antequam homo fierem, existens, sanctificatus sum in Christum Servatorem: & manens Dei Filius, ad id missus sum in mundum homo factus. Assumptio verò est: Scriptura iudices vocat Deos; quæ assumptio præmissa est v. 34. unde conclusio sequitur, Ergo sum proprius Dei filius, ideoque verus Deus. Secunda verò argumentatio absolūtè ex effectis seu operibus ipsius divinis, cum Patre communibus, desumpta idem comprobatur, & simul tacitæ ac consuetæ Judæorum objectioni occurrit. Obijcere enim poterant Judæi quemadmodum antea c. 8. v. 13. *tu de teipso testaris: testimonium tuum non est verum*, id est, non est idoneum cui credamus: idcirco bimembri distinctione conditionali adhibita respondet. Cujus responsionis prius membrum, posita conditione impossibili, per concessionem quandam proponit, v. 37. *si non facio opera Patris mei, nolite mihi credere*. Opera autem Patris vocat divina miracula, quæ à solo Deo fieri possunt: ut antea v. 25. de quibus ait, *si ea non facio, nolite mihi credere*: me scilicet esse Christum proprium Dei Filium, ejusdem cum eo potentia atque essentia, verum Deum: ut ex versu antecedit. constat: non quod per opera illa, Christi verba, quasi per se infirma essent, fide digna efficerentur, sed probentur. Nam verba Christi per se fide erant digna Ioan. 8. v. 14. 16. quia Christi filii Dei, Matth. 3. v. 17. Deut. 18. vers. 15. Actor. 3. v. 22. 23. Quorum verborum proprium adjunctum erant opera divina suo tempore consecutura Esai. 35. v. 6. Ex quibus etiam tanquam signis, non causis, Christus se Christum esse probat Matt. 11. v. 3. 4. 5. Sic contrà, si ea prorsus abfuissent (quod tamen fieri non poterat) per consequentiam necessariam à remotione proprii adjuncti, ad remotionem subjecti illius, ipsi non fuisset credendum. Ex qua conditionali propositione antecedentis veritas concludi non potest: quia propositionis hypotheticæ veritas, non in partium veritate, sed in connexionis earum seu antecedentis & consequentis firma consequentia consistit: adeo ut vera nihilominus esse possit huiusmodi propositio, etiam si utraque pars esset falsa: ut Ioan. 8. v. 55. *si dixerò me eum, scilicet Patrem non nosse, ero similis vestri*, mendax, sed eum novi. Hæc de primo responsionis membro. Alterum describitur v. 38. propositione similiter hypothetica, & expositione illius. Propositionis autem antecedens est: *si verò facio*, scilicet opera Patris, ut ex antecedenti necessariò supplendum. consequens verò est: *etiam si mihi*, id est, verbis meis, *non credatis, operibus credite*: scilicet testantibus de me, de qua re v. 25. actum est pluribus. Expositio verò declarat, quidnam operibus testantibus de Christo sit credendum: quod antea proposuerat, cum se Filium Dei statueret: id quod exponens ait: *ut cognoscatis & credatis Patrem in me esse, & me in eo*, id est, ratione essentia, ideo-

que unum cum Patre. Hunc enim sensum probat Christi scopus, ad quem oratio tendit, nempe ipsum esse filium Dei proprium, eadem cum Patre operatione, potentia, atque unum essentia, utpote in quo tota plenitudo Deitatis habitet corporaliter, Col. 2. v. 9. Verum Samosateniani, recentiores in primis, contrarium probare nituntur. Sic enim Georgius Enjedinus disserit: *Si ista, inquit, interpretatio locum haberet, sequeretur etiam pios quosvis ejusdem esse cum Deo Patre essentia. Nam legimus 1. Joan. 3. v. 24. Qui servat mandata ejus, Deus in illo manet, & ipse in eo: & cap. 4. v. 13. in hoc cognoscimus nos in eo habitare, & ipsum in nobis, quod de Spiritu suo dedit nobis: & mox v. 15. quisquis confessus fuerit, quoniam Jesus est Filius Dei, Deus in eo manet & ipse in Deo*. Esse autem & manere in aliquo: idem valere probat ex collatione, 1. Joan. 2. ubi in ipso esse v. 5. & in ipso manere v. 6. quemadmodum in luce esse v. 9. & in luce manere v. 10. eodem prorsus sensu dicuntur. Verum negatur propositio: quamvis enim ea phrasis de Christo, & de piis usurpetur: inde tamen non sequitur, eandem utrimque esse rationem. Sed rursus excipiunt hoc diluì verbis Christi. Nam Ioan. 17. v. 11. hæc legimus: *ut omnes unum sint, sicut & tu Pater in me, & ego in te: ut & ipsi in nobis unum sint*: & statim, *ego in eis & tu in me: ut sint consummati in unum*: ubi paritatem quandam unionis & inhabitationis in Patre, sui & discipulorum facit. ita etiam cap. 14. v. 20. *in illo die, vos cognoscetis quia ego sum in Patre meo, & vos in me*. Verum negatur paritatem quandam unionis Christi & piorum cum Patre designari. In illis enim locis similitudinis vox *sicut* adhibetur: unde paritas certò concludi non potest. Similitudo autem hic est tantum secundum quid: Filius enim in patre vicissim est simpliciter ratione ejusdem numero essentia, potentia, scientia & voluntatis: ut supra demonstratum: unde qui videt, id est, cognoscit Christum filium, cognoscit Patrem, Ioan. 14. v. 9. quod de piis dici non potest, quod iis visis Pater videatur. Si verò non simpliciter, sed ratione tantum scientia & voluntatis, non ejusdem propriè, sed similis, sunt in Patre: quod Patrem cognoscant atque ament: eoque modo & Pater ipsos norit atque amet, eaque mutua notitia atque amoris conjunctione unum sunt, qua de re loca objecta loquuntur. Ac propterea cum Christus in Patre esse simpliciter dicatur: in piis verò tantum secundum quid (ut res ipsa & circumstantia ostendunt) similitudinem tantum ratione consensus ac voluntatis indicari apparct. Sed nostrorum quoque interpretum testimonia postremò obijcit, cum ait: *Postremò ipsi adversarii quoque testantur hæc non esse de unitate essentia, sed de consensu, voluntate, & dilectione, intelligenda: Bucerus, Calvinus, alii*. Hæc ille. Sed esto; ea testimonia, quasi nævi in pulchro corpore sunt, cognoscenda quidem, ac cavenda, non autem probanda: quia solida ratione destituta, imprudentius sunt prolata. Sic enim Deitatis Christi doctissimus alioqui ac fortissimus assertor Calvinus ad ista verba, v. 30. ait. *Abusi sunt hoc loco veteres, ut probarent Christum Patri duobus. Neque enim Christus de unitate substantia disputat: sed de consensu quem cum Patre habet: quicquid scilicet geritur Patris virtute confirmatum iri*. At inquam contrarium jam antea ex Christi verbis demonstratum est, ipsum scil. hoc agere, ut declaret, quare donationem vitæ æternæ, & ovium conservationem, ne unquam rapiantur à manu sua (quæ opera merè divina sunt) sibi attribuerit: seque Filium Dei dixerit, & suam ac Patris manum, id est, potentiam, qua oves conservantur, eandem esse ostenderit: unde meritò subjicit. *Ego & Pater unum sumus*, id est, essentia: quod ex antecedentibus divinis operibus & proprietatibus, necessaria consequentia sequitur. Quare Patres hoc loco non abusi sunt, sed usi rectè, communi consensu, ut Filium Patri *duobus* esse adversus Deitatis Christi hostes demonstrarent. Alter etiam nævus ex priori ortus, est in explicatione v. 38. hujus cap. qui paucis etiam expendendus ad veritatis confirmationem. Sic autem ait: *In me est Pater: idem reperit quod supra aliis verbis dixerat: Ego & Pater unum sumus*. Huc tendunt omnia, quod in sua administratione nihil à Patre diversum habeat: Pater inquit in me est, id est, divina virtus se in me profert, & ego in Patre



in Patre sum, id est, nihil ago nisi auspiciis Dei, ut mutua sit inter me & Patrem conjunctio: Neque enim hic de essentiae unitate sermo habetur, sed de manifestatione divinae potentiae in Christi persona, unde constabat missum esse. Quae expositio, ad veritatis divinae gloriam, ne quis impingat, paucis diluenda. Ac primum verum esse agnoscimus, idem hic repeti, quod supra aliis verbis dixerat: *Ego & Pater unum sumus*. Quod autem subjicit: *Huc tendunt omnia quod in sua administratione nihil à Patre diversum habeat*: illud alienum est: Contra enim Christum non de administratione sua propriè loqui: sed de persona agere ex re ipsa constat: Nam se Filium Dei, non communi ratione, sed singulari sensu, se proprium vocat: & opera Dei propria sibi adscripserat: atque ita se verum Deum per consequentiam necessariam dixerat: ideoque se unum cum Patre esse asseruerat. Deinde Judæi etiam sic intellexerant: & Christus etiam male se propterea blasphemiae nomine accusari ab iis, concluderat, dicens: *Filius Dei sum*, nempe propriè, eoque verus Deus. Huc tendunt omnia: illud credendum hoc loco statuit & exponit se Filium Dei proprium, nempe quod in Patre sit & Pater in ipso unitate scilicet essentiae. Nam alioqui ex interpretatione objecta sequeretur Christum (quod absit) ineptè, imò falsò explicare quod dixerat. Nec enim hæc duo idem sunt: Ego sum Filius Dei, utpote à Patre sanctificatus, & missus in mundum, & divina virtus se in me profert: nihil ago, nisi auspiciis Dei, ut mutua sit inter me, & Patrem conjunctio. Nam posterius hoc etiam Apostolis convenit: quibus tamen non nisi falsò prius attribui potest. Sin vero hæc divina virtus Patris in Christo se proferens aliter quam de Apostolis, id est de eadem Christi & Patris potentia (quam Christus antea sibi attribuerat, v. 28. 29.) accipiat, quis non videat, eo ipso Deitatem Christi affirmari? Quare ut Christus, cum se Filium hominis vocat propriè: eo se essentia humana præditum, & matri suæ quoniam asserit: sic cum hic statuit ac probat se esse Filium Dei, significatione propria, essentia divina præditum Patri quoniam affirmat. Cumque hæc sit conclusio Christi, & scopus quo tendit hæc ratio, & quod iis verbis, *Pater est in me & ego in Patre*, à Christo explicatur: Ergo verum non est, quod dicitur, hic de essentiae unitate sermonem non haberi. Et si in ea re valde iniqui sunt Ubiquitarii, quod ex nonnullis locis, minus rectè; humana infirmitate, à doctissimo hoc Theologo intellectis, ipsum Deitatis Christi (quam fortissimè in aliis defendit, & hic tamen non negat, licet non spectari putet) hostem esse calumniantur. Deinde ut aliorum dicta dubia in meliorem sententiam ex charitatis lege interpretanda sunt: ita errores manifesti ex noni præcepti regula, non sunt quæsito colore alieno defendendi: ut à Thoma Aquinate fieri solitum, Thomas de Vio Catejanus in comment. in summam illius Thomæ memorat. Ad rem vero ut redeamus, memorabilis est Aug. tract. 48. in Joann. sententia: *Non sic dicit filius, in me est Pater, & ego in illo, quomodo possunt homines dicere. Si enim bene cogitemus, in Deo sumus: & si bene vivamus, Deus in nobis est: fideles participantes ejus gratiam, illuminati ab ipso in illo sumus & ipse in nobis: sed non sic unigenitus Filius; Ille in Patre & Pater in illo, tanquam æqualis, in eo, cui est æqualis. Denique nos aliquando possumus dicere: in Deo sumus, & Deus in nobis, Ego & Deus unum sumus, numquid possumus dicere? In Deo es, quia Deus continet te: Deus est in te, quia templum Dei factus es: sed numquid quia in Deo es, & Deus est in te, potes dicere, qui me videt, Deum videt, quo modo unigenitus dicit, (locum spectat Joann. 14. v. 9.) qui me videt, videt & Patrem, & Ego & Pater unum sumus. Agnosce proprium Domini, & munus servi. Proprium Domini est æqualitas Patris: munus servi est participatio Salvatoris. Hæc piè & nervosè Aug. Atque hæc tamen hæc secunda Christi cum Judæis de persona ipsius agens disputatio. Cui subjicitur eventus duplex: unus in Judæis, scribis nim. & Phariseis: alter in Christo consecutus. Ac prior quidem ita proponitur: *Rursus ergo quærebant eum prehendere*; Quibus verbis impietas Judæorum, & magnitudo illius describitur. Impietas est, quod Christum servatorem quæsierint (id est, per metaph. magno studio voluerint) manibus prehendere, ut lapidarent: quemadmodum antea*

id studuerant, v. 31. 33. Magnitudo autem impietatis notatur; primum à frequentia illius, cum dicitur *rursus*, quod scilicet non jam primum hoc studuerint: sed idem antea sæpius moliti fuerant, Joann. 5. 18. & 7. 1. 25. 30. 32. 44. & cap. 8. 59. Deinde ejusdem impietatis Judæorum in Christum magnitudo amplius designatur expositione occasionis illius: quod non solum dicit Evangelista, quod eum prehendere studuerint, sed etiam addit vocem *igitur*, id est, quia Christus ea locutus erat, nempe quod se proprium Dei Filium, eoque verum Deum probaret, & adversariorum impiam accusationem operibus etiam divinis confutaret. Quæ verba fidem & amorem, ob veritatem atque utilitatem salutarem merebantur: Ac propterea maxima fuit Judæorum impietas, quod contra ea re exacerbati, Christum prehendere atque interficere studuerint. Similis locus est Joann. 8. 40. 44. 45. Atque hic primus est disputationis secundæ de persona Christi agentis eventus, in Judæis consecutus. Alter vero est, in Christo, discessus illius cum suis circumstantiis, nempe unde, & quonam discesserit. Prius indicatur his verbis: *Et* (id est, sed, ut rectè interpres vertit) *exiit ex eorum manu*. Quo modo irritus eorum conatus ostenditur. Qua ratione autem factum sit, quod Christum Judæi non prehenderint, cum tamen ipsum infidiosè cinxissent, v. 24. ac prehendere studerent, disquiri solet: quod cum hic non exprimatur, ex similibus scripturæ locis explicandum. Ratio autem prima, est Dei voluntatis decretum, ac prophetiæ veritas: quia nondum venerat hora apprehensionis divinitus destinata: nec etiam illud genus mortis (lapidatio scilicet quam intendent) sed aliud (nempe crucifixio) decretum erat ac prædictum, Joann. 3. v. 14. & 12. 32. 33. Cujus hora seu tempus destinatum deum postea advenit, ut Joann. 12. 23. *venit hora, ut glorificetur filius hominis*, hora scilicet mortis ut v. 24. declaratur & c. 13. 1. *sciens Jesus venisse horam ipsius, ut transiret ex hoc mundo ad Patrem*: & cap. 16. v. 32. *Ecce venit hora, & jam accessit, cum dispergemini unusquisque ad sua, meque solum relinquetis*: & cap. 17. v. 1. *Pater venit hora illa: glorifica Filium tuum*. Antequam verò illa hora adesset, Christum neque interficere neque prehendere poterant, ut Joann. 7. v. 30. *Quærebant ergo eum prehendere, sed nemo iniecit in eum manum: quia nondum venerat hora ejus*: & cap. 8. v. 20. *Hæc verba locutus est Jesus in gazophylacio, docens in templo, & nemo prehendit eum, quia nondum venerat hora ejus*. Utamque vero hanc horarum differentiam explicat Christus, Luc. 22. v. 53. *cum quotidie vobiscum fuero in templo, non extendistis manum in me; sed hæc est hora illa vestra & potestas tenebrarum*: quibus subjicit Evangelista, *prebentem autem eum adduxerunt*: & Mat. 26. v. 55. 56. ait Christus: *quotidie apud vos sedebam, docens in templo nec prehendistis me. Hoc autem totum factum est, ut impleretur scriptura*. Atque hæc de prima ratione, quare Judæi Christum non prehenderint, cum id summopere studerent: quod scilicet Dei voluntas ac veritas: seu decretum illius, & prædictio obstarant. Altera ratio est operatio Dei, quæ per Filium, voluntatis suæ decretum exequens, impium Judæorum studium cohibuit. Operatio autem esse potuit vel interna, vel externa. Interna quidem, quæ vel mentis judicium, injecta aliqua cogitatione perturbavit: vel animum seu voluntatem pravam, (qua ipsum interficere studebant) injecto metu populi inhibuerit: Luc. 22. v. 2. Externa vero operatio esse potuit, qua potentiae suæ divinae fræno non animos, sed manus hostium coercuit; quemadmodum factum omnino videtur, Luc. 4. cum enim Christi concione ac reprehensione libera offensi, eum ejecissent extra urbem, & duxissent eum usque ad supercilium montis, ut præcipitarent eum v. 29. *Ipse cum transisset per medium eorum, profectus est*. Ac ibidem in Lucam Ambrosius ait: *Simul intellige, non ex necessitate fuisse, sed voluntariam corporis passionem: nec captum à Judæis, sed à seipso oblatum. Etenim quando vult capitur, quando vult elabatur: quando vult suspenditur, quando vult non tenetur. Vides igitur & hic divinitatis esse quod non captus est, & illic voluntatis esse, quod captus est*. Hæc Ambrosius. Cujus divinitatis potentiam primum: deinde patientiam voluntariam, cum hora advenit, ordine Christus exivit ac patefecit,

fecit, Joan. 18. 6. 8. Hisce jam explicatis consentaneum maximè videtur, Christum suam Deitatem (de qua etiam disputarat cum Judæis ac probat) hoc miraculo non minus quam Luc. 4. ostendere voluisse, cum manus adversariorum quasi vinetas retinuit, ut liberè exiret. Neque enim verisimile est, quod quidam non in manibus adversariorum, sed in Christi corpore miraculum extitisse, quasi se invisibilem reddidisset, arbitrantur. Neque eos juvat: quod ex Joan. 8. sub finem objiciunt. Dicitur quidem v. 59. *sustulerunt ergo lapides ut jacerent in eum, Iesus autem occultavit se, & exiit ex templo, transiens per medium eorum, & sic præteriiit.* Hæc enim occultatio nihil aliud est, quam quod se ab iis subduxerit: modus vero est, quod per medium eorum transierit & præterierit iis relictis, ut Ioan. 12. 36. *Hæc cum locutus esset & abiisset, occultavit se ab iis, id est, extra præsentiam eorum se recepit.* Deinde esto, occultatio hæc fuerit in ipso templo: notabit ipsum se nonnihil depressisse, ne quorundam lapidibus scopi instar objectus emineret: cui occultationi accesserit vis divina, qua eos compescuit. Deniq; si vel maximè occultatio aliqua statuatur, ea non erit necessariò, quod corpus Christi factum sit invisibile: sed quod oculi hostium fuerint perturbati, ut Sodomitæ evenit, Gen. 19. 11. Itaque non est cur Theophyl. hic audiamus, qui ait: *recessit non in angulum templi, seipsum subducens: neque in domunculam: neque post murum aut columnam se deflexit: sed divina potentia invisibilem seipsum insidiantibus constituens, per medium eorum non visus, cum exiit, tum præteriiit.* Hanc enim sententiam nullo simili exemplo, nec solida ratione probat. Atque hæc de secundo disputationis eventu in Christo, quod exiit, & quidem unde exierit, nempe à manu eorum, qui scilicet interficere studebant: Cui deinde subicitur quoniam exierit, v. 40. & consequens eo in loco multorum ad Christum adventus ac fides v. 41. 42.

## CAP. XI.

**A**Ntecedenti cap. explicata est à Christo in Judæa, & quidem in templo Hierosolymitano, summa Evangelii, doctrina de officio & persona Christi: nimirum ipsum esse Christum Dei Filium, ejusdem cum Patre potentia & essentia, ideoque verum Deum. Cujus doctrina fides, finis est etiam hujus Evangelii Joannis, ut cap. 20. versu ultimo asseritur. Quem finem ut in paucis est assecutus Servator, v. 21. sic in multis v. 20. inprimis vero in Scribis & Phariseis contrarium subinde evenit: qui eam doctrinam non ad fidem sunt conversi: sed ita à Christo averfi, ut ipsum quasi blasphemum bis lapidare sint conati: unde ab ingratis hisce parricidis justè se recepit, & à Judæa rursus trans Iordanem se contulit, & ibidem ad tempus mansit v. 40. ubi Joannis Baptistæ discipuli complures in eum crediderunt. Hoc vero cap. 11. reditus Christi in Iudæam, & in ea suscitationis Lazari miraculum (inspersa eadem de officio & persona ipsius doctrina) & eventus illius, partim in bonis, partim in malis hominibus, superiori similis describitur. Ad reditum vero quod attinet, ejus proponitur primum occasio: deinde quo modo Christus se gesserit. Occasio autem duplex recensetur. Quarum prima est Lazari ægrotatio, (qui à loco, & sororibus suis, distinctionis gratia describitur) & illius à sororibus per delegatos ad Christum nuntium. Ac prior occasio versibus duobus, posterior vero vers. 3. hoc modo exprimitur: *miserunt ergo sorores ejus ad eum dicentes: Domine ecce is quem amas, ægrotat.* Quibus verbis periphrasi quâdam emphatica Lazarum fratrem suum designant; ut rationem nuntii indicent, Christumque ad eum invisendum, & à mortis periculo eruendum atque sanandum invitarent: ut ex v. 21. & 32. apparet. Unde hic primum oritur

*Quæstio, quid amor hoc loco significet?*

**O**Rigo quæstionis est, quia Christus ex lege Dei obstrictus erat, ut quemvis proximum amaret, ac pro virili vitam illius, data opportunitate, conservaret: deinde

ob summam perfectionem justitiæ ipsius idem præstabat: idque commune erat, non proprium Lazaro; quod ipsum amaret; ideoque non videtur recta atque explicata descriptio ipsius cum dicitur: *quem amas.* Verum responsio est, amorem esse duplicem: generalem quidem, quo omnibus hominibus benevolentiam ex legis charitatis præscripto debebat: & specialem, quo familiari affectu aliquem complectebatur. Priori modo omnes homines, inprimis Apostolos reliquos: Posteriori vero Joannem est profecutus, Joann. 20. v. 2. qui hac periphrasi describitur: *quem diligebat Iesus;* & rursus 21. v. 7. *quem amabat Iesus,* ut etiam cap. 13. v. 23. amoris hujusmodi signum indicatur, quod erat in sinu Christi: & cap. 19. v. 26. 27. quod peculiari amore matrem suam ipsi commendavit. Quo etiam modo hoc in loco amasse dicitur Lazarum, ut etiam v. 36. *ecce quo modo amabat eum,* peculiari scilicet quodam affectu. Atque hæc strictim de secunda occasione reditus Christi in Iudæam, nempe nuntio de ægitudine Lazari, & tacita invisendi ac sanandi ipsum petitione. Quomodo verò Christus sese gesserit hoc nuntio accepto explicatur illius responsione: reditus dilatione: & ad reditum præparatione. Primum autem membrum ita declaratur, v. 4. *Iesus autem hoc audito dixit: infirmitas ista non est ad mortem, sed pro Dei gloria, ut per eam glorificetur Filius Dei;* Quo consolationem adversus mortis ex ægitudine metum proponit. Ægitudinem autem vocat infirmitatem per meton. effecti pro causa, quia morbus infirmitatem adfert. Eam autem à fine describit, primum remotione falsi per negationem, dicendo eam non esse ad mortem, supple immixtam divinitus. Deinde positione veri, per affirmationem, cum addit; *sed pro gloria Dei,* id est, ad gloriam Dei. Quam definit expositione additâ, *ut glorificetur Filius Dei:* Quo se verum Deum, Patri æqualem indicat, id est, ut potentia divina hoc modo, suscitatione Lazari patefiat, quæ Dei gloria est v. 40. Verum hic oritur

*Secunda Quæstio, Quo sensu Christus neget morbum Lazari fuisse ad mortem.*

**R**atio quæstionis est: quia videtur hoc repugnare primum rei veritati: nam citra controversiam Lazarus mortuus est: ideoque mors à Deo erat decreta, & in eum; etsi non ultimum, finem, ægrotatio immixta. Deinde adversari etiam videtur conscientia Christi, qui norat eum moriturum: ac propterea reditum ad ipsum distulit biduum: & mortuum esse deinde discipulis indicavit; seque ipsum suscitatum v. 11. 14. 15. Verum distinctione vocis difficultas tollitur. Nam mortem Christus non generatim & absolute intelligit: sed speciatim ac relatè, ad sororum Lazari & nuntiorum ab ipsis missorum, opinionem, qui mortem metuebant, non quamvis: sed duraturam ad diem ultimum, ut v. 24 ostendit. Talem autem Christus fore negat: idque innuit generalius cum ait, *sed pro gloria Dei:* scilicet non liberatione à morbo, sed à morte, ut sequentia satis declarant. Quo modo loquendi etiam Christus usus est, Marc. 5. v. 39. *non mortua est puella, sed dormit,* id est, non morte duratura, sed brevi quasi è somno excitanda; quod cum non caperent auditores, carpebant ac deridebant, ut qui propriè mortuam esse norant. Porro ad reditum Christi in Iudæam præparationem quod attinet, ea constat colloquio Christi & discipulorum trimembri: è cuius secundo membro, è sermone Christi, v. 11. *proficiscor ut à somno* (id est, morte v. 13.) *excitem eum,* exurgit jam

*Tertia Quæstio, Ubinam anima Lazari mortui, ante suscitationem illius existerit.*

**O**Rigo illius quæstionis est: quod cum mors vulgo definiri soleat privatio vitæ per separationem animæ à corpore, difficultas oriatur non exigua, ubinam ea Lazari anima, durante mortis quadriduo, existerit. Nam in cælo non fuisse, liquet ex eo, quia ibi beata & æterna vita est: quæ sine contradictione aperta, cum mortali vita commutari non potuit. Nec multò minus in inferno esse potuit,

potuit, quia ibidem æternus est animarum cruciatus: qui quiete. hujus mortalis vitæ similiter sine contradictione non potest corrumpi: deinde quia infernus solis impiis, non autem piis, qualis erat Lazarus, destinatione æterna præparatus. Quoniam igitur in loco esse potuit anima Lazari interea, cum duo tantum sint mortuorum termini? cælum bonis, infernus malis? Quidam nodum diffecant: cum nec in cælo, nec in inferno extitisse agnoscunt: sed extra utrumque manu Dei seu potentia illius conservatam. Ubinam vero definitè id sit factum, scriptura non docente, doctâ quadam ignorantia, ut multa non revelata, Deo committunt. Quidam vero insignis Theologus, edita in Bellarm. refutatione, nodum hunc hoc modo solvere est conatus: animam Lazari (ut similitudinem ad hanc mortalem vitam suscitatorum) in suo corpore quidem mansisse, sed unionem personali divinitus dissoluta: adeo ut inde privatio vitæ sit consecuta, quod scilicet anima in corpore, ut in loco tantum manens, illud vivificare desierit; restituta vero per potentiam Dei unionem personali cum corpore, vitam corpori esse redditam. Idque probare studet ex Sacrae S. auctoritate, Actor. 20. ubi dicitur Eutychus ex alto prolapsus ac deinde sublatu mortuus v. 9. & tamen seqq. v. 10. subjicitur hæc sententia: *Cum descendisset autem Paulus ruit in eum, & complexus dixit: ne timeamus: anima enim ejus in ipso est.* Unde sic colligi potest: si anima Eutychi mortui ante suscitationem illius in eo fuit: Ergo recte statuitur, animam Lazari similiter post mortem, ante suscitationem corporis in eo fuisse ac mansisse: nec quicquam præter unionem personalem fuisse solutum (unde privatio vitæ processit) præsentiam verò animæ fuisse tantum localem, seu in corpore, ut in loco, extitisse. Arguta sanè videtur hæc explicatio: Veruntamen omnibus diligenter expensis, ea nec rei, nec Dei verbo satis consentanea: ut ex hisce rationibus apparet: Quia universali Philosophorum & Theolog. consensu, mors hominis est vitæ corporis, per separationem animæ illius privatio: unde in descriptione mortis à causa efficiente illius, separatio animæ à corpore dicitur: & mori vocatur migratio atque exitus animæ à corpore, non solum in profanis, sed etiam in S. Litt. quemadmodum Luc. 8. v. 56. de Puellæ suscitatione à mortuis v. 55. dicitur: *& reversus est spiritus ejus:* Ergo separatus antea erat. Deinde Ecclesiast. cap. 12. v. 7. *Spiritus redit ad Deum qui dedit eum:* & mors migratio à corpore nominatur, 1. Cor. 5. v. 8. & dissolutio à corpore, qua alio tenditur Phil. 1. v. 23. & vivere periphrastice vocatur *permanere in carne*, v. 24. id quod de anima certò intelligitur. Unde sequitur, eam non permanere in carne, cum corpus mortuum est. Deinde ad locum illum Actor. 20. quod attinet, obtenditur quidem eo statui, animam Eutychi, post mortem ante suscitationem illius in ipso mansisse; verum hoc nequaquam affirmatur; sed contra indicatur, animam post separationem ac mortem corporis, miraculo per Apostolum Eutychum incumbentem impetrato, divinitus rediisse, atque in eo tum demum fuisse, ut Apostolus testatur. Cujusmodi suscitationis similia omnino exempla duo sunt Prophetarum Eliæ & Elisei illustria: Eliæ quidem 1. Reg. 17. v. 21. 22. *Et admensus se super puerum ter inclamarat dicens, Jehova revertatur, (nota, ergo separata erat) quæso anima pueri hujus in medium ejus: quapropter auscultavit Jehova voci Eliæ, ita ut reversa sit anima pueri in medium ejus, (notandum, ergo in medio ejus non erat) & revixit.* En reditus animæ absens vitam restituit. Elisei vero exemplum est 2. Reg. 4. v. 35. *Et ascendens extendebat se super puerum, tandem sternutavit puer usque septies & aperuit oculos suos.* Ovum similius non est quàm miraculi horum Prophetarum & Pauli modus. Ideoque Paulus incumbendo super puerum, miraculo divinitus impetrato rectè animam Eutychi reversam asseruit. Quare cum hæc secunda sententia de anima Lazari in cadavere illius manente, nec mortis definitioni, nec S. Scripturæ assertioni consentiat, neque probabili ullo colore ex ea confirmetur: priorem ac communior sententiam meritò præferendam apparet. Atque hæc præcipuæ sunt quæstiones descriptionis eorum, quæ reditum Christi in Iudæam antecesserunt: De iis vero quæ re-

ditum sunt consecuta, & miraculo præterierunt (quale est in primis trimembre Christi cum Martha colloquium) in secundo membro paucis explicanda est

*Quarta Quæstio, de Gennino responsione Christi  
vers. 25. sensu.*

**R**atio autem propositæ quæstionis est. 1. verborum Christi ambiguitas, & inde consecuta interpretum expositio diversa: deinde insignis rei comprehensione præstantia, & ad fidem in Christum, verum Deum ac servatorem, confirmandam utilitas eximia. Ubi observanda 1. antecedens rei circumstantia: deinde consequens res ipsa. Circumstantia autem est occasio & scopus. Occasio unde promanavit Christi responsio, gemina est: prima quidem Christi, ad Marthæ ob mortem Lazari dolentis consolationem, promissio v. 23. *frater tuus resurget:* Altera vero est error Marthæ: quo ea quæ à Christo de proxima resurrectione erant intellecta ac dicta, de remotissima atque universali omnium, ultimo demum die futura malè accepit: ut v. 24. indicatur, *dixit ei Martha, scio resurrectorum in resurrectione ultima illo die.* Scopus vero Christi, ad quem oblata hac occasione tendit, is est: partim ut verba sua clarius exponat: partim ut Marthæ ea malè interpretantis errorem corrigat, & fidem illius confirmet ac consoletur. Modus autem, qui ad eum finem ac scopum idoneus est eoque dirigitur, est res ipsa, de qua agimus, seu Christi responsio v. 25. proposita: *dixit ei Jesus: Ego sum resurrectio & vita: qui credit in me, etiam si mortuus fuerit, vivet.* Quæ responsio, propositione & expositione illius constat. Propositionis autem subjectum, seu id de quo aliquid hic dicitur, per vocem *ego* denotatur, nempe Jesus: quemadmodum Evangelista præfatione sua exprimit, cum ait; *dixit ei Jesus.* Attributum vero, seu id quod de eo dicitur, est bimembre, his verbis, *sum resurrectio & vita.* In qua re extra controversiam est, Christum sibi hæc duo non propriè attribuere (quia veritas enuntiationis repugnat) sed impropriè, per tropum, satis tritum etiam in Sacris Literis, nempe per meton. effecti pro causa efficiente, id est, resurrectionem & vitam efficiens. Verum cum resurrectio ita distingui soleat, ut una propriè corpori; altera verò metaphor. animæ tribuatur: plerique primam; alii posteriorem hoc loco intelligendam arbitrantur: eam videlicet, qua anima per fidem in Christum, à secunda morte seu condemnatione æterna liberatur, vitamque æternam obtinet, primum inchoatione in hac vita Joan. 5. v. 24. deinde perfectè post eam: quæ Apoc. 20. v. 5. 6. *resurrectio prima* nominatur. Verum expositio prior scopo hujus contextus magis convenit, ut sensus sit: Ego author sum omnis resurrectionis seu suscitationis mortuorum, cum universalis bonorum & malorum die ultimo Joan. 5. v. 28. 29. tum particularis: adeo ut quemadmodum Pater suscitavit mortuos & vivificat: sic & Filius quos vult vivificet Joan. 5. v. 21. Ideoque etiam Lazarum resurrectorum dixi, non primum ultimo die, ut tu Martha malè existimas: sed quia sic volo atque innui, hoc ipso tempore, mea potentia resurget: neque de ea re, mea voluntate & potentia considerata, tibi dubitandum. Cæterum quia resurrectio alia est ad vitam æternam: alia ad condemnationem, (ut hæc distinctio proponitur, Joan. 5. v. 29.) idcirco resurrectioni quam sibi Christus tribuit primum, additur alterum attributi membrum cum ait, *& vita:* quæ voce non vitam temporalem: sed æternam ac beatam *ἡ ζωὴ* (ut Joan. 6. v. 33. 35. 48. 51. & alibi accipitur) intelligit: quemadmodum etiam ex sequenti propositionis expositione (quæ promissio fidelibus propria est) apparet. Sic enim eam subjicit: *qui credit in me, etiam si mortuus fuerit, vivet,* scilicet vitæ æternæ ac beatæ, ut vers. 26. etiam declarat. Qua promissione, ad consolationem fidelium, Christus discrimen ostendit resurrectionis vitæ, quæ fidelibus propria est, à resurrectione judicii, (id est, per Synecd. condemnationis) quæ infidelibus ac reprobis convenit Joan. 5. v. 29. Unde prima illa fidelium resurrectio ob suam excellentiam, per Synecd. generis pro specie interdum generali resurrectionis ac suscitationis voce intelligenda usurpa-

usurpatur, Ioan. 6. v. 39. 40. 44. & 1. Corinth. 15. v. 43. ut autem eo melius illud intelligatur, succincte utriusque resurrectionis, piorum & impiorum universalis, in causis, primum convenientia generalis: deinde differentia specialis consideranda est. Generalis convenientia est, primum in causa efficiente proxima, nempe divina Christi potentia, ut qui resurrectio est seu resurrectionis omnis author Ioan. 5. v. 29. Phil. 3. v. 21. deinde in fine propinquo scilicet comparitione in iudicio coram eius tribunali. 2. Cor. 5. v. 10. Differentia verò est primò in efficiente impulsiva: nam ea in verè piis ac fidelibus est primum electio ad vitam æternam, Ioan. 6. v. 39. deinde meritum mortis, & resurrectionis ipsius vis: unde 1. Cor. 15. v. 20. *primicia eorum, qui obdormierunt* (id est, fidelium qui obdormierunt in Christo vers. 18.) appellatur, quod à Christi resurrectione eorum resurrectio dependeat atque oriatur. Deinde in modo resurrectionis differentia est: fideles enim resurgent cum gloria 1. Cor. 15. vers. 43. corpori glorioso Christi conformes, Philip. 3. vers. 21. Denique finis etiam discrepat: siquidem fideles resurgent ad absolutionem à iudice Christo & ad vitam æternam, Matth. 25. vers. 34. Contrà horum nihil est in infidelium reprobos resurrectione, nam Christi iudicis, ac peccatorum vindicis iusto iudicio resurgent, suo merito, ad ignominiam & condemnationem, ac cruciatum in inferno sempiternum 1. Thess. 1. v. 5. 6. 8. 9. Ioan. 5. v. 29. & Matth. 25. v. 41. Atque hæc de genuina responsionis Christi in colloquio cum Martha, v. 25. sententia. Quibus non importunè, de Christi affectu v. 33. proposito, tractanda subijcitur breviter

*Quinta Questio, De Causa fremitus Christi.*

DE eo enim diversa est doctiorum sententia, licet in circumstantia occasionis sit consensus: quia hæc initio hujus versus disertè explicatur his verbis: *Jesus ergo ut vidit eam flentem, & Judeos qui una venerant cum ea flentes: quibus subijcitur consequens: infremuit spiritu & turbavit seipsum.* Verùm de propria causa Christum impellente, ut ita afficeretur, inquiritur. Communis autem ferè sententia est, fremitum illum Christi ortum ex observatione doloris ac fletus Mariæ, & ex commiserationis seu amoris erga Mariam dolentem ac flentem affectu. Verùm non videtur illud verbis Evangelistæ satis consentire: siquidem non utitur hoc loco eo verbo quod commiserationem atque amorem: sed quod indignationem animi, aut ut nonnullis placet, interminationem gravem designat. Dicit enim *ἰνέβηκεν τὸ πνεῦμα καὶ ἐταράχθη ὁ ἑαυτοῦ* *infremuit, id quod neque apud profanos autores Græcos, neque in Sacris Literis amorem aut commiserationem notat: quemadmodum ex inductione locorum perspicuè constat. Nam excepto hoc loco, quater tantum extat, primum Matth. 9. vers. 30. ἰνέβηκεν τὸ πνεῦμα αὐτοῦ ἐν ἰουδαίᾳ, & graviter interminatus est eis Jesus, ut D. Beza; & comminatus est eis, ut vulgatus vertit: deinde Marc. 1. vers. 43. καὶ ἰνέβηκεν αὐτῷ, eodem sensu dicitur; Et ut dicam quid videatur, non incommodè potius utroque loco eadem significatio retineri potest, nimirum & fremebat in eos: item, in eum, quod nimirum præscius inobedientiæ, cum indignatione quadam interna fuerit commotus: quemadmodum etiam sequentia loca eundem sensum requirunt. Nam tertio legitur Marc. 14. vers. 5. καὶ ἰνέβηκεν αὐτῷ, id est, fremebat in eam, ut noster & vulgatus etiam interpretes vertunt, id est, graviter indignabantur. Postremo hoc eodem cap. 11. Joannis vers. 38. dicitur πάλιν ἰνέβηκεν αὐτῷ ἐν ἰαυθῇ, rursus fremitus, ut vulgatus & noster interpretes transtulerunt, & res ipsa flagitat. Unde quoque apparet, nullibi in Novo Testamento eam vocem commiserationis ac benignitatis: sed indignationis ac severitatis affectum denotare: quemadmodum etiam, si quis expendat, locorum illorum circumstantiæ demonstrant. Idemque hic locus ultimus vers. 38. comprobatur, quia dicitur non solum *infremuit* sed *rursus*: Ergo si hic intelligitur indignatio ob Judæorum incredulitatem atque exprobrationem impotentie Christi, vers. 37. non autem commiseratio: Ergo etiam in antecedenti v. 33. fremitus similiter intelligendus, de vehementi Christi indignatione,*

non ob fletum Mariæ & Judæorum præsentium simpliciter; sed ob conjunctam eorum incredulitatem: quasi frustra post mortem Lazari advenisset, nec eum suscitare valeret, ut primum de Maria, non fidei habitu destituta, sed actione illius fidei ob dolorem ex fratris obitu repressa, docetur, v. 32: quemadmodum de Martha similiter, v. 39. 40. traditur. Nam nisi dolore perturbata fuisset earum memoria, cum scirent aliàs Iesum esse Christum, & mortuos alios suscitasse, errare hic nullo modo potuissent. Deinde verò Judæorum quorundam præsentium ac simul flentium ex mera incredulitate vitium, causa fuit primaria hujus fremitus: quemadmodum etiam secundi, dum eorum incredula impotentie Christi exprobratio, vers. 37. causa fuit, cur Christus fremeret apud seipsum, id est, ut antea, interno indignationis affectu commoveretur. Coeterum hic fremitus & perturbatio Christi, ut humanæ naturæ veritatem designat: sic plurimum à reliquorum hominum affectibus differt. In his enim licet etiam pii sint, tamen ob carnis adversus spiritum repugnantis contagionem indignatio adversus vitia modum excedere, aut eo inferior esse solet: Christus vero peccati omnis expers, ac perfectè sanctus, suam indignationem hoc in loco & alibi intra rectæ rationis limites atque ordinem à Deo statutum perpetuò continuit: unde nobis per omnia similis dicitur, sed absque peccato Hebr. 4. v. 15. Sequitur verò jam ut emergens, ex Christi (miraculum suscitationis Lazari edituri) oratione, difficultas strictim proponatur ac declaretur.

*Sexta Questio, Quomodo consentiant Christi verba v. 41. cum antecedente v. 25.*

RATIO quæstionis propositæ est: quia hæc duo videntur sibi mutuo repugnare, quia v. 25. dixit: *Ego sum resurrectio & vita*: id est, earum author: hic verò vers. 41. subijcitur: *Pater, gratias ago tibi quod me audieris*, nimirum precantem, ut Lazarum suscites per me: ideoque se non authorem, sed instrumentum Patris in suscitatione Lazari designat. Ideoque manifesta videtur contradictio, aut cum Christus se dixit esse resurrectionem, non se causam principalem illius, sed tantum instrumentalem esse intellexit; ut Christi sermonis veritas constet; quemadmodum Deitatis Christi hostes argumentantur. Verùm negatur consequentia: quia fallacia est elenchi, à dicto secundum quid, ut simpliciter. Nam Christus se vocat resurrectionem, non secundum humanam naturam: sed secundum divinam, cujus proprium opus est suscitatio à mortuis: unde quia Christus divina sua potentia corpus suum suscitavit à mortuis Johan. 10. vers. 17. 18. & cap. 2. vers. 19. 20. idcirco inde dicitur demonstratum, eum esse Filium Dei Rom. 1. v. 4. Contra verò secundum humanam naturam Christus fuit causa instrumentalis tantum: quatenus secundum Dei voluntatem, suscitationem ab eo, animo suo petiit, & exterius illius voluntatis & impetrationis indicium fecit, de qua re hoc loco agitur. Ideo secundum diversas naturas Christi, utrumque verum est ac contradictione omni caret: quia uti notum est: contradictio est affirmationis & negationis oppositio, in qua de eodem subjecto, idem attributum enuntiatur, secundum idem, id est, secundum eandem subjecti partem: & ad idem, seu relatè ad idem objectum: & eodem tempore: Sin verò aliqua ex hisce conditionibus desit, enuntiationum quidem diversitas erit, sed nulla contradictio. Coeterum hujusmodi distinctionis personæ Christi, qua sæpe non simpliciter, sed secundum quid, seu secundum alteram tantum naturam ei aliquid tribuitur, exempla sunt illustria, ut Rom. 1. v. 3. & 9. v. 5. 1. Tim. 3. v. 16. & 1. Pet. 3. v. 18. Ad hujus porro distinctionis illustrationem, memorabiles sunt inter cæteras, adversus Ubiquitariorum confusionem, orthodoxorum Patrum sententiæ: primum Latini Patris Fulgentii ad Thrasimund. lib. 2. ut Dominus, inquit, ostenderet localem humanitatem suam, dicit discipulis suis: *ascendo ad Patrem meum. De Lazaro quoque, cum dixisset: Lazarus mortuus est, adjunctis decens, & gaudens propter vos ut credatis, quoniam*





*si ex mundo essetis, mundus quod suum esset diligeret: quia vero non estis ex mundo, sed ego elegi vos ex mundo, propterea odit vos mundus.* In quibus quinque vox mundi pro hominum infidelium cætu manifestè accipitur: sic etiam Joan. 17. v. 6. *quos dedisti mihi de mundo.* Cum verò mundus infidelium seu in Christum non credentium universitas constet, partim prædestinatione divina electis ad vitam æternam, quos suo tempore ex infidelium numero ad fidem reipsa eligit, id est eximit: partim vero ex reprobis, qui non convertuntur, sed in incredulitate permanentes pereunt: tales nempe reprobi, speciatim electis oppositi, mundi voce strictius non rarò intelliguntur: quemadmodum Joan. 17. vers. 9. cum Christus ait, *non oro pro mundo:* id est, infidelibus hominibus: additur enim; *sed pro iis quos dedisti mihi:* & 1. Cor. 6. vers. 2. *an ignoratis sanctos judicatos mundum?* & 1. Cor. 11. v. 32. *ne cum mundo condemnemur:* condemnantur autem soli reprobi, unde illi, *mundus impiorum* 2. Pet. 2. v. 5. specialius appellantur. Hisce jam, ad hujus & simul multorum aliorum locorum scripturæ illustrationem, de vocis mundi significatione varia præmissis: ad alterum illustrandum procedemus, nim. ad *mundi principem:* qui generatim vel est jure talis, seu iusta potestate: vel injuria ac tyrannide. Priori modo Deus est princeps mundi, non solum Dominus universæ terræ, Mich. 4. v. 13. sed etiam mundi universi, creationis jure & gubernationis efficacia, qui hoc loco minimè intelligitur: ut ejjectionis attributum evincit: nam quia justus omnium Dominus est, jure ejici non potest: & quoniam omnipotens est, reipsa à nemine superari potest, nedum ejici, ideoque regnum ejus dicitur æternum, Matt. 6. v. 13. De Diabolo verò, cui attributa ejectio convenit, accipiendum *principis mundi hujus* nomen: quemadmodum & alibi, ut Johan. 14. v. 30. *venit princeps mundi: sed in me non habet quicquam:* & 16. v. 11. *princeps hujus mundi condemnatus est.* Vocatur autem princeps non mundi universalis, neque particularis, seu orbis terrarum: quia hoc soli Deo creatori convenit: quamvis Satanæ injustè atque impiè hanc gloriam sibi in tentatione Christi arrogarit, Luc. 4. v. 6. neque etiam mundi, quatenus fideles notat, princeps est: nam illi ex illius potestate sunt exempti, Actor. 26. v. 18. Col. 1. v. 13. sed mundi, quatenus infideles notat: & quidem eorum princeps esse dicitur, non propriè, quia sub Dei imperio infideles, & Diabolus cum suis Angelis seu dæmonibus continentur: sed vocis quadam abusione, per metaph. ita vocatur, quod ab infidelibus ei obediatur quasi Domino, & quod in eos injustum exercent imperium. Quo sensu etiam *Deus hujus sæculi* dicitur, 2. Cor. 4. v. 4. non quod talis sit revera: sed quod injuste pro Deo, à seculo, id est mundo, habeatur ac colatur, seque talem falsò atque impiè ostendet. Quemadmodum idola dñi vocantur simili catachresi, licet Dñi non sint revera, 1. Cor. 8. v. 5. Quorum infidelium ita subditorum Diabolo respectu, dæmones Eph. 6. v. 12. etiam vocantur *imperia, potestates, mundi Domini.* Hic autem principatus ac dominatus Diaboli quem usurpat, consistit in duobus, scil. peccatis & morte, quorum author est: peccatorum quidem, dum instinctu & tentatione suà ad ea provocat atque adducit: unde peccatum dicitur ex Diabolo esse, 1. Joh. 3. v. 8. & Eph. 2. v. 2. appellatur Spiritus, qui operatur in filiis inobedientiæ: unde consequenter mortis imperium ea ratione habuisse dicitur, Hebr. 2. v. 14. Atque hæc de principe mundi, nimirum de subjecto de quo Christus hic loquitur: adjunctum vero, attributo hujus sententiæ descriptum; est ejectio illius foras, quæ per metaph. quandam (ab hostibus qui urbe aliqua ac dominio ejiciuntur, aut similitudine à dæmonum ex corporibus obsessorum per Christum aliosque ejectione) domini illius ablationem futuram notat. Ea autem ut paucis comprehendamus est, qua Christus suos electos, à peccatis & morte æterna liberando, à Diaboli servitute, merito mortis & efficacia sua eximit. Author enim hujus liberationis à potestate Diaboli est Christus, semen illud mulieris, quod conteret caput serpentis Genes. 3. v. 15. subjectum verò seu illi, qui per Christum liberantur à servitute Diaboli, sunt soli electi ad vitam æternam: non autem reprobi, qui sub peccato & mortis reatu per-

manent: utpote maledicti, qui ablegantur in ignem æternum, præparatum Diabolo & Angelis ejus Matt. 25. v. 41. Modus verò quo Christus electos suos à servitute Satanæ, id est, à peccato & morte liberat, duplex est: 1. meritum mortis ipsius: deinde efficacia merito respondens. Meritum mortis idcirco; quia eà ratione pœnam peccatis nostris debitam perfectè sustinuit ac persolvit: eoque modo liberationem à peccato & morte electis suis promeruit: à peccato quidem, quia agnus vocatur, qui tollit peccata mundi, Joan. 1. v. 29. & sanguis Jesu Christi filii Dei purgat nos ab omni peccato: ideoque vetus noster homo (id est, innata vitiositas nostra seu peccatum originis) cum eo crucifixus dicitur, Rom. 6. vers. 6. quod scilicet liberationem ab eo hoste nostro, per Spiritum sanctificationis futuram, mortis suæ præcio ac satisfactione acquisierit. Unde etiam dicitur Rom. 8. v. 3. *missio Filio suo condemnavit peccatum in carne, ut illud jus legis impleatur in nobis;* Atque ita dicitur 1. Joan. 3. v. 8. *à principio Diabolus peccat: ad hoc patefactus est Filius Dei ut dissolvat opera Diaboli.* A morte verò etiam nos redemit: quia peccato sublato & homine justificato, mors consequenter tollitur: utpote quæ per peccatum intravit in mundum, Rom. 5. v. 12. tanquam peccati stipendium, Rom. 6. vers. 23. Ideo Heb. 2. v. 14. dicitur; *Christus carnis & sanguinis particeps factus, ut per mortem aboleret eum qui mortis habebat imperium, id est, Diabolum, & liberos redderet &c.* & Col. 2. v. 15. de Christo crucifixo dicitur: *expoliata imperia ac potestates traduxit palam, triumphatis illis per eam, nempe crucem, id est, mortem crucis.* Quare meritum mortis, primus est modus, quo princeps mundi infidelium ejicitur foras, atque electi ab ejus servitute liberantur. Alter verò est ejusdem Christi efficacia: qua suos electos, quorum liberationem à potestate Satanæ seu peccato & morte est promeritus, reipsa suo tempore præstat. Nam à peccato liberat: primum ratione domini illius, per sanctificationem ex gratia sua, ministerio verbi & Spiritus potentia inchoatam; unde Coloss. 1. vers. 13. de beneficio hoc Dei per Christi redemptionem dicitur; *qui liberavit nos à potestate tenebrarum, ac transfudit in regnum Filii sui,* & Act. 26. v. 18. à Christo, dicitur Paulus missus ad gentes, ad aperiendum oculos eorum, ad convertendum à tenebris ad lucem, & à potestate Satanæ ad Deum. Deinde ratione reliquiarum peccati nos paulatim promovendo, perfectione sanctitatis donat, cum à corpore mortis in morte eximit, Rom. 7. v. 24. 25. A mortis verò reatu nos liberat, justificatione per fidem: & à morte corporali, suscitatione corporis ad vitam æternam, Rom. 6. v. 23. Hebr. 5. vers. 9. utramque autem liberationem complectitur Apostolus Rom. 8. 2. *Nam, inquit, lex spiritus vitæ, liberavit me à lege peccati & mortis.* Plenissime verò princeps hujus mundi Diabolus ejicietur foras, cum die ultimo à Christo judice, à piis omnibus penitus segregabitur, & cum mundo reproborum damnatus ad inferos dejicietur Matth. 25. 41. Veruntamen hic exoritur scrupulus, quia hæc ejectionis Diaboli promissio, videtur repugnare veritati, duobus modis. Primus est, quia fideles ante Christum fuerunt ab eo liberati à potestate Diaboli, peccato scilicet & morte; utpote qui sanctificati fide & justificati sunt, quemadmodum nos post Christum: ut de Abrahami & fidelium post Christum hac in re convenientia agitur, Rom. 4. vers. 23. 24. Idemque de aliis priscis fidelibus, Hebr. 11. toto cap. traditur: Quia igitur hæc liberatio ante Christum facta est, Ergo non erat demum futura, ut hic promittitur post Christum. Nam quod futurum, nondum factum est. Sed negatur consequentia: quia diversus respectus in hisce objectis, contradictionis speciem tollit. Nam primum, licet fideles Veteris Testamenti, respectu efficaciæ Christi, fuerint per fidem in ipsum promissum redemptorem, & ob futuram satisfactionem, à peccato & morte liberati: nondum tamen respectu meriti exhibiti: quia illud à Christi morte futura pendebat. Qua ratione Hebr. 10. v. 1. lex dicitur habuisse umbram futurorum bonorum, non expressam imaginem rerum, iis hostiis, quas continenter singulis annis offerebant. Nam is fuit adumbrata eorum miseria, quod essent

peccatores & morti obnoxii; & quod pretium liberationis à peccato & morte per Christum nondum esset perfolutum: sed tandem Dei gratia persolvendum: ut pluribus eodem cap. 10. declaratur. Quemadmodum etiam propterea legalium illarum ceremoniarum statuta, debiti illius adhuc pendentes indices, vocantur *chirographum debitorum quod erat nobis contrarium*, quod Christus demum cruci affixum, è medio sustulit, & exspoliata imperia ac potestates, id est, Diabolum cum suis Angelis traduxit, palam triumphatis iis per eam, ut Col. 2. declaratur. Ideoque cum hoc Christi meritum (causa ejectionis Satanæ promissa) nondum esset exhibitum: sed suo demum tempore, per obedientiam ac mortem crucis exhibendum: sine ulla contradictione futura Diaboli ejectio promittitur. Quo etiam pertinet, quod Apostolus Hebr. cap. 11. sub finem, licet fidem, justificationem & salutem piis Vet. Testamenti ascripserit, nihilominus promissionem (id est, rem promissam, Christi adventum, & mortem) non obtinuisse ostendat. Secunda verò ratio est, quia licet liberatio à potestate Diaboli, per verbi & Spiritus Christi efficaciam, ante ipsum fuerit facta respectu populi Judaici: nondum tamen evenerat ratione aliarum gentium, ante Christi mortem & missionem Spiritus S. Deus enim præteritis ætätibus, sicut omnes gentes ambulare in suis ipsarum viis, Act. 14. vers. 16. erantque illo tempore sub potestate Satanæ Eph. 2. v. 2. absque Christo, alieni à Republica Israelis, & extranei à pactis promissionis, spem non habentes, & Dei expertes in mundo ibid. v. 12. postea verò cum essent procul, propinquæ factæ sunt, per sanguinem Christi, v. 13. illisque prædicatum est Evangelium jussu Christi, Matt. 28. v. 19. ad aperiendum oculos earum, & convertendum à tenebris ad lucem, & à potestate Satanæ ad Deum, ut acciperent remissionem peccatorum & sortem inter sanctificatos, fide in Christum Act. 26. v. 18. Quare & ratione meriti Christi Diabolus ejiciendus erat; & ratione gentium, quæ adhuc potestati illius suberant. Quo modo bifariam, sine ulla contradictione scripturæ, Satanæ ejiciendus hoc loco à Christo pronuntiatur. Sed alter scrupulus est: quod cum inde à Christi morte Diabolus adhuc in mundo grassetur, & fideles indies oppugnet: imò non rarò ad peccata gravia seducat: quo modo verè dicatur fore ut brevi ejiciatur foras? hoc enim vox illa, nempe *nunc* (utriusque sententiæ membro communis) ostendit, cum ait, *nunc judicium est mundi, & princeps mundi ejicietur foras*. Respondetur, nullam hic esse repugnantiam: Primum quia potestas Satanæ perfectè ejecta est brevi, ratione causæ impulsivæ, nempe meriti mortis Christi, ut supra multis probavimus: ratione verò efficacis ejectus est è gentibus infidelibus, quæ potentia Evangelii & Spiritus Christi à potestate Satanæ ad Deum conversæ per Apostolos. Ac, licet fideles indies Satanæ oppugnet: dominio tamen suo omninò excidit: & potentia Dei sub pedibus piorum conteretur, Rom. 16. v. 20. & portæ inferorum adversus eos non prævalebunt, Mat. 16. ac Satanæ tandem ultimo judicio condemnatus oppugnare designet. Quare hac difficultate expedita, sequitur ei connexa

*Secunda Quæstio, ex vers. 32. De omnium tractione ad Christum.*

ILLustris est sententia, quam Christus de sua adversus electorum hostes, nempe mundum & Satanam, mundi principem, victoria proposuit vers. 31. Cui opportunè omninò subjicitur v. 32. expositio, enuntiatione hypothetica relati temporis, his verbis, *Et cum* (id est, hic ita accipitur, ut res indicat, & noster interpret sensum rectè expressit) *exaltatus fuero è terra, omnes traham ad me*. Quibus declarat victoriæ illius ante, explicatæ primum causam, deinde modum. Causa autem antecedenti enuntiationis membro indicatur, cum dicit: *exaltatus fuero è terra*; Quæ exaltatio non est simpliciter mors, sed mors in erecta cruce: sicut ipsemet Evangelista versu proximo ita exponit: *hoc autem dicebat, significans quæ morte futurum*

erat ut moreretur. Talis enim mors, non autem alia requirebatur, ut etiam ænei serpentis prophetico typo erat adumbratum, quemadmodum Christus asserit Ioan. 3. 14. & 8. 28. *cum exaltaveritis filium hominis, tunc agnosceis me esse*. Quæ mors, ut antea explicatum est pluribus, causa fuit impulsiva, quæ victoriam illam promeruit. Id quod etiam ab Esaia cap. 53. vers. 10. ita prædictum: *quandoquidem exponit animam suam pro peccato (aut reatu) videbit semen*. Semen autem filios notat, qui per vocationem ad fidem regenerantur: & v. 11. *cognitione sui justificabit justus servus meus multos, quorum iniquitates ipse bajulavit, idcirco partem ei dabo pro multis*. Deinde modus victoriæ adversus Satanam, ut & mundum, altero enuntiationis hujus membro exprimitur, cum ait: *omnes traham ad me ipsum*, id est, omnium gentium electos non solum, (ut attributum probabit) ex Judæis, sed etiam ex gentibus reliquis toto orbe dispersos: Adeo ut cum Synedrium Judæorum hoc morte Christi efficere studuerit, ne omnes in eum crederent Judæi, Ioan. 11. 48. contra eventurum ostendit, ut omnes gentes morte intercedente ad se traheret. Quid autem trahere ad seipsum hic significet, non eadem est interpretum sententia. Quidam enim de invitatione amica ad seipsum agi putant, & Christum respicere ad dispositionem corporis sui in cruce suspensi, nempe brachiis expansis, quasi dicat, se ideo brachia in cruce expansurum, ut electos amplectatur & ad se trahat. Verum hæc opinio, ex veterum quorundam conjecturis curiosis petita, nihil habere videtur momenti: Christus enim revera brachia sua non peculiari consilio expandit: sed illud quod ad penam ab hostibus pro more supplicii crucis factum fuit, perpeffus est (ut etiam latrones similiter sunt crucifixi) neque ullum hujus gestus mysterium esse ex Sacr. Lit. colligitur: sed tantum ex veterum quorundam invalidis ac curiosis conjecturis. Quare convenientius phrasi scripturæ tractio illa exponitur de electorum ex mundo infidelium, & ex potestate Satanæ, vocatione efficaci, per Evangelium & Spiritum Sanct. ad fidem in Christum & communionem illius: quemadmodum Ioan. 6. v. 44. dicitur: *nemo potest venire ad me, nisi Pater qui me misit, traxerit eum*. Et ut tractio Patris, est efficax fidei in Christum donatio, quemadmodum ibid. v. 65. explicatur: sic etiam hæc Christi tractio, quæ à Patre per Filium efficitur, idem designat. Cujus tractionis causa instrumentalis, est Evangelii, Christo mandante, per Apostolos aliosque prædicatio: quæ instar pericæ est, quæ Christum crucifixum pro peccatis nostris, oculis fidei percipiendum ad salutem protendit ac proponit. unde Gal. 3. v. 1. dicitur: *Amentes Galatæ, quis vos fascinavit ne obediretis veritati, quibus ob oculos Christus prius fuerat depictus*, (id est, per metaph. Evangelio quasi penicillo designatus) *inter vos crucifixus*. Principalis verò causa, est interna Christi operatio, qua electis fidem per Spirit. S. audito Evangelio indit: ut ea quasi oculi spiritualis lumine Christum crucifixum Evangelio elatum & oblatum intuerentur ad salutem: sine qua Christi operatione interna, externa prædicatio Evangelii ad fidem generandam impotens est, 1 Corint. 3. v. 5. 6. 7. Interna verò Christi vi ad Evangelii prædicationem accedente, fides in electis generatur, & actiones credendi producit 1. Pet. 1. v. 23. Quod autem Christus tractione omnium ad seipsum intelligit: idem etiam cap. 11. à Joanne alia phrasi, sententia eadem declaratum extat vers. 51. 52. *Propheta ait fore, ut Jesus pro gente moreretur: nec tantum pro ea, sed ut etiam dispersos Dei filios cogeret in unum*. Ubi per filios Dei idem intelligit Johannes, quod hoc loco per vocem omnes: nimirum nondum tractos ad Christum: sed infideles ac trahendos: nec omnes generatim (quia filiorum Dei epithetum, seu titulus ad omnes non pertinet) sed electos, qui *filii Dei*, citato loco vocantur relatè, quod ad adoptionem in filios essent prædestinati: etsi nondum reipsa per fidem essent filii; quemadmodum Ioan. 10. v. 16. oves Christi aliæ dicuntur, quæ non erant ex illo ovili (id est, ex Ecclesia Judaica) sed adducendæ (per prædicationem Evangelii inter gentes, & fidei donum) ut esset pastor unus & unum ovile. Quo etiam modo per mundum dispersi, à Christo colligen-

colligendi dicuntur in unum, Joan. 11. v. 52. merito mortis & verbi ac spiritus ipsius efficacia: qua alienos à se, invito Satana, mundo & carne ipsorum, trahet ad se in unum, sub se capite, Ecclesiae corpus, Ephes. 2. v. 22. & 4. v. 12. & Galat. 3. v. 28. Alias hujus loci explicationes brevitatis causa, quia parum accommodatae videntur, consulto praeterimus: Sequitur jam

*Tertia Quaestio, ex vers. 38. De testimonii Esaiæ accommodatione & sensu.*

Insignis est atque explicatione digna hæc Evangelistæ sententia: quæ ut succinctè declaratur, primùm observanda est illius circumstantia, nempe occasio & scopus: deinde sensus. Occasio autem est duplex: 1. Narratio pertinacis incredulitatis Judæorum, vers. 37. proposita: quod cum Christus tot signa (nempe cum alia, tum proximè apertionem oculorum cæci nati, Joan. 9. & cap. 11. Lazari quadriduum mortui suscitationem) coram eis edidisset, non credebant in eum. Id quod indefinitè dictum, non universaliter de omnibus Judæis intelligendum est, (nam ex primoribus etiam multi crediderunt in eum, v. 42.) sed de pluribus aliis, nempe Christi malitiosis hostibus, & quidem reprobis in incredulitate obduratis, ut vers. 39. 40. exponitur. Secunda verò hujus sententiæ occasio ex prioribus orta, est periculum scandali inde orituri: quod videlicet hac pertinacia Phariseorum aliorumque incredulitate, qui autoritate valebant, infirmiores commoti potuissent mirari, cur tanti viri, tam docti & conspicui inter Judæos, non crederent, atque ita perturbari. Scopus vero est ut huic periculo scandali occurrat & admirationem tollat. Medium autem seu modus ad hunc scopum consequendum idoneus ac directus, est productio prophetiæ Esaiæ, cum ait: *ut sermo Esaiæ Prophetæ impleatur &c.* Quibus verbis incredulitatem illam futuram jam olim prædixerat, in eum scilicet finem, ne quis ea occasione inopinata offensus, de veritate doctrinæ atque officii Christi dubitaret: sed rei prædictione monitus ac præmunitus constanter & inoffenso pede in officio fidei procederet. Qualem etiam scopum Christus expressit, cum discipulos similiter præmonuit de futura eorum persecutione, Joan. 16. vers. 4. Ad testimonium verò Esaiæ quod attinet, illud primò generatim indicatur à Joanne: deinde particulariter Prophetæ verbis exprimitur. Nam de prioribus ait: *ut sermo Esaiæ Prophetæ impleatur cum dixit.* In quo quæritur, quomodo hæc verba cum incredulitate Judæorum narrata cohæreant: nempe quidnam voce *ita* ut designetur. Cum enim hæc conjunctio causam finalem indicare soleat, quæritur quomodo oratio hæc veritati consentiat. Nam Judæorum incredulitas eum non habuit finem seu scopum, ut Prophetia Esaiæ impleatur: imò nihil minus cogitarunt. Respondetur autem, sæpius quidem ea voce causam finalem designari, non autem semper: sed pro locorum circumstantia interdum eventum tantum notari: quemadmodum inter cætera hæc loca sunt illustrata, 2. Cor. 1. v. 17. *num quæ delibero, secundum carnem delibero, ita ut* (id est, adeo ut) *apud me sit etiam & non?* & c. 7. 9. *tristitia affecti fuistis secundum Deum, ita ut* (id est, ita ut) *nulla in re detrimento sitis affecti per nos?* & Apoc. 8. 12. *percutsa est &c. ita ut,* id est, *ita ut,* (quemadmodum Vulgatus & noster interpres rectè vertunt) *obscuraretur tertia pars eorum:* denique c. 13. v. 13. *Edit signa magna ita* (adeo ut, quemadmodum noster interpres rectè transtulit) *faciat ignem de caelo descendere.* Atque ita hoc etiam loco, *non crediderunt in eam, ut sermo Esaiæ Prophetæ impleatur:* non finis rei; sed eventus illius notatur, & Prophetiæ veritas. Quemadmodum etiam Joan. 19. v. 24. *dixerunt ergo inter se: ne eam* (id est, tunicam) *findamus; sed sortiamur de illa, cujus futura sit: ut scriptura impleatur dicens; partiti sunt vestimenta mea, & super vestem meam jecerunt sortem, milites igitur hæc fecerunt:* In quibus verbis cum dicitur: *ut scriptura impleatur dicens,* similiter non finis describitur, (nam milites illi prophani, scripturam illam non norant: multò minus hunc pium habebant scopum, ut scripturam impleant) sed eventum tantum significat; & divinæ prædictionis impletionem ac

veritatem. Atque hæc de testimonii Esaiæ generali indicatione à Joanne facta: Cui particularis illius expressio, Prophetæ verbis hisce subjicitur: *Domine, quis credidit sermoni nostro, & brachium Domini cui retectum est?* Ea autem verba extant cap. 53. v. 1. Quippe postquam sub finem cap. 52. v. 25. vocationem gentium ad Christi notitiam ac fidem, Rom. 15. v. 21. proposuit: contra deinde proximè cap. 53. v. 1. subjicit geminatam Christi querelam ad Patrem de Judæorum incredulitate. Cæterum observandum est Evangelistam præmissa expositione aliqua Prophetæ verba deinde adducere. Nam vox *Domini*, initio hujus dicti posita, in Esaiâ non extat: sed ad illustrandam sententiam præponitur: quemadmodum etiam Rom. 10. v. 16. Sic autem inducitur Christus Patrem compellans. Nam quemadmodum Filius illius est proprius, quatenus Deus: sic servus ejusdem dictus, Esai. 52. v. 13. qua homo factus assumpta servi forma Phil. 2. v. 7. ut voluntati Dei in redimenda per mortem Ecclesia inserviret. Verba autem Prophetæ propositione & expositione illius constant: quarum utraque interrogatione, quæ vim enuntiationis habet, illustratur, ad majorem incredulitatis declarationem. Propositio autem hæc est: *quis credidit sermoni nostro?* sensus autem est: quàm pauci Evangelio per me & Apostolos prædicato atque audito crediderunt? Nam subjectum illud, *quis*, Judæos notare, ex Evangelistæ verbis satis liquet, quia Esaiâ de iis prophetasse testatur, & circumstantia verborum Prophetæ idem innuit: quia versu antecedit. proximo in fine cap. 52. conversionem gentium ad fidem descripsit, & incredulitatis occasionem, ex humili Christi conditione in terris, à Judæis arreptam ostendit cap. 53. v. 2. & seq. per communicationis figuram qua ait: *ita fuit contemptus, ut non aestimemus ipsum:* id est, plerique è nostro populo: nec enim de omnibus: neque de Propheta: neque de Apostolis & similibus intelligi posse, fides eorum evincit. Unde apparet vocem *quis*, tantundem valere, atque quis è nobis, id est, ex Judæis: ad quos loci circumstantiæ, non minus quam Evangelistæ expositio referunt. Atque hæc de propositionis hujus subjecto, nempe Judæis, de quibus agitur, & qui voce *quis* indicantur. Attributum verò, seu id quod de iis queritur est, *credidit sermoni nostro.* Ubi ad plenam sententiam responsio tacita subintelligitur: nempe non omnes, ut Rom. 10. v. 16. exponitur: sed pauci: ut comparatio incredulorum cum credentibus ostendit, plurimos non credidisse. *Sermo* autem hoc loco (quia credendi objectum statuitur) *ῥῆμα* Evangelium, utpote salutis nuntium, Esai. 52. v. 7. designat: ut Evangelistæ ad eam rem hæc verba citantis narratio ostendit, & Apostolus Rom. 10. v. 16. disertè declarat, cum ait: *sed non omnes obedierunt Evangelio: Esaiâs enim dicit: Domine quis credidit sermoni nostro?* Hunc autem sermonem vocat Christus *nostrum* in plurali, *ἡμῶν*. Quo ostendit, se de suo sermone loqui: sed non solum de suo, verum etiam de suorum Apostolorum, aliorumque Evangelii ministrorum, quos ad Judæos misit. Nam prius quidem constat ex Evangelistâ, qui de Evangelii per Christum prædicatione tot signis confirmata, & à Judæis rejecta, disertè interpretatur: posterius vero probat numerus pluralis: cum non ait simpliciter, *sermoni*; sed addit *ἡμῶν nostro*, id est, à nobis proposito. Nam licet Græci & Latini non rarò per enallagen numeri, de se, in plurali loquantur, ac dicant *nos* pro *ego*, & *nostrum* pro *meum*: illud tamen in Hebræa lingua, qua Propheta scripsit, omninò est insolens, licet quædam contraria D. Kimchi adducere conetur adversus christianos, Trinitatis Personarum in Deo assertores, sed sine ratione solida: nam ea de pluribus etiam dicuntur, ut alibi declaratum. Deinde non solum de Evangelio per Christum prædicato hunc sermonem intelligendum: sed etiam de sermone per Apostolos & alios Evangelii ministros accipi debere demonstrat Apostolus, Rom. 10. Nam postquam v. 15. verba Esai. 52. v. 7. *Quàm speciosi sunt pedes Evangelizantium pacem, Evangelizantium bona*, citavit, subjicit proximè vers. 16. *sed non omnes obedierunt Evangelio*, scilicet eorum Evangelizantium: atque ita citat hunc Esaiæ locum, *quis credidit sermoni nostro*, id est, à nobis prædicato: quo satis clarè ostendit, vocem *ἡμῶν*



lam *ἡμῶν* plurali sensu de pluribus esse intelligendam. Atque hæc de prophetiæ Esaiæ propositione. Expositio autem continuata eodem sensu, interrogationis figura, ita adiungitur; *Est brachium Domini cui resectum est?* Cujus subiectum est, *brachium Domini*, quod citra controversiam non propriè accipitur, ut olim Anthropomorphitæ perperam statuebant: quia Deus non corpus, sed spiritus est; brachium verò soli corpori convenit: sed per metaph. ut potentiam Dei designet, quemadmodum Exod. 6. v. 6. & 15. 16. Act. 13. v. 17. & Luc. 1. vers. 51. Sed illud controvertitur, quidnam hoc in loco Johannis *brachii* vox significet. Multi enim notari putant Euangelium, quia ab Apostolo 1. Corinth. 1. vers. 18. sermo crucis Christi (id est Euangelium) dicitur esse iis qui servantur potentia Dei: & Rom. 1. vers. 16. Euangelium vocatur potentia Dei ad salutem omni credenti. Quæ prima explicatio doctrinæ fidei probè consentit. Altera vero est ut brachium Domini personam Christi designet: qui revera est potentia Dei, 1. Corinth. 1. vers. 24. utpote idem cum Patre omnipotens Deus, per quem Pater omnia creavit, Coloss. 1. v. 15. 16. omnia fecit, Joan. 1. v. 3. & 19. 21. Quæ sententia similiter fidei consentanea est, & priori hoc in loco non immeritò præferenda: quia uberior est, seu plenior sententiam complectitur; adeo ut priori *sermonis* voce Euangelium: *brachii* verò *Domini* nomine, causa illius & fidei objectum primarium denotetur, nempe Christus. Deinde quia sequenti Prophetæ narrationi magis convenit, quæ de Christo agi satis clarè demonstrat, siquidem ea de Christo deserte loquitur; cum attributa ipsi propria subijciuntur, nulla alia illius mentione facta, v. 2. *assurgit ut tenera planta* &c. sic toto similiter capite, nulla Christi, tanquam subiecti de quo agatur, mentione facta, attributa declarantur: Ideoque illa ad antecedens brachium Domini, quatenus Christum notat, describendum pertinent. Nam ea referuntur aut ad antecedens Euangelium, aut ad Brachium Domini: aut inepta est (quod fieri non potest) oratio Prophetæ. Ad Euangelium autem non pertinere Christi propria attributa, certum est: Ergo ad brachium Domini, & quidem qua Christum notat, non qua Euangelium, pertinet: atque ita omnia aptissimè coherent. Atque hæc de subiecto, *brachio Domini*, id est, Christo. Orationis verò attributum est: *Cui resectum est?* id est, paucis Judæis, ut ex superiori membro intelligitur. *Resectio* autem, seu ut interpretari solent, *revelatio*, propriè est rei occultæ patefactio: hoc vero in loco per metaph. à re corporea ad rem spiritualem transfertur, & donationem notitiæ ac fidei in Christum, natura nobis ignotum designat. Ea autem resectio est duplex: externa primùm, nempe prædicatio Euangelii de Christo, quod alioqui mysterium est, sua natura ignotum, & naturali industria impervestigabile: quæ resectio etiam multis non credentibus contingit. Altera est interna: qua oculi mentis inprimis, donato fidei lumine aperiuntur, ut Christum, tanquam lucem mundi foris oblatum intueantur, seu actu cognoscant ac credant. Quæ revelatio per fidei donationem electis propria est ac spirituale Dei donum, de qua Christus loquitur Matt. 11. v. 25. *confiteor tibi Pater* &c. & v. 27. *nemo novit Filium* &c. & cap. 16. 17. ad Petrum, qui in Christum credebatur & fidei confessionem ediderat, ait: *beatus es Simon bar-jona, quia caro & sanguis hæc non retexit tibi, sed Pater meus, qui est in celo*: Quibus in locis resectio, mentis per fidem illustratione seu notitiâ Christi designatur. Hoc igitur in loco similiter ratio redditur, cur non crediderint Judæi illi in Christum; quod iis donatione fidei, quæ liberum Dei donum, non esset resectus seu revelatus: nimirum quod cum per se naturæ vi in Christum non crederent: etiam iis fides non esset donata à Deo, qua crederent. Atque hæc de tertia quæstione ad illustrationem v. 38. dicta: sequitur porro

Quarta Quæstio, De resecto vers. 39. 40.

41. sensu.

Memorabilis est hæc Evangelistæ oratio, tribus hisce versibus comprehensa, quam veritatis adversarii

variis artibus obscurare sunt conati: idcirco explicationem ac vindicationem aliquam merito desiderat: ut pura, de fidei origine sententia, & Christi Deitate doctrina conservetur & adversariis occurratur. Occasio autem horum verborum, est incredulitatis Judæorum illorum narratio v. 37. & adversus periculum scandali inde infirmis oritur consolatio vers. 38. à prædictione incredulitatis illius per Prophetam Esaiam cap. 53. v. 1. Nunc vero sequitur amplificatio incredulitatis eorum, & probatio illius ex alia Esaiæ prædictione: ut scandalo contumacis incredulitatis amplius occurratur. Incredulitatis autem amplificatio extat v. 39. Nam ut antea dixit: *non credebant*; sic amplius est, quod subijcit; *non poterant credere*: prius enim actum credendi: posterius vero hanc potentiam quoque defuisse declarat imposterum. Probatio vero est ex Esaiæ Prophetæ prædictione: quæ primùm indicatur generalius: deinde particularius exprimitur ac declaratur. Indicatur autem cum ibidem à Joanne additur, *propterea*: item, *quia iterum dixit Esaias*: sensus est: quia ut Judæos non credituros in Christum Esaias prædixit loco antè citato: sic iterum de iis locutus alibi, impotentiam credendi verè prænuntiavit: Deinde prædictionem illam ex Esai. 6. vers. 10. exprimit ac declarat, exprimit quidem v. 40. *excæcavit oculos eorum* &c. In qua re observandus est consensus verborum Prophetæ & Joannis: deinde eorundem sensus. Ad prius quod attinet, in verbis aliqua apparet differentia, ut collatio Prophetæ, & citatio Mat. 13. v. 14. & Act. 28. v. 27. ostendit: sed tamen in re ipsa est concordia. Nec enim in proferendis Prophetarum dictis verba semper eadem à Christo & Apostolis referuntur: sed sæpe sententia tantum: ut multis exemplis comprobatur ac notum. Ad rem vero quod attinet, Esai. 6. describitur illius à Deo missio ad prædicandum Judæis incredulis, & prædicationem secutura eorum in incredulitate contumacia atque obduratio insanabilis: ut simul sit typus propheticus similis missionis Christi & Apostolorum ad incredulos Judæos, & similis secuturæ contumaciæ atque obdurationis insanabilis: adeo ut ad sensus Prophetiæ integritatem, & typus & antitypus (seu res typo significata) tanquam duo membra sententiæ totius concurrant. Prius enim apparet ex serie ac circumstantiis narrationis Esaiæ: posterius verò ex Apostolorum testimoniis, qui typum eo modo, uti diximus, explicant: ut Mat. 13. v. 14. 15. & Paulus Act. 28. v. 26. 27. & hoc loco Joannes, qui deserte ait: *propterea non poterant credere, quia iterum dixit Esaias*, & vers. 41. *locutus est de eo*, nempe Christo. Cæterum hæc prædictio duo membra rei futuræ describit: nempe incredulitatis Judæorum malitiosæ poenam, & perpetuitatem illius. Poena autem est duplex: excæcatio oculorum & deinde obduratio cordis. De priori autem dicitur: *excæcavit oculos eorum*: nempe Christus per se primùm, ut Matthæus cap. 13. vers. 13. 14. & Joannes hoc capite ostendit: deinde per Apostolos Act. 28. v. 27. & Rom. 11. v. 8. Ea autem excæcatio oculorum non propriè de corpore dicitur: sed impropriè per similitudinem à corpore ad mentem transfertur. Quo modo autem Christus excæcare oculos dicatur, ad rei illustrationem, & Christi gloriam, paucis explicandum. Modi enim sunt varii, ex quibus omnibus iustitia illius elucet: Primus est actio illius ut Prophetæ ac servi Patris: prædicatio scilicet Euangelii cum miraculis ad confirmationem illius editis: quibus Judæi, Christi hostes, conversionis populi ad ipsum invidia, irritati, contra conscientiæ stimulum, notitiam Christi, in sese magis magisque suffocarunt Joan. 11. v. 47. 48. Ideoque hic modus excæcandi non proprius est: sed metaphoricus. Non proprius, quia causa illius propria est hominum incredulorum malitia, non autem Christi actio: quoniam ea per se bona est, & ad notitiam Euangelii augendam idonea, quæque fidem atque amorem illius promeretur. Metaphoricus vero est modus, quo antecedens rei accidens adjunctum, quo homines impii ad rem aliquam efficiendam abutuntur, efficiens illius vocari solet: quod quemadmodum efficiente causa posita, effectum consequitur: sic accidente tali posito, tale sequatur effectum. In eo tamen differentia est, quod effectum vi causæ efficientis oriatur, non

non tantum sequatur: contra verò posito illo accidente, effectum sequitur, non vi accidentis, sed vi abutentis. Hinc vulgo, etsi minus aptè, causa efficiens per accidens dici solet, quo sensu Matt. 10. v. 34. Christus ait, se non venisse, ut mittat pacem in terra, sed gladium, & 2. Cor. 2. v. 15. Paulus ait: *nam Christi bonus odor sumus Deo, in iis qui conservantur, & in iis qui pereunt. His quidem odor mortis ad mortem: illis vero odor vitæ ad vitam.* Secundus excœcandi modus, est actio Christi, ut veri Dei, regis ac judicis mundi: quia eos, qui notitia veritatis Evangelii & Christi accepta, eam nec honorant nec diligunt, sed contemnunt atque averfantur, punit: primum cum tradit eos in mentem judicii expertem, seu judicio ipsis dato, quo abutuntur ad dedecus ipsius, privat: ut similiter de pœna eorum, qui notitiam Dei naturalem injustè detinuerant Deumque non honorant, Rom. 1. v. 18. & 28. asseritur. Deinde cùm permittit eos tentationi & excœcationi per Satanam, ut 2. Cor. 4. v. 3. 4. *quod si tectum est Evangelium nostrum, iis qui pereunt* (id est, reprobis) *tectum est: in quibus Deus hujus sæculi* (id est, Satan, mundi princeps) *excœcavit mentes infidelium &c.* Quemadmodum eo etiam sensu dicitur, 2. Thes. 2. v. 9. 10. 11. de Antichristo, *quod ex efficacia Satanae advenit, cum omni fraude injustitiæ in iis, qui pereunt, pro eo quod amorem veritatis non receperunt ut salvi fierent, propterea igitur mittet illis Deus efficaciam deceptionis, ut credant mendacio: ut damnentur omnes, qui non crediderunt veritati, sed acquieverunt in injustia.* Atque hæc de prima incredulorum Judæorum, ac pertinacium pœna, nim. oculorum id est mentis excœcatione. Altera ei adjecta, est cordium obduratio. Quo in loco vox cordis citra controversiam, non propriè partem corporis notat: sed improprie accipitur: quo autem sensu videndum; nam usus illius in S. Scriptura extat varius. Interdum enim mentem, seu intelligendi facultatem significat. ut Matt. 9. vers. 4. *quid cogitatis mala in cordibus vestris:* & Mar. 11. v. 23. *& non hæsitaverit in corde suo, sed crediderit:* & Rom. 1. v. 21. *& obtenebratum est insipiens cor eorum:* deinde interdum cor alteram animæ facultatem, nempe volendi potentiam notat, ut Ioa. 16. v. 6. *tristitia implevit cor vestrum:* & v. 22. *gaudebit cor vestrum:* & Rom. 1. v. 24. *desideria cordis:* & c. 10. 1. *voluntas cordis mei.* Denique interdum pro anima ipsa, utrâque cùm intelligendi, tum volendi facultate prædita, accipitur: ut cum ab utriusque attributis cor describitur: quemadmodum Matth. 15. v. 19. *ex corde egrediuntur cogitationes malæ, cædes, adulteria, furta &c.* Hoc autem in loco non incommode pro diversis significationibus hisce exponi potest. Prima quidem; ut idem notet quod mentem, quam in priori hujus sententiæ membro *oculos* metaphoricè vocavit: Cui declarationi favere omnino videtur, quod proximè hîc subijcitur: *& intelligant corde,* id est, mente, ad quam intelligendi propriè pertinet. Secunda etiam significatione accipi potest, ut volendi facultatem designet: quæ expositio uberior est, atque distinctam à priori, eoque ampliorem sententiam complectitur. Neque obstat quod cordi intelligentia sequentibus tribuatur: quia in eadem oratione, interdum una vox diversâ significatione intelligenda, prout attributorum veritas distinctè requirit: quemadmodum Matth. 8. v. 22. & 2. Cor. 5. v. 21. & Ioa. 3. v. 17. *non enim misit filium suum in mundum,* (id est, orbem terrarum) *ut judicet mundum,* id est, homines, qui in mundo, seu in terra sunt. Denique significatione tertia non incommode animam notare potest: ut ex attributæ obdurationis significatione, & ex sequenti conversionis mentione addita, quæ ad utramque facultatem animæ pertinere possunt, colligendum videtur. Obduratio enim cordis seu animæ duplex in scriptura memoratur: una ratione mentis: altera ratione voluntatis; & utraque per similitudinem à callo corporis metaphoricè sic dicta. Ut enim callo obducta, non facile tactui cedunt, ut aliquid imprimatur, sed resistunt, tanquam sensus expertia: sic mens præjudicio falso quasi callo obdurata, verbo Dei ad credendum proposito non cedit: sed ei incredulitate obfistit: quemadmodum similiter volendi facultas malitiâ, seu pravis affectibus quasi callo quodam antea imbuta, non obtemperat Dei verbo, sed illud averfatur eique se

opponit. Ad mentis autem obdurationem quod attinet, quæ excœcatio antea dicitur, ea est incredulitatis confirmatio, seu omnino, seu partim tantum; Ac prioris quæ impiis attribuitur mentio est, Rom. 11. v. 25. *πίστις* (noster interpretes obdurationem vertit, propriè autem *calli effectum* notat: vulgatus interpretes ad sensum spectans *cæcitatem* interpretatur) *ex parte Israel obvenit, donec plenitudo gentium introierit:* & 2. Cor. 3. v. 14. *ἡ καρδιά νοήματα αὐτῶν*, noster vertit *occalluerunt* (id est, obduratæ sunt) *mentes eorum:* Vulgatus verò *obtusæ sunt sensus eorum.* Posterioris verò exempla in piis ac fidelibus Apostolis apparent, qui ad pauca Christi dicta intelligenda ac credenda fuerant initio tardiores, sicut Marc. 6. vers. 52. *non enim intellexerant de panibus, quoniam cor eorum erat πνεύματι καλλο obductum,* id est, obduratum quodammodo, quod noster interpretes, *occalluerat:* vulgatus verò sensu expresso, *erat excæcatum,* interpretatur: & cap. 8. v. 17. *non dum cognovistis neque intelligistis, adhuc habetis cor vestrum πνεύματι καλλο obductum?* quod noster interpretes *stupidum:* vulgatus, *cæcatum* interpretatur: denique Marc. 16. v. 14. *επιβροχῆσαν τὴν ἀπιστίαν αὐτῶν, ὅτι οὐκ ᾔκουον τὸν λόγον αὐτοῦ, ὅτι ἡ καρδιά αὐτῶν ἦν καλλο obductή, καὶ οἱ ὀφθαλμοὶ αὐτῶν τυφλοὶ ἦσαν, καὶ οὐκ ᾔβλεπον.* Altera vero obduratio cordis (quatenus illud volendi facultatem notat) est voluntatis in pravitate, seu odio veritatis ac justitiæ contumacia; quam Apost. Eph. 4. gentibus infidelibus tribuens hoc modo distinctè describit v. 18. *Cogitationem habentes obscuratam & abalienatam à vita Dei, διὰ τὴν ἀγνοίαν, propter ignorantiam, quæ est in ipsis, διὰ τὴν πείραν τῆς καρδίας αὐτῶν, per* (vel ut noster interpretes reddit clarè ex) *obdurationem cordis eorum.* Ubi minus rectè vulgatus interpretes *cæcitatem cordis ipsorum* interpretatur; quoniam non de mentis vitio loquitur Apostolus sed de voluntate atque affectibus, vitiorum consuetudine ita depravatis, ut inde judicio discriminis recti ac pravi oblitterato, in quævis scelera præcipientes prolapsi sint, ut etiam versus sequens demonstrat, his verbis: *qui posteaquam dedoluerunt, (ecce declarationem obdurationis: quod scilicet in malo obfirmati, dolere ob scelera desierint, ut effecta sequentia etiam probant) semetipsos dediderunt proterviæ ad certatim patranda impuritatem omnem.* Huc etiam pertinet impiorum Judæorum adversus Evangelium à Paulo prædicatum contumaciæ descriptio, Actor. 19. v. 9. *cum autem quidam indurarentur & non parerent, male loquentes de via,* ut simili exemplo clarè illustratur cap. 13. v. 45. 46. Atque hæc de cordis, cui obduratio tribuitur, declaratione. Ut autem quid maximè, in trium harum expositionum verisimilium diversitate, huic loco consentaneum videatur, cognosci possit, media sententia videtur præferenda: nim. ut obfirmatio animi seu voluntatis atque affectuum pravorum adversus Christi Evangelium intelligatur; nimirum quod prædicatione Evangelii, miraculis etiam confirmata, non correcti sint, ut Evangelium amarent, prout res merebatur: sed contra in odio suo adversus illud sese magis magisque obfirmarent: adeo ut ipsi suâ malitiâ obdurationis illius causa extiterint: Ideoque quod de Christo dicitur, *obduravit corda eorum:* illud non de prima duritiæ intelligendum, (quasi ex mollibus ac morigeris, duos atque immorigeros reddidisset) quia eam in se & à seipsis jam antea, ut Joannes declaravit, habuerant: sed de primæ illius duritiæ incrementos: deinde ea ratione non propriè Christo ascribitur: quasi omnino, aut partim saltem, causa efficiens fuisset obdurationis adauctæ) hoc enim sanctitati illius perfectæ ac perpetuæ repugnaret) sed improprie per metaph. quemadmodum similiter in excœcatione mentis declaranda, jam antea ostendimus, & locis Scripturæ S. illustrare conati sumus. Unde etiam obdurationis significatio non difficulter intelligi potest: quemadmodum strictim indicare convenit. Nam ut rei alicujus antecedens occasio, quâ posita, non illius, sed alieno vitio res ipsa certò consequitur, quasi ea causa esset, per similitudinem quandam causa efficiens appellari solet: sic etiam Christus hoc modo Judæos hosce obdurasse dicitur, quod bonæ actionis illius occasione, ipsimet suo vitio duriores sint effecti. Actio autem Christi fuit recta boni sui, partim oblatio, partim ablatio iusta: Prius ut

jam modo ostendimus, fuit Euangelii prædicatio, & gloriæ Christi per miracula illustratio: qua re cum merito emolliri, & ad amorem illius provocari iuste deberent, contra propria sua malitia iniuste irritati, duriores effecti sunt. Posterius est ablatio iusta boni sui fræni, seu actionis coërentis, duplicis. Prima enim actio fuit, qua interius suum donum, quo antea eorum pravorum affectus, ne adeo augerentur, ad tempus refrænarat, ab iis iuste auferendo, eisdem desiderii cordis ipsorum pravis tradit: quemadmodum Apostolus Rom. 1. in simili punitione gentium ostendit. Altera actio est cum Satanæ, quem ad tempus cohibuerat, quasi habenas laxat, & ad iustam impietatis poenam, eos tentandos permittit. Ita ut occasio quidem obdurationis fuerit Christus iuste agens: causa vero efficiens, malitia Judæorum & Satanæ tentatio. Atque hæc quidem de duplici incredulitatis poena, Judæis malitiose incredulis illata: partim excæcatione oculorum mentis: partim obduratione cordis eorum. Cujus eventus declaratur, nimirum perseverantia utriusque, cum additur: *Ita ut, ut non videant & intelligent corde, & convertantur & sanem illos.* Perseverantia enim in excæcatione indicatur, quod ita futura esset, *ut non videant*, id est, ut exponitur, *intelligent corde*, id est, mente credant, ad quam intelligentia pertinet: ut supra declaravimus. Perseverantia autem obdurationis notatur, his verbis, *& convertantur & sanem eos.* Nam cum conversio sit duplex: una mentis, per intelligentiam seu fidem: altera voluntatis, per charitatem: posterius ob distinctionem à visione seu intelligentia cordis hoc loco commodè denotatur. Quod autem additur: *ut sanem eos*, illustratio est antecedentis intelligentiæ mentis & conversionis cordis: & quidem vel per declarationem, ut significetur primum, in utroque illo sanationem hominis consistere, & Deum utriusque authorem: vel per amplificationem quandam, liberationem à merita peccatis poena, & reconciliationem cum Deo designat. Quod ut paulò melius intelligatur, insita vocis vis, distinctione usus illius nonnihil illustranda est; siquidem vel propriè, vel impropiè in S. Literis usupatur. Propriè quidem sanatio est valetudinis corporis aliquo vitio læsæ, in integrum restitutio: quo modo Christus Matth. 4. v. 23. dicitur, sanasse quemvis morbum & quemvis languorem in populo: vers. 24. sanasse omnes male affectos, & cruciatibus detentos, & dæmoniacos. Qualis sanatio propriè accepta, in hac Joannis ex Esaia producta sententia, non intelligitur, ut res ipsa satis ostendit. Impropiè vero sanatio ad aliam rem propter similitudinem quandam eleganter transferri in Sacris Literis solet: nimirum ut ea voce denotetur pristini status felicitis, per calamitatem aliquam ablati, redintegratio. Quæ rursus pro pristini status illius, & oppositæ calamitatis externæ aut internæ distinctione, duplex etiam existit. Prior est ab externa belli, sterilitatis, aut similis miseriæ, in statum tranquillum ac prosperum reductio; cuius significationis illustra hæc sunt exempla. 1. In insigni illa allegoria Hof. 5. v. 13. *Videns Ephraim morbum suum, & Juda ulcus suum, abiit Ephraim ad Assyrium: sed ipse non poterit sanare vos, neque curare vos ab ulcere:* & cap. 6. v. 1. *ipse rapuit & curaturus est nos: ipse percussit, & obligaturus est nos:* sic etiam terræ, locustis & pluvie privatione sterili ac quasi morbo afflicte, per conversionem populi, sanatio promittitur. 2. Chronicor. 7. vers. 14. Altera sanatio metaphorica est, hominum ab interna miseria, quasi morbis atque ulceribus, animæ integritatem lædentibus, in rectum statum restitutio. Eaque rursus est duplex: una quidem per sanctificationem: altera vero per justificationem ac reconciliationem cum Deo. Per sanctificationem quidem, quia per eam à peccatis nobis insitis, quasi à morbis spiritualibus liberamur, & pristinam sanctitatem, quasi valetudinem spiritualem recuperamus. Quomodo allegoricè loquitur Apostolus Heb. 12. vers. 13. cum ait: *Et rectas orbitas facite pedibus vestris, ne quod claudum est abducatur à via, sed ut sanetur potius.* Per justificationem verò sanatio animæ contingit: quia per eam, satisfactione Christi intercedente, à reatu ex peccatis orto (id est, obligatione iræ Dei, & mortis æternæ poena) li-

berati Deo reconciliamur, & vitæ æternæ hæredes sumus, de qua sanatione Psal. 41. v. 5. dicitur: *sana animam meam, quia peccavi tibi:* & Psal. 103. vers. 3. *qui condonat omnes iniquitates tuas, qui sanat omnes morbos tuos*, id est, per metaph. omnia peccata tua (quibus integritas animæ corrumpitur & ira Dei provocatur) condonat. Quæ quasi sanitas Esai. 53. v. 5. & 1. Pet. 2. v. 24. Christo accepta tribuitur: *Cujus, inquit, vibicibus sanati sumus*, id est, à merita mortis poena, ob peccata passione illius nempe Christi liberati, ac quasi pristina valetudini restituti sumus: & Esai. 61. vers. 1. & Luc. 4. v. 18. *ad Evangelizandum pauperibus misit me, ut sanem contritos corde*: id est, peccatorum suorum sensu, & condemnationis merita conscientia perculsos ac quasi contritos animos, per fidem, merito satisfactionis meæ, & per efficaciam Sp. S. justificem; quemadmodum in loci hujus citatione pro hisce verbis, *& sanem eos*, Marc. 4. v. 12. dicitur, *& peccata iis condonentur.* Atque hac sanitatis, quæ à Deo confertur, explicatione posita, utraque quam initio proposuimus horum verborum, *& sanem eos*, expositio commoda est: sed posterior tamen videtur præferenda: ut scilicet conversionis ante memoratæ utilitas declararetur: nempe peccatorum per & propter Christum remissio & reconciliatio cum Deo. Hæc enim sanationis Deo Christoque attributæ, per justificationem significatio, est maximè trita in Sac. Lit. & sententiam hanc Evangelistæ uberiorem reddit: quam si de sanatione per sanctificationem, repetitione quadam intelligatur. Quare ut ad scopum Evangelistæ redeamus, ex illustri hac Esaiæ cap. 6. sententia rectè demonstravit, Judæos illos Christi adversarios (quos non credidisse asseruerat) etiam non potuisse credere: quod scilicet nec ipsi per se possent, nec Christus fidem iis hostibus suis donare vellet. Siquidem ut oculis corporis cæci, nisi à Deo solo visus iis restituatur, videre non possunt; sic hi increduli Judæi, de quibus agitur, mentis oculis cæci, videre Christum per fidem non potuerunt: quia ad eam rem per se fuerunt impotentes, & deinde iusto ac constanti iudicio Christi, in cæcitate sua & cordis duritiæ seu malitia pertinaci relictæ sunt, suoque insanabili contumaciæ vitio deteriores redditæ. Atque hæc de hujus prophetiæ recta ad scopum propositum expressio: sequitur deinde brevis atque insignis declaratio illius, qua docet, hæc de Christo esse prædicta: ut eo modo objectioni occurrat atque errori; ne quis existimet ea verba ad prophetam Esaia tantummodo pertinere: ac propterea ineptè omnino ad Christum accommodari, deque eo exponi. Ea autem declaratio hisce verbis continetur: *Hæc dixit Esaias quando vidit gloriam ejus, & locutus est de eo.* Quibus duo designat: primum quidem tempus, quando ea locutus est Esaias: deinde personam de qua locutus est. Tempus autem est: *cum vidit gloriam ejus*, nempe Christi, de quo Joannes locutus est, ut consequentia idem ostendunt. Gloria autem ea describitur & exprimitur. Esa. 6. v. 1. quod vidit Deum insidentem folio excelfo, &c. de quo Seraphim inter se mutuò clamarunt, v. 3. *Sanctus, sanctus, sanctus, est Jehovah exercituum, impleta est tota terra gloria ejus.* Atque hæc de tempore quando hæc locutus est Esaias: Persona verò de qua locutus est indicatur, cum addit, *locutus est de eo*, scil. Christo, verò cum Patre Deo, & simul verò homine, cujus gloriam, ut veri Dei, olim apparentis forma iudicis throno suo insidentis, vidit Propheta, & ab eodem ad Judæos contumaces sermone suo excæcandos atque obdurandos missus, typus fuit excæcationis & obdurationis posterorum similium, prædicatione per filium Dei, patefactum in carne & ad Judæos missum, futuræ. Ideoque aptissimè hæc sententia Prophetæ ab Evangelista de Christo exposita est: unde demonstratio æternæ Deitatis Christi invicta ab Orthodoxis contra Arrianos & Samosatenarios (cum veteres, tum nostri ævi Socinianos) deducitur: Is enim cujus gloriam Esaias vidit, quæ describitur ab eo cap. 6. est Iehova exercituum. Atqui Christus est is, cujus gloriam Esaias vidit, quæ describitur Esa. 6. Ergo Christus est Iehova exercituum, ac propterea Patri *iswén*. Propositio ibidem v. 1. 3. & 5. à propheta diserte exprimitur. Assumptio verò hoc loco Joannis perspicue conjunctur, cum ait

ait v. 41. *Hæc dixit Esaias, quando vidit gloriam ejus, & locutus est de eo*, scil. Christo. Cujus demonstrationis claritatem cum adversarii suis argutiis obscurare contendant, eæ strictim ad veritatis & Christi gloriam asserendam diluendæ. Primum autem obijciunt contra id, quod in assumptione pronomen *hæc* ad dictum Esa. 6. refertur; ac contendunt, eò non pertinere, sed ad prius testimonium ex c. 53. productum. Verum hoc duplici ratione confutatur. Prima est orationis Iohan. series. Duplex enim ab eo de Iudæis illis propositio adfertur: prima; quod non crediderunt in eum, nempe Christum: eamque testimonio Esaïæ cap. 53. declarat. Atque ita absoluta primæ illius propositionis tractatione, secundam subijcit; quod non potuerint credere: idque similiter altero Esaïæ testimonio ex cap. 6. petito prædictum confirmat: quibus verbis proximè subijcit: *hæc dixit Esaias*, nempe de quibus loquitur: quæ testimonio proximè ad propositionis secundæ illustrationem adduxerat. Deinde res ipsa idem quoque evincit. Primum enim Esa. 6. describitur magnificè gloria Iehovæ exercituum, ejusque à Propheta visio; deinde subijcitur Iehovæ in illa gloria apparentis mandatum ad Prophetam; cujus pars primaria à Ioanne recitatur: Deinde quia initium c. 53. Esaïæ, quod primum ab Evangelista citatur; non loquitur de Christi gloria; sed de ignominia, quæ humili statu, contemptu, passione & morte describitur. Nam quod adversus hoc obijcit Enjedinus: *Passiones ab Esaia descriptæ, non ignominia sed gloria fuerunt Christi, tendebant enim & ducebant ad gloriam*: illud genuinam vocis significationem pervertit, & opposita ineptè componit, ac scripturæ adversatur. Nam Luc. 24. v. 26. dicitur: *nonne oportuit Christum ista pati & ingredi in gloriam suam?* Quibus verbis ipsemet Christus suas passiones & gloriam consequentem diserte opponit: ut & 1. Pet. 1. v. 11. dicitur, spiritum Christi qui in prophetis erat, ante testatum fuisse de passionibus, & gloriâ illas consecutura. Sed excipit adversarius: *Es. 6. de pena gentis perfide Judaicæ agitur, quod non pertinet ad gloriam Christi*. Resp. ad prius negatione consequentiæ: Nam licet illa pœna non pertinuerit ad gloriam Christi: nihilominus tamen pertinet ad gloriam Christi, quod Esaïas vidit gloriam majestatis illius, cum hæc dixit, quæ ibidem describitur. Quod rursus obijcitur à vers. 11. cap. 53. usque ad finem agi luculenter de Christi gloria mortem secutura, quo respexerit Evangelista: Verum est, de Christi gloria, passionem & mortem secutura, ibidem agi: sed ea non spectata fuit primum, cum propheta dixit: *quis credidit sermوني nostro, & brachium Domini resectum est?* neque Evangelistam eò respexisse inde satis liquet: quia alias subjecisset illa verba, *quando vidit gloriam ejus*, testimonio primo ex cap. 53. proposito: non autem verbis aliò pertinentibus ex c. 6. prolatis, ubi gloria Iehovæ non futura, sed præterita describitur. Altera rursus est exceptio adversarii quod Esa. 6. non dicitur à Propheta, se vidisse gloriam Domini, sed Dominum sedentem super solium, & audivisse canentes Angelos terram esse plenam gloria Domini. Resp. etsi Esaïas id non dicat totidem verbis, nihilominus descriptione insigni gloriæ, sensum eundem expressit. Nam sessio Domini apprens super solium excelsum & elevatum, & simbriz illius implentes templum v. 1. & Angelorum Seraphim Domini gloriam celebrantium circumstantia vers. 2. & 3. & motus frontispicii liminum templi & fumus illud implens, v. 4 sunt illustris, non simplicis, sed multiplicis gloriæ quam Esaïas vidit v. 1. & 5. descriptio. Nam sola etiam nubes miraculosa implens tabernaculum, qua præsentiam suam ac potentiam gloriosè Israelitis patefecit Deus, vocatur *gloria Dei* Exo. 40. v. 34. 35. Quemadmodum etiam similis admiranda nubes, quæ templum implevit, *gloria Iehovæ* similiter vocatur, 1. Reg. 8. vers. 10. 11. Sic etiam, gloriosa Dei, sub specie hominis, throno insidentis sublimi folio, & stipantibus Angelis, ac motu postium templi & fumo illud implente conjunctis, ab Esaia visa, fuit revera Dei gloria: quam etiam Angeli Seraphim prædicarunt atque amplificarunt cum ajunt: *plena est omnis terra gloria ejus*: id est, non solum templum, ut pars terræ, extra ordinem, in ista visione: sed etiam secundum ordinem creationis & providentiæ divinæ, in reliqua

tota terra: quod in ea gloriosæ Dei potentia ac benignitatis opera sint conspicua, ut Psalm 148. in primis vers. 13. & Psalm. 57. v. 12; & 108. 6. declaratur. Quod autem deinde obijcit, visionem illam Esaï. 6. non pertinere ad Christum, sed ad Deum Patrem, apparere ex Apoc. 4. ubi vel eadem, vel similis visio describitur, & Deo Patri tribuitur, & ab eo Christus cap. seqq. distinguitur: Illud à re proposita alienum est: quia non potest eadem esse visio utrimque: quia illa ante Christum natum, Esaïæ; hæc verò post Christi ascensionem in cælum, Joanni accidit: ut v. 1. ibidem traditur: neque similitudo aliqua quicquam ad rem præsentem facit. Præterea obijcitur, pronomen illud *autem* seu *ejus*, non ad Christum esse referendum: sed ad vocem *autem*, quæ bis vers. 38. exprimitur: ut ad Patrem referatur: quia nulla Christi sit mentio. Sed responderetur, utrumque negari: Nam ad rationem objectam quod attinet, ea falsa est: nam licet non explicitè Christi nomen memoretur, implicitè tamen per ellipsin perspicuam continetur: quemadmodum ex anteced. constat, quoniam ut vers. 37. Evangelista dixit, primum de Iudæis Christi auditoribus malitiosis, *non credebant in eum*, id est, citra controversiam, in Christum: idque Esaïæ testimonio primo ex cap. 53. declaravit vers. 38. sic deinde amplificat incredulitatem eandem ab impotentia, vers. 39. *propterea non poterant credere*, scilicet Iudæi illi, in Christum, ut res ipsa & orationis series evincit: idque ratione secundi testimonii ex Esa. cap. 6. sic confirmat, quod iterum dixerit: *excæcavit oculos eorum & obduravit corda eorum*. Id quod Christo attribuitur, cujus Evangelio & miraculis increduli illi Iudæi suâ malitiosa invidia stimulati, magis magisque excæcati atque obdurati sunt, ut supra explicuimus. Nam quemadmodum Esaïæ à Iehova exercituum mandatum dicitur cap. 6. vers. 10. *pinguefac cor populi huius, & aures ejus aggrava, & oculos ejus claude*: quo mandato excæcatio & obduratio Iudæorum illius temporis Prophetæ Esaïæ metaphoricè tribuitur: sic etiam (quatenus in ea re Christi typus fuit) denotatur fore, ut hic similiter sua prædicatione miraculis confirmata, oculos Iudæorum multorum excæcaret, & cor eorum obduraret: quemadmodum revera accidisse Evangelistâ ostendit. Idcirco eodem servato sensu, imperativum loquendi modum, qui apud Esaïam extat, in præteritum accommodatè ad rem præsentem convertit. Quemadmodum alibi in ejusdem sententiæ Esaïæ citatione similiter, manente eodem sensu, mutatio aliqua vocum facta est: quemadmodum Matth. 13. v. 15. pro imperativo *pinguefac*, præteritum & quidem passivum positum *ἐπαχύνθη*, *pinguefactum est*: & pro eo, quod Esaïas habet, *& aures ejus aggrava & oculos claude*, quod prophetæ tribuitur, Matthæus exponit, *auribus graviter audierunt, & oculos suos involvit clausurunt*, ut vulgata versio & Henric. Stephanus vertunt: aut ut noster interpres, *oculis consueverunt*: unde apparet ex Prophetæ verbis occasionem indurationis ipsi & Christo (per se, ut hoc in loco, & per Apostolos ut Actor. 28.) prædicanti adscribi: causam verò propriam à Matthæo indicari malitiam incredulorum Iudæorum. Ideoque hæc excæcatio atque obduratio à Joanne proposita eo sensu (convenienter prædicationi & typo Esaïæ) Christo attribuitur. Ideoque cum dicitur, *vidit gloriam ejus & locutus est de eo*: voces *ejus* & *eo*, non ad Deum Patrem, ut adversarius Enjedinus contendit, sed ad Christum manifestè referuntur. Idque etiam perspicuè ostendunt proxima verba, quæ de Christo citra controversiam loquuntur, cum dicitur: *multi tamen ex principibus crediderunt in eum*. Quibus absolutis una occurrit difficultas, licet ea ab adversario non moveatur: siquidem quæri potest, quo modo Christus possit rectè Esaï. 6. per Iehovam exercituum, cujus gloriam vidit Propheta, designari: & simul per prophetam Iudæos amplius excæcaturum & obduraturum adumbrari. Responsio est, Christum pro duplici sua natura rectè bifariam distinctè hoc loco considerari. Quatenus enim Deus, est Dominus seu Iehova exercituum, cujus gloria Esaïæ patefacta: quatenus verò homo futurus ac Propheta Dei, per Prophetam Esaïam missum, fuit adumbratus: quemadmodum pro varia ipsius consideratione



variis etiam fuit typis adumbratus, ut ad Hebræos passim, & alibi etiam demonstratur. Atque hæc ad illustris hujus loci explicationem, atque inprimis adversus Deitatis Christi hostes vindicationem, dicta sunt: sequitur

*Quinta Questio, quid significet v. 42. Veruntamen etiam ex primoribus multi crediderunt in eum.*

Occasio hujus quæstionis est ea assertio Evangelistæ antè tradita, de Judæorum incredulitate, & credendi impotentia insanabili: unde opinio concipi potuisset, hoc de universis Iudæis eorumque primoribus esse intelligendum. Scopus autem est, ut hunc errorem præveniat atque avertat. Modus verò eo tendens, est hæc sententia: qua commoda explicatione contrarium statuit, cum ait, *Veruntamen etiam ex primoribus multi crediderunt in eum*: id est, licet plerique ex populo & primoribus illius non crediderint, sed adversus Christum contumaces fuerint, non est tamen existimandum nullos eorum credidisse: nam non solum è populo, sed etiam ex primoribus illius multi, id est, non unus atque alter, sed plures, etsi incredulis pauciores, crediderunt in eum. Verum hic quæstio exurgit, an hic fides intelligatur viva, an verò mortua. Quidam enim de fide viva quæ per regenerationem donatur: & ut cum charitate simul infunditur per Sp. S. sic per eandem charitatem est efficax, Galat. 5. intelligunt. Quæ explicatio probatur, primùm ex collatione antecedentis: quia ut ante verbum illud *credere* de viva fide accipitur, sic hoc in loco similiter accipiendum: quia non simpliciter dicitur; *multi credebant*, sed, *veruntamen etiam multi*: quo videtur clarè statui, quod licet è populo plurimi non crediderint in Christum, id est, viva fide ipsum non sint amplexi, alios tamen, etiam ex primoribus, multos ita credidisse. Altera ratio à vi phræos quæ hic adhibetur deducitur: quia primores non dicuntur credidisse Christo, sed in Christum: quo vivæ fidei (ut plurimorum sententia est) proprium denotetur: quod in eo acquieverint ac fiduciam suam collocarint. Alii verò non vivam fidem, sed mortuam intelligi arbitrantur: nudam scilicet veritatis Evangelii Christi notitiam, resipiscencia & charitate ac fiducia salutis destitutam: quæ vulgo fides historica, licet non satis clarè, vocatur. Hoc autem colligunt inde, quoniam cum viva fides sit per charitatem efficax, Gal. 5. v. 6. Iac. 2. v. 17. 18. talis in hisce primoribus non extiterit: quia de hisce credentibus in Christum dicitur, quod propter Phariseos non confitebantur, ne Synagoga moverentur, id est, metu excommunicationis in eos decretæ Ioann. 9. vers. 22. qui fidem in Christum profiterentur. Deinde quoniam additur de iisdem: *dilexerunt enim gloriam hominum potius, quam gloriam Dei*: quemadmodum de Iudæis illis asseritur qui Christum audiebant, Ioan. 5. v. 44. *quomodo vos potestis credere, cum gloriam alii ab aliis capitis, & gloriam quæ a solo Deo est, non queratis*. Neque huic sententiæ obstare arbitrantur phrasin Evangelistæ: nimirum quod non dicat, crediderunt *autem*, sed *etiam* in eum, quasi ea phrasis vivæ ac justificanti fidei solum conveniret. Quia etsi illud & olim à nonnullis, & vulgò plerunque approbatur, ab aliis tamen nonnullis piis atque illustribus Theologis atque Hebrææ linguæ interpretibus aliter iudicatur: qua de re consuli potest Doct. Martinus Bucerus, in præfatione comment. in ep. ad Rom. Nam ut de phrasi hac aliquid plenius moneamus; *ἐπίστευσαν ἐν αὐτῷ*, non puræ linguæ Græcæ est phrasis: ut neque Latinæ, *crediderunt in eum*: sed merus est Hebraismus, seu Hebrææ phrasis imitatio: adeo ut idem omninò notet atque *crediderunt ei*: quod citra discrimen modò de viva fide, modò de mortua, pro ratione rei, de qua agitur, diverso modo accipiat, ut Exod. 14. v. 31. *crediderunt in Jehovam & Moysen*, id est, ut vulgatus interpres exponit: *crediderunt Domino & Moysi*, & D. Iun. & Tremel. *crediderunt Iehovæ & Moysi*: & 1. Sam. 27. v. 12. *Achis credidit in Davidem*, id est, Davidi, ut vulgata versio & D. Iunii & Tremel. & Genevensis Gallica rectè transtulerunt: & Ion. 3. v. 5. *& Ninivites crediderunt in Deum*, id est, Deo, urbis interitum per Ionam comminanti, ut vera dicenti fidem adhibuerunt. Ne-

que enim intelligi potest de fide salutari in Christum, quia Evangelium, verbum scilicet salutis, iis nondum erat prædicatum: sed verbum interitus urbis. Neque de fide cum amore & fiducia in Deum conjuncta sermo est: quia nulla iis fuerat facta promissio. Ac propterea rectè D. Iun. & Trem. interpretati sunt: *crediderunt Ninivites Deo*, & Genevenses similiter. Deinde ut adhuc expressius ac propius ad rem præsentem accedamus, id quod Hebræa phrasi de Abrahamo dicitur, Genes. 15. vers. 6. *credidit in Jehovaham*, versio D. Iunii habet, *credidit Iehovæ*: quemadmodum exceptione omni major Apostolus disertè, Rom. 4. v. 3. & Gal. 3. v. 6. hunc locum citans transtulit: *credidit Deo*; Et in Nov. Test. sæpe eodem sensu dicuntur iidem credere Christo, & credere in Christum, Ioan. 8. vers. 30. *multi crediderunt in eum*, & vers. 31. de iisdem omnino dicitur: *qui credebant ipsi*: & hoc cap. 12. Ioannis de eadem omninò re dicitur vers. 37. *non crediderunt in eum*, & de iisdem vers. 38. (ut etiam Rom. 10. vers. 16.) *quis credidit sermone nostro*? Denique de mortua fide dicitur Ioan. 2. v. 23. *multi crediderunt in nomen ejus*: de quibus tamen v. 24. dicitur, *Iesus autem non credebat semetipsum eis, eo quod nosset omnes*. Quemadmodum contrà de viva & salvifica fide dicitur altera phrasi, Ioann. 5. v. 24. *qui credidit ei, qui me misit, habet vitam æternam*, ea enim soli vivæ fidei promittitur ac confertur. Hisce utrimque expensis, prior tamen sententia videtur præferenda, non quidem ob phrasis illius; *crediderunt in ipsum*, argumentum: sed propter connexionem cum antecedentibus supra probatam, ut credere utrimque de eadem fide accipiat. Deinde quod dubia sententia, in meliorem partem ex charitatis & equitatis lege de aliis sit iudicandum. Neque ratio objecta quicquam evincit: Nam quod Christum non ausi sunt confiteri; quodque gloriam hominum magis dilexerunt quam Dei, ut Evangelista memorat: illud non simpliciter & absolute intelligendum (sicut de incredulis Christi adversariis, Ioann. 5. v. 44. dictum) sed secundum quid atque relatè: nimirum quod ad tempus, infirmitate fidei & charitatis laborantes, officium neglexerunt. Qualis fuit Nicodemus Phariseus ex primoribus Iudæorum, Ioan. 3. v. 1. & 10. & alii nonnulli cum ipso: qui metu Iudæorum initio nocte Christum adiit ac dixit, *scimus* (nempe ego & alii mecum) *te à Deo venisse Magistram*: nemo enim potest hæc signa facere, quæ tu facis, nisi Deus sit cum ipso: qui paulatim in fide ac dilectione Christi proficiens in senatu postea liberè, cum Pharisei Christum inauditum condemnarent, illud cum lege pugnare asseruit Ioan. 7. vers. 51. sed tamen rogatus an ipse quoque Galilæus esset; fidem suam in Christum palam nondum est ausus confiteri, ut ex vers. 52. 53. apparet. Talis etiam fuit Iosephus Arimathæensis, honestus senator, Marc. 15. v. 43. clandestinus Christi discipulus. Quorum uterque tandem, fide ac charitate in Christum firmata, excusso metu & mundi gloria, eum cruci affixum ac mortuum suis officiis palam honorarunt, & facto ipso confessi sunt, ut Ioan. 19. vers. 38. & sequent. dicitur: *post hæc autem rogavit Pilatum Ioseph Arimathæensis, qui erat discipulus Iesu, sed occultus, propter metum Iudæorum, ut tolleret corpus Iesu, quod permisit Pilatus. Venit ergo & sustulit corpus Iesu. Venit autem & Nicodemus (is qui venerat ad Iesum nocte primùm) &c. acceperunt ergo &c.* Quare de hisce primoribus aliisque nonnullis, viva quidem, sed languida fide ac charitate, ad tempus præditis, hæc sententia Ioannis loquitur, qua infirmitatis illius vitium describit: & quidem in eum finem, ut hoc caventes, contempto mundi metu & gloria illius, in confessione Christi & dilectione gloriæ Dei indices proficiamus. Atque hæc de quinta & ultima ex cap. 12. proposita quæstione.

## DE CAPITULO XIII.

*Prima Questio, De sensu verborum Christi v. 8.*

PRæclara est Evangelistæ, initio hujus cap. historia: in qua lotio pedum Apostolorum à Christo peracta, sic describitur, ut inprimis causa efficiens & finalis appareat. Efficiens quidem, est Christi erga suos Apostolos perpetuus

nus amor, & humilitas admirabilis: quod cum omnia ipsi essent tradita, seu omnium Dominus & Rex à Patre constitutus, suis tamen servis inservire, ad pedum usque lotionem, non sit dedignatus. Finis verò est, ut Apostolos, & nos omnes, suo exemplo, ad fideles inprimis constanter amandos, eorumque utilitati ac saluti demisso animo inserviendum provocaret. Ceterum quædam verba Christi in hac historia metaphoricè enuntiata, ut melius intelligantur, nonnullam explicationem desiderant. Ac primum quidem quod vers. 8. ait: *Nisi laverò te, nihil tecum habebis commune*. Quorum verborum occasio fuit Petri, ex imprudenti erga Christum Dominum suum reverentia, lotionis ab eo oblatae recusatio duplex: prima est vers. 6. qua dixit, *Dominè tu mihi lavas* (id est, lavare studes) *pedes?* quæ interrogationis figura, ad rei indignitatem, uti putabat, indicandam utitur, quasi non ferendum esset, ut Dominus ac Messias promissus, servi sui Apostoli pedes lavaret, eique in tam vili officio inserviret. Altera recusatio est, qua Christo respondenti & ignorantiam illius indicanti contradixit: *non lavabis pedes meos in æternum*. Qua occasione commotus Christus respondit: ut Petrum imprudenti Christi amore aberrantem (ut antea, Matth. 16. v. 22. 23.) in modestæ obedientiæ viam revocaret. Responsio autem comminatio est gravissima, qua lotionis necessitatem demonstrat propositione conditionali, quæ antecedente & consequente constat. Antecedens est: *nisi te laverò*. De cujus sensu genuino disquiritur. Ac primum illud controversia carere apparet, *lavandi* vocem non esse propriè accipiendam. Nam licet ea Petri, contra Christi voluntatem, lotionem durius recusantis inobedientia, exitium atque alienationem à Christi gratia, stricto jure mereretur: ex sequentibus tamen Christi verbis, vers. 10. (*vos puri estis, sed non omnes*) & ex Evangelistæ expositione, vers. 11. constat, non propriè accipi; sed metaphoricè, per similitudinem quandam, ab externa sordium corporis ablutione petita, ad animæ purificationem eleganter transferri: quemadmodum etiam externa illa lotio, internæ lotionis animæ beneficium denotavit. Quomodo Christus Joann. 4. occasione aquæ, à Samaritana muliere petitz, & quodammodo ab ea recusatz opportuna metaphora, beneficium aquæ vivæ, si peteret, promissit: ut aquam putei non denegandam sibi ostenderet, & ad doctrinam Evangelii viam sterneret. Quemadmodum etiam Joann. 6. occasione sermonis de pane corporeo, quo Capernaitas paverat (quemque præposterè, neglecta persona & doctrina Christi salutari, quærebant) per metaphor. de se, sub *panis vitæ* nomine, locutus est: ut auditores à studio panis terreni & vitæ corporalis, ad sui quasi panis cælestis & vitæ æternæ, fidem atque amorem revocaret. Sic etiam hoc in loco à beneficio ac servitio lotionis corporali (de quo erat sermo) ad majus beneficium ac servitium lotionis spiritualis, ad salutem necessariæ, artificiosè transit: ut Petri imprudentem contradictionem corrigat, & modestiam gratumque erga Christum animum doceat. Cum enim hoc fundamento niteretur Petrus, contra officium Christi esse, ut servo suo inserviret, & se indignum, ut id pateretur: contra docet Christus, sine servitio Christi & lotionis spirituali ipsum servari non posse, ideoque externam lotionem non esse ab eo respuendam, Christo volente. Verum cum animæ ablutio seu purgatio non eodem modo in Sacris Literis accipiat: diversæ hoc in loco eâ occasione, interpretationes verisimiles oriuntur. Quidam enim de justificatione, qua peccata remittuntur: alii de sanctificatione, qua in nobis tolluntur: reliqui verò de utroque simul exponunt. Quæ postrema sententia, reliquis videtur non immerito præferenda; utpote quæ huic loco egregiè consentiat, & generalem magis atque uberiores completitur sensum. Neque sanè ulla apparet ratio gravis, cur eam lotionem ad speciem alterutram restringamus; siquidem duæ illæ lotionis spiritualis species, sunt Christi beneficia, individuo nexu, ex Dei voluntate, inter se conjuncta. Prima enim est ablutio à peccati, cum originalis, tum actualis, pœna, propter Christi sanguinem, id est, per Synecd. per & propter Christi passionem & mortem sanguinolentam. De qua lotionem David Psal. 51. v. 4. sic ait, *multum*

*ablue me ab iniquitate mea, & à peccato meo munda me*, & v. 9. *expiato me byssopo ut mundus sim: abluito me, ut præ nive albescam*: & Apocal. 1. v. 5. de Christo dicitur, *qui dilexit nos & lavit nos à peccatis nostris per sanguinem suum*, id est; ut 1. Joan. 1. v. 7. idem asserit: *sanguis Jesu Christi Filii ejus purgat nos ab omni peccato*, id est, Christi passio ac mors cum sanguinis effusione conjuncta, pœnæ peccatorum remissionem nobis conferendam meruit, & fide apprehensa eandem præstat, adeo ut à reatu liberi ac quasi loti ac mundati simus. Sic etiam Apocal. 7. vers. 14. de Martyribus Christi dicitur: *laverunt stolas suas & dealbarunt in sanguine Agni*, nempe fide sanguinis Christi, in remissionem peccatorum credentium effusi. Altera verò lotionis animæ species est per sanctificationem: qua ab ipso met peccato nobis innato, quasi sordibus animæ sædis Deoque exosis atque exitiosis, per spiritum Christi purgamur: primum quidem à dominio illius: deinde paulatim à reliquiis illius, de quare ita loquitur Esaias cap. 4. v. 4. *cum laverit Dominus excrementum Zionis & cædes Hierosolymorum abluerit in medio ipsorum spiritu judicii & spiritu sublationis*. Utramque autem hanc speciem, generali ablutionis voce prius indicatam, distinctè exponit Apostolus 1. Corinth. 6. v. 11: *Et hæc eratis nonnulli: sed abluti estis* (ecce genus præmittitur) *sed sanctificati estis, sed justificati estis* (en species subjiciuntur) *in nomine Domini Jesu, & per Spiritum Sanctum Dei nostri*. en causa utriusque sententiam claudit. Quæ etiam duplex, per sanguinem & Spiritum Christi ablutio, Baptismi aquæ significatur atque obsignatur, ut Actor. 22. v. 16. Paulo baptizando dictum: *ablue peccata tua*: & Hebr. 10. v. 22. 23. *accedamus cum vero corde & certa persuasione fidei; & purgati* *ut vultis vestros sordidissimos munda, aspersi*, id est, abluti, *corda à conscientia mala* (en ablutio interna per Spiritum; quæ res significata per aquam baptismi) *& abluto corpore aqua pura*: en aquam baptismi, eam rem significantem. Nam quod nonnulli aquam hanc de Sp. S. exponunt, alienum esse; corporis ablutio (quæ per ministrum Evangelii peragitur, ut animæ per Sp. S.) satis demonstrat. Quo etiam pertinet, quod servati dicimur per lavacrum regenerationis & renovationis Sp. S. id est, per baptismum: quo ablutio à peccato (quæ per Sp. S. peragitur) significatur, & fide verbi conjuncti perceptum, incrementi regenerationis à Christo impetrandi instrumentum est, ut Ephes. 5. v. 25. 26. *Christus dilexit Ecclesiam & semetipsum exposuit pro ea, ut eam sanctificaret, postquam purgasset aqua lavacro per verbum*. Atque hæc de beneficio Christi lotionis duplicis: primum quidem à peccati pœna, per justificationem: deinde à peccato ipso, per sanctificationem: quæ duo generali voce, cum Christus ait, *nisi laverò te*, continentur. Atque hæc de comminationis conditionalis, à Christo ad Petrum prolatae parte antecedente, quæ conditionem continet: Consequens verò illius est pœna quam minatur, ea conditione posita his verbis: *in istis diebus & noctibus*: ad verbum: *non habes*, (id est, per enallagen præsentis pro futuro, *habebis*) *partem meam*: ut vulgatus interpretes ad verbum transtulit: Alii verò, *nihil tecum habebis commune*; paraphrasi nimis ut videtur laxa: neque satis vim vocis distinctè exprimendo. Nam *pars* in Sacris Literis in hujusmodi loquendi modis ac similibus, per Synecd. generis pro specie, non raro hæreditatem aut possessionem, quæ distincta quasi partitione alicui convenit, designat: quemadmodum Deut. 18. v. 1. *non erit tribus Levi pars & hæreditas cum Israël*, id est, pars hæreditatis: ut Ps. 16. v. 5. *Jehova est portio partis meæ*, id est, hæreditatis, ut plerique aptius interpretantur, quam qui vocem *partis* *prædii mei*, interpretantur: & Jer. 51. v. 19. Deus vocatur *pars Jacobi*, & postea *hæreditas*, eodem sensu: videl. quod Deus esset hæreditatis omniumque bonorum suo populo instar. Unde per catachresin metaphoricam, à bono ad malum significandum transfertur interdum, ac pœnam notat adhaerentem, quæ ob peccata quasi hæreditas aliqua impiis contingit; quemadmodum Es. 17. v. 14. *hæc est pars prædantium nos & fors divipientium nos*: & Matth. 24. v. 51. *& partem ejus ponet*, id est, attribuet *cum hypocritis*, id est, pœnæ eorum participem reddet. Ceterum *habere partem cum aliquo*, pro habere

habere communicationem seu participationem boni alicujus, non raro accipi solet per metaphor. à cohæredibus defunctam, inter quos (ut Luc. 12. 13.) hæreditas dividitur: qua similitudine 2. Sam. 20. v. 1. dicitur: *non est nobis pars cum Davide, neque est nobis* *חֵרֶדִיתָא* hæreditas; aut ut alii vertunt, *possessio, cum filio Isai*, & 2. Cor. 6. v. 15. *quæ consonantia Christi cum Belial, quæ pars fidei cum infidei?* id est, quodnam donum, quasi hæreditatem, commune habent, quod inter se participant: & Act. 8. v. 21. *non est tibi pars neque fors in hac re*, *ἐν αὐτῇ τῇ τῷ*, Hebraismus, id est, non es particeps neque consors hujus rei, nempe donationis Sp. S. per manuum tuarum impositionem: sic hoc in loco dicitur *non habebis partem mecum*, id est, partem hæreditatis vitæ æternæ mecum; non eris mihi in ea particeps & cohæres: ut Rom. 8. vers. 17. hæredes Dei & cohæredes Christi fideles appellantur: Et Col. 1. v. 12. dicitur Pater nos idoneos fecisse *eis* *μεῖς δὲ τῷ κληροῦ*, ad partem sortis sanctorum in luce, id est, ad cælestis gloriæ hæreditatem: quæ Act. 26. v. 18. *fors inter sanctificatos* vocatur, ut *κληροῦ* significet idem quod Actor. 20. v. 32. exprimitur, nimirum *κληρονομία* hæreditatem inter sanctificatos, & hæreditatem fidelibus asservatam in cælis 1. Pet. 1. v. 4. Quare ex hisce apparere potest, *non habere partem cum Christo*, eleganti cohæredum similitudine designare, non fore hæredem Dei ac vitæ æternæ consortem ac participem cum Christo. Quæ vis, in *partis*, pro hæreditate acceptæ, metaphora comprehensa, negligenda non est; adeo ut, si interpretemur *nihil habebis mecum commune*, obscuretur: quod etiam, qui hac hæreditate vitæ carent, nihilominus habeant multa cum Christo communia; quod cum eo participes sint carnis & sanguinis, & similibus infirmitatum, quæ inde consequuntur. Atque hæc de sensu verborum Christi, quibus Petro, imprudenti zelo pertinacius lotionem à Christo averfanti, minatus ita est: *nisi te laverō, non habebis partem mecum*. Ac propterea hac quæstione absolutâ, sequitur

*Secunda Quæstio, de sensu verborum v. 10. Qui lotus est, non opus habet, &c.*

Postquam gravissima comminatione Christus Petro, lotionis ab ipso imprudenti zelo pertinacius recusatæ, necessitatem proposuit v. 8. fructus illius indicatur v. 9. quod correctæ eo modo fuerit Petri inobedientia: adeo ut se totum à Christo lavari petierit, dicendo, *Domine, non solum pedes meos, sed & manus & caput*, supple *lavra*; ut res ipsa ostendit: quia hæc responsio, Christi verba spectat: *nisi laverō te*. Hac autem via Petrus in alteram, sed tamen mitiorem partem imprudentia peccavit. Nam quemadmodum antea minus Christo cessit, quam debebat, cum pedes lavare student, obstitit: sic nunc contra amplius, quam Christus volebat, petiit, cum ei contra, in voluntatis & sapientiæ Christi norma proposita, meritò fuisset omnino acquiescendum. Idcirco Christus hunc alterum immodestique errorem corrigere studet: & ad eam rem, idoneam hanc responsionem subjicit, v. 10. *qui lotus est* (id est, lavando purus factus est) *non opus habet, nisi ut pedes lavet: sed est purus totus: & vos puri estis, sed non omnes*. Quæ responsio, ut non malè ab aliis observatum, syllogismi antecedens, id est, proposit. & assum. complectitur: unde consequens, seu conclusio perspicue intelligitur, nimirum, Ergo vos non habetis opus, nisi ut pedes lavetis. Qua in re Christus inchoatam à se allegoriam seu metaph. persequitur: qua à propria ac corporali lotionem, ad spiritualem transierat, ut sequentia declarabunt. Propositio autem primum indicatur, deinde confirmatur. Indicatur autem his verbis: *qui lotus est, non opus habet, nisi ut pedes lavet*: eoque manuum & capitis lotio non est necessaria. De cujus propositionis subjecto quæritur, quidnam *lotio* significet: de attributo verò, quidnam *pedes* notent; Ex horum enim recta expositione, propositio commodè intelligitur. Ad prius quod attinet, plerique de animæ lotionem, qua homo fit purus per sanctificationem in se, interpretantur: alii de ea, quæ fit per justificationem, reliqui verò de utraque lotionem, tam per justificationem, quam per sanctificationem accipiunt: quemadmodum etiam in præcedenti comminatione ibidem intelli-

gendum eodem sensu ostendimus. Eaque expositio, hujus loci circumstantiis, optimè consentit, & sensum habet pleniorē: neque ulla ratio adfertur, quæ nos constringat, ut aliud statuere debeamus. Quare quid *pedes* deinde designent, observandum. Multi de carnis cupiditatibus, mundo ac terræ quasi affixis, quæ pedibus humum calcantibus & luto infectis comparentur, intelligunt. Atque ita quidam exponunt de quotidianis peccatis, quæ ex infirmitate committuntur. Verum aptius videtur, ut non solum de actionibus vitiosis, seu peccatis actualibus piorum: sed etiam de vitioso illarum actionum fonte, nempe peccati originalis reliquiis intelligamus: quia peccata utraque, tam originalia, quam actualia, & justificatione, & sanctificatione quotidiana reipsa sunt abluenda, ut homo sit purus: quemadmodum huc spectat sententia Apoc. 22. v. 11. *qui justus est* (nempe per fidem in Christum crucifixum) *justificetur adhuc, & qui sanctus est*, (nempe in se per Spiritum regenerantem) *sanctificetur adhuc*: Id quod fit, quando exercitio fidei & precum impetratur ac divinitus donatur remissio peccatorum propter sanguinem Christi, seu satisfactionem illius pro peccatis nostris, & renovatio per Spiritum S. Quorum etiam utrumque oratione dominica petitur, Matth. 6. v. 10. 12. Atque hæc est indicata propositio. Confirmatio vero illius adjecta est his verbis; *sed purus est totus*: ideoque lotionem alia non habet opus. Quo autem modo illud veritati consentiat, disquiritur: quandoquidem tam diu, quàm in his terris versamur, sumus peccatores, quia caro repugnat adversus spiritum, Galat. 5. ac remissionem peccatorum petere jubemur, Luc. 11. v. 4. unde etiam asseritur idem Proverb. 20. v. 9. *quis dicere possit, purificavi animum meum, mundus sum à peccato meo*: adeo ut 1. Ioan. 1. v. 8. asseratur, *si dicamus nos peccatum non habere, nos ipsos seducimus, & veritas in nobis non est*. Verum responderi potest, hanc sententiam objectis scripturæ locis minimè adversari, quia ea non de inchoata & continuata: sed de peracta jam pedum lotionem intelligenda. Tum enim peccati originalis reliquiis penitus sublatis, toti futuri sumus mundi: ubi enim peccatum originis prorsus non est, ibi neque poena peccati: neque actualia peccata quasi animæ sordes amplius extant. Porro huic propositioni & confirmationi illius, subjicitur assumptio, mutata voce, non sensu: quæ exprimitur primum, deinde declaratur. Exprimitur autem his verbis: *vos puri estis*, cujus subjectum & attributum paucis explicandum. Subjectum est, *vos*, nempe Apostoli, non autem *tu*, cum tamen Petrum alloqueretur antea: Causa autem cur communiter hac voce Apostolos nunc compellet, est ut ostenderet, ea quæ de lotionem Petri dixerat, communiter ad ipsos etiam pertinere, & ut purgationis ipsis donatæ mentione, adversus comminationem ante positam consolaretur; & ad gratitudinem pro eo beneficio Christo præstandam excitaret. Purgationem autem attributo designat, cum ait: *Puri estis*, quod perinde est ac si dixisset, *loti estis*: quod scilicet puritas sit lotionis effectum. Observandum autem est quod non ait; *& toti puri estis*, sed *puri*: quod nimirum propter peccati inherens reliquias nondum in sese toti essent puri, sed ab iis tanquam fordibus paulatim magis ac magis sanguine & Spiritu Christi abluendi ac purgandi. Hæc de assumptione ipsa: cujus declaratio adjicitur: ea enim assumptionis subjectum nempe *vos* indefinitè positum, non universè sine exceptione, de omnibus Apostolis intelligi atque accipi oportere; oppositione sapienti ostendit, cum ad ea verba *puri estis*, adjicit; *sed non omnes*: quo tacitè Judam notat, & simul periculo futuri scandali, quod ex ipsius prodicione oriri poterat, prudentissime occurrit, quando se non minus illius impuritatem, quam reliquorum Apostolorum puritatem cognitam habere indicat: ut antea similiter indicarat, Ioan. 6. v. 70. & hoc loco opportunè Evangelista v. 11. declarat, & Christus v. 18. 19. expressius exponit ac confirmat, ut omnem etiam Iudæ erroris prætextum, quasi monitus non esset, tempestivè eripiat. Atque hæc de secundæ quæstionis, ad illustrationem vers. 10. explicatione. Reliquum est, ut paucis etiam agamus de causâ hujus lotionis pedum, de qua expendenda occurrit

*Tertia*

*Tertia Quaestio, de recto verborum Christi  
vers. 14. 15. sensu.*

**R**atio hujus quaestiones propositae est partim verborum illorum primo intuitu difficultas: partim quorundam, in iis pervertendis, ad superstitionem in Ecclesia statuendam, error. Ideoque opportunum atque operae pretium videtur, ut brevi quadam explicatione Christi verba illustrare, & errorem illum diluere studeamus. Ad verba verò quod attinet, eorum occasio est, primum Petri & aliorum Apostolorum ignorantia: quod causam lotionis illius à Christo propositae ac factae, nondum cognoscerent. Deinde Christi promissio, nimirum fore, ut postea (nempe peracta lotione) cognoscerent v. 7. Scopus autem est, ut ignorantiam illam corrigat, & promissionem praestet. Modus autem, quo ad illum scopum tendit, est expositio causae finalis, seu boni illius, cujus gratia pedes eorum laverat: nimirum eorum utilitatis gratia, ut ad sinceram charitatem, & sibi mutuo etiam humilibus officiis demisso animo inserviendum, suo exemplo erudiret ac stimulet. Partes autem hujus orationis sunt duae: propositio officii, & confirmatio illius. Propositio conditionalis est, ac v. 14. his verbis exprimitur. *Itaque si ego lavi pedes vestros, Dominus & Magister, vos quoque debetis alii aliorum pedes lavare.* Cum propositionis prima pars seu antecedens, est positio conditionis non dubiae, sed propter experientiam Apostolorum certae: quia non ante lotionem pedum, sed postea secundum promissionem ante factam hac à Christo dicta esse asseritur, v. 12. & Christum Dominum ac Magistrum esse iis erat notum, & ab iis confessum, & à Christo approbatum v. 13. adeo ut, cum conjunctio, *et si*, pro *siquidem* interdum accipiat (ut Act. 4. v. 9. *et si*, id est, *siquidem*, aut ut noster interpres *quandoquidem*, & Rom. 8. v. 31. *si Deus pro nobis*, id est, *quia*, similiter à nonnullis interpretibus explicatur, & Graeci authores, Chrys. & Oecum: Rom. 8. v. 9. eam vocem eodem sensu exponunt) ita hoc in loco fortè non incommodè verti posset *et siquidem igitur ego Dominus & Magister vester*: ut non sit conditio, sed assertio; atque ita non erit propositio tantum; sed enthymema, constans assumptione & conclusionem; Quod ut obiter observandum: ita servata significatione propria conjunctionis hujus *et pro si*, sensus eodem redibit, licet non ita explicitè. Hæc igitur de propositionis conditionalis parte prima, seu antecedente conditione. Altera verò est consequens illius: *itaque vos debetis alii aliorum pedes lavare.* Quod accipi potest bifariam: primum ut sensus sit, licet non expressè ponatur, sed circumstantiis tantum indicetur, multò magis debetis: quemadmodum comparatio dignitatis Christi excellentis, & indignitatis Apostolorum indicare videtur. De se enim dixit: *Ego Dominus & Magister*, scilicet vester existens: ut vers. 13. relationem illam plenius expressit præmissis illis verbis: *vos me vocatis Magister ac Domine, & ego sum*; eoque pro relationis natura indicavit ipsos esse servos ipsius & discipulos, confessione ipsorum. Ergo multo magis ipsi mutuo suos conservos ac condiscipulos, conditione pares, amare ac pedes eorum demisso animo lubenter lavare debent. Deinde accipi posset hoc consequens, ut convenientia servitii præstandi indefinitè designetur: ut sensus sit: si ego me dimisi, ut vos lavando, vobis inservirem, vos debetis sine indignitatis rei opinione similiter vobis mutuo ita inservire. Quo spectare videtur probatio, v. 16. qua etiam perversæ ex superbia promanante opinioni occurrit, cum ait: *Amen dico vobis: servus non est major Domino suo: neque Apostolus (vel legatus) major eo, qui ipsum misit*, id est, non estis me majores, sed minores, servi scilicet mei ac subditi Apostoli: ac propterea cum vobis humile illud servitium, ac vulgo vile præstiterim: illud inter vos mutuo præstare, vobis non est (quasi indignum dignitate & officio vestro) respuendum. Atque hæc quidem de propositione officii Apostolorum. Confirmatio verò illius ac plenior explicatio subjicitur v. 15. cum ait: *Exemplum enim dedi vobis, ut prout ego feci vobis, ita & vos faciatis.* Ratio autem cur propositionem eam confirmet, esse videtur, ut tacita quædam objectio diluatur. Cogitari

enim ac dici poterat: non videri necessariam consequentiam. Si Christus pedes Apostolorum laverit, propterea etiam Apostolos debere alios aliorum pedes lavare: quandoquidem non omnia particularia Christi facta sunt imitanda: sed ea tantum, quæ ad officia pietatis & communis vocationis à Deo essent præscripta, & secundum eam normam à Christo facta: aut saltem voluntate ac mandato certo, in rebus per se adiaphoris, à Christo ipsis essent imperata. Propterea Christus ostendit lotionem illam pedum ipsis imitandam; quod in eum finem, eaque voluntate ac proposito eam peregrisset, ut exemplum ipsius sequerentur: ideoque exceptionem illam non habere hîc locum. Verùm hic difficultas quædam exurgit, siquidem secta quædam Anabaptistarum (qui vulgo *pedum-lotores* vocentur *Doedts* *Wasschers* appellantur) hoc lotionis exemplum propriè intelligi, & ut ceremoniam à Christo mandatam, in universa Ecclesia observari debere contendunt. Orthodoxi verò contra impropiè, per Synecd. speciei pro genere acceptæ, intelligendam statuunt. Quod ut melius intelligatur, quædam prius de lotionis pedum apud Judæos modo præmittenda. Notum est enim eam apud illos fuisse consuetudinem, ut aliunde, inprimis peregrè ad domum alicujus venientium ac divertentium pedes, porrecta aqua, vel ab accedentibus: vel per servientes ibidem lavarentur. Occasio autem hujus moris fuit, quod ob regionis illius calorem, nudis pedibus soleas corrigia astringerent, & in via luto, sudore ac pulvere sordidi fierent, & calore atque itinere lassarentur: adeo ut cum aliquò, præsertim vesperi divertissent, aquæ lotionem opus haberent. Finis verò fuit, partim sordium contraharum ablutio, partim ad defatigationem tollendam refrigeratio, ac virium renovatio. Origo vero seu causa efficiens, fuit humanitas ex charitate proximi profecta: qua de re passim in Sacris Literis documenta extant, in Vet. & N. Test. perspicua. Ac primum in Veteri, Genes. 18. v. 4. Abrahamus ait, Angelos compellans (quos homines viatores esse putabat) *sumatur, inquit, jam parum aquæ & lavate pedes vestros*: & Loth. cap. 19. v. 2. eosdem similiter est allocutus, quemadmodum etiam de Labane, cum Eleazarum in ædes suas hospitio recepisset, dicitur cap. 24. v. 32. *deditque aquam ad lavandum pedes illius, pedesque virorum qui erant cum illo*: & c. 43. v. 24. cum Josephi jussu fratres illius hospitio exciperentur, de Oeconomo illius dicitur: *deditque aquam, ut lavarent pedes suos*: & 2. Sam. 11. vers. 8. David Uriæ, ab exercitu reverso dixit: *descende in domum tuam, & lava pedes tuos*, denique 1. Sam. 25. v. 41. Abigail accepto nuntio, de conjugio ipsius à Davide per legatos petito, respondit: *Ecce ancilla tua in famulam, ad lavandum pedes servorum Domini mei*; quo satis notat famulantium fuisse officium, ut pedes hospitum lavarent, aut etiam aliorum. Sic in N. etiam T. primum Christus hunc morem notat, cum in convivio Simoni Phariseo, qui ipsum invitaverat, inhumanitatem exprobravit, comparatione cum muliere, quam Simon (ut etiam Christum) superbè contemnebat: sic enim ait: *ingressus sum domum tuam: aquam pedibus meis non dedisti: hæc autem lachrymis rigavit pedes meos, & capillis capitis sui extersit.* Sicut deinde Apostolus 1. Tim. 5. agens de viduis (quales tunc ad piorum hospitum & pauperum ministerium eligebantur, vers. 9.) inter alia earum officia quæ describit, ait vers. 10. *si fuit hospitalis, si sanctorum pedes lavit, si afflicto subvenit, si omne bonum est assidue sectata.* Atque hæc de lotionis pedum apud Judæos consuetudine. Unde facile jam judicari potest, sententiam Anabaptistarum illorum, qui lotionis pedum ceremoniam in Ecclesia, toto orbe necessariò servandam contendunt, à mente Christi esse alienam: quia in regionibus frigidioribus, illa pedum eorum, qui hospitio excipiuntur, aut domum redeunt, ablutio, neque in usu est, neque requiritur: quod non soleis tantum, sed calceis perfectis utantur: nec nudis, sed tectis pedibus incedant: ideoque non pedes, sed calcei maculati purgationem desiderant, ut etiam fieri solet. Quocirca hinc satis apparere potest, mentem esse, ut fideles, ipsius exemplo, ad omnia charitatis & humilitatis officia, pro regionis ratione familiaribus præstanda, parati sint: adeo ut etiam, quæ ob vi-

litate



litem rei, ab ipsis fratribus adventantibus, vel per famulos fieri solerent, ipsimet, postulante Ecclesiæ ædificatione, humiliter Christum imitati præstarent: siquidem ille non par pari (quales Apostoli erant inter se) aquam tantum porrexit, ut ipsi seipsos lavarent; aut ut per famulum id fieret curavit: sed supra consuetudinem omnem ipsemet Dominus suos servos lavare non est dedignatus, ut humilitatem cordis illius sequerentur, Matth. 11. vers. 29. & seipsos abnegando, superbiam (qua inter se laborabant, & alii aliis præesse contendebant) deponerent. Nam cum Christus antea Apostolis, sui traditionem in manus hostium prædixisset, re non intellecta, postea inter se disceptarunt, quis eorum esset maximus, Luc. 9. v. 46. ac licet Christus ambitionem illam redarguisset, & minimum, id est, modestissimum, inter ipsos magnum fore asseruisset, v. 47. 48. tamen ambitio illa adeo ipsis tenaciter inhæsit (quod regnum Christi non solum spirituale, sed etiam corporale in terris sibi fingerent) ut eam non deposuerint: quemadmodum postea Apostoli duo, Johannes & Jacobus, ambitiosè petierunt à Christo, per matrem suam, ut alter eorum ad Christi dextram, alter verò ad sinistram in regno ejus consideret, id est, primas post ipsum tenerent, Matth. 20. v. 21. v. 22. Et quamvis Christus rursus ambitionem illam redarguit, atque seipsum ut ministraret, & animam suam redemptionis pretium pro multis daret, venisse testatus esset, ne hoc quidem modo correcti sunt: adeo ut post hanc quoque, inter cœnam paschalem ultimam, lotionem & admonitionem de necessaria humilitate imitanda, & post prædicationem prodictionis sui per Judam futuræ, nihilominus orta sit postremum inter eos contentio, quis eorum videretur esse major, nimirum reliquis omnibus, Luc. 22. vers. 24. Ac propterea rursus eorum errorem de statu Ecclesiæ refutat, & suo exemplo ad humilitatem, ac proximo ministrandum hortatur, ibidem vers. 25. 26. 27. Quare ex hisce omnibus scopus ac sensus verborum Christi, de sui in lotionem pedum mutua imitatione apparet: nimirum hoc modo non præcipi lotionem pedum, quasi ceremoniam in universa Ecclesia observandam, sed ut initio diximus, per Synecd. speciei pro genere designatur, ut secundum consuetudinem & ædificationem Ecclesiæ, omnia pro virili etiam humilis servitii officia fratribus, usque ad pedum lotionem, ubi scilicet regio & usus requireret, mutuo præstemus. Quod autem Cardinales & Episcopi, ceremonia annua duodecim hominum pedes, mandati Christi prætextu lavent, illud lusus potius est theatricus, à verbis Christi dissidens, quam recta imitatio. Nam & à scopo, & à modo quem Christus indicavit, aberrant plurimum. A scopo quidem, quoniam ut ante ostendimus, Christus lotionem pedum non tanquam ceremoniam instituit: sed per Synecd. ea re fraternam charitatem atque animi humilitatem officiosè, vilibus etiam servitiis ad Ecclesiæ ædificationem ac proximi commodum præstandis commendavit. Ac propterea præceptum illud non est ceremoniale: sed ut vocant morale, seu non ritus est, sed charitatis officium. Deinde à modo etiam omnino recedunt, primum quia Christus impuros pedes lavari jussit ut mudentur: contra verò Episcopi pedes hominum quorundam egregiè purgatos ineptè ac inutiliter lavant. Deinde quia non lavant alii aliorum pedes, id est, mutuò: nam suos pedes à lotis vicissim lavari non sinunt. Nam quod Durandus in rationali divinorum officiorum, lib. 6. cap. 75. ait: *quod fit à prælatis, representat illud quod Christus fecit*: hoc inquam mandato Christi disertè refutatur: qui hoc expresse jussit, ut *ἀλλήλων*, id est, alii aliorum pedes seu mutuò lavarent, id est, non soli Episcopi & Cardinales: sed etiam reliqui fideles, qui Christi servi & discipuli, & quidem ut non solum alios lavarent, sed ab aliis etiam lavarentur. Et quod rei caput est, humilitatis fuco Episcopi superbiam ac dominatum in Ecclesiâ retinent. Atque hæc de Christi lotionem. Cæterum de ritu lotionis pedum, ante cœnam Paschalem, & in eadem, usitato apud Judæos, elegans extat, ex prisca Judæorum consuetudine ac traditione narratio, in annot. D. Bezæ ad Matt. 26. vers. 20. Atque hæc ad tertiam quæstionem, de verborum Christi vers. 14. & 15. sensu, sequitur jam

*Quarta Quæstio, Quidnam eligendi voce vers. 18. designetur.*

Celeberrima hæc est Christi ad Apostolos suos oratio: quâ ait; *non de omnibus vobis loquor: ego scio quos elegerim*. Cujus occasio est antecedens illa v. 17. sententia, de beatitudine Apostolorum, si quæ de charitatis & humilitatis officiis, suo exemplo præstandis, docuerat, non solum scirent, sed etiam exequerentur. Quæ cum indefinitè de Apostolis dicta essent, & obedientiæ illorum futuræ spem indicassent: dubitari poterat ab iis, an ea de omnibus illis essent dicta nec ne. Scopus autem Christi, est dubium illud tollere. Modus autem quem ad scopum illum dirigit, est subjecti, sententiæ antecedentis expositio vers. 18. cum vocem illam *vos*, quàm latè acceperit, declarat. Ea autem expositio constat negatione, & illius ratione. Negatio est: *non de omnibus vobis loquor*, ut ante vers. 10. monuit; *vos puri estis, sed non omnes*. Ratio autem est, cum ait: *Ego scio quos elegerim*: id est, quæ dixi, ad eos tantum pertinent, quos elegerim: non omnes autem elegerim. Cum autem *electionis* vox, etiam cum de Apostolis Christus locutus esset, non eodem modo ubique accipitur: inde factum est, ut hæc *electio* diversimodè à prisca novisque Theologis hoc in loco ponatur. Quamobrem ut eo facilius quid maximè conveniat dignoscatur, vocis illius distinctio, ex Sacris Literis præmittenda ac declaranda. Electio enim Apostolorum non unius est generis: alia enim æterna est: alia verò temporalis. Æterna est ea, qua ante mundi creationem ad vitam æternam, vocatione ad fidem in Christum obtinendam, selecti sunt. Quo pertinent hæc Christi dicta eodem sensu, licet verbis diversis expressa, Luc. 10. vers. 20. *gaudete quod nomina vestra scripta sunt in cælis*: & 12. v. 32. *ne metue parve grex, quia ego dico, id est, placuit Patri vestro dare vobis regnum*. Cujus etiam promissio expressa iisdem à Christo facta, Matth. 19. vers. 28. & Joh. 14. v. 3. Temporalis verò eorum electio est, qua per Christum Mediatorem, munere suo fungentem, vocatione peculiari ex aliorum numero sunt segregati. Eaque rursus est duplex: prima in discipulos: secunda in Apostolos. Prima quippe temporalis electio eorum est, qua secundum electionem æternam, ex incredulorum Judæorum numero, vocatione per Euangelium, & Spiritus sanctificationem, in discipulos suos & credentium numerum selegit: quemadmodum etiam *electorum* vox, si Græcum contextum rectè interpretemur, 1. Pet. 1. vers. 1. 2. explicatur; *electis &c. secundum prænotationem Dei Patris, per sanctificationem Spiritus ad obedientiam & asperisionem sanguinis Jesu Christi*: ut ab egregiis interpretibus hæc electorum significatio rectè observata in hujus loci explicatione. Quemadmodum etiam 1. Cor. 1. v. 27. 28. *eligere* eodem sensu pro vocare in Christi discipulos fidei donatione, usurpatur: quemadmodum collatio vers. 26. manifestè demonstrat: de quali Apostolorum electione Christus agit Joh. 15. v. 16. *non vos me elegistis, sed ego elegeri vos, & constitui, ut abeuntes fructum feratis*. Verum quia hæc memorabilis sententia à nonnullis aliter atque aliter intelligitur, ad illustrationem illius & electionis Apostolorum, non abs re erit, si collatis sententiis præcipuis, genuinum sensum eruere studeamus, & rectè hunc locum à nobis ad vocationem Apostolorum in discipulos, & ad communionem Christi & Ecclesiæ citatum ostendamus. Nam quod primum insignes ac pii hujus Euangelistæ expositores, de electione ad apostolatam interpretantur, id minus videtur Christi expositioni convenire. Nam de eadem electione plenius agit Christus, & lucem affert antecedentibus v. 19. cum ait: *Ego elegeri vos ex mundo* (id est, incredulorum numero, ut initium versus, & sequentia evincunt) eoque unde elegerit declarat. Atqui cum à Christo eligerentur in Apostolos, non erant ex incredulorum numero, ut inde possent segregari per electionem: sed tum credebant in Christum: ac propterea talis electio intelligi non potest. Deinde quod nonnulli electionem æternam intelligunt, piam similiter sententiam complectuntur, sed verbis Christi prolatis non satis consentaneam: Quia Christus disertè causam odii mundi adversus Apostolos esse ait, quod

quod non essent ex mundo, sed electi ex mundo: quod de vocatione ex ipsorum numero in Christi discipulos verissimè dicitur: oderant enim Christi discipulos, adeò ut si quis ipsum confiteretur, excommunicarent è Synagoga ipsorum. Contra verò de æterna electione ad salutem accipi non potest: quoniam ea non fuit causa odii mundi adversus discipulos: quia illa electio illi prorsus fuit ignota. Atque hæc de prima ac primaria temporali Apostolorum electione, nimirum in discipulos Christi. Secunda verò ac secundaria eorum electio ea est, qua à Christo, ex discipulorum numero in ipsius familiares atque Apostolos (seu eos, qui illius nomine legatione ad Ecclesiam, Evangelii prædicatione colligendam, fungeretur) selecti sunt: ut Luc. 6. v. 13. dicitur, *advocavit discipulos suos, & cum ex ipsis elegeret duodecim, quos & Apostolos vocavit, &c.* & Joh. 6. 70. ait Christus: *nonne ego vos duodecim elegerim?* Hactenus de variis Apostolorum electionibus; superest nunc, ut quænam ex iis hoc Christi dicto, *ego scio quos elegerim*, intelligatur, expendamus. Quidam enim de æterna electione ad salutem intelligi censent: id quod August. & multis aliis probatur. Nonnulli verò non de æterna, sed de temporali, & quidem ad Apostolatam vocatione accipiendum statuunt. Utraque autem sententia analogia est doctrinæ fidei: siquidem utrumque veritati consentaneum esse ex Sacris literis suprà demonstratum est: sed tamen prior sententia analogia contextui verborum Christi: secunda verò ab eo declinat, quoniam sensum ineptum parit: Christus enim ait, se non loqui de omnibus: & rationem hanc subijcit, *scio quos elegerim*. Atqui sciebat se illos duodecim contra discrimen in Apostolos elegerisse. Ideoque si hanc electionem intellexisset, contra dicendum fuisset: *Ego de omnibus locutus sum*. Verùm hic excipitur, sensum esse, scio quales vos elegerim: quod scilicet non omnes sitis puri, atque officium quod præscribo facturi, atque ita beati futuri: sed unus ex vobis electis impurus est, qui me proditurus est. Veruntamen verba Christi hoc modo non integra servarentur: sed mutarentur, quandoquidem hic non ait: *scio quos*, id est, *quales*, ac si qualitatem significare vellet, sed *scio quos*, id est, *quos*: quod pronomen de personis quibus electio competit hoc loco dicitur. Ac propterea, cum hoc pro nomen relativum *quos*, ex vocis certa significatione, personam aut rem ipsam, non autem personæ aut rei qualitatem significet (quemadmodum etiam eam significationem qualitatis, neque ex S. Scriptura Novi Test. neque ex Græcorum authorum usu probant) alienum est, quod *quales* interpretantur. Quare hac sententia relicta, priorem meritò præferendam esse apparet. Atque ita Christus hic statuit discrimen inter suos Apostolos: quod novit quosnam elegerit, nempe undecim, non autem omnes duodecim: quod Judas non electus esset ad vitam æternam: Quocirca etiam à Christo Joh. 17. filius perditionis, id est, perditioni destinatus nominatur. Ac propterea quæ de beatitudine Apostolorum electorum dixit, & officio præstando atque expectato indicavit, non ad omnes pertinere ostendit, sed ad electos à se ad beatitudinem, sibi que probè notos.

Atque hactenus de quæstione quarta ex vers. 18. de electionis Apostolorum significatione: cui succedit

*Quinta quæstio: An Judas Iscariotes, cum reliquis Apostolis, Sacramenti Cœnæ Dominicæ fuerit particeps?*

**O**ccasio hujus quæstionis est vers. 26. quo dicitur: *Et cum intinxisset offulam, dedit Judæ filio Simonis Iscariotæ: & vers. 30. ille ergo accepta offula statim exivit.* Ex hisce etiam & nonnullis reliquorum Evangelistarum dictis ortæ sunt de proposita quæstione sententiæ oppositæ. Quidam enim illud affirmant: alii verò negant: licet religione inter se consentiant. Adeo ut nec inter Partes, nec inter Pontificios, neque inter nostros, eadem sententia omnibus probetur. Ac licet sine religionis veræ læsione, per se quæstione considerata, dissensio sit: utile tamen existimamus, ut eam quæstionem paucis discutiamus: in primis ut Ubiquitariorum erroribus occurramus, & ut hujus capitis

non minus quam aliorum quorundam locorum sensus illustretur: imo si consequentiam consideremus, ad veritatem religionis stabiliendam explicatio necessaria est, ut postea cognoscatur. Ut autem ad rem accedamus, qui Judam una cum reliquis Apostolis, Sacramenti Cœnæ participem fuisse contendunt, illi quidem si numero certandum sit, superiores futuri sunt: sin verò argumentis, inferiores apparebunt. Argumentum enim primum quod objectare solent, petitur est ex Joh. 13. vers. 26. ubi dicitur de Christo: *cum intinxisset offulam dedit Judæ, & v. 30. quod ille eam acceperit.* Ergo inquit Sacramenti Cœnæ Dominicæ cum reliquis Apostolis fuit particeps. Verum negatur Consequentia. Nititur enim hoc argumentum falsa hypothesis, quasi hoc factum fuisset in administratione Sacramenti Cœnæ: & offula fuisset panis in ea distributus. Nam ut rectè à nonnullis observatur, illa actio Christi facta est in cœna Paschali, quæ Sacramentum cœnæ præcessit: & offula illa intincta, fuit panis cœnæ Paschalis, in cujus esu, Exod. 12. iussi sunt adhibere acetarium ex intybis & lactucis aut herbis amaris, ut panem liquori intingerent. Contra verò panis cœnæ à Christo fractus ac datus dicitur: non autem prius intinctus: ideo Cugustinus etiam (licet Judam alioqui cœnæ Dominicæ participem factum statuatur) tract. 62. in Iohan. illos reprehendit, qui per buccellam intinctam panem Eucharistiæ intelligunt. Secundum argumentum est etiam ex Iohanne, qui ait: *surgit à Cœna, v. 4. & postea v. 5. deinde cepit lavare pedes discipulorum, & v. 12. postquam ergo lavisset pedes eorum, unde sic colligit: Quorum pedes à Christo post cœnam loti sunt, illi Sacramenti cœnæ Dominicæ participes fuerunt.* Cuius Iudæ pedes post cœnam à Christo loti sunt cum reliquis Apostolis. Ergo Sacramenti cœnæ fuit particeps. Verum negatur propositio: cœna enim intelligitur agni Paschalis post quam non peractam simpliciter, sed inchoatam Christus surgens pedes discipulorum lavit: ac deinde eandem cœnam continuavit, dum ad secundam quasi mensam ad acetarii esum accessit, & offulam intinctam Judæ, ad proditorem indicandum tradidit: quæ accepta ille statim exivit v. 30. ideoque Sacramento cœnæ non inter fuit. Postremum ac maximè speciosum argumentum quod non paucos decepit, ex Lucæ Evangelio obtenditur, qui cap. 22. postquam institutionis Sacramenti Cœnæ verba v. 19. & 20. narravit, subijcit Christi de Iudæ proditore sententiam, v. 21. *Veruntamen ecce manus ejus qui me prodit, mecum est in mensa.* Ac propterea Sacramenti cœnæ Dominicæ interfuit, ejusque cum reliquis Apostolis particeps fuit: quia Christus Matt. 26. 27. dixit præsentibus discipulis: *bibite ex eo omnes:* & Marc. 14. v. 23. *biberunt ex eo omnes,* ideoque Judas etiam inter eos fuit. Responsio ad hoc argumentum est ea, quæ ab egregiis quibusdam Theologis affertur, quod interdum ab Evangelistis res narrentur ordine temporis neglecto: & huc pertinere regulam ab August. quæst. 92. super Nov. Test. positam: ubi inquit, *multa novissima ordinari, quæ ante facta probantur.* Atque ita Welf. Musculum in suis locis communibus per hanc regulam exponere narrationem illam Lucæ: idemque etiam ex ipsa cœnæ Dominicæ descriptione, per Marcum demonstrari, quoniam c. 14. v. 23. 24. ait: *Et accepto poculo cum gratias egisset dedit illis, & biberunt ex eo omnes: & dixit illis: hic est sanguis meus Novi Testamenti qui pro multis effunditur:* Quibus verbis sic narrat quasi Apostoli bibissent ex dato poculo, antequam Christus de de significatione & usu poculi, *hic est sanguis &c.* pronuntiasset: cum tamen ex aliis Euangelistis colligatur, verba illa promissionis fuisse prius dicta quam biberent: & res ipsa idem evincit: nam alioqui ignorassent significationem Sacramenti illius, quod tum primum instituebatur, ac propterea sine fide illius bibissent, unde apparet Marcum narrare prius, quod factum erat posterius, nempe quod biberint ex poculo: & contra, verba de poculo prius pronuntiata, narrare posterius: de re tantum, non autem de ordine sollicitus. Atque hoc modo etiam Lucas, illæ rei veritate, primum verba Christi, quibus cœnæ Sacramentum instituit, recenset: deinde verò per *ut singulis* quandam subijcit primum, quæ in narrationis ordine omiserat verba de prodicione sui futura (videlicet, *veruntamen*

*men ecce manus ejus qui me prodit, mecum in mensa est*) & ortam inde inter Apostolos quaestionem. Nam ex reliquorum Evangelistarum narratione, Matth. 26. v. 21. usque ad 26. & Marc. 14. v. 19. ad 22. perspicue apparet, illa ante institutionem Cœnæ contigisse. Idque etiam res ipsa satis aperte demonstrat. Nam neque Christus in Cœnæ suæ institutione buccellam intinctam dedit, sed panem fractum: neque Apostoli buccellam cum Christo intinxerunt in patinam, sed fractum datumque à Christo panem edebant: utrumque verò illud in Cœna Paschali antea factum est, ut initio ostendimus. Ideoque neutrum signum, neque præsentiam Judæ, ad Sacramentum Eucharistiæ referri oportere apparet. Siquidem simulacrum intinctam buccellam Judas acceperat, statim exiit, ut Johannes disertè testatur, v. 30. Neque tamen Lucas hac ὑπεροχὴς (seu rei prius factæ narratione præpostera) in veritatem historiarum sacrarum impiegit; quia verba Christi verè ac simpliciter recenset: hunc autem ordinem fuisse, nulla certa circumstantia definit: quemadmodum antea Marci exemplo simili illustravimus ac probavimus. Et non ignotum etiam est apud profanos historicos, interdum hysterologias quasdam inveniri. Ac propterea satis ad argumentum è Luca petendum responsum est: ad eò ut probari non possit ex eo, Judam in Cœnæ administratione fuisse præsentem, multò minus illius cum reliquis Apostolis fuisse participem. Id quod etiam præter ea quæ supra attulimus duobus aliis argumentis gravibus confutari potest: quorum prius est hujusmodi: Quorum scelera sunt aperta, non solum Sacramentum Cœnæ distribuenti: sed etiam communicantibus omnibus: illi non possunt sanctè ad communionem illius admitti. Atqui Judæ scelera erant non solum Christo cœnam distribuenti, sed etiam ejusdem indicio omnibus communicantibus Apostolis nota. Ergò sanctè non potuit ad communionem admittere; ideoque cum omnia sanctè egerit, eum nullo modo ad eam admisit. Alterum argumentum (si bene observavi) neglectum videtur ab iis, qui de hac materia eruditè scripserunt, sed tamen primum ac maximi momenti est hujusmodi. Pro omnibus illis, quibus Christus & panem & poculum Sacramenti Cœnæ distribuit, corpus ejus datum ac fractum est, & sanguis ejusdem effusus in remissionem peccatorum. Atqui pro Iuda Iscariote Christi corpus non est datum ac fractum, neque ejusdem sanguis pro eo effusus est in remissionem peccatorum. Ergo Christus ei nec panem Sacramenti Cœnæ nec poculum illius distribuit. Propositio ex Evangelistis & Paulo Apostolo manifestè deducta est: nam de discipulis præsentibus in Cœna, de poculo loquens, Christus dixit, *bibite ex eo omnes*, Matth. 26. v. 27. & *biberunt ex eo omnes*, Marc. 14. v. 23. unde perspicue constat, idem etiam de pane, priori Sacramentalis signi parte inseparabili, intelligendum, cum dicitur, *dedit discipulis*, Matt. 26. v. 26. Atqui omnes illos sine controversia intelligit, cum dixit dato illis pane: *hoc est corpus meum quod pro vobis datum*: Luc. 22. v. 19. ac fractum, 1. Cor. 11. vers. 24. similiter dato omnibus poculo Christus ait, de iisdem omnibus, Luc. 22. v. 20. *Hoc poculum Novi Testamenti est in meo sanguine qui pro vobis* (quæ vox non aliter quam de antecedentibus omnibus memoratis intelligi potest) *effunditur*, scilicet in remissionem peccatorum, Matth. 26. vers. 28. unde veritas propositionis syllogismi propositi elucet. Assumptio verò à nostris doctrinæ reformatæ assertoribus non negatur, sed rectè asseritur: ideoque conclusio jure negari non potest. Quia verò Ubiquitarii eam negant, idcirco paucis confirmanda est hoc modo: Pro quibus Christus corpus suum tradidit & sanguinem suum effudit in remissionem peccatorum, illis mors Christi fuit utilis, & illorum peccata potuerunt remitti, imò sunt remissa; aliàs mors Christi finem suum non obtinisset, sed fuisset inutilis, quod impium est asserere. Atqui mors Christi Judæ non fuit utilis, neque peccata ejus per sanguinem Christi sunt remissa: quia filius perditionis oppositè Apostolis vocatur à Christo, id est, perditioni certè destinatus: ideoque verbis modo adductis ex Ioh. 17. vers. 12. Christus addit: *ut Scriptura impleatur*. Deinde ante Christi mortem Iudas desperatione veniæ se ipsum suspendit, Actor. 1. v. 18. abiitque in locum suum,

ibid. v. 25. id est, in infernum impiis destinatum. Unde necessario sequitur, Christum non esse pro eo, id est, illius bono mortuum, nec sanguinem suum pro eo effudisse, ut ille remissionem peccatorum obtineret, aliàs sapientiæ & justitiæ Christi, finis mortis ipsius adversaretur, id est, mortuus fuisset pro eo, id est, ad bonum seu utilitatem illius & ad remissionem peccatorum illius, quæ tamen nullo modo erant possibilia: neque justa: cum nihil utilitatis homini jam in infernum detruso posset accedere, multò minus remissio peccatorum in igne inferno & æterno. Quare meritò concludimus, Iudam Sacramento Cœnæ Domini nullo modo communicasse: imò neque ei interfuisse. Atque ita quintam ex capite 13. quaestionem ad doctrinæ fidei conservationem explicare conati sumus.

## CAPITIS XIV.

Examen vers. 1. 2. & 3.

Illustris omninò est Christi ad Apostolos oratio, quæ hoc cap. 14. Iohannis continetur: ex qua nonnulla, partim propter suam difficultatem, partim propter rei, quæ in ea tractatur summam utilitatem; indagationem sententiæ requirunt. Quales primum sunt tres priores versus: ac propterea eosdem paucis illustrare conabimur: ab occasione & scopo eorum, ad rem ipsam progressuri. Occasio autem ex cap. 13. colligitur duplex: prior enim est Christi prædictio discessus sui ab Apostolis: quæ primum proponitur v. 33. his verbis, *filii adhuc paulisper vobiscum sum: quæretis me, & sicut dixi Judæis, quo ego vado abeo, vos non potestis venire: ita etiam dico vobis*: deinde hæc prædictio ad consolationem Apostolorum, mitigationem quadam atque explanatione, ita à Christo accommodatè ad Petrum repetitur, quo, (inquit) *ego abeo, non potes me nunc sequi: sequeris autem postea*. Altera occasio est Apostolorum infirmitas: quæ partim posita erat in cordis tristitia, ex prædictione de Christi ab ipsis discessu concepta: quemadmodum similiter post discessum huius & afflictionis imminens repetitionem accidit, ut cap. 16. v. 6. & 22. à Christo ibid. indicatur: partim verò in mentis ignorantia consistebat, scilicet quod Christi verba (de discessu ipsius: quodque ipsum tunc sequi non possent) minimè intelligerent: ut ex Petri quaestione apparet, quæ recensetur vers. 36. *Domine quo abis?* quemadmodum etiam ex altera quaestione idem liquet, v. 37. *Domine quare non possum te sequi?* Scopus verò Christi hæc duplici occasione permoti est, ut utrique huic infirmitati remedium idoneum adhibeat: quo nimirum & hanc cordis eorum tristitiam, & mentis ignorantiam corrigat. Medium autem ac remedium ad eum scopum destinatum atque directum, in primis tribus hisce versibus continetur. Constat autem propositione & confirmatione illius. Propositio vers. 1. describitur, constans mandato duplici, scilicet dehortatione à vitio, ac deinde hortatione ad officium vitio tollendo idoneum. Dehortatio autem hæc est: *Ne turbetur cor vestrum*. Cujus dehortationis pars antecedens seu subjectum de quo loquitur, sedem vitii indicat, quando dicitur, *cor vestrum*. Cor autem metaphorà valde frequenti, & aliàs exposita plenius, animam significat. Cum autem additur *vestrum*, Apostoli notantur, quos hac oratione compellat. Consequens verò pars seu attributum est: *ne turbetur*: quo & vitium animæ Apostolorum (quod curare studet) indicat, & ab eodem revocat. Vitium autem erat turbatio cordis Apostolorum. Quæ res vocis aliquam expositionem ac distinctionem præviam, ad rectam huius loci & similibus intelligentiam omninò requirit: ac propterea paucis ac distinctè de ea agemus. Turbatio enim propriè de re corporea dicitur, cuius quies movendo interruptur: Qualis propria perturbatio aquæ per descensum Angeli vocatur ac describitur, Joh. 3. vers. 4. Deinde impropiè per Metaphoram à re corporea ad animam, ob similitudinem quandam voce translata, tranquillitatis illius, tristiore aliquo affectu dimotionem notat: Quæ animæ turbatio, non unius est generis, sed duplicis. Alia enim recta est: alia verò prava ac vitiosa. Recta animæ perturbatio est, quæ normæ officii, divinitus in verbo præscripti,

præscripti, convenit. Norma autem est, ut fide & charitate erga Deum omnino regatur: qualis turbatio animæ Christi duplex describitur ab Evangelistis. Prima quidem, quæ ex Zelo gloriæ Dei, ob violationem illius, per Judæorum incredulitatem, sanctè commotus est, iustā adversus peccatum irā: de qua Joh. 11. vers. 33. dicitur, *infremuit Spiritu & turbavit seipsum*. Altera turbatio est sanctæ tristitiæ, quæ ex horrendi supplicii imminenti consideratione, pro naturæ, malum illud, per se rectè averfantis ratione, attamen servatā & fide & obediendi voluntate commotus est: de quaurbatione ipsemet testatur, Joh. 12. vers. 27. *Nunc anima mea turbata est: quid dicam? Pater conserva me ab hac hora: sed propterea veni in hanc horam*: & cap. 13. vers. 21. ait Evangelista: *Cum hæc dixisset Jesus, turbatus est spiritu, dixitque: Amen, amen dico vobis, unus ex vobis prodet me*: & Matth. 26. v. 37. 38. de Christo, cum esset in horto, dicitur: *cepit contristari & gravissimè angere, tunc dicit eis Jesus: undiqueque tristis est anima mea usque ad mortem*. quam tristitiæ perturbationem Christus ex recta causa horrendæ passionis concepit, & rectum modum servavit, cum eandem fide & obedientia erga Deum conservata temperavit, ne normam officii excederet. Hæc de perturbatione cordis recta. Prava verò seu vitiosa ea est, quæ normam Dei verbo præscriptam violat: nimirum, cum vel in origine, vel in mensuraurbationis peccatur. In origine quidem, cum iustā illius causa non est, qualis turbatio fuit Herodis regis, qui audita è Magis nativitate Christi Regis Judæorum, turbatus est præ cæteris, Matt. 2. v. 3. non recta causa cum externa: quia Christi nativitas, iustissima erat magni gaudii materia, Luc. 2. v. 10. tum interna, quia metus amissionis regni, quo turbabatur, erat & injustus & vanus. Injustus, quia Christo jure regnum competeat. Vanus verò; quia regnum Herodis nullum erat ab eo periculum: quod Christi regnum non esset ex hoc mundo, Joh. 18. vers. 36. sed spirituale. Sic quoque in Apostolis Christi, Matth. 14. v. 26. vitiosa fuit turbatio, ratione non solum originis, sed etiam modi seu mensuræ: scilicet cum viso Jesu Christo ambulante super mare, turbati dicuntur: nam causa movens externa non erat iusta: quia adventus & omnipotentia Christi, ea re patefacta, lætitiæ causa esse debuerat, non terroris: neque etiam causa interna erat recta; quia & opinio phantasmatis erat falsa: & metus non solum mensuram excedens, sed etiam inanis, utpote quia à Christo eò erant dimissi, Marc. 6. v. 46. & illius tanquam veri Dei omniscientia, præsentia, amore atque omnipotentia omnino tuti. Hæc deurbatione cordis, cum recta, tum prava seu vitiosa: unde jam perspicuè constat, non omnemurbationem in Sacris Literis prohiberi (quasi Stoicorum stupidam ἀπάθειαν, affectuum omnium vacuitatem, atque indolentiam præciperet, & ab omni prorsusurbatione ac tristitia animi dehortaretur) sed tantum vitiosam: quæ in origine seu causa movente: aut in mensura seu modo: aut in utroque à norma officii verbo Dei præscripti recedit. Qualis etiam hoc in loco à Christo prohibetur, dum ab ea Apostolos dehortatur: quorum tristitia, neque origine, neque mensura convenienti prædita erat. Nam primum discessus Christi ab Apostolis ad Patrem, causa non erat iusta tristitiæ, sed gaudii: quod ad Christi gloriam, & ipsorum utilitatem ac salutem omnino pertineret: nam inter alia, ut Christus asserit, utile iis erat ut ipse abiret ab iis, quod nisi abiret, consolator (nempe Spiritus Sanctus, de quo cap. 14. v. 16. & 15. v. 26.) ad eos non esset venturus: sin autem proficisceretur, fore ut illum ad ipsos mitteret, Joh. 16. vers. 7. Deinde licet odium mundi & persecutiones, aliqua tristitiæ causa fuerint, in ea tamen iustam mensuram excesserunt: quod ut cap. 16. vers. 6. Christus declarat, tristitia implevisset cor eorum; cum inter alia non pauca, dignitas martyrii, Actor. 5. vers. 41. & promissio auxilii Christi & vitæ æternæ, Joh. 10. vers. 28. & Spiritus consolatoris, ut ante ostendimus, causæ esse debuissent gaudii sincerii, naturalem tristitiam superantis, Matt. 5. v. 11. 12. & 2. Cor. 4. v. 17. 18. Sed infirmitas fidei & charitatis Apostolorum (nondum per Sp. S. missionem in utraque confirmatorum) hæc non satis attenderat: ideoque Christus eam vitiosam,

per tristitiam immodicam, perturbationem indicat, & ab ea dehortatur. Atque hæc de prima propositionis Christi parte, nempe mandato primo: ne cor illorum turbetur. Altera verò pars est secundum mandatum, posteriori versu primi membro descriptum, *πιστεύετε in Deum, & πιστεύετε in me*. De cuius vocis Græcæ interpretatione, hoc loco diversa extant Theologorum sententiæ, partim ob vocis ancipitis ambiguitatem, partim ob verisimilem pro diversa acceptione sensum, siquidem ea vox esse potest, vel indicativi modi ac præsentis temporis, ut Joh. 6. v. 36. & 8. vers. 45. 46. & *πιστεύετε non creditis*: vel modi imperativi, ut Joh. 12. v. 36. *πιστεύετε τὸ φῶς, credite in lucem*: & c. 14. v. 11. *πιστεύετε μοι, credite mihi*. Atque inde fit, ut hæc vox, quæ bis hoc loco occurrit, accipi possit, vel eodem modo, vel diverso. Unde (quod etiam Erasmus rectè observavit) quadruplex expositio emergit. Nam si eodem modo sumatur, utrumque erit vel indicativi modi: nimirum *in Deum creditis, & in me creditis*, sensusque erit: cum credatis in Deum & in me, Ergo turbari non debetis: vel imperativi modi: *credite in Deum, & credite in me*, ut sensus sit, atque ita fiet ut non turbetur cor vestrum: utpote cum potissimum ex fidei infirmitateurbatio oriatur. Contra verò si diverso modo *πιστεύετε* interpretemur, alia duplex interpretatio emergit. Prima quidem ut priori loco illud verbum sit modi indicativi, in posteriori verò imperativi, hoc modo: *Creditis in Deum* (id quod vel absolute, vel cum interrogatione lectum) *credite in me*, ut sensus horum verborum sit: nemo vestrum est quin dicat se in Deum credere: si ita est, credite etiam in me; ita fiet, ut verè in Deum credatis, neque ullis tempestatum procellis dejiciamini. Altera expositio est, ut prius *πιστεύετε* sit modi imperativi: posterius verò indicativi, *credite in Deum & in me creditis*: i. e. si creditis in Deum, eadem operā in me creditis, utpote Filium Dei ἀποστόλου. Cæterum ex hisce quatuor sententiis, quæ omnes sunt analogæ doctrinæ fidei: postpositis duabus extremis, seu prima & quarta, de mediis duabus quæstio est, utra sit hoc in loco præferenda. Tertiam enim vulgata versio & eam secutæ nonnullæ, atque insignes Theologi amplectuntur. Secundam verò illustres Patres proponunt ac sequuntur. Ex Græcis quidem Chrysi. Cyrillus Alex. Nonnus & Theoph. Ex Latinis verò Hilarius de Trinitate, lib. 9. p. 162. sæpius eam versionem inculcat, & tanquam mandatum utrumque exponit: deinde Aug. tract. 67. in Johannem. Quam Patrum interpretationem salvo aliorum iudicio genuinam esse, & tertiam præponendam arbitramur, hisce de causis: primum quia nullum ex Sacris Literis exemplum profertur, ubi unum idemque verbum in eadem propositione, in præsentii indicativo, & in imperativo usurpetur. Et quid si fortè etiam exemplum aliquod huiusmodi extaret: ex rectæ interpretationis norma, sine gravi causa à simplicitate ejusdem modi non esset recedendum: ac propterea utrumque *πιστεύετε* notat *creditis*, aut *credite*. Deinde non videtur verisimile, Christum hic actionem fidei præsentis (non autem dico habitum fidei, qui iis non defuit) iis tribuere. Nam sæpè occasione aliqua oblata, oblivione quadam promissionum gratiæ Dei & Christi, incredulitate atque orto ex ea timore ac tristitia peccarunt: quemadmodum utrumque Christus sis exprobravit, ut illustribus exemplis constat, Matt. 6. v. 30 & 8. 26. Luc. 8. v. 25. Et Matt. 14. v. 31. ad Petrum in fide tamen cæteris fervidiorem ait: *exigua fide prædite, quid dubitasti?* Denique post hanc hujus cap. 14. sententiam, quæ dicitur *πιστεύετε*, paulò post, ut c. 16. v. 8. narratur, quod Christus dixerit Apostolis, *quid disceptatis inter vos* διζήσατε: *exigua fide præditi*. Ex quibus omnibus satis clarè apparet, Apostolos exigua in Deum & in Christum fide fuisse præditos, atque inde etiam factum, ut timore ac tristitia immoderata, objecta aliqua difficultate, fuerint perturbati: id quod etiam hoc in loco ipsis accidisse initio ostendimus. Ac propterea magis consentaneum est, ut hic potius hortatio sit, ad fidem Apostolorum in Deum & Christum suscitandam, quam commendandam: ideoque verbum *πιστεύετε* neutra parte vertendum videtur *creditis*, sed *credite*. Idque etiam ea de causa, quod sensum habet minus coactum, quam altera explicatio, magisque cum dehortatione convenientem: quemadmodum



ex antè posita sententiarum collatione in explicatione sensus apparere potest. Nam certum illud est, turbationem illam cordis Apostolorum, à qua eos Christus est dehortatus, non fuisse cum fidei exercitio conjunctam, sed ex illius infirmitate, ( ut similia à nobis allata exempla, & Christi reprehensiones, & res ipsa ostendunt ) promanasse. Si quidem ubi fides in Dei ac Christi promissiones firma est in mente, illius effectum consequens est fiducia animum exhilarans in corde, Eph. 3. vers. 12. adeò ut ea sit præsensissimum turbationis à metu ac tristitia antidotum ac remedium: fides enim est victoria nostra, quæ vincit mundum, 1. Joh. 5. vers. 4. eademque est cujus firmitate adversario nostro Diabolo resistimus, 1. Pet. 5. vers. 9. imò scutum est, quo possumus mali illius ignita tela extinguere, Eph. 6. vers. 16. Ideoque optimè cum antecedenti dehortatione à turbatione cordis, hortatio ad fidem connectitur ac subjicitur, tanquam bonum illi malo curando utilissimum ac maximè necessarium. Quod rectè omninò à Chrysostomo observatum, cum ait: Πιστεύετε τὸν Θεόν, ὃς ἐστὶν ἡμεῖς πιστεύοντες, ὅτι ἐστὶν πάντα παρελεύσονται τὰ δεινὰ. ἡ γὰρ ἡμεῖς πιστεύομεν ὅτι τὸν κατὰ θεὸν, δυνατὸν ἔσται τῶν ἐπιόντων ἐστὶν, ὃς ἐδίδεν ἡμῶν κατὰ τὴν αἰσθησιν τοῦ νοῦ καὶ τῶν ὀφθαλμῶν, id est: *Credite in Deum & in me credite*, hoc est, *quod omnia mala transibunt. Nam in me & in genitorem fides, omnibus vos invadentibus potentior, & nihil difficultatum permittet superare.*

Ceterum ad mandati partes quod attinet ( quo Christus Apostolos credere in Deum, & in se jubet ) illæ sunt duæ; prima est mandati objectum, id est, ille circa quem mandatum versatur, seu de quo mandatur: altera est attributum seu adjunctum, nempe res mandata. Objectum, est Deus & Christus. Dei autem nomine Deum Patrem (quem admodum etiam alibi, cum à Christo distinguitur intelligi solet, ut Joh. 13. vers. 3. ) hoc in loco designat per Synecdochen non autem quod Filius eo modo à Deitate excludatur: nam etiam simili tropo Dei nomen pro Deo Filio usurpatur singulariter, quemadmodum Actor. 20. vers. 28. *Deus* dicitur *redemisse Ecclesiam suo sanguine*: id quod nec Patri, nec Spiritui Sancto, sed tantum Filio convenit, qui solus carnis & sanguinis particeps factus, & Ecclesiam suo sanguine redemit, Heb. 2. vers. 14. 15. 17. *Quem Deus* ( id est, Deus Pater ) *proposuit in asileum, placamentum in sanguine ejus*, Rom. 3. vers. 25. quemadmodum etiam Actor. 5. v. 4. *non mentitus es hominibus, sed Deo*, id est, Spiritui Sancto; quemadmodum vers. 4. antecessit eodem sensu, *ut mentireris in Spiritum Sanctum*. Ex quibus apparet, verum esse tritum illud Theologorum dictum, vocem *Dei*, non solum essentialiter, sed interdum personaliter usurpari: id est, non communiter semper divinam essentiâ præditum notare: ut ad tres personas Deitatis referatur ( ut cum Deus mundum creasse dicitur ) sed interdum singulariter certam aliquam personam, Patrem scilicet, quod frequentius, aut Filium, aut Spiritum Sanctum pro circumstantiarum ratione denotare. Deinde Filium à Deitate non excludi hoc modo, ex attributo, quod adjunctum erga Patrem & Filium officium, ac rem mandatam exprimit, demonstrat, cum communiter utrique credendum eodem sensu præcipitur: qui honor ac cultus Deo est proprius. Credere autem in Deum, nempe Patrem, est adhibere fidem verbo illius, in primis Evangelio de persona, officiis, & beneficiis per & propter Christum, cum redemptionis fidelium, tum eorum justificationis ac pacis cum Deo, conservationis ac vitæ æternæ. Credere quoque in Christum est omni illius verbo, in primis Evangelio, quo se Filium Dei, Messiam promissum, redemptorem, servatorem, & vitæ æternæ fidelium datorem docet, fidem adhibere. Cujus fidei utriusque, scilicet erga Patrem & Filium fructus, est metus ac tristitiæ animi perturbantis depulsio, & conscientie adversus omnia pericula tranquillitas, ut eleganter ac copiose Rom. 5. v. 1. 2. 3. & cap. 8. vers. 31. ad finem usque explicatur: Ideo Christus hanc hortationem ad fidem, dehortationi à cordis perturbatione, tanquam officium contrarium ac remedium necessarium, subjicit. Atque hæc de propositione. Cui altera hujus orationis pars, nempe confirmatio illius adjungitur: qua Christus, partim sua verba

de discessu exponit: ut errori mentis Apostolorum occurrat: partim verò promissione utilitatis maximæ à suo discessu orituræ, adversus cordis perturbationem consolatur. Ac prius quidem initio versus secundi describitur his verbis: *In domo Patris mei multæ mansiones sunt: si verò non* ( vel alioqui ) *dixissem vobis*. In qua expositione duplex est enumeratio: ac de utriusque sensu genuino disquiritur. Ad primam autem quod attinet de priori illius membro, nempe domo Patris, penè nulla est controversia. Nam licet ea periphrasi templum Hierosolymitanum, Joh. 2. vers. 16. à Christo appelletur: quod ad cultum Dei esset consecratum: hic tamen non intelligi constat. Quod autem Tertull. de fidelibus, quorum corpora templa Dei dicta: quod in iis sua gratia habitet, intelligi posse conjicit, aliena est, & à posterioribus Patribus non probata conjectura: siquidem ex hujus loci circumstantiis adjunctis satis apparet per domum Patris, cælum summum intelligi, quod quasi sedem ac palatium gloriæ suæ paravit: ubi non ad tempus à mortalibus, sed ab immortalibus ac beatis in æternum colitur, suamque æternam gloriam patefacit. Ideoque ut hoc in loco cælum domus Patris; sic à Salomone similiter vocatur, atque exponitur cum 1. Reg. 8. vers. 30. ait, *exaudies in loco habitationis tuæ in cælo*. Domus autem Patris per Metaph. quandam appellatur: non quod in cælo, sicut homines in suis ædibus, circumscribatur, ut rectè hoc negatur, 1. Reg. 8. v. 27. Deus enim cælum & terram implet, Jer. 23. vers. 24. nec iisdem tamen, infinitus cum sit, finiri potest: sed propterea ita vocatur, quod ut homines in suis ædibus maximè conspicui sunt suis liberis & familiæ, eosque in mensa sua ad vitæ corporalis conservationem alunt: sic gloria Dei maximè in cælo conspicua sit beatorum Angelorum & hominum societati: eosque ibidem omnium bonorum cœlestium cumulo ( quasi cœlesti cibo ac potu, Matth. 8. vers. 11. Luc. 22. v. 30. Matth. 26. vers. 29. in mensa sua pascens ) in vita æterna conservat. Ceterum quamobrem hac periphrasi domus Patris, & non cœli voce usus sit Christus, ratio videtur hæc, quod illud majorem consolationem Apostolis opportunam in se complectatur. Nam cum cælum sit domus Patris Jesu Christi per naturam seu generationem æternam, & Apostolorum per gratiam ac regenerationem temporalem: alienum non erat, si Filius à cælo ad ipsos à Patre missus in domum Patris, legatione peracta, rediret, & pro Apostolis apud Patrem in cœlis, hæreditate ipsorum, ibidem intercederet. Atque hæc de primo primæ enuntiationis membro, nempe domo Patris. Alterum est attributum illius, quod in ea domo multæ mansiones sint. Mansio autem propriè quidem manendi actum designat, ut infra v. 23. *mansionem apud eum faciemus*: hoc verò in loco improprie per Metonym. mansionis locum designat, quemadmodum circumstantiæ ostendunt. Atque hoc modo Christus id quod ante tacuerat, cap. 13. nunc indicat: quonam esset abiturus, nempe in domum Patris, id est, in cælum. Deinde cum antè Apostolis dixisset, c. 13. v. 33. *quo ego abeo, vos non potestis venire*: Petro verò peculiariter dixerat: *sequeris autem me postea*, v. 36. idcirco ne Apostoli reliqui eo sermone se exclusos fore à Christo cogitarent, quasi locus quod tenderet angustior esset, ipsique & Petro soli, non etiam ipsis communis esset futurus, subjicit, mansiones in ea esse, & quidem multas: ac propterea & illis quoque recipiendis abundè capaces. Atque ita Christus inchoatam Metaphoram eleganter continuat, similitudine quadam à magnis amplisque ædificiis desumpta: quæ non paucis, sed pluribus excipiendis idonea sunt. Quemadmodum Gen. 24. v. 25. de Bathuelis ac Labanis ædibus dicitur: *locus spatiosus est ad manendum*. Et ut in Regum palatiis in primis: sic etiam in cælo mansiones multæ, similitudine convenienti tribuuntur: non quasi plura distincta in eo essent conclavia, ut in terris: sed quod tanta sit amplitudo ac capacitas illius, ut omnibus electis abundè sufficiat. Quod autem Tertull. in Scorpiaco adversus Cnosticos cap. 6. ait: *quo modo multæ mansiones apud Patrem: si non pro varietate meritorum?* ut inquam omittam catachresin Metaphoricam vocis *meritorum*, pro bonis operibus: consequentia omninò infirma est: licet Cyrill. Alexand. & Aug. in Joh. ac vulgò Pontificii

Pontificii eodem modo exponant. Nam ex cœli quantitate ac capacitate, seu loci multitudine, non rectè disparitas qualitatis ac dignitatis colligitur. Atque hæc de prima expositionis verborum Christi cap. 14. propositorum enuntiatione, nempe *in domo Patris mei multæ sunt mansiones*. Altera verò enuntiatio, quæ conditionalis est, his verbis continetur, *et si vobis, si verò non* (vel alioqui) *dixissem vobis*: cuius pars antecedens, quæ conditionem continet, citra controversiam ellipsin continet; *si verò non*, supple multæ essent mansiones in domo Patris mei: consequens verò pars est, *dixissem vobis*. De qua quæstio oritur, quonam referatur: quidam enim veterum Patrum, & alii non pauci, ad sequentia pertinere censent: *dixissem vobis, proficiscor paraturus vobis locum*: ut hæc inter se cohæreant; alii verò accommodatius ad præcedentia referunt, & sententiam hîc finiri, cum dicitur, *dixissem vobis*, statuunt: ac propterea periodo à seqq. ne quis erret, distinguunt: ut sit sensus; si non essent multæ mansiones in domo Patris mei, dixissem vobis, non esse multas mansiones: quod non dixerat, sed contrarium antea prænuntiaverat, fore ut collocatis ad suam dextram omnibus piis, die ultimo diceret: *possidete regnum paratum vobis ante facta mundi fundamenta*. Matth. 25. vers. 34. & Apostolis peculiariter dixerat, Luc. 12. vers. 32. *ne time, o parve grex, nam placuit Patri vestro dare vobis regnum*. Quæ expositio non immeritò priori præfertur: ut ex seqq. perspicuè constat: quia aliàs contradictio quædam extaret in Christi verbis, quod alienum est. Nam si eorum verborum sensus esset: multæ mansiones sunt: sin minus, dixissem vobis, ab eo paraturus vobis locum: cum autem multæ sint mansiones, non opus est, ut locum vobis parem. Atqui sequenti proximo v. 3. Christus asserit: se iis paraturum esse locum, unde sequeretur eo sensu, non esse multas mansiones. Quare satius omninò est, ut tanquam duas sententias inter se distinctas, non autem quasi unam tantum duobus membris constantem interpretemur, quemadmodum etiam vulgatus interp. mentem Christi rectè ita accepit: qui ad claritatem paraphrastice vocem *quia* interposuit hoc modo, *quia vado parare vobis locum*. Atque hæc de prima parte confirmationis, nempe expositione, cum loci, quò Christus erat abiturus (nempe in domum Patris, id est, cœlum) tum capacitatis illius: quod scilicet in eo mansiones essent non paucae, sed multæ: quæ non solum Christo ac Petro recipiendo sufficerent: sed etiam Apostolis, omnibusque electis. Qua expositione, prima consolatio, adversus tristitiam ex discessu ab Apostolis, ita ut sequi non possent, conceptam, continetur. Altera verò confirmationis pars, est primaria consolationis materia, siquidem dehortationem à perturbatione cordis confirmat, à summa utilitate sui discessus ad Apostolos perventura. Ea autem duplex proponitur: ac prima quidem est, quod abiturus sit ut ipsis locum paret in domo Patris: altera est reditus ad ipsos, atque assumptio eorum in eundem cum ipso locum. Prior autem utilitas in fine versus secundi his verbis describitur: *proficiscor paraturus vobis locum*, id est, à vobis abiturus sum in domum Patris seu cœlum, ut vobis parem locum in eo: Ergo non debetis ob discessum meum, quasi vobis nociturum metuere, ac tristitia cordis perturbari: sed contra eo, tanquam ad vitam æternam vobis utili ac necessario, fide ac spe illius vos ipsos recreare. Atque hæc summa est consolationis primæ. Partes autem illius sunt duæ: primum enim occasionemurbationis Apostolorum repetit: deinde utilitatem illius indicat. Repetit, cum ait *περὶ οὗτου*, id est, *proficiscor*, per usitam præsentis verbi pro paulò post futuro acceptionem: ut rei veritas, & vers. 3. ostendit. Quæ vox ut proprie, *iter facere* notat, ut Matth. 2. vers. 8. & 20. sic non rarò improprie per Synecdoch. specie generalius accepta, *abire*, vel *aliquò ire* significat, ut Joh. 7. v. 53. *καὶ ἰπορεύθη, & abiit quis in domum suam*, ut etiam Luc. 5. ponitur & exponitur eo sensu. Nam quod vers. 24. à Christo dictum paralytico, *περὶ οὗτου proficiscere domum tuam*, illud explicatur v. 15. *καὶ ἦλθεν, abiit domum suam*. Atque ita usurpatur de Judæ ad inferos abitu ac discessu, Act. 1. v. 25. *περὶ οὗτου*, ut *abiret in locum proprium*, ut rectè vulg. & noster interpretes. Atque

ita de Christi in cœlum ascensu dicitur, Act. 1. vers. 11. *περὶ οὗτου ἰς τὸν οὐρανὸν ἀβεντὴν ἐν cœlum*, & Joh. 13. v. 33. 36. & 14. v. 4. eodem sensu *ἀβεντὴν*, id est, *subduco me*, seu *ab eo*, dicitur. Quonam autem abiturus esset Christus, non exprimitur quidem: sed satis per illipsin ex antecedenti sententia innuitur, nempe in domum Patris, id est, cœlum: quemadmodum etiam 1. Pet. 3. v. 22. in cœlum *περὶ οὗτου* profectus dicitur: & Christus hic etiam explicat v. 12. *Proficiscor ad Patrem*: idemque addito fine atque utilitate perfectionis suæ seu discessus indicat, cum ait: *paraturus* (vel ut parum) *vobis locum*, nempe in domo Patris, de qua modo locutus erat: qua phrasi rursus Metaphora antecedens continuatur. Nam quemadmodum antea cœlum similitudine quadam, domum Patris, & capacitatem illius, multas mansiones appellavit: sic etiam in hoc loco similitudinem quandam ab iis ædibus, in quas amici hospites recipiuntur, aut in quas ex aliis locis migratur, deducit. Nam quemadmodum ædes parari solent, ut intus nihil sit impedimenti, & fores adventantibus pateant, (quemadmodum Laban Gen. 24. vers. 31. ait: *quare maneres foris, ego paravi domum & locum camelis tuis*) sic Christus dicit: *proficiscor paraturus vobis locum*. Quid autem illa loci paratio significet, distinctione quadam illustrandum. Ea enim est vel æterna: vel temporalis. Æterna est illa, qua Deus electione gratuita homines ad vitam æternam in cœlis obtinendam prædestinavit, ut Matth. 25. vers. 34. *Possidete regnum, &c.* Temporalis verò est æternæ illius suis modis executio. Primus enim modus est creatio cœli, qua illud paratum est, ut sit idoneum omnium electorum ad vitam æternam ac beatam domicilium ac sedes. Quo modo dicitur Hebr. 11. de piis Veteris Testamenti Patriarchis vers. 16: *non erubescit ipse Deus vocari Deus eorum: paraverat enim eis urbem*, id est, cœlum: quemadmodum vers. 10. Abraham dicitur expectasse urbem habentem fundamenta: cuius artifex & conditor est Deus. Verum cum cœli & vitæ æternæ aditus ob peccata hominum (non minus quam paradisi terrestriis cum via ad lignum vitæ, Genes. 3. vers. 24.) esset præclusus, idcirco alius per Christum mediatorem accessit modus, quo in cœlo locum omnibus electis per fidem obtinendum paravit: idque bifariam, primum qua sacerdos summus, cum intercessione suarum precum, (ut Ioh. 17. v. 24. *Pater quos dedisti mihi, velim ut ubi sum ego, & illi sint mecum & conspiciant gloriam meam*) tum suæ ad mortem usque crucis obedientiæ satisfactione pro electis, qua pacem cum Deo & vitæ æternæ hæreditatem in cœlis iis acquisivit, Rom. 5. v. 17. 18. Secundò paravit fidelibus in cœlis locum, quatenus Rex, peccato, morte ac Satana à se devictis, in cœlum ascendit, & cœli possessionem tanquam regnum suum sibi ut capiti & Regi gloriæ, Psal. 24. v. 9. 10. & fidelibus ut membris suis ac sibi subditis, eodem evehendis adiit atque accepit. Quo modo Ephes. 2. v. 6. fideles una excitati, unaque collocati dicuntur in cœlis in Christo Jesu, nimirum ut capite suo mystico, & cœlestis gloriæ obtinendæ causa. Quibus jam explicatis parandi in cœlis loci modis, superest ut paucis quo modo hic accipiatur expendamus: singuli enim Apostolis, si rem ipsam consideremus, citra huius loci circumstantiam, conveniunt. Nam primum ab æterno paratus iis erat locus ratione primæ causæ, nempe electionis: quatenus Christus, ut verus cum Patre Deus, ipsos elegerat ad vitam æternam, Ioh. 13. v. 28. Luc. 10. vers. 20. & 12. vers. 32. deinde in tempore per creationem cœli, quæ Filio non minus quam Patri convenit, Hebr. 1. vers. 10. Coloss. 1. vers. 16. ipsis paraverat locum, utpote electis à se ad vitam æternam in eo obtinendam: sed tamen neuter hic modus in hac sententia Christi intelligi potest. Nam utraque illa paratio loci in cœlis, jam facta erat: hæc autem de qua Christus hic loquitur, non facta, sed futura erat: non enim dicit *paravi*, sed *parabo*: Ideoque tertius modus, qui futurus erat, designatur: quo scilicet ut sacerdos, satisfactionis suæ merito, & ut rex suâ efficaciam omnipotentem omnibus fidelibus cœli aditum, & vitæ æternæ in eo hæreditatem ac possessionem paravit. Qua de re, inter cætera, illustra hæc sunt testimonia, Heb. 9. vers. 12. & 10. vers. 19.

v. 19. 20. cum igitur fratres habeamus libertatem ingrediendi sacrarium per sanguinem Jesu, ea via quam dedicavit nobis recentem & vivam per velum, id est, per carnem suam. Atque ex hac interpretatione significationis veli (quo aditus & conspectus sancti sanctorum prohibebatur) facile intelligi potest, (ut obiter hoc dicam) quid sibi velit, quod Matth. 27. v. 50. 51. dicitur: *Jesus emisit Spiritum, & ecce aulæum templi scissum est in duas partes, à summo usque ad imum.* Cum enim Apostolo testante, (Heb. 10. v. 20.) velum typus esset carnis, id est, humanæ naturæ Christi: & Sacrum seu Sanctum sanctorum, typus esset cæli Heb. 9. v. 24. eo denotatum fuit, Christi humanam naturam, per Spiritus emissionem, in duas partes fuisse divisam, eaque re aditum in cœleste Sacrum fidelibus fuisse patefactum. Cœterum, quia Christus dicitur paraturus locum, inde colligunt Pontificii (Patrum nonnullorum expositionem sequuti) ante Christi ascensionem, locum in cœlis quidem fuisse, sed nulli tamen paratum: ideoque pios Veteris Testamenti, non nisi Christo præeunte, in cœlum receptos: sed, (ut quidem Pontificii contendunt) in limbo inferni, seu summo inferni spatio detentos usque ad Christi ascensionem. Verum negatur consequentia; quia licet Christi satisfactionis meritum, & ascensionis efficacia causa fuit impulsiva ascensionis piorum in cœlum, inde tamen non sequitur, ante Christum nullos potuisse ascendere: alioqui eodem jure sequeretur, nullos pios ante Christi mortem fuisse justificatos ac reconciliatos cum Deo: quod mors Christi sit causa impulsiva justificationis & reconciliationis, quæ ea bona parata sunt. Atqui certum est, eos fuisse justificatos Deoque reconciliatos, quemadmodum de Abrahamo dicitur, Rom. 4. v. 3. Siquidem pii illi ante Christum, per fidem erga promissionem de venturi Christi satisfactione, resurrectione atque ascensione, fructum inde promanantem perceperunt. Quod verò opponitur à Pontificiis, Hebr. 11. v. 39. 40. de omnibus Veteris Testamenti piis affirmari: *Atqui hi omnes testimonium adepti per fidem, non obtinuerunt* *ἐπαγγελίαν* *promissionem* (id est, per Metonymiam adjuncti pro subjecto, rem promissam) *quod Deus de nobis melius quiddam providerat, ne sine nobis consecrarentur.* illud inquam minimè adversatur: quia per rem promissam, intelligitur Christi exhibitæ satisfactio, tanquam pretium redemptionis, quod ante Christum quidem erat promissum, sed adventu illius primum exhibitum, à quo communiter tam Veteris quam Novi Testamenti piorum consecratio pendebat: fructum verò illius consecrationis (seu justificationem ac salutem (utriusque suo tempore per fidem in Christum perceperunt. Quemadmodum enim Christo exhibitæ, sed pretio pro peccatorum remissione nondum perfoluto, remissa sunt nihilominus peccata, Matt. 9. v. 2. Luc. 7. v. 48. 50. sic etiam ante Christum exhibitum, Davidi aliisque sanctis fide in Christum venturum remissa sunt peccata, atque ita beati fuerunt, Psal. 32. vers. 2. 6. Rom. 4. v. 8. Sed una adhuc superest difficultas, quæ obtenditur hujusmodi: Si pii ante Christum exhibitum, eundem fructum mortis & ascensionis perceperunt nobiscum: Ergo nostra conditio non est melior, quam illorum. Atqui contrarium asserit Apostolus Heb. 11. v. 40. quod Deus de nobis melius quiddam providerat. Sed respondetur negatione propositionis; nam licet non sit melior nostra conditio respectu fructus consecrationis, nempe justificationis ac salutis, ex Christi adventu obedientiæque ad mortem, resurrectione & ascensione promanantis: nihilominus tamen alio respectu melior est: quia Christi incarnatio, prædicatio, passio, mors, qua consecramur Deo, resurrectio & ascensio in cœlum, piis Veteris Testamenti fuerunt tantum promissa: fidelibus verò Novi Testamenti exhibitæ. Ideoque hac ratione præstantior horum conditio memoratur, ut quod illi avida spe expectarant, hi contra cum gaudio sunt consecuti. Quemadmodum Christus Luc. 10. vers. 23. 24. suis discipulis dicit: *beati sunt oculi, qui vident quod vos videtis: dico enim vobis, multos Prophetas & Reges cupivisse videre, quæ vos videtis &c.* & Joh. 8. v. 56. *Abraham gessit ut videret diem illum meum* (nempe propriis oculis corporis) *& vidit* (oculis scilicet fidei) *& gavisus*

est. Quo etiam modo dicitur, 1. Pet. 1. v. 11. 12. de Prophetis antiquis: *scrutantes in quem aut qualem temporis articulum prænuntiavit ille qui in ipsis erat Spiritus Christi declararet eventurus Christo perpassiones & gloriam illas consecuturam.* Quibus declaratur fidelium post Christum exhibitum conditionem esse præstantiorem quam Prophetarum, utpote qui prænuntiaverunt Christi adventum, perpassiones & gloriam consecutam: sed impletionem non sunt affecuti, quod nobis evenit, qui simul cum iis per mortis Christi pretium consecrati sumus. Quam præstantiam Apostolus, ad Hebræos, loco objecto, expressè indicat, cum ait: *ne sine nobis consecrarentur:* & quod promissa non acceperunt. Cujus felicitatis & præstantioris conditionis causa, nativitas Christi, Luc. 2. vers. 10. 11. magnum piis gaudium, & vers. 25. consolatio Israël appellatur, unde factum, ut Symeon, cui promissum erat divinitus, fore ut non moreretur priusquam vidisset Christum illum Domini, v. 26. Christo viso & in ulnas accepto exhilaratus, pro isto beneficio Deo benedixit, vers. 28. quod oculi ipsius vidissent salutem Domini. Quare hinc satis apparet, licet justificationem ac salutem in cœlis, ut fructum Christi nati, mortui, suscitati, & in cœlum recepti, communem habuerint omnes ante & post Christum pii: meliorem tamen esse conditionem nostram, ratione nativitatis, passionis, mortis & glorificationis Christi: nimirum quod illa olim fuerint promissa & avidè expectata: nunc verò sint exhibitæ. Atque hæc de prima utilitate discessus Christi à suis Apostolis in cœlum: videlicet, quod paraturus iis esset locum. Qua ratione confirmavit præceptum vers. 1. propositum, videlicet, non debere eos propter discessum hunc corde perturbari ac dolere: sed potius ob summam illius utilitatem gaudere, quemadmodum postea vers. 28. exprimitur ac declaratur. Altera verò utilitas, promissione insigni describitur vers. 3. duobus membris: cujus prius est reditus Christi: alterum verò Apostolorum ad se assumptio. De priori ait *ἐγώ*, id est, *cum profectus fuero & paravero vobis locum, rursus veniam.* Quid autem adventus seu reditus Christi hoc loco significet, præmissa phrasæ distinctione, paucis explicandum. Nam alius est adventus spiritualis, ratione uberioris ac salutaris gratiæ per Spiritum Sanctum, qua fideles suos adjuvat ac conservat: de qua hoc cap. vers. 23. loquitur Christus: *si quis diligit me &c. ad eum veniemus, & apud eum manebimus:* alius verò corporalis ac propriè dictus duplex est: primus quidem post resurrectionem ipsius Christi à mortuis: ut vers. 18. *non relinquam vos orphanos, redibo ad vos*, idque exponitur vers. 19. *adhuc paululum, & mundus me non amplius conspiciet: vos autem conspicietis me.* Cujus promissionis reditus complementum, plenius describitur, Act. 1. vers. 3. & cap. 10. vers. 41. Secundus verò corporalis Christi reditus erit ultimo die (qui dies adventus Domini dicitur, 1. Cor. 1. vers. 8.) cum veniet ad judicandos vivos & mortuos; qui reditus non solum ut prior, ipsius tantum discipulis, sed omnibus etiam hominibus erit conspicuus, Matth. 24. v. 30. & 25. v. 31. & 26. vers. 64. 2. Thess. 1. v. 7. & seqq. Atque hic reditus hoc in loco intelligitur, ut antecedentia & sequentia Christi verba satis ostendunt: nam futurus dicitur reditus cum profectus fuerit, nempe in domum Patris & ad Patrem: ut etiam v. 12. explicatur, ideoque dereditu Christi ad Apostolos corporali, statim à resurrectione ante ascensionem ad Patrem, intelligi non potest. Idemque sequentia verba demonstrant: quibus alterum secundæ utilitatis ex discessu suo orituræ membrum, ac consequens prioris adjunctum complectitur hisce verbis: *& assumam vos ad me ipsum: ut ubi sum ego, & vos sitis.* id quod primum fiet ultimo die, cum omnes ad Christum aggregabimur. Quibus verbis, assumptionis ad seipsum, beneficium: & finem illius, distinctè ad consolationem designat. Cujus rei illustris omnino expositio extat, 1. Thess. 4. vers. 16. 17. *Nam ipse Dominus cum hortationis clamore, &c. & ita semper cum Domino erimus,* nempe judicio peracto, in cœlis, ut Matth. 25. vers. 34. & 46. illustratur. Quod autem Christus ait, *ubi ego sum:* obiter observanda est ad hujus & similium locorum intelligentiam temporis enallage: præsens enim pro futuro, sum pro

pro ero usurpatur. Id quod frequens est in Sacris Literis, in primis verò cum præsens pro paulò post futuro, quadam Metaphora, quasi præsens esset, accipitur: ut cum alibi, tum hoc capite apparet vers. 3. & 12. & 4. cum 5. & v. 18. Interdum etiam pro longe post futuro accipitur, ad certitudinem rei promissæ denotandam, ut locorum circumstantia seu veritas sententiæ arguit. Quemadmodum v. 3. *rursus venio*, id est, veniam, ultimo scilicet die: Quemadmodum de eadem re dicitur, Matth. 24. vers. 42. *nescitis qua hora Dominus vester ἔρχεται venit*, id est, ἐλεύσεται, venturus est, ut rectè & vulgatus & noster interpres transtulerunt: ut de primo Christi adventu in mundum, Joh. 4. v. 25. dicitur, *scio quod Messias, ἔρχεται venit*, id est, venturus est, ut rectè noster vertit, nam additur: *cum venerit ille*, itaque non præsens intelligitur, sed futurus. Sic etiam per similem enallagen dicitur: *ubi ego sum*, id est, ero, ut rei veritas ostendit. Nam Christus erat tum in terra & discipuli cum eo: hic autem de præsencia post reditum, & Apostolorum assumptionem futura, & quidem perpetua, sermo est. Atque hæcenus vers. 1. 2. & 3. hujus cap. 14. examen: cui non incommodè subjicienda videtur

*Illustratio v. 4. 5. & 6.*

Siquidem ad hanc rem non solum orationis hujus insignis celebritas, sed etiam difficultas illius meritò nos invitat. Cujus orationis occasio quidem est Apostolorum in Christi diâis percipiendis infirmitas: scopus verò est correctio illius: Modus autem quo ad eum scopum tendit est alloquium Christi, & cum Thoma Apostolo colloquium.

Alloquium enim Christi, retegendæ illius infirmitatis, quasi morbi latentis remedium, ad curationem opportunum præmittitur his verbis, v. 4. *Et quo ego abeo*, id est, brevi abiturus sum, *scitis, & viam scitis*. Quibus verbis (ex communi Patrum & posterorum interpretum sententia) affirmatio continetur, quæ Apostolis notitiam discessus Christi duplicem tribuat: primam loci, ad quem erat abiturus; alteram viæ, per quam eo erat perventurus. Cujus alloquii effectum est colloquium consequens: constans Apostoli contradictione, & Christi responsione; prius continetur v. 5. quo describitur quisnam, & quo modo contradixerit. Quis autem fuerit, ita indicatur, *Dixit ei Thomas*: unus scilicet ex Christi Apostolis, Matth. 10. v. 3. Cujus præ cæteris imperitia, fidei infirmitas ac confidentia etiam notatur, Joh. 20. v. 24. & 11. 16. Quo modo autem contradixerit Christo, his verbis exprimitur: *Domine nescimus quo abeas*, (id est, abiturus sis) *quomodo igitur possumus viam scire?* Quibus verbis utrique sermonis Christi membro contradicit. Priori quidem quo Christus dixerat, *Quo abeam scitis*, contradicit absolute; *nescimus quo abeam*: posteriori verò quo Christus dixerat: *& viam scitis*, contradicit argumentationis quadam forma, per consequentiam ex priori deductam: quam interrogationis figura simul amplificat, ad rei impotentiam indicandam, quasi ad Christi iudicium provocaret, cum ait, *quomodo igitur possumus viam scire?* Ex quibus hæc difficultas oritur, quomodo Christi verba sint vera? Ille enim affirmat eos ista scire: Thomas contra apertè negat, & quidem magna quadam confidentia. Neque credibile est ipsum contra suam conscientiam impudentur mentitum; Christum autem multò minus fuisse mentitum constat, ex perpetua illius sanctitate & ad mortem crucis usque obedientia, Philipp. cap. 2. vers. 8. adeo ut rectè à Petro asseratur, 1. Epist. 2. v. 22. quod peccatum non fecerit, neque inventus sit dolus in ore ejus. Quæritur igitur non immeritò, quomodo hæc duo, quæ contradictoria videntur, queant conciliari. Duplex autem (ut aliena omittam) extat modus, per distinctionem vocis, quæ non secundum idem accipitur. Prior est quo statuitur in Christi affirmatione sermonem esse de Apostolis, non simpliciter ratione omnium (nam Thomæ ignorantiam ignorare non potuisse certum est: ut qui sciret quid esset in homine, Joh. 2. v. 25.) sed secundum quid, ratione quorundam: Christus enim non loquitur definitè atque universaliter, vos omnes scitis: id quod in objectione quasi certum assumitur: sed indefinitè,

*scitis*, id est, vos Apostoli scitis. Thomas verò ex suo ingenio atque ignorantia reliquos æstimans temerè dixit, *nescimus*. Alter solutionis hujus nodi modus est non ex distinctione subjecti scientiæ, id est, Apostolorum: sed scientiæ: cum enim ea esse possit, vel simpliciter accepta seu perfecta ac distincta: vel secundum quid, imperfecta ac confusa, priori modo ipsos ignorasse, posteriori verò scivisse. Nam quò iturus esset Christus disertè explicarat, nempe in domum Patris: viamque etiam indicarat, cum se prodendum paulò antè monuisset, cap. 13. v. 21. imo creberrimè, ut eos erudiret & scandalo crucis ac mortis occurreret, passionem, mortem, ac resurrectionem suam, atque ascensionem in cælum, regnum Patris, paulatim magis magisque inculcarat, ut Matth. 16. vers. 21. & cap. 17. vers. 22. & cap. 20. vers. 18. & cap. 26. vers. 2. 28. & Joh. 3. v. 14. & 6. vers. 51. 62. Quæ dicta Apostoli audierant, ac norant, Christum per mortem perventurum ad cœlestem gloriam notitiâ confusa, non autem distincta; qua ob regni etiam terreni præjudicium, atque affectuum perturbationem (quibus ad dignitatem in regno aspirabant) carebant. Atque hisce duobus modis, distinctione quadam dicti secundum quid, & simpliciter, primùm subjecti scientiæ (seu Apostolorum quos Christus compellat) secundò adjunctæ scientiæ, contradictionis objectæ species diluitur. Cœterum quia, ut alicubi rectè monet Augustin. ad difficultates quæ in Sacris Literis occurrunt, solvendas, utile est diversas adferri posse responsiones probabiles: ut eo melius ac plenius ora adversariis obturentur; idcirco novam & ab aliis (quantum quidem observare potuimus) omisfam solutionem expeditam proferemus. Ea autem in orationis Christi genere, aliter, quam vulgo fit, explicando, consistit. Nam cum objectionis & responsionis duplicis aliorum, ante à nobis allatæ, communis sit hypothesis: orationem Christi esse affirmationem: illud inquam non est necessarium; quia interrogatio commodè esse potest, quæ nihil affirmat, nihilque negat: sed tantum occasio est patefactionis ignorantiae Apostolorum & explicationis sermonis Christi: ac deinde ignorantiae Apostolorum correctio. Quemadmodum alibi Christus (rerum de quibus sciscitabatur conscius) simillimo modo interrogasse legitur, ut Joh. 6. v. 67. *num & vos vultis abire?* & Matth. 16. v. 15. *Quem verò vos me esse dicitis?* Si quis autem objiciat, in locis hisce interrogationis notam adesse: sed in hac Christi oratione de qua agimus, deesse, ideoque interrogationem non esse: negatur consequentia: quia interrogationes in Sacris Literis, more omnibus linguis consueto extant, vel expressa interrogationis nota: vel eadem, elegantiae gratia per ellipsin suppressa, ita tamen ut ex ipsa pronuntiatione interrogantis ab auditoribus, & ex circumstantiis, à lectoribus interrogatio intelligatur. Nam ut Joh. 6. v. 67. interrogationis nota apponitur: sic v. 70. contra omittitur, *ἔκ τούτων, non ego vos duodecim elegi*, id est, ἢ ἐκ ἁντων, aut non ego &c. & 5. vers. 6. *Θέλεις, vis*, id est, *an vis, visne sanus fieri?* & Joh. 3. vers. 10. *ὁ πατήρ μου non νοσῆι*, seu *annon nosti?* & cap. 13. vers. 12. *μὴ νοσῆις νοσῆις*, pro *an nostis*. Et ut alia omittam, in hac ipsa sciendi voce, quæ hic extat, exempla sunt manifesta ac copiosa: ut Matth. 15. vers. 12. *οἱ δὲ σκῆψαν* pro *an scis*: & Joh. 19. vers. 10. *ὁ οὐδὲς οὐκ οἶδεν* pro *an scis*: & Marc. 4. v. 13. Rom. 6. v. 16. 1. Cor. 3. v. 16. & 5. v. 6. & 9. v. 13. 24. denique cap. 6. tribus versibus 2. 3. & 15. *ὁ οὐδὲς, non scitis*, pro *an scis*, *annon scitis*: Id quod eodem sensu, expressa interrogationis nota, tribus etiam versibus, 9. 16. & 19. profertur. Quamobrem cum toties vox *οἶδεν*, non minus quàm *πιστεύει* & *πιστεύετε* interrogativè accipitur: meritò concludimus, & hoc in loco ita accipi posse: quia nulla loci circumstantia obstat: & verisimile est, debere sic accipi variis de causis. Primùm quia omnis contradictionis species hoc modo omninò tollitur. Deinde quoniam cum consequenti Thomæ responsione melius longè consentire videtur: ita enim quærit Christus, an sciant quo vadat, & qua via: Thomas autem sincerè respondet, *nescimus quò abeam*, quomodo igitur possumus viam scire: iisque verbis rogatus ignorantiam prioris simpliciter agnoscit, posterioris verò



verò ex priori concludit. Præterea, non videtur Thomas voluisse apertè contradicere Christo, eumque ita falsi arguere: id quod ex recepta interpretatione sequitur: Eae-  
nim impudentia nimis magna esset, quàm ut Apostolo conveniret. Quod enim resurrectioni Christi, ab Apostolis nuntiata, fidem derogarit, Iohan. 20. v. 25. vitium quidem est: sed huic, de quo agimus minimè conferendum: quia sciebat satis Christum esse Dominum suum & veracem in suis verbis: Apostolos verò conservos ac collegas suos esse homines peccatores, qui errare poterant & visione Spectri alicujus seduci: quemadmodum antea errant: cum enim tres Mariæ Christum suscitatum & à se visum, Apostolis undecim, & omnibus reliquis præsentibus nuntiassent, Luc. 24. v. 9. 10. visa sunt iis verba illorum quasi deliramentum, neque crediderunt illis. Deinde cum postea duo discipuli (quibus Christus apparuerat ac certò conspectus erat atque auditus) ejus resurrectionem, conspectum, dicta factaque Apostolis nuntiassent, Luc. 24. v. 33. 34. 35. neque illis crediderunt, Marc. 16. v. 12. 13. unde Christus iis exprobravit eorum incredulitatem & cordis duritiem, quod iis qui ipsum conspexerant suscitatum, non credidissent, vers. 14. Denique præterquam quod duorum horum discipulorum fide dignorum testimonio non crediderunt, accedit, quod cum Christus ipse, duobus hisce adhuc loquentibus, in medio Apostolorum sese sisteret, eisque precatus salutem, compellasset, putarunt se videre spectrum: cumque Christus eos consolaretur territos, nec Spiritum esse, sed seipsum, utpote carne & ossibus præditum, dixisset, & ad inspectandum ac contrectandum esset hortatus, Luc. 24. vers. 36. ad 40. nondum tamen crediderunt, vers. 41. Quare hinc apparet Thomam, antequam Christum vidisset, simili cum Apostolis reliquis errore existimasse, Spiritum aliquem fallacem, sub specie Christi eis apparuisse, ac propterea errantibus fidem non esse adhibendam. Quod sanè vitium est: sed nullo modo conferendum cum ea impudentia, qua Christo dicenti *scitis*, apertè contradicendo, *non scimus*, mendacium exprobrasset: nimirum, si (ut communis est sententia) Christi verba essent affirmatio. Postremò conciliatio initio posita non videtur satis solida: nam quamvis Christus suam mortem & resurrectionem prænuntiasset sapissimè (quæ via ad Patrem) verbaque ejus Apostoli audissent: sensum tamen nesciebant: nam cum Marc. 9. v. 31. Christus dixisset discipulis expressè ac clare, *filius hominis traditur* (id est, brevi tradetur) *in manus hominum, qui trucidabunt*, &c. addit tamen Evangelista v. 32. *ipsi verò ignorabant hoc dictum, & timebant eum interrogare*. Causa autem hujus ignorantiae fuit falsa Apostolorum ex communi Judæorum errore, opinio: qua certò putabant Messiam promissum non solum spirituale, sed etiam terrenum regnum habiturum: ideoque quæ de morte & resurrectione dicebantur à Christo, ea hoc præjudicio quasi obcæcati non intelligebant. Idque vel inde etiam apparet, quod cum Christus iis paulo ante ita apertè prænuntiasset, Matth. 20. v. 18. 19. *Ecce ascendsimus Hierusalem, & filius hominis, &c.* nihilominus tanta fuit horum inscientia, ut non solum duo Apostoli Jacobus & Johannes, adjuncta matris intercessione, primas in Christi regno sedes ambierint, vers. 20. 21. 22. & Marc. 10. vers. 35. sed etiam inter Apostolos reliquos orta sit contentio, quis eorum videretur major, Luc. 22. vers. 24. Denique hæc Apostolorum ignorantia confirmatur ex eo, quod Johannes cap. 20. vers. 6. de se & Petro ait: *nondum enim noverant Scripturam, ipsum oportere à mortuis resurgere*. Quocirca non videtur satis verisimile, Christum scientiam viæ, per quam ad Patrem esset abiturus, Apostolis suis attribuisse cum dicta de morte & resurrectione ipsius (quæ via illius ad Patrem, seu per quam ad Patrem erat iturus) non intelligerent. Quare ex hisce omnibus consideratis ac perpen-  
sis, bona aliorum venià, Christi verba non esse affirmationem, sed interrogationem arbitramur, eoque modo nullam contradictionis speciem superesse concludimus. Atque hæc de prima colloquii inter Thomam & Christum parte, nempe responsione Thomæ: qua ad Christi interro-

gationem Apostolis factam, ipse respondet professione ignorantiae, cum loci, quo Christus esset abiturus, tum viæ, per quam esset iturus. Sequitur porro altera pars, nempe Christi ad Thomam responsio v. 6. cum ait Evangelista: *dicit ei Jesus, Ego sum via, veritas, & vita: nemo venit ad Patrem nisi per me*. Quæ responsio, ad majorem in fidei doctrina institutionem, amplius quid complectitur quàm Thomas requirebat. Siquidem primum viam (qua in cælum ad Patrem erat abiturus) ignotam, indicat: deinde eandem amplius describit. Viam autem indicat cum ait, *Ego sum via*. Quæ vox propriè quidem locum indicat, per quem viatores euntes, aliquò tendunt ac perveniunt; sed sæpe in Sacris Literis per Metaphoram ob similitudinem quandam medium aliquod indicat, quo utentes in cælum perveniunt. Quo modo doctrina Evangelii, ratione Christianorum viatorum vocatur *via*, Actor. 19. vers. 9. & 23. *via Domini*, ibid. cap. 18. vers. 26. & *via stricta*, (scilicet ob nostri abnegationem, & tolerantiam crucis, Matth. 16. vers. 24. quæ hominem angunt) *quæ ducit* (nempe in ea per fidem charitate efficacem ambulantes) *ad vitam*, Matth. 7. v. 14. siquidem medium est & causa ministra ad salutem omni credenti efficax, Rom. 1. v. 16. Sic etiam Christus, ratione sui, ad Patrem, in domum ejus, seu cælum, abitus, seipsum vocat viam excellentiori modo. Idem enim non solum viator est: sed etiam profectionis suæ via, similitudine eleganti appellatur: quod dignitatis obedientiæ suæ ad mortem crucis medio, resurrectionem & ascensionem in cælum sit affectus, ut Luc. 24. v. 26. ait, *nonne oportuit hæc pati Christum & introire in gloriam suam?* & Philip. 2. v. 8. 9. *ipse se submisit factus obediens ad mortem, mortem autem crucis: quapropter &c.* Et quemadmodum summus sacerdos Aaronicus, Christi typus, semel quotannis per velum transiens, cum sanguine victimæ alieno, in sanctum sanctorum ingressus est, Heb. 9. v. 25. sic Christus eo adumbratus, quatenus novi fœderis mediator, per carnis suæ velum, Heb. 10. v. 20. in cœleste sacrarium proprio sanguine penetravit, Hebr. 9. vers. 24. 25. Neque enim per sanguinem hircorum & vitulorum, sed per proprium sanguinem ingressus est semel in sacrarium, æternam redemptionem naactus, Heb. 9. vers. 12. Quod autem non pauci interpretes, Christum viam dici existimant, quatenus est Propheta, per quem Pater nobis viam salutis, Evangelium scilicet patefecit: illud veram quidem continet sententiam, (nam & quatenus homo ac Propheta, viam salutis docuit: & quatenus Deus, notitiam & fidem vivam illius, animis auditorum indidit, Matth. 11. vers. 27.) sed hujus loci scopo non satis aptè convenit: quia Christus v. 4. dixit: *quo ego abeo scitis, & viam scitis*, per quam abeo: & Thomas v. 5. *nescimus*, inquit, *quò abeas, quomodo igitur possumus viam scire?* nempe per quam abeas: unde omninò apparet, Christum cum ait: *Ego sum via*, non de suorum discipulorum: sed de sua ad Patrem via loqui: neque huic rei sequentia, quæ diversa sunt, obstant, ut postea apparebit. Atque ita Christus Thomæ, hanc sui ad Patrem abitus viam ignoranti indicavit. Cui indicio amplior descriptio succedit: primum ab adjunctis seu conjunctis: deinde ab insita viæ præstantia. Adjuncta sunt duo, *veritas & vita*. Quæ verba bifariam exponuntur: quidam enim arbitrantur substantiva poni pro adjectivis, & quidem ut sint viæ epitheta, ac sensus sit: *Ego sum via vera & viva*: ut res una per duo explicetur, eo loquendi modo, qui in *da d'uo* dici solet, quale illud Virgilii, *pateris libamus & auro*, id est, aureis, ut Servius exponit. Quo modo etiam dicitur Actor. 14. v. 13. *tauros & coronas*, id est, tauros coronatos, id est, vittatos: qua de re consulendus D. Beza ad eum locum. Quæ expositio Sacris Literis consentanea est, Christus enim via est primum vera: quia non fallax, non devia: deinde viva, quia efficax ac vivifica: ut Hebr. 10. v. 20. nobis dedicasse dicitur viam recentem ac vivam, per velum, id est, per carnem suam. Veruntamen huic, licet piæ, & si rem ipsam spectemus, circumstantiis hujus loci probè congruenti sententiæ, nonnulla tamen obstant, quominus eam præferamus: primò, quia ex recta interpretationis norma,

norma, quando Scripturæ sensus latius accipi potest, in angustiore, sine necessaria causa, nequaquam redigendus est: id quod posita ista expositione contingit: deinde ad- versari quoque videtur phrasis, quod substantivis hisce, *veritas & vita* articulus Græcè præponatur ἡ ἀλήθεια, ἡ ζωὴ: id quod in Sacris Literis, ubi ἡ δὲ δὲ occurrit, fieri non solet: ut ex loco antè posito, Actor. 14. vers. 13. & similibus perspicuum est. Quamobrem altera cum Patrum, tum posterorum multorum interpretatio, plerisque magis probata: quæ duo hæc, *veritas & vita*, ampliore sensu distinctè à via, tanquam diversa Christi attributa exponunt. Ad *veritatem* autem quod attinet, ea duobus potissimum modis explicari solet: unus quidem est, ut ea falsitati ac mendacio opponatur: quemadmodum expressè fit Ioh. 8. vers. 44. Rom. 3. vers. 7. & quidem non propriè (ut res ipsa docet) sed impropriè per Metonym. adjuncti pro subjecto, & quidem excellenti: quo tropo Christus usus est, Ioh. 17. vers. 17. cum ait, *sermo tuus est veritas*, id est, verus seu verissimus: ubi abstractum pro concreto suo, ad rei exaggerationem usurpatur. Qualis loquendi modus, ut in Græcis & Latinis tritus est; sic etiam in Veteri Testamento, ut Prov. 13. vers. 6. *peccatum*, pro peccatore insigni, & cap. 14. vers. 1. *stultitia*, id est, summè stultitia, ut doctissimus Mercerus aliique rectè explicant. Simili tropo Christus hoc loco *veritatis* voce utitur, præmissò articulo ad maiorem rei expressionem, cum ait, ἡ ἀλήθεια, *veritas illa*, id est, summè verus, verissimus: cui meritò tutoque in omnibus credendum: quemadmodum etiam de se ait, Apoc. 3. v. 7. *hec dicit, & ἀληθὺς, & ἀληθὺς, sanctus ille, & verus ille*. Atque hic primus est explicandi modus. Alter vero est ut *veritas* non oppositè falsitati: sed relatione ad promissiones & ceremonias legales distinctè intelligatur, per meton. effecti pro causa: nimirum quod illarum rerum veritas (quæ in signi & rei significatæ convenientia consistit) à Christo eas implente oriatur, ut Ioan. 1. v. 17. *lex per Moysen data est, gratia & veritas per Jesum Christum facta est*: & 1. Cor. 1. v. 20. *quotquot enim sunt promissiones Dei, in ipso sunt etiam, & in ipso sunt Amen, ad Dei gloriam*. Quo etiam sensu, *vera* typis legalibus opponuntur, Hebr. 8. v. 2. & 9. 24. quæ expositio pia quidem est, sed prior simplicior est, & phrasi sacræ Scripturæ atque huius loci circumstantiis accommodatior: nam ut *veritas* ac *veri* vox, in locis modò allatis, relationem ad legem aut signa legalia habet expressam; sic contrà absolutè sine ea relatione usurpari hoc sensu, nondum observavimus: neque rectè excipi potest locus Ioan. 4. v. 23. de adoratione Dei in spiritu & veritate: quia oppositum relatum veritatis antecessit v. 21. nempe adoratio ceremonialis Hierosolymis in templo: contra verò Christus hic se veritatem vocat absolutè, sine ullo relationis huiusmodi indicio; quocirca absolutè intelligendum apparet. Quod autem se veritatem vocat, illud spectat ad maiorem discipulorum attentionem ac fidem excitandam: quemadmodum idcirco simili quadam ratione frequentissimè est usus, ut Luc. 4. v. 24. *Amen dico vobis*, & eodem sensu *in veritate* v. 25. sic etiam Matt. 16. v. 18. Luc. 9. v. 27. Matt. 24. v. 47. Luc. 12. v. 44. Marc. 12. v. 43. denique similiter Christus Ioan. 16. v. 7. ut discipulorum attentionem & fidem excitaret, ait: *veritatem dico vobis*. Sic etiam hoc in loco Christus se non solum, viam ad Patrem; sed etiam veritatem vocat: ut ipsi in re proposita aliisque omnibus, attentio ac fides adhiberetur. Ex qua veritate Christi etiam sequitur, cum idem via sit, fore ut nemo in ea seducatur. Atque ita Christus, licet non per ἡ δὲ δὲ immediatè, sed mediatè nempe per consequentiam, se veram viam esse ostendit. Atque hæc de Christi epitheto & quidem primo viæ adjuncto, nempe veritate. Alterum est ἡ ζωὴ *vita illa*. Quæ vox, per Meton. effecti pro efficiente, vitæ causam notat: ut ea vox alibi etiam eo tropo usurpatur, quemadmodum Ioan. 11. vers. 25. *ego sum resurrectio & vita*. Vita autem per Synecd. generis pro specie ἡ ζωὴ æterna, & quidem beata intelligitur: quo modo Ioan. 5. vers. 20. de Christo dicitur. *Hic est verus Deus & vita illa æterna*: & 1. Johan. 1. v. 1. idem vocatur *sermo vitæ*: & v. 2. dicitur

*nam patefacta est vita, &c. annuntiamus vobis vitam illam æternam, quæ erat apud Patrem & patefacta est nobis*, id est, vitæ æternæ causam. Causa autem intelligitur, non instrumentalis remota & per accidens, vi alienâ operans: ut Evangelium Ioan. 6. 68 & 12. 50. & fides seu credere Ioan. 17. 3. sed ut causa propinqua, per se efficiens vitam, & sibi, & nobis, idque bifariam. Primum enim est causa efficiens impulsiva seu movens, suo merito, quatenus sacerdos Patri obediens factus ad mortem usque crucis, vitam æternam acquisivit atque obtinuit sibi Phil. 2. 8. 9. deinde etiam nobis: cum carnem suam obtulit pro mundi (id est electorum) Johan. 17. 21. 23. & 2. Cor. 5. 19. vita, Johan. 6. 51. unde etiam dicitur, Heb. 5. 9. *Et consecratus, factus est auctor salutis æternæ omnibus ipsi obedientibus*: & cap. 2. 10. *decebat enim eum propter quem sunt omnia, & per quem sunt omnia, ut multos filios in gloriam adducturus, de seipso principem seu ducem salutis ipsorum per afflictiones consecraret*. Secundò vitæ æternæ efficiens est Christus ut causa exequens: qua ut verus Deus, per suam omnipotentiam, primum sibi, deinde nobis confert; sibi quidem, quia templum corporis sui destructum restauravit Ioan. 2. 19. & 21. & pro sua potestate, ut animam suam deposuit, sic eandem rursus assumpsit Ioan. 10. 17. 18. & suscitatus in cælum ascendit Act. 1. Nobis verò causa est vitam æternam tribuens: quia & animas piorum à morte ad se recipit in vitam æternam Act. 7. 59. Phil. 1. 23. & corpora eorum suscitabit ultimo die Ioan. 6. 39. 40. & corpori suo glorioso conformia reddet pro efficacia, quâ subicit sibi omnia Phil. 3. 21. ac deinde ad se assumet in domum Patris Ioan. 14. 3. ad possidendum regnum æternum, Matth. 25. 34. 46. unde etiam *vita nostra* appellatur Col. 3. 4. Atque hæc de duobus Christi epithetis, veritate scilicet & vita, quæ viæ attributo conjuncta sunt, & amplioris descriptionis (ad maiorem consolationem addita) pars prima. Altera verò præstantiam illius viæ duplicem declarat, hisce verbis: *Nemo venit ad Patrem nisi per me*. Prima enim præstantia est, quod sit via ad Patrem, non solum sibi (id quod priori versus membro pro scopi antecedentis ratione indicavit) sed etiam aliis: deinde quod iis via sit sola, nulla vero alia extet, Christus enim via est ad Patrem, suâ ad mortem obedientiâ, non solum quatenus per eum accessum habemus in gratiam Patris Rom. 5. v. 1. 2. Eph. 2. 18. & 3. 12. sed etiam (quod hic omnino spectatur) in domum cælestem ac gloriam Patris; siquidem (ut Heb. 10. 20. dicitur) viam recentem ac vivam ad cæleste sacrarium suo sanguine nobis dedicavit. Idemque deinde sola via est quæ ad Patrem ac vitam æternam ducit, & sine qua nemo eò pervenire potest; unus enim teste Apostolo, *mediator est Dei & hominum, homo Christus Jesus* 1. Tim. 2. 5. & ut Petrus asserit, *non est in alio quoquam salus: nec enim aliud est nomen sub cælo datum: per quod nos oporteat servari* Act. 4. v. 12. Ubi obiter observandum, *nomen* hoc in loco per metonym. adjuncti pro subjecto personam notare; quod ea proprio suo nomine distincta, distinctè ab aliis notari soleat. Quo etiam modo eadem vox usurpatur Act. 1. v. 15. *erat enim in eodem loco turba nominum*, id est, personarum: & Apoc. 3. 4. & 11. v. 13. Quamobrem vocem hanc (quoniam de hominibus sermo est) Dominus Beza tribus hisce locis Latino- rum more *capita*, id est, singulares homines interpretatur. Quo etiam modo dicitur, *qui invocaverit nomen Domini* Rom. 10. v. 13. id est, ipsum Dominum. Atque hæc de præstantia Christi quatenus via dicitur ad Patrem in domum illius cælestem, & quidem sola, quod nemo possit eò pervenire nisi per ipsum. Quis autem sit per hanc viam incedendi, & ad Patrem veniendi modus, hic quidem non exprimitur; sed alibi describitur: unde ad pleniorum huius loci explicationem petendus est. Is autem est fides viva, quâ credendo ad Christum accedimus (quemadmodum accessus ille Ioan. 6. 35. & 44. coll. cum 65. exponitur) & in eo progredimur constanter, Col. 2. v. 67. Atque ita ad Patrem in vitam æternam ac beatam cum Christo pervenimus Joa. 3. v. 16. &c. 11. v. 25. & Heb. 5. v. 9. & 1. Pet. c. 3. Deinde ut Christus solus est via ad Patrem: sic fides viva seu per charitatem efficax, sola est ambulationis in Christo & per Christum ad Patrem modus. Nam quemadmodum sine fide

fide impossibile est placere Deo Heb. 11.6. sic etiam (quod necessariò inde sequitur) vita æterna sine ea obtineri non potest: quia ut dicitur, qui credit in filium habet vitam æternam, sic contrà, qui non credit filio, non videbit vitam, sed ira Dei manet super eum Johan. 3.36. Et Marc. 16.16. qui non crediderit, condemnabitur. Ideoque Christus ait ad incredulos Judæos, Johan. 8. 24. nisi credideritis me eum esse, moriemini in peccatis vestris. Hæc de incessus per Christum, tanquam viam, ad Patrem modo, nempe fide. Atque ita celeberrimam hanc Christi sententiam (qua ait: Ego sum via, veritas, ac vita: nemo venit ad Patrem nisi per me) non nihil illustrare conati sumus. Quamobrem absoluta hac Christi descriptione, ut ad insignem paracleti promissionem accedamus, brevis addenda est

Verborum Christi, vers. 16. & 17.

EXPLICATIO.

HÆc enim promissionem illam complectuntur: quæ partim ob difficultatem, ex vocum quarundam significatione promanantem: partim ob rei significatæ excellentiam, declarationem nonnullam desiderat. Quare ab occasione illius & causa movente exorfi, ad rem ipsam, deinde procedemus. Occasio autem quæ instat causæ procatartica, ut etiam antecedentium, fuit Apostolorum tristitia ac perturbatio animi, ex prædictione discessus Christi concepta: quasi eo modo imposterum omni illius auxilio adversus imminenti pericula essent destituenti, v. 1. Causas vero movens hujus promissionis, similiter cum antecedentibus communis est duplex: primum efficiens seu origo promissionis, nempe Christi erga discipulos suos amor: quo eos ad extremum usque dilexit, Johan. 13. 1. Ideoque tristitiam eorum est averfatus: deinde finis ac scopus fuit, ut hanc tristitiam tolleretur, iisque gaudium excitaret, ut ex v. 1. & 28. apparet. Modus autem ac medium ad eum destinatum ac propositum à Christo, est admonitio, qua dehortatur à tristitia, & ad fidem hortatur v. 1. deinde confirmatio illius, qua à copiosa discessus sui utilitate eos consolatur, quod scilicet in cælum esset abiturus ad Patrem, ipsisque locum paraturus: quodque ad ipsos rediturus, & in eundem ad se locum esset assumpturus v. 2. 3. deinde quod majora quam ipsius miracula, post abitum suum essent edituri v. 12. præterea quod quicquid in nomine ipsius petierint, illud esset facturus v. 13. 14. quibus ad ampliorem consolationem aliam utilitatem hoc v. 16. 17. adjungit: quæ primum proponitur: deinde apertius exponitur & declaratur. Proponitur autem v. 16. his verbis: Ego autem rogabo Patrem, & alium paracletum dabit vobis, ut maneat vobiscum in æternum. Quibus duplex discessus Christi utilitas promittitur, prima est ipsius precatio: altera vero est fructus illius. Precatio autem indicatur generatim, ac deinde distinctè describitur. Prius indicatur cum ait: ἐρωτήσω rogabo: quæ vox, ne quis forte hostium Scripturæ argutiis implicetur, paucis explicanda: origo autem illius est, ut author Etymol. Magni tradit, à nomine ἔρω, id est, amor, genitivo, ἐρωτός, ac propriè notat *interrogo*. Ratio autem etymi est, quia (ut idem author ait) οἱ ἐρωτῶντες, ὁ ἐυχεται καὶ οὐκ ἀντιπῶντες, id est, interrogantes, quod discere optant, amanti-bus similes sunt. Impropiè verò abusione quadam vocis, pro *precari* usurpatur: ut frequentissime in Nov. T. contingit. Ideoque Hermogenes (ut etiam Henr. Steph. in Græcæ linguæ thesauro tom. 1. pag. 1904. observavit) inter dictionis vitia eam significationem recenset, lib. πὲρ μωδῶν δυνάμει, sub initio ferè, cum ait, τὰ ἀμαρτήματα καὶ τὰ λήξιν, καὶ τὰ δύο τρόποις γίνονται, ἀκυρία καὶ ἀφροσύνη. ἀκυρία μὲν, οἷον ἵνα ἴσῃ τις, ἐρωτῶ καὶ παρακαλῶ αὐτὸν τὸ δοῦμαι, hoc est. Vitia in dictione duobus sunt modis: improprietate & corruptione. Improprietate quidem, veluti si quis dicat ἐρωτῶ & παρακαλῶ pro *peto* seu *precor*: Quibus verbis primum indicatur hanc significationem esse orationis vitium: deinde innuitur hoc vitium à nonnullis usurpari, quæ significationis novatio forte (ut commode etiam Dominus Piscator Luc. 5. ad vers. 3. conjicit) inde promanavit, quod sæpe in familiari petitione, interrogatione quadam petitio instituitur; ut si quis dicat, *placetne*, aut *visne mihi hoc largiri*: id quod arbitror modestiæ causa fieri:

ut eodem fine, obliqua similis petendi forma, à leproso adhibita est, Domine si vis, potes me mundare, Marc. 1.40. unde factum etiam videtur, ut apud Latinos verbum *rogo*, quod *interrogo* propriè notat, tali tropo, pro *peto* & *precor*, crebro usurpetur. Quemadmodum etiam apud Hebræos vox רָצוּ propriè *interrogare*; impropiè vero *petere* ac *precari* non raro significat; adeo ut forte Hebraismi imitatione in Nov. T. vocem ἐρωτάω, quæ *interrogo* significat, novata significatione pro *peto* seu *precor* usurparint: etli LXX. interpretes ea voce Græca, neque Hebræam illam, neque affinem significatione, ita transulisse videantur: quemadmodum etiam, neque à veteribus, neque à recentioribus accuratissimis ac Græc. linguæ peritissimis lexicographis ea vocis ἐρωτάω significatio, ullis antiquorum exemplis probata. In N. autem T. exempla extant plurima: nam ut alia omittamus, in Evangelio Johannis, cum alibi, tum cap. 4. 47. & 17. 9. 15. 20 & cap. 19. 31. 38. sic etiam cap. 16. 26. & hoc in loco ἐρωτήσω, non *interrogabo*; sed *precabor* significat: quod Nonnus etiam αἰτίω rectè exponit. Neque tamen Scripturæ N. T. majestatem lædit, quod neglecto hoc elegantiori Græcæ linguæ usu, vulgi aut Hebrææ linguæ imitatione, vocis ἐρωτάω significationem, convenienti tropo (qualem Latinos quoque in voce *rogo* observare ostendimus) innovavit: præsertim cum etiam, pro sua libertate, in aliis vocibus, ἀκυρία, ab optimis Græc. & Lat. linguæ authoribus interdum usurpata sit; quemadmodum Homerus Iliados π. vocem ἔλπομαι, id est, *spero*, pro *timeo* usurpavit, ut Eustathius ibid. exponit: quemadmodum etiam Latini, ut Ter. in Andr. quod *speras* (id est, times) *propulsabo*: & Virg. 4. Æneid. *sperare dolorem*: sicut etiam Juven. Satyra quarta. *quartanam sperare*, eadem ἀκυρία protulit. Qualis etiam vocis à significatione usitata declinatio, in nomine παρρησία in N. T. extat. Cum enim propriè *loquendi libertatem* notet; etiam per catachresin, pro *apertè* seu *palam*, citra controversiam Johan. 11. 54. accipitur. Atque hæc de voce ἐρωτήσω ad Scrip. Sac. contra hominum pravorum argutias, defensionem præmittenda videbantur: quæ voce generatim precationem suam indicavit, quæ illi, ut secundum humanam naturam minori attribuitur: cui additur peculiaris illius descriptio, quæ objectum, finem & materiam illius subjectam notat, id est, quem, pro quibus seu quorū bono, & quidnam boni esset precaturus. Primum autem exprimitur, cum dicitur, *Patrem*: quo primam Deitatis personam designat, relatè ad se tanquam Filium, ut v. 13. ideoque v. 2. & 7. & 12. & 20. & 23. *suum Patrem* expressè nominat. Reliqua verò duo (nempe pro quibus, & quidnam esset precaturus) brevitate causa omituntur: quia in fructus precationis descriptione sequente explicantur: ac propterea ex eadem etiam intelligi possunt: & à nobis ad rectam declarationem sunt petenda. Illi autem pro quibus rogaturus erat Patrem, sunt Apostoli: hos enim compellat & hosce consolatur. Deinde ejus quod impetraturus erat descriptio precationi respondens, idem demonstrat. Duo enim pro Apostolis beneficia erat rogaturus: 1. ut paracletus alius iis donetur à Patre: 2. ut is maneat cum iis in æternum. In priore autem (ad pleniorē ac certiorē hujus loci intelligentiam) examinanda sunt, quid sit *paracletus*, & quidem *alius*; deinde qualis illius donatio. Ad prius quod attinet, *Paracletus*, vox est orta à Græco παράκλησις, terminatione Latina. Quam vocem prisca Patres retinuerunt, ut Tertull. adversus Praxeam c. 9. Novatus de Trinit. c. 29. & Hier. tom. 2. epistol. ad Marcell. & Aug. aliique complures. Quemadmodum eandem quoque vocem Syrus interpres, cum in Ioannis Evangelio, tum in prima epistol. expressit sine mutato פַּרְקֵלֶט, & Iudæi antiqui in Thalmude suo Chaldaicè per apocopen פַּרְקֵלֶט Græcam vocem decurtarunt: ut Baalharuch locis è Thalmude diversis demonstrat. In Chaldæa verò V. T. paraphrasi extat numero plurali Job. 16. 21. & quidem non alibi. Ad sensum verò vocis quod attinet, discrepantes sunt doctiorum sententiæ: quidam enim *consolatore*, alii verò contrà *advocatum* seu *patronum* notare statuunt. Priorem sententiam quæ plurimum est, Athanas. omnino videtur sequi, qui lib. testimoniorum de Trinit. titulo ὅτι ἡ τείας παρακαλῶν, ait: παράκλησις ὁ δὲ τὸν ἀδικούντα καὶ ὁμῶς ἐλεῖν λέγεται: *paracletus*

*paracletus enim dicitur, quod consoletur ac servet.* Deinde Aug. tom. 4. sermonum Domini in monte sub initium de Spir. Sanct. ait : *qui maxime propterea paracletus nominatur, id est, consolator* : & tom. 10. sermon. de tempore in festo Trinitatis, sermone 6. ait : *quod autem paracletus dicitur Spir. S. operationis ejus proprietates exprimitur : paracletus enim Græcè, Latine dicitur consolator* : & bene ipse pro Christo ad discipulos mittitur, ut eos consoletur inter tribulationes, quas ipsi erant confessione passuri. Et Theophyl. ad hunc Johan. 14. 16. locum ait, *subinde autem paracletum nominat, propter continuas ipsorum afflictiones bene sperantes efficiens, ut qui ab ipso refocillandi essent.* Alteram verò interpretationem alii præferunt; ut Tertull. qui adversus Prax. hunc locum Johan. de paracletro citans interpretatur : *rogabo Patrem & alium advocatum dabit vobis.* Deinde Novatus de Trinit. c. 28. ait : *Advocatus autem ille Spirit. Sanct. quem missurus est Pater;* & c. 20. de paracletro loquens ait : *nam hic ipse & in prophetis populum accusavit, & in Apostolis ad vocationem gentibus præstitit;* & Damasc. Orthod. fidei lib. 1. c. 10. ait, *παράκλησις, ὡς τὰς τοῦ ὁλοῦ παρακλήσεις δὲ ἔχοντος, id est, paracletum, ut qui cunctotum patrocinia suscipit.* Quæ etiam verba extant apud Hesychium lexicographum doctissimum. Et sic Erasmus, Beza, aliique complures insignes interpretes interpretantur. Quibus autoritatibus hæc ratio accedit : quod *παράκλησις*, ut ajunt, sit vox passiva, non autem activa : deinde quod ea vocis paracleti significatio, nullo authorum Græcorum vetustiorum usu comprobatur : neque à Syris, neque à Thalmudicis authoribus eandem vocem retinentibus, alio sensu quàm advocati accipiatur. Denique quod 1. Ioha. 2. 1. Christus *παράκλησις*, id est, advocatus seu mediator appellatur : Spirit. Sanct. verò hic vocetur alius paracletus : idcirco similiter nomen illud transferri oportere. Verum adversus rationem à forma vocis ductam (licet nihil hætenus observarim, responsum) pro vulgata sententia excipi posset, quamvis *παράκλησις* passivè tantum accipi statuatur, extare tamen locum unum apud LXX interpretes, ubi activa significatione eam usurparunt, nempe Ier. 31. 13. ubi vox Hebræa *מְנַחֵם* consolabor illos, *παράκλησις* αὐτῶν, eodem omnino sensu transtulerunt. Nam licet ea verba ab sint in editione Romana, extant tamen in accurato Complutensi exemplari; & Hiero. in comm. Ierem. ad eum locum idem declarat. Nam & antea & postea quando inter ipsius versionem ex Hebræo & inter LXX translationem varietas est, eandem distinctâ earum versionum inter se oppositione exprimit : hic vero LXX interpretum versionem omnino omittit : ideoque consensum illius cum Hebræo contextu hoc modo indicat : neque ullum in commentariis aliud indicium. Quamobrem cum verbum *παράκλησις* activam significationem ibi admittat, quidni etiam verbale illius *παράκλησις*, activè usurpari queat? Ad rationem verò ex collatione vocis *παράκλησις*, 1. Iohan. 2. 1. desumptam, responderi posset : unam eandemque vocem, quæ ambigua est, non rarò diversa significatione, pro diversis locis usurpari. Ideoque Orig. *ἐν ἀρχαῖς* lib. 2. c. 7. docet, Paracletum dici & deprecatorem & consolatorem, ac prius Christo, postè Spirit. Sanct. convenire. Denique ad testimonium Tertull. dici posset, ipsum voce *advocati* consolatorem intelligere quemadmodum quod Esaiæ 61. 2. *consolari languentes* dicitur, interpretatur *advocare languentes*, contra Marc. lib. 4. c. 14. & ex Luc. 6. 24. *παράκλησις* id est, consolationem sive solamen vertit *advocationem* ibid. c. 25. Atque hæc sunt quæ pro prima sententia, maxime recepta dici posse existimamus. Cæterum in hac interpretationum vocis paracleti discrepantia : omnibus perpensis, secunda videtur non immeritò præferenda : nimirum ut non *consolator*, sed *advocatus* intelligatur : primum quia significationis verbi *παράκλησις* activæ nulla exempla proferuntur : unicus tantum locus Ierem. 31. à nobis exceptus. Deinde forma etiam nominis verbalis in *παράκλησις*, à verbo passivo orta, talem significationem personæ agentis, propriè seu sine tropo non admittit : sed finita in *παράκλησις* : ut distincta paracletro *παράκλησις* consolatorem notat apud LXX. Iob. 16. 2. & apud Hesych. in lexico : *παράκλησις* verò esset potius *consolabilis*. Neque rectè obijci potest, eandem vocem *παράκλησις*,

*παράκλησις*, cum advocatum notat, significationem habere personæ agentis : quia id fit per tropum Meton. adjicit pro subijcit. Nam propriè notat advocatum passivè, id est, accersitum : deinde hinc fautorem ac patronum, quod advocari atque accersi solet. Præterea nulla Græcorum antiquorum exempla, neque ulla etiam argumenta ex S. L. proferuntur, ex quibus illa significatio probetur. Contra vero & Chaldaeus paraphrastes Iob. 16. & Thalmudistæ, ut antea monui, eandem vocem in suam linguam, non alâ quàm advocati significatione receperunt : quemadmodum in suo Præteritorum opere Dom. Drusius etiam observavit. Denique si sensum vocis spectemus, *advocatus* ampliorem etiam significationem, & ad perturbationem ac metum Apostolorum, quasi orphanorum, ope destitutorum, tollendum complectitur. Id quod etiam ex iis, quæ eruditè Dominus Beza in annot. ad hunc locum declarat, intelligitur. *Advocati*, inquit, ex communi more dicebantur qui Græcè *παράκληται*, id est, à reis advocati amici, qui pro reo deprecarentur : ut apud Demost. *πρὸς παραπρεσβίαν* ; & ab ipso patrono seu oratore, ipsius rei causam agente differebant, teste Ulpia. lib. 1. ff. de prævarication. quamvis idem alibi latius *advocatos* interpretetur omnes eos, qui agendis causis quoquo modo operantur. Hæc Beza. Cæterum ut *παράκλησις* vox *advocatum* hic notat : sic illud primum minimè dubium, non propriè Spiritus Sanctus ita appellari : sed per metaphoram, ob similitudinem quandam inter advocatum, & Spiritum Sanctum intercedentem : quod sit quasi advocatus, id est, præfens accersitus defensor contra adversarios. Quemadmodum simili translatione, advocato opposita, vox *ἀντίδικος* (quæ in causa forensi *adversarium* propriè notat, ut Matth. 5. v. 25.) Diabolo attribuitur 1. Pet. 5. v. 8. quod illius instar sit adversarius, accusatione Apoc. 12. v. 10. & vario nocendi ac perdendi studio 1. Pet. 5. vers. 8. Ut autem adversarii seu hostes Apostolorum (quemadmodum & reliquorum fidelium) sunt interius quidem caro, seu innata vitiositas, Rom. 7. v. 23. Gal. 5. v. 17. exterius verò primum mundus (seu impiorum turba) Joan. 15. 19. & c. 16. vers. 33. & 17. v. 14. Deinde mundi illius princeps Satan Eph. 6. v. 12. & 1. Pet. 5. v. 8. Luc. 22. v. 31. Sic Spiritus Sanctus Apostolos contra eos præfens defendit admiranda donatione boni, & aversione mali : quæ duo copiosa sunt consolationis materia. Collatio autem boni est illustratio mentis & confirmatio cordis. Illustravit autem mentes eorum, non solum notitiæ veritatis ac vivæ fidei donatione ampliore, ad Satanam vincendum 1. Pet. 5. vers. 9. Eph. 6. vers. 16. & mundum 1. Joan. 5. v. 4. sed etiam deductione in omnem veritatem salutarem, ad munus apostolicum, prædicatione Evangelii obeundum, necessaria, de qua re Joan. 16. v. 13. Adeo ut adversus Apostolos adversarii subsistere non potuerunt, Luc. 21. v. 15. Act. 6. v. 10. Confirmavit verò corda eorum, primum miracula edendi potestate : quæ numero, Christi miraculis majora fuerunt. Joan. 14. vers. 12. Adeo ut præter alia plurima, etiam impositione manuum omnibus baptizatis, tam gentilibus quam Judæis, varia ac miraculosa Spiritus Sancti dona impetrarint Act. 8. v. 15. cum 17. & 19. 6. & 1. Cor. 12. 8. ad 13. & 2. Cor. 11. v. 4. Gal. 3. 2. 5. Deinde confirmavit etiam Apostolorum animos, admirando virtutum fiduciæ & amoris erga Deum incremento, ad munus Apostolatus rectè & constanter obeundum, hostesque superandos necessario. Ac fiduciam quidem ; cum boni præsentis, tum futuri, timidus eorum cordibus indidit : boni præsentis inquam, nempe charitatis Dei erga ipsos per Christum, Rom. 5. 5. & adoptionis in filios, & libertatis ad eum ut patrem accedendi invocandique Rom. 8. 15. 16. Eph. 2. 18. Fiducia boni futuri fuit spes certa salutis æternæ : unde arthabo hæreditatis, dum in libertatem vindicemur, appellatur Eph. 1. 14 & per quem obsignati sumus in diem redemptionis Eph. 4. 30. Quibus modis eos est consolatus in adversis ac gaudentes reddidit Act. 5. 41. Ad amorem verò erga Deum quod attinet, illum in tepidis ac languidis Apostolorum cordibus ita accendit Spiritus Sanctus, ut voluntatem ac gloriam Dei & Christi, hominum gratiæ ac suæ incolumitati ac vitæ libenter prætulerint Act. 4. v. 19. & 5. v. 40.



& 5. v. 40. 41. 42. Atque hæc de collatione boni, Apostolis per Spirit. Sanctum facta: quæ prima defensionis Apostolorum pars, qua eos contrà adversarios præmunivit. Altera est averfio mali; cùm Diaboli & mundi fraudes ac violentiam coërcuit, ne Apostoli opprimerentur, sed ut victores tandem evaderent. Porro quod Christus hunc paracletum, id est advocatum, comparatè *aliū* esse dicit, in eo statuit inter se, & inter Spiritum Sanct. convenientiam in actione, & differentiam in persona. Convenientiam quidem in actione: quod uterque sit advocatus, id est, defensor Apostolorum. Christus enim in statu suo humili in terris doctrina & præsentia suâ, eos conservavit ad finem ut Joan. 17. v. 12. & cap. 18. v. 9. declaratur: licet modo & mensura (pro officii & periculi Apostolorum disparitate) discrepante. Modus enim quo Christus est usus ad Apostolorum defensionem, fuit bona ex parte ordinarius; & mensura potestatis edendi miracula, & donorum cùm mentis tum cordis longè parior: quemadmodum de potestate illa Mat. 17. v. 16. & 19. de donis verò parioribus testis est ruditas & ignorantia eorum Joan. 14. v. 5. & 9. (ut ibidem multis ostendimus) & Joan. 16. v. 12. & fidei imbecillitas reprehensa à Christo sapius, Mat. 6. v. 30. & cap. 8. v. 26. & cap. 14. v. 31. & cap. 16. v. 8. atque inde procedens cordis metus ac perturbatio Joan. 14. v. 1. & Christo capto fuga, Matt. 26. v. 31. Contra verò Spiritus Sancti modus in Apostolis, suo patrocinio atque ope defendentis promissus, fuit novus atque extraordinarius Act. 2. adeo ut hoc respectu nondum fuisse Spiritum Sanctum asseratur Joan. 7. v. 39. Mensura verò fuit non parca, ut antea: sed plena Joan. 7. v. 38. & cap. 16. vers. 12. 13. unde repleti dicuntur Spiritu Sancto Act. 2. v. 4. Ideoque non immeritò Christus hoc discrimen indicavit, cùm Iohan. 16. v. 7. utile Apostolis esse asseruit ut abiret, ob Spiritum tum demum adventurum. Atque hæc de convenientia Christi & Spiritus Sancti in actione, scilicet quod uterque Apostolorum paracletus, id est, advocatus seu defensor sit: ille quidem prior; hic verò posterior. Differentia verò in persona notatur etiam, cùm paracletum vocat *aliū*, non eundem: eoque modo trium personarum divinarum distinctio (ut rectè ab Orthodoxis olim observatum) demonstratur. Nam Filius rogat Patrem: eoque alius est à Patre: ut natura relatorum Patris & Filii ostendit: quemadmodum etiam proposito suo de seipso testimonio ait: Ioan. 5. v. 32. *alius est qui testatur de me*; quemadmodum etiam Spiritus Sanctus *alius* hic dicitur, id est, alia persona; non autem *aliud*, id est, alia essentia; sed ratione essentia: unum 1. Ioan. 5. v. 7. Quare ex hisce patere satis arbitramur, quid *paracleti* nomine intelligatur: & quare *alius* appelletur. Cum verò Christus ait se rogaturum Patrem, nempe ut det Apostolis hunc paracletum, illos eo caruisse indicat. Quod enim quis habet, illud datum est: ideoque sapienter peti non potest. Ac proinde non de Spiritus regenerantis gratia ordinaria per verbum dicitur: ita enim Spiritum Sanctum acceperant, utpote credentes in Christum, & hæredes regni cælorum: quod sine Spiritus regenerantis gratia non contingit, Ioan. 3. v. 5. Sed de extraordinaria ac miraculosa Spiritus Sancti in illis operatione, qua subitò sanctificationem amplificavit: & variis ac stupeudis donis copiosè instruxit, sicut ex antedictis constat. Cùm autem donatio paracleti esse posset, vel ad tempus tantum; vel in æternum (seu ad finem usque vitæ; nam in cælesti gloria advocato non erit opus) idcirco primum beneficii pro Apostolis à Patre rogandi membrum, de datione sive donatione paracleti distinctè amplificat, addito altero beneficio, nempe duratione illius perpetuâ, cum ait: *ut maneat vobiscum in æternum*. Confer Eph. 1. v. 14. & cap. 4. v. 30. Cujus additionis finis, est Apostolorum in fide ac fiducia confirmatio. Cum enim Christus illis paucis tantum annis, in statu suo humili in terris, paracletus ac defensor ipsorum fuerit, non autem semper apud eos manserit Mat. 26. v. 11. Sed iis in terra relictis in cælum ascenderit Ioan. 14. v. 3. & cap. 16. v. 18. ne quid simile de S. Sancto metuant, idcirco se non solum pro illius datione à Patre, sed etiam pro perpetua apud ipsos man-

sione rogaturum promittit. Hæc autem Christi precatio, facta intelligitur ratione humanæ naturæ: secundum quam se Patre minorem fatetur Ioan. 14. v. 28. non autem ratione divinæ naturæ, quæ æqualis est Patri, atque adorandus, non autem adorans: licet adorationi ab humana natura factæ, dignitas summa accedat à divina natura, cui personaliter unita est. Unde Cyril. Alex. de fide ad Theodosium ait: *unum esse Christum, ex adorante humanitate, & adorabili Deitate*. Deinde ab humana Christi natura facta est hæc precatio 1. in terris Ioan. 17. v. 11. cum ait: *serva eos, quos dedisti mihi*. Quæ conservatio facta per Spiritum S. ac distinguitur ab ea, qua Christus ad id tempus eos conservavit v. 12. & 15. Idemque rogavit v. 17. *sanctifica eos per veritatem tuam*: & v. 20. pro successu apostolatus eorum felici; Et cum v. 24. pro eorum secum in cælis futura præsentia oravit, ergo etiam mansionem Spiritus Sancti perpetuam petivit. Deinde rogavit etiam Patrem postquam ad eum ascendit in cælum, quod potissimum hic spectatur, ut ex antecedente colligitur. Nam vers. 12. ait se proficisci ad Patrem, & si quid petierint in nomine ipsius, id facturum pollicetur vers. 13. & 14. & dilectionis interim officio præscripto v. 15. subjicit deinde v. 16. se rogaturum pro iis Patrem, nimirum in cælis, uti etiam pro nobis ibidem postulare dicitur Rom. 8. v. 34. Heb. 7. vers. 25. Quo etiam sensu *ἀντιπαρὲς* advocatus seu intercessor noster ac deprecator apud Patrem vocatur 1. Ioan. 2. v. 1. Si quis obijcet, Spiritum S. etiam Rom. 8. v. 26. 27. dici postulare seu intercedere pro nobis: ideoque rectè de Christo intelligi, ipsum rogare pro Apostolis Patrem, non solum secundum humanam, sed etiam secundum divinam naturam: Negatur inquam consequentia: quia Christus pro nobis postulare propriè dicitur: Spiritus S. verò non propriè: quia ipse est Deus cum Patre & Filio adorandus: sed impropriè, per meton. effecti pro efficiente: quia is est, qui nos orare docet sua inspiratione, & ut oremus rectè, affectum ferventem (qui inenarrabilibus suspiriis indicatur, Rom. 8. v. 26.) & fiduciam adoptionis atque invocationis Dei tanquam ex gratia patris nostri, inspirat. Quemadmodum ibidem v. 15. dicimur accepisse Spiritum adoptionis per quem (seu cujus instinctu) clamamus Abba Pater. Etque hæc de Christi precatone; qua pro Apostolis rogaturus erat Patrem, ut daret iis alium paracletum, ut maneret cum iis in æternum. Cui precationis narrationi, fructus illius subjicitur, nempe rei petendæ à Patre impletio his verbis; & *aliū paracletum dabit vobis, ut maneat vobiscum in æternum*. Quæ verba subjectam precationis materiam, seu rem petitam exprimunt: quæ brevitatibus causâ, in precationis descriptione per ellipsin omisâ, hinc intelligenda erant, & à nobis jam sunt exposita, ideoque uberio-rem declarationem non desiderant. Nam tantum hoc discrimen extat, quod in propositione precationis petitio donationis placeti intelligatur: hic verò executio illius rei petitæ, seu donatio futura paracleti promittatur cùm dicitur, *dabit vobis*. Cum autem Christus, spiritus donationem Patri adscribit, seipsum non excludit: quia Pater per ipsum donat. Nam sicut Christus, quatenus homo est, Spiritum S. pro Apostolis postulavit: sic eundem cum Patre, & à Patre donavit, quatenus unus cum Patre Deus, quemadmodum dicitur baptizare Spiritu S. Ioan. 1. v. 33. Act. 1. v. 5. Deinde miraculosè primitias Spirit. S. post resurrectionem, ipsis, quæ Deus, dedit, & quæ homo, oris sermone atque afflatu significavit Ioan. 20. v. 22. ut ad receptionem Spirit. Sanct. promissam ac plenam, post ascensionem ipsius, futuram præpareret, atque idoneos ad officium interim præstandum redderet. Et ut dicitur paracletus Spiritus Sanct. à Patre mittendus in nomine Christi cap. 14. v. 26. sic idem sibi Christus attribuit dicens Ioann. 15. v. 26. *paracletus ille quem ego mittam vobis à Patre*: & cap. 16. v. 7. *nisi ego abiero &c.* & Cætor. 2. v. 33. Spiritum Sanct. in Apostolos effudisse dicitur: & dona quæ Spiritus Sanct. dedit, Christo ut Filio Dei per ipsum operanti tribuuntur, ut Luc. 21. v. 15. *dabo vobis os & sapientiam, cui non poterunt contradicere nec resistere illi qui se vobis opponunt*: & miracula per Christos edita Christo adscribuntur Marc. 16. v. 20. & Act. 3.

Act. 3. 16. Atque hæc de utilitatis discessus Christi ad Patrem propositione, quod rogaturus esset Patrem & impetraturus paracletum in æternum vers. 16. Quod cum per se obscurius esset, seu non satis expressum, quidnam per paracletum alium intelligeret Christus: idcirco subicitur ab eo, in secunda hujus orationis parte, perspicua expositio, qua sollicitæ dubitationis, quæ Apostolos movere poterat, occasionem tollit v. 17. cum ait: *Spiritum illum veritatis, quem mundus non potest recipere: quia non videt eum, neque novit eum: Vos autem cognoscitis eum: quia apud vos manet, & in vobis erit.* Hisce enim verbis exponit Christus, quid per alium paracletum intelligat: deinde illius donationis præstantiam, & simul mansionem declarat. Prius exponitur cum ait: *Spiritum illum veritatis*: qua periphrasi Spiritum S. intelligit, quemadmodum disertè v. 26. exprimitur. Cur autem ita nominetur, quia phrasis ambigua est, diversæ sunt interpretum sententiæ. Quidam enim Hebraismum esse arbitrantur: quo substantivum alteri junctum, pro adjectivo usurpatur: ut Luc. 16. 8. *dispensator injustitiæ*, i. e. injustus: & c. 18. v. 6. *Judex injustitiæ*, i. e. injustus: & 1. Ioan. 4. v. 6. *Spiritus veritatis*, i. e. verus: ut ita hoc loco similiter Spiritus veritatis Spirit. S. mendacii spiritui Diabolo Ioan. 8. v. 44. opponatur. Alii deinde cum Patribus nonnullis non absolutè notari putant, qualis Spirit. S. in se sit: sed relatè ad V. T. legales figuras: quemadmodum *veritas* interdum eo modo accipitur Ioan. 1. 17. Heb. 8. 2. & 9. 24. Alii deniq; authorem veritatis, consueta ellipsi designare existimant: quemadmodum *Deus pacis*. Rom. 15. 33. item *Deus pacis & dilectionis* 2. Cor. 13. v. 11. supple author. Quæ explicatio reliquis non immerito præferri solet: nam plenior est quàm prima, ut quæ eandem includat: nam si author est veritatis, verum esse in se oportet: simplicior verò est quam secunda, quoniam nulla ceremoniarum ac figurarum legis Vet. Testam. facta est mentio: ut relatè ad eas accipiat. Contra in locis adductis Ioan. 1. Hebr. 8. & 9. talis relatio manifesta est: deinde quia Christus ipse ita exponit, Ioan. 16. v. 13. dicens: *cum autem ille venerit, Spiritus veritatis, deducet vos in omnem veritatem.* Et si autem absolutè veritatis (ut etiam omnis boni) author sit Spiritus S. hoc tamen in loco ea veritas peculiariter intelligitur, in quam Apostoli erant deducendi. Quæ promissio Apostolis specialis, seu peculiariter facta, duo beneficia complectitur: quorum primum est, non solum notitiæ & fidei veritatis salutaris incrementum: sed etiam omnis veritatis illius plenitudo, ad munus Apostolicum perfectè obeundum necessaria: quemadmodum Ioan. 16. v. 13. dictum; *in omnem veritatem.* secundum beneficium ad scientiæ veritatis usum pertinet, est directio à Spiritu Sancto perpetua: id quod Christus ibidem indicat, cum ait, *deducet ὁδηγός, viæ dux erit*: ut & scientiæ omnis veritatis noscendæ ac prædicandæ, & prædicationis ac defensionis illius author ac gubernator statuatur. Quo etiam spectat illud Christi promissum Luc. 21. v. 14. 15. *statuite igitur in cordibus vestris, non esse præmeditandam defensionem. Ego enim dabo vobis os & sapientiam, cui non poterunt contradicere neq; resistere ulli adversarii vestri.* Hoc autem per Spiritum Sanctum se daturum antea satis explicaverat Christus Luc. 12. v. 11. 12. *ne estote solliciti quomodo aut quid pro defensione allaturi aut dicturi sitis: Spiritus enim S. docebit vos eā ipsa hora, quæ oportet dicere.* Idemque eventus confirmavit, nam Act. 2. v. 4. non solum dicuntur Apostoli repleti Spirit. S. (quod ad donorum infusionem pertinet) sed etiam cæpisse loqui aliis linguis, prout Spiritus iis dabat eloqui: id quod ad usum donorum, & doctrinæ animo conceptionem & elocutionem spectat. Ac propterea in hisce duobus ab aliis fidelibus Apostoli distinguuntur; quod illi non ordinariè, sed extraordinariè ac miraculosè à Spiritu Sancto sunt illustrati, non solum veritate ad salutem ipsorum sufficienti, sed etiam omni veritate: deinde quod ejusdem Spiritus Sancti inspiratione perpetuò sunt directi & ab omnibus erroribus immunes servati, ut doctrina eorum divina, primum prædicatione, deinde scripto proposita, esset perfecta fidei Christianæ norma, & non principale (quod soli Christo convenit 1. Cor. 3. v. 11.) sed instrumentale Ecclesiæ fundamentum: quo sensu fundamenta Ecclesiæ

duodecim dicuntur, quibus nomina duodecim Apostolorum inscripta Apoc. 21. v. 14. Atque hæc de prima paracleti expositione, nempe quod per eum Christus intelligat Spiritum veritatis. Altera verò subicitur, qua præstantiam donationis illius, opposita comparatione declarat: nimir. quod hoc beneficium non sit mundo dandum, sed Apostolis. Quorum utrumque proponitur & appositis rationibus declaratur. Prius quidem his verbis: *quem mundus non potest recipere.* Mundi autem vox bifariam hoc loco explicatur. Quidam enim speciatim infideles ac reprobos intelligunt: ut ea vox accipitur Joan. 17. v. 9. *non oro pro mundo*, id est, reprobis hujus mundi, ut res ipsa ostendit: nam pro electis Christum orare certum est: & oppositio hæc: *sed pro iis quos dedisti mihi*, declarat: Alii verò significatione frequentiori, per mundum, infidelium turbam (in qua partim electi ac vocandi ad fidem, partim reprobi) generatim denotari arbitrantur. Utraque autem expositio sententiæ veritati consentaneam complectitur: sed adversus primam obijci potest, 1. quod promiscuè electi & reprobi baptizati impositione manuum Apostolorum receperint Sp. S. Act. 8. v. 12. cum 16. & 17. & Matt. 7. v. 22. multis reprobis expressè idem attribuitur. Verum respondetur, hosce recepisse quidem Spiritum notitiæ veritatis & miraculorum: quod beneficium reprobis multis commune: sed non Spiritum regenerationis paracletum advocatum, seu defensionem adversus carnem, mundum, Satanam, incremento vivæ fidei & ope salutari succurrentem: ideoque tantum secundum quid, non simpliciter, de quo hic agitur, Spiritum acceperunt: quod autem secundo obijcitur, idem etiam reprobis tribui Heb. 6. v. 4. his verbis, *qui semel illustrati fuerint, gustaverintque donum cælestis & participes facti fuerint Spiritus Sancti*: contra responderi potest, primum id quod certò præsupponunt de reprobis hic agi, demonstrari solidè non posse: quia etiam de verè fidelibus & electis exponi potest; neque tamen propterea perseverantia ac salus eorum dubia reddetur: quia hæc oratio Apostoli condicionalis est, cujus veritas non in partium veritate: sed in consequentia illius solida consistit: qua comminatione condicionali, ad amovendas odium ac fugam fideles stimulantur, ut etiam ex vers. 9. colligi potest: ut in simili loco Heb. 10. vers. 26. Apost. ait, *si ultro nos (notanda vox nos) peccaverimus, &c.* Neque amplius ex hoc loco potest concludi, quam ex similibus comminationibus, quæ verè fidelibus, ad officium acius præstandum propositæ à Christo fuerunt. Quemadmodum licet Apostolorum nomina essent inscripta in cælis Luc. 10. vers. 20. ac Patri placuisset, illis dare regnum Luc. 12. vers. 32. & à Christo essent electi Joan. 13. 18. nihilominus tamen ad eos, & de iis ait: *nisi abundaverit justitia vestra plus quàm Scribarum, &c.* Matth. 5. vers. 20. & 18. 3. *Amen dico vobis; nisi converſi fueritis & fiat is ut pueruli, nequaquam ingrediemini in regnum cælorum*: & Joa. 15. 4. *Sicut palme non potest ferre fructum à semetipso, nisi manserit in vite: ita & vos nisi manseritis in me.* Deinde etiam si de reprobis accipiat, & participes facti Spiritus S. dicerentur: illud intelligendum ratione donorum communium, seu gustus notitiæ Euangelii & fidei dogmaticæ seu mortuæ: non autem ratione donorum specialium seu confirmationis vivæ fidei & deductionis in omnem veritatem: nec paracletus, advocatus, seu adversus carnem, mundum, Diabolum, patronus ac defensor statuitur. Ideoque verè hic dictum intelligi potest, mundum, scilicet reproborum turbam, non posse hunc Spirit. S. accipere. Secunda etiam expositio veritati similiter consentit: nam promissio hæc, de extraordinariis ac miraculosis illis Spirit. Sancti donis, non mundo, quatenus incredulos notat: sed solis credentibus facta Marc. 16. 17. 18. 19. ut etiam Acta 2. Apostolorum demonstrant: & excellentia illa donorum, quam Christus hic promittit, solis etiam Apostolis convenit. Et si enim Deus notitiam salutaris veritatis ac fidei, in omnibus verè fidelibus per Spirit. S. augeat, & gratiæ Dei ac salutis fiduciam in iis confirmet, & ad amorem & invocationem Dei excitet, denique ad diem usque redemptionis in iis maneat (ut Apostolis etiam contigit) modus tamen ut antea ostendimus, non est extraordinarius ac miraculosus

raculosus, nec tanta copia ut in Apostolis: sed ordinarius ac sine miraculis mediat, per verbum Evangelii (quod idcirco *ministerium Spiritus* 2. Cor. 3. v. 8. nominatur) & per sanctas preces Luc. 11. v. 13. Cum autem utraque expositio sit veritati consentanea: prior tamen videtur non immerito præferri, & sequentibus aptius cohærere: & ratio, quæ à Christo subicitur, probe etiam convenit, *quia non videt, nec cognoscit eum*: ubi vox *videndi* non propriè de oculorum visu, quia ita quodammodo eum vidit Simon Magus Act. 8. v. 18. sed metaphoricè de visu oculorum mentis seu notitia, intelligenda est, ut non disjunctionis, sed expositionis gratia additur, *nec cognoscit eum*: id quod non generatim intelligendum: nam ita reprobi multi, ut Christum, sic Spiritum cognoverunt, sed per Synecd. speciatim de notitia fidei: quemadmodum ita accipitur Esa. 53. 11. & Ioa. 8. v. 32. & 1. Ioa. 3. v. 6. convenienter huic loco: *quisquis, inquit, peccat, non videt eum, nec cognoscit eum*: quod de sola fidei vivæ notitia verum est. Atq; hæc de oppositæ comparationis (quæ præstantiam donationis paracleti declarat) priore membro, quod mundus eum non potest accipere, quia non videt neque cognoscit eum. Alterum est, *vos autem cognoscitis eum*, notitia scilicet fidei & experientiæ: ratio est, *quia apud vos manet, & in vobis erit*. Manere autem dicitur, quia per sanctificationem inchoatam renati erant ex Spiritu, & à Deo in fide conservabantur. Quod autem additur *in vobis erit*: intelligendum ratione miraculosi incrementi sanctificationis illius ac durationis perpetuæ, & simul extraordinariorum donorum accessione: quemadmodum eventus Act. 2. demonstravit. Ideoque non opus est ut vulg. interpr. vocem *μὲν* transferamus *manebit*, quia exemplariorum Græcorum consensu (ut ex Rob. Steph. editione majori aliisque constat) non legitur in futuro *μὲν* ultima circumflexa, sed in præsentis *μὲν*, accentu penacuto. Deinde quia res ipsa idem comprobatur: alioqui inepta statueretur *ταυτολογία*: quia non solum idem repeteretur, sed etiam minus quàm dictum erat: nam *erit in vobis*, minus est quàm *manebit apud vos*: siquidem recte sequitur; si manebit, erit: sed non contra, si erit, etiam manebit vobiscum. Adhæc ratio etiam non videtur satis convenire, vos cognoscitis eum, quia manebit vobiscum; sed cum dicitur, *quia manet vobiscum*, oratio aptissima est. Nam paracleti illius Spiritus veritatis habebant primitias ordinarias, ideoque eatenus eum agnoscebant. Atque hæc de Spirit. Sanct. promissione à Christo facta Ioan. 14. v. 16. 17. Sequitur

Quæstio, ex Cap. XV. vers. 1. & 2.

*An hi versus cum doctrina de perseverantia Sanctorum convenient, nec ne?*

**I**Nsignis est hæc Christi oratio, cum ait: *Ego sum vitis vera, & Pater meus est agricola. Omnem palmitem in me non ferentem fructum tollit, & omnem qui fert fructum purgat, ut plus fructus adferat*. Cujus orationis occasio, est antecedens fidei in Deum & Christum c. 14. v. 1. & 11. & obedientiæ dilectionis v. 15. 21. 23. instituta à Christo commendatio, addito etiam argumento ab exemplo suo v. 31. Scopus autem est in utroque confirmatio, ut ex cap. huius v. 3. & sequ. patet. Medium quod ad eum scopum tendit, est ratio à consequente, partim contrariæ incredulitatis & inobedientiæ pœna, partim à fidei & obedientiæ præmio. Modus autem tractandi est allegoria seu continuata metaphora: in qua eleganti similitudine Christus seipsum vocat vitem, & quidem veram illam, ob excellentiam præ vite propriè dicta: deinde Patrem agricolam, & Christianos palmites suos vocat: cuius allegoriæ explicatio ex v. 4. & 5. in primis peti potest. Coeterum hic quæstio tractanda exurgit; An versus 2. cum doctrina orthodoxorum de perseverantia Sanctorum, seu viva fide præditorum consentiat, nec ne? Prius enim à nostris: posterior ab adversariis Pontificiis & Ubiquitariis asseritur: ideoque ad veritatis patrocinium argumenti eorum breve ac perspicuum examen instituere conabimur. Sic autem differunt; Omnes palmites in Christo vera vite, sunt viva fide præditi: quidam autem palmites in Christo vite, tolluntur, id est, amputantur, atque in ignem projiciuntur vers. 2. & 6. Ergo quidam, qui tolluntur ac

amputantur & in ignem projiciuntur, sunt viva fide præditi. Responsionis autem modus duplex est: primus quidem negatione propositionis: quod palmites in Christo sint duplices: alii vera vivaque fidei: alii verò mortua fide præditi: & hosce quidem nonnulli Christo insitos dici respondent, non quod revera ei sint insiti, ut qui viva fide careant (per quam solam Christo verè inferimur) sed quod propter fidei professionem Christo insiti esse videantur: quemadmodum Apoc. 22. v. 19. dicitur: *si quis aliquid ex verbis illius prophetiæ abstulerit, Deus etiam auferet ejus partem ex libro vite, & ex urbe sancta*. ubi *partem ejus* vocat, quæ ejus esse videbatur, quam diu habebatur pro vero Christiano. Alii verò duplices quidem palmites intelligi statuunt; sed insitos aliter explicant: in genere enim intelligi eos, qui communionem habent cum Christo: quorum quidam simpliciter, ut viva fide præditi; ipsi ut viva membra illius sunt insiti, ac succum justitiæ ac salutis ex eo percipiunt eoque fructum ferunt. Alii verò habent tantum communionem secundum quid, quales sunt, qui mortuâ fide Christo quodammodo sunt insiti ac palmites illius vocantur: quia per illius agnitionem & professionem, externam cum palmitibus ejus (hoc est, Ecclesia mystico Christi corpore, atque eatenus cum Christo) habent communionem: verum quoniam, vivifica Christi unione, & succo vivificantis Spiritus carent, fructum non proferunt: ideoque tanquam infructuosi tandem ab Ecclesia segregantur, & in ignem exitii æterni dejiciuntur Joa. 15. v. 6. Mat. 13. 30. & 42. quo etiam modo tales *filii regni* vocantur Mat. 8. 12. secundum quid: ab iis enim qui filii regni Mat. 13. 38. dicuntur simpliciter, quique electi sunt, & adoptati in filios, Eph. 1. 5. Gal. 3. 26. quique non solum sunt in Ecclesia, sed etiam ex Ecclesia 1. Ioan. 2. 19. (tanquam viva illius ac Christi membra) distinguuntur. Atque hæc de primo responsionis modo, quo scilicet propositio argumentationis objectæ ab adversariis, bifariam negatur. Secundus verò modus est, quo concessa propositione negatur assumptio. Nec enim Christus hoc in loco affirmat, quosdam palmites esse in se, qui non ferant fructum; sed tantum ait, tales excidendos. Si quis verò excipiat: si nulli palmites Christo insiti sint tales, nempe infrugiferi, ineptam statui orationem: negatur illud: quia sufficit eo indicari quidnam per palmitum illorum infirmitatē fieri posset: nimirum ut fructum non ferrent; & quid inde esset sequiturum, nempe ut exciderentur. Quæ comminatio, tanquam causa adjuvans est in verè fidelibus ad eos excitandos ut fructum ferant: quemadmodum v. 4. Christus ostendit cum ait: *manete in me, & ego in vobis: sicut palme non potest fructum ferre à seipso, nisi manserit in vite: ita nec vos, nisi in me manseritis*. Et quamvis electio Apostolorum ad vitam æternam, & perseverantia eorum esset certa, ut Luc. 10. 20. & 12. 32. traditur: tamen medium hoc hortationis & comminationis ad officium eorum destinatum; adhibitur est sapienter atque utiliter: quemadmodum & alibi ut Mat. 18. 3. comminatio Apostolis ad eundem scopum tendens hæc proponitur: *Amen dico vobis nisi conversi fueritis, & fiatis ut pueruli, nequaquam ingrediemini in regnum cælorum*. Et eodem sensu generatim per affirmationem absolutam ad Apostolos, non solum utitur promissione: ut præmio ad officium excitet dicens, *quisquis exceperit aliquem puerulum talem in nomine meo, me excipit* v. 5. sed etiam comminatione hac v. 6. *quisquis autem offenderit aliquem ex parvis illis qui in me credunt, præstiterit ei ut suspendatur mola asinaria in collo ejus, ac demergatur in profundo maris*: similiter Matth. 10. Apostolos hortatus, ne timeant confessionis Christi adversarios vers. 31. etiam generali sententia (quæ ad Apostolos etiam spectat) argumenta affert à præmio confessionis seu salute v. 32. & à neglectus illius pœna, nempe exitio v. 33. *quisquis me confessus fuerit, &c. quisquis autem negaverit me, &c.* scilicet sine resipiscencia. Quibus illustri etiam locus accedit prioribus consentaneus Matth. 16. 24. cum enim Christus Apostolos esset hortatus ad crucem ferendam: deinde à violatione officii illius absterret comminatione exitii: & contra salutis promissione ad officium præstandum provocat vers. 25. *quisquis enim, inquit, voluerit animam suam* (id est vitam) *servare, perdet eam: quisquis autem perdidit animam suam*

suam mea causa, inveniet eam. Quibus seu absolutis, seu conditionatis comminationibus jam propositis, Apostolorum perseverantia ac salus non redditur dubia: quasi quidam eorum neglecto officio essent perituri: alii verò ex iis officio præstito salutem essent consecuturi, quia ut supra demonstratum, & perseverantia, & salus eorum erat destinata ac certa, Luc. 10. v. 20. & 12. v. 32. & Matth. 19. v. 28. ad quam consequendam media etiam efficacia fuerunt destinata à Deo, non solum interna, sed etiam externa, ut Evangelii ministerium, ad quod etiam comminationes exitii inobedientium, & promissiones salutis obedientium spectant: ut illis ad mali odium ac fugam, hisce verò ad boni amorem ac studium, accedente Spiritus gratiâ stimulentur. Quo etiam modo Christus 1. comminatione generali hoc loco utitur cum ait: *omnem palmitem in me non ferentem fructum tollit*. Deinde contraria generali promissione, & *omnem*, inquit, *qui fert fructum purgat, ut plus fructus adferat*, non ut ostendat ea comminationis & promissionis propositione, in se esse palmites quosdam non ferentes fructum, quos Pater tollat; reliquos verò ferentes fructum, quos purget: sed eo modo comminatione exitii proposita, à vitiis absterret: & promissione boni ad fructus pietatis ferendos provocat. Quemadmodum & conditionalibus & generalibus ad Apostolos certò servandos, comminationibus & promissionibus similibus non rarò usum esse Christum, prolati ante exemplis illustribus, demonstravimus. Ex quibus tamen nullo modo concludi potest, eorum quosdam à necessario ad vitandum æternum exitium officio defecisse: quosdam verò in eo perstitisse: id est nonnullos eorum Apostolorum (exempli gratia) Christum sine resipiscencia abnegasse ac periisse: reliquos vero confessos esse ac servatos. Atque ex his perspicuum est, Pontificiorum & Ubiquitariorum argumentationem ex hujus orationis Christi, de qua agimus, occasione arreptam, & initio propositam, non posse consistere: quod vel propositione, vel assumptione negata ea diluatur. Ideoq; hæc Christi sententia, qua palmitibus fructum non ferentibus amputationem minatur, perseverantiæ Sanctorum nequaquam adversatur: sed ad eam promovendam, medium ac remedium, inter cætera divinitus destinatum atque idoneum, ideoque etiam à Christo in eum finem adhibitum. Quare hujus orationis Christi contra adversarios defensione absoluta, sequitur succincta

## CAP. XVI.

## Vers. 8. 9. 10. 11. EXPLICATIO.

**M**emorabilis ac dignissima, quæ explicetur, hæc Christi ad Apostolos oratio, quæ Ioan. 16. v. 8. 9. 10. & 11. describitur his verbis, & cum venerit ille, arguet mundum de peccato, & de justitia, & de iudicio, &c. Magna enim est inter veteres non minus, quam inter recentiores interpretes insignis, de recto hujus orationis sensu, iudicii discrepantia. Cujus occasio est vocum *arguendi*, *mundi*, *justitiæ* & *iudicii* ambiguitas: & pro diversa earum significatione probabilis sententia. Quænam autem maxime simplex ac genuina videatur, ad clariorem rei intelligentiam, ab occasione & scopo orationis exorsi, succinctè declarare conabimur. Occasio autem est duplex, prima quidem est, partim persecutionis Apostolorum ab incredulis Judæis futuræ v. 2. 3. partim discessus Christi prædictio: secunda vero est prædictionis illius consequens, nimirum magna cordis Apostolorum tristitia v. 6. Scopus vero est tristitiæ illius discussio, & animæ tranquillitas. Medium autem ac remedium ad eum scopum idoneum, est propositio utilitatis discessus Christi ad Patrem duplex: quarum prima est à consequente effecto Christi: altera ab effectu paracleti. Christi effectum est, ad Apostolos missio illius paracleti, i. e. Spir. Sancti eorum advocati ac defensoris in omnibus periculis futuri, v. 7. Paracleti vero effectum in hac proposita Christi oratione v. 8. 9. 10. & 11. describitur bifariam: primum generatim, deinde speciatim. Generatim quidem his verbis: *Et cum venerit ille, mundum arguet*. Quæ vox tam Latine, quam Græcè ambigua est: significat enim (ut etiam ex bonorum au-

thorum usu lexicographi demonstrant) ostendere, vel reprehendere, vel convincere. Ad significationem primam pertinet illud Christi Ioan. 3. v. 20. *non venit ad lucem, ne à luce arguantur*, id est ostendantur opera ipsius, ut sequenti vers. 30. exponitur *quæ manifesta fiant*: unde etiam fides dicitur eorum quæ non videntur à luce Heb. 11. v. 1. id est, *argumentum*, ut vulgata versio, vel *quod demonstrat*, ut D. Beza interpretatio exponit: quemadmodum etiam Oecum. eandem vocem *ἀποδείξειν* interpretatur, & Chrysost. ibidem ait: *ἀποδείξει γὰρ ὅτι λίαν δηλών*. Secundæ significationis usus est Tit. 1. vers. 13. *ἀποδείξει αὐτοὺς redargue eos*. Postremæ significationis exempla sunt Tit. 1. v. 9. *contradictentes ἀποδείξειν convincere*, i. e. argumento superare, sic Ioan. 1. v. 46. *quis vestrum ἀποδείξει με ὅτι ἀμαρτία* quis ex vobis convincit me de peccato? nam redarguendi, seu reprehendendi significatio hic non habet locum, quia Judæi impiè sæpius Christum arguebant, ut ex v. 33. 37. 40. 43. 44. patet. Atque hoc modo ad vitandam ambiguitatem, cum verbum illud *arguo*, triplici illa significatione Græcæ voci respondeat, clarius verteretur *convincet*, id quod Belg. dicitur *Overtuigen*; eumque sensum sequentia postulant, & interpretes in sua explicatione *convincendi* voce utuntur. Mundus autem homines notat: quia peccatum ei tribuitur: & quidem incredulos, ut adjecta ratio: *quia non crediderunt in me*, evincit. Cum autem increduli sint vel electi & credituri: vel reprobi non credituri, sed in incredulitate perituri: quidam per mundum priores; alii verò posteriores intelligendos existimant. Verum nihil ob stare videtur, quo minus generali significatione, per mundum intelligamus incredulos, & quidem inprimis Judæos, Christi Apostolorumque adversarios: de quibus initio cap. actum, & adversus quos Christus Apostolos consolatur: quos etiam voce *mundi* in illius reprehensione intelligere solet, ut Ioan. 7. v. 7. & 15. v. 18. & quinque rursum v. 19. sicut etiam Ioan. 16. v. 20. Atque ita adjecta specialis hujus effecti descriptio probè convenit: ea enim constat propositione, & illius confirmatione. Propositio autem declarat, qua de re Spiritus sit convicturus mundum: eaque triplex statuitur, nempe peccatum, justitia, & iudicium. Confirmatio verò illius ad illustrationem quoque pertinens, tribus similiter membris, eodem servato ordine, repetitis subjicitur. Ac prioris repetitio cum ratione adjecta, continetur v. 9. repetitio quidem cum dicitur, *de peccato quidem*, supple (ut ex antecedenti, per ellipsin in repetitione consuetam intelligitur) paracletus mundum convincet. Confirmatio hac ratione exprimitur: *quia non credunt in me*. Cum autem peccatum vel generatim quamvis legis seu mandati Dei transgressionem 1. Ioan. 3. v. 4. vel speciatim per Synecdoch. generis pro specie peccatum dominans significet ibid. v. 8. 9. quidam priori modo accipiunt, ut ita declaretur peccatum illud esse incredulitatem: sed gravior atque amplior sententia est, ut posteriori significatione accipiamus: nam in incredulitate peccatum revera dominatur, ratione culpæ seu transgressionis legis variæ, & ratione reatus seu obligationis (ob transgressionem) ad mortem, à quo dominatu fides liberat. Quo spectat illud Ioan. 8. v. 24. *ideo vobis dixi, vos morituros in peccatis vestris*. Nam nisi credideritis me esse, moriemini in peccatis vestris: & Rom. 6. v. 17. & 18. dicitur: *gratia autem sit Deo quia eratis servi peccati: sed ex corde obedistis ei formæ doctrinæ in quam estis traditi: & liberati à peccato, mancipati estis justitiæ*. Cum autem dicitur, quod paracletus, Spirit. Sanct. à Christo mittendus, mundum hunc convincet peccati, illud factum est in Iudæis incredulis Apostolorum ministerio: qui eos, impios Christi unici servatoris homicidas esse, demonstrarunt, ita ut conscientia eorum idem testaretur, sed diverso respectu. Electi enim qui ex ignorantia id perpetrarunt Act. 3. v. 17. sic convicti sunt peccati Act. 2. v. 23. & 3. v. 13. 14. 15. ut conscientia urgente, ad peccati poenitentiam, & fidem in Christum sint conversi Act. 2. v. 37. & 4. v. 4. & 6. v. 7. Contra verò reprobi, qui non ignorantia peccarant, sed Christum cognitum malitiosè atque invida impietate occiderant Mat. 21. v. 38. cum 45. & 27. v. 18. & cognitam illius resurrectionem suppressere conati erant Matt. 28. v. 13. 14. convicti quidem sunt peccati Act. 4. v. 10. 11. & 5. v. 30.



adeo ut excitatę eorum conscientię redarguerentur. Act. 4. vers. 13. 14. 16. Veruntamen eo modo non sunt conversi ad Christum, sed magis averſi atque exacerbati Act. 4. v. 17. 21. & 5. v. 17. 33. Atque hæc de priori membro seu effecto missi Spiritus paracleti, primo scilicet modo, quo peccati convictus est mundus, hoc est (ut quę initio dicta amplius illustrentur) incredulorum Judęorum multitudo: nam hic mundus est, qui Christum & Apostolos oderat Ioan. 15. v. 18. 19. & ut Christum persecutus erat, sic etiam Apostolos persecuturus v. 20. Quam persecutionem à mundo illo seu incredulis Judęis futuram paulò ante exponit v. 2. & adversus eandem paracleti mittendi promissione consolatur: quod de peccato mundum convincet: *quia non credunt in me*, inquit, non autem ait, non credent in me, sed non credunt, quo ostendit se loqui de Judęis qui Evangelio ab ipso prædicato fidem non adhibebant, ideoque sub peccati dominio tenebantur, ejusque meritò convincendi erant. Quo in loco obiter observanda est numeri pluralis pro singulari enallage, Hebræis, Græcis & Latinis non insolens, per quam nomini singulari collectivo, seu multitudinem notanti, non solum pro vocis numero singulari singulare verbum jungitur: sed etiam interdum ratione significatę multitudinis cum plurali construitur, ut *multitudo* cum singulari, quatenus vox singularis est numeri, jungitur Luc. 2. 17. contrà verò quatenus significatio est pluralis seu plurium, cum plurali construitur Luc. 8. v. 37. sic *ἡ ὄχλος* turba cum singulari Matt. 20. v. 29. 31. & contrà cum plurali c. 21. v. 8. & Marc. 3. v. 9. sic etiam Ioan. 15. v. 18. dicitur: *mundus vos odit*: & contrà cum plurali 2. Cor. 5. v. 19. *mundum reconcilians sibi, non imputans illis peccata*, illis, id est, hominibus, mundi voce significatis. Alterum verò convictionis mundi à Spiritu paracleta membrum v. 10. primum repetitur, eadem ut antea ellipsi, his verbis: *de justitia verò*, supple ex priori propositione, paracletus convincet mundum: confirmatur verò illud hac ratione subiecta: *quia ad Patrem ab eo & amplius non conspicietis me*. Justitiam autem hoc loco non mundi, (eum enim convincet peccati, ut modò dictum) sed Christi intelligit; ut ratio adjecta declarat, *quia ab eo ad Patrem*. Nam cum Judæi increduli Christum injustè condemnarunt injustitię, quod esset blasphemus, cum in Deum Ioan. 19. v. 7. tum in homines, quasi perverteret populum & jus regni Cæsaris injuria arrogatione violaret, Luc. 23. 3. sic contrà Christi justitiā patefacta est re ipsa, cum gloria à Patre accepta per resurrectionem & ascensionem ad eum in cælum abivit. Quomodo Rom. 1. v. 4. dicitur Christus per resurrectionem declaratus Dei Filius, & 1. Tim. 3. 16. de eodem asseritur: *Deus patefactus in carne, justificatus spiritu*, h. e. ut eruditi interpretes rectè exponunt, justus declaratus: nim. per resurrectionem & ascensionem in cælum; ut quod additur indicat, *visus Angelis*, in cælo scilicet, ubi ordinaria Angelorum statio: ita ut hoc loco justificatio condemnationi à Judæis rectè opponatur. Quamvis autem verum sit (ut nonnulli exponunt) justitiam Christi, quam obedientia sua ad mortem usque crucis pro nobis præstitit, eo etiam modo patefactam: prior tamen sententia videtur simplicior, & huic loco accommodatior, nempe ut justitia Christi, oppositè injustitię (cujus à Judæis incredulis fuit condemnatus) intelligatur: ut etiam convictio mundi de justitia Christi ita oppositè considerata (quę in Actis Apostolorum describitur) indicare videtur. Nam Spiritus Sanctus non solum eam Christi justitiam, ad injustitię criminationem ac damnationem confutandam per Apostolos indicavit, & ex miraculis Christi divinis demonstravit Act. 2. v. 23. & 3. v. 15. sed etiam ex Christi abitu ad Patrem, seu resurrectione & ascensione illius, mundum de justitia illius convicit per demonstrationem gravissimam: primum ex prædictione prophetarum Act. 2. v. 25. & 30. deinde ex complemento illius, nempe resurrectione & ascensione Christi in cælum. Id quod probavit, partim per oculatos testes, fide dignos Act. 2. v. 32. & 3. v. 15. & 5. v. 32. partim per missionem Spirit. Sancti & miracula Christi nomine edita, Act. 3. v. 16. & 4. v. 10. & 5. v. 32. Id quod etiam Christus indicavit, dicens Ioan. 15. v. 25. 26. *oderunt me immenitè, cum autem veneris paracletus ille, & c. ille testabitur de me*.

Quod autem Christus postquam dixit: *quia ab eo ad Patrem*, addit: *& non amplius conspicietis me* scil. cum abiero, non est intelligendum absolutè, sed relatè, id est, ante diem ultimum, seu reditum Christi ad judicium, tum enim ipsum conspicient, quemadmodum c. 14. v. 3. promissit. Atq; hæc de secundi membri orationis Christi confirmatione, nempe convictionis mundi de justitia Christi, injustè à mundo condemnati. Tertium verò membrum similiter primum repetitur, cum ait, *de judicio* autem, supple paracletus convincet mundum: confirmatur atq; illustratur hoc ipsum hisce verbis, *quia princeps mundi judicatus est*. Quid autem *judicium* & *judicare* hic notet, distinctione vocis declarandum. Nam primum judicium, aut divinum est, aut humanum: ac prius hoc loco intelligi res ipsa indicat. Deinde judicium aliud est pro judicato reo, aliud contra eum: seu aliud absolutio- nis, aliud condemnationis ad pœnam; quomodo Jacob. 5. v. 12. accipitur, unde per meton. causæ pro effecto, *judicium* & *judicare*, pœnam sæpius notat: modò temporalem 1. Cor. 11. v. 32. modò æternam, ut Matt. 23. v. 33. *judicium* (i. e. pœnam) *gehennæ*, quod Marc. 3. v. 29. *judicium æternum* dicitur. Atque ita judicium hac significatione opponitur vitæ, Ioan. 5. v. 24. 29. Cumque ratione subiecti judicii in hac Christi sententia, vel mundus, vel Diabolus judicandus intelligi possit, hoc tamen in loco prius, nempe convincet mundum de judicio ipsius, magis convenit: utpote quod eo modo plenior contineatur sententia: deinde quod confirmatio adjecta eò spectare videatur: quoniam non dicitur, quia Diabolus judicatus est: sed per periphrasin, *princeps hujus mundi*: qua probatur, mundum quoq; utpote ei subiectum esse judicandum. Denique huc accedit similis de eadem re Christi sententia, qua idem clarius antea expressit Ioan. 12. v. 31. *Nunc judicium est mundi: nunc princeps hujus mundi ejicietur foras*. Hoc autem judicium seu supplicium mundo & Diabolo (qui incredulos regit, Eph. 2. v. 2.) infligendum, opus est Christi judicis, qui mundum & Diabolum vicit: nec enim hoc in loco de judicio extremo, seu pœna ultimo die infligenda sermo est: sed de eo, quod à Christo brevi erat exercendum, quemadmodum Ioan. 12. dixerat: *nunc judicium est mundi*, quod nimirum paulo post esset futurum: ut etiam de Diabolo dicitur, *ejicietur foras*. Modus autem quo Christus judicavit seu punivit mundum & Diabolum, erepta utriusq; potentia, est duplex. Prior quidem per mortis suę meritum: quemadmodum de Christo dicitur, Gal. 1. v. 4. *qui dedit semetipsum pro peccatis nostris, ut eximeret nos ex præsentis seculo malo*, i. e. mundo, ut 2. Cor. 4. 4. Heb. 1. v. 2. & 11. v. 3. *seculi* vox accipitur per meton. pro mundo. Deinde Col. 2. v. 15. de Christo ait Paulus, *exspoliata imperia & potestates* (id est, Diabolum & impuros illius Angelos) *traduxisse palam, triumphatis illis per eam*, scilicet crucem, ex v. 14. Et clarius Heb. 2. de eodem ait: *particeps factus est carnis & sanguinis, ut per mortem aboleret eum, penes quem erat mortis imperium, id est, Diabolum, ut liberos redderet, quotquot metu mortis, per omnem vitam obnoxii erant servituti*. Quæ clara est promissionis Gen. 3. v. 15. explicatio. Alter vero modus est, quo Christus mundum & principem illius Diabolum punivit ac devicit, per Evangelium & Spiritum missum bifariam; primum quod totam Ecclesiam credentium, adversus mundi & Diaboli fraudes & violentiam, salvam tuetur ac conservat. Quomodo etiam ait Ioan. 16. v. 33. *in mundo oppressionem habebitis: sed confidite, ego vici mundum*, id est, certò vincam mundum, ne scilicet salutem vestræ noceat, sed ut per me superare valeatis: & Matth. 16. v. 18. *super hanc petram, & c.* Deinde judicat seu damnat ac punit mundum ac Diabolum: cum incredulos electos, per externum Evangelii ministerium, & internam Spiritus sui potentiam, ex mundo incredulorum & Diaboli potestate eximit, & ad fidem, Ecclesiam, regnumque suum efficaciter vocat ac transfert: quod licet cœptum sit à Christo per Joannem Baptistam Luc. 1. vers. 77. & Matth. 3. v. 7. & per seipsum Ioann. 3. v. 26. & Matth. 4. v. 16. 17. illud tamen judicium exercuit tantum inter Judæos; & quidem non tanta mundi imminutione, ut postea missio Spir. Sancti. conversis multis millibus ad fidem Act. 5. v. 41. & 4. v. 4. & 5. v. 14. & 6. v. 7. deinde non tantum Judæi post

post missum Spiritum Sanctum, quemadmodum tempore Christi: sed etiam ex omnibus gentibus electi per prædicationem Euangelii & Spiritus Christi potentiam, ex mundo & Satanæ potestate sunt erepti ac liberati, & ad Ecclesiam Christi adducti: quemadmodum eventus comprobavit, qui in Actis Apostolorum copiosè describitur. Et Paulus sibi à Christo dictum ait; Actor. 26. v. 17. 18. *ad gentes nunc te mitto, ad aperiendum oculos eorum, & convertendum à tenebris ad lucem, & à potestate Satanæ ad Deum; ut remissionem peccatorum inter sanctificatos accipiant per fidem in me:* & Col. 1. v. 13. dicitur: *qui liberavit nos à potestate tenebrarum & transfudit in regnum filii sui dilecti;* id quod de Patre, per Filium virtute Spiritus Sancti operante, dicitur. Nam ut Joann. 12. vers. 31. Christus ait: *nunc judicium est mundi, & princeps mundi hujus ejicietur foras:* sic se illius esse authorem v. 32. exponit, dicens; *& ego si (id est cum,) sub-latus fuero è terra, omnes traham ad me ipsum,* nempe & merito mortis, & efficaciam Spiritus: sic enim ex mundo & ex potestate principis mundi dispersos omnium gentium Dei filios congregat in unum, Joan. 11. v. 51. & 10. v. 16. Cæterum explicato jam judicio, seu damnatione ac pœna mundi, & principis illius per Christum, per collectionem & conservationem Ecclesiæ: superest ut paucis declaremus, quo modo de hoc judicio paracletus à Christo mittendus mundum convicerit. Hoc autem factum est, primum prædicatione Apostolorum, cum Christum per resurrectionem victorem mortis, ideoque & mundi & Diaboli demonstrarunt, non solum testimonio suo, sed etiam argumento missionis Sp.S. à Christo in Apostolos, quod omnes, momento temporis, rerum sacrarum & variarum linguarum scientia & admiranda animi fortitudine donati, eam rem constanti prædicatione patefacerent, & miracula Christi nomine ac potentia ederent, audiente ac conspiciente mundo, Act. 2. v. 32. 33. & 4. v. 10. 11. 12. ita ut pars mundi, id est, incredulorum Judæorum commota, lubenter illud agnosceret c. 2. v. 41. pars verò alia, invito animo fateri cogeretur c. 4. v. 13. 14. 16. Deinde mundus etiam à Spiritu paracleta convictus est de judicio per Apostolos, prædicationis eorum fructu admirando; cum è mundo & è Diaboli potestate, unâ prædicatione, tria hominum millia sunt exempta, & in Christi regnum translata Act. 2. v. 41. & altera deinde concione 5000. conversa Act. 4. v. 4. atque ita deinceps magis magisque mundus imminutus, & potestas Satanæ victa, regnumque Christi Judicis mundi & Diaboli, frustra iis reluctantiibus excrevit. Atque hæcenus celeberrimam hanc, & variis discrepantibus sententiis agitatam Christi orationem Joan. 16. v. 8. 9. 10. 11. descriptam, illustrare non nihil conati sumus. Quare ut ulterius procedamus, subjicietur

## EX CAP. XVII.

## Versus tertii, Succincta EXPLICATIO.

**G**ravissima ac consolationis plenissima est Christi sententia, quam in precatione illustrissima ad Patrem, paulò ante mortem, præsentibus discipulis proposuit Joann. 17. v. 3. *Hæc est autem vita æterna, ut cognoscant te illum solum verum Deum, & quem misisti Jesum Christum.* Quorum verborum occasio est antecedens Christi petitio à Patre, ut ipsum glorificet (resurrectione scilicet, ascensione, & sessione ad dextram) ut omnibus, quos dedit ipsi (id est, electis; ut per ipsum servarentur Joan. 6. v. 37.) det iis vitam æternam. Scopus autem est, ut vitam illam æternam declararet, non quidem ut Patri innotescat (quia ei nota sunt omnia) sed ut suum erga Patris voluntatem studium atque obedientiam Joan. 6. v. 37. 38. 39. indicet: & Apostolos (qui precantem audiebant, ut ex v. 1. & cap. 18. vers. 1. colligitur) confirmaret. Modus autem declarandi est descriptio medii, seu causæ instrumentalis illius: quæ statuitur cognitio Patris; qui est ille solus verus Deus, & Jesu Christi ab illo missi: atque hoc orationis subjectum est. Attributum verò, licet antecedit, est vita æterna. Per cognitionem autem Synecdochicè vivam fidem intelligit, ut Esai. 53. vers. 11. nam nuda notitia, non est vita æterna: quia etiam reprobis & morte æterna dammandis com-

munis est: sed notitia fidei vivæ. Vita autem æterna ea appellatur, ut quidam exponunt, quod sit pars vitæ æternæ, utpote vitæ justitiæ seu sanctificationis primum membrum: sicut alterum est charitas. Verum alii de vita non justitiæ in terris inchoatæ: sed de perfectione vitæ in cælis intelligunt; id quod sanè usus phrasæ omnino confirmat: quæ nullibi inchoatam sanctificationem, vitam æternam nominat: sed ubicunque promissio aut donatio vitæ æternæ memoratur, ea pro cælesti gloria sempiterna ac immutabili accipitur. Vita autem æterna per metonymiam causæ pro effectu, causam vitæ notat, non principem, ut Joannis cap. 11. Christus de se ait, *ego resurrectio sum & vita*, id est, earum author: sed instrumentalem, ut capite 12. vers. 50. dicitur à Christo: *mandatum tuum est vita*, id est, vitæ instrumentum, sic etiam notitia fidei seu fides, vita æterna appellatur, quia per eam tanquam causam instrumentalem obtinetur, ut Joannis cap. 20. v. 31. & 1. Petr. 1. vers. 5. *Servamur virtute Dei per fidem ad salutem.* Cæterum difficultas hic exoritur paucis explicanda, nam Samosateniani ex verbis illis: *te solum illum verum Deum*, concludunt Filium non esse Deum verum, hoc est æternum, sed Patrem tantum. Verum negatur consequentia: quia non dicitur Patrem *μόνον* solum esse verum Deum: sed *τόν μόνον* illum solum verum Deum: quomodo Deus verus à falsis, qui plures sunt, distinguitur: quemadmodum 1. Cor. 8. vers. 5. dicitur: *sunt multi Dii & Domini multi, nobis tamen Pater*, (hoc enim subjectum est, ut articulus *ὁ πατήρ* ostendit) supple est *unus Deus, & I. Christus unus Dominus.* Ubi unus pluribus aliis, qui ita improprie appellantur, opponitur: non autem Pater Filio, alioqui sequeretur eodem modo, Patrem non esse Dominum, quia similiter Filius unus Dominus vocatur. Ideoque illustri hoc loco, temerè atque impiè Samosateniani, ad Deitatem Christi oppugnandam abutuntur. Atque ita breviter de hoc loco diximus.

## Examen verborum Christi v. 9.

*Ego pro iis rogo: non pro mundo rogo: sed pro iis &c.*

**E**ximia omnino est & consideratione diligentiori dignissima Christi mediatoris ad Deum Patrem precatio, quæ Ioan. 17. plenè exprimitur; quam ad Apostolorum ampliorem consolationem, & in vera fide atque obedientia confirmationem, iis præsentibus & audientibus habuit, ut partim ex v. 1. & antecedenti capite: omnino verò ex sequentibus, in primis ex v. 13. 18. & 20. & 18. 1. constat. Quæ precatio pro eorum, pro quibus instituta est, diversitate, in duas primarias partes distinguitur. Prima enim est, qua pro semetipso; altera, quæ pro electis ad vitam æternam orat. Pro se quidem, ut glorificetur à Patre à v. 1. ad sextum: pro electis verò ad vitam æternam, reliquo capite. Ac primum quidem pro Apostolis suis à v. 6. ad 20. deinde pro reliquis electis, per eorum sermonem credituris, à v. 20. ad finem usque capitis precatur. Precatio autem pro Apostolis constat eorum descriptione; deinde petitionis forma. Eos autem describit, partim à suo in illos collato beneficio: partim à relato ac præstito ab iis officio. Ac beneficium quidem Christi est, quod iis doctrinam Euangelii, (in qua nomen ac gloria gratiæ Patris salutaris declaratur) tradiderit: officium verò Apostolorum est quod illi verâ fide eandem doctrinam acceperint: quæ duo membra proponuntur v. 6. & 7. & aliis verbis reponuntur ac clarius explicantur v. 8. Cui Apostol. descriptioni subnectitur petitionis pro iis institutæ forma: quæ generatim quidè continetur v. 9. speciatim vero declaratur seqq. Quorum prius, ob insignem rei comprehensè dignitatem, & ad sinceram dilectionis gratiam & officii Christi doctrinam stabiliendam, utilitatem, non nihil, Deo favente, examinandam suscepimus. Continetur autem his verbis: *Ego pro iis rogo: non pro mundo rogo: sed pro iis quos dedisti mihi, quia tui sunt.* Quibus petitio Christi, ac deinde petitionis ratio indicatur. Ac petitio quidem exprimitur primum: deinde præstantia illius, oppositione quadam, demonstratur. Prius est: *Ego pro iis rogo*, nempe Apostolis; quia de iis antea periphrasi quadâ locutus erat: quemadmodum sequentia

quentia clarius demonstrant, inprimis autem v. 18. *sicut*, inquit, *missi sunt in mundum*, ita & ego misi eos in mundum, &c. ubi vocatio eorum ad munus apostolicum describitur. Deinde v. 20. idem ostendit his verbis: *non tantum pro iis rogo, sed & pro iis, qui per sermonem eorum credituri sunt in me*; Quo etiam pertinet vers. 13. *nunc autem ad te venio, & hæc loquor in mundo, ut habeant gaudium meum plenum apud se*: quo ostendit Christus: se hanc precationem in terra eloqui, ut auditores illius Apostoli, per eam adversus metum ex discessu ipsius conceptum recreentur ac gaudeant. Quemadmodum similiter clarâ usus fuerat antea gratiarum ad Deum Patrem actione, in eum (uti indicat) finem, ut præsens turba in ipsum crederet, Joan. 11. v. 41. v. 42. Quare hinc apparet cum dicitur: *ego pro iis oro*, intelligi pro Apostolis: hoc est, pro eorum bono, nempe salute, ut postea v. 11. & 15. & 17. distinctè declaratur. Atque hæc de generali petitionis expressione. Cui adjungitur præstantiæ illius, per oppositionem quandam demonstratio, his verbis: *non pro mundo rogo, sed pro iis quos dedisti mihi*. Quibus verbis Apostolos mundo opponit: primum enim oppositionis membrum, negatione quadam exponit pro quibus non oret: alterum verò contraria affirmatione, pro quibus oret. Quo modo ostendit hoc precationis beneficium ad Apostolos, non autem ad mundum pertinere, ut autem prius illud commodius intelligatur, vocis mundi ambiguitas, distinctione quadam ad huius & aliorum locorum Sacre Scripturæ illustrationem distinguenda est: inprimis verò ut totius precationis Christi summa reddatur clarior: utpote quæ precatio omnes ferè vocis mundi significationes, peculiari quodam & admirando modo comprehendat: id quod observatione non indignum. Mundus enim primùm universitatem rerum creatarum notat, seu (ut Arist. initio libri de mundo ad Alexand. definit) compagem cœli & terræ, & rerum omnium, quæ eorum complexu continentur, sicut hic v. 5. eo sensu dicitur: *priusquam hic mundus existeret*, & vers. 24. *ante jacta mundi fundamenta*. Secundò mundus partem illius universitatis significat, & quidem vel terram, ut v. 11. *Non sum amplius in mundo*, & similiter vers. 12. 13. 15. & 18. vel homines qui in terra sunt, & quidem bifariam: vel ut horum universitatem seu humanum genus designet, ut v. 6. accipitur, *quos dedisti mihi ex mundo*: vel partem illius generis: & quidem vel generatim incredulos mundi, ut vers. 14. *mundus eos odio habuit, quia non sunt ex mundo*; sic etiam v. 15. vel speciatim quosdam ex iis, adjunctis suis inter se distinctis: nam vel homines electos, vel reprobos significat. Electos quidem, ut v. 21. *ut credat mundus, me à te missum esse* & v. 23. *ut cognoscat mundus, me à te missum esse, teque eos diligere sicut me dilexisti*. Quibus in locis mundus, electos tantum notat, non enim omnium est fides 2. Thess. 3. v. 2. sed electorum Tit. 1. v. 1. & Act. 13. v. 48. Quo etiam modo mundi vox necessariò intelligenda Joan. 6. v. 33. *patris enim Dei est, qui descendit de cœlo, & dat vitam mundo*, nam reprobis nullis vita datur: & 2. Cor. 5. v. 19. *Deus erat in Christo, mundum reconcilians sibi, non imputans iis peccata*, ubi per mundum electi, non reprobi intelliguntur: hæc enim duo beneficia electis ac servandis propria Rom. 4. v. 8. & 5. 1. & 8. v. 30. Deinde contrà ut mundus pro reprobis perspicue accipitur, cum alibi, tum 1. Cor. 11. v. 32. *erudimur, ne cum mundo condemnemur* (soli enim reprobi condemnantur, nulli electi) sic etiam hoc in loco v. 9. de quo agimus, cum Christus ait, *non rogo pro mundo*, similiter eâ voce reprobi denotantur, ut res ipsa arguit: quia eam significationem probat adjuncta rogationis Christi negatio: deinde electorum oppositio & adjunctum contrarium. Ideoque non orat Christus pro reprobis, neque orare potuit: quia oratio ea contraria fuisset, & Dei voluntati seu decreto immutabili (quo reprobos exitio iusto destinatos iustè servare non vult) & conscientiæ ipsius Christi, qui eam Dei voluntatem verbo revelatam certò cognovit ac probavit, Matth. 11. v. 25. 26. 27. unde non immerito concludi à piis Theologis solet: Christum non esse mortuum pro reprobis: quia pro quorum salute Christus ut mediator non intercedit sua precatione, pro eorundem salute nequa-

quam est mortuus: hæc enim duo sunt indivulsa sacerdotis summi officia: & utraque ad eosdem pertinent, eodemque nituntur fundamento, Dei nimirum prædestinatione. Nam ut Christus non oravit nec orare potuit pro omnibus & singulis hominibus, tam reprobis quam electis: sed pro electis, quia hos solos Deus ad salutem destinavit, idque Christus certò sciebat ac probabat: sic neque pro reprobis, hoc est, salute eorum, eadem de causâ mori potuit: quia Patris voluntatis cognitæ contrarium velle non poterat. Quod autem objicitur pro vita mundi mortuum affirmari, Joa. 6. v. 51. illud non de mundo reproborum, sed de mundo electorum, hoc est, de mundo electos significante dicitur: quemadmodum vers. 33. explicatur; *dans vitam mundo*: reprobi enim à vita æterna (quæ hic certò intelligitur) alieni permanent. Reliqua quæ excipi solent in disputatione pleniori de morte Christi discussimus. Superest una difficultas, quod Esai. 53. vers. 12. de Christo affirmatur, quod pro transgressoribus intercesserit, ut Luc. 23. v. 34. ita orasse narratur; *Pater remitte eis, nesciunt enim quid faciant*. Unde concludunt non solum pro electis, sed etiam pro reprobis orasse; veruntamen negatur ea consequentia: non enim pro omnibus & singulis adversariis ac mortis Christi authoribus (inter quos partim fuerunt reprobi, partim electi) orasse dicitur: sed pro iis, qui nescientes peccabant, ut expresse ignorantiam illorum Christus indicat: deinde indefinite etiam de iisdem loquitur: ideoque non sequitur, pro omnibus & singulis ignorantibus peccatum suum, orasse: sed illud intelligere oportet de electis inter illos, ut res ipsa evincit, & eventus declarat: nam quicquid Christus orat; id Pater præstat: ut Joan. 11. v. 42. ait; *ego novi quod semper me audis*, hoc est, citra controversiam, exaudis; Atqui Pater non præstat, ut reprobi serventur: Ergo Christus hoc non oravit: Deinde quia ut antea ostendimus, si pro reproborum salute oraret Christus, cognitæ Patris voluntati de iis contrariæ, adversaretur: Atqui nunquam hoc facit: quia quæ placita sunt Patri facit semper, Joann. 8. v. 29. eique obediens fuit ad mortem usque, Philipp. 2. v. 8. Ergo pro reproborum salute non oravit. Pro electis autem hostibus ac mortis suæ authoribus, ignorantia peccantibus, in cruce orasse, eventus orationis, quo exauditum esse ostenditur, declarat: tales enim fuerunt conversi ad fidem, primùm ter mille, ut Act. 2. v. 41. cum v. 23. & 36. collato demonstrat: deinde quinquies mille Act. 4. v. 4. qui Christum per ignorantiam, sicut etiam primores eorum (scilicet multi) occidisse dicuntur c. 3. v. 15. & 17. denique ex iisdem primoribus qui Christum per ignorantiam occiderant, crescente Dei sermone (id est, Evangelio copiose prædicato) multa turba obediit fidei, id est Evangelio, Act. 6. v. 7. Quamobrem ex hisce apparet, Christum, ut in hac precatione asserit, pro reprobis, id est, pro salute eorum (quæ vocatione ad fidem, justificatione & glorificatione certò constat) non precatum: eique sententiæ non obstare quod pro mortis suæ authoribus orasse traditur: quandoquidem hi non erant neque esse poterant reprobi, sed electi. Atque hæc de primo, oppositionis à Christo propositæ, membro: quo ad beneficii precationis suæ præstantiam demonstrandam, mundum Apostolis opponit negatione; qua ostendit se non orare pro mundo, id est, pro reprobis hominibus. Alterum verò membrum est affirmatio contraria, qua asserit se orare pro Apostolis: eos autem periphrasi quadam (quæ instar argumenti est cur oret) describit, cum ait *αλλὰ οὐκ ὡς δίδωκας μοι*: in quibus ellipsis est manifesta, quæ suppletur à nostro interprete, eumque sequentibus hoc modo: *οὐκ ὡς δίδωκας μοι, pro eis, quos dedisti mihi*: sed vulgatus interpretes ita supplet: pro his quos dedisti mihi, ut Græcè ita integrè intelligatur, *οὐκ ὡς δίδωκας μοι*. Utraque autem expositio reipsa satis convenit: nam prior simili v. 24. illustratur, ubi *οὐκ ὡς δίδωκας μοι eos quos dedisti mihi*: posterior etiam probè convenit: quia ad Apostolos præsentem, atque auditores precationis huius demonstrandos expressus est. Quemadmodum etiam eos indicat v. 11. cum ait: *ὡς εἶπα*, sed hi sunt in mundo: ut etiam v. 20. *non rogo tantum οὐκ ὡς τὴν pro his aut istis*. Nam quod Vulg. & cum se-

cuti nonnulli *pro eis* vertunt, vim vocis enervant, & sine causa à sua v. 11. interpretatione recedunt: sic etiam v. 25. *hi noverunt*. Cœterum Apostolos hosce mundo opponit, cum ait, *quos dedisti mihi*: id est, dare decrevisti, per metonymiam *dandi* vox interdum usurpatur, ut 2. Timoth. 1. v. 9. *gratiam datam nobis in Christo Jesu ante tempora secularia*: ubi perspicue satis vox *datam* significat decretam ut daretur: quo causa efficiens dationis indicatur, nempe gratuita Dei prædestinatio: ex qua gratia conversionis deinde profuit. Quo etiam modo insignis quidam interpretes illud Christi, infra v. 22. *ego gloriam quam dedisti mihi, dedi eis*, simili metonymia exponit: *dedisti*, pro dare decrevisti: sed commodius est, ut per enallagen temporis, ad certitudinem rei notandam intelligamus, daturus es: quemadmodum id quod sequitur, satis clarè demonstrat; nempe *dedi eis*, id est, daturus sum: quali permutatione præsentis pro futuro, Christus frequenter est usus, non solum alibi: sed etiam hoc capite v. 11. *non sum*: item *ego ad te venio*: & v. 18. *sanctifico me ipsum*: quæ citra controversiam significatione futura exponenda, nempe pro *ero*, *veniam*, *sanctificabo*. Secundò eadem omnino phrasin per eandem metonymiam accipitur Johannis cap. 6. vers. 37. *omne quod dat mihi Pater, ad me veniet*: ubi aperte *dat* pro dare decrevit accipitur, non autem reipsa, qua Christo dat convertendo ad fidem, quo Christo finis proprii reipsa: quia illud antecedit adventum ad Christum, id est, fidem in eum: quemadmodum venire ad Christum, per credere in ipsum explicatur vers. 35. Quo etiam modo interdum oves Christi similiter, non oves reipsa (quæ per vocationem demum fiunt) sed destinatæ in oves notantur: quemadmodum Joan. 10. de electis ad fidem in Christum, sed nondum vocatis dicitur; *alias etiam oves habeo, quæ non sunt ex hac caula*; id quod demonstrant sequentia, cum additur: *illas quoque oportet me adducere, & vocem meam audient, & fiet unum ovile & unus pastor*. Atque hæc de petitione, qua pro Apostolis Christus Patrem rogat. Cui altera pars subijcitur, nempe ratio illius, his verbis: *quia tui sunt*. Id quod bifariam, si phrasin ipsam spectes, accipi potest: primò generatim, ratione dominii universalis, quod jure creationis Pater habet in omnes creaturas: quæ idcirco ipsius sunt, id est, ad ipsum pertinent. Atque ita etiam reprobi illius quoque sunt: quia ab eo creati, & illius dominio omnipotenti, velint nolint, subsunt. Quo modo hæc verba hoc loco minimè accipiuntur; quemadmodum oppositio Apostolorum & mundi, & res ipsa ostendit: quia aliàs eodem jure pro reprobis oraret, ideoque electi forent. Speciatim verò *ἐξ ὧν* ratione gratiæ salutaris, Dei patris esse & ad eum pertinere dicuntur bifariam: vel electionis ad vitam: vel vocationis ad fidem & in populum Dei respectu. Priori modo accipi videtur, 2. Timoth. 2. vers. 19. *novit Dominus qui sunt sui*, id est, quos elegit in suos hæredes: & ita Actor. 18. vers. 10. ait Christus ad Paulum, *populus mihi multus est in hac urbe*, id est, electi in populum Dei seu credituri. Posteriori verò modo Rom. 9. vers. 25. dicitur: *vocabo non populum meum, populum meum*. Quibus verbis populus Dei intelligitur ratione rei ipsius: quia si electionem spectemus, seu in populum Dei prædestinationem, quicumque vocantur in populum Dei per conversionem, illi jam antea fuerunt Dei populus per prædestinationem: quia vocatio ista omnibus & solis prædestinatis convenit, Rom. 8. vers. 28. 30. Tit. 1. v. 1. Actor. 13. v. 48. Apostolos autem, si absolute extra hanc loci circumstantiam considerentur, utroque modo Dei Patris fuisse certum est. Priori quidem; quia erant electi ad vitam æternam Luc. 12. v. 32. deinde vocati erant & conversi ad fidem in Christum & ad communionem Christi & Ecclesiæ: sin autem relatè ad hæc Christi verba spectentur, priori modo distinctè Dei Patris esse dicuntur, prius enim Dei Patris erant, quàm Christo darentur, ut ante v. 6. declaratum: *tui*, inquit, *erant*, & *mihi eos dedisti*. Sensus igitur est, quod Christus rogat pro Apostolis, id est, pro eorum (ut sequentia ostendunt) conservatione, sanctificatione & salute; quia Patris erant, per gratiam pecu-

liarem, id est, electi ab eo ad vitam æternam, & Christo in eum finem dati, tanquam causæ salutis subordinatæ, prædestinationis ad salutem decreto, Joan. 3. v. 16. 17. & 1. Tim. 1. 15. & 1. Joa. 4. v. 9. 10. Eph. 1. v. 5. & 1. Pet. 1. v. 20. Ac propterea Christus rationem solidam hoc loco adfert, ac docet se ex fide, secundum Dei Patris voluntatem, & ad ipsius gloriam pro Apostolorum salute orare. Quoniam, quos Pater ex humano genere æterna dilectione secrevit, ut eos salvos faceret per Christum, pro eorum salute Christus rectè orat. Atqui Apostoli erant hujusmodi: ideoque rectè pro iis orat. Quod etiam periphrasis Apostolorum antecedens, ab adjuncto eorum petita, per obliquam probationem confirmat, cum ait: *quos dedisti mihi*. Nam quos Deus Pater prædestinatione sua Christo dedit, id est, dare decrevit, ut eos servaret, eorum salutem Christus merito voluit v. 24. & pro eis hoc loco oravit. Atque hæc de examine verborum Christi, Joan. 17. v. 9. Sequitur ad majorem eorum claritatem,

*Brevis versus 12. vindictio.*

Verba autem hæc sunt; *Cum essem cum eis in mundo, ego servabam eos in nomine tuo, quos dedisti mihi; Ego custodiavi & nemo ex iis perivit, nisi filius ille perditionis, ut scriptura impleatur*. Quibus (ut alia omittamus) citra controversiam Christus suum erga Apostolos officium fideliter præstitum declarat: nempe quod eos sibi tanquam pastori bono à Patre traditos, adversus carnem, mundum, Satanam servavit, nempe suo verbo & spiritu. Verum de genuino sequentium sensu cum Christus ait: *& nemo ex iis perivit, nisi filius ille perditionis, ut scriptura impleatur*, quæstio est duplex; prima de filii perditionis interitu, secunda de Scripturæ hoc modo impletione. Ad prius quod attinet, per *filium perditionis* intelligi Judam Apostolum, manifestum est: qui hac periphrasi & Hebraismo consueto, eodem modo, & quidem *καὶ ὁ υἱος* appellatur. Quemadmodum etiam 2. Thessal. 2. v. 3. Antichristus similiter eadem periphrasi describitur; veruntamen illud disquiritur, quo modo verè dicatur, quod nemo ex iis (nempe quos Pater Christo dedit) perivit, nisi filius perditionis, hoc est, Judas. Inde enim hoc videtur sequi necessariò, quosdam ex iis quos Pater Filio dedit salvandos perivisse; ac propterea electorum salutem non esse certam, & ea ratione everti, quæ antea à Christo dicta sunt. Sed negatur consequentia, quia illa nititur falsâ hac hypothesi, quasi voces illæ: *ἐὰν μὴ nisi*, exceptionem tantum notarent: atque ita Judas eorum numero, qui dati erant à Patre, accenseretur, & ab iis hinc distingueretur solo perditionis adjuncto: cum contra ista conjunctio, *ἐὰν μὴ* non rarè in Nov. Test. oppositionem notet, ut significet idem quod *ἀλλὰ sed*: quemadmodum perspicua ac nota sunt loca Matth. 12. v. 4. 1. Corinth. 7. v. 17. Galat. 1. v. 7. & Apoc. 21. v. 27. *non intrabit in eam quicquam quod inquinat aut abominandum quippiam patrat vel mendacium, ἐὰν μὴ sed qui scripti sunt in libro Agni*: nam si *ἐὰν μὴ* exceptionem notaret: falsa esset omnino sententia, nempe impios & quidem solos in cælum perventuros. Similiter Galat. 2. vers. 16. *scientes justificari hominem non ex operibus legis, ἐὰν μὴ, sed per fidem Jesu Christi*: ubi *ἐὰν μὴ* non notat exceptionem: alioquin Paulus aperte sibi contradiceret, ut qui tota illa epistola docet, hominem non ex operibus legis, sed fide in Christum justificari: sed oppositionem significat, atque exclusionem operum à causa justificationis. Atque ita in hac Christi sententia *ἐὰν μὴ* accipi potest; *nemo ex iis* (nempe quos dedisti mihi, ut antecedentia evincunt, ad quæ vox *eis* refertur) *perivit: ἐὰν μὴ sed filius perditionis*. Quo modo ad consolationem Apostolorum contra scandalum, ex interitu Judæ, hæc opportunè à Christo dicuntur. Deinde non solum potest, sed etiam debet *ἐὰν μὴ* oppositè pro *ἀλλὰ sed* accipi, siquidem illud requirit veritas scripturæ: quæ docet omnes prædestinatos glorificari, Rom. 8. v. 28. 30. nullosque electos perire posse, Mat. 24. v. 22. omnesque à Patre datos Christo, servari, Joan. 6. v. 39. Atqui Judas perditus: ergo Christo datus non est. Deinde Christus orat Patrem pro iis quos ipsi dedit: non orat autem pro Juda, ergo hic non est ex iis, quos ipsi Pater dedit.



dedit: quia mundo, hoc est, reprobis seu perditioni iustæ destinatis opponuntur: cuius mundi parserat Judas filius perditionis. Ac propterea, etsi esset ex Apostolorum numero, vocationis externæ ratione: ex iis tamen non erat, ratione hujus dationis à Patre, de qua hic agitur. Si quis objiciat, vulgatum interpretem aliosque nonnullos *ei μὴ* interpretari *nisi*, ac propterea eos vocem illam tanquam exceptionem ex numero datorum à Patre intellexisse: illud rationes propositas minimè infirmat: deinde consequentia non est necessaria, quia ut *ei μὴ* & *ἐξ* *μὴ* in Nov. Test. bifariam accipitur, sic etiam Latine ei respondens vox *nisi*, licet exceptionem sæpius notat, non rarò tamen oppositionem significat, ac pro *sed* usurpatur: quemadmodum inter cæteros Aldus Manutius, in notis ad Salust. de bello Jugurth. quam plurimis exemplis, ex Salustio, Cicerone, Plauto, Terentio, Agellio, & Plinio adductis probat. Quare ex hisce apparet vanum esse, quod ait, ad hunc locum, in antidotis Evangelicis, doctus quidem, sed maledicentissimus Pontificius Stapletonus, cum dicit: *Nemo, Nisi, manifeste docet, Judam quoque à Patre Christo datum fuisse. Exceptio enim ab eodem fit à genere, quo cæteri comprehenduntur.* Ex quibus omnibus constat, quænam sit recta verborum Christi (*nemo ex iis perit, nisi filius perditionis*) sententia. Ut autem firmitas illius amplius illustretur, ac vindicetur adversus exceptiones, contraria Chrysostomi explicatio paucis ac sincerè, ad veritatem asserendam ac conservandam expendenda. Sic enim ad hunc locum ait: *quos dedisti mihi ego custodi vi, & nemo ex iis perit, nisi filius perditionis: & alibi inquit, omne quod dedisti mihi non perdam ex eo. Atqui non ille tantum perditus est, sed multi postmodum. Quomodo ergo inquit non perdam? quantum in me erit non perdam: quod & alibi apertius significavit, non ejiciam illum foras. Nam mea causa non expellam, non derelinquam. Quid si sponte sua resiliant, vi eos non traham.* Hæc Chrysostom. Ne quis autem illius, & eorum, qui ipsum sequuntur, autoritate perturbetur, primò observandum est, Chrysostomum in doctrina de conversione ad fidem graviter impegisse: eam enim non solum Dei gratiæ, sed partim etiam liberi arbitrii viribus concurrentibus attribuit; imò quod amplius est, ad gratiam Dei homines se præparare docet. Id quod etiam Stapletonus, etsi Semipelagianus, in antidotis Evangelicis profitetur in Joan. 6. cum ait: *Euthymius apertius respondet, eos à Deo non excitari, qui se indignos gratia hac exhibuerunt: excitari vero, qui aliqua præparatione se faciunt dignos. In quam etiam sententiam propendit Chrysost.: & alii Græci, ut ipse Cyrillus lib. 3. cap. 13. cæterum cavenda hæc doctrina & repudianda.* Hæc Stapletonus. Id quod in Chrysost.: diligenter notandum, ne quis imprudens impingat. Ad rem verò quod attinet: expositio illius primum falsa nititur hypothefi hac, quasi hoc loco *ei μὴ nisi* exceptionem notaret, & Judas ex eorum statueretur esse numero, qui à Patre Christo dicuntur dati: id quod supra refutavimus. Deinde quia verba Joan. 6. v. 39. *ut ex iis, quos dedisti mihi, non perdam*, obstat vidit, idcirco eorum sensum genuinum depravat, quasi *non perdam*, tantum significaret se non fore authorem exitii: sed si velint perire, illud non impediturum: quod primum verbis Christi conjunctis: deinde officio quoque ac beneficio illius alibi explicato apertè refellitur. Nam ad prius quod attinet, Christus non solum dicit: *Hæc est voluntas ejus, qui misit me Patris, ut quicquid mihi dederit, non perdam ex illo*: sed etiam addit: *& suscitabo illum ultimo die*, nempe citra controversiam, ad vitam æternam. Id quod de fidelibus iisdem electis vers. 54. similiter asserit: *qui manducat carnem meam & bibit sanguinem meum, habet vitam æternam*, (æterna autem esse non potest, quæ perit) *& suscitabo eum ultimo die.* Ergò nulli à Patre Christo dati pereunt. Denique idem probat certa salutis conservatio v. 35. *qui venit ad me non esuriet, & qui credit in me, non sitiet unquam*: Ergo Christus non perdit sibi datos accedentes ullo modo: hoc est, neque ut causa efficiens vi sua expellendo, quem modum expressit vers. 37. neque sua desertione ac permissione, ut ipsi voluntate propria ipforum pereant: quia hæc duo perpetuæ saturitati, & resurrectioni gloriosæ ac vitæ æternæ perspicuè adverfantur. Deinde

idem beneficio & officio Christi refutatur, Christus enim pastor ille bonus est, Ioan. 10. v. 14. Boni autem pastoris officium est necessarium, non solum ut oves ipsemet non perdat ejiciendo: sed præterea quoque, ut suo ipsarum vitio aberrantes non deserat, nec perire permittat, sed ut in viam reducat, & cum opus est in humeros assumat Luc. 15. v. 4. 5. Idem etiam per Ezechielem c. 34. v. 16. indicatur, ubi Deus per Davidem (id est, metonymicè Christum Davidis semen seu filium; ut Israël & Iuda pro eorum posteris) facturum sese pollicetur, cum ait, fore ut ovem pereuntem quærat, & depulsam reducat: *Quemadmodum malos pastores idcirco duriter increpat, quod utrumque illud officium omiserint.* Unde perspicuè apparet Chrysostomum (liberè hoc sit dictum, ad veritatis, cujus summa habenda est ratio, defensionem) injurium esse in Christi boni pastoris officium, eum verba Christi, de iis quos illi Pater dedit, exponit hoc modo: *Quod si sponte sua resiliant, vi eos non traham.* Præterea illud dictum Chrysostomi, non solum officio Christi; sed etiam voluntati illius, in hac eadem concione postea expressè adversatur: quia disertè ait sequenti vers. 24. *Pater, quos dedisti mihi, & ego volo, ut ubi sum ego, & ii sint mecum, ut conspiciant gloriam illam, quam dedisti mihi*: ideoque neminem ex iis permittere vult, ut ullo modo pereat. Denique hæc verba duplici quoque hypothefi falsa nituntur: Quarum prima est, unicum hunc esse fidelium resilientium reducendi modum, nimirum ut vi eos retrahat: altera quod eum modum, nec Deus Pater, neque Filius velit adhibere: cum contrà duplex existat modus, & quidem quo Deus & Christus utuntur: primus quidem sine vi: alter verò vi opportunè adhibita. Sine vi fideles Pater per Christum reducit, cum spiritum eorum (seu fidei & charitatis gratiam infusam) carnis, mundi, Satanæque oppugnatione languentem, partim ministerio verbi, partim gratiæ Spiritus Sancti auxilio excitat ac firmat; atque ita pravis cupiditatibus superiorem reddit. Vi autem adhibita resilientes retrahit, partim externa & aperta, partim interna & operata potentia. Externa quidem, cum castigationum vi pravam voluntatem carnis (quæ castigationes averfatur ac fugit) coercet, ne fideles sine ea cum mundo pereant 1. Cor. 11. 32. sed sanctificentur ac vivant, Hebr. 12. 10. 11. ut etiam de Salomone prædictum 2. Samuel. 7. 14. & de se David prædicat Psalm. 119. 71. Interna verò vi fideles reducuntur, cum Spiritus Sanctus, carnis seu insitæ vitiositatis vires, per sanctificationem auctam imminuit: atque ita vetus homo magis magisque aufertur ac mortificatur secundum promissionem, Ezechiel. 36. vers. 26. 27. Ac propterea merito concludimus ex antedictis, hanc Chrysostomi explicationem, tanquam multis modis veritati Scripturæ repugnantem, merito repudiandam. Ideoque hac prima quæstione, de recto verborum Christi (*nemo ex iis perit ei μὴ, id est, sed filius ille perditionis*) sensu absoluta: alteram de Scripturæ in ea re impletionem paucis subjiciemus. Cum enim Christus dixisset: *nemo ex iis perit; ei μὴ sed filius perditionis*, subjicit, *ut scriptura impleatur*, quibus verbis duo indicantur: primum ea Iudæ perditionem Scripturam esse impletam: quod scilicet res ipsa cum illius prædictione consentiat; Scripturæ autem *ἐγὼ & ὁ πατήρ* divinam intelligit, & quidem librum Psalmorum, idque diversis in locis: nam primum Psalm. 41. vers. 10. dicitur: *etiam vir colens pacem mecum, edens panem meum, suscitavit adversus me calcem*: quibus verbis peccatum describitur proditoris Davidis, qui typus fuit Iudæ, ut David Christi: quemadmodum demonstratur à Christo Ioann. 13. v. 18. deinde illius peccati descriptioni poena à Christo inferenda subjicitur eodem Psalm. vers. 11. *exsuscita me ut rependam illis*, hoc est, ut illum & similes hostes iustè perdam. Alter Psalmus simili typo de Iuda ac similibus Christi hostibus reprobis conscriptus, est 69. quo sub typo Davidis, iustà secundum voluntatem Dei cognitam, imprecationis formâ, Christus exposita prius sua innocentia, & Iudæ ac similibus reproborum contra se crudelitate, prodicionem prædicit inde à vers. 23. ad 30. ut Petrus Actor. 1. vers. 20. demonstrat: ubi exposita Iudæ prodicione, & consecuta illius per desperationem

nem perditione: ut infirmorum scandalo occurrat, hanc Prophetiam adducit, dicens: *scriptum est enim in libro Psalmorum: fiat commoratio ejus deserta, & non sit qui habitet in ea.* Tertius denique, de eadem re locus est Psal. 109. v. 8. *sint inquit dies illius pauci, & curationem illius accipiat alius.* Id quod similiter de Iudæ perditione, & alterius in munus apostolatus substitutione citat Petrus Actor. 1. v. 20. & amplius exponit v. 25. cum ait, *ut accipiat sortem ministerii hujus & apostolatus, ex qua origines transgressus est* (seu excidit) *Iudas, ut abiret in locum suum.* Ex quibus Psalmorum testimoniis constat, perditione Iudæ illud evenisse, quod scriptura olim de eo prædixerat. Id quod opportunè à Christo indicatur, ne tam inexpectata & horrenda Iudæ perditione futurâ Apostoli offenderentur, atque in fide ac fiducia erga Christum infirmarentur: quemadmodum hujusmodi prædictionum usum Christus comprobatur, cum Ioann. 13. v. 18. & 19. ait: *sed ut impleatur scriptura, Qui edisti mecum panem, sustulisti adversum me calcem.* Jam nunc dico vobis priusquam fiat, ut cum factum fuerit, credatis me eum esse. Quemadmodum etiam eundem in finem persecutiones Apostolis obventuras, sese prædicere Christus affirmat Ioan. 16. v. 4. Quamobrem ad verba Christi quod attinet, cum ait; *ut Scriptura impleatur*, primo illius membro nempe impletionem scripturæ in perditione Iudæ, explicato: alterum etiam, cum ait: *ut impleatur*, nonnihil est considerandum, ut Christi sententia plenius intelligatur, & justitia Dei adversus homines profanos asseratur. Hoc enim prima fronte suam habet difficultatem, quod non simpliciter dicitur *ἵνα πληρωθῇ impletum est*, ut Matth. 2. vers. 17. & alibi: sed *ἵνα πληρωθῇ ut impleatur*, quo videtur causam finalem designare; ideoque perditionem Iudæ esse effectum, ad eam rem divinitus destinatum; eoque modo Deum esse perditionis autorem: quod tamen & Dei gloriæ, & verbi illius veritati adversatur. Ad hujus verò difficultatis objectæ nodum solvendum, duplex adferri potest solutio. Prima quidem, ut negetur consequentia: ut quæ nitatur hac hypothefi, vocem *ἵνα* causam finalem hoc in loco designare: cum contrâ aliam significationem recto ac pio sensu admittere possit: siquidem conjunctio illa *ἵνα*, non solum causam finalem notat, sed etiam inter cætera pro, *adeo ut*, usurpatur: atque ita non causam, sed eventum designat. Quemadmodum illud à Chrysostomo sæpius observatum, & præterea illustria illius significationis exempla in Sac. Lit. eandem rem comprobant: cujusmodi hæc etiam sunt perspicua, primum enim 2. Corinth. 7. v. 9. ait Paulus: *nam tristitia affecti fuistis secundum Deum, ἵνα ἐν κυνὶ ζῆλον ἔσται*, hoc est, *ut nulla in re detrimento affecti sitis per nos.* ubi vox *ἵνα*, quæ aliàs ut notat, pro *adeo ut* manifestè accipitur, & eventum non finem notare res ipsa arguit. Deinde Apoc. 13. v. 13. *& facit signa magna ἵνα ὁ πῦρ πῦρ καταβαίνῃ ἐν τῷ ἔθνει*, (sic enim pleraque omnia exemplaria legunt: licet noster interpres Complutensem editionem & Aretam duosque suos antiquos codices secutus legat *ἵνα ὁ πῦρ καταβαίνῃ ἐν τῷ ἔθνει*) hoc est, *ut etiam ignem descendere faciat à celo: ubi ἵνα pro ὅτι, hoc est, pro adeo ut*, citra ullam controversiam usurpatur. Quemadmodum autem *ἵνα* bifariam accipi potest, vel ut finalem causam, vel eventum notet: sic etiam cum dicitur in scriptura, *ἵνα πληρωθῇ ἡ γραφή*, duobus modis pro rei subjectæ, bonæ aut malæ, cui adjungitur, diversa ratione explicandum. Cum enim res bona est, quæ impletur, finem designat: quemadmodum declarata nativitate Filii Dei à virgine, subjicitur Matth. 1. v. 22. *totum autem hoc factum est, ἵνα πληρωθῇ ut impleatur dictum à Domino per Prophetam; & cap. 4. vers. 13. 14. habitavit Capernaum; ut impleatur quod dictum est per Esaiam Prophetam.* Sic etiam cap. 21. v. 4. Contra vero, cum res mala narratur, & adjungitur *ἵνα πληρωθῇ scriptura*, aut *quod scriptum est*: tum non causam finalem, sed eventum notat: quo pertinent diserta hæc dicta, Ioan. 12. v. 37-38. *non credebant in eum ἵνα πληρωθῇ sermo Esaiæ: deinde cap. 13. v. 18. ἵνα πληρωθῇ scriptura, qui edisti mecum panem, &c. denique cap. 13. v. 24. 25. oderunt me & Patrem meum, sed ut impleatur sermo, qui in lege eorum est scriptus.* Quibus in locis vox *ἵνα* non finem notare, sed eventum (ut sensus sit

*adeo ut*) res ipsa demonstrat: certum enim est incredulitatem illam, & Iudæ prodicionem, & odium illud adversus Christum & Patrem, ab iis non promanasse in eum finem, ut scriptura impleatur: neque Deum illarum impietatum suâ per Scripturam prædictione fuisse causam. Ac propterea cum hic agatur in loco proposito de perditione Iudæ: cujus causa ipsemet fuit, non autem Deus, neque scriptura illius: idcirco cum hac perditione proposita à Christo additur deinde, *ἵνα πληρωθῇ ἡ γραφή*, vox *ἵνα*, nec rei, nec Dei finem notat, sed eventum, nempe convenientiam rei illius, cum scripturæ prædictione: ac propterea clarius ita verti posset: *adeo ut impleatur scriptura.* Atque hic primus est difficultatis hujus solvendi modus, nimirum quod *ἵνα* non significet hoc loco finem, sed eventum. Alter vero est, quod licet illud concederetur, finem nimirum denotari, ex eo tamen consequentia firmari non possit, quasi scilicet Deus hoc modo statueretur perditionis illius author: id quod merito negari potest. Nam perditio illa Iudæ, diverso respectu considerata, & Iudæ, & Deo ac Christo tribui potest ac debet; Iudæ quidem tanquam authori: quia prodicione Christi eam meruit, & propria desperatione ac opera sese suspendio perdidit; Deo verò, ut iudici rectè ascribi potest: qui sicut Iudam impiis cupiditatibus additum juste reliquit, & Satanæ tentandum permisit: sic perditionem æternam pro meritis illius infligit: adeo ut Iudæ actio fuerit injusta: Dei vero iudicis totius mundi iustissima. Ac propterea, ut salutem Apostolorum Christus sibi & Patri qui eos ipsi dederat, tanquam authori attribuit, Ioann. 6. v. 39. & 17. v. 11. 12. sic Psal. 41. v. 11. Christus sibi & Patri, non tanquam authoribus, sed tanquam iustis iudicibus, perditionem Iudæ & similium reproborum (per reprobos Davidis adversarios typicè significatorum) adscribit, cum ait: *exsuscita me, ut rependam illis;* Quemadmodum etiam hæc perditio æterna, iusto iudicio reprobis rependenda, pluribus describitur 2. Thess. 1. v. 2. 8. 9. Ideoque sine ullo incommodo rectè dici potest, Iudam perditum, ratione scilicet iusti iudicii Christi, ut scriptura impleatur: hoc est, in eum finem, ut quod prædixerat se iuste facturum, executioni mandaretur. Hactenus loci hujus celebris vindicatio: sequitur ex

## CAP. XX.

*Questio prima, ex vers. 19. de Christi ad discipulos adventu.*

Non ignotum est, Ubiquitarios contendere corpus Christi esse ubique, & reliquas proprietates divinas, propter unionem cum natura divina humanæ communitas: idque potissimum in eum finem, ut hoc modo præsentiam carnis & sanguinis Christi, in & sub pane & vino Cœnæ Dominicæ probarent. Ut autem hanc proprietatem divinarum communicationem humanæ naturæ factam probent, inter alia etiam hoc dictum Ioannis Evangelistæ cap. 20. v. 19 adducunt, cum ait, *Cum ergo vespere esset die illo primo hebdomadis τῶν θυρῶν καλεισµένων ubi discipuli congregati erant propter metum Judæorum, venit Jesus, stetitque in medio.* Sic enim Andr. Osiander in Latinis vulg. versionis Bibliis ab ipso interpolatis, in notis ad hunc locum scribit; *Et fores essent clausæ] Innuunt hæc circumstantiæ, Christum per januam clausam ad discipulos ingressum esse: unde discipuli perterriti, spiritum (seu spectrum) se videre putabant, ut testatur Lucas cap. 24. Non enim verisimile ipsis videbatur, hominem verum, clausis manentibus januis ad ipsos introire potuisse.* Hæc Osiander, quæ paucis expendenda. Primum autem negatur, illa verba, *& fores essent clausæ*, indicare Christum per januam clausam manentem ad discipulos ingressum: nam circumstantiæ horum verborum notant solummodò tempus, quo Christus venit ad discipulos, nempe cum vespere esset & cum clausæ essent fores propter metum Judæorum: hoc enim declarant ea verba *τῶν θυρῶν καλεισµένων.* Modus verò quo Christus pervenerit ad discipulos, minime explicatur: neque enim dicitur manentibus januis clausis pervenisse, ut Osiander finxit: neque ex inopinata Christi præsentia id colligi potest: quia modus alius ingressus

ingressus miraculosus ac varius esse potuit: inprimis verò ut potentia sua divinâ fores subito aperiret ad transitum, & clauderet, discipulis interim minimè observantibus. Quemadmodum similis rei illustra extant exempla: nam primùm ministerio Angeli, carcer apertus est, & Apostoli ex eoeducti, ac fores rursus clausæ præsentibus licet & antestantibus custodibus illud minimè animadvertentibus, Actor. 5. 19. ut expressè vers. 23. dicitur: *Carcerem quidem invenimus clausum quam tutissimè, & custodes stantes ante fores: cum aperuissemus autem neminem intus invenimus.* Deinde idem etiam contigit seorsim Petro in carcerem coniecto, qui simili prorsus modo è carcere, Angeli ministerio evasit: cuius rei memorabilis est historia Actor. 12. v. 4. 6. 7. & 10. ac propterea potuit Christus eodem modo, quo postea usus est per ministrum suum Angelum, fores etiam recludere easque transire, ac claudere, Apostolis nequaquam animadvertentibus: ut alios modos omittamus, quibus per suam omnipotentiam, servata veri corporis proprietate, ad Apostolos pervenire potuit. Quæ responsio reipsa communi nostrorum Theologorum iudicio probata, Ubiquitariorum oppositionem rectè confutat. Veruntamen quemadmodum utile est ejusdem nodi ac difficultatis solutiones esse plures idoneas, ut errores eo magis refellantur, idcirco alteram præterea refutationem subiciemus: quæ licet nova prorsus sit, antiquam tamen veritatem comprobat. Siquidem id (quod non solum adversarii contendunt, sed etiam ab omnibus (quantum observare potuimus) quasi certum statuitur, nempe Christi ingressum ad discipulos suos, prorsus fuisse miraculosum? seu ex adversariorum sententia, per clausas manentes januas transierit; seu ut nostri statuunt, quod in apertione vel januæ, vel parietis, vel alio modo, servata corporis Christi proprietate, miraculum extiterit) illud inquam non videtur ex hoc loco solidè probari posse: quandoquidem modus ingressus neque exprimitur, neque firma consequentia ex verbis Evangelistæ demonstrari potest, neque etiam ex consentaneo loco Luc. 24. ut Osiand. objicit. Nam postquam Evangelista Lucas monuit, duos illos discipulos, quibus Christus in via apparuerat, reverbos invenisse Apostolos vers. 33. iisque rem gestam explicasse vers. 34. 35. subjicit, *Hæc autem ipsis loquentibus, stetit ipse Jesus in medio eorum.* Cum igitur citra controversiam sine miraculo, pro more duobus istis discipulis fores pulsantibus, apertæ sint ut intrarent: quidni potuit Christus post eos ita intrare & in medio cum illis se sistere, & nonnihil continere, ut nullus præsentiam illius observaret? quemadmodum neque Apostolorum, neque Petri è carcere exitum præsentibus licet & adstantibus custodibus Actor. 5. & 12. animadvertisse narrantur. Ideoque nulla necessitas, ut miraculum ullum in janua extitisse statuamus, cum sine illo miraculo (ut ab Angelo factum ostendimus) fieri potuerit. Cæterum veritas naturæ corporis Christi, per istam Ubiquitariorum expositionem evertitur, quia per corporis solidi manentis dimensiones penetrationem turpi contradictione constituunt: nam ut janua fuit solida: sic etiam corpus Christi, quod carnem & ossa habuit, utpote quæ videri & contrahi poterant, ut etiam Christus eodem tempore Apostolis apertè affirmavit, Luc. 24. v. 39. ideoque per solidam januam manentem penetrare, salva naturæ integritate, non potuit: neque simile, quod ex August. serm. 152. de temp. tom. 10. adducit Osiander, de miraculo Christi ambulantis super mare, Matth. 14. v. 25. ad rem facit: quia miraculum hoc in Christi corpore non extitit, sed in mari: nam ut à Deo aquæ, naturali frigoris potentia congelantur ac densantur, ut in iis ambuletur: ita Dei potentia supernaturali aquæ illæ ad tempus solidatæ sunt, & ad ambulandum factæ sunt idoneæ: quia non solum Christus, sed etiam Petrus sine ulla proprietatum corporis mutatione similiter iis inambulavit, ut ibid. vers. 29. docetur. Præterea etsi dictum esset ab Evangelista, Christum intrasse per januam clausam (id quod minimè dicitur) inde tamen non sequeretur, quod etiam Ubiquitarii & Pontificii contendunt, Christum corpus suum solidum per aliud solidum introduxisse sine mutatione solidi: quia alia ratio miraculi esse potuit in janua, videlicet ut ea per

feram manente clausa, per divinam Christi potentiam utrimque ita arctata fuerit, ut divisa in medio, corpori transituro viam præberet: rursusque potentia divina dilataretur atque uniretur: hoc enim fieri potuisse negari non potest. Ideoque quod Bellarm. tom. 2. controversi. tertia de Euchar. lib. 3. c. 6. ait: *Patres communi consensu agnoscunt miraculum in eo quod Dominus corpus suum solidum per aliud solidum introduxerit: & inprimis Hilarii verba adducit qui ait: cedit ad hæc & sensus & sermo, & extra rationem humanam est veritas facti:* illud inquam, modò transitus possibili, jam à nobis exposito, qui ratione optimè comprehendi potest, confutatur. A qua expositione non aliena est doctissimi P. Martyris sententia, qui (ut etiam Bellarm. loco jam memorato citat) dicit, Christum transiisse per aditum patefactum: sive rarefecerit Dominus portas illas, sive etiam cedere jusserit. Nam quod excipit Bellarm. si per fenestram intravit Dominus, aut aditu qualicunque modo patefacto, nullum erit miraculum intrare januis clausis: illud vanum est: nam in modo apertionis miraculum esse potest, si is non humanâ, sed divina potentia configerit, uti multis modis contingere potuisse suprâ ostendimus. Deinde in repentina & inexpectata, ac sine Apostolorum ulla præfensione præsentia, miraculum fuit: idque demum terroris eorum (qui Luc. 24. v. 37. memoratur) vera exitit causa: non autem quod obtendit Bellarm. & Osiand. quasi Dominus corpus suum per aliud solidum permanens introduxerit: cum illud salva corporis Christi integritate, fieri non potuerit: neque sine contradictione factum esse dici potest, ut talis dimensionum mutua penetratio eveniret; quia ita idem statueretur per se integrum ac indivisum, & simul non integrum sed divisum. Neque argumentum quod contra adducit Bellarm. illud infirmat, objicit enim Christi nativitatis exemplum: quod Christus exierit de utero virginis clauso, inviolata manente integritate carnis; idque probat primùm ex Apostolorum Symbolo: *natus è virgine:* & Esai. 7. *ecce virgo concipiet & pariet filium:* ubi dicitur non solum, virgo conceptura, sed etiam virgo paritura. Verum negatur consequentia. Agnoscimus enim virginem concepisse & virginem peperisse: nam virginitas illius illæ mansit: etsi referato utero peperit: quia (ut ipsa virgo Maria Luc. 1. vers. 34. dixit) virum non cognovit: ideoque à nullo viro corrupta, Spiritus Sancti potentia gravida facta peperit. Quare licet quosdam Patres pro sua sententia citet adversarius, eorum tamen aberranti iudicio primùm Sacras Literas opponimus, quæ hoc miraculum non recentent. Deinde contra disertè dicitur Luc. 2. v. 22. 23. his verbis: *& cum impleti essent dies purificationis illius, scilicet Mariæ secundum legem Moysi, adduxerunt eum Hierosolymam, ut sifterent eum Domino, prout scriptum est in lege Domini: omne masculinum aperiens matricem (seu uterum) sanctum Domino vocabitur.* Ubi primùm observandum, quod impleti dicuntur dies purificationis illius nempe à sanguine, qui aperto utero promanarat: alioquin si clausus mansisset uterus, purgari ab eo non potuisset. Deinceps oblatio pro Christo, secundum legem hanc (*omne masculinum adaperiens uterum &c.*) data asseritur: Ergo etiam nascendo aperuit uterum. Lex autem illa purificationis à sanguine & oblationis Levit. 12. disertè traditur atque explicatur. Ideoque Scripturæ ductu, ex antiquis Patribus non pauci (quos aliis, à scriptura recedentibus, merito hîc præferimus) veritatem agnoverunt, atque ita explicarunt: quemadmodum Orig. in Lucam homil. 14. ait: *matris Domini eo tempore vulva referata est, quo & partus editus: quia sanctum uterum & omni dignatione venerationis venerandum ante nativitatem Christi masculus omnino non tetigit.* Et ante Orig. Tertullianus lib. de carne Christi cap. 23. *Hæc denique vulva est, propter quam & de aliis scriptum est: omne masculinum adaperiens vulvam sanctum vocabitur Domino: Quis verò sanctus quam Dei Filius, quis propriè vulvam adaperuit quam qui clausam patefecit?* Tertiò Ambrosius licet antea tom. 1. de instit. virginum cap. 7. & 8. non aperto, sed clauso Mariæ virginis utero, natum esse Christum tradiderit: postea tamen, Lucæ verbis haud dubiè adductus contrarium docuit: nam in comment. in Luc. cap. 2. ait: *hic est qui a-*

qui aperuit matris suae vulvam, ut immaculatus exiret. Quarto Chrysof. homil. 49. in Genes. de Christo ait: oportebat autem partim cum nostra nativitate communicare, partim alienum esse: utraque hæc fuerunt ei. quo modo? audi: nam de utero prodire commune habet nobiscum: absque nuptiali autem congressu nasci, supra nostram est nativitatem: Naturale est conceptum fieri in utero; supra naturam humanam est absque commixtione esse prægnantem. Denique Hieron. tom. 1. de servanda virginitate ad Eustoch. tom. 1. ait: Dei Filius pro nostra salute, hominis factus est filius: novem mensibus in utero, ut nascatur expectat, fastidia sustinet, cruentus egreditur, pannis involvitur: notetur quod ait; cruentus egreditur: Ergo apertum uterum (unde pro more parientium fluxus sanguinis promanat) aperte satis designat. Quamobrem ex hisce omnibus merito concludimus: Christum utero aperto, non clauso manente esse natum: & contrariam Pontificiorum & Ubiquitariorum sententiam Sacris literis & illustribus etiam Patribus adversari: ideoque eo modo miraculum ingressus Christi per januas manentes clausas (uti contendunt) minimè confirmari. Hac igitur quæstione prima, de Christi ad discipulos ingressu explicata, succedit.

*Secunda Quæstio, de Genuino verborum Thomæ Apostoli vers. 28. sensu.*

Memorabilis ac vindicatione dignissima hæc Evangelistæ, Thomæ verba recensentis v. 28. narratio; Respondit ei Thomas, & dixit ei: Dominus meus, & Deus meus: unde quæstio exurgit magni omnino momenti, quisnam verborum Thomæ sit sensus. Orthodoxi enim statuunt, illis confessionem Deitatis Christi illustrem contineri, ac sensum esse: Dominus meus & Deus meus, supple es. Contra verò Samosatēniani hujus temporis illud oppugnant, inprimis verò Georgius Enjedinus Superintendens Ecclesiarum Samosatēniarum in Transsylvania, in explicatione locorum Scripturæ, ex quibus Trinitas stabiliri solet: cuius in hoc dicto depravando argutias referre & confutare, ad veritatis doctrinæ de Christi Deitate defensionem, operæ pretium arbitramur. Summa autem erroris hæc est: hæc verba Thomæ non ad Christum, sed ad Patrem dici. Quemadmodum enim olim profanis in more fuisse ait, atque exemplis ostendit, ut si quid præter opinionem repente admiratione dignum occurreret, exclamarent, & Dei nomen efferrent; quale illud apud Terent. in Andr. *Dii boni*; Et hodie Christianos pro more dicere solere, *Deus bone*, non quod res ipsa, de qua loquuntur, Deus sit; et Pontificios ait, si quid repente horrendum aut admirabile occurrat, exclamare, *Jesus, Maria*; sic etiam Thomam fecisse contendit, cum Christum ex improvviso redivivum videret, stupore plenum, exclamasse more hominibus consueto, *Dominus meus, & Deus meus*: quasi his verbis non Christum compellasset, neque eum Dominum & Deum suum vocasset, sed rem inusitatam & admirationem suam summam hoc modo significarit. Verum respondemus, morem illum & profanorum hominum & superstitionum Christianorum, qui admirationi indicandæ nomen Dei usurpant, esse meram nominis divini, contra tertium præceptum Decalogi, profanationem. Neque ullo modo probatur, abusus nominis divini morem profanum viguisse inter Judæos, multo minus inter Apostolos: qui etiam cum Christum mare inambulanti viderent ac spectrum esse putarent exclamasse dicuntur, Marc. 6. non verò Dei nomen tali abusu protulisse. Deinde illud etiam effugium adversarii confutatur approbatione Christi, qui fidem Thomæ laudavit, etsi tarditatem reprehendat, eoque abusum nominis Dei abfuisse: eaque verba, fidei de Christo confessionem fuisse ostendit. Præterea repugnat etiam illi errori explicatio Evangelistæ præmissa, cum ait: *respondit autem Thomas, & dixit ei*, scilicet Christo: quod argumentum & vim illius animadvertit satis adversarius, sed tamen variis modis, reluctante ut videtur conscientia, frustra eludere conatur, cum ait, hanc loquendi formulam (nempe *dixit ei*) idem significare in Sacris, atque *dixit post verba ejus*; vel *auditis verbis ejus*; idque probare conatur

ex Luc. 14. vers. 16. *at ipse dixit ei*: cum tamen Christus parabolam sequentem non tantum ad loquentem, sed ad omnes præsentēs direxerit. Verum negamus verba illa Lucæ: *ipse verò dixit ei*, id significare quod vult adversarius, ac si idem esset, quasi dixisset post verba ejus: quis enim non videat esse turpem & contra conscientiam adversarii perversionem, cum ipsemet, dum probare suam sententiam conatur, non solum non probat, sed etiam sibi contradicit: cum enim ait parabolam sequentem non tantum ad loquentem direxisse: iis verbis agnoscit, saltem ad eum direxisse; idque etiam series verborum evincit: nam vers. 15. ait Evangelista, *quidam ex accumbentibus dixit ei, beatus, &c.* Christi verò responsio narratur, vers. 16. *ipse verò dixit ei*; unde ad loquentem referri apparet: ita tamen ut interim dictorum usus reliquis etiam accumbentibus fuerit communis. Similis etiam ratio ejus quod strictim subjiciens ait adversarius; *Vide etiam Joan. 14. vers. 22. 23. nam vers. 22. dicit ei Judas: Domine quid est cur te sis nobis communicaturus, &c. & vers. 23. respondit Iesus & dixit ei, si quis diligit, &c.* unde ex serie & relatione verborum apparet, dici Christum ad interrogata Judæ ipsique respondisse, ut qui quæstionem solus moverat: etsi doctrina responsionis ad Judæ verba ipsi datæ, non solum ad ipsum, sed etiam ad reliquos Apostolos eadem opera erudiendos spectarit. Quare perspicuum est, Samosatēnianum phrasin hanc, & *dixit ei*, perversè depravasse: atque ita prima illius responsio satis convicta. Alterum verò quod objicit argumentum est, cum ait: *Hanc interpretationem esse veram vel inde apparet, quod in Christo tum nihil à Thoma visum est, ex quo Christum esse Deum colligere posset. Nam resurrectio non ei qui resurrexit, sed resuscitatori opinionem divinitatis conciliare solet.* Verum negatur assertio, quia Christi resurrectio, ad fidem Deitatis illius conciliandam, fuit solidum argumentum: neque ratio assertionis quam adducit, eandem probat: sed contra orthodoxorum sententiam confirmat: nam Christus non solum fuit suscitatus, sed etiam resuscitator sui: quemadmodum ipse asseruerat, Joan. 10. v. 17. 18. *Pono animam meam, ut eam rursus assumam: nemo tollit eam à me: sed ego pono eam à me ipso: potestatem habeo ponendi eam, & rursus eam assumendi*: & clarissimè idem indicatur Joa. 2. v. 19. *& respondit Jesus & dixit eis: destruite templum hoc & in tribus diebus excitabo illud*: & vers. 21. *at ille loquebatur de templo corporis sui.* Neque hic merito objici potest, Thomam Apostolum illud ignorasse: quia v. 22. generatim dicitur: *cum ergo surrexisset à mortuis, recordati sunt discipuli ejus, quod hoc dixisset iis, & crediderunt scripturæ & sermoni quem Jesus dixerat.* Quare hinc apparet contra responsionem Samosatēniani, resurrectionem Christi, ab ipomet Christo effectam, Deitatis illius esse argumentum solidum: & Thomam idcirco rectè id confessum exclamasse: *Dominus meus & Deus meus.* Idque etiam Paulus Apostolus agnovit, Rom. 1. v. 4. cum ait, *qui declaratus est Filius Dei potenter secundum spiritum sanctificationis per resurrectionem à mortuis.* Quod autem objicit: *certum apud omnes, Deum non mori: ac propterea neque resurrectione opus habere.* Verum est, quatenus est Deus: sed quatenus patefactus in carne, secundum sementem Abraham, quod assumpsit Heb. 2. vers. 16. mortuus est, ibid. v. 14. 15. Quemadmodum Deus, quæ Deus, caret sanguine: sed quatenus Deus homo factus, acquisivit Ecclesiam suo sanguine Act. 20. v. 28. Quod autem addit adversarius, *qui verò resurgit, eum & fuisse mortuum, ac proinde pro Deo haberi nec posse nec debere.* Quomodo igitur Thomas ex resurrectione divinitatem (cum contrarium inde potius sequatur) colligere potuisset? videbat vulnera, carnem & ossa &c. quæ non Deum sed hominem illum esse probabant. Illud eo modo solvitur, Christo mortem & resurrectionem tribui non simpliciter, sed secundum quid: nempe secundum humanam naturam; & secundum eam non esse Deum: quamvis secundum eam visus sit à Thoma; sed ex suscitatione corporis Christi, ab eodem Christo facta Johann. 2. & 10. colligit Christum simul esse Deum, quia id ei convenit secundum divinam naturam, cui proprium est sua vi suscitare mortuos. Sed postremò objicit adversarius; *Etiam si concedamus, hæc verba in Christum fuisse directæ, nihil*

ex iii



ex his contra nostram sententiam concludi poterit: nam nos libenter damus & Dominum nostrum esse Jesum & Deum. Sed cum, teste Paulo 1. Cor. 8. vers. 5. multi sint Domini & Dei, tam in cælo quam in terra, non statim qui his nominibus insigniuntur, esse æternos & omnipotentes Deos concedimus. Agnoscimus ex solo nomine Dei id colligi non posse, sed ex eo & conjuncta vi rei ipsius: quæ appellationis est ratio movens: ea autem est Christi resurrectio, quæ secundum suam prædictionem, corpus suum suscitavit à mortuis: quo declaratum est, eum esse proprium Dei filium & æternum ac omnipotentem Deum: quia potentia suscitationis mortuorum, est certa proprietas omnipotentis Dei: ea enim omnem vim creatam excedit, ideoque eo attributo à creaturis distinguitur, ut Rom. 4. vers. 17. Deus vero Pater à Filio ea re non distinguitur: sed eidem unitur, quemadmodum Joan. 5. vers. 21. *sicut enim Pater suscitavit mortuos & vivificat; sic & Filius quos vult vivificat; & quidem sua omnipotentia Phil. 3. vers. 21. quia Deus est Joan. 1. vers. 1. per quem omnia facta sunt, & sine ipso factum est nihil quod factum est, vers. 3. per ipsum condita sunt omnia, quæ in cælis & quæ in terris, visibilia & invisibilia, sive throni, sive dominia, sive imperia, sive potestates, omnia, per eum, & ejus respectu condita sunt. Coloss. 1. vers. 16. 17. utpote ad quem etiam dictum ait Apostolus: & tu Domine initio terram fundasti, & opera manuum tuarum sunt cæ-*

*li, Hebr. 1. vers. 9. cum vers. 10. ita ut ostendat Apostolus, Christum non solum esse verum hominem, utpote unctum à Patre per Spiritum Sanctum: sed etiam verum & æternum cum Patre & Spiritu Sancto Deum: utpote cæli & terræ in principio creatorem. Quemadmodum etiam Joannes 1. Epist. 5. vers. 20. ait: sumus in vero, in Filio ejus Jesu Christo: hic est verus Deus & vita æterna. Quare Christo non solum rectè attribuitur quod suscitatus est quatenus verus homo: sed etiam quod sit corporis sui suscitator, quia unus & æternus cum Patre & Spiritu Sancto Deus: Ac propterea ea suscitatio interdum Patri, interdum Filio, interdum Spiritui Sancto in Sacris Literis adscribitur: quia ea per unam eandemque communem tribus personis Deitatem effecta est. Quamobrem suscitatione Christi comperta, Thomas meritò commotus ipsum vocavit Dominum ac Deum suum: significatione non metaphorica (quæ creaturis etiam convenit) sed propria; nempe Deum verum, æternum, atque omnipotentem; ut qui secundum prædictionem frequentem, Johan. 2. & 10. seipsum suscitavit à mortuis. Ideoque celeberrimum hoc Deitatis Christi ab Orthodoxis propositum argumentum adversus Enjedini Samosateniani objectiones ante recitatas invictum perstat. Atque hæcenus difficiliora Evangelii Joannis dicta illustrare nonnihil conati sumus.*

F I N I S.



FRAN-

FRANCISCI GOMARI,  
BRUGENSIS,  
ANALYSI S,  
ET  
EXPLICATIO  
Epistolæ ad Romanos.

## CAPUT PRIMUM.



*Epistola ad Romanos est dogmaticum Novi Testamenti scriptum, ab Apostolo Paulo, instinctu divino, Tertio Amnuesi suo dictatum, quo Romanam Ecclesiam, doctam ac celebrem, ex Judæis & gentibus inprimis constatam, secundum officium suum, accuratissima religionis Christianæ explanatione, in vera fide & charitate confirmare studet: ad Dei in Christo gloriam, & perpetuam totius Ecclesiæ institutionem. Rom. 1. vers. 1. 6. 8. 14. 15. & cap. 15. vers. 14. 15. 16. & cap. 16. v. 22. & cap. 15. v. 4. & 2. Tim. 3. v. 16.*

Hujus autem Epistolæ partes principales sunt tres:

PRÆFATIO, cap. 1. ad alteram usque partem v. 16.  
TRACTATIO, inde ad caput 16. & CONCLUSIO capite 16.

PRÆFATIO constat inscriptione, salutatione, gratulatione, & desiderii invisendi Romanos significatione. Quorum primum ad attentionem & docilitatem potissimum; reliqua verò ad benevolentiam testandam, eoque mutuò comparandam præcipuè spectant.

Inscriptio sex prioribus versibus comprehensa, indicat causam instrumentalem, & objectum Epistolæ: seu *quis & quibus* scribat. Prius autem enuntiationis subiecto: posterius verò attributo continetur.

SCRIPTOR declaratur adjuncto duplici, nomine & munere.

NOMEN est *Paulus*, qui initio ferè dictus fuit *Saulus*, Actor. 13. v. 9. De cujus nominis ratione, ut agamus pluribus, vix operæ pretium esse existimo. Verùm quia secus statuunt Patres Orthodoxi, & ex recentioribus Theologis nonnulli: deinde, quia in primæ illius Epistolæ limine versamur, varias, de ea re, conjecturas, simul ac semel recensbo.

Alii enim vocem *Paulus* & *Saulus* idem reipsa nomen esse arbitramur, sed dialecto variatum: quemadmodum *Theodoricus*, Germanis *Dieterich*/ Gallis *Thierry*: *Ludovicus* Germanis *Ludwig*/ Gallis *Louys*: ita etiam loco *Sauli*, *Paulum* à Græcis, quod nomen illud Romanum iis esset notius, fuisse appellatum. Sic Beza Actor. 13.

Alii verò diversum esse sentiunt: sed de causâ & tempore nominis impositi, inter se non consentiunt satis. Quidam enim binominem fuisse, inde ab initio putant, *Saul* esse gentilium nomen à Patre inditum, quod religionem & genus indicaret: additumque alterum *Pauli*, quod jus Romanæ civitatis attestaretur: de qua re in Actis cap. 22. vers. 27. 28. erat enim Tharsensis: Tharsis autem Colonia Romanorum. Atque hæc est Origenis sententia ad Rom. 1.

Alii verò non eodem tempore, ab initio, fuisse binominem: sed nominis permutatione, primum sic dictum autumant post conversionem Sergii Pauli, de qua re agi-

tur, Actor. 13. idque bifariam factum diversè sentiunt: nempe, aut divinitus, aut humanitus ab ipsomet Saulo: ac divinitus quidem sic vocatum ait Chrysostomus, de laudibus Pauli homilia 9. & Rom. 1. causamque ejus rei adjungit duplicem, gloriam Christi & honorem Pauli: ut videlicet inde constaret omnibus, Christum esse Pauli Dominum: siquidem nominis impositio præcipuum domini signum: quod etiam placet Phocio apud Oecumenium ad Rom. 1. deinde ne Petro, hac etiam in parte, haberetur inferior: (quæ etiam sententia est Theodreti & Theophylacti) serius autem hoc ei nomen impositum ait, ut omnes eo certius admirabilem Pauli conversionem cognoscerent.

Qui verò humanitus ab ipsomet Paulo Apostolo nomen permutatum volunt; alii factum judicant, propter conversionem Sergii Pauli proconsulis: & quidem honoris gratiâ, Imperatorum more, tanquam trophæum Christo subjugati Sergii Pauli, ut Hieron. suspicatur, Tom. 9. Comment. in Epistolam ad Philemonem: additque; *si interpretatio nominis quærat, Paulus in Hebræo mirabilem significat* *ἄνδρ.* *Revera mirum est, ut post Saul (qui interpretatur expetitus, eoque ad vexandam Ecclesiam fuisset à Diabolo postulat) de persecutore vas fieret electionis.*

Alii verò in aliam eunt sententiam, ac putant Saulum sese Paulum appellasse, propter conversionem sui ipsius, ad amplificationem gratiæ Christi, erga seipsum, & gratitudinis suæ erga Christum: nam prius Saulum nominatum fuisse, hoc est, *inquietudinem* seu *tentationem*: postea *Paulum*, hoc est, *quietem* Græcè, vel *parvulum* Latine, ex tentatore factum: ut exponit author Commentariorum in Epistolam ad Romanos, qui Ambrosio suppositi, nomen illius ementiuntur. Quod postremum multis in locis sequitur Augustinus, atque inde illustrat, quod sese *minimum Apostolorum* vocat, 1. Corinth. 15. Qua de re consulendus est August. Tom. 3. de Spiritu & litera cap. 7. & Tom. 10. de verbis Apostoli.

Hæc de nomine Pauli. Quam controversiam, ob tenuitatem illius & brevitatis studio, non examinabo: Interea tamen, ne sim *ἀσέβητος*, Origenis hac in re opinionem, utpote simplicissimam, cæteris præponendam arbitror: & hoc nomen, tanquam illustrius, ac gratius apud gentes, postquam ad eas legatus fuit Apostolus, usurpasse. Atque hæc de NOMINE scriptoris Epistolæ satis.

Alterum illius adjunctum est *Munus*, seu *Officium* illius: quod proponitur generatim, cum se *servum Jesu Christi* appellat: & speciatim, cum additur: *vocatus Apostolus*. Quæ vox *legatum* notat, ejusque usus in Novo Testamento est varius.

Sumitur enim primò generatim ac propriè pro Legato, qui cum mandatis aliquò mittitur: quemadmodum Epaphroditus *Philippensium Apostolus* vocatur, quod ad Paulum

esset legatus, Philip. 2. vers. 25. & *Apostoli*, id est Legati, *Ecclesiarum*, 2. Cor. 8. vers. 23. deinde usurpatur Synecdochicè ac speciatim pro legatis ad Evangelii prædicationem, & quidem dupliciter: primò latius, pro iis, qui non unam tantum Ecclesiam instituunt, sed promulgando passim Evangelio operam impendunt (qui & Evangelistæ καὶ ἑξοχῆ appellatur, Ephes. 4. vers. 11. qualis Timotheus, 2. Tim. 4. vers. 5. Titus & similes) ut Rom. 16. vers. 7. *Junius & Andronicus insignes inter Apostolos dicuntur*. Sic Christus quoque non dissimiliter vocatur *professionis nostræ Apostolus*, Heb. 3. vers. 1. sic etiam 70. discipuli à Tertuliano appellantur: *Allexit*, inquit, & alios 70. *Apostolos*, super duodecim. Contra Marcionem lib. 4. Idem observat Chrysostom. 1. Cor. 15. vers. 7. Hieron. verò Tom. 9. in Comment. ad Galatas cap. 1. vers. 19. ait: *Omnes qui Dominum viderunt, & eum postea prædicarunt fuisse postea Apostolos appellatos*: sed loca quæ adducit, 1. Cor. 15. vers. 7. (etsi de hoc Chrysostomo idem videatur) & Philipp. 2. vers. 25. & 2. Cor. 8. vers. 23. id non evincunt. Deinde angustius καὶ ἑξοχῆ & significatione frequentissima *Apostolus* vocatur ἀποστέλλειν, seu qui divino afflatu edoctus, & primarius, à Christo, immediatè electus ac designatus in Ecclesia minister, ad annuntiandum, instinctu & gubernatione Spiritus Sancti Evangelium, & miraculis confirmandum, omnibus gentibus terræ, 1. Cor. 12. v. 28. Eph. 4. v. 11. Luc. 6. v. 13. & cap. 9. v. 2. Eph. 3. vers. 5. Joh. 16. v. 13. Matth. 28. v. 19.

Horum autem Apostolorum alii sunt designati à Christo mortali in terris, ut duodecim discipuli, Luc. 6. vers. 13. qui per ellipsin, *duodecim illi*, vocantur Actor. 6. vers. 2. & 1. Cor. 15. vers. 5. è quorum numero, Judas, Christi proditione & suspensione sui, excidit, Actor. 1. vers. 16. 17. 18. & 20. Alii verò à Christo immortalis, è cœlis: & quidem vel duodecim Apostolis, statim ab ascensione Christi, inserti: ut Matthias, qui in demortui ac periti Judæ locum, autoritate generali Prophetiæ Davidicæ, & forte divinitus directus, fuit surrogatus: vel duodecim Apostolis postea adjuncti, ut Paulus Actor. 9. vers. 15. & cum eo Barnabas, Actor. 13. vers. 2. & cap. 14. vers. 14. & 1. Cor. 9. vers. 6. Gal. 2. vers. 9. qui duo καὶ ἑξοχῆ *Apostoli gentium*, nominantur, Rom. 11. vers. 13. 1. Timoth. 2. vers. 7. & Galat. 2. vers. 9. Eoque sensu Paulus, se *vocatum Apostolum*, asserit.

Quod munus primum à genere & subjecta materia; deinde à fine amplificat.

A genere quidem, cum ait, *separatus ad Evangelium*, hoc enim commune est omnibus verbi ministris.

Cum autem Evangelium generatim sit doctrina de Christo servatore credentium, Hebr. 4. vers. 2. Actor. 10. vers. 43. eaque doctrina sit vel promissionis Christi, vel missionis illius: non priori, sed posteriori modo, vox *Evangelii*, à Paulo usurpatur καὶ ἑξοχῆ, Luc. 2. vers. 10. 11. & 2. Tim. 1. vers. 10. Atque ita Paulus se separatim ad Evangelium illud, scilicet annunciandum, ait.

*Separatus* autem dicitur, non solum consilio Dei: sed etiam executione illius, ac vocatione divina, Gal. 1. v. 15. 16. Actor. 9. v. 15. Ephes. 3. v. 7. 1. Timoth. 1. vers. 11. & 2. Timoth. 1. v. 11.

Quod Evangelium & ad attentionem & ad docilitatem magnificè illustratur.

Primum à causa efficiente & authore suo, cum *Evangelium Dei* dicitur, vers. 1.

Deinde, per ἀποστέλλειν (quo subjectum orationis versus primi à suo attributo longè dirimitur) ab antiquitate ac veritate, & à subjecto: prius indicat, cum ait: *id ante à Deo promissum, per Prophetas suos in Scripturis Sanctis*: nam licet Prophetæ Evangelium promissionis Christi annuntiarent, non tamen exhibitionis illius ac missionis, 1. Pet. 1. vers. 10. 11. 12. posterius, cum addit, *de filio suo, Jesu Christo, Domino nostro*, cujus personam describit & qualitatem: seu quis sit & qualis sit. Ac personam quidem à naturis suis & effectis declarat.

Naturæ sunt, humana & divina. Quarum illam declarat à causa, cum efficiente remota, tum materia proxima; cum

ait: *factum ex semine Davidis*, hoc est, ex substantia Virginis Mariæ, è posteritate Davidis ortæ, ut Actor. 13. v. 23. & 2. Timoth. 2. v. 8. Galat. 4. v. 4. *secundum carnem*, hoc est, humanam naturam. Cujus corporis ortum describit, cum ait: *factum*, nimirum non naturæ vi, sed supernaturali Spiritus Sancti efficacia, Lucæ cap. 1. vers. 35. Hæc de vers. 3.

Divinam verò naturam indicat, & ab effecto omnipotentis ipsius, in vivificatione corporis sui confirmat, quando ait: *declaratum filium Dei, per potentiam, secundum Spiritum sanctificationis, per resurrectionem à mortuis*: ut Actor. 13. v. 31. & 32.

Cæterum quid hoc in loco *Spiritus sanctificationis* notet, disquiri solet. Quidam enim Spiritum Sanctum, tertiam Trinitatis personam intelligunt, qui Christum declaravit filium Dei, suscitatione corporis ipsius: quemadmodum Rom. 8. v. 11: nam Christus per Spiritum Sanctum se suscitavit: eoque verus Deus est: cum ratione effecti: quia suscitatio à mortuis, nempe vi sua, opus est solius Dei: tum ratione modi efficiendi; quia per Spiritum Sanctum operari, non nisi vero Deo convenit, qui æqualis Spiritui Sancto est, & personæ ordine eum antecedit. Alii verò de divina Christi natura interpretari malunt, moti his argumentis: primùm phrasi, quod *secundum Spiritum*: non autem *Spiritu*: nec per *Spiritum* dicatur: deinde antithesi antecedentis: *secundum carnem*: quo subjecti natura altera denotatur: denique similitum locorum comparatione, quod non solum, alibi, divina natura Spiritus vocetur, Joh. 4. v. 24. sed etiam distinctione quadam carni opponatur, 1. Tim. 3. v. 16. & 1. Pet. 3. v. 18.

Alterutrum statuamus, divina Christi natura asseritur: quia carnem suam divinæ naturæ potentiâ, reverà per Spiritum Sanctum à mortuis suscitavit, Joh. 2. v. 19. & c. 10. v. 18. Quæ interpretatio aptior est, quam quod nonnulli argumentam divinæ naturæ Christi, non à resurrectione, sed à Spiritus Sancti missione petunt volunt: quasi præpositio *Ex*, non efficientem denotaret, sed temporis circumstantiam, sive, *post*.

Hæc de vers. 4. & descriptione personæ à natura humana & divina: unde cognoscitur, quid sit, nempe verus Deus, verusque homo, Immanuel.

Qualis autem sit, triplici nomine denotatur; proprio, *Jesu*, quo beneficium illius notatur, salutis scilicet esse authorem: deinde cognomine *Christi*, quo officium denotatur: denique relata potestate, quæ ex officio & beneficio promanat, cum *Dominum* vocat. Hæc breviter tantum annotasse sufficiat.

Altera verò descriptio est ab effecto duplici, *gratia* & *Apostolatu* Pauli, cum ait, à Deo Patre, *per Christum Jesum gratiam accepisse*, hoc est, gratuitam peccatorum remissionem & reconciliationem per fidem; & Apostolatus munus. Sic enim videtur potius exponendum, quàm per *ἰσθαι-δύναμι*, aut per exegetin, *gratiam & Apostolatum*, pro gratuitum Apostolatum: aut gratiam, hoc est, Apostolatum: quia prior interpretatio uberius est, ac duo beneficia, non unum tantum complectitur: deinde cum Pauli zelo melius convenit, qui hæc duo dona, ad misericordiæ divinæ amplificationem & gratitudinis suæ testificationem, solet conjungere, ut 1. Timoth. 1. v. 12. 13. 14.

Atque hoc modo, ad propositum munus opportunè redit. Quod ut antea, à genere & subjecta materia, nempe separatione ad Evangelium: ita hoc loco, repetitâ causa efficiente, scilicet Christi mandato, declarat à fine, qui est *obedientia fidei omnium gentium*: eaque via, objectum quoque indicat, vers. 5. Quod expositione per exemplum fidelium Romanorum, ad eorum consolationem, & scriptionis hujus epistolæ autoritatem, & ad regressum commodiorem, & ut sententiam vers. 1. inchoatam, absolvat, illustratur, vers. 6.

Atque hætenus de inscriptionis subjecto & descriptione illius. Sequitur attributum, quo ostenditur Epistolæ objectum, seu quibus scribat, omnibus nimirum, qui Romæ sunt Christianis: quos ab adjuncta Dei dilectione ac vocatione & sanctificatione describit. Ut autem subjectum ad-

jecto suo prædicato copulemus, plena jam inscriptio est: *Paulus servus Jesu Christi, iis qui Romæ sunt &c. scribit.* Hæc enim attributi pars ellipsi usitata, in inscriptionibus omittitur.

Absoluta autem inscriptione, quæ prima præfationis pars est, subjicit Apostolus alteram, pro more suo, nimirum salutationem solennem, tanquam faustam salutis imprecationem. Mos enim antiquissimus est & humanissimus, benevolentiam testandæ & mutæ comparandæ gratiæ, à salutatione epistolas exordiri.

SALUTATIO autem in sacrarum literarum Epistolis Apostolicis, alia vulgaris est; ut *ἡ χαρὴν γαυδере* Metonymicè pro *salvere*; Actor. 15. v. 23. Jac. 1. v. 1. *ἡ εὐδοκίαν* *εὐχάριεν* prosperè agere & valere, 3 ep. Joh. v. 2. qua de re Luciani disputatio extat Tom. 3. pro lapsu in salutatione.

Peculiaris verò ea est salutio, quæ Apostolis propria ac familiaris; cujusmodi hæc est: qua indicatur voti subjecta materia & objectum (quod etiam materiæ efficiens) sive quid bonorum & à quo auctore voveat ac precetur.

Ac bona sunt *Gratia & Pax*. Quæ duo nonnulli per *ἡ-δύναμις*, & exegesis eodem referunt ac conjungunt, ut sit sensus; *gratuita pax*. Alii verò uberiori interpretatione hæc duo disjungunt significatione; ut gratia, gratuitam Dei benevolentiam notet: cujus effectum est Pax. Quæ propriè concordiam notat, sive ea cum Deo sit; sive cum hominibus aliis: aut cum conscientia nostra existat.

Impropriè verò per Synecdochen speciei, pro omnium bonorum genere ac cumulo; quia, *ut nulla salus bello*: ita contra, *pax optima rerum, quas homini novisse datum*: ut Silius Poëta loquitur. Quo sensu solemniter fuit ea Judæorum, Christi & Apostolorum salutandi formula: *Pax vobis*: quo modo etiam hinc usurpari videtur, ita tamen, ut prima ac potissima pacis cum Deo habeatur ratio; ex quo fonte beatitudo reliqua promanat. Hoc interim observandum est, qua lege bona fidelibus promittuntur à Deo; eadem etiam hinc peti à Paulo: gratiam quidem Dei ac salutem absolute; reliqua verò bona, cum conditione, & quatenus saluti conducunt. Deinde, gratiam & pacem, ut alibi, intelligendam, non principii respectu: ita enim eâ fruebantur: sed prorogationis & incrementi ratione: quemadmodum 1. Pet. 1. & 2. Pet. 1. dicitur, *gratia vobis & pax multiplicetur*: quo etiam sensu multæ promissiones ac vota accipi debent. Hæc bona optata: quæ huic epistolæ, ut & reliquis Apostolicis, accommodatissima sunt: quandoquidem summam & scopum doctrinæ Evangelii complectuntur.

Objectum verò voti & materiæ illius, seu bonorum Efficiens, unde ea precatur Apostolus, est *Deus Pater, & Dominus noster Jesus Christus*. Ille quidem, qui nobis Christum dedit, nosque in gratiam recepit ac pacem donat: Hic verò qui utrumque tanquam causa impulsiva & mediator noster, nobis promeritus est, v. 7.

Atque huic salutationi, *Gratulatio*, quæ tertia præfationis pars est, succedit: qua & fidem Romanorum laudat & amplificat: primum, ut hoc modo ad officium subdat calcar, ab adjuncta gloria honesta, quod ea fides tam illustri esset, *ut annuntiaretur in toto mundo*, hoc est per Metonymiam in totius mundi Ecclesiis: aut per Synecdochen non infrequentem, in bona Orbis parte, ac plurimis Ecclesiis: deinde, ut ad modestiam & gratitudinem erga Deum, exemplo præeat, gratiarum actione, ab auctore, *Deo*: quem suum vocat, ratione fidei suæ, & ministerii Evangelici, in quo, Spiritu, ipsi serviebat, ut sequentibus exponit. Quod autem addit, *per Christum*, illud referri potest vel ad proximum, quod Deus noster sit, nobis scilicet reconciliatus per Christum: aut ad remotius, *gratias ago*: quod videtur convenientius: quoniam ut bona à Patre per Christum obtinemus: sic per Filium Mediatorem, ad Patrem accedimus, & precatione ac gratiarum actione, sacrificia, per ipsum, 1. Pet. 2. v. 5. Heb. 13. v. 15. offerimus Patri v. 8.

Porro hanc gratulationem, à significatione desiderii invivendi Romanos comprobatur, quæ quarta ac postrema est præfationis pars. Hoc autem desiderium primò describit ab effectu, nempe continuis ea de re precibus: quibus, ut in re gravi, juramento addito, majorem fidem facit, vers. 9.

& 10. deinceps illustrat à fine utili ac duplici. Proximo quidem, *communicatione doni alicujus spiritualis*, hoc est, doctrinæ (ut postea v. 15.) aut consolationis, vers. 12. Remoto verò, confirmatione Romanorum, vers. 11. Quem finem, modestiæ causâ, & ad desiderii sui exaggerationem, exponit & amplificat à simili utilitate sua, vers. 12. cum ait: *ad communem consolationem percipiendam apud vos, per mutuam fidem, vestram simul & meam*: ut Rom. 15. vers. 32. Deinde per anticipationem quandam, hujus desiderii sui sinceritatem & constantiam probat, ab animi sui proposito frequenti quo eos inviscere statuerat. Objici enim poterat: Si tanto desiderio flagrasti, cur nos non invisisti hætenus. Respondet sibi non voluntatem defuisse, sed facultatem: quod impeditus fuerit, Dei providentiâ aliò avocante, Rom. 1. vers. 10. & cap. 15. vers. 22. & 32. Et simul finem desiderii expositum illustrius repetit, nempe fructum suum: quem à simili declarat fructu, inter reliquas gentes, vers. 13. Hoc autem desiderium & studium suum probat, vers. 14. à causa movente, scilicet ab officio suo: quod omnibus hominibus (quos distinguit in Græcos & Barbaros, sapientes & insipientes) sit debitor, ex vocatione Dei, ad Evangelium annuntiandum, ut ante vers. 5. præscripsit. Unde suum studium ad Evangelium Romanis annuntiandum, concludit vers. 15. Et transitionis gratiâ, confirmat, à præclaro animi sui, de Evangelii prædicatione, judicio: quod per *μίσω*, remotione contrarii pudoris indicat; quemadmodum 2. Tim. 1. vers. 8. & 12. ut ostendat se non solum Evangelium magni æstimare, sed etiam paratum esse, ad illius defensionem, contumelias & crucem sustinere.

Atque hætenus Epistolæ hujus PRÆFATIO, sequitur jam

TRACTATIO, quæ altera Epistolæ pars est, & quidem principalis: quæ accuratam religionis Christianæ institutionem complectitur: utpote quæ non tyronibus, sed in fide jam profectis Romanis, describitur: cujus summa est, *In Christo Jesu, neque circumciso quicquam valet, neque præputium, sed fides per charitatem operans*, Galat. 5. vers. 6. Quare tractationis hujus, quemadmodum in reliquis ferè Epistolis Pauli, duæ omninò sunt partes: quarum prior est dogmatica, quæ de fide agit, hinc ad caput usque 12. Altera verò Ethica & Parenætica est, de charitate & operibus fidei, capite 12. & tribus sequentibus. Ac prior agit potissimum de fidei cum effectis instrumentalibus, justificatione ac sanctificatione, in hac vita, & consequente post hanc, glorificatione: hinc usque ad cap. 9. tum de causis superioribus, electione ac vocatione, inde ad cap. 12. Quæ omnia ad doctrinam de justificatione gratuita, per fidem, stabiliendam & illustrandam pertinent.

Cujus Propositio est gemina, si quis accuratè consideret.

Prior est: *omnes homines tam Judæos quam gentiles fide Evangelii servari*; idque descriptione Evangelii denotatur: Quæ est expositio causæ impulsivæ, cur Paulum non pudeat illius: describit enim primò à *υπαλήθε*, seu adjuncta causa principali, cui inservit, (ut 1. Cor. 3. vers. 5. 6. 7. & 9.) videlicet *Dei potentia*. Sic autem Evangelium Metonymicè vocat, ut 1. Cor. 1. vers. 18. quod sit potentia Dei sese exerentis instrumentum: deinde ab effectu, salute, seu vita æterna: & subjecto illius, *omni credenti Evangelio*: quem distinguit in Judæum, & gentilem, quem usitatâ Synecdoche (quod Græcâ lingua, maxima orientis & occidentis pars uteretur) *Græcum* vocat. Qua in re æqualitas est Judæi & gentilis, si exceperis quod initio ordine prius Judæis Evangelium erat annunciandum, donec pertinaciâ suâ essent rejecti, v. 16.

Altera propositio priori *καὶ ἀπὸ* ac subjecta est, *quod per fidem justificemur*. Quod effectum Evangelio tribuitur: eoque modo prior propositio confirmatur. Quod enim nos per fidem justificat, illud etiam servat: quia justificatio, salutis est causa impulsiva prima & necessaria. Atqui Evangelium nos per fidem justificat. Ergo servat.

Assumptionem ita enunciat Apostolus. *Justitia enim Dei per illud retegitur, ex fide in fidem*: Quæ sententia, quia phrasis paulò obscurior est, exponi debet.



Iustitia autem Dei intelligitur non subjective, nec formaliter seu essentialis Dei iustitia: ut Andreas Osiander somniavit: (quem solidè cum alii, tum inprimis, in suis Institutionibus, refellit Calvinus) sed effectivè, donata nimirum Christi mediatoris obedientia, ad mortem usque crucis. Quæ *iustitia Dei* appellatur, non quod in Deo, aut Deus sit, sed quod à Deo data sit, Rom. 3. vers. 21. 22. 23. quæque iustitiæ humanæ & propriæ, seu nostris operibus acquisitæ opponitur, Rom. 10. vers. 3. 4. Phil. 3. vers. 9.

Hæc autem *iustitia* dicitur *Euangelio regi*: quod accipi potest bifariam: propriè, quod nobis clarè spectandam proponat Dei iustitiam, quæ ante occulta fuerat, gentibus quidem absolutè & omninò: Judæis verò partim & comparatè, quod umbris legalibus fuisset quodammodo involuta ac tecta. Secundò improprie per Metonymiam, ut ex antecedente consequens declaretur, quod non solum ostendat & offerat, sed etiam conferat Dei iustitiam: quæ sententia hoc in loco spectari omninò videtur, ut ex scopo & consequentibus colligitur.

Ea autem iustitia *regi* dicitur *ex fide*, id est, per fidem, Rom. 5. vers. 1. & 10. vers. 6. Gal. 3. v. 8. & alibi. Hic enim quasi duplex manus est consideranda: una, qua iustitia confertur à Deo, nempe Euangelium: altera, qua accipitur à nobis, nempe fides: quæ etiam Euangelii effectum est, & indes sua habet incrementa, propterea additur, *in fide*. Similis locutio est Psal. 84. vers. 8. unde liquet huius loci esse sententiam, *fide Euangelii, quæ indes augetur, nos iustificari*.

Atque hæc sunt propositiones confirmandæ, quibus additur confirmatio, ac primò communis: deinde propria. Prior est, quæ utrique convenit: eaque deprompta est ex autoritate testimonii Habac. cap. 2. vers. 4. *Iustus autem ex fide vivet*: quod etiam Gal. 3. vers. 11. & Heb. 10. v. 38. repetitur. Verba autem Prophetæ sunt, *וַיִּחְיֶה בְּיָדוֹ הַיְמָנִית* id est, *Iustus in fide sua vivet*: quæ cum orationis Paulinæ stylo consentiunt, nam *ex fide, & in fide, & per fidem*, ut Synonyma usurpantur. Et pronomem *sua* etsi non sit expressum, hoc in loco, ab Apostolo: tamen ex circumstantiis illius abundè colligitur.

Ad sensum verò quod attinet, summus est utriusque loci consensus. Nam quod objicitur: Prophetam agere, de fide, non promissionis Euangelii, de qua Paulus disserit; sed conservationis & liberationis, à captivitate Babylonica: nec de vita æterna, sed de temporaria tantum; illud, inquam, altera parte admittimus tanquam verum: alterà parte rejicimus, tanquam à vero alienum: quoniam utrumque Prophetæ, more Prophetico complectitur: nam in populo Dei, olim promissionis terrenæ, cælestium appendices fuerunt & notæ: & liberationis externæ ac conservationis populi Judaici, fundamentum fuit, promissio venturi Messiae, propter quem, sicut benedicti fuerunt, Gen. 22. v. 18. ita promissiones factæ & in eo confirmatæ, 2. Cor. 1. v. 20. Ad quam promissionem surrexerunt fide, eamque spectarunt potissimum. Nec enim in Prophetiis, id nominatim semper exprimi fuit necesse: quia ex antecedentibus Prophetiis ipsorumque Prophetarum interpretatione, pro ratione illius temporis, & veritatis dispensatione satis erat exploratum.

Hæc de consensu Apostoli & Prophetæ.

Cæterum duplex potest esse huius loci constructio, ut voces illæ *ex fide*, referantur ad descriptionem, vel subiecti, vel attributi: utraque pia expositio: sed prior, quemadmodum uberius est, sic etiam magis videtur convenire. Quod autem Hieron. in Comment. ad Gal. cap. 3. hinc colligit, non aliter posse quenkumque ad fidem venire & in ea vivere, nisi prius iustus fuisset, & puritate vitæ, quasi quibusdam ad fidem gradibus ascendisset: illud à re ipsa & fide Christiana alienum est: nam ut demus *ex fide*, ad attributum pertinere: non inde tamen sequeretur, iustus vivet per fidem: Ergò iustus est ante fidem: imò contrà iustus fide suâ quam habet, & qua iustus est, eadem vivet: quia fidei effectum est primum iustificatio; deinde per eam iustificati vita æterna.

Hæc de v. 17. & confirmatione communi utrique propositioni.

Propria verò est, quæ licet remotè etiam priori, secundæ tamen proximè convenit. Demonstrat enim nos iustificari gratiâ Dei, per fidem: argumento ducto, à remotione contrarii immediati, hoc fundamento supposito, iustificantur homines, aut iustitia Dei per fidem; aut suâ, per opera: Atqui nulli iustitiâ suâ, per opera iustificantur: Ergo per fidem iustitiâ Dei. Quæ propositio postea concluditur, cap. 3. v. 28.

Assumptionis verò loco, confirmationem illius adducit Apostolus, ex qua, suo loco conclusio colligitur. Ea autem est, quod omnes homines, cum gentiles, tum Judæi sint peccatores: ac propterea, non sua iustitia, per opera iustificari, inde consequitur. Ac de gentilibus hoc probat à v. 18. ad cap. 2. vers. 17. cum enim peccatum sit *ἀνομία*, seu legis transgressio, illiusque sint duæ species: impietas in Deum, qua prima legis tabula: & iniustitia in homines, qua secunda legis tabula violatur; utrumque iis attribuit & amplificat à communi partim effecto, *Dei ira*, quæ peccati poena est & simul argumentum: partim ab adjuncta peccati conscientiâ; ad exaggerandam peccati gravitatem, & iræ Dei iustitiam comprobandam; quod *veritatem*, id est, semen illud cognitionis Dei & gloriæ ipsi à nobis debet, in animis hominum reliquum & creaturarum speculo suscitatum, iniquè opprimant & suffocent v. 18.

Porro hanc propositam peccatorum descriptionem exponit ac confirmat Apostolus sequentibus. Ac primum de *impietate* agit: cujus ostendit *conscientiam, modum, & poenam*.

Conscientiam ex scientia & cognitione Dei evincit, *quod id, quod de Deo cognosci potest, manifestum sit in ipsis*, id est, eorum animis. Cum autem notitia Dei alia sit naturalis, alia supernaturalis: & naturalis rursus aut perfecta: qualis in Adam ante lapsum; aut imperfecta: qualis in posteris illius post lapsum: de hac demum loquitur Apostolus: eamque probat à causa efficiente Deo, quod hominibus *non revelatum est* manifestum fecerit, partim interius residua naturæ luce: partim exterius rerum creaturarum speculo, v. 19.

Ut enim cognitio supernaturalis est ex ore Dei & libro Sacrae Scripturæ: ita naturalis ex opere Dei & libro creaturarum; de quibus Psal. 19. & 1. Cor. 1. vers. 21. Ac propterea illud declarat & communit Apostolus, cum ait: *Dei invisibilia ex rebus factis intellecta pervideri*: quod à circumstantia temporis amplificat, addens, à *condito mundo*: & illustrat bifariam: primum expositione; cum enim non omnia Dei invisibilia, ex rebus creatis pervideantur, quæ revelantur Dei verbo; sed quædam tantummodo: ea explicat, quando subjicit, *æterna ejus potentia & divinitas*: deinde eventu adjuncto: *ut sint ipsi inexcusabiles*: nimirum non solum re ipsa, sed etiam specie ac prætextu; non solum ratione purgationis criminis, quæ carent: sed etiam ratione diminutionis illius, Luc. 12. vers. 47. 48. sic enim *καὶ ἡ ἀνομία*, comparatè cum ignorantibus Apostolus intelligit. Quo etiam modo, Christus, Judæos, peccato (nempe tanto) carituros fuisse ait, Joh. 9. v. 41. Nam quamvis deesset illa per creaturas doctrina, homines tamen non haberent, quod iustè ignorantia suæ prætenderent: cum illius ipsimet suo merito, in Adam, sint authores; sed jam antecedente illâ doctrinâ, tollitur non solum culpæ purgatio, per iustam negationem: sed etiam diminutio & purgationis species, v. 20. Idque probat Apostolus ab *impietatis modo*, quem describit per aphæresin & thesin: seu remotione officii pietatis & positione contrarii. Aphæresis illis derogat glorificationem, seu cultum Dei & gratiarum actionem, thesin verò contrariam attribuit gloriæ violationem, per idololatriam.

Cujus primùm causam & originem describit, nempe rationis humanæ vanitatem, qua lucem agnitionis veritatis obscurarunt, vers. 21. & stultam arrogantiam, in sapientiæ ipsorum prædicatione, cum se *σοφοί*, id est, sapientes appellarunt, vers. 22.

Deinde describit idololatriæ formam atque indignitatem summam: quod imagines efformarint: non solum hominum; sed etiam volucrum & quadrupedum, & reptilium: & in eas, quantum in ipsis quidem fuit, Dei gloriam mutarint: ut partim, simili ratione, Deus Psal. 106. v. 21. Israe-

Israelitis exprobrat : cuius rei indignitas indicatur amplius, partim creaturarum vilitate, partim oppositione corruptionis earum & incorruptionis Dei, vers. 23. Qua de re inter ceteros consulendi sunt inprimis Arnobius, Lactantius & Augustinus de civitate Dei.

Hanc impietatem & idololatriam amplificat ob effecto, *pœna promerita*, nimirum consequentibus peccatis, iusto Dei iudicio. Atque ita commodè transit ab impietate ad injustitiam gentium, quam inductione promissæ probat. Ac primum à nefandis & naturæ (adeoque & conscientiæ) adversis libidinibus : quæ proponuntur generatim & exponuntur speciatim ; quod libidinum *impuritate corpora sua inter se dedecorant*. Quæ uti geminam habet rationem, nimirum & culpæ & pœnæ ; sic etiam causam geminam. Nam quatenus culpa fuit, causa statuuntur *cupiditates cordium* ; quatenus verò pœna fuit, causa est iusta Dei *traditio*, per quam cupiditatibus mancipati sunt. Quamvis enim homines omnium libidinum & vitiorum fontes atque cupiditates habeant in se & ex se, Satanamque tentationum flabello irritantem : Deus tamen, ad generis humani conservationem, in hominibus, diversis gradibus providentiæ & Spiritus sui fræno & donorum occasionumque variarum collatione cupiditates illas reprimat ac coercet : contraque cum Deum impietatis dedecore ingratè & indignè offendent, tum ille tanquam iustus iudex, dona sua aufert, occasiones mutat, & fræna Satanæ & cupiditatibus hominum, laxando, pro iudicii sui iusti & sapientis mensura, homines iisdem, tanquam carnificibus & iræ suæ instrumentis puniendos tradit ; ut qui dedecore Deum affecerunt, ipsimet torti & tortores sese dedecorent. Sic enim vertere malim vocem *ἀναθήματα*, ut antithesis servetur clarius, ex aurea illa sententia, quæ de talionis huiusmodi lege generali extat, 1. Sam. 2. v. 30. *honorantes me honorabo: dedecorantes me, dedecorabo*. Hæc de v. 24.

Cujus pœnæ iustitiam, causæ redditione, à peccati impietatis & meriti illius gravitate ostendit. Nam idololatriam amplificat, additione gradus alterius : cum enim antea eformationem idoli ad Dei dedecus, gentilibus attribuerit : jam cultum iis etiam ascribit, & quidem *supra Deum*, aut *præterito Deo* : cuius Majestatem, ad amplificationem sceleris, describit ab effecto creationis, & gloria, quæ ei inde in secula debetur, Esai. 42. vers. 8. Quemadmodum sæpius in Prophetis, eo nomine, se colendum & è contrario idola omnino exterminanda esse, asserit, ut Jerem. 10. v. 10. 11. 12. Esai. 40. v. 22.

Atque hæc quidem de v. 25. & nefandarum libidinum generali descriptione & causa earum : quibus specialis deinde succedit, pro sexus diversitate, descriptio.

Nam primum mutæ sceminarum v. 25.

Deinde virorum naturæ repugnantes libidines indicantur, & effectum eorum, nempe pœna & *compensatio erroris* atque idololatriæ, v. 27.

Atque hæc de injustitia in proximum adversus legem castitatis naturæ, quæ præcepto septimo præscribitur. Sequuntur jam reliqua genera, quæ primum ab eadem causa efficiente, nempe contemptu Dei, & adjuncto, iusto illius iudicio, describit : quod videlicet *sicut non est visum eis Deum in notitia retinere*, id est, acceptam divinitus Dei notitiam fovere, Deumque habere sibi ob oculos mentis propositum, ad idololatriam & alia scelera fugienda : ita & Deus tanquam iustus mundi iudex, notitiam sui auferendo, *eos tradiderit in mentem improbam, ac iudicii omnis expertem* : unde sequutum, ut innata improbitate, & usu vitiorum confirmata, ea facerent, quæ minimè conveniebant, v. 28.

Quænam autem ea sint, demonstrat primum, generali *injustitiæ* nomine, quo quævis secundæ tabulæ violatio intelligitur. Deinde copiosa & miscellanea specialium vitiorum enumeratione exprimit : quæ ut faciliora sunt, & in Ethica præcepta impingunt, paucis perstringemus.

Primum est *scortatio*, qua Synecdochicè adulterium etiam includitur. Alterum, est *improbitas*, seu alteri malefaciendi studium. Tertium *avaritia*, immodica scilicet opes habendi cupiditas seu aviditas. Quartum est *invidia*, id est, *malitia* : quæ vox sumitur aut generatim pro vitio quovis,

aut speciatim : idque vel ut ignaviam in bono ; vel afflictionem, quæ proximo infertur, hoc est, noxam ; vel denique vindictæ cupiditatem designet : quo sensu, distinctè, non malè, à nonnullis, hoc loco accipitur. Quintum vitium est *invidia*, odium nimirum felicitatis alterius.

Sextum est (quod ex hoc, ut etiam ex sequentibus, sæpe oritur) *cædes*. Septimum, *contentio* seu lis injusta. Octavum, *dolus* seu fraus, veritati, ac sinceritati repugnans. Nonum est *malignitas*, seu morum improbitas, quæ omnia in deteriorem partem rapiunt atque interpretantur : quæ candori & æquitati repugnat, vers. 29.

Decimum & undecimum est, quod sint *susurriones*, qui clam ; & *obloquentes*, qui palam famam alterius traducunt ac lædunt. Quibus etiam additur *diabolus* : quæ vox accipi potest bifariam : primum passivè, ut *Deo exosos* significet ; deinde activè, ut *Dei ofores* designet. Ac priorem quidem interpretationem amplexus est verus ac vulgatus interpres, nec ut videtur (si vocis, qua utitur, inconcinnitatem prætereamus) ineptè : nam positio accentus in ultima hoc probat : alioqui scribendum potius (ut noster interpres Beza conjicit) *diaboli*. Deinde quia hic recensetur catalogus vitiorum tantum adversus secundam tabulam, ut antea adversus primam : at Dei oforem esse, pertinet ad primam ; ideoque esset importunum. Nec tamen in hoc vitiorum catalogo, ea vox, priori modo, cum pœnam notat, malè inferitur : quia cum calumniarum nimirum & convitiiorum vitium levius & quasi nihili æstimetur vulgò : proposita pœna, nempe Dei ira, impunitatis opinionem tollit, & gravitatem mali demonstrat : cuiusmodi admonitiones necessariae, ut Ephes. 5. vers. 6. Si cui tamen placet interpretari activè *Dei ofores*, poterit dicere, eodem pertinere : quod nimirum declaretur antecedentium peccatorum gravitas : & agatur de odio Dei non immediato, quod prima : sed mediato, quod secunda tabula prohibetur.

Nam ut susurriones & obtrectatores Deo sunt exosi : sic etiam Deum in proximo, quem contra mandatum Dei lædunt, oderunt.

Duodecimum vitium est quod sint *contumeliosi* seu *injuriis*.

Decimum tertium est *superbia*, indigna animi atque iniqua supra proximum elatio. Decimum quartum indicat, cum eos vocat *gloriosos*, qui fucato mendacio sese Thraſonis instar jactitant. Decimum quintum, quod repertis sceleribus non contenti novas perfidè vivendi & nocendi rationes excogitant. Decimum sextum, quod *parentibus immorigeri*, v. 30. Decimum septimum est *inscitia* aut *insipientia*, quæ (ut videtur, & loci huius ratio suadet, in quo de vitiis secundæ tabulæ agitur) *ἀγνοία*, affectatam proximi, & officii, erga eundem, ignorantiam hic significat ; quæ secundæ tabulæ, de qua agitur, repugnat : quemadmodum ignorantia Dei & officii erga Deum, primæ tabulæ adversatur. Decimum octavum vitium est, quod sint *fracti*, pacta & conventa violent. Decimum nonum, quod sint *asperi*, charitatis naturalis, erga sanguine junctos, expertes. Vicesimum quod *implacabiles*. Postremum vitium est, quod *immisericordes*, v. 31.

Ex quibus, gentes, satis superque injustitiæ in proximum convincuntur. Quam injustitiam Apostolus à singulari impudentia in sceleribus, non solum perpretandis, sed etiam contra iusti Dei iudicii conscientiam in aliis approbandis amplificat. Ex quo apparet, gentes non solum veritatem ratione primæ tabulæ, sed etiam ratione secundæ, ut antea vers. 18. propositum est, injustè detinuisse, vers. 32.

#### CONSECTARIA.

I. **Q**Uum hæc epistola sit Apostoli Christi : tanquam Christi verbum in pretio habenda est : ut etiam 2. Cor. 5. vers. 20. liquet.

II. Ad ministerium Ecclesiæ requiritur legitima vocatio, Pauli exemplo : ut etiam Rom. 10. vers. 15. & Heb. 5. vers. 4.

III. Evangelium nec humana doctrina est, nec nova : ac

propterea sine sacrilegio nihil in eo mutari potest; ut etiam Galat. 1. v. 8.

IV. Idem Deus author est Veteris & Novi Testamenti contra Manichæos & Marcionem: unde etiam Sacra Scriptura nominantur, v. 1. & 2.

V. Quum Christus sit Filius Dei, nempe proprius; ut Rom. 8. & unigenitus, Joh. 1. Spiritusque sui potentia resurrexerit à mortuis: pro imperio Apostolos mittat: noster sit Dominus: cui obediendum est fide: quique gratiam & fidem donat: sequitur hinc sex argumentis, verum esse Deum: contra Arrium, qui primam creaturam esse, per quam Deus deinde reliquas condiderit, docuit: & Samosatenum, qui meram creaturam statuit, nec ante existisse quam conceptus esset ac natus, v. 3. ad 8.

VI. Cum Filius Dei factus sit ex semine Davidis secundum carnem: ut etiam Act. 2. v. 30. & Rom. 9. v. 5. & 2. Tim. 2. v. 8. sequitur esse verum hominem, nec carnem à cælo detulisse; contra Marcionem & Anabaptistas. Qua de re consulendus Tertull. de carne Christi: & Basilus Magnus de Spiritu Sancto, cap. 5.

VII. Hinc etiam liquet, Mariam, Christi matrem, esse Deiparam, contra Nestorium. Videatur Cyrillus, de recta fide ad Reginas.

VIII. Vocatio & Sanctificatio fidelium sunt gratuita, vers. 5.

IX. Fides est Dei donum, v. 5. 6. 7.

X. Fidelium est, confessione fidei & vitâ Christianâ, fidem coram hominibus testari, v. 3. & 8. simile est Jacob. 2. vers. 18.

XI. Charitatis Christianæ est, non solum sibi, sed aliis etiam bene precari: nec propriis tantum gaudere bonis, sed etiam proximo ea gratulari, Deoque gratias agere, vers. 7. & 8.

XII. Quum legitima juramenta, ad sapientiæ, veritatis, justitiæ & omnipotentiae Dei gloriam: & ad controversias dirimendas: fidemque ac pacem inter homines colendam pertineant, Heb. 6. v. 16. deinde cum & à Christo adjurato, Matth. 26. v. 63. 64. & ab Apostolis Spiritus Dei instinctu loquentibus, 2. Cor. 1. v. 23. Phil. 1. v. 8. & à sanctis Angelis, Apoc. 10. vers. 6. usurpata sint: sequitur Christum, Matt. 5. & Jacobum cap. 5. non omnia (quia Scriptura sibi contradicere non potest) sed illegitima tantum juramenta prohibuisse.

XIII. Deo serviendum est ex animo & sincerè, vers. 9. ut Joh. 4. v. 23.

XIV. Deus omnia & singula dirigit: Quare in vita nostra, & actionibus ac consiliis, ab illius providentia pendere nos decet, Jacob. 4. v. 13.

XV. Preces piorum providentiæ Dei non repugnant: sed inserviunt: ut etiam Gen. 20. v. 7.

XVI. Eas autem oportet non ad creaturas, sed ad Deum dirigi & esse continuas, v. 10. & 12. ut etiam Ps. 50. v. 16. Luc. 18. v. 1. 1. Thess. 5. v. 17.

XVII. Ministrorum Evangelii studium esse debet, non ut aliis præfint; sed ut profint pro virili, 2. Cor. 12. v. 14.

XVIII. Non minus laborandum est de confirmandis, atque de constituendis Ecclesiis.

XIX. Cum ministerio verbi spiritualia dona conferantur, fides generetur ac foveatur; sequitur contra Libertinorum contemptum, illud in maximo pretio habendum esse, 1. Cor. 3. v. 5. & 9.

XX. Ut in aliis, sic in Ecclesiæ constitutione, vox viva magis afficit, quam scripta. *Habet enim* (inquit Hieron. in Epist. ad Paulinum) *nescio quid latentis inæpiae viva vox, & in discipuli aures, de auctoris ore transfusa, fortius sonat*, v. 11.

XXI. Nemo adeo excellit donis, quin ab inferioribus etiam aliquid percipere possit adjumenti: quamobrem exemplo Pauli, modestè de nobis: de aliis verò honestè sentiendum ac loquendum, vers. 12.

XXII. Ecclesiæ officium est, ut pastorum diligentiam, obedientia fidei & vitæ Christianæ recreent, v. 12.

XXIII. Verissimum proverbium est; homo proponit, Deus disponit.

XXIV. Veri pastoris est, non opes nec honores, sed

fidem auditorum, ejusque incrementum, præcipuum laboris sui fructum judicare, v. 13.

XXV. Officii nostri memores esse nos decet, & pro illius ratione, vitam pro viribus instituire.

XXVI. Ab auditione Evangelii nec sapientia quenam eximit; nec imperitia excusat, v. 14.

XXVII. Cum Evangelium sit potentia Dei ad salutem, non immeritò ceteris doctrinis, adeoque & legi præfertur: & Spiritus ac justitiæ ministerium dicitur, 2. Corinth. 3. vers. 8. 9.

XXVIII. Quare ministrorum verbi officium est, nec pudere ipsos Evangelii, nec in eo docendo segnescere: omnium verò honorare.

XXIX. Honor autem hic constat non in sola auditione; sed etiam in fidei obedientia & propagatione illius, v. 16.

XXX. Justitia Christi Dei donum est, quod nobis gratuito confertur: & quidem naturâ ignotum.

XXXI. Non solum initium, sed etiam progressus justificationis contingit fide: contra Pontificios, v. 17.

XXXII. Ut Deo placeamus, pietati & justitiæ studendum est.

XXXIII. Calamitatum fons est peccatum.

XXXIV. Cognitio Dei & officii nostri erga Deum, peccatum aggravat, ut Luc. 12. v. 47.

XXXV. Idcirco parendum est cognitiæ veritati, v. 18.

XXXVI. Res creatæ sunt naturæ divinæ speculum: qua in re Physices utilitas apparet.

XXXVII. Cognitio Dei naturalis, quæ ex rerum creaturarum contemplatione comparatur, sceleribus ignorantiae prætextum eripere potest, v. 20. Sola verò supernaturalis, quæ ex revelatione Evangelii oritur, servare potest, vers. 16.

XXXVIII. Dei cognitio ad illius gloriam & gratitudinem servire debet.

XXXIX. Gloria autem Dei in eo sita est, non ut eum pro arbitrio colamus: sed convenienter naturæ & majestati illius.

XL. Nihil idololatriæ vanius, nihil indignius, v. 21. 22.

XLI. Dei similitudo nulla fingenda, nulla pingenda, multò minus colenda: Ideoque rejiciendi Pontificii, qui imagines *laicorum libros* appellant, vers. 23. Deut. 4. v. 15. & Esai. 40. vers. 18.

XLII. Idololatria omnium flagitiorum ac scelerum origo est.

XLIII. *Omne peccatum (quod tamen citius poenitentia non tegitur) aut peccatum est & causa peccati: aut peccatum & poena peccati: quemadmodum ait Gregorius Magnus in Jobum cap. 5.*

XLIV. Deus non est author peccati: sed ultor ac vindex: dum non debitam gratiam ab hominibus contemptam, justè subtrahendo, & cupiditatibus humanis Satanæque furori habenas laxando, peccata hominum erumpere sinat, ac priora peccata punit, vers. 24.

XLV. Peccati stipendium mors est.

XLVI. Summus autem peccati gradus est, scelera perpetrantibus applaudere.

## C A P. II.

**P**rimo capite demonstravit Apostolus, omnes gentiles esse peccatores. Verum cum eorum alii sint apertè & impudenter injusti, Rom. 1. v. 32. alii opertè, suæque opinionis & speciei quadam justii, nempe hypocritæ: hosce non minus, quàm illos (ut propositam accusationem illustret & amplifcet) peccati convincit, anticipatione duplici. Quarum prior continetur, vers. 1. 2. & 3. ejusque objectio, ex cap. 1. v. 32. orta, est hujusmodi.

*Non applaudo sceleratis, sed eorum scelera damno.*

*Ergo ego innocens sum & excusabilis.*

Respondet Apostolus non sequi: sed contra eò magis inexcusabilis es & auctoritate: quia quæ damnas committis eadem, nempe genere aut specie: exterius palam aut clanculum, aut saltem interno animi motu, v. 1.

Hoc autem probat à principio naturali, seu à communi notitia, & quidem Syllogismo integro: Qui talia agunt, judi-

judicium Dei non effugient, v. 2. Tu hypocrita, qui damnas eos, qui talia agunt, eadem facis, v. 3. Ergo judicium Dei non effugies, ibidem.

Quo in loco observandum est simul argumentum à minori: Tu damnas alios: ergo tu magis damnandus à Deo, utpote qui majori cum notitiâ peccasti.

Anticipationis secundæ objectio est ex c. i. v. 18. Deus me non punit ut reliquos: sed contrâ multis afficit beneficiis. Ergo innocens sum & à judicio Dei liber. Respondet Apostolus, non sequi: primum quoniam beneficiorum & impunitatis causa est, non innocentia tua: sed copiosa Dei benignitas & tolerantia ad resipiscentiam invitans, v. 4.

Deinde impunitas ista non erit perpetua: sed tandem extremo die, quo justum & universale suum judicium exercebit Deus, gravitate supplicii tarditatem compensabit, vers. 5.

Porro justitiam judicii illius accommodata expolitione definit generatim: *quia reddet unicuique secundum opus suum*: Non quod bona opera nostra salutem promereantur: quemadmodum vulgò omnes Pontificii malè colligunt: nam vox *κτ*, *secundum*, hoc in loco non causam & meritum, sed ordinem & consequentiam ostendit: seu quosnam, non quare Deus servet, ut scopus & contradictio Apostoli, cap. 3. v. 20. & totius epistolæ ratio luculenter evincunt. Hinc præclare, ut multa, Bernhardus: *bona opera*, ait, *esse non causam regnandi: sed viam regni*. Ac quamvis mala opera sint non solum via, sed etiam causa & meritum damnationis, hoc tamen hac voce *κτ*, id est, secundum, non indicatur hac sententiâ: sed prius tantum. Atque ita tandem communis ratio est, bonorum & malorum operum, quod iis convenienter reddatur, nempe malis culpæ, malum exiti ac pœnæ æternæ: contraque bonis, id est, virtutis operibus, bona vitæ æternæ: utrumque secundum comminationem & promissionem Dei. Neque sequitur mala opera merentur mortem: Ergo bona nostra opera merentur salutem: quoniam opera mala sunt per se mala, ideoque per se mortem merentur, ex sententia legis, Deuter. 27. v. 27. Sed bona nostra opera imperfecta sunt quantitate & qualitate: seu numero, Jacob. 3. vers. 2. & mali contagio, Galat. 5. v. 17. Ideoque absolute & per se considerando, bona nostra opera mala sunt, ob defectum, & secundum rigorem legis, quæ omnium præceptorum, ex toto animo, ex omnibus viribus & perpetuam obedientiam flagitat: sed bona dicuntur, & sunt secundum quid, ratione operationis divinæ, & per accidens gratiæ Christi regentis defectus nostros, cum in numero bonorum operum, tum etiam in gradu, Hebr. 13. vers. 21. & 1. Pet. 2. vers. 5. & Exod. 28. vers. 39. typo sacerdotis summi sanctificantis oblationes Israëlitarum. Ex quibus locis deprompta est illa Augustini trita sententia, quâ ait: *Deum coronare in nobis, non meritis nostris, sed opera sua*. Hæc de vers. 6.

Deinde definitionem hanc addita distributione subjecti speciatim illustrat. Ac primum ratione qualitatis, agit de judicio erga justos, v. 7.

Secundò de judicio adversus impios, vers. 8.

Quæ duo per regressionem amplificantur prolepticè à partitione subjecti, nempe nationis, ne quis sese eximat, vers. 9. & 10.

Idque confirmatur à natura Dei *ἀποστολική*, v. 11. ac declaratur v. 12.

Denique amplificatur objectionis anticipationem duplici: Quarum prima contrâ Judæos, qui legis cognitione gloriabantur, eaque sese à judicio Dei tutos esse opinabantur, & lege justificandos: contra quos Apostolus ait, *non auditores legis, sed factores justificandos*: id quod non absolute intelligendum est: nam ex lege nemo justificatur, c. 3. v. 20. sed ex hypothesi; si quis inde justificandus sit: quemadmodum Christus etiam respondet, Matth. 19. v. 17. nam justificatio una est ex lege, quæ propriâ & à se servatâ nititur justitiâ, quâ quum omnes careamus, nemo hanc justificationem consequitur præter Christum. Altera est ex Evangelio, qua per fidem, Christi justitiâ, justus judicamur, vers. 13.

Secunda contra gentiles occupatio est, qui legis igno-

rantiam prætereundere potuissent. Docet enim quamvis legem Moïsis non habuerint, habere tamen legem naturæ. Id quod ab effectis demonstrat, nimirum quod illius ductu, *ea quæ legis sunt, faciunt*. Quod indefinite dicitur, & de multis intelligendum: qui ea faciunt; exterius, leges honestas præscribendo ac servando, v. 14. interius, conscientia testimonio omnes sese excusando aut accusando, v. 15.

Id quod est instar præjudicii, ad diem judicii, v. 16.

Nam *ἀνίστα* pro *ἀνίστα*, satis usitata permutatione, positum esse, res ipsa ostendit.

Atque hoc modo hæcenus probavit Apostolus, omnes gentiles esse peccatores, damnationi obnoxios.

Deinceps verò idem de Judæis speciatim demonstrat, ab hoc loco, ad capitis 3. versum 25. Ac primum ratione & testimonio divino. Illa continetur à vers. 17. ad 24.

Et quidem primò per apostrophem atque concessionem quandam amplificatur, prudentissimè. Ea enim quibus gloriabantur Judæi, ac sese gentilibus præferabant, in contrarium retorquet: nam privilegia Judæorum recenset; ac deinde abusum illorum, summamque in Deum ingratitudinem reprehendit atque exaggerat.

Privilegia autem proponuntur quatuor. Primum gentis, quod essent Judæi, ex posteris Abrahami, & tribu primaria Judæ. Alterum religionis, quod haberent & profiterentur legem. Tertium est fœderis cum Deo & electionis in populum illius, vers. 17. Quartum institutionis & scientiæ legis, vers. 18. Quam amplificat ab adjuncta ingrataque arrogantia & effectis erga profelytos ac similes, v. 19. & 20.

Reprehensio verò Judæos esse legis transgressores, & in Deum (à quo, sine suo merito, privilegiis illis donati erant) injurios arguit, primum generatim, initio vers. 21. deinde speciatim inductione transgressionum: exempli causa, furti v. 21. in fine, & adulterii atque sacrilegii, vers. 22.

Quam inductionem Synonyma generis repetitione abruptit ac concludit, addita illustratione, ab effectis illius, contumelia in Deum, seu dedecoratione Dei, vers. 23.

Quam reprehensionem totam *ἀποστολική* & majoris ponderis gratiâ, versibus 21. 22. & 23. interrogatione continua amplificat, dum ad conscientia ipsorum testimonium provocat.

Porro dedecorationem Dei probat ab effectu illius, blasphemiam inter gentes, inde orta: ad quod adducit testimonium divinum ex Ezech. 36. vers. 23. petitum, vers. 24. Quo loco Propheta futuram Judæorum temporibus Messie exhibiti conditionem, prænunciat ac perstringit.

Cæterum hæc omnia illustrantur anticipationem, qua objectioni occurrit. Objectio est: Circumcisio non est inutilis: cum sit signum fœderis, & cultus divinitus institutus. Ergo Judæi non sunt gentilibus incircumcisis, ratione peccati & damnationis, pares.

Verum respondet Apostolus ad antecedens: Circumcisionem (nempe acceptam ante Christum, qualis Judæorum erat, contra quos disputatur) non esse inutilem, modo servetur institutio divina: nempe si præstetur lex: sin secus, parem esse præputio & incircumcisioni, vers. 25.

Id quod amplificatur comparatione majoris, imò gentiles incircumcisos, si legem pro virili servarint, Judæis circumcisis legisque violatoribus præferendos, v. 26. & 27.

Quæ omnia confirmantur definitione Deo accepti Judæi & circumcissionis illi gratæ: per aphoresin vers. 28. & thesin, vers. 29. Qua ratione, Judæi & Gentilis discrimen, quod antea viguit, tollitur in Christo.

#### C O N S E C T A R I A.

I. **E**A est hominum *φύσις*, ut peccata sua plerumque excusare studeant (ut Gen. 3. v. 21.) & superbia, ut alios superciliosè damnent, ut Luc. 18. vers. 11.

II. Multi, dum aliorum peccata, sui obliti, severius accusant, seipsos imprudentes condemnant: ut David, 1. Reg. 11. v. 7.

III. Quamobrem in aliorum peccatis judicandis, opus est moderatione & innocentia.

IV. Siquidem (ut Galat. 6. v. 4. & 5.) non accusatione pec-



ne peccatorum sola: sed peccati fuga Deo probamur, vers. 1.

V. Ut iudicium Dei effugiamus, fugienda sunt prius peccata, v. 3.

VI. Deum esse iustum peccatorum iudicem, omnibus notum esse debet.

VII. Improbiorum impunitas ac felicitas temporaria, nec iustitiae eorum, nec iniustitiae divinae indicia sunt: sed contra benignitatis & tolerantiae Dei, ad resipiscentiam invitantis, & nisi resipuerint serio, majoris tandem supplicii sequuturi argumenta, vers. 4. Similia loca extant Malach. 3. v. 14. & 4. v. 1. Psalm. 73. vers. 17.

VIII. Quocirca non est causa iusta, quamobrem felicitati improborum hominum (fortis nostrae tadio) invidemus: aut Dei iudicium immaturius illis imprecemur, Psalm. 37. vers. 1.

IX. Dei tolerantiam nemo perpetuo impunè abutitur: ac propterea peccandi consuetudo, seria & maturâ resipiscentiam praecedenda est vers. 5.

X. In bonorum operum cursu (ut 1. Cor. 9. v. 24.) non solum initium: sed etiam perseverantia ad finem postulatur, vers. 7.

XI. Magnum Dei beneficium est, ex piis maioribus in Ecclesia Dei esse ortum, & verbi illius habere notitiam.

XII. Piorum parentum officium est, à teneris unguiculis suos liberos, ex Dei verbo instituere: omnium verò ejus cognitioni dare operam, v. 18.

XIII. Usus & laus scientiae Verbi Divini, non sola contemplatione; sed etiam, ac potissimum in actione consistit.

XIV. Actio autem ea requiritur, ut primum nos ipsos ad verbi divini praescriptum componamus: deinde verò ut aberrantes, pro muneris ratione, in viam revocare ac reducere studeamus.

XV. Nihil indignius est, quam ea securè admittere crimina, quae quis in alio reprehendit, iustitiae suae fiducia; nihil tamen frequentius, vers. 21.

XVI. Summus honor Dei, est observantia praeceptorum illius: eorum verò neglectus, summum dedecus.

XVII. Sedulo cavendum est, ne peccatis nostris blasphemiae occasione praebeamus. Contra verò laborandum est, ut pietate nostra, ad Deum laudandum & colendum alios provocemus, vers. 24.

XVIII. Multi neglectâ pietate, de externo Dei cultu praeposterè gloriantur.

XIX. Sacramenta gratiae, in legitimo usu, seu fide & resipiscentia praeditis efficacia sunt: extra illum usum, Sacramenta planè non sunt: sed potius condemnationis majoris instrumenta. Ac propterea Pontificiorum, de opere operato, opinio, penitus corrui.

XX. Exterior religionis professio sine regeneratione, nullius est momenti. Ac propterea interior Dei cultus exteriori conjungendus, ac meritò praefendus, v. 25.

XXI. Deo probari (qui nec fallere potest, nec falli) vera & summa laus est: cuius avidi esse debemus. Laus verò quae ab hominibus proficiscitur, fallax est: ac propterea per se ambienda absolutè non est: nec eâ nitendum, v. 29. & 2. Cor. 10. v. 18.

### C A P. III.

Postquam Judaeos, peccatorum, & meritorum ratione, Gentilibus similes ostendit Apostolus: idem hoc c. 3. anticipationem nova, suisque partibus explicata illustrat: constat enim expressâ objectionem absurdi, & subiectionem responsionis.

Obiectio autem ex superioribus orta, huiusmodi est:

Si Judaei circumcisi, & gentiles incircumcisi similiter sunt peccatores, & irae Dei obnoxii, consequitur, Judaeos nullâ ratione praestare gentilibus: nec ullam circumcisionis esse utilitatem. Quod absurdum esse, interrogationis formula indicatur, v. 1.

Subiectio responsionis est bimembris, pro relatione duplici: nam ut praestantia Judaei considerari potest, aut ra-

tione gratiae divinitus collatae, ac bonorum acceptorum: aut ratione relatae gratiae & iustitiae: ita prima responsionis parte, consequentiam negat, per contradictionem, v. 2. Imò multis nominibus nihilominus praestant Judaei: nempe ratione bonorum acceptorum à Deo: quod exemplo confirmatur illustri ac praecipuè; quod eorum fidei Deus sua oracula crediderit, hoc est, tabulas foederis, legem ac promissiones: cum olim, per Moysi & Prophetarum scripturas, praeteritis gentilibus: tum primo loco, tempore Christi: ut sequentia loca demonstrant, Deut. 4. vers. 8. Psalm. 147. vers. 20. Rom. 9. vers. 4. 5. Actor. 14. v. 16. & 13. v. 26. & 46. Rom. 1. vers. 16.

Quae responsio solutione alterius nodi ac exceptionis confirmatur. At verò Judaei quidam increduli fuerunt. Ergo Judaeis verbum Dei non prodest: ut Hebr. 4. vers. 2. Negat autem Apostolus consequentiam: quia etli quidam fuerunt increduli; utile tamen est Dei verbum Judaeis aliis: quod à fide & promissione Dei demonstrat, quae alioqui redderetur inanis, v. 3.

Cum autem promissio alia sit conditionalis, cuius complementum pendet ab hominum obedientia in conditione praestanda: alia absoluta: prior quodammodo inanis reddi potest, non quidem Dei promittentis; sed hominum, conditionem violantium vitio: posterior verò non potest: siquidem solo Dei beneplacito & decreto immutabili innititur: cuiusmodi haec promissio de qua agitur, Rom. 11. v. 1. Quamobrem fieri non posse, ut inanis ea reddatur, asserit Apostolus, detestationis quadam formulâ, *Ab sit*. Quod probatur ab attributo Dei, qui verax est: non autem hominum instar, qui natura ad mendacium proclives, Psalm. 116. vers. 11. Idque illustrat ex testimonio Davidis, Psalm. 51. v. 6. ab eventu, nempe veritatis Dei adversus homines infidos, atque iniustos patefactione, v. 4.

Porro ut impudentem quorundam Judaeorum, Evangelio & Paulo reluctantium, calumniam anticiparet ac refelleret, digressionem interferit: qua ut calumniam opponit; ita confutationem illius reponit, & objecta diluit. Calumniae obiectio occasionem arripit ex testimonio Davidis hoc modo: Si iniustitia nostra Dei iustitiam ac veritatem, in promissione servanda, commendat: Ergo iniustus est Deus, qui nos punit. Quod quia objicit Apostolus, non ex spiritus & animi sui iudicio, sed ex communi hominum adversariorum sententia, idcirco subijcit *humano more loquor*, vers. 5.

Responsio verò est, vers. 6. Negatio videlicet consequentiae, per detestationem: quam probat ab effectu Dei proprio, mundi iudicio, nempe iusto.

Cum autem iudicium Dei aliud sit universale, quod ultimo die: aliud particulare, quod quotidie exercet, Genes. 18. vers. 28. generatim utrumque hoc in loco intelligitur.

Ut autem clarius sit solutio, dicendum est, fallaciam esse à non causa, ut causa: non enim iniustitia hominum, causa efficiens est commendationis iustitiae Dei, aut illustrationis illius: sed tantum accidens & occasio: quam Deus clementer ac sapienter regit, ad suam gloriam: quod Dei regimen huius gloriae causa est.

Quoniam verò haec doctrina magni momenti est, & calumnia valde noxia; idcirco obiectio repetitur, & cum incremento exponitur: Si veritas Dei nostro mendacio illustratur, non sumus nos (cum aliis, qui gloriam Dei obscurant) propter peccata puniendi v. 7. Imò contra, facienda sunt mala, ut eveniant bona. Superiori responsioni acquiescens Apostolus conclusionis obiectae dogma falsò sibi attribui attestatur: & indignitate rei motus, damnationem iustam huiusmodi hominibus denuntiat, v. 8.

Atque ita digressionem absolutam, ad propositum regressionem adjungit, quae alteram responsionis partem completitur; repetita, ad rei intelligentiam ampliorem, objectionem, per quaestionem, qua responsionis asperitatem mitigat communicatione, qua sese reliquis Judaeis annumerat. Quaestio est. *Quid igitur? an praecellimus?* Responsio negat Judaeos praestare gentilibus, nempe iustitia & meritis: idque declarat & confirmat ex antecedente disputatione, qua arguit

guit & convicit omnes, cum gentiles, tum Judæos, esse peccatores. Ex qua sententia perspicue elucet, quænam sit primaria antecedentium conclusio, & scopus, ad quem pertinent v. 9.

Atque hoc porro, inductione quadam sex testimoniorum Sacræ Scripturæ, demonstrat à vers. 10. ad 19. quæ omnia è Psalmis petita sunt, nim. 53. 5. 140. 10. 36. excepto penultimo, quod ex Esa. 59. adducitur; quibus locis conjunctis demonstratur, omnes homines esse peccatores.

Primum universè v. 10. deinde particulatim, partium inductione, per aphæresin & thesin: nam per aphæresin, primum virtutes internas animi iis derogat: secundo corporis. Animi quidem; cum ratione mentis, quod *non sit, qui intelligat Deum*, hoc est rectè agnoscat; tum ratione cordis & voluntatis, quod *non sit, qui exquirat Deum*, v. 11.

Corporis verò, quod *omnes deflexerunt*, nempe à recta verbi divini via, omnesque *inutiles*, cum Deo, tum proximo facti sunt: quæ inductio, universalis sententiæ repetitione concluditur, quod *non sit, qui faciat bonum, ne quidem adunum*: id est, nullus omnino. v. 12.

Deinde per thesin, externa hominum peccata inductione alterâ describuntur: quæ ut partim sermone, partim opere perpetrantur: ita horum patheticè sit mentio. Ac sermonis peccata gradatione quadam instrumentorum eleganti, & similitudinibus aptis illustrata depinguntur. Instrumenta enim sermonis statuuntur, *guttur, lingua, labia*, os, v. 13. & 14.

Peccata in opere sita, pedum ministerio ad effundendum sanguinem, Synecdochicè indicantur v. 15. & effecto eorum, contritione & calamitate quam inferunt, populumque invadunt v. 16.

Quorum peccatorum interni fontes aperiuntur duo, quod destituantur amore proximi, & timore (eoque & amore) Dei. Quorum prius indicatur his verbis: *viam pacis*, nempe cum proximo, *non cognoverunt*: hoc est, per Metonym. ut Ps. 1. 6. non amarunt. v. 17.

Alterum sequentibus. *Non est timor Dei coram oculis eorum*. v. 18. Quæ omnia loca appositè ad propositum Apostoli accommodantur: quia partim disertè de omnibus hominibus loquuntur: partim in sceleratis, communem hominum naturam (quæ in impiis regnat, in piis, à Spir. S. correctâ, repugnat) ob oculos depingunt: potissimum verò Esaïæ locum esse generalem, liquet ex preceatione illius, qua sese peccatoribus c. 59. 12. annumerat; quapropter Apostolus hæc dicta, de Judæis etiam agere, ut omnes peccati & meritæ damnationis convincantur, à communi Judæorum conscientia comprobatur. v. 19.

Denique cum satis probatum sit, omnes, cum gentiles tum Judæos, esse peccatores, & justitia sua vacuos, concludit, neminem ex operibus legis justificari: sententiâ petita ex Psal. 143. v. 2. quæ repetitur Gal. 2. v. 16. eaque via artificiosè, à testimonio Dei, conclusionem confirmat: cui rationem annectit, ab effecto legis, quod per eam non sit medela, sed agnitio peccati nostri: quod in eâ (ut Jac. 1. vers. 23. liquet) tanquam in speculo oppositum reluceat, comparatione nostri cum lege institutâ: quæ tanquam norma perfectissima recti index est, & simul obliqui: non solum generatim; sed etiam collatione facta in nobis, v. 20. Quo usu legis proposito, anticipat objectionem de inutilitate legis: ne quis regerat, si lex non justificat, inutilis est; qua de realibi etiam in hac epistola differit. Atque ita justificationis modum per aphæresin demonstravit Apostolus antecedenti disputatione; videlicet quomodo non justificemur justitiâ nostra, seu ex operibus nostris. Deinceps verò transit ad thesin & ad propositionem epistolæ principalem: quam primum proponit ac confirmat generatim vers. 21. deinde fusius exponit sequentibus.

Propositio autem declarat, quo justificemur: nempe justitia Dei, quæ Christi justitia est, nobis à Patre gratuito donata & imputata: & nostræ, quæ ex lege est, opponitur, Rom. 10. v. 3. & Phil. 3. v. 9. Quam justitiam Dei illustrat comparatè ab adjuncta claritate, quod nunc post Christum exhibitum, Evangelio patefacta sit: quæ sub V. T. quodammodo umbris involuta latebat, Rom. 1. v. 17. 16. 25.

1. Cor. 2. 7. Col. 1. 26. Eph. 3. 9. 2. Tim. 1. 10. & 1. Pet. 1. 20. Hanc autem justitiam Dei probat generatim à testimoniis legis & prophetarum, ut Rom. 1. 2. Act. 10. 43. quæ partim suprâ adduxit Rom. 1. 17. partim sequenti capite adducturus est. Deinde expositione & expolitione justitiæ Dei describit: primum à causâ instrumentali communicationis illius, nempe fide in Christum; deinde à subjecto, nempe fidelibus; quod à quantitate sua describit, cum ait, *in omnes*; & ad auxelin, *super omnes*: idque probat à pari: *Non enim est distinctio*: videlicet hominum, ratione gentis, sexus, aut similibus circumstantiarum. v. 22.

Paritatem autem confirmat dupliciter. Primum ex antecedenti disputatione, à communi miseria: nempe peccato, & stipendio illius, privatione vitæ æternæ. Quam vitam, per Meton. adjuncti, pro suo subjecto, *gloriam Dei* nominat: ut ante Rom. 2. vers. 10. *gloriæ* vox usurpatur. Posset etiam, ut arbitror, non incommode per *gloriam Dei* intelligi, non ea quam Deus hominibus confert, seu vita æterna gloriosa; sed quam ab iis, pro merito refert: ut hoc modo amplificentur hominum peccata, quod Deum non glorificaverint, sed ignominia affecerint; quemadmodum de gentilibus Rom. 1. v. 21. & de Judæis Rom. 2. v. 23. 24. demonstratum est. Quomodo objectio ante vers. 7. hujus capitis proposita, amplius retunderetur, vers. 23. Sed tamen prior expositio uberior est.

Secundò idem comprobatur à communi liberatione & justificatione: quam explicat à causis; ac primum efficientibus, principalis quidem statuitur Deus Pater: impulsiva verò duplex *ἐλεησέμεν, Dei gratia*, hoc est, gratuita Dei ad salutem conferendam benevolentia: & quidem, non ullo operum merito, ac mixta: sed mera: ideoque additur *gratis*, & *ἀντιπαράβολον*, redemptio seu satisfactio, facta per Jesum Christum v. 24.

Quæ causæ illustrantur: Nam gratia Dei ab effecto describitur, quod *Christum nobis propitiatorium proposuerit*: cum exhibitione illius: tum prædicatione Evangelii. Esa. 11. 10. Matth. 17. v. 5. Tit. 2. v. 21. *Propitiatorium* autem vocat, ut apparet tropicè, per metonym. signi adjuncti, pro subjecto significato; quod operculo arcæ (quod propitiatorium dicitur) fuerit adumbratus. Quemadmodum enim illud medium fuit inter tabulas legis, quæ in arca; & inter Deum, (quatenus se supra propitiatorium patefaciebat) & legis tabulas tegebat: Similiter Christus mediator noster est, qui sese inter accusationem & condemnationem legis (qua peccati arguimur mortique addicimur) & Deum Patrem mundi judicem, medium interponit: & justitiæ suæ satisfactione, peccata nostra & accusationem ac condemnationem legis tegit: ut coram Deo justificemur, Rom. 8. 33. & 34. 1. Joan. 2. v. 1. Deinde ut Deus ad, & supra propitiatorium, sese suamque voluntatem patefecit; ita pater per filium, Heb. 1. v. 1. prior autem typi similitudo hoc in loco videtur spectari.

Porro ut hæc ad gratiæ Dei illustrationem pertinent: ita secundo loco, redemptionis modus declaratur, *sanguine ipsius*, hoc est, sacrificio & obedientia Christi, ad mortem usque crucis, & effusionem sanguinis: quæ Synecdochicè posita (tanquam pars memorabilis ac necessaria Hebr. 9. 22. 23.) antecedentia & consequentem mortem complectitur. Propositi autem & oblato Christi finis adjicitur, demonstratio & exhibitio divinæ justitiæ: de qua Rom. 10. v. 3. & 4. Quæ justitia, à primo suo membro, per Synecdochen describitur, *remissione peccatorum*; quæ propriè nihil aliud est, quàm pœnæ, ob inobedientiam contra legem, debitæ, propter Christi satisfactionem, omissio. Quæ uti ad justitiam pertinet, qua pœnam legi debitam, in Christo, tulimus: ita tota justitia non est, nisi accedat omnium & singulorum mandatorum obedientia perfecta: hoc est, ut omnia præcepta, omnino (seu summo gradu, ex toto corde, tota anima, tota cogitatione & omnibus viribus) observemus & omni tempore. Quæ peccata ab adjuncta Dei tolerantia illustrantur v. 25.

Atque hic finis à circumstantia temporis declaratur, & justitiæ expositione: dum & ipse justus est, promissa servando; & secundum ea promissa, credentes in Christum justificat.

justificat. Quo modo iustitia Dei (qua iustus est, & qua tanquam materiâ justificat) distinguenda. v. 26.

Atque hæc de expositione atque expolitione iustitiæ Dei, quam donat in Christo. Cui deinde additur consecrarium, ex superioribus, interrogatione, majoris momenti causâ, probatum: quod videlicet per hanc de justificatione fidei doctrinam, omnis de sua iustitia gloriandi ansa hominibus præcidatur; idque contrarii contraria consequentia amplificatur, quod doctrina legis (quæ lex tantum ex operibus justificat) hominibus gloriandi de sua iustitia, occasionem præbeat. Ubi observandum est, ut & alibi sæpè, Apostolum legem, hoc est, doctrinam operum, non intelligere simpliciter legem Moysi: sed ex hypothese opinionis adversariorum: seu quatenus ab Evangelii corruptoribus tradebatur: nam aliàs lex seu Decalogus & lex ceremonialis, si rectum usum spectemus, cum omnes peccati arguant ac convincant, omnem sanè gloriandi materiam penitus tollunt: sed quatenus æstimantur observatu faciles, & vitæ via sola, catenus de operibus gloriandi materiam præbent. vers. 27.

Qua ratione, proposita & exposita thesi de justificatione; sequitur jam conclusio, quæ principalis epistolæ propositio est: qua justificationis modus, per thesin & aphæresin, plenè proponitur. v. 28.

Antequam verò ad illius confirmationem ampliorem accedat Apostolus, declarat primum paritatem Judæorum & gentilium, anticipatione duplici. Prioris objectio est: Deus est tantum Deus Judæorum, non autem gentilium. Ergo inter eos (contra quàm assertum est vers. 22.) est distinctio. Respondet Apostolus negatione antecedentis: quam contraria affirmatione indicat. v. 29.

Eamque probat à pari circumcisorum Judæorum, & incircumcisorum gentilium justificationis modo, per fidem, v. 30: nam Christi adventu, Judæorum vocatio ad fœdus Dei, non fuit ablata: sed ulterius prolata, & gentilibus quoque communicata, ut Eph. 2. v. 11. Alterius anticipationis, quæ ex superiori oritur, objectio est; si fide Judæi & gentiles æqualiter justificantur, Ergo lex redditur inanis.

Respondet Apostolus, primum negatione consequentiæ, cum ait: *Abfit*. Nam quamvis lex fideles non justificet: inanis tamen non est: sed alius illius est scopus & usus: nempe ut sit index miseriæ nostræ, & norma officii. Deinde oppositione contrarii: imo *legem stabilimus*. Id quod fit multis modis. Nam fide salutis gratuitæ, nobis à patre donatæ, per Christum, confirmamus agnitionem em miseriæ nostræ, & debitum vitæ iustæ, quam lex requirit. Deinde quia sanctitas & iustitia finis est redemptionis nostræ per fidem: & adjunctum etiam proprium per operationem Spirit. Sancti, qui eosdem, quos justificat asperione iustitiæ Christi, etiam sanctificat, renovatione ad imaginem Dei. Denique sanctitas & charitas, quam lex exigit, fidei quoque effectum est: nam fides gratiæ Dei & fiducia amoris illius erga nos, obedientiæ gratitudinem, mutuumque erga Deum amorem provocat: unde etiam fides per charitatem operari dicitur, Gal. 5. 6. Hæc de Cap. tertio.

#### CONSECTARIA.

I. EA multorum inficitia est, ut neglecta mediocritate, externis rebus, aut meritum salutis attribuant: aut eas omnino inutiles iudicent. v. 1.

II. Magnum Dei beneficium est, quod Judæos verbi sui depositarios constituerit: unde nos etiam, in conservandis Bibliis Hebræis, fructum adhuc percipimus. Deinde, cum libri Apocryphi, qui S. Scripturæ conjungi solent, non sint unquam ab Ecclesia Judaica recepti, aut illi à Deo concrediti, inde sequitur, non esse oracula Dei.

III. Eoque cum id nobis quoque, & amplius concredutum sit, Deo agendæ sunt gratiæ, ac vera fide & obedientia amplectendum. v. 2.

IV. Verbi divini thesaurum, quidam infidelitate sua inutilem sibi reddunt.

V. Et si nonnulli verbo Dei abutantur, nunquam tamen defuturi sunt, qui debitam illi præstent obedientiam v. 3.

VI. Cum Deus nec fallere, nec falli possit, minæ illius non sunt contemnendæ, nec promissionibus diffidendum: sed verbo illius penitus acquiescendum.

VII. Contra cum omnes homines naturâ inconstantes sint, iis non est certo fidendum & nitendum.

VIII. Quæ de religione dicuntur, ea S. literis, exemplo Apostoli, confirmanda sunt: ut rectè Heronymus dixerit in Matt. c. 23. *quod de Scripturis non habet auctoritatem, eadem facilitate contemnitur, quâ probatur.*

IX. Nec verbo Dei, nec judiciis Dei, cum iustissima sint, obmurmurandum est, v. 4.

X. Ea est hominum perversitas, ut ex Dei sapientia blasphemiam ansam injustè arripiant, v. 5.

XI. Cum Deus iudex sit mundi, ei obtemperare, ejusque gratiam ambire debemus, v. 6.

XII. Non est novum, si mundus Sacras literas & piam fidelium sententiam pervertat, ad errores suos stabiliendos, aut ad calumniam struendam. 2. Pet. 3. v. 16.

XIII. Blasphemi non permanebunt inulti: quamobrem eorum felicitati temporariæ non est invidendum.

XIV. Non solum blasphemiam vitanda: sed etiam pro virili, omnis illius suspicio, exemplo Pauli, tollenda est.

XV. Piis adversus calumnias injustas solatio esse debet, quod falsò & veritatis odio gravantur. Matth. 5. vers. 11. 1. Pet. 4. v. 14.

XVI. Mala non sunt perpetranda, ut eveniant bona. Quamobrem nec mentiendum est, nec veritas est abneganda, officii aut vitæ conservandæ gratia.

XVII. Atque hinc etiam liquet, non solum intentionem & scopum actionum debere esse bonum; sed etiam media, v. 7. & 8.

XVIII. Homines nihil aliud sunt, in se considerati, quam vitiorum omnium sentina quædam: quæ paulatim, regeneratione cœlesti, per Spirit. Sanct. expurganda est.

XIX. Quamobrem cum omni excusatione destituamur: extirpanda est penitus omnis iustitiæ nostræ opinio, & agnoscenda sunt debita nostra.

XX. Multi autem ea non agnoscunt, sed merita sua & benefacta prædicant; quia ad secretum judicis Dei tribunal oculos non attollunt: nec ad accuratam legis trutinam & veram sententiam, sua facta, examinant: sed contra ab externa tantum rerum specie, & hominum comparatione, ac judicio, dependent, à v. 9. ad 21.

XXI. Doctrina fidei mysterium est naturæ ignotum.

XXII. Ejus autem doctrina tradita est divinitus duobus modis: primum obscuris, sub Veteri: secundo clarius sub N. T. ut 2. Cor. 3. v. 13.

XXIII. Vetūs Test. dividitur accurate à Spir. Sanct. in legem, hoc est, Moysi scripta, & Prophetas; eaque periphrasi non rarò describitur: ac propterea libri, qui iisdem non continentur, ad V. T. canonem non pertinent. v. 21.

XXIV. Non quævis fides: sed fides in Christum servat. v. 22.

XXV. Cum vita æterna gloria vocetur, quod summè sit gloriosa: eò maximè, rectaque viâ, per fidem in Christum, contendendum, v. 23.

XXVI. A Christo redempti sumus: Ergo illum tanquam Dominum, redemptionis jure, cognoscere & colere debemus, v. 24.

XXVII. Et si Christi merito servemur: gratis tamen servamur, quatenus Christum Pater nobis donavit.

XXVIII. Christus nostrum est propitiatorium: Ergo eo intercessore freti, cum fiducia ad Patrem cœlestem accedere debemus Heb. 4. 6. Et tollenda est Pontificiorum blasphemiam, qui hunc honorem Sanctis communicant. v. 25.

XXIX. Deus promissiones suas non solum servat; sed etiam præfinito tempore, ut Gal. 4. 4. ideoque illis fidendum.

XXX. Qui operum suorum meritis innititur, Evangelio repugnat, v. 27.

XXXI. Fides sine operibus legis, hoc est, sine inchoata obedientia non est; & tamen sine operibus legis justificat; unde sequitur, rectissimè dici, fidem justificare solam, quia

quia alia justificandi ratio non est nisi per fidem, ac iustitiā Christi imputata; aut per opera nostra & iustitiam propriam. Atque ita solvitur objectio quæ adferri solet: Fides mortua non justificat, Jac. 2. Fides sine operibus est mortua fides. Ergo fides sine operibus non justificat. Responsio una est, negatione consequentiæ; quia sunt quatuor termini. Minor enim terminus est duplex: nam in assumptione subjectum est *fides sine operibus*; in conclusione verò subjectum est *fides* tantummodo; quia verba illa, *sine operibus*, pertinent non ad descriptionem subjecti, sed prædicat, idque constat ex quæstione ipsa: quæritur enim an iustificemur operibus: an verò iustificemur sine operibus, seu fide, ut conclusio Pauli ostendit v. 28. *Colligimus igitur fide iustificari hominem, sine operibus legis*: ut effectum illud, nempe justificatio, tribuatur fidei & adimatur operibus legis.

Deinde quod diligenter observandum, altera etiam solutio huc pertinet, negatione consequentiæ ob fallaciam homonymias, etiamsi constructio quam obtinent, servaretur: nam verba illa, *sine operibus*, in minore intelliguntur ita, ut sensus sit, sine ullis bonis operibus: in conclusione vero ex Apostoli v. 28. intelliguntur, non aliqua opera legis: sed universa ac cuncta, hoc est, universalis operum obedientia, quam lex requirit. Atque ita fides iustificans est sine operibus; quia etiamsi opera habeat, utpote viva & per charitatem efficax: non tamen perfectè: propter sanctificationem inchoatam tantum, & reliquias carnis, quæ pugnant adversus spiritum. Iacobus verò cum fidem sine operibus non esse docet, opera tantum intelligit inchoatæ sanctificationis: non autem universa ac perfectæ, quæ rigor legis requirit.

XXXII. Deus, noster est Deus, per fidem, v. 29. 30.

XXXIII. Doctrina legis & Evangelii optimè inter se consentiunt: contra Marcionem. v. 31.

## CAP. IV.

DE Justificatione, duæ potissimum, Apostolorum temporibus, extiterunt quæstiones. Una de causa & modo, an fide; an verò operibus etiam contingeret? Altera, de subjecto, an circumcisi Judæi & profelyti tantum: an verò etiam gentiles incircumcisi iustificarentur.

Quarum quæstionum solutionem attulit Apostolus capite 3. Prioris quidem, cum ex antecedentibus argumentis, conclusit, hominem fide iustificari, absque operibus legis. vers. 21. & 28. Posterioris verò cum asserit, fideles tam incircumcisos, quam circumcisos, iustificari per fidem vers. 29. 30.

Utramque verò sententiam hoc capite confirmat, servato eodem ordine: nam ut cap. 3. v. 21. affirmavit, absque lege, iustitiam Dei manifestatam esse, comprobata testimonio legis (id est, librorum Moysi, quibus in primis lex continetur) & prophetarum: ita primum docet, hominem iustificari fide sola, testimonio legis primum, ac deinde prophetarum: legis quidem, seu librorum Moysi (qui à potiori sua materia *lex* dicuntur) ex Gen. 15. ab exemplo Abrahami: quod anticipationem quadam objectionis, artificiosè in adversarios retorquet.

Objectio est. Illo, quo Abraham iustificatus est, eo & nos. Sed Abraham iustificatus est operibus. Ergo & nos. Majoris loco ponitur ejus confirmatio; in descriptione addita, qua *Pater noster* dicitur: qua indicatur, nos filios illius, cum ejusdem fœderis simus participes, eodem etiam modo iustificari, quo ille Apostolus verò assumptionem interrogatione elliptica negat, & justificationem ex operibus, videlicet tantam causam, (de ea enim sola agitur) tollit: quod scilicet Abrahamus, *secundum carnem*, hoc est, humana sua opera (ut sequentibus exponit) nihil obtinuit, scilicet in negotio justificationis, de quo agitur: id est, operibus nullo modo iustificatus v. 1. Deinde sententiam oppositam probat, remotione effecti necessarij justificationis ex operibus, nimirum, quod non *habeat gloriationem*, hoc est, per metonym. adjuncti, materiam gloriandi; ac positione subjecti, *apud Deum*, v. 2. Justificatio enim ex operibus tanquam causa, alia est absoluta ac simplex, qua co-

ram Dei tribunali, & collati cum lege, propter perfectam iustitiam, seu internam, & externam legis obedientiam universalem, homines iusti judicantur: alia est comparata, ac secundum quid, qua propter inchoatam sanctificationem, & Spiritus adversus carnem dominium, vitæque innocentiam atque obedientiam, comparatè cum aliis & à potiori sua parte iusti censentur: hanc habuisse Abrahamum, ut de ea apud homines, qui faciem tantum intuentur, gloriari potuerit comparatè, concedit Apostolus; sed non apud tribunal Dei, qui corda & renes scrutatur: nempe perfectæ & absoluta iustitia: ideoque coram Deo operibus minimè iustificatus est. Quidam verò sic formant Syllogismum: Si Abraham ex operibus iustificatus est, habet quod gloriatur, scilicet apud Deum. Sed non apud Deum, scilicet habet quod gloriatur. Ergo. Prius tamen videtur simplicius.

Quod autem Pontificij Jacobi secundum caput vulgò nobis in hac disputatione objectant; ea difficultas distinctionis luce tollitur. Justificatio enim ex operibus, alia est tanquam ex causis; alia est tanquam ex effectis, & signis justificationis ac fidei. Prior est rigoris, seu severi, secundum legem, judicii: Posterior verò est æquitatis, secundum Evangelium, & testimonii. Prior iustificandos, qui perfectæ operum iustitia destituuntur, concernit: Posterior verò iustificatos & sanctificatos spectat. Siquidem hi, primum in hac vita, non solum coram hominibus externè: sed etiam internè coram Deo, se iustos, inchoatæ, & per Christi intercessionem probata iustitia, Heb. 13. v. 21. 1. Pet. 2. vers. 5. demonstrant, quemadmodum de Abrahamo dicitur, Genes. 22. vers. 12. *Nunc novi te mentem Dei*: deinde in altera vita, ex operibus inchoatæ iustitiæ in terris, tanquam ex fructibus & testimoniis fidei veræ, ac justificationis, iusti declarabuntur ultimo die, ut Matt. 12. vers. 36. 37. hæc justificationis ratio ac significatio explicatur; *Ex verbis tuis iustificaberis*: & Matt. 25. vers. 35. Priorem justificationem, citra controversiam, intelligit Apostolus Paulus: posteriorem verò Iacobus, ut tota orationis series ostendit, docet enim, quæ ratione cognosci possit alicujus fides viva & iustitia inchoata inherens, nimirum non ex nuda fidei professione, operibus bonis destituta, sed ex bonis operibus; sicut arbor bona judicatur ex suis fructibus bonis. Quare opera non sunt ipsa iustitia perfectæ, neque iustitia inchoatæ: sed inchoatæ effecta ac signa. Ac propterea diversa quidem est vocis acceptio, ideoque diversa Pauli & Jacobi sententia, sed non contraria. Paulus de fide viva loquitur: Iacobus de mortua. Paulus de iustitia omnibus numeris perfectæ, & ad amissim cum lege Dei convenienti, Iacobus verò de iustitia tantum inchoatæ, qualis sola in nobis, ob repugnantiam seu reliquias carnis, reperitur. Paulus justificationem intelligit ex causis, hoc est, qua quis perfectæ iustitia in Christo præditus judicatur coram tribunali Dei, Iacobus vero de justificatione ex effectis, qua ex operibus, tanquam inchoatæ iustitiæ fructibus, inchoatæ iustitiæ præditus, vivaque fide instructus pronuntiatur: ut de Abrahamo Gen. 22. per Angelum, divinitus judicatum est.

Sed rursus objicitur ex Psal. 106. vers. 30. ubi de Pinchaso dicitur; *reputatum est ei ad iustitiam* (sermo autem est de opere zeli, quo scortatores publicos occidit, Israelitam nimirum & Moabitidem) Ergo operibus iustificatus est, coram Deo. Sed negatur consequentia, quia *iustitia* hoc in loco notat, non virtutem universalis iustitiæ, lege requisitæ; de qua quæstio est, neque etiam iustitiam quatenus est virtus animi permanens: sed effectum illius, opus iustum; apud Paulum verò iustitia universalis intelligitur: quare cum David loquatur de particulari opere iusto, seu iustitia operis particulari; Paulus verò de iustitia universali animi & operis, ac de justificatione personæ: inde apparet, nihil huic sententiæ Pauli obstare. Ac sanè, neque Abrahamus, suo opere, cum filium, animi proposito firmo ac conatu, obtulit; neque Pinchafum, facto suo judiciali, quod exercuit, secundum legis sententiam ac jus, coram Dei tribunali fuisse iustum iudicatum; res ipsa loquitur: quia particularis actio & universalis personæ iustitia, quæ sola coram Dei iudicio ac tribunali valet, ad absolvendum à condemnatione & ad servandum, inter se pugnant: non enim qui uno opere laudabili prædi-



præditus est, perfectam habet iustitiam personæ, sed qui omnia legis mandata, omnino, & omni tempore observavit: *quia maledictus, qui non manserit in omnibus, quæ scripta sunt in libro legis, Deut. 27.*

Ut autem nodis hisce dissolutis, ad rem propositam revertamur, observandum est, Apostolum probasse, Abrahamum non esse iustificatum ex operibus, hoc est, perfectâ operum iustitiâ; quia aliâs haberet gloriandi materiam apud Deum: atqui eam non habere asserit Apostolus; ideoque non esse perfectâ operum iustitiâ iustificatum.

Nunc verò progreditur & utrumque probat à contrario Scripturæ, ex lege Moysi, seu Gen. 15. testimonio; de cuius genuina sententia plurimum disceptatur, quocirca conabimur eam distinctè examinare.

Constat autem hæc oratio duabus assertionibus: quarum prior, Abrahamum ab effectu ipsius, nempe fide, posterior verò eandem fidem, à fructu suo, imputatione iustitiæ, describit. Illa his verbis extat apud Moysen Gen. 15. 6. *והאֵם בַּיהוָה. Et credidit in Jēhovam*, nempe Abraham, quia de eo sermo continuatur: ideoque Paulus, cum hanc sententiam excerptat tantum, paraphrastice rectè supplevit. Cujus orationis subjectum difficultate caret: nam quamvis Gen. 15. vers. 6. Abram nominetur, postea tamen Gen. 17. vers. 4. in fœderis, cum ipso, confirmatione, nomen Abram (id est, *Pater excelsus*) mutatum est, ad promissionis datæ confirmationem, & memoriam perpetuam, in vicinū nomen Abraham, id est, *אֲבִי רַב הָעָם Pater magnæ multitudinis*: sicut sensus exponitur v. 5. *Nec vocabitur ultra nomen tuum Abram; sed erit nomen tuum Abraham, quia אֲבִי הָעָם גוֹיִם*, id est, *Patrem multitudinis gentium dedi te*.

Verum ut subjecti notio ac vox satis clara: sic contrā attributi, cum phrasin, tum sententia nonnihil illustranda est; quia utraque variè explicatur.

Nam ad phrasin quod attinet, plurimi sunt in ea opinione, quod *credere in Deum* denotet per se ac semper, animi fiducia ipsi adhærere; atque ita fidem iustificantem, à communi (quæ hypocritis etiam convenit) distingui censent: ut aliud sit *credere Deo*, nempe ipsius verbis, tanquam veris, assentiri: aliud verò *credere in Deum*, hoc est, ipsi fidere ipsique inniti. Verum alii contra (ut inter cæteros celeberrimus Theologus Bucerus, in præfatione enarrationis epistolæ ad Romanos) non diversum, sed idem denotare judicant, idque sanè ex Apostoli interpretatione, hoc in loco, comprobatur, qui pro eo, quod habet, Moyses: *credidit in Jēhovam*, hoc est, Deum: habeat, *credidit Deo*, de fide iustificante agens. Et contra, de fide non iustificante loquens Johannes 2. vers. 23. & 24. ait: *Multi crediderunt in nomen ejus, contemplati signa quæ faciebat: sed ipse Jēsus non credidit seipsum eis, propterea quod omnes nosset.*

Unde manifestè apparet, per hanc phrasin non certò fiduciam denotari positam in Christo: nam fidem hanc non fuisse vivam & iustificantem, ex Christo apparet, qui se ipsis non credidit, hoc est, commisit. Utrum verò fiducialis fides, seu quæ fiduciam parit certam, intelligatur, nec ne, in Sacris literis, illud, ex locorum & personarum circumstantiis, percipi potest: atqui hæc de phrasi.

Ad sententiam verò illius, quod attinet, spectanda nobis sunt fidei Abrahami *objectum* & *modus*.

Ad prius quod attinet, cum credendi seu fidei in Deum *objectum* sit, Dei verbum, & inprimis promissio salutis per Christum; illud hoc loco quæritur, quænam ea fuerit promissio, cui Abraham credidit.

Pontificii vulgò tantum promissionem beneficii corporalis intelligunt, quâ semen (hoc est, posteritas seu poster) ipsi, stellarum instar, innumerabile promittitur: unde adversus Orthodoxos contendunt, fidei iustificantis *objectum* proprium, non esse promissionem gratiæ, ac salutis per Christum, sed quodvis Dei verbum, ac quamvis ipsius promissionem.

Orthodoxi verò contrā statuunt, *objectum* fidei Abrahami fuisse promissionem duplicem. Primam quidem de gratia conservationis adversus hostes, inprimis verò de salute æterna, cum dicitur vers. 1. *Ego sum Clypeus tuus* (En defensionis promissio describitur!) & *merces tua magna valde*:

quod salutem ipsius includit: ut Heb. 11. vers. 6. deinde promissionem secundam accedere vers. 5. *Sic* (hoc est, stellarum instar) *erit semen tuum*. Quæ promissio non solum corporale (nempe Israelitas) sed etiam inter illud semen, Christum servatorem Gal. 3. vers. 16. & spirituale etiam semen, per corporale adumbratum, complectitur: hoc est, eos, qui ex gentilibus & Judæis, imitatione fidei Abrahami regeneriti, & Christo filio Abrahamæ per fidem insiti, & in eo Abrahami secundum promissionem filii facti sunt, ac benedictionis cum eo participes; ut Rom. 4. 12. 16. & 18. Gal. 3. 8. 9. & 29.

Quumque hæc promissio Abrahamo facta, habuerit *objectum*, partim de beneficio corporali: partim de spirituali, nempe de Christo servatore, & benedictione per ipsum, utrumque fides amplexa est: sed tamen posterioris respectu iustificavit: atque hæc de fidei Abrahami *objecto*.

*Modus* verò est, quod ex viva virtute fidei, per charitatem conjunctam efficaci, promanavit, Jacob. 2. hæc enim sola Deo ad salutem accepta est, Gal. 5. 6.

Atque hæc de prima exempli Abrahami assertionem, quæ ab effectu suo, nempe fide describitur.

Altera verò (quæ hujus fidei effectum declarat) his verbis extat apud Moysen: *וַיִּחְשַׁבְהָ לּוֹ צְדָקָה. Et imputavit hoc ei iustitiam*. Apud Paulum verò *ἐλογίσθη αὐτῷ εἰς δικαιοσύνην, & imputatum est ei ad iustitiam*. Ubi in Mose ellipsis est literæ *ל* quæ *Ad* significat, *צְדָקָה* pro *לצְדָקָה iustitiam pro ad iustitiam*: quemadmodum ea ellipsis suppletur, in simili sententia, de justificatione facti Pinchasi, quo ex Zelo iusto iudicium exercuit, ac punivit scortatores, Psal. 106. v. 31. & *reputatum est ei לצְדָקָה ad iustitiam*: & in Pauli interpretatione similiter exponitur, *εἰς δικαιοσύνην*, ubi *in pro ad*, seu *ל* Hebræo usurpatur.

Deinde in Paulo ellipsis est vocis *אֵין* illud, nempe credere, seu fides *אֵין אֱמוּנָה* ut rectè exponit Rabbi Salomo Jarchi: & Apostolus ipse confirmat sequentibus v. 5. & 9.

Præterea pro activo verbo, quo utitur Moyses, nempe *imputavit*, supple Deus, de quo in antecedentibus sermo, Paulus habet passivè, *imputatum est*, scilicet à Deo, vocis aliqua mutatione, sed eadem tamen manente sententia: ut vers. 6. etiam declaratur. Qua consensione Pauli & Moysi prius declarata, jam voces nonnihil & res ipsa consideranda sunt. Siquidem cum certum sit ex Mose, subjectum esse *אֵין hoc*, nempe credere seu fidem Abrahami: quæstio oritur, quid hac voce significetur: & quid attributum, (*imputatum est ei ad iustitiam*) sibi velit. Quod distinctè explicandum, cum mirificè hæc sententia agitur.

Ad prius, nempe fidem, quod attinet, quidam accipiunt propriè eam vocem: alii vero impropriè, pro Christo, aut potius pro iustitiâ Christi fide apprehensa, per metonymiam adjuncti, pro suo *objecto*: quemadmodum spes pro re sperata nonnunquam usurpatur: sic etiam censent, fidem pro re fide credita, hoc in loco, usurpari.

Veruntamen in hac sententiarum diversitate, etiam inter Orthodoxos, priorem genuinam esse, apparet, ex prima atque antecedente assertionem; *credidit Abraham Deo, & hoc*, nempe credere, id est, fides illa, quâ credidit, non autem res quam credidit, *imputatum est ei ad iustitiam*: nam pronomen *אֵין*, seu *illud*, non potest aliter hoc loco accipi, quàm vox antecedens, ad quam refertur, & cuius loco, pro natura pronominis, elegantiae causâ, ponitur: deinde à propria significatione ad impropriam, atque inusitatam in Sacra Scriptura, non est recedendum, nisi necessitas seu veritas Scripturæ, aut loci circumstantiæ hoc flagitent, ut extra controversiam est: atqui in hac sententia Pauli, nec veritas illius, neque circumstantiæ loci id flagitant: quia attributum illud, *imputatum est ei ad iustitiam*, hoc non requirit: nam vera est assertio servata subjecti, nempe fidei propria significatione, neque ulla circumstantia hujus loci repugnat.

Nam quod objicitur, prædicati veritatem non admittere huiusmodi significationem subjectæ vocis propriam: illud non rectè demonstrant. Quod enim dicunt, alias sequeretur ipsam fidem esse nostram coram Deo iustitiam: non sequitur; sed tantum esse causam, nempe instrumentalem, quæ à Deo imputata est ad iustitiam Abrahamo, hoc est, quæ iustificatus est: nam *fidem alicui imputari*, hoc est, adscribi, ad iusti-

ad iustitiam, nihil aliud est, quam aliquem fide iustificari: ut etiam series hujus capitis demonstrat, hæc duo idem denotare: sicut promiscuè hæc duo Paulus proponit.

Cœterum fides dicitur imputari ad iustitiam, non ut materia subjecta justificationis (ea enim est sola Christi iustitia, quæ nostra fit per fidem; fides verò nostra, est imperfecta virtus, & actio illius imperfecta) sed ut causa instrumentalis, quæ iustitiam Christi, virtute Spiritus Sancti apprehendit, sic Rom. 10. dicitur: *Corde creditur ad iustitiam: ore fit confessio ad salutem*; quo loco finis denotatur & effectum fidei.

Ac sanè si in hac enunciatione tropus esset statuendus, convenientius statueretur in prædicato, scilicet in voce iustitiæ; quam in subjecto ac fide, ut sensus esset, Fides imputatur ad iustitiam, aut in iustitiam, hoc est, in causam iustitiæ, nempe instrumentalem, per metonymiam effecti pro efficiente: quemadmodum talis tropus frequens est in prædicatis. Sicut mandatum Dei, Christo, ad Euangelium annunciandum, traditum, dicitur vita æterna, Joannis 12. v. 50. *Mandatum tuum est vita æterna*; & Euangelium *sermo vitæ*, id est, efficiens vitæ seu vivificus dicitur Philip. 2. vers. 16. Sic Christus resurrectio & vita, (quia causa utriusque à se ipso) apud Ioannem appellatur. Et Deum & Christum cognoscere est vita æterna Ioa. 17. v. 3. hoc est, efficiens vitæ causa: sic etiam fides censetur iustitiæ causa efficiens, nempe instrumentalis.

Quod verò Arminius in epistola ad Hippolytum, legatum Palatinum, contendit, fidem propriè debere accipi, non autem impropriè pro Christi iustitia: hætenus non male loquitur, ut ex antecedentibus patet: sed ratio, quam illi rei probandæ adducit, falsa est, qua ait, quod ea, nempe Christi iustitia, non possit imputari ad iustitiam: quòd (ut contendit) *imputare* significet, alicui adscribere aliquid, quod non est tale: unde colligit, cum Christi iustitia, sit omnibus numeris perfecta iustitia, eam ad iustitiam imputari verè non posse: ideoque fidem imputari in iustitiam, seu pro iustitia, scilicet perfecta, à Deo, per gratuitam acceptilationem haberi, etiamsi sit tantum pars illius, eoque imperfecta.

Etenim illud omnino dissentaneum est à verbis & mente Apostoli, falsæque nititur vocis *imputandi* significatione: nam neque Hebræa vox, qua utitur Moses, *אָשַׁם*: neque Græca, quæ Paulus eam interpretatur, *λογίζομαι*: imò neque latina, *imputare* (ut bonorum authorum usus, & Lexicographorum explicatio, demonstrat) eam habet per se significationem specialem: sed generatim, *reputare, aestimare, adjudicare, adscribere* seu *attribuere* significat, sive verè id fiat, sive secus; nec ullus, è scriptura sacra, locus, aut ex probis authoribus linguarum hætenus allatus est, qui contrarium probet.

Nam quod objicitur, in Epistola ad Philemonem dici versu 18. *Si quid tibi debet, τὸ ἐμὸν ἀνὸς ἐστίν, hoc mihi imputa*, hoc est, etiamsi ego non debeam, finge ac statue me debere: illud inquam, loci circumstantiæ disertè repugnat; quæ demonstrat, hanc imputationem debiti, esse adscriptionem veri debiti; quia Apost. Paulus, etiamsi non esset debitor, spondendo tamen, & quidem misso hic chirographo suo, sese debitorem pro Onesimi debitis constituit vers. 19. *Ego Paulus mea manu scripsi, ego persolvam*.

Verum licet à nemine objectum hætenus comperiam locum Levit. 17. 3. & 4. eum tamen adferendum existimo; ut res ipsa sit explicatio: quia specie quadam objici posset: sic enim ait Moses: *Quicumque è familia Israël, jugularverit bovem, aut agnum, aut caprum in castris; aut quisquis jugularverit extra castra, ac non ad portam tentorii conventus adduxerit illam, ad offerendam oblationem feboræ, ante tabernaculum feboræ, sanguis imputator viro illi: sanguinem effudit: quapropter excinditor vir ille è medio populi*: unde videtur ita posse colligi, sanguis, id est, homicidium, quo sanguis funditur, imputabitur ei, qui contra officium victimæ mactaverit. Atqui revera non hominis, sed bestię cædem commisit, hoc modo: censetur tamen ac si commisisset, & pro homicidio habetur. Sic enim in annotationibus ad hunc locum clarissimi interpretes Tremell. &

Junius annotant, ad vocem *sanguis* *perinde habetur ac si homicidium perpetrasset, hominisque innocui sanguinem effudisset*.

Verum negatur, consequentia: nam *sanguis*, cædem hîc notat, non hominis tamen injustam; sed bestię impiam ac sacrilegam. Atque ita *imputari* hîc dicitur de re facta, non ficta: ut expositio addita evincit: quum enim dixisset ibi Deus, *sanguis*, hoc est, cædes, aut potius pœna fusi sanguinis, *imputator illi*, (ut Levit. cap. 20. vers. 19. *qui Patri aut Matri suæ maledixerit, sanguis ejus*, id est, pœna cædis, *in eo*) cum hoc inquam dixisset Deus, declarat proximè, cum addit: *sanguinem effudit* (nempe sacrilegè, quum privatus involavit in munus sacerdotis, & loco profano, non sacro ac debito ad portam tentorii, cædem commiserit) *quapropter excinditor vir ille è medio populi sui*.

Ad interpretum verò nostrorum expositionem quod attinet, ea intelligenda est non propriè: sed metaphoricè: quod non minus puniendus esset ob sacrilegam illam cædem ac sanguinis bruti in sacrificium effusionem, quam si homicidio sanguinem fudisset. Quam etiam similitudinem breviter adfert ad eum locum Rabbi Salomo Jarchi: *Sicut*, inquit, *fundens sanguinem hominis, debitorem se facit in animam suam*.

Atque hæc de vocis *imputandi* significatione atque assertionem Pauli, qua statuit, fidem Abrahamo imputatam esse ad iustitiam, hoc est, fide iustificatum, seu iustum judicatum. Ideoque non habet, quod gloriatur, apud Deum, mercedem justificationis, ac salutis ipsius operibus deberi.

Consequentiam probat, à contrariis proprietatibus, justificationis operum, & fidei, nempe quod ea sint contraria: ideoque eidem subjecto non possint convenire. Summa autem rationis est, quia justificatio operum est debita: justificatio fidei est gratuita. *Qui enim*, inquit Apostolus, *operatur*, (nempe universam legis obedientiam, de eo enim agitur) *ei merces*, nempe justificationis & salutis, *non imputatur ex gratia*: (hoc est, mera benevolentia, sine ullo debito) *sed ex debito*. cuius rei ratio manifesta est: nam qui omnia opera lege Dei mandata, præstiterit, ille reverà iustus est (utpote universa iustitiâ præditus, quæ requiritur) eique justificatio debetur & vita, juxta pactum legis, *Hec fac & vires*, Levit. 18. vers. 5. Rom. 10. v. 5. Neque obstat huic sententiæ, quod objicitur, Christum dicere Luc. 17. vers. 10. *Cum omnia feceritis, quæ vobis mandata, dicite, servi inutiles sumus: quia quod debuimus facere, fecimus*. Nam primùm Christus loquitur de operibus absolutè & simpliciter, ex insita sua dignitate & natura consideratis: nam ita Deo summo Bono ac benefico etiam creatori ac gubernatori obstricti sunt homines, ut totos se omniaque sua ipsi debeant: Paulus verò ex hypothese promissionis divinæ: qua non ob meritum operum (de quo Christus loquitur) sed ob promissionem suam Deus operanti, hoc est, legem perfectè præstanti mercedem justificationis ac salutis debet: qua de re etiam 2. ad Theff. 1. Deinde Christus non negat mercedem justificationis, seu adjudicationem iustitiæ deberi: ea enim verè debetur iusto: idque iustitiæ ac veritati Dei convenit, ut, qui perfectè iustus est, talis etiam à Deo habeatur: sed Christus loquitur de mercede gratiæ à Deo habendæ, ac præmio apud ipsum merito: ut versus nonus docet: *nam gratiam habet servo illi, qui fecit, quæ ei præcepta fuerant? Non puto*: Quare ex hisce verbis, apud Lucam, apparet, quæ mens sit Christi, & quomodo Paulus hîc cum Christo probè consentiat.

Cœterum observandum est (ne quis, ut proclive est, autoritate impingat) hunc versum minus rectè à docto Scholiaste versum atque expositum. Sic enim vertit, *non imputatur ex gratia, sed datur ex debito*, quasi in Pauli sententia, in secunda oppositionis parte, esset ellipsis vocis *datur*: ratio autem quam adfert, aliena est; cum ait, *nam certè ex debito non dicitur quippiam imputari: cum imputatio sit res, quæ non debetur*. Imò verò contra, ut antè ostendimus, specialis ista vocis *imputandi* significatio, insolens est prorsus, atque aliena à Scripturæ & bonorum authorum usu: & insignem Pauli sententiam corrumpit.

Qui imputationem mercedis statuit duplicem: unam ex gratia: & ei contrariam ex debito: nam quod ait Scholasticus, sic argumentatur Paulus, *ei qui operibus meretur, merces non imputatur v. 4. Atqui Abrahamo iustitia fuit imputata, nempe per fidem v. 3. Ergo Abraham non est meritis iustitiam operibus*: illud inquam minus aptè statuitur: nam (ut omitamus, quod Paulus non agit speciatim de merito, sed generatim de debito loquitur) non negat, operum iustitiæ perfectæ generatim mercedem imputari: sed speciatim non ex gratia imputari ait, sed ex debito. Deinde cum certum sit ex sequentibus, fidelibus, licet in se peccatoribus, peccata non imputari, contraque ex contradictionis lege & Scripturæ sensu, infidelibus peccatoribus peccata imputari, inde sequetur hoc absurdum; si imputare significet ascribere id, quod non debetur, infidelibus peccatoribus, quibus peccata imputantur, ea præter debitum attribui: & vicissim fidelibus, quibus non imputantur peccata, non indebitè (ut sic loquar) hoc est, debitè peccata ascribi. Ideoque ea vocis *imputandi* significatio refutatur, & objectæ ellipsis aliena comperitur. Hæc de vers. 4.

Atque hæc de primo oppositionis justificationis duplicis membro, nempe justificatione seu imputatione iustitiæ ex operibus: eam esse, non ex gratia, hoc est, indebita benevolentia; sed ex debito. Alterum est descriptio justificationis fidei, seu per fidem, quod hæc non sit debita dignitati fidei, sed gratuita; qua scilicet, is, qui in se est impius, hoc est, injustus, seu sua iustitia universali destitutus, iustificatur gratis, imputatione iustitiæ alienæ, nempe Christi, à Deo donatæ per fidem. Hæc summa est v. 5.

Verum, quia hæc sententia illustris est, suasque habet difficultates, ob controversias ab adversariis motas: idcirco distinctius explicanda est, & veritas illius adversus Pontificios asserenda. Partes autem sunt duæ, *subjectum* & *attributum*. Ac *subjectum* rursus duobus constat membris, primum est, *Ei vero qui non operatur*. Ubi vox *operari* ut versu antecedente, non propriè & universaliter accipitur, pro opus aliquod efficere: sed impropriè, per Synecdochen, eamque non generalem, pro bonum aliquod opus efficere: sed specialem, pro omnia opera bona lege mandata præstare: aut, quod eodem redit, & cum versu tertio cohæret, operari iustitiam, nempe universam, quam lex Dei requirit: idque scopus Apostoli antecedens, & sequentia etiam probant: quemadmodum versu 2. opera denotant universam bonorum operum iustitiam: sic v. 6. sequente similiter. Atque hæc de primo subjecti membro. Alterum est, *sed credit in eum, qui iustificat impium*. In quo observandæ sunt voces duæ, primum quid *impius*: deinde quid *iustificare* hîc significet; nam quid sit *credere in Deum*, jam v. 3. explicavimus. Ad priorem igitur quod attinet vocem, *ἀσεβής impius*, hoc loco non sumitur *ἀσεβής*, pro insigni primæ tabulæ violatore: sed generatim, pro cultus Dei, utraque tabula præscripti, transgressore seu peccatore: & quidem non simpliciter: sed secundum quid, nempe secundum carnem: non autem secundum Spiritum. Rom. 7. v. 25. intelligitur enim hac voce non quivis peccator: seu non is etiam, in quo caro obtinet imperium, & qui sanctificatione caret: quales sunt infideles: sed solus regeneratione sanctificatus, atque hoc modo fide donatus, & per eam Christi membrum effectus, & iustitiæ illius particeps: ille enim proprium est justificationis subjectum, ut hæc sententia demonstrat.

Altera verò vox, nempe *iustificare*, pro iustitiam imputare seu iustum judicare, ex natura rei exponitur ab Orthodoxis. Contra verò Pontificii & inprimis Bell. contendunt, denotare, *efficere iustum ex injusto, mutatione qualitatis injustitiæ inhærentis, in contrariam iustitiam*. Idque probare conantur, primum ex hoc loco, quod Deum constituit injustum, illud hîc non est intelligendum: Atqui Deum impium in se manentem, iustum judicare, illud Deum injustum statuit. Ergo hoc loco non intelligitur. Assumpt. probant, quia judicare eum iustum, qui non est iustus, falsò ideoque injustè judicare est: quia aliter quàm res est, iudicatur: Atqui *iudicium Dei est secundum veritatem* Rom. 2. 2. & *maledictus est coram Deo, qui iustificat impium* Prov. 17. v. 15. Ideoque Deus hoc non facit, cum in aliis damnet.

Verum homonymiâ luditur; quia *impii* seu *injusti* vocem, secundum quid, atque relatè accipimus, (non autem absolute) Paulum secuti, pro eo, qui secundum carnem peccator est, & respectu quidem sui, seu in se consideratus, injustus est; relatè tamen ad Christum, & in Christo, cui per fidem insitus est, ideoque iustitiâ illius, iustus; atque ita objectum proprium ac per se justificationis proximum est, per fidem in Christo iustus. Deus igitur impium in se, sed non qua impius est, & in se consideratus; sed quatenus in Christo est iustus, verè iustum iudicat. Sed rursus à re rejecti, ad vocis vim & usum in Sacra Scriptura confugiunt. Sic enim primum objectant, ex analogia similium vocum: sicut *ædificare* est ædem facere, *sanctificare* sanctum facere, *nigrificare*, nigrum, inducto nigrore, facere; sic etiam analogicè *iustificare* est iustitia indita iustum facere. Verum negatur consequentia. Primum enim (ut omittam, quod hæc vox *iustificare* non latina est, sed à Patribus ficta) significatio illius, hoc loco, ex Latine linguæ analogia, æstimanda non est: sed ex genio atque significatione vocis Græcæ *δικαίω*, qua utitur Paulus; & rei, de qua agitur, natura, intelligi debet. Atqui (ut Orthodoxi in eo consentiunt) probari non potest, vocem *iustificandi* ubicunque in Scriptura agitur de hominis coram Dei tribunali, adversus legis condemnationem, justificatione, significare iustitiam indere: imò contrarium inde demonstrari: primum, quia hoc modo, quem obtinent Pontificii, iustificare & sanctificare, quæ diversa sunt beneficia, confunderentur: sanctificat enim nos Deus, sanctitatem seu iustitiam indendo; qua iustitia, adversus legis condemnationem, coram Dei iudicio, consistere non possumus Psal. 143. 2. Rom. 3. 20. quia sanctitas & iustitia hæc inchoata tantum est, atque imperfecta: quoniam vitiositas naturæ nostræ, bona quidem parte, sed non omni parte sublata est, carnis reliquiis adversus Spiritum certantibus, Rom. 7. 25. Gal. 5. v. 16. & 17. sed contra indies opus habemus agnitione debitorum, & veniæ precatione, propter Christum, Mat. 6. 12. Luc. 11. 4. 1. Joh. 1. vers. 8. & 9. ac propterea sanctitate inhærente iustificari non possumus; sed contra propter imperfectionem illius, ac carnis repugnantiam, si meritum nostrum spectemus, secundum legis sententiam, condemnationem promeremur: Deut. 27. 27. Secundò, multi ex Orthodoxis, ulterius etiam procedunt, ut Pontificios eo amplius confutent, & ad vocis usum, cum in bonis authoribus Græcis, tum in Sacra Scriptura provocant, negantque vocem *δικαίω*, quæ verti solet *iustifico*, significare indere iustitiam seu efficere in aliquo iustitiam: id quod non inani fiducia ac jactatione à Kemnitio, in eruditissimo illo examine Concilii Tridentini, asseritur: nam ne doctissimi quidem & diligentissimi Pontificiorum doctores, ullum hactenus significationis illius è profanis authoribus exemplum proferre potuerunt. Verum in Sacra Scriptura, quædam extare contendunt: ea que in re nonnulli è nostris Theologis faciles se præbent atque assentiuntur: quod ea res Pontificiorum causam non demonstret, in quæstione de justificatione: veruntamen cum Kemnitio aliisque non temerè id negamus, freti primum vocis usu apud Græcos perpetuo; deinde locorum, quæ præterea objectantur, circumstantiis; quod ex iis evinci non possit, eam esse significationem; ut examen eorum fidem faciat.

Primum enim è Vet. Test. proferunt sententiam Dan. 12. v. 3. & *erudientes splendent quasi splendore expansi, & iustificantes multos, ut stellæ in sempiterna secula*. Sed hinc probari non potest, quod obtinent: sensus enim est, fideles illos verbi divini ministros, qui multos Euangelio erudierint, & tanquam instrumenta Dei & Euangelii, ad vivam fidem & justificationem adduxerint, stellarum instar futuros cælestis gloriæ præmio, ut 1. Cor. 3. v. 5. *quid igitur est Paulus, quis verò Apollo, nisi ministri Dei, per quos vos credidistis?* & Act. 26. v. 17. 18. de Paulo, ait Deus, *ad quos nunc te mitto, ut aperias oculos eorum, ad convertendum à tenebris ad lucem, & à potestate Satanae ad Deum: ut remissionem peccatorum & sortem inter sanctificatos accipiant per fidem, quæ est in me*.

Verum alterè N. T. locus speciosior profertur, cui plurimum confidunt adversarii Apoc. 12. vers. 11. *qui iustus est, iustificetur adhuc, & sanctus sanctificetur adhuc*. Ergo, inquiunt,

inquiunt, *justificare* significat justum facere ex injusto, in-  
hærente justitia. Sed primum responderi potest, anteceden-  
dens non esse certum: quia Andreas Cæsariensis in Apoc.  
non legit *δικαιοσύνη*, *justificetur*: sed *δικαιοσύνην ποιῶν δικαιο-  
σύνην faciat*, hoc est, exerceat; ut etiam laudatissima *Com-  
plutensis editio*, & interlinearis Plantiniana ex eadem, & Ro-  
berti Stephani exemplaria quatuor. Verum, esto certum an-  
tecedens; altera responsio expedita est duobus modis. Prior  
est, ut sensus sit; qui justus est per fidem, eam amplius ex-  
ercendo, indies magis magisque justificetur: justificatio e-  
nim universa fidelium non uno tempore peragitur: nam  
cum justificamur, absolvimur quidem à peccatis, justifi-  
que censemur à Deo; sed non à futuris peccatis: quia ea  
nondum sunt, neque ea nos possunt reos reddere: ideo-  
que nec ab iis absolvimur: sed cum jam peracta sunt, tum  
fide in Christum condonantur; ac propterea quotidie pro  
remissione peccatorum ac justificatione, Deum, fideli pre-  
catione, interpellamus: ut oratio dominica docet, &  
1. Joh. 1. vers. 9. Posterior responsio est, ut vox *justificatio-  
nis* aliter quàm apud Paulum accipiat: nempe non pro  
justificatione ex causis, seu qua ob perfectam, id est, univer-  
salem justitiam, in Christo, justus judicatur: sed justifica-  
tionem ex effectis notet, quibus sermone aut factis, justitia  
inchoatâ præditi, à nobis ipsis, aut ab aliis justus judicatur,  
atque declaramur: imò & interdum, cum justitia ea caren-  
tes, nihilominus tales, nempe justos sese aut jactant sermo-  
ne, aut ostentant externa operum specie: quemadmo-  
dum Luc. 10. v. 29. dicitur, *ille volens se justificare*, id est,  
justum ostendere, verbisque suis declarare. & Luc. 16. 15.  
*Vos justificatis vos coram hominibus*, id est, justos ac viros  
bonos sermone & specie externa operum indicatis: sicut  
Abrahamus quoque, non fictè, ut hi, sed verè Jac. 2. ju-  
ustificatus dicitur, hoc est, ex operibus, justus (hoc est, præ-  
ditus justitia inchoata: aut etiam justus per fidem judica-  
tus est; ut arbor bona, ex bonis fructibus, bona judicatur.  
Ac propterea fortasse factum est, ut hic sit varia lectio: quod  
videlicet verbum *δικαιοσύνη*, *justificetur*, fuerit olim exposi-  
tum, ad marginem ascripto scholio isto, *δικαιοσύνην ποιῶν δικαιο-  
σύνην faciat* seu *exerceat*; quod scholium deinde, pro-  
gressu temporis, quasi varia & melior lectio æstimatum fue-  
rit à librariis nonnullis, ideoque, priori lectione expuncta,  
scholium contextui inscriptum. Ut ut autem se res habeat,  
nihil solidi ex hoc loco adferri potest, unde demonstretur,  
*justificare* in S. literis interdum significare, justum ex inju-  
sto inhærente justitia facere: seu justitiam in aliquo efficere.  
Atque hæc de Pauli sententia, quâ ostendit justificationem  
fidei non esse debitam, sed gratuitam; qua in se impius,  
seu injustus, hoc est, universali ac perfecta legis justitia de-  
stitutus, justus judicatur justitiæ Christi à Deo donatæ im-  
putatione, per fidem: ideoque Abrahamum non ex operi-  
bus justificatum, coram Dei secundum legem judicantis  
tribunali: nec habere, quod gloriatur, de debita suis operi-  
bus, à Deo, justificationis & vitæ æternæ mercede. Ac pro-  
pterea graviter impingunt Pontificii, qui tam claram atque  
apertam S. Scripturæ doctrinam oppugnant. Nam quod  
excipiunt, se minimè oppugnare, ea de causâ, quod diversa  
sit verborum Pauli & quorum sententia, illud inquam va-  
num est effugium: neque conciliatio ista, quàm afferunt;  
pugnam dirimit, sed demonstrat: ajunt enim Paulum qui-  
dem, cum negat hominem ex operibus justificari, intelligen-  
re non opera moralia, sed ceremonialia: se verò non cere-  
monialia, sed moralia intelligere. Verum quod de Pauli  
sententia statuunt, manifestè Paulo repugnat: qui cap. 3.  
docuit omnes esse peccatores, & transgressores legis mora-  
lis, eoque neminem ex operibus moralibus justificari, ut  
cap. 3. manifestè demonstrat. Et hoc in loco justificationem  
ex operibus, debitam esse, & ita justificatum habere, quod  
gloriatur; contra justificationem ex fide gratuitam, nec ha-  
bere opera, hoc est, justitiam universalem lege præceptam.  
Quis autem dixerit, eum qui omnes ceremonias legis ob-  
servavit, & caruerit moralis legis justitia, coram Deo habe-  
re gloriandi materiam, & coram ejus tribunali justificari?  
neque demonstrare hoc tam operosè & ineptè voluit Pau-  
lus: cum contrà Deus Ps. 50. Esa. 1. & alibi, ceremonia-

rum observationem destitutam justitia morali damnet, ut  
Deut. 27. v. 27. Sed rursus instant novâ elusione, Paulum  
loqui de operibus infidelium: se verò de operibus à fide  
promanantibus ac justificatis: ideoque Paulum agere de  
justificatione prima, quâ quis ex injusto in se, justus fit, ac  
infità justitia donatur; quæ justificatio non fit ex operibus:  
se verò, de secunda loqui, qua justificatus justior fit, ope-  
rum è fide promanantium meritò. Verum jam ante osten-  
dimus contrarium, nempe omnes etiam fide justificatos, et-  
si dispari modo, in se adhuc esse peccatores, ratione reli-  
quiarum carnis & actionum illius vitiosarum, indies repu-  
gnantium adversus Spiritum, Gal. 5. vers. 16. Deinde opus  
habere, ut veterem hominem exuant, ratione progressus  
& incrementi illius, Eph. 4. vers. 22. Col. 3. 5. 8. 9. &  
*reformatur renovati Spiritu mentis suæ* Rom. 12. & *in-  
duant novum hominem* Ephes. 4. vers. 23. 24. hoc est, ut  
Sanctitas infita, per regenerationis gratiam inchoata, au-  
geatur indies actionum sanctarum exercitio. Ideoque in  
Vet. Testam. universali, de populo Dei, sententia asseritur  
1. Reg. 8. vers. 46. *nemo est, qui non peccet*. Et Prov. 20. 9.  
*quis dicere possit, purificavi cor, (id est animum) meum, mun-  
dus sum à peccato meo?* Sic etiam in N. T. 1. Joh. 1. 8. & 9.  
Jac. 3. 2. *in multis labimur omnes*: unde omnium fidelium  
ac justificatorum communis, in oratione Dominica, con-  
fessio est Luc. 11. 4. *remitte nobis peccata nostra*: unde certifi-  
cime ac perspicue elucet, hominem justificatum non posse  
suis operibus justificationis incrementum promereri. Ne-  
que obstat quod Joann. 1. epist. c. 1. v. 8. 9. ait: *si pecca-  
ta nostra confiteamur (nempe recto modo, seu vera relipi-  
scentia ac viva fide) fidelis ac justus est Deus, ut remittat nobis  
peccata & purifiet nos ab omni injustitia*. Hinc enim non se-  
quitur: Ergo meremur: aut jure perfectionis atque digni-  
tatis, quæ in confessione nostra consistat, remissio peccato-  
rum debetur ac datur à Deo: nam justitia Dei, hoc quidem  
in loco, cum justus dicitur, est, qua jus suum confitenti  
tribuit: sed jus, non acquisitum ac debitum ratione di-  
gnitatis confessionis: sed ratione promissionis gratiæ, qua  
Deus se, ex mera gratia, confitenti obligavit & debito-  
rem constituit donandæ remissionis peccatorum: ideoque  
*omnium* hæc duo, illius rationis causa, hoc in loco conjun-  
guntur, cum Apostolus ait, *fidelis est & justus*. Verum  
pro mercede vitæ æternæ operibus debita ac merita obje-  
ctant ex 2. Timoth. 4. vers. 7. 8. *Certamen illud præclarum  
decertavi, cursum consummavi, fidem servavi. Quod superest,  
reposita est mihi justitiæ corona*. Ergo inquiunt operum di-  
gnitati, quibus decertavit & justitiam exercuit, corona est  
debita. Verum negatur consequentia: justitia enim hoc  
in loco justitia inchoata, non perfecta intelligitur: nam  
perfectionem sibi Paulus meritò derogavit Phil. 3. vers. 9.  
& 12. ideoque corona hæc non merita, sed gratuita, quæ  
secundum promissionem misericordem Dei data Matt. 10.  
v. 22. & Hebr. 10. vers. 16. Sed instant rursus; corona hæc  
datur à justo judice: Ergo debita ac merita. Verum con-  
sequentia partim conceditur, partim negatur: concedi-  
tur, coronam propterea esse debitam: hoc enim non est  
in controversia: negatur vero secundum quid, quatenus  
merita concluditur: nam judex hic, quia coronam ex gra-  
tia mera promissam in certamine victori tribuit, dat quidem  
ex debito, quo, per promissionem indebitam, se obstrin-  
xit; non autem operum dignitate ac paritate infita: *imparia  
enim sunt gloriæ revelandæ*. Rom. 8. 18. & defectibus ac pec-  
catis opera nostra bona contaminata: ideoque iis jure summo  
non præmium, sed pœna debetur: si dignitas infita spectetur.

Verum acrius urgent ex 2. Thes. 1. 5. ubi de tolerantia  
& fide Thessalonicensium ait: *Quæ res manifestò est indicio ju-  
sti judicii Dei, ut digni censeamini regno Dei: pro quo etiam pa-  
timini*. Ergo datur regnum Dei propter infitam operum  
dignitatem ac meritum: verum negatur consequ. nam di-  
gni esse regno dicuntur non per se, infitaque tolerantia ac  
fidei dignitate, ut ante ostendimus; sed per accidens digni-  
tatis ex promissione Dei gratuita collatæ: qua, propter  
Christum, eos, qui officium præstant, fideles, dignos cen-  
set regno Dei, hoc est, aptos & idoneos: talibus enim pro-  
misit, ac talem conditionem in regno donandis præscripsit.



Sed unum postremo loco valde speciosum objicitur, hoc modo: 2. Cor. 4. v. 17. Afflictiones dicuntur efficere nobis maximum gloriæ pondus.

Ergo sunt meritum vel saltem causa efficiens gloriæ, hoc est, vitæ æternæ gloriosæ.

Verum negatur consequ. 1. quia *facere* (ut voces aliæ affines, quæ actionem notant) sumitur bifariam, propriè vel impropriè: propriè ut Rom. 2. v. 9. *facere malum*, hoc est, peccatum committere: impropriè verò per metaphoram, pro esse rei alicujus adjunctum antecedens, quo posito, res sequatur certo, etsi non vi adjuncti. Qua similitudine Deus ait: 2. Sam. 12. 11. 12. *Ecce ego suscitaturus sum malum de domo tua, & accipiens uxores tuas, (quæ) ante oculos tuos, tradam proximo tuo, qui cubabit cum uxoribus tuis, coram isto sole. Quamvis tu feceris clam, attamen facturus sum rem hanc coram toto Israël, & coram isto sole.* Deus enim malum hoc non propriè suscitasse, nec propriè ista fecisse dici potest; quia sanctitati Dei repugnat, qui ejus non est author, cujus justus est ultor: sed impropriè ac similitudine quadam: quia ad castigandum Davidem, sua gubernatione adjuncta, occasio fuit mali, abusu permissionis divinæ, vitio Satanæ & hominum: nimirum cum Deus Satanæ & Achitophelis sceleratis consiliis, & impiis Absolomi cupiditatibus frena laxavit permissione sua: & eum pravis cupiditatibus, quibus addictus erat, reliquit. Sic Matth. 10. 34. 35. *Non veni missurus pacem, sed gladium: veni facturus, ut dissideat filius adversus Patrem suum.* Atque hoc modo hic accipitur, *efficere gloriæ pondus*, pro esse occasionem & conditionem requisitam, qua posita sequatur certo cælestis gloria: quemadmodum posita causa, proprium effectum sequitur. Atque ob hanc similitudinem consequentiæ, non autem quod causa efficiens sit, *efficere* dicitur. Heb. 10. v. 36. 2. Tim. 2. 12. Si enim causa essent afflictiones cælestis gloriæ seu vitæ æternæ, eam vi sua efficerent: ut natura ac definitio causæ evincit. Atqui vi sua eam non efficere, Apostolus apertè, hoc loco, qui objicitur, demonstrat: nam opponit inter se, ut maximè inæqualia, afflictiones & gloriam, cum ratione temporis, tum ratione ponderis: illas enim esse momentaneas; hanc verò æternam: illas esse leves; hanc verò pondus habere summè excellens. Ac propterea vim non habent afflictiones nostræ, ut gloriam cælestem efficiant propriè: multò minùs ut illius sint meritum: quod Pontificii contendunt. Deinde, quod observandum, quamvis vox *efficiendi*, in hac Pauli sententia, propriè deberet accipi, ne hoc quidem modo solide sequeretur, afflictiones nostras esse causam efficientem, multo minus meritum vitæ æternæ gloriosæ: quia gloria non necessario impropriè ac metonymicè pro vita æterna gloriosa accipi debet: quod tamen quasi extra controversiam, ac certam hypothesein sibi sumunt: sed potius propriè, de gloria, qua fideles in animo suo gloriam concipiunt ac gloriantur de afflictionibus suis, pro Christo; quod ipsis sint certa documenta ac signa vitæ æternæ, secundum gratuitam Dei promissionem, dandæ: ut Paulus Rom. 5. vers. 2. ad 6. docet. *Gloriamur etiam sub spe gloriæ Dei: nec solum verò, sed etiam gloriamur in afflictionibus nostris, scientes quod afflictiones tolerantiam efficiant; tolerantia explorationem: exploratio vero spem: spes verò non pudefacit*, hoc est, per metonym. effecti proprii pro causa, vitæ æternæ speratæ non frustratur, sed eâ donatur. Sic Christus Matth. 5. vers. 10. 11. beatos pronunciat afflictos propter justitiam. Et versu 12. ait, *gaudete & exultate, quia merces vestra multa est in cælis*, Et Jac. 1. 2. *pro summo gaudio ducite fratres mei, quoties in tentationes varias incideritis*: cui expositioni propositæ convenit etiam phrasia Apostoli & sequens gloriæ ratio: phrasia, quia ait, *pondus gloriæ καὶ ὑπερβολὴν εὐσεβείας*, hoc est ad verbum, *secundum exsuperantiam, in exsuperantiam*: quod videtur denotare, hanc magnitudinem gloriæ, quæ exsuperat gloriam mundanam, crescere in verè fidelibus, & quo magis patiantur, majorem habere progressum. Atqui in vita æterna ὑπερβολὴν quidem est, sed quæ non tendit ulterius, quia simul ac semel perfecta est. Deinde sequentia aptè conveniunt, quibus causam impellentem hujus gloriæ exponit, hoc modo: *dum*, inquit, *non specta-*

*mus ea, quæ cernuntur: sed ea, quæ non cernuntur: nam quæ cernuntur, temporaria sunt; quæ non cernuntur, æterna: quod exemplo illustratur memorabili, Heb. 11. 25. & 26. de fide Moysis, in afflictionibus; potius, inquit, eligens malis affici, cum populo Dei, quam temporariis commodis peccati frui: majores arbitratus divitias, probum Christi, quam Ægyptiorum thesauros: intuebatur enim in præmii retributionem.* Sic de fidelibus fide ac spe in afflictionibus certantibus ait Petrus, 1. Ep. c. 1. v. 6. *Qua in re exultatis, tristitia paululum, si opus est, in variis tentationibus, affecti.* Si quis verò objiciat, hanc excellentiam gloriæ, cælestis vitæ probè convenire, quæ ob absolutum & æternum statum, omne gaudium exsuperat: sed gaudio fidelium non convenire in hac vita: quia nec est æternum, nec exsuperat absolutè omne gaudium? Resp. gaudio fidelium non convenire minimè probatur: æternum enim est, quia initium est vitæ beatæ, in terris, quod non perit: sed accessu cælestis gloriæ excellentissimè adaugetur: deinde etsi gaudium & gloria cælestis Ecclesiæ triumphantis, omne gaudium infidelium & Ecclesiæ militantis exsuperet, comparatè tamen cum infidelium hujus mundi gloria ac gaudio, fidelium gloria & gaudium pondere superat. Idque eodem cap. Petrus v. 8. asserit, *Quem (scilicet Christum) cum nunc non cernatis, ei tamen credentes, exultatis gaudio ineffabili & glorioso.* Atque ea sententia seu interpretatio, quemadmodum analogiæ cum fidei, tum contextus orationis, seu proprietati vocationis & circumstantiis loci egregiè convenit: ita etiam meritò impropriæ Pontificiorum, quæ ab analogia cum fidei, tum contextus recedit, præferenda.

Quare meritò contra Pontificios concludimus, hominem operibus suis, nec justificationem, nec vitæ æternæ mercedem promereri. Atque hæc dicta, ad illustrationem & assertionem Pauli, hoc cap. 4. Rom. vers. 5. Atque ita priori argumento materiæ de justificatione propositæ, ex lege, seu Genesi, de justificatione Abrahami, desumpto, & ad operum justificationem refutandum allato: alterum adjicitur jam ex Prophetis, nempe ex testimonio Davidis, Psal. 32. cujus sensum proponit v. 6. & verba ipsa apponit v. 7. & 8. quæ rei summa non nihil explicanda est, ut insignis Apostoli sententia accuratius percipiatur, & ab expositione aliena noxiæque vindicetur.

Testimonii sensum proponit vers. 6. cum ait, *sicut etiam David dicit beatum eum hominem, cui Deus imputat justitiam, absque operibus*: quo in loco primo considerandum est, quidnam sibi vox *dicendi* velit: deinde, quid res dicta denotet: ac prius quidem explicationem pleniorē non desideraret, nisi error quorundam interpretum vitandus, & doctrinæ de justificatione puritas illud flagitaret: nec enim uno tantum modo quispiam aliquid *dicere* intelligitur: sed variis, pro dictorum modo diverso: siquidem hoc fit, aut propriè, sine tropo; aut per tropum: qualis, inter cæteros, etiam est Synecdoche, ut cum *caro* Rom. 3. v. 20. aut *anima* Rom. 13. v. 1. pro toto homine usurpatur: ut etiam cum *sanguis Christi*, nempe effusus, nos dicitur *purgare ab omni peccato*. 1. Joh. 1. & *reconciliati ipsius morte* Rom. 5. 10. ubi per *sanguinem & mortem* tota passionis Christi & mortis satisfactio Synecdochicè necessariò intelligitur: quoniam nec sanguis solus effusus, mortem antecedens, nos à peccatis purgat: quia illud morti etiam convenit: nec sola mors succedens reconciliat nos Deo: sed per sanguinem Christi antè fufum etiam Deo placamur Rom. 3. v. 25. neque denique per utrumque, sanguinem Christi in cruce effusum, & mortem, solummodò sumus Deo reconciliati: sed per totam Christi passionem, quæ sanguinis effusionem & mortem, non exigua parte, antecessit: qua de re Esa. 53. 1. Pet. 2. & alibi disseritur.

Deinde aliquid etiam in Scriptura dicitur, vel immediate ac proximè; cum expressis verbis vel æquipollentibus illud enunciat, ut de Abrahamo, quod credidit Deo, Rom. 4. v. 3. Scripturæ dicenti tribuitur: idque disertè extat Gen. 15. v. 6. Sic etiam Rom. 7. v. 7. *lex dicit, non concupisces*, ut extat Ex. 20. 17. vel mediate ac remotè; idque vel per typum propheticum: vel per consequentiam rectam. Per typum propheticum aliquid dicitur, cum historicè aliquid enuntia-

enuntiatur, & res per historiam significata ac prædicta secundario intelligitur. Quemadmodum ejus rei illustre exemplum est, quod Johannes cap. 19. 33. de Christo ait: *Non fregerunt ossa ejus*: idque postea probat è Sacra Scriptura v. 36. *facta, inquit, sunt ea, ut Scriptura impleretur; ossa ejus non confringes*. Id quod citra controversiam immediate & proxime de agno paschali dictum Ex. 12. v. 46. mediatè verò etiam de Christo (qui agno paschali fuit adumbratus 1. Cor. 5. v. 7.) idem prædicitur typicè ac gradatim. Per consequentiam verò aliquid in Scriptura dicitur, cum res ipsa quidem non exprimitur, sed positione alterius rei, unde dependet, tanquam necessario argumento, è quo sequitur, indicatur; quomodo Christus ait Matth. 22. *de resurrectione mortuorum non legistis quod Deus dixit, &c.* ubi de resurrectione mortuorum dicitur, non immediate ac proxime ratione consequentis: sed tantum ratione consequentiæ: quia ex illo fœdere gratiæ & promissione, cum Deus Deus Abrahami dicitur, tanquam ex argumento valido, necessariâ consequentiâ, indicatur illius (eoque & eorum qui ejusdem sunt fœderis) resurrectio: quemadmodum Christus etiam sequenti argumentatione demonstrat.

Hiscè dicendi modis variis jam explicatis ac præmissis, ad dicti sensum accedamus, quo asseritur, eum hominem, cui Deus imputat justitiam absque operibus, beatum dici à Davide. Nam *λίαν τὸν μαγεύον τὸ ἀνθρώπου* nihil aliud est, periphrasi quadam, quàm *μαγεύει* beatum dicere: ut rectè noster interpretes reddidit, *pronunciat beatum*. Quam sententiam probat Apostolus propositione verborum Davidis vers. 7. & 8. ex Ps. 32. quo in loco elegans omnino allegoria est, cum dicit, eum, cui remissæ sunt iniquitates & tecta sunt peccata, ac cui non imputat Deus peccatum, esse beatum; ubi eadem sententia, tribus phrasibus, variatâ metaphorâ enuntiatur. Nam si subjecta consideremus, quæ miseriam humanam describunt, peccata sunt quasi vincula, quæ nos reatu seu obligatione ad pœnam victos ac captivos reddunt: deinde quasi naturæ & operum turpitudine quædam ac sordes, quæ nos Deo ingratos reddunt: denique sunt quasi debita, quibus debitam obedientiam Deo detrahimus: & quasi in libro Actorum judicii divini pœnam debemus.

Gratia vero Dei tribus idoneis attributis declaratur, *remittendi* seu solvendi vinculum illud & captivitatem; & *obtegendæ* turpitudinem ac sordes illas: & *non imputandi* seu non annumerandi debitis, sed debita nostra dispungendi: quæ allegoriâ pœnæ peccatorum nostrorum condonatio, propter Christi satisfactionem, qua pœnam nobis debitam pertulit, citra controversiam significatur. Verùm hoc in quæstione positum est, An ex hac Davidis sententia, & expositione Pauli antecedente sequatur, imputationem justitiæ nempe perfectæ, & remissionem peccatorum, strictè loquendo, seu sine Synecdoche acceptam, unum & idem esse: quidam affirmant: alii meritò negant, ut res ipsa arguet: nam remissio peccatorum non est tota ejus, quod legi debemus, præstatio; eoque nec est tota justificatio, sed tantum pars illius, qua secundum quid justitia nobis imputetur: non autem universalis justitia: nam debemus legi divinæ ac Deo justo judici, ob legis violationem per peccata, pœnam maledictionis, secundum sanctionem legis Deut. 27. 27. deinde debemus præterea obedientiam ut vitam consequamur, *hoc fac & vires* Levit. 18. 5. In utriusque debiti præstatione perfecta justitia, (quâ Deo suum à peccatoribus præstatur) continetur: & justitiæ perfectæ imputatio utrumque necessariò complectitur: ideoque in solâ remissione peccatorum non potest consistere.

Verùm Paulum nobis objiciunt, qui ait Davidem dicere beatum hominem, cui Deus imputat justitiam. Atqui David pro hisce verbis habet, *remittere iniquitatem & peccata non imputare*: Ergo remissio peccatorum strictè accepta, est imputatio perfectæ justitiæ: alias quo modo verè enuncietur, Davidem ea dicere, quæ ipsi Paulus attribuit? Sed negatur Conseq. Primò, quia David idem quidem dicit reipsa quod Paulus: sed non strictè, verùm per Synecdochen partis pro toto, seu membri pro integro: cum enim remissio peccatorum sit prima pars justificationis (ut antè ostendi-

mus) quâ propter pœnarum Christi pro nobis solutarum satisfactionem, à debito pœnæ ferendæ absolvimur, ac relatè ad legis maledictionem eatenus justi judicamur, Synecdochicè totam justificationem notat: quia pars prima & præcipua est: deinde quia individuo (per accidens gratuiti fœderis) nexu, ei parti, seu non imputationi peccati, conjuncta est altera justitiæ atque obedientiæ perfectæ mandatorum legis imputatio in Christo & propter Christum. Secundò, etiam si strictè à Davide peccatorum remissio acciperetur: ne hac quidem ratione sequeretur, eam propriè esse imputationem perfectæ justitiæ; sed potius, ea positâ, certo consequi, tanquam ex argumento solido, ob copulam utriusque perpetuam; ac propterea Davidem imputationem justitiæ sine operibus pronunciare, non quidem expressè ratione consequentis; sed ratione consequentiæ; seu non quod idem sint; sed quod semutud ponant. Et qui eum beatum dicit, cui peccata non imputantur, atque ea ratione esse sine perfecta operum justitia peccatorum mentione indicat; Is similiter mediatè, per positionem antecedentis proprii, consequens necessario connexum, consequentiæ vi etiam dicit.

Sed excipitur: quibus à Deo peccata non imputantur, illi judicantur nihil fecisse mali, nihil omisisse boni: ac propterea non imputatio peccati est imputatio perfectæ justitiæ. Sed negatur antecedens: nam non imputare peccatoribus peccata, non significat judicare, quod nullum fecerint peccatum, nihil commiserint mali, nihil omiserint boni: quia hoc pugnat contra rei & Dei veritatem ac justitiam: nam peccata facta, infecta fieri non possunt: nec Deus aliter judicare potest, quam re est: quia judicium ejus verum est. Sed contrà, non imputare peccata, de reatu peccati ac pœna, non de iniquitate & culpa illius intelligendum, hoc est, quod Deus non imputat ad pœnam, quod non abstinerint à malis, nec perfecerint bona omnia lege præscripta: nam quod objicitur, inter non imputationem peccati & imputationem justitiæ perfectæ nullum esse medium: illud inquam falsum est: quia ante lapsum Adamo & nobis in eo non imputabatur peccatum, neque ad pœnam, neque ad culpam; sed tamen licet careret peccato, non imputata ei fuit perfecta justitia, quæ ad jus vitæ æternæ requiritur: quia etsi omnia mandata Dei observasset & omnino: non tamen ad finem usque servavit: ideoque perfectio durationis defuit. Sed de hac re aliàs etiam à nobis actum: unum superest, ad plenioris hujus loci vindicationem, quod Pontificii ex eo & similibus probare contendunt, justificationem hominis constare duobus membris, remissione peccatorum, & insita justitiâ nostra; quia David Ps. 32. 2. non solum ait: *beatus homo, cui non imputat Dominus iniquitatem*; sed etiam addit, & *in cujus spiritu non est dolus*: ac propterea equalè statuit rationē, secundi ac primi membri, quod hæc duo ad hominis beatitudinem, ideoque & ad hominis justificationem concurrant.

Verùm negamus hoc probari recta consequentia. Primum, quia ea verba, *In cujus spiritu non est dolus*, inchoatam tantum sanctitatem, non autem perfectam notant: quia cum peccatis, quæ remittuntur, seu quorum pœnæ, propter Christi pœnæ satisfactionem, condonantur, conjuncta statuitur. Et in eodem Psalmo, omnes sancti pro remissione peccatorum oraturi dicuntur: ut revera etiam Christus orare docuit Matth. 6. Ideoque imperfecta cum sit sanctitas, justificare non potest. Quare hic duo conjuncta quidem, sed diversa tamen proponuntur, beneficium Dei, remissio peccatorum qua beati sumus, & effectum, officium nostrum, ut sincerè Deum colamus: quod signum est remissionis peccatorum, & beatitudinis argumentum, ut Rom. 8. *Nulla est condemnatio iis qui sunt in Christo Jesu, qui non secundum carnem ambulant, sed secundum Spiritum*. ubi esse in Christo, causa est liberationis à condemnatione: sed non secundum carnem, verùm secundum Spiritum vivere, effectum est ac signum illius unionis cum Christo & liberationis à condemnatione. Similiter quod Ps. 1. dicitur *beatus vir, &c.* ostendit quales sint beati: non autem quo merito, aut qua causa efficiente beati sint, ut malè Pontificii colligunt; quia obedientia nostra imperfecta ac peccatis contaminata est: ut antea demonstravimus.

Haecenus de genuina v. 6. 7. & 8. sententia, & Davidis testimonio, quo indicatur, hominem justificari sine operibus, hoc est, sine perfectâ operum iustitia: quod iustificatio sita sit in peccatorum remissione & annexa gratuita iustitiæ imputatione. Quo homo beatus est, eo iustificatur, beatitudo enim hominis, in hac vita, consistit in iustificatione, qua à maledictionis reatu absolvitur & hæres æternæ beatitudinis statuitur: at remissione peccatorum homo beatus est: Ergo remissione peccatorum iustificatur, eo-que imputatione iustitiæ sine operibus, nam peccata seu opera vitiosa habere quæ remittantur, & perfectam habere operum iustitiam, inter se pugnant. Atque hæc de iustificationis modo, unde opportuna transiitio, ad subiectum illius declarandum ita accedit, ut simul etiam antecedentia legis & Prophetarum testimonia amplius illustret. Quam ad rem utitur communicatione rhetorica: quæ constat quæstione & responsione duplici: ac prior quæstio generalis est: an hæc beatitudinis declaratio, de qua David loquitur, pertineat ad solos circumcisos, (ut Judæi plurimi statuebant Act. 15. 1.) an vero etiam ad incircumcisos? quam quæstionem ab occasione illius, iustificatione Abrahami, declarat v. 9.

Altera est singularis, de exemplo personæ Abrahami, an illi circumciso, aut incircumciso iustitia sit imputata? Quibus quæstionibus suas subjicit responsiones: ac primum ad secundum *ὁ κύριος τὸν τὸν* quidem, sed tamen accommodatissime, si rem ipsam spectes: siquidem ab hoc exemplo particulari Abrahami, generalis aliorum iustificandorum ratio dependet. Respondet igitur primò, Abrahamo imputatam iustitiam non circumciso, sed incircumciso. v. 10. idque illustrat ac confirmat per anticipationem objectionis, à circumcisionis usu, ne quis eam propterea inutilem fuisse obtenderet; siquidem ea non ad iustificandum data est; sed jam iustificato, ad significationem & ob signationem iustitiæ fidei, hoc est, per fidem receptæ, mandata est. Atque hinc deducitur ad priorem quæstionem responsio, ab exemplo Abrahami petita, nempe filios esse Abrahami & ejusdem modi iustificationis participes omnes fideles, cum incircumcisos, vers. 11. tum circumcisos, vers. 12. Quam responsionem utramque porro confirmat: ut & Judæos aberrantes confutet, & recte sentientes adversus errorem istum præmuniat. Ratio autem est, quia Abrahamo & semini ejus promissio hæreditatis mundi (supple data est,) non per legem, hoc est, per legis observationem ex operibus: sed per iustitiam fidei, hoc est, gratuitâ per fidem iustitiæ imputatione: ideoque sine ullo circumcisi aut incircumcisi discrimine. Cæterum quid *mundus* hoc loco significet, disquiritur. Quidam existimant Metonymicè omnes totius mundi fideles intelligi: quemadmodum vers. 16. & 17. *Pater omnium nostrum, & Pater multarum gentium* constitutus dicitur. Quæ expositio fidei quidem analoga, ac pia est: sed minus apta, quod loci circumstantiæ obstant.

Nam, cum hæc hæreditas, de qua sermo, communis dicitur Abrahamo & semini ejus: hoc modo sequeretur omnes totius mundi, per fidei Abrahami imitationem, filios, esse hæredes simul & ipsam hæreditatem, cum tamen nemo sui ipsius, sed alterius sit hæres, ex relatorum opposita natura: quare alia expositio magis convenit, qua *mundi* vox, per Metalepsin quandam, cælum notet: scilicet ut *mundus* primum, per Synecdochen totius, partem illius excellentem, nempe terram Chananææ promissam notet: deinde per Metonym. inde ortam, *cælum* significet, quod videlicet terra illa promissa tanquam typo Prophetico fuit adumbratum, quemadmodum per corporale Abrahami semen, hoc est, posteros, hæredes Chananææ, sic per spirituale semen, hoc est, omnes fideles, hæredes cœli intelliguntur, ut hoc cap. ex vers. 11. 12. 16. & 17. constat. Quamobrem sensus est hujus loci, promissionem hæreditatis cœli Abrahamo & semini ejus datam, non per legis observationem, sed per iustitiam fidei apprehensam, v. 13. quam rationem Apostolus probat sequentibus: ac primum aphæresin illius, nimirum non per legem esse hæreditatem illam, à consequente absurdo effecto: quia alias lex & fidem & promif-

sionem redderet inanem: nam si qui ex lege sunt (hoc est, legales, id est, qui legem perfectè implent) hæredes sunt Abrahami & promissionis illi factæ, sequitur fidem, quæ non operibus nostris, sed gratia: non lege à nobis perfectè observata, sed promissione de benedictione gratuita in Christo, nititur, quæque legis lationem per Moysen antecessit, esse irritam: quod hæc duo sint contraria hæreditatis obtinendæ media, vers. 14. Quod, quam absurdum sit, demonstratur eleganter, Galat. 3. vers. 15. ad 19. usque. Hoc autem in loco consequentiam firmam esse docet Apostolus à consequente legis, quod iram, non hominum quidem contra Deum: sed Dei contra homines, hoc est, pœnam æternam operetur. Ira enim non affectum in Deo notat: sed effectum, seu justam pœnam, Metaphorâ ab hominibus deductâ: in quibus ut ira est puniendi ob offensam affectus: sic pœnæ effectus sequi solet. Si igitur per illud hæreditas tantum est, sequitur, fidem hæreditatis & promissionem hæreditatis, cui fides innititur, esse irritam, atque ita nullam esse spem salutis: Atqui lex iram Dei operatur: Ergo si per eam tantum est hæreditas, vana est hæreditatis & fides & promissio. Quod autem *lex iram operari* dicitur, illud non propriè intelligendum, quasi vi legis pœna hominum oriretur, sed impropriè per Metaphoram, qua occasio antecedens, (cujus abusu aliquid, vitio hominis, efficitur) ob similitudinem, quam cum causâ efficiente habet, illud efficere dicitur: quod quemadmodum posita causâ efficiente, sequitur proprium illius effectum: ita posita tali occasione, similiter sequatur effectum: verum non eodem, sed diverso consecutionis modo ac genere; priori enim modo sequitur effectum per se, vi causæ illud operantis; posteriori verò non per se, seu non occasionis vi, sed vitio hominis occasione abutentis, ad illud efficiendum; quo demum modo lex iram seu pœnam operari dicitur: quia legis occasione, dum peccatum vetat, eique hoc modo contraria est, homines, pravitate infiti, in vetitum nitentes, abusi, iram Dei magis magisque adversus se provocant atque adaugent: ut Rom. 7. vers. 7. 11. 12. 13. egregiè explicatur. Legem autem eo sensu iram Dei operari, hoc est, iræ Dei esse occasionem, ab hominibus arreptam, probat à consequente peccato: quod causa est iræ Dei: *Ubi enim*, inquit, *non est lex, nec transgressio est*, nempe tanta: nec enim absolute loquitur, sed comparatè: nam quamvis verum sit, absolute loquendo, de lege universè sumpta, cum naturali, quæ cordibus: tum morali, quæ tabulis inscripta: de posteriori tamen Apostolus dislerere, ex scopo aliisque circumstantiis loci apparet: ac propterea *peccati* vox relatè accipi debet; quemadmodum etiam colligitur ex Rom. 2. vers. 14. & 15. ubi gentilibus peccata ascribuntur & lex denegatur. Similis etiam locus est Joh. 15. 22. *Si non venissem & locutus fuisset eis, peccatum non haberent: Nunc verò non habent, quod prætexant*: ubi peccatum apertissimè non absolute, de quavis legis transgressionem accipitur: sed comparatè, quod scilicet tantum peccatum non haberent: siquidem accessu contemptus Euangelii prædicati adauctum est. Atque hæc de vers. 15.

Atque ita confirmata aphæresi hac, non per legem, seu legis observationem, promissionem esse datam: thesin concludit his verbis, *propterea ex fide*: & simul probat, quia hoc modo gratia & promissio toti semini facta, confirmatur. *Totum autem semen* quid sit, illustrat distributione opportuna, in illud, quod *est ex lege*, hoc est, legale ac circumcissum, ut v. 12. seu circumcisos fideles: & quod *ex fide Abrahami est*, nempe tantum: (quæ ellipsis ex oppositione illa colligitur) hoc est, incircumcisos fideles, instar Abrahami: ut qui incircumcisi iustificati sunt. Nam qui ex lege sunt, seu legales dicuntur, qui legem observant: vel simpliciter vers. 14. vel secundum quid, ut qui secundum legem circumcisi: quomodo hic accipitur; alioqui hæc duo loca sibi mutuo repugnarent. Hoc autem ratione munit, quia *Abrahamus est Pater omnium nostrum*, h. e. fidelium, cum circumcisorum, tum incircumcisorum cujuscunque nationis, v. 16. Id quod illustrat Apostolus. Primum quidem, ab adjuncto Dei iudicio, cum ait, *caram Deo*. idque per parenthe-

renthesin probat ex lege, seu libris Moſis, Gen. 17. 5. Secundò verò illuſtrat ab efficiente instrumentali, nempe fide, quam copioſè deſcribit: ac primum à cauſa impulſiva, omnipotentia Dei, quā vivificat mortuos & vocat ea, quæ non ſunt, tanquam ſint, hoc eſt, creat ac format ut Gen. 1. pro omnipotenti ſuo arbitrio, v. 17. & Hebr. 11. v. 19. deinde à fortitudine illius: quam ex objecti & promiſſionis primū datæ difficultate demonſtrat, verſ. 18. deinde à conſtantia amplificat, primò per aphæreſin, ſeu negationem contrarii, quam collatione majoris longè difficultatis declarat, nempe quod poſt 15. annos, à promiſſione primū accepta, centum circiter annos tunc nato, ea repetita fuerit, & nominatim ad Saræ poſteros apertè reſtricta; cum uterque jam ſenio & laboribus eſſent effœti, & Sara præterea ſterilitatis vitio ad prolem inepta, v. 19. Aphæreſin deinde aliis verbis repetit addita theſi, v. 20. 21. Denique concludit fidei effectum (de quo actum eſt v. 3.) imputationem juſtitia, v. 22. Idque ad omnes fideles per anticipationem objectionis accommodat, per aphæreſin, v. 23. & theſin, verſ. 24. Quo loco objectum fidei noſtræ proponitur: nempe Deus Pater, & effectum Patris, ſuſcitatio Chriſti ex mortuis. Cujus reſurrectionis ut & mortis cauſa adjicitur. Mortis quidem, peccata noſtra: Reſurrectionis verò juſtificationis, cum ait, *Qui traditus eſt* (videlicet in paſſionem & mortem) *propter offenſas noſtras*, hoc eſt, fidelium, ſeu meas & veſtras, ô fideles Romani; *& excitatus eſt propter juſtificationem noſtram*. Certum enim eſt cauſam hîc notari. Verùm cum vox *propter*, modò efficientem, modò finem indicet; utrovīs modo accipiatur, probabilis eſt ſententia: nam ſi de fine accipiamus cum plerique ſenſus erit, *mortuus propter offenſas noſtras*, h. e. ad ſatisfactionem pro offenſis noſtris: & *reſurrexit ad juſtificationem noſtram*, h. e. ut in eo juſtificemur. Nam ut Deus Pater Chriſtum ſponſorem ſatisfactionis, pro peccatis noſtris, judicio & ſententia ſua, in ſe condemnans, propter nos, mortem infligendo, actu quoque condemnavit & nos in Chriſto, 2. Cor. 5. v. 21. & Gal. 3. v. 13. ita ob mortis perpeſſionem & ſatisfactionem, Filium Pater juſtificavit & abſolvit judicio ſuo in ſe, & deinde reſurrectione, tanquam effectū neceſſario, juſtificavit, h. e. juſtum declaravit, & nos in ipſo, ut 1. Tim. 3. v. 16. Deinde juſtificationis noſtræ cum ſit effectum meritum obedientia & mortis Chriſti: ratione tamen facti & collationis illius, etiam dici poteſt finis reſurrectionis: quia Chriſtus reſurrexit, ut aſcenderet in cœlum, & inde miſſo Sp. S. per Euangelium, ad fidem vocaret, & meritam juſtificationem fidelibus donaret. Atque hæc de primo explicationis modo, quo bifariam cauſa finalis indicari poteſt.

Alter verò eſt, ut cauſam quidem, ſed efficientem ſignificet utrimque, hoc ſenſu: *Traditus eſt propter offenſas noſtras*, hoc eſt, offenſarum noſtrarum cauſa impellente: quia offenſæ noſtræ hoc erant meritæ; & ſatisfactionem debitæ pro iis pœnæ, Chriſtus tanquam ſponſor in ſe ſuſceperat, ut Ef. 53. v. 5. 6. *Reſurrexit verò propter juſtificationem noſtram*, hoc eſt, juſtificationis noſtræ meritæ cauſa ac jure: quia enim Chriſtus traditus eſt in mortem, peccatorum noſtrorum cauſa, pro iis plenè ſatisfecit, & Patri ad mortem obediens factus juſtificationem noſtri eſt promeritus: idcirco è carcere mortis, jure ſolutus eſt per ſuſcitationem à mortuis, ut meritis ipſius juſtificatos nos eſſe conſtaret, Efai. 53. v. 10. 11. 12. Actor. 2. v. 24. & 1. Corint. 15. v. 17. *Si enim Chriſtus non reſurrexit, vana eſt fides noſtra, adhuc eſtis in peccatis veſtris*. Nam durante pœna, ſatisfactionem non eſſe peractam; apud juſtum judicem conſtat: peractâ verò, apud Deum juſtum judicem, pœna mortis durare non potuit: ſed neceſſaria erat, ſecundum Dei juſtitiam, ex mortuis ſuſcitatio. Atque hæc pertinent ad illuſtris hujus loci explicationem. Ut autem in diverſo explicandi modo, quid ſentiam, ſincerè proponam, licet utrumque probabilem eſſe agnoſcam: poſtერიorem tamen vulgò minus explicatum magis conſentaneum arbitror: quod vocum proprietati magis adhæreat, quam prior.

## CONSECTARIA CAP. IV.

I. Cum Abrahamus fidelium Pater, cujus eximia fuerunt virtutes, de juſtitia ſua gloriari non potuerit apud Deum, multò minus reliqui.

II. Apud Deum gloriari poſſumus & debemus de gratia illius, non autem de juſtitia noſtra; quia illud modèſtiæ & prudentis fidei; hoc verò impudentis arrogantia eſt, verſ. 2.

III. Cum Paulus mercedem aliam ſtatuat debitam: aliam gratuitam: ſequitur errare Pontificios, cum ex operum mercede meritum colligunt, verſ. 4.

IV. Deus imputat juſtitiam abſque operibus: Ergò ſequitur contra Pontificios, nos operibus noſtris nullo modo, coram Deo juſtificari, nec vitam mereri, verſ. 6.

V. Cum David ſuam & reliquorum Sanctorum beatitudinem conſtituat in perpetua peccatorum remiſſione: Ergo non ſolum initium: ſed etiam continuatio juſtificationis eſt gratuita, contra quam Pontificii ſtatuant.

VI. Si peccata noſtra coram Deo, non ſolum teguntur, ſed etiam non imputantur: conſequens eſt, errare Pontificios, qui remiſſa culpâ, pœnam retineri, eoque imperfectam remiſſionem, imò nullam, ac Deum injuſtum ſtatuant: qui cum remiſerit, ſeu condonarit culpam (quod nihil aliud eſt, quam reatum illius ſeu obligationem ad pœnam, condonare) nihilominus pœnam exigat, v. 7. & 8.

VII. Cum Sacramenta ſint ſigna & ſigilla juſtitia fidei; hinc concluditur, ea illis, qui in ſua infidelitate perſiſtant, non prodeſſe ad juſtitiam ac ſalutem. Deinde Veteris & Novi Teſtamenti Sacramenta, non ſubſtantia differre, ſed circumſtantia, ex circumciſionis deſcriptione evincitur.

VIII. Cum alibi ſanctificationem hominis ac circumciſionem cordis, externa circumciſione obſignari, doceamur: ſequitur, ex collatione hujus loci & aliorum, eam fuiſſe ſigillum circumciſionis peccati: cujus duæ ſunt ſpecies, juſtificationis, qua tegitur coram Deo peccati reatus, ſeu remittitur pœna peccato debita: & ſanctificatio, quā paulatim tollitur è nobis peccati macula ac culpa, verſ. 11.

IX. Fidei objectum eſt non meritum noſtrum: ſed gratuita juſtitia imputatio, verſ. 13.

X. Dei promiſſionibus, quamvis illæ naturæ vires ſuperent, omninò acquieſcendum eſt, & omnipotentia ac veritati illius omninò innitendum, verſ. 17.

XI. Fides Dei gloriam maximè illuſtrat: incredulitas verò obſcurat ac minuit, verſ. 20.

XII. Sacra Literæ ad noſtram utilitatem ac conſolationem conſcriptæ ſunt: ac propterea diligenter perſcrutandæ, verſ. 23.

XIII. Una eademque ſalutis ratio eſt ſub Veteri & Novo Teſtamento, ibid.

XIV. Peccata odiſſe meritò, ac ſeriò fugere debemus, non ſolum quia ſunt animæ noſtræ deformatio, ac Dei offenſio: ſed etiam, quia mortis Chriſti cauſa extiterunt.

XV. Eorum tamen conſcientiâ deſperandum non eſt: ſed animo pacato eſſe debemus; quod ea Chriſti morte ſint expiata: idque reſurrectione illius comprobatur, verſ. 25.

## CAP. V.

Postquam Apoſtolus ſuperiori Capite juſtificationis modum, per fidem; & ſubjectum, quosquis, tam incircumciſos, quam circumciſos, confirmavit; & cauſam illius œternæ pœnæ Chriſtum eſſe oſtendit: hoc Chriſti beneficium nempe juſtificationem amplificat & illuſtrat hoc capite, bifariam: primum ab effectis ad v. 12. deinde à comparatis, inde ad finem.

Effecta autem varia, ad fidelium conſolationem & Chriſti gloriam, enumerat. Quorum primum eſt pax erga Deum, aut potius apud Deum: quam ex juſtificatione, tanquam cauſa, concludit: eamque Chriſto aſcribit Mediatori noſtro. Verum cum pax Chriſtiana ſit triplex, nempe aut cum Deo, aut cum Dei creaturis, hoc eſt, cum conſcientiâ noſtrâ, vel cum proximo: de poſtrema pace non agi, conſentiunt omnes & res ipſa evincit: ſed de reliquis inquiri poſteſt.



test: nam vulgò de secunda, nempe pace & tranquillitate conscientiae, interpretantur, sensu pio, sed non satis convenienti huic loco: quia phrasis nonnihil obstat: nam aliud est pacem habere erga se, seu secum: aliud erga Deum, aut apud Deum: nam quod obtenditur ex 1. Joh. 3. vers. 21. *Charissimi, si cor nostrum nos non condemnet, habemus pacem* apud Deum; illud ab hac sententia diversum est: aliud enim est habere pacem apud Deum; aliud (quod ex pace illa oritur) libertatem accedendi ad Deum. Quare satius esse videtur, ut omninò de pace & reconciliatione cum Deo intelligamus: quæ pax proximum & immediatum est justificationis effectum: quemadmodum contra peccati & reatus effectum est inimicitia cum Deo. Hæc de vers. 1.

Quod *primum* effectum, expolitione quadam, ad amplificationem, expressè repetitur, cum ait: *Nos per Christum & fide adductos esse in hanc gratiam*, hoc est, pacem & reconciliationem cum Deo, *in qua stamus*: deinde cum secundo effecto & tertio copulat, cum subjicit, *& gloriamur sub spe gloriæ Dei*: nam gloriatio de reconciliatione cum Deo, pacem conscientiae denotat, quæ à Christo, ex fide justificationis, eoque & reconciliationis cum Deo promanat, & secundum effectum est. *Spes* verò gloriæ Dei, expectationem lætam vitæ æternæ gloriæ significat: quæ *tertium* effectum est procedens ex fide & pacis cum Deo conscientia vers. 2.

Verum quoniam objici poterat, res adversas esse irati Dei signa & tristitiæ, ad desperationem adducentis materiam: idcirco per objectionis anticipationem *quartum* adjicit effectum, per amplificationem, quod non solum de antecedentibus Dei, in Christo beneficiis gloriemur, sub spe gloriæ Dei: *sed etiam de afflictionibus*. Idque confirmat: quod ex spem non tollant, sed confirmant: in qua ratione proponenda, uritur perquam eleganti gradatione rhetorica, à fructibus afflictionum, unde ad spem tandem assurgit. Primus enim fructus proponitur *tolerantia*, quam afflictio efficit: primum, non tanquam causa procreans aut principalis, sed tanquam causa conservans & adjuvans: deinde nec per se, sed per accedens gratiæ Christi & auxilii divini: nam quod trito proverbio dicitur, *παιδεία μαθήματα, &c.* quæ nocent docent, illud quidem locum habet in exiguis casibus, moderatissime ingenii, in quibus tolerantia exercetur: sed in gravioribus illis, quales Christianorum, qui hoc in loco intelliguntur, tolerantia non exerceretur, sed tolleretur, & in desperationem abiret, nisi fide gratiæ Christi, ac spe gloriæ Dei, & auxilio divino sustentaretur, Psal. 73. v. 2. & cap. 16. v. 17. Jer. 12. v. 1. 2. 3. Mal. 3. v. 14. 15. 16. Hinc enim exurgit tolerantia, qua humiliter ac fortiter, animoque hilari, secundum Spiritum, 1. Pet. 1. v. 4. 5. 6. res adversas, ad Dei gloriam perferimus, vers. 3.

Alter fructus, ex priori oriens, est *ἀκμή probatio*: quæ intelligi potest, aut de auxilii divini experientia, aut de fidelium exploratione, qua ab hypocritis dignoscuntur: nam quod de fide inter homines mutua ait profanus Poëta concinnè,

*Scilicet ut fulvum spectatur in ignibus aurum:*

*Tempore sic duro est inspicenda fides;*

illud de Christiana fide asseritur, 1. Pet. 1. v. 7. ubi Petrus fidei probationem seu explorationem temptationibus attribuit, his illustribus verbis, *ut exploratio æquivalet fidei vestræ, multò pretiosior auri*, scilicet exploratione, quod tamen per ignem exploratur, comperiat ad laudem & gloriam, &c. quod videtur priori accommodatius, nisi fortè utrumque quod fieri potest, communi voce includamus, ut probatio & auxilii divini, & sinceritatis fidei nostræ intelligatur.

Tertius fructus est *Spes*, non quidem ratione initii, quo tolerantiam & explorationem hanc antecedit, sed ratione augmenti, quod inde tanquam ex causa conservante & augente procedit: nam quemadmodum in martyrio tanquam insigni virtute fides probatur & augetur, sic & fidei comes, spes, de favore Dei in posterum, & vitæ æternæ consequendæ, vers. 4.

Quia verò objici poterat, spem sæpe esse dubiam, & fallacem, quod ejus comes sit metus, accommodata anticipa-

tione, Christianam spem, ab adjuncta certitudine eventus felicitis, describit, per aphæresin, ut eam à fallaci discriminet: sic enim ait: *Spes non pudefacit*, hoc est, per Meton. non est vana, non fallit: nam falsa spes, quæ re sperata excidit, pudore afficit: sed vera, quia rem assequitur, non item.

Cæterum hanc spem Christianam non esse inanem, demonstrat à *Charitate Dei effusa in cordibus nostris*, per *Spiritum Sanctum*, qui datus est nobis: id quod bifariam exponunt: cum enim *Charitas Dei* ambigüe dicatur, ut *Deus*, hoc loco, aut efficientem causam, aut objectum notet, hoc est, ut intelligatur vel charitas Dei erga nos, qua nos diligit: aut nostra erga Deum, qua diligitur à nobis: posteriori modo plerique veterum accipiunt. idque probari videtur ex eo, quod charitas Dei erga nos, non in nobis sit, sed in Deo; ideoque non illa, sed charitas nostra intelligenda, quam Deus per Spiritum suum, non regenerando, non minus quam fidem & spem infundit: Charitas autem cujus hic fit mentio, apud Paulum, *in nobis esse* dicitur: veruntamen prior expositio, quam nostri vulgò sequuntur, magis convenit scopo & sequenti probationi atque expositioni, v. 7. & 8. neque obstat, quod *effusa* dicitur *in cordibus nostris*: hoc enim intelligendum est, non ut adjectum in subjecto hærens: sed ut objectum, in adjecto fidei sensu, relucens, operatione Spiritus Sancti, qui nos, de charitate Dei erga nos, abundè certiores reddit, Rom. 8. v. 15. 16. Hæc de vers. 5.

Quam charitatem Dei exponit ac probat ab effecto, nempe Christi morte, pro nobis impiis, vers. 6.

Quam mortem amoris Christi & Patris, erga nos, argumentum esse gravissimum demonstrat: Christi quidem; comparatione amoris illius, cum hominibus, quorum vix ullus pro justo, nedum pro injusto mori sustineret, vers. 7. Patris verò, quod cum essemus peccatores, atque ea de causa hostes Dei, Christum Filium suum dederit, ut pro nobis moreretur, vers. 8.

Porro ex amore Dei & Christi erga nos, ad spei & gloriationis in afflictionibus confirmationem consecrarium opportunè, & quasi per anticipationem objectionis, deducit. Objicit enim poterat; quamvis Deus nos, cum essemus impii, reconciliari sibi, (peccata propter Christum condonando) non inde tamen sequi, eum jam nobis esse amicum, cum affligit: sed potius adversarium; quoniam post summum hoc reconciliationis beneficium, variis peccatis nostris iram illius sumus promeriti; ac propterea spem nostram & gloriationem in afflictionibus esse vanam. Paulus contrà, idem argumentum ac telum invertit ac retorquet, comparatione majoris, hoc modo: *Justificati nunc sumus Christi sanguine*, h. e. obedientia & satisfactione illius, qua sanguinem pro peccatis nostris effudit, ac mortuus est. *Ergò multò magis per eum servabimur ab ira Dei*. Cum autem ira non affectum in Deo, sed effectum, scilicet pœnam notet; eaque sit, vel ut à justo & severo iudice, ad exitium; vel ut à Patre misericorde & benigno, ad exercitium, probationem, castigationem & salutem: prior ira, hoc loco intelligitur, pœna videlicet æterna, & illi prævia, ac principium quoddam illius, temporalis: quemadmodum cum reprobi, à Deo iudice, ad exitium affliguntur: à qua ira, fideles per Christum justificati, immunes sunt ac liberi; v. 9. id quod confirmat eleganti ac varia oppositione status nostri duplicis, ante & post justificationem.

Opponit enim inter sese *inimicos & reconciliatos*, quæ contraria adversa sunt: & *reconciliare & servare*, quæ diversa: *Mortem* denique & *vitam*, quæ privativè opposita: majus autem est beneficium, inimicos Dei, per Christi obedientiam ac sanguinis effusionem & mortem reconciliari, quam reconciliatos servari, per vitam ipsius, in gloriam recepti: ubi scilicet apud Patrem noster est intercessor, & Spiritus sui vi Ecclesiam quasi manibus suis conservat ac tuetur. Hinc jam arguit Apostolus: *Si cum inimici essemus, reconciliati sumus Deo, per mortem filii ipsius? Ergò multò magis nunc reconciliati servabimur per vitam ipsius*: Atqui verum est prius, ut ex v. 1. apparuit. Ergò & posterius. v. 10. Atque hoc modo gloriatio illa in afflictionibus (quæ *quartum* est Christi per fidem & justificationem effectum) declarata

clarata ac probata est. Idque amplificatur additione majoris effecti *quinti*, nempe gloriationis in Deo. Gloriamur non solum de vita æterna & afflictionibus, tanquam ad eam adimiculis: sed etiam in Deo, quem scimus nostrum esse Patrem, nobis per Christum reconciliatum: unde omnia bona, tanquam ab inexhausto fonte promanant, v. 11. Atque ita ad reconciliationem & pacem cum Deo, de qua initio capitis actum est, eleganter redit, & ad alteram hujus capitis partem viam sibi sternit. Qua parte doctrinam de justificatione & reconciliatione nostri cum Deo, per Christum illustrat, amplificat ac probat, comparatione Adam & Christi, tanquam typi & archetypi, quam ex superioribus concludit.

Comparatio autem est gemina, videlicet similitudinis & dissimilitudinis: & utraque constat propositione & redditione.

Prior comparatio continetur, v. 12. 13. 14. similitudo autem si rem intueamur, consistit in natura & effectis duobus. In natura, quod uterque homo: in effectis; primum, quod uterque suos habet posteros, & multitudinem, cujus principium & caput est: deinde quod uterque habet aliquid, quod propagaret ad omnes & solos posteros. Quemadmodum autem simile non est idem, sed nonnihil etiam habet diversi: ita etiam hoc in loco apparet: Adam *ἄνθρωπος* homo tantum: sed Christus etiam filius Dei *θεοῦ υἱός*, Deus-homo. Adamus posteros habet & hæredes omnes homines, secundum carnem, naturæ vi genitos: Christus verò electos omnes ac fideles, supernaturali gratiâ regenitos: ille natorum: hic renatorum principium est. Adamus peccati & mortis, in hominibus fons est: Christus verò justitiæ & vitæ author. Adamus peccatum suum omnibus & solis natis suis, v. naturæ; Christus verò justitiam suam & vitam omnibus & solis renatis suis communicat.

*Πρόσως* seu propositio hujus comparationis prolixior est: *ἀντίως* verò seu redditio contractior. Cæterum peccatum, quod per Adamum introiit, vulgò peccatum originis esse statuunt, cujus duas constituunt partes, reatum peccati Adam & corruptionem naturæ: sed minus accurate: quoniam peccatum originis est, quod ab origine conceptionis & nativitatibus habemus: illud autem est duplex; primum, & inde ortum. Primum, est transiens & actuale, nempe lapsus Adam, qui noster est iusta imputatione, quod sibi & nobis, ut stetit ad tempus; sic peccavit.

Alterum est permanens & habituale, ex prioris merito ac corruptæ naturæ translatione naturali procedens, naturæque nostræ inhærens corruptio moralis. Quamobrem hæ diversæ peccati originis quasi species esse possunt: sed partes minimè. Et reatus, peccati effectum est: non autem ipsum peccatum; etsi per Metonym. peccati nomine, sæpius intelligatur. Deinde quamvis peccatum *ἡ ἁμαρτία* pro originis peccato generatim sumptum, utramque speciem complecti posset, de priori tamen, hoc in loco, tantummodò disputari, ex sequenti expositione, vers. 15. ad 20. perspicuè apparet. Adam igitur effecta hîc proponuntur duo, quorum primum est peccatum lapsus inobedientiæ illius; undè orta est mors, nempe cum æterna, tum ad eam tendens temporalis: quæ utraque tanquam stipendium meritum peccati est, Rom. 6. vers. 23. Quæ duo ab eo propagata esse ostendit in omnes homines naturaliter prognatos: mortem quidem, cum ait, *ἔκ τῆς ἁμαρτίας*, hoc est, per Adam lapsum, *ἡ μὲν θάνατος ἐκ τῆς ἁμαρτίας*: peccatum verò, cum addit, *ἐν ᾧ πάντες ἥμαρτον*. Nam quod Ezech. 18. vers. 20. dicitur. *Filius non portabit iniquitatem patris sui*; illud intelligendum est non absolutè; sed primum, nisi imitetur parentum iniquitatem, eoque modo peccatum parentum approbando suum faciat, Ezech. 18. v. 19. quomodo etiam intelligendum, Exod. 20. de peccatis parentum in posteris puniendis: deinde Propheta loquitur de ordine generis humani jam constituti: non autem de principio illius: quæ duo inter se plurimum differunt: Adamus enim tanquam stirps generis humani, justitiam originalem & gratiam Dei, sibi & posteris tanquam feudum quoddam acceperat, quod sibi suisque servaret, aut amit-

teret: eoque Adam peccatum non solum fuit singulare personæ ipsius, quod ipsum reddidit reum, seu obligatum ad pœnam: sed etiam universale generis humani, hoc est, totius posteritatis per vim naturæ generatæ: idcirco Apostolus addit *ἐν ᾧ πάντες ἥμαρτον*: aut ut quibusdam placet, *propterea quod omnes peccarunt*, vers. 12. Verum quoniam objici poterat, ubi non est lex Moysi, ibi non est peccatum: in mundo, ab initio, ante Moysen, non erat lex illius: Ergo neque peccatum: idcirco Apostolus propositioni contradicit, peccatum etiam fuisse revera in mundo, antequam esset lex Moysi: fuerat enim lex paradisi, & lex naturæ extabat: etsi non ita peccatum fuerit notum, Rom. 7. v. 7. lege Moysi nondum promulgata, v. 13. Hoc autem probat ab effectu necessario, nempe dominio mortis, non solum in imitatores inobedientiæ Adam, sed etiam in eos, *qui non peccarunt ad similitudinem transgressionis Adam*, hoc est, infantes. Hæc de *προσως*, propositione.

Cui obliqua & contracta subjicitur similitudinis *ἀντίως*, qui, inquit, *est illius, qui erat futurus, typus*, nempe, ut ait Phocius apud Oecumenium, *ἐν τῇ ἐκκλησίᾳ*, ex contrario: quemadmodum antea ostendimus: cum autem typus alius sit communis, qui variis rebus, pro docentis consideratione, ac comparatione accommodari potest: quemadmodum omnia, quæ similitudinem alicujus præferunt: alius proprius & destinatus seu Propheticus, quando ex scopo Scripturæ aliquid intenditur significandum: de posteriori videtur hæc vox accipienda: quemadmodum etiam alia in Adamo sunt, quæ Christum adumbrarunt: ut quod ex somno sopiti latere conjunx Eva producta est: sic ex Christi, per mortem sopiti, latere, Ecclesia orta ac vivificata, Ephes. 5. v. 31. 32. similiter 1. Cor. 15. v. 21. & 45. usque ad 50. etsi hoc typi mysterium, ante Evangelii revelationem, minimè potuerit intelligi: sic hoc loco Adamus Christi typus dicitur, quod ut ab illo injustitia & mors; ita ab hoc justitia & vita. Justitiam autem habemus duplicem, obedientiam Christi, & renovationem imaginis Dei in nobis, ad obedientiam Deo præstandam: quarum prior quidem inobedientiæ Adam opponitur, & nostra fit imputatione gratuitâ, per fidem, quâ iusti in Christo judicamur: quæ adjudicatio justitiæ, justificatio dicitur: posterior verò originali corruptioni, seu vitiositati, quam ab Adamo habemus, opponitur, & translatione quadam supernaturali perficitur, per Spiritum Sanctum, quæ sanctificatio, hoc est, naturæ corruptæ & peccato infectæ, purificatio appellatur: illaque perfecta est, hæc verò inchoata ac perficienda, & successivè in hac vita, variisque gradibus contingit, ratione fidelium omnium inter se, & singulorum in se, ad Dei redemptoris in Christo gloriam, & humiliationem hominum, ne quid glorientur, Ephes. 2. vers. 8. 9. Priorem autem justitiam nempe imputatam, non inhærentem nobis, hoc loco intelligit Apostolus: de posteriori suo loco acturus. Atque hæc de similitudine Adam & Christi, vers. 14. Sequitur deinde per correctionem quandam, ne quis erret, dissimilitudo: quam ponit initio vers. 15. ac postea exponit.

Dissimilitudo autem statuitur in causis & effectis. Ac primum in causis, quod Adamus suum lapsum & mortem communicat posteris suis naturâ: Christus suam justitiam & vitam, gratiâ & dono. Quæ quidem dissimilitudo non explicatur apertè, sed opertè innuitur, vocibus, *gratiæ & doni*, quæ lapsus opponuntur. Deinde in effectis ostenditur disparitas, quod gratia imputatæ Christi justitiæ efficacior sit, ad auferendum reatum & mortem, quam Adam peccatum ad ea inferenda, vers. 15. idque repetita prius dissimilitudinis assertionem, declarat ac confirmat. Primum ex eo, quod Adam peccatum quamvis sufficiens sit & efficiens prima: non tamen sola & universa condemnationis nostræ causa: quandoquidem eam condemnationem multis peccatis nobis propriis adauximus: Christus contra perfecta est justificationis nostræ causa, quod non solum ab uno illo Adam peccato; sed etiam à multis; hoc est, omnibus reliquis, 1. Joh. 1. vers. 7. absolvit, vers. 16. Secundo idem confirmat oppositione majoris efficacis justitiæ Christi, quam peccati Adam: per Adam enim lapsum mors

mors regnavit; per Christi verò justitiam redundantem, multò magis regnabimus in vltà: quod ut accuratius explicetur, observandum est, Adamum lapsum, vitam quidem temporalem & imaginem Dei, suo merito, sibi nobisque abstulisse, & pœnas temporales atque æternas acquisivisse, sed vitæ æternæ nec possessionem, neque jus abstulisse: quia in sua justitia, ad finem, non perduravit: ideoque nec possessionem, nec jus vitæ habuit ante lapsum; sed tantum potentiam, juris illius, si officium faceret ad finem, obtinendi: ideoque quod non habuit, amittere non potuit: Christus verò contrà fideles suâ justitiâ (qua & debitum pœnæ mortis & obedientiæ perfectæ legis persolvit) non solum liberavit à lapsu Adami reatu ac morte; & ita aditum vitæ æternæ obstructum aperuit: sed etiâ jus vitæ æternæ & possessionem illius, justitiæ suæ merito & efficaciam contribuit. Ac propterea omninò plus beneficii suâ justitiâ nobis confert, quam Adamus suo lapsu nobis abstulit, aut auferre potuit. Ideoque non frustra *redundantiam doni & justitiæ* prædicat Apostolus. Quod autem Scholiastes eruditus statuit, justitiam hoc loco, non esse intelligendam, de qualitate in Christo hærente, nec etiâ de essentiali ejus justitia: illud ratione secundi membri verum est, contra Andreæ Osiandrum (ut ejus errorem, præ cæteris egregiè in Institut. Calvinus confutavit) sed prius non rectè dictum: nam ad obedientiam perfectam (qualis est Christi, & quæ pro nobis debebatur à sponsore nostro) non solum requiritur actionum perfectio transiens: sed etiâ habitus justitiæ inhærentis: jubemur enim amare Deum (ecce actionem) & quidem ex toto corde, ex tota anima, & omnibus viribus, (en habitum ac qualitatem inhærentem) Luc. 10. v. 27. 28. Matth. 22. v. 37. & quemadmodum prohibetur peccatum originis præcepto decimo: sic contra eodem præcipitur justitiâ originalis: ideoque ad obedientiam legis & justitiam perfectam, habitus justitiæ pertinet. Sed objiciat aliquis, Deus ipse justitiam originalem donavit: Ergo ea non fuit pars obedientiæ ab Adamo & nobis debita. Verum negatur consequentia: quia etsi ratione effectiōis non sit pars obedientiæ: sed merum Dei donum: est tamen ratione conservationis: ideoque cum justitiam originalem lapsu nostro, in Adamo excusserimus: meritò ob conservationem rejectam, ac defectum illius, sumus peccatores ac rei mortis: & contrà ad vitam obtinendam rectè imperatur: non ut potentia nostra præfens, sed ut jus Dei pateat: & ut pars perfectæ justitiæ, ad jus & possessionem vitæ exigitur: quod etiâ habemus in Christo, per justitiam illius, non solum actionum, sed etiâ habituales, quam conservavit ad finem.

Hæc de v. 17. sententiâ: quomodo finitur dissimilitudinis Christi & Adami explicatio: quâ absolutâ ad similitudinem regreditur; eamque distinctis partibus suis, clarius explicat, ac concludit Apostolus: quod *sicut per unum lapsum, in omnes homines ad condemnationem*, supple, *reatus venit*, ex v. 16. *ita per unum dñi. quia justificationem*, hoc est, Metonymicè, ut vulgatus interpres rectè vertit *justitiam*, *beneficium ad justificationem vitæ*, supple, *venit*, aut *est*, vers. 18. atque hæc sententia repetitur & illustratur: primum à generibus lapsus Adami & justitiæ Christi: illud *inobedientia*: hoc verò *obedientia* appellatur: deinde permutatione vocum, *omnes homines in multos*, v. 19. Quod autem hinc quidam colligunt, singulos homines servari per Christum, sicut per Adamum singuli moriuntur: quandoquidem utrobique dicitur, *in omnes homines*: responderi potest tribus modis: ut nihil interim adversarii obtineant.

Primum, vocem *omnes* sumi hoc loco, non pro singulis generum; sed generibus singulorum: aut quod eodem reddit, singulis generibus, ut Luc. 11. v. 42. *decimæ omnium olerum*, id est, omnis generis, non singulorum olerum: & passim in hac epistola, similis est phrasis, ubi de corruptione naturæ & restitutione illius, per gratiam, in Judæos & gentiles disseritur.

Deinde dici etiâ potest, agi non de hominibus in universum, sed de fidelibus, qualesnam sint in se à natura communi, ex Adamo: & quales in Christo, ex gratiâ speciali: quemadmodum 1. Cor. 15. v. 22. *omnium hominum*, hoc

sensu, in collatione Christi & Adami, fit mentio: nam eo in loco agit non de resurrectione omnium hominum, licet ea futura sit: sed de resurrectione fidelium: quorum primitiæ Christus appellatur: quod similitudine Christi, merito mortis illius, & vi resurrectionis etiam resurgent. Vel denique *omnes homines*, non dici absolutè: sed relatè ad suam originem & stirpem: idque accommodatè omninò ad scopum: in priori membro omnes & singulos homines ab Adamo naturali vi generatos; in posteriori verò omnes à Christo supernaturali gratiâ regeneratos; quandoquidem Adamus & Christus, in hac collatione hujus capitis, tanquam duorum generum stirpes proponuntur: ut antithesis, *unius & unius hominis* etiam demonstrat.

Atque hæc tenus comparatio Christi & Adami, ad justificationem declarandam, quæ deinceps objectionum quarundam anticipatione illustratur: quarum prior & quidem tacita hæc est: si justitiâ Christi iusti constituimur ac servamur, frustra igitur lata est lex Moysis: quod nisi absurdè dici non potest: consequentiam igitur negat Apostolus, redditione alterius usus ac finis: legem enim per Moysen non esse latam, ut nos per opera nostra servaret, sed ut peccatum auferetur, ratione sensus nostri, hoc est, ut peccati auferet cognitionem, de qua re antea actum est, Rom. 3. v. 20. & cap. 5. v. 13. nam augmentum peccati, nullo modo potest esse finis destinatus legis Dei, quæ bona tantum præstat: sicut à solo bono Deo, qui peccare non potest, habet originem: hujus autem patefacti peccati consequens est Dei gratiæ excellentia, quæ plus nobis confert boni, quam peccatum abstulit: quam præstantiam declarat Apostolus expressius & ab effectis comprobatur: quod ut *peccatum auctum, morte illata, imperium obtinuit in homines*; sed vitæ æternæ, ut antè ostendimus, nec possessionem, nec jus, quod antea nunquam habuerunt, non abstulit: sic contra *gratia Dei*, aucta peccati occasione, *redundavit, ut regnaret in fidelibus, per justitiam, ad vitam æternam, per Jesum Christum*. Ubi obiter observandum, justitiam & obedientiam Christi, quâ vitam nobis peperit æternam, non esse partem obedientiæ, hoc est, patientiam solam in passione & morte pro nobis ferenda; quia non pars obedientiæ habet promissionem vitæ, sed tota tantum. Ideoque quod nonnulli *ἀρρωμα*, cujus antea meminimus, de actione justitiæ, seu opere illo iusto tantum, quo Christus pro nobis passus & mortuus est, accipiunt: à veritate declinant: nam opus illud, quia pars tantum est justitiæ, præmium totius justitiæ obtinere non potest: nam *maledictus qui non manserit in omnibus &c.* Deut. 27. & contrà benedictus tantum & vitæ hæres, qui omnia præstiterit, quæ scripta sunt, secundum promissionem, *hoc fac & vires*: hoc, id est, totam legem: de qua re Rom. 10. Nam quod objicitur, inobedientiam Adami fuisse unum opus, aut saltem non fuisse universalem legis transgressionem: ac propterea Christi obedientiam & justitiam non intelligi universalem legis obedientiam; sed tantum particularem illam, qua passione & morte, pro electis, per patientiam, perlata, satisfecit voluntati divinæ; ut oppositionis ratio requirit. Negamus verò eandem esse rationem omninò: quia ad meritum iræ Dei & mortis æternæ sufficit in Adamo particularis inobedientia, quæ etiâ particulari Christi pœnâ expiata, cum pertulit quod Adamus, & nos, in Adamo eramus meriti: sed ad vitam æternam obtinendam non sufficit particularis obedientia: sed universalis requiritur: uti ostendimus: quemadmodum illud controversia caret.

Hæc de capite quinto.

#### CONSECTARIA CAP. V.

I. **C**UM pacem habeamus cum Deo & aditum in gratiam ad ipsum, per Christum: sequitur hunc esse Mediatorem nostrum, Joh. 14. vers. 6. Act. 4. vers. 12. Ephes. 2. v. 17. 18. & 1. Tim. 2. v. 5.

II. Ac propterea nullam omninò esse arrogantiam, ut Pontificii vulgò nobis objectant, quod recta via per Christum, sine sanctorum demortuorum, per preces, petita intercessione, ad thronum gratiæ contendimus, Hebr. 7.

v. 15. 16.

vers. 15. 16. Sed humilitatem & debitam obedientiam, vers. 1. & 2.

III. Cum gloriationis nostræ de spe gloriæ Dei, hoc est, vitæ æternæ, author sit Christus, eamque gloriationem fidelibus attribuat Paulus, ac probet: ex eo clarè liquet, falsam esse eam Pontificiorum sententiam, qua fiduciam salutis temeritatis arguunt, & contrà perpetuam dubitationem statuunt vers. 2.

IV. Fideles præ cæteris hominibus afflictionibus obnoxii sunt, Psal. 34. v. 19. Actor. 14. vers. 22. & 2. Tim. 3. v. 12. ac propterea ex earum perpeffione impietas & Dei ira erga afflictos malè colliguntur, ut Job. 4. v. 7. Psal. 73. vers. 15.

V. Afflictiones fidelium & infidelium differunt plurimum: quandoquidem illæ signa sunt & adminicula salutis, hæ verò exitii indicia & initia, Jer. 12. vers. 1. & 23. Mal. 3. v. 14. 1. Cor. 13. v. 13. & 11. v. 32. & 2. Thess. 1. v. 5. Hebr. 12. v. 10. & 11.

VI. Quocirca fidelium in rebus adversis, consolatio, non est inanis quidam mentis stupor: qualis in Stoicis quibusdam & Gymnosophistis fuit: sed pia ac prudens constantia, vers. 3. 4.

VII. Cum spes vitæ æternæ fideles non pudefaciat; ex eo perspicuè deducitur, salutem fidelium esse certam, & fiduciam salutis fidelium firmam ac veram: ac propterea Pontificios, dum hanc fiduciam tollunt, simul spem tollere Christianam, cujus erroris Pontificii origo est, quod salutem, non à Dei gratiâ perficiente quod incepit; sed ab instabili hominum justitia & arbitrio mutabili, pendere existimant.

VIII. Quoniam amor Dei erga nos, in corda nostra effusus est per Sp. S. inde consequitur fidem esse infusum Dei donum & Spiritus Sancti: quemadmodum etiam, multis in locis, Dei donum esse asseritur, & à Deo postulatur, & pro ea accepta, Deo, ut authori, gratiæ aguntur, Matth. 11. v. 27. & 16. v. 17. Joh. 6. vers. 44. 1. Cor. 2. v. 11. 12. & 3. 5. Eph. 1. v. 14. 17. 18. & 2. 8. & 3. 16. 17. Phil. 1. v. 29. Col. 1. v. 3. 4. 2. Thess. 1. v. 3. Cæterum hoc loco, vox *cordis* animum Metaphoricè notat: quemadmodum cum alibi dicitur, *corde creditur ad justitiam*, Rom. 10. non autem ut interdum accipitur, voluntatem notat: quia certa persuasio amoris Dei & fides, locum non habet in voluntate, sed in intellectu: ut aliàs in thesibus de fide explicavimus.

IX. Quandoquidem Christum pro nobis infirmis & impiis mortuum esse, asseritur divinitus: sequitur primum, nullum ante conversionem esse pium: deinde Christum à nobis esse seriò redamandum: adeò ut pro ejus gloria, si opus sit, libenter mortem oppetamus: nisi Ethnicis peiores esse velimus, qui amantes redamare solent, Matth. 5. v. 46. denique exemplo Christi, Joh. 13. v. 34. nos mutuo amare debemus. Hæc ad v. 7. & 8.

X. Spei nostræ fundamentum est gratia Dei in Christo præstita; ex qua reliqua salus nostra necessario concluditur, vers. 9. 10.

XI. Summum Dei beneficium est, quod noster esse dignatus sit in Christo Pater; ideoque gratis & promptis animis illi serviendum: cum hoc promeritus sit; & nos, ab eo, redempti, nostri non sumus juris, v. 11. 1. Cor. 6. vers. 19.

XII. Cum homines sint origo sui peccati, atque interitus: illorum culpa Deo non est adscribenda, vers. 12. Hæc ad v. 9.

XIII. Cum in omnes homines peccatum pervenerit, & peccati stipendium mors, etiam infantes innocentes attingat; (innocentes inquam ratione actualium peccatorum, imitatione Adami) sequitur, falsò à nonnullis doceri, peccatum originis nostrum esse, non propagatione, sed imitatione; deinde, quod illud in Adamo omnibus sit remissum, nec quisquam propterea damnetur; quemadmodum nonnulli perperam statuunt, contra versum 12. 14. Ephes. 2. v. 3. Psalm. 51. v. 7.

XIV. Cum justificemur coram Deo Christi obedientia: sequitur nos non justificari operibus & obedientia no-

stra. Deinde sequitur etiam justitiam & obedientiam in hoc loco Pauli, v. 18. 19. non intelligendam de particulari, scilicet sola Christi sponforis nostri patientiâ, in passione & morte, pro nobis perferenda; ut effectum docet: quia particularis justitia non sufficit ad justificationem & vitam æternam; sed universalis requiritur, qua sola iusti sumus, eaque justificamur; ac propterea quod Scholastes eruditus in Psal. 106. v. 30. ait; *Justitia universalis & perfecta, hominem peccatorem consistere coram tribunali Dei*, illud verissimum est: sed quod addit, *quæ justitia posita est in remissione peccatorum*; illud sine Synecdoche verè dici non potest; ut initio capitis quarti ostendimus; neque etiam sine contradictione; quia remissio peccatorum est tantum non imputatio peccatorum, ad poenam, propter satisfactionem poenæ Christi; non autem est universalis justitia, hoc est, totius obedientiæ lege præscriptæ observatio. Hæc de vers. 19.

XV. Christi exemplo, Deo obedientiam præstare debemus, vers. 19.

XVI. Ex lege agnitio est magnitudinis peccati, v. 20.

XVII. Cum gratia regnet per justitiam (nempe donatam) ad vitam æternam, per Jesum Christum Dominum nostrum; Ergò vita æterna non est operum, nostrorum meritum: sed purum putumque Dei donum; ideoque Christus plus nobis præstitit, quam Adamus abstulit: nam Adamus nobis solum abstulit aditum vitæ æternæ, atque eatenus tantum vitam æternam, seu potentiam acquirendi jus vitæ: Christus verò nobis non solum vitam æternam ratione aditus illius restituit: sed etiam suâ obedientia comparavit, vers. 21.

#### CAPUT SEXTUM.

Postquam doctrina, de justificatione per fidem, illustrata ac probata est, comparatione Adami & Christi; eandem porro Apostolus objectionum quarundam adversariorum anticipationem ac confutationem confirmat. Quarum prima anticipatio, legis usum spectans, exposita est cap. antecedenti. Reliquæ verò duæ, ad sanctificationis, cum justificatione, conjunctionem pertinentes, hoc cap. adseruntur, & distinctis membris, objectione & responsione constant: adjunctisque admonitionibus sigillatim illustrantur; adeò ut prima pars capitis, versibus quatuordecim absolvatur: altera verò sequent. reliquis.

Et illius quidem anticipatio ad v. 12. pertingit. Cujus objectio, ex superiori, de legis usu, responsione orta, hujusmodi est: *quo gratia auctior sit, in eo permanendum: Peccato gratia auctior sit*, cap. 5. 20. *Ergo in eo permanendum*, v. 1. Est autem fallacia amphibolias argumenti, quod bifariam usurpatur: siquidem *gratiam augere*, in propositione intelligitur propriè ac per se, seu vi sua: in assumptione verò esse occasionem, per accidens, misericordiæ divinæ: nam peccata per se voluntati Dei contraria sunt, iramque illius promerentur & augment, gratiamque tollunt: consequens verò tantum est peccatorum, gratia, seu misericordia divina. Quapropter responsionis Paulinæ subjeccio, constat negatione Conseq. per consuetam detestationis formulam, nempe *Abfit*; & probatione contradictorii consequentis, argumento ducto, à privantibus, hoc enthymemate, *Mortui sumus peccato: Ergo in eo non est vivendum*. Conclusio autem ad amplificationem figuratur interrogatione emphatica, v. 2. Antecedens autem confirmatur primum à causa efficiente, nempe communione mortis Christi, quæ merita est justificationem, (ne imputentur peccata) & imaginis Dei (lapis culpa amissæ) restitutionem, per Sp. S. abolentem peccatum. Cujus confirmationis loco, ponitur probatio illius, à baptismi testimonio: *Qui baptisati sunt in Christum Jesum* (nim. in legitimo usu) *in mortem ejus baptisati sunt*, hoc est, ad signandam & obfignandam communionem mortis ejus, Gal. 3. vers. 27. 1. Cor. 12. v. 13. *Nos baptisati sumus in Christum Jesum: Ergo in mortem ejus*, seu communionem mortis ejus, v. 3. Deinde confirmatur à fine communionis mortis Christi ac sepulturæ (quæ mortis continuatio) & baptismi, videl. nova vita. Quam probat à communione resurrectionis Christi, quæ (utpote



( utpote actualis quædam justificatio ) adumbratio atque obfignatio vitæ novæ, v. 4. Hunc autem resurrectionis fructum & conformationem probat ab antecedente necessario, videlicet conformatione mortis Christi, & simili *infitio-nis* illustrat: quemadmodum enim furculus communem habet mortis & vitæ conditionem cum arbore, cui infertus est: ita vitæ Christi, non minus quam mortis, participes & conformes erimus, v. 5. & Joh. 15. v. 4. Conformationem autem mortis Christi, hoc est crucifixionem & mortificationem *veteris hominis* ( seu peccati originalis ) repetit ac declarat à fine, nimirum abolitione *corporis peccati*, & liberatione à servitute illius. Peccato autem originali, seu vitiositati nobis innatæ, corpus tribuit metaphoricè: ut enim corpus multis membris constat: ita vitiositas nativa multorum vitiorum seminibus quasi membris constat, v. 6.

Hanc autem liberationem, ex peccati morte consequi docet, v. 7. Deinde repetit argumentum versus quinti instituta Christi & fidelium comparatione, in morte & vita. cujus antecedens ac *peccati* illustratur, v. 9. & 10. quod *Christus suscitatus non amplius moriatur, sed peccato* ( hoc est, ut illud destrueret satisfactione sua ) *mortuus sit semel, vivat verò Deo, ad gloriam ipsius*: consequens verò *dominus* est, quod sic etiam colligere debeamus, *nos mortuos esse peccato, vivere verò Deo, per Christum Dominum nostrum*: nam peccati dominium ( quod peccati primi poena est ) merito mortis Christi per Spiritus sanctificationem, ablatum est: ut nunc non peccato reliquo, sed Dei gloriæ viveremus. Atque hæc de anticipatione, ex qua concluditur admonitio bimembris. Constat autem dehortatione à malo, & adhortatione ad bonum: illa prohibet servitutem & obedientiam erga peccatum: *Ne regnet peccatum in mortali vestro corpore, ut obediatis cupiditatibus ipsis*. Quam obedientiam ab effectu, antecedente peccati maleficio, fugiendam probat, cum *corpus mortale* vocat: eo enim tacitè horrendum peccati stipendium indicat: cum enim illud sit mors; ut hanc evitemus, à peccato abstinendum, v. 12. Deinde repetit & illustrat dehortationem, eleganti similitudine; comparat enim peccatum duci militari, pugnanti adversus justitiam & Deum: *Neque sistite, inquit, membra vestra, ut Rom. 3. v. 13. ad 17. arma injustitiæ, peccato.*

Adhortatio verò continuata eadem Metaphorâ, est, *ut serviant ac militent Deo & justitiæ*: illudque confirmat à beneficio Dei, quod *ex mortuis sint vivi*, id quod Dei, propter Christum, donum esse, antea demonstravit.

Cœterum ne fideles infirmitatis suæ conscientia ac sensu terri, animum despondeant, consolatur eos, promissione immunitatis à dominio & servitute peccati, 1. Joh. 3. v. 8. & 9. Eamque probat à causa efficiente, gratiâ Dei, quæ eosdem, quos justificavit merito mortis Christi, etiam sanctificavit: quia peccati dominium & inhabitatio est poena lapsus, pro qua Christus satisfecit: ideoque meritis est restitutionem justitiæ & imaginis Dei in nobis, v. 14. Quomodo comprobata jam admonitione, ad alteram cap. partem transiit Apostolus, quæ objectionis anticipationem à v. 15. ad 19. producit, & ex ea deinde admonitionem deducit.

Anticipationis autem objectio est; *Illi qui sunt non sub lege, sed sub gratiâ, libere peccare possunt: Atqui nos sumus non sub lege, sed sub gratiâ: Ergò libere peccare possumus*. Assumptio & conclusio continetur initio versus 15. Sed fallacia est à dicto secundum quid, ad dictum simpliciter: nam *sub lege esse*, sumitur in propositione majori simpliciter pro esse sub obedientia & maledictione legis: alioqui falsa est enunciatio, si de sola maledictione intelligatur: in assumptione accipitur secundum quid, pro sola subjectione sub maledictione legis: quamobrem Apostolus merito Consequentiam detestatur in fine v. 15. & contrarium demonstrat, *qui liberatus est à peccato & mancipatus ex animo justitiæ, non debet servire peccato: Vos liberati estis à peccato, & ex animo mancipati justitiæ. Ergò non debetis servire peccato*. Conclusio ponitur v. 15. Assumptio v. 18. & argumentum illustratur à causa efficiente, primum principali, nempe Deo, cui gratiarum actione emancipationem illam acceptam refert: deinde à causa instrumentali, cum proxima,

nimirum fide, quæ obedientia est erga Evangelium, eam præcipientem; tum remota, nempe doctrina Evangelii, à qua fides oritur, quæ obedientiæ fidei objectum & instrumentum est. idque similitudine typi seu archetypi, & rerum impressarum ( quemadmodum Act. 7. v. 44. & Phil. 3. v. 17. ) declaratur. Propositionis autem ( oratorio more præteritæ ) loco, confirmationem illius præmittit, duplici ratione, ab effectis deducta: quarum prior est quod servire peccato, peccati servos faciat: altera verò, quod mortem afferat, v. 16.

Atque hætenus objectionis anticipatio, ex qua admonitionem opportunè concludit: quam præfatione amplificat, declarata causa, cur ab hominum more, *servitutis & libertatis* Metaphoris, in hac rerum cœlestium materia utatur, nimirum propter infirmitatem carnis eorum, siue humanæ naturæ, quæ hujusmodi similitudinibus à rebus corporalibus & notis facilius adjuta, res spirituales capit.

Admonitio autem hortatio est ad serviendum & militandum justitiæ. Eamque confirmat à pari ratione pristinae servitutis peccati v. 19. quam explicat tacita apodofi, *Cum enim servi eratis peccati, liberi eratis justitiæ*: ideoque cum hoc tempore sitis servi justitiæ ac juris illius, liberi esse debetis à peccato, nemo enim duobus contrariis dominis inservire potest, v. 20.

Cœterum hanc admonitionem comprobatur Apostolus à contrario eventu, servitutis peccati & servitutis justitiæ ac Dei: quandoquidem peccati fructus est *pudor*; finis verò seu eventus, *mors*, vers. 21. servitutis contra Dei fructus est *sanctimonia*, seu puritas vitæ ( quæ honorem & gaudium affert ) finis verò & exitus, *vita æterna*. Utrumque autem finem declarat Apostolus à causa efficiente, & à genere suo, idque propterea, ne quispiam parem omnino utrimque rationem esse putet: nam *stipendium*, quod peccatum confert servis suis peccatoribus quasi militibus, est *mors*, quæ peccati non solum finis est seu eventus, sed etiam effectum. *Donum* verò, seu *donarium*, quod Deus, dux fidelium, justis suis servis, ipsique militantibus gratis attribuit, est *vita æterna per Jesum Christum*: illius enim satisfactionis & obedientiæ merito, fideles Deo reconciliati sunt, factique Dei filii & hæredes vitæ æternæ: & bona eorum opera, licet ob carnis reliquias & reluctationem, sint imperfecta, condonata tamen imperfectione acceptantur & vitæ æternæ consequente coronantur, propter Christum Mediatorem: qua de re insignes præ cœteris extant sententiæ. Hebr. 13. v. 21. & 1. Pet. 2. v. 5. huic loco maxime consentaneæ, Hæc de v. 23. & cap. 6.

#### CONSECTARIA.

I. **D**OCTRINAM de justificatione fidei, peccato habenas laxare, non nova Pontificiorum est, sed vetus adversariorum gratiæ, calumnia, v. 1.

II. Quod eam verò nonnulli sceleribus suis prætexunt, illud nullo evenit doctrinæ hujus vitio ( quæ optima est ad pietatem magistra ) sed perversa perditorum hominum libidine, vers. 2.

III. In sacramentis communio Christi nobis obfignatur & conservatur.

IV. In Sacris Literis, interdum, rerum significatarum nomina signis attribuuntur Metonym. quemadmodum baptismus sepulturæ nostræ spiritualis, qua vetus homo sepelitur, signum, sepultura nominatur, cum per baptismum sepulti dicimur cum Christo, v. 4.

V. In resurrectione Christi gloriosa, Dei potentia maxime elucet.

VI. Fides non est dubitatio, sed scientia, vers. 6. & 8.

VII. Cum vivamus per Christum; sequitur extra ipsum nos esse non solum infirmos ad bonum; sed etiam mortuos.

VIII. Peccatum aliud est regnans, aliud non regnans: seu aliud dominans omnino, aliud tantum repugnans: prius solis inest infidelibus, 1. Joh. 3. v. 9. posterius verò solis fidelibus, quibus peccatum quidem inest, ac reluctatur: sed non præest: etsi enim fideles, à carne sua, per Satanæ & mundi tentationes, confirmata, Deoque negligenti-

tiam eorum castigante, ac confirmationem subducente, ad tempus, in lucra prosternantur ac jaceant aliquamdiu: tamen Deo firmante, resurgunt ac superiores evadunt.

IX. Admonitionum usus certitudini salutis minimè repugnat: sed tanquam destinatum medium potentia Dei commodè inservit, v. 12. & 14. & 1. Joh. 3. v. 3.

X. Liberatio à servitute peccati per Dei gratiam contingit.

XI. Ex corde obediendum est Dei verbo, v. 17.

XII. Doctrina ad captum auditorum, prudenter attemperanda est dicendi modis idoneis, ut intelligant.

XIII. Cum ante fidem fuerimus *liberi*, hoc est, alieni à justitia: sequitur salutem nostram esse gratuitam.

XIV. Cum donum Dei sit vita æterna: sequitur eam non esse operum meritum, ut Pontificii tradunt, v. 23.

## CAPUT VII.

**H**Actenus refutata objectione, contrà liberationem Fidelium à lege, de qua c. 6. v. 14. eodem jam redit Apostolus, ut doctrinam difficultatibus multis obnoxiam, plenius ac planius explicaret, & adversus calumnias adversariorum & infirmiorum præjudicium præmuniret. Captatà autem opportunè benevolentia, cum appellatione *fratrum*, tum *scientia legis* attributione: ad propositionis confirmationem, eandem sententiam primùm reponit, v. 1. quemadmodum hoc liquet ex collatione, v. 5. & 6. *Lex dominatur homini, quamdiu vivit*, nempe in carne, seu peccato: ac propterea qui mortui sunt ratione peccati originalis, seu veteris hominis, illi liberi sunt à lege, ratione maledictionis: deinde exponit ac confirmat triplici conjugii similitudine, quarum prior hæc est: quemadmodum uxor, viro vivente, illius legi & potestati subjecta est, eo verò mortuo liberatur: ita & nos, vivente, h. e. nondum mortificato, per regenerationem, peccato, ejus legi; h. e. potestati & merita maledictioni legis eramus obnoxii: & ut mortuo marito, uxor liberatur ab illius jure: ita & nos mortui peccato, vi meriti mortis Christi, liberi sumus à lege illius, h. e. maledictione legis. Præterea sicut vidua secundo marito devincta, eidem debet ferre fructus: ita & nos liberati à peccato, Christoque conjuncti, ei subesse debemus & fructum ferre, ad gloriam Dei; Protasis prima & secunda exprimitur: tertia verò solum innuitur, v. 2. & 3. sed colligitur ex apodosi, quæ proponitur contractius, v. 4. & fusius exponitur, v. 5. & 6. atque illo quidem status fidelium, sub peccato, seu ante regenerationem; hoc verò conditio post regenerationem sub Christo & gratia declaratur.

Hanc porrò doctrinam de liberatione nostri à lege, illustrat anticipatione objectionis duplici, ortæ ex v. 5. & 6. quæ continetur inde à v. 7. ad 14. & usum legis docet in non-renatis.

Obiectio autem est hujusmodi: si per legem vigent effectus peccatorum, & liberati sumus à lege, ut serviamus in novitate Spiritus: Ergo *lex, peccati causa est*: Respondet verò Apostolus, 1. negatione consequentiæ, cum ait, *absit*, 2. redditione causæ, ab effecto & usu legis, quia *ex ea cognitio peccati* oritur: id quod ex præcepto 10. confirmat, v. 7. & in hypothese, seu exemplo personæ suæ, declarat. 3. translatione culpæ, in naturæ nostræ corruptionem, quæ lege, tanquam occasione, non data, sed arrepta, abutens, & in vetitum à lege, nitens, peccatorum causa est, id quod egregia antithesi declarat: *nam*, inquit, *absque lege* (id est, cognitione & seria legis consideratione) *peccatum mortuum est*, nempe ratione cognitionis, & comparatè, ratione incrementi: quia minus est. *Ego autem* inquit, *vivebam sine lege quondam* (eoque peccatum in me quasi mortuum erat) contrà, *mandati*, per ætatem & institutionem, *adventu*, h. e. intelligentia & propositione legis (quæ ignota aut neglecta, quasi absens præfenti erat) *peccatum revixit*, cognitum & auctum *Ego verò mortuus sum*, sc. iudicii mei, terroris conscientia & incrementi ratione, v. 8. 9. 10.

Hinc subjicitur conclusio specialis responsionis tertiæ, v. 10. & 11. & generalis, v. 12.

Hæc de priori anticipationem, qua illustrat doctrinam de liberatione nostri à lege: sequitur altera, eodem pertinens, quæ constat objectionem & solutionem illius.

Obiectio autem ex v. 10. in hanc sententiam proponitur: si mandatum est bonum: ergo *quod bonum est, mihi factum est mors*, i. e. mortis causa. Respondet verò Apostolus negatione consequentiæ: deinde translatione culpæ in peccatum; imò pec-

*catum*, inquit, *mihi factum est mortis causa*: quod à consequente declarat, cognitione peccati & incremento illius, per abusum legis, v. 13. tertiò redditione causæ, à natura legis, & repugnantia naturæ nostræ residua. Spirituale non est causa mortis, sed carnale: lex Spiritualis est, quippe à Sp. S. profecta, eique congruens, sancta, iusta, bona: nos contra carnales, i. e. peccato obnoxii, & sub peccato venditi.

Cæterum observandum est, *carnales & servos peccati esse* duplices: alii enim absolute & simpliciter sive omnino, ut inhdeles nondum renati, in quibus peccatum non solum inest, sed omnino etiam præest, ac dominatur: alii verò relate & secundum quid, seu partim carnales sunt, ut fideles, qui renati ac sanctificati sunt fidei & charitatis habitu, per Sp. S. qui respectu perfectionis spiritualis, quam lex requirit, & secundum reliquias carnis seu peccati originis, *carnales & servi peccati* rectè appellantur, v. 14. quemadmodum enim caro in iis mortificata dicitur, quod vis damnandi & plene dominandi ei adempta sit, vulnusque lethale acceperit: ita ob reliquam repugnantiam adversus Spiritum, Gal. 5. v. 17. eam mortificare adhuc jubentur fideles, Rom. 8. 13. & Col. 3. v. 5.

Hoc autem probat Apostolus ab effectis, descriptione luctæ Christianæ, carnis adversus Sp. in qua versatur à v. 15. ad finem cap. & usum legis in regeneratis, suo exemplo declarat, *Quod enim per petro*, nempe malum, *non agnosco*, h. e. non approbo, per Meton. antecedentis pro consequ. ut Psal. 1. 6. & Mat. 7. 23. Hoc autem declarat à contrario, *quia non quod volo*, nempe bonum, *hoc ago: sed quod odi*, nempe malum, *hoc facio*. quod autem se perpetrare ac facere malum asserit, non loquitur de studiis & actionibus externis: nam Paulus honestè vixit; sed de primis motibus, h. e. subitis cogitationibus & repentinis cupiditatibus malis: à quibus ne sanctissimi quidem immunes sunt: quemadmodum Hieron. August. Gregorius Magnus, & alii Patres sæpè conqueruntur: nam *primos motus*, inquit Ambrosius in Lucam, *frenare difficile, tollere impossibile*. Ac propterea rectè (ut multa) August. hunc locum explicans, ait Tom. 7. lib. 1. c. 10. ad Bonifacium. *Facere se dixit & operari, non affectu consentiendi & implendi, sed ipso modo concupiscendi*: contra verò quod negat Apostolus, se non agere quæ vult, de integritate, & perfectione operis loquitur, cum ex tota mente, toto corde, toto animo, & omnibus viribus Deus amatur. *Hoc est enim perficere bonum*, ut ibid. ait August. *ut nec concupiscat homo: imperfectum est autem bonum, quando concupiscit, etiam si concupiscentiæ non consentiat ad malum*, v. 15. Atque hinc duo ad rem ipsam deducit porismata. Primum legem bonam esse concludit, ex mente, & conscientia, quatenus regenerata est, testimonio, v. 16. deinde peccatum originis inhabitans esse mali causam. Observandum est autem, fideles esse subiectum carnis & Spiritus, quæ duo Metaph. *duo homines* in S. L. appellantur, *vetus & novus*, unde contrariæ fidelibus operationes, diverso respectu, adscribuntur: ratione carnis & veteris hominis, mala cupimus & committimus: contrà ratione Sp. contraria volumus ac facimus: deinde quia Sp. superior est in renatis & tandem plenam adversus carnem obtinebit victoriam, inde tanquam à potiori parte se denominat Ap. cum ait: *nunc itaque non amplius ego id per petro, sed peccatum*, quod in me habitat, h. e. peccati originis residuum, quod in me hæret, v. 17.

Hæc autem declarat & interpretatur distinctione carnis à Sp. *Non habitat*, inquit, *in me, h. e. carne mea bonum*, carnem autem vocat partem non regeneratam, h. e. mentem, voluntatem, affectus, viresque nostras, quatenus nondum sunt regenerata: hanc porrò peccati inhabitationem ab effecto describit, quod impediatur, quò minus bonum cupit perficiamus, *nam velle*, inquit, *adeest mihi* (nimir. non ex generatione & carne: sed ex regeneratione & Spiritu) *sed ut quod bonum est, efficiam* (sc. perfectè, ut lex flagitat & ego desidero) *non assequor*, v. 18.

Idque repetit, & à contrario confirmat, simulq; versu 15. illustrat v. 19. & porisma secundum, de quo v. 17. actum, iterat & antithesi expressiori declarat v. 20.

Deinde per *enim* amplificat conclusionem, v. 21. *Comperio igitur volenti mihi facere bonum, hanc legem mihi impositam, nempe quod mihi malum adiaceat*. Legem autem vocat hoc loco, non legem Dei, sed Metaphoricè vim vitiositatis naturæ, seu peccati originis instinctum, qui instar legis est, ut ex vers. 22. apparet, hanc enim conclusionem confirmat atque declarat, quomodo sibi, & bonam voluntatem, vers. 22. &

malum seu peccatum ascribat, & quænam sit illa lex, cujus meminit, v. 23. *Condelector enim lege Dei, quoad interiorem hominem*, h. e. novum, seu secundum regenerationis donum, quemadmodum loquitur Eph. 3. 16. *Sed video aliam legem in membris meis*, h. e. per Synecd. aut Metaph. in exteriori ac veteri homine seu carne mea, in parte nondum regenerata; ea autem lex, i. e. vis & quasi mandatum carnis peccatricis seu peccati originis duplicem habet effectum: primus est, quod belligeret adversus legem mentis, h. e. adversus propensionem Spiritus & interioris hominis seu partis regeneratæ, seu fidei & charitatis, de qua pugna Gal. 5. 17. alter est, quod nos captivos reddit, nempe *carne, non mente: motione, non consensione*, inquit Aug. ad Bon. l. 1.

Porro per digressionem quandam (rei nihilominus convenientem) hanc doctrinam patheticè amplificat Apostolus, exclamatione duplici, pro duplici consideratione & affectu diverso: nam dum conditionem suam secundum carnem intentius spectat, dolore correptus utitur deploratione hujus conditionis miseræ & voto liberationis à corpore mortis, v. 24. deinde cum ex adverso, mentis oculos, ad conditionem suam, secundum spiritum, præsentem ac futuram reflectit, recreatus & exultans prorumpit in gratiarum actionem, pro cœpta & perficienda liberatione, per Christum; non dissimilis (licet in dissimili argumento) Christi exclamatio est in agone, *Pater, si possibile est, abeat à me poculum istud; verumtamen non ut ego volo, sed ut tu*; cui gratiarum actioni subnectit Apost. descriptionis antecedentis luctæ epilogram, v. 25.

### CONSECTARIA.

- I. **A**uditorum benevolentia à V. D. ministris captanda est prudenter, ut cum fructu majori doceant.
- II. Conducit plurimum auditorum commendatio vera, moderata, opportuna, v. 1.
- III. Summum Christi beneficium est, quod fideles sibi in sponsam spiritualem, per fidem, asseruerit, 2. Cor. 11 Eph. 5.
- IV. Quare ex jure conjugali spiritualis hujus connubii, obedientiam & vitæ sanctitatem Christo spirituali marito, debemus: adulterii igitur spiritualis rei sunt, qui impiè vivunt.
- V. Cum bona opera sint fructus ad Dei gloriam Joh. 15. v. 8. cui nati & renati sumus: ergo iis danda est opera.
- VI. Quandoquidem peccati fructus est mors: cavendum est sedulo, v. 5.
- VII. Quoniam liberati sumus à lege, in eum finem, ut serviamus Deo in novitate Spiritus: sequitur nos, non ab obedientia, sed à terrore & maledictione legis liberatos, v. 6.
- VIII. Cum peccatum non nisi lege cognoscatur: in ea meditandum est, die ac nocte, utpote, quæ miseræ nostræ, hoc est, peccati & condemnationis index, & norma vitæ nostræ dirigendæ.
- IX. Cum concupiscentia mala sit *ἀνομία*, & peccatum ab Apostolo appelletur: errant Pontificii, qui propriè peccatum esse negant, v. 7.
- X. Magna est humani ingenii depravatio, cum lege bona deterius reddatur.
- XI. Nihil tam bonum ac sanctum est, quo mali ad malum & perniciem non abutantur.
- XII. Ac ideo offendi nos minimè decet, si plerique ut ad legem, sic ad Evangelii veritatem obdurescant, v. 8.
- XIII. Cum peccatum originis nos decipere soleat, nihil suspectius nobis esse debet, nobis ipsis, hoc est, cogitationibus & affectibus nostris: ac proinde ad legis Dei trutinam omnia examinare oportet, vers. 10.
- XIV. Errant, qui omnia peccata æqualia judicant, v. 13.
- XV. Cum peccatum perpetuò in nobis habitans, tantæque in regeneratis & fidelibus adhuc supersit naturæ corruptio: injustus esse non potest Deus, cum fidelium etiam optimos rebus adversis exercet ac castigat, v. 17.
- XVI. Quoniam quicquid caro seu originale peccatum producit, malum est: hinc liquet, contra Pontificios, concupiscentiam, sive voluntatis consensus adsit, sive absit, esse peccatum, vers. 17. & 18.
- XVII. Peccatum non malè distinguitur in regnans & in inhabitans tantum, seu non regnans, v. 17. & Rom. 6. 12.
- XVIII. Delectari Dei lege debemus, v. 22.
- XIX. Cum caro nostra, perpetuum, in hac vita, bellum

cum Spiritu gerat: induenda est igitur panoplia Dei, quam Apostolus, Eph. 6. v. 13. graphicè depingit.

XX. Hinc etiam sequitur, nullum mortaliū (Christo per sanctificationem conceptionis excepto) legem Dei perfectè implere; cum non ex tota mente, toto corde, &c. Deum amemus; nec proximum sicut nos ipsos.

XXI. Quandoquidem peccatum plenam libertatem nostram imminuit & miseriam quandam affert; ab eo abstinendum est sedulo: cum enim sani, naturæ suæ bonum rectè appetant: insanos esse oportet, qui secus fecerint. Ideoque quemadmodum morbo vitando & sanitati corporis conservandæ studendum est: quia morbus malum est corporis, sanitas verò bonum illius: ita vitandum est peccatum, & danda opera justitiæ: ex quibus satis superque apparet, valdè ineptire Pontificios Sophistas, qui obijciunt, fideles frustra bonis operibus vacare, si illis nihil promereantur, v. 23. 24.

XXII. Nihil tantopere desiderare Christianos oportet atque liberationem à corpore mortis, ut à peccato Spiritui reluctante simus omninò liberi, v. 24.

XXIII. Summa, fidelibus, in hac lucta spirituali, contra peccati sensum, consolatio est & recreatio in gratiâ Christi, cujus merito, à peccati reatu justificati & à dominio peccati inhabitantis, per Spiritum, bona ex parte, sanctificati sunt, ac tandem morte & glorificatione, ab illius inhabitatione, perfectissimè liberabuntur.

XXIV. Quod beneficium Dei, uti amplissimum est, ita pro eodem, ex justitiæ regula, agendæ Deo gratiæ, v. 25.

### Traſtatio de Concupiscentia.

**Q**uandoquidem de genuino 10. præcepti Decalogi, *Non concupisces* (de quo actum est v. 7.) sensu, inter Orthodoxos & Pontificios decertatur, eam controversiam, ad meliorem hujus loci intelligentiam, expendemus, propositis quibusdam, quasi thesibus.

Ac primum observandum est, quemadmodum intellectus & voluntas bifariam accipiuntur, similiter & concupiscentiam denotare, aut potentiam naturalem, aut actum illius: & utrumque vel generatim concupiscentiam tam rationalem, quam sensitivam; vel speciatim alteram complecti: quod Bellarm. concedit, de amissione gratiæ, lib. 5. 15.

Deinde potentiam naturalem, per se ratione essentiae suæ, à Deo creatam esse: nam & animalis seu sensitivus & rationalis appetitus seu voluntas à Deo est: ac propterea per se, præcepto 10. non prohiberi constat; quoniam Deus, qui summum bonum est, sibi adversari, non potest: ac propterea hæc potentia vel incorrupta est (nempe cum & ratio Deo & appetitus rationi omninò paret, ut in natura creata atque integra ante lapsum) vel corrupta post lapsum: unde vel bona vel mala concupiscentia, non essentiae ratione, sed accidentis qualitatibus consideratione appellatur: bona quidem, quæ cum norma & ordine justitiæ consentit: unde *ordinata* dicitur; mala verò est, quæ ab ea justitiæ norma & ordine dissentit: unde *inordinata* appellatur; imo ratione vitii, quo informatur, potentia impotens, non immeritò posset nominari.

Hæc autem concupiscentia inordinata est duplex, una quæ ordini justitiæ erga Deum, altera quæ ordini justitiæ erga proximum repugnat: quarum prior I. tabulæ præcepto primo: posterior verò II. tabulæ præcepto postremo; *non concupisces*, prohibetur.

Quæ duo non satis accuratè vulgò à nonnullis confunduntur, quasi solo 10. præcepto utraque prohiberetur: nam concupiscentia, quæ immediatè Deo adversatur, primâ tantum tabulâ: quæ verò immediatè proximo repugnat, secundâ vetari res ipsa docet, & distincta legis summa, Matt. 22. demonstrat; ex hujus inordinatæ concupiscentiæ habitu innato, oritur similis actualis concupiscentia vitiosa; eaque vel simplex vel composita: simplex est, quæ ex una appetendi potentia corrupta oritur, eaque vel sensitiva vel rationali; ex sensitiva quidem, ut primi affectuum motus inordinati, citra consensum voluntatis: unde concupiscentia illa *involuntaria* vulgò dicitur: ex rationali verò, ut vitiosæ voluntates circa objectum non sensile. Qua de re, ex veritatis vi (*quæ interdum*, ut eleganter ait Lactant. *ex invitis pectoribus erumpit*) expressa & insignis est confessio & probatio Bellar. Tom. 3. de amissione gratiæ, lib. 5. 15. Composita

posita verò est, in qua utraque concurrit, cum nimirum ad appetitum sensitivum malum accedit voluntatis consensus: unde concupiscentiam *voluntariam* nominare solent: utraque rursus, tam simplex, quàm composita (ut de potentia corrupta, à qua profuit, monuimus) pugnat adversus legem Dei, & quidem quæ ordini iustitiæ erga Deum adversatur, ea primâ tabulâ: quæ verò ordini iustitiæ erga proximum repugnat, secunda tabulâ, ut ante ostendimus, vetatur: & quidem simplex contra proximum concupiscentia sensitiva, & rationis motus primi & involuntarii vitiosi præcepto decimo: deliberati verò & confirmati motus & concupiscentiæ compositæ, antecedentibus secundæ tabulæ præceptis prohibentur.

Contrà Pontificii asserunt decimo præcepto, (quod imperitè in duo dividunt: quemadmodum primum & secundum in unum confundunt) vetari concupiscentiam sensitivam, cum voluntatis consensu: eamque duplicem faciunt, unam quidem carnis, quæ nono, ut vocant præcepto, *Non concupisces uxorem proximi*, vetetur: aliam verò concupiscentiam oculorum, quæ præcepto decimo prohibeatur, *Non concupisces rem alienam, non domum, non servum, non ancillam*, quemadmodum exponit Clarus inter Scholasticos author Gabriel Biel in Magistrum Sententiarum, lib. 3. dist. 37. quæst. una.

Sed ut alia prætereamus, diluitur hæc sententia hoc argumento: quod in antecedentibus præceptis prohibitum est, illud non prohibetur hoc præcepto, *Non concupisces*: atqui concupiscentia composita prohibita est antecedentibus præceptis: ergo hoc præcepto non prohibetur.

Propositio certa est, ex principio certo ac noto, quod singula decem præcepta, non solum numero, sed etiam materia propria differunt: unde distinctè etiam *præcepta decem*: & ut Scriptura loquitur, *decem verba* appellantur.

Assumptionem probat Christus expositione sua, Matt. 5. 27. 28. *Audistis dictum fuisse antiquis: non mæchaberis. Ego verò dico vobis, quicumque aspicit mulierem, ut eam concupiscat, jam adulteravit in corde suo.* Veruntamen nonnulla objici possunt.

Primum, Christum contulisse præceptum septimum, cum ultimo (aut ut volunt Pontificii penultimo & ultimo) & illud, huius additamento, exposuisse; quod Pharisei iudicarent, concupiscentiam & flagitia interna, non esse peccata: quemadmodum Iosephus antiquit. lib. 12. c. 12. motum internum non esse peccatum, nisi exterius se prodatur. Et Kimchi in Ps. 66. 17. ubi sic exponit: *Iniquitatem si inspexi in corde meo, non audiet Dominus*, id est, non imputabit ad peccatum, desiderium iniustum, si tantum sit in corde; quemadmodum monet Bellar. de amiss. grat. l. 5. 15. scopum illum Christi esse, ut hunc errorem corrigat.

Est; sed eo docendi modo scopum petere negamus: nam quod adulterium est, illud præcepto 7. prohibetur; aspectus mulieris libidinosus, seu cum voluntate vitiandi, Christo interprete, adulterium est, licet non carnis, tamen cordis: Ergo præcepto septimo prohibetur.

Sed iterum alia oritur exceptio, præceptis quidem antecedentibus prohiberi concupiscentiam oportere ac rectè; sed ultimo, aperte ac clarè: quod videlicet hoc adversus concupiscentiam præceptum sit instar clavis, quæ nos in sensum interiorum antecedentium deducat, ne periculose & turpiter, sicut multis evenit, impingeremus.

Verum negatur hæc sententia: quia inde sequeretur præcepta decalogi contra Dei declarationem & communem omnium consensum non esse decem: sed tantum novem: & quidem secundum Pontificiorum distinctionem, tantum octo: si ultimum, quod in duo dividunt, non ut novum præceptum apponeret; sed præcedentia tantum exponeret: quod omninò absurdum esse apparet.

Si quis præterea objiciat: quod concupiscentiam uxoris, & rei alienæ prohibet, illud tantum concupiscentiam sensualem, cum voluntatis consensu compositam; libidinem nimirum & avaritiam intelligit: falsa est propositio: quia aliquid vetatur aut propriè & explicitè, aut impropriè & implicitè: quemadmodum illud extra controversiam est in reliquis Decalogi mandatis, quorum verba plus habent in recessu, quam prima fronte promittant; nam per Synecd. species suum genus & antecedentes illius causas proximas & effecta propria simul denotat: quemadmodum adversarii fateri coguntur, & singulari suâ Decalogi explicatione ipsimet ostendunt.

Deinde Decalogi perfectio (à qua universa lex & Prophetæ dependent, cuiusque violatio peccatum est. 1. Joh. 3. 4.) & Christi declaratio, Mat. 5. & c. 22. 40. & Pauli, Rom. 3. 19. idem evincunt: sic præcepto decimo prohibetur primum expressè concupiscentia actualis sensualis, non cum consensu (de qua re antecedentibus præceptis agitur) sed involuntaria, & quidem specialis alienæ uxoris & rei; qua per Synecd. quævis primæ concupiscentiæ & inclinationes actuales malæ, contra proximi amorem, comprehenduntur: idque amplius confirmatur, I. expositione Pauli, qui illud generatim enunciat, *non concupisces*, Rom. 7. & 13. 9. deinde ex natura rei, quæ amori proximi adversatur, cujus amoris norma lex est: ideoque amori contraria, lege vetantur: atqui concupiscentiæ reliquæ malæ, similiter, ut quæ expressæ sunt decimo præcepto, amori proximi adversantur: Ergo similiter vetantur. Quemadmodum enim concupiscentia alienæ cum uxoris, tum rei vitiosa est ac prohibita per secundam tabulam: quia & illa amori erga bonum internum *castitatis*, & hæc amori erga bonum externum *familiarum & divitiarum* proximi adversatur: ita & concupiscentiæ contra *authoritatem, vitam, aut famam* proximi malæ sunt & in secunda Decalogi tabula prohibita, quia *authoritatem, vitam, famam* proximi (quem amare debemus sicut nos ipsos) oppugnant, hinc jam argumentamur.

Cum hæc concupiscentiæ malæ primæ, amori proximi adversentur, illæ prohibentur aut antecedentibus præceptis, aut decimo: non antecedentibus, ut adversarii fatentur; E. decimo.

Deinde ex iisdem argumentis concluditur, *concupiscentiæ* voce, non solum contineri primos affectuum & voluntatis motus & appetitus malos; sed etiam primas intellectus, adversus proximi amorem & bonum, cogitationes malas: *quia impurant hominem*: Marc. 7. 21. 23. & concupiscentiam malam excitant aut fovant: denique ex iisdem quoque principiis, sequitur prohiberi decimo præcepto etiam ipsum fontem omnium malarum cupiditatum & cogitationum, concupiscentiam naturalem vitiosam, seu peccatum originis (amori proximi repugnans) quod concupiscentia etiam vocatur Jac. 1. 14. nam quod primum & per se hominem ad malum inescat, ac deinde pertrahit, illud repugnat legi Dei: atqui concupiscentia innata hoc facit: ergo repugnat legi Dei, verum cum cupiditas vitiosa & peccatum originis (quatenus amori Dei obstat) primâ tabulâ vetetur: secundâ tabula etiam prohibetur, quatenus obest amori proximi: atqui non antecedentibus prohibetur: ergo hoc decimo præcepto. nam quod excipiunt adversarii, cupiditatem, teste Apostolo, concipere quidem & parere peccatum, peccatum verò peractum gignere mortem, ideoque nec peccatum esse, nec morti ferum: illud facile diluitur: nam per peccatum, ab Apostolo, actuale intelligitur per Synecd. generis pro specie: cujus effectum necessarium quidem, sed non soli proprium statuitur mors: nam alioqui si hæc ratio valeret peccatum originis cum actuale non sit, non esset peccatum, id quod communi & orthodoxo consensui, & legis perfectioni (quæ amorem Dei ex toto corde, ex toto animo & ex omnibus viribus postulat) repugnat: deinde ex huius loci circumstantiis demonstratur, cupiditatem hanc esse peccatum ex attributis effectis: primum, quia malis tentare peccatum est, & Dei naturæ contrarium, Jac. 1. 23. hoc autem tribuitur cupiditati, v. 14. secundò, quod proximi & Dei (ex toto corde, anima, cogitationibus, viribus) amori adversatur, illud peccatum est revera: concupiscentia, de qua agitur, ejusmodi est, quia animi, cogitationis & virium depravatio est moralis: ergo est peccatum. Propositio confirmatur, quia illa legis est summa, Matth. 22. cujus violatio peccatum est, 1. Joh. 3. *peccatum est aversio*.

Sed excipiunt argutè adversarii, illud non sequi, omne peccatum est *aversio*: ergo omnis *aversio* est peccatum: quandoquidem universalis affirmativa simpliciter converti non potest, & à genere ad speciem certam, consequentia non valet.

Verum negamus esse prædicationem generis de specie, quæ reciproca esse non potest, quod termini non æquè latè pateant: sed prædicatio est differentiæ ac formæ de suo formato: ac propterea enunciatio est omninò propria & reciproca: genus enim peccati est habitus vel actus: forma verò, est illius deformitas moralis, *aversio*, legis divinæ transgressio. Peccatum enim est habitus vel actus legi divinæ contrarius.

At inquiunt rursus: quod à Deo & natura creationis or-



nis ortum est, illud non est propriè peccatum, atqui concupiscentia & affectuum adversus rationē repugnantia, à Deo & natura creationis orta: Ergo concupiscentia non est propriè peccatum: argumentum hoc Pontificiis familiare est, ut ex Dominico Soto insigni inter eos Doctore, de naturā & gratiā, & Andrea Vega de justificatione, & Bellarmino, apparet: quò apertè Deum authorem peccati statuunt: licet illud strenuè negent: & Apostolo, qui illud peccatum appellat, adversantur. Falsā enim est assumptio, nam concupiscentiæ facultas, utpote bona & illius inclinatio recta seu *in rē*, qua apta & comparata fuit ad obediendum rectæ rationi, à Deo ex creatione ortum habet: quia Deus solus & infinitè ac perpetuò bonus. Sed *in rē* & rebellandi adversus Dei legem & rectam rationem propensio, quia naturæ justæ depravatio est, à Deo esse non potest: nec à naturā creationis: quia omnia quæ fecit Deus, erant valdè bona, Gen. 1.

Nam quod objectant, gratiam Dei frēnum fuisse cupiditati injectum, ne rationi reipsa reluctaretur, illud cupiditatem à peccato non vindicat: quia ad rei bonitatem non tantum requiritur repressio actionis vitiosæ sed etiā naturæ rectitudo & inclinationis ac rebellionis insitæ absētia & contraria inclinatio ad bonum. Quemadmodum enim venenum antidotis temperatum ac retusum malum naturaliter esse non desinit, licet malo non afficiat: nec leo crudelitate caret, licet claustris coërceatur, ne crudelitatem exercent: ita & concupiscentia moraliter mala est, licet Dei gratiæ frēno contineatur, ne malum procreet: res enim potius à natura sua, quàm ab actu & quidem represso, ac refranatto aliunde, denominari debet. Præterea idem etiā ex Dei lege colligi potest: quanta enim integritas lege præcipitur, tantam habuimus ante lapsum: Atqui tanta lege præcipitur, ut non solum Deum amemus, & quidem ex corde, h. e. sincero ac vero affectu, sed etiā ex toto corde & omni bus viribus, Mat. 22. quod sanè fieri non potest, si vires & inclinationes sint naturā primā in nobis rebelles adversus rationem & amorem Dei: Ergò tantam habuimus ante lapsum integritatem, ut Deum amaremus ex toto animo & ex omnibus viribus: ac propterea, ut non solum ratio pareret Deo, & concupiscentia rationi, sed etiā utraque libera ab omni rebellionē, tam inclinationis, quàm actionis, propensā esset omniñò ad obedientiam. Idem etiā deinde regeneratio nostra & imaginis Dei restitutio arguit, quia vetus homo, cum suis concupiscentiis, non solum reprimitur: sed etiā extinguitur Spiritu sanctificationis.

Sed instant iterum atq; ita excipiunt; quod inevitabile est, illud non vetatur lege: concupiscentiæ malæ habitus & primi illius motus vitari non possunt: Ergo non vetantur lege. Propositio confirmatur, quia ut ad impossibile nemo obligatur; ita nec sapiens legislator, cujus scopus legis observatio, illud præcipit.

Sed negatur propositio, & confirmatio illius absolute sumpta: nam cum impossibile aliud sit per se, aliud per accidens; de priori vera est propositio: de posteriori falsa: Carere malæ concupiscentiæ habitu & motu, fuit possibile homini ante lapsum, & erit in cælo, post plenam restaurationem lapsus: per accidens verò ac vitio lapsus humani, *in rē* illa evenit: ad quam patefaciendam & homines reddendos inexcusabiles, lex illa, ex qua agnitio officii & peccati ac condemnationis meritè oritur, prolata est sapientissimè & iustissimè; quoniam jus suum exigere, quod vitio proprio homo amissit, Deus meritò potest, ut viam sibi sternat ad meritam justamque condemnationem, aut immeritam gratiam.

Deinde ad assumptionem dicimus, negari meritò posse, absolute impossibilem esse legem illam observatu. Servamus enim bifariam: primum perfectè, per fidem iustificati in Christo, cujus sanctitas & obedientia perfecta legis, nobis imputantur: deinde in nobis servamus gradatim: primum in hac vita inchoatè, per sanctificationem, partim dum regeneramur, & vetus noster homo per Sp. S. crucifigitur: partim dum exercitio fidei, resipiscentiæ & precum, veterem hominem magis magisque mortificamus, & à Deo vires recipimus, quibus & motus & inclinationes concupiscentiæ malæ minuantur, & sanctificatio nostra continuetur & augeatur: deinde perfectè, in altera vita, cum natura nostra liberata à peccato inhabitante, complementum & colophonem sanctificationis assequetur: ex quibus patet etiā solutio, ad aliud argumen-

tum, quod obijciunt, Paulum præcipere, Rom. 6. *ne regnes peccatum in mortali corpore nostro*: non autem ne sit: quippe quod prius illud cadat sub præceptum, ac servari possit: posterius verò minimè: sed responderetur, Paulum alibi quoque hortari ne peccatum sit in corpore mortali, quando ad exuendum veterem hominem, & crucifixionem ac mortificationem illius hortatur, Ephes. 5. v. 22. Col. 3. v. 5. Quomodo autem sub præceptum cadat, & à nobis observari debeat ac queat, paulò antè ostendimus.

Quamobrem, quod ex Bernardo citant, *non sensus illiciti, sed consensus illiciti peccatum est*: ut alia omittamus, ei opponimus Augustinum contra Julianum lib. 5. *Concupiscentia carnis, adversus quam bonus concupiscit Spiritus, & peccatum est, & pœna peccati, & causa peccati*: quod dictum adeò illustre ac perspicuum, ut Pontificii eo pressi suis distinctionibus frustra conentur elabi. Huc accedunt aliæ rationes quæ à nostris adferuntur, nam cum adversarii fateantur, Paulum hoc septimo capite describere luctam carnis ac concupiscentiæ & Spiritus, in renatis; argumentantur concupiscentiam esse peccatum: primum, quia non est bonum, Rom. 7. v. 18. unde vocatur etiā *malum circumcingens*, Heb. 12. v. 1. deinde, quod malum appellatur privativè: quandoquidem propter illud non perficitur in nobis bonum, Rom. 7. vers. 15. & 23. tertio quod malum positivè: quoniam *rebellat legi mentis*, & hominem cogit facere, quod odit, Rom. 7. v. 15. & 23. quarto, quod propter illud malum exclamat Apostolus, *me miserum, quis me liberabit de corpore mortis*! Rom. 7. v. 27. quinto, quod sit malum crucifigendum, mortificandum & exponendum, Col. 3. vers. 5. & 9.

Ex quibus omnibus meritò concluditur, concupiscentiam corruptam & primos illius motus esse peccata: ac propterea Pontificios perperam statuere, nec decimo nec ullo decalogi præcepto prohiberi:

Atque hæc de genuina decimi præcepti intelligentia disse-ruimus, quæ ad illustrationem v. 7. hujus capituli pertinent.

Porrò de sequentibus altera exurgit controversia: nam cum inter omnes constet, Paulum conditionem hominis, nondum à Sp. S. per infusos fidei & charitatis habitus, renati, depinxisse inde à v. 6. ad 14. disquiri solet, an in sequentibus de eodem differatur: qua de re diversa sunt judicia: quidam simpliciter alterum statuunt; alii verò distinguunt, & versum 14. ad hominem non renatum; sequentia verò aliò pertinere arbitrantur; idque diversa via.

*De quâ personâ loquatur P A U L U S à versu 14.  
ad finem Cap. 7. disquiritur.*

**N**onnulli ex iis, à vers. 15. agi, de homine renascente: quemadmodum in antecedentibus de irrenato, & initio capitis octavi de renato: quæ sententia est Antonii Corani Hispani in Dialogo in hanc epistolam. Et Faustus Socinus non de quovis irrenato, sed de eo, qui in eo statu, ad excellentissimum gradum pervenerit, & (ut ait) *Paulum hoc loco hominem, Christi gratiæ expertem & ab ipsa lege pendentem describere: affirmo, non quemlibet ejusmodi hominem intelligere: sed eum, qui, in eo statu ad excellentissimum gradum pervenerit*. Deinde docet, describi pugnam inter appetitum & mentem, hoc est, intellectum: nam voluntatem statuit mediam, quæ interdum appetitui, interdum menti, in hoc conflictu, accedit. Contrà verò alii de homine renato, h. e. fideli & sanctificato agi, & pugnam describi statuunt, inter carnem & spiritum, seu inter peccatum originis, in renatis reliquum, in mente, voluntate & affectibus, & inchoatam in iisdem originalis justitiæ restitutionem, per Sp. S. De qua controversia quid videatur convenientius, Sacris Literis paucis exponemus.

Ac primum de v. 14. quamvis nolim multis contendere, cum iis tamen sentio, qui illum de homine renato & fideli exponunt: nam cum Apostolus antea locutus sit de se tempore præterito, accommodatè ad præteritum statum, de quo egit: ita hic loquitur tempore præsentis, *carnalis sum*: quemadmodum etiā in seq. ut præsentem statum describeret. Sed adversus hanc sententiam obijcitur: Illi de quibus hîc loquitur Paulus, sunt carnales, & servi peccati, v. 14. Renati verò non sunt carnales, nec servi peccati, v. 5. & cap. 6. v. 22. Ergo renati non sunt illi, de quibus hîc loquitur.

Sed responderetur esse *inchoatè*: Medius enim terminus est.

nus est ambiguus; nam *carnales & servi peccati* in propositione intelliguntur secundum quid, seu partim, ut v. 23. & 25. In assumptione verò simpliciter, ut ex superiori capitis explicatione liquet: Adeò ut rectè August. dixerit: *Ex eo quod remanserit aliquid infirmitatis, audeo dicere, ex qua parte servimus Deo, liberi sumus: ex qua servimus legi, peccati servi sumus*, Tract. 41. in Iohannem. Paulum autem de se hîc loqui, non simpliciter, sed secundum quid: nec ratione posterioris, sed deterioris partis, nihil est miri: quandoquidem se considerat comparatè cum lege; quatenus ab ea dissidet. Verùm de sequentibus maior est disceptatio. Et, ut eos æquitate Christianâ toleramus, qui de homine non fideli, citra contentionem, ita exponunt, ut analogiam fidei conservent & secus sentientes non damnent: ita meritò detestamur Fausti Socini impudentiam, qui sub Prosperi Dyfidei larva, in libelli, de huius capitis intelligentia, Cracovię editi, p. 130 ait: *Caevendum iudicio meo, non secus atque ab ipsa peste, tibi esse, ne locum istum 7. capitis epistolę ad Romanos, ad Paulum ipsum jam renatum pertinere, tibi persuadeas*. Nihil enim, ut iste fingit, in hac sententia esse pestilens: sed omnia sancta & salutaria, ex proposita expositione liquet, & ex sequenti examine amplius apparebit: ac primum quidem, primarias objectiones expendemus: deinde receptam in Ecclesia Dei interpretationem confirmare nitentur. Objectiones autem petuntur partim à stylo, partim à re. A stylo hac ratione: si describeretur, hoc capite, lucta carnis adversus Spiritum; tum *Spiritus*, non autem *mentis* fieret mentio, atqui mentis fit mentio: nulla verò *Spiritus*: quemadmodum contrā c. 8. & seqq. ubi de renatis certò agit: Ergo non describitur hoc loco carnis lucta adversus Spiritum. Propositionis Consequentia non est necessaria. Quamvis enim alibi *Spiritus* voce utatur, nihil in eo absurdi est, si bis per Synonymiam pro Spiritu, *mentem* nominet vers. 23. & 25. quemadmodum etiam eodem sensu *interiorem hominem*, v. 22. *Spiritum* verò intelligi attributa ostendunt.

Deinde à re ipsa deductę objectiones scopum & attributa spectant. Ex scopo quidem disputatur hoc modo, quod à scopo huius loci alienum est, illud eo non describitur: Atqui pugna carnis adversus spiritum à scopo huius loci aliena est. Ergo eo non describitur.

Assumptionem meritò negamus: ut in proposita explicatione capitis demonstratum est.

Ex attributis verò objicitur, primum, renati faciunt bonum quod volunt, Phil. 2. v. 13. Hi de quibus Paulus agit, non faciunt bonum, quod volunt, v. 15. Ergo non sunt renati: sed fallacia est amphibolias. *Facere enim bonum*, in propositione sumitur secundum quid, de imperfectè bono & cum venia æstimato, propter Christum, bono, in assumptione de perfectè bono, ex toto corde, tota anima, & omnibus viribus: quale quidem in renatis nullum est, ob reliquias carnis, & repugnantiam illius adversus Spiritum. Ex quo etiam solutio similis argumenti apparet: Quicumque amici sunt Christi: item, quicumque servantur, faciunt voluntatem Dei, Joh. 15. 14. Matt. 7. 21. Jac. 1. 22. Atqui renati sunt amici Christi & servantur: Ergo faciunt voluntatem Dei: ideoque non intelligitur de iis, quod dicitur, *bonum facere non inveniunt*. Respon. negari consequentiam: nam hæc de eodem quidem dicuntur: sed non secundum idem: ut ex v. 25. constat: *men: e serviunt legi Dei, h. e. faciunt voluntatem Patris: carne verò legi peccati serviunt: ideoq; non faciunt bonum, quod desiderant: quia secundum Spiritum desiderant non solum abesse scelera, à quibus abstinere, sed etiam pravos concupiscentię morus primos, quibus in hac vita oppugnantur*.

Deinde objicitur, in quo habitat peccatum, ille non est renatus, in eo, quem Apostolus describit habitat peccatum, v. 20. Ergo non est renatus. Propositio confirmatur hac ratione, quia *habitare* ubique denotat dominium: ut cum Deus Pater & Christus, ac Spiritus S. in nobis habitare dicuntur.

Sed respondetur I. negatione propositionis & confirmationis illius, *Habitare* enim non magis dominium notat, quàm servitutem: quia non solum Domini alicubi habitare dicuntur, sed etiam servi: nec enim habitatio aliud propriè notat, quam in loco certo degere: eoque inhæsi-

nem & durationem notat: quam ad rem dominium nihil facit. Ita cum Spiritus S. dicitur habitare in nobis; per *habitare* nihil aliud denotatur, quàm inesse, & quidem durare & manere quasi in domicilio. Cùm verò sit Deus, ex subiecti natura, non autem ex attributi significatione intelligitur, quod maneat in nobis tanquam Dominus summus & conservator: quod diligenter observari oportet. Quare cum *caro habitare* dicitur in nobis, carnis inhæsiōnem & mansionem firmam notat: deinde quamvis *habitare* significaret dominari, quod tamen falsum est, negaretur confirmationis consequentia, quia dominium peccati est duplex perfectum & imperfectum: perfectum est, quod totum hominem occupat, ac sibi servitio addictum ac parentem habet: quale dominium in non renatis: imperfectum est, quod hominem non omninò, sed parte aliqua adhuc detinet: quale est in renatis, quia reliquias dominantis carnis in se sentiunt: nam cùm liberatio à dominio peccati consistat in sanctificatione: si sanctificatio imperfecta est, liberatio & libertas quoque necessario imperfecta est: atqui verum prius: Ergo & posterius: ac propterea reliqua est aliqua servitus, quemadmodum quamvis vetus homo dicitur in nobis crucifixus ac mortificatus, quia peccati dominium bona ex parte ablatum est: sic eundem exuere, & mortificare jubemur, ob dominii illius reliquias.

Denique quod objicitur, qui miser est, & liberationem quærit, is nondum est liberatus & felix: atqui is, quem Paulus describit, miser est, & liberationem quærit, v. 24. Ergo nondum liberatus est: fallacia est homonymias: nam terminus major ambiguus est: in conclusione enim accipitur de liberatione inchoata: in propositione verò de liberatione perfecta: seu de cœptę liberationis complemento; alioqui major falsa est: quemadmodum etiam ex antecedentibus constat: similiter quoque non obstat, quod fideles, qui alibi dicuntur beati, hîc miseri nominentur: quoniam diversa est ratio: appellantur enim beati secundum justificationem: deinde secundum sanctificationis inchoationem, seu secundum interiorem hominem: denique ratione triumphi secuturi ac beatitudinis æternę: miseri verò ex parte, secundum carnem, quatenus nondum plenè à peccati miseria liberati sunt; quare hîc solutis objectionibus, ad argumenta, quę luctam carnis adversus Spiritum in renatis & fidelibus describi ostendunt, transeamus.

Primum est; is, quem Paulus describit, non operatur malum, quod facit v. 17. omnes infideles irrenati sub lege constituti, operantur malum, quod faciunt: quia plerumque mente; semper autem voluntate peccato serviunt, Eph. 2. v. 2. 3. & c. 4. v. 18. Rom. 6. 14. 16. 17. 19. & 1. Joh. 5. 19. Licet enim in nonnullis mens recta suadeat: nunquam tamen rectè, h. e. recto modo: quia non ex fide & amore Dei; neque ad Dei gloriam. Ergo is, quem Paulus describit, non est irrenatus.

Secundo, qui dicit, se non amplius perpetrare illud malum, ex relationis & oppositionis naturâ, ostendit, se ante perpetrasse, nimirum cum esset infidelis, Eph. 2. v. 2. & 3.

III. In quo caro, seu corrupta natura, ab homine interiore distinguitur, non intelligitur homo infidelis & non renatus, utpote qui totus & absolutè est caro, Joh. 3. 6. Rom. 8. 5. Atqui is, de quo Paulus agit, est huiusmodi, ut in eo, caro distinguatur, ab homine interiore, v. 18.

IV. Quia menti & interiori homini velle bonum attribuitur, quod non rationi seu intellectui, sed voluntati convenit: ac propterea de rationis & appetitus pugna tantum non differit Apostolus, quasi voluntatem statueret mediā, vitii que in se expertem, quæ aut à sola mente, aut ab appetitu regeretur: ut Socinus contendit.

V. Cui velle bonum absolutè convenit, ille non est infidelis & non renatus, sed fidelis; Joh. 3. 6. Rom. 8. 5. 2. Cor. 3. 5. Phil. 2. 13. In infidelibus ac non renatis est tantum voluntatis boni umbra, & quidem non perfecta, neque semper: atqui illi, quem Paulus depingit, velle bonum absolutè convenit, vers. 18. & 21. Ergo non est infidelis & non renatus, sed fidelis ac renatus.

VI. Qui delectatur lege Dei, is non est infidelis irrenatus, sed fidelis renatus, Rom. 8. vers. 5. & Psal. 1. nam delecta-

delectatio non solam approbationem in intellectu, sed etiam amorem in voluntate complectitur, quæ sine fide & regeneratione non existunt: is de quo Paulus agit, delectatur lege Dei, vers. 22. Ergo non est infidelis, & non-renatus; sed contrà fidelis ac renatus.

VII. Qui non solum lege delectatur, sed etiam quo lex (per prosopopæiam quandam) vicissim delectatur, ille non est constitutus tantum sub lege, sed sub gratiâ, & fidelis ac regeneratus est: nam infideles & non-renatos omnes lex accusat ac damnat: eoque iis non delectatur: atqui is de quo hic agitur, non solum lege delectatur, sed etiam eo vicissim lex delectatur, teste Apostolo, qui non ait simpliciter *delector*, sed relatione quâdam, *condelector*: ut hanc emphasin adversarii agnoscunt, vers. 22.

VIII. Distinctio interioris hominis à carne v. 22. & legis mentis à lege membrorum, v. 23. iisque attributa, indicant, Paulum de fidelibus renatis loqui: nam absolute ait & simpliciter, se delectari lege Dei, secundum interiorem hominem.

IX. Qui mente omninò servit legi Dei, ille est renatus; aliud enim est, *quæ legis sunt facere*, Rom. 2. v. 14. hoc est, quædam & imperfecte: aliud verò mente legi Dei servire, hoc est, omninò deditum esse: quemadmodum antithesis demonstrat: nam carni soli peccatum, & soli menti solum cultum legis attribuit. Atqui is de quo Paulus disputat, mente servit legi Dei, vers. 26. Ergo est renatus.

X. Qui cum carne perpetuum habent conflictum, illi hoc loco intelliguntur, v. 23. & 26. Atqui soli fideles & renati, hoc habent: Ergo soli illi intelliguntur: nam inter affectus & mentem non-renatorum, in multis, ad malum conspiratio est, & mens mala, malus animus, malus affectus.

XI. Quod Paulus ait, *ipse ego*, vers. 25. demonstrat perspicue eum non loqui (ut adversarii contendunt) per Prosopopæiam de non-renatis; sed contrà per hypothesein veram personæ suæ, thesin de regeneratorum conditione exprimere.

XII. Firmissimum argumentum, qui liberari cupit & gratias Deo agit, per Christum, ille sanè est fidelis: quia solus Christum colit, non autem infidelis hoc præstat: Is verò de quo Paulus hic differit, liberari cupit & gratias agit Deo, per Christum, vers. 24. Ergo est fidelis. Nam quod objicit Socinus, liberationis desiderium & gratiarum actionem, non ad eundem posse pertinere: illud ex proposita capitis hujus expositione & objectionum confutatione diluitur: nam quod Socinus ait: *ne quis in Apostoli verbis, tantum prædicationem animadvertens, propter ipsum quoque, ita eum exclamasse suæ miseriæ sensu suspicaretur, statim per parenthesin verba adjungi, gratias ago Deo &c.* illud inquam commentum omninò violentum est & alienum: quemadmodum res ipsa loquitur, utramque exclamationem per parenthesin similiter insertam, non à se mutuo discerptam: quemadmodum in explicatione capitis ostendimus: neque etiam obstat hoc loco varia quædam, quam objicit, lectio, *χάρις τῷ θεῷ*, quia, ut alia omittam, illud idem etiam valet, quod *εὐχαριστῶ τῷ θεῷ*: quemadmodum phrasis natura & usus Pauli evincit, Rom. 6. vers. 17. 1. Cor. 15. v. 57. 2. Cor. 2. v. 14. & 8. 16. & 9. 15.

Denique hisce argumentis accedit similium locorum collatio, quibus eadem, quæ hoc in loco extant, de regeneratis dicuntur, ut Gal. 5. 15. & 17. & carnis opera statuuntur non solum adulterium & scortatio, quæ ad corpus: sed etiam æmulatio, odium, invidia, quæ ad voluntatem: & hæreses, quæ ad mentem hominis pertinent. Ac propterea carnis nomine mentem, quatenus non est regenerata, complectitur: adeò ut licet fideles ab operibus sint immunes, bona parte; tamen ab inclinationibus primisque cupiditatibus non sunt alieni, ut etiam Catechesis nostra docet quæst. 60. & Apostolus ad Ephes. cap. 4. v. 22. 23.

Quare ut hanc sententiam veteres, ante Pelagium, non ita perceperunt: ita postquam ab eo exercitati sunt & diligentius omnia scrutati, secuti sunt, ut Hieronym. Tom. 2. ad Ctesiphontem, contra Pelagianos, & Dialogo 2. contra eosdem. Et Aug. retract. lib. 1. cap. 23. & contra Julianum

Pelagianum, lib. 6. cap. 11. quo veterum quorundam consensum citat: quibus etiam assentiuntur Thomas Aquinas ad hunc locum, & vulgò Pontificii Doctores non minus quam nostri.

Quæ omnia collecta, cum iis, quæ de concupiscentia differuimus, ad genuinam Pauli sententiam declarandam, suffectura speramus.

## C A P. VIII.

Hactenus digressio, qua anticipationes quasdam adversus justificationis doctrinam inferuit Apostolus: & luctam Christianam, hoc est, repugnantiam carnis & mentis renatæ, hoc est, Spiritus, in verè fidelibus, copiosè descripsit; ac tandem consolationem ex Christi gratia, per regressionem convenientissimam, adjecit. Quam ab hypothesei personæ suæ, ad thesin transfert, & hac ratione ad principalem hujus epistolæ propositionem, artificiosè regreditur: eamque primùm reponit ac concludit ex antecedentibus: deinde confirmat.

Propositio est, *iis, qui in Christo sunt, nulla est condemnatio*: illi autem in Christo esse dicuntur, hoc loco, non qui mediatè tantum & secundum quid, in Christo sunt, nempe ratione Ecclesiæ ipsius, quæ corpus Christi mysticum, in qua sunt, sed tantum ut palea in acervo frumenti, aut lolum in agro tritici, Matt. 13. v. 25. non autem ex ea sunt, 1. Ioh. 2. v. 19. seu non sunt viva illius, per eundem Christi Spiritum, membra, de quibus hypocritis, Ioh. 15. v. 2. sed *καὶ ἐξ ὧν*, intelliguntur verè Christiani, qui immediate in Christo sunt, per unionem mysticam, cum ipsius persona, fide, & virtute Sp. Sancti, Ioh. 6. v. 56. quia ipsi Christo, ut vivi palmites viti spirituali, aut ut surculi arbori vitæ insiti, & tanquam viva membra capiti Christo per Sp. S. uniti sunt, Ioh. 15. v. 5. & 1. Cor. 12. vers. 27. Hac autem periphrasi, hoc in loco, ut etiam in aliis, prudenter utitur Apostolus, quo justificationis & salutis nostræ causam, non à nobis, sed à Christo dependere ostendat. Præterea ut Christianos, ab hypocritis (qui falsò justificationem sibi arrogabant, Jacob. 2.) distinguat, eosdem etiam à proprio effecto, videlicet vita Christiana describit, quod non carnis, sed Spiritus regimen ac ductum sequantur: nam quamvis reliquis carnis concupiscentiis adhuc sint obnoxii: ut cap. 7. explicatum: iis tamen non parent, seu non perpetrant: sed iis reluctantur: ac licet in lucta interdum prosternantur atque impingant, exurgunt tamen resipiscentiâ, & vitam suam, ad Spiritus ductum, potissimum componunt: aliud enim est peccare etiam actus: aliud in peccato ambulare, hoc est, eo delectari, & illi operam dare, eique maximè servire: ideoque fideles à potiori parte appellationem desumunt, cum *non secundum carnem, sed secundum Spiritum* prævalentem ambulare dicuntur. Atque hæc de v. 1. de quo argumento Gal. 5. v. 16. ad finem usque capitis differitur: deinde propositionem hanc hypothesei iteratâ confirmat, à causa efficiente, *vivifico Spiritu Christi*, cujus lex, hoc est, Metaphoricè vis quasi imperans ac dominans, *me liberavit*, hoc est, me & fidelem quemque à dominio legis peccati & mortis, per regenerationem, v. 2.

Idque illustrat, primùm per aphæresin, deinde per thesin: illa removet hanc liberationem à lege, cui impossibilem fuisse asserit: verum ut contemptæ legis calumniam anticipet, culpam, in carnem nostram, seu vitiositatem nativam, nempe peccatum originis, transfert: hæc enim liberandi impotentia legi convenit, non per se, & naturâ suâ, quippe perfectam justificationis & salutis viam monstrat, Dei & proximi amorem omnibus numeris absolutum: sed per accidens carnis nostræ, quæ legi ac salutis regulæ reluctantur. Hæc de aphæresi: thesis verò liberationis causam statuit, primam quidem, gratiam Dei Patris donantis Filium: & proximam promerentem, Christi satisfactionem: nam *Deus suo ipsius Filio misso, in forma consimili carni peccato obnoxie*, id est, verè afflicto, *idque*, (ut nonnullis placet, per ellipsin) *pro peccato*, id est, sacrificio pro peccato: quemadmodum in Veteri Testamento septuaginta Interpretes sæpe loquuntur: vel *pro peccato*, hoc est, ut pœnam pecca-

peccato debitam subiret: *condemnavit peccatum*, hoc est, illius dominandi & condemnandi vim abstulit: *in carne*, nempe Filii humana natura, per Synecdochen, v. 3.

Finis autem liberationis hujus subicitur, *ut jus illud legis*, quod ea scilicet requirit, nempe obedientia, *compleretur in nobis*, nempe fidelibus: id quod nonnulli de justificatione interpretantur: quod imputatione justitiæ Christi, pro nobis præstitæ justificemur: sed istud scopo loci non satis convenit: & phrasi etiam Apostoli adversatur: non enim ait, *ut jus illud legis impleretur in Christo pro nobis*: sed, *ut impleretur in nobis*: ideoque de sanctificatione vitæ intelligitur: & ut doceat, finem liberationis, à peccati tyrannide (utpote pœna) merito mortis Christi, eum esse, ut legi pareamus, hoc est, sanctè vivamus: nam quod obijci potest, nos non esse perfectos, ideoque legem, in nobis non compleri, quod hic tamen dicitur: illud inquam, non sequitur: quia etsi legem non compleamus simpliciter, ac simul: complemus tamen secundum quid, secundum omnia præcepta, inchoatâ obedientiâ, & successivè, ut Galat. 6. vers. 2. Rom. 13. vers. 8. Ephes. 5. vers. 26. idque ex locis similibus patet, Luc. 1. vers. 6. Tit. 2. v. 14. Rom. 15. vers. 14. Actor. 9. vers. 36. Ac propterea describit Apostolus, quosnam intelligat, qui legem implent, nempe suo modo, cum ait: *in nobis*, nempe eos, *qui non secundum carnem ambulamus, sed secundum Spiritum*: eoque ostendit, fideles sic implere legem Dei, secundum quid, ac potiori sui parte, quod scilicet, quamvis carnem habeant, tamen non secundum illius pravas cupiditates vitam instituant: id quod opposita amborum descriptione declarat ac probat, quod eorum, *qui secundum carnem sunt*, hoc est, carnalium, in quibus caro regnat, effectum proprium est, *quæ carnis sunt cogitare*, seu secundum carnem vivere: contrà eorum, *qui secundum Spiritum sunt*, hoc est, Spiritualium, seu reatorum, in quibus dominatur Spiritus, proprium est, *cogitare ac meditari, quæ spiritui conveniunt*, v. 5. secundò idem probat ab eventu consequente, *quia quod caro cogitat, mors est*, hoc est, via mortis, seu mortem habet adjunctam, per Metonym. contrà *quod cogitat Spiritus, vitam & pacem*, hoc est, salutem habet comitem, v. 6.

Coeterum observandum est, ne cum Pontificiis, hoc in loco erremus, & mortem ac vitam, similiter tanquam propria effecta consideremus, quasi nimirum cogitata Spiritus efficerent ac mererentur vitam æternam: cum tantum consequentia certa hîc denotetur: ut res ipsa evincit: nam mors & vita sequuntur cogitata carnis & Spiritus, sed diversa consecutionis ratione speciali: nam mors generatim consequens est & speciatim etiam effectum meriti vitæ carnalis & malorum operum, ut lex demonstrat Deut. 27. v. 27. *Maledictus qui non, &c.* Salus verò communi etiam ratione, consequens est adjunctum vitæ secundum spiritum & bonorum operum: non autem speciatim consequens effectum & promeritum, ut Pontificii contendunt, id quod ex fidelis operantis & operum conditionibus constat: qui enim bona operatur, jam est per fidem, in gratia, ac filius Dei & hæres vitæ: ideoque vita æterna hæreditas filiorum, non meritum servorum appellatur: etsi opera bona sint conditio ac via ad hæreditatem possidendam: opera quoque, ut vitam mereantur, debent esse indebita, perfecta, vitæ æqualia: atqui nihil horum bonis nostris operibus convenit: primùm quia debita sunt Deo, ideoque nihil illis mereri possumus: debita autem sunt primùm, jure universali, in omnes homines, duplici, cum creationis, ad imaginem & cultum Dei: unde usum imaginis & obedientiam, ut Dominus talentum à servis meritò cum fœnore reposcit: tum gubernationis ac providentiæ, quâ conservat variisque beneficiis afficit; Actor. 17. v. 25. 26. 27. secundò jure particulari, in Ecclesiam, ratione liberationis ac servationis: cujus gradus singuli totidem sunt debiti bonorum operum causæ gravissimæ, ut electio ad salutem, & media salutis omnia ei subordinata ac data; ut Christi donatio in mortem pro nobis, resurrectio ad nostri justificationem, ascensus in cœlum, ut nobis viam pararet, vocatio ad fidem & Christi communionem, justificatio, adoptio in filios Dei & hæres vitæ æternæ, sanctificatio per Spiritum

Sanctum: quemadmodum hisce argumentis, Apostoli, ad bona opera, tanquam ad officium debitum, passim nos adhortantur: atque huc pertinet Christi judicium, *cum feceritis omnia, quæ vobis mandata sunt, dicite servi inutiles sumus: quia quod debuimus facere, fecimus*, Luc. 17. vers. 10.

Secundò bona nostra opera non solum debita sunt, sed etiam imperfecta: idque bifariam: primùm quia conjuncta habent multa mala opera, in quæ impingimus indies, Jac. 3. v. 2. *Quicumque autem universam legem servaverit, & impeerit in uno, reus est omnium* Jac. 1. v. 10: nam *maledictus qui non manserit in omnibus*, Deut. 27. v. 27. Adeò ut antiquam Stoicorum paradoxum illud: *qui unam virtutem habuerit, habet omnes*, apud Christianos verissimum sit, si legis normam & rigorem spectemus: deinde bona, quæ dicuntur opera nostra, tantum sunt bona, si in se spectentur, secundum quid, ratione Spiritus operantis: mala verò ratione carnis reluctantis, quia non ex toto corde, tota anima, cogitatione, & omnibus viribus, ea præstamus: adeò ut merito imperfectionis suæ, per se sint mala, ut ab homine profecta, & obnoxia maledictioni, ad quam minima legis transgressio sufficit: quemadmodum contrà ad vitam æternam, omnibus modis perfecta obedientia necessaria est. Deut. 27. v. 27. Lev. 18. v. 5. Rom. 10. vers. 5. Jac. 1. v. 10. nostra verò bona opera secundum quid, tantum ratione efficientis Dei & per accidens veniæ & gratiæ illius, propter Christum, defectus eorum condonantis, bona appellantur: quoniam Christus, quemadmodum personas fidelium justificat, ut Deo placeant, Rom. 5. v. 1. ita & bona eorum opera imperfecta, à reatu absolvit, satisfactione & intercessione sua, ut Deo accepta sint. Hebr. 13. v. 21. & 1. Pet. 2. 5.

Tertiò bona nostra opera sunt inæqualia vitæ cœlesti: non duratione tantum: quia temporalia sunt, non autem æterna; sed etiam dignitatis gradu: quia vita æterna supernaturalis & hominum sensibus atque intellectui incomprehensibilis gloria est, Rom. 8. v. 18. Ergo ut concludamus: cum opera nostra bona sint debita, imperfecta, inæqualia, non merentur neque propriè efficiunt vitam æternam: sed contrà, ut *stipendium peccati mors est: ita gratia Dei vita æterna per Christum Jesum Dominum nostrum*, Rom. 6. v. 23. *gratiaque servati sumus per fidem, non ex operibus, ne quis gloriatur*, Ephes. 2. v. 8. & 9.

Ex quibus omnibus satis superque apparet, cogitationem Spiritus (seu id quod cogitat ac desiderat Spiritus) vitam & pacem appellari, non quod ea promeretur, aut vi sua efficiat: sed quia antecedens est adjunctum in adultis proprium: & ut rectè ait Bernardus, *non causa regnandi, sed via regni*: & fructus ac testimonium veræ ac vivæ fidei, secundum quod, de occulta fide judicabit Deus, & verè fideles, ut vera Christi membra, ac filios, ab hypocritis fidem vanè profitentibus & de adoptione divina falsò gloriantibus, tanquam arbores ex fructibus discernet.

Porro *opinionem* cogitatum carnis, h. e. vitam carnalem, quam ea meditatur & exercet, viam esse ad mortem, eamque etiam parere, probat Apostolus ab effecto illius, quod per Meton. ad majorem evidentiam declarat: *quia inimicitia est*, h. e. summam inimicitiam exercet, *adversus Deum*, seu repugnat Deo, quod confirmat à remotione contrarij, qua inimicitiam hanc describit, *quoniam videlicet, legi Dei non subicitur: neque enim potest*: nam caro est vitiositas nativa seu peccatum originis, à quo nihil boni cogitari, neque præstari potest, sed tantum malum: atque hinc concludit: *qui in carne sunt*, in illius potestate, ac sub illius dominio, h. e. omninò carnales, *Deo placere non posse*, v. 8.

Deinde à thesi transit ad hypothesin, qua Romanos fideles consolatur & ad officium ipsorum hortatur ac stimulat: docet enim eos vi Spiritus liberatos esse: primum à peccato: deinde à morte: ac de priori ait: *Vos autem non estis in carne: sed in Spiritu*, hoc est, non carnales, sed spirituales.

Carnales autem, quemadmodum antea ostendimus alii sunt, in quibus caro regnat (quales infideles) alii in quibus repugnat: ut fideles, qui & carnem habent & Spiritum: sed illam reluctantem, hunc dominantem: qui consi-



derati secundum legis (quæ perfectionem exigit) rigorem, merito suo carnales appellantur: quemadmodum ante factum c. 7. ostendimus, sed secundum Evangelii gratiam & veniam, qua, per fidem, caro reluctans fidelibus non imputatur ad poenam, propter Christum: nec regnat, sed Spiritus primas obtinet: ab hoc, utpote à potiori, hoc in loco, ubi fideles secundum gratiam considerantur, rectè denominari apparet. Romanos autem spirituales esse, probat à causa efficiente: *Quoniam*, inquit, *Spiritus Dei habitat in vobis*, h. e. hæret ac sanctificat, idque porro confirmat à communione cum Christo, vers. 9.

Deinde Romanos fideles liberatos à morte anticipationæ quadam docet: obijci enim poterat, nos morimur. Ergò liberati non sumus à morte: respondet Apostolus, negatione consequentiæ: quia liberati sumus à dominio mortis: nam corpus quidem moritur, propter peccatum: sed spiritus noster, seu anima fidelium, vivit propter iustitiam Christi imputatam, ideoque mors corporum nostrorum non est absolute mors & dominans mors: quia fidelibus non est amplius venenum; sed salutare antidotum: non vestibulum secundæ mortis: sed per accidens gratiæ Christi, finis culpæ & janua melioris & æternæ vitæ vers. 10.

Deinde tandem etiam à morte liberabimur: nam etsi corpus moriatur: ut anima transit ad vitam æternam, sic corpus ad tempus manebit in morte: sed tandem resurget, non ignominiosè ad mortem secundam: sed contrà gloriosè ad vitam æternam: hoc autem probat Apostolus ex ratione antecedente, nimirum causa efficiente, Sp. S. qui eos, quos sanctificat, etiam glorificat: quam consequentiæ à pari confirmat: quod eadem sit Christi capitis & membrorum ejus, h. e. fidelium ratio: ut Patre, per eundem Spiritum, quo vivunt in iustitia & gratia vivificentur ad gloriam, vers. 11.

Atque hæc quidem de Romanorum contra peccati & mortis terrorem consolatione: ex qua deducitur adhortatio ad vitam Christianam: quæ cum duabus constet partibus, nimirum fugâ carnalis & studio spiritualis vitæ: priori parte utrumque complectitur Apostolus, per Synecdoc. frequenti Scripturæ more, quæ dehortatione, hortationem ad contrarium intelligere solet: & huic adhortationi stimulum addit, cum *fratres* vocat: eamque confirmat ab adjunctis: primum quidem, ab officio seu iusto: quia debemus non carni, sed spiritui obedientiam: debere autem nos ex superioribus liquet: primum jure domini: quia Christi sumus, non creationis solum, sed etiam redemptionis gratiâ: deinde jure gratitudinis, quam etiam natura dicat, in hominibus impiis, ut amantem redamemus, Matth. 5. v. 46. & 47. nam beneficia gratuita Spiritus, supra retulit: tum quæ accepimus, liberationem à dominio peccati & mortis; tum promissa, quæ accepturi sumus tandem, nempe plenam à peccato & morte liberationem, v. 12.

Altera ratio est ab utili: fugâ mortis ac vitæ præmio. Si, inquit, *secundum carnem vixeritis*, h. e. cogitationibus & cupiditatibus corruptæ naturæ vos mancipaveritis, *futurum est ut moriamini*, morte nimirum æterna, cum corporis, tum animæ: quæ mors non in abolitione substantiæ: sed in abalienatione & privatione gratiæ vitæque Dei & perpeffione poenarum infernalium, consistit. Sed si spiritu actiones corporis mortificetis, *vivetis*, hoc est, vitam æternam & animæ & corporis consequemini: quo in loco observandum est, vocem *corporis* bifariam posse exponi: aut Metaphoricè, pro corrupta hominis natura, seu labe originalis peccati in homine, quæ & caro & vetus homo appellatur, Eph. 4. v. 22. unde & membra (pro variis ad varia vitia inclinationibus) ei adscribuntur, Col. 3. v. 5. aut pro altera hominis naturalis parte accipitur: quo sensu, erit Synecdoche gemina: nam actiones corporis bonas, quæ aut naturæ incorruptæ, aut legi congruunt, non intelligit Apostolus: sed vitiosas, quæ legi Dei adversantur, nec vitiosas animi actiones excludit, sed corporis potissimum intelligit: quoniam animi vitia, bona ex parte, à corporis sensibus inflammantur & corporis ministerio peraguntur, v. 13. Similis locus est, Rom. 6. v. 12. Hanc autem rationem confirmat Apostolus, à causa efficiente, jure filiorum, in hanc sententiam: qui adoptione

filii Dei sunt, illi sunt hæredes Dei & cohæredes Christi primogeniti; ideoque vivent, vers. 17. qui aguntur Spiritu Dei, sunt filii Dei, v. 14. ergo qui aguntur Spiritu Dei, vivent, vers. 13. Assumptionem autem illustrat ac probat Apostolus distinctione Spiritus, cui duplex effectum tribuit, servitutem ac metum, & contra adoptionem ac securitatem: nam Sp. S. promulgatione legis, nos servos peccati & condemnationi obnoxios demonstrat, eaque ratione convictis metum incutit ac conscientiam terret, ut de nostris viribus desperemus, & Evangelio deinde oblato invitati ac vocati, ad Christum accedamus: cui etiam serviebat terribilis illa legis promulgatio, cujus meminit Apostolus, Heb. 12. v. 18. & 22. Contrà verò promulgatione Evangelii & fide in Christum, nos adoptat in filios Dei, deque adoptione nostra, securos reddit, & ad Dei Patris invocationem excitat, vers. 15. & 16.

Sed obijci posset, legem vocari ministerium literæ, non Spiritus, 2. Cor. 3. Sed respondetur, Paulum hoc loco considerare, id quod legis, extra Christi gratiam, est proprium, nempe mandando, vetando peccata retgere & damnando terrorem incutere: deinde nomine Spiritus *ἀδελφοί*, ad Corinth. Spiritum adoptionis ac sanctificationis, quem vivificum appellat, quique Evangelio confertur, intelligi: non autem spiritum absolute.

Porro fideles filios Dei esse, & cohæredes Christi, objectionis anticipationem, per inversionem, illustrat, & transitionem commoda, ad crucis tolerantiam variis consolationibus extimulat: obijci enim poterat: Si filii Dei essemus, non affligeremur: imò contrà, inquit Apostolus; quia filii Dei, ideo affligimur (de qua re pluribus, Heb. 12.) & simul consolatur variis argumentis: quorum primum est à communione Christi in cruce deductum: quia non soli, sed cum Filio Dei, capite nostro, patimur: alterum est ab eventum & communione Christi in gloria: Christus enim perpeffionum via intravit in gloriam, ita & nos: sed diversa tamen ratione: Christus suo, nos verò illius meritò: ideoque Christus jure, nos gratiâ: Tertium consolationis argumentum, à gloriâ, quæ fideles afflictos manet, magnitudine desumitur, quam comparatione, cum afflictionibus nostris, illustrat, ab inæquali & minori, v. 18.

Inæqualitas autem cujus hoc in loco fit mentio, posita est, non solum, in temporis duratione: sed etiam in gravitate & excellentia rei: ac propterea omne hominum meritum excluditur, 2. Cor. 4. 17. 18. deinde amplificat à desiderio duplici, ac primum mundi, per prosopopœiam, quod avidissimè patefactionem gloriæ filiorum Dei expectet, vers. 19.

Hoc autem desiderium illustrat, à causa efficiente, sensu nimirum vanitatis, cui mundus obnoxius est, non suâ natura, aut vitio: sed hominis culpâ secundum iustum Dei iudicium, v. 20. de qua re, Gen. 3. 17. 18.

Hæc autem vanitas consistit partim in mundi corruptione, non solum præfenti, qua elementa mirificè vitiata sunt, & cœli vires, in elementarem regionem, immutatæ: sed etiam futura, qua tandem dissolvetur mundus: partim etiam in abusu, quod præter finem suum ad perniciem hominum & ignominiam Dei, impiis serviat: deinde illustrat hoc mundi desiderium ab adjuncta spe: quæ certitudinem gloriæ ostendit; & à fine, nempe liberatione à corruptione, 2. Pet. 3. v. 13. quæ ad gloriosam libertatem filiorum Dei pertinet: nam quemadmodum mundus propter hominem conditus est, & propter lapsum illius corruptus: ita ad gloriam electorum dissolutus restituetur, vers. 21.

Porro repetitione, transitioni accommodata, illud mundi desiderium explicat, Metaph. duplici elegantissima, *subspirandi ac parturiendi*, idque à communi fidelium notitia probat, cum addit, *scimus*, ex verbi nimirum divini revelatione, & experientiæ sensu, v. 22.

Ex quibus apparet, quidnam de quæstione, quæ de interitu mundi, moveri solet, certò statuere oporteat, & qua ratione intelligendum sit, quod Apostolus Petrus, 2. ep. c. 3. 13. ait, *Cælum novum ac terram novam, secundum promissionem expectamus*: talem nimirum cœli præteritionem & mundi conflagrationem non intelligi, qua omnino in nihilum

hilum redigentur ratione substantiæ: sed mutabuntur ratione qualitatum: quemadmodum etiam explicatur Ps. 102. & Heb. 1. repetitur: *Tu in initio Domine terram fundasti, & opera manuum tuarum sunt cæli: ipsi autem præteribunt: sed tu permanes, & omnes ut vestimenta veterascent, & velut amictum circumvolves eos & mutabuntur*: quæ cum hoc Pauli loco, maximè conveniunt: nam quemadmodum id quod mutatur & quidem in melius, non redigitur in nihilum: ita quod liberandum est à servitute corruptionis & vanitatis, illud non interit in nihilum: quia nihilum est, maxima vanitas: & quod omninò perit, maxime corruptioni servit: atqui mundus liberandus est à servitute corruptionis, Rom. 8. vers. 21. Ergo non redigetur in nihilum.

Deinde quod rectè sperat mundus, illud bonum est mundi: spei enim rectæ objectum malum esse non potest: neque ullius spei malum notum: etsi interdum fucatum specie boni speretur: notumque est nihil esse, quod non suum bonum appetat, natura recta.

Atqui liberationem sui rectè sperat, & avidè expectat mundus: quemadmodum per prosopopœiam profert ac probat Paulus, v. 19. & 21. Ergo liberatio bona est: ideoque interitum in nihilum, qui malum est, & quidem apertum, non designat.

Tertio liberatio, quæ similis est libertati filiorum Dei, ea non est interitus in nihilum. liberatio quam mundus expectat ac sperat est similis libertati filiorum Dei: nam dicitur à Paulo, *sub spe, quod etiam ipse liberabitur*, hoc est, non minus quàm nos Dei filii; ergo non est interitus.

Quartò mundi liberatio à vanitate pertinet ad plenam libertatem gloriæ filiorum Dei, vers. 19. Mundi redactio in nihilum non pertinet ad libertatem gloriæ filiorum Dei; sed illi contrà repugnat: Ergo ea mundi in nihilum redactio, non est liberatio à vanitate, de qua Apostolus discessit.

Duo tamen sunt argumenta, quæ ex adverso moventur, suamque habent primæ speciei difficultatem: objici enim potest primum ex 2. Pet. 3. *cælos novos & terram novam intelligenda, in quibus*, ut additur, *justitia habitet*; atqui in hoc cælo & terra visibili post ultimum diem non habitabit justitia: sed tantum in summo & invisibili cælo: ergo hoc cælum & terra visibilis non intelligitur: sed tantum cælum summum & invisibile. Negarent forte nonnulli assumptionem & doctiss. virum Bucanum in Loc. Comm. secuti, opponerent Apoc. 21. vers. 1. Quidam tamen malunt non immeritò negare illa verba Petri, cum ait, *in quibus justitia habitat*, ad cælum & terram debere communiter referri, primum quia per ellipsin ad vocem *nos* accommodari possunt, ut hujus loci sit sensus: cælum novum, & terram novam expectamus nos, in quibus justitia habitat: quemadmodum similis sententia Phil. 3. 19. & 20. deinde responderi potest, relativum illud, nempe *quibus*, licet ad *nos* non referretur, non tamen ad terram, sed ad cælos tantum pertinere: & quamvis non simus in cælis visibilibus versaturi, sed in summo & invisibili, non est tamen alienum à vocis & Scripturæ usu, si dicatur, *in illis*, h. e. *super illos* justitia habitare: quemadmodum rectè ex usu communi *in terra esse* dicuntur, non quæ ei inclusa: sed quæ sunt super terram.

Sed iterum objici potest: si cælum hoc & terra non interibunt in nihilum, sed renovabuntur; nullus eorum nobis erit usus: atqui hoc absurdum est & Dei sapientiæ repugnans, qui nihil frustra agit: ergo non renovabuntur: sed interibunt penitus: propositionem probant hoc modo; si nobis utilis foret hic mundus, vel pertineret ad sustentationem corporalis vitæ, vel ad cognitionem Dei, Rom. 1. v. 20. Sed ad neutrum pertinere potest: quia corpore erimus immortales: nec terræ frugibus aut fructibus nobis erit opus: & cognitione etiam immediata Dei omninò perfecti, 1. Cor. 13. ac propterea non erit nobis utilis.

Resp. negatione assumptionis prosyllogismi: nam cognitio alia est intellectiva, alia sensitiva: prior futura est immediata sine externis mediis: nam mentis intellectu perfecte illustrati, Deum in immediata gloria spirituali cognoscemus: sed altera futura est mediata, qua Deum contemplabimur oculis corporeis, non in essentia aut gloria

spirituali: sed in operibus & gloria corporali, in operibus illius corporalibus: in quibus manifesta indicia majestatis divinæ apparebunt: præcipuè in carne Christi: deinde in corporibus Christianorum beatorum: denique in aliis corporibus, nempe cælo & terra: quæ propter nos glorificata, futura sunt hominibus glorificatis elegantissimum ac jucundissimum divinæ omnipotentiae & bonitatis erga homines, in summum cælum inde evectos, sub pedibus theatrum; quemadmodum hoc argumentum non indoctè tractat Tho. Aquinas in summa Theologiæ, p. 3. quæst. 91. & in magistrum sententiar. l. 4. dist. 48. q. 2. Quæ sententia de mundo in nihilum non redigendo, ut reddatur illustrior, duo præterea, ab absurdis consequentibus; connectemus argumenta.

Quorum primum est, quod ille mundi interitus futurus est proximè ante Christi reditum ad judicium, Mat. 24. 29. 30. *statim autem, inquit, post oppressionem dierum illorum, sol obscurabitur, nec dabit luna splendorem suum, & stellæ cadent de cælo, & potestates cælorum concutientur: & tunc apparebit signum filii hominis in cælo: & tunc omnes tribus terræ plangent, & videbunt filium hominis venientem in nubibus cæli, cum potentia & gloria multa.* & 1. Thess. 4. v. 17. dicitur de nobis post Christi descensum illum de cælo, *rapiemur simul cum eis, in nubes, in occursum Domini, in aërem: & ita semper cum Domino erimus.* ideoque aër erit adhuc, neque mundus inferior in nihilum redactus erit: aliàs enim neque aër esset, neque alius præterea locus, in quem Christus descenderet vero suo corpore ac locali, aut nos ascenderemus: nam jam antè ostendimus ex Matthæo, mundi illam solutionem, quam Scriptura tradit, Christi descensum proximè antecedere.

Secundum argumentum est, quod sententia de mundi in nihilum interitu, infernum tollit, & demones ac reprobos, in cælo summo, post ultimum judicium futuros necessaria consequentia statuit; quorum utrumque Sacrarum Literarum disertis testimoniis repugnat.

Primum enim infernum & pœnas illius æternas extra cælum summum collocat, & ab eo segregat, Matt. 25. 41. & 46. Judæ epistola v. 7. & 2. Pet. 2. v. 17. ideoque si reliquus, præter summum cælum, mundus, in nihilum redigetur, inferno locus deerit: ideoque nec erit.

Deinde sacra etiam Scriptura clarè docet passim, cælum esse beatorum sedem ac patriam, illis tanquam hæreditatem propriam, neque *in illud*, ut Johannes ait, *quicquam immundum & id quod abominandum est, facit, & mendacium, ingredi: sed illos qui scripti sunt in libro vitæ agni*, Apoc. 21. vers. 27. Beati enim soli eo ingrediuntur: *foris verò erunt canes & venefici & scortatores, &c.* Apocal. 22. vers. 14. & 15. *quorum pars est in stagno ardenti igni*, Ap. 21. vers. 8.

Ex quibus omnibus apparet, mundum non in nihilum, sed in meliorem statum redigendum: id quod ad futuram fidelium gloriam illustrandam adduxit Apostolus, v. 22.

Deinde eandem fidelium gloriam exaggerat & probat à desiderio ipsorum, ex sensu miseriæ orto, & à spe adoptionis; quæ vox *adoptionis*, non propriè accipienda: nam omnes fideles jam adhuc in terrâ constituti, adoptati sunt ac filii Dei, ut antè demonstratum v. 15. & 16. sed impropriè per metonymiam, patefactionem adoptionis nostræ significat: idcirco sequentibus proximè verbis exponitur, *redemptione corporis nostri*. Si quis verò objiciat; quod redemptum est morte Christi, ejus redemptio non est expectanda: atqui corpora nostra, non minus quàm animæ redempta sunt morte Christi. Ergo eorum redemptio non est expectanda: negatur consequentia, propter argumenti seu medii termini homonymiam: quia diversa ratione, unum & idem redemptum esse & redemptum non esse sine contradictione, dici potest. Quoniam redemptio aut propriè solutionem pretii redemptionis notat, qua jus liberationis comparatur: aut per metonymiam redemptionis patefactionem & fructum seu liberationem ipsam significat: priori modo fideles Christi morte redempti sunt, Rom. 3. v. 24. & Ephes. 1. v. 7. quia satisfactionis illius merito, nobis acquisivit jus liberationis à morte, cum ratione maledictionis,

tionis, ne nobis esset condemnationis pars: tum ratione detentionis ac corruptionis, ne à vita & gloria arceremur: secundo modo, Christus nos redimit, applicatione satisfactionis, per suum Spiritum: sed certis quibusdam gradibus: primum à condemnatione & maledictione mortis: idque in adultis, mediàtè per fidem, qua justificamur, Rom. 5. vers. 1. & 8. & cap. 8. vers. 1. secundò à detentione & corruptione immediatè, potentia divina, in resurrectione, ultimo die, qui propterea *dies redemptionis* nuncupatur, Ephes. 4. v. 31. 1. Cor. 1. v. 30. 31. & 15. v. 53. 54. & Ioh. 6. v. 40. Rom. 8. v. 11. Primo modo redemptionem corporum habemus, non autem expectamus: præterita enim expectari non possunt sapienter: secundo verò modo, partim habemus fide, ratione primi gradus & initii: partim expectamus spe, ratione secundi gradus & complementi; de quo Apostolus hoc in loco differit: quemadmodum etiam Lucas in Euangelio, cap. 21. 28. Ac propterea sibi & rei veritati optimè consentit Apostolus, quando ait, *nos expectare redemptionem corporis nostri*: Cujus spei certitudinem declarat, ab efficiente causa, nempe *primitiis Spiritus Sancti*, quæ redemptionem nostram futuram obsignant: qua de re consentaneè Ephes. 1. v. 13. & 14. *Primitias autem Spiritus*, regenerationis inchoationem (in fide & charitate constantem) perfectionis & salutis futuræ arram appellat, per Metaphoram convenientissimam: primitiæ enim vocantur in Sacris Literis, prima quæque, non solum fructuum, sed etiam brutorum & hominum, Deo oblata; Genes. 4. vers. 4. Exod. 13. v. 12. & 22. v. 30. & 23. v. 19. cujus oblationis finis erat duplex: prior quidem gratitudinis, pro acceptis à Deo beneficiis, publica testificatio, Deut. 26. v. 10. posterior verò reliquorum consequentium & conjunctorum sanctificatio, Levit. 23. v. 14. Rom. 11. v. 16. Quem ritum Ethnici (ut alia non pauca liturgiæ Mosaicæ) imitati sunt, ad superstitionis suæ ornamentum. Hæc de v. 23;

Denique hanc redemptionis expectationem illustrat Apostolus anticipatione objectionis. Objici enim poterat, quandoquidem fideles liberati ac servati sunt; illius redemptionem non esse expectandam. Verum opportunè huic difficultati occurrit ac respondet Apostolus, cum ait: *spe salvi sumus*, non autem re: ideoque rem meritò expectamus, id quod de salutis complemento intelligendum est, ut ex superioribus apparet. Argumentatio autem Apostoli est hujusmodi: Quod speratur, illud præsens non habetur, sed futurum expectatur: quandoquidem spes, si generalem illius naturam consideremus, est læta boni absentis expectatio: non autem sensus præsentis boni. Salus autem nostra perfecta, ac plena redemptio speratur: ergo ea præsens non habetur: sed futura expectatur: Propositio continetur illis verbis *Spes autem* (id est, res sperata per metonymiam) *si cernatur, non est spes: quod enim quis cernit, cur speret?* Ad assumptionem verò pertinet, quod ait: *spe servati sumus*, hoc est, salutis nostræ complementum adhuc speramus: habemus quidem illud oblatum in promissione, & tanquam objectum verum fide apprehensum: sed nondum collarum executione ipsa: nam spei objectum non est præsens salutis consummatio, v. 24. Conclusio denique continetur v. 25.

Atque hæc dicta de tertio consolationis argumento.

Quartum est à Spiritu Sancti subsidio: siquidem *interpellat pro nobis*, hoc est, per metonymiam, quid orandum sit, docet: & ad eam rem segnes ac torpentes excitat atque inflamat. Quod beneficium amplificat remotione causæ alienæ ac falsæ: *Quid enim*, inquit, *precemur, ut oportet, non novimus*, nempe è nobis ipsis: deinde ab adjuncto, quod Deus (quem confirmationis causa, periphrastice, ab omnis scientiæ proprietate, *scrutatorem cordium* vocat) *norit*, hoc est, probet, amet, exaudiat, *sensum Spiritus: quia secundum Dei voluntatem interpellat pro sanctis*, hoc est, fidelibus, qui sancti sunt, perfectè in Christo, imputatione divinâ: & inchoatè, in se, sanctificationis dono. Quod autem *Spiritus interpellare dicitur pro sanctis* non aliter accipiendum est, quàm quod in sanctis, ad eorum utilitatem, preces, quibus Deus interpellatur, suscitet: ac propterea ineptè à nonnullis, Spiritus Sancti & Christi mediatoris atque intercessoris nostri, officia permiscuntur ac confunduntur, v. 27.

Quintum consolationis adversus calamitates argumentum petitum est ab adjuncta utilitate: quia omnia fidelium bono inserviunt: de quo Rom. 5. v. 3. 4. 5. id quod probat, à fidelium conscientia, de hac re probè edocta, partim ex Sacris Literis, partim ex testimonio Spiritus interno, partim denique ex communi experientia: fideles autem vocat Apostolus, *diligentes Deum*, descriptione ab effectu proprio: quod in adversis, dilectionem suam erga Deum, maximè patefaciant: quo verè fidei argumentum & communionis cum Christo documentum probet: idque illustrat à causis, cum *vocatos* appellat *secundum propositum*, nempe non hominis, ut male Origenes, Chrysostom. & Oecum. existimant, sed Dei: quemadmodum eruditè August. Tom. 7. contra duas epistolas Pelagii, lib. 2. cap. 9. explicavit: id quod etiam probatur ex collatione locorum similium, Rom. 9. v. 11. Ephes. 1. v. 11. & 2. Timot. 1. v. 9. Propositum autem seu decretum Dei, hoc in loco non absolute res omnes: sed speciatim, pro materia subjecta, creaturas ratione præditas spectat *κατ' ἐξοχήν*. Hoc autem cum duplex sit, nempe declarandæ vel justitiæ vel gratiæ: de posteriori Synecdochicè intelligitur, nempe de gratuito servandi decreto: nam alioqui omnes quocunque modo vocati, cum ex proposito Dei universè sumpto vocati sint, servarentur: quia mutatio in æternum Dei consilium non cadit. Vocati ergo secundum propositum, hoc in loco dicuntur, non quivis, sed qui secundum gratuitum salvandi propositum & electionem Dei vocati sunt: ut autem id melius intelligatur, observandum est, vocationem aliam esse ad munus aliquod, Politicum vel Ecclesiasticum: aut ad certam vitæ hujus conditionem: de qua vocatione hic non agitur: aliam ad communionem Christi, adoptionem, & vitæ æternæ hæreditatem, 1. Cor. 1. v. 9. 1. Thess. 2. v. 12. & 1. Pet. 5. v. 10. Quæ duplex est, efficax vel inefficax: quarum illa est, qua vocati ad communionem Christi, efficacia Spiritus, ad Deum adducuntur: quæ electis convenit: hæc verò contra non paucis reprobis quadrat: vocatio autem est per ministerium Euangelii invitatio, ad communionem Christi, per fidem: quæ *invitatio ad cœnam agni* appellatur, Matth. 22. v. 3. Apocal. 19. v. 9. Inefficax duplex est, vel externa tantum, quæ fit tantum externo ministerio Euangelii, hoc est, prædicatione Euangelii & Sacramentorum administratione: qualis eorum, qui Euangelium audire detrectant, & baptismum rejiciunt: aut si audiant, nec assentiuntur nec intelligunt: vel partim etiam interna, cum Euangelium non solum audiunt, sed etiam intelligunt veritatem illius: & quidem vel sine assensione veritatis: vel cum ea; sed fide mortua, quæ non est productiva bonorum operum, nec fiduciæ cordis: quæ cum accesserit, interna & efficax dicitur: quia internam & salutarem Spiritus efficaciam conjunctam habet; qua & mens agnitione, hoc est, intelligentiâ & assensu Euangelii illustratur, & cor ad fiduciam gratiæ Christi reformatur & inflectitur: adeò ut vocationis hujus ad Christum quatuor sint gradus: primus est ad auditionem Euangelii, sine intelligentia: alter ad intelligentiam sine assensu seu veritatis agnitione: tertius ad assensum, per charitatem minimè efficacem: quartus ad efficacem, per charitatem, assensum, atque fiduciam: quæ *vocatio secundum propositum* ab Apostolo dicitur: hæc autem omnia parabola seminis quæ extat Matth. 13. illustrantur pluribus.

Porro hanc vocatorum secundum propositum, adversus calamitates, consolationem, nempe quod omnia illis, adversa scilicet, ad bonum & salutem gloriosam cedant, probat Apostolus, salutis nostræ serie, per Soriten: *Quia quos Deus præscivit: eos prædestinavit, ut conformes fiant imagini filii sui*, in cruce & gloria: *quos autem prædestinavit, eos etiam vocavit*, efficaciter nimirum & suo tempore: *quos vocavit, eos justificavit: quos autem justificavit, eos glorificavit*. Ergo quos Deus præscivit, eosdem glorificavit, hoc est, glorificabit, id est vitâ æterna gloriosa donabit, per enallagen temporis consuetam, ad certitudinem rei futuræ denotandam: cœterum hæc distinctius explicanda sunt, ne ambiguitate vocum implicemur.

*Præscientia* enim sumitur aut propriè, pro rei futuræ notitia:

titia : aut improprie, per metonymiam effecti, pro decreto : ut 1. Pet. 1. v. 20. aut *ἐκλογὴν* pro servandi decreto, ut 1. Pet. 1. vers. 2. *electi secundum præscientiam Dei Patris*. Roman. 11. vers. 2. *Non abiecit populum, quem præscivit*, 2. Tim. 2. v. 19. *Novit Dominus eos, qui sunt sui*. Atque hoc sensu sumitur hoc loco : nam quod Pontificii nonnulli & Arminii sectatores contendunt, proprie de præscientia, & quidem fidei, bonorum operum & perseverantiæ in iis, exponendum esse : illud omnino alienum est : nam fides & bona opera sunt consequentia effecta prædestinationis, Deique dona, Ephes. 1. v. 4. 11. 12. 15. 16. & cap. 2. v. 8. 9. 10. Phil. 1. v. 29. Actor. 13. vers. 48. ac propterea non possunt esse antecedens qualitas objecti prædestinationis futuræ : multò minus causa illius.

Deinde præscientia, de quâ hic agitur, est antecedens prædestinationis : at verò præscientia fidei non est antecedens, sed consequens prædestinationis : nam Deus præscit credituros certos : quia fidem iis dare decrevit, tanquam medium ad destinatam salutem. Ergo non agitur, hoc in loco, de præscientia fidei aut operum illius. Quapropter veterum plerique Origenem secuti, non leviter in huius loci explicatione hallucinati sunt.

Deinde *prædestinationem* quod attinet, ea vox sumi potest aut generatim, pro decreto Dei, de rebus omnibus futuris : quia nihil nisi præfinito agit, aut gubernat Deus : quia sapientissimus est : vel speciatim de creaturis ratione præditi ad finem suum ultimum & ad media eò pertinentia, dirigendis : eaque ratione vulgò accipitur, quando illius partes vel species statuuntur duæ, electio, & rejectio : quo modo accepisse liquet hanc vocem Augustin. de Civitate Dei, lib. 15. cap. 1. *Myſticè*, inquit, *appellamus civitates duas*, hoc est, *duas hominum societates, quarum est una, quæ prædestinata est, in æternum regnare, cum Deo : altera iudicium subire, cum Diabolo*. Hæc ille. Sic prædestinatio generalius accipitur, Actor. 4. v. 28.

Denique ad prædestinationem servandorum, plerumque restringitur : ac propterea *prædestinatio sanctorum*, ab Augustino & aliis nuncupatur : cuius cum duæ sint partes, destinatio ad vitam æternam, & gratiæ Dei gloriam, tanquam finem : & destinatio mediorum & ad media : quæ sunt vocatio, justificatio, sanctificatio, tolerantia crucis, &c. priorem comprehendit Apostolus voce *propositi* & *præscientiæ* : alteram verò partem, hoc loco distincte, per Synecdochen proponit, ut ex antecedenti *præscientiæ* voce & sequenti descriptione apparet, *prædestinavit*, inquit, *conformandos imagini filii sui*, hoc est, ad crucem, cum Christo, tolerandam, vitamque sanctè instituendam ac tandem Christi merito & exemplo vitam æternam obtinendam : hæc enim fidelium conformitas cum Christo, Philip. 3. v. 21. & 2. Tim. 2. v. 11. & 12. & 1. Pet. 2. vers. 21. & 1. Cor. 15. v. 49. & Hebr. 2. v. 10. Idque illustratur à fine, ut ipse sit *primogenitus in multis fratribus*, quos, ut eleganter ait Augustinus, *ei Pater dedit ad fraternam societatem, non æqualitate substantiæ, sed adoptione gratiæ generali*, Tom. 6. contra Secundinum Manichæum cap. 5. Ubi copiosè docet, Christum unigenitum & unicum dici, ratione divinæ naturæ ; primogenitum inter fratres, ratione humanæ naturæ.

Cæterum Christus primogenitus dici potest, vel ratione divinæ naturæ, quatenus Filius Patris æternus primus & solus, ante secula, à Patre genitus : de qua re Coloss. cap. 1. v. 15. vel ratione humanæ naturæ : idque vel propriè natiuitate corporali, primogenitus Mariæ, Matth. cap. 1. v. 25. qua ratione caret fratribus propriè dictis : quia ut primus, sic solus ex ea natus est : alioqui fratrum voce, pro consanguineis, accepta, fratres habuisse, cum omnes homines remotius, tum quosdam propius, extrà controversiam est : deinde, metaphoricè primogenitus dicitur, inter multos fratres nempe fideles : quia non solum nobiscum habet communionem naturæ humanæ ; unde frater dicitur, Heb. cap. 2. v. 12. 14. sed etiam sanctam conceptionem, natiuitatem & vitam habet : unde hæres vitæ : & sanctitatis ac vitæ, in nobis, causa & principium est : sicut etiam secundus Adam appellatur, 1. Cor. 15. vers. 47. quod sit instar radices : nos verò fideles instar ramorum : etsi autem abso-

lutè primogenitus non est, ratione temporis humanæ naturæ : est tamen ratione causæ & dignitatis : nam olim Patriarchæ regnati sunt, & in filios Dei adoptati, ac servati, beneficio venturi & fide percepti Messias : quemadmodum nos merito illius exhibiti, Joh. 1. v. 12.

Porro primogeniti, in Veteri Testamento, duplex erat prærogativa : nam & paternæ hæreditatis duplum accipiebat ; & in patris locum succedebat : ac propterea familiæ, reliquisque fratribus potestate præerat, Genes. 49. vers. 3. Deuter. 21. vers. 17. & 2. Chron. 21. vers. 3. atque hinc per metaphoram, pro præcipuo in quaque re, usurpatur, Esai. 14. v. 30. & Job. 18. v. 13. Et sic quidam eruditi locum illum Col. 1. vers. 5. pro domino ac Principe, accepta *primogeniti* voce, exponunt non ineptè ; quemadmodum ex collatione Apocal. 3. vers. 14. videre est : has verò prærogativas, præ Fratribus suis, Christum habere, certum est : quandoquidem donorum & gloriæ amplitudine excellit, & dominus omnium fidelium ; imò creaturarum constitutus est. Hæc de v. 29.

Justificatio porro non denotat habitus seu qualitatis permanentis iustitiæ infusionem : quemadmodum Pontificii contendunt : illud enim sanctificatio dicitur ; sed gratuita iustitiæ, propter Christum, imputationem : ut res ipsa loquitur, & antea cap. 4. ostendimus : etsi apud August. & alios veteres authores Christianos, non infrequens sit catachresis, qua justificationem, pro sanctificatione accipiunt, præter Scripturæ usum : & Ecclesiæ damno : quia ex huiusmodi locutionibus impropriis doctrinæ puritas vitata est à posteris. Atque hæc de v. 30. & ultimo consolationis adversus calamitates, à salutis nostræ serie, argumentum : quod epiphonemate concludit, *Quid igitur dicemus ad hæc?* id est, nihil adversus hæc rationes dici potest, quominus salus eorum sit certa, qui ex verâ fide Deum diligunt : id quod insigni & nervosa expolitione & continuatis exclamationibus, ad rei certitudinem demonstrandam, amplificat ac confirmat.

Primum nihil salutis nostræ posse nocere, nimirum quo minus eam obtineamus, probat ab adjuncto Dei auxilio, quia Deus nos propitiū ætetur, v. 31. Deinde contrà, salutem & omnia ad eam necessaria, Deum nobis suppeditaturum confirmat, à majori, per aphoresin, & thesin : *quod proprio Filio* (quo nihil pretiosius, nihil carius) *non pepercerit, sed eum pro nobis omnibus fidelibus tradiderit*, ad mortem crucis & salutem nostram, v. 32. Qua de re Rom. 5. v. 8. actum est.

Ad cuius loci intelligentiam, præclare ait August. *Facta est traditio à Patre : facta est traditio à Filio : facta est traditio à Juda, una res facta est : sed quæ res discernit Patrem tradentem Filium ; seipsum Filium tradentem, & Judam discipulum tradentem magistrum suum ? Quia hoc fecit Pater & Filius in charitate : fecit autem hoc Judas in proditione*, Tom. 9. in primam epistolam Johann. Tractat. 7.

Deinde nihil salutis nostræ obesse posse, speciatim demonstrat Apostolus : cum enim tria sunt potissimum, accusatio peccatorum nostrorum apud Deum, quæ nos terreat : & condemnatio ob meritum eorum : denique res adversæ, quibus à charitate Christi, ideoque & à salute nos abstrahere student adversarii : singulis consolationem opponit Apostolus. Ac primum quidem docet, neminem, nec legem, nec conscientiam nostram, nec Diabolum posse nobis electis ac fidelibus crimina intentare & cum successu accusare apud Deum iudicem, quoniam *Deus nos justificat*, hoc est, ab accusatione injustitæ absolvit & iustos pronuntiat : Secundò neminem posse nos condemnare : nec legis sententiam : nec Diabolum, mortem, infernum, facto : quia Christus morte suâ condemnationem nostram subiit, ac legi satisfecit : ut etiam docetur, Galat. 3. vers. 13. & 14. & 2. Cor. 5. v. 21. Ideoque iis qui in Christo sunt, (vivâ nimirum fide ipsi infiti) nulla est condemnatio, Rom. 8. v. 1. Hoc autem amplificatur gradatione quadam, à consequentibus ducta : ac primùm resurrectione, quæ plenè satisfactionis illius, pro peccatis nostris, certissimum est argumentum, Roman. 4. vers. 25. & de morte, (quæ peccati stipendium) victoria : deinde sessione ad dextram Patris, hoc



hoc est, summo, secundum Deum, in res omnes dominio, quo nos à se redemptos tueri potest: denique intercessione illius, quæ (ut ad Hebr. 7. v. 25. exponitur) semper vivens in cœlis Patrem interpellat pro nobis, v. 34. ideoque libero ad thronum gratiæ accessu, gratiam, ad opportunum auxilium, obtinemus. Hebr. 4. vers. 14. 15. 16. 1. Joh. 2. vers. 1.

Tertiò docet Apostolus neminem nos à charitate Christi separaturum. Idquæ declarat inductione quadam & enumeratione rerum adversarum, v. 35. quibus oppugnamur, (ne quis insolens esse putans offendatur) communem veteris Ecclesiæ conditionem similem è Psal. 44. v. 23 ostendit v. 36. Deinde hanc charitatis Christi perseverantiam probat Apostolus ab effectu, *quod plusquam victores sumus per eum, qui nos amavit*, hoc est, Patrem, qui nobis Filium dedit, ut v. 32. proposuit: quo ex loco colligi videtur, non agi de charitate Christi activè, quâ nos amat: nec etiam de sensu illius & fiducia charitatis, erga nos, per metonymiam: sed potius passivè de charitate nostra, quâ Christum amamus, quam v. 28. proposuit, quod diligentibus Deum omnia conducant ad bonum: & quia hic v. 37. dicitur, *plusquam victores sumus*, hoc est, etsi charitas nostra erga Deum Christumque oppugnetur variis modis: ea tamen nequaquam expugnatur, sed longè iis superiores sumus: ne quis autem merito suo atque viribus insitis victoriam hanc ascribat, ejus causam efficientem esse docet amorem Dei (quem descripsit v. 31. & 32.) quo nos complectitur v. 37.

Cujus rei fidem ac certitudinem remotione contrariorum, accurata inductione, gravissimè concludit, v. 38. & 39.

#### CONSECTARIA.

I. **C**um nulla condemnatio sit iis, qui sunt in Christo Jesu: sequitur plenè pro peccatis nostris esse satisfactum: ac propterea Pontificiorum Purgatorium, & humanas, quas fingunt, pro peccatis satisfactiones, omninò corrumpere.

II. Qui secundum carnem ambulant; licet Christi communione glorientur, non re, sed nomine tantum Christiani sunt, v. 1.

III. Legi impossibile est nos à peccato & morte liberare, vitio carnis: Ergo legis perfecta observatio nobis in hac vita, cum carne perpetuò luctantibus, impossibilis est: ac propterea impiè piam hanc sententiam Pontificii detestantur, Hieronymi sententiâ abusi, qui ut legem per se, & in integro hominis statu, impossibilem dici posse, negavit: ita homini post lapsum, Christo excepto, impossibilem observatû agnovit, v. 3.

IV. Cum vita secundum carnem, mortem afferat, & inimicitia sit adversus Deum: utroque hoc, & damni, quod infert, & injustitiæ ac turpitudinis nomine, fugienda est sedulò, v. 6.

V. Apostolus carni tribuit *opinionem* intelligentiam, ut Coloss. 2. v. 18. mentem; unde sequitur, eam non corpus tantum, aut irrationalem, ut vocant, animæ partem significare, seu potius facultatem: sed ad mentem etiam referri debere.

VI. Cum caro legi Dei nec subjiatur, nec possit: omnes autem infideles caro sint toti, Ioh. 3. v. 6. fideles verò partim Rom. 7. sequitur, illos, nihil boni: hosce nihil perfectè boni præstare posse: ideoque legis impletionem utrisque esse impossibilem: quamobrem vana est Pontificiorum & Castellionis de liberi arbitrii viribus, ad legem implendam, sententia.

VII. Legis violatio est inimicitia cum Deo: observatio contrà cum eodem amicitia est, v. 7.

VIII. Cum Spiritus Sanctus Dei & Christi Spiritus, pari ratione, dicatur: sequitur primò errare Arrium, qui Filium Patri *ὁμοίον*, id est, coessentialem negavit, & à Patre è nihilo conditum, primam esse creaturam asseruit: deinde & Græcos recentiores illos, quibus in Concilio Florentino, cum Pontificiis negotium fuit, qui Spiritum Sanctum à Patre solo procedere statuerunt, v. 9.

IX. Spiritus Sanctus vi suâ mortuos excitat, quod Deo proprium: unde contrà Pneumatomachos, Arrianos &

Macedonianos evincitur, illum esse personam: & quidem divinam, hoc est, verum cum Patre & Filio Deum.

X. Cum Pater per Spiritum excitaverit Christum à mortuis: & Christus excitatus sit solus Filius Dei, secundum humanam naturam mortuus atque excitatus: & Spiritus à Patre excitatus: inde liquet unum esse Deum & tres distinctas personas.

XI. Christi resurrectio tanquam capitis nostri & primitiarum, est resurrectionis fidelium inchoatio & pignus divinum ac certissimum.

XII. Cum Spiritus Sanctus in cordibus fidelium habitet: sequitur iis sanctitati esse studendum, 1. Cor. 3. & 6. & Spiritualibus sacrificiis Deum colendum, v. 13.

XIII. Debitores sumus ut secundum Spiritum vivamus: ac propterea pietas nobis non est arbitraria: sed necessaria, v. 12.

XIV. Cum Paulus dicat, si secundum carnem vixeritis, futurum est ut moriamini: malè quidam inde colligunt justificatos posse absolutè, stante Dei gratia, quam promissit, abjicere fidem & in æternum perire: quia ex hypothesi & antecedens & consequens ineptè concludunt. vers. 13.

XV. Vitæ sanctitas regenerationis argumentum est, vers. 14. quemadmodum calor & lumen, ignis, unde promanant.

XVI. Salus nostra est gratuita: quia adoptati sumus divinitus Dei gratiâ.

XVII. Rectè Deum Patrem invocare non est temeritas: sed orta à Spiritu Sancto Deoque gratia fiducia: ac propterea impii & temerarii sunt Pontificii, qui secus statuunt, v. 15.

XVIII. Cum & conscientia nostra, & Spiritus Sanctus de adoptione nostri, & hæreditate cœlesti testentur: sequitur errare Pontificios, qui fiduciam salutis temeritatis arguunt, v. 16.

XIX. Cum vita æterna sit hæreditas & adoptionis gratiæ effectum, sequitur non esse operum nostrorum meritum.

XX. Crux, filiorum Dei nota, v. 17.

XXI. Cum calamitates fidelium impares sint futuræ gloriæ: eam mereri non possunt: quia inter meritum, & id quod meretur, æqualitatem esse oportet, v. 18.

XXII. Mundi vanitas ex peccatis nostris orta, ad odium & fugam illorum excitare nos debet, v. 20.

XXIII. Patientia est individua fidei vivæ comes, v. 25.

XXIV. Cum Spiritus Sanctus non solum doceat, quem invocare, sed etiam quid & quomodo precari debeamus: sequitur orandum esse, ne nobis ille auferatur, v. 26.

XXV. Cum Deus scrutetur corda: cavenda est in precibus & rebus omnibus hypocrisis, v. 27.

XXVI. Ut preces Deo placeant, necesse est, proficiantur ex fide & fiant secundum Dei voluntatem vers. 15. & 27.

XXVII. Fidelium proprium est, Deum diligere, v. 28.

XXVIII. Maximum Dei beneficium est, quod Filium Dei hominem factum, fratrem habeamus: ideoque vocationi huic consentaneè vivendum est, v. 28.

XXIX. Quos Deus justificat, illos glorificabit. Ergo errant Pontificii & Arminiani, qui nonnullos justificatos fideles, non glorificandos, sed perituros statuunt, v. 30.

XXX. Cum Deus, omnia, iis, pro quibus Christus mortuus est, sit daturus: sequitur primò, non esse mortuum pro iis qui pereunt: deinde perseverantiam fidelium ac salutem per Dei gratiam esse certam.

XXXI. Fidelium in vera fide perseverantia est certa, & charitas Christi & Dei invicta.

XXXII. Fideles de sua perseverantia certi esse possunt, ac debent, v. 38.

#### CAPUT IX.

**H**actenus de instrumentalibus fidei effectis, justificatione, vitæ sanctificatione, perseverantia & glorificatione disseruit Apostolus. Deinceps vero quæ de causis fidei superioribus, beneplacito Dei, electione, & vocatione gratuita,

gratuita, antecedenti cap. 8. vers. 28. 29. 30. summam proposuit, ea porro ad caput. 12. exponit ac confirmat: ut hac ratione melius scandalum incredulitatis & refectionis Judæorum (quibus Christus promissus erat) tolleretur: falsaque de iustitia operum sententiâ eversâ, veram de iustitia fidei & perseverantia sanctorum doctrinam stabiliret. Cuius tractationis partes sunt duæ, quarum prior, theoriam continet, de natura & effectis prædestinationis cap. 9. ad vers. 24. altera verò praxin docens, agit de prædestinationis ad gloriam & gratiam, cognitione & usu, inde ad cap. 12.

Ad priorem quod attinet, ea constat præfatione, ad vers. 5. & rei explicatione convenientissima. Objici enim poterat, si doctrina Euangelii, de salute per fidem in Christum, hætenus proposita, vera est: Ergo maxima ex parte populus Judaicus, utpote incredulus, reiectus est à salute & exitio devotus. Atqui hoc absurdum: quoniam eo modo exciderit Dei promissio. Ac propterea Euangelii doctrina hætenus proposita, de iustitia & salute, per fidem, non est vera. Huic objectioni occurrit Apostolus. Ac primum propositionis consequentiam præfatione concedit, adhibita artificiosâ insinuatione, qua refectionis Judæorum, à Christo & salute, confessionem invidiosam rectè voto innuit, & odii in Judæos suspensionem, (qua vulgo gravabatur, Actor. 21. vers. 21. 28.) amolitur, & removet à se, eorumque benevolentiam sibi comparat, testificatione amoris sui pathetica. Quem describit ab effectis, cum bono affectu erga ipsos, tum iudicio honorifico de ipsis. Affectus duplex est, misericordiae, & voti, seu desiderii salutis ipsorum. Prioris veritatem, adversus calumniam præmunit iuramento gravissimo, quo Christum, Spiritum Sanct. & scientiam attestatur, vers. 1.

Deinde describit, cum suam, ex eorum miseria videlicet, tristitiam indicat: eamque amplificat, primum à quantitate, partim gradus, seu intentionis illius, cum *magnam* vocationem, adjunctoque incremento, *cruciatum* appellat: partim durationis temporis, cum eum *perpetuum* dicit: deinde à subiecto corde, quo fucum & inania verba abesse & sinceritatem adesse demonstrat, v. 2.

Huic misericordiae affectui alter adjicitur, nempe votum, ex priori promanans. Id quod secundum amoris, erga Judæos, sinceri argumentum: quo misericordiam suam probat & ab objecta miseria (quæ voto prudentissimè indicatur) declarat, cum testatur, tanto sibi dolori esse, Iudæorum à Christo refectionem, ut optarit, pro iis esse anathema à Christo, hoc est, ut à Christo anathematēpercuteretur: quemadmodum etiam jam olim Deus incredulis Iudæis interminatus erat, Malach. 4. vers. ultimo: quem locum Apostolus, ad refectionem Iudæorum confirmandam, omnino spectasse apparet. Quod diligenter observandum est, ut sciamus, primum vocem *an* hic non denotare terminum & separationem, ut vulgo accipiunt, sed efficientem causam: deinde anathema de morte secunda accipiendum esse: non autem de corporali & prima: quemadmodum Malachias hanc intelligit: nam ita Paulum mors corporis non separasset à Christi gratia & gloria: sed disjunctum conjunxisset. Phil. 1. vers. 23. Nec inde tamen, ut objectant, electionis & salutis certitudo, de qua actum cap. 8. convellitur: quandoquidem in precibus & votis, non semper ea quæ fieri possunt: sed interdum *ad vana*, quæ fieri nequeunt, à sanctis optantur, & quidem nec impie, nec ineptè: quoniam non simpliciter & absolute, sed certo demum respectu, & expressâ, vel tacita, voluntatis Dei conditione, loquuntur: nam pro objecti cogitati ratione variâ, variè etiam afficiuntur sancti: cum enim oculos mentis in salutem suam aut aliorum & in Dei gloriam conjiciunt, aliter affecti sunt, quam cum decretum Dei menti ipsorum occurrens atque objectum intuentur. Quemadmodum Christus, dum Iudæorum incredulitatem & ruinam pendit, eam deplorat serio Luc. 19. vers. 41. contra verò, cum Patris decretum aspicit, in eo acquiescit eoque nomine etiam gratias ipsi agit, Matth. 11. vers. 25. 26. Eadem ratione, dum iræ Dei imminenti pondus gravissimum, quod pro nobis sustinendum

erat, pendit Christus, horruit ac deprecatus est, & quidem sine ullo vitio. Primum quia naturale est, & à Deo creatore, humanæ naturæ insitum, ut sui interitum aversetur & conservationem appetat. Deinde quia non absolute, sed voluntatis Dei expressâ conditione adjuncta, hoc postulavit. Contra verò cum ad Patris voluntatem & decretum oculos mentis sustulit, seipsum retinens, naturale boni sui desiderium voluntati Patris recto ordine subiecit, atque in eo acquievit, Marc. 14. vers. 36. Simili etiam modo Prophetæ sancti, & Apostolus noster, fuerunt affecti, cum ab hac parte, Dei decretum; ab illa vero salutem hominum & Dei gloriam considerarunt: cuiusmodi est Moysis votum, Exod. 32. vers. 32. *dele me nunc ex libro tuo, quem scripsisti*. Sed excipiat aliquis: Esto, in Moysis petitione conditio intellecta fuerit: attamen fieri posse, ut aliquis è libro vitæ expungatur, Dei sententia declarat vers. 33. *dixit verò ad Moysen Jehova: Eum qui peccaverit mihi, delebo de libro meo*. Similis locus est Psal. 69. vers. 29. *deleantur de libro vitæ*. Verum responsio est, primum hanc deletionem de libro vitæ intelligi posse, de morte corporali, ut circumstantiæ suadent. Deinde esto, de vita & morte corporali non agatur: responderi etiam potest, inscriptionem in libro vitæ, accipi aut pro electione Dei, unde nemo expungi potest: aut pro vocatione ad externam Ecclesiæ societatem, quæ vocatio quasi index est vitæ æternæ probabilis: quomodo etiam hypocritæ inscribuntur, & detecti, ex eo expunguntur; de quo David loquitur, ut proxima verba interpretantur, *et cum iustis non conscribantur*: cuius rei similitudo quædam extat, inde à primitiva Ecclesia, ut baptizati in libro Ecclesiastico inscribantur. Secundo disjunctus, *et delebo* ista dici, ut rectè Aug. exponit, *Frateres*, inquit, *non sic accipere debemus, quod quemquam Deus scribat in libro vitæ, & rursus deleat eum. Si homo dixerit, quod scripsi, scripsi; Deus quemquam scribit & delet? & paulo post: Hoc dictum est secundum ipsorum spem, quia ibi se scriptos putabant. Quid est, deleantur de libro vitæ? ut ipsis constet, non illos ibi esse. & paulo post: Delebuntur de libro viventium, id est, non ibi se esse cognoscent*. Hætenus Augustinus in Psalmum 69. Quamobrem salus piorum certa manet, nec votis huiusmodi convellitur.

Ut autem ad propositum, de voto anathematis, à Paulo optati, redeamus: altera etiam est responsio, hoc anathemate, de morte secunda, intellecto, non infringi tamen ac tolli electionem & certitudinem salutis Pauli: quia anathema intelligi potest bifariam: primum simpliciter & in perpetuum: quale est reproborum: quia æternâ morte afficiuntur; deinde temporale, ac secundum quid, quod salutem æternam non evertit. Quemadmodum Christus pro nobis factus est anathema, simpliciter quidem: sed non in perpetuum. Anathematis vero & temporalis & secundum quid optati, exemplum illustre observamus, in theologo insigni ac piissimo, Gregorio Nazianzeno, qui amore salutis Macedonianorum, (qui probè vivebant, ac de Patre & Filio, vero Deo, rectè sentiebant: sed Spiritum Sanct. errore creaturam esse credebant) oratione quadagesima quarta in S. Pentecosten ait; *Adeo vos amplector & exosculor*, &c. *ὅτι καὶ ἀδελφεὰ ἵνα καὶ χάρις καὶ πατρὶς πνεῦμα τοῦ θεοῦ διδοῦναι μὴν εἰς αἰῶνα ὑμῶν, καὶ καὶ τὴν τιμὴν δοξάζωμεν*. hoc est, *ut anathema etiam à Christo esse, ac nonnihil ut damnatus perpeti non recusem, modo nobiscum adjungamini & communiter trinitatem celebremus*. Atque hoc modo Paulum anathema fieri voluisse, nunc, re diligentius perpensa, consentaneum existimo, magisque verisimile, quam ut simpliciter ac de perpetuo exitio intelligamus: nam etsi charitas Dei, charitati erga nos sit præponenda, tanquam summum ac primum mandatum; magisque Dei gloria quam salus nostra sit amanda: iustitiæ tamen contrarium est, ut simpliciter anathema esse, & exitio æterno devoveri ac salute æterna excidere optemus. Hoc enim & amoris Dei adversatur, optare ut ab illo summo bono nostro, perpetuo separemur: & amoris erga nos repugnat, ut & summo bono nostro semper careamus, & summo malo ac supplicio, in æternum, afficiamur.

Hac enim ratione, officium amoris erga nos, non

N n

subjicitur

subjicitur amor Dei & saluti proximi; quod lex Dei requirit: sed prorsus rejicitur atque tollitur, quod Dei lex prohibet: quæ nostri amorem, (quamvis Dei amor subjectum) & regni Dei desiderium præscribit. Si quis verò objiciat Luc. 14. 26. dici, *Nisi quis animam suam oderit, non potest meus esse discipulus*: nihil inquam efficiet: quamvis enim anima, per metonym. efficientis, pro effecto, vitam hîc significet: non intelligitur tamen æterna, sed temporalis ac corporis vita. Deinde odium hic non propriè, sed metaphoricè sumitur, pro negligere vitæ suæ conservationem, seu jacturam vitæ libenter perpeti. Denique non absolute, sed certa conditione, nempe, si vita corporis conservari non possit, sine abnegatione Christi & sanctitatis ac vitæ æternæ jactura, ut Luc. 9. vers. 23. 24. 25. & Matt. 16. vers. 24. 25. 26. Eodem redit responsio, si quis dicat, non absolute, sed comparatè odium præcipi, hoc est, ut minus amemus vitam, quàm Christum, Matth. 10. vers. 37. non ut non amemus: amorem enim Christi præfert tantum, nostri vero amorem non aufert: quia vitam æternam, temporalem amittentibus, propter Christum, pollicetur, ideoque eam amari debere docet vers. 39.

Hoc igitur sensu votum anathematis Pauli acceptum, & legi Dei, quæ amorem nostri requirit, & Evangelio quod electionis & salutis fidelium certitudinem docet, consentit.

Cœterum ut suum erga Judæos amorem etiam testetur, *fratres* eos vocat: quia verò duplices sunt fratres, alii generatione & secundum carnem, alii regeneratione & secundum spiritum, ut hosce Judæos infideles, à fidelibus Christianis distinguat, periphrasi quadam modum exponit, quando *cognatos* vocat, *secundum carnem*: non ratione communi ac remotissima naturæ humanæ, ex Adamo: sic enim omnes homines sunt fratres, sed ratione specialis originis ex Israele, vers. 3. Quos fratres privilegiis ipsorum singularibus, quibus divinitus prælati erant gentilibus, describit & laudat: eaque ratione, exposita misericordia sua, erga Judæos, & voto pro iis, honorificum suum, de iisdem iudicium subjicit; non quidem, ut iis aduletur, fuco quodam; sed sincero rectoque animo, partim ut calumniam eorum refellat, qui ipsum minus honorificè, de sua gente loqui spargebant: partim ut iustas, erga eos, benevolentia & voti sui, causas explicaret: atque hac ratione tertium amoris argumentum proponitur: privilegia autem seu specialia Dei dona Judæis collata recensentur novem.

Quorum primum est generis nobilitas, quod sunt *Israelitæ*, hoc est, ex Jacobo, qui Israel divinitus fuit appellatus, ideoque ex Isaaco & Abrahamo oriundi, de qua re Gen. 32. vers. 28. & 35. vers. 10.

Alterum est *adoptio*, quæ est gratuita, è reliquis gentibus, in filios Dei segregatio & cooptatio: qua ratione Israelitæ vocantur, non solum *filii Dei*: sed etiam *primogeniti* Exo. 4. vers. 22. 23. & Jer. 31. vers. 9. & *pretiosi ac delectabiles filii*, Lament. Jerem. 4. vers. 2. Verum ne quis hoc in loco hallucinetur, adoptio & cooptatio in filios in Sacris Litteris duplex est, generalis & specialis. Generalis est externa ad visibilem Ecclesiam & filiorum Dei cœtum destinatio & vocatio: qua ratione nonnulli filii Dei dicuntur, filiis hominum oppositi, hoc est, alienis ab Ecclesia, Gen. 6. 2. & Israelitæ, hoc modo, generatim, *filii Dei* appellantur, non solum qui electi erant ad vitam æternam, ac regenerati: sed etiam reprobi ac merè carnales. Unde Judæi, *filii regni*, seu Ecclesiæ Dei, ejiciendi dicuntur in tenebras exteriores Matth. 8. vers. 12. Quare qui ex hac rejectione, perseverantiam sanctorum oppugnant, homonymiæ sophismate ludunt. Specialis verò adoptio est efficax in filium & hæredem Dei per fidem Christique ac Justitiæ illius communionem vocatio Rom. 8. 15. Gal. 4. vers. 5. 6. Iohan. 1. 12. Ephes. 1. 5. Quæ adoptio non omnibus Israelitis, sed solum veris electis & fidelibus convenit: qui propterea *ἱσχυροὶ* ac proprio suo modo, cum hypocritis opponuntur, *filii Dei* appellantur: nam analogicè adoptio Israelitis tribuitur communiter; hypocritis externa solum: sinceris & verè

fidelibus externa simul atque interna: quæ adoptio quoniam testis coram mundo, in glorificatione, ultimo die patet 1. Ioh. 3. vers. 1. idcirco metonymicè *adoptionis* vox glorificationem illam interdum significat, ut Rom. 8. 13. apparuit.

Tertium privilegium est *gloria*, quam arcam Domini interpretantur: quæ quod esset gratuita & potentis Dei præsentia gloriose tessera, *gloria Domini* metonym. dicitur 1. Samuel. 4. v. 21. 22. unde etiam templum, *habitatio gloriæ Dei*, Psal. 26. 8. dictum: alii verò ad legem referunt, de cujus gloriâ agitur 2. Corinth. 3. vers. 7. Sed tamen videtur accommodatius, ut exceptis iis, quæ hîc recensentur, generatim ad reliqua extendamus ornamenta, quibus hic populus gloriose excelluit: cujusmodi fuere miracula, ex quibus, ut ait Theodoretus, clari & insignes evasere: qualis fuit liberatio mirifica ex Ægypto stupendis miraculis ac variis procurata: traductio per mare rubrum, columna nubis interdiu & ignis noctu, ad Israelitas dirigendos: cibus manna è cælo defluens: aqua è Petra promanans copiosissima: vestium & calceorum in deserto, sine attritione & corporis contritione duratio, & ad corporis incrementum accretio: introductio per Iordanem exsiccatum in Chanaan: murorum Ierichuntis subversio, solis statio: & innumera alia, cum extraordinaria, tum ordinaria, in populi conservatione miracula: deinde prophetia & crebra apparitiones divinæ, gentibus negatæ.

Quartum privilegium sunt *fœdera*, vetus nimirum & novum, seu operum & gratia: quemadmodum Theodoret. interpretatur, de quibus Jerem. 31. vers. 31. 32. & Act. 2. vers. 12. alii de fœdere gratia cum Abrahamo & posteritate illius inito, sæpiusque repetito, exponere malunt: nonnulli denique de decalogo per metonym. accipiunt, & propter duas illius tabulas, quæ tabulæ fœderis, nempe operum, appellantur, Deut. 9. vers. 11. & 15. & Hebr. 9. vers. 4. *fœdera* vocari censent: quæ interpretationes variæ, quemadmodum ferri possunt: prima tamen cœteris videtur præferenda: quia simplicior est, atque uberior.

Quintum privilegium est *legislatio*: quæ aut angustius ad legem judicalem, quam non ab homine, (ut Athenienses à Solone, & Spartani à Lycurgo) sed ab ipso Deo, per Moysen acceperunt, pertinet; quemadmodum plerique exponunt: aut latius, ad judicalem & ceremonialem legem: imò ad universam Sacram Scripturam referri potest, Hebr. 7. vers. 11. & 8. vers. 6. Qua ratione excelluisse dicuntur Israelitæ, Deut. 4. vers. 6. 7. Psalm. 147. vers. 19. 20. & Rom. 3. vers. 2.

Sextum est *cultus Dei*, qui inter Israelitas, ab Israelitis administrari & exerceri debuit: nam templum fuit Hierosolymis institutione divina, Sacerdotes ex Israelitis Levitæ: soli Israelitæ ex Dei mandato circumcisi, soli utentes sacris, & qui eorum Ecclesiæ, per circumcisionem, ex aliis gentibus, insiti.

Septimum sunt *promissiones*, quæ fuerunt variæ & illustres: in quibus excelluit promissio Messia & Evangelii, è Sione prodituri, & donorum, quæ inde ad Israelitas primum derivanda, Marc. 10. v. 16. Act. 13. v. 40. ac præterea futura tandem rectorum, antefecundum Christi adventum, ad salutarem Ecclesiæ societatem, ac salutem, revocatio, Rom. 11. v. 25. ad 30.

Octavum, quod *ad eos pertineant patres*, Abraham, Isaac, Jacob, Moyses, Josua, Samuel, David, cœterique insignes in Ecclesia Dei majores: quorum commendatio extat illustris, Hebr. 11.

Nonum & ultimum Israelitarum privilegium ac prærogativa præ reliquis gentibus, est cognatio cum Christo, quod *ex iis sit Christus*. Hæc enim verba non sunt referenda, ut à nonnullis fieri solet, ad patres, quod Christus sit ex Patribus ortus, quemadmodum ex genealogia ipsius Matt. cap. 1. extra controversiam est: sed ad Israelitas, sicut copula illa & demonstrat, cum ait: & *ex quibus*. Si quis objiciat, Christum non fuisse ex Israelitis ortum, de quibus Apostolus loquitur, qui illius tempore supererant; sed ex patribus: illud quidem concedimus, sed homony-

homonymia luditur: nam dictio *ex* denotat vel causam efficientem, ut *ex Spiritu Sancto esse* dicitur, Matth. 1. aut materialem, ut *ex semine Davidis*, Roman. 1. 1. vel numerum & partitionem, ut hoc in loco, *ex Israelitis esse* dicitur hoc est, ex Israelitarum numero & genere. Sicut Deut. 18. vers. 15. & Act. 3. 25. appellatur propheta ex fratribus excitandus. Verum quoniam Christus constat duabus naturis, divina & humana: divina, quâ fratres non habet, est enim filius Dei unigenitus: humana, quâ iis prædictus est: idcirco accommodatâ distinctione, ad gloriam Christi, rationem explicat, cum addit: *secundum carnem*, hoc est, humanam naturam, per Synecd. Hebræis usitatissimam, ut Ioan. 1. v. 14. *sermo caro factus est*, & Rom. 1. v. 3. nam secundum divinam naturam, unus est cum Patre & S. S. Deus supra omnes laudandus in secula: quod epiphonemate solenni concludit, *Amen*: nam quod Erasmus, & cum eo Samosateniani, hoc divinitatis elogium, non de Christo, sed de Deo Patre exponunt; omnino coactum esse, & textui non convenire apparet, ex distinctione cognitionis secundum carnem & pronomine relativo, quod ad antecedens accommodari debet.

Atque hætenus de præfatione egimus, quâ Iudæorum rejectionem à gratia & gloria, insinuatione quadam indicavit ac concessit; & omnem, quæ ex hoc indicio moveri poterat, malevolentia suspicionem, testificatione & probatione amoris sui diluit: quæ prior est responsionis ad objectionem, de Iudæorum rejectione, pars.

Alteram vero est, quâ illud absurdum esse negat, *nec enim Dei verbum propterea excidisse*, asserit. Quæ phrasis bifariam accipitur: primum ab orthodoxis, de verbi stabilitate & complemento, quod irritum fieri non possit: quemadmodum Ioan. 10. v. 35. *non potest solvi scriptura*, & Mat. 4. v. 35. *Cælum & terra præteribunt, sermones autem mei, &c.* Secundò ab adversariis nonnullis, de firmitate memoriæ Pauli, malè accipitur: quasi sensus esset, quod non exciderit ex animo illius, hoc esse, non oblitus sit verbi divini, cum diceret, Iudæos esse anathema à Christo. Pro qua interpretatione, quia nonnulla adversus priorem & saniorum objectantur, quorum solutio perquam necessaria est, ad Dei gloriam, & illustrationem doctrinæ, de consilio & verbo Dei: idcirco præcipua breviter expendemus.

Ac primum opponunt nobis, Sauli ad regnum vocationem, & secutam Dei poenitentiam 1. Sam. 15. v. 11. Sed ea voce, nulla affectus, aut sermonis, notatur inconstantia: sed destinata, ex constanti consilio, effectus mutatio; quæ per *αὐτὸν πονηθεὶς* metaphoram adumbratur: quemadmodum illud disertè declaratur eodem in loco v. 25. *qui æternitas est Israelis, non committit mendacium, neque poenitebit eum: non enim homo est, ut poeniteat eum.* De qua re, concinna est Gregorii Magni sententia: *Quia, inquit, ipse immutabilis, id quod voluerit mutat, poenitere dicitur: quamvis rem mutet, consilium non mutet.* In Jobum hom. 24.

Quod deinde objicitur ceremoniarum Mosaicarum abrogatio aliarumque rerum mutatio; illud sermonis Dei constantiam non infirmat, sed confirmat; quia non solum ceremonias instituit, sed etiam convenientem durationis terminum, & mutationem consilio & verbo stabili præfixit.

Neque obstat etiam, quod præterea regerunt, non omnes minas (quales contra Ninivitas & Ezechiam) nec omnes promissiones Deum exequi: quia eadem, non absolute, sed cum conditione expressa, aut tacita, pronuntiavit. Sicut de comminationibus suis & promissionibus exposuit atque interpretatus est sententia generali & perquam memorabili, Jerem. 18. 7. 8. 9. 10. Cujusmodi etiam fuit comminatio adversus Abimelechum, Gen. 20. v. 17. Et promissio de introductione Israelitarum, in terram promissam Chanaanam, Exod. 3. & Num. 14. respectu populi fuit absoluta: sed respectu singulorum conditionalis, si Deo se morigeros præberent: eadem ratio fuit sacerdotii Pontificis Eli, 1. Sam. 2. 30. & regni Sauli, 1. Sam. 13. v. 13. & 14.

Denique quod objicitur Luc. 7. 30. dici, legis interpretes, *Dei consilium rescidisse*: ideoque consilium & verbum

Dei excidere posse; non difficulter diluitur: nam vox *ἀρῶν*, quâ utitur Lucas, significat hoc loco, non rescindere aut abrogare, ut adversarii contendunt, quasi loco suo movere: sed per metaph. *contemnere, rejicere*: ut alibi etiam accipitur, Heb. 10. 28. Deinde etiam illo modo sumeretur; tum *consilium Dei*, de rebus futuris decretum, minimè notaret: sed Dei mandatum, de conversione & baptismo, significaret: quemadmodum *consilii* vox accipitur Prov. 1. v. 24. & Act. 20. 27. Deinde hoc modo, *rescindendi* vox, intelligenda esset, non reipsa: nam per se firmum manet, reluctantem mundo & principi illius Satana; sed ratione studii & conatus: quemadmodum Marc. 7. v. 9. 13. per ironiam ait Christus: *καὶ αὐτοὶ ἀρῶν ἐν ἐμῇ βουλῇ ἐπέκειντο τὸν λόγον τοῦ Θεοῦ, ὅτι ἐν τῇ παραβολῇ τοῦ Θεοῦ ἐνέειπον, καὶ οὐκ ἐν τῇ ἐκτίσει τοῦ Θεοῦ*, ubi clara est, inter *rejicere* & *servare* oppositio. Quamobrem, ex hisce confutatis adversariorum exceptionibus, constat, sermonem Dei excidere non posse; sed decretum *consilium Dei æternum stabit, & voluntas ejus fiet.* Es. 46. 10. Eph. 1. 11. quia Deus nec mentiri potest, Tit. 1. 2. nec mutari, Jac. 1. 17. quia verax & omniscius & omnipotens. Unde perspicua est Apostoli sententia, qua negatur, excidere, seu irritum reddi, sermonem de fœdere, cum Abrahamo & semine illius, deque benedictione & salute, per promissum Messiam. Gal. 3. 17. quamvis Iudæorum maxima pars, à Christo & benedictione exclusa, sit anathema.

Idque probat distinctione Israelitarum & seminis Abrahami: eaque ratione ostendit, promissionem Dei, ratione efficacis illius, esse indefinitam, ac sensu particularem, non autem universalem; ac propterea universalem perperam inde constitui: nam quamvis Israelitæ plerique pereant, promissionem tamen Dei minimè reddi irritam, inde constat, quia in electis est efficax. *Non enim omnes*, ut v. 5. ait *qui sunt ex Israele* Patre prognati secundum carnem, sunt veri illi *Israelitæ*, ad quos fœderis gratia Dei non solum oblatio, cum conditione officii præstandi: sed etiam collatio & hæreditas cœlestis reipsa pertineat, ut v. 7. exponitur clarius & Rom. 2. v. 28. & 29. *Neque quia semen Abrahami sunt, ideo omnes sunt filii*, seu hæredes benedictionis illius & ejusdem gratiæ gloriæque participes, Rom. 4. v. 12. Gal. 4. 28. quamvis enim hæc videantur & inter se & cum superioribus pugnare, quibus docuit Apostolus, Iudæos incredulos, esse Israelitas & Abrahamitas, non solum origine carnis sed etiam ratione fœderum & promissionum acceptarum: nulla tamen est dissensio: etsi enim ad omnes Israelitas, & patres, & adoptio, & fœdera, ac promissiones pertineant, non propterea tamen sunt omnes verè filii & hæredes salutis. Illa enim quæ objectantur, Iudæis infidelibus ab Apostolo tribuuntur quidem, ratione vocationis externæ (qua salus iis sub conditione obedientiæ annunciata & oblata est, & oblatio illius circumcisione obsignata, unde omnes Israelitæ filii fœderis dicuntur communiter, Act. 3. 25.) sed non ratione vocationis internæ & efficacis secundum propositum electionis, qua salus non solum exterius, cum conditione fidei vivæ, annunciata & oblata est verbo, ac signata sacramentis: sed etiam interius, efficaciter, donata conditione seu fide, confertur à Spiritu Sancto: hoc enim solum genuinis filiis & verè electis Israelitis convenit, non autem promiscuè omnibus: idque comprobatur Apostolus certis hypothesebus, seu singularibus exemplis clarissimis & gravissimis, quæ deinde ad thesin transfert. Atque hac ratione sublimem illam, de singulorum prædestinatione & executione illius, doctrinam, amplius quàm capite antecedenti, aggreditur.

Primum autem exemplum est filiorum Abrahami, nimirum Ismaelis & Isaac: quia rejecto Ismaele (qui & major natu & prior fuerat circumciscus) Isaacum elegit Deus: quod diserto testimonio confirmatur ex Gen. 21. 12. *In Isaaco vocabitur tibi semen*, hoc est, erit & reputabitur tibi germanus filius & hæres, ad quem promissiones temporales & æternæ, seu corporales & spirituales tibi factæ, derivabuntur: quemadmodum Deus Gen. 17. 19. 21. & Paulus Heb. 11. 17. 18. non obscure interpretantur. Hæc de v. 7.

Ex qua hypothesi seu exemplo particulari, insert Apostolus, expositione commoda, thesin seu sententiam universalem:



salem : qua ostendit duplex Abrahami semen esse distinguendum : aliud enim esse carnis , cuius non solum typus sed etiam exemplum est Ismaël : aliud promissionis , cuius typus & simul exemplum est Isaacus ; hoc est , ut Apostolus docet , hinc demonstratur , quod non quicumque sunt filii carnis Abrahami , seu secundum carnem ac vi naturæ , illi sint cum Abrahamo filii Dei & hæredes vitæ æternæ : sed illi demum , qui filii sunt gratuita promissionis Abrahamo factæ & vi illius nati , nempe electi , divinitus , in semine Abrahami , & veris , secundum spiritum , Abrahami & Dei filiis accensentur , v. 8.

Idque probat Apostolus , ostendens testimonio Dei , Gen. 18. v. 14. Isaacum non carnis esse filium : sed promissionis vi genitum : quia cum Abrahami corpus senio esset effœctum , & Sara sterilitatis & simul ætatis ratione , ad prolem concipiendam prorsus esset inepta , Rom. 4. v. 19. Abrahamo promisit Deus : *Hoc ipso* , inquit , *tempore veniam , & eris Saræ filius*. Hæc autem generatio ex promissione , fuit typus regenerationis & adoptionis gratuita , non solum reliquorum , ex omnibus gentibus , Rom. 4. v. 16. & 17. Gal. 4. v. 18. sed etiam , ac primum quidem , ipsius Isaaci : sicut ex formula promissionis constat : quæ non solum procreationem Isaaci miraculosam continet ; sed etiam salutis appendicem , Gen. 17. v. 19. & 21. Quemadmodum contra Ismaelis naturalis procreatio , seu vi naturæ facta , & reiectio à familia & hæreditate Abrahami , non solum typicè adumbravit Judæorum incredulorum , & familia & Ecclesia Dei , reiectionem Gal. 4. v. 23. & 24. : sed etiam ipsius Ismaelis ; quemadmodum antitheseos Isaaci & Ismaelis ratio ostendit. Neque absurdum est , ut objicitur , quod idem sit rei alicujus generalis typus , & singulare exemplum : nam Israelitarum in Ægypto , per sanguinis agni effusi asperisionem , conservatio corporalis , citra controversiam typus fuit , non solum conservationis spiritualis , posterorum fidelium , per Christi sanguinem , fide & spiritu conscientis aspersum : sed etiam singulorum , inter ipsos Israelitas , verè fidelium. Quapropter hallucinantur hoc in loco , qui hæc nihil omnimò ad salutem Isaaci , aut Ismaelis pertinere contendunt : sed tantum esse typos salutis fidelium , & reiectionis infidelium reliquorum : nam quod objicitur , Deum , rogatu Abrahami , Ismaeli vitam spondere coram se & benedictionem , Gen. 17. v. 18. & 20. deinde auditum , Ismaelem à Deo , Deumque illi adfuisse , Gen. 21. v. 16. & 20. ac propterea à salute non esse reiectum : illud minimè sequitur ; quia Deus loquitur de temporali vita , & benedictione , quæ dona etiam reprobis communicantur , Dei clementiæ : non autem de æternâ : quemadmodum apparet ex sequentibus & antithesi Isaaci , Gen. 17. vers. 19. & 21. Sed excipiunt , Ismaelem non minus esse divino jussu institutum & circumcisum , quàm Isaacum ; ideoque salutem æqualiter ei communicatam. Sed falsa est consequ. nam Deus & verbo & sacramento , quosvis in Ecclesia natos , exterius vocat , ( ut ante ostendi ) offerendo gratiam & docendo , atque officium obedientiæ fidei & charitatis exigendo , ad salutem ; quæ cum Ismaeli defuerint , salutem illius verbum & sacramenta minimè obfignarunt. Verum , si ita res habet , Ergo , inquit , Deus simulator est , & circumcisio vana. Minimè verò : Deus enim serio rectèque agit : nam ministerio verbi & sacramentorum , gratiam suam , fidei & resipiscentiæ conditione , offerendo , justissimè debitum exigit , & reprobos , impietatis suo vitio acquiritæ convincens , reddit inexcusabiles : electis verò , ipsos regenerando , gratiam clementer confert. Ac propterea ex iis , quæ objecta sunt , concludi non potest , ea quæ à Paulo , hoc in loco , dicuntur , ad salutem Isaaci & Ismaelis non pertinere , v. 9.

Atque hæc de priore exemplo Ismaelis & Isaaci , quo probavit Apostolus , non omnes carnales Abrahami filios , esse cum Abrahamo filios Dei & electos ad vitam æternam. Veruntamen , quia à Judæis excipi poterat , exemplum illud se non attingere ; quod essent Abrahami semen , non ex Agar servâ & filio illius Ismaele ; sed ex Sara ingenua & Isaaco promissionis filio orti : propterea alterum adjungit Apostolus , eidem rei probandæ , filiorum sc. Isaaci , Esavi

& Jacobi exemplum : quorum prior ( licet pares essent ) reiectus , posterior verò electus est & adoptatus à Deo. Paritatem autem demonstrat , primum , ratione parentum & conceptionis ; quia ex eodem parente Isaaco , ab eadem libera atque ingenua matre Rebecca , concepti pariter : deinde ratione dignitatis , & meritorum : quia & reiectio unius & electio alterius contrigerunt , cum nondum nati essent , ideoque nihil boni aut mali fecissent. Qua ratione anticipat Apostolus exceptionem Judæorum , ne objicerent , illum reiectum , improbitate sua : hunc verò electum , probitatis alicujus antecedentis aut prævisæ merito : nam quod quidam ajunt , inter se luctatos fuisse , in utero matris , ac propterea alicui boni fecisse & mali : respondet Augustinus , *Lucam hanc fuisse signum rerum magnarum : quia non fuit arbitrium , sed prodigium*. epist. 106. ad Paulinum. Hanc autem discretionem proponit Apostolus & firmat Dei autoritate duplici. Ac primum Gen. 25. v. 22. nam Rebeckæ , Deum , de foetuum in utero suo conflictu , consulenti , responsum fuit ; *duæ gentes sunt in ventre tuo &c. quarum una robustior erit altera ; & major serviet minori*. Deinde Mal. 1. v. 2. Verum objicitur , de duobus populis hæc dici : ideoque non de Esavi & Jacobi personis esse sermonem. Sed negatur consequ. quia horum populorum partes sunt primum stirpes ipsæ , Jacobus & Esavus : deinde propages seu posteriores eorum. At inquit , Esavus non servit Jacobo ; ac propterea de posteris solum agit Deus. Imò vero servit & jure electionis divinæ , venditiæque primogenituræ : deinde etiam facto , seu reipsa , suo modo : quia cessit hæreditate ac dominio terræ promissæ , & in Idumæam recessit , quemadmodum etiam plenius in posteris suis servit , 2 Samuel. 8. 14. Sed esto , inquit , hæc ad Esavi & Jacobi personas referantur , de externâ tamen servitute , & terræ promissæ privatione , & de amore odioque in rebus externis dicuntur , non autem de vita æterna : ac propterea nihil ad prædestinationem aut vocationem salutarem pertinent. Verum illud absurdum esse Apostoli scopus demonstrat : nam si ita est , uti contendunt , frustra ab Apostolo afferuntur ; quoniam de electione ac vocatione ad vitam æternam , deque rebus spiritualibus hoc cap. loquitur , ac probare contendit , non omnes ex Abrahamo & Israele prognatos , esse cum iisdem Dei filios , eoque vitæ hæredes ; ut liquet ex v. 6. 7. 8. Deinde , primogenituræ , dominii , & hæreditatis Cananæ privatio , fuit non solum ipsi jactura boni corporalis & temporalis : sed etiam reiectionis à salute symbolum : quia primogenituræ dominium erat electionis & adoptionis divinæ tessera , & conjunctam habebat hæreditatem terræ promissæ : quæ semini Abrahami addicta erat divinitus , & salutis erat typus , Hebr. 11. vers. 9. & 10.

Sed objicitur , dogmata fidei , ex allegoriis , non certo stabiliri. Fateor , nisi sacris literis explicatio eorum contineatur ; quemadmodum hoc in loco. Verum rursus excipiunt ; iniquum esse & temerarium , de personis singulis eorumque salute certa aut deplorata , judicare. Agnoscimus : sed ea conditione , nisi Deus præeat , suo præjudicio certissimo & sanctissimo : quemadmodum in hac disputatione fit , & Heb. 12. v. 16. quo Esavus ob divenditum primogenituræ eoque & dominii jus , *profanus* appellatur. Sed objiciunt iterum Ubiquitarii , ut Hunnius in articulo de providentia & prædestinatione æterna , pagin. 165. & Samuel Huberus , in thesibus de Christi morte Si Moïsis & Malachiæ verba , de electione ad vitam æternam & contraria reprobatione agunt : Ergo sequitur necessariò , non solum Jacobum absolutè ad vitam æternam prædestinatum : sed totum insuper à Jacobo descendente populum : & contra non Esavum solum simpliciter à Dei gratia reiectum : sed etiam posteros illius , sive populum ab ipso oriundum , simpliciter & in universum esse reprobatum : adeò ut nullus ex Israelitis condemnatus ; nullus ex Idumæis salvatus. Atqui hoc absurdum esse , demonstrant vaticinia de vocatione Idumæorum ad regnum Messiae , Esai. 11. & hujus vocationis primitiæ , Marc. 3. v. 8. & quæ proposita ab Apostolo , de Judæo-

de Judæorum rejectione & restauratione disputatio, Rom. 11. cui argumento plurimum confidunt adversarii. Sed negamus propositionis consequ. quia etsi electio & reprobatio, non solum ad personas Jacobi & Esavi, sed etiam ad Israëlitarum & Idumæorum populos, ex iis ortos, pertinere statuamus: diversa tamen eorum est ratio, respectu subjecti & durationis adjunctæ: nam electio & reprobatio alia est hominum collectorum, seu certi alicujus populi: alia est singularium: quarum illa collectiva; hæc singularis, subjecti ratione, dici potest. Prior ratione distinctionis certi populi, definita est; sed ratione partium seu singulorum est populo, indefinita. Posterior verò seu singularium subjectorum ratione, simpliciter definita est: deinde prior terminata est tempore, ac mutabilis: ut argumenta adversarii aliaque multa comprobant; posterior verò interminata tempore & immutabilis, ut Rom. 8. docetur, & Hunnius agnoscit. Atque ita populi Israëliti electio, fuit corporis populi illius, non autem singulorum, est populo, ad vitam æternam ejusque media (nempe vocationem in populum & Ecclesiam Dei) destinata, ad Christi usque adventum segregatio, cui ex adverso respondet populi Idumæi & reliquorum reprobatio usque ad Christum crucifixum, suscitatum, & ad dextram patris eventum: qui terminus est electionis Judaici & rejectionis Idumæi populi & reliquarum gentium: quemadmodum Paulus ait Eph. 2. *gentes quondam extraneas fuisse à pactis promissionis, spem non habentes, absque Christo, &c.* nam quemadmodum populi Israëliti ad possessionem Cananæ electio, & Idumæorum ab ea rejectio, irrita non fuerunt, ratione populorum; quamvis nonnulli Israëlita inter gentes nati & educati Cananæ caruerint: & contra Idumæi in ea vixerint: ita nec irrita fuit horum populorum electio & reprobatio: quamvis stante Ecclesia Judaica, quidam Idumæi per electionem singularem sint servati: & contra quidam Judæorum, per reprobationem singularem à gratia & gloria rejecti. Sed præterea objectant: quod Isaac & Rebecca de æterna reprobatione Esavi non intellexerunt, illud eo non pertinet: atqui Isaac & Rebecca rejectionem ac servitutem Esavi, de æterna reprobatione non intellexerunt: alioqui mœrore ac desperatione, Esavi instar, absorpti fuissent: ergo eo non pertinet: Verum negatur propositio: quamvis enim Isaac cum Rebecca Dei spiritu & revelatione quodammodo illuminati fuerint, inde tamen non sequitur, mysterium illud iisdem, aut Esavo fuisse tum temporis patefactum, quod ex Malachia & Paulo illustratur: nec mirum est, si Isaaco aliquam, in hac re adumbrata, ignorantiam tribuamus: cum & umbram ac typum illius patefactum, nempe jus primogenituræ & domini conferre voluerit Esavo, contra Dei sententiam antecedentem: cui prudens seu sciens ac memor illius, pro sua pietate, nunquam restitisset. Sed alia instant via: quod beneficia temporalia denotat, illud non pertinet, per se, ad vitam æternam, atqui dilectio ac benedictio Jacobi ad beneficia temporalia pertinet, Genes. 27. 27. 28. ergo non spectat per se ad vitam æternam. Verum negamus propositionem, unum enim idemque significare potest per se beneficia & corporalia & spiritualia: sed illa explicitè & immediatè: hæc verò implicitè ac mediatè, corporalium typo, secundum Dei, prophetiæ authoris, voluntatem: imò primogenituræ dominium collatum Jacobo habebat conjuncta bona spiritualia, nempe propagationem fœderis Dei & Ecclesiæ in sua etiam posteritate, Gen. 28. v. 4. ideoque non tantum, (ut assumptio statuit in objectione) benedictio Jacobi ad temporalia bona pertinuit, sed etiam ad spiritualia.

Veruntamen iterum excipiunt: si in spiritualibus Jacobus fuisset benedictus, atque in iisdem ei oppositus fuisset Esau, non potuisset hic ullam recipere benedictionem: atqui benedicitur quoque Esau, etsi parcius Gen. 27. vers. 35. Propositionem falsam pari ratione firmare student frustra, cum ajunt: ut enim ibi dilectionem perfectam, sic odium perfectum hic, sine apice benedictionis, esse oportebat. Imo contra inquam, oportebat, ad Dei lenitatem & benignitatem, erga vasa iræ demonstran-

dam, benedictiones temporales quasdam Esavo reproboato conferri.

Quod præterea regerunt. Isaac respondit Esavo: *Jacob abstulit benedictiones.* atqui si Jacobus fuisset electus ad vitam, non necesse erat, ut alter damnaretur: quia ambo potuissent in spiritualibus benedici: ut Petrus & Andreas, Jacobus & Ioannes, Fratres, Maria & Martha, Sorores, sed negatur consequ. & probatio illius: quia quamvis absolutè, ex electione Jacobi, non sequatur rejectio Esavi; tamen circumstantia in electione declaratur: quandoquidem electio Jacobi non nudè, sed sub typo proponitur; cujus privatio, reprobationis Esavi fuit nota, ac symbolum: ut pluribus antea expositum est.

Atque hæc de adversariorum argumentis.

Cæterum hanc electionis Jacobi & rejectionis Esavi, antequam nati essent, declarationem, illustrat Apostolus à fine: ut inquit, *propositum Dei, quod est secundum electionem, firmum maneret: non ex operibus, sed ex vocante*, hoc est, ut ita certo constet electionis Dei causam efficientem *γεννην* non esse opera ulla, aut dignitatem hominum, sed Dei vocantis beneplacitum. Qua ratione hypothesin exempli specialis, ad thesin ac sententiam generalem transfert Apostolus. Cum autem electio Dei alia sit æterna & interna, seu consilii: alia temporalis & externa, ac facti; & utraque rursus vel ad hujus vitæ munia aut beneficia; ut electi ad regnum, Saulus quidem 1. Samuel. 10. vers. 24. David verò cap. 16. deinde electi ad Apostolatam, ut Iudas, cum reliquis undecim, Ioan. 6. vers. 70. vel ad vitæ æternæ hæreditatem, quæ Dei proposito dilectis convenit; de hac electione, & quidem non facti, quæ vocatio efficax dicitur, sed consilii, hoc loco, agit Apostolus. Qua distinctione solvitur trita illa, contra electionis salutiferæ certitudinem objectio, ex Sauli, Iudæ & similiter electorum rejectionem. Sed objiciunt adversarii nonnulli, hoc loco, cum opera electionis causas esse, negatur, non futura, sed antea facta solum excludi, ac propterea prævisam fidem ac pietatem permanere electionis causam. Verum contrarium res ipsa loquitur, electionis & vocationis causam esse non hominis dignitatem aut conditionem: sed puram putam *ιδωκίαν* Dei. Primum, quia proposita electio & vocatio Dei opponuntur hic absolutè operibus: quæ electio & vocatio merè gratuita sunt, Roman. 11. vers. 5. & 6. & 2. Timoth. 1. v. 9. unde rectè August. ait: *ut secundum electionem, Dei propositum: electionem scilicet gratiæ, non debiti: electionem, quæ eligendos facit ipse, non invenit*, epistola 105. ad Sixtum. Deinde cum fides, pietas, bona voluntas, & actiones sanctæ, sint dona Dei & electionis effecta, pro quibus Deum precamur, & gratias agimus Ioan. 6. v. 44, Ephes. 1. 4. & 2. 8. 9. 10. Actor. 13. 48. Philipp. 1. 28. & 1. Thessal. 1. 2. 3. 4. inde sequitur, ea electionis causam esse non posse: quia hæc inter se pugnant; idem esse causam & effectum ejusdem: idcirco præclare August. de Deo ait: *Prævenit hominis voluntatem bonam, nec eam cujusquam invenit in corde, sed facit.* epistola 207. ad Vitalem. & ad Simplicianum elegantissimè lib. 1. *opera non gratiam pariunt, sed gratiâ pariuntur; non ut ferveat calefacit ignis, sed quia fervet: nec ideo bene currit rota, ut rotunda sit, sed quia rotunda est: sic nemo bene operatur ut gratiam accipiat, sed quia accepit.* Hæc ille. Deinde sequeretur etiam, si fides & opera essent electionis causa; omnes ante usum rationis morientes, eoque fide ex verbi auditu concepta, & operibus destitutos infantes, ab electione & salute exclusos. Adhæc, cum Paulus continuò subjiciat: *Num injustitia est apud Deum?* vel hæc objectio omninò inanis est & responsio falsa, v. 15. 16. 17. 18. vel de electione ex prævisis operibus non agitur: nam perspicuum est, ex naturæ luce, iustissimum esse, ut digni gratiâ, eâ fruantur, indigni careant: nisi per misericordiam Dei illis succurratur: qua de re eleganter August. ait: *sentiens Paulus, quemadmodum posset hoc, quod dictum est, per movere eos, qui penetrare intelligendo non possunt hanc altitudinem gratiæ, quid ergo dicemus: ait, nunquid iniquitas est apud Deum: absit. iniquum enim videtur, ut sine bonorum malorumve operum meritis, unum Deus eligat, oderitque alterum: quæ in*

re, si futura opera, vel bona hujus, vel mala illius (quæ utique Deus præsciebat) vellet intelligi, nequaquam diceret, non ex operibus: sed diceret, ex futuris operibus: eoque modo istam solveret quæstionem: imò nullam, quam solvi opus esset, faceret quæstionem, Enchiridio ad Laurent: cap. 98. Hæc de v. 11. 12. 13.

Porro hanc de prædestinatione & per misericordem vocationem executione illius, doctrinam, illustrat Apostolus anticipatione duplici, eoque modo sublimis hujus doctrinæ mysteria accuratius & disertius exponit: quarum prior pertingit à v. 13. ad 19. constans bimembri objectione & responsione: illa est, si Deus, ex hominibus (ut Esavi & Jacobi exemplo ostensum est) sine operum ratione, unum eligit, alterum rejicit: ergo injustus est in distributione. Qua etiam ratione Pelagiani olim, teste August. utebantur, Quomodo, inquiebant, non est iniquitas apud Deum, si diligendo discernit, quos operum merita nulla discernunt? epist. 106. ad Paulum: sicut & hodiè Semipelagiani arguantur. Sed respondet Apostolus 1. negatione consequentiæ; Absit, v. 14. deinde confirmatione negationis, qua ex neutro antecedentis membro, injustitiam Dei consequi, docet: ac primum electionis justitiam asserit, à potestate Dei ac jure, qui nemini devinctus, pro suo arbitrio, potest de suo benefacere, ut Matth. 20. v. 15. id quod probat à testimonio Dei, Exod. 33. v. 19. quo ait: *Miserebor, cujus misertus fuero, & commiserabor quem commiseratus fuero*, hoc est, cujus decrevi aut volo misereri, ut v. 18. interpretatur Apostolus, & similes phrasas ostendunt, ut Exod. 4. 13. ait Moses ad Deum: *mitte, quem missurus es*, hoc est, statuisti mittere: & Joan. 10. 32. *propter quod opus me lapidatis*, hoc est, lapidare vultis, ut ex vers. 31. liquet. & 13. v. 27. *quod facis*, hoc est, facere decrevistis, *facito*. Syllogismus autem Apostoli est hujusmodi: si Deus dicit, se misereri, cuius vult, ergo misericordia & dilectio non est ejus, scilicet hominis, qui vult, neque qui currit, sed ejus, qui miseretur, Dei. Deus autem dicit, se misereri cuius vult, ergo misericordia & dilectio Dei, non est ejus, scilicet hominis, qui vult, neque qui currit, sed ejus qui miseretur, Dei: id est, non ab ulla voluntate, neque ab operibus hominum, sed à mero Dei miserationis arbitrio dependet: enthymema est hoc loco: assumptio quidem v. 15. conclusio v. 16. unde propositio facile elicitur. Quare sola Dei gratia origo est electionis & vocationis salutiferæ justissima; quemadmodum Eph. 1. v. 5. *prædestinati* dicimur *secundum beneplacitum ipsius*. Sed variè hic locus ab adversariis torquetur, quoniam excipiunt: *Non est volentis, nec currentis*, dici non absolute, sed secundum quid, hoc est, non solius est currentis, sed etiam Dei miserationis. Verum recte August. respondet. *Quomodo ergo non volentis, neque currentis, sed miserationis Dei, nisi quia & ipsa voluntas (sicut scriptum est) à Deo præparatur?* Alioquin si propterea dictum est non volentis neque currentis, sed miserationis est Dei, quia ex utroque fit, id est, ex voluntate hominis, & misericordia Dei: ut sic dictum accipiamus, non volentis, neque currentis, sed miserationis est Dei, tanquam diceretur, non sufficit sola voluntas hominis, si non sit etiam misericordia Dei, non ergo sufficit sola misericordia Dei, si non sit etiam voluntas hominis. Ac per hoc si rectè dictum est, non volentis hominis, sed miserationis est Dei, quia id voluntas hominis non sola implet, cur non & è contrario rectè dicitur, non miserationis est Dei, sed volentis est hominis, quia id misericordia Dei sola non implet? Porro si nullus Christianus dicere audebit, non miserationis est Dei, sed volentis est hominis (ne Apostolo apertissime contradicat) restat, ut propterea rectè dictum intelligatur, non volentis, neque currentis, sed miserationis est Dei, ut totum Deo detur, qui hominis voluntatem bonam & præparat adjuvanda, & adjuvat præparatam. Præcedit enim bona voluntas hominis multa Dei dona, sed non omnia: quæ autem non præcedit ipsa, in eis est & ipsa. Hæc ille in Enchiridio ad Laurent: cap. 32.

Verum secundò alii aliter hunc locum pervertunt: non enim, inquiunt, volentis, neque currentis, secundum carnem; sed est volentis & currentis, secundum promissionem: nam ut prærogativa carnis nititur dignitate personæ & meritis operum: ita fides sola Dei misericordiâ. Ve-

rùm hac ratione misericordia statuitur tantum fidei objectum: cum contra Paulus eam electionis causam efficientem faciat: nam beneplacitum Dei est æternæ electionis causa: electio verò executionis ipsius: cujus pars est misericordia (hoc est, gratia erga miseros homines peccato & maledictioni obnoxios) misericordia denique causa est electionis temporalis seu vocationis efficacis & fidei. Ideoque fides misericordiæ & electionis causa esse non potest. Cæterum obiter observandum est, originem & causam, quæ adversarios in errorem pertraxit, esse, quod fidem, ex Dei Evangelium-offerentis, sufficienti gratia & humani arbitrii viribus promanare statuunt: ac propterea, quemadmodum si quis, cum Pontificiis, disputate distinctè volet, à controversia de S Scriptura inchoare debet: quod ad traditiones semper dilabantur: ita de prædestinatione, cum adversariis, utiliter collaturis, consultissimum videtur, si fieri possit, ut à quæstione, de viribus liberi arbitrii, seu voluntatis humanæ, & fidei causâ, inprimis fiat initium: quia eò semper divertunt: hac enim via facilius eorum technæ dissolventur & infirmiores tutius hisce gradibus sublimem de prædestinatione doctrinam percipient. Hæc de vers. 16.

Porro quamvis à sola Dei voluntate pendeat electio & misericordia, justam tamen esse probat etiam comparatione contrarii, à majori: eoque modo ex secundo propositæ objectionis antecedentis membro, Dei injustitiam minimè consequi ostendit, & justitiam reprobationis asserit: quamvis enim pro solo beneplacito, quos vult, rejiciat; non propterea tamen injustum esse, confirmat, à testimonio Dei, Exod. 9. v. 16. quo id sibi in illustri Pharaonis exemplo attribuit: & sine proposito, nempe gloria sua, consilii sui modique justitiam demonstrat: dicit enim in scriptura Deus: *ad hoc ipsum excitavi te* (id est, hoc fine creavi te) *ut ostendam in te* (indurato & justè punito) *potentiam meam, ut annuncietur nomen meum in tota terra*. Similis locus est Prov. 16. v. 4. *Omnia operatus est Deus propter se, etiam impium ad diem malum*: nempe, ut loquuntur, materialiter non formaliter: seu ratione personæ, non autem ratione accidentis culpæ: seu improbum, non improbitatem. Ergo quemadmodum Esavum nondum natum rejecit Deus: ita & Pharaonem. Quidam tamen hanc excitationem Pharaonis, ad creationem & generationem illius pertinere nolunt: sed referunt tantum aut ad conservationem Pharaonis à peste, aut ad evectionem in regnum, ut latens illius improbitas detegeretur & puniretur: hunc enim locum, ex collatione Exodi, unde petitus est, explicandum: Moses enim utitur verbo quod significat *stare feci*, id est, conservavi, eoque modo plerosque interpretari, & LXX. Græcos interpretes vertisse, *discrepans servatus est*.

Verum responderi jure potest, hanc interpretationem esse à scopo Apostoli, qui de causa impulsiva reprobationis disserit, alienam: quemadmodum apparet ex v. 14. 18. & 21. secundò humanis interpretationibus nonnullorum, Apostoli explicationem meritò præferimus: quia Spiritus Sancti est: qui quidem in multis cum LXX. interpretibus alibi convenit: hoc tamen in loco, ab iis non frustra discedit.

Deinde quia magis congruit cum verbo Moses מַעֲרִיץ quod propriè significat, *stare te feci*, seu *constitui*. Idcirco optime vertit Paulus *excitavi*: quemadmodum idem Actor. 13. 23. eadem simplici voce usus, dicit, *hujus (Davidis scilicet) è semine, secundum promissionem ipsius suscitavit, excitavit Israel servatorem Jesum*, hoc est, è semine Davidis produxit, formavit: & Matt. 3. v. 9. *Deus potest ex lapidibus hisce suscitare*, id est, creare, formare, filios Abraham. Neque est cur objiciatur, in Græca voce, hoc locum habere posse: sed non in Hebræa מַעֲרִיץ: hanc enim vocem non significare *existere*, aut *fieri*, nec in conjugatione hiphil מַעֲרִיץ *existere facere*, seu *creare*; qua voce Hebræa Moses utitur: nam contra, quod observandum est, מַעֲרִיץ accipitur Psal. 33. v. 9. eo sensu, non pro *stare*, sed metaphoricè, pro *oriri* atque *existere*: præcepit & extitit, Hebraicè est מַעֲרִיץ & sic LXX. interpretes rectè verterunt, *et creata sunt*. Sicut etiam de creatione vel mundi, vel rerum

rum sequentium, accipi posse R. D. Kimchi asserit in Hebraicis suis comment. Ideoque optimè in conjugatione hiphil *וַיִּצְרֶה* *facere*; pro *existere facere* seu *creare* accipitur: ut enim quæ pereunt, *cadere* dicuntur metaphoricè: sic quæ oriuntur, *exurgere*; atque hæc expositio Mosis verbis v. 15. non repugnat, ut objectatur, sed optimè convenit. Causam enim reddit Deus vers. 16. cur ipsum Pharaonem, & populum non perdidit, nimirum quod creavit ipsum, non ut ea ratione perderet: sed, ut in illo, indurato, suæ potentiae gloriam patefaceret.

Cæterum hujus loci Syllogismus hic est: si Deus testatur, se Pharaonem excitasse, ad id, ut in eo indurato & punito, potentiam suam ostenderet ad gloriam suam, sequitur Deum, indurare, quem vult: atqui verum est prius, ergo & posterius, Assumptio est v. 17. conclusio verò generalis, conjuncta prioris partis complexione, continetur v. 18. *Itaque cujus vult miseretur; quem autem vult, indurat.*

Verum ne quid Deo indigne attribueretur, aut doctrinæ orthodoxæ labes ulla aspergatur, observandum est, indurationem esse obfirmationem in peccato dominante, quod duritiei apte conferri solet: quia ut dura non cedunt: ita nec peccato mancipati mandatis Dei parent: sed contumaciter obstant: quo sensu etiam *cor lapideum*, Ezech. 36. v. 26. opponitur *carneo*, hoc est non vitioso (ut alibi ea vox accipitur) sed molli ac tractabili: quæ durities vel est naturalis, vel acquisita: naturalis seu insita ea est, per quam, ex corruptione naturæ, in Adamo, homines propensi sunt, ad pertinacem legis divinæ transgressionem: adeo ut caro (seu corrupta natura) inimicitia sit adversus Deum, Rom. 8. acquisita verò est, quando insita durities, contemptæ scientiæ ac conscientiæ usu, augetur: quæ induratio & hominibus & Deo ascribitur, sed diversâ omnino significatione: hominibus propriè; quia ex principio interno, insitaque duritie, se Deo scientes volentes pertinaciter opponunt: & causa sunt indurationis suæ prima ac principalis: quo modo Pharaos se indurasse dicitur, Exod. 8. vers. 15. deinde Satan & homines improbi causæ sunt adjuvantes, cum mala consilia, ad Deo repugnandum suggerunt: Satan quidem intus; homines verò foris. Per metaphoram verò Deus indurare dicitur, similitudine quadam, quia gubernationis divinæ occasio similis est causæ efficienti: quod ut posita causa, sequitur effectum: sic eam gubernationem sequatur induratio: verum non vi ulla gubernationis Dei: sed vi insitæ hominibus malitiæ: nam Deus homines impietate suâ adversus ipsum obfirmatos sic providentia suâ gubernat ac regit, ut sine ulla vi, aut culpa ipsius, se ipsos, insitâ malitia, contumaciores reddant. Quæ gubernatio fit tribus potissimum modis: primum donorum suorum, ab ipsis contemptorum, privatione iusta, cum scientiam officii ipsorum, & conscientiæ aculeum, & operationem potentiæ suæ, (quibus omnibus cupiditates pravæ coercerantur & durities emolliebatur) aufert: quo modo, *tradere*, dicitur, *in reprobum sensum*, Rom. 1. v. 18. 19. 21. &c. *oculos excicare & cor calli in morem indurare*, Joan. 12. v. 40. secundus gubernationis duritiei seu contumaciæ humanæ modus divinus fit, laxatione & dimissione occultæ carnificis Satanæ & subditorum illius. 2. Chron. 18. vers. 21. 22. Matth. 6. vers. 13. 2. Thessal. 2. v. 11. denique variarum bonarum occasionum objectione, cum intus, tum foris, quibus ad peccatorum incrementum & obdurationem in iis, impii suâ malitia abutuntur: quales sunt interior sententiæ generales veræ menti inditæ, quas pro sua improbitate ad certas hypotheses malè rapiunt ac perperam accommodant: ut Pharaos rectè sensit, conservandum esse regnum, & eos, qui ejus salutis obstaculi essent, amolientos: sed inde male conclusit, tales fore Israelitas, ideoque perdendos, Exod. 1. v. 10. exterius verò tales occasiones sunt præcepta officii à Deo data, quibus impii ac superbi, naturæ pravitate in vetitum nitentes, ferociore evadunt: ut Pharaonis exemplo docetur, Exod. 5. v. 2. deinde beneficia aliis collata, aut pænæ ipsis inflictæ aut ademptæ, cæteraque similia, quibus ad invidiam, obmurmurationem ac contumaciam, suâ pravitate magis irritantur: sic

Pharaos sceleratior evasit, cum suis subditis, viso incremento Israelitarum divinitus dato, Exod. 1. v. 9. 10. 15. Sic Deus dicitur Psal. 105. v. 25. *convertisse cor Ægyptiorum, ut odio haberent populum suum*, hoc est, ut rectè ait August. *non cor illorum malum faciendo: sed populo suo benefaciendo, cor illorum sponte malum, convertit ad odium*, in Psal. 105. est enim manifesta metaphora: nam propriè loquendo, odii in hominibus causa, est homo ipse, & Satan; non Deus, in quo nullæ sunt tenebræ: nec ea efficit, quæ prohibet & punit: & ut alicubi ait Fulgentius, *peccatorum non est auctor, quia illorum est ultor*. Similiter, cum pænæ, quibus Pharaonis durities ac contumacia premebatur, à Deo ablatæ essent, ea clementiâ abusus ad contumaciam majorem rediit, Exod. 8. v. 15.

Ex quibus omnibus, satis superque apparet, Deum indurationis & obfirmationis in peccato, propriè causam non esse: sed tantum occasionem, hominum vitio arreptam: & quidem non fortuitam, sed destinatam: quia summus est judex: ac propterea peccati non auctor, sed ultor: nam quod adversus primum indurationis modum objicitur: si Deus illa aufert, sine quibus durities & contumacia tolli non potest, est ergo causa efficiens illius, negatur consequens: quia collatio donorum causa quidem est, quâ durities insita retunditur & ad tempus emollitur: ablatio verò eorum, causa non est, sed tantum adjunctum antecedens, ad quod certò duritiei incrementum consequitur, ex insita naturæ & morum humanorum depravatione, quæ propriè loquendo indurationis causa est. Alioqui quemadmodum adjunctum antecedens, improprie, per abusionem vocis metaphoricam, ac similitudine quadam, *causa sine qua non*, vulgo appellatur, (quod instar causæ effectum antecedit, & eo antecedente posito, effectum consequatur) quamvis propriè causa non sit, quia effectum non vi illius antecedentis consequitur, sed tantum vi alterius quod causa illius est: ita ablatio donorum propriè causa indurationis dici non potest: quemadmodum enim ignis ferrum, sui caloris præsentia, ac penetratione calefacit, eoque caloris illius & mollietiei ferri causa est: ac contra remoto igne ferrum rursus refrigerat, atque induratur, non efficacia ignis, nec illius remotionis vi; sed ex insita terrea & ante compacta natura sicca: similiter indurationis humanæ causa est non Deus formator, nec desertor peccatoris: sed homo desertor Dei & deformator sui, per lapsum Adami & intolerandum donorum Dei abusum: nam quæ aufert Deus, ea non sunt debita, sed merè gratuita: quamvis enim per lapsum, meriti sunt omnes privationem universalem scientiæ, conscientiæ, reliquorumque bonorum naturalium & acquisitorum, Deus tamen ad conservationem generis ac societatis hominum, & ad reprobos benignitate sua reddendos eo magis inexcusabiles, & ad electos servandos, reliquias eorum concessit, & scientiam, conscientiam, politicasque virtutes ad bonum, reipub. distribuit: quas dotes, ut pro suo jure, tanquam summus Dominus ac donator liberrimus, absolute posset repetere (ut qui nemini obstrictus est) ita ab ingratis & impiis aufert, tanquam justus ac summus mundi judex: ac propterea ut laudanda est benignitas illius, quod ad insitam duritiem emolliendam, suis donis ad tempus, præter & contra meritum humanum, adfuerit: sic quoque agnoscenda est illius justitia, quando impios, scientiæ, conscientiæ, aliorumque donorum contemptores, iisdem, pro meritis, privat, ut Esai. 6. vers. 10. Joann. 12. vers. 40. Hinc ergo apparet, Deum privatione gratiæ suæ, indurationis propriè causam non esse, nec hominibus ullo modo injurium.

Atque ita satis primum, quem proposuimus, indurationis divinæ modum, adversus blasphemiam munitum esse arbitramur. Verum contra secundum & tertium insurgitur hoc modo, quicumque hominibus varias occasiones licet bonas objicit consultò, ad peccatum & lapsum, ille est peccati auctor: atqui Deus, ex nostra thesi, id agit. Ergo est auctor peccati. Verum negatur propositio, quia universaliter vera non est: nam occasiones ad peccatum obijci possunt, quæ occasiones sunt vel ad peccatum per se,



vel per accidens : per sese vi sua, cum effectum & finis illarum est peccatum, qua peccatum : id quod ad Diabolum & impios, qui peccati authores, pertinet ; sed Deo non convenit : per accidens verò, cum nec effectum earum est peccatum ; nec scopus est effectio peccati, sed permissio & patefactio peccati ac iusta punitio. Deus enim peccatis hominum, quæ permittit ac regit, peccata punit præcedentia : atque ita peccata sunt iusta pœna, ratione iudicis Dei regentis ; culpa verò iniusta, ratione hominis efficientis, & à norma rectitudinis mandati divini declinantis : qua ratione etiam Pharaon induratus est iustissime.

Hactenus priori, adversus prædestinationis doctrinam, objectioni ( de qua v. 14. ) satisfecit Apostolus : quam responsionem illustrat ac confirmat altera anticipatione, quæ ex illa promanat : quæ etiam constat suâ objectione & responsione : objectionis autem antecedens est v. 17. & 18. consequens verò exprimitur v. 19. in hac sententiam, *Sed dices mihi*, tu indurate, si Deus Pharaonem excitavit, ut in eo videlicet indurato potentiam suam ostenderet, & si cuius vult miseretur & quem vult indurat : Ergo iniuste accusat induratos Consequq. probatur, quia *voluntati illius resisti non potest*. *Voluntatis* autem vox, quantum ad hanc sententiam illustrandam attinet, cum aut decretum Dei æternum significet Esai. 46. v. 10. *omnis voluntas mea fiet* : quam voluntatem vulgo *beneplaciti* appellant : aut approbationem, qua iustitiam approbat Psal. 5. vers. 5. *Deus non vult iniquitatem* : aut etiam signum huius approbationis, Dei mandatum notet, quo quid approbet tanquam naturæ suæ optimæ consentaneum, seu quodnam sit officium nostrum docet, ut 1. Johan. 2. vers. 17. quæ *voluntas signi* dicitur : prima significatio, ut ex antecedentibus apparet, huic loco convenit : nam voluntati approbationis & signi illius resisti posse ac resisti, peccata demonstrant, quæ illius sunt transgressio.

Cæterum huic objectioni respondet Apostolus, negando consequq. ejusque blasphemiam retundit, objurgatione acri, docens iniuste ab adversario indurato, cum Deo disceptari, argumento ducto ab oppositione conditionis humilis ac communis hominum & maiestatis Dei supremæ, cujus voluntas, cum sit essentia sanctissimæ, iustitiæ regula est & potestas summa. Emphasis enim est in verbis *ô homo tu quis es ?* quibus verbis, opponitur Deus & creatura. Creatura Dei non potest dicere, *cur me talem fecisti*, hoc est, ad indurationem & patefactionem gloriæ tuæ creasti. Atqui tu homo indurate es creatura Dei ; Ergo non potes dicere, cur me talem fecisti, hoc est, ad indurationem & patefactionem gloriæ tuæ creasti. Propositionem enunciat Apostolus bifariam, allegoriâ & interrogatione. Allegoria in eo consistit, quod hominem figmentum : Deum verò fictorem illius vocat. Quemadmodum Esai. 64. v. 8. *nos lutum & tu fictor noster, & opus manus tuæ sumus omnes*, & Esai. 45. v. 9. *væ contendenti cum fictore suo, testæ cum testis terriæ ! Numquid dicet lutum fictori suo, quem facis ?* v. 11. *sic dicit Dominus sanctus Israelis & fictor ejus*, hoc est, creator ejus : ut consequentia demonstrant. Quod autem Paulus maluerit per allegoriam Deum fictorem, quam creatorem nominare, ad hominem responsantem magis humiliandum & reprimendum pertinet : quia in ea similitudine artificiosè argumentum latet, à convenienti jure Dei in homines & figuli in vasa : quia uterque formator est liberrimus. Ac propterea allegoriæ huic adjungitur interrogatio, quæ ad conscientiam adversarii provocat, ut argumenti vis atque evidentia eo modo demonstraretur, vers. 20.

Porro propositionem hanc, *Num potest dicere figmentum fictori* ( hoc est, homo creatura, Deo creatori suo ) *cur me talem fecisti ?* seu quod eodem redit, de creationis fine conqueri non posse, probat Apostolus continuata allegoriâ, à Dei creatoris, tanquam celestis figuli, in lutum & figmentum suum, hominem, liberrima potestate ; utpote cui liceat, ex eadem terræ massa, vas tale, hoc est, ad tales quales voluit, usus formare, sive honestos, sive inhonestos. Vis argumenti sita est, ut antea, in convenientia potestatis figuli terreni, & celestis, nempe Dei creatoris, per simi-

litudinem, figuli nomine appellati : nam quamvis majorem etiam habeat potestatem Deus, hoc tamen in loco, quatenus similitudine conveniunt, figulus & Deus comparantur. Sed objiciat aliquis, figulus est causa dedecoris, cui vas destinatur ac format : Ergo etiam Deus indurationis & damnationis causa omnino est. Verum id minimè sequitur, quoniam Deus & figulus ( quod hoc in loco consideratur ) sine ultimo & mediis, seu executionis modo, differunt. Quoniam Deus destinatur reprobos, ad exitium iudicii, pro arbitrio suo iuste exequendum, ad gloriam suam : nec enim absolute, sine mediis causis, decreto suo ordinatis & executionem antecedentibus, sed per iusta media exequitur, hoc est, subordinata permissione peccatorum : quæ peccata non efficit, sed fieri permittit, tolerat & regit, ac tandem iusto iudicio punit : quia ut vasa figulina non merentur suum dedecus, puta, ut vilibus atque inhonestis usibus inserviant : sic contra reprobi dedecus seu pœnam merentur suis peccatis, quæ habent ab internis suis principiis, non autem à creatione aut ulla alia operatione Dei. Ideoque non mera seu nuda summa potentia, sed subordinata iustitia distributiva, ratione meriti sui puniuntur : atque ita etiam destinati ac creati sunt divinitus. Id quod altera Apostoli, ad objectionem propositam, responsione demonstratur. Qua etiam iustitiam prædestinationis, ad interitum iræ, seu iusto iudicio inferendum, docet duobus modis. Primum à fine, duplici gloria Dei ; in reprobis quidem declaratione *iræ suæ* ( hoc est iustitiæ punientis ) & *potentiæ suæ* ; in electis verò, *gratiæ*, quia inde *gloriæ*, hoc est, bonitatis & gratiæ Dei gloriæ erga electos, à aliis præteritis, præstitæ, amplitudo luculentius confirmatur. Secundo ab executionis modo & causis, eadem prædestinatione, simul subordinatis : modus est, quod non statim punit vasa iræ : sed lenitate suâ perfert diu multumque : ideoque causæ, iusto iudicio subordinatæ, sunt peccata hominum, quæ adjuncto suo accidente lenitate & tolerantia indicantur & amplificantur, v. 22.

Verum antequam progrediamur, propter varias hoc loco disceptationes paucis propositæ expositionis veritatem amplius illustrabimus. Queritur enim primum, quid per *lutum & massam* intelligatur. Quidam de testacea figuli terreni materia ; alii de materia figuli celestis melius exponunt. Nam quamvis priores statuant v. 21. esse similitudinis plenæ æmulationem, quia de figulo & materia testacea propriè agit ; v. 22. contineri *videtur*, quæ de Deo loquatur ; illud inquam ex superiori declaratione, alienum esse apparet. 1. quia v. 20. agitur de figulo celesti, quemadmodum ostendimus : idque apparet vers. 21. & 22. ubi eadem allegoria continuatur ; deinde apodosis debet convenire sententiâ cum protasi ; atqui v. 22. non convenit, sed materia differt à v. 21. ut ex superioribus patet. Alii igitur accuratius, non de luto & massa testacea ; sed de humana disputari statuunt : idque bifariam, ut ad genus humanum, aut condendum, aut conditum & lapsum referatur. Primam sententiam genuinam maximeque consentaneam esse, insigniores Theologi statuunt, nimirum ut lutum & massa denotet materiam informem seu terram, ex qua genus humanum, Dei celestis figuli arbitrio, in usus destinatos, creatum est : nam quod quidam contendunt, homines in Adamo lapsos, objectum esse prædestinationis ad suos fines, seu electionis ad vitam & reprobationis ad exitium, illud præstantissimis orbis Christiani Theologis non paucis, variis de causis, minus probatur ; primum, quia communi principio rationis & sapientiæ Dei repugnat. Cum enim finis sit causa, cujus gratiâ res est : primus est in intentione & postremus in executione : ac propterea in omni artificis sapientis mente, præcedit operis ipsius aggressionem : ut citra ullam exceptionem, unanimi Philosophorum consensu approbatur. Quocirca Deus sapientissimus generis humani architectus, etsi simul omnia decrevit, ordine tamen primum proposuit finem hominis creabilis, antequam decreverit creationem : alioqui contra sapientiæ ordinem & finis naturam, decrevisset primò media ad finem destinata, quam ipsum finem. Figulus ille stultus merito censeretur, qui decerneret vasis effectio-

nem

nem primum, deinde de fine cogitaret. Quod absurdum, ut in figulum sapientem non cadit: ita multo minus in Deum ipsum, sapientiæ & ordinis certi fontem unicum. Deinde si *massæ* nomine, genus humanum corruptum intelligeretur, non diceretur Deus figulus vasa facere, alia ad decus, alia ad dedecus: sed ex vasis dedecore plenis, seu peccato & maledictioni obnoxiiis, quædam ad decus renovare, quædam in suo dedecore relinquere. Sed objicitur, quæ mens est in propheta Jeremia cap. 18. v. 6. & cæteris, eadem esse debet hoc in loco Pauli. Atqui Jeremias loquitur non de creatione hominis, sed tantum de gubernatione creati, cujus statum Deus, pro sua potestate & iusta voluntate & hominum moribus, commutat. Quemadmodum enim figulus vas quod sub manu illius confringitur, refingit & alterum reformat, pro arbitrio: ita Deus homines ab ipso creatos, qui ab eo moribus corruptis deficiunt, punit: & si resipuerint, eadem potestate, in integrum restituit. Ergo inquit, etiam Paulus loquitur, non de hominis creatione, sed creati & lapsi statu; quod Deus ex iis, qui corrupta natura meriti erant condemnationem, quosdam, pro sua potestate & arbitrio liberrimo, gratiosè servet, alios iustè damnet.

Verum negatur propositio, quamvis enim similia ferè in Jeremia & in Paulo sint verba: Jeremiæ tamen testimonium spectari ac citari, probari non potest: cum diversitas in scopo & tractandi modo appareat: nam Jeremias similitudine, partibus suis distinctis explicata utitur: Paulus contra loquitur per allegoriam: deinde Jeremias de vasis actu factis & corruptis: Paulus verò contra de luto & materia vasis, & de vasis non actu, sed de vasis potentiâ disserit: denique Jeremias loquitur de vasis factis & fractis, ne sint eadem vasa: Paulus contra non ait Deum frangere vasa, ut talia esse desinant; sed efficere vasa, ut vasa sint, suisque usibus inserviant: idque etiam ostendit, quod Paulus subiecit vasa *κατασκευασμένα ad interitum*, & quod vasa quedam *preparavit ad gloriam*. Sed iterum excipiunt, ob stare phrasin, de electis vasis activè dici, quod Deus ea *preparavit ad gloriam*, quia author est: de reprobis verò passivè, quod sint *κατασκευασμένα ad interitum*, nimirum non à Deo, sed à Diabolo & seipsis: ac propterea non agi de creatione hominis, sed de qualitate creati. Verum negamus ob stare phrasin; & causam illius, quæ objicitur, veram esse, non admittimus: sic enim ait de iisdem & Dei destinatione passivè loquitur Sp. S. in epist. Jud. v. 4. *ad hoc iudicium præscripti*; non sanè à seipsis, sed à Deo. Deinde in causa salutis declaranda utitur etiam Apostolus passivis, *dilecti, misericordiam consecuti, vocati, iustificati*. Præterea Apostolus Deum metaphoricè figulum vocans, utitur verbis activis v. 21. *facere vas ad dedecus*, quod idem est omnino; & Salomon Prov. 16. ait: *omnia fecit Deus propter se, etiam impium ad diem malum*. Et sanè tropi ratio idem quoque ostendit: quid enim ineptius, quam dicere vasa à seipsis compacta: cum illud figulo soli conveniat? ita enim esset homo fictor sui ipsius, non Deus creator.

Verum objicitur, Deum esse fictorem ratione substantiæ & ortus hominum: non autem ratione accidentis interitus: quod vasa quidem testacea, ut nihil ad ortum, ita nihil ad interitum sui conferant, aut mereantur: quia carent ratione: sed vasa humana, ratione prædita, ad ortum sui nihil etiam præstare: veruntamen quia ratione prædita sunt, peccatis suis interitum promereri; quemadmodum Hoseæ cap. 13. dicitur, *perditio tua ex te Israel*.

Sed respondetur, inde non sequi, hominem figulum esse sui, & à se compactum ad interitum: quoniam ea laus, faciendi vasis, Deo ab Apostolo Paulo, ratione creationis, & à Jeremia, ratione gubernationis & iusti iudicii, adscribitur. Sed urgent amplius, Deus citra controversiam creavit hominem ad sui imaginem, hoc est, vera iustitia & sanctitate præditi, ut Deum creatorem suum rectè cognosceret, ex animo diligeret & cum eo beatus in æternum viveret, ut & nostra Catechesis docet. Ergo nullum ad iustum exitum creavit. Conceditur antecedens: sed negatur consequentia: nam in antecedenti non indicatur finis hominis à Deo

creatore destinatus: sed exponitur idonea facultas atque officium hominis, ad imaginem Dei creati: nempe ut Deum rectè agnosceret & ex animo diligeret: deinde fructus illius ac finis operis, qui præstationem officii seu rectum imaginis Dei usum, erat consecuturus, nempe salus æterna: nam ad operantis ac creantis Dei finem destinatum quod attinet: certum est, eum executioni mandari: quia cum Deus sit sapientissimus, errare non potest: & quia optimus ac verissimus, à se dissentire ac mutari non potest: & quia omnipotens, in re decreta exequenda non potest impediri, unde illud Esai. 46. v. 10. *consilium meum stabit & omnis voluntas mea fiet*: unde hæc demonstratio firmissima exurgit: quos Deus ante creationem, ab æterno, non elegit ad vitam æternam, sed rejecit & iustè condemnare decrevit, eos in tempore non creavit, hoc consilio, ut eos vita æterna donaret ac vitam æternam consequerentur: hæc enim consilia essent repugnantia è diametro: Deus autem seipsum abnegare non potest 2. Timoth. 2. vers. 13. quippe *omnia facit secundum consilium voluntatis suæ*, Ephes. 1. v. 11. ideoque non contra consilium. Atqui Deus reprobos, seu eos, qui pereunt, ab æterno non elegit ad vitam æternam: sed ab ea rejecit, ac iustè condemnare decrevit, Matth. 25. v. 41. Judæ v. 4. Ergo Deus homines reprobos (utpote exitio iusto destinatos) non creavit eo consilio, ut ipsos vita æterna donaret: sed solos electos.

Verum iterum inquit: si Deus quosdam ad exitium destinavit & creavit: Ergo est author exitii, eoque & peccati: quia per illud peccatum reprobos perdit. Verum non sequitur: quia quamvis Deus destinavit & creavit quosdam ad iustum exitium: illud tamen exitium non decrevit nudè: sed ut iustum sit, subordinatis hominum peccatis inferendum: quorum peccatorum Deus non effector iniquus, sed permissor & rector ac vindex iustissimus est. Atque ita facile diluitur, quod objiciunt: si Deus prædestinavit & creavit quosdam homines ad interitum: Ergo injustus est qui innocentes perdat: nec enim Deus quemquam ad exitium absolute, ac nude, sine subordinatis mediis, sed ad exitium iustum, hoc est, & per & propter peccata, iudicio iusto inferendum, destinavit.

Verum antequam progrediamur, observandum est, huic decreto probè convenire executionis modum: quia non nisi peccatores & merito peccatorum damnat. Sed excipitur iterum: Si Deus decrevit exitium quorundam iustorum: Ergo etiam media, nempe peccata: ideoque peccatorum est author. Negatur consequentia: nam Deus decrevit non peccata efficere, sed permittere; seu non impedire, & regere ad suam gloriam: nec enim quicquid Deus decrevit, illud etiam efficit: sed quæ decrevit efficere, eorum est author, ut omnia bona quæ fiunt: quæ autem decrevit non impedire in creaturis mala, seu peccata: ea non efficit: quia efficere non decrevit: sed permittit & regit tantum, & iustè tandem punit convenienter decreto.

Veruntamen quædam aliæ difficultates explicandæ sunt. Prima est à convenientia necessaria decreti & executionis illius. Atque hinc ita argumentantur: Propter quod Deus nunc damnat, propter illud damnare decrevit; quippe decretum verum & immutabile. Sed propter peccata Deus damnat: Ergo propter peccata damnare decrevit. Sed negatur consequentia syllogismi: quia fallacia est homonymias: nam *propter* significat, aut causam impulsivam, aut ei subordinatam: in conclusione significat causam impulsivam & antecedentem decretum, de qua quæritur: sed in propositione causam subordinatam: aliàs falsa est. Nec propterea tamen à decreto discrepat executio, ut objici solet: quia quæcunque in decreto sunt statuta, ea executioni mandantur convenienter decreto: sed causa impulsiva decreti, ea decreto non est statuta: eoque neque ineft illi: sed decretum omnino ordine antecedit. Deus pro sua potestate liberrima, suoque placito, ad gloriam suam patefaciendam, quosdam gratis beare, quosdam iusto exitio damnare decrevit: utrumque exequitur. Decrevit simul permissionem lapsus & à lapsis saluti destinatos, per Christum, à lapsu ad salutem redimere: contraque iustè damnandos, in lapsu relinquere, ipsorumque merito damnare; quorum

quorum utrumque similiter exequitur. Quare obiectio illa, quam urgent, infirma, imò rationis rectæ principio invicta contraria: quia finis (ac per consequens causa destinationem finis antecedens) prior est mediis suis, in intentione destinantis: posterior verò in executione: media verò quia fini subordinata sunt, ordine posteriora sunt intentione; executione verò priora.

Atque hæc de prima difficultate reliquâ. Altera vero est petita ex occasione verborum Pauli Eph. 1. v. 14. *elegit nos in ipso* (nempe Christo) *ante facta mundi fundamenta*. Unde Arminiani sic disserunt: Qui electi sunt in Christo, illi considerati sunt in electione, tanquam Christo insiti, & per consequens, creati, lapsi, fideles: quia sine fide nemo est in Christo. Atqui teste Apostolo nos sumus electi in Christo: Ergo in electione considerati sumus tanquam Christo insiti: ideoque creati, lapsi, fideles. Verum negatur propositio, quia nititur falsa hypothesi: quasi idem esset, electum esse in Christo, & electum esse in Christo existentem: quum prius illud notet causam electionis efficientem; posterius verò non efficientem, sed electorum subjectum: Paulus enim non ait: *elegit nos in ipso*, in ipso existentes, quasi antecedens obiecti eligendi conditio notaretur; sed tantum ait, *elegit nos in ipso*, hoc est, per ipsum, ut Colof. 1. vers. 16. simili phrasi, de Christo dicitur, *in ipso*, hoc est, per ipsum, *creata sunt omnia*: non autem in ipso existentia, (hoc enim creationi repugnaret: nam existentes non creari possunt, ut existant; hoc enim iis convenit, quæ non existunt) sic hoc in loco ad Ephes. Pater per filium elegit nos, ab æterno. Deinde negatur etiam syllogismi consequentia: quia vocabulum *electionis* accipitur in quæstione controversa & conclusionem, de primo electionis membro, nimirum electione ad vitam æternam: in minori verò de secundo electionis membro, nempe medio vitæ æternæ subordinato, seu de electione ad sanctitatem: dicitur enim, *elegit, ut essemus sancti*, cui effecto destinato Christum tanquam causam mediam subordinavit, per quem sanctificaremur. Unde retorqueri solet ab Augustino & à nostris Theologis argumentum: Qui electi sunt, ut sint sancti, illi non sunt electi, quia erant sancti; nec tanquam sancti considerati sunt in electione: nam finis electionis non potest existere ante electionem ipsam ad finem: quod enim futurum destinatur, illud non est; & quod est, illud non primum futurum est: ideoque qui eliguntur, hoc est, ex reliquis segregantur, in eum finem, ut sancti sint, illi antè non erant sancti. Deinde quicumque sunt in Christo, illi sunt sancti: nam sine sanctificatione per vivam fidem (quæ sine charitate esse non potest) nemo est in Christo. Atqui illi qui eliguntur in Christo, non sunt sancti: quia electi dicimur, non quia sancti eramus: sed ut essemus sancti. Ergo qui eliguntur in Christo, non sunt sancti.

Sed excipi solet: Electi dicimur in Christo, non autem in Filio Dei, aut per filium Dei: ideoque Christum primum electum, tanquam caput: deinde nos propter Christum, tanquam membra ipsius consideratos. Verum negatur consequentia, nam Christus nomen est personæ, & sub isto nomine, ei tribuuntur, prout res postulat, modò quæ conveniunt divinæ tantum naturæ, modò quæ humanæ: Christus verò elegit nos, tanquam causa principalis, unà cum Patre: tanquam verò mediator, homo factus, causa subordinata est, ad salutis media, ac salutem, ad quam electi sumus. Deinde quod dicitur Christum primum electum esse, deinde nos propter Christum tanquam membra illius, per fidem factos, alienum est, & in veræ sapientiæ lucem impingit: quandoquidem media ad finem destinata, prius à Deo ordinata esse, quàm finem, statuit: id quod in Deum sapientissimum cadere non potest: nam qui electus ac destinatus est à Deo propter nos, ut à peccatis nos liberaret ac servaret, ille non est prius electus quam nos, propter quos tanquam finem electus est: sed contrà nos prius electi. Atqui Christus electus & destinatus est propter nos, ut nos à peccatis liberaret ac servaret, 1. Pet. 1. v. 20. & 1. Johan. 4. vers. 9. & 10. Ergo Christus non est prius electus ac destinatus quàm nos: sed contrà nos prius

electi, quàm Christus. Ideoque licet à nonnullis, vobum quadam concinnitate, dicatur: *Electio prima est Christi, tanquam capitis: secunda Christianorum, tanquam membrorum ipsius*: illud ab ordine vero alienum est: nam quamvis Christus sit caput & nos membra: inde tamen minimè sequitur, illum prius esse ad vitam & iustitiam electum quàm nos; quemadmodum ex superioribus rationibus constat. Ac sane sequentia Pauli verba illud etiam ostendunt, Eph. 1. v. 5. cum *prædestinatos nos* dicit, *ad adoptionem in filios, sicut in filiis*, ubi adoptio statuitur finis prædestinationis, & Christus ut medium acquirendi illius finis: Ideoque Deus non prius prædestinavit Christum, quàm nostri adoptionem: quoniam propter hanc, Christus destinatus & missus. Atque hæc de difficultate secunda, quæ ex Paulo ad Eph. 1. v. 4. moveri solet.

Tertia vero est ex 2. Timoth. 2. v. 21. Apostolus, inquit, ostendit, vasa à seipsis præparari, ad decus, aut dedecus, aut saltem ad dedecus, quia ait: *si quis seipsum expurgaverit ab his, erit vas ad decus sanctificatum & accommodatum usibus Domini*. Sed aberrant à scopo; quia repurgationis non initium denotatur, quippe regeneratio purum putumque Dei donum est; sed progressus illius, in quo, Dei, ex principio vitæ spiritualis, nobis per regenerationis gratiam donata, cooperatores existimus. Quod autem dicitur *erit vas*, non effectum significat, sed consequentiam: puritas enim vasis, utpote causa, effecto suo, purâ vitâ, declaratur: nam (quemadmodum trita vulgo sententia ex Augustino petita dicitur) *tunc sæpe dicitur aliquid esse, aut fieri, cum incipit patet fieri*; quales loquendi modi, non solum in usu communi, sed etiam in S. literis satis frequentes sunt: ut exempli gratia, Matth. 5. v. 45. *ut sitis filii Patris vestri*, hoc est, ut appareat, vos esse tales: nam ea quæ præcipit Christus, sunt filiorum Dei effecta sequentia, non antecedentes causæ. Sic Ioan. 15. v. 8. *In eo glorificatur Pater meus, ut fructum multum feratis, & sitis mei discipuli*; quæ verba manifestè consequentiam, non autem efficientiam notant, hoc est, apparebit, vos esse meos discipulos: nam ante hanc Christi concionem, Apostolos, revera fuisse discipulos Christi, non solum vocatione, sed etiam fidelitate, res ipsa declarat. Denique excipitur: Et si concederetur, vasa, de quibus Paulus loquitur, non à se esse coagmentata, ad justum interitum; sed à Deo: tamen non nisi habita ratione peccati, ordine prædestinationem antecedentis: quia vocantur *vasa iræ*. Sed negatur consequentia: quia vasa iræ bifariam intelligi possunt, vel ratione consilii & finis: ut sensus sit, vasa iræ destinata, hoc est, in quibus Deus ostendere voluit iram suam, hoc est, iustitiam punientem, & coagmentare ad justum interitum, quemadmodum exegeticè additur: vel ratione eventus, iræ obnoxia. Priori modo peccati antecedentis consideratio locum non habet, sed peccati permittendi subordinatio. Deinde quamvis largiremur, altero modo debere accipi, nihil tamen obtineretur: quia sensus esset, Deum volentem, ab æterno, ostendere iram, seu iustitiam punientem & potentiam suam, vasa iræ, seu iustitiæ punienti jam obnoxia (quæ coagmentarat & crearat ad justum exitum) multâ lenitate pertulisse: eoque modo *vasa iræ* dicuntur ab eventu & executione: *coagmentata* verò ratione creationis. Quemadmodum fideles dicuntur electi, non quod electionis faciendæ sint obiectum: sed prædicatæ electionis subjectum. Sic vasa iræ Dei obnoxia sunt subjectum prædicationis coagmentationis ad interitum justum: sed non obiectum antecedens destinationem aut creationem. Quemadmodum Iac. 2. vers. 6. dicitur; *Deus elegit divites fide & hæredes regni*, quo ostenditur subjectum electionis, seu quales sint iam illi, quos Deus elegit; non autem quomodo in eligendo homines ipsos prius consideravit: aliàs ante electionem ipsam fuissent hæredes regni: ideoque non electi fuissent ad regnum, ut Scriptura docet.

Quod denique obijcitur: si destinatio hominum quorundam ad justum exitum, prior esset ordine, creatione eorum; sequeretur Deum in destinatione versatum fuisse circa nihil, seu Non-ens. Atqui hoc absurdum est: nam non-entis, nulla sunt accidentia, nulla attributa. Verum fallacia

fallacia est homonymias, quia Non-ens bifariam accipitur: aliud enim est Non-ens simpliciter, nempe quod neque actu, neque potentia est Ens. Aliud Non-ens secundum quid tantum, nempe quod est Ens potentia, etsi nondum sit actu: ratione prioris significationis vera est assumptio; ratione verò secundæ significationis, falsa. Sic Deus in prædestinatione non est versatus circa nihil & Non-ens simpliciter: sed circa aliquid, seu circa Ens potentia, hominem, nimirum creabilem, qui ratione actus non fuit, sed potentia. Sicut decretum creationis mundi & creationis hominis, objectum habuit mundum & hominem, non ut creatos neque ut existentes actu: sed tantum potentia; prædestinatione verò actus illorum destinatus, & quidem ad fines suos, qui ordine considerationis ac destinationis ipsam creationem antecesserunt: nec enim Deus primum decrevit creare mundum & homines temerè, sine nullo præstituto, quasi post decretam creationem tum demum præposterè, in quem finem creatio esset instituenda, cogitarit ac statuerit: hoc enim sapientiæ Dei è diametro adversatur: utpote qui nihil frustra faciat.

Ex quibus omnibus, quid de objecto prædestinationis sit statuendum, satis patere arbitramur, & quid per *lutum* & *massam* intelligatur, & quæ ratione vasa dicantur quædam ad dedecus & interitum, iusto iudicio inferendum, à Deo summo iustoque figulo facta & coagmentata. Reliqua quæ ad hanc sententiam oppugnamdam afferri solent, pauca sunt, & difficilioribus hisce solutis, suâ sponte corruunt. Si qui verò (ut in re nondum decisa) servata in reliquis fidei analogia, objectum prædestinationis hominem lapsum esse censeant, & massæ nomine intelligi hoc loco existiment (ut quorundam etiam piorum & eruditorum sententia est) per me sanè licebit: Causas vero cur cum Clar. Beza, Wittakero, aliisque illustribus Theologis plurimis sentiam, pro instituti ratione, ostendisse me satis arbitror: si quis rem cum re, argumenta cum argumentis conferat: in hac enim sententia nullum Dei attributum læditur. Contrà verò quomodo contraria sententia, in sapientiam Dei non impingat, media, in consideratione ac destinatione, fini suo præponendo, hæcenus videre non potui, neque facile ostendi posse, res ipsa docebit. Si qui hæc conciliari posse demonstraverint, veritati, pro officio, lubens cedam.

Hæcenus igitur naturam prædestinationis explicavit Apostolus, jam vero accedit ad effectum unde ea cognoscatur, nempe ad vocationem gratuitam. Quam distribuit ex subjectis, ut alia sit Judæorum, alia gentium v. 24.

Utramque approbat Osee testimonio duplici vers. 25. & 26. de quorum locorum scopo, interpretum sententiæ variant. Origenes utrumque de Israelitis exponit, argumento à pari, quod ut Deus Israel in gratiam recepit: sic & gentes. Quæ interpretatio licet ferri posset, tamen videtur paulò coactior, Ambrosi. contrà de solis gentibus accipit: sed locorum circumstantiæ & Petri, (qui Israelitis accommodat) autoritas 1. epist. cap. 2. 10. repugnant. Quamobrem optimè alii communiter, ad utrosque referunt, seu ad Israelem spiritualem, hoc est ad Ecclesiam conflata ex Israelitis & gentibus. Quarum gentium accessionis ratione, verè ac potissimum dicitur, *futurus numerus Israelitarum instar arenæ maris, quæ neque mensurari neque numerari potest*, Ose. 1. vers. 10. de qua re Rom. 4. v. 16. 17. 18. & Gal. 6. v. 16. quod alioquin non ita quadraret: quemadmodum liquet ex collatione Esai. 10. v. 22. & eventus fidelium Israelitarum numero exiguo.

Hinc porrò Apostolus vocationem Judæorum ab adjuncta paucitate describit, & rejectionem maximæ partis eorum demonstrat, dum reliquiarum tantum servandorum meminit, testimonio Esaiæ, v. 27. 28.

At, inquires, Propheta agit de externo Dei beneficio nimirum redemptione ex captivitate Babylonica? Verum est: sed non de ea solum: quia simul de ea, tanquam typo salutis, seu liberationis Ecclesiæ, à captivitate peccati & Satanæ, eo etiam typo adumbratæ.

Cæterum ut Judæorum adversus gentes (tam multis seculis à fœdere & iustitia Dei alienas) arrogantiam melius

deprimat Apostolus, hanc reliquiarum vocationem & salutem amplificat à causa efficiente, ex altero Esaiæ testimonio, quo docetur, hanc paucorum Israelitarum salutem, non illorum meritis, sed contrà Dei misericordiæ omnino deberi, v. 29.

Denique justificationis gentium & non justificationis Judæorum, ratione maximæ partis, proximas causas (ut prædestinationis aptissima media) declarat Apostolus anticipationem quadam objectionis. Etenim objici poterat, à Judæis, iniquum esse, ut gentiles qui iustitiam negligebant, iusti censeantur ac servantur, & contrarium Judæis iustitiæ legis sectatoribus eveniat. Resp. Apostolus, illud minimè esse absurdum: quoniam gentiles Deo obediētes, instrumento fidei, oblatam Euangelio iustitiam Christi, ad justificationem & salutem apprehendunt: Judæi verò contrà operibus suis & legali sua iustitia nituntur, rejecto, per incredulitatem, fundamento ac servatore Ecclesiæ Christo, v. 30. 31. & 32.

Quam exitii maximæ partis Judæorum & contrà salutis reliquiarum & gentium rationem, ad scandalum amplius tollendum, comprobatur Apostolus vers. 33. conflatis duobus Esaiæ testimoniis ex cap. 28. 16. & cap. 8. 14.

#### C O N S E C T A R I A.

I. Iuramentum Pauli, ex instinctu Sp. S. conceptum Iac descriptum, evincit contra Anabaptistas, iuramenta non esse absolute & simpliciter Christianis illicita, vers. 1.

II. Exitium, etiam hostium, ab Ecclesia Dei, zelo imprudente, alienorum, ex charitate Dei & proximi, seriò dolere debemus, v. 2. 3.

III. Dona Dei, etiam in adversariis & indignis, in pretio sunt habenda, & sine invidiâ agnoscenda, ex veritatis & candoris regula, v. 4.

IV. Nulla Dei dona, si absit fides, adultis salutaria esse, exemplo Judæorum, apparet.

V. Cum Christus sit ex Judæis, secundum carnem, oriundus: sequitur eam carnem non ex cælo delatum, ut Anabaptistæ fingunt. Deinde cum Christus sit Deus super omnia benedictus in secula; errant Arriani, qui divinitatem illius negant: & Nestoriani, qui duas naturas unius Christi in duas personas dividunt: denique Euty-chiani, qui easdem naturas confundunt, v. 5.

VI. Cum Dei sermo sit constans; ei merito innitendum v. 6.

VII. Dei omnipotentiam non esse naturæ astrictam, ex Saræ conceptu & partu constat, v. 9.

VIII. Cum Deus misereatur cujus vult, commodis aliorum non est invidendum; nec de sorte sua contra Deum murmurandum, v. 15.

IX. Voluntati Dei resisti (nempe ut impediatur) non potest. Ergo promissionibus illius acquiescendum certâ fiduciâ, & res adversæ ferendæ constanti patientiâ, v. 19.

X. Nihil ad humilitatem utilius consideratione conditionis & ortus nostri & Majestatis Dei summæ, v. 18. ut Gen. 18. v. 27. & Psal. 8. v. 5.

XI. Cum reprobi, ad exitium æternum, pro ipsorum peccato permittendo iustè inferendum, coagmentati sint: non est cur illis temporariam Dei lenitatem & tolerantiam invidemus.

XII. Exemplo Dei malos tolerare nobis injurios, iisque benefacere debemus, v. 22. & Matth. 5. v. 48.

XIII. Quoniam salus nostra est merè gratuita; meritò Deo gratiæ agendæ sunt pectore, ore, & re ipsa, v. 23.

XIV. Vocatio Dei non est meritis nostris debita, sed penitus gratuita: quia eum, qui non est populus, vocat & reliquias Iudæorum servat Deus.

XV. Deinde cum nos hostes antea in gratiam receperit: multo magis in gratia conservabit, v. 25. & 29.

XVI. Fide sumus iusti, non autem operibus: Ergo sola fide: quia inter hæc duo, teste scriptura & consensu omnium, nullum est medium. Ac propterea concidit Pontificiorum doctrina, quæ hanc sententiam damnat, v. 29. & 32.

XVII. Quo-



XVII. Quoniam Christus per se est lapis fundamenti & salutis author: sequitur eos, suo vitio, non autem Christi culpâ perire, qui ei non superstruuntur, sed in illum impingunt, v. 33.

### CAPUT DECIMUM.

**H**Æc de nono capite; decimum jam succedit, quod versatur in expositione causarum proximarum rejectionis Judæorum & vocationis ac salutis gentilium. Ac de priori distinctè agit Apostolus usque ad vers. 12. utens *exordio & propositione* illiusque *expositione*. *Exordio* se purgat ab odii sui in Judæos, quos rejectos ostenderat, calumnia, qua vulgo gravabatur (ut apparet ex Actis cap. 21. & 28.) & benevolentiam Judæorum, commodâ ratione provocat, nimirum testificatione desiderii salutis eorum: quod ab effectu nempe deprecatione sua, prius amplificat.

Utrumque autem & desiderium & deprecationem hanc illustrat redditiōe causæ, qua propositioni viam sternit. Causa autem, est quod Judæi magno Dei zelo præditi essent, sed Dei ignorantia laborarent: Quorum illud benevolentiam; hoc verò commiserationem & deprecationem ab æquitatis lege postulat. Zelus enim Dei (si quis rectè attendat) nihil aliud est, quam serium gloriæ Dei promovendæ, ex flagrante amore illius, studium, & indignatio adversus ea, quæ illi obstare videntur: qui zelus, si modò scientia dirigatur, rectus est atque omninò laudabilis: quandoquidem non solum finis est bonus ad quem tendit: sed etiam media & modus eò pertingendi. Sin vero contrà zelus opinione falsâ vitietur, pravus est, & quo vehementior, eo deterior longiusque à scopo aberrat: qualis hoc in loco intelligitur. Falsò enim putabant lædi gloriâ Dei prædicatione Evangelii, & legem Evangelio aboleri: ac propterea eo acrius ac pertinacius se Evangelii præconibus, Paulo aliisque opponebant: ut cursum Evangelii interromperent: quæ autem de Judæorum ignorantia dicuntur indefinitè, ea non universaliter ad omnes & singulos pertinent: sed *Apostolus* (quemadmodum exponit Ambrosius) *de his dicit, qui non malevolentia & invidia merâ, sed errore Christum non receperunt: quibus & Petrus Apostolus, dicit; scio fratres, quia per ignorantiam fecistis hoc malum, sicut & principes vestri.* Hæc ille. v. 2.

Porro Judæos zelum Dei habere sine notitia, probat & declarat à specie: quia *ignorantes justitiam Dei*, hoc est, ut Rom. 3. sæpius usurpatur, justitiam Christi, quæ à Deo, per fidem, nobis donatur, & propriam justitiam, ex operibus suis, *querentes constituere*, ad præscriptum legis, *Dei justitiæ sese non subjecerunt*, vera fide oblatam amplectendo: sed contrà incredulitate suâ rejecerunt.

Atque hæc propositio est v. 3. quæ exponitur & confirmatur seqq. Ac primum docetur, Judæos ignorare Dei justitiam, eique non esse subjectos dum falsâ propriarum virium fiduciâ legis justitiam suis operibus implendam sectantur, & Evangelium legi adversari putant: eaque ratione à fine & justitia ejus aberrant. Nam *Christus est finis legis ad salutem omni credenti*. Verum legem quidam intelligunt ceremonias: & finem, abolitionem exponunt, id quod scopo Apostoli, hoc in loco, & sequentibus circumstantiis non satis convenit. Alii igitur melius de lege morali seu de decalogo accipiunt, & finem non consummentem, sed consummantem intelligunt: ut finis vox aut *summæ bonæ complementum* (ut Chrys. exponit) aut causam finalem, propter quam res est, designet, nempe perfectam obedientiam: quæ cum nobis natura desit, soli verò Christo adsit, ea nostra fit per fidem, ut justî simus. Unde etiam Metonym. Christus *justitia nostra* dicitur 1. Cor. 1. v. 30. Nam quod nonnulli contendunt, Christum legis finem idcirco dici, quod ea lata sit, ut per illam, de peccato, eamque implendi impotentia convicti, justitiam per fidem quæramus in Christo; illud non convenit; quia hic non est finis legis per se; sed eventus tantum & usus per accidens lapsus, ut convincamur peccati & impotentiae nostræ: & usus ille non primarius est, sed secundarius: primarius enim est obedientia, ut omnis legis in genere, tam humanæ quam divinæ. Deinde verum non est,

legem ideo latam, ut Christum quæramus: alias Christum doceret & ministerium esset, non mortis, sed vitæ; id quod Evangelio est proprium, 2. Cor. 3. Neque etiam lex moralis pædagogia est ad Christum, sed ceremonialis, quæ Christi umbram continuit & futurorum bonorum, per Christum. Coloss. 2. & Heb. 10. v. 1.

Cæterum propositam justitiæ Dei, ex Evangelio, & justitiæ propriæ, ex lege, antithesin ac pugnam (ne quis hæc duo convenire posse arbitretur) explicat Apostolus, descriptione utriusque. Qua etiam ratione probat, Christum esse finem legis, quoniam lex postulat ad vitam, conditionem perfectæ justitiæ, quæ à nobis præstari non potest, quam solus Christus præstitit credentibus. Justitia autem & justificatio legis à Mose definitur, his verbis, Lev. 18. v. 5. *qui præstiterit ea*, nempe præcepta, *vivet per ea*. Ergo perfecta operum obedientia exigitur: hanc enim sententiam reciprocâ esse constat ex Deut. 27. v. 27. & Gal. 3. v. 10. 12. Quam obedientiam cum nemo mortalium, propter carnem repugnantem spiritui, per se habeat, ea in Christo nobis offertur per Evangelium vers. 5. & Rom. 8. v. 3. 4.

Quæ justitia à causa instrumentali, per quam ejus participes fimus, *justitia fidei* appellatur.

Quam oppositè priori describit Apostolus prosopopœia quadam, à certitudine & facilitate: deinde à modo illius. Quorum prius tradit per aphæresin & thesin: nam primò removet difficultatem, v. 6. 7. deinde ponit facilitatem v. 8. Verum de hoc loco non satis constat inter doctiores Theologos: nam cum eadem ferè verba (paucis tantum detractis & additis) adducantur, quæ extant Deut. 30. quidam existimant adferri argumentum: & quidem vel comparatione minoris; si lex adeò facilis, quantò magis Evangelium: vel ut sit expressum eodem sensu testimonium, quod Paulus rationibus quibusdam illustret & exponat. Quamvis enim Moses de præceptis legis agat: ea tamen dicit facilia, ratione Evangelii, quo impletio eorum in Christo offertur, atque operatione fidei cor circumcitur ac justificatur: quare præcepta illa legis esse facilia, conjuncto verbo Evangelii: ad quod præcedens Moysis in eodem capite, promissio, de circumcisione cordis, similiter pertinet. Loci autem expositio & accommodatio (quæ paulò difficilior) hujusmodi videtur simplicissima: *ne dixeris in corde tuo, quis ascendet in cælum*: ut cognoscamus legem, eamque perfectè observemus: nam hoc esset quasi *Christum ex alto iterum deducere*, ac negare eum è cælo descendisse, ut legis genuinum sensum & obedientiam conferret. Aut *quis descendet in abyssum*, hoc est, in mare navigio, ut ex locis remotissimis cognitionem & præstandi facultatem nobis suppeditet? *hoc enim esset Christum ex mortuis reducere*, id est, negare illum mortuum, ut legi pro peccatis nostris satisfaceret, & resuscitatum ad nostri justificationem: nam *verbum* Evangelii, quo enunciatum usus legis & impletio illius offertur, *propinquum est in ore & corde vestro*, hoc est, ut postea exponitur in corde fidelium, per fidem; & in ore, per confessionem. Alii denique argumentum hoc in loco nullum agnoscunt, nec à minori, nec à diserto testimonio; sed verba hæc ab Apostolo, per allusionem quandam (hoc est, ut sanctius loquamur, imitatione quadam) ad prædicationem Evangelii accommodari, ut similitudo legis & Evangelii demonstraretur: ita tamen, ut Evangelium excellat: Legis enim justitiâ cognitione esse facilem & explicatam; Evangelii verò justitiâ in promptu esse, non solum ratione notitiæ, sed etiam respectu observationis illius, ad salutem consequendam. Idque indicari censent, illa oppositione, cum dicitur; *justitia autem quæ ex fide est, ita dicit*: non autem Moses dicit. Ideoque verba hæc & quidem (ut ajunt) simplicissime interpretantur de consolatione Evangelii, adversus desperationem de salute, ex legis conditione impossibili ortam, hoc sensu: ne dixeris, quis ascendet in cælum, nempe ut me illuc deducat? hoc enim esset Christi ascensionem reddere irritam; aut quis descendet in abyssum, hoc est, infernum, ut illinc me eruat? hoc enim esset Christi mortem & meritum illius tollere.

In qua

In qua trium sententiarum probabilium varietate, mediam extremis præferendam arbitramur: quamvis enim non expressè Mose hæc oratio tribuatur, sed iustitiæ fidei; nihil in eo est absurdi. Primum, quia prosopopœia illa adhibetur brevitate & expositionis ergo: cum enim Moses, isto in loco, agat de hac materia, nempe iustitia ex fide, hinc fit, ut quod ille loquitur, idem per meton. aut prosopop.: materiæ, seu rei, de qua loquitur, tribuatur: ut sit sensus: doctrina de iustitia. Deinde, salvo communi doctorum iudicio, dici etiam posset, hinc non esse prosopopœiam, sed potius ellipsin: nam prosopopœiæ huiusmodi exemplum nondum observavi in S. literis: ellipsis verò citra controversiam, Apostolo insolita non est. Atque ita sensus esse potest: *Iustitia verò quæ ex fide* (supple quænam sit) *ita dicit*, nempe Moses, de quo antea: vel scriptura.

Ex hisce igitur facilitas salutis, per Euangelium, elucet.

Modus verò apertè proponitur, vers. 9. & exponitur, v. 10. nempe fides in Christum & confessio illius. Quæ primum præposterè collocantur. Fidem autem & confessionem ex ea promanantem consequitur salus: sed diverso modo: fidem quidem, ut causam instrumentalem: confessionem verò ut viam & antecedens solum: non autem ut causam: deinde fidei objectum proponitur Synecdochicè nempe resurrectio Christi: quia illa mortem & nativitatem Christi præsupponit, ac simul innuit; & salutis indicium & testimonium illustrissimum continet: quemadmodum 1. Cor. 15. pluribus demonstratur. Deus autem (nempe Pater) excitasse dicitur Christum, quia per Filium & Sp. S. hoc præstitit: ideoque resurrectio Christi, tanquam commune Deitatis opus, Patri, Filio, & Sp. S. promiscuè tribui solet.

Salutem autem contingere per fidem probat Apostolus autoritate divina ex Es. 28. 16. *Credens non fessinabit*. In cuius loci citatione, observanda est aliqua diversitas: quæ partim in mutatione: partim in additione consistit. Ac mutatio quidem est primum quod Esaias habet Hebræam vocem *שׁוּב*, quæ significat *fessinabit*; Paulus verò ejus loco ponit *pudescet*: quod Hebræis est *שׁוּב*. Unde nonnulli ob vocum Hebræarum affinitatem, variam lectionem conjiciunt: sed non opus est: quia non solum ea varia lectio non est annotata à veteribus; verum imprimis, quia res non requirit, ut hoc statuamus: quia Apostolus non verbum, sed sententiam expressit: quod sufficit, & alibi usitatum, in Prophetis citandis: quoniam utrumque exitium metonymicè notat: quibus enim illud imminet, illi spe conservationis sui jam falsi, pudore afficiuntur, ac festinare solent, ut elabantur. Additio verò in hoc loco citato est objectum fidei, & subjecto illius adjuncta quantitas, cum ait: *Quisquis in eum credit*. Quæ verba expositionis causa adduntur, ut via sternatur doctrinæ generali, de vocatione & salute gentium & causa rejectionis Judæorum, v. 11. de quo argumento agit ad finem usque capitis.

Ac primum, causam interpretationis suæ adjungit, & signum universale *quisquis*, distributione in Judæos & Græcos, hoc est, gentiles explicat, docens nullam esse distinctionem inter eos: hoc videl. tempore, post Christi adventum atque ascensionem in cælum. Hanc autem sententiam confirmat ratione & autoritate. Ratio est, *quia idem est Dominus omnium*, hoc est, quorumvis fidelium, tam gentilium, quàm Judæorum: Dominus enim omnium esse dicitur, non ratione creationis & gubernationis, ut vulgò interpretantur: quia, ut liquet Ps. 147. 20. Act. 14. 16. Ephes. 2. 12. argumentum esset infirmum, si quis diceret; Filius Dei, qui hic dicitur *Dominus omnium*, ut Actor. 10. v. 36. aut Deus Pater, ut quidam intelligunt, tam creavit reliquas gentes, quàm Judæos: Ergo tam reliquas gentes vocare vult ad regnum suum quàm Judæos: hæc enim non esset necessaria consequentia: sed ratione redemptionis dicitur Dominus omnium fidelium, ut Rom. 3. 29. Eph. 4. v. 5. 1. Tim. 2. 5. sublato jam discrimine Judæorum & gentilium, per mortem Christi Eph. 2. v. 10. 14. 16. Marc. 16. 15. 16. Gal. 3. 8. 28. Atque hanc rationem ab effectu declarat, cum addit, *dives*, hoc est, benignus, & divitias gratiæ suæ

salutares effundens, *in omnes à quibus rectè invocatur*. v. 12.

Atque hac ratione vocatio communis Judæorum & gentilium confirmatur. Cui deinde accedit v. 13. idem probans expressa Dei autoritas, ex Ioel. 2. 32. quo omnibus verè invocantibus Dominum (Christum, ut antecedentes circumstantiæ prophetiæ declarant) salus promittitur: quæ Prophetæ sententia (ex fœderis cum Abrahamo initi formula, Gen. 12. 3.) gentes quoque complectitur, ut Gal. 3. 8. Ex quo adversus Judæorum scandalum vocationem gentium & ministerium Apostolorum apud gentes concludit sorte & gradatione, ex ordinaria & necessaria causarum invocationis serie, nempe fide, quæ invocationis veræ mater; auditione Evangelii, quæ fidei causa instrumentalis proxima; & prædicantibus Evangelium, quæ causa remota v. 14. & missione eorum divina: quæ omnia invocationem salutarem antecedere necesse est. Missionem autem præconum Evangelii Deo probari ex Esa. 52. 7. declarat v. 15. Quam sententiam quidam ad nuncios liberationis ex captivitate Babylonica pertinere arbitrantur; Apostolum verò à minori argumentum inde deducere. Alii de solo præconio Apostolorum & reliquorum ministrorum Evangelii, quo Pax cum Deo & bona cælestia nobis annunciantur, differi existimant. Alii denique uberius & convenientius (ut ex antecedentibus & sequentibus prophetiis apparet) de utraque exponi censent: adeo ut prophetiæ hujus, non duo sint sensus, proprius & allegoricus (ut Pontificii perperam loqui solent) sed duæ partes & gradus. Prima pars est celebratio fidelium præconum liberationis à captivitate Babylonica, & reditus in promissam patriæ terræ hæreditatem: Altera verò, quæ priori (tanquam destinato & prophetico typo) fuit adumbrata, est celebratio fidelium præconum Evangelii, qui promulgant liberationem à captivitate peccati, mortis & Satanæ; deinde reditum in Dei regnum & cælestis patriæ hæreditatem æternam, v. 15.

Porro ut ostendatur, cur non omnes illa pace & bonis Evangelio prædicatis fruantur ac servantur, ingratitude & incredulitatem auditorum arguit, & dicto Esa. 53. 1. confirmat Apostolus v. 16.

Unde partem sortis ex v. 14. clarius repetit ac concludit. Eaque via (ne quis inobedientiam & incredulitatem Judæorum, aut gentilium ignorantiam excuset) anticipationem duplicem subnectit; & priori omnes populos, tam Judæos, quam gentiles, externè vocatos esse atque invitatos Evangelio demonstrat: quoniam *in omnem terram exiit sonus eorum*, nimirum qui prædicarunt Evangelium. Verum cum hæc verba extent, Psal. 19. ac certum sit Prophetam ibidem loqui, de corporibus cælestibus, quæritur, an inde Paulus desumeret nec ne: & qua ratione? Quidam allusionem esse putant, qua similitudo quædam indicetur inter cœli & Apostolorum ministerium. Alii expressum esse eodem sensu, ad rei propositæ confirmationem, testimonium statuunt: sed vario modo accommodant. Quidam enim existimant agi utrobique tantum de universali atque externa, per res creatas, vocatione, ad eam Dei cognitionem, quæ ad prætextum ignorantie tollendum sufficiat: de qua Act. 14. 17. Rom. 1. 19. sed hoc à scopo Apostoli & antecedentibus est alienum: quoniam de verbo Evangelii apertissimè agit Apost. Alii igitur de Apostoli ministerio exponunt: quandoquidem Paulus tractat de auditione Evangelii: quemadmodum orationis series evidenter declarat, præsertim, v. 15. 16. unde orta est anticipatio. Verum rursus diversa est in eo interpretum sententia. Nam veteres ferè Theologi, ut Orig. Hieronym. August. allegoricè à Propheta de Apostolis agi existimant, sensu non malo; sed, ut videtur, non satis opposito: quoniam constat, Prophetam duplex Dei verbum, quo homines instituuntur, laudare: nempe cœlorum opificium & sacras literas; quorum illud visu, hoc verò auditu percipitur. Quo pertinet visibilis & audibilis verbi, libri Naturæ & Scripturæ trita distinctio. Alii verò sic explicant, ac si argumentum esset à comparatis ductum hoc modo: si operum illorum spectabilium tanta est vis, ut totum terrarum orbem illustrent; quanto amplius illud sensit Propheta, Evangelium, (quod potentia Dei est ad salutem omni credenti

eredenti) definito tempore singulas orbis partes esse perlustraturum. Paulus enim agit interpretem comparationis illius, à Propheta institutæ, & docet, quam certò in omnem terram cœlorum delineatio & documenta prodierunt, hominibusque omnibus, ut loquitur Moses de eorum usu, data sunt, tam certo his temporibus ultimis doctrinam Euangelii in universum orbem terrarum dimanasse per prædicationem. Ac propterea non temerè vocem unam Prophetæ, ut ajunt, permutavit; ac si veritatem scripturæ, (quam religiosissimè agnovit ac coluit) corrumpere: sed certo consilio in locum vocis illius קוּלִי *delineatio eorum*, substituit hanc קוּלִי *sonus eorum*, respiciens ad præsentissimum promissionis complementum.

Alii verò simpliciter statuunt, Apostolum vocem *delineationis* aut *regulæ eorum*, non permutasse: quod pro more LXX. interpretes secutus sit, qui *sonum* verterunt: idque, vel quod variâ usi sint lectione, & sine punctis non קוּלִי *delineationem eorum*, sed קוּלִי *sonum eorum* legerunt; sed hanc lectionis varietatem pluribus confutavit Johannes Isaacus contra Lindanum; vel quod vox קוּלִי non solum *lineam*, sed etiam *sonum* notet; quemadmodum in eodem libro Ioannes Isaacus probare contendit: vel denique quod Apostolus non verbum de verbo, sed sensum suâ interpretatione expresse: quia delineatio cœlorum est instar vocis cuiusdam disertæ, quæ ab omnibus audiat: quemadmodum etiam cœlum Dei gloriam enarrare dicitur metaphoricè.

Atque hæc de variis hujus loci difficilius interpretationibus, quibus hæc verba ex Psalmo adducta sentiunt: quamvis diversè accommodent. Quam sententiam, ut non improbo; quia communis est: ita nisi fallor, non est necessaria: quoniam Sp. Sanctus potuit liberè iisdem verbis & sententia uti, in alia omninò aut diversa materia citra citationem testimonii, aut imitationem destinatam. Quemadmodum apud Prophetas illud satis crebrum est, ut de diversis subjectis, similibus utantur dictis, rei tantum præsentis consideratione. Cujus exemplum habuimus Rom. 9. 20. 21. Huc accedit ratio non necessaria quidem, sed tamen probabilis: quod cum & ante v. 15. 16. & post vers. 19. 20. Scripturæ meminerit: hic verò illius nullam faciat mentionem, videri possit, non tanquam scripturæ testimonium adferri, sed tanquam argumentum ex re ipsa & experientia petatum. Rom. 1. vers. 8. & 15. 19. Col. 1. v. 6. Quo etiam modo accepisse videntur Chrysost. & Theodor: Interim tamen si argumentum ex mente Prophetæ adductum statuerimus, illud arbitramur maximè consentaneum, si dicamus, Prophetam agere, nec de solis corporibus cœlestibus seu stellis historicè; nec de solis Apostolis & Euangelii ministris allegoricè & propheticè: sed de utrisque typicè; quod videlicet stellæ enarrant Dei gloriam ubique terrarum, & Euangelii præcones, stellarum instar, Dei gloriam essent celebraturi per totum orbem: nec enim typus hic alienus videtur: quandoquidem Apostoli *lux mundi*, Matth. 5. 14. & stellæ Apocal. 12. v. 1. appellantur.

Atque hæc omnia eo nominè à nobis prolata sunt, ut sacrarum literarum consensus & fides Apostoli clarius appareat. *Tanto enim fortius* (ut ait August. in conclusio. lib. 1. de Trinit.) *convincuntur hæretici, quanto plures exitus patent, ad eorum laqueos evitandos.*

Atque hæc de priori anticipationem, v. 8.

Altera verò est qua objectioni occurrit, allato duplici sacrarum literarum testimonio. Cujus obiectio quidem indicatur hic verbis: *Sed, inquam, numquid Israel non cognovit?* Verùm quia cognitionis obiectum non exprimitur, idcirco variè explicatur ab interpretibus. Quidam enim *gentium vocationem* intelligunt: nonnulli *Deum*; sed malim *sermonem Dei*, nempe Euangelium, ex loci scopo & antecedentibus versibus 15. 16. 17. 18 & sequente vers. 21. Ac propterea obiectio defensoris Iudæorum non attribuit iis cognitionem, quam Paulus neget: ut quidam interpretantur: sed contrà, quam ille derogat, eam Paulus adscribit: Ne quis enim ignorantia prætextu incredulitatem Iudæorum elevarer, cognitionem eorum non solum asserit: sed etiam comparatè cum gentibus amplificat, idque for-

ma verborum satis ostendit, quando ait, *Sed, inquam, numquid Israel non cognovit?* hoc est, Israel revera cognovit Euangelium clarius, quam ut negari possit. Si quis verò excipiat hoc loco; illud repugnare assertioni Apostolicæ, v. 2. & 3. qua iis notitiam detraxit, facilis est conciliatio.

Quia notitia alia est apprehensionis seu intelligentiæ simplicis: alia iudicii recti, in assensu vel dissensu: nam priori modo res & sermo percipitur quid sit; posteriori verò sermonis veritas dijudicatur & rei perceptæ: atque ita Judæi & Euangelii habuerunt notitiam, quatenus illud audierunt, & intellexerunt illius sententiam: & contrà non habuerunt, quatenus veritatem illius non intellexerunt, sed debitum ei assensum & fidem derogarunt. Hanc autem Iudæorum cognitionem confirmat Apostolus auctoritate divina Moysi ex Deut. 32. v. 21. quo loco reliquarum gentium per Euangelium vocatio, in pœnam idololatriæ & incredulitatis Iudæorum, prædicatur, vers. 19.

Altera auctoritas deprompta est ex Esai. 65. vers. 1. 2. quo loco prædicatur primum gentium vocatio gratuita, vers. 20.

Deinde Iudæorum ingrata & quotidiana adversus Deum & Euangelii illius præcones incredulitas, vers. 21. Ex quibus intelligitur causam vocationis gentium, esse Dei benignitatem: medium verò ac modum, donum fidei: rejectionis contrà Iudæorum causam proximam ac promerentem esse incredulitatem & contumacem adversus Euangelium prædicatum contradictionem. Act. 13. v. 45. 46.

## CONSECTARIA.

I. Fidelis Euangelii præconis officium est, non solum vera docere constanter; sed etiam prudenter: ut rudiorum vitetur offensio & curetur salus.

II. Non solum pro nostra, sed etiam pro aliorum, tam infidelium, quàm fidelium salute seriò precari debemus, ex charitatis Christianæ lege, v. 1.

III. Multi cum gloriam Dei tueri se putant, eidem imperitia adversantur: ac propterea zelus noster & aliorum rectè explorandus est, ne quid peccetur. Zelus autem Dei est duplex, unus ex notitia: alter ex ignorantia veri. Quorum ille, si modum servet, bonus; hic vero, malus: eo quod non omnis bona intentio animi (ut vulgo jactant Pontificii) Deo grata est: sed ea sola, quæ verbo Dei omninò dirigitur. v. 2.

IV. Cum iustitia propria & aliena, hoc est, Christi, à Deo, per fidem nobis data, sibi mutuò adversentur: sequitur errare Pontificios, qui eas inter se copulare contendunt, v. 3.

V. Fidelibus de salute per Christum parta non est dubitandum, v. 6. 7. 8.

VI. Vera fides non est otiosa cognitionis Christi jactatio: sed sincerus cordis (hoc est, metaphoricè, animæ) assensus: quæ fides fructibus suis, nempe constanti confessione & invocatione Domini sese exerit & probat, v. 9. 10.

VII. Duo sunt nobis rectæ invocationis Dei fulcra firmissima; quod Deus nos velit servare: quia Dominus noster & redemptor est: & possit; quia dives, v. 12. 13.

VIII. Cum is invocari non possit, in quem non licet credere, isque honor fidei nulli præterquam Deo conveniat: sequitur Pontificios gravissimè errare, cum Sanctos defunctos invocandos docent, v. 14.

IX. Cum ministerium Euangelii, sit fidei, invocationis, & salutis instrumentum necessarium, graviter peccant Libertini, qui id contemnunt, & alii, qui usum illius negligunt, v. 14. 15. 17.

X. Summa scientia est, Dei in Christo cognitio: ejusque contrà ignorantia, summa inscitia est.

XI. Deus contemptores oblatis Euangelii, translatione illius ad alios, punit. v. 19.

XII. Dei

XII. Dei gratia nos prævenit : ideoque salus nostra ei debetur, non nostris meritis, v. 20.

XIII. Cum Deus hominibus etiam contumacissimis suam gratiam diu multumque offerat : illius exemplo, in curanda aliorum salute, constantia ac benignitas adhibenda, v. 21.

## CAPUT XI.

**H**Actenus rejectionem Judæorum asseruit Apostolus; sequitur porro mitigatio illius, ut Judæis adimat desperationem & gemitibus fastum. Etenim Judæorum rejectionem à subjecto & adjuncto illustrat, hoc est, rejectionem numero & duratione rejectionis: quod ea nec universalis sit, nec perpetua. Utrumque autem commoda anticipatione explicatur. Ac prius quidem continetur decem prioribus versibus. Cujus anticipatio constat expressa quæstione, seu absurdi objectione, & responsionis subjectione.

Quæstionis hæc est sententia : Cum hætenus de cæcitate, contumacia & rejectione Judæorum differueris, an igitur contra fœderis formulam ( ut videris statuere ) populum suum ( nempe universum ) abjecit Deus ?

Responsio verò constat primò negatione : quam confirmat exemplo suo : deinde distinctione populi Dei, qui partim non electus est ad vitam : sed vocatus tantum externè, oblatione fœderis, per verbum & sacramenta ; partim verò electus est. *Non abjecit autem Deus populum suum, quem præservavit*, hoc est, ab æterno dilexit ( ut nosse pro diligere alibi etiam accipitur, Psal. 1. Matth. 7. ) elegit & prædestinavit ad vitam æternam : quemadmodum Rom. 8. ostendimus, & August. tom. 7. de bono perseverantiae lib. 2. cap. 18. Quare malè nonnulli ad prævisionem operum aut fidei referunt. Hanc porro responsionem, illustrat Apostolus, exemplo simili Ecclesiæ Israeliticæ, tempore Eliæ prophetæ. Omnes Israelitæ videbantur etiam Eliæ opinione, à cultu Dei, ad Baalem defecisse : & tamen Deus gratuito aliquot piorum millia in officio reservarat : sic hoc tempore in populi Iudaici publica apostasia multi electi reservati sunt. Hujus autem similitudinis protasis complectitur querelam Eliæ de publica totius populi apostasia, & singulari impietate ac crudelitate in sacras personas ac loca sacra, v. 2. 3.

Deinde testimonium Dei, de multorum perseverantia, quæ describitur à causa efficiente Deo ; *Reliqui*, inquit, *mibi*, hoc est, reservavi, v. 4.

Similitudinis vero apodosis est v. 5. quæ reservationem seu reliquias piorum illustrat etiam à causa efficiente, electione Dei. Quam similiter à causa impulsiva & interna, nempe Dei gratia, hoc est, amore non debito, sed gratuito declarat : ut Deo in solidum gloria salutis nostræ tribuatur, v. 5.

Unde quadam digressionem, adversus operum meritum, confectarium deducit, à natura contrariorum, quorum uno posito, tollitur alterum : si ex gratia eligimur ac vocamur, non ex operibus tanquam causa impulsiva, hoc est, non operum dignitate & obedientia legi præstita. Idque probat à natura gratiæ : nam aliàs gratia hujusmodi, quæ merito aut debito conveniet, non est gratia mera, sed merces debita ex pacto legis, *hoc fac & vivas*. Deinde à contraria contrarii consequentia confirmat : *si ex operibus, non igitur ex gratia : alioquin opus jam non est opus*, id est, posita gratia, tollitur operum justitia & merces debita : operum, inquam, non ceremonialium solum : ut Orig. censet ; sed omnium in universum : quemadmodum ex superioriibus perspicuum est. Hæc de v. 6.

Porro ad propositum redit Apostolus, & responsionis, ad quæstionem allatæ, summam repetit ac concludit ; *Israelem*, hoc est, populum Israeliticum, *non affectum esse quod querit*, videlicet justitiam & vitam æternam : quia propriam ex operibus suis justitiam quærit : non autem ex gratia Dei. Quam sententiam distinctione commoda explicat, qua docet, se *Israelis* voce ( cum de rejectione disputat ) non universos Israelitas, sed per Synecdochen, maximam eorum partem intelligere : alii enim electi

sunt ex iis ; alii non sunt electi. Et *electi quidem affectum sunt*, justitiam & salutem : *reliqui vero*, hoc est, non electi, *occiderunt, in hodiernum usque diem*, v. 7.

Quod membrum quoniam odiosissimum erat Judæis ; idcirco illud scripturæ autoritate confirmat, tribus testimoniis. Quorum duo priora ex Esai. cap. 29. vers. 10. & cap. 69. in unum conflata sunt. v. 8.

Quomodo autem, Deum ( quod hic asseritur ) *oculos dedisse, ut non videant, & aures, ut non audiant*, sit intelligendum, ut Deus peccati author minimè statuatur, ex iis, quæ antea cap. 9. explicuimus, satis liquere arbitror : nimirum hæc sic dici, de Deo, quod lucem judicii ac notitiæ, tanquam justus iudex, abstulerit ab ingratis, suæque insitiæ cæcitati reliquerit, & à Satana seducendos, ( laxando ipsi habenas suæ potentiae, quâ reprimebatur ) tanquam vindex contemptæ veritatis permiserit.

Tertium verò testimonium ex Psal. 69. v. 23. 24. petitur est, de quorum locorum recta ad Pauli institutum accommodatione, consulantur doctissima Clarif. D. Junii *parallela sacra*. Sed dicat aliquis, in postremo, videtur, dira imprecatione violari charitas Christiana, etiam erga hostes nostros exercenda : ut Matth. 5. vers. 43. 44. præcipitur. Fateor sic videri prima fronte : sed tamen re ipsa penitus inspectâ, non violatur : quia non est votum humanum : sed prophetia divina : in qua, jure, propheta acquiescit. Deinde non ex odio hominum ac privata vindictæ studio, aut immerito, aut zelo inconsiderato, nec quibulvis imprecatur propheta, ( quod à Christo prohibetur ) sed instinctu Spiritus S. reprobos & exitio destinatos, ex odio peccati & amore Dei, cognitoque, per revelationem, illius decreto, ad gloriam Dei & afflictæ Ecclesiæ bonum, devovit sanctissimè. Quocirca cum nec in causa efficiente, nec in mensura ac modo, neque in fine hujus imprecationis sit vitium, læsæ charitatis nomine accusari propheta non potest. Quo etiam modo de Psal. 109. qui longe acerbior videtur, judicandum. Hæc de v. 9. 10.

Atque ita finitur prima hujus capitis pars, qua docuit Apostolus, rejectionem Judæorum non esse universalem. Sequitur porro altera, qua asserit etiam hanc populi Iudaici ( hoc est, maximæ partis illius ) rejectionem non fore perpetuam. Atque ita alteram adfert Judæis consolationem, cum antecedentium prophetiarum asperitatem mitigat & rejectionis finem exponit, anticipationem opportuna. Cujus quæstio est : *An igitur Judæi impegerunt, in eum finem, ut laberentur* : hoc est, per Synecd. ut exciderent penitus, utque maxima Iudæorum pars infidelis perpetuo maneret : seu ut interpretatur Chrysost. an talis sit eorum ruina, quæ neque sit curabilis, neque ullam habeat correctionem ? Respondet verò Apostolus negatione illius & positione duplicis finis : quorum proximus & subordinatus est vocatio & salus gentium : remotior verò ac principalis, Iudæorum resipiscencia : ut Iudæos hac vocatione gentium, ad æmulationem sanctam, seriumque colendi Deum, in Christo, præ gentibus, studium, tandem excitaret, v. 11.

Priorem autem finem illustrat confectario, quo tacite gentilium objectioni occurrit, duplici nomine : ut odium salutis Iudæorum tolleretur : & contra ad serium illius promovendæ conatum stimularetur. Obsectio autem est talis : Si Iudæorum ruina est occasio salutis gentium : Ergo restitutio eorundem erit occasio rejectionis gentium. Respondet autem Apostolus inversione argumenti, à minori, hoc sensu : Imò contra sequitur, fore, ut Iudæorum restitutio multò magis salutem gentium confirmet. Firmum autem est argumentum, quoniam Iudæorum infidelitas, per accidens providentiæ divinæ ita dirigentis, gentium vocationi inserviebat : sed per se considerata, ac vi sua, eandem remorabatur : maximum enim erat scandalum, quod Christus à suis popularibus & subditis Iudæis rejiceretur, quibus tamen à Deo, per Prophetas, Messias primum fuerat promissus & missus. Quamobrem cum Iudæorum populus Christum tandem fide complectetur, quem antea perfidè & pertinaciter rejecerunt ac rejiciunt, maximum ad fidem gentilium augendam &



propagandam, ex ista re admiranda atque inexpectata, accedet momentum. In hoc autem argumento notanda est synonymia exegetica, in antecedente hypotheseos; nam quod prius *ruinam* appellat, postea *diminutione* quadam interpretatur: ut ostendat ruinam Judæorum non esse universalem: quod numerus eorum, qui in Ecclesia permanerent, inter Judæos, maxima quidem ex parte diminutus sit: sed tamen non penitus sublati: deinde *mundi* vocem interpretatur, *gentes*. Quare utrimque Synecdochicè intelligendum indicat: præterea *opulentiam* metaph. vocationem, & hæreditatem salutis concinnè vocat. In consequente verò *plenitudinem*, non paucorum, sed populi Judaici, seu maximæ partis illius conversionem intelligit Synecdochicè vers. 12.

Porro finem alterum rejectionis Judæorum amplificat ab effectu, nempe quod propterea *ministerium suum illustrat*, euangelium longe lateque, inter gentes, spargendo, easque ad Christum convertendo: ut saltem aliquos ex Judæis, hac occasione, ad æmulationem sanctam & fidem provocet, ac servet, v. 13. 14.

Cujus studii sui, in curanda Judæorum salute, justitiam confirmat duobus argumentis: quorum prius ab utili ductum est: quia assumptio (id est, restitutio) Judæorum, est quasi resuscitatio ac vita gentilium: hoc autem probat repetitione & amplificatione argumenti à minori, v. 15. de qua re v. 12. actum. Alterum verò argumentum cur Paulus Judæos servare studeat, est, quod illi sancti sint, hoc est, à prophanis secreti, & ad fœdus Ecclesiamque Dei pertineant hoc autem demonstrat à simili conditione cum Abrahamo patre, quam duobus similibus allegoricè declarat: quorum prius est à legalibus ceremoniis: alterum verò à natura ductum: comparat enim Abrahamum *primitiis & radici*: Judæos verò *massæ & ramis*. Quemadmodum enim primitiæ oblata totam massam sanctificabant, Lev. 23. 14. & 17. deinde similiter à radice bonitas succi in ramos promanat: sic & sanctitas ab Abrahamo in posteros: hoc autem (ut etiam sequentia) intelligendum est, non de singulis: sed de populo & formula fœderis indefinita, *Ego sum Deus tuus & seminis tui*. Definire autem de singulis secreti est divini: nobis verò lex charitatis in dubiis seque nda. Atque hæc de v. 16.

Unde digressionem accommodatissima; in similitudine arboris persistens, dehortationem necessariam deducit: nam corpus gentium à fastu & contemptu rejectorum Judæorum deterret & ad modestiam hortatur, ad v. usque 23. Constat autem hæc digressio, *propositione & confirmatione*. Propositio est: ô gentilium Christianorum turba, (hanc enim, ut monuimus, appellat: non autem singulos) Ne glorieris adversus Judæos rejectos. Confirmatio verò rationes continet à conditione gentilium duplici, primo à pristina ac nativa: Tu fuisti oleaster seu Sylvestris olea, aut oleæ pars, antequam Judæi essent defracti ex arbore: deinde à præsentis & gratuita: Tu jam insitus es, & particeps radicis ac pinguedinis oleæ factus es. *Oleastrum* autem Synecd. vocat ramos oleastri, id est, natura infrugiferos & alienos à fœdere Dei. *Radix* vero *oleæ* est pater fidelium Abrahamus. *Olea* est Ecclesia. *Rami* autem sunt duplices, nativi & insiti. Nativi sunt Judæorum corpus seu gens: quorum alii perstiterunt; alii infidelitate sua effracti sunt & ab Ecclesia alienati. Insiti vero sunt fidelium gentilium corpus. *Pinguedo* autem *oleæ* est benedictio data Abrahæ & posteris illius, nempe Christus cum omnibus beneficiis ipsius, justificatione, sanctificatione & redemptione: cujus Christi sumus particeps fide. Altera porro confirmationis ratio est, quia radici insiti sunt: ideoque malè facerent, si adversus ramos gloriarentur. Antecedens aphæresi illustrat, seu remotioe contrarii: *Non tu radicem portas, sed radix te*. Ratio consequentiæ nititur hac hypothese, quod ramorum contemptus in radicem ipsam Abrahamum, scilicet fidelium patrem derivetur: quæ maxima est iniquitas, vers. 17. 18.

Cæterum hanc dehortationem expressa anticipationem declarat ac concludit. Objectio autem est corporis gentilium hujusmodi: *defracti sunt rami, ut ego insererer*. Er-

go merito licet mihi adversus Judæos rejectos gloriari vers. 19.

Respondet verò Apostolus primum concedendo antecedens: quod illustrat à rejectionis Judæorum & vocationis gentilium causis proximis, nimirum incredulitate eorum & horum fide: deinde negando consequentiam, & invertendo argumentum positione contrarii: *Ne propterea superbias, sed contrà time*. Hoc autem probat à periculo quod etiam labi possunt. Idque ostendit argumento à majiori: *si Deus naturalibus ramis non perpererit, nec tibi parcat*: modò eorum vestigiis insisteris. *Naturales* autem *ramos* vocat, Judæos è sanctis majoribus, Abrahamo, Isaac, Jacobo, in Ecclesia natos, non autem ei insitos: unde sancti dicuntur supra v. 16. de quo discrimine agitur Gal. 2. 15. Eph. 2. v. 11. 12. Hæc de v. 21.

Atque ita digressionem hanc concludit distinctione elegantia, docens usum legitimum rejectionis Judæorum & vocationis gentilium esse, ut gentes discant, ex priori quidem severitate Dei in Judæos: ex altero verò benignitatem erga se, duraturam, si permanserint in benignitate, id est, fide, per metonymiam, qualis v. 21. alioquin non secus, quam Judæos, rejectum iri: id quod exemplo multarum Ecclesiarum toto orbe comprobatum est.

Atque hæc de digressionem Pauli, qua inde à v. 17. ad 23. gentiles à Judæorum contemptu ad modestiam vocat. Porro sequitur, ad propositum, de Judæorum in Ecclesiam restitutione, regressio, à vers. 23. ad finem hujus capituli.

Ac primum docet posse restitui: deinde etiam certò restitutum iri. Illud illustrat à causa, cum principali, Deo, tum instrumentali, fide, v. 23.

Idem etiam probat comparatione à majiori, seu gentilium pristina conditione & vocatione, atque hoc modo & ratione, ad modestiam tacitè gentiles hortatur v. 24.

Deinde, tandem Judæos revocandos esse, ac servandos explicat sequentibus, prophetia memorabili: quam præfatione illustrat, qua genus hujus doctrinæ indicat, cum *mysterium* vocat: & scopum narrationis illius esse ostendit, ne gentiles superbiant. Prophetia autem docet primum rejectionis terminum, cum ait: *obdurationem*, id est, publicam populi Judæorum infidelitatem, *evenisse tantisper, dum plenitudo gentium introierit*. Hanc autem obdurationem illustrat à numero eorum, quod *ex parte* contigerit obduratio: nec universi sint rejecti v. 25.

Deinde subjicit restitutionis finem seu eventum, & ita totus Israel servabitur. *Israelis* autem nomine alii aliud intelligunt. Quidam enim omnes fideles ex Judæis & gentibus notari censent: quod illi sint genuini ac spirituales Israelis & Abrahami filii: ut Gal. 6. 16. ea vox usurpatur. Alii verò solos Judæos interpretantur, v. 12. quod hoc loco probabilius videtur, propter antithesin, utroque hoc versu, inter gentes & Israel. Cæterum hanc prophetiam confirmat deinde Apostolus S. Scripturæ testimonio ex Esai. 59. 2. de qua re consulantur parallela sacra Clarissimi Junii. Hæc de v. 26. 27.

Hanc porro Judæorum revocationem ad Ecclesiam munit Apostolus à causâ efficiente, videl. electione & promissione Dei, & anticipationem illustrat. Objici enim poterat: Judæi sunt inimici Dei, & ut Deus illis, sic illi vicissim Deo displicent, ut Apostolus 1. Thes. 2. v. 15. attestatur: quomodo igitur illi restituentur? Huic autem questioni respondet distinctione commoda: non sunt absolute inimici Dei: sed ratione Evangelii, quod rejiciunt, inimici sunt & rejecti à Deo: idque dispensatione quadam, *propter vos*, hoc est, in vestram etiam, qui antea rejecti eratis, utilitatem: sed tamen ratione electionis & promissionis patribus factæ diliguntur: ideoque tandem vocabuntur ad salutem v. 28.

Id quod comprobatur ab adjuncto electionis, dilectionis & vocationis destinata constantia: quia illa Dei dona, nimirum electio, dilectio, vocatio destinata seu secundum propositum Dei, Rom. 8. vers. 28. sunt immutabilia vers. 29.

Præte-

Præterea hanc Judæorum restitutionem illustrat comparatione similitudinis cum gentibus, v. 30. 31.

Atque à fine amplificat, nimirum Dei misericordia, ad quam testificandam, omnes, tam Judæos quàm gentes conclusit in contumaciâ: non efficiendo contumaces; sed in contumacia relinquendo ac justè dirigendo. Cæterum ex hoc loco doctrinam de electione oppugnant adversarii: Quorum inquit, Deus misereri decrevit, illi sunt electi. Omnium misereri Deus decrevit. Ergo omnes sunt electi, ideoque nullus omninò est reprobatus. Sed negatur consequentia: nam vox *omnes* in quæstione sumitur pro singulis generum: in assumptione verò pro generibus singulorum, nempe Judæorum & gentilium populis: ideoque sensum non malè interpret noster expressit, *omnium illorum*. Deum enim non decrevisse omnium individuum misereri, probatur primùm ex voce electionis relata, quæ illud nullo modo ferre potest: nam electio est unius aut plurium, alio relicto vel aliis, assumptio. Deinde quos Deus elegit, servantur Rom. 11. v. 29. sed non omnes & singuli servantur. Ergo neque omnes ac singulos elegit Deus. Præterea eorum qui fide perpetuò carent, non statuit Deus misereri, Joh. 3. v. 22. ubi ira Dei super ipsos manere asseritur: & cap. 2. testatus est Paulus Deum misereri cujus vult, & quem vult indurare: id quod etiam ex hoc cap. 11. liquet. Denique multi vocati, pauci electi asseruntur, Matth. 22. v. 24. & 25. 41. Jud. v. 4. Verùm plura de hoc argumento in explicatione cap. 2. jam antea à nobis adducta sunt.

Porro sequitur tandem disputationis totius Apostolicæ, de prædestinatione, rejectione, & restitutione, conclusio.

Ea autem constat insigni epiphonemate, quo primùm Dei admirandam in hoc argumento sapientiam & gubernationem impervestigabilem celebrat, ne admiranda Dei judicia, quæ animo non capimus, linguâ carparamus, vers. 33. 34.

Et ne conqueramur aut gloriemur, idcirco jus & justitiam & gratiam Dei monstrat, quod de suo possit facere quod velit, ut Matth. 20. vers. 25. quia nemini devinctus est: quandoquidem à nemine quicquam acceperit, vers. 35.

Hoc autem probat, quoniam omnia bona, tam naturalia, quàm moralia, ex Deo sunt, ut authore, non ut materia: quia simplicissimus & solus infinitus. Deinde per eum omnia stant & servantur: & in eum, id est, ad gloriam illius tanquam in ultimum finem tendunt: quæ omnia voto ac *δοξολογία* concludit, v. 36.

#### C O N S E C T A R I A.

I. Cum electi à Deo non abjiciantur: salus eorum certa est.

II. Paulus de sua salute certus fuit: Ergo & reliqui fideles esse possunt: siquidem eadem certitudinis est causa, nempe promissio Dei de salute omnium verè fidelium, & sensus atque experientia fidei propriæ. Itaque in utroque errant pontificii, qui contrarium statuunt, v. 1. 2.

III. Usus exemplorum V. T. est, ut ea ad institutionem nostram traducamus, v. 2.

IV. Cum Prophetæ sancti martyrio suo & sanguine veritatem obsignarint, sequitur primum res prosperas non esse certum veritatis argumentum, ut nec adversas, mendacii. Deinde exemplo Prophetarum persecutiones forti ac constanti animo perferendas: ut Matth. 5. v. 12. doceatur.

V. Non mirum est, adversarios veritatis, aut infirmos fideles, interdum de Ecclesiæ incolumitate & conservatione malè judicare, ex sensu suo, cum etiam Eliæ idem olim contingeret, v. 3.

VI. De Ecclesia etiam corruptissima non est absolute desperandum.

VII. Etsi Ecclesia semper duret: non tamen semper ubique, nec pari modo conspicua est.

VIII. Cum Deus piorum septem millia, inter hostes innumeros idololatricæ addictissimos, in suo cultu integros

conservavit: sequitur nec multitudinem, nec speciem externam ac splendorem esse certam Ecclesiæ & electorum notam: deinde conservationis Ecclesiæ laudem non nobis, sed Deo tribuendam: ac propterea de paterna illius cura non esse dubitandum.

IX. Deus non solum internum, sed etiam externum cultum requirit.

X. Genua non sunt flectenda religione aut cultus divini opinione, ulli alteri, quàm Deo: ac propterea neque idolis gentilium, neque Pontificiorum imaginibus, ad colendum Deum, prostitutis.

XI. Cum meritum operum & gratia è diametro diffideant: peccant Pontificii, qui ea commiscet, quasi partim operum merito, partim gratia servemur, v. 6.

XII. Ad salutem non sufficit illius studium serium: sed legitima etiam via requiritur. Ideoque errant graviter, qui quosvis in sua religione servari posse statuunt, vers. 7.

XIII. Cum Deus illuminet & excæcet mentes, notitiæ luce privando, ob ingratitudinem: sollicita reverentia ei serviendum est, & orandus ne Spiritum suum à nobis auferat.

XIV. Euangelii contemptus privatione gratiæ & exitio mulcatur: quare illud in pretio habendum.

XV. Quemadmodum sanctis omnia adversa ad salutem conducunt: sic contrà impiis etiam bona ad perniciem cedunt, v. 8.

XVI. Dei summa clementia est, quod ingratos & hostes ad resipiscentiam provocet: quæ facilitas nobis imitanda.

XVII. Admiranda Dei sapientia est, quod ea quæ per se mala sunt, ad bonum usum, quasi venena ad antidotum convertit, v. 12.

XVIII. Ministerii Ecclesiæ gloria & finis est Evangelii propagatio & multorum salus: quare illius avidos esse nos decet, v. 13. 14.

XIX. De aliorum ruina non est gloriandum. v. 17.

XX. Fide communionem habemus cum Christo & cum Ecclesia.

XXI. Ab externa corporis Christi communionem deficere potest: Quare ei non est fidendum.

XXII. Ut causa salutis nostræ est Dei misericordia: sic exitii hominum peccata, v. 20. & 22.

XXIII. Cum Deus benignus sit & justus: ejus promissionibus debemus fidere & peccatum seriò averfari, vers. 22.

XXIV. De salute aliorum (cum judicia Dei ac decreta de singulis hominibus & populis nobis sint ignota) non est desperandum, v. 34. 35.

XXV. Cum judicia Dei sint inscrutabilia & justa: quæ non capimus intelligentiâ, ea debemus admittere & revereri fide.

#### C A P U T. XII.

Totius hujus Epistolæ partes sunt omninò tres, Exordium, Tractatio & Conclusio. Tractationis autem partes duæ sunt, ut initio ostendimus: dogmatica, quæ de fide potissimum disserit: & parænetica, quæ de fidei operibus. Priorem hæcenus explicuimus: altera porro succedit, quæ præcepta continet, de institutione vitæ Christianæ: quæ ex superiori doctrina, per transitionem elegantem deducitur ac concluditur. Quorum præceptorum alia sunt Ethica, alia Politica, alia Cereimonialia. Ethica appellamus, quæ ad mores & vitam Christianorum communiter pertinent, & potissimum capite XII. exprimuntur. Ex quibus præceptis, alia sunt universalia, alia particularia: ac priora sunt de totius homini ad cultum Dei consecratione. Quæ antequam proponat Apostolus, ratione à causa impulsiva reique justitia præmunit ac confirmat, nempe à *miserationibus Dei*, hoc est, à vocatione, justificatione, sanctificatione gratuita: de quibus hæcenus & postremò quidem cap. 11. vers. 32. & 35. differuit. Deinde amplificat à desiderio suo, quod non hortatur, sed obtestatur

obtestatur ac precatur, ut totos nos Deo consecremus: quemadmodum Patres orthodoxi vocem *ἐκείνου*, quæ etiam *hortari* notat non raro, accommodatè interpretantur. Ut autem duabus partibus natura nostra constet, anima scilicet & corpore: sic Apostolus convenientissimè duo proponit præcepta, quorum primum est de corporis consecratione: quo allegoriâ à sacrificiis legalibus ductâ (in quibus per se mortua & immunda arcebantur tanquam displicentia Deo) monet, ut *corpora nostra sistamus Deo hostiam vivam, sanctam*, non solum animatam & actam ab anima, sed etiam à spiritu regenerationis, hoc est, ab operibus mortuis liberam & viventem Deo, Rom. 6. v. 12. 13. ut non corpora, sed vitia corporis perimantur: nam corpora subiecta peccatis dominantibus, non verè viva, sed quasi mortua sunt: sicut etiam Ambrosius & Theodorus monent. Hanc autem hostiam confirmat à fine, ut *placeant Deo*: & declarat appositione quadam, *cultum rationalem*, hoc est, spirituales vocans: ut à bruta & ceremonialis legis hostia distinguendo, præstantiam illius commendet, vers. 1.

Alterum præceptum de anima est bimbembre. Habet enim anæresin & thesin. Anæresis dehortatio est quæ docet, quid mali fugiendum sit, videlicet *ne configuremini huic seculo*, hoc est, metonymicè, hominibus peccatoribus, quos Christus *filios hujus seculi* appellat. Figuram autem vocat non externa & caduca hominum bona: ut 1. Cor. 7. v. 31. sed fluxa mundi vitia, ut 1. Ioan. 2. v. 17. quæ in impietatem & mundanas cupiditates distinguuntur, Tit. 2. vers. 12. illâ in Deum & primam tabulam; hisce verò in homines & secundam peccatur, cum vel iniustitiâ proximum, vel intemperantiâ nos ipsos vel utrosque lædimus. Impietati opponit Apostolus pietatem: mundanis cupiditatibus, iustitiam & *πρόσωπον*. Thesis verò est adhortatio, qua declarat, quid boni præstandum, nimirum, ut *transformemur renovatione mentis nostræ*.

Quæ renovatio nihil aliud est quàm imaginis Dei restauratio: quæ sanctitate vera & iustitiâ, Eph. 4. vers. 24. Luc. 1. vers. 75. definitur. Quæ transformatio hîc intelligenda est, non ratione initii, quod à solo Deo pendet, cuiusque compotes tum temporis erant fideles Romani; sed ratione incrementi & continuationis. Cujus etiam causa principalis est Deus: adjuvans homo regeneratus, pro regenerationis & vitæ spiritualis dono. Hanc autem adhortationem à fine amplificat Apostolus cum ait, ut *probetis*, hoc est, intelligatis reipsa & experiamini, *quæ sit voluntas Dei*, seu quid Deus fieri velit, Ephes. 5. v. 10. Quæ voluntas tribus epithetis illustratur: ut à voluntate mundi distinguatur, eique præferatur: atque ea ratione ad studium illius odiumque mundi excitemur. Quippe mundi voluntas mala est: Dei bona: mundi, Deo ingrata; Dei verò ipsi accepta est: mundi, omninò imperfecta; Dei contra omnibus numeris absoluta ac perfecta, v. 2.

Hæc de præceptis universalibus, quibus exponendis atque illustrandis particularia annectuntur. Quæ præfatione exornat, qua docilitatem & benevolentiam sibi comparat; atque ad obedientiam suo exemplo invitat. Docet enim quânam re fretus hæc scribat, nimirum gratiâ muneris Apostolici & Spiritus Sancti: & quibus scribat, omnibus scilicet Ecclesiæ membris. Præceptum autem est de *ὑπακούειν* seu recta constitutione ordinis Ecclesiæ, duplex: quemadmodum duobus potissimum constat, animi modestia & fidelitate in præstando officio. Prius præceptum anæresi & thesi explicatur, removendo vitium, & ponendo virtutem: scilicet ut à superbia alieni, animi sobrietatem, hoc est, modestiam colamus; quæ illustratur descriptione: ea enim est modestia, qua Deum agnoscimus donorum, authorem & secundum modulum ac mensuram fidei de nobis sentimus: qua etiam ratione confirmatur præceptum de modestiâ; nam si Deus dedit: deinde si non omnia dedit, sed partitus est donorum variorum mensuram: denique non solum nobis, sed etiam unicuique: necessarium est ut modeste de nobis, honeste de aliis sentiamus v. 3.

Hanc autem donorum varietatem & imparitatem, in Christi Ecclesia, similitudine præstantissima illustrat: cu-

jus protasis v. 4. apodosis v. 5. continetur. Quæ similitudo copiosè 1. Cor. 12. explicatur.

Alterum præceptum est, de fidelitate, in præstando officio, in sacris muneribus, quod ex superiori deducitur: ea autem munera distribuit in *prophetiam*, quæ extraordinarium erat donum ac munus: & in *diaconiam*, seu ministerium ordinarium: quod enumeratione specierum illustrat. Quidam enim operantur in verbo, ut qui *docent*, doctores; & qui *exhortantur*, pastores. Alii vero nequaquam in verbi ministerio: sed in Cura Ecclesiæ sola versantur; ut sunt Eleemosynarum *distributores*, qui vulgo Synecdochicè *diaconi* appellantur: vel *præsides* disciplinæ Ecclesiæ pastorebus adjuncti, qui *Seniores* dicuntur itidem Synecdochice: de quibus 1. Timoth. 5. v. 17. denique qui *miserentur*, hoc est, qui curandis pauperibus ægris inserviunt: quales erant viduarum illis temporibus collegium 1. Tim. 5. v. 9. Hæc de v. 6. 7. 8.

Porro ad fructum Ecclesiasticarum functionum accedit Apostolus & præcepta tradit promiscua. Primum enim *dilectionem* requirit: & ab adjuncta sinceritate describit: quemadmodum 1. Ioan. 3. 18. deinde ab effectis amplificat generatim, nempe odio mali & studio boni: ex quibus, fructus duo, innocentia & beneficentia oriuntur, v. 9.

Tertio dilectionem certa specie illustrat, *charitate* nimirum *fraternâ*, hoc est, fidelium, qui unum habent per Christum patrem cœlestem, Matth. 22. v. 8. 9. unamque matrem Ecclesiam, Hierosolymam cœlestem Galat. 4. 26. In qua dilectione duo requirit, nempe ut sit *mutua & seria* ac vehemens. Similis locus est 1. Petr. 1. 22. Quam dilectionem effectis declarat.

Nam quartò præcipit, ut honorem aliis exhibeamus, animo videlicet & corpore. Illo quidem, honestè de illis sentiendo: hoc verò verbis & factis honorem exhibendo. Verbis quidem; cum apud eos, ut humaniter & modestè loquamur: tum apud alios, ut vitia eorum quantum quidem fieri potest, tegamus, & virtutes commendemus. Factis verò, ut gestu, incessu, confessu, opera, eos decorè cohonestemus. In quo honore duo etiam præscribit: primum, ut sit mutuus; deinde ut serius: de quo similiter Philipp. 2. 3. Atque hic honor sicut dilectionis nostræ effectum est: sic aliorum mutue efficiens, v. 10.

Quinto alterum dilectionis effectum exigitur, studium videlicet in dilectionis officiis præstandis: cuius adjunctum remotione vitii & positione virtutis adversè exponit: nam *pigritiam* prohibet, & contrà *servorem studii* præcipit. Similes loci sunt 2. Cor. 7. 11. 12. & 8. 7. 8. Hebr. 6. 10. 11. 12. Verum anticipatione quadam à fine ultimo illustrat, sexto præcepto, ut *Domino serviamus*. Qua ratione zelus bonus à vitioso secernitur v. 11.

Atque hisce charitatis erga proximum officiis, quæ ad secundam tabulam pertinent, interserit etiam alia præcepta tria, quæ ad charitatem Dei & primam tabulam spectant, ac potissimum nostrum, in rebus adversis officium: nempe de spe, patientiâ, & in precatione perseverantia, vers. 12. de quibus Rom. 5. Luc. 18. & 1. Thessal. 5. v. 16. 17.

Deinde redit ad dilectionem proximi, & præceptum addit geminum: cum decimo loco, *beneficentiam* commendat erga fideles egenos: & undecimo, *hospitalitatem* erga peregrinos vers. 13. similes loci sunt Gal. 6. vers. 10. Hebr. 13. 2.

Duodecimum præceptum est de dilectionis officio, in eos, qui nos persequuntur, vers. 14. de quo Matth. 5. vers. 44.

Decimum tertium est, de gratulatione, in rebus prosperis: & decimum quartum, de commiseratione in adversis: quæ communiter ad *συναιτίαν* referuntur v. 15.

Decimum quintum præceptum est de mutua fidelium concordia: de qua etiam Phil. 2. v. 2. quæ cum maximè violetur superbiâ, & arrogantia: & contrà humilitate fovetur ac modestiâ:

Decimum sextum, de iis præceptum annectit v. 16. Deinde cum concordia rumpi soleat, aliorum injuriâ, & impatientia nostra:

Deci-

Decimum septimum præceptum opportunè subjicit, de inimicitarum tolerantia: quod duodecimi præcepti Paulini genus est.

Decimum octavum est de honestæ vitæ curâ v. 17. similis locus est Phil. 4. 6.

Decimum nonum de concordia non solum cum Christianis, ut antea, sed etiam cum quibusvis colenda: quod primum illustratur adjuncto efficiendi modo, *quantum in vobis est*, hoc est, pro virili: deinde hac conditione *si fieri potest*, bonâ scilicet conscientia, ad gloriam Dei & Ecclesiæ ædificationem, v. 18.

Porro decimum septimum repetens illustrat & probat seqq. nam prohibet *vindictam*; & præcipit *ut locum dent iræ*: vel Dei: vel potius, hominum iræ cedant patientiâ suâ victrice, ne resistant referendo injuriam: quia vindicta ad Deum pertinet, & eam exequetur tandem: quemadmodum testimonio Dei ex Deut. 32. comprobatur v. 19.

Deinde contrâ beneficia erga injurios præcipit, sententia Salomonis Prov. 25. 22. qua ab effecto præceptum confirmatur; quia beneficia illa futura sunt instar *carbonum ignis*, quibus non ira Dei: ut nonnulli non satis rectè exponunt, (quia hoc spectare, charitati repugnaret) sed conscientiæ stimuli, similitudine ac metaphorâ eleganti intelliguntur: ut rectè Orig. & Primasius interpretantur v. 20. & Apostoli præceptum ostendit, quod ex hoc deductum, postremò subjicitur: *Ne vincitor à malo, sed vince bono malum*. Vincitur enim à malo, qui ad malefacta imitanda protrahitur. Vincit vero bono malum, qui adversarium beneficiis molliorem & meliorem reddit. v. 21.

## CONSECTARIA.

I. **A** mica compellatio ac preces, in exhortationibus, ad pios fideles, magnum habent momentum.

II. Doctrina de misericordia Dei & gratuita salute, est gravissimus ad gratitudinem & vitam rectè instituendam stimulus: ideoque falluntur Pontificii, qui contrâ Ecclesiis nostris obijciunt, eam doctrinam vitæ licentiam ac bonorum operum neglectum invchere.

III. Ut Christus, sic Christiani omnes sacerdotes sunt & victima: sed ille solus est expiatoria: nos verò Eucharistica tantum victima, cum veterem hominem mactamus, ut Deo consecremur.

IV. Ut Deo placeamus, potissimum elaborandum est, vers. 1.

V. Non ad mundi mores: sed ad Dei voluntatem vita nostra instituenda est.

VI. Cum & corpus & mentem Deo consecrare debeamus: sequitur nos totos debere esse Deo addictos: nec sufficere, ut animo tantum colamus: quemadmodum pseudo-Nicodemitæ falsò sibi persuadent, dum externis superstitionibus, persecutionis pontificiæ metu, libere indulgent.

VII. Cum mens nostra transformatione opus habeat: sequitur, qualitatem illius non esse bonam, hoc est, iudicium in cognitione & cultu Dei esse depravatum: ideoque errare Pontificios, qui vitiositatem insitam minuunt, & arbitrii sui vires extollunt: nam si mens transformanda, non soli affectus sunt vitiosi.

VIII. Deinde cum mens etiam fidelium reformatione & renovatione opus habeat: sequitur regenerationem & sanctificationem nostram esse inchoatam solum, non perfectam.

IX. Atque hinc etiam liquet Paulum, Rom. 7. v. 25. non intelligere mentem infidelium, sed fidelium: & quidem tantum, quatenus regenerata est per spiritum, seu regenerationis gratiam: quia mens nostra, ut voluntatem Dei probare possit, reformatione opus habet, quatenus non est regenerata ac sanctificata: non autem quatenus regenerata: quia hac ratione voluntatem Dei probat, cui servit. Rom. 7. 23.

X. Quamvis regenerationis principium sit à solo Deo, ut qui mortuos in peccatis vivificat, & cæcos illuminat: progressus tamen, licet præcipue sit à Deo gratiam datam conservante & augente; partim tamen est à nobis, qui ex

gratia data ad carnem reprimendam fide, spe, charitate & precibus excitamur: ac propterea non frustrâ ad renovationem nostri admonemur.

XI. Cum voluntas Dei sit bona & perfecta: eam tanquam vitæ normam necessariam sequi, nostramque voluntatem, quatenus ei adversa est, abnegare decet. v. 2.

XII. Ministerium Ecclesiæ Dei donum est: ideoque fideliter illud, ad Ecclesiæ institutionem, adhibendum.

XIII. Deus bonorum author est, quæ ut variè, sic impari ratione, pro sua voluntate sapienti & Ecclesiæ totius utilitate, fidelibus distribuit.

XIV. Modestia animi & humilitas Christianos potissimum decet, v. 3.

XV. Cum unum simus in Christo: concordēs esse nos oportet, & ad mutuam salutem dona nostra conferre, vers. 5.

XVI. Doctrina Ecclesiæ ad normam fidei seu verbum Dei exigenda est; ideoque traditiones humanæ, quas tantopere prædicant & extollunt Pontificii, tanquam cum sacris literis, partem normæ fidei & charitatis, rejiciendæ sunt, quæ aut contra verbum, aut præter illud conscientis obstringendis proponuntur, v. 6.

XVII. Cum Deus non Prophetas solum extra ordinem: sed etiam pastores, doctores, seniores, pauperum curatores in Ecclesia instituerit: sequitur benignum omnino esse patrem, qui non solum animum pietate instruit ad salutem: sed etiam corporis diligentem habet rationem & curam, v. 8.

XVIII. Qui simulatè diligunt, non verè diligunt.

XIX. Etsi digni sint multi, quibus malè fiat: indigni tamen sunt christiani, qui malefaciant, v. 9.

XX. Amandi sunt quidem omnes homines universè sed tamen potissimum fideles, qui arctioribus amoris vinculis nobiscum constricti sunt.

XXI. Zelus ille demum bonus est, quo Domino servimus secundum verbum & ab gloria illius.

XXII. Ab invidia & odio nos alienos esse decet, v. 15.

XXIII. Pacistudendum est, sed usque ad aras. Quamobrem malè omnino faciunt, qui offensione Dei pacem hominum redimunt.

XXIV. Nulla major est & excellentior victoria, quàm injustam suam iram superare patientia, & hostis malitiam beneficiis subjugare ac corrigere, v. 21.

## CAPUT. XIII.

**H**æc de præceptis Ethicis: sequuntur politica, de officio erga Magistratum cap. 13. ad v. 8. Quæ constant propositione, confirmatione & conclusione. Propositio est: ut omnes homines suis Magistratibus obediant. Confirmatio autem complectitur tres rationes, prima est à causa efficiente Deo, à quo & sub quo Magistratus, tanquam minister illius, ordinatus est, v. 1.

*Ideo qui sese opponit Magistratui, Dei ordinationi resistit.*

Altera ab effecto, poena securura à Deo, tum per Magistratum, ut ministrum suum, tum aliâ ratione, v. 2.

Tertia denique, ab utili laude & defensione Magistratus, vers. 3.

Quam rationem confirmat descriptione Magistratus ex instituto Dei, & à contrario illustrat pari modo, v. 4.

Conclusio continetur vers. 5. & exemplo Romanorum probatur v. 6. Quæ conclusio expositione declaratur per inductionem specierum obedientiæ v. 7.

Deinde redit Apostolus ad præcepta Ethica transitione eleganti, qua ad mutuam dilectionem hortatur: ac probat, primum à definitione: quia est impletio legis nempe secundæ tabulæ, v. 8.

Quam inductione præceptorum confirmat v. 9. Et enthymemate concludit, v. 10.

Secundò dilectioni studendum docet, à causa impulsiva, opportunitate temporis, quod nunc donati sint luce vera cognitionis Dei, qua olim caruerant. Quam rationem allegoria & similitudine illustrat, comparans vitam Christianam excitationi à somno, deinde armaturæ v. 11. 12.

Denique idem argumentum ad alias virtutes accommodat,



dat, sobrietatem, castitatem & concordiam vers. 13. & 14.

### CONSECTARIA.

I. **C**um omnis anima Magistratui suo subesse debeat: sequitur neminem excipi: & injustum esse Pontificem qui se & Clerum Magistratus potestati subduxit, & Clerum sibi subjecit. Qua de re observanda est gravissima & Pontificiis maxime adversa, apud Chrysostomum in huius loci explicatione, sententia.

II. Cum Magistratus sint sub Deo ordinati; sequitur, eos Deo subesse debere: nec quicquam præcipere, quod illius voluntati adversetur.

III. Ideoque Magistratui etiam parendum est; modò parere possimus Deo.

IV. Cum omnes potestates ac Magistratus sint à Deo: orandus est ille, ut bonos & idoneos Magistratus, qui ordinem suum rectè considerent & exequantur, nobis largiantur, v. 1.

V. Ordinationi divinæ resistere impunè non licet, v. 2.

VI. Qui bonis sunt terrori, malis verò favent: Magistratus officio malè funguntur.

VII. Magistratus officium est bonos tueri, & bonum ac salutem Reip: fideliter procurare, v. 3.

VIII. Cum Magistratus sit minister Dei, à Deo ordinatus, & gladium divinitus acceperit, ut malos puniat ac bonos tueatur ac defendat; inde elucet, seditiosos ac Dei adversarios esse Anabaptistas, qui ordinationi divinæ resistunt, & hoc munus religioni Christianæ adversari statuunt: ut enim in Veteri Testamento, Decalogo, occidi prohibuit, nimirum privatim & sine mandato atque officio divino: publicè verò malos plectendos Magistratui mandavit: sic etiam in N. T. ut Apostolus docet.

IX. Ut Deo pareamus, parendum est etiam Magistratui.

X. Onera publica patienter ferenda sunt.

XI. Qui in tributis aut vectigalibus Magistratum salunt, in Deum ipsum injurii sunt; ac propterea graviter impingunt, qui avaritia & aliorum malis exemplis excæcati illud parvi æstimant, quasi furtum non esset, si imperata tributa non rectè solvantur, v. 6.

XII. Etsi illi qui in Magistratu sunt, interdum honore ob vitia indigni sunt: honorandi tamen nihilominus, propter munus, quod sustinent, v. 7. Ubi etiam obiter observandum, articulum præpositivum Græcum pro postpositivo accipi quater, τὸν pro τῷ, id est, *Cui*. quomodo etiam Luc. 22. 28. τὸν ὑπὲρ ὑμῶν pro ὁ ὑπὲρ ὑμῶν, id est, *quod*, accipiendum est: non autem ad τὸν ἡμῶν, cum Lutherò, in majori confessione, referendum, quasi articulus esset præpositivus, neque posset cum voce αἷματι ob casus diversitatem construi: ideoque apud Lucam non est Solœcophanes, ut Clarissimus Beza ad eum locum aliique nonnulli existimarunt: cum ista articuli enallage, non solum poetis: sed etiam oratoribus Græcis sit in usu: quale est tritum illud τὸ δὲ μέγιστον, pro ὁ δὲ *quod maximum*: ut apud Lucianum in dialogo *Jovis & Ganymedis* & alibi: & apud Platonem aliosque usitatum.

XIII. Dilectio perpetuum est debitum, quod semper solvendum est, neque unquam tamen plenè persolvitur atque absolvitur, v. 8.

XIV. Cum perfecta dilectio, sit legis impletio, nos autem in multis legem transgrediamur: sequitur, nullos perfecta dilectione esse præditos, v. 10.

XV. Infideles laborant veri Dei ignorantia & stupore: ideoque etiam si mundana sapientia excellerent, & opibus atque honoribus viderentur felices, nihil illis tamen esset miserius.

XVI. Etsi salus nostra affecta seu inchoata sit: perfecta tamen nondum est: Tenebræ bona ex parte pulsæ; sed nondum penitus expulsæ.

XVII. Omnes Christiani Deo militare debent: ideoque eà quæ ad Ephes. 6. v. 12. & 1. Thes. 5. v. 7. describitur atque imperatur, armaturâ, Deo serviendum.

XVIII. Non possumus simul Christo & carni, quorum contraria sunt desideria, inservire.

XIX. Communio nostri cum Christo cœpta est fide & charitate, & iisdem continuanda, v. 14.

### CAPUT. XIV.

**H**actenus præcepta politica: sequuntur hoc capite decimo quarto ad cap. 15. v. 11. ceremonialia: quæ ut melius intelligantur, pauca prius de libertate Christiana præmittamus.

Libertas Christiana est immunitas, quâ Ecclesia, per Christi gratiam, donata est. Ea autem est duplex: una à peccati: altera à ceremonialium legalium servitute: illa est verè Christianis propria, quæ à peccati reatu immunes sunt merito & efficacia Christi: ideoque omnibus & solis omnium temporum fidelibus convenit; hæc verò est totius Ecclesiæ post Christi resurrectionem, propria: quæ à ceremonialium Mosaicarum iugo liberata est; ac propterea tam pseudo-Christianis & hypocritis, quam verè Christianis ac fidelibus convenit. Priorem libertatem omnes post Christum fideles satis intellexerunt: alteram verò plurimi, præsertim Judæorum, serius affecti sunt; quod ceremonias divinitus institutas & tam multis seculis observatas, nec à Christo neglectas, dum viveret, compertum haberent: quare ceremonias legis, seu discrimen ciborum & dierum adhuc observabant: aut si quando aliorum exemplo negligerent, dubitante conscientia id faciebant: atque hinc, conspectâ cæterorum Christianorum, in ceremoniis hisce negligendis, libertate, offendeantur graviter: unde contentiones inter Christianos exortæ sunt, (qua etiam de re Actor. 15. sub initium) non parvâ veritatis & Christianæ charitatis jactura, siquidem doctiores, ab infirmis, hoc est, rudioribus, quasi prophani arguebantur; hi verò contrâ ab illis, ut superstitioni contemnebantur. Quod malum geminum, hoc in loco, curare studet Apostolus in ceremoniis: & utriusque partis officium tam in ciborum, quàm dierum discrimine promiscuè docet. Ac doctiorum officium, in utroque, exhortatione gravi proponit v. 1. & exponit sequentibus.

Ac primum in ciborum discrimine. Et quidem quos *firmos*, quosque *infirmos* vocet, distributione quadam Ecclesiæ demonstrat, v. 2.

Deinde quid sit *assumere non ad certamina disceptationum*, partim ostendit, repetita exhortatione, nimirum infirmum tolerare, non condemnare, initio v. 3. Postea transit ad infirmorum erga firmiores officium: ne illos, pro libertate Christiana, utentes cibis olim lege vetitis, jam verò licitis, condemnent. Utrumque autem officium duabus confirmat rationibus; quia & infirmum & firmum *assumit Deus*, scilicet in suam familiam & Ecclesiam, non autem ab ea rejicit: ideoque nec vobis faciendum, sed Deus imitandus. Altera ex priori dependens ratio per apostrophen & interrogationem amplificatur: quia alienus est famulus, quem condemnare injustum: quia proprii sui Domini iudicio stat, aut cadit, non tuo. Hoc autem illustrat correctione quadam *stabilientur autem*. quod de verè fidelibus: non autem de hypocritis (quibus salutis promissio minimè competit) accipiendum est. Atque hanc stabilitatem à causa efficiente, Dei potentia, probat: quæ, per Synecdochen (quod observandum) voluntatem quoque (ut Rom. 11. 23. & 2. Cor. 9. 8. & 2. Tim. 1. 12.) complectitur, v. 4.

Porrò à ciborum ceremoniis ad dierum discrimen accedit Apostolus: & altera Ecclesiæ distinctione ostendit, qui firmi, qui infirmi. Denique utrosque ab officium bonæ conscientie hortatur, ut eorum unusquisque in animo suo plenè certus sit, ea, quæ facit, Deo esse grata, v. 5.

Hanc vero hortationem & antecedentem confirmat Apostolus à fine: quia utrique in illis rebus mediis negligendis, vel utendis, spectant Christi gloriam. Quod ab effectu, nempe gratiarum actione probat. Quare conscientia debet esse tranquilla, & à contemptu & à damnatione fratrum aliena, v. 6.

Deinde hunc finem probat à contrarii remotione generali: quia nullus fidelium *sibi*, hoc est, ad suam libidinem, & ut sibi placeat, vivit aut moritur: nimirum si jus spectemus, v. 7.

Idque

Idque ex fine ostendit opposito; quod totam vitam, omnes actiones & mortem ipsam Christo Domino nostro servire oporteat. Quam sententiam corollario amplificat, quod concludit nos esse Christi servos, v. 8.

Idque confirmat (ut 1. Cor. 6. 19. 20.) quia hic finis & effectum est mortis ac resurrectionis Christi, v. 10.

Atque hac transiitione ad propositum redit, reposita dehortatione, quam duplici ratione, ex antecedentibus hausta, corroborat: quia tam contemptus infirmorum, quam damnatio firmorum repugnat charitati, tam erga Christianos, quam erga Christum: quoniam hæc judicandi potestas ad Christum pertinet, qui communis est omnium iudex, in cujus officium involare summa injustitia est, v. 10.

Idque docet testimonio Egiæ enthymemate quodam, cujus antecedens est v. 10. consequens, v. 11.

Porro superiorem exhortationem concludit & novam adjungit ad firmos & doctiores: ne in iis rebus mediis scandalum creent infirmis: quod epitheto *fratris*, qui non lædendus, iterum confirmat. Deinde illustrat anticipatione objectionis: Sublata legis pædagogia, per Christum, nullus cibus est impurus: Ergo intrepidè ac promiscuè eo uti licet, etiamsi infirmiores offendantur. Resp. Apostolus negatione consequentiæ. Quam distinctione antecedentis indicat: quia cibus nullus jam est impurus, hoc est, ad esum illicitus per se, vers. 14. sed impurus fit per accidens: quia infirmus ignorat libertatem Christianam v. 14. atque eo offenditur. Itaque offensio hujusmodi vitanda est, id quod aliis rationibus etiam innuit. Quarum prima est, quod charitati fraternæ repugnet: nam infirmum perdit: non quidem absolute: sed secundum quid, inchoatè, quod charitatem illius & fidem lædat, etiamsi non prorsus tollat. Altera ratio est, quia mortis Christi fini, & exemplo charitatis adversatur v. 15. Tertia est, quia libertatis Christianæ, quæ aliàs bona est, abusu, blasphemandi occasionem supeditat. Quarta, quia *regnum Dei non consistit in esca & potu*: sed in *justitia, pace & gaudio*, ac tranquillitate conscientiarum, per Spiritum Sanctum. Regnum autem Dei non vitam æternam hoc loco significat; sed initium illius, nempe Dei cultum: quo in nobis regnat, per sanctificationis gratiam; sic ut versu sequente explicatur, cum dicitur *Nam qui per hæc servit Christo*. Cui relatè opponitur, quod Deus & Christus in nobis regnant. Deinde *justitiam, pacem & gaudium*, de Christi imputata justitia, pace cum Deo & gaudio, quod ex utriusque conscientia oritur, vulgò intelligunt: quæ quidem sententia sancta est & analogia fidei: sed non satis videtur analogia hujus loci contextui: ideoque magis consentaneum, ut aliter interpretemur, accommodatè ad hunc locum: nimirum de *justitia*, qua suum cuique tribuitur, ut infirmo amor & tolerantia: cui justitiæ opponitur, *non incidere secundum charitatem* v. 15. de *pace* cum hominibus, de qua v. 19. & de gaudio seu conscientiarum tranquillitate, ex utroque, justitia & pace hac, promanante: cui opponitur *tristitia* v. 15. Idque ex collatione sequentium etiam apparet: nam per hæc servire Deo dicimur vers. 18. quod de justitia imputativa dici non potest. Sensus igitur hujus loci est: cum in cibo & potu cultus Dei non consistit: Ergo possumus, justè, ab iis, fratrum gratiâ, abstinere: imò, cum per hanc abstinenciam, foveatur inter fideles justitia, pax, & gaudium per Spiritum Sanctum. (in quibus cultus Dei consistit) sequitur abstinenciam hanc, ubi opus est, esse sequendam, ne in has virtutes & harum authorem Spiritus Sanctus peccemus. Antecedens continetur v. 17. probatio illius v. 18. Consequens, repetitio etiam argumento, v. 19.

Quinta autem ratio est: quia, qui edit cum offensione infirmi, destruit (nempe inchoatè & quantum in se est) opus Dei, justitiam, charitatem, & pacem ac gaudium. Huic porro rationi adjicitur repetitio clarior anticipationis antea explicatæ, omnia, nempe esculenta, pura esse & bona per se: sed malum eorum usum fieri per accidens offendiculi, v. 20. Quod illustrat à contrario; bona est cibi & potus abstinencia, quando scandalum periculum est, vers. 21. Hoc autem amplificat anticipationem objectionis, quæ hujusmodi est: Ego fidem habeo: Ergo eam profiteri possum ac debeo, usu libertatis Christianæ. Quæ obiectio in-

dicatur illis verbis: *Tu fidem habes*. Sed respondet Apostolus negando consequentiam: *apud te ipsum habes, coram Deo*: non necesse est, eam ita profiteri importunè. Cæterum vocem *fidei* quidam per synecdochè interpretantur, de notitia libertatis Christianæ, quod ex v. 14. confirmari videtur, & similibus illustrari 1. Cor. 8. 7. Alii de fide justificante, non simpliciter, sed *est iustificatio*, nempe de pleniori notitia & fiducia gratiæ Christi: cujus pars etiam est libertas à ceremoniis legis. Verum si quis rectè consideret, prior explicatio magis convenit loci circumstantiis. Deinde observandum est, hanc conservationem fidei, de libertate Christiana, apud semetipsum, non absolute intelligendam: sed secundum quid, & certo tempore, nempe in rebus mediis, & quidem cum infirmi adsunt.

Porro Apostolus transit deinde ad infirmorum officium, quod primum generatim proponit: *Beatus est, inquit, qui non damnat seipsum in eo, quod probat*, hoc est, experitur: seu qui nihil aggreditur repugnante aut dubitante, an licitum sit, conscientia: quod is contingit, qui ut aliis gratificentur, aut alia de causa, contra conscientiam, aliquid comedunt. v. 22.

Idque illustrat atque amplificat à contrario: *qui contra ambigit*, de libertate Christiana, *si ediderit, condemnatus est*, hoc est, peccati convictus est. Hoc autem confirmat à causa efficiente: *quia non edit ex fide*: seu certa notitia voluntatis Dei. Consequentiam probat, *quia quicquid non ex fide est, peccatum est*, hoc est, quod incerta & dubitante conscientia sit, peccatum est, v. 23.

## CONSECTARIA.

I. Fidelium certi gradus sunt, quidam firmi, atque ampliori gratia donati: alii infirmi. Quare non est, cur omni sententiarum varietate offendamur.

II. Firmorum est, infirmos in rebus mediis tolerare.

III. Errant graviter, qui ex hoc loco, quosvis in Ecclesia errores, pacis gratia, perferendos colligunt: quia Apostolus agit non de contumacibus & falsis fratribus, nec de rebus necessariis: sed de infirmis fratribus & rebus mediis.

IV. Importunæ & noxiæ disputationes fugiendæ sunt: & doctrina ad captum atque ædificationem auditorum sanctè accommodanda est. v. 1.

V. Ut periti, per accidens vitii humani, solent rudiores contemnere: sic hi contra illos temerè condemnare: utrimque verò contra officium.

VI. Qui veram habet fidem, quamvis infirmam, Deo placet. v. 3.

VII. Nihil injustius, quam fidelium facta, pro suo arbitrio, sine Dei verbo, condemnare: nam si ex eo, iudicium instituitur, recto modo & fine, non humanum erit & injustum: sed justum ac divinum.

VIII. Nihili faciendæ sunt anathemata & condemnationes Pontificiorum & aliorum, qui piorum facta, quæ Dei verbo consentanea sunt, aut saltem non adversa, sed adiaphora, condemnant.

IX. Quemadmodum initium salutis à Deo est: sic progressus & finis.

X. De perseverantia & salute Sanctorum non est dubitandum. v. 4.

XI. Ineptè quidam, ad festa & jejunia Pontificiorum probanda ac delectum ciborum, hoc loco abutuntur: nam res mediæ, quæ initio à Deo ad cultum erant institutæ, cum contumaci superstitione non sunt confundendæ.

XII. Donorum Dei usus gratiarum actione sanctificatur. v. 5. 6.

XIII. Finis actionum nostrarum esse debet Domini gloria: Quare turpiter impingunt, qui eo non respiciunt.

XIV. Cum Christi simus in vita & morte: sequitur ei nos servire debere: & certa spe vitæ æternæ res adversas constanter perpeti, v. 7. 8.

XV. Gratuita per Christi obedientiam ac mortem salus non facit segnes ad bona opera: sed promptos reddit; vers. 9.

XVI. Cha-

XVI. Charitas fraterna postulat, ut honestè de fidelibus sentiamus, ac benè de iis speremus.

XVII. Duplex hoc in loco divinitatis Christi argumentum existit: primum, quia iudex est omnium & quidem *αποδοτικός*, ut iudicium tale necessariò requirit, & alibi etiam vocatur: Deinde, quia nomen & honor Dei, ex Esaia, ab Apostolo citato, Christo attribuitur.

XVIII. Quandoquidem tandem universale futurum est iudicium: vivendum est piè & res adversæ patienter ferendæ: quia eundem habituri sumus & iudicem & servatorem. v. 10. 11. 12.

XIX. Cum in rebus mediis ac licitis vitandum sit scandalum; quanto magis in illicitis, v. 13.

XX. In rebus sacris, non quibuscvis credendum: sed iis solum, qui à Christo edocti, certa proferunt. v. 14.

XXI. In rebus mediis, charitas proximi actionum nostrarum moderatrix esse debet.

XXII. Fidelium salus nobis debet esse cordi, v. 15.

XXIII. Grave peccatum est, blasphemias occasionem non necessariam præbere; gravissimum verò eas committere, v. 16.

XXIV. Cum omne ciborum discrimen, Christi adventu, ratione conscientiae sublatum sit; Errant gravissime Pontificii, qui in eo regnum Dei, bona ex parte constituunt: adeò ut carnis efus, in quadragesima, gravius sæpius puniatur, quàm peccata gravia. v. 17.

XXV. Etli operibus bonis non mereamur vitam æternam: ea tamen non sunt inutilia & negligenda: quia placent Deo & hominibus.

XXVI. Vera gloria in vitæ sanctitate posita est.

XXVII. Hominum gloria non est aucupanda ambiciosè: interim hominum iudicia non sunt stultè contemnenda: sed honestæ famæ, ut proximo simus gratiores atque utiliores ad Dei gloriam, studendum est, v. 18.

XXVIII. Cum pax cum proximo, non solum amanda sit, sed etiam sectanda: sequitur, eos graviter peccare, qui ab illa abhorrent. v. 19.

XXIX. Fides & salus fidelium est Dei opus. v. 20.

XXX. Nihil faciendum est reluctante, aut, an rectum sit, dubitante conscientia.

XXXI. Cum opera Ethnicorum non fiant ex fide, & agnitione Dei, ac voluntatis illius, sequitur ea esse peccata: eadem etiam ratione *εὐλαβιστικά* & superstitiosa opera condemnantur: quia non solum fiunt sine fide; sed etiam contra fidem, quam sacræ literæ postulant.

#### APPENDIX DE SCANDALO.

**Q**Uoniam Rom. 9. 3. & 11. 9. Apostolus scandali meminit, & hoc cap. 14. 13. & 16. 17. de scandali fuga multa differuntur, quæ brevius à nobis sunt explicata: idcirco cum primis necessarium videtur, ad hujus epistolæ & aliorum S. Script. locorum intelligentiam, ut celebrem illam de *Scandalo* doctrinam corollarii loco, paucis illustremus.

Ut autem à vocis significatione & origine fiat exordium: *σκάνδαλον*, Græcam esse vocem (cujus meminit Hesychius & Etymologicum magnum) Sacræ Scripturæ & septuaginta Interpretibus & theologis Græcis peculiarem, quæque in profanis authoribus nondum observata fuit, extra controversiam est: quamvis in usu fuisse olim apud Græcos, ex derivata voce *σκυδάλλω*, & forte Latino *scandula*, (quod à scindendo vel scandendo deducunt) ostenditur. Quam vocem, duo vetera & laudatissima, ab Henrico Stephano edita glossaria, inflexâ ad Romanæ linguæ morem terminatione, *scandalum* exponunt, voce (ut apparet) ab antiquis Patribus latinis & Ecclesiæ usu recepta. Eâ enim etiam Tertull. cum alibi, tum libro de *velandis virginibus* cap. 3. utitur. Vulgo etiam *offendiculum* interpretantur. Et Melancht. in epistolam ad Rom. 14. rectè *tendiculum* verti censet.

Ad significationem ejus propriam quod attinet, (ut ex Hesychio & Favorino apparet) idem significat, quod *σκυδάλλω*, hoc est, *tendicula* aut *muscipula* obicem, sive erectum *paxillum*, qui sustinet *muscipulam*, & à mure aut alio animali

commotus labitur, eique collabendi occasionem præbet. In Sacris tamen Literis, per Synecdochem, generalius de quovis obice vel impedimento, quod offensionis ac lapsus occasionem præbeat, accipitur. Quo sensu Synonymum est Hebræum *לִשְׁכַּח*, & Græcum *περιουμα* *offendiculum*: sed propriè differunt: ut Erasmi. alique non pauci statuunt: quod scilicet *περιουμα* levius sit, quod offensionem tantum afferat: scandalum verò gravius, quod etiam ruinam secum ferat: licet hæc interdum confundantur: quemadmodum Levit. 19. 14. *coram cæco non pones* *לִשְׁכַּח*, septuaginta habent *σκάνδαλον*.

Etymologia vero seu nominis rationem sibi satis explorata est: quæ tamen non inutiliter excuti potest. Quidam enim originem statuunt esse Hebræam: ut Avenarius, qui in dictionario suo, in voce *לִשְׁכַּח* impingere, ait satis acutè: *hinc per metathesin literarum* *σκάνδαλον* *offendiculum*: item *σκάνδαλον*. Alii contra Græcam putant, & plerique sequuntur auctoritatem Suidæ & Favorini (qui quantum observo, suam sententiam, ex interprete Aristophanis, in *Comædia*, quæ *εὐαγγέλιον* dicitur, mutuati sunt) qui derivant à *σκάζω*, id est, *claudio*: ut etiam Etymologicum Græcum ait *σκάνδαλον* *ἔστι τὸ σκάζω, ὃ σημαίνει, χαλκῖνον*. Vulgò autem ab effecto sic vocari *σκάνδαλον* censent, quod scilicet *claudicationis* & lapsus causa sit: quæ sanè ratio est Hebrææ vocis *לִשְׁכַּח*, quæ à *לשכח* illidere ut decidat, (ut derivata ostendunt) significat offendiculum, quod eunti obstitans occasio est cadendi. Atque hoc quoque spectasse videtur Hieron. qui in dialogo 2. adversus Pelagianos sic ait: *nisi fallor* *σκάνδαλον* (pro qua voce malè in quibusdam codicibus legitur *σκάνδαλον*) & *σκάνδαλον* apud Græcos, ex offensione & ruina vocem accepit. Idque etiam Erasmus in suis ad hunc locum annotationibus apertè statuit. Veruntamen alia est, si quis perpendat diligenter, Græcorum Grammaticorum, Suidæ, Favorini, & interpretis Aristophanis, loco ante memorato, sententia. Hic enim significationem & originem vocis *σκάνδαλον* (quæ significatione & origine cum *scandalo* convenit) exponit, *τὸ πέντε καὶ τὸ παράδει καὶ τὸ σκάνδαλον τὸ πέντε καὶ τὸ παράδει καὶ τὸ σκάνδαλον*, hoc est, *scandulus seu paxillus tendiculatus seu laqueatus*, ab eo, quod claudicantes concidunt & teneant id, quod incidit. Quæ quidem verba Suidas exscripsit, sed omissa eâ, quæ ad rem maximè facit, voce *σκάνδαλον*, librariorum, ut puto, errore. Qua de re observanda est Pollucis in Onomastico illo insigni ad Cæsarem Commodum explicatio lib. 7. cap. 26. *Faber* inquit, *conficiat muscipulas*, *μύσχα* ὅν τὸ ἐκείνους τὴν σκάνδαλον πατήσαντες τὸ δὲ τὴν σκάνδαλον πατήσαντες σκάνδαλον καλεῖται, hoc est, *quarum pars stans & claudicans πατήσαντες; sed quod funiculo appensum est, σκάνδαλον vocatur*. Et lib. 10. cap. 34. generalius ait, *τὸ μὲν τὸ ἐκείνους τὴν μύσχα πατήσαντες, σκάνδαλον καλεῖται*, id est, *stans autem in muscipulis paxillus σκάνδαλον dicitur*. Hæc ille. Quæ vox sanè *σκάνδαλον* dicta. Sed etymon traditum nondum comperi: an forte simplex aut compositum potius, à *σκάνδαλον* & *τροχός*, id est, *turbo*. de qua re doctiores judicent.

Ex quibus apparet, eam Græcorum esse sententiam, quod *scandala* à *σκάζω*, deriventur, non ratione effecti sui, ut vulgo statuunt: sed ratione adjuncti, quod scilicet erecta facili momento declinent & quasi claudicent ac concidunt. Deinde illud etiam ad significationem plenius intelligendam colligitur, hanc vocem non solum *paxillum muscipule* denotare: sed etiam generalius ad obicem *decipuli* & *tendicule* *perficam* seu *furculam*, quæ retia feris eriguntur, extendi. Unde septuaginta interpretes, per Synecdoch. partim pro toto, pro laqueo seu *tendicula* crebrò usurpant. Nam pro Hebræo *שִׁבְרָה* quod *laqueum* seu *tendiculum* designat, non solum *παράδει* & *βρόχος*, Prov. 22. v. 25. sed eodem etiam sensu *σκάνδαλον* aut *σκάνδαλον* vertunt, ut Exod. 10. vers. 7. & 1. Sam. 18. v. 21. Psal. 69. v. 23. & ex eo Rom. 11. v. 9.

Atque hæc de prima Etymologia, ex linguæ Græcæ origine. Alteram etiam adducit doctissim. Melanchton Rom. 14. *Dicitur*, inquit, *de scandalo* à *σκάζω* *claudio*: vel à *σκάνδαλον*, quod *curvum* significat. Eamque conjecturam probat ex commentatore Aristophanis, qui ait *σκάνδαλον* significare *incurva ligna in decipulis*. Sed prior expositio, ut communi

communi doctorum judicio & antiquissimorum doctorum probatur, ita etiam longè verisimilior est. Atque hætenus propriam vocis *scandalis* significationem & originem ac notationem, (quæ ad genuinam significationem declarandam pertinet) explicavimus. Improperia verò in metaphora consistit: nam quemadmodum *allisio* & *lapsus*, ad quamvis calamitatem seu perditionem inexpectatam significandam, similitudine eleganti transfertur Esa. 59. 10. & *laqueus* passim pro tecta & insidiosa occasione illius: ita & *scandalum*, translatione quadam, accipitur, pro perditionis materia & occasione quavis, præsertim latente (ut Prov. 16. 15. Ps. 119. v. 156. סכסכ סכסכ *scandalum* opponitur voci שלום *paci*), interdum quidem pro occasione perditionis externæ & corporalis, nempe amissionis vitæ & bonorum: quæ significatio in N. Testam. minimè usurpatur: sed in Vet. frequentissimè: ut Ps. 140. v. 6. pro שׁוֹקֵל *laqueus*, interpretes 70. Græci habent σκάνδαλον: plures locos ante annotavi: interdum pro occasione perditionis boni spiritualis sumitur: qua nimirum in hujus vitæ via, à veritate & iustitia, eoque & à gratia & gloria Dei, in peccatum & consequenter in iram Dei, inciditur: quæ significatio usitatissima est. Cæterum quia hoc spirituale scandalum alii faciunt, alii patiuntur: hinc *scandalum* à Scholasticis, in ætiovum, quod ruinæ seu peccati occasio est: & *passivum*, quod ipsa ruina est seu peccatum, distinguitur: veruntamen hæc trita vulgo distinctio nondum è Sacris Literis videtur satis probata: nam quod verba Christi (unde distinctionem hanc collegerunt) objiciunt; *hæc nocte vos omnes scandalum patiemini in me* Matth. 26. v. 31. illud nihil probat: in Græco est σκάνδαλίζωσιν, id est, *vobis futurus sum scandalum*, meâ scilicet captivitate.

Quemadmodum enim *scandalizare*, ut sic loquar, est scandalum facere: sic *scandalizari* est scandalum affici ac moveri, non tanquam adjuncto hominis & motus forma: sed tanquam commoti objecta materia & occasione motus: solum igitur activum scandalum, si Scripturæ usum spectemus, agnoscendum, nempe offendiculum: non autem passivum, quippe quod scandali atque offendiculi non species aut forma: sed effectum est: ideoque non *offendiculum*, sed *offensio* dici debet: quemadmodum peccatum ita describitur Jac. 3. v. 2. *in multis impingimus, seu offendimus omnes*. Fateor tamen, Hieronym. in alia fuisse sententia; sed eam rationibus, seu testimoniis certis non demonstrat: sic enim loquitur Comment. in Matth. 15. *Breviter dicamus, quid significet σκάνδαλον* (corrigenendum est σκῶλον) & σκάνδαλον: *nos offendiculum vel ruinam & impietatem pedis possimus dicere*. Et lib. 2. adversus Pelag. ait, *Impossibile est inquit, (nempe Christus Luc. 17.) ut scandala non veniant: puto quod peccatum scandalum sit, quod per scandalum venit, nisi fallor enim σκῶλον & σκάνδαλον, apud Græcos, ex offensione & ruina nomen accepit: propterea in multis offendimus omnes*. Hætenus Hieron. Veruntamen licet Christus *scandali* voce peccatum intelligat: tamen appellationis illius ratio non est, quod peccatum in se sit scandalum, hoc est, offensio: sed quod proximo occasionem ruinæ seu peccati præbeat: quemadmodum loci circumstantiæ demonstrant: ut & 1. Joh. 2. vers. 10. *Et scandalum*, id est, peccatum, quo proximus offenditur, seu cujus occasione in peccatum labitur, *non est in eo*: unde metonymicè scelerati ac reprobis *scandala* dicuntur Matth. 15. v. 41. quia peccatis suis proximo illisionis ac lapsus causam præbuerint. Deinde ex vulgi usu, scandalum passivum dicitur alio sensu, nimirum non peccatum, quod scandali occasione oritur: sed indignatio ex re aliqua, tanquam scandalo concepta, hoc est, cum aliquam rem tanquam Dei voluntati repugnantem ægrè ferimus: quemadmodum etiam apud Latinos *offendi*, non solum lædi, sed etiam irasci denotat. Huic accedit quorundam etiam doctorum interpretum consensus, qui idem tribus Sacræ Scripturæ testimoniis probare conantur: quorum primum est Matth. 15. v. 12. *Nosti Phariseos, audito sermone isto, scandalizatos fuisse*, hoc est, contristatos, tanquam re contraria pietati: alterum est Joan. 6. v. 61. *An hoc vos scandalizat?* hoc est, tanquam impiè dictum dolori est vobis? tertium est

Rom. 14. 15. *Si propter escam frater tuus tristitid afficitur, hoc est, ut v. 20. exponitur, offenditur*.

Veruntamen hæc interpretatio hisce in locis non ita admittenda est: nam ut omittatur, quod interpretatio illa vulgi hac in re nimis aliena est, (quæ *scandalizari*, non *contristari*: sed *indigne ferre* exponit) illud observandum est generatim, novam significationem, in sacræ præsertim Scripturæ interpretatione, non esse fingendam, nisi ubi necessitas postulat: atqui Matth. 15. sensus est commodissimus, servata communi vocis significatione, quod Pharisei in Christi sermonem impingentes, ab ipso magis ac magis abalienati sunt. Sic Joann. 6. vers. 61. quærit Christus, *an vobis hoc offendiculo est*; an sermo meus vos à me audiendo absterret? seu, an impedit, quo minus inoffenso pede, in mea doctrina & institutione procedatis? quemadmodum apparet ex versus initio, & sequentibus. Denique contristari & scandalizari Rom. 14. non pro eodem sumuntur: hoc enim genus est: illud vero species; nam scandalizari est in aliquam rem impingere & in cursu pietatis impediri: quod *perire* dicitur, v. 15. & *destructio operis Dei*, v. 20. cujus rei variae sunt species & modi: quales hoc loco ad Rom. recensentur, ut v. 14. & 15. *tristari re bona*. v. 16. *eam blasphemare* & 23. (ut etiam in simili loco 1. Cor. 8. 10.) *reluctante conscientia exemplum alterius imitari*.

Ex quibus apparet *scandali* vocem, in Nov. Testamento non passivè: sed activè tantum usurpari: ideoque nec cum Scholasticis: nec cum vulgo, passivum scandalum (si Scripturæ usum sequamur) esse appellandum.

Ad activum igitur scandalum (quod potius generatim vocandum est scandalum) quod attinet; quidam Chrysostomum, Theophylactum aliosque nonnullos secuti existimant, interdum significare *injuriam*, idque probari censent ex Matth. 18. vers. 6. *qui autem scandalizaverit unum, hoc est (ut volunt) injuria aliquem affecerit*: idque ex antithesi liquere ajunt: quia *suscipere parvulos*, quod benefacere est v. 5. & *scandalizare*, hoc est, malis afficere v. 6. inter se opponuntur. Ac sic Chrysost. ad hunc locum ait: *ne mireris, si scandali vocabulo contumeliam & vituperationem intellexeris; cum multi propter pusillanimitatem non parum, si contempti vituperatique sint, scandalizentur*. Ergo ex Chrysost. sententiâ, scandalum pro injuria dicitur per metonym. effecti pro causa. Verum novâ atque inusitata hac significatione non est opus: quia oppositio nihilominus manet: nam scandalum injuriæ species, meritò susceptioni, quæ beneficii species est, opponitur: & sequentes versus idem ostendunt: ubi scandali vox eodem prorsus sensu accipitur: quapropter rectius longè Hieron. hunc locum exponit in Matth. 15. *Quando ergo legimus, inquit, quicumque de minimis istis scandalizaverit quempiam, hoc intelligimus, qui dicto factorum occasionem ruinæ cuiquam dederit*. Ex quibus verbis trita *scandali definitio* à Scholasticis conflatâ est, insertis tantum duabus vocibus, hunc in modum: *Scandalum est dictum vel factum minus rectum, quod alteri occasio est ruinæ*. Sed hæc definitio videtur imperfectior & angustior; quia scandalum non solum in dictis vel factis: sed etiam in contrariis consistere potest: quemadmodum enim dicta esse possunt scandala: sic interdum etiam silentium, ubi sermonem, pietatis aut charitatis officium, requirit: deinde ut quædam facta: sic quædam etiam perpeffiones, re aut proximi opinione indignæ, sunt scandala: deinde non in hisce solum: sed etiam in personarum insita qualitate, aut externa conditione scandalum nonnunquam existit: ut ex seqq. apparebit: præterea ut de scandalo per se illa definitionis verba minus recte dicuntur; sic scandalo per accidens non satis conveniunt. Generalius igitur describi potest, *scandalum esse id, quo quis impeditur aut impediri potest, quominus inoffenso pede in lege Dei ambulet: seu quicquid proximo, vel causa vel occasio esse potest ad peccatum*. Peccati autem nomine non solum injustitiam voluntatis: sed etiam mentis errorem, & utriusque effecta generatim intelligimus: quia hæc omnia sunt ἀνομία Matth. 22. v. 37. unde per metonymiam, is à quo scandali occasio est, *scandalum* dicitur, ut Matth. 13. v. 41. Ut autem occasio peccati,



cati, alia est per se: alia per accidens: ita scandalum est duplex: primum per se, quod natura sua, hoc est, vi insitâ, occasio peccati esse potest: unde *scandalum datum* vulgò dicitur; de quo multis agitur à Christo Matth. 18. Atque ad eum locum à Chrysostomo in commentar. non ineptè describitur. *Quenam*, inquit, *sunt scandala? recta ac probæ vitæ confusio ac perversio: sic etiam qui versantur in scena, eos, qui corpora pervertunt, scandala vocant. Perversionem autem metonym. vocat ab effectu, id quod pervertit: cuius scandali autores præcipui sunt reprobi: unde etiam per metonymicū & simul per Synecdoch. modum, καὶ ἱερεῖς, scandala absolutè dicuntur Matth. 13. 41. cum alii relatè, certoque respectu sic dicantur: quemadmodum Apostolus Petrus scandalum Christo Matth. 16. vers. 25. nominatur: propterea quod ipsum sua imprudenti ac prava dehortatione, in pietatis officio procedentem, & ad mortem se parantem, secundum Dei Patris voluntatem, impedire conaretur: etsi non successerit destinatum scandali effectum. Scandalum autem per se aliud est simpliciter seu omnino tale: aliud verò secundum quid, seu ex parte tantum. Prius est, quod ratione & formæ suæ & finis scandalum est, seu occasio peccati: ut omnia peccata, in doctrina aut vita, quæ eo fine fiunt, ut sint veluti pedicæ, quibus imprudentes capiantur, & quasi saxa objecta, ut in ea impingant aut etiam corruant; hoc est, quæ eò spectant, ut alios reddant deteriores invitatione quadam, ad peccati ejusdem imitationem aut alterius perpetrationem: cujusmodi scandalum objectum fuit Israelitis à Balaamo & Balaco: de quo Apoc. 2. versu 14. dicitur, quod *Balaam docuit Balacum objicere scandalum coram filiis Israel, ut ederent ex iis, quæ simulacris immolabantur & scortarentur*. Scandalum verò ex parte est illud, in quo vitium seu peccati occasio tantum est, aut in forma operis, aut in fine operantis. Prius est, res per Dei verbum illicita, quæ cum aliorum notitia fit, sed alio scopo, quam ut ad peccati societatem invitentur: seu omne peccatum aliis notum, sed non ideo, ut id sit peccandi occasio, admissum. Alterum est res licita seu media, (& ut Paulus eo sensu Rom. 14. 16. appellat *bona*) hoc animo, seu fine facta, ut alius in eum impingat & in peccatum ruat: aut saltem cum neglectu ædificationis eorum, qui infirmi sunt in fide: unde ab objecto isto, *scandalum infirmorum*, quod eos lædat, dici solet: de quo multis differitur Rom. 14. & 1. Cor. 8. quibus in locis agit Apostolus de recto libertatis Christianæ usu ad ædificationem Ecclesiæ. Nam sancito jam Christi sanguine Novo Testamento & abolita ceremoniarum Veteris Testamenti tanquam umbrarum religione, exhibito jam corpore Christo, liber erat ciborum quorumvis usus & sublatum circumcisi & incircumcisi discrimen: quam tamen libertatem Christianam plurimi Judæi Christiani nondum capiebant: ideoque à cibus lege vetitis (præsertim à carnibus quæ immolantur idolis in macello deinde vendebantur) & ab incircumcisis abhorrebant. Unde fiebat, ut si quis ex Christianis, neglecta infirmorum fratrum dilectione & ædificatione, iis cibus vesceretur, duplex inde infirmis scandalum objiceret, nempe occasionem vel discordiæ ob ceremonias neglectas, Rom. 14. vers. 15. vel læsionis conscientiæ & offensionis Dei; si similem libertatis usum imitarentur, dissimili fide, hoc est, renitente scrupulo conscientiæ, Rom. 14. vers. 23. 1. Cor. 8. 9. 10. & 18.*

Porro scandali per se, effectum est *necessarium* violatio legis & meritum iræ Dei, Matth. 18. v. 6.

*Contingens* verò, proximi læsio, perditio. Quod enim datur scandalum, illud interdum accipitur: interdum contra rejicitur, ut Matth. 16. vers. 23. in Christo, Petri scandalum retundente, apparet: quoniam quamvis sit causa lapsus efficiens: non tamen sufficiens: sed præterea, ut voluntas proximi accedat, necesse est.

Scandalum verò per accidens est, quod non sua natura peccatum efficit: sed cui tantum alterius vitio peccatum accedit; unde etiam *scandalum acceptum* dicitur; non absolutè: sed relatè, seu oppositè dato, hoc est, quod non datur: sed tantum accipitur ut Rom. 7. vers. 11. dicitur,

simili phrasi, *peccatum occasione accepta, per mandatum, me decepit*.

Hoc autem scandalum fit bifariam, cum res, quæ ad scandalum & ruinam accipitur, aut sua natura, Dei verbo, hoc est, veritati & mandato consentanea est, eoque bona; aut non prohibita, ac propterea licita ac media, spectans ad Dei gloriam & majorem Ecclesiæ ædificationem. De quo agitur, Matth. 11. 6. & 13. 21. 55. 57. & cap. 15. 12. & 24. 10. & 26. 31. Joann. 6. 61. 16. 1. & 1. Cor. 1. 23. Quo vitio etiam si laborare possint pii & impii dispari modo: interim tamen, quia Phariseis fuit familiare, *scandalum Pharisaicum* vulgò, nominatur.

De qua re tota, eleganter, ut solet, loquitur Tertull. de velandis virginibus c. 3. *Scandalum nisi fallor non bonæ rei: sed malæ res exemplum est, ædificans ad delictum. Bonæ res neminem scandalizant, nisi malam mentem*. Hæc ille. Atque hoc sensu Christus in Veteri & Novo Testamento sed dispari claritatè, *Petra scandali* per appositionem, hoc est, quæ scandalum est, hominum vitio, appellatur. Esa. 8. v. 14. Rom. 9. 33.

Diximus de scandalo per se & per accidens: quorum utrumque communiter, pro ratione objecti, aut *privatum* est, quod uni, aut paucis objicitur: aut *publicum*, quod toti cœtui.

Usus denique totius hujus doctrinæ, est non solum ut in veræ doctrinæ seu Sacræ Scripturæ intelligentia: sed etiam in vitæ sanctitate proficiamus. Hinc enim consequitur nulla scandala per se, quia peccata sunt, esse facienda Matth. 5. 30. & 18. 8. & 9. Rom. 14. 13. 1. Cor. 8. 9. 1. Joh. 2. 19. Ac propterea, quæ omninò scandala sunt, ea etiam omninò vitanda: quæ verò ex parte, etiam eate-nus fugienda: cujus rei exempla illustra extant in Paulo Act. 16. 3. & 21. v. 24. Quia vero interdum in re media utrimque occurrit scandali periculum: hæc regula observanda, ut quemadmodum supra monuimus, majorem ædificationem sequamur: hoc est, si quando in rerum adiaphorarum seu licitarum atque mediarum usu, utrimque scandalum infirmorum metuendum est, tum potior habenda est ratio rectè sentientium, quam errantium; quandoquidem illud magis conducit ad gloriam Dei & ædificationem Ecclesiæ. Ac quamvis, dum infirmis sanioribus consulitur, reliqui negligantur: hic tamen neglectus, non est absolutus & per se: sed tantum comparatus & propter aliud: ac propterea vitio caret: imò quod amplius est, virtus est: qua in re, insignis licet Apostolus, Petrus, cum Barnaba, impegit, quando per imprudentem zelum, potiorē habuit infirmitatis Judæorum errantium curam, quàm rectè de libertate Christiana sentientium Ethnicorum Gal. 2. v. 14. quo etiam nomine merito ab Apostolo Paulo, licet longè juniore in publico consensu, ad Ecclesiæ confirmationem, reprehensus.

Ad scandalum verò per accidens quod attinet: siquidem ex ignorantia simplici oritur, quatenus fert rei natura & conscientia, secundum Dei verbum, illud declinare pium est; sic in rebus necessariis & verbo Dei mandatis, circumstantia temporis & loci non definiti divinitus, potest esse libera: in qua, ex amore proximi, si quid inde majoris mali arripi, quam boni consequi posse videatur, prudentia & moderatione Christiana proximo, in tempore & loco indulgendum est: donec videlicet institutio accesserit: similiter in rebus sua natura mediis: quoniam hæc charitas suadet. Sin verò scandalum sit Pharisaicum ex ignorantia pertinaci, quàm affectatam & crassam vocant, aut ex malitia promanans, contemnendum est, Matth. 15. 13. Gal. 2. vers. 5. Qua de re celebris est Gregorii Magni sententia in Ezech. homil. 7. quæ inserta etiam est regulis libri 5. decretali: quanquam Bedæ ascripta. *In quantum*, inquit, *sine peccato possumus, vitare proximorum scandalum debemus: si autem de veritate scandalum sumitur, utilius permittitur nasci scandalum, quàm veritas relinquatur*. Et alibi, *sunt quedam scandala*, inquit, *quæ omninò despicienda sunt. Quenam vero? quæ cum vitari sine culpa non possint, despicienda non sunt, ne cum culpa servantur*. epist. lib. 9. epist. 39. Denique in scandalis nobis aut aliis objectis imitatio omnis fugienda: quan-

quandoquidem legi Dei adversatur. Rom. 16. v. 17. scandalizare enim interdum bonum esse potest: ut ex scandalo per accidens apparuit: scandalizari verò nunquam. Deinde contrà adhibenda est seria, cum ex zelo gloriæ Dei & salutis proximi adversus peccatum, indignatio: tum erga proximum peccantem commiseratio. 2. Cor. 11. v. 24. Atque hætenus de doctrina scandali, ad pleniorē Apostoli intelligentiam.

## CAPUT. XV.

Postquam Apostolus cap. antecedenti de libertatis Christianæ recto usu, & firmorum inprimis erga infirmos officio disseruit: de eodem porrò agit, & admonitionem propositam cap. 14. v. 1. aliis verbis & clarius reponit cap. 15. Quæ constat hortatione ad bonum & dehortatione à malo. Hortatio est, *debemus nos qui firmi sumus, imbecillitates infirmorum portare*. Infirmitas autem est vel mentis, seu iudicii, quæ est ignoratio veritatis; vel voluntis, quæ est aversio à vero & bono; eaque aut ex ignorantia, aut pravitate. Priorem intelligit *καὶ ἡμεῖς* Apostolus: nam qui scientes volentes veritatem averfantur, eos infirmis non annumerat, sed hostibus: quorum improbitati minimè credendum: ut Gal. 2. v. 4. & 5. suo exemplo Apostolus demonstrat. Dehortatio verò est, *ne placeamus nobis ipsis*, hoc est, ne simus superbi & iniusti aliorum contemptores, vers. 1.

Deinde hortationem illustrat à fine, nempe bono & ædificatione proximi, v. 2.

Præterea hanc exhortationem confirmat Apostolus ab exemplo Christi Domini nostri imitando, Phil. 2. vers. 5. qui sibi non placuit; sed Dei & hominum gratia, contemptum pertulit: quod testimonio Pl. 69. v. 10. comprobatur, quo David suam calamitatem proximè atque historicè describit, & per historiam mediata, tanquam typo prophetico, Christi perpeffionem simul adumbrat. Cæterum huic argumento adjicitur digressio, quæ constat anticipatione & voto. Primum enim hoc testimonium de exemplo Christi, illustrat anticipatione objectionis, quæ docet, illud ab instituto non esse alienum, proposito sine universæ scripturæ, cum generali & propinquo; tum speciali & remoto. Generalis ac propinquus est *nostri institutio*. Quæ cum latissimè pateat (ut 2. Timoth. 3. v. 15. & 16. apparet) modus illius particularis describitur, nempe *patientia & consolatio illius*, hoc est, per Metony. doctrina & exempla patientiæ & consolationis, quæ Sacra Scriptura suppeditat. Specialis verò & remotior usus ac finis est *spes postea*: quæ ista & doctrinâ & exemplis, Sacra Scripturâ traditis, excitatur ac fovetur. Deinde votum annectit Apostolus, quo Romanis à Deo precatur concordiam, Christi doctrinæ & exemplo convenientem, vers. 5. Idque à fine, Dei gloria, amplificat. vers. 6.

Atque hæc digressio est: cui aptè succedit ad propositum regressio, qua repetit & amplificat hortationem, ab exemplo Christi allatam. v. 7. eamque innuit distributione fidelium, in Judæos & gentes: & expositione modi, quo utrosque assumpsit in gloriam Dei. Nam primo assumpsit Judæos (qui per Meton. adjuncti pro subjecto *circumcisio*, hoc est, circumcisi Synecdochice dicuntur, *καὶ ἡμεῖς*: quia non hominum instituto, ut Ægyptii ac similes: sed Dei jussu circumcisi erant) quia factus est eorum minister, in Evangelii prædicatione & morte. Deinde assumpsit ad gloriam Dei: quia veritatem promissionum divinarum patribus factarum (Gen. 22. *in semine tuo benedicentur omnes gentes terræ* & 49. *erit expectatio gentium*) confirmavit, v. 8.

Secundo assumpsit gentes: quia sic factus est Judæorum minister; non solum ut illi, sed etiam ut gentes, eorum ministerio, per auditionem Evangelii & fidem servarentur, ad Deum, pro misericordia ipsius, glorificandum. Hoc autem, quia controversum erat apud multos, probat testimoniiis Sacra Scripturæ quatuor, à v. 9. ad 13. Quorum

primum est ex Pl. 18. 50. *propterea confitebor tibi inter gentes, & nomini tuo psallam*: quod quidem immediate ac proximè à Davide, de seipso dicitur: quod Deum inter devictas gentes, v. 1. esset celebraturus: mediata vero ac typo prophetico (cum David Christum adumbravit) de Christo, per Apostolos, Deum inter gentes celebraturo intelligitur. Quo dicto vocatio gentium non obscure indicatur, v. 9.

Alterum est, quod *rursum dicit* (nempe Scriptura Sacra, Deut. 32. 43. *gaudete gentes, cum populo ejus*. Unde etiam sequitur vocandas gentes v. 10.

Tertium ex Pl. 117. v. 1. *Laudate Dominum omnes gentes & collaudate ipsum omnes populi, hic v. 11.*

Quartum denique est ex Esa. 11. longe expressius: *Erit radix Jesse, & qui exurgat ad imperandum gentibus: in ipso gentes sperabunt*. Quæ omnia manifestè satis, gentes ad Dei Ecclesiam vocandas, indicant: de quibus locis, si quis plura desideret, consulat parallela sacra Cl. Doct. Francisci Junii.

Denique tractationem, quæ secunda hujus epistolæ ac primaria pars est, finit Apostolus precibus suis: quibus ea, quæ Romanis fideliter præceperat, iisdem, Christianæ charitatis affectu, optat à Deo, nempe gaudii, pacis, fidei ac spei abundantiam: cujus causam efficientem indicat Spiritum Sanctum. v. 13.

Atque hætenus secunda principalis hujus epistolæ pars, Tractatio nimirum doctrinæ fidei & vitæ Christianæ, explicata est, cui tertia adjungitur, nempe CONCLUSIO. Quæ primum agit de sua persona, hoc reliquo capite: deinde verò de aliis cap. 16. Ad prius quod attinet: primum anticipatione quadam objectionis, causas scriptionis hujus epistolæ adfert: primum à suo de iis iudicio, & à fine: quod non ut eos doceret primum (quippe de quorum bonitate & scientiâ idonea ad se mutuo monendos esset persuasus. v. 14.) sed eo fine, ut doctos commonefaceret, seu nota in memoriam revocaret, scripserit libere. Nam quod ait, *παρρησιάζομαι* *audentius*, illud non dicitur, quasi culpam agnosceret in excessu commissio: sed tantum absolute libertatem suam testatur: quia vox comparativa pro positivâ usurpatur more Græcis Latinisque frequenti: ut *παρρησιάζομαι* *audentius* nihil aliud sit, quam *παρρησιάζομαι* *audenter, libere*: ut res ipsa arguit: quia Apostolus scripsit ex instinctu Sp. S. qui audendo modum excedere non potest, neque excessum, cum vitium sit, aliis inspirare. Si cui tamen videatur exponendum comparatè: tum non absolutè, sed relatè exponat necesse est: quod scilicet audentius scripserit, quàm aliàs facturus esset, si tantum esset ordinarius Ecclesiæ pastor, non autem Apostolus. Cæterum Paulus hujus suæ audentiæ causam impulsivam esse docet, muneris sui rationem, nempe Apostolatam suam: unde id juris habeat & oneris divinitus impositi.

Apostolatam autem suam commendat primum generalius v. 15. cum ex gratia Dei datum ostendit. Id quod intelligitur non solum communiter cum reliquis Apostolis, quod sit donum immeritum: sed etiam peculiari ratione, quod sit contra mala, antecedentia conversionem, merita: siquidem hostis Ecclesiæ fuerat capitalis & horrendus persecutor.

Deinde primarium Apostolatus finem exponit, nempe ministrare Christo, prædicatione Evangelii, inter gentes: ut eas quasi oblationem, per sanctificationem Spiritus, Deo gratam offerret. v. 16.

Deinde v. 17. specialius ad v. 22. in ea commendatione muneris sui procedit: ut hac ratione, auctoritatem suam stabiliret, adversus pseudo-apostolorum calumnias. Et ut Romanos in vera fide confirmaret, effecta ministerii sui describit, posita in gentium conversione, cum verbis tum factis admirandis atque efficacibus, v. 18.

Ac facta quidem miracula sunt, nempe *virtus signorum ac prodigiorum*: cujus authorem Sp. S. statuit: quod illius efficacia ea evenerint. Verba verò seu prædicationem Evangelii describit ab insigni amplitudine ac fructu, quod ab Hierosolymis ad Illyricum usque (vicinam Italiæ regionem) circumquaque Evangelio impleverit, vers. 19.

qua de re consulenda sunt Acta Apostolorum, in quibus Pauli peregrinatio describitur.

Ne quis verò illi objiceret, aut cogitaret, cur ad nos etiam non venisti vicinos Illyrico; aut etiam antea? causam esse ostendit, zelum Evangelii prædicandi, in iis locis, ubi magis erat necessarium: nimirum ubi nondum erat prædicatum Evangelium, & cognitionis Evangelii fundamenta nondum per Apostolos jacta, hoc est, ut Ecclesia magis amplificaretur vers. 20. quemadmodum antea prædictum fuerat per Esaiam, c. 52. Hæc de v. 21.

Atque ea de causa sæpius impeditum, sese, ne veniret ad ipsos v. 22. desiderasse id tamen à multis annis, & jam impedimentis remotis v. 23. spem sui ad Romanos adventus præbet v. 24. ad 30. Et ad eam rem gravi obtestatione, precum subsidium postulat ab iis, adversus hostes Iudæos v. 30. & 31. ac mutua, pro iis, precatione concludit, v. 32.

### CONSECTARIA.

I. **P**roximo placendum, sed in bonum, & ut vulgo dicitur, *usque ad aras*, hoc est, ne cultus Dei violetur.

II. *Edificationis* vox innuit, fideles esse templa Dei, ut alibi docetur, quæ extruuntur doctrinâ verbi divini, & exemplo vitæ Christianæ, v. 1. & 2.

III. Rectè vulgo dicitur, *omnis Christi actio*, (nempe quæ secundum commune nobiscum officium præstita est) *est nostra instructio*, v. 3.

IV. Peccant Enthusiastæ, qui Scripturas solis infirmis datas statuunt: cum Paulus generatim dicat, ad nostram doctrinam pertinere.

V. Nihil possumus in pietatis studio, sine Dei auxilio: quamobrem ab eo totos nos pendere decet.

VI. Cum Paulus Romanos ad officium hortetur, idemque à Deo simul precetur: inde concluditur, ea inter se non pugnare.

VII. Concordiæ norma est Christus & gloria Dei: quocirca errant graviter, qui omnes religiones pacis causa ferendas esse contendunt, v. 5. & 6.

VIII. Finis Christianismi est agnitio & prædicatio misericordiæ divinæ, v. 9.

IX. Fides, gaudium & pacem mutuam, gignit.

X. Fides, spes, charitas à Deo donantur, & augentur, eademque in nobis perpetuo opus habent incremento v. 13.

XI. Omnes admonitione mutuâ egemus, v. 14. & 15.

XII. Gloriarî licet de benefactis, modo id fiat verè, deinde humiliter, sine aliorum contemptu ac sine arrogantia; & opportunè, cum usus Ecclesiæ & innoxium indignè traducendum adversariorum calumniæ hoc extorquent; denique bono fine, ut Dei gloria illustretur & salus proximi juvetur. Qua ratione gloriatus est Paulus, v. 17.

XIII. Finis ministerii Ecclesiastici est fides in Christum, v. 18.

XIV. Pauperum cura necessaria & honesta est, v. 25. & 26.

XV. Preces fidelium pro se mutuò sunt arma potentissima; ac propterea sedulo iis est incumbendum. v. 30.

### COROLLARIUM ad v. 19.

**H**isce jam explicatis, non alienum erit ab instituto nostro, si distinctè ad illustrationem v. 19. pauca, quasi corollarii loco, de *σημεία & τέρατα*, hoc est, *signorum & prodigiorum*, (quorum facta est mentio) discrimine adjecero: præsertim cum eorum frequens omnino extet in S. literis mentio: ut Matt. 24. 24. & Marc. 13. 22. Act. 2. 19. & 43. & alibi: ac vulgò ferè obiter tantum ea attingatur. *σημείον* autem à *σημα*, quod etiam *signum* notat, derivat Etymologicum Græcum. *σημα* autem à *σῶν τὸ ὑμῶν*, etymi ratione obscura, deducit: Pagnini verò lexico Hebraico à *סמ* Hebræo, per apocopen, deducitur. *Τέρας* verò etymologicum idem ab *τίς* dico derivat: unde futurum *ἔρα*; quod ut ait, *per signa & τέρατα vates futura dicant*, sed quid si fortasse potius à *τίς* in futuro *τις*, id est, *tero, contero*, oriatur; quod prodigia homines terreant. Hebræis Deut. 13. v. 1. *אוֹת אִלּוּ מוֹפֵת*, id est, *signum aut prodigium* similiter junguntur. *אוֹת*, id est, *signum*, vox primitiva, ut vulgo

statuunt; quidam tamen ab *אוֹת*, *venire*, deductum volunt, quod rei venturæ sit index: aut potius generalius, quod rem signatam in notitiam aut memoriam venire faciat, *מוֹפֵת* verò *prodigium*; quam vocem lexicographi vulgò à *מִפֶּת* inusitato verbo: alii verò à *יָפֵת*, id est, *pulcher fuit*, per antiphrasin quandam deducunt. Sed neutrum videtur necessarium: quia *כוכב* *stella*, & similia, sunt radices; sic & *מוֹפֵת* esse potest. Hæc de Etymo.

Ad significationem verò quod attinet, *σημείον* propriè signum generatim significat qualecunque: ut Matth. 26. v. 48. & Luc. 2. v. 12. Rom. 4. v. 11. Deinde per Synecdochen in Sacris literis usitatam, *σημεία signa*, dicuntur opera, quæ naturæ vires, excedunt, extraordinaria: unde, quoniam admirationem excitant, *miracula* latinis & ab Evangelistis, Græcè *θαυμάσια*, eodem modo appellantur, ut Matt. 21. v. 15. *Τέρατα* verò propriè *prodigia* (et si Synecdochicè apud profanos authores generatim interdum signa notent) significat. Ad distinctionem verò quod attinet, Etymologicum magnum Græcum in voce *τέρας* ait: *διαφέρει δὲ σημεῖον. τέρας λέγεται τὸ παρὰ φύσιν γινόμενον πρᾶγμα. σημεῖον δὲ τὸ παρὰ τὴν κοινὴν συνήθειαν γινόμενον*; hoc est, *differt autem à signo. τέρας enim est res quæ præter naturam facta est; signum verò, quod præter communem consuetudinem fit*. Verum, ut alia omittam, illud Sac. literarum usui non satis convenit. Verum enim est, *τέρας* propriè esse rem quæ præter naturam fit: sed *signum* etiam per synecdochen acceptum idem notat.

Distinctio autem per se est, quod *signum* propriè generale est: per synecdochen verò speciale: quemadmodum utriusque ordine exemplum extat 2. Corinth. 12. vers. 12. *signa Apostoli facta sunt in vobis* (hoc est, documenta indicantia) *in omni tolerantia, in signis & prodigiis*. *τέρας* verò seu *prodigium* propriè speciale est. (& in eo convenit cum signo, per Synecdochen accepto) miraculum. Sed differentia est, cum inter se distinguuntur, ut *signa* notent miracula, non horrenda, sed reliqua: non autem ut *τέρας*, quæ horrenda, & ad terrendum, aut etiam puniendum pertinent. Quemadmodum *signa* vocantur, *aquæ in vinum mutatio*, Ioan. 2. 11. *sanatio filii aulici verbo*, Ioan. 4. v. 54. *ægrorum sanatio*, Ioan. 6. v. 2. & *quinque panum ac duorum pisciculorum nutriendis quinque virorum millibus admiranda multiplicatio* Ioan. 6. v. 14. *visus cæco restitutio* Ioan. 9. v. 16. *Lazarî à mortuis suscitatio*, Ioan. 11. v. 18. sic Marci 16. v. 17. *signa* vocantur, *ejicere dæmonia, loqui linguis novis, serpentes tollere, & si quid lethale biberint, non lædè; ægros, manus imponendo, sanare; & similia alibi*.

Contra vero *τέρας* videntur esse, quæ distinctè à signis dicuntur *ἐκβάτες terriculamenta*, Luc. 21. v. 11. *Erunt terriculamenta & signa è cælo magna*: sic de Christo dicitur, *declaratum à Deo signis & prodigiis, quæ fecit per ipsum Deus*. Ad prodigia pertinere videtur, quod *cohortem militarem verbo in terram projecit* Ioan. 18. v. 6. sic ad *τέρας* pertinet, quod *Ananiæ & uxori ipsius in Spiritum Sanct. mentientibus Petrus verbo mortem infligit* Act. 5. 5. & 10. unde v. 11. dicitur, & *magnus ortus est metus in tota Ecclesia & omnibus, qui ista audierant*. & v. 12. additur, *per manus verò Apostolorum fiebant signa & prodigia, in populo, multa; & erant uno animo in porticu Salomonis: reliquorum vero* (nempe hypocritarum, ut v. 14. comparatus ostendit) *nemo audebat se eis adungere*: quod sanè non à signis, quæ consolantur beneficiis: sed à prodigiis, quæ terrent pœnis, factum colligitur: sic Moyses, cum prima, ad fidem verbis suis faciendam, ederet miracula, apud populum, *mutatio virgæ & manus ipsius, signum* fuit nempe *אוֹת*: cum verò variis ac stupendis plagis afficeret Ægyptios, fuerunt *מוֹפֵת* *prodigia*.

Atque hæc de distinctione vocum, quibus miracula hoc loco denotantur, sufficiant.

Dividi autem possunt miracula, in ea, quæ simpliciter, & in ea, quæ secundum quid tantum sunt miracula. Simpliciter sunt, quæ & ratione rei & ratione modi efficiendi miracula omnium creaturarum vires superant: ut suscitatio mortuorum, visus propriè cæci restitutio: quæ infinitæ tantum potentie effecta. Secundum quid verò miracula sunt

sunt ea, quorum res seu effectum vires naturæ non superat; sed faciendi modus: ut febris focus Petri à Christo, Marc. 1. v. 31. curatio, medicorum quidem & medicinæ vires non excessit quantum colligi potest: sed efficiendi modus quod tactu manus & momento facta.

Deinde miraculorum causa efficiens alia principalis est, alia instrumentalis: illa est, cujus potentiâ fiunt: hæc vero sunt illi, qui secundum promissionem, ea à Deo fide impetrant & imperant tantum, unde Deus causa exequens: ministri vero Dei causa instrumentalis impetrans dici possunt. Sic Christus secundum divinam naturam, utpote omnipotentem, Lazarum suscitavit vi sua: secundum humanam verò naturam, id non effecit vi sua naturali: sed à Patre impetravit Joan. 11. v. 41. & imperavit v. 43. sic Petrus, miraculi per se editi, causam esse testatur, non suam potentiam, ut causam patrantem, sed impetrantem: & quidem non pietatis suæ præstantia Act. 3. v. 12. sed fide promissionis: Christum verò causam patrantem ibidem asserit v. 16. Atque ita discrimen inter Apostolorum & Christi miracula observandum, ut Marc. 16. 20. Act. 14. 3. nam Christus in terris versans, non solum, ut dictum est, miraculorum suorum causa fuit instrumentalis, qua homo: sed etiam principalis, quatenus Deus ea operans propriâ insitâque divina sua potentia. Luc. 6. 19. *Virtus ex eo exibat, quæ sanabat omnes.* Marc. 5. 30. Virtus è Christo exivit, quæ sanavit mulierem sanguinis profluvio laborantem. Ideoque miracula Christi fuerunt signa Deitatis personæ ipsius, & hunc hominem Jesum esse Christum filium Dei, Joan. 20. 31. Apostolorum verò miracula declarârunt, ipsos esse ministros illius: Jesum verò esse Christum, Act. 3. 16. 28. & 4. 10. Atque hæc breviter de miraculis, signis ac prodigiis.

## CAPUT XVI.

Superiori capite egit Apostolus de sua persona: hoc verò 16. de aliis. Ac primum commendat Phœben v. 1. & 2. deinde fideles certos nominatim salutatur, ac laudat, ut benevolentiam & gratitudinem suam erga eos testetur: & reliquos ad amorem & imitationem eorum provocet, inde ad v. 17.

Tertiò monet, ut observent ac vitent falsos doctores v. 17. quos describit à fine & effectis, v. 18. & anticipatione objectionis causam admonitionis explicat, v. 19. & promissione consolatur, votumque repetit, v. 20.

Quartò salutationes aliis ascribit ad v. 24. inde voto & gratiarum actione concludit reliquo capite.

Cæterum gratiarum actio Dei gloriam optat, per Jesum Christum: & gloriæ causas exponit descriptione Dei, cui tribuit epitheta duo, *potentiam & sapientiam*. *Potentiam* quidem, *quod possit Romanos stabilire*, hoc est, in vera fide & gratia saluari conservare: quo Synecdochicè, ut aliàs in similibus ostendimus, voluntatem simul complectitur. Hoc autem probat à testimonio divino, nempe *Evangelio suo*, hoc est, sibi commissio & per se prædicatio. Quod exegeticè definit, cum *præconium Jesu Christi* nominat: & describit, ad Ecclesiæ institutionem & consolationem, ab adjunctis, obscuritate in Veteri Testam. & claritate in Novo. Arcanum enim fuit, quod à temporibus secularibus tacitum, non quidem simpliciter & absolute: sed comparatè & secundum quid: quia in Vet. Testam. doctrina salutis per Christum fuit quidem in Judæa, Judæis prædicata, Ps. 147. 19. 20. Act. 14. 16. Eph. 2. 12. & 13. sed comparatè, cum Evangelii claritate & promulgatione inter omnes gentes, Mat. 28. v. 19. Eph. 3. 5. 6. 7. meritiò latuisse dicitur. Deinde secundum quid, seu ex parte etiam latuit, ratione doctrinæ, de vocatione gentium, abolitis ceremoniis legalibus. Norant enim Judæi, ex diserta S. literar. autoritate, fore ut etiam gentes ad communionem salutis per Christum vocarentur, ut Gen. 22. *in semine tuo benedicentur omnes gentes*: & alibi similes extant promissiones; sed prius putabant circumcissione & ceremoniis Judaicis, in corpus populi Judaici esse inferendas: ideoque illa demum erat controversia, utrum gentes sine circumcissione possent servari, nec ne, quod Act. 15. 1. Atque hac duplici ratione, Evangelium

appellatur *arcanum*, non solum secundum quid, ut nonnulli arbitrantur: sed etiam comparatè: ut ex similibus etiam locis colligitur Eph. 3. v. 9. Colof. 1. 26. 2. Tim. 1. v. 9. Tit. 1. 2. Hanc autem Evangelii revelationem primum à subjecto declarat, *omnibus gentibus*: deinde à causa efficiente, cum instrumentali, *Scriptura prophetica*: tum principali, *imperio Dei*; denique à fine, *obedientia fidei*. Hæc de primo Dei epitheto, nempe *potentia*. Alterum est *sapientia*: quæ soli Deo ascribitur καὶ ἡ σοφία accepta; quia primum & per se ac perfectissimè infinite sapiens est, & sapientiæ fons: ut non tam sapiens sit, quàm sapientia.

## CONSECTARIA.

I. Omnes Christiani amore & honore digni sunt: maxime verò qui publicam in Eccl. functionem obeunt.

II. Auxilio nostro adesse debemus quibuscunque: sed præsertim benè meritis.

III. Hospitalitas laudem meretur & Christianis cum primis convenit.

IV. Officia charitatis à Christianis fiunt in nomine Domini: eaque ratione etiam ab Ethnicorum virtutibus, distinguuntur, v. 2.

V. Beneficia accepta gratis animis prædicanda sunt.

VI. Nulla, conservandæ Ecclesiæ gratiâ, pericula detrectanda sunt, v. 4.

VII. Cum Ecclesia in privata domo esse possit: errant illi qui eam magnificis templis astringunt.

VIII. Qui primi Evangelium amplexi sunt, non exiguum laudem merentur, si modò in officio persistent, v. 5.

IX. Non est cur dissidiorum aut scandalorum ortu offensi, ab Ecclesia resiliamus.

X. Duo in dissidiis observanda sunt, primum examen, deinde fuga mali.

XI. Examinis doctrinæ & morum regula esse debet doctrina Apostolica, v. 17.

XII. Falsi doctores plerumque non Christo, sed ventri suo serviunt.

XIII. Fidelium est assentationem vitare & veritatem colere, v. 18.

XIV. Non solum à nobis requiritur innocentia, ne aliis simus injurii: sed etiam sapientia, ut à seductoribus simus tuti.

XV. Errant igitur turpiter Pontificii, qui implicitam, ut appellant, fidem, vulgo sufficere statuunt, v. 19.

XVI. Dei præsidio adversus Satanâ victores sumus, v. 20.

XVII. Cum illustrior nobis sit Christi gratia, quàm Ecclesiæ ante Christum: necesse est, ut eo magis Deo agamus gratias, v. 25.

XVIII. Scripturæ Prophetice & apostolice consentiunt.

XIX. Non solum auditus Evangelii, sed etiam obedientia per fidem requiritur, v. 26.

XX. Cum Deus sit solus sapiens: ab eo sapientia petenda, eique humili animo ascribenda est, v. 27.

Atque hæc de capite decimo sexto: quibus corollarii loco, quædam de voce *Amen*, cujus usus est non solum c. 15. 33. & c. 16. 24. & 27. sed etiam alibi frequenter in S. literis occurrit, adjiciam; idque ut & vulgi error & inde orta superfluitio vitari queat.

A M E N autem vox Hebræa *veritatem* notat ab *אמן* firmare: ut ex *Niphal* colligitur: nam *אמן* firmum esse notat, 2. Sam. 7. 16. unde per Synecdochen generis pro educare, quod educatio firmet: unde metaphorice *אמן* veritas quasi firmitas: ut etiam *אמן* in *bibul*, *credidit* quasi firmum, id est, verum censuit. Sic Deus vocatur *Amen* Esa. 65. & Christus Apoc. 3. 14. id est, veritas, pro vero.

Usus autem in primis hujus vocis, per ellipsin verbi substantivi, est duplex, ut voto inserviat: vel assertioni. Voto, ut Num. 5. 22. Deut. 27. 15. & dicit totus populus *Amen*; veritas, seu verum, supple, sit. Nehem. 5. 13. & 1. Cor. 14. v. 16. *quomodo dicit ad tuam gratiarum actionem Amen?* idque exponitur 1. Reg. 1. 36. *Amen, ita dixerit Jehova*. Atque ita Rom. 15. & 16. accipitur. Sic Hiero. in Matth. 6. *Amen signaculum orationis Dominicæ, quod Aquila interpretatur fideliter; nos verè possumus dicere*. Idem in Esa. 25. (*Amen*) *desideransque fieri, quod prophetat, adjungit verbum Hebraicum*



braicum Amen, pro quo 70. translulerunt *אמן*, id est, fiat: in Hebraico dicitur, Amen. Aquila vertit *αμην* (corrigen- dum *αμην* ex Hiero. ad Gal. 1.) Ubi etiam præfatione in 2. lib. commentariorum in eandem epistolam, de Romanæ Ecclesiæ usu ait: ubi sic ad similitudinem cælestis tonitruus Amen reboat, & vacua idolorum templa quatiuntur. Hæc Hieronymus. Sic Amen amen geminatur Ps. 41. v. 14. Nehem. 8. 7. Num. 5. v. 22. ad incrementum rei: hæc de usu Amen, in votis.

Alter est in assertionibus ut Hieron. tom. 5. comment. in Esa. 25. Dominus, ait, in Evangelio sæpe hoc verbo utitur amen, verè verè dico vobis. Et tom. 3. epistola ad Marcell. Hebræi, ut quæ scripta sunt, roborentur, facere solent, ut dicant Amen. Sic Theoph. (ad Matt. 5. Amen dico vobis) Amen affirmativa particula est pro val, etiam dico vobis: idque verum esse vocis significatio & Lucæ interpretatio demonstrat, in eadem sententia repetenda: nam Matt. 16. 28. & Marc. 9. 1. Amen dico, Luc. 9. 27. *αληθως*, id est, vere dico. Et Matt. 24. v. 47. Amen dico, pro eodem Luc. 12. 44. *αληθως* & Matt. 23. v. 36. Amen dico vobis Luc. 11. 51. redditur, val, hoc est etiam, sanè. Sic 2. Cor. 1. v. 20. *val* & amen Synonymicè conjungit Apostolus. Cum autem geminatur amen amen, ut in voto: sic in assertionibus, ad auxesin seu incrementum assertionis

tantum pertinet, pro verissimè: quemadmodum & aliarum linguarum & Scripturæ usus hoc indicat, valde valde, pro maxime, vel plurimum, unde satis liquet, non esse juramentum, multo minus geminum juramentum: ut superstitione à vulgo judicatur: nec enim in ista assertionem, ulla est Dei in testem & judicem invocatio. Neque juramentum esse, ullo argumento solido probatur: nam quod objicitur, esse Iuramenti formulam, quia Esa. 65. dicitur, *Jurabunt in Deo amen*: alienum est: nam Amen hic est epitheton Dei: ut constructio evincit *אמן ביהוה* in Deo veritatis, hoc est, vero, ut alibi: 2. Chron. 15. v. 3. *elohi emeth*, eodem sensu, Deus veritatis, id est, verus: ut etiam 70. interpretes *αληθινος* rectè exponunt, & Hebræi similiter. Deinde quod ex Paulo Heb. 6. 14. objicitur, *juravit per se*, &c. dicens *ημεν*: infirmum est: 1. quia non est vox amen: sed *ημεν*, quod asserendi, non jurandi forma: quæ etiam interdum redundat, ut sanè, utique; & apud Moysen etiam, quem citat Paulus, non extat. Juramenti autem forma indicatur, cum dicitur, *Iuravit per se*. Ergo nec Amen, nec Amen Amen est juramentum omnino, nedum geminum: idque vel Christi usus ostendit, qui in una concione, vicinis periodis frequenter Amen Amen inculcat, ut Joh. 3. 5. 6. 13. id quod à gravitate juramenti, alienum esse, apparet.

S U C C I N C T A  
E P I S T O L Æ P A U L I,  
A D  
G A L A T A S,  
E X P L I C A T I O.

**Q**uemadmodum insignis Pauli ad Ephesios Epistolæ, in ea, quæ ad Colossenses exarata, quasi epitome comperitur: sic etiam sublimis illius ad Romanos brevium, in gravi ac nervosa, ad Galatas epistola (præsertim si sequens ad Ephesios ei adjungatur) continetur: quam etiam Tertull. contra Marcionem lib. 5. c. 2. principalem contra Judæos epistolam indigitat. Quamobrem non alienum, neque ingratum fore arbitramur, si divini illius operis, non tantum loca selectiora, sed omnia distinctè explicare conaremur: quod ut commodius fiat, pauca quædam de titulo præmitteremus, antequam rem ipsam aggrediamur. Titulus autem est duplex, universalis, & particularis: universalis est, qui universo operi designando inservit, & in nostris quidem codicibus est, *Pauli Apostoli ad Galatas epistola*. Cujus observanda est primum autoritas; deinde veritas. Cum autem autoritas alia possit esse divina, quæ à Deo autore suam habet dignitatem: alia humana, quæ ab hominibus tantum dependet; postero rem titulo proposito convenire apparet: id quod etiam communis Prophetarum & Apostolorum usus ostendit: utpote quod non ipsimet suis libris titulos præfecerint, qui vulgo adhibentur: sed pro varia Ecclesiæ consuetudine, alii atque alii sint apposti; quemadmodum aliàs distinctè demonstravimus: qualis etiam varietas in brevi titulo hujus epistolæ observatur, si quis antiquos Græcos codices, & alios ex iis fideliter typis expressos, consulat: id quod vel ex hisce, speciminis loco positis, constare potest: primus enim titulus hic occurrit, *επιστολή Παύλου*, ut in editione Roberti Stephani cum Patris, in majori, ac laudatissima forma: tum etiam filii cognominis, minori: ut etiam in Haganoensi Gerbeii & Basilienis Oecolampadii anno 1531. & Parisiensis Colinaei: alter titulus priori articulum præmittit: ut altera Basilienensis anni 1558. quam Lipsensis Camerarii sequitur: tertius est in antiquissima & laudatissima Hispanica editione Compluti expressa, nempe *επιστολή Παύλου* & (ut in Syra versione titulum brevissimum, nempe epistola quæ ad Galatas, omittamus) Henricus Ste-

phanus in accuratissima sua editione Græca Syriaco testamento adjuncta, & in aliis, minori forma, hunc titulum præfert *επιστολή Παύλου* & *επιστολή Παύλου*. Quamobrem ex perspicua ista, in titulo hujus Epistolæ, cum in vocibus, tum in earum numero atque ordine diversitate, nullum ab Apostolo: sed à scriptoribus, distinctionis facilius gratia, liberè ac variè fuisse præpositum, satis constare potest: unde autoritas illius non divina, sed humana declaratur: alioqui sine impietate, titulo divino nihil potuisset addi, nihil detrahi, nihilque in eo permutari. Ad veritatem verò tituli quod attinet, ea minime dubia est: nihil enim continet, quod non ex initio epistolæ v. 1. & 2. sit depromptum, eiq; ad amissum non consentiat: quemadmodum etiam collatio perspicuè evincit: atq; hæc de operis hujus titulo universali.

Particularis verò est qui epistolæ huic, ab Hugone Cardinale, in sex partes divisæ, distincto ordine convenit, & caput appellatur: cujus adjunctum postremum sunt singulorum versuum numerus arithmeticus, per Robert. Steph. (ut non immerito Henr. Steph. affirmat) distinctus: ut alias copiose à nobis explicatum. Hisce igitur de titulo præmissis, ad ipsam Pauli epistolam, Deo aspirante accedemus, in cuius aditu, ad majorem illius illustrationem, spectanda sunt causa hujus epistolæ conscribendæ movens, & scopus illius.

Causa autem quæ Apostolum ad hanc epistolam scribendam movit, partim externa est, partim interna. Externa quidem, quæ extra Paulum posita, fuit primum falsorum doctorum malitia: deinde Ecclesiarum Galaticarum inchoata seductio, Gal. 1. v. 6. 7. Malitia autem fuit duplex, videlicet calumnia gravis, & errore doctrinæ perniciosus. Calumnia autem intolerabilis extitit, quod Paulum Apostolum, quasi non esset par reliquis Apostolis, sed iis inferior ac discipulus, & ab eorum doctrina dissideret, traderent: ut eo in odium adducto, Evangelii doctrina ab eo prædicata facilius corrumpere. Quemadmodum idem in aliis Ecclesiis Satanæ artificio factum conqueritur Paulus 2. Cor. 11. 3. 13. Phil. 3. 2. 18. quo etiam spectat Rom. 16. 17. 18. Calumniæ autem accessit error contra veritatem Evangelii perniciosus Gal. 1. vers. 7. cap. 5. v. 2. 3. 4. quo

quo circumcisionem, aliasque legis ceremonias, ad iustitiam & salutem necessariò observandas contendebant, & ad ea Galatas adigebant Gal. 5. v. 12. Qualis error in Ecclesia Antiochena ortus Act. 15. vers. 1. concilio Apostolorum atque Ecclesiæ Hierosolymis rejectus, ibid. v. 10. & 18.

Altera causa scriptionis hujus epistolæ movens externa, ex priori orta, fuit Galatarum, ab amore Pauli Apostoli, & à doctrinæ Euangelicæ ab eo acceptæ veritate, ad errores falsorum Doctorum inchoata seductio, Gal. 1. v. 6. Hæc de causa externa. Interna verò causa in ipso Apostolo residens, eumque ad scribendum movens, fuit iustus ac fervens illius affectus duplex, amor salutis Ecclesiarum illarum quas primus instituerat, & dolor ingens ex inchoata ac subita earum seductione, & simul periculo exitii Gal. 1. v. 3. 4. & 4. v. 11. & 5. v. 2. conceptus. Atque hæc de causa movente. Scopus vero Epistolæ est propinquus, vel remotus. Propinquus quidem, ut & malitiam falsorum doctorum geminam detegat ac confutet, & Galatas à seipso & ab Evangelii veritate quodammodo averfos converteret. Remotus vero scopus est perpetua totius Ecclesiæ ad Dei gloriam institutio: quemadmodum communis S. Scripturæ usus demonstrat 2. Timoth. 3. v. 16. & de Epistolis Pauli peculiariter 2. Petr. 3. v. 15. ideoque rectè Tertull. contra Marcion. 1. 5. 17. de Epistolarum Pauli scopo communi ait, *Ad omnes scripsit, dum ad quosdam.*

Cæterum ut hic scopus Epistolæ propositus: ita ipsa quoque epistola medium est, ad eum scopum obtinendum directum ac maximè idoneum: quemadmodum partitio ac partium illius explicatio demonstrabit. Constat enim hæc Pauli ad Galatas epistola, (pro communi epistolarum more) partibus tribus; *Præfatione, Rei tractatione, & Conclusionem.* Quarum duæ extremæ in epistolis arbitrariæ sunt, media verò necessaria: ideoque præfatio omiſsa in epistola ad Hebræos: conclusio in epistola Jacobi: utraque vero in prima Iohannis, quæ in sola rei tractatione occupatur. In hac verò ad Galatas epistola, noster Apostolus divino quodam artificio, non solum rei tractationem, sed etiam præfationem & conclusionem ad scopum hunc accuratè direxit.

Præfatio autem versibus quinque prioribus proposita, ad auctoritatem, benevolam attentionem, ac docilitatem egregiè comparata est. Continet autem *inſcriptionem & salutationem.* *Inſcriptio* v. 1. & 2. declarat *scriptorem* primum atque assensores, deinde eos quibus scribitur ac scriptum mittitur. *Scriptor* indicatur v. 1. partim nomine *Paulus*: partim officio, Apostolus, & ἄποστολος: de quibus alias plenius egimus. Cæterum officium non solum proponit, sed etiam parenthesi nervosa explicat, ut calumniam falsorum doctorum ab initio retunderet, & apostolatus ac doctrinæ suæ auctoritatem apud Galatas rursus stabiliret. Describit autem apostolatuum suum à causa efficiente, & quidem bifariam: primum enim falsam, falso ab adversariis objectam, removet: deinde veram exponit. Ac falsam quidem removet, cum ait, *neque ab hominibus, neque per hominem.*

Quorum prius vocationem illegitimam notat, quæ non à Deo orta, sed hominum errantium suffragiis, vel temerario ausu, & aliorum opinione processit: quales pseudo-apostoli 2. Cor. 11. 13. qui sub falso apostolorum nomine sese venditabant Ecclesiis. Posterius vocationem legitimam notat, quæ à Deo non immediatè, sed mediatè hominis opera peragitur: qualis fuit vocatio Evangelistarum Eph. 4. cuiusmodi Timotheus & Titus, qui generali significatione, fuerunt apostoli, hoc est, missi ab apostolo Paulo, ad Ecclesias varias docendas, ordinemque in iis statuendum. Neque huic Pauli negationi (cum dicit, *neque per hominem*) revera obstat, quod Act. 13. 23. Spir. S. revelatione ac jussu, Paulus cum Barnaba, per Ecclesiæ Antiochenæ prophetas & doctores, impositione manuum & jejunio missus sit ad Evangelium prædicandum: quia jam antea diu factus fuerat apostolus, & munus apostoli exercuerat; hæc autem particularis tantum fuit ad certum opus missio, ut vers. 2. declaratur: sicut postea ab Ecclesia Antiochena ad apostolos & seniores, Hierosolymam cum Barnaba missus est,

Act. 15. v. 2. 3. Quemadmodum etiam Petrus & Ioannes missi sunt, à reliquis Apostolis, Samariam, ad ministerium particulare illius Ecclesiæ exequendum Act. 8. 14. 17. 25. Atque hæc quidem de officii apostolatus Pauli remotione causæ falsæ duplicis: quam paulo plenius, quia contractius à nobis proposita, repetitione quadam illustrandam putamus. Prima enim remotio est causæ falsæ, nempe *ab hominibus tantum*; cui opponitur ἡ ἐξ ἐμοῦ, id est, e cælo sive à Deo Matt. 21. 25. & ἐκ θεοῦ Act. 5. 39. ex Deo; qualem vocationem ab hominibus tantum diximus pseudo-apostolis attribui 2. Cor. 11. 13. qui se dicebant apostolos, cum non essent, Apoc. 2. v. 2. quibus similes fuerunt olim pseudo-prophete Jer. 23. v. 21. & 14. 14. qui vocationem & missionem divinam ad prophetandum, falsò sibi arrogarunt. Atque hæc remotio causæ illegitimæ communis est cum omnibus Evangelii ministris legitimis, ut hunc honorem sibi non sumant, nisi delatum divinitus, ut Apostolus loquitur Hebr. 5. v. 4. & Rom. 10. v. 15. quia Dei est mittere operarios in messem suam, Luc. 10. v. 2. Altera remotio est causæ legitimæ mediata, cum vocatio ad ministerium Evangelii secundum Dei voluntatem per hominem fit: & quidem vel extraordinariè, vel ordinariè. Extraordinariè, quando vocatio per apostolum aliquem, aut per alium apostoli jussu peracta est. Per apostolum quidem, cum adiutorem ad Ecclesias ordinandas delectum mittit: quales Evangelistæ dicti Eph. 4. v. 11. quod non uni loco astricti, sed variis in locis, ad propagandam ac firmandam Ecclesiam, Evangelium annuntiarent: qualis fuit Timotheus 2. Tim. 4. v. 5. & Titus, Tit. 1. 5. Apostoli verò jussu, ut qui per Evangelistam, ex præscripto apostoli, vocati erant Tit. 1. 15. Ordinarie vero qui à presbyterio, secundum verbi divini normam, missi; ut pastores & doctores Eph. 4. v. 11. Et hæc mediata per hominem vocationes, legitimæ quidem sunt in inferioribus Evangelii ministrorum gradibus; sed in apostolis, primariis Evangelii ministris, vocatio divina immediata necessaria erat. Ideoque rectè Apostolus in asserendo suo apostolatu, omnem vocationem per hominem à se removel primum, & veram secundo loco subjungit, hisce verbis; *sed per Jesum Christum & Deum Patrem, qui eum suscitavit à mortuis.* Quibus divinam atque immediatam suam vocationem describit, cæteris apostolis non solum reipsa parem, sed etiam rei circumstantia quadam præstantiorem; ut hac ratione, non suam, sed Christi ac Dei patris vocantis, & Evangelii gloriam quæreret ac tueretur: ac parem quidem vocationem ad apostolatuum eo ostendit, quod ut reliqui apostoli à Christo & Deo patre immediatè erant constituti: sic & ipse Rom. 1. 5. nam *διὰ*, id est, *per*, hoc loco causam non instrumentalem, sed principalem notat: quia similiter de Deo patre per ellipsin dicitur, & *Deum Patrem*, id est, *etiam per Deum Patrem.* Quemadmodum etiam in utraque epistola Corinth. c. 1. dicitur *vocatus Apostolus J. Ch. per voluntatem Dei*, & 1. Cor. 1. v. 9. *fidelis est Deus, per quem*, id est, à quo, *vocati estis.* Paulum autem ab ipsomet Christo vocatum apostolum, docet diserte historia Lucæ Act. 9. 5. 15. præcipue verò ipsemet Paulus Act. 26. 16. 17. 18. plenius describit. Verum difficultas quædam occurrit: objici enim potest, hæc verba à prioribus dissidere: cum enim certum sit, Christum esse verum hominem: & per eum Paulum vocatum esse apostolum: Ergo per hominem vocatus: quod ante negatum. Verum solutio distinctione expeditur: quia in prioribus Pauli verbis vox *hominis* ἄνθρωπος, nudum, id est, tantum *hominem* notat: Christus autem verus quidem est homo, sed non merus seu tantum homo: quia *θεοῦ υἱός* Joa. 1. v. 1. cum 14. seu *Deus patet factus in carne* 1. Timoth. 3. v. 16. qui quatenus Deus, fuit vocationis Pauli, & donorum, ad eum exercendum, necessariorum author: quatenus verò homo, sermone suo fuit tantum nuncius, non causa efficiens Act. 9. 6. 15. Sed rursus ob stare videtur, quod Paulus, à Christo ad Ananiam missus; qui ipsi manus imposuit, ut visum amissum reciperet & impleteretur Sp. S. Act. 9. 17. ac propterea per hominem factus est apost. Verum negatur consequentia: quia jam antea Christus eum vocarat ad apostolatū ib. v. 15. & expressè Act. 26. 16. 17. 18. cui vocationi accessit deinde impletio Sp. S. seu donorum

extraordinarium à solo Christo efficiente: cujus tantum signum antecedens erat manuum Ananiæ impositio, non autem causa adjuvans. Perstat igitur vera Pauli assertio, quod non per hominem, scilicet nudum aut merum sit factus apostolus, sed per Christum Dei filium, & per Deum Patrem: non quasi duæ essent causæ diversæ, sed duæ distinctæ personæ, unius ejusdemque singularis essentia ac potentia ratione, una causa efficiens hujus apostolatus Pauli. Ut enim Christus *dedisse dicitur apostolos* Eph. 4. v. 11. Sic & Pater eos *posuisse in ecclesia* 1. Cor. 12. vers. 28. traditur. Quemadmodum quoque eadem dona & ministeria in Ecclesia distributa 1. Cor. 12. tanquam efficienti, primum Spiritui Sancto v. 4. & 11. deinde Domino, nempe Christo v. 5. denique Deo scilicet Patri v. 6. attribuuntur. Ideoque ministerium apostolatus Pauli, non immerito Jesu Christo, & Patri, tanquam uni causæ efficienti ascribitur; adeo ut sese hac divina & immediata vocatione reliquis apostolis parem reipsa rectè ostendat. Et quod amplius est, rei quoque circumstantia annexa, præstantiorem, adhibita descriptione Dei Patris, demonstrat, cum ait, qui *eum suscitavit à mortuis*: nam ut reliqui Apostoli facti sunt primum, à Christo, in statu humili, in his terris, Luc. 6. v. 13. & ante Christi mortem ad Israelitas tantum missi Matt. 10. v. 6. sic contra Paulus, à Christo, post resurrectionem illius, à cælo factus apostolus; & quidem, non ut longo post vocationem intervallo (ut apostolis aliis accidit Matt. 28. v. 19.) Evangelium omnibus gentibus annuntiaret: sed inde ab initio vocationis Act. 9. Quamobrem non temere, sed ad apostolatus sui excellentiam indicandam, se per Deum vocatum asserit, qui Christum excitaverat à mortuis. Christus autem suscitatus dicitur, non simpliciter, sed tantum ratione corporis sui; non ratione Deitatis, quæ æterna est, & essentia suæ necessitate sola absolute immortalis 1. Tim. 6. v. 16. neque etiam ratione animæ, quæ incorporea, ac beneficio creationis, occidi à nulla creatura potest, Matt. 10. v. 28. corpus verò Christi occidi potuit & mortuum est, ac die tertio, per animæ ac vitæ, à Deo, restitutionem, suscitatum à mortuis. Quæ suscitatio Patri attribuitur hoc loco (ut etiam alibi sæpius Rom. 4. v. 24. Eph. 1. v. 20. Col. 2. v. 12. 1. Pet. 1. v. 21.) non tamen soli, quasi Filius & Sp. S. excluderentur, sed communiter cum iis. Nam ut externum opus fuit Deitatis omnipotentis proprium: sic ratione personarum trium (ob unicam ac singularem essentiam communem) fuit commune. Ac propterea non solum Deo Patri sed etiam filio, Ioan. 2. v. 19. & 10. 18. & Spiritui S. Rom. 8. vers. 11. ascribitur. Quod autem sæpius Patri attribuitur, illud non ea de causa fit, quasi aliqua Patris in ipsa operatione esset excellentia: (cum operatio unica ac singularis eademque omnino sit tribus personis per communicationem ejusdem essentia communis: ) sed ideo, quia Pater persona ordine prima est, à qua Filius & Sp. S. per æternam ejusdem essentia communicationem, sunt, & operantur. Atque hæc de hujus epistolæ scriptore, nomine Paulo, & officio apostolo, ejusque officii, per parenthesis descriptione, ad retundendam falorum doctorum calumniam, & ad Galatas in viam reducendos.

Cui epistolæ scriptori, *assensores*, qui re communicata eam approbarunt, prudenter adjungit vers. 2. non unum, ut Sosthenem, 1. Cor. 1. v. 1. aut Timotheum, 2. Cor. 1. v. 1. Phil. 1. v. 1. Col. 1. v. 1. nec duos tantum, ut Sylvanum & Timotheum, 1. & 2. Theff. 1. v. 1. sed plurimos, cum ait, & *omnes, qui mecum sunt, fratres*: non quod eorum per se niteretur assensu, sed ut hoc modo Galatarum incredulitati, quibus scribit, consuleret: eosque fratres omnes paucis falsis doctoribus opponeret: ut rectè Hieron. hoc loco observavit: *plurimum quippe (inquit) facit ad populum corrigendum, multorum in una re atque sententia consensus*. Fratres autem non propriè, sed similitudine quadam fideles intelliguntur, ex Christi dicto Matth. 23. v. 8. *omnes enim vos fratres estis*. Ratio enim nominis in illustri similitudine, S. Literis explicata, consistit, I. quoniam sicut germani fratres primum sunt ex eodem Patre & Matre geniti: sic etiam vere fideles eundem habent Deum Patrem (ex

quo semine immortali Evangelii, & ipsius efficacia Sp. S. regeneriti sunt ad ipsius imaginem, sanctitatis ac justitiæ, Ioan. 1. v. 13. Jac. 1. v. 18. 1. Pet. 1. v. 23.) & Ecclesiam communem Matrem Galat. 4. v. 26. ut etiam v. 27. ex Esa. c. 54. v. 1. confirmatur. Quæ Ecclesia fidelium Mater, eos, verbi divini de religione, principiis, primum, infantum more, teneriores quasi lacte sincero nutrit 1. Pet. 2. v. 2. Hebr. 5. v. 12. 13. adultiores vero altioribus ejusdem verbi divini dogmatibus quasi solido cibo pascit ac confirmat Heb. 5. v. 14. Atque hæc prima similitudo inter fideles & fratres, quæ in origine ex eodem Patre & Matre suo modo consistit: Altera vero in utilitate originem illam consequente versatur: sicut enim fratres germani, bona ejusdem Patris communia habent: sic etiam fideles, hæredes Dei Patris Rom. 8. v. 17. Galat. 4. v. 7. hæredes scilicet bonorum vitæ æternæ in regno Patris cœlesti 1. Pet. 1. v. 3. 4. Jac. 2. v. 5. Quare ob geminam hanc fidelium & fratrum in origine & utilitate similitudinem, verè Apostolus in hac inscriptione *fratrum* nomine (Christum authorem secutus Matth. 23. v. 8.) fideles designat. Quemadmodum etiam *fratres* eodem sensu 1. Cor. 6. v. 6. infidelibus opponuntur. Nam ut generali significatione, ob communem à Deo Patre creationem, infideles, ac fideles fratres sunt secundum carnem, seu ex eodem Adamo & Eva progenerati: speciali tamen redemptionis ac regenerationis privilegio *ἐξ ὅλων*, soli fideles inter se fratres indignantur. Quamobrem, impiè omnino hanc fratrum appellationem impurus ille Lucianus traducit tom. 4. edit. Basil. Græco-lat. dialogo *de morte peregrini* pag. 276. ubi Christianos ob id quod fratres vocantur, deridet his verbis, *ὁ τοιαύτης ὁ ἀνθρώπος ἐστὶν αὐτῆς, ὅς α' ἀλλοὶ πάντες εἶναι ἀνάγκη*, hoc est, *primus vero illorum legislator iis persuasit, ipsos omnes esse fratres, inter se*. Legislatorem autem Christum intelligit, ut sequentibus impiè exponit, cum addit; *postea verò cum semel transgressi sunt, deos quidem Græcos negant, τὸν δ' ἀνθρωπομαμίον ἐκείνον σέβουσιν*, *suspensum illum Sophistam adorant & secundum illius leges vivunt*. Hæc blasphemus Lucianus, secutus Ethnicos antiquiores, quos refutavit Tertullianus Apologetico contra gentes cap. 29. his verbis, *sed & quod fratres nos vocamus, non alias, opinor, infamant, quam quod apud ipsos omne sanguinis nomen de affectatione simulatum est. Fratres etiam vestri sumus, jure naturæ matris unius, et si vos parum homines, quia mali fratres. At quanto dignius fratres & dicuntur & habentur, qui unum patrem, Deum agnoverunt, qui unum Spiritum biberunt sanctitatis, qui de uno utero ignorantia, ad unam lucem aspiraverunt veritatis*. Hæc ille. Quod *fratrum* nomen, Christianorum commune, jam olim sibi monachos, cum reliquorum Christianorum injuria, arrogasse peculiariter, rectè conquestus est Chrysost. c. 11. ad Hebr. Idemque Pontificiorum Monachos iniquè imitatos, arguit Erasmus in annot. 1. Cor. 11. Quemadmodum etiam commune fidelium nomen, quo in S. L. *κλήρυς*, id est, *hæreditates Domini* 1. Pet. 5. v. 3. vocantur, illud solis suis ecclesiasticis (quos solos clericos oppositè laicis, id est, popularibus appellant) arrogarunt. Quamobrem rectè fideles inter se *fratres* nominantur, & à Paulo *fratrum* nomine designantur: quos sibi in hac epistola conscribenda, tanquam assensores ad Galatas permovendos, & quidem non paucos, sed omnes, qui cum ipso erant, ad majorem docilitatem verè adjungit. Atque hoc modo inscriptionis subjectum (nempe scriptor, *Paulus Apostolus*: & assensores illius, *omnes qui ipsi aderant fratres*) expolitum. Cui succedit consequens attributum, quo indicatur, per ellipsin verbi substantivi, quibus scribat, cum ait, *Ecclesiis Galatiæ*, videlicet *γὰρ ἐγὼ scriβί* vel *ἐπιστάλλῃ* *mittit epistolam*: quemadmodum Erasmi. in annot. ad Rom. 1. alique, post ipsum, accurati interpretes rectè observarunt. Quod enim vulgò solent, sine hac ellipsi, inscriptionem cum salutatione, in unam periodum compingere, illud constructioni non convenit: quia hoc modo pronomen *ἐμὴν* superfluum esset. Deinde scribendum esset, non *χάρις*, sed *χάρις*, supple *ἐμὴν χάρις optat*. Quemadmodum Act. 15. v. 23. *Apostoli & c. fratribus χάρις* *gaudere*, id est, salutem (ut vulgatus interp. & alii quoque rectè exponunt) scil. optant. Dicitur autem hic *χάρις ἐμὴν*, supple

ple *ἵνα* aut *ἵνα* sit. Quemadmodum 2. Ioan. epistola post inscriptionem vers. 1. & 2. absolutam, dicitur, alterâ perfectâ periodo salutationem continente, *ἵνα*, id est, *sit vobiscum gratia*: ut etiam 3. Ioann. epistola præmissa inscriptione hac v. 1. *presbyter Gajo dilecto, quem ego diligo, in veritate*, supple *scribit* vel *scribo*: Deinde subjicitur nova periodo, salutatio ab antecedentium vocum constructione minimè dependens: *dilecte, inprimis opto, ut prospere agas & bene valeas*. Sicut etiam 2. Petr. 1. 2. perfectâ, & ab inscriptione præcedente, distincta salutatio apparet. Sicut similiter in epistola Judæ vers. 2. Atque hoc etiam modo in hac Pauli inscriptione *Paulus Apostolus &c. Ecclesiis Galatiæ* supple, *scribit*. Ita ut salutatio, sequente nova periodo subjiciatur. Quod hac de causa observandum; quia eo neglecto, in omnibus ferè epistolarum principiis inscriptio, & salutatio una periodo perperam designantur: & quidem in præstantissima quoque majori ac minori Rob. Stephani editione, ut alias prætereamus. Porro illi quibus Apostolus scribit, sunt Ecclesiæ Galaticæ: quomodo hæc epistola à reliquis illius distinguitur. Reliquæ enim ad unius urbis Ecclesiam (ut Rom. Corint. Ephes. Phil. Colos. Thef.) aut ad unum Evangelii ministrum (ut Timot. Tit. Phil.) scriptæ ac missæ: hæc verò ad magnæ regionis Galatiæ Ecclesias. Quia ab hisce omnibus scribendi occasio data erat: & communis earum utilitas ac salus hoc efflagitabat. Atque ita prima præfationis hujus epistolæ pars exposita est.

Alterâ verò est Galatarum salutatio, seu amica appellatio: qua bona iis optantur. Quæ ab omni penè memoria, tam ab infidelibus, quam fidelibus, prudenter in epistolis præmitti solet, ad benevolentiam scribentis testandam, & mutuam eorum quibus scribitur conciliandam, aut fovendam. Quemadmodum olim etiam apud Chaldæos & reliquas gentes, experientia demonstrat: ut in epistola subditorum ad regem, Esd. 5. v. 7. & regum ad subditos, Dan. 3. v. 31. Forma autem salutationum in Sacris epistolis vel communis est, vel propria. Communis, quæ profanis etiam fuit in usu: sicut cum Apostoli fidelibus Act. 5. 23. Iac. 1. 1. optant *χαίρειν*, hoc est, gaudere, id est, gaudium (sive ut Latini per meton. effecti, pro causa explicant atque utuntur) salutem. Ut etiam Horatius Græcos imitari solitus epistola 8. habet. *Celso gaudere, & bene rem gerere*, hoc est, *χαίρειν ὑμῖν ἁπλῶς*. Qualis etiam salutatio 3. Ioan. v. 2. usurpatur. *Dilecte inprimis ὑμῶν ὡς ἡμεῖς opto, ut prospere agas & bene valeas*. De qua communi salutationis formula, elegans est ac lectu digna Luciani apologia de lapsu in compellatione, edit. Basil. Græco-lat. tom. 3. p. 182. Similis quoque communis salutationis forma fuit, *pax*, id est *salus*, *tibi* aut *vobis*, tam Chaldæis, Esd. 5. 7. & Dan. 3. 31. & 6. 26. quàm Hebræis; ut ex obviorem salutatione apparet, Iud. 19. 20. Luc. 10. 5. Ioan. 20. 21. 26. Quæ licet communes salutationum formæ (si verba spectemus) salutem animi & corporis optarunt: ut etiam Lucianus apologia jam memorata indicat; eam tamen ut plenius fideles intellexerunt: ita etiam plenius quam infideles optasse constat: ut non solum corporalia ac temporalia, sed etiam spiritualia bona ac salutem optarint. Propriæ autem salutationum formæ fuerunt Apostolorum illæ, quibus non solum temporalia bona, ut profani: sed inprimis spiritualia & æterna, ad salutem æternam pertinentia, propria loquendi ratione optarunt. Qualis etiam consueta Apostoli salutatio, cum alibi, tum hoc in loco continetur. Quæ 1. proponitur; deinde exponitur. Proponitur autem vers. 3. *gratia vobis & pax*, (supple sit) à *Deo Patre, & Domino nostro Jesu Christo*. In quâ Galatarum salutatione bona iis optata, & à quo datore ea optet, indicatur. Bona autem optata, sunt *gratia & pax*: quæ antecedenti salutationis subiecto indicantur. *Gratia* autem primum immeritam Dei benevolentiam notat: à qua salus nostra promanat, Rom. 3. vers. 24. Eph. 2. vers. 8. Deinde effectum illius, scil. donum salutis gratuitum, inprimis justificationem designat, Rom. 6. 14. 15. Gal. 5. 4. quæ justificatio, *donum per gratiam Christi*, Rom. 5. v. 15. appellatur. *Pax* verò Dei quamvis variè accipiat, commodissimè tamen

effectum justificationis indicat, sicut Rom. 5. v. 1. *Justificati igitur ex fide, pacem habemus apud Deum*, id est, reconciliationem. Quomodo Act. 10. v. 36. dicitur *Evangelizans pacem per J. Ch. & Eph. 2. 17. Rom. 10. v. 15. ex Elai. 52. v. 7. unde Evangelium sermo reconciliationis dicitur 2. Cor. 5. v. 19. Qui sensus ad scopum & phrasin Apostoli, in hac epistola, maximè idoneus. Cum enim in gratiam & pacem Dei, multi Galatæ, in Ecclesiis, imprudenter seducti impegissent, Gal. 1. v. 6. eorumque donorum privatione, nisi relapsicerent, essent puniendi, Gal. 5. v. 2. opportunè hæc bona nempe *gratiam & pacem*, in salutationis principio, iis optat. Atque hæc strictim de salutationis subiecto seu bonis optatis: Consequens verò attributum est *vobis*, supple *sit, à Deo Patre & Domino nostro Jesu Christo*. Quo indicatur causa, à qua hæc bona optantur, nempe à *Deo Patre & Domino nostro Jesu Christo*. Deus Pater quatenus ut unus cum Filio & Sp. S. Deus, fideles justificat gratis, Rom. 3. vers. 24. & justificatos sibi reconciliat, Rom. 5. v. 1. 2. Cor. 5. v. 19. Jesus Christus verò etiam distinctè justificationis gratiam & pacem, fidelibus, suâ ad mortem usque obedientia, acquisivit, Rom. 5. v. 1. 9. 10. Neque ineptum est hoc votum, quod gratiam & pacem fideles haberent: quia ea intelligit, non ratione initii: sed ratione conservationis & incrementi: & quidem pro votorum etiam in epistolis profanis ratione, Dan. 3. 31. & 6. v. 26. *pax vobis multiplicetur*; & in Sacris, 1. & 2. Petr. c. 1. 2. *gratia vobis & pax multiplicetur*. Atque ita salutationis propositio pertextitur. Expositio verò illius est periphrasis Christi, ad scopum hujus epistolæ maximè conducens. Describit enim à beneficio mortis ipsius: ut ea ratione, Galatas, à Christi gratia, non nihil seductos, ad eam revocaret. Beneficium autem illud 1. exprimitur: deinde à causis suis declaratur. Ac beneficium quidem exprimitur, his verbis, *qui dedit semetipsum pro peccatis nostris, &c.* Hoc est, obtulit seipsum Deo sacrificium, pro peccatis nostris. Cujus rei præstantia indicatur, 1. à sacrificii hujus origine: nimirum quod dedit, hoc est, lubens, ex dilectione erga nos, obtulerit Deo sacrificium, Eph. 5. v. 2. *versamini in Charitate, sicut & Christus dilexit nos, & tradidit semetipsum pro nobis, oblationem &c.* Deinde altera præstantia est in ipso met sacrificio, quod non bruta animantia, ut sacerdotes V. T. sed *semetipsum* obtulerit in sacrificium pro peccatis, Hebr. 9. v. 12. 14. Denique præstantia tertia in causa oblationis consistit: quod scil. non primum pro peccatis etiam suis, ut sacerdotes V. T. Hebr. 7. v. 27. sed sine peccato existens ac iustus, pro *nostris peccatis* se obtulerit, ut 1. Cor. 15. v. 3. *Christus mortuus est pro peccatis nostris secundum scripturam*. & 1. Petr. 3. v. 18. *Christus semel pro peccatis passus est, iustus pro iniustis, ut nos ad Deum adduceret*. Cæterum ad accuratiorem hujus sententiæ intelligentiam, ne temerè phrasas illæ, *Christus obtulit se, seu mortuus est pro peccatis nostris, & obtulit sese, siue mortuus est pro nobis*, confundantur, vocis illius *ὅτι*, id est, *pro*, ambiguitas distinguenda. Ea enim duobus potissimum modis accipi solet, vel pro loco, siue vice alicujus: vel pro causa. Prioris modi exempla sunt sacra & profana illustria: qualia in S. L. primum, 1. Sam. 18. v. 33. *Abfolon, fili mi, quis tribuet mihi, ut moriar pro te*: hoc est loco tuo. Deinde cum Christus dicitur, *mortuus pro nobis*, Rom. 5. v. 1. & *factus pro nobis maledictum*, Gal. 3. v. 13. hoc est, loco nostro: quod ob peccatum, obnoxii eramus morti & maledictioni, Rom. 16. v. 23. Deut. 27. v. 26. ideo Christus tanquam sponfor N. T. Heb. 7. v. 22. & 9. 15. debitum mortis ac maledictionis nostræ in se recepit atque persolvit. Talis etiam phrasis, eo sensu, apud profanos authores extat: qua de re hæc observari possunt perspicua & numerosa exempla: ut apud Euripidem tragœdia Alcestis crebrò demonstrat. Ut in editione Græco-lat. cum scholiis Genevæ edita, à Paulo Stephano pag. 607. *Θανῶν ὡς καὶ ἐγὼ mori pro eo*. pag. 616. *ὁ θνήσκω μετὰ pro quo morior*, & pag. 617. *τὴν αἰσχροῦ θνήσκω μετὰ pro hoc viro morior*, & pag. 623. *ὁ θνήσκω ὡς ὁ σὺ θνήσκεις morior pro te*, & pag. 628. *ὁ θνήσκων ὡς ὁ σὺ θνήσκεις morientes pro te*. Nam Græcum *ὡς* cum verbo compositum suam hîc significationem retinet, & 630. *τὴν αἰσχροῦ αἰτ' ἵμ' mortua est pro me*, & pag. 634.*



pag. 634. *οὗ θάνατος ὑπὲρ σου* mortua pro viro, & pag. 643. *θαυνοῦν ὑμᾶς ὡς παῖδες*, mori pro tuo filio, & pag. 645. *παῖδες ὡς θνήσκον πατέρας* parentes mori pro liberis, & pag. 646. *μὴ θύσῃς ὑπὲρ τοῦ ἀνδρός*, id est, *ὡς ὁ ὢν ὡς σὺ*. Ne moriaris pro hoc viro (id est pro me *δεικνῶς*, ut creberrimè apud Sophoclem & alios) neque ego pro te: ulò etiam, tanquam Synonyma, *ὑπὲρ & ὡς* (unde latinum *pro* acceptum) usurpantur. Et ibidem *καθὼς ἡ γυναὶς ὑπὲρ αὐτοῦ*, mori mulierem pro te. Denique pag. 647. *ὡς δ' ἐν ὡσθνήσκων* moriens pro te. In quibus exemplis memoratu dignis, & exceptione majoribus observandum, hæc præpositiones *ὑπὲρ*, *πρὸς*, *ἀντὶ*, & *ὡς*, eodem sensu, ut *vice* live *loco* alicujus usurpari: quemadmodum argumentum tragœdiæ, uxoris pro marito alioqui jam mortituro, mortem illius in se recipientis demonstrat. Quo etiam sensu latinè Cato alicubi ait; *cum sis ipse nocens, moritur cur victima pro te?* hoc est tuo loco. Atque hæc ad primæ significationis illustrationem, adversus corruptelas Socini, inservire possunt. Altera verò significationis vocis *ὑπὲρ* ea est, quæ non vicem, sed causam, ut latinè *propter* designat: & quidem vel efficientem impulsivam, vel finalem. Efficientem quidem, ut Rom. 15. v. 9. *gentes verò ὑπὲρ αὐτοῦ pro misericordia glorificent Deum*, Phil. 2. v. 13. *Deus efficit in vobis velle & perficere ὑπὲρ τῆς εὐδοκίας pro sua benevolentia*. Finale verò designat, Ioan. 6. 51. *caro mea est, quam dabo ὑπὲρ*, id est, *pro mundi vita*; hæc enim hujus donationis finis est citra controversiam. Sic etiam, Eph. 3. v. 13. *afflictiones meæ ὑπὲρ ὑμῶν pro vobis*, id est, non vestro loco: sed ad utilitatem vestram; ut res ipsa ostendit. Hisce jam vocis *ὑπὲρ pro*, significationibus expositis, quænam in hac Apostoli sententia, de qua agimus, maximè idonea sit, expendendum. Ac prima quidem minus videtur convenire: quoniam Christus non est mortuus, seu seipsum non dedit in sacrificium, pro peccatis nostris, id est, vice seu loco peccatorum nostrorum: quia vera mors iis non convenit, ut nec vera vita: Ideo altera communi ferè consensu approbatur. Verum an causa efficiens impulsiva, an finalis denotetur, quæstio est. Plerique autem interpretes secundum amplectuntur, ut *pro peccatis nostris* idem sit atque *pro expiatione peccatorum*: quæ pia quidem sententia est: sed non satis videtur Scripturæ phrasi convenire. Nam neque peccata nostra, & expiatio eorum sunt idem, sed penitus diversa, utpote subjectum & accidens illius: deinde significatio hæc nullo scripturæ usu demonstratur. Quamobrem accommodatius est, ut causam efficientem impulsivam sacrificii Christi intelligamus. Quia trita phrasis scripturæ, *Sacrificium pro peccatis*, id est, ob peccatum perpetratum: ut creberrimè usurpatur, Lev. 6. & alibi passim apud Moysen, ut etiam res ipsa persuadet. Peccata enim nostra, quatenus ex iustitiæ divinæ lege, mortem merita: Christi misericordiam moverunt, ut se pro nobis offerret, & pœnam peccatis nostris debitam in se reciperet solvendam. Atque ita dicitur *peccata nostra*, id est pœnam peccatorum nostrorum, pertulisse, 1. Pet. 2. v. 24. Cæterum etsi peccata nostra, intercedente merito seu reatu, mortem mereantur, causa tamen impulsiva mortis Christi statuuntur, non absolute ac per se seu vi sua: sed per accidens concurrentis gratiæ ac misericordiæ Christi erga nos, qua vadem se pro pœna peccati debita exhibuit tanquam sponsor N. T. Hebr. 7. v. 22. & mediator illius, c. 9. 15. Atque hæc quidem de beneficio sacrificii Christi pro peccatis nostris.

Cujus ab Apostolo, ad maiorem rei præstantiam ostendendam, adduntur causæ duæ, finis & efficiens principalis. Ac finis statuitur hoc modo, *ut nos eximeret ex hoc præsentī seculo malo*. Ad cuius intelligentiam maiorem declarandum est, quid *seculum* & quidem *præsens* ac *malum*: deinde quid *exemptio ex eo* designet. Ad prius quod attinet, cum *seculum* variè in Scriptura Sacra usurpetur: vel ut longum tempus (modò finitum, modò infinitum) notet, vel vitam: ut alibi diversè accipitur: hoc tamen in loco *mundum* significat: ut Hebr. 1. v. 2. *per quem & secula fecit*, quod Beza, sensu rectè expresso, transfert *mundum condidit*: ut etiam, Hebr. 11. v. 3. *πίστι fide*, id est, per fidem, intelligimus constructa esse secula, hoc est, mundum: ut idem

Beza interpretatur: quemadmodum loci circumstantiæ eam expositionem evincunt. Quæ significatio per metonymiam adjuncti pro subjecto, usurpatur, quod scilicet mundus per secula plurima duret. Et ut *mundus* pro hominibus mundo contentis accipi solet: sic & hoc in loco, ita tamen ut generalis significatio ad certam hominum speciem restringatur, sicut adjuncta epitheta distinctè indicant: nam & *præsens* hic & *malum* seculum vocatur: *præsens*, ut à futuro; & *malum*, ut à mundo fidelium distinguatur. Mundus autem malus dicitur, à morum ac factorum impietate, & *mundus impiorum*, (qualis, qui ante diluvium extitit dicitur, 2. Petr. 2. v. 5.) nominari potest: quia totus in malo jacet, 1. Ioh. 5. 19. Cui hoc loco opponuntur fideles, cum dicitur, *ut eximeret nos ex eo*. Quibus verbis & antecedens nostra miseria, & consequens liberatio per Christum indicatur: miseria quidem, quod antea ex mundo fuerimus: liberatio vero quod *exempti sumus* per gratiam Christi: qui ut ad hunc scopum suo sacrificio collimavit, eumque promeritus est; sic eundem constanti voluntate ac potentia sua divina est assecutus. Exemit enim nos à mundo hoc præsentī malo, duobus quasi gradibus, sanctificatione & justificatione: Sanctificatione quidem, cum donatione fidei vivæ & charitatis, nos à malitia incredulitatis & impietatis mundi eruit ac liberat, 1. Cor. 6. v. 11. Eph. 2. v. 3. 6. 1. Pet. 3. v. 24. Justificatione vero cum à maledictione mundi (cui ob peccata communia eramus obnoxii) nos liberat, Gal. 3. v. 13. Rom. 8. v. 1. & 34 & iustos coram Dei tribunali in se constituit. Rom. 3. v. 23. 25. & 5. v. 1. 17. 18. Atque hæc strictim de beneficii Christi (quo sese in sacrificium, pro peccatis nostris, Deo obtulit) priorī causæ, nempe illius fine. Altera vero causa est efficiens principalis, à qua beneficium illud Christi promanat: quam causam 1. nervosè indicat: deinde eandem merita *δοξολογία*, seu gloriæ celebratione, ad gratitudinem suam testandam, & ad Galatarum correctionem omniumque fidelium exemplum, illustrat. Efficiens principalis indicatur, cum dicitur, *secundum voluntatem Dei & Patris nostri*: Christus enim peccatorum nostrorum reatum & pœnam in se suscepit, non temere: sed Dei voluntate ad illud necessaria. Ut enim Deus est mundi iudex, qui peccata pro sua vindicatrice iustitia punit: non potuit Christus nostrorum peccatorum meritis pœnas in se recipere, nisi Deo id volente. Voluisse autem inde constat, quia Christum ad id officium ante jacta mundi fundamenta prædestinasse dicitur, 1. Pet. 1. v. 19. 20. deinde propria voluntatis illius effecta idem demonstrant: quod ad illud obeundum in mundum miserit Christum: ut Christus agnoscat, Joa. 18. v. 2. *an poculum, inquit, quod mihi Pater dedit, non bibam?* & in agone ante mortem constitutus, ut Matth. 26. 42. declaratur, ait, *Pater, si non potest poculum hoc à me transire, quin bibam illud, fiat voluntas tua*. Id quod etiam per Prophetam, Ps. 40. v. 8. 9. ante expressum, Christi venturi nomine, & Heb. 10. v. 9. repetitur: *Ecce venio, ut faciam voluntatem tuam*, & v. 11. *Qua voluntate sanctificati sumus, per oblationem corporis Christi*. Denique hac voluntate Dei, Christus non solum in sacrificium, pro peccatis nostris, missus est: sed etiam à Deo pro nobis in mortem hostibus traditus est, Rom. 8. v. 32. Ac propterea Pilato dixit Christus; *non haberes potestatem*, &c. Ioan. 19. v. 11. Sic Petrus idem asserit, Act. 2. v. 22. *Hunc definito Dei consilio & providentia Dei deditum cum accepissetis per manus iniquorum, affixum (sc. cruci) interemistis*, cui similis sententia, Act. 4. v. 27. 28. Quæ voluntas Dei eo amplius etiam indicatur, quod non solum externis (ab hostibus ipsi illatis cruciatibus) Christum tradiderit, sed etiam æternas nobis pro peccatis debitas pœnas, ut sponsori inflixerit, ut Esa. 53. v. 5. *Ille dolore afficitur &c. v. 6. Februa facit, ut incurrat in eum iniquitas* (hoc est iniquitatis pœna) *omnium nostrum*, & v. 10. *Februa voluit conterere ipsum*. Quæ Dei, in sacrificio Christi, pro peccatis nostris, voluntas, reipsa summum erga nos amorem complectitur. Ideoque Apostoli tanquam summum erga nos beneficium, à quo salus nostra dependet ac certò oritur, passim extollunt. Rom. 5. v. 8. & 8. 31. 32. 1. Ioan. 4. v. 9. & 10. in eo patefacta est charitas Dei erga nos, quod Filium suum unigenitum

genitum misit in mundum, ut vivamus per eum, In hoc est charitas Dei, non quod nos dilexerimus Deum, sed quod ipse dilexerit nos, & miserit Filium suum, propitiationem, &c. Quamobrem exposita hac benigna erga nos voluntate Dei, qua Christum filium suum pro peccatis nostris in sacrificium dedit, rectè apostolus ipsum vocat *Patrem nostrum*, ut qui per Christum Pater noster est, & nos filii illius atque hæredes facti sumus. Ac propterea, ob summum hoc beneficium, solemni hac Dei celebratione, præfationem concludit, cum ait, *cui sit gloria in secula*, &c. ut Rom. 16. 27. Eph. 3. v. 21. Phil. 4. v. 20. 1. Tim. 1. v. 17. 2. Tim. 4. v. 18. Hebr. 13. v. 21. 1. Petr. 4. v. 11. & 5. 11. & Epist. Judæ, v. 25. quæ gloria ut Deo debetur, sic finis gratiæ illius existit. Atque hoc modo absoluta est præfatio hujus epistolæ: per quam, via, ad tractationem rei propositæ subnectendam, commodissime strata est: ut cohærentia postea ostendat. Antequam vero ad eam explicandam progrediamur oportunum hoc loco, ac penè necessarium arbitramur, ut illud quod à nobis in præfatione consultò dilatum (ne declarationis illius series interrumpatur) paulò plenius expendere conemur. Hoc autem est:

Celeberrima illa ac dignissima QVÆSTIO,  
de causa impulsiva, fine, ac fructu  
mortis Christi, nimirum:

*An Christus, speciali gratia, pro solis ad salutem electis, loco eorum, passus sit ac mortuus, eosque Deo reconciliaverit: an vero universali gratia, pro omnibus ac singulis, tam reprobis qui damnantur, quàm electis qui servantur, id præstiterit?*

PRius in Synodo Nationali Dordracena, & in ecclesiis nostris asseritur: posterius verò à Lutheri discipulis, qui se distinctè Lutheranos vocant; & contrà sentientes atrocibus convitiis infectantur. Quod ut clarius evadat, testimonia eorum, quibus disertè hanc sententiam exprimunt, proponemus. Ac primùm quidem Jac. Andreæ, in colloquio Monpelgardensi, sententia (quam etiam Beza, in sua responsione, ad acta illius colloquii, parte altera pag. 218. totidem verbis recenset) hæc est: *quod Christus non minus pro damnatis sit passus, crucifixus & mortuus, & pro ipsorum peccatis satisfecerit, quàm pro Petri, Pauli, & omnium sanctorum peccatis*, Idemque docet Æg. Hunnius expressè in lib. art. de justificat. edito Francof. a. 1596. ubi studiosè de hac re agens probare conatur, primò p. 58. *Christum pro omnibus hominibus esse passum & mortuum*, hoc est pro singulis. citra exceptionem: deinde p. 59. *Christum mortuum etiam pro iis, qui damnantur*. Idem postea tradit Mat. Haffenrefferus D. & P. Wittenb. in Loc. Theo. a. 1607. excusis, l. 3. p. 262. & 386. *Christum pro omnibus peccatis omnium hominum, totius mundi, sacrificium suum obtulisse*. & ibid. p. 389. *Anne igitur Christum, pro illis, qui pereunt, mortuum judicas? maxime*. Accedit huic alter D. ac Prof. Witten. Leon. Hutterus, in libri Concordiæ symboli ecclesiarum ymoies Lutheranarum, explicatione Wittenb. edita, a. 1608. art. 11. p. 1190. ubi hanc quintam ponit thesin: *Filius, inquit, Dei, in assumpta humana carne mortuus & passus est, Patrique satisfecit pro peccatis totius mundi: & in specie etiam pro peccatis reproborum*. Quibus accedit a. 1609. Hen. Echardus, in fasciculo quæstionum Theologicarum p. 182. *an satisfactio & meritum Christi sit universale? affirmamus*. & p. 124. *Christus mortuus est, non pro solis electis: sed etiam pro damnatis*. Hactenus Lutheranorum sententia, ipsorum verbis, expressa: ut perspicuè constet, nihil illis à nobis affingi: sed statum controversiæ sincerè proponi. Atque hæc de sententia duplici, ratione quæstionis propositæ: consequens igitur est, ut argumenta utriusque sententiæ primaria nonnihil expendamus: à priori, (quam, ut S. literis omnino consentaneam, amplectimur) exorssi, cujus demonstrationes sunt plurimæ: è quibus nonnullas deligemus, quæ perspicuitate sua hoc merentur. Prima autem hujusmodi demonstratio hæc est: *Pro quibus*

Deus proprium suum Filium in mortem dedit, iis omnia ad salutem necessaria cum ipso donat. Atqui solis electis, non autem reprobis, omnia ad salutem necessaria, cum Christo, donat. Ergo Christus pro solis electis non autem pro reprobis mortuus est. Propositio firma est; ut quæ Apostoli assertionem disertè nititur, quæ expressa est ad Rom. 8. v. 32. 33. *Si Deus, inquit, pro nobis quis contra nos? Qui proprio Filio non pepercit, sed pro nobis omnibus tradidit eum, quomodo non cum eo omnia nobis donabit?* aut, ut Beza interpretatur, *gratificabitur*, Græce *χαριενται*; atqui solis electis, omnia, quæ ad salutem necessaria donare, quod assumptio continet, citra controversiam est: ut ibidem v. 28. & seqq. probatur. Reprobis verò omnia ad salutem necessaria non donari, quia non justificantur, utpote qui sub dominio & pœna peccati manent, ac damnabuntur certò, constat. Secunda demonstratio est hæc: *Qui reconciliati sunt Deo, per mortem Filii ipsius, illi reconciliati multo magis servabuntur per vitam ipsius. At soli electi, non autem reprobi, servabuntur per vitam Christi*. Ergo soli electi, non autem reprobi, reconciliati sunt Deo per mortem Filii ipsius. Propositio est Apostoli Pauli sententia ad Rom. 5. v. 10. *nam, inquit, si cum inimici essemus, reconciliati sumus Deo, per mortem Filii ejus, multo magis reconciliati servabimur, per vitam ipsius*. Assumptio clarissima ac certissima est: quia soli electi ad salutem, servantur, Mat. 25. vers. 34. & 46. Omnes contrà reprobi non servantur, sed damnantur, ibid. v. 41. & 46. Tertia demonstratio; *Quorum peccata Christus certò norat, secundum Dei decretum, & voluntatem expressam S. L. non posse remitti; pro iis sanguinem suum, in remissionem peccatorum, moriens non effudit. At verò reproborum multorum peccata non posse remitti, secundum Dei decretum S. L. expressum, Christus certo norat. Ergo pro iis, in remissionem peccatorum, sanguinem suum, moriens non effudit*. Propositionis veritas perspicua est: quia Christus non potuit piè, neque sapienter eorum peccatorum, quæ non poterant remitti, remissionem morte sua destinare: quia & voluntati Dei & conscientiæ propriæ (quod absit) fuisset adversatus. Assumptio etiam solida est: quia Christus norat, primùm, maximam totius mundi partem, ob peccata sua æternis Inferni flammis, sine ulla spe veniæ, cruciari: deinde sciebat etiam (quod ante mortem diserta sententia definierat) peccatum in Sp. S. remitti nequaquam posse, ejusque non paucos esse reos, Matth. 12. v. 31. 32. Peccatum autem illud in Spir. S. (ut obiter hoc declaretur) est impietas adversus Evangelium, qua quis Christum, per revelationem Spir. S. cognitum, sciens, volens, ex destinato odio, contumeliis afficit. Quarta demonstratio est: *Quicumque debitas, pro omnibus suis peccatis, pœnas ipsimet Deo persolvunt: pro iis, Christus, passione & morte sua, easdem pœnas perfectè non persolvit. Sed reprobi debitas, pro omnibus suis peccatis, pœnas ipsimet Deo persolvunt. Ergo Christus passione & morte sua, pro reprobis, easdem pœnas perfectè non persolvit*. Propositionis veritas ex judiciali Dei justitia liquet: quum enim Deus sit justus mundi iudex, non potest justè duplicem omnium pœnarum deuitarum solutionem perfectam, unam à debitoribus ipsis; alteram à sponse Christo exigere; sed alterutram tantum: & quidem ex universalis justitiæ judicialis lege, quæ unicam tantum peccatis perpetratis pœnam æqualem inferre potest. Assumptio etiam extra controversiam est; quia reprobi omnes damnantur in æternum: ideoque cruciatibus æternis pœnas peccatorum suorum omnium ipsimet perfectè luunt. Quinta demonstratio est: *Pro quibus solis Christus Patrem orat; pro iis solis sese in sacrificium, pro peccatis eorum, obtulit ac mortuus est. At pro solis ad salutem electis, Christus Patrem orat: non autem pro reprobis. Ergo pro solis ad salutem electis sese in sacrificium, pro peccatis eorum obtulit ac mortuus est: non autem pro reprobis*. Propositionem officium Christi sacerdotis confirmat: cujus duo sunt certissima effecta, indissolubili vinculo connexa, nimirum orare pro reconciliatione ac salute peccantium, & pro iisdem sese in reconciliationis sacrificium offerre; ita ut cui unum convenit, alterum etiam convenire necesse sit: & contrà cui unum denegatur, alterum verè adscribi non possit: Sacræ enim literæ ea duo beneficia connectunt. Quemadmodum enim Christus, pro iis, quos Pater ei de-

ei dedit, orat, ut ille eos servet à malo, Ioan. 17. v. 17. sic etiam addit, v. 19. & pro iis ego sanctifico me (hoc est, in vitam consecro) ut & ipsi sanctificati sint in veritate. Et Rom. 8. v. 34. mors Christi & postulatio pro nobis, tanquam beneficia, ad eisdem pertinentia, conjunguntur. Sic etiam ad Hebr. 7. Christi Pontificis effecta referuntur, primum interpellare pro nobis, v. 25. deinde semetipsum pro nobis offerre, v. 27. Assumptio verò ex iisdem locis (quæ de electis disertè satis loquuntur : & inprimis ex Christi expressa assensione, Ioan. 17. v. 9. Ego pro iis rogo, non pro mundo rogo : sed pro iis, quos dedisti mihi; quia tui sunt : ubi per mundum universitatem reproborum intelligi, oppositio, & ab oratione Christi exclusio declarant. Oppositio quidem, quia mundus hoc loco, opponitur iis, qui Patris sunt, hoc est, electis à Patre in filios ut 2. Tim. 2. v. 18. Deus novit, qui sunt sui : quos Apostolus etiam reprobis, de quibus egerat, opponit. Tales autem, qui Patris esse dicuntur, sunt duplices : quidam solà prædestinatione, ad adoptionem in filios, Eph. 1. v. 5. quales etiam, Ioan. 11. 5. filii Dei dispersi, ac congregandi in unum, vocantur : alii verò sunt Patris bifariam, & prædestinatione & adoptione : ut omnes credentes, Ioan. 1. v. 12. 1. Ioan. 3. v. 2. Deinde mundus hic opponitur, non solum iis, qui Patris sunt : sed etiam iis, qui Christo à Patre dati, nempe ut per fidem, oves Christi & salvi fiant. Quales duplices similiter sunt, videlicet vel prædestinatione solà : ut Ioan. 10. v. 16. alias oves habeo, quæ non sunt ex hoc ovili : quas oportet me adducere. Et v. 37. omne quod dat mihi Pater, ad me veniet, id est, in me credet : alii verò dati Christo non solà prædestinatione : sed etiam vocatione & traditione efficaci, Ioan. 17. 12. Quos, inquit, dedisti mihi, eos servavi. Utroque autem datos, mundo opponit Christus ideoque per mundum reprobos intelligit. Idemque demonstrat ab oratione Christi exclusio absoluta, cum ait Christus, non rogo pro mundo : sed pro iis, quos dedisti mihi, nempe in oves, ut eis dem vitam æternam, ut Ioan. 17. v. 2. ait, ut omne quod dedisti ei, det iis vitam æternam. & Ioan. 6. v. 39. hæc est voluntas ejus, qui misit me Patris, ut omne quod dedit mihi, non perdam ex eo. Tales autem & dati erant pro quibus Christus orat Luc. 23. v. 34. Et quod oravit pro iis, certò à Patre impetravit : quia semper exauditur, Ioan. 11. v. 42. ut eventus etiam ostendit horum qui mortis illius fuerunt authores : adeò ut primum tria eorum millia Actor. 2. vers. 4. deinde quinque millia, per Apostolorum sermonem, sint conversa & in gratiam à Deo recepta, Actor. 4. v. 4. Quod autem Christus ait, se pro reprobis non orare, mirum non est : quia eos partim tum in æternum damnatos, partim in peccatis justè relinquendos ac damnandos cognorat : imo pro iis non solum non orat ; sed etiam contra quosdam, nempe reprobos Israelitas disertè orasse S. L. testantur, Psal. 69. v. 23. usque ad 30. quemadmodum ex eodem loco, idem, ad Rom. 11. v. 10. repetitur. Quod autem à quodam Theologo, contra confesum Ecclesiæ Reformatæ consensum, de oratione Christi, pro solis electis, objicitur : oravit quoque pro omnibus illis, super quorum incredulitate & venturis pœnis tantopere doluit. Marc. 13. v. 4. Luc. 19. v. 41. 42. si possibile esset, ut crederent & servarentur : etiam si homines, ex malitia & incredulitate, tantam gratiam spreverint : in iis (inquam) verbis, duplex ac perspicua à veritate scripturæ aberratio est : nam, ut omittamus, quod in loco Marci nullum omnino illius rei indicium : primum, in Lucæ verbis, fletus Christi (ex humana venturæ pœnæ commiseratione promanans) mentio quidem est : sed ne 3. p. quidem, de oratione, pro iis, apparet, nedum qualis hic fingitur : sic enim Lucæ verba sonant, & ut appropinquavit, visa urbe, flevit super ea, dicens, Quod si tu etiam cognosceres, etiam in hoc tuo die, quæ ad pacem tuam (supple, pertinent) sed nunc abscondita sunt ab oculis tuis. Hæc dicta Lucæ adeò aperta & à proposito adversarii aliena, ut citius aquam à pumice expellerit, quam ex illis verbis, orationem Christi, pro Hierosolymitanorum fide & salute, eruere valeat. Deinde alter etiam error accedit, quod hæc (quorum forte desilevit Christus) malitiam attribuit : cum Christus sui contemptum, non eorum malitiæ, sed ignorantia

disertè adscribat : quod scilicet, ex zelo sine scientia, (qualis Judæorum plerorumque ad Rom. 10. v. 1. describitur) Christo adversarentur. Si, inquit, cognosceres, quæ ad pacem tuam pertinerent (supple, felix esses, aut in calamitates venturas non incideres, est enim apoliopesis) sed abscondita sunt ab oculis tuis : ideoque majorem populi partem intelligit : non autem pauciores illos, qui Christum cognitum malitiâ rejecerunt, atque etiam occiderunt : quales illi principes sacerdotum & Pharisei illi, de quibus Christus loquitur, Matth. 21. v. 38. & 46. Quamobrem quinta demonstratio contra universalem mortis Christi gratiam firma persistit. Sexta porro demonstratio est ; Pro quibus Christus sanguinem novi fœderis effudit, ac mortuus est, illi & sanctificationem & remissionem peccatorum perpetuam à Deo consequuntur. At verò solis electi & sanctificationem & remissionem peccatorum perpetuam à Deo consequuntur, non autem reprobi. Ergo pro solis electis Christus sanguinem novi fœderis effudit ac mortuus est, non autem pro reprobis. Propositio inde confirmatur, quod Christus sui sanguinis effusione, & morte intercedente, iis pro quibus mortuus, novum fœdus confirmavit : quemadmodum ostendit, Matth. 26. v. 28. hoc est enim sanguis meus novi fœderis, qui pro multis effunditur, in remissionem peccatorum. Novi autem fœderis promissa beneficia indivulsa sunt duo, perpetua sanctificatio & remissio peccatorum perpetua, per sanguinem & mortem Christi parta. Vnde ad Hebr. 7. v. 22. Christus sacerdos noster præstantioris fœderis (id est novi) sponsor factus dicitur. Et ad Hebr. 8. v. 6. excellentius ministerium sortitus est, quo præstantioris est fœderis iuvans mediator, quod præstantioribus promissis sancitum est. Promissa autem illa (ex Jeremiæ, cap. 31. 33. & seqq. descriptione) exponit Apostolus : primum sanctificationem, v. 10. indam, inquit, leges meas menti eorum & cordi eorum inscribam eas. Perpetuitas verò indicatur sequentibus, & ero ipsis Deus & ipsi erunt mihi populus : nam in fœdere novo esse Deum alicujus, est esse servatorem perpetuum ad salutem : ut ex Christo colligimus, Matth. 22. v. 32. quemadmodum etiam oppositio veteris ostendit ad Hebr. 8. v. 8. & 9. faciam novum fœdus, non secundum fœdus quod feci cum Patribus eorum &c. quia illi non perseveraverunt in illo meo fœdere, & ego despexi eos, dicit Dominus. Ergo novum fœdus, quod Christi sanguine sancitum, constans est, ita ut Deus perpetua sua gratia fœderatis adsit : non autem despiciat, sed promissa servet : & sanctificationem ad finem donet. Id quod in ejusdem fœderis formula per Ezechielem repetita, clarissimum est cap. 36. 26. 27. Dabo vobis cor novum & Sp. meum ponam in medio vestrum, & amovebo cor lapideum & carne vestra, & dabo vobis cor carneum, & Spiritum meum ponam in medio vestrum, (ecce sanctificationem per Sp. S. donum) & faciam, ut in statutis meis ambuletis, & jura mea observetis & faciat is ea ; en quoque perpetuitas indicatur sanctificationis, novo fœdere certo promissa. Deinde remissionem peccatorum & quidem perpetuam novo fœdere promissam constat, ex eadem Jeremiæ descriptione ad Hebr. 8. vers. 12. his verbis adjunctis repetita. Ero enim propitius iniquitatibus eorum : & peccatorum ipsorum non recordabor amplius : quo perpetuitas remissionis perspicue declaratur : ut etiam ad Heb. 10. 14. unica enim oblatione consecravit, in perpetuum, eos, qui sanctificantur. Idque ibidem novi fœderis promissione repetita, versu 15. 16. & 17. explicatur ac confirmatur. Atque ita propositionis sextæ demonstrationis veritas, observatu dignissima, firma apparet. Assumptio similiter S. Literis comprobatur : quia electi utramque à Deo promissionem, sanctificationis & remissionis peccatorum perpetuæ, assequuntur : vocantur enim ad fidem, & justificantur gratia Dei, ad glorificationem usque constanti, ad Rom. 8. 30. 31. 32. & pro iisdem Christus orat, Joh. 17. v. 9. ut Pater eos servet à malo v. 15. & sanctificet eos sua veritate v. 17. seque pro iis seipsum sanctificare, ut illi sanctificati sint in veritate, asserit vers. 19. & quidem ad salutem : quo spectat v. 24. Pater, quos dedisti mihi, ut ubi sum, illi sint mecum, ut conspiciant gloriam illam, quam dedisti mihi : ut etiam Joh. 6. 37. 39. Reprobos contra nec sanctificationem, nec remissionem peccatorum perpe-

perpetuam consequi, certò constat: quia alioqui non damnarentur, sed servarentur. Deinde neque de iis diceret Christus *nunquam novi vos*, Matth. 7. v. 23. Ac propterea morte sua, pro iis satisfacere, eosque sanctificare, ac remissionem peccatorum iis impetrare non intendit; quia in hisce maxima & notitia & dilectio consistit, Ios. 15. v. 13. Rom. 5. v. 8. 9. Eph. 5. v. 2. & v. 25. 26. contrà verò electos (utpote sibi à Patre datos) novit Ioh. 10. v. 14. 16. suaque benigna atque omnipotente manu eos conservat, v. 29. quia illorum pastor est bonus, qui animam suam pro ovibus ponit, ibidem v. 11. & *magnus ille ovium, per sanguinem fœderis æterni, pastor* Hebr. 13. v. 20. per cuius mortem, vetus homo crucifixus, Rom. 6. v. 6. neque amplius iis dominabitur v. 14. quia per corporis Christi oblationem sanctificati sunt Hebr. 10. v. 10. 14. Verùm quia adversus dicta, duo ab adversariis opponuntur; ea ad veritatis illustrationem proponemus ac diluere conabimur. Ac primum quidem, novi hujus doctrinæ adversarii (qui à nostris hac in re declinavit) effugium est huiusmodi, *Christum dicere de reprobis in infidelitate perseverantibus, quæ talibus, se eos non nosse*. Verum vox illa Christi *nunquam*, id est nullo tempore, distinctionem illam reproborum in prima infidelitate, & in perseverante consideratorum, omnino convellit; nec enim ait, *jam non novi vos*; sed, *nunquam*, id est, neque nunc, neque antea. Altera verò obiectio plus quidem habet coloris: sed re penitus observata, quemadmodum prior, omnino infirma est: quamvis Lutherani, eorumque affectu, eam plurimum nitantur. Antecedens autem illius, est sententia Apostoli Hebr. 10. v. 29. *quanto majori supplicio dignus censetur is, qui Filium Dei conculcaverit, & sanguinem novi fœderis prophanum duxerit, & quædam per quem sanctificatus fuit, & spiritum gratiæ contumelia affecerit*. Conclusio verò est; Ergo reprobis aliquis per Christi sanguinem sanctificatus. Nostrorum contrà responsiones generatim quidem conveniunt, vitiosam esse consequentiam: speciatim verò, in vitii demonstratione, diversa sunt judicia: quidam enim respondent, hanc adversariorum hypothelin, nempe per verba illa, *is qui Filium Dei &c. reprobum designari, qui à fide vera deficit ac perit, non esse certam, neque ulla ratione solidâ hætenus probatam*: immò contra circumstantias antecedentium & consequentium, de electis fidelibus intelligendum persuadere: nam v. 26. ubi de eadem re actum, dicitur, *nam si ultro peccaverimus, post receptam cognitionem veritatis, non adhuc pro peccatis reliqua est hostia*: ubi in persona prima loquitur Apostolus, *si peccaverimus*, id est, si quis ex nobis fidelibus peccaverit: ut etiam ostendit ad fideles directa hortatio, ad perseverantiam in fide, & confessione spei, v. 22. 23. & charitate v. 24. & ad fugam defectionis conventus ecclesiæ: adjuncta ratione duplici: primâ quidem, à diei illius (nempe judicii) propinquitate v. 25. secunda, à pœna privationis sacrificii pro peccato v. 26. & horrendi exitii v. 27. Cujus pœnæ justitia probatur comparatione supplicii illius, qui legem Moïsi rejecisset: quod ex testimonio duorum aut trium moreretur v. 28. Vnde concludit. *Quanto acerbior supplicio dignus censetur, qui Filium Dei conculcavit &c. & spiritum gratiæ contumelia affecerit*. Denique constat idem, ex Apostoli conclusione v. 39. *justus autem ex fide vivet; at si se subdixerit, scilicet à fide: unde apparet, de fidelibus agi*. Neque propterea (ut nonnulli existimant, & adversarii etiam contendunt) hoc modo perseverantia sanctorum in dubium vocatur: quasi quorundam ex iis apostasia statueretur, siquidem conditionalis est sententia (*si peccaverimus; item is qui Filium Dei conculcavit, hoc est, si quis*) ex qua neque antecedentis, neque consequentis veritas, immo neque (ut sic dicamus) alterutrius possibilitas recte concludi potest: exempli gratia, Christus de seipso ait Iohan. 8. 59. *Si dixerò, me cum, scilicet Patrem, non nosse, similis ero vestri, mendax*: ubi utrumque & antecedens & consequens impossibile: verissima tamen est sententia: quia hypotheticæ enuntiationis veritas in sola necessitate consequentiæ consistit. Deinde alterum exemplum est, Christi ad Apostolos, non minus, quàm ad populum, proposita comminatio communis Matt. 5. 20. *nisi abundaverit ju-*

*stitia vestra plus quàm scribarum, & Phariseorum non intrabitis in regnum cælorum*: quæ conditionalis sententia ob necessariam consequentiam, vera est; sed tamen neutra pars illius actu seu eventu extitit Joan. 17. v. 12. 17. 14. diverso tamen respectu, utrumque possibile fuit, & impossibile: possibile enim fuit, ut Apostolorum justitia non esset major, quàm Phariseorum, considerata per se, ratione cum infirmitatis eorum, Matt. 26. v. 41. Luc. 21. v. 31. & 32. Joan. 15. v. 5. tum potentiæ hostium, partim carnis adversus Spiritum repugnantis intus, Gal. 5. v. 17. partim mundi Joan. 16. v. 33. & principis illius Sathanæ Joan. 14. v. 30. per fraudem Eph. 6. v. 11. 12. & violentiam 1. Pet. 5. v. 8. foris oppugnantis. Per accidens verò proprium gratiæ Dei, seu ratione amoris Dei constantis & potentiæ illius, qui Apostolos ad salutem elegerat, Luc. 10. v. 20. & 12. 32. & per ac propter Christum conservabat Luc. 22. v. 31. 32. & Iohan. 17. v. 14. impossibile erat, ut à sincera justitia, ad fucam Phariseorum deficerent, atque ita à regno cælorum excluderentur. Sic etiam fideles Hebræi, per se quidem considerati, ratione infirmitatis ipsorum, & potentiæ hostium, potuissent deficere à fide: sed per accidens proprium gratiæ Dei, seu amoris Dei constantis Rom. 8. v. 32. & 39. & potentiæ illius conservantis 1. Pet. 1. v. 5. (secundum fœderis per Christi mortem sanciti promissionem, Rom. 8. v. 32. & ad Heb. 10. v. 16. 17.) deficere non potuerunt: quemadmodum Mat. 24. v. 24. de electis fidelibus & 1. Joan. 3. v. 9. de fidelibus, qui nati sunt ex Deo, Joan. 1. v. 12. 13. affirmatur. Potentia autem Dei conservans, est efficacia illius, partim per Spir. S. cum carne, mundum, Sathanam frænans, Matt. 6. v. 13. & 1. Cor. 10. v. 13. ad Rom. 16. v. 20. & fidem firmat. 1. Thess. 5. v. 23. & 24. partim per prædicationem Evangelii; qua doctrinam fidei & perseverantiæ illius, non solum generatim proponit ad notitiam, sed etiam speciatim ad obedientiam, & quidem reprehensionum & adhortationum stimulis impellit. Reprehensiones enim segiores, pudore injecto, ad zelum provocant: hortationes verò primum fidem mandant, ac constantiam illius: & pulchritudinis illius indicio & salutis præmio, ad eam inflammant: deinde ad defectionis fugam, fœditatis illius descriptione & exitii æterni comminatione, accedente Spiritus Sancti gratiâ impellunt. Quemadmodum etiam Apostolus cum alibi, tum etiam hoc capite observavit. Officium enim perseverantiæ traditur vers. 36. Reprehensio segnitæ Hebr. 12. v. 13. Hortatio verò ad perseverantiam cap. 10. 32. 33. 34. & ad fugam defectionis v. 25. & 35. Et ad illam quidem perseverantiam, promissione salutis v. 34. 36. 38. 39. ad defectionis verò fugam, comminatione exitii v. 26. 27. & 29. & 38. extimulat. Atque hujus accidentis proprii, nempe gratiæ Dei & potentiæ illius (per Spiritum & verbum Evangelii prædicatum) auxilio firmati fideles, licet per se deficere possent à fide, nunquam tamen deficient; sed mundum fide vident, 1. Ioh. 5. 4. eaque Diaboli violentiæ resistunt, 1. Pet. 5. v. 8. ac superant Eph. 6. v. 16. eumque fugant Iac. 4. v. 7. & seipsos servare dicuntur: nec malum ullum eos tangere (nimirum vulnere lethali) 1. Ioh. 5. v. 8. Ideoque Apostolus, hoc loco, Heb. 10. in conclusione capitis, comminationem ante positam, ita reponit ac repetit v. 38. *justus autem ex fide vivet; at si se subdixerit, non probat eum animus meus*, ut ita terrore pœnæ à defectione fideles averteret: & ne nimia infirmitatis suæ consideratione, prosternerentur, sed ut ad Dei gratiam & potentiam oculos attollant, additâ consolatione erigit v. 39. *nos verò non sumus, qui nos subducamus, ad exitium; sed qui credimus, ad animæ salutem*, scilicet secundum promissionem Christi: quod qui credit, habeat vitam æternam Ioh. 3. 36. æterna autem non est, quæ amittitur, & Ioh. 10. do iis vitam æternam, oves meas nemo rapiet à manu. Atque hætenus adversariorum Enthymema (quo reprobos Christi sanguine sanctificatos, ex sententiâ Heb. 10. v. 29. probare contendunt) hac prima responsione solidâ confutatum satis speramus. Quo modo etiam sexta demonstratio nostra adversus exceptiones firma persistit. Verùm quia alia responsio adferri solet, ea non immeritò recensenda,



senda, atque expendenda; ut, an talis sit, cui tutò queamus inniti, cognoscatur. Ea autem negatæ consequentiæ aliam adfert rationem, nempe, quod in Enthymemate objecto hoc, sophisma sit homonymias duplicis: prima est in voce *sanguinis*: quæ in conclusione accipitur propriè, pro sanguine, qui ex corpore Christi effluxit, ut etiam controversiæ status arguit: in antecedente verò, seu Apostoli sententia impropriè, pro sanguinis Christi sacramento. Quemadmodum *poculum*, id est, vinum cœnæ, *sanguis Novi Testamenti* appellatur, Matt. 26. v. 28. altera (ut censent) homonymia est in verbo *ἁγιασθῆναι* *sanctificatus fuit*: quod in conclusione accipitur propriè, pro regeneratione per Spir. Sanctum, quam Christus merito mortis suæ acquisivit: in antecedente verò, seu in Pauli sententia usurpatur, pro externa per sacramentorum perceptionem, à profano impiorum cultu, segregatione. Verùm bona piorum atque insignium scriptorum veniā, approbatam hanc potius, quàm probam, ac probatam adversarii argumenti solutionem videri arbitramur. Primò, quia contra certam interpretationis formam; à propria vocum *sanguinis* & *sanctificationis* significatione sine necessitate ad impropriam recedit; quum servata fidei & contextus analogia, usitata earum vocum significatio meritò debeat retineri: ut ex ea, quam initio proposuimus, responsione & probatione illius constare potest. Deinde etiam, licet vinum cœnæ Domini dicatur esse sanguis Novi Testamenti, id est, signum sanguinis, generatim sumptum: nullibi tamen certò speciatim sanguis pro vino usurpatur. Præterea neque etiam ullibi *sanctificationis* vox in Novo Testamento (in quo tamen creberrimè extat) fucatam illam, per Sacramenta, à profanis segregationem designat. Denique res ipsa idem evincit: quia hypocritæ illi abutentes sacramentis, iis minimè sanctificantur: sed contrà se ipsos ita polluant, & sanguinis Christi, per ea significati, rei fiunt, 1. Cor. 11. v. 27. & deinde Sacramenta sanguinis Christi sibi profana reddunt. Quamvis enim sacramenta institutionis divinæ ratione, facta sint: abutentibus tamen sacra esse desinunt & profana fiunt: ut disertè illustribus dictis, Rom. 2. 25. 28 Esai. 66. v. 30. Aggæi 2. v. 13. 14. affirmatur. Quare perspicuum est, Apostoli, nullo modo, eam esse mentem, ut reprobos, per sanguinem novi fœderis, hoc est (ut exponunt) per sacramenta sanguinis fuisse sanctificatos dicat: cum hæc, per sacramentorum abusum, à mundo profanorum segregatio, mundo immundiores magisque profanos reddidisset. Quamobrem hæc responsio vulgò trita; sed minus solida apparet: ac primæ non immeritò postponenda. Quemadmodum etiam & tertiæ, quam olim etiam, ad ampliorem refutationem, attulimus. Nam licet obtinerent Lutherani (quod tamen nulla ratione solida probari potest) Apostolum loqui, de reprobo; inde tamen non sequetur, verba illa, *per quem sanctificatus fuit*, de reprobo prædicari: quia falsa nituntur hypothese, quasi ea unicam tantum constructionem admitterent, & ad eum, qui sanguinem novi testamenti profanum duxerit, necessario essent referenda: quum rectè & possint & debeant ad Filium Dei, cuius antea meminit, referri. Possunt enim, quia vera & opportuna est illius descriptio, ad defectionis indignitatem amplius declarandam: quod videlicet Filius Dei, per suum novi testamenti sanguinem sit sanctificatus, hoc est, Deo in sanctam victimam sit oblat, ut Ioh. 17. ait, *ego pro iis meis sanctifico*: & Heb. 2. 10. dicitur Pater Christum per passionem *ἁγιασθῆναι* consecrasse: & cap. 5. v. 9. *ἁγιασθῆναι* consecratus, seu sanctificatus appellatur. Neque obstat, quod nomen Filii non proximè antecedit: quia usus etiam scripturæ est, ut interdum constructio, non ad proximum, sed ad remotius referatur: sensu præsertim hoc postulante. Quemadmodum Gen. 10. 17. *inter Niniven & inter Calab.* Hæc est urbs illa magna: quæ descriptio ad remotius, nempe Niniven pertinet: uti ex re ipsa constat. Sic ad Rom. 1. v. 3. *de Filio ipsius*, construitur cum remotiore nomine, *Evangeliio Dei*: & 1. Pet. 1. *secundum prænotionem Dei* construendum est, non cum propinquo, *advenis dispersis*, sed cum remotiori, *electis Dei*: ut res ipsa citra controversiam evincit: Ideoque & in hoc Apostoli loco, descriptionem

hanc *per quem fuit sanctificatus*, ad Filium Dei (licet non sit proximum) referri posse, phrasis scripturæ & rei veritas, quæ Filio convenit, atque oportunitas ostendit. Neque solum ita construi posse, sed etiam debere, sententiæ hujus veritas hoc flagitat atque evincit. Primò, quia sanctitas, quam Christus iis, pro quibus sanguinem novi fœderis effudit, est promeritus, regeneratio est & quidem perpetua, ut Apostolus hoc cap. 10. ad Heb. v. 14. testatur, *una enim oblatione*, inquit, *consecravit in perpetuum, eos, qui sanctificantur*. Et Jer. 32. v. 40. *feriam iis fœdus sempiternum & non desinam benefacere, & timorem meum indam in corde eorum, ut non recedant à me*. Deinde, quia omnibus, qui sanctificantur, etiam peccatorum remissio perpetua à Deo donatur: quemadmodum eodem capite Heb. 10. v. 17. ab Apostolo ex novi fœderis promissione, utrumque demonstratur: quorum neutrum reprobis convenire, perspicuum est. Ideoque objectionibus adversus sextam, Christi pro solis electis mortui, demonstrationem, plenius excussis atque confutatis; ad septimam procedemus. Ea autem est hujusmodi:

*Pro quibus Christus mortuus est, illi consequuntur vitam æternam. At soli electi, non autem reprobis, consequuntur vitam æternam. Ergo pro solis electis, non autem reprobis, Christus est mortuus.* Propositio eo probatur, quia Christus *dedit animam suam pro vita mundi*: Ioh. 6. v. 51. *vitam* autem *æternam* intelligi, ex totius capitis illius, de vita agentis, serie constat. Deinde, quia hic finis fuit à Christo moriente destinatus, vanus esse non potuit: ideoque etiam dicitur ibidem, *vitam dare mundo* v. 33. Assumptio quoque certa est: quia electi vitæ æternæ glorificantur, Rom. 8. 30. Mat. 25. v. 34. & 46. contra reprobi mortem æternam luunt, Mat. 25. v. 41. & 46. Quod autem novus hujus doctrinæ adversarius, per *mundum* Ioh. 6. 33. electos intelligit, verum est: sed eo vim argumenti non evadit: quia citra discrimen, finis mortis Christi (quam pro omnibus, per eam redimendis subiit) iis communis est. Quemadmodum etiam executio finis, non ab ulla hominum voluntate, sed à mortis Christi (fidem & remissionem peccatorum redemptionis promeriti) dignitate, Deique, secundum novi fœderis promissionem, donantis, dilectione & veritate dependet: ut antè, imprimis in demonstratione sexta, ex Apostolo, Hebr. 10. v. 14 usque ad 18. & ex Ierem. 31. v. 33. & c. 32. v. 40. & Ezech. 36. v. 27. stabilitum. Ac propterea, si Christus pro singulis universaliter esset mortuus, finem mortis, seu vitam æternam & omnia ad eam necessaria consequerentur, Rom. 8. v. 32. Atque non singuli universaliter, sed electi tantum consequuntur. Ideoque pro singulis etiam reprobis Christus non est mortuus. Hæc de septima demonstratione. Octava verò hæc est, *id quod Scriptura sacra, speciali gratia, electis propriè convenire tradit: illud non est universalis gratia reprobis commune. Atqui redemptio per Christi sanguinem & mortem, est id, quod Scriptura sacra, speciali gratia, electis propriè convenire tradit. Ergo redemptio, per Christi sanguinem & mortem, non est universalis gratia reprobis communis.* Propositio ex oppositorum, *propriæ & communis*, naturæ, quæ eidem convenire non possunt, certa est. Assumptionem verò adstruit illustris ecclesiæ triumphantis confessio: quæ hoc electorum privilegium celebrans, distinctè ait ad Christum, Apoc. 5. v. 9. *Mactatus es & redemisti nos Deo per sanguinem tuum, ex omni tribu & lingua & populo & gente*. Non igitur omnes & singulos gentium, sed electos ex iis suo sanguine redemit. Sic etiam Christus, Iohan. 10. v. 11. dicit, *se animam suam ponere pro ovibus suis*, partim credituris v. 16. partim credentibus v. 28. quarum ovium *pastor magnus per sanguinem æterni fœderis* dicitur Hebr. 13. v. 20. Reprobos verò, utpote hædorum (qui ovibus opponuntur Matth. 25. v. 22. & Ioh. 10. v. 36) pastor non est, sed victor, Ioh. 16. v. 33. & iustus ac severus iudex Matth. 25. v. 41. Idemque electorum privilegium statuitur Ioh. 11. vers. 51. & 52. *propheta vit* (inquit Johannes) *fore, ut Christus pro ea gente moreretur, nec tantum pro ea gente, sed ut etiam filios Dei dispersos congregaret in unum* (ut Ioh. 10. v. 15.) non autem singulos gentium, sed per eas dispersos. Sic etiam *Deus*, (scil. Filius) dicitur, *ecclesiam*

siam sibi acquisivisse per proprium sanguinem Actor. 20. 28. & se tradidisse pro ecclesia Eph. 5. 25. pro vocatis ad Heb. 9. v. 15. pro sanctificationis Heb. 10. v. 14. pro nobis Eph. 5. v. 2. & 1. Joh. 4. v. 13. ut etiam Gal. 1. v. 4. qui dedit semetipsum pro peccatis nostris, ut eximeret nos, ex presenti seculo malo hoc est, mundo reproborum, qui totus in malo jacet. 1. Joh. 5. v. 19. ubi per vocem nobis Apostolus se & alios electos ac fideles distinctè intelligit: ut etiam seculi mali oppositio & fructus Christi pro fidelibus mortui expressè ostendit. Non denique demonstratio est huiusmodi: redemptio vera per Christi sanguinem & mortem non est inutilis: at redemptio reproborum, quam Lutherani statuunt, est inutilis. Ergo non est vera per Christi sanguinem & mortem redemptio. Propositio extra controversiam vera est. Assumptio verò probatur, primò quia reprobi remissione peccatorum perpetua & vita æterna carent; quæ tamen propria est redemptionis, per sanguinem & mortem Christi, utilitas. Quod autem Lutherani & novus eorum Patronus, excipiunt, reprobos fructum mortis Christi non percipere, quia ad eam rem necessaria est fidei & perseverantiæ conditio, quam reprobi suo vitio non observant: rectè inquam, sed inde contra sequitur, reprobos per Christi sanguinem non esse redemptos, quia fructu illius proprio destituuntur: qui primò consistit in sanctificationis (per fidem & charitatem) perseverantis & consequentis remissionis peccatorum perpetuæ donatione: quam novum fædus certò promittit, & Christus novi fœderis sponzor, suo sanguine, suis redemptis est promeritus, & in iis, merito suo postulante, per Spiritum suum efficit, ut jam antea demonstratum. Deinde redemptionem per Christi sanguinem & mortem, à Lutheranis, non solum inutilem statui, sed etiam indignis modis profanari, re ipsa inde patet, quod coryphæus eorum, Ægidius Hunnius, comment: in epist. Heb. 10. p. 237. asserere non sit veritus, Christum pro peccato in Spiritum Sanctum satisfecisse: quum contrà Christus illud nunquam remitti disertè affirmet Matt. 12. 31. 32. & adversarius ille etiam irremissibile agnoscat; quo modo igitur Christus ad remissionem illius, suo sanguine & morte satisfacere potuit? annon igitur illud est sanctum dare canibus, & fædus novum ac fœderis illius sanguinem, Filiumque Dei contumeliâ afficere. Neque hæc privata est Hunnii, sed communis Lutheranorum sententia: cum universaliter ac disertè affirmant, Christum sacrificium suum obtulisse, pro omnibus peccatis, omnium hominum, totius mundi: ut inter alios, Matthæus Haffenerus loc. theol. lib. 3. loc. 2. de Christo, pag. 386. affirmat: quæ reliquorum etiam est sententia. Unde constat, adversarium statuere universaliter, Christum, pro singulis etiam omnium reproborum peccatis (ideoque pro peccato in Spiritum Sanctum, & per consequens multo magis pro finali ac simplici incredulitate atque impenitentia) morte sua satisfecisse: unde etiam sequitur, Christi mortis finem & sapientiæ & iustitiæ, eo posito, repugnasse: ut qui (ut sentiunt) peccatorum, quæ remitti non posse certò norat, remissionem intenderit: & quod voluntati Dei omnino adversari compertum habebat, morte suâ destinavit: quibus etiam accedit, quod statuunt, Christum mortis suæ merito, pœnas omnes, pro peccato in Sp. Sanct. & reliquis omnibus debitas pertulisse, Deoque plenè satisfecisse; & tamen Deum, pro iisdem peccatis, plena solutione semel accepta, æternas pœnas, contra iustitiam, rursus exigere: quæ horrendæ in Christi mortem & Deum iustissimum iudicem, contumeliæ, Lutheranorum sententiam necessariò consequuntur: ac propterea falsitas illius, in locis antè positis convicta, & vera nostrarum ecclesiarum sententia, Christi sapientiæ, bonitati ac iustitiæ Sacris literis explicatæ consentanea apparet. Quia verò adversarii (præter exceptiones antè suis locis refutatas) Christum, non solum pro electis, sed etiam pro singulis reproborum omnium peccatis satisfecisse, ac remissionem peccatorum acquisivisse, diversis argumentis probare contendunt, ea non immerito, pro instituti nostri ratione, ad maiorem veritatis illustrationem, proponemus, & fucatam eorum speciem retegere ac diluere conabimur. Argumenta autem ea partim sacrarum literarum testimoniis, partim rationibus

inde deductis constant. Ac testimonia quidem adducunt quædam generalia, quædam specialia de reprobis: sed neutra verè probantur, ut res ipsa docebit. A specialibus autem ordiemur; quia & ea magis speciosa videntur, & pauciora sunt & facilius queunt expediri. Quæ partim ex Apostolo Paulo, partim ex Petro deprompta. Ex Paulo autem, Hunnius de justificatione pag. 59. ad quæstionem; *Recense testimonia, quibus directè prædicatur Christus mortuus etiam pro iis, qui damnantur*; Respondet; *Accipe sequentia*, Rom. 14. v. 15. *ne cibo tuo perdas illum, pro quo Christus mortuus est*. En, inquit, *audis illum posse perdis, pro quo Christus est mortuus*. Verum primum negatur consequentia, ob sophisma homonymias in perditionis voce: quia non omnis perditio perfecta & æterna est, sed quædam inchoata tantum ac temporalis, ut Luc. 15. v. 17. *ego fame pereō*, & v. 14. *perditus erat & inventus est*, & v. 6. *inveni ovem meam perditam*, & v. 9. *inveni drachmam, quam perdideram*: in objectionis autem allatæ conclusione, *perdere* intelligitur simpliciter de perditione seu damnatione æterna, ut quæstio proposita ab Hunnio & communis controversiæ status demonstrat: in antecedente verò sumitur ab Apostolo secundum quid, de inchoata ac temporali perditione, nempe fratris infirmi offensione vers. 13. ac tristitia & charitatis mutuæ læsione, ob imprudentem ciborum olim vetitorum usum, vers. 15. atque ita maledictionis occasio daretur, vers. 16. atque hoc vocat *destruere opus Dei* vers. 12. hoc est, pacem vers. 19. cuius Deus est Author. Sed alterum ex Paulo locum consentaneum adjungit Hunnius, *Clarius*, inquit, *repetitur id*, 1. Cor. 8. 9. *& peribit frater in scientia tua, propter quem Christus fuit mortuus*. Ergo *Christus mortuus etiam est propter hos, qui improvida conversatione aliorum, offensione resiliunt à professione Christiana & pereunt*. Sed negatur etiam, non minus, quàm in priore Enthymemate, consequentia: quia *perire* in conclusione perfectam & æternam perditionem seu damnationem: in antecedenti verò Apostoli dicto, inchoatam fidei & conscientiæ læsionem, non verò extinctionem designat: ac propterea vocatur *offensio* vers. 11. & 13. & *conscientiæ pollutio* vers. 7. & *vulneratio illius*. 12. Quibus omnibus exponitur, per verbum illud *peribit*, intelligendam non esse defectionem à professione Christiana, neque damnationem æternam (ut Hunnius malè colligit) sed quandam pietatis læsionem, ortam partim ex imprudenti libertatis Christianæ abusu v. 7. partim ex impia (sub obtentu libertatis Christianæ) sacrificii idolis immolati, in idolorum templo, communicatione, vers. 10. Quorum utrumque, eadem Epistola cap. 10. redarguitur: prius quidem, ut malum, per accidens scandalum: posterius verò, ut malum per se. Huc etiam accedit, quod cum constet, plurimos Judæos Christianos libertate Christianâ offensos, sæpius imprudenti zelo obstitisse Paulo & aliis fidelibus doctoribus Actor. 15. & alibi: nulla tamen eorum exempla extant, qui ob libertatis Christianæ imprudentem quorundam usum, ita fuerint offensi, ut propterea à professione Christiana (ut loquitur Hunnius) resilierint. Quod autem idem Hunnius, ex Apostolo Paulo, tertium testimonium ex Epist. ad Heb. 10. adducit, ad id copiosè supra responsum & abusus illius confutatus. Alterum porro ex Epistola ad Hebræos (ab Hunnio præteritum) objicit Echardus, lib. controversiarum 12. pag. 185. quo Christum pro damnatis mortuum, probare studet, ex illis Heb. 6. v. 6. verbis, *rursum sibi crucifigentes Christum*. Ergo, inquit, *Jamdum Christus pro iis crucifixus*. Et antecedente pag. 184. ait, *crucifixus pro iis etiam, qui ita prolabantur, ut ad penitentiam nunquam renoventur*, ad Heb. 6. 4. 5. 6. Sed vana est consequentia: quia primum oratio Apostoli non est absoluta, ut adversarius statuit, sed conditionalis. Deinde falsum est etiam, ab Apostolo, eo loco dici, Christum pro iis crucifixum: neque etiam, ut interpretatur cum vulgo, rursum crucifixum, neque enim hoc ex voce *ἀναυγίζου* demonstrari potest; quia falsâ verbi *ἀναυγίζω* interpretatione nititur: quia *ἀνά* in compositione cum verbo, non semper *rursum*, sed sæpe *sursum* significat: ut inter alia, in verbo *ἀναλαμβάνω*, unde *ἀναβέβη* *sursum assumptus* Marc. 16. 12. Actor. 1. 11. & *ἀνά*

& ἀναβαίνω *sursum vado* seu *ascendo* Mar. 3. v. 10. & ἀναβάντων *suspicio*, seu *sursum specto*, Marc. 6. v. 41. & aliis in verbis. Sic etiam ἀνασταύρω *sursum crucifigo*, seu, *in crucem tollo*. Id quod Christus Ioh. 12. v. 32. indicavit, cum ait, *cum exaltatus fuero*, scil. in crucem v. 33. Atqui ita non solum rectè potest intelligi, sed etiam usus illius verbi (quod in Novo Testamento solum ad Heb. 6. invenitur: etsi σταύρω *crucifigo* sæpius occurrat) apud antiquos Autores Græcos evincit: quod simpliciter latinè *crucifigere* interpretari solent. Quare re Henr. Stephanus Th. Græc. ling. tom. 1. p. 1805. qui primum quidem ἀνασταύρω exponit, *iterum crucifigo*; sed nullum veterum Græcorum exemplum, quo illud probaret, observat: sed tantum adducit locum ad Heb. 6. ἀνασταυρῶνται *denuo crucifigentes*, tritam in terpretum versionem minus rectè secutus: quia communis antiquissimorum authorum Græcorum usus adversatur. Ideo Stephanus eodem loco deinde rectius exponit, *in palum*, seu, *crucem attollo*: idem quod σταύρω, nisi quod præpositio significet *elevationem* seu *elevationem in altum*: idem quod ἀνακαλοῦμαι, & exemplis illustribus quatuor, ex Thucydide, Plutarcho & Herodiano confirmat. Quibus alia etiam, quæ observavimus, addi possunt, 1. quidem ex Herodoto editionis Græcæ Henr. Stephani, lib. 3. p. 131. ἀνασταύρωσιν *in crucem sustulit*, & lib. 4. p. 161. ἀνασταύρωσιν *in crucem tollunt*. & lib. 6. p. 216. & lib. 7. 292. ἀνασταύρωσιν *in crucem tollent*. Deinde apud Ctesiam de rebus Persicis, ad finem ejusdem editionis additum pag. 3. & 7. & 8. ἀνασταύρωσιν *in crucem sustulit*. Denique apud Lucianum ἀνασταύρωσιν similiter tom. 3. edit. Græcolat. Basilienfis tractatione de sacrificiis, accipitur. Quemadmodum etiam Synonymum ἀνακαλοῦμαι etiam apud Herodotum, sæpe & Lucianum, eodem sensu extat. Quare cum ἀνασταύρω, citra controversiam, priscorum authorum usu communi significet tantum *sursum crucifigo* seu *in crucem tollo*, neque ullum exemplum alterius significationis, à doctissimis Græcæ linguæ Magistris, hætenus observari potuerit; merito interpretum versio, hoc loco ad Hebræos, ad veterum ac fide dignissimorum normam, corrigenda. Neque ob stare potest ea interpretatio, quam in Chrysostomō observavimus ad hunc locum, cum ait, τί ἐστιν ἀνασταυρῶντες, ἀναβαίναντες σταυρῶντας, *quid est ἀνασταυρῶντες ab initio rursus crucifigentes?* Quem etiam pro more suo recentiores Græci Theophylactus & alii sequuntur: hoc, inquam, ob stare non potest: quia ea interpretatio nititur tantum voce ἀνά, quæ non raro notat *rursus*; neque ullo Græcorum veterum usu antecedente stabilitur. Ideoque nihil dictis adversatur: præsertim cum etiam Chrysostomum, penè in tota hujus sententiæ expositione, à recto aberrare attentus lector facile agnoscat. Deinde etiam si non insolens, sed usitata ea esset significatio: inde tamen nondum sequetur, eandem, non verò alteram (quam priscorum usus demonstrat) debere intelligi. Imo quid si etiam hanc solam, quam obtinent, esse constaret; ne sic quidem inde solidè concludi posset, ergo pro iis qui damnantur, Christus est crucifixus ac mortuus. Sensus enim esset: Si qui ita in Spiritum Sanctum peccarent, fore, ut Christum, à Judæis hostibus, olim primum propriè crucifixum, ipsi iterum suo modo quodammodò crucifigerent, id est, per metaphoram, crucem illius ignominia exponerent: pro quo Hebr. 10. v. 29. simili quadam metaphora, *Filium Dei conculcare & sanguinem novi fœderis communem* (id est, profanum) *ducere* usurpatur. Quare neque hoc Apostoli testimonium, neque alia, quæ ab Hunnio, aliisque adversariis proferuntur, Christum, pro damnatis etiam mortuum esse, directè (ut obtinent) imò neque indirectè demonstrant. Quemadmodum neque illud, quod ex Apostolo Petro, 2. Epist. 2. v. 1. Hunnius libro locoque antea memorato, aliisque quasi palmarium testimonium jactant. Sic enim Hunnius ait, *Rursus 2. Pet. 2. v. 1. scribitur de pseudopropheta inducentibus sectas novas, & abnegantibus Dominum qui mercatus sit illos: & immediate subjicit Petrus; qui accersunt sibi ipsis celerem interitum. Ergo Christus mercatus est suo sanguine eos etiam, qui intereunt ac damnantur.* Sed negatur consequentia: quia falsâ hypothesi gemina nititur. Quarum

prima est quasi necessarium ac certum esset, τὸ δόσθαι *Dominum*, seu *berum*, designare Christum: cum Patrem, ex usu scripturæ, significare possit ac debeat: quia Christus quidem passim κύριος: nunquam verò δόσθαι certo vocatur: sed Patrem, ubicunque occurrit, denotat. ut Luc. 2. v. 29. & Act. 4. v. 24. & 2. Tim. 2. v. 21. Apoc. 6. v. 10. Denique Epistolæ Judæ v. 4. in sententia huic Petri dicto non absimili, ubi falsos etiam doctores arguit, quod & Deum & Christum abnegarint: ac distinctè Deum (nempe Patrem) δόσθαι; Jesum verò Christum κύριος ἡμῶν appellat. Verba enim hæc sunt diserta, *solum illum δόσθαι Deum & κύριος nostrum Jesum Christum abnegantes*. Altera hypothesis est vocem ἀγοράζω, *cum qui emit*, sive *mercatus est*, necessariò hîc designare eum, qui redemit suo sanguine: ac propterea de solo Christo, non alio posse intelligi. Unde vocem *mercatus est*, in hujus loci ostentatione, capitalibus literis Hunnius descripsit. Verum hæc hypothesis non est necessaria: primum quia ea vocis ἀγοράζω absolute positæ significatio in Sacris Literis est prorsus insolens. Nusquam enim speciatim emptionem per sanguinem indicat; sed tantum, quando fit mentio pretii, aut sanguinis, aut electionis aliqua additur circumstantia, quæ vocem generalem restringit. Pretii quidem exemplum 1. Cor. 6. v. 20. *empti estis pretio*. Sanguinis, ut Apoc. 5. v. 9. *maculatus es & emisisti nos Deo, per sanguinem tuum*. Denique electionis circumstantia, Apoc. 14. v. 3. *empti è terra*. & eodem sensu v. 4. *empti ex hominibus*. Absolutè verò ἀγοράζω *emere*, ut propriè acquisitionis est species: sic deinde per Synecdochen specièi, pro genere, generatim significat *acquirere*, ut Elai. 55. v. 1. *emite à me, sine pecunia & absque pretio, vinum & lac*, quod 70. interpretes ἀγοράζω reddunt. & Dan. 2. v. 8. *tempus emitis*, רָכַשׁ, id est, *acquiritis*. Sic etiam Apoc. 3. v. 18. *suadeo tibi ἀγοράσαι, ut emas* (id est *acquiras*) *à me aurum igne exploratum, ut drupes fias*. Atque ita commodè ἀγοράζω absolute hoc Petri dicto, simili usu, positum, non speciatim *acquirere sanguine* (quod insolens esse ostendimus) sed generatim *acquirere* designat: nimirum quod Deus Pater falsos doctores, antea, per vocationem externam, sibi non in suos filios atque hæredes; sed in servos familiæ suæ, hoc est ecclesiæ, acquisierat. Neque mirum est, vocem *emendi*, in Sacris literis, eo modo generatim usurpari: cum etiam λυτρώω, quod propriè est *redimere*, seu *pretio captivum liberare*, generatim pro *liberare* accipi soleat. Quemadmodum 70. interpretes, voci Hebrææ קָדַם *redimere* consentaneè, memoratâ voce Græca Deut. 7. v. 8. & cap. 13. v. 5. & Psal. 25. v. 32. & alibi usi sunt. Et Moses eodem sensu à Luca Act. 7. v. 35. λυτρωτὴς *redemptor*, hoc est, *liberator*, puta à captivitate Ægyptia, appellatur. Ac propterea falsum est, quod Hunnius, etiam hoc Petri testimonio, directè prædicari, Christum pro iis, qui damnantur, esse mortuum, eosque mercatum esse suo sanguine, affirmat: quum neque de Christo, neque de emptione per sanguinem illius loquatur Apostolus, sed de Patre, qui falsos doctores, in servos suos, initio, per agnitionem veritatis; non autem in hæredes acquisierat: ut ex phrasi ac dictis scripturæ ostendimus: quæ expositioni adversariorum minimè conveniunt. Cæterum, quia aliæ quædam vulgo hujusmodi solutiones adferuntur, illas excutere operæ pretium existimamus: unde, nec adversariis refellendis sufficere: nec Sacris literis satis consentaneas, examine diligente instituto, candidè judicantibus perspicuum fore speramus. Prior autem solutio hæc est: Petri Apostoli, de falsis doctoribus hæreses exitiales subintroducitur, verba ista, *Dominum qui illos emit aut mercatus est abnegantes*, non intelligenda de emptione secundum rei veritatem, sed secundum eorum, aliorumque ex charitate judicantium, opinionem. Verum huic responsioni non pauca adversantur. Primum, quod δόσθαι de Christo, & emptionem de redemptione per sanguinem illius intelligendum concedit: cum contrà utrumque à Scripturæ phrasi sit alienum; ut antea demonstratum est. Deinde, quod omiſsa veritatis significatione, de errante opinione, citra necessitatem, periculose interpretatur. Nullibi enim in Sacris Literis talis emptionis abso-

absolutè posita, neque etiam emptionis per sanguinem Christi significatio extat. Præterea, cum Petri verba non sunt narratio, de præsentibus falsis doctoribus; sed prophetia de futuris (non enim de iis ait, *sunt*, sed *erunt* versu 1.) quo modo igitur illa de opinione tantum, non autem de rei veritate dicta? Denique cum sermo hic sit, de falsis doctoribus Dominum abnegantibus: quo modo illi potuerunt opinari sese per Dominum & sanguine illius redemptos; aut, quo modo exitiales hæreses subintroducunt, Dominumque abnegantes, opinione fidelium, per Christi sanguinem empti potuerunt haberi? nam charitas quidem in rebus dubiis, de aliis bene sperat, 1. Corinth. 13. v. 7. sed de rebus notis, contra fidem ac conscientiam judicare non potest. Quare hæc responsio vulgaris tot tantisque incommodis scatens, objectum argumentum solvere nequaquam potest. Posterior verò, à plerisque probata, multo minus adversarios refellit. Ea enim hæc est, Christum pro reprobis etiam mortuum dici, quo-ad sufficientiam pretii, non autem quo-ad efficaciam illius. Sed ut omittamus communem, cum antecedenti responsione vulgari, errorem expositionis vocum *ἀποτίμω* & *ἀντιποιέω* in Sacris Literis insolentis, reipsa sanè non est argumenti objecti refutatio: sed imprudens prævaricatio, seu cum adversariis collusio: quæ, sub refutationis prætextu, adversariis certam victoriam largitur: cum illud, quod obtinere conantur ac contendunt, verum esse agnoscitur: nempe passionis & mortis Christi scopum fuisse, ut *ἀποτίμω* redemptionis pretium, etiam pro peccatis reproborum, Deo persolveret, ac plenè pro iis satisfaceret. Hæc enim certa mens est status controversiæ, quam tractamus, An Christus pro reprobis sit mortuus? Id quod falsum esse, firmis demonstrationibus antè stabilitum: neque ex *emendi* voce 2. Petr. 2. vers. 1. contrarium probari posse, responsione solidâ, initio allata, ostensum. Quare hoc prius, in mortis Christi pro reprobis agnitione, vitium. Alterum verò est in modo illius sufficienti: quo falsa mortis Christi, pro peccatis expiandis, divisio in sufficientem & in efficacem statuitur: cum utrumque morti Christi propriè conveniat. Quia mors Christi, pro quibus eam subiit, non solum ad redemptionem illorum sufficit: sed eam quoque, sui meriti (ut causæ impulsivæ) efficaciam fidem & peccatorum remissionem in iisdem effecit; ut supra ex vi mortis Christi, & novi fœderis, per eam sanciti, promissione clarè demonstratum. Si quis excipiat, Christi mortis pretium esse infinitæ potentiae, adeo ut vel mille mundis & amplius, si essent, redimendis potuerit sufficere. Quis negat? Sed inde tamen non sequitur, pretium illud mortis Christi, ab illo, pro omnibus & singulis, etiam reprobis, persolutum: quia ad eam rem, non solum infinita potentia, sed etiam voluntas ac destinatus finis necessarius est. Quemadmodum enim thesauri à Salomone collecti sufficientes fuerunt, ut omnes & singulos pauperes Hierosolymitanos ditarent: propterea tamen dici non potest, nisi perridiculè: thesauros pro iis collegisse sufficienter: quia certum est, hoc non pauperibus illis ditandis, sed pro structura templi, & pro se suisque, ab illo factum. Sic etiam pretii mortis Christi præstantia tanta est, ut omnibus & singulis redimendis sufficere potuerit: non tamen pro singulis illis persolvit, sed pro electis solis, tanquam ovibus suis, secundum voluntatem Patris, servandis. Hanc tamen distinctionem non esse novam, sed olim etiam à Scholasticis propositam, verum est. Sic enim Thomas Aquinas Commentar. in primam epistolam ad Timoth. cap. 2. lectione prima, ait ad finem: 1. *Johann. cap. 2. ipse est propitiatio pro peccatis nostris*: &c. *Pro aliquibus efficaciter; sed pro omnibus sufficienter: quia pretium sanguinis ejus est sufficiens ad salutem omnium, sed non habet efficaciam, nisi in electis, propter impedimentum*. Vanam tamen esse distinctionem, ex antedictis constat: quia falsum mortis Christi finem fundamenti loco supponit, & rationem, à sufficientia illius, invalidam adjungit. Denique si pro singulis Christus fuisset mortuus, nullum esset efficaciam impedimentum: quia mortis Christi efficacia ea propria, ut fidem

& remissionem peccatorum, tanquam causa impulsiva, in iis, pro quibus eam pertulit, potenter efficiat: atque ita impedimentum incredulitatis in mente & duritiem cordis tollit: ut etiam supra demonstratum. Quamvis autem, ad mitigandam Lutheranorum acerbiteriam, ea distinctio à plerisque nostrum sit arrepta: eam tamen ferociores sunt redditi. Ut primum ostendit Leonhardus Hutterus Doctor Wittenbergensis, in Libri Concordiæ explicatione, articulo 11. pag. 1118. ubi asserit quidem, ut etiam sequenti pagina, *quod pro impiis quoque & reprobis Christus passus sit, & in illorum salutem, absolutissimum Patri suo caelesti ἀποτίμω exsolverit: idque tam verè ac sufficienter, quàm verè & sufficienter pro sanctis & electis mortuus est & satisfecit*. &c. Interim (ait) non efficaciter Christum esse mortuum pro omnibus, non ratione meriti in se considerati, sed ratione fructus & efficaciam salvificæ, quæ dependet ab applicatione per fidem. Quia cum destituatur magna pars hominum, fit, ut efficacia universalis meriti Christi ad omnes non redundet. Utuntur quidem Calviniani etiam hac distinctione: sed sensu ferè hæretico, Christum pro omnibus hominibus mortuum sufficienter, sed non efficaciter, hoc est, potuisse Christi mortem sufficere, pro redemptione totius generis humani, si nimirum Deus voluisset, pro omnibus pati ac satisfacere Filium, At verò Deum hoc nunquam voluisse: ac proinde Christum etiam non efficaciter, hoc est, verè passum esse pro peccatis totius mundi. Quod Hutterus mysterium iniquitatis & horrendas blasphemias vocat. Secundò neque Iacobum etiam Reineccium Lutheranum distinctio illa placavit, *Armaturæ Christianæ* tomo secundo, pagina 166. De Christo, cum ait; *imporum est salvator, & piorum est salvator. Impiorum, ratione acquisitionis efficienter, sed non sufficienter, siquidem ii, id quod Christus acquisivit, sibi non applicant. Piorum, ratione acquisitionis & applicationis, ac proinde tam efficienter, quàm sufficienter*. Contra verò Hutterus laudat hanc veterum distinctionem, Christum sufficienter quidem pro omnibus esse mortuum, sed non efficaciter. Cui Reineccius tom. 3. pag. 14. consentiens & sibi contradicens ait, *Christus quidem mortuus est pro omnibus sufficienter, sed non efficaciter*. Atque ita in hac falsa distinctione definienda, inter se & partim secum dissentiunt. Quare ex hisce omnibus liquere satis arbitramur, vulgarem illam ac secundam, ad objectum ex 2. Pet. 2. 1. locum, responsionem, nec solidam, neque ad refellendos, aut mitigandos adversarios, idoneam. Ac propterea non rectè eandem, ad 1. Epistolæ Cor. 8. 11. dictum illud, *per scientiam tuam peribit*, explicandum, à nonnullis adhiberi. Quia verò supra in hujus nodi examine, aliam solutionem, quæ adfertur, nempe *per tuam scientiam peribit, hoc est, per te quidem, seu quantum in te est, præterivimus*: & ab erudito auditore rogati, quid de ea videretur, strictim respondimus: non ingratum fore speramus, si succincta quadam digressionem (ne quis forte scrupulus oriatur) rationes, cur minus firma videatur, proponamus. Prima autem est, quia *perire*, de perditione æterna intelligendum, adversariis concedit: id quod minimè necessarium esse, supra demonstratum. Secunda est, quod additione quadam (quæ neque ex S. literis neque ex loci circumstantiis probatur) Apostoli verba restringit, eaque non tam declarat, quàm ellypsi quadam obscurat. Tertia denique, quod à sententia Apostoli dissentire videatur. Hujusmodi enim loquendi forma, *peribit per te quidem*, adversi vel diversi membri omissionem innuit, (puta) *quamvis per aliud* (nempe gratiam ac potentiam Dei conservantem Ioh. 10. 29. & 1. Pet. 1. 5.) *non peribit*. Sic etiam vocum, *per te quidem* explicatio hæc, seu, *quantum per te stat*, clarior non est, sed simili ellypsi laborat, ut suppleri possit, *quamvis per Dei gratiam non peribit*. Atque ita utrimque Apostolo contradicit dicenti, *peribit*. Nam si ejus explicationem consideremus, non impeditus atque irritus perdendi conatus: sed perditio (licet inchoata ac temporalis) disertis variisque illius modis, Rom. 14. & 1. Cor. 8. declaratur. Qualia sunt illa, quæ recensentur, abusus libertatis Christianæ effecta noxia, quod infirmis causa præbatur blasphemix, Rom. 14. 6. quæ justitiæ illius læsio. Deinde quod pax violetur vers. 19. quæ destructio (nempe secundum



cundum quid) operis Dei (ut qui iustitiæ & pacis author) dicitur vers. 20. & per offendiculum præbere, ibidem explicatur. Sic etiam 1. Cor. 8. perditio illa, vocatur *infirmorum offendiculum* v. 9. & *conscientiæ pollutio* v. 7. & *vulneratio* (non autem *extinctio*) v. 12. Ad hæc, *instructio ad edendum idolothyta* vers. 10. & quidem, ut idolothyta vers. 7. Ex quibus perspicuum est, perditionem reipsa, sed inchoatam ac temporariam, non autem conatum solum & impeditum denotari. Quare hisce de causis, proposita illa explicatio, neque necessaria, neque Apostoli sententiæ satis consentanea apparet. Reliquum igitur est, ut ad rem ipsam redeamus, & testimoniis illis, quibus speciatim Christum pro reprobis mortuum directè affirmari contenditur, expeditis, ad ea, quibus generatim idem statui contendunt, procedamus. Ea autem sunt duplicia: quædam ubi *omnium* alia ubi *mundi* fit mentio. Ac prioris modi ex Veteri Testamento est unicum Esai. 53. v. 6 *omnes nos ut oves erravimus, quisque in viam suam nos convertimus & Jehovah facit, ut incurrat in eum iniquitas omnium nostrum*. Verum negatur consequentia: quia Propheta non loquitur ea, de reprobis, sed de electis ac fidelibus omnibus. Nec enim ait absolutè, *omnium*, sed distinctè addit, in prima persona, *nostrum*, nempe fidelium, quibus Propheta se annumerat. Deinde dicit etiam, *omnes nos ut oves erravimus*: quo se, aliosque fideles oves Christi, ovibus brutis comparatas intelligit: ut 1. Pet. 2. vers. 25. repetitur & explicatur, *Eratis ut oves errantes, sed conversi nunc estis ad Pastorem & Episcopum animarum vestrarum*. Tales autem oves non sunt reprobi, Ioh. 10. v. 26. quos Christus non novit, Matth. 7. v. 23. sed electi, quos novit, Ioan. 10. v. 14. pro quibus solis ut orat Ioan. 17. vers. 9. & 20. sic pro iis mortuus est Ioan. 10. vers. 11. & vitam æternam iis solis donat vers. 28. Denique idem demonstrat additus à Propheta, versu antecedente, mortis Christi fructus, *castigatio pacis nostræ imponitur ei, & livore ejus* (aut *vibice ejus* 1. Pet. 2. v. 24.) *sanati sumus*. Qui fructus geminus electis prioris: ut qui soli à peccatis, justificatione, & quidem perpetuâ, per fidem sanantur, solique pacem habent cum Deo perpetuam. Rom. 5. v. 1. & Hebr. 10. vers. 17. Ezech. 37. vers. 26. Reprobi verò non ita à peccatis sanantur, sed ejus dominio & maledictioni subsunt: nec pacem habent cum Deo: quia ira Dei manet super eos. Ioann. 3. vers. 36. Ac propterea testimonium Prophetæ causam adversariorum minimè confirmat, sed contra infirmat & invertit. Novam enim ac solidam nobis, adversus ipsos, demonstrationem exhibet hujusmodi: omnes, pro quibus Christus mortuus est, pace donantur & livore illius sanantur. At soli electi pace donantur & livore Christi sanantur: non vero reprobi. Ergo electi soli, non autem reprobi, sunt illi, pro quibus Christus est mortuus. Propositio est, Esai. 53. v. 5. & 6. Assumptio jam de electis & reprobis probata: & posterius liquet etiam ex Esai. 6. vers. 10. *pinguefac, inquit, cor populi istius &c. ne videat oculis suis & corde suo intelligat, & sanet eum*, videlicet Deus, ut Ioan. 12. v. 40 ponitur, & exponitur, *& sanem eos*. Quemadmodum in ejusdem loci Elaiæ repetitione, Marc. 4. v. 12. Sanationis metaphora, his verbis, *& remittantur eis peccata*, declaratur. Vnde conclusionis veritas constat. Deinde ex Novo Testamento, testimonia objectantur plura. Quorum primum est, Rom. 5. vers. 18. *sicut per unius delictum, in omnes homines, in condemnationem: sic per unius iustitiam, in omnes homines, in justificationem vitæ*. Sed negatur consequentia: quia omnes hic relatè dicuntur. Ab Adamo enim, ut naturali stirpe generationis omnium hominum, peccatum & reatus, in eos omnes, ad condemnationem venit: à Christo verò ut supernaturali omnium regeneratorum, per fidem, stirpe, in omnes eos, venit iustitia, ad justificationem vitæ. Vnde sequitur, non de omnibus, etiam reprobis, agi: qui neque iustitiæ Christi, neque justificationis, neque vitæ, quæ effecta illius vers. 17. participes fiunt. At, inquit, hoc modo peccatum Adami potentius esse iustitiæ Christi, contra versum 15. Verum hoc negatur: quia unum servare, potentius est, quàm mille perdere.

Deinde iustitia Christi, ratione effecti, amplior est: quia non solum suos à peccato Adami & à morte æterna liberat, sed etiam ab omnibus eorum inde ortis peccatis: & non solum justificat, sed etiam jus vitæ æternæ & vitam æternam dat: quibus Adamus ante lapsum caruit: quia nondum necessariam ad ea, perfectam ad finem obedientiam, habebat: ideoque iis posteros privare non potuit. Ex quibus adversariorum sententia demonstratione hac refutatur: *omnes illi homines, de quibus Apostolus agit vers. 18. in fine, iustitia Christi justificantur & vitam habent vers. 18. nempe æternam vers. 17. Hoc autem reprobis non convenit. Ergo reprobi non sunt illi homines, de quibus Apostolus*. Secundum deinde testimonium est, Rom. 8. v. 32. *is qui proprio Filio non pepercit, sed pro omnibus nobis tradidit eum*. Verum illud non de omnibus, tam reprobis, quàm electis, generatim, sed de electis omnibus speciatim dicitur: quia verbum nobis sententiam restringit ad fideles, qualis Paulus, & illi, ad quos scribit. Similiter antecedens versus: *Si Deus pro nobis, quis contra nos? & sequens vers. 33. Quis accusationem instituet adversus electos Dei? Deus est qui justificat. & v. 34. quis condemnabit? Christus mortuus est, &c. qui interpellat pro nobis*. Deinde idem etiam evincit alterum hujus objecti testimonii membrum, *Quo modo non cum eo omnia nobis gratificabitur?* id quod solis electis, nullis verò reprobis contingit. Aded ut illud, quod pro se, ab adversariis, testimonium producit, eorum errorem omnino destruat, & nostrarum ecclesiarum sententiam validè ac perspicuè demonstret: ut ex prima, à nobis antè positâ, demonstratione apparuit. Tertium testimonium adjiciunt illud. 2. Corinth. 5. v. 15. *Quod si unus pro omnibus mortuus est: Ergo omnes mortui sunt, ut qui vivunt, non amplius sibi vivant, sed ei, qui pro ipsis mortuus est & suscitatus*. Verum hoc etiam testimonium, non de reprobis, sed de electis ac fidelibus loquitur, ut consequentia demonstrant. Primò quidem, cum dicitur, *Ergo omnes mortui sunt*: id quod non propriè, sed metaphoricè, secundum veterem hominem, intelligitur: ut etiam in loco simili, Rom. 6. v. 6. dicitur, *vetus noster homo una crucifixus, ut aboleatur corpus peccati, ut non amplius serviamus peccato*. Id quod eodem sensu, hac sententia, ad Corinthios repetit, cum ait, *ut qui vivunt, non amplius sibi vivant, id est peccato, ut antè cum in eo essent mortui, seu vita iustitiæ privati: quod verbis illis, non amplius, indicatur*. Idemq; ostendit membrum oppositum, *qui vivunt, vivant ei, qui pro ipsis mortuus est & resurrexit*: ubi mortuis opponuntur qui vivunt, id est, qui vitâ iustitiæ præditi: ut etiam ad Rom. 6. 6 (ut memoravimus) idem explicatur: ut etiam ibidem, vers. 16. *ne sistite membra vestra arma peccato; sed sistite vos Deo ex mortuis vivos*. Quod etiam indignant illa ad Corinth. sequentia verba, vers. 17. 18. *Si quis igitur est in Christo, nova creatura est: vetera præterierunt, nova facta sunt omnia. Hæc autem omnia sunt ex Deo, qui reconciliavit nos sibi, per Christum*. Ac propterea telum illud, ad adversariis, in nostros emissum, hac demonstratione, in ipsos retorquetur: *omnes illi, pro quibus Christus mortuus est, mortui sunt secundum veterem hominem, & vivi secundum novum & nova creatura facti ex Deo, eique reconciliati. Atqui non omnes reprobi: imo nulli eorum sunt tales. Ergo non omnes reprobi: imo nulli sunt illi, pro quibus Christus est mortuus*. Propositio est testimonium Apostoli & ejusdem expositio. Assumptio etiam firma est: quia plerique reprobi sub peccati dominio perpetuo manent, neque unquam fiunt nova creatura, neque fideles, neque reconciliati: sed sub ira Dei manent, Ioan. 3. v. 36. imò quod amplius est, nullos reprobos esse tales, inde constat, quod & vivificatio novi hominis, seu sanctificatio, & reconciliatio cum Deo, per Christi mortem, perpetua est, Hebr. 10. vers. 10. cum vers. 16. & 17. quibus reproborum omnium in peccatis mors & damnatio adversantur. Quantum testimonium est Coloss. 1. v. 20. *Placuit per eum reconciliare omnia sibi, pacificans per sanguinem crucis ejus, per ipsum, sive quæ in terris, sive quæ in cælis sunt*. Sed negatur, per omnia intelligi etiam omnes reprobos: ut res ipsa contrâ evincit: quia reconciliatio cum Deo & pacificatio sunt propria electorum per fidem, Rom. 5. v. 1. contrâ reprobi sunt hostes Dei

Dei perpetui, quos Christus *nunquam novit*, Matth. 7. 23. *neque pro eis orat* Ioan. 17. v. 9. sed *ira Dei manet super eos*, Ioann. 3. v. 36. Per omnia verò in terris, omnes electos intelligit: qui soli per fidem in perpetuum Deo reconciliantur & pacem habent apud Deum. Per ea quæ in cælis, non Deum, non angelos, sed electos in cælo beatos notat: qui licet dum viverent, reconciliati ac pacificati fuerint Deo: hoc tamen factum est fide in Christum pro iis moriturum: ideoque fructum meriti sanguinis & mortis Christi perceperunt: sed ipsam mortis satisfactionem nondum perceperant, sed expectabant. Vnde Heb. 11. v. 49. dicuntur *non reportasse promissionem*, hoc est, rem promissam, scilicet Christum exhibitum & mortuum. Ideoque quia iis data salus pendebat à Christi missione ac morte, additur versu sequenti 40. quod *Deus de nobis melius quiddam provisiderat, ne sitie nobis consecrarentur*. Quintum succedit testimonium ex Epist. ad Heb. c. 2. 19. *ut gratia Dei, pro omnibus mortem gustaret*. Sed illud quoque alienum est: quia per vocem *omnes*, non omnes, tam reprobi, quàm electi ac fideles: sed omnes ac soli electi intelliguntur: ut sequens versus descriptione eorum exponit, vocat enim *filios* (ut etiam v. 13. datos Christo à Patre) deinde *in gloriam adducendos*: ut etiam Christum principem, seu Authorem, *salutis eorum* appellat: quæ electis, non verò reprobis conveniunt: ut alia ex sequentibus omittam. Ideoque frustra hoc testimonium ab adversariis producit. Sextum denique accedit testimonium, quod ab adversariis ex 1. Tim. 2. v. 5. & 6. obtenditur. *Unus mediator Dei & hominum, homo Jesus Christus, qui dedit semetipsum redemptionis pretium pro omnibus*. Ergo, inquit, pro singulis, tam reprobis, quàm electis. Verum negatur consequentia: quia vox *omnes*, non semper singulos, sed sæpe quosvis designat: ut Luc. 11. v. 12. *decimatis omne olus*, & 1. Cor. 10. v. 25. *omne quod in macello venditur, edite*: omne, id est, quodvis: aliàs vanæ essent istæ sententiæ. Sic etiam Matt. 12. v. 31. *Omne peccatum & blasphemiam remittetur*, id est, quodvis: aliàs falsa esset oratio. Sic etiam hoc ad Timotheum capite, vers. 1. Apostolus hortatur, ut preces fiant, *pro omnibus hominibus*, hoc est, quibusvis; omnis generis, non autem pro singulis generum: quia 1. Ioh. 5. v. 16. *orare pro peccantibus ad mortem diserte prohibetur*. Sic etiam in sequentibus, v. 8. Paulus vult *viros orare omni in loco*, hoc est, quovis, citra discrimen: ut Ioan. 4. v. 23. non verò singulis in locis: hoc enim fieri non potest. Atque ita etiam redemptionis pretium *pro omnibus*, hoc est quibusvis, seu omnis generis hominibus, consentaneè accipi potest & quidem sensu, citra ullam controversiam verissimò. Sed obijci potest, sensum quidem eum esse verum, sed imperfectum: *omnes enim*, hoc in loco, non tantum quosvis, seu omnis generis homines, sed etiam singulos intelligi: idque probari duobus, ex antecedentibus, argumentis. Primum, quia Christus dicitur *unus mediator Dei & hominum*, v. 5. ad quod confirmandum subjicitur, *qui semetipsum dedit redemptionis pretium pro omnibus*. Sed negatur consequentia: quia, ut *omnes*, homines quosvis notare potest, ut modò ostendimus: sic *homines* similiter quosvis, non singulos denotare. Cum enim mediator hominum sit, qui pro iis intercedit suâ precatione, & sanguinis pretiosi ac mortis satisfactione: prius singulis convenire non potest: quia Christus non orat pro mundo reproborum, Ioan. 17. 9. Sed alterum urgent, eoque exultant, quod v. 4. asseratur, *qui vult omnes homines salvos fieri & ad agnitionem veritatis venire*. Cujus confirmatio est v. 5. quia *Jesus Christus Dei & hominum mediator*: verum est: sed etiam hoc loco *omnes homines* similiter non singulos, sed quosvis, seu omnis generis homines designat. Id quod ex utroque sententiæ membro confirmatur. Ex primo quidem, quia Deus solos credentes vult salvos fieri: contra verò non credentes vult damnari, ut Ioa. 3. 36. *qui credit in Filium, habet vitam æternam: qui verò non credit Filio, non videbit vitam: sed ira Dei manet super eum*. Idemque confirmat secundum membrum, in quo *agnitio veritatis* per Synecdochē gen. pro specie, est fides salvifica: ut etiam 2. Tim. 2. v. 25. & Esa. 53. 11. Ea autem non est omnium & singulorum, 2. Thess. 3. 2. *nemo enim venit ad Christum, nisi Pater*

*eum traxerit*, Ioan. 6. 44. & ab eo datum fuerit v. 65. sed fides est electorum, Tit. 1. v. 1. ubi etiam describitur per *agnitionem veritatis secundum pietatem*. Eaque fides merum est Dei donum, Eph. 2. v. 8. *Gratia enim salvi facti estis, per fidem, & hoc non ex vobis, Dei donum est: non ex operibus, ne quis gloriatur*. Fides autem est electionis ad salutem consequens, ac subordinatum medium. Quos enim elegit, illos etiam vocavit, Rom. 8. 30. & elegit nos, ut effemus sancti, Eph. 1. v. 4. quod fide & charitate efficitur. Unde apparet, Deum agnitionem veritatis illius (utpote liberum & indebitum beneficium) sine ulla injuria, potuisse nullis peccatoribus donare, Matt. 20. 15. Rom. 11. 35. vult tamen gratis quorundam immerito misereri: alios verò merito, in miseria eorū, pro suo jure ac placito, relinquere: ut Christus confitetur Patri, Matt. 11. 25. & 26. *confiteor, inquit, tibi Pater, Domine cæli & terræ, quod absconderis hæc à sapientibus & intelligentibus & revelaris ea parvulis. Etiam Pater, quia ita placuit tibi*. Quo etiam spectat vers. 27. *neque Patrem novit quisquam nisi Filius, & cuicumque voluerit Filius revelare*. Quare cum Apostolus dicit, *Deus vult omnes homines salvos fieri & ad agnitionem veritatis venire*, non solum potest: sed etiam debet, de solis electis intelligi: non autem de omnibus & singulis, etiam reprobis. Atque ita Augustinus, tom. 3. in *Enchiridio ad Laurentium* cap. 103. Omnes homines, non de singulis exponit: sed contra ait, *sic dictum est, qui omnes homines vult salvos fieri, non quod nullus hominum esset, quem salvum fieri nollet (qui virtutes miraculorum facere noluit, apud eos, quos dicit acturos fuisse penitentiam, si fecisset) sed ut omnes homines, omne genus humanum intelligamus, per quas-cunque differentias distributum, Reges, privatos, &c.* Idque Augustinus sequentibus etiam probat. Idemque, tom. 7. de *correctione & gratia*, ait de Deo cap. 14. *Cui volenti salvum facere, nullum hominum resistit arbitrium*. Sic enim velle vel nolle in volentis & nolentis est potestate, ut divinam voluntatem non impediatur, nec superet potestatem. De his enim qui faciunt, quod non vult, facit ipse quæ vult. Quod scriptum est, *quod vult omnes salvari, nec tamen omnes salvi sunt, multis quidem modis intelligi potest; ex quibus, in aliis opusculis nostris, aliquos commemoravimus; sed hic unum dicam, ita dictum, omnes homines vult salvos fieri, ut intelligantur omnes prædestinati, quia omne genus hominum in eis est*. Quibus etiam diversis in locis egregiè ac solidis additis rationibus consentit illustris Augustini discipulus Prosper. Atque ita adversariorum exceptio evertitur. Perstat igitur propositum, ad argumentum, è sexto testimonio, peritum responsum, nempe negatione consequentiæ: quia vox *omnibus* accipi potest, ex usu illius, in Sacris etiam Literis frequenti, pro quibusvis: ut & ex aliis & diversis etiam hujus capituli exemplis & ex sententiæ veritate probatum. Ideoq; adversariorum argumentum corrui. Deinde quod amplius est, non solum potest, sed etiam ita debet hoc loco accipi: ut demonstratio ex hoc loco petita evincit, & adversariorum sententiam solidè refellit, hoc modo: *omnes illi, pro quibus Christus est mortuus, sunt quos Deus vult salvos fieri; & ad agnitionem veritatis venire. Sed singuli homines non sunt illi, quos Deus vult salvos fieri & ad cognitionem veritatis venire. Ergo singuli homines non sunt illi, pro quibus Christus est mortuus*. Propositio per se clara est: quia Apostolus probat, Deum velle omnes salvos fieri, quia unus mediator Christus Jesus, qui dedit semetipsum redemptionis pretium pro omnibus: & adversarii quoque, in refutata jam modò objectione, idem testantur. Assumptio quoque ex iis, quæ paulo antè, ad sententiam illam (*Deus vult omnes homines salvos fieri*) diximus, duobus solidis argumentis, ex totidem illius membris demonstrata est, & effugium adversariorum eadem opera sublatum. Quod verò ex 2. Petri 3. v. 9. objectant, *Deum non velle, ut aliqui pereant, sed ut omnes ad penitentiam revertantur*; iis non favet: quia per aliquos & omnes, electos ad salutem ac fideles intelligit: ut non solum res ipsa (quemadmodum antè demonstratum) sed etiam loci circumstantiæ confirmant. Scopus enim est, fideles consolari ac confirmare adversus infidelium derisionem, qua spem piorum, de promisso adventu Christi, ad ipsos servandos, expugnare conabuntur, dicentes,

Ubi est promissus adventus ejus? v. 4. Consolatur verò Apostolus fideles, cum aliis argumentis, tum etiam, quod Deus, qui promissit, non tardat, sed patiens est erga nos: unde apparet, cum subdit aliquos & omnes: non de reprobis, sed fidelibus, de quibus locutus, intelligendum: quibus promissit adventum Christi & salutem eorum vult & efficit: ut v. 15. & Domini nostri patientiam, salutem arbitramini. Contrà verò adventus Christi reprobis non est promissus, neque salutaris: sed contrà, ad eorum perditionem futurum certò minatur, v. 7. Cumque & salus, Eph. 2. vers. 8. & poenitentia ad salutem, Actor. 10. v. 18. & 2. Tim. 2. v. 25. mera sint Dei dona (secundum fœdus novum, Hebr. 10. v. 16. per Christi sanguinem sancitum, Hebr. 9. vers. 15. & cap. 13. v. 20.) neque omnibus communia, sed iis, quibus vult, hoc est, decrevit, propria, Matth. 11. v. 25. 26. idcirco perperam hunc locum ad reprobos accommodant. Nam quod excipiunt, Deum omnium salutem ferid ac ardentem expetere: de electis verum est, non autem de reprobis. Quos enim Deus ardentem salvos fieri vult, eos etiam potenti gratia salvos facit: quia consilium Dei stabit & omnis voluntas fiet, Esai. 46. v. 10. quia omnia efficit secundum consilium voluntatis suae, Eph. 2. v. 11. solos autem electos salvos facit, non autem reprobos, qui damnantur. Ideoque consilium Dei & voluntas non fuit, ut reprobos salvos faceret. At inquirunt, obstat nihilominus illud Ezech. 33. v. 11. vivo ego, dicit Dominus, non delector morte impij, sed ut convertatur impius à via sua & vivat: quod licet de morte temporali propriè dicatur (ut ex v. 6. 7. 8. 9. 10. & 28. patet) multò tamen magis idem colligi potest, de morte æterna. Sed ita negatur consequentia: quia inde non sequitur; Ergo Deus vult singulos etiam impios salvos fieri: quia impios hic tantum intelligit respicientes, seu à peccatis ad justitiam & Deum conversos: quorum conversione ac salute delectatur: ut sequens membrum exponit: impios verò in impietate manentes salvos fieri non vult; sed morituros justò Dei judicio, sæpius ibidem v. 8. 12. 13. & sequentibus inculcat. Postremò Lutherani, eorumque patroni excipiunt, Deum quidem velle singulos homines salvos fieri, sed plurimorum vitio impediri, quo minus salvos faciat: quod scilicet verbum Dei vel plenè non audiant, vel malè: & hanc esse causam, cur fidem iis non largiatur: sed aliis eam ex gratia donet, qui videlicet verbum illud audiunt & corde honesto ac bono retinent, & fructum ferunt in patientia, Luc. 8. v. 15. Verum, ea ratione, non solum frustra veritati obnuntantur: sed etiam rectà in Semipelagianorum castra transfugiunt; ut qui gratiæ Dei, in fide & salute danda, eventum, ab actionum humanarum diversitate pendere statuunt: cum contrà fides sit merum Dei donum, à sola illius gratiâ, per verbum & Spiritum, regenerante, Ioan. 1. v. 13. 14. & creante per Christum, promanans ac dependens, Eph. 2. v. 8. & 9. quod etiam Deus efficit excellenti illa magnitudine potentiae in nobis credentibus, pro efficacia fortis roboris ipsius, quam exeruit in Christo, cum excitavit eum à mortuis, Eph. 2. v. 19. 20. Ideoque hunc Semipelagianorum errorem ita detexit ac repressit Augustinus, libro de corruptione & gratia, loco supra à nobis memorato, ubi de hac re agens, sic ait: cui (scilicet Deo) volenti saluum facere, nullum hominis resistit arbitrium. Sic enim velle vel nolle in volentis & nolentis est potestate, ut divinam voluntatem non impediat, nec superet potestatem. Ac memorabilis omnino est Prosperi, imprimis in illustri poemate de Ingratis, contra Semipelagianos disputatio hujusmodi.

*Nam si nemo usquam est; quem non velit esse redemptum;*

*Haud dubie impletur, quicquid vult summa potestas.*

*Non omnes autem salvantur; magnaue pars est,*

*Quæ sedet in tenebris mortis, nec vivificatur.*

*An variis motus animorum talia gignunt?*

*Libertasque facit causam non omnibus unam?*

*Ergo hominis valida arbitrio divina voluntas,*

*Aut etiam invalida est, operis cui finis in illo est.*

*Quem frustra jurasse velit, nisi præferat ille*

*Effectum, cujus comitetur gratia cursum.*

Sic etiam de præpotenti Dei gratia postea subjicit:

*At verò omnipotens hominem cum gratia salvat,*

*Ipsa suum consummat opus, cui tempus agendi*

*Semper adest, quæ gesta velit, non moribus illi,*

*Fit mora, nec causis anceps suspenditur ullis.*

Ac postea exempla illustria extare ostendit:

*Quæ doceant virtute Dei conversa malorum*

*Corda, quibus recti nihil unquam infederat, & quæ*

*Nullum justitiæ signum, sensumve gerebant:*

Et de summa conversionis potentia ait,

*Non hoc consilio tantum, hortatuque benigno,*

*Suadens atque docens, quasi nomen legis haberet*

*Gratia: sed mutans intus mentem atque reformans,*

*Vasque novum ex fracto fingens virtute creandi.*

*Non istud monitus legis, non verba prophetæ,*

*Non præstata sibi præstat natura, sed unus*

*Quod fecit, reficit. Percurrit Apostolus orbem,*

*Prædicet, hortetur, plantet, riget, increpet, instet,*

*Quaque viam verbo reseratam invenerit, intret:*

*Ut tamen his studiis auditor permoveatur,*

*Non doctor, neque discipulus, sed gratia sola*

*Efficit, inque graves adolet plantaria fructus.*

*Hæc semen fidei, radicem adfigere menti*

*Et . . . . . cordis validum jubet edere germen.*

*Hæc maturandam segetem servatque fovetque.*

Ex quibus rationibus ex Sacris Literis derivatis Semipelagianismus ille Lutheranorum ac Patronorum antè memoratus confutatur: qui non considerant, per cor honestum & bonum, in parabola, de semine, Luc. 8. v. 15: non effectum hominis, quo ab aliis se fecernat: sed solam Dei, per fidem & charitatem regenerantis, gratiam intelligi: cum sine eâ, cor omnium hominum sit pravum, Gen. 8. v. 21. & Rom. 8. v. 6. ad bona opera ineptum, 1. Cor. 2. v. 14. & 2. Cor. 3. v. 5. ac lapideum cor, quod Dei gratia sola aufert, ac format cor carneum, hoc est, non pravum, sed bonum ac obediens; & nos creat, per Christum, ad bona opera, facitque ut in præceptis ipsius ambulemus, Eph. 2. v. 8. 9. 10. Jer. 31. v. 33. 34. & Ezech. 36. v. 27. Quare responsione, ad sextum ultimumque testimonium, ex 1. Tim. 2. v. 6. objectum, firmatâ, & exceptionibus confutatis, superest, ut ad alia testimonia, in quibus vox mundi occurrit, perpendenda accedamus. Primum autem est, Joan. 1. v. 29. Ecce agnus Dei, qui tollit peccata mundi: Ergo omnium ac singulorum hominum, nemine excepto. Sed negatur consequentia: quia mundi vox indefinite posita non semper singulos mundi homines notat. Imò nullibi in Sacris Literis extat locus, ubi, citra controversiam, ita accipitur: quod merito in hac materia observandum. Contra verò ad aliquam universitatis hominum partem refertur. Atque ita sæpius vel maximam, scilicet impiorum ac reproborum, multitudinem notat: & 1. Cor. 11. v. 33. mundus qui damnatur. & 2. Pet. 2. v. 5. mundus impiorum vocatur: & ita Christus non orat pro mundo, Joh. 17. v. 9. vel minorem mundi partem, electorum videlicet ac fidelium multitudinem, designat. ut Joan. 17. v. 21. Christus orat, ut credat mundus: & v. 23. & Joan. 14. v. 31. ut cognoscat mundus: quod de solo electorum mundo dicitur, non vero reproborum: quia pro hoc non orat. Quare cum mundus indefinite positus, non universalitatem hominum, sed partem illius, & sæpius vel reproborum, vel electorum tantum multitudinem notat: Ergo non sequitur, Ioann. 1. v. 29. mundum necessariò tam reprobos, quam electos complecti: quia de solis electis, & verâ, citra controversiam, sententiâ exponi potest: nequè contrarium ex loci circumstantiis probatur. Imò circumstantia adjuncta solos electos notari declarat: quia Christus mortis suæ vi, peccata eorum sanctificatione & justificatione, in perpetuum tollit, Heb. 10. v. 14. & 16. Rom. 8. 30. Mundum verò reprobos non novit Christus, Matth. 7. vers. 23. nec pro eo orat, Ioan. 17. v. 9. eoque per fidem non sanctificat, neque justificat, in perpetuum: quia sub peccato & ira Dei manent, Ioan. 3. v. 36. Secundum deinde testimonium opponunt, ex Ioan. 6. v. 21. Caro mea est, quam dabo pro vita mundi. Sed illud eodem consequentiæ vitio laborat: quia de electis tantum agi demonstratur: quia ut vitam

morte

morte sua mundo destinavit, vers. 33. sic vitam tantum electis omnibus, qui certo servantur, Rom. 8. v. 30. donat; nullis verò reprobis: quia citra controversiam damnantur. Tertium testimonium est, 2. Cor. 5. 19. *Deus erat in Christo mundum reconcilians sibi, non imputans eis peccata ipsorum.* Sed eodem modo, ut antè, consequentia vitiosa est; quia *mundus* electos ac fideles notat, quemadmodum Apostolus declarat: primum antecedente v. 16. & 8. *Si quis igitur est in Christo, nova creatura est. Vetera præterierunt, nova facta sunt omnia. Hæc autem omnia sunt ex Deo, qui reconciliavit nos sibi, per Jesum Christum; deditque nobis ministerium reconciliationis.* Quibus ostenditur, agi de reconciliatione fidelium, qui in Christo sunt, & facti nova creatura. Idemque probat deinde consequens adjunctum *mundi*, quod Deus eum *reconciliavit sibi, non imputans eis peccata ipsorum*: id quod solis fidelibus convenit: quia omnes illi, quibus Deus peccata non imputat, habent fidem, Rom. 4. 5. ac sunt beati, v. 6 & 7. ac Deo per fidem reconciliati, Rom. 5. v. 1. *At nemo sine fide Deo potest placere* ad Heb. 11. vers. 6. Ideoque *mundus* tam infideles, quàm fideles, hoc loco, significare non potest. Idemque etiam sequentia indicant, quæ hoc adjunctum mundi de fidelibus solis exponunt, v. 21. *Fecit enim eum, qui non novit peccatum, pro nobis peccatum, ut nos efficeremur iustitia Dei in eo;* ubi vox nobis Paulum & fideles distinctè indicat: & attributum nobis Dei beneficium, quod per Christi, pro peccato, sacrificium, fiamus iustitia Dei in eo, per solam fidem obtinetur, Rom. 3. v. 22. Quapropter mundus hoc loco non singulos homines, sed solos fideles notat. Sed quartum urgent testimonium, ex 1. Ioann. 4. v. 14. *Pater misit Filium, salvatorem mundi.* Sed eadem rursus, quæ antea responsio est: electi enim ac fideles mundi designantur; quia illi soli fide donantur, & nati ex Deo & per fidem salvi sunt: non verò mundus reproborum, cui diserte opponuntur *ex Deo nati*, v. 4. & 5. collato cum 6. sic v. 9. & 10. *Per hoc patet facta est charitas Dei in nobis, quod Filium suum unigenitum misit Deus, in mundum, ut vivamus per eum. In hoc est charitas, non quod dilexerimus Deum: sed quod ipse dilexerit nos, & miserit Filium suum propitiationem pro peccatis nostris:* unde ex serie orationis patet, voce mundi, mundum electorum ac fidelium, quos solos salvat, intelligendum. Sed obijciunt, obstare Apostolum 1. Timoth. 4. v. 10. ubi de Deo dicit, *qui est Salvator omnium, maximè fidelium*: Ergo non solum fidelium, sed etiam infidelium, quibus comparatè, non salute ipsa, sed salutis magnitudine præferuntur: neque enim voce omnium fideles tantum intelligi: quia alias absurda omnino esset sententia, *qui est Salvator omnium fidelium, maximè fidelium.* Verùm rectè negari solet consequentia, ob vocis homonymiam: quia vox σωτηρ, 1. Ioan. 4. v. 14. authorem salutis æternæ, sc. Christum, designat ὁ σωτὴρ: ut citra controversiam, omnes circumstantiæ ostendunt; sed 1. ad Timoth. 4. v. 10. author salutis temporariæ intelligitur, quam suâ providentiâ Deus præstat: ut etiam accipitur, 1. Samuel. 10. v. 19. *Sprevisti Deum vestrum, qui est יְיָ, id est, salvos faciens vos.* 70. Σωτήρ, servator ex omnibus malis vestris & angustis. & cap. 11. v. 13. *Hodie effecit Jehova יְיָ Salutem,* 70. Interpretes σωτήρας in Israel. Et Actor. 27. v. 34. *Hoc ad vestram salutem, id est, salutem, hoc est, vitæ conservationem.* Sic etiam σωτὴρ saluum facio, de salute corporali accipi solet: ut Matth. 17. v. 40. & 42. & alibi frequentissime: ut etiam Psal. 36. v. 7. *homines & jumenta יְיָ*: Septuaginta σωτὴς, salvos facies Jehova. Atque ita etiam Deus, ab Apostolo, hoc loco objecto, σωτὴς, id est, servator, seu conservator omnium dicitur: quod suæ providentiæ beneficio, omnes homines servet ac tueatur, sed peculiariter fideles: ideoque addit Apostolus, *maximè fideles.* Atque ita, ut & initio hujus versus, fatigationem suam & probra, quibus afficiebatur, memoravit: sic consolationem, à Deo conservatore afflictorum omnium, maximè fidelium, subiecit. Quemadmodum, 2. Corinth. 1. ait, *qui Deus ex tanta morte liberavit nos & liberat; in quo speramus, quod adhuc etiam liberabit.* Quamobrem hinc probari non potest, Deum esse omnium, tam infidelium reproborum quam electorum fidelium, per

Christi mortem, salvatorem: cum de temporali, adversus persecutiones, conservatione, agitur. Deinde etiam idem res ipsa demonstrat, Si enim Deus hic diceretur salvator, ratione salutis æternæ, & omnium, non solum fidelium, sed etiam infidelium: Apostolus Euangelio Christi, quod solos fideles salvos fieri, infideles condemnari asserit, Mat. 16. v. 16. Ioan. 3. v. 36. repugnaret: imò & sibi ipsi, Rom. 5. v. 10. *Si enim cum hostes essemus, reconciliati sumus Deo, per mortem Filii ejus, multo magis reconciliati salvi fietimus, per vitam ipsius.* Quibus demonstrat Apostolus, reconciliatos Deo certò salutem consequi. Quocirca exceptio Adversariorum vana est: ac propterea solutio, ad quartum testimonium allata, perstat. Sed quintum adjiciunt, quasi palmarium, quod passim inculcant, ex 1. Ioan. 2. v. 2. *& ipse est propitiatio pro peccatis nostris: nec pro nostris solum, sed etiam pro totius mundi.* Ergo pro omnibus ac singulis, tam reprobis, quam electis. Sed negatur consequentia: quia, ut *mundus* indefinitè positus, non semper, sed nullibi in Sacris Literis, generatim, universam hominis multitudinem notat: sed speciatim, vel reproborum, Ioan. 17. v. 9. vel electorum, vers. 21. & 23. sic etiam definitè *totus mundus*, pro hominibus acceptus, non semper, sed tantum semel generatim accipitur, Rom. 3. v. 19. sæpius verò speciatim, vel omnes reprobos tantum notat, 1. Ioan. 5. v. 9. *mundus totus in malo jacet:* vel omnes electos tantum, ut hoc loco: quemadmodum vocis mundi usus & veritas sententiæ convenit ac suadet. Nam quod excipiunt, hæc duo membra, *non pro nostris solum peccatis*, & quod sequitur, *sed etiam pro totius mundi*, tanquam diversa statui: & priori membro, electos ac fideles intelligi: ac propterea posteriori, universos, tam reprobos infideles, quam electos ac fideles significari: si enim utrimque omnes electi ac fideles intelligerentur, non essent diversa, sed idem: ac propterea ineptè distinguerentur. Fatemur hæc duo membra esse diversa, sed suo modo; nempe, ut partem omnium electorum, & totam eorum multitudinem. Priori enim Iohannes, cum ait, *pro nostris*, se & fideles illos, ad quos scribit, ac *suos filios* vocat, v. 1. & 12. indicat: posteriori verò, universam electorum multitudinem, sine locorum, temporum, nationum, similiumque circumstantiarum discrimine designat. Ac propterea aptissimè inter se hæc duo distinctè proponuntur: neque ulla ratio adferri potest, quâ hunc locum, tam de reproborum, quàm de electorum mundo, explicandum demonstretur. Verùm contrarium, duobus hujus mundi adjunctis, quæ electis propria, ab Apostolo declaratur. Quorum primum est, quod Christus sit illius advocatus apud Patrem: id quod reprobis nequaquam convenit: quia pro iis non orat, Ioan. 17. v. 9. Secundum est, quod sit ἱλασμός, propitiatio pro peccatis: quod etiam fidelibus solis Sacre Literæ tribuunt, Rom. 3. v. 24. & 25. *Iustificantur autem gratis, per redemptionem factam in Christo Jesu. Quem proposuit Deus ἱλαστήριον propitiatorium, per fidem, in sanguine ipsius.* Pro quibus enim Christus est mortuus, iis omnibus sanctificationem, per fidem, & justificationem ac salutem est promeritus, & efficacia meriti sui, tanquam causæ impulsivæ ac permoventis, efficit: ut supra, ex verbis Apostoli, Heb. 10. v. 10. & 14. novi fæderis promissione etiam firmatis ibidem, v. 15. & 16. & 17. & ex conclusione, Rom. 5. v. 10. constat. Quod etiam exprimit Apostolus, Heb. 9. 14. 15. *Quantò magis sanguis Christi, qui per Spiritum æternum seipsum obtulit inculpatum Deo, purgabit conscientiam vestram à mortuis operibus, ad serviendum Deo vivo?* Itaque ob id novi fæderis mediator est, ut morte intercedente, ad redemptionem earum transgressionum quæ fuerant sub priori testamento, vocati promissionem accipiant æternæ hereditatis. Neque obijci potest, cum ratione, adversus primum adjunctum, Christum dici quidem advocatum nostrum apud Patrem, id est, electorum ac fidelium: non autem totius mundi: ratio enim hæc est, quia ad Mediatoris Christi officium pertinet utrumque, Expiatio peccatorum per mortem, & deinde vi illius Intercessio, apud Patrem: ut Heb. 7. v. 22. 23. 24. Christus melioris, id est, novi fæderis, sponsor vocatur, & utrumque hoc beneficium, v. 25. & 26. cum 27. ei attribuitur: ut cui unum



convenit, etiam alterum. Nam cum summus ille amor sit Christi erga omnes; pro quibus est mortuus, Joan. 15. v. 13. & Rom. 5. v. 10. fieri non potest, ut pro aliquibus eorum orare noluerit. Quamobrem hoc quintum Scripturæ testimonium, adversariorum causam minimè confirmat. At Sextum ac postremum illud quasi adamantinum atque invictum sententiæ suæ munimentum prætendunt ex Joan. 3. v. 16. *Sic enim Deus dilexit mundum, ut Filium suum unigenitum dederit, ut omnis qui credit in eum, non pereat, sed habeat vitam æternam.* Ergo Christus à Patre missus, ac morti traditus pro singulis mundi hominibus, tam reprobis, quam electis. Sed negatur consequentia: quia *mundi* vox indefinitè posita, non semper, sed nunquam pro singulis mundi hominibus, ut supra monuimus, sed sæpius aliter accipitur, & hoc in loco sic accipi potest. Quemadmodum tribus etiam modis, ab eruditis Interpretibus, servata fidei & loci analogiâ, exponitur. Primum, ut *mundus* omne hominum genus, seu omnes gentes mundi significet: quemadmodum Abraham, Rom. 4. v. 13. dicitur *hæres mundi*, hoc est omnium gentium mundi, Genes. 12. v. 3. Galat. 3. v. 8. cum 9. ut etiam *divitiæ mundi* per *divitias gentium* exponuntur, Rom. 11. v. 22. Ex quibus concludi rectè non potest, id dicitur verè de omni hominum genere seu de omnibus gentibus; ergo verum etiam est: de humani generis, seu omnium gentium singulis; cum contrà in Sacris Litteris, addita explicatione, statuitur: Ut, quod Abraham *Pater omnium nostrorum*, id est, fidelium, Rom. 4. v. 11. & 16. Et Rom. 11. 12. *mundus* de gentibus exponitur quidem: sed ne quis de singulis gentium accipiat, *divitiæ mundi*, per *salutem gentium*, v. 11. & *reconciliationem mundi* v. 15. & quidem per *fidem*, v. 20. declaratur. Atque ita etiam in hac sententia Christi nostris objecta, *mundi* vox pro omni genere hominum mundi, seu omnibus mundi gentibus accipi potest, non autem pro singulis mundi seu omnium gentium hominibus: quemadmodum explicatio ab adjuncto mundi demonstrat, cum Deum sic dilexisse mundum, Christus ait, *ut ita ut suum Filium unigenitum dederit, ut omnis qui credit in eum, non pereat, sed habeat vitam æternam*; quæ dilectio mundi, donatione Filii unigeniti, ad vitam æternam, ad fideles restringitur: primò quia dilectio Dei, qua Filium suum unigenitum dedit, est, citra controversiam, summa dilectio, ex qua omnia ad salutem necessaria & salus ipsa necessariò consequitur: ut Apostolus demonstrat expressè, Rom. 5. v. 10. & cap. 8. v. 32. ubi ait, *qui Filio proprio non pepercit, sed pro nobis omnibus tradidit eum, quo modo non etiam cum eo omnia nobis gratificabitur?* Atque non omnia singulis hominibus gratificatur Deus: ergo pro iis Filium non dedit. Deinde donatio etiam Christi non statuitur communis singulis hominibus, sed credentibus: dedit enim Filium, ut omnes credentes habeant vitam æternam. Secundò *mundum* alii electos notare censent. Nam quod Lutheranus Reineccius objicit, *Armaturæ Christianæ* tom. 3. p. 7. vocem *mundi* nunquam pro electis sumi: illud, ut alia multa omittamus, confutatur ex Ioan. 17. v. 21. & 23. ubi Christus orat pro fide mundi, oppositè mundo reprobis, pro quo non orat, ibidem v. 9. At rursus objiciunt, per ea verba, *ut omnis*, scilicet è mundo, *qui credit*, mundum, de quo Christus loquitur, distribui in credentes & non credentes: ideoque singulos, citra exceptionem, totius mundi homines, tam reprobos incredulos, quam electos intelligi. Verùm negatur consequentia: quia electorum etiam mundus partim credebatur, partim non credebatur, sed erat crediturus, Ioan. 10. v. 16. & ut electos totius mundi dilexit, ac salutem eorum voluit: sic non nisi per fidem in Christum, vitam æternam iis donare decrevit, ac donat: nam ante fidem, sunt peccatores in se, hostes Dei, ac maledictioni obnoxii Rom. 3. v. 9. 10. & Gal. 3. v. 12. atque ita *missus* dicitur *Filius Dei in mundum, non ut condemnet mundum, sed ut servetur mundus per eum*, v. 17. quod mundo electorum proprium: nam reprobi non servantur, sed damnantur. Modus autem salutis indicatur v. 18. *qui credit in eum, non condemnatur*; quod à contrariis reprobis illustratur, *qui vero non credit, jam condemnatus est. Sed contrarium patere, ad-*

versariorum Patronus ait, ex v. 19. quo, ut ait, *ingratitude pro tali beneficio tanquam causa iudicii & condemnationis allegatur. Hoc verò est iudicium, quod lux venit in mundum, sed dilexerunt homines potius tenebras, quam lumen.* Sed meritò negatur, de tali beneficio, objecto loco agi, quale ver. 16. proponitur: illud enim est dilectio Dei, quâ Filium suum unigenitum dedit. Ex quo (ut antè testimonio Apostoli ex Epistola Rom. 5. v. 10. & cap. 8. v. 32. demonstratum) omnium ad salutem necessariorum, & salutis donatio necessariò consequitur. Hic verò v. 19. agitur, de missione Christi, ad lucem Evangelii proponendam, ut Luc. 4. v. 18. & 19. quam lucem Judæi reprobi, amore vitiorum contrario, respuerunt; ut verba Christi v. 20. & 21. declarant. Quare frustra secundæ vocis *mundi*: v. 16. expositioni reluctantur. Tertia denique expositio est, mundum electos quidem, sed fideles designare: ut Ioan. 6. Christus *se dat pro mundi vita*, v. 51. & *dat vitam mundo* v. 33. vita autem nulli datur, nisi fidelibus, Ioan. 3. v. 36. ideoque *mundus* fideles ibidem notat. Sic etiam 2. Cor. 5. v. 19. *Deus in Christo mundum reconciliat sibi, non imputans iis peccata* Quæ beneficia solis electis & fidelibus conveniunt: ut Ioan. 3. v. 36. Rom. 5. v. 1. Atque hoc modo mundus, quem Deus dilexerit &c. intelligi potest. Sed adversarii contrà, ex loci circumstantiis, excipiunt, illud sequentibus non consentire: quia additur, *ut omnis* (supple ex mundo) *qui credit, non pereat, sed habeat vitam æternam*; qua distributione in contrarias partes, indicatur, in mundo etiam esse, qui non credant. Ac propterea hanc expositionem ineptam esse, quidam Lutheranorum patroni arbitrantur. Sed observandum est, eos falsa niti hypothesi, quasi vox *omnis*, necessariò distributionem mundi, in contrarias partes, notaret; cum contrà duo diversi modi penitus examinantibus occurrant, quibus sine illa distinctione, rectè eo modo exponere valeamus. Primus est, ut verba illa *omnis qui credit*, sint vocis *mundi*, credentes indefinitè significantis, explicatio definita & opportuna. Quia ad singulorum fidelium consolationem, & ad erroris, cum Pontificiorum, tum Lutheranorum refutationem conducit. Qui non omnes credentes in Christum vitam habere æternam, sed quosdam eorum deficere ac damnari statuunt: cui errori hæc Christi verba, *ut omnis qui credit, non pereat, sed habeat vitam æternam*, tanquam antidotum opponuntur: quippe cum æterna non sit vita, quæ amittitur. Quemadmodum & illa Christi Ioan. 6. v. 35. *qui credit in me, non sitiet unquam*, & v. 10. *Hæc est voluntas ejus, qui misit me, ut omnis qui videt Filium & credit in eum, non pereat, sed vitam æternam habeat, & suscitetur eum ultimo die.* Secundus deinde modus est, ut *omnis qui credit*, Judæorum & gentium credentium distinctionem tollat: ut Rom. 3. v. 22. *Iustitia verò Dei per fidem Jesu Christi in omnes & super omnes, qui credunt, non enim est distinctio*, & cap. 10. v. 11. 12. *omnis qui credit in eum, non pudebit: non enim est distinctio & Judæi & Græci.* Quamobrem adversariorum contra tertiam explicationem objectio, specioso quidem primâ fronte, sed fragili omnino nixa fundamento, hisce modis corrui. Reliquum igitur est, ut Sacre Scripturæ testimoniis (quibus partim speciatim, partim generatim Christum, tam pro reprobis ac damnatis, quam pro electis ac servandis mortuum esse, directè doceri contendunt) explicatis & adversus abusum vindicatis, tandem ad rationes, quas postremò obtendunt, expendendas procedamus. Eæ autem sunt, quæ per quandam, ex dictis Scripturæ, consequentiam, partim ex Veteri, partim ex Novo Testamento, ad errorem ipsorum fundandum, deducuntur. Ex Veteri quidem Testamento, ratio prima adversariorum, quam etiam Patronus eorum repetit, à formula, ut ait, *fœderis gratiæ desumpta est*: qua promittitur semen mulieris contritum caput serpentis: unde concludunt, ergo singuli homines, tam reprobi, quam electi, fœderis gratiæ sunt participes & à Satanæ potestate per Christi mortem liberati. Verùm ratiocinatio vitiosa est, duobus modis. Primo, quia antecedens falsa nititur hypothesi, quasi verbis illis, formula fœderis gratiæ contineretur: cum propriè sit comminatio Dei iudicis ad Diabolum & semen illius Christo adversarium directæ: obliquam ta-

men Christi, per mortem victoris illius, promissionem includens. Contrà verò fœdus propriè obligationem duarum partium certis utrimque conditionibus complecti certum est; qualem hoc loco extare, probari non potest: ideoque nec fœdus propriè est. Deinde falsa etiam est consequentia: nam contritio hæc capitis serpentis, seu potestatis Satanæ, non dicitur futura ratione singulorum, tam reproborum infidelium, quàm electorum fidelium: quia electi, mortis Christi merito efficaci, per fidem, à Diaboli Authoris peccati & mortis potestate liberantur, Actor. 26. v. 18. Rom. 16. 20. Coloss. 1. vers. 12. 13. 14. Reprobi contrà infideles, illius potestati subsunt, Ephes. 2. 2. & ministri illius sunt, 2. Cor. 11. 15. & Filii Diaboli Ioan. 8. v. 24. Idemque declarat Apostolus, Hebr. 2. vers. 14. 15. *Quoniam igitur pueri illi (seu potius filii illi, τὰ παιδία) participes sunt carnis & sanguinis: ipse quoque similiter participes factus est eorundem, ut per mortem aboleret eum, qui mortis imperium habet, hoc est, diabolus, & liberaret hos, quotquot metu mortis obnoxii erant servituti.* Ubi disertè satis verba Moysi, de contritione capitis serpentis, exponit de beneficio, erga illos filios, quos ipsi dedit Deus, v. 13. 14. hoc est, electos fideles, Ioan. 6. v. 37. & 38. qui sanctificantur, Heb. 2. vers. 11. Reprobos verò Deus Christo non dedit: quia Christus eos nunquam novit, Matth. 7. v. 23. neque pro iis orat, Ioan. 7. v. 9. neque iis donat vitam æternam, (quam datis sibi à Patre donat, Ioan. 6. v. 39. & 40.) sed damnat eos, Ioann. 3. v. 36. Deinde idem etiam ostendunt verba proxima, & liberaret rēus hos, quotquot metu mortis per omnem vitam obnoxii erant servituti: ubi per vocem hos, eosdem filios sibi datos (quorum ante v. 13. & 14. mentionem fecerat) intelligit, hoc est fideles. Nam liberatio à metu mortis & servitute, solis fidelibus convenit, Luc. 1. v. 74. & 75. & Rom. 5. v. 1. & 2. & capite 8. v. 2. & 15. Nam ante fidem, morti & servituti omnes ob peccata sua, sunt obnoxii. Rom. 6. v. 20. 21. & 23. Quia verò eam adversariorum ex Gen. 3. 15. de universali fœdere gratiæ, rationem, patronus eorum non solum repetit: sed etiam argumentis quibusdam firmare conatur: ea paucis refellenda. Primum argumentum est huiusmodi, *sicut enim antegressum præceptum, cum adjuncta comminatione, non solum ad personas primorum parentum, sed & universum semen ipsorum pertinuit: ita & gratia & promissio, quæ illis post lapsum facta est: supple, non solum ad personas primorum parentum, sed & universum semen ipsorum pertinuit.* Quid autem per gratiam intelligat, postea ita exponit, *peccatum primorum parentum, adeo & peccatum originis, tanquam opus Diaboli, hæcenus destructum esse, ut Satanæ propterea nullum jus & potestatem in homines habeat: ita ut propterea nemo damnandus sit necessario, nisi nova peccata accedant, quibus homines gratiæ fiant incapaces, ac denuo in plenam servitutem & possessionem Satanæ redeant.* Et paulo post; idcirco, inquit, *iustificatio vitæ ita in omnes homines transit, ut libertatem & jus ad vitam æternam consecuti sint.* Respondetur verò, vitiosam omnino esse consequentiam: quia diversa est status primorum parentum, ante gratiam acceptam, & status sub gratia, conditio. Prior enim in quo personam etiam totius posteritatis generandæ sustinebant, fuit omnibus posteris communis: in iis enim omnes posteris præceptum acceperunt ac comminationem: & in iis parentibus, transgressione præcepti peccarunt omnes: ac propterea, secundum comminationem, rei facti sunt mortis, Rom. 5. v. 12. & sequent. sub statu verò gratiæ acceptæ, per quam primi parentes liberati sunt, à potestate Satanæ, & libertatem ac jus ad vitam æternam sunt consecuti, personam totius posteritatis suæ generandæ non sustinuerunt. Hoc enim Sacris Literis minimè traditur, sed iis maximè repugnat: quia disertè docent, gratiam illam liberationis à potestate Satanæ, & juris ad vitam æternam, non nisi per fidem obtineri, Ioh. 3. 36. & Act. 26. v. 18. Deinde neminem alienā, sed sua quemque fide vivere, Marc. 16. v. 16. Rom. 1. v. 16. 17. Ex quibus satis apparet insolentis illius dogmatis impuritas, quo fides, gratiaque per eam, Adamo facta, communis omnibus ab eo generatis statuitur: unde & illud absurdum consequitur, eum non solum au-

thotem mortis, per peccatum; sed etiam causam instrumentalem gratiæ, per suam fidem, singulis hominibus existere. Similiter appendix illius impura confutatur, quæ (ut antè memoravimus) asseritur *peccatum primorum parentum, adeo & peccatum originis, tanquam opus Diaboli, hæcenus destructum esse, ut Satanæ propterea nullum jus & potestatem in homines habeat; ita ut propterea nemo necessario damnandus sit, nisi nova peccata accedant, quibus gratiæ fiant incapaces, ac denuo in plenam servitutem & possessionem Satanæ redeant.* Quibus verbis, primùm falsa interpretatione contritionis capitis serpentis nititur, quasi ea communem singulorum hominum à Satanæ potestate liberationem designaret: cum contrà eam tantum ad electos & fideles spectare, antea sit demonstratum. Quemadmodum etiam, quod hîc, de destructione operis Satanæ, ex loco 1. Ep. Ioan. 3. 8. quem paulò antè citarat, producit, de reprobis minimè dicitur; sed de solis electis, qui per regenerationem fide donantur, Deoque serviunt, ut verba Ioan. ibid. v. 8. & 9. declarant; *qui facit, inquit, peccatum, ex Diabolo est: quoniam Diabolus à principio peccat. Ad hoc patefactus est Filius Dei, ut dissolvat opera Diaboli. Qui natus est ex Deo, peccatum non facit, quoniam semen ipsius in eo manet.* & versu sequenti similiter *Filios Dei, à Filiis Diaboli* discernit. Quamobrem hoc argumentum retorquetur hoc modo: Quicumque sunt Filii Diaboli, illi non sunt liberati à potestate illius. At quidam, imò plurimi sunt Filii Diaboli. Ergo illi non sunt liberati à potestate Diaboli. Propositio ex oppositorum natura, quæ eidem simul inesse non possunt, certa est. Filii enim Diaboli eum non vincunt, sed ab eo victi, ejus opera faciunt, Joh. 8. v. 41. & 44. & 1. Joh. 3. v. 8. & 10. in iisque efficax est, Eph. 2. v. 2. Assumptio etiam firma est, ex verbis, cum Apostoli, 1. Joh. 3. v. 10. Filios Dei à Filiis Diaboli, distinguunt: tum etiam Christi, Joh. 8. v. 36. & 44. Deinde quis quæso Reformatæ aut Lutheraniæ ecclesiæ seriò addictus, eo prorumpat insolentiæ, ut singulos totius orbis hominēs, ante actualia peccata, hæcenus esse per Christum à potestate Satanæ liberatos dicat, ut nullus eorum, ob peccatum in Adamo commissum, neque peccatum originis, necessariò sit damnandus; sed singuli jus habeant ad vitam æternam? cum & nostri & Lutherani, ob peccatum originis, omnes homines, naturā filios iræ, non minus quàm ob opera mala, Eph. 2. v. 2. 3. profiteantur: neque etiam aliter à damnatione, quam per Sp. S. regenerantis gratiam, liberari Ioh. 3. v. 5. 6. neque quenquam aliena fide salvum fieri, sed sua, Rom. 1. v. 16. 17. Quare an hac ratione reconciliandis Lutheranis, an verò iis magis alienandis atque exacerbandis inserviat, considerandum relinquimus. Quod autem præterea objicitur: *Si potestas Satanæ, in reprobis, per Christi mortem non sit sublata, pars tantum illius potestatis est abolita; maxima verò pars illius permanebit: ideoque vera non erit promissio Gen. 3. de contritione illius, per Christum.* Verum jam antè ostendimus, promissionem illam ad electos per fidem servandos petinere; ac verè in iis impleri: reprobos verò sub potestate Satanæ mancipatos perdurare ac damnari. Sed alterum firmandæ adversariorum rationi argumentum patronus eorum adducit: *non tantum, inquit, Abel, sed & Cain ad hoc fœdus (nempe gratiæ) vocatus fuit & sacrificium eis tanquam sigillum fœderis pariter ambobus datum fuit, Gen. 4. vers. 3. & sequentibus:* At inquam, illud, quod quasi certum subternitur, nimirum Gen. 4. v. 15. fœdus gratiæ describi, jam antea diluimus. Vocationem tamen ad fœdus gratiæ postea factam non negamus: sed ea duplex est, una efficax, qua vocati, per fidei vivæ, à Deo donatæ conditionem præstitam, gratiæ fœderis fiunt consortes: altera inefficax, cum vocati conditionem fidei vivæ debitam non observant, ideoque gratiā fœderis carent. Priorem autem ad fœdus gratiæ vocationem primis parentibus factam esse, communi sententia conceditur: ac de Eva quidem, verum ac credendum; scripturæ indicio, Genes. 3. v. 15. *inimicitiam ponam inter te & mulierem hanc;* quibus verbis, illius mulieris, hoc est Evæ, cum Deo amicitia futura (quæ sine Christo, & fide esse non potuit, Rom. 5. v. 1. & Heb. 11. v. 5.) indicatur: de Adamo verò verisimile ac credibile existit;

existit : partim ob reconciliationis Evæ exemplum : quæ prior tamen peccarit, & Adamo peccati causa fuit. Genes. 3. v. 6. & 1. Timoth. 2. v. 14. partim quia contrarium in Sacris Literis minimè traditur : ideoque vel hac ratione, ex charitatis lege, in re ancipiti, in meliorem partem judicandum. Filiorum verò, Abelis & Caini vocationis, ad fœdus & signa illius, modus fuit diversus ; Abelis quidem efficax, ut cui non solum gratia justificationis & salutis, per conditionem fidei vivæ, fuit oblata : sed etiam, per fidem à Deo donatam, collata. Quemadmodum obrulisse Sacrificium Deo gratum traditur Genes. 4. v. 4. quia fide obtulit, Heb. 11. v. 4. Caini verò vocatio ad fœdus gratiæ & signa illius fuit inefficax, seu gratiæ fœderis expers : quia conditionem, ad gratiæ illius communionem, necessariam non præstitit, sed contrà violavit : ac propterea sacrificium illius sine fide & charitate oblatum Deus averfatus est, Gen. 4. 5. & 7. Heb. 11. 4. Cain enim non erat natus ex Deo ( ut Abel, aliique gratiæ fœderis consortes ) sed natusex malo illo 1. Johan. 3. v. 12. hoc est, diabolo. Quare vocatio externa, ad fœdus gratiæ, conditione fidei, oblatum, communis fuit Caino cum Abele : sed interna atque efficax, per fidem donatam, gratiæ communicatio, Abelum à Caino discevit. Quare hoc etiam argumentum alienum est : quemadmodum etiam & tertium, quod idem Patronus subjicit, quum ait ; *deinde etiam hoc fœdus* ( scilicet gratiæ ) *cum Noacho omnibusque ejus posteris repetitum fuit*, Genes. 9. v. 8. & 9. Sed hoc vanissimum esse, res ipsa clamat. Non enim hoc loco repetitur fœdus gratiæ hominibus proprium ; sed aliud, & quidem cum brutis animantibus ( ut verba Dei disertè v. 10. 11. 12. 15. 16. testantur ) commune : quo Deus promittit, nullum amplius diluvium universale futurum, v. 11. & 15. Cui promissioni in perpetuum confirmandæ, arcum in nubibus, seu iridem signum præstituit, vers. 13. 14. 16. 17. Ac propterea malæ causæ signum est, cum tam ineptum omnino argumentum ad eam sustinendam arripitur. Sed pro universali gratia, alteram deinde ex Genesi urget Reineccius *Armaturæ Christianæ* tom. 3. deductam ex Gen. 12. v. 3. & 22. v. 18. & 26. 4. *Omnes, inquit, gentes benedicendæ in Christo. Ergo Christus pro omnibus hominibus satisficit, maledictionem tollendo, benedictionem largiendo.* Sed negatur consequentia : quia omnes gentes dici possunt, vel simpliciter, vel secundum quid. Ac simpliciter rarissime : secundum quid verò frequentissimè intelliguntur. Quemadmodum, cum de gentium ad Christum conversione agitur, exempla sunt illustria, ut Psal. 72. v. 11. *Omnes gentes servient ei, & v. 17. & benedicentur in eo omnes gentes, & beatum dicent eum, & Esai. 2. v. 2. confluent ad eum omnes gentes. Hag. 2. v. 8. & venit desiderium omnium gentium.* & Psal. 117. v. 1. *laudate Jehovam omnes gentes* : quod etiam de gentium conversione prædictum docet Apostolus, Rom. 15. v. 9. & 11. quæ omnia : citra controversiam de omnibus gentibus dicta, sed non simpliciter : quia alioqui sententiæ essent falsæ : sed secundum quid, de electis ac fidelibus omnium gentium. Sic etiam in objectis Dei verbis, *omnes gentes*, non simpliciter singulos omnium gentium notare necessarium est : quia secundum quid, de omnium gentium fidelibus, verè, citra controversiam, accipi potest : imò necessario accipi debet : ut adjuncta eis *benedictio*, hoc est justificatio evincit. Hæc enim solis fidelibus Christo infitis convenit, Rom. 5. v. 1. & cap. 8. v. 1. Reprobi verò infideles maledictioni sunt obnoxii : unde ut à Christo fideles, *benedicti Patris*, Matt. 23. 34. sic contrà reprobis, *maledicti* vers. 41. nominantur. Idemque Apostolus disertè exponit, Gal. 3. v. 8. & 9. *prævidens autem Scriptura, Deum ex fide justificaturum gentes, ante evangelizavit Abrahamo, Benedicentur in te omnes. Itaque qui ex fide sunt, benedicuntur cum fidei Abrahamo.* Ex quibus omnibus constat, secundam etiam hanc, è primariis adversariorum rationibus, consequentiæ vitio laborare. Tertia porrò ratio, est extypo hirci emissarii, Christum adumbrantis, Levit. 16. v. 21. 22. deprompta : unde ita concludunt, *hircus ille, impositus sibi, ab Aarone, omnibus iniquitatibus filiorum Israelis, eas ferebat & auferebat in desertum* : Ergo Christus reatum ac pœnas peccatorum

*omnium, tam reproborum, quam electorum pertulit & abstulit.* Verum negatur etiam consequentia ; quamvis enim hircus ille typus fuerit Christi ; Israelitæ tamen non fuerunt typi singulorum, tam reproborum, quam electorum, sed electorum ac fidelium tantum : unde *Israel Dei* Gal. 3. v. 9. appellantur : idque etiam confirmant per hircum significata effecta, nempe perferre peccata & omnino auferre : quæ electis fidelibus propria. Heb. 10. v. 14. & 17. contra verò reprobi infideles peccati dominio & damnationi sunt obnoxii Marc. 16. v. 16. Ioan. 3. v. 36. Quare de reprobis hîc non agitur. Quarta ratio, priori fulciundæ, ex altero simili Christi typo, petita est ex verbis Exod. 24. v. 8. & Heb. 9. 19. 20. hujusmodi ; *sanguine fœderis Moses aspersit totum populum Israelis : Ergo sanguine Christi, quo novum fœdus sancitum, aspersi sunt singuli homines, tam reprobi, quam electi.* Sed negatur consequentia : nam totus populus Israel, propheticus fuit typus, non singulorum etiam reproborum, sed solius populi fidelium. Quemadmodum sanctificationis per Spiritum effecta statuuntur obedientia & aspergio sanguinis Jesu Christi 1. Pet. 1. v. 2. ut etiam Paulus de Christo ait, Rom. 3. v. 25. *eum esse propositum placamentum per fidem, in sanguine ipsius.* & Heb. 9. v. 15. *& propterea novi testamenti mediator est, ut morte intercedente ad remissionem transgressionum, quæ fuerunt sub priori fœdere, qui vocati erant promissam æternam hereditatem acciperent.* & 1. Joh. 1. v. 17. *quod si in luce incedimus, sicut ipse est in luce, communionem habemus cum eo, & sanguis Filii ipsius purgat nos ab omni peccato.* Ac propterea sententia adversariorum non confirmatur, sed evertitur. Pro quibus enim Christi sanguis est effusus, iis etiam est aspersus : atque sanguis Christi non est reprobis aspersus ; ergo pro iis sanguis Christi non est effusus. Propositio Moysi typo stabilitur ; nam ut sanguis victimæ pro toto populo fuit effusus : sic etiam eidem aspersus, Heb. 9. v. 19. Assumptio etiam firma est : quia ad asperionem sanguinis Christi sanctificatio per Spiritum Sanctum & obedientia fidei requiritur. 1. Petri. 1. v. 2. & aspergio sanguinis Christi, illius communio est ; quæ purgationem à peccatis & justificationem parit, Rom. 3. v. 25. & 1. Pet. 1. v. 7. Ideoque reprobis infidelibus nequaquam tribui potest : ut qui impuri sunt, Tit. 1. v. 15. & à Diabolo Patre in iis operante erroribus ac malis operibus adpersi, imò immerfi sunt : *ut qui toti in malo jaceant*, 1. Johann. 5. vers. 19. & à Christi communionem ita alieni, ut eos nunquam norit, Matth. 7. vers. 23. Sed hisce rationibus ex vet. testamento deductis ac refutatis, aliæ ab adversariis Lutheranis eorumque Patronis annexuntur. Quarum prima est ab universali, singulorum hominum, per Euangelium, vocatione, proposita Mat. 28. v. 29. *Docete omnes gentes.* & Marc. 16. v. 15. *Profecti in mundum universum prædicate Euangelium omni creaturæ,* & Luc. 24. v. 47. *Sic oportebat Christum pati, & prædicari in nomine ejus pœnitentiam & remissionem peccatorum in omnes gentes, incipiendo ab Hierosolymis.* Ex quibus sic disserit Reineccius *Armaturæ Christianæ* tom. 3. pag. 14. *Quibuscunque offertur Euangelium de propitiatione Christi : pro illis propitiatio etiam est præstita ; alias enim Deus annuntianda curaret falsa, & homines palam falleret. Verum Christus jubet offerri & annuntiari Euangelium de propitiatione Christi, omni creaturæ, id est, omnibus in universum hominibus. Propitiatio itaque pro omnibus hominibus, omnique creatura est præstita.* Sed primò falsa est propositio : quia licet propitiatio per Christum facta Euangelio offeratur, ea tamen ad fideles solum restringitur, Marc. 16. v. 16. Ioh. 3. vers. 36. & Rom. 3. v. 25. & solis etiam fidelibus præstatur, secundum Dei veram promissionem. Ideoque vana est adversarii ratio, qua propositionem probare conatur. Si verò propositionem ita corrigat, *Quibuscunque offertur Euangelium, de Christi propitiatione, pro iis nimirum facta : pro illis etiam propitiatio est præstita ;* tum vera erit propositio & simul ratio firma. Sed hoc modo assumptio erit falsa : nec enim ullibi Euangelium annuntiat omnibus in universum hominibus, sive crediderint, sive non crediderint, pro iis propitiationem per Christum factam. Deinde neque etiam Euangelium, de propitiatione fidelium, per Christum, omni-

bus

bus & singulis hominibus annuntiatum est. Nam ut in Veteri Testamento hoc fuit privilegium Israelitarum, quod iis annuntiaretur Deus verbum suum, non autem ita omni genti Psal. 147. vers. 19. 20. sed si verit gentes ambulare in viis suis Act. 14. v. 16. adeo ut fuerint sine Christo, alieni à republica Israelis, alieni à fœderibus promissionis, spem non habentes & Dei expertes in mundo, Eph. 2. v. 12. Sic etiam vivente adhuc Christo, hoc privilegium Israelitarum perduravit: Matth. 10. v. 5. adeo ut non universalis, sed particularis Evangelii prædicatio fuerit statuta. Post mortem vero ac resurrectionem Christi, discrimine Judæorum & gentium sublato, iussi sunt Apostoli prædicare Evangelium omni genti (id est, cuivis genti) & omni, (id est cuivis) creaturæ scilicet. ἡ τῆς ἀνθρώπων humanæ: non autem singulis hominibus: quia illud nunquam factum, neque etiam ab iis fieri potuit: partim ob virium defectum, partim ob ordinem locorum ac temporum, ad prædicationem Evangelii, à Deo, ipsis communiter præscriptum Luc. 24. v. 47. & Act. 1. 8. aut etiam peculiariter definitum Act. 16. v. 6. 7. & alibi. Quemadmodum etiam non nisi longo successu Evangelium prius inauditum, ab Apostolis annuntiatum est, ut in Actis Apostolorum & Rom. 15. v. 20. & 21. declaratur; imò totus novus orbis, plus quam mille & quadringentis post Christum annis, mansit ignotus & prædicationis Evangelii expertus: & adhuc magna illius pars, Australis scilicet terra, & America septentrionalis inaccessa atque incognita. Ac propterea falsissimum est, universalem esse singulorum hominum, per Evangelium, vocationem: ut quæ scripturæ & universali experientię repugnet. Quemadmodum etiam eruditè prosper Responsionibus ad capitula Gallorum, cap. 4. universalem illam vocationem refutat: quo etiam spectant ea, quæ libro carminum eruditissimo, de ingratis contra Pelagianos cap. 9. differt, cum ait:

*Nec enim, vel tempore nostro,  
Omnibus in terris, jam certum est insinuatum  
Christi Evangelium: ne dicam, exordia doni  
Non potuisse simul toto decurrere mundo.  
Illa quidem ad cunctos ferri sunt iussa: sed uno  
Tempore non agitur, quod tempore dicitur uno.  
Dumque suis, aditus Domino pandente, ministris,  
Crescunt primitiæ, fuerint omnino necesse est  
Quædam terrarum partes, ubi gratia nondum  
Corda hominum tenebris absorpserat impietatis.  
Et dira innumeri demersi nocte peribant,  
Cum multa accepto fulgerent lumine mentes.*

Sed huic rationi, quam diluimus, affinem obijciunt huiusmodi, Quicquid Deus Evangelio credendum omnibus & singulis præcipit, illud est verum, non autem falsum. Atqui Christus omnia singulorum hominum peccata expiasset, est id, quod Deus Evangelio omnibus & singulis credendum præcepit: Ergo illud verum est, non autem falsum Propositionem quidem veram agnoscimus: Deus enim verax est, Rom. 3. vers. 4. nec potest mentiri, Tit. 1. v. 2. ideoque fidem falsi præcipere non potest; quia seipsum abnegare non potest. Sed assumptio falsa est. At, inquiunt, remissio peccatorum omnibus annuntiatur per Evangelium, Luc. 14. 47. Ergo etiam eorum expiatio per Christum. Verum negatur consequentia: quia remissio peccatorum Evangelio annuntiata resipiscentiæ & fidem requirit, ac solis viva fide præditis promittitur ac confertur: idque verba objecta, è Luca Apostolo, ostendunt: nec enim dicitur absolute, oportere prædicari remissionem peccatorum apud omnes gentes: sed resipiscentiæ & remissionem peccatorum. Quemadmodum etiam Christus prædicans Evangelium regni Dei, resipiscentiæ & fidem præcepit: Marc. 1. v. 15. idemque etiam Apostolis præscripsit; ibidem cap. 16. 15. prædicare Evangelium omni creaturæ, addita explicatione v. 16. qui crediderit, & baptizatus fuerit, servabitur. Qui vero non crediderit, condemnabitur. Quemadmodum Petrus Act. 10. v. 43. ait, quod Christo omnes Prophetæ testimonium dent, remissionem peccatorum accepturum, per nomen ejus, omnem credentem in ipsum. & Paulus Act. 13. v. 38. per istum, scilicet Christum, vobis remissio peccatorum annuntiatur; sed v. 39. mo-

dum exponit, cum subijcit, per hunc, omnis qui credit, justificatur. At rursus excipitur, illud certum est, fidem in Christum ad salutem Evangelio mandatam omnibus & singulis auditoribus unam eandemque esse. Ea autem fides non tantum certa notitia est, qua quis firmiter assentitur omnibus, quæ Deus nobis in verbo suo patefecit; sed etiam certa fiducia, à spiritu sancto per Evangelium, in corde accensa, quæ quis in Deo acquiescit, certo statuens, non solum alios, sed etiam sibi remissionem peccatorum, æternam justitiam & vitam æternam donatam esse, à Deo, propter unius Christi meritum. Ergo omnes & singuli jubenter credere, sibi remissionem peccatorum, propter unius Christi meritum, donatam: ac propterea illud verum esse necesse est. Nodus sanè, prima fronte, indissolubilis: nam citra controversiam, quod hic præmittitur, verissimum est, fidem, auditoribus Evangelii, ad remissionem peccatorum, non aliam atque aliam, sed unam eandemque, citrà discrimen, mandari. Sed ad alterum membrum quod attinet, siue descriptionem fidei illius, observandum, eam propriè loquendo, non esse fiduciam donatæ remissionis peccatorum sed donandæ instrumentum, Act. 26. 18. Rom. 3. v. 25. & cap. 5. 1. consequentis verò certitudinis de remissione peccatorum & fiduciæ causa est. Ideoque rectè quidem, sed non nisi improprie per Meton: effecti pro causa efficiente fiducia appellatur: quia fides eam producit, Ephes. 3. v. 12. Rom. 5. v. 2. quemadmodum alias pluribus declaravimus ac demonstravimus. Altera deinde ratio ex Matthæo petita cap. 12. est huiusmodi, Quicumque à spirituali potestate Satanæ omnino sunt liberati, pro illis Christus est mortuus. At quidam non electi, omnino à spirituali Satanæ potestate liberati sunt: Ergo quidam non electi, sunt, pro quibus Christus est mortuus. Propositionis probatio est: quia ea liberatio, est proprium Dei, in redemptis, per mortem Christi, beneficium. Assumptionem à Christo tradi contendunt in parabola, Matth. 12. v. 43. 44. 45. ubi similis Judæorum, & illius, qui à Dæmone prius omnino liberatus erat, & postea gravius occupatus, conditio statuitur. Sed negatur assumptio: neque ea ex Matth. cap. 12. demonstrari potest, neque etiam rei veritas hoc admittit. Conferuntur enim inter se homo à Dæmone obsidente omnino liberatus, qui sua culpa eidem sese præparans gravius postea obsidetur, & natio Judæorum per prædicationem Evangelii à Christo vocata, sed vocationi malitiosè resistens, ac propterea punienda. Natio autem hæc sunt primores populi, Scribæ & Pharisei, v. 14. 38. & maxima populi pars incredula iis adhærens. Malitia verò ejus nationis indicatur à Christo, cum eam nationem malam vocat, v. 45. ut ante v. 34. progeniem viperarum, & quæ bona loqui non posset, cum mala esset: & v. 39. nationem malam & adulterinam vocat. Actalem etiam extitisse inde ab initio, Christus & experientia comprobarunt: quoniam neque Johanni Baptistæ Christi præcurfori, neque Christo Domino, ad resipiscentiæ vocanti, & miracula Messię propria ac prædicta edenti paruerunt; sed contemptim ac blasphemè averfati sunt, v. 28. cum 24. Quemadmodum etiam malitiosam illam contumaciam Christus exprobrat, Matth. 21. v. 32. Luc. 7. v. 30. 33. 34. ideoque cum potestas Satanæ spiritualis, in peccato, quo incredulos regit, Ephes. 2. v. 2. & in morte Hebr. 2. v. 14. consistat, neutro modo natio hæc mala, omnino à potestate Satanæ liberata, sed ei subiecta permanfit. Ac propterea ea liberatio, ab hac potestate Satanæ, parabola objecta nequaquam indicatur. At, inquires, omnis parabola eorum, quæ confertur inter se, similitudinem complectitur: verum est, etsi non ea sit, quam adversarii statuunt, sed alia: quia generalis hoc loco ac bimebris continetur. Prius enim membrum est similitudo ingratitude erga Deum: quod ut homo hinc à Dæmone, Dei beneficio omnino liberatus, sese non Deo excipiendo per obedientiam: sed Dæmoni præparavit: sic & natio hæc perversa non solum Dei beneficio, per verbum ipsius, in populum peculiarem ad cultum Dei, privilegio quodam, jam olim Psal. 147. v. 8. 9. segregata: sed etiam, per Evangelii prædicationem, ab ipsomet Domino Christo, Dei Filio, ad resipiscentiæ vocata, per ingratitude suam ac contumaciam suam ei adver-



adversata est. Alterum membrum in simili conditione generali eventus consistit, quod posterior utriusque partis deterior sit priori. Modus autem specialis utrimque diversus, in homine quidem illo, quod rursus à Dæmone, & adjunctis quidem pluribus, sit obsessus: in natione verò hac mala, quod non solum ob rejectionem Christi, patria illius Judæa vastata, ipsique Judæi in captivitatem abducti, Matth. 23. v. 37. & 38. sed etiam quod regnum Dei ab ingratis & malis ablatum, Matth. 21. v. 44. & tandem populus Dei esse desierunt, Rom. 11. v. 12. Quamobrem hæc parabola Christi adversariorum sententiam nullo modo confirmat. Sed tertiam rationem præterea adjiciunt ex hisce 2. Pet. 2. v. 18. verbis, *per carnis cupiditates lascivias inescantes eos, qui ὄντως, verè effugerant eos, qui in errore versantur.* & v. 20. *Si enim postquam inquinamenta mundi per agnitionem Domini & Servatoris Jesu Christi, effugerunt, his rursus implicati superantur, facta est ultima eorum conditio deterior priore.* Ex quibus Lutherani, eorumque patroni ita concludunt, *Ergo quidam, qui pereunt, fuerunt ὄντως verè sanctificati; ac propterea etiam Christi morte redempti; quandoquidem sanctificatio proprium est meriti mortis Christi effectum,* Ioh. 17. v. 19. & Hebr. 10. v. 14. Sed responderi potest, ac solet bifariam. Primum ad antecedens, quod non sit certum, vocem ὄντως verè (in qua tamen vim argumenti collocant) à Petro Apostolo propositam: quia antiquorum codicum Græcorum lectio est diversa: ut Erasmus ad hunc locum, & alii eum secuti observant. Quæ paucis illustrare conabimur. Lectio enim est triplex ὁλῶς, ὁλίως & ὄντως: ut Robertus Stephanus, in novo testamento Græco, magna forma edito, ad oram hujus loci notat: eumque secutus Filius Robertus, ad minoris editionis calcem: denique in editioni Lipsensi, à Vogelino cura Camerarii edita. Ac primam quidem lectionem, nempe ὁλῶς, expressit novum testamentum Græcum in Bibliis Complutensibus, ad antiquissimorum codicum fidem, summa cura editum, ut Robertus Stephanus hanc etiam laudem illi attribuit, in præfatione sua, ac manuscriptis codicibus, & quidem primo loco, annumerat. Quam etiam lectionem editio Regia Plantini exhibet. Secundam lectionem ὁλίως habent duo manuscripta Roberti Stephani exemplaria, undecimum & decimum tertium, & accurata Simonis Colinaei editio Parisina. Quam etiam lectionem ὁλίως (vel ὁλῶς eodem sensu) codicem Græcum antiqui & vulgati interpretis habuisse, interpretatio illius, qua transtulit per vocem *paululum*, declarat. Ut etiam & codex Græcus Hieronymi, qui (ut recte Erasmus indicavit) tom. 2. operum contra Jovinianum, & quidem libro secundo, pagina circiter tertia, ab initio, similiter *paululum* interpretatur. Tertia lectio est ὄντως, quæ in reliquis codicibus pluribus continetur. Quod enim Erasmus conjicit lectionem quartam scilicet ὄντως mera conjectura est, ut quæ exemplarium consensu omnino destituta. Quare antecedens hujus ratiocinationis ab adversariis opposita non est certum: ideoque neque certa inde deduci potest conclusio. Atque hæc prima responsio. Altera etiam à nostris merito affertur, negatione consequentiæ: quia agnitio Christi, per quam, ab iis, qui in errore versantur, & ab inquinamenti mundi fugitur, duplex existit, una quidem, per gratiam regenerationis, quæ in vera fide, per charitatem efficaci consistit: altera, quæ citra regenerationem, per solam doctrinam Evangelii & spiritus illuminationem contingit, quæ plurimum inter se differunt; priori enim non tantum vitiosæ naturæ actiones coercerentur, ut inquinamenta mundi ad tempus fugiantur: sed etiam à Deo vitiosa natura (auferendo cor lapideum & dando cor carneum, id est molle, obediens, Ezech. 36. 26.) magna parte tollitur, ac dominio suo omnino exiit, Rom. 6. v. 6. 14. posteriori verò vitiosa natura non tollitur, sed refrænatur tantum, ad tempus: ita ut cognita, per lucem Evangelii, errorum & inquinamentorum mundi (id est, idololatriæ, & libidinum) turpitudine, ea ad tempus, verè, id est, sine simulatione, avertentur ac fugiant: qualis fuga à Petro Apostolo hic describitur: non autem absoluta, quemadmodum inde à versu 18. ad finem hujus capituli declaratur. Ac propterea

hujusmodi homines, cum sue lota comparantur, quæ ab externis sordibus purgata, impuram tamen naturam reservat, & ad sordes deinde revolvitur vers. 22. Neque ea vitiosæ naturæ actionum, per sanæ doctrinæ lucem, ad tempus repressio, est proprium redemptionis per Christum effectum, seu sanctificatio per sanguinem novi fœderis parata: quoniam hæc, in totius hominis, per regenerationem, sanctificationem, qua corda per fidem & charitatem purgantur: Act. 15. v. 9. & quidem perpetuâ, consistit: ut disertè describitur ea sanctificatio, Hebr. 10. 14. 16. 17. & Jer. 31. v. 33. & cap. 32. v. 40. Ezech. 36. v. 26. 27. ut supra expressius demonstratum. Neque mirum est, talem ab inquinamenti mundi (id est, erroribus & libidinibus) fugam, per doctrinæ Evangelii lucem, ad tempus serio evenire: cum etiam simile quid in hominibus ethnicis Evangelii notitia destitutis accidisse, satis compertum sit. Quemadmodum eorum exempla ostendunt, qui Socratis aliorumque Philosophorum doctrinâ commoti, pristinam voluptatum scelerumque licentiam serio sunt averfati, & vitæ honestatem coluerunt: à qua tamen nonnulli eorum, ad vitia sua pristina, voluptatibus inescati (ut hi, de quibus Petrus hic loquitur) sunt relapsi. Quamobrem cum Apostolus, hoc in loco, non describat homines regeneratos, seu fide viva & charitate purgatos: sed tantum eos, qui per agnitionem Evangelii, ab erroribus serio segregati, à fœdis ac consuetis voluptatibus ac libidinibus naturam suam vitiosam refrænarunt & ad illas rursus relabuntur. Idcirco hæc verba ab adversariis ad redemptos per Christum (qui ex fœdere gratiæ & mortis Christi merito regenerantur & ad salutem servantur) perperam omnino detorquentur: ideoque tertia ratio objecta corrui. Quarta verò obtenditur ex Johan. 1. v. 9. *hic erat lux illa vera, quæ illuminat omnem hominem venientem in mundum.* Ergo omnibus & singulis gratia illuminationis spiritualis ad jus vitæ æternæ sufficiens confertur: ideoque Christus pro omnibus & singulis hominibus totius mundi, citra exceptionem, mortuus est. Verum negatur consequentia: quia illuminatio, de qua Johannes loquitur, in antecedenti parte, notat rationis naturalis donationem, quæ per Filium Dei creatorem, omnibus hominibus convenit, per quam à brutis animantibus, ratione illa destitutis, distinguuntur, atque excellunt: non verò indicat Christi Redemptoris cognitionem: quia id disertè negatur vers. 5. *lux illa in tenebris lucet, sed tenebræ eam non comprehenderunt,* & v. 10. 11. *in mundo erat, sed mundus eum non cognovit. Ad suos venit, & sui eum non acceperunt.* Idemque perspicue omnium temporum experientia & Sacra Scriptura testatur, Psalm. 147. v. 19. 20. Actor. 14. v. 16. Ephes. 2. v. 12. deinde, etiam si redemptionis Christi cognitionem Johannes intelligeret, falsa tamen esset consequentia: quia ea notitia, cum sine fide viva & regeneratione esse possit, non est redemptis per Christum propria. Quinta quæ obtenditur ratio, deprompta est ex Apostoli verbis, Rom. 11. v. 32. *conclufit Deus omnes in contumacia (vel incredulitate) ut omnium miseretur.* Ergo Christus pro omnibus & singulis totius mundi hominibus mortuus. Sed negatur consequentia: quia ut vox omnes, citra controversiam, sæpè in S. literis, non singula individua, sed genera singulorum designat: sic etiam hoc in loco, omnes gentes, non singulos gentium indicat: neque etiam omnes gentes conjunctum, nec omni tempore, sed divisim, ac suo tempore (per admirandam Dei sapientiam ac judicia inscrutabilia) præstituto. Quemadmodum Apostolus ad eam misericordiam Dei variam ac distinctis temporibus distributam obstupefcent, proximo v. 32. exclamatione gravissima testatur. Omnes autem gentes, non singulos gentium intelligi, circumstantia hujus loci (qui de rejectione gentis Judaicæ & vocatione aliarum gentium, & tandem Judæorum revocatione certò differit) & rei veritas evincit. Primum enim Deus, vocatâ ad notitiam verbi sui & in populum suum, gente Judaica, reliquas interim gentes in incredulitate sive contumacia conclufit, adeo ut ambulant in viis ipsarum, usque ad Christum, Deo eas relincente, Actor. 14. v. 16. sine fœdere, sine Christo, sine Deo, Eph. 2. v. 12. contra verò, post

Christi

Christum, gentes reliquæ, per gratuitam Dei misericordiam sunt paulatim vocatæ: & contrâ populus Judaicus, ob rejectum Christum, per justam Dei severitatem, est rejectus, donec tandem, gentibus plenè vocatis, revocabitur, v. 25. 26. idemque versus hunc trigessimum secundum proximè antecedentes, nempe 30. & 31. ita exponunt, *sicut enim & vos quondam non parvultis Deo, nunc autem estis misericordiam consecuti per istorum (scil. Judæorum) contumaciam: sic & isti non paruerunt, ut per vestram misericordiam, misericordiam consequantur.* Quamobrem cum aliæ gentes ante Christum caruerint salutari Dei misericordia, & gens Judaica post Christum & Apostolos rejectos, nondum consequuta sit misericordiam in hodiernum usque diem; necessario sequitur, Deum non omnium gentium omni tempore misereri. Multò minus verum est, quod adversarii contendunt, Deum omnium & singulorum totius mundi hominum misereri. Deinde *misereri*, in hac Apostoli sententia, dicitur Deus, cum miseræ & peccati & mortis obnoxios, ad vivam fidem & Christi communionem ac salutem sua gratia adducit: ut etiam describitur, v. 11. cum 12. & 20. hoc autem non omnibus & singulis hominibus convenit (quum non omnium sit fides 2. Thessal. 3. 2. sed maxima eorum pars incredula maneat) sed ut scriptura tradit, electis proprium est. Quemadmodum etiam, hoc capite, de Judæis dicitur v. 5. *& hoc tempore reservatio secundum electionem gratiæ facta est*, & v. 7. *Quod requirit Israel, non est affectus, sed electi affecti sunt; reliqui vero occaluerunt.* Reliqui autem, ut oppositio electorum evincit, pec-

catores, non electi intelliguntur, utpote à Christo alieni & inimici illius perpetui, ut quos nunquam novit, Matth. 7. v. 23. & pro quibus sese non orare apertè testatur, Joh. 17. 9. utpote cum inter eos & Christum non sit reconciliatio, sed irreconciliabilis inimicitia divinitus, in promissione prima Evangelii, posita Genes. 3. 15. Quam, ut semen Satanæ eo authore, injustè exercet: sic contrâ Christum, secundum Dei voluntatem propositam, justè, vita & morte sua, semen illud Satanæ, seu mundum reprobos, cum Principe illius oppugnavit ac devicit, Joh. 16. 11. & 33. & Hebr. 2. Quamobrem misericordia salutaris erga homines, non est universalis erga omnes & singulos. tam reprobos, quam electos totius mundi homines: *miseretur enim* (ut Apostolus è Mose asserit) *cujus vult, & quem vult indurat*, Rom. 9. v. 18. Neque propterea iniquitas ulla apud Deum: quia misericordia Dei merè gratuita est, & à voluntate Dei libera dependet, & nulli debita. Hinc Apostolus calumniam istam anticipat ac diluit, Rom. 11. v. 35. cum ait, *quis prior dedit ei & reddetur?* & Christus Mat. 20. 25. *annon licet mihi, de meis facere, quod volo?* Neque hac de causa (ut Lutherani acerbè maledicunt) Deus statuitur à nostris *πρωτόκλητος*: quia in iis, quorum non miseretur, non ipsam naturam odit, cujus est creator; sed vitia illius, quorum ipsi homines sunt authores: eaque, ut legi suæ justissimæ omnino repugnantia, justè odit Deus Ps. 5. & 6. & ulciscitur Rom. 12. 19. Atque hoc modo, adversariorum, pro universali gratia, ad singulos etiam reprobos pertinente, rationibus confutatis, huic dissertationi finem imponemus.

## DIGRESSIO,

*Quæ nova, de septem epistolarum, Apocalypseos II. & III. sensu prophetico; controversia, succinctè proponitur & examinatur.*

**A**Ntequam autem de hac re agamus, pauca, ad clariorem intelligentiam, generatim de scripturæ sensu præmittamus: quæ enim in sacris literis traduntur, ea sensum habent, vel merum, vel mixtum. Merus est, qui meram rei, sine inclusa ac latente, sub ejus velo, prophetia, narrationem continet. Mixtus verò est, qui immediatè quidem rei narrationem; mediatè verò aliud simile, per eam, latente prophetiâ, designando, complectitur; adeo ut, hoc modo, sensus non sit unius membri, (quasi mera esset, aut historia, aut prophetia) sed duorum membrorum: quorum posterius, sub prioris rei similis indicio, includatur: quem Pontificii vulgò duplicem sensum, historicum & allegoricum, seu propheticum, perperam indignant: quum sensus hic revera non sit duplex, sed unus tantum, duobus gradatim membris constans. Cujus illustre documentum est id, quod Exod. 12. 47. dicitur, *os illius non confringetur*; hoc enim historicè & immediatè quidem, de agno paschali; mediatè verò ac propheticè, de Christo per agnum illum adumbrato (Joh. 1. 29. & 1. Cor. 5. 7.) dictum: ut disertè Ioh. 19. 36. explicatur: qualis etiam reliquarum legis ceremoniarum ratio, quæ sub rerum externarum observatione præscriptæ, bona per Christum futura, ut umbra quædam propheticè designarunt, Heb. 10. v. 1. sic etiam non pauca quæ de Davide & Salomone narrantur, iisque revera acciderunt, Christum typo prophetico adumbrant. Hujusmodi autem sensus mixtus ac gradatim bimembris, in locorum sacræ scripturæ expositione, non est pro arbitrio statuendus: sed tantum, cum in ea scriptura expressè continetur, aut firma ratione inde comprobatur: alioqui profanus in re sacra lusus est, Deo, hominibusque piis atque eruditis ingratus, & ecclesiæ noxius: quemadmodum Philonis Iudæi, & Origenis, in S. Literarum interpretatione, vanitas, qua genuinum Dei sensum variè corruperunt, demonstrat. Atque hæc de scripturæ sensu generatim observanda, ut controversiam facilius hoc loco percipiamus. Quæstio autem est,

*ex historia illa, & latente prophetia, per eam significata, mixtum.*

**P**Rius communi interpretum sententia statuitur: posterius verò, novo paradoxo, à quibusdam Lutherāorum imprudentibus patronis asseritur: qui illis Epistolis, non solum septem diversas ac distinctas septem Ecclesiarum Asiæ conditiones ac status, sed etiam per eas, totius Ecclesiæ, ab Apostolis, ad finem mundi, diversas ac distinctas septem conditiones, status, ac periodos, latente prophetia, designari contendunt. Verum si quis accuratè expendat, facile apparebit, priorem sententiam communem, non esse opinionem (ut eo nomine elevare student) sed rectam solidamque interpretationem: ut rationum objectarum examen demonstrabit: siquidem illæ non pondere sed solo numero certant. Sunt enim decem, quarum nulla probi Syllogismi *κατασκευασμένη* sustinere valeat. Eorum enim duæ, prima & octava, consequentiæ vitio, reliquæ verò omnes suâ vanitate laborant. Prima autem est hujusmodi, *quia totus liber est σηµαλυστός. Apocal. 1.* Verum est: sed inde non sequitur, ergo hæc septem epistolæ, non solum historiam conditionis ac status ecclesiarum Asiæ septem: sed etiam per eas, septem ecclesiæ totius periodos ac conditiones & status ordine ac tempore distinctas propheticè designant: quia omnis liber, imò omnis oratio, *σηµαλυστός* significativus, ut rectè Aristoteles, de interpretatione, cap. 4. Ideoque hæc etiam prima objecta ratio *σηµαλυστός* significativa est: non tamen propterea mysterium propheticum continet. Nam verbum *σηµαλυστός* significare latissimè patet, & ad quævis signa, sive sint facta, sive sint dicta, aut scripta, sese extendit generatim, sive mera sit historia, aut prophetia: sive *κατάλογος* & ordinatim utramque insit. Imò specialis hujus significationis (quasi *σηµαλυστός*, esset per alicujus rei historiam mysticè prophetare) neque ex Novo Testamento, neque ex Græcâ Veteris Testamenti translatione, neque ex antiquo Græcorum usu, ullum exemplum adducitur, aut apparet. At inquires Apoc. 1. v. 1. & ab authore hujus rationis, in præcedentibus, non solum dicitur, Apocalypsin significare; sed simul additur, *ea quæ oportet fieri cito*. Verum est: sed ubi distinctè ipsam rationem format, sic exprimit: *prima, totus liber est σηµαλυστός, significativus.*

R r

Neque

*An septem illæ Epistolæ, ad septem Asiæ Ecclesias distinctè missæ, sensum habeant merè historicum, quo conditio status earum tantum describitur: an verò,*

Neque etiam, si verba illa, *quæ oportet fieri cito*, addantur, consequentia probabitur: sed antecedens falsum statuetur, nimirum, Apocalypsin totam futura significare: hoc enim neque cap. 1. vers. 1. dicitur, ubi indefinita oratio: neque etiam verè dici potuit: quia non solum futurorum prophetiam continet, sed etiam & præteritorum & præsentium historiam: ut cap. 1. v. 9. distinctè traditur. Neque insolens est, in libro prophetico meram historiam interdum insertam: quemadmodum talis in Esaia, de Zancheribo cap. 36. & 37. deque Ezechia cap. 38. 39. describitur: idemque multis Jeremiæ exemplis perspicuum. Denique etsi (quod falsum esse ostendimus) totus liber esset significativus, & de rebus futuris tantum ageret, prophetia quidem esset, sed non idcirco mystica: (quod hic controversatur) quia prophetiæ non paucæ divinæ perspicuæ, sine latente mysterio, in utroque testamento proponuntur: nec omnis etiam mystica prophetia per historiam aliarum rerum: (ut hic probandum erat) sed sæpius per meram allegoriam describitur. Quamobrem prima hæc ratio (quæ antesignani instar, in prima acie collocata) apertè sua vanitate corrui. Neque aptior est octava, sed omninò *de eo dicitur*. Quæ huiusmodi est, *Quia Laodicæa, tempore Neronis, eversa fuit terræ motu, ante harum epistolarum scriptionem*. Sed an inde rectè concludi potest, Ergo septem hæc Epistolæ ad septem Asiæ ecclesias non sunt merè historicæ, sed mystica ratione prophetiæ: hic enim est scopus, ad quem & hæc, & reliquæ rationes collimant ac diriguntur: sed eum nequaquam attingunt. Quis enim ignorat, sub Tiberio, Ephesum, cum aliis undecim illustribus Asiæ urbibus, horrendo terræ motu collapsam, ante epistolæ ad Ephesios scriptionem, & tamen ex eo, nemo (nisi devius) colligere poterit, eam Epistolam non solum historiam, sed etiam mysticam prophetiam complecti. Deinde cum eodem tempore, quo sub Nerone, Laodicæa & Hierapolis terræ motu corruerunt, idem (teste Eusebio in Chronicis ad annum Christi 66.) etiam urbi Colossensi acciderit & quidem ante scriptam ad Colossenses epistolam: nemo tamen inde, non solum historicè, sed etiam mysticè intelligendum, nisi ineptè ac falsò concluderit. Neque etiam regeri potest, Ephesi & Laodicæa rationem esse longe diversam; Ephesum enim collapsam quidem, sed paulò post reparatam: Laodicæam verò, cum hæc Epistolæ scriberentur, nondum à ruina restauratam; ideoque Epistolam ad Laodicænam Ecclesiam missam continere mysticam prophetiam; id inquam regeri jure non potest: quia antecedens illud, Taciti Annalibus apertè confutatur. Nam ut eorum lib. 2. Ephesum aliasque undecim urbes collapsas, munificentia imperatoris remedio restitutas tradit: sic quoque de Laodicæa restaurata lib. 14. ait, *Eodem anno, ex illustribus Asiæ urbibus, Laodicæa tremore terræ prolapsa, nullo à nobis remedio, propriis opibus revaluit*. Idemque Christus demonstrat; cum nominatim Epistolam scribi ac mitti Laodicæam præcepit cap. 1. v. 11. eamque dicat, cap. 3. vers. 14. Si enim Laodicæa cum hæc Epistola scriberetur, non extitisset, tolleretur historia rerum, quæ in Epistola, ad eam missa, continentur, & inanis stultaque (quod absit) esset epistola. Quamobrem ut consequentiæ, hujus octavæ rationis, vanitas conspiciatur, nullo spiritus prophetici novo afflatu, sed sola attentione est opus. Reliquæ verò rationes octo per se falsæ: quas ordine expendemus. Earum autem prima (quæ inter decem, ordine secunda) huiusmodi est: *Quia res universales, & verba in iis, (scilicet epistolis septem) grandiora sunt, quam pro Asiaticis solis*. Verum quia hæc nuda tantum est affirmatio, nullis omnino argumentis stabilita, infirmitatem suam apertè prodit: adeò ut ampliorem confutationem minimè requirat. Quare ad proximam, quæ ordine tertia est, procedemus; quæ ita exprimitur, *Quia Christus inter septem candelabra apparens, Apocal. 1. 12. 13. non ad solas septem Asiæ Ecclesias, sed universaliter ad omnes spectat: ut in ultima visione Danielis, cap. 7. 13. & 10. 5. 6. At, inquam, Christi apparentis interpretatio, v. 20. hoc refellit. Mysterium, inquit, septem stellarum quas vidisti in dextra mea,*

*& septem luxuriam candelabra aurea. Septem stellæ Angeli sunt septem ecclesiarum: & candelabra septem, quæ vidisti, septem ecclesiæ sunt: ex quibus apparet, particulares septem Asiæ ecclesias intelligi: quia hæc in antecedentibus versu 11. expressit: & proximè non obscurè de iisdem explicavit: cum & angelos illos & ecclesias eodem ordine descripsit, iisque scribendas epistolas dictavit. Sic enim primum cap. 2. 1. ait Angelo Ecclesiæ Ephesiæ, scribe: hæc dicit, qui tenet septem stellas in dextra sua, qui ambulat inter septem candelabra. Novi opera tua, &c. quibus & pastorum illorum & ecclesiarum septem accuratam cognitionem suam & providentem curam describit: ut eorum opera & norit & observet. De universali verò ecclesia illud affirmari, hoc loco, nullum extat indicium. Neque etiam unius ecclesiæ universalis condiciones ac periodi septem (quas obtinent) sunt certæ: neque septem ecclesiæ, ullo sacræ scripturæ usu appellari possunt. Denique septem ecclesiarum, quarum Christus meminit, sunt septem Angeli: id quod septem Asiæ ecclesiis, à Christo, in epistolis ad eas, adscribitur. Unius verò universalis Ecclesiæ condiciones septem, non tantum septem habent Angelos sive pastores, sed maxima copia, imò singulæ periodi pluribus abundarunt. Quare temerè hæc ad Ecclesiam universalem accommodantur. Quod verò ex Daniele testimonium citatur, illud nihil omninò probat. Nam cap. 10. v. 5. 6. non eadem, sed similis quædam personæ Christi visio describitur: stellarum verò & candelabrorum nulla mentio, & c. 7. v. 14. dominium Christi in omnes populos indicatur: sed neutrum ad rem facit. Nam si omnium populorum Christus est Dominus & inspector: ergo & septem Ecclesiarum Asiæ: ideoque nihil obstat, quo minus id quod omnibus Ecclesiis commune, hoc loco Apocalypseos, solis septem Ecclesiis accommodetur. Quemadmodum Christus, se ascensione sua, locum in celis paraturum (quod fidelibus omnibus commune) solis Apostolis expressè, Johan. 14. 1. 3. promissit, dicens, *Proficiscor paraturus vobis locum*: ubi vox vobis solos Apostolos notat: etsi res ipsa promissa iis solis non conveniat, & Luc. 10. v. 20. solis Apostolis ait, *nomina vestra scripta sunt in celis*: quod tamen omnibus verè fidelibus commune. Sic etiam licet Christus sit in medio omnium totius orbis ecclesiarum tanquam Dominus: illud tamen, hac visione, de solis septem ecclesiis, potuit significari. Quamobrem tertia ista ratio omninò infirma, nec Danielis testimonio firmari potest. Quarta verò ordine est: *Quia mandatum, de toto hoc libro, ad has septem Asiæ Ecclesias mittendo idem arguit, Apocal. 1. v. 18. sed legendum 19. Verum rursus nuda sine ulla probatione affirmatio fidem nullam meretur. Mandatum autem hoc est, scribe quæ vidisti & quæ sunt & quæ post hæc futura sunt. Ex quo, nullo prorsus colore, sequitur, ergo septem Epistolis non solum septem Ecclesiarum Asiæ condiciones historicæ, sed etiam universalis Ecclesiæ septem condiciones mystica prophetia describuntur. Hoc enim mandato universa totius Apocalypsis materia, triplicis temporis ratione generatim distribuitur, in præterita, præsentia & futura; quæ eodem ordine in Apocalypsi scripta continentur. Præterita autem indicantur, cum dicitur, *scribe quæ vidisti*, id est, visam Christi apparitionem: ut versu proximo exponitur, *scribe mysterium septem stellarum, quas vidisti*, &c. Licet enim verbum *scribe* hic non exprimat: ex antecedenti tamen supplendum constructio accusativorum arguit. Præsentia deinde indicantur, cum additur, *& quæ sunt*. Ea autem ordine septem epistolis, de septem Ecclesiis Asiæ statu, cap. 2. & 3. proximè describuntur: quarum prima epistola scribenda mandatur, ac continetur c. 2. 1. hoc modo, *Angelo Ephesiæ Ecclesiæ scribe: & sic in reliquis. Futura denique indicantur, his verbis, & quæ futura sunt*: quæ sequentibus capitibus descripta: de quibus Christus c. 4. 1. *ascende huc, & ostendam tibi, quæ oportet fieri post hæc*. Ac propterea quarta ratio omninò collabitur. Quinta verò hæc est, *Quia eodem collimat etiam, Apocal. 1. 18. 19. 20. Verum rursus verba sunt inania, probatione omni cassa ac falsa: imò neque quinta, seu alia à quarta ratio est: quia verbis tantum discrepat, re ipsa verò eadem***

eadem est, eo excepto, quod versus etiam 20. post 19. citatur: quo paradoxon de historica ac mystica epistolarum septem significatione, nullo modo probari, sed potius contrarium, in quartæ rationis confutatione, ostendimus. Quocirca, ne actum agamus, sextam rationem confideremus. Ea autem est, *Quia decem dies sub Pergamensi conditione hoc exigunt*, Apoc. 2. v. 13. ubi primum, ut res arguit, pro Pergamensi, legendum Smyrnensi, & pro decimo tertio, decimus versus notandus. Ratio verò ipsa rursus omni confirmatione destituta: adeo ut pari jure, quo affirmatur, negari possit: imò si recte expendamus, negari debet: si ve enim *dies decem* propriè accipiantur, si ve impropriè, tempus longum, aut breve (quod ad consolationem accommodatum) designent: inde tamen solidè concludi non potest; ergo hæ septem Epistolæ, non solum historiam, sed mysticam quoque prophetiam continent: hoc est, non tantum septem Ecclesiarum Asiæ, sed etiam septem universalis Ecclesiæ conditiones, mysticâ ratione significant; hinc enim nulla est antecedentis & consequentis ne probabilis quidem, nedum necessaria connexio: unde etiam vanitas rationis sextæ apparet. Septima autem est, *Quia Iudæi sub Philadelphensi conditione fuissent convertendi, id quod in illo tempore haud factum*, Apocal. 3. v. 9. Roman. 11. vers. 25. 26. Verum hæc ratio longè vanissima, quia & disertis Christi verbis & sententiæ authoris, cui probandæ adfertur, contradicit: verba enim Christi, de Judæorum conversione, hæc sunt: *Ecce, dico, do ex synagoga Satanae, eorum qui se dicunt Iudæos esse, nec sunt & mentiantur. Ecce faciam, ut ipsi veniant & adorent ante pedes tuos, & sciant, quod ego dilexi te.* quibus verbis disertè non universalis, sed particularis Judæorum quorundam conversio, à Christo promittitur, ut partitio illa demonstrat, *Do ex synagoga, eorum qui se dicunt Iudæos esse.* Deinde explicatio ad illos relata, ex Synagoga vocandos, cum dicitur, *faciam ut ipsi (ἀὐτοὶ) veniant.* Denique quia hæc reverentia civilis adorationis, à Judæis illis præstanda, ante pedes Angeli Philadelphensis Ecclesiæ: quia dicitur, *ante pedes tuos*, quibus Angelum, ad quem scribit, compellat, ejusque tempore id futurum affirmat. Hoc autem fieri non poterit, cum populus Judæorum convertetur, & totus Israël salvus fiet, sub mundi finem: quia Angelus Philadelphensis, jam multis sæculis, cum sua Ecclesia, esse desiit. At propterea hæc ratio ex Apocal. 3. v. 19. petita, disertè id, quod ibidem Christus Angelo Ecclesiæ eventurum affirmat, factum ejus tempore negat. Quodque de particularibus ex Judæis convertendis dicitur, illud de universali populi Judaici, ex Epistola ad Rom. 11. v. 26. conversione, contraque Christi dicta affirmat. Nec Christi solum verbis rationis hujus & paradoxo patronus contradicit, sed suæ etiam, quam tuendam præfixit, sententiæ adversatur, eamque, cum adstruere studet, funditus diruit: nam si conversio Judæorum, de qua hic agitur, facta non sit, hujus Angeli tempore, sed tantum sub Ecclesiæ universalis conditione penultima (ut ostenditur) futura: Ergo tollitur hujus Epistolæ historia: ac sola superest prophetia: contra quam sententia de historiæ & per eam mysticæ prophetiæ, in hisce septem Epistolis, connexionem præfixa ac probanda statuit. Ac propterea septima etiam ratio manifestæ falsitatis & indignæ contradictionis convicta. Octavæ verò vana consequentia initio confutata. Nona porrò ratio est. *Quia* (ut objicitur) *(ne jota quidem pro nuda litera, ex hisce Epistolis, quod cordatis scrupulum injiciat, laudari potest.* At inquam, ad hujus rationis falsitatem diluendam (ut antè à nobis dicta omittamus) vel unica hæc demonstratio, apud cordatos & attentos, abunde suffecerit. Quicquid citra ullam controversiam, historiam continet, cujus mystica prophetia nullo necessario argumento probari potest, illud meram habet historiam. Atqui hæ septem Epistolæ, citra ullam controversiam (fatente etiam objectæ rationis Authore) historiam continent, cujus mystica prophetia nullo argumento necessario probari potest: ut examen rationum decem, quarum nulla probabilis, nedum necessaria, evincit. Ergo hæ septem Epistolæ

meram historiam continent. Sed nona ratione eversa, superest decima, quæ triariorum instar subsidium est ultimum: atque ita exprimitur: *Epilogus totius Apocalypsis mysticam interpretationem firmat*, Apoc. 22. v. 10. *Ego Iesus misi Angelum, ut hæc vobis testificaretur, in Ecclesiis.* Verum si quis accuratè expendat, & falsa est ratio, & inepta probatio: quia hæc duo, ratio & Epilogi verba, nullo vinculo necessario connectuntur: si enim in syllogismum constringantur, hoc modo; Quæcunque Angelus, jussu Christi, pastoribus testificatus est, in ecclesiis, ea mysticam habent interpretationem. Atqui totam Apocalypsin Angelus, jussu Christi, pastoribus testificatus est in ecclesiis. Ergo tota Apocalypsis mysticam habet interpretationem. Quis inquam propositionem istam aperte falsam esse non videat? Ac propterea vis objectæ rationis capitalibus literis, hoc modo expressa, **VOBIS TESTIFICARETUR IN ECCLESIIS**, omnino nulla est. *Testificari* enim aliquibus, si ve pastoribus, si ve aliis: si ve in Ecclesiis, si ve extra eas, nihil aliud est, quam speciatim testimonio probare, vel generatim *notum facere, significare, indicare*, ut Apoc. 1. 1. *indicare, significare*, & vers. 2. *testificari* eodem sensu usurpantur. Quemadmodum etiam quod Apocal. 22. vers. 5. dicitur, *misi Angelum suum, ut indicaret servis suis*, illud eodem sensu versu 16. dicitur, *misi Angelum meum, ut hæc vobis testificaretur in Ecclesiis.* Testificari verò, si ve Deo, si ve creaturæ (Angelo, aut homini) attribuitur, si ve etiam sit de re præterita, præsentis aut futura, mysticam interpretationem, nullo scripturæ exemplo (imò nec aliorum proborum authorum usu) speciatim significat. Quare hæc ultima ratio omnino falsa est & probatio illius vana, non minus, quàm ratio prima, cum qua imprudenter atque ineptè coincidit: ut enim illa fuit, *Quia totus liber Apocalypsis est oracularius, significativus* (nec enim addidit Authorem, *de iis quæ oportet fieri*: quia id falsum fore satis animadvertit: cum non solum futura, sed etiam præterita & præsentia significentur) sic hoc loco, *tota Apocalypsis est oracularius* (ut sic dicamus) *testificativa*: unde similiter ineptè concluditur; Ergo tota mysticam habet interpretationem: & ut status controversiæ requirit, ergo septem Epistolæ historiam & per eam mysticam prophetiam significatam complectuntur. Ex quibus omnibus perspicui potest, decem illas rationes objectas esse vanas: ideoque insolens illa, de historica & mystica septem epistolarum interpretatione sententia, collapsa fundamento, funditus evertitur. Quod autem, ante decem rationes, ex Beda adducitur, *per hasce septem Ecclesias ad omnes Ecclesias scribi*: ut omittamus, quod recentior est Authorem & multis nominum interpretationibus ineptis fidem sibi derogat, illud etiam nihil ad rem pertinet: nec enim ea mens est illius, hasce Epistolas, per mysticam prophetiam, septem universalis Ecclesiæ partes notare, & quæ ad illas scribuntur historicæ, earum conditiones diversas, & per eas, mysticâ prophetiâ, septem Ecclesiæ universalis distinctas conditiones ordine significare: quemadmodum insolens hæc opinio statuit; sed Beda usum duntaxat harum epistolarum secundarium indicat, quod licet septem Epistolæ, ad solas Asiæ ecclesias, sint scriptæ: communicationis tamen & utilitatis, ex earum exemplis ac monitis percipiendæ ratione, ad omnes scriptæ sunt. Quemadmodum & Pauli Epistolæ ad Romanos, Ephesios, Timotheum, Titum, ratione missionis, ad eos solum pertinebant: sed communicationis & utilitatis ratione omnibus fuerunt communes, pro totius Sacræ Scripturæ natura, Roman. 15. vers. 3. & 2. Timoth. 3. v. 16. 17. Quo etiam spectat illud Tertulliani, adversus Marchionem lib. 5. cap. 7. *Ecclesiæ autem veritate Epistolam istam ad Ephesios habemus missam: sed Marcion est titulum aliquando interpolare gestiit, quasi & in isto diligentissimus explorator. Nihil autem de titulo interest, cum ad omnes Apostolus scripserit, dum ad quosdam.* Quæ verba imitatus Beda, ad communicationem & utilitatem omnium, has Epistolas septem, non verò ad mysticam,



de septem universalis Ecclesiæ conditionibus prophetiam retulit: ut Epistolarum illarum apud Bedam, expositio demonstrat. Atque hactenus de septem Epistolarum, ad septem Asiæ Ecclesias, sensu egimus, & mysticam earum prophetiam, insolenti vanoque paradoxo, obtrudi, confutatis decem rationibus, demonstratum. Eademque operâ & proluxa ista mysterii expositio, inani subnixâ hypothesi, sua sponte collabitur: adeo ut nullo examen amplius, sed breve tantum insertarum vanitatum specimen requirat. Quarum prima est inepta, & viro docto ac pio indigna vocum (quasi prophetiam mysticam continerent) allusio, ut *Sardium*, ad Hebræum *סרש* principes: quasi Ecclesiæ sub principibus conditio significaretur. Quibus postea additur, *Ad hunc præsentem Ecclesiæ statum, nomen Sardium suavisiter alludit: juxta Venerabilem Poetam in Epistolis,*

*Quid concinna Samos, quid Cræsi regia Sardis*

At inquam quid ineptius, atque inconcinnius fingi potuit? Eiusdem deinde farinæ est, cum dicitur, *sextæ Ecclesiæ Christianæ conditio erit FRATERNA*, quæ significatur Angelo Ecclesiæ Philadelphensis: quasi mysterium illud urbis Philadelphensis nomine significaretur. Quale etiam commentum est, è nomine *Λαοδικεία* peti- tum, & ex Beda detortum, hujusmodi, *Hæc ultima novi testamenti periodus ipso nomine τὸν λαὸν δικαιοῦν ultimum complectitur*. Alterum vanitatis in mysterii expositione specimen est in re ipsa. Primò cum Apostolicam Ecclesiæ Christianæ conditionem Angelo Ecclesiæ Ephesinæ significari asseritur, & aurea ætas distinctè vocatur: quum contra Angelus Ecclesiæ cum Smyræorum, cap. 2. vers. 8. & sequentibus, tum Philadelphensium, cap. 3. vers. 7. & sequentibus, Angelo Ecclesiæ Ephesinæ virtutibus reipsa disertè præferatur: hunc enim ob primam charitatem omisam culpam Christus & gravi comminatione ad resipiscentiam revocat: illos verò ob virtutes, sine ulla reprehensione, laudat, & ad constantiam, proposito coronæ vitæ præmio, adhortatur. Quare vana est illa Ecclesiæ Apostolicæ, ut primæ & præstantissimæ, sub Ephesinæ conditione adumbrata, prophetia. Nec verum etiam est quod dicitur; *Johanne defuncto, motum est candelabrum, quemadmodum servator noster comminatus erat*. Candelabrum enim, hoc est, Ecclesiam, Apocal. 1. vers. 20. suo loco, hoc est, Epheso movendum minatur Christus, non prophetice atque absolute: sed relatè, hac conditione, nisi resipuerit. Ecclesiam autem illam, Johanne defuncto, sublatam, probari non potest; sed historiæ repugnat, quæ postea extitisse demonstrat. Deinde quod dicitur *Sextæ Ecclesiæ Christianæ conditio erit FRATERNA*: quæ significatur Angelo Ecclesiæ Philadelphensis jam imminens, cujus aurora è præsentis surgit. Quis inquam in his & sequentibus temerariam assertionem & sacrarum literarum corruptelam non animadvertat? sed hæc speciminis causa, ad expositionis ineptias indicandas, sufficere arbitramur.

#### FINIS DIGRESSIONUM.

**Q**UAMOBREM absoluta digressionem gemina, ad inchoatam Epistolæ ad Galatas explicationem succinctam revertemur. Cujus ut initio originis & scopi circumstantiam, & partitionem (in præfationem, tractationem & conclusionem) & præfationis declarationem explicuimus: ita ordinis ratio postulat, ut ad tractationem rei, seu primariam Epistolæ materiam procedamus. Ea autem duabus constat partibus: quarum prior est *apologetica*, posterior *parænetica*.

Apologetica est, quæ in apologia seu defensione apostolatus & doctrinæ Pauli versatur, inde à cap. 1. v. 6. ad c. 5. versum 13. Constat autem *propositione*, & *confirmatione* illius. Propositio *objurgationem* Galatarum ob violatum ab iis officium, & *hortationem* ad officium præstandum complectitur.

Objurgatio autem describitur, v. 6. & explicatur v. 7. Cujus objurgationis singula penè verba totidem sunt argumenta: eâ enim perstringit acriter, & exaggerat Gala-

tarum ab Euangelii sinceritate defectionem: interim tamen reprehensionis acerbiter adjungit quibusdam mitigat prudentissimè: ut hac ratione commodius aberrantes in viam reducat. Defectionem arguit vers. 6. cum ait, *tam cito transferimini utinam à deo ab eo qui vocavit vos in gratiam Christi, in aliud Evangelium*. Cujus defectionis gravitatem partim suis terminis, partim tempore describit. Termini autem sunt duo; unus à quo, alter ad quem defecerunt. Priorem quidem periphrasi à præstito beneficio declarat Apostolus, cum ait, *ab eo, qui vos vocavit in gratiam Christi*. Cum autem hæc vocatio Galatarum à Deo tanquam causa princeps, & à Paulo tanquam causa ministrâ facta sit, de Deo intelligitur: quia vocationis laus perpetuò ab Apostolis Deo tribuitur; & hac periphrasi Deus certò designari solet: ut 1. Thess. 5. vers. 24. *Fidus est, qui vocavit vos*. & 1. Pet. 1. v. 15. *Secundum eum, qui vocavit vos*. & 2. Pet. 1. 3. *qui vocavit nos*. & Galat. 5. 8. *Hæc persuasio non est ex eo, qui vocavit vos*. Nullibi verò vocatio efficax apostolis attribuitur: etsi iis ministris utatur Deus, ut ostenditur 2. Thessal. 2. 14. *ad quod vocavit vos per Evangelium nostrum*, &c. Ac propterea quod quidam & veteres & recentiores interpretes, hanc periphrasin de Paulo exponunt, ea in re, à phrasi Sacræ scripturæ recedunt, & momentum hujus sententiæ elevat. Ut autem grave peccatum est, à Deo vocante deficere; sic longè gravius, quod hæc vocatio sit *in gratiam Christi*, id quod exponi potest, vel *per gratiam Christi*, è pro *de* (ut 1. Corinth. 12. 3. 9. 13. *in nomine pro de* quod v. 8. extat eodem sensu) vel *in gratiam Christi*: ut Tertull. lib. de præscript. c. 27. & vulg. interpretes, & Beza rectè, & uberiori sensu, magisque ad rem propositam efficaci, transferunt: nam è pro *eis* crebrò usurpatur: ut 1. Corinth. 7. 15. *in pace ad pacem vocavit nos Deus*, pro *eis*. 1. Thessal. 1. v. 18. *Egressa est in omni terra*, pro *eis*, in omnem locum. Hebr. 4. 11. *ne quis incidat, in quo autem deus loquitur, in idem exemplum*. Gratia autem Christi, hic est gratuita, merito Christi, justificatio, & inde dependens reconciliatio cum Deo, ac salus æterna: quam gratiam, quia Christus nobis acquisivit, meritò *Christi gratia* dicitur: quam ut Deus Euangelio proponit, & ad eam nos vocat, sic meritò Euangelium hoc, *Dei*, Rom. 1. 1. *gratia*, Act. 20. 24. *Pacis*, Ephes. 6. 15. & *salutis*, Eph. 1. 13. appellatur. Atque hæc de primo termino, à quo Galatæ defecerunt.

Alter verò terminus, ad quem, ita indicatur, *in aliud Evangelium*, id est, quod Dei vocationi, & gratiæ Christi derogat: ut antecedens, Dei vocantis, & gratiæ Christi antithesis ostendit. Sic autem pseudo-apostolorum doctrinam notat, quod justificationem per legis opera gratiæ Christi copulantes, adulterarent Euangelium, & à gratia averterent, Rom. 11. 6. Gal. 2. 21. & 3. 21. 22. & 5. 2. & 4. Atque ita in his duobus defectionis terminis duplex Galatarum ingratitude, ac stultitia perstringitur, quod à Dei Euangelio ac gratia Christi salutarerâ, ad corruptum Euangelium & exitii viam declinassent, Judæorum priscorum instar, de quibus Jeremias cap. 2. *duo mala fecit populus meus; me dereliquerunt scaturiginem aquarum viventium, ut effoderent sibi cisternas fractas, quæ non capiunt aquas*. Hæc de terminis defectionis Galatarum à quo & ad quem defecerunt. Quibus deinde accedit temporis circumstantia, cum non simpliciter dicitur, *cito*: sed ad majorem exaggerationem culpe, *tam cito*, nempe conversionis & defectionis ratione: quo levitatem & inconstantiam Galatarum arguit.

Veruntamen, ne initio Epistolæ, acrimoniâ reprehensionis infirmiores offenderentur: eam utili atque opportuna mitigatione sapienter temperat. Ac primò quidem quando in alios primam culpam rejecit, quod Galatæ non sua sponte, sed aliorum seductione defecerint. Deinde quod seductio non sit peracta, sed cæpta, quemadmodum utrumque complectitur, cum non ait, *transulistis vos*: neque etiam, *translati estis*: sed *utinam transferimini*: eoque culpam ab aliis esse, & corrigi posse innuit: quemadmodum etiam spem correctionis, Galat. 5. vers. 10. indicat. Coeterum ut *utinam transferamini*, *transponor*, *transferor*, ab uno loco, in alterum dimoveor, propriè notat (ut de Enocho Hebr. 11.

Hebr. 11. v. 5.) sic Metaphor. pro sententiæ ac fidei mutatione, ab Apostolo usurpatur; cui contrarium est alibi, *permanere in fide fundatos ac firmos, nec dimoveri à spe Evangelii*, Coloss. 1. v. 13. & *permanere in gratia Dei*, Actor. 13. v. 43. Quod autem Hieron. eâ voce ad nomen Galatarum alluisse putat, cum ait, *Galatia enim transpositionem in nostra lingua sonat*, & Erasmi in annot. ad Hebræum *לל* *volvere*, alii verò ad *לל* *migrare* referunt, ineptæ sunt argutiæ, ut aliæ similes quam plurimæ, quibus per meram conjecturam, indoctis etymologiis, in Sac. Lit. explicandis, indignè omninò luditur: quâ peste purior Theologia, & olim, post Philonem & Origenem, & nostra tempestate, à nonnullis vitiata. Atque hæc de bimembri in verbo *transferimini*, reprehensionis Galatarum mitigatione, quod scilicet non sua sponte, sed seductorum culpâ desciverint: nec peracta sed cæpta esset tantum defectio.

Altera mitigatio est, quod non ait, *amentes ac fascinati estis, quod defeceritis*, (ut postea, hac re prius probata, loquitur c. 3. v. 1.) sed, *miror*, inquit, id est, tanquam re nova, magna & inexpectata obstupefio. Eo enim (ut rectè exponit Chrysost.) non solum verecundiam iis ingerit, sed etiam præclaram, quam de iis conceperat, opinionem indicat. Id quod ad Galatas leniendos, eorumque benevolentiam & attentionem excitandam, maximè oportunum. Causæ autem cur defectionem Galatarum tam subitam miratus sit Paulus, extiterunt diversæ. Prima fuit Dei vocatus & gratiæ Christi Evangelio oblatus, & collatus summa dignitas Ephes. 1. v. 18. & 2. 7. Altera, Pauli ministri Dei ac Christi, non solum, in Evangelio docendo, sinceritas ac perspicuitas, Galat. 3. vers. 1. sed etiam in eodem, Spiritus Sancti donis impetratis, confirmando autoritas, Galat. 3. v. 2. & 5. 3. Tertia fuit Galatarum, partim in Evangelio, & Paulo præcone illius amplexando, ferventissimum studium, Galat. 4. v. 14. 15. & in tam multis, pro veritate Evangelii, perferendis afflictionibus, patientia, Galat. 3. 4. Quarta denique causa cur Apostolus Galatarum à sincero Evangelio, ad aliud translationem sit miratus, est absurditas ejus, Galat. 3. 3. & 4. 9. onus intolerabile, Galat. 5. 3. Actor. 15. v. 10. & fructus perniciosus, nempe veritatis Evangelii, Galat. 3. 1. libertatis Christianæ Galat. 5. 1. & gratiæ Christi privatio, ibid. v. 2. & 4. Atque hæc de oburgatione Galatarum, ob translationem à Deo vocante in gratiam Christi, ad aliud Evangelium; cui additur vers. 7. illius explicatio his verbis: *Quod non est aliud, ei sunt quidam qui vos turbant, & volunt invertere Evangelium Christi*. Quæ sententia mirâ atque intricata varietate exponi solet: ut ex Erasmi annotationibus, & plenius etiam ex ipsis Patribus, posterisque interpretibus percipi potest. Simplicissima verò & constructioni ac scopo loci maximè consentanea est sententia, ut relativum, *id*, quod non ad totum orationis complexum, sed ad partem illius postremam, nempe *aliud Evangelium*; referatur, & *id* (ut *nisi* Latinis) pro *sed* accipiat: quemadmodum Matth. 12. v. 4. & 1. Corinth. 7. v. 17. Apocal. 9. v. 4. & 21. 27. quemadmodum eruditè Doctiss. Beza inter alios, hanc vocem interpretatur. Atque ita declarat, quo sensu falsorum doctorum doctrinam *aliud Evangelium* nominavit: scilicet non quod esset aliud Evangelium Christi, seu verum, sed adulteratum ab iis, qui Galatas turbabant, & volebant invertere Evangelium Christi: ac propterea eos merito esse fugiendos indicat. Atque hæc quidem de prima propositionis parte, nempe Galatarum oburgatione, quod contra officium, à sincero gratiæ Christi Evangelio, ad aliud scilicet depravatum Evangelium, falsorum doctorum seductione, deficerent, versu septimo.

Cui oportune altera pars, nempe hortatio ad officium nervosissima, subjicitur huiusmodi, v. 8. *sed etiam si nos aut Angelus è caelo*, &c. Cujus enuntiationis hypotheticæ membra sunt duo, antecedens hypothesis seu conditio, & consequens epithesis, seu attributum: conditio est, *sed etiam si nos, aut* &c. consequens verò, *anathema esto*. Quæ distinctè paucis explicanda. Ad antecedentem conditionem quod attinet, ea duplex est. Prior quidem cum dicitur, *sed etiam si nos*, supple *Evangelizemus*, præter id

quod *Evangelizavimus vobis*. Ubi per vocem *nos* Paulus seipsum intelligit, per tritam pluralis, pro singulari, apud Græcos, enallagen: cujus similiter exempla continuata plurima de Apostolo Paulo, 2. Corinth. 10. vers. 2. ad versum decimum sextum describuntur. Ne autem significatione plurali, de Paulo & aliis simul intelligamus, hoc loco ratio est manifesta: quia solus Galatis Evangelium annuntiarat, & ad fidem in Christum converterat, Galat. 1. vers. 11. & 3. vers. 13. 14. 19. Occasio autem cur Apostolus hac hypothetica enuntiatione seipsum devoteat, fuit eorum, qui Galatas seducebant, calumnia, qua Paulum apud alios, circumcisionem esse necessariam non minus quàm ipso docere traducebant: ut rectè Hieron. & Oecum. observarunt, & Galat. 3. v. 10. 11. indicatur. Scopus autem est, ut calumniam illam refellat, & Galatas convertat. Modus autem quò ad illum scopum collimat, ac tendit, is est, cum se, si id verum sit, anathema haberi præcipit. Atque inde sequitur, cum nemo sanus se anathema fieri velit, antecedentem hypothesein, ex qua oritur, esse falsam. Alterum subiectum hypotheseos indicatur, cum additur ab Apostolo, *aut Angelus è caelo Evangelizet vobis, præter id quod Evangelizavimus vobis*. Per Angelum verò intelligit spiritualem Dei nuntium, per Synecd.: & ut à malo distinguat, addit *è caelo*, id est, cælestis, qui *Angelus lucis*, 2. Corinth. 11. v. 14. vocatur, & *Spiritus minister*, qui ministerii causa, à Deo, cælitus mittitur, propter eos, qui *heredes erunt salutis*, Hebr. 1. v. 14. Etsi autem conditio hæc sit *ἀδύνατος* (quia cælestes Angeli in omnibus Dei voluntati parent, Psal. 103. & Matt. 6. 10.) non falsò tamen adhibetur, neque etiam frustra. Non falsò, quia veritas enuntiationis hypotheticæ, non in partium veritate, sed in earum recta connexionione ac consequentia necessaria consistit: ut verbi gratia Joan. 8. 65. *si dixero*, inquit Christus, *me non nosse ipsum (Patrem scilicet) ero similis vobis mendax*, ubi utrumque sententiæ membrum falsum: sed vera tamen est enuntiatio. Neque frustra, quia varium ejusmodi conditionales propositiones habent usum: ac sæpius ad amplificationem pertinent, vimque argumenti obtinent, à minus credibili ad magis credibile. Quemadmodum Obad. vers. 4. *quamvis inter stellas poneret nidum tuum, inde deicerem te*: sensus est, ergo multo magis inter fissuras Petræ positum, v. 3. & Am. 9. 1. *si ascenderent in caelos, illinc deduxero illos*. Ejusmodi etiam amplificationem hæc hypothetica sententia Pauli includit, cum ait, *si Angelus è caelo evangelizet vobis, præter id quod Evangelizavimus vobis, anathema esto*. Scopus autem hujus est, inferre (ut rectè Tert. contra Marc. lib. 5. cap. 2. observat) Ergo cum seductores Galatarum, Evangelium Christi invertere volentes, aliter Evangelizent, quam à Paulo factum; multo magis anathema censendi: quod hypotheticæ hujus, alterum seu consequens est membrum. Quod ut rectius intelligatur, vocis illius explicatio distinctius observanda. *ἀνάδυνα* autem Græcè ab *ἀνάδυναμις*, *sursum pono, offero*, derivatum est. Ac primò rem Deo devotam, ac consecratam significat, & eodem sensu per *α* sæpius scribitur, ut 2. Macchab. 9. vers. 16. & in Nov. Test. semel Luc. 21. v. 5. Quia verò rem Deo devotam ac consecratam attingere, & in alium usum transferre erat nefas, Levit. 27. 28. inde secundo per Metaph. exitio devotum, atque execrandum notat: id quod propriè est *κατάδυνα*, Apocal. 22. 3. (unde Matt. 26. 74. *καταδυναλίξεν devovere seu execrari*) & eodem sensu *κατάδυνα*, ut ex Græcis patribus constat, quomodo & Apocal. 22. legitur in editione Complutensi, & in decimo quinto exemplari manuscr. Rob. Stephan. & in Andreæ Cæsar. antiqui Patris codice, in comment. ad eundem locum. Utrique porro anathematis significationi respondet usus Hebrææ vocis *קלל*, quæ primo rem Deo in sacrificium devotam notat: quam LXX. interpp. *ἀνάδυνα*, Levit. 27. 28. 29. & *ἀνάδυναμις*, Numer. 18. v. 14. interpretantur. Quia verò sacrificia occidebantur ac disperdebantur, hinc rem exitio devotam secundo loco significat, & LXX. Hebræam illam vocem, *ἀνάδυνα* reddiderunt, Deuter. 7. vers. 26. & 13. 17.



addendas contendunt, præter eam esse, non autem contrā. Sed Resp. adversarios à consueta vocis *πείθω* significatione, ad insolentiorē recedere: quia nullo loco in V. T. certò significat *contrā*, imò nec in N. T. uno excepto, Actor. 18. v. 13. deinde vulg. versio, quæ Concil. Trident. sancita adversatur: quæ Galat. 1. *præter* transtulit: tertio, eadem sententia parallelis Apostoli locis confirmatur, Rom. 16. v. 17. *precor autem vos fratres, ut spectetis eos, qui dissidia & scandala efficiunt, πρὸς τὸ διδάξαν ὑμᾶς ἐν τῷ κυρίῳ, hoc est, præter doctrinam quam vos didicistis*, ut etiam vulgata versio Pontificiis sacrosancta interpretatur: similiter 1. Cor. 3. v. 11. *Fundamentum aliud nemo potest ponere præter id quod positum est, Christus Jesus*: ut etiam vulgata versio expressit. Quare non solum quæ contra, sed etiam quæ præter scripturam, ad salutem necessaria, videmus ab Apostolo rejuncta. Id quod etiam in explicatione hujus loci ad Galat. Chrysostomum monuisse constat, cum ait, *Non dixit, si contraria annuntiaverint, aut totum Evangelium subverterint; verum si vel parum quid Evangelizaverint præter id Evangelium, quod accepistis*. Denique etiam *πρὸς* hic contrā notaret, nihilominus perfectio scripturæ inde rectè demonstraretur: quia scripturæ nihil addendum, nihil detrahendum, Deuter. 4. vers. 2. & 12. 32. adeò ut qui traditiones præter scripturam addunt, tanquam necessaria dogmata ad fidem ac salutem, contra scripturam doceant. Sed altera exceptione elabi conantur, quasi malè ad scripturam accommodaretur, quæ Apostolus de doctrina à se prædicata affirmat: quod (ut ajunt) plura euangelio viva voce prædicato tradiderit, quam Sacra scriptura contineantur. Verum illud ab Apostolo ipso disertè refutatur. Quia ut perfectionem doctrinæ à se traditæ ita exprimit, *non enim subterfugi, quo minus annuntiarem vobis omne Dei consilium*, Actor. 20. v. 27. sic eandem doctrinæ suæ perfectionem, S. Literis comprehensam esse, neque præter eas quicquam docuisse perspicue testatur, Actor. 26. v. 22. *Sed auxilium (inquit) à Deo nactus, persisti in hunc usque diem, testificans, tum parvis tum magnis, nec quicquam dicens extra ea, quæ Prophetæ & Moyses futura prædixerunt*. Deinde etiam scripturæ perfectionem distinctè, ac bifariam. 2. Tim. 3. describit, atque inculcat, primò, quod ea potens sit, ut sapientem reddat ad salutem, per fidem in Christo Jesu, v. 15. deinde quod utilis sit ad doctrinam, ad redargutionem, ad correctionem, ad institutionem, quæ est in iustitia: ut perfectus sit homo Dei, (id est, Evangelii minister) ad omne opus bonum perfectè instructus. Quamobrem ex hisce omnibus constat, perfectionem scripturæ, contrā Pontificios, ex hisce Pauli verbis, Galat. 1. vers. 8. 9. non minus, quàm aliis, solidè demonstrari. Atque hoc modo tractationis hujus Epistolæ pars prima seu propositio explicata est, constans partim oburgatione Galatarum, partim hortatione ad officium, ut omnes, aliter quam ab Apostolo Evangelizatum erat, docentes, anathema seu detestandos censerent.

Sequitur jam altera pars, videlicet propositionis illius confirmatio gravibus rationibus instructa. Quarum prima est, à rerum, quas Evangelizarat, summa dignitate, cum sincero animi scopo conjuncta v. 10. nimirum quod non humana, sed divina doceret: & quidem sincerè, quod non hominibus, sed Christo Domino placere studeret. Quæ non nudè, sed interrogationis figura, ad rei certitudinem amplificandam, quasi ad Galatarum conscientiam provocans proponit. Dignitatem autem rerum, quas evangelizarat, indicat his verbis: *Nunc enim ἀνθρώπους πείθω ἢ τὸν θεόν, homines, an Deum suadeo?* Quæ Græca phrasid quia anceps est, ac diversis modis explicari solet, idcirco declarationem aliquam desiderat: præsertim quia id obiter tantum vulgò perstringitur. Πείθω autem primò propriè suadere significat, ut Act. 19. 26. & 28. 23. cum 24. deinde quia suasionis finis est persuasio, inde pro persuadere per Meton. effecti, pro causa finali, interdum accipitur, ut Matth. 28. v. 14. Πείσομεν αὐτὸν persuasibimus ei. Actor. 12. v. 20. πείσους τὸν Βλασδὸν, quum persuasissent Blaſto. denique quia suasio est doctrinæ, seu annunciationis ac prædicationis species: hinc non raro in N. Test. per Synec. spec. pro genere acceptæ docere significat, ut Actor. 18. v. 4. ἐπειθε τὸν Ἰσδᾶιν

Ἰσδᾶιν, id est, docuit, tam Judæos, quàm Græcos. Ad constructionem verò hujus verbi quod attinet, tam in autoribus profanis, quàm in N. T. semper accusativum regit, cum vel rem, quæ suadetur ac docetur, vel eum, cui suadetur, notat. Primi modi exemplum est Actor. 19. v. 8. πείθων τὰ ὅτι τῆς βασιλείας τοῦ θεοῦ, suadens, seu, docens quæ de regno Dei sunt, seu, quæ ad regnum Dei pertinent. 2. Modi usus est 2. Cor. 5. v. 11. ἀνθρώπους πείθουσιν, hominibus suademus, seu homines docemus. Denique utriusque simul, Actor. 28. v. 23. πείθων τὰ αὐτοὺς ὅτι ὁ θεὸς τὸ Ἰησοῦ, suadens iis, seu docens eos, quæ de Jesu sunt. Hisce jam præmissis apparet verba Apostoli secundo constructionis sensu, hominibus suadeo, an Deo, (ut vulgata versio interpretatur) accipi non posse: quia prius membrum (quod remotionem falsi continet) ἀνθρώπους πείθω, si exponamus, an hominibus suadeo, id est, iis non suadeo, contradicet Apostolo & rei veritati, 2. Cor. 5. 11. Actor 18. v. 4. hoc enim erat Pauli officium: & posterius etiam membrum (quod thesin seu positionem veri indicat) ἢ τὸν θεόν, supple πείθω, Deo suadeo, aut Deum doceo, similiter erit falsa: quia perfectioni sapientiæ Dei repugnat. Quare primus constructionis modus necessario sequendus, ut non personas, quibus aliquid suadeatur; sed res ipsas, quæ suadentur, aut docentur, intelligamus; ut sit sensus, humana an divina suadeo (ut rectè Erasmus observavit) quasi diceret, vos testes esse potestis, me non humana, sed merè divina docere: ut idem sit ἀνθρώπους πείθω, Meton: atque τὰ ὅτι ἀνθρώπων, quæ de hominibus sunt, seu res humanas: & τὸν θεόν supple πείθω, id est, τὰ ὅτι τοῦ θεοῦ quæ ad Deum, supple, pertinent: quales phrasid seu loquendi modi non infrequentes. Quemadmodum dicitur, prædicare Christum, Actor. 8. v. 5. & Evangelizare Iesum, ibid, v. 35. quod nihil aliud est, quam πείθειν τὰ ὅτι τὸ Ἰησοῦ, suadere, id est, docere, quæ de Jesu sunt, Actor. 28. vers. 21. quemadmodum etiam exponitur sententia simili ibid. v. 31. διδάσκων τὰ ὅτι τὸ κεῖν Ἰησοῦ Χριστοῦ, docens, quæ de Domino Jesu Christo. Deinde in simili phrasi, regnum Dei, pro iis, quæ ad regnum Dei pertinent, usurpari solet: ut regnum Dei annuntiare, Luc. 9. v. 6. & prædicare regnum Dei, Act. 20. v. 25. & 28. v. 31. exponuntur, Evangelizare, quæ de regno Dei, Actor. 8. v. 12. & πείθειν, quæ de regno Dei, Act. 19. v. 7. Ac simili ratione in hac Apostoli sententia, homines, an Deum suadeo, usurpatur: ut sensus sit, non humanas, sed divinas res prædico. Quod autem præmittitur vox ἀπὸ νῦν, illud bifariam exponitur. Quidam enim ad antecedentem sententiam, v. 8. & 9. propositam (ac si consequens illius notaretur) referunt: quasi diceret, ea nunc à se proposita hortatione (nempe ut quicumque aliud, quàm prædicaret, Evangelium doceret, anathema censeretur) satis ostendisse, se non humana, sed divina docere. Alii verò (ob dictionem ἢ enim, ut rationis indicem) vocem nunc præsentem Apostoli statum, ab eo, qui conversionem antecesserat, distingui arbitrantur: ut mens illius sit hujusmodi; Quod olim ante fidem in Christum humanas res docuerit, id est, circumcisionis & iustificationis, per humana opera, necessitatem: nunc verò non humana amplius, sed divina, id est, libertatem à ceremoniis legis, & gratuitam à Deo per Christum justificationem prædicare: ac propterea & Galatas male ab Evangelio illius deficere cæpisse, & rectè meritoque seductores eorum anathema ac detestandos censereri debere. Quæ secunda explicatio priori videtur præferenda: utpote quæ non solum sensum uberiorem continet, sed etiam sequentibus, uti apparebit, magis quadrat.

Cæterum quandoquidem in Evangelii ministro fideli, non solum divinæ doctrinæ veritas: sed etiam in ea tradenda rectus scopus requiritur: idcirco, ad amplificationem rei, oportune eundem exprimit, & necessitatem illius iusta ratione confirmat. Scopum autem continuatâ interrogatione (quasi ad conscientiam Galatarum provocando) exprimit hoc modo; *aut quæro hominibus placere?* id est, non quæro, ut ipsimet nostis. Ratio autem qua necessitatem hujus officii demonstrat, hæc est: *Si enim adhuc hominibus placerem, Christi servus non essem.* Cujus dicti antecedens duas voces explicandas complectitur. Quarum prima est, *adhuc*, quæ Pauli antecedentem statum spectat, hoc sensu, si,



ut ante conversionem meam, (cum imprudenti zelo principibus sacerdotum fervirem) adhuc hominibus placerem.

Altera vox est *placere*, quæ vel *rem* adjunctam, vel *rei studium* notare potest: *rem* quidem adjunctam, ut sensus sit, *gratus* sive *acceptus* *esse*: *studium* verò illius, ut designet *quærerem placere*. quo modo Chrysost. Theoph. August. & alii eruditi interpretes non incommode exponunt: partim quia in antecedenti sententia, quæ hic probatur, de studio placendi actum: partim quia usus vocis in Sac. Lit. eadem usurpatione non est infrequens. Loca enim illustria sunt, in quibus ἀρέσκειν, placendi studium significat, Rom. c. 15. v. 2. *Unusquisque nostrum proximo placeat, ἀρεσκέτω* (id est, placere studeat) *in bonum, ad ædificationem*, & 1. Cor. 10. v. 13. *quemadmodum & ego per omnia omnibus placeo*, (id est, placere studeo, ut sequentia exponunt) *non quærens meam utilitatem, sed multorum, ut serventur*, & 1. Thessal. 2. v. 4. *Sed sicut placuimus Deo, quibus crederetur Evangelium, ita loquimur, non ut hominibus placentes*, (hoc est placere quærentes) *sed Deo, τῷ δοκίμαζοντι, qui probat seu explorat corda nostra*. Neq; ulla (etsi prima fronte videatur) in hisce diversis Apostoli sententiis dissensio existit. Quia hominibus placendi studium, pro diversa consideratione, vel bonum est ac prosequendum, vel malum ac fugiendum. Bonum est, cum ex bono principio, per bonum medium, ad bonum finem pertendit. Principium bonum est, cum ex recto amore Dei & proximi procedit: medium bonum est, cum actiones legi divinæ congruunt: finis denique bonus est, cum hominum ædificatio ac salus, maximè verò Dei gloria spectatur ac quæritur. Quale hominibus placendi studium loca memorata, Rom. 15. v. 2. & 2. Cor. 10. v. 13. commendant. Malum verò placendi studium est, quod à propositis boni studii conditionibus, vel omninò, vel partim aberrat. Cujusmodi omninò, fuit falsorum apud Galatas doctorum studium: utpote cujus origo, medium, ac finis perversus: ut qui Dei & Galatarum amoris expertes, Gal. 5. v. 7. & 8. & 4. 17. per corruptionem Evangelii, Gal. 1. 7. non Ecclesiæ salutem, Deiq; gratiam ac gloriam: sed hominum gratiam (ne à Judæis incredulis, ob Evangelium sincerum, affligerentur, Galat. 6. v. 12.) & propriam gloriam quæsierunt. Galat. 6. v. 13. Quod perversum hominibus placendi studium, Apostolus à se hoc loco removet, ut etiam cap. 6. v. 14. & copiosius 1. Thess. 2. v. 4. & seqq.

Ratio autem quam adducit, hæc est, quod *si ita placere studerem hominibus, Christi servus non essem*. Fidelis enim Christi servus non potest simul ipsi, & mundo servire, Matth. 6. v. 24. nec hominum amorem ac gratiam Christo præferre, Matth. 16. v. 27. Atque hæc de prima, ad propositæ v. 8. & 9. hortationis confirmationem, ratione, à materia subjecta prædicationis Pauli desumpta; cujus summa est. Paulus non res humanas sed divinas prædicavit, & quidem non ut hominibus placeret, sed ut Christo Domino suo fideliter serviret: Ergò qui aliud Evangelizaverint, anathema ac detestandi censei debent.

Altera deinde ratio, à causâ eff. prædicati à Paulo Evangelii petita, quæ per aphæresin & thesin (si rem ipsam spectemus) describitur. Aphæresis, seu remotio causæ falsæ, ab adversariis objectæ, præmittitur, ut calumniæ eorum occurreretur, ac deinde etiam probatur atque illustratur. Proponitur autem v. 11. præmissa initio præfatione, ad benevolentiam mutuam, & attentionem Galatarum provocandam, oportuna. Ad benevolentiam autem mutuam spectat, cum *fratres* vocat, (ut cum alibi, tum etiam Galat. 4. v. 12.) id est, per fidem, in Christum, ejusdem Dei patris filios, & hæredes, ut c. 1. 2. plenius exposuimus. Atque ita ostendit Apostolus, se Galatas, licet lapsos, non pro adversariis, neq; pro desperatis; sed pro infirmis fratribus in Christo, ac convertendis habere atque diligere. Attentioni verò distinctè inservit, cum ait, *notum vobis facio*: non quod illud antea ignorarint (nam contrarium c. 4. v. 14. asseritur) sed quod seducti à falsis doctoribus, illud minus cogitarent: & ut memoriam quodammodo oblitteratam refricaret, ita loquitur. Quid autem notum faciat, indicat his verbis, *Evangelium prædicatum à me, non esse secundum hominē*. Quo

citra controversiam Apostolus prædicati à se Evangelii causam efficientem falsam removet: sed quo modo his verbis hoc significet (cum vulgò id præteretur) succinctè declarandum, demonstrata vocis κατὰ cum accus. constructæ significatione, quatenus quidem huic loco inservire potest. Significatio autem ea est duplex. Prima, ut convenientiam notet; quemadmodum Roman. 3. v. 5. & Galat. 3. v. 15. κατὰ ἀνθρώπων *secundum hominem*, id est, ut Clar. Beza interpretatur, *humano more*, seu, *ut homines solent*, & 1. Cor. 3. v. 3. *secundum hominem inceditis*, id est, *more hominum*, ut vulgo solent, & 9. 8. *num secundum hominem hæc dico?* & 15. 32. *Si secundum hominem adversus bestias pugnavi*. Altera verò significatio vocis κατὰ est, ut causam efficientem, sive per designet, ut idem sit, quod καὶ cum genit. ut Gal. 2. v. 2. *ascendi κατὰ secundum* (id est, per) *revelationem*, & Marc. 1. v. 27. *imperat spiritibus immundis καὶ ἰεουίας*, per potestatem, ut rectè Dominus Beza transtulit, & Henr. Steph. in thesau. Græc. ling. comprobat, aliisque bonorum authorum exemplis demonstrat: quale est illud Aristophanis ἰαμῶν, Ed. 2. Basil. Græcè pag. 198. οὐρανὸν καὶ γῆν, *accedit per Deum*, hoc est, per Dei providentiam, ut Scholiastes exponit. Utrovis autem modo vox κατὰ intelligatur, commoda erit sententia; priori quidem modo, ut nihil aliud sit, quam Evangelium à me prædicatum, non esse secundum hominem, id est, more humano, seu consueto atque ordinario: ut extraordinaria vocatio ac cognitio designetur: posteriori verò, ut sensus sit, *non esse per hominem*: cui expositioni probatio ac declaratio ab Apostolo addita egregiè consentit: ea autem est: *Neque enim ego ab homine accepi*, (nempe Evangelium à me prædicatum) *neque edoctus sum*, (supple ab homine). Quibus verbis ostendit, nec vocationem suam ad Evangelium prædicandum, esse ab homine: nec cognitionem illius. Prius autem notat, cum ait, *se non accepisse ab homine*, id est, à nullo homine traditum sibi Evangelium prædicandum. *Hominem* vero intelligit qui tantum sit homo, ut ex oppositione apparet: quo etiam modo v. 1. dictum, *Paulus Apostolus neque ab hominibus, neque per hominem, sed per Iesum Christum*, ut etiam verba sequentia hoc v. 12. idem quoque evincunt. Alterum verò indicat cum addit, *neque edoctus sum*, scilicet ab homine: unde rectè proposita assertio Apostoli stabilitur: Nam id quod quis, neque ab homine accepit, neque ab homine edoctus est, illud non est secundum seu per hominem. Atqui Evangelium à Paulo prædicatum est tale, Ergo non est secundum seu per hominem. Atque ita per hanc, causæ falsæ Evangelii, à se prædicati aphæresin, calumniæ adversariorum (qui Paulum non Apostolum, sed Apostolorum discipulum tantum esse statuebant) abstergit.

Cui aphæresi seu remotioni causæ falsæ, thesin seu causæ veræ positionem adjungit, his verbis, *sed per revelationem Iesu Christi*. Quæ verba ambigua quidem sunt per se, sed loci circumstantia eam ambiguitatem tollit: nam licet *revelatio Christi*, passivè, qua ipse revelatur, interdum designet, ut 1. Cor. 1. v. 7. *expectantes revelationem Domini nostri Iesu Christi*, & 1. Thessal. 1. v. 7. *In revelatione Domini Iesu Christi*, id est, dum revelabitur; activè tamen accipi potest, ut Gal. 2. v. 2. *ascendi secundum*, (id est per) *revelationem*, id est, Deo revelante. Atque ita hoc etiam in loco accipi debere (ut actionem Christi revelatoris notet) antecedentis causæ falsæ remotio ostendit, & sequentia v. 16. disertè explicant. Ex qua oppositione, hominis & Christi, Orthodoxi patres in hujus loci explicatione, Christum non esse hominem tantum: sed etiam verum Deum, contra Ebionem & Photinum, rectè concludunt. Cæterum adversus hanc, de causa Evangelii à Paulo prædicati, efficientem, sententiam, objici potest, Paulum Christi quidem revelatione Evangelium accepisse ac didicisse, sed non immediatè, quod Apostolis contigit: sed mediatè, per Ananiam: ut hæc verba illius ad Paulum, Actor. 9. v. 17. indicare videntur; *Dominus Iesus misit me, ut visum recipias & implearis Spiritu Sancto*. Verum ea Pauli verbis minimè adversantur: quia Evangelii, per Ananiam ipsi primùm traditi, nulla fit mentio: hoc enim immediatè à Christo, jam

jam ante obtinuisse, in repetita conversionis historia, expresse describitur Act. 26. quibus missio Pauli ad Evangelium populo Judaico & gentibus prædicandum, à Christo revelante describitur, v. 16. & 17. & summa Evangelii declaratur v. 18. *ut aperias oculos*, &c. denique recensetur idem Act. 22. v. 14. 15. Quod autem Ananias Paulo promississe dicitur acceptionem Sp. S. eam non ipse contulit, sed solus Deus: qui per revelationem, cognitione Evangelii & Apostolico munere præditum, extraordinariis Sp. S. donis, ad fidelem officii executionem instruxit: quemadmodum Apostolos reliquos, post Evangelii notitiam & ad id prædicandum missionem, Matth. 28. v. 19. 20. similibus Sp. S. donis confirmavit, Act. 2. v. 4. Ac propterea rectissime hoc loco Apostolus, & prædicati à se Evangelii munus, & cognitionem illius, non ab homine, sed per solum Jesu Christi revelationem, sese consecutum asserit.

Quod ut confirmet atque illustret, opportunam vitæ suæ antea narrationem trimembrem subjicit: describit enim primò conditionem suam ante revelationem Christi & Apostolatam: deinde revelationem ipsam & ad munus vocationem: denique consequentia illius.

Primùm autem generatim & speciatim proponit: generatim quidem, conversionem suam in Judaismo commemorat, id est, quomodo se gesserit cum adhuc Judaicis erroribus esset addictus: eamque rem præmissa præfatione, à notitia Galatarum, confirmat, dicens, *audistis enim* &c. speciatim verò exponit, cum & facta sua in eo statu, & causas eorum declarat. Facta autem sunt duo: Ecclesiæ Dei persecutio, & consequens vastatio. Ac prius indicat cum ait, *quod Ecclesiam Dei persecutus sim*: sicut idem etiam, ad misericordiæ Dei gloriam, fatetur Act. 22. v. 4. & 1. Corinth. 15. v. 9. Phil. 3. v. 6. 1. Tim. 1. v. 13. Quam persecutionem, ab adjuncta magnitudine, comparatè declarat, cum addit, καὶ ὑπερβαλὼν *excellenter*, seu summè, id est, reliquos persecutores hac in re exsuperans: unde persecutio hæc magna vocatur Act. 8. v. 1. id quod ex persecutionis variis atque atrocibus modis describitur, Act. 8. v. 3. & 22. v. 4. 5. & 26. v. 10. 11. Posterius verò, hoc est, vastationem Ecclesiæ, ex persecutione ortam, indicat, cum ait, ἡ ἐκείνη ἡ ὥρᾳ, *eamque vastabam*. πορθεῖν enim perdo seu vasto significat, ac de eadem re Act. 9. v. 21. de Paulo dicitur, *nomine hic est, qui populatus est, seu vastavit eos, qui invocabant nomen istud*, hoc est Christi, & c. 8. v. 3. *Saulus verò Ecclesiam, ἐκκαθαίρει*, hoc est, perdebant seu vastabat.

Modus verò vastationis, est congregationis Ecclesiæ, & professionis Evangelii impeditio, & Ecclesiæ fugatio ac dispersio, Act. 8. v. 1. & 4. & 22. v. 19. Atque hæc quidem de Pauli ante Christi revelationem factis, nempe persecutione summa, & per eandem vastatione Ecclesiæ, &c. Causæ verò eorum duobus veluti gradibus subjiuntur, comparate cum aliis, vers. 14. Prima autem causa est adjuvans ac remota, nimirum *profectus in Judaismo*, id est, pharisaicæ doctrinæ ac superstitionis notitia; quemadmodum, Act. 26. v. 5. declaratur. Cujus præstantiam indicat, cum non solum ait, *se profecisse in Judaismo*, sed etiam *supra multos coetaneos suos in suo genere*, id est, inter Israëlitas: ut Phil. 3. v. 5. ait, *se esse ex genere Israël*, & 1. Cor. 11. v. 26. *Pericula à genere meo*, id est, meis gentilibus. Causa verò factorum Pauli proxima ac præcipua, est *zelus illius* (seu fervidus amor) erga Judaismo, cum ait *zelotes existens patriarum mearum traditionum*, id est, quas à patribus meis (utpote Pharisei filius, Act. 23. v. 6.) acceperam: intelligit autem eas, quæ circumcisionis & ceremoniarum legis, observationem necessariam, & justificationem per opera propria, contra Evangelium Christi statuebant, ut Act. 22. v. 3. *Zelotes existens Dei, quemadmodum vos omnes estis hodie*, hoc est, gloriæ Dei studio fervens, sed sine scientia, Rom. 10. v. 2. de Judæis incredulis dicitur. Quem zelum suum, Apostolus à magnitudine illius, comparatione quadam describit, cum ait ὑπερβαλὼν, *abundantius* nempe quam alii: ut etiam adolescentiæ illius acta ostendunt, Act. 7. v. 58. cum cap. 8. v. 1. & Act. 22. v. 20. quod morte Stephani sit delectatus & occidentium vestes servavit: qui excellens zelus, causa fuit persecutionis Ecclesiæ, ut Act. 22. v. 3. 4.

& 26. 9. 10. describitur, & generatim attingitur, Philip. 3. v. 6. & Act. 8. v. 1. 2. In quo zelo atque itinere occupato, Christi revelatio contigit vers. 3. & 4. Ex quibus liquet, (ut rectè Clariss. Beza observat) nullum intercessisse tempus, quo potuerit ab hominibus doctrina Evangelii institui. Ideoque rectè Paulus asseruit, se Evangelium neque accepisse, neque didicisse ab homine.

Contra verò per Christi revelationem, hoc consecutum, secunda narrationis parte ostendit, quæ obliqua quidem (per transitionem quandam) sed nervosa tamen ratione tertiæ parti præmittitur atque connectitur, vers. 15. & 16. his verbis *sed quando Deo*, &c. Quibus primò suam ad Evangelium prædicandum vocationem: deinde Evangelii notitiam, à causis suis utrimque describit. Ac prius quidem his verbis: *Deus qui separavit me ab utero matris meæ & vocavit per gratiam suam*. Vocationem autem intelligit non communem illam Ecclesiæ, ad fidem: de qua Rom. 8. v. 30. & Galat. 1. v. 6. (nam de ea, tanquam alio beneficio postea agit vers. 16. cum revelationis fidei sibi factæ distinctè meminit) sed peculiarem, ad Apostoli officium. Cujus ad Dei laudem, causa efficiens describitur duplex: *operans & eam movens*. Operans est Deus, scil. Pater, ut sequens ad Filium ipsius relatio declarat: ut etiam 2. Cor. 3. v. 8. Eo tamen modo Filius nequaquam excluditur, quia per eum vocavit, ad apostolatam, ut disertè docetur Act. cap. 26. v. 16. 17. & 1. Timoth. 1. v. 12. Ideoque idem, & Deo Patri & Filio simul attribuitur Gal. 1. v. 1. & 1. Timoth. 1. v. 1. Causa verò, Deum, ad vocationem Pauli in Apostolum, movens, duplex designatur: prædestinatio ad eam rem, & origo illius. Ac prædestinatio quidem est segregatio Pauli, ad id munus, ut Rom. 1. v. 1. Cum autem segregatio esse possit, vel ratione executionis; vel ratione decreti: non prior, quæ per vocationem fit: sed posterior, hoc loco notatur: ideoque distinctè additur, *ab utero*, & quidem ab æterno: quicquid enim Deus facit in tempore, novit ac decrevit ab æterno, Act. 15. v. 18. Quemadmodum in simili negotio, Jeremiæ ait Deus, cap. 1. v. 5. *priusquam te formarem in utero*, &c. idque Christus Act. 9. v. 15. denotavit, cum Paulum vocat *vas electum*, ut perferat fidem ipsius coram gentibus. Origo verò, seu causa impulsiva hujus destinationis Pauli ad vocationem in apostolum, statuitur gratia, cum ait: *vocavit per gratiam*, id est, gratuitam ac minime debitam benevolentiam, ut etiam Eph. 3. v. 7. 8. *Cujus Evangelii factus sum minister ex dono gratiæ Dei*, item, *data hæc est gratia Evangelizandi inter gentes*. hinc 1. Tim. 1. v. 12. gratias agit pro ea, & quidem confessione indignitatis suæ, quod capitalis ac summus fuisset Christi & Evangelii adversarius, v. 13. & 14. Atque hæc de divina Pauli, ad Evangelium prædicandum, vocatione.

Cui deinde subjungitur, divina Evangelii institutio, quam appellat *revelationem filii ipsius*. Cujus causæ notantur; efficiens & finis. Efficiens, cum operans, tum operantem movens. Operans est Deus Pater, ut etiam Eph. 3. 2. 3. Hæc autem *Filii revelatio* (ut antea *vocatio*) Patri attribuitur, non quod sine filio, sed quod per eum effecerit, sicut v. 12. Apostolus asseruit, & historia Act. 9. v. 15. 16. & 26. 16. 17. 18. attestatur, ut supra ostendimus. Cæterum cum non solum dicitur, *revelare filium*, sed additur, ἐν ἡμῶν; observandum est, præpositionem ἐν, accipi aut pro Latino *in*, aut pro *per*, ut subjectum, vel causam efficientem notet: quod posterius Erasmus, cum nonnullis aliis sequitur: sed prius (quod Chrys. placet) proprietati vocis & sequentibus magis convenit, & loci scopo, qui est demonstrare, se edoctum per revelationem Christi: ut interna Paulo facta revelatio designetur. Quali etiam phrasi dicitur, 2. Cor. 4. v. 6. *Deus splenduit in cordibus nostris, ad illuminationem cognitionis, in facie Jesu Christi*. Ostendit enim (inquit Chrysost.) quod non modo verbis edoctus esset de fide, verum etiam copioso Spiritus Sancti dono repletus: *Revelatione siquidem illustrante illius animum, habebat in seipso Christum loquentem*. Hæc ille consentaneè omnino Sacris Literis, Eph. 3. v. 3. & 5. & 2. Cor. 13. v. 3. & 1. Thessal. 2. v. 13. à quibus omnino dissentient ea, quæ ab Hieronymo ad hunc locum imprudenter de naturali revelatione Christi producta sunt. Hæc.

Hactenus de causa quidem revelationis Christi operante, nempe Deo Patre. Movens vero causa, antedecens ordine, est *iudoxia placitum illius*, seu libera ac gratuita Dei voluntas, non Pauli meritum, ut Ephes. 3. v. 2. 3. ipsemet confitetur, & simul 1. Tim. 1. v. 12. 13. 14. confirmat. Quemadmodum etiam in ordinaria Evangelii ac Christi revelatione, eandem gratiam, causam esse illius asseritur, Ephes. 1. vers. 9. in qua etiam *iudoxia* Christus acquiescit, Matth. 11. vers. 25. 26. Ac propterea Theophylacti ex Chrysost. hausta explicatio, impura ac Pelagiano errori favens, sacrisque literis contraria est: sic enim verba Apostoli, *vocavit per gratiam suam*, perversè exponit: *Deus ob virtutem ipsius vocavit eum, vas enim electionis inquit mihi est: ipse autem insigni modestia præditus, per gratiam inquit vocatum se & non ob dignitatem, sed propter misericordiam*. Hæc ille: Contrà verò scriptura docet: electionem Dei, esse virtutum causam Ephes. 1. v. 4. non contrà 2. Cor. 3. v. 5. Electionis verò causam esse liberam Dei gratiam, Rom. 11. v. 5. & 2. Tim. 1. 9. quemadmodum utriusque vocationis, tam ad fidem, quam ad Apostoli officium 1. Tim. 1. v. 14. & 16. gratiam & misericordiam, causam esse fatetur. Quod autem objicitur à Theoph., *insigni modestia Apostolum ita loqui*: ea omninò insignis est scripturæ perversio, quia Paulo hypocrisin, imò insigne mendacium, ascribit, quasi sciens ac volens contrà rei veritatem loqueretur: nam si verum est, quod ait, ob virtutem ac dignitatem vocatum, falsum est, quod dicit Scriptura, ex gratia & misericordia id factum: contrà, si hoc verum, prius est falsum, uti revera est. Quod ad cautionem in legendis Patrum scriptis adhibendam diligenter observandum.

Porro ut Apostolus conversionem suam à Dei placito, tanquam à causa sua dependente tradit, sic idem de tempore præfinito illius indicat his verbis, *sed quando placuit Deo filium suum in me revelare*. Nec enim ab initio vitæ Pauli placuit Deo id præstare, sed demum post horrendam ab illo Ecclesiæ persecutionem, ac vastationem in Judæa excitatam, & similem conatum, ut extra Judæam Damasci idem perpetraret. Causam verò hujus dilationis rectè observat Theoph. cum ait: *per divinam quandam providentiam relictus est in Iudæismo: ut nimirum usque adeò repentina ejus mutatio, multos in fide confirmaret & attraheret*. Porro finalis revelationis Christi divinæ atque extraordinariæ causa dicitur, ut *Evangelizaret Christum inter gentes*: id quod divina etiam conversionis & vocationis Pauli historia testatur, Actor. 9. v. 14. & 13. 46. 47. & 26. 17. Ex quibus locis constat, gentes quidem distinctè à Judæis, sed non solas, exclusis omninò à prædicatione Judæis, intelligi: sed quod præcipuè ad eas pertineret; ut etiam executio prædicationis Evangelii expressè demonstrat, Actor. 26. v. 30. Eodemque sensu Apostolus Galat. 2. v. 2. ait: *Evangelium prædico inter gentes*, & 1. Timoth. 2. v. 7. se *doctorem gentium* vocat, & 2. Timoth. 1. v. 11. ait, *Ad quod ego positus sum præco, & Apostolus ac doctor gentium*, nempe præcipuè. Atque hæc de vitæ Pauli antea actæ parte secunda, nempe divina ac gratuita Christi, ad Evangelium inter gentes prædicandum revelatione.

Cui tertia (quæ ultima est narrationis pars) succedit. Cujus scopus est, ut id quod v. 12. proposuerat, nempe se Evangelium neque ab homine accepisse, neque edoctum esse, confirmaret atque illustraret. Modus autem idoneus, quo ad hunc scopum tendit, est vitæ à se post vocationem & revelationem Christi actæ, descriptio trimembris.

Quæ triplici temporum distinctione continetur, & inde à v. 16. ad capitis III. initium pertingit. Primum autem membrum res primo triennio gestas (ut v. 18. declarat) strictim proponit, & quidem per aphæresin & thesin. Aphæresis est remotio falsi, qua ostendit, quid statim non fecerit eo tempore, cum Christus ei esset revelatus, ad Evangelium prædicandum. Ea autem aphæresis facta à se removel duo, quorum prius ita exprimit in fine v. 16. *Statim non contuli cum carne & sanguine*. Quæ verba partim satis clara, partim aliquid habent ob suam ambiguitatem, controversiæ. Clarum autem est primum, cum ait *statim*, id est, simul atque placuit Deo, mihi filium suum revelare,

ut eum annuntiarem inter gentes. Nam quod Hieronym. vocem *statim* connectendam arbitratur cum antecedentibus, quasi sensus esset, ut Evangelizarem ipsum inter gentes statim; illud Clarifs. Beza non immerito improbat. Alterum etiam verbum *κατέβημι*, non contuli, satis perspicuum est, si Clarifs. Beza annotationes, & Henr. Stephan. Thesaurum Græc. ling. consulamus. Sed aliqua difficultas est tertio loco, in phrasi addita, *carne & sanguine*, ob diversas veterum Patrum, & recentiorum interpretum sententias.

Quare operæ pretium fore arbitramur, si prius usum illius phrasis explicemus: ut genuina Apostoli mens facilius ac certius intelligatur: eademque opera illustrandis aliis scripturæ locis inserviamus. Usus autem illius phrasis proprius est aut improprius. Proprius quidem, ut partes corporis nobilissimas designet, qui etiam usus in omnibus linguis obtinet, cuius exemplum unicum tantum in Sacris Litt. extat. Deuter. 12. v. 27. *Parato holocausta tua carnem & sanguinem*. Impropriè vero per tropum in Nov. Test. usurpatur diversis modis, primò per Meton. corpus humanum notat, quod ex carne & sanguine constet, ut Hebr. 2. v. 14. *quia pueri* (aut potius *filioli isti*, ut versus antedecens ostendit) *carnis & sanguinis* (id est, corporis humani) *participes sunt*: deinde per Synecdochen (ex illa Metonymicâ significatione ortam) corporis humani speciem notat: corpus nimirum corruptibile ac mortale. ut 1. Cor. 15. v. 50. *hoc autem dico, quod*, (aut potius, *quia*, Græcè *ὅτι*) *caro & sanguis regnum Dei hæreditate consequi non possunt*: quale corpus animale vocatur à naturalibus suis qualitatibus, corruptibilitate & mortalitate, oppositè corpori spirituali, quod spiritualibus supra naturam qualitatibus, incorruptibilitate & immortalitate gloriosa præditum, v. 44. cum 46. Corpus autem corruptibile ac mortale intelligi, antecedentia & consequentia ostendunt. Antecedentia quidem, ut vers. 42. 43. & nominatim, v. 49. *sicut gesta vimus imaginem terreni*. (id est, Adami, cujus corpus è terra ortum, corruptibile & mortale fuit, vers. 47. 48.) *gestabimus etiam imaginem celestis*, id est, Christi, cujus corpus non amplius corruptibile & mortale est, sed cœlestibus qualitatibus gloriosum. Quemadmodum etiam corporis nostri, ad Christi imaginem, conformatio, ac similitudo declarat, Phil. 3. v. 21. Hoc autem ad Corinth. loco exponit ac probat, cum ait, *hoc autem dico, quod caro & sanguis*, &c. quibus verbis per *carnem & sanguinem*, imaginem terreni Adami, id est, corpus corruptibile & mortale notat: de quo vers. 42. & 43. & 47. Idemque proximè sequentia declarant: *neque corruptio*, id est, corruptibile, *incorruptibilitatem hæreditate consequitur*: & clarius vers. 53. *oportet enim hoc corruptibile induere incorruptionem, & mortale hoc, induere immortalitatem*.

Porro ex hac prima Synecdochica, *carnis & sanguinis* significatione, qua corpus corruptibile ac mortale notat: altera oritur Synecdoche: qua hominem corruptibilem seu mortalem designat, ut Ephes. 6. 12. *nobis non est lucta adversus carnem & sanguinem*, id est, adversus ullum mortalem: & Matth. 16. 17. *caro & sanguis non revelavit tibi*, id est, nullus mortalis: quia licet exterius verbo suo Andreas frater ipsius Christum revelarit, Ioan. 1. v. 42. 43. interior tamen revelatio, qua verbo fidem adhibuit, quæ hic certo intelligitur, à solo Deo processit. Atque hæc phrasis propositæ significatio, non ex Græcæ sermonis usu, apud quos solum priores observat: sed ex Hebræorum loquendi consuetudine translata est, qua *בשר ודם* *caro & sanguis*, hominem mortalem significat, ut frequens omninò in Hebræorum scriptis usus perspicuè demonstrat. Cujus & Hebraismi illustria extant exempla, in Ecclesiastico Hebraicè scripto, sed in Græcum sermonem à Jesu Siracide translato, c. 14. v. 19. *ita etiam generatio carnis, & sanguinis*, id est, hominis mortalis & c. 17. 27. *cogitat carnem & sanguinem*, i.e. de homine mortali: aut, ut alii legunt, *caro & sanguis*: adeo ut Hebraismo consueto *caro & sanguis* hominem mortalem, (qui eodem sensu Latinis *בשר ודם* *mortalis* dicitur) significet. Atque hæc de phrasi hujus varia, certa, pro locorum ratione, significatione.

Reli-

Reliquum est, ut quomodo hoc loco ad Galat. intelligenda sit, consideremus. Ac primò quidem, illud, ex re ipsa, citra controversiam perspicuè constat, *carnem & sanguinem*, non propria, sed impropria significatione intelligi oportere: sed in modo illius explicando, sententiæ sunt diversæ: imò, ab iisdem, diversæ, dubitatione quadam proponuntur. Quarum prima est, hominem mortalem notari: ut sensus sit Apostoli, se cum nullo mortalium contulisse: quem tritum, ut supra ostendimus, Hebraismum, doct. Tremellius, ad hunc Testamenti Syriaci locum annotavit: & è Patribus Theoph. hanc sententiam secundo loco proposuit, cum ait, *non contuli cum carne & sanguine*, id est, *non sum collocutus cum Apostolis: hos enim carnem & sanguinem vocat, à natura eos nominans: vel simpliciter de omnibus omnino mortalibus dicit; quoniam à nullo mortalium didici quicquam*. Secunda deinde sententia est, ut hominem carnalem, seu peccatis omnino deditum indicet: quam Hieron. proponit. Tertia porro sententia est, quæ phrasin hanc dividens, diversè, per *carnem* Judæos (illos enim Apostolus Rom. 11. v. 14. *carnem suam* vocat) per *sanguinem* verò consanguineos ac propinquos designari statuit. Atque in eo hæc tres sententiæ consentiunt, quod hæc phrasis, hominem generatim, aut speciatim significet. Quarta denique, non hominem, sed carnalem Pauli rationem interpretatur: quæ vulgò maximè trita sententia. Superest jam ut hisce sententiis ordine recitatis, quænam hoc loco sit genuina, & quamobrem reliquæ non sint probandæ, allatis rationibus declaremus. Primas autem obtinet ea quæ primo loco à nobis proposita, ac reliquis merito, à præstantissimis interpretibus præfertur: nimirum ut hominem mortalem notet. Hæc enim significatio solitam ac frequentem phrasis significationem (ut ante ostendimus) retinet: deinde veritati ac scopo Apostoli omnibusque loci circumstantiis optimè consentit. Reliquæ verò interpretationes phrasi huic, *carnis & sanguinis*, insolentem significationem attribuunt, & sensum pariunt ineptum; ut examen trium posteriorum sententiarum evincit. Nam ad secundam (quam Hieronymi esse ostendimus) quod attinet, ei obstat 1. quod *caro & sanguis* pro homine carnali, seu peccatis omnino dedito, nullibi in Sac. Lit. neque ulla priscæ linguæ Græcæ aut Hebrææ consuetudine usurpatur: neque insolens phrasis significatio, ex recta interpretationis lege, admitti potest, nisi rei veritas, aut loci circumstantia necessario id flagitet, aut saltem admittat: id quod hoc loco omnino deest: quamvis enim *caro* per se posita, interdum hominem vitiis mancipatum significet, Genes. 6. v. 3. *quia caro sunt* (ut Hieron. objicit) nunquam tamen caro cum sanguine copulata, id est, phrasis ista, *caro & sanguis*, eum habet sensum. Neque etiam obtendi potest dictum, 1. Cor. 15. *Caro & sanguis hæreditatem regni Dei non consequentur*: quia (ut supra probatum, & rectè Tertull. lib. de resurr. carnis cap. 5. observavit) corpus corruptibile, ac mortale intelligitur: ut totius capitis series demonstrat, & antea in significationibus hujus phrasis explicandis, multis ostendimus; neque de hominum carnalium, seu infidelium resurrectione ad ignominiam, sed de hominum fidelium resurrectione ad gloriam, quâ imaginis Christi gloriosi fiunt participes, differitur. Neque etiam ea significatio, *carnis & sanguinis*, speciatim pro hominibus incredulis, ex dicto Christi, Matth. 16. v. 17. *Caro & sanguis non revelavit tibi, sed Pater meus*, necessario probari potest: quia solita significatio, ut pro homine accipiat, non solum convenit veritati, sed etiam loci circumstantiis: quia non opponitur hominibus spiritualibus, seu fidelibus, sed Deo patri; qui solus, donata fide, per Spiritum Sanctum, Filium interius revelat, Matth. 11. v. 25. & 27. 1. Cor. 2. v. 11. 12. Quare cum hæc sententia generatim accipi possit, & quidem sensu ad gloriam Dei magis copioso, speciatim exponere non est necessarium, neque idoneum, sed alienum: inprimis quia hæc significatio nullo exemplo necessario probari potest: sed omnino insolens est: & amplitudinem veræ sententiæ, sine ulla ratione, angustiorē reddit. Deinde etiam altera ratio accedit, cur *caro & sanguis*, hoc loco (etiamsi alibi ita acciperetur) in

proposita ad Galatas sententia aliena sint; quia à scopo Apostoli aberrat: is enim est, ut probet, quod Evangelium à nullo mortalium sit edoctus, ut v. 12. ostendit: id quod, si quis attendat, ex antecedentis vitæ suæ statu demonstrat, partim ante revelationem Christi, in Judaismo, vers. 13. partim ex gestis post revelationem Christi, quod non statim contulerit cum carne & sanguine, ideoque multo minus potuisse à carne & sanguine edoceri: ut tota orationis series hunc scopum esse ostendit, sequentiaque etiam patefacient: atqui cum carnalis seu homo animalis, non percipiat ea, quæ sunt Spiritus Dei, sed stultitia ei sint, neque possit ea cognoscere; impossibile omnino erat, ut id quod non didicerat, illud Paulum doceret: ideoque si per *carnem & sanguinem* talis notaretur, oratio Pauli redderetur inepta: perinde enim foret ac si diceret, Ego Evangelium non didici ab hominibus, Evangelium ignorantibus. Quod autem Hieron. *non contuli*, exponit de Evangelii prædicatione hominibus carnalibus non facta, quia, ut ait, *noluit margaritas porcis projicere, nec dare sanctum canibus*: in eo inquam ab Apostoli scopo recedit. Quemadmodum etiam Matth. 16. cum de hoc loco agens, ait, *caro & sanguis non revelavit tibi, Apostolicæ narrationi comparatur, in qua ait, continuo non acquievi carni & sanguini: carnem ibi & sanguinem, Judæos significans, ut hic quoque sub alio sensu demonstratur, quod ei non per doctrinam Phariseorum, sed per Dei gratiam Christus Dei filius revelatus sit*. Quare ex hisce satis superque apparet, secundam, de hujus loci mente, sententiam, minimè esse idoneam.

Tertia porro licet aliquanto videri possit commodior, similiter tamen à phrasis significatione consueta recedit: deinde phrasin dividit, per *carnem* Judæos, per *sanguinem* consanguineos intelligendo: præterea Tautologiam admittit, cum consanguinei sub Judæorum nomine contineantur. Ac licet Judæos *carnem suam*, Rom. 11. vocet, *sanguinem* tamen pro consanguineis usurpari in Sac. Lit. probari non potest: denique à scopo Apostoli (ut de secunda sententia ostendimus) similiter aberrat, qui non speciatim se à Judæis, sed generatim ab homine non edoctum asserit. Quarta quoque ac postrema sententia, quæ statuit *carnem & sanguinem* carnalem Pauli rationem denotare, subsistere non potest: primò, quia nulla ratio necessaria est, cur ita accipiamus, cum aliter rectè pro homine quovis sumi possit: deinde quia contraria ratio obstat, nempe quod neque linguæ Græcæ, nec Hebrææ usus, neque ullum exemplum scripturæ illam insolentem significationem stabiliat: ut supra inductione significationum ostensum. Nam quod objicitur exemplum, Matth. 16. *caro & sanguis non revelavit tibi*, non necesse est, ut de carnali ratione interpretemur: quia servata significatione usitatâ vera omnino est & longè amplior ad Dei gloriam sententia, ut sensus sit, nullus mortalium tibi revelavit: quàm si dicatur, carnalis tua ratio tibi non revelavit: denique hæc quarta sententia etiam à scopo Apostoli aliena est: quia propositum ei est probare, se non ab ullo homine mortali de Evangelio edoctum, ut antè demonstratum est. Quamobrem prima sententia perstat: reliquæ verò tres significationi phrasis minimè conveniunt, neque scopo Apostoli inserviunt. Iisdemque rationibus confutatur antiqua quorundam expositio, quasi *caro & sanguis* Judaismum, ac circumcisionem carnalem notaret: quam eorum sententiam Tertull. lib. de resurrect. carnis ita recenset: *sunt qui per carnem & sanguinem (scilicet 1. Cor. 15.) Judaismum velint accipi, propter circumcisionem, &c. & hoc titulo jam & alibi ab Apostolo denotetur, qui post revelatum in se Filium Dei ad Evangelizandum eum in nationibus, statim non retulerit ad carnem & sanguinem, id est, ad circumcisionem, id est, ad Judaismum, sicut ad Galatas scribit*. Ubi obiter videtur vox *caro & sanguis* non de collatione, sed de reditu, minus aptè exponi.

Atque hac aphæresi seu remotione falsi (quæ ostendit quid statim à revelatione Christi non fecerit, nempe quod de Evangelio accepto non contulerit cum ullo mortalium; ideoque à nullo homine sit edoctus) non suam arrogantiam (ut Porphyrius olim, teste hîc Hieronymo, Apostolum



lum est calumniatus.) sed animi sui demissi obedientiam erga Deum, ad Euangelizandum mittentem, & doctrinæ Evangelii divinitus acceptæ perfectionem atque auctoritatem, adversus falsorum doctorum calumniam, qui eum non Apostolum sed Apostolorum discipulum esse objectabant, indicat. Fuisset enim valdè absurdum, ut qui doctrinam à Deo acceperat, de ea cum hominibus communicaret: quemadmodum Chrys. & Theod. ad hunc locum rectè observarunt. Atque hæc de parte prima aphæresis, qua docet, quid non à revelatione Christi statim fecerit, nempe quod *non contulerit*, id est, communicarit, *cum carne & sanguine*, id est, ullo mortalium: v. 16. ideoque multo minus ab ullo homine fuerit edoctus.

Altera pars v. 17. proponitur: *neque, inquit, rediit Hierosolymam ad eos, qui ante me fuerunt Apostoli.* Apostolos autem tunc Hierosolymis fuisse, etiam ex Act. 8. v. 1. rectè colligitur. Neque illud, quod Paulus hic ait, *superbiâ factum* (ut Porphyrius olim obtendit) sed ut gloriæ Dei, & auctoritati Evangelii, per revelationem Christi acceptæ, sancta animi demissione & obedientia inserviret: & calumniis adversariorum occurreret, qui discipulum fuisse Apostolorum, ideoque ab iis doctrinam Evangelii edoctum, contemptum spargebant. Quemadmodum ea de causa, etiam alibi, Apostolici sui muneris auctoritatem, ad veritatis Evangelii & fidelium confirmationem, graviter defendere coactus est, ut 1. Cor. 9. v. 1. 2. & 2. Cor. 11. v. 3. 4. 5. & 12. 11. 12.

Porro hæc bipartita aphæresi hoc modo expositâ, sequitur thesis, quâ ostendit, quid statim à revelatione Christi fecerit: hoc autem altero v. 17. membro ita exprimit: *sed abiit in Arabiam, ac denuo reversus sum Damascum.* Quibus professionem suam duplicem indicat: primaria est Damasco in Arabiam, nimirum ut Evangelium annuntiaret inter gentes: quemadmodum vocatio illius requirebat, ut v. 16. declaravit. Verum difficultas quædam hic occurrit: quia illud historiæ Lucæ Act. 9. videtur repugnare, primò quia illic v. 19. & 20. dicitur, *fuit autem Saulus cum discipulis, qui erant Damasci, per dies aliquot, & statim in Synagogis prædicavit Christum*: non igitur statim abiit in Arabiam. Deinde dicitur eodem cap. multo tempore hæsisse Damasci, ac demonstrasse contra Judæos, Jesum esse Christum; unde orta persecutione graviore, pervenisse Hierosolymam, ut v. 23. ad v. 27. narratur; non igitur statim abiit in Arabiam. Verum hæc difficultas duplex, negatione utrimque consequentiæ solvitur. Nam ad prius quod attinet, *statim*, hic apud Paulum non absolute, sed relatè ad collationem, & professionem Hierosolymam dicitur, quod scilicet ante utrumque in Arabiam abierit. Nec mirum est, si Lucas hanc professionem brevitatis causâ in Actis Apostolorum omiserit: quemadmodum Apostolus brevem aliquot dierum mansionem Damasci reticuit; id quod similiter in historiæ scriptoribus & Evangelii Lucæ aliorumque narrationibus observatur. Alterum etiam difficultatis membrum similiter tollitur: nam ut Lucas professionem in Arabiam, & inde rursus Damascum non negat, sed omittit: sic verba illa v. 23 ad 27. Act. 9. intelligenda sunt de rebus, quæ post reditum ad Damascenos evenerunt. Idque etiam verba Pauli & Lucæ inter se collata, ostendunt. Paulus enim ait, se non rediisse Hierosolymam, ad eos, qui ante ipsum fuerant Apostoli, sed abiisse in Arabiam & rursus rediisse Damascum: Lucas verò post persecutionem Damasci ortam, pervenisse Hierosolymam, ad Apostolos, v. 26. tradit. Atque hinc Hieron. ait, *Lucam idcirco de Arabia non meminisse, quia forsitan nihil dignum Apostolatu in Arabia perpetrarat: & ea potius compendiosâ narratione dixisse, quæ digna Christi Evangelio videbantur.* Sed ut etiam causam verisimilem, & ab interpretibus omisfam addamus, ea videtur, quod Apostolus ad Galatas, illam professionem jam explicasset: Lucas enim Acta scripsit, postquam Paulus biennium Romæ fuisset captivus, Act. 28. v. 20. Epistola verò ad Galatas conscripta est, complures annos ante captivitatem Pauli; nempe cum post acceptum recens Evangelium, tam citò essent seducti, ut ex epistola ad Galat. cap. 1. v. 6. coll. cum Act. 18. 23.

& 19. 10. aliisque locis apparet. Nam quod subscriptio huius Epistolæ, eam Romæ scriptam statuit, illud Deo sospitante, suo loco vanum esse ostendemus: quemadmodum & hanc & quasdam alias subscriptiones imprudenter Epistolis subjectas, eruditi interpretes agnoscunt ac demonstrant. Atque hæc de versis 16. & 17. sensu observanda: qui versus ad scopum Apostoli egregiè pertinent: ut enim v. 12. se non accepisse Evangelium, neque didicisse ab homine, sed per revelationem Christi, proposuit; sic narratione vitæ suæ, neque ante revelationem v. 13. & 14. neque post revelationem didicisse declarat, quæ narrationis pars altera, pro distincta temporis circumstantia, ut supra ostendimus trimembris est: primum enim membrum gesta primi trienni continet, v. 16. 17. de quibus actum.

Sequitur jam secundum, quod ea, quæ post illud triennium ad annum usque decimum quartum contigerunt, ad finem usque capitis describit. Ac temporis quidem initium indicatur, cum ait v. 18. *deinde post tres annos.* Finis verò temporis sequitur postea, cap. 2. 1. Gesta illius temporis strictim, (quantum ad scopum loci sufficiebat) declarat. sunt autem professiones duæ, una Damasco Hierosolymam, altera inde rursus Damascum. Quarum utraque proponitur, & suis circumstantiis illustratur. Ac prior quidem ita proponitur, *Rediit Hierosolymam*, nimirum unde initio Damascum venerat, Act. 8. v. 2. & quo (post reditum ex Arabia, Damasci orta persecutione) reversus Act. 9. v. 26. id quod illustratur à circumstantia finis, & adjuncti consequentis. Finis autem professionis Hierosolymam statuitur, nimirum ut videret Petrum, id est, notitiam cum eo contraheret, non autem ut ab eo aliquid disceret: quia hoc repugnat loci huius proposito: deinde, quia alias citius invisisset (ut rectè monet August.) non post prædicatum triennio Evangelium: denique quoniam ab eodem autore cælitus didicerat, à quo & ipse Petrus: quemadmodum Ambros. ad hunc locum observavit. Adjunctum verò consequens est duplex, primò quod *manserit apud Petrum dies quindecim*: interea autem minimè otiosum fuisse, sed Evangelium prædicasse, idque contra adversarios disceptando defendisse, Act. 9. v. 29. traditur.

Alterum consequens adjunctum est, *quod nullum alium Apostolum viderit, præter Jacobum fratrem Domini*, id est, cognatum. Cum autem duo Apostoli fuerint ejusdem nominis, Matth. 10. unus Zebedæi, v. 2. alter Alphæi filius, v. 3. parum refert uter hoc in loco intelligatur. Plerique non immeritò censent, secundum esse, qui Galat. 2. 9. etiam nominatur: qui, post priorem ab Herode occisum, Synodo Hierosolymitanæ præfuit, Act. 15. v. 13. 19. 22. & hunc intelligi omninò verisimile est, etsi hoc tempore Jacobus Zebedæi in vivis fuerit: quia post hanc Pauli professionem Hierosolymam, de qua Act. 9. v. 24. cædes illius perpetrata: ut ex collatione cap. 2. Act. cum 11. 1. 2. colligitur. Cum autem Paulus nullum alium ex Apostolis viderit, quomodo (ut rectè ait Photius apud Oecumenium) ab iis didicit? Cæterum obiter observanda est vanitas Argumenti, à Bellarm. propositi, de Pontifice Romano lib. 1. cap. 18. cum ait: *Nam quod aliqui intelligeret Paulus, majorem esse Petrum Jacobo, patet ex illa Epistola Galat. 1. ubi dicit, deinde post annos tres, veni Hierosolymam, videre Petrum. non dicit, veni videre Jacobum, etiamsi ipse quoque esset Hierosolymis.* At quomodo inquam probabitur, Paulum præcivisse Jacobum fuisse Hierosolymis? & quid vetat, quominus initio abfuerit, & præter Pauli expectationem eo aliunde accesserit? Deinde visitatio alicujus non probat, eum aliis majorem: quemadmodum fratres Ochosiæ venerunt, ut inviserent filios Regis Joram 2. Reg. 11. v. 10. an propterea judicarunt eos patre majores?

Porro ut ad rem redeamus, quia adversarii Apostoli, falsi doctores, eum non Apostolum à Christo edoctum ac missum; sed ab Apostolis institutum criminabantur: idcirco ne Galatæ calumniis eorum seducti fidem narrationis in dubium vocarent, juramento occurrit: quo narrationem suam totamque Epistolam confirmat, cum ait, *quæ autem scribo vobis, ecce coram Deo, non mentior*, id est, Deo teste, ut rectè Ambros. est enim juramenti formula, ut etiam

etiam August, observavit. Ea enim Deus in testem veritatis, ac propterea etiam in iudicem & vindicem, si fallat, citatur. Similia exempla sunt Roman. 1. 9. & 9. 1. Phil. 1. v. 6. 1. Theff. 2. 5. & 2. Cor. 1. 23. & 2. Cor. 11. v. 31. & 1. Theff. 5. v. 22. & 1. Timoth. 2. v. 7. Sed Anabaptistæ objiciunt, hæc verba non esse juramentum: quia Christus generatim omne juramentum prohibet, Matth. 5. 34. Resp. autem, rationem esse falsam: quia Christus non generatim & absolutè, omne juramentum prohibet in genere: sed speciatim illegitima & falsa, sub obliquis quibusdam formulis, quibus Pharisei hominem nec perjurum fieri, nec obstringi tradebant: quale juramentum Mat. 23. per templum, per altare, per cælum: ideo Christus hanc sententiam cap. 5. Matth. adjunctis similibus formis restringit: quia non simpliciter & absolutè dicit, *ne jurate omnino*: sed, *ne jurate omnino, neque per cælum, neque per terram*, &c. non autem ait, *neque per Deum*.

Sed excipiunt, postrema Christi verba vers. 37. omne juramentum à sermone Christianorum excludere duobus modis: primò quia simplicem affirmationem aut negationem Christus imperat: *Esse autem*, inquit, *sermo vester etiam, etiam, non, non*. deinde quia subjicit, *quod bis abundantius est, à malo est*. Verùm ea solutioni ante allatæ minime adferantur, sed eam potius amplius stabiliunt. Nam ad prius quod attinet, Christus hic per *sermonem*, non intelligit eum, qui ad fidem legitimè faciendam, aut controversiam dirimendam pertinet; sed communem in usu quotidiano, in quo à Judæis, temerè & sæpe falso, per illegitimas jurandi formulas, peccabatur, Matth. 23. vers. 16 & sequentibus, ideoque Christus hunc temerarium & illegitimum jurandi, citra necessitatem, modum, per creaturas, in sermone quotidiano usitatum, redarguit: & simplicitatem ac veritatem ei oppositam requirit, cum ait, *esto verò sermo vester*, &c. Sermo vester communis, sive quid affirmetis, sive quid negetis, rei consentiat. Quemadmodum Apostolus 2. Corinth. 1. vers. 18. *Sermo meus*, inquit, *apud vos non fuit etiam, & non*. & vers. 19. *Nam Deus filius Iesus, qui inter vos per nos prædicatus est (per me & Sylvanum ac Timotheum) non fuit etiam & non, sed etiam in ipso*. Deinde verò ad posterius dictum quod attinet, Christus rō *superfluum*, rejicit: non autem quod majus, & ad rem conducit: nam & Christus aliis quoque, ac plenioribus assertionibus est usus, quemadmodum Luc. 4. vers. 24. & Joan. 16. 17. & c. 8. v. 14. & Petrus Actor. 10. v. 34. Juramenta quæque legitima non prohiberi inde constat; quia non sunt superflua, sed affirmationi aut negationi addita, ad Dei testis, ac perjurii iudicis, ac vindicis, gloriam, & sermonis confirmationem, ad fidem aliis faciendam inserviunt, Hebr. 6. vers. 16. Et hanc esse Christi mentem demonstratur, ex præmissa legis explicationi protestatione: *non veni ut solvam legem, sed ut impleam eam*, & vers. 19. *quisquis igitur solverit unum ex mandatis hisce minimis, & ita docuerit homines, minimus vocabitur in regno celorum*, id est, Ecclesia. Ideoque Christus hoc cap. Matth. 5. non novam legem fert, divinæ legi adversam, sed adversus antiquas & falsas Phariseorum interpretationes legem Dei exponit: ut etiam vers. 20. *nisi abundaverit vestra justitia*, quænam autem justitia illa Phariseorum intelligatur, sequentibus exemplis docet: nam inductione probari potest, singula quæ à Christo dicuntur, lege Decalogi omnino contineri, quatenus summam Dei & similem proximi dilectionem complectitur: qua nihil majus à Christo petiit, Luc. 10. v. 27. 28. neque peti potuit. Quodque Christus Phariseorum juramenta illegitima, quibus falso & temerè sæpius abutebantur, reprehendit, & simplicitatem ac veritatem in sermone, hujusmodi requirit: illud etiam mandatum legis Decalogi tertium (quod vanam nominis Dei usurpationem prohibet) omnino complectitur. Quare cum Christus non solvat legem, juramentum legitimum non prohibet: quia Deuter. 6. vers. 13. & alibi difertè mandavit, ut per nomen ipsius juretur: deinde jurandi modum exposuit, Jerem. 4. vers. 2. *in veritate, in iudicio, & in justitia*: atque ita per

Deum jurans laudandus dicitur Psal. 63. v. 12. tertio exempla juramenti sancta idem probant: Nam Deus Genes. 22. v. 16. per seipsum jurat. Deinde Sanctus Angelus, Dan. 12. v. 7. Præterea sancti quoque jurarunt, patriarchæ, Abraham Gen. 21. 24. Isaac Genes. 26. v. 31. Jacob Genes. 31. v. 53. Josua c. 9. 15. David. 1. Samuel. 24. 23. Denique adjurationes extant, quibus sancti alios juramento præstando obstrinxerunt, sicut Abrahamus Genes. 24. 3. & summus sacerdos jussu Dei, Numer. 5. 19. & Esra c. 10. vers. 5. & Nehem. 5. 12. & 13. 25.

At objicitur, in Vet. Test. Judæis juramenta fuisse licita, non verò in Nov. Test. Christianis; idque ex Jacobo Apostolo Christi sententiam repetente, apparere, qui c. 5. v. 12. non solum ait, *ante omnia fratres non jurate, neque per cælum, neque per terram*, sed etiam subnectit, *neque aliud ullum juramentum*. Verumtamen quia verba Christi repetit, eadem est, quæ ad Christi verba responsio: nec enim *aliud juramentum* universe & absolutè sic dicitur, sed relatè ad temerarias & illegitimas, ac consuetas Judæorum formulas, quas Christus Matt. 5. & 23. plenius recenset, Jacobus verò hoc in loco brevius: ac propterea similia alia juramenta intelligit à se omissa. Ratio autem solida est, quia Christus legem Dei patris non solvit, eoque non prohibuit, quod Deus sua lege præcepit, aut laudando statuit, ut ante ostendimus. Deinde quia in Nov. etiam Testam. legitima hominum juramenta probantur: eaque Deum imitatum ostendit Apostolus, & utilitatem illius demonstrat insignem, Hebr. 6. 16. ut supra indicavimus. Deinde cultus Dei in Novi Testamenti Ecclesia futurus, juramenti voce per Synecdoc. describitur, Esai. 19. 18. & 45. 23. quemadmodum Apostoli explicatio, Roman. 15. 14. demonstrat. Denique sancta ac probata juramenti exempla, etiam in Nov. Test. idem comprobant: primum Jesu Christi, qui ad veritatis confessionem à summo pontifice in Senatu, per Deum vivum adjuratus, admissa juramenti religione adjuranti paruit, Matt. 26. 63. 64. deinde Sanctus etiam Angelus (non minus, quam Daniel. 12. 7.) jurevit per viventem in secula. denique Sanctus Apostolus Paulus, in suis Epistolis, Spiritus Sancti instinctu scriptis sæpius ad Dei gloriam & Ecclesiæ in veritate confirmationem, juravit. Cum enim juramentum sit religiosa Oratio, qua ad veritatis occultæ ac dubiæ, ac scitu necessariæ confirmationem, ad Deum, ut testem & perjurii vindicem, provocatur: illud non temere, sed gravi de causa, sanctæque prudentia, divinitus, à Paulo, multis in locis usurpatum: quemadmodum in primis 2. Corinth. 1. v. 23. *Ego verò*, inquit, *Deum testem invoco*, (en Deus in testem citatur) *in animam meam* (en etiam in perjurii iudicem, seu vindicem) id est, adversus animam meam, scilicet si mentiar: id autem de quo jurat, ita exprimit; *quod ut parcerem vobis, nondum veni Corinthum*: id quod Corinthiis scitu erat necessarium, ne calumniis adversariorum contrariis, à Pauli amore & Euangelio illius alienarentur. Qualia etiam exempla sunt plura; quibus suum de rebus magni momenti sermonem, Deo teste, ad aliorum dubitationem avertendam, confirmat, ut Roman. 1. v. 9. *Testis enim mihi est Deus, quod indesinenter meminerim vestri*, & c. 9. vers. 1. *veritatem dico per Christum*, &c. Ubi Christum tanquam omniscium cordium scrutatorem, Deum, qui supra omnia laudandus in secula, vers. 5. in testem animi sui citat. Quo etiam spectant multa, quæ initio protulimus similia; & inter illa, dictum Galat. 1. v. 9. *Ea autem quæ scribo vobis, ecce coram Deo, & n, quod non mentior*, aut, ut *en* (quemadmodum sæpe apud Evangelistas & Paulum) redundet, *ecce coram Deo non mentior*. Imprecatio verò ista, *sin mentiar, Deus me puniat*, per aposiopelin seu reticentiam, pro Scripturæ sacræ (imò & Græcorum profanorum) trita consuetudine *invenias*, seu boni ominis gratia omittitur, ut etiam Genes. 14. 22. 23. *Levari manus meas ad Iehovam*, &c. *si accepero, supple me puniat*, & Jerem. 42. 5. *sit Iehova inter nos*, &c. ubi ad plenam sententiam, intelligendum, *nos puniat*. Denique non solum jurandi formulis Apostolus est usus, sed etiam Ecclesiam adjurando, jurisjurandi religione exacta, ad officium obstrinxit 1. Thessal. 5. v. 27. *Adjuro vos per Dominum*, &c.

Cœterum mirari quispiam posset, cur juramentum à Christo usurpatum, in probatione illius, antea à nobis omissum sit, nempe tritum illud vulgo argumentum, & ab insignibus Theologis etiam nostris propositum, nimirum quod Christus Matt. 5. 18. & alibi sæpe usus fuerit hac forma juramenti, *amen dico vobis*, ut etiam *Amen amen dico vobis*, quod à solo Joanne, & quidem geminatum perpetuò profertur. Veruntamen mirari desinet, qui ea, quæ alias à nobis explicata sunt, perpenderit: ne quis tamen scrupulus superfit, paucis rationes solidas afferemus, & quasdam alias non ita plene explicatas illustrare conabimur.

Prima autem ratio est, quia vox Amen Hebræa, aut nomen est adjectivum, id est verus, ut Esa. 65. 16. *Iurabit per Deum Amen*, id est verum, quemadmodum LXX. *ἀληθινὸν* interpretantur: atque is unicus illius significationis in Vet. Testam. usus. Sic in N. Test. Apoc. 3. 14 *hec dicit ὁ ἀληθὺς*, id est, ὁ ἀληθινός, ut proxime declaratur, *testis ille fidus & verus*. & ante v. 7. Aut *Amen* adverbium est, idque usu frequentissimo, id est, verè; atque ita primum affirmationi inservit, citra ellipsin; & qualitatem dictorum indicat; neque aliud est, quam *verè*: quemadmodum Lucas demonstrat cap. 9. 27. collato cum Matth. 16. 28. & cap. 21. 3. collato cum Marc. 12. 43. deinde optationi hoc adverbium inservit, per ellipsin verbi substantivi, *verè*, supple *sit*, quemadmodum LXX. interpretes semel Amen exponunt *ἀληθὺς* verè, nempe sit, ut Jerem. 28. 6. ubi adjuncta explicatione dicitur: *Amen; sic faciat Jeborva*: alibi verò interpretantur constanter, *ἰσχυρὸς*, idque etiam cum Amen geminatur emphaticè, ad majorem affectum designandum, ut Psal. 41. 14. & 72. 21. & 89. 5. & 106. 48. & dicat totus populus *Amen, Amen*. LXX. *ἰσχυρὸς ἰσχυρὸς*. quo etiam sensu in N. Test. creberrimè repetitur; ut Rom. 1. v. 25. 1. Corinth. 14. 16. *Quomodo dicet amen ad tuam gratiarum actionem?* & alibi passim. Qui mos in Ecclesia etiam Romana Hieronymi tempore publicè adhuc viguit, quemadmodum in præfatione sua, in secundum librum commentar. in epistolam ad Galatas de Ecclesia ait, *Ubi sic ad similitudinem cœlestis tonitruus Amen reboat & vacua idolorum templa quatuntur*. Atque hæc sunt vocis Amen significationes: nullibi verò tanquam juramenti forma in Sac. Lit. usurpatur. Deinde cum ea voce Deus in testem & iudicem veritatis non citetur, juramentum dici non potest. Denique cum juramentum non frequenter, sed rarò adhiberi debeat, ne Dei nomen temere usurpetur, & Deus etiam rarò juravit in eadem oratione: satis inde apparet, amen non esse juramentum; quandoquidem Christus hac loquendi formà in eadem concione creberrimè est usus, ut in concione sua in monte sexies, Matth. 5. v. 18. 26. & 6. 2. 5. 13. & 16. & in sermone ad Capernaïtas, *Amen, amen dico vobis*, quater prolocutus est Joann. 6. v. 26. 32. 47. 53. Neque sanè ea, quæ adferri solent, ut Amen juramentum esse probetur, solida sunt argumenta. Nam quod è V. Test. obtenditur dictum Esaïæ c. 65. 16. *qui jurat in terra, iurabit per Deum Amen*, ut Vulg. Interp. transtulit: Ergo Amen forma juramenti: id inquam minimè sequitur: quia cum *verum* notet, aut *verè*, priori significatione est Epitheton Dei, quo à falsis Diis discernatur, ut LXX. antè ostendimus vertisse *τὸν ἀληθινόν*: altera verò significatione qualitatem tantum juramenti notabit per Deum verè: ut falso opponatur: neutra verò ratione est forma juramenti: ut quæ antecedentibus verbis hisce, *iurabit per Deum*, exprimitur. Sed alterum ac Paulò speciosius argumentum (licet objectum non meminerimus) peti potest, ex Num. 5. v. 22. ubi mulier Zelotypiæ nomine suspecta, & juramento execrationis adjurata respondet, Amen, ame. i: quo juramentum citra controversiam continetur. Verum inde non sequitur, juramentum per se in eo positum; sed per se tantum est optatio: per accidens verò adjurationis antecedentis, ac per ellipsin intellectæ, juramentum petiit confirmat: & sensus est, *verè sit*, nempe, ut ad jurasti: unde etiam LXX. interpp. rectè sensum transtulerunt, *ἰσχυρὸς ἰσχυρὸς sit sit*; nempe, quod dixisti. Quemadmodum cum ad laudationem Dei præcedentem adjungi solet, *amen, amen*, id est, *verè, verè*, supple *sit*, nimirum Deus laudan-

du: non quod amen amen, per se hoc designet: sed quod præpositum voto confirmet. Verum è N. T. superest postremum argumentum ex Epistola Heb. 6. v. 13. 14. *iuravit per se ipsum, dicens, ἢ μὴν certè benedicens benedicam tibi*. Unde colligunt certè esse formam juramenti, ac propterea etiam amen, quod idem quod *verè, certè*, notat: sed perspicuus est error, quia hoc in loco qui obtenditur, forma iurandi antecedit, cum dicitur, *iuravit per se ipsum*: vox verò ἢ μὴν certè quidem, equidem, utique, quemadmodum doctissimi viri rectè interpretantur expletiva est particula, ac respondet Hebræo *וְ* quod: ut sententia, quam Apostolus citat, ostendit, nempe Genes. 22. v. 17. *iuravi per me, dictum Iehovæ quia hoc fecisti &c.* hoc juramentum: deinde subjicitur res, quam juramento isto confirmat, nimirum *וְ*, id est, *quod benedicens benedicam tibi*, pro qua voce *וְ* quod, LXX. & Apostolus ἢ μὴν, id est, *certè quidem*, aut *equidem* posuerunt. Atque certum omninò est, vocem *וְ* Hebræis non esse juramentum; sic etiam ἢ μὴν, id est, *certè quidem*, quia apud Græcos tanquam affirmativa tantum particula juramento postponitur, & rei juratæ præponitur sæpius (nam non infrequenter omittitur) ut ex Pollucis Onomastico lib. 8. cap. 6. constat, & ex aliis etiam Græcorum authorum testimoniis. Quæ phrasid ἢ μὴν, etiam extra juramentum usurpatur: quemadmodum etiam Henric. Stephan. in Thesaur. Græc. Ling. è Thucyd. lib. 8. ostendit. Cui addimus Homerum Iliad. lib. 2. vers. 291. ἢ μὴν *ἔστιν*, id est, *certè quidem & labor est*. pro quo creberrimè apud eundem extat eodem sensu ἢ μὴν, tam extra juramentum, quam post illud. Verum ut tritè illius de voce Amen quasi juramentum esset, sententiæ, antiquitatem investigemus, duo observanda sunt testimonia. Primum est Hieronymi, qui comment. in Ezechiel. cap. 16. ad ista verba Prophetæ, *virgo ego &c.* ait, in Vet. Testam. *Dei juramentum est, virgo ego dicit Dominus*, in N. autem (supple juramentum est) *Amen amen dico vobis*. Deinde August. tom. 8. tract. 41. in Joan. cap. 8. 34. *Amen amen dico vobis, multum* (inquit) *commendat, quod ita pronuntiat quodammodo* (si fas est) *iuratio ejus est, amen amen dico vobis. Amen quippe interpretatur verum, & tamen non est interpretatum, cum potuisset dici, verum dico vobis. Nec Græcus interpres hoc ausus est facere, nec Latinus. Nam hoc verbum quod est Amen, nec Græcum est, nec Latinum, sed Hebræum. Sic mansit, non est interpretatum, ut honorem haberet velamento secreti: non ut esset velatum, sed ne vilesceret nudatum. Nec semel tamen, sed bis à Domino dictum est amen amen dico vobis. Jam quantum hoc commendatum sit, ex geminatione cognoscite, quid est ergo commendatum? verum verum dico vobis. Veritas dicit: quæ utique, etsi non diceret verum dico, mentiri omninò non posset. Tamen commendat, tamen inculcat Dominus, quodammodo excitat, intentos facit, contentum non vult. Ad August. verò quod attinet, non ait Amen esse iurationem; sed quodammodo: deinde ne id quidem asserit, sed dubiè proponit, cum ait, *si dici fas est*. Denique quod ait, vocem Amen Græcum interpretem non ausum esse interpretari, illud Luc. 9. vers. 27. & 21. vers. 3. refutat: cum vocem Amen exponit, *ἀληθὺς* verè: quemadmodum supra ostendimus. Neque ubi retentum est alibi, secretum latet, sed vox Hebræa in Judaica Ecclesia tritissima liberè retenta: & inde ad alias etiam Ecclesias usus dimanavit. Quemadmodum *Pascha, Manna, Halleluja*, Hebrææ seu potius Chaldææ voces, ob tritam inter Christianos consuetudinem, similiter in Nov. Test. sine ulla interpretatione proponuntur. Quod verò Hieron: *Amen amen dico vobis*, in Novo Testamento juramentum statuit, illud nullis firmat argumentis: imò contrariis rationibus solidis supra diluimus. Atque hæc causa est, cur eo juramento vocis Amen, ad Christi juramentum probandum, non simus usi in antecedentibus. Id quod etiam tandem rectè ab insigni Theologo observatum, qui cum Amen prius inter juramenta in Novo Testamento usurpata statuisset, postea inter juramenti cognata retulisse comperitur. Atque hanc de *Amen* sententiam olim Lugduni Batavorum propositam à nobis, & proba-*

probatam, similiter postea strictim asseruit doctissimus Fullerus, Anglus, in suis miscellaneis sacris. Quam sententiam hinc etiam ante aliquot annos repetimus: nunc verò plenius eandem illustrare conati sumus.

Supereft porro alius scrupulus tollendus. Cum enim sententia Apostoli 1. Corinth. 15. v. 31. à magnis quibusdam Theologis adduci soleat, ut Paulum jurasse demonstrant: alii verò ab iis dissentiant: non ingratum, neque inutile fore speramus, si coronidis loco hanc controversiam nonnihil expendamus. Quia verò non solum de horum verborum sensu, sed etiam de genuina eorum lectione disquiritur, ab hac non immerito ordiemur. Verba enim Apostoli quidam ita legenda statuunt καὶ ἡμεῖς ὑπο-  
δικάζομεν, ὅτι τὴν ἡμετέραν καύχνην, ἣν ἔχω ἐν Χριστῷ Ἰησοῦ. *Indies morior, per nostram gloriationem, quam habeo in Christo Iesu Domino nostro.* Alii verò non ἡμετέραν, sed ὑμετέραν, id est, *vestram* legendum putant. Ratio prima eorum à constructione deducta est, quod ea aliàs requireret, ut diceretur ἣν ἔχομεν, *quam habemus*, (quod addendum putamus) τὴν ἡμετέραν (ut etiam 2. Timoth. 4. v. 6.) vel τὴν καύχνην μου, ut nimirum significatio utrimque vel pluralis, vel singularis retineatur; etsi enim vox ἡμετέραν numeri sit singularis, significationem tamen habet pluralem. Verum illud nihil obstat: quia etiam pluralis, & numeri & significationis, pro singulari enallage, ac commutatio, in Nov. Test. Apostolis (ut etiam bonis authoribus Græcis) trita, ut Joan. 3. vers. 11. *quod novimus, loquimur* & seqq. cum vers. 12. ubi puralia pro singulari ponuntur, & cum singulari miscentur. Sic etiam Paulus de seipso promiscuè plurali & singulari numero utitur, ut vel ex una parte orationis illius copiose demonstratur, ut 2. Corinth. 7. v. 2. quater de se plurali numero loquitur, & vers. 3. singularem & pluralem conjungit, λέγω & ἡμῶν, sic etiam vers. 4. *οὐ καὶ ἡμῶν*, 5. *ἡμῶν* & *ἐξ ἡμῶν* atque iterum ἡμῶν, 7. *ἡμῶν* & *ἐμῶν*, 9. *χαίρω* & *ἡμῶν*, 12. *ἐγχαίρω* & *ἡμῶν*, 14. *καυχώμεθα* & *ἐκ αὐτῶν* atque ἡμῶν, & cap. 13. 6. *ἐλπίζω* & *ἡμῶν*: & in eadem epistola cap. 1. 13. 14. 15. 17. 18. Quamobrem ex hisce abunde demonstratum, enallagen pluralis pro singulari, esse usitatam, & Apostolo frequentem: quod bonis etiam authoribus Græcæ linguæ non est insolens: quos in Latina Cicero de se solo loquens, similiter est imitatus, ut in oratione pro Archia Poëta sub finem, *Confitebor: Nam quas consulatu nostro gessimus, & postea, mihi.* De *claris oratoribus*, paucis ante finem paginis. *Afferebamus. Nunc totum me.* & post unam aut alteram paginam, *Nos &c. diffuentes coarctet. Ita recepi me.* Et in *Topicis*, pag. ultima, *Sum complexus &c. Nos &c. debuimus.* Et lib. 1. de inventione pag. circiter tertia à principio, *Existimamus. Ac mihi quidem videtur.* Quæ puralia & singularia, de se solo, à Cicerone usurpata. Quare absurda non est lectio, neque constructio 1. Con. 15. v. 31. quâ Paulus de se loquens, voce ἡμετέραν, id est, *nostram*, quæ propriè significationem pluralem habet, pro *mea* utitur: neque singulare ἔχω de Paulo eodem inconcinne dicitur, non magis, quam si pro voce ἡμετέραν, eodem sensu ἡμῶν, numero plurali, per enallagen usurpasset. Quocirca prima ratio, quâ 1. Corinth. 15. v. 31. non ἡμετέραν legendum contenditur, soluta, & constructionis rectitudine asserta: ad alteram rationem, qua ὑμετέραν legi oportere statuunt, progrediemur. Ea autem ex antiquorum quorundam codicum consensu deprompta est: sic enim hunc locum proponit & exponit Chrysost. eumque secuti Theoph. & Oecum. deinde versio etiam Syra, hac in voce convenit, ac *gloriationem vestram*, non *nostram*, interpretatur: quibus accedit vulgata versio latina, eamque secuti latini Patres, Ambros. Hieron. August. sed his non immerito opponi possunt plerique codices Græci manuscr. nam ex 16. Robert. Stephan. exemplaribus, quatuor tantum istam lectionem præferunt: reliqua 12. ὑμετέραν habent: quod etiam non temere doctissimus & religiosissimus ille Typographus retinuit, in Græco contextu; ut etiam filius illius primùm Robertus, minori forma a. 1569. deinde doctissimus Henricus in accuratissima editione anno 1576. quibus accedunt editiones aliæ Græ-

cæ à magnis viris, ex veteribus exemplaribus, diligenti collatione expressæ, ut inter alias Haganoensis 1531: & Basiliensis Bebelii anno 1531: & Parisiensis Colinei 1534. ut etiam Lipsensis cura doctissimi Camerarii adornata, & Basiliensis altera, ad non pauca venerandæ antiquitatis exemplaria accuratissime collata. Accedit codex, & versio Erasmi, & codices Græci, quibus Ambros. Catharinus in Comm: ad hunc locum est usus. Ac propterea prior lectio vocis ὑμετέραν à plerisque non temerè probatur, neque levibus argumentis posteriori præferenda apparet. Primò, quia gloriatio cuius hic meminit Apostolus, sequentibus non obscurè explicatur, cum ait, *quam habeo in Christo Iesu*; quo ostendit, se locutum, de sua, non verò Corinthiorum gloriatione, alioqui dixisset, per *gloriationem vestram, quam habetis*, non autem *quam habeo*. ut enim gloriatio mea, citra controversiam, ea est, quam habeo: sic gloriatio vestra est, quam habetis. Deinde eadem lectionis primæ significatio, per secundæ lectionis expositionem quæ adfertur, tandem confirmatur; quæ hæc est: ὑμετέραν vestram passivè accipi, id est, ut ajunt, *quæ est mihi de vobis*, intelligens Corinthiorum conversionem, ad fidem Christi, per suum ministerium, de qua dicit 2. Cor. 4. *vos estis gloriatio mea, corona mea.* At inquam, quis non videt, *gloriationem, quam habeo de vobis*, nihil aliud esse quam *gloriationem meam*, & per enallagen, eodem sensu, *gloriationem nostram*. Deinde vocem ὑμετέραν passivè accipi, insolens est, neque ullo Scripturæ, neque Græcorum authorum usu probatur. Quod autem dictum Pauli 2. Cor. 4. *Vos estis gloriatio mea, corona mea*, profertur; memoriæ error est: cum nec eo in loco, nec ullibi ita extet: licet 2. Cor. 1. 14. dicatur, *gloriatio vestra sumus, quemadmodum & vos nostra*. Denique interpretatio illa, qua *gloriatio vestra*, de conversione Corinthiorum accipitur, scopo Apostoli neutiquam conveni: qui est probare, Paulum indes mori: id quod ea Corinthiorum conversione non confirmatur. Si verò *gloriationem nostram* legamus, Apostoli scopo optimè quadrat, ut Pauli de suis afflictionibus gloriatio apud Ecclesiam intelligatur: ut Rom. 5. vers. 3. *gloriamur in afflictionibus*, & 2. Corinth. 11. enumerata afflictionum suarum copia admirabili, ait vers. 30. *Si gloriari oportet, de iis, quæ infirmitates meæ sunt, gloriabor.* & 2. Corinth. 12. vers. 9. *gloriabor de afflictionibus meis.* Quare genuinam hujus loci lectionem satis demonstratam arbitramur: ac legendum, non *gloriationem vestram*; sed *nostram*, id est, *meam*, per enallagen. Quibus obiter addendum versionem vulgatam & Latinos Patres, vocem καύχνην non *gloriationem*, sed minus rectè, *gloriam* esse interpretatos.

Reliquum igitur jam est, ut ad loci hujus sensum (de quo duæ sunt illustrium Theologorum diversæ sententiæ) expendendum procedamus. Quidam enim ὅτι τὴν καύχνην, per *gloriationem* (sive *nostram* sive *vestram* legamus) juramentum esse affirmant: alii verò non juramentum, sed asseverationem tantum esse censent. Ac priorem quidem sententiam tuetur ac probat August. tom. 2. epist. 89 ad Hilarium, *sed, inquit, illa etiam inventa est, quam consentitur esse jurationem, ubi ait Apostolus: Quotidie morior, per vestram gloriationem fratres, quam habeo in Christo Iesu Domino nostro.* In Græcis enim codicibus reperitur, omnino hanc esse jurationem, ne quis in latina lingua sic intelligat dictum, per *vestram gloriam, quo modo dictum est, per meum adventum iterum ad vos*, Philipp. 1. 26. sic etiam tom 4. de verbis Domini in monte, ubi recitatis non paucis Apostoli juramentis, subjicit: *sciat etiam hoc modo Apostolum jurasse: Quotidie morior per vestram gloriam. Quod ne quis existimet ita dictum tanquam si diceretur, vestra gloria me facit quotidie mori, Græca exemplaria judicant: in quibus scriptum est ὅτι τὴν καύχνην ὑμετέραν. Quod nisi à jurante dicitur. Idemque pluribus tom 10. sermone de verbis Apostoli (nempe Jacobi c. 5. 12.) ante omnia nolite jurare ab August. repetitur. Deinde Syra quoque versio juramentum esse statuit, expressa plenius elliptica juramenti formula sententia, cum transtulit καὶ ὑμῶν ὑμῶν ὑμῶν ὑμῶν. Denique Theologi insignes vulgo juramentum esse agnoscunt. Quibus non temere assensum præbendum*



dum existimamus: ut eorum, quæ obijciuntur, imbecillitate demonstratur. Nam, quod ajunt idcirco juramentum hic esse non posse, quia Apostolo jurandi occasio, & causa omnino defuit hoc loco: temere autem jurasse (cum afflatu Spiritus Sancti hæc scriberet) sanctè dici nequit. Sed hisce merito responderi potest. Paulum non temere, sed iusta occasione & causa jurasse. Occasio enim iusta fuit duplex: una Corinthiorum ignorantia, quibus quotidianæ & gravissimæ, mortisque instar, Pauli pro Christo & Evangelio afflictiones erant ignotæ, & tamen cognitu utilissimæ: ut 2. Cor. 1. v. 8. 9. 10. recitatur: *non enim volumus vos ignorare*, &c. Altera occasio fuit invida adversariorum Pauli apud Corinthios malitia, qua dicta factaque illius calumniabantur, ut Corinthiis suspectum atque odiosum redderent, eoque modo à sinceritate Evangelii ab Apostolo prædicati, averterent; quorum impietatem ac fallaciam, 2. Cor. 11. inde à vers. 2. ad 13. depingit. Causa verò jurandi fuit similiter iusta ac gravis: nimirum ut jurandi religione interposita, suam, de quotidianæ quasi mortis perpeffione, sententiam, adversus falsorum Apostolorum calumnias præmuniret, & Corinthiorum fidem amplius confirmaret, eosque suo illustri exemplo, ad persecutionis, pro Evangelio Christi, tolerantiam, animaret ac consolaretur, ut 2. Cor. 1. v. 6. demonstrat. Quamobrem ex hisce apparet perspicuè, Apostolum non leviter, sed iustà, cum occasione, tum causa, hoc loco potuisse jurare: & quidem non minus iustè, quàm aliis in locis, ubi revera & rectè à Paulo juratum agnoscunt authores illi, quorum sententiam examinamus. Quemadmodum illud primò ex c. 1. ad Rom. liquet, ubi postquam suum, de invisendis Romanis desiderium ac studium indicavit, & nihilominus longo tempore abfuisse notum esset; idcirco ne infirmiores de ejus affectu serio dubitarent: neve ab adversariis inter illos versantibus, Rom. 16. v. 17. 18. illud exprobraretur: opportunè atque utiliter, jurejurando dictum suum confirmat, vers. 9. 10. ut & suspicionem noxiam & calumniam præcinderet. Similiter deinde quia promissum suum ad Corinthios reditum, opinione & expectatione eorum diutius distulerat, adeo ut amor illius erga Evangelium, & orationis seu promissionis veritas in dubium vocaretur, idcirco 2. Corinth. 1. v. 23. utrique malo occurrens, causam dilati adventus sui iustam exponit, & juramento confirmans, ait: *Ego verò testem Deum invoco in animam meam, quod parcens vobis, nondum veni Corinthum*. Quemadmodum etiam ut amorem suum erga eosdem, à falsis Apostolis suspectum redditum demonstraret, addito juramento v. 11. & 12. obsignat, hoc modo, *Propter quid? (an) quia non diligo vos? Deus novit*. Denique ut alia prætereamus, Apostolus Galat. 1. ut ante ostendimus, narrationem à se propositam, spectata Galatarum infirmitate, & falsorum ac seducentium doctorum maledica calumnia, opportunè ac rectè Deum veritatis testem appellando, ad fidem faciendam juramento utitur. Quare ex hisce satis apparet Apostolum, 1. Corinth. 15. vers. 31. iustam jurandi & occasionem & causam habuisse, & quidem non minus, quàm aliis in locis; uti jam demonstratum. Deinde phrasis etiam Apostoli juramentum esse ostendit: quia vox Græca in consequente accusativo posita, certum est jurisjurandi signum: neque alius illius usus à doctissimis ac diligentissimis Græcæ linguæ magistris, hætenus observatus. Id quod etiam August. loco à nobis supra memorato testatur, & ut indubitatum juramenti argumentum urget, ut etiam tom. 10. serm. 28. de verbis Apostoli Jacobi, *Ne jurate omnino*, dictum 1. Cor. 15. v. 31. declarans ait: *ambiguitatem Græcus sermo dissolvit, inspicitur in epistola Græca, & invenitur ibi juratio, in τὴν ψυχὴν καὶ ὀνόματι, in τὸν θεόν, ubi dixerit Græcus, jurat*. Nam quod Oecum. duplicem interpretationem adducit hujus sententiæ, in τὴν καὶ ὀνόματι, cum ait, *jurat*, aut *sensum esse*, in διὰ τὴν ψυχὴν καὶ ὀνόματι, quasi ellipsis esset vocis *διὰ*, id est, *propter*: illud à recenti homine Græco, contra Linguæ Græcæ rationem, usumque perpetuum, sine ullo exemplo, temerè assertum.

Cæterum ad majorem rei illustrationem duo supersunt scrupuli, qui re accuratius perpensâ, occurrunt: ac propterea indicandi ac removendi: quamvis vulgo minus observari videantur. Prior est, in hac sententia Apostoli, in τὴν καὶ ὀνόματι ψυχὴν καὶ θεόν, neque verbum *juro*, neque formam juramenti perfectam extare. Verum inquam, licet vox *juro* non exprimitur, per ellipsin tamen, perpetuo Græcorum usu, post vocem in intelligitur, & ad sententiam perficiendam, subaudiendum *ὁμῶς juro*. Quare cum jurare absolutè, sine Dei nomine adjuncto, sit Deum testem, judicemque rei ignotæ advocare; juramentum hoc loco ratione genuini sensus, contineri meritò statuitur: Ac propterea jurandi forma est, sed elliptica: quemadmodum etiam apud Græcos idem valent hæc duo *ὁμῶς* & *ὁμῶς τὸν θεόν*, *juro per Deum*, & *in τὸν θεόν*, quorum prius verbum *juro* exprimit, alterum post vocem in per ellipsin omittit, pro phrasis natura, ac nihilominus sensu suo includit. Imo interdum, eadem manente sententia juramenti, amplior ellipsis apud Græcos comperitur. Nam ut in in juramentis, quibus aliquid affirmatur, & *μὴ* in quibus aliquid negatur, hac ellipsi in usu est, sic etiam cum utroque, & jurandi verbum, & Dei nomen, posito tantum articulo reticetur. Ac secundis quidem exemplum diserte extat apud Aristoph. in *Βαλκίωνος καὶ τῆς*, edit. Basil. cum Græcis Scholiis pag. 183. (supple *θεόν*) quam ellipsin olim religiosæ cautionis gratia, adhibitam esse, Scholiastes Græcus ad eum locum declaravit. Unde tandem progressu temporis irreligiosus abusus promanavit: quemadmodum ex Philone Judæo, linguæ & Philosophiæ Græcæ peritissimo, constat: qui hunc morem describens, libro de specialibus legibus, in principio operis, Græcæ editionis Regiæ pag. 526. *Solent*, inquit, *nonnulli, ubi tantum prolocuti fuerint, in τὸν, aut μὴ τὸν, nihil assumentes, prætextu abscissionis* (supple sermonis) *declarare juramentum non esse factum*. Quem abusum ut rectè Philo perstringit: sic ipsemet alium popularium suorum Judæorum errorem communem, quasi correcturus priorem, perperam substituit: quem indicare, vel hoc nomine, operæ pretium arbitramur: ut eo plenius intelligantur ea, quæ adversus leviam ac sæpius falsâ Judæorum juramenta, Matth. 5. vers. 34. 35. & 23. 17. 18. à Christo proposita sunt. Sic autem Philo iis, quæ modo recensuimus, verbis, continuò (quasi scilicet medelam) subjicit: *Assumat verò quis, si velit, non quidem statim altissimam, & antiquissimam causam* (sic Philo Deum vocat) *sed terram, solem, stellas, cælum, universum mundum: quia ea præstantissima, antiquissima, & Dei sententia æternum duratura*. Quibus similis disertus illius viri lapsus, ibid. proxime præcedens videtur non importunè neque incommodè posse adjungi. Sic autem differit: *Et nisi jurare necessitates cogant, per patris aut matris viventium sanitatem, & bonam senectutem, per mortuorum verò memoriam jurandum*. Hi enim diviniæ potentiæ imagines sunt, & similitudines: qui cum non essemus, ut essemus, produxerunt. Describitur quidam in legibus præcorum, & ob sapientiam mirabilem, qui juravit per timorem patris: pro utilitate opinor posterorum, & doctrina necessaria, ut parentes, quemadmodum oportet honorent, amantes tanquam beneficos, & reveriti tanquam à natura constitutos principes: & non facile aggrediantur Deum nominare. Digni laude sunt etiam illi, qui cum coacti sunt jurare, differendo, tardando, ac tergiversando, metum non solum spectantibus, sed etiam ad juramentum provocantibus injiciunt. Hætenus Philo: Cujus scopus quidem rectus est, ut à quotidianis levibusque, per Deum, juramentis avertat, sed modus ad eum destinatus vitiosus est, & ex Jacobi Patriarchæ verbis (Genes. 31. v. 53. *juravit Iacob per timorem patris*) male intellectis, depromptus: nam *timor* vel *parvor*, Hebr. פחד hoc loco Metonym. Deum, quem Isaac timebat ac colebat, periphrastice designat: quemadmodum rectè Chald. paraph. Onkelos exponit, *per eum quem metuebat pater ejus Isaac*. & paraphrasis Ierosolymitana & Ionathanis, *per Deum quem metuebat Pater ejus Isaac* באלהא רדחל ליה אביו אצחק: eodemque sensu vers. 42. *parvor* vel *timor Isaaci* ab iisdem authoribus rectè exponitur de Deo, quem Isaac metue-

metuebat: non propriè, de timore, quo Jacob patrem timebat: qui Jacobo non fuit auxilio. (quod de timore hoc vers. 42. dicitur) sed Deus, qui solus Labanis furorera oraculo represserat, vers. 24. Atque hoc etiam modo, Esa. 8. v. 13. de Jehova dicitur; *ipse timor vestester*. Atque hoc modo primus scrupulus supra à nobis objectus satis est solutus, nimirum quod quamvis *jurandi vox* non exprimitur, cum dicitur, *ἐν τῇ καρδίᾳ μου*: nihilominus tamen necessario per ellipsin ex constanti Græcæ phrasin usu intelligitur: adeo ut sensus sit, *juro per gloriationem nostram*.

Supereft alter scrupulus expediendus, & quidem prior, ut videtur, multo gravior. Esto (dicat aliquis) jurandi vox per ellipsin intelligatur: per solum tamen Deum jurandum, Deuter. 6. v. 13. non verò per aliud: hic autem dicitur per gloriationem nostram, ideoque cum Paulus, ex afflatu Spiritus Sancti hæc loquatur, per gloriationem suam jurare non potuit. At inquam propositio distinctionem requirit; alioqui non est vera. Nam per solum quidem Deum tanquam testem ac judicem jurandum; non autem eo modo, per aliud, qui sensus est loci, Deuter. 6. Licet tamen per Deum jurando, etiam per aliud adjunctum, alio sensu, non ut per testem ac judicem, sed ut per pignus, quod Dei judicio, si jurans fallat, auferendum obstringitur. Id quod accuratè ab August. tom. 10. sermon. 28. de verbis Jacobi, *Ne jurate omnimò explicatum: maxime, inquit, per Deum cum sit, ipsa est vera juratio. Quia cum dicit quisquam, per meam salutem, salutem suam Deo obligat*. Hæc August: idemque indicat Christus, Matth. 23. v. 21. *qui jurat per templum, jurat per ipsum & per eum qui habitat in eo*, id est, per Deum, & vers. 23. *& qui juravit per cælum*, &c. sed tamen sensu utrimque diverso: per Deum quidem, ut testem ac judicem; per templum verò & cælum, tanquam pignora; quæ Deo, à jurante obstringuntur, ut si fallat, ab eorum fructu excludatur. Qualis etiam juratio illa videtur Josephi elliptica, *vivit Pharaò*, Genes. 42. 15. 16. id est, *juro per vitam Pharaonis*: ut Rab. Salomo ibidem rectè exponit, *juravit per vitam Pharaonis*, & LXX interpp. *ἐν τῇ ψυχῇ*: quemadmodum etiam vulgata versio, *per salutem Pharaonis*, supple, *juro*, id est, Deum testem & judicem invoco, ut si mentiar, vita sive salute Pharaonis non fruatur: non autem sensus est; ut Pharaò vitam amittat, (quia hoc officio amoris, ac subjectæ observantiæ, regi debita, repugnabat) sed ut, eo salvo, pereundo caream. Ubi tamen obiter observandum, Josephum, impia Ægyptiorum consuetudine abreptum, dum fratres tentat, pejerasse. Tale etiam juramentum, *per salutem Caesarum*, etiam Christianis olim usitatum proficitur Tertul. Apolog. cap. 32. *Sed & juramus, inquit, sicut non per genios Caesarum, ita per salutem eorum, quæ est angustior omnibus geniis, &c. id in eis scimus esse, quod Deus voluit, & pro magno id juramento habemus*. Sic I. Sam. 17. vers. 56 Abner Sauli jurans ait, *vivit anima tua*, scilicet per quam juro, id est, per quam, ut pignus, Deum testor: ut, si mentior, eâ salva, periens privet: & I. Sam. 20. v. 31 David Jonathani jurans ait, *vivit Jehova & vivit anima tua*, & 2. Sam. 15. v. 21. *vivit Jehova & vivit Dominus meus Rex*, scilicet per quem, ut pignus juro. Nam quod ait David, 1. Reg. 1. 30. *juravisti mihi per Jehovam Israelis*, eodem sensu ante v. 19. dictum, *vivit Jehova*, scilicet per quem ut testem juro: & Jer. 4. 2. *Iurabis, vivit Jehova*, quod idem est, atque quod Deut. 6. 13. extat, *jurabis per nomen Jehovæ*: & quod Deus ait Jer. 22. 24. *virgo ego*, idem est, quod ante v. 3. dixerat, *per me juravi*. Sic etiam *vivit Iobova*, & *vivit anima tua*, vel *vivit Rex*, per similem ellipsin etiam, per Deum, & per animam, & per regem juro: sed per Deum tanquam testem; per reliqua, tanquam pignora, Deo obstricta: ut ante ostendimus. Nam si ne ellipsi dictum: *vivit Deus & vivit anima tua*; simplex tantum est affirmatio: juramentum verò per ellipsin includitur (ut apud Græcos) quando ad probationem sermonis adhibetur. Quibus jam explicatis, addimus Apostoli juramentum, quo & per Deum, ut testem, & per animam suam, ut pignus juravit 2. Cor. 1. v. 23. *Ego vero, inquit, testem Deum invoco in animam meam, quod parcens*

*vobis Corinthi non venerim*, ubi juratio per Deum primum indicatur, cum ipsum in testem invocatur: deinde etiam per animam suam jurat; non ut testem ac judicem: sed ut pignus Deo obstringens, ut si mentiat, illud ipsi auferat, cum ait: *in animam meam*. Denique ut ad rem ipsam redeamus, 1. Cor. 15. v. 31. cum Paulus ait *ἐν τῇ ψυχῇ ἡμετέρᾳ*, per *ἐν* (supple *quod* iuro) Deum testem ac judicem invocatur; cum verò addit per *gloriationem nostram*, eam non ut testem ac judicem invocatur: sed ut pignus judicio Dei obligat: ut scilicet ipsum, si mentiat, ea gloriatione de perpositionum pro Christo tolerantia privet. Ac propterea hoc diverso, per Deum, & per gloriationem suam, jurandi modo ac sensu, in Dei præceptum, quo per ipsum solum jurandum statuitur, nequaquam peccatur: ideoque scrupulus ante objectus, etsi prima fronte speciem veritatis prætendat, merito corrumpitur. Atque hæcenus illustris ac controversæ sententiæ Apostoli, 1. Cor. 15. v. 31. genuinam lectionem asserere, & juramentum esse demonstrare conati sumus.

Quamobrem doctrinâ de juramento adversus Anabaptistas ad illustrationem sententiæ Pauli, Gal. 1. 20. confirmatâ, ad reliqua quæ supersunt ac facilia sunt, absolvenda, procedemus. Descripta enim professione sua Hierosolymam duo adjungit, primò Reditum in Syriam & Ciliciam, de quo Act. 9. vers. 30. & 1. 35. deinde ne quis forte putaret, ipsum Ecclesias Judææ prius invisisse, & in eis Evangelium plenius edoctum, ei opinioni occurrit, quod Judææ Ecclesiis, Christo per fidem innotis, facie non esset notus, v. 22. sed tantum famâ, quod audissent, ex persecutore fidei in Christum, illius factum esse præconem v. 23. eaque de causâ ob Pauli conversionem Deum authorem illius celebrabant.

*Confessaria capitis primi, ex autographo, anni 1594. collecta.*

I. CUM Paulus sit Apostolus Christi, habet auctoritatem imò necessitatem docendi 2. Cor. 5. v. 20. & 1. Cor. 9. v. 16. Eoque cum ex Deo loquatur audientibus cum attentione, Luc. 10. 16. Joh. 13. 10. & 1. Thess. 2. v. 13. & benevolentia: quia Evangelium verbum reconciliationis annuntiat, 2. Cor. 5. v. 19. & 20.

II. Ministrorum ecclesiæ vocatio est duplex: legitima, aut illegitima. Illa est quæ Deum habet authorem. Estque vel immediata seu merè divina; quæ non per hominem fit, sed singulari Dei revelatione: qualis Prophetarum & Apostolorum vocatio: vel mediata & mixta, quæ per homines, ex verbi divini præscripto. Illegitima est, quæ Deum authorem non habet; sed merè humana est: qualis eorum, qui contra Dei præscriptum ab aliis vocantur, vel *ἀνθρώπων*, (ut Oecumenius loquitur 1. Cor. 1. 1.) sua sponte sese in Ecclesiam ingerunt.

III. Cum Paulus se non ab hominibus neque per hominem (nempe merum) apostolum asserat, sed per Jesum Christum & Deum Patrem, &c. sequitur Christum non esse *ψιλὸν ἀνθρώπων* merum hominem, ut Ebionitæ statuunt: sed verum cum Patre Deum: nec *ψιλὸν θεόν* merum Deum & *ἀνθρώπων καὶ θεόν*, ut Cerdon, Marcion, Manes; sed etiam verum hominem (ideoque *ἀνθρώπων*) cum ex mortuis suscitatus sit: restituta corpori, à quo divulsa erat, animâ.

IV. Cum hic *καὶ* causam efficientem principalem significet; ac Patri non minus quàm Christo tribuatur: sequitur errare Aëtium qui inde Christum Patris instrumentum, eoque minorem tradidit, quasi *καὶ* (quod ei ordinis, non necessitatis gratiâ plerumque tribuitur) id necessario significet.

V. Deinde cum Pater Filio postponatur: sequitur falsum esse, postpositionem esse certum minoris dignitatis argumentum; ac si Filius qui Patri plerumque postponitur, eo nomine esset inferior.

VI. Sua munia & dona recensere licet, imò opus est, modò id fiat animo humili, & Ecclesiæ utilitas ad gloriam Dei requiratur.

VII. Cum Dei jussu, tum ne autoritas ministerii nostri vilescat: consensus in vera doctrina cum fratribus colendus, & pro re nata testificandus est.

VIII. Non tam autoritatis nostræ, quàm salutis ecclesiæ habenda est ratio, v. 1. & 2.

IX. Omnia bona eorumque incrementa Dei benignitati sunt ascribenda: & ab eo per Christum cum nobis, tum aliis potissimum fidelibus ex charitatis lege petenda, Jacob. 1. v. 17. Matth. 7. v. 11. & 22. v. 39.

X. Cum salus nostra merè sit gratuita: ejus gloria Deo in solidum tribuenda, 1. Cor. 1. v. 29. & 4. v. 7. Ephes. 2. v. 9. 1. Pet. 2. v. 9.

XI. In Christo solo spes salutis collocanda: quandoquidem pro peccatis nostris gratosè satisfecit, & Deum nobis propitium ac patrem reddidit, Ioh. 14. v. 6. Actor. 4. vers. 12.

XII. Ingratissimi igitur sunt in Deum & Christum, & salutis suæ adversarii, qui Christi gratiam vera fide non amplectuntur: vel huic aliquid æquant aut adjiciunt. v. 3. 4. 5.

XIII. Ecclesiæ probè institutæ, quæque specimen constantiæ suæ dederunt, leviter ac turpiter concuti ac lacerari possunt.

XIV. Non quibusvis Spiritibus credendum est, licet illustri verbi divini nomine doctrinam suam venditent: sed probandi sunt, & in vera fide standum ac permanendum viriliter, 1. Ioh. 4. v. 1. Matth. 7. v. 51. Actor. 20. v. 28. 29. 1. Cor. 16. v. 13.

XV. Lapsæ in errorem Ecclesiæ non sunt rejiciendæ, nec serius aut rigidius, sed maturè & paternè revocandæ in viam & erigendæ. Ob id enim (inquit Chrysost.) majora scelera subierunt, quod in minoribus debita correctio non adhibetur.

XVI. Non illi turbatores seditiosi dicendi sunt, qui homines ad voluntatis divinæ normam & ordinem componere student: sed qui secus. Eoque falso Pontificii, Achabimore, quod sibi convenit, Orthodoxis imputant, 1. Reg. 18. vers. 17.

XVII. Si aliud Pseudapostoli attulerint Evangelium: quid de Pontificiis & cæteris judicandum, qui è diametro ab Evangelio dissident, v. 6. 7.

XVIII. Cum Evangelii doctrina sacro Novi Testamenti codice *δεδοσμενη* citra controversiam contineatur: sequitur Pontificis & Conciliorum, imo omnium hominum autoritatem, eo minorem.

XIX. Cum secus evangelizent Pontifices quàm Paulus Apostolus, anathema sunt: eoque inania & nihili faciendæ, quæ Orthodoxis contra denunciant anathemata.

XX. Cum Evangelii adulteratio anathemati reddat obnoxios, gravissimè eos peccare liquet, qui hæreseos crimen elevant.

XXI. Eadem in nostris atque in adversariorum criminibus judicandis, utendum est norma. Itaque damnanda est quæ passim regnat *οὐκ ὁ νόμος*, v. 8. 9.

XXII. Verorum Christi ministrorum officium, & à mercenariis & hypocritis discrimen, est duplex, verbi divini sincera prædicatio, & gloriæ Dei studium, v. 10.

XXIII. Christum non esse *ἄνθρωπον*, hominem tantum (ut Hebion & Photinus somniarunt) sed etiam verum Deum: Quia de re pluribus egimus, v. 1.

XXIV. Fideles in errorem recens seducti, ex fratrum numero non sunt expungendi, v. 11. 12.

XXV. In studiis, præsertim Theologiæ, exemplo Pauli, enitendum est literatæ juventuti, ut æqualibus suis diligentia & profectu præluceant, Phil. 3. v. 13. 14.

XXVI. In actionibus nostris, præsertim Dei cultu, nec frigere, nec affectibus humanis abripi, sed gloriæ Dei zelo fervere nos decet, Rom. 12. v. 11. Apocal. 3. v. 15.

XXVII. Cæterum zelo religioso, si cæcus sit, nihil est impotentius, nihil crudelius.

XXVIII. Eoque in cultu Dei non sufficit zelus seu ardens Dei gloriæ studium; sed etiam ad legitimam normam dirigendus est, ne à scopo aberret, Rom. 10. v. 3.

XXIX. Legitima zeli norma est verbum Dei: non au-

tem *ἀδελφότητα*, aut traditiones Patrum, Col. 2. v. 23. Ezech. 20. v. 18. 19. Matth. 15. v. 3. 9. Eoque vani utroque Pontificii.

XXX. Utile est crebro meminisse quales fuerimus, ad pietatem & gratitudinem erga Deum, v. 13. & 14.

XXXI. Deum ecclesiæ suæ pastores elegisse inde ab utero: sed suo tempore & ad fidem, & ad munus vocare, alios maturius, alios serius, utrosque gratosè, Matth. 20.

XXXII. Ac serius quidem, ut singulari misericordiæ & potentiae exemplo peccatores ad fidem alliceret, & iudicii nostri de peccatoribus temeritatem ac desperationem corrigeret.

XXXIII. Vocantur autem pastores non ut otium agant, & talentum divinum defodiant, aut ut dominentur ecclesiæ: sed ut pascant gregem Domini, evangelii pabulo, Matth. 25. v. 26. & 27. & 1. Pet. 5. v. 2. 3.

XXXIV. Mandatis Dei tanquam summi omnium rerum Domini obediendum.

XXXV. In obedientia requiruntur tria: reverentia Dei, ne carnis & sanguinis seu hominum iudicio postponamus, Actor. 5. v. 29. diligentia, ne cunctemur, sed statim exequamur: & constantia, ne ulla difficultate absterreamur, v. 16. 17.

XXXVI. Deus omnium rerum & actionum iudex est scientissimus, iustissimus, potentissimus.

XXXVII. Eoque sincerè & absque fraude tanquam in ejus conspectu vivendum.

XXXVIII. Cum gloria Dei & salus proximi postulant, ad Dei tribunal provocare, eumque testem citare ac jurare Christianis est licitum, v. 18. 19. 20.

XXXIX. Infidelium conversio omniaque dona hominibus ecclesiæ bono collata, summo nobis gaudio esse debent, Luc. 15. v. 10. aliàs peccator invidia aut gloriæ Dei neglectu, Num. 11. v. 28. 29. Matth. 20. v. 15.

XL. Eorum verò laus non homini, sed Deo adscribenda: sin secus, erratur superstitione & injustitia, 1. Cor. 4. vers. 7.

XLI. Quemadmodum Deus orandus est ut fideles operarios mittat in vineam suam, Matth. 6. v. 38. ita pro iis missis agendæ gratiæ: ut vitemus ingratitude, v. 21. 22. 23. 24.

## CAPUT II.

Paulus Apostolus primo Cap. asseruit, se neque Evangelium ab ullo homine edoctum: neque ab ullo mortali ad illud docendum, Apostolum esse institutum: sed utrumque per immediatam Christi revelationem esse consecutum. Id quod rerum à se gestarum & eventuum narratione probare cepit. 1. ab immediata sui à Christo conversione ad fidem, & ad Evangelium prædicandum missione: deinde ab iis, quæ conversionem & missionem illam admirandam sunt secuta. Quæ pro temporum, locorum & actionum circumstantiis distinguit: declarando 1. quid primo triennio egerit: deinde quid post annum 14. Ad prius spectat profectio Hierosolymam, ad Petrum invisendum: & reditus inde in Syriam & Ciliciam. Quid autem ibidem egerit, non temerè silentio præterit: quia ad scopum ante positum, non pertinebat: satisque constabat, in Evangelii prædicatione fuisse versatum. Atque hæc quidem c. 1. comprehensa.

Porro captam hanc narrationem Apostolus hoc secundo cap. pertexit: describendo ea, quæ post annum decimum quartum gesta. Quæ similiter pro temporum & locorum circumstantiis commodè distinguuntur: primam enim profectio Hierosolymam, & ibidem cum Apostolis gesta: deinde acta cum Petro Antiochiæ recensentur. Ex quibus omnibus narratis luculenter ostendit Apostolus, se neque Evangelium ab Apostolis aut ullo homine edoctum: neque Apostoli munus ab ullo mortalium accepisse: sed utrumque à solo Christo consecutum: & ab ipsismet Apostolis agnitum & approbatum. Ad prius autem membrum quod attinet, nempe profectio Hierosolymam, ea proponitur, atque exponitur decem prioribus versibus. Proponi-

Propōnitur autem vers. 1. his verbis, *ascendi Hierosolymam*. quæ phrasis trita in Sacris Literis, ac nota ex situ urbis in regione altiōri ac montosa, unde eō proficiscens *ascendere*, Mat. 20. v. 17. 18. & inde discedens *descendere* dicitur, Marc. 3. v. 22. Luc. 10. v. 30. Exponitur verò hæc profectio descriptione oportuna, ab adjunctis illius circumstantiis, & causa. Adjuncta autem circumstantia est duplex, v. 1. *tempus*, & *comites*. Ac tempus quidem ita notatur, deinde *διὰ τεσσαράκων ἔτων*, id est, *post quatuordecim annos*, ut vulg. interp. probè transtulit, & eodem sensu D. Beza *interjectis quatuordecim annis*, idemque ex simili loco Mat. 2. v. 1. illustrat, ubi etiam *διὰ* cum genit. pro *post*, accipitur, intravit Capernaum *διὰ ἡμερῶν*, *post dies* (scilicet aliquot) ut vulgatus interp. seu *interjectis* (aliquot) *diebus*, ut Beza. cui exemplo alterum adiungimus, Act. 24. v. 17. *διὰ τῶν δέκα ἑπτὰ ἔτων, post annos autem plures*. quæ tria tantum loca in Novo Testamento ea vocis *διὰ* significatione extant. Quibus eodem sensu respondet phrasis Græca, in Lydis Pythagorici, ad Hipparchum, Epistola, quæ ad finem Diogenis Laertii editionis Henr. Stephani extat, pag. 875. *ἔως αὖτε διαλείποντες ἑπτὰ ἔτη ἀπὸ τῆς ἀφ᾽ ἧς ἀπέβημεν ἀπὸ τῆς πόλεως, donec interjectis aut exactis quinque annis capaces facti sumus*. Deinde eandem huius vocis *διὰ* significationem à bonis Græcæ linguæ authoribus, usurpatam esse ab Henr. Steph. in Græc. Ling. Thesaurο, ex Thucydide & Scholiastæ illius, demonstratur. Atque hæc quidem de tempore profectio Pauli Hierosolymam, quæ prima illius adjuncta circumstantia. Altera verò sunt comites illius dno, sed autoritate disparēs. Primarius ac Paulo non inferior est Barnabas, de quo Act. 4. v. 26. & 11. v. 22. 24. 25. & 15. v. 26. qui etiam antehac Paulum Ecclesiæ Hierosolymitanæ ignotum, ad Apostolos (Petrum & Jacobum, Gal. 1. v. 18.) primus adduxerat, Act. 9. v. 17. & Spiritus Sancti iussu adjuncto comite Paulo, ad prædicationem Euangelii emissus, Act. 13. v. 2. quem Paulus etiam sibi ex reliquis Apostolis, parem agnoscit, 1. Cor. 9. v. 6. Huic porro primario comiti, secundò alius atque inferior fuit Titus, Pauli autoritate adjunctus, unde *ipsum assumisse* dicitur, jure scilicet suo, ac prudenter: jure suo, quia eum ad fidem & accuratam Christi notitiam adduxerat; unde ipsum *filium suum genuinum*, vocat, Tit. 1. v. 3. prudenter verò; quia ministerio illius fidei uti volebat, quemadmodum etiam in Euangelii prædicatione, sanctisque obeundis legationibus, fidelem illius operam expertus postea, 2. Cor. 2. v. 12. & 7. v. 6. & 8. v. 6. 16. unde *socium suum & adiutorem* appellat, v. 23. qualis fuit Timotheus, qui similiter *Paulo ministrasse* dicitur, Act. 19. vers. 22. atque *Euangelista* 2. Tim. 4. v. 5. id est, extraordinarius, post Apostolos, & cum iis Euangelii minister, in locis diversis, appellatur: quemadmodum *Euangelista*, Eph. 4. v. 11. & Act. 21. v. 8. accipitur: idcirco etiam prudenter Apostolus Titum Hierosolymam secum assumpsit, ut Christianæ libertatis adversarios, illius præsentia, tanquam hominis Græci atque incircumcisi permanentis, occasione, confutaret: ejusque sacrum Euangelistæ ministerium impofterum stabiliret: quemadmodum sequentia verba demonstrant. Nam quod veteres nonnulli, & Pontificii, & quidam alii, Titum insulæ totius Cretæ, ordinarium, suffragiisque præfectum Episcopum asserunt, & ex Pauli ad Titum epistola, cap. 1. v. 5. contendunt, illud omnino alienum est. Verba enim hæc sunt: *hujus rei gratia reliqui te in Creta, ut reliqua pergas corrigere & constituas oppidatim Presbyteros, sicut ego tibi mandavi*: quæ verba non docent, Titum ordinarium in Creta fuisse Episcopum, multò minus suffragiis constitutum, ut subscriptio hujus epistolæ consueta statuit: sed extraordinario Euangelistæ officio, ad tempus ibidem à Paulo relictum, ut ordinem Ecclesiæ corrigeret, & sinceram Euangelii doctrinam confirmaret: utque eo peracto, deinde à Paulo revocatus, ad ipsum rediret, Tit. 3. 2. quemadmodum etiam & ab Apostolo deinde ad Ecclesias diversas fuit missus, ut supra ostendimus: ac denique Paulo Romæ tandem vincto adfuit: indeque in Dalmatiam profectus, 2. Tim. 4. vers. 10. Quæ cuncta ordinario Episcopo (qui certo loco adstrictus) adversantur. Deinde illa E-

piscopi significatio, quæ post Apostolorum tempora introducta, in Sacris Literis omninò insolens est: in quibus idem quod Presbyterum notat, ut Paulus Tit. 1. 6. ostendit: quos enim vers. 5. *Presbyteros Ecclesiæ*, eosdem vers. 7. *episcopos* vocat: quemadmodum etiam Ephesiinæ Ecclesiæ *Presbyteros*, Act. 20. vers. 17. à Luca dictos, Paulus vers. 28. *episcopos* appellat: & Phil. 1. v. 1. scribit, *sanctis, cum Episcopis & Diaconis*; ubi per *Episcopos*, Presbyteros: non Presbyterorum ordinarios præfectos intelligit: alioqui, quod absolum, in una eademque & Ephesina & Philippenſi Ecclesia, plures fuissent tales episcopi ordinarii, qui singuli multis pastoribus præfuisſent. Denique ubi Paulus ministrorum Evangelii genera enumerat, tales Episcopos, à presbyteris distinctos, iſque superiores non agnoscit, ut Ephes. 4. vers. 11. Quæ de re consentanea omninò ac memoratu dignissima Hieron. sententia extat Comm. in Epist. ad Tit. cap. 1. ubi ex collatione v. 5. & 7. sic colligit: *idem ergo est presbyter, qui episcopus*. Et (ut etiam ante à nobis factum) idem ex epistola ad Phil. 1. v. 1. & Act. 20. v. 28. 29. aliisque adjunctis demonstrat: ac tandem gravissima hac sententia concludit. *Hæc, inquit, propterea, ut ostenderemus, apud veteres, eosdem fuisse presbyteros, quos & episcopos: paulatim verò ut dissensionum plantaria tollerentur, ad unum, omnem sollicitudinem esse delatam. Sicut ergo presbyteri sciunt, se ex Ecclesiæ consuetudine, ei qui sibi propositus fuerit, esse subjectos: ita Episcopi noverint, se magis consuetudine, quam dispositionis dominicæ veritate presbyteris esse majores*. Hactenus Hieron. quæ memorata consuetudo tandem dominatum Episcoporum in Ecclesiam (contra Petri 1. Epist. 5. mandatum) perniciosè invexit. Quemadmodum etiam ex eodem fonte Presbyterorum secundariorum, seu Seniorum Ecclesiæ, (qui pastoribus tanquam Socii & Ephori ad gubernationem Ecclesiæ ab Apostolis adjuncti) abrogatio promanavit. Nam gubernatores seu presbyteri Ecclesiæ, qui per Meton. *gubernationes* dicti, 1. Cor. 12. v. 28. & *ἀρχισυνάγῳ qui præsumt*, Rom. 12. v. 8. & 1. Theſſ. 5. v. 12. duplices sunt, nimirum primarii, pastores; & secundarii, qui illis ad consilium & auxilium, in gubernanda Ecclesia, adjuncti: quos Paulus 1. Tim. 5. v. 17. non obscurè inter se comparatè distinguit, his verbis: *qui bene præsumt presbyteri, duplici honore digni habentur* (en generatim de presbyteris utrisque) additur: *maximè qui laborant in verbo & sermone*: en speciatim de presbyteris pastoribus, qui per prædicationem Euangelii ac verbi Dei, ab aliis presbyteris, in sola scilicet gubernatione occupatis, distinguuntur. De quibus, Episcoporum virio, paulatim obsoletis, illustri atque ingenua extat Ambros. Episcopi querela, hoc tempore relatu dignissima in Comm. ad Tit. 1. vers. 5. *Vnde, inquit, & Synagoga, & postea Ecclesia seniores habuit, quorum sine consilio nihil agebatur in Ecclesia. Quod, quæ negligentia obsoleverit, nescio, nisi forte doctorum desidia aut magis superbia, dum soli volunt aliquid videri*. Hæc Ambros. quod etiam modo ordo Ecclesiarum in Gallia & Belgio stabilitur. Hactenus igitur de duobus Pauli in profectioe Hierosolymam comitibus, nempe Barnaba & Tito. Quorum usus fuit non exiguus, nimirum, ut iis tanquam duobus testibus, (uno quidem ex Judæis circumcisis, altero verò ex Græcis incircumcisis) res à Paulo Hierosolymis gestæ, & hic narratæ, tuto secundum legem Deut. 17. vers. 6. & Matt. 18. v. 16. confirmarentur: quemadmodum Hieron. & Ambros. hoc loco rectè observarunt. Atque hoc modo profectioe Pauli propositio, & expositionis illius pars prima, ab adjuncta temporis & comitum circumstantia, explicata est, v. 1.

Alterà verò pars est, quæ causa efficiens prima seu author illius, declaratur, vers. 2. cum ait apostolus: *ascendi autem κατὰ ἀποκάλυψιν, secundum revelationem*, scilicet, non hominis, sed κατὰ ἱερωσύνην, Dei, cui tanquam summo Domino, per revelationem, mandanti, paruit. Hæc de Pauli profectioe Hierosolymam, proposita & exposita, diximus: antequam autem ad ea, quæ ibidem gesta narrantur, procedamus, quæstionem in hunc locum ante dilata, non incommode, cum nonnullis, expendere conabimur, ut etiam ea



iam ea quæ supra dicta sunt plenius illustrentur, & diversa Scripturæ loca eadem operâ melius intelligantur.

*Queritur enim de profectionis hujus ordine, & temporis annorum XIV. principio.*

Occasio autem quæstionis oritur, partim ex verbis istis Apostoli, v. 1. cum ait, *deinde & rursum*, quæ ordinem aliquem profectionis Hierosolymam, de qua agitur, designant. Altera occasio est, quod in Actis complures Pauli Hierosolymam profectiones enumeratur, & quidem quatuor citra ullam controversiam: quarum prima fuit Damasco, unâ cum Barnaba, Actor. 9. v. 27. secunda ex urbe Antiochia, cum eodem comite, ad collectam Ecclesiæ eo deferendam, Actor. 11. v. 30. & 12. v. 25. tertia etiam Antiochia, cum eodem Barnaba, ad controversiam de circumcisionis necessitate ibidem ortam, ab Apostolis Hierosolymis dirimendam, Actor. 15. v. 2. 3. ultima denique, Actor. 21. 15. Præter hæc quatuor certas, etiam aliam insignes quidam Theologi profectionem Pauli in Actis describi arbitrantur, ut ita quinque sint numero: quidam enim aliam ante ultimam illam, quæ Act. 21. narratur, numerandam existimant, eam scilicet quæ describitur, Actor. 18. v. 1. quæ sane sententia verisimilis est: non quidem, quasi v. 18. de Pauli voto ageretur (cum nullus illius usus appareat, & votum illud perspicuè satis Aquilæ tribuatur) sed primùm, quia Paulus v. 21. absolutè sic loquitur, *oportet me omnino festum, quod instat, Hierosolymis agere*. Quod enim postea addit, *Deo volente*: illud ad hanc rem non pertinet: sed diversè ac distinctè ad reversionem Ephesum restringitur: quæ etiam postea describitur, Actor. 19. v. 1. deinde quia vers. 23. dicitur, *Cum descendisset Cæsaream, ascendit & Ecclesiam salutavit*. id quod de Cæsarea, ejusque Ecclesia rectè intelligi non potest: quia eò non ascendisse, sed descendisse dicitur: verùm de Hierosolyma, ejusque Ecclesia: nam eò ex urbe Cæsarea ascendebatur: ut Actor. 25. v. 4. de Festo dicitur, *& ascendit Hierosolymam*. sic hoc in loco, *Cum descendisset Cæsaream, ascendit* scilicet Hierosolymam, ellipsi non insolenti: sed quemadmodum Joh. 12. vers. 20. usurpatur, *quidam, inquit, ex iis, qui ascenderant*, scilicet Hierosolymam: ut & finis indicat, cum additur, *ut adorarent in festo*, ut etiam hoc loco, versus antecedens satis ascensum Hierosolymam prædixit.

Alterâ verò sententia ab alio insigni Theologo propo- sita est, quatuor illis Pauli profectionibus enumeratis, aliam esse præmittendam, nimirum eam, qua abiens in Arabiam, Hierosolymam transierit, eamque à Paulo declarari arbitrat, Actor. 22. v. 17. Verùm jam ante Gal. 1. v. 18. rationem adduximus, cur illud minus videatur consentaneum, contraque Actor. 22. idem indicari quod etiam cap. 9. v. 7. 8. & Gal. 1. 18. recensetur. Atque hæc- nus controversiæ de ordine & tempore hujus profectionis, Gal. 2. v. 1.

Quamobrem occasione jam explicata, ad eam quæ inde promanat quæstionem, accedendum. Ea autem est hujusmodi:

*An hæc Apostoli Pauli Hierosolymam profectio, quæ Gal. 2. v. 1. describitur, ad aliquam ex quatuor illis, quæ certò in Actis memorantur, pertineat: an verò ad aliquam in iis præteritam?*

**A**C prius quidem ferè omnes amplectuntur, & in eo consentiunt, nec ad primam quæ Actor. 9. v. 37. & Gal. 1. v. 18. recensetur, pertinere, quia ab ea & ordine, & annorum tempore perspicuè dividitur, Gal. 1. 18. & 2. v. 1. neque etiam ad ultimam, de qua Actor. 21. vers. 15. quemadmodum illud contrariæ utrimque temporum circumstantiæ demonstrant. De reliquis verò duabus mediis, ut ea hoc loco intelligatur, diversum sentiunt: quidam enim hanc Pauli profectionem secundam esse, & quatuor illis, arbitrantur: nimirum qua collectam cum Barnaba Hierosolymam detulisse dicitur, Actor. 11. v. 30. & quatuor-

decim annis elapsis, quorum hic mentio est, à conversione Pauli numerandis, id est, elapsis à prima profectione (quæ post tres à conversione annos contigerat, Gal. 1. v. 18.) undecim annis, contigisse: quæ sententia probabilis quidem, sed suis tamen difficultatibus obnoxia: quod, causæ utriusque profectionis exprimuntur diversæ. Hujus enim, de qua Gal. 2. 1. causa efficiens fuit revelatio divina: illius verò, de qua Actor. 11. v. 30. Legatio Ecclesiæ humana. Deinde hujus finis, seu causa cujus gratia accidit, fuit doctrinæ Evangelii prædicatæ inter gentes collatio cum Apostolis, & paterfactio consensus eorum, Gal. 2. 2. illius verò finis fuit Collectæ deferendæ officium, & pauperum Ecclesiæ, in Judæa, famis imminens tempore sustentatio, Actor. 11. 29. 30. Quibus etiam accedit, quod quidam existimant, obstare Apostolorum commendationem, qua à Paulo petierunt, ut pauperum memores essent, Gal. 2. v. 10. quod non videatur satis cum oblata recenti Collecta quadrare. Veruntamen hæc duo diversa quidem sunt, sed non adversa: quia qui officium pauperibus necessarium, in Ecclesiæ Antiochenæ collecta deferenda, præstiterant, opportunè, ob famem imminentem, moneri potuerunt, ut imposterum prædicaturi inter gentes, Gal. 2. v. 9. pauperum meminissent, ad ampliorem collectam obtinendam: quemadmodum etiam Paulus hoc capite se fecisse testatur, v. 20. quemadmodum etiam in Ecclesiis Galatiæ, 1. Cor. 16. v. 1. 2. & Macedoniæ, 2. Cor. 8. v. 1. 6. 16. 23. & in Ecclesiis Achaiæ, 1. Cor. 9. v. 2. executus est: quam etiam collectam Hierosolymam deferendam placito Ecclesiarum, 2. Cor. 8. in se suscepit Apostolus, & fidelissimè ultima suâ profectione Hierosolymam executus declaratur, Rom. 15. v. 26. 27. Hæc de prima sententia. Altera porro est, hanc Pauli, Gal. 2. v. 1. profectionem esse tertiam & quatuor antea recitatis, illam nimirum quâ ad Synodum Hierosolymitanam cum Barnaba profectus, Actor. 15. v. 2. quo etiam modo Ambros. & Theodor. interpretantur: & ut omnino videtur, sic sensit Hieron. qui annorum quatuordecim, Gal. 2. 1. initium à prima profectione computat: quia eam anno 17. institutam tradit: idque nonnulli egregii Theologi non temerè sequuntur, ac verisimilis omnino est sententia: etsi suis etiam difficultatibus non carere videatur. Nam hujus profectionis author fuit Deus sua revelatione, Gal. 2. 1. illius verò fuit Ecclesiæ Antiochenæ de circumcisionis observatione perturbata, consilium ac statutum, ut Paulus & Barnabas Hierosolymam ad consulendos, de ea re Apostolos, mitterentur, Act. 15. 12. Altera deinde difficultas est, diversitas in comitibus profectionis utriusque: nam in ea, de qua Gal. 2. 1. fuerunt duo Barnabas & Titus: in ea verò quæ Actor. 15. 2. describitur, solius Barnabæ, nulla verò Titi mentio reperitur. Veruntamen hisce duobus scrupulis recta ratione occurrere potest. Et primo quidem, quoniam Dei revelatio, & Ecclesiæ legatio ad hanc profectionem (quæ velut dissentanea inter se obijciuntur) tanquam causa prima & secunda ei subordinata probè consentiunt: Dei enim revelatio antecessit: legatio verò Ecclesiæ successit ei: ac prima illa causa, Gal. 2. 1. altera verò Actor. 15. v. 2. recensetur. Revelatio autem illa contigit Paulo, vel mediata, per Prophetas, qui erant in Ecclesia Antiochena, per quorum revelationem antea quoque, cum Barnaba ad gentilibus nonnullis prædicandum, fuerat ab Ecclesia illa missus, Actor. 13. v. 12. vel revelatio immediate Paulo facta. Deinde alter etiam scrupulus pari facilitate tollitur, propterea quod Act. 15. narrantur duo tantum legati ab Ecclesia, nempe Paulus & Barnabas: Titus verò non memoratur: quia non fuit legatus Ecclesiæ, sed tantum comes à Paulo prudenter assumptus, ut distinctè Gal. 2. 1. exprimitur. Quamobrem hæc posterior de profectionis hujus Pauli ordine, & annorum principio sententia, meritò præferenda est, ac tutò amplectenda. Quod verò à quodam viro insigni conjicitur, hanc profectionem, de qua Galat. 2. v. 1. ad nullam earum, quas Lucas in Actis recenset, referendam, sed ab eo præteritam: fieri illud potuisse, minimè dubium est (cum & assumptionem Titi, & gesta Pauli cum Petro Antiochiæ, Gal. 2. narrata, omiserit)

ferit) sed præteritam probari non potest: sed contrarium, ut ex ante dictis constat.

Quare hæc quæstione jam expedita, ad ea quæ Hierosolymis post hanc profectiōem gesta narrantur, progrediendum est. Ea autem duo primaria capita complectuntur, nimirum expositionem Euangelii, inter gentes à Paulo prædicati, & consequentem Apostolorum consensum. Ac prius quidem v. 2. describitur, propositione generali, & declaratione illius speciali. Propositio autem hæc est. *Et exposui Euangelium quod prædico inter gentes.* Euangelium autem illud, fuit doctrina de merè gratuita credentium salute, per Christum, & de liberatione à legali ceremoniarum iugo: quemadmodum doctrina Pauli inter gentes prædicata in Actis Apostolorum, & in Epistolis Pauli descripta perspicue demonstrat. Hoc autem Euangelium se exposuisse Hierosolymis asserit, cum ait, ἀποδείξω, quod verbum inter alia, *exponere*, seu *indicare*, apud bonos & antiquos Græcæ linguæ authores significat: quemadmodum Budæus in Comment. Græc. Ling. & Henr. Steph. in Thesaurō Græcæ linguæ testatur, & exemplis illustribus probat. Eoque etiam sensu usurpatur, Actor. 25. vers. 14. ἀποδείξω τὴν εἰς τοὺς Παύλου *Exposuit quæ ad Paulum, scilicet spectabant*, ut Clariss. Beza transtulit: & eadem mente vulgatus interpres, *indicavit quæ de Paulo*: quæ verbi significatio huic loco, Gal. 2. v. 2. optimè convenit: & in antiqua illa versione Latina, quam proposuerunt & probaverunt Ambros. & August. continetur: quam etiam commode Clariss. Beza retinuit. Hæc de expositione Euangelii à Paulo prædicati, inter gentes. Declaratio verò illius partim distributione, partim finis adjectione instituitur. Ad prius autem quod attinet, expositio Euangelii à Paulo facta statuitur duplex, publica & privata. Publica est, quæ publicè in Ecclesiâ Hierosolymitanâ congregatione facta est, quæ strictius his verbis indicatur: *exposui eis* (nempe fidelibus qui erant Hierosolymis) plenius autem paraphrasi quadam Actor. 15. v. 4. describitur. Privata verò distinctè ita exprimitur, cum ait: *privatim verò* (supple *exposui Euangelium quod prædico inter gentes*: ut elliptica constructio in antecedentibus postulat) τῷ δαυὶδ: quod ad verbum vetus Latina apud Patres versio transtulit, *qui videntur*, non satis rectè nec sensu expresso: sed Erasmus, aliique magis latinè ac fidelius, *qui sunt in pretio*, interpretantur. Quod ut melius intelligatur, significatio vocis duplex observanda: ut enim verbum δαυῖς, sic & participium ejus δαυῖς bifariam usurpatur, primò Activè, ut *putantes* seu *existimantes* notet: quemadmodum Joh. 20. 15. εἰς τὸν δαυῖδα illa putans; deinde passivè *qui videntur* vel *putantur*, ut Marc. 10. 42. οἱ δαυῖς αἱρεῖται, *qui videntur imperare vel putantur*: & 1. Cor. 12. v. 22. *membra τὰ δαυῖς*, id est, *quæ videntur seu putantur infirmiora*. Ex qua passiva significatione, οἱ δαυῖς apud præcos Græcæ Linguæ authores, per ellipsin quandam eleganter dicuntur, *qui magni æstimantur*, ut οἱ δαυῖς sumantur pro οἱ δαυῖς εἶναι τι, *qui videntur vel putantur aliquid esse*, id est, *in pretio honorati*, in pretio habiti, ut memoratu dignissima Euripidis in Hecuba sententia ostendit, quam peropportune ad hunc locum Eras. in annot. suis expressit.

--- Δὲ τὸ δαυῖς τὸ ἀδελφῶν ἰδὼν,

Καὶ τῶν δαυῖς αὐτοῖς, ἡ ταύτων εἶναι, hoc est,

Oratio enim & ab inonoratis profecta,

Et ab honoratis eadem, idem non pollet, seu valet.

Sunt autem verba Hecubæ ad Vlyssē de orationis suæ, quæ serva ac contempta erat, & Vlyssis, qui honore & auctoritate pollebat, discrimine. Quæ etiam significatio in hisce Apostoli verbis intelligenda: ut circumstantia rei flagitat, & sequens explicatio Pauli perspicue evincit: qui enim per ellipsin, hoc loco οἱ δαυῖς, ut & vers. 7. fine dicuntur, illi initio ejusdem v. 6. ellipsi suppleta, vocantur, οἱ δαυῖς εἶναι τι, *qui videntur & putantur esse aliquid*, id est, *qui magni æstimantur*; & v. 9. οἱ δαυῖς σὺλοι εἶναι, *qui videntur esse columnæ*: quos etiam ibidem nominatim exprimit, Jacobum, Cepham & Joannem, eximios Apostolos. Si quis autem quærat, cur Paulus Euangelium quod prædicabat inter gentes, non solum publicè in Ec-

clesiæ cœtu, cui Apostoli etiam interfuerant, exposuerit, sed etiam Apostolis privatim, causam illius rei tradit August. ad hunc locum. *Quod seorsim exposuit Euangelium iis, qui eminebant in Ecclesia, cum jam illud exposuisset coram omnibus, non ideo factum est, quod aliqua falsa dixerat, ut seorsim paucioribus vera diceret: sed aliqua tacuerat, quæ portare non poterant, qualibus se ad Corinthios, lac dicit dedisse non escam* (locus autem extat, 1. Cor. 3. vers. 2.) *cui eleganter consentit, Heb. 5. v. 12. falsum enim dicere nihil licet: aliquando autem aliquid veritate utilius est. Perfectionem ipsius opus erat ut scirent ceteri Apostoli.* Hactenus sententia August. Atque hæc quidem de expositionis Euangelii Pauli inter gentes prædicati declaratione prima, qua eam expositionem in publicam & privatam distribuit. Cui altera deinde subicitur, à finis illius expositionis descriptione petita, cum ait: *ne quo modo in vacuum currem aut cucurrissem*, id est, ne quo modo labores mei, quos in prædicationis Euangelii certamine sustineo ac sustinui, inutiles reddantur: nimirum si ex falsorum fratrum calumnia, hæc opinio invalesceret, doctrinam meam, ab aliis, à Christo primum institutis apostolis, dissidere: quemadmodum in Ecclesiis Galatarum per seductorum fraudem accidisse, in hac epistola gravissimè conqueritur, cap. 1. v. 6. 7. & 3. 1. & 5. vers. 7. Cæterum ut ea, quæ de hoc Apostoli fine summam perstrinximus, clarius intelligantur, *currendi* vox, qua labores suos designat, paucis, ob latentem in ea emphasin ac pondus, explicanda: ut distinctè quem cursum designet, patefiat: nec enim propriè ea vox hoc loco accipitur, sed gravi atque eleganti Metaphora, à cursoribus, in stadio, ad metam ac coronam cursu contententibus, derivata, ob similitudinem concinnam quæ inter cursores illos & Pauli actiones intercedit: Paulus enim perpetuo studio ac laboribus, ut propositum eorum fructum assequeretur, sese strenuè exercuit, & quidem duobus modis: primò ratione officii generalis ac communis cum reliquis fidelibus, cum fidei & charitatis operibus, ad coronam vitæ æternæ obtinendam, strenuè certavit. De quo cursu generali agit, explicando eleganter Metaphoram, 1. Cor. 9. v. 25. 26. 27. Hebr. 12. v. 1. alter cursus Pauli modus fuit, ratione officii specialis, quod ipsi, ut Apostolo, ad verbum Dei inter gentes prædicandum vocato, ac misso, divinitus impositum: qualem cursum ut Johanni Baptistæ adscribit, Actor. 13. v. 25. sic etiam sibi Phil. 2. vers. 16. distinctè attribuit. Utrumque verò modum sancta in Deo gloriatione complectitur, 2. Tim. 4. v. 28. *Certamen illud pulchrum decertavi, cursum consummavi, fidem servavi, &c.* Hoc autem ad Galatas loco, de secundo cursus sui modo, non autem de primo loquitur: ut circumstantiæ evincunt. Cum autem cursu (seu fervens ac difficilis prædicationis Euangelii labor) esse possit vel vanus, vel non vanus, idcirco distinctè Apostolus addit, *in vanum*. Vanitas autem est duplex, una simpliciter ratione rei ipsius, seu doctrinæ prædicatæ, & scopi ac fructus: altera verò ratione scopi ac fructus tantum. Prior est, cum doctrina falsa proponitur: quam non corona destinata, sed pœna sequitur: quomodo quidam à Patribus hoc loco intelligunt: sed nec verè satis, nec aptè. Nam Paulus doctrinam suam, quam prædicaverat, revelatione divina acceperat, eamque Spiritus Sancti directione fideliter tradiderat, & utrumque certò sciebat: neque etiam ullo modo de consensu Apostolorum reliquorum dubitare poterat, quos probè norat ab eodem Spiritu Sancto in omnem veritatem deductos, ac fideles illius assertores. Sed cursum in vanum designat tantum ratione fructus: & quidem non absolute, ratione sui & auditorum: sed auditorum tantum. Nam quamvis auditores illius multi, Judæi rebelles, fructum à Paulo optatum non retulerint: sed Euangelium ipsis prædicatum rejecerint, Actor. 13. v. 41. 50. & 22. v. 21. & gentes cum Judæis idem imitatæ sint, Actor. 14. v. 5. eorumque inobedientium atque aduersantium ratione, Apostolus in vanum seu inutiliter cucurrit, id est, Euangelium cum labore, magnoque studio prædicavit; nihilominus tamen à Deo, cujus mandato fideliter paruit, suum consecutus est præmium ac coronam: ut ex Ezech. 33. v. 9. generatim, & fin-

& singulariter ex 2. Tim. 4. v. 7. 8. constat. Deinde licet auditores multi nullum prædicationis Apostoli Pauli fructum retulerint: non tamen simpliciter omnes: quia prædicationis Pauli multis convertendis fuit fructuosa: ut etiam disertè demonstratur, Actor. 13. v. 41. 42. 43. & 14. 4. id quod etiam Apostoli Epistolæ ad diversas gentium Ecclesias testantur, & de Philippensibus fidelibus expressè asseritur, Philip. 2. vers. 16. ut, inquit, *gloriaripotui in die Christi, quod non in vanum cucurri, neque in vanum laboravi.* & 1. Thess. 2. v. 1. *Nam ipsi nostri, fratres, ingressum nostrum ad vos non fuisse vanum.* Atque hæc de fine Evangelii inter gentes prædicati, id est, ne labor prædicationi impensus, inutilis quodammodo redderetur, si Apostolorum consensus compertus, falsorum fratrum calumniis non occurrisset.

Cæterum diversas veterum & recentiorum, hac servata interpretatione, sententias, brevitatis causa, & quia probabiles non videntur, proponere atque excutere non videtur operæ pretium: unam tamen Patrum memoratu dignam prætereundam esse minimè existimamus. Ea autem est, quæ alia vocis Græcæ *μὴ*, interpretatione nititur. Nam sæpe quidem ea idem notat, quod Latinis *ne*, ut communis interpretatio obtinet, *ne in vanum*: & quidem ut vox *ne*, non sit hoc loco simpliciter negatio, ut Gal. 3. vers. 1. & 4. v. 8. & 30. neque prohibitio, ut Galat. 5. v. 13. 26. sed ut finis significetur, idemque valeat, quod 1. Cor. 7. v. 5. & 8. v. 13. *ἵνα μὴ*, ut *ne*, quemadmodum ita accipitur, 2. Corinth. 5. v. 20. & 12. vers. 6. *μὴ* *ne*, *ne quis*, ac si esset *ἵνα μὴ* *ne*, ut non aliquis, & 1. Cor. 9. v. 27. & 2. Cor. 2. v. 7. *μὴ* *ne*, *ne quo modo*, id est, ut non aliquo modo: sed tamen frequenter, etiam in Sacris literis vox *μὴ* interrogationem indicat, idemque notat, quod Latinis *num*, ut Joh. 4. v. 12. & v. 29. *μὴ* *num* *quid*, & vers. 33. *μὴ* *ne*, *num* *quis*, & ut alia plurima prætereamus, 1. Cor. 9. v. 29. & 30. septies *μὴ* pro *num*, citra controversiam continuatione quadam usurpatur. Atque hac significatione hoc in loco apud Paulum, veteres quidam Patres, & imprimis August. in suis in hanc epistolam commentariis, vocem *μὴ* interrogationem notare putant: quod ut frequens vocis usus à nobis indicatus rectè admittit: sic interpretationem commodam, & sequentibus verbis probè connexam parit: interpretatio autem hæc esse potest, *num quo modo in vanum curro aut cucurri*, ut per ellipsin emphaticam supplendum intelligatur, *nequaquam*. Quemadmodum hujus phrasos usus frequens atque elegans, & vulgò in bonis authoribus Græcis & in Sacris Literis observatur, Matth. 9. v. 15. & Joh. 18. v. 35. & 1. Cor. 8. v. 9. Sic alibi sæpè, imprimis verò in septem illis memoratis exemplis, 1. Cor. 12. v. 29. 30. ubi semper subintelligitur, *nequaquam*, quod interdum in re detestabili, per *μὴ* *ἵνα* *ne sit*, id est, *absit*, suppletur, Rom. 3. v. 3. cum 4. & 5. cum 6. & 9. 14. Ex quibus omnibus apparet, quorundam Patrum Græcorum, & Aug. quoque in Comment. ad hunc locum interpretationem valdè verisimilem. Prior tamen ac maximè recepta interpretatio atque declaratio præferri solet: nec ab ea recedimus: cum videatur esse paulò simplicior, & vocis *μὴ* cum voce *πᾶς* compositæ, usui magis consentanea: nam nullibi in Sacris Literis interrogationem notat: neque etiam eo modo apud bonos autores Græcos usurpatam, ullis exemplis adhibita licet diligenti inquisitione, observare potuimus. Atque hæc tamen narrationis eorum, quæ Paulo præsentè, Hierosolymis gesta sunt, prima pars, Galat. 2. v. 2. explicata: nempe expositio Evangelii inter gentes prædicati, & finis illius.

Altera verò pars consensum Apostolorum consecutum describit duobus modis, primò, Facto, deinde, Sermonem. Facto quidem, quod Titus à Paulo comes assumptus, licet esset Græcus & incircumcissus, non coactus sit circumcidi. Atque ita reipsa Apostoli confirmarunt Pauli cursum, seu labores in prædicatione Evangelii, cum de salute gratuita per Christum, non per opera legis: tum etiam de libertate Christiana: nimirum quod circumcisio & cæteræ ceremoniæ legis, neque ad cultum Dei, neque ad salutem essent necessariæ: contra quam adversarii Pauli, Antiochiæ pri-

mum, Actor. 15. & postea Hierosolymis acriter contenderunt, Actor. 15. v. 24. ut cursum Pauli redderent vanum apud gentes. Eam autem Apostoli mentem esse, illis verbis v. 3. indicatur, *Sed neque Titus, qui mecum erat, cum esset Græcus, coactus fuit circumcidi.* quæ perspicua sunt, si vocem adversativam, *Sed*, excipiamus: cujus, cum antecedenti versu connexio prima fronte non est satis evidens. Videretur autem ellipsis quædam, *sed*, supple, *non in vanum cucurri*; id quod Titi Græci & incircumcissi manentis exemplo ostenditur. Cujus circumcisionis omisæ causas, ad declarationem opportunam & fidem imprimis Galatarum confirmandam, subjicit. Quarum prima statuitur quorundam impietas: altera verò contraria Pauli pietas.

Ac prius describitur v. 4. partim ex eorum hypocrisis, partim ex impio illorum scopo. Hypocrisis autem notatur duplex: una externæ professionis, quod se simulant esse verè Christianos ac sinceros fidelium fratres: cum tamen reipsa falsi essent, utpote nec vera fide, nec vera charitate præditi: ideoque Apostolus eos *falsos fratres* appellat oppositè veris. Patres enim veri, insigni Metaphora, ac similitudine eleganti, à fratribus germanis ex eodem patre & matre natis, petita, sunt verè fideles, qui inter se, eundem in cælis habent Patrem, Deum, Matth. 6. v. 9. & 23. v. 9. & eandem in terris matrem, Ecclesiam, Galat. 4. v. 20. Quemadmodum tritissima appellatione, Christiani passim *fratrum* nomine designantur. Quæ appellatio videtur ex Christi sententia, Matth. 23. v. 8. derivata, ubi ait, *vos autem omnes estis fratres.* Altera porro hypocrisis fuit operum fraus, partim quod subdolum ab aliis legationem suscepissent: partim quod eam insidiosè essent executi. Prius indicat cum falsos illos fratres ait esse *παραστάτας*, *subintroductos*, & ut Clariss. Beza interpretatur, *emissarios*. Scopus ita describitur, *ut explorarent libertatem nostram, quam habemus in Christo Iesu*, id est, per Christum. Libertatem autem intelligit eam, qua à servitute ac necessitate circumcisionis, aliarumque ceremoniarum legis, per Christum fideles liberati sunt, Galat. 5. v. 1. ad quam explorandam, falsi fratres subingressi sive irrepsisse dicuntur. Quod ut melius intelligatur, *explorationis* vox à fine suo distinguenda: una est, ut reipsa, per explorationem cognita, malum caveatur: quemadmodum 1. Samuel. 26. v. 4. altera ut malum inferatur: sive justè, Johan. 6. vers. 13. sive injustè, Genes. 42. v. 9. Hoc autem in loco exploratio ad malum malè inferendum intelligitur: ut remotus irreptionis finis demonstrat: *ut nos*, inquit, *in servitutem adigerent.* *Servitus* autem oppositè libertati, notat circumcisionis & reliquarum ceremoniarum legis observationem tanquam necessariam: quæ erant instar jugi servitutis, quod neque nos, ut Petrus ait, neque Patres nostri portare potuimus, Actor. 15. Modus autem quo ipsum illum finem obtinere contendebant falsi fratres, fuit doctrinæ Pauli in conversione gentium, in Synodo expositæ & auditæ, opugnatio, qui dicerent, *oportere circumcidere gentes.* & præcipere ut observent legem Moysi, Actor. 15. vers. 4. 5. ut etiam in secundæ causæ, cur Titus non sit coactus circumcidi descriptione declaratur, vers. 5. *quibus*, inquit, *ne ad horam cessimus subiectione*, ut *veritas Evangelii permaneret apud vos.* Quibus Apostolus primò suam in propugnanda doctrina Evangelii, de libertate Christiana pietatem ostendit: primò à constanti fortitudine: deinde à pio ac necessario ejus fine. De constantia ait, *quibus ne ad horam subiectione cessimus*, id est, adversariis, circumcisionem & reliquas ceremonias quasi ad Dei cultum, & salutem necessarias, eoque Titum & alios gentiles credentes, circumcidentes urgentibus, ut jugum servitutis imponent, ne ad horam, id est, ne brevissimo quidem tempore, subiectione cessimus, sed obstitimus. Verum scrupulus hic occurrit, quare Paulus hoc tempore Hierosolymis circumcisioni Titi tam obnixè restiterit: cum etiam Timotheum in gratiam Judæorum fidelium circumciderit, Actor. 13. v. 3. & 1. Cor. 9. v. 20. dicit: *factus sum Judæis ut Judæus*: & v. 22. *Omnibus factus sum omnia, ut omnino aliquos servem.* Verum hæc Pauli actiones cum officio ipsius probè conveniunt,

hiunt, si modum utriusque & fines spectemus diversos. Ad modum quod attinet, circumcisio Timothei actio fuit per se non necessaria, sed libera. Deinde finis fuit, ut Timothei opera in ministerio sacro, sine offensione infirmorum Iudeorum uti posset, ad Ecclesiae incrementum: quomodo etiam dicit, 1. Cor. 9. v. 20. & 22. *factus sum infirmis, ut infirmis, ut infirmos lucrificiam; & factus sum Iudeis ut Iudeis, ut Iudeos lucrificiam; & omnibus factus sum omnia, ut omnino aliquos servem.* Titum verò circumcidere noluit Apostolus: quia ipsi negotium fuit, non cum fratribus veris & infirmis, ut in circumcissione Timothei: sed cum falsis ac malitiosis, & sinceræ doctrinæ Evangelii adversariis, qui Titi & aliorum ex gentibus incircumcisis fidelium circumcissionem, quasi ad cultum Dei & salutem necessariam urgebant, Actor. 15. 2. ut doctrinam Pauli de Christiana libertate & salute per Christum gratuita, inter gentes à Paulo prædicatam, damnarent, & fructum illius inter gentes corrumpere: quæ causa fuit iustissima, quod tam obnixè & constanter illis erroribus, impioque studio eorum restiterit: eaque actione primum suæ pietatis modum declaravit. Alter verò in actionis fine pio consistit, quem hisce verbis describit: *ut veritas Evangelii permaneret apud vos.* Veritas autem Evangelii notat, sinceritatem doctrinæ, de libertate à ceremoniarum legalium iugo, & de salute non ex operibus, sed ex mera Dei per Christum gratia. Ad cuius observationem apud gentes, tanquam ad scopum spectabat, ac collimabat Apostolus, cum tam studiosè ac fortiter doctrinam illam adversus falsorum fratrum oppositionem propugnaret. Cæterum quod ait, *apud vos*, Galatarum Ecclesias, ad quas scribit, designat: sed non solas, verum per Synecdoch. etiam reliquas. Atque hæcenus primum ex re ipsa, doctrinæ Pauli, cum aliis Apostolis consensus, argumentum expositum: quod cum Titum Græcum, id est, à gentibus fidelem, & incircumcissum in Ecclesia Hierosolymitana haberet comitem, obstantibus licet falsis fratribus, eum circumcidere non sit coactus: quod demonstratio fuit, (ut Oecum. rectè observat) Petrum cum suis sociis, circumcissionem esse necessariam, nequaquam, ut adversarii obtendebant, tradidisse.

Alterum porrò ejusdem consensus argumentum, ex Apostolorum sermone, ac confessione petitur, describitur per aphæresin & thesin.

Aphæresis est, qua calumniam adversariorum retundit: quia enim obijcere pro more suo potuissent, Galatarum imprimis, ad quos scribit, seductores: Paulum potuisse quidem circumcissioni Titi resistere: sed Apostolorum institutione melius edoctum; idcirco illud à se amolendo negat, & negationem gravi ratione confirmat. Negat his verbis, vers. 6. *ab iis qui æstimantur esse aliquid, qualescunque fuerint, nihil mihi discrepat: personam hominis Deus non accipit.* Quæ sententia & constructionis vocum, & sensus ratione difficilior, ab eruditis interpretibus, diverso modo exponitur: ideoque ad accuratiorem explicationem nonnihil operæ adhibendum arbitramur. Ad constructionem quod attinet, quidam perfectam esse, alii verò imperfectam existimant: illi enim ista verba media, *ἐδὲν μοι διαφίξαι*, non cum proximè antecedentibus, *qualescunque fuerint*, sed cum primis hisce, *ab iis autem qui æstimantur esse aliquid*, connectunt hoc modo: ab iis autem qui æstimantur esse aliquid *ἐδὲν μοι διαφίξαι*. Sed quia verbum *διαφίξαι*, inter alia differre, seu *discrepare*, vel *συμφέρον* conferre, seu *conducere* atque *utile* esse significat: (ut Budæus in Comment. Græc. Ling. edit. Basil. pag. 504. illustribus exemplis probat) hinc duplex constructionis, ita perfectæ, interpretatio profertur: una (quam erudita ac postrema versio Gallica tradit) primam significationem retinet: ab iis autem qui putantur ac existimantur esse aliquid, nulla re differo, (scilicet ut scopus ostendit) ratione perfectæ cognitionis Evangelii per revelationem à Deo acceptæ. Altera verò constructio, secundam significationem secuta, est hujusmodi: *ab iis autem qui videntur esse aliquid, nihil mihi accedit*, supple utilitatis. Verum licet utraque constructio ac significatio sententiam pariat, & veritati, & loci hujus circumstantiis consentaneam: constructio tamen illa (quæ fundamenti loco utrimque præ-

struitur) cum phrasi Apostoli minus videtur consentire: nam non dicitur *τῶν δὲ διαφίξων*, sed *ἐν τῶν διαφίξων*: at *διαφίξαι* cum præpositione *ἐν* construi posse, nullo neque sacro, neque profano, boni authoris Græci exemplo, ne à diligentissimis quidem ejus verbi indagatoribus Budæi & Henr. Steph. observatum. Deinde huc accedit, quod ea constructione orationem hanc Pauli totam, reddi intricatorem appareat; partim quod verba illa *ἐδὲν μοι διαφίξαι* à proximè antegressis, *qualescunque fuerint*, ad prima illa, *ab iis autem qui existimantur esse aliquid*, expositione transferantur: partim quod etiam postrema illa, *personam hominis Deus non accipit*, à proximè præcedentibus avulsa, cum remotioribus illis, *qualescunque fuerint*, inconcinne conjunguntur: quasi scilicet ita omnia essent disposita: *Ab iis qui existimantur esse aliquid, ἐδὲν μοι διαφίξαι: qualescunque fuerint, personam Deus non accipit.* Quare ut hujusmodi constructionis perturbatio vitetur, tertia non est prætereunda sententia: quam etiam ut probabilem, ad oram hujus loci Biblia Gallica versionis postremæ annotarunt, hoc modo: *quod ad eos attinet qui existimantur esse aliquid, &c.* nimirum ut *ἐν* hoc loco idem significet quod *ad*. Ac sanè ita interdum usurpatur: sicut Matth. 27. v. 24. & Actor. 20. v. 26. *innoxius sum ἐν τῇ αἱματι*, id est, à sanguine, id est, quantum ad sanguinem attinet. Sicut etiam apud Hebræos, Josu. 2. vers. 17. *innoxii à juramento.* Eundemque hujus præpositionis usum, Latinos secutos, Linacer de emendata structura eruditè tradit ac probat. Quæ concinnior hujus loci Apostoli explicatio: si aliis etiam aliarum rerum exemplis posset stabiliri: sed ea nondum observata cognovimus. Atque hæc de perfectæ constructionis hujus orationis modis dicta.

Alii verò constructionem imperfectam, per aposiopesein quandam, arbitrantur, quæ communis ferè sententia; nimirum ut post prima ista verba: *ab iis autem qui existimantur esse aliquid*, intelligatur supplendum, *Evangelium non accepi*, sive *nihil edoctus sum*, ut ante cap. 1. v. 12. Apostolus expresse rat. Neque enim aposiopeseis hujusmodi (quæ in profanis authoribus Græcis, ut etiam Latinis non rarò occurrit) in S. L. insolens censeri potest: talis enim adhibetur à Christo, Luc. 19. v. 42. *Si etiam tu &c.* per aposiopesein, ad perfectionem sententiæ deest, *felix esses.* deinde Luc. 22. v. 42. *Pater, inquit Christus, si vis meum calicem transferre hoc poculum à me*, per aposiopesein reticetur, *transfer*: additur enim; *verum non mea voluntas sed tua fiat.* Deinde huic verborum Pauli per aposiopesein explicationi reliqua probè conveniunt; quem sensum esse aptum, & scopus Apostoli, & addita confirmatio in fine versus, & sequens etiam v. 7. thesis ostendit. Sensus autem hic erit; ab iis autem qui in pretio sunt, (id est Apostolis) nihil cognitionis Evangelii accepi: ut reliqua ad confirmationem usque per parenthesin interferantur. At, inquires, in Christi verbis propositis causa aposiopeseis fuit *τὸ*, id est vehemens animi commoti affectus: in priori exemplo commiseratio, in altero dolor: sic alibi causa aposiopeseis est, aut festinatio, aut ira, aut simile quid: ut bonorum authorum usus ostendit. At quid hoc loco subesse potuit causæ? voluntas scil. Sp. S. quo inspirante ac calamum dirigente Paulus ita scripsit, aposiopesei usus. quod (ut in aliarum phrasium observatione) sufficere debet. Videtur autem hæc causa probabilis, ut quia tories hoc tradiderat cap. 1. r. 11. & 12. idcirco noluerit à Sp. S. actus hic exprimere, sed intelligendum ex re ipsa & ex sequenti confirmatione innuere: ut calumniæ consecuturæ occurreret (qualis fuit Porphyrii (ut Hier. ostendit) & aliorum, qui superbix nomine Apostolum postea ob eam assertionem traduxerunt. Hac igitur aposiopesei ostendit contrarium, ut 2. Cor. 12. v. 11. ubi ejus assertionis causam reddit; *factus*, inquit, *sum insipiens gloriando: vos me coëgisistis: ego enim à vobis debui commendari: nulla enim in re sum inferior summis Apostolis.* Sic hoc in loco aposiopesei usus idcirco videtur: ut indicaret, se non arrogantia asseruisse, se à nullo homine Evangelium accepisse, sed necessitate & veritatis afferendæ studio coactum: alioqui, ut hoc loco reticuit: & seqq. innuit, similiter fuisse antea omisurum: nisi propter Galatarum ad quos scribit infirmitatem, & eorum à quibus illi seduci ceperant,



perant, calumnias fuisset coactus. Superest postremo illud explicandum, quo aphæresis hæc Apostoli finitur; *οὐδὲ αὐτῶν πρὸς λαμβάνειν*, id est, *faciem hominis Deus non accipit*. quæ sententia in S. L. frequenter occurrit: ut Deut. 10. v. 17. 2. Chron. 19. 7. Rom. 2. 11. Eph. 6. 9. *οὐδὲ αὐτῶν* autem vulgò nimis ambiguè *personam* interpretantur, magis verò propriè ac planius (ut Hebræis *פנים* accipitur) *faciem* transferrent. Quia verò hominis facies sive vultus sæpius fallax est, nec semper promit quod cor premit ac iudicat, hinc cordi opponi solet, 1. Sam. 16. 9. unde secundò per Metaph. elegantem, ad externam & fallacem rerum speciem transfertur: ex qua de rebus ipsis non est iudicandum: quo etiam modo veritati opponitur, Marc. 12. 14. *Faciem* verò (seu ut vulgò minus aptè *personam*) *accipere*, significat, in iudicio externam rerum speciem probare ac sequi. Synonyma autem sunt *πρὸς αὐτῶν βλέπειν* quæ secundum faciem sunt aspicere; & *κρίνειν κατὰ ὄψιν*, iudicare secundum aspectum Ioh. 7. 24. (cui eodem in loco opponitur, *justum iudicium* *judicare*) & Ioh. 8. 15. *judicare secundum carnem*. Quod vitium, ut Deus in hominum iudiciis damnat, Lev. 19. 15. ita ipse ab eo, tanquam mundi iudex, alienus est: ea que de causa *ἀποστολήν πρὸς κρίνειν*, 1. Pet. 1. 17. & *ὁ ἀποστολὴν πρὸς κρίνειν* Aët. 10. 34. appellatur; quibus hæc Apostoli Gal. 2. sententia omnino congruit. Quæ ut perspicuè satis apparent: ita difficultas aliqua est in eo, ut rectè ad suum scopum referatur. Ac primum quod quidam veterum observant, ellipsis est, & quidem ut videtur particulæ *ὅτι*, id est, *quia*: ut sit sensus, quales aliquando fuerint, nihil mihi discrepat, seu perinde mihi est, quia Deus faciem (seu ut loquuntur personam) id est, externam rerum speciem in iudiciis non accipit. Quo ostendit ac probat Apostolus, se Dei exemplo rectè facere, quod externa illa Apostolorum ornamenta (quæ ad iudicium de Apostolatu & profectu Evangelii per acceptionem divinam, ferendum, omninò aliena) tanquam adiaphora, nec ad rem illam pertinentia æstimet. Atque hæc aphæresis, qua falsum seu calumniam adversariorum à se amovit (quod scilicet ab Apostolis esset edoctus) proposita & exposita. Sequitur jam absoluta parenthesi, confirmatio aphæresis, *mibi enim*, inquit, *ἐν δόξῃ*, *qui in pretio sunt* (i. e. Apostoli) de qua re v. 2. actum, *νihil αἰσχρολογεῖται*, quod vulgata versio reddit, *contulerunt*: quasi sensus esset, nihil mihi addiderunt: quod Erasmus ob verbi usum minus probat. Et sanè Aët. 29. v. 14. *ἀπαρτίδιδοι*, ut & Gal. 2. 2. *exponere* significat: & Gal. 1. v. 16. *ὁ ἀποστολὴν πρὸς κρίνειν κατὰ ὄψιν*, non præterea exposui carni & sanguini, ut ad eum locum ostendimus. Sic etiam hoc loco *mibi enim* *nihil præterea exposuerunt*: quod videtur expressius, quam quod alii, *nihil mecum contulerunt*: etsi sensus eodem redeat. Ex quibus apparet id quod probandum erat, omninò sequi, nempe cum Apostoli Hierosolymis nihil omninò de Evangelio Paulo exposuerint: Ergo nullam Evangelii cognitionem ab iis accepit, nihilque omninò nedum melius est edoctus, contra quam adversarii objectabant. Atque ita absoluta aphæresi, seu remotione falsi, & confirmatione illius, succedit thesis, qua Apostolus contrariam veritatem proponit ac probat v. 7. usque ad 11. Quo declarat, eos qui in pretio sunt Apostolos, tantum abfuisse ab eo, ut ipsum amplius de Evangelio docerent; ut è contrario, data dextra societatis, consensum prædicationis Evangelii inter gentes confirmarint. Id quod proponitur, partim initio, v. 7. cum ait, *imò è contrario*: completur verò versus noni medio; *Iacobus, &c.* ad finem illius versus. Reliqua verò per parenthesin longiorem inserta, causas gravissimas datæ dextræ societatis complectuntur. Quarum prima est v. 7. *Cum vidisset* inquit, *mibi concreditum fuisse Evangelium præputii, sicut Petro circumcissionis*: ubi evangelium pro prædicatione illius usurpatur: quemadmodum Rom. 1. 1. & 2. Cor. 2. 12. deinde præputium, pro præputiatis seu incircumcisis, i. e. Gentibus, ut Rom. 2. 26. 27. ac similiter *circumciso* pro circumcisis Iudæis simili Meton. usurpatur, ut Rom. 3. v. 30. & 4. v. 12. Evangelium autem præputii & circumcissionis, id est, gentium & Iudæorum vocatur: quod ad eos, ex Dei vocatione ac missione pertinebat. Quamvis enim commune esset omnibus Apostolis officium,

ut prædicarent Evangelium citra exceptionem omnibus gentibus, Matt. 28. v. 19. & Aët. 1. v. 8. Paulo tamen à Christo, potissimum prædicatione inter gentes concredita est, Aët. 9. v. 15. & Gal. 1. vers. 16. unde se etiam *καὶ ἐξ ὧν* Rom. 11. v. 13. gentium Apostolum vocat: Petro verò similiter prædicatione Evangelii inter circumcisos Iudæos divinitus concredita præcipuè. Vtrumque autem illud ait vidisse (id est, certo scivisse) eos, nempe qui in pretio sunt, v. 6. Quos deinde nominatim exprimit v. 9. Scientia autem illa, de Pauli divina, ad Evangelium inter gentes prædicandum, autoritate, orta erat ex admiranda Pauli, per Christi revelationem conversione & vocatione in Apostolum, per Barnabæ narrationem jam diu perceptam, Aët. 9. v. 27. & variè postea confirmatam: deinde ex efficacia divina in utriusque apostolatu simili, ut probat v. 8. *nam*, inquit, *qui efficax fuit per Petrum ad Apostolatam circumcissionis*, id est, inter Iudæos, *efficax etiam fuit per me eis τὰ ἔθνη*. Quæ efficacia in prædicatione Evangelii, & miraculis, denique in auditorum conversione admiranda potissimum consistit: quemadmodum collatio Petri & Pauli succincta declarabit. In prædicatione enim Petri zelus & constantia elucet: zelus, quod simul ac Sp. S. donatus, Evangelium prædicavit, Aët. 2. 4. 14. constantia, quod nec irrisionem infidelium auditorum, Aët. 2. 13. 14. nec sacerdotum minas veritus, Aët. 4. v. 18. 19. nec carcerem, Aët. 5. v. 28. 29. nec flagellationem, v. 41. in Evangelii prædicatione fortiter perfluerit. Similiter Pauli zelus seu fervens Evangelii propagandi studium in eo fuit, quod statim, accepto Christi mandato, & Sp. S. donatus, Evangelium prædicavit. Aët. 9. v. 20. constantia verò, quod cognito mortis periculo, hostiumque insidiis, Aët. 9. v. 24. 25. non defecerit: sed prudenter ex Christi mandato, Matt. 10. v. 23. declinans, & Hierosolymam evadens, ab Evangelii tamen prædicatione non declinavit, Aët. 9. vers. 29. deinde varia supplicia ob eam rem perpeffus, 2. Cor. 11. 23. 24. 25. Altera Dei in Petro efficacia in miraculis fuit permagna: quæ omnia in beneficiis divinitus collatis consistunt, si unicum, in Anania & uxore, morte (ex instinctu Sp. S. in quem peccarant) mulctandis, Aët. 9. 5. & 9. excipiamus, quemadmodum & Pauli; excepta iusta Elymæ seu Magi, Evangelii adversarii, excaecatione, Aët. 13. vers. 11. Petri autem miracula beneficia fuerunt, primum Spiritualia, nempe impetratio donorum extraordinariorum Sp. S. fidelibus, per impositionem manuum illius, Aët. 8. 15. 16. 17. Pauli similiter, Gal. 3. v. 2. & 2. Tim. 4. v. 7. Corporalia verò miracula, quibus Deus per Petrum fuit efficax, sita fuerunt, in vivis sanandis, ut singulariter in claudio, Aët. 3. v. 2. & 6. & paralytico, Aët. 8. v. 15. 16. 17. generatim verò in signis & prodigiis, quæ cum reliquis Apostolis multa edidisse, Aët. 5. v. 12. memoratur: adeò ut ægros lectis imponerent in plateis, ut veniente Petro, umbra saltem eorum aliquem inumbraret, Aët. 5. v. 15. Per Paulum simili ratione efficax fuit Dominus: nam & singulariter claudum sanavit, Aët. 14. v. 10. & febri ac dysenteria laborantem Publii patrem, Aët. 28. v. 28. & generatim dicitur reliquos Melitenenses ægros accedentes curasse, vers. 9. & Iconii, Dominum Paulo & Barnabæ testimonium dedisse sermoni gratiæ suæ, ut signa & prodigia fierent per manus eorum, Aët. 14. 3. Quemadmodum etiam in Synodo Hierosolymis à Paulo & Barnaba narratum dicitur, quanta Deus signa & prodigia per ipsos inter gentes edidisset, Aët. 15. vers. 12. id quod copiosè etiam Rom. 15. vers. 18. 19. declarat: adeò ut etiam Aët. 19. vers. 10. 11. dicitur, *virtutes autem non vulgares edebat Deus per manus Pauli, ita ut etiam ad ægrotos deferrentur à corpore ejus sudaria, aut semicinctia, & discederent ab iis morbi, & Spiritus mali ab eis exirent*. Similis etiam in excitandis mortuis observatur ratio. Nam ut Petrus Tabitham, Aët. 9. v. 40. sic Paulus Eutyrum à mortuis excitavit, Aët. 20. v. 9. 10. 11. Postremo, quemadmodum Deus efficax fuit in conversione Iudæorum per Petrum, adeò ut prima concione 3000. ad fidem in Christum sint adducta, Aët. 2. v. 41. altera verò 5000. Aët. 4. v. 4. Per Paulum similiter Deus ita fuit efficax,

ut plu-

ut plurimas multarum gentium Ecclesias ad Christum adduxerit, ut Rom. 15. v. 14. testatur: se ab Jerusalem & circumjacentibus regionibus usque ad Illyricum implevisse predicandi Evangelii Christi munus. Id quod & Acta Apostolorum & Epistolæ ad Corinthios, Galatas & ad alias gentium Ecclesias, ab ipso collectas, demonstrant. Quamobrem merito Paulus, ut contra dubitationem, præstantiam apostolatus sui & efficaciam Dei per ipsum exhibere confirmaret, & falsos doctores confutaret, ait 2. Cor. 12. v. 11. 12. *nulla in re inferior fui summis Apostolis, et si nihil sum: indicia quidem Apostoli, &c.* Atque ita jam plenè constat verissimum esse quod hic Gal. 2. 8. asseruit. *Nam qui efficax fuit per Petrum ad apostolatam circumcisionis, efficax etiam fuit per me inter gentes.* Atque hæc quidem de prima consensus Apostolorum cum Paulo & Barnaba exhibitæ ratione, nimirum quod vidissent non minus à Deo Evangelii prædicationem conceditam Paulo inter Gentes, quam Petro inter Judæos.

Altera porrò ratio v. 9. exprimitur; quod gratiam illam ipsi datam cognovissent. Quid autem per *gratiam* notetur, observandum. Quidam enim insignes interpretes Sp. S. dona extraordinaria, nempe linguarum, Prophetiæ & similia, designari censent. Sed tamen aptius omninò videtur, ut efficacia illa divina, quam Deus per Pauli Apostolatus executionem exeruit (de qua v. 8.) intelligatur: de qua etiam 1. Cor. 3. 10. *secundum gratiam Dei*, inquit, *quæ data est mihi, &c.* Quæ gratia v. 5. & 6. de efficacia Dei exponitur. Sic c. 15. 10. *Gratia ejus erga me non fuit inanis, sed amplius quam illi omnes* (scil. Apostoli v. 9.) *laboravi: non ego tamen, sed gratia Dei quæ mecum est.* & Rom. 15. 18. Et ut obiter hoc moneam, hanc sententiam phrasin etiam Græca Apostoli indicat, nempe τὴν χάριν τὴν δοθεῖσάν μοι, quod vulgò redditur, *gratiam mihi datam*: sed aptius & hic, & 1. Cor. 4. 10. transferri potest, *gratiam illam mihi datam*: ut emphas præstantiæ rei, per gratiam articulum indicetur: quem admodum Matt. 17. 5. *filius ille meus dilectus*, & Joh. 1. 9. *lux illa vera*, Joh. 10. v. 10. 11. 14. & c. 15. 1. *vitæ illa vera*, & 1. Joh. 4. v. 9. *unigenitum illum*: quem admodum etiam observavit doctiss. Budæus annotationibus prioribus in Pandect. edit. Colon. in 8. p. 109. citans illud Luc. 15. 22. τὴν σόλῳ τὴν πρῶτην, *solum illam primam*, & N. 23. τὸν μὲν τὸ σπυρίον, *vitulum illum saginabilem* interpr. & vulgatum interpr. qui articulum illum neglexit, utrinque reprehendit, & addit: *Non enim de quacunque sola, vel de quocunque vitulo in genere, sed de certa quadam veste, & de certo quodam vitulo, quæ sique in delitiis habito, & quo Dominus delectabatur intelligendum, ut ex vi articuli Græci constat iis, qui Græcè satis intelligunt. Cui simile est illud, Joh. 1. 21. Prophetæ es tu, &c. sic autem verti debuit, illene Prophetæ es.* Hactenus Budæus. Ideoque Clariss. Beza omnibus locis jam à nobis memoratis, emphasin articuli eo modo rectè expressit. Id quod etiam hoc in loco, & 1. Cor. 3. 10. erat exprimendum: ut vel rei de qua agitur, certa excellentia satis ostendit. Nam cum dicitur hic à Paulo Gal. 2. 9. τὴν χάριν τὴν δοθεῖσάν μοι, *gratiam illam mihi datam* intelligit insignem illam efficaciam in apostolatus sui executione à Deo exsertam. Quod autem eam Apostolis cognitam ait, illud & ex priorum ac communi relatu acciderat: & ex recenti declaratione Barnabæ & Pauli, qui per Phœniciam & Samariam Hierosolymam tendentes, fratribus conversionem gentium narrabant, Actor. 15. 3. & Hierosolymis in congregatione totius Ecclesiæ annuntiabant quæcunque Deus per ipsos effecerat, v. 4. & iidem postea etiam exposuerunt, quanta Deus edidisset signa & miracula per ipsos inter gentes, ibid. v. 12.

Atque hæc de secunda ratione, qua Apostoli Hierosolymis justè adducti sunt, ut consensum suum ac societatem cum Paulo & Barnaba demonstrarent; cujus rei descriptio per thesin inchoata est, v. 7. initio: sed inserta longiore parenthesi (quæ causas consensus impulsivas explicavit) perficitur demum v. 9. his verbis: *Iacobus &c.* usque ad v. 11. Quibus describuntur primò Apostoli consentientes: deinde consensus eorum. Describuntur autem Apostoli ab adjunctis suis circumstantiis, primò à nominibus, deinde ab Ecclesiæ de iis iudicio honorifico. Nomina autem sunt Iacobus & Cephas & Iohannes, nam quod Hieron. & Ambros. pro

*Cephas* legant *Petrus*, eumque primo loco ponunt: illud communi Græcorum & Codicum, & Patrum lectioni adversatur. De Iacobi autem persona questio est. Nam & Amb. & August. Iacobum fratrem Iohannis (qui cum hoc & Petro gloriam Domini in monte conspexerat. Matt. 17.) designari putant. Sed minus rectè: quia ille jam antea ab Herode erat trucidatus, Act. 12. 2. ideoque alii rectius interpretantur de altero Iacobo, qui minor vocatur, Alphæi filio, Matt. 10. 3. qui frater Domini dicitur, Gal. 1. 19. Cur autem Iacobus ille, ordine inter tres Apostolos ponatur primus, factum quidam putant, quod Synodi Hierosolymitanæ, cum hæc gesta sunt, esset præses, utpote qui eam concludit sententia lata, Act. 15. v. 19. quam tota Synodus secuta, v. 22. Simplicius tamen videtur, idcirco præpositum, ut in ordine recensionis nullum esse momentum indicaretur, etsi in Evangelistis Petrus ordine sit præmissus. Nam alibi diversa ordinis ratio observatur, quemadmodum 1. Cor. 1. 12. Paulus & Apollos Cephe præponuntur: similiterque c. 3. v. 22. Cuiusmodi etiam diversus atque promiscuus ordo, in Pauli & Barnabæ recensione reperitur, cum alibi, tum Actor. 13. 2. & 7. ubi Barnabas Saulo præponitur, sed v. 23. & 50. postponitur. Porro huic primo, è tribus hisce Apostolis nomini, alterum additur *Cephas*, quo Simon, filius Ionæ, à Christo cognominatus Syriacè: quod ab Evangelista Iohan. 1. 43. exponitur Græcè πέτρος, id est *lapis* seu *petra* aut *saxum*. Ac propterea eodem sensu promiscuè, idem modò Petrus Gal. 2. 7. 8. modò Cephas v. 9. appellatur, de qua re pluribus in publica disputatione disseruimus. Denique Apostolorum nomen tertium additum est, *Iohannes*, qui citra controversiam Evangelista est. Atque hæc quidem de priori Apostolorum Paulo consentientium adjuncta circumstantia, nempe nominibus eorum distinctis. Altera verò est Ecclesiæ de iisdem honorificum iudicium: id quod hisce verbis subiectis indicatur: *οἱ δοκῶντες σὺν αὐτοῖς, qui videntur* sive *putantur columnæ esse*. Quæ ut rectius intelligantur, duæ hæc voces σὺλος & δοκῶντες explicandæ. Prior autem σὺλος, *columnam* notat, sive ligneam, 1. Reg. 7. 2. sive lapideam; sive æream, 2. Reg. 25. 13. interdum verò graphium seu scriptionis instrumentum notat, quo antiquitus in ceratis tabulis scribebant. Ceterum columnæ usus communis est, ut erigatur atque emineat; vel ad domum superiorem sustentandam, ne corruat, ut Iud. 16. v. 29. ut & vulgò fieri solet in palatiis: vel ut emineat & ornet duntaxat domum, non autem eam sustineat: quales columnæ in templo Salomonis ante Sacrarium duæ, 1. Reg. 7. v. 15. Unde per Metaph. eleganti similitudine *columnæ* vox transfertur, I. ad eos, qui columnæ instar eminent atque conspicui sunt ac insignes inter alios, ut Apoc. 3. 11. *qui viceris faciam ut sit columna in templo Dei mei*, i. e. in Ecclesia gloriosa v. 13. Deinde pleniori Metaphora comparatè transfertur ad eos, qui non solum inter alios eminentes conspicui atque in honore sunt: sed etiam sua opera alios quodammodo sustinent, & à lapsu tuentur. Quo modo hic Apostoli, de quibus agitur, columnæ appellantur: quod in Ecclesia non solum infitis donis Sp. S. emerent atque excellenter: sed etiam quod, ut columnæ domum sustinent ac tuentur: sic Apostoli hi Ecclesiam, tanquam domum Dei suo ministerio quodammodo sustinerent. Ministerium autem hoc situm fuit, in fideli ac constanti Evangelii prædicatione, miraculorum ei confirmandæ præstantia, & in persecutionibus, pro ea prædicatione perferendis invicta tolerantia. Atque hæc de prioris vocis nempe *columnæ* significatione.

Altera est *οἱ δοκῶντες, qui videntur*. De qua voce diversæ extant interp. sententiæ. Quidam enim opinionem, veritati rei adversam, intelligi existimant: ut è Patribus ad hunc locum August. ait, *videbantur, non erant*: atque ita etiam quidam docti interp. illud ad vanam falsorum fratrum iactationem referunt, quod ita Apostolos hosce vocarent, ut Paulo, & doctrina, & apostolatu præstantiores ostenderent. Sed alii rectius de communi rectoque iudicio Ecclesiæ interpretantur. Nam cum omnes Apostoli fundamenta cœlestis urbis Apoc. 21. 14. statuuntur: quod super Christum unicum propriè fundamentum, 1. Cor. 3. 11. ædificati, Ecclesiam sua prædicatione ac Spiritus Sancti directione collegissent, eandemque doctrina Evangelii tradita, suo modo sustine-

rent, Ephes. 2. v. 20. quid ni possent columnarum instar similiter haberi? Neque vox *videri* aut *putari* ullo modo obstat: quia generalis vox est, quæ *existimari* notat: nec solum opinionem falsam ac incertam: sed etiam ad veram rei scientiam, pro rei subjectæ ratione refertur: ac rei certæ scientiam notare posse, exempla sunt illustria in verbis Christi, Luc. 19. v. 7. *hec non videtur*, supple mihi, vel non puto, & in verbis Pauli, 1. Cor. 7. 4. *scio, puto me Spiritum Dei habere*: quemadmodum etiam apud Latinos, *videtur mihi*, & *puto*, certam etiam scientiam non raro designant: ut multa è Cicerone aliisque exempla à doctis adducuntur. Quod autem in Apostolorum trium descriptione, iudicium commune Ecclesiæ recensuit Paulus honestissimum: illud non frustrà factum, sed ad scopum omnino pertinet: ut illorum consensus & societas cum Paulo calumniam adversariorum, qui dissentientem atque imparem iis esse objectabant, confutaret: consensus autem descriptioni nominis & dignitatis Apostolorum subijcitur his verbis: *dextras dederunt mihi & Barnabæ societas, ut nos inter gentes, ipsi inter circumcisos*, supple ex v. 7. & 8. *apostolatu fungeremur*. Dextræ autem porrectio, pacis ac consensionis nota: unde tritum illud Ciceronis in Antonium, cum ait; *dextræ, quæ fidei testes esse solebant*: & illud Virgilii: *En dextra fidesque*. Quæ dextræ porrectio an apud Judæos primis temporibus in usu fuerit, dubitari potest: quia nulla illius in Mosis, neque in Prophetarum scriptis exempla observantur: sed tempore Maccabæorum, ut ex lib. 1. c. 11. v. 62. & 66. apparet. Cumque dextræ porrectio soleat fieri, vel pacis instituendæ, vel testandæ gratia: idcirco distinctè hic dicitur, eos dextras dedisse societatibus, scilicet non ineundæ, sed testandæ ac confirmandæ: quod & muneris Apostolici, & puritatis doctrinæ essent focii, ac pacti, ut quemadmodum antea potissimum inter gentes Paulus & Barnabas Euangelium prædicarant: Apostoli verò, Jacobus, Cephas & Johannes inter Judæos, ut v. 7. & 8. traditur: sic imposterum illud observaretur, ut postea v. 9. dicitur: *ut nos inter gentes, ipsi verò inter circumcisionem*, id est, inter circumcisos Judæos, per Meton. subj. pro adj. Ellipsis autem est horum verborum; *apostolatu fungeremur*: quam Græcè rectè Clariss. Beza supplevit: id quod etiam intelligitur & ex re ipsa, & ex v. 7. & 8. Coeterum ne fortè adversarii objicerent, datam societatibus dextram, & ut inter gentes Apostolatu fungerentur, sed correctione doctrinæ Pauli, per institutionem Apostolorum præmissam: idcirco v. 10. commoda anticipatione hoc præscindit, cum ait: dictum solum *ἡ τῶν πτωχῶν μνησθήσεσθαι*, ut pauperum meminissent. *πτωχοὶ* autem propriè mendicos notat, ut Tertull. 1. 4. contra Marc. rectè ostendit: hoc verò in loco per Synec. generis pro specie, *pauperes* seu *egenos* notat, ut Tertull. contra Marcio. lib. 5. interpretatur, *tantum ut meminissent egenorum*. *Pauperes* autem hic illi intelliguntur (inquit Hieron.) *qui ex Iudæis pretia possessionum deferebant egentibus largienda: vel qui à contribulibus cognatis & parentibus suis quasi desertores legis, detestationi habebantur, & piaculo ducebantur: vel potest de alio pauperum genere accipi, de pauperibus spiritu, i. e. de peccatoribus*. Hæc Hieron. dubia de variis pauperum generibus interpretatio, quarum postrema omnino à Scopo hujus loci atque sequentibus aliena: quippe omiſsa propria vocis significatione, ad impropiam, inepta Origenis imitatione, sine ulla ratione probabili, nedum necessaria, devolvitur. Prima verò angusta nimis, licet eam Aug. & alii quidam sequantur. Secunda verò magis consentit veritati: eamque Chrysost. etiam adducit, ac pauperes hoc loco Judæos illos exponit, qui à suis contribulibus Christianæ religionis odio facultatibus suis erant exuti: quo spectat illud Apostoli testimonium, Heb. 10. 34. & 1. Theſſ. 2. 14. *vos enim fratres, &c.* Veruntamen accommodatius videtur, ut generatim de omnibus Ecclesiæ Judaicæ, in primis Hierosolymitanæ pauperibus, ut Rom. 15. 26. pauperes intelligantur: siue tales fuerint sortis suæ tenuis conditione: siue persecutione hostium: siue annonæ caritate pressi, inopes fuerint. Qui licet initio, ditiorum liberalitate ac bonorum communione fuissent sublevati, Actor. 4. 34. ac contra annonæ caritatem ab Ecclesia Antiochena ad tempus adjuti, Act. 11. 10. crescente tamen indies fidelium è pauperibus potissimum nu-

mero, subsidium amplius à gentium Ecclesiis, ex charitatis & gratitudinis debitæ justissima lege requirebant, Rom. 15. v. 27. Atque hæc de pauperibus: quorum ut Paulus & Barnabas meminissent, ab Apostolis illis tribus Hierosolymis merito postulatam. Cum autem Græcè *μνησθήσεσθαι*, ut Latine *meminisse*, vel memorem esse, vel mentionem facere significet: utrovis modo accipiat (uti interpretes diversè accipiunt) eodem res redit: quia per Meton. causæ efficientis pro effecto *juvare*, siue per se, siue per alium designat: ut enim memoria paupertatis fidelium, pios ad succurrendi studium excitat: sic etiam mentio paupertatis fidelium, misericordiam Ecclesiæ atque auxilium provocat: prior tamen significatio, per Meton. modificata (memorem esse pro adjuvare) videtur hoc loco præferenda: ut quæ in Sacris Literis & communi usu frequentissima: altera verò rarissima: ac si rectè perpendimus, uno tantum in loco ea significatio certò obtinet, nempe Heb. 11. 22. *Ioseph de exitu filiorum Israël à iunioribus meminit*, i. e. mentionem fecit: quemadmodum collatio sententiæ, Gen. 50. 54. quam Paulus spectavit, demonstrat. Porro quemadmodum Apostoli pauperes pro officio suo commendarunt: ita Paulus vicissim se officium fecisse attestatur, cum ait, *quod & ipsam studui facere*: ut etiam eventus ac fructus illius, in commendandis pauperibus Iudæis, & elemosynis colligendis in Ecclesiis Galatiæ, Maced. & Achaïæ demonstravit: ut copiosè, 1. Cor. 16. v. 1. 2. 3. & 2. Cor. 8. & 9. & Rom. 15. 26. 27. describitur. Atque hæc societas, Pauli & Apostolorum, dextræ porrectione, firmata, & apostolatus ac prædicatio inter gentes absolute approbantur: adeo ut nullius rei alterius Paulus sit monitus, quam solummodo ut pauperum cum Barnaba meminissent: unde sequitur (quod erat probandum ac præmissum) Paulum doctrina divinitus revelata, & apostolatu, Jacobo & Cepha & Iohanne, non inferiorem; sed parem, contra quam adversarii illius contendebant. Ideoque Galatas, ad quos hæc epistola scribitur, perperam à prædicato per Paulum Euangelio, ad legis ceremonias, quasi necessarias declinasse. Id quod narratione actionis cum Petro & Paulo seqq. à v. 11. ad finem usq; c. clarius demonstratur. Verumtamen quia in explicatione v. 9. ostendimus quo sensu Apostoli illi tres, Columnæ Ecclesiæ sint habiti, non importunum neque ingratum fore speramus, si illustre illud ac celeberrimum Ecclesiæ encomium simile, quo *columna & stabilimentum veritatis* appellatur, succincta digressionem interposita, expendere studeamus. Extat autem 1. Tim. 3. v. 5. postquam enim Apostolus dixerat, *ut noris quomodo oporteat in domo Dei versari*; expositionem insignem domus Dei ita subijcit: *quæ est Ecclesia Dei vivit, columna & stabilimentum veritatis*. Ad cuius sententiæ & sensus illius plenioris intelligentiam, Ecclesiæ & veritatis voces, strictim exponemus. Ac primò cum Ecclesia Dei vivi, partim sit gloriosa in cælis, partim militans in terris, non illam, sed hanc intelligi, controversia caret: quia Timotheus non in illa, sed in hac versabatur: cuius pars fuit Ecclesia Ephesina, in qua curanda, Pauli rogatu, ad tempus mansit. Cumque Ecclesia militans sit cætus vocatorum, per Euangelii ministerium, ad cognitionem & professionem Christi: eaque sagenæ instar, Matt. 13. 47. bonos & malos promiscuè complectatur, id est, partim electos viva fide præditos, partim mortuâ ac reprobos; inde fit, ut Ecclesia interdum simpliciter, cætum utrumque designet: sicut cum Ecclesiæ Asiæ, 1. Cor. 16. v. 19. & septem Ecclesiæ, Apoc. 1. 11. aliæque, quibus Apostoli scripserunt, nominantur: interdum verò secundum quid, cætum tantum electorum ac viva fide præditorum distinctè significat: quando nimirum ea attributa Ecclesiæ adscribuntur, quæ tantum verè fidelibus conveniunt, Ephes. 5. v. 23. *Christus est caput Ecclesiæ suæ: ipse est servator corporis*: eodemque sensu seqq. ad finem usque c. intelligitur. Hæc de vocis Ecclesiæ usu diverso. *Veritas* etiam similiter variè accipitur. Nam inter alia, vel mendacio opponitur, ut 1. Tim. 2. v. 7. *veritatem dico in Christo, non mentior*: vel typis ac figuris legalibus: eoque modo rem ipsam iis adumbratam (à qua veritas typorum dependet) significat: quemadmodum Joh. 1. v. 17. *lex per Moſen data, veritas per Christum Iesum*, & c. 6. 32. *panem illum de celo verum*: & Heb. 8.

Heb. 8. v. 2. Christus vocatur minister veri illius tabernaculi, id est, per corporale & externum legale adumbrati, & c. 9. 24. τὰ ἅγια *sancta* (sic autem sacrarium vocat) dicuntur ἐν ἱερὶ τῶν ἀληθινῶν, *exemplaria verorum*, ac cœlos adumbratos per ea designat. Porro veritas mendacio opposita, non raro per Meton. adjuncti pro subjecto, doctrinam veram notat, ut Psal. 119. 142. *lex tua veritas*: & Ioh. 17. 17. *sermo tuus veritas*: inde καὶ ἐξ ὧν, sive per Synecdoch. generis pro specie præstantissima, sæpius Evangelium significat, Gal. 3. 1. & c. 5. 7. veritati, id est, Evangelio non obedire, 1. Tim. 2. 4. agnitio veritatis, Eph. 1. 13. *cum audivissetis sermonem veritatis*, ut verba proximè addita, *Evangelium salutis vestræ*, disertè exponunt. Denique hæc phrasis, *columna & firmamentum veritatis*, bifariam accipi potest: vel ut columna sit subjectum, & veritas adjunctum illius: vel ut columna effectum, veritas verò causam illius notet, quod veritas Evangelii efficiat, ut Ecclesia sit columna firma. Atque hisce jam præmissis, quæ ad voces & phrasin pertinent: de sensu genuino commodius agi potest, qui non eodem modo, sed bifariam à Patribus statuitur. Primus modus est, ut Ecclesia secundum quid tantum, ratione cœtus electorum ac viva fide prædicatorum intelligatur, ac columna & firmamentum veritatis dicatur. Metaphoricè, quod columnæ instar firma sit, per fidem. quæ veritatem Evangelii in se continet, & superstructa Christo invicta perstet, adeò ut portæ inferorum eam non vincant; Matt. 16. 18. deinde firmamentum dicatur simili Metaphora, quod veritatem Evangelii sua professione, atque obedientiæ erga eam exemplo, in mundo firmiter prætendat ac tueatur, Phil. 2. 15. 16. Atque hæc est Theodor. sententia, in explic. 1. Tim. 3. 15. *Domum enim Dei & Ecclesiam appellavit eorum qui crediderunt: eos dixit columnam & firmamentum veritatis. Supra petram enim fundati, stabiles & immobiles permanent, & rebus ipsis prædicant dogmatum veritatem.* Deinde August. similiter de Ecclesia electorum ac viva fide prædicatorum exponit: nam Tom. 8. in enarratione Psal. 47. de Ecclesia hac differens ait; *Nam eam etiam firmamentum Apostolicis literis appellatam vide & agnosce, quæ est, inquit, Ecclesia Dei vivi, columna ac firmamentum veritatis.* Altera explicatio est eorum, qui veritatem à Paulo, opponi legalibus typis existimant, & rem iis adumbratam notare censent; quemadmodum Theophylactus: Sic enim ait, hic (nempe 1. Tim. 3. 15.) *ad Iudaicum alludit templum, Ecclesiamque ei confert. Siquidem illud habebat figuras & umbras, veluti tintinnabula & mala punica & pontificem cum victimis: Ecclesia autem veritatis est constitutio: omnia namque quæ in ea peraguntur, vera sunt, & nihil in ea est umbrosum, qualia sunt ea quæ lege sanciantur. Pro tintinnabulis enim verbum & prædicatio est splendida: pro malis punicis vita est coronamentum intus fructum habens. Porro Pontifex, victima, & sacrificium, filius Dei.* Hactenus Theoph. Reliquum autem est, ut à veterum Patrum de celeberrimo hoc Ecclesiæ elogio sententiis diversis ad recentiorum interpretum expositionem procedamus: ac primò qua in re convenient inter se: deinde quomodo differant, ad accuratiorem intelligentiam proponemus: ad consensum autem quod attinet, conveniunt primò in eo, *veritatis* nomine verbum Evangelii, quo vera salutis per Christum doctrina traditur, designari: deinde columnam ac stabilimentum illius appellari, per Metaph. à columna propriè dicta, ob similitudinem utriusque derivatam: tertio in eo quoque conveniunt, quod Ecclesia Dei vera tantummodo intelligatur, utpote quæ à Deo est veritatis authore, & columna veritatis: quemadmodum contra falsa Ecclesia à diabolo extructa, & quasi columna mendacii: denique in eo quoque consensus est, quod veritas Evangelii per se firma est ac stabilis, adeò ut sui ratione nullam opem Ecclesiæ requirat qua stabiliatur, ut quæ organica Ecclesiæ causa, eamque sustentat: sed tantum ratione cognitionis ipsius apud homines, per prædicationem ac confessionem conservandæ: & in his quidem apparet recentiorum interpretum, in hac illustri sententia enarranda consensus: differentia verò eorum à diversa vocatione Ecclesiæ & columnæ acceptione, promanat: quidam enim visibilem vocatorum ad Christi cognitionem, & verbi ac Sacramento-

rum communionem, cœtum ex electis & reprobis constantem intelligi, ac notam veræ Ecclesiæ propriam, quæ à falsa distinguatur, describi censent: deinde Ecclesiam hanc columnam & firmamentum veritatis, per translationem dicti ab illa columnarum veterum specie, quibus fœdera, leges, aliaque honoris causa, ad certam rei memoriam conservandam inscribebantur, aut affixis tabulis appendi solebant: quarum columnarum inprimis apud Demosthenem in oratione adversus Leptinem frequenter mentio occurrit: atque inde hoc sensu per similitudinem elegantem, ab Apostolo Ecclesiam columnam ac firmamentum veritatis appellatam arbitrantur: quod huiusmodi columnæ instar, veritatem sibi traditam & appensam, per prædicationem & confessionem illius custodiat, tueatur, & ad posteros notitiam illius propaget. Quæ sanè similitudo videtur valdè concinna: sed tamen, licet columnis illis veterum inscripta fœdera, leges & similia legamus, de affixione tamen tabularum ad eas, nullum adhuc exemplum aut indicium observare neque exquirere potuimus: Si quis tamen compererit, indicii gratias ei debemus: nam quod de nostrorum temporum consuetudine dicitur, illud vetustatem non probat: deinde quod ad columnas veterum attinet, quibus leges ad custodiam certamque notitiam inscribebantur, eæ fuerunt alterius formæ, & alio nomine appellatæ, quàm quo Apostolus utitur: illæ enim dictæ sunt non *σύλος* sed *στήλη*: quæ duo licet ab eodem verbo *ἵστυ*, *erigo*, *statuo*, deriventur, significatione tamen differre, à doctiss. Eustathio Comment. Græc. in Homier. demonstratum. *σύλος* enim figuram habuit rotundam: *στήλη* verò quadratam, quemadmodum Suidas aliique ex eo testantur: idemque confirmat doctiss. Ulpianus in suis Comment. in orationem Demosth. adversus Leptin. editionis Wolphii Tom. 5. p. 144. Sic enim ait; *στήλη lignum aut lapis quadratus (seu quadrangulus) in quo inscripta &c.* Qua voce in eadem oratione Demosth. utitur, p. 370. *ἐν τῇ στήλῃ γέγραπται*, in columna illa scripta est, sic p. 366. & 378. idemque Demosth. Orat. in *εὐεγ*: p. 688. edit. Wolphii in folio καὶ τῶν νόμων *ἐπισκεψάμενος τὴν τῷ Δράκοντος ἐκ τῆς στήλης*, & inspectis Draconis legibus in columna, ut rectè *ἐκ* pro *ἐν*, ambiguitatis vitandæ causa interpretatur Wolphius: quibus accedit, quod cum Græcorum usu conveniant Lxx. Interp. qui *σύλος* & *στήλη* ubique distinxerunt. Hæc de priori huius Ecclesiæ descriptionis explicatione: altera verò eorum est, qui Ecclesiæ & columnæ significationem aliam sequuntur: nim. ut Ecclesia electorum intelligatur, & columna per Metaph. vocetur, similitudine quadam petita à tali columna, cui edificiij moles imposita, eamque sustinet ne collabatur: nam visibiles Ecclesiæ non sunt columnarum instar stabiles, sed sæpe instabiles: & veritatem non retinuisse, sed ab ea defecisse, Asiæ, Africæ & Europæ bona pars demonstrat: ac propterea doct. Wolf. Musc. August. in Ps. 47. sententiam probans ait: *quod Apostolus Ecclesiam Christi, Ecclesiam Dei viventis columnam, ac stabilimentum vocat, intelligitur de Ecclesia electorum: qui veritatem in fide Iesu Christi amplexi, fortiter & constanter perseverant, ita ut ne inferorum portæ adversus eam prævaleant, propterea quod fundata est supra petram.* Quæ explicatio vocis *σύλος* & *στήλης* distinctionem non confundit, & invictam Ecclesiæ stabilitatem, columnæ voce denotatam indicat. Cæterum quia Christus Scripturas jubet scrutari: non alienum, nec ingratum fore existimamus, si servata eadem descriptionis Ecclesiæ propositæ sententia, novam quandam, cum Apostoli scopo & verbis consonam explicationem (non affectatæ novitatis, sed veritatis amplius illustrandæ studio) expendendam proponamus: ea autem est huiusmodi, ut Ecclesiam columnam & firmamentum veritatis Evangelii appellari dicamus, similitudine singulari, à duabus illis columnis ante Sanctum positis, 1. Reg. 7. 21. utpote veræ Ecclesiæ typis prophetis. Cuius rei observandæ atque indagandæ Clar. Doctor Iunius occasionem suppeditavit, ut qui rectissimè, 1. Reg. 7. ad v. 21. de Jachin & Boas columnarum harum propriis nominibus ait; *Hæc duo nomina columnis indita Prophetis fuerunt, ut prædicaret Salomo columnæ & robur plus quam abeneum in regno Dei, id est, in Ecclesia esse.* Ex quibus apparet doctiss. virum censere, per columnas illas Ecclesiam Dei adumbratam: deinde quod columnæ,



lumnæ, cum fuerint æneæ sive æreæ, invictum Ecclesiæ ac plusquam aheneum robur divinitus insitum designent: quibus etiam accedit, quod peculiariter ei rei significandæ nomina ista duo sunt indita, quibus columnarum arcana significatio indicatur: denique consideratio orationis Pauli allegoricæ, in priori etiam descriptionis Ecclesiæ parte, & similitudo typi columnarum & rei adumbratæ, ad amissim inter se conveniens, hanc interpretationem sententiæ Apostoli persuadere videntur: nam prima Ecclesiæ descriptio, quæ *domus Dei* (nempe spiritualis, 1. Pet. 2. 1.) dicitur, per Metaph. à templo, corporali Dei domo, ut typo Ecclesiæ desumitur: adeo ut valdè consentaneum videatur, si secunda descriptione Ecclesiæ, à secundo typo deducatur translatio: ut columna & firmamentum nominetur à duabus illis domus Dei columnis, 1. Reg. 7. quæ inditum habebant, sustentabant atque prætendebant eminentem globum coronarium: quibus columnarum mysterium significari, propriis nominibus indicatum. Idemque insignis Ecclesiæ & columnarum illarum similitudo comprobatur: nam ut columna illæ innixæ fuerunt domus Dei seu templi fundamento: sic Ecclesia velut columna spiritualis, Christo fundamento suo superstructa eique fide innixa, Matt. 16. 18. Eph. 2. 21. 22. Col. 1. 23. secundo ut columna illæ fuerunt æreæ, ac propterea firmæ ac stabiles, 1. Reg. 7. v. 15. sic etiam Ecclesia firma & immota per Dei potentiam persistat, 1. Pet. 1. vers. 9. adeo ut portæ inferorum adversus eam non prævaleant, Matt. 16. v. 18. quemadmodum simili quadam metaphora Deus Jeremiam, cap. 1. vers. 18. appellans ait: *ego pono te hodie velut civitatem munitam, velut columnam ferream*. tertiò, ut columna illæ duæ, non solum ratione fundamenti & insiti roboris sui ahenei, fuerunt firmæ, sed etiam rei ipsius impositæ atque ex iis eminentis stabilimentum; sic etiam Ecclesia electorum ut spiritualis columna, non solum stabilis & firma est: sed etiam veritatis sibi divinitus inditæ custos ac stabilimentum rectè vocatur: quatenus scilicet veritatis Evangelii notitiam in se vera fide retinet firmiter, & in mundo extra se prætendit ac tuetur. Phil. 2. vers. 15. 16. Quæ veritas egregia cum suo typo similitudine, per globos illos columnis sacris duabus impositos, adumbrata comperietur: nam primò ut globi illi in solis duabus columnis residebant ac sustentabantur: sic veritas Evangelii in sola electorum Ecclesia residens, fide viva continetur, & prædicatione ac confessione eminet ac prætenditur: deinde ut globi fuerunt ex ære fusi, 1. Reg. 7. v. 16. ac proinde insito suo robore firmi: sic etiam verbum veritatis Evangelii firmum atque invictum permanet, 1. Pet. 1. v. 25. denique ut globi illi admirando liliorum, malogranatorum & coronarum ornatu insito excelluerunt, 1. Reg. 7. v. 17. 18. sic etiam veritas Evangelii divino ac vario salutarium dogmatum ornatu jucundissimo, alias veritates longissimè exsuperat, Psal. 19. & 119. Quapropter ut columna illæ duæ fuerunt Ecclesiæ typi: sic & globi earum coronarii, in iis supernè inditi ac conspicuè eminentes, veritatem Ecclesiæ Dei, tanquam spirituali columnæ divinitus inditam, concinnè adumbrant. Veritatis autem voce, globorum significationem typicam obscuriorem Apostolus hoc loco declaravit; cum Ecclesiam Dei columnam & firmamentum veritatis appellat. Quam huius loci interpretationem accurato doctorum iudicio censendam libenter submittimus. Antequam verò finiamus, nodus quidam, qui ob stare videtur, paucis expediendus; & quidem ut eadem opera mysterium illud columnarum & globorum coronariorum, 1. Reg. 7. multò plenius illustretur: nam mysterium in iis inesse, nomina propria columnis illis indita, præter Scripturæ in aliis morem, indicare agnoscunt interpretes, & res ipsa evincit. Nodus autem hic est, quod columnarum numerus Ecclesiæ Dei adumbrandæ minus prima fronte congruere videatur: cum unicam Ecclesiam duabus columnis significari diximus. Verum duobus modis huic difficultati occurri potest. Primò quidem, quod in ea re nihil sit absurdi, si una eademque res, duobus signis divinitus designetur: id quod vel illustri illo exemplo, Gen. 41. constat, siquidem duo à Deo diversa unius rei futuræ signa Pharaoni somnian-

ti proposita: quocirca Patriarcha Joseph (ut divinus interpret adhibitus) unum somnium esse asseruit (cum tamen duo fuerint) ratione unius ejusdemque rei, sub duobus signis indicatæ, Gen. 41. 21. & repetitionis unius rei per diversos modos signorum, causam esse tradit, ut certitudo rei notaretur, ibid. v. 23. Deinde altera objecti nodi uberior solutio, & quæ difficultatem penitus diluit, est huiusmodi: quod quamvis Ecclesia Dei unica sit re ipsa, ratione unius formæ insitæ: accidentium tamen circumstantiarum ratione in duas distinguitur: quarum prior Israëlita ante Christi adventum, quæ in solo populo Israëlita, præteritis aliis gentibus, fuit comprehensa, Ps. 147. 19. 20. Act. 14. 10. altera verò Catholica, Ecclesia Christiana ex omnibus gentibus, per Christi Apostolos collecta, Matt. 28. 19. Act. 1. 8. Quæ duplex Ecclesiæ distinctio perspicuè, Esa. 54. v. 1. sub duarum uxorum Dei similitudine proponitur: quarum una, quæ conjugata dicitur, Israëlitam Ecclesiam notat: altera verò sterilis, quæ non parit & desolata, Ecclesiam Christianam, ante Christum desertam ac præteritam significat, ut disertè Gal. 4. 27. explicatur. Atque hæc unius Ecclesiæ in duas distinctio, per duas etiam diversas columnas, 1. Reg. 7. egregia omnino convenientia adumbrata est, partim nominibus propriis, partim situs utriusque differentiâ, v. 21. nam ad nomina quod attinet, ut mysterium latens in columnis indicaretur, unius columnæ nomen proprium vocatur יָד, i. e. *in ea robur*, quo Israëlita Ecclesia notatur, quod Deus ei, ut conjugii suæ, Jesa. 54. 1. sua potentia adesset, & ad filios, Deo per verbum propagandos, robustam redderet ac custodiret: alteri verò columnæ nomen attributum est, יָד, i. e. *parabit*: per quam columnam Ecclesia catholica Christiana futura designata est, quod scilicet nondum esset per vocationem parata (utpote adhuc tum temporis desolata, Ps. 147. 19. 20. Esa. 54. 1. Act. 5. 16. Eph. 4. 12.) sed per Christum & Apostolos, misso Sp. S. tandem paranda, Mat. 28. 19. Act. 1. 8. Altera columnarum Ecclesiam Dei adumbrantium distinctio in ipso situ, sive diversa collocatione inter se consistit: columna enim *Iachin* nominata (quæ Ecclesiæ Catholicæ ac Christianæ, post Christum exhibitum parandæ, typus fuit) distinctè dextra vocatur, & altera, *Boas* dicta, Ecclesiæ Israëliticæ typus, sinistra: ut ea distinctione Ecclesiæ Catholicæ futuræ excellentia indicaretur; quod licet tempore esset inferior, dignitate tamen divinitus destinata, i. e. amplitudine & privilegiis variis longè superior, ut Esa. 54. allegoricè prædictum: idque ab Apostolo Paulo, Gal. 4. 27. allegoriè explicatione diserta declaratur. Atque hætenus occasione elogii Apostolorum Jacobi, Cephe & Johannis, qui columnæ judicabantur, digressi sumus ad celeberrimum illud Ecclesiæ encomium nonnihil illustrandum: quo 1. Tim. 3. 15. ut illa domus Dei per Metaphor. à typo templi & externæ domus Dei dicta: sic eodem tropo columna & firmamentum veritatis appellatur, ut ante pluribus declaratum. Quare digressionem istam pro modulo nostro absolutam, ad rem ipsam regrediemur. Postquam enim Paulus hoc secundo capite satis superque, se nihil ab Apostolis aliis didicisse, nec iis inferiorem, sed in doctrina & Apostolatu parem, data ejus rei ab Apostolis dextra, agnitum ac comprobatum, ostendit: idem jam alia narratione, inde à v. 11. ad finem usque cap. demonstrat: quæ narratio reprehensionem Petri continet, quæ in Actis à Luca, ut alia nonnulla (utpote à Paulo in hac epistola ante descripta ac publicè inde nota) non frustra omittuntur. Narrationis autem illius partes sunt duæ, propositio & expositio illius. Propositio autem reprehensionem Petri, & rationem illius describit. Ac reprehensionem quidem à temporis & loci circumstantiis, & modo illius explicat. Circumstantia autem indicatur, cum dicitur: *Cum autem venisset Petrus Antiochiam*. Ac temporis quidem articulus non definitè notatur: sed hoc tamen ex orationis serie & re ipsa satis apparet, fuisse postquam Paulus cum Barnaba, à Synodo & rebus antè narratis legatione perfunctus, Antiochiam Syriæ regressus fuerat, Act. 15. 30. Modus autem reprehensionis est, quod Petro restitit, *ante faciem*, i. e. non clanculum, sed coram: quemadmodum phrasis ea accipitur, Luc. 2. 31. & Act. 3. 13. & 25. 16. ut etiam huius loci circumstantia hoc requirit:

requirit: eodem tamen sensus redit, quod vetus interpres, *in faciem*, & noster *in os*, transtulit. Observanda autem hoc in loco est duplex veterum quorundam hallucinatio. Prior quidem, quod pro voce *Petri*, Cephā substituerunt, ut Clemens quinta hypotyposeon, Cephā legit, & quidem non Apostolum Petrum, sed unum ē 70. Christi discipulis interpretatur, ut ab Eusebio hist. Eccles. l. 1. c. 13. narratur. Sed lectioni illi obstat communis Græcorum omnium codicum consensus, in quibus non *κεφα* sed *πέτρος* constanter extat, quemadmodum etiam apud Chrysost. aliosque Græcos Patres: deinde figmentum illud de alio Cephā, ē 70. discipulis, vanum nulloque modo probatum; neque ad hujus dicti Paulini scopum pertinet, sed omnino ineptum esse à doctis interpretibus rectè observatum ac demonstratum; etsi enim Oecumenius hoc probabile statuatur, Hieron. tamen hoc non immerito ut alienum copiosè refutavit. Hujus autem variæ lectionis & conjecturæ origo inde videtur orta, quod imprudenti zelo, honori Apostoli Petri consulere voluerint, atque ita infidelium adversariorum calumniis anſam præcidere. Hæc de priori errore. Alter succedit, quasi, quod Paulus se Petro restituisse asserit, non seriò esset factum, sed externa tantum specie & simulatione mutuâ: ac si illis verbis, *κατὰ πρόσωπον*, secundum faciem, i. e. speciem notaretur: quæ in primis Græcorum Patrum sententia, quæ prolixè à Chrys. & ex eo ab Oecum. explicatur, & ab Hieron. operosè discutitur ac propugnatur, partim Commentariis in epistolam ad Gal. partim in epistolis de hac materia ad Aug. qui contra graviter ac solidè eam refellit. Cujus longioris certaminis accuratam atque eruditam analysin ac summam si quis desideret, à Clariss. Doctore Paræo ad hunc Apostoli locum subjectam comperiet. Atque hæc de reprehensione Petri, i. e. primo propositionis membro. Alterum est ratio illius, idcirco subjecta, ut iustitia reprehensionis adversus calumniatores designaretur: ea autem ratio est, quia *καταγόμηνος ἦν*. Quod quidam exponunt propriè, *quia damnatus erat*. Verum illud neque antecedentibus neque consequentibus satis convenit; ac propterea alii illud verbum per enallagen participii, loco nominis (ut alibi sæpius fit) accepti, interpretantur: ut idem sit quod *καταγόμενος*, cui opponitur, Tit. 2. v. 8. *ἀκατάγματος*, unde vulgatus interpres, *reprehensibilis erat*, noster verò *condemnandus* Latine reddidit, id est, jure reprehendendus erat: unde sequitur Paulum Apostolum non temerè nec iniquè, sed jure, meritoque restituisse. Cæterum notanda est hoc in loco Græcorum Patrum explicatio, quam ex iis Oecumenius recenset, quæ Apostoli verbis indigne omnino repugnat. Sic etenim ait; *reprehensus erat Petrus, non veritate, i. e. non verè, neque à Paulo, qui dispensationem noverat: absit: sed ab his, qui ignorabant quid dispensativè ageretur, & opinabantur simulare propter factum*. Dispensationem autem vocat, actionis latens consilium: quod nec Petrus seriò à gentibus se subduxerit ac segregavit ob Judæorum à Jacobo adventum, sed simulatione quadam, ut Paulo, consilii hujus conscio, reprehensionis occasionem præberet, eamque patienter ferendo, Judæos illos à legis ceremonialis zelo imprudente ad libertatem Christianam adduceret. Quæ referre, refutare est: cum Apostolo & hic & in seqq. disertè contradicant, eumque imprudentes falsi arguunt, qui hanc epistolam instinctu Sp. S. ut alias conscripsit, & quæ scripsit vera esse, juramento asseruit, c. 1. 20. Hujus autem falsæ interpretationis occasio fuit adversariorum infidelium calumnia, qui & Petri hypocrisin in doctrina & vita, & Pauli in ea reprehendenda petulantiam arguerunt: quales fuerunt, ut Marcionem omittam, Porphyrius, ut Hieron. hîc monet, & Julianus Imperator apostata: quemadmodum ex Cyrillo Alexan. Tom. 3. contra Julian. l. 9. in fine illius constat. Scopus autem interpretationis Græcorum Patrum fuit, ut Apostolorum honorem, in primis verò Petri tuerentur: quemadmodum ex verbis etiam Cyrilli ibidem apparet: *Sub hac* (inquit de Juliano) *carvillatur, & exitium inter sanctos Apostolos Petrum, quem & hypocrisiam esse dicit, & per Paulum reprehensum, quod interdum Græcorum moribus vivere studuerit, interdum autem Iudæo-*

*rum: ignorans omnino artificiosissimam dispensationem. Non enim aliud sentiebat discipulus, sed tempestivè congruis utebatur dispensationibus, & omni modo iis qui se accedebant, prodesse studebat. Quoniam autem beatus Paulus unum morem servabat, accedens submonuit; timuerat enim ne fortassis mens illa ignoraretur, & dispensationis modus quosdam offenderet. Hæc ille: quibus Petrum ab omni culpa hoc loco absolvere, & adversarios confutare conatur, Sed frustra: nam licet scandalum sit vitandum, & ne infirmi labantur, curandum: distinctio tamen duplicis scandali concurrentis prudenter observanda. Scandalum enim per se (quod vulgò scandalum datum vocatur) semper est vitandum: quia in seipso peccatum est, & in aliis hominibus peccati causa adjuvans. Scandalum verò per accidens abusus aliorum (quod scandalum acceptum dici solet) est vel improborum, vel infirmorum fratrum. Improborum quidem, quando illi actione aliorum bona, suo vitio abutentes peccant: quale fuit scandalum Pharisaicum, Matt. 15. 12. quod contemnendum Christus docet, v. 14. Infirmitatem verò fratrum scandalum est, quod ex simplicis libertatis Christianæ ignorantia acceptum, vitari ex charitatis lege debet, si modo absque ullo scandalo dato fieri potest. Quando verò utrumque concurrat, scandalum acceptum negligendum est: quia non est faciendum malum, ut eveniat bonum, Rom. 3. 8. Atque hac in re Petrus peccavit, quod cum subita perturbatione abreptus, de scandalo rectè sentientium, cum gentium tum Judæorum, qui cum iis erant, ex subductione & separatione ab iis orituro, non cogitaret: scandalum malè sentientium Judæorum à Jacobo missorum oriturum, subito imprudenti & præcipiti metu vitavit perperam. Quamobrem ut Porphyrii & Juliani accusationes adversus Petrum olim institutæ, iustâ ratione retundantur, ea non est, ut cum Græcis Patribus & Hieronymo Petrum à culpa omni commissâ immunem hîc statuamus: quia res ipsa, ac Pauli Apostoli disertâ narratio hoc loco & sequentibus contradicit; sed genuina responsio est, ut culpam aliquam agnoscamus, non autem eam, quam hostes illi objecerunt, primum quia hypocrisis Petri, quam Paulus rectè in eo reprehendit, non fuit habitus, seu morum illius, quibus assueverit, sed actionis particularis, cum alioqui vita illius non fuerit simulata, sed sincera. Ideoque falsò Petrum hypocritam fuisse, i. e. hypocrisi assuetum ac deditum, ex una hac actione objecerunt. deinde hæc hypocrisis Petri non fuit deliberata, seu consilio suscepta: sed imprudenti ac subita cogitatione, ac metu scandali accipiendi abreptus, infirmitate humana impiegit, id quod mirandum non est: nam quamvis Apostolus Petrus (quemadmodum & reliqui Apostoli) per divinitus promissum ac missum Sp. S. in omnem veritatem esset deductus, Ioh. 16. v. 13. & in doctrina sua sincerus ac constans, non tamen propterea perfectè fuit sanctus, & ab omnibus peccatis immunis, 1. Ioh. 1. 8. quandoquidem in multis labimur omnes, Jac. 3. 2. Atque hæc de narrationis Pauli (de Petri reprehensione instituta) propositione: cui deinde opportuna expositio, declarationi & confirmationi illius inserviens, subjicitur: atque ita sese adversus temeritatis & petulantiam notam & calumniam maturè præmunit ac tuetur: ut eò magis Galatas partim lapsos erigeret, partim in doctrina de libertate Christiana infirmiores confirmaret. Hæc autem Petri à Paulo reprehensionis propositæ expositio, I. causam illius, deinde modum describit. Causa autem est, externa quidem, peccatum Petri reprehensione dignum: interna verò, Pauli conscientia. Ac Petri peccatum duplex indicatur: primum, & ex primo illo ortum. Primum quidem v. 12. describitur, nimirum quod facto suo gentes fideles offenderit: quod cum antea cum iis (tanquam fratribus per fidem purgatis, rectè libereque conjunctus) ederet, postea tamen adventu Judæorum à Jacobo missorum, malè se à fidelibus illis gentibus subduceret ac separaret. Malè autem id factum, ex causa Petrum movente indicatur, quum dicitur, *metuens eos quæ erant ex circumcissione*, id est, circumcisos: qualis Metonymia, Rom. 4. v. 12. Gal. 2. v. 7. Eph. 2. v. 11. usurpatur: deinde non omnes circumcisos præsentis intelligit; quandoquidem pars eorum cum Petro degebat, quam metuere non poterat, sed per Synecd. Judæos à Jacobo missos, &*

circumcisioni, legisque ceremoniis ex libertatis Christianæ ignorantia addictos: qui gentes, licet fideles, absque circumcisione admissa, impuros censebant, & ab earum familiaritate & mensa, ut re illicita, abhorrebant. Quales reprehenses suos Petrus Hierosolymis antea fuerat expertus, postquam ad Cornelium fuisset ingressus, & cum eo aliisque incircumcisis fidelibus edisset, ut Act. 11. v. 2. 3. describitur: quibus tum temporis, Apostolus Petrus constanter occurrit, & cum oraculi mandantis Dei v. 9. cum 12. tum & miraculi sequentis narratione, vers. 15. 16. 17. satisfacit v. 18. hic verò per infirmitatem quandam humanam (subitò offensæ, & reprehensionis à similibus Judæis, metu) officii memoria perturbata, fumum fugiens in flammam incidit; quod videlicet quando malè sentientium scandalum arripiendum vitare præposterè studet, rectè sentientium fidei infirmantem scandalum imprudens præbuit. Atque hæc de primo Petri peccato, quo inconsulta simulationis actione, in officium suum impiegit. Alterum verò peccatum, nempe ex priori ortum, est detrimentum, quod Ecclesiæ, subductione illa à gentibus fidelibus, intulit. Illud autem est geminum ac comparatè explicatur. Unum quidem grave, quod Petrus suæ hypocrisis præeuntis exemplo reliquos etiam Judæos (qui Antiochiæ, non minus quàm Petrus, cum gentibus fidelibus, pro libertate Christiana, liberè edebant) ad imitationem simulationis suæ commoverit: id quod indicatur, v. 13. *Et simulabant unà cum eo reliqui etiam Iudæi.* Alterum verò detrimentum, exemplo Petri illatum, fuit gravius; quod non reliqui Judæi solum, sed etiam Barnabas ipse, gentium cum Paulo doctor & socius, atque unà cum eo jam ante ad asserendam libertatem Christianam legatus Hierosolymam, simili hypocrisis sit abreptus: de quo dicitur, *ὡς καὶ Βαρνάβας συναποχρίσας αὐτὸν τῇ ὑποκρίσει.* Quæ verba duobus modis exponuntur: primus est ut *ὡς* significet itaque, ut olim noster interpres sic transtulit: itaque & Barnabas simul abreptus fuit in illorum simulationem: alter verò modus est, ut *ὡς* notet, adè ut, aut, ita ut, quemadmodum noster interpres postremò convertit: *adè ut Barnabas quoque simul abriperetur eorum simulatione.* Ac prioris quidem interpretationis ratio est, quod *ὡς*, quando significat adè ut, infinitivo modo construì solet: non autem, ut hic fieri videmus, indicativo modo. Verùm agnoscimus quidem illam vocis *ὡς* constructionem esse frequentissimam, sed tamen non perpetuam: quia ut noster etiam interpres postremis annotationibus rectè ait, *ὡς quoque cum indicativo modo; quamvis non ita frequenter, construì hac significatione.* ac sane è bonis authoribus exempla non defunt: sed si quis diligenter Novi Testamenti loca excusserit, non frequentia exempla, sed unicum tantum extare comperietur, nimirum Joh. 3. v. 16. *Sic Deus dilexit &c. ὡς τὸν κόσμον, &c. adè ut filium dederit, &c.* reliquis verò locis eo sensu cum infinitivo construatur. Cæterum prior interpretatio vocis *ὡς* pro itaque conclusionem notans, antecedentibus Pauli verbis non rectè convenit: sed posterior optimè, utpote quæ ad exaggerationem detrimenti illati à Petro, egregiè inservit, quemadmodum antea ostendimus: grave enim fuit gentibus fidelibus scandalum, quod Judæi à fidelium grege rectè sentientes subitò sese (quasi impuri essent Christiani gentiles) ab ipsis separarint: sed quod Barnabas quoque gregis illius pastor & libertatis Christianæ doctor, nunc unà cum illorum simulatione abreptus fuit, scandalum fuit gravissimum. Atque hæc de Petri peccato, cum primo, tum altero ex priori orto: quæ externa fuit causa, Paulum ad reprehensionem Petri, justè ac necessariò impellens. Altera verò, est Pauli conscientia recta, qua peccatum Petri & imitatorum illius vidit, & iusta reprehensione corrigendum judicavit: de quo v. 14. dicitur; *sed cum vidissem eos, non recto pede incidere ad veritatem Evangelii.* Peccatum autem Petri & aliorum hic describitur eleganti Metaphora (quæ à claudicantibus, ut 1. Reg. 18. v. 21. petita) generatim primum, cum ait, *non recto pede incidere*, id est, malè agendo ab officii (quasi vix ineundæ) rectitudine declinare; cuius contrarium præcipitur, Heb. 12. 13. *rectas orbitas (seu vestigia) facite pedibus vestris: ne quod*

*claudum est deflectat à via, sed sanetur potius*, quibus verbis hic locus ad Galatas egregiè illustratur. Deinde speciatim viam indicat Apostolus, à qua per vitiosam illam simulationem declinarunt, cum addit, *ὡς τὴν ἀλὴν τὴν ἐν ἀληθείᾳ, ad veritatem Evangelii.* Ubi notandum est, vocem *ὡς*, cum accus. junctam, sæpius terminum notare; interdum verò convenientiam, ut idem sit quod *et*, secundum, cum accusativo constructum. Quæ significatio huic Apostoli dicto maxime quadrat: quemadmodum & noster interpres rectè observavit ac probavit, & ut illustraret sensum paraphrasi hac interpretatus est; *ut veritati Evangelii congrueret.* Quæ veritas via est ac norma fidei & actionis rectæ: à qua Petrus & imitatores illius, non prædicatione, sed imprudenti tantum actione, ut supra ostensum, aberrarunt: id quod phrasia illa, *non recto pede incidere* (quæ ad actionem pertinet) satis declarat. Hinc Tert. de præscriptione adversus hæreticos, c. 43. ait: *proponunt ergo ad sugillandum ignorantiam aliquam Apostolorum: quod Petrus & quidam qui cum eo erant, reprehensi sint à Paulo.* Ad quod postea Tertull. respondet. Cæterum, inquit, *reprehensus est Petrus, quod cum convixisset Ethnicis, postea se à convictu eorum separabat, personarum respectu: utique conversationis fuit vitium, non prædicationis:* & contra Marcionem, lib. 4. c. 3. cum Marcionem ex epistola ad Galatas narrat, objecisse, Paulum ipsos etiam Apostolos sugillasse, ut non recto pede incedentes ad veritatem Evangelii, postea respondet Tertull. hoc modo: *Et si reprehensus est Petrus & Iohannes & Iacobus (qui existimabantur columnæ) manifesta causa est: personarum enim respectu videbantur variare convictum. Et tamen cum ipse Paulus omnibus omnia diceret fieri, ut omnes lucrarentur, potuit & Petro hoc in consilio fuisse aliter aliquid agendi, quàm decebat.* Et paulò post ait; *Non de prædicatione, sed de conversatione à Paulo denotabantur, æquè denotaturo, si quid de Deo creatore aut Christo ejus errassent.* Ubi obiter notandum memorie error. Nec enim Iacobus & Iohannes Apostoli, sed Petrus & Iudæi præsentis tunc cum Barnabæ à Paulo hoc loco reprehensi dicuntur: deinde diffimile est Pauli & Petri exemplum, quod quasi simile adducit Tertullianus; nam Paulus sic & Gentibus & Judæis sese accommodavit, ut nullum scandalum per se committeret: sed ceremoniis legis, ut re non necessaria, sed ad tempus libera, usus est, modò non est usus, prout ædificatio Ecclesiæ, sine rectè sentientium offensâ, requirebat. Petrus verò dum malè sentientes de libertate Christiana offendere metuit, imprudens, scandalum rectè sentientibus dedit, ut supra ostendimus: nam veritas Evangelii hoc requirebat, ut fides beneficii Christi, quo fideles à circumcisione & ceremoniarum legis servitute liberavit, Gal. 5. v. 1. confirmaretur, Gal. 2. v. 4. 5. id quod Paulus hic spectavit ac præstitit, sicut etiam Petrus antea Act. 15. v. 8. 9. & Synodus Hierosolymitana ante decreverat, Act. 15. v. 24. à qua veritatis & Evangelii via, Petrus & imitatores illius, imprudenti metu abrepti, declinarunt; quod Paulus tanquam Apostolus, veritatis Evangelii, & salutis Ecclesiæ zelò, piè accensus, sua reprehensione corrigere studuit. Atque hæc de causa reprehensionis Petri duplici: eoque modo expositum ac probatum est, quod Apostolus ante vers. 11. dixerat, Petrum fuisse *ἐπιτιμώμενον*, iusta reprehensione dignum. Sequitur deinde reprehensionis modus, qui circumstantiam ac formam illius complectitur. Circumstantia autem est duplex, tempus quando ea facta est, & auditores, coram quibus. Tempus est, quod reprehensio non sit delata in posterum (hoc enim scandalum fovisset, non autem correxisset) sed statim scandalo dato atque observato adhibita est, tanquam remedium necessarium: id quod initio versus indicatur, 1. voce *ὡς* cum vidissem; deinde sequentibus, cum additur, *dixi*, id est, tum dixi. Altera verò circumstantia sunt adjuncti auditores, quod non clanculùm, aut coram paucis; sed coram omnibus illis. Neque obstat præceptum Christi, Matth. 18. vers. 15. quia ibi de privatis loquitur injuriis, quæ primum privatam reprehensionem requirunt: hoc verò Petri peccatum, non fuit privatum, in Paulum commissum, sed publicum, & toti illi Ecclesiæ præsentis notum ac noxium: ideoque publicam

ab Apo-

ab Apostolo reprehensionem requirebat, ut 1. Tim. 5. vers. 20. docetur. Qua de re consentaneè ait Augustinus: *Quod autem hoc ei dixit, necessitas coëgit, ut omnes illius objur- gatione sanarentur: non enim utile erat, errorem qui palam noce- ret, in secreto corrigi.* Hactenus Augustinus. Eadem etiam necessitate hæc perscribit Apostolus ad Galatas prudenter, non verò ambitione, nec invidiâ (ut Porphyrius olim Christianis objecit) sed ut apud eos adversus Pseudoapo- stolos (qui Petri nomine & exemplis, contra Pauli doctri- nam abutebantur) Euangelii veritatem assereret, ad Eccle- siæ salutem & Dei in Christo gloriam. Cujus etiam simili studio ducti, & Moses ac Prophetæ & Apostoli, nec san- ctorum virorum, nec sua peccata reticuerunt scriptis suis: ut hujusmodi exemplis cautiore redderemur. Atque hæc de primo reprehensionis modo, qui in circumstantia cum temporis præsentis atque opportuni, tum præsentis audi- torum omnium consistit. Alter verò modus est forma re- prehensionis, partim communis, partim propria: communis quidem, quod ea reprehensio facta sit sermone ad Petrum præsentem directo, dixi (inquit) ei, id est, Petro: Propria verò reprehensionis forma proximè sequentibus propo- nitur & confirmatur. Propositio autem est, quâ factum Petri interrogationis figura accusat, & rei indignitatem de- clarat. Accusat autem hoc modo; *Gentes cogis Judaizare.* ubi per Gentes primum non quasvis, neque infideles, sed Ecclesiam Antiochenam, è Gentibus constantem, (cum qua Petrus antè ederat) intelligit: ita ut τὰ ἴδια non in- concianè hoc loco transferri possit, gentes illas: ut articulus τὰ sic memoratarum antè gentium fidelium demonstrati- vus, ut sæpius accipitur. Judaizare autem est ritus Judæo- rum sequi: hoc est Judæos qui circumcisionem & ceremo- nias legis (tanquam cultum divinum) observabant, imi- tari; quod verò addit cogis, observandum est eam vocem bifariam accipi: primum propriè, ut sit vim ad aliquid agendum inferre, ut Actor. 26. v. 11. coëgi blasphemare: deinde improprie per Metaphoram ac similitudinem quan- dam notat magnam rei causam præbere, ut Matth. 14. vers. 22. statim Iesus coëgit discipulos suos inscendere in navi- gium, hoc est, autoritate mandati sui commovit: & 2. Cor. 12. vers. 11. fui insipiens in gloriando, vos me coëgi- stis: hoc est, causam vehementer mihi præbuitis: quemad- modum sequentia exponunt: *debueram enim à vobis com- mendari:* sic hoc in loco Apostoli, non propriè Petrus coë- git gentes Judaizare: nullam enim iis vim adhibuerat: sed improprie tantum, quod similis esset cogenti, non quidem consultò per mandatum, vel hortationem aliquam; sed quod perturbatus subito subductionis suæ atque authori- tatis exemplo causam Judaizandi imprudens præberet, ut suprâ pluribus declaratum; adeò ut nisi maturè Paulus obstitisset, gentes quoque fideles ad Iudaismum commo- visset. Cujus rei indignitatem, interrogationis figura o- stendit, cum ad Petri conscientiam provocans ait; *cur gen- tes cogis Judaizare?* quasi diceret, facti illius tui rationem justam reddere non potes. Atque hæc genuina videtur hujus loci sententia, quamvis nonnulli hanc coactionem latius patere censent; quasi ea non solum exemplo, sed et- iam oratione facta sit. Quemadmodum Ambrosius expo- nens ait; *Sed hic tota causa reprehensionis est, quod advenienti- bus Judæis à Iacobo, non solum segregabat se ab eis, cum quibus gentiliter vixerat: sed & compellebat eos Judaizare; causa ti- moris illorum, ut quid horum verum esset ignorarent gentiles. Sciebant enim ipsam secum non quasi Iudæum vixisse; post au- tem audientes ab eo, quia Iudæorum instar sequendum erat, hæ- sitabant uti quid esset verum.* Hæc ille: cui nonnulli in- terpretum assentiuntur: sed probabilior, & à plerisque ma- gis recepta Augustini sententia, epist. 9. ad Hieronymum: quam sententiam rotundè ac concinna brevitate in pauca contraxit Hieronymus in epistola ad Augustinum his ver- bis: *Quod Petrus gentes Judaizare coegerit, non dominantis imperio, sed docentis exemplo: Nam quid inquam aliud hac subductione præ se ferebat, ac quodammodo loquebatur Petrus, quam à gentilibus tanquam impuris abstinendum, eoque homi- nes non mundari & justificari fide, sed operibus legis.* Hactenus sententia Augustini, licet in Commentariis suis in e-

pist. ad Galat. Ambrosium minus commodè esset secutus. Porro explicata jam formæ reprehensionis propositione, sequitur confirmatio illius, pluribus constans argumentis. Primum autem eorum est: *quia tu cum Iudæus sis, genti- liter vivis & non Iudaicè.* Vnde rectè & perspicuè sequi- tur; Ergo malè cogis gentes exemplo tuo Judaizare. Si- milis locus est ipsiusmet Petri, Actor. 15. vers. 9. & 10. *nihil discrevit (supple Deus) inter nos & illos,* (hoc est, Iudæos & gentiles) *fide purgans corda illorum.* Nunc ergo, *quid tentatis Deum, imposito iugo cervici discipu- lorum, quod neque patres nostri, neque nos portare potuimus.* Cœ- terum quidnam sit Iudæum esse, & quid Gentiliter & non Iu- daicè vivere significet, (cum suam habeant emphasin) pau- cis explicandum. Ac Iudæum quidem esse, est esse Abrahami sobolem, & ex fœderis cum eo initi formula, Genes. 17. Deo consecratum & lege institutum, Rom. 9. vers. 4. non autem gentilem, à fœdere & populo Dei alienum, Ephes. 2. v. 11. Deinde *gentiliter vivere*, est more gen- tium circumcisionem & legis ceremonias (tanquam ad Dei cultum & salutem necessaria) negligere: quemadmodum contra *Judaicè vivere* est Judæorum more circumcisionem & legisceremonias (quasi ad sanctitatem & salutem necessarias) observare, & à gentium familiaritate, ut illicita, abstinere, ut Actor. 10. v. 28. Qua de re memorabilis Hieronymi in Commentariis hujus loci paraphrasis observanda: *Indis- solubili, inquit, argumento constringit Petrum, imò per Petrum illos, qui pugnantia illum inter se facere cogeant. Si inquit, tu Petre, qui naturâ Iudæus es, circumcisis à parva ætate, & universa legis præcepta custodiens, nunc ob gratiam Christi, scis ea nihil per se habere utilitatis, sed exemplaria esse & ima- gines futurorum, & cum his, qui ex gentibus sunt, cibum ca- pis, nequaquam ut antè superstitiose, sed libere & indifferenter visitans, quomodo eos qui ex gentibus crediderunt (nunc rece- dens ab iis, & quasi à contaminatis te separans & secernens) compellis Judaizare? Si enim immundi sunt à quibus rece- dis, idcirco autem recedis, quia non habent circumcisionem, compellis eos circumcidi & Iudæos fieri, cum tu ipse natus Iudæus gentiliter vixeris:* Hactenus Hieronymus. Cœterum perpendenda est hic in hac reprehensione Petri à Paulo, tam zelus sanctus ac prudens constantia Pauli, quam mo- destia & patientia Petri: qui meritò rectèque omnino ar- guenti cesserit, & concordia ac gratitudinis testandæ gra- tiâ, scriptis etiam Paulum honoravit: quemadmodum rectè etiam à priscis patribus observatum: quemadmodum Oecumenius ostendit, cum ait: Παῦλος διὰ τῆς ἐπιστολῆς κατα- γνάσκεις Πέτρον. ὃ Πέτρος διὰ τῆς ἐπιστολῆς ἐγκυμᾷ Παῦλον, ὃ τὰς ἐπιστολὰς σφίλας τοῦ καὶ χάριτος ἐστὶν πλεονεξίας, ὃ τὰς ἀποδείξεις τῶν ἐν αὐτῇ καυχουμένων τῶν ὁμοίων ἀλλὰ ὃ διασπέρων ἀναβολὰς, hoc est; Paulus per epistolam condemnat Petrum; & Petrus per epistolam laudat Paulum, & epistolas sapientiæ & gratiæ esse plenas testatur, & instabiles latentem in iis men- tem non intelligere, immo etiam pervertere exclamat: Id quod etiam extollit non immeritò Augustinus. Nam, inquit, ob- jurgatore suo ipse qui objurgatur mirabilior, & ad imitandum difficilior. Facilius est videre quid in alio corrigas, atque id vitu- perando aut objurgando corrigere, quam videre quid in te corri- gendum sit, libenterque corrigi vel per seipsum, nedum per alium, adde posteriorem, adde coram omnibus. Valet autem hoc ad ma- gnum humilitatis exemplum. Hactenus succinctè & accuratè Augustinus. Atq; hoc modo jam explicatum primum pro- positæ reprehensionis Petri (gentiles illos fideles ad Iudai- zandum exemplo suo cogentis) argumentum: videlicet, quod suo antecedenti rectè facto, exemplum consequens refutaretur: utpote qui antea cum gentibus illis incir- cumcisis, tanquam fide purgatis, liberè rectèque ederat. Cui argumento secundum subjicitur, & scripturæ autho- ritate confirmatur, vers. 15. Argumentum autem petrum est à communi Petri & Pauli scientia & fide, ac nervosissi- mum est, summamque doctrinæ salutis Euangelio traditæ complectitur, ac propterea subjectum ac attributum illius, distinctè consideranda. Subjectum autem primum brevi- ter proponitur: deinde descriptione opportuna pluribus explicatur. Proponitur autem hoc modo, Nos, hoc est, ut rectè Hieronymus accepit, Ego & tu Petre, cum quo,



plurali hac voce, se conjungit ac consensum indicat. Explicatio autem est, prima à gentis ipsorum privilegio: altera verò à scientia. Ac prius quidem ita denotatur, cum ad vocem *nos*, additur, *natura Iudæi, & non ex gentibus peccatores*: Vnde perspicue sequitur vocem *Nos*, non omnes fideles, tam gentiles, quam Iudæos hoc loco designare: quia gentibus diserte opponuntur. Iudæos autem intelligit Apostolus, non stricta significatione, eos, qui ex tribu erant Iuda: sed latiori, per Synecdochen speciei pro genere, Israëlitas: nam Paulus cum ait: *nos Iudæi*, se Petro Iudæo annumerat, cum tamen non esset ex tribu Iuda, sed Israëlita ex tribu Benjamin, Phil. 3. vers. 5. Quod autem ad vocem *Iudæi* additur *naturâ*, id fit distinctionis gratiâ: nam Iudæorum alii sunt naturâ seu generatione tales, octavo die circumcisi secundum legem: alii non naturâ, sed insitione: seu alii sunt nati, alii per circumcisionem & religionis Iudaicæ professionem facti Iudæi, qui *γεννημένοι*, hoc est, *advenæ* distinctè appellantur, Matth. 23. vers. 15. & Actor. 2. vers. 10. utpote qui ad Iudæos, religionis communione advenierint, & in Iudæorum populum cooptati. Quod diligenter Hieronymus explicavit, *Naturâ* inquit *Iudæus est, qui de genere est Abraham, & à parentibus die octavo circumcissus est: non naturâ Iudæus, qui postea factus est ex gentibus*. Hæc ille. Quo etiam modo ad Rom. 11. Iudæi *rami sancti*, vers. 16. & *rami secundum naturam*, v. 21. vocantur, & ab aliis, populo Iudæorum insitis, distinguuntur, vers. 17. Cæterum ad maiorem rei evidentiam, hoc nationis Iudaicæ privilegium illustratur oppositione contrarii, cum dicitur, *& non ex gentibus peccatores*. Quo in loco peccatores appellantur, non generatim & absolute omnes legis transgressores (quemadmodum peccatum generatim accipiendo *ἀνομία* legis transgressio est, 1. Ioh. 3. v. 4.) quia omnes homines sunt peccatores, 1. Reg. 8. v. 46. tam Iudæi, quam gentiles, Rom. 3. v. 9. & 23. sed *καὶ ἡ ἐξοχή* eximii peccatores, qui peccatis omnino sunt dediti, & in quibus peccatum regnat. Quomodo hæc vox accipitur crebrius, ut Psal. 1. v. 1. & 5. & 1. Tim. 1. v. 9. Quales Genes. 13. v. 13. *peccatores valde* appellantur: Quemadmodum eodem sensu *peccandi* vox *καὶ ἡ ἐξοχή* usurpatur, 1. Ioh. 3. v. 9. qui inquit, *natus est ex Deo, non peccat, nec peccare potest*. Atque hoc modo speciali gentiles ante fidem in Christum peccatores appellantur, hoc est, eximii peccatores, profani ac scelerati: quod videlicet ignorantes Deum, idola colerent, Gal. 4. vers. 8. & sceleribus variis essent addicti, Rom. 1. vers. 29. 30. adeo ut Apostolus, Eph. 2. vers. 12. gentiles Ephesios antequam crederent in Christum, hisce nominibus describat: *in illo tempore eratis absque Christo, alieni à republ. Israëlitis, extranei à pactis promissionis, spem non habentes, & à Deo, Dei (nempe veri) expertes in mundo*. Atque hanc sententiam plerique interpretes merito sequuntur potius, quam Augustini, qui istud nomen gentibus à Iudæis, vetusta quadam superbiâ impositum statuit: tanquam ipsi iusti essent, videntes stipulam in oculo alieno & non trabem in suo. Secundum eorum morem locutus Apostolus ait, *nos natura Iudæi, & non ex gentibus peccatores: id est, quos appellant peccatores, cum & ipsi sint peccatores*. Hæc ille, minus commodè: cum contra gentes, comparatè cum Iudæis Dei cultoribus, & à Deo in populum suum asscitis, rectè *peccatores* appellari ex memoratis Scripturæ locis conset. Atque hæc de priori subiecti huius sententiæ membro, nempe quod Paulus & Petrus voce *Nos* indicati, essent naturâ Iudæi & non ex gentibus peccatores. Alterum membrum est adjuncta iis scientia, quæ vers. 16. initio explicatur hoc modo, *scientes hominem non justificari ex operibus legis, sed ex fide Iesu Christi*. Qua in re distinctè, res scita, & scientia illius designantur. Res autem scita est doctrina de modo justificationis: de qua re cum duplex esset ac controversa sententia: una quidem falsa, quam Iudæi plerique tuebantur; altera autem vera: idcirco doctrina illa per aphæresin & thesin describitur, hoc est, negatione erroris, & affirmatione veritatis. Ac negatio quidem errorem de justificationis modo rejicit his verbis; *Non justificatur homo ex operibus legis*. Ubi primum vox *hominis* indefinitè quidem enuntiatur, sed definitam tamen ac generalem habet significatio-

nem: ac si diceretur, ullus homo, hoc est, nullus homo justificabitur: ut ad Galat. 1. v. 1. *Paulus Apostolus non ab homine, neque per hominem*, hoc est, non ab ullo homine, neque per ullum hominem: quemadmodum etiam in consentanea omnino sententia, ad Rom. 3. vers. 28. dicitur, *non justificari hominem*, hoc est, ullum hominem *ex operibus legis*. Quam etiam hominis significationem scopus Apostoli requirit, & probatio in fine versus huius, (ubi generalis nota additur) evincit. Deinde homini generatim sumpto attributum justificationis ex operibus denegatur. *Iustificare* autem (ut alibi pluribus explicatum) neque Hebraicè *הצדיק*, neque Græcè *δικαιῶσαι*, iustum indita iustitiæ qualitate efficere significat, sed iustum judicare: ut Scripturæ & utriusque linguæ usus evincit. Ideoque ineptè ac perperam Pontificii hanc vocem cum sanctificatione (quasi idem notarent) confundunt. Cumque aliquis justificari, hoc est iustus judicari possit, vel ab homine, vel à Deo; posterior sensus *κατ' ἐξοχήν*, in justificationis doctrina intelligitur. Deinde cum ea coram Deo justificatio, sit vel hominis in se perfectè iusti; vel in se iniusti, seu per peccatum transgressoris legis: illa non intelligitur; quoniam Christo soli (ut à peccato & peccatoribus segregato, ad Hebr. 4. vers. 15. & cap. 7. v. 26.) propria est: quemadmodum ipsemet de se testatur, Esai. 50. vers. 8. *propinquus est, qui justificat me, quis contendas mecum?* sed altera justificatio, nempe hominis in se iniusti ac peccatoris ac maledictionem legis promeriti, designatur; quia omnes peccaverunt ac destituuntur gloria Dei, Rom. 3. vers. 23. Ideoque Apostolus hoc loco modum justificationis hominis ex operibus legis, hoc est, ex iustitia sua legi debita pernegat: quemadmodum plenius ad Rom. 3. vers. 20. dicitur, *propterea ex legis operibus non justificabitur ulla caro: per legem enim agnitio peccati*. Quæ ibidem uberius explicata. Ex qua negatione modi justificationis Apostolus Paulus graviter omnino demonstrat, Petrum perperam suo exemplo imprudenti gentes fideles ad Iudaismum, hoc est, ad circumcisionem, quasi ad justificationem & salutem necessariam cogere: cum contrà per nulla legis opera homo coram Deo iustificetur, idque minimè ignoraret. Atque hæc de aphæresi seu negatione falsi modi justificationis, quem Iudæi tuebantur vulgo, Actor. 15. v. 1. Thesis verò est positio seu affirmatio veræ sententiæ de justificationis modo, atque ita exprimitur: *ἰσχυρὸν μὲν διὰ πίστεως Ἰησοῦ Χριστοῦ*, quod vulgatus interpres reddit ambiguo sensu: *nisi per fidem Iesu Christi*: noster verò interpres sublatâ ambiguitate, genuinum sensum expressit: *sed per fidem*: nam per enallagen *ἰσχυρὸν μὲν*, si non, seu *nisi*, pro *ἀλλὰ*, id est, *sed*, accipi hoc loco & potest, & necessario debet: potest quidem, quia eadem vocis significatione usus est jam antea Apostolus cap. 1. v. 7. *quod non est aliud: ἰσχυρὸν μὲν*, id est, *sed quidam vos perturbant*: nec enim conditionalis vocis *nisi* significatio, hic locum habere potest: quia propriè & absolute verum Christi Evangelium non est aliud, sed unicum: deinde Latine *nisi*, sæpissimè pro *sed* usurpari quamplurimis ex Salustio, Cicerone, Plauto, Terentio, exemplis demonstrat Aldus Manutius in suis ad Salustium scholiis, Nota 91. qua in re Græcos videntur imitati, etsi ex iis qui extant authoribus Græcis, exempla nondum à doctoribus prolata: simile tamen adfert Manutius exemplum ex Aristophane, vocis *ἀλλὰ* pro *sed*: ut Lexicographi etiam ex Plutarcho: sic Syrus interpres, Gal. 1. v. 7. & 2. vers. 16. *ἰσχυρὸν μὲν & ἰσχυρὸν μὲν* voce Græca exponit, ut Elias Levita in Meturgeman testatur pro *ἀλλὰ*: & sic Tertull. contra Marc. lib. 5. c. 3. Nec solum *ἰσχυρὸν μὲν* seu *ἰσχυρὸν μὲν*, pro *ἀλλὰ* *sed*, accipi potest, ob similem Pauli usum, Gal. 1. v. 7. 1. Cor. 7. v. 17. & Iohannis Apoc. 9. v. 4. & 21. vers. 27. ut veritas sententiæ evincit: verum res ipsa quoque idem necessariò flagitat: nam si *ἰσχυρὸν μὲν* *nisi* conditionem sine qua nulli homines ex operibus iustificentur, notaret, Paulus perpetuæ suæ doctrinæ, Actor. 13. v. 38. Rom. 3. vers. 28. repugnaret: & quod in hac epistola disertè pernegat, hoc eodem versu turpi contradictione subverteret & adversariorum Iudæorum sententiam tueretur, qui duos justificationis contrarios modos, per opera legis & simul per fidem in Christum, Actor. 15. v. 1. & 5. falsò

&amp; im-

& imperitè copulabant. Atque hæc quidem primum de re scita diximus. Scientia verò illius rei in Paulo & Petro deinde indicatur, cum dicitur: *Scientes*: hoc est, non falsa atque incerta opinione id putamus, sed vera certaue notitia cognoscimus. Atque eo modo prudenter Apostolus non dixit, Tu Petre sciens: sed *nos* scientes: ut suum cum Petro in doctrina Evangelii consensum testaretur: atque ita adversarios contradicentes refelleret. Scientia autem hæc orta fuit primum immediatè per revelationem divinam, qua & Petrus, secundum promissionem Christi, deductus est in omnem veritatem, Ioh. 16. v. 13. & Paulus similiter per revelationem Dei Patris, filii ipsius scientiam percepit, Gal. 1. vers. 16. secundò huic per revelationem immediatè divinam, accessit simul mediata per Sacram Scripturam, quæ propositæ de justificatione doctrinæ testimonium perhibet, Actor. 10. vers. 43. & Rom. 3. vers. 21. ut etiam hujus doctrinæ scientiam ex particularibus Scripturæ testimoniis, Rom. 1. v. 17. & 3. vers. 19. & 4. v. 3. & 8. non minus quàm sequentibus, Gal. 2. & c. 3. probat Apostolus. Atque ita secundi, adversus Petri factum, argumenti subiectum, nempe *Nos*, descriptione à privilegio gentis Judæorum, & à scientia Petri & Pauli, absolutum. Cui attributum nempe *credimus* &c. succedit: & ut oratio sit clarior, subiectum quod initio positum (quia longa descriptione inserta dissidet) repetit, & comparatè amplificat; cum ait: *etiam nos in Christum Jesum credidimus, ut justificaremur ex fide Christi, & non ex operibus legis*. Repetitur autem subiectum cum dicitur: *Nos*, id est, tu Petre & ego Paulus. Amplificat autem comparatione parium, cum præmittit vocem *etiam*: hoc est, quemadmodum gentes credunt. Atque ita ut subiectum nos, proprium fuit Petro & Paulo: sic contra attributum fidei commune cum gentibus statuit. Fidem porrò in Christum describit à fine suo his verbis: in Iesum Christum credidimus ut *justificaremur*: & justificationis modo, cum additur, *ex fide Iesu Christi, & non ex operibus legis*: ubi primum asserit: alterum rejicit. Cui consentanea omninò est sententia Petri, Actor. 15. vers. 11. *per gratiam Domini Iesu Christi credimus nos servari, quemadmodum & illi*, hoc est, gentes fideles; & Pauli, Roman. 1. vers. 16. *Evangelium est potentia Dei ad salutem, Iudæo primum & Græco*, & c. 3. v. 28. 29.

*Nota Benè; Hic lectionum, & non multò post vitæ finem fecit Author noster: Reliqua verò hujus, in hanc Epistolam Commentarii, ex autographo Anni 1594. supplemus.*

**H**Actenus argumenti secundi propositio: sequitur illius confirmatio, inde ab extremo vers. 16. ad finem hujus capituli. Ac primum confirmatio est à testimonio Dei: quo principalis de justificatione quaestio disertè definitur; *Propterea quod non justificabitur*, inquit, *ex operibus legis ulla caro*. Hic autem locus haustus est ex Psal. 143. v. 2. ut rectè sentit Musculus. Et si enim in testimoniis Veteris Testamenti citandis, Dei, Prophetæ aut Scripturæ, mentio fieri soleat: id tamen non est perpetuum, ut liquet ex Rom. 10. vers. 13. ubi *dominus* testimonium Ioelis 2. v. 32. adducitur; de quo expressius, Actor. 2. vers. 21. Item Rom. 10. vers. 18. sententia ex Psalmo octavo pari ratione adfertur. Similiter Gal. 3. vers. 6. locus proponitur ex Genes. 15. vers. 16. de quo Rom. 4. vers. 13. Sic etiam Galat. 3. v. 11. & Heb. 10. vers. 38. dictum ex Abacuck. 2. vers. 4. adducitur ad rei confirmationem, nulla Sacrarum Literarum mentione: contra quàm fit, Rom. 1. v. 17. Item Galat. 3. vers. 12. ex Levit. 18. vers. 5. de quo Rom. 10. vers. 5. Deinde nec est necessarium: præsertim cum loci sint illustres ac triti: cujusmodi hic est, qui Rom. 3. v. 20. pari modo profertur. Itaque perinde est, ac si pro more dixisset Apostolus: sicut scriptum est, propterea quod non justificabitur &c: nam hujusmodi ellipsis tam perspicua est tantique ponderis, ac si plena esset oratio: præsertim apud Petrum & reliquos Iudæos, quos hoc loco redarguit Apostolus. Præterea (quod nec Christo, nec Apostolis in-

solens) licet in verbis hujus loci & Psalmi aliqua sit differentia, in sensu tamen nulla: nam primum *ex operibus legis* additur ἑκ τῶν ἔργων ex Psalmi circumstantiis, & ad hanc controversiam accommodatè: deinde liberè detrahuntur illa verba, *coram te*, nempe Deo (quæ ad Rom. 3. v. 20. adduntur) sine injuria sensus: quandoquidem de justificatione coram Deo controversia erat: denique mutatur, primum vox *justus erit* in *justificabitur*, sensu Metonymico propriè exprello: deinde *vivens* in synonymum *caro*. Hæc de origine hujus loci: ad interpretationem verò quod attinet; malè Origenes: Rom. 3. vers. 20. ad eum qui caro est & secundum carnem vivit, restringit ex Rom. 8. v. 7. & 8. nec satis constanter Augustinus, *Omnis caro, id est, omnis homo, siue omnes carnaliter sentientes*: nam carnem generatim per Synecdochen pro homine accipi, liquet ex Psalmo (quem hic locus exprimit) qui habet, *omnis vivens*: deinde ex sententia eadem initio hujus versus: nam quod glossa ordinaria monet, de Judæis poni *hominem*; de gentibus *carnem*: glossa est ab usu Apostoli & orationis filo aliena. Deinde universalem hujus loci negationem, Hieronymus particularem facit; *Justificabatur*, inquit, *quondam ex lege non omnis caro, sed tantum hi omnes, qui in Palestina erant: nunc autem ex fide Iesu Christi justificatur omnis, dum Ecclesia ejus in toto orbe fundatur*. Hæc ille. Sed malè, dum Hebraicum, quem Græca versio retinuit, ad Latini sermonis trutinam, contra sententiæ rationem examinat. Optimè verò hunc locum cepit Ambrosius, cum ait; *Nullum hominem justificatum dicit ex operibus legis*. Hæc autem legis impotentia, nullo illius (liquidem præstantibus eam verè promisit, vitam æternam, Lev. 18. vers. 5. Luc. 10. vers. 28. Galat. 3. v. 12.) sed carnis duntaxat vitio contingit: ut disertè exprimitur, Rom. 8. v. 3. & 3. v. 20. eoque credibile est, Apostolum *viventis* nomen, *carnis* voce emphaticè permutasse: ut sit argumenti instar: de quo Genes. 6. vers. 3. & 8. v. 26. Hinc liquet, cum David de suis etiam operibus hanc sententiam proferat: falso à Pontificiis de iis tantum, quæ fidem præcedunt, accipi. Similis autem locus est, Psal. 130. 3. 4. & Job. 9. v. 2. & 3.

Vers. 17. De superiori argumento diximus: alterum verò est deductio ad absurdum vers. 17. qua demonstratur, hominem justificari per Christum, hoc est, fide in Christum. Syllogismus hic est; si quærentes justificari per Christum reperimur peccatores, Christus erit peccati minister. At vero Christus non est peccati minister. Ergo quærentes justificari per Christum, non reperimur peccatores. Propositio est initio versus. In cujus hypothesi observandum est *reperimur peccatores*, variè posse accipi. Alii enim absolute; ut sit sensus, peccatores seu nondum justificati comperimur præter opinionem: alii secundum quid de actione interpretantur; ac si diceret Apostolus, Si nos, quod neglectis ceremoniis & fiducia operum legis, credimus nos justificari per Christum, in eo peccamus, sicut illi sentire videntur, qui ad Iudaismum relabuntur. Posterior sententia videtur simplicior, & priorem includit. Deinde emphasis est in illis, *et ipsi*: ut superiori versu *et ipsi*, hoc est, nos Judæi non minus quàm gentiles. Præterea epithesin illam; *Nonne Christus peccati minister est?* quidam absolute enuntiationem: alii accommodatius interrogationem esse statuunt: nam verba sequentia *non absit*, ab Apostolo (cui ea formula non infrequens) tantummodo interrogationibus subjici solet: deinde quia plus habet ponderis. Porro Christus esset vanus in promissionibus suis, & peccati minister, si per eum non justificaremur; quia hanc doctrinam perpetuò inculcavit, Matth. 11. v. 28. Ioh. 3. v. 15. 16. & 6. vers. 35. & omnes mortales per Apostolos suos doceri jussit, Marc. 16. v. 16. Hæc de propositione: Assumptio ob singularem blasphemiam detestationis tantum formulâ pro more exprimitur, nempe *Absit*, ὅτι ἄρα (inquit Oecume.) τὴν ἀπαγορεύσαντες. Siquidem (ut rectè Chrysostom.) *adversus vehementer absurda, nihil opus est oratoris rationibus, sed sufficit abnegare solum*.

Vers. 18. Superiori versu refutavit Apostolus adversariorum sententiam & antithesin ab effectu absurdo; quia honorem Christi violat, & munus evertit, dum eum, qui justus

justus in mundum venit ut legem impleret, & mundi peccata auferret, Matth. 5. vers. 17. Ioh. 1. v. 29. & 1. Ioh. 3. vers. 8. peccati authorem constituit & veritatem mendacii insinuat. Sequitur alterum refutationis vers. 18. argumentum, itidem ab absurdo effecto ductum: quo simul ex natura contradicentium (quæ se mutuò posita tollunt & sublata ponunt) superius confirmatur. Summa argumenti est, adversariorum sententiam legi repugnare. Syllogismus verò est: Id quod legi repugnat, illud est falsa sententia: Sententia adversariorum, quæ hominem lege justificari statuit, legi repugnat. Ergo ea est falsa. Ac primum sententiam adversariorum per *καταχρηστικὴν* hypotheticam in sua persona explanat ac diluit Apostolus prudentissimè: mitigandæ invidiæ & emphaseos gratia: siquidem id minus offendit & dociliores reddit. Simile 1. Cor. 4. v. 5. & 2. Samuel. 12. v. 1. & seqq. Itaque Hieronymus ad v. 20. ait; *Hoc autem totum sub sua persona adversus Petrum de Petro disputat.* Deinde allegoria describit & illustrat, cum alteram eorum quæ destruxerunt, ædificationem appellat: similitudine pro more, ab ædificiis & architectis ducta, 1. Cor. 3. v. 10. *Ædificio enim comparatur hoc loco Judaismus, seu doctrina de necessaria observatione ceremoniarum & operum legis fiducia: destruere autem vocatur Synecdochicè eam doctrinam justè evertere.* Utrumque verò fit dupliciter: in nobis fide & factis: in aliis doctrina & exemplo, Philip. 3. v. 7. 8. 9. Sic Petrus postquam Judaismus omnibus hisce modis evertisset, ac gentiliter vixisset; facto & facti exemplo eundem restauravit. Atque hæc allegoria; argumenti instar: siquidem cum nihil sit à ratione alienius, quam quæ rectè destruxeris, ea rursus erigere: sequitur adversarios qui id committant, gravissimè impingere. Atque id declarat effectum, nempe quod legi repugnet: quod exprimitur his verbis: *transgressorem meipsum constituo.* *Transgredi* autem Metaphora à viatoribus viam rectam deserentibus, pro legem violare usurpatur: & quidem accommodatè, cum lex *via* dicatur passim. Sic peccatum *transgressio legis* vocatur, Roman. 2. v. 23. & Synecdochicè *transgressio*, Galat. 3. v. 19. & transgressorem esse interpretatur Jacobus cap. 2. v. 9. peccatum facere: cui contrarium, legem servare, Jacob. 2. v. 10.

Vers. 19. Diximus de secundo refutationis argumento: sequitur illius probatio vers. 19. qua calumniam retundit eorum qui apostasiam à Mose objiciebant, ut Actor. 21. vers. 21. his verbis: *Nam per legem legi mortuus sum.* Syllogismus hic est; qui id quod ex legis autoritate abdicavit, iterum repetit, ille legis transgressor est. At verò Pauli adversarii Judaismus, semel autoritate legis abdicatum, iterum repetunt. Ergo sunt transgressores legis. *Mortuum autem esse legi*, est legi non subesse, seu nihil cum ea habere commercii: Metaphora à conjugio sumpta, 1. Corinth. 7. v. 39. quæ pluribus explicatur, Rom. 7. Similis phrasid est *ἀποθανόντων* mortui vel separati à peccato, 1. Pet. 2. v. 24. & Galat. 6. v. 14. *crucifixus sum mundo.* Mortui autem sumus legi diversa ratione: nam legi ceremoniali, ratione necessariæ observationis, justificationis & condemnationis: morali verò, non ratione justitiæ seu observationis, sed justificationis & condemnationis: atque hoc sensu dicitur, nos non sub lege esse, sed sub gratia, Rom. 6. v. 14. Gal. 5. v. 18. & *lex justo non posita*, h. e. imposita, inquit Augustinus. Synecdochicè autem hic non tantum disputatio de lege, sed etiam fides in Christum continetur, ut ex antecedentibus & scopo Apostoli constat. Causam verò efficientem instrumentalem hujus liberationis à lege, & fidei in Christum, declarat his verbis *per legem*. Cæterum vox *legis* variè usurpatur: nam primum *καὶ ἡ νόμος*, pro lege Moisaica sumitur: deinde per Metonymiam Synecdochicam pro libris Moisi, Roman. 3. v. 21. aut Veteri Testamento, Roman. 3. v. 19. denique per Synecdochen pro doctrina, & *καὶ ἡ νόμος*, pro Evangelio: sic *lex fidei*, à lege operum distinguitur, hoc est, Evangelium à lege, Rom. 3. v. 27. Hinc ut ex Chrysost. Hieron. & Oecumenio liquet, trifariam hic locus accipi potest: Satiùs autem est ut ex altera significatione, cum Theodoro, de libris Moisi aut de Vetere Testamento interpretemur per *ἀνταράκων*, quem-

admodum Rom. 3. v. 21. & Galat. 4. v. 21. *qui sub lege esse vultis, legem non audistis?* Libri autem Moisi à lege nos liberant & ad Christum adducunt dupliciter, per se & per accidens. Per se; Prophetiis de Christo, de ratione salutis nostræ & exemplis fidei per solum Christum. Actor. 10. v. 43. quæ vel expressæ concionibus, Deut. 18. Ierem. 31. vers. 33. vel adumbratæ typis, extraordinariis, cujusmodi serpens æneus, & manna, Ioh. 3. & Ioh. 6. aut ordinariis, nempe ceremoniis legis. Per accidens verò declaratione primum nostri officii & obligationis, si id. neglexerimus: quæ fit decalogo: deinde miseriæ nostræ, seu peccati & damnationis eo meriti: quæ fit ceremoniis, quæ etiam miseriæ nostræ chirographum, Col. 2. vers. 14. utrumque verò disertè explicatur in Veteri Testamento passim. Atque hac ratione per se quidem ad desperationem fiduciæ justificationis legis: ad Christum verò deducimur per accidens. Illi enim demum ad fidem in Christum præparati sunt, qui ex lege miseriam suam cognoverint. Atque hæc superioris argumenti probatio: quæ illustratur à fine, non otiosa digressionem, sed prudenti objectionis anticipationem: qua ostendit, nos non propterea legi mori, ut mundo & peccato, sed justitiæ serviamus, cum ait; *ut Deo viverem*: hoc est, ad honorem & voluntatem Dei: quod fit fide gratiam Dei amplectente & per charitatem operante. Similis locus est, Rom. 6. v. 15. & 7. v. 4. 1. Cor. 9. v. 21. Præclarè etiam Ambrosius ait: *Moritur enim legi Dei, qui liberatur ab ea, & vivit Deo, cujus fit servus, emittit à Christo.* & Augustinus, *Deo vivit, qui sub Deo est; legi vivit, qui sub lege est.*

Vers. 20. Atque hæc de fine liberationis à lege: quem porro amplificat Paulus à modo & causa efficiente; deinde à consecutione illius. Efficiens est mors Christi: *una cum Christo*, inquit, *crucifixus sum*: hoc est, Christus enim pro me crucifixus & mortuus est, ut 2. Cor. 5. v. 15. *Charitas illa Christi constringit nos, ut qui hoc statuerimus, si unus pro omnibus mortuus fuit, nempe istos omnes fuisse mortuos.* Similes loci sunt, Rom. 7. v. 4. & 14. v. 7. 8. 9. & 1. Cor. 6. v. 20. Tit. 2. v. 14. Christus autem morte sua plenè pro peccatis nostris satisfecit: itaque cum primi peccati pœna sint omnia sequentia, cum originale (quod vetus homo dicitur) tum actualia; ab utrisque per Christum liberamur, siquidem Pater in Christo nobis propitiatus per suum & Filii communem Spiritum nos regenerando, veterem hominem crucifigit, & imaginem suam ac novum hominem paulatim restituit. Crucifigimur itaque cum Christo dupliciter: primum imputatione mortis; deinde efficacia illius & imitatione. Qua de re pluribus, Rom. 6. vers. 6. ad v. 12. Galat. 6. v. 14. Hanc autem mortis Christi efficaciam ab effectis (quæ consecutio finis liberationis à lege) demonstrat Apostolus cum ait; *Vivo autem non amplius ego* (hoc est, qualis natura sum & educatione: seu secundum veterem hominem & Judaismus) *sed vivo in me Christus*: nempe suo Spiritu, Roman. 8. v. 9. *ἐνεργῶν καὶ διατέλλοντος*, efficaciter operans & dominans, ut rectè Chrysostomus; *In illo vivo Christus, in quo Christus vegetat actus & vitam.* Sicut enim (ut idem ait) *mortem appellat, non istam communem sed mortem à peccatis*: sic & *vitam appellat liberationem à peccatis*: addo à Judaismo. Deo siquidem nemo potest aliter vivere, nisi mortuus fuerit à peccato. Hæc ille. Etsi enim in renatis peccatum habitet & Spiritui reluctetur, Rom. 7. vers. 20. tamen devictum à Christo, nec dominatur, nec damnatur, Roman. 8. vers. 1. 2. 3. Atque hac ratione mysticam Christi & Ecclesiæ unionem, & illius effectum depingit Apostolus: illam cum ait: *Christus in me*: hoc verò cum addit, *vivo*. Quibus demonstratur, quod quemadmodum ab anima corpus, & à vite palmites: Sic nos à Christo animari & vivificari, justificatione, sanctificatione, ac tandem glorificatione, Ioh. 15. vers. 5. 1. Cor. 12. v. 27. Eph. 5. v. 23. Porro per anticipationem objectionis declarat Apostolus, quo sensu se vivere statuerit; nempe Metaphoricè: & *κατὰ τὴν*. Sicut enim *mortem appellat* (inquit Chrysostomus) *non istam communem, sed mortem à peccatis*: sic & *vitam appellat liberationem à peccato* (addo à Judaismo) *Deo siquidem nemo potest aliter vivere, nisi mortuus fuerit à peccato.* Atque hoc definit Apostolus cum ait; *vitam*

*vitam autem quam nunc vivo in carne* (hoc est, mortali corpore, per Synecdochen) *vivo per fidem illam Filii Dei*, hoc est, in Filium Dei; ut vers. 16. fides Christi. Sensus est; Et si vitam hanc mortalem vivo, non tamen falsò me amplius vivere negavi: siquidem etsi in carne, tamen non secundum carnem & Iudaismum seu vanam à Patribus acceptam conversationem, 1. Petri cap. 1. vers. 18. ut antea: sed contra fidei ductu vitam ad Christi nutum compono, Philip. 1. vers. 20. & 21. Quibus verbis unionis nostræ cum Christo (ex qua vita promanat) modum & instrumentum describit: fides enim nos Christo inserit, Ephes. 3. vers. 17. Iohan. 6. vers. 35. & 56. 2. Corinth. 13. vers. 5. Denique perquam accommodatè, ut ad argumenta fiat regressio, Filii Dei ab effectus descriptio, & proprium fidei objectum exprimitur, cum ait, *qui dilexit me, & tradidit semetipsum pro me*. Qua ratione duplex erga fideles beneficium declaratur. Prius & origo alterius est dilectio: quæ nihil aliud est, quàm gratuitum nostræ salutis studium, 1. Ioh. 4. vers. 10. Roman. 5. vers. 6. 7. Ephes. 5. vers. 24. Alterum ex priori ortum, est traditio sui ipsius pro nobis, Heb. 2. v. 9. de quo egimus Galat. 1. vers. 4. Quod verò Paulus hæc sibi ascribit, nullà id fit temeritate: aut in reliquos fideles injuria; sed utilissima veræ fidei confessione: nam Christi dilectio & merita, ad cunctos & singulos fideles pertinent.

Vers. 21. Sequitur postremum adversus Iudaismum & operum justificationem argumentum, ejusque confirmatio, vers. 21. Argumentum est ab absurdo; *irritam non facio gratiam Dei*: nempe ut illi faciunt (inquit Oecum.) qui legi adhærent: itaque perstringit adversarios summæ ingratitudinis nomine. Syllogismus hic est; Si ex operibus legis justificari nos statuerimus, abiciemus Dei gratiam. At verò non debemus abicere Dei gratiam. Ergo nec statuendum nos ex operibus legis justificari. Rectè Hieronymi Scholia; *Abiecta enim est gratia, si sola non sufficit*. Assumptio per hypothelin expressa Syllogismi loco est. Verum quia propositio negari poterat, ejus confirmatio attexitur; pro syllogismus est; Id ex quo sequitur Christum frustra esse mortuum, gratiam Dei abjicit: At si dicamus, per legem esse justitiam, id est, per opera legis nos justificari, sequetur Christum frustra esse mortuum. Ergo id gratiæ Dei abjicit. Hæc videtur accommodatissima hujus loci analysis. Hieronymus autem hoc modo explicat; *Quod autem sequitur, valde necessarium est adversus eos qui post fidem Christi, putant legis præcepta servanda. Dicendum quippe eis, si per legem justitia est, ergo Christus gratis mortuus est. Aut certe doceant, quomodo non Christus gratis mortuus sit, si opera justificent: sed quamvis sint hebetes, dicere non audebunt Christum sine causa mortuum. Ad particulam itaque syllogismi, quæ hic ponitur (id est, si enim per legem justitia: Ergo Christus gratis mortuus est) debemus illud assumere quod consequenter infertur, & negari non potest, Christus autem non est gratis mortuus; & concludere, non igitur per legem justitia*. Hæc ille. Similia habent Ambrosius & Augustinus. Consequentia autem Pauli firma est: Nam Christus mortuus ut hostiâ sui ipsius nos mortuos delictis vivificaret, & in cælo pro peccatis nostris perpetuò apud Patrem intercederet, Rom. 8. v. 3. Ephes. 5. vers. 2. Col. 2. vers. 13. Heb. 4. vers. 14. 15. 16. & 7. v. 25. & 9. v. 24. & 26. 1. Ioh. 2. vers. 1. 2. Hinc rectè hoc loco Ambrosius; *Mors ejus (Christi) justificatio peccatorum est*, nempe perpetua. Itaq; quicunq; tandem operibus suis justitiam adscribunt, Christum à scopo suæ mortis aberrasse, indignè statuunt, & gratiam rejiciunt. Sed excipiunt Perfectistæ, Pontificii & alii, hanc Pauli consecutionem firmissimam esse, si excludantur à justificatione opera facta sine fide & gratia, ex sola cognitione legis & liberi arbitrii viribus: contra verò infirmissimam, neque aliquid efficere, si quis per eam excludere velit opera quæ fiunt ex gratia & fide. Neque enim Christus gratis mortuus dici potest, si justificamur ex fide, & operibus consequentibus fidem: imo nisi Christus mortuus esset, non possemus ex fide & operibus inde sequentibus justificari. Hæc Bellar. de justif. l. 1. c. 19. Idem excipit Sebast. Castellio lib. dialogorum 4. p. 324. de obedientia Deo præstanda. Respondemus primò, Pauli consecutionem omninò esse firmis-

simam. Nam si justificantur fideles mortis Christi gratia, quamdiu in his terris vivunt, non igitur ullis operibus: hæc enim inter se pugnant, Rom. 11. v. 6. Error in eo gravissimus, quod infideles sine fide & baptismo, per Christum: fideles baptizatos non amplius jam per solum Christum, sed etiam operibus justificari sentiunt. Deinde contra, si Paulus tantum ageret de operibus ante fidem, esset disputatio *ἀνεργον* & inanis. Nam Pauli adversarii, de justificatione non infidelium, sed fidelium gentilium disputabant: etiamsi crederent, nondum statuebant justificationem plenè, nisi legem perfectè servarent; ut ex superioribus liquet. Eadem est eorum ratio, qui Galatas corrumperant: non negabant fidem in Christum esse necessariam ad salutem: sed addebant nondum justificados fore, nisi accederet legis Mosis observatio: ut inter alia videre est, Actor. 15. v. 1. *Nam jactabant* (inquit Chrys. Gal. 3. 5.) *fidem non valere, nisi adjuncta lege*. Vide etiam August. ibidem.

## CONSECTARIA CAP. II.

I. Ministros Evangelii de doctrinæ suæ fructu, seu Dei gloria & Ecclesiæ salute perquam sollicitos esse decet.

II. Doctrinæ fructum dissensio ministrorum potissimum remoratur: consensus uberiores reddit.

III. Ad consensum verò probandum ac fovendum accommodata sunt amica ac sincera de religione colloquia.

IV. Quam metam ut consequantur, nulla itineris difficultas, nullus iis detrectandus est labor, v. 1. & 2.

V. In agro Domini non solum triticum & veri fideles, sed etiam zizania, hypocritæ ac falsi fratres existunt: qui vestitu ovium lupinum animum tegunt, Matth. 13. v. 25. & 7. v. 15.

VI. Verum ut arbores, sic & illi ex fructibus cognoscuntur, Matth. 7. v. 16.

VII. Hoc enim ferè agunt, ut vigilantissimos Ecclesiæ pastores calumniis opprimant, & in rebus adiaphoris (quarum liber est usus) *ἰσοδοξίας* ac superstitionem statuunt, ad Evangelii sinceritatem adulterandam.

VIII. Eoque præ cæteris fidelium pastorum officium est, ut ad innocentiam columbinam, serpentinam adjungant prudentiam & virilem constantiam: ut contra insidiosos adversariorum conatus, Evangelii veritatem, ad Dei gloriam & Ecclesiæ salutem tueantur, Matth. 7. 15. & 10. v. 16. & 15. 13. 14. Act. 20. v. 28. 29. 30.

IX. In rebus autem adiaphoris, indifferentibus ac licitis, unicus præfigendus est scopus, utilitas: ut spectetur quid ad Dei gloriam & charitatem proximi pertineat maximè, 1. Cor. 6. v. 12.

X. Cæterum duo hîc vitandi sunt scopuli, *ἰσοδοξίας* confirmatio, & infirmiorum fratrum scandalum: quæ si concurrant, prioris potissimum habenda est ratio, 1. Cor. 8. 9. & 13. Matth. 12. v. 3. 4. 5.

XI. Humanæ autoritatis nulla habenda est ratio, cum ea ad Evangelii veritatem & Dei gloriam obscurandam transfertur.

XII. Judicium nostrum non ad externam rerum speciem, sed ad rem ipsam & verbi divini trutinam dirigendum est.

XIII. Quemadmodum Deo ingratiſſimum est, si quis sese ambitiosius efferat: ita contrà cum per nostrum latus, ab adversariis, cum periculo Ecclesiæ, veritas impetitur, non licita est solum, sed etiam necessaria de munere nostro & integritate *ὑπόστασις*, 1. Pet. 5. v. 5. 2. Cor. 12. v. 6. & 11.

XIV. Quandoquidem par est Pauli & Petri in munere Apostolico autoritas & paria dona: sequitur Petrum non habere imperium in omnes Apostolos ac totam Ecclesiam: eoque multò minus Pontificem Romanum.

XV. Efficacia ministerii soli Deo tanquam auctori adscribenda: eoque gravissimè peccant qui honorem hunc in homines derivant, 1. Cor. 3.

XVI. Cum Petro concreditum sit Evangelium apud Judæos, & in Judæa, ut loquitur Hieron. sequitur com-



mentitum esse, quod (relictis Iudæis) Antiochiæ & Romæ sederit.

XVII. Cum Paulus primas apostolatus inter gentes, auctoritate & Apostolorum assensu obtinuerit: sequitur nec Petrum, nec Pontificem Romanum jure successionis (quod falsò etiam sibi vendicat) tenere jam primas, nedum habere jurisdictionem inter Christianos: quia gentes sunt.

XVIII. Cum Iacobus hic ante Cepham seu Petrum collocetur: sequitur falsum esse Pontificiorum argumentum, quo Petrum in reliquos Apostolos adeoque totam Ecclesiam habuisse imperium inde concludunt, quod semper priori loco numeretur.

XIX. Ministrorum Ecclesiæ officium est, ut pacem inter se colant, vocationem & dona collegarum in pretio habeant, & ad Spartam quam nacti sunt, pro virili ornandam sanctè conspirent: denique singularem pauperum, potissimum verò fidelium, curam gerant. Hæc ex v. 7. 8. 9. & 10.

XX. Quemadmodum scandalum perversorum hominum contemnendum est: ita infirmorum fratrum sollicitè cavenda est offensio.

XXI. Porro cum infirmi fratres sint duplices, rectè sentientes aut errantes: illorum potius habenda est ratio: quia id magis expedit, quo veritas Evangelii ad Dei gloriam & Ecclesiæ salutem conservetur.

XXII. Cum ipsi etiam Apostoli, multique insignes viri lapsi sint, nemo sibi fidat: sed qui stat, fragilitatis humanæ memor, videat ne cadat, 1. Cor. 10. vers. 12.

XXIII. Nullius tantam esse in Ecclesia dignitatem, quin si quid gravius ac reprehensione dignum commiserit, reprehendi possit, exemplum Petri docet: Eoque intolerabilis est Pontificiorum arrogantia; qua Papam (Petri successorem, si Deo placet) ab omnium mortalium reprehensione eximunt, distinct. 40. *Si Papa &c.*

XXIV. Quo major est peccantis auctoritas, eò perniciosior est ac serpit latius mali exempli contagio.

XXV. Nihil proclivius est ~~malis~~ malorum exemplorum imitatione.

XXVI. Accuratè nobis prospiciendum, ne promiscuè omnia, sed ea demum magnorum virorum exempla imitemur, in quibus illi Christum & Dei verbum, 1. Cor. 11. 1. & 2. Ioh. v. 11. Hæc ex v. 11. 12. & 13. reliqua quæ huc referri possunt proposuimus supra ad vers. quintum.

XXVII. Omnium fidelium est, potissimum verò ministrorum Evangelii, officium: ut ad veritatem Evangelii, omnes suas actiones dirigant.

XXVIII. Aliorum facta non temerè reprehendenda: nec (quod dicitur) cognitionem prævertere debet calculus.

XXIX. Errorum occasionibus maturè occurrendum.

XXX. Amici nobis esse debent collegæ, sed magis amica veritas.

XXXI. Quæ peccata certò noverimus, ea silentio nostro fovenda non sunt, sed seriò & liberè reprehendenda: & ut privata privatim, sic publica publicè, si peccantis & ecclesiæ salus id exigant: servatis interim vocationis cuiusque & modestiæ cancellis.

XXXII. Ministri Evangelii debent se mutuò, sicubi erraverint, veritatis & charitatis studio, maturè & prudenter in viam revocare.

XXXIII. Errantium est veritati cedere, dare gloriam Deo, & in viam revocantem redamare, v. 14.

XXXIV. Cum nullus mortalium ex operibus legis iustificetur: sequitur ea non promereri vitam æternam: eoque multò minùs traditionum humanarum operibus (quæ Pontificii tamen potissimum commendant) id esse tribuendum, Matt. 15. v. 9.

XXXV. In corrigendis fratrum sententiis, non nitendum opinione, sed scientia.

XXXVI. Ea autem demum verè est scientia, quæ ex verbo Dei hausta.

XXXVII. Nobis autem opus est non solum scientia: qua veritatem cognoscamus, sed etiam conscientia, qua religiosè veritati pareamus, v. 15. & 16.

XXXVIII. Tanta est hominum in rebus divinis cæ-

citæ, ut sæpe dum veritatem se tueri putant, in eam maxime sunt injurii.

XXXIX. Itaque non cuivis spiritui, nec nobis ipsis, sed Christo credendum.

XL. Omnis doctrina quæ Christi verbis & honori consentit, ea vera est & habenda in pretio: contra verò quæ illis derogat, falsa est ac seriò nobis detestanda, v. 17.

XLI. Quemadmodum in fratrum reprehensionibus veritas requiritur in materia: sic prudentia in forma: quæ utiliter sermonem temperemus.

XLII. In bonis non solum cœpto, sed etiam constantia opus est, ne ad pristina mala relabamur.

XLIII. Constantia autem in eo sita est, ut intra verbi divini terminos perpetuò nos contineamus, v. 18.

XLIV. Summus est Scriptorum Veteris & Novi Testamenti in fide Christi & charitate docenda consensus ac *παραμυνία*: eoque nomine legendi à nobis sunt ac perscrutandi sedulo ad fidei confirmationem & vitæ institutionem, Joh. 5. v. 39. 46.

XLV. Etsi non justificemur ex operibus legis, sed per fidem, non eo, tamen, ut Pontificii vociferantur, impietati & injustitiæ habena laxatur, sed contrahitur potentissimè.

XLVI. Itaque gravissimum est eorum flagitium, qui hac gratuita salutis doctrinâ, ad scelerum licentiam abutuntur, v. 19.

XLVII. Quandoquidem crux Christi nostra est vita: inde non contemptus aut pudoris, sed solidi gaudii materiam haurire nos docet, 1. Cor. 1. 23. 24. & 2. 2. Mar. 8. v. 38. Gal. 6. 14.

XLVIII. Itaque & Christo & sibi sunt gravissimè injurii, qui in ejus cruce non acquiescunt, aut eâ cum blasphemia (ut passim fit) ad execrationes abutuntur.

XLIX. Cum Christus pro nobis crucifixus & mortuus sit, sequitur nos non esse nostri juris: eoque abnegatione nostri Christo vivendum, 2. Cor. 5. 15. Matth. 16. v. 24. 1. Pet. 2. v. 24.

L. Cum Christus pro nobis mortuus sit, ac nobis se unierit: sequitur illum in omnibus adversis fidum ac potentissimum nobis fore servatorem, Rom. 6. vers. 9. & 8. 32. Eph. 5. 29. 30. Actor. 9. 5.

LI. Unde etiam liquet neminem fidelium lædi posse aut contemni, quin in Christum redundet injuria, 1. Cor. 8. v. 12. Matth. 25. 45.

LII. Fidei veræ proprium est, ut generales de salute per Christum promissiones sibi nominatim accommodet: Eoque detestanda est Pontificiorum superstitio, qui id temeritati adscribunt.

LIII. Salus nostra est gratuita, quia ex gratuita Christi dilectione & morte promanat, v. 20.

LIV. Indignum est, oblatam Dei gratiam aversari: indignius acceptam abicere: quibus tamen nihil est frequentius.

LV. Cum ex lege non sit justitia: sequitur hominem non posse perfectè implere legem Dei.

LVI. Errant gravissimè Pontificii, quod operum suorum merita Christi meritis copulant.

LVII. Errant etiam, quod ex hoc loco colligunt. Apostolum contra eos tantum disserere, qui legem & opera sine fide Christi magnificiebant: neque statum quæstionis esse in hac epistola, an opera ex fide, sed an opera sine fide iustificent, Bell. lib. 1. de iustificat. cap. 19. v. 21.

### C A P. III.

I. Explicavimus priorem apologiæ hujus Epistolæ partem, quæ Paulus contra perniciosam pseudo-apostolorum calumniam, apostolatus sui dignitatem ad veritatis tuitionem asseruit, & narratione sermonis cum Petro habiti, quasi præludio quodam, expeditam ad uberiorem doctrinæ confirmationem viam stravit. Sequitur deinde altera pars, cap. 3. & 4. qua justam doctrinæ suæ apologiam ac defensionem instituit. *Nam hic jam ad aliud (inquit Chrysost.) transit caput. In superioribus quidem ostendit se*

dei se non esse Apostolum hominum, neque per hominem, nec eguisse Apostolorum doctrinam: hic verò postquam se jam doctorem dignum, cui fides haberetur, declaravit, maiore cum auctoritate differt, fidei legisque faciens comparationem. Hactenus ille. Hæc autem pars constat propositione oburgatoria & confirmatione. Illa continetur priori membro versus primi: estque altera pars propositionis generalis, cap. 1. vers. 6. Summa est; Galatas turpiter peccasse, quod ab Evangelio Pauli, seu gratuita per Christum justificationis doctrinam defecerant. Qua in re observanda est primum definitio doctrinæ Pauli & facti Galatarum. Illud veritatem Metonymicæ: hoc verò veritatis contemptum appellat, cum ait; *non obsequeremini veritati*. Accedit deinde circumstantia causæ efficientis duplicis, internæ & externæ. Interna est amentia Galatarum cum ait; *amentes Galatæ*. Quo aut commune & naturale gentis illius vitium: aut singulare fidelium perstringitur. Nam (ut monet Hieronymus) dupliciter hic locus intelligi potest: vel ideo insensatos Galatas appellatos à maioribus ad minora venientes, quia cœperint spiritu, & carne consummentur: vel ob id quod unaquæque provincia suas habet proprietates. Cretenses semper mendaces, malas bestias, ventres pigros verè ab Epimenide Poëta dictos Apostolus comprobavit. Et paulò post, *In hunc ergo modum arbitror & Apostolum Galatas regionis suæ proprietate culpasse*. Aut (inquit) *stultitiæ eos argui dicentes, per quam spiritum legis & literarum dijudicare non possint: aut vii gentis corripit, quod indociles sint & vecordes, & ad sapientium tardiores*. Itaque de priori Hieronymus: reliqui verò Patres melius de altero interpretantur: optimè vero (ni fallor) Erasmus, qui in paraphrasi ad utrumque refert. Quod verò amentes vocat, nihil in Christi legem Matth. 5. v. 22. peccat Apostolus. Siquidem non temerè: sed pro autoritate Apostolatus & conversionis Galatarum. Deinde non odio aut maledicendi libidine: sed necessario salutis Galatarum & veritatis studio. Denique non falsò nec acerbius, sed verè & lenius merito. Etenim re ipsa amentia est Christum deserere, & legi adhærere. Hæc porrò oburgatio pathetica exclamatione figuratur, quæ iustum dolorem & indignationem ostendit. Quorum illud, amorem erga Galatas declarando benevolentiam comparandæ & reprehensionis acerbitati mitigandæ aptissimum: hoc verò facti indignitatem (ut eo studiosius vitent ampliat: Sic Christus Luc. 24. 25. *o amentes & tardi corde*, &c. *Notandum autem* (inquit Chryl.) *quod non statim initio usus est hac vehementia; sed post tot redargutiones totque probationes, cum jam non ab illo, sed ab ipsis argumentis acciperent oburgationem*. Hæc de interna veritatis à Galatis neglectæ causa: sequitur externa, *τίς υμᾶς ἰβάνει, quis vos fascinauit?* *βαρναβᾶς* autem significat primum *fascinare*, hoc est, arte magica lædere: quod sit vel veneficio, quum oculorum, incantationum, aut tactus ministerio tabes inducitur: vel præstigiis; cum phantasmate interiori sensus communis, aut exteriori visus decipitur, ut non appareant quæ sunt; aut appareant quæ non sunt. Qua de re Plin. lib. 7. cap. 2. Deinde usurpatur etiam Metonymicæ pro invidere, postremum Metaphoricæ ex prima significatione, pro iudicium mentis (quæ animæ quasi oculus) imposturis corrumpere. Chrysostomus illam fascino vim negat, quemadmodum & Musculus: Aëtius verò contra ad alteram significationem hunc locum refert, & *ἰδόντες* interpretatur; quemadmodum etiam Theodoretus & Oecumenius, & Hieronymus in Scholiis: In commentario autem de fascino dubitat, sed tamen ex Sermone trivii tertia significatione accipit. Optime glossa interlinearis ait, *fascinavit discipulos simile, ut quod ante oculos est non videatis: veritas se ingerit & ei non creditis*. Cui ex adverso respondet sequens allegoria. Atque hac loquendi figura oburgationem mitigat, cum in pseudo-apostolorum imposturas culpam derivat: & attentionem parat, cum eos non Christi ministros, sed fascinatores, hoc est, Satanæ (hostis veritatis Joh. 8. vers. 44.) mancipia nuncupat: quemadmodum 2. Cor. 11. vers. 3. 13. 14. 15. Interrogationis autem schemate *ἡ ἀρετὴ δὲ κατὰ* & suam admiratio-

nem demonstrat: de quo Gal. 1. v. 6. Hactenus Propositio: sequitur argumentosa confirmatio. Primum argumentum est allegoria, altera parte hujus versus; quibus ob oculos Iesus Christus prius fuerat depictus, in vobis crucifixus: hoc est, quandoquidem antea in animis vestris prædicationis Evangelii penicillo, graphicè Christum, eumque crucifixum descripseram: quod nihil aliud est, quam veritatem de gratuita nostri justificatione demonstrare, Gal. 2. v. 22. *Hæc autem loquitur* (inquit Chrysost.) *simul & taxans eos & laudans*. *Laudans quidem quod tanta cum fiducia receperant id, quod acciderat: taxans verò quod Christo deserto ad legem currebant*. Syllogismus est; Qui à veritate Evangelii clarissimè demonstrata & sibi exploratissima deficiunt, illi sunt amentes & quasi fascinati. Galatæ non obediennes doctrinæ Pauli sunt ejusmodi: ut allegoria demonstrat. Ergo amentes & quasi fascinati.

Vers. II. & III. Explicavimus primum: sequitur alterum argumentum ab effectu instrumentali Evangelii & Spiritus Sancti testimonio, v. 2. & 3. hoc Syllogismo comprehensum; Qui à doctrina quam Spiritus S. testimonium attulit, ad contraria proficere student, illi sunt amentes Galatæ ab Evangelio Pauli ad doctrinam pseudo-apostolorum transeuntes hoc commiserunt. Ergo amentes. Conclusio præcessit v. 1. & repetitur emphaticè, v. 3. assumptio ibidem: ex quibus propositio intelligitur. Assumptionis autem confirmationem præmittit, v. 2. ab experientia & conscientia Galatarum: quam interrogationis schemate appellat his verbis; *hoc solum velim à vobis discere*, &c. (id est cognoscere) *Hoc est* (inquit Hieron.) *sunt quidem multa quæ possunt interrogatione vos cogere, legi Evangelium præferendum: sed quoniam insensati estis, & nequaquam ea potestis audire, simplici vobiscum sermone loquor, & de eo quod promptum est sciscitor, Spiritum sanctum quem accepistis, utrum vobis legis opera, &c.* Spiritum autem Metonymia Synecdochica pro Spiritus S. donis accipi certum est, sed quidam de ordinario regenerationis dono; alii de singularibus & miraculosis accipiunt; de quibus Joh. 7. v. 39. Act. 8. 17. & 19. Satius autem est ut ad utraque referamus. Nam quemadmodum hæc fuerunt testimonia veritatis evangelicæ propria, Marc. 16. 20. & Act. 14. 3. ita & illud. Nam seria & repentina Galatarum ab idololatria & impietate ad veri Dei cultum conversio, & divinæ gratiæ per Spiritum agnitio, fuerunt ipsis certissimum veritatis Evangelii Dei testimonium ac pignus, Galat. 4. 6. & 9. Ephes. 1. 13. 14. Hunc autem Spiritum Galatas accepisse contendit Apostolus non ex operibus legis; hoc est, operum legalium ad quæ desciverant, merito aut adminiculo: sed jam antea ex auditione fidei: hoc est, Evangelii, ut Galat. 1. 23. Atque hanc simplicissimam ac verissimam interpretationem arbitramur. Et si quidam, sensu non malè expresso opera legis pro doctrina operum, & auditionem pro prædicatione Metonymicæ accipiant: alii verò *ἡ ἀρετὴ δὲ κατὰ* ex fide auditus, id est, auditione percepta; alii ex auditu fidei, id est, fideli Hebræa phrasi interpretentur. Addit deinde Apostolus; *cum spiritu inceperitis, nunc carne perficimini*. In quibus verbis ellipsis, itatur ab Oecumenio cum ait; *ἡ ἀρετὴ δὲ κατὰ τὴν ἐν ἡμῶν ἐστὶν ἀρετὴν, ἡνὶ κατὰ τὸν νόμον, ἡνὶ κατὰ τὸν λόγον*. Quid autem *spiritum* & *carnem* vocet Apostolus, diversæ sunt interpretum sententiæ. Spiritum quidam doctrinam Evangelicam, quæ spiritualis est *κατὰ πνεῦμα*; alii regenerationem; alii visibilem Sp. S. gratiam; carnem verò nonnulli, homines carnales; alii vires carnales seu naturales; alii mortuam & caducam doctrinam; plerique ceremonias, quæ res externæ & caducæ, interpretantur: sicut Hebr. 7. 16. *mandatum carnale*, & Hebr. 9. 10. & 13. quidam deniq; spiritum accipiendum existimant, ut superiori versu, carnem verò pro operibus legis, seu iustitia legali: cum fiducia salutis in ea collocatur. Ita enim merè caro est, hoc est, metaphoricè res caduca & mortua, spiritus & vitæ expers. Hæc non malè: sed tamen spiritus & carnis nomen Evangelium & legem significare existimo. Alienum autem est quod Hieronymus, Origenem secutus, spiritum Veteris Testamenti allegoricum; carnem, proprium illius sensum interpretatur. Quod denique ait Apostolus *perficimini*, *καταρτίζετε* dictum est, hoc est, quæritis

quæritis consummari, inquit glossa interlinearis; seu tanquam imperfectum, perfici statuitis. Culpam verò in pseudo-apostolos iterum transfert. Nam ut ritè cum Chrysostomo Oecumenius monet; *Nam ait, ἐπιπλήν, sed ἐπιπλήν indicans quod pseudo-apostoli pecudum ritu correptos eos circumciderent, ignorantes quid paterentur.*

v. I V. Diximus de secundo; sequitur hîc tertium Apostoli argumentum hoc syllogismo comprehensum; Qui varias, quas pro veritate afflictiones superarunt, inanes reddunt, illi sunt amentes: Galatæ deficientes ab Euangelio Pauli, illud commiserunt: Ergo amentes. Conclusio præcessit; assumptio est hoc versu: *tam multa passi estis frustra?* Verbum *ἐτάδην* *passi estis* variè interpretantur. Nam Lyranus de damno & expensis quas pro pseudo apostolis frustra fecerant, accipit: alii verò de difficultatibus & labore; & quidem vel in observatione jugi Moïsaici seu Judaismi inter gentes: vel in opprobriis & persecutionibus, quas Galatæ à Judæis & gentibus fuerant perpassi. Cæterum illa coactior est (ut etiam Lyrani) & sequenti correctioni parum congrua: hæc verò melior sententia, ut Hieronymus rectè judicavit. Similia perfectionum exempla in Thessalonicensibus, 1. Thessal. 2. vers. 14. & Philippensibus Philipp. 1. vers. 29. Frustra autem dicitur per *μίσω*: minus enim dicendo plus significat; id est, sine utilitate proveniente, imò cum detrimento, inquit Lyranus. Præterea conjunctio *καὶ* (ut Hieronym. observat) aut dubitationis aut confirmationis est, si modò, pro siquidem, ut 2. Thessal. 2. vers. 6. *si modò justum est.* Atque hinc varia horum verborum *καὶ* & *καὶ* interpretatio, ut ex Oecumenio & Hieronym. constat: nempe ut sit subjectio responsionis, hoc sensu, siquidem aut nam sanè tam multa passi estis frustra: vel epanorthosis correctio: eaque aut reprehensionis *μίσω* corrigens & amplificans, ac si diceret, si modò frustra, tantum non etiam cum salutis detrimento, ut Augustinus: aut illius gravitatem mitigans: *ἵνα μὴ ἐν ἀσπίδι αὐτοῦ συμβάλῃ, φρενὶ, ὅτι καὶ ἐκείν. εἰ δὲ βυλῶνται ἀναψύχαι, καὶ ἐκείν:* hoc est, *ne in desperationem eos conjiceret, inquit, si modo frustra. Nam si volueritis expurgari, non frustra;* ut rectè cum Chrysostomo & Theodoro Oecumenius. Nam Paulus dum spem suam de respicientia Galatarum & gratia Dei innuit, tacitè eos in viam revocat. *His verbis sententia præcedens temperatur & dubia fit* (inquit Hieronym.) *& de his dicitur, qui possunt post legem ad Evangelium reverti.* Et Ambrosius; *quia adjecit sine causa, ostendit sperare se, posse reformari illos:* præsertim cum (ut addit Augustinus) illi nondum cecidissent, sed jam inclinarentur, ut caderent.

Vers. V. Hactenus tertium argumentum: sequitur hoc loco per epanalepsin non tam repetitio, quam amplificatio secundi argumenti, de quo vers. 2. Nam ibi de de principiis donorum Spiritus Sancti ante pseudapostolorum adventum, hîc verò de continuatione & effectis recentibus agitur, ut sit novi argumenti instar, & transitio commoda ad sequentia. Spiritum Sanctum & *δωάνεις* quidam ex *ἐξωμάνεις* explicationis gratiâ conjungi sentiunt: alii rectè distingui malunt. Nam *Spiritus* ut antea, omnia dona Spiritus Sancti non solam regenerationem notat: *δωάνεις* verò, eorum donorum partem, nempe *δωάνεις σμύνας*, ut Oecumenius, seu miracula significat, ut Matth. 7. vers. 22. Luc. 6. vers. 5. Metonymia efficientis, quia sunt potentia divina effecta; ut & hinc liquet cum ait, *ad hoc suppeditat & operatur*, nempe Deus. Nam quod glossa interlin. ad Paulum refert, cum tribuit ministerio, non autoritate, id alienius. Hunc locum sic explicat Hieronymus; *Tribuit, hoc est, administrat præsentis temporis, est legendum: ut ostendatur per singulas horas atque momenta semper dignis Spiritum Sanctum ministrari: & quanto quis in Dei opere & amore profecerit, tanto magis Sancti Spiritus in se habere virtutes: quas auditus fidei & non legis opera consummunt. Non quo legis opera contemnenda sint, & absque eis simplex fides appetenda: sed quo ipsa opera fide Christi adornentur. Scita est enim sapientia viri illa sententia,*

*non fidelem vivere ex iustitia, sed justum ex fide. Simul ostenditur, Galatas accepto post fidem Sancto Spiritu, dona habuisse virtutum: id est, prophetiam, genera linguarum, morborum curationes, & cætera, quæ ad Corinthios in donis spiritualibus enumerantur. Et tamen post tanta (quia forsitan gratiam discernendorum spirituum non habebant) à falsis doctoribus irretiti sunt. Observandum etiam, quod operari virtutes dicantur in his, qui non tenent Evangelii veritatem, sicut in illis qui Dominum non sequentes in nomine ejus signa faciebant, Iohanne vel maxime conquerente; præceptor vidimus quendam in nomine tuo, ejicientem demonia, & prohibuimus eum, quia non sequitur nobiscum. Hoc adversum hæreticos, qui probationem fidei suæ, ex eo si signum aliquod fecerint, arbitrantur. Qui cum manducaverint & biberint in nomine Domini (habent quippe & ipsi altare sacrilegum) & signa multa invocato salvatore fecisse se jactent; in die iudicii merebuntur audire, non novi vos, discedite à me, qui operamini iniquitatem. Hactenus ille.*

Vers. VI. & VII. Explicavimus tria argumenta ab experientia Galatarum ducta, quibus justificationem per fidem, sine operibus legis Apostolus demonstravit: deinceps verò alia ex Sac. Literarum testimoniis adducuntur. Quartum itaque argumentum continetur, vers. 6. & 7. ab exemplo pari, per anticipationem & retorsionem objectionis adversariorum. *Quoniam* (inquit Chrysost.) *efferebantur animis, quod ab Abraham ducerent genus, metuentes, ne si legem relinquerent, ab illius cognatione fierent alieni; id quoque rursus in contrarium vertit motumque solvit, declarans quod fides potissimum conciliat cum illo propinquitatem.* Hæc ille. Syllogismus erit, qui justificari quærent, sicut Abraham justificatus est, illi sunt filii Abraham. Qui ex fide justificari quærent, sunt ejusmodi. Ergo sunt filii Abraham; & per consequens reverà justificantur. Optimè Hieronymi scholia; *Abraham credidit Deo, & reputatum est illi ad justitiam: ita & vobis ad justitiam sola sufficit fides.* Enthymematis conclusio est v. 7. Assumptio vers. 6. quæ constat testimonio divino, Genes. 15. vers. 6. de quo prolixius Roman. 4. Quidam autem verbum *credidit* referunt tanquam ad proximè præcedentem promissionem de hærede & numerosa prole, Genes. 15. 4. & 5. ac statuunt fidem hanc fuisse imputatam ei ad justitiam, quia gloriam veritatis & omnipotentia Deo dedit, Roman. 4. Alii verò sanius verbum *credidit* ad utramque Dei promissionem referunt, cum generalem de fœdere (quod per Christum constat) vers. 1. tum singularem, cujus meminimus. Deinde etiam si ad singularem promissionem restringeretur: generalis tamen excludi non potest: quia hæres non solum Isaacum, sed etiam Christum, Genes. 12. vers. 3. & soboles numerosa, non tantum Israëlitas carnales, Exod. 32. v. 13. sed etiam spirituales seu fideles significat, Roman. 4. v. 16. & 18. & 9. 7. Galat. 4. v. 28. & 6. v. 16. Imputata autem dicitur fides in justitiam, non ut forma inchoata (quod Pontificii statuunt) nam non est totius legis impletio; sed, tanquam instrumentum justitiæ. Quidam autem in hac phrasi hypallagen statuunt, pro imputavit ei justitiam per fidem: nonnulli fidem, pro justitia Christi fide apprehensa accipiunt, per Metonymiam adjuncti pro objecto: Sed simplicior videtur Metonymia effecti: nempe justitia pro instrumento justitiæ. Justitia autem hoc loco non pro actione justa, ut Psal. 106. v. 31. sed pro *involuta* seu perfecta legis obedientia (quæ habitu & actionibus perpetuo justis constat) accipitur. Præterea hoc loco non de initio fidei & justificationis: nam jam antea erat justificatus fide, Genes. 12. v. 3. 4. Hebr. 11. vers. 8. sed de continuatione agitur. Porro verba illa, *qui ex fide*, accipi possunt dupliciter, eodem fere sensu. Primum per ellipsin verbi substantivi & metonymiam adjuncti, fides pro fideli: ut sit sensus, qui de fidelium numero sunt, ut Lyranus interpretatur. Deinde per ellipsin peculiarem; pro qui ex fide justificari quærent. Denique glossa interlin. interpretatur, quorum esse spirituale est ex fide. Fideles autem dicuntur filii Abraham dupliciter: imitatione fidei illius καὶ ἱσχυρῶν, Johan. 8. vers. 39. Roman. 4. vers. 12. & uniōne cum Christo qui verus Abraham filius.

filii. Atque his nominibus sunt genuini hæredes scæderis cum Abrahamo & posteris initi, Galat. 3. v. 28. & 29.

Verf. VIII. & IX. Quintum jam sequitur argumentum (quo præcedens etiam confirmatur) à diserto Sac. Literatum testimonio. Syllogismus est: Quos Spiritus Sanctus prævidit justificandos in Christo per fidem, illi justificantur in Christo fide. Fideles omnium gentium sunt ejusmodi. Ergo illi justificantur in Christi fide. Propositionem præsupponit Apostolus: assumptio est verf. 8. quæ in *ἡδυνάμην* Scripturæ testimonio demonstratur, cum ait: *Ante evangelizavit Abrahamo*, nempe *benedicens in te omnes gentes terræ*. Conclusio est verf. 9. diversis quidem verbis, sed eodem sensu: ut sæpius etiam apud bonos auctores, ornatus aut emphaseos gratiâ fieri solet. Locus autem qui adducitur, non est ex Genes. 18. verf. 18. multo minus ex Genes. 22. verf. 14. ut Lyranus & alii existimant: sed ex Genes. 12. v. 3. Cæterum Benedictio per metalepsin Synecdochicam, salutem seu justificationem & quæ inde promanat sanctificationem & glorificationem significat, ut Ephes. 1. & legis maledictioni opponitur. Deinde verba illa *in te variè* (ut etiam Oecumenius observat) accipiuntur. Quidam pro *in fide tua*, vel imitatione fidei tuæ: ut Ambrosius, Chrysostomus, & referente Oecumenio, Cyrillus ad Reginas de recta fide, pag. 331. alii *in te* pro *tecum* *ךך* pro *ךךך*: ut ex verf. 9. colligunt Paulum interpretari tecum, aliâs inferendum in fidei Abraham. Alii denique pro in Christo semine tuo: ut Augustinus ex lib. 1. de baptismo parvulorum. Et rectè interpretantur, ut demonstrat exegesis repetitæ promissionis, Genes. 22. *benedicentur in semine tuo*: *ἐν πατρὶσὶν αὐτοῦ*, Genes. 28. v. 14. *in te & in semine tuo*. Deinde ex declaratione apostolica, quæ hoc loco præmittitur his verbis, *Prævidens autem scriptura, Deum ex fide justificaturum gentes*. Nam justificari fide & benedici in Christo, eodem sensu dicuntur. Scriptura, autem hic sumitur metonymiâ effecti, pro eo qui eam dedit, ut Chrysostomus: seu pro Spiritu Sancto, ut Hieronymus; vel Deo, ut Theodoretus explicant. Vox autem *evangelizavit* emphatica est & notanda *αὐτὸς μὲν πλὴν αὐτῶν τὸ ἐν τῷ αἵματι τοῦ υἱοῦ τοῦ Θεοῦ*, inquit Oecumenius. *Non dixit (ait Chrysost.) revelavit, sed evangelizavit, id est lætum nuntium attulit: ut intelligas & Patriarcham tali justificationis modo gavisum fuisse, & vehementer, ut hoc contingeret, desiderasse*. Hæc ille. Vide Johan. 8. v. 56. Quam emphasin Latini Patres cum vetere interprete non expresseverunt. Deinde præpositionem, *ante*, quidam definitè sumunt, pro ante justificationem gentium: nonnulli ante latam legem Moysi, ut Chrysostom. *Quoniam* (inquit) *illud eos turbaverat, videlicet legem fide antiquiorem esse, fidem autem post legem: etiam hanc illis eximit suspicionem: ostendens fidem lege antiquiorem, idque liquere ex Abrahamo: priusquam enim existeret lex, ille justificatus est*. Hæc ille. Sed quid si generalius, ante legem non solum Moysi, sed etiam circumcisionis Abrahamo latam? de quo Roman. 4. 10. Hieronymus indefinitè pro *jam olim*: siquidem interpretatur, quod multis post seculis ventura prædixerit. Hæc de antecedente. Conclusio verò non sola, sed cum corollario proponitur. Ex ea enim quantum argumentum confirmatur (nempe fideles esse filios Abrahamæ & hæredes scæderis cum illo initi) his verbis, *cum fidei Abrahamo*: Quibus modus justificationis Abrahami & fidelium, eorumque inter se communio designatur, ac si dicat Apostolus: instar Abrahami, qui in Christo fide, non circumcisione aut operibus suis benedictionem consecutus est. Atque hac ratione demonstrat Apostolus unicam salutis rationem esse in Abrahamo & cæteris fidelibus; eoque fideles, cum sint hæredes promissionis, genuinos esse illius filios: hæc enim inter se sunt ἀντιστοιχίαι reciproca. Gal. 3. v. 29.

Verf. X. Sextum hoc loco succedit argumentum à contrariis; Qui ex fide sunt, benedicuntur, aut qui ex operibus legis. At hi non benedicuntur, Ergo illi. Propositio tanquam clara omittitur: illius enim disjunctio immediata est. Nam duplex tantum ratio justificandi, ju-

stitia aliena seu gratis; aut propria seu merito, Rom. 11. verf. 6. illa ex fide: hæc verò ex operibus nominatur. Conclusio præcessit verf. 9. Assumptionis loco proponitur illius probatio à contrario effectu, v. 10. Quicumque sub maledictione sunt, illi non benedicuntur. Quicumque sub operibus legis sunt, sub maledictione sunt. Ergo non benedicuntur. Phrasis hæc; *quicumque sub operibus legis sunt*, contraria est illi *qui ex fide sunt*. Itaque ἀντιλογία intelligenda est: vel Metonymia Synecdochica. Nam opera legis ponuntur pro iis qui ea operantur per Metonym. effecti, seu operarii legis, ut Tertullianus interpretatur adversus Marcion. libr. 5. *in qua* (inquit) *lege non justificatur operarius*. Sic Ambrosius, *qui sub lege agunt*. Oecumenius, *qui legi adhærent*. Deinde per Synecdochen non quivis legis operarii (nam tales etiam fuerunt Patres Veteris Testamenti & Apostoli Christo superstite) sed illi demum, qui in ea salutis fiduciam locant, designantur: ut controversiæ status & loci circumstantiæ demonstrant. Vel ellipsis est his phrasibus singularis, quærentes justificari, ut sit sensus; qui ex operibus legis justificari quærunt, & ut per Mimelin loquitur Apostolus Gal. 5. verf. 3. quicumque per legem justificantur. Atque hinc liquet aliena esse quæ ab Hieronymo & quibusdam aliis ex hoc loco disputantur. Maledictio autem quid, ex antitheto benedictionis liquet. Porro assumptio probatur autoritate divina; Deuter. 27. verf. 26. Pro syllogismus; Quisquis non permanferit in omnibus quæ scripta sunt in libro legis ut faciat ea, maledictus est. Qui sunt ex operibus legis, non permanent in omnibus. Ergo quicumque sunt ex operibus legis, maledicti sunt. Assumptio deest, quæ tanquam certa omittitur & ex propositione & conclusione facillimè colligitur. *Propterea enim* (inquit Oecumenius) *maledicti sunt qui adhærent legi, quia non possunt implere legem. Et tanta mandata sunt* (inquit Ambrosius) *ut impossibile sit servari ea: unde & Petrus in Actibus Apostolorum ait; Quid imponitis jugum fratribus, quod neque Patres nostri, neque nos potuimus portare? Negligenti enim & superbo populo hæc data erant, ut per omnem conversationem legem haberent*. Hæc ille, melius sanè quam Lyranus; qui legem ait dici impossibilem non absolutè (quo sensu Hieronymus in expositione fidei, qui id dixerint, maledicit) sed secundum quid, hoc est difficilem: eoque quam multi transgrederentur. Hæc enim sententia refutatur ex dicto Petri, & perpetuo Sacramentorum Literarum consensu, Genes. 8. verf. 21. 1. Reg. 8. v. 46. Proverb. 20. v. 9. Psal. 19. v. 13. & 32. v. 5. & 130. v. 3. Luc. 11. v. 4. Jacob. 3. v. 2. 1. Joh. 1. v. 8. Hebr. 4. v. 15. tum etiam insigni Oecumenii testimonio, Galat. 3. v. 22. de quo suo loco. Denique hoc etiam liquet ex propositione hujus loci, in cujus subjecto declaratur, primum ad quos lex pertineat; nempe ad omnes, cum ait *quisquis*: sed diverso modo: ad Judæos solos ratione ceremoniarum & legum politicarum: quatenus decalogo non continentur: ratione autem decalogi, quæ naturalem legem (cujus reliquæ in gentibus) ad unguem exprimit, ad omnes quidem pertinet: sed ratione solennis traditionis & declarationis illius ad Judæos primariò, quo demum sensu gentes legem non habere dicuntur, Roman. 2. verf. 14. Deinde tres legis condiciones proponuntur; nempe ut serventur mandata omnia, integrè, perpetuò. Prius quidem non explicat Moses hoc qui adducitur loco, sed indefinitè innuit & minutatim in antecedentibus maledictionem, & consequentibus benedictionem denuntiando docet, nominatim verò proponit versu sequente, cap. 28. verf. 1. 14. 15. Eoque rite post LXX. interpretes ab Apostolo Paulo, omisissis loci circumstantiis, exprimitur. Similis locus Jacob. 2. verf. 10. Roman. 6. verf. 23. Quod verò Hieronymus suspicatur vocem hanc *ךך* à Judæis ex veteri Hebraico deletam: quia Apostolus nunquam protulisset, nisi in Hebræis voluminibus haberetur: deinde quia in Hebræis Samaritanorum voluminibus extat. Hæc inquam suspicio non est credibilis, quia (ut paulò ante monuit) Apostolus sensum magis testimonii ponere solet,



folet, quàm verba. Deinde quia defendi causa nulla, cum ad maiorem potius legis auctoritatem (cujus Judæi erant studiosissimi) pertineat. Nec fides Samaritanorum Bibliorum Judaicis præponenda: cum à Judæis ea acceperint. Duo reliqua *permanendi* verbo includuntur: quæ vox illis propriè non congruit, qui partim aut tantum aliquamdiu legi parent. Cæterum apud Moſem non *permanendi* vox, sed Synonyma continetur *דָּיָק*: quam (ut ait Hieronym.) LXX. Interpretes, *permanſerit*, expreſſo ſenſu: Aquila verò, *ſtatuert*: Symmachus, *firmaverit*; Theodotio, *ſuſcitaverit*, expreſſa voce interpretati ſunt. Sensus autem eodem redit. Nam is demum ſtatuer legem dicitur, qui in ea permanet; ut liquet ex contrario *recedere*, & Synonymo, *cuſtodire*, Deuter. 28. v. 14 & 15. Sic Roman. 3. verſ. 31. legem inanem reddere, & legem ſtatuer ſeu ſtabilire, opponuntur. Similis phraſis 2. Reg. 23. verſ. 24. & Pſal. 119. v. 28. *confirma ſervo tuo eloquia tua*, & verſ. 106. *juravi & ſtabiliam, firmabo*. Hinc liquet prudentia Apoſtoli, qua adverſarios proprio (ut dicitur) jugulat gladio. Quoniam (ait Chryſoſtom.) illos alter habebat metus, ſcriptum erat enim, *Maledictus omnis qui non permanſerit in omnibus quæ ſcripta ſunt in libro legis hujus, ut faciat ea: & hunc eximit metum ſapienter ac prudenter, ruruſus hoc vertens in diverſum, & oſtendens, quod non ſolum non ſint execrationi obnoxii, qui legem relinquunt, ſed etiam benedictionis participes: contra qui legem obtinerent, adeo non benedicti, ut etiam execrabiles. Siquidem illi dicebant, Qui non ſervaverit legem, maledictioni obnoxius eſt. Hic verò declarat, eum qui ſervat, maledictum eſſe: è diverſo, qui non ſervat, benedictionis conſortem. Ruruſus illi dicebant, qui ſola fide nititur maledictus eſt: hic contra demonſtrat, qui ſola fide nititur, eum benedictum eſſe. Item paulò poſt. Ne hic anſam arriperent contradicendi, dicerentque, merito ex fide juſtificatus eſt (Abraham) nondum enim erat lex: at tu mihi demonſtra, poſt traditam legem fidem juſtificare. Ad id venit ac plus demonſtrat quam illi quæruunt, nimirum non modo juſtificare fidem, verum etiam legem, ipſa utentes, obnoxios maledictioni reddere.*

Verſ. XI. & XII. Haftenus ſextum: ſequitur ſeptimum etiam à contrario argumentum: cujus ſummam non male ex Chryſoſtom. Theophylaſtus collegit, *Demonſtrato* (inquit) quod lex maledictos faciat: fides autem benedicat, oſtendit jam nunc quod fides ſola juſtificat & non lex, adducitque Habacuc dicentem, quod ex fide juſtus ſit victurus & non ex lege. Lex enim non ſolam fidem poſtulat, ſed etiam opera. Hæc ille. Syllogiſmus; Qui fide juſtificatur, non juſtificatur apud Deum per legem. At juſti fide juſtificantur. Ergo non juſtificantur per legem apud Deum. Concluſio eſt verſ. 11. In qua obſervanda eſt emphafiſ cum ait; *apud Deum*. Nam juſtificationeſt duplex; una apud Deum, quæ vera eſt & perfectæ: quia Deus eſt juſtiſſimus *καταλογιστής* qui nec falli poteſt nec fallere: altera apud homines: eoque imperfectæ & ſæpius fallax, Luc. 16. verſ. 15. Atque hæc juſtificationeſt ex operibus, Roman. 4. 2. Iacob. 2. verſ. 24. illa verò minime, Pſal. 143. verſ. 2. & 130. verſ. 3. Diximus de concluſione: antecedentis autem loco ponitur illius probatio. Aſſumptionis quidem, ab effectu proprio, quod confirmatur Prophetæ teſtimonio. Syllogiſmus; quo vivimus, eo juſtificamur: fide, teſte Prophetæ, vivimus. Ergo ea juſtificamur. Verba Prophetæ ſunt hæc *וְצִדִּיק בְּאֵמוּנָתוֹ יְחִי*: quod ita (inquit Hieronym.) LXX. Interpretes ediderunt, *juſtus autem ex fide mea vivit*. Aquila & Theodotio, *juſtus autem ex fide ejus vivit, id eſt Dei*. Hæc ille. Sanius, qui *juſtus autem in fide ſua vivet*: quæ cum Paulinæ orationis filo conſentiunt; Nam *ex fide*, & *in fide*, hoc eſt per fidem, Synonyma. Pronomen ſua, etſi non expreſſum, tamen ex circumſtantiis hujus loci abundè colligitur. Ad ſenſum quod attinet, ſummus eſt utriuſque loci conſenſus.

Nam quod obijcitur, Prophetam agere non de fide promiſſionis Euangelii, de qua hoc loco, ſed conſervationis & liberationis à captivitate Babylonica: nec de vita æterna ſed temporali, falſiſſimum eſt: utrumque e-

nim more prophetico complectitur. Nam in populo Dei promiſſiones terrenæ cæleſtium appendices fuerunt & notæ, & liberationis externæ fundamentum fuit promiſſio venturi Meſſiæ, propter quem promiſſiones factæ & ſervatæ, 1. Corinth. 1. verſ. 20. ad quam pii aſſurrexerunt fide, eamque ſpectarunt potiſſimum. Nec enim in prophetiis id nominatim ſemper exprimi fuit neceſſe, quia ex antecedentibus prophetiis, ipſorumque Prophetarum interpretatione ſatis erat exploratum. Hæc de conſenſu. Porro duplex poteſt eſſe hujus loci conſtructio, ut ex fide ſit pars, vel ſubjecti, vel attributi. *Poteſt* (inquit Hieronym.) *præſens teſtimonium & ſic legi, quia juſtus ex fide, ut deinceps inferatur, vivit*. Utraque ſana eſt ſententia: ſed prior, quæ vulgo recepta, videtur ſimplicior. Cæterum quod addit Hieronymus; *Conſiderandum itaque, quia non dixerit, homo aut vir ex fide vivit, ne occaſionem tribueret ad virtutum opera contemnenda: ſed juſtus ex fide vivit: ut quicumque fidelis eſſet & per fidem victurus, non aliſter poſſet ad fidem venire vel in ea vivere, niſi prius juſtus fuiſſet, & puritate vitæ quaſi quibuſdam ad fidem gradibus aſcendiſſet. Poteſt ergo fieri ut ſit aliquis juſtus, & tamen non vivat abſque fide Chriſti*. Hoc inquam alienius: quia non de juſtificatione & vivificatione prima, ſed juſtificatione ſecunda ſeu juſtificationis continuatione loquitur. Nam & impium Deus juſtificat & vivificat fide; & in pio pari modo continuat. Quod autem probare ſtudet Pauli exemplo, qui, Philipp. 3. verſ. 6. ſe ait ſecundum juſtitiam quæ in lege eſt, ſine reprehentione vixiſſe, id nihil ad rem facit: quia (ut alia omitam) una hirundo non facit ver; nec ſingulare exemplum, regulam. Contra melius ſubjicit Hieronymus; *A cæteris* (inquit) *virtutum partibus vicinam ſententiam proferam, adverſum eos qui in Chriſtum non credentes, fortes & ſapientes, temperantes ſe putant eſſe vel juſtos: ut ſciant nullum abſque Chriſto vivere: ſine quo omnis virtus in vitio eſt*. Porro obſervant interpretes, emphafiſ in verbo futuro, quod Prophetæ non dicat *vivit*, ſed *vivet*, ut vita in ſolidum fidei tribuatur. Quanquam Tertullianus Hieron. Ambroſ. Auguſt. (ſi mendo careant codices) habent *vivit*, non adeò malè expreſſo ſenſu, quia continuus actus præſenti explicari ſolet. Hæc de aſſumptione: cui annectitur propoſitionis probatio; ſi juſtificationeſt legis non eſt ex fide, ſed operibus; ſequitur eos qui juſtificantur fide, non juſtificari lege: At verum eſt prius, ergo & poſterius. Propoſitio eſt evidens: quia cum juſtificationeſt fidei & operum ſint contraria, eidem congruere non poſſunt. Siquidem juſtificationeſt fidei ſit gratiâ, & juſtitia alienâ non propria: contra verò juſtificationeſt legis ſit merito & juſtitia propria, non alienâ. Itaque ritè ſibi mutuò opponuntur, Rom. 3. v. 27. & 4. 14. 15. 16. & 10. v. 5. 6. & 11. v. 6. Aſſumptio autem Syllogiſmi loco proponitur ex diſerto legis teſtimonio, verſ. 12. In quo verſu obſervandum eſt verba illa, *lex autem non eſt ex fide*, dupliciter poſſe accipi: vel ut ex ſumatur pro per & ſit ellipſis, pro per fidem juſtificans: vel ut ſine ellipſi ſumatur, ad declarandam materiam; ut ſit ſenſus, lex non conſtat fide, hoc eſt, præceptis de fide. Sic Theodoretus ſumpſiſſe videtur cum interpretatur, *lex non quærit fidem*. Sed Lyranus materialiter accipiendum monet, ſicut cum dicitur, *ex ære ſit ſtatua*; quod in lege veteri non fuerint data præcepta de credendo: hoc enim pertinet ad legem novam: in qua eſt explicatio credendorum. Sed prior interpretatio magis videtur ad rem, ut ex ſcopo Apoſtoli, & altero hujus loci membro colligitur, cum ait; *ſed qui fecerit ea, vivet in eis*. Locus omninò deſumptus ex Levit. 18. 5. quo demonſtrat eos tantum victuros eoque juſtificatum iri, qui fecerint ea, quæ Deus lege præcepit. Cæterum vitam hanc Ambroſ. Hieron. Auguſt. aliter quàm præcedenti verſu accipiunt, non de æterna, ſed corporali. Quod autem ait, *lex non eſt ex fide* (inquit Hieron.) *ſed qui fecerit ea, vivet in illis: maniſeſtiſſimè demonſtrat, non ſimplicem dici vitam, ſed eam quæ referatur ad aliquid. Juſtus quippe ex fide vivit, & non additur in his, ſive in illis: vivens autem in lege, qui fecerit ea, vivet in illis: hoc eſt in his quæ*

quæ fecit, quæ putavit bonâ: mercedem laboris sui habens ea tantum opera quæ fecit: siue longitudinem vitæ (ut Iudæi putant) siue declinationem pænæ, per quam transgressor legis occiditur. Hæc ille. Sed adversus Sacrarum Literarum mentem. Nam vitam æternam intelligi liquet primùm testimonio Christi, Luc. 10. vers. 28. qui rogatus à legisperito, quid faciendū vitam æternam assequeretur, post summam legis explicatam addit, *Hoc fac & viues*. Deinde ratione: quia Deus testatur servantibus legem se Deum fore, Levit. 26. v. 12. eoque servatorem, Matth. 22. v. 32. Neque hæc sententia repugnat præcedenti, qua ait neminem ex lege justificari: id enim fit non vitio legis, sed carnis: quia conditionem legis non servamus. Roman. 8. 3.

Vers. XIII. & XIV. Explicavimus septimum argumentum: cui subicitur objectionis (ut Chrysost. monet) ex antecedentibus promanantis anticipatio: quæ octavum argumentum complectitur. Objici enim poterat; si qui ex lege justificari quærunt, sub maledictione illius sunt, quod eam nemo servet: parem etiam fidelium eadem de causa fore conditionem. Verùm id minimè sequi docet Apostolus, quia fideles à maledictione liberati sunt per Christum, qui vicem nostram sustinuit. Quo in loco salutis nostræ mysterium breviter & accuratè sex capitibus demonstratur; quæ sunt author, subjectum, contrarium, modus, finis, instrumentum. Author qui servat est *Christus*: ac propterea Jesus nominatur, Matth. 1. vers. 21. Subjectum, seu qui servantur sumus *nos*: hoc est, fideles, siue ex Iudæis siue ex Gentibus. Nam quod glossa interlinearis, Thomas & alii ad Iudæos solum referunt, videtur angustius; & ratio quam adferunt infirmior, cum decalogi violatio quovis mortales maledictioni mancipet, ut supra ad vers. 10. demonstravimus. Contrarium, seu unde servemur, est maledictio legis: qua non partim (ut quidam volunt) sed perfectè miseria nostra continetur: ut ex benedictione, quæ huic opponitur, clarissimè constat. Modus verò adumbratur generatim metaphorice & similitudine quadam à mancipiis ducta, cum ait, *redemistis*, hoc est, quasi pretio persoluto satisfecit. Nam peccatis nostris nos ipsos quasi vendidimus, Jes. 50. vers. 1. Roman. 7. vers. 14. Quam similitudine emti pretio dicimur, 1. Corinth. 6. vers. 20. & 7. vers. 23. & redempti Christi sanguine 1. Petr. 1. vers. 18. 19. & Christus *υἱοῦ & ἀντὶ λυτροῦ*, redemptura, Matth. 20. v. 28. & 1. Timoth. 2. vers. 6. Chirographum nobis adversum delevisse, Coloss. 2. vers. 14. quæ non rapuit rependisse dicitur Psalm. 69. vers. 5. Deinde speciatim redemptionis modus his verbis exprimitur; *pro nobis factus maledictio*: Hoc est, ut sequitur *ἐπικατάρατος* maledictus & quidem summè, Metonymiâ emphaticâ, quasi dicat (ut Aquinas monet) factus est ipsa maledictio, nempe quod maledictionem & pœnam universam, quæ nobis ob legis violationem incumberebat, pro nobis subiecit ac pertulerit: *perinde faciens* (inquit Chrysost.) *ac si mortis adjudicato quopiam, alius insons illius dammati vice sponte mori volens, eripiat eum*. Sic & Christus fecit. Quum enim non esset obnoxius execrationi transgressionis: hanc in se recepit pro omnibus, ut omnes ab illa liberaret. Similes loci sunt 2. Corinth. 5. vers. 21. 1. Petr. 3. vers. 18. Esa. 53. At, inquires, si Christus filius Dei dilectus & benedictionis author, quomodo maledictus? Rectè Augustinus, contra Faustum lib. 14. cap. 6. apud Bedam; *semper*, inquit, *benedictus in sua justitia, maledictus autem propter nostra delicta, in morte suscepta ex pœna nostra*. Itaque Christi majestati nihil derogat (ut profani homines putant) quod sine culpa reatum nostrum & pœnam in se suscepit: ut nos à culpa & pœna liberaret. Cæterum quia insolentius videri poterat, asserere Christum factum esse maledictionem, deinceps demonstrat Apostolus; Syllogismus autem hic est; quisquis pendet in ligno, maledictus est: Christus pependit in ligno. Ergo Christus fuit maledictus. Conclusio jam explicata est. Propositio Sacrarum Literarum autoritate & verbis disertis, ex Deut. 21. 23. confirmatur, unde assumptio intelligitur. Duo autem in propositione declaranda

sunt; Pauli cum Mosis testimonio convenientia in interpretatione & scopo. Verba Mosis sunt *כִּי קָלַל אֱלֹהִים תָּלָהוּ* quæ rectè Aquila & Theodotio vertunt, *quia maledictio Dei (est) suspensus*. Iudæus qui Hieronymum instituit, legi posse dicebat, *quia contumeliosè Deus suspensus est*, (potius maledictio Dei suspensi) Hebion hæreticus (ut Hieron. observat) *קָלַל אֱלֹהִים* injuria: quidam *καταράται*, maledictio (convitium) interpretantur. Symmachus, ac si esset ellipsis, vertit; quia propter blasphemiam Dei suspensus est. LXX. denique interpretes, *ὅτι κατακρεμνίσθη ἐν ξύλῳ*, quia maledictus à Deo omnis qui pendet in ligno, qua de re plura Hieronymus. Paulus verò Apostolus pro libertate sua sensum expressit, non verba. Nam Metonymiam maledictio, reddidit propriè maledictus: vocem *Dei* omisit, cum ex loci hujus circumstantia & oppositione benedictionis satis constet de maledicto coram Deo agi: *in ligno* verò addidit expressa ellipsis *ἐν ξύλῳ* ex præcedentibus; & universalem indefinitam particulam *omnis* per rationem definivit. Itaque quod Hieronymus nomen Dei ad Christi infamiam, post illius mortem Iudæorum fraude Bibliis insertum putat; aliena est conjectura. Nam etsi (ut ait) alibi maledictioni, Dei nomen non addatur: nihil tamen huic loco detrahit. Multa enim in Scriptura sunt singularia, & quidem hoc ipso loco, cum huic mortis generi (quod aliis non fit) maledictio ascribitur. Hæc de interpretatione. Sensus autem & scopus utrobique est idem. Nam suspensionis hujus duplex fuit usus: prior communis & politicus, nempe maledictio seu pœna finita & politica malefici, & exemplum reliquis quo à sceleribus detererentur, Deut. 21. v. 21. Alter fuit singularis ac typicus: ut Christi crucifixionem & maledictionem infinitam adumbraret. Cujusmodi fere typus etiam fuit ænei serpentis in altum erectio, Num. 21. v. 9. Iohan. 3. v. 14. & agni paschalis mactatio, omissoque crurifragii, Exod. 12. v. 46. 1. Cor. 5. v. 7. Ioh. 19. v. 36. Itaque præcepit Deus ne suspensi cadaver pernoctaret in ligno: sed sepeliretur eodem die, additque *quia maledictio Dei suspensus*: hoc est, quia qui suspensus est, maledictus est primum politicè, ad colophonem supplicii sui & aliorum terrorem; cui rei cum unius diei pœna & ignominia satisfactum sit, tollendum cadaver de cruce ac sepeliendum. Deinde typicè, hoc est, prophetico quodam typo Christi maledicti: qui in cruce suspendendus & eodem die pro peccatis nostris satisfactoreratur & sepeliendus. Atque hæc genuina hujus loci sententia, quam Doct. viri Francisci Junii parallelis acceptam fero. Reliqui, quos legi interpretes, aut silent omnino, aut dilutius ad vulgarem hujus supplicii ignominiam referunt.

Porro fructum maledictionis & crucifixionis Christi (nam testimonium Mosis per parenthesin inferitur) declarat, cum ait; *ut in Gentibus benedictio Abrahami extet in Christo Iesu*: Hoc est, ut servantur: aut (ut Cyrillus) ut justificentur gentes per fidem secundum promissionem Abrahamæ datam. Itaque gentium nomine generatim omnes significari arbitror, ut ex v. 8. cujus impletionem hoc loco demonstrat Apostolus, colligitur. Sin verò (ut volunt) *δικαιώσις* dicitur: fructus mortis Christi Synecdochicè explicabitur, thesi ad hypothesein traducta.

Cæterum hæc benedictio *ἐν Χριστῷ* illustratur à primaria, quæ in ea continetur parte; *ut promissionem spiritus accipiamus*. Vox autem *Spiritus* variè à præcipuis interpretibus accipitur: nempe tanquam efficiens, subjectum vel adjunctum: ut promissio spiritus sit à spiritu profecta, de spiritu, aut spiritualis, sensu convenienti & penè eodem: Media tamen videtur potior per hypallagen Hebræis usitatam, ut Act. 2. v. 33. *Spiritus promissionis* seu promissus, ut Eph. 1. v. 13. Spiritus autem promissus Metonymicè pro donis illius accipitur, tam communibus & perpetuis in Ecclesia, quam singularibus & miraculosis tempore Apostolorum, de quo spiritu Rom. 8. 9. v. 15. 2. Cor. 1. v. 22. Gal. 4. 6. Tit. 3. 3. 5. 6. Ioel. 2. v. 28. Act. 2. v. 17. Denique instrumentum & modum applicationis quo Christi meritorum, benedictionis & Spiritus S. participes fimus, exprimit eum ait, *per fidem*: nam fidei vox *ἐν Χριστῷ* ad benedictionem

ditionem & promissionem refertur, ut rectè Cyrillus & Aquinas explicarunt. Fides enim est primum salutare Spiritus S. donum, quo præditi Christo unimur & reliqua Spiritus S. dona ac benedictionem assequimur. Eph. 3. 17. Ioh. 15. 5. & 1. Pet. 1. 9. Hactenus objectionis anticipatio: unde hæc profluit demonstratio; In eo qui à maledictione legis nos redemit, consequimur benedictionem, hoc est, justificamur & servamur. At verò Christus à maledictione legis nos redemit. Ergo in eo benedictionem consequimur. Conclusio præcellit v. 9. & innuitur hoc loco. Assumptio vero exprimitur, qua de re vide supra c. 2. vers. 21.

Verf. XV. XVI. XVII. Hactenus octavum: sequitur hoc loco nonum argumentum, cuius hæc est ratio: Testimonium à Deo ante legem, & quidem 430. annos, ratum factum in Christo, non potest lege fieri irritum. At promissio Abrahamæ & semini ejus facta, est testimonium ejusmodi. Ergo ea non potest lege fieri irrita: eoque gentes Christo per fidem inlitæ, sunt promissionis participes. Assumptio & conclusio continentur. v. 17. Ex quo enthymemate intelligitur propositio, cuius loco præmittitur probatio, à minori ducta, v. 15. Profyllogismus autem hic erit; si humanum testimonium ratum factum, nullus irritum facere potest, multò minus divinum: At verum est prius, Ergo & posterius. Hæc de propositione: assumptio verò partim declaratur & confirmatur v. 16. De analysi hujus loci diximus satis: singula deinceps explicanda sunt. Ac primum, quum antea (inquit Chrysost.) Galatas appellavit amentes, hîc fratres vocat: simul & perstringens eos & consolans, quod ad benevolentiam & attentionem hoc loco comparandum optimè quadrat. Nam dixit præcedenti versu, *ut benedictio in gentes*, ergo hæredes & fratres. 2. Quia scopus hic, ostendere gentes per fidem in Christo fieri Abrahami filios, non per legem. Addit Apostolus, *secundum hominem*, hoc est, more humano, vel communi hominum judicio. Hoc autem dicit (inquit Ambros.) quia exemplo humanæ causæ commendare vult rationem divinæ promissionis. *Posteaquam enim* (ut Chrysost.) *& ex Scripturis, & ex miraculis apud illos editis, & ex his quæ Christus passus est, denique ab ipso Patriarcha sermonem confirmavit, jam ad communem degreditur consuetudinem.* Solet enim Paulus hoc semper facere, quo conducet etiam sermonem, quo & facilius recipiatur & fiat intelligibilior: Sic 1. Corinth. 9. 7. Hebr. 9. v. 17. &c. Comparari enim humana divinis propter evidentiorum intellectum possunt, æquari non possunt, ut ait Hieronymus in Scholiis. Porro ait Apostolus, *testamentum ratum factum nullus abrogat, aut superaddit*: quia (ait Ambrosius) testamentum defuncti jure factum, non potest rescindi. Cæterum duo hic notantur modi quibus testamenta violantur, abrogatio nimirum & additio. Denique quod ait, *licet hominis*: aposiopesis est, ac si dicat, multo minus Dei. Atque hæc de v. 15. Præterea Abrahamo inquit. v. 16. *dicitæ sunt promissiones & semini ejus*, &c. Verum duo hic controversa sunt, primum quemnam Geneseos locum citet Apostolus: deinde quam accommodatè. Ad prius quod attinet, plerique referunt ad Genes. 22. v. 18. *Benedicentur in semine tuo omnes gentes terræ*: & τῶ σπέρματι interpretantur, *in semine tuo*. Nonnulli potius ad Genes. 17. v. 7. *Ego sum Deus tuus & semini tuo*: quod verba magis quadrent. Alii ad Genes. 12. v. 7. & 13. 15. *omnem terram quam conspicias, tibi dabo & semini tuo, usque in sempiternum*. Quidam denique ad Genes. 15. v. 5. *sic erit semen tuum*. Primam sententiam sequitur Ambros. August. Theod. Chrysost. & plerique, eandemque cum postrema in medium proponit Hieronymus, Galat. 3. v. 8. loco sane alienissimo, & librariorum haud dubiè incuria. Itaque totum illum locum inde ab illis verbis; Porro exemplum quod de Genesi, usque ad, *quicumque igitur*, pristina fidei reititui posse existimo, si inferatur hujus versus explicationi, post illa verba, *prudentibus displicere*: ut sequatur; Porro exemplum, &c. Cæterum postrema sententia à verbis hujus loci remotior, reliquæ probabiles, tertia maximè, quia non solum scopo, sed verbis etiam ad amissim congruit, & loco simili, Roman. 4. v. 13. sed quid si forte non ad certum locum, sed

ad hos omnes aut saltem tertium & quartum respexerit? (ut Marc. 1. & alibi conjungunt) ac propterea *promissiones datas* non *promissionem* dixerit? Verum quam accommodatè adducatur hic locus, dispiciamus. Observandum est itaque, promissionem hanc (cujusmodi plurimæ) historicam esse simul & typicam. Nam primum historicè, Israelitis naturali semini Abrahamæ, promitti terræ Chanaanæ hæreditatem, liquet ex promissione Genes. 15. v. 18. 19. & declaratione impletionis illius, Deuter. 34. 4. *Hæc est terra pro qua juravi Abrahamo, Isaac, Jacobo dicens, semini tuo dabo eam*. Deinde typicè adumbratur hæreditas totius mundi & regni cælorum donanda Christo, Psal. 2. v. 8. Luc. 14. v. 32. Matth. 28. v. 18. & in Christo fidelibus: ut ex hoc loco, reliquoque capite & sequenti, & Roman. 4. constat. Vocem autem Christi, cum ait, *qui est Christus*; quidam non male intelligendam judicant non propriè de Christo per se, sed cum suo corpore conjuncto; sive Synecdochicè de Christo mystico, ut 1. Corint. 12. 12. seu de Christo & Ecclesia, tanquam capite & corpore: servata interim capitis dignitate, ut de eo primariò intelligatur: ille hæres, nos cohæredes Heb. 1. 2. Rom. 8. 16. & 8. 17. Itaque quamvis Abrahamus constitutus Pater multarum gentium, & contra Judæi se solos, aut τὰ ἑξ ὅλων peculiare Abrahami semen & promissionis hæredes gloriarentur (quia secundum carnem ab eo prognati & legem acceperant) docet Apostolus hoc loco (quemadmodum Roman. 4. v. 16.) nullum tamen inter eos esse discrimen, sed omnes esse pares in Christo Jesu. Idque declarat ex promissionis phrasi. Nam cum S. Literæ testentur, promissiones datas Abrahamo & semini, non autem seminibus: ipsa enuntiationis formâ ostendit Deus, non multa esse ac diversa semina, Judæorum nimirum & Gentium, sed unum duntaxat, nempe Christum, cum quo & in quo omnes fideles unum sunt & æquales, Galat. 3. v. 28. Ephes. 2. v. 12. ad 19. Verum objicit Hieronymus; *omnes* (inquit) *Scripturas sensu ac memoria pertrans, nunquam plurali numero semina scripta reperi; sed sive in bonam partem sive in malam, semper in singulari numero*. Sed fefellit Hieronymus memoria. Nam 1. Samuel. 8. v. 15. extat וְצֶרְעִיכֶם & *semina vestra*. Et si autem de posteris non reperiatur, eadem tamen ratione dicendum esset, si de variis ageretur. Itaque profana Hieronymi conclusio, cum ait; *unde manifestum est, id fecisse Apostolum quod promissit; nec reconditis usum esse sensibus, sed quotidianis & vilibus, & quæ possent (nisi præmisisset secundum hominem) prudentibus displicere*.

Hæc de Verf. XVI. in XVII. verò, promissio Abrahamæ in Christo facta, non vocatur solum *diatima testamentum*, sed etiam *œternæ æternitatis ratum factum*, & quidem prius. Eoque alienum est, quod ad confirmationem Christi adventu factam refert Haymo. Prius autem confirmatum est variis modis; primum juramento Heb. 6. 17. 18. deinde crebra & seria repetitione Abrahamo, Isaac, Jacobo facta. Præterea solenni fœderis sancienti ritu, Gen. 15. v. 17. 18. Ad hæc sacramento circumcisionis, Genes. 17. v. 11. Rom. 4. v. 11. denique longi temporis, nimirum quadringentorum & triginta annorum præscriptione, Exod. 12. vers. 40. Verum quomodo hæc temporis ratio convenit cum re ipsa, & Gen. 15. v. 13. ubi anni tantum quadringenti recensentur? Non enim (inquit Hieron.) *parva res est, & à multis quaesita: nescio an ab aliquo sit inventa*. Verum priorem numerum ante nativitatem Isaac, alterum inde ab ea supputandum, extra controversiam est. Ad illud quod attinet, Eusebius in Chronicis annos 430. numerat ab egressu Abrahami Charrane, cum esset annorum 75. Gen. 12. v. 4. inde ad Isaacum quem centenarius genuit, Gen. 21. v. 5. anni 25. inde ad Jacobum 60. Gen. 25. 26. inde ad descensum Iacobi in Ægyptum anni 130. Gen. 47. v. 9. inde ad exitum anni 215. Atque hæc fere Photii, Augustini, receptior est sententia. Alii, Judæorum computationem secuti, qui commorationem in Ægypto annis 210. definiunt: reliquos quinque malunt ab egressu patriæ computare, cum Ure Chaldææ Charranem divino jussu migravit, & confedit annos, ut volunt, quinque: ita ut 30. anni statuantur ante Isaac nativitatem. Quæ senten-

sententia videtur probabilior. Nam hac ratione solvitur ea difficultas, quam Beda Act. 7. & Aquinas hoc loco movent, de quinque annis; qui in altero numero 400. annorum, si à nato Isaaco supputentur superfluent, Interim tamen verum est, quod monet Synecdochicè minorem numerum in recensione sæpius omitti. Hæc de numero annorum. Porro addit Apostolus; ut *vanam reddat promissionem*. Quæ verba non ad causam finalem, sed *ἐξ ἡνικα*; ad declarationem modi pertinere existimo: Itaque sic etiam verti possent, *non facit irritam, nempe vanam reddendo promissionem*, ac si diceret; quid fieret si vanam redderet promissionem, quæ testamentum est illud, cuius memini. Atque hac ratione (inquit Ambrosius) quasi reos falsati testamenti designat, qui credentes in Christum & de lege aliquid sperant: ut non solum salus promissa in Christo, sed & in lege sit. Itaque innuit Apostolus, cum legi justificationem ascribunt, eamque honorare student, promissionem facere contrariam & Deum sibi met adversum.

Verf. XVIIII. Quandoquidem superiori demonstratione doctrinam adversariorum de legis justificatione, promissionis abolitionem vocavit, objicere poterant; At verò non irritam facimus promissionem, sed legem conjungimus: cum justificatio legis & promissionis probè consentiant.

Verum contrà respondet Apostolus, ista cohærere non posse, & superiorem demonstrationem Syllogismo hypothetico, posito illius antecedente, illustrat. Nam (inquit) *si ex lege hæreditas, non jam ex promissione*. Hæreditatem autem vocat cælestis Chananæ, hoc est, vitæ æternæ possessionem: vel potius Synecdochicè; justificationem & glorificationem. Hæc si ex lege, hoc est, secundum conditionem legis contingit, non ex promissione: lex enim & promissio, fides & opera in justificatione sibi mutuo adversantur (ut supra) ut similis locus ostendit, Roman. 4. v. 14. & res ipsa evincit. Nam habere vitam secundum legem, est operum merito: secundum promissionem, est sine operibus & gratis propter Christum: Atque hæc de propositione: Assumptio est; at verò ex promissione est hæreditas: cuius loco ponitur probatio ab exemplo Abrahami, ex superioribus repetita: Nam Abrahamo per promissiones gratificatus est Deus: Unde colligitur conclusio; Ergò hæreditas non est ex lege. Porro Deum Abrahamo gratis promississe salutem, inde etiam liquet, quia è Majoribus natus idololatri: nec eorum numero, ante promissionem acceptam eximitur, Iosue, 24. verf. 2. 14. 15. Quod verò exemplum Abrahami ad assumptionem generalem probandam adducit Apostolus, ideo fit, quia Pater & forma est servandorum, Roman. 4. v. 12. & 23. Qua de re præclare Ambrosius; *Duas (inquit) causas contrarias sibi, defendunt Iudæi. Nullo enim pacto, nulla ratione suaderi potest Iudæis Abrahamæ promissionem evacuata per legem, & rectè. Sed aliud adversum improvida præsumptione defendunt, putantes justificationem sine operibus legis provenire non posse, cum sciant Abraham, qui forma illius rei est, sine operibus legis, per solam fidem, justificatum. Sed æmulatione quadam cæcati non intelligunt, si per legem justificatio, excluditur promissio*.

Verf. XIX. XX. De priori anticipationem diximus: altera deinceps hoc loco sequitur, duabus constans partibus, objectione & solutione illius. Objectio his verbis continetur; *Cur igitur lex est?* hoc est, quæ igitur utilitas legis; ut Augustinus apud Bedam: ac si dicat; si hæreditas non est ex lege, sed ex sola promissione, nullus legis usus ostendi poterit. At verò hoc absurdum. Ergo & illud. Hanc objectionem solvit Apostolus, propositionis falsitatem demonstrans *ἐν ἑαυτῇ*; *transgressionum (inquit) gratia appositæ est*. Quibus verbis multiplicem legis usum non definit: sed partim & ad hunc locum accommodatè describit. Cæterum de huius loci sensu variæ sunt sententiæ. Primum Hieronymus de transgressionibus Israelitarum, legem præcedentibus, interpretatur. Lex, inquit, *transgressionibus prohibita successit. Iusto quippe lex non est posita, &c. Et ut altius repetamus, post idololatriam, cui in Ægypto fuerant mancipati, ita ut Deum patrum suorum obliviscerentur, & deinceps*

*dicerent: isti sunt dii tui Israel, qui eduxerunt te de terra Ægypti: ritus colendi Deum, & delinquentium pœna sancita est*. Deinde Chrysostomus de futuris coercendis accipit; *Hoc est (inquit) ne liceret Iudæis securè vivere, atque in extremam prolabi malitiam: sed lex illis freni vice foret imposita, erudiens, componens, prohibensque transgredi, si minus omnia, certè aliqua præcepta*. Præterea Augustinus de patefactione transgressionum accipit: si quidem legem dicit positam, ut morbos ostendat, non ut auferat. Nec malè: Sic Roman. 3. v. 20. & 7. 7. Denique quidam hæc omnia non importunè conjungunt; legem datam non quæ transgressionibus omninò tollat, sed quæ indicet ac frenet. Indicat autem tripliciter 1. declaratione officii. 2. accusatione neglectus illius. 3. denuntiatione pœnæ debitæ. Porro hunc usum legis illustrat, primum à durationis circumstantia, Synecdochicè ratione ceremoniarum, (nam lex charitatis æterna est) *usquequo, inquit, veniret semen, cui promissio erat facta*. Per semen intelligit Christum, ut v. 16. qui est finis legis, Roman. 10. v. 4. & corpus, Coloss. 2. v. 17. Proinde (inquit Chrysost.) *si usque ad Christi adventum data est, quid eam longius & ultra tempus prorogas?* Deinde legis doctrina illustratur digressionem non incommoda, à causâ ministra duplici, remota & proxima. Illa declaratur his verbis; *ordinata per Angelos*: hæc verò sequentibus. Angelos autem (inquit Chrysostom.) *sacerdotes vocat, aut sentit ipsos etiam Angelos subministrasse ferendam legem*. Ambrosius priorem fere sequitur sententiam, his verbis; *Angelos dicit Dei nuntios, id est Moysen, filium Nave & ceteros Prophetas, usque ad Johannem Baptistam, de quo Deus dixit; Ecco mitto angelum meum ante faciem tuam*. Hieronymus verò, Augustinus & Theodoretus posteriorem: quemadmodum lex vocatur sermo dictus per Angelos, Hebr. 2. v. 2. & data per dispositiones Angelorum, Act. 7. v. 53. Quæ interpretatio simplicior est. Sed quæritur primum, quomodo ordinata per Angelos? Quidam solummodo ad præsentiam eorum & signa de quibus, Exod. 20. v. 18. Hebr. 12. v. 18. 19. per eos effecta referunt: & per Angelos, inter Angelos interpretantur. Plerique verò etiam de sermone eorum & promulgatione legis accipiunt. Quia per Angelos (inquit Augustin.) *disposita est ipsa dispensatio legis, cum aliquando suam, aliquando Dei personam, sicut Prophetarum mos est, agerent*. Utraque probabilis sententia. Quæritur deinde de scopo totius huius loci. Alii enim ad commendationem legis pertinere existimant, ne eam (quod spergebant adversarii Act. 21. v. 21.) damnare videretur: alii contrà ad discrimen legis ab Evangelio dictum putant: quod lex quidem mediatè per Angelos data sit & Moysen: Evangelium verò immediatè per Dei filium, Hebr. 1. 1. & 2. 2. 3. Verum nil vetat quo minus utrumque conjungamus. Nam eadem operâ, & neglectæ legis calumniam diluit, & Evangelii præstantiam comparatè innuit. Hactenus de causa prima. Altera verò declaratur his verbis; *in manu mediatoris*. Mediatoris meminit, ut novis argumentis viam sternat. Quis autem hic mediator sit, variant sententiæ. Plerique cum veteres, tum recentiores de Christo reliqui (non solum cum Epiphania contra Manichæos, & Gennadio apud Oecumenium, sed etiam Theodoreto) de Mose interpretantur, sensu utrimque probabili: eoque Hieronymi scholia rem in dubio relinquunt. Nam Patrem per Filium dedisse legem, extra controversiam est: per Moysen verò tanquam famulum & mediatorem quendam docetur, Deuter. 5. v. 5. & 27. 9. & innuitur Hebr. 8. 5. 6. & 12. v. 24. & 26. Atque hinc variè verba antecedentia accipiunt. Nam qui ad Moysen referunt, *in manu interpretantur ministerio*, ut Psal. 77. v. 20. *in manu Moysi*, Act. 7. v. 25. qui ad Christum; alii de potestate intelligunt, ut Genes. 14. v. 14. & 16. v. 6. Iob. 1. v. 12. ac si esset sensus, legem ordinatam per Angelos, sitam esse non in nostra, sed mediatoris potestate, qui pro nobis eam præstitit & à peccatis liberavit. Quæ sententia Augustini; *Disposita est (inquit) per Angelos, sed in manu mediatoris, ut ipse liberaret à peccatis*; item paulò ante; *ut esset (inquit) non in sua potestate & viribus justus, sed in manu mediatoris justificantis impium*. Alii (ut Hieronymus) de potentia & veritate Christi



Christi accommodatius accipiunt. Simplicissimum tamen videtur, ut *in manu* ( hoc est manu ) *mediatoris* pro *à mediatore* accipiamus: sic dicitur Genes. 9. v. 5. *sanguinem animalium vestrarum requiram à manu cunctarum bestiarum*, id est, bestiis.

Porro hanc de mediatore doctrinam amplificat Apostolus à descriptione; *Mediator autem* ( inquit ) *unius non est: Deus verò unus est*. Si de Mose accipiat, erit consecrarium, oriens ex legis ferendæ modo, hoc sensu; Cum in ferenda lege opus fuerit mediatore Mose, quia Deum ut terribilem legislatorem ferre non poterant, Hebr. 12. 19. liquet eam non esse vinculum nostræ cum Deo conjunctionis, sed indicem nostræ ab illo abalienationis. Nam mediator non est unus, sed duorū, & quidem dissidentium: Deus autem unus est, nimirum voluntate: quod promissit fœdus servabit: ut homines, qui non sunt unum cum eo, sibi per Christum promissum conciliet. Sin verò de Christo mediatore sumamus, erit declaratio per anticipationem; Et si Christus mediator legem Iudæis tulerit, ut ad agnitionem transgressionum adduceret, eoque ad fœdus gratiæ præpararet: non tamen unus est gentis Iudæicæ mediator, sed omnium hominum; quemadmodum Deus unus est omnium. Similis locus 1. Timoth. 2. v. 5. Roman. 3. 29. 30.

Verf. XXI. & XXII. Atque hæc de usu & duratione legis temporaria: quæ deinceps expositione quadam illustrantur ac probantur, usus quidem, verf. 21. & 22. utrumque sequentibus ad cap. 4. medium. Ac usum quidem declarat anticipatione nova, quæ ex superioribus promanat, cuius hæc obiectio est; *Num igitur lex adversus promissiones Dei?* Sensus est; si lex propter transgressionem addita est, non ut vivificet, sed ut homines peccati argueret & eo nomine damnaret, adversabitur promissioni, quæ contra justificat & vivificat. Solutio hujus objectionis constat negatione consequentiæ per solennem detestationis formulam, *Abst.* Deinde ratione duplici: Quarum prior quidem per inversionem argumenti & remotionem contrarii, si lex non damnaret sed vivificaret, tum demum adversaretur promissionibus. Verum consequentis loco ponitur illius declaratio aut probatio; *ex lege esset iustitia*. Quæ de re antea v. 18. *Vivificare* autem quidam interpretantur spiritum vivificum tribuere ad legem perfectè implendam: sed satius videtur, ut cum Oecumenio & plerisque *servare* intelligamus. Nomine autem *legis* non intelligi ceremonialem tantum, ut Theodoretus censet, sed etiam moralem, ex antecedentibus liquet, cum alibi tum v. 10. Nam quod objicit ex Ezechiel. 20. hanc vivificare, illam minimè: vide Calvinum ad eum locum.

Altera ratio est verf. XXII. à scopo legis: quia tantum abest ut sit contra, ut etiam promissioni inserviat; peccati arguit ac damnat, ut homines de propria iustitia desperantes, ad fidem in Christum compelleret. *Sed* ( inquit ) *conclusit scriptura omnia sub peccatum, ut promissio ex fide Iesu Christi daretur credentibus*. Scripturam alii generatim: alii Synecdochicè pro lege Mosis accipiunt, ut August. apud Bedam, qui expresso articulo ait, *scriptura illa, id est lex*. Utraque commoda, prior tamen uberior interpretatio: ac si diceret, lex cum Prophetis, seu reliquis Veteris Testamenti scriptis. Similes loci Roman. 3. v. 16. 17. & 11. verf. 32. Porro addit, *conclusit sub peccatum*, hoc est, coarguit & coargutos continuit in metu, ait Chrysostomus. *Manifestatis enim peccatis suis* ( inquit Ambrosius ) *conclusi sunt, ut se excusare non possent: sed quærent misericordiam*. Quod autem ait *omnia* emphaticum est ( ut rectè Calvinus ) quo non solum homines, sed omnia eorum studia & vires complectitur. Promissio autem Metonymicè rem promissam, justificationem & vivificationem significat. Ea autem datur ex fide, tanquam instrumento, non causa primariâ. Itaque duplex legis usus hoc loco indicatur; prior ut homines sub peccatum concludat: alter, qui prioris scopus, ut Christo viam sternat. Quæ de re tota scitè Chrysostomus; *Quoniam Iudæi* ( inquit ) *ne sentiebant quidem peccata sua: non sentientes autem ne desiderabant remissionem, dedit legem quæ proderet vulnera, quo medicum requirerent*.

Verf. XXIII. XXIV. XXV. Soluta, quæ contra legis usum adferri poterat objectione; sequitur deinceps necessaria usus ac scopi, tum etiam durationis illius temporariæ illustratio à similibus. Quorum primum est à præsidio sumtum verf. 23. cuius hæc est sententia. Quandoquidem Israelitæ cum vitiosæ naturæ, & educationis impetu, tum malis reliquarum gentium exemplis, à vero Dei cultu & fide desciscere potuissent, legem illis ante Christi adventum datam instar præsidii, quo in agnitione miseriæ suæ, & fide ac desiderio venturi Messias continerentur: donec ille retegeretur. Cœterum vox *fidei* non sumitur hoc versu propriè & absolutè ( nam eadem credebant, eademque sperabant omnes iusti & sancti etiam illorum temporum, inquit Augustinus apud Bedam, & Apostolus ostendit Galat. 3. 7. 11. & Hebr. 11. ) sed metonymicè pro tempore fidei, ut nonnullis placet: vel potius pro Evangelio, ut antea cap. 1. v. 23. vel denique pro Christo, fidei materia seu obiecto, ut Ambrosius & Hieronymi scholia rectissime accipiunt: ut ex verf. 19. & 24. colligi potest. Quo etiam tropo Christus *spes nostra* dicitur, 1. Timoth. 1. v. 1. observanda est autem emphasis verbi *revelaretur*: quo indicatur antea sub umbris legalibus latuisse. Revelatus est autem Christus variis modis: ministerio Angelorum, ut liquet ex conceptionis & nativitatis historia: apparitione singularis stellæ: præconio Joannis Baptistæ: cœlesti Patris testimonio, & Spiritus S. in Christum descensu: prædicatione regni majestatis plena: miraculorum splendore: interna denique Spiritus Sancti illustratione. Hæc de priori: altera verò, ex illa consequens, similitudo à pædagogo ducta, in eandem sententiam exprimitur, v. 24. *Itaque lex Pædagogus noster fuit ad Christum*. Convenientia autem legis & pædagi sita est potissimum in causa, & temporis ac durationis circumstantia. Hic ( ut vocis etymon declarat ) tenellæ præficitur ætati, ut eam lascivientem & in vitia pronam refrenet, & contrà rudimentis quibusdam ad graviores doctorum disciplinas præparet. Deinde præfectura hæc non est perpetua sed pueritiæ terminis circumscribitur. Atque eadem est legis in utroque ratio: ut liquet ex superioribus & sequenti consecrario, v. 25. *At postquam venit fides, non amplius sub pædagogo sumus*. Quibus verbis causam liberationis à iugo legis, describit; nempe Christi adventum. A lege autem liberati sumus non absolutè, nec quâ norma vitæ, sed *ut* ratione maledictionis omnis & observationis ceremoniarum. Quæ peccati chirographum, Coloss. 2. v. 14. & futurorum bonorum, seu futuræ satisfactionis Christi umbras continebant, Hebr. 10. v. 1. Itaque Christus suâ morte maledictionem & ceremonias legis, non violando, sed satisfaciendo & implendo iustissimè delevit.

Verf. XXVI. XXVII. XXVIII. XXIX. Fideles à pædagogia legis liberatos esse per Christum, novo argumento demonstrat Apostolus, verf. 26. *omnes enim*, &c. hoc est ( ut rectè Hieronymi scholia ) æqualiter & Iudæi & gentes per solam fidem filii Dei estis: quia credidistis Christo, Ioan. 1. verf. 12. Syllogismus; Quicumque filii Dei sunt, illi non sunt amplius sub pædagogia legis: omnes vos estis per fidem filii Dei. ergo non amplius sub pædagogia legis. Observandum est autem; primum filios hîc dici καὶ ἰσχυρὸν & comparatè de adultis, qui non solum natura filii, sed etiam libertate: qui πῶς πιστὸν ἔργον εἰς δόξαν pueris, & infantibus, & servis ( cuiusmodi erant sub Vet. Testamento ) opponuntur, Galat. 4. verf. 1. 7. Deinde thesîn per apostrophem ad hypothetîm quodammodo transferri, per anticipationem quandam, ad consolationem Galatarum: ne gentes inquit Augustinus de se desperarent, quia non custodiebantur sub pædagogo, & ideo se filios non putarent.

Porro quia assumptio in controversiam vocari poterat, confirmatione munitur, verf. 27. *quia Christum* ( inquit ) *induistis*. Quæ metaphora, à vestibus derivata, unio nostri cum Christo declaratur: cuius effectum necessarium est adoptio in filios Dei. Hæc autem unio probatur à testimonio divino, nempe baptismo; quo Deus eam obsignat. Sic Roman. 6. v. 3. 4. 5. & 1. Corinth. 12. 13. Coloss. 2.

loff. 2. v. 12. obsignat autem non quibusvis sed fidelibus: quibus Sacramenta instituta sunt. Itaque vox hæc *quicumque baptizati estis*, intelligenda est non de quibusvis, sed fidelibus, quos alloquitur, ut ex vers. 26. liquet. Syllogismus; Quicumque fideles baptizati sunt in Christo, illi Christum induerunt: Galatæ fideles in Christum baptizati sunt. Ergo Christum induerunt. Baptizari *ἐν Χριστῷ*, est, *ἐν τῷ ὄνομα Χριστοῦ*, Actor. 8. v. 16. & 19. 5. Matth. 28. Hoc autem dupliciter accipi potest; vel ut causam efficientem notet: *ἐν* pro *in* per enallagen usitatam: ut Matt. 10. v. 41. & 42. coll. cum Marc. 9. v. 41. & sic vertendum *in Christo*, ut Actor. 10. v. 48. Actor. 2. v. 38. sic baptizari in Mosen, 1. Corinth. 10: vel ut finem exprimat, pro ad fidem in Christum obsignandam & testandam, ut Act. 19. v. 5. Roman. 6. v. 3. 4. & 1. Corinth. 1. vers. 15. Atque hic sensus huic loco quadrat maximè. Alterutrum autem statuerimus, nihil Baptismi formulæ derogat: cum non exclusivè, sed Synecdochicè, in Christum baptizati dicantur. Hæc porro sententia illustratur expositione & ratione. Expositio autem inductione quadam particulam universalem declarat; *Non est*, inquit, *Judæus*, &c. ac si dicat; Qui in Christum baptizati estis, Christum induistis omnes, nullæ gentis, conditionis aut sexus habita ratione. Similes loci Roman. 10. v. 12. Coloss. 3. vers. 11. Etsi enim vocationis ordine excelluerint Judæi, Actor. 13. v. 46. Roman. 1. vers. 16. pares tamen fuerunt cæteris fidelibus ratione communionis cum Christo. Gentes autem reliquas Synecdochicè Græcos nominat, quia primi & potissimi post Judæos Euangelium amplexi erant, & propter Græcorum monarchiam, viciniam & linguæ celebritatem, quæ totus pene orbis utebatur, notiores erant reliquis. Præterea expositionis ratio est à proprio effectu unionis nostri cum Christo, nimirum communionem sanctorum. *Nam omnes*, inquit, *unus estis in Christo Iesu*: hoc est, unus novus homo mysticus, Ephes. 2. v. 15. vel unum corpus sub uno capite Christo. Similis locus Roman. 12. 5. 1. Cor. 12. v. 12. 13. Eph. 2. v. 13. 14. & 4. 15. Col. 2. v. 19. & 3. 11.

Atque hinc elicit corollarium ad Judæorum arrogantiam eo acrius retundendam, vers. 29. Galatas nempe cæterosque fideles ex gentibus esse Abrahæ semen, & secundum promissionem hæredes, non minus quàm Judæos: quandoquidem Christi membra sint. *Fieri enim non potest* (inquit Theodoretus) *ut caput quidem illius censeatur corpus verò alterius*. qua de re vers. 16. *Superius enim dixerat* (ait Augustin.) *non dicit & seminibus, tanquam de multis, sed tanquam in uno; & semini tuo, qui est Christus. Hic ergo ostendat, unum semen Christum, non tantum ipsum mediatorem intelligendum esse, verum etiam ecclesiam, cujus ille corporis caput est*. Atque hac ratione, facta hæredis mentione, quasi transitione quadam sequenti similitudini viam sternit.

## CONSECTARIA CAP. III.

I. **A** Veritate Evangelii & justificationis per fidem sine operum merito, deficere, summa est amentia.

II. Defectionis illius author est Satanas: instrumenta verò falsi doctores, qui justificationem operum docent.

III. Eoque tanquam à fascinatrix nobis sedulo cavendum, & *παροτρυνία* universa illa armatura induenda, de qua Eph. 6. v. 11. & 13.

IV. Objurgationes & maledicta interdum sunt necessaria.

V. In maledictis autem requiruntur quatuor, veritas, charitas, autoritas, opportunitas.

VI. Nullæ picturæ præstantiores S. Literis & prædicatione Evangelii: quibus Christus cum omnibus suis beneficiis, non in pariete, sed in animis fidelium ad unguem depingitur.

VII. Ubi hæc pictura viget: inutilis est imaginum usus, ac vana Gregorii Papæ exceptio, cum ait; *quod legentibus scriptura, hoc idiotis præstat pictura*, lib. 9. epist. c. 9. vers. 1.

VIII. Christianæ vitæ curriculum inoffenso pede percurrendum.

IX. Multi à bonis doctrinæ aut morum initiis ad deteriora, præter opinionem delabuntur.

X. Itaque qui stat, videat ne cadat, 1. Corinth. 10. vers. 12.

XI. Evangelicæ id doctrinæ proprium, habere sibi adjunctum Spiritum, v. 2. & 3.

XII. Omnes qui piè volent in Christo vivere, persecutionem patientur, 2. Tim. 3. v. 12. Actor. 14. v. 22. Matth. 10. v. 34.

XIII. Qui verò Evangelii causa afflictiones patiuntur, non frustra & inutiliter patiuntur; sed beati sunt hoc nomine, Matth. 5. vers. 10. & 2. Tim. 2. vers. 11. 1. Pet. 2. v. 20.

XIV. Qui à veritate & pietate deficiunt, frustra passi sunt persecutiones.

XV. Persecutiones nobis expectandæ sunt fortiter, & perferendæ constanter.

XVI. Hæreses & schismata plus Ecclesiæ nocent; quàm persecutiones: falsi doctores, quàm tyranni.

XVII. De lapsis non est cum Novatianis desperandum, Ezech. 18. v. 22. & 23.

XVIII. Reprehensionis scopus esse debet peccatoris conversio, non desperatio, v. 4.

XIX. Doctrina de justificatione per fidem sine operibus legis, temporibus Apostolorum miraculis confirmata est copiosissimè: eoque nec nova est, nec novis indiget (ut Pontificii somniant) miraculis. *Cum enim Ecclesia Catholica* (inquit August.) *per totum orbem diffusa atque fundata sit: nec miracula illa in nostra tempora durare promissa sunt, ne animus semper visibilia quæret, & eorum consuetudine frigeret genus humanum, quorum novitate flagravisset*, tom. 5. lib. de vera relig. Christi. c. 25. *quisquis adhuc prodigiis ut credat inquit, magnum est ipse prodigium, qui mundo credente, non credit*.

XX. Deus fidelibus non solum sua dona & Spiritum S. confert, sed etiam auget indies, & sæpius ingratiss.

XXI. Miraculorum honor non hominum, sed Dei potentia adscribenda, Act. 3. v. 12.

XXII. Itaque detestanda est nobis Pontificiorum in Sanctorum cultu idololatria, v. 5.

XXIII. Abraham bonis operibus florens, sine iis tamen, per fidem justificatus est. Ergo sola fide justificamur.

XXIV. Hinc etiam liquet Pontificios errare, qui in hac Epistola ab Apostolo Paulo opera tantum infidelium à justificatione excludi volunt.

XXV. Veritatis & omnipotentia laus, abnegato iudicio nostro, promissionibus divinis ad Abrami exemplum tribuenda est.

XXVI. Verus sanctorum cultus in imitatione fidei & charitatis consistit.

XXVII. Falsò Pontificii de Patribus gloriantur cum eorum virtutes parcissimè, vitia verò studiosissimè imitentur. Eoque vitanda hæc Patrum *κακοζυλία*, v. 6. & 7.

XXVIII. Doctrinam de justificatione fidei non esse hominum, nec novam, sed Spiritus S. & antiquissimam, & Patriarchis notam.

XXIX. Hanc doctrinam esse Evangelium: eoque doctrinam de justificatione operum, quæ ei repugnat (qualis Pontificiorum) non esse Evangelium.

XXX. Hæc doctrina est catholica: quia ad omnes gentes pertinet, Matth. 28. v. 19. Eoque falluntur & fallunt Pontificii, qui secus docent.

XXXI. Una eademque est per fidem, salutis ante & post Christum ratio, v. 8. & 9.

XXXII. Cum nemo legem implere valeat: sequitur falsam esse Pontificiorum de meritis operum, falsissimam de operibus supererogationis sententiam.

XXXIII. Cum maledictus sit quisquis non permanferit in omnibus quæ scripta sunt in libro legis, errant Pontificii, cum venalia (quæ vocant) peccata, mortem non mereri statuunt.

XXXIV. Hinc

XXXIV. Hinc etiam liquet indignissime Dei iram ab iis contemni; qui peccati gravitatem elevant, iisque (ut passim fit) securè indormiunt.

XXXV. Cum peccati fructus sit maledictio: ut hac vacemus, illud fugiendum est sedulo, & fide ac poenitentia diluendum, Roman. 6. 21. vers. 9. & 10.

XXXVI. Cum manifestum sit, nullum per legem justificari apud Deum; sequitur Pontificios, qui hoc non vident, cæci esse animi; aut si videant, malæ conscientie.

XXXVII. Cum de justificatione nostri agitur, non ad nostri, sed ad divini iudicii trutinam responderanda. Cujus neglectu tam stolidè hominès suis operibus gloriantur, Luc. 18. v. 11. 14.

XXXVIII. Fidei fructus & finis est vita æterna, 1. Pet. 1. v. 9. eoque constantes in ea nos esse decet adversus omnes Diaboli, mundi & carnis nostræ insultus, Heb. 10. 11. 12. v. 11. & 12.

XXXIX. Omnes natura maledictioni sumus obnoxii, Eph. 2. 3. eoque summa est hominis miseria, quæ sapientibus hujus mundi ignota penitus: licet partim de ea semper conquesti sint.

XL. Summa peccatorum nostrorum est atrocitas, cum non aliter quam Christi maledictione potuerint expiari.

XLI. Eoque peccatum fugiendum, cum ratione stipendii illius: tum beneficii Christi erga nos, ne oblatum ingratissemè conculcemus, Rom. 6. v. 21. 23. Heb. 6. v. 6. & 10. v. 19.

XLII. Cum Christus crucem & maledictionem pro nobis & ad nostram salutem sustinuerit: illius non pudere, sed de eo gloriari nos decet, 1. Cor. 1. vers. 18. v. 23. 24. & 2. 2.

XLIII. Cum Christus nos à maledictione legis liberarit, & benedictionem conferat: sequitur perfectum esse servatorem, in quo solo salutis nostræ fiducia collocanda est.

XLIV. Eoque falsa est Pontificiorum de humanis satisfactionibus & meritis sententia.

XLV. Cum Christus nos redemerit, Dominus noster non immeritò nominatur.

XLVI. Eoque non nostro, sed Christi vivendum arbitrio, temperanter, piè, Rom. 14. 8. 9. 10. 1. Cor. 6. 20. & 2. Cor. 5. vers. 15. Tit. 2. vers. 11. 12. & 1. Pet. 1. v. 17. 18. 19.

XLVII. Cum Christus benedictionem & Spiritum Sanctum donet, sequitur verum esse cum Patre Deum; ut rectè hinc collegit Cyrillus, de recta fide ad Reginas. v. 13. 14.

XLVIII. Cum doctrina gratuitæ salutis per Christum Abrahamo proposita sit 438. annos ante legem, sequitur eam non esse novam, ut Pontificii nobis objiciunt, sed antiquissimam.

XLIX. Cum Evangelii promissio lege Dei non possit abrogari, multo minus humanis traditionibus & commentis, ex quibus Pontificiorum doctrina conflata est: ut partium inductione ex historiis constat.

L. Testamentarii sunt qui operum suorum meritis nituntur, tum etiam qui Christi institutis ali quid addunt aut detrahunt.

LI. Itaque graviter peccant, qui de justificationis doctrina controversiam *λογισμολογίας* insinulant.

LII. Admiranda est Dei misericordia, quod infirmitatis nostræ memor Evangelii doctrinam omnibus modis confirmarit.

LIII. Itaque facinus indignissimum est, fidem ei derogare, v. 15. 16. & 17.

LIV. Iustificatio coram Deo & vitæ æternæ hæreditas non possunt partim fidei, partim operibus tribui, quia hæc sibi mutuò repugnant: eoque falsa est Pontificiorum de justificatione operum sententia.

LV. Cum vita æterna sit hæreditas fidelium, sequitur eosdem esse filios Dei, Rom. 8. 17.

LVI. Cum hæc hæreditas summum sit bonum, ei postponenda sunt omnia.

L VII. Itaque gravissimè peccant, qui vitam, divitias, honores, commoda, voluptates huic præferunt.

L VIII. Gratia Deo agendæ quod nos singulari sua misericordiâ ad hæreditatem, quæ nec perire potest, nec contaminari, nec marcescere in cœlis servatam vocarit, 1. Pet. 1. 3. v. 18.

L IX. Gravissima est hominum miseria, quod peccatis mancipati sunt: eoque gravior quod ea per se non agnoscat: quæ ignorantia omnium superstitionum mater.

L X. Singularis verò Dei clementia, quod peccata nostra legis suæ normâ nobis patefaciat.

L XI. Angelos non esse qualitates (ut quidam somniant) sed spiritus, quibus Deus utitur ad suam gloriam & ecclesiæ salutem, Heb. 1. 14. & 2. 2.

L XII. Cum ne Angelorum quidem majestatem ferre possimus, quomodo ipsius Dei?

L XIII. Cum Christus sit mediator noster; sequitur ei fidendum.

L XIV. Cum Deus sit natura ac voluntate unus: nulla in eo inconstantia; eoque de promissis illius nequicquam dubitandum. v. 19. & 20.

L XV. Verbum Dei optimè sibi consentit.

L XVI. Quæ Dei gloriæ adversantur, ea nos abominari decet.

L XVII. Lex non potest vivificare; non suo, sed nostro vitio: quia eam servare non possumus, Roman. 8. v. 3. Itaque vanæ Marcionis cæterorumque Antinomorum calumniæ.

L XVIII. Legis conclusio & damnatio servire debet non ut de gratia Dei, sed de viribus nostris desperemus, & ad gratiam confugiamus. Quæ summa est consolatio. v. 21. & 22.

L XIX. Eadem est nostra & Patrum sub Vet. Testamento fides, si rem ipsam spectes: sed nostra illustrior ob Christi adventum & Evangelii claritatem, Joh. 8. v. 56. & 1. Petr. 1. v. 11.

L XX. Deus paternam Ecclesiæ curam gerit: eoque totos ab illius nutu pendere nos decet.

L XXI. Cum à ceremoniarum Mosaicarum Prædicatione liberati sumus: sequitur Pontifices Christo & Ecclesiæ Dei injurios, dum non solum bonam earum partem in usum revocant: sed novas etiam pro arbitrio copiosè adjiciunt. vers. 23. 24. 25.

L XXII. Summa est fidelibus consolatio & ad pietatem stimulus, quod cum natura sint filii iræ: gratia Christi, filii sint & hæredes Dei, Rom. 8. vers. 17. & 1. Joh. 3. v. 1.

L XXIII. Sacramenta non sunt nuda & inania signa: sed communionis Christi sigilla & organa.

L XXIV. Cum soli fideles in Baptismo Christum reverè induant & percipiant: sequitur eosdem demum in Coena (cujus cum Baptismo eadem ratio, 1. Corinth. 12. v. 12.) Christi esse participes. Quare falso Pontificii & Ubiquitarii secus statuunt.

L XXV. Cum omnes fideles sint membra Christi; sequitur eos pares inter se ratione conjunctionis mutue inter se, & communionis cum capite Christo; dispares verò ratione muneris & administrationis, Roman. 12. vers. 4. 1. Corinth. 12. v. 12. & 28.

L XXVI. Atque hæc paritas gratiæ superioribus factum, subditis desperationem adimit: imparitas verò munerum, illis auctoritatem addit; hisce reverentiam.

L XXVII. Itaque vana est illorum ratio, qui ex hujus loci & similium abusu, *αἰτησίαις* & munerum perturbationem in politiam & ecclesiam, contra Dei verbum, invehere, student, Eph. 4. Rom. 12.

#### C A P. IV.

**H**Actenus secunda: sequitur jam tertia & plenior ad legis usum & durationem illustrandum similitudo: qua lex Mosaica tutoribus & curatoribus artificiosè comparatur. Hæc autem similitudo (quæ imperitè à capitum authoribus à superioribus divulsa est) constat propositione

tione & redditione. Illa quidem vers. 1. & 2. Cujus membra sunt duo. Prius est de tutorum & curatorum usu: quod heredi infanti præfiantur, adeo ut nec sui, nec suorum bonorum habeat potestatem; coque servili sit conditione.

Alterum de tutelæ duratione ac termino: quod ea non sit perpetua, sed ad tempus à patre præfinitum: hoc est quamdiu hæres minorennis est, seu (ut inquit Hieron.) donec legitimus perfecti viri tempus impleverit. Legitimum autem tempus Romanis legibus, viginti quinque annorum spatio terminatur. Hæc de similitudinis propositione: Apodosis verò seu redditio & (ut loquuntur) applicatio exprimitur v. 3. 4. 5. cujus membra propositioni quadrant. Primum de usu legis vers. 3. *Ita & nos quum essemus infantes*, &c. Sic autem vocat Metaphoricè & comparatè Ecclesiam Veteris Testamenti: quod fuerit instar infantum, non ætate; sed cognitione Dei: quæ longè illustrior in Novi Testamenti Ecclesia refulget ob promissionum impletionem & evangelicæ doctrinæ claritatem, Matth. 11. v. 11. & 13. v. 17. 2. Corinth. 4. vers. 18. & 1. Petr. 1. v. 10. 11. 12. Hebr. 1. v. 1. Atque id etiam *elementi* vox declarat, metaphora ex secunda similitudine petita: quod pædagogiam legis describit. Fuit enim prima rudior ad fidem institutio, veteri Ecclesiæ (quam *mundum* vocat Metonymicè, ut Johan. 3. v. 16. &c.) destinata. Quo sensu vox *elementi* usurpatur, Hebr. 5. vers. 12. & *elementa mundi* Coloss. 2. v. 8. 20. Servitus autem legalis erat sita in onerosa ceremoniarum observatione, de qua Galat. 5. vers. 1. & perpetua peccatorum (nondum redemptionis pretio perfoluto, etsi fructum illius perciperent) commemoratione, Hebr. 10. vers. 3.

Vers. IV. & V. Alterum redditionis membrum de duratione ac termino legis declaratur vers. 4. & 5. cujus sententia est; adventu & obedientia ac merito Christi, ex Patris nostri cælestis præscripto ac ductu finem tutelæ legis impositum. *Postquam*, inquit, *venit tempus plenum*, hoc est, præfinitum, seu *πληρομα* Dei de adventu Christi & liberatione à tutela legis. Hoc autem tempus non solum à Deo constitutum est; sed etiam per Prophetas prænuntiatum, 1. Petr. 1. v. 11. 12. Jerem. 31. v. 31. Hebr. 8. v. 8. Genes. 49. v. 10. Esai. 11. v. 1. Daniel. 9. v. 25. Cui ad amissum eventus respondit, Marc. 1. 15. Luc. 2. vers. 1. Ephes. 1. vers. 10. Addit deinde Apostolus *emisit Deus* (nempe Pater: ut relatio ostendit) *filium suum*, hoc est, naturalem seu proprium, & *unigenitum*: non adoptivum Johan. 3. v. 16. & 1. Johan. 4. v. 9. Rom. 8. v. 32. Emissio autem hæc, è cælo nimirum in terram, non indicat separationem aut loci mutationem (quæ in infinitam Dei naturam non cadit) sed declarationem præsentis: more Sac. Literarum, cum de Dei accessu ac descensu loquuntur, Genes. 1. vers. 7. Sic enim fuit Filius apud Deum, Johan. 1. vers. 1. ut emissus à Deo hæserit interim apud Deum, Joh. 1. v. 18. Sic è cælo missus est in mundum: ut antea tamen semper extiterit in mundo, & manserit perpetuò in cælo, Joan. 1. v. 10. 11. Johan. 3. vers. 13. Modus autem emissionis Filii declaratur his verbis; *factum ex muliere*, hoc est, factum hominem, Johan. 1. v. 14. non mutatione naturæ divinæ in humanam (ut Apollinaristæ, teste Augustino de hæresibus statuerunt) quia mutari ea non potest Psal. 102. v. 27. Hebr. 1. v. 11. sed assumptione naturæ humanæ in unitatem personæ, Roman. 1. 3. Hebr. 2. v. 16. Materia autem unde homo factus sit exprimitur his verbis; *ex muliere*. Qua voce non privationem virginitatis (inquit August.) sed differentiam sexus, Hebræo loquendi more, significare voluit, ut Genes. 24. v. 5. Factus porro est Christus sub legeratione obedientiæ & maledictionis illius: cujus finis est liberatio à lege, & adoptio in libertatem filiorum Dei.

Vers. VI. & VII. Hactenus tertia de usu & abrogatione legis similitudo: quæ porro confirmatur vers. 6. & 7. idque per apostrophem ad Galatarum consolationem, quemadmodum cap. 3. vers. 26. Syllogismus; Qui habent spiritum Christi testantem in cordibus suis adoptionem, illi non sunt servi legis, sed adulti & liberi Dei filii. Vos Galatæ hunc spiritum habetis. Ergo non estis

servi legis, sed adulti & liberi Dei filii.

Propositio per se clara omittitur, de qua Act. 10. vers. 45. v. 47. Roman. 8. vers. 12. Assumptio est vers. 6. *Emisit Deus*, &c. Loci similes, Roman. 8. vers. 15. & 2. Corinth. 1. vers. 22. & 5. v. 5. Ephes. 1. vers. 13. & 4. vers. 30. & 1. Johan. 3. vers. 24. Emissio autem spiritus nihil aliud est quàm operatio per spiritum, qua illius præsentia indicatur. *Clamare* autem metaphoricè *ἐκπνέειν* & fiduciam illam fidelium significat, de qua 1. Joh. 5. v. 14. Hebr. 4. v. 16. quod Spiritui Sancto tribuitur, quia illius illustratione & instinctu contingit. *Abba Pater*; prius Hebræum aut potius Chaldæum, emphaseos gratiâ ponitur: alterum interpretationis, ut Marc. 14. v. 36. Denique vox *corda* distinguit invocationem sinceram ab hypocritica, quæ fit ore tantum.

Conclusio innuitur his verbis, *quoniam estis filii*: exprimitur verò mutatione numeri, vers. 7. *Itaque non amplius es servus sed filius*. Singularem autem numero utitur Apostolus, ut ad singulos fideles hæc pertinere doceat (ut Oecumenius) aut ut communionem sanctorum exprimat, ut Hieronymus arbitratur. *Quod autem* (inquit) *hoc loco dicimus, in cæteris quoque observare debemus, de toto genere hominum singulari numero disputari. Omnes enim credentes unum sumus in Christo Iesu, & membra corporis ejus, & in perfectum virum redacti, illum habemus caput*. Observandum autem filium hic dici *ὁ υἱός*, quatenus infanti & servo opponitur. Porro ex hac conclusione corollarium, ad Judæorum supercilium deprimendum, & doctrinam de justificatione fidei confirmandam deducitur; *Itaque si filius* (inquit) *etiam hæres Dei per Christum*. Hæreditas autem hæc Metaphoricè est gloriæ cælestis communicatio, Matth. 25. vers. 34. Roman. 8. vers. 17. Hebr. 9. v. 15. 1. Petr. 1. vers. 5.

Vers. VIII. IX. X. Hactenus sententiæ pseudapostolorum de usu & duratione legis elenchus: cui antequam finem imponat Apostolus, prudentissimè Galatarum epianthosin inde deductam interferit, vers. 8. ad 21. qua variis modis eos ad officium & Christianam libertatem reducere satagit. Ac primum objurgatione insignem eorum ingratitude & amentiam exaggerat, v. 8. 9. 10. Syllogismus; Qui ad veri Dei cognitionem & Christianam libertatem gratiosè vocati sunt, illi indignissimè ad servitutem legis deficiunt. At vos Galatæ estis ejusmodi. Ergo indignissimè ad servitutem legis defecistis. Propositionis loco ponitur illius amplificatio à minore, vers. 8. Assumptio est prima parte vers. 9. Conclusio verò reliqua, *quomodo convertitis vos*, &c. quæ exponitur ac confirmatur inductione exempli, vers. 10. Singulis autem pene verbis suum ineft pondus & incrementum. Assumptio autem triplicem Galatarum statum, ethnicum, Christianum, & semijudaicum ordine declarat. Prior est ignorantis Dei & servitutis idolorum: alter cognitionis ac libertatis: postremus servitutis legis. De priori ait; *imò tum quidem*, &c. Non naturæ autem Deos, vocat idola & deos gentium: qui non essentiæ tales sunt, sed nomine solum, & opinione hominum. Similes loci sunt 1. Cor. 8. v. 4. 5. & 12. 2. Eph. 2. vers. 12. & 5. vers. 8. De altero; *Nunc verò cum cognoscatis Deum*; quod per correctionem ad gratiam Dei amplificandam illustrans, addit, *imò potius cogniti sitis à Deo*; quo Metaphoricè & Metalecticè docetur donum esse merè gratuitum. Similis locus Roman. 10. v. 20. Ephes. 2. v. 8. 1. Joh. 4. vers. 10. Tertius status explicatur conclusione, quæ interrogatione figuratur, ad reprehensionis gravitatem & admirandam rei indignitatem demonstrandam; *Quomodo* (inquit) *convertitis vos ad infirma & egena elementa mundi*, &c. Legis ceremonias appellat elementa, ut vers. 3. infirma verò & egena, quia nihil ad justitiam & salutem post Christum conferunt; *quibus ad superiora regressi, servire vultis? Dies observatis* &c.

Vers. XI. Porro Galatarum ad Judaïsmum propensionem amplificat Apostolus ab adjuncto salutis periculo, vers. 11. *Metuo de vobis, ne frustra fatigatus sim apud vos*. Fatigatus est autem cum sedula promulgatione Evangelii: tum persecutionis tolerantia, ut sequentibus explicabit.

Horum



Horum autem laborum finis fuit duplex, proximus quidem salus Galatarum: summus vero Dei gloria. Hoc autem loco non absolutè utriusque, sed quodammodo & prioris ratione se frustra fatigatum ait. Qua de re Galat. 5. v. 4. Cum v. 4. dicit, *metuo* (inquit Chrysost.) & addit *ne forte*: simul & desperationem illis iniecit, & in bonam spem erexit. Similis locus Galat. 3. vers. 4. 2. Corinth. 11. v. 3.

Vers. XII. XIII. XIV. XV. De objurgatione egimus: cui succedit exhortatio ad mutuam benevolentiam, vers. 12. quâ objurgationis acerbiterat mitigat, *Estote* (inquit) *quasi ego*: hoc est, me non secus ac vos ipsos amate. Similis phrasia 1. Reg. 22. v. 4. Hanc autem exhortationem amplificat pathetica precatione, *fratres* (inquit) *rogo vos*: & confirmat rationibus. Quarum prima est à præfenti benevolentia, cum non solum fratres vocat: sed fraternum etiam pectus demonstrat à concordia & oblivione injuriæ. De priori ait, *Nam & ego quasi vos*: hoc est, non secus ac me ipsum vos amo. Oblivionem verò injuriæ demonstrat, cum nihil se ab illis accepisse injuriarum indicat: non absolutè quidem, sed comparatè & ratione veniæ. Nam & se gravius læserant, & Paulus sibi illatam injuriam piè condonarant. Altera ratio est à pristino & mutuo amore, cum Pauli erga Galatas v. 13. tum Galatarum erga Paulum, v. 14. & 15. utrumque autem describit Apostolus ab effectis: ac suum quidem, quod Evangelium annuntiavit apud Galatas summo cum periculo & persecutionibus, quas *carnis infirmitatem* vocat: illorum vero; quod nec Pauli eos puduerit; nec ab eo periculorum metu deteriti sint, sed eum summo in pretio habuerint: id quod declaratur, primum effectis, quod exceperint: quod amplificatur à simili, *sicut angelum & Christum*. Similis locus 1. Thessal. 2. 13. Secundò verbis; quod se felicissimos prædicarint; nisi quis confirmationem velit 1. à judicio aliorum piorum (ut Oecumenius) 2. Pauli de utroque: quod summè amarint; quod proverbiali hyperbole illustrat, cum ait; *vos si fieri potuisset, oculos vestros effoscos datus mihi fuisset*.

Vers. XVI. Tertia ratio ex superiori promanans continetur v. 16. Syllogismus; Qui veritatem docet, non debet propterea haberi odio: ego veritatem vos docui. Ergo non debeo propterea haberi odio. Veritatem autem docuisse ex superioribus liquet, quia Evangelium, quod verbum veritatis 2. Corinth. 6. 7. docuit v. 13. & crucis tolerantia obfignavit: Galatæ denique liquidò agnoverunt, v. 14. & 15.

Vers. XVII. XVIII. XIX. XX. Causam ab alienationis quam à se removet Apostolus v. 16. in pseudapostolorum fraudem & ambitionem transfert, vers. 17. Idque eleganti metaphora à procis derivata: quorum alii bene ambiunt, qui sincerum habent & sanctum amorem: alii malè qui fucatum & sui commodi gratiâ. Illius modi fuit Paulus 2. Corinth. 11. v. 2. hujusmodi verò pseudapostoli, ut generatim proponit his verbis; *ambiant vos non bene*; & speciatim à studio & scopo eorum exponit sequentibus: *sed excludere* (inquit) *vos volunt*, nempe à pristino erga me zelo; seu (ut glossa interlinearis) à dilectione mei: ut se ambiatis, nimirum subjiendo vos servituti legis. Qua de re Galat. 6. v. 12. & 13. Huic autem adversariorum accusationi, subjungit reprehensionem, qua Galatas ad constantiam pristini erga se amoris revocat, v. 18. Quæ bene ambiendi duas statuit leges; priorem in objecto, ut bonum sit: alterum in adjuncto, ut semper dureret. Quarum utramque Galatæ violarunt; illam quidem dum pseudapostolos ambiunt: hanc verò dum hac ratione à justo Pauli amore deficiunt: quod indicat his verbis; *& non solum dum præfens sum apud vos*.

De reprehensione diximus: cui pathetica exclamatio adjicitur, quâ dolorem suum ex Galatarum inconstantia conceptum exprimit, vers. 19. *Filioli mei, quos iterum parturio*, &c. Qua allegoria à matribus parturientibus ducta, & muneris sui dignitatem, & amoris præstantiam ob oculos depingit. Porro hunc locum concludit, vers. 20. epiphonemate, quo desiderium præsentis suæ apud Ga-

latas, illiusque usum & causam indicat.

Vers. XXI. XXII. XXIII. Hactenus Galatarum correctio & ad Pauli amorem provocatio: sequitur deinceps ad elenchum regressio: qua demonstrat fideles post Christum à jugo legis Mosaicæ liberatos, eoque Galatas non debere se ei subicere. Ratio autem petita est à testimonio librorum Moysi; qui Synecdochicè, concinna hoc loco antanaclasi *lex* dicitur: ut Roman. 3. vers. 21. Syllogismus; Quos *lex* immunes à servitute legis pronuntiat, illi se legi subicere non debent. Galatas immunes à servitute legis *lex* pronuntiat: Ergo ei se subicere non debent. Assumptio & conclusio communicationis figura illustrata continentur, vers. 21. Quorum declaratio subjicitur: ac primum assumptionis ex testimonio Genesios; quod proponitur vers. 22. & 23. exponitur verò sequentibus. De priori ait; *scriptum est enim* (nempe Genes. 16. & 21.) *Abraham duos habuisse filios*, Ismaëlem nimirum & Isaacum. Nam etsi post Saræ obitum quatuor habuerit ex Cethura, Genes. 25. v. 2. eos tamen præterit Apostolus; quia ab hoc mysterio alieni. Hi autem filii, etsi in patre conveniunt; differunt tamen matribus & earum circumstantiis; ac primum conditione, quæ jure communi in liberos derivatur. Ismaëlis enim Agar: Isaac Sara mater fuit. Illa serva & ancilla: hæc libera & domina, vers. 22. Deinde generationis modo; qui explicatur vers. 23. Ismaël enim natus est secundum carnem: hoc est (inquit Chrysost.) *naturæ ordinem & carnis vires*: Isaac verò secundum promissionem; hoc est, non naturæ, sed promissionis divinæ potentia, Genes. 17. v. 19. Hebr. 11. v. 11. Siquidem Sara bis (inquit Chrysost.) erat emortua, & propter ætatem & propter sterilitatem, Genes. 11. v. 30. & 18. v. 11. Roman. 4. v. 19. Atque hac ratione nimia illa difficultas (cujus Hieronymus meminit) expeditur. Etsi enim de Ismaële datæ promissiones sunt, Genes. 16. v. 10. 11. non tamen secundum promissionem conceptus, nec secundum promissionem solam aut potissimum natus est.

Vers. XXIV. XXV. XXVI. Hæc de proposito legis testimonio: superest illius expositio, quæ deinceps declaratur. Ac primum generatim vers. 24. *Quæ sunt allegorica*: seu figurata & typica: per catachresin, ut ritè observavit Chrysostomus. Cum autem typi sint duplices, vel communes. 1. Corinth. 10. vel proprii & prophetici, Johan. 3. & 6. posterioris generis esse existimamus. Hæc de generali: specialis verò expositio subjicitur his verbis; *Nam hæc sunt duo fœdera*: hoc est, duorum fœderum typi, Metonymicè. Lex enim & Evangelium hac ratione adumbrantur: quod inductione partium confirmatur. Ac primum de fœdere legali, vers. 24. & 25. de Evangelio verò v. 26. Ad sententiam quod attinet; *pene cunctorum* (inquit Hieronymus) *super hoc loco ista est explanatio, ut Agar ancillam, interpretemur in lege & in populo Iudeorum: Saram autem liberam, in Ecclesia quæ de gentibus congregata est, quæ mater sanctorum sit*. Sensus autem est, Agarem typum esse legis, quæ in monte Sina extra terram promissam data est, & servos, nimirum Judæos, maledictionis ac ceremoniarum producit: Saram verò esse typum Evangelii quod ex Sione & Hierosolyma cælesti prodiit, & libera filios liberos procreat. De Hierosolyma, quæ typus Ecclesiæ, quam Deus sanctificavit, & ubi Deus colitur, Apoc. 3. vers. 12. & 21. v. 2. Heb. 12. v. 22.

Vers. XXVII. Expositionem historiarum Saræ & Agaris Sac. Literis consentaneam demonstrat hoc loco Apostolus à testimonio Prophetæ Esaiæ 54. v. 1. Scopus autem illius est, Ecclesiæ Christianæ præstantiam & amplitudinem describere. Partes autem sunt duæ, consolatio & ratio illius. Consolatio Synonymè; ad emphasin iteratur: in qua spectandum est subjectum & modus. Illud indicatur his verbis; *sterilis & desolata*. Sic autem vocatur cælestis Ecclesia Christiana: quod à Christi morte ante Pontecosten adeo esset abjecta, ut nulla amplificationis spes humanitus superesset. Modus consolationis est ad lætitiā provocatio. Cujus adfertur ratio à futuro statu & promissione admirabilis incrementi, vocatione gentium. Quod comparatè à minori illustrat Prophetæ his verbis; *quoniam plures*

plures futuri sunt liberi deserte; quam ejus quæ habet virum: hoc est, Saræ quam Agaris; Ecclesiæ Christianæ quam Judaicæ, quod illa ex omnibus gentibus conflanda, hæc verò ex una solum constaret. Hæc autem habere virum dicitur ob externum illum Dei cultum, ad quem vocata erat divinitus.

Verf. XXVIII. XXIX. XXX. De loco Esaïæ diximus: quem Galatis per apostrophem emphaticam accommodat Apostolus, v. 28. cum ait; *Nos autem fratres secundum Isaacum, promissionis filii sumus*: hoc est, nos Christiani ex Judæis & gentibus sumus filii Dei liberi, Isaac adumbrati. Quemadmodum enim ille gentis est non vinaturæ sed promissionis divinæ: ita & nos regenerati & in Ecclesiam asciti vi promissionis illius, de qua apud Esaïam. Huic autem declarationi subjicitur anticipatio, quæ adversus crucis scandalum Galatas consolatur. Ac primum ab exemplo Isaac, v. 29. sensus autem loci est (ut observat Oecumenius) *Hoc vos non cruciet, quod fideles ab infidelibus Judæis persecutionem patiamini: nam & hoc in typo fuit expressum*. Isaacum autem appellat genitum secundum spiritum, hoc est vi Spiritus divini. Sed quaeritur qua ratione illum persecutus sit Ismaël, cum nusquam illius mentio? Respondetur Genes. 21. v. 10. Ismaël irrisisse dicitur: irrisio autem persecutio est non minima; præsertim cum fides promissionum divinarum habetur ludibrio: Cujusmodi irrisionem hanc fuisse non immerito consent doctiores, & ex ratione Saræ & confirmatione divina colligitur.

Atque hæc prior consolationis ratio: altera est ab eventu, v. 30. quod Ismaël ex domo Abraham & ab hæreditate ejus fuit divinitus; quo typo rejectio Judæorum & salus Christianorum adumbratur. Cæterum, etsi Saræ voluntas prima fronte videatur inhumana, instinctu tamen divino fuisse motam ex Dei confirmatione liquet: eoque verba Saræ ascribuntur scripturæ, hoc est, Deo per scripturam loquenti.

#### CONSECTARIA CAP. IV.

I. Cum Israëlita fuerint hæredes: liquet eos idem nobiscum habuisse fœdus substantiæ, etsi diversum conditionis externæ circumstantiæ.

II. Deus opportunè promissiones suas exequitur. Itaque in iis nobis est omnino acquiescendum: temporisque opportunitas expectanda patienter, & cum advenit amplectenda.

III. Quoniam primus Christi adventus præfinito tempore contigit: de altero dubitare est nefas 2. Pet. 3.

IV. Cum filius Dei emissus sit, ut homo ferret: sequitur ante incarnationem extitisse; eoque errarunt Ebion, Paulus Samosatenus & Photinus, qui Christum *ἄλογον* nudum hominem docuerunt.

V. Quandoquidem Filius Dei factus est ex muliere sequitur errasse primum Valentinum & Marcionem, qui Filium Dei corpus à cælo attulisse, & per Mariam, non ex Maria; natum tradiderunt. Deinde Nestorium, qui (duas in Christo personas constituens) Mariam *θετόν* Deiparam negavit. Nam si Filius Dei ex Maria factus & natus est, sequitur relationis vi, eam Filium Dei concepisse & peperisse, v. 1. 23. 4. & 5.

VI. Reliqua consecraria explicata sunt supra, c. 1. 4. & 3. 13.

VII. Blasphemi sunt in Spiritum S. Pontificii, qui *ἀντιπροσέτιον* fidei & certam fiduciam, temeritatis insimulant.

VIII. Invocatio vera est nota filiorum Dei.

IX. Insigne h. l. & superiori Trinitatis testimonium.

X. Vita æterna est hæreditas filiorum, & adoptionis nostræ fructus: eoque non est meritum nostrorum operum. v. 6. & 7.

XI. Unus est naturæ Deus: eique soli serviendum Matth. 4. 10.

XII. Itaque fugienda est Pontificiorum supersticio, qui sanctis cultum *θελαίνας*, eaque fere omnia, quæ Ethnici suis Diis, attribuunt.

XIII. Quemadmodum peccati gravitatem minuit ignorantia: sic auget scientia, Genes. 20. 4. Actor. 3. 17. 1. Tim. 1. 13. Luc. 12. 47. 48. & 2. Pet. 2. 21.

XIV. Ignorantia Dei est idololatriæ parens.

XV. Vera Dei cognitio & fides merum Dei donum est: eoque nec industriæ nostræ, nec merito, sed soli Deo ascribenda, Matth. 11. 27. Eph. 2. 8. 1. Cor. 4. 7.

XVI. Nihil turpius ac periculosius quam in stadio ac studio cognitionis ac cultus Dei regredi: nihilque contrā præstantius quam constanter ad metam contendere. •

XVII. Cum festorum Mosaicorum religiosa observatio religioni Christianæ adversetur: multo magis supersticiosa festorum Pontificiorum copia: præsertim cum pleaque non Dei, sed hominum cultui, & religionis ac meriti gratiæ humanitus instituta sint.

XVIII. Eoque indigna etiam fuit diuturna veterum de Paschatis tempore contentio: vide Euseb. Eccles. histor. lib. 5. cap. 21. & 23. & de vita Constant. lib. 3. cap. 5.

XIX. Pastoris Evangelici munus est, de Ecclesiæ salute esse sollicitum, eamque curare pro virili; nec ullis parcere laboribus.

XX. Cum Paulus metuerit, ne frustra apud Galatas fatigatus sit; quid de Pontificiis statuemus, quorum peccatum par est, imò longè gravius. v. 8. 9. 10. 11. Reliqua consecraria explicavimus, Gal. 3. 4.

XXI. Prudentis est pastoris auctoritatem suam lenitate paterna temperare, & ad salutem auditorum tanquam scopum referre omnia, 1. Cor. 9. verf. 21. & 2. Tim. 4. verf. 2.

XXII. Inter pastorem & gregem mutuus requiritur consensus, 1. Thess. 5. v. 12.

XXIII. Christiani est injurias humaniter condonare.

XXIV. Omnes pii, præsertim pastores, persecutionibus obnoxii sunt, 2. Tim. 3. 12.

XXV. Persecutiones piorum sunt experimenta fidei: eoque patienter ferendæ, Iac. 1. 2. & 3. & 1. Pet. 1. 6. 7. & 4. 13. 14. Rom. 5. 3.

XXVI. Ministri Evangelii propter calamitates contemnendi non sunt: sed potius constantiæ & ministerii gratiæ, magno habendi in pretio, Luc. 10. 16. Phil. 2. 29. 1. Thess. 5. v. 12. 13. 1. Tim. 5. v. 17. Heb. 13. v. 7. & 17.

XXVII. Beneficiorum memores esse nos decet: injuriarum obliviosos.

XXVIII. Nihil est favore hominum inconstantius, Actor. 14. 11. 19. eoque soli Deo fidendum. Jer. 17. 5.

XXIX. Cum omnes homines ad lapsum proni sint, prudentia opus est & prece. Matth. 26. 51. & 1. Corinth. 10. 12.

XXX. Officium Doctorum est veritatem docere: auditorum vero eandem non odio, sed amore prosequi.

XXXI. Non tam regium est, quam Christianum, malè audire, cum benefeceris.

XXXII. Curandum est nobis exemplo Pauli, ut nullam justii odii occasionem præbeamus. 1. Pet. 2. 19. 20. & hinc v. 12. 13. 14. 15. 16.

XXXIII. Hæreticorum hoc frequentissimum est stratagema, quod pios Ecclesiæ ministros in contemptum & odium adducere student, ut eo facilius per eorum latus veritatem confodiant.

XXXIV. Ut autem facilius incautos fallant, pii zeli speciem præ se ferunt, 2. Cor. 11. 13. 14. 15.

XXXV. Eoque non facile credendum: sed in iis dignoscendis & fugiendis adhibenda prudentia, 1. Joh. 4. 1. Matth. 7. 15. •

XXXVI. Dignoscuntur autem ex fructibus, falsa doctrinæ & moribus perversis, cum nec gloriæ Dei, nec salutis Ecclesiæ, sed avaritiæ & ambitioni suæ studeant, Matth. 7. 16. Phil. 3. 18.

XXXVII. Ad pium zelum duo requiruntur potissimum, objecti bonitas, & in eo constantia, Mat. 10. 22.

XXXVIII. Fidelium Ecclesiæ Pastorum est materno amore salutem Ecclesiæ sitire ac procurare: nec

stantem solum Ecclesiam firmare, sed lapidam etiam pro virili erigere.

XXXIX. Summa est ministerii dignitas, quod spiritualiter nos gignat ac pariat: non quidem tanquam causa principalis, (quod soli Deo convenit) sed tanquam instrumentum, 1. Tim. 4. 16. & 1. Cor. 3. 5. 9. Eoque gravissime Swenckfeldius erravit, qui externum ministerium vilipendit.

XL. Fideles Ecclesie pastores, patrum & matrum instar, reverentia & amore prosequendi sunt.

XLI. Quemadmodum foetus non uno momento, sed paulatim formatur & in lucem editur: ita & nos regeneramur.

XLII. Itaque non est facile de fructu desperandum: sed quod satum est, irrigandum est patienter.

XLIII. Quemadmodum medicamenta pro ratione morborum & corporum varie temperanda sunt: ita & institutio Ecclesie.

XLIV. Sicut lupi pastorum; sic fidelium ministerium absentiam heretici aucupantur, Actor. 20. 29.

XLV. Itaque si salutem Ecclesie consultum velint, abesse oportet nunquam, aut minimum. vers. 17. 18. 19. 20.

XLVI. Verbo Dei omnino obtemperandum est.

XLVII. Multi autem imprudenti illius zelo illud ipsum violant Rom. 10. 2.

XLVIII. Eoque ne impingamus, opus est diligenti illius examine, Joh. 5. 39.

XLIX. Deo nihil est difficile, Gen. 18. 14.

L. Itaque de promissionibus illius, quantumvis incredibiles videantur, non est dubitandum, Gen. 18. 13. 14. Rom. 4. 19. 20. Hebr. 11. 11. & v. 21. 22. 23.

LI. Quædam in Vet. Testamento per historiam mysterium aliquod adumbrare certum est.

LII. Quænam autem ea sint, non ex nostro hauriendum ingenio: sed ex Prophetarum & Apostolorum interpretatione discendum.

LIII. Itaque graviter peccant qui rejecta interpretatione Spiritus S. mysterium agnoscere nolunt: gravissime vero illi, qui Origenem secuti omnia ollegoricis interpretationibus detorquent.

LIV. Ecclesia Christi instar matris nostræ, in pretio habenda est.

LV. Ecclesia autem Christi non est secessioni, loco, celebritati, multitudi astricta: sed doctrinæ Euangelicæ. Itaque vani Pontificum tituli.

LVI. Cum Judæi, qui operibus legis salutem quærebant, fuerint servi, non filii Ecclesie: quid de Pontificiis statuendum?

LVII. Interpretationes S. Literarum debent ex iisdem hauriri.

LVIII. Gentium vocatio & Judæorum rejectio, non fortuito, sed Dei providentia contigerunt.

LIX. Ecclesie propagatio non hominum viribus, sed divinæ potentie & gratie adscribenda est. v. 27.

LX. Sanctorum exempla magno nobis debent esse solatio, cum paria sustinemus, Matth. 5. 12. Psal. 73. 15. Hebr. 12. 1.

LXI. Non à statu præsentis Ecclesie; sed à iudicio Dei & ab eventu de felicitate illius iudicandum est, Mal. 3. vers. 16.

LXII. Persecutio non solum fit vi: sed etiam lingua: eaque nonnunquam priore gravior, Psal. 42. 11.

LXIII. Summa fidelium consolatio est quod tandem ab hostibus suis omnino liberabuntur, & hereditate perfruentur cœlesti, Psal. 73. 17. & 2. Thess. 1. 6. 7. Heb. 11. 35. v. 28. 29. 30.

## C A P. V.

Vers. XXXI. & cap. V. v. 1. Hactenus de allegoria: cuius Scopus subjicitur cum summa superioris argumenti, de quo actum est v. 21. Syllogismus; Qui non

sunt filii ancillæ, sed liberæ, illi debent stare in libertate, & non regredientes iugo servitutis implicari. Vos Galatæ cum reliquis fidelibus estis ejusmodi. Ergo debetis stare in libertate &c. Assumptio est vers. 31. Conclusio vero continetur, cap. 5. 1. Legem autem vocat iugum servitutis, ratione ceremoniarum & maledictionis: ut Acto. 15. 10. Quibus contraria statuitur libertas. Cœterum huic conclusioni novum argumentum, amplificationis gratia inseritur, à causa efficiente libertatis, seu à beneficio Christi; Quos Christus liberavit à iugo servitutis, illi debent in ea libertate perstare. Vos Galatæ cum reliquis fidelibus Christus liberavit à iugo servitutis. Ergo in ea libertate debetis perstare. Similis locus est Galat. 3. v. 10. & 4. 4.

Vers. II. III. IV. Postquam Galatæ à servitute legis dehortatus est Apostolus: transit jam declarationis ergo à thesi ad hypothesin, à totâ lege ad circumcisionem: quia hanc potissimum (tanquam legis initiationem) quasi ad salutem necessariam urgebant adversarii, Act. 15. v. 1. & 5. Argumentum est ab effectu seu damno quod inde promanat; Syllogismus; Quod Christum vobis ô Galatæ redderet inutilem ab eo est abstinendum: circumcisio vestri vobis Christum redderet inutilem. Ergo ab ea est abstinendum. Similis locus Galat. 2. 21. Observandum est autem, Paulum hic & sequentibus loqui de circumcisione Novi Testamenti, & ex sententia adversariorum qui in ea (ut monuimus) cultum Dei necessarium ad justificationem statuebant Actor. 15. 1. Galat. 2. 4. & 5. 4. Hanc autem rationem Paulus emphatica præfatione munit (τῇ ἀξιοκρασίᾳ τῇ ἐνδοκίᾳ ἀπὸ τοῦ πνεύματος καὶ τοῦ λόγου) ut Chrysost. apud Occum. ) ecce ego Paulus dico vobis: hoc est, adversarii vobis persuadere conantur, nisi circumcidamini, Christum vobis non profuturum; ego verò pro autoritate apostolica contrarium denuntio, si circumcidamini, Christum vobis non profuturum.

Porro assumptionem hujus syllogismi confirmat Apostolus, primum à circumcisionis adjuncto, idque traducta hypothesi ad thesin, v. 3. Syllogismus; Qui debitor est totius legis servandæ, illi Christus nihil profuturus est. Omnis homo qui circumciditur (opinione cultus & justificationis) debitor est totius legis servandæ, Galat. 3. 10. Ergo illi qui circumciditur, Christus nihil profuturus est. Conclusio præcessit: Assumptio est hoc loco: ex quibus propositio colligitur. Deinde prioris Syllogismi assumptio repetitur & explicatur, v. 4.

Vers. V. & VI. Superioribus nova contra circumcisionem & legis justificationem adjectionem ratio, v. 5. à divino Ecclesie consensu: Nos enim spiritum ex fide, spem justitiæ expectamus. Syllogismus; si Ecclesia justificationem & salutem ex fide expectat spiritus instinctu: sequitur illos qui ex lege justificari student, inanes factos à Christo; quia nimirum spiritui Christi repugnant. At verò Ecclesia justificationem, &c. Ergo illi qui ex lege justificari student, inanes facti sunt à Christo. Conclusio antecessit v. 2 & 4. Assumptio est v. 5. In qua observandum vocem ἀπὸς aut ad Paulum solum referendum: aut simul ad fratres, qui cum Paulo Gal. 1. 2. & divinum Ecclesie apostolicæ consensum; de quo Galat. 2. 16. Quod existimo accommodatius, ob mutatum numerum, quem alias retinuerat, ex v. 2. ut v. 10. & 11. Spiritus nomine Spiritum S. intelligit. Spem justitiæ vocat aut per hypallagen Hebræam (cujusmodi antea habuimus) justitiam speratam: aut salutem æternam καὶ τὸν αἰῶνα prosperata justitiæ corona, Coloss. 1. 5. Alterutrum statuamus, parum refert.

Porro rationem adducit Paulus, cur ex fide salutem quærant fideles, non autem ex circumcisione, vers. 6. quia sola fides ad salutem valet: circumcisio autem inutilis. Observandum est autem Apostolum quæ de circumcisione dicit, illustrare à pari: docens, præputium æquè inutile esse: ne gentes sese efferrent. Fidem autem describit ab effectu, charitate nimirum: ut hac ratione ab hypocritica & mortua fide distinguat, & ad charitatem, de quâ

de qua paulo post acturus est, fideles exstimulet.

Verf. VII. VIII. IX. Superiori doctrinae subijci-  
tur Galatarum objurgatio: qua turpem illorum defectio-  
nem esse docet. Syllogismus; Qui bene currebant, illi gra-  
viter peccant, quod veritati non obtemperant. Vos Gala-  
tae bene currebatis. Ergo peccatis graviter, quod veritati  
non obtemperetis. Conclusio interrogationis & admiratio-  
nis schemate ad rei indignitatem declarandam exornatur:  
& ad reprehensionis acerbiteratem mitigandam, culpam  
refert in alios? *Quis, inquit, impedit vos?* Assumptio est;  
*currebatis pulchre*. Sic autem metaphorâ à stadio deductâ,  
fidem Galatarum & serium veritatis studium depingit A-  
postolus: de quo plura Galat. 3. verf. 1. 4. & 4. 14. 15.  
18. Porro authorem hujus defectiois describit per aphæ-  
resin, seu remotione causæ alienæ, verf. 8. *Hæc persuasio*,  
nimirum ut veritati à me propositæ non obtemperaretis,  
*non est ex eo qui vocat vos*: hoc est, à Deo. Hæc enim peri-  
phrasi & Deum describit, & argumentum adfert, cur per-  
suasio illa non sit à Deo, quia eos jam antea ad veritatem  
vocavit, Galat. 1. 6. & 3. 5. & iterum vocat. Deus autem  
sibi non est contrarius.

Huic porro descriptioni subijcit Apostolus anticipatio-  
nem: qua docet proverbio allegorico, cujus etiam memi-  
nit, 1. Corinth. 5. 6. hanc pseudapostolorum doctrinam,  
etsi parvi momenti esse videatur, maximum tamen inferre  
damnum: *paulum fermenti totam massam fermentat*. Fer-  
mento enim falsa doctrina comparatur, quemadmodum  
Matth. 16. 12. ratione effectus similis, ut enim fermentum  
massæ acorem inducit, eamque, exiguum licet, totam per-  
movet: ita & falsa doctrina & mala exempla doctrinæ puri-  
tatem in Ecclesia adulterant, eamque perturbant peni-  
tus.

Verf. X. Præcedentem objurgationem temperat Apo-  
stolus declaratione amoris sui, quem describit ab effectu,  
nimirum spe sua de Galatarum in viam reditu, verf. 10. *E-  
go, inquit, confido de vobis quod nihil aliud sensuri sitis*: scili-  
cet quam veritatem. Hanc autem spem à causâ efficiente  
illustrat, cum ait; *in Domino*: Nam præclari illius cursus  
(cujus supra meminit) alacritatem, Galatis, ministerio  
Pauli, indiderat Deus: unde spem concepit fore ut quod  
Deus benignè in illis cæperat, pro solita clementia perfec-  
ret. Atque hac ratione spem gratiæ divinæ Galatis facit:  
quam illustrat à contraria minatione exitii illius hominis,  
qui Galatas à recto cursu inhibuerat. Similis locus Philip. 3.  
v. 19. *Sed (inquit) qui turbat, vos portabit judicium*: hoc est,  
judicatam condemnationem, Metonymia Synecdochica,  
*quisquis fuerit*: hoc est, quibuscunque tandem titulis sese or-  
naverit, Actor. 15. 1. 24. Galat. 1. 8. Exitium autem mi-  
natur Ecclesiæ perturbatori, quia ea est templum Dei &  
sponsa Christi; cujus violatio summum sacrilegium.  
1. Cor. 3. 17.

Verf. XI. XII. Hæc de spe Apostoli Pauli, quam de  
Galatis conceperat, & minatio exitii turbatorum Eccle-  
siæ: sequitur denique hoc loco anticipatio & imprecatio.  
Illa continetur v. 11. constatque objectione & responsio-  
ne. Objectio est hujusmodi; Qui adhuc circumcisionem  
prædicat, ille injuriâ in aliis acerrimè reprehendit. Huic ob-  
jectioni respondet Apostolus negatione assumptionis. Non  
enim prædicabat circumcisionem, hoc est, non docebat  
eam esse omnibus necessariam ad cultum Dei & justifica-  
tionem, quemadmodum pseudapostoli: sed illam interdum  
in Judæis, non Gentilibus ferebat, ut rem mediam & libe-  
ram ædificationis gratiâ. Qua ratione circumcidit Timo-  
theum. Negationem porro assumptionis probat ab adjun-  
cta persecutione; Si circumcisionem prædicarem, non pa-  
terer, scilicet à Judæis persecutionem: At patior: Er-  
go circumcisionem non prædico. Propositionis loco  
subijcitur illius probatio, ab occasione persecutionis,  
cum ait; *abolitum est offendiculum crucis*: id est, Euange-  
lium Monymicòs: ut Galat. 6. 12. quia est sermo cru-  
cis Christi, 1. Corint. 1. v. 18. seu de Christo crucifixo &  
illius efficaciam, quod nos liberavit à lege & omnibus  
gentibus salutem peperit. Quæ doctrina scandalum Ju-  
dæis, 1. Cor. 1. 23. & 1. Thessal. 2. 14. Hæc enim duo,

legis abrogatio, & gentium sine ea vocatio, occasionem  
persecutioni dederunt: ut ex Actis constat. Hæc de anti-  
cipatione.

Imprecatio verò proponitur verf. 12. *utinam (inquit)  
abscindantur qui vos inquietant*. Hanc autem abscissionem  
alii mitius de excommunicatione à consortio Ecclesiæ: al-  
li gravius de exterminatione à Deo interpretantur: Cujus-  
modi imprecatio extat, 2. Timoth. 4. verf. 14. Utraque  
sententia probabilis: sed prior videtur accommodatior,  
partim quia exterminationem turbatoribus jam antea  
denuntiavit; partim quia ad paronomasiam præsen-  
tem magis quadrat: ut cum Galatas studeant circumci-  
dere, Galatæ contra hosce à sua Ecclesia abscinderent.

Verf. XIII. XIV. XV. Hactenus prima *παραμυ-  
ντῆς* tractationis hujus epistolæ pars, quæ in apologia do-  
ctrinæ Pauli versatur: sequitur deinceps, à verf. 13. altera  
scilicet parænetica, seu ad vitam Christianam adhorta-  
tio: Quæ transiitione insigni apologiæ connectitur. Pro-  
bat enim dignos esse turbatores qui abscindantur, quia Ga-  
latas, ad libertatem divinitus vocatos, in servitutem per-  
trahere studebant. Cæterum quia hac doctrina ad vitæ li-  
centiam abuti potuissent Galatæ, per anticipationem ad li-  
bertatis Christianæ usum & vitæ institutionem transit A-  
postolus. Ac primum per anairesin; *tantum ne libertatem ar-  
ripite in occasionem carni*: hoc est veteri homini & vitiosæ  
naturæ. Similis locus, Rom. 6. 15. 16. 8. Petr. 2. 16. sensus  
est, libertatem quâ à lege liberi sumus, non esse absolutam;  
sed duntaxat à maledictione & ceremoniis legis; non au-  
tem ratione pietatis & charitatis quam præcipit: quemad-  
modum liquet ex thesi; *sed (inquit) ex charitate servite a-  
lii aliis*. Hæc enim servitus vera demum est libertas, cum à  
peccati maledictione & dominio liberati, Deo & justi-  
tiæ servimus. Rom. 6. 18.

Hanc porro ad charitatem exhortationem confirmat A-  
postolus duabus rationibus. Prima est v. 14. Summæ legis  
est studendum. Dilectio proximi summa legis est. Ergo ei  
studendum. *Legis* nomine decalogi secundam tabulam in-  
telligit, Synecdochicòs. Similis locus Rom. 13. 8. 9. 10.  
& Mat. 7. 12. & 22. 39. 40. Proximus autem quis sit decla-  
ratur, Luc. 10. 30. &c. Altera ratio est à remotione con-  
trarii: quod ab effectu & damno quod adfert, demon-  
strat; Quod ad mutuam cum vitæ hujus tum æternæ per-  
niciem pertinet, illud est vitandum: odium mutuum perti-  
net eo. Ergo vitandum. Assumptio describitur & illustra-  
tur simili à feris animantibus, quæ se mutuo mordent &  
consumunt. Per morsum autem invidiam & calumnias:  
per devorationem verò rapinas & graves injurias intel-  
ligit Apostolus.

Verf. XVI. XVII. XVIII. Quæ de libertatis Christianæ  
usu proposuit, v. 13. & sequentibus: ea jam plenius definit  
& illustrat, v. 16. nempe eum esse rectum Christianæ liber-  
tatis usum, ut spiritus, hoc est novi hominis ductum sequa-  
mur: carni verò & veteri homini repugnemus. Observan-  
dum autem est *spiritus* & *carnis* nomine non corpus & ani-  
mam: nec etiam rationem & appetitum: multo minus  
sensum spiritualem Scripturæ: & literalem nec denique  
spirituales homines & carnales intelligi, sed novum & vete-  
rem hominem; de quibus Eph. 4. 22. 23. 24. Assumptionem  
autem ab effectu carnis amplificat, nimirum quod impe-  
diat quominus quæcunque volumus bona secundum spiri-  
tum, eadem faciamus. Quæ de re uberrimè, Rom. 7. Huic  
autem rationi per anticipationem quandam, consolationem  
subijcit Apostolus. Objici enim poterat; si igitur præstare  
non possumus bona, quæ volumus, sumus sub lege. Imò  
(inquit Apostolus) etiam si non possitis omnia præstare,  
modo spiritus ductu vitam institueritis, ut caro non im-  
peret, non estis sub lege, condemnationis nimirum ratione.  
Similis locus Rom. 8. 1.

Verf. XIX. XX. XXI. Hactenus ad vitam secundum spi-  
ritum ducendam & carnis fugam adhortatio & confirma-  
tio. Porro ne quis ignorantiam possit prætexere: aut secus  
quam par est acciperet, attexitur illustratio, qua caro &  
spiritus, ordine ab effectis eorumque adjunctis descri-  
buntur. Caro quidem v. 19. 20. & 21. Cujus effecta  
nominan-



nominantur promiscuè septendecim. Quorum hæreses & veneficium contra primum & sextum; idolatria contra secundum: inimicitia, æmulationes, excandescientiæ, dissensiones, invidia, cædes, contra sextum: lites & irritationes etiam contra nonum: reliqua contra septimum decalogi præceptum pugnant. Verum cum plura sint carnalium operum genera, ea generatim describit cum ait, *& his similia*. Horum autem operum adjunctum est vitæ æternæ jactura. Similis locus 1. Cor. 6. v. 9. Ephes. 5. v. 5. Rom. 6. v. 16. & 21. Cæterum hæc comminatio amplificatur asseveratione, cum ait; *quæ prædico vobis, sicut etiam prædixi*: ut hac ratione adversus perversa mundi judicia præmuniaret, ut Ephes. 5. 6. Porro hæc comminatio non est absoluta: sed conditionalis, nisi resipuerint Ezechiel. 18. vers. 23. v. 32. & 33. 11. Marc. 2. vers. 17. Quod exemplis Davidis, Manassis, Petri, latronis, & aliorum probatur.

Vers. XXII. & XXIII. Hæc de carnis operibus: quibus ex adverso subjiuntur fructus spiritus, & eorum adjunctum. Fructus autem novem tantum nominantur, ex quibus reliqui faciliè colliguntur. Primus autem fructus statuitur *Charitas*, quæ reliquarum radix, & per omnia decalogi præcepta diffusa est. Charitas autem est spiritus fructus, quo Deus diligitur propter se, & homines propter Deum. Itaque duplex est charitas, Dei, aut hominum. Charitas Dei est, qua tanquam summum bonum summè complectimur, eique placere in omnibus studemus. Charitas hominum est, qua eorum salutem, & omnia quæ eò pertinent, seriò, ad gloriam Dei desideramus. Estque duplex, nostri aut proximi. Hæc de Charitate: cui tanquam furculi, reliqui spiritus fructus adjiciuntur. Secundus est *gaudium*: quod est animi affectus, ex charitate ortus, quo bono alicujus nos oblectamur. Estque vel propter Deum, cum illius gloria, & iis quæ eo spectant delectamur; de quo 1. Cor. 13. vers. 6. cui opponitur gaudium peccati: vel propter nos; quod est oblectatio animi ex conscientia amoris Dei erga nos, & commodis inde promanantibus; de quo Luc. 10. v. 20. Roman. 5. v. 3. vel propter proximum ex cognitione commodorum & salutis illius, de quo 1. Cor. 13. 6. Roman. 12. v. 15. & opponitur æmulationi, invidia & *invidia*. Atque hæc virtus maxima, ut monet Chrysostom. Nam multi flent quidem cum flentibus; cum gaudentibus autem non etiam gaudent, sed gaudentibus aliis ipsi lugent: quod est livor & invidia. tom. 5. ad popul. Antioch. hom. 53. Tertius fructus est *Pax*: quæ est aut cum Deo, aut cum hominibus. Illa est qua Deus propter Christum fide perceptum, nobis est propitius. Rom. 5. v. 1. Hæc verò est, aut cum conscientia nostra: quæ est tranquillitas conscientie ex fide pacis cum Deo: aut cum proximo; quæ est in bono & ad bonum cum aliis tranquillitas: de qua hoc loco & Rom. 12. vers. 18. Cui opponuntur inimicitie, dissidia, lites & irritationes. Quartus fructus est *lenitas*: qua ex charitate injuriarum patientes, & ad iram tardi sumus: ut Græci nominis ratio demonstrat. Cui opponuntur excandescientiæ. Quintus est *mansuetudo* benignitas; quæ est humanitas, quæ alteri libenter sumus usui: Sextus est *bonitas*, animi ad optima quæque propensio. Septimus est *fides*, ea autem non quæ in Christum, sed quæ inter homines, intelligitur; seu fidelitas, quæ est dictorum conventorumque constantia; quæ veritatis & justitiæ fundamentum. Octavus est *mansuetudo*: quæ est animi & morum facilitas: seu lenitas comitati, & affabilitati juncta. Cui opponitur vindictæ studium, ferocitas & morositas. Nonus est *temperantia*: quæ est voluptatum corporis moderatio. Cui opponuntur adulteria, scortatio, impuritas, ebrietas, commensationes. Atque hi sunt fructus spiritus & fidelibus proprii.

Et si enim hisce virtutibus excelluisse complures Ethnorum videantur, ut impurus Julianus Christianis objectit: tamen non virtutes, sed earum tantum umbræ fuerunt. Differunt enim inter se tribus potissimum modis. Primum efficiente: Nam fidelium virtutes promanant ex fide (sine qua Deo placere non possumus) & spiritu seu animo regenerato: gentilium ex luce reliqua naturæ & ope spiritus,

non regenerantis, sed reprimentis malitiam animi ad bonum Reipublicæ. Deinde forma. Nam illorum congruunt legi Dei, quia opera sunt Spiritus S. & defectus qui à nobis accedunt, Christi gratia teguntur 1. Pet. 2. 5. Heb. 13. v. 21. Ethnorum verò hac destituuntur. Postremò, fine. Gentilium opera ad gloriam aut commodum proprium potissimum referuntur: piorum ad gloriam Dei & obedientiam ei præstandam. Itaque cum infideles sint malæ arbores, pulchros fructus proferre possunt, bonos non possunt. Cujusmodi poma Sodomorum, de quibus Tacitus lib. 5. histor. Hæc de fructibus spiritus: quorum adjunctum declaratur, v. 23. *adversus* (inquit) *ejusmodi non est lex*: hoc est, qui ductum spiritus sequuntur, & adversus carnem luctantur, etiam si legi perfectè non satisfaciant, tamen ab illius maledictione liberi sunt: ut ex antitheto v. 21. liquet. Similis locus supra vers. 18. Rom. 8. v. 1. & 1. Tim. 1. v. 9.

Vers. XXIV. XXV. XXVI. Postquam carnem & spiritum ab operibus & adjunctis declaravit Apostolus; subicit primum consecrarium, Christianos non esse sub lege. Syllogismus; Adversus eos qui secundum spiritum vivunt, non est lex: Christiani secundum spiritum vivunt. Ergo adversus eos non est lex. Propositio est vers. 23. Assumptio per remotionem contrarii est vers. 24. *Crucifigere enim carnem cum affectibus & concupiscentiis* est vitiosos corruptæ naturæ affectus Spiritus S. gratiâ reprimere. Quæ de re Eph. 4. v. 22. Col. 3. v. 2. Huic consecrario annexitur hortatio generalis, ad vitam spiritualem ducendam, v. 25. quæ inductione specialium ad usum Galatarum illustratur. Prima autem specialis hortatio est ad fugam ambitionis & illius fructuum, irritationis & invidia v. 26. de quibus jam antea egimus.

#### C O N S E C R A R I A. C A P. V.

I. CUM Christiani liberati sint à ceremoniis legalibus, multo magis à Pontificiis.

II. Qui justificationem aut omninò, aut partim ceremoniis ascribunt, illi Christum sibi reddunt inutilem.

III. Itaque assertio libertatis Christianæ, non est contentio de lana caprina, (ut vulgus judicat) sed omninò necessaria.

IV. Beneficia divina non sunt abjicienda, v. 1. 2. 3. 4.

V. Consensus Ecclesiæ orthodoxus magnificendus est.

VI. Orthodoxus autem est, qui est ex Spiritu Sancti afflatu singulari, vel doctrina communi in Sacris Literis.

VII. Nos partim re, partim spe salvi sumus, Rom. 8. vers. 24.

VIII. Etsi Charitas non justificet: fides tamen quæ justificat, sine charitate non est.

IX. Eoque qui impietati dant operam, veri fideles non sunt, licet de fide sua gloriantur. Jacob. 2.

X. Charitas est effectum fidei: Ergo non est illius forma, ut Pontificii statuunt, v. 5. 6.

XI. Ad cœlestis vitæ metam, obedientia fidei currendum.

XII. Multa autem in hoc cursu sunt obstacula: carnis infirmitas; Diaboli insidiæ; mala mundi exempla & persecutio; denique falsa hypocritarum doctrina.

XIII. Hisce autem non pauci à recto cursu inhihentur.

XIV. Piorum autem est fidei constantia & S. Literarum subsidio in cœpto progredi.

XV. Opinio de justificatione operum est veritati adversa, & à Deo aliena.

XVI. Omnis religio quæ à Deo non prodiit, falsa & explodenda.

XVII. Errores prima fronte leves, reipsa gravissimi sunt: eoque mature occurrendum & veritatis sinceritas conservanda.

XVIII. Objurgationes non ex hominum, sed vitiorum odio proficisci decet.

XIX. Eoque amoris significatione temperandæ sunt.

XX. Amo-

XX. Amoris autem est de lapsis benè sperare, 1. Cor. 13. v. 7. Eoque graviter à Novatianis hac in re peccatur, & iis qui zelo imprudentiori ensem & cauterium curabili adhuc morbo adhibent.

XXI. Spes autem niti debet non hominum viribus, sed potissimum Dei gratia, 1. Corint. 3. vers. 5. 7. Philip. 2. v. 13.

XXII. Nunquam defuerunt Ecclesiæ turbatores: itaque offendi hacre & in officio segnescere nos minimè decet.

XXIII. Cum autem iudicium Dei, turbatoribus Ecclesiarum imminet, necesse est ut omnibus modis Ecclesiæ tranquillitati studeamus.

XXIV. Pii Evangelii ministri calumniis præter meritum sæpissimè gravantur.

XXV. Itaque non facile iis quæ adversus eos dicuntur, habenda est fides.

XXVI. Summa piis adversus calumnias consolatio est conscientiæ testimonium & rei ipsius.

XXVII. Cavendum est autem ne justam doctrinam in dubium vocandi detur occasio.

XXVIII. Ab iis qui puritatem doctrinæ vitiant, abhorre nos decet, v. 11. 12.

XXIX. Non Evangelii, sed hominum vitio fit, ut ejus doctrina ad peccandi licentiam traducatur. Jac. 2. Jud. 4.

XXX. Detestanda est libertinorum in pietatis & religionis contemptu, sub prætextu libertatis Christianæ, audacia.

XXXI. Omnes mortales sibi mutuo devincti sunt: sed certi sunt tamen servitutis modi pro cuiusque vocationis ratione.

XXXII. Singularis est Dei benignitas, quod præcepta sua clarè & breviter nobis proposuerit.

XXXIII. Ab infectione & injuria mutua abstinentur. v. 13. 14. 15.

XXXIV. Perpetua est carnis & spiritus lucta in fidelibus. Ergo non possumus perfectè implere legem Dei.

XXXV. Hominis, Christiani potissimum, vita perpetua militia est.

XXXVI. Eoque cum certamen internum habeamus, opus est vigilantia, fide, precibus. *Qui enim de seipso præsumit* (ut Augustin.) *ante prosternitur, quam pugnet.*

XXXVII. Ea demum est vera Christianorum libertas, parere Spiritui.

XXXVIII. Qui autem ei non parent, illi frustra de liberatione à maledictione legis gloriantur, vers. 16. 17. 18.

XXXIX. Sermo Dei nos non seducit: qui nec tacet, nec parit, nec ullâ adulteratione nos decipit. Aug. apud Bedam.

XL. Si qui secundum carnem vivunt, non hæreditant regnum cæleste, supplicia damnatorum non sunt finita; ut Origenes somniavit & alii: de quibus apud Bedam.

XLI. Falsa est Pontificiorum sententia, qui septem tantum peccata mortalia statuunt, v. 19. 20. 21.

XLII. Cum carne constemus & spiritu, necesse est, ut utriusque opera prudenter probemus ac discernamus.

XLIII. Probationis autem norma unica est ac certissima decalogus; qui imaginem illam ad quam creati & regenerati sumus, depingit accuratissimè.

XLIV. Opera itaque carnis ea sunt quæ repugnant legi Dei: Spiritus verò fructus sunt, qui ei consentiunt, Rom. 8. v. 7. & 1. Joh. 3. v. 4. 9. 10.

XLV. Itaque gravis est Enthusiatarum error, qui quidquid vehementius in animum suum inciderit, Spiritus Sancti fructum interpretantur.

XLVI. Cum carnis operum stipendium sit hæreditatis cælestis jactura: contra verò cum fructuum spiritus comes sit liberatio à lege: illa fugienda, his verò studendum est sedulò, Roman. 6. v. 21. 22. 23.

XLVII. Qui vitii dediti sunt, falsò se Christianos jactant.

XLVIII. Quemadmodum de fructibus ex arbore; de vita ex motu: sic de spiritu Christi ex actionibus illius judicandum, v. 24. 25. 26.

## C A P. VI.

v. 1. **D**E prima speciali ad vitam spiritualem hortatione diximus: sequitur altera cap. 6. vers. 1. de correctione fraterna. Cujus observandum subjectum, efficiens, modus. Subjectum est homo præoccupatus in aliquo lapsu: hoc est, qui ex infirmitate humana & Diaboli insidiis, in peccatum aliquod prolapsus fuerit. Efficiens sunt spirituales: sic autem vocat eos comparatè qui spiritus ductum præ cæteris sequuntur. Modus est spiritus mansuetudinis: hoc est mansuetudo, quæ donum spiritus est, ut Oecumenius interpretatur per hypallagen Hebræam: aut animo mansueto, ut aliis placet. Opponitur virgæ, id est, severitati 1. Corinth. 4. vers. 21. Hunc autem modum confirmat à pari; *considerans temetipsum, ne & tu tenteris*. Syllogismus; Qui tentationibus sunt obnoxii, illi erga lapsos debent esse faciles. Vos spirituales estis ejusmodi. Ergo debetis esse faciles erga lapsos. *Nihil enim* (inquit August.) *ad misericordiam sic inclinat, quam proprii periculi cogitatio*. Similis locus 1. Corinth. 10. vers. 12. *Qui stat, videat ne cadat*.

Vers. II. III. Hortationi de correctione fraterna succedit admonitio ad mutuam tolerantiam, vers. 2. *Alii* (inquit) *aliorum onera portate*. Onera autem vocat metaphoricè peccata; quia conscientia tranquillitatem turbando, & iram Dei provocando animum gravant; Psal. 38. Matth. 11. vers. 21. Peccata autem aliorum portantur tribus modis: primùm Christiano dolore & *omnino* ob Deum offensum: deinde intercessione seu precatione veniæ divinæ; denique condonatione offensæ. Hinc rectè August. apud Bedam; *si autem displicuerit tibi, & oraveris pro eo, & deprecatus veniam dederis, ut possis liberà fronte dicere in precibus tuis, quas tibi juris peritus cælestis dictavit, Dimitte nobis debita nostra, sicut & nos dimittimus debitoribus nostris, didicisti portare onera fratris tui. Ea onera ferenda sunt mutuo*. Atque hujus admonitionis ratio est, quia est lex Christi. Ea autem hortationis formula proponitur; *& ita legem Christi complete*. Legem Christi interpretatur Ambrosius voluntatem illius, quâ omnes salvos fieri vult: reliqui Patres, de charitate mutua, quod videtur accommodatius. Ea autem lex Christi dicitur Johan. 13. vers. 15. 33. 34. & 15. vers. 12. quia eandem seriò repetivit: à corruptelis Pharisæis vindicavit, Matth. 5. & exemplo docuit 1. Pet. 2. v. 21. denique suo spiritu eam cordibus inscribit Hebr. 8. vers. 10. *Complete* autem non significat hoc loco perfectè præstare charitatem, sed ei seriò operam dare. Nam qui onera, id est, peccata habent, illi non possunt perfectè implere Christi legem. Paulus hinc alloquitur eos qui onera habent. Ergo non possunt perfectè implere legem. Deinde tolerantia mutua, non est totius legis Christi impletio; sed pars tantum illius: eoque de perfecta impletione charitatis, Apostolus non agit.

Hanc porro admonitionem illustrat per anticipationem objectionis Pharisæorum, qui se à periculo & oneribus immunes putabant: eoque difficiliore erant in oneribus aliorum ferendis. Respondet Apostolus vers. 3. rectè se dixisse alios aliorum onera portare debere, quia omnes habent onera: si quis autem se aliquid esse, hoc est, præstantioris naturæ putaverit, ille animum suum seducit: quoniam nihil est; comparatione spiritualis hominis, qui scit gratia Dei se esse quod est, inquit August. apud Bedam: vel nihil tale est: ut accipiat privativè, non negativè.

Vers. IV. & V. Postquam arrogantiam & aliorum contemptum reprehendit Apostolus: cumque potissimum inde

oriatur; quod in propriis cæcutiamus, in aliorum vitiis sumus Argi: ideo aptissimum huic malo remedium affert vers. 4. *opus autem suum probet unusquisque*. Probatio autem hæc Synecdochicæ complectitur non solum examen, sed etiam correctionem actionum nostrarum ad legis Christi normam: ut 1. Corinth. 11. 38. Fructum autem hujus proponit & remedium instituto accommodat, cum ait; *Et tunc gloriationem in semetipso habebis, & non in alio*: hoc est, ex suis actionibus, non autem collatione aliorum: ut Phariseus Luc. 18. Hæc autem gloriatio est testimonium bonæ conscientie, 2. Corinth. 1. v. 12. quâ humiliter dona Dei nobis collata agnoscimus. Hujus porro probationis nostræ, sine aliorum collatione, necessitatem confirmat Apostolus à forma judicii divini, vers. 5. *Nam unusquisque suum onus portabit*. Onus autem hoc loco non pro peccatis, ut v. 2. sed pro pœna peccati Metonymicè sumitur. Itaque optimè sibi consentit Apostolus. Sensus autem est; quisque pœnam peccatis suis debitam, coram tribunali Dei luet, nec aliorum collatione excusabitur. Similis locus 2. Corinth. 5. v. 10. Verum ab ea portatione oneris & judicio divino immunes sunt veri fideles: quia Christus onus nostrum portavit, Esai. 53. vers. 4. & 1. Pet. 2. vers. 24. & spiritu suo ad resipiscenciam eos vocat.

Vers. VI. VII. VIII. Postquam ad probationem sui ipsius Galatas hortatus est, subjicit postremo admonitionem de gratitudine erga ministros Evangelii, vers. 6. *Communicet* (inquit) *qui instituitur in sermone, cum eo, qui se instituit*. Sermonem autem vocat κατὰ τὴν εὐαγγελίαν Evangelium, ut Actor. 16. v. 16. & 1. Timoth. 5. v. 17. quia est sermo gratiæ, Actor. 14. v. 3. & 20. v. 32. vitæ, Philipp. 2. v. 16. & salutis nostræ, Ephes. 1. v. 13. Itaque vult ut ministri Evangelii ab Ecclesia alantur: & in sermonis voce latet argumentum, 2. Corinth. 9. vers. 11. Similis locus 1. Timoth. 5. v. 17. 2. Corinth. 9. 6. 7. &c. Matth. 10. v. 10. Modus autem communicationis additur; *in omnibus bonis*: hoc est, ut communicentur quævis bona pro facultatis cuiusque & necessitatis ministrorum ratione, 1. Timoth. 6. v. 8. Causa autem cur ministros commendet Apostolus, est ministerii conservatio ad Dei gloriam & Ecclesiæ salutem. Nam ingratitudo erga ministros ex contemptu verbi oritur, & astutia Satanæ, qui ministros in officio segnes reddere, aut ab eo abstrahere hac ratione satagit. Verum quandoquidem homines ingeniosi sunt ad ingratitudinem suam variis modis excusandam, quæcunque adferri poterant, anticipat Apostolus, & ratione munit vers. 7. *Ne errate* (inquit) *Deus non irridetur*, scilicet impune. Ratio autem est allegorica; *quicquid enim seminaueris homo, hoc & metes*: hoc est, operum suorum mercedem accipiet. Quam rationem confirmat & illustrat inductione specierum, v. 8. *Nam qui seminat carni suæ*, hoc est, vitiosæ naturæ servit, ille interitum & mortem æternam: qui verò spiritui & imagini Dei obtemperat, ille vitam æternam consequetur. Quæ messis & merces operum iusta quidem ratione promissionis divinæ: sed non merita, verum gratuita. Rom. 6. v. 23. quia bona nostra opera non sua perfectione, quam non habent, sed Christi intercessione Deo grata sunt, Hebr. 13. v. 21. & 1. Pet. 2. vers. 5.

Vers. IX. & X. De gratitudine & beneficentia erga ministros Evangelii hætenus: hoc verò loco hypothese ad thesin traducta, de beneficentia erga alios agit: ac primum hortatur ad illius constantiam, deinde definit objectum. Prius declarat v. 9. *Porro ne benefaciendo segnescamus*. Similis locus 2. Thessal. 3. v. 13. Causa hujus admonitionis est, quia beneficentiam plurima remorari solent; hominum nimirum ingratitudo aut indignitas; egentium copia & facultatum nostrarum angustia: eoque consolatione futuræ & tempestivæ messis admonitionem munit. Objectum porro beneficentiæ præscribit v. 10. ut omnibus beneficiamus: hoc est non singulis sed quibusvis, non solum amicis & dignis, sed etiam hostibus & indignis, Matth. 5. vers. 44. 45. Cæterum beneficentiæ gradus definiuntur, cum ait; *maximè verò erga domesticos fidei*, hoc est fideles, qui ad eandem Dei domum, nempe Ecclesiam pertinent 1. Timoth. 3. vers. 15. eoque *domestici Dei* vocan-

tur, Ephes. 2. vers. 19. similis locus Roman. 12. v. 13.

Vers. XI. XII. XIII. Hætenus tractatio epistolæ: sequitur conclusio; cujus prior pars singularis est, altera solennis. Illa primum habet conciliationem benevolentie, declaratione amoris Pauli erga Galatas, à scriptiōis hujus epistolæ circumstantiis duabus, manu Pauli & prolixitate. Nam reliquas epistolas dictabat amanuensi, & salutatione obsignabat, Roman. 16. v. 22. *Saluto vos ego Tertius qui scripsi epistolam*, 1. Corinth. 1. 6. v. 11. Coloss. 4. v. 8. *Salutatio mea manu Pauli*, & 2. Thessal. 3. vers. 17. *Salutatio mea manu Pauli: quod est signum in omni epistola*, &c. Hanc verò epistolam scripsit totam: quod singularis curæ argumentum: ne ulla fictæ aut corruptæ epistolæ suspicio oriretur, 2. Thessal. 2. v. 2. & ut amorem suum testaretur & Galatas ad redamandum provocaret: unde inquit *videte*.

Huic benevolentie significationi subjicitur antithesis, qua pseudapostolorum fraudi suam fidelitatem opponit. Nam pseudapostolos describit ab ambitione & hypocrisi: Illam indicat v. 12. *Quicumque* (inquit) *volunt speciosi apparere in carne*; hoc est, circumcisione & ceremoniis legalibus (quæ caro, id est, res externa Metaphoricè dicuntur ut Galat. 3. v. 3.) gratiam Judæorum aucupantur; Fraudem verò & hypocrisin describit cum ait, *ij cogunt vos circumcidi, tantum ne ob crucem Christi persecutionem patiantur*. Qua de re Galat. 5. 11. Locus similis Philipp. 3. 2. 18. 19. Hanc autem hypocrisin demonstrat à definitione, v. 13. quia aliud spectant & agunt, aliud simulant. Qua de re Matt. 23. *Neque enim* (inquit) *ipsi qui circumciduntur, hoc est pseudapostoli, legem servant*. Hoc autem illustrat à scopo quem superiori versu proposuit, hinc verò explicat: *sed volunt* (inquit) *vos circumcidi, ut de carne vestra glorientur*.

Vers. XIV. XV. XVI. De priori antitheseos membro, nempe perverso pseudapostolorum studio diximus: sequitur alterum, quo sinceritatem suam opponit Apostolus, v. 14. *à me absit gloriari nisi in cruce Domini nostri Iesu Christi*: hoc est, doctrina de Christo crucifixo. Hoc autem illustrat à causa efficiente; *per quem mundus mihi crucifixus est, & ego mundo*. Crucifixum autem esse Metaphoricè contemptum significat: mundus verò infideles Judæos significat. *Invicem ergo* (inquit Ambrosius) *sibi mortui sunt, & mundus Apostolo, & Apostolus mundo: dum nihil concupiscit Apostolus mundi, & dum nihil habet mundus suum quod agnoscat in Apostolo*. Similis locus Galat. 2. v. 20.

Porro cur solo Evangelio non autem circumcisione gloriatur, probat à circumcisionis adjuncto, v. 15. quod in Christo Iesu circumcisio nihil valeat, sed nova creatura, hoc est, fides per charitatem operans. Qua de re Galat. 5. v. 6. Porro hanc antithesin. promissione illustrat, v. 16. *Et quicumque secundum hanc regulam incedent, pax super eos & misericordia, & super Israël Dei*. Pax autem est reconciliatio nostri cum Deo, cujus efficiens est misericordia Dei. Illis igitur pacem Dei denuntiat, qui ad hanc Pauli amissim sese composuerint, & veros Israëlitas pronuntiat, Rom. 9. v. 6. & 8. quæ promissio opposita est interminationi, Gal. 1. v. 8.

Vers. XVII. & XVIII. Postquam doctrinæ suæ veritatem ac ministerii integritatem, & contrà Pseudapostolorum errores & imposturas demonstravit; subjicit hoc loco postremam admonitionem, v. 17. qua pro autoritate apostolica Galatas hortatur ad parendum huic epistolæ; *Deinceps*, (inquit) *ne quis mihi molestias exhibeto*. Ne verò cuiquam insolentius videatur, ratione confirmat; *Ego enim stigmata Domini Iesu in corpore meo porto*. Stigmata autem Christi intelligi possunt vel propter Christum, vel authore Christo, vel quæ Christo conveniunt: Media sententia videtur accommodatior: sic igitur metaphorâ à notis, quas servis fugitivis domini inurebant, vocat res omnes adversas: cuiusmodi enumerantur, 2. Cor. 11. vers. 23. quas religionis ergò pertulit; quibus quasi notis Christus Pauli apostolatam & sinceram fidem obsignavit, Actor. 9. v. 16. Itaque merito se Christi stigmaticum nominat.

Hæc de admonitione & prima conclusionis parte, quæ singularis huic epistolæ: sequitur vers. 18. altera seu solennis epilogus, 2. Thessal. 3. vers. 17. ad benevolentiam compa-

comparandam aptissimus: quia gratiam eorum spiritui precatur (*quæ precatio*, inquit Chrysoſt. *consummata doctrina est eorum, quæ dicta sunt*) & fratres nominat: ac solenni approbationis formula valedictionē terminat cum ait, *Amen*.

## CONSECTARIA CAP. VI.

I. **H**umanum est labi.

II. Lapsus autem alii fiunt imbecillitate quadam, alii consultō.

III. Christiani est de fratris prolapsi erectione & salute esse sollicitum.

IV. Quare opus est reprehensione amica: severa quidem contra contumaces: leni erga infirmos. Tit. 1. v. 12. 13.

V. Rigidissimi sunt censores, qui infirmitatis suæ sunt immemores.

VI. Ad lenitatem verò optima magistra est infirmitas communis conscientia. v. 1.

VII. Nullus homo qui non peccet, 1. Reg. 8. 1. Joh. 1. v. 8. Luc. 11. v. 4. Jacob. 3. v. 2.

VIII. Cum charitatis præceptum non minus sit lex Christi, quàm Moſis, sequitur contra Antinomos, decalogum, quatenus regula vitæ, non esse abrogatum.

IX. Cum etiam illi, qui onera seu peccata, quæ legis transgressionem, habent, dicantur complere legem Christi: sequitur completionem legis interdum significare non perfectionem, sed serium perficiendi studium.

X. Cum nihil ex nobis sumus: humiles nos esse decet. 1. Cor. 4. v. 7.

XI. Nulla major seductio, quàm superbia, v. 2. 3.

XII. Si onus suum quisque portabit: errant Pontificii qui meritis Sanctorum fidunt. v. 5.

XIII. Qui in Euangelii ministros ingrati sunt, illi Deum habent ludibrio: sed non impunè.

XIV. Cum beneficentia sit instar sementis; laborem & constantiam in officio, & patientiam in expectanda messe adhibere nos decet. v. 6. 7. 8. 9. 10.

XV. Fidelium Euangelii ministrorum est, nullum, salutis ecclesiæ gratiâ, laborem subterfugere.

XVI. Hujus Epistolæ magna est dignitas, quippe cum Pauli manibus exarata sit.

XVII. Ecclesiæ officium est fidem ac diligentiam pastorum non negligere, sed gratis animis exosculari.

XVIII. Persecutio puritatis Euangelii comes.

XIX. Nullius autem persecutionis metu veritas adulteranda est.

XX. Omnium actionum nostrarum gubernaculum esse debet veritas, & scopus Dei gloria: contra verò hypocrisis & ambitio seriò fugienda sunt, v. 11. 12. 13.

XXI. Fidelium est non suam, sed Christi gloriam sectari.

XXII. Nemo potest simul duobus Dominis, & mundo & Christo servire. Matth. 6. Jac. 4. v. 4.

XXIII. Adversus Papæ anathematismos summa est fidelium consolatio, quod iis divinitus per Paulum pax & misericordia addicatur. vers. 14. 15. 16.

XXIV. Fidelibus verbi ministris nulla est exhibenda molestia.

XXV. Fideles autem sunt qui verbum Dei sincerè docent, nec ullis persecutionibus se ab eo abduci patiuntur.

XXVI. Persecutionum Christi nomine, pudere nos non debet: quia notæ sunt filiorum Dei.

Reliqua consecraria suis locis explicata sunt, Galat. 1.

## FINIS Explicationis Epistolæ AD GALATAS.

## EPISTOLÆ

## PAULI APOSTOLI

## AD

## PHILIPPENSES

## EXPLICATIO.

## CAPUT PRIMUM.

**E**pistolam Pauli ad Philippenſes explicaturi, à descriptione, & partitione ordiemur: ut eo melius intelligatur. Ac descriptionem quidem hanc non incommodam opinamur: *Epistola hæc est paræneticum N. T. scriptum, per Epaphroditum missum, quo Paulus Apostolus, Romæ, primâ vice, vincit, Philippenſium Ecclesiam, à se, divinâ vocatione, primam fundatam; ac deinde adversus hostium persecutiones, malaque exempla, & Pseudo-Apostolorum insidiosas corruptelas, & factiones, in vera fide, & charitate, præsertim erga Paulum, constantem, in officio confirmat; & ad perseverantiam, in utroque, hortatur: ad illius salutem, gratitudinis suæ testificationem, perpetuam totius Ecclesiæ institutionem, & gratiæ divinæ gloriam.* Qua descriptione ea complexi sumus, quæ potissimum huic epistolæ erant præmittenda: & ut reliqua omittam (alibi à nobis explicata) causam instrumentalem, cum circumstantiis loci, temporis, ac tabellarii, objectum, occasionem & scopum. *Causa instrumentalis* est Paulus, de quo Acta, & cap. 3. ad Philipp. *Locus*, est Roma, Phil. 1. 13. *Tempus*, cum in vinculis esset, de quibus Act. 28. & quidem primâ vice, qua liberatus est, Phil. 1. v. 25. non secunda, quâ cæsus, 2. Tim. 4. v. 6. *Tabellarius* est Epaphroditus, Philippenſium fidissimus pastor, Phil. 2. v. 25. ad finem usque, & cap. 4. v. 18. *Objectum* est Philippenſium Ecclesia, cui Epistolam destinavit, ac mittit. Philippenſes autem dicuntur, qui Philippos, urbem, à Philippo Ale-

xandri Magni Patre, in Thraciæ finibus, conditam, & cognominatam, incolebant. Cujus elegans descriptio extat, apud Appianum Alexandrinum, de bello civili lib. 4. 13. & Act. 16. v. 12. *prima, partis illius Macedoniae, urbs, colonia dicitur.* Ac Macedonia quidem ascribitur, ratione conditoris, & domini: quemadmodum etiam Neapolis, hæc remotior, à Ptolomæo tabula 10. Europæ; sed diversè à Plinio lib. 4. c. 11. Thraciæ annumeratur, ratione situs: quia Strymone fluvio, antiquo, & communi, Macedoniae, & Thraciæ, termino huic includitur. Sed difficultas aliqua in eo est, quo modo à Luca, *prima Macedoniae*, dicatur; cum à Ptolomæo Neapolis, & Amphipolis præponantur. Respondent nonnulli *primam* vocari, non absolutè, ratione domini, sed ratione situs, & antiqui termini Strymonis, cis quem, in Macedonia, proximè sita fuit. Sed obstat Appianus Alexandrinus, qui de bello civili lib. 4. c. 13. aperte ostendit, non cis, sed ultra Strymonem fuisse; & Plinius lib. 4. cap. 11. qui Thraciæ annumerat. Nam quod author dictionarii historici, Plinius, de aliis Philippis, loqui tradit; historiæ collatione confutatur. Duæ igitur sunt reliquæ, & probabiles solutiones: una est, *primam* dici urbem, non absolutè, sed relatè, ac per appositionem, nempe coloniam. Nam plures fuisse, in Macedonia, hujusmodi colonias, etiam ex Plinio apparet. Altera solutio est, *primam* illius tractus urbem dici, non situ, sed dignitate: ac propterea Paulus eam, *primam*, Euangelio prædicando, sibi delegit;



delegit; ibique Ecclesiam, visione divinâ, in Macedoniam vocatus, fundavit; & perpeffione crucis obfignavit: nominatim verò Lydiam, & carceris custodem, cum familiis; aliosque ad Christum convertit, Aët. 16. Inter quos, Chryfostomus, in præfatione hujus epistolæ, synagogæ præfectum, errore quodam memoriæ (cùm hujus conversio Corinthi contigerit Aët. 18.) recenset. Hæc autem Ecclesia, ita postea excrevit, ut non uno, sed pluribus uteretur Evangelii ministris cap. 1. v. 1. & 2. v. 25. Sed, ut ab objecto epistolæ, ad *occasionem* transeamus, ea fuit triplicis generis. Ac *primum* quidem Ecclesiæ periculum varium, partim à scandalo externo infidelium; qui & persecutione Ecclesiæ, fidem c. 1. v. 28. & malo exemplo, charitatem oppugnabant c. 2. v. 15. partim ab interno scandalo falsorum fratrum, & doctorum; qui, insidiosâ Evangelii depravatione, & factionibus suis, fidem Ecclesiæ adulterare, ejusque fundatorem Paulum, in contemptum adducere; & Ecclesiæ charitatem, ac pacem turbare moliebantur, c. 3. *Alterum* occasionis genus, fuit laudabilis Philippensium, in utroque, adversus infidelium vim, & falsorum doctorum technas, constantia, cap. 1. vers. 5. & 2. v. 15. *Tertia occasio*, fuit singularis Philippensium erga Paulum amor, & gratitudo, ac liberalitas eximia; quâ ipsum, cum aliâs, tum in vinculis, misso ad eum Epaphrodito, dilecto pastore suo, donis cumulârunt, & explerunt c. 2. v. 25. & 4. 15. ad 19. Ex quibus occasionibus *scopus*, & *finis* epistolæ elucet. Proximus enim est: partim Philippensium Ecclesiæ, in verâ fide, & charitate, confirmatio, ac perseverantia: partim gratitudinis Pauli, erga eam, declaratio. Remotus scopus est, cùm perpetua totius Ecclesiæ institutio (quia hæc epistola, pars Sacræ Scripturæ) tum consequens, ex ea, gratiæ divinæ gloria. Atque hæc de hujus epistolæ descriptione, illicque quæ illâ continentur, nempe, causa instrumentali, loco, tempore, tabellario, objecto, occasione, denique scopo. Superest nunc ut ad partitionem transeamus. Dividitur autem (ut reliquæ ferè epistolæ) in *Præfationem* c. 1. 1. & 2. *Tractationem rei*, à capitis primi v. 3. ad capitis quarti v. 21. & *Conclusionem*, inde ad finem epistolæ.

Ac *Præfatio*, inscriptione, & salutatione solitâ, absolvitur. Illa causam instrumentalem, & objectum epistolæ (seu quis, & quibus scribat) ostendit, v. 1. Ac de priori egimus alibi sæpius. Ad alterum quod attinet, scribit Ecclesiæ Philippensi, de qua modo differuimus; quam inductione partium, quod alibi non ita facit, exprimit: ut eo distinctius totam Ecclesiam confirmet, & suam, erga illam, declaret gratitudinem. Eam enim dividit in auditores fideles; & in ministros Dei, Ecclesiæ præfectos. Et illos quidem vocat *sanctos*, nimirum, quod ex impuro, ac profano mundo segregati, & Deo consecrati, ac sanctificati essent: partim sanctitate externâ, per verbum Dei, tanquam fœderis tabulas; & sacramenta, tanquam ejusdem sigilla; partim sanctitate interna duplici. Quarum prior est, sanctitas perfecta Christi capitis, quæ nostra fit, imputatione gratuitâ, per justificationem: altera verò inchoata, & imperfecta est, quæ nobis inhæret, per Spiritus Christi sanctificationem, & regenerationem, quâ de re ad Colossenses pluribus. Altera Ecclesiæ pars, sunt ministri Dei, Ecclesiæ præfecti; quos *episcopos*, & *diaconos* vocat, non *ovarii* (ut veteres multi exponunt) sed potius distinctè. Quemadmodum enim Episcopus non præfectum pastorum (aliâs in una urbe non fuissent plures) sed *speculatorem*, seu *præfectum aliis*, hoc in loco, puta Ecclesiæ pastorem, notat: sic diaconus, hoc est, *minister*, synecdochicè, *ararii Ecclesiastici*, & *pauperum curatorem*, designat, ut Aët. 6. & 1. Tim. 3. v. 1. 8. sicut etiam, ex scopo epistolæ, & hujus loci, colligi potest. Atque huic inscriptioni additur salutatio Evangelica, v. 2. quæ alibi à nobis declarata est. Atque hæc de præfatione, prima hujus epistolæ parte. Cui altera succedit, nempe *Tractatio rei* propositæ: cujus occasionem, & scopum initio exposuimus. Constat autem tribus membris, Exordium, variarum hortationum propositione, & gratiarum actione, pro Philippensium, erga Paulum, liberalitate. Et *Exordium* quidem, ad benevo-

lentiam, attentionem, & docilitatem, ut res arguit, accommodatissimum, insignia, ad scopum Epistolæ, argumenta complectitur, narratione duplici. Quarum priori, Apostolus, suum erga Philipp. amorem, ex effectis propriis, & testimonio divino, confirmat. Primum effectum est, Dei, pro illis, invocatio gemina nempe gratiarum actio, pro eorum fidei, qua Evangelii participes facti erant, initio, & constantia, v. 3. & 5. & precatio: quæ generatim ponitur, & adjuncta communi totius invocationis causa, illustratur; nempe, gaudio, & gratulatione ob hanc eorum pietatem, v. 4. Alterum effectum, est spes bona de Philipp. perseverantia, in fide: quam declarat, ab auctore, Deo, ut humiles & grati sint; & confirmat tribus argumentis. Quorum primum est, v. 6. à fidei (quam *bonum Dei opus* vocat) principio. Cujus adjunctum consequens, & proprium est, perseverantia, Joan. 10. v. 28. & 1. Pet. 1. 5. Cujus notitia spei hujus causa est. Alterum argumentum, est à Pauli in Philippenses amore: cujus proprium officium est, bene de fidelibus sperare, v. 7. 1. Cor. 13. v. 7. Quem amorem declarat à causa adjuvante, nempe eorum cum Paulo, in vinculis, & Evangelii defensione & confirmatione (quæ duo *gratiam suam* metonymicè vocat) participatione, v. 7. Participarunt autem primum approbatione, deinde adjumento, partim precum; partim donorum, c. 4. v. 14. denique imitatione, ut colligitur ex v. 29. & 30. Atque hoc tertium est propositæ spei argumentum, v. 7. Cœterum qualis hæc spes fuerit, quæri potest, certane & necessaria, an verò incerta & probabilis tantum? Nam utrumque diverso modo dici potest. Paulus enim hoc in loco, aut loquitur de singulis externæ illius Ecclesiæ membris: aut de solis verè fidelibus. Si de posterioribus agit, facilis est solutio: spem habuisse certam, ex judicio fidei suæ, secundum communem revelationem verbi divini, quo verbo, omnibus, & singulis verè fidelibus, perseverantia, & salus promittitur. Sin verò de prioribus loquatur, spes fuerit, aut certa omnino ex judicio fidei, si adfuerit revelatio, non solum indefinita, ut Aët. 16. v. 9. sed etiam specialis, ac definita, de singulis Ecclesiæ illius membris (quod non videtur credibile, cùm exemplo careat) aut non prorsus certa, sed valdè probabilis, ex judicio charitatis: quo in probabilibus, imò etiam in dubiis, in meliorem partem judicare, & optimè de vocatis sentire tenemur. 1. Cor. 13. v. 7. Quæ altera hujus loci non contemnenda est sententia: atque ita de omnibus, hoc est, singulis bene speravit, non ex simplici judicio fidei (quod errare non potest, quia veritate revelationis divinæ communis, per verbum; aut specialis, per Spiritum, nititur,) sed mixto cum judicio charitatis, quæ errare potest, quia sola rei probabilitate, & æquitate nititur. Nam quamvis propositio major (quæ prima judicii est hypothesis, ac fundamentum primum) sit ex fide, ac certa, nempe hæc: In quibuscunque Deus, bonum, fidei & charitatis, opus incepit, in iis hoc perficiet: nihilominus tamen assumptio hæc, sive minor, nempe in vobis omnibus, id est, singulis, Deus bonum fidei, & charitatis, opus incepit (quæ secunda est hypothesis) judicio charitatis nititur, & probabilis tantum est; quia ex effectis probabilibus colligitur. Atque ita v. 7. hoc videtur innuere, cùm ait: *quemadmodum justum est, ut hoc de vobis sentiam*. Nam externa vivæ fidei, & charitatis effecta, quæ sensibus externis percipiuntur, non sunt fidelibus propria; sed hypocritis, in Ecclesia latentibus, communia: ideoque, vel hac ratione, nihil perseverantiæ sanctorum decedit, ut ex primo conclusionis fundamento immobili liquet. Atque hæc de propriis amoris Pauli erga Philippenses effectis. Quibus additur amoris aperta declaratio, & à testimonio divino (quod juramento continetur) confirmatio, v. 8. Cui annectitur precationis repetitio, & illustratio, à materia, nempe incremento charitatis, & cognitionis, omnisque sensus, hoc est, experientiæ, v. 9. Quæ duo à finibus suis, distinctè illustrantur: Et quidem cognitionis, & sensus finis proximus est, discrimen veri & falsi, boni & mali, Hebr. 5. v. 14. Remotus est sinceritas in fide & perseverantia, v. 10. Finis verò charitatis, est copia bonorum operum: Quæ à causa

causa efficiente Christo, & sine suo, Dei gloria describuntur. v. 11. Atque hæc de prima exordii parte ac narratione, quæ Philippenſium laudes; & Pauli, erga eos, amorem, declaravit. Sequitur nunc altera pars, & narratio, quæ eventum felicem vinculoꝝ Pauli describit. Cujus scopus est partim consolatio adversus dolorem eorum, ex Romana Apostoli captivitate conceptum; & contra solitudinem de vita illius, & Evangelii progressu, v. 12. partim imitatio constantiæ, & fidei, v. 27. & 30. Partes verò narrationis sunt duæ.

Nam eventum felicem in vinculis describit triplicem, nempe progressum Evangelii à v. 12. ad 18. Deinde Pauli gaudium, & constantiam à 18. ad 25. denique liberationem ejusdem à vinculis Prophetiæ quædam prænunciat, vers. 25. & 26. Ac primus eventus generatim proponitur, vers. 12. & exponitur sequentibus speciatim, conversione infidelium, & confirmatione aliorum ad Evangelium prædicandum. Quorum prius innuitur, v. 13. Ait enim *vincula sua celebrata esse in toto prætorio*, hoc est, aula Cæsaris. Quomodo per metonymiam, ac metalepsin, ex antecedenti, consequentem quorundam conversionem indicat: de qua cap. 4. vers. 21. Et à causa principali, ad Dei gloriam, & modestiæ Christianæ significationem, illustrat, cum ait, *in Christo*, id est, per Christum. Nam quod plerique aliter construentes exponunt *vincula in Christo*, id est propter Christum, illud vocum ordini non satis quadrat.

Confirmatio verò aliorum ad Evangelium prædicandum est duplex: proborum & improborum. Et de illâ quidem agit primum absolute; & deinde cum hac, comparatè, & oppositè. Absolute, cum docet fratres, id est, fideles, ac probos, vinculis suis, hoc est, eventu vinculoꝝ felici (nempe Pauli constantiâ, in Evangelio defendendo, & fructibus constantiæ, conversione multorum) Domino confisos, majori *ὑπομνήσας* Evangelii sermonem annuntiasse, v. 14. Comparet verò; cum anticipatione quadam, & ad amplificationem opponit improborum hypocritarum prædicationi, insigni comparatione, & antithesi: quam ponit, v. 15. & exponit, v. 16. & 17. Comparatio, & convenientia est, quod utrique Christum prædicarent: Antithesis verò est in contrariis causis, impulsivis, & finalibus. Impulsiva enim, in improbis, & hypocritis, fuit non amor erga Christum, Ecclesiam, Paulum: sed invidia, & contendendi studium: Finis verò fuit, ut adderent afflictionem vinculis Pauli. Sed quonam modo id factum sit, diversa est doctorum opinio. Quidam conjiciunt eos, hac sua libera prædicatione, voluisse ostendere, ac vulgo persuadere, Paulum non Evangelii nomine, (quippe quod ipsi impunè annuntiarent) sed suo vitio, & intemperie, in vinculis detineri. Chrysost. verò, quem alii multi sequuntur, ait: eos Evangelium prædicasse liberè, ut ea occasione, aucta Neronis, ob Evangelii propagationem, irâ, Paulus, tanquam totius rei caput, gravius affligeretur. Theodoretus verò, paulò audacius addit, eos, forum impudenter obeuntes, Christum prædicasse, ut Paulo periculum majus crearent. Alii denique nihil affirmant, sed, modestè sese hujus afflictionis modum ignorare profitentur, quod videlicet hujus historiæ circumstantiæ nos lateant. Quorum ingenuitatem, uti magis probamus; ita probabilis omnino est Chrysost. sententia: Eos studuisse partim Pauli animum irritare; partim novam majoris persecutionis illius occasionem suppeditare hostibus, cum Neroni, tum Judeis accusatoribus. Unde dicuntur prædicasse *non pure*, ratione scilicet causæ efficientis impulsivæ, & finalis: Quod (ut eleganter ait Theodoretus) bona, non benè docerent, id est, bonam & puram doctrinam, malo & impuro animo: ut etiam ex vers. 18. apparet. Alioquin si doctrina eorum, non solum animo; sed etiam materiâ fuisset impura: Paulus eâ re non fuisset gavisus; sed merito offensus & graviter, pro fide, & more suo, reprehendisset. Cæterum huic impuro hypocritarum animo, aliorum, ac proborum fratrum puritas opponitur, in causa impulsiva, quod moverentur *ἰουδαῖα*, seu propensa, erga Christum, & Ecclesiam, voluntate, & charitate erga Paulum. Quæ charitas, à causa

adjuvante, nimirum conscientia, seu notitia officii, & sinceritatis Pauli, illustratur, quod ipsum, divina providentia vocatum, & in vincula conjectum, nossent, ut Evangelium Romæ defenderet, Act. 23. v. 11. Qua ratione, finis etiam prædicationis purus innuitur, nempe quod non studuerint Paulum (ut ab hypocritis fiebat impurè) afflictum amplius affligere, sed contra in Evangelii defensione, & propugnatione fideliter juvare. Ex quibus omnibus verum esse apparet, quod initio generatim dictum est, quæ Paulo in vinculis acciderunt, magis ad Evangelii profectum evenisse: qui prior vinculoꝝ ejus est eventus; Alter verò ex priori consequens, est Pauli, contra hypocritarum opinionem, & technas, gaudium, & in omnibus constantia. Quem eventum, anticipatione quadam objectionis, & ellipsi, antecedentibus connectit. Quæri enim posset: *quid igitur sit*, aut *quid dices*? Nonne afflictionem, ac dolorem addunt vinculis tuis hypocritæ suo conatu, & ita Evangelii profectum impediunt? Respondet, imò *gaudeo & gaudebo*: & causas duas adfert. Quarum una exitit, in externo facto hypocritarum, quod, per se, suoque genere consideratum, erat bonum: altera verò sita est in consilii, & conatus mali ipsorum, fructu bono, per accidens benignæ providentiæ divinæ. Et prior quidem causa, est Christi annuntiatio, seu Evangelii pura prædicatione. Quamvis enim hypocritæ, malo animo, docerent, doctrina tamen erat bona, ut ostendimus: & Ecclesiæ utilis: eoque nomine justam gaudii materiam præbebat. Neque hinc tamen in ministrorum Evangelii vocatione *ἀποδείξις* probari potest: quia Paulus hinc non præceptum de vocatione tradit: sed rem gestam narrat, & doctrinæ utilitatem probat. Neque hosce dicitur vocasse ad ministerium; sed docentes puram doctrinam, prudenter tulit, quod impuritas animi, simulationis velo tecta, nondum posset legitime convinci, nec ignoranti Ecclesiæ nocere. Hæc de vers. 18. Altera gaudii in Paulo causa, est consilii, & conatus mali horum hypocritarum, fructus bonus, seu eventus utilis, per accidens Dei providentiæ: quæ ut omnes res adversas ad salutem fidelium convertit, Rom. 8. v. 28. sic etiam ad Pauli. Unde dicit, *se id nosse*, nempe per fidem, ex Dei verbo, & promissione, cum generali, tum singulari, Act. 9. v. 15. & 23. v. 11. Cæterum hanc salutem describit à causis efficientibus per se partim remota, & instrumentali, precibus Philippenſium: partim propinqua, & principali, Spiritus S. gratiâ v. 19. Atque hanc salutis suæ notitiam illustrat, ac confirmat Apostolus. Ac primò notitiæ causas adjuvantes adfert duas, nim. 1. *spem* Christianam; quam, eleganti metaphorâ, *ἀποδοξίας ἐξέσπεκτικὴν* vocat, ut Rom. 8. v. 19. quæ, cum Dei promissione nitatur, falli non potest, Rom. 5. v. 5. Deinde superiorum temporum experientiam, quæ etiam spem confirmat, Rom. 5. v. 4. & salutem (quæ spei, & experientiæ subjecta materia est) declarat, remotione contrarii falsi, & positione veri: nempe, *quod non pudefiet*, hoc est, per Metonymiam consequentis effecti, quod à constanti Evangelii prædicatione, & gloriæ Christi illustratione (à qua hostes & hypocritæ ipsum deturbare moliebantur) non esset declinaturus: sed contrà, libera & constanti confessione, *Christum esset magnificaturus*, id est, glorificaturus, *sive viveret*, nempe per prædicationem Christi, & tolerantiam crucis, propter nomen illius: *sive moreretur*, scilicet per martyrium, propter Christum, & ipsius præsentie, ac gloriæ participationem, v. 20. Cujus constantiæ, qua sese ad utrumque, seu vitam, seu mortem, paratum esse profitetur, rationem affert: quod *ipsi Christus* utrimque *& in vita, & in morte sit lucrum*: hoc est, non aliud lucrum capet, quàm Christi gratiam, & gloriam. Nam verba Pauli *ἀποὶ γὰρ τὸ ζῆν Χριστός, καὶ τὸ ἀποθανεῖν αὐτοῦ* optimè à nostro interprete (quem Belgica nostra versio secuta est) redditur: *Mibi enim est Christus & in vita & in morte lucrum*: ut Christus sit subjectum utrimque, non autem attributum prioris membri; & ut sit usitata ellipsis vocis *κατὰ* pro *κατὰ τὸ ζῆν*: item *κατὰ τὸ ἀποθανεῖν*: ut eruditè Clarissimus Beza docet, non solum illud esse in usu; sed etiam Atticismum esse non ignobilem. Quam constructionem circumstantia antecedentium, & conse-

consequentium demonstrat. Hæc de v. 21. Quæ ratio, digressione perquam accommodata, ad constantiam ipsius, & singularis amoris, erga Ecclesiam, testificationem, & ad Ecclesiæ consolationem, illustratur: siquidem Apostolus, dubitationem suam, de vitæ, aut mortis desiderio, proponit, cum ait: *utrum verò vivere in carne mihi sit operæ precium* (supple, majus, quàm mori) (*& quid eligam, ignoro*, v. 22. Et rationibus, ab utilitate ductis utrimque, distinctè exponit. Ac mortem sibi utiliore esse ostendit, ob liberationem à corpore mortali; & conjunctionem cum corpore Christi glorioso, vers. 23. Vitam verò suam magis necessariam, ad Ecclesiæ Philippensis non minùs, quàm aliarum, in verâ fide, confirmationem, v. 24. Atque ita, eleganti transiitione, à secundo vinculorum eventu, ad tertium progreditur, nempe prophetiam liberationis suæ, ex primâ hac captivitate Romana, & reditus sui ad Philippenses: quæ, veterum Patrum, & recentium Interpretum plurium sententia, efficacibus illis Pauli verbis; *confisus novi*, nititur: & contrariæ opinionis solida defunt fundamenta. Nam quod clariss. Beza ait, *confisus novi*, non peculiarem revelationem indicare, sed probabilem, ex custodia militari conceptam, spem: illud, inquam, bona cum venia, neque verborum vi, neque sequentibus versibus 25. & 26. satis convenit. Neque etiam id apparet (ut vir doctissim. objicit) ex cap. 2. v. 17. quia, ut illum locum ipsemet ibidem exponit, perinde est, ac si diceret: sibi nihil posse jucundius accidere, quàm si ipse, morte sua, sacrificium hoc Philippensium sanciret. Deinde sequentia etiam capite 2. vers. 24. idem ostendunt, cum ait: *confido autem in Domino, quod ipse brevi venturus sum*. Ex quo liquet, Paulum v. 17. suam absentiam perpetuam, & martyrium Romæ non prædixisse, alioqui sibi ipsi contradiceret. Deinde observandum est, fiduciæ causam efficientem, hoc in loco, exponi, cum ait: *in Domino*, id est, per Dominum Christum: ut Rom. 14. v. 14. *Novi & persuasus in Domino*, id est, per Dominum ex verbo ipsius, *nihil per se, esse immundum*, & Gal. 5. vers. 10. *Ego confido de vobis, in Domino*, & 2. Thes. 3. v. 4. *Confidimus autem in Domino*, (Et ut Beza hîc vertit per Dominum) *de vobis*, nempe verbo Domini, revelatione specialit: cujus etiam indicium, 2. Thes. 2. v. 13. 14. ubi electionem illorum asserit. Nam quod D. Beza exponit, *is vobis, si Deus voluerit*: Illud neque loci hujus circumstantiis; neque phrasi videtur convenire.

Nam Paulus non ait: Ego confido fore, ut cito veniam in Domino; sed ait: *confido in Domino, quod etiam ipse citò veniam*. Quo liberationem, per Dominum, certam ostendit, à quo id cognoverit, quique fiduciæ illius author. Quam liberationem describit Apostolus, à finibus suis, profectu fidei, & gaudio inde promanante, v. 25. & gloriatione Philippensium in Christo, de precum suarum ex auditione, & gratiosa Pauli præsentia, v. 26. Hactenus prima tractationis hujus Epistolæ pars (nempe Exordium, duplici narratione constans) explicata est. Cui altera jam succedit, quæ variarum hortationum propositione constat à v. 26. ad cap. 4. v. 10. Ac primùm hortatio summa, & universalis, eleganti transiitione (tanquam gloriationis præmissæ, ac promissæ, conditio) proponitur. *Tantum, inquit, dignè, hoc est, convenienter, Evangelio vos gerite*. Quæ universalis hortatio, inductione quadam subjectarum hortationum exponitur ad c. 4. v. 8. & ibidem concluditur, v. 8. & 9. Hortationes autem subjectæ sunt partim generales ad capitis 4. vers. 2. partim particulares, sequentibus. Ac generales quidem sunt tres. Hortatur enim Apostolus ad unitatem, & consensionem: ad perseverantiam in fide; & ad rejectionem pseudoapostolorum. Quæ bona ipsis antè precatus est, v. 9. & 10. Ac consensionem, & unitatem quidem requirit duplicem, nempe *in Spiritu*, hoc est, intelligentia, & *in animo*, seu voluntate, hoc est, ut & sententiis, & amore conjuncti sint. Perseverantiam verò in fide præcipit, primùm eleganti metaphora ab athletis sumpta, per thesin, positionem recti, ut persistent per fidem Evangelii, unâ decertantes adversus hostes, & Evangelii persecutores. Quæ hortatio illustratur, ac confirmatur ab effectu, nimirum consolatione Pauli. Quæ per

metony. antecedentis cognitionis nomine innuitur. Deinde hortatio per remotionem contrarii amplificatur: *ne ulli in re, ab eis, qui se opponunt*, (id est, vos persequuntur) *terreamini*, ut Matth. 10. v. 31. Idque confirmat bifariam: primùm ab afflictionum eventu duplici, nimirum hostium affligentium exitio; & fidelium afflictorum salute, 2. Thes. 1. v. 5. Matth. 5. v. 10. Quam à causa efficiente, & impulsiva, & instrumentali, declarat, ad Philippensium in constantia; & humilitate, confirmationem. Causa efficiens est Deus, v. 28. Impulsiva est, non meritum eorum, sed gratia Dei, id est, gratuita Dei benevolentia. Instrumentalis, v. 29. est fides ac constantia illius in persecutionibus ferendis, ut 2. Thes. 1. v. 4. 5. Altera ratio est (qualis etiam extat Matth. 5. v. 10.) à simili exemplo; & quidem ipsius Pauli: cujus afflictionem, & constantiam & initio conversionis suæ viderant, Actor. 16. Et nunc, Paulo in vincula coniecto, ac detento, Romæ, eadem audiebant, v. 30.

## C O N S E C T A R I A. C A P. I.

I. CUM Paulus, & hîc, & alibi, ut Act. 20. Uni Ecclesiæ plures Episcopos tribuat; nec ullum, inter Episcopos ordinarios, & pastores, statuatur discrimen: sequitur, adversus Pontificios, Episcopum non significare pastorem, & præfectum Pastorum; sed Ecclesiæ pastorem, ut doctè Hiero. in epistola ad Euagrium, & commentariis ad Tit. probat, v. 1.

II. Charitatis Christianæ est, exemplo Pauli, semota superbia & invidia, non solum suis, sed etiam Ecclesiæ bonis serîo gaudere: eorumque honestam, & amicam facere mentionem.

III. Sic dotes nostræ, & aliorum agnoscendæ sunt; ut verè, ac dimissè, Deum eorum authorem esse, & conservatorem, fateamur: eique, pro initio, gratias agamus; eundemque, pro conservatione, & incremento, prece-mur, v. 3. 4. 5.

IV. Verè fidei est non solum Deum esse; sed etiam Deum suum esse, statuere, v. 3.

V. In fide, non solum cœpto, sed etiam constantia, & perseverantia opus est, v. 5. & 6.

VI. Bene de aliorum salute, ex charitatis officio, sperandum est, v. 6. & 7.

VII. Fidei causa efficiens, & perficiens est, Deus. Ideoque perperam liberi arbitrii viribus attribuitur, v. 6.

VIII. Christi martyres in Evangelii defensione adjuvare, laude, & amore dignum est, v. 7.

IX. Jurare ad Dei gloriam, & proximi utilitatem, non esse prohibitum, sancto Pauli exemplo, contra Anabaptistas, convincitur, v. 8.

X. Bona opera sunt fructus justitiæ, per Jesum Christum, ad gloriam, & laudem Dei, v. 11.

XI. Evangelium, persecutione hostium, non extinguitur; sed, Dei dirigentis gratia, magis accenditur, vers. 12. & 13.

XII. Martyrum constantia infirmiores, in officio, confirmat, v. 14.

XIII. Evangelium Dei docendum est non solum puro, sed etiam puro animo, nempe ex charitate in Christum, & Ecclesiam; & ad Christi gloriam, atque Ecclesiæ utilitatem, ac salutem, v. 15. & 17. Ac propterea male faciunt, qui in altero, aut in utroque peccant, vers. 15. & 16.

XIV. Evangelii prædicatione gaudendum est, quamvis impuro animo annuncietur, v. 18.

XV. Afflictiones piis sunt salutares, per preces Ecclesiæ, & Sp. S. gratiam, v. 19.

XVI. Spes fidelium certa est. Ideoque errant Pontificii, qui certam salutis fiduciam, audaciam nominant, v. 19. & 20.

XVII. Scopus vitæ nostræ esse debet, Christi gloria.

XVIII. Cum Christus, etiam in morte, fidelibus sit lucrum: non metuenda est mors; sed optanda potius, v. 21. 22. 23.

XIX. Cum,

XIX. Cùm, morte fidelium, anima, ex corpore, ad Christum, migret; impiè faciunt Pontificii, partim quod purgatorium lingunt; partim quod Christi corpus in terris esse, sub hostia, in Missa, statuunt, v. 23.

XX. Vita morti præferenda fidelibus, non quod nobis, sed quod proximo utilior: ideoque proximi salutem magis, quàm vitam nostram corporalem, diligere debemus, vers. 24. & 25.

XXI. Fides, & afflictiones, Euangelii causâ, sunt Dei dona, v. 29.

XXII. Non solum doctrinâ; sed etiam, suo exemplo, aliis præluce debet Ecclesiæ pastores,

## CAP. II.

Superiori capite, adhortatus est Apostolus Philippen. ad consensionem, & unitatem in fide & charitate Christiana, & ad tolerantiam, ac perseverantiam in cruce. Hoc verò capite secundo, prioris hortationis repetitio, & expositio gravissima continetur. Nam ad unitatem exstimulat, proposito effectu, & utilitate, quod hac ratione cœptum Pauli, ex Philippen. pietate, gaudium expleri possit, ac debeat, v. 2. Cujus consequentiæ confirmationem præmittit obtestatione patheticâ, v. 1. Porro hortationem illustrat, partim à remotione causæ corruptentis triplicis, nempe, *contentionis, ambitionis, elationis* seu amoris sui per versi: quo cum proximi neglectu, proprii honoris, & commodi tantum habetur ratio: partim à commendatione contrariæ causæ procreantis, quam duplicem ponit, animi humilitatem, & amorem, ac curam commodi alterius, v. 3. & 4. Atque hanc hortationem confirmat Apostolus, ab exemplo Domini nostri Jesu Christi, tanquam modeltiæ, & charitatis, perfectissimo, nobisque proposito divinitus, exemplari, v. 5. Enthymema Pauli est: Ea debet esse sententia vestra, quæ Christi. Ergo non vestra sed aliorum commoda potissimum debetis spectare. Consequentiam autem probat, à Christi effectis, elegantissima descriptione personæ, officii, & status duplicis Christi, nempe status humiliationis, v. 6. 7. 8. & exaltationis, v. 9. 10. 11. De cuius loci præstantissimi rectâ intelligentiâ, varix sunt interpretum, etiam orthodoxorum sententiæ. Quarum præcipuæ nobis examinandæ sunt. Ac consensio quidem est, partim in scopo, nempe, Paulum, charitatem, & humilitatem, commendare, ut perspicue ex v. 3. & 4. colligitur: partim in argumenti genere: Apostolum, ab exemplo charitatis, & humilitatis Christi, argumentari. Sed in aliis dissensio est. Ac primum in argumenti, cùm numero; tum modo: deinde in phrasium expositione. Quidam enim unicum numero, ab humiliatione filii Dei, in carne patefacti, argumentum adferri, putant; ac filium Dei non considerare, hoc in loco, tanquam incarnandum: sed tantummodo tanquam incarnatum. Quam ad rem quædam proferrunt argumenta, quæ distinctè, ac breviter expendenda sunt. Ac primum petitum est, à nominibus, quibus Paulus utitur, v. 5. nempe *Christus, Iesus*, quæ nomina Filio Dei, patefacto in carne, conveniunt propriè. Sed negatur consequentia, quia illa sunt nomina personæ Christi; ac propterea ita nominato Christo, quæ utrique aut alteri tantum naturæ, conveniunt, meritò attribui possunt, ut in simili loco, 2. Cor. 8. 9. Alterum agumentum, est à Pauli scopo deductum: qui instituit, imitandum Philippen. proponere exemplum Christi, tanquam vitæ regulam. Ergo considerat facta Christi, quæ in oculos incurrunt: in quorum numero non est incarnatio. Verum negatur Conseq. & loco illo, 2. Cor. 8. 9. confutatur: & ex ipsorum, qui hoc objectant, interpretatione. Tertium est à relatione exaltationis oppositæ. Apparet, inquiunt, Apostolum hîc loqui, de ea Christi humiliatione, quæ per exaltationem ejusdem, sublata est. At incarnatio per eam sublata non est; quippe quæ in æternum manet. Ergo de ea non agit. Sed propositionem, exclusive sumptam, negamus. Nam exaltatio opponitur quidem humiliationi; non autem universè, sed secundum quid, nempe humiliationi, conditionis humanæ naturæ: ut ex seq. elucebit. Quare statui-

mus, Paulum, hoc in loco, non considerare Filium Dei tantum incarnatum, sed etiam incarnandum: nec unicum tantum humiliationis genus, sed duplex constituere. Quorum ut alterum consistit, in incarnati humiliatione: sic prius situm est, in incarnatione, & modo illius. Nam cùm in incarnatione Filii Dei, singulare consistat, charitatis, & humilitatis exemplum; non est sanè verisimile, Paulum, hoc in loco, ubi de eo argumento accuratissimè tractat, fuisse præteritum: præsertim cum alibi (ubi non erat adeo necessarium) eodem utatur, 2. Cor. 8. 9. *Iesus Christus, cum dives esset, propter nos pauper factus est.* Quem locum, de Filii Dei incarnatione, & incarnati statu, exponunt etiam illi, quorum sententiam, veritatis studio, nunc excutimus. Quemadmodum etiam Erasmus exposuit, & alii quidam, qui hunc locum minus aptè interpretantur. Verum hæc planius, & plenius, ex particulari Phrasium expositione, constabunt. Ac potissimum in controversia versatur, quid *forma Dei*, quid *forma servi*, hoc in loco, significant: deinde quid sit, *non rapinam duxit parem esse cum Deo*: de quibus, ordine, agendum est, Ad prius quod attinet; consensio est in eo, quod vocem *formæ*, in utraque phrasi, eodem modo, accipiendam existimant: ac propterea eo, tanquam communi hypothesi (quamvis variè accommodata) in speciali expositione, omnes utuntur, tam hæretici, quam orthodoxi. Altera consensio est inter orthodoxos, nimirum *formæ* voce, utrimque demonstrari naturam, & essentiam: sed dissensio est in modo. Veteres enim Patres, unanimi consensu, essentiam primùm, ac directè denotari, asserunt: alii verò primariò non essentiam, sed illius conditionem, seu statum proprium (id est, soli illi convenientem.) Verum secundariò & indirectè (hoc est, consequentiæ vi) essentiam connotari, arbitrantur. Posita enim rei proprietate, res ipsa apponitur. Atque hanc sententiam tuentur nonnulli recentiores, & ex veteribus commentarii dubii authoris, qui Ambrosio ascribuntur, ad hanc epistolam. Nam Ambrosius tom. 4. de fide, ad Gratianum lib. 2. cap. 4. communem (quam antè attulimus) reliquorum Patrum expositionem probat: & aperit lib. 7. epistolarum, epistolâ 47. ad Irenæum, ait: *Quid est in forma Dei? in naturâ Dei.* Et (quod vulgò non observatur) addit, proximè sequentibus verbis, rationem hujus phrasios, cur non dixerit Apostolus, cùm esset Deus: sed in forma Dei. *Sunt enim; ait Apostolus, qui non sunt natura dii. Quæro quid sit formam servi accipiens? sine dubio perfectionem naturæ, & conditionis, ut dixi, humanæ.* Et paulò ante: *quid est in Dei forma, nisi in plenitudine divinitatis. In illa perfectionis divinæ expressione. Ergo cum esset in plenitudine divinitatis, examinavit se, & accepit plenitudinem naturæ & perfectionis humanæ: sicut nihil deerat, ita nec hominis consummationi, ut esset perfectus, in utraque forma.* Hæc ille. Sed obijciuntur, adversus hanc sententiam, quædam argumenta. Primùm (inquiunt) hæc formæ, pro naturâ, significatio, non Apostolica est, sed Philosophica, populoque cui hæc scripta sunt, ignota. Sed contrâ colligitur, non solum ex veterum Patrum testimoniis; sed etiam ex conjugata voce (quamvis subsit metaphora) Gal. 4. v. 19. *Filioli mei, vos iterum parturio, donec formetur Christus in vobis.* Deinde ex synonymis idem apparet: qualia sunt, quæ de Christo dicuntur, *imago Dei*, nempe essentialis, Col. 1. v. 15. *Character hypostaseos Patris*, Hebr. 1. v. 3. Alterum argumentum, ex cohærentiâ sententiæ, vers. 7. & 8. petitum est. Hæc tria; nempe formam, similitudinem, figuram rem unam eandemque significare. Fateor id alibi verum esse posse, ut Marc. 16. v. 12. dicitur, Christum apparuisse alia forma: sed tamen, hoc in loco, distinctionem adhibendam esse sequentibus ostendetur. Tertium à pari est deductum, secundum communem interpretum hypothesein: si forma servi denotat non naturam, sed conditionem humanam; forma Dei, non naturam, sed conditionem divinam significabit. At verum prius. Quod quia negari poterat, comprobant novo syllogismo. Formam, inquiunt, servi, Christus deposuit, exaltatione, quia factus est Dominus dominantium. Atqui naturam humanam non deposuit. Ergo ea non est forma servi.



servi. Sed propositionem negamus: Formam enim servi, quam, semel, hic assumpsisse dicitur, nunquam deposuit; sed tantum humiliationem illius formæ; hoc est, non naturam; sed naturæ infirmitates, & servilem conditionem deposuisse dicitur: qua inter homines abjectus erat, paupertati, contumeliis, perpeffionibusque aliis variè obnoxius. Nec illa inter se pugnant simpliciter, servum esse, & Dominum; quia non dicuntur secundum idem, nec ad idem: quandoquidem Christus servus est, ac manet, relatè ad Patrem, secundum humanam naturam, & ratione officii: quibus modis, œconomia quadam, seu voluntaria dispositione, Patre minor, & servus factus est, ac dicitur, Esa. 42. v. 1. & 49. v. 6. Dominus autem est, relatè ad creaturas, secundum utramque naturam: sed diverso modo, secundum divinam naturam infinitè, & per se, jure creationis, & providentiæ sustentantis, & gubernantis: secundum humanam verò, finitè, quatenus ea, propter unionem personalem cum *Abp.*, & per obedientiæ viam (ut postea ostendetur ab Apostolo) omnibus creaturis, cum imperio, proposita est. Quare his difficultatibus expeditis, concludimus: *formam*, hoc in loco, non solam externam conditionem: sed plenam, perfectamque essentiam, & naturam designare. Verum non immerito quæri potest, an nomen *Dei*, hoc in loco, sumendum sit essentialiter, per appositionem: an verò personaliter, & relatè. Quidam enim priori modo, formam Dei, essentiam divinam interpretantur: Alii posteriori, formam Patris intelligunt. Utraque sententia pia, ac probabilis est. Posterior tamen videtur accommodatior, ut sequentibus indicatur; cum dicitur: *æqualis Deo*, sc. Patri. Nam æqualitatis vocem relatam esse, non absolutam, constat. Et sic *forma servi* exponi potest, natura humana, quæ Deo subdita, ac serva est: vel relatè cum hominibus (qui servi sunt) communis; ut Rom. 8. v. 3. Heb. 2. v. 14. & 17. Quæ expositio superiori membro plenius quadrat. In qua voce emphasis est seu efficacia observanda. Nam forma Dei essentiam, & naturam Dei notat; sed forma servi, etiam conditionem, & statum naturæ, ad serviendum destinatæ, simul designat: ideoque maluit Apostolus dicere formam servi, quàm formam hominis: ut per hanc vocem, præter naturam humanam, conditionem quoque indicaret, ad majus humiliationis incrementum. Atque hæc de prima phrasi, nempe *forma Dei*, & *forma servi*. Altera verò est, *non rapinam arbitratus est, æqualem esse Deo*. De cujus sensu, non minus diversa sunt judicia interpretum: quorum selectiora expendemus. Quidam enim exponunt, *non arbitratus est rapinam*, i. e. non rapuit. Quam interpretationem, adversus orthodoxos, Ariani olim proferebant: ut apparet ex Chrysostomo hom. 6. 7. in hanc epistolam: & Maximini Ariani verbis, apud August. contra eundem l. 1. Quam interpretationem Chrysostomus, & qui eum secuti sunt, Patres, rejiciunt. Sed tamen quidam è nostris secuti sunt, sanctiore, quàm Ariani, sententia: & ostendunt esse periphrasin Græcam, *arbitrari rapinam*, pro, *rapere*. Qualis apud Thucydidem, l. 8. *ἐκ τῆς ἀπορίας τῆς ἀπορίας*, *vasa rapinam faciens*, pro, *rapiens*. Atque hic fortasse locus est, quem quidam Theologus inhuic, cum monet, hanc phrasin Paulinam, eodem sensu, apud Thucyd. extare. Veruntamen diversa est verborum ratio, & constructio: nisi statuamus, in hoc Pauli loco, esse non solum periphrasin illam, sed etiam ellipsin verbi *facere*: ut sit sensus: non arbitratus est, rapinam faciendam: ut August. contra Maxim. l. 2. c. 5. Maximini interpretationem illam, cujus modo meminimus, exponit: eamque Samosatēniani, hodierno tempore, sequuntur. Sed ellipsis hæc insolentior est, quemadmodum & alia quorundam interpretatio, *ἡν ὁ κύριος δούξιν*, pro, *induxit in animum*, seu *constituit facere rapinam*. Nam an hæc verbi *ἡν ὁ κύριος* significatio, idoneis authoribus probari possit, valde dubito; præsertim cum diligentissimi lexicographi eam omittant; diligentiores auditores ampliùs inquirent. Ut ut sit, præterquam quod hæc interpretationes minus cum proprietate linguæ videntur congruere, sententiam etiam continent, partim impiam, partim alieniorem. Nam Ariani ita impie exponēbant: cum Christus esset in

forma Dei, i. e. Deus inferior: non rapuit, ut magno, & majori Deo æqualis esset: quod S. L. omninò repugnat, quæ Deum unum tantum, eumque magnum, i. e. omnipotentem agnoscunt; & Filium Patri æqualem, Ioan. 5. vers. 18. Plura si quis desideret, ad pleniorē hujus hæreseos refutationem, Chrysost. in commentariis ad hunc locum, hom. 6. & 7. consulat. Deinde impurior etiam Samosatēnianorum expositio est: quæ filium merum hominem, non autem Deum æternum statuit. Orthodoxorum verò sententiæ variæ sunt. Quidam enim rapinam exponunt, usum potentiæ, contra vocationem. Alii verò æqualitatem, cum Patre, perpetuam, nempe permanſionem in sola forma Dei, rapinam vocari, ajunt: quod ea ratione filius gloriam Patri debitam (nempe ut nunquam fiat servus) & nobis salutem, per suam incarnationem, & humiliationem, à Patre prædestinatam, rapuisset, Esa. 42. v. 1. Sed hæc interpretationes nimis coactæ videntur, & à simplicitate Apostolicâ remotiores. Ac propterea, hisce reiectis, earum patroni, cautiōres facti, aliam tandem sententiam sapienter prætulērunt. Quare communiter sic potius, verba Apostoli interpretantur, *non arbitratus est esse rapinam, se esse æqualem Deo*, ut ostendatur Christum scivisse se verum esse Deum, Patri æqualem, naturâ, non rapto. Verum, in modo explicationis, mirificè variant. Nonnulli enim sentiunt, similitudinem esse petitam à victoribus, qui spoliis hostium superbi, ea ostentant ad pompam: & Pauli mentem esse, ut indicet, Christum non arbitratum esse æqualitatem cum Deo, esse instar spoli; ac propterea non ostentasse, sed occultasse suam gloriam. Quæ pia quidem interpretatio est: sed arguta potius, quàm vera, ob metalepsin duriorem, cum nulla urgeat necessitas. Altera verò expositio quam Patres afferunt, paululùm videtur concinnior: quod sit similitudo à raptoribus, & tyrannis ducta: siquidem hi dignitatem, quam ex rapinis habent, non deponunt; sed dissimulant, ne ea priventur. Contrà sit ab iis, qui naturalem, & justam habent dignitatem. Sic Christus, cum sciret se Patri æqualem esse, non rapto, sed natura, intrepidè, & libenter, eam æqualitatem, suo modo, sub humanæ, & afflictæ naturæ velo, occultando, deposuit. Veruntamen, omnibus perpensis, simplicissima videtur interpretatio, ut dicamus: Paulum explicare voluisse causam humiliationis Christi, quod non coactus, tanquam raptor, gloriâ suâ nudatus sit: sed ultro, cum sciret, se, pro suo jure, posse, & à carnis humilitate; & ab incarnatione abstinere; & in sola forma Dei permanere, vel assumpta humanâ naturâ gloriosa, cum dignâ Deo magnificentia, apparere, maluisse tamen gloriam suam, quodammodo deponere. Ex quâ sententia, quædam antithesis elucet, inter Adamum primum, & secundum, nempe filium Dei naturalem: Ille enim cum homo esset, superbè affectavit, & rapere studuit æqualitatem cum Deo: Contrà verò hic, cum Deus tantum esset, & naturâ, non rapto, æqualis Patri, probèque id sciret: homo fieri voluit, & hominibus humilibus conformari. Atque hoc etiam rapinæ voce fortasse spectavit Apostolus. Sed adversus hanc declarationem objicitur; Interpretatio debet esse analogâ, seu conveniens, non solum fidei, seu doctrinæ verbi divini, sed etiam contextui, ut cum loci scopo, & circumstantiis conveniat. Atqui expositio allata non est analogâ contextui; quoniam consequentibus non convenit: Sequitur enim conjunctio adversativa *ἀλλὰ*, *sed*; ac propterea, si sic interpretemur: Christus non rapuit, aut non arbitratus est rapinam, æqualitatem cum Deo, sed contra se exinanivit; concinna erit sententia: sin verò sic vertamus; non arbitratus est rapinam esse, parem esse cum Deo, sed se exinanivit, non cohærebit oratio; quia non satis liquet, cui nam verbo adversativa conjunctio adversetur. Quam difficultatem, sicut videntur interpretes; ita variè expedire conantur. Quidam enim agnoscunt vocem *ἀλλὰ*, in hoc Pauli loco adversativam conjunctionem denotare: sed de membro adverso non idem judicant. Quippe alii, illud non exprimi apertè, sed per ellipsin rectè innui censent. Ceterum, in ellipsis forma statuendâ differunt inter se. Sunt enim qui ita suppleant; *non arbitratus est rapinam, quod esset æqualis Deo*;

Deo; ac propterea ( quod per ellipsin intelligitur ) si voluisset, potuisset sine ullius injuria permanere in ea æqualitate; sed noluit uti suo jure; verum seipsum exinanivit. Alii deinde, non rapinam arbitratus est, quod esset æqualis Deo; ac propterea non fuit à Deo Patre, in hanc vilem, ac servilem hominum naturam, & conditionem, tanquam æqualitatis cum Deo Patre, raptor, ut Satan in tartara, præcipitatus: sed seipsum sponte inanivit. Verum durior est utraque hæc ellipsis. Quare alia etiam adfertur sine ellipsi explicatio, nempe, ut æqualitatem cum Deo, de æqualitate ordinis personalis accipiamus, quod cum esset in forma Dei, ac proinde essentia æqualis Deo, non duxerit sibi faciendam hanc rapinam, ut simpliciter vellet esse æqualis Deo Patri. Nam Pater, major Filio ordine, & filii est mitti à Patre, non Patris à Filio: quod si contra Filius voluisset hanc æqualitatem ordinis personalis cum Patre, rapinam exercuisset. Sensus igitur esset: Filium noluisse hanc rapinam facere: sed contra secundum Patris voluntatem, sua sponte, sese exinanivisse. Veruntamen, ut alia omittam, qua ratione, hæc interpretatio, cum scopo Apostoli conveniat, non video. Nam præterquam, quod *non rapinam arbitratus est*, malè vertit ut supra ostendimus, sententiam etiam continet perobscuram; & quæ, similibus sacræ Scripturæ locis, probari non potest; & Pauli argumentum enervat: ut ex Chrysost. ad hunc locum, Arianos refutante, apparet. Atque hæc sunt interpretationes eorum, qui vocem *ἀλλὰ* conjunctionem merè adversativam (nempe *sed*) hoc in loco significare, admittunt. Alii verò contra respondent, *ἀλλὰ*, non semper contrarium notare, sed alio interdum sensu usurpari: ac primum correctionem nonnunquam indicare, nempe, *sed potius*: atque hoc modo hunc locum declarandū ut sit sensus: non arbitratus est esse tanquam rapinam, æqualitatem cum Deo, quam rapinæ instar noluerit deponere, seu tegere, sed potius sese exinanivit. Verum & jam antea, interpretationis hujus antecedens, minus dextrè, accipi, ostendimus: & eo modo significatio adversativa permaneret: non ut rapinam duxit, sed contra, non autem, sed potius se exinanivit. Quamobrem expeditior altera responsio, vocem *ἀλλὰ* non contrarium hîc denotare; sed diversum, ac conjunctum: vel, ut cum Linacro loquar, redditivam adversativæ *quoniam*, h. e. pro, *tamen*, *attamen*. Ut interdum eo sensu vocem *ἀλλὰ* usurpari ex Budeo, in commentariis linguæ Græcæ; & clarius ab Henrico Stephano, in thesauro Linguæ Græcæ demonstratum. Et ita, h. l. accipi debere, nempe, quod Christus, cum esset verus Deus, Patrique æqualis, tamen sese exinanivit: quemadmodum hoc sensu doctè exposuit August. contra Maximi. Arianum lib. 2. c. 5. Atque hæc de phrasi *non rapinam arbitratus est*. Quid verò sit: *æqualem cum Deo esse*, eadem opera, aliquo modo, explicatum est: quod ut fiat illustrius, distinctè quædam annotanda sunt. Ac primum similis phrasis, Job. 30. 19. *ἡ γὰρ μοι ὡς τοῦ ἀνθρώπου ἡ ἐξουσία*. i. e. *reputasti me æqualem luto*. Cum autem æqualitas Filii cum Patre, considerari possit ratione essentia, personæ, aut status: plerique de essentiali æqualitate Filii cum Patre, qua, formæ, seu essentia unitate, pares sunt, exponunt. Nonnulli verò malunt de personali æqualitate accipere. Nam quamvis Filius, quatenus est, seu ratione essentia, æqualis est Patri: tamen, quia Filius est, seu existendi modo, inæqualis, & minor: quemadmodum Pater, naturæ ejusdem unitate singulari, par est Filio: sic ratione principii, & ordinis, non essentia, sed existentia, Filio major est. Quomodo veteres Patres orthodoxi, non pauci, locum illum Joan. 14. *Pater major me est*, exposuerunt. Hanc tamen expositionem, licet à fide non alienam, huic loco non satis consentaneam, modò ostendimus. Alii denique nec de essentiali, nec de personali paritate, sed de status æqualitate accipiunt, & quidem bifariam: quemadmodum enim (ut postea apparebit explicatius) status humiliationis Christi duos habet gradus, incarnationem, & carnis demissionem, atque passionem; per quam forma Dei, & æqualitas cum Patre, tecta est: sic quidam ad primum gradum referunt; quod videlicet, ut Pater in sola forma Dei est, ab humili humana natura separatus: ita Filius, ante incarnationem, æqualiter in una eademque natura extiterit. Reliqui verò ad alterum gradum, & patefactionem in carne, pertinere censent, & æqualem esse Deo, interpretantur, de gloriosa

majestatis divinæ patefactione: à qua, Dei Filius, manifestatus in carne, dispensatione quadam voluntaria, abstinerit. Quæ interpretationes duæ piæ quidem sunt, per se consideratæ; sed interim tamen non videntur satis huic loco convenire: partim quia (ut ex antecedentibus apparere potest) Apostolus, hoc in loco, disserit, de æqualitate cum Deo, considerata ante assumptam formam servi, non autem post carnem assumptam: partim quia argumenti Paulini vim minuit, sine ulla necessitate. Quamobrem prima interpretatio, quæ Patrum est, & vulgò magis recepta, convenientissima est. Sed quid si hæc omnia comòde comprehendamus, significatione universali, quod filius Patri esset æqualis, cum natura, tum secretionem à carnis unione, atque humili sorte. Atque hætenus egimus de summa, & infinita Filii Dei præstantia, quæ humiliationem antecessit, & ad illius amplificationem, præmittitur, v. 6. Cui humiliationis voluntariæ gradus duo supjunguntur: quorum unum inanitionem; alterum submissionem vocat: & utrumque distinctè indicat, & declarat. De priori enim ait: *inanivit seipsum*. De cujus metaphoricæ vocis intelligentia, duo sunt, apud orthodoxos, extra omnem controversiam. Primum quidem, hanc inanitionem non esse absolutè, & propriè, de essentia, & gloriæ divinæ diminutione, accipiendam: quandoquidem illud fidei analogiæ, & naturæ Dei simplici, infinitæ; omnipotenti, repugnat. Alterum verò est, hujus inanitionis modum, verbis sequentibus, nempe, *forma servi accepta*, declarari. Sed quemadmodum formam servi, aliter atque aliter exponunt, ut supra ostendimus; ita, pro ratione illius, diverso modo, exinanitionem definiunt. Quidam enim idem cum sequenti humiliatione, aut submissione, esse censent, & ad vilem Christi sortem, & passionem referunt, quod nim. in humana natura, eam quam poterat exerere, ac patefacere gloriam, sua sponte suppresserit, sparsis tantum exiguis illius radiis: de quibus loquitur, Joan. 1. 14. Reliqui verò, pleniori, ac planiori sententia, orthodoxam antiquitatem secuti, duplicem humiliationis gradum proponi statuunt: & de priori, h. e. incarnatione, agi h. l. Cujus sensum, piè, & rotundè, expressit August. *Non alienum*, inquit, *arbitratus est, esse æqualem Deo; sed tamen quærens nostram, non suam, semetipsum exinanivit, formam Dei amittens, sed formam servi accipiens*; Contra Maximi. lib. 2. 5. Itaque inanitio non est accipienda simpliciter, & absolutè: sed ratione status, & comparatè. Cum enim Filius Dei, tantum esset Dominus; non mutatione dominii; sed assumptione naturæ humanæ, factus est, in ea, & secundum eam, servus. Quæ conditio posterior, cum antecedenti, quæ Patri non solum essentia, sed etiam statu æqualis erat, collata, comparatè inanitio rectè appellatur. Nam quænam obsecro, inter infinitam & omnipotentem Dei naturam, ac majestatem; & finitam ac impotentem humanam naturam proportio est? Gen. 18. v. 27. Pl. 8. 5. Nulla. Verum cum vox *servi* sit relata, quodnam hoc in loco sit illius correlatum; seu ad quid, ea vox referatur, inquiri potest. Atque illud controversia caret, correlatum commune, esse Dominum. Deinde particulare, esse Deum Patrem: cujus ut reliquæ creaturæ, sic humana natura jure creationis & providentiæ est serva, id est, propria, & summo illius imperio subjecta. Veruntamen in eo discrepant interpretes; quod quidam hoc solum, eoque simplex esse correlatum: alii verò & hoc & alterum, eoq; geminum statuunt. Nam Christum servum dici, & ratione Dei Patris; & ratione hominum, patet, Es. 42. 1. Mat. 20. 28. Rom. 15. 18. Jo. 13. 14. 15. Atque hæc interpretatio pia quidem est, & priori uberior: sed tamen accuratius examinanti, altera ac prior contextui magis convenire videtur. Primò, quia nullum aliud correlatum antecessit, quàm Deus, nempe Pater: Deinde nec aliud proximè sequitur, præterea quia verba sequentia apertè evincunt, agi hîc, de similitudine cum hominibus; ideoque non de servitute, qua se hominibus filius Dei subiecit. Denique illud Christi ministerium, quo hominibus servivit, distinctè postea humiliationis, aut submissionis voce includitur. Porro formam servi dicitur assumpsisse, non servum: ut ostendatur, non personam assumptam à Filio Dei; sed naturam: quamquam crebrò Hilarius, August. & alii Veterum, imò multi etiam

iam recentiorum ( qui aliàs ferè cautius , propter hæreticos scribunt ) veteres in hac vocis abusione imitati , aliter loquuntur ; & *filium Dei hominem assumisse* dicant : impropria quidem phrasi ( & à qua satius est omnino abstinere ) sed tamen sententiâ pia ; quia tum per hominem , non personam , cum Nestorio ; sed naturam humanam , cum Orthodoxis , intelligunt . Atque hoc etiam modo accipienda sunt verba Domini Beza ( quem honoris , & excusandi causa , nomino ) in explicatione hujus versus , in majoribus notis , cum ait : *Huc usque se demisit , ut talis fieret , quales sunt Dei servi , id est , ut hominem assumeret* . Coeterum , quid *assumere* hîc significet , explicandum , ne in hoc gravi argumento impingamus . Nam assumptio formæ hominis , alia est corporis solius : eaque dividua , ac temporalis sine unionis hypostaticâ : quales in Vet. Testam. nonnullæ fuerunt , cum filius Dei , verus Jehovah , Abrahamo in forma corporis humani , non totius naturæ humanæ , apparuit , Gen. 18. 2. & 13. Alia est assumptio hypostatica , & individua , seu assumptio integræ formæ , seu naturæ humanæ in unitatem personæ indissolubilem : qua verbum caro factum est , Joan. 1. v. 14. Heb. 2. v. 14. 16. 17. Et in æternum manet , Heb. 7. 24. 25. Et in illa quidem priori , formæ tantum externæ , temporali assumptione , humiliatio aliqua est : qua filius Dei , ad infirmitatem humanam sublevandam , viri specie , apparendo . Abrahamo , Gen. 18. 2. & 22. sese accommodavit : sed in posteriori ( quæ hoc in loco intelligitur ) potissimum humiliatio declaratur , propter assumptionis subjectum , modum , durationem & finem . *Subiectum* enim est non humanæ naturæ species externa solum , seu corpus inanimatum : sed vera natura humana ; qua nobis per omnia , excepto peccato , similis Heb. 2. 17. *Modus* est assumptio in unam hypostasin . *Duratio* , est perpetua . *Finis* denique , ut serviret Deo Patri ad Ecclesiæ suæ per obedientiam , & mortem crucis , reconciliationem cum Deo , ac salutem . Unde hisce nominibus meritò exinanitio dicitur . Atque hanc assumptionem ita intelligendam esse apparet , partim ex hypothesi , quam supra probavimus , qua forma servi humanam naturam significat : partim ex analogia fidei , & collatione locorum similium , quibus hæc assumptio reipsa , aut etiam apertis verbis , declaratur , ut Hebr. 2. v. 16. *Assumpsit semen Abrahamæ* . Nam quod Anabaptistæ objiciunt , *assumere* , eo in loco , significare unionem charitatis , non naturæ hypostaticam , ut simili in loco , Rom. 14. v. 1. *infirmum in fide assumite* , ac loci sensum esse ; filium Dei non in gratiam Angelos lapsos recepisse : sed semen Abrahamæ : illud , inquam , mera sententiæ Apostolicæ perversio est . Nam neque illo Heb. 2. mentio est de lapsis , ac malis , sed de bonis Angelis : nec ita absolutè dæmones , Angeli voce , significari solent . Deinde apparet Paulum agere , eo in loco de incarnatione filii Dei , qua assumptione carnis in unionem personæ , pati & mori potuit , ut nos redimeret : in quem finem & Angelis minor factus dicitur , v. 7. & frater noster , v. 11. & 17. & carnis ac sanguinis communionem nobiscum habere , v. 14. & nobis similis dicitur per omnia , v. 17. Ideo assumptio illa infirmi fratris ( de qua Rom. 14. agitur ) nihil cum hac assumptione habet commune . Porro hanc assumptionem formæ servi ( ut , difficultate hac soluta , ad rem redeamus ) declarat Paulus sequenti expositione . Quia enim assumptio formæ servi , prima fronte , obscurior est , idcirco eam illustrat , cum ostendit , se non de Angelica , aut alia quavis , sed de humana forma loqui . *Factus* , inquit , *in similitudine hominum* , id est , similis hominibus . Sed , adversus hanc sententiam , objectum fuit olim , à Marcionitis , & Eutychianis : Si Christus similis est hominibus : Ergo non est homo : quemadmodum histrio , qui regio vestitu indutus est , similis est Regi : sed tamen rex non est . Ideoque ob hanc similitudinem Christus non dicendus est *ὁμοιω* ejusdem essentiae nobiscum : sed *ὁμοιότης* , i. e. *similis essentiae* . Ad quam objectionem quidam respondentes ( ut ex Oecumenio colligi potest ) concedunt consequentiam , sed distinguunt consequentis attributum ; nempe hominis vocem sumi , aut absolute , pro humana natura prædito , atque ita Christum hominem esse : aut oppositè *ψαδὸν ἀνθρώπων* , hominem tantum seu vulgarem hominem , ex semine viri & in peccatis

conceptum , quemadmodum Gal. 1. 1. ait Apostolus , se Evangelium non ab hominibus , sed à Christo accepisse : eaque ratione Christum , hoc in loco , non hominem , sed similem hominibus dici . Verum solidius responderi potest , negatione consequentiæ . Primum , quia similitudo interdum excludit *ταυτῆς* , seu quod eodem redit , simile opponitur eidem ac vero ( ut Joan. 9. 9. quidam de Christo dixerunt , *ipse est , alii vero similis ipsi est* ) sed non semper : ut cum proverbio dicitur *ovum ovo simile* ; indicatur quidem convenientia in qualitate ; sed tamen substantiæ convenientia non tollitur , sed potius includitur : ita Christus reliquis hominibus dici potest similis humanis proprietatibus , ac statu afflictio , ut interim naturæ humanæ *ταυτῆς* non negetur : ut Hebr. 4. v. 15. Rom. 8. v. 3. Sed potius statuatur . *ταυτῆς* ( inquam ) speciei , non numeri . Sed excipiat aliquis . Esto , similitudo hæc veritatem substantiæ non excludat : eam tamen non significat : ac propterea locus hic de qualitatibus , & proprietatibus humanis , non autem de substantia intelligi debet . Verum , quamvis in hac expositione nihil esset periculi , quia ex proprietatibus suis substantia vicissim demonstratur ; tamen negamus similitudinem tam angustè semper sumi . Nam propriè quidem ac plerumque , convenientiam in qualitate designat : interdum tamen Synecdochitè generatim convenientiam quamlibet , etiam in substantia , significat : ut Gen. 5. 3. *Adam genuit Seth , ad similitudinem suam* : quo naturæ non minus , quàm corruptionis convenientia denotatur . Ita de Christo dicitur , Heb. 2. 17. *semen Abrahamæ assumpsit : unde debuit fratribus similis fieri per omnia* , nim. substantia , ut antè docuit , & qualitatibus , excepto tamen peccato : Heb. 4. 15. Atque hæc de v. 7. & humanæ naturæ Christi veritate . Cujus probatio , ab experientia , in descriptione secundi gradus humiliationis , innectitur , his verbis : Et *ὡς ἄνθρωπον* compertus ut homo . *ὡς* autem quidam angustius ad figuram corporis Christi restringunt : alii latius & commodius ad totam externam humanæ naturæ , & vitæ speciem : unde veritas humanæ naturæ Christi eluxit . Qualia sunt primum corporis figura ; deinde materia : quod vera carne , & ossibus præditus fuerit : ad hæc proprietates , quod videri ac palpari potuerit , 1. Joa. 1. v. 1. Quemadmodum hisce argumentis veritatem corporis sui Christus probasse dicitur , Luc. 24. 29. & Joan. 20. 20. & 27. quod statura & sapientia accreverit , Luc. 2. 52. Præterea actiones & perpeffiones humanæ vitæ , ut quod esurie , siti , lassitudine laborarit : quod ederet , biberit , dormierit , vigilarit , loquutus sit , ambulavit , misericordia motus , iratus , tristis , gavisus fuerit , sterneret : adderem , cum nonnullis , riserit , nisi obstarat sacrarum literarum silentium : unde eleganter veterum quidam dixit *plorasse Christum nonnunquam legos ; sed risisse unquam non lego* . Ex hac igitur universa corporis , & vitæ specie externa ( ut crucifixionem , mortemque omittamus ) veritas humanæ naturæ Christi divinitus demonstratur , & ab hominibus comperta . Ac propterea constat , falsò , Marcionitas , & ( ut ex Oecumenio apparet ) Eutychianos , olim , conclusisse , Christum non esse verum hominem : quod figura similis fuerit compertus hominibus . Figura enim , hoc in loco , non opponitur veritati : sed illi confirmandæ apponitur . Nec obstat , quod , errori suo fucando , ajebant , subjici ab Apostolo , *sicut homo* : quia vox illa ( *sicut* ) non semper similitudinem ; sed interdum *ταυτῆς* , rei que veritatem notat , ut Joan. 1. v. 14. *vidimus gloriam ejus , sicut unigeniti à Patre* . Atque hæc tunc humiliationis filii Dei gradus primus & maximus ( unde inanitio dicitur ) explicatus est , nempe incarnatio : quod , in unitatem personæ perpetuam , formam servi , hoc est , naturam humanam singularem , quæ Deo serva est , utpote creatura , assumeret . Alter verò gradus , communi nomine humiliatio , seu submissio dicitur , & ea quidem voluntaria : quippe non ab alio humiliatus dicitur , sed seipsum humiliavisse . Humiliatio autem Christi , alia fuit secundum divinam naturam : non quod gloriâ suam amisit , aut minuerit in se ; sed quod eam , ad peragendû redemptionis mysterium , apud homines occultam continuerit : quamvis interim quædam illius indicia , ad fidei confirmationem , variis miraculis , prodiderit . Alia humiliatio est secundum humanam naturam : eaq; partim interna , seu animi , qua suam volun-

voluntatem, h. e. appetitum boni sui naturalem, seque totum, voluntati divinæ subiecit ( unde illa, ante crucem, verba; *veruntamen non mea, sed tua voluntas fiat* ) & hominum salutem suam commoda, & honorem postponuit: partim externa, in conformatione totius vitæ, & mortis, ad internam illam humilitatem: quod videlicet Dei gloriæ, & hominum conversioni, ac salutem, in summa, coram mundo, abiectione, ad mortem usque variis modis, inservierit. Quam humilitationem, sequenti descriptione, ab effectu declarat, cum addit; *factus obediens usque ad mortem*. Obedientia autem erga Patrem intelligitur: cujus duæ statuuntur partes, obedientia vitæ, ac mortis: seu, obedientia ante passionem, ac mortem; & in passione, ac morte: siquidem particula illa *usque* non exclusivè, sed inclusivè sumitur, & rei amplificationi inservit. Cæterum obedientia vitæ sita fuit, partim in perpetua iustitia ejus, seu perfectio amore Dei, & proximi, Joan. 8. v. 29. & 46. partim in opportuna, & fidei collectione Ecclesiæ, per doctrinam, sacramenta & miracula, Joan. 4. v. 34. partim denique in perpetua patientia variarum persecutionum, inde ab ortu ipsius. Quæ quidem perfectiones, adeo fuerunt crebræ, ut vita Christi, non immerito, perpetua passio, dici soleat: quemadmodum ex historiis Evangelistarum aperte constat. Obedientia verò mortis, complectitur partim voluntarium ad mortem, secundum Patris voluntatem, subeundam, studium, Matt. 26. v. 42. & Heb. 10. 9. partim hujus studii causam, summum Dei, & proximi amorem. Ac Dei quidem; quod non solum ad mortem: sed etiam, quod amplius est, ad auxilium additur, *mortem crucis*; nempe ignominiosissimum, & maledictum, ob peccata nostra, mortis genus, Deut. 21. v. 23. Gal. 3. v. 13. sese lubens demiserit. Proximi verò amor, in eo eluxit; quod pro hostium suorum salute, eam mortem sustinuerit, Joa. 15. v. 13. Rom. 5. 6. 8. v. 10. Unde, quamvis obedientiâ totâ Christi servemur ( ut id obiter dicam ) tamen Synecdochicè, in morte, plerumque constituitur: non ut vitæ obedientia excludatur: sed potius, ut sub mortis obedientiâ, tanquam colophone, & fastigio, contineatur. Hoc autem in loco, universa Christi, cum vita, tum mortis obedientia continetur: unde ad mortem durasse docetur: cujus obedientiæ partes, illa dictione, *usque* connectuntur. Atque hæc secunda, ac tacita antithesis est, inter Adamum primum, & secundum. Nam ut primus, cum tantum homo esset, similis Deo esse voluit, & deinde Deo inobediens fuit: sic contra secundus Adamus, cum verus esset Deus, hominibus similis esse voluit, & Patri humiliter obediens fuit, ad mortem usque crucis. De qua obedientiâ, Rom. 5. vers. 19. Atque hoc modo humiliationis Christi descriptio finitur, vers. 8. & Pauli scopus, ea ratione, graviter comprobatus est. Nam si filius Dei, non sua quælivit; sed quæ nostra: ideoque se ita inaniavit, ut formam servi assumeret, & in ea adeo se demiserit, ut obediens Patri fuerit, usque ad mortem crucis, ad salutem nostram: multo magis nos, qui divinitus, & naturâ obstricti sumus, mutuo alii aliorum commodis debemus vicissim humiliter inservire. Cæterum à descriptione humiliationis Christi ad eventum illius, exaltationem, & gloriam transit, non tam digressionem quadam, quàm opportuno, & firmo, ad scopum pertinente, argumento. Nam quemadmodum ab exemplo Christi, ad humilitatem & charitatem proximi hortatus est Apostolus: sic ad eandem extimulat proposito fructu, seu consequente præmio, & gloria in Christi capitis nostri exemplo: *Quapropter*, inquit, *etiam Deus ipsum superexaltavit*, seu ( ut cum nostro interprete latinius dicamus ) *in summam exulit sublimitatem*. In cujus loci explicatione distinctius observandum est, quid hæc exaltatio significet: Deinde quæ causæ illius. Ac prius quidem, ex opposito membro antecedenti, colligi potest: Hoc enim extra controversiam est, exaltationem ex adverso respondere secundo humiliationis gradui, quem humiliationem Apostolus vocat. Nam illa est inter duos hosce gradus differentia: quod prior est perpetuus, quia humanam naturam, quam semel assumpsit Dei Filius, in æternum retinet: alter verò est temporalis, quia per ignominiam transivit in gloriam,

Luc. 24. vers. 26. Nam quod quidam hanc exaltationem utrique humiliationis gradui seu ( ut Apostolus loquitur ) exaltationi, & humiliationi opponi censent; illud initio hujus loci refutavimus. Una tamen superest difficultas expedienda: Si, inquiunt; assumptio humanæ naturæ, est pars humiliationis, etiam pars erit meriti Christi, & Christus adhuc nobis promeretur, ac quamdiu erit unio personalis, hoc est, perpetuè, nobis promerebitur. Atqui consequens falsum est, quia meritum Christi consummatum est in terris, in statu humiliationis. Sed propositionis consequentiam negamus. Nam quod ad eam probandam regeritur; in humilitate, & obedientia meritum Christi consistere, fateor verum esse, secundum quid, non simpliciter: hoc est, ratione non primi, sed secundi gradus humilitatis, cui soli Paulus opponit exaltationem, tanquam præmium. Quæ humiliatio, ut secundum utramque naturam ( licet diverso modo ) contigit: ita exaltatio non solum ad humanam naturam, ut nonnulli angustius restringunt, sed etiam ad divinam, suo modo, pertinet. Nam primum, ut humiliatio secundum divinam naturam contigit, non absolutè, & in se, mutatione aliquâ essentiae, & gloriæ internæ & æternæ; sed tantum relatè, ratione occultationis illius temporariæ, coram hominibus: quæ majestatem suam divinam, sub infirmitate carnis assumptæ, textit; carnemque suam, ad redemptionem electorum, mori voluit: ita exaltatio secundum divinam naturam, consistit, non in ullo gloriæ illius incremento, in se; sed in pleniori gloriæ, antea latentis, patefactione, coram Angelis, & hominibus: de qua re loquitur Christus, Joann. 17. vers. 5. *glorifica me Pater, eâ gloriâ, quam habui apud te, priusquam mundus esset*. Deinde ut humiliatio secundum humanam naturam posita fuit, in animi humilitate; & vitæ, ac mortis crucis obedientiâ: ita exaltatio sita est, non in virtutis, sed in infirmitatis, ac reatus ablatione, & utriusque præmio. Gradus autem hujus exaltationis sunt quatuor. Quorum primus est resurrectio, qua Christus exaltatus est secundum humanam quidem naturam: partim ratione interna qualitatum, cum ex infirmo, & mortali, ac tandem mortuo, factus est, superatâ morte, immortalis, & gloriosus, Rom. 6. vers. 9. Phil. 3. vers. 21. Ideoque omnibus corporis & animi infirmitatibus superior: partim ratione externa justificationis, atque absolutionis à reatu, Rom. 4. v. 25. 1. Tim. 3. v. 16.

Secundum verò divinam naturam exaltatus est, non aliquâ qualitatum mutatione; sed patefactionis ratione, qua suam omnipotentiam, in morte, secundum promissionem, superandâ, ostendit, seque Dei Filium esse demonstravit, Joann. 2. v. 21. & 10. v. 18. Rom. 1. 4. & resurrectionis veritatem, quadraginta dierum mora, signisque variis, confirmavit, Act. 1. v. 3.

Alter gradus est ascensio in cælum: quæ exaltatus est, secundum humanam naturam, in se; cum loci; tum cætus dignitate: quando nube ( quasi curru triumphali ) subvectus est à terra, & cætu mortalium, sublimior cælis visibilibus factus; in cælum cælorum, hoc est summum, & cætum angelorum, & beatarum animarum, penetravit, Act. 1. v. 9. Eph. 4. vers. 10. Heb. 7. vers. 26. & 9. v. 24. Secundum divinam verò naturam, quatenus suam omnipotentiam Angelis, & hominibus patefecit, eâ naturæ suæ humanæ, in cælum usque, subvectione. Unde perspicuè apparuit, hunc Jesum esse verum, & æternum, cum Patre, Deum. Sed objiciat aliquis: Elias in cælum subvectus est, neque tamen Deus est. Ergo omnipotentia, & Deitas Christi, ascensione in cælum, non est patefacta. Negamus consequentiam, quia dispar est ratio: quoniam Elias non suâ, sed alienâ potentia, nempe Spiritus Dei, in cælum translatus est: Christus verò non aliena potentia, sed propria: Nam quamvis Elias eadem potentia, qua Christi humana natura, evectus sit: hoc tamen interest; quod ea potentia non fuit Eliæ propria, hoc est, personæ illius insita; quia merus homo fuit: sed ei tantum assistens. Contra verò Christo est propria; quia



Deus est patefactus in carne, 1. Timoth. 3. vers. 16. Ac propterea Elias ascensionem suam pertulit, non perfecit; Imo nihil ad eam virium contulit: Contrà verò Christus, sua potentia ascendit. Sed rursus excipi potest: quod Angelicam potentiam non superat, ex eo divina potentia concludi non potest. Corporis Christi in cœlum subvectio, Angelicæ naturæ potentiam non superat. Ergo ex ea re divina potentia concludi non potest. Assumptionem concedimus. Nam & angeli boni è cœlo descendunt, & rursus in cœlum ascendunt vi sua: & Satan potuit Christi corpus, ex ima terra in sublimem montem efferre, & transferre, Matth. 4. vers. 8. imo longè majora potest præstare. Sed propositionem negamus: quia cum illud, quod naturæ humanæ, & inferiorum creaturarum vim superat, ac sola divina, aut Angelica potentia effici potest, cum, inquam, illud non sit potentia Angelica; tum, ex disjunctionis perfectæ necessitate, optimè concludi potest, fieri divina. Sic igitur dicimus: ascensio Christi in cœlum, aut Angelica, aut divina potentia contigit. Atqui non Angelica; quoniam ea naturæ humanæ non est propria, & insita: sed externa, cum ab Angelo sursum fertur: propria autem potentia ascendit, Joan. 3. vers. 13. Ergo divina: secundum quam, seu cuius vi, nos etiam assumpturus est in cœlum, Joann. 14. vers. 3. Atque hac ratione, Christi miraculorum nonnullorum (quæ Angelorum potentiam non superant) dignitas asseri potest, ac debet, nimirum quod Christus ea fecerit, interna, sua ac propria potentia; ideoque divina, quia humanam potentiam superarunt. Hæc de priori modo, quo ascensione sua Christus, secundum divinam naturam, exaltatus est, patefactione suæ potentæ. Alter modus est, quod quemadmodum incarnatione, & apparitione inter homines, metaphoricè descendisse dicitur è cœlo: sic contrà carnis in cœlum subvectione; & in eadem, apparitione gloriosa, coràm Angelis, ascendisse in cœlum, & exaltatus dici potest, Joann. 3. v. 13. & 6. v. 62.

Tertius exaltationis Christi gradus, est sessio ad dextram Dei Patris: qua exaltatus est secundum divinam naturam, ratione patefactionis, cum in humana natura glorificata, tanquam in speculo quodam, divinitatem suam, seque filium Dei esse, Patri æqualem, & per quem omnia gubernat, vivificat, operatur, ostendit. Deinde, cum secundum Patris voluntatem, omnipotentiam suam, in ecclesiæ collectione, amplificatione, & defensione clarius exierit. Nam ut humiliatus est in terris, gloriæ, & potentæ occultatione; sic exaltatus est in cælis, illius patefactione pleniori, Joan. 17. vers. 5. Secundum humanam verò naturam; partim donorum habitualium perfectione, quod sapientia, potentia, maiestate cæterisque cælestibus ornamentis, & beatitudinis excellentia, omnes creaturas longo superet intervallo, Hebr. 2. vers. 9. partim collatione dominii, quod omnibus creaturis tanquam Dominus, cui parere teneantur, præfectus sit, Eph. 1. vers. 20. 21. 22. Atque hi sunt tres exaltationis Christi gradus, quos vulgo proponunt. Quibus quartus, tanquam cœterorum complementum, adjungendus est, ex re ipsa, & articulis fidei, reditus scilicet ad iudicandum vivos, & mortuos: quo secundum divinam naturam exaltabitur, ratione patefactionis suæ omnipotentæ, in suscitatione mortuorum, cum Christus postremum hostem, mortem, superabit: & in humana natura assumpta, divinam suam gloriam relucens, universis Angelis, & hominibus, demonstrabit. Secundum verò humanam naturam; cum iisdem constabit, hunc Jesum, Mariæ filium, ante ignominiosè crucifixum, esse revera Christum, & creaturarum omnium Dominum: in quo divinitas corporaliter, id est, hypostaticè, habet, Joan. 19. vers. 37. & Apoc. 6. v. 16. Veruntamen hic exaltationis Christi gradus summus; quo, plenè subjugatis, & perditis omnibus hostibus, gloriose triumphabit, 1. Cor. 15. vers. 24. 25. nondum completus est; sed à Christo expectatur, Hebr. 10. vers. 13.

Ac propterea cum Paulus hic differat de ea gloria, ad quam Christus jam evectus, & exaltatus est, tres priores gradus, hoc in loco, intelligendi sunt. Quare cum jam explicatum sit, quid exaltatio, hoc in loco, designet: reliquum est, ut de causis illius, quæ hic recensentur, nonnulla dicamus. Ac primum efficiens principalis statuitur *Deus*: Quæ vox, ut antea, non *innotuit*, de divina essentiâ, seu communiter de tribus personis: sed distinctè, hypostaticè, de Patre accipitur: non ita tamen, ut Filius, & Spiritus Sanctus, ab hac actione excludantur; cum opera externa sint communia: sed ut ordo personalis, & œconomia redemptionis iudicetur. Pater enim, ut reliquarum personarum Deitatis principium est, non temporis, sed originis, & ordinis; sic in agendo similiter principium: Agitur enim à se, per Filium, & Spiritum Sanctum. Ideoque per excellentiam ordinis, ea ipsi tribuuntur effecta; quæ Filio, & Spiritui Sancto æqualiter conveniunt, ratione actionis, quæ una eademque est. Deinde quoniam dispensatione voluntaria, Filius sese humiliavit, ac Patri subiecit: ideo exaltatio, licet commune sit Trinitatis opus, ad Patrem aptè refertur, Joann. 17. vers. 5. Nam ex antecedenti partium exaltationis explicatione constat, exaltationem hanc non minus Filio, quam Patri convenire. Porro, altera causa exaltationis efficiens est impulsiva, nempe humiliatio, & obedientia Christi, quod indicatur voce, *quapropter*. A qua sententia, modo rectè exponatur, cur tantopere nonnulli nostrum Theologorum abhorreant, nondum liquet. Nam, quod ajunt, dictionem illam, *id*, id est, *quapropter*, non semper causam, sed sæpè consequentiam denotare, id verum esse agnosco: Sed quod eam huius loci sententiam esse contendunt, illud non satis firmis rationibus probari videtur. Obijciunt quidem primum: obedientiam, & crucem Christi, antecedens esse, & viam ad gloriam, Luc. 24. vers. 26. Sed illa non pugnant: viam & causam esse. Sic enim mala opera, & via sunt, & causa ad interitum. Deinde obijciunt: Christus propter nos, non propter seipsum, humiliatus est. Ergo propter nos exaltatus est, non propter se. Verum antequam respondeamus, distinctione opus est vocis ambiguae. Nam vox (*propter*) in hac argumentatione, causam impulsivam notat: sed ea duplex est, si vocis usum spectemus. Aut enim re ipsa antecedit & efficiens est, ac Synecdochicè causa impulsiva dicitur; aut intentione præcedens, re ipsa sequitur, & finis nominatur, qui (ut vulgò doctè fertur ex Aristotele) primus est in intentione, & postremus in executione.

Vox igitur, (*propter*) aut finem, seu finalem impulsivam: aut causam impulsivam efficientem, & quidem (quam, modi ratione, in hac materia, meritoriam vocant) hoc in loco significabit. Si impulsivam finalem denotaret, tum nihil ad rem. Non enim de fine, sed de efficiente quæstio est. Deinde & si daremus, tamen negaretur antecedens. Nam quamvis Christus humiliatus sit, primum ac potissimum, in eum finem, ut pro nobis satisfaceret, eaque ratione nos servaret; huic tamen subordinatus, & implicitus fuit alius finis medius, scilicet Christi ipsius, tanquam capitis salus, & gloria, in qua & per quam nos fieremus gloriæ cælestis participes, Ephes. 2. vers. 6. Atque huc refertur locus, Hebr. 12. vers. 2. *Iesus, pro gaudio sibi proposito, pertulit crucem, ignominiam contemptam, & ad dextram throni Dei confedit*: ut etiam noster interpret hunc locum, Hebr. 12. exponit. Nam quamvis illi, quorum sententiam examinamus, secus exponant, & vocem (*propter*) significare *vices*, loco statuant; eam tamen finalem causam, hic significare posse, non diffidentur. Porro si dicitio (*propter*) causam impulsivam, non finalem, sed efficientem notat; tum nulla erit consequentia: quia dispar est humiliationis, & exaltationis ratio. Illam enim promereri non potuit, quia mediatorem nostrum peccati expertem esse oportebat, Hebr. 7. vers. 27. Huius autem causa esse potuit, ac fuit, quam & sibi, & nobis suo merito pepe-

peperit, Esa. 53. v. 11. Heb. 2. v. 9. 10. Tertiò obijciunt, hanc explicationem, qua Christus statuitur, primum sibi meritum gloriam; deinde nobis: repugnare analogiæ fidei. Nam passim Sacra Litera commendant singularem amoris Christi, erga nos, in morte subeunda, præstantiam, quæ omnino tollitur, aut saltem minuitur, si sua humilitate exaltationem sui spectarit. Nam quid magni meriti fuerit, si quis temporarios subeat cruciatus, pro æterna gloria? quia hæc sunt disparia. Sed negamus; eo modo tolli aut minui amoris Christi præstantiam: quia ea gloriâ potuit frui per se, sine hac mortis, & pœnarum inferni viâ. Deinde, quia non primum, nec potissimum suam spectavit gloriam, sed nostram; suam verò subordinatè, tanquam nostræ gloriæ principium, & causam. Sed quartò obijciunt analogia contextus: Nam Pauli scopus est ostendere, Christum non suam, sed nostram quæsiuisse. Quam ad rem probandam, docet exinanitum, & humilitatum esse, Patrique factum obedientem ad mortem crucis. Atqui si dicamus, Christum, in humiliatione, rationem habuisse suæ gloriæ; huic scopo Pauli contradicemus. Sed responderi potest, primum, non eam esse quæstionem propriè, an exaltatio Christi fuerit finis aliquis, quem, in humiliatione sua, propositum habuerit; sed an effectum: seu quod eodem redit, an dictio illa, *διὰ* (*quapropter*) denotet consequentiam tantum: an verò causam impulsivam efficientem. Deinde etiam si de fine agamus, nulla tamen erit contradictio. Nam quia Christus gloria sua præsentia abstinuit; & futuram, non tam suam, quam nostram causam spectavit: meritò dicitur, secundum quid, & comparatè, non suam, sed nostram quæsiuisse commoda. Nam ut explicatius agam: propter nos, & sua gloria ad tempus caruit, qua iustè frui poterat: & se ad mortem crucis maledictam demisit; cum eam, si meritum spectes, & potentiam, declinare potuisset. Denique gloriam suam potissimum spectavit, tanquam nostræ gloriæ principium, & causam, ut antea ostendimus. Ergo, ut rem ipsam, paucis, complectamur: quem admodum Adamus, si in sua iustitia perfectè perstitisset, causa fuisset vitæ, & sibi, & nobis posteris: ita Christus secundus Adamus, sua satisfactione, qua Patri obediens fuit in omnibus, sibi & nobis gloriam acquisivit. Sed postremum obijciunt: Dei gloria, & propria Dei majestas, humani operis merces esse non potest. Atqui hæc Christi exaltatio est Dei gloria illa, quam apud Esaï. sibi soli vendicat Deus. Ergo non potest esse humani operis merces. Sed, ut omitam, quod in assumptione, seu minore propositione, exaltatio angustius restringitur, (ut ex superioribus patet) majoris etiam extremi, seu consequens conclusionis pars ambigua est, ac distinguenda. Nam humanum opus; aut absolutè, aut secundum quid, dici potest. Si simpliciter, & absolutè, de mero humano opere accipiat, tum falsa nititur hypothesis: Christi enim humiliatio opus est *divinæ gloriæ Deo-humanum* (ut loquuntur) hoc est totius personæ, secundum utramque naturam, utraque natura (servatis suis proprietatibus) agente quod suum est, cum communicatione alterius. Deinde, quia non asserimus hoc Christi opus esse simpliciter humanum, propterea nihil ad rem facit hæc argumentatio. Sin verò opus humanum intelligatur, secundum quid, tum negatur propositio. Nam præmium humani operis Christi, secundum quid, id est, quatenus conjunctam habet dignitatem infinitam, rectè statuitur divina gloria, & divinæ naturæ soli tribuitur: Infinita autem illa dignitas oritur, partim ex unionem hypostatica; adeo ut hæc obedientia, & mors, non nudi hominis sint, sed Filii Dei incarnati: partim ex conjuncta, & distincta naturæ divinæ humiliatione; qua non solum humanam naturam assumptam humiliare, sed etiam divinam suam gloriam, ea ratione, non in se minuere, sed coram hominibus, ad tempus, tegere voluit; cujus humiliationis divinæ præmium est gloria divina, Joan. 17. v. 5. Quare ex hisce concludimus: sanam eorum esse sententiam qui statuunt, hoc in loco, vocem, (*quapropter*) denotare non consequentiam; sed causam impulsivam. Atque hæc æternus de exaltatione Christi, & causis illius. Quibus ab Apostolo subijungitur exaltationis declaratio, duabus partibus

constans: nempe, donatione nominis supra omne nomen; deinde sine illius: de quibus, ob loci difficultatem, distinctè agendum est. Ad prius quod attinet: sunt, qui, *nomen*, figuratè, seu potius tropicè, pro gloria, & dignitate accipiendum censent. Sed cum ea sit, aut finita; aut infinita: de priori nonnulli exponunt, nimirum quod Deus, Christi humanam naturam, gloria & honore, longè supra omnes creaturas evexerit. Atque eo referunt locum, Ephes. 1. 21. Nonnulli contrà, de dignitate infinita, interpretantur, quæ Christo, secundum divinam naturam, competit. At si quis obijciat, quod Christo datum est in tempore, illud non contigit nisi humanitati, quia quatenus Deus est, omnia habet ab æterno. Respondetur, dationem aliam esse propriam; aliam impropiam. Propria datione, reipsa & absolutè, ab æterno, generatione sui, omnia à Patre Filii accepit: impropriè verò per metonymiam ac relatè ad creaturas, accepit gloriam, non ratione sui ipsius, in se; sed ratione patefactionis apud alios. A qua gloria pro tempore humiliationis, dispensatione voluntaria, abstinerat. Atque huc pertinet, vulgò trita, illa ex Augustino sententia: *tum aliquid dici solere fieri, quando incipit patefieri, atque immo-tescit*. Ac sane, cum ea, quæ de cultu adorationis sequuntur, ratione divinæ naturæ Christo convenire constet: inde apparet, hanc sententiam priori esse aptiorem. Atque huc etiam referunt eundem locum, cujus antea memini, Eph. 1. v. 21. Quamvis uberior esset sententia, si ad utrumque simul, id est, ad infinitam, & finitam gloriam, referretur. Sed excipiat aliquis: unius loci una tantum potest esse sententia, non autem duæ. Fateor si duæ, in uno generali, aut communi sensu, non contineantur. Atque hanc causam esse concedo, cur multi, hac necessaria observatione neglecta, interdum impingant. Sed alia est ratio, si duæ diversæ interpretationes, in uno communi sensu, conveniant. Sic *nomen supra omne nomen*, & hoc in loco; & Eph. 1. gloriam, omnium creaturarum gloria majorem significat: qua Christus donatus est, secundum utramque naturam, communiter: sed tamen distinctè suo modo: quia hæc gloria, aut est finita, & humanæ naturæ: aut infinita, & divinæ naturæ convenit, ut ex superioribus notum est. Atque hæc de eorum sententia, qui *nomen*, hoc in loco, impropriè exponunt, & gloriam finitam, aut infinitam interpretantur. Alii vero *nomen* propriè exponunt: sed, in eo definiendo, variant inter se. Nonnulli *nomen Iesus* esse putant; quia sequitur hoc loco, *ut in nomine Iesu*. Qua ratione Paulus videtur illud definire. quod generalius, & obscurius antè dixit. Verum negamus hanc esse causam, & sensum huius loci. Nam *genus flectere in nomine Iesu*, nihil aliud est quam propter personam illam Iesu, id est, ad honorem illius, vel iussu illius. Deinde *nomen Iesus*, non est supra omne nomen; sed Christo cum multis hominibus commune, licet ratione diversa. Deinde datum est id nomen, non primum in exaltatione; sed ante incarnationem: ut etiam in statu humiliationis, perpetuò ita nominaretur, Luc. 1. 31. Quare Græci, & Latini Patres (quos multi interpretes secuti sunt) de nomine filii Dei, aut Dei, exponunt, usi Apostoli interpretatione, in loco simili, Heb. 1. v. 4. & 5. 8. & 10. Nam solus Christus, filius Dei dicitur *proprius*, *καὶ ἰσχυρὸς*; & oppositè creaturis, nempe *unigenitus*: quem Pater genuit propriè, ratione personæ, ab æterno; figuratè verò seu potius metaphoricè, in tempore genuisse dicitur, ratione patefactionis, cum per resurrectionem, ac deinde ascensionem, & sessionem ad dextram, hunc Iesum crucifixum, filium suum unigenitum esse, pater patefecit. Sed excipi potest: ante exaltationem, hoc nomine fuit donatus à Patre, Matth. 3. & 17. & à discipulis talis agnitus, Joann. 1. & prædicatus, Matth. 16. Fateor: sed illa donatio nominis, fuit tantum scintilla quædam, si cum fulgore, & gloria consecuta, comparatur: quia filii divinitas resurrectione, ascensione in cælum, missione, & testimonio Spiritus Sancti, apparitionibus, & operibus admirandis, Angelis, & hominibus demonstrata est. Sed tamen prima sententia simplicior est, ac maxime consentanea. Hæc de nominis, ac gloriæ summæ donatione. Finis verò illius statuitur cultus divinus, à creaturis, geminus: adoratio, & confessio. Prior *genus flexione*, metonymicè

nymicè, indicatur; & amplificatur, per inductionem causarum efficientium, nempe creaturarum ratione præditarum. Quæ distinguuntur, ratione locorum, in cœlestes, terrestres, & subterraneas. Unde Pontificii, vulgò, suum Purgatorium fictitium, frustra, stabilire contendunt. Ubi, inquit, extant, qui genua Christo flectant, ibi est aliquis piorum locus. Sed tales sunt apud Inferos, ut ostendit Paulus. Ergo ibi est aliquis piorum & servandorum locus, quem purgatorium vocamus. Sed propositio negatur: quia duplex est genuflexio & adoratio: una libera, ac voluntaria, quæ impiorum; altera servilis, & coacta, quæ impiorum: quemadmodum Christo, etiam in terris versanti, dæmones genua flectere, eumque Dominum, ac judicem suum agnoscere, coacti sunt. Marc. 5. v. 6. credunt enim & contremiscunt, Iacobi c. 2. 19. Sic Paulus de generali adoratione hîc loquitur: Vt etiam, ex collatione similis loci, apparet. Nam verba illa, de omnium genuum flexione, quæ Deus sibi attribuit, Esa. 45. v. 23. ea Paulus, Rom. 14. 10. & 11. ad universale iudicium refert, cum ad Christi tribunal omnes sistemur. Unde apparet, hanc genuflexionem, non solum ad hanc vitam pertinere; sed, bonâ parte, ultimo die complendam: quo omnes Angeli boni, mali; homines pii, impii, Christo, tanquam Domino suo omnipotenti, illi lubenter; hi verò coacti, se subjiciunt. Sed, inquit, quænam est distincta harum vocum, *cœlestium*, & *subterraneorum*, significatio? Nam *terrestrium* nomine, homines, qui in terris vivunt intelligi, certum est. Sed primum cœlestes, Chrysostomus Angelos bonos; subterraneos, dæmones interpretatur: non malè. Nam quamvis dæmones in aëre versentur, Eph. 2. v. 2. tamen rectè subterranei dici possunt, quod infernus, illis potissimum puniendis, sit destinatus, Matth. 25. v. 41. Unde ab ejus ingressu aded abhorrent, Luc. 8. v. 31. Atque hinc fit, ut inferorum, & gehennæ nomine, Metony. significantur, Matth. 16. 18. *Portæ inferorum*, hoc est, consilia, & potentia dæmonum, non prævalebunt, Iac. 3. v. 6. *inflammatus à gehenna*, id est, à Satana. Altera expositio est Theodoret, qui *cœlestes* interpretatur Angelos non solum bonos, sed etiam malos. Nam cœlum, terræ oppositum, ex Scripturæ usu, locum universum, supra terram communi ratione significat, qui in tria spatia distinguitur: in aërem, hinc *volutres cœli*, id est, aëris dicuntur: in cœlum æthereum, unde *stellæ cœli*, appellantur; denique in cœlum beatorum nobis invisibile, quod *cœlum calorum* supra omnes cœlos, supple visibiles & *tertium cœlum*, 2. Corinth. 12. v. 2. propterea nominatur. In cœlo aëreo sunt dæmones, quemadmodum Satanæ attribuitur potestas aëris, Eph. 2. v. 2. & eo sensu dæmones vocantur *spirituales malitiæ in cœlestibus*, Ephes. 6. vers. 12. Angeli verò beati in cœlo beatorum potissimum versantur: communi igitur nomine, Angeli omnes, cœlestes dici possunt; quamvis in distinctis cœli regionibus versentur. Deinde ut *terrestres*, homines in terrâ vivos: sic *subterraneos*, mortuos, qui terrâ conditi sunt, intelligit. Utraque interpretatio probabilis, sed prima magis simplex videtur. Interim tertiam addi posse apparet, ut nomine cœlestium, intelligantur beati Angeli & animæ fidelium in cœlum receptæ: Terrenorum verò, homines, qui in terra degunt: denique subterraneorum, dæmones, & damnatæ infidelium animæ. Denique quarta afferri posset, hunc locum, de solis hominibus; partim triumphantibus supra terram in cœlo; partim militantibus in terra; partim denique victis, ac tortis sub terra, in inferno, esse intelligendum: non autem de Angelis: idque tribus de causis. Primum, quoniam genua propriè hominibus, non Angelis, conveniunt. Secundò, quia verba sequentia: & *omnis lingua*; sunt ejusdem omnino causæ explicatio: Atqui *omnis lingua* omnem populum significat, & ad solos homines referri propriè debet. Tertio, quia Esaias, cap. 45. v. 23. & Paulus, Rom. 14. v. 11. ad solos homines, hanc genuflexionem accommodant. Veruntamen hæc sententia paulò angustior est, quàm ut augustæ Christi gloriæ, quam hîc paulus describit, satisfaciât. Dicit enim Christo datum nomen, supra omne nomen, id est, quod & hominum, & Angelorum nomina, ac dignitates longè superet, Eph. 1.

21. Cui nomini respondet subjectio, seu obedientia; quâ omne nomen, Christum agnoscit Dominum. Nec obstat quod genuflexio Angelis propriè non conveniat. Satis enim est modo figuratè, quemadmodum hoc in loco, pro cultu religioso, & subjectione accipitur: & similes voces, quæ propriè corporibus conveniunt, Angelis, in simili sententia, attribuntur: ut Psal. 97. vers. 7. *Incurvate vos* (וִשְׁתַּחֲוֹוּ) *ei omnes dii*: id est, ut interpretatur Apostolus, Hebr. 1. v. 6. *adoranto se genua cuncta cum omnes Angeli*. Deinde, quod verba sequentia Pauli obiectantur, duplex esse potest responsio: primò, diversam esse sententiam; & gentium omnium fieri mentionem, quæ Christum confiteantur, Apoc. 5. 9. Secundò negari potest, *omnem linguam*, omnem populum tantum modò significare: quia omnis lingua, intelligenda est cœlestium, terrestrium, & subterraneorum. Quamvis enim Angeli propriè, ac naturâ linguis careant, suotamen modo, homines alloquendo, iis utuntur, iisque attribuntur in Sacris Literis, 1. Corinth. 13. 1. Denique Paulus hanc eandem, ex Esa. petitam sententiam, hominibus tantum accommodat, Rom. 14. non quod ad eos solos, exclusis Angelis, pertineat: sed quod etiam ad homines, de quibus disserit. Quare, & Esaiam, & Paulum, omnium linguarum nomine, omnes homines, & Angelos intelligere statuimus. Atque hæc de primâ cultus, Christo à creaturis debiti, parte, nempe genuflexione seu adoratione & submissione. Altera est oris confessio, ut *omnis lingua*, hominum & Angelorum, confiteatur, quod Dominus sit Iesus Christus; *eis dicitur Dei Patris*. Quæ verba bifariam accipi possunt: primò, ut *eis dicitur* vertamus, cum veteri interprete, in gloria: quemadmodum *his & eo sæpe*, in Novo Testamento inter se permutantur; ut gloria, sit confessionis subjectum, seu materia. Quæ sententia est Commentarii, Ambrosio ascripti: *In gloria*, inquit, *Dei Patris esse, nihil differre ab eo, ut una gloria sit Patris, & Filii, per communem substantiam, & virtutem, est enim hæc unitas nature*. Atque huc referri posset locus Matth. 16. 27. *Filius hominis venturus est in gloria Dei Patris*. Deinde *his dicitur ad gloriam*, interpretari possumus servatâ præpositionis *ad* genuina significatione, ut gloria Dei, sit confessionis effectum, & Dominus sit materia: quem sensum noster interpretes expressit, ac Græci Patres præmonstrârunt. Quæ explicatio antecedenti cultus parti optimè convenit, quod omnes Angeli, & homines, Christo tanquam Domino, subjecti sint, & ipsum Dominum esse confiteantur: id quod ad Dei Patris gloriam pertinet, Joan. 5. vers. 23. Verùm ut adoratio; sic etiam confessio, alia est ex fide verbi divini: alia ex evidentiâ rei, & experientia; eaque aut libera, quæ bonis hominibus, & Angelis convenit: aut coacta, ob Dei potentiam, qualis malorum: utraque autem intelligitur. Unde apparet titulum *Dominus*, hoc in loco, Christi tribui, non particulari relatione ad fideles, quos redemit, ut sæpius sumitur; sed universali, ad omnes homines, & Angelos, quibus Filius Dei, ut secundum divinam naturam, jure proprio creationis, & providentiæ, per se, perpetuò præfuit: sic secundum utramque naturam, jure officii regii, præest, & merito humiliationis acquisito, quo à Patre exaltatus supra omnes creaturas, & Dominus à Patre factus dicitur, Actor. 2. v. 36. Secundum divinam naturam, ratione dominii infiniti quod antea habuit, pleniori paterfatione: secundum humanam naturam, ratione dominii supra omnes creaturas, sed tamen finiti, collatione, & acceptione à Patre. Veruntamen obijciat aliquis: Nonne Christus fuit Dominus omnium creaturarum, etiam in statu humiliationis? Fuit sanè, si Dominii jus spectes, & officium: alioqui Christus non fuisset rex: unde Luc. 2. v. 11. *natus est hodie vobis servator, qui est Christus Dominus*. Sin verò factum seu usum, & efficacem Dominii paterfationem pleniorè consideres; tenue fuit, ante axaltationem, initium, idque propter humiliationis statum: quo & hominibus inservierat; & Diaboli, impiorumque injuriis variis, afflictioni, & morti subjectus erat, & regnum ejus, Judæa terminatum, nondum poterat ad gentes propagari. Contra verò in statu exaltationis (sublatis jam omni-

bus

bus infirmitatibus, & amplificatione regni, per accessio-  
nem gentium, ante Christi mortem fide non subditarum)  
ejus incrementum, & complementum accessit. Atque  
hoc modo conciliari possunt, ac debent ea loca, quibus  
asseritur, & in statu humiliationis, Christo omnia data esse,  
Matth. 11. 27. Ioh. 3. 35. & 13. 3. & 17. 2. & similiter in  
statu gloriæ, Matth. 28. 18. Ephes. 1. 21. 22. Heb. 2. 7.  
9. Atque hæcenus de probatione duplici, quâ Paulus,  
hortationem ad humilitatem, & charitatem, confirmavit?  
quarum prior fuit ab exemplo effectorum Christi, quod  
cum Deus esset Patri æqualis, homo fieri voluit, & sese  
humiliare, Patrique in humana natura obedire ad mortem  
crucis, ad nostram salutem. Altera est, à fructu conse-  
quente, nimirum gloria: quem fructum Christi, capitis  
nostri, exemplo simili, indicavit, ac confirmavit, v. 11.  
Modus vero tractationis est Syllogisticus. Quemadmo-  
dum Christus fuit affectus: ita & vos esse debetis, vers. 5.  
Atque Christus ita fuit affectus, ut non suam gloriam, &  
commoda quæsierit; sed aliorum: quippe hominum cau-  
sa, & homo factus est, & sese humiliavit, ac Patri obe-  
diens fuit, ad mortem crucis. v. 6. 7. 8. Ergo etiam vos ita  
affecti esse debetis. Quæ conclusio confirmanda præ-  
posita fuit, v. 3. & 4. Et nunc confirmata (ut fieri so-  
let) repetitur, atque ex antecedenti infertur, v. 12. Ver-  
bis quidem diversis, sensu tamen eodem; quia ad humili-  
tatem hortatur: aut, ut magis propriè dicam, ad humili-  
tatis radicem, amicâ usus compellatione, & aliis tribus (ut  
videtur) argumentis. Quorum prius est derivatum à Phi-  
lippenium proprio exemplo, nimirum obedientia erga  
Deum; (talis enim Christi fuit) & inchoata, non perfecta  
(Ea enim solius Christi est) quia *in multis impingimus o-*  
*mnem*, Iacob. 3. v. 2. Quam obedientiam laudat Aposto-  
lus, non ut eo modo aduletur: sed verè & sincerè: ut il-  
los eo, quasi stimulo, in officio suo, ad Dei gloriam, am-  
plius confirmet: quandoquidem turpe omnino est, in ea  
virtute, quæ à bonis probata, accepta, & incepta est, non  
proficere; turpissimum verò ab ea deficere. Hanc autem o-  
bedientiam Ecclesiæ Philippenis amplificat Paulus: pri-  
mùm, argumento deducto ab adjuncti temporis cir-  
cumstantia: quam proponit quando ait; *semper*; nem-  
pe inde à conversione; & exponit divisione in tempus  
præteritum (quod adjuncto præsentis suæ indicat) & in  
tempus præsens. Secundò, idem amplificat, partium obe-  
dientis comparatione impari: quod in sua obedientia pro-  
fecerint; & jam, Paulo absente, magis obediant, quàm an-  
tea, atque initio eodem præsentis: quod sinceræ, & ma-  
gnæ pietatis argumentum. Similis accommodatio anteces-  
sit, c. 1. 5. & sequitur, c. 2. 15. Atque hanc interpretatio-  
nem existimo genuinam. Nam quod plerique hæc verba,  
ad sequentia referunt, quamvis non dissimilis valde sit lo-  
cus, c. 1. v. 27. & hortationi amplificandæ, non malè con-  
gruat: tamen constructio minus videtur convenire. Atque  
hoc primum argumentum. Cui subjungitur hortatio, quæ  
inde concluditur; & alterum argumentum, à fructu pe-  
tendum, atque inclusum continet, cum ait; *Cum timore ac*  
*tremore salutem vestram conficite*. Nam scopus Apostoli est,  
humilitatem commendare: Ideoque causam illius, ori-  
ginemque, timorem, & tremorem præcipit. Non enim  
eum intelligit, qui otatur ex dubitatione de gratia Dei, &  
salute nostrâ; quasi fidei certitudini repugnaret, ut falsò  
Pontificii objectant: sed contrà, eum timorem designat,  
qui carnali confidentiæ, & propriarum virium, in salute  
procurandâ, arrogantis, opponitur: qui ex agnitione  
imbecillitatis nostræ, & diffidentiâ nostrarum virium;  
deinde ex fide, & charitate in Deum, Dominum, ac Pa-  
trem nostrum promanat; ac piam sollicitudinem vitandæ  
offensionis Dei, atque humilitatem generat: de quo ti-  
more, & tremore, Psal. 2. qui cum fiducia in Messiam con-  
jungitur. Alterum hujus hortationis argumentum, ei, per-  
quam artificiosè connexum est, quod salutem suam eo mo-  
do operentur. Sensus enim est: timete, seu humiles esto-  
te; quia ea est ad salutem via. Sed obijciunt Pontificii: qui  
salutem suam operantur, illi promerentur vitam æternam.  
Fideles, recte Paulus, salutem suam operantur: ac propterea

etiam vitam æternam promerentur. Hoc argumento in-  
solentes sunt adversarii, sed frustra. Nam duplici vitio hic  
syllogismus laborat. Primùm enim est fallacia homony-  
miæ, in argumenti, seu medii termini, parte prima: quia  
salus diversimodè accipitur. Alia est enim inchoata, quâ  
quis liberatur, ac salvus fit à peccati dominio, & reatu con-  
demnationis æternæ, per efficacem vocationem ad fidem:  
cujus operationis initium à solo Deo regenerante existit,  
Eph. 2. v. 8. 9. 10. Confirmatio verò ac progressus, à Deo,  
tanquam primario operante, Phil. 1. & c. 2. v. 13. & ab  
homine fidei regenerato, cooperante, viribus vitæ, per re-  
generationem, spiritualis, à Deo acceptis; cum, fidem, &  
charitatem suam exercendo, in salute cœpta proficit,  
2. Cor. 10. v. 15. Col. 1. v. 10. 2. Thess. 3. 4. Alia dein-  
de salus est perfecta, quæ inchoatæ salutis complementum  
est, videlicet, cum fidelis à reliquiis peccati & morte ex-  
empti, vita æterna perfruuntur. Ac de inchoatæ salutis  
initio loquitur Christus, cum ait, Luc. 19. v. 9. *Salus facta*  
*est huic domui*, hoc est, familiæ. De ejusdem verò salutis pro-  
gressu, hæc Pauli sententia, quæ in assumptione objecti syl-  
logismi adfertur, intelligitur convenientissimè. Nec enim  
ulla apparet circumstantia, quæ aliud suadeat. In propo-  
sitione verò vox *salutis* ab adversariis, pro salute perfecta,  
& æterna accipitur. Ideoque vitiosa est, ob quatuor termi-  
nos, consequentia. Deinde alterum etiam vitium est; quod  
propositio sit falsa: quia nititur hac falsâ hypothesi, quasi  
non alius esset salutem operandi modus, quàm merito.  
Nam, ut alia præteream, fides operatur per accidens gra-  
tiæ Dei, ut causa efficiens instrumentalis, justificationem  
ac salutem æternam, & tamen eam non meretur: sicut nec  
fœminæ, sanguinis profluvio laborantis, fides, salutem  
corporis ideo meruit; quia fides eam salvam fecisse dici-  
tur, Matt. 9. v. 22. Veruntamen, licet ex hoc loco nihil  
habeant expressè, de salutis æternæ operatione, aliunde ta-  
men generalius id probari gloriantur. Qua propter non  
alienum erit ab hoc loco, si paululum expendamus. Exci-  
piunt enim: quicquid operatur æternum gloriæ pondus;  
illud est saltem causa vitæ æternæ. Atqui afflictionum no-  
strarum tolerantia operatur æternæ gloriæ pondus,  
2. Cor. 4. v. 17. Ergo afflictionum tolerantia est saltem  
causa vitæ æternæ. Verùm negatur syllogismi consequen-  
tia, ob quatuor terminos. Operari enim accipitur in pro-  
positione propriè, pro causam esse, cujus efficaciam res oria-  
tur. In assumptione verò, seu citato Scripturæ loco, im-  
propriè, per metaphoram, pro occasionem esse, usurpatur.  
Nam *operandi*, ac *faciendi*, vox ita accipi impropiè potest,  
& hoc in loco accipi debet. Potest quidem, quia usus Scri-  
pturæ, & omnium linguarum, hoc fert: ut 2. Sam. 12.  
v. 12. de pessimo incestu Absolomi (cujus causa Deus o-  
ptimus esse non poterat, quippe, ut recte Fulgentius mo-  
net, *eorum Deus non est auctor, quorum est ultor*) dicit Deus,  
*Ego facturum sum hanc rem*, scilicet non propriè: sed impro-  
priè, per metaphoram; quod occasio futurus esset, ac dire-  
ctor innoxius: id est, iusta ablatione sapientiæ ab Absolo-  
mo ingrato, & laxando habenas tentatori Satanæ, & in-  
strumentis illius, consiliariis pravis, occasionem obijciam,  
quâ, tanquam viâ, ipsius Absolomi vitio, incestus fiat; eâ-  
que ratione David justè puniatur. Et sic aliæ non pau-  
cæ operandi speciales voces (ut *mittere efficaciam erroris*.  
2. Thess. 2. vers. 11. *discordem reddere hominem, contra Pa-*  
*trē*, Matth. 10. vers. 35.) in simili materiâ, accipiendæ  
sunt. Deinde non solum posse, sed etiam *debere*, vocem o-  
perandi, seu efficiendi, hoc loco, ita accipi, hisce, inter a-  
lia, ex analogia fidei, & contextus, argumentis, demon-  
stratur. Primùm, ex operum humanorum adjunctâ im-  
perfectiōne insitâ, hoc modo: opera, quæ imperfecta sunt,  
seu peccati contagione, infecta, ea non gloriam, sed igno-  
miniam æternam promerentur, ac per se efficiunt, Deut. 27.  
vers. 26. Atque omnia fidelium opera (ac propterea et-  
iam tolerantia afflictionum) sunt imperfecta: quia non ex  
totius cordis, totius animæ, & virium dilectione (ob car-  
nem spiritui semper in hac vita repugnantem, Rom. 7.  
Gal. 5. v. 17.) oriuntur; sed contagionem habent, & vi-  
tium, non solum additum aliorum peccatorum, sed etiam  
inditum



inditum sibi. Ergo nulla fidelium opera vitam æternam, sed contrā ignominiam æternam promerentur ac per se efficiunt. Quod autem ob ea fideles reipsa non damnentur, hoc fit, non ex efficacia operum, sed ex gratia Christi: quæ defectus, & malum bonorum operum meritum, ex imperfectione ortum, per, & propter Christum, gratuito condonatur. *Nulla enim condemnatio est iis, qui sunt in Christo Iesu, qui non secundum carnem ambulant, sed secundum Spiritum*, Rom. 8. v. 1. & Hebr. 13. Deus dicitur, *perficere in nobis, quod ipsi gratum est, per Christum*. Nam licet bona opera, quatenus sunt à Deo, & à Spiritu, seu regenerationis dono, sint bona: imperfectione tamen carnis, secundum quid, redduntur mala. Ideoque, quod bonum est in iis, Deus agnoscit, & quod conjunctum est malum, propter Christi meritum, ignoscit, ac condonat, ne condemnemur. Alterum argumentum, & tertium est à gloriæ æternæ operationis, primum efficiente; deinde tempore. Ab efficiente, hoc modo: Quod est merum gratiæ Dei donum per Christum, ejus propriæ causa non sunt opera nostra: quia hæc sunt contraria: merâ gratia, hoc est, sine operum effectione: & operibus, seu operum vi, Rom. 11. vers. 6. Atqui vita æterna est hujusmodi, *donarium Dei est vita æterna, in Christo Iesu*, Rom. 6. v. 26. Ergo bona opera, nostra non sunt propriæ causæ vitæ æternæ: Idque alterum à vitæ æternæ tempore adjuncto comprobatur. Quod enim operatus est Christus nobis, ante tolerantiam afflictionum; illud non est earum effectum: quia causa efficiens suo effectu posterior esse non potest. Atqui jus vitæ æternæ universum, operatus est Christus nobis, suo non solum merito in cruce, sed etiam efficacia, donando fidem, & adoptionem, ad communionem meriti, Ioan. 1. 12. Rom. 8. 17. etiam ante afflictionum tolerantiam. Ergo vita æterna non est illius tolerantiz effectum. Id quod denique ostendit comparatio subiectæ tolerantiz afflictionum, & ponderis gloriæ, in objectâ sententia, à Paulo proposita. Illa enim momentanea, ac levis: hæc verò summi ponderis, & æterna, ut etiam, Rom. 8. 18. *Statuo igitur perpassiones hujus temporis, non esse dignas ad futuram gloriam*. Atqui quod revera causa est efficiens suo non est indignum effectu, utpote cum ab ipsius efficacia proficiscatur. Quamobrem non immerito in Ecclesia, non minus laudata, quam celebris est, Bernhardi sententia; *Bona opera non sunt causa regnandi, sed via regni*, ut & Paulus confirmat, Actor. 14. v. 22. *per multas afflictiones oportet nos ingredi in regnum Dei*. Quod ut præparatum est nobis ante jacta mundi fundamenta, Matth. 25. 34. Ita fidelibus, etiam nondum afflictis, datum est, Luc. 6. 20. & 12. 32. Cujus regni gloriæ, causa est, donatum regnum gratiæ, Coloss. 1. vers. 13. & 2. Thess. 1. 12. Iacob. 2. 5. Occasio verò, viaque, & conditio gloriæ cœlestis, Matth. 5. 20. Hebr. 12. v. 14. (non autem causa promerens, neque aliter propriè efficiens) sunt bona opera: inter quæ, persecutionum, veræ fidei ac Christi nomine, tolerantia recensetur, Matth. 10. v. 21. Rom. 8. 17. Hebr. 10. 36. Ut enim hæreditas terrena filiis tribuitur, conditione & via præstiti officii, obedientiæ, erga Patrem, non autem merito officii; quia natura hæres est, quâ filius: ita & hæreditas cœlestis conditionem habet ac viam obedientiæ erga Patrem cœlestem; non autem obedientia causa est; sed hæreditas causa, quæ fidelibus Dei filiis, per fidem, data. Quod autem objectant, causam vitæ æternæ statui opera charitatis, Matth. 25. 35. 36. ideoque verè causam dici: in eo homonymiâ ludunt. Nam in consequente hujus Enthymematis parte, seu conclusionem, causa notat efficientem: quæ causa consequentis dici solet, hoc est, rei ipsius: non autem intelligitur de causa consequentiæ; quæ nihil aliud est, quam quævis ratio rei probandæ inserviens, sive argumentum quodvis: atque ita accipitur, in antecedente Enthymematis. Nam in Matthæi loco, qui objicitur, ponitur vox (*enim*) quæ neque hoc in loco, neque plerumque causam efficientem notat; sed in genere rationem. Itaque denotatur tantum causa consequentiæ. Nam cum fideles fidem exereverint, per charitatem; & consequens illius, ex gratiâ Dei promissione, sit vita æterna: inde ex antecedente conditione

impleta, non autem ex causa efficiente, aliqua sua efficacia, vitæ possessio concluditur. Atqui hæc de secundo, novoque hujus loci argumento, sed ordine quarto: quo Paulus ad timorem, & humilitatem hortatur, v. 12. Cui tertium succedit, v. 13. causa efficiente, & auctore bonorum operum, (quæ ad hanc salutem inchoatam, de quâ agitur, pertinent) duplici, procreante quidem Deo; & impulsiva, gratiâ illius benevolentia. Qua ratione impotentiam humanam sine Deo, ostendit, & superbiæ materiam, ac fomitem tollit. Superbia enim oriri solet, ex inani arrogantia; qua homines suis viribus plusquam decet tribuunt: cum bona quæ habent, ea, aut ex se orta; aut à Deo, pro suo merito, reddita, falsò opinantur. Similis locus est 1. Cor. 4. 7. Quare Apostolus ait: *Deum esse qui operatur in nobis, & velle, & efficere*, seu, & voluntatem & effectorem: non generatim, universali, ac communi providentia, de qua re, Actor. 17. 28. Sed speciatim, nempe bonam, hoc est virtute præditam: Ea enim Synecdochicè hoc in loco (pro subiecta operationis salutis materiâ) intelligitur, ut ex Apostoli scopo apertè constat. Operatur autem bifariam: primum remotè, ratione principii, & habitus voluntatis bonæ, tanquam causa, & inchoans, & continuans: seu procreans, & conservans. Procreans quidem sola in nobis, sine nobis, hoc est, sine viribus nostris concurrentibus, per sanctificationis gratiam; quâ per Spiritum Sanctum, mentem illustrat, & voluntatem reformat imminutâ, &, bonâ parte, sublatâ, pravâ illius qualitate, & inditis contrariis bonis fidei, & charitatis, habitibus, quibus ad bonum inclinamus, ac propendimus. Conservans verò est sustentatione & incremento eorundem donorum, Eze. 11. 19. & 36. 26. Deut. 30. 6. Ps. 50. 12. Phil. 1. 6. Secundò operatur etiam, non solum ratione habitus remotè: sed etiam proximè, ratione actus voluntatis, & operis boni, & quidem ut causa adjuvans; intus quidem per Spiritum, Rom. 8. 14. 26. & foris, per verbum, varique opera, fidem, & charitatem excitans, & in opus internum, & externum educens. Quemadmodum enim Lazarus vivificatus est, sine sua opera, à Christo, sed vita donatus, tanquam motus, & actionum naturalium principio, movere se cœpit, ac surrexit: sed vestibus involutus, expedire se, sine auxilio aliorum, non potuit; ita & nos, amissa vita spiritali, nempe sanctitate originali, ad opera iusta movere nos non possumus, neque vitam nobis restituere: sed ea vi sanctitatis à Deo donati (tanquam spiritali actionum supernaturalium, & veræ justitiæ principio) movere nos, hoc est, sanctè vivere, illius vi, incipimus, sed impediti adhuc reliquiarum carnis, deinde Satanæ, denique mundi pedicis, opus habemus novo, Dei Patris & conservatoris, auxilio; quo excitemur, atque expediamur, & nos ad justitiam permoveamus, sancteque vivamus. Vnde pro ratione duarum causarum, ad bona opera concurrentium, eadem, & nostra dicuntur opera, & Dei. Similis locus est 2. Cor. 3. 5. Deus igitur meritò causa, & author bonæ voluntatis nostræ, & bonorum operum nostrorum, statuitur. Altera vero causa, nempe impulsiva, est *inductio* seu *placitum* Dei; ac propterea non meritum nostrum, quemadmodum etiam fateri coactus est Scholasticorum princeps, Thomas Aquinas, ad hunc locum. Nam quod nonnulli, de bona hominum voluntate, exponunt; illud usu Scripturæ, & loci scopo, confutatur. Porro hortationem ad charitatem, & humilitatem reperit, & illustrat Apostolus, v. 14. remotione duorum contrariorum effectuum, quæ ex odio, & superbia oriuntur. Quorum prius, sunt murmuraciones, id est, occultæ obreccionēs; quibus dicta aut facta aliorum, cum indignatione, accusamus. Cum autem aliæ sint adversus Deum, Num. 11. 2. 7. & 1. Cor. 10. 11. Aliæ adversus homines, Actor. 6. 1. de alterutro vel utroque generatim intelligi possunt. Sed tamen scopo melius convenit communis & recepta Interpretum sententia, ut ad homines referamus. Quemadmodum 1. Pet. 4. 9. & Iud. v. 16. ut etiam ex altero, quod prohibetur, vitio apparet: nempe disceptationibus. Quæ, cum esse possint bonæ vel malæ, Matth. 15. 19. Posteriores, Synecdochicè, hoc in loco, intelliguntur: sicut, Marc. 9.

Marc. 9. 33. & 1. Tim. 2. v. 8. Atque hanc hortationem confirmat Apostolus rationibus quatuor. Quarum prior est, ab effectu, ædificatione proximi: ne infidelibus ansam conquerendi præbeant; sed se Dei filios esse ostendant, ac probent. Altera ratio est, ab honesto. Nam ab inchoata sanctitate, ut antea, v. 12. ad perseverantiam hortatur: *inter quos, inquit, splendetis, ut luminaria in mundo*, id est, Solis, & Lunæ instar. Ut enim ea luminaria, mundi tenebris depellendis, sunt condita, Gen. 1. ita & fideles, ut infidelibus, ad veram pietatem, præluceant, creati, & regenerati sunt. Atque elegans, ut hoc obiter dicam, ex veteribus affertur solet comparatio: qua, primum, Christus, luminare majus, dicitur: quod Solis instar per se luceat, & cætera illustret: unde *sol justitiæ*, Mal. 4. 2. & *lux vera*, Ioan. 1. & *lux mundi*, Ioan. 8. nominatur. Deinde Ecclesia, luminare minus, dicitur; quod ut Luna, (quæ luminare minus est naturale) suam habet lucem à sole, deinde in tenebris nocturne, & ortus incrementa, & decrementa deficiunt, & eclipses habet, suis temporibus: ita Ecclesia, à Christo, suam habet scientiam, & justitiam, quasi lucem: & in mundo tenebroso, variis gradibus, clarius, aut obscurius luceat, aut latet. Denique fideles singuli luminaribus reliquis, seu stellis, comparantur: ut enim Sol, & Luna, distinctè, luminaria magna nominantur, Gen. 1. Ita stellæ generatim luminaria dicuntur; quæ ut noctu lucent, & lucis magnitudine differunt inter se: sic etiam fideles, & in hoc seculo; & (ut videtur) in futuro, 1. Cor. 15. Atque hoc existimant fuisse significatum, promissione illa, quam Deus Abrahamo dedit, Gen. 22. 17. qua semen illius, stellis cœli, & arenæ, comparavit: quasi, comparatio esset non tantum in quantitate, & numero, quod certum est, sed etiam in qualitate, quod filii alii futuri essent terreni, & secundum carnem: alii cœlestes, lucidi, & filii, secundum spiritum. Arguta quidem explicatio, sed tamen minus genuina: quia utrumque comparationis membrum refertur ad filios Abrahami carnales, tam impios, quam pios, Ez. 32. v. 13. Deut. 1. 10. Neh. 9. 23. Ac propterea utrumque etiam ad spirituales filios (qui prophetia typica illis adumbrantur) referri debet. Deinde eadem, quæ attulimus loca, ut Gen. 15. 5. & Hebr. 11. 12. apertè docent, numerum tantum considerari. Ut autem ad rem redeamus; Paulus ait: Philippenses splendere, v. 15. Deinde modum exponit; quod præstant, tanquam lucem, sermonem vitæ. Qua periphrasi, vulgò, Evangelium intelligunt, ut Actor. 13. v. 26. Quod ita dicatur: vel à subjecta materia, quam tractat, quod de vita æterna agat: vel potius ab effectu, quod vitam afferat, quemadmodum Rom. 1. v. 16. Posset etiam, ut videtur, accipi de Christo, ut 1. Ioan. 1. 1. nominatur. Prior tamen interpretatio, quia propria est, frequentissima ac melius fluit, præferenda. Præstenditur autem *sermo vitæ*, trifariam: doctrinā; confessione; & vita, seu imitatione, & obedientia: ex qua sermo vitæ elucet, Matt. 5. v. 14. 15. 16. Hæc de secunda ratione. Tertia est, ab effectu, seu fructu consequente, nempe Pauli gloria, in die Christi, id est, die universalis iudicii, Matth. 25. 35. 36. Cujus gloriæ materia, est cursus (seu ministerii, & laboris ac difficultatum in eo subeundo) utilitas, v. 16. Quem laborem, anticipatione elegant, amplificat, & illustrat, ab adjuncta sua constantia; seu amore summo, erga Philippenses: ut eos in officio, hac quarta ratione, confirmet, & simul consoletur. Utitur autem eleganti allegoria, qua conversionem Philippensium, hostiæ, ac Sacrificio; & sanguinis sui effusionem, libationi, confert: similitudine ducta à sacrificiis Vet. Testamenti, quibus hostiæ infundebatur vinum, aut oleum, ad sacrificii perfectionem, Exod. 29. 40. Num. 15. 5. 7. Levit. 2. v. 6. Sensus igitur Pauli est: se etiam mortem, ac sanguinis effusionem, ad confirmandum Philippensium fidem, cum gaudio, & gratulatione subire paratum, v. 17. Unde Philippenses, ad mutuum officium, vicissim hortatur, v. 18. Atque hæcenus hortatus est Apostolus Philippenses ad officium. Sequitur jam narratio, eodem pertinens, nimirum ut eos partim consoletur, & ita in vera fide contineat: partim ad fidei opera, & charitatem, amplius exstimulet. Nar-

ratio autem dividitur in tres partes: in promissionem geminam; & declarationem remissionis Epaphroditi ad Philippenses. Prior promissio est, de Timothei missione, quam, cum conditione voluntatis, & auxilii Christi, proponit. Nam spem videtur intelligere, non fidei, ex revelatione divina quæ certa est, & necessaria; sed charitatis, quæ probabilis: quæ, de aliorum salute, & mediis, ad eam utilibus, optimè speramus. Deinde promissionem, adjuncta temporis circumstantia, cum ait: *brevi*, & sine gemino, exponit, atque illustrat. Ac prior finis est, Pauli, per Timothei nuncium, consolatio, v. 19. Alter est (quo prior etiam confirmatur) Philippensium, per eundem curatio: quam illustrat commendatione fidelitatis Timothei: qua illum sibi confert, & aliis, qui sibi aderant, præfert, imò opponit, 20. Nam quamvis *israhelites*, id est, *pari animo præditus*, intelligi possit relatè ad Timotheum; tamen ad Paulum potius videtur referendum: quia & sensus uberior est, ad commendationem; & sequentibus quoque convenientior. Cæterum utrumque membrum confirmat sequentibus. Ac primum oppositionem, & quidem à contrariis aliorum studiis, & finibus: quod omnes reliqui suis commodis, non Christi gloriæ, studerent, v. 21. Quæ sententia bifariam exponi potest: primum, ut vocem *omnes*, non generatim, & simpliciter, de singulis; sed Synecdoch. de plerisque: & studium illud, sua quærendi, non absolute; sed comparatè, cum Timothei sinceritate, & zelo accipiamus: qua etiam ratione hunc locum vulgò declarant. Secundo, ut vocem *omnes*, generatim ac simpliciter: studium verò absolute, sine comparatione: Verum non simpliciter, sed secundum quid exponamus; ratione hujus molestæ, in Christi negotio, profectionis ad Philippenses, à qua, ob difficultates, reliqui, præter Timotheum, adhoruerint: quæ probabilis videtur sententia. Nec dissimilis reprehensio extat 2. Tim. 4. v. 16. *In prima defensione nullus mihi adfuit, omnes deseruerunt me*. Alioqui fuisse Romæ, qui Christum seriò quærerent, complures, apparet ex Actor. 18. v. 15. & Rom. 1. 8. Phil. 1. 14. Unde constat studium hoc, non esse accipiendum simpliciter: sed secundum quid. Atque hoc modo, Timothei, & aliorum oppositio confirmata est. Eiusdem verò comparatio, cum Apostolo Paulo comprobatur, argumento deducto ab effectu eodem amborum: quod videlicet, cum ipso, in Evangelio prædicando, fidelissimè inservierit Christo. Quam quidem fidelitatem amplificat, & illustrat, simili, cum ait: *tanquam cum Patre filius*. Ac propterea metaphoricè, non solum propter conversionem, & regenerationem ab Apostolo, *filius* nominatur: sed etiam ob fidelitatem, *primogenitus*, 1. Tim. 1. 1. Atque hanc Timothei operam, & fidelitatem insignem confirmat amplius ab experientia Philippensium, v. 22. Porro hanc Timothei commendationem, seu potius laudem, sequitur, v. 24. promissionis, de illius missione, per conclusionem quandam, repetitio, & illustratio circumstantiæ temporis, cujus antea meminerat. Eaque via, commodè, & eleganter, vers. 24. transit ad alteram, nempe adventus sui, promissionem, non dubiam, ut vulgò interpretantur; sed certam: ut ex cap. 1. 25. & explicatione illius loci, apparet. Cui tertia narrationis pars succedit, nimirum declaratio missionis Epaphroditi, & commendatio illius. Ac primum, Epaphroditum, Philippensium pastorem, describit, bifariam. Priori enim loco argumentum desumit à tribus relatis, cum *fratrem*, per fidem in Christum, & *adjutorem* in Evangelio prædicando; & eodem sensu ac simili eleganti, *commendationem*: ac denique *legatum*, seu missum à Philippensibus, vocat. Secunda descriptionis pars, est ab effectu, nempe fide illius, in legatione peragendâ. Atque hinc, missionis necessitatem, non absolutam, sed relatam ex hypothese finis, indicat, v. 25. Et confirmat ratione duplici: quarum una est desiderium Epaphroditi, cujus causam addit, v. 26. & illustrat, v. 27. Altera ratio est consolatio Philippensium & Pauli, vers. 28. Atque huic descriptioni missionis, & conditionis Epaphroditi, additur commendatio: qua primum hortatur, ut eum, *in Domino*, id est, propter Dominum, ac secundum Domini verbum, cum omni gaudio, excipiant: & tales in precio habeant,

habeant, v. 29. Quam hortationem confirmat, ab effectu, Epaphroditum fide, & constantia, in legatione obeundâ, vers. 30.

## CONSECTARIA. CAP. II.

I. **P**li Ecclesiæ pastores, non solum hortando, sed etiam rogando, & obtestando, omnibusque honestis rationibus, Ecclesiam, ad officium provocare, & in eo continere debent, v. 1.

II. Ut pastorum officium est, propter Ecclesiæ concordiam gaudere: sic vicissim Ecclesia, grato, erga Deum, & pastores suos, animo curare debet; ne, diffidiis suis, hoc gaudium tollat: sed consensione mutua indies adaugeat.

III. Eam autem concordiam, in religione, geminam esse oportet: nempe & in mente, & in voluntate: ut, secundum verbi divini normam, idem credant, idem ament, vers. 2.

IV. Quemadmodum contentio; &, fons illius, ambitio, concordie pestis prima est: sic animi humilitas, quâ modestè de nobis, & honestè de aliis sentimus, prima illius est parens, & nutrix, v. 3.

V. Altera pestis est φιλαυτία, immoderatus sui amor: quo fit, ut quis avarè sua tantum spectet commoda. Amor verò, & cura commodi alterius, altera est concordie parens, & nutrix, v. 4.

VI. Christi Domini, ac ducis nostri sancta vita, nobis, tanquam exemplar salutare, & stimulus ad sanctitatem esse debet, v. 5.

VII. Cum Christus existat in forma Dei, sequitur verum esse Deum, Patri *ὁμοῦνον*, id est, unius ejusdemque essentiae.

VIII. Deinde cum par sit cum Deo nempe Patre: inde concluditur, ex relatorum natura, aliam esse personam; deinde confutatur eorum error, qui æqualitatem hanc negant.

IX. Quoniam incarnatio filii Dei, vocatur inanitio, inde sequitur humanam naturam, etsi non absolutè consideratam, divinæ tamen naturæ comparatam, esse inanitatem, ut Psal. 144. 4.

X. Filius Dei formam servi accepit. Ergo verus est homo, nobis *ὁμοῦνος*. Neque obstat, quod similis hominibus factus dicatur: quia similitudo, Synecdochicè, ut antea ostendimus, convenientiam etiam in essentiâ, notare potest, & hoc in loco denotat.

XI. Incarnatio filii Dei, facta est assumptione formæ servi. Ergo filii Dei inanitio, non est facta, mutatione naturæ divinæ in humanam: sed unione hypostaticâ: ideoque verum est, tritum illud in Scholis, de Christo, eloquium ænigmaticum:

*Sum (Deus) quod eram; nec eram, quod sum (homo) nunc dicor utrumque;* nimirum Immanuel, *Διὰ θεοῦ ἄνθρωπος*, Deus-homo.

XII. Cum homines, naturæ, & creationis jure, sint servi Dei: Deum, tanquam Dominum suum, animo agnoscere, ac revereri, eique secundum mandata illius, servire oportet, v. 7.

XIII. Quandoquidem extra controversiam est, nos Christi obedientiam servari, Rom. 5. eaque, ut hîc docetur non in sola morte, sed totâ vitâ usque ad mortem, durarit; sequitur salutis nostræ meritum, soli obedientie, in morte præstitæ, exclusæ antecedenti, minimè ascribi oportere. Nam quamvis sacræ Literæ, vitam nostram, & salutem, sanguini, ac morti Christi plerumque acceptam referant; illud tamen non fit exclusivè, quasi-obedientia vitæ Christi non esset *οὐκ ἔστιν*, etiam illius causa: sed Synecdochicè, *ὡς τὸ ἐξ ὅλης*; quia obedientie Christi, & justitiæ, ut vulgò loquuntur, tam activæ, quàm passivæ colophon, ac complemeatum, in morte consistit.

XIV. Christus mortuus est: Ergo homo mortalis fuit, non specie tantum externa, ac fallaci: sed reipsâ.

XV. Crux, pro Christi nomine, æquo animo ferenda est: quia Christus ad salutem nostram, & vitæ exemplum eam prior tulit: eique affixus est; & quidem non solum: ut esset martyrium; seu testificatio: & obsignatio veritatis, quemadmodum crux nostra: sed etiam ac potissimum ut esset maledictionis nostræ, in se susceptæ, argumentum, & *ἀντὶ*, v. 8.

XVI. Humilitatis, obedientie, & tolerantie crucis, seu persecutionis ob religionem, comes est gloria. Ideoque virtutibus illis danda est opera.

XVII. Cum solus Deus sit adorandus, Matth. 4. vers. 10. & Christo is honor conveniat. Ergo est verus Deus.

XVIII. Cum omnes creaturæ, etiam demones, velint, nolint, Christo debeant genua flectere, ac Dominum agnoscere: illius tutelæ, in omnibus tentationibus fidentum est, v. 10.

XIX. Qui Christum confitetur, & honorat, honorat Patrem: ac propterea Patris gloriam minuunt Iudæi, Turcæ, & cæteri, qui secus faciunt, v. 11.

XX. Fideles Deo obedire debent, non solum in præsentia ministrorum verbi: sed etiam in absentia, idque sincero corde.

XXI. Timor & tremor à Paulo præcipitur nobis. Ergo non omnis timor fidei, aut charitati repugnat, v. 12.

XXII. Cum Deus bonæ voluntatis, & operationis illius sit author, & quidem pro suo placito: sequitur eos graviter errare, qui à liberi arbitrii viribus, & operum nostrorum merito, salutem promanare statuunt. v. 13.

XXIII. Fideles sinceritate, & sanctitate vitæ, justam reprehensionem vitare, seque Dei filios esse, probare debet.

XXIV. Infidelium hujus mundi pravitas, nos, exemplo suo, corrumpere non debet: sed contrà infidelibus doctrinæ, & vitæ innocentia, ac sanctitate, prælucere debemus, v. 15.

XXV. Evangelium est sermo vitæ. Ideoque in summo pretio habendum, audiendum, legendum, meditandum, eique omninò parendum.

XXVI. Ministrorum Ecclesiæ est; ut in docendo Evangelio, diligentes; &, in cruce ferendâ, constantes sint.

XXVII. Quamvis fideles Evangelii ministri nunquam frustra doceant, respectu consilii Dei, & salutis suæ: tamen ratione salutis auditorum, frustra docent, nisi illi doctrinam amplectantur, in eaque perseverent.

XXVIII. Magna piorum pastorum erit gloria, in cœlis; si multos ad Christum converterint, in terris, v. 16. similis locus, Dan. 12. 3.

XXIX. Conversio, & confirmatio infidelium, per verbum Evangelii; & sanguinis martyrium, sacrificium est spirituale ministrorum Evangelii. Ideoque illi rei danda est opera, ut successus illius, justam gaudii, & gratulationis materiam præbeat, v. 17.

XXX. Constantia pastorum Ecclesiam consolari debet, v. 18.

XXXI. Ministri verbi, non sua commoda, sed Domini sui Christi gloriam quærere debent, eique servire fideliter, v. 21.

XXXII. Morbi à Deo immittuntur, & quamvis lethales sæpe videantur, eos tamen, ad consolationem suorum, interdum clementer tollit.

XXXIII. Cum Paulus Epaphroditum sanare non potuerit; sequitur Apostolos, non pro suo arbitrio, & potentiâ, miracula edidisse: sed tantum tanquam instrumenta, & quidem secundum instinctum Spiritus Sancti v. 27.

XXXIV. Fideles verbi ministri ecclesiam amare, atque honorare; & hæc vicissim pastores suos, in amore, & pretio habere, debet, v. 26. 29.

## Doctrinam.

**Atque**



Atque hi præcipui sunt hæreticorum errores, qui orthodoxæ, de persona Christi, doctrinæ, adverfantur. De quibus plenius consuli possunt ex Græcis Patribus, Epiphanius, Theodoretus, Nicetas: ex Latinis, Philastrius, & Augustinus, qui Epiphanius ac Philastrius secutus est, ac sæpius citat; denique Isidorus.

### C A P U T T E R T I U M.

**H**Atenus de capite secundo egimus: sequitur jam tertium; quod partim antecedentis narrationis conclusionem: partim admonitionem, de vitandis Pseudo-Apostolis, continet. Conclusio hæc est. *Quod superest, fratres, gaudete in Domino.* Quæ verba variè accipiuntur. Nam primum, vocem (*χαίρετε*) quidam, *valet*, interpretantur: ut 2. Cor. 13. 11. *quod superest, fratres, χαίρετε.* Sed dissimilis est ratio: quia, ad Corinthios, conclusio epistolæ est; hîc vero non est: ut interim omittam, quod ad Corinthios ea vox potius significat *gaudete*, ut ex circumstantiis apparet. Deinde *in Domino*, quidam sic accipiunt, ac si vox in, notet causam efficientem: ut fit sensus; propter, & secundum Dei voluntatem: ut Eph. 6. 1. Phil. 2. 29. Alii vero existimant indicare objectum, & materiam gaudii; ut conveniat cum loco Phil. 3. 3. Utraque probabilis: sed prior magis consentanea apparet interpretatio: ut distinguatur gaudium fidelium quod secundum Dominum est, à gaudio infidelium, quod secundum carnem, & mundum est.

Deinde gaudium hoc intelligendum est speciatim, pro circumstantia antecedentium; ut opponatur tristitiæ, quam conceperant ex periculoso Epaphroditi morbo, Phil. 2. 27. Et ut conveniat cum sequente versu 29. c. 2. Atque hæc narrationis conclusio, cui additur admonitio de vitandis Pseudo-Apostolis, qui jugum legis Mosaicæ, & justificationem operum urgebant, Act. 15. vers. 1. Distribuitur autem in *Exordium, propositionem, confirmationem, & conclusionem.* *Exordium*, est anticipatio: quâ attentionem parat, declarando repetitionis sequentis causam duplicem. Prima autem est zelus, & studium Pauli: Altera est utilitas ac confirmatio Philippenfium. Ex quibus rationibus apparet, hanc sententiam, non ad antecedentia verba (licet ea hîc ex capite secundo, v. 28. & 29. & 4. 4. repetantur) sed potius ad sequentem & tertiò repetitam hortationem, v. 18. pertinere: quia hæc repetitio, ad Philippenfes à lapsu conservandos, propriè pertinet; & collatio, v. 18. c. 3. idem ostendit. Atque huic exordio additur hortationis *propositio*, valde emphatica: ob repetitionem triplicem ejusdem vocis, *Cavete*; & Pseudo-Apostolorum descriptionem ab effectis, & adjunctis, quæ sunt gravium argumentorum instar. Primum enim *canes* vocat, metaphoricè, ob similitudinem impudentiæ, latratus, ac morsus & potissimum curæ ventris: quod videlicet impudenter falsitatem prædicarent: iniquè Paulum, & veritatem calumniâ peterent; & ventri suo, hac in re, servirent, ut Phil. 3. 18. 19. Deinde vocat eos, *malos operarios*: quod, prætextu ædificationis Ecclesiæ, eandem destruerent. Denique non circumcisionem (hoc est, non circumcisos) sed *concisionem* appellat, paronomasiam eleganti. Quæ vox metonymicè accipienda est, & quidem vel activè, pro concidentibus, quod Ecclesiam in partes conciderent, ac turbarent, circumcisionis Mosaicæ (quasi necessariæ Christianis) prædicatione, eoque digni, qui abscinderentur, Gal. 5. 10. 12. vel passivè, pro concisis, ut referatur ad profanas incisiones, quas Deus prohibuit, Lev. 21. 6. ubi Græci interpretes habent *ἐν ταῖς σαρκί, αὐτῶν ἡ κατατομή ἐστὶν ἐν νόμῳ.* Nam circumcisio, ante Christum glorificatum, erat pars cultus à Deo mandati; ideoque ex hypothese necessaria: post Christum verò glorificatum, si opinio cultus abesset, ad tempus erat arbitraria: sed cum opinio cultus necessarii, aut etiam meriti adesset, erat concisio idololatrica, ac Christo adversa, Gal. 5. 2. Quemadmodum impiorum circumcisio, dicitur præputium, Rom. 2. 25. 26. Utraque interpretatio elegans est, sed tamen prior est simplicior, & scopo ac præcedentibus aptior; ut effectum per-

nitiosum operariorum illorum declaratur: ut inde malos esse constaret; eoque diligentius vitarentur. Atque hæc de v. 2. & propositione: cui *confirmatio* succedit. Nam oppositione fidelium, removet Pseudo-Apostolorum (quos concisionem vocarat) exceptionem, ac gloriationem, de sua circumcissione carnali, quam refutat. Docet enim fideles, five carne circumcisi sint, five non sint, esse verè Deo gratos circumcisos. *Nos enim*, inquit, (Metonymiâ usus) *sumus circumcisio*, nempe Deo grata, non autem adversaria: idque, circumcisionis descriptione, ex effectis, probat, quòd *Deo serviant Spiritu*, hoc est, animo, & spirituali fidei, & charitatis cultu: qui oritur ex circumcissione cordis. Ea autem est duplex: una à reatu peccati, per justificationem, obedientiæ Christi quasi cultro: altera est ab inhærente contagione peccati originis, per sanctificationem, Spiritus Christi cultro. Idcirco addit Apostolus alterum effectum: *gloriamur in Christo Iesu*, id est, in communione Christi, qui umbrarum Mosaicarum corpus est, & veritas, hoc est, res iis significata, *non autem confidimus in carne*, id est, in rebus humanis externis, ac caducis, qualis est circumcisio cæteræque ceremoniæ legales, & hominum (si rigorem justitiae divini spectes, hominumque meritum) justitia externa. *Caro* enim hoc in loco opponitur spiritui, & Christo, v. 3. Verum quia objici poterat, Paulum in carne non confidere, quod ea gloriandi destitueretur materia; idcirco, per anticipationem, hoc refutat, explicatâ ejus causâ; primum remotione falsitatis; secundò positione veritatis. Ac remotio comparatione amplificata, continetur, v. 4. eamque inductione probat Apostolus. Ac primum, inter carnis bona refert, adjunctum circumcisionis tanquam religionis initiationem, quod *circumcisus sit octavo die*, ideoque non insitus, sed natus in Ecclesia Israël: secundò causam procreantem adducit: primò remotiorem, nempe *gentem Israël*; ideoque non Ethnicis parentibus ortum. Deinde propinquiorem, videlicet *tribum* certam, & quidem insignem *Benjamin*; è qua primus fuit Israëlitarum rex; quæque tribui Judæ fuit conjunctissima. Denique causam remotissimam recenset, cum ait: *Hebræus, ex Hebræis.* In quo Emphasis est observanda hæc; quod non altero tantum, ut multi, sed utroque parente Hebræo sit oriundus. Ex quibus generis nobilitas, & antiquitas elucet. Tertiò addit, v. 5. *adjunctum religionis Pharisaicæ*, ac sectæ, quam secutus erat: quæ cæteris præstantior, & honoratior habebatur. Act. 26. 5. Denique subjicit religionis suæ effecta: *Zelum, in Ecclesia persequendū*, & innocentiam, seu *justitiam* externam in reliquis actionibus, *qua irreprehensibilis* fuit, non coram Deo, 1. Tim. 1. 13. 14. Sed coram hominibus, v. 6. Atque hæc de remotione objectæ, & falsæ causæ contempus carnis. Cui positio veræ causæ succedit, quæ proponitur & exponitur ordine. Ac proponitur quidem, versu 7. quod *propter Christum*, seu, ut Christo posset potiri, recitata jam externa carnis ornamenta, *quæ erant ipsi*, opinione sua & apud homines, *lucra*, ea *duxorū esse damnum*, id est, saluti adversa. Et omnia quidem communiter, ratione qualitatis, seu fiduciæ in illis collocandæ. Quædam vero etiam specialiter, ratione subjecti, & rei, nempe religio pharisaica, & zelus in persequenda Ecclesia. Quorum illud secundum quid, quatenus verbo Dei repugnabat; hoc verò simpliciter, & absolute saluti fuit adversum. Idque exponitur, & amplificatur expolitione. Nam contemptum carnis antecedentem exaggerat, ab adjuncta præfenti perseverantia, ut levitatis, & imprudentiæ suspicioni occurrat, & accuratum animi sui iudicium ostendat: *quoniam etiam duco omnia damnum esse.* Deinde, duas hujus iudicii causas adfert: quarum una, est impulsiva efficiens: *eminentia cognitionis Christi Iesu*, hoc est, fidei. Nam Synecdochicè, cognitio Christi non pro mortua, sed viva accipitur: quæ regenerationis pars est, & assensum particularem, fiduciamque parit: ut Esai. 53. 11. Idque etiam confirmat singularis fiduciæ vox, cum ait: *Domini mei.* Altera causa est finis, nempe Christi communio; propter quam, carnis fiduciam (quasi merces in periculo naufragii, imò ut *percora*) abiecit, v. 8. Cæterum hæc communio Christi intelli-

genda

genda est, non ratione initii (quia Apostolus, de se fidei, & Christi particeps, loquitur) sed ratione continuationis: initium enim habebat, continuationem verò expectabat. Deinde hanc Christi communionem explicat, eleganti distinctione, in communionem personæ, & beneficiorum. Quarum illam, ordine convenientissimo, præponit, cum ait: *ut comperiar in ipso*, id est, ipsi insitus maneam. Quemadmodum enim furculus arbori inferendus, ex ea succum vitalem non haurit, nisi primum ei inferatur, in eaque maneat: ita nec nos beneficiorum Christi participes fimus, nec succum vitæ æternæ percipimus, nisi ei, tanquam veræ, & salutari oleæ, Rom. 11. 24. inferamur; eique coalescamus, unione mysticâ, per Spiritus Sancti operationem, ac fidem; & constanter in eo, ut palmites in vite, maneamus, Ioan. 15. 5. 6. Deinde huic communioni personæ Christi, alteram, nempe beneficiorum illius, apponit, & inductione partium exponit: quas, tres statuit, *justificationem, sanctificationem, glorificationem*. Ac justificationem declarat, primum remotione contrariæ causæ falsæ, nempe propriæ iustitiæ, lege præscriptæ: siquidem ea iustificari non potest, nec absolute, & merito, quia debita est, Luc. 17. 10. nec ex hypothese, & pacto legis, Levit. 18. 5. & Gal. 3. 12. partim quia imperfecta est, Gal. 5. 16. & 1. Ioan. 1. 8. Rom. 8. 3. partim quia persona rea est, & ob peccatum, maledictioni obnoxia, Eph. 2. 1. 3. Rom. 3. 23. Mat. 6. 12. deinde per thesin, declaratione causæ veræ, nempe iustitiæ Christi, quæ justificationis nostræ materia; & à Deo, tanquam causâ principali, gratuitâ imputatione (quæ justificationis forma est) fidei donatur: & per fidem, tanquam instrumentum, & spirituales manum, accipitur, Act. 10. 43. & 26. 18. Verum quia Christi iustitia non unius est generis, ne, in illâ declaranda, impingamus, distributione illius opus est. Nam ut Christus duabus, plus quàm toto genere differentibus, naturis, divina & humana, hypostaticâ unione copulatis, constat: ita alia est iustitia naturæ divinæ: alia humanæ. Illa, pro naturæ ratione, increata, & infinita est; nec tam Deitatis est, quàm ipsa Deitas simplicissima: quia nullum huiusmodi accidens est in Deo: & propterea incommunicabilis est: nec magis communicari potest, quàm ipsa Deitas. Deinde Christo non est propria, sed cum Patre, & Spiritu Sancto omni ratione communis, & eadem: quia hi tres unum sunt 1. Ioan. 5. 7. Atque iustitia Christi, qua iustificamur, nobis communicatur, nec est Christo cum Patre & Spiritu Sancto communis. Ergo iustitiâ Christi essentiali, & increatâ, divinæ essentiae iustitiâ, non iustificamur. Ideoque falsò Andr. Oseander, contrarium, nostro seculo, docuit. Altera porro Christi iustitia est, non essentialis, increata, infinita: sed, pro ratione subjecti accidentalis, creata, ac reipsa, & tempore finita: nempe iustitia humanæ naturæ. Quæ iterum duplex: innata & enata, seu acquisita. Prior est, totius naturæ humanæ in Christo, perfectâ, inde ab initio, sanctitas, & conformitas cum lege Dei; seu omnium virtutum habitus insitus, ac perfectissimus, Luc. 1. 35. quo, ad omnem iustitiam implendam, aptissimus est: quàm propterea κατ' ἐξουσίαν iustitiam habituales nuncupant. Altera verò huius est soboles, nempe iustitia ex ea enata, seu acquisita: quæ nihil aliud est, quàm huius habitus, & iustitiæ innatæ effectum, nempe omnis iustitiæ, à nobis debitæ, perfectâ & voluntaria, secundum Patris voluntatem, impletio: unde etiam obedientia dicitur, Rom. 5. 19. Phil. 2. 8. Quæ consistit in iustitia charitatis, & iustitia perpeffionis: quarum illam, iustitiam vitæ, & activam: hanc mortis, & passivam, obscurius, nonnulli appellant; & non solum distinguunt, sed etiam, imperitè, temporibus dividunt: nam, in Christi vita & morte, hæc duo, perpetuò, fuerunt conjuncta: adeo ut inde, Christi vita, perpetua quædam perpeffio, vocari soleat. Nec enim, in Christi passione & morte, tantum fuit iustitia passiva: sed etiam, diverso respectu, activa: quia Christus fuit non solum victima patiens; sed etiam iustus Dei servus, & Propheta sanctus, qui mortis martyrio doctrinam firmavit, 1. Tim. 6. 13. & sacerdos, qui, per Spiritum æternum, seipsum obtulit inculpatum Deo, Hebr. 9. 14. Ideoque, quia in Christi passione, sanguinis effusione, & morte, quali co-

lophon fuit iustitiæ Christi, tam charitatis, Ioa. 15. v. 13. Rom. 5. 6. 7. 8. quàm perpeffionis, Phil. 2. 8. propterea iustificatio & salus, passioni, ac morti, non exclusive, sed Synecdochicè, κατ' ἐξουσίαν, ut antea indicavimus, attribuitur. Atque hæc humanæ Christi naturæ iustitia, quamvis finita sit, natura sua, & per se; tamen infinitam habet dignitatem, à natura divina, quæ unione hypostatica, ei conjuncta; & ab assumptionis huius naturæ, à filio Dei in unitatem personæ, διανομιᾶ. Filius enim Dei immortalis, ad salutem nostram, homo mortalis fieri voluit: ut, pro salute hominum secundum mortalem naturam, legi fieret obnoxius, ac moreretur. Vnde sanguis Christi dicitur sanguis Dei proprius, quo Ecclesiam Dei acquisivit, Act. 20. 28. Ac propterea hæc iustitia Christi innata, & acquisita, suo quodam modo mixta est, utraq; natura contribuyente, & agente, quod suum est, cum communionem alterius: ac propterea iustitia mediatoriali appellari posset. Quæ iustitia in hoc Pauli loco, & similibus intelligenda est: qua, Christo insiti, iusti sumus; & ita considerati, eâ imputatâ, coram Deo, iusti censemur. Sed quia nonnulla adversus hanc sententiam obijciuntur: ea paucis perstringemus, ad clariorem rei intelligentiam. Obijciuntur enim, primum ex ratione debiti nostri: nos obligari tantum ad obedientiam; aut pœnam: non autem ad utrumque simul. Ideoque Christum, cum pœnam pro nobis pertulerit, eâ solâ, pro nobis, satisfecisse. Sed negatur antecedens. Nam quamvis illud verum sit, in natura integra, ante lapsum, falsum tamen est, de natura lapsa, in qua utrumq; concurrat. Nam obligatio ad pœnam, accidentaria est, pendens à peccati commissi merito, & Dei statuto: *qua die comederis, morieris*, Gen. 3. obligatio verò ad obedientiam Deo præstandam, necessaria est, necessest atq; duplici: primum absolute, seu naturæ; quia naturaliter, & indissolubili vinculo, creatura rationalis obligata est, ad Deum, & proximum diligendum: quia illud, ad perfectionem naturæ pertinet, & ad creatoris gloriam, ipsi, tanquam summo bono, & benefico, debitam: ac propterea, cum illa obligatio obedientiæ pendeat à natura Dei, & à natura rei, culpam liberam facere, & à peccato absolvere, hoc modo, non potest: quia optimus est. deinde ex necessitate hypotheseos, nempe pacti legalis, Levit. 18. 5. *Hoc fac, & viveis*. Sed, secundo loco, hic regeritur, argumento ducto à ratione debiti Christi. Illum igitur, pro sua persona, secundum humanam naturam, debuisse obedientiam, obligationis naturalis necessitate: ac propterea eam obedientiam non pro nobis, sed pro se præstitisse. Sunt qui antecedens negant: quod Christi, & aliorum hominum sit diversa ratio: quia non pro se, sed pro nobis natus, nobisq; datus, Esa. 9. 6. sed fatius est, ut consequentiam negemus; quia Christus, pro utrisque, & se & nobis, præstitit obedientiam: quoniam quemadmodum inobedientia Adami, fuit peccatum, non singulare personæ illius, sed generale totius generis humani, quod in eo, tanquam in radice, continebatur. Rom. 5. 12. & obedientia illius, si perstitisset, fuisset communis toti posteritati; ita & Christus, qui principium, & radix est regeneratorum, & pro se, & pro omnibus, per fidem ipsi insitis, ac regeneratoris, obedientiam præstitit: ut ipse tanquam caput servandorū esset iustus; & iusta haberet membra, unâ, & communi iustitia, ob mysticam unionem. Tertiâ objectionem (nempe, sanguini & morti Christi adscribitur salus, & iustitia, ergo non obedientiæ vitæ) jam antea solvimus.

Quarta obiectio est: Scriptura remissionem peccatorum, & justificationem, pro eodem ponit, & hanc per illam definit, Rom. 4. Respondetur hoc fieri Synecdochicè: quia remissio peccatorum est prius justificationis membrum, quod, ex gratia Dei, individuo nexu, sibi conjunctam habet iustitiæ Christi imputationem; quamvis re distinctam. Quinta est: Nullibi in Sacra Scriptura hæc Synecdoche, aut distincta hæc imputatio Christi probatur. Sed contra affertur locus insignis, Rom. 5. 17. 19. 18. Philip. 2. 8. *Factus obediens* non solum in morte, sed etiam usq; ad mortem: quo loco tota obedientia Christi indicatur. Eodem pertinet, 1. Cor. 1. 30. *Christus factus est iustitia*. Sexta obiectio: Si Christus præstitit obedientiam pro nobis. Ergo eam non debemus præstare. Negatur sequela: quia præstitit eam pro nobis, ut eâ vitam promeretur, & ut nobis esset exemplo: prior

priori modo non est nobis præstanda obedientia; sed altero, ut Christi exemplum imitemur, & Deo creatori, ac redemptori gratitudinem exhibeamus, aliisque præluceamus. Quemadmodum quamvis Christus pro nobis passus sit, pati tamen etiam debemus, diverso fine: Christus enim passus est, ut nos redimeret, nobisque patientiæ exemplum præberet: quorum, illud credere, hoc verò imitari nos decet, 1. Pet. 1. v. 21. Septima: si Christus pro nobis, ante mortem, obedientiam præstitit, eramus igitur iusti; ac propterea non opus fuit Christum pro nobis mori. Sed negatur consequentia, quia, per accidens lapsus, legi pœnam debemus, ob violationem illius, non minus, quàm obedientiam, per se, ratione Dei, summi boni, ac benefici. Aded ut perfecta nostra iustitia consistat, in innocentia, aut, per compensationem, in perpessione pœnæ: & deinde in beneficiâ, seu observatione mandatorum; obligatio enim prima oritur ex comminatione, *Maledictus, qui non manserit &c.* & conditione peccati nostri; posterior verò ex præcepto: *hoc fac & vires.* quæ duo divelli non debent. Quare explicato primo communionis personæ Christi beneficio, nempe justificatione v. 9. ad alterum procedamus: quod, ut prioris consequens, ac finis proximus statuitur, nempe vitæ sanctificatio. Quæ, cum mortificatione veteris hominis, & vivificatione novi, quasi membris suis, constet, ea præposterè *ὁμοιωσιν*, sed non ineptè, proponuntur. Ac prius indicat Apostolus, cum ait: *ut cognoscam eum, & vim resurrectionis ejus.* Notitia autem, ut alibi interdum, hoc in loco, pro sensu, & experientia sumitur: Deinde per Metonymiam, per consequens adjunctum, puta, notitiam ac sensum, intelligitur antecedens objectum illius, seu res ipsa, nempe resurrectionis Christi communio, ut versu proximè antecedente, *comperiar in eo*, positum est, pro sim in eo *Vim autem resurrectionis Christi* in nobis, est resurrectio à morte triplici. Alia enim mors est privatio vitæ æternæ, & pœnæ æternæ sensus: quæ mors secunda dicitur, Apoc. 20. v. 8. à qua resurgimus justificatione actuali per resurrectionem Christi, Rom. 4. vers. 21. Altera mors est privatio vitæ spiritualis, nempe iustitiæ, & imaginis Dei: quæ privatio, eâ ratione, mors animæ dicitur; à qua morte resurgimus, per vivificationem novi hominis, vi spiritus Christi, de qua re Rom. 6. vers. 4. Ephes. 2. vers. 10. quæ resurrectio gemina perpetuo nexu, indivulsa est: ac propterea resurrectio prima nominatur, Apoc. 20. vers. 5. Postrema mors est corporis: quæ privatio est vitæ animalis, à qua, vi resurrectionis Christi, per spiritum illius resurgemus postremo die; de qua Rom. 8. v. 11. 1. Cor. 15. pluribus: quæ resurrectio carnis, ac secunda dicitur. Et ut animalis mors sola, propriè mors dicitur: reliquæ verò ob similitudinem quandam, Metaphoricè: sic & resurrectio hæc, sola propria est: antecedentes verò tropicæ. Quia verò distinctè agitur, de prima v. 9. & de tertia v. 11. apparet hoc v. 10. mediam resurrectionem seu secundam, id est, novi hominis vivificationem, vitæque sanctitatem, per *resurrectionis vim*, intelligi oportere. Porro alterum sanctificationis nostræ membrum, & quidem, naturâ primum, est mortificatio veteris hominis; quæ, per *communione perpersionum Christi, & conformitatem cum morte illius*, declaratur. Nam conformitas hæc, aut est propria; qua Christum secuti, propter ipsum patimur, & morimur, de qua re Rom. 8. 17. aut Metaphorica; qua in nobis, merito mortis Christi, & vi spiritus illius, vetus homo patitur, & moritur: de qua re agitur, Rom. 6. v. 4. 5. & 1. Pet. 4. v. 1. quarum priorem, quidam, hoc in loco, non aded malè intelligunt: sed tamen altera potius, ab Apostolo, videtur significari: ut ex oppositionis ratione colligi potest. Atque hæc de v. 10. & secundo communionis personæ Christi beneficio, nempe communione mortis, & resurrectionis Christi, id est, de sanctificatione. Postremum verò, & antecedentium finis, est glorificatio: quam Synecdochicè, à parte illius, declarat; ea enim constat, partim resurrectione gloriosa, quæ *καὶ ἡ ζωὴ*, generis pro specie præstantiori, resurrectio dicitur: partim vita æterna, ac cœlesti gloriâ: cum animæ primum; tum postea corporis. Hinc ait, *ac quomodo*

*perveniam ad resurrectionem mortuorum.* Quod verò hoc in loco Apostolus utitur voce *εἶναι*, ea voce nullam indicat dubitationem, sed potius finem, seu *ut*, denotat; aut saltem desiderium & conatum significat: ideoque noster interpres, non inepta periphrasi interpretatur, *Experiens æquomodo.* Deinde verò etiam si statueretur dubitatio, non inde tamen consequeretur, salutem fidelium ipsis esse incertam, sed modum temporis dubium: nam Paulo, adversus carnem & mundum certanti, corona gloriæ promissa erat certò: sed certaminis meta, & præmii tempus definitum, erat incertum. Quare nullo modo hic locus Pontificiorum causam & sententiam, de incertâ fidelium salute, adjuvat v. 11. præsertim, cum Paulum Apostolum, singulari revelationis dono, de salute fuisse certum, apertè agnoscant: in primis, cum insignem illam, Rom. 8. v. 38. de fidelium perseverantia, gloriationem, non communem fidelibus; sed propriam esse Paulo, ob revelationis privilegium, contendant.

Cæterum ne quis hic scrupulus resideat, eum eleganti anticipatione tollit, & sententiam illustrat Apostolus, Metaphora ac similitudine à currentibus in stadio desumptâ. Cogitari enim poterat, Paulum hic statuere se esse omninò Christo conformem ac perfectum, & ad mortuorum resurrectionem ferè pervenisse. Sed respondet, per aphoresin & thesin: primum enim modestè hoc negat, & perfectionem sibi derogat: deinde contrâ, studium tantum, & conatum sibi tribuit: quem à causa impulsiva amplificat, nempe à Christi (qui ad curriculum pietatis, Paulum exemplo præiens, quasi manu, per Spiritum, verbum, fidemque apprehenderat) vocatione: cuius finis est iustitiæ & salutis meta v. 12. Atque hanc anticipationem expolitione quadam repetit ac declarat: nam aphoresin repetit v. 13. thesin v. 14. qua similitudinem propositam explicatius reponit; quemadmodum & alibi, ut 1. Cor. 9. vers. 24. 25. & 2. Tim. 4. v. 7. 8. Comparat enim vitam suam, & reliquorum Christianorum, stadio, & curriculo, in hisce quatuor, in *scopo*, *recta via*, in eaque ad metam usque *perseverantia*, denique in *præmio*. Atque hætenus Paulus, cum fidelium reliquorum, tum sui oppositione Pseudo-apostolis inanem iustitiæ larvam detraxit: ut confirmaret propositionem illam: eos non sequendos esse; sed cavendos à fidelibus. Vnde jam conclusio sequitur, qua hortatur omnes fideles, primum, ad consensum in proposita doctrina: deinde ad imitationem sui, & similium: Et in priori membro, fideles distinguit, in perfectos, & imperfectos. *Perfectos* autem vocat, non absolutè, sed comparatè cum imperfectis, ac rudioribus illis, qui doctrinam, de abrogatione ceremoniarum legis, & de iustitia Christi, non ita plenè intelligebant: quibus, anticipatione quadam, pleniorē intelligentiam, à Deo, promittit, v. 25. Et ad constantem, in reliquis, consensum, in doctrina & vitâ hortatur, v. 16. Rudiores enim potuissent objicere, se non omnia capere: Respondet Apostolus, ea, suo tempore, Deum revelaturum: ideoque non esse turbendam Ecclesiam. Ad alia verò quod attinet, de quibus melius edocti erant, ne ab iis deficerent, sed constantes permanerent. Atque huic primo hortationis membro, alterum additur, de imitatione Pauli & similium, vers. 17. Quod confirmat, Pseudo-apostolorum antithesi eleganti. Antithesis autem sita est in duobus: in studiis, & in exitu. Pseudo-apostolorum enim studia exponit, partim odii, cum hostes crucis Christi (id est, quam ipse tulit) aut quæ propter ipsum ferenda, Gal. 6. v. 12.) vocat v. 18. partim amoris erga ventrem, & gloriam; speciatim quidem, cum ait: *eorum Deum esse ventrem, & gloriam in ignominia*, hoc est, rebus ignominiosis, nempe Evangelii & Ecclesiæ corruptione, Gal. 6. vers. 13. consistere Deinde verò generatim, cum *terrena curare ostendit*, v. 19. Exitum verò esse docet, *interitum*. Ne verò ex odio loqui videretur, eam suspensionem declaratione adjunctarum suarum *lachrymarum* diluit, v. 18. Contrâ verò sua & piorum studia recta: exitumque felicem, hisce opponit. Studia quidem, quod cælum, & cœlestem vitam, vera fide & spe, in terris, meditentur, v. 20. Exitum verò, resurrectionem corporum gloriosam: Quam gloriam amplificat, partim à causis, cum efficiente, Christi potentia; tum for-

formâ, conformitate cum Christo futura, non quidem æquali; sed simili: partim oppositione præsentis miseræ, sive antecedentis humilitatis, v. 31. Atque hæc de Capite tertio.

## CONSECTARIA CAP. III.

I. **G**audendum fidelibus, & quidem in Domino: Ergo vana est Stoicorum, eosque admirantium *ἀπάθεια*: & fugienda est mundana, Dominoque repugnans, lætitia.

II. Eadem doctrina fidei, & vitæ Christianæ, sæpius Ecclesiæ repetenda est, ut altiores, in fidelium animis, agat radices; & ut cautiores sint, atque tutiores adversus periculum, v. 1.

III. Nocentes Ecclesiæ adversarii, vivis suis coloribus, depingendi sunt: ut eò melius dignosci, & caveri possint, v. 2.

IV. Non in carne, seu rebus externis, sed in Domino glorandum, de ipsius gratia.

V. Circumcisio alia externa, ac carnis: alia interna ac cordis. Prior signum, ac sacramentum Veteri Testamento proprium: Posterior verò res est eo significata, quæ solis verè fidelibus, omnibusque, utroque Testamento communis, v. 3.

VI. Et si à piis Evangelii ministris, omnis abesse debeat arrogantia, ac donorum, sibi divinitus collatorum, jactatio: ea tamen dona, Pauli exemplo, commemorare licet; si quando noxia adversariorum jactantia, & insultans calumnia, Ecclesiæque utilitas & Dei gloria postulant, v. 4. 5. 6.

VII. In Christi communione summa nostra felicitas consistit: ideoque ab omnibus ei adversis abhorrendum.

VIII. Veræ fidei est, non solum Christum agnoscere Dominum: sed etiam Dominum suum ac servatorem, v. 7. & 8.

IX. Justitia in genere, alia est propria, ex lege, quæ nobis ob naturæ corruptionem deest; alia est aliena, nempe Christi, per fidem, à Deo donata, quæ nobis adest, v. 9.

X. Justificationis finis est sanctificatio: quæ mortificatione veteris hominis, & resurrectione novi, continetur, v. 10.

XI. Fideles in hac vita imperfecti sunt, in se; & tamen ad perfectionem magis magisque serè contendere debent. Ac propterea vitanda est arrogantia Perfectistarum, & communis serè Christianorum in pietatis curriculo negligentia, v. 12. 13. 14.

XII. Præmio vocationis Christianæ stimulari nos decet, ut impedimenta omnia rejiciamus, & strenuè progrediamur in officio, v. 14.

XIII. Fratres, ex primæ institutionis pravæ erroribus adhuc infirmi in fide, bona spe progressus, tolerandi sunt, ac juvandi, v. 15.

XIV. Nihil indignius est, quam non perstare, in percepta semel doctrinæ veritate; sed à sancta Ecclesiæ consensione deficere, v. 16.

XV. Ministros Evangelii, bono fidei, & vitæ Christianæ exemplo, Ecclesiæ præluere decet, v. 17.

XVI. Piorum est, sancta pastorum fidelium exempla imitari; contraria verò depastorum ac seductorum devitare, v. 17. 18.

XVII. Quam ad rem, stimulus esse debet, illorum studium honestum, ejusque præmium: horum verò improbitas & exitium, v. 18. 19. 20.

XVIII. Christus sua potentia nos suscitabit ultimo die. Ergo verus est, & omnipotens Deus.

XIX. Corpora nostra humilia, suscitanda sunt, conformia corpori Christi glorioso: Ergo persecutiones, Christi nomine, ut Heb. 11. v. 26. & 35. patienter sunt ferendæ, v. 21.

## CAPUT QUARTUM.

**P**ostquam Apostolus sui, & Pseudo-apostolorum antithesin absolvit capite antecedente, conclusionem hortationis ad perseverantiam in fide, adversus impostorum

perversa studia repetit, ac patheticè confirmat, hujus cap. initio: *ita* inquit, *stare in Domino*. *Stare* autem, Metaphora eleganti, ab athletis deducta, *perseverantiam* notat: ut ante, cap. 1. vers. 27. & 1. Cor. 16. vers. 13. exponitur, & Gal. 5. vers. 1. & Eph. 6. vers. 11. 14. Sed verba sequentia, *in Domino*, bifariam accipi possunt; nempe, ut dictio *in* notet rei causam efficientem, vel subjectum: id est, per Dominum, seu Domini virtute; aut in conjunctione cum Domino Christo, seu, in eo, tanquam radice & fundamento, Col. 2. vers. 7. quemadmodum fideles periphrasticè vocantur, *qui sunt in Christo Jesu*, Rom. 8. v. 1. 1. Pet. 5. v. 14. quæ accommodatio declaratio est. Similes Phrases sunt: *in gratia stare*, Rom. 5. vers. 2. & 1. Pet. 5. vers. 12. *stare in fide*, 1. Cor. 16. v. 13. Quod autem additur vox *ita*: quidam ad præsentem Philippensium statum: alii verò probabilius ad præcedentem doctrinam referunt: ex qua, hanc hortationem deducit, voce *Itaque*. Atque huic conclusioni inseritur confirmatio ab hujus perseverantiæ effectis, amore, desiderio, gaudio, & coronâ Pauli. *Gaudium autem & coronam* Metonymicè Philippenses vocat, quod sint eorum materia, aut potius causa instrumentalis: ut de gaudio apparet, capite primo, v. 2. 7. & 8.

Ac quamvis *corona* per Metaphoram, à certaminibus derivatam, interdum honorem ac decus notet, ut apparet ex Proverb. 12. vers. 4. & 17. vers. 6. tamen accipitur etiam pro præmio, & quidem cælesti, κατ' ἐξουσίαν, quemadmodum eleganter Metaphora illa explicatur, 1. Cor. 9. vers. 25. & *corona incorruptibilis* dicitur: ut 1. Pet. 5. v. 4. *immarefscibilis gloriæ corona*: & Jacob. 1. vers. 12. & Apoc. 2. v. 10. *corona vitæ*, & 2. Tim. 4. vers. 8. *corona justitiæ*. Quo etiam modo *coronæ* vox, hoc in loco, accipienda est: ut colligitur ex cap. 2. vers. 16. & 17. & 1. Thess. 2. v. 19.

Porrò absoluta jam hac hortationum generalium tractatione; ad particulares descendit. Quarum quædam pertinent ad certa Ecclesiæ membra: nam *Euodiam & Syntychem* sceminas fideles, ad concordiam in Domino, id est, in fide in Christum, aut secundum Domini voluntatem, exstimulat, vers. 2. easque collegæ commendat, ob diligentiam in Evangelio privatim (nam publicè in Ecclesia non licuit, 1. Cor. 14. v. 34.) propagando: & ob constantiam in adjuvando Paulo, & ferenda cruce. Simile exemplum illustre est, in *Priscilla*, Act. 18. v. 26. Rom. 16. v. 3. 4. Hæc de v. 3. Cui subjunguntur tres adhortationes ad totam Ecclesiam pertinentes. Quarum prima est, ad *ἡσυχίαν* (seu animi tranquillitatem) & gaudium Christianum. Quæ hortatio differt ab iis, quæ antecesserunt c. 2. v. 18. & c. 3. v. 1. quod illæ spectant singulares, & definitas causas, Paulum & Epaphroditum: hæc verò latius patet, & ad omnia Dei beneficia, quæ nobis per Christum conferuntur, referenda est, v. 4. Altera hortatio est ad moderationem & equitatem, in perferendis aliorum injuriis. Quæ virtus (quia, ob innatam hominum impatentiam, difficilior est) per anticipationem, à propinquitate Christi Domini, confirmatur. *Christus* autem *propè esse* dicitur, vel ratione adventus ad judicium: vel ratione peculiaris auxilii, ut Psal. 145. v. 18. quomodo hîc etiam accipi videtur v. 5. quamvis, si quis priori modo interpretari velit, non malè conveniet, cum reipsâ, & similibus locis, Colof. 3. v. 24. & cap. 4. v. 1.

Postrema hortatio est bimembris: ad *fugam sollicitudinis*; & remedium illius præstantissimum, *invocationem Dei*. Cum autem sollicitudo alia sit spiritualis, alia carnalis: illam Apostolus non intelligit, quia origo illius bona est, nempe Spiritus & fides, seu agnitio voluntatis Dei, cum fiducia providentiæ illius; medium etiam bonum est, quia normam & modum vocationis suæ, verbo Dei præscriptum, servat: finis denique bonus est, quia ad gloriam Dei (videlicet, ut ei obedientia præstetur, tanquam summo Domino) tendit. Ideoque Paulus eam sollicitudinem in Timotheo laudavit, Phil. 2. v. 20. & in cælibe, 1. Cor. 7. v. 32. & in se, 2. Cor. 11. vers. 28. commendat. Altera contrà sollicitudo carnalis est, quæ à carne & infidelitate oritur; deinde



modum excedit; denique Dei gloriam non spectat. Quam propterea Christus prohibet, Matt. 6. vers. 31. & Petrus 1. Epist. cap. 5. vers. 7. & Paulus hoc in loco intelligit. Invocationem verò distinguit in suos modos, nimirum in gratiarum actionem pro acceptis beneficiis, & petitionem pro accipiendis, vers. 6. Quam hortationem confirmat, à consequente fructu & dono perseverantiæ, nempe custodia animi, per pacem Dei, & mediatorem Christum. Animum autem describit partitione quadam, in mentem, seu intelligentiam; & cor, seu voluntatem. Deinde pacem ab adjuncta quantitate seu magnitudine, per comparisonem imparis amplificat, cum ait: *omnem intellectum superare*, hoc est, cujus dignitas, pro merito suo, mente concipi & æstimari non potest. Sed quænam pax hoc in loco intelligenda sit, inquiri potest. Pax enim Dei est: cujus ille author est: unde *Deus pacis*, postea dicitur. Ea autem est triplex: prima cum Deo; altera nobiscum, seu cum conscientia nostra: tertia denique cum proximo. Quemadmodum nobis, extra Christum constitutis, triplex similiter, ex adverso respondens, est dissidium: cum Deo; nobiscum; cum proximo. Ac de tertia pace non agi, hoc in loco constat. Sed multi de secunda accipiunt: ut intelligatur conscientia pax, & tranquillitas, orta ex fide in Christum; seu ex singulari persuasione, & fiducia pacis, & reconciliationis cum Deo, per Iesum Christum mediatorem. Alii verò de prima, nempe pace cum Deo interpretantur. Cui sententiæ, amplificatio adjuncta & consequens effectum, magis propriè convenit: effectum enim est donum perseverantiæ, seu custodia animi nostri: quæ Metaphorâ insigni, ac similitudine à re militari, 2. Cor. 11. vers. 32. desumptâ, præsidium appellatur: *Erit*, inquit, *præsidium*. Pax autem cum Deo, præsidio animis nostris est: partim cum fide recipitur: inde enim oritur pax conscientia, quæ solitudinem carnalem expellit, Rom. 5. vers. 2. 5. partim cum fons & causa est; unde, virtute Dei, fides, patientia, spes, charitas confirmantur. Similis locus est, 1. Pet. 1. vers. 5. *qui virtutis Dei præsidio custodimini, per fidem ad salutem: qua in re exultatis*. Hæc de vers. 7. Cui succedit hortationum particularium conclusio (inductione virtutum constans) universalis; ejusque confirmatio. Hortatur enim ad *studium veritatis*, ut Ephes. 4. v. 25. Deinde *οὐκ ανωγειτε*, id est, *sanctæ gravitatis & honestatis*, in dictis, factis, gestu, & incessu, ut 1. Tim. 2. v. 2. & 3. v. 4. 8. 11. tertio *Iustitiæ*, ut Tit. 1. v. 8. & 2. v. 12. Colos. 4. v. 1. quarto *puritatis*. Quæ vox, Metaphorâ, à corpore ad animam deductâ, virtutem notat; interdum universè omnem, & peccato opponitur, quasi sordibus spiritualibus, ut 1. Ioh. 3. vers. 3. interdum particulariter ad certam virtutem restringitur; & quidem aut sinceritatem significat, cui hypocrisis repugnat, hoc est, fallax simulatio virtutum, Phil. 1. v. 16. 18. Iacob. 4. vers. 8. aut castitatem, Tit. 2. vers. 5. & 1. Pet. c. 3. vers. 2. quo modo hîc videtur accipienda: nempe ut dictorum factorumque immunditiæ adversetur: de qua re Eph. 5. v. 3. 4. 5.

Quintò hortatur deinde Apostolus Paulus ad *studium amabilitatis*, hoc est, eorum, quæ hominibus grata, & accepta sunt: quod non generatim & absolutè; sed speciatim, & relatè intelligi debet; nempe, recto iudicio, ac secundum Dei verbum: ut Rom. 15. vers. 3. *quisque proximo placeat, ad bonum, ad ædificationem*. Alioquin audiendus est Paulus, Galat. 1. vers. 10. Sextò, hortatur ad studium eorum operum, quæ *boni nominis* sunt; non factò solum, sed etiam jure, seu iustè & convenienter Dei verbo: sin secus, sequendus est Apostolus, qui in officio sanctè præstando, per *δοξολογίας*, & *εὐφρονας*, bonam & malam famam perrexit; 2. Corinth. 6. vers. 8. Bonum autem nomen, ut ambitiosè affectandum non est; sic piè, ad Dei gloriam,

amari ac quæri potest ac debet. Verumque est illud Salomonis dictum elegans טוב שם משמך טוב: id est: *Melior est bona fama, unguento bono*: ut enim bona conscientia opus est apud Deum: sic illius scientia, bonaque fama, apud homines; ut ministerium, & opera nostra, iis possint esse grata & utilia ad gloriam Dei. Postremò hortatur Paulus, ut *omnibus virtutibus & omni laudi* (id est, per Metonymiam, factis laude dignis, quæ, cum recta ratione ac iustè laudantur) operam navent, vers. 8.

Confirmatio verò huic conclusioni subjecta, est duplex. Prior à Pauli doctrina & exemplo: posterior à fructu & præmio pacis & auxilii divini, v. 9. Atque hac ratione absoluta est secunda tractationis hujus epistolæ pars hortatoria. Quam sequitur tertia: quæ gratiarum actionem pro liberalitate Philippensium erga Paulum; & pecuniâ, per Epaphroditum missâ, continet: ac variis modis eam amplificat accommodatissimè. Ea autem gratiarum actio est duplex: una, quæ ad Philippenses dirigitur, tanquam causam secundam, seu proximam: altera ad Deum, tanquam causam remotam ac primam.

Ad illam quod attinet: primùm liberalitatem describit ac commendat, ab effectu, nempe gaudio suo, & quidem magno: quo gratum animum testatur. Deinde comparisonem minoris quod eâ seipsos jam superarent: nimirum quod ad intermissam aliquamdiu liberalitatem redierint. Idque Metaphorâ, ab arboribus petita, insigni illustrat: ut enim illæ hyeme, & foliorum & fructuum virore carent: sed vere ineunte revirescunt: ita Philippenses, ad pristinam suam beneficentiam; commodè reversi sunt. Verum, dum eos laudat, ea comparisonem, ne antecedentem curam videatur accusasse: ideo, anticipationem quadam, culpam ab iis, in temporis importunitatem transfert: quod cura non defuerit, sed opportunitas; neque animo, sed facto reviruerint, vers. 10. Deinde id, quod de magno suo gaudio dixerat: ut omnem avaritiæ & intemperantiæ suspicionem dilueret anticipationem illustrat; ac causam gaudii declarat: primum remotione falsi, quod non utilitatis suæ causa, quodque ea ratione, à penuria liberatus esset, gauderet. Idque probat à sua temperantia, & fortitudine: quod scilicet animum habeat, ad utramque sortem paratum, & usu corroboratum, vers. 11. & 12. Quod robur, ad modestiam testandam, à causa efficiente, Christo, describit, vers. 13.

Deinde declarat causam magni illius gaudii, positione veri; nempe utilitatis Philippensium: quod ea ratione communicarint afflictioni Pauli, ejusque participes facti sint, partim amore & approbatione constanti Apostoli, in cruce ferenda: partim commiseratione Christiana; quas virtutes, hîc suis donis, testati sint, vers. 14. Deinde hanc præsentem Philippensium liberalitatem amplificat, comparisonem, à simili præcedenti liberalitate: quam, oppositione aliarum Ecclesiarum, auget, vers. 15. & 16. Et iterum causam gaudii, per anticipationem (quæ avaritiæ suspicioni occurrit) repetit, vers. 17. Præterea hanc beneficentiam amplificat, partim ab effectu, inde promanante, Pauli scilicet copia: partim ab adjuncta acceptione Dei, cui ea grata est. Quam, similitudine lectissima hostiæ, & *δουλοῦ* legalis, figuratè describit vers. 18: & à consequente præmio vers. 19. Denique hanc gratiarum actionem ad Philippenses sequitur altera: quæ Deo causæ primæ, gratias agit, ne Philippenses superbiant; sed omnium laudem Deo ascribant, tanquam bonorum omnium fonti, vers. 20.

Hæcenus epistolæ tractatio. Sequitur *Conclusio*, tertia nimirum & postrema hujus epistolæ pars, constans salutationibus, charitatis indicibus, vers. 21. & 22. & valedictione solennis voti, de gratia Iesu Christi, ipsis proroganda atque agenda, vers. 23.

## APPENDIX

A D.

## Capitis IV. Versum III.

In quâ ventilatur pervulgata Theologorum, tam Veterum quàm

Recentiorum, Quæstio hæc:

*An Apostolus Paulus habuerit uxorem, nec ne?*

Explicata jam epistola ad Philipenses, non abs re futurum existimo, si, auctarii loco, paucis de uxore Pauli differerem; cum enim capite 4. v. 3. eâ de re dicendi esset iustissima occasio: tractationem illam, in hunc locum distuli, ne series explanationis longius divelleretur. Quæstio autem est: An Apostolus Paulus uxorem habuerit, nec ne: & an illud, ex Sacris Literis, probari possit? Quæ quæstio, quamvis perparum ad pietatem faciat, aliquid tamen habet momenti, ad doctrinam Pontificiorum, de cœlibatu ministrorum Ecclesiæ, minuendam: & ad certa Sacræ Scripturæ loca diligentius examinanda; & explicanda conducit. Ac propterea non solum à Pontificiis doctioribus, sed etiam à nostris interpretibus præstantissimis, hæc quæstio proposita & exposita est: à quibusdam brevius; ab aliis prolixius. Ad quæstionis autem definitionem quod attinet: quidam veterum & recentiorum Theologorum in ea sunt sententia: ut statuatur Sacris Literis declarari, Paulum habuisse uxorem. Ex veteribus quidem Patribus: Ignatius in Epistola ad Philadelphienfes, si modò ea illius est: & Clemens Alexandrinus, lib. 3. Stromatum: à qua sententia non abhorret Eusebius, qui Clementis verba citat, historiæ Ecclesiasticæ lib. 3. cap. 30. contextus Græci, & versionis Ruffini; aut 27. versionis Musculi; *Paulus inquit, non detrectat in epistola quadam salutare eū & uxorem suam, quam non circumduxit, ut ad ministerium expediret.*

Ex recentioribus, Pontificiis quidam, ut Cajetanus: Ex nostris, non pauci hanc sententiam sequuntur, eisdem cum Clemente Alexandrino, nixi argumentis: nempe duobus Pauli testimoniis. Quorum prius extat, 1. Cor. 9. v. 5. *Nunquid potestatem non habemus sororem γυναικα, id est, uxorem circumducendi?*

Sed bifariam responderetur. Quidam enim negant eam interpretationem, quemadmodum Bellarminus: qui id probare conatur ex Græcæ Linguae proprietate: quoniam Paulus non dicit τὴν γυναῖκα, ut certam mulierem & uxorem significet: sed γυναῖκα indefinite, ut mulierem notet. Veruntamen leviculum hoc est, & obtusum telum. Nam, ut omittam, quod Grammatici rectè docent. articulum non semper esse necessarium, bonorum authorum & Apostolorum usus, & quidem in hac ipsa voce, & similibus, id evincit: nam Matthæi capite 19. vers. 29. dicitur: *Quicumque reliquerit domos, aut fratres, aut sorores, aut matrem, aut patrem, & γυναῖκα, id est, aut uxorem, aut liberos, aut agros: in voce γυναῖκα, & in septem conjunctis, articulus deest.* Sic Matthæi cap. 22. vers. 28. & Marci cap. 12. vers. 22. & Luc. cap. 20. vers. 33. *cujus erit γυνή, id est, uxor,* & 1. ad Corinth. cap. 7. vers. 27. *alligatus es uxori γυναῖκα? solutus es ab uxore γυναῖκα?* Quare hæc refutatio Grammatica nullius est momenti.

Cæterum non uxorem, sed mulierem hîc denotari, Ambrosii, Chrysostomi, & plurimorum Patrum opinio est; qui censent Paulum agere de quibusdam mulieribus fidelibus ac ditioribus: quæ pietatis & sumptuum ac ministerii gratiâ, Apostolos sequebantur; idque simili exemplo Christi, Luc. 8. v. 3. & Matth. 27. v. 55. declarant.

Sed adversus hanc expositionem quatuor adferuntur argumenta: quorum primum est: quod (ut Valla observavit) Paulus non solum dicit sororem, sed etiam γυναῖκα: quæ vox superflua omninò esset, si mulierem tantum notaret. Nam quod excipit Bellarminus, dici sorores mulieres, quemadmodum Actorum cap. 1. v. 16. Viri fratres, nisi quod Paulus (ut sæpe solet) ordinem permutaverit: illud, inquam, argumento non satisfacit: ut enim insolens esset, si quis diceret; *fratres viri*: sic etiam, si quis dicat; Sorores mulieres. Neque verum est, in hujusmodi phrasibus, ab Apostolis, ordinem solere permutari. Ideoque non immeritò vulgata versio, hoc nomine, à quibusdam reprehenditur, quod ordinem Pauli immutavit, ac mulierem sororem vertat.

Secundum argumentum est, ex circumducendi voce: quæ jus & auctoritatem aliquam notat, quod matronis, sponte sua, & liberrimè secutis non convenit. Excipit tamen Bellarminus duobus modis. Primum potestatem, de qua Paulus loquitur, non fuisse in mulieres, sed in actionem circumducendi, si sequi velint. Sed illud absurdum est: quoniam non ex potestatis solius; sed ex circumductionis voce ducitur argumentum. Deinde addit Bellarminus, Apostolos habuisse auctoritatem, in eas mulieres, non ut Virorum in Vxores: sed ut Doctorem in Discipulas. Sed unde probaturus est Iesuita, Doctores tantum habere posse auctoritatis in Discipulas, ut eas, ad ministerium, circumducant? Nam ad Christi exemplum quod attinet, secutæ sunt ipsum mulieres quædam, sponte, suæ gratitudinis ergò, non auctoritate aliquâ circumductæ.

Tertium est à scopo Apostoli desumptum argumentum: Docet enim & se, & Barnabam, hac in re, juri suo, quo alii Apostoli utebantur, quasi renuntiasse, ne Ecclesiæ essent oneri. Atqui si mulieres circumduxissent ditiores, Ecclesiam onere liberassent. Respondet quidem Bellarminus duobus modis: sed neutro argumentum solvitur. Primum ait: eas mulieres non fuisse divites, & non ministrasse pecuniam, sed obsequium. Deinde addit, vel fuisse divites, & aluisse Apostolos, sed non semper fuisse cum Apostolis; & ideo Apostolos aliquando fuisse nutritos à populo: aliquando verò, ab ipsis mulieribus. Sed ineptæ sunt hæc conjecturæ: Nam prima repugnat temperantiæ & fortitudini virili, nedum Apostolicæ, quasi Apostoli ita fuissent molles, ut opus habuerint mulierum circumductione ad ministerium: Vxorum verò alia fuit ratio: quas & alere mariti debebant; & vicissim earum operâ honestè uti poterant: quanquam, non tam ad ministerium, quàm ut à maritis sustentarentur, circumducebantur. Altera verò conjectura nodum non solvit, sed magis astringit: nam Paulus sororum præsentia, Ecclesiam onerari, non autem sublevari ostendit.

Quarta & postrema ratio est, quod honestati adversetur, & bonæ famæ: cujus studium Apostolus Paulus commendavit, Phil. 4. 8. Neque est quod exemplum obijciatur Christi; quia maxima est dissimilitudo. Nec enim Christum solum, sed comitatum duodecim Apostolis, secutæ sunt quædam opulentiores mulieres, & quidem in angustâ, Galilææ, & Iudææ, regione: &

quidem per intervalla, & ut Euangelium à Christo audirent, ut ex historia Evangelistarum apparet. Alia verò huius facti Apostolici est ratio, quia loquitur non de mulierum, sed mulieris circumductione: quâ quisque Apostolus unam circumducebat secum: idque, pro ratione itineris, per varias, easque remotissimas, regiones. Nec enim circumductionem ullo loco, aut comitatu determinat Apostolus noster. Quamobrem, ex hisce omnibus concludimus, vocem *γυναικα* in loco ante proposito, non alienam mulierem ac ministram tantum, sed uxorem significare.

Sed tamen licet alios Apostolos uxores habuisse satis inde liqueat, Paulum interim habuisse uxorem inde probari posse, minimè demonstratur. Potuisse quidem, & ducere, ac deinde circumducere rectè concluditur: sed à potestate ad actum Consequentia non valet. Potuit Paulus uxorem ducere: Ergo duxit, ac circumduxit; non sequitur. Sed hic objiciat fortasse aliquis: Paulus non ait ducere, sed circumducere: qui autem non habet uxorem non potest circumducere. Atqui Paulus potuit circumducere. Ergo habuit. Sed negatur Consequentia Syllogismi, propter argumenti, seu medii termini homonymiam. Propositio enim loquitur, de potentia proxima, quam immediate sequitur actus: alioqui falsa est.

Assumptio verò de potentia remota agit: nam circumducere potuit mediata, antecedente conjugio. Ideoque Apostolus noster, circumducendi voce, Synecdochicè, antecedens conjugium unà complectitur. Atque hæc ad primum argumentum dicta sunt.

Alterum verò, quo probant, Paulum habuisse uxorem, depromptum est, ex epist. ad Philipp. c. 4. v. 3. *ῥογο τε οὐζύην γυναῖκα, conjunx germana*, id est, fidelissima, ut Philipp. c. 2. vers. 20. Rationes autem, quibus hæc interpretatio probatur, sunt quatuor: quæ expendendæ.

Prima est, quod hæc sit propria vocis significatio: ideoque retinenda potius, quàm alia. Sed negatur antecedens. *οὐζύη* enim de jumentis propriè dicitur, & *conjugatum*, aut *sub eodem iugo constitutum* notat. Unde per Metaphoram ad quævis arctè conjuncta refertur: five res animatæ sint, five inanimæ; ut ex bonorum authorum usu constat: & quædam à Domino Theod. Beza, ad hunc locum: & plura ab Henrico Stephano, in Thesaurò Græcæ Linguae referuntur exempla. Deinde, quamvis daremus, in hoc versu, *conjugem* significare: non inde tamen necessariò sequeretur, de uxore debere accipi: quia generatim personam, matrimonio conjugatam, notat: ideoque marito pariter atque uxori convenit. Et quidem in hanc sententiam, de marito Euodix, vel Syntyches, exponit Oecumenius: nec dissimiliter Theophylactus ait: *aut frater fuit alterius ipsarum, aut maritus: forsitan autem & custos fuit carceris*. Et rationem adfert Grammaticam: *Si Paulus*, inquit, *suam uxorem intelligere voluisset, debuisset dicere genere feminino γυναικα οὐζύην, germana conjux*. Probabiliter quidem hoc dicitur; sed tamen nulla fuit necessitas: quia Atticâ generis permutatione, de qua Corinthus, & Grammatici alii monent, uti potuit. Nam quod Bellarminus objicit: non tam politum fuisse Apostolum, ut Atticis uteretur: illud ex doctissimâ Henrici Stephani præfatione, ad editionem Novi Test. menti minore formâ, ab ipso, Anno Dom. septuagesimo sexto editi, abundè refutatur. Atque hæc de Antecedente rationis primæ: Consequentia verò negatur: si *οὐζύη* propriè uxorem notaret, de eâ debere accipi, quia alia obstant, quibus probari potest, hoc quidem in loco, de conjugate non agi.

Porrò secunda ratio objicitur: quod *οὐζύη* mulieribus conjugatur: ac propterea fuisse mulierem. Sed hoc minimè sequitur: quia non est tanta conjunctionis vis: nam Clemens etiam conjugitur. Similiter Roman. c. 13. vers. 3. postquam duarum sceminarum Phœbes, & Priscillæ meminit, Aquilam maritum huius conjungit: & postea quoque, virorum salutationibus sceminarum nomina promiscuè inferit, vers. 6. & 15.

Tertiâ ratio est: quia alioqui Pauli oratio foret obscurior: nam si masculino genere legas, nulla certa indicabitur persona, quis nimirum fuerit Symmysta iste germanus: sin

verò de scemina intelligas, exprimitur certa persona, nimirum uxor Pauli. Hoc argumentum speciem habet non exiguam. Nam si quis velit excipere, Philippensum Episcopum, absentis Epaphroditi collegam, intelligi: regeretur, plures fuisse Episcopos Philippensum, cap. 1. v. 1. Sed ad illud responderi potest: unum ex iis fortasse peculiariter excelluisse, qui in regno Christi, per Euangelium, propagando, socius Pauli fidelissimus extiterit: ac propterea hæc descriptione fuisse denotatum, & Philippenfibus satis notum. Deinde certa etiam persona designari potest, nempe maritus Euodix vel Syntyches; vel alterius, aut utriusque frater: ut Paulus intelligat conjugatum, non sibi sed ei, aut illis, de quibus agit versu antecedente secundo. Veruntamen hæc sententia non videtur verisimilis: quid enim opus erat, uxorem marito, aut sororem fratri, naturâ & meritis commendatissimam commendare? Ac propterea nec Oecumenii, nec Theophylacti conjecturæ, hac in re, satis commodæ videntur. Quapropter tertiâ sententia, quæ altera Oecumenii conjectura, magis placet: nimirum, quod *οὐζύη* sit nomen proprium. Nam quod objicitur, illud durum esse, propter adjunctam, *γυναῖκα*, epitheton: illud verum videri potest, si cum vulgo interpretemur: sed concinnum est, & convenientissimum, si, uti arbitror, allusio statuatur ad nomen proprium, per ellipsin quandam, ac si dixisset: precor te *οὐζύη* germane, id est, qui verè, & re, & nomine, *οὐζύη* es. Neque huiusmodi elegantia solum in Ethnicis authoribus reperiri potest: verum etiam in Sacris Literis occurrit. Ut etiam ex paronomasiis variis, Esaiæ, & aliorum Prophetarum: imò ex Pauli quoque, ad nomen Onesimi, honestè alludentis, in epistola ad Philemonem, vers. 10. 11. 20. & Phil. 3. vers. 2. apparet.

Postrema, quæ objicitur ratio est, ab autoritate Clementis Alexandrini, qui, ut Apostolorum temporibus propinquior fuit, quàm posteriores Patres: ita melius cognoscere potuit, an Paulus habuerit uxorem, nec ne? Sed illud negamus valere; quia, autoritate verborum Pauli, non autem traditione ulla, sententiam suam confirmat. Deinde, quia nonnulla alia habet, de Apostolis, quæ fabulosa esse constat: ac propterea autoritas illius tanti esse non debet, ut posteris & iustis rationibus præponatur. Atque hucusque examinavimus eas rationes, quibus illi nituntur, qui Paulum habuisse uxorem contendunt. Nunc ea etiam argumenta videamus, quibus alii contrarium probant. Quorum primum est (quo etiam utitur Ambrosius in annotationibus suis ad priorem epistolam ad Corinthios capite 7.) quod Paulus adolescens à Domino Christo vocatus est, ut liquet ex Actis Apostolorum c. 7. v. 58. & c. 9. v. 3. quo tempore, credibile non est, eum uxorem habuisse: postea verò uxorem duxisse, in perpetuis illis ac gravissimis persecutionibus, difficultatibus, & peregrinationibus remotissimis, quibus longè supra reliquos Apostolos, ac fideles, 2. Cor. c. 11. v. 23. fuit agitur, non videtur ullo pacto verisimile, 1. Corinth. 7. v. 26. 28. 32. Atque hoc primum argumentum valdè probabile est: quamvis interim non absolutè necessarium.

Alterum est, ex 1. ad Corinth. 7. v. 8. desumptum: quo in loco Apostolus ait: *innuptus autem & viduus dico; bonum est illis, si sic permanserint: sicut & ego, quod si se non continent, nubant*. Atque hoc commune argumentum est, quo potissimum, de Pauli conjugio, certi aliquid colligi posse, contendunt. Iterum tamen excipiunt alii contrà, hoc nihil ad rem pertinere. Nec enim inquirunt, ex eo sequitur: Ergo Paulus erat vel nondum conjugatus, vel viduus; sed tantum: Ergo vitam ducebat cœlibem, ut eò, scilicet liberius, atque expeditius, regiones ad Euangelium prædicandum, peragraret. Cœlibatum enim duplicem esse statuunt: unum extra conjugium, cum quis uxore caret: alterum in conjugio, cum quis, ex communi uxoris consensu, eâ non utitur: sed ab illa abstinet: ac talem fuisse tum temporis Pauli Apostoli conditionem. Sic quidem arguantur Pontificii nonnulli. Sed nescio, unde hæc distinctio cœlibatus probari possit. Castitas quidem alia est in conjugio: alia extra illud, ut res ipsa arguit: sed cœlibatus non nisi extra conjugium.

Verum

Verum iterum regeri potest: Paulum agere de continentia, seu abstinentia, à mutua conjunctione: quoniam de ea locutus erat v. 5. & 6. & subjecerat vers. 7. *vellem ut omnes homines essent ut ipse sum: sed unusquisque proprium donum habet ex Deo.* Nam se, tanquam exemplum conjugalis illius continentiae, affert Apostolus, alioqui, si de cœlibatu intelligamus, erit incommoda applicatio: sensus enim est, quod dixi, ut conveniatis iterum: hoc dixi, ex concessione, non ex imperio: nam velim omnes homines ita esse continentes ut meo exemplo, penitus, ab usu conjugii, abstinere possent: sed non omnes eo dono sunt præditi. Veruntamen responderi potest bifariam. Primum Paulum se statuere non exemplum conjugalis continentiae, sed continentiae generatim: quandoquidem optat omnibus hominibus, tam conjugatis, quam à conjugio liberis, similem

continentiam: deinde v. 8. nominatim optat innuptis & viduis abstinentiam, non tantum ab usu conjugii; sed etiam à conjugio: quia non solum ait: *bonum est si manserint sicut ego*: sed addit: *quod si continentes non sunt, matrimonium contrahant.* Vnde apparet, quid Paulus intelligat per illa verba: *si manserint sicut ego*, id est, cœlibes, sine contractione matrimonii.

Porro tertium argumentum, & quidem levius est, ab autoritate humanâ, quod, excepto Ignatio, Clemente & Eusebio, reliqui Patres, qui hoc argumentum tractarunt, hanc sententiam amplectuntur. Quapropter, ut tandem propositæ quæstioni finem imponam, hanc sententiam probabiliorē esse existimo: qua statuitur, Paulum non habuisse uxorem: etsi, ut antè contra Pontificios ostendimus, reliquos Apostolos uxores habuisse, asseruit.

Atque hæc hucusque hujus Epistolæ ad Philippenes Appendix.

# E P I S T O L Æ P A U L I A P O S T O L I A D C O L O S S E N S E S E X P L I C A T I O .

**E**xplicatur Epistolam ad Colossenses, à descriptione illius, & partitione exordiar. *Descriptio* autem est hujusmodi: *Epistola ad Colossenses, est dogmaticum Novi Testamenti scriptum, quo Paulus Apostolus Romæ vincens, ab Epaphra, fidei Ecclesiæ Colossensium Episcopo, de illius statu & periculo sollicitè monitus & rogatus, eandem in vera religione confirmat; ad Ecclesiæ salutem, & gratiæ Dei redemptoris gloriam.* Ut verò, quæ hac descriptione, contractius dicta sunt, melius percipiantur; tria potissimum nobis explicanda: *objectum, occasio, & scopus* hujus epistolæ: hoc est: *quibus, quâ occasione & in quem finem* hanc epistolam conscripserit Paulus. *Objectum* autem est, Ecclesia Colossensium. Sed de Colossensibus diversa est sententia. Quidam enim cum Ambrosio Calepino & Munstero in Cosmographia eos Rhodios fuisse putant, freti autoritate Suidæ, qui sic dictos memorat, propter *Colossium*, immensam illam, ex ære statuatam solis, quæ inter septem miracula celebratur. Sed hæc sententia nihil probat: primum, quia videntur Rhodii, non absolutè, ut hoc loco, nec ab omnibus, sed tanquam epitheto quodam à Poëtis sic dicti. Deinde quamvis Colossenses ea ratione essent dicti, Rhodum tamen dictum fuisse Colossas (quod nomen tamen Colossensium urbi ab Apostolo tribuitur, cap. 1. v. 2.) minimè probat. Deinde idem etiam colligitur à situ: quia Colossæ vicinæ erant urbibus, à Rhodo remotissimis: quasque Ptolomæus, lib. 5. cap. 2. & Strabo lib. 12. Phrygiæ adscribunt, nimirum Laodiceæ & Hierapoli, ut docet Paulus Col. 2. v. 1. & 4. v. 13. Quamobrem alii inde contra concludunt; Colossas fuisse urbem Phrygiæ majoris: quam urbem magnam appellat Herodotus lib. 7. Strabo quoque Geograph. lib. 12. sub finem. Plinius. lib. 5. c. 32. In qua sententia sunt Patres Orthodoxi, Hieron. Prologo in hanc Epistolam: Chrysost. Theodoretus: & Theoph. & neoterici plerique. Cæterum hæc urbs funesto casu, sub Neronis imperio, anno Christi 66. quatuor verò annos ante Pauli martyrium, uti volunt, non multò post hanc scriptam Epistolam concidit, teste non solum Orosio, sed etiam Eusebio in Chron. in Asia, inquit, tres urbes terræ motu conciderunt, Laodicea, Hierapolis, Colossæ. Qua ratione

nonnulli putant Chrysost. non dixisse Colossas esse, sed fuisse Urbem Phrygiæ. Ex qua ruinâ, quidam conjiciunt hanc Pauli epistolam parum apud Colossenses profuisse. Sed malim distinctius, ex charitatis lege judicare. Atque hæc de objecto Epistolæ: nempe de Colossensibus, quibus ea primum scripta & missa est.

*Occasio* verò erat duplex: prior, periculi Ecclesiæ Colossensis, ex Epaphræ relatu, cognitio: altera fuit Epaphræ, ad Paulum, eo nomine profecti, sollicita petitio, ut periclitanti Ecclesiæ succurreret, Col. 1. v. 7. & 8. & 4. v. 12. & 13. Periculum verò erat veritatis & charitatis Christianæ geminum: partim à Iudæis, qui ceremoniarum Mosaicarum jugum Ecclesiæ studebant imponere: partim à Pseudophilosophis, qui, inani sapientiæ & pietatis specie, multa de Angelis curiosè differebant; & Christi honorem ac cultum, ad eos etiam derivabant, Col. 2. v. 4. 8. 16. 18. 19. &c. Denique *scopus & finis* Pauli proximus, erat duplex, singularis & communis. Ille erat doctrinæ ab Epaphra Colossensibus traditæ, & obedientiæ (seu fidei & charitatis) eorum confirmatio. Hic vero totius Ecclesiæ, ad finem mundi, institutio. Etsi enim non rarò, scriptionis librorum sacrorum, quidam populi, aut quædam Ecclesiæ; imò interdum quidam homines, occasionem præbuerint: finis tamen & usus ad totam Ecclesiam pertinet, Rom. 15. v. 4. & 2. Tim. 3. v. 16. Medius finis erat Ecclesiæ salus. Vltimus denique gratiæ Dei creatoris & redemptoris gloria. Atque hæc quidem de epistolæ descriptione, diximus: ad partitionem transeamus. Hæc enim epistola tribus constat partibus, *præfatione, tractatione, & conclusionē.*

*Præfatio*, attentionem & benevolentiam prudenter caprat, *inscriptione, salutatione & gratulatione.* Inscriptio notat efficientem causam, & objectum epistolæ: seu quis, & quibus scribat. Efficiens instrumentalis primaria notatur adjuncto nomine, *Paulus*; & officio, *Apostolus Iesu Christi.* quod ab autore amplificatur, *per voluntatem Dei.* Ubi obiter observandum vocem *per*, non instrumentum, sed efficientem principem denotare. Efficiens verò secundaria seu approbans est, *Timotheus frater*: quem sibi adjungit v. 1. ad commendationem illius. Objectum verò



Epistolæ est Colossensium Ecclesia: quæ tribus epithetis describitur. Nam appellat primum *fratres*: deinde ut à falsis distinguat, addit; *sanctis & fidelibus*: communiter verò hisce tribus subditur author, cum ait: *in Christo Iesu*. ubi, *in*, pro *per*, accipitur, ut res ipsa docet, & similium locorum comparatio, Phil. 1. 1. Eph. 1. 1. Atque hæc inscriptio, cui consueta salutatio adjicitur, v. 2. Gratulatio denique succedit: quæ indicatur gratiarum actione, & precatione v. 3. Quæ à causa impulsiva describuntur, *auditione fidei Colossensium in Christum, & charitatis in omnes sanctos*: (id est, fideles, per Sp. S. regeneratos & sanctificatos) in quibus duobus membris, Christiana religio consistit, 2. Tim. 1. v. 12. Gal. 5. 6. Hæc de v. 4. Charitas verò illustratur, à causa impulsiva adjuvante, nempe *spe reposita in calis*, h. e. (Meton. objecti pro suo adjecto) sperata vita æterna: quæ idoneus est ad charitatem stimulus. Hæc porro spes, accommodata scopo epistolæ, digressione explicatur: primum à causa instrumentali, *doctrinâ prius auditâ*; quam, ad commendationem illius, *Euangelium* vocat; & descriptione quadam definit, *sermonem veritatis*, de Christo salutiferæ καὶ ἰσχυρῆς, v. 5. Deinde laudat ac comprobatur, à consensu doctrinæ Apostolicæ, per totum orbem promulgatæ, & communibus utrinque effectis ac fructibus; nempe fidelium conversione continua, & converforum, in fide, spe & charitate, incremento, v. 6. Sed obijciunt Pontificii: Paulus, à consensu orbis, doctrinam Colossensibus traditam, probat: Ergo & nobis, hoc tempore faciendum est: eoque vera est Pontificiorum religio, quæ communi orbis consensu probatur. Verum respondetur primum ad antecedens: Paulum non à consensu orbis, sed prædicationis Apostolicæ consensu, argumentari. Deinde esto: agnoscimus etiam, à consensu Ecclesiarum Apostolicarum, doctrinam probari posse: sed quisnam ille consensus sit, non aliunde certò, quam ex Apostolorum sermone, aut scriptis colligi potest. Nam si ad Patres ventum fuerit, quam crebrò inter se, imò & à seipsis dissentiant, res ipsa loquitur. Præterea negatur consequentia: quia alia hujus est temporis, quàm Apostolorum ratio: illis enim superstitionibus nominatim constare, certo eorum indicio & sermone, poterat omnibus, quænam Ecclesiæ rectæ, quænam malè sentirent: quod jam secus est. Quare ubi Pontificii probârunt, ea, quæ ex Patribus corradunt, Christi & Apostolorum sermone probari, acquiescimus. Atque hac ratione humana ex Patribus testimonia probamus & adducimus, non per se: sed quatenus ea, Prophetarum & Apostolorum testimoniis comprobantur. Atque hæc de spei causa instrumentali proxima, auditione nimirum Euangelii. Remota verò, seu per quem illud audierint exprimit, nomine *Epaphram* vocans; eumque commendat, ab amore suo erga ipsum, *dilectum* appellans: deinde à muneris communis dignitate & fidelitate, v. 7. Quæ ex effecto demonstratur, quod videlicet declarârit Paulo Colossensium non ex carne, sed ex Spiritu promanantem charitatem, de qua vers. 4. Atque hæc ad v. 8. Hactenus de communi causa impulsiva gratiarum actionis & precationis Pauli pro Colossensibus. Sequitur singularis quædam precationis descriptio: qualis Ephes. 1. v. 15. 16. 17. ac primum quidem indicat & repetit, causam impulsivam, cum ait: *propterea*, hoc est, auditâ, ex Epaphræ relatu, fide & charitate vestrâ. Secundò apponit precationis adjunctum duplex, promptitudinem nimirum, cum ait: *ex quo die audivimus*: & constantiam cum addit: *non desinimus pro vobis orare*: ut Phil. 1. v. 6. Denique subjicit materiam subjectam precationis, hoc est, quid precetur, nempe incrementum religionis, sive cognitionis & cultus Dei. Eaque ratione confirmare studet Colossenses, adversus falsos doctores. Et cognitionem quidem indicat his verbis: *ut impleamini agnitione voluntatis ejus* (nempe Dei) quemadmodum vox αὐτοῦ per ellipsin, ac καὶ ἰσχυρῆς, de Deo interdum usurpatur. Voluntas autem hoc in loco, non arcana, sed verbo revelata, intelligitur: partim Evangelio, quod norma est fidei, Joh. 6. vers. 39. partim lege, quæ Evangelio firmata, est norma vitæ, Rom. 2. vers. 18. & 12. vers. 2. Ephes. 5. vers. 17. Impletio autem hoc in loco, non absolutè accipienda est, quia ex parte hic cogno-

scimus, 1. Cor. 12. vers. 9. sed comparatè & paulatim: ut Apostoli Actor. 6. vers. 3. & 5. diaconos seligendos monent, *qui sint pleni Spiritu S. & sapientiâ*. Cæterum hæc agnitio amplificatur ab adjuncto sapientiæ & intelligentiæ spiritualis. Sapientia autem ambigüe dicitur: alia enim infinita est, quam increatam: alia finita, quam creatam vulgò nominant. Infinita autem, essentiam divinam communiter, aut propriè personam Filii notat. Finita verò alia est acquisita, quæ rerum divinarum & humanarum, aut artis alicujus excellentem cognitionem notat, & humana est, de qua Philosophi disserunt: alia revelata à Spiritu Sancto, unde spiritualis dicitur: & à sapientia mundi, seu humanâ, 1. Cor. 1. v. 21. Coloss. 2. v. 23. distinguitur; & quidem aut ad mentem restringitur, & præstantem Theologiæ scientiam notat. Unde interdum Metonymia adjuncti pro subjecta materia, Theologiam & Dei verbum significat; aut ad animum ac voluntatem etiam refertur; & præter scientiam illam, obedientiam quoque & cultum Dei complectitur: quomodo hoc in loco quidam interpretantur. Atque hæc ratione, exegeticè verba illa essent accipienda: *in παντι σοφία, in omni sapientiâ*, non autem cum omni sapientia, ut Coloss. 3. vers. 16. Ephes. 1. vers. 17. Veruntamen, quia additur αὐτοῦ: quæ vox *judicium & opinionem prudentiam* (uti fatentur) notat; accommodatius videtur, ut utrumque *σοφίᾳ* accipiat, & sapientia quoque (ut Coloss. 4. v. 5.) ad prudentiam referatur: quæ ad usum cognitionis & veri ac falsi discrimen, necessaria, vers. 9. Hæc de cognitione. Fructum verò illius & finem, nempe cultum Dei, deinde describit Apostolus: ac primum quidem generatim proponit, his verbis: *ut incedatis, sicut dignum est Domino*, hoc est, Christo: & exponit sequentibus. Nam *Domino dignè incedere*, est ei, per omnia placere, cum bonorum operum fructibus, tum agnitionis Dei profectu. Agnitio autem Christi, vel propriè intelligitur, ut vers. 9. de mente: vel impropriè & Metonymicè, de re ipsa, pro agnitione operum: quæ idcirco, quod effecta sint, & signa rectæ agnitionis Dei, 1. Joh. 2. v. 4. eo nomine ornantur: ut Tit. 1. vers. 16. Si propriè accipiat, ea vox, erit prioris repetitio: sed diverso modo. Ut enim ex agnitione Dei, pia vita oritur: sic ex pia vita vicissim cognitio Dei crescit. Sin verò impropriè, quod videtur non alienum, erit fructus illius expositio, & agnitionis veræ ac salutaris, ab inutili distinctio, vers. 10. Huic autem generali cultus Dei descriptioni, specialis subjicitur duobus membris: quæ alia in se continent. Ea autem sunt fortitudo Christiana, & gratitudo erga Deum. Eam autem fortitudinem definit Apostolus genere (quo etiam causa efficiens continetur) & forma. Illud est robur: *secundum gloriosum robur ipsius*, hoc est, à Deo omnipotente promanans. Forma verò, *tolerantia & animi lenitas, cum gaudio*, exprimitur. Ac tolerantia in rebus adversis, ac præsertim in persecutionibus & hæresibus superandis occupatur: lenitas, in irâ & vindictâ frænanda cernitur. Gaudium verò, tolerantiam veram à ficta & coacta, distinguit. Cum autem gaudium sit affectus, quo animus jucundè, ex boni apprehensione, afficitur: hoc gaudium in rebus adversis (de quo Paulus hîc loquitur) ex tribus potissimum oritur. Primum ex agnitione voluntatis & paternæ providentiæ Dei, cui lubenter sancti se subjiciunt: deinde ex dignitate crucis Christianæ: denique ex notitia, & fiducia fructuum illius; quales sunt Dei redemptoris, pro quo patimur, gloria; conformatio cum Christo, & Prophetis; sanctificatio & glorificatio, seu vitæ æternæ præmium, Actor. 5. v. 41. Phil. 1. v. 29. 30. Rom. 5. v. 3. & 8. v. 29. 30. Rom. 5. v. 3. & 8. v. 29. Matth. 5. v. 10. 11. 12. Heb. 12. v. 10. & 1. Cor. 11. v. 32. Jac. 1. v. 2. Sed obijciat aliquis: cum persecutiones piorum sint injustæ: inde sequitur, eas doloris esse, non gaudii materiam. Verum ad antecedens respondetur, Persecutiones piorum esse injustas, non quâ feruntur; sed quâ inferuntur, & quidem injustè ab hominibus, tanquam causa proxima: eaque ratione sunt doloris materia: quatenus verò à piis feruntur, & à Deo Patre nostro, ut causa remota, justè, ad nostram salutem, 1. Cor. 11. v. 32. & 2. Cor. 4. v. 17. & 18. inferuntur, non doloris, sed

sed gaudii causam præbent, vers. 11. Hæc de fortitudine Christianâ. Gratitude verò erga Deum describitur, à causa impulsiva, vocatione & adoptione: quæ gaudii fidelium origo; nempe quod nos fideles idoneos fecit ad portionem hæreditatis sanctorum in luce. Et si enim hic versus à quibusdam, ad Paulum referatur, ut sit gratulationis repetitio, aptius tamen videtur, ut ad Coloss. cum aliis referamus: ut cum versu antecedente cohæreat; & elegantissimæ transitioni serviat. *Sanctos* autem fideles vocat; quia sancti sunt, sanctitate Christi imputata per fidem; ac iustitia & sanctitate sua, nempe vocatione externa communi, per verbum & sacramenta ad visibilem Ecclesiam; & vocatione interna atque efficaci, per Spiritum ad fidem & charitatem. *Hæreditatis* verò *portionem* vocat Metaphoricè vitam æternam, ad quam nos idoneos reddit, vocatione & adoptione. Denique verba illa: *in luce*, bifariam explicantur; quidam enim de regno cœlesti, & glorioso accipiunt: ubi summa lux, ac felicitas, 1. Tim. 6. v. 16. Apoc. 21. v. 23. alii de luce animæ per Metaphoram exponunt: quæ in cognitione mentis per fidem; & voluntatis, per charitatem, sanctitatem, & utriusque fructu, vitæ sanctæ luce, Matth. 5. v. 16. consistit, Actor. 26. v. 18. 1. Thess. 4. 5. & 8. & 1. Pet. 2. v. 9. 2. Cor. 4. v. 6. atque ita sensus erit, per lucem fidei & charitatis; quia hæc salutis via. Quæ interpretatio Scripturæ phrasi, ac sequentibus verbis, magis consentanea. Atque hæc de gratiarum actione; & prima hujus Epistolæ parte: nempe Præfatione. A qua transitione commodissima, ad alteram partem epistolæ, hoc est, translationem, accedit. Quæ partim dogmatica est, & de fide Christiana disserit, c. 1. & 2. partim parænetica, & de vita Christiana agit, reliquis duobus. Prius membrum dividitur in demonstrationem veritatis, cap. 1. & refutationem falsitatis, c. 2. Illa proponitur primum generatim, per thesin, ad vers. 21. deinde speciatim, per hypothesin, exemplo Coloss. inde ad finem capituli. Thesis autem, modum salutis nostræ breviter exponit, & accuratam Christi servatoris descriptionem continet. Ac primum ut Paulus causam salutis nostræ docuit esse Dei Patris gratiam, vers. 12. sic deinde eandem declarat, & modum salutis exponit, duobus membris: ablatione mali, & collatione boni. De priori ait: *qui nos eripuit ex potestate tenebrarum*, hoc est, ignorantie Dei, & impietatis, quibus eramus obnoxii: quæ Metaphoricè, tenebræ appellantur, Matth. 4. vers. 16. & 2. Cor. 4. v. 6. Ephes. 4. vers. 18. Actor. 26. vers. 18. 1. Pet. 2. v. 9. Potestas verò est duplex: una, jns condemnandi, Rom. 6. v. 21. & 23. altera dominandi, & opera tenebrarum proferendi. Ereptio autem fit, per Christum: à priori, per justificationem, Rom. 8. v. 1. à posteriori verò, per sanctificationem, seu regenerationem: qua ex tenebris lux, hoc est, à tenebrosis lucidi fimus, ac per Metonymiam, dicimur, Rom. 6. v. 15. & 18. Ephes. 5. v. 8. De altero, nempe boni collatione ait: *& transfudit in regnum filii sui dilecti*. Regnum autem Christi (ut homonymiam illius declaremus) aliud gratiæ dici solet, nempe Ecclesia Christi, Matth. 13. aliud gloriæ, nempe cœlum, æternæ gloriæ sedes, & sanctorum Patria, Eph. 5. vers. 5. In utrumque Pater nos transfudit; sed diverso modo. In prius quidem reipsa & possessione in nobis ipsis, per fidem charitate efficacem, Joh. 6. v. 44. qua tenebris exempti, à mundo infideli segregamur; & Christo, ejusque Ecclesiæ unimur, Eph. 3. vers. 17. & 4. vers. 12. & 13. Hebr. 12. v. 22. & 23. In alterum verò partim re, partim jure & spe. Re quidem in Christo, in quo, tanquam capite nostro, regnamus in cœlo, Ephes. 2. v. 6. quemadmodum vicissim ille in suis fidelibus, tanquam membris, adhuc patitur in terra, Actor. 9. v. 4. Coloss. 1. v. 24. Jure verò adoptionis, Rom. 8. vers. 17. & spe salutis, per filium promissæ, à Deo omnipotente & veraci Rom. 8. vers. 24. 1. Thess. 5. v. 23. & 24. Tit. 1. 2. Atque hæc de v. 13. Unde transitione eleganti, accedit Apostolus ad descriptionem Christi: cujus primum exponit beneficium; secundò personam; tertio officium; denique repetit beneficia. Beneficium autem Christi est redemptio: quam interpretatur remissionem peccatorum; eamque sanguini ipsius, nempe

effuso, attribuit Synecdochicè: nam ad peccatorum nostrorum remissionem, ac λύτρον, seu redemptionis pretium, requirebatur, non solum sanguinis Christi effusio; sed etiam mors & humiliatio ac perpeffiones totius vitæ, ad mortem usque crucis, Phil. 2. v. 8. deinde dolores mortis secundæ, tanquam nobis debitæ, pro quibus persolvit, Esai. 53. v. 5. & 6. Actor. 2. v. 24. cum 27. Persona autem Christi constat, divinâ & humanâ naturâ: & hanc quidem, sanguinis mentione satis expressit: illam verò indicat periphrasi duplici; cum & imaginem Dei invisibilis vocat, & primogenitum omnis rei creatæ. Imago autem Patris dicitur dupliciter: primò, respectu quodam ad Deum Patrem, ratione ejusdem cum eo essentia, per generationem æternam: unde *Character personæ Patris*, Hebr. 1. v. 3. nominatur: quo sensu testatus est, se in Patre esse, & Patrem in se, Ioh. 14. v. 10. Deinde respectu ad nos, ratione incarnationis & officii: quod Deus conspicuus factus sit in carne, & Patris naturam, operas, & voluntatem patefaciat. Qua de re loquitur Iohannes, cap. 1. v. 14. *vidimus gloriam ejus, tanquam unigeniti à Patre*. item v. 18. *Deum nemo vidit unquam, Filius, qui in sinu Patris, ille nobis exposuit*. Vnde solvi potest objectio, quæ contra divinitatem Filii ab Arianis adferri solet. Imago, inquit, habet similitudinem rei, non autem naturam & essentiam illius. Christus est imago Dei Patris. Ergo habet similitudinem, non essentiam. Ideoque non dicendus est Patri ὁμοῖος sed ὁμοῖος. Verum negatur propositio: quia ea non est universè vera. Nam imago alia est artificialis, quæ tantum rei accidens, & similitudinem habet: alia est essentialis, quæ naturam & essentiam; quemadmodum filii Patrum imagines sunt: ac talis est Christus. Altera periphrasis est: *primogenitus omnis rei creatæ*. Verum de sensu hujus loci, gravis omnino est quæstio. Primum enim Ariani inde colligunt: Christum esse creaturam primam, à Patre ex nihilo ante mundum, in tempore creatam; per quam deinde reliquæ omnes creatæ sint. Verum respondent, Basilii lib. 4. contra Eunomium, Chrysost. Theodoretus, & alii Orthodoxi, illud ex hoc loco, malè concludi; Paulus enim non πρῶτος id est *prius creatum* appellat, sed πρῶτον primogenitum. ideoque Filium ex substantia Patris genitum; non creaturam è nihilo factam. Sed excipiunt deinde adversarii, vocem hanc *primus*, denotare ordinem: ac propterea Christum, sequentium creaturarum ratione, sic appellari primogenitum. Verum respondet post Cyrillum, thesauri lib. 10. cap. 4. Theophylactus ad hunc locum: *Primogenitus, inquit, non omnino ad sequentes pertinet, aut dicitur in Scriptura; sed absolute, qui primus natus est*. Hac itaque ratione *Deipara Virgo Maria peperit eum, secundum carnem primogenitum, qui omnino non habuerit fratres post se: unigenitus enim ratione Virginis matris*. Hunc ad modum ex patre est primogenitus, non cæterarum creaturarum respectu, sed absolute, unigenitus enim secundum supernam istam, & æternam naturam. Hæc Theophyl. Cyrillum secutus. Ut autem hæc solutio melius intelligatur, observandum est, vocem *primus*, dici, vel ratione consequentium, & sic ponit ordinem: quo sensu Adam primus dicitur, 1. Cor. 15. v. 47. vel ratione antecedentium; sic nullum ordinem ponit: sed antecedentium ordinem tollit: quo sensu, Deus primus dicitur, Esai. 14. v. 4. quod ante eum nullus, Esai. 43. v. 11. quemadmodum alibi solus, quod præter eum nullus sit Deus. Itaque eodem modo, antecedentium ratione, filius Dei dicitur primogenitus, & absolute unigenitus, Ioh. 1. v. 14. & proprius, Rom. 8. v. 32. Sed instant tertio: Christum dici, non solum *primogenitum*, sed etiam *omnis rei creatæ*: ideoque sequentium relatione sic appellari, & creaturis hoc modo annumerari; sed ordine & tempore præferri. Ad quam objectionem, variè Orthodoxi respondent: quamvis interpretationem Arianorum omnes negent. Quidam enim sensum Pauli esse ajunt: quod Christus sit genitus à Patre, antequam quicquam concederetur, hoc est, ab æterno: idque objectionis retorsione, sic probant: quia, si Christus est primogenitus inter creaturas, brutis & inanimatis germanus fiet; quia necesse est, cum,

eum, qui primogenitus nuncupatur, tempore duntaxat primum esse, genere verò eodem, & natura eadem congruere cum omnibus. Sic Athanasius disserit contra Ari. lib. 3. & Cyrillus thesauri lib. 10. c. 4. & Chrysost. ac Theodoretus, suis ad hunc locum commentariis. Nonnulli verò expeditiorem responsionem putant, si statuamus: vocem *primogenitus*, non propriè hoc loco, sed Metaphoricè accipi, pro Domino & hærede: idque, simili omninò sententia, & argumento indicari, existimant, Heb. 1. v. 2. & 6. ut Theodoretus qui ex epistola ad Heb. 12. vers. 23. *primogeniti* vocem præstantiam notare, docet. Sed adversus priorem expositionem, objiciunt rationem grammaticam duplicem. Primum enim non posse vocem *primogenitus*, divinam hic filii generationem notare, propter nativam significationem vocis *πρῶτος*, quæ *parere* significat, non *gignere*: secundò, propter constructionem, quod vox *πρῶτος* non possit genitivum regere, quasi sit participium, constans ex præpositione *πρὸς*: ita enim exponi vocem *πρῶτος υἱός* quasi sit *πρὸς υἱὸς τοῦ υἱοῦ*, id est, *πρὸς υἱὸς τοῦ υἱοῦ*. Verum, ad primam rationem, respondent priores: vocem *πρῶτος*, quæ à *πρῶτος* similiter derivatur, tam latè patere, ac *parentum* apud Latinos: ideoque conjugati parem esse rationem: quemadmodum *אב* Hebræis utrumque *parere*, & *gignere* notat: ac sanè vox Græca *πρῶτος*, ut Latinis *gignere*, de femina aut mare usurpatur: ut frequens Homeri usus ostendit. Ad alteram verò rationem, potest bifariam responderi: primum constructionem esse, qualis apud Ioh. c. 1. v. 15. *πρὸς μὲν*, pro *πρὸς τῷ*. Secundò dici potest, cum Oecumenio, Græco Scholiaste, esse, hoc loco ellipsin præpositionis (*πρὸς*) ut integra constructio sit, suppletà hac voce *πρὸς τῷ υἱὸ τοῦ υἱοῦ*: aded ut constructio, neutro modo, quicquam habeat absurdum. Quamobrem utraque interpretatio analogæ fidei est, & Orthodoxa, sive primogeniti vocem propriè, sive Metaphoricè, pro Domino & hærede, accipiamus: ut Psal. 89. vers. 28. citra controversiam accipitur, ubi dicitur: *etiam ego primogenitum constituam eum, excelsum supra reges terræ*, & utroque modo solidè Arianorum objectio diluitur. Denique, ne quid hic omittam, præter primam interpretationem, qua Christus primogenitus dicitur, ratione divinæ naturæ; quod sit æternus, & unigenitus Patris filius, aliam etiam Basilii contra Eunomium lib. 4. sub finem, adducit; licet fatius sit, in datis responsionibus subsistere: Si, inquit, *primogenitus mortuorum dictus sit, quod causa sit resurrectionis è mortuis: & sic primogenitus creaturæ, quoniam causa est, ut è nihilo adesse creatura producta sit*. Alteram deinde interpretationem subiicit: Christum dici primogenitum, ratione eorum, qui per adoptionem Spiritus Sancti ex Deo nati sunt: ut Paulus dicit; quos præcivit, & prædestinavit conformes imaginis filii sui, ut ipse sit primogenitus in multis fratribus. Et Arianorum objectionem refutat, duabus ex Paulo rationibus: quarum prima est, cujus antè meminimus; quod Christus non dicatur *πρῶτος* primo creatus: altera, quod Paulus postea non subiciat, & ipse factus est ante omnia: sed ipse est ante omnia: quemadmodum Ioh. 1. *in principio erat verbum*. Eadem ferè habet Cyrillus thesauri lib. 10. c. 4. & Athanas. contra Arian. lib. 3. Sed objicitur tandem locus Apoc. 3. v. 14. ubi dicitur *ἀρχὴ τῆς κτίσεως τοῦ θείου*. Ergo creatura: quia principium rei, ejusdem cum ea est generis. Sed negatur consequentia, propter vocis homonymiam, quia *ἀρχὴ* principium, non *ῥαδὸς*, per Metonymiam, *ἀρχὴ* principem notat: ut Coloss. 1. vers. 16. & 2. v. 10 Tit. 3. v. 1. & sic, hoc loco, accipitur: ut Apoc. 1. v. 5. eodem sensu vocatur Christus *ὁ ἀρχὸν Princeps Regum terræ*. Atque hæc de voce *primogenitus*, altero nimirum divinitatis Christi elogio, v. 15. Sequitur deinde accurata ejus confirmatio, ab operibus duplicibus, nempe creatione, ejusque fine; & conservatione: quæ soli Deo conveniunt: ideoque divinam Christi naturam demonstrant. Atque illam primum ponit Apostolus his verbis: *Nam per eum, & in eum*, hoc est, ad ejus gloriam, *condita sunt omnia*. Deinde exponit subjectum illius, h. e. quænam sint illa omnia, quorum meminit: idque in eum finem, ne aliquid excipiat: sed ut solidus Christo honor constet. Vitur autem

partitione geminà: quarum altera è subjecto loco: omnia enim hæc, partim sunt *in celo*, partim *in terræ*: altera ab adjunctâ qualitate: omnia enim sunt, partim *visibilia*, partim *invisibilia*: quæ deinde subdividit in *thronos*, *dominia*, *principatus*, *potestates*. De cujus loci interpretatione quædam dicenda sunt uberius, ut curiosa multorum, in hoc argumento, temeritas refellatur. Ac primum quæritur: quid hæc nomina quatuor sibi velint. Quidam enim nullo modo, ad angelos pertinere, sed humanam omnem politiam denotare opinantur: quemadmodum voces hæ in usu sunt alibi, ut Tit. 3. v. 1. 2. Pet. 2. vers. 10. Iud. vers. 8. Alii verò per Metaphoram, à rebus humanis, de politia cœlesti & Angelis, sermonem esse existimant: idque sanè probabilius; non solum propter usum harum vocum, quæ sæpè tribuuntur angelis & bonis & malis, cum alibi, puta, Rom. 8. vers. 38. Ephes. 1. vers. 21. & 6. v. 12. tum in hac epistola cap. 2. vers. 15. sed maxime propter loci scopum: quia Apostolus invisibilia, quorum meminit, iis vocibus subdividit: ideoque ad Magistratus visibiles minimè pertinent. Veruntamen qui de Angelis hunc locum interpretantur: quidam primam vocem excipiunt, ac cœlum tertium, quod nobis invisibile est, ea voce significari, existimant: idque probari posset, hac ratione, quod *throni* vox, cœlo sæpè tribuatur, Matt. 5. vers. 34. & c. 23. vers. 22. Actor. 7. vers. 49. Angelis verò nusquam. Nam quemadmodum objici potest, Apostolum hîc non de throno loqui (quemadmodum cœlum appellatur) sed de thronis: sic responderi etiam posset: Paulum hîc agere de sedibus cœlestibus, & multis illis beatorum mansionibus, Iohan. cap. 14. v. 2. quemadmodum senioribus etiam throni ascribuntur, Apoc. 4. vers. 9. vel enallagen esse numeri pluralis pro singulari. Verum ut arguta hæc est sententia & probabilis: sic altera quæ nomine *thronorum* non cœlum, sed cœli incolæ, Angelos significari putat, videtur præferenda, ob communem veterum & recentiorum consensum: deinde ob pluralem: denique quod cœlum nunquam absolute thronus, sed definite thronus Dei nominetur. Neque mirum est, hanc vocem alibi, pro Angelis, non usurpari: quia cum Paulo negotium esset adversus fastuosos Philosophastros, qui honorem Christi ad Angelos, supersticiosè transferebant, concessione quadam verbis maxime splendidis uti voluit: ut eò magis Christi creatoris gloriam extolleret; & adversarios, omni ereptâ nominis exceptione, refutaret. Porro de sensu horum verborum diversum est judicium. Quidam enim putant, hæc verba idem significare re ipsâ; sed modo differre: ideoque conjungi tantum, ad majorem rei expressionem, synonymiâ emphatica, non autem tautologia inani: itaque Angelos generatim sic appellari, Metonymicè; quod sint instrumenta & ministri Dei, quibus thronum, hoc est, regnum, dominium, principatum & potestatem suam, pro arbitrio exercet. Cujus rei exemplum, Esai. 37. v. 36. Quæ sobria interpretatio probari videtur inde, quod alibi, alio ordine numerentur, Eph. 1. v. 21. & voces hæc promiscuè usurpentur. Contra verò plerique, hæc verba, non eandem rem, sed diversos Angelorum ordines, & officii gradus denotare existimant; idque probari potest: primum disjunctiva particula *sive*: deinde aliorum locorum comparatione, in quibus Angelorum ordo statuitur: ut cum *Archangelus* nominatur, 1. Thess. 4. v. 16. & *principes*: imò & *principes primarii*, Dan. 10. vers. 13. è quorum numero unus aut etiam *primus* dicitur, *Michaël*, *princeps Iudeorum*, Dan. 10. vers. 21. & *Archangelus*, Iud. vers. 9. Nam ex communi veterum & recentiorum sententia, non Christum, sed Christi Angelum, Michaelis nomine significari dici potest. Neque enim obstat nominis dignitas: quia non definite eum, qui est sicut Deus, hoc est, Deo par & æqualis significat (quod nostri interpretes, alioqui accurati, Dan. 10. v. 13. affirmant) quod soli Christo, Phil. 2. non Angelo illius convenit: sed interrogatione quadam, quis ut deus? Deinde vox *γεν*, generatim, *forsem* notat; & *ἑξ ὧν*, non solum de Deo; sed etiam suo modo, de Angelis dicitur. Præterea synonymum, & sublimius nomen, homini tribuitur, nempe *מִיכָאֵל*, *Michajah*, qui, sicut *Iehovah*? 2. Reg. 22. vers. 12. Idem denique Michaëlis

Michaëlis nomen ascribitur Jisrachiz filio, 1. Chron. 7. v. 3. Deinde verò Angelus hâc voce intelligi videtur, primum, quia in ordinem Angelorum redigitur, Dan. 10. vers. 13. & 21. deinde, quia, licet contentio cum Satana, filio Dei tribui possit ex Zach. 3. v. 2. tamen non ausum fuisse crimen obicere Satanz, quinam tribui possit summo Domino? Deinde, ut alia omittam, hâc ratione argumentum Angeli, Dan. 10. vers. 21. videtur enervari: neque satis consentire, si diceretur, Nullus mecum, nisi filius Dei. Atqui habuit filii Dei auxilium, aliud nullum requirit. Quare ordinem esse aliquem, inter Angelos, ex Sacris Literis constat. Sed qualisnam sit, alii modestè & doctè, nescire sese profitentur: alii conjecturas suas dubiè proponunt: alii denique temerariè definiunt. Ac primum quidem ignorantiam suam ingenuè testatur Augustin. Tom. 6. contra Priscillianistas ad Orosium cap. 11. & Enchiridio ad Laurentium capite 8. *Quid, inquit, inter se distent quatuor illa vocabula, quibus universam illam societatem videtur Apostolus esse complexus, dicendo: siue sedes, siue dominationes, siue principatus, siue potestates, dicant qui possunt: si tamen possunt probare quod dicunt. Ego me ista ignorare confiteor. Verum quod addit: sed nec illud quidem certum habeo: utrum ad eandem societatem pertineant, sol & luna, & cuncta sydera, quamvis nullius lucida corpora esse, non cum sensu vel intelligentia videantur: illud inquam, magis profanam Platonis, quam Christi scholam sapit. Sic etiam modestè ait Gregorius Nazianzenus, ordinem Angelorum Deum nosse, qui definivit, Oratione de Theolo. in fine.*

Secundò, alii proferunt conjecturas suas. Quidam enim putant: hæc officiorum nomina, dici relatè ad homines, ut Theodoretus Coloss. 1. ait: *Existimo thronos esse Cherubim, divinum enim thronum super eos vidit positum Propheta Ezechiel: dominationes, principatus & potestates eos, quibus credita cura gentium. Michaël enim præerat Iudæis: & beatus Daniel dicit Principem Persarum & principem Græcorum.* Sic etiam Rufinus in Symboli expositione. Etenim, ait, *ut breviter aliqua etiam de secretioribus perstringamus, ab initio Deus, cum fecisset mundum, præfecit ei, & præposuit quasdam virtutum celestium potestates: quibus regeretur & dispensaretur mortaliū genus. Quod ita factum Moses indicat in Deuteronomii cantico, ubi dicit: Cum divideret Excelsus gentes, statuit terminos gentium secundum numerum Angelorum Dei.* Verum rectè, contra hanc LXX. interpretum versionem, Hieron. in Ezech. cap. 28. observavit, *melius in Hebræo esse, numerum filiorum Israël.* Alii verò putant his nominibus, Angelos dici, non solum relatè ad homines: sed etiam relatè ad inferiores Angelos. Qua de re, Hieron. ad Ephes. 1. ait: *Arbitror itaque illum Apostolum, aut de traditionibus Hebræorum, ea, quæ secreta sunt, in medium protulisse: aut certè quæ quasi juxta historiam scripta sunt; cum intelligeret legem esse spiritualement, sensisse sublimius: & quod de regibus atque principibus, ducibus quoque, tribunis & centurionibus, in Numeris & Regnorum libris refertur, imaginem aliorum principum, regumque cognovisse: quod scilicet in celestibus sint principatus, sint potestates, sint dominationes atque virtutes, & cætera ministeriorum vocabula: quæ nec nos possumus nominare, nec ipsum Paulum, puto (ut in gravi corpusculo constitutum) enumerare valuisse. Si autem sunt principatus, & potestates, & virtutes, & dominationes, necesse est ut & subiectos habeant, & timentes, & servientes sibi: & eos, qui sua fortitudine roborantur. Quæ distributiones officiorum, non solum impræsentiarum, sed etiam in futuro seculo erunt: ut per singulos profectus & honores, & ascensiones, & descensiones, vel crescat aliquis, vel decreseat; & sub alia, atque alia potestate, virtute, principatu, & dominatione fiat. Sic Ambrosio adscriptus Commentarius, Ephes. c. 3. ait: *potestates idèò dici, quia potentiores sunt, inter cæteros spiritus; principes autem, qui principantur potestatibus.* Denique alii, non ut conjecturas afferunt, sed Angelorum ordines, distributiones, officia & nomina definiunt. Ac primum quidem temerariè, novem ordines Angelorum statuit Dionysius Areopagita lib. de celesti hierarchia, cap. 6. hoc modo: *Seraphim, Cherubim, thronos, dominationes, virtutes, potestates, principatus, Archangelos, Angelos.* Dionysium sequitur, eumque testem adducit*

Gregorius Magnus, Homil. 34. in Euangelia, hâc tamen differentiâ, quod aliter quosdam ordines distinguat. Nam, ab imis exorsus, numerat Angelos, Archangelos, virtutes, potestates, principatus, dominationes, &c. quemadmodum Bernadus, scriptor Pontificius, (qui vulgò perperam, inter Patres veteres recensetur; quia Abbas fuit Pontificius: qui, licet de tyrannide & fastu ordinis Ecclesiastici, Pontificis & Episcoporum, valdè liberè loquatur: & de justificatione multa valdè piè tractet, maximus tamen fuit idolatrici cultus, Virginis Mariæ, patronus: adeo ut non incommodè quidam dixerit: *ubi bene scribit, nemo melius; ubi malè, nemo pejus:*) in Cantica, Sermonè 19. de novem ordinibus Angelorum. Eademque cum Dionysio, Paulò post Bernardum, docuit Petrus Lombardus, lib. 2. distinct. 9. & in eum, Scholastici: & prolixè Thomas Aquinas in summa Theologiæ, par. 1. quæst. 108. & seqq. Cæterum hujus numeri definitionem probare nititur Gregorius Magnus, in Iob. lib. 32. cap. 25. & in Euangelia Hom. 34. duabus rationibus. Primum inductione: quia, ut ait, *cum hæc nomina apertâ narratione memorentur, quantæ sunt supernorum civium distinctiones, ostendunt.* Secundò, testimonio Ezechiel. cap. 28. vers. 13. quia novem lapidum nomina recensentur, quibus ornatus esse dicitur Angelus ille; qui primus est conditus. Sed inania hæc sunt fundamenta. Nam primum inductio imperfecta est: quia non solum hæc nomina Angelorum extant, sed etiam plura: qualia sunt exercitus cœli, Luc. c. 2. vers. 13. &c. Ad hæc non Archangelorum ullibi; sed Archangeli tantum in Sacris Literis, sit mentio: & quidem principatibus non postponitur, ut Pontificii volunt, sed præponitur, aut æquatur; ut liquet ex comparatione locorum Iudæ vers. 9. & Daniel. cap. 10. Deinde locus Ezechiel. nihil omninò ad rem facit: quia non de Angelo aliquo, sed de rege Tyriorum, disertè loquitur Propheta, vers. 2. & 12. Neque obstat, quod in Hedene fuisse dicitur; & Cherub appellatur: quia hæc non propriè, sed Metaphoricè intelligenda sunt. Hæc itaque prima est, in ordinum Angelicorum numero statuendo, temeritas. Altera verò sita est in ordinum eorundem distributione, in suas classes & gradus. Dividunt enim hos Angelorum (ut vocant) ordines, & choros novem, ineptâ divinæ trinitatis imitatione (ut Dionysius de celesti Hierarchia cap. 7. in fine in tres triadas, seu terniones, quas hierarchias vocant: & subdividunt singulas, in ordines priores, medios, infimos. In prima hierarchia collocant summos, Seraphim; medios, Cherubim; ultimos, Thronos. Eadem ratione, in secundâ, Ordines ponunt, Dominationes: Virtutes: Potestates. In tertiâ, Principatus; Archangelos; Angelos. Omnia autem sine legitima Scripturæ autoritate. Cæterum hæc tres hierarchias, bifariam distinguit Dionysius, officio & dignitate: officio quidem, quod prima immediatè Deum, & divina cognoscat & sequentes doceat: reliquæ mediatè, secunda quidem ex prima: tertia verò ex secunda, de celesti Hierar. cap. 7. & 10. Deinde ad dignitatem quod attinet, superiores hierarchias inferioribus imperare ait: ac primam quidem secundæ; & hanc tertiæ; quæ tertia hominum hierarchiis sola imperet, & præceptum divinum, à superioribus acceptum, hominibus nunciet aut exequatur. Et officium quidem probare conatur Dionysius ex Sacris Literis. Ac primum, summam hierarchiam immediatè divina cognoscere, & reliquos docere, probat, ex Esai. c. 63. vers. 1. & 2. Verum locus ille non proponit Angelorum (ut perperam accipit) sed Ecclesiæ Iudaicæ quæstionem, ut ex circumstantiis liquet; & comparatione antecedentium, cap. 62. vers. 11. Matth. 25. vers. 5. Deinde etiam si de Angelis ageret locus, ut Hieronymus & Cyrillus putant, non tamen de prima hierarchia magis, quam de reliquis. Et si de prima, non magis sequetur eos immediatè à Christo, quam à se mutuo doceri; quia inter se rogant: Quis iste? Secundum Dionysii testimonium est cap. 8. ex Zach. cap. 1. vers. 13. & cap. 2. v. 3. & 4. *Vidit Zacharias unum ex primis Angelis* (inquit Dionysius) *& ut mihi videtur, qui Deum circumstant, verba consolationis plena didicisse à Deo: alterum autem inferioris ordinis Angelum, qui priori obviam antecedebat, eo consilio, ut illustra-*



*illustrationem acciperet, fieretque particeps. Deinde eundem cum ab illo divinum consilium, ut à principe, didicisset, etiam Zachariam id docuisse.* Sed facilis est solutio: Nam primus ille Angelus, est Christus, Mediator Ecclesiæ; quia Iehova dicitur, Zach. cap. 1. v. 19. Deinde cum hic Angelus nunciet Dei verbum, Zachariæ, cap. 1. vers. 14. non minus quam alter, cap. 2. vers. 4. sequitur non intelligi Angelum primæ hierarchiæ, aut falsam esse distinctionem, qua statuit, solam ultimam hierarchiam per se, hominibus Dei verbum nunciare. Tertium testimonium ex Ezechiel. cap. 10. v. 6. & 7. nihil evincit: Angelo enim dicitur non ab Angelo, sed à Deo: *sume ignem: & quod ignem manui ejus Cherub indiderit, in visione dicitur, neque illum Angelorum ordinem confirmat.* Quartum etiam ex Daniel. cap. 8. v. 16. alienum est: quia neque vir ille, est primi ordinis Angelus, sed ordinibus superior, Christus: neque sermo ille certum ordinem evincit. Hisce testimoniis alia duo adjungit Dionysius cap. 10. primum ex Esai. 6. vers. 3. his verbis: *Seraphim Theologi alterum ad alterum clamasse dicunt, qua quidem re planè, mea sententia, declarant, primos participes facere secundos divinarum rerum, atque nunciorum.* Sed negatur Consequentia: quia Seraphim non ad inferiores ordines, sed inter se clamasse dicuntur. Deinde non docebant alii alios, sed mutuò, quasi *καὶ ἑαυτοὺς*, atque hortatu, Deum colebant. Denique unus ex Seraphim nuntiavit Esaiæ, Dei voluntatem. Ergo non ad primum ordinem pertinent: aut falsa superior officii distinctio: quemadmodum revera est; omnes enim Angeli generatim spiritus ministratorii appellantur, & mitti dicuntur, ab obeunda ministeria, circa electos, Heb. cap. 1. vers. 14. frustra tergiversante Dionysio, & Greg. in Euang. Homil. 34. & Lomb. lib. 2. dist. 10. & Thom. ad Hebr. 1. Alterum testimonium, quod adducit Dionysius cap. 7. est ex Psalm. 24. vers. 6. quo (ut ille putat) ordines inferiores Angelorum, à superioribus, discunt, Dominum esse regem gloriæ. Sed primum negatur, ea de Angelis dici: quia Davidis & fidelium hominum ea est oratio. Deinde quamvis Angelorum esset sermo, hierarchiarum tamen distincta illa officia, & notitia, inde probari non possent: cum per formam Dialogi, summa Christi regis cœlestis gloria celebretur. Hæc igitur secunda est, & *ἀπὸ τοῦ Θεοῦ* Dionysii & Scholasticorum, in hoc argumento, temeritas. Tertia est in singulorum ordinum definitione: quam, ex nominum interpretatione, petendam docent. Ac primum Seraphim vocem Hebræam esse, quæ *ἰμῶνας* incensores significet, ut monet Dionysius, quemadmodum Hieronymus de nominibus Hebraicis, *ardentes vel incendentes*, exponit. Cœterum hæc vox, Synecdochicè bifariam accipitur: primum, pro urentibus serpentibus, seu presteribus, Esai. 14. vers. 29. quemadmodum definitur, Num. 21. v. 6. & 8. *serpentes Seraphini*, id est, igniti: deinde pro Angelis, Esai. cap. 6. vers. 2. Verum duplex, hoc loco, Dionysii audacia est observanda: prior, quod asserit, Seraphim esse ordinem certum Angelorum, & quidem summum, cum tamen eorum solummodo fiat mentio, Esai. 6. nec quicquam iis tribuatur, quod non omnibus Angelis possit competere. Altera est, quod asserit, sic appellari à rerum divinarum ardore, quo flagrant, & alios accendunt: hoc est, ut Gregorius & Scholastici exponunt, ab ardore singulari, & flamma amoris Dei: quod, præ reliquis, charitate præditi sint. Hoc enim ex Esaiâ probari non potest: Sed meliùs longè statuitur: Angelos hosce dictos esse, non à munere perpetuo, nec à donis internis; sed ab externâ & ardenti specie, qua apparebant: quemadmodum, de Cherubim ait, Ezech. c. 1. v. 13. *aspectus eorum quasi carbonum ignis ardentium, & quasi aspectus tædarum.* quæ quidem externa species adumbrasse videtur, Angelorum sapientiam, puritatem, potentiam, & velocitatem, in Dei iudicis voluntate exequenda; sive in beneficiis, sive in pœnis inferendis. Deinde ad Cherubim quod attinet, malè Dionysius *καὶ τὸ πνεῦμα, copiam cognitionis, ἡ χάρις σοφίας, fusionem sapientiæ*, interpretatur. Nec enim Grammatici sic docent: neque ullam huius interpretationis rationem video, nisi *כְּרוּב* compositum dicatur, ex (כ) *sicut*, & *רוּב*, *multitudo*, per Synecdoch. obscuram, pro multitudine scien-

tiæ, quemadmodum *כְּרוּב* *magistrum*, nonnulli à multa scientia, dictum volunt; doctiorum accuratius esto iudicium. Hieronymus verò Cherubim interpretatur *scientiam multiplicatam*, vel *quasi plures*, compositam vocem statuens, ex כ & רוב. In ea re, sine dubio, non suum iudicium, sed ejus, quem interpretatur, secutus sententiam. Contrà nonnulli Grammatici componunt ex כ *sicut*, & רובין, *adolescentes*, voce Chaldæa, & flexione Hebræa כְּרוּבִים: Quæ vox in Targum, Lament. cap. 5. vers. 12. & 14. extat. Alii verò simplicem vocem esse volunt, eodem sensu; ut notet absolute, humanas, sed alas imagines. Hinc Germani Iudæi (ut Rab-Anschil in glossario Hebraico Germanico) *volucres*, interpretantur. Quâ formâ, cum jussu Dei, Angeli adumbrati sint, in propitiatorio, Exod. cap. 25. v. 18. eademque apparuerint nonnunquam: hinc Cherubim dicuntur Genes. cap. 3. vers. 25. & Ezech. cap. 10. vers. 14. Quemadmodum & Metonymicè, quatuor animalia, Angelorum signa, ita appellantur, Ezechiel. cap. 10. Hinc sequitur: cum vanâ, aut saltem dubia prorsus nominis interpretatione, nitatur Dionysius (in ordine Cherubim definiendo) vanam illius esse sententiam: præsertim cum nulla ratione probare possit, aut conetur, Seraphim & Cherubim inter se esse distinctos: cum potius ex communi forma humana & alata, addo, etiam interdum ignea, eodem esse, reipsa demonstratur: quamvis significationis modo differant. Tertiò *thronos* interpretatur Dionysius per Metaphoram, quod Deum insidentem capiant, ac *θεοφύεις, Deiferos* vocat: obscure profectò. Sed qua ratione probabit, thronos esse diversos à Cherubinis, quibus tamen Deus insidere, passim, in Sacris Literis, dicitur, 1. Samuel. cap. 4. vers. 4. & 2. Samuel. cap. 6. v. 2. & 2. Reg. cap. 4. vers. 14. Psalm. 90. vers. 2. Esai. cap. 37. v. 16. quod inde responsa daret, Exod. cap. 25. vers. 8. & 22. Neque certior est Gregorii definitio, qui eos, thronos dici ait: in quibus Dominus sedet, & per quos, sua iudicia discernit. Nam quod affert testimonium ex Psalm. 9. vers. 5. *sedes super thronum, qui iudicas æquitatem*, nihil ad rem facit: non enim Angelorum Ordinem, *throni* vox, eo loco, denotat, sed *throno insidere*, Metaphora ab hominibus sumpta, *iudicium exercere*, denotat. Præterea, in secunda hierarchia, primum *dominationes*, Dionysius definit eum Angelorum ordinem, *qui à subiectione solutus, veræ dominationis cupiditate flagrat, & ad veram ejus similitudinem, sese, & eos qui sequuntur, format.* Sed hæc dicuntur, non solum obscure, & confuse: sed etiam mera & inani conjectura (unde ait: *ἔτιμα* *puto*) sine Sacris Literis, & contra modestiam Angelorum. Gregorius eos exponit, *qui principatus transcendunt: & Bernardus æquè incertè, qui regna, & principatus ordinant.* Atqui ad principatus, & Archangelos illud etiam pertinere, ex Daniel. cap. 10. probari potest. Secundò *δυναμεις*, quas vulgò *virtutes* vertunt, Dionysius definit, *quæ virilem quandam, invictamque fortitudinem ad divina omnia obeunda munera, habeant; & virtutem inferioribus conferant.* Gregorius verò ait: *esse Spiritus, per quos signa & miracula frequentius fiunt.* Quæ sententia probabilior quidem, sed tamen non necessaria. Quamvis enim vox *δυναμεις*, non rarò, per Metonymiam efficientis pro effecto, pro miraculis, quæ potentia Dei opera sunt, usurpetur: ut Matthæi cap. 7. v. 22. & interdum per Metalepsin, seu altera inde deducta Metonymia adjuncti pro subjecto, pro iis, qui illo dono præditi sunt, ut 1. Corinth. cap. 12. vers. 28. non tamen sequitur, illud habere, in hoc argumento, locum: multò minus esse ordinem separatam, & quintum, quia omnes Angeli, eadem ratione, sic possunt appellari. Denique *potestates* definit Dionysius ordinem, *qui habet liberam in rebus divinis, dispositionem; & in eo servando, aliis præit.* Quæ, ut obscura & incerta prorsus: sic etiam sibi contradicit: cum enim, (ut antè ostendimus) statuatur, primum ordinem Angelorum imperare secundo; secundum tertio: quomodo huic libertas tribuetur? Idcirco Gregorius potestates esse ait, *eos Angelos, qui demonibus imperant.* Vterque sanè, & Dionysius & Gregorius, sine Scriptura, & temerariè. In tertia hierarchia non est minor audacia, & futilitas. *Principatus* Dionysius definit, *qui principatum obtinent*, seu (ut exponit

ait Pachymerius) qui Archangelis, & Angelis præsent. Sic ferè Gregorius. Thomas autem Aquinas definit ad Ephes. cap. 1. qui singulis provinciis præsent. Deinde Archangelos Dionysius definit, eos qui angelis præsent. Gregorius, eos, qui summa nunciant. Thomas ad Ephes. cap. 1. eos, qui magnos custodiunt. Angelos Dionysius definit, cap. 9. eos, qui hominum Hierarchiis imperant: idque probat duobus argumentis: primum est, quod Michaël appelletur Princeps Judæorum. Atqui Archangelus dicitur, ut antè probatum est. Alterum est dictum Moyf. Deuteron. cap. 32. terminos statuit, secundum numeros Angelorum Dei sed versio illa perversa est, & ab Hebræo contextu aliena, ut supra ostendimus. Gregorius verò Angelos definit, qui minima denunciant. Thomas ad Ephes. cap. 1. eos, qui singulis hominibus præsent. Omnia autem hæc, sine Sacris Literis, ex mera conjectura, statuuntur: etsi nonnullis locis, ubi Angeli puerorum recensentur, abutantur, eum cura eorum ad omnes pertineat. Quod autem Angelos minima nunciare, Gregorius statuit, à Scriptura alienum est: Angeli enim annuntiarunt Christi conceptionem futuram, Luc. cap. 1. factam, Matt. cap. 1. Christi nativatem, & officium, Luc. cap. 2. denique resurrectionem, Matth. cap. 28. & ascensionem in cælum ac reditum, Act. cap. 1. quæ summa religionis sunt mysteria. Quare iis omissis, laudabili Bernhardi sententiâ, totum hunc locum concludam. Etsi enim author ille Pontificius, alibi audaciùs pronunciet; modestè tamen in sermone in festo Sancti Martini, novem hisce Angelorum nominibus prolatis, subjicit: Bene nomina novi, fortè hoc totum est: Quid enim amplius capiam terrigena, de cælestibus: Carnalis homo de spiritualibus, & divinis. Veruntamen etsi ignorem, quid lateat in his tantis appellationibus, illud equidem certissimè novi, quod magnum, & memorabile aliquid sub hac tantâ verborum maiestate, clausum sit & signatum. Hæc Bernhardus. Quare, ut finem faciam, aliquem esse ordinem, inter Angelos, ex sacris Literis colligi potest: cum quidam Archangeli nominentur; & in nominibus hîc, apud Paulum recensitis, manifesta sit disjunctio: sed qualis sit ratio, cum Sacris Literis non exponatur, definire temerarium est, inquirere curiosum. Ut igitur à temeraria Angelicorum ordinum recensione, & definitione, (quam hætenus diluimus) ad rem propositam redeamus. Paulus Deitatem, & æternitatem Christi, quam asserit versu 15. probat deinde, ab operibus: ac primum quidem à creatione rerum omnium, quas distinguit à subiecto loco in Cælestes, & Terrestres: & ab adjuncta qualitate, in Visibiles, & Invisibiles: quas subdividit Angelorum distinctione quadam, à ministerio eorum desumpta; & illustrat, repetitione propositionis: qua creationis subiectum generatim definitur, & finis amplificationis gratiâ adjicitur: quod omnia per eum & in eum, hoc est, ad ipsius gloriam, condita sunt. Vnde rectè concluditur: Christum esse verum Deum; quia author, ac creator omnium: & creationis finis: quæ duo soli Deo tribuuntur, Esai. cap. 44. vers. 24. Iob. cap. 9. vers. 8. Proverb. cap. 16. vers. 4. Roman. cap. 11. v. 36. Sed duo adversariorum genera, hanc explicationem impugnant. Primum Ariani, qui obijciunt, præpositionem *διὰ* notare causam instrumentalem: ac propterea Filium, per quem omnia condita sunt, Patre esse inferiorem. Verum respondent Orthodoxi: (*διὰ*) per non semper notare causam instrumentalem, sed interdum principalem absolutè, ut Ephes. cap. 1. vers. 1. & alibi: interdum connotare ordinem, non inæqualitatem; quemadmodum, cum Pater per Filium operari dicitur. Secundò excipiunt Samosateniani, in Catechesi sua, hunc Pauli locum agere, non de creatione prima, rerum omnium: sed de creatione secunda, de qua Eph. 2. 10. h. e. de restauratione Ecclesiæ. Sed circumstantiis hujus loci, & aliorum comparatione, refutantur. Nam vox *omnia*, denotat omnes creaturas, sicut divisiones in res cælestes, & terrestres, visibiles & invisibiles; & repetitio propositionis & versus sequens, arguunt. Idem etiam loca similia, Iohan. c. 1. vers. 3. Omnia per ipsum facta sunt, & sine eo factum

est nihil, quod factum est. & apertissimè, Heb. cap. 1. v. 10. Tu insio Domine, terram fundasti, & opera manuum tuarum sunt cæli. Hæc de vers. 16. Porro alterum Christi opus, quo æterna Deitas illius comprobatur, est rerum creaturarum conservatio: quam, præmissa conclusionem proponit, vers. 17. Docet enim, Christum esse ante omnia, hoc est, æternum Deum: quia omnia per eum consistunt, hoc est, sustinet omnia potente suo verbo, seu jussu ac nutu, Heb. 1. vers. 3. Atque hæc de persona Christi. Subjicitur deinde, ab Apostolo descriptio officii illius: quod certis epithetis, explicatur. Ac primum, Metaphoricè, caput Ecclesiæ, similitudine eleganti, appellatur. Primum ratione unionis mysticæ cum Ecclesiâ: ut enim caput unitum est membris suis, partim nervorum vinculis, partim uno spiritu, quo & caput, & membra, animantur: sic Christus, charitatis & fidei compage: & communi Spiritu Sancto, Ecclesiæ suæ unitus est, Ephes. cap. 3. vers. 17. & 18. & cap. 4. vers. 4. 15. & 16. Coloss. cap. 2. vers. 19. 1. Corinth. 12. vers. 12. & 13. Secundò, ratione efficaciz: quod, ut corpus, à capite, vitam, & motum haurit: sic Ecclesiâ, à Christo, salutem accipit, Ephes. c. 6. 23. Coloss. cap. 2. vers. 19. Tertio, ratione dignitatis, & regiminis: quod, ut caput corpori, ratione, & sensu præest: sic Christus Ecclesiæ, Ephes. cap. 1. vers. 22. Atque ita Christus Ecclesiæ caput dicitur. Alioqui, cum de aliis etiam sermo est, generatim dominum & gubernatorem notat, Col. 2. v. 10. & 15. Alterum Christi epithetum est, principium, quæ vox, cum sit ambigua, ac variè Christo accommodari possit, non eodem modo exponitur. Primum enim nonnulli propriè initium exponunt, idque bifariam. Quidam enim quod Christus sit Ecclesiæ principium & radix regenerationis (quemadmodum Adam generationis & lapsus principium) non tempore, sed merito: nec causa solum, sed etiam pars Ecclesiæ: quo sensu, alterum epithetum, *primogenitus ex mortuis*, probationis loco, adferri putant. Alii verò initium quidem exponunt; sed cum sequenti voce construunt: quod sit principium primogenitum. Sed hoc minùs videtur probabile: non solum propter contrarium ferè omnium judicium: sed etiam propter *Ταυτολογίαν* alienam. Secundò reliqui tropicè dici existimant, sed diversis modis. Nonnulli enim, per Synecdochē, causam, interpretantur: & quidem, alii finalem, sed alieniū. Alii efficientem: qua ratione, aut ad creationem minus aptè, aut ad Ecclesiā commodius referunt. Alii primitias intelligunt; ut *ἀρχὴ, ἀρχὴν* notet: quemadmodum Christus metaphoricè 1. Cor. 15. v. 20. appellatur, *primitiæ dormientium*: ut hac ratione, aut ut synonymum addatur, aut construatur cum *πρωτότοκος*, vel cum seq. verbis, *ex mortuis*, eodem sensu. Denique quemadmodum per metaphoram *ἀρχὴ* principatum; & inde, per metonymiam, principatu præditum seu principem, aut præfectum notat Tit. 3. v. 1. Rom. 13. 1. Col. 1. 16. sic, hoc in loco, *ἀρχὴν*: ut opponatur, (quemadmodum Col. 2. 18. 19.) *τῷ ἀρχαίῳ* à Christo conditis, ut Apoc. 1. 5. dicitur *primogenitus ex mortuis*, *ὁ ἀρχὸν* ac princeps regum terræ. Interim, salvo aliorum judicio, prima omnium interpretatio videtur huic loco accommodatissima. Tertium epitheton est, *primogenitus ex mortuis*. Primogenitura autem Christi est, aut æterna ex Patre, qua Deus, de qua v. 15. aut temporalis, qua homo: eaque propria quidem, qua natus ex Maria, Matt. 1. v. 25. metaphorica verò qua resurrexit ex mortuis: quemadmodum resurrectio, regeneratio dicitur, Mat. 19. v. 28. Primus autem resurrexit ex mortuis, non absolutè quidem, sed ad immortalem vitam: cum tempore, tum causa: quemadmodum etiam primus ad vitam mortalem sanctus natus est: unde meritò, *primogenitus inter fratres multos*, Rom. 8. v. 28. & Dominus, alibi nominatur. Cæterum verba, quæ sequuntur: *ut inter omnes primas, teneat*: quidam conclusionem esse putant, ex antecedentibus deductam; si enim author est omnium, & restitutor, juri illi primatus debetur: alii verò finem esse putant; quo resurrectio Christi illustratur: quemadmodum Rom. 14. v. 8. 9. dicimur, *Domini esse, quia ad hoc Christus mortuus est, & resurrexit, ut mortuis & vivis dominaretur*. Quæ interpretationes

piæ sunt: sed quandoquidem posterior cum phrasi magis convenit, & similibus locis probatur, 2. Cor. 5. 15. & ut ostendimus Rom. 14. propterea videtur aptior: quod autem dicitur, *in eum*, illud, vel ad Christi membra, & fratres referri potest ut 2. Cor. 5. 17. 18. vel generatim ad omnes res, ac creaturas, quod communi Apostoli scopo optimè convenit: ut Angelorum quoque; Dominus statuatur: quemadmodum Col. 1. 2. 10. Ephes. 1. 22. Hæc de v. 18. Sequitur confirmatio, sequenti: *quoniam*, inquit, *in eo placuit omni plenitudini inhabitare* (sic enim vertendum) qui locus, ex variâ ambiguae vocis plenitudinis interpretatione, aliter, atque aliter accipitur. Quidam enim, (ut Theodoretus) de Ecclesia, interpretantur, quæ appellatur corpus, & plenitudo Christi Eph. 1. v. 23. quia mysticum Christi corpus fidelium accessu completur. Nam quod objicitur, Ecclesiam non inhabitare in Christo, ut hoc loco de plenitudine dicitur: ad id respondent alii, propter summam Ecclesiæ, cum Christo, capite, conjunctionem, Christum esse in Ecclesia & Ecclesiam in Christo Ioa. 6. 56. Quare solidius refutanda est hæc sententia: quod Ecclesia non appelletur, absolute, plenitudo, neque omnis plenitudo: quæ laus soli Christo convenit Eph. 1. 23. Deinde, quod ratio Pauli non videretur solida, ad Christi primatum probandum: quia, pari ratione, Ecclesiæ, in qua Christus (qui vera plenitudo) habitat, hic honor conveniret. Quare alii melius referunt ad Christum: sed diverso tamen modo. Quidam de divina natura, ut Col. 2. 9. quemadmodum Cyrillus etiam legit, & exponit, lib. de recta fide, ad reginas. Quod enim objicitur non ita posse accipi, quoniam plenitudo Deitatis non communicatur, re ipsa, fidelibus, sed illius tantum effecta creata, & finita: illud verissimum est: sed quod addunt Paulum hinc loqui de plenitudine earum rerum, quæ à Christo, capite, in membra fluunt, quam ob causam, primatum accepit, in Ecclesia: id, inquam, probabiliter quidem dicitur; sed tamen non sine petitione principii, quia illud in quæstione versatur: contra enim dici potest. Paulum probare, Christum primatum habere, quia est Deus patefactus in carne, ut nos Patri reconciliaret, & tanquam fons compleret, donis suis, ut Col. 2. 9. 10. Interim, alii contra, Christi plenitudinem, non ad divinitatem, & unionem hypostaticam: sed ad humanam naturam, & gratiam habitualement, referunt: ex qua, tanquam fonte, omnes gratiæ, pro cuiusque membri modulo, deriventur: ut dicitur, *plenus gratia, & veritate*; & nos *plenitudine ejus accipere gratiam*, Ioa. 1. 14. & 16. Sed prior sententia, ut apparet, magis apta: nam vox *ἐν αὐτῷ* placuit, qualitati non convenit, sed Deitatis plenitudini. Atque hæc de v. 19. & de secundo descriptionis Christi membro, seu officio illius. Cui succedit beneficium, ex eo promanans: nimirum *reconciliatio omnium cum Deo*. Quæ, perquam emphaticè, illustratur bifariam: primum, descriptione modi, *per sanguinem*; & quidem *crucis*: quæ & summi amoris argumenta sunt; & ad reconciliationem nostri, requirebantur: nam sanguinis effusio; & maledictum crucis supplicium, ex Dei decreto, & prædictione prophetica convenienti, ad peccatorum nostrorum expiationem, erant necessaria, Heb. 9. 22. 23. Gal. 3. 12. quibus reconciliatio tribuitur synecdochicè, καὶ τὸ ἵεσθαι, tanquam obedientiæ, ac passionis Christi colophoni, Phil. 2. 8. Secundò illustratur hæc reconciliatio, distinctione subjecti: *Omnia*, inquit, *tum quæ in terra, tum quæ in celo*. De cuius loci sensu, diversæ magnorum interpretum sententiæ: quas proponere, & expendere, operæ pretium arbitror. Primum enim quidam, vocem *omnia*, & utrumque distinctionis membrum, de solis hominibus electis interpretantur: qui partim in Christum venturum credentes, jam, sub spe, in celis erant collecti, Heb. 12. 23. partim in eum, in terris, credebant, & credituri erant: nam utriusque reconciliati sunt Deo, per Christum. Sic glossa interlinearis: *qui in celis sunt, ut Abraham &c.* Alii verò generatim de creaturis rationalibus, electis, Angelis, & hominibus exponunt: adeo ut illi dicantur esse in celo; hi verò, in terra: quemadmodum illa est antithesis Matt. 6. 10. & alibi. Sed, in expositionis ratione, diversum est iudicium. Quidam enim hic putant agi de pacificatione Angelorum, & hominum, cum mutua; tum hominum; & in se, per con-

scientiæ tranquillitatem, & inter se, per concordiam, cum proximo. Sic Chrysost. *diffidebat*, inquit, *à celo terra: hostiliter enim adversabantur hominibus Angeli, Dominum suum contemni videntes. Item contra seipsum quisque nostrum diffidebat, & contra alios.* Idem habet Photius apud Oecumenium. Rationem autem adfert Theodoret. Eph. 1. Si enim, inquit, *letantur Angeli propter unum peccatorem, qui agit penitentiam: clarum est eos agere ferre, dum vident contraria.* Sic in hunc locum ad Col. ait idem author: *Nos enim adversabantur etiam populi Angelorum, propter summam improbitatem. Ea dæmonsa, cum natus esset Christus, chororum ducentes, Deo hymnum obtulerunt dicentes: gloria in excelsis, & in terra pax.* Verum hæc sententia (ut alia omitam) Apostoli scopo minimè convenit: quia apertè agit de hominum reconciliatione cum Deo; non autem cum creaturis: ut *omnia*, ait Paulus, *reconciliaret sibi* notandum illud, *sibi*: idemque etiam apparet, ex veris. seq. quamvis, ex hac reconciliatione, & pace hominum cum Deo, oritur etiam pax inter homines, & conjunctio cum Angelis, de qua Eph. 2. 14. 16. Alii igitur statuunt, agi, hoc in loco, non de reconciliatione hominum & Angelorum inter se, sed cum Deo: idque duobus modis. Quidam enim putant notari gratiæ, & pacis restaurationem, quod Angelorum obedientia non sit tam exquisita ac perfecta, ut Deo, citra veniam, satisfaciatur: idque confirmant ex Iob. 4. veris. 18. *in Angelis suis reperit iniquitatem.* Sed respondetur primum, à quibusdam, de malis Angelis hæc dici: ut Gregorius Magnus interpretatur. Verum, quia illud nihil esset magni, neque ad amplificationem pertineret, concedunt alii, de bonis Angelis esse sermonem, non absolute; sed comparatè: sicut, de simili loco, ait Augustinus, tomo 6. ad Orosium contra Priscillianist. c. 10. *In comparatione*, inquit, *justitiæ Dei, si nec sancti in celis, Angeli, justis esse dicantur, non mihi videtur importuna sententia: non quia ut hoc esset, à justitia lapsi sunt, sed quia facti sunt, & Deus non sunt.* Et paulò post: *Cujus enim participatione justis sunt, ejus comparatione nec justis sunt.* Deinde aliena est Iobi illa, quæ objicitur, interpretatio, ex vulgato interprete: nam vox *תהלה*, Kimchi ait esse, pro *תהלה*, id est, *laus*, & ex radice *הלל* i. e. *laudare* derivatur: & laudem significat, ut Chaldaeus interpres exponit: Rabbi Levi verò metonymicè splendorem, & Kimchi ait significare, splendorem aut stultitiam. Prior autem splendoris significatio, aut propriè laudis, magis convenit, idque probatur: quia aliàs Deus author peccati statueretur: non enim dicitur, ut peccatam ex vulgata versione objicitur, reperit, aut reperiet, *תהלה* sed *שם* appositurus est. Atqui impium esset, dicere, Deum apponere Angelis pravitatem.

Denique in Sacris Literis passim, boni Angeli dicuntur facere Dei voluntatem, ut Ps. 103. nec illius imperfectionis, aut vitii accusantur. Quamobrem alii, eos qui in celis sunt, Angelos quidem intelligunt, & reconciliari Deo per Christum, statuunt, non restauratione, sed continuatione gratiæ & pacis: quod Christi mortis beneficio liberati sint, à lapsu periculo, in quo versabantur. Sed quam solidè hoc dicatur, ac Sacris Literis consentaneè, nondum percipio. Argumenta enim quæ adferuntur, hoc non demonstrant. Nam quod primum objicitur: Christum etiam dici Angelorum caput, non secus quàm hominum: verum quidem agnosco, sed inde minimè sequitur, eadem prorsus ratione quod utrique redempti, & Patri reconciliati sint per Christum: Christus enim caput dicitur omnium, ratione dominii equaliter: cum quæ Deus, tum quæ *δυνάμεις* & ad dextram Dei sedens, Eph. 1. 21. & 22. Heb. 1. v. 6. sed ratione juris, & efficacis diverso modo: Angelorum enim electorum caput est, quæ Deus jure creationis, & conservationis in sanctitate, & beatitudine gratuita: quæ homo verò, ratione imperii, & regiminis, & potestatis, quam accepit à Patre in omnes creaturas, ex personæ dignitate, & obedientiæ præstantia, Matth. 28. v. 18. Phil. 2. v. 9. 10. Eph. 1. v. 21. 22. Heb. 1. v. 6. non autem mortis suæ satisfactione: quia neque Angeli boni peccarunt unquam; nec à lapsu Adami, & peccatis hominum, pro quibus Christus natus & mortuus est, salus eorum dependet.

det. Hominum verò caput Christus dicitur, non solum quia Deus creator, sed etiam quia redemptor: unde, analogicè, Angelorum & hominum caput appellatur. Quare, non Angelorum, sed hominum mediatorem, Paulus nominat, & beneficia mediatorii muneris, hominibus tribuit, 1. Cor. 1. 30. Heb. 2. 16. & 1. Tim. 2. 5. quandoquidem, morte, & intercessione sua, homines solos, cum Deo reconciliavit Christus, & beatæ electorum Angelorum societati (ex qua dæmones exciderant Iud. v. 6.) coniungit, Heb. 12. 22. Angelorum verò mediator dici non potest, nisi præter Scripturam, & valde ambigüe: quod sit causa media, per quam Pater Angelos creavit, & conservat: quemadmodum nonnulli propterea filium mediatorem omnis boni vocant, quod per eum omnia bona conferantur: & Angelorum Mediatorem, quatenus creator & conservator eorum est; non autem quatenus passus est in carne. Quo etiam sensu, etsi improprie loquens, ait Bernardus: *quod ab initio erat Angelis, factus est & nobis*, item: *qui erexit hominem lapsum, dedit stanti Angelo ne laboretur, sic illum de captivitate eruens, sicut hunc à captivitate defendens: & hac ratione fuit æquè utrique redempto, solvens istum, & servans istum*, Sermone 22. in Cantica. Sed neutra sententia ex hoc Pauli loco stabiliri potest. Nam primum, cum reconciliatio, & pacificatio connotent offensionem & inimicitiam antecedentem, non autem periculum eorum: quomodo ea de gratiæ, & pacis nunquam interruptæ continuatione accipi possunt? Deinde, cum disertè addatur, *per sanguinem crucis ejus*: quomodo Angelis, qui nec venia, nec sanguinis effusione opus habebant, conveniet? Denique quibus Scripturæ locis probari potest, illud Angelorum citra mortem Christi, lapsus periculum. Verum secundo loco objicitur: Angelos bonos, appellari electos non minus, quam homines 1. Tim. 5. 21. ac propterea reconciliatos per Christum. Sed negatur consequentia quia eadem est electio ad salutem tanquam finem: sed non eadem, ratione mediorum, & executionis convenientis, ob conditionis discrepantiam: homines enim prolapsi in peccatum, reconciliatione opus habuerunt: Angeli boni nequaquam. Itaque cum electi dicuntur, ad salutem æternam destinatos esse indicatur: quam ut dedit initio Pater per Filium, sic per eundem, pro beneplacito suo gratuito, & electione, conservat, ac perpetuat, virtute divina Filii; non intercessione meriti mortis ipsius, multò minus obedientiæ ipsorum, ut Pontificii somniant. Tertio objiciunt locum Apostoli 2. Cor. 5. v. 18. *Omnia ex Deo, qui reconciliavit nos sibi, per Iesum Christum*. Sed nihil ad rem facit: nam vocem *omnia*, notare fideles, satis demonstrat expositio Pauli, vers. 15. & hoc ipso, cum addit: *nos*, & vers. 19. definiens reconciliationem, remissionem peccatorum per fidem. Nec satis rectè dicitur solo Christi favore, Angelos & homines Deo gratos esse: nam ut de hominibus verum est; sic de Angelis dici non potest: quia cum sancti creati sint, & in sanctitate in persistenter, non potest non Deus, eos, pro sua veritate ac iustitia, habere pro sanctis, ac gratis, utpote cum ipsius sint opus, & voluntati illius ad amissum consentiant. Nam filium Dei, pro bonis Angelis, cum reliqui laberentur, intercessisse, ut nonnullis placet, nihil quidem habet à Christi gloriâ alienum; sed quam ratione ex Sacris Literis probabitur? Quod enim Pater proclamatur, Christum esse filium suum & ἰσθῆναυ Matth. 3. v. 17. quod exponunt illi, qui ad Angelos etiam referunt, *in quo placatus sum*: illud Angelis non convenit; sed hominibus, à Deo, per peccata, avertis: quibus idcirco, Christo nato, pax annuntiatur, Luc. 2. 14. Deinde negamus etiam interpretationem illam esse genuinam: nec enim verbum illud ἰσθῆναυ, respicit Angelos, aut homines; sed Christum ipsum qui Patri perplacet: ut sit sensus, *quo delector*: quemadmodum hæc phrasia alibi in usu est 1. Cor. 10. 5. 2. Thes. 2. 12. Heb. 10. 38. & alibi: neque uspiam in Novo Testamento vox ἰσθῆναυ, ita accipitur, uti obtendunt. Verum etsi illud largiremur, nihil inde tamen efficerent, ob causas ante dictas. Atque hæc de secundâ huius loci expositione. Tertia opinio est longè alienior: vocem *omnia*,

*& quæ in terris sunt, & quæ in cælis*, notare non solum creaturas, ratione præditas, homines & Angelos: sed etiam elementa, & ratione destitutas creaturas: ut Theodor. in similibus locis se exponit, Eph. 1. 10. Heb. 2. 9. Sed longè validius hæc sententia, superioribus, quas adduxi, rationibus, refutatur. Nec quicquam ad rem facit, quod Rom. 8. 19. & 22. omnis creatura ingemiscere, & parturire usque adhuc, & liberanda à servitute, dicitur: quia aliud est reconciliatio, & pacificatio cum Deo, (quæ liberatio est à peccato & pœna illius) aliud hæc liberatio creaturarum, quæ effectum est pacis, quam homines habent cum Deo; nec enim Christus mortuus est, ut elementa (quæ nec offenderant Deum, neque offendere poterant) reconciliaret, sed ut hominem in gratiam reduceret. Nam quod secundo loco adfert Theodoret. ex Epist. ad Hebr. c. 2. 9. Christum pro omnibus mortuum: illud malè, ab eo, ad omnes res universè extenditur: quod ad genus humanum tantum, & quidem electorum, pertinere, passim Scriptura docet, & loci illius circumstantiæ comprobant.

Quarta interpretatio est, *ea quæ in cælis sunt*, notare Deum, *quæ in terris* Ecclesiam: sensu quidem sancto, sed reluctantè phrasi. Quamobrem prima, quam attulimus, interpretatio, de pace hominum cum Deo, maxime videtur sincera, & huic loco accommodata. Hactenus de v. 20. & proposita thesi: quæ causas salutis nostræ, & descriptionem Christi personæ, officii, & beneficiorum continet. Sequitur deinde hypothesis: quâ Apostolus generalem hanc doctrinam Colossensibus peculiariter accommodat: ut thesin exponat, ac firmet; & Colossenses in vera fide, & officio confirmet. Quare Christi beneficia iis ascribit, & inde ad officium constantiæ existimulat. Beneficium, est reconciliatio cum Deo: quam illustrat primum comparatione contrarii, hoc est, pristinæ Colossensium miseriæ; ut merè gratuitam esse reconciliationem demonstraret: quemadmodum Rom. 5. 6. 8. 10. Eph. 2. 3. 5. 8. Verum cum miseria nostra sit duplex: peccatum, & merita illius pœna, ac stipendium: seu ut generatim dicam, mutua cum Deo inimicitia: qua & nos Dei voluntati adversamur peccatis; & vicissim Deus ob ea adversatur salutem nostræ, & iusto iudicio punit. Hinc quæritur; utra, hoc loco, intelligatur inimicitia, cum *abalienati*, & quod amplius est, *hostes* fuisse dicuntur. Nam *hostis* vox, variè sumi potest: primum activè, ut Act. 13. 10. Phil. 3. 8. quod Deum odissent: ut hac ratione inimicitia sequentibus verbis describatur: quemadmodum etiam, Rom. 8. 7. *cogitatio carnis*, dicitur *inimicitia adversus Deum, quod legi Dei non subiacetur*, hoc est, quod quæ lex vetat, velit ac probet; quæ præcipit, improbet ac nolit. Deinde passivè accipi potest, ut Rom. 11. v. 28. & quod Deo essent exosi: quæ inimicitia, à causa impellente, illustratur sequentibus: nempe mentis & operum corruptione, quemadmodum Eph. 2. 5. *Versati sumus olim in cupiditatibus carnis nostræ, facientes placita carnis, & cogitationum: eramusque naturâ filii iræ* & cap. 4. 17. 18. *gentes*, dicuntur *ambulare in vanitate mentis, obtenebratæ mente, & abalienatæ à vita Dei propter ignorantiam, quæ est in ipsis*. & Rom. 5. 10. *Cum essemus hostes reconciliati Deo dicimur*, & v. 8. & 9. hostes nos appellari indicatur quod essemus iræ Dei, ob peccata, obnoxii. Atque hæc sententia plenior est & accommodatior.

Secundò, reconciliatio hæc, qua Christus nos Patri reconciliavit, illustratur à modo suo, cum ait: *in corpore carnis suæ, per mortem*. Ut enim ante sanguinis, sic nunc corporis, & carnis meminit: quod utrumque, ad reconciliationem, requirebatur (ut ante ostendimus) nempe sanguinis effusio; & corporis oblatio. Heb. 10. 5. 10. & c. 9. 12. 22. 25. quemadmodum & Cœnæ institutio idem omnino obsignat. Corpus autem carnis, emphaticè dici, existimant: non ut bicorporeum fuisse Christum innuat; sed ut corpus verè humanum, non autem imaginarium habuisset, ostendatur: fortasse etiam *ἰσθῆναυ*, ut corpus Christi naturale, à mystico (de quo v. 18. & 24. agitur) distinguatur. Ceterum Christus nos reconciliavit Deo, per mortem; primum merito in cruce: deinde efficacia, & applicatione meriti mortis suæ, per fidem, & spiritum: de qua



re, potissimum, hoc loco, agitur. Vnde quidam, *in corpore carnis*, interpretantur, corpori suo insitos: sancti quidem; sed recepta sententia simplicior, & accommodatior: ut ex loci circumstantiis colligi potest & locis similibus illustratur Rom. 8. v. 3. Heb. 2. v. 14. Atque hæc de reconciliatione. Sequitur finis illius, alterum Christi beneficium, videlicet sanctificatio: *ut sifteret*, inquit, *vos sanctos & irreprehensos, & inculpatos coram se*. Verum cum sanctitas fidelium sit duplex: imputata, quæ Christo inhæret, & nostra sit, per fidem; quæ uniti Christo, sancti in eo judicamur: & inhærens nobis, quæ per Spiritum Christi sanctificati sumus: quidam de priori, hoc est, de justificatione interpretantur: alii de alterâ, seu de sanctificatione. Sed prior sententia non videtur huic loco satis convenire: nam justificatio non est finis reconciliationis, sed illius efficiens Rom. 5. v. 1. Quare secunda sententia, de sanctificatione, convenientior apparet: quemadmodum Ephes. 1. v. 4. electi dicimur, ut simus sancti & inculpati coram eo, in charitate. Similes loci sunt, Ephes. 5. v. 26. 27. Tit. 2. v. 14. Luc. 1. vers. 74. 75. deinde uberior est hæc interpretatio: hac enim ratione, duo redemptionis nostræ præcipua capita continebuntur: primum reconciliatio, & justificatio: deinde sanctificatio vitæ, quemadmodum, Ierem. 31. vers. 31. & alibi, ista copulantur. Sed objiciat aliquis, hinc sequi, nos perfectè implere legem Dei. Sed negatur consequentia: quia sanctitas nostra ratione graduum, non tam dividitur, quàm distinguitur in inchoatam, seu imperfectam, quæ huic vitæ convenit, ob repugnantiam carnis adversus Spiritum, Galat. 5. & in absolutam seu perfectam, quæ alterius vitæ propria est. Ideoque, ex salutis voce, non potest concludi perfectio. Sed contra excipi potest, de sanctitate imperfecta, hunc locum non posse intelligi: duplici de causa, primò, quia sanctitas, de qua hic agitur, est irreprehensibilis, & quidem coram Deo: ac propterea non inchoata, sed perfecta; deinde cum sanctitas consistat in perfecta legis observatione; cum justitia sit *irreprehensibilis*, ut omnis *irreprehensibilis* peccatum; ideoque si sanctitas sit imperfecta, vitiosa est, & legem transgreditur: sequitur, sanctitatem inchoatam, & imperfectam, non esse sanctitatem. Verum respondetur, sanctitatem fidelium in hac vita inchoatam, non esse quidem sanctitatem rigore legis (quæ vel minimum defectum damnat) sed gratiâ Evangelii, hoc est, sanctitas inchoata, censetur inculcata, & perfecta, non per se ac vi sua, sed, per accidens, in Christo, cui sancti insiti sunt Hebr. 13. v. 21. & 1. Pet. 2. vers. 5. quemadmodum aliàs exposuimus fufius. Sed instant Pontificii: Ergo ex parte saltem operibus justificamur. Verum negatur consequentia: quia ad justificationem ex operibus, requiritur perfecta legis, ab operante observatio, Deut. 27. v. 26. quæ perfecta legis observatio soli Christo convenit: qui, & personas fidelium, & opera ipsorum, justificat; quatenus defectus nostri, & operum nostrorum, ipsius satisfactione, condonantur, & quasi perfecta censentur: hoc est, (ut clarius dicam) defectus non imputat ad poenam ob meritum poenæ, à Christo, pro nobis, latæ. Quare opera nostra, cum veniâ indigeant, & justitia Christi, ad justificationem nostri non possunt concurrere, tanquam causa ulla adjuvans: nam, per se, ob defectum, ex legis sententia, merentur maledictionem. Hæc de vers. 22. & Christi beneficiis. Quæ, ab adjuncta conditione officii Colossensium, illustrat Paulus, ut eo acrius, ad hoc præstandum, extimulet. Officium autem declaratur *perseverantia* duplici, *fidei*, & *spei*: ut Hebr. 3. vers. 6. & 10. 23. quibus, velut alis, ad cælum subvehimur. Perseverantiam verò emphaticis metaphoris declarat; similitudine primâ, ab ædificiis ducta, cum de fide ait: *fundati & stabiles*: ut Matth. 16. vers. 18. & 7. 25. alterâ à navigiis, anchorâ firmatis, cum de spe ait: *non dimoveamini*: quemadmodum similis de fide oratio, Ephes. 4. vers. 13. & 14. & de spe, expressa & suavissima sententia, Hebr. 6. v. 18. 19. Cæterum spem non simpliciter requirit Apostolus; sed etiam Evangelii Epitheto describit: ut ad hujus commendationem

viam sibi sternat; & spem Christianam, objecti determinatione, à communi distinguat: ut enim spes generatim est jucunda cujusvis boni futuri expectatio; ideoque certa, aut incerta, deinde boni, aut veri, aut falsi; temporalis, aut æterni: sic speciatim spes Christiana, est certa, & jucunda, ex fide promanans, honorum futurorum, Evangelio promissorum, & præsertim vitæ æternæ, cum patientia expectatio, Rom. 5. vers. 5. 8. 25. unde etiam dicitur, *spes gloria*, Rom. 5. vers. 2. *spes salutis* 1. Theff. 5. vers. 8 *spes vitæ æternæ*, Tit. 1. vers. 2.

Porro ut Evangelium verum ab adulterino distinguat Apostolus, & Colossenses, in illius fide, contra falsorum Doctorum corruptelas muniat, ait: non aliud quàm *quod ipsi audierant*, nimirum ab Epaphra, Coloss. cap. 4. v. 12. Idque rationibus aliquot demonstrat: primum à consensu Apostolorum, quæ illud ipsum prædicarunt, Christi jussu, omni creaturæ, hoc est, quibusvis gentibus, per Synecdochen, ut Marc. 16. vers. 15. Hoc autem contigerat, Partim in Judæa Hierosolymis: quo pii ex omnibus gentibus, quæ sub cælo erant, confluerant, Actor. 2. v. 5. partim extra Iudæam, longè latèque ad miraculum usque, sparso Evangelio: ut ex Actis Apostolorum liquet, & Rom. 15. v. 19.

Alterâ deinde probatio est ab Apostolatu Pauli; *cujus*, inquit, *ego Paulus factus sum minister*, Christi nimirum revelatione, & mandato, Galat. cap. 1. vers. 1. ut postea fufius explicabit. Hæc de v. 23. Tertia ratio est à martyrio Pauli: quo Apostolatus quoque sancitur, Gal. 6. vers. 17. Idque proponit, cum perpeffionum meminit (nimirum quod Romæ vincus esset, veritatis Evangelicæ gratiâ, Coloss. 4. vers. 28.) easque illustrat, ab adjuncto & fine. Adjunctum, est affectus gaudii: cuius origo fuit, fides & spes eventus felicitis: qui in tribus consistebat, gloria Dei, Philipp. 1. v. 20. præmio vitæ æternæ, Roman. 5. v. 2. & 3. & 2. Cor. 4. vers. 17. 18. & Ecclesiæ ædificatione, hoc est, confirmatione in vera fide, spe & charitate, Philip. cap. 1. vers. 14. Idque indicat hoc loco Apostolus, cum addit, perpeffionis suæ finem, *pro vobis*, hoc est, ad vestram utilitatem: ut alibi declarat, 2. Corinth. cap. 1. vers. 6. & sequentia ostendunt. Utrumque verò, & perpeffionem, & finem illius, exponit deinde Apostolus. Nam perpeffiones suas vocat *reliquias afflictionum Christi*. Sed diversæ sunt hujus loci interpretationes: quia vox *Christi*, aut subjectum notare potest, aut causam: hoc est, perpeffiones, quas Christus patitur; aut, quas propter Christum patimur. Prior sententia receptor est, & commodè explicatur: quod propter arduissimam illam fidelium, cum Christo, capite, unionem, Christus patitur in membris: quemadmodum illustre exemplum in Pauli alloquio, Actor. cap. 2. *Saul, Saul, quare me persequeris?* Cum Ecclesiam Christi persequeretur: & in eâ, Christum lædere statueret. Altera sententia est Theodoret, qui legit etiam *ὡς ἔγω, pro Christo* (de providentia lib. 10. paulò post initium) hoc est, propter prædicationem Evangelii Christi: ut exponitur Mar. c. 8. vers. 35. eaque ratione optimè convenit cum antecedenti: quo Apostolus sese Evangelii ministrum dixit: deinde cum loco simili, 2. Corinth. cap. 1. vers. 5. Qua ratione afflictionum reliquiæ denotabunt id, quod Paulo, jam seni, Philem. vers. 9. adhuc supererat, perferendum. Sed verbum *ἀναπαύω, vicissim expleo*, accipi potest bifariam: aut comparatè ad Paulum, ut sit sensus: quemadmodum bonam partem afflictionum pertuli; sic reliquias earum vicissim expleo: aut comparatè ad Christum, in hanc sententiam: ut Christus pro mea salute passus est: sic ego vicissim eum secutus, crucem tollo, & unâ patior pro Evangelio, & gloria Christi. Utraque interpretatio analogâ fidei est, & contextui: sed prior videtur uberior, quia secundam complectitur, & communi, ferè omnium, consensu, comprobatur. Ac quamvis objectionibus magis obnoxia sit, iis tamen responderi potest distinctè & solidè. Et primum quidem, illud extra controversiam ponimus, errare eos turpiter, qui hinc colligunt, Chri-

Christi passionem non esse sufficientem ad nostri redemptionem, sed ad eam explendam, Sanctorum perpeffiones concurrere: *hoc enim* (ut Aquinas hic loquitur) *est hereticum*; quia sanguis Christi, est sufficiens ad redemptionem, etiam multorum mundorum, 1. Iohan. cap. 2. vers. 2. Addo etiam, quod Christi oblationi abolitio peccati adscribitur, Hebr. cap. 9. vers. 12. & 26. Deinde, ut idem etiam Aquinas agnovit, perpeffiones Christi, hoc in loco, non intelliguntur ex, quas ipsemet, in se pertulit, ac si reliquæ illis explendis, superessent, sed quas in corpore suo mystico, seu Ecclesia, subire debuit: unde corpus illud, figuratè, Christus dicitur, 1. Corint. cap. 12. v. 12. nam passio Christi in carne ipsius perfectissima est, Hebr. cap. 9. v. 12. & c. 10. v. 14. in Ecclesia verò, ad finem usque mundi, explenda est, Apocal. cap. 6. v. 11. Paulus autem eam non explebat absolute, sed secundum quid, pro modulo sibi destinato. Atque hæc perpeffionum expositio. Finis verò etiam illustratur, cum subjicit Apostolus, *pro corpore ejus, quod est Ecclesia*: eoque & pro Colossensibus, Ecclesie membris. Verum, quis proprius hujus loci sit sensus, queritur. Orthodoxi vulgò exponunt verba illa: *pro corpore*, de utilitate, nempe consolatione, 2. Cor. cap. 1. v. 6. & exemplo officii, Phil. 1. 14. 2. Tim. 2. 9. 10. quamvis existimarem æquè commodum, ut non finem, sed causam impellentem, & occasionem notet, ut Ephes. c. 3. v. 1. Coloss. cap. 4. v. 3. de qua re, Actor. cap. 21. v. 28. & cap. 22. v. 21. & c. 24. v. 5. & 1. Thess. cap. 2. vers. 16. Contrà verò Pontificii obijciunt, notare satisfactionem, pro pœnis temporalibus peccatorum. Sed hæc sententia, præterquam quod nova est, nec ullo Scripturæ loco probari potest, repugnat etiam Christi unici mediatoris merito, 1. Ioh. cap. 1. v. 7. Rom. cap. 8. 1. & 5. v. 1. 1. Tim. 2. 5. & Judicio Pauli, Rom. 3. v. 23. 24. & hujus epistolæ, & loci scopo, Col. cap. 1. v. 12. 13. 14. 21. Præterea cum Paulus ipse, pro sese, non satisfecit, nec satisfacere potuerit: utpote justitiâ suâ, lege præscriptâ, destitutus, Philip. cap. 3. vers. 9. & 12. multò minus pro aliis, qui proprium onus ferent, Galat. cap. 6. v. 5. Quare detestanda est Pontificiorum superstitio, quæ statuunt, communem quandam esse Thesaurum meritorum Christi, & Sanctorum: quem in indulgentiis conferendis, dispensandum Papæ & Episcoporum arbitrio commiserit Deus. Vnde *indulgentiam* definiunt vulgò, *pœnæ relaxationem, quam quis justè, pro culpis propriis, ferre debuisse, de thesauro Ecclesie, ad divinam justitiam persolvendam, sumptam*. Quam Thesauri hujus impietatem, animadvertentes quidam Pontificii, Sanctorum satisfactiones excludunt, duplici argumento: primum, quod (ut ajunt) merita sanctorum sint ultra condignum remunerata à Deo, & sic exhausta: deinde, quod Christi passio sufficiat ad omnium peccatorum expiationem. De quibus omnibus elegantissime & gravissime differit hoc loco Calvinus. Hæc de v. 24. & secunda probatione Evangelii à Coloss. accepti. Sequitur prioris rationis expositio: quæ & Evangelium commendatur multis modis; & Apostolatus sui auctoritatem, adversus obrectatores, firmat, ab authore Deo, & fide sua. Primum enim ait, se divinitus constitutum gentium Apostolum: *Cujus, inquit, Ecclesie factus sum minister, secundum dispensationem Dei*, hoc est, commissam à Deo curam: ut 1. Cor. cap. 4. v. 1. Vnde liquet, aliter Paulum Dei & Evangelii, aliter Ecclesie ministrum appellari: Dei enim, quod mandato & gloriæ illius: Ecclesie verò, quod Evangelii prædicatione, salutis illius serviat, quemadmodum pastor gregi. Quod autem ait: *erga vos*: intelligit Colossenses, & reliquas gentes conversas ad fidem, aut convertendas: quas pares Judæis facit, ut falsos Doctores confutet: qui jugum legis ceremonialis urgebant. Cæterum quod subjicitur, *ad implendum Dei sermonem*; variè accipitur: quidam, Metonymicè, Evangelii prædicationem intelligi censent, ut Roman. c. 15. vers. 19. Paulus utitur; & exponit vers. 20. Evangelizare: alii propriè accipiunt, sed bifariam: aut ut notetur finis ministerii; quod Paulus, tanquam instrumen-

tum Dei impleat Evangelium, cum ad obedientiam Evangelii, & fidem, auditores adducit, Rom. cap. 1. v. 15. & 16. & cap. 15. v. 18. aut ut intelligantur Prophetiæ, & promissiones de Christo, & vocatione gentium: quarum Paulus destinatus Apostolus. Verum quamvis omnes hæc, doctæ & piæ sint sententiæ; putarim tamen primam esse præferendam, ob similem loci usum, & Pauli explicationem, uti ostendimus: altera enim argutior, & exemplo carere videtur: tertia verò concinnior, sed usus phrasidis videtur obflare, aliquo modo: quia nulla, Scripturæ, Prophetarum, aut verborum certorum, fit mentio, ut alias fieri solet. Quare hæc magna Evangelii commendatio est, quod verbum Dei appellatur: quemadmodum Ephes. c. 1. Coloss. 1. vers. 5. & alibi passim. Hæc de v. 25. Deinde alteram Evangelii commendationem subjicit, ab adjunctis. Primum enim vocat, *mysterium à sæculis & ætæribus absconditum*: quemadmodum Roman. cap. 16. vers. 25. & 26. & alibi, *mysterium fidei*, 1. Timoth. cap. 3. v. 9. *mysterium voluntatis Dei*, Ephes. 1. v. 9. *mysterium Evangelii*, Ephes. cap. 6. v. 19. & *mysterium Dei, & Patris, & Christi*, Coloss. c. 2. vers. 2. & *mysterium Christi*, Coloss. cap. 4. vers. 3. appellatur, communi tum Judæorum, tum gentium ratione: sed variè: gentium quidem simpliciter; Judæorum verò, secundum quid, ratione doctrinæ de vocatione omnium gentium; & præsertim modi illius, sublatis ceremoniis, & gentium æquatione cum Judæis. Quamvis enim gentium vocationem ex Sacris Literis cognoscerent Judæi, modum tamen ignorabant: quia non aliter putabant hoc fieri oportere, quam si circumcisione & ceremoniis receptis, primum infererentur Ecclesie Judaicæ, Actor. c. 10. v. 28. 29. & cap. 11. v. 3. & 18. Hoc autem mysterium, simili omnino loco, pluribus exponitur, Ephes. cap. 3. vers. 3. 5. 9. 10. denique, comparatè quoque *absconditum* dici potest Evangelium, quod non ita clarè propositum fuerit atque nunc Christo exhibitio. Hæc de primo Evangelii adjuncto. Alterum verò est, *quod nunc patefactum est Sanctis Dei*. Patefactio autem alia est immediata, ex revelatione Dei, quæ Apostolis & Evangelistis, & Prophetis Novi Testamenti convenit: alia est mediata, ex institutione hominum, quæ & Pastoribus & Doctoribus, ac reliquis fidelibus communis est, Rom. 16. v. 25. & 26. Iohan. 16. vers. 13. Galat. 1. vers. 1. Ephes. cap. 4. vers. 12. 13. Tit. 1. vers. 2. De utraque vulgò interpretantur, sensu non incommodo, ut Matth. 11. v. 25. 27. Cui etiam adjungi posset, non solum sanctos homines sed etiam Angelos intelligi, ut Ephes. cap. 3. vers. 10. Verum accommodatius arbitror, ut de solis Apostolis & Prophetis Novi Testamenti accipiamus: primum, quia Apostoli scopo magis convenit, ut Apostolatus sui, inter gentes, auctoritatem, adversus Judaizantium errores muniat: deinde quia sequentibus magis congruit, nam cum sancti, à gentibus fidelibus distinguantur, v. 27. inde apparet, ea voce, non omnes fideles intelligi: denique idem colligitur ex Pauli expositione, in loco penitus simili, Eph. 3. v. 3. 5. 8. Hæc de vers. 26. Cæterum hanc patefactionem illustrat à causa impellente, nempe Dei beneplacito: *Quibus voluit* inquit, ut Ephes. cap. 1. vers. 9: 10. Qua ratione, curiositati & arrogantie humanæ occurrit, Ephes. 3. v. 7. Atque hæc Evangelii adjuncta. Quibus accedit commendatio à subjecto, seu materia, ut contemptum illius amoliat, & auctoritatem præcipuam conciliet, cum ait: *quæ sint divitiæ gloriæ mysterii hujus inter gentes*. Quæ verba bifariam construi possunt, primò, ut *gloria* sit epithetum mysterii; unde mysterium gloriosum exponunt: quo sensu alibi *Evangelium gloriæ* dicitur, 1. Tim. 1. v. 11. & gloria Evangelio adscribitur, 1. Cor. 11. v. 3. deinde potest vox *gloriæ* construi, cum divitiis: idque vel ut sit epitheti, seu adjuncti loco, Hebræo more, pro divitiæ gloriôsæ: vel ut subjectum notet, ut gloria Metonymicè sumatur, pro gloriosa misericordia, potentia, & sapientia Dei, quam exerit in vocatione, & salute gentium; *divitiæ* verò, Metaphor. amplitudinem, & præstantiam connotent: ut apertissime, Ephes. 3. v. 16. Rom.

Rom. 9. vers. 23. Atque hoc sensu, vox *gloriæ*; constructionem habebit geminam: nempe, ut ab antecedente regatur, & consequens regat. Nam gloria hæc dicitur, mysterii hujus, quod in eo eluceat & confirmetur. Secundò, cum gloria subjectum notat, sumi potest non solum pro misericordia, potentia, & sapientia Dei gloriosa: sed etiam pro effectis illius, & salute Ecclesiæ; seu pro gloria, quæ à Deo nobis confertur. Ut enim gloria, alia Dei est; alia filiorum Dei: sic divitiæ gloriæ, aliæ Dei sunt, Rom. 9. v. 29. 2. Cor. 4. v. 6. 7. (ut modo monuimus) aliæ Ecclesiæ, Ephes. 1. v. 18. Atque hæc quidem interpretationes omnes sanctæ sunt; sed aliæ aliis aptiores. Nam primæ sententiæ ob stare videtur constructio, quia gloriæ vox antecedit. Deinde, ut hanc hypallagen concedamus, non sequitur tamen, gloriam poni debere pro glorioso, ac si adjunctum notaret, per Meton. cum potius subjectum & argumentum mysterii notare possit: ut sit plenior sententia, cum hoc loco, tum 1. Tim. 1. 11. ut Euangelium gloriæ, nihil aliud sit, quàm Euangelium de gloria, hoc est, Dei, in salutē hominum procuranda, misericordiā, potentiā, sapientiā: quæ gloria Dei appellari solent. Quo sensu, *Euangelium gloriæ Christi* dicitur, 2. Cor. cap. 4. v. 4. Et simili constructione, *Euangelium regni*, Marc. cap. 1. v. 14. & *Euangelium pacis*, Ephes. 4. v. 16. hoc est, de regno, de pace, appellatur. Secunda sententia proba est, & constructioni accommodatior; sed cum sequentibus Pauli verbis non satis videtur congruere: quemadmodum nec tertiā; quia in expositione dicitur Christus, *spes gloriæ*, nempe gloriæ. Quare ultima aptissima apparet: quæ utrobique gloriam, eodem modo, interpretatur, pro beatitudine fidelium: quæ inchoatur in hac vita, gratuita & efficaci vocatione, justificatione, & adoptione, ac sanctificatione; & perficietur post hanc, redemptione cum animæ à corpore, & omni labe peccati, tum corporis à morte. Itaque initium quidem, atque incrementum beatitudinis possidemus re, complementum verò spes: quod κατ' ἀρχήν, gloria dicitur, Roman. cap. 8. v. 21. Porro hæc divitiæ gratiæ describit Apostolus, cum ait: *qui est Christus*: cuius ratio est, Coloss. cap. 2. vers. 3. & 1. Cor. cap. 1. vers. 3. Additur autem *in vobis*, hoc est, habitans, per fidem, in cordibus vestris, Ephes. 3. v. 17. ut in fide Euangelii, ab Epaphra, pastore suo, accepti, confirmarentur; & falsos doctores averfarentur, Coloss. cap. 2. v. 5. 6. 7. 8. Eaque de causa, Christi descriptionem subjicit: ut ab eo solo pendeant, & salutem sperent: *qui est*, inquit, *spes illa gloriæ*, hoc est, Metonymicè, spei nostræ de vita æterna author: quemadmodum etiam 1. Timoth. cap. 1. v. 1. Gloriam autem intelligit, non ratione initii; sed ratione incrementi, & perfectionis: quia etsi utriusque gratiæ author est Christus, spes tamen non est gratiæ præteritæ, nec præsentis, sed futuræ. Atque hæc de v. 27. & doctrinæ Evangelicæ, ac muneris Apostoli Pauli commendatione. Cui adjicitur fidelis illius administratio, & efficacia. Et illam quidem indicat, primùm à diligentia sua, in doctrina, & admonitione sapientiæ Christianæ; quā, pro Apostolico munere, quosvis instituit: deinde fidelitatem suam declarat Apostolus à fine, nempe auditorum perfectione in Christo: quæ consistit in salute & beatitudine, hoc est, sapientia, justificatione, sanctificatione, & redemptione: quæ omnia assequimur in Christo 1. Cor. cap. 1. vers. 30. Cæterum quia hoc loco Cathari, & (uti vocant) Perfectionistæ abutuntur: observandum est, perfectionem justitiæ esse duplicem, imputatam, & inhærentem: illa est perfecta Christi justitia, quæ nostra fit, justificatione gratuita, per fidem, Coloss. cap. 2. vers. 10. altera est justitia nostra; qua donamur sanctificatione per Spiritum Christi: quæ, pro statu bipartito vitæ & patriæ, seu gratiæ, & gloriæ, duplex, ac distincta est: alia enim simpliciter, & absolute justitia est, qualis in cælo, & gloria cœlesti, 1. Cor. 13. v. 10. alia est non simpliciter, sed certa ratione, idque aut κατὰ τὴν ὁρίσιν, secundum quid, aut ad aliquid, seu comparatè: nam, secundum quid perfecti sumus, quia secundum interiorem hominem, Dei legi servimus, Roman. cap. 7. v. 22. & 25. qua ratione omnes fideles, perfe-

cti quodammodo dici possunt; etsi simpliciter non sint perfecti, ob carnis vitiositatem, spiritui repugnantem: comparatè verò perfecti dicuntur, qui cognitione aut pietate, aut utraque reliquis antecellunt, 1. Cor. c. 2. v. 6. quemadmodum Paulus, qui se negarat esse perfectum, nempe simpliciter, & absolute, Philip. cap. 3. v. 12. paulò tamen post v. 15. perfectum se vocat, comparatè, nimirum cum rudioribus Christianis: sicut apertissimè, infantes, hoc est, rudes in fide, perfectis, hoc est, adultioribus, & provectioribus opponuntur, Heb. cap. 5. v. 13. 14. & 1. Corinth. cap. 14. v. 20. Ephes. cap. 4. v. 13. 14. Eodem ferè redit, trita in Scholis distinctio: quā perfectio alia dicitur esse partium, alia graduum: partium, quæ omnes partes: graduum, quæ justam magnitudinem habet: sicut infantes sunt perfecti, priori modo; quia corpore integro, suis partibus constant: sed altero modo, solum adulti, qui præterea habent justam ætatem, & corporis magnitudinem. Eadem ratione, in omnibus fidelibus est justitia perfecta partibus, quia habent inchoatam sanctificationem, & obedientiam, erga omnia legis præcepta; sed non perfectam, iis gradibus, quos lex requirit, nempe ex toto corde, tota anima, & omnibus viribus. Atque hæc de fide Pauli in administratione Euangelii. Efficacia verò describitur, ex conjuncta Dei potentia, v. 29. quæ similibus hisce locis, disertè explicatur, Rom. c. 15. v. 18. 19. & 1. Corinth. cap. 2. v. 4. Ephes. cap. 3. v. 7. & 1. Timoth. cap. 1. v. 11. 12.

## CONSECTARIA CAP. I.

I. **P**Ræpositio *per*, non solum de causa instrumentali, sed etiam de principali usurpatur. Errant igitur Ariani, qui, ex hujus vocis usu, Christum Patri inæqualem arguunt.

II. Voluntas, & vocatio Dei immediata, aut mediata, Jerem. cap. 23. vers. 21. Rom. 10. vers. 15. Hebr. 5. vers. 4. in legitimo verbi Dei ministerio requiritur, v. 1.

III. Omnes fideles, in Christo sancti, & fratres sunt: ideoque à mundi contagione & odiis alieni esse debent.

IV. Gratia & pacis divinæ incrementum, fidelibus, ex charitatis fraternæ officio, optandum.

V. Cum Christus, primum sit gratiæ, & pacis author: deinde, cum patre rectè invocetur: hinc, duplici nomine sequitur, Matth. 4. vers. 10. eum esse verum cum Patre Deum, v. 2.

VI. Gratia Deo agendæ sunt pro donis, non solum in nos, sed etiam in Ecclesiam, & reliquos fideles, nobis in Christo unitos, collatis: ac propterea ingrati sunt in Deum, & ἀσέβητοι in fratres suos, qui hoc officium negligunt.

VII. Cum Christus sit Dei filius, nimirum unicus, & Dominus noster, & fidei objectum: ex hisce omnibus consequitur, eum verum esse Deum, v. 3. & 4.

VIII. Fidelium officium, & laus omnis, in fide, & charitate consistit.

IX. Pro fide, & charitate, Deo gratia agendæ sunt. Ergo Dei sunt dona.

X. Charitas erga proximos exercenda est, sed potissimum, Gal. 6. vers. 10. erga sanctos, seu fideles, & quidem omnes, v. 4.

XI. Charitas spe salutis alitur, ut 1. Ioh. 3. vers. 3. Tit. 2. v. 23.

XII. Vitæ æternæ hæreditas nobis reposita est, thesauri instar, extra periculum in cœlis, 1. Pet. 1. vers. 4. ideoque de promissione illius non est ullo modo dubitandum.

XIII. Cum Euangelium sit sermo veritatis Dei, & salutis nostræ: ei omnino credendum est.

XIV. Spes oritur ex auditione & fide Euangelii: ac propterea Euangelii prædicatio audienda, & in pretio habenda est, v. 5.

XV. Cum Euangelium, toto orbe, Pauli tempore propagatum sit, comprobatur Prophetarum, in regni Christi amplitudine describenda, veritas, Psal. 72. v. 8. & 9. Ideo-

Ideoque inepte Pontificii, id perpetuam Ecclesiae notam statuunt.

XVI. Non quivis, sed in veritate Evangelii consensus, fidem nostram confirmat.

XVII. Cum Evangelium sit fructiferum gratiae divinae praconium: sequitur eoserrare graviter, qui aut dignitatem illius minuunt, aut utilitatem negant, v. 6.

XVIII. In ministro Christi requiritur fidelitas, quae in veritatis Evangelicae praedicatione sancta consistit.

XIX. Fideles Christi ministri, non solum nobis dilecti esse debent; sed etiam honesta commendatione apud alios ornandi sunt, ut Ecclesiae salutis & Dei gloriae confutetur, & falsis doctoribus occurratur, qui per ministrorum dedecus, veritatem divinam in contemptum & odium adducere student, v. 7.

XX. Ut Ecclesiae vitia serio arguenda sunt; sic virtutes candidè apud alios praedicandae, ad gloriam Dei & aliorum exemplum.

XXI. Charitas Christiana sincera est, & à Spiritu Christi promanat, v. 8.

XXII. Non solum pro Dei in Ecclesiam beneficiis, gratiae agendae sunt: sed etiam pro perseverantia & augmento precandum est, v. 9.

XXIII. Cognitionis Dei finis, est obedientia vitae, per bonorum operum fructum: quae ut ex cognitione oriuntur, sic eam vicissim augent, v. 10.

XXIV. Ut perseverantia & patientia in Christianis requiruntur: sic Deus earum virtutum author agnoscendus est & implorandus, v. 11.

XXV. Salus nostra merè gratuita est, ideoque corrui doctrina Pontificiorum de meritis, v. 12. 13.

XXVI. Cum Christus sit caput corporis sui, hoc est, Ecclesiae, quae biceps esse non potest, falsò hunc honorem sibi arrogat Pontifex Romanus. Nam quod excipit, se esse non principale, sed ministeriale sub Christo caput: illud inane effugium est, quia remissionem peccatorum, legum conscientiarum devinciendis condendarum auctoritatem, plenamque in omnes potestatem sibi vendicat: quae non ministri, sed solius Domini & capitis summi sunt privilegia. Deinde Sacrae Literae Christum tale caput esse docent, quod Vicarium non admittat: sed Ecclesiam suam, praesens, suo Spiritu ad finem usque mundi regat, Matth. cap. 28. Hæc de v. 18.

Reliqua porro ex antecedentium similitudine, & observatione expositionis praemissae, facillè petentur.

## CAPUT SECUNDUM.

TRACTATIONIS huius epistolae, ut ante monuimus, pars altera dogmatica est, altera parænetica: ac prior quidem complectitur demonstrationem veritatis, de qua actum est cap. 1. & refutationem falsitatis, quae distinctè continetur cap. 2. Nam ex artificiali orationis usu, quatuor constat partibus: Exordium; Propositione; Confirmatione; Conclusionem. Exordium autem absolvitur prioribus quinque versibus. Quibus primum auditorum animos benèvolos reddit, & attentos, transitione eleganti, à thesi ad hypothefin. Nam quae de fidelitate sua, & studio erga Ecclesiam dixerat generatim; ea jam speciatim Colossensibus accommodat, anticipationem quadam: ne aut eos absentia sua neglexisse; aut temerè compellasse videretur. Fidelitatem autem & studium suum erga Colossenses demonstrat, descriptione laboris sui & finis propositi. Et illum quidem amplificat, cum eleganti, ab athletic ducta, Metaphora, (ut 1. Cor. 9. v. 25. Heb. 12. vers. 1.) *Certamen vocat*: & eum magnitudinem exponit, addendo, *quantum*. Coeterum hoc certamen partim internum erat, sollicitudo nimirum ex variis Ecclesiarum periculis, 1. Cor. 11. v. 28. 29. & assiduae preces, quibus, ut pro Colossensibus, certabat Epaphras, Coloss. 4. v. 12. sic & Paulus, Coloss. 1. vers. 9. partim externum, nempe fidelis & assidua gentium institutio: quae veritatem Evangelii tradebat: & adversus falorum doctorum errores, voce & scriptis tuebatur: & inde orta, rerum ad-

versarum tolerantia, 1. Tim. 6. vers. 12. 2. Tim. 4. v. 7. Phil. 1. v. 30. Nam cum gentium esset Apostolus, iisque Evangelium annuntiaret; propterea potissimum persecutionibus, à Iudaeis invidis premebatur, 1. Thess. 2. v. 14. 15. 16. Itaque hoc certamen Apostoli erat non minus pro Coloss. quam pro reliquis gentibus, Col. 1. v. 24. Ac propterea ait: *Certamen pro vobis*: Et à pari amplificat, cum addit: *& pro iis qui sunt Laodiceae, & quotquot faciem meam in carne* (hoc est, me corpore praesentem) *non viderunt*. Cur autem nominatim Laodiceorum meminerit, ea est causa, quod eadem opera illos ad constantiam hortari voluerit: unde & epistolam hanc, iis quoque recitandam, praecipit, cap. 4. v. 6. Atque hæc certaminis Pauli descriptio, v. 1. Cujus, & certaminis & descriptionis, finis, est utilitas Ecclesiae triplex. Prima cordis, adversus omnes tentationes, consolatio, orta ex notitia, cum amoris Pauli erga Ecclesiam, tum constantiae illius in fide & officio, Col. 4. vers. 8. & 2. Cor. 1. vers. 6. Rom. 1. v. 12. Eph. 4. v. 19. & 22. Reliqua utilitas est, in charitate & fide confirmatio. Quam illustrat eleganti, ab aedificiorum compage ducta Metaphora. Rectè autem fidem & charitatem copulat: quia hisce duobus vinculis, in sacrum Dei aedificium & corpus Christi compingimur & unimur, Ephes. 4. v. 13. 16. quemadmodum contra, hæresi & schismate distrahimur. Coeterum fidem appellat, *certò-persuasam intelligentiam*, ut eam, ab incerta opinione distinguat, Ephes. 4. vers. 13. 14. Confirmationem verò & incrementum copiosum, Metaphoricè, ut alibi, *divitias* vocat. Deinde intelligentiam hanc exponit sequenti declaratione cum cognitionem mysterii Dei & Patris & Christi nominat. Qua ratione, & fidei dignitatem, & Evangelii praestantiam, commendat, ut cap. 1. v. 26. ut, hac ratione, Evangelium à contemptu vindicet; & inanem pseudoapostolorum, de doctrinae suae sapientia, gloriationem, retundat. Nam Evangelium est mysterium Dei, & Christi. Quam phrasin quidam passivè: alii activè interpretantur: hoc est, ut *Dei, & Christi* voces, aut subjectam materiam notent; aut causam efficientem: ut sit sensus, Evangelium de Deo; vel Evangelium à Deo. Primam sententiam quidam amplectuntur: quia continuò adjungitur, *& Patri, & Christi*: ut notetur, Patrem non posse cognosci, nisi in Christo: alii verò alteram sequuntur. Utraque sententia pia est: sed posterior magis accommodata huic loco: ut, hac ratione, ab autoritate Dei, firmetur Evangelium; quemadmodum solus Pater dicitur, Christum revelare, Matth. 16. v. 17. Ephes. 3. v. 3. Col. 1. v. 27. & Christus patrem Matth. 11. v. 27. Joh. 1. v. 18. Quam interpretationem deponere videtur sequens periphrasis. Quod autem copula bis repetitur, videtur exigere sententia, ut nomen Dei communiter ad Filium & Patrem referatur: nec quicquam sanè ob stare potest, si rem ipsam spectes. Verum si articuli unius positionem, cum dicitur: *τὸ θεὸν καὶ τὸν πατέρα*, non autem *τὸν θεὸν καὶ τὸν πατέρα*, & usum scripturae consideres, Dei vox ad Patrem tantum referri posse videtur: quemadmodum alibi, 1. Cor. 15. v. 24. *cum tradiderit regnum Deo & Patri*, & 2. Cor. 11. v. 31. Eph. 1. v. 3. Col. 1. v. 3. *Deus & Pater Domini nostri Iesu Christi*, Eph. 5. v. 10. Jac. 1. 27. *Deus & pater*, Philipp. 4. v. 20. 1. Thess. 1. v. 3. &c. *Deus & pater noster*. In qua oratione conjunctio copulativa *καὶ*, non tam copulativa est, quam exegetica; unde quidam interpretantur, *id est*: quanquam, ut existimo, non ineptè dici posset, esse copulae pleonasmum. Hæc de v. 2. Cui subjungitur illustratio, à descriptione Evangelii, aut Christi: nam relativum, *in quo*, ad alterutrum, nempe mysterium, aut Christum, referri potest; sed vario sensu. Nam, in mysterio Evangelii, reconditi sunt, significationis ratione, omnes thesauri sapientiae, ac cognitionis, non quidem absolute, sed ad salutem nobis necessariae: quomodo perfectio Evangelii exponitur, & inani sapientiae fuco opponitur. Verum in Christo reconditi dici possunt hi thesauri, bifariam, vel tanquam in objecto, nempe quod, eo rectè cognito, omnem habeamus sapientiam & perfectam salutis cognitionem, Col. 1. v. 28. & 1. Cor. 2. v. 1. vel tanquam in subjecto, quod omnia mysteria salutis, & omnes sapientiae thesauri, Christo non solum noti, & explorati



plorati sint: sed etiam, in eo, tanquam fonte, resideant. Utraque interpretatio sancta est: sive quis de Euangelio; sive de Christo intelligat: sed series orationis Pauli, & collatio v. 8. & 9. indicant, de Christo locum esse intelligendum, & quidem tanquam subjecto, & fonte omnis sapientiae. Qua ratione Paulus, Euangelium à Christo revelatum, omnibus humanæ sapientiae commentis, quæ falsi doctores jaebant, opponit; & perstans in metaphora, docet, ex quo thesauro, opulentia illa intelligentiæ nostræ deprompta sit: nempe ex thesauris *sapientiae, & scientiæ* Christi: quas voces quidam, ad amplificationem, eodem ferè sensu, conjungi putant: alii diverso: ac sapientiam nonnulli volunt esse rerum divinarum; cognitionem verò humanarum: alii verò sapientiam ad dogmata fidei; cognitionem ad vitæ institutionem, referunt. Verum hoc extra controversiam est, Paulum omnem scientiam his verbis complecti. Ad scientiam autem Christi quod attinet, de ea fusè egimus, in cap. 2. Lucæ. Hæc itaque descriptio Christi ab attributo, continetur v. 3. & illustratur à fine suo, ne Colossenses à pseudo Apostolis, fucata sapientiae specie, & falsis ratiocinationibus, seducantur: sed contrà in Christi, fontis sapientiae, doctrinâ, acquiescant, v. 4. Qua ratione, refutationis quasi semina jacit, viamque ad eam sternit. Ne autem imprudenter, aut curiosius, absens, de Colossensibus, tam procul à se remotis, sollicitus esse videatur, anticipatione quadam, objectioni occurrit, absentiae distinctione, & causæ impulsivæ explicatione, cum ait: *Et si enim carne* (hoc est corpore) *absum: spiritu* (seu animo) *tamen sum vobiscum*. Nam ut rectè alicubi ait August. *anima ibi verius est, ubi amat, quàm ubi animat*. Et de amicis rectè Pythagoras dixit: eos esse unam animam, in diversis corporibus. Ideoque quomodo spiritu præsens sit cum Colossensibus, exponit Apostolus, videlicet mente, & corde: mente quidem, *cernens*, hoc est, cognoscens ac perpendens virtutes eorum: corde verò ac voluntate, *gaudens* ea de re. Qua re bifariam sibi benevolentiam conciliat Apostolus, primum testificatione gaudii sui de ipsis, quod amoris argumentum: deinde commendatione virtutis eorum duplicis. Nam primò *ordinem* laudat, nimirum rectum, ut Oecumenius (*ὁ νόμος*) interpretatur. Quare placet eorum sententia, qui ordinis nomine; tam consensum; quàm mores ritè compositos, & totam disciplinam significari, existimant 1. Cor. 14. v. 40. 1. Theff. 5. v. 14. Deinde fidem in Christum collaudat, quæque ab adjuncta soliditate, & constantia, contra adversarios, commendat. Quanquam, si quis scopum epistolæ spectet, non ineptè (ut videtur) dici posset; fidem Colossens. non solum à soliditate, sed etiam ab ordine, hoc est, rectitudine commendari: quod fidem habeant in Christum, per quem rectà, ad Deum accessum, quærant; non autem per Angelos: qualem ordinis perturbationem adversarii urgebant; ut ex v. 18. cum 19. apparet. Quomodo soliditas, & ordo fidei, vers. sequenti conjunguntur ab Apostolo: soliditas quidem, cum ait, *confirmati in fide*: ordo verò, cum subjicit: *sicut edocti estis*. Sed prior tamen interpretatio, sicut recepta est, ita etiam simplicior. Hæc dev. 5. & Exordio. Ex quo, transitione eleganti, adhortationem ad perseverantiam (quæ prima propositionis pars est) concludit. *Igitur* (inquit) *sicut Christum Iesum Dominum illum accepistis*, hoc est, edocti estis: *ita in eo incedite*, hoc est, ut Gal. 6. v. 16. secundum ejus doctrinæ normam, fidem & vitam componite v. 6. Quemadmodum Apostolus hunc incessum exponit, sequentibus; ac duobus describit: fide, & gratitudine erga Deum. Et in fide quidem requirit, primum constantiam: quàm illustrat metaphoris, deductis ab arboribus, & ædificiis: deinde sinceritatem, cum ait, *sicut edocti estis*. denique profectum, cum ait: *abundantes in ea*. Ac gratitudinem erga Deum, describit ab effectu, gratiarum actione: quam accommodatè adjungit; ut ostendat, à receptâ Christi doctrinâ, non modò non esse discedendum: sed etiam pro eo, tanquam summo beneficio, gratias Deo agendas, v. 7.

Cui subjicitur altera propositionis pars, quæ refutandos adversariorum errores, gravi dehortationis forma, proponit. Errorum autem tres species recenset Apostolus: pri-

imum *philosophiam*: quo nomine non veram philosophiam damnat, quippe quæ constat principiis, naturâ notis, & conclusionibus, partim inde necessariò deductis, partim certa experientia constitutis: ideoque cum (ut omne verum) Deum habet authorem, ab eo damnari non potest: sic nec vera philosophia, nec legitimus illius usus: qui in eo consistit in sacris, ut ad illustrationem S. lit. commodè adhibeatur non ut domina, sed ut serva; & ut intra naturæ terminos, judicium suum contineat: qua ratione, communibus multis cum philosophia principiis, S. lit. utuntur. Quare adversariorum, id est, inanem tantum philosophiam, damnat Apostolus; & paralogismos, non veros syllogismos, v. 4. Philosophia autem inanis fit, duobus modis: cum aut principia statuuntur falsa, ut cum philosophi plerique materiam statuunt æternam: aut cum ex veris principiis, malè accommodatis, falsæ conclusiones eliciuntur, ut cum principium illud, in physicis verum: *Ex nihilo nihil fit*: in aliud genus, ad metaphysicam rapitur, & Dei, naturæ authoris, potentiae opponitur. Quemadmodum ex philosophorum aberrantium placitis nonnullis, Theologia, ab hæreticis, conspurcari cæpit, inde à temporibus Apostolorum. Qua de causâ, eo sensu, Tertull. contra Hermog. cap. 8. ait: *hæreticorum patriarchæ Philosophi*. Altera errorum species, est deceptio traditionum humanarum, quarum architecti præcipui fuerunt Pharisei, Matth. 15. v. 2. Marc. 7. 3. Tertia denique species, est inanis deceptio *elementorum mundi*. Qua voce, nonnulli intelligunt, hoc loco, & v. 20. Physica mundi elementa, ut Chrysost. Oecum. & alii nonnulli: reliqui verò, ex Pauli usu, accommodatius, ac per metaph. doctrinæ elementa, hoc est, rudimenta in Ecclesia Iudaica, nimirum de pædagogia. ceremoniarum Mosaicarum intelligunt: ut pluribus exponitur Galat. 4. v. 9. Atque hæc corruptelæ species, non solum enumerat Apostolus: sed etiam ab iis dehortatur, & eleganti metaphora, conatum adversariorum, rapto comparat; & adversarios, tanquam prædatores, fugiendos ostendit. Ad quam propositionem stabilendam, adfert Apostolus confirmationem: primum generalem; deinde specialem. Generalis est; quod illæ doctrinæ adversariorum non sunt *secundum Christum*, hoc est, doctrinæ illius non consentiant, vers. 8. Cujus rationis consequentiam probat, à perfectione naturæ, in Christo; & operum illius, in Ecclesia. Illam exponit, hisce verbis; *Nam in eo inhabitat omnis plenitudo Deitatis corporaliter*. In qua sententia, Deitatis vox, divinam naturam designat; eique omnem plenitudinem attribuit: non quod ea dividua esse possit (quia infinita, & simplicissima est) sed per metaphoram quandam, à creaturis petitam, ad majorem Emphasin, ut adversariorum exceptiones tolleret, & Christum verum esse, cum Patre, Deum, ostenderet. Hæc autem Deitas, in sacris literis, inhabitare dicitur, variè. Primum essentia, & potentia gubernante; qua ratione communiter in omnibus est, & cælum, ac terram replet, Jer. 23. v. 24. Deinde gratia sua particulari: qua, vel se patefacit certo signo, ut in cælis, urbe Jerusalem, & templo, Psalm. 123. 1. & 125. 1. Jer. 7. v. 3. 12. vel dona sua salutaria infundit, ut in Ecclesia 1. Corinth. 3. v. 16. Denique gratia singulari, ac propria unionis hypostatice: quemadmodum anima dicitur habitare in corpore. Quæ ratio Christo soli convenit; in quo, mediante *ἀνθρώπου*, Deitas tota residet: ideoque Paulus inhabitationis modum definit, cum ait: *corporaliter*. Quam vocem, quidam metaphoricè accipiunt, ut umbris vers. 17. opponatur. Ideoque Oecumenius interpretatur, substantialiter, & non sola relatione & figura. Alii, sine metaphora accipiunt: idque, vel ut intelligatur corpus communiter; & sensus sit, corporaliter, hoc est, corporis modo, sicut corpus inhabitatur, nempe ab anima: hoc est, personaliter, inconfusè, indivise: quam interpretationem, cum antecedenti, copulat Cyrilli: ut etiam ex Oecum. constat: vel ut intelligatur propriè corpus Christi; & quidem Synecdochicè, corpus animatum, anima rationali: ut sensus sit *συνεχόμενον*, incarnationis modo, seu corporis assumptione; ut notetur unio personalis: quemadmodum Joan. 1. *verbum* dicitur *caro factum*: Qua de re consulantur Oecu-

Oecumenius, & Theophyl. Ut autem res sit clarius, Augustinus interpretationem, quia elegans est, & ad Ubiquitarios refellendos, comparata, totam recensēbo. Non ideo (inquit) corporaliter, quia corporeus est Deus: sed aut verbo translato usus est, tanquam in templo manu facto, non corporaliter sed umbraliter habitaverit, id est, præfigurantibus signis. Nam illas omnes observationes, umbras futurorum vocat, etiam ipso translato vocabulo. Summus enim Deus, sicut scriptum, non in manu factis templis habitat: aut cert? corporaliter dictum est: quia & in Christi corpore, quod assumpsit ex virgine, tanquam in templo habitat Deus. Hinc enim est, quod Iudeis signum petentibus; cum dixisset, Solvite templum hoc, & in triduo resuscitabo illud, Evangelista quid hoc esset, consequenter exponens, ait: hoc autem dicebat de templo corporis sui Quid ergo est? Hocine interesse arbitramur inter caput & membra cetera: quod in quolibet quavis præcipuo membro, velut in aliquo magno Propheta, aut Apostolo, quævis divinitas habitaret, non tamen sicut in Apostolo, quod est Christus, omnis plenitudo divinitatis. Nam & in nostro corpore inest sensus singulis membris, sed non tantus, quantus in capite, ubi prorsus omnis est, quinquepartitus: ibi enim & visus, & auditus, & olfactus, & gustus, & tactus: in cæteris autem solus est tactus. An etiam præter hoc, quod, tanquam in templo, in illo corpore habitat omnis plenitudo, est aliud, quod interfit inter illud caput, & cuiuslibet membri excellentiam? Est plane, quod singulari quadam susceptione hominis, (ubi obiter observandum per catachresin, non infrequentem Patribus, hominem pro humana natura poni, aliàs sequeretur, in Christo esse duas personas) illius, una facta est persona cum verbo: de nullo enim Sanctorum dici potuit, aut potest, aut poterit. Verbum caro factum est. Nullus Sanctorum qualibet præstantiæ gratiæ, unigeniti nomen accepit. Hactenus Augustinus in Epistola illa præstantissima L VII. ad Dardanum. Quare hinc refellitur error Ubiquitariorum, qui hoc loco abutuntur, & hypostaticam unionem, & inhabitationem Deitatis in Christo, proprietatum omnium divinarum, in humanam naturam, effusione, definiunt. Hinc illi vulgò, inhabitationem Deitatis in Christo, & in sanctis, eo tantum differre, ajunt, quod Christo communicata sint dona immensa, ac proprietates Dei; Sanctis verò dimensa: quo modo gratiam confundunt habitalem, cum hypostatica unionem, malèque definiunt. Nam Orthodoxi contrà sic disputant: Proprietates illæ, aut essentia Dei sunt; aut qualitates creatæ. Si essentia Dei, consequetur Christum quidem esse penitus Deum: Sanctos autem aliquatenus deos. Sin creatæ sint qualitates, tum eadem futuræ sunt in Christo, ex creationis natura, dimensæ; & ex adversariorum sententia, immensæ: dimensæ verò in Sanctis: nam omnes & immensæ proprietates, à quibusdam & dimensis, non toto genere, sed secundum plus, & minus differant necesse est. Et hac ratione in Christo, & Sanctis eadem futura est inhabitatio gratiæ: quæ non re, sed gradibus tantum differat. Ut omittam, quod nihil fingi potest alienius, quàm ut proprietates Dei statuatur posse communicari: cum manifesta sit contradictio proprii, & communis. Deinde, cum proprietates Dei, sint ipsamet Dei essentia: qua ratione possunt, dispari ratione, communicari, cum essentia Dei sit infinita, ac simplicissima. Deinde malè Ubiquitatem ex hoc loco concludunt: nam præterquam, quod unionem, confusionem faciunt, cum Eutychete, si ex omni plenitudine Deitatis ubiquitas corporis Christi ritè concludatur: eadem etiam ratione æternitas, quæ non minus quàm immensitas, & ubiquitas, ad plenitudinem Deitatis, pertinet. Atqui hoc absurdum. Ergo & illud. Sed excipiunt: Si Deitatis plenitudo habitat in Christo, unionem hypostatica, tum rectè hæc constituitur demonstratio. Ubiunque Deitas est, ibi etiam humanitas est: alioqui separatio esset, non unio. At Deitas ubique est. Ergo & humanitas. Verum negatur major, & ratio illius: quia Deitas infinita est, ac propterea tota ubique, tota in natura humana, quæ circumscripta. Deinde & hoc addi potest: per unionem, locorum separatio tollitur, sed diversitas minimè: quemadmodum caput unitum est animæ & membris, sed tamen propterea non sequitur, id esse eodem prorsus in loco, ac toto

corpore. Quare rectè August. in eadem (cujus ante meminimus) ad Dardanum epistolâ, de Christo ait: *ubique totum præsentem non dubites, tanquam Deum; & in eodem templo Dei esse, tanquam inhabitantem Deum; & in loco aliquo cæli, propter veri corporis modum.* Quare Christus, hac ratione, à reliquis hominibus distinguitur, quod sit verus Immanuel, Matth. 1. v. 23. *Deus patefactus in carne*, 1. Tim. 3. v. 16. hoc est, ut Orthodoxi patres loquuntur, *ὁ θεὸς ἐν σαρκί*: ac propterea verus Messias ac summus Propheta: à quo, ceu fonte, omnis sapientia, justitia, & salus, haurienda sunt. Ideoque, sine gravi blasphemia, doctrina illius, quam plenè, & fideliter exposuit, & Apostolis, per spiritum, inspiravit, Joh. 15. v. 15. 16. imperfectionis argui non potest: neque aliunde, sine summa ingratitudine, perfectior doctrina sperari; v. 9. Idque confirmat Apostolus amplius, ab effectis, & operibus Christi, quæ causam suam vicissim demonstrant. *Et estis*, inquit, *in eo completi*. In qua gravi, & nervosâ sententia, primum observandum voculam (*in*) bifariam posse accipi: vel, ut subjectum: vel, ut causam efficientem, notat. Hinc quidam interpretantur: *per eum completi estis*: ut alibi nos complere dicitur Christus, Eph. 1. v. 23. Alii verò exponunt: *in eo*, Christo, insiti: ut hac ratione subjectum notetur, & causa quoque perfectionis nostræ innuatur, nimirum unio mystica cum Christo, & effectis illius. Et utraque interpretatio sancta est, atque eodem redit: sed posterior uberius est, magisque emphatica; neque insolens, Rom. 8. vers. 1. 1. Cor. 1. v. 30. Completi autem dicimur in Christo, primum imputatione, Rom. 4. vers. 5. deinde spe, quia salus inchoata brevi perficietur, Rom. 8. v. 24. denique etiam re, si sapientiam salutarem, & sanctitatem spectes: non quidem simpliciter, & absolute; quia scientia & charitas imperfecta sunt, in hac vita, 1. Cor. 13. v. 9. Rom. 7. Gal. 5. v. 17. sed comparatè cum adversariis, & secundum quid, hoc est, perfectione, ut ajunt, partium, non graduum, ut antè cap. 1. demonstravimus prolixius. Ad quam plenitudinis rationem illustrandam, pertinent sequentia Scripturæ loca, Act. 6. v. 5. ubi Stephanus dicitur *plenus fide, & Spiritu S. & Barnaba*, Act. 11. v. 24. & *Tabitha*, plena dicitur *bonorum operum*, Act. 9. v. 36. & Rom. 15. v. 14 *persuasum habeo*, inquit Apostolus, *quod ipsi per vos pleni sitis bonitate, impleti omni cognitione*: & tamen v. 13. complementum iis precatur. Sic Eph. 1. v. 23. Christus dicitur, omnia (id est, omnes fideles) implere, & ad complementum tamen eosdem hortatur, cap. 5. vers. 18. idque iis precatur, c. 3. vers. 19. sicut Phil. 1. v. 11. orat, ut pleni sint fructibus justitiæ, ita Coloss. 1. v. 9. optat, ut impleantur omni cognitione, & hunc prædicationis suæ scopum esse ait, ut quemvis hominem ficiat perfectum in Christo, v. 28. & tamen hanc perfectionem, suo modo, Coloss. tribuit, cum Epaphram, pro illorum in perfectione perseverantia orare testatur, Coloss. 4. v. 12. Qua ex re apparet, sine ulla contradictione dici, fideles cognitionis, & sanctitatis plenitudinem habere, ratione scilicet partium, & eandem desiderare, ratione graduum. Ut autem hunc locum concludam, optimè utrumque Apostolus Paulus complectitur, & exponit; nempe nos in Christo completos esse, & quibus modis, 1. Cor. 1. v. 30. *Ex ipso vos estis in Christo, qui factus est nobis sapientia à Deo, justitia, sanctificatio, & redemptio*: ut sequentia quoque declarabunt. Atque hæc de effectis Christi, plenitudine, ac perfectione. Unde necessario sequitur: cum in Jesu Christo simus completi: cavendum esse ab inani philosophia; & traditionibus humanis; & ceremoniis legalibus, quæ non secundum Christum, hoc est, Christo consentanea, nec ad salutem nostram faciunt. Idque amplius demonstrat Apostolus, confirmatione speciali, quæ huic generali subijcitur. Nam ut Apostolus tres illas, quas recensuit corruptelarum species generatim refutavit: ita speciatim easdem ordine diluit. Ac priori quidem loco, inanem philosophiam, qua Angeli, tanquam Mediatores nostri, inter Deum, & Ecclesiam (quasi nos perficerent) commendabantur, refellit Apostolus; ac Christo soli hanc laudem vendicat: quia Christus est caput omnis principatus, ac potestatis, hoc est, Angelorum: ut copiosius de hoc argu-

argumento actum est, c. 1. Atque hæc quidem de dignitate, & autoritate Christi in Angelos: unde necessario sequitur, eos, qui humanæ Philosophiæ fuco, perfectionem salutarem, non à Christo, sed ab Angelis petendam, docent, cavendos esse v. 10. Unde Paulus, secundo, ad refutationem erroris tertii, *ὁσπερ ἡ γὰρ* quadam, transit. Nam traditionum humanarum refutationem differt, in extremam hujus capitis partem; & contra, de elementorum mundi, id est, ceremoniarum Mosaicarum, jam in Christo abolitarum, revocatione, disserit, docens, nec observandas jam esse, nec perficere nos: contra quam pseudo-apostoli, legem Evangelio miscentes, urgebant. Coeterum, quia in iis, primarium occupat locum, circumcisio, quæ fuit initiationis Vet. Testam. Sacramentum, & totius legis servandæ vinculum, Galat. 5. vers. 2. propterea circumcisionem maximè urgebant, ut apparet Actor. 15. vers. 1. 24. Ac propterea Apostolus, hoc loco, eam deprimit, & abolitam esse docet: opponendo Christi efficaciam, complementum, & institutionem N. Sacramenti substituti. Duplex autem de circumcisione erat falsorum Doctorum error: nempe quod circumcisioni tribuerent justitiam, & obsignationem illius: Paulus contra, utrumque refellit, oppositâ circumcisione Christi geminâ: ac primum quidem spirituali, cum circumcisionem distinguit, in externam corporis, quæ manibus fit, Ephes. 2. v. 11. & internam cordis, quæ sine manibus efficitur, potentiâ Christi Priorem Judæis relinquit; alteram Christo auctori tribuit: *in quo*, inquit, *circumcisi estis circumcissione, quæ sine manibus fit*. Vis argumenti est: qui circumcisionem internam habent in Christo, illis externa non est opus. At verò vos fideles eam habetis. Ergo externa circumcisione vobis non est opus. Sed objici posset; propositionem non esse veram; quia etiam in Vet. Test. sancti Patres habuerunt circumcisionem cordis, & nihilominus externa fuit à Deo instituta, ut Abrahamus, corde fuit antè circumcissus, quam corpore. Respondent vulgò bifariam: primò, etsi in Vet. Testam. hæc Pauli consequentia non valdissimè; quod circumcisionis sacramentum à Deo esset institutum, ad Christum usque: tamen in Novo valere; quod aliud signum à Christo substitutum sit: idque Paulum, ut hanc objectionem anticiparet, indicare, cum ait: *in circumcissione Christi, & in baptismo*. deinde respondent, valere simpliciter, apud gentiles, qui nunquam fuerunt obnoxii circumcisioni: ac propterea, cum illud habeant, cui serviebat circumcisio Judæis, ea non est necessaria. Veruntatem videtur respondendum esse; circumcisionem spirituales, in Veteri quidem Testamento, fuisse in Christo promissam, sed non in Christo exhibitam, quemadmodum hoc loco intelligitur: hoc est, ut explicatius, ac distinctius dicam, circumcisionem spirituales habemus in Christo, bifariam: primum, merito obedientiæ, ad mortem crucis, quo nos circumcidit à peccatis: deinde efficaciam divinam, qua meriti illius participes facit, Verbi, ac sacramentorum ministerio, & Spiritus S. operatione: qua nos vocat, justificat, sanctificat. Atque hic secundus modus utrique Test. communis est, sed prior soli Novo T. convenit; in Vet. verò, tantum circumcisione, & aliis ceremoniis, adumbratus. Nam circumcisio fuit visibilis promissio, & obsignatio adventus Christi; & circumcisionis, in cruce futuræ; & fructus illius perpetui: quo sensu Heb. 10. v. 1. dicitur *lex umbram habere futurorum bonorum, non ipsam vitam imaginem rerum* & cap. 11. sub finem dicuntur *Patres non accepisse promissionem*, hoc est, rem promissam, scilicet secundum quid: nam beneficio mortis Christi futuræ, & fidei in illam, acceperunt partem promissionis, seu rerum promissarum, nempe remissionem peccatorum, ac salutem: sed partem non acceperunt, nempe exhibitionem Christi, & meriti mortis ipsius, quod considerat Apostolus, Hebr. 11. Porro hanc spirituales Christi circumcisionem illustrat Apostolus, inductione partium, nempe sanctificatione, & justificatione. Ut autem sanctificatio constet veteris hominis mortificatione, & sepultura; & novi hominis suscitatione, ac vivificatione: quæ tria membra, tribus objectis respondent: nempe, morti Christi, sepulturæ, & resurrectioni; & nobis, visibilibus baptismi Symbolis, repræ-

sentantur, & obsignantur, Roman. 6. v. 3. 4. 5. 6. sic eadem omninò ratione, hoc in loco, ab Apostolo recensentur. Ac mortificationem, elegantibus Metaphoris, vocat *exuere corpus peccatorum carnis*. Primum enim *corpus peccatorum carnis*, veterem hominem seu naturam corruptam, velut corpus, membris suis constans, & massam peccatorum, insigni similitudine, appellat: ut enim corpori anima inclusa est; sic peccatis toti circumvolvimur. Deinde, ut corpus ex variis membris compositum est, iisque variè utitur: sic in peccato originis, varii motus, & cupiditates prave sese exerunt, quibus ratio, & voluntas vitiosa utitur, tanquam membris: unde & *membra terrestria* vocantur, Coloss. 3. v. 5. Nam quod quidam corporis nomen propriè accipiunt, sententia quidem pia est, sed huic loco non satis consentanea: nam quemadmodum Paulus non loquitur de sepultura, nec de resurrectione externa: ita neque de depositione corporis naturalis, sed vitiosi, hoc est, Metaphoricè, veteris hominis: quemadmodum eadem similitudine, & sententia, *corpus peccati* appellatur: & iisdem modis (cum etiam de sanctificatione nostri agit Apostolus) exponitur Roman. 6. v. 6. Quod autem objicitur: si hæc sit sententia, cur additur *carnis* nomen? Respondent quidam, id fieri, ut notetur, unde corpus illud peccatorum, ortum sit, videlicet, ex carnali generatione; nam quod ex carne natum est, caro est. Sed commodius, cum Augustino (quavis alioqui corpus propriè accipiat) ad hunc locum, dici potest, hanc vocem addi per exegesis, distinctionis ergò. *Nam duas* (inquit apud Bedam) *res intelligi voluit, quasi aliud sit caro, aliud corpus carnis: sed quia corpus multarum rerum est, quarum nulla caro est* (Nam multa sunt excepta carne, corpora cælestia, & corpora terrestria) *Corpus carnis dixit, quæ caro est: sicut spiritum mentis cum spiritu, qui mens est*. Coeterum carnem non substantiam hominis, sed corruptionem naturæ, seu peccatum originis, appellat Apostolus, ut Roman. 7. & 8. Galat. 5. v. 19. 20. Altera Metaphora est, quæ caro hæc non solum corpori, sed etiam vesti veteri, & sordidæ comparatur, quæ homines à nuptiis cælestibus excludit, Matth. 22. v. 11. Ac propterea mortificatio carnis, vocatur *exuere corpus peccatorum carnis*: sicut Coloss. 3. v. 9. dicitur, *exuite veterem hominem*: ut etiam ex adverso, de vivificatione novi hominis, ibid. agit, cum ait: *induite novum hominem*. In corpore autem peccatorum carnis, duo spectanda sunt, reatus, seu obligatio ad poenam, & causa illius, culpa. Priori exuimur per fidem, re; & per baptismum, obsignatione, cum Christum tanquam vestem nuptialem induimus, Ephes. 3. v. 16. 17. Galat. 3. v. 27. cujus justitiâ, nostrorum peccatorum nuditas, ac turpitudine, Dei gratiâ, tegitur, 2. Corinth. 5. v. 3. 21. Apocal. 3. v. 8. & 16. v. 15. quemadmodum vestes pelliceæ, rejectis ficulneis perizomatis, à Deo consutæ, Adami, & Evæ nuditatem texerunt, Genes. 3. vers. 21. cujus etiam vestis Christi suavitate, Deo grati sumus: & ut Jacobus, Esavi fratris primogeniti vestibus & pelle abditus, benedictionem percepit: sic & nos à Patre nostro percipimus. Culpâ verò, & insitâ corruptione exuimur, per Spiritum Christi: cujus efficacia, imago Dei & Christi in nobis restituitur paulatim: de qua re potissimum, hoc in loco, & cap. sequenti, agit Apostolus. Eamque à causa instrumentali conservante illustrat, cum addit: *in circumcissione Christi*. Nam quod quidam ad causam formalem hæc referunt: ac si quædam esset antithesis, inter circumcisionem manufactam Judæorum, & spirituales Christi: illud sanctè, nec ineptè dicitur; quia in Christo non valet quicquam circumcisio, nec præputium, sed nova creatura, Galat. 6. v. 15. hoc est, circumcisio cordis. Veruntatem, quia videretur, hac ratione, non necessaria hîc statui tautologia: propterea magis eorum probatur sententia, qui de baptismo interpretantur: quemadmodum Paulina expositio, sequenti versu, & similis loci comparatio, Roman. 6. v. 3. & Ephes. 5. vers. 26. 27. declarant. Qua de re videndus Chrysost. tom. 5. homilia ad baptizandos. Circumcisio autem Christi, Metonymia sacramentali, baptismum notat; quod sit antitypon circumcisionis Vet. Testam. idem reipsa, etsi modo diverso, signans & obsignans: ut etiam, eadem de causa, Israelitæ in nu-

in nube, & mari baptizati dicuntur; & eundem cibum, ac potum spiritualem percepisse, 1. Corinth. 10. v. 1. 2. 3. 4. & Baptisma dicitur arcæ antitypon, 1. Petr. 3. vers. 21. Tribuitur autem baptismo circumcisio cordis, ea de causa, quod in legitimo usu, non solum eam signet; sed etiam ob- signet: ac propterea Symbolum, & medium externum sit, quo fides confirmatur; & ita Christi, & mortis Christi communio, ac beneficia, nobis amplius conferuntur: fides enim quâ ad communionem hanc pervenimus, eò excitatur, ac confirmatur: & Christus, quod Symbolo foris signat & obsignat, illud intus Spiritus Sanctus, pro veritate, bonitate, & potentia sua, credentibus opportunè præstat.

Cæterum phrasin hanc, qua dicimur in Baptismo exue- re carnem & veterem hominem, atque induere novum: quidam viri magni ajunt, ortam, primum ex Hebræorum Idiotismo: ut Luc. 24. v. 42. *induemini virtute ex alto*. De- inde videri ex vetere quoque, baptizandi adultos, more, profectam; quo vel suis, tanquam novis; aut aliis verè novis vestibus, induebantur: qui ritus postea paulatim eò fuit redactus, ut Catechumeni candidis vestibus apparerent: unde illa, Dominicæ in albis, appellatio, Paschati præiens; & album illud indusium, quo infantes quoque induuntur in baptismo, non tantum inutiliter, sed etiam superstitiosè, & ab iis ipsis, qui ritum ipsum usurpant, ignorata ipsius ori- gine. Sic quidem illi. Sed salvo meliori judicio, ad poste- rius quod attinet, contrarium omninò apparet: nimirum ex Metaphoricis hisce phrasibus, ceremonias hæc, ut in reliquis contigit, promanasse: quemadmodum quia athle- tis comparatur, 1. Corinth. 9. v. 24. 25. & dicimur lu- ctam habere, non cum carne, & sanguine, sed cum Satana, Ephes. 6. v. 12. & uncti à Deo, 2. Corinth. 1. v. 21. & unctionem habere à Spiritu Sancto: propterea ut hæc ad- umbrarentur, veteres Patres baptizatos ungebant, tan- quam athletas contra Satanam, carnem, & mundum: atque imitabatur verba illa Domini, Joan. 5. v. 14. *Iam sanus factus es, vide ne amplius pecces, ne quid deterius tibi contingat*; ut ex Chrysostomo colligere est. Sic quia in Vet. Testam. Israelitæ dicuntur à Jesu, hoc est Josua introducti in ter- ram, lacte & melle manantem, quæ typus fuit cœlestis pa- triæ, in quem nos verus Jesus deducit: & quia, ut recens natis, sit regeneratis in baptismo fidelibus lac convenire di- citur 1. Corinth. 3. v. 2. Hebr. 5. v. 12. & 1. Petr. 2. v. 2. propterea lac, & mel à baptismo, Tertull. tempore, præ- gustabant, ut apparet ex libro de Corona militis. & contra Marc. lib. 1. Sic Hieron. in Esai. cap. 55. vers. 1. *Emite vinum, & lac, ait: lac significat innocentiam parvulorum: qui mos ac typus in occidentis Ecclesiis hodie usque servatur, ut re- natis in Christo vinum, lacque tribuatur: de quo lacte dicebat Paulus. lac vobis potum dedi, non solidum cibum; & Petrus, quasi modò nati parvuli rationale lac desiderate*. Hactenus Hieron. Hæc de vers. 11. & carnis mortificatione, primo videlicet regenerationis nostræ gradu, & initio. Alter verò est sepultura cum Christo: quæ nihil aliud est, quam mor- tificationis continuatio, & complementum. Verum quæri solet, qua ratione cum Christo conscripti dicamur, quan- doquidem illius & nostræ sepulturæ, alia longè est ratio: ille enim mortuus est, & sepultus, carne, & corpore, prop- riè, nos verò carne, & corpore, Metaphoricè? Quidam de imitatione sola exponunt, quod mors, & sepultura, sint typus & exemplar, quod debeamus imitari, quemadmo- dum Petri sententia hoc declarat 1. Epist. cap. 4. v. 1. Alii verò plenius interpretantur, mortem & sepulturam cor- poris Christi, non solum esse typum, sed etiam causam spi- ritualis mortis, & sepulturæ corporis peccatorum, carnis, seu veteris hominis nostri: quemadmodum utrumque ex- ponitur, Roman. 6. v. 3. 4. 5. quo loco sanctificatio nostra statuitur, & finis, & imitatio mortis, & sepulturæ Christi. Ac sanè Christus, mortis suæ merito, carnem nostram mortificat, bifariam: primum quatenus caro culpa est: de- inde quatenus poena primi peccati, quod in Adamo admi- simus: nam Christus sua satisfactione, & remissionem om- nis culpæ, & abolitionem omnis poenæ, & spiritum adop- tionis, ac sanctificationis, pace facta cum Deo, nobis est promeritus. Quare peccatum originis, tum quâ poena; tum

quâ culpa, Christi mortis, & sepulturæ ( quæ mortis con- tinuatio ) merito intercedente, tollitur. Hæc autem sepul- tura carnis nostræ, baptismo signatur & obsignatur: nam in aquam immersio, & mora aliqua, mortem, & sepultu- ram veteris hominis adumbrant, & ex vi promissionis divi- næ obsignant, & tanquam instrumentum beneficii Dei, & agnitionis officii nostri confirmant.

Tertius porrò regenerationis, & sanctificationis gradus, est resurrectio ad novitatem vitæ, seu novi hominis suscita- tio: quæ morti Christi convenit, si meritum spectes, sed re- surrectioni illius tribuitur, si applicationem consideres: nam resurrectio Christi, & typus est resurrectionis nostræ à peccato; & principium, ac causa illius: nam ut Christus mortuus est, propter peccata nostra: sic resurrexit propter justificationem nostram, Rom. 5. vers. 25. reipsa enim in Christo, tanquam in capite, & primitiis, per resurrectio- nem ipsius absoluti sumus: ac propterea vi illius spiritum regenerationis, & imaginem Dei, propter peccata amissam, recuperamus. Atque hujus resurrectionis nostræ cum Chri- sto, non minus, quam mortificationis, & sepulturæ, typus, & causa instrumentalis remota, ac conservans, est baptis- mus: unde in eo sepulti dicimur, hoc loco: & baptismus lavacrum regenerationis vocatur, Tit. 3. v. 5. Causa verò instrumentalis propinqua, & procreans, est fides, per quam justificamur, & vi justificationis sanctificantur actiones nostræ, Rom. 5. v. 1. & 8. 9. 30. per mortificationem, & sepulturam veteris hominis, & suscitationem novi. Cæte- rum fidei naturam, ab objecto suo præcipuo, describit; ni- mirum efficacia Dei, qui suscitavit Christum à mortuis, ut Rom. 4. v. 24. Ephes. 1. v. 19. Qua de re eleganter Au- gust. *Mortuum quippe Christum, & Pagani credunt: resur- rexisse autem propria fides est Christianorum. Si enim confitea- ris, ait Apostolus, in ore tuo, quia Dominus est Iesus, & credi- deris in corde tuo, quia Deus illum suscitavit à mortuis, salvus eris* Hæc ille, contra Fault. Manich. lib. 16. c. 19. & simi- liter in Psal. 101. concione 2. Hæc autem Christi suscita- tio, hoc in loco, Deo tribuitur, nempe patri, sine Filii, aut Spiritus Sancti exclusione: nam subordinata non pugnant: quia Pater corpus Filii suscitavit, per Filium, & Spiritum Sanctum. Hinc Christus hoc sibi vendicat, Johan. 2. v. 19. 21. & 10. 18. Spiritui verò Sancto ascribitur, Rom. 8. 11. & alibi, quia opera essentia divinæ communia sunt tribus personis: Hæc de vers. 12.

Porrò hanc spiritualement nostram, cum Christo, resurre- ctionem, aliis verbis repetit Apostolus, & descriptione gra- vi declarat, cum ait: *vosque mortuos in peccatis, & præputio carnis vestrae, cum eo vivificavit*. In quo loco resurrectionis termini, primus, & ultimus, seu, ut vulgo loquuntur, à quo, & ad quem, donotantur. Prior, est *mors in peccatis & præputio carnis*. Mortis autem nomen, metaphoricè signi- ficat interdum separationem hominis à pace cum Deo, & vita æterna; quomodo Theodor. & Chrysost. hanc senten- tiam exponunt: interdum verò causam illius notat, nempe separationem hominis à justitia Dei, quæ spiritualis quæ- dam vita est, 1. Timoth. 5. v. 6. quemadmodum & hoc in loco, ut scopus, & circumstantia illius ostendunt. *Præpu- tium verò carnis*, quidam propriè accipiunt, non quod cau- sa fuerit, sed signum mortis, ut Ephes. 2. v. 4. alii verò fi- guratè, de præputio cordis, Deuter. 10. v. 16. hoc est, de naturæ vitiositate, seu peccato originis, interpretantur: ut caro, non corpus, sed veterem hominem, notet, ut antea: sic Theodor. & August. apud Bedam: *præputium*, inquit, *vocavit, quod significatur præputio, hoc est, delicta carnalia, quibus exfoliandi sumus*. Utraque pia, & apta sententia est: sed posterior videtur magis accommodata; præsertim, quia vers. 11. *carnis* vox, eodem sensu, usurpatur. deinde quia durius videtur, si dicerentur Ethnici mortui, externo præputio: cujus præcisio, neque in Vet. Testam. in iis, ne- cessariò requirebatur: neque in Novo ullo modo, Galat. 5. v. 6. de quo tempore agit Apostolus, nempe non de statu Colossensium antiquo, ante Christum exhibitum: sed de recenti, post Christi adventum, & promulgationem Eu- angelii, cum nondum crederent. Atque hic terminus primus est. Ultimus verò est, *vita*, quæ illi morti, ex ad- verso,



verso, respondet. Nam *vivificationis* voce regenerationem, & renovationem vitæ intelligit Apostolus, ut in simili loco, Ephes. 2. v. 1. 5. Hactenus de regeneratione seu sanctificatione nostra, prima nimirum circumcisionis spiritualis parte: altera verò est justificatio, quam indicat cum ait: *condonatis omnibus peccatis*. Hæc autem condonatio, in baptismo, quoque facta dicitur, ut regeneratio: quia utriusque signum, & sigillum est: unde, non solum lavacrum regenerationis dicitur Tit. 3. v. 5. sed etiam ablutio peccatorum, Actor. 22. v. 16. & Marc. 1. v. 4. Atque hæc de versu 13.

Cæterum hæc peccatorum remissio describitur, à causa impulsivâ, Christi crucifixionis merito, quo & chirographum sublatum, & Satanæ devictus. Verum quid *chirographum* hîc significet, varia est eruditorum sententia. Quidam enim de chirographo Dei interpretantur; sed diverso modo; nempe, ut vel comminationem illam Dei notet, quâ Adamum compellavit: *quocumque die comederis*, &c. vel legem moralem, & decalogum, qui digito Dei fuit scriptus: ideoque chirographum dici potest. Nam quamvis à legis obedientia (quæ Deo, ut summo bono; & deinde, ut creatori benefico, à creatura rationali necessario debetur) non simus liberati: abrogata tamen est maledictio, quæ cruci affixa: atque has duas interpretationes adducit Chrysost. Alii verò non de chirographo Dei, sed nostro, variè interpretantur. Quidam enim intelligunt illam, velut propria manu, & propria voce, factam ab Israelitis, confessionem, quâ dixerunt ad Moysen, Exod. 24. *omnia quaecumque dixit Deus, faciemus*, &c. quæ tertia Chrysost. quoque interpretatio est: quam Theodoretus ea ratione refellit; quod illud erat Judæorum chirographum, non omnium hominum. Quare secundò, ipse (sed alienius) ait, corpus nostrum appellari chirographum, quod vario membrorum ejus abusu, quasi scriptis quibusdam, nos debitores constituerimus. Ambrosius verò, aut quisquis, sub Ambrosii nomine, commentarios in Epistolas edidit, peccatum quod Adæ prævaricatione ortum est, exponit. Nonnulli de conscientie testimonio, quo peccati accusamur, & maledictio legis obsignatur. Optimè verò Calvinus, & Beza, de circumcisione, & totâ ceremoniali lege, interpretantur.

Primum enim agit de chirographo peccatorum & debitorum nostrorum, ut ex vers. antecedente apparet: ac propterea non Dei, sed nostrum chirographum intelligitur, quo nos debita contitemur, & ad solutionem obligamur: quod ceremoniis legalibus optimè convenit; quia illis, primum miseria nostra, deinde futura, per Christi mortem, liberatio adumbrata: quemadmodum complementum hujus liberationis præstitit, Nov. Testam. sacramentis, tanquam apochâ divina, obsignatur. Nam circumcisio, ablutiones legales, sacrificia, & similes ritus, à Deo instituti fuerunt: primum, ut debita, seu peccata nostra adumbrarent; ac docerent, nos corde esse incircumcisio, & impuro: deinde pro peccatis, nondum fuisse satisfactum; sed *λύτρον* adhuc persolvendum: ut graviter, & eleganter hæc res, ab Apostolo, demonstratur Hebr. 9. v. 7. 8. 9. 10. & 10. 1. 2. 3. 4. deinde ceremoniarum quoque ejusmodi institutæ sunt: ut promissionem, de semine Abrahami venturo, & benedictionem omnibus gentibus allaturo, significarent, & obsignarent, seu, quasi sigillo munirent: quæ benedictio sita est, primum in merito satisfactionis Christi pro nobis: qua, patefactus in carne, legem servavit, & animam suam dedit *λύτρον* seu *redemptionis pretium*, pro multis, Matth. 20. v. 28. Deinde benedictio sita est, in efficacia perpetua; qua fideles, inde ab initio mundi, meriti sui participes fecit: quemadmodum circumcisio dicitur signum, & sigillum justitiæ fidei, nempe in Christum venturum, Roman. 4. v. 11. & Genes. 15, vers. 4. 5. 6. & ceremoniarum reliquæ Christi adventum, ejusque meritum, & efficaciam obsignabant, ut Epistola ad Hebr. copiose declarat. Quamobrem, qui, ex instituto Dei, circumcisione, & cæteris ceremoniis legalibus utebantur, reipsa obsignabant, quasi chirographo suo, ea ipsa, quæ divinitus illis signabantur, & obsignabantur: quia mutua erat obsignatio. Quemadmo-

dum enim Spiritus Sanctus obsignat in cordibus nostris promissiones divinas, 2. Corinth. 1. v. 22. & Ephes. 1. 30. & Christum Pater obsignavit, Joan. 6. vers. 27. sic, qui in Christum credit, vicissim obsignat veritatem Dei, Joan. 3. v. 33. nam Sacramenta sunt sigilla fœderis gratiæ, ideoque & beneficii divini, seu gratiæ Christi, & officii nostri, seu gratitudinis debitorum: quorum illud, Deus promittit, hoc verò à nobis exigit: nos verò beneficium amplectimur, verâ fide; & officium, ex beneficio debitum, spondemus, veræ fidei, & charitatis actionibus. Quatenus igitur, pro peccatis nostris, merito Christi, in Vet. Testam. nondum erat persolutum supplicium debitum; ceremoniarum eatenus, tanquam chirographum debitorum nostrorum, probant, solutionem esse debitam, non peractam. Atque hanc chirographi expositionem, scopus quoque Apostoli demonstrat: disputat enim adversus circumcisionis, & ceremoniarum legalium (quas elementa mundi vers. 8. hoc est, rudimenta vocavit) observationem: docens, eas, à Christo, justissimo, ac perfectissimo rei adumbratæ complemento, abrogatas. Præterea conclusio hujus argumenti, versibus sequent. subjecta, idem ostendit, & verba conjuncta, quibus chirographum declaratur: Apostolus enim ait, *Chirographum in δόγματι*, hoc est, *decretis ritibus situm*, per Synecdoc. generis pro specie. Nam quod Chrysost. *dogmata*, exponit fidem; & Theodoretus doctrinam fidei, Evangelium, & cum verbo *delevit*, construnt, alienius est: nam decretos ritus, eâ voce, notari, ostendit Paulus, versu 20. 21. & loco simili, Ephes. 2. v. 15. quo Christum legem mandatorum, quæ in dogmatis (hoc est Synecdoc. decretis ritibus) posita erat, abolevisse testatur. Quare ceremonias legales (quia, pro peccatis nostris, nondum, ante Christi adventum, ac mortem, satisfactum, obsignabant) chirographum nempe debitorum nostrorum, & nobis adversum, appellat Paulus; & solutionem illius, insigni figurarum incremento, describit. Nam in proposita chirographi materiâ persistens, dicit: Christum primum id *delevisse*; deinde *cruci affixisse*, in qua pro nobis satisfecit, & *dedit semetipsum ἀντὶ τῶν ἁμαρτιῶν pro omnibus*, 1. Timoth. 2. v. 6. ad abolitionem peccati, Heb. 9. v. 26. *ἀντὶ τῆς ἀπαλλαγῆς ἡμῶν*, Heb. 9. v. 12. Tertio *addit*, Christum *sussulisse de medio*, nempe ratione necessitatis, in cultu divino; & usus in significatione, & obsignatione debitorum. Unde Paulus adversus pseudo-apostolos, qui ceremoniarum necessitatem, & usum revocabant, & salutem iis etiam tribuebant, ait: *si circumcidamini, Christus vobis nihil proderit*, Gal. 5. v. 2. nam chirographa, non habent vim, nisi durante debito; quo persoluto, tolluntur de medio: sic etiam ceremoniarum legales, Christi solutione pro nobis non exhibitâ, viguerunt, ut sancta, & vera Dei decreta, & Ecclesiarum chirographa: sed Christo jam exhibitò, qui pro nobis plenè satisfecit, sine summa injuriâ in Dei institutum, & rei veritatem, ac Christi meritum, revocari, ad veterem cultum, & usum, non possunt. Nam quamvis Paulus Timotheum circumciderit, Actor. 16. 3. & purificaverit se in templo, Actor. 21. & Apostoli à sanguine & suffocato abstinendum decreverint, Actor. 15. vers. 29. non propterea tamen chirographum revocarunt: quia ad tempus, donec Judæis confirmatum satis esset Evangelium, in gratiam infirmorum, alia omnino mente ceremoniis usi sunt: non ut eas esse necessarias, ad cultum Dei, & ad salutem, docerent; sed ut ostenderent, se eas non rejicere ut sacrilegas: ac propterea, cum usu temporali liberò, veritatis confessionem conjungebant, Actor. 21. vers. 24. & cum usus esset, iis constanter abstinebant, Galat. 2. 3. 4. 5. Qua de re, plura August. epist. 19. ad Hieronym. Itaque veterum Patrum notanda est superstitio, qui temporale, Apostolorum, de sanguinis, & suffocati abstinentia, præceptum, promulgato jam, satis superque, Evangelio, templo everso, & Judæis, diuturnæ contumaciæ adversus Evangelium, plenissimè convictis, nihilominus retinendum, statuebant, adjunctâ, in contemptores legis, excommunicationis pœnâ; ut apparet, inter cætera, ex Concilio Constant. 6. can. 27.

Hæc de vers. 14. & primo meriti Christi, in cruce, effectu.

no, nempe, chirographi peccatorum abolitione. Alterum verò est de Satanâ, & Angelis illius (quos per Synecd. generalibus vocibus, *imperia, & potestates* nominat) victoriâ: quam v. 15. insignibus Metaphoris, declarat, cum potestatem Satanæ, ferculis, seu exuviis; & crucem, ferebro comparat, quo exuviæ illæ, quasi in triumphali pompa traductæ, & ostentatæ sunt. Huc pertinent sequentes loci, Luc. 11. 22. Joan. 12. 31. 32. & 14. 30. & 16. 11. Coloss. 1. 13. Hebr. 2. 14. & 1. Joan. 3. 8. Atque hæcenus confirmationis specialis, (quâ dehortationem, à pseudoapostolorum corruptelis, comprobavit) antecedens. Sequitur nunc conclusio gemina, novis confirmata argumentis. Prior est adversus postremam corruptelam, nempe ceremoniarum legalium necessitatem: quas, inductione quadam specierum præcipuarum, declarat: nam elementa mundi, de quibus vers. 8. egit Apostolus, hoc est, rudimenta priscæ Ecclesiæ Judaicæ, exponit: partim ciborum, & potus delectu: partim festorum Judæicorum (quæ in festa solennia; deinde *Novilunia*; & *Sabbatha* distinguit) observatione, vers. 16. Hanc autem conclusionem confirmat Apostolus à ceremoniarum usu: quia fuerunt *umbra rerum futurarum*: cujus umbræ corpus, hoc est, complementum adumbratum, est *Christus*: ac propterea ad Christum tantum durare debuerunt, vers. 17. Sed objicitur à Judæis, ceremonias vocari *pactum sæculi*, hoc est, perpetuum, Exod. 31. 17. Levit. 24. v. 3. Numer. 18. 19. Verum respondetur, pactum esse perpetuum, non absolutè; sed relatè, usque ad Christum: nam *סוד* *seculum*, variè accipitur: generatim enim tempus longum, ac continuum significat, quasi occultum, à radice *סוד* id est, *occultare*. Hinc primùm, *seculum* notat tempus infinitum: idque vel simpliciter, ratione utriusque termini, quod initio, & fine caret; sic Deus æternus dicitur, & vivere in seculum: vel secundum quid, ratione termini ad quem, seu quod fine caret; sic animæ nostræ æternæ sunt, & in seculum vivent. Secundò significat tempus finitum, & spatio aliquo terminatum: idque vel tempus vitæ alicujus ad mortem, 1. Samuel. 1. v. 22. & 27. 12. vel tempus ad Jubilæum, Deutr. 15. 17. vel ad Christi adventum; quâ ratione ceremoniæ legis dicuntur duraturæ in seculum: nam abolitio earum, adventu Messię futura, apertè prædicitur, Daniel. 9. v. 27. Jerem. 31. 31. ut Herb. 8. 8. demonstratur. Sed contra excipiunt adversarii, Sabbathum saltem debere esse perpetuum: primum, quia præcipitur lege morali, quæ æterna voluntatis, & cultus Dei, regula. Sed Christiani respondent Judæis: Sabbathum æternum esse ratione substantiæ, hoc est, partim ratione rei significatæ, quæ est cessatio à peccatis, Esai. 56. 2. & 58. 13. Exod. 31. v. 13. & quies æterna in Deo, Esai. 66. 23. Hebr. 4. 9. partim ratione scopi, qui erat ministerii conservatio: abrogatum autem ratione ceremoniæ, & geminæ circumstantiæ, quiete externa rigida; deinde observatione septimi illius diei definiti: quo modo appendix erat legis moralis, ad populum Judaicum solum pertinens. Sed rursus alia instant via: *legem* ante Moysen datam, esse immutabilem. Verum id negatur, quia experientia confutari potest: circumcisio enim Abrahamo præscripta, & sacrificia inde ab initio viguerunt, quæ tamen abrogata jam sunt. Quare illa mandata, quæ ante Moysen posita, causam habuerunt necessariam, illa sunt perpetua: reliqua verò, cessante causa, etiam cessant. Circumcisio enim data fuit Abrahamo, ut obsignaret fœdus gratiæ de Christo, Salvatore omnium gentium, hoc est, omnium fidelium totius mundi: ideoque, exhibito Christo, cessare debuit; alioqui prophetia esset falsa, quæ signis circumcisionis proposita erat. Denique, quod plurimum habet coloris, objiciunt hoc modo: Id, quod ante lapsum, à Deo mandatum est, illud est perpetuum. Atqui Sabbathum, de quo Apostolus hic agit, ante lapsum à Deo mandatum est. Ergo illud saltem est perpetuum. Verum præterquam quod propositio falsa est & mandato arboris vetitæ refutatur; etiam negatur assumptio: nam Moyses in Genesi cap. 2. tradit causam, cur Deus mandarit institu-

tionem Sabbathi, tum temporis factam, cum hæc scriberet Moyses in deserto; non autem quid initio mundi Deus sanxerit ac præceperit; quemadmodum etiam Tertullianus, Just. Mart. aliique veteres, & recentiores Theologi disertè testantur, Sabbathum Judæorum, neque ab Adamo, neque ab Abrahamo, neque à Noacho observatum. Sed instant rursus: Illud cujus causa perpetua est, etiam perpetuò servari debet. At verò Sabbathum est hujusmodi: quia est signum creationis mundi sex diebus; & quietis divinæ, die septimo: unde Sabbathum, id est, quies dicitur, & Dei; & officii hominum ratione, Genesi. 2. v. 3. quæ ratio observationis in Decalogo adducitur, Exod. 20. v. 11. Sed respondetur, propositionem non esse absolutè veram: sed tantum de iis, quæ necessaria, ac merè moralia sunt, quorum notitias, in creatione, menti humanæ impressit Deus: Sabbathi autem institutio non est hujusmodi; sed ceremonia tantum externa: deinde illud cujus ratio est perpetua, perpetuò observandum est, nempe si ratio sit necessaria, non libera, seu quæ non à natura Dei, sed à voluntate ipsius libera dependet, ut Sabbathi observatio: denique observandum etiam est, nisi alia ratione, ex Dei instituto, ad alium etiam usum restringatur: quemadmodum Sabbatho (quod factum est umbra gratiæ Christi, id est, quietis nostræ à peccato, & poena illius, Christi merito) evenit, vers. 17. Atque hæc, de prima conclusione, quam adversus elementorum mundi observationem, ex confirmatione antecedenti deducit Apostolus. Altera verò, adversus inanis Philosophiæ corruptelam, succedit: quam exemplo declarat; & solidis argumentis, ab ea dehortatur. Corruptela autem est, ex animi demissione, cultus Angelorum. Quem locum elegantissime exposuit Theodoretus: *Qui legem, inquit, defendebant, eos etiam, ad Angelos colendos, inducebant, dicentes: fuisse legem, per eos, datam. Mansit autem diis hoc vitium in Phrygia & Pisidia. Quocirca Synodus quoque, quæ convenit Laodicæ, quæ est Phrygiæ Metropolis, lege prohibuit, ne precarentur Angelos. Et in hodiernum usque diem, licet videre apud illos, & eorum finitimos, Oratoria Sancti Michaelis. Illi ergo hoc consuebant, utique humilitate utentes, dicentes universum Deum, nec cerni, nec comprehendendi, nec ad eum posse perveniri: & oportere per Angelos, divinam sibi benevolentiam conciliare. Hoc autem dixit in humilitate & cultu Angelorum.* Ex quibus Theodoreti verbis, observatione dignissimis, apparet Bartholomæi Caranzæ fraus, qui in summa conciliorum, in Concilio Laodicensi Can. 35. vovem *Angelos*, in *angulos* detorsit, quo loco, re ipsa, Pontificiorum Angelo-douteia perspicuè refutatur: nam quod Bellarminus de Ecclesia Triumphante lib. 1. cap. 20. excipit: concilium non damnare quamlibet venerationem Sanctorum, sed eam, quæ Deo propria est: idque probat, quia vocatur idololatria: ad illud, inquam, respondetur: damnari venerationem religiosam Angelorum; quia, tanquam Mediatores; & templis & invocatione honorabantur, ut ex Theodoro perspicuè apparuit: quæ veneratio meritò, à Concilio, vocatur idololatria: quod Jesu Christi Domini, & Mediatoris nostri gloria, hac ratione, injustè ad Angelos traheretur. Ac propterea Concilium non ait: derelinquens Deum; sed derelinquens Dominum nostrum Jesum Christum. Deinde verba Theodor. quæ adduximus, idem omninò demonstrant: quemadmodum & Photius, apud Oecumenium, hunc Pauli locum exponit: *simulatione, inquit, modesti animi, prohibebant ipsos, per gratiam Christi accedere, quasi tantis digni non essent, & quod Angelis obsecrandi essent, ut nos ad Deum adducerent.* Sed, ad locum Theodoreti obscurandum, excipit Bellarminus. *Quod, inquit, Theodoretus dicit de oratoriis S. Michaelis, duobus modis potest intelligi: uno modo, quod velit dicere hæreticos edificasse oratoria Sancto Michaeli, ut eum ibi colerent, secundum hæresin Simonis, ei sacrificando.* Verum hæc prior Jesuitæ responsio, verbis Theodoreti, non convenit: quandoquidem, de sola templi dedicatione, & invocatione Angelorum, verba facit. Deinde, si Angelos, tanquam minores Deos, Phrygii coluissent, eisque sacrificassent (ut adversarius

farius opinatur) profectò non siluisset hanc, tam crassam, idololatriam Apostolus: nec inanem deceptionem, paralogismos, sermonis probabilitatem, hunc tam apertum Judæis & Christianis errorem appellasset. Quare Bellarm. huic responsioni diffidens, alteram interpretationem comminiscitur: quod nimirum Theodoretus significare voluerit, templa ab hæreticis extructa, ad sacrificandum malis Angelis, esse conversa à Catholicis, in oratoria Sancti Michaelis. Sed hæc interpretatio multò ineptior: nam ut alii Patres; sic Theod. apertè docet, bonos Angelos, per quos lex lata, ab hæreticis fuisse cultos, & ejus vestigium esse oratoria Sancti Michael. quæ, non tum primum instituta tantum, sed in hodiernum usque diem extare, affirmant. Deinde si pseudo-apostoli docuissent malos Angelos, hoc est, dæmones, esse colendos, nulla eorum, in tam apertâ impietate, atque impudenti, apud Christianos, opus fuisse refutatione. Quare ineptum omninò est Bellarmini effugium. Cæterum hunc Angelorum cultum, humilitatis specie fucatum, cavendum esse, concludit Apostolus, gravissimis argumentis. Quorum primum inclusum est verbo *καταβεβήκατε*. de quo Hesychius: *βεβήκειν*, *διακρίνειν*, hoc est, *disjudicat*: item *καταβεβήκατε* (legendum *καταβεβήκατε*) *κατακρίνεται*, *καταγινώσκεται*, *condemnat*, *in certamine vincit*, Sapient. 10. 12. *ὃς ἀγῶναι ἐχέον ἐς βεβήκων αὐτῶν* id est, *certaminis validi præmium ei dedit*. item *βεβήκατε*, Coloss. 3. v. 15. *sit moderatrix*, hoc est, *imperet*, per Metaphor. Cæterum Photius, apud Oecumenium, interpretatur vocem *καταβεβήκατε*, *κατακρίνεται*, id est, *condemnet*, ut conveniat cum vers. 16. cui sententiæ alii expressius addunt, *condemnet tanquam certaminis judex*; ut in similitudine lateat argumentum; quod qui Angelorum cultum docebant, id quod Dei proprium est, nempe jus conscientias religione obligandi, sibi imperiose arrogarent. Alii verò non simpliciter in condemnatione, aut arrogantia illa argumentum statuunt: sed in injustitia, quemadmodum Theodoretus *βεβήκατε*, inquit, *appellat judices eorum, qui decertant: hi enim victoribus victorie calculum præbent*. *καταβεβήκατε* verò, est *βεβήκατε male fungi officio, & quæ victori debentur præmia, injustè tribuere*: & Chrysostom. ait, *καταβεβήκατε γὰρ ἐστὶν ὅτι καὶ τὰς ἐντολὰς τοῦ κυρίου ἡμῶν Ἰησοῦ χριστοῦ ὁ βεβήκατε*, hoc est, *καταβεβήκατε*, est seu significat cum apud alios quidem victoria est: apud alios verò præmium: sed alii interpretantur generatim *brabii*, vel *præmiis fraudare*; ut injustitia adversariorum, & damnum, quod inferebant, significetur. Quâ ratione, non inconcinne, quidam hanc similitudinem ita exponunt, ut cursores sint Christiani; stadium, in quo currunt, sit doctrina religionis Christianæ; pedes, quibus in hoc stadio curritur, fides, & charitas; meta, ubi finis cursus, mors in Christo; *βεβήκατε* seu *judex Deus & Christus*: brabium verò & præmium, ad quod apprehendendum curritur, sit vitæ æternæ corona immarcescibilis, 1. Petr. 1. vers. 4. quo præmio cursores fraudentur, vel iniquitate judicis post cursum legitimè peractum, vel ab aliquo, impedimentis in ipso cursu, objectis, quibus vel labatur, aut deficiat cursu; vel à recta meta abstrahatur, & aberret. Quæ interpretatio videtur, salvo meliori judicio, commodè adhibita, Pauli instituto convenientissima: & verbo antecedenti, vers. 8. *videte, ne quis sit, qui vos deprædetur*: & similibus locis egregiè illustratur, 1. Cor. 9. 24. 25. Galat. 5. 7. 1. Timoth. 6. v. 12. 2. Timoth. 2. v. 5. & 4. 7. 8. Hebr. 12. 13. Apocal. 3. 11. Quanquam, eodem manente sensu, brabium intelligi potest, de præmio non solum cursus; sed etiam reliquorum certaminum, quibus Christianorum conditio, in hac vita, declaratur: quemadmodum Christiani non solum cursoribus; sed etiam athletic, luctatoribus, & pugilibus meritò comparantur, 1. Corinth. 9. vers. 26. Ephes. 6. v. 11. 12. nam arena, in quâ decertatur, est vita Christiana; antagonista sunt caro intus; mundus, & princeps illius diabolus foris: armatura verò ea est, quæ describitur, Ephes. 6. v. 13. & 1. Thessal. 5. v. 8. munerarius, & certaminis judex est Christus: brabium, seu præ-

mium, est vita æterna. Atque hæc quidem de primò Conclusionis argumento. Alterum verò est, quod adversarii, suâ doctrinâ, *pedem inferrent in ea, quæ non viderant*, hoc est, quod sua commenta, tanquam oracula, proferrent. Qua ratione, scientiæ larvam, adversariis detrahit Apostolus: quemadmodum & humilitatis fucum, argumento tertio: quo causam temeritatis illius esse docet, superbiam carnis. Quam ut acrius pungat, similitudine eleganti, flatui comparat, *Inflati*, inquit, *mente carnis suæ*, hoc est, opinionis corruptæ naturæ fiduciâ tumidi: nam mentem carnis, hîc, appellat Apostolus, quod Roman. 8. vers. 7. *ἐστὶν μὴ τῆς αἰνέσεως cogitationem carnis*. Porro huic tertio argumento, quod vers. 18. continetur, adjicitur quartum, vers. 19. quo Apostolus demonstrat, adversarios suos, doctrinâ suâ, de cultu Angelorum, esse in Christum injurios; quod eum, pro capite suo non agnoscerent: non quod Christum penitus abnegarent; sed quod mediatoris officium, & virtutem ad Angelos derivarent. Idque confirmat descriptione unionis Christi, cum Ecclesia; & salutis, quam Ecclesiæ donat: persistens in similitudine conjunctionis efficacis, capitis cum suis membris: nam ut à capite nervi (quibus corpus cum capite, & membra inter se, compinguntur) & motus, ac sensus, promanant: sic à Christo, virtute spiritus ipsius, unio, & incrementum salutare Ecclesiæ, in fide, & charitate positum, promanat: quod Apostolus vocat *augmentum Dei*, hoc est, quod Deus exigit, ac probat, ut quidam volunt, aut potius, quod Deus operatur, ut alii interpretantur. Similis omninò locus est Ephes. 4. vers. 15. & 16. Atque hæcenus, speciatim, postremam, & primam etiam pseudo-apostolorum corruptelam, confutavit Apostolus. Nunc denique secundam quoque, nempe traditiones Pharisaicas, & humana commenta refellit. Constat autem refutatio hæc, propositione, quam concludit, & argumentorum confirmatione. Illa est, quod *ritibus*, aut dogmatis humanis, *non sint onerandi*. Quam sententiam proponit Apostolus, ad majorem rei emphasis, interrogationis forma; & deinde exponit nimesi quadam, seu imitatione orationis, quæ adversarii sua dogmata humana proponebant, v. 21. Nam quod quidam id propriè, ex Pauli mente prolatum, interpretantur, omninò alienum esse, scopus Pauli, & circumstantiæ evincunt. Confirmationis verò argumentum primum, ex tertiæ corruptelæ refutatione; petitur est, comparatione à majori: *quia mortui cum Christo, estis liberi ab elementis mundi*, seu à ceremoniis, olim rudi Ecclesiæ divinitus institutis. Ergò multò magis ab humanis, vers. 20. Secundum argumentum est, quia traditiones illæ versantur, in rebus merè caducis, quæ ab usu pereunt, hoc est, quæ usu absumuntur: ideoque ad regnum Dei per se non faciunt, Matth. 15. 11. Roman. 14. 17. & 1. Cor. 6. 13. Cæterum quia obijci poterat, nihilominus similia, de rebus fluxis, dogmata, in Vet. Test. ad cultum Dei instituta: idcirco tertium ad hoc magis firmandum adducit Apostolus; cum discrimen ostendit, ac docet hæc pseudo-apostolorum decreta, non à Deo, sed ab hominibus præscripta; ac propterea ut Esai. 29. v. 13. & Matth. 15. v. 9. & Tit. 1. v. 14. docetur, *frustra iis Deum coli*, v. 22. Denique versu ultimo, occupatione gravi, objectionem diluit Apostolus. Cujus loci duplex esse potest interpretatio, nimirum vel per reticentiam, hoc sensu: *Hæc quidem rationem habent*, ac speciem sapientiæ; sed non veritatem, & rem ipsam: quo modo sapientiæ species, suis partibus, declaratur, *cultu voluntario*; deinde causa illius, *demissione animi* fucata; denique cultus voluntarii modo, nimirum *corporis afflictione*, qua nullus illi honor, hoc est, cura, ad *expletionem*, hoc est, satietatem necessariam exhibetur: quemadmodum, cum jejuniis & aliis modis, superstitioni se affligunt: nam Deus non simpliciter corporis curam damnat; sed immodicam, quæ voluptatibus inservit, Roman. 13. vers. 14. Si quis verò obijciat, quod expletio, ad moderatam satietatem, referri nequeat; obstat primum scripturæ usus, Luc. 1. 53. *esurientes implevit bonis*: & Joan. 6. vers. 12. *ut repleti sunt*. Accedit etiam bonorum authorum usus:

usus: sic enim Lucianus tomo 2. epistola Saturnalium secunda, distinctè ait: *τὴν ἀγὰν ἀληθεύον, ἡμιμοδίκα ἐκπλήσιν*, ut aliam modicam esse doceat: & ibid. epistola prima, vox *ἡμιμοδίκα* implet, in bonam partem, accipitur, de satiétate non vitiosa. Alii nihilominus hunc locum per ellipsin geminam, cum interprete nostro, exponunt. Mollior tamen, magisque expedita videtur prior interpretatio: quemadmodum etiam, laudata illa versio Gallica postrema eandem retinuit.

## CONSECTARIA.

I. Fidelium Evangelii ministrorum officium est, primum, adeo Ecclesiam amare, ut non levia solum, sed etiam gravissima, cum opus est, certamina, pro ea sustineant.

II. Deinde, ut non solum præsensium, sed etiam absensium, & ignotorum, pro virili, salutem promoveant.

III. Denique, ut animo, & opere amare debent Ecclesiam Dei; sic eundem amorem, modò absit ambitio, liberè, & modestè verbis, aut scriptis possunt profiteri, ad Ecclesiae ædificationem, v. 1.

IV. Pastorum Ecclesiae, ut etiam aliorum fidelium, in persecutionibus, constantia, ad Ecclesiae consolationem in adversis, & confirmationem in vera fide, & charitate, utilissima est.

V. Cum vera consolatio, & spes, ex fide & charitate oriuntur: sequitur ex religione Christiana, veram consolationem esse hauriendam.

VI. Charitas est Ecclesiae compages: ideoque curandum est, ne scismate, aut odio violetur.

VII. Cum fides sit *ἀληθοφρένεια*: errant graviter, qui eam, cum opinione, confundunt.

VIII. Cum Evangelium sit mysterium Dei: orandus est Deus, ut illud nobis magis magisque patefaciat, v. 2.

IX. A Christo omnis salutaris sapientia haurienda est, & in eo, tanquam thesauro, acquiescendum, v. 3.

X. Nulli facilius, à veritate, ad errores, seducuntur, quam qui Christi præstantiam non satis observant.

XI. A doctrina Evangelii, tanquam recta viâ, nulla ratione, quamvis maxime probabili, ac speciosa, declinandum est, v. 4.

XII. Charitas, corpore absentes, animo præsentes facit: ac propterea tanquam vinculum, & compages fidelium, seriò colenda est.

XIII. Ordo in Ecclesia cum primis necessarius est, & laudabilis: ac propterea omnis *ἀτάξια* seu *recti ordinis perturbatio*, omninò fugienda est.

XIV. Fidem veram, rectitudo, & soliditas, à falsâ, distinguunt. Recta est, cum solum Christum sequitur ducem; solida, cum illi constanter innititur.

XV. Ubi ordo, & soliditas fidei vigent, ibi agnoscenda est Ecclesia, illique ex animo gratulandum, v. 5.

XVI. Christus propriè fundamentum est Ecclesiae, cui fides superstrui nos decet: ac propterea, sine blasphemia, is honor, ad Petrum transferri nequit, nedum ad Papam Romanum.

XVII. Laborandum est, ut fides in nobis augeatur.

XVIII. Deo, pro fide nostra, perpetuò agendæ sunt gratiæ: ac propterea peccant graviter in veritatem Dei, qui fidem, Dei donum esse negant. Peccant etiam in charitatem Dei, & iustitiam, qui gratias, pro donata fide, Deo debitas, agere negligunt, v. 7.

XIX. Falsi doctores, tanquam prædones perniciosi, omnibus accuratè cavendi sunt: ut qui non solum infirmorum, sed etiam firmiorum libertati, & saluti insidiantur.

XX. Cum inanis Philosophia nobis fugienda sit, rectè sanè iudicant illi, qui Scholasticorum doctrinam, ut in multis non inutilem agnoscunt: sic in plerisque tamen, non ut veram Theologiam honorant, sed tanquam *υψηλοφύλαξ* & fœdam Theologiae deformationem, averfantur: ut

pote quæ, in rebus sacris, aut falsâ Philosophiæ corruptæ principia pro veris usurpat: aut, ex veris, & malè accommodatis principiis, falsas consequentias necit.

XXI. Contrà imperitè, & iniquè faciunt Anabaptistæ, alique nonnulli, dum ex iis, quæ peculiariter, adversus Philosophiæ abusum, ab Apostolo statuuntur, verum Philosophiæ usum prorsus condemnant.

XXII. Cum traditiones humanæ, in religione Christiana, sint inanis deceptio, & falforum doctorum, (quibus incautos deprædantur) instrumenta. Errant graviter, primum Pontificii, qui ferè proram, & puppim religionis suæ, in iis, collocant. Deinde & illi, qui humanis illis commentis se falli, ac capi patiuntur.

XXIII. Cum ceremoniæ legales, fuerint elementa, seu rudimenta mundi, ante Christum, perperam jam, adulta, post Christum, Ecclesiae ætate, eadem, à Pontificiis, ex parte, in usum revocatæ sunt, ut, ex Rationali divinatorum officiorum Durandi, apparet.

XXIV. Christi doctrina, fidei & cultus Dei norma est, à cuius simplicitate declinatio, errorum causa est, piisque omnibus fugienda, v. 8.

XXV. Errant Ariani, qui Christum unum, æternum, & æqualem cum Patre Deum, negant, v. 9.

XXVI. Cum salutis plenitudo à Christo promanet: Errant, bifariam, Pontificii, & alii nonnulli, qui à seipsis, vel aliunde, salutem petunt, ut Jerem. 2. 13.

XXVII. Cum Angeli commune nobiscum caput, ac Dominum habeant, Christum; sequitur eos esse conservos nostros: ac propterea minimè adorandos, ut Apoc. 19. 10.

XXVIII. Cum Christus sit omnium Angelorum caput, ille solus colendus est, ut administratorii illi spiritus nobis inserviant, v. 10.

XXIX. Cum Christus nos intus circumcidat à peccatis; sequitur illum verum esse Deum, cuius, regeneratio, opus est proprium, v. 11.

XXX. Cum baptismus non solum circumcisio Christi appelletur; sed idem etiam, si substantiam spectes, obsignet nobis, quod olim Judæis circumcisio: sequitur rectè statui, adversus Anabaptistas, baptismum, in circumcisionis locum, successisse: ac propterea infantes, non minus esse in Nov. Testam. baptizandos, quam in Vet. Testam. circumcidebantur: cum jam gratia Christi non sit angustior, quam olim, vers. 11. 12.

XXXI. Cum baptismus regenerationis nostræ sit sigillum, cavendum est, ne in carnis servitutem, & mortem peccati, iterum relabamur: sed contrà laborandum, ut in novitate vitæ ambulemus, v. 12. 13.

XXXII. Cum Christus nos vivificarit, condonatis non paucis, sed omnibus peccatis: sequitur falsam esse Pontificiorum doctrinam, qui, pro quotidianis peccatis, post baptismum admissis, nobis satisfaciendum esse, hîc, vel in purgatorio, docent, v. 13.

XXXIII. Cum Christus chirographum debitorum, seu peccatorum nostrorum cruci affixerit, ac sustulerit: sequitur, Deum fideles castigare quidem posse, & erudire, tanquam patrem; sed non punire, tanquam iudicem, cum in Christo, peccata nostra semel punierit, qui *λύτρον* persolvit, & chirographum debitorum delevit: ac propterea injurii sunt Pontificii, primò in Dei iustitiam, quasi is peccata iterum, post plenam debiti solutionem, puniat, secundò in Dei, Christi que amorem, ac si Christus non esset perfectus redemptor, nec spondisset, ac satisfecisset pro omnibus debitis nostris, vers. 14.

XXXIV. Cum Christus, in cruce sua, de Diabolo, & Angelis ejus, triumpharit, non est, cur de victoria adversus Satanam, dubitemus; aut crucis Christi nos pudeat.

XXXV. Ciborum delectus omnis, in religionis negotio, sublati est. Ideoque graviter, in Christianam Ecclesiae libertatem, impingunt Pontificii, qui illos, quasi impios, condemnant, qui promiscuè, quovis



tempore, carne, & similibus cibis, cum gratiarum actione, utuntur, v. 16.

XXXVI. Cum ceremoniarum legales fuerint umbra Christi: sequitur (quamvis usus earum, in observatione, sit sublatus) usum tamen permanere, in lectione, & comparatione cum eventu, in Christo, ad fidei confirmationem. Quare non malè sit, ut perperam Anabaptistæ quidam opinantur, quod scripta Moysi, de eo argumento, interdum, ad Ecclesiæ ædificationem, proponuntur, & exponuntur, v. 17.

XXXVII. Quamvis hæretici, se ipsos salutis aliorum studiosos esse, jactent, aut fortè & opinentur, ab illa tamen, revera, seducere moliantur.

XXXVIII. Quemadmodum athletæ, omnes exercitiorum difficultates, quibus ad certamina præparantur; & quævis certaminum pericula, spe victoriæ, licet incertæ, fortiter perferunt, ac certant, ne ea fraudentur: sic fideles, ad coronam cælestem, fretos promissionibus divinis, certa spe, decet contendere; ac providere, ne brabium, ac corona, ipsis, ulla ratione, eripiantur.

XXXIX. Non quævis animi, in religione, demissio, in cultu Dei probanda est: sed ea demum, quæ ex vera fide, secundum verbi divini normam, & ad Dei gloriam dirigitur.

XL. Errant graviter Pontificii, quod ficta humilitatis specie, per Angelos, & Sanctos, ad Christum, & Deum contendunt: & contra, temeritatis, & arrogantie, illos accusant, qui secundum Dei jussum & Christi invitationem, vera filiorum Dei libertate, rectè, per Christum, patrem accedunt, & invocant.

XLI. In fidei mysteriis, sobrietate opus est, ne de rebus cælestibus, & ignotis, temere aliquid, ex opinione humana, definiamus; aut, quæ Deus verbo suo noluit patefacere, curiosè scrutemur.

XLII. Quare vitanda est Dionysii illius, pseudo-areopagitæ, audacia; qui, de choris Angelorum, ex opinione sua, ita distinctè differit, ac si ex tertio cælo cecidisset: ac propterea Scholastica Pontificiorum Theologia, quæ Dionysii dicta, tanquam oracula, amplectitur, & infinitis aliis quæstionibus, & definitionibus longius multò processit, merito piis omnibus suspecta esse debet.

XLIII. Hærefes, non Spiritus Dei, sed carnis opera sunt.

XLIV. Verè, & eleganter ab orthodoxis Patribus dictum est, Hæresium matrem, esse superbiam, v. 18.

XLV. Qui alio, quàm Christo, mediatore, apud Deum Patrem, utuntur, non sunt vera Christi membra.

XLVI. Cum Christus sit, universale, & immediatum Ecclesiæ caput, cum quo, Spiritus Sancti devincientis efficacia, fidei, & charitatis vinculis, connectimur, & unimur: sequitur Pontificem esse adversarium Christi, cum hanc universalis capitis gloriam, bona ex patre, Petro, & sibi arrogat: quod ut melius illustretur, paucis Pontificiorum exceptiones diluamus. Primum enim regerunt, caput aliud esse principale, nempe Christum solum: aliud ministeriale seu vicarium, Petrum, & ejus successores: ac propterea honori Christi nihil derogari. Sed inane hoc effugium est: Christus enim perpetuò vivit, & ubique præsens est; ac propterea successorem non admittit, Hebr. 7. 23. nec vicarium: imò nec potest, quia capitis honor, ei, tanquam Regi nostro, convenit, quæ dicitur; ideoque alteri, sine sacrilegio, vicarii capitis excellentia communicari non potest. Quare impia omnino Pontificiorum est sententia, quæ extat in glossa extravagantium comm. lib. 1. de majoritate, & obedientia c. 1. qua ajunt: *Hujus regni, & sacerdotii principatum perpetuum commisit Filius Dei Petro, & successoribus ejus.* Sed objiciunt nobis, summi Pontificis, in Vet. Test. exemplum. Verum id nihil obstat; quia ille typus fuit Christi, ac propterea cessare debuit, Christo exhibito. Deinde non omnibus gentibus, sed tantum Judæis, & paucis profelytis, præfuit.

Præterea non habuit potestatem regiam, & summam, in reges & principes Judæorum, multò minus in universos, ut sibi Pontifex arrogat, in extravagantibus. Denique non

absolutè, nec propriè caput fuit Ecclesiæ, sed tantum, quodammodo, ratione ministerii summi, in Ecclesiâ; quoniam non liberâ potestate pollebat; sed, præscriptis à Deo legibus, coerceretur. Contra verò Pontifex, quamvis sese ministeriale Ecclesiæ caput sermone, profiteatur, re ipsa tamen, summam Christi, in omnes mortales, potestatem, remittendi, pro arbitrio, peccata, facultatem; & leges conscientie figendi; reges hocce solio deturbandi, illos coronâ donandi, auctoritatem sibi ascribit, ut extravag. comm. lib. 1. de majorit. cap. 1. ait Bonifac. octavus: *subesse Romano Pontifici, omnem humanam creaturam, declaramus, dicimus, & pronuntiamus, omnino esse de necessitate salutis.* Quæ etiam de re, insignes blasphemie, in glossa, ad eum locum, & in Gratiani decreto, distinct. 40. cap. si Papa. Antidoti verò loco observetur Gregorii Magni Papæ modestia, qui in epistola 80. epistolarum lib. 4. Constantinopolitani Episcopi arrogantiam (quæ se universalem Episcopum appellabat) refutans ait: *Instantiam sumis ita ut universa sibi tentet ascribere, & omnia, quæ soli uni capiti coherent, videlicet Christo, per elationem Pompatici sermonis, ejusdem Christi studeat membra subjugare.* Et Epistola 82. Petrus Apostolus primum membrum sanctæ, & universalis Ecclesiæ est: Paulus, Andreas, Ioannes, quid aliud, quam singularem sunt plebium capita? & tamen, sub uno capite, omnes sunt membra Ecclesiæ. Atque ut cuncta, brevi cingulo locutionis, astringam, sancti ante legem, sancti sub lege, sancti sub gratia, omnes in perficientes corpus Domini, in membris sunt Ecclesiæ constituti, & nemo se unquam universalem vocare voluit. Et lib. 7. Epist. 194. Ego autem fidenter dico: quia quisquis se universalem sacerdotem vocat vel vocari desiderat, in elatione sua, Antichristum præcurrit, quia superbiendo se ceteris præponit. Hæc ille. Atque, ad hanc superbi tituli detestationem, Gregorius postea se, ut in vita illius observatur, servi servorum titulo, humiliavit; quem conjuncta huic contraria, & superba universalis Episcopi appellatione, non minus ineptè, quàm impiè, posterius Pontifices imitati sunt.

XLVII. Ecclesiæ incrementum, non hominum viribus, sed Deo potissimum tribuendum est, v. 19. ut etiam 1. Cor. 3. 7.

XLVIII. Insuri sunt in Ecclesiam, qui abolitas Vet. Test. ceremonias, postliminio, revocant; aut novis, ad cultum Dei confictis, ceremoniis, Ecclesiam gravant. Ac propterea Pontificii graviter, in Christianam libertatem, superstitione hujusmodi, peccant.

XLIX. Neque excusandum est Veterum, in hac re, studium, qui dum simplicitatem Christianam (quam Deus in Ecclesia vigere voluit) à Gentilium, & Judæorum contemptu vindicare, & Christianorum, erga Dei cultum, reverentiam, augere studuerunt, plurimos, partim à Gentilibus, partim à Judæis, ritus mutuati sunt, novosque alios invenerunt: qui ut initio fuerunt liberi; sic temporis tractu, ac longa consuetudine judicati sunt necessarii, quasi ab Apostolis promanassent: & pars quædam divini cultus externi habiti sunt. Ac tandem corruptâ amplius Ecclesiâ accessit, apud Pontificios, opinio meriti, quæ ordinaria est hujusmodi errorum, in Ecclesiam invectorum, via, v. 20.

L. Iniqui sunt in Ecclesiam Pontificii, dum contra Apostoli doctrinam, certorum ciborum abstinentiam præscribunt.

LI. Cum mandata hominum, in religione statuenda, conscientias non possint devincire; merito igitur supersticiosa Pontificis decreta respuenda sunt, v. 21.

LII. Cum Pontificiorum religiones, & ut appellant, pœnitentiæ variz, quibus corpora, citra Dei mandatum, affligunt supersticiosè, graphicè à Paulo redarguantur, flocci æstimandæ sunt.

### CAPUT TERTIUM.

**A**bsoluta, tractatus hujus Epistolæ, parte prima, nempe dogmaticâ, quæ de fide Christiana differit, partim confirmatione veritatis, cap. 1. partim confutatione falsitatis, cap. 2. succedit jam, ordine optimo, pars altera, quæ

quæ parænetica est; quæque vitæ Christianæ præcepta continet, inde à capite tertio, ad versum usque septimum cap. 4. & ex prima parte, per transitionem concinnam, concluditur. Præcepta autem sunt, partim generalia, quæ communiter officium nostrum proponunt: partim specialia, quæ idem distinctius exponunt, & illustrent. Ac generale quidem præceptum constat, adhortatione ad studium boni; & dehortatione, quæ ad fugam mali pertinet. Utraque autem præceptio, propositione sua, & confirmatione describitur. Adhortationis propositio est: *Quæ supra*, hoc est, quæ in cælis, sunt querite: quod intelligi potest, vel de studio pietatis, & cælestis vitæ, quæ cælo conveniat, in quo iustitia regnat: vel de studio, & meditatione cælestis præmii, & vitæ æternæ, ut Paulus Phil. 1. 23. ait: *cupio dissolvi, & esse cum Christo*: & 1. Tim. 6. 12. *certa bonum certamen, apprehende vitam æternam, ad quam vocatus es*: vel intelligi potest, de utroque simul. Nam supra in cælis, est nobis reposita iustitiæ corona, quam speremus; & simul propositum iustitiæ exemplar, quod imitemur, Mat. c. 6. 10. 33. Quæ duo, nempe iustitia, & vita, ita connexa sunt, ut alterum sine altero, seriò quæri non possit. Cæterum huic propositæ hortationi, confirmatio adjungitur, tribus instructa argumentis: quorum primum est, *resurrectio nostra cum Christo*, quam, ex antecedentis capitis, vers. 12. tanquam certam, repetit, ac supponit, ut vocula conditionalis, *si*; & conclusiva, *igitur*, ostendunt. Resurrectio autem nostra cum Christo, alia est propria, à morte corporali; à qua resurreximus, primum factò, & re, in Christo, propter unionem mysticam, tanquam in capite: deinde jure, & spe, in nobis; quia membra sumus Christi: quibus modis Eph. 2. 6. dicimur cum Christo resurrexisse, & sedere in cælestibus: tertio sacramenti typo, seu significatione, & ob signatione baptismi. Deinde alia resurrectio nostra cum Christo est impropria, hoc est, hominis, non à morte corporali, sed à morte spirituali, suscitatio: quæ sanctificatio, & regeneratio dicitur. Cujus causa, & typus, est resurrectio Christi, cum quo resurreximus, primum ratione initii sanctificationis, & novi hominis, reipsâ; deinde jure adoptionis, ac justificationis; & spe certa, ratione perfectionis, post hanc vitam, accessuræ: denique typo, & sacramento baptismi. Breviter, resurrexisse dicimur, re, spe, sacramento. Unde, tanquam à causa efficiente, firmum, ad novitatem vitæ, & ad cælestia quærenda, primum ducitur argumentum: ut etiam Rom. 6. 3. & 4.

Alterum verò argumentum, quo ea quærenda, quæ supra sunt, demonstrat Apostolus, est ab exemplo Christi, qui postquam resurrexit, ascendit in cælum, ibique est, nempe corpore suo rediivo, quo à nobis abest, ad diem judicii, Joh. 12. 8: 16. 7. Act. 3. 21. 1. Cor. 11. 26. Ac propterea, ut Christus suscitatus, in cælo versatur corpore: ita nos resuscitati, per sanctificationem Spiritus, debemus vitam cælestem meditari. Similis locus est Phil. 3. 20. *nostra autem conversatio est in cælis, ex quibus etiam servatorem expectamus*. Tertium argumentum est, quia Christus ad dextram Dei sedet; hoc est gloriosè in cælis regnat, Angelorum omnium, & hominum vivorum, atque mortuorum iudex, Matth. 26. 64. Act. 10. 42. qui ultimo illo die impios puniturus, æterno supplicio; & pios in æternum beaturus est. Quod argumentum, ad cælestia quærenda, & vitæ sanctitatem commendandam, præstantissimum 1. Cor. 5. 9. 10. Tit. 2. 12. 13. Atque hæc adhortatio, repetitione illustratur & amplificatur à causa studii, v. 2. *Quæ supra sunt sapite*. Nam *sapere*, propriè ad mentis meditationem, & iudicium, pertinet: *querere* verò ad conatum, & actionem, inde promanentem: quanquam, altero separatim posito, utrumque Synecdochicè intelligatur. Huic porro adhortationi connectitur dehortatio; *Ne sapite ea, quæ in terra sunt*. Quænam autem ea sint, colligi potest, partim ex antecedenti adhortatione, & antithesi eorum, quæ supra, hoc est in cælis, sunt: partim ex sequentibus, & similium locorum comparatione: nam primum denotari possunt bona terrena, quæ fluxa, & caduca sunt, hoc est, opes, honores, ac commoda hujus vitæ; quæ supernis,

& æternis opponi solent: quo modo locum illum, Philip. 3. 19. *qui terrena sapiunt*, vulgò interpretantur. Deinde verò accipi possunt, de ceremoniis, & traditionibus humanis, quæ non è cælo, sed è terra suam habent originem; nec in rebus cælestibus, & æternis, sed in terrenis ac pereuntibus, Col. 2. v. 22. occupantur. Quæ ferè ratione, & veteres, & recentiores interpretes exponunt, angustius (ut existimo) quàm loci hujus amplitudo ferat, ut ex v. 5. conclusione apparet. Tertio itaque ea, quæ in terris sunt accipi possunt de vitiis, quæ in terra vigent, seu de mundanis cupiditatibus, ut Paulus vocat Tit. 2. v. 11. & corruptelis, quæ in mundo sunt, 2. Pet. 1. 4. Denique accommodatè, de his omnibus conjunctim, interpretari possumus: ut quemadmodum, quæ supra, seu in cælis sunt, de vita æterna, & iustitia illius intelliguntur: ita quæ in terra sunt, generatim de terrenis, & fluxis hujus vitæ commodis, de ceremoniis, & traditionibus terrenis, deque concupiscentiis mundanis accipiantur. Similes loci sunt Phil. 3. v. 19. *qui terrena sapiunt*, (etsi enim hanc sententiam, de commodis terrenis, interpretentur vulgò, attamen non eò tantum restringendam esse, ex adjunctis colligi potest). Deinde 1. Ioh. 2. 17. *ne diligite mundum, neque ea, quæ in mundo sunt. Si quis diligit mundum, non est charitus Patris in eo, quia quicquid est in mundo, nempe concupiscentia carnis, concupiscentia oculorum, & fastus vitæ, non est ex Patre, sed ex mundo*, & Jac. 4. 4. *amicitia mundi, inimicitia Dei est*. Atque huic dehortationi subijcitur sua confirmatio, duobus constans argumentis: quorum prius adducitur, v. 3. Ut enim à positione principii, & causæ, ad positionem effecti, & actus, nempe à resurrectione spirituali, ad vitam cælestem, & sanctam, ad meditationem, ac studium rerum, & operum cælestium, seu salutis, & iustitiæ adhortatus est Apostolus: sic contra, hoc loco, à remotione causæ, ad remotionem effectuum argumentatur. Nam, inquit, *mortui estis*, nimirum non absolute, sed secundum quid, & certo modo. Quidam autem docti interpretantur, quantum ad terrenam felicitatem, hoc est, similes estis mortuis per Metaph. quippe subjecti omnis generis calamitatibus. Quæ expositio si sequentia verba, & phrasis usum spectes, non est insolens: ut 1. Cor. 15. 31. & alibi. verum si scopum, & reliquas circumstantias attendamus, non satis congruit: nam qualis resurrectio, quæ causa studii bonorum operum: talis ex adverso mors est nostra, quæ causa fugæ peccati. At resurrectio de altera regenerationis parte intelligitur, ut antea ostendimus. Ergo mors de priori parte: alioqui antithesis ratio minimè conveniret: idemque ex capitis antecedentis collatione, v. 11. 12. 20. etiam apparet. Quare mortui dicuntur Colossenses, ut alii concinnius exponunt, secundum carnem, quæ terrena quærit, hoc est, ratione habitus vitiosi, qui terrena bona, & vitia magis sapit, & curat, quàm cælestia dona, salutem, & iustitiam. Ergo vis argumenti hæc est: Mortui estis secundum carnem. Ergo non debetis secundum carnem vivere, hoc est, terrena sapere: hoc enim repugnat fini illius mortis, Rom. 6. 10. 11. 12. 13. 14. & 18. Alterum deinde confirmationis argumentum, est à promissione vitæ æternæ. Ut enim prius deductum fuit, ab antecedente causa; sic hoc petendum est, à consequente. & quidem non effecto (ut Pontificii malè judicant) sed ab adjuncto proprio, ac gemino, nempe à præsentī certitudine vitæ æternæ, in hac vita, & futura fruitione illius, ac patefactione, in alterâ. Quæ in re, anticipatione eleganti, objectiones variæ diluuntur. Nam primò ostendit Paulus, vers. 3. vitam nostram æternam, & beatitudinem (quæ in primis in gaudio perpetuo, ac cælesti, & iustitiæ complemento, consistit) absconditam esse cum Christo, hoc est, mundo ignotam quidem esse (quemadmodum Christus ignotus, & inconspicuus est) veruntamen non dubiam sed certam, ac tutam; quia in Deo, tanquam in thesauro, abscondita est. Similis locus est 1. Johan. 3. vers. 1. 2. *Propterea mundus non novit nos, quia non novit Deum. Charissimi, nunc filii Dei sumus; sed nondum patefactum est, quod erimus*. & 1. Petr. 1. vers. 4. 5. dicimur regeneriti à Deo, in hereditatem,

*ditatem, quæ nec perire potest, nec contaminari, nec marcescere, nobis in celo servatam. Qui virtute Dei, custodimur, per fidem, ad salutem, quæ parata est patefieri tempore ultimo.* Deinde ne offenderemur vitæ nostræ absentia, & occultatione, promittitur v. 4. fruitio illius, & patefactio, adventu Christi secundo, quo ille, qui vitæ nostræ causa est, patefiet, ad salutem nostram. Quod argumentum à spe cælestis gloriæ, & communione cum Christo, desumptum, ad fugienda terrena, & quærenda cælestia validissimum est, ut ex re ipsa, & similibus etiam locis constat, Philipp. 3. vers. 20. 21. Hebr. 11. vers. 26. & 35. Tit. 2. v. 12. 13. & 1. Johan. 3. v. 3. 4. Atque hæc quidem dicta sunt de præceptis generalibus, ad commendandam vitam Christianam, nempe ad studium cælestium & fugam terrenorum. Sequuntur deinde præcepta specialia, quibus generalia illa illustrantur, & explicantur, ordine convenienti, & partium distinctione concinna: nam distinctè primum proponitur specialis dehortatio à vitiis, à v. 5. ad versum 12: deinde adhortatio ad virtutes, idque sequentibus. Atque illam quidem solidè, ex antecedentis dehortationis generalis rationibus, concludit, quæ fuerunt: *mortui estis secundum carnem, & terrena: deinde vitam obtinebitis æternam. Ergo mortificate membra vestra, quæ in terra sunt, scortationem, &c.* Qua in re observandum est primum, mortificationem metaphoricè, ad priorem sanctificationis, & resipiscentiæ partem, transferri: quod, quemadmodum capitales, & perpetui hostes, in præliis, è medio tolluntur, ne amplius noceant: ita peccatum originale, quod vetus homo dicitur, penitus extirpandum sit: deinde mortificationem, quemadmodum & vivificationem, esse duplicem; aliam habitualem, quâ habitus peccati originalis tollitur: aliam actualem, quâ actus, & fructus illius vitiosi refecantur: quarum utraque suos habent gradus; aut enim mortificatio inchoata est; aut continuata, & aucta; aut perfecta. Ac perfectio quidem, quæ in morte fit ordinaria; & inchoatio, quæ in conversionis, & sanctificationis initio, à Deo solo donantur, per Spiritum Sanctum: continuatio verò & incrementum, partim ex accepta regenerationis gratiâ, ac vitæ spiritualis initio, à regeneratis, partim à Dei auxilio præcedente, & concurrente procedit. Itaque ex hisce facile contradictionis species, quæ hoc in loco apparet, tolli potest. Nam si initium mortificationis spectes, eò non hortatur Acolossens. Apostolus, quia jam in iis inchoata erat per Spiritum: sin verò continuationem, & incrementum consideres, meritò ad illud exstimulat, atque ex antecedentibus concludit: mortui enim erant secundum carnem, ratione initii, & certâ spe perfectionis: ac propterea debebant contendere, ut magis magisque carnem mortificarent, cum ratione actuum, tum ratione habitus. Actus enim immediatè mortificatur, cum cogitationes, & desideria prava carnis, intus Spiritu, seu regenerationis gratiâ, hoc est, notitiâ veritatis salutaris, & exercitio fidei, spei, charitatis, reprimuntur, & domantur. Habitus verò mortificatur mediatè, partim quum ex crebris pietatis actionibus, & malorum actuum repressione, & crescente spiritu, seu imagine Dei in nobis re ipsa minuitur caro, hoc est, peccatum originis: partim cum hac ratione, & precibus secundum promissionem divinam, Spiritus incrementum, per Dei gratiam, obtinetur. Ex quibus satis, ut opinor, apparet, quidnam, mortificationis voce, Apostolus velit. Verùm de iis, quæ mortificari præcipit, inquirendum est, nempe, quid, hoc in loco, appellet *membra vestra, quæ sunt in terra.* Ac primum illud constat, orationem esse non propriam, quia sextum legis divinæ præceptum, nempe, *Non occides*, repugnat; sed tropo figuratam. Deinde, hac phrasi, denotari motus, & cupiditates carnales, extra controversiam est: sed, de origine phrasis, diversa est sententia. Quidam enim existimant, ita appellari, metonymicè, quod in membris corporis potissimum vigeant: sic Oecumen. exponit, *terrena corporis, & membrorum studia.* Quæ interpretatio non inepta est, ut ex collatione, Roman. 6. v. 12. & 19. apparet. Alii tamen malunt, per Metaphoram, sic dici; quod vetus homo, hoc est, nativa corruptio, seu peccatum originale

iis utatur, ut corpus membris, quemadmodum Rom. 7. v. 23. eadem extat membrorum significatio. Quæ expositio optimè fluit. Cæterum res ipsa inductione specierum illustratur, proposito vitiorum catalogo; quorum quatuor priora castitati, & septimo præcepto adversantur. Primum est scortatio, *cujus*, ut ait Theophylactus, *primum meminit, quod potissimum regnet*: Alterum est *impuritas*. Quæ vox, metaphoricè, interdum ad scelera, & peccata quævis, generatim transfertur, ut Matth. 23. v. 27. 28. Rom. 6. v. 19. interdum Synecdochicè accipitur, pro scelerum certo genere, nempe scdis libidinibus; idque aut generalius, ut Apocal. 17. v. 4. *impuritas scortationis*, & 1. Thessal. 4. v. 7. aut specialius *καὶ ἐξοχῶν* pro nefandis, & naturæ adversis libidinibus, ut Galat. 5. v. 19. Roman. 1. vers. 24. quo modo, hoc in loco, accipiendum videtur, ut reliquas, præter molliem (quæ deinde exprimitur distinctè) impuras libidines, significet. Nam rectè Theophylactus ait: *Prætermisit speciatim dicere quæ non sunt pulchra, honestæ dictu: unde per impuritatem & molliem, omnes complexus est turpium mixtionum species.* Tertium vitium est *avaritia*, hoc est, *μαλακία*, 1. Corinth. 6. v. 9. *mollieties*: quæ perperfectiones libidinis contra naturam denotat: unde *pathici* dicti, de qua re, Roman. 1. vers. 26. 27. Atque hac tria effecta sunt, quorum causa communis, vitio quarto, indicatur, nempe, *cupiditas mala*, Rom. 1. v. 24. quanquam etiam cupiditas mala, generatim accipi posset, cum Theophylactus, qui ait: *omnis concupiscentia mala est, præter eam, quæ Dei est, divinarumque rerum, quæ bona est*, attamen prior expositio circumstantiis loci aptius congruit. Porro quintum vitium, est *αλαστία* avaritia, quæ repugnat præcepto octavo (quatenus proximi bonis injuria est) & præcepto primo, quatenus auro servit, & bonis terrenis plus quàm Deo fidei, 1. Timoth. 6. v. 17. ideoque vocatur *idolatria*, ut Ephes. 5. quod convitium, quamvis, suo modo, & reliquis vitiis tribui possit; avaritiæ tamen, *καὶ ἐξοχῶν*, convenit, & hoc in loco attribuitur; ut sit rationis instar, cur eam fugere debeamus. Cæterum opportunè Apostolus subjungit iis vitiis, quæ castitati repugnant, avaritiam, non solum propter ordinem, quod ut ea septimo, ita hæc octavo præcepto, adversetur: sed etiam, quia causa est altera libidinum: duo enim sunt libidinum fontes, *cupiditas mala & avaritia*: ac propterea meritò conjunguntur; non solum hoc loco, sed etiam alibi, Ephes. 5. v. 5. & Ephes. 4. v. 19. exponitur, *sepe dediderunt protervia, ad patranda impuritatem, & αλαστία in avaritia*, hoc est, per avaritiam; non autem *certatim*, ut noster interpret minus rectè vertit. Atque huic, à quinque hisce vitiis dehortationi, adversus carnalium hominum sermones inanes, Ephes. 5. 6. subjicitur confirmatio, duabus rationibus constans: quarum prior ducitur, vers. 6. à consequente effecto, nempe *Dei ira*. Quæ ira non propriè affectum, & perturbationem animi, in Deo, notat: quia natura simplex, & immutabilis; sed puniendi voluntatem, per Metaphoram, ab hominibus derivatam, quæ *ἀνδραποδεία* vulgò dicitur: deinde, per Meronymiam causæ pro effecto, vindictam, inde promanantem, notat, ut hoc in loco. Quæ vindicta illustratur explicatione subjecti, quum additur, *in filios inobedientiæ*, hoc est, inobedientes, per Hebraismum, ut in eadem omnino sententia, Ephes. 5. vers. 6. qua explicatione, vindicta Dei amplificatur, ab adjuncta justitia: nam quum horum scelerum perpetratio inobedientia sit adversus Deum, sequitur eos justè puniri posse, ac debere, qui iis operam dant. Altera ratio est vers. 7. & 8. à remotione causæ, ad remotionem effectus: *cum in iis vitiis viveretis*, hoc est, peccatum originis, in vobis, ante regenerationem regnaret, *in iis incessistis*, hoc est, opera peccati edidistis. At *nunc*, nempe non viventes in iis, abstinere debetis. Verum hoc argumentum copulat Apostolus artificiosè, vers. 8. cum dehortatione à reliquis sex vitiis, quæ recenset; *deponite*, inquit, *etiam hæc omnia*, nempe quasi onus quoddam, quo anima, ad ima detrahitur, Hebr. cap. 12. 2. aut tanquam vestem veterem, & detritam: ut hac ratione, diversis Metaphoris, idem eleganter explicetur, *mortificandi, deponendi & excuendi ver-*

diverbis. Similes autem loci sunt; Ephes. 4. vers. 22. 25. 1. Petr. 2. v. 1. Cæterum quatuor priora, quæ deponenda sunt, vitia, pugnant adversus amicitiam, & præceptum Decalogi sextum: quorum primum est, *ira*, hoc est, ulciscendi libido; alterum *excandescencia*, θυμός, hoc est, subitus, & acrior offensus animi impetus: de qua re, Basilii, in regulis contractis, quæstione 68. tertium est κακία, quæ vox interdum pœnam, & ærumnam notat, ut Matth. 6. 34. interdum culpam: ac primum generatim, ut ad omnia peccata accommodetur, 1. Cor. 14. 20. *Estote pueri κακία*, hoc est, *malitia*. Qua ratione, aut habitum, seu viciositatem; aut actum vitiosum, notare potest: hinc quidam, hoc in loco, κακία, *omnem viciositatem*, interpretantur: quemadmodum etiam Cicero, in Tusculanis quæstionibus; *virtuti*, inquit, *contraria est viciositas: sic enim malo, quàm malitiam appellare, quam Græci κακία vocant: Nam malitia certi cujusdam vitii nomen est, viciositas omnium*. Verum, cum, in hoc Apostoli loco, multæ vitiorum species referantur; non satis aptè generis nomen iis interfereatur. Deinde speciatim, ad certum peccati genus, Synecdochicè restringitur, & ita quoque vel habitum; vel actum notat: ut Latinis *malitia*; quam Cicero definit, *versutam, & fallacem nocendi rationem*: quo modo γενεσιολογία benignitati opponitur, Ephes. 4. v. 31. 32. & sinceritati 1. Cor. 5. v. 8. & contrà, dolo, & hypocrisis conjungitur, 1. Petr. 2. 1. Eadem etiam ratione Simoni Mago, Act. 8. 21. attribuitur κακία, quæ recto cordi opponitur, v. 21. & felle amaritudinis exponitur, v. 23. Atque hac ratione, hoc in loco, κακία vox, non generatim pro vitio: sed speciatim pro certo vitio, malitia nimirum accipienda est, ut ex circumstantiis loci apparet. Quartum porro vitium, quod vitari præcipit Apostolus, est βλασφημία; quæ vox, ut Etymologia demonstrat, famæ alicujus læsionem, denotat: & accipitur, aut generatim, pro maledicto, ac convitio quovis, justo, aut injusto, Jud. vers. 9. & 10. aut speciatim, & Synecdochicè: & quidem bifariam; vel enim ad creatorem refertur, κατ' ἰσχὺν, ac nominis divini læsionem significat, ut Matth. 26. 65. Marc. 2. 7. Iolian. 10. 33. quæ expressè *blasphemia in Deum dicitur*, Apocal. 13. 6. vel ad creaturas, & homines refertur, & maledictum in proximum, significat; quod iram iniquam, excandescenciam, & malitiam comitari solet: ac propterea hisce meritò, tanquam effectum, subijcitur, ut Ephes. 4. 31. amarulentia, excandescencia, iræ, clamori additur blasphemia: & 1. Timoth. 6. 4. similibus vitiis inseritur. Ex quibus, inquit, *oriuntur invidia, lis, blasphemia* (id est maledicta in proximum) *suspiciones malæ*. Rectè autem hoc vitium, ob contagionem nocentissimam, reprehendit: nam ut præclare, ex naturæ, & experientia luce, monet Cicero, oratione pro Plancio: *Nihil est tam volucre, quàm maledictum, nihil facilius emittitur, nihil citius excipitur, nihil latius diffunditur*. Reliqua duo, quæ hoc in loco prohibentur, vitia, quintum nimirum & sextum, ad sermonem pertinent. Ac prius quidem est, *verborum obscenitas*, quæ castitati & præcepto septimo contraria est, de qua etiam Ephes. 4. 29. & 5. 4. Alterum vitium est, v. 9. nempe mendacium in proximum, quo nonum decalogi præceptum violatur. Atque hisce sex vitiis adjungit Apostolus confirmationem à regeneratione, eandem, quam antea proposuit; sed clariùs, ac distinctiùs: quia regenerationem nostram, in duas partes, dividit. Ratio autem prima, est à primâ parte sumpta: *exuti estis veteri homine, cum factis ipsis*. His enim verbis mortificatio, prima regenerationis pars, declaratur, eleganti metaphorâ, à veteribus & tritis vestibus, quæ ita exuuntur, ut nunquam resumantur. Nam quod quidam insignes interpretes; hanc phrasin ortam esse putant, à ceremoniâ baptismi, in quo, veteribus vestibus depositis, novæ assumebantur, id, bonæ eorum veniæ, non videtur verisimile. Unde enim probabitur, hanc, Apostolorum temporibus, viguisse consuetudinem? ut enim largiamur, tempore Apostolorum, vestes exui solitas, in baptismo: tamen, sepositis illis, novas esse adhibitas, non est verisimile, si eorum, qui, in Actis, & alibi, baptizati dicuntur, historiam spectemus: quinimò quia hisce Meta-

phoris, & similitudinibus, ut aliàs monui, utitur Scriptura; propterea, in Ecclesiam Christi, tandem hæc ceremonia, humana traditione, irrepit: quemadmodum similes plurimarum ceremoniarum sunt origines. Cæterum *veterem hominem*, peccatum originis vocat Apostolus, per Metaphoram: quod, instar hominis, sua quasi habeat membra, ut antè cognovimus: aut ut significatio per Metaphoram, petita sit, quod Adamum, veterem illum hominem, referat, & ex eo originem ducat. Duplex enim est imago Adami primi hominis, nempe essentialis, per naturæ propagationem humanæ; & accidentalis corruptionis qualitatum naturalium, per translationem; et quidem ut alia vitam corporalem spectet, de qua imagine, 1. Corinth. 15. v. 19. alia vitam spiritualem, quæ sanctitatis, & imaginis Dei deformatio est. De quibus omnibus, Genes. 5. vers. 3. Quæ expositio, ex opposito membro, confirmari potest: nam regenerationis altera pars, dicitur indutio Christi, Roman. 13. v. 14. hoc est, imaginis Christi, justitiæ, & sanctitatis. Ut enim Adamus generationis nostræ radix, & principium est: sic Christus regenerationis. Quare vetus homo, hoc modo, peccatum originis dici potest: quo Colossenses exuti dicuntur; iis modis, qui, initio hujus capituli, expositi sunt: nempe reipsa, ratione inchoationis; & spe certâ, ratione consummationis; denique Sacramenti significatione, & oblatione Dei, ratione utriusque, Galat. 3. vers. 27. Et quemadmodum exuti sumus veteri homine eadem ratione exuti sumus factis ipsis. Atque huic rationi, à prima regenerationis parte petitæ, altera annectitur, ab altera parte deducta, videlicet à resurrectione novi hominis, quam, continuata metaphorâ, indutionem vocat, versu 10. *quæ*, inquit, *induti estis novo homine*, hoc est, conformatione cum Christo, virtute illius. Atque hunc novum hominem, ut ad mortificationem ampliùs extimulet, descriptione illustrat, à materia, & forma. Cum enim nihil aliud sit, quàm imaginis Dei, per peccatum amissæ, in nobis renovatio, & reformatio, & quidem præstantiori modo; propterea ait, *qui renovatur in agnitionem*. Nec enim simpliciter ait *novari*, sed *renovari*, ut amissionem, ac jacturam pristinam, per Adamum, & ex adverso præsentem restitutionem, per Christum, indicaret. Deinde non dicit, *qui renovatus est*, sed *renovatur*: ut ostendat regenerationem cœptam quidem esse, nondum verò perfectam, sed indies continuari, ac perfici paulatim. Præterea additur materia, *in agnitionem*, nempe Dei. Quæ vox non generatim, pro simplici Dei, & voluntatis illius cognitione accipienda est, hoc in loco: sed Synecdochicè, pro agnitione salutari, hoc est ea, quæ, cum obedientiâ agnitæ voluntatis Dei, conjuncta est; ut Tit. 2. v. 16. Ac propterea forma, appositione quadam, declaratur, sequentibus verbis illis: *secundum ejus, qui condidit ipsum*, hoc est, periphrasticè, Dei creatoris, & regeneratoris *imaginem*. unde Ephes. 2. v. 10. dicitur: *ipsius sumus opus, conditi in Christo Iesu, ad bona opera*. Hæc autem creatio, non est novæ substantiæ formatio, ut falsò quidam existimant; sed accidentium qualitatum reformatio. Imago verò Dei, quo modo, hoc in loco, accipienda sit, subjectivè, an verò objectivè, ambigitur. Cum enim imago, aut prima sit, & ἀρχέτυπον, seu exemplar; aut inde orta, & ad exemplaris imitationem facta, ac typus: multi Dei imaginem, hoc secundo modo, interpretantur, de ea, quæ in homine est, quaque Deo similis est. Alii verò priori modo accipiunt de ea imagine, quæ in Deo, ad quam hominis perfectio adumbrata est. Quæ sententiæ quamvis modo differant, re tamen conveniunt; & utraque ferri, ac defendi potest: nam sive dicamus novum hominem conditum, secundum imaginem Dei, hoc est, similitudine quadam Deum, tanquam in speculo referentem: sive exponamus, creatum esse secundum ἀρχέτυπον, & exemplar naturæ divinæ, ex relationis naturæ (qua simile simili vicissim simile est) eodem res recidet: nam si Deus est exemplar novi hominis, novus homo est imago illius, & vice versa. Cæterum si usum vocis κατὰ secundum, & similitum locorum comparisonem, Genes. 1. v. 27. Ephes. 4. v. 24. spectemus, expeditior videtur interpretatio, qua novus homo ad imaginem, hoc est, ad



est, ad Exemplar Dei renovari dicitur; ut hac ratione, vox *secundum*, non formam notet, sed objectum. Exemplar autem Dei, hoc in loco, Synecdochicè, ad sapientiam, sanctitatem, & iustitiam refertur, ut ex scopo hujus loci, & collatione alterius, Ephes. 4. v. 24. apparet: quorum trium primi imago, in mentis nostræ illustratione, per Spiritum sanctum; reliquorum verò in voluntatis, & affectuum sanctificatione, ac rectitudine, consistit. Atque hanc novi hominis descriptionem, causarum anticipatione eleganti declarat; qua refellit pseudo-apostolos, qui malè mortificationem veteris hominis, & vivificationem novi, in rebus externis, & ceremoniis, bona parte, collocabant. Ait enim vers. 11. *ubi non inest Græcus nec Iudæus*, &c. hoc est, in quo novo homine, nulla nationis, nulla externarum rerum, nulla conditionis externæ ratio quicquam ad rem facit: *sed Christus omnia est, & in omnibus*. In quâ sententiâ, subjectum, & attributum consideranda sunt: subjectum est *Christus*, qua voce, Metaphoricè intelligitur imago iustitiæ Christi, in nobis: ut Roman. 13. v. 14. *Induite Dominum Iesum Christum*. Duplici enim modo dicuntur fideles induere Christum, & Christus esse in nobis: primum unionem mysticâ, per fidem, cum Christo capite, Ephes. 4. v. 17. qua ratione omnes fideles, unus in Christo, Galat. 3. v. 28. imò Synecdochicè Christus dicuntur 1. Corinth. 12. v. 13. deinde sanctificatione Spiritus, per charitatem, Ephes. 4. v. 15. 16. qua Christi sanctitatem, ejus ope, imitatur: est enim verè sanctitatis exemplar, & causa. Ad attributum quod attinet, Christus dicitur *esse omnid, & in omnibus*, hoc est, in omnibus regeneratis, novi hominis perfectio. Nam ad materiam propositam, generalis hæc vox commodè referri potest, quanquam etiam, universè sumpta, vera sit, quod nimirum plena felicitas nostra, in Christo, consistat: quemadmodum simili phrasi, 1. Corinth. 15. v. 28. Deus omnia in omnibus futurus dicitur, hoc est, perfectæ omnium servatorum, felicitas. Atque hoc modo absolvitur dehortatio specialis, à vitiis, sive admonitio ad mortificationem veteris hominis.

Cui jam succedit, v. 12. adhortatio ad varias virtutes, & novi hominis vivificationem: quam, ex antecedenti ratione, eleganter concludit, & aliis duabus adjunctis, nempe, à beneficiis Dei deductis, rationibus, amplius confirmat: nam prima ratio, est petita ab *electione* Dei, qua, *καὶ ἐξ ὧν*, electio ad vitam æternam intelligitur, cujus effectum est, & terminus subordinatus, vitæ sanctitas, Eph. 1. v. 4.

Altera ratio est à *sanctificatione*. Sanctitas autem est duorum generum: alia enim est externa: alia interna. Externa consistit in vocatione externa, ad visibilem Ecclesiam Dei; qua, ex profano, & impuro mundi consortio, exterius separamur, & Ecclesiæ Dei adjuncti, verbi & sacramentorum communione, Deo consecramur: qua ratione, totus Israelitarum populus, *gens sancta*, passim à Prophetis appellatur; cum plures tamen in ea essent, qui vera, & interna fidei, & charitatis sanctitate carerent. Interna verò sanctitas est duplex: imputata, & inhærens. Illa est perfectæ Christi sanctitas, quæ nostra fit justificatione per fidem. Hæc verò, Christi per spiritum ipsius effectum est, & inchoata in nobis regeneratio, & sanctitas mentis, voluntatis, & affectuum.

Tertia ratio est à *dilectione* Dei, videlicet gratuita, 1. Johan. 4. v. 10. 11. quæ electionis ad vitam, sanctificationis, & reliquorum causa est, ut ex simili loco, 2. Thessal. 2. 12. illustratur. Atque hisce rationibus, ad virtutes varias hortatur Apostolus, quarum priores septem ad præceptum Decalogi sextum pertinent.

Prima est *misericordia*, seu bonitas, qua malis aliorum condolemus, ac pro virili opem ferimus. Quam virtutem, per hypallagen Hebræam, & pluralis numeri emphasin, ad amplificationem, *viscera miserationum* appellat, pro miserationibus viscerum, hoc est, non fucatis, sed seriis & è visceribus, hoc est, imo corde profectis.

Altera virtus est *ἡμετέρας benignitas*, quæ est aliis beneficiendi, promptitudo animi; & malitiæ opponitur, Eph. 4. v. 31. 32.

Tertia est *ταπεινότης*, *animi demissio & modestia*, quâ demissè de nobis sentimus, quæ vulgò, à Theologis, *humilitas*, per Catachresin dici solet; quandoquidem hæc vox, apud Latinos, non virtus, sed vitium est, quatenus indignam, atque immoderatam animi dejectionem notat.

Quarta est *lenitas*, in aliis humaniter tractandis, iisque minimè offendendis.

Quinta est *mansuetudo*, quâ offensis aliorum non facile commovemur: quæ duæ virtutes Synonymos interdum usurpantur. Hæc de v. 12. Sequentem verò versu 13. mansuetudo declaratur ab effectis, nimirum *tolerantiâ*, qua injuriæ feruntur; & *venia*, qua condonantur. Quâ in re emphasis, ac momentum existit, in voce *mutuo*, quæ utrimque additur. Nam veniæ æquitatem docet à pari. Cœterum, quia hujus præcepti observatio difficillima est, idcirco ratione nova confirmat, ab exemplo Christi, qui merito, & efficacia, nobis offensas condonavit, ut Eph. 4. v. 32. & 5. 1. 2.

Sexta virtus ponitur, vers. 4. *Charitas*; quæ, descriptione adhibitâ, commendatur, quando dicitur, *vinculum esse perfectionis*; sed, quo sensu, inquirendum est: primum enim de perfectione Ecclesiæ accipi potest, quæ tanquam domus Dei, compage charitatis continetur, Ephes. 4. v. 16. aut de perfectione officii nostri, & legis, ut Rom. 14. vers. 8. *qui amat alterum, legem implevit*, & vers. 10. *πλήρωμα complementum igitur legis est, charitas*. Quæ expositio optimè fluit. Quod autem Pontificii hinc nobis objiciunt. Ergo possumus perfectè legem implere, in hac vita; negatur consequentia: quia hæc descriptio charitati perfectæ, qualem non habemus, convenit. Deinde cum perfectio aliâ sit partium; aliâ graduum, officii nostri erga Deum, & proximum: priorem habemus, quæ, in omnium, & singulorum præceptorum inchoatâ observatione, consistit; alterâ verò destituimur, quæ in omnium, & singulorum præceptorum, ex toto corde, tota anima, omnibus viribus, observatione, posita est. Ideoque eo gradu perfectionem, quo deberemus, non habemus, propter repugnantiam carnis adversus spiritum, Galat. 5. vers. 17. Rom. 7. vers. 25.

Septima virtus est vers. 15. *Pax Dei*, hoc est, cujus author, & præcepto, & Spiritu suo, est Deus. Unde *Deus pacis* dicitur Roman. 16. vers. 20. & 1. Corinth. 14. v. 33. & 2. Corinth. 13. vers. 11. Qua ratione, pax Christiana, seu mutua, inter ipsos, concordia, à pace mundi distinguitur. Hæc enim est quæ non Dei timore, & iustitia, secundum Deum, sed cupiditatibus mundanis regitur. Pax verò Dei, est concordia ex charitate Dei, & proximi, promanans; quam cum omnibus, quatenus sanctè fieri potest, Rom. 12. vers. 18. præsertim cum fidelibus, colere debemus: quam Paulus vult, *in cordibus nostris esse gubernatricem*: ut ostendat omnia ad pacem esse dirigenda; ac veram pacem, quæ in corde sita est, à fucata, quæ in externa rerum aut verborum specie consistit, distinguat. Quæ hortatio ad pacem, rationibus gravibus à *vocatione divina*, & *communione fidelium*, confirmatur: *Vocavit Deus nos ad pacem*, ut 1. Cor. 7. v. 15. Deinde sumus *unum corpus* mysticum, cujus caput est Christus: Ergo hisce de causis, tanquam membra mutua, pacem inter nos colere debemus, Ephes. 4. 3. 4. Atque hæc unio nostra modus est præcipuus, quo nos ad pacem vocavit Deus; ac propterea ait Paulus: *ad quam etiam vocati estis in uno corpore*. Quod autem addit: *& grati estote*, bifariam accipi potest: quidam enim exponunt passivè; grati sitis aliis, hoc est, accepti atque amabiles: alii verò ad usum vocis frequentiore, accommodatius, activè, grati estote, scilicet erga Deum, & Christum. Quæ verba accipi possunt, aut ut sint præceptum virtutis novæ; aut ratio quâ studium pacis commendetur. Quæ expositio non malè convenit. Nam in eâ re gratitudinem erga Deum ostendimus; si ut ille nos ad pacem, unionem corporis, vocavit; ita vicissim hanc unitatem, & pacem conservemus, vers. 15.

Atque hisce præceptis, secundo ordine, subjicit tria, quæ ad primam tabulam pertinent. Quorum primum, ad primum Decalogi mandatum, spectat; hortatur enim priori loco ad *agnitionem sermonis Christi*, hoc est, Evangelii, & Verbi. Quam virtutem, vario incremento, amplificat:

est: primum à constantia, quæ inhabitandi Metaphora indicatur: deinde à copia, quam per Metaphoram, à divitiis sumptam, declarat, cum ait; *opulenter*: ut hac via diligentiam Colossensium, ad Verbi divini lectionem, ac perquisitionem acueret: denique à fine proximo illustratur, & usu in nobis, cum ait; *in omni sapientia*, hoc est, ut omnia ea, quæ ad salutem necessaria sunt, & ad perfectam illam sapientiam pertinent, inde hauriatis, 2. Timoth. 3. v. 15. 16. 17. Atque huic, ad divini verbi cognitionem, studio, additur alterum præceptum, de fine remotiori, seu de usu recto, cognitionis sermonis Christi, & omnis sapientiæ. Is autem est mutua institutio, quæ distinctione specierum explicatur: nempe doctrinæ, & admonitionis. Quarum illa, Synecdochicè, utilem veritatis salutaris explicationem notat. Hæc verò ad ejus obedientiam excitat. Similes loci sunt, Coloss. 1. v. 28. & 2. Timoth. 3. v. 16. Rom. 2. v. 7. 8. Hebr. 10. v. 24. 25. Hanc porro institutionem declarat Synecdochicè, à causâ instrumentali, nempe cantionibus sacris: quarum meminit, ut ostendat, ita nos debere verbo Dei vacare, ut etiam, in hilaritate nostra, in ore sit, & usu. Cantiones autem illas, tribus nominibus, distinguit, & à communi forma, & fine, describit. Nomina sunt *psalmi*, *hymni*, *cantica spiritualia*; quæ tria, quomodo differant, observandum est. Ac primum *hymnos* esse cantiones sacras, quibus Deus laudatur, extra controversiam est, ut etiam Matth. 26. vers. 30. quales Psalmi sunt, quibus habellu-jah, vel præpositum, vel subjectum est, ut Hieronym. in commentariis ad Ephes. 5. statuit. Sed de reliquis duobus diversa est Interpretum sententia. *Psalmi* enim & *cantici* voces primum quidam, instrumento distinctas opinantur, ut Commentarii Hieronymo adscripti ad Psal. 85. ajunt: *Psalmus ex psalterio dicitur; canticum verò ex voce profertur*. Sic author Græcus præfationis in Psalmos, apud Basilium: *Psalmus*, inquit, *proprie est, qui organico psalterio concinnè pronuntiatur: Canticum verò, vox musica concinna & ore tantum decantata: dicitur autem canticum, psalmus; & psalmus, canticum, per Catachresin*. Sed de hac distinctione dubito; quia Ode, id est, canticum, generalis vox Apocal. 14. v. 2. 3. & 15. v. 2. 3. sive sola voce, sive etiam cum organo habeatur. Deinde alii hæc voces, materia & argumento discerni putant. Et Hieron. quidem commentariis ad Ephes. 5. ait: *Psalmos proprie ad Ethicum locum pertinere. ut per organum corporis, quid faciendum, quid vitandum sit, noverimus. Canticum verò spirituale de superioribus disputare, & concentum mundi, omniumque creaturarum ordinem, atque concordiam, edisserere*. Sed, quomodo hanc distinctionem probare potuerit, non video; cum usus communis sermonis, & Scripturæ latius pateat. Nonnulli contrà putant *psalmorum* nomen generale esse, & quibusvis cantionibus convenire: *hymnos* speciale, solas Dei laudes complecti: *Cantica* denique καὶ ᾠδὴν hymnos magis elaboratè, & artificiosè, multòque augustius compositos denotare: quale est Canticum canticorum. Sed neque hujus distinctionis firmitatem animadverto, aut usum Scripturæ id suadentem. Quocirca in re, ut apparet, incerta, salvo meliori judicio, opinor, *psalmos*, genus, in hoc Apostoli loco, denotare, nempe cantiones sacras quasvis, sive à Prophetis; sive à nobis compositas, 1. Corinth. 14. v. 15. 26. sive sola voce; sive etiam organicas. Atque horum Psalmorum duos, declarationis causâ, modos adjungi, *hymnos*, quibus D E U M celebramus; & *cantica*: quæ vox quamvis generalis sit sua natura, & usu; tamen ratione circumstantiæ vocum junctarum, Synecdochicè, reliquas, præter hymnos, cantiones sacras, complectatur: quæ cantica *spiritualia*, à causâ efficiente, vel materia, aut fine, dici possunt, quod videlicet à Spiritu Sancto profectæ sint; vel quod argumento ei convenient, ac serviant: sed, ab argumento sic appellari, magis convenit, ut opponantur mundanis. Atque hæc cantiones describit Apostolus à forma, & fine. Illa, est *gratia*, & sinceritas, nempe *in corde*, non solum linguâ, Esai. 29. v. 13. Matth. 15. v. 8. *Gratia* autem hoc in loco exponi potest: vel de gratia canentis, quâ donatus est à Spiritu; ut sit sensus, secundum gratiam acceptam, ut Roman. 12. v. 6. 7. aut de gratiarum actione,

qua gratus est erga Deum: vel de gratia auditorum, ut iis grata jure esse possit, ut Ephes. 4. v. 29. Coloss. 4. vers. 7. Quæ postrema expositio non aliena videtur. Finis verò harum cantionum est, *ut canantur Domino*, hoc est, ad Dei aut Christi gloriam. Atque hoc secundum, ex prima tabula, præceptum, ad mandatum tertium pertinet: quemadmodum & sequens tertium, quod, hoc in loco, Versu 17. generalius proponitur, nempe, *in omnibus invocatio Christi, & gratiarum actio, per ipsum*, tanquam mediatorem.

Sequuntur porro jam tria relata præceptorum paria, quæ ad quintum Decalogi mandatum pertinent, de minorum & majorum officio mutuo. Ac primum, de uxoribus, & maritis, agit: atque illis quidem, obedientiam præcipit erga maritos; quam, à Dei voluntate, tanquam ratione, confirmat; aut tanquam normâ illustrat, vers. 18. Ab hisce verò nempe maritis, amorem, & lenitatem exigit, Vers. 19. Secundò de liberis, & parentibus agit: & illis obedientiam absolutam, nimirum usque ad aras, seu quatenus pietati non repugnant, Actor. 5. vers. 29. præscribit; eamque, ab adjuncto, confirmat, quod Deo grata sit, Vers. 20. his verò benignitatem præcipit; & à fine confirmat, ne liberi, nimio parentum rigore, despondeant animum, Vers. 21. Tertiò servorum, & dominorum officia exponit: ac servis obedientiam præscribit: *Servi*, inquit, *auscultate iis, qui Domini sunt, secundum carnem*. Qua distinctione, partim consolatur, quod animo liberi sint, & coram Deo; ut eo patientius servitutem ferant: partim ut ad officium stimulet; ut dum se in Christo liberos cogitant, sciant tamen se esse, secundum carnem, servos. Hanc autem obedientiam describit, à materia subjecta, cum ait: *per omnia*; & ab adjuncta sinceritate, quam per aphæresin, & thesin confirmat, Vers. 22. & à fine, nempe Dei gloria, Vers. 23.

Verum cum hujusmodi obsequia, dura sint servis; ea, dupliciratione, confirmat: primum à consequente præmio vitæ æternæ: quod prudenter *hereditatem* vocat, ne quis meritum esse putet. Cujus præmii rationem adfert, quia Domino Christo agonothetæ, & brabeutæ serviunt, nimirum, cum secundum voluntatem Christi Dominis suis parent, Vers. 24. Deinde, à consequente pœna, in injustos quosvis, servos, aut Dominos: quod, anticipatione quadam, declarat, à Dei justitia, quia non est acceptor personarum, hoc est, non secundum externam ac fallacem rerum speciem, iniquè; sed ex re ipsa justè judicat: nam οὐκ ὁμοιωσεν, & ὁμοίαν, persona, & facies, veræ causæ justiciæ, opponuntur, Deuter. 1. v. 16. 17. Johan. 7. v. 24. Levit. 19 v. 15.

## C O N S E C T A R I A.

I. **Q**Uoniam ea quærenda sunt, non quæ super terram, sed quæ supra sunt, ubi Christus est ad dextram Dei sedens, sequitur, contra Ubiquitarios, primum, Christum non esse in terris, secundum humanam naturam; etsi natura divina, cælum & terram impleat. Secundò neque ex sessione ad dextram Dei ubiuitatem corporis Christi concludi posse, v. 1.

II. Christi capitis nostri gloria, qua fruitur, nondum hominibus patefacta est; Ergo æquo animo ferendum est, si coram mundo contemnamur, v. 3. & 4.

III. Cum Christus nostra sit vita, ab eo solo, salus speranda est, eique serviendum, vers. 4.

IV. Cum peccatis nostris pugna debet esse irreconciliabilis, ut ea non solum reprimamus, sed etiam extinguere studeamus, pro virili.

V. Non illi solum sunt idololatæ, qui exterius idola conspicua colunt; sed etiam quicunque fiduciam, Deo soli debitam, in alia re aliqua collocantes, ex ea numen constituunt, vers. 5.

VI. Quamvis debita, inobedientiæ contra Deum, pœna, interdum differtur; tamen non aufertur: ac propterea contemnenda non est Dei lenitas. Roman. 2. v. 4. 5. 6. sed venienti iræ illius occurrendum est, seria respicientia, vers. 6.

VII. Recordatione, & pudore veteris improbæ vitæ, ab im-

ab improbitate eò ocius & remotius fugiendum est, v. 7.

VIII. Beneficia Dei erga nos, jure, ad sanctam, & gratam ipsi, vitam, instigare nos debent.

IX. Vera misericordia non in externâ specie sola, sed in animi sinceritate potissimum consistit, v. 12.

X. Propriæ infirmitatis (qua alios subinde offendimus, & tolerandi sumus) conscientia, ad aliis condonandum, ac cuere nos debet.

XI. Christi meritum, & exemplum, ad pietatem, & charitatem, nobis præluens, imitandum est, v. 13.

XII. Quod multis virtutibus & officiis erga proximum, careamus, illud charitatis exiguitatem, in nobis, arguit, v. 14.

XIII. Cum sermo Christi in nobis habitare debeat copiosè: sequitur errare graviter Concilium Tridentin. quod sermonis Christi lectionem, omnibus Christianis, laicis, uti vocant, communem esse non vult; sed certis tantum concedi; iis nimirum quibus ab Episcopo, aut Inquire, consilio Parochi, vel Confessionarii, id permissum sit: ut extat, in indice librorum prohibitorum, regula quarta. Quod eleganter refutatur, ut alia omittam, in commentariis præfatis, Hieron. ascriptis, ad hunc locum, hisce verbis: *Hic ostenditur verbum Christi, non sufficienter, sed abundanter, etiam laicos habere debere, & docere se invicem, seu monere: & Chrysost. ad eund. locum, Inhabitet, inquit, in vobis opulenter: non simpliciter, sed cum multa opulentia. Audite, quotquot estis mundani, & uxoris præfatis, ac liberis, quomodo & vobis potissimum præcipiat scripturas legere, idque non simpliciter, neque obiter, sed magna cum diligentia, &c. v. 16.*

XIV. Cum opus nostrum, ab invocatione Dei, inchoari, & gratiarum actione finiri debeat; peccant graviter in fidem, & charitatem, erga Deum, qui suis viribus freti, ad negotia sua se conferunt; & iis peractis, felicem successum, ingrati in Deum, sibi tribuunt.

XV. Christus mediator noster est, per quem accessus nobis ad Patrem, & opera nostra Patri placent, v. 17.

XVI. Non quod nobis, sed quod Deo gratum est, fieri à nobis decet, v. 18. & 20.

XVII. In officiis nostris erga proximum requiritur sinceritas, ad quam Dei timor plurimum conducit, v. 22.

XVIII. Mercedis vitæ æternæ recordatio, difficultates, & labores, in officio nostro præstando, mitigare debet.

XIX. Ut ingratitude hominum ab officio suo multos deterret: sic contrâ, Christi, cui servimus, dignitas & benignitas confirmare in officio, & consolari nos debent, v. 24.

XX. Justitia Dei vindicis, ac judicis, ad peccati fugam, stimulus est, v. 25.

#### CAPUT QUARTUM.

**A**bsoluto capite tertio, sequitur quartum, & ultimum: cujus prima pars, imperitè admodum, à capite tertio avulsa est. Declarat enim primum relatum Dominorum erga servos officium, nempe æquitatem in servos. Ad quam, à conditione pari (quod Domini etiam sint servi Dei, justis scilicet judicis) hortatur vers. 1. Cui præcepto, tria reliqua subjiciuntur: quorum primum, præcipue ad primum præceptum pertinet. Nam ad invocationem Dei Colossenses excitat: quam illustrat primum, distinctione partium; cum & preces (seu petitionem Beneficiorum) & gratiarum actionem pro acceptis commendat; deinde à circumstantia adjuncti, & subjectæ specialis materiæ declarat: docet enim qualis esse debet precatio, & pro quibus. Adjunctum est perseverantia, vers. 2. subjectum, seu materia specialis, est Pauli in Euangelii (quod Christi mysterium vocat, ut Matth. 16. v. 17. & I Cor. 2. v. 7. 8. exponitur) prædicatione primum præcipue. Cujus necessitas & difficultas, ex præfata conditione, & captivitate Pauli, indicatur, vers. 3. Deinde rectitudo, cum ait: *ut illud patefaciam, sicut oportet*, hoc est, verè, constanter, prudenter, vers. 4. similis locus est, Ephes. 6. 19. 20.

Altera hortatio est, ad prudentiam Christianam in vitæ modo, inter extraneos, ab Ecclesia, seu inter infideles; de qua re, Matth. 10. v. 10. 11. *ut occasionem redimant*, hoc est, cum damno etiam suo, infideles Christo lucrificandi opportunitatem capient, versu 5. Postrema hortatio est ad sermonis rectitudinem: in qua requirit suavitatem, utilitatem, prudentiam, vers. 6. Atque hætenus explicuimus alteram hujus Epistolæ partem, seu doctrinæ, & hortationum tractationem. Sequitur tertia, nempe conclusio totius Epistolæ; quæ constat primum commendatione Tychici & Onesimi; Salutatione, mandato, & subscriptione: nam primum Tychicum (de quo Actor. 20. v. 4. Ephes. 6. v. 21.) commendat vers. 7. & 8. deinde Onesimum, de quo Epistola ad Philemonem, vers. 19. Salutatio autem est duorum modorum: nam primum aliorum nomine salutat Colossenses; quos salutantes, singulos ferè, suis ornat Encomiis, ut eò gratiores sint Ecclesiæ, & magis utiles. Primus autem est Aristarchus, de quo Actor. 19. v. 20. Alter est Marcus: quem commendat prudenter, ne suspectum habeant, ob culpam admittam, in remissione officii, de qua re Actor. 15. v. 38: nam ab eo tempore sedulum fuisse in officio innuitur, 2. Timoth. 4. v. 11. Tertius est Iesus, qui vocatur Iustus. Hoc autem nomen, à Græcis, pro Iosua, usurpatum est, ut ex Jesu Syrach apparet, & Josua, filio Nun, qui à Græcis Iesus dicitur, ut etiam Hebr. 4. v. 8. Quamobrem, licet sine scelere, Christiani eo nomine suos liberos similiter possent insignire: tamen post Iesu Christi tempora, ad majorem erga Christum reverentiam, ab eo nomine cautè abstinuerunt. Atque hosce tres, Aristarchum, Marcum, Iesum, describit bifariam; primum à gente, qui sunt ex circumcissione, hoc est, è Judæis circumcisis, per Metonymiam: ut Ephes. 1. v. 11. quamvis enim Aristarchus dicatur Macedo, Actor. 19. v. 29. tamen gente potuit esse Judæus, ut Paulus Tharsensis patriâ, gente verò Judæus: secundo commendat à fidelitate, quod soli, nimirum ex Judæis, Paulum in Euangelii prædicatione, & Ecclesia Christi ibidem propaganda, juverint vers. 11. Quartus est Epaphras, quem non solum à munere publico; sed etiam à virtute, nempe charitate, ac ferventi, erga Colossenses, & vicinas Ecclesias, studio, commendat v. 12. & 13. Quintus est vers. 14. Lucas medicus, ut verisimile est, ac vulgò sentiunt, Evangelista, fidus Pauli comes, ut Acta Apostolorum demonstrant. Sextus est Demas. De quibus ad Philemonem vers. 24. Atque hic primus salutationis modus, quo, aliorum nomine, salutem Colossens. ascribit Apostolus. Alter modus est, quo ipsemet Paulus per Colossenses alios salutare curat, vers. 15. Post salutationes verò addit mandatum triplex: quorum primum est, ut hanc Epistolam etiam in Laodicensium Ecclesia legendam offerant. Alterum, ut vicissim eam, quæ ex Laodicea, ipsi quoque legant. Cujus loci varia est interpretatio, primum enim quidam de Epistola Pauli ad Laodicenos exponunt: sed quænam ea sit, inter illos non convenit: nam Marcion de Epistola ad Ephesios intelligit, ac propterea, ut hic hæreticus diligentiam suam commendaret, titulum Epistolæ ad Ephesios interpolavit, & ad Laodicenos inscripsit, ut author est Tertullian. contra Marcion. lib. 5. cap. 17. Nonnulli verò de alia accipiunt, quemadmodum & Faber Stapulensis in commentariis suis ad hunc locum, cujus verba ascribere, non inutile existimamus: *Epistola, inquit, quam misit Paulus ad Laodicenses, inter Epistolas ejus numquam continetur; Verum unam, titulo Pauli ad Laodicenses insignitam, quatuor in locis reperi: primum Patavii, in cænobio Sancti Joannis de viridario; Coloniae, apud Fratres communis vitæ; Lutetiae Parisiorum, in Bibliothecis, Eduardæ, & Sorbonicæ. Hætenus Faber; qui præterea exemplar Epistolæ ascribit, & laudat. Veruntatem hanc sententiam rectè refutant veteres, Photius apud Oecumenium, & Theodoretus apertè in commentariis, ad hunc locum, ait: *Fictam Epistolam proferunt: nam Apostolus non dixit, ea quæ est ad Laodicenses, sed quæ ex Laodicea.* Quod autem objicitur adversus hanc Patrum expositionem, non dici à Paulo quæ ex Laodicea scripta est; sed simpliciter quæ ex Laodicea; ac propterea posse exponi, quæ ex Laodicea petenda est: illud inquam*

inquam durius dicitur, & phrasi insolentiori. Interim observandum est, Epiphan. contra hæreses lib. 1. tomo 3. hæresi. 42. contra Marcionem, in recensione Epistolarum Pauli, quas Marcion mirifice mutilat, & ordine alio recensabat, numerare etiam Epistolam ad Laodicensis, quæ Marcioni fuit undecima: ex qua locum citat, qui extat Ephes. 4. v. 5. 6. sed in Fabri Stapulensis Epistola illa, ad Laodiceos, deest. Unde concludi potest, aliam olim extitisse Epistolam ita dictam, quàm quæ jam prodiit: quam à Monacho aliquo confutam esse, ex aliis Epistolis Pauli, minimè dubitandum. Una autem est difficultas, in Tertulliani, & Epiphani conciliatione: ille enim nullam facit alterius Epistolæ, ad Laodiceos, mentionem, quàm ejus, quæ ad Ephesios: contra hic, Epistolam ad Ephesios, Marcioni esse septimam, ordine; Epistolam verò ad Laodicensis undecimam testatur. Ac quamvis locus, quem citat, extet ad Ephesios; tamen potuit etiam extare, in Epistola ad Laodiceos: quemadmodum Epistola, quam Faber describit, ex aliarum Epistolarum particulis conflata est. Una autem solutio, rem diligentius perpendenti, occurrit, quod Tertullianus ait: *Marcion ei titulum aliquando interpolare gessit*: quo indicare videtur, eum sententiam hanc mutasse; eaque ratione fieri potuit, ut eam, quæ ferebatur vulgò, Epistolam ad Laodiceos, in ordinem Epistolarum Pauli, tandem recepit, aut forte ipse finxerit primus. Quare hac priori confutata sententia: altera perpendenda est. Doctiores enim plerique, epistolam ex Laodicea, non de epistola ad Laodiceos, sed descripta ex urbe illa exponunt, sed conjecturâ variâ: Theophylactus enim Pauli epistolam primam ad Timotheum intelligit: id quod confirmari potest, subscriptione illius Epistolæ, qua dicitur missa esse Laodiceâ. Sed hæc opinio refutatur ex Epistola ad Coloss. cap. 2. v. 1. quo loco Paulus facis clarè testatur Laodiceam Ecclesiam sibi nondum fuisse visam, cum hanc ad Colossenses scriberet. Deinde ad subscriptionem quod attinet, rectè, supposititiam esse, ostendit Doctissimus Beza, ad eum locum: nec enim subscriptiones illæ epistolarum Pauli, ab ipsomet Apostolo appositæ sunt: sed postea paulatim, ex conjecturis scriptorum, adjectæ sunt: ut multi Interpretes, variis argumentis, demonstrant. Quamobrem alii non de epistola Pauli, quam Laodiceæ scripserit, sed de Laodiceorum Epistola exponunt, bifariam. Ac primum quidem de missa ab iis ad Paulum, ut Theodoretus declarat. Nam quod adversus hanc sententiam objicit Theophylactus, se haud scire, quid illa Epistola Colossensibus emolumenti ad emendationem adferre potuerit. Respondere potest, ex Theodoro, verisimile esse Laodiceos, vel ea accusasse, quæ fiebant Colossis; vel eodem morbo, cum eis, laborasse. Secundò quidam conjiciunt, agi de epistola Laodiceorum qua responsuri essent Colossensibus. Sed quàm probabiliter hoc dicatur, non video. Ut sit, hoc certum est, agi de Epistola, scripta ex urbe Laodiceæ, quam legere, Colossensium intererat. Deinde probabile valdè est, agi de Epistola eorum ad Paulum. Atque hæc de primo Pauli ad Coloss. mandato; v. 16. Alterum est ut *Archippum verbi ministerium* ad officium excitent, ut impleat ministerium, hoc est, rectè, ac strenuè eo fungatur, ut 2. Tim. 4. 5.

Quam hortationem periphrasi à causa efficiente, ac vocantis autoritate confirmat, *quod accepistis*, inquit, à Domino. Similis locus est Act. 20. v. 28. Denique subjicitur *Epistolæ subscriptio* genuina; qua primum testatur salutationem sua manu subscribi: nam per alios scribebat epistolam, Roman. 16. 22. excepta Epistola ad Galatas cap. 6. v. 11. ipse verò subscribebat, ut suam Epistolam, ab adulterinis, & supposititiis, distingueret, 2. Thessal. 2. 2. & 3. 17. 18. Duo præterea subscriptio continet: hortationem ad memoriam vinculorum suorum, nempe in precibus, Coloss. 4. 3. & deinde reliquo tempore, ad constantiam exemplum, Philip. 1. 14. Deinde valedictionem solennem, aliàs expositam.

## CONSECTARIA.

I. Cum omnes habeamus in cælo communem Dominum; in rebus secundis colere debemus justitiam, ne aliis injuriam inferamus; & in adversis patientiam, ut injuriam aliorum, Dei providentis scientiâ, & potentiâ freti, feramus, v. 1.

II. Cum Paulus Apostolus ab Ecclesia preces pro se concipi voluerit, ut liberè, & rectè verbum Dei annuntiaretur, multo magis id nos decet.

III. Inde etiam sequitur liberam, & rectam verbi divini annuntiationem, esse Dei donum.

IV. Cum Evangelium sit mysterium, non mirum est, si mundus non capiat.

V. Prædicationis Evangelii comes, est crux; quæ exemplo vincti Pauli constanter ferenda est, v. 3.

VI. Errant graviter, qui in vitæ, & sermonis ratione, ac modo, nullam infidelium habent rationem, v. 5.

VII. Pastorum officium est, afflictos consolari, non solum præsentibus, sed etiam absentes, v. 8.

VIII. Cum vox *Jesus*, quamvis diversa significatione, fuerit communis multis hominibus, Christi tempore, sequitur errare eos superstitiosè, qui, ea voce audita, caput necessariò detegendum putant: cum, ad vocem Christi, Dei, Jehovah, immoti perstent.

IX. In rebus adversis pauci sunt fidei, ut Pauli experientiâ apparet; quæ res (si idem nobis eveniat) consolari debet, v. 11.

X. Quemadmodum Ecclesia pro ministris verbi, ex officii ratione, precari debet: sic vicissim ministrorum est, perpetuò, pro Ecclesiæ progressu, Deum orare, & precibus adversus Satanam, mundum, carnem certare.

XI. Non sufficit, ut partim; sed necesse est, ut omnino voluntati Dei parere studeamus, v. 12.

XII. Zelus, pro incolumitate, & salute Ecclesiæ, in pastoribus postulatur: quamobrem, qui ea in re torpent: officium negligunt, v. 13.

XIII. Non solum officium nostrum, strenuè inchoandum, sed etiam constanter implendum est, v. 17.

XIV. Fidelium omnium, præcipuè verò Pastorum Ecclesiæ, Christi nomine victorum, Christianâ misericordiâ, & precibus, memores esse debemus, v. 18.

## APPENDIX de Mendacio.

Mendacium à Paulo ad Coloss. 3. vers. 9. & alibi in Sacris Literis prohiberi certum est; sed hoc quaeritur; An illud de quovis mendacio, absolutè, intelligi debeat? Qua de re, & veterum Patrum, & recentiorum Theologorum diversâ est sententia. Primum enim plerique affirmant. Quæ sententia breviter, hisce, inter cætera, nititur argumentis. Primum apertis testimoniis Dei, quæ id vetant, Exod. 20. v. 16. Levit. 19. vers. 11. & alibi: & conscientia humana: qua mendacii mendaces pudet, nisi prorsus sint impudentes. Deinde rationibus variis; ac primum probatur, à causa efficiente, non esse bonum: quia aliàs principium omnis boni Deus, qui summè bonus, illius esset author; quod falsum est: quia Deus est summa & immutabilis veritas, & ad id, Tit. 1. v. 2. Jac. 1. v. 13. 17. 1. Johan. 1. v. 5. sed esse malum; quia proprium est opus Diaboli, Johan. 8. v. 44. Secundò à genere, seu materia, & forma communis: quia ut veritas, justitiæ; sic mendacium ei oppositum, species injustitiæ est, cum suum cuique non tribuat; sed contrà. Tertiò à forma singulari; quia est sermonis, & animi discrepantia: qua id quod non est, esse; aut contrà, id quod est, non esse enunciatur: quod Dei verbo Matth. 5. v. 37. & imagini Dei veracis, ac constantis, quem imitari debemus; & amoris illius ex totis viribus, repugnat. Quartò à fine communi, qui est fallere proximum, quod charitati adversatur. Quintò ab effectibus variis, qualia sunt, apud homines societatis humanæ violatio, quia columen illius, nempe fides politica, mendacio suspecta redditur: deinde apud Deum pœna, quia iram Dei, & perniciem (nisi fide, & resipiscencia diluatur,)



tur, ) adifert, Pſal. 5. v. 6. 7. Eſai 5. v. 20. Sextò comparatè à minori: ſi otioſa verba illicita ſunt, adeò ut de iis reddenda ſit ratio, Matth. 12. v. 36. quantò magis falſa verba, ſeu mendacium. Septimò à contrario: omnis veritas Deo grata eſt: quia à Deo. Ergo omne mendacium ei adverſatur; ideoque ingratum. Plura de hoc argumento petantur ex Auguſtino. tom. 4. de mendacio ad Conſentium; & contra mendacium, ad eundem. Quare ex hiſce omnibus meritò concludimus: nullum proſus mendacium eſſe licitum. Contrà tamen nonnulli ſecus ſentiant. Nam, pro finis ratione, diverſè judicant; qui ſi malus eſt, mendacium *perniciuſum* appellant, quo alterius detrimentum quæritur, & omninò illicitum eſſe agnoſcunt; quod charitati proximi repugnet: ſi bonus eſt finis, aliter loquuntur. Nam aut ſpectatur bonum morale humilitatis, ſeu *bonuſum*, ut, cùm modetiæ cauſa, ea ſibi aſcribunt vitia, quibus carent, & virtutes penitus ſibi derogant, quibus præditi ſunt, & mendacium *humilitatis* dici poteſt, ab efficiente ſuo. Aut ſpectatur bonum naturale: idque vel utile, quo ſalutem alterius tuemur & mendacium *officioſum* appellant, ab effectu officii: vel jucundum, quo auditorum delectatio quæritur, & mendacium *jocoſum*, vulgò nominatur. Quos tres mendaciorum modos licitos eſſe putant: & primum quidem etiam *neceſſarium*, & ad virtutem pertinere: ideoque à mendaciorum catalogo, in quo tantum numeratur *perniſioſum*, *officioſum*, *jocoſum*, vulgò excluditur. Quamvis juſtius Ariſtoteles immodicam illam ironiam Socraticam veritatis, virtuti adverſam definierit. Itaque hæc univerſa ſententia argumentis ſuperioribus confutatur. Veruntatem quædam, pro hac ſententia, afferuntur. Nam Bucerus alioqui inſignis Theologus, hac in re, hallucinatus, in commentariis ad Ephes. 4. ait: *non auſim definire mendacium per ſe eſſe peccatum*: & primum argumentum adducit à cauſa efficiente, quod Deus interdum præcipiat: ut cum Iſraëlitis præcepit, ut commodato, ab Ægyptiis, bona acciperent, Exod. 12. verſ. 36. 37. Verum in eo non fuit mendacium: uſum enim vaſorum Iſraëlitæ petiverunt, reddituros autem ſeſe, non promiſerunt. Aliud autem eſt, veritatem ſilire opportune; aliud, contra veritatem dicere, ac mentiri. Deinde addit, etiam Deum mendacium Diabolo præcepiſſe, & ſpiritum mendacii dediſſe in ore omnium Prophetarum, 1. Reg. 22. Reſpondent autem quidam, mendacium Dei præcipientis, tanquam juſtè punientis, ratione, non eſſe peccatum; ſed ratione Diaboli mentientis, & miniſtrorum illius. Sed hæc reſponſio, Dei juſtitia, ac gloriæ adverſatur: quia non ſolum non poteſt in genere peccare, ſed etiam non poteſt mentiri, Tit. 1. 2. ac ſequeretur neceſſariò, ſi Deus poſſet ſine peccato præcipere mendacium, propriè loquendo, creaturæ; poſſet etiam contingere, ut mentiendò non peccaret creatura, quia obedientia voluntaria, præcepto Dei conſentienti, non injuſtitia, ſed juſtitia eſt. Et ſanè mandatum ſerium, eſſe cauſæ efficientis modum, caret omni controverſia. Quare ſanctius dici poteſt, ac debet, non eſſe eam hitoriæ propriam rei geſtæ: ſed viſionem allegoricam, in qua, præcipiendi voce, occulta Dei providentia, Metaphoricè, quia ſimilis præcepto, denotatur: quemadmodum aliis in locis quam plurimis. Secunda poſtò obſectio Bucerii continet quædam Sanctorum exempla: & primum ex Vet. Te-

ſtam. adducit factum Jacobi, cùm, mendacio, fratri præripuit benedictionem. Sed facilis eſt ſolutio: Jacobum fuiſſe mentitum, matre conſulente, non Deo mandante nec probante, ſed permittente, ac dirigente. Nam quod quidam hoc factum excuſant, ac ſi non propriè, ſed figuratè locutus eſſet: quod primogenitus, & eſavus fuerit, non perſonâ, ſed jure; alienum eſt, quia & venationis ſuæ, & capturæ, falſò meminit; & à patre Iſaaco, diſertè fraudis accuſatur. Deinde ad alterum exemplum obſetricum apud Pharaonem, & tertium, factum Rachabæ, cum duobus exploratoribus, & Jerichontinis civibus: reſpondetur, ea mendacia narrari; ſed non probari. Neque obſtat, quod alii obſciant; Deum propterea obſetrices præmio affeſſiſſe, Exod. 2. v. 20. 21. & Rachab laudari, Hebr. 11. 31. quia Deus pietatem obſetricum ſpectavit; & actionis modum, quo pietas commaculata erat, gratuitò condonavit. Deinde Rachab non à mendacio, ſed ab humanitate, & fide commendatur. Quartum eſt exemplum Eliſæ, qui Syros ſefellit, cum ad ſe comprehendendum veniſſent, 2. Regum 6. v. 19. Sed illud mendacium dici non poteſt, quia non negat ſimpliciter, & abſolutè, illam eſſe viam, & urbem; ſed ratione conſilii adverſariorum, & eventus: quærebant illi prophetam: docet igitur ubinam comperturi ſint: etſi enim præſens eſſet corpore, tamen non ab iis, eo in loco, poterat cognosci. Quintum exemplum eſt Chuiſai, qui, ficto conſilio, Abſolonem ſefellit, & Davidi proſuit, 2. Samuel. 17. v. 7. 14. Sed illud factum, quamvis, ſi ſcopum ſpectemus, bonum fuit, quod voluerit Davidem juvare; modus tamen non fuit bonus, quod mendacio uſus; cum hac in re, tum in aliis: ut cum Abſolonem regem vocat: deinde dicit à Deo electum: præterea ei fidelitatem, & operam addicit, verſ. 18. 19. Nec obſtat quod verſ. 14. dicitur: *Domini autem nutu diſſipatum eſt conſilium Achitophel utile*. Nec enim ea ratione Deus mendacii author dicitur; ſed facti gubernator. Quo etiam ſenſu, ſcelera, quæ ab Abſolone perpetrata, ſeſe perfecturum, metaphoricè, hoc eſt, gubernaturum prædixit, 2. Samuel. 12. verſ. 12. Ejuſdem rationis exemplum eſt ſextum, mulieris, quæ nuncios abſcondit, quos mittebat Chuiſai ad Davidem, & mendacio ſervavit: nam ut factum, & animus, laudanda ſunt; ſic modus, & circumſtantia facti, mendacium ſcilicet, vituperandum eſt. Atque hæc exempla ex Veteri Teſtamento. Ex Nov. autem Teſtamento adducit exempla Pauli duo: primum, ex Act. 17. verſ. 23. *quem igitur ignorantes colitis*; alterum ex Act. 23. verſ. 6. *de reſurrectione mortuorum judicor*. ſed in neutro mendacium eſt: nam primò Athenienſes conſuſè colebant, ſuâ arâ, Deum verum, qui ipſis ignotus, etſi malè colerent: deinde revera de reſurrectione mortuorum judicabatur, nempe non abſolutè; ſed Chriſti: nec ſolum, ſed præcipuè, ut Act. 4. v. 2. & 25. v. 19. & 26. 23. & 1. Cor. 15. v. 15. Quod autem mendacia quædam, in bonum finem, fieri obſciant, eoque licita: id à Paulo confutatur, qui docet non eſſe faciendum malum, ut eveniat bonum, Roman. 3. verſ. 8. nam ad bona opera, non ſolum finis bonus; ſed etiam principium, & forma, ac medium, eò tendens, bonum, poſſimum requiritur. Atque hætenus de hac quæſtione, & Epiſtola ad Coloſſenſes.

F I N I S.

A N A L Y.

# A N A L Y S I S

## P R I M Æ E P I S T O L Æ

### A P O S T O L I P A U L I

#### A D

## T H E S S A L O N I -

## C E N S E S.

**E**xplicatis Pauli Apostoli Epistolis, ad Philipenses & Colossenses, commodum fore arbitramur, si Epistolas ejusdem ad Thessalonicenses exponere & illustrare conemur. Eas enim non solum commendat novitas, quod hactenus à nobis non sunt explicatæ; sed etiam succincta earum brevitæ & materiæ utilitas ac gravitas summa: quæ attentionem merito concilient: illustres enim illi articuli fidei *de resurrectione mortuorum, de Antichristo & statu Ecclesiæ, de adventu Christi ad judicium*; præter varias, ad officium nostrum & consolationem, hortationes, & documenta necessaria, accuratè pertractantur; adeo ut iis via quædam sternatur ad Apocalypseos intelligentiam plenior.

Quamobrem à prima exorssi, descriptionem illius & partitionem præmittimus. *Est autem dogmaticum & paræneticum N.T. scriptum, ab Apostolo Paulo, Ecclesiæ Thessalonicensibus, ab ipso collectæ & variis popularium gentilium persecutionibus, ob fidem, obnoxie & constanti, primum exaratum ac missum: ut eam in fide, & fructibus illius, charitate, patientiâ, ac spe confirmaret: totamque ecclesiam institueret ac servarer: ad Dei, in Christo, Patris ac redemptoris gloriam.*

Partes autem, ut in reliquis ferè epistolis, sunt tres: quarum extremæ præfatio & conclusio, media verò tractatio. Ac præfatio quidem in inscriptione & salutatione constat: quarum illa efficientem ministrum & objectum epistolæ, seu quis & cui scribat, exponit. Efficiens rursus est aut primaria aut secundaria; illa est, quæ Epistolam concepit ac conscripsit: 1. Thess. 3. 2. 5. quæ nomine indicatur *Paulus*, omisâ officii Apostolatus mentione; quod de eo abunde Thessalonicensibus constaret, & ex adjunctis fidissimis Pauli sociis, *Silvano & Timotheo* 2. Cor. 1. & 11. eluceret satis: qui duo sunt secundaria efficiens, quæ consensum scripto præbuit: Silvanus enim de quo etiam 1. Pet. 5. 12. idem est qui Silas, Propheta, Apostolorum legatus Act. 15. 27. & 32. cujus etiam ministrio ecclesia Thessalon. fuit collecta, Act. 17. 4. & ab eo ac Timotheo confirmata, Act. 17. v. 14. & 18. 5. & 1. Thes. 3. 2. Ideoque eos Paulus sibi in inscriptione merito & opportunè adjungit: quemadmodum Sosthenem 1. Corinth. 1. v. 1. & Timotheum. 2. Cor. 1. vers. 1. & Phil. 1. v. 1. & Col. 1. v. 1. Philem. vers. 1.

Objectum verò cui scribitur epistola, est ecclesia Thessalonicensium. Thessalonica autem fuit urbs Macedonia, origine, situ, amplitudine, Theodosii Imperatoris serveritate, nobilissima: de qua Plinius, lib. 4. c. 10. Strabro lib. 7. Pomponius Mela, lib. 2. & 3. Stephanus de urbibus & Suidas consulendi; in qua urbe, Ecclesia, potissimum ex gentilibus, collecta fuit, à Paulo & Sila, Act. 17. 3. Verum cum ecclesia cætum convocatum. notet, ideoque esse possit, vel profanus, vel sacer: isque vel Christo adversus: ut Iudæorum, aut gentilium: vel Christianus, qui Christi nomine congregatus, idcirco opportunè ecclesiam Thessalonicensium à reliquis hac descriptione distinguit: *quæ est in Deo Patre & Domino Iesu Christo.* quod pro varia significatione vocis *in*, variè exponi potest: primò ut propriè subjectum notet: atque ita sensus elegans erit, quæ in Deo & Christo est, tanquam solido fundamento, vera fide radicata. 1. Ioan. 2. 25. *vos in filio & Patre manebitis*; deinde ut in notet aliud, nempe, *eum* vel *per*: quemadmodum usus evin-

cit: quorum illud adjunctum & unionem significat, ut sit sensus, ecclesiæ quæ cum Deo communionem habet, ut 1. Ioan. 1. 3. *Societas nostra sit cum Patre & cum filio ejus Iesu Christo*: hoc verò efficientem, ut sit sensus, ecclesiam habere Deum Patrem & Iesum Christum auctorem.

Huic inscriptioni epistolæ, annectitur salutatio, ac fausta imprecatio, benevolentia testandæ & mutua comparandæ gratiâ. Est autem non vulgaris, sed Apostolica: ut quæ ad scopum apostolatus egregiè pertineat: qua indicatur quid Thessalonicensium Ecclesiæ voveat, & à quo. Prius est *gratia*, gratuita Dei in Christo benevolentia, & ex ea promanans *pax*, seu felicitas: quæ vover, non ratione initii, sed confirmationis & incrementi, ut 1. Pet. 1. 2. Posterius est *Deus Pater*, ut causa prima; & *Christus* mediator & causa media ac propinqua, v. 1. Nam quod insignis interpres, gratiam ad Deum, pacem ad Christum, distinctè refert, illud cum 1. Thess. 5. 28. non convenit.

Præfatione absoluta, tractatio epistolæ succedit: cujus scopus est confirmatio ecclesiæ Thessalonicensis, in vera fide & fructibus illius, charitate, spe, patientia Christianâ, 1. Thess. 3. 2. 6. 10. 12. & 4. 1. modus verò ac via contendendi ad scopum est laudatio & hortatio. Quare hac ratione partes tractationis sunt duæ: prior *in præfatione*; posterior *in tractatione*: quarum illa, narratione, officium præstitum celebrat, & ad profectum eo modo obliquè insinuatione quadam invitat tribus primis capitibus: hæc verò ad præstandum porrò magis magisque, recta & aperta propositione stimulat, c. 4. & 5. & illa rursus laudat officium præstitum, cum à Thessalonicensibus, Capite 1. tum à Paulo, sequentibus potissimum.

Ad prius tractandum utitur gratulatione, qua illis præstitum officium gratulatur: & ne laude superbiant, sed ut humiles perstent, eam Deo auctori adscribit, utens narratione *in xæsiæ* actionis gratiarum in precibus: eamque generatim primùm proponit, *quod semper, de omnibus illis, gratias Deo*, cum collegis, *ageret, mentionem eorum faciens in precibus suis*, v. 2. deinde exponit speciatim, inductione materiæ seu officii, cujus ratione gratias agit: laudat enim virtutes quatuor, fidem, charitatem, tolerantiam, spem. Quarum laus cum in actione consistat, illius meminit: hinc *opus fidei, laborem charitatis* vocat. *Opus fidei* hoc loco non formam notat, ut 2. Thes. 1. v. 11. *perficiat opus fidei potenter*: sed effectum, nempe alacritatem in receptione ac professione veritatis, 1. Thessal. 1. vers. 8. & 2. 13. & 3. 5. & 2. Thes. 1. 4. & cultu Dei. 1. Thes. 1. 8. 9. studioque erga Paulum, per quem crediderant, 1. Thes. 5. 6. *Labor* verò *charitatis*, ut Heb. 6. 10. denotat officia charitatis, quæ urgente persecutione, laboriosa sunt, 1. Thes. 4. 10. & 5. 11. Tertia virtus est tolerantia, quæ est crucis constans perpessio: qualis in Thessalonicensibus, 1. Thes. 1. 6. & 2. 14. & 2. Thes. 1. 4. Quum autem tolerantia Christiana oriatur ex fide & spe: quemadmodum vicissim spes tolerantiam confirmatur, Rom. 5. 4. ita Paulus hoc loco *tolerantiam spei* vocat, quæ spei causa sit vel effectum: quod posterius magis rei convenit & adjunctè periphrasi, & 1. Thes. 1. 10. & 5. 8. & 1. Cor. 13. 13. Spes enim est quarta virtus, quam commendat in Thessalonicensibus: cujus præcipuum

Ccc

objectum

objectum cum sit Dominus noster Iesus Christus, ut v. 10. & Tit. 2. v. 13. docetur, idcirco hoc loco adjicitur. Et virtutes hæc quatuor à sinceritate commendantur, quod non sint fucæ, ac tantum coram hominibus, qui externam rerum speciem intuentur, sed coram Deo cordium scrutatore, cui omnia aperta sunt: ut Luc. 1. vers. 6. & 1. Thes. 3. vers. 13. & alibi hæc phrasis usurpatur, v. 3.

Cæterum hanc gratiarum actionem illustrat & amplificat, à causa impulsiva, scientia electionis eorum ad vitam æternam: unde fides, spes, charitas, patientia sincera promanat, Tit. 1. 1. Rom. 8. 30. de qua etiam, 2. Thes. 2. 13. quæ electio, cum non merito, sed Dei immerita benevolentia contingat, idcirco hanc originem indicat compellatione, *fratres à Deo dilecti*, ut 2. Thes. 2. 13. hæc de Vers. 4.

Hujus verò scientiæ causas exponit Apostolus ex vocatione efficaci: quam describit vocantis Pauli efficacia, & vocatorum Thessalonicensium obedientia. Et illud quidem notatur, primò per aphæresin, quod *Pauli Evangelium*, hoc est, metonymiâ subjecti, prædicatio Evangelii, non fuerit in locutione duntaxat, eoque impotens: deinde per thesin, *sed etiam per potentiam & Spiritum Sanctum*, ut 1. Cor. 2. v. 4. & *multam* *πληροειαν*. Per potentiam autem & Spiritum quidam miracula & varia Spiritus Sancti dona intelligunt, ut 2. Cor. 12. 11. 12. Gal. 3. 2. alii vim Sp. S. quæ prædicatio est efficax. Sed satius est, ut generatim utrumque complectamur: nam vis Spiritus, in Paulo, fuit gemina; una in miraculis & donis extraordinariis: altera, quæ Paulum direxit & prædicatione Evangelii adspiravit, & auditores convertit: quomodo Evangelium *ministerium Spiritus* dicitur, 2. Cor. 3. v. 6. quibus modis etiam loquitur, 1. Cor. 2. 4. 13. *Πληροειαν* verò, quam certitudinem vel certam persuasionem interpretantur, quidam ad Thessalonicenses referunt, ut fidem eorum notet. Sed nec phrasis huic sententiæ satis convenit, *Evangelium meum est in fide*: nec proximè sequentia id ostendunt. Quare alii commodius ad Paulum referunt, ut *πληροειαν* illius & sinceram scientiam notet: de qua c. 2. 2. & 3. Hoc autem Paulus confirmat à conscientia Thessalonicensium, cum ait, *sicut nobis, quales fuerimus inter vos. vestri causa*, v. 5.

Cui vocantis Pauli efficaciam respondet vocatorum Thessalonicensium obedientia, quam describit Fide & Tolerantia Christiana. Fide quidem, quod *sermonem*, hoc est, *εὐαγγέλιον* evangelium, Christi sermonem, ut v. 8. *repperint*, interius animo persuasi & exterius eum profitentes, Paulo & Silæ præconibus evangelii ipsos vocantibus, sociati, Act. 17. 4. Tolerantiâ Christianâ; quod statim *afflictionem multam* eo nomine perpassi sunt, non offensi. ut Matth. 13. 21. sed contra cum gaudio; non naturæ, sed gratiæ, ac Spiritus Sancti paracleti: quod ex consideratione causarum crucis, adeoque ex fide, spe, charitate processit, quod à Deo, Dei nomine immitteretur, ad Dei evangelii confessionem & gloriam, Ecclesiæ ædificationem, ipsorumque sanctificationem & salutem pertineret. Qua de re Matth. 5. v. 12. Act. 5. 41. 2. Cor. 4. v. 17. 18. Heb. 10. v. 34. Iacob. 1. v. 2. & 1. Pet. 1. 6. & 2. 19.

Quam tolerantiam ad consolationem ecclesiæ amplificat Apostolus, à simili, quod ea in re præeuntem habuerint Paulum, 1. Thes. 2. 2. & Act. 17. 5. 13. & Christum, qui nobis exemplar reliquit, ut illius vestigiis insisteremus, Matth. 16. 24. & 1. Pet. 2. v. 21. Heb. 12. 2. quem *εὐαγγέλιον* Dominum vocat, cum ratione muneris, seu donationis paternæ & vocationis ad regnum: de qua re Ps. 2. & 110. tum ratione redemptionis, Act. 20. 28. 1. Pet. 1. 18. 19. Rom. 14. 9. 2. Cor. 5. 15. Hæc de Vers. 6. & obedientia Thessalonicensium.

Quam probat ex effectis, ædificatione ecclesiæ, quod fuerint *exemplaria* fidei ac tolerantiae, *omnibus credentibus, in Macedonia, Philippensibus, & in Achaia*, Corinthiis, v. 7. Idque confirmat & amplificat ex causa illius illustri fama, quod à Thessalonicensibus *sermo Domini*. Evangelium, i. e. metonymicè evangelii suscepti fama, *personavit*, non solum in Macedonia & Achaia, sed etiam fides illorum, hoc est, fidei fama, in omni loco, hoc est, longè lateque per hyperbolen, ut Rom. 1. v. 8. quod adeò notum esse ostendit, ut re

loquente, non *neceffe habeat quidquam ulterius loqui*, v. 8. Eoque testimonium fidelium de quibus, v. 7. adducit: cum de suo ingressu ad Thessalonicenses, de quo, v. 5. actum: tum de conversione Thessalonicensium; quam describit, cum suis terminis; tum fine. Terminus primus à quo conversi, sunt *idola*; terminus secundus, ad quem conversi sunt, est *Deus*. Conversio autem vel prima est, vel orta. Illa est, quæ quis primum convertitur: & ad Deum solum pertinet: qui hominis, à Deo per mentis cæcitatem & cordis lapideæ duritiem, averti, per Spiritum S. oculos mentis aperit, Ephes. 1. 18. & cor lapideum aufert, ac novum ac carneum, hoc est, flexile ac ductile efficit ac reformat, Ezech. 36. 26. actumque internum & habitum fidei & charitatis indit, Ier. 31. 33. 34. 2. Tim. 2. 25. hæc verò est, quæ hoc habitu donati & conversi, se porrò, Deo adjuvante convertunt: eoque orta hæc conversio, & Deo ut causæ principali, Ezech. 36. 26. & hominibus conversis, ut causæ proximæ attribuitur: huc pertinet illud, Ier. 31. 18. 19. *converterte me & convertar*, &c. Finis vero hujus conversionis adscribitur duplex: quorum prior est cultus Dei, qui oppositè idolis & mortuis ethnicorum diis, *vivum & verum* appellatur v. 9. alter, expectatio filii Dei, è cælis; quæ quia cultus Dei causa adjuvans est, ideo filium opportunè describit, *suscitatione à mortuis & liberatione ab ira ventura*, hoc est, metonymicè à condemnatione & morte æterna, Matth. 3. v. 7. quæ iræ seu iudicii effectum: quæ etiam de causa, cum Iesus, hoc est servator nominetur, aptissimè hoc nomen adjicit v. 10.

#### C O N S E C T A R I A.

I. **P**Auli exemplo, ecclesiæ non solum colligendæ, sed etiam confirmandæ: & ministerii confortes in amore & honore habendi sunt.

II. In Deo & Christo eos esse oportet, qui ecclesiæ nomine gloriantur.

III. Deus gratiæ & pacis causa efficiens est & perficiens, v. 1.

IV. Pro donis ecclesiæ collatis, Deo gratiæ à nobis agendæ sunt.

V. Fides, charitas, spes, tolerantia, Dei sunt illustria dona: ergo de nobis non est gloriandum, 1. Cor. 4. 7.

VI. Fides veræ & charitas non sine certamine & labore constant, v. 2. & 3.

VII. De electione aliorum ex charitate, 1. Cor. 13. vers. 7. & ex effectis illius, & vocatione efficaci judicandum est.

VIII. Dei dilectio electionis causa: ergo non hominum merita, v. 4.

IX. Non solum requiritur pastoris prædicatio: sed etiam gregis obedientia, v. 5. & 6.

X. Evangelii & fidei veræ comes afflictio: eoque gaudenti animo eam ferre debemus: & Paulum, ac Christum Dominum imitari.

XI. Tolerantiæ gaudium est Sp. S. donum: eoque pro eo orandus est Deus, v. 6.

XII. Curandum est, ut fide, aliisque virtutibus, ecclesiæ præluceamus, v. 7.

XIII. Eaque demum vera laus est, hisce nominibus longè lateque ab ecclesia commendari.

XIV. Fides vera est, non quæ in simulachra aut creaturas, sed quæ in Deum, v. 8.

XV. Ad veram conversionem, non requiritur tantum aversio ab idolis: sed etiam reversio ad Deum.

XVI. Conversionis finis est, non ut ad vomitum, idola & peccata revertamur: sed ut Deo constanter serviamus, & in Dei filium Iesum credamus, eumque constanti spe expectemus, v. 10.

#### C A P U T III.

**Q**Uum Apostolus ad fidelium Thessalonicensium, in vera fide & pietate, confirmationem, suum & eorum & mutuam declarasset officium, cap. 1. v. 5. & 9. nunc idem amplificat & illustrat, cap. 2. & sequenti. AC

ti. Ac primum propositione rem totam complectitur, deinde expositione accurata confirmat. Propositio est, *ingressum ipsius*, ad Euangelium annuntiandum, & ecclesiam colligendam, apud Thessalonicenses, *non fuisse vanum*, hoc est viribus & fructibus destitutum, ut cap. 1. v. 9. & c. 3. v. 5. idque probat à Thessalonicensium conscientia, vers. 1.

Cui expositio uberior adjungitur: cum enim ingressus huiusmodi dici possit vanus, ratione docentis vel auditorum, utrumque remouet Apostolus. Ac primum demonstrat, non fuisse vanum, ratione sui, à v. 2. ad 13. virtutum suarum cum inductione, tum summa: qua in re nulla est ambitio, sed sincera decensque libertas, quia hæc laudatio, efficiente, modo, sine recto constat: non enim ex *φιλαυτία*, sed amore veritatis, Dei, & ecclesie promanavit: deinde nec modum vanitate aut importunitate noxia excédit, sed veritate & prudentia Christiana temperat: veritate; quia pronuntiat ut res est: prudentia Christiana; quia eo tempore & loco erat opportunum, quum passim ecclesiis esset periculum ab Euangelii adversariis, qui Pauli ministerium calumniando, fidelium fidei & saluti insidiabantur, Act. 20. Gal. 1. Phil. 3. denique spectavit non suum commodum, nec gloriam: sed potissimum ecclesie Thessalonicensis, in vera fide confirmationem, & inde consequentem Dei Patris gloriam. Cæterum, in virtutum, quas sibi attribuit, inductione, recenset primum *την ἐν ἑαυτῇ libertatem in Euangelio Dei annuntiando*; quam, ad humilitatis indicium, à causa prima ac principali Deo describit: deinde amplificat ab altera virtute conjuncta, nimirum *fortitudine Christiana* in tolerantia crucis ac persecutionis; cum antecedentis, apud Philippenes, Act. 16. tum sequentis, apud Thessalonicenses, Act. 16. Hæc de v. 2.

Tertia virtus est *exhortationis ac doctrinae sinceritas*: quam aphæresi & thesi indicat. Aphæresi suam innocentiam ostendit, remouetque vitia contraria sinceritati, *errorem*, seu imposturam ac falsitatem doctrinae: deinde *impuritatem*: quæ aut generatim quemvis impurum animi affectum ac maleficium, ut Rom. 6. 19. aut speciatim libidinem notat, idque frequentius in Sacris Literis: quod vitium etiam in falsis doctoribus arguitur, 2. Pet. 2. 10. 14. Jud. v. 8. & Apoc. 2. 14. 16. sed prius ut latius patet, ita magis congruit sequentibus: tertio *dolum*, vers. 3. Thesis verò opponit virtutem sinceritatis: quam convenientia cum vocatione divina describit; quod, *ut ei Deus Euangelium commisit, ita etiam loqueretur*; eoque absuit error: deinde à modo recto: *quod non hominibus placere studuerit, sed Deo*: cujus causa, quod non hominum instar, de vultu tantum iudicat: sed etiam corda tanquam *καρδιαι* approbet, v. 4.

Aphæresin autem amplificat, ac confirmat ex effectu: quod non ad gratiam sit locutus, *sermone usus assentatoris*; ut illi solent, qui hominibus placere student. Idque à conscientia ecclesie probat, cum ait, *sicut nostis*. Deinde quod avaritiâ vacaverit; quod juramento confirmat, vers. 5. Præterea à fine: remouet enim ambitionem ac studium vanæ gloriæ, idque etiam ex effectu probat; *quod iis non fuerit oneri, quum esse posset tanquam Christi Apostolus*. Quod *onus* quidam de autoritate apostolica exponunt, quod illis imperare noluerit, nec severitate uti, ut 1. Corinth. 4. vers. 21. *quid vultis, in vinga veniam?* Alii verò de sumptibus in apostolo alendo exponunt, 2. Corinth. 11. vers. 9. *me ipsum servare vobis à λαπῇ, non onerosum*. Quamvis autem primum videatur textui aptius: alterum tamen præferendum, ut etiam versu 9. ostendit: quia ad gloriam pertinet & commodum, ali à discipulis: itaque docet, se suo juri cedere, avaritiæ & ambitionis notam fugisse, versu 6. Idque amplius declarat simili eleganti, quo *φιλαυτίαν* amorem suæ gloriæ & commodi, à se remouet: & amorem suum erga ecclesiam ostendit, cum asserit, se fuisse *placidum in medio Thessalonicensium, ac si nutrix foveret liberos suos*. Ut enim nutrix, sine elatione & avaritia, suos liberos maximâ demissione ac diligentia liberali fovet, curat, nutrit: ita & Apostolus amore humili ac liberali ecclesiam Thessalonicensium fovit, vers. 7.

Similis locus Matth. 23. vers. 37. Quem amorem amplificat ex effectu majori, quod ille & Silas cooperarius in euangelio, *ita Thessalonicensium cupidi fuerint, ut non solum voluerint illis euangelium Dei impartiri: sed etiam suas animas*, hoc est metonymiâ efficientis, pro effectu, vias: idque ex amore erga ipsos, quemadmodum 2. Corinth. 12. vers. 14. hæc de vers. 8. Deinde quod dixit, vers. 6. & 7. quod illis noluerit, cum posset, esse oneri, sed nutricis instar foverit, probat ex re ipsa: quod dum ipsis euangelium prædicavit, labore suo & opere, ut Act. 18. vers. 3. die nocteque victum sibi quaesierit, ne quem ipsorum sumtu gravaret: quod à conscientia & memoria Thessalonicensium comprobatur, v. 9.

Atque ita inductione virtutum apostolicarum proposita, quâ *παρρησία* in euangelio prædicando, fortitudinem Christianam in cruce propterea toleranda, sinceritatem, humilitatem, liberalitatem, & amorem suum erga ecclesiam egregium recensuit: tandem summam earum & officii à se præstiti subjicit, cum communis in vita ac moribus, tum proprii pastoribus in doctrina: in vita quidem, quod gesserit se apud Thessalonicenses, *sanctè* erga Deum, *justè* erga proximum, *inculpate*, ut nemo merito culpæ posset: quibus vita Christiana describi solet, ut Luc. 1. vers. 6. & 15. Tit. 2. vers. 12. Hoc autem confirmat à testimonio humano Thessalonicensium & divino, vers. 10. Atque hoc commune fuit Pauli officium, quod in vitâ sanctè, justè & inculpate instituendâ situm, omnibus Christianis convenit. Proprium verò, quod ei convenit tanquam euangelii præconi, subjicit ac declarat, quomodo se in docendi munere gesserit: primum ratione causæ, animi ac studii, quod paterno affectu: deinde ratione subjecti, quod non publicè tantum, sed sigillatim unumquemque ipsorum docuerit: denique quo genere doctrinae sit usus, primum *adhortatione & consolatione*: quæ ad fidem & spem pertinent; quod ad constantiam fidei sit hortatus, & adversus pericula & terrores ingruentes præmunierit; quæ genuina hujus loci sententia est, ut c. 2. v. 2. & 3. & quæ hoc loco subjiciuntur innuunt, v. 11. Alterum doctrinae genus est *obtestatio* ad opera fidei, ac vitam vocationi divinæ convenientem, Ephes. 4. vers. 1. Coloss. 1. vers. 10. 1. Pet. 1. vers. 15. Tit. 2. vers. 12. quæ vocatio, ut Col. 1. 13. suis terminis, Dei regno gratiæ, & gloria cælesti describitur, v. 12.

Atque hæcenus quidem prima hujus capituli pars pergit, qua Paulus ostendit, ex officio à se præstito, suum ad Thessalonicenses ingressum non fuisse vanum, ratione sui: idem verò nunc probat ratione Thessalonicensium, quos similiter officium præstitisse demonstrat: cujus causam efficientem primum describit, gratiarum actione, qua laudem Deo adscribit, ne laude superbiat, sed humiles ac grati reddantur: deinde partes officii exponit, obedientiam erga euangelium & tolerantiam crucis. Ac prius suis membris ac gradibus exponit, auditione euangelii à Paulo annuntiati, & fide qua illud exceperunt reverenter, non ut sermonem hominum, sed Dei: quæ fides amplificatur veritate & effectis objecti euangelii: veritate; quod verè sit Dei sermo, à Deo autore profectus: effectis; quod in fidelibus Thessalonicensibus esset efficax, fidem ingenitam confirmando, & spem, charitatem, tolerantiamque Christianam excitando, v. 13.

Idque probat, ab effectu illustri, tolerantia crucis, quam à suis contribulibus Thessalonicensibus erant perpeffi. Quod ad consolationem eorum, ut Matth. 5. vers. 12. declarat similitudine ecclesiarum Iudaicarum, quæ à Iudæis afflictæ erant, vers. 14. Quorum impietatem, ad consolationem fidelium, ne offendantur, eorum, qui se populum Dei esse gloriabantur, contumacia amplificat primum à crudelitate, cum in Dominum Iesum & Prophetas, quos occiderunt; tum in Apostolos, quos persecuti sunt. Deinde à conjuncta impietate, quod Deo displiceant. Denique ab injustitia, in quosvis, & invidia ingentes; injustitia, quod hominibus



omnibus, tam Judæis quàm gentilibus, in Euangelii negotio, advenfentur: nam quod quidam passivè vocem *irascuntur* accipiunt, alienius est, v. 15.

Invidia, quod Apostolos, gentibus, euangelium, quo servantur, loqui prohibeant, ut Act. 13. vers. 45. & 17. 4. 5. Ne verò scelerum horum impunitas ullum infirmiore, ex Thessalonicensibus, offenderet, ostendit mensuram peccatorum ipsorum nondum esse plenam: ut Gen. 15. vers. 16. Matth. 23. vers. 32. sed magis magisque semper compleri: nam iram Dei & poenam iis imminere ad finem asserit. Quod vel de fine peccatorum exponi potest, cum mensura impleta erit: vel temporis, quod exitium perpetuum iis immineret ut Dan. 9. 26. 27. Matth. 24. v. 16. Luc. 21. 20. quod intelligendum de Judaico populo, bona parte infideli & Euangelii adversario, non autem de fidelibus & electis illius populi, de quorum *revocatione* & restitutione, Rom. 11. insignis prophetia. Hæc de v. 16.

Quum verò afflictionum à Thessalonicensibus perpessarum meminerit Apostolus, anticipatione objectionis, quod non ilico ad eos confirmandos, accurrerit, sese excusat variis modis, ut infirmioribus consuleret. Prima excusatio est, quod *ad tempus horæ* abfuerit: quod quidam temporis momentum interpretantur, ut brevitatis temporis & absentiae notetur: alii verò, ad tempus vertunt, ut aliqua diurnitas notetur, quoniam studium vehementius quod adjicit Apostolus, brevitati ac momento temporis non videtur satis convenire, sed aliquam moram designare: denique non incommodè verti posset, *ad tempus opportunum*: quemadmodum, Rom. 13. 11. *hora est*, hoc est tempus est opportunum, *ut ex somno excitemur*: ut hujus loci sit sensus, donec per Dei voluntatem & vocationis atque ædificationis ecclesiæ rationem erit commodum: eoque spem opportune præsentiae, absentiae perpetuæ opponit. Altera excusatio absentiae est, quod absens sit non simpliciter & omnino, sed conspectu tantum, non autem animo: quod eos habeat in memoria & amore perpetuo præsentis. Tertia; quod absentia corporis amorem non imminuerit, sed auxerit: *ed, inquit, vehementius studuimus videre faciem vestram, cum multo desiderio*, v. 17.

Quarta excusatio est à conatu Pauli, quod voluerit & conatus sit semel atque iterum, eos invisere: sed impeditus fuerit à Satana, Dei & salutis ecclesiæ adversario, unde etiam nomen habet: qui per homines impios varias remoras sancto proposito iniecit, v. 18. Atque hujus animi sui ac conatus causam impulsivam annexit, quod Thessalonicenses sint spei, gaudii & coronæ Pauli, die ultimo coram Christo agonothea ac munerario, materia, ut Matt. 25. 21. Phil. 4. 1. 2. Tim. 4. 8. idque partim proponit per interrogationem, ad ipsorum conscientiam provocans, v. 19. partim assertionem reponit ac repetit ad rei & animi sui certitudinem clariorem, *vos enim estis gloria nostra & gaudium*, v. 20. Cæterum ne quis arrogantius à Paulo factum esse putet, observandum est gloriationem esse geminam: aliam quæ neglecto Deo, homine nititur, hoc est, sapientiæ, potentiæ, dignitati humanæ, plus quam par est, ambitiosè tribuit: quæ gloriatio est injusta, quia Deo derogat doni & successus dati laudem propriam, & homini arrogat alienam. Qua de re Ier. c. 17. v. 15. *Benedictus qui confidit in Domino & cujus spes Dominus est: maledictus verò qui confidit in homine*, &c. & 1. Cor. 4. 7. *quid habes quod non accepisti, &c.* Altera gloriatio est, qua quis suæ imbecillitatis & indignitatis conscius, gratâ mente, Dei dona in se collata, ad Dei gloriam & exemplum aliorum prædicat: quæ gloriatio, quia ex amore Dei & veritatis proficiscitur, Deoque tribuit quod suum est, nec sibi quicquam falsò, aut cum proximi contemptu arrogat, & ad finem rectum dirigitur, iusta omnino est & à vitiosa ambitione aliena, qualis hæc Pauli est, qui officii & à se & à Thessalonicensibus præstiti laudem Deo copiose adscripsit.

#### CONSECTARIA.

I. Bonorum præconum Euangelii ministerium, non vvanum, sed virtutibus ipsi convenientibus instructum esse decet, v. 1.

II. Virtutum autem hujusmodi, exemplo Pauli, prima

est *an'p'urta* in euangelio annuntiando, Dei voluntate & fiducia promissionis nixa: eoque laus illius auctori Deo adscribenda.

III. Altera est fortitudo Christiana in afflictionibus, contumeliis, certaminibus, Euangelii nomine perferendis, vers. 2.

IV. Tertia virtus, est hortationis sinceritas & veritas, imposturæ, impuritatis, doli expers, v. 3. & 4.

V. Quarta, pietas, qua Deo, non hominibus, contra Dei voluntatem, placere studeant, v. 4.

VI. Quinta, liberalitas animi, ut alieni sint ab avaritia, vers. 5. 9.

VII. Sexta, humilitas, animusque ambitionis & elationis expers, & suo jure ad ædificationem interdum cedens, v. 6.

VIII. Septima, humanitas in Ecclesia placidè fovenda, v. 7.

IX. Octava, amor flagrans erga ecclesiam, ut boni pastoris instar, non solum euangelii pabulum imperiant, sed etiam animam pro ea exponere parati sint, vers. 8.

X. Ecclesia non est temere gravanda: sed si necessitas & ædificatio postulet, gratis etiam ei serviendum.

XI. Quum Paulus, ad veritatis confirmationem, & proximi ædificationem, & Dei gloriam, Dei instinctu, ipsum testem invocet ac juret, v. 5. & 10. sequitur errare Anabaptistas, qui omne juramentum Christianis prohibitum ac malum esse contendunt.

XII. Vivendum justè, sanctè & inculpate coram Deo & hominibus, v. 10.

XIII. Pastores erga ecclesiam paterno amore esse decet: nec solum conjunctos, sed etiam singulos ad fidem & vitam sanctam stimulare, v. 11. & 12.

XIV. Vicissim auditorum officium est Euangelium verâ fide & reverentia excipere, & ut potentiam seu efficax Dei instrumentum colere, v. 13.

XV. Deinde exempla tolerantiae piorum, ad patientiam Christianam ipsis proponenda & imitanda sunt, v. 14. & 15.

XVI. Quum delictorum mensuram plenam Dei vindicta sequatur, curandum, ne aut lenitate Dei abutamur, aut impunitate improborum offendamur, vers. 16.

XVII. Pastores ecclesiæ suæ licet corpore absentes, animo tamen & amore præsentis esse oportet, vers. 17.

XVIII. Orandus est Deus, ut Satanæ impedimenta benignè arceat, vers. 18.

XIX. Quum fidelibus pastoribus die ultimo conferenda sit à Christo corona, eorum est, non minus, quàm Ecclesiæ, in omnibus difficultatibus, eò intentos strenuè officium facere, vers. 19. & 20.

#### CAPUT III.

Superiori capite, excusare cœpit Apostolus suam, in afflictione Thessalonicensium, absentiam, à præsentia animi ac memoria: deinde à desiderio eos invisendi: præterea à conatu: hoc verò capite, idem postremum excusat, à missione Timothei, per quem, tanquam per legatum & vicarium suum, illos inviserit, constantiamque illorum intellexit: & à precibus, pro felici proposito ad ipsos itineris successu & ecclesiæ in pietate incremento: nam primum missio Timothei: deinde illius reversi testimonium; denique orta in Paulo consolatio ejusque effecta exponuntur.

Ad prius quod attinet, declaratur missionis causa impulsiva, subjectum & finis Causa impulsiva est amor, impatiens absentiae. Et amorem notat, cum ait, *quamobrem*, id est, *quia estis gloria nostra & gaudium*, c. 2. 20. impatientiam absentiae notat, cum ait, *non amplius ferentes*, nempe, *quod vobis orbatissimus*, c. 2. 17. hoc enim videtur aptius, quàm quod de desiderio exponitur. Hujus autem amoris magnitudo amplificatur eo quod suum commodum ecclesiæ postposuerit, malueritque Athenis, Act. 17. 15. solus relinquere & sese adjutore privare, totumque onus muneris subire, quam ecclesia illa diutius orbari, vers. 1. Deinde subjectum missionis est legatus *Timotheus*, qui describitur primum à religione, quod

quod sit *frater*, qui eundem, per Christum, habeat patrem coelestem, qui genuit: & matrem Ierusalem coelestem, ecclesiam, quæ concepit ac peperit, Gal. 4. 26. Heb. 12. 12. deinde à munere quod sit *minister Dei*, hoc est κατ' ἐξουσίαν in Evangelio docendo & colligenda ecclesia: denique ex effectu, nempe fideli muneris executione, quæ comparatè exponitur, *quod evangelium annuntiet*, & ea in re, Paulo sit *adjutor*. Quæ descriptio proponitur, ad amorem Pauli demonstrandum, ac mutuam benevolentiam comparandam & auctoritatem doctrinæ Timothei conciliandam, convenienter epistolæ & legationis scopo ac fini. Qui tertio adjicitur, nimirum, cum Thessalonicensium in fide confirmatio & exhortatio v. 2. tum constantia in afflictionibus, quam commendat Apostolus insertis argumentis duobus: primum à Dei voluntate ac vocatione, quod ad crucem ferendam constituti sint, Ioa. 16. 33. Act. 14. 22. 2. Tim. 3. 12. Idque eorum conscientiam probat, deinde à prædicatione Pauli, cui ut fidem adhibuerant, ita eventus confirmavit: eoque, ut Ioa. c. 17. 1. 4. non est cur offendantur, v. 4. Quam afflictionem etiam alteram fuisse causam impulsivam missionis ostendit, quod metueret, ne afflictionum gravitate, ad defectionem à Satana essent tentati ac solliciti: & ita ratione spei Pauli, & fructus ipsorum, inanis redditus esset Pauli, in evangelio iis prædicando, labor: nam ita Satanam tentatorem vocat Synecdochicè pro tentatore malo & quidem κατ' ἐξουσίαν ut Matt. 4. 2. quod ex malo animo, malisque artibus, hominum fidei & saluti insidietur & ad defectionem & exitium sollicitet, v. 5. Porro narratà Timothei missione, adjungitur deinde altera hujus capitis pars reversi Timothei, de Thessalonicensibus, testimonium honorificum: quod indicat generatim, cum *letum nuntium* vocat: deinde speciatim, cum Thessalonicensium fidem & charitatem commemorat: deinde nominatim mutuum erga Paulum amorem, quem grata illius memoria & desiderio vivendi mutuo exprimit: ut enim Paulus iis sese animo præsentem & eorum cupidum testatus est, c. 2. 17 sic idem vicissim Thessalonicensibus attribuit, v. 6. Atque ita postrema capitis pars annexitur, hujus testimonii fructus, consolatio Pauli ejusque effecta. Consolatio est, quod in *omni afflictione, & necessitate*, seu re adversa, audita eorum fide recreetur, v. 7. idque amplificat, cum ait, *se nunc vivere*, hoc est, vitam non esse acerbam, sed vitalem & jucundam: modò perstent in Domino Iesu Christo, vera fide radicati ac superstructi, v. 8. Deinde effecta hujus consolationis subjicit, primum agnitionem immensarum gratiarum, quas Deo rependere debeat, pro universo & coram Deo, hoc est, sincero gaudio, ex Thessalonicensibus percepto, v. 9. secundò precationem, cum antecedentem, pro facultate eos videndi, ad fidem eorum complendam, v. 10. tum præsentem, partim pro felici itinere ad Thessalonicenses successu, ac directione, ut Satanæ & ministrorum illius impedimenta amoliantur, v. 11. partim pro fidelium incremento: primum in charitate, cum mutua, quæ inter fideles viget ac οὐκ ἀλλοτρία dicitur: tum in omnes, etiam infideles & inimicos, idque simili amoris sui erga ipsos illustrat, v. 12. secundò in sanctimonia cordis, coram Deo, hoc est, ut Gen. 17. 19. sincera, quæ ei, ut soli sapienti justoque κατὰ νόμον Luc. 16. 15. probetur: idque non ad breve tempus, sed in adventum Domini Iesu Christi ut c. 5. 23. qui, cum omnibus suis sanctis, comparebit die ultimo, iudicaturus vivos & mortuos. Atqui hunc modo transitione commoda Apostolus ad alteram tractationis epistolæ partem, quæ ad opera fidei pertinet, viam sternit. Verum cum sanctimonia nostra sit in his terris imperfecta: quia regeneratio imperfecta est, carnis reliquiis adversus spiritum concupiscentibus: adeo ut opus sit agnitione peccatorum nostrorum & pugna adversus carnem perpetuâ, Rom. 7. 22. 24 Gal. 5. 17. 1. Ioa. 1. v. 8. Eph. 4. v. 22. 23. quæri potest, quomodo sanctimonia nostra dici possit *coram Deo*, quæ Deo probetur. Verum respondetur, eam probari, non simpliciter per se, sed per Dei gratiam, propter intercessionem mediatoris Christi, propter quam imperfectio condonatur: Deus enim quod Sp. S. in nobis operatur, agnoscit ac probat, & quod à nobis accedit contagii, propter satisfactionem Christi, ignoscit ac condonat: quâ de re illu-

stris admodum locus est, Heb. 13. 21. *Deus perficiat vos in omni opere bono, ad præstandam illius voluntatem, efficiens in vobis, quod acceptum sit, in conspectu suo, per Iesum Christum*, & 1. Pet. 2. 5. dicitur de fidelibus, quod *sint sacerdotium sanctum, ad offerendum spirituales hostias acceptas Deo, per Iesum Christum*.

## CONSECTARIA.

I. Ministros evangelii decet tanto amore erga ecclesiam flagrare, ut sua etiam commoda ecclesiæ lubenti animo postponant, v. 1.

II. Laboranti ecclesiæ pastores, si ipsi adesse non possunt, per alios, exemplo Pauli, succurrere debent.

III. Symmistarum honori ex charitate & secundum veritatem, consulendum est, ut eorum ministerium eo sit acceptius & utilius.

IV. Ut fides evangelii prædicatione accenditur; sic exhortatione fovèri ac stabiliri debet, v. 2.

V. In afflictionibus veritatis nomine perferendis constantes esse convenit.

VI. Ad tolerantiam crucis juvat contemplatio voluntatis ac vocationis divinæ, cui subesse nos decet, & crucis securæ prædictio, v. 3. & 4.

VII. Quum Diabolus tentare soleat ecclesiæ fidem, ut inanis reddatur pastorum labor, sedulo hinc vigilandum & curandum, ut salutaribus monitis maturè occurratur, & fidelium officium est, partim Deum precari ne in tentationem inducat, partim meditatione verbi & exercitio fidei seipos & fratres suos mutuò confirmare, v. 5.

VIII. Ecclesiæ incolumitas nobis cordi & gratissima esse debet.

IX. Fidem & charitatem individuo quodam nexu, in veris Christianis, conjuncta esse oportet.

X. Amor, in ecclesia & pastoribus, mutuus requiritur, eoque peccant graviter, si aut hi ecclesiam negligant, aut ecclesia pastores non redamet, vers. 6.

XI. Fidi Evangelii præcones persecutionibus & necessitatibus multis obnoxii sunt: eoque ut muneris sancti, sic sortis & conditionis afflictæ nomine, amore & commiseratione digni sunt.

XII. Ecclesiæ profectus in vera fide difficultates ministerii Evangelii lenit, vers. 7.

XIII. Tum demum sibi vivere videntur atque serio hilares sunt fideles evangelii ministri, cum ecclesia in fide perstat: ideoque infidos esse oportet, qui ecclesiæ perseverantiam susque deque habent, v. 8.

XIV. Gaudium nostrum, de ecclesiæ sanctitate, non fucatum ac coram hominibus tantum, sed sincerum ac coram Deo atque ex animo esse debet.

XV. Non solum pro bonis nobis collatis; sed etiam pro beneficiis in ecclesiam, Deo gratiæ sunt agendæ, vers. 9.

XVI. Ecclesiæ fides confirmatione ac complemento opus habet.

XVII. Itinera nostra & vitæ rationem Deus dirigit: eoque non nostris consiliis & viribus; sed Dei providentia niti debemus & felicem rerum successum à Deo precari, v. 11.

XVIII. Charitatem proximi mutuam esse decet: eoque iniqui omnino sunt, qui amari volunt, non autem amare.

XIX. Hæc autem charitas non solum inter fratres esse debet mutua: sed etiam in omnes.

XX. Deinde non languidam, sed abundantem & exuberantem esse par est.

XXI. Charitatis ecclesiæ confirmatio à Deo petenda est: eoque Dei est donum, perficientis opus bonum, quod incipit.

XXII. Pastores non solum hortari ecclesiam ad pietatem, sed etiam præire exemplo consentaneum est, vers. 12.

XXIII. Sanctimonia corporis externa non sufficit, sed interna cordis ac sincera coram Deo: nec momentanea; sed perpetua ad Christi adventum requiritur.

XXIV. Quum Christus adventurus sit cum omnibus sanctis, res adversæ hac spe fortiter ferendæ, & sanctè vendendum est, v. 13. & Tit. 2. 13.

## CAPUT QUARTUM.

**T**Ractationis hujus epistolæ scopus, est confirmatio ecclesiæ Thessalonicensis, in vera fide & fructibus illius. Modus verò seu via contendendi ad scopum est laudatio & hortatio: eoque monuimus partes esse duas *ἐπαινετικήν καὶ παρακλιτικήν* laudativam & hortativam: quarum illa obliquè ad officium invitât, narratione & laudatione præstiti officii, cùm à Thessalonicensibus potissimum cap. 1. tum à Paulo, cap. 2. & 3. Hæc verò ad officium magis magisque præstandum recta hortationis via, & commoda transiitione stimulat; hoc superesse docens.

Utitur autem propositione & expositione illius. Propositio est; incedendum magis magisque secundum doctrinam, à Paulo acceptam. Ratio autem est, cum efficiens impulsiva, voluntas Domini Jesu, cui serviendum, cujus nomine rogat & orat Apostolus ut 2. Cor. 5. 20. tum finis & fructus, approbatio Dei Rom. 12. 1. & 14. 18. Expositio autem primùm propositionis claritatem indicat, à conscientia Thessalonicensium, quibus *notum esse*, ait, *quæ mandata ipsis dederit per Dominum Iesum Christum*; eoque modo primam, quam adduxerat, rationem, illustrat, v. 2.

Deinde materiam illius luculentius exprimit, tam universè quàm particulatim. Nam expositio universalis est: *voluntas Dei hæc est, sanctimonia vestri*: quod enim ante mandatum, illud nunc voluntatem Dei vocat, trita Sacris Literis metonymia adjuncti pro subiecto: nam mandata, quæ absolutè indicant, quid Deus tanquam bonum velit, hoc est, approbet, eo modo voluntas nominantur.

Sanctificatio autem, cùm alia in habitu, alia in actu verferetur, aliaque sanctificandi, alia sancti; hæc demum intelligitur, quæ in actione hominis sanctificati consistit. Cum rursus ea sit vel generalis, qua à peccati impuritate secreti, Dei cultui nos sacramus: vel particularis, quæ in castitate sita est, non hæc, sed illa intelligenda: ut ex collatione, v. 7. liquet. Quæ deinde inductione specierum declaratur, expositione particulari, quæ particulares virtutes præcipit, ac primum castitatem, ut *abstineant à fornicatione*, vers. 3. Quum verò aliis etiam, ac plerisque nefandis modis, castitas violaretur apud gentes, eam per thesin & aphæresin explicat. Thesis est, *ut quisque vestrum sciat suum vas possidere in sanctificatione & honore*, hoc est, corpus suum castum servet: nam ut vasa instrumenta sunt domesticis usibus destinata, ita nos ipsi & corpora nostra, in Dei domo; sicut Paulus, *vas electum*, Act. 9. vers. 15. Apostoli, *testacea vasa*, 2. Cor. 4. v. 7. *foemina, vas infirmius*, appellatur, 1. Pet. 3. v. 7. quo sensu videtur nonnullis dici, Rom. 6. v. 13. *sistite membra vestra ὅπλα arma* (hoc est instrumenta) *justitiæ Deo*. Quum autem vasa quædam usibus puris & honestis inserviant, quædam contrà, ut 2. Tim. 2. v. 20. idcirco *sanctificationem & honorem* requirit, ut Roman. 6. vers. 13. 2. Tim. 2. v. 20. 21. & 1. Cor. 6. vers. 13. hæc de Vers. 4. & thesi.

Aphæresis est, ne vas suum possideat quisque in morbo cupiditatis: quomodo qualvis impuras libidines generatim arguit. Idque confirmat à causa illius, quia effectum est gentium, quæ non norunt Deum: nam quamvis quodammodo norint ex libro naturæ & revelatione Dei generali, per res creatas, ut sint inexcusabiles, Act. 14. v. 17. Rom. 1. v. 19. 20. tamen non noverunt ex libro Scripturæ & speciali interna revelatione Spiritus Sancti, Ps. 147. 20. Act. 14. v. 16. Rom. 2. v. 14. Eph. 2. v. 12. & 4. v. 17. 18. Imo præter insitam ignorantiam, habent etiam acquisitionem, Rom. 1. v. 21. unde justo Dei iudicio, consequuntur cordis cupiditates & *πᾶσι ἀνομίαις*, quibus corpora sua dedecore affecerunt, Rom. 1. v. 24. 26. Eph. 4. v. 17. 18. 19. hæc de Castitate, vers. 5.

Altera, ad quam hortatur, sanctificationis virtus, est Justitia erga fideles in contractibus: quam describit remotione injustitiæ duplicis, cùm violentiæ, tum fraudis, *ne quis*

*opprimat & fraudet fratrem suum in negotio*. Quam hortationem, simul cum antecedente, duplici ratione confirmat. Primum à noxio cupiditatum & injuriarum effectū, Dei iudicis vindicta, vers. 6.

Deinde à fine vocationis Dei, *quia non vocavit nos Deus è mundo, ad impuritatem vitæ; sed ad sanctificationem*, ut animo & corpore sancti simus, 1. Thes. 5. 23. Tit. 2. v. 11. 12. & 1. Pet. 1. v. 15. 16. Luc. 1. 75. Nam licet ἀμαρτία & ἀκαθαρσία interdum speciatim ac Synecdochicè capiantur de castitate & contraria libidine, ut ad legis præceptum septimum spectent, hoc tamen loco, generatim accipiuntur, ut ex scopo liquet: quia causa generalis adfertur, cur à libidinibus & injuria in contractibus, quæ octavo legis præcepto prohibetur, sit abstinendum. quemadmodum Rom. 6. vers. 19. impuritas injustitiæ generatim sumitur, & ἀνομία iniquitas sanctificationi opponitur. Hæc de v. 7.

Ne quis verò hanc hortationem, pro more elevaret & contemneret, quod hæc vitia essent usitatissima, idcirco anticipatione commoda, ut Eph. 5. vers. 6. pondus addit, porismate, à divina hortationis autoritate: quod, qui hortationem rejiciat, non hominem Paulum rejiciat tantum, sed etiam Deum vocantem. Idque eo comprobatur, quia dedit Paulo & Apostolis Spiritum S. cujus instinctu ac ductu docebant. Sic Act. 5. v. 4. & 1. Thes. 2. 13. Hæc de v. 8.

Tertia virtus, ad quam, præmissa præfatione, Apostolus hortatur, est φιλαδελφία & beneficentia in fratres seu fideles.

Præfatio ostendit, non necesse esse, ut ipsis scribat de fraterna charitate, nimirum tanquam re novâ aut neglectâ: idque probat, partim à causa & scientia illorum, quod divinitus, Verbo scilicet, & Spiritu Christi, docti essent, ut diligerent alii alios, v. 9. partim ab effecto & experientia, quod charitatem exercebant erga cunctos fratres, qui sunt in tota Macedonia: cui præfationi, ne segnescant aut superbiant, hortatio subjicitur, ad perseverantiam & incrementum, *ut magis excellent*, v. 10.

Quarta virtus ad præceptum octavum pertinens est *ἐν τῇ ἐλπίδι καὶ ἰσοπεποισμένῃ* propriæ vocationis & ordinis cura, *ut contendant quieti esse & res suas agere suisque manibus operari*. quomodo πολυπραγμοσύνην & ἀεργίαν quorundam corrigere studet, quos vocat ἀπίστοι, καὶ ἄν ἐργαζομένους, ἀλλὰ ἀεργαζομένους, *nihil agentes, sed curiosè satagentes*, 2. Thes. 3. 11. Quam hortationem illustrat ab antecedenti sua doctrinâ, Vers. 11. quemadmodum, 2. Thes. 3. 10. & confirmat ratione, primùm ab honestate & ædificatione aliorum, *ut ambulent honestè erga extraneos*, ab ecclesia: deinde ab utilitate *ut nullius ipsis opus sit*. Cum autem vox καὶ ἄνδρες nullius, accipi posset genere, vel neutro, ut rem notet: vel masculino, ut personam; sic quidam ellipsin statuunt αὐ τῶν hoc est τῶν ἄλλων extraneorum: sed cùm Apostolo scopus sit, ne ulli etiam ex ecclesia sint graves, satius est ut generatim statuamus ellipsin *hominis, nullius hominis*: vel etiam ad rem referamus, v. 12.

Porro quinta virtus ad primum primæ tabulæ præceptum, & fidem ac spem pertinens, est luctus mortuorum moderatio: quæ hortatio proponitur & confirmatur expositione gravissima. Propositio est, ne doleant more gentium, ob eos, qui sopiti sunt, hoc est mortui, per metaphoram tritam, ob similitudinem duplicem, quod ut sopiti quiescunt à laboribus, ita & mortui: deinde quod sopiti tandem excitentur, ita & mortui resurrecturi sint: prius Ethnici: utrumque Christiani considerant. Confirmatio verò est à causa efficiente, quod ex ignorantia & desperatione salutis & resurrectionis oriatur, quæ à Christianis abesse debent, v. 13. idemque ostendit à resurrectione fidelium salutari, quam probat ex causa efficiente, Christi resurrectione, v. 14. de qua res usè, 1. Cor. 15. Altera ratio est ab ordine ac modo resurrectionis, quod cum sit mysterium, Domini Iesu Christi verbis denuntiat, quod *nos vivimus*, id est Synecdochicè, qui vivi futuri sunt reliqui, in adventu Domini Iesu Christi, die ultimo, non prævenient eos, qui obdormiverunt: hoc est, non prius mutabuntur corpora mortalia & corruptibilia in statum immortalem & in-

& incorruptibilem, quàm mortui resurrexerint, ut I. Corinth. 15. v. 52. hæc de v. 15. Idque sequentibus probatur & adjunctâ resurrectionis causâ & modo illustratur. Causa enim resurrectionis totius est Dominus Christus: solus quidem, ratione vivificationis: principalis verò ratione educationis è sepulchro: nam instrumentalis futurus est archangelus suo clamore & tuba, I. Cor. 15. v. 52. Mat. 24. v. 31. & 25. v. 26. *mittet angelos cum tuba vocis magnæ & congregabunt electos ipsius è quatuor ventis.* quemadmodum in Christi resurrectione evenit, in qua, ministerio angeli usus, in lapide à sepulchro removendo, Mat. 28. Hæc autem suscitatio fiet à Christo è cœlo descendente: primumque excitabit in fide ipsius mortuos, vers. 16.

Tertia ratio moderandi luctus funebris est ascensio in cœlum: quæ temporis brevitate, ut Mat. 24. v. 27. *quod rapiemur in aëra in occursum Domini.* & instrumenti præstantia amplificatur, quod *nubibus*: nam quod *in nubibus* vertunt, & ad terminum ad quem referunt, minus convenit: quia non necessariò constructionem variant, cum locum, quo rapiemur, designet *aërem*: instrumentum verò per quod, *nubes*, quemadmodum Christus caput nostrum ascendit, Act. 1. Quarta ratio est à consequente vita æterna, quod *ita semper cum Domino erimus*, vers. 17. Quarum rationum ulus cum sit ad moderationem doloris nostri & alieni, idcirco Apostolus hortationem sextam addit, ut alii alios istis sermonibus consolentur, vers. 18.

# C O N S E C T A R I A .

I. **N**ON cœpto solùm, in curriculo vitæ Christianæ, sed etiam perseverantiâ opus est & progressu, v. 1.

II. Quam ad rem, stimuli esse debent mandatum Domini Jesu & approbatio Dei Patris, v. 1. & 2.

III. Pastorum ecclesiæ est, non sua, sed Domini mandata ecclesiæ proponere, & serio amore ac studio, non solùm ea, pro auctoritate muneris, tanquam officium nostrum præcipere, sed etiam ad eorum observationem, tanquam beneficium aliquod, rogatione & precatione ecclesiæ invitare, v. 1.

IV. Quum sanctificatio nostra sit Dei voluntas, quasi ipsi placemus, ei, sprete mundi cupiditate & odio, incumbendum, v. 1. & 3.

V. Ministrorum evangelii est, Pauli exemplo, non solùm ad virtutes hortari, sed etiam distinctè vitia reprehendere: eaque potissimum, quæ in ecclesia aut vigent, aut à quibus ei periculum vicinum, v. 3.

VI. Quum corpora nostra sint vasa, figulus ac formator autem Deus, ejus voluntati inservire debent. v. 4.

VII. Turpe ac perniciosum est, Christianos, gentiliū (qui Deum in Christo redemptorem ignorant) cupiditates imitari: eoque turpius longè est, ab iis probitate & honestate superari, v. 5.

VIII. Fidelium evangelii ministrorum officium est, judicii divini commemoratione, vitæ licentiam & impunitatis opinionem frænare ac cohibere, v. 6.

IX. Non solùm gratia à qua, & vita, quo vocati sumus; sed etiam media, sanctificationis via, ad quam vocati, considerata: ut ad metam vitæ pertingamus, v. 7.

X. Qui pastores ecclesiæ convenienter vocationi divinx hortantes contemnit, Deum ipsum, cujus fideles legati sunt, contemnit: ac propterea reverenter & obsequendi studio hortationes hujusmodi excipiendæ sunt, vers. 8.

XI. Charitate quidem universos, sed maximè fratres in Christo complecti debemus.

XII. Ea autem recta ac laudabilis est charitas, quæ divinitus docetur, vers. 9.

XIII. Charitatis laus non in ore, sed in opere consistit: nec paucis actionibus absolvitur; sed perpetuum perfectum requirit, vers. 10.

XIV. Quum charitati & justitiæ plurimum repugnat, si quis aliorum functiones curet & interpellet, suas verò negligat, idcirco à curiositate, tanquam peste nocentissima, abstinendum, vers. 11.

XV. Honestati & ædificationi proximi studendum est.

XVI. Injuri sunt in proximum, qui otiosè aliena bona absumunt, vers. 12.

XVII. Quum mors nostra sit somni instar, eo patientius ferenda.

XVIII. Luctus mortuorum immodicus ex ignorantia & desperatione resurrectionis & vitæ promanat, v. 13.

XIX. Christi resurrectio summa nostra est consolatio, vers. 14.

XX. Nostra resurrectio, ascensio in cœlum & collectio ad Christum, vitæque æterna, gravissima sunt consolationis argumenta; ideoque ea in conspectu habere nos decet, ut calamitatibus omnibus opponamus, earumque acerbiter mitigemus ac tollamus, v. 14. 15. 16. 17.

XI. Nec solum nostri habenda est ratio: sed etiam fratrum afflictorum, v. 18.

## C A P U T Q U I N T U M .

**Q**UONIAM ad luctus mortuorum moderationem argumento usus est Apostolus à corporum resurrectione, ascensione & vitæ æterna, in adventu Domini; antequam ulterius progrediatur, digressionem de temporis articulo interserit: partim ut hominum curiositati & errori eorum, qui certò definiunt, 2. Thess. 2. occurrat: partim ut viam sibi commodiorem sternat & quasi argumentum sequentibus hortationibus præmittat. Ac primum præfatione utitur, qua ostendit, non opus esse, licet alias circumstantias perscripserit Domini verbis, ut ipsis de temporibus & opportunitatibus scribatur, v. 1. Deinde narratione, quâ præfationem confirmat, declarat, quando adventurus sit dies Domini & quales futuri sint homines: ac quando venturus sit, indicat similitudine adventus furis nocturni, qui ut est incomptus, ita dies ille Domini, Act. 1. v. 7. Mat. 24. 36. & Marc. 13. vers. 32. *de die vero illo & hora nemo novit neque angeli, &c.* & v. 35. *quando veniet, sero, an media nocte, an gallicantio,* v. 2. Deinde partim ad cautionem, partim ad consolationem, ostendit, quales homines sint futuri illo die, cum infideles, quorum maximus numerus: tum fideles. Et infidelibus quidem attribuit incredulam securitatem & effectum illius repentini exitium. Cujus certitudo & magnitudo similitudine doloris partus illustratur, vers. 3.

Quibus fidelium conditionem opponit: primum quod non versentur in tenebris ignorantie & incredulitatis. Deinde, quod ex priori consequitur, quod immunes sint à repentino exitio, quod dies ille eos tanquam fur non comprehendet. Aliud enim est, diem illum Domini, furis nocturni instar, venturum; aliud comprehendendum atque apprehensurum: prius enim commune fidelibus cum infidelibus, quia adventus incertus & repentinus erit, ut ad timorem Dei, sanctamque obedientiam excitetur: alterum verò proprium solis infidelibus, quia eos imparatos perdet, Luc. 21. v. 34. 35. fideles enim Christi adventum credunt, & fidei, spei, charitatis lampade & armis instructi, eum, uti Luc. 21. v. 28. ad salutem expectant, vers. 4. Idque probat à contrario affirmante, quia *omnes sunt filii lucis ac diei*, hoc est lucidi, fidei luce illustrati. Atqui hinc, regressione valdè opportuna, enthymemate usus, hortationem, elegante, continuata per allegoriam metaphorâ, concludit: *non sumus noctis neque tenebrarum* hoc est infideles, versu quinto. *Ergo ne dormiamus ut reliqui: sed vigilemus & sobrii simus*: hoc est, ne peccatis, securitate carnali, simus dediti: sed sanctitati sollicitè vacemus. Sobrietas enim animæ, carnalibus desideriiis, accuriis, & fructibus illius, crapulæ & ebrietati opponitur, ut Luc. 21. vers. 34. 36. Quam hortationem, vers. 6. propositam repetit, & Syllogistica expolitione exponit & amplificat. Propositio est: *qui dormiunt, dormiunt nocte: & qui inebriantur, noctu sunt ebrii*: quod ut propriè verum est, ratione moris frequentioris: ita allegoricè, quod hæc sint opera tenebrarum, vers. 7. Assumptio est, nobis non est nox: sed sumus filii diei: Ergo non ebrii, sed sobrii simus, & vigilemus, *parati* Christianâ, de qua Ephes. 6. *armati, induti thorace fidei & charitatis, & galea spe salutis*: ne nos



ne nos dies ille comprehendat, vers. 8. Idque confirmat à constitutione Dei, quia non ad iram, seu ad exitium, metonymicè, sed ad salutem obtinendam positi sumus, Dei consilio & facto. Medium autem saluti subordinatum est Christus, vers. 9. idque sua morte pro nobis: cuius finis & effectum est vita æterna, *sive vigilemus sive dormiamus*: hoc est, vivamus aut moriamur, ut cap. 4. vers. 13. & Roman. 14. vers. 8. nam aliter, quam v. 6. accipi debere, antithesis evincit; hæc de vers. 10. Quæ cum ad consolationem pertineant, hortatur Apostolus ad mutuam consolationem, ut cap. 3. v. 18. & ædificationem continuandam, vers. 11.

Deinde ad officium erga ministros euangelii stimulat. Et ministros quidem describit à munere, quod *præsumt in Domino*, ut 1. Timoth. 5. vers. 17. deinde ab executione & opere: generatim, *quod laborant inter ipsos*: speciatim, *quod admonent ipsos*, de cultu Dei. Officium autem ecclesiæ statuit *agnitionem*, vers. 12. deinde æstimationem honorificam: & ut fucus absit, ejus fontem ac causam requirit charitatem: denique pacem mutuam, vers. 13.

Quibus subjicit promiscuè alias hortationes ad officium, correctionis; ut *monent inordinatos*, de quibus, cap. 3. v. 11. 12. & 2. Thes. 3. vers. 10 11. 12. consolationis; *ut consolentur pusillanimes*: tolerantia; *ut sublevent infirmos*: lenitas; *ut mansueti sint erga omnes*, vers. 14. innocentia & beneficentia, vers. 15. gaudii spiritualis perpetui, quo ex fide amoris Dei, bona conscientia, & spe vitæ, experientiaque beneficiorum Dei, animus tranquillus est & hilaris, vers. 16. invocationis Dei; cum precatione, vers. 17. tum gratiarum actione: cuius causa impulsiva statuitur voluntas Dei, vers. 18. Hortatur præterea, *ne extinguant Spiritum*; hoc est metonymicè, Spiritus Sancti dona ipsis collata, sive ordinaria, agnitionis Dei, fidei, spei, charitatis, non extinguant sua contumacia aut negligentia: sed oleo ac materia verbi divini & officii Christiani exsuscitent, Rom. 12. vers. 11. *studio non segnes, Spiritu ferventes*. Et 1. Timoth. 1. v. 6 jubet donum *ἀγάπης* facere ut ardeat vers. 19.

Deinde ut dona in ipsis non extinguenda; sic nec in aliis, docet, Prophetiarum contemtu promiscuo, versu 20. sed ut omnia explorent ad normam divini verbi, 1. Ioann. 4. vers. 1. & quod bonum est retineant, vers. 21. Præterea à specie mali deterret, vers. 22. Denique voto hortationes concludit: vovet enim illis à Deo pacis ac felicitatis omnis auctore sanctificationem integram mente, voluntate, corpore, & perseverantiam illius, in adventum Domini Iesu Christi, vers. 23.

Cujus fidem à fidelitate Dei vocantis probat, vers. 24.

Atque hoc modo epistolæ tractatione absoluta, conclusionem subjicit, quæ constat commendatione Apostoli, ut pro ipso orent, vers. 25. salutatione (ut Rom. 16.) vers. 26. obtestatione, ad presbyterium ecclesiæ, de hujus epistolæ recitatione in Ecclesiæ cœtu, vers. 27. & solenni valedictionis formula, vers. 28.

#### C O N S E C T A R I A.

I. Sacra Scriptura ad necessitatem & salutem nostram conscripta, non autem ad curiositatem: ideoque modulo scientiæ divinitus revelatæ contentos esse nos decet.

II. Adventus Domini certus est, utpote à Spiritu Sancto revelatus, etsi temporis momentum omnino incertum: quare impiè faciunt, qui temporis morâ offensi, adventum negant: aut certi de adventu, curiosè & temerè diem certum & opportunitatem illius definiunt, versibus 1. & 2.

III. Quoniam incredulis impunitatis opinione imbu-

tis, repentinum ingruet exitium, non est cur illorum successibus prosperis & tranquillitati temporariæ invidemus, nostramve adversam sortem iniquo feramus animo.

IV. Iudicium Dei extremum grave est & inevitabile: quamobrem sollicitè in timore Dei ambulandum, vers. 3.

V. Quum infideles versentur in tenebris ignorantia Dei & peccati, contrà verò fideles in luce, inde apparet illos, licet opibus & honore florentes, esse miseros; hos verò in summa inopia & dedecore felices: ac propterea debere esse in adversis patientes, vers. 4. & 5.

VI. Dies Domini fidelibus non erit exitio; eoque consolationi nobis esse debet, non horrori, vers. 4.

VII. Gravius peccant fideles, quàm infideles, si peccatis indulgeant, & quasi securè indormiant.

VIII. Mundi mala exempla non ad imitationem, sed ad fugam infervere debent, versu 5. & 6.

IX. Quum etiam gentiles soleant pudore quodam à diurna ebrietate abstinere; turpissimum & indignissimum est, Christianos multos, hac in re, carere fronte, vers. 7.

X. Ebrietas opus est tenebrarum ac pudendum: idcirco à Christianis vitari seriò debet.

XI. Virtutes Christianæ principes & individuo nexu sociatæ, sunt fides, charitas, spes, vers. 8.

XII. Doctrina de Dei gratia & certitudine salutis nostræ non laxat habenas cupiditatibus: sed eas contrahit, & ad pietatem calcar addit & exstimulat, vers. 9.

XIII. Christi mors nostræ resurrectionis & vitæ æternæ causa: eoque illius pudere non convenit, sed ea gloriantur, vers. 10.

XIV. Non nostræ solum, sed etiam salutis aliorum pro virili, succurrendum, vers. 11.

XV. Ministri Euangelii est, non solum præesse in Domino, sed etiam prodesse: eoque qui sine Domino præsumunt, aut in verbo euangelii non laborant fideliter, honore indigni sunt: qualis Papa cum suis episcopis, v. 12.

XVI. Non pastores ecclesiæ, sed depastores sunt ac lupi, qui offensæ metu, ab opere admonitionis & à veritate, odium apud vulgus pariente, abstinent, vers. 12. 13.

XVII. Ministri verbi, propter vocationem & admonitionis opus, in pretio habendi sunt & amore: ergo indignè faciunt, graviterque peccant, qui propterea oderunt & accusant.

XVIII. Concordia debet esse mutua: eoque iniquè faciunt, qui amari volunt, non redamare, vers. 13.

XIX. Non solum officia charitatis præstanda iis, qui officium egregiè faciunt: sed etiam iis, in quorum fide, spe, charitate, nonnihil requiritur: ac pro morbi ratione, remedium aptum adhibendum, vers. 14.

XX. Quum innocentia & beneficentia sit utendum erga amicos & adversarios, indignè faciunt, qui vindicta gloriantur: indignius verò, qui beneficia maleficiis compensant, vers. 15.

XXI. Precatione & gratiarum actione assidua opus est: ac propterea impiè agunt, qui nunquam, aut rarò Deum invocant, vers. 18. 19.

XXII. Dona Dei fovenda sunt, vers. 19.

XXIII. Peccant illi, qui temerè quamvis doctrinam aut contemnunt, aut admittunt, vers. 20. & 21.

XXIV. Quum toti à Deo sanctificandi simus, Ergo natura omnino impuri.

XXV. Quos Deus vocavit, sanctificat & conservat, vers. 23. & 24.

XXVI. Paulus sanctè adjurat fideles: ergo juramentum omne non est Christianis prohibitum: ut Anabaptistæ contendunt, vers. 27.

# A N A L Y S I S

## SECUNDÆ EPISTOLÆ PAULI

### A D T H E S S A L O N I C E N S E S.

**U**Ria cum primis ad hujus secundæ epistolæ Pauli ad Thessalonicenses explicationem invitant, illius ordo, brevitās, sublimitas. Ordo; quia priori succedit, eique objecto ac similitudine scopi & materiæ convenit, eamque illustrat. Brevitas; quia tantum tribus iisque succinctis capitibus constat. Sublimitas; quoniam ad consolationem & cautionem Christianam, adventum Christi ad iudicium & Antichristi ante iudicium, graphicè ac propheticè describit.

In cujus limine observanda operis descriptio & partitio. Describimus autem *dogmaticum N. T. scriptum, ab Apostolo Paulo ecclesiæ Thessalonicensi secundò exaratum, quo eam, variis afflictionibus falsisque doctoribus & otiosis hominibus gravatam, in fide ac fructibus illius charitate & tolerantia confirmat, consolatione & hortatione adhibita: ad privatam Thessalonicensium & communem reliquarum ecclesiarum salutem, Deique in Christo redemptoris gloriam.* In qua descriptione elucet occasio, finis, & media eò destinata. *Occasio* scripti est ecclesiæ Thessalonicensis periculum, cum ab hostibus, tum otiosis fratribus: ab hostibus, partim apertis, ac persecutione, cap. 1. v. 4. partim opertis, seductione ac ficta doctrina, cap. 2. v. 2. 3. ab otiosis hominibus, ecclesiā, contra primæ epistolæ c. 4. v. 11. 12. monitionem, gravantibus, cap. 3. v. 6. *Finis* verò proximus est ecclesiæ, cum Thessalonicensis primum 2. Thef. 2. vers. 2. 16. tum etiam reliquarum 2. Tim. 3. v. 16. Rom. 15. v. 14. in fide & charitate confirmatio: medius verò est ecclesiæ salus, 2. Thef. 1. v. 1. 12. ultimus est gratiæ Dei, in Christo redemptoris, gloria, 2. Thef. 1. v. 12. *Media* eò destinata & ministra sunt consolatio & hortatio, insignibus additis documentis.

Partitio verò universalis reliquis etiam epistolis convenit; partes enim sunt tres, quarum duæ extremæ, *præfatio & conclusio*, media, *tractatio rei*, quæ uti necessaria est in epistola, nec omitti solet, ita reliquæ arbitrarie, quæ pro scriptoris arbitrio & occasione, omitti solent: aut omnino, ut in prima epistola Ioannis: aut partim, ut præfatio, in epistola ad Hebræos: conclusio, in epistola Iacobi.

Ad præfationem autem quod attinet ea pro more Apostoli est bimembris, constans inscriptione & salutatione. Et inscriptio quidem causam efficientem ministrā & objectum epistolæ proponit, Illa est duplex, primaria quæ dictavit, Paulus, & secundaria quæ approbavit, Silvanus & Timotheus. Objectum est ecclesia Thessalonicensis, in Deo patre & Domino Jesu Christo, fide & professione fundata, vers. 1.

Salutatio verò, quid boni & à quo imprecetur notat: de qua præfatione pluribus ad primam epistolam egimus, vers. 2.

Porro Tractatio epistolæ *laudatione, consolatione & hortatione* absolvitur. Laudatio, in virtutum ecclesiæ Thessalonicensis celebratione recta consistit: quippe principium & causa illius fuit amor erga virtutem & ecclesiā: modus verò veritas & opportunitas: finis denique ecclesiæ ædificatio, videlicet confirmatio Thessalonicensium in officio, & aliorum exemplum atque imitatio. Laudatio autem hæc alia est apud Deum: alia apud ecclesiā Dei. Laudatio apud Deum, debito gratiarum actionis exprimitur, ad modestiam & gratitudinem commendandam: ne humani ingenii more, inolefcerent aut torpescerent laude. Ac primum gratiarum actio proponitur generatim, quod de ipsis semper gratias Deo agere deberet: idque declarat à iustitia, qua auctori Deo suum debetur: quam materiam

gratiarum actionis exponit, insigni incremento virtutum Christianarum, cum fidei, tum charitatis mutue. Quarum uti epistola prima cap. 1. vers. 3. meminit: ita augmentum egregium, ab eo tempore illis accessisse ostendit, vers. 3.

Quæ laudatio apud Deum, altera narratione laudis apud Dei ecclesiā, amplificatur: quam primum indicat generatim: deinde speciatim declarat. Generatim quidem, cum ait, *adeo ut nos ipsi de vobis gloriamur apud ecclesiā Dei*: quod prima fronte alienius videtur ab officio Pauli, quod non de creatura, sed de creatore sit gloriandum: nec sibi, sed Deo gloria vindicanda. Veruntamen nihil omnino absurdi est: quia primum non de hominibus, sed de Dei donis in ecclesiā collatis gloriatur: deinde ea non sibi, suoque labori, sed Deo adscribit, ut ex v. 3. constat: denique non gratiam hominum, nec suam gloriam capiat, sed Dei gloriam & ecclesiæ ædificationem; ideoque gloriatione hac non peccat. Speciatim verò gloriationis materiam explicat: *tolerantiam & fidem*. Quum autem tolerantia alia sit communis ac civilis (qualis etiam in gentilibus existit) alia propria ac Christiana, quæ ex fide, & Christi nomine, res adversas perfert: idcirco ut fidem conjungit (tanquam causam efficientem) ita & objecto persecutionum & afflictionum describit, quum earum patientiam vocat: quæ duo à quibusdam ita distinguuntur, ut *persecutio* speciem, *afflictio* genus notet: sed commodius est, ut de Christianarum perpersionum gradibus intelligamus: ut, pro more, persecutio antecedit, afflictio & oppressio succedat, vers. 4.

Atque hoc modo, eleganter, ad alteram tractationis partem, quæ consolatio est, transit: qua adversus periculum ab hostibus apertis & persecutoribus ipsos affligentibus consolatur bifariam: primum ab afflictionum usu & ab adjuncto exitu: deinde à sua precatione & intercessionem. Ac primum tractatur sex versibus. propositione & expositione. Propositio est, ipsorum afflictiones esse documentum iusti iudicii Dei & salutis ipsorum, ut digni habeantur regno cælesti Dei, pro quo etiam patiebantur. Idque opponitur tentationi eorum, qui iniquè, graviter, & impune pressi, de Dei providentia & hominum forte malè cogitant: Deum scilicet aut non esse iudicem, qui curet res humanas: aut iniquè curare, & pios infelices, contra impios felices Deoque gratos: quæ ad desperationem & defectionem à pietate, præceps via, ut Psal. 73. v. 2. 3. 15. Mal. 3. v. 14. 15. contra hoc telum retorquet Paulus, cum docet, afflictiones fidelium esse iudicii divini & felicitatis ipsorum argumentum ut Ps. 73. & Mal. 3. v. 16. 17. 18. & 4. 1. 2. Quod verò ex hoc loco Pontificii meritum operum stabilire conantur, quia dignitatis regni sit mentio, illud infirmum est: quia dignum latius patet, quàm meritum: hoc enim stricti tantum est juris; illud verò sæpe etiam ad impios & æquitatem pertinet: nam quicquid idoneum est & conveniens, dignum dicitur, licet absit meritum: quemadmodum Matth. 3. v. 8. *fructus digni resipiscetia*, & 10. 11. *quis dignus in domo*, id est, idoneus, & vers. 38. *quis non accipit crucem suam & sequitur me, non est me dignus*, hoc est, idoneus discipulus. Nam quod illud *meritum congrui* vocant, vocis abusu ludunt. Deinde tolerantia & perseverantia conditio est & via regni, Matth. 5. v. 10. & 16. v. 22. & 2. Tim. 2. v. 2. Act. 14. v. 22. non causa meritoria regnandi, Rom. 8. v. 18. & 6. v. 23. *stipendium peccati mors*, &c. vers. 5.

Cæterum hanc propositionem insigni expositione & expolitione illustrat & amplificat, divisione iusti iudicii Dei, ratione objecti iudicandi, cum affligentium, tum afflictio-

afflictorum, Luc. 16. vers. 25. Illorum quidem; quod justum sit apud Deum, vicissim reddere iis, qui affligunt vos, afflictionem, nempe æternam, secundum fœdus legis & operum, vers. 6.

Horum verò, quod justum sit apud Deum, vicissim vobis afflictis dare *relaxationem*, hoc est, Synecdochicè, vitam æternam, quam tanquam coronam & præmium justitiæ, Deus justus iudex die ultimo daturus est, 2. Timoth. 4. 8. non propter debitum meriti humani, sed propter Christi *ἀντων* & gratuitam Dei promissionem, secundum fœdus Evangelii & gratiæ. Atque hanc relaxationem declarat Apostolus à simili subjecto, cum ait, *nobiscum*. Paulus enim, Silas, Timotheus & cæteri fideles socii erant afflictionum & gloriæ: idque ad consolationis incrementum additur; ut Matth. 5. v. 12. Hebr. 12. v. 1. Quod iudicium geminum amplificat Apostolus à tempore, adventu Christi secundo: & iudicis Christi maiestate, ac iudicii modo. Maiestas indicatur, primum, loco unde venturus, nempe è cælo; deinde comitatu ac satellitio, *angelorum potentia ipsius*, hoc est, potentibus ipsius angelis, ut Psal. 103. v. 20. aut potius, potentia Christi ministris, Dan. 7. v. 10. Matth. 16. v. 27. hæc de vers. 7.

Quæ maiestas ex iudicii modo describitur, cum ratione impiorum, tum piorum. In priori, impios distinguit, primum *in eos, qui non noverunt Deum* (quales plerique infideles gentiles) qui laborant vel ignorantia simplici, Dei, in Christo, redemptoris: vel acquisita atque affectata ignorantia Dei creatoris, Rom. 1. v. 21; quarum illa arcet à vita ac detinet in morte: hæc verò meritum mortis supplicium augeat, Luc. 12. v. 47. deinde in eos, *qui non obediunt Evangelio Christi*, hoc est, infideles, præsertim Judæos & gentiles, quibus prædicatum Evangelium. Horum autem impiorum iudicii modus & pœnæ gravitas indicatur, ultionis instrumento *igne flammante*, vers. 8.

Et à duratione temporis, quod *pœnam pendunt exitii æterni*. Cujus infligator repetitur Christus sua *facie*, sermone suo & glorioso robore, quod & per se & angelorum ministerio exercet, vers. 9. de quo Matth. 25. vers. 41. Cæterum quid per *αἰώνιον faciem Christi* denotetur, inquiri potest. Quidam præsentiam & conspectum Christi gloriosum & impiis terribilem significari censent; ut Apoc. 6. v. 16. *dixerunt montibus & Petris, cadite super nos & abscondite nos à facie ejus, qui insidet throno, & ab ira Agni*. Alii *faciem*, Metonymicè indignationem & iram exponunt: ut *פנים* apud Hebræos: quod in facie ira hominis appareat, sic 1. Pet. 3. v. 12. & Psal. 34. vers. 17. *facies Domini in facientes mala*, Psal. 51. v. 11. *averte faciem tuam à peccatis meis*: quibus locis, quidam Interpretes, *faciem*, paraphrasticè vertunt, *iratam faciem*. Hoc autem in loco, ira & potentia conjunguntur, ut ira non inanis, sine viribus; sed efficax indicetur. Utraque sententia probabilis; prior tamen videtur accommodatior, ut quæ alteram complectatur.

Porro modus justii iudicii, quo pii judicabuntur, eorumque gloria indicatur sequentibus: ac pii quidem vocantur *sancti* ac *fideles*: quod à profano mundo secreti, per fidem ac charitatem, Deo illiusque cultui sint consecrati. Gloria verò eorum describitur, primum ex effecto, Christi in ipsis glorificatione admirabili, quum humilia fidelium corpora conformia redditurus est corpori suo glorioso, Phil. 3. v. 21. & in societatem ac participationem cælestis gloriæ, & ad hæreditatis incorruptibilis possessionem, 1. Petr. 1. v. 4. collecturus est. Secundò describitur etiam à causa instrumentali, fide: quam non universè ponit; sed, ad consolationem fidelium Thessalonicensium, particulatim accommodat, quod *fides habitata fuerit testimonio prædicationis Pauli apud ipsos*. Quod autem nonnulli, quod subjicitur, *in die ullo*, ad proxima verba, ad fidem aut testimonium Pauli referunt: illud alienius esse, res ipsa ostendit. Quum enim per parenthesis inferantur ista (*quod fides habitata sit testimonio nostro apud vos*) sequentia, *in die illo*, construenda sunt cum initio hujus versus: intelligit enim diem illum ultimum iudicii: ut tædium moræ & dilationis gloriæ minuatur, Luc. 21. v. 19. & impatientiam frænet, ut Colos. 3. v. 3. *Quum Christus patefactus fuerit Vita nostra, tunc*

*& cum illo patefietur in gloria*. & Heb. 10. v. 35. 36. 37. *ne abjeceritis fiduciam vestram, &c. adhuc enim pusillum temporis est, & qui venturus est, veniet, & non tardabit*, vers. 10.

Qua via ac ratione, primum propositæ consolationis argumentum absolvitur. Alterum verò superest, à Pauli Apostoli cura ac comprecatione perpetua, pro ipsis, hoc est, ipsorum bono & proximo & remoto. Ac proximum exponit cum universè, tum particulatim. Universè, cum ait, *ut vos dignetur vocatione*. Cæterum *vocationis* vocem quidam figuratè, per Metonymiam, cælestem gloriam, ad quam vocati erant, intelligunt: alii contra vocationem ad obedientiam Evangelii. Quum autem illius haberent initium & progressum aliquem, eatenus non intelligi: sed ratione augmenti & complementi seu perseverantiæ: quod phrasi scripturæ & rei accommodatius: nam particulatim hoc declarat à propensæ benefaciendi voluntatis ac charitatis, & à fidei complemento: quibus duobus officium Christianum continetur. Nam quod *ἐνδουλὰν* *gratuitam benevolentiam* vertunt, & *bonitatem* simul ad Deum referunt, ac si fontes beneficiorum divinatorum indicarentur, illud non videtur necessarium: *ἐνδουλὰ* enim propriè non significat gratuitam benevolentiam, sed tantum approbationem animi, & Metonymicè, propensum animum ac delectationem, sive debitam, sive indebitam: ut ex vocis origine & bonorum authorum & S. Scripturæ usu constat, Rom. 10. v. 1. cordis mei *ἐνδουλὰ*, propensa voluntas, *ἡ οὐδὲ ἐνδουλὰ*, ut Oecumen. exponit, Phil. 1. v. 15. hominum *ἐνδουλὰ* opponitur invidiæ. & 2. Thess. 2. v. 12. objectum illius etiam statuitur iniquitas, *ἐνδουλὰν* *ἐν τῇ ἀδικίᾳ*, *delectati iniquitate*. deinde *ἀγαθωσύνην*, *ἀγαθὴν*, id est, bonitas, fides, etiam hominibus tribuuntur, ut effecta spiritus, Galat. 5. vers. 22. Quare, etsi ad Deum referri possit; tamen, quemadmodum Paulus vers. 5. Deo pro fide & charitate mutua, quæ alii in alios bonitatem propenso animo exercebant, gratias egit, sic hoc loco omninò videtur, convenientissimè, pro earundem virtutum complemento, precari; quemadmodum *ἐνδουλὰ* Pauli & communicatio conjunguntur, 1. Thessalon. 2. v. 8. & Paulus Roman. 15. v. 14. Romanos ait plenos *ἀγαθωσύνης* bonitatis & plenos omni cognitione. Deinde *opus fidei* dici potest bifariam, vel ut fides causam efficientem notet: vel subjectum: unde duplex oritur expositio; nonnulli per *opus fidei* actum virtutis fidei & confessionem, ut 1. Thessalon. 1. v. 3. alii ipsam fidem, quæ opus est Dei, per appositionem intelligunt: quod Paulus precetur, ut Deus bonum opus fidei quod in ipsis cæpit, perficeret, potentia sui spiritus, 1. Pet. 1. v. 5. Philipp. 1. v. 6. mundum mundique principem & carnem domando. Sed prior expositio magis quadrat, quia phrasis proprietatem servat: deinde cum Apostoli loco 1. Thessal. 1. vers. 3. convenit, ubi fidei non minus quàm charitatis & spei opus, à fidei virtute atque habitu distinguitur: denique quia uberior est interpretatio, ut quæ alteram includat.

Quod bonum proximum, ultimo, ac fine, nempe gloria duplici amplificatur, primum Domini nostri Jesu Christi: deinde Christianorum Thessalonicensium: cujus fontem, ut Rom. 6. v. 33. adscribit, gratiam, hoc est, gratuitam benevolentiam, Dei nostri & Domini nostri Jesu Christi, vers. 12.

## C O N S E C T A R I A.

I. **P**AULI Apostoli exemplo, Ecclesiæ non solum ministerio verbi coram colligendæ sunt: sed etiam à Pastoribus absentibus, per literas sæpius confirmandæ, ut in officio persistent.

II. Quamvis inter Ecclesiæ pastores, alii donis alios superent; honestè tamen consortes suos, Pauli exemplo, in amore & honore habere debent.

III. Ecclesia vera in Deo & Christo fundata tantum est: quare qui aliud fundamentum statuunt, & hominum placitis innituntur, Ecclesiæ titulum falsò sibi arrogant, vers. 1.

IV. Deus est gratiæ & pacis causa efficiens & perficiens, vers. 2.

V. Bono-

V. Bonorum auctori Deo gratias agere non est nobis arbitrium, sed necessarium ac debitum officium.

VI. Hujusmodi autem gratiarum actio non debet esse rara ac languida: sed seria ac perpetua.

VII. Ministri verbi, Ecclesiæ à se collectæ; in pietate, profectum, suum bonum ducere debent: ac pro eo gratias agere, & Ecclesiæ gratulari.

VIII. Fidem Christianorum & charitatem augescere decet.

IX. Charitatis autem proximi mutua esse debet: ideoque peccant, qui inofficiosi in alios, officium erga se flagitant.

X. Quum pro incremento fidei & charitatis Deo gratia agendæ sint, inde apparet, illud esse Dei donum: eoque non humanis meritistribuendum, vers. 3.

XI. De aliorum dotibus glorari licet, modò Deo & veritati inserviat.

XII. Qui piè volunt in Christo vivere, persecutionem patientur: eoque non est, cur eo offendamur: sed fidei conjungenda est tolerantia, vers. 4.

XIII. Quum afflictionum tolerantia sit fidelibus argumentum justi judicii Dei & salutis ipsorum: ergo iniquè faciunt, qui inde occasionem arripiunt Dei justitiam arguendi.

XIV. Quum Deus in fide perstantes constanter dignetur regno Dei, æquo animo contemptus hominum & jactura regni terreni ferenda.

XV. Exitus affligentium Christianos est æterna ipsorum afflictio: Ergo non est cur impatienter crucem feramus, & sortem ipsis pro tempore secundam invidemus.

XVI. Deinde hoc exitu territi, ab aliis iniquè opprimendis abstinere debemus, vers. 6.

XVII. In afflictionibus nostris, beatus exitus & sanctorum apostolorum aliorumque societas consolationi esse debet, vers. 7.

XVIII. Angeli sunt potentia Domini nostri Christi ministri: ergo Christus Angelis major: eoque curæ & potentia illius consideratione, rerum adversarum acerbitas mitiganda, & metus potentia adversariorum tollendus, vers. 7.

XIX. Ignorantia Dei à justo illius judicio & exitio neminem excusat.

XX. Quum ultio judicii universalis sit futura igne flammante; hinc supplicii gravitas colligitur & impiorum infelicitas: & propterea Evangelio Christi obediendum, vers. 8.

XXI. Non solum gravitas supplicii impiorum, in pœnæ modo; sed etiam in æterna duratione consistit: quapropter non est, cur temporario rerum successu gloriantes fidelibus insultent: aut fideles eo offendantur.

XXII. Adventus Christi secundus futurus est gloriosus: ideoque prior adventus humilis & crux Christi offencilulo esse non debet.

XXIII. Quum nec potentiam nec vultum irati judicis Christi latari sint impii; sed in pœnas æternas abigendi: cum timore & sanctitate salutis studendum, vers. 9.

XXIV. Omnes fideles sancti sunt: ergò sanctè iis vivendum.

XXV. Officium ministrorum Evangelii est, veritatem salutiferam divinitus acceptam fideliter tradere ac testimonio confirmare.

XXVI. Vicissim Ecclesiæ est, doctrinæ & testimonio evangelico fidem adhibere.

XXVII. Cœlestis gloria credentibus omnibus communis est.

XXVIII. Eamque vera fide singulos fideles sibi accommodare oportet.

XXIX. Quoniam gloria æterna fideles manet: æquo animo ignominiam temporariam ferre ac superare decet.

XXX. Quum Christi gloria ex nostri glorificatione dependeat, utpote capitis gloria ex membris, non est cur de ejus certitudine dubitemus.

XXXI. Quandoquidem gloria nostra reservata est ad diem ultimi judicii: non est cur impatientius moram

illius feramus, aut de die illo abhorreamus, vers. 10.

XXXII. Pastorum & reliquorum fidelium officium est, pro Ecclesiæ salute, apud Deum, precibus intercedere.

XXXIII. Precatio nostra niti debet hoc fundamento, quod Deus est Deus noster, hoc est, fœdere salutifero nobis, per Christum, devinctus pater ac servator.

XXXIV. Deus est bonæ voluntatis & fidei causa perficiens, vers. 11.

XXXV. Salus nostra ex gratia Dei nostri & Domini Jesu Christi oritur: Ergo non est merita, ut falsò Pontificii statuunt, vers. 12.

## CAPUT SECUNDUM.

Quum tractationis hujus Epistolæ partes sint tres, laudatio, consolatio, hortatio: duas priores, quæ cap. 1. continentur, exposuimus: superest verò tertia, cujus scopus est Ecclesiæ Thessalonicensis confirmatio in officio, cum fidei adventus Christi, contra falsos doctores, cap. 2. tum charitatis, præsertim in fratrum inordinatorum correctione, cap. 3. ut etiam ex cap. 2. vers. 15. 17. & 3. v. 5. apparet. Modus verò ac via petendi hunc scopum utrobique est hortatio.

Prius membrum constat propositione, confirmatione, conclusionem. Ac propositio tractatur præfatione ante rem, & re ipsa. Præfatio ad docilitatem comparata est, & hortationi addit pondus, à persona & ab hortationis modo. Personam indicat relatè, cum fratres vocat, quod videlicet ab eodem patre Deo, eademque matre Ecclesia Christi, virtute Sp. S. ex incorruptibili Euangelii semine regenerati essent, 1. Pet. 1. vers. 23. Jac. 1. v. 18. eoque summam ac mutuam haberent cognationem & amoris mutuum vinculum arctissimum: unde hæc sollicita hortatio profluxit.

Modus hortationis non est mandatum, pro jure legationis apostolicæ: sed emphatica rogatio & obtestatio: nam rogatio intimum ac serium Apostoli studium: obtestatio verò, rei, ad quam hortatur, præstantiam ac necessitatem designat: rogat enim obtestando, primum per *adventum Domini nostri Jesu Christi*: deinde per *nostri ad eum aggregationem*. Nam quod quidam *ut* vertunt *de*, & *quantum ad* exponunt, ut materiam seu objectum noter; illud dilutius est: quum contra, si *ut* vertamus *per*, ut causam significet, (quemadmodum apud bonos auctores ita in usu esse solet) optimè fluat. Cœterum adventus Christi hic non primus & humilis, quo venit judicandus: sed secundus & gloriosus, quo venturus est judicatum vivos & mortuos, intelligitur. Necetiam, ut nonnulli putant, aggregatio nostri spiritualis præsens, qua fide Christo sumus uniti; sed corporalis ac futura Christi adventu designatur: de qua Matth. 24. v. 38. & 1. Thess. 4. v. 17. idque etiam ex hujus Epistolæ cap. antecedenti vers. 5. 7. 10. 12. colligitur: nam hac ratione hanc partem hortatoriam consolatoriam eleganter connedit, dum illam ex hac deducit: ut, quam charus ipsis esset Christi adventus & ipsorum consequens salus, roganti Apostolo parerent, vers. 1.

Cui præfationi hortatio cohæret, ad fugam seductionis falsæ doctrinæ, de imminente die illo Christi, hoc est, ultimo adventus Christi die, Luc. 17. v. 24. nam quamvis alibi, ut 1. Joan. 2. v. 18. adesse novissimam horam, seu tempus dicatur: illud tamen, ob diversam relationem, huic dicto minimè repugnat: nam comparatè cum temporibus primum Christi adventum præcedentibus, sequentia ad secundum adventum vocantur *novissima tempora*, Heb. 1. 1. Deinde quamvis etiam dies Christi instare doceatur: illud etiam intelligitur relatè ad Deum & ad tempora consequentia secundum adventum, quæ longissima, quia æterna 2. Petr. 3. v. 8. Denique relatè ad impiorum expectationem, 2. Petr. 3. v. 10. & 1. Thess. 5. v. 2. 3. quibus futurus inexpectatus & repentinus Christi dies. Hoc autem in loco instare negatur, eo sensu, quo à seductoribus affirmabatur, qui non post aliquot annorum centurias, Deo soli notas; sed brevi, ipsis viventibus, adventurum Christum fingebant, contra sententiam Christi, & mentem atque assertionem Pauli, 1. Thess. 5. 1. 2. Hanc autem seductionem



nem suis membris & modis describit. Membra enim sunt error mentis & terror animi: quorum indignitatem etiam à temporis, quo rectè instituti sunt, brevitate exaggerat, cum ait, *circa*. ut Gal. 1. v. 6. Modi quibus ad eam rem seductores abusi, fuerunt falsi prætextus, cum *spiritus*, hoc est Metonymicè, revelationis Sp. S. tum doctrinæ Pauli, per sermonem & epistolam. Quum enim & coram, sermone, de adventu Christi & fine seculi, differuerit 1. Thess. 5. 2. & 2. Thess. 2. v. 5. & per Epistolam absens, primam videlicet ad Thess. cap. 4. videntur (ut rectè veteres Theologi observant) utroque & Pauli sermone & epistola abusi, præsertim 1. Thess. 4. v. 15. *nos vivi reliqui ad illius adventum*, & v. 16. *deinde nos vivi reliqui*: quasi illa essent de Pauli & Thessalonicensium tum viventium personis propriè dicta: quum contrà (ut ostendimus) Synecdochicè sint intelligenda, 1. Cor. 15. vers. 52. *nos vivi*, hoc est, è nostro corpore, è fidelium numero vivi: nam fideles ad finem mundi, unum constituunt corpus mysticum, cujus caput Christus, 1. Cor. 12. v. 12. Eph. 4. v. 16. & 5. 31. idque colligi poterat ex 1. Thess. 5. v. 1. 2. Hæc de Vers. 2.

Quare generatim fraudem adversariorum & cautionis officium indicat, quum ait, *ne quis vos seducat ullo modo*, hoc est, prout Satan est versipellis, hoc vel alio quocunque modo. Atque hæc est hortationis propositio, cui confirmatio gravissima ac prophetica adjicitur, quod ante Christi adventum quædam præire debeant, quæ nondum sint completa: quum autem illa sint varia, hoc in loco duo illustria recensentur, apostasia & antichristi revelatio, quæ propter obstaculum differuntur. Ac de utroque loquitur Apostolus per ellipsin, cum ait, *quoniam nisi evenerit apostasia, seu defectio prius*, &c. nempe non veniet dies Christi: ut ex orationis serie & versu antecedenti omninò colligitur: eoque ellipsin hanc supplevit Oecumenius ad vers. 4. noster interpret minus remotè, pauloque clarius, initio tertii. Per apostasiam autem quidam corporalem à Romano Imperio; alii contra spiritualement à Christo defectionem accommodatius intelligunt: & quidem vel improprie, per Metonym. ut antichristum notet: quemadmodum enim *scelus* pro egregiè scelesto: sic *apostasiam* pro insigni apostata & defectionis auctore ac fautore sumtam arbitrantur: vel proprie, ut ipsam actionem defectionis & quidem à Christo Synecdochicè significet. Quum autem defectio alia sit particularis, quæ particulari loco, partique orbis exiguae contingit: vel universalis, quæ per universum pene orbem se diffundit: non illa; sed hæc intelligitur: nam eo tempore, quo Paulus hoc scriberet, particulares extiterunt defectiones: universalis verò postmodum secuta est, de qua etiam 1. Timot. 4. v. 1. *Spiritus autem disertè dicit, fore ut postremis temporibus deficiant quidam à fide*: hoc est, doctrina & professione fidei.

Sed obijciunt Pontificii: adversus quos portæ inferorum non prævalebunt, illi non deficient. Atqui adversus Ecclesiam universalem portæ inferorum non prævalebunt, Matt. 16. ergo Ecclesia universalis non deficiet. Deinde si Ecclesia universalis definit (quæ Christi regnum est) definit Christus esse re ipsa rex. Atqui hoc impium: ergo & illud. Verum est fallacia ignorationis elenchi: quia Ecclesia aliter à nostris; aliter in argumentatione adversariorum accipitur: nostri enim Ecclesiam universalem non invisibilem (quæ solos electos & vere fideles complectitur, de qua Christus loquitur, Mat. 16.) sed visibilem, quæ electis & hypocritis constat, Mat. 13. intelligunt: & quidem universalem: verum non absolutè ac simpliciter (alioqui electi iis contenti simul deficerent) sed relate & secundum quid: relate quidem ut totus penè orbis, parti illius opponatur; secundum quid verò, ratione maximæ partis Ecclesiæ, hoc est hypocritarum: Ecclesiā interim verā, in paucis verè fidelibus, superflite, ac Christo super iis regnante. Hæc autem defectio evenit sensim, potissimum verò ut rectè observatur, primum per Mahometem, qui omninò, & re & professione, à Christo & Christiano nomine defecti, magnamque orbis partem ad apostasiam seduxit: deinde per Episcopos Christianos, præsertim Romanum, qui sub nomine Christiano, antichristianam tyrannidem in Ecclesiam

invenit. Atque hæc apostasia primum est, quod hoc in loco, ante Christi adventum, eventurum prædicit Apostolus.

Alterum est revelatio Antichristi. Quum autem id, quod revelatur, prius existat, ostendit, antichristum primum fore, antequam patefiat: quod sit bifariam: nam revelatio prima est regni illius, initio Ecclesiastici, postea politici: de quo v. 7. altera impietatis ac fraudis, de quo vers. 8.

Cæterum quia hæc prophetia est maximi momenti, idcirco Antichristum graphicè, ad fidelium cautionem & consolationem, describit quadruplici circumstantia; primò effecti peccati; deinde adjuncti consequentis exiti; tertio subjecti loci; denique adjecti temporis. Prima circumstantia indicatur, cum Paulus antichristum vocat, *hominem illum peccati*, id est, peccatorem, per hebraismum, quā substantivum cum substantivo constructum pro adjectivo usurpatur. Quum autem hæc vox in S. Lit. sumatur aut proprie ac generatim, pro quovis legis divinæ transgressore: aut speciatim, per Synecdochen, *ὁ ἄρχων*, pro eo, qui peccatis omninò deditus ac mancipatus est; seu pro homine egregiè scelerato: sic hoc in loco accipi debere, res ipsa evincit: quia discernitur hoc modo, ab aliis hominibus, qui communi ratione peccatores existunt.

Altera circumstantia nempe adjectum exitium describitur, quum phrasi Hebræa, *filius perditionis*, hoc est, homo perditissimus vocatur: ut filius iræ Eph. 2. v. 3. quum autem perditio alia sit temporalis, alia æterna: hæc per Synecdochen intelligitur, ut Joan. 17. v. 12. Iudas vocatur *filius perditionis*, hoc est, non solum jure, ut omnes, naturā, Ephes. 2. v. 3. sed etiam re, perditioni æternæ obnoxius, ac perdendus. Verum hoc in loco exurgit quæstio, an Antichristus qui hic describitur, sit persona aliqua singularis, absolutè ac simpliciter unica numero. Pontificii affirmant, ut suum Pontificem tueantur: & mysterium iniquitatis componant. Orthodoxi verò contra asserunt, singularem quidem personam denotari: sed non absolutè ac simpliciter unicam numero: sed unicam tantum relatione unius temporis, & ordinis: successione verò temporum plures; seu quod eodem redit, unam ordine ac persona, quam sustinet: plures successione. Quemadmodum enim singulare animalium, leonis, urisque specie, regna regumque successiones rectè Danieli denotantur: ita non est absurdum, ut adversarii contendunt, plures successione & ordine in unum congruentes, singulari numero, hominis voce denotari.

Sed rursus instant: si Antichristus vocaretur sine articulo *ὁ ἀνδρῶν*, alia esse posset ratio: nunc verò cum articulo *ὁ ἀνδρῶν*: Ergo homo singularis unicuique omninò designatur: in quo argumento exultant ac sibi mirifice placent adversarii: sed in præterit: quia falsa est consequentia, quam nec ex grammaticis, nec ex Scripturis didicerunt: nam articulus vim quidem atque emphasin habet; sed nec perpetuò (cum sæpe redundet) nec qualem contendunt Pontificii: nam Matth. 12. vers. 35. *ὁ ἀνδρῶν ἀνδρῶν*, &c. & Marc. 2. v. 27. *Sabbatum factum est διὰ τοῦ ἀνδρῶν*, &c. & Luc. 4. v. 4. *non pane solo vivit ὁ ἀνδρῶν*, Luc. 11. 24. *quum impurus Spiritus exierit ἐκ τοῦ ἀνδρῶν*, 2. Tim. 3. v. 13. articulus redundat: denique 2. Thess. 2. v. 6. 7. *ὁ κατὰ* & *ὁ κατὰ* cum articulo, de Romano Imperio & imperatorum successione ipsimet Pontificii intelligunt. Huc accedit, quod Matt. 16. v. 18. *ἐπὶ τὴν τῇ πέτρα super hanc petram*, &c. non de unica persona Pontificis, aut unius temporis Ecclesiæ: sed de perpetua & ordinaria Pontificum & Ecclesiæ successione intelligunt. Hoc igitur statuimus, emphasin quidem esse: sed hunc antichristorum ordinem insignem distingui, articulo, à vulgaribus hæreticis & antichristis, ut 1. Joan. 2. v. 18. hæc de v. 3. & secunda circumstantia Antichristi.

Antequam verò tertia proponatur, primæ illustratio opportunè adjicitur: nam peccata Antichristi primum generatim reponuntur, cum vocatur *ὁ ἀντιχρίστῳ* adversarius ille. Sic enim vertendum esse ostendit constructio & usus hujus vocis, ut 1. Cor. 16. v. 9. *ἀντιχρίστους πολλοὺς*, adversarii multi, & 1. Tim. 5. v. 14. *nullam occasionem dare τῷ ἀντιχρίστῳ* adversario, hoc est, Satanæ, ut ex v. 15. & 1. Tim. 3. v. 6. 7. colligitur, idque per Synonymiam: nam Satan

Satan hebraicè ἀντικρίστης adversarium notat. Hoc autem nomen bifariam in Sacris Literis accipitur, aut relatè ratione actionis, ac per infirmitatem, ut Christus Petro dicit Matth. 16. 23. *abi à me Satana*; aut absolutè ratione universi studii & vitæ: idque vel communiter, ut Ecclesiæ persecutores & hæretici quivis: vel καὶ ὁ ἄρχων, ut Diabolus, & Antichristus, quemadmodum enim Diabolus vocatur ὁ ἀντικρίστης, quod insignis sit ille ἀντικρίστης adversarius Dei & filiorum ipsius, 1. Pet. 5. 8. sic primogenitus Diaboli & filius peccati propterea vocatur specialiter & καὶ ὁ ἄρχων ille antichristus, 1. Ioan. 2. 8. & ὁ ἀντικρίστης: quod Christo sit adversarius, cum ratione ipsius personæ, cuius gloriam violat: tum ratione membrorum, seu Ecclesiæ, quam oppugnat ac persequitur.

Atque huic generali peccatorum Antichristi expositioni, specialis subijcitur: eaque bimembris; unde generalis confirmatur: duo enim tribuit peccata insignia ac verè Diabolica, impietatem simul & superbiam horrendam; cum in Deum, tum simul in Ecclesiam: in Deum, cum ait, ipsum sese efferre adversus omnem, qui vocatur Deus, aut nomen: hoc est, tam verum, quam falsum Deum, ut oppositio ac distinctio ostendit. Hæc autem elatio fieri potest bifariam, aut factis & re ipsa, aut verbis etiam: prius autem hoc loco intelligitur: nam ut Paulus de hominibus impiis ait, eos profiteri se scire Deum, factis verò negare, Tit. 1. v. 16. Ita & antichristus: idque & Paulus docet, cum ipsum, in templo Dei sedurum & fraude usum ostendit, vers. 10. & res ipsa evincit: nam si aperta professione sese supra Deum eveheret, nullam sibi in templo Dei faceret fidem, aut non diuturnam. Quare quod Pontificii ex hoc loco conantur probare suum Papam non esse antichristum, quod non sese Christi adversarium profiteatur, sed vicarium; nec sese supra Deum efferrat, quum se Dei servum vocet: illud sua sponte corruit: quia falsâ nituntur hypothesi: non enim de professione antichristi; sed de factis loquitur Apostolus; quæ in Pontifice comparent: nam cum se Christi vicarium vocat, honorem regni illius, in quo Christus solus caput est, sibi arrogat; & leges à Deo Christoque solo legislatore spirituali latas mutat, auget, abrogat, quemadmodum se quidem servum servorum, Domini verbis vocat: re ipsa verò sese tanquam tyrannum servorum Domini gerit, & Dominos suos, reges & imperatores, ad pedum oscula detrudit. Idque amplius ex impia superbia in Ecclesiam liquet, quam Apostolus, addita tertia loci circumstantia, describit, cum ait: adeo ut in templo Dei tanquam Deus sedeat, demonstrans se esse Deum: hoc est, non solum ita impius erit in Deum; sed etiam adeo fallax, ut in Ecclesia sedem figat ac dominetur, non ut pastor, sed depastor Ecclesiæ & adversarius Dei, arrogata sibi divina auctoritate, falsoque se Deum esse demonstrans: nam quod nonnulli vertunt, in templum Dei sedebit, ac si sensus esset, sese templum Dei esse iactabit, illud non satis convenit verbis insertis, ut Deus: quare & sumitur, ut sæpe, pro eo, quod Dei instar, in templo illius sedeat, hoc est, solium Dei occupet. Templum autem vocat Ecclesiam Dei, metaphorâ ac similitudine, à typo legalis templi derivata: nam ut templum Dei, Dei cultui erat sacrum, quod profanari sine impietate non poterat, in quo Deus præsentia sua gratiosa præsidebat: ita Ecclesiæ fuit typus, quæ propterea vocatur Dei domus, 2. Timoth. 3. v. 15. & fideles Dei templum, 1. Cor. 3. vers. 17. è vivis lapidibus exstructum, 1. Pet. 2. 5. in quo & Deus habitat, 2. Cor. 6. 16. & fideles sacerdotes sunt, ut spirituales hostias, Deo acceptas per Christum, offerant 1. Pet. 2. 5. sic Ecclesia triumphans, Apoc. 3. 12. & 7. 15. & 11. 19. Nam quod Pontificii contra disputant, templum Dei significare templum Hierosolymitanum, illud ineptum: nam templum Hierosolymitanum erat brevi omnino destruendum ante antichristi dominatum. Ac quamvis Irenæus ita exposuerit, illud factum esse, verisimile est, quod Papiæ, antiqui sedè exigui iudicii ac creduli nimis scriptoris, autoritate fuerit deceptus: ut etiam in explicatione Apocalypsis, in qua, figuratè dicta propriè perperam accepit, ipsi evenisse con-

stat. Eoque Chrysostomus utrumque conjunxit, & Hieron. ad Algasia quæstion. 11. eam sententiam corrigens, ait, *sedebit in templo Dei, vel Hierosolymis: vel in Ecclesia: ut verius arbitramur*. Quam sententiam probat etiam Thomas Aquinas, ad hunc locum. Et Oecumenius ait, *non in Ierusalem. sed in Ecclesiis Dei*. Quare quod hinc colligunt Pontificii, Papam non esse antichristum, quia non Hierosolymis; sed Romæ sedet: consequentia absurda est. Quemadmodum etiam, quod ex impietate & superbia Antichristi arguantur, Papa, inquit, sedet in Ecclesia, sed non ut Deus ac Dominus summus; sed ut Christi vicarius, nec se demonstrat esse Deum; sed Dei servum. Ergo non est Antichristus. Falsum enim est antecedens: nam, ut, quæ modo attuli, non repetam, auctoritatem divinam & dominium exercet in Ecclesiam, dum omnium iudiciis sese eximit & iudicem ac regem universalem statuit: qua de re memorabiles cum primis sunt duo loci, in iure Pontificio: prior in decreto Gratiani, dist. 40. si papa. dictum Bonifacii martyris. Si Papa suæ & fraternæ salutis negligens deprehenditur, inutilis & remissus in suis operibus & insuper à bono taciturnus; quod magis officit sibi & omnibus: nihilominus innumerabiles populos cateruatim secum ducit primo mancipio gehennæ, cum ipso plagis multis in æternum vapulaturus: huius culpas istic redarguere præsumit mortalium nullus, quod cunctos ipse iudicaturus à nemine est iudicandus, nisi deprehendatur à fide devius. Posterior locus est Bonifacii octavi, qui ob insignia scelera potius Malefacius esset appellandus, Extravag. comm. l. i. c. 1. unam sanctam, asserit, si potestas spiritualis minor deviat, à suo superiori; si verò suprema, à solo Deo, non ab homine poterit iudicari, testante Apostolo, 1. Cor. 2. spiritualis homo iudicat omnia, ipse autem à nemine iudicatur. & in conclusione addit. Porro subesse Romano pontifici omnem humanam creaturam, declaramus, dicimus, definimus & pronunciamus, omnino esse de necessitate salutis. Quod etiam pertinet glossa ad eum locum. Christo data erat omnis potestas in celo & in terra. Matth. 28. Ergo summus pontifex, qui est ejus vicarius, habebit hanc potestatem. Item, Iesus Christus, dum fuit in hoc mundo, & ab æterno naturaliter Dominus fuit, & de jure naturali in imperatorem & quoscunque alios depositionis sententiam ferre potuisset & damnationis, & quascunque alias, utpote in personas quas creaverat & donis naturalibus & gratuitis dotaverat, & etiam conservabat. Et eadem ratione vicarius ejus potest: nam non videtur Dominus discretus fuisse (ut cum reverentia ejus loquar) nisi unicum post se talem vicarium reliquisset, qui hæc omnia posset. Et postea: divinum dominium est illud, quod est apud Deum, super omnem creaturam, ipse enim Deus creator est omnium. Item, huius autem regni & sacerdotii principatum perpetuum commisit filius Dei Petro & successoribus ejus. Huc etiam pertinet, quod se Deum in terris à Pontificiis scriptoribus vocari lubens sustinet. De quibus, querelâ gravissima, in Claudio Espencæo Parisiensi Theologo doctissimo (quem non procul à regno Dei abfuisse apparet) in Epistola ad Titum c. 1. p. 76. Quid enim (inquit) vel excusare vel excogitare verum aut verisimile possunt, quibus non vel Rex, vel Cæsar, non populus, non clerus, non generalis Synodus, non denique Ecclesia dicere potest, Cur ita facis? Et illud Poëtæ theologi Monachi Mantuani objicit ac probat:

*Vivere qui cupitis sanctè, discedite Româ:*

*Omnia cum liceant, non licet esse bonum.*

Hæc pauca, ex innumerabilibus locis, sufficiant, ut inde constet, Papam, in Ecclesia, sedere ut Deum: & sese ostentare ut Deum. Sed hic objiciunt rursus: Si Papa sedet in Ecclesia Dei: sequitur Ecclesiam Romanam esse veram Christi Ecclesiam: ac propterea reliquos, qui ab ea secessionem fecerunt, esse extra Ecclesiam. Verum partim consequens distinguitur, partim consequentia negatur: nam Ecclesia Romana accipitur, aut pro meliori, aut pro majori parte. Si priori modo, damus esse Ecclesiam: quia Ecclesiæ reliquæ ibi adhuc supersunt, quæ sub iugo Pontificis gemunt & genua sua Baali non curvarunt, ut apud Israelitas, Rom. 11. 4. Si posteriori modo, pro Pontifice & conjuratis illius ministris & asseclis accipiant, negamus. Ideoque non à priori parte, seu cætu recte sentientium

(quibus fide conjuncti manemus) discessimus: sed à posteriori: nec simpliciter, sed secundum quid: quod enim bonum habet, retinimus: quod malum, reformatione Ecclesiae rejecimus: non enim ab Ecclesia Romana discessimus, nisi quatenus illa discessit à Deo: Hæc de v. 4. & antichristi peccatis, exitio, atque sede.

Quæ ab antecedenti Pauli doctrina, sermone coram ipsis proposita, & à Thessalonicensium memoria illustratur: & quidem interrogationis schemate: ut indignitatem credulitatis, in admittenda seductorum, de instante adventu Christi, sententia, gravius argueret: *nonne*, inquit, *meministis, quum adhuc essem apud vos, hoc dixisse vobis?* vers. 5.

Postrema revelationis Antichristi circumstantia est tempus. Ostendit enim superesse obstaculum, quo fieret, ut nondum, sed suo tempore retegeretur. Hoc autem obstaculum Severianus apud Oecumen. de Spiritu Sancto exponit, qui sua gratiosa præsentia arcet antichristum: sed cum offensus hominum peccatis discedet, illum reiectum iri; quod v. 10. potest illustrari. Alii de Evangelii prædicatione toto orbe futura intelligunt, quæ antecedere debeat antichristum: primum enim jungendam esse toto orbe Ecclesiam, antequam illius ingrata, v. 10. defectio esse possit, & antichristus retegatur, Matth. 24. v. 14. *Prædicabitur hoc Evangelium regni in toto mundo in testimonium omnibus gentibus & tunc erit finis.* Alii de Romano Imperio: alii denique de Evangelii propagatione & Imperio Romano simul intelligunt. Quinimo hæc omnia, ut obstaculi generalis modi diversi, conjungi non malè possent, nisi duo obstarent: primum rei circumstantia, nempe obscuritas, quod bis rectè ac generatim obstaculi meminit, nec semel exprimat; cum tamen, uno excepto, tuto declarari possint: deinde nisi obstaret explicatio, vers. 7. ubi *ὁ ἀντίχριστος* obstat nominatur, quod personæ convenit: & modo diversum, re idem notat, quod obstaculum: ut vocum cognatio & orationis connexio ostendunt. Quare Romanum Imperatorem Romæ imperantem, hoc obstaculum esse apparet: ut veteres plerique & recentiores interpretes, etiam Pontificii, exponunt: hoc enim florente ac degente Romæ latebit ac coercebitur dominatus antichristi, qui in ea urbe, utpote septicolli illa & regum terræ domina fessurus prædicatur, Apoc. 17. vers. 9: 18. Hæc de v. 6. Idque clarius exponitur: nam ei, quod dixit, *retegetur*, respondent, tanquam exegesis, illa: *Iam enim in scriptis mysterium iniquitatis*: hoc est, per hebræam hypallagen, iniquitas mysterii, seu mystica & arcana. Quo modo per Metonymiam, plerique Antichristum intelligunt: ac sanè ita dicitur Apoc. 17. v. 5. *fronte illius inscriptum nomen mysticum, Babylon magna mater fornicationum & abominationum terræ.* Atque ita vertendum erit *ὁ ἀντίχριστος operatur*, ut vulg. interpres reddidit, qualis usus vocis 1. Thess. 2. 14. *ἀντίχριστος* & *ὁ ἀντίχριστος* *ὁ ὄντων*, sermo Dei agit in vobis. Atque hoc modo sensus erit, antichristum Apostolorum temporibus extitisse: non in sua persona; sed in spiritu & antecessoribus & auctoribus, qui illi, viam pararunt ac fundamenta straverunt impietatis: quales Simon magus, Ebion, Cerinthus, alique consimiles, qui Iudæorum superstitionem & Ethnicorum idololatriam religioni Christianæ immiscere studuerunt: de quibus 1. Ioan. 2. 18. *audistis antichristum illum venturum: etiam nunc antichristi multi ceperunt esse*, & v. 22. *hic est antichristus qui negat Patrem & Filium.* Et 1. Ioan. 4. 3. *Et hic est antichristus (Spiritus)* ut constructio evincit; *illius antichristi, quem audistis venturum fuisse & nunc in mundo est.* Alii verò eodem servato sensu, modo tamen diverso, per mysterium iniquitatis, non antichristum per Metonymiam adjuncti: sed iniquitatem, quam secutus est, propriè intelligunt; & *ὁ ἀντίχριστος* vertunt, *peragitur*. Quemadmodum Tertull. lib. de resurrectione, *agitur arcana iniquitatis*: quod apostaticæ sedis antichristi fundamenta, jam ipsis Apostolorum temporibus jaciebantur, sed ita ut homines fallerent. Ut enim Evangelium vocatur *mysterium pietatis*, 1. Tim. 3. 16. & *fidei*, v. 9. *Dei*, Coloss. 2. 2. *Christi*, Col. 4. v. 3. ita doctrina antichristi rectè ex adverso dici potest, *mysterium iniquitatis*, *perfidia*, *Satanæ*, *antichristi*. Ac sanè

adeò insidiosè Satanæ hanc doctrinam sparsit, ut paulatim Ecclesiæ Christianæ imprudentes fuerint infectæ Judaismi & Ethnicismi seminibus: quæ deinde ita succreverunt, ut antichristum invexerint. Quod perspicuum est ex Papia, Irenæo, Tertulliano, Clemente Alexandrino, Origene, Chrysostomo, Hieronymo, aliisque antiquissimis Theologis: adeò ut, qui ista non videat, in meridie cæcutire videatur: nam quæ Paulus suo tempore arguit, & in Ecclesiam irreperant, idololatria, communio sacrorum idololatricorum, 1. Corinth. 10. vers. 14. 20. cultus Angelorum, festorum Judaicorum (quale Paschatis) observatio superstitiosa, & ciborum certorum interdictio, corporis superstitiosa afflictio, & doctrinæ humanæ *ἰδωλοθύτων*, cultus Dei arbitrarius & humilitatis species, Col. 2. v. 16. 18. 21. 22. 23. Gal. 4. v. 10. assertio propriæ justitiæ etiam ex operibus legis, Gal. 4. 21. & 5. 4. profanæ & aniles fabulæ, 1. Tim. 4. 7. cælibatus superstitiosus, 1. Cor. 7. 9. Scortationes & Magistratus contemptus, 2. Pet. 2. 10. &c. ea omnia ita in Ecclesiam irreperunt ac perpetuo incremento succreverunt, ut omnes penè orbis Ecclesias quodammodo invaserint: ut Patrum scripta, Ecclesiastica historia & concilia demonstrant. Quales defectiones Antichristi doctrinam fore, Paulus prophetavit, 1. Tim. 4. v. 1. 2, 3. & Joannes Apoc. 17. & experientia Pontificis Romani evincit. Hæc igitur mystica & arcana iniquitas operatur: quando verò retegenda, & patefaciendus antichristus, docet, cum exponit, quod ante dixerat, quid obstat: deinde, quo tempore. De priori ait: *tantum qui nunc obstat, usque dum è medio fuerit*; nempe, *obstabit*. *Qui obstat* est (ut ante ostendimus) Romanus imperator. Rectè autem prisca novique interpretes causam reddunt, cur Paulus ita generatim & obscurè rem proposuerit, ne scilicet ominatione occasus Romæ & Romani imperii, invidiam Evangelio importunam & exitialem persecutionem Christianis conciliaret: quoniam nihil gravius in maiestatem imperii Romani dici posse videretur, quàm si quis illius occasum ominaretur.

Tempus autem obstaculi indicatur his verbis, *tantum donec è medio fuerit*: quæ phrasid bifariam exponi potest, aut propriè, aut figuratè: propriè, ut locum notet: quemadmodum Matth. 13. vers. 49. *separabunt malos ex medio iustorum*, Actor. 17. v. 33. *exivit è medio eorum*, & 23. 10. *rapere è medio*, 1. Corinth. 5. 2. *tollere è medio*: figuratè verò, ut interitum notet, Coloss. 2. v. 14. *sustulit è medio*: Hinc re congruentes, modo differunt Interpretes, quod quidam exponunt propriè, donec è medio fuerit, hoc est Romæ sedem habere & imperium deserit: alii verò figuratè, de exitio, donec imperium illius fuerit collapsum: stante enim ac vigente Romano imperatore, antichristi tyrannis latuit: quæ paulatim sese patefacit. Hæc autem ruina imperatoris Romani facta non est momento, sed certis temporum intervallis ac gradibus. Primum enim principium & occasio fuit desertio Romæ & Italiæ ac translatio sedis imperii Byzantium, & ordinis politici pristini immutatio, per Constantinum (in constituendis cætibz &c. ut Zozimus) & Italiæ per alios administratio: quod malum ab historicis observatum est. Huc accessit gubernatorum, partim negligentia, partim perfidia; & Hunnorum, Gothorum, Longobardorum in Italiam irruptio ac dominium: & Orientis per Mahometem & Saracenos defectio: quibus tandem successit partis imperii Romani ad Carolum Magnum translatio, & illius quoque interitus: adeò ut, ab aliquot seculis, præter nomen Romani imperii nihil supersit. Pontifex interim Romanus: potissimum sese antichristum esse patefecit, primum ratione domini Ecclesiastici, sub Bonifacio tertio: dum à Phoca tyranno Domini sui imperatoris homicida, & gratiam Romani Episcopi ad regendum scelus captante, titulum universalis Episcopi impetrat: ut Platina & alii docent: quem titulum, quia sibi Joannes Constantinopolitanus Episcopus arrogarat, Gregorius Magnus Episcopus Romanus appellarat præcursores Antichristi. Secundò patefecit se antichristus ratione domini politici paulatim, sed potissimum per Gregorium septi-

septimum: ut recte vulgo observarunt: dum pontifices, ipsos imperatores imperio exuunt Romano & omnes reges sibi subditos constituunt: adeo ut, quemadmodum antea Episcopus Romanus autoritate imperatoris constituebatur: ita tandem contra, imperatores à Pontifice: adeo ut ad vilia officia & pedum oscula fuerint detrusi, vers. 7.

Quare recte ait Apostolus, & tunc retegetur à avo-  
pus impius ille, aut potius, exlex ille, hoc est, antichri-  
stus, filius peccati. Cujus justum exitium, per paren-  
thesin, duobus gradibus describit, cum ait, quem Dominus  
spiritu oris sui & illustri adventu suo abolebit. Primus gra-  
dus est, abolitio inchoata tyrannidis illius, per spiritum  
oris sui. Quo modo intelligi potest, vel sermo Evangelii,  
à materia: quia ex spiritu seu flatu oris constat: vel Spiritus  
Sanctus, cujus virtute, per Evangelii prædicationem,  
tyrannis & fraudes antichristi resecta sunt; & multa re-  
gna inebriata & sopita poculo meretricis Babylonice,  
excitata sunt, jugumque antichristianum excusserunt:  
quod factum olim in Provincia, per Waldenses, & in  
Bohemia; & nostro seculo, in plerisque orbis Chri-  
stiani regionibus, per Lutherum, Zuinglium, alios-  
que Evangelii præcones. Secundus gradus est antichri-  
sti abolitio perfecta, quæ contingeret illustri adventu  
Christi, adjudicandum vivos & mortuos, vers. 8. quo  
parenthesis de exitio Antichristi absolvitur. Porro ex-  
ponitur illius impietas ex causa efficiente & effectis. Ef-  
ficiens est Satanas, quia adventus antichristi erit ex effici-  
tate Satanae. Effecta statuuntur duplicia, proxima & re-  
motà. Proxima sunt, omnis generis vires, signa & pro-  
digia mendacii, hoc est, fallacia: idque vel partim, vel om-  
ninò: ac partim quidem, cum ratione finis, qui est  
confirmatio mendacii: tum ratione formæ ac speciei  
externæ, quod videntur opera supernaturalia ac merè di-  
vina, cum vires naturæ non excedant & Satanae virtu-  
te eveniant: vel omninò, ut & finis sit mendacium, &  
forma non solum externa fallax, sed etiam interna: adeo  
ut, quæ fieri videntur virtute divina, nec divina virtute,  
nec omninò fiant, sed tantum specie ac fascinatione  
quadam, quæ fabulis augentur: qualia Antichristi  
Romani miracula, quæ vel per se, vel per sua instru-  
menta facit, & nupera quædam Hallensia & Aspricol-  
lia, vers. 9.

Deinde effecta remota sunt, omnis generis lethali-  
s seductio, in iis, qui pereunt, justo Dei judicio, pro-  
pterea quod amorem veritatis non receperunt, ut salvi fierent.  
Amorem autem veritatis quidam Christum ipsum vel  
Deum interpretantur: quemadmodum 1. Ioan. 4. v. 8.  
& 16. Deus charitas dicitur. Alii fidem notari censent ex  
effecto; nam ex fide veritatis oritur illius amor. Simplicior  
autem ac genuinus sensus est, ut etiam ex vers. 12. col-  
ligitur, quod ex prædicatione Evangelii, charitatem illius  
non conceperint. Veritas enim primum Metonymicè  
doctrinam veram; deinde καὶ ἡ ἀλήθεια Evangelium notat:  
quod etiam Heb. 10. 26. 1. Pet. 1. 22. veritas, & 2. Tim. 2.  
15. Col. 1. 5. Ephes. 1. 13. & Jac. 1. 18. sermo veritatis nun-  
cupatur. Quem sermonem, cum ob excellentiam & utili-  
tatem illius ad salutem, amare deberent, oderunt: ut  
Joan. 3. 19. Interim non incommodè amor veritatis expo-  
ni potest veritas amabilis: quemadmodum hujusmodi He-  
braismi frequentes sunt in hac etiam Epistola, atque ita in-  
credulitas notaretur, v. 10.

Cujus veritatis contemptus, seductionis atque exitii cau-  
sa statuitur & simul clarius exponitur sequentibus: nam se-  
ductionem inde oriri, docet, cum ait, & propterea mittet il-  
lis Deus efficaciam deceptionis, ut credant mendacio. Efficacia  
autem deceptionis accipi potest, aut phrasi recta, aut ob-  
liqua per hebræam hypallagen, ut notet deceptionem effi-  
caciæ, id est, efficacem: quemadmodum Oecumenius  
exponit. Quod autem Deus illam efficaciam immittere  
dicitur, quidam sic interpretantur, ut mittere sit permitte-  
re, & actioni opponatur, seu actionis cessationem hac in  
re notet. Verum hoc meritò, ut Dei providentiæ adver-  
sum, ab aliis negatur: nam hoc in loco non nuda permis-

sio, sed actio Dei judiciaria intelligitur, quæ peccata pecca-  
tis punit: non ea quidem efficiendo, sed sapienter ac justè  
dirigendo; adeo ut Dei respectu sint iustissimæ poenæ. Hoc  
autem fit, partim, cum ab iniquis & ingratis hominibus  
sua dona aufert, scientiam & conscientiam: eosque suis  
cupiditatibus tradit: de qua re Rom. 1. partim dum Sa-  
tanæ & instrumentis illius, antichristo & seductoribus, ha-  
benas hac parte laxat, atque in tentationem ea ratione in-  
ducit, Matth. 6. Et ut magistratus venenum non efficit:  
sed eo interdum utitur, ad fontis poenam: sic & Deus pec-  
cata non efficit; sed ut justus judex regit. Atque hoc  
sensu, Deus dicitur seducere, Ezech. 14. 9. & hoc loco im-  
mittere efficaciam erroris, per Metaph. ac similitudinem:  
quia gubernatio Dei justa est similis missioni: de qua re  
quia fufius scripsimus in conciliatione doctrinæ ortho-  
doxæ, de providentia Dei, non est cur pluribus agamus  
vers. 11.

Seductionem sequitur justum exitium, tanquam finis  
ratione Dei judicis, cum ait, ut judicentur omnes qui non cre-  
diderunt veritati, sed delectati sunt iniquitate. Vox enim judicii  
Synecdochicè non judicium absolutionis; sed condemna-  
tionis notat: quemadmodum noster interpretes vertit.  
Cæterum cum omne peccatum mereatur damnationem,  
& omnes homines peccatum habeant innatum & enatum;  
etiam citra respectum Evangelii, & ante illius auditionem,  
rei sunt damnationis & mortis æternæ: hinc Ioh. 3. 36. ira Dei  
dicitur manere super infidelem: verum accedente Evan-  
gelii contemptu, reatus augetur, & condemnationis causa  
fit gemina: prima, ob violatum fœdus operum ac le-  
gis, Deuter. 27. vers. 27. altera ob transgressionem fœde-  
ris gratiæ & Evangelii, Marc. 16. vers. 16. de qua  
re hic agitur, cum peccatum eorum, qui seducuntur,  
describitur: qui non crediderunt veritati, (hoc est, doctrinæ  
Evangelii, quæ salutiferam veritatem verè continet) sed de-  
lectati sunt iniquitate. Quæ vox accipi potest, aut per Syn-  
ecdochen generis, ut significet mendacium, seu falsam  
doctrinam oppositè veritati: vel ut sumatur generatim:  
quod proprium & usitatus est, & uberius, siquidem prio-  
rem sententiam includit, v. 12.

Ne verò hæc doctrina, de justo Dei judicio, adversus  
contemptores Evangelii, infirmiores fidelium Thessaloni-  
censium conscientias concuteret ac labefacteret, conso-  
latione opportuna mitigat: siquidem hoc judicium Dei,  
contra impios, contrariâ gratiâ illius erga fideles illos il-  
lustrat, gratiarum actione, ad suam de iis sententiam decla-  
randam, adhibitâ. Quam universè primum indicat, cum  
ait: nos autem debemus gratias agere Deo semper de vobis fra-  
tres: deinde materiam gratiarum actionis particulatim ex-  
ponit, primum Dei dilectione, qua ipsis bene voluit: cujus  
deinde effectum est electio: nam homines quidem eligunt  
prius, quos diligant, quia dignitatis habent rationem: con-  
tra verò Deus diligit gratiosè citra dignitatis humanæ ra-  
tionem, quem eligit. Quum autem electio ratione termini  
& mediorum sit varia, descriptionem adhibet, elegit ab  
initio, ad salutem, nempe æternam, & quidem animæ &  
corporis, qui terminus est: media verò statuuntur sanctifi-  
catio spiritus & fides habita veritati: quæ duo nonnullis tan-  
quam membra diversa distinguuntur, ut sanctificatio spi-  
ritus, studium sanctitatis notet, quod à Sp. S. ingeneratur,  
& aliud sit quàm fides: utque sit hystero-logia: quia fides  
eam natura antecedit; hoc verò loco posterius nominatur.  
Verum nihil vetat, quominus sanctificationem, sumamus  
generatim de purificatione, quæ habitu, cum fidei, tum  
charitatis ingenerato, continetur: cujus effectum est fides  
actualis, quæ habetur veritati. Similis locus est 1. Petr. 1  
vers. 1. 2. Cæterum cum fides hic dicatur veritatis, noster  
interpretes paraphrasticè exposuit, fidem habitam veritati;  
ut veritas objectum fidei notet: quemadmodum vers. 12.  
non crediderunt veritati. Hæc de v. 13.

Hujus autem fidei ut causa principalis ante Spiritus S.  
est indicatus: ita instrumentalis adfertur, vocatio per in-  
strumentum duplex: proximum est Evangelium: remo-  
tum Evangelii præco, Paulus. Cui annectitur salutis an-  
tè positæ repetitio & expositio, cum ait, ad obtinendam  
gloriam



gloriam Domini nostri Jesu Christi, hoc est, communionem gloriæ illius, de qua 2. Thess. 1. 12. Hæc de v. 14. & consolatione Thessalonicensium, adversus metum, qui per infirmitatem in auditoribus oriri potuisset, ex antecedenti seductionis, per antichristum & exitii incredulorum pœna: nam cum illa sint odii & reprobationis documenta; Thessalonicenses verò fideles à Deo sint dilecti & electi ad salutem, & fidem veram; inde sequitur eos tutos esse à seductione illa exitiosa: ut irrupta illa salutis catena evincit, Rom. 8. 29. 30. *quos prædestinavit, eos etiam vocavit.* & Christi promissio, Joan. 10. 28. & precatio, Joan. 17. 20. 24. & assertio Matth. 24. 24. *excitabuntur pseudo-prophetae & pseudo-Christi, & edent signa magna & miracula, ita ut seducant (si fieri posset) electos.* & 1. Pet. 1. 5. *custodimur potentia Dei, per fidem, ad salutem.*

Atque hæcenus secundam partem hujus capituli, confirmationem hortationis produxit Apostolus: tertia verò est hortationis conclusio amplissima, constans hortationis repetitione & voto: ut enim antea hortationem proposuit, per aphæresin, ac dehortatione à malo, sic hoc loco reponit per thesin, adhortatione ad bonum: adhortatur enim ad constantiam, in tradita doctrina, quam edocti erant, sive per sermonem, sive per Epistolam Pauli: respicit enim ad seductorum fraudes, qui & sermone & Epistolâ, quasi ab Apostolo profectis abutebantur, ut Ecclesiam perturbarent: quibus sermonem suum sincerum, & Epistolam non supposititiam, nec immutatam; sed veram opponit. Interim ne hic quidem locus à corruptelis adversariorum immunis est: nam Pontificii hinc probare conantur distinctionem suam de doctrina salutis, partim scriptâ, partim non scripta: verbo scripto, non omnia ad salutem necessaria esse perscripta; sed quæ defunt, ea verbo non scripto seu traditionibus suppleri. Quæ enim disjunguntur, ea non sunt ὑπάλλα, subordinata, & ejusdem argumenti; sed doctrina salutis tradita per sermonem, à doctrina tradita per Scripturam Sacram disjungitur: quia Paulus ait, *sive per sermonem, sive per epistolam.* Ergo doctrina salutis tradita sermone, & doctrina tradita per Scripturam Sacram, non sunt subordinata & ejusdem materiæ. Sed vitium est in hac objectione geminum: quia & assumptio & probatio illius falsa: nam primum Paulus non loquitur, de scriptura integra, quæ in subjecto quæstionis seu minore termino intelligitur (nam Act. 26. 20. testatur se nihil docuisse quicquam extra Prophetarum & Moysi sermonem) sed tantum de parte illius exigua, nempe Epistola prima ad Thessalonicenses, ait enim *edocti estis per Epistolam nostram*: eoque non sequitur; plura Paulus docuit, quàm illa epistola scripsit: ergo ea nec ab ipso, nec ab Apostolis antè, nec post, nec à Prophetis conscripta: deinde negatur etiam necessarium esse, ut disjunctio indicetur: etsi enim vox ἢ frequentius disjungat diversa aut opposita, non rarò tamen consentanea conjungit, & copulam (ET) notat: quemadmodum exempla evincunt: ut 1. Cor. 13. 8. *ἢ prophetiæ abolebuntur, sive linguæ cessabunt, sive agnitio abolebitur*: hoc est, & prophetiæ & linguæ & cognitio, & 1. Cor. 15. 11. *sive ego sive illi, ita prædicamus*: hoc est, & ego & illi. atque hunc etiam esse sensum, hoc loco Pauli, res ipsa ostendit: nam eadem dixisse, quæ scripsit, testatur ante v. 5. ideoque vox ἢ non disjungit: sed conjungit ac copulat, v. 15.

Hanc autem hortationem, ad constantiam, in tradita doctrina retinenda, illustrat voto: quo causam principalem adjuvantem obedientiæ describit: & modum illius obtinendæ preces esse ostendit. In quo observandum est voti objectum & materia subjecta: seu à quo & quid iis voveat. Prius est Jesus Christus & Deus Pater, qui non solum proponuntur, sed etiam describuntur ad confirmationem fidei impetrationis rei petiti: Christus quidem ab officio *Domini noster* dicitur, non solum jure communi, cum Patre & Spiritu, quia creator: sed etiam præterea jure duplici, primum donationis paternæ: quia ei in hæreditatem & populum datumus, Psal. 2. 8. Jonn. 6. 37. secundò jure redemptionis, Rom. 14. 9. & 1. Cor. 6. v. 20. Deus verò Pater dicitur *Deus ac Pater noster*; hoc est, qui

nos scedere gratiæ sibi junxit & in filios adoptavit: unde conservatio & salus pendet, ut Matth. 22. 32. idcirco addit beneficia, dilectionem gratiæ, id est, gratuitam, & dilectionis ac gratiæ effecta ac dona, primum *consolationis*, per fidem, & obsignationem Spiritus Sancti, & quidem *æternæ*, quæ non tolletur à fidelibus, Ioan. 14. 16. deinde donum *spei bonæ*, nimirum cum ratione formæ, quia sincera, tum ratione effecti, quia non fallit, Rom. 5. 5. Atque hac descriptione, voti objectum indicatur, & simul voti & fidei fundamenta declarantur: nam quorum Christus est Dominus ac redemptor; & Deus Pater est Deus & Pater eorum, à quo dilecti & fide ac spe donati sunt: illi conservabuntur ac servabuntur, 1. Pet. 1. 5. quare commode, adjicit rem ipsam, quam à Christo & Patre vovet, consolationem cordium & confirmationem eorum, in omni sermone & opere: quorum prius ad fidem pertinet: & quidem, non ratione initii (siquidem eos jam consolationem accepisse asseruit) sed ratione continuationis & incrementi: posterius pertinet ad vitam, seu fructus fidei, cum ait, *in omni sermone & opere bono*. Atque hac connexionione ac transitione elegantia, aditum patefacit, ad alteram tractationis hortatoriæ partem, quæ in fructibus fidei præstandis occupatur.

## CONSECTARIA.

I. PRudentis Evangelii præconis est, non solum monere auditores, ut officium faciant, sed etiam rogare: ideoque seriò eorum salutem expetere debet.

II. Christi adventus ad judicium, nostrique ad eum aggregatio, ad confirmationem fidei & consolationem, nobis versari ob oculos debet, v. 1.

III. Quum etiam Apostolis superstitibus, sermonem & scripta iis, ad fideles seducendos affinxerint; non est mirum, si idem postea evenierit; ac propterea opus est prudentia & constantia.

IV. Temerarium est ac profanum, certum adventus Christi diem definire, v. 2. & Act. 1. 7.

V. Quum defectio Ecclesiæ visibilis sit peracta, & sessio Antichristi in Dei templo: non est, cur aut iis tenebris, quas in Ecclesiam invecas constat: aut externo Pontificiæ Ecclesiæ splendore offendamur, v. 3 & 4.

VI. Pleraque, quæ de Antichristo prædicta sunt, eique propria, in Pontifice Romano eveniunt: ergo non est dubitandum reliqua eventura, eumque tanquam Antichristum fugiendum v. 3. 4. 6. 7. 8. 9. 10.

VII. Miracula, quæ à Pontificiis jactantur, non sunt documenta Christianæ Ecclesiæ, sed antichristi; ut res ipsa & doctrinæ collatio ostendit, v. 9.

VIII. Quoniam veritatis contemptum sequitur, justo Dei judicio, seductio & exitium; veritas agnita reverenter habenda & amanda est, v. 10.

IX. Orandus est Deus, ne nos inducat in tentationem: sed clementer liberet à malo, v. 11.

X. Doctrina electionis æternæ ad vitam, ad consolationem Ecclesiæ pertinet, & ab Apostolis ac Christo, Mat. 24. v. 24. tractatur. Ergo ineptè faciunt, qui eam suppressi volunt.

XI. Dilectio Dei est electionis ad salutem causa: pro qua, cum gratiæ Deo debeantur, gratuita est; ac propterea operum prævisorum respectum ac merita excludit.

XII. Quos deus elegit ac destinavit ad salutem; iis etiam media, sanctificationem Spiritus & fidem erga Evangelium destinavit.

XIII. Non solum pro nostra: sed etiam fratrum electione gratias Deo agere debemus, ex amoris fraterni lege & ad Dei gloriam, v. 13.

XIV. Electionem autem agnoscimus ex effectis, vocatione efficaci, fide & sanctificatione Spiritus, vers. 13. & 14.

XV. Fidei causa istrumentalis est prædicatio Evangelii: ac propterea impiè à nonnullis ut sermo impotens rejicitur.

XVI. Finis vocationis ac fidei nostræ est acquisitio gloriæ.

gloriæ Domini nostri Jesu Christi in vita æterna: ergo fides electionem ad vitam non antecedit, sed sequitur, tanquam effectum destinatum, ad salutem: tum etiam sequitur, forti animo, Christi vocantis, Euangelii & fidei nomine, crucem & ignominiam perferendam, vers. 14.

XVII. Traditiones apostolicæ eorum doctrinam notant: quæ doctrina cum viva voce primum, deinde scripto sit tradita, in Scriptura est acquiescendum, v. 15.

XVIII. Deus dedit fidelibus consolationem æternam: ergo perseverantia Sanctorum certa est.

XIX. Quum consolatio nostra & spes data sit per gratiam, humana merita nullum habent locum, vers. 16.

XX. Qui consolationem acceperunt à Deo, opus habent ejusdem confirmatione.

XXI. Fidem sequi debet sermonis & operis bonitas, seu convenientia cum Dei verbo: quæ à Deo, ut causa principali, promanat: quoniam ab eo sanctè ab Apostolo postulatur.

XXII. Etsi regenerati vita spirituali novi hominis donati, agant; tamen non sine Dei regenerantis confirmatione: ideoque ab iis omnis de suis viribus gloriatio abesse debet: & humiliter Deo, pro accepta regeneratione ac vita, agendæ gratiæ: & pro conservatione & fructibus illius orandum, v. 17. ut Psal. 2. vers. 12. 13.

### CAPUT TERTIUM.

Postquam in tractatione hujus Epistolæ, laudatione ac consolatione usus est Apostolus, cap. 1. deinde hortationem ad fidem, per charitatem efficacem, subjecit. Ac primum quidem hortatus est, ad fidei confirmationem, cap. 2. Nunc verò progreditur, hoc tertio capite ad fidei opera & charitatem, hortatione duplici. Prima enim est ad officium erga Paulum; secunda ad officium erga fratres ipsorum. Ac primum quidem membrum proponitur generatim, ut pro Paulo Deum orent; & quidem, quia fratres sunt, non carne & sanguine, per generationem: sed spiritu & animo, per regenerationem conjuncti. Quum autem orationis materia sit boni collatio & mali averio, speciatim utrumque orari postulat. Ad prius enim pertinet felix Euangelii successus, ut & Paulus sit fortis ac sedulus, in Euangelio annuntiando ac propagando, atque ita *sermo Domini currat*: hoc est, Metaphoricè, feliciter procedat: & ut ab auditoribus *glorificetur* Euangelium, auditione, fide, obedientia: quæ ad consolationem, & obliquam in officio confirmationem, simili Thessalonicensis Ecclesiæ illustrat, Vers. 1.

Ad posterius verò spectat liberatio ab importunis & sceleratis hominibus, cum Judaicis, tum Gentilibus, qui ministerio Pauli ac cursui Euangelii & glorificationi illius in auditoribus, partim dolo, partim vi obstabant: quod etiam experti erant Thessalonicenses cum Paulo, Act. 17. & 1. Thessal. 2. 14. & adhuc experiebantur, 2. Thessal. 1. v. 4. & 2. 2. idcirco anticipatione quadam, ne infirmiores offendantur; ac de veritate Euangelii, aut de sua ipsorum constantia dubitarent; utrique malo occurrit. Ac priori quidem, cum ait: *non enim omnium est fides*, hoc est, non ad omnes fides pertinet: Matt. 11. v. 25. cum sit peculiare ovium Christi, Joan. 10. 26. 27. atque electorum donum, Roman. 8. v. 30. & 2. Thessal. 2. 13. unde fides Dei donum, Ephes. 2. 8. Philip. 1. 29. & fides electorum appellatur, Tit. 1. 1. Ac propterea in Dei voluntate, quæ perpetuo sancta justaque est, acquiescendum, Vers. 2.

Posteriori verò malo consolatione egregia medetur trifariam. Primum, à confirmatione divina: *Dominus Christus stabiliet vos & tuebitur à malo*, aut *ἐν τῷ κυρίῳ*, hoc est, *ἐν τῷ κυρίῳ*, ut Matth. 6. vers. 13. à Diabolo, cum per se, tum per instrumenta sua, homines sceleratos, ipsos tentante. Quam conservationem probat Apostolus à Christi fidelitate, seu dictorum factorumque constantia, seu convenientia ac veritate in promissionibus, Tit. 1. v. 2. Heb. 6. v. 13. 18. Joan. 10. v. 28. Hæc de Vers. 3.

Secundò consolatur Apostolus, à suo, de Thessalonicensium obedientia, judicio & fiducia, eos, quæ denuntia-

ret & facere & facturos: quam fiduciam à causa efficiente Christo illustrat: ut Phil. 1. 6. cum ait *in Domino*, Vers. 4.

Tertiò denique consolatur voto, quo iis precatur, à Domino, directionem cordium; primum, ad charitatem: deinde ad patientiam Christi, *ἐν ἡμεῖς ὡς καὶ ἡμεῖς*. quæ varie exponi possunt: nam *charitas Dei* notat aut eam quæ est erga Deum, aut quæ à Deo; & hoc posteriori quidem sensu nonnulli exponunt, quod ex dilectione Dei, erga nos, fluat patientia: sed priori modo melius fluit, & phrasi hujus loci magis convenit. Similiter *καὶ ὡς καὶ ἡμεῖς* patientia Christi, accipi potest, aut Metonymicè (ut nostro Interpreti visum) pro patienti expectatione: aut per ellipsin vocis *ἐν*, pro patientia propter Christum: quemadmodum Galat. 6. v. 12. *crux Christi*, quæ propter Christum: & *contumelia Christi*, id est, propter Christum, Hebr. 11. 26. qua etiam ratione *afflictiones Christi* vocantur Coloss. 1. 24. & Apocal. 1. 9. & 3. 10. *patientia Christi*: pro cujus initio, ut Deo gratias egit 1. Thessal. 1. 3. & 2. Thessal. 1. vers. 3. 4. sic hoc loco perseverantiam illius à Deo vovet, Vers. 5.

Atque hoc modo, absoluta consolatione & prima hortatione ad charitatis officium, erga Paulum: alteram hortationem subjecit, de officio erga alios, nempe inter ipsos: Quum autem inter ipsos quidam officium facerent; alii contra id violarent: quorum illi erant *ὑποτακτικοί*, hi verò *ἀτακτικοί*: utriusque partis officium exponit: ac primum *ὑποτακτικοί* erga *ἀτάκτους*; quæ hortatio absolvitur propositione, partium expositione, & occasione. Propositio est, *ut subducant se ab omni fratre, qui inordinatè se gerit*: cui pondus addit, ab autoritate Christi, cujus nomine denuntiat, vers. 6. Quum autem in officii objecto, & forma, seu in voce *inordinati & vitiationis* nonnihil insit obscuritatis: utrumque expositione declarat. Ac primum objectum, seu inordinatè se gerentes, declarat, quum describit, cum generatim, tum speciatim: generatim, qui non se gerit *secundum traditionem*, id est, traditam doctrinam; quam accepit à Paulo, v. 7.

Speciatim cum traditionis hujus modum & formam notat bifariam, exemplo vitæ, & sermonis denuntiatione; quod vita illis præverit nec inordinatè sese gesserit, vers. 7 hoc est pane alieno gratis non victitavit, sed victum, manuum opere die nocteque acquisierit, Actor. 18. v. 3. & 1. Cor. 4. v. 12. ne Thessalonicensibus esset oneri, vers. 8. ut 2. Thess. 2. v. 9.

Verum cum reliqui Apostoli Ecclesiæ stipendio victitarent, 1. Cor. 9. v. 5. & 6. & Paulus etiam alicubi 2. Corinth. 11. 8. ne aliis detrahere, ac sibi contradicere, videatur, anticipatione commoda occurrit: ac causam alienam removet, veramque tradit. Removet alienam, cum ait, *non quod nobis id non liceat*, 1. Thess. 2. v. 6. 1. Cor. 9. & 1. Tim. 5. vers. 18. veram causam tradit cum ait, id factum, ut exemplum imitandum præberet: nam si Paulus stipendio prædicationi Euangelii debito uti, & manuum opere abstinere noluit, ne Ecclesiæ esset gravis: multo minùs ventres otiosi Ecclesiæ graves esse debent, v. 9.

Ut autem hoc vitæ exemplo, ordinem rectum docuit: ita & sermone ipsis denuntiavit, hoc modo, *si quis nolit operari, ne edito*. Operari autem accipitur bifariam, aut speciatim de opere manuum, 1. Thessal. 4. vers. 11. aut generatim etiam de alio officii demandati opere, puta curæ, consilii, sermonis &c. ut 1. Tim. 5. v. 17. & 2. Epist. 4. 5. priori modo plerique Apostoli dicuntur non operati, 1. Cor. 9. 6. posteriori vocantur *operarii*, Matth. 10. 10. itaque qui non operatur opera vocationis suæ, sed otiosè victitat, indignus est, qui ab aliis alatur, v. 10.

Huic inordinatorum expositioni, occasionem hortationis propositæ Apostolus subjecit, unde inordinati clarius describuntur, cum ait: quod audierit, *quosdam, inter eos, incedere inordinatè, nihil agentes, sed curiosè sat agentes*: in quo duplex est *ἀλαζία*, prior est injustum otium; quod sua vocatione neglectâ, debita opera omitterent: posterior, quæ ex priori, tanquam fonte, oritur, est rerum alienarum curiosâ & injusta perturbatio, v. 11.

Huic commode Apostolus interferit secundam hortationem,

nem, nempe ad ἀνάλυσις. Ac primum præfatione auctoritatem conciliat & benevolentiam, cum nomine Christi denuntiat, & obsecrat eos, ut ad officium redeant: quod breviter & graviter suis gradibus describit: primum, ut operentur ac suum ordinem curent sedulo: deinde, ut quieti sint & alienum munus non turbent: denique sua industriâ, parito, non autem alieno pane vescantur, vers. 12.

Quia verò in admonitione ad ἐντάλλεις, docuit vitandos esse ἀνάλυσις: ne id malè acciperent, regressione opportuna mentem clarius exponit Apostolus: ut quemadmodum constare poterat ex superiori expositione, quinam essent inordinati: similiter ex hoc loco appareret, qualem subductionem ac vitationem intelligeret. Docet enim primum modum, deinde finem illius. Modus est, ut non sit subtractio beneficii, benevolentiae, admonitionis: sed tantum confortii sacri, & familiaris: nam ad beneficia quod attinet, ait, *vos autem fratres, ne segnescite in benefaciendo*, hoc est, in vestra liberalitate exercenda, erga alios, etiam inordinatos, si necessitas ferat, vers. 13.

Ad confortium pertinet altera hortatio, *quod si quis non auscultet nostro sermoni, per epistolam, hunc notate: & ne commercium habete cum eo*: hoc est, si quis inordinate se gerens, huic doctrinae & admonitioni meae, modò propositae parere nolit; sed in ἀνάλυσις sua contumaciter fuerit progressus, huic notam inurite excommunicationis, & ne familiaritatem cum eo colite.

Finis autem hujus subductionis est, excommunicati pudor, ob sui vitationem: ut ea ratione ad considerationem & agnitionem culpæ & correctionem vitæ adducatur, vers. 14.

Ex quo fine apparet etiam requiri bonum animum, & bona verba: unde commodè modum subductionis amplius explicando, ait; *neque ut inimicum ducite, sed admonete ut fratrem*: hæc enim excommunicatio non est instar veneni, quod hosti datur ad exitium: sed medicina, quæ fratri datur ad salutem. Quod autem objicitur, Matth. 18. excommunicatum habendum esse instar ethnici & publicani, illud non repugnat huic sententiæ: quoniam illud à Christo non absolute dicitur, sed tantum ratione communionis sacrae, à quibus arcetur excommunicatus, partim ne sua contagione reliquos inficiat; partim ut eo modo sanetur, 1. Cor. 5. v. 5. 6. Adeò ut ex amore salutis excommunicatio oriatur & spe bona resipiscentiæ consecuturæ, vers. 15.

Quæ hortatio voto clauditur, quo causam obedientiæ principalem notat, Christi gratiam, à quo ipsis pacem perpetuam omnique modo & Domini auxilium precatur, ut cum ipsis omnibus sit: ut & ὑπακούετε & ἀγαπᾶτε, Christo duce, officium faciant, & felici rerum successu donentur, vers. 16.

Atque hætenus epistolæ tractatio, quæ secunda principalis illius pars est; Tertia verò est conclusio, constans valedictione salutationis solennis: cujus formulæ adscriptæ causam instrumentalem proximam præmittit, *suam manum. Salutatio mea manu Pauli*, ut 1. Cor. 16. v. 21. Col. 4. v. 18: nam Epistolam ad Galatas totam sua manu, Gal. 6. v. 11. reliquas aliena manu (ut ad Romanos, per Tertium, Rom. 16. v. 22.) conscripsit; valedictionem verò ipsemet

perpetuo subscripsit, ut 1. Cor. 16. v. 21. Coloss. 4. v. 11. Salutatio mea manu Pauli: Finis autem est, *ut sit signum in omni epistola*, ut veras à supposititiis aut corruptis epistolis segregaret, quod hîc monet prudenter contra falsorum doctorum fraudem, de quâ antea cap. 2. v. 2. actum est. Formula verò salutationis ac valedictionis solennis subjicitur, vers. 18.

#### CONSECTARIA.

I. **N**on solum ab Evangelii præconibus fides docenda: sed reliquum etiam est, ut illius opera & charitas commendentur.

II. Ecclesiæ est, orare pro suis Pastoribus, ut Evangelium fideliter & cum successu propagent.

III. Beneficia salutaria nobis collata, ad eadem aliis fovenda excitare debent.

IV. Felix Evangelii progressus, Dei gratiæ debetur; eoque non est, cur aut homines eam laudem sibi arrogant, aut aliis eam tribuamus, vers. 1.

V. Quum Pauli prædicationi protervi & scelerati homines obstiterint, non est cur offendamur, si idem hîc temporibus eveniat.

VI. Fides Dei donum est, vers. 2.

VII. Quum Deus sit fidelis, de promissionibus illius non est dubitandum.

VIII. Adversus terrorem conatus Diaboli & malorum, auxilii divini contemplatione muniendi sumus.

IX. Officium non solum aggredi, sed etiam continuare decet, vers. 4.

X. Quam ad rem requiritur directio cordium nostrorum à Deo, quæ precibus obtinenda, vers. 5.

XI. Apostolica doctrina, ut vitæ norma tradita est: ac propterea ad eam vita nostra ordinatè instituenda est.

XII. Otiosi & ignavi non sunt in Ecclesia ferendi, vers. 6.

XIII. Pastorum est, sanctæ vitæ exemplo gregi suo præire, vers. 7.

XIV. Videndum est non solum quid liceat, sed etiam quid expediat ad ædificationem Ecclesiæ: ac propterea graviter peccant, qui offensionem infirmorum parvi æstimant, vers. 9.

XV. Quum Monachi & sacrificuli non operentur; ut qui non exequantur, quæ Deo sunt grata, sed superstitionibus & idololatriæ cultui vacent, eoque *μὴ ἐργάζονται, ἀλλὰ περιεργάζονται*: indigni sunt, qui ab Ecclesia alantur, vers. 10. & 11.

XVI. Nemini in Ecclesia Dei licet otiosè vivere, aut, alienam tranquillitatem recta negotia perturbare, v. 12.

XVII. Cavendum, ne aliorum indignitas nos in benefaciendo reddat segnes, vers. 13.

XVIII. Excommunicatio, contumaciæ poena.

XIX. Familiaritas cum excommunicatis vitanda.

XX. Finis excommunicationis nobis debet esse excommunicati salus; eoque admonitionibus amicis in viam revocandus est, vers. 14.

FINIS.

## EXPLICATIO EPISTOLÆ PAULI AD

## PHILEMONEM.



*Epistola Pauli ad Philemonem, est dogmaticum Novi Testamenti scriptum, quo Paulus Apostolus, Philemoni, Onesimum servum, antea fugitivum & furem remittit, & pro illo, ad fidem & resipiscentiā à se converso, precatur veniam, ac sermō commendat:*

*ad Onesimi cum Domino suo reconciliationem, & perpetuam Ecclesiæ in vera fide & charitate Christiand institutionem, Deique gloriam. Dogmaticum appello hoc scriptum, non diegeticum: diegeticum enim in narratione rei, vel gestæ (quæ historia dicitur) ut Evangelia & Acta: vel gerendæ (quæ*

(quæ prophetia est) ut Apocalypsis, occupatur: dogmaticum verò, dogmatis tradendis inservit, idque vel in thesi, seu generalibus sententiis; ut in reliquis Pauli & aliorum Apostolorum epistolis: vel in hypothefi, seu particulari exemplo, ad generalem sententiam (quæ aliis scriptis tradita) illustrandam, inserviens. qualis hæc est epistola, quæ generalia dogmata, non directè, sed obliquè, per consequentiam necessariam, patheticè proponit. Addimus autem esse Nov. Testam. ut canonicam illius auctoritatem ostendamus: de qua re mota fuit olim controversia, ut Hieron. Chrysost. & Theodoretus in præfatione hujus Epistolæ testantur. Ac propterea veritatis confirmandæ gratiâ, adversariorum argumenta proferemus, & ad conscientiæ tranquillitatem diluemus: quorum hoc primum est; Sacra scriptura profecta est à Spiritu Sancto, 1. Thess. 2. v. 13. & expressius, 2. Timoth. 3. vers. 16. & 2. Pet. 1. v. 21. Hæc autem Epistola non est ab eo profecta; quia ab humano spiritu provenit. Sed negatur assumptio & probationis illius primum consequentia: nam subordinata (ut ajunt) non pugnant: siquidem à spiritu humano (sed convenienter veritati) profecta sunt illæ sententiæ, quarum in explicatione Epist. Judæ meminimus, nempe Arati, Menandri, Epimenidis, quæ ab humano spiritu prodierunt, cum ratione autorum horum, tum ratione memoriæ Pauli, Actor. 17. v. 28. 1. Cor. 15. v. 13. Tit. 1. v. 12. tamen ut Spiritus Sancti dictantis instinctu per Paulum scriptæ ac sanctificatæ sunt, Deum habent autorem. Deinde negatur etiam antecedens: nec enim agnoscimus à spiritu humano hæc profecta esse. Si quis excipiat; Quod sine instinctu Spiritus Sancti, humano ingenio fieri potest, illud non habet autorem Spiritum Sanctum: hæc autem Epistola est ejusmodi: nam quid opus fuit afflatu Spiritus Sancti ut Paulus dicat: *præpara mihi hospitium*. Verum negatur propositio. nam Sp. S. multa sæpe præscribit, quæ humanitus poterant excogitari: ut ex Prophetarum & Apostolorum historiis constat. Deinde si ea de causa Epistola hæc esset rejicienda, idem & aliis, extra controversiam positis epistolis eveniret, siquidem non pauca habent familiaria: ut ex Epist. ad Rom. cap. 15. & 16. & ex 1. ad Cor. cap. 16. & 2. Timoth. cap. 4. cæterisque ejus generis constat.

Alterum argumentum est; Scriptura universa generatim ad totam Ecclesiam pertinet: hæc verò Epistola privatim ad Philemonem spectat. Propositionem admittimus, sed distinctione adhibita, quæ argumentum enervat & tollit: Veram eam esse, ratione finis remoti, non autem proximi: alioqui scripta illa Prophetarum & Apostolorum, quæ occasione & gratia certorum populorum aut hominum conscripta sunt, non essent Canonica: ut prophetia Abdæ, Jonæ, similesque aliæ. Sed rectè Tertullianus contra Marcionem lib. 5. ait: *ad omnes Apostoli scripserunt, dum ad quosdam*: ita hæc Epistola ad Philemonem, sic privatim scripta ad ipsum est, ut secundo ad totam reliquam Ecclesiam instituendam destinata sit.

3. Argument: Scriptura sacra generalem doctrinam proponit; hæc verò Epistola singularem, quæ ad solum Onesimum spectat: nam commendandi, non docendi gratiâ conscripta est. Verum ad propositionem similiter distinctione resp. doctrinam proponi vel immediatè ac proximè ut sæpius; vel mediatè per exempla particularia, ad generalem doctrinam indicandam directæ: ut liquet ex variis singularibus prophetiis, quæ certos homines aut populos attingunt, & ex singularibus exemplis, quorum usus non singularis, sed generalis est, ut 1. ad Cor. 10. v. 11. & 2. Pet. cap. 2. v. 6. & Jacob. 5. v. 10. & alibi docetur. Assumptio verò negatur: nam hæc Epistola privata quidem est ac particularis, si occasionem illius & proximum subjectum exemplum finemque proximum consideres; publica verò ac generalis est, si finem & usum particularis hujus exempli attendas, ut de Sacra scriptura asseritur, ad Roman. cap. 15. v. 4. & 2. Timoth. 3. vers. 16.

4. Argument: desumunt à simplicitate hujus Epistolæ; Reliqua (inquiunt) scriptura, gravior est & nervosior: ideoque Scriptura sacra non est. Sed antecedens, si de universa S. Scriptura dicatur, negamus: nam si hanc Epistolam

conferamus cum ea, quæ ab omnibus Apostolis conscripta est, Act. 15. nihilo inferiorem esse comperiemus: idem de quibusdam aliis scriptis sacris; ut de historia Ruthæ ac similibus dici potest: ut secundam & tertiam Epistolam Johannis omittamus.

Deinde, esto verum antecedens: consequentia tamen negatur: non enim propterea definit hæc Epistola esse sacra atque divina: hoc enim convenit *πλουσιότης* sapientiæ Dei (ut Apost. ad Ephes. 3. vers. 10. loquitur) ut alia aliis præluceant; quemadmodum enim Deus non Solem tantum, sed minora etiam sidera; nec Elephantem tantum solum, sed etiam muscas; ad universi varietatem & ornamentum formavit: sic in Sacris literis contigisse non est alienum, si alia præ aliis scriptis emineant, imo & partes singulorum materiæ gravitate dispares, sed auctoritate pares sint.

5. Argum. Epistolæ brevitatis: sed ea auctoritati nihil detrahit. Alioqui prophetia Abdæ, Nahumi, Sophoniæ, & epistolæ cum Apostolorum, Actor. 15. tum Judæ, & posteriores Johannis, essent æqualiter rejiciendæ.

Argum. ultimum est, à testimonio Veterum; quòd Plerique eorum hoc scriptum rejecerunt. Sed falsum id esse res ipsa demonstrat: nam in toto orbe à cunctis Ecclesiis suscepta fuit: ut Veterum de scripturæ canone catalogi evincunt, & ut Hieronym. attestatur: qui addit; *Pauli esse Epistolam ad Philemonem, saltem Marcione autore doceantur; Qui cum cæteras Epistolas ejusdem vel non suscepit, vel quædam in his mutaverit, atque corroserit, in hanc solum manus non est ausus mittere: quia sua illam brevitatis defendebat*. Idem docet Tertullian. lib. 6. contra Marcionem. Quare ex hisce omnibus concludimus, Epistolam hanc Pauli esse canonicam, & Nov. Testam. scriptum, ad utilitatem Ecclesiæ comprimis pertinens: ut ex re ipsa postea patebit. Atque hæc de Epistolæ argumento, auctoritate atque utilitate; sequitur porro *partitio*, in *præfationem*, *tractationem*, & *conclusionem*. Præfatio attentionem & benevolentiam captat, *inscriptione*, *salutatione* & *gratulatione*.

*Inscriptio* continetur versibus duobus: ac declarat causam scripti efficientem ministram & objectum: hoc est, quis, cui scribat. Efficiens ministra est duplex, primaria seu scribens, & secundaria seu approbans. Prior notatur adjuncto cum nomine Pauli; tum vinculis propter Christum, hoc est, Euangelium Christi, ut vers. 13. Quæ duo ad suadendum argumenta efficacissima sunt, ut vers. 6. liquebit: nihil enim indignius quàm in petitione justæ, Christi martyrem contemnere. Etsi autem alibi vinculorum suorum Apostolus meminit; nullibi tamen se vinctum initio Epistolæ vocat, præterquam hoc in loco, unde etiam tempus scriptæ & missæ Epistolæ patet: nempe, cum Romæ diutius vinctus Christi nomine, Actor. 28. vers. 16. teneretur. Quo etiam tempore & loco scriptæ sunt Epistolæ ad Ephes. ad Philipp. ad Coloss. & secunda ad Timoth. ut Ephes. 3. vers. 1. & cap. 4. vers. 1. & ad Philipp. 1. vers. 7. & 13. Coloss. 3. v. 9. & 10. ad Timoth. 2. cap. 1. v. 8. & 2. vers. 9.

Altera ac secundaria causa efficiens ministra, nempe approbans, exprimitur similiter, nomine *Timotheus*: & adjuncta relatione, *frater*, nempe in Christo. Etsi autem non necessarium, non alienum tamen, neque inutile fore existimo, si de hujus vocis usu pauca interferam. Quatuor enim modis (ut ait Hieronymus) in Sacris Literis fratres dicuntur; *natura*, *gente*, *cogitatione*, *affectu*: qui in duo scinditur, in *spirituale* & *commune*. In *spirituale*, quia omnes Christiani fratres. In *commune*, quia omnes homines ex uno patre nati, pari inter nos germanitate conjungimur. Hæc ille Tom. 2. contra Helvidium. Itaq; fratres dicuntur, ut distinctius dicamus, vel propriè, vel impropriè. Propriè quidem omnes qui ab eodem parente progeniti, idq; immediatè ut germani, aut uterini: vel mediatè ut consanguinei; & quidem eodem, vel diverso gradu atque intervallo. Genes. 9. v. 5. & 13. v. 1. & 14. v. 14. Matth. 5. v. 22. & 12. v. 46. Impropriè per Metaphoram generatim dicuntur, qui instar fratrum ac similes sunt. Job. 30. vers. 29. Proverb. 18. vers. 9. 1. Reg. 20. vers. 33. *vivisne frater meus est*: id est, mihi similis erit, &



fratris loco : speciatim verò Christiani καὶ ἱερόν, ob similitudinem regenerationis spiritualis ab eodem patre Deo, & ex eadem matre Ecclesia, ad Galat. 4. vers. 26. & hæreditatis cælestis, fratres vocantur: & quidem autore Christo, Matth. 23. vers. 8. Id quod ab impuro Luciano irridetur, cum ait, ὁ νομοθέτης ὁ πρῶτος ἔπεισεν αὐτοὺς, ὅς ἀδελφοὶ πάντες εἰν ἀλλήλων: id est, *primus illorum legislator* (Christum autem intelligit) *illis persuasit, quod omnes fratres essent*. Tomo. 2. edit. Salmur. Dialogo de morte peregrini pag. 764. Lin. 3.

Quod nomen maximè placuit Apostolis & eorum successoribus, communis fidei & charitatis mutux testandæ gratiâ.

Qua de re illustris est Tertulliani locus; *Sed inquit, quod & fratres nos vocamus, non alias opinor infamant, quam quod apud ipsos omne sanguinis nomen de affectatione simulatum est. Fratres etiam vestri sumus, jure naturæ, matris unius, et si vos parum homines, quia mali fratres. At quanto dignius fratres & dicuntur & habentur qui unum patrem Deum agnoverunt; qui de uno utero ignorantia ad unam lucem aspiraverunt veritatis?* in Apologetico contra gentes. Hoc porro fratrum nomen monachos sibi peculiariter, cum reliquorum Christianorum injuria usurpasse, jam olim conquestus est Chrysostomus in commentar. ad Heb. 11. Atque hoc postremo modo vox *fratris* pro Christianis, seu fidelibus, apud Paulum, cum alibi, tum hoc loco intelligenda, cum ait *Timotheus frater*. Hunc autem sæpe (tanquam fidissimum in Evangelii prædicatione adiutorem, ad Roman. 16. vers. 21. 1. ad Corinth. 4. vers. 17. & cap. 16. vers. 10. 1. Thessalon. 3. vers. 2.) conjungit sibi: ut 2. ad Corinth. 1. v. 1. & Philipp. cap. 1. vers. 1. 1. Thessalon. 1. vers. 1. & 2. ad Thessal. 1. vers. 1. sic etiam hoc in loco: idque in eum finem, ut consensum illius & communem cum Paulo intercessionem pro Onesimo esse doceat: eaque ratione precatiori suæ pondus addat. Qua de re Hieronymus; *Assumitur, inquit, quia vel eodem tempore vel præsentem Timotheo dictata fuit. Quod ego duplici ex causa factum puto: ut & Epistola majorem haberet auctoritatem, quæ non ab uno scriberetur: & quia nulla æmulatio erat inter Apostolos, si quid forte Paulo dictante, alii Spiritus suggesseret, absque ulla tristitia addebat, pares in literis, quas dictabat. Secundum id quod ipse Corinthiis præcepit, ut, si alio prophetante alii fueris revelatum, taceat ille qui prius prophetabat: ita ipse quoque præceptum opere complebat, & propter quæ alio suggerente, addiderat ut suam, ita alterius quoque Epistolam præscribebat.* Hactenus Hieronym. in hujus Epistolæ explicatione. Sed altera, quam adfert, causa, licet arguta sit, minus tamen accommodata est: quia alia ratio est eorum, qui temporalia & pauca habuerunt dona, de quibus, ad Corinthios, in loco memorato, est sermo: alia Apostolorum, qui in omnem veritatem deducti, Johan. 16. v. 13. Christum in se loquentem abundè habuerunt; ut Paulus nominatim de se ait 1. Thessal. cap. 2. vers. 13. & 2. ad Corinth. 13. v. 3. Huc accedit quod Paulus in toto hoc scripto, suo duntaxat nomine & auctoritate loquitur. Hæc de efficiente Epistolæ, seu quis scribat.

Sequitur objectum, seu cui scribat, estque primarium vel secundarium. Objectum primarium declarat partim adjuncto duplici, nempe nomine *Philemon*, & in eum amore Pauli: partim ab effectis, nempe à communi operâ in Ecclesia Dei, nam quemadmodum Marcum & Lucam vers. 24. sic Philemonem hoc loco adiutorem suum vocat; unde apparet, rectè colligi, Philemonem non fuisse hominem privatum, ut auctor commentarii Ambrosio suppositi, putavit, sed in publico Ecclesiæ ministerio versatum apud Colossenses. Porro hæc duo epitheta, nempe *dilectus* & *Adiutor* ad scopum Apostoli accommodatè afferuntur: nam ut Theophylactus monet: *si dilectus, dabit veniam; si cooperator, non retinebit servum, sed remittet ad ministerium verbi, cujus & ipse operator est & minister*, Vers. 1.

Objectum secundarium triplex est. 1. *Appia dilecta*; uxor, ut videtur, Philemonis, quod Chrysostom. & Theodoret. affirmant. Alterum objectum est *Archippus*, Colossensium Episcopus, ut colligitur ex Epist. ad Coloss. 4. vers. 17.

unde *commilitonem suum* appellat Paulus insigni Metaphorâ: ut ad Philipp. 2. vers. 25. Et si enim omnes Christiani, Christi milites sint ac ministri, cui tanquam duci parere, servire; & adversus hostes, Satanam, Mundum, Carnem, totam vitam certare debent, Ephes. 6. vers. 11. Roman. 7. vers. 27. 1. Johan. 5. vers. 4. tamen καὶ ἱερόν hæc nomina verbi ministris conveniunt: idque ob duplicem militiam, communem illam omnium Christianorum, & propriam in verbi ministerio, quo adversus errores & peccata Ecclesiæ & hæreticos ac tyrannos, Evangelii prædicatione, Ecclesiæ curâ, & rerum adversarum patientiâ decertant. Sic 2. ad Corinth. 6. vers. 7. & 10. v. 4. & 1. ad Timoth. 1. v. 18. 2. ad Timoth. 2. versu 3. ad Philipp. 4. v. 3. 1. Coloss. 4. vers. 12.

Hoc autem *commilitonis* epithetum apponit Paulus, non solum ut debitum honorem Archippo tribuat, amoremque suum erga ipsum testetur: verum etiam ut ei negotium Onesimi commendet tanto diligentius: nam si commilito fuit Pauli, equum erat, ut Paulo honestè intercedenti ac precanti opem ferret. Tertio addit; *& quæ domus tua est Ecclesiæ*. Quæ verba, vel ad Archippum referri possunt propinquius; vel ad Philemonem remotius; quod postremum sicut Hieronymo & Chrysostomo; sic vulgò maximè probatur. *Ecclesiam autem domesticam*, hoc sensu intelligit, Philemonis liberos ac servos fideles; quæ magna Philemonis laus est. Hanc autem Ecclesiam seu fidelium cœtum initio Epistolæ compellat Paulus, ut pro contubernali servo intercedat; alioqui pro more suo, in fine Epistolæ tantummodo salutasset, si salutationis solius rationem habuisset.

Atque hinc colligi potest, hunc Philemonem fuisse virum lautâ sorte, ut etiam ex vers. 7. apparet, cujus domus, ut ait de suo tempore Theodoretus, mansit in hodiernum diem. Atque hæc de inscriptionis objecto, vers. 2.

Sequitur salutatio vers. 3. quâ duo potissimum continentur, objectum seu bona optata, & causa eorum efficiens. Illa sunt *gratia*, id est, gratuita Dei benevolentia; & quæ ex eo fonte promanat, *Pax*. Hanc autem gratiam & pacem optat, non ratione initii, sed continuationis & incrementi: ut 1. Petr. 1. vers. 2. & Jud. vers. 2. exprimitur. Causa autem efficiens horum bonorum donans est Deus Pater; mediator verò Filius. Quod autem Pater appellatur Deus; hoc fit ut à creaturis & mortalibus patribus distinguatur: quare divinitati Filii id nihil derogat: quemadmodum vicissim nec Patris dominio, quod Filius appellatur Dominus. Quod nomen Christo meritò tribuitur, duplici Jure; primum creationis & gubernationis: quo modo omnium dominus est communiter: deinde jure donationis paternæ & redemptionis suæ, singulariter, seu quâ Christus statutus; & qua Jesus, hoc est servator. Atque ita fidelium tantum est Dominus, unde rectè Bernardus; *Christus, hoc est qui possessionem sibi vendicat, & jure creationis, & merito redemptionis, & dono Patris*. de considerat. ad Eugenium libr. 3. Cœterum hæc salutatio est scopus ministerii Evangelici, 2. ad Corinth. 5. v. 19. & 20. itaque hac formula Epistolam inchoare & finire solet Paulus: eaque ad singularem hujus Epistolæ scopum etiam pertinet: nempe ut Philemon Onesimum in gratiam, Dei gratiæ auctoris exemplo, recipiat, ad Ephes. 4. vers. 32. quemadmodum scitè Oecumenius ex Chrysostomo interpretatur; *Quomodo* (inquit) *erit gratia Dei in vobis? si & vos debitoribus vestris gratiam præstiteritis: qui verò pax? si & tu reconcilieris servo*. Hæc de v. 3. & salutatione. cui adjungitur gratulatio; quæ tertia præfationis pars, quatuor sequentibus versibus absolvitur.

Ea autem primum ex effectis suis innuitur, nimirum gratiarum actione & precatone: deinde disertè exprimitur. Quod autem in gratiarum actione Deum appellat suum, facit non solum justè, sed etiam accommodatè: ac justè quidem, jure non solum naturæ, quo suberat Deo; sed etiam gratiæ, tam adoptionis, quam Apostolatus: accommodatè verò, cum etiam in vinculis constitutus, suam in Deum fidem & exauditionis spem demonstrat, ad Philemonis consolationem. Precatio etiam amplificatur ab adjuncto tempore; *semper*, inquit, *tui mentionem faciens*, &c. ut cha-

ut charitatis suæ constantiam declaret, & mutuam excitet, vers. 4.

Utraque verò, & gratiarum actio, & precatio illustratur porro à causa sua. Prior quidem à causa impellente: auditione pietatis Philemonis, posita in charitate erga omnes sanctos, & fide in Christum. Quæ vera hominis verè Christiani argumenta, Galat. 5. vers. 6. 1. Johan 3. vers. 23. & ad veniam pro Onesimo jam sancto & Christi membro impetrandam appositè, ut postea liquebit, recenset, Vers. 5.

Hæc verò à causa finali declaratur; ut *communicatio fidei tuæ efficax fiat, in agnitione omnis boni, quod est in vobis per Christum Iesum*: hoc est, ut beneficentia, quæ ex tuâ & tuorum fide oritur, nec otiosa est, indies magis ac magis vim suam exerat, teque tuosque ad pluribus & uberius optulandum impellat: adeò ut omnes fidem, spem, charitatem vestram, quam per Christum habetis, tu nempe Philemon & Appia cum totâ Ecclesiâ, agnoscant & probent, vers. 6.

Hæc de gratiarum actione & precatione pro Philemone: quibus (tanquam propriis effectis suis) gratulatio & charitas innuitur. Sequitur ejusdem emphatica expressio. Primò cum *fratrem* appellat. Deinde cum docet non solum sibi esse gaudium, sed etiam consolationi, dilectionem Philemonis. Tertiò quum dilectionem ab effectu describit: quod non tantum sibi fuerit gaudium & consolationi: sed etiam *refocillavit viscera*: hoc est, per Metaph. corda & animos afflictorum, & quidem sanctorum, hoc est fidelium. Eos enim hoc in loco & alibi sæpe sanctos vocat: quod à peccatis sint immunes: idque bifariam: perfectè quidem per justificationem in Christo capite, cum quo sunt unum per fidem; inchoatè verò in se per sanctificationem. Hæc de versu 7. & gratulatione: unde per transitionem artificiosam à præfatione ad alteram hujus Epistolæ partem nempe tractationem rei transit, eamque ex prima deducit. Tractatio autem constat consuetis orationum partibus: propositione; confirmatione, confutatione, & conclusione. Propositionis sententia est; precor pro Onesimo, ut eum recipias: nempe in familiam tuam & gratiam, imò & in amicitiam, vers. 10. & 12. verum artificiosissimè, & ad persuadendum appositissimè, eandem immiscet & includit confirmationi. Quæ argumenta continet à triplici persona. Primò Philemonis; cum id officium illius esse docet. Deinde à persona Pauli varia adfert argumenta. Quorum primum est à *petitionis modo*; quod non pro suo jure, quod per Christum habebat, illi mandaret; sed quod precetur propter charitatem, nempe Philemonis, sibi perspectam, ut vox *quapropter* ostendit: qua ratione benevolum reddit Philemonem, cum præclaram suam de ipso opinionem & ipem demonstrat: quod ad officium non autoritate trahendus sit, sed charitate invitandus. simile vers. 14. alterum argumentum Apostoli est à persona quam nominat, nempe Paulus. tertium ab ætate suâ, cum addit *senex*. quartum à martyrio, cum ait *vinculus*, & quidem *pro Christo*, vers. 8. & 9. Denique ab Onesimi persona argumenta profert Apostolus in propositione ipsa. Primum à conversione & regeneratione & quidem ministerio Pauli, idque in vinculis; *pro filio* (inquit) *meo, quem in vinculis meis genui*: nimirum ut causa efficiens, non principalis, sed ministra, Evangelii prædicatione & Baptismo. Ideoque cum Onesimus redierit non solum ad mentem, sed etiam ad fidem (cujus sinceritas hinc liquet, quod eum nec Christi, nec vinculorum Pauli puduerit) sequitur dignum esse Domini sui veniâ & amicitia. Observandum autem, quod nomen Onesimi non præmittit; ut vitetur offensio: sed argumentis postponit eruditè & prudenter, vers. 10. Alterum argumentum est ab utilitate ductum, & anticipatione ac Paranomasia eleganti illustratum. Objici enim poterat: intercedis pro eo qui nomini suo non respondet: *Onesimus*, id est, utilis vocatur; sed contra inutilis mihi, imò noxius extitit: quid igitur rogas, ut eum meo malo & periculo recipiam? Respondet Apostolus distinctione temporis; antea quidem inutilem fuisse, nunc verò utilem & Philemoni & Paulo, vers. 11. Tertium argumentum est, intimus Pauli erga Onesimum amor; qui declaratur metaphoricè,

cum *sua viscera*, hoc est, cor suum & animum appellat, vers. 12. adeò ut lædi aut rejici non possit: quia Pauli quodammodo viscera læderentur. Hoc autem argumentum cum antecedenti illustratur anticipationem objectionis, siquidem objicere poterat Philemon; si Onesimus tibi tam utilis, & viscerum tuorum instar adeò carus esset, retinere debueras apud te. Respondet Apostolus: confirmatione antecedentis & negatione consequentiæ. *Cupiebam quidem* (inquit) *apud me retinere, ut mihi usui esset, & pro te mihi ministraret in vinculis meis, quæ pro Evangelio parior*, vers. 13. sed tamen non retinui, ne in te, cujus servus est, essem injurius; aut beneficii tui occasionem corrumperem vers. 14. Hæc de propositionis hujus Epistolæ confirmatione. Sequitur porro confutatio accusationis criminum, quæ obijci poterant: quæ cum vera sint, non utitur inficiatione, sed excusatione per mitigationem. Duo autem fuerunt crimina, furtum & fuga: ad quæ doctè & præposterè, à leviori incipiens, respondet: ac primum accusationem mitigat, cum odiosam criminis speciem reticet, & ejus loco genere utitur: non enim *fugam*, sed *segregationem* nominat: deinde excusat injuriam, non solum à restitutione, sed etiam comparatione eventus, nempe utilitatis consecutæ. Ac primum comparatione temporis in utroque: *semotus est*, inquit, *sed ad horam*, hoc est, per Synecdochen, ad breve tempus, non in perpetuum: contra verò Dei providentia evenit, ut non ad horam eundem recipias, sed *in æternum*: nam servi ab hero separantur aut manumissione, aut fugâ, aut captivitate, aut morte: at fideles servi nunquam, quia communio sanctorum in Christo perpetua est, v. 15. Secundò altera fugæ utilitas, est fugitivi correctio, & secuta conditionis illius & obligationis præstantia: siquidem ante fugam servus erat nequam & infidelis; jam verò non servus tantum, sed plusquam servus, nempe frater per fidem in Christum; communem nactus patrem & hæreditatem in cælis, eoque dilectus, maximè Paulo, qui Evangelio genuerat: quanto magis tibi Philemoni debet esse dilectus, cum duplex sit dilectionis vinculum: & secundum carnem, hoc est, quatenus humano more tuus servus est, quippe factus jam frugi: & secundum Deum, quatenus Dei servus & filius, ac tuus per fidem conservus ac frater, v. 16. Atque hæc prioris criminis confutatio. Cui sua conclusio subijcitur, repetitione propositionis, novo auctæ argumento à communione cum Paulo; quæ gravissima obtestatione amplificatur; *itaque*, inquit, *si me socium habes*: si quid tibi commune mecum esse vis, excipe eum, non ut servum fugitivum, sed amantissimè tanquam me. vers. 17. Porro sequitur altera confutationis pars, qua secundi criminis accusationem elevat ac tollit. Elevat quidem, cum, ut antea, odiosam criminis speciem præterit, & generali voce, minusque odiosa utitur: cum *injuriæ* & *debitum*; non autem *furtum* nominat: *si quid*, inquit, *injuriæ tibi intulit, aut debet*. Tollit verò accusationem interposita sponcione & chirographo, *hoc* (inquit) *mihi imputato*: hoc est, expensum fer, me debitorem statue, vers. 18. *Ego Paulus scripsi meâ manu*, ut prædes solent; *ego dependam*. Ne autem id imprudentiùs dictum videatur ob tenuitatem sortis Pauli; probat satisfactionis facilitatem, correctione quadam opportuna, *ut ne dicam*, inquit, *tibi, quod etiam teipsum mihi insuper debeas*; ac si diceret Paulus; non opus est Chirographo, quo me debitorem constituam, cum tu mihi plura debeas, & hanc veniam Onesimo, & quod amplius est, teipsum, nempe quia Evangelio te in Christo genui. Emphasis autem est in vocibus *etiam* & *insuper*, vers. 19. Atque hæc de confutatione: ex qua vers. 20. deducit tractationis conclusionem, præcipuis argumentis summatim repositis ac collectis: utitur enim amica compellatione & eleganti allusione ad nomen Onesimi, pro quo intercedit, cum ait, *etiam frater ego te invisi, fruar, seu fructu à te consequar*, tanquam meo: idque *in Domino*, hoc est, secundum Dei voluntatem in re justâ, adeo ut tu mihi futurus Onesimus, hoc est, utilis; *refocilla mea viscera*: ne scilicet inferior sim reliquis sanctis, de quibus vers. 7. Hanc porro conclusionem confirmat dupliciter: primò à certa fiducia & spe obedientiæ Philemonis & majoris beneficii quam postulat: etc-

etenim præclaram bonorum & gravium virorum de nostrâ probitate fiduciam & expectationem fallere, habetur turpissimum: secundò conclusioni addit pondus, à spe propinqui adventus sui: ut vel pudore ad officium cogeretur Philemon, si in eo præstando fuisset tardus. Simul, inquit, *para mihi hospitium, spero enim me per preces vestras*, hoc est, tuas & Ecclesiæ, *donandum vobis*. Unde patere ait Primasius Paulum prima vice ab urbe Roma liberatum fuisse. Quam sententiam nonnulli sequuntur; alii contrà negant: nec indigna disquisitione quæstio, ad historiæ notitiam & hujus loci intelligentiam plenior. Pro prima opinione duo adferuntur argumenta, primò, ex hoc loco Paulus sperat se liberandum; ergo liberatus est. Verum Responderi posset, ex spe rei externæ, & ad hanc vitam pertinentis, nihil esse concludendum: nam *talis est spes fidelium*, qualis divina promissio: ea autem est duplex: absoluta aut conditionalis: illa est earum rerum, quæ absolutè nobis promittuntur: idque aut generatim & ordinariè in sacris literis; ut promissio remissionis peccatorum, perseverantiæ in fide & vitæ æternæ: aut speciatim & extraordinariè, revelatione divinâ: qualis etiam est quædam promissio de rebus externis; ut cum Davidi regnum; Ezechie liberatio à Sancheribo; Paulo conservatio adversus Judæorum machinas & furorem promittitur: hæc enim cum absolutè promissa sint, absolutè fuerunt speranda, & ex spe hujusmodi, de re & eventu illius certò potest concludi: qua ratione spes fidelium nempe de salute, quæ absolutè iis promittitur, dicitur fidelem non confundere, ad Roman. 5. v. 5. Conditionalis verò promissio est, quæ non absolutè, sed cum conditione proponitur: cuiusmodi promissio est rerum externarum & ad hanc vitam pertinentium, quæ nec speciali revelatione, nec absolutè in verbo, sed quatenus Dei gloriæ & nostræ saluti conducant, promittuntur: qualis hæc fuisse videtur: ac propterea spes conditionalis est; unde de rei eventu nihil potest colligi. Nec dissimilis spei declaratio extat, Rom. 15. v. 24. & 1. Cor. 16. v. 7. & 1. Timoth. 3. v. 14. & 15. Sed contra objici potest; qui sperat divini spiritus instinctu, illius spes est certa de eventu: alioqui Spiritus Sanctus, spei auctor, homines falleret: quod alienum. Atqui Paulus hoc loco sperat divini spiritus instinctu, quia eo autore hanc Epistolam scripsit: ergo ejus spes hoc loco est certa. Verum negatur propositio. Etsi enim ea vera est de spe absolutâ ac fidei: non tamen de spe conditionalis ac opinionis. Nec valet illius probatio: quia conditio excludit fallaciam: quæ conditio, etsi hoc loco non exprimitur, ut alioqui fit, 1. Cor. 16. v. 7. tamen intelligitur ex natura rei speratæ: quæ cum ad hanc vitam pertineat, promissa est tantum in verbo cum conditione, cuius definitionem Paulo ignotam esse voluit Spiritus Sanctus. Sed excipi contra potest; si conditio spei non erat perficienda; ergo (quod absurdum est) sine iusta causa Spiritus Sanctus hanc spem aut Paulo indidit extra ordinem, aut ordinariè excitatam sanctificavit. Sed negatur consequentia: quia ut aliarum rerum, sic spei variæ esse possunt causæ: aded ut unâ sublatâ, non propterea reliquæ tollantur: nam causa spei, in Paulo, fuit vitæ conservatio & liberatio, ad Ecclesiæ institutionem & Dei gloriam: quam conservationem ut optare, sic etiam sperare debuit, ex officio, partim naturalis amoris erga se, partim charitatis Christianæ erga alios, Philipp. 1. vers. 24. & 1. Corinth. 13. vers. 7. etiam si eventus fuerit incertus. Atque hæc de prioris sententiæ argumento primo, de quo probabiliter in utramque partem disceptari potest: quia non necessarium, sed probabile. Cæterum alterum est multo validius ex Epist. ad Philippenfes, quæ etiam Româ eodem tempore è vinculis conscripta est. Sic enim dicitur cap. 1. vers. 5. 6. & 7. *Hoc confisus, novi, me mansurum & permanurum cum vobis omnibus ad vestrum profectum & gaudium fidei: ut abundet gloriatio vestra in Christo Iesu de me, mea rursus apud vos præsentia*. Cum igitur Paulus non opinione humana, sed Spiritus Sancti ductu loquatur ac testetur, se non solum fidere, sed etiam nosse, fore ut permaneat, cum Philippenfibus: inde concluditur, spem hanc, de qua hoc loco Apostolus ait, non esse incertam ex conjecturis & opinione, sed certam ex reve-

latione divinâ & fide illius. Verum excipi posset hanc notitiam non fuisse absolutam, sed cum conditione, si Deo placeat: cum autem probabilia fuerint voluntatis Dei argumenta, non malè opinionem hanc metaphoricè appellari notitiam potius, quam spem: quemadmodum spes de eventu valdè probabili per Metaphoram vulgò notitia nominatur. Idque etiam ex hac Epistola videtur posse probari, ubi eadem extat Phrasis, vers. 21. *Scripsi tibi, confisus fore, ut tu me audias, ut qui norim, te supra id etiam quod dico facturum esse*. quo in loco notitiam vocat opinionem valde probabilem. Denique hæc responsio probari videtur, quod spes Pauli, hoc loco, non nitatur revelatione divina, sed precibus fidelium: quorum exauditionis eventus probabilis quidem erat, sed incertus: quia in re, ad hanc vitam pertinente, puta liberatione Pauli, non habeant promissionem certam, eoque nec ipsi spem certam, sed conditionalem, ac propterea multò minus Paulus. Verum huic argumento responderi posset intercessionem precum non esse semper de eventu dubiam, in rebus externis: nam revelatio divina etiam in hujusmodi mediis potest intervenire: quemadmodum cum Abraham oravit pro Abimelecho, & Jobus pro sociis. Sed contra objici potest, Paulum ad Philipp. 2. v. 17. ostendere, spem suam non certam, sed dubiam, cum ait; *sed etsi pro libramento offerat super hostiâ sacrificioque fidei vestrae*. Verum respondetur, hanc hypothesin non reddere rem incertam: sed ad amplificationem amoris pertinere. Idque probari, quod vers. 24. addat Apostolus; *confido autem in Domino, quod cito venturus sum ad vos*: Ex quo loco duo peti possunt argumenta. Primò quod dicit se non sperare, sed confidere, & certo sibi persuadere. Secundò quod dicit *in Domino*. Sed excipi potest, Primò, *πισθον fiduciam*, aliam esse absolutam & fidei, quæ certa est, nec falli potest, Ephes. cap. 3. vers. 12. aliam esse charitatis & conditionalem, quæ conditione non præstita falli potest. 1. Corinth. 13. vers. 5. & 7. & 2. Corinth. 1. vers. 13. 14. 15. & 23. & cap. 8. vers. 22. & 2. Thessal. 3. v. 4. Galat. 5. v. 10. Philem. vers. 21. Secundo, ad alteram rationem, nempe quod dicatur, *in Domino*, respondent conditionem notare ac significare, si Deo placuerit: seu cum Domino, seu Deo adjuvante. Aliter etiam responderi posset: nempe hic tacitam conditionem intelligendam esse; *confido in Domino, fore, ut ad vos redeam*: nimirum si ad gloriam illius requiratur. Atque hæc de quæstione proposita differuimus in utramque partem: interim salvo doctiorum iudicio, priorem sententiam magis probabilem existimo, præsertim cum veterum Theologorum, ut alii fatentur, accedat auctoritas: adeo ut putem non absurdum, quod referunt, Apostolum in Asiam Româ rediisse: deinde Hispaniam, ut animo conceperat prius, Roman. 15. peragrasse, ac postea iterum in vincula conjectum, & de morte propinquâ prius monitum, 2. Timoth. 4. vers. 6. & 7. tandem à Nerone Romæ cæsum.

Hactenus de secunda hujus Epistolæ parte: nempe tractatione rei propositæ. Sequitur tertia, conclusio totius Epistolæ, constans salutatione aliorum, nomine, vers. 23. & 24. & valedictione solenni, vers. 25

## C O N S E C T A R I A.

I. Persecutio propter Christum, non pudoris, sed consolationis & gloriæ materia est 1. Petr. 4. v. 15. 16. ut Pauli exemplum demonstrat.

II. Ut minorum est majores revereri: sic horum est illorum honori favere, exemplo Pauli senis, qui Timotheum juvenem tam honorificè nominat ac sibi conjungit, vers. 1.

III. Cum ministri Ecclesiæ sint commilitones, amare se mutuo debent, & omiſſis curis mundanis, Deo fideliter servire. 2. Timoth. 2. vers. 4.

IV. Non solum publica & numerosa Christianorum congregatio, sed etiam privatus paucorum fidelium cætus, Ecclesia est.

V. Fidelibus laborandum, ut eorum familia sit non Sanae Synagoga, sed Dei Ecclesia, vers. 2.

VI. Cum gratia & pax æqualiter à Patre & Filio petantur;

tantur; sequitur Filium unum esse cum Patre Deum.

VII. Fides & Charitas omninò sunt Dei dona; ac propterea Deo gratias debemus pro eorum initio, & preces pro incremento; nec solum cum ea nobis donantur, sed etiam cum aliis.

VIII. In precibus autem opus est fide & assiduitate, vers. 3.

IX. Christiana vita sita est in fide in Christum, & charitate in sanctos, quæ factis ad Dei gloriam magis magisque testari debemus, vers. 5. 6.

X. Fides vera est, quæ nec mortua, nec otiosa, sed viva & per charitatem efficax, versu 6.

XI. Charitas autem vera est, quæ non in verbis, sed in re consistit, 1. Joan. 3. v. 18. Jacob. 2. v. 16. ac præ cæteris domesticos fidei, Galat. 6. & potissimum afflictos refo-cillat.

XII. Gaudere debemus cum gaudentibus, non verò iis invidere.

XIII. Alios in os laudare non semper vitiosum est; sed officium interdum Christianum, primum cum laus vera est: deinde cum omnia Dei gratiæ ascribuntur, ne laudatus se efferat: denique cum laudis finis est, non adulatio, sed ut sit stimulus & argumentum, quo laudatus amplius ad officium excitetur, ad Dei gloriam & Ecclesiæ institutionem, vers. 7. 8.

XIV. Pastorum Ecclesiæ est, benevolos non tam auctoritate cogere, quam charitate ducere, vers. 8. 9.

XV. Quum Paulus servum fugitivum & furem jam conversum, tam sollicitè commendat, ac tantopere honoret, ut filium & viscera sua vocet: pastorum officium est, etiam abjectissimos fidelium habere in amore & pretio.

XVI. Cum Evangelio & baptismo à pastoribus Ecclesiæ regeneremur, eos, ut filios decet, revereri & amare debemus.

XVII. Evangelii præcones vinciri possunt: sed non Evangelium, 2. Timoth. 2. vers. 9. ut conversio Onesimi docet, vers. 10.

XVIII. Danda est opera, ut honesto nomini respondeamus, eoque ad officium excitemur, vers. 11.

XIX. Qui Evangelii gratia affliguntur, omnibus modis juvandi sunt vers. 13.

XX. Beneficia esse debent non extorta, sed libera: nec magnitudine, sed animo æstimanda, vers. 14.

XXI. Errant Anabaptistæ, qui communionem bonorum in Christianis requirunt, versu 14.

XXII. Peccata fidelium non amplificanda; sed potius

tegenda aut mitiganda, vers. 15.

XXIII. Fideles servi duplici nomine suis heris chari esse debent, cum propter muneris rationem, tum propter Deum patrem communem, vers. 16.

XXIV. Iis, quorum opera ad fidem conversi sumus, nos totos debemus, vers. 19.

XXV. Ut de aliorum in officio diligentia sperare debemus optimè: sic curandum est ut spem conceptam, si fieri potest, superemus, vers. 21.

XXVI. Preces etiam infirmorum non sunt contemnendæ nec inutiles, v. 22.

XXVII. Quum Demas, initio, Pauli adjutor fuerit, in Evangelii promulgatione; postea verò eundem dereliquit, præsens amplexus seculum, 2. Timoth. 4. Ergo: non est cur offensus ab Ecclesiâ resileamus, si idem nostro tempore contingat. Deinde hinc etiam sequitur, non officii initio gloriandum, sed sollicitè de perseverantia cogitandum. Cæterum observandum est, quod quidam *amorem præsentis seculi* de apostasia à religione interpretati sunt, ut monet Oecumenius: *Hunc Demam, ajunt, ad Græcanicam religionem factum idolorum sacerdotem.* Sed hoc non videtur verisimile, alioqui Paulus gravius eum perstrinxisset. Itaque alii plerique de defectione, non à vera religione, sed à ministerii munere exponunt: quos videlicet laborum per-tæsus, ministerium Evangelii rerum corporalium cura permutavit. Quidam etiam addunt, eum postea resipuisse & ad Paulum reversum, idque ex hoc loco probare nituntur, ubi honesta Demæ fit mentio. Sed argumento infirmiori: nam ajunt probabile esse, hanc Epistolam scriptam post secundam ad Timotheum: quia in hac fit mentio Timothei ipsius in inscriptione atque etiam Marci, quasi jam cum Paulo versantis, qui cum secundam ad Timotheum scribebat, aberant: idinquam nec probabile est, nec ratione hac probatur: nam Timotheus & Marcus, cum ad Philemonem scriberet, aderant Paulo: sed postea Ecclesiæ curandæ gratia dimissi fuerunt, ut declaratur, Coloss. 4. 10. de qua re postea præstata loquitur, 2. Timoth. 4. 11. Deinde si hæc Epistola esset scripta post alteram ad Timotheum, sequeretur etiam Epistolam ad Colossenses esse posteriorem, quæ eodem tempore quo hæc conscripta est. Denique cum Paulus in hac Epistola curet sibi parari hospitium, & brevi se liberandum speret: in secunda verò ad Timoth. cap. 4. 6. desperet, imo contrarium testetur, inde concluditur, hanc Epistolam non subsecutam, sed præmissam.

FINIS.

# ANALYSIS EPISTOLÆ PAULI APOSTOLI AD HEBRÆOS. PROLEGOMENA.

**Q**Uoniam Epistola ad Hebræos, Jesu Christi mediatoris nostri personam, & officia, præsertim verò sacerdotium, & ceremoniarum Vet. Testamenti complementum, atque abolitionem describit, atque declarat accuratissimè: idcirco summam illius utilitatem esse, elucet. Verum quia de *auctoritate* illius, & *scriptore*, cum olim, tum nostris temporibus dubitatum est, quædam, de ea re, præfationis loco, præmittemus.

Etenim quaeritur: quænam hujus scripti *causa* sit *efficiens*, cum princeps, tum *ministra*, seu quis *auctor*, & quis *scriptor*. Ad prius quod attinet, Orthodoxi, communi forè

consensu, Deum authorem esse statuunt. Primò, quod doctrina tota, & docendi modus, seu phrasis, & methodus, cum reliquis Nov. Testam. scriptis, adamussim convenient. Deinde, quod idem, Ecclesiæ perpetuo, inde ab Apostolis, testimonio, comprobetur: quod etiam asserit Theodoretus, in præfatione commentariorum in hanc Epistolam: & ex sequent. plenius apparebit. Contra verò alii Deum authorem esse negant, partim malitiâ, partim imperitiâ temerariâ. *Malitia* quidem, quod hanc Epistolam suis erroribus adeo graviter obstat viderent, ut quidam hæretici, & inter eos Marcion (qui primus hujus erroris author est)



est) quia in hac Epistola, contra pernitiōsa ejus dogmata, idem Deus, utriusque Testamenti author: & Jesus Christus. Dei creatoris filius, nobis ἀποστόλος, verèq; passus statuitur. De quo Marcione Epiph. hæref. 42. & Hieron. præfatione in Epistolam ad Titum. Marcionem deinde secutus est Arius, & Ariani (quod initio hujus Epistolæ Deitas Christi clarissimè asseratur) ut testatur Theodoretus, præfatione hujus Epistolæ, & cap. 1. v. 3. & Epiph. contra Arianos. Alii verò imperitia temerariâ, in eundem lapidem impegerunt; ac primum, ex priscais authoribus, Gajus, & quidam alii, Eusebii & Hieronymi temporibus, Latini, ut testatur Euseb. histor. Eccles. lib. 6. cap. 20. & Hieron. in catalogo scriptorum Ecclesiasticorum in Paulo & Gajo: quem errorem posterius quidam secuti sunt. Cujus origo fuisse videtur, quod non intelligerent hanc Epistolam omninò Sacris Literis consentaneam; sed putarent cap. 6. vers. 10. & c. 10. v. 26. 27. & 12. v. 17. Novatianorum errori favere, & præterea dictorum Vet. Testam. sententiam aliena interpretatione, pervertere. Verùm utrumque, à D. Junio in parallelis sacris, eruditè confutatur, & suis etiam locis, à nobis, Deo dante. plenius diluetur. Quare meritò statuimus, cum Orthodoxis: *Deum esse Epistolæ hujus authorem, ideoque divinam illius esse auctoritatem*: quamvis de Scriptore non ita certo, inter Orthodoxos, conveniat. Multi enim Paulum esse arbitrantur, ducti argumentis minimè contemnendis, partim insitis; partim assumtis. Proferunt enim primò similitudinem, seu sententiarum plurimarum convenientiam; quam, inductione variorum exemplorum, probant: quæ eodem modo, iisdemque penè verbis, utrimque reperiuntur, ut ex collatione liquet, Hebr. 1. v. 2. 3. cum Coloss. 1. v. 14. 15. 16. 17. Hebr. 5. v. 12. 13. cum 1. Corinth. 3. v. 1. 2. Hebr. 9. v. 15. cum Roman. 3. 25. Hebr. 10. v. 34. cum Philipp. 1. v. 13. & Philem. vers. 9. 10. Hebr. 10. v. 34. cum 1. Thessal. 2. v. 14. Hebr. 10. 36. cum Galat. 3. v. 22. Hebr. 11. v. 11. 12. cum Roman. 4. v. 18. 19. Hebr. 12. v. 1. cum 1. Corinth. 9. 24. Hebr. 13. v. 7. & 17. cum Philip. 2. v. 29. Hebr. 13. vers. 9. cum Ephes. 4. v. 14. Hebr. 13. v. 15. 16. & 21. cum Roman. 12. v. 1. & 2. Hebr. 13. v. 18. cum 2. Corinth. 1. v. 11. 12. & Hebr. 13. vers. 20. 21. cum 1. Thessal. 5. v. 23. denique Hebr. 13. v. 23. cum Philipp. 1. vers. 1. seq. Afferunt deinde similitudinem formæ externæ, seu ordinis, quod (ut Paulus solet) primò de fide, deinde de operibus illius, disserat. Præterea Epistola hæc scripta est ex Italia, Hebr. 13. 24. cum scriptor illius esset in vinculis, ibid. cap. 10. v. 34. & socium eorum haberet Timotheum fratrem, atque itinere comitem, cap. 13. v. 23. Quæ Paulum Epistolæ hujus scriptorem satis arguunt. Quibus accedit testimoniū, cum divinum, quod producunt ex 2. Petr. 3. vers. 14. 15. 16. quod de hac Epistola, intelligendum putant; tum humanum antiquæ Ecclesiæ, quemadmodum post Clem. Alexand. apud Euseb. Eccles. histor. lib. 6. cap. 13. Patres plurimi: quo etiam pertinet manuscr. antiquorum codicum Græcorum ferè omnium, in *titulo*, consensus, ut nomen Pauli præferatur. Alii contrà Pauli esse negant, objectis quibusdam rationibus, quarum prima hæc est: Nomen (inquiunt) suum hujus Epistolæ scriptor, non præmisit, nempe Pauli: Ergo non est illius scripti author. Verùm negatur consequentia, alioquin (ut appositè ajunt Hieronymus & Primasius in præfatione hujus Epistolæ) nullius esset dicenda; quia nullius nomen præmittitur. Sed excipiunt; Paulum, in aliis omnibus Epistolis, hoc habere in more. Agnoscimus, sed hoc factum arbitrio, non necessitate: nam quid vetat, quominus potuerit suum nomen omittere (quemadmodum Johan. Apostolus, in prima sua Epistola, fecit, cum nomen tantum duabus reliquis præposuerit) præsertim cum scriptor Paulus potuerit cognosci, partim ex eo, per quem Epistolam misit; partim ex manu ipsius Pauli: nam licet, in Epistolis scribendis, amanuensi uteretur, Rom. 16. v. 22. (præterquam Epistolam ad Galatas, quam integram scripsit, Gal. 6. v. 11.) in conclusione tamen solennem gratiæ appreciationem, sua manu, adscribebat; ut scriptor, adversus hominum fraudes, dignosceretur, 2. Thessal. 3. v. 17. quæ eadem clausula con-

fueta, etiam Hebr. 13. v. 25. in autographo apparuit. Deinde probabiles etiam nominis omissi rationes afferuntur, nempe honestas, ac utilitas: *Honestas* quidem, quod modestiæ causa, non se scripserit Hebræorum Apostolum, primò propter honorem Christi, qui ut Apostolus fuit Hebræorum, ita eundem Apostolum professionis nostræ vocat, in hac Epistola, c. 3. v. 1. deinde, quia, cum Paulus præcipuè esset *gentium Apostolus*, Roman. 11. v. 13. vocatione Christi Act. 9. v. 15. & pacto etiam cum Apostolis inito, Galat. 2. v. 7. ad Hebræos, quasi ex abundanti, ut ajunt, scripserit: *Utilitas* verò *gemina* profertur hujus silentii nominis ipsius, quarum prior est, fuga offensionis Ecclesiæ Hebræorum, ne Judæos (præsertim infirmiores, quibus propter anticipatam de ipso opinionem suspectus erat, Act. 21. v. 20. 21.) nominis sui, principio exordij, inscriptione, à legendo absterret: quas tres allatas jam rationes proposuit olim Clemens Alexand. teste Euseb. histor. Eccles. lib. 6. cap. 13. altera utilitas est fuga periculi Ecclesiæ Hebræorum, ne præpositi nominis sui, apud Christi hostes, Judæos, odiosissimi occasione, persecutionis Ecclesiæ Hebræorum rabies inflammaretur magis: de qua 1. Thessal. 2. v. 14. Hebr. 10. v. 33. 34. Quæ duæ postremæ rationes, prioribus magis sunt verisimiles. Hæc de prima objectione. Altera verò est hujusmodi. Scriptor hujus Epistolæ fuit non Apostolus, sed discipulus Apostolorum: Paulus contrà fuit Apostolus, non discipulus Apostolorum. Ergo Paulus non est hujus Epistolæ scriptor. Propositionem probant, ex cap. 2. 3. Assumptionem ex Galat. 1. v. 1. Sed resp. propositionem ex cap. 2. non probari, quoniam sententia illa, (*salus ab iis, qui Christum audierant, fuit nobis confirmata*) accipienda est, non propriè, sed figuratè, per communicationis figuram; cujus, & quidem durioris, exemplum Tit. 3. 3. 1. Pet. 4. v. 3. luculentum: nam vox nobis Synecdoc. accipienda est, pro maxima parte nostrum, hoc est, de fidelibus Hebræis, aliisque Apostolorum discipulis; quia enim fideles unum sunt, in Christo, corpus; hinc fit, ut quod plerisque ex iis collatum est, id omnibus etiam propter communionem sanctorum, adscribamur. Deinde quamvis (quod minimè largimur) concederemus propriè hanc vocem *Nobis* accipiendam; inde tamen non evinceretur scriptorem hujus Epistolæ non fuisse Apostolum, sed Apostolorum discipulum: nam dicitur, *salutem (quæ primum capta est enarrari, per ipsum Dominum) ab iis, qui ipsum audierant, fuisse nobis confirmatam, testimonium præbente Deo, signis &c.* aliud enim est confirmari, aliud primum doceri: sic Paulus, etsi Evangelium primum acceperit à Christo, postea tamen ab Anania, Christi auditore, fuit doctrinâ & miraculo confirmatus, Act. 9. 17. 18. & 22. 12. 13. 14. Tertia objectio est à styli diversitate petita: Quod stylo conscriptum est elegantiori, quàm Paulus usus est. reliquis minimè controversis epistolis, ejus scriptor non est Paulus. Hæc Epistola est hujusmodi. Ergo scriptor ejus non est Paulus. Sed negatur propositio, quoniam idem author cultius aut incultius scribere potest, diversis de causis, ut vel Augustini, aliorumq; scriptis, & experientia frequenti, constat: in quibus quædam negligentius, quædam accuratius scripta esse apparet: imò quis neget styli Jeremię, in Lament. elegantiorē, quàm in Prophetia? indeq; etiam sequeretur, Epistolam Pauli ad Ephesios, illius non esse: quod sublimiore stylo sit exarata, quàm reliquæ. Sed excipiunt: verum id quidem esse, ejusdem authoris deserti scripta esse inæqualis elegantia; sed is, qui rudis est sermone, non potest elegantiorē uti stylo, sed sibi ferè similis manet. Paulus fuit rudis sermone, ut agnoscit 2. Cor. 11. 6. Ergo non potest elegantiori stylo uti, sed sibi similis mansit. Verum negatur consequentia: quia *ῥημῶν*, seu argumentum ambiguum est: nam rudis sermone in propositione sumitur absolute, in assumptione comparatè: nec enim Paulus, eloquentia suâ, & elegantia, cum opus esset, caruit, ut Act. 14. v. 12. indicatur, & ex Epistolis attentè lectis apparet; sed fucō, & affectatâ Oratorum elegantia, qua inflati, adversus Paulum, pseudo-apostoli, sese efferebant, 1. Cor. 1. v. 17. & cap. 2. v. 1. 4. 13. & cap. 4. 19. 2. Cor. 10. v. 10. 11. atque hoc sensu se rudem sermone con-

confessus est; alioqui non vulgari solum, sed etiam literatâ eloquentiâ fuisse imbutum, apparet, ex Poëtarum sententiis, quas adducit; quemadmodum Arati, Act. 17. vers. 28. Menandri 1. Cor. 15. vers. 33. & Epimenidis Tit. 1. vers. 12. Deinde negari etiam potest syllogismi hujus, & exceptionis propositio, bifariam: primum quia etiam rudes sermone, adhibitâ diligentia, cultius scribere solent: deinde, etiamsi vera esset propositio, in iis, qui ex suo ingenio, suoque ductu, scribunt, seu qui simul scriptores & authores sunt; de ministris tamen intellecta, qui ab aliis dictata, mente ac memoria excipiunt, falsa est: nam Deus hujus Epistolæ author est, qui liberè potuit scriptoris stylo uti, aut cultiorem adhibere. Cœterum, à Patribus antiquis, præposita Syllogismo objectio, aliter solvitur, distinctione majoris: nam scriptor Epistolæ, in propositione, accipitur simpliciter; in conclusione, secundum quid; Paulum enim ajunt non simpliciter Epistolæ hujus scriptorem, ratione & materiæ, & styli, seu ratione sententiæ & verborum (quo sensu intelligitur propositio) sed ratione materiæ ac sententiæ tantum, idque bifariam exponunt. Quidam enim conjiciunt hanc Epistolam scriptam à Paulo Hebræis Hebraicè, & versam ab alio in sermonem Græcum, stylo elegantiori: sic enim Clem. Alex. ut refert Euseb. Eccl. hist. lib. 6. c. 13. Epistolam ad Hebræos, Pauli quidem esse dicit, & in Hebræorum gratiam Hebraicè scriptam; sed à Lucâ studiosè conversam, gentibus quoque expositam, atque ob eam causam dictionem interpretationis illius consimilem reperiri, dictioni Actorum Apostolorum: idem ait Euseb. sed Clementem Romanum interpretem, ob styli, & materiæ utriusque similitudinem, putat, histor. Eccles. lib. 3. cap. 34. Contra alii audacius conjiciunt: Paulum materiam scribendi tantum sua doctrinâ suppeditasse, (eâque solum ratione scriptorem dicti hujus Epistolæ) alium verò suo stylo excoluisse, & (ut cum Hieron. in Catalogo scriptorum Ecclesiasticorum, in Paulo, loquar) *proprio ordinasse & ornasse sermone*: sic enim Origen. apud Euseb. histor. Eccles. lib. 6. cap. 24. ait: *sensus hujus Epistolæ esse Apostoli. phrasin verò & structuram alterius cujuscumque, qui dicta Apostolica annotavit, & velut in Scholia quædam, quæ à præceptore audierat, retulerit; Itaque, inquit, si qua Ecclesia Epistolam hanc, tanquam Pauli, habuerit, complectatur eam, & approbet eam etiam hoc modo: non enim eam, præter rationem, præsci viri, Pauli esse tradiderunt: veritatem autem Deus novit, ad nos verò historia pervenit, quod quidam eam à Clemente Romanorum Episcopo; quidam verò à Luca (qui & Evangelium & Acta dedit) scriptam esse, dicant.* Hactenus Origenes. Quam conjecturam, eo nomine, non immeritò, nonnulli averfantur, quod Sac. Literarum, non solum materia, sed etiam stylus debeat esse *divinus*, ac quamvis Lucas Evangelista, Dei spiritu fuit actus, illud tamen, de Clemente Romano, certò asseri non potest. Alteram etiam ante propositam à nobis Clementis Alexand. opinionem, quòd Epistola ad Hebræos, Hebraicè esset conscripta, quidam sequuntur; alii verò in dubium non temerè vocant. Neque enim videtur verisimile, hanc Epistolam scriptam Hebraicè; nam ut alia omit- tam, quæ adferri solent, ex hujus Epistolæ stylo, reliquique circumstantiis (ut putâ citationis locorum Scripturæ) non videtur credibile, Judæos fideles, reliquosque Christianos, adeo futuros negligentes, in hoc thesauro tam locuplete, ad incredulos Judæos confutandos, asservando, ut passi fuissent, eum tamen cito perire; cum videamus Judæos incredulos tantâ fide, & diligentia usos, in scriptis prophetis conservandis, & ad posteritatem transmittendis: quamvis enim hoc tempore, hæc Epistola extet Hebraicè, edita à Munsterio, eam tamen non esse valde antiquam, sed ex Græco postea translata (ut Matthæi Evangelium) satis apparet. Quarta objectio, quòd ea, quæ cap. 6. de Catechismi consuetudine, afferuntur, cum Pauli ætate, non videantur congruere: sed quia hoc non probatur, eadem facilitate, quâ objicitur, negari potest: præsertim si quis conferat, 1. Corinth. 3. vers. 1. 2. 3. & Galat. 6. vers. 6. Postremò

objicitur, judicium Tertullian. lib. de pudicitia: qui hanc Epistolam esse ait Barnabæ. Sed conjecturæ Tertull. opponitur primum ratio: quia cum Barnabas unicam dicatur scripsisse Epistolam (ut ex Hieron. in catalog. script. Eccles. in Barnaba apparet) & ex eâ multa citet Clemens Alexand. lib. 2. & 5. Stromatum; illa tamen non extant, in hac Epistola: deinde ea, quæ de scriptoris hujus Epistolæ ad Hebræos, in Italia, vinculis, & Timotheo socio, & comite dicuntur cap. 10. & 13. non Barnabæ, sed Paulo conveniunt: ut ex Actis Apostolorum etiam apparet. Deinde Tertulliani conjecturæ opponimus etiam diversum aliorum Patrum antiquorum judicium, cum separatim; tum conjunctim. Separatim quidem, ut Clementis Romani in canon. Apostolorum: deinde Clementis, Alex. & Origen. quæ loca adduxi: & Athanasii oratione 2. & 3. contra Arianos, & in Synopsi Sacræ Scripturæ, quam dicitur Imperatori Constantino, roganti misisse: & Euseb. histor. Eccles. lib. 3. cap. 34. & Hilarii lib. 4. & 12. de Trinit. & Ambrosii, lib. 2. de Caino cap. 2. & de benedictionibus Patriarcharum, cap. 4. item de Sacramentis lib. 4. cap. 1. & in comment. ad Hebr. in præfatione (quanquam de postremis duobus operibus, an Ambrosii sint, dubitatur) deinde Gregorii Nazianz. & Amphilocho in carminibus de libris veris & genuinis Sacræ Scripturæ: Basilii ad Gregor. de differentia *veritas & consuetudo*, Cyrilli, Thesaur. lib. 12. cap. 9. Chrysostomi comment. in hanc Epistolam: Hieronymi multis in locis. Philastrius etiam (etsi durius) inter hæreticos numerat illos, qui non, ut Pauli, hanc Epistolam reciperent: Rufinus etiam in expositione Symboli: & Augustin. de civit. Dei lib. 16. cap. 22. & de doctrina Christi lib. 2. cap. 8. denique Prosperi de promissionibus, parte prima, in præfatione, & lib. 1. de vocatione gentium, cap. 3. quod opus Ambrosio, vulgò, adscribi solet. Conjunctim verò Patres in Conciliis idem agnoverunt, & statuerunt, ut in Laodicensi, can. 59. & in Carthaginiensi tertio can. 47. quibus etiam accedit Græcorum Nov. Testam. codicum Manuscr. consensus: quemadmodum omnia D. Beza exemplaria Græca, Pauli nomen, in titulo, adscriptum habent, unico excepto: & similiter R. Stephani omnia exemplaria, & magna illius Nov. Testam. editio, Pauli nomen præferunt. Quare hisce objectionibus expensis, & refutatis, probabilis manet eorum sententia; qui Paulum Epistolæ hujus scriptorem esse arbitrantur. A quâ opinione si esset discedendum, D. Beza (ut in Annot. majoribus monet) Scriptorem esse conjiceret Apollo, cujus eloquentia, & in Judæis confutandis robur laudatur, Actor. 18. 24. & 28. Cœterum totam hanc controversiam, memorabili Hieronymi loco, ex Epistola ad Dardanum tom. 3. concludemus: *Illud, inquit, nostris dicendum est, hanc Epistolam (quæ inscribitur ad Hebræos) non solum ab Ecclesiis Orientis, sed ab omnibus retro Græci sermonis scriptoribus, quasi Pauli Apostoli suscipi: licet plerique eam, vel Barnabæ, vel Clementis arbitrantur: & nihil interesse ejus sit, cum Ecclesiastici viri sit, & quotidie Ecclesiarum lectione celebretur: quod si eam Latinorum omnium (ut ex Eusebii historia Ecclesiastica lib. 6. c. 20. & ex iis, quos modo adduximus, Latinis Patribus, constat) consuetudo, non recipit inter scripturas Canonicas: nec Græcorum quidem Ecclesia Apocalypsin Ioannis, eadem libertate, suscipit; & tamen nos utramque suscipimus, nequaquam hujus temporis consuetudinem, sed veterum scriptorum auctoritatem sequentes, qui abutuntur (id est, ex illis utuntur, non autem perperam utuntur, quemadmodum etiam in Catalogo scriptorum Eccles. loquitur) utriusque testimoniiis, non ut interdum, de Apocryphis, facere solent, (quippe qui & gentiliū literarum raro utantur exemplis) sed quasi Canonicis & Ecclesiasticis.* Hactenus Hieron. & quæstionis de hujus Epistolæ authore, & scriptore, explicatio. Cui pauca de Titulo adjungemus.

De cujus autoritate non est cur laboremus: quia illud ex iis, quæ aliàs disseruimus, constat, hunc etiam titulum esse non à scriptore positum; sed à descriptoribus postea, verè & aptè, distinctionis gratia appositum:

E e o

nam

nam præter scriptorem *Paulum*, & formam scripti communem, nempe *Epistolam*; etiam objectum, cui hæc Epistola à Paulo destinata, & missa est, denotat, nempe *Hebræos*. De cuius vocis origine, & sententia, paucis, hoc in loco, ob varia Doctorum judicia, differemus. Nam primum de origine vocis illius diversa sunt, & veterum, & recentiorum authorum judicia. Quidam enim ab *Abrahamo*, alii verò ab *Hebero* derivatam opinantur. Et ab *Abrahamo* quidem bifariam: nonnulli enim à nomine *Abrahami*, vel *Abræ*, dictos *Hebræos*, quasi *Abræos* putant: in qua opinione fuit author vetus comment. ad Philip. cap. 3. qui operibus Ambrosii inserti, ei falsò (ut doctiores, tam nostri, quàm Pontificii censent) tribuuntur. Et quoniam literarum diversitas hanc opinionem videtur rejicere: obijci potest, ac solet, quod *Abram*, apud *Hebræos*, aspiratione leni, nempe *h*, inchoetur; *Hebræi* verò ab aspiratione densissima, nempe *h*: Excipit author ille, mutatam esse literam propter sonum, ut non vocentur *Abræi*, sed *Hebræi*: ut apud Veteres, cum dicerent, *medasie*, & esset absurdum, dictum *meridie*. Sed diversa longè est ratio, quia non solum in principio dictionis, mutatio est literæ, *h* in *h*, facilius in difficiliorem (quamvis interim illud fieri, quia literæ sunt homogeneæ, agnoscant, & exemplis demonstrent grammatici) sed etiam, quia rejectio est literæ in fine, quod alienum est: nec enim vocandi essent *Abræi* aut *Hebræi*, sed *Abramæi* aut *Hebramæi*. Quocirca Augustinus, postquam quæstionibus in Genesin, lib. 1. ita sensisset, re melius consideratâ, meritò sententiam postmodum retractavit, Retract. lib. 1. Alii verò probabilius ab *Abrahami* non nomine, sed peregrinatione deducunt, & transitu *Euphratis*, à *Cananæis* & *Phœnicibus*, primum *Abramum* fuisse appellatum *עבר*, id est, *transitorem*, vel *trajectorem*, quali *transfluvialem*, aut *trans-euphratæum* dicas: quod videlicet trajecto *Euphrate* è *Chaldæa*, & *Mesopotamia* in *Cananæam* commigrasset, à voce *Hebræa* *עבר*, id est, *trans*, aut *trajectus*, quemadmodum eadem origine locus *בית עבר* *βηθαβρα* domus, id est, locus *trajectus* appellatur, Ioan. 1. 28. quod ibi trajiceretur *Jordanis*. Atque hinc etiam dictos censent *Abrahami* posteros, ab illius cognomine, *Hebræos*. in qua opinione fuerunt *LXX*. Interpretes, qui *עבר* *Hebræum*, Gen. 14. v. 13. interpretantur *meum trajectorem*: & *Hesychius* in lexico *ἡβραῖος* *ἡβραῖος*, *h*, *h* *meus*. & *R. Ralomo* eodem loco ad Genes. 10. v. 2. similiter, quos alii multi sequuntur viri insignes. Idque confirmant duobus argumentis: 1. Quod *Iosue* 24. 14. dicatur, *Patres vestri qui בעבר הנהר*, id est, *in transitu fluminis*, vel *trans flumen*, id est, *transfluviales*: quemadmodum similis vocis usus, *Esai* 7. v. 20. 2. Quia *Abraham* ita primus in Bibliis nominatus legitur, & quidem primum cum trajecto flumine venisset in *Chananæam*, Gen. 14. 13. quemadmodum Latini *transalpinos*, qui *trans alpes* orti erant, appellarunt, non dissimili ratione. Si quis obijciat, *Israelitas* ita fuisse appellatos, non solum in *Chananæa*, sed etiam *Ægypto*, *Exod.* 1. 1. 5. ubi diversa appellationis debet esse ratio: Responderi potest cognomen illud propter usum jam inveteratum, *Israelitis*, nec invitis, nec indignè etiam, apud *Ægyptios*, aliasque gentes, adhæsisse, Gen. 39. vers. 14. non indignè inquam, quoniam obedientia *Abrahami* insigne erat monumentum, quod videlicet relictâ patriâ, & trajecto *Euphrate*, Dei iussu secutus, commigrasset in *Chananæam*. Alii denique *Hebræos* non ab *Abrahami* nomine, neque à peregrinatione illius, ac fluminis *Euphratis* transitione; sed ab *Hebero*, *Semi* nepote, Genes. 10. sic dictos ajunt, ut *עבר* *Hebræus*, sit nomen patronymicum: quemadmodum *Iosephus* antiquit. Jud. lib. 1. cap. 7. *Heberus*, inquit, à quo *Iudæi* *Hebræi* quondam appellabantur. quod idem tradit *Aben-Esra*, Gen. 10. 21. & ad *Jon.* c. 1. 9. & *Kimchi* in lex. exponit *עבר* *ממשפחת* *עבר* *Hebræus*, ex familia *Heberi*: & *Hieronym.* quæstion. in Genes. ad cap. 11. operum tom. 3. ait: *Heber*, à quo *Hebræi*, (et si alias sapius *meum* exponat, ut ibid. Gen. 14.) & *Eusebius* de præparatione Evangelica lib. 7. c. 2. & *August.* retract. lib. 1. & *Primasius* præfatione in hanc Epistolam. Quam sententiam, ex

recentioribus authoribus, quam plurimi sequuntur: eaque probare solent, ex Gen. 10. v. 21. quo in loco *Sem* pater omnium filiorum *Heber* dicitur seu *Hebræorum*, qui ex *Hebero* orti sunt. Verum nonnulla objici possunt: primò non esse necessarium, ut *Heber*, hoc in loco *Mosis*, sit nomen proprium, sed potius dici posse esse epitheton, ac periphrasin *Arahami*, & posterorum, qui vocentur filii *transitus*, id est, *transfluviales*, *Hebræa* phrasi: neque aliud notari, quàm hosce à *Semo* illo benedicto esse ortos. Deinde quæri etiam posset, quid causæ sit, cur potius ab *Hebero* *Abrahamus* denominatus esset, quàm à *Semo*, generis origine, aut à *Theracho* patre? & cur (ut obijcit commentarius ille ad Philip. 3. *Ambrosio* ascriptus) posterius *Abrahami* non potius ab *Abrahamo*, quàm ab *Hebero*, qui sextus fuit ante *Abrahamum*, appellati? Sed ad primam objectionem regeri potest, etiam *LXX*. Interpretes non *μεγίστος* sed *ὁ ἡβραῖος* vertere: deinde ad alterum probabili conjecturâ dici posset, ab *Hebero* nominatum *Abrahamum*, & posteros *Hebræos*, non solum ratione originis, sed etiam ratione linguæ sanctæ communis; quam *Heberus* conservatam posteris tradiderit (quemadmodum *Suidas* in *Lexico Græco* docet, in voce *ἡβραῖος*) & *Abrahamus* cum suis eam exceperit & foverit. Nec mirum debere videri, si *Abrahamus* se, ab *Hebero*, *Hebræum* potius, quàm, à *Patre Theracho*, *Therachium* denominarit: quoniam *Heberus*, illo tempore, erat adhuc in vivis, ut Gen. 11. 17. colligitur: & æquissimum erat, illius, ob ætatem, potiorē habere rationem. Si quis excipiat, *Semum*, similiter *Heberi* proavum, eodem tempore, adhuc fuisse superstitem, ut qui, post *Heberi* obitum, aliquamdiu vixerit; non apparet quid aliud responderi possit, quàm ut dicatur, in *Semi* familia tota linguam sanctam non fuisse custoditam (quemadmodum indicatur, Genes. 10. v. 31. *Isti sunt filii Semi, secundum familias suas, secundum linguas suas, per terras suas*) sed inde ab *Hebero* in ipsius posteris: ac propterea potius ab *Hebero* *Hebræos*, quàm à *Semo* *Semitas* fuisse appellatos. Veruntamen adversus hæc iterum excipi posset: inter *Semum* & *Heberum*, esse nullam, hac in re, differentiam; quoniam ut ab *Hebero* ad *Israelitas* sancta lingua propagata est, sic à *Semo* ad *Heberum*: deinde quod amplius est, *Semus*, cum tota familia, primam linguam, quæ *Hebræa* est, eamque solam, ad *Heberum* usque conservavit, quia linguarum confusio & divisio demum contigit, temporibus nativitatis *Pelech*, filii *Heberi*, unde etiam *Pelech*, id est, *divisio*, appellatus est Gen. 10. 25. Si quis dicat, verum id quidem esse, sed tamen post eam linguarum divisionem, ut dictum est, *Semi* posteros diversas habuisse linguas, Gen. 10. 31. *Heberum* autem cum suis posteris unicam illam sacram conservasse: dici posset, non esse verisimile, quandoquidem ex recensione posterorum *Heberi*, & filii illius *Iokthanis*, contrarium apparet, Genes. 10. 29. 31. ubi diversæ linguæ illis non minus, quàm reliquis familiis tribuuntur. Sed hac prima ratione omisâ, altera ratio, ex Num. 24. 24. petita, magis probabilis est, ubi dicitur *navis à litore Cittim affligent Assur, & affligent Heber*: ubi, per *Meton.* causæ pro effectis, nomina Patrum, pro posteris, Scripturæ more, posita, ut *Cittim* *Cittæos*, & *Assur* *Assyrios*; sic etiam *Heber* *Hebræos*, posteros scilicet illius, videtur notare. Et ut etiam *Aben-Esra*, ad eum locum, similiter de *Heberi* posteris, accipit: etsi *Onkelos*, *Chaldæus* paraphrastes, & *Rabbi Sal.* ibidem exponant, eos, qui *trans flumen*, seu *trans-Euphratæos*, vel regionem *trans-fluvialem*: Contra *Aben-Esra* ait: nullibi *עבר* absolute, tali sensu, usurpari, sine adjectione vocis *נהר* id est *fluminis*. Sic sanè *Ios.* 24. vers. 2. *בעבר הנהר* in (Regione quæ) *trans flumen*, & v. 3. *אֶמְעַבֵּר אֶבְרָהָם הנהר* (regione) *trans flumen*. Cœterum, ut hanc disquisitionem in paucis contrahamus, & hæc ab *Hebero*, & altera ab *Abrahami* transitu petita vocis origo probabilis est. Sed altera videtur præferenda: nam certum est, & extra controversiam Genes. 10. v. 21. per omnes filios *Heber* intelligi solos *Abrahami* posteros: atqui si de filiis *Heberi* omnibus propriè acciperetur, tum præter ineptam connexionem cum seqq. *Pelech*

Pelech. etiam & Ioktan essent intelligendi, cum omnibus suis posteris: illi enim duo fuerunt filii Heberi, ut ibid. traditur, v. 25. Atque hoc falsum est: nam ante Abrahamum, nemo Hebræus dictus, nec præter posteros illius, ulli ita appellati. Quare vox Heber non proprium, sed appellativum nomen. Quod autem dicitur, Num. 24. 24. *affligent Heber*, intelligitur per ellipsin, pro terra, aut regione Heber, id est, transitus, nempe Channazæ, in quam transit Abrahamus, ut Iosu. 24. 2. 3. traditur; vel etiam potest per ellipsin vocis *בְּנֵי* filiorum intelligi: id quod non est insolens, propter prophetiæ illius Bileami brevitatem & obscuritatem. Atque hæc quidem de vocis origine.

Ad sententiam, quod attinet, Hebræi duplices nominantur, Abrahamus Gen. 14. & illius posteris Israelitæ (quemadmodum exponitur, 1. Sam. 13. 3. 4.) & quidem generatim quivis, ut Exod. 22. 2. & Ion. 1. 9. Phil. 3. 5. vel in terra Hebræorum, seu Iudæa degentes: idque vel soli nati in eâ, quibus oppositi reliqui Hebræi *אֲמֹרִי* vocantur, Act. 6. 1. vel omnes promiscuè, quemadmodum hoc in loco & *אֲמֹרִי* omnes fideles, in Iudæa habitantes, intelligi videntur, ut etiam Chrys. opinatur. *Hactenus prolegomena*: primum de hujus epistolæ causa efficiente, cum principe & auctore, Deo; tum ministra, & scriptore Paulo: deinde de titulo hujus epistolæ. Reliquum est, ut jam ad rem ipsam accedamus. à descriptione & partitione exorli.

*Descriptio* quidem hujusmodi esse potest. *Epistola ad Hebræos est dogmaticum N. T. scriptum, ab Apostolo Paulo, ad fideles Hebræos exaratum, ex Italia: quo eos, in consideratione, cum usus legis; tum dignitatis Christi, atque evangelici fœderis, aberrantes, & negligentes excitavit, & ab infidelibus, falsa doctrina & persecutione, impeditos, in vera fide & charitate, ac patientiâ Christianâ, propositione accuratæ descriptionis Christi, & doctrinæ legis & Evangelii collatione, & hortationibus variis insituere, & confirmare studet: ad præsentem eorum, & perpetuam universalem, in terris, ecclesiæ ædificationem, & salutem, ac Dei, in Christo servatore, gloriam.* In qua descriptione, præter causam efficientem primariam, (cum N. T. scriptum, ideoque *ἀποστολικόν* dicimus) & secundariam, cum ab Apostolo Paulo exaratum monemus; & præter loci, unde exaratum est, circumstantiam, de qua Heb. 13. 24. denotatur scribendi occasio, scopus, & media. *Occasio gemina est*, Hebræorum vitium, & status. *Vitium*, cum in mente error, tum in voluntate erroris causa conservans, negligentia; quod usum legis, & dignitatem Christi & Evangelii nondum satis intelligerent, ut Act. 15. 16 & ibid. c. 21. 20. nec diligenter etiam, ut oportebat, examinarent, Heb. 5. 11. 12. *Status* verò seu conditio erat, periculum ab infidelibus Judæis, fidem oppugnantibus, partim dolo falsæ doctrinæ, Heb. 13. 9. partim vi persecutionis 1. Thes. 2. 14. Heb. 10. v. 3. 4. *Vnde scopus & finis* Apostoli est, Hebræorum in vera fide & fiducia (seu firma spe) & charitate ad patientiam Christianam adversus hæc vitia & pericula institutio, & confirmatio, & totius Ecclesiæ consequens doctrina ac salus; unde Dei gloria, ut summus finis promanat. Denique *media* ad hunc scopum & finem accommodata, sunt doctrinæ de Christo, & de discrimine legis & Evangelii, accurata explicatio, & hortationes variae: de quibus suis locis. Hæc paucis de descriptione & sententia illius. Ad partitionem verò Epistolæ, quod attinet, ea (ut prima Ioannis) præfatione carens, dividitur solum in tractationem, quæ ab initio ad c. 13. vers. 20. continetur; & conclusionem, inde ad finem. *Tractatio*, à potiori parte denominata, partim *dogmatica* est, quæ doctrinam de Christo declarat, ad capitis 10. v. 18. partim *parænetica*, quæ Christianos, ad officium erga Christum, extimulat, à c. 10. v. 18. Atque illa, prior nimirum, in doctrina Christiana tradenda, ita occupatur, ut tamen accommodatè ad auditorum correctionem (quemadmodum in reliquis Pauli epistolis fieri solet) hortationum stimuli opportunè inserti sint. Doctrinæ autem Christianæ epitome, est Christus: cujus docetur cum persona, quod sit *θεὸς ἀληθινός*, verus Deus verusque homo; tum adjuncta personæ officia, & quæ ex eorum executione oriuntur beneficia. Distribuitur autem hujus materiæ tractatio in propositionem generalem, quæ summam rei cap. 1.

tribus versibus, & expositionem illius, quæ fusiorem declarationem, & demonstrationem, sequentibus, ordine complectitur. *Propositio* est, *Iesus est Immanuel seu θεὸς ὁ ὢν* Christus: aut ut Ioannes in Euangelio c. 20. 31. Euangelii sui summam declarat, *Iesus est Christus Dei filius*. Cæterum quemadmodum Iesus est Christus, id est, unctus à Patre, ad triplex officium, propheticum, sacerdotale, & regium: ita *trimembris est propositio*, quæ hac serie, totidem versibus, hæc tria officia (inserta simul personæ descriptione) distinctè docet.

Prima enim propositionis pars est, Iesum esse Prophetam summum, qui Patris, de salutiferâ religione, voluntatem plenè patefecit: quod elogium non absolutè, sed comparatè cum Vet. Test. Prophetis, ad summæ dignitatis Christi, & felicitatis Ecclesiæ N. T. amplificationem, & Hebræorum, nostramque, in reverentia erga Euangelium institutionem, ac consolationem describit. Iesum enim esse Prophetam indicat, cum ait: *Deus locutus est in filio*. Dei autem vox non accipitur *ἑκ τῶν ἁγίων* communiter, de tribus personis; sed *ὑπὸ τῆς ἁγίας* singulariter, de Deo Patre: quemadmodum ex filii relatione constat. Locutus est autem per suum *ὑποκείμενον* Spiritum, Esa. 61. 2. Luc. 4. 18. in filio. Filium autem intelligit non improprie, ob similitudinem Dei, ex creationis aut regenerationis, & adoptionis gratiâ; sed proprie, naturalem, atque unigenitum, Ioan. 1. v. 12. 14. 18. ac proprium: Rom. 8. 32. & quidem incarnatum, seu patefactum in carne, Ioa. 1. 14. 1. Tim. 3. 16. unde divina natura Christi, cum filium vocat; & humana, cum locutus in eo dicitur Deus, ad personæ descriptionem, indicatur: Filius enim immediatè locutus est ore suo: Pater verò mediatè per filium, & in filio: quemadmodum hac phrasi non frustra est usus Apostolus. Quamvis enim sæpius propositio in prope accipiatur; hic tamen ostenditur aliquid amplius, cum de Christo & Prophetis sermo est, nimirum non solum operandi modus mediatu, sed etiam operantis præsentia; quemadmodum etiam Mat. 10. v. 20. quod videlicet Deus in Filio suo locutus sit præsens, cum ratione unius ejusdemque essentiae, Ioan. 10. v. 30. qua Pater in Filio, & Filius in Patre, Ioan. 10. 38. (adeo ut plenitudo Deitatis, in eo, habitet corporaliter, Col. 2. 9.) tum ratione gratiæ Spiritus, qua mentem, & linguam humanæ naturæ Filii plenè imbuit, ac direxit, Esa. 61. 1. Ioa. 8. 28. & 15. 15. *Atque hæc de Christi prophetia*; quæ amplificatur, comparatione Prophetarum antiquorum: qui quidem, in eo, Christo similes, quod in iis Deus locutus est, per operationem Spiritus Sancti, præsens, 1. Pet. 1. 11. & 2. Pet. 1. v. 21. sed in personis & prophetiis dissimiles: in personis, quod licet Prophetæ fuerint filii Dei, per gratiam creationis, & regenerationis, non tamen filii proprie naturales, & *ὑποκείμενοι*, ut ex comparationis ratione apparet, & ex clara hujus discriminis expositione, cap. 3. v. 5. 6. deinde in prophetiis etiam dissimiles fuere, 1. mensuræ, 2. modi, seu formæ; 3. temporis; 4. denique auditorum ratione: siquidem mensura Prophetarum fuit, quod iis Deus locutus *ἡ ἀκούσιμος* multis partibus, quod non simul omnia patefecerit; sed paulatim, & destinatâ cuique revelationis mensurâ: deinde modus etiam fuit multiplex, quod *ἡ ἀκούσιμος* multis modis locutus sit iis, per inspirationem, visiones internas aut externas, & umbris, ac typis variis, Num. 12. v. 6. 7. 8. contrà verò in Filio locutus est Pater non-particulatim, sed integrè, nec obscuris modis; sed perspicuè in eo relucens, utpote in quo plenitudo Deitatis habitat corporaliter, Col. 2. 9. & omnes thesauri sapientiæ & cognitionis absconditi, ibid. v. 3. quia unus est cum Patre Deus, & qua homo, Spiritum absque mensura, id est, copiosissime, accepit, Ioa. 3. 34. illoque unctus est supra consortes suos, Heb. 1. 19. adeo ut, quamvis initio creverit sapientiâ, Luc. 2. v. 52. tamen ubi ad docendum accessit, plenissimè Spiritu Sancto instructus fuerit, Esa. 61. v. 1. Luc. 4. 18. 19. & Patrem nobis, ejusque voluntatem exposuit, & quæ de ipso obscurius, per Prophetas, figuris & typis adumbrata, & sermone obscuriore enuntiata fuerant, reipsa complevit; & completa, quasi remoto velo, declaravit, Ioa. c. 1. v. 14. 16. 17. 18. & 12. 49. quo etiam spectat illud, *vos autem dixi amicos, quia omnia, quæcumque audivi à*



*Patre meo, nota feci vobis.* Et si quæ fortasse non adeo clarè interdum protulerit, ea tamen clarius proposuit, quàm Prophetæ, & alio tempore, aut aliis verbis, ante mortem illustravit; vel saltem post resurrectionem, per se & per Spiritum Sanctum, sicut promiserat, Ioan. 14. 26. Quæ hoc in loco non exprimuntur ab Apostolo, sed voce Filii & Prophetarum comparationum descriptione oppositâ, indicantur: nam si Pater, per Filium locutus est: Ergo ei omnia patefecit, & per eum, tanquam *ἀπὸν ὁμοῖον*, in carne patefactum, non *παλιγγενῆς*, sed ratione simplicissima ac constantissima docuit: ut qui *Filium videret, videret & Patrem.* Ioan. 12. v. 45. & cap. 14. 9. Deinde nisi hæc esset Apostoli mens, quorsum in comparatione Prophetarum, hanc periphrasin mensuræ, & modi adjecisset, nisi diversitatem à Filio voluisset significare. De qua Evangelii, per Christum, annuntiati, claritate, etiam agitur, 2. Cor. 3. v. 18. & 4. 6. Ephes. 3. v. 5. Qua etiam, de Messia, omnia revelaturo, persuasio, adeo piorum mentes imbuerat, ut ea etiam ad Samaritanos promanarit, Ioan. 5. v. 25. Atque hæc de discrimine prophetiæ Prophetarum Christi, primò in mensura; deinde in modo. Tertium verò discrimen statuitur in tempore, quod Deus in Prophetis locutus sit, *olim*, hoc est, à Patriarchis & Mose, ad Malachiam: in Filio verò *novissimis hisce temporibus.* Quibus verbis tempus ab exhibitio Messia, ad finem usque mundi, appellatur, comparatè cum priscis temporibus, quæ ad Christum usque durarunt, sub pædagogia legis, Gal. 4. v. 1. 2. 3. 4. Inde verò à Christi adventu, ad finem usque mundi, sub doctrina Evangelii, tempora dicuntur novissima, Actor. 2. 17. & 1. Pet. 1. 20. quod non solum ea pædagogiam legis secuta sunt, Gal. 4. 4. sed etiam, quod regni Christi, per Evangelium, gubernatio, durabit ad finem mundi, Matth. 28. 20. & 1. Cor. 10. v. 11. hoc tamen in loco tempus N. T. à Christo exhibitio, comparatum potissimum cum tempore V. T. sub legis & Prophetarum pædagogia intelligitur, ut 1. Pet. 1. 20. quamvis alibi, ut hoc obiter dicamus, tempora ultima, in suas partes, distributa sint comparatè inter se, in prima, media, ultima, unde diversa, pro comparationis ratione, fortiuntur nomina: prima quidem à Christo ad Antichristos, magni illius Antichristi antecursores: media verò ab Antichristo, ad diem iudicii: ultima, dies iudicii; unde media comparatè cum primis, ultima appellantur, 1. Ioan. 2. 18. & 1. Tim. 4. 1. & 2. Tim. 3. v. 1. & comparatè cum utrisque primis & mediis, tanquam temporum clausula, *ἡ ἔσχατος*, dies ultimus, Ioa. 6. 39. & tempus ultimum, 1. Pet. 1. 5. appellatur. *Hæc de discrimine temporis prophetiæ Christi & Prophetarum antiquorum.* Quartum ac postremum discrimen est in objectis seu auditoribus, quod Deus per Prophetas locutus sit *Patribus*, nempe Israelitis priscis: sed per Filium nobis: qua ratione antecedentibus junctâ, præstantiam Evangelii, & felicitatem Hebræorum & Ecclesiæ N. T. demonstrat Apostolus: de qua Heb. 11. 39. & Luc. 10. 23. 24. & 1. Pet. 1. 10. 11. 12. Cujus scopus summus, est gloria prophetiæ Christi atque Evangelii; propinquus verò Hebræorum auditorum (qui legis pædagogiam plusquam par erat tribuebant) correctio, ac obedientia, Heb. 2. 1. 2. 3. & 12. 18. 24. *Atque hæc de Christi munere prophetico*, unde constat ipsum esse summum Prophetam, v. 1.

*Alterum illius munus est regium*, quod priori eleganter connectitur: nam postquam dictum est, Deum locutum esse in Filio, additur amplificatio his verbis: *quem constituit heredem omnium*, hoc est, regem ac Dominum: quemadmodum loquitur Petrus Act. 2. 36. Id quod intelligendum est de persona Filii Dei, secundum quid; non ratione diviniæ naturæ, & imperii omnipotentis infiniti, hoc enim habet ab æterno; sed ratione humanæ naturæ, cui Regnum in tempore à Patre, secundum præfinitionem æternam, demandatum fuit: ac propterea non regnum simpliciter, sed ad indicandum modum regni, *hereditas* appellatur, insigni Metaphora, quod videlicet ei tanquam Filio Dei, patefacto in carne, & in ea Patri ad mortem usque obedienti, quasi paterna hæreditas donatum, Mat. 28. 18. Phil. 2. 9. 10. 11. Quæ hæreditas subjecti, & quantitatis illius de-

scriptione, amplificatur, quando additur: *omnium.* Quæ vox, aut universaliter, & neutro genere accipi potest, ut omnes creaturas notet; aut particulariter, genere masculino, ut omnes homines, vel electos omnes, ex universo hominum genere, designet. Utraque sententia probè convenit; sed prior uberius est, ut quæ secundam etiam complectitur: & hujus loci omnino videtur propria, ut circumstantiæ sequentium demonstrant, & collatio, c. 2. 7. & 8. Christus igitur omnium creaturarum Dominus statuitur. De quo Christi regno agitur, Mat. 11. 27. & 28. 18. Eph. 1. 23. Apoc. 17. 14. & 19. 16. Christus autem Dominus omnium est, bifariam: primò generatione potestatis ac potentis, adeo ut omnia nutui illius parere necesse sit; deinde speciatim, ratione gratiæ salutaris, quam fæderatis fidelibus offert ac confert, & obedientiæ voluntariæ, quam ab iis refert: quo modo Ecclesiæ, seu fidelium omnium gentium Dominus est, Eph. 1. 22. 23. & hæres, Matt. 21. 38. Qua etiam de re insignis cum primis est promissio, Ps. 2. 8. *filius meus es tu, ego hodie genui te, postula à me, & dabo gentes hæreditatem tuam; & possessionem tuam fines terræ.* Quod dominium speciale, generalis domini finis est: ut enim electos è potestate Satanae & servitute, in libertatem assereret, atque in regnum suum transferret, hanc potestatem in omnes creaturas accepit. Cæterum hæreditatem, & dominium filii amplificat Apostolus, ac confirmat, ostendens iustitiam illius, descriptione personæ Christi, partim ab operibus merè ac propriè divinis, mundi creatione ac gubernatione; partim à proprietate personali: Nam is rectè à Patre constitutus est hæres omnium, & nominatim Ecclesiæ Dominus, ac servator, per quem omnia creavit; ut idem sit, per quem creat, & recreat mundum. Atqui per Filium Pater omnia creavit. Ergo rectè à Patre constitutus est hæres omnium, & Ecclesiæ servator, Heb. 2. 10. Col. 1. 16. 17. 18. 20. Filium omnia creasse ostendit cum ait: *per quem etiam condidit secula*, hoc est mundum; per Meton. Hebræis, Christi tempore, usitatam, quod longis temporum successibus subsistit; quemadmodum Heb. 11. 3. *per fidem intelligimus constructa fuisse secula, verbo Dei, ut quæ cernimus non sint ex apparentibus facta*: ubi manifestè, *seculorum* vox, pro mundo accipitur, simulque rebus omnibus creatis: nam tempora ipsa neque creata sunt, neque cernuntur, quod tamen hoc loco iis tribuitur: quo etiam modo accipitur, Mat. 28. 20. *Secula* igitur res omnes creatas complectuntur; ac propterea eo modo Filio Dei attribuitur æternitas, ac Deitas, quoniam creatio mundi, opus est Dei proprium, Iob. 9. 8. *extendens celos solus, & Esa. 44. 24. Ego Iehova extendo celos solus, expando terram, per meipsum.* Quo etiam spectat sententia de Christi Deitate ex effectis demonstrata, Ioan. 1. 3. & Col. 1. 16. Nam quod Samofateniani excipiunt, per secula seu mundum, intelligi Ecclesiam, non autem cœli & terræ compagem, & quæ eâ continentur; ac propterea non agi de creatione prima & propria, quæ universalis est omnium: sed de secunda & figuratâ, seu de regeneratione, ut Eph. 2. 10. Dei opus dicimus, creati in Christo non quæ homines sumus, sed quæ sancti & novi homines sumus: atque eo sensu dici, *per quem fecit & secula*: illa, inquam, interpretatio hujus loci perversa est, & multis modis confutari potest. Primùm quia inutilitatem omnino significationem voci *αἰώνων* seu *seculorum* affingit: nusquam, enim ea vox solummodo Ecclesiam significat. Deinde repugnat contextui, tum quia hæres omnium scilicet creaturarum; tum quia suo verbo potente sustinere omnia dicitur: ut etiam, v. 10. *initio Terram fundasse, & opera manuum illius esse cælum*, asseritur, eaque mutationi obnoxia dicuntur, quod Ecclesiæ non convenit. Præterea Ioa. 1. 3. *Omnia per ipsum facta sunt, & absque eo factum est nihil, quod factum est, & Col. 1. 16. omnia tam visibilia, quam invisibilia condidisse*, asseritur: nam, quænam esset consequentia: si quis diceret: creavit, aut condidit Ecclesiam, id est, renovavit quædam: Ergo hæres est omnium. Denique, quamvis adversariis Deitatis Christi, suam hanc perversam interpretationem concederemus ac daremus, agi non de mundi creatione, sed de Ecclesiæ regeneratione; eo tamen divinitatem Christi, vel inviti stabilirent,

bilirent, bifariam: nam & Ecclesia fuit ab initio mundi, ac propterea servatorem ejus tum extitisse oportet; non autem primum, cum ex virgine natus est, ut Samosateniani sentiunt: & regeneratio proprium Dei opus est; quæ Christo, non tanquam causæ instrumentali, sed tanquam cum Patre & Spiritu efficienti principali, convenit. Cæterum cum creatio mundi sit opus externum, ideoque commune Patri, Filio & Spiritui Sancto: agendi tamen ordine, ex personarum ordine, ac diversitate, distinguere debet. Pater enim à se per Filium, Filius à Patre; uterque verò per Spiritum, omnia creavit. Atque illud hoc in loco, ad personæ discrimen, & diversum agendi ordinem, indicatur; cum Deus, scilicet Pater, dicitur omnia condidisse, per Filium: ac propterea, quod ad Deitatem Filii oppugnandam obijciunt Arriani, quos Samosateniani, hac in re sequuntur, vocem *per* denotare causam instrumentalem, non autem principalem, nec essentiā parem: illud, inquam, falsum est. Licet enim sæpe *à* id est, *per*, instrument. causam notet, tamen non semper; quoniam rarò principalem designat, ut 1. Cor. 1. 1. *per voluntatem Dei*. & v. 9. *fidelis est Deus, per quem vocati estis*, & Heb. 2. 10. de Patre, *propter quem omnia*, & *per quem omnia*. Interdum etiam agendi tantum ordinem, & modum indicat, quemadmodum usus communis ostendit. Atque eodem sensu rectè Pater, per Filium; & Filius, per Spiritum operari dicitur. Quemadmodum Christus declarat, Ioa. 15. v. 26. *Spiritus S. inquit, quem ego mittam vobis à Patre*. Neque etiam verum est, quod excipiunt adversarii, cum Patri & Filio operationes communes tribuuntur, de solo Patre dici *à* *per*; de Filio semper *à*: siquidem illud refutatur, primò contrariis Apostolorum exemplis: nam Apoc. 1. 4. ait Ioannes: *gratia vobis & pax, ab eo, qui est*, id est à Patre: sic v. 5. connectit, & à Iesu Christo & Gal. 1. 3. *Gratia vobis, & pax à Deo Patre, & Domino nostro Iesu Christo*. Deinde de utroque, & Patre, & Filio, vox *per* usurpatur, ut Gal. 1. v. 1. per Iesum Christum, & Deum Patrem. Sed obijciunt Samosat. etiam si de prima mundi creatione ageretur; inde tamen non sequeretur esse Deum ab æterno: nam in confesso est, Angelos antiquiores esse mundo visibilibus, nec tamen sunt æterni. Verum respondetur. Primò *secula* notare mundum universum, non solum quatenus visibilis est: deinde angelos etiam ante mundum visibilem creatos esse, non est in confesso; licet quidam veterum, hac in re, aberrarint: *initio enim Deus creavit cælum & terram*. Denique angelos etiam à Filio conditos asseritur, Col. 1. v. 16. Quod autem rursus obijciunt: Paulus loquitur de Filio incarnato, per quem locutus est nobis: atque Filium incarnatum præcessit multis seculis mundi creatio: Ergo prima mundi creatio non potest ei tribui. Resp. ad assumptionem, Filium incarnatum non simpliciter, sed secundum quid ratione humanæ naturæ, prima creatione posteriorem: quatenus autem Filius Dei est, qui venit in mundum, & semen Abrahæ assumptus; eatenus ante creationem extitit, & creator est, quia filius: quatenus verò semen Abrahæ assumptus, posterior est. Quare ex hac mundi creatione, tanquam opere universalis, quod Deo, ut antea ostendimus, omnino proprium est, sequitur, Filium esse unum verum, & æternum, cum Patre Deum. Hæc de Vers. 2.

Id quod, sequentibus Apostoli verbis, amplius confirmatur: quibus apertè Deitatem, & generationem æternam Filii asserit, & simul ex altero opere universalis, Deo similiter proprio, comprobatur. Et in priori quidem duabus utitur diversis metaphoris, ac similitudinibus elegantissimis, ut unius cum Patre essentiæ, & distinctæ personæ mysterium, humano ingenio longè sublimius, aliquo modo adumbraret: siquidem *effulgentiam & characterem vultus Dei*, videlicet Patris, appellat. Cujus illustrissimi loci splendore, Arriani, nocturnarum instar, adeo offensi sunt, ut eo nomine, hanc epistolam, ex Apostolicis thesauris ejicere conati sint, ut ad hunc locum ait Theoderetus. Prima autem metaphora Apostolus Patrem comparat soli, Filium radiis à sole effulgentibus: nam quod Theodoretus & Primasius metaphoram ab igne & splendore illius deductam existimant, illud non tam accommodatè dici potest: quamvis

*ἀπὸ τοῦ αὐτοῦ* generatim splendorem, ex relucida promanantem, significet. Cæterum bifariam ab interpretibus id declaratur. Orthodoxi Patres, ad æternam Filii generationem, & divinitatem, referunt: quod scilicet Filius sit gloriæ (hoc est gloriæ personæ) Patris splendor, & ut habet Concilium Nicen. *lumen de lumine*: primum, quod ut Sol à se est, comparatè cum radio, radius verò à sole producente eum, ita Pater à se, Filius à Patre, generatione æterna. Deinde ut Sol sine perpeffione, aut sui mutatione ulla radium producit: ita & Filius est à Patre, sine ulla Patris perpeffione, aut mutatione, 3. ut Sol, ordine quidem prior est radio, sed tempore æqualis, ut qui nunquam ante radium extiterit: ita & Pater Filium ordine antecedit, sed non tempore: adeo ut Filius Patri æterno sit coæternus. 4. ut radius à Sole distinctus est, quia Sol non est radius, quemadmodum nec radius sol: ita & Filius distinctus est à Patre: adeo ut, quamvis non sit aliud, seu alia essentia à Patre, tamen alius est, quàm Pater, seu persona ab ipso distincta. 5. ut radius à sole nunquam separatur, ita nec Filius à Patre. Denique ut Sol videri non potest, nisi per radium: ita nec Patrem oculis mentis videre ac cognoscere quisquam potest, nisi per Filium *ἀπὸ τοῦ*: quæ singulā perspicuè, & suis locis comprobata sunt. Atque hæc primā est Patrum Orthodoxorum, & plurimorum aliorum expositio. Quidam verò arbitrantur hoc in loco propriè non denotari æternam Filii generationem & Deitatem, citra humanæ naturæ respectum, sed divina opera, in assumpta humana natura, exhibita: seu quod Filius dicatur splendor gloriæ, scilicet Patris, non in se consideratus, ratione essentiæ, quæ coæternus Patri; sed relatè ad nos, ratione operum divinatorum, editorum in humana natura, quod iis, Patrem inconspicuum, nobis conspiciendum, quodammodo dederit, ut Ioa. 1. v. 14. *Verbum caro factum est, & commoratum est inter nos & vidimus gloriam ejus, ut unigeniti à Patre*. & c. 14. 9. Quemadmodum acutè Tertullian. adversus Praxeam, hoc mysterium explicans, ait: *Vicarium se Patris, Christus ostendit, per quem Pater & videretur in factis, & audiretur in verbis, & cognosceretur in Filio, facta & verba Patris administrante*. Quam interpretationem nonnulli Orthodoxi, non minus quàm Arriani sequuntur; sed hæc tamen differentiā maximā, quod Filius dicatur splendor gloriæ, ex Arrianorum quidem impiā mente, quod tanquam creatura prima, & externum instrumentum Patris, Patrem virtutibus & factis suis repræsentet: Ex Orthodoxorum verò piā declaratione, quod tanquam Filius naturalis, & unum cum Patre essentiā, eum, operibus, in humana natura, sibi hypostaticè unita, declarat; & omnipotentem ejus majestatem, & incomprehensam illam *εἰς αὐτὸν* contemplandam præbuerit. Idque hoc simili illustant: Quod quemadmodum si Sol in vitreo globo existens, foras suos emitteret radios, radii à sole inhabitante resplenderent: ita plenitudo Deitatis (quæ eadem in Patre & Filio) in Christi humana natura personaliter inhabitans effecta Deitatis tanquam splendorem emittit. Quæ expositio si rem ipsam spectemus, analoga, & consentanea quidem est fidei; sed non videtur satis analoga hujus loci circumstantiis: nam (ut iidem agnoscunt) cum Apostolo propositum sit demonstrare hoc cap. 1. Iesum esse verum, & æternum, cum Patre, Deum, & eo spectet, quod Filium dixit secula condidisse, seu mundum creasse, & subjiciat etiam, quod eundem sua potentia sustentet (quæ duo, ad Deitatem asserendam, pertinent, & illius tantum ratione enuntiantur) non satis aptum videretur, si in medio horum inferuisset Apostolus, quæ ad opera particularia, quæ in humana natura præstitit, pertinerent: Contrà optimè constat oratio, si cum Patribus orthodoxis, de Filii Deitate, interpretemur: nam cum splendor sit gloriæ Patris, inde liquet, & Filium esse naturalem, verumque, & æternum, cum Patre, Deum; & rectissime assertum esse, per ipsum omnia condita, & subijcitur, omnia sustentari. Qualis etiam ordo est in simili, & insigni illa sententia, Col. 1. v. 16. 17. *per eum, & ejus respectu condita sunt omnia, estque ipse ante omnia, & omnia per eum consistunt*. Deinde idem quoque ex altera descriptionis parte, & similitudine liquebit, quæ ad Christi Deitatem,

& generationem æternam spectat, nec ad opera in humana Christi natura rectè accommodari potest. Quæ ut plenius & planius exponamus, ea, quæ adversus hanc interpretationem obijciuntur proponemus ac perpendemus. primò argumentantur à loci circumstantiis. Nulla, inquit, mentione, neque incarnationis, neque Deitatis, factâ, illa subijcit Apost. quæ non nisi incarnato conveniunt. Ergo eatenus hæc verba accipienda sunt. Verum negatur & antecedens, & consequentia. Antecedens quidem, duobus nominibus, cum ratione prioris membri, quia incarnationis mentionem fecit, licet non expressè, tamen satis clarè, per effectum, quando nobis locutum esse asseruit, ut antè explicuimus; tum ratione posterioris membri, quod quædam etiam subijciat, quæ ad divinam tantum naturam pertinent, non solum quod dicitur condidisse mundum, sed etiam quod sit *character unus æternus Patris, & quod omnia potente suo verbo sustentet.* quæ Filio Dei, tanquam patri coessentiali, omnino conveniunt. Deinde, quamvis concederetur antecedens, consequentia tamen non est firma, neque ulla illius ratio apparet: quoniam non est necesse, ut omnia ita distinctè explicentur, præsertim, quando ex analogia fidei, & rei subjectæ materiâ, vera sententia commodè percipi possit. Sed Arriani aliis duabus instant rationibus, à subjectâ materiâ, seu à re ipsâ, de qua agitur, petitis. Quarum prima hæc est: si Filius, quatenus Patri coessentialis est Deus, tam invisibilis est, quam Pater, non potest vocari splendor gloriæ Patris. Sed Filius, quatenus Patri coessentialis est Deus, tam invisibilis est, quam Pater, quoniam eâ ratione unum est cum Patre. Ergò filius, quatenus Patri coessentialis est, non vocatur splendor gloriæ Patris. Sed respondetur, primò, fallaciam esse ignorationis elenchi; conclusio enim falsum quæstionis statum substituit; nec enim simpliciter Filium splendorem Patris dicimus, quatenus Patri coessentialis est, sed ratione personæ suæ, quâ filius coessentialis, seu ratione communicationis essentiæ, per æternam generationem. Deinde propositionis etiam consequentia nititur falsa causa: ut enim Solis radius, verus esset radius, etiam si à nemine videri posset; ita & Christus filius Dei Patris splendor dici posset, quamvis à nemine videretur. Cæterum ex superioribus apparet, Christum splendorem dici, quatenus persona sua Patrem, ut filius *ὁμοούσιος*, refert, & quatenus etiam per eum solum cognosci potest, non solum ratione proprietatis personalis, quâ unigenitus; sed etiam ratione revelationis, Mat. 11. v. 27. Pater enim nemini unquam, ab initio mundi, innotuit, nisi per filium *ἀποκρυφόν* suum revelantem, cum ante, tum post assumptam carnem: cuius splendoris beneficio omnes Patriarchæ, Prophetæ, Apostoli, & fideles utriusque Testamenti, Deum Patrem, fidei oculis, contemplati sunt. Altera obiectio est: Si Filius, quatenus Filius est, Patris esset splendor, tum aut ratione essentiæ aut modi subsistendi: Sed neutro dici potest. Non ratione essentiæ, quia eadem est utriusque; nec ratione modi subsistendi, quia eo distinctus est à Patre. Verum negatur propositio: quia non est plena enumeratio, nec enim separatim hac, aut illa ratione; sed conjunctim, ratione totius personæ, splendor Patris appellatur. Atq; hæc dicta sunt de prima metaphora, qua *Christus splendor gloriæ Patris* nominatur, ad declarandum eum esse filium naturalem, & *ὁμοούσιον*, nempe distinctam quidem personam à Patre, sed tamen verum, cum Patre, Deum.

Altera verò metaphora (quæ, ad eandem rem, ex parte, paulò expressius declarandam, adhibetur) est, quod sit *character*, id est, insculpta forma *ὁμοούσιος* Patris. Quam vocem nonnulli, essentiam, hoc loco interpretantur: sed perperam; quia inde sequeretur, filium essentiâ à Patre distinctum esse, neque *ὁμοούσιον* ejusdem essentiæ, cum Orthodoxis; sed *ὁμοούσιον* similis essentiæ, cum Arrianis, esse appellandum: quia character relatione differt, à suo archetypo, cuius est character: sed illud impium est statuere, Filium à Patre, essentiâ distinctum: quia una, & individua est Patris, & Filii Deitas. Ac propterea alii sanctè, & rei convenienter *ὁμοούσιον* vertunt personam, quod *filius* sit personæ Patris character, seu insculpta forma. Quia in re elegans est similitudo.

ut enim character, forma, cum archetypo, seu exemplari convenit: sic Christus, essentiâ, cum Patre; sed modo præstantiore; ut qui unum sit essentia, non specie, sed numero, seu eadem essentiâ singulari: unde, *in forma Dei subsistens*, dicitur, Phil. 2. v. 6. adeo ut, qui Christum videt, id est, cognoscit, videat & Patrem. Ioan. 14. 7. & 9. Deinde ut character ab archetypo differt, subsistendi modo; quod archetypum formam communicavit; character verò per impressionem eandem communicatam accipit: unde character non est archetypum: nec contra archetypum, character: ita Pater à se Deitatem habet, quam Filio per generationem æternam, ac ineffabilem, communicavit: Filius verò à Patre accipit: ideoque Filius non est Pater, sed alius à Patre dicitur, Ioan. 5. v. 32. Denique quemadmodum character, quamvis exemplar non sit, illud tamen plenè declarat: sic Filius Patrem revelat, ut ex antecedentis metaphoræ explicatione constat: quo etiam sensu, imago Dei invisibilis nuncupatur, Col. 1. v. 14. & imago Dei 2. Corinth. 4. v. 4. cum 6. Sed contra insurgunt Samosat. Ac falli Orthodoxos ajunt, quod statuunt Christum splendorem Dei Patris vocari, propterea quod nulla fiat Dei, vel Patris mentio: sed ex Scripturæ phrasi splendorem gloriosum significare, ut *rex gloriæ*, Psal. 24. v. 7. id est, gloriosus dicitur, & abstractum pro concreto positum, ut Christus est *veritas*, id est, veracissimus: sic etiam *splendor gloriæ*, id est, gloriosè splendidissimus. Sed contra respondetur, primum, constructionem ostendere, vocem *ejus* ad utrumque membrum pertinere, ad splendorem, & ad characterem: deinde sententiam reddi alias ineptam, cum dicunt, Christum vocari splendorem gloriosissimum, sine ulla significatione cuius rei sit splendor. Sed rursus adversus secundam similitudinem obijciunt: vocem *ejus* debere referri ad vocem splendoris: ut ostendatur, Christum esse characterem *ὁμοούσιος* splendoris, seu id totum, quod splendor dici potest, inesse Christo; ita ut nihil splendidius Christo fingi possit. Sed respondetur, nihil ineptius, ad sententiam hanc corrumpendam, fingi posse: cum Christum, & splendorem, & characterem *ejus* esse, contradictione turpi, statuunt: nam relatum non idem est, cum suo correlato: si splendor est Christus, non est igitur character splendoris, neque vice versa; quia hæc sunt relatè opposita, quorum alterum de altero verè dici non potest: deinde vox *ejus* ad Deum refertur, ut connexio sententiarum ostendit. Sed adversarius excipit: etiam si vox *ejus* referretur ad Deum, de quo v. 1. & 2. inde non sequeretur Christum esse splendorem Dei Patris; quia Patris non est facta mentio, sed tantum Dei, qui unus est; ideoque Christus non erit Deus. Imò verò, inquam, Deum Patrem intelligi evincit relatio ad Filium, cum dicitur: *Deus locutus est in Filio*; qui autem habet Filium, necessario est Pater, ex relatorum natura perpetua. Verum obijciunt rursus: etsi Deus Pater intelligitur, inde tamen non sequeretur, Christum esse Patri *ὁμοούσιον*: quia ut gloria est accidens: ita splendor gloriæ esset accidens accidentis. Sed negatur utrumque: nam *gloria* gloriosam Patris personam notat, cuius, per metaph. Christus splendor dicitur, non autem propriè. Sed rursus excipitur: character personæ non est persona; quemadmodum vestigium non est pes. Sed respondetur, non est eadem persona, sed persona tamen. Denique regeatur: si Christus est character personæ Patris. Ergo persona Patris habebit personam, cuius Christus character est. Sed putida hæc est obiectio: quia persona Patris non dicitur, quam Pater habet; sed per appositionem grammaticam, quæ est Pater. Quare satis jam apparet, Iesum Christum, filium Dei Patri esse *ὁμοούσιον*, verumque, & æternum Deum. Id quod ex opere gubernationis mundi, amplius demonstrat Apostolus: nam, ut antea, primum opus externum, & universale, Dei proprium, Filio, ad Deitatem illius asserendam, tribuit, nimirum creationem mundi; & ab eo ascendit, ad causam illius, personam Filii describendam: ita inde descendit, hoc loco, ad alterum opus Dei proprium, & universale, nempe gubernationem mundi, quæ conservacionem & ordinationem illius complectitur, & per metaph. ac simul Synecd. *sustentationis* voce, declaratur. Quod videli-

delicet, quemadmodum *mundum condidit*, vers. 2. & *initio terram fundavit*, & *opera manuum illius sunt celi*, v. 9. ita quoque *verbo suo*, quasi manu quadam, omnes creaturas ferat ac sustentet potentissimè: ne (ut Chrylost. rectè observavit) in nihilum, unde orta sunt, omnia relaberentur. Verbi autem voce, quid intelligatur, diligentius expendendum est, ob diversas magnorum etiam interpretum sententias. Græci enim, ut Thom. Aquin. in comm. ad hunc locum refert, de Spiritu Sancto exponunt: quod sicut Filius est imago Patris: ita Spiritus Sanctus est imago Filii. Et sic exponit Basiliius, *portans verbo virtutis suæ*, id est, Spiritu Sancto: nam sicut Filius est verbum Patris, ita (ut dicunt) Spiritus Sanctus est verbum filii; & ideo per ipsum facit Filius; sicut per filium Pater. Sed hanc sententiam rejicit Thomas, quod, ut ait, *proprie loquendo, verbum non dicitur, nisi quod procedit, ut conceptus ab intellectu, ad quod sequitur procedere in similitudinem speciei: Spiritus autem Sanctus esse sit similis, non tamen habet hoc ex modo suæ processionis, quod non procedit ut conceptus ab intellectu, sed ut amor à voluntate*. Quæ responsio, quia, sine Literarum Sac. probatione, temere excogitata est, idcirco non facilè admittenda. Liquidius est, ut dicamus, Spiritum Sanctum *digitum, virtutem, & Spiritum Dei* appellari, in Sacris Literis: sed nullibi verbum Dei, aut Filii. Ac propterea, cum alia Sac. Scripturæ conveniens expositio adferri possit, ea merito præferenda est. Quænam autem illa sit, amplius inquirendum est. Thomas Aquinas, *verbi* voce, ipsummet Filium intelligit, quod Filius dicatur sustinere omnia *verbo*, i. est, seipso, qui verbum est Patris: quasi vox *avæ*, non ad Filium, sed ad Patrem esset referenda. Verum hæc magis importuna est explicatio: quia Filius Dei, *abys* sermo quidem sapius appellatur, sed *p' sua verbum*, nullibi in scriptis Apostolorum: deinde phrasis esset coacta nimis, & insolens, atque à stylo hujus epistolæ elegantiore, alienior: nam quod Thomas, ad suam interpretationem stabiliendam, citat Ioan. 12. 48. *sermo, quem locutus sum, ille judicabit eum*, id est, ut ex Aug. explicat, *ipse ego, qui sum verbum Patris, judicabo eum*: illud, inquam, nihil omnino ad rem facit. quoniam *sermo*, eo in loco, non personam Filii, sed doctrinam notat: alioquin seipsum locutus esset, ac sui ipsius esset sermo, quod ineptissimum. Quare hisce omisiss perspicuum est, *verbi* vocem, per metaph. à consuetudine humana derivatam, significare providentiam, ac voluntatem Filii: quod ut reges verbo suo, & mandato, subditos facile gubernant, & in officio continent: ita quoque Filius Dei, sine ulla difficultate, omnipotente sua providentia, ac voluntate, quasi verbo solo, mundum sustineat ac regat, & ipse immobilis moveat universa: quemadmodum Psal. 148 dicitur, quod *ventos procellosos efficiat verbum ejus*. quo etiam spectat mandandi vox 2. Chro. 7. v. 13. *mandavi ac præcepi locustis*. De qua omnipotentia elegantissimè disleritur, Esa. 40. vers. 12. ad finem cap. & nominatim, v. 28. *Deus sempiternus Dominus, qui creavit terminos terræ, non deficit, nec fatigatur*, & cap. 48. 13. *manus mea fundavit terram, & dextra mea mensa est celos, ego vocabo & stabunt simul*. Atque hanc etiam expositionem comprobatur communis glossa, apud Lyrannum, cum ait: *verbo virtutis suæ, id est, imperio suo*. Quam expositionem frustra refutare conatur Thomas Aquinas ad hunc locum: non tamen erit abs re, verba illius referre, & examinare rationem, quam adfert; quia aliqua ex parte, ad ampliorem hujus loci illustrationem, conducit. *Imperium*, inquit, *vel est exterius, & voce prolaturum, & hoc non potest stare, quia nihil est extrinsecum, à natura divina procedens, à Filio, per quod omnia portentur: vel illud imperium est interius in corde conceptum; sed nec etiam hoc potest stare: quod nihil in mente Dei concipitur, nisi verbum æternum*. Ergo istud imperium, sic conceptum, in mente filii esset verbum æternum, & sic duo essent verba æterna, quod nefas est dicere. Hæc ille. Sed non difficilis hujus nodi solutio; damus enim verbum non intelligi externum, sed dicimus internum esse intelligendum: nec enim nefarium est Scriptura nobis præeunte, dicere, verbum illud sumi diversa significatione; interdum notare personam secundam Filii;

interdum voluntatem, quæ eadem est Patris, Filii, & Spiritus Sancti, & convenientibus metaphoris utramque vocis significationem inniti, quemadmodum ex usu S. Lit. jam probavimus. Deinde pressius ac potius etiam dicendum est, Thomam, interpretatione non rectâ, deceptum; Filius enim non *p' sua verbum*, de quo hîc agitur; sed *abys*, id est, *sermo*, in S. L. nominatur: ac propterea, quæ de duplici verbo philosophatur, nihil ad rem propositam pertinent. Atque hæc de divinæ naturæ Christi demonstratione, ex unitate essentiae, cum Patre, & operibus Deo propriis, nempe creatione, & sustentatione, ac gubernatione mundi, unde constat, Christum, cui hæc tribuuntur jure hæredem omnium & regem nostrum esse constitutum, à Patre, ut qui sit coessentialis, coæternus, & omnipotens, cum Patre, Deus, creator, ac sustentator mundi. Ceterum diluenda hic est hujus dicti corruptela, à Samosateniano proposita: quod, inquit, Christus hîc dicitur omnia portare, hoc est gubernare, administrare potenter: non inde sequitur eum esse Deum ac omnipotentem, quia omnis potestas in celo, & terra, ei data, Matth. 28. vers. 18. & Ioan. 13. v. 3. at Deo æterno nemo unquam quicquam dedit. Sed Resp. portare omnia, non solum esse gubernare, sed primum sustinere omnia, id quod solius Dei creatoris proprium, cujus vi omnipotente creata sunt, ac perstant. Potestas autem illa data Christo, secundum humanam naturam convenit, ut postea clarius liquebit. Porro, hac viâ, declarato Christi officio secundo, transit Apostolus ad descriptionem tertiæ videlicet Sacerdotalis, tanquam viam, per quam, ad regni illius cœlestis possessionem, pervenit.

Cum autem Sacerdotalis officii executio, constet satisfactione legis pro nobis, & intercessionem apud Patrem; prius quidem Synecd. describit: nam quemadmodum lex à nobis exigit primò pœnam pro inobedientia, seu peccatis Deut 27. v. 27. & Gal. 3. 13. & obedientiam ac justitiam; cum absolutè, jure indissolubili, tam naturæ Dei (ut summi boni) quàm beneficii creationis (quo creaturæ rationalis obedientiam debet, ut Domino creatori, Mal. 1. 6.) tum relatè, ac certo respectu finis, nempe vitæ æternæ obtinendæ, Levit. 18. 6. Rom. 10. 4. ita satisfactio plena pro nobis complectitur, inobedientiæ pœnam, & obedientiam justitiæ: Apostolus verò prioris tantum, hoc in loco, facit mentionem, utpote quod alterum, individuum quodam nexu conjunctum habeat, & ad consolationem maximè pertineret. Hinc Apostolus ait: *δι' αὐτοῦ ἡ θυσία* *μὴν μὴν αὐτοῦ τῶν ἀμαρτιῶν ἡμῶν*, id est, *cum per seipsum purificationem peccatorum nostrorum fecisset*, vel ut noster vertit, *purgatione &c. facta*: nam hæc via erat necessaria, ut per ignominiam mortis, ad regni gloriam deinde conscenderet Luc. 24. vers. 26. Purgationem autem dicitur fecisse, per seipsum, nempe tanquam agnum Dei mactatum pro nobis, Ioan. 1. v. 29. 1. Pet. 1. v. 19. Gal. 1. 4. Quo indicatur, & sacerdotem esse & victimam N. T. expiatrix Heb. 9. 14. Quo modo sacerdotibus, & sacrificiis V. T. amore erga nos, & dignitate, multis nominibus, præfertur: Sacerdotibus quidem, quod illi non se, sed bruta, in sacrificium offerebant, & pro suis primò peccatis & quidem sæpius Heb. 7. v. 27. & 9. v. 25. ad significandam purgationem peccatorum Heb. 10. 1. & 4. Christus verò seipsum, & pro nostris tantum peccatis, semel obtulit, ad promerendam nobis purgationem peccatorum Heb. 7. vers. 27. & 9. v. 27. Victimis verò præfertur, quod illæ non à se, sed ab aliis offerebantur: deinde quod brutæ erant, & irracionales: præterea, quod diversæ, non eædem, pro temporum diversitate: denique quod peccatorum purgationem adumbrarint; non autem contulerint, Heb. 9. 9. & 10. 4. Contrà Christus ita victima est oblata, ut etiam sit sacerdos offerens: deinde rationalis victima est, & verè dominus omnium (ut ex antecedentibus liquet) & verè per se solum peccata, sacrificii sui merito, purgat, Heb. 10. v. 5. & 10. quæ singula copiosius, in hac epistola, seqq. explicabuntur. Altera vero sacerdotalis officii pars est, intercessio, qua credentibus suam satisfactionem imputari, eosque in gratiam, & ad vitam recipi postulat in cœlis: quæ suis locis postea declaratur. Atque ita, indicata viâ regni, ad illius



lius declarationem procedit. quando ait: *sedet ad dextram Majestatis in excelsis* scil. locis h. e. cœlo: ut hæc vox Luc. 2. verl. 14. similiter accipitur; & res ipsa disertè explicatur. Eph. 1. v. 20. Heb. 8. v. 1. Cæterum in hac descriptione iterum Christus sacerdotibus V. T. tanquam longè excellentior præponitur, quod illi sacrificio peracto ingressi sint in manufactum sanctuarium, cœli typum; Christus vero in ipsum cœlum: ideoque pro peccatis, quæ nos à cœli aditu secluserant, & quorum pœnam pro nobis sustinuit, plenè satisfecit Heb. 9. 24. Deinde, quod illi quotidie, Christus verò semel, Heb. 7. 27 illi mortales, eoque successoribus opus habuerint; hic vero immortalis, & sacerdos in æternum, successoris expers. ibid. v. 23. & 4. seq. & ap. 8. 1. Deinde consecuta Christi perpeffiones gloria, Hebræos, tacitè, in adversis, quibus obnoxii erant, consolatur, exemplo eventus Christi: ut Heb. 12. 2. explicatur. Quæ omnia, breviter, sessione ad dextram Dei in locis excelsis, cœlo nim. cœlorum, per rectam consequentiam, indicantur. Atque hæc de v. 3. & tractationis hujus propositione; qua I. esse Christum *διὰ δόξης*, asseritur. Qua in re I. cum personæ, tum officii præstantia, ac dignitas extollitur.

Sequitur nunc expositio, qua propositio, pluribus & accuratè, declaratur, ac confirmatur, adhibitis etiam opportunè, ad amplificationem rei, & errorum confutationem, comparationibus variis, cum *electorum Angelorum* tum *hominum*, utpote *Mosis*, ac *Iosue*, Doctorum, & doctorum Ecclesiæ, & *Aaronis* pontificis summi, & *posterorum illius*: quibus omnibus Iesus Christus confertur, ac præfetur; ac N. T. atque Euangelii, supra V. T. & legis pædagogiam, excellentia demonstratur; ut eâ viâ, ac ratione, Iudæorum eorum superstitione (qua V. T. & ministris illius, plusquam par erat, Christo jam exhibito, tribuebant) corrigeretur. Hæc autem expositio tractat distinctè Christi præstantiam, ac dignitatem summam, cum ratione personæ, ad cap. usque tertium tum ratione officii, capitibus seqq. nam quemadmodum persona illius complectitur divinam naturam, & humanam; ita de priori disseritur usque ad cap. 2. 9. explicatione & applicatione; seu demonstratione, & ex ea profluente hortatione. Explicatio autem illa, hoc cap. absolvitur. Cujus partes præcipuæ sunt, ad quas reliqua referuntur, conclusio, & confirmatio illius. *Conclusio* est: *Christus præstantior factus est Angelis*. Quæ ut seq. graviter copioseque comprobatur; ita eleganter ex antecedentibus deducitur, & tanquam amplificatio antecedentibus connectitur, ac coheret. Postquam enim asseruit Apostolus, Christum sedisse ad dextram Majestatis Dei, in locis excelsis, seu cœlis, commodissimè subjicit: *santo præstantior factus est Angelis*: quemadmodum ex eo sessionis, ad dextram Dei, gloria illustratur, Ephes. 1. versu 22. & vicissim post alia in medium allata, hoc cap. 1. argumenta, tandem ex sessione hac ad dextram Dei, Christum Angelis præstantiorem esse comprobatur, sub finem cap. hujus v. 13. v. 14. *Scopus* autem in hac conclusione est superstitionis Iudæorum quorundam (qui Angelis, & legi, quod per angelos lata esset, plusculum, cum gloriæ Christi, & Euangelii diminutione, tribuebant) correctio, & Christi gloria, in nostra, erga ipsum, fide, & obedientiâ, ut cap. 2. 2. colligitur. Sed bifariam hoc loco abutuntur Arriani, ad oppugnandam Christi Deitatem: primùm, inquirunt, Qui factus est, non est æternus Deus. Filius factus hic dicitur. Ergo non est Deus æternus. Verùm negatur propos. quoniam illa non est universalis; quandoquidem idem potest esse factus secundum quid; & æternus Deus secundum aliud, pro diversa naturarum, in unam personam conjugarum, ratione. Quemadmodum Christus, quæ filius hominis, factus est; sed quæ filius Dei, Deus est æternus. Deinde negatur etiam assumptio, quia Christus non simpliciter dicitur factus, sed præstantior factus: ideoque non ad essentiam ortum; sed ad conditionem pertinet. Verùm excipitur iterum: Qui sessione ad dextram Dei, præstantior factus est Angelis, ille non est verus Deus; quia Deus perfectissimus est, cui nihil præstantiæ accedere potest. Atqui

Christus, &c. Ergo. Negatur iterum propositio: nam quamvis Deus in se sit perfectissimus, ac semper inaneat, natura sua immutabilis; tamen, voluntariâ dispensatione accedente, assumptæ naturæ humanæ ratione, factus est in eâ, & secundum eam, humilis, & Angelis inferior, passione: & postea iisdem superior, sessione ad dextram, ut c. 2. v. 9. declaratur: nam in humana natura glorificata, divinæ naturæ gloria, quam semper in se filius habuit, clarè patefacta est: quo sensu etiam gloriam à Patre recipere dicitur, Ioan. 17. v. 5. Hæc de conclusione. Cui adjicitur confirmatio variis constans rationibus, quæ in propositione, ferè omnes antecesserunt, & ad fidem apud Hebræos (in Sacris Lit. versatos) faciendam, consequentibus crebris Sacrarum Literarum testimoniis stabiliuntur. Rationes autem sunt quatuor.

Quarum prima à nomine, divinitus dato, petita est, hoc sensu: qui excellentius, præ Angelis, sortitus est, nempe à Deo, nomen, ille præstantior est Angelis: Deus enim in iudiciis suis verus est, & naturâ *ἀψευδής* Tit. 1. vers. 2. Atqui Christus, &c. Ergo præstantior est Angelis. Assumptio, & Conclusio hic exprimuntur, ex quibus propositio, quæ ommissa est, intelligitur. v. 4. Assumptionem autem confirmat Apostolus, nominis illius expressione, & testimoniis divinis quibus probat Christum nominatum esse filium Dei; Angelos verò nequaquam: id quod interrogatione amplificat; cum ait: *Cui unquam Angelorum dixit? &c.* Nam quod obijcitur ab Arrian. Angelos electos, de quibus hic agitur, vocatos etiam filios Dei Iob. 1. v. 6. & 38. 7. id, inquam, facile diluitur: quia Christus, & Angeli, *ἀγίοι*, ac valde diversa ratione, filii Dei appellantur. Nam ille propriè, seu ratione naturæ & genituræ, quæ ejusdem, cum Patre, est essentia; unde etiam distinctè ab aliis omnibus *proprius filius*, Rom. 8. vers. 32. & *unigenitus*, Ioan. 1. v. 18. appellatur: eoque modo hic filii nomen intelligitur, & explicatur: Angeli verò impropriè, ac gratia creationis, per metaph. quandam, filii appellantur; quod videlicet ad imaginem Dei, sapientes, sancti, ac potentes creati, essentiaque immortalis ac rationali præditi Deo, quasi filii, similes sint; & ad vitæ æternæ hæreditatem, in regno Patris, electi. Quod autem *nos filii Dei*. Rom. 8. *nati ex Deo*, 1. Ioa. 3. 4. & *divinæ naturæ participes*, 2. Pet. 1. v. 4. dicimur, illa omnia, similiter per metaph. intelligenda sunt impropriè, similitudine quadam, quod videlicet simus filii, per fidem, gratia spiritualis regenerationis, Ioa. 1. 12. 13. & adoptionis, Rom. 8. v. 15. participes denique naturæ divinæ, non eadem substantia; sed similitudine qualitatum 2. Pet. 1. v. 3. 4. Eph. 2. v. 10. Col. 3. v. 10. Adeo ut summa etiam sit, inter nos & Christum, in hac filii appellatione, differentia. Ille enim genitus est natura, ex substantia Patris, ut qui unum cum patre est, Ioan. 10. v. 30. Nos vero geniti ac regeniti non natura: sed voluntate, misericordia, ac charitate, Iac. 1. v. 18. 1. Pet. 1. vers. 3. 1. Ioa. 3. v. 1. Ergo Christus præstantius Angelis, & omnibus creaturis, nomen sortitus, si nominis significationem & pondus observemus: ut duabus insignibus prophetiis ostenditur, ac probatur. Quarum prior est petita ex Ps. 2. 7. Qui sub typo Davidis, & regni illius, Christi regnum, & personam graphicè depingit: id quod evincitur ex sequent. verbis, quibus primùm amplitudo regni, in hoc Psalmo, ad fines usque terræ, huic regi tribuitur. Quæ amplitudo, nec Davidis personæ; neque aliorum regum Israël (quorum imperium, angustiis Chananæ, & vicinorum locorum finibus, fuit definitum) tribui nullo modo potest: quemadmodum experientia, Sacris Literis explicata, attestatur. Deinde idem demonstrat imperata fiducia in hunc regem, vers. 12. quæ Deo propria, nulli mortalium convenit, Ier. 17. vers. 5. & beatitudo, quæ ex hac fiducia oritur. Huc accedit divina interpretatio non solum Ecclesiæ Christi, Act. 4. v. 25. 26. sed etiam Apostolorum, ut Pauli, Act. 13. v. 33. & Ioannis Apoc. 12. v. 5. & 19. v. 13. 15. Quamobrem Apostolus rectè hoc loco, & cap. 5. hanc sententiam ad Christum pertinere asserit. Verum duplex hinc exurgit Quæstio: Prior, an hæc verba pertineant ad Christum solum, singulariter: an verò ad Davidem etiam communiter; nam hoc, ut à multis Ortho-

doxis, & Pontificiis, asseritur; ita à nonnullis, tanquam prorsus falsum rejicitur: adeo ut hunc Psalmum, de solo Christo scriptum esse, non etiam de Davide, contendat, duobus nisi argumentis: quorum prius est: quia non pauca hujus Psalmi verba, in Scriptura N. T. de Christo, exposita inveniuntur, quemadmodum loca antè adducta sunt. Verùm negatur consequentia: quia non est absurdum, sed rationi, & Scripturæ usui consentaneum, ut idem diverso modo, de typo immediatè, & de Christo tanquam archetypo, seu re significatâ mediatè, per typum, enuntietur, & explicetur: præsertim si Scriptura suâ explicatione, typum non excludat; nec expositio typi naturæ adversetur. Fatemur igitur, multa verba ex hoc Psalmo, de Christo exponi, in N. T. sed tamen, iis in locis, Davidem nullibi excludi: quemadmodum contrà in locorum quorundam expositione contigit. Act. 2. vers. 29. 30. Sed altero argumento fortius instant, & urgent: verba, inquit, ipsa, *filius meus es tu*, adeo sublimia sunt, ut non solum mero homini convenire non possint, propriè accepta; sed neque angelis; verum soli Filio quem ab æterno Pater genuit. Verùm resp. propriè accepta hæc verba, nulli homini convenire, sed impropriè tantum: quemadmodum in aliis typis, destinatis ad Christum adumbrandum, eadem interdum, de utrisque dicuntur, sed diverso modo. Modus autem est duplex, nempe, ut attributa, ita de typo dicantur, ut sensus sit, aut simplex; ut dicatur quidem attributum de typo, sed non quatenus est, verùm qua typus est; seu ut referatur tantum ad rem typo adumbratam: aut ut sensus sit compositus, nempe ut pertineat, partim ad typum, partim ad rem typo adumbratam: qui duo modi, in eadem oratione, possunt inveniri: quoniam id quod typus est, cum re typo adumbrata, per Synecd. ac typicâ, ut sic dicam, mysticaque unione, uno typi nomine, interdum significatur. Ita Davidis nomine, & David filius Isai immediatè, & Christus alter David mediatè, per priorem adumbratus, intelligi potest. Quemadmodum Salomon Davidis Filius, & Christus alter ac Spiritualis Salomon, communi Salomonis nomine intelliguntur: quemadmodum 1. Chro. 22. v. 10. 11. 12. de Salomone Filio Davidis, tanquam typo: & de Christo tanquam antitypo, per eum adumbrato, quasi una persona mystica, differitur, ut collatio, v. 14. ibid. & 2. Sam. 7. v. 14. sicut postea clarius exponemus, evincit. Quapropter dici potest, Davidem hoc in Psalmo loqui de se, & Christo: ita tamen, ut eorum quæ dicit quædam communiter, ad totum mysticum Davidem, nempe Davidem, & Christum, eo adumbratum: quædam particulariter tantum ad partem illius Davidis mystici, Christum videlicet, pertineant: ac propterea nihil impii statuunt, qui hæc verba, *filius meus es tu*, de utroque, Davide, & Christo, diversa tamen, & Sac. Lit. conveniente ratione exponunt: quemadmodum id quod sequitur testimonium *erit mihi Filius*, de Salomone, & de Christo, diverso tamen modo, accipiendum est. Cum autem David, nonnisi impropriè, Dei Filius, & genitus dici possit, quaeritur: quomodo illud elogium ei conveniat? Nonnulli ajunt, primum Filium dictum, gratia regni, à Deo accepti: quemadmodum principes, eò, quod præ aliis excellent, Deoque similes sint potestate, per metaph. & Dii, & Filii Dei appellantur, ut Iudices, Ps. 82. v. 6. deinde genitum dici, cum clarè apparuit illius ad regnum electio. Sed aptius omnino diceretur, Davidem Filium quidem vocatum, metaphoricè, gratia regenerationis, & adoptionis; genitum verò metonymicè, secundum patefactionem, seu declarationem, qua monstratum est, eum esse Filium, cum scilicet in unctione illius, Deus Pater testatus est, Davidem ad vitam ac regnum, electum; ac divino Spiritu regentem; si-bique filii instar charum, 1. Sam. 13. v. 14. Act. 13. v. 22. quæ testificatio, quia adoptionis fuit patefactio (non minus quàm electionis ad regnum) idcirco genitura per tropum Meton. adjuncti pro subjecto, (ut adoptio pro illius patefactione Rom. 8. v. 23.) nuncupatur. Ex quibus apparet probabiliter, sine impietate dici, hunc locum, de Davide & Christo, sub Davidis persona abumbrato, intelligi. Sed tamen magis consentanea altera sententia, hunc locum

tantummodò de Christo esse accipiendum: quia durius videtur, ut de Davide dicatur, *hodie genui te*, cum nullibi ea phrasis, illo sensu improprio, accipiat: neque loci circumstantiæ eam interpretationem, necessariò, requirant: quemadmodum contra Rom. 8. circumstantiæ ratio, ac rei veritas metonymicam illam significationem adoptionis, necessariò postulat: quia de credentibus, de quibus loquitur, jam antea testatus est, eos esse adoptatos, & filios, ac hæredes Dei. Observandum etiam est, in Ecclesia Iudaica, inde à majorum traditione accepta doctrina, hunc locum de Messia expositum: quemadmodum Rabbi Salomon agnoscit, qui ait, in Comm. ad hunc locum Psalmi; *Magistri nostri, quicquid hoc Psalmo canitur, de rege Messia interpretati sunt: sed secundum verborum sonum, & ob refutationem hæreticorum* (sic Christianos intelligit, iisque maledixit Iudæus) *convenit, ut eum interpretemur de ipso Davide*. Hæc ille: nam ea verba extant in Edit. Vetera Hebræorum bibliorum magnorum, cum commentariis Rabbinorum, editorum à Bombergio, ac malè omnino, in edit. Basiliensi, ea verba sunt expuncta. Ex quo loco Rab. Salomonis, insignis Iudæorum posteriorum, in rectis majorum interpretationibus, mero Christianorum odio, pervertendis, malitia observanda est. Et hoc omnino certum est, extraque controversiam, apud omnes sanos, manet; hunc locum de Christo saltem accipiendum: cui soli quoque in hoc Psalmo, regnum totius mundi, & cultus divinus, ac fiducia in ipsum, tribuuntur, v. 12. Sed altera quaestio est, quo sensu ei congruat? Duo autem enunciantur, à Patre, de Christo, & ad Christum. Primum quidem esse filium Dei, *Filius meus es tu*, quæ verba clara, & ex antecedentibus perspicua. Deinde cujusmodi sit Filius, nempe genitura; *Ego hodie genui te*; quæ verba, magna varietate, explicantur: nam quidam, *gignendi* vocem, de genitura æterna, debere accipi, contendunt: ut vox *hodie* præsentiam notet; quod in æternitate neque præteritum sit quicquam, quasi esse defierit; neque futurum, quasi nondum sit, sed præsens tantum: quia quicquid æternum est, semper est, *Hodie* autem accipi pro præsentis duratione, sive ea brevis, sive longa sit, probant ex Heb. 3. v. 7. & v. 13. & 15. *donec hodie nominatur* & c. 13. v. 8. *Christus heri, hodieque idem & in secula*. Sed hæc expositio aliis minus placet. primum quia hic agitur de Christo, quatenus est Deus in carne exhibitus. Sed responderi potest, illud nihil ob stare: sic enim agit de Filio incarnato, ut simul æternam illius generationem, ad excellentiam personæ commendandam, ostendat: quemadmodum etiam hoc cap. v. 1. de Filio incarnato locutus est, & tamen v. 2. æternam ejus generationem descripsit; & creatorem esse mundi, eo loco, & sequentibus asserit, ac probat. Altera ratio, quæ objicitur, est, Paulum proximis verbis referre hoc dictum ad tempus nativitatis Christi, quando dicit; *cum rursus inducit primogenitum in orbem*: eam vocem *rursus*, significare utrumque testimonium; *inducere primogenitum in orbem*, hoc est, prophetiam esse utrimque de incarnatione Filii. Sed ad illud dici potest; vocem *rursus* referendam esse, ad verbum *dicis*, quemadmodum in antecedentibus: ut etiam noster interpres, & alii antea verterunt. Hæc de prima hujus sententiæ expositione. Altera est, vocem *hodie* præsens quidem tempus, ut etiam locis antè citatis, non tamen æternam durationem, sed certum ac definitum tempus denotare; quod quantum observare potuimus, tribus gradibus interpretes diversimodè describunt. Primum quidam vocem *hodie* referunt ad nativitatis Christi diem, idque diverso modo, quia sunt, qui explicant, *genui te*, id est, creavi te, seu formavi te, per synecd. speciei pro genere; ut temporaria, & miraculosa genitura intelligatur: qua filius conceptus ac natus est, virtute Sp. S. idque probari putant Luc. 1. vers. 35. *virtus Altissimi inumbrabit te, propterea etiam quod nascetur ex te Sanctum, vocabitur filius Dei*. Sed hæc interpretatio omnino aliena est, & ratio illius infirma; quoniam Christus hoc modo, secundum humanam naturam, non esset *ἀνὰ τὸν*, *sine Patre*, ut tamen asseritur, Heb. 7. v. 3. nec minùs esset Spir. S. quàm Patris filius appellandus: denique ita e-verteretur funditus vis argumenti Apostolici, hoc in loco, nam

nam ex miraculosa corporis formatione, non sequitur, Filium Dei, majorem esse Adamo (qui supra naturæ vim, Dei omnipotentia merâ, ex terra creatus) aut Eva, quæ eadem omnipotentia, ex Adami latere, formata est: tantum abest, ut filius, eo nativitate modo miraculoso, esset major Angelis, spiritibus cælestibus. Nec obstat, quod propter conceptionem ex Spir. S. Filius Dei vocatur: quia conceptio duo complectitur, primum corporis animati, seu humanæ naturæ Christi, formationem: deinde unionem cum *αὐτῷ*. Atque hujus unionis tantum, non autem illius formationis ratione, filius Mariæ, filius Dei appellandus dicitur; hoc est, non quod corpus conformatum, atque animatum sit vi Sp. S. sed quia unitum est, vi illius, Filio Dei, in unam personam: nam unio personalis, causa est communicationis idiomatum in persona, non autem in natura: quæ phrasis est, quâ personæ Christi denominatæ, ab una natura, humana, vel divina, rectè tribuitur proprium alterius; quia persona utramque naturam in se complectitur: ita verè dicitur, Filius Mariæ, est Filius Dei, & vicissim; quia illa nomina, etsi ab una natura sint denominata, personam notant, non simpliciter naturam: id quod diligenter observandum, ut Anabaptistarum & Samosat. (hoc dicto abutentium) strophis occurramus: & ut causam cognoscamus, quare nonnulli Orthodoxi, in illius explicatione, minùs feliciter versati sunt. Quamobrem reliqui qui eandem sententiam sequuntur, ac vocem *hodie* de die nativitate, accipiunt, sese exponunt paulò convenientius; hanc sc. genituram non de ipsa nativitate propriè; sed de adjuncta patefactione divina: quâ variè declaratum est, hunc Mariæ filium, esse Filium Dei, à Patre, ab æterno genitum, ut Luc. 1. 32. 35. ut ita metonymicè, ut sentiunt, genitus dicatur: quem admodum cum Patres Orthodoxi ajunt, & vulgo celebratur, in S. L. non rarò aliquid fieri, cum incipit patefieri. Atque hæc de primo gradu.

Alter ex aliorum sententia est, ut hujus generationis dies pertineat, ad baptismi diem, ut Hilar. l. 4. de Trinit. ait: *post consummati baptismi nativitatem, hæc proprietatis significatio audita est, voce testante de cælo, filius meus es tu, ego hodie genui te*. Ita sensus esset, cum filius jam baptizatus, muneris suo regio, ac prophetico, & sacerdotali, per Spiritum, & Patris testimonium, inauguraretur, patefactum esse, ipsum esse filium Dei proprium, à Patre, ab æterno, genitum. Tertius gradus est, ut *hodie* intelligatur, de die resurrectionis: atque ita bifariam: exponunt. Quidam vocem *genui*, per metaph. de suscitatione à mortuis, interpretantur: quoniam ea similis est quodammodo temporali generationi: unde etiam resurrectio nostra, ultimo die futura, *παλιγγενεσία* regeneratio dicitur. Mat. 19. v. 28. Verùm ea interpretatio alienior à scopo nostri Apostoli, ut ex superioribus satis liquere potest. Alii verò per meton. ad patefactionem generationis æternæ, egregio sensu, referunt: quia resurrectio etiam argumentum est, quo declaratum fuit, Iesum esse Filium Dei, ut Rom. 1. v. 4. Vtrique verò communi utuntur sententiæ suæ probatione, ex Paulo Actor. 13. v. 32. 33. *nos quoque (inquit) vobis evangelizamus eam promissionem, quæ patribus facta est, &c.* Quo loco, ad Christi *ἀνάστασιν* resurrectionem, Psalmi verba accommodantur. Veruntatem adversus hanc sententiam nonnulla obijciuntur. Prima enim obiectio est, à scopo petita. Si *hodie* diem resurrectionis notat, non magis hic locus probat, Christum resurrexisse, quàm resurrecturum in fine seculi, aut post mille annos. Verùm Resp. duplex esse, in hac obiectioe, vitium: primum quod nitatur hac hypothese, quasi scopus Pauli esset, ut demonstraret Iesum jam resurrexisse; cum contrà ex resurrectione facta, Deum promissionem suam complevisse colligat, allatis promissionis verbis, & collatis cum eventu: alterum vitium est consequentiæ: nam ex hisce verbis colligi potest, Christi resurrectionem, debuisse fieri, ante vocationem gentium, quæ vocatio, sequentibus proximè Psalmi verbis, promittitur, & jam, re ipsa, Pauli tempore, comprobata erat. Altera obiectio est, ex antecedentium collatione: nam v. 23. dicitur: *hujus è semine Deus, secundum promissionem, excitavit Israël servatorem Iesum*: nec obstat, quod diversa vox est, *ἐγείρει*, non au-

tem *ἀνάστα*, quia hæc synonyma sunt, quæ, tam de excitatione à non esse ad esse, ut loquuntur, per generationem; aut à sorte humili ad sublimen dignitatem; quàm de excitatione à mortuis ad vitam, usurpantur. Verùm responderi potest, triplicem hanc significationem Christo posse competere: Deus enim Iesum excitavit ad vitam dupliciter: primo eam dando per conceptionem è Sp. S. & nativitate: secundo amissam per mortem reddendo per resurrectionem: denique excitavit etiam ad honorem muneris mediatorii, Act. 3. v. 22. quæ singula in V. T. promisit. Quare non sequitur, agitur, v. 23. de excitatione ad vitam primam, seu exhibitione Christi, & promissione illius. Ergo etiam hoc in loco, v. 32. præsertim cum manifestè appareat, Paulum v. 30. excitationem Christi à mortuis, disertè asserere, & seqq. amplius declarare: ac propterea excitatio è semine, v. 23. & suscitatio à mortuis, circumstantiis suis diversa, perperam in obiectioe confunduntur.

Postrema obiectio petita est, ex comparatione seq. v. 34. in quo excitationem à mortuis ita proponit & confirmat, ut ostendat simul, se ad aliud doctrine caput transire, cum dicitur: *quod autem excitavit eum*, &c. quasi diceret, quod Deus nobis excitaverit hoc est exhibuerit Iesum Servatorem, secundum promissionem, jam modo demonstravi, testimonio allato ex Ps. 2. quod autem eundem excitaverit à mortuis illud aliis Scripturæ locis probatur. Sed responderi potest, non necessarium esse, ut fateamur, diversum, v. 34. tractari argumentum; quia potest esse repetitio ad amplificationem, quod in S. L. non est infrequens: deinde ut etiam diversum esse dicatur, ea tamen diversitas sita erit, non in modo excitationis, sed in adjuncto illius: nam, ut antea probavit, ex Christi resurrectione, promissionem illam Ps. 2. impletam: ita hoc loco probat, non simpliciter Christum resurrexisse ad vitam, sed ad vitam immortalem, quod videlicet non amplius reversurus sit in sepulchrum, nec corruptibilis sit, ut Rom. 6. 9. Ergo ex hisce satis, ut arbitror, apparet, valde consentaneam esse eam interpretationem, qua hæc verba, *ego hodie genui te*, ad resurrectionem Christi, pertinere existimantur: ut sensus sit, ego te à me genitum esse demonstravi, ut antea ex Rom. 1. ostendimus. Nam sive dicamus, hæc verba, *ego hodie genui te*, tantum ad Christum singulariter, sive etiam ad Davidem communiter, sed diversa tamen ratione significationis pertinere, rectè fluet sententia: ut enim Davidis afflictiones, quibus, ante regnum, fuit obnoxius, & quasi mortuus, & sepultus, perpeffionum mortis, & sepulturæ Christi, fuere typi: ita consentaneè Davidis admiranda, per Dei potentiam, & providentiam, conservatio, & ad regnum excitatio, atque evectio, excitationem Christi à mortuis, adumbraverit. Atque ita scopo Apostoli ad Hebræos, ad præstantiam Christi commendandam, non incommodè quadrabit: quia ita, his psalmi verbis, demonstrabitur, Christum esse filium Dei bifariam; primò explicitè, apertisque veris, cum dicitur, *filius meus es tu*; secundo implicitè per consequentiam, *ego hodie genui te*, id est, genitum patefeci. Atque ita apparet, quod diversis interpretationibus doctiorum, sanctè, hic locus exponi possit. Vt autem tandem concludamus, earum omnium, quas recensui, duæ maximè consentaneæ sunt; una, quam jam postremò attuli, ut metonymicè, (*genui*) significet genitum patefeci hodie, cum te excitavi à mortuis, ut Paulus Act. 13. ostendit, & Rom. 1. v. 4. dicitur: *declarato filio Dei, per potentiam, secundum Spiritum sanctificationis, ex resurrectione mortuorum*. Altera, quam primò adduxi, est, ut generationem æternam personæ Christi propriè notet, & declaret simpliciter, quomodo filius Dei sit; nim. non creationis, neque adoptionis gratiâ; sed genitus, ac proprius filius. Vna superest difficultas, nim. locum, Act. 13. ad æternam generationem, videri non posse accommodari; quia ad resurrectionem spectat declarandam, citra ullam controversiam, si quis rectè examinet. Verùm regeri potest, non malè convenire, idque etiam ex priore sententia posse probari: Etenim ut sequitur ex resurrectione, Iesum esse Dei filium, ab æterno à Patre genitum; ita vicissim sequitur: Si Iesus, ex Maria natus, est filius Dei, ab æterno, à Pa-

à Patre, genitus: ergo non potuit fieri, ut à morte detineretur, & princeps vitæ, & sanctus ille Dei non resurgeret. Act. 2. v. 24. 27. Quare quemadmodum Christus, adversus Sadducæos, (qui nullam omnino mortuorum, in fine mundi, resurrectionem statuebant) verba illa, *ego sum Deus Abraham, & Deus Isaac, & Deus Jacob &c.* de resurrectione eorum mortuorum dicta, & scripta esse, asseruit; nempe, non explicitè, sed implicitè, seu ut loquuntur, non ratione consequentis, sed consequentiæ, Mat. 22. v. 31. 32. ut aliàs exposuimus: ita Paulus, ex hoc argumento, similiter, quod Iesus sit Filius Dei, nimir. verus ac proprius, resurrectionem Christi merito potuit colligere. Atque hæc de primo testimonio, ex Ps. 2. petito, disseruimus: quo Apostolus probavit, Iesum Christum excellentius nomen, præ Angelis, à Deo, sortitum (aut, ut vocis Græcæ emphasin, cum nonnullis, exprimamus, *hereditatio iure consecutum*) quod filius Dei, nempe proprius, & à Patre genitus, non factus, appellatur.

Alterum testimonium est, cum ait: *ac rursum* (nempe, cui Angelorum unquam dixit Deus, hoc enim communiter ex antecedentibus intelligitur) *ego ero ei in Patrem, & ipse mihi erit in filium.* Quæ sententia continet promissionem Dei ad Davidem 2. Sam. 7. v. 14. & 1. Chro. 17. 13. & 22. v. 10. de cuius sensu, ad pleniorē intelligentiam, diversa interpretum expendenda sunt iudicia. Quidam enim extrema secuti sunt; quorum alii eam prophetiam, de Salomone tantum; alii de Christo tantum; reliqui verò medium amplexi, de utroque distincto modo, intelligendam arbitrantur. Prima opinio (quæ videlicet de solo Salomone intelligit) bimembris est. Prius enim membrum est, locum agere de Salomone: quod probatur primo ex eo, quod expressè satis, de templi externi Hierosolymitani structore, disseritur 2. Sam. 7. v. 7. & 13. quæ laus Salomoni propria est: deinde, idem etiam patet, ex Dei ipsius oratione 1. Reg. 6. v. 11. 12. & Davidis explicatione, & ad Salomonem applicatione perspicuâ 1. Chr. 22. v. 11. nunc, inquit, *fili mi, fururus est Iehova tecum, quandoquidem prosperaberis: edificando domum Iehovæ Dei tui, quemadmodum locutus est de te.* & cap. 28. v. 6: *nam dixit mihi, Salomon filius tuus ipse edificaturus est mihi domum meam, & atria mea: nam elegi ipsum mihi in filium, & futurus sum ei in Patrem.* denique ipse Salomon de se interpretatur, 1. Reg. 5. 5. & 8. 19. 20. Alterum prioris sententiæ membrum est, hunc locum tantum de Salomone dici, id quod confirmare conantur, ex proximè seqq. verbis, postquam enim, inquit, antecessit 2. Sam. 7. v. 14. *ego ero ei in Patrem, & ipse erit mihi in filium*, proximè sequitur, *qui cum perversè egerit, corripiam eum virga & plagis hominum.* Ergo hic locus, non pertinet ad filium Dei proprium, qui peccare non potuit: sed ad merum hominem, Salomonem; qui & peccare potuit, & peccavit: unde etiam concludit, in suis ad hunc locum comment. Cardin. Cajetanus, ex hac filii appellatione, non probari ullam excellentiam, supra Angelos: ideoque hæc epistolam non esse Pauli, nec Canonicam; utpote, quæ ea, quæ de solo Salomone manifestè dicta sunt, de Christo interpretatur. Sed contra alii sanctè hanc audacem, & profanam Cardinalis sententiam rejecerunt: ut enim verum est, Deum, & Davidem loqui de Salomone, ita falsum est, de eo solo esse sermonem, neque illud ratione allata probatur, quia nititur falsa hypothesi; quasi is, qui typus Christi est, non possit habere quædam propria, quæ de ipso tantum intelligerentur: cum (ut antea ostendimus) typus Christi, & Christus, prophetico modo, mysticè, quasi unum æstimentur: adeo ut, de eo toto, ab altera parte, nempe typo denominato, quædam enuntientur, quæ communiter utrique; quædam, quæ singulariter alteri, hoc est, aut typo, aut antitypo (seu rei per typum significatæ) tantum conveniunt. Ita in hac prophetia, & promissione Dei, quæ de Salomone agit, ipsum & Christum, tanquam unum mysticum, Salomonis nomine, complectitur ac designat: eique tam communia simpliciter, quam singularia, secundum quid commodè attribuit. Eodem ferè redit, quod nonnulli ajunt, Salomonem, tanquam typum Christi, describi, at non in omnibus; sed in iis tantum; quæ Christo

competere possunt, & à Deo spectata sunt: ut etiam in parabolis, quibus Christus se, & regni sui statum describit, non omnes circumstantiæ ad similitudinem pertinent: sed tantum summa rei, & ea, quæ cum scopo Christi quadrant. Sicut igitur Salomon non fuit Christi *ἀναμνηστικὸς* typus, in peccatis suis; ita quæ de peccatis, & peccatorum illius pœnis dicuntur, nullo modo Christi statum adumbrant, sed reliqua tantum, quæ utrique, suo modo, tribuuntur, ac conveniunt. Quamobrem, confutata hac extrema sententiâ priorē, alteram expendamus.

Ea autem est huic contraria quorundam Patrum, & recentiorum Interpretum nonnullorum: quia in hac tota, de Davidis Filio, oratione 2. Sam. 7. & 1. Chro. 17. de solo Christo agi contendunt. Cujus etiam sententiæ membra sunt duo: prius quidem, agi de Christo: id quod confirmant ex regni in Israëlitas perpetuitate infinita; quæ Davidis Filio promittitur 2. Sam. 7. 13. 1. Chro. 17. 14. & Ps. 72. & 110. & 132. quæ promissio, in S. L. de Christo exponitur, primò ab Esai. 9. v. 6. 7. ubi *Princeps pacis* vocatur, *cujus amplitudinis principatus, & pacis nullus erit finis, in solio Davidis & in regno ejus stabilisendo, & fulciendo illud jure, & justitia; ab isto tempore, in seculum usque.* deinde ab Angelo Luc. 1. 32. 33. præterea à Petro Act. 2. 20. *Propheta igitur cum esset, & sciret Deum jurejurando sibi jurasse, fore ut ex fructu lumbi ipsius, quod ad carnem attinet, Christum excitaret; ut collocaret super ejus throno:* nam quamvis Petrus spectet Ps. 132. v. 11. eadem tamen est ratio: quia David perspicuè (ut etiam antecedentia demonstrant) de eadem promissione loquitur, de qua 2. Sam. 7. agitur, ut etiam D. Kimchi in suis, ad eum psalmi locum, Comment. disertè indicat. Ex quibus apparet, primum hujus expositionis membrum esse veritati consentaneum, & Apostolum quoque hoc in loco ad Hebræos, rectissimè hanc sententiam ad Christum referre. Alterum verò membrum est, de Christo solo agi; non etiam de Salomone: idque probare conantur, tribus potissimum argumentis, ex antecedentibus, petitis, à circumstantia temporis, cum nativitatis; tum regni. Quorum primum à nativitatis tempore, est hujusmodi: Filius Davidis, qui in hac promissione intelligitur, erat nasciturus post Davidis mortem. Sed Salomon natus est, non post mortem, sed vivo Patre. Ergo de eo non agitur. Propositionem probant, ex eo, quod dicitur, *quando completi fuerint dies tui, & dormieris cum Patribus tuis, excitabo semen tuum, post te, quod prodibit de visceribus tuis.* Verum argumentum hoc parum ad rem facit: quia hic describitur tempus, non nativitatis seminis (hoc est filii Davidis) definitè; sed excitationis illius ad regnum: nam verba illa, *quod prodibit de visceribus tuis*, adduntur tanquam periphrasis seminis David, ut etiam ex 1. Chr. 17. 11. apparet. Idcirco, ne qua esset dubitationis causa, nonnulli interpretes vertunt, non, *quod prodibit*; sed, *quod prodierit.* Verum tamen illud non est necesse, ut temporis futuri, pro præterito, enallagem (licet sæpe Hebræis usitatam) statuamus; quia, cum hæc promissio proposita est à Deo, Salomon nondum prodierat ex Davide; sed proditurus suo tempore: ut 2. Sam. 12. v. 24. traditur. Verum reliquis rationibus (quas à regni tempore, cum ratione initii; tum ratione finis, derivant) paulo probabilius sententiam tueri conantur. A regni quidem initio, quod illud statuatur post mortem Davidis; cum contra Salomon à Davide, adhuc vivente, rex constitutus sit 1. Reg. 1. 33. Hoc damus; sed prius illud negamus: quoniam promissio loquitur, non de unctione in regem, & regni initio, sed de confirmatione illius, & pleno dominio, cum solus & potenter regnaret, Patre rege jam mortuo 1. Reg. 2. v. 12: nam regnum, vivente, ac regente Patre, ipsi datum, pro regno quodammodo, ac comparatè cum plena possessione, minimè censetur. Deinde à regni fine, ita ratiocinantur, majori rationis specie: Is, de quo promissio differit, regnum habet perpetuum. Sed Salomon, nec in se; nec in successoribus, habuit regnum perpetuum: quia illud, in filio Roboamo, fuit (ob defectionem decem tribuum) imminutum 1. Reg. 11. v. 31. deinde, per vastationem urbis Ierusalem, ac regionis, & per captivitatem Babylonicam, ferè extinctum; & tan-



tandem Christo exhibitio, & in cœlum subvecto, per Vespasianum, ac Titum, prorsus deletum. Bifariam autem hic nodus solvi potest; primo negatione propositionis; quia non est universalis: nam promissio differit non solum de eo, qui habet regnum perpetuum; sed etiam de eo, qui habet temporarium: quemadmodum antea explicatum est, quædam in eadem oratione 2. Sam. 7. sub Salomonis nomine, soli Christo; quædam soli Salomoni convenire, & attribui: nec esse necessarium, ut omnes, ac singulæ promissionis partes, de unâ eademque personâ singulari intelligentur. Deinde, si quis accuratius etiam S. L. examinet ac consideret, negari etiam potest assumptio: nam & regnum Salomonis est in seculum, suo modo, perpetuitate finita, & quidem secundum quid, ac speciatim, ratione regiminis civilis: cuius duratio, in Davidis familiâ (non minus quàm antea in tribu Iuda, generalius promissa Gen. 49. 10.) ad Christum usque promittitur. Quæ continua longi temporis series, *seculum*, ac *perpetuum* sæpe appellatur: quemadmodum ceremoniæ legis dicuntur servandæ in seculum: quod de circumcisione Gen. 17. 13. & de Paschate Ex. 12. v. 24. & aliis, alibi asseritur. Atque huc spectat promissio Davidi facta 2. Sam. 7. v. 16. *solium tuum erit stabile in seculum* & 1. Reg. 11. v. 36. de Roboamo Salomonis filio, ait Deus: *filio ejus dabo tribum unam, ut sit lucerna Davidi servo meo, omnibus diebus coram me Hierosolymis*, &c. & 2. Chro. 13. v. 5. dicitur: *Deum Israelis, tradidisse regnum Davidi, super Israel, in seculum ipsi, & filiis ejus. fœdere salis*, id est perpetuo. Hoc autem Davidis, & Salomonis regnum corporale, in seculum finitum, suo modo ad Christum durans, fuit spiritualis regni Christi, in seculum infinitum duraturi, typus: ideoque regnum in seculum, sub Salomonis nomine promissum, & Salomoni, tanquam typo; & Christo, tanquam per eum adumbrato antitypo, distincto modo, tribuitur: sicut etiam Christo regnum, ac solium Davidis promittitur, Esa. 9. v. 6. 7. & Ps. 132. v. 11. & Luc. 1. 32. 33. & alibi: eoque modo apertè ostenditur, illud Christi regnum, externo Davidis fuisse adumbratum. Atque hæc de rationibus à tempore nativitatis, & regni filii Davidis, petitis; quibus potissimum probare conantur, hanc totam promissionem 2. Sam. 7. ad solum Christum, non etiam ad Salomonem, pertinere. Quibus tria addunt reliqua argumenta. Quorum primum est: Benignitas Dei non fuit amota à filio Davidis, de quo agitur 2. Sam. 7. Sed ea amota fuit à Salom. quia à vero cultu Dei defecit; Alterum est: Filii Davidis domus dicitur fidelis 2. Sam. 7. vers. 16. sed Salomon cum familiâ non fuit fidelis: ut qui mulieres alienigenas, & impias, in eam admiserit, ac fovit; & ab iis, ad idololatriæ societatem, seductus fuit. Postremum est, si in hac promissione, etiam de Salomone agitur, non poterunt eo testimonio confutari Indæi, & Apost. argumentatio. Heb. 1. enervabitur. Atqui hoc absurdum. Hæc sunt reliqua, quæ objectantur, quantum potuimus colligere, argumenta. Sed ad primum respondetur: Benignitatem Dei à Salomone amotam esse, non simpliciter, ut in propositione intelligitur; sed secundum quid, nam tandem conversus est, ut apparet ex 2. Chro. 11. 17. (ubi, post obitum suum, Davidi, in pietatis officio communi, conjungitur) & ex Ecclesiaste, quem, post omnium experientiam, jam senex conscripsit: & quamvis regnum illius fuerit, per ablationem 10. tribuum, concisum; tamen non est omnino (ut Sauli evenerat) sublatum, 1. Reg. 11. 36. Alterum etiam argumentum nihil efficit: quia vox *DOMUS* fidelis, non notat, hoc in loco pium, sed firmum, ac stabilem, ut Esa. 33. 16. *aque ejus fideles*, id est durabiles; eaque propria est vocis hujus significatio. Et eadem omnino phrasi dicitur, 1. Sam. 25. 26. *parabit Jehova domino meo domum fidelem*, id est, firmam ac stabilem: quemadmodum etiam optimi Interpretes, *domum firmam*, utroque in loco, rectè interpretati sunt. Ad postremum argumentum quod attinet: negamus hac interpretatione enervari vim argumentationis Apostolicæ, adversus Iudæos: nam Apostolus nititur hac hypothefi gemina: quarum prima est, agi etiam in hac promissione 2. Sam. 7. de eodem, de quo Psal. 2. jam citato, & similibus, ut Psal. 132. 11. quem-

admodum Petrus Actor. 2. 30. asserit: qui locus ita, de filio Davidis, loquitur, ut ei regnum, simpliciter perpetuum, donec scilicet non sit Luna, ut Propheta loquitur, attribuit; & in omnes gentes, ac terminos orbis terrarum Psal. 72. 7. 8. Atque hoc regnum Christo propriè convenire, Iudæi confessi sunt: nam (ut antè ostendimus, ex Rabb. Salomone) prisci Iudæi Psal. 2. de regno Messiae, interpretati sunt: & similiter etiam Psal. 72. ut ex David. Kimchi Comment. & sententia illius colligitur; qui etiam Ps. 132. 11. ait, eo significari verba illa, quæ 2. Sam. 7. de filio Davidis, & regno illius dicta: ideoque Iudæi, tempore Apostolorum, multo magis cognoverunt ea dicta, de Messia, intelligenda. Denique ex iis, quæ antea attulimus, circumstantiis loci, & expositione S. Scrip. perspicuè evincitur, non de solo Christo, sed etiam de Salomone, promissionem illam fuisse editam. Nam quod quidam excipiunt: Deum eandem promissionem bis protulisse, de diversis, primo de Christo 2. Sam. 7. ad quem locum spectavit Apostolus Heb. 1. deinde vero postea de Salomone 1. Chro. c. 22. illud alienius est, ut ex superioribus patet, quàm ut refutationem mereatur. Quapropter, expensis extremis hujus loci expositionibus, ac probatis prioribus illarum membrorum, concludimus meritò: rectam esse mediam sententiam, quæ de Salomone & Christo, distincto modo, in hac promissione, & quidem etiam hoc in loco differi, affirmat: nam Salomon fuit non solum rex pacis, ut Christus etiam vocatur; sed etiam filius Dei, nimirum suo modo ex gratia adoptionis: Christus verò filius est proprius, & à Patre æterno genitus. Sed tria, adversus hanc sententiam, obijciuntur: primo si hæc valeret interpretatio, tum eadem voces nempe Pater & filius, in una eademque enuntiatione, acciperentur duplici significatione, propriâ, & impropriâ: atque hoc absurdissimum videtur. Sed respondemus, illud in typis absurdum non esse; quia illud S. Script. consuetudine confutatur, quæ subordinatè utrumque non raro designat: sic enim (ut alia omittamus) promittitur Abrahamo semen numerosum, sicut stellæ, Gen. 15. v. 5. & tamen semen duplicis generis intelligitur: unum proprium; filii nimirum generatione, qui immediatè, ac proxime intelliguntur, quemadmodum de iis Moses disertè exponit Ex. 32. v. 13. & Deut. 1. v. 10. alterum vero improprium semen, per metaph. similitudine quadam dictum, quod per proprium illud mediatè significatur, nimirum filii spirituales, imitatione fidei & obedientiæ, & similitudine justificationis, & glorificationis: quemadmodum Apostolus declarat. Rom. 4. vers. 12. 13. 16. 18. quo sensu Christus, Iudæos infideles & inobedientes. licet Abrahami filios, seu semen, agnoscat, ratione generationis carnalis, Ioa. 8. 37. asserit tamen, eos non esse filios Abrahamæ, scilicet spirituales, & operum imitatione, v. 39. & 42. sed contra Diaboli, ob imitationem scelerum illius, v. 44. Sed adversus hanc responsionem duo obijciunt: primo, Si Salomon, quatenus Dei filius, & rex fuit, esset figura Christi; & hic locus de eo simul, & Christo ageret: tum filii vox non minus, quàm regis, sensu quidem historico & proprio, de Salomone diceretur; spirituali verò & improprio de Christo. Atque hoc est absurdum. Ergo de Salomone non dicitur. Verum negatur propositio: quamvis enim ea sæpius, in typicis prophetiis habeat locum; non tamen semper: quoniam magna in iis est varietas: interdum enim proprietas sermonis utrimque: interdum verò in altero tantum, nempe umbrâ seu typo; vel in re, typo adumbrata, & quidem in diversa, vel eadem etiam orationis parte: interdum in neutro observatur, prout natura & veritas rei, variè postulant. Quemadmodum in iis, quæ de erectione ænei serpentis, & intuitu illius, Ioan. 3. vers. 14. dicuntur, apparet: prius enim membrum utrimque propriè, tam de Christo, quàm de typo illius intelligitur, videlicet de propria è terra in altum erectione, Ioa. 3. v. 13. & cap. 12. 24. alterum verò propriè quidem de serpente, oculis corporis aspiciendo: improprie verò per metaph. de Christo, oculis mentis ac fidei contemplando. Ita etiam Ionæ, in ventre piscis, conclusio tridua (quæ non propriè fuit sepultura, sed sepulturæ similis) veram Christi sepulturam, typo pro-

po prophetico, describit; ut Christus ostendit, Mat. 12. 39. 40. Sic de agno Paschali (qui typus fuit Christi) non minuenda ossa, precipitur Ex. 12. 46. quod tamen de Christo, agno Paschali, improprio, id est, accepto metaphoricè, non minus propriè, quàm de agno proprio, accipiendum esse docet Ioa. c. 29. 36. Denique sacerdos Ver. T. typus fuit Christi, & populum expiavit à peccato Levit. 4. 35. & 16. 27. 30. improprie tamen ut Heb. 9. 9. & 10. 4 Christus verò, typo illo designatus, propriè Heb. 7. 27. Quare nihil est incommodi, si vox aliqua diversa significatione, de typo ac signo, & aliter de re significata, intelligatur: quia hæc non sunt opposita; sed composita, & subordinata: quia res immediatè significata, per vocem alterius rei significandæ, etiam nota est. Postrema objectio, ex verborum formulâ, desumpta, hæc est; quia dicitur: *Ero ei in Patrem, & ipse erit mihi in filium*. Quorum sensum esse volunt, non quem sequimur cum Orthodoxis, ero ipsi Pater, & erit mihi filius; sed tanquam Pater, & tanquam filius, i. e. charum habebō, instar filii. Vnde, ex hac similitudine tantum filii, proprium filium perperam concludi, contendunt. Verum negatur, vocem illam, in hoc loco, similitudinem denotare; & contra merito statuimus rei veritatem significari, ex usitato Hebraismo, 2. Sam. 19. 23. *estis mihi hodie in adversarium*. Esa. 12. 2. *factus est mihi in salutem* & 42. 22. *facti sunt in rapinam*. & alibi, ejusmodi phrasæ passim occurrunt. Atq; hanc veram esse sententiam hujus loci, multis jam antea rationibus demonstratum est; & ex testimonio simili, ex Ps. 2. huic præmissio, constat: quemadmodum etiam ex scopo Apostoli, ad quem aliàs nihil conduceret, imò prorsus esset ineptum. Nam quis adeo desipiat, ut absurdum hoc argumentum Apostolo tribuat? Christus est quasi Filius, i. e. Deo charus: ergo præstantius nomen accepit Angelis; utpote qui suo modo, & filii Dei; & electi appellantur. Optimè igitur probavit, non solum ex Ps. 2. sed etiam ex 2. Sam. 7. Christum excellentius nomen Angelis esse sortitum: quoniam utroque in loco, Filius Dei, & quidem singulari ratione, id est, proprius; & à Patre, ab æterno, genitus, intelligitur. Atque ita Angelis, meris creaturis, & filiorum Dei nomen metaphoricè, & improprie sortitis, excellentius nomen sortitus est. v. 5. Atque hæc de primo argumento, quo, à nomine, demonstratum, Christum esse Angelis præstantiorem.

Alterum ab adoratione, vel gloria divinâ petatum est hujusmodi. Quem Pater adorari jubet, & quidem ab Angelis Dei, is est Angelis præstantior; utpote verus Deus & Angelorum Dominus. Atqui Christus est hujusmodi. Ergo. Conclusio antecessit, v. 4. Assumptio proponitur, & præmissa præfatione exponitur, ut sequentis sententiæ, ac mandati divini scopus clarius intelligatur, v. 6. Præfatio autem illa his verbis constat; *Rursus cum inducit primogenitum, in orbem terrarum*: quibus indicatur adorationis subjecta persona, & adjunctum temporis, seu quis adorari jubeatur, & quando. Prius est, *primogenitus*, nempe Patris, i. e. Christi. Quod epitheton quidam ad utramque naturam referunt, metaphoricè, ut hæredem, ac familiæ caput, significet, ac à regnum Christi (de quo v. 2.) intelligeretur. Alii alteram tantum, vel humanam, qua primogenitus inter multos fratres Rom. 8. 29. vel divinam, qua etiam unigenitus. Quæ expositio videtur convenientissima; quia Apostolus verbis antecedentibus probavit Jesum esse filiū Dei, à Patre genitum; jam vero aptissimè sequentia connectens, eum vocat primogenitum. Deinde notum etiam illud est, epitheta & periphrasæ solere sæpius eleganter assertionibus inseri, aut præmitti, ad probationem, aut amplificationem earum: ita hoc loco declaratur, Christum merito adorandum, utpote qui sit primogenitus Dei Filius; quia ante eum nullus; & simul, ut alibi exponitur, unigenitus, quia solus est proprius Dei filius, Ioa. 1. 18. Rom. 8. 32. Quod autem objicitur, primogenitum dici relatè ad sequentes, post ipsum, genitas creaturas, eoq; non solum filium; ut Col. 1. 15. vocatur imago Dei, & πρωτότοκος πάντων κτίσεων. Resp. ab eruditis interpretibus bifariam: quidam, cum Patribus Orthodoxis, exponunt, per ellipsin præpositionis *ἐν*, ac si esset πρωτότοκος ἐν πάντων κτίσεων, primogenitus ante omnem creaturam; alii vo-

cem eam metaphoricè interpretantur, Dominum ac principem, per metaph. à primogenitis V. T. similitudine ducta, qui post-genitorum erant Domini. Neutro verò modo Christus, filius creatione, dicitur, ut Arriani ex hoc loco perperam contendunt. Atque hæc de primo præfationis membro. Alterum, quod in ea designatur, est circumstantia temporis quam ita declarat Apostolus, *cum inducit in orbem terrarum*, hoc est cum de inductione loquitur, per metonymiam subjectæ materiæ pro adjuncto: nec enim propriè accipi posse, res ipsa evincit, quod eo tempore, cum hæc dicta sunt, Christus nondum introductus esset in mundum; sed demum, post multa secula. Qualis vero inductionis, & adventus Christi intelligatur, expendendum est. Etenim adventus illius est duorum generum, corporalis, & spiritualis: & corporalis rursus duplex, prior, quo homo factus est, & natus est humilis, ac judicandus, Gal. 4. 4. Heb. 10. 5. alter, quo redibit à cælo gloriosus, & omnes judicaturus, 2. Thes. 1. 7. seq. Spiritualis verò est per externam prædicationem Evangelii, & internam operationem Spiritus ipsius Sancti; quo modo filius Dei homo factus, & Christus noster credentibus offertur, & confertur. Hinc quidam de corporali Christi adventu primo, seu de incarnatione, & nativitate exponunt: quemadmodum dicitur Mat. 4. 10. & *Angeli accedebant, & ministrabant ei &c.* Et Ioa. 1. 52. *posthac videbitis Angelos, descendentes super filium hominis*. Sed quæ, ex Pl. 97. de quo agitur, hoc in loco, ad Christi regnum describendum, adferuntur, ea illustriora sunt, quàm ut videantur, statui ejus humili, posse convenire. Idcirco alii, de secundo adventu ad judicium, interpretantur; quo stipatus erit Angelorum adorantium, ac servientium satellitio Mat. 24. 30. 31. & 25. 31. 2. Thes. 1. v. 7. 8. 9. 10. id quod duobus argumentis probatur. Quorum prius, ex Pauli verbis, desumitur, qui ait, *cum autem iterum introducit*: quo iterata, seu secunda introductio, priori opponitur. Ac quamvis antea ostendimus, vocem *iterum*, per trajectionem, ut nonnulli volunt, referri posse ad vocem *dicit*; ad illud excipitur, trajectionem esse duriorum; neque simili exemplo probari. Deinde eam trajectionem non esse admittendam; propterea, quod, recto ordine verborum servato, sensus nihil habet incommodi; sed egregiè ad rem propositam pertinet. Alterum argumentum est ex materia Psal. 97. Nam Christus describitur, in eo, non tanquam rex humilis, ac mitis, qualis in primo adventu futurus describitur, Zach. 9. 9. & Mat. 21. 5. Sed tanquam rex gloriosus, ac judex severus, nubibus cinctus, & igne hostes inflammaturo, armatus: adeo ut terra tremat, montes liquecant, omnesque populi videant gloriam ejus, & pudefiant omnes colentes sculptile. Quæ, ad amissim, ut reliqua totius Psalmi, secundo adventui Christi glorioso, quadrant: quemadmodum liquet, ex locis modo citatis, Matth. 24. 29. 30. & 26. 64. & 2. Thes. 1. 7. 8. 9. Apoc. 16. 17. Postrema interpretatio est, Apostolum loqui, non de corporali illius primo, aut altero adventu; sed de spirituali, per verbum Evangelii, omnibus gentibus prædicatum, & Spirit. S. à cælo missi efficaciam. Nam, ut ajunt, quæ de igne, teræ motu, & hostium pœnis dicuntur, ea per allegoriam, ut Esa. 13. 10. Ezech. 32. 7. 8. Psal. 18. 7. seq. esse intelligenda, de potentia Christi, in propagando spirituali suo regno, & vindicta sumenda, de impiis. Cujus exempla Act. 5. 5. & 12. 23. & in plurimis tyrannis, eorumque ministris, ut ex apocalypsi, & experientia constat. Hoc autem tempore adoratur ab Angelis Phil. 2. 9. 10. Verum secunda expositio antè posita, longè simplicior est, ut quæ proprietati verborum convenit; à qua, sine causâ necessaria, non est recedendū; & rei ipsi, ut apparet, magis consentanea. Quamobrem exposita jam præfatione, sequitur appositum testimonium: & *adorent eum omnes Angeli Dei*. In quo considerandum est. Primum, unde illud petatum sit: & Secundò quam rectè. Ad prius quod attinet, Patres nonnulli statuunt, ex Deut. 32. 43. desumptum, ubi totidem verbis extat apud 70. Interpretes. Sic Iust. Martyr contra Tryphonem Iudæum, & Epiphanius contra Ariomanitas, & in Anchorato, & Eusebii de demonstratione Evangelica lib. 12. Sed illud alienum esse, ab aliis rectè demonstratum est:

est; quia, in contextu Hebræo, ea verba non extant; sed Ps. 97. v. 7. reperiuntur; ideoque ad eum meritò referunt: nam quamvis aliqua in verbis (quibus annumerandis, neque Christum, neque Apostolos sese astrinxisse constat) varietas sit; in sensu tamen, quod sufficit, convenientia est maxima: nam quod in Psalmo est *adorate*: in Paulo *adoranto* seu *adorent*, diversa quidem persona, sed eodem omnino sensu. Cæterum mutatio certa est, in voce altera, quæ sequitur, nempe, *Elohim*, Dii, pro qua Paulus substituit, aptâ, & sanctâ quadam paraphrasticâ interpretatione, *Angeli Dei*, & quidem ex rei veritate: quemadmodum etiam 70. Angeli ejus: & D. Kimchi, *exercitum caelorum*, id est, Angelos, hanc vocem exponit: nam per metaphoram Dii appellantur, quod sint Deo similes potestate: quemadmodum, eadem ratione, Magistratui, id nominis, tribuitur Ps. 82. 1. & 6. Ps. 138. 1. Quod vero hanc sententiam, rectè, de Christo interpretatur Apostolus, illud primum ex Psal. universo colligitur: in quo Dei regnum describitur tale, in quo omnes suos hostes conficiet, & lætabuntur omnes insulæ, & videbunt omnes gentes gloriam ejus: quo vocatio, & salus omnium gentium, quæ, non nisi per Christum, contigit, declaratur. Deinde exaltatio supra omnes potestates ei adscribitur: de qua Eph. 1. 21. Phil. 2. 9. Deinde idem confirmatur ex adoratione, quæ Christo alibi etiam adscribitur, & quidem Deo propria Esa. 45. 22. 23. *Ego sum Deus fortis, & nullus præterea, per me juravi, prodiit ex ore meo iustum verbum, quod non revocabitur, mihi incurvabitur omne genu.* Quæ sententia ad Christum, unum cum Patre, & Sp. S. Deum, pertinet; prout Paulus exponit Rom. 14. vers. 11. Phil. 2. v. 10. Hæc de v. 6. ex quo rectè concluditur, Christum præstantiorem esse Angelis, ac verum Deum; siquidem jussu Patris, ab iis adorandus est: quod secundum est excellentiæ Christi argumentum.

Tertium vero & quartum consistit in oppositione Angelorum, & Christi, bimembri; I. ratione essentiae; quod Angeli sint creaturæ Dei: Christus verò Deus creator: deinde ratione status; Angeli sint ministri: Christus Dominus. Ergo Christus utroque hoc nomine Angelis præstantior. Quæ autem ad Angelos pertinent, ea *ægravi*, seu prima oppositionis parte conjunctim enuntiantur, probata S. Scripturæ testimonio, hoc modo: *Et de Angelis quidem dicit, nempe Deus, per Davidem Ps. 104. 4. Quod Angelos suos facit Spiritus, & ministros suos ignis flammam.* Quem locum diversè construunt & exponunt interpretes. Sunt enim qui spirituum, i. e. ventorum, & fulgurum naturam comparatè exponi arbitrantur, idque bifariam. Nonnulli enim Angelorum, & ministrorum voces communiter accipiunt, & ita vertunt; *flatibus utitur pro nuntiis, & pro ministris igne conflagrante*: quemadmodum Ps. 148. 8. *dicitur status procellosus faciens verbum ejus.* Sed, hac ratione, imprudenter, auctoritas Apostoli, hunc locum, de Angelis exponentis, evertitur. Reliqui igitur sanctius, Angelos, & ministros speciatim; & καὶ τῶν ἁγίων, cum Apostolo, de cælestibus spiritibus, interpretantur: ut sit sensus; Deum ventis, & flammis, id est, fulguribus uti, non aliter, quàm suis illis Angelis, i. e. eximiis nuntiis: atque hoc modo non simpliciter, ac primariò quidem notari; sed secundariò, & per similitudinem ventorum & fulgurum, connotari Angelorum conditionem ministratoriam. Vnde rectè concludit Apostolus; Christum iis esse præstantiorem. Contra alii sensu uberiori, & constructione meliori censent, primariò non ventorum; sed Angelorum naturam, & conditionem declarari: ut Angeli, & ministri non sint sequentium verborum attributa; sed subjecta: non solum, quia ordine in Psalmo, & hoc in loco antecedunt; sed etiam, quia ab Apostolo, articulis, definiuntur: quorum, in constructione ambigua, ad subjecti cognitionem, in primis habenda est ratio: ut Ioan. 1. 1. ὁ λόγος ἦν ὁ θεός, & sermo erat Deus, & alibi similia. Nam quod dicitur, proprietatis causa additum articulum; ut intelligatur, Angelorum, & ministrorum nomina accipi debere non communiter, sed propriè; illud satisfacere posset, si subjectum etiam, suum haberet articulum, quem, hoc modo, detrahunt. Cæterum horum verborum, *Deus Angelos suos facit Spiritus, & ministros flammam ignis*, sensus est,

Deus creavit Angelos Spiritus, hoc est spiritualis substantiæ, seu invisibiles, celeres, atque efficaces, instar Spiritus, seu venti, & ministros suos, cœlestes nimirum, hoc est, Angelos (nam idem diversa voce notat) creavit flammam ignis, hoc est, naturæ potentis, instar ignis, ac fulguris: unde etiam, ob celeritatem, *Cherubim*, alati, dicuntur, Ezech. 1. quibus Deus vehitur Ps. 18. 11. & ab ignea natura, *seraphim*, hoc est, ardentes, & ignei, Esa. 6. 2. ubi etiam alati describuntur: quemadmodum etiam formâ igneorum equorum & currum apparuerunt, 2 Reg. 6. 7. Quare, quod nonnullos ab hac interpretatione deterruit; quod non viderent, quomodo, quæ de igne flagrante dicuntur, Angelicis spiritibus possint quadrare; illud allata jam ratione facile expeditur. Sed tamen duo præterea obijciuntur: primò, Psalmum narrare, quæ Deus faciat indies, non autem ea, quæ ab initio fecit: ait enim *facit angelos*, ac propterea non loqui de creatione, sed tantummodo (sit ita est) de usu Angelorum. Verum rectè respondetur, esse enallagen temporis præsentis pro præterito, eamque consuetam ac accommodatam; quod eo modo, in creationem jam peractam, quasi in rem præsentem, ducamur: quemadmodum hoc Ps. v. 2. *extendens caelum, tanquam auleum*: & Ps. 121. 3. & 124. 8. *faciens caelum & terram* Sed, inquit inter, obstat scopus; deinde ordo rerum: nam in Ps. 104. primum agitur de cælo v. 2. deinde de iis quæ in aëre, nempe nubibus, & vento v. 3. ac deinde subjicitur convenienter, *facit nuntios suos Spiritus*; & postea descendit ab aere, seu à nubibus, vento & fulgure, ad terram, *fundavit terram*: denique, ad aquam. quare non intelliguntur Angelici Spiritus, alioqui cælo, ut alibi, non autem aeri, & nubibus conjungerentur. Sed respond. id non esse necessarium; sed facta mentione venti, v. 3. ob similitudinem, quam Angeli habent cum Spitu, hoc est, flatu, & vento (unde etiam, Metaphoricè, Spiritus, & *Seraphim*, id est, ardentes dicti) non ineptè conjunguntur: siquidem, ut Ps. 104. de Deo ait: *qui stat super alas venti*: sic Ps. 18. v. 11. dicitur Deus insidere *Cherubim*, ac volare super alas venti. Et sic hoc in loco ait: *facit Angelos suos Spiritus, ministros suos flammam ignis*. Poliremò quod obijciunt, verlu antecedit. Spiritus vocem notare ventum; ac propterea hoc sequenti versu, eandem debere esse significationem; non autem metaphoricam; consequentia, inquam, negatur: quia, per antanacloasin, eleganter, significatio unius vocis, in vicinâ, aut eadem periodo, permutari solet: ut paucis exemplis (ut alia omittam) constabit: primum Matt. 8. 22. *Sine mortuos sepelire mortuos suos*. ubi priori loco mortui improprie, per metaphoram infideles: secundò verò proprie, vita animali privati intelliguntur. deinde 2. Corinth. 5. vers. 21. *Eum, qui non norat peccatum, fecit peccatum*. ubi peccatum primò, proprie, Legis transgressionem: secundo verò improprie, victimam pro peccato, notat. & Joan. 3. v. 8. Spiritus primò ventum: deinde Spiritum Sanctum significat. Quapropter meritò concludimus, refutatis adversariis argumentis, hoc in loco de Angelis cœlestibus agi, & Spiritus vocem naturam eorum declarare: *flamma* verò, eorum potentiam: Idque probat Apostolus cum v. 14. conjunctim describens, ait: *Angelos esse spiritus ministratorios*. Ex hisce igitur liquet, Angelos & creaturas esse; utpote qui facti sunt spiritus; & ministros, v. 7.

Quibus opponitur Christi, utpote Dei creatoris, regis, ac redemptoris nostri, præstantia. Quam probat Apostolus, duobus Scripturæ locis. Quorum prior petitus ex Ps. 45. qui spirituales Christi, cum Ecclesia, nuptias, graviter describit: adeo ut cantici canticorum epitome quædam, non immeritò, à viris magnis, appelletur. Quemadmodum etiam Judæi fateri coguntur, de Messia hic agi: quamvis, violentis interpretationibus, scopum, & mentem Psalms, mirificè corrumpant: nam, quæ hic citantur, verba, adeo illustria sunt; ut ad meram creaturam detorqueri non possint. In iis autem duo observanda sunt: primum Deitas Christi: deinde regnum. Prius subjecto indicatur: alterum attributis Subjectum est *Deus*: sic enim sermone ad Messiam converso. Psaltes ipsum vocat. Veruntamen duo, ab adversariis, obijciuntur. Primum est, dici,

dici, *Deus tuus te unxit*: ideoque creaturam vocari. Illud verum est secundum, quid nempe secundum humanam naturam, qua à Deo formatus per Spirit. Sanct. non autem simpliciter, quatenus filius Dei: siquidem noster est *Immanuel* Matth. 1. *Deus patfactus in carne* 1. Tim. 3. 16. Alterum est, vocem *Elohim*, quæ ei tribuitur, non solum vero Deo; sed etiam (ut ex Ps. 104. antè apparuit) Angelis, & hominibus Psal. 82. convenire: ac propterea hinc non posse certò colligi, Christum esse non solum verum hominem; sed etiam verum, hoc est, æternum Deum. Sed negatur consequentia: quoniam Christum non improprie, & certo modo; sed proprie, & absolutè Deum appellari, ex circumstantia regni attributi, luculenter apparet: quod regnum, *throni & virgæ*, seu sceptri nomine, (quæ sunt regni insignia) metonymicè indicatur, ac describitur. Deinde, primum ab adjuncta æternitate, ac regiminis iustitia: deinde à causa efficiente, unctiōe per Spiritum Sanctum: hunc enim per *oleum exultationis* metaphoricè significat, ob similitudinem, quæ inter utrumque intercedit: quod videlicet, quemadmodum oleum membra foris calefacit, recreat, agilia, & firma ad munia sua obeunda, reddit: sic etiam Spiritus S. animum, ad regnum administrandum, idoneum reddit; & prudentiâ, gaudio, pio zelo, ac forsitundine imbuat: id quod unctiōe regum Vet. Test. fuit adumbratum. Cujus specimen quoddam, in unctiōe primum regis Saulis; deinde regis Davidis describitur. Hæc autem unctiō amplificatur comparatione minoris, cum dicitur: *ultra consortes tuos*, id est, Christianos, unctiōis participes: nam Christus, qua homo, *sine mensura*, hoc est, copiosissimè, *Spiritum accepit*, Ioa. 3. 34. nos verò *ex plenitudine illius hausimus omnes*, Ioa. 1. v. 16. Quemadmodum cum unguentum capitis Regum, Prophetarum, & Sacerdotum, infundebatur, & à capite in partes corporis inferiores, & ad vestium fimbrias, defluebat: similiter, à Christo plenè uncto, nos Spiritus participes sumus, 1. Ioa. 2. 20. 27. sicut de Aaron, & vestimento illius dicitur, Ps. 133. 2. 3. unde analogicè de prophetia & regno idem sentiendum. Cæterum, nequis hæreat, hoc in loco, observanda est, atque explicanda constructio difficilior. Nam cum omnes, unanimi consensu, hæc verba interpretentur, hoc modo: *Vnixit te Deus, Deus tuus oleo letitiæ*: Quæri meritò posset: quænam ratio sit hujus versionis, quandoquidem in *Græco contextu*, non oleo, sed *oleum* legitur. Solutio autem duplex esse potest. Prima, quidem, ut, per appositionem grammaticam, de Spiritu Sancto metaphoricè *olei* vox accipiatur, hoc sensu: unxit te Deus tuus oleum, hoc est Spiritus Sanctus, verus Deus, qui est oleum, hoc est, olei instar, ut antea exposuimus. Altera verò solutio longè aptissima est, & priori, omnibus modis præferenda, quod, servata constructionis analogia, dici potest (ut etiam accuratiores Græcæ Lingvæ institutiones agnoscunt) verba quædam Græca regere accusativum rei cognatæ; quæ Latine, per ablativum causæ, vel instrumenti exponuntur: ut Sophocles in Antigone *ἀλυντας ἀγὼν λύπη* *lavantes puro lavacro*, & Æschines contra Timarchum *ἡ μαστίγος τῆς ἐξουδυνούσης πλῆρης*, id est, *inimicibus flagris flagellabant*. ut etiam 1. Cor. 3. 2. *γάλα δμάς ἐπὶ πον* *lacte vos pasci*, pro *γάλακτι*. Hæc de vers. 8. & 9. ac primo redditionis hujus antitheseos testimonio.

Alterum est petitum ex Ps. 102. 26. qui prophetiam de Christo continet, ut etiam ostendit Zionis liberatio, v. 17. & sequentibus, & gentium conversio, v. 23. quæ, per solum Christum facta, Apostolorum ministerio, & Spiritus efficacîâ. Cæterum observandum, quod in hisce verbis, quæ citantur ab Apostolo, ad clariorem intelligentiam, additur, ex v. 22. paraphrasticè (ut etiam à 70.) *Domine*, id est, *Jehova*, quemadmodum pro more recepto, pro voce *Jehova*, *Adonai*, hoc est, *Dominus* usurpare solebant. Deinde ei attribuitur primum effectum triplex, mundi creatio, v. 10. destructio, vers. 11. & commutatio, scilicet per renovationem futuram, v. 12. Deinde ex adverso additur Christi adjunctum, immutabilitas, & æternitas, vers. 12.

Atque hæc de oppositione Christi, & Angelorum

bimembri: in qua diximus contineri argumentum tertium, & quartum præstantiæ Christi, supra Angelos.

Quintum est deductum à sessione Christi ad dextram Dei Patris: quam Angelis minimè convenire asserit; & probat convenientissimè: utque antea sessionem ad dextram Dei, Christo tribuit. v. 3. & deinde progressus est ad Christi præstantiam, supra Angelos, demonstrandam: ita in hac dignitate definit. Locus autem quem adducit Apostolus, extat Psal. 110. quem de Christo agere docet; primum, quod Dominus Davidis dicatur: deinde, quod ejus est Sacerdotium regale, secundum ordinem Melchisedech. Quemadmodum etiam Christus, Mat. 22. v. 42. de Messia exponit tacitè, Phariseis, ac Sacerdotibus præsentibus, ac agnoscantibus; & Petrus, Act. 2. 34. & Paulus 1. Cor. 15. 25. Cæterum quemadmodum sessionem ad dextram, v. 3. Christo tribuit expressè; ita hoc in loco eundem indicat, ac confirmat, & ejus gloriam Angelis detrahit, v. 13. Quod probat, v. 14 à descriptione Angelorum, ex antecedentibus, eleganter & appositè conflata; cum *spiritus* vocat, ad naturæ declarationem, & *ministerios*, ad officium, & finem creationis designandum. Quod ministerium objecto declaratur, cum dicitur: *propter eos, qui hæredes sunt salutis*, hoc est propter homines electos, ac fideles; qui, ut ex gratia Christi, filii, sunt Dei, Ioan. 1. ita ex adoptionis ratione, Christi, hæredes omnium, co-hæredes, Rom. 8. v. 17. pro membrorum natura. Hæc de capite primo.

#### C O N S E C T A R I A.

**F**elicior est status Ecclesiæ Novi Testamenti quam Veteris: eoque ad gratitudinis officia, magis obstricti sumus.

II. Vox *Dei* interdum accipitur Synecdochicè pro personâ Patris.

III. Cum Filius Dei sit summus Novi Testamenti Prophetâ, verâ fide audiendus est, v. 1.

IV. Cum Christus Rex sit, & hæres omnium, ei promptè ac fideliter servire debemus.

V. Si Christus creavit Mundum. Ergo verus est Deus, contra Arrium, & Paulum Samosatenum, v. 2.

VI. Errant vulgò Anabaptistæ; qui hypostaseos, seu personæ vocem, in Theologia, non ferunt; sed tanquam citra Sacras Literas incommodè inventam, in hoc Trinitatis Mysterio, rejiciunt.

VII. Si Filius est character personæ Patris, ergo à Patre distinctus est, contra Sabellium.

VIII. Cum Christus mundum sustineat potenti suo verbo: ergo illius omnipotentiâ, & auxilio consolari nos debemus.

IX. Cum Christus peccata nostra purgarit; ergo in nobis impuri sumus, v. 3.

X. Cum Christus præstantior sit Angelis, & eminentiori ratione Dei Filius, nempe proprius, & unigenitus; sequitur non esse creaturam, contra Arrium, v. 4. & 5.

XI. Cum adoratio Angelis non conveniat, sed nobiscum Christum adorent, tanquam conservi nostri: ergo malè Pontificii Angelos, & Sanctos adorant, vers. 6.

XII. Cum Christus Rex noster justus sit, & iniquitatem oderit: vestigia illius nobis imitanda sunt, & iniquitas fugienda: deinde hac consolatione sustentare nos debemus, adversus injustos oppressores, fore, ut causam nostram, tanquam justus iudex, tandem tueatur. vers. 8.

XIII. Cum unctiōis Christi simus participes; sequitur nos rectè Christianos appellari, v. 9.

XIV. Christus est Dominus Jehova, Creator cœli & terræ; ergo verus & æqualis cum Patre Deus.

XV. Mundus à Christo conditus; ergo non æternus, vers. 10.

XVI. Cum Mundus sit interiturus; fluxis illius bonis non est fidendum, v. 11.

F f f 2

XVII. Munda-



XVII. Mundus mutabitur; ergo non in nihilum redigetur.

XVIII. Christus est omnino immutabilis, & æternus: ergo verus Deus, v. 12.

XIX. Christus sedet ad dextram Dei; ergo omnium creaturarum est Dominus.

XX. Christus, ad finem usque mundi, suos habiturus est inimicos: ergo non est cur persecutione Ecclesie tanquam re inaudita, ac nova, percellamur.

XXI. Christus tandem omnes suos hostes pedibus subjiciet, ac penitus domabit ac perdet: ergo patienter ferendæ sunt afflictiones, v. 13.

XXII. Angeli sunt Spiritus, hoc est naturæ incorporæ, ac spiritualis: Ergo malè à multis corporei statuuntur.

XXIII. Cum Angeli sint ministri Dei, & nostri; non sunt adorandi, Apoc. 14. 7. & 19. 10.

XXIV. Cum Angeli sint Dei ministri ad electos missi; Deum grato animo colere debemus (utpote qui præstantiores creaturas, nobis inservire voluit) & Angelorum, in actionibus nostris, præsentiam revereri: ne quid dicamus, aut perpetremus, quod pietati aut charitati adversetur, ut 1. Tim. 5. 21.

XXV. Angeli custodes nostri sunt; ac propterea, cum Dei gratiâ & eorum auxilio, Ps. 34. tuti sumus: constanter in officio perdurare nos decet, v. 14.

#### DE COLLATIONE SALOMONIS cum Christo.

**Q**Uoniam ex hoc cap. primo, perspicuè satis apparuit, Davidem & Salomonem fuisse insignes ac destinatos Christi typos, & quasi visibiles quasdam, in multis, prophetias: ad pleniorē illius rei intelligentiam requiri videtur, ut brevem, ac distinctum utriusque typi, cum suo archetypo, collationem subjiciamus. Verum quia publica disputatione, jam antea Davidis & Christi collationem distinctè tradidimus: reliquum est, ut Salomonis, cum Christo, collationem, adjungamus. In ea autem observanda est, inter alia, convenientia primum, in nomine duplici.

*Primum est Salomo; quod pacificum notat; aut (ut alii volunt) pacem ejus: quod nomen, Dei jussu, Davidis filio, ad statum illius felicem designandum, impositum est, 1. Chro. 22. 9. Ecce filius editus tibi, is futurus est quietus: cum quietem ei dederō ab omnibus inimicis ejus. nam Salomo erit nomen ejus, etiam pacem & tranquillitatem disponam in diebus ejus.* Similiter *Spiritalis noster Salomo, Iesus Christus, princeps pacis est, ac disertè, per Prophetam, nominatur à Deo, Eia. 9. 6. 7. & per Apostolum, Eph. 2. 14. 15. pax nostra, & Luc. 1. v. 71. & 74. & c. 2. 14. Ideoque Salomonis nomine, 2. Sam. 7. & Ps. 72. (ut supra ostendimus) non minus, quàm in Cantico canticorum simul designatus. Alterum deinde nomen Salomoni datum est יְהוֹיָדָה hoc est, Theophilus, seu dilectus Deus; quod similiter ipsi, à Deo, inditum est, per Nathanem Prophetam: quemadmodum narratur, 2. Sam. 12. 24. 25. Vocavit Salomonem, & Iehova dilexit eum. Ideoque mittens per Nathanem Prophetam, vocavit nomen ejus יְהוֹיָדָה propter Iehovam.* Sic etiam spiritualis noster Salomon, Iesus Christus, est revera יְהוֹיָדָה: quemadmodum idcirco *filius Dei dilectus, in quo acquiescit, appellatur, Matt. 3. 17. & 17. 5. & 2. Pet. 1. 17. unde etiam à Paulo, καὶ ἡμεῖς, dilectus ille, vocatur, Eph. 1. 6.*

Secunda convenientia est, in officio: ut enim Salomon electus est, & unctus, secundum Dei voluntatem, in regem Israelis, 1. Reg. 1. Sic & Iesus Spiritus noster Salomo, est peculiari ratione, Christus, id est, unctus à Domino, Ps. 2. *super confortes, oleo letitiæ, Ps. 45. 8. Heb. 1. 9. Spiritu Sancto, quem sine mensura accepit, i. e. copiose, Joan. 3. 34 super quem etiam descendit, & mansit, specie columbæ, Ioan. 1. 33. unctus autem est in regem spiritualem, Ioan. 18. 36. super Ierusalem Dei, id est, Ecclesiam universam, Gal. 6. 16. monte Sionis, ut regiâ, adumbratam, Psal. 2. v. 6.*

Tertia convenientia est in adjunctis: quod ut Salomo interna animi sapientia, & externalis opibus, reliquos; sui

temporis, mortales superavit, 1. Reg. 3. 12. 13. Sic etiam Christus sapientiæ thesauris, Col. 2. 3. & impervestigabilibus opibus Evangelii, ac gratiæ suæ, Eph. 2. 7. & 3. 8. gloriæque cælesti, omnes creaturas longè superat, Heb. 2. 9. unde etiam sese, non immeritò, sapiente, & potente Salomone majorem affirmavit, Luc. 11. 31.

Quarta ac postrema convenientia est in effectis: quorum primum est, quod ut Salomo, secundum Dei voluntatem expressam, ædificavit domum Jehovah, super excelsum montem, 1. Chro. 22. 14. Sic etiam Christus, ex Dei Patris voluntate, Ecclesiam, tanquam domum Dei viventis, 1. Tim. 3. 15. ædificavit, super se, Ephes. 1. 20. 21. 22. tanquam Petram, Mat. 16. 18. & montem illum magnum, Dan. 2. 35.

Secundum effectum est; quod ut Salomo Pharaonis filiam, nigram, & alienam à regno suo, & populo, in uxorem duxit; & in regni societatem adhibitam reginam constituit: Eodem modo spiritualis Salomo, Iesus Christus, Ecclesiam, nigram, seu deformatam peccatis, & propterea à vita, & regno Dei alienam, Rom. 3. 23. in sponsam, regni participem, ac reginam elegit, ut Ps. 45. & Cantico Canticorum typicè adumbratur, & Eph. 5. 32. & Apoc. 21. 2. res ipsa explicatur.

Tertium effectum est; quod ut Salomo iudicium in populo sapienter exercuit, 1. Reg. 3. 28. Sic Spiritus noster Salomo, jus & justitiam exercet perpetuo, Ier. 23. 5. Heb. 1. 8. 9. Psal. 45. 7. 8.

Quartum effectum est, ut Salomo, consentaneè suo nomini, atque officio, suis subditis, pacem, ac securitatem procuravit: sic & Christus, Ecclesie suæ, pacis est author, cum Deo, Rom. 5. v. 1. conscientiâ nostrâ, Col. 3. 15. ac proximo, Eph. 2. 14. & securitatem, adversus hostes spirituales; cum internum, nempe carnem; (hoc est innatam vitiositatem) tum externos, mundum, & mundi hujus principem, Diabolum, procuravit, Luc. 1. 74.

Postremum effectum est: quod ut Salomo, Ierusalem, divitiis, mirificè locupletavit, 1. Reg. 10. 21. 27. Sic Christus Ecclesiam, spiritualibus opibus, instruit, ac conservat, Ephes. 1. v. 8. 13. 19. & 4. 5. Hactenus collatio.

#### CAPUT SECUNDUM.

**E**xplicata jam, capite antecedente, doctrina, de præstantia personæ Christi, supra Angelos, ex divina illius natura, & gloriâ: sequitur hujus capitis secundi initio, explicationis hujus scopus, & applicatio parænetica. Constat autem duabus partibus, nempe hortatione, & confirmatione.

Hortatio autem est, ad accuratiorem memoriam, attentionem, & obedientiam Evangelii: quam, remotione contrariæ oblivionis, illustrat, v. 1. Quæ hortatio, ex antecedentibus, rectâ ratione, concluditur, cum ait: *propterea*; ac si diceret: quia tanta, ut ostendimus, est Christi *divina* majestas & excellentia supra Angelos: *ideo magis debemus iis, quæ à Christo, Dei Filio summo nostro Prophetâ, dicta, & audita, Heb. 1. 1. attendere.* Ubi obiter observandum est, Apostolum hortationi stimulum addere, cum suum etiam officium, cum eorum, communiter conjungit; quod non dicit, debetis, sed *debemus*, hoc est, & ego, & vos; idque ut eo libentius hortationi, ob commune officium, obediant: quo hortandi modo sæpe Apostolus cum alibi, tum postea, in hac epistola, est usus, ut v. 3. & c. 1. 2. 3. Causa autem hujus hortationis fuit Hebræorum negligentia; quam apertè, & graviter reprehendit, c. 5. 11. 12. Cæterum confirmatio, hortationi subjecta, argumenta illius complectitur. Quorum primum peritum est, ab effecto contrarii neglectus Evangelii, nempe pœna inevitabili. Id quod probat, per comparisonem legis; quæ, adjuncto ministerio Angelorum, fuit tradita, Gal. 3. 19. Act. 7. 53. Nam si illius transgressio, & inobedientia quævis, justam mercedis retributionem retulit, v. 2. hoc est, maledictionem, quæ justa est transgressionis pœna, Deut. 27. 27. Ergo multo magis Evangelii neglectus. Consequentiar ratio continet argumenta reliqua. Secundum enim est, ab effecto Evangelii instrumentali: quod indicat, cum Evangelium, Metonymicè vocat, *salutem*, hoc est potentiam, seu potens instrumentum Dei ad salutem omni credenti, Rom. 1. v. 16. quo modo

modo tacite legi opponitur; quæ, per accidens peccati nostri, Rom. 7. 12. *ministerium mortis*, dicitur, 2. Cor. 3. v. 7. quemadmodum hæc antithesis ibidem fusiùs, & accuratius explicatur. Tertium est, à causa efficiente, ac primùm principali, ipso Domino, hoc est, *ἐξ οὗ*, Christo, Dei Patris Filio æterno, per quem, patefactum in carne, immediatè Euangelium promulgatum est, Heb. 1. 1. deinde ab instrumentali, nempe Apostolis; quod confirmatum fuerit Euangelium nobis, ab Apostolis, testibus fide dignissimis, oculatis, & auritis, & afflatis à Sp. S. v. 3. Quartum est, ab adjunctis miraculis variis, & donis Spiritus S. v. 4. de qua re Marc. 16. 20. & 1. Cor. 12. Quod argumentum illustratur, declaratione causæ, cur Deus Euangelium filii sui, per Apostolos prædicatum, miraculis & donis hisce confirmari: quòd videlicet ei totius orbis contulerit imperium. Atque ita repetit, ac confirmat argumentum tertium, non quidem explicitè, sed implicitè, per oppositionem Angelorum; quos ab hoc imperii honore excludit. *Non enim*, inquit, *Angelis subiecit mundum illum futurum, de quo loquimur*. In qua Apostoli sententiâ, observanda est alterius membri, oppositionis ellipsis huiusmodi; *sed Christo eum subiecit*. cuiusmodi etiam ellipsis exempla duo præcesserunt, c. 1. 5. & 13. Cæterum, quid per *mundum futurum* intelligatur, inter Interpretes diversæ sunt sententiæ. Nonnulli enim de mundo exponunt, qualis tandem post renovationem futurus est, ultimo die, de quo 2. Pet. 3. 13. differitur, & Esa. 65. 17. Alii verò mundum, per Christum renovatum, universè complectuntur: ac duplicem statuunt esse mundum, ratione conditionis suæ. Priorem quidem vetustum, qui peccato Adami corruptus est, Rom. 8. alterum, & posteriorem, qui per Christum renovatus est, & ultimo die plenissimè renovabitur, Rom. 8. 2. 2. 23. Cujus mundi initium cœpit ab exordio regni Christi, primo illius adventu: complementum succedet, in reditu ejusdem glorioso, ad judicandum vivos, & mortuos. Quæ sententia, quemadmodum uberius est; ita melius etiam convenire videtur sequentibus: nam quid oves, & boves, & quorum Psaltes, in loco, qui adducitur, meminit, ad regni cælestis complementum tantopere pertinent? Si quis objiciat: Mundum Christo subiectum non esse futurum, sed præsentem; ac propterea locum hunc Apostoli aliter esse accipiendum. Responderi potest, diverso respectu, sine ulla contradictione, mundum præsentem, & futurum posse appellari: præsentem, ratione nostri, & ratione initii: futurum, ratione Patrum, rationeque complementi, si nos spectemus; quandoquidem illud exspectatur. Nec obstat etiam, quod Apostolus subijcit illa verba, *de quo loquimur*: quoniam de universo mundo locutus est, cap. 1. 2. 3. & sequent. Porro hoc Christi dominium, plenius ac planius illustrat, ac confirmat sequentibus, adducta autoritate divina Davidis, Ps. 8. quam proponit, & applicatione ad Christum exponit: Ac Davidem quidem non nominat, sed insinuat tantum, cum ait: *testatus est autem quidam alicubi, dicens*. Testimonium autem continet exclamationem, & confirmationem illius. Exclamatio celebrat v. 6. Dei gratiam, erga filium hominis, i. e. Christum: nec enim si quis rem diligentius perpendat, ad Adamum hic locus referri potest: quoniam non fuit filius hominis, sed homo tantum, omnipotentia Dei, ex terra formatus: nec etiam videtur posse de credentibus accipi: quia iis, honor huius domini, competere non potest; sed Christo, quemadmodum etiam 1. Cor. 15. 27. ad eundem, hæc sententia refertur. Sequitur autem confirmatio, à statu Christi duplici: ac primum humili; quod *Angelis paulisper inferior fuerit*: deinde glorioso; quod *gloria, & honore Pater coronavit eum: & constituerit eum super opera manuum: & omnia pedibus illius subiecit*. Quod præclarum testimonium, ad Christum solum, expositione sua, applicat Apostolus; ac 1. cum ait: *omnia*: emphasis, & amplitudo illius vocis universa complectitur; quod videlicet ea nihil (rerum conditarum) excludat: quemadmodum etiam, 1. Cor. 15. 27. Apostolus disertè exponit: deinde hanc prophetiam declarat v. 8. ab eventu, quod hæc perfecta subiectio implenda sit (ut cap. 1. v. 13. & 1. Cor. 15. v. 25. 26. & 28.) reliqua verò impleta sint in Christo.

Atque hac viâ, transitione commoda, de humana Christi natura, & conditione illius humili, tractat Apostolus, reliquo hoc capite; quemadmodum antea de natura Christi divina disputavit: siquidem ostendit Jesum Christum paulisper minorem factum Angelis: postea verè honore & gloria coronatum, cum scilicet, sessione ad dextram, supra omnes creaturas, evectus est; cap. 1. vers. 13. Quia verò status Christi humilis, quo miseris omnibus, excepto peccato, nobis similis factus est, infirmiores nonnihil offendere poterat: idcirco, ad offendiculum tollendum, declaratione causarum utitur Apostolus. Quam prima (quæ ad Christum pertinet) est glorificatio illius, quam describit his verbis: *propter perpeffionem mortis, gloriam & honorem coronatum*: nam hæc verba, per parenthesin, ut constet constructionis ratio, conjungenda videntur; eodem sensu, quo Apostolus, Phil. 2. 9. de Christo loquitur. Altera causa (quæ ad fideles refertur) est satisfactio pro omnibus (ab initio mundi. 1. Ioa. 2. 2. & Rom. 4. 23. 24. 25. electis Dei Filiis, ut v. 10. & 11. declaratur) ut eorum loco, mortis & condemnationis poculum gustaret, v. 9. Tertia causa est Dei gloria: quod indicat periphrasi: *propter quem, & per quem*, hoc est ad cuius gloriam, *omnia condita sunt*; & per cuius potentiam, ac providentiam sunt, ac sustentantur: quippe iustitiæ Dei gloria hoc postulabat, ut servaturus nos Christus, nos servaret sacrificio mortis, quam erat us promeriti, v. 10. quemadmodum illud sub finem cap. pluribus, & clariùs explicatur, v. 14. 15. 17. Porro, quoniam consecrationem, & salutem fidelium, Christi afflictionibus, adscripsit Apostolus; peropportunè hoc declarat, ex effectu, ad eam rem destinato; communione ejusdem naturæ humanæ. Nam, inquit, *qui sanctificat, & qui sanctificantur, ex uno sunt omnes*. Cujus orationis subjectum satis clarum est: Christum enim describit, ab effectu, cum ait: *qui sanctificat*, nimirum sacrificii sui merito, & Spiritus sui efficaciam; & fideles, ab adjuncto, cum addit: *qui sanctificantur*: quemadmodum, Ioa. 17. 19. & 1. Cor. 1. 2. Heb. 13. 12. Eph. 5. v. 25. A. 20. 32. Quæ periphrases convenientissimæ sunt, hoc loco: quandoquidem versu antec. consecrationem Christo, & fidelibus per Christum, attribuerat. Sed attributum orationis nonnihil habet, prima fronte, obscuritatis: etenim quæritur, ab interpretibus, quid sibi velit, quod omnes qui hîc nominantur, *ἐξ ἑδς, ex uno*, esse, dicantur; hoc enim aut genere masculino, aut neutro, exponi potest: masculino quidem, ut causam efficientem, Deum, vel hominem, denotet: ut sit sensus; Christus, & fideles sunt, ex uno Deo Patre (quamvis diversa ratione, Christus propriè, generatione æterna; fideles impropriè, regenerationis, & adoptionis gratia) vel Christus, & fideles sunt ex uno homine, seu ex uno, nempe Adamo: quemadmodum, Luc. 3. v. ult. genealogia Christi, ad Adamum usque, deducitur: & similis periphrasi dicitur, Rom. 9. 5. *ex quibus est Christus, secundum carnem*. Neutro verò genere accepta vox *unum*, materiam designat: quod Christus & fideles sint ex eadem humanæ naturæ massâ. Quod videlicet, quemadmodum primitiæ, in Veteri Testamento, quæ de fructibus desunt, Deo offerebantur, cum reliquis fructibus, per earum oblationem consecratis, ejusdem erant naturæ: & summus Veteris Testamenti pontifex, cum populo sanctificato, ejusdem erat humanæ naturæ, Heb. 5. 1. ita & Christus, tanquam electorum, & sanctificatorum primitiæ, ac summus Novi Testamenti pontifex, ejusdem est, cum fidelibus, natura, Heb. 2. 17. Quarum interpretationum prima (cum hic de humanæ naturæ Christi veritate agatur) non satis videtur, cum scopo, convenire: reliquæ verò probè consentiunt; si quis, v. 14. 16. & 17. conferat. Quare, hac oratione, asseritur humanæ naturæ Christi veritas. Quam, ab autoritate testimonii Christi, amplius comprobatur. I. quod, *propter eam causam, non erubescat eos*, qui sanctificantur, id est fideles, *vocare fratres*: fratres enim dicuntur, qui eundem habent Patrem; ideoque ejusdem naturæ sunt, v. 11. Atque hoc testimonium demonstrat Apostolus, v. 12. ex Ps. 22. 13. qui perspicuam, de Christi persona, & statu, cum humiliatōnis: tum exaltationis, prophetiam complectitur: quemadmodum etiam res, quæ narratur, & eventus illius, testan-

testantur: & Christus, atque Evangelistæ, interpretatione suâ, ostendunt, Mat. 27. 43. 46. Alterum Christi testimonium est derivatum ex Ps. 18. 2. qui Psalmus de Davide quidem agit historicè, quemadmodum versus illius primus evincit) & simul etiam propheticè, de Iesu Christo, altero, & spirituali Davide, per Davidem adumbrato, ut declarat Apostolus, Rom. 15. v. 9. & Psalmi materia, seu res ipsa, quam describit, nimirum regni amplitudo, gentium incognitarum subjectio voluntaria, aliaque, in hoc Psalmo, attestantur; quæ Davidi non conveniunt. Ex his autem verbis, quæ hic citat Apostolus, *ego fretus ero ipso*; consequitur etiam, Iesum Christum esse verum hominem, nobis calamitatibus similem: humanæ enim naturæ est fidere Deo, non autem divinæ. Deinde *fiduciæ* vox, pericula, & adversa objecta indicat: fiducia enim hæc, est firma animi, adversus calamitatum pericula, spes, ex fide auxilii divini, concepta. Deinde circumstantiæ Psalmi, v. 3. 4. 5. 6. 7. idem ostendunt. Tertium denique testimonium est ex Esai. 8. 18. *ecce ego & pueri, quos mihi dedit Deus*. quo Christus, homines fideles, secundum Patris voluntatem, servandos, sibi copulat, v. 13. De cuius loci explicatione plenior, consulantur D. Iunii parallela sacra. Vnde concludit Apostolus: Christum ejusdem esse, cum iis, naturæ; *quoniam igitur pueri sunt participes carnis & sanguinis* (hoc est per Synecdochen, humanæ & caducæ naturæ) *ipse Christus consimiliter particeps factus est eorumdem*. Idque à fine declarat; primò propinquo, nempe morte; secundò remoto, liberatione, cum à Diabolo, & morte; tum à mortis metu: *ut per mortem, inquit, aboleret eum qui mortis habet imperium, id est, Diabolum*. Quæ abolitio non absoluta est, nec ratione substantiæ: quia ea, ratione æterna, duratione; & cruciatibus æternis asservatur. Matth. 25. v. 41. sed secundum quid, ratione imperii: de quo Colloss. 1. v. 13. quemadmodum periphrasis indicat, *qui mortis habet imperium*, nempe non summum (quod Deo omnipotenti, & Christo judici convenit) sed subjectum: quale scilicet habet carnifex, in sceleratos ac damnatos. Ne verò hæc periphrasis sit obscurior, interpretatione additâ, declaratur, his verbis, *boc est, Diabolum*: sic enim Satanam, & Synecd. Angelos illius intelligit. Satanam autem Diabolum vocat, à vitio illius, quod Deum, apud homines Genes. 3. homines, apud Deum Iob. 1. & Apoc. 20. v. 12. & homines inter se calumniatur, Ioann. 8. v. 44. quemadmodum eleganter, ac distinctè alicubi monet Chrysostomus. Quæ sententia Apostoli accurata est, primæ illius, de salute, per Christum, promissionis, de conterendo serpentis capite, Genes. 3. v. 15. explicatio. Atque hic primus finis est remotus, videlicet abolitio imperii Satanæ, v. 14. alter est, liberatio nostri, fidelium, à metu mortis, ex conscientia peccati; & mortis maledictæ, atque æternæ, ut meriti illius stipendii, procedentis Rom. 6. 23. Hæc de v. 15.

Cæterum incarnationem filii Dei, à modo illustrat Apostolus, explicatione speciali, cum ait: *semen Abrahamæ assumptum*. Idque amplificat oppositione Angelorum, *quod Angelos non assumptum*. Decujus loci sensu diversa sunt eruditorum judicia. Communis, & maximè recepta expositio est, per Angelos, naturam Angelicam; per semen Abrahamæ, naturam humanam, ex Abrahamâ propagatam, intelligi: deinde per assumptionem, unionem hypostaticam designari, quod scilicet Dei filius non Angelicam, sed humanam, & quidem (secundum promissionem) ex Abrahami posteritate, naturam, in unitatem personæ, assumeret: unde etiam semen Abrahamæ, Gal. 3. vers. 16. & ex Patribus esse secundum carnem, Rom. 9. v. 5. affirmatur. Atque ita, quod Ioan. 1. dicitur Verbum caro factum est, descriptione modi, gravissimè declaratur. Altera expositio est, per Angelorum vocem intelligi, per Synecd. generis pro specie, Angelos lapsos, seu dæmones; & per *assumere* denotari (ut quidam volunt) suscipere in gratiam, ac communionem: quemadmodum Ecclesiastici 4. v. 12. *ἐλαμβάνει* ὁ ἄνθρωπος τὸν ἀντίκω, id est, *assumit, vel suscipit inquirentes se*. Alii vero verbum Apostoli exponunt, manum injicere, apprehendere, ut sit sensus: Filium Dei non suscepisse

se Angelos lapsos, sed semen Abrahamæ: vel non iniecisse manum, seu non apprehendisse, tanquam pignus suum, aut tanquam servum fugitivum, Angelos lapsos debitores & fugitivos, sed semen Abrahamæ. Pro qua sententia stabilienda, nonnulla, adversus priorem ac maximè communem, obijciuntur argumenta; quæ paucis proponenda, & expendenda. Quorum primum est, quod utroque in loco, vox *assumit*, non præteriti sit temporis; sed præsentis *ἐλαμβάνει*: quæ vox unioni hypostaticæ, quæ facta erat, non conveniebat; sed reconciliationi, ac receptioni in gratiam, quæ continua est: ac propterea præsentis temporis etiam rectè quadrat. Verum per temporis præsentis, pro præterito, enallagen, Sacris Literis usitatam, difficultas hæc tollitur; quæ *assumit*, pro *assumpsit* intelligitur, ut Ioann. 3. v. 31. dicitur *ἐκ τοῦ ὕδατος ἐρχόμενος* ἐκ τοῦ οὐρανοῦ, pro *qui venit*, & Ioan. 21. v. 13. *venit, accipit, dat*; pro *venit, accepit, dedit*, ut res ipsa evincit: nam quod nonnulli interpretantur, *assumit in Scriptura*, hoc est Scriptura nusquam testatur, filium Dei assumpturum naturam Angelicam, illud, hoc in loco, durius videtur. Nam quod cap. 1. vers. 6. *inducit*, pro inducturum se pronuntiat, accipitur; illius est ratio: quia locus Sacre Scripturæ adducitur, ut supra expositum, & circumstantiæ eam expositionem flagitant. Argumentum alterum est, quod obijcitur, videlicet, quod non dicit naturam Angelicam, aut certè Angelum, sed Angelos: id quod non minus absurdum, quam si diceretur, Christus assumpsit homines. Verum responderi potest, esse enallagen numeri, pro Angelorum aliquem, ut scilicet in eo, & per eum, Ecclesiam regeret, ac servaret: ratio autem illius antecessit, vers. 14. per mortem enim servanda erat Ecclesia, ideoque Angelicam naturam, quæ immortalis, non assumpsit: aut, ut quidam observavit eruditè, potest esse ellipsis, hoc in loco, ex antecedentibus supplenda, nempe *ἐλαμβάνει* ὁ υἱὸς τοῦ θεοῦ scilicet *σάρκα ἐκ αἱμάτων* carnis & sanguinis: cuiusmodi naturam in V. T. sine ulla tamen personali unionem, ad breve tempus, filius Dei assumpsit. Cujus rei perspicuum est exemplum Gen. 18: nam, ut duo Angeli (qui Sodomam postea missi) virile corpus assumpserunt, ad tempus, sine unionem personali, & vix sunt; atque etiam cibum, ab Abrahamo propositum, comederunt: sic etiam filius Dei, tertius inter illos, verus Iehova, similiter præstitit, ut Gen. 18. v. 2. & 9. describitur. Atque illa, ad tempus tantum, carnis & sanguinis, sine unionem hypostaticâ, assumptio, opponitur assumptioni seminis Abrahamæ, seu carnis & sanguinis, ex semine Abrahamæ, in unitatem personæ: quemadmodum decreti, & promissionis Dei veritas exigebat, Gen. 22. 18. Actor. 25. 27. Gal. 3. 8. 16. Tertium argumentum, quod obijcitur, est: semen Abrahamæ denotat personam, id est, filium, aut collectivè filios. Ergo assumere non denotat hinc unionem hypostaticam, quoniam persona non assumptum personam (ut Nestorius falsò docuit) persona filii Dei naturam humanam, in unitatem personæ suæ, assumpsit. Cæterum ad hoc etiam responderi potest, semem Abrahami, nec propriè, nec semper personam significare; sed posse etiam, per metonymiam materiæ, significare naturam humanam, ex semine, & posteris Abrahami: ut 2. Sam. 7. vers. 12. Christus *semen Davidis*, dicitur, id est, *factus ex semine Davidis, secundum carnem*. Rom. 1. vers. 3. & Hebr. 2. v. 14. dicitur *particeps carnis & sanguinis* factus: scietiam 1. Cor. 11. v. 22. *semen Abrahamæ sunt, & ego*: hoc est, Rom. 11. v. 1. *ego sum ex semine Abrahamæ*. Atque hæc præcipua sunt argumenta, quæ adversus primam, ac receptam interpretationem, in medium adferuntur, & eorum solutiones. Ad secundam verò quod attinet (pro quâ, ista obijciuntur argumenta) ut eam paucis examinemus; quamvis illa, fidei regulæ conveniat; huic tamen loco non satis quadrat. Primo, quia vox *Angelorum* absolutè ponitur: quomodo accepta non de malis, seu dæmonibus Synecd. sed de bonis usurpari solet: quemadmodum etiam antea c. 1. & 2. & alibi, Angelorum, non aliâ significatione, meminit. Neque ob stare potest dictum Apostoli 1. Cor. 6. v. 3. *quod iudicabimus Angelos*: quia attributum conjunctum, Angelos iudicandos, hoc est, damnandos, notari, clarè

clare ostendit: non autem absolute eâ voce utitur; sed, certâ attributi relatione, restringit ad malos. Deinde si *assumptionis* vox denotaret reconciliationem, non subiecisset Apostolus semen Abrahamæ, sed homines: quoniam hoc beneficium, non ad semen Abrahamæ tantum, sed ad omnes etiam gentes, diserte extenditur, Gen. 22. 18. Eph. 2. 12. 13. Nam quod contra regerunt, per semen Abrahamæ eleganter omnes electi metaphoricè, ex utroque populo, id est, ex Iudæis, & gentibus intelligi: quemadmodum Apostolus ait, Roman. 9. v. 6. 7. 8. *non enim omnes qui ex Israele sunt, illi sunt Israelitæ: neque quia semen Abrahamæ sunt, omnes filii: sed in Isaac vocabitur tibi semen, id est, non qui filii carnis, illi filii Dei: sed qui filii sunt promissionis æstimantur in semine.* Illud, inquam, non satis convenit huius loci scopo: in quo agitur de communione fidelium, cum Christo, in eadem natura humana, seu carnis, & sanguinis participatione, v. 11. & 14. neque etiam cum antithesi, quoniam semen Abrahamæ, hoc in loco Apostoli, non mundo impiorum, sed Angelis opponitur: qua oppositio aliâs esse inepta; optimè verò fluit oratio, si de semine carnali, non autem spiritali, interpretemur. Apostolus enim docuit Filium Dei, carnis & sanguinis participem factum, puerorum, & discipulorum suorum, sibi à Patre datorum, instar; in eum finem, ut posset mori; & morte suâ, nos, à Diabolo, & metu mortis, ac servitute, liberaret, id quod illustrat remotione disparati, & expositione speciali, cum ait? *Non enim Angelos assumpsit.* quasi dicat, quoniam queri posset, cur non Angelicam, atque immortalem naturam potius, quàm humanam, ac mortalem assumeret; jam modo ostendit causas: ut enim mori posset; & ut, mortis suæ satisfactione, nos à morte, liberaret, ac bearet, factus est homo. Deinde, quia non solum requirebatur ut Messias, ac servator noster, esset verus homo: sed etiam ut (secundum fœdus, cum Abrahamo initum, & in Veteri Testamento sæpius repetitum) esset ex semine Abrahami, ut in eo benedicerentur omnes gentes terræ, Genes. 22. v. 15. idcirco Apostolus non ait generatim, carnis & sanguinis particeps factus est, ut antea, v. 14. sed particulatim, semen Abrahamæ assumpsit. Ideoque, quod Anabaptistæ hunc locum exponunt, ex Apostolo ad Rom. cap. 14. v. 1. *Infirmum vero in fide* *αἰσχροῦ* *ἀσπύσσει*, vel suscipite: & v. 3. *Deus enim eum assumpsit*, & cap. 15. v. 7. *Assumite alii alios; sicut Christus assumpsit nos, in gloriam Dei*: Illud inquam, alienum est; quia ibi agit Apostolus de alia re, nempe receptione infirmorum in fide, in gratiam, ac communionem: ne contemptu firmorum illi ab ea arcerentur, ut clarè apparet ex cap. 14. ad Rom. v. 1. 3. 10. 19. & 21. & c. 15. 1. & 3. hic verò ad Heb. 2. (quemadmodum ostendimus) agit, de participatione carnis, & sanguinis, vers. 14. Ideoque diversa omnino est ratio. Atque hæc quidem, ad insignis huius, ac celeberrimi loci explicationem, & genuinæ sententiæ, vulgo receptæ; vindicationem, versu 16. dicenda duximus: ut in diversitate interpretationum, id quod analogiæ, & fidei, & contextus, maximè consentaneum est, cognoscere, & Anabaptistis, inprimis, huius loci sententiam obscurare, ac nobis eripere, conantibus, iustâ ratione, commodè occurreremus.

Porro, hanc Christi humanæ naturæ assumptæ veritatem, & cum fidelibus, per omnia in natura, & perpeffionibus, excepto peccato, similitudinem, illustrat Apostolus, vers. 17. à fine, & utilitate, nimirum recta officii sacerdotalis, & intercessionis executione, cum ait: *ut esset misericors, & fidelis Pontifex, in iis, quæ apud Deum agenda forent, ad expianda peccata populi*, id est, fidelium, quorum Christus rex est, Mat. 1. vers. 21. Ioan. 3. v. 16. Heb. 4. v. 1. cum 5. tollato.

Idque confirmat Apostolus, vers. 18. quando ait: *nam in eo, quod perpeffus fuit, cum tentatus est, potest iis, qui tentantur, succurrere.* Quem locum bifariam exponunt: quidam enim vocem illam, *potest*, de facultate, & promptitudine, interpretantur; quod ad misericordiam exercendam erga miseros, Christus miseræ experientiâ institutus sit, & idoneus. Alii vero cum Photio, apud Oecumenium, vocem, *potest*, non de aptitudine, sed de potentia, ac robore expo-

nunt; quod, quia perpeffiones ac tentationes pertulit, ac superavit, in se satis habeat virium, ut nobis etiam laborantibus opituletur. Quæ quidem expositio servat proprietatem verbi, *potest*; & simul etiam sententiam continet paulò uberiores: nam de Christi affectu, & promptitudine, ad miseris succurrendum, actum est versu antecedente; hic verò de potentiâ, & effectu. Nihilominus tamen prior expositio magis videtur huic loco consentanea, si scopum spectemus: quandoquidem ratio redditur, cur Christus, nobis, per omnia, similis, sit misericors Pontifex; quod videlicet miseræ experientia pariat misericordiam: unde scitum ac tritum est illud Didonis, apud Virgilium. *Non ignara mali, miseris succurrere disco*: nam quamvis Christus natus sanctus, fuerit misericors, & promptus, ad succurrendum miseris hominibus; nihilominus tamen ad eam virtutem habuit etiam stimulum novum, miseræ suæ sensum, & experientiam: quemadmodum hoc argumentum clariùs explicatur, Heb. 4. vers. 14. & 5. v. 8. Atque hæc de capite secundo.

## C O N S E C T A R I A.

**P**rimum. Neglectus meditationis Euangelii oblivionem parit; idcirco fideles ad attentionem & diligentiam stimulandi sunt.

**II.** Qui Euangelium negligunt, Christi dignitatem non agnoscunt, v. 1.

**III.** Cum Euangelium sit, primum doctrina salutis; deinde authorem habeat, non hominem, sed ipsummet Dominum Christum; Tertiò Apostolos habeat testes oculatos, & auritos; Quartò miraculis & Spir. S. donis quam plurimis confirmatum: sequitur summam illius esse dignitatem, nec fidem illi posse, nisi impiè, derogari, v. 3. 4.

**IV.** Gratia Euangelii excellentia, contemptus illius poenam non minuit, sed auget; ac propterea falsò sibi impunitatis nomine adblandiuntur euangelii derisores, v. 3.

**V.** Cum Deus, pro suâ voluntate, per Spiritum Sanctum, dona sua distribuat, humilitate & gratitudine opus est, vers. 4.

**VI.** Promissiones V. T. de Christo nondum sunt omnes impletæ, vers. 8.

**VII.** Christi humilis status nos offendere non debet; quia via fuit ad gloriam.

**VIII.** In morte Christi, non solum iustitia Dei elucet, quod peccata nostra punita sunt; sed etiam gratia, quod Christum, pro nobis, in mortem dederit, v. 9.

**IX.** Ad Patris gloriam Christi mors pertinet, eaque cum Sapientia illius convenit: ac propterea non est, cur cruce & morte Christi, cum Iudæis, offendamur, aut eam, ut 1. Cor. 1. cum Ethnicis, derideamus.

**X.** Cum Christus sit Princeps salutis nostræ; iniqui sunt, & stulti, qui ab alio salutem querunt.

**XI.** Cum ad gloriam adducamur afflictionibus & ingominiosa morte Christi; eorum nos pudere minimè decet, sed contra de iis sanctè gloriari, v. 10..

**XII.** Cum Christus Dei filius *θεοῦ υἱός*, non erubescat nos vocare fratres; iniquissimi sunt ii, quos Christi aut Christianorum fratrum suorum tenuiorum pudet, v. 11.

**XIII.** Christus & Christiani sunt de uno; deinde Christus, similiter ut pueri, carnis & sanguinis particeps factus est, & semen Abrahamæ assumpsit. Ergo falsa est Anabaptistarum doctrina, qua asserunt, filium Dei hominem factum, non assumptione humanæ naturæ; sed mutatione *λόγος* in carnem, vers. 14. 16.

**XIV.** Cum Satan morte Christi abolitus sit; sequitur, eum non posse ecclesiam opprimere.

**XV.** Christus diabolum & mortem morte sua vicit. Ergo non est, cur fideles mortem temporalem, aut æternam metuant; quoniam, ut nos prorsus liberavit à morte æterna; sic temporalem, ex ostio mortis secundæ, in ostium vitæ æternæ, commutavit.

**XVI.** Omnes infideles, cum à Christo alieni sint, servi sunt Diaboli, & mortis, vers. 15.

**XVII.** Cum Christus sit Frater noster; deinde simi-



lem nobis oportuerit esse per omnia, ut esset pontifex noster: sequitur Anabaptistas, qui hanc similitudinem negant, ea ratione, Sacerdotium Christi tollere. Deinde hinc etiam apparet, disputationem de origine Carnis Christi, non esse levis momenti, ut nonnulli objectant; sed necessariam, ad firmandam fidem, in Christi sacerdotium.

XVIII. Christus misericors est Pontifex, ad expianda peccata nostra. Ergo impie faciunt Pontifices Doctores, qui peccatorum nostrorum & indignitatis nostræ prætextu, ad alios intercessores confugiendum statuunt: quasi illi plus misericordiæ erga nos haberent, quam Christus, victima nostra, sacerdos, & advocatus, v. 17. & 18.

## CAPUT TERTIUM.

Postquam Apostolus explicavit divinam Christi naturam cap. 1. eamque, adhibita, ad audientiam Christi, hortatione, Hebræis applicavit, cap. 2. ad vers. usque 9. Et reliquo capite de humana natura, & infirmitate illius disseruit: similiter nunc subjicit, initio cap. 3. adhortationem, quam, ex hac doctrina, concludit; ac simul transit ad descriptionem præstantiæ officii Christi *prophetici, regii, & sacerdotalis*, collatione institutâ; in prioribus quidem cum Mose cap. 3. & Iosua cap. 4. in postremo vero cum Aarone.

Hortatio autem constat propositione, & confirmatione. Ac propositionis subjectum, descriptionem Hebræorum fidelium nervosam, ex antecessoribus petitam, continet. Vocat enim eos *fratres*; propter eundem, in cælis, Deum Patrem, & Iesum Christum fratrem, & eandem in terris, Ecclesiam Matrem. Deinde epitheta addit, cum vocat, primo *sanctos*; quod sanctificati essent Christi sanguine, & Spiritu, Hebr. 2. v. 10. & 1. Cor. 6. v. 11. Deinde *vocationis cælestis participes* nominat; quod scilicet à Deo per Evangelium, & internam Spiritus Sancti efficaciam, ad fidem, communionem Christi, & ex eâ, vitam æternam, vocati essent. Attributum verò propositionis, horum fidelium, ac sanctorum officium declarat: ut scilicet *considerent Apostolum & Pontificem professionis nostræ, Christum Iesum*. Consideratio autem hæc non notat nudam contemplationem; sed cum fiducia conjunctam; seu veram, ac constantem fidem, quæ fiduciam parit, hoc est, firmam salutis spem; quemadmodum ex sequent. apparebit. Christum etiam vocat *Apostolum nostrum*, quod per ipsum, ad nos, à Patre, missum, Evangelium annuntiatum sit c. 1. v. 1. & 2. v. 3. Quod autem additur, *professionis nostræ*, bifariam exponitur: quidam enim metony. doctrinam Evangelii, quam profiteamur intelligunt: alii *pontificem professionis*, hoc est, quem credentes profiteamur, exponunt: quæ sententia videtur magis consentanea: sicut colligi potest, ex collatione locorum similium; ut Heb. 4. vers. 14. & 10. v. 23. Quod autem addit, *professionis nostræ*, illud Christi adjunctum declarat; ac simul, eo modo, Christianos Hebræos, hoc effectu, à Iudæis incredulis, segregat: & rationem quoque complectitur, quam obrem Christum debeamus considerare: quoniam scilicet eum profiteamur, v. 1. Atque hæc de proposita hortatione. Cui subjicitur confirmatio, ab adjuncta fidelitate Christi, quam ex antecedentibus repetit, cum ait: *fidelem ei, qui ipsum fecit*, hoc est, constituit, nempe Apostolum, & summum sacerdotem. Nam quod Arriani, Deitatis Christi hostes, hoc dicto abutentes, arguantur: Christum non esse verum Deum; quia factus dicitur à Deo: illud ineptâ consequentia concludunt: quia non agitur, hoc in loco, de *essentia* naturæ, sed de qualitate officii Christi & originis illius: dande, quid si illud etiam largiremur (quod tamen minimè necessarium) tantum secundum quid, ad Christum, nempe secundum humanam illius naturam, esset referendum; non autem simpliciter, seu omnino, hoc est, secundum utramque illius naturam, divinam & humanam. Sed prior solutio huius loci est propria. Quod autem Apostolus ait; *Ei, qui ipsum fecit*, non autem Patri, eâ periphrasi, officii Christi auctoritatem, ut quæ legitima, & à Deo orta, expressè demonstrat. Quam etiam fidelitatem Christi, illustrat Apo-

stolus, & amplificat, comparatione insigni Mosis: primum ratione qualitatis; deinde ratione quantitatis: qualitatis quidem, quando similem esse docet, his verbis: *ut & Moses, in tota domo ipsius*: quod explicatur Num. 12. vers. 7. quemadmodum enim Moses à Deo doctor, & ductor ac rector populi (unde etiam *rex*, id est quasi rex, ut rectè A. Ezra exponit, nominatur, Deut. 33. v. 5.) constitutus est: deinde fideliter, in Ecclesia Israeliticâ, functus est suo munere: sic etiam Christus rex noster vocationem habuit divinam, & vocationis executionem fidelem, vers. 2. comparatio ratione quantitatis est, qua Mosen Christo imparè, & longè minorem esse docet: nam ut antea Iudæos, legem, quod per Angelos lata esset, supra Evangelium extollentes, repressit, descriptione præstantiæ Christi, supra Angelos: eodem etiam, uti apparet, consilio, supra Mosen, in munere prophetico, & regio, evehit: ut gloriationem Iudaicam (qua legem quod per Mosen lata esset, Evangelio præferebant, Ioan. 9. v. 28. 29.) confutaret; docet enim Christum majore gloriâ dignum habitum esse Mose: idque probat duobus argumentis gravissimis. Quorum prius, petatum ab effectu, hoc modo: Qui construxit domum Dei, ille major est, quàm domus ipsa: ideoque & ipso Mose, qui pars domus fuit vers. 3. ratio est; quia, qui domum, & omnia condidit, Deus est; vers. 4. Atqui Christus construxit domum Dei. Ergo major est domo Dei: ideoque & ipso Mose, qui pars illius domus subiectæ. Altera ratio, ab adjuncto dominio: qui domui Dei præest, tanquam filius, ille major est eo, qui in ea tantum est famulus. Atqui Moses famulus est tantum, v. 5. Christus vero Ecclesiæ præest tanquam filius, v. 6. Ergo Mose major est. Qua in re, secundum confirmationis argumentum positum est: nam si Christus major est Mose, utpote Ecclesiæ architectus, & Dominus. Ergo ei verâ, & constanti fide obediendum est.

Cæterum, hac comparatione Christi cum Mose absoluta, redit Apostolus ad institutam hortationem, ad perseverantiam in fide. Quam eodem, ab effectis illius, nempe fiducia, & gloriationis spe, describit. De qua re agitur Hebr. 10. v. 22. 23. Rom. 5. 2. Matth. 10. v. 22. Et confirmat tertio argumento, ab effectu, cum ait: *Cujus domus sumus nos*, v. 6. hoc est, inde declaratur, nos esse domum Dei, seu Ecclesiam Dei viventis 1. Tim. 3. v. 15. Atque huic additur repetitio hortationis, & confirmationis argumentum quartum; quod per parenthesin longiorem, hortationi inferitur: nam vox *id propter quod*, v. 7. construenda omnino videtur, cum v. 12. *videte*, &c. reliqua per parenthesin, interferuntur. Argumentum autem sumtum est ab effectu contrarii damno, nimirum ab ira Dei, & pœna inobedientiæ ac defectionis à Deo. Quod peccatum, & effectum illius illustrat Apostolus, exemplo Israëlitarum, qui nobis fuere propositi in Sacris Literis. ut essent typi communes 1. Cor. 10. v. 11. hoc est exempla quædam, unde nos exemplum sumeremus justitiæ divinæ exercendæ: quia eadem eorum, & nostrum, hac in re, est ratio: quia peccatum, per se, pœnam promeretur (stipendium enim peccati mors) & Deus justus est iudex, qui pœnam peccatoribus contumacibus infligit. Quod autem ad locum attinet, quem adducit Apostolus, is extat Ps. 95. quem primum præfatione, ad auctoritatem comparandam illustrat, à causa efficiente Sp. Sancto: deinde recitat, ac proponit. Continet autem ad Evangelii auditores, v. 8. dehortationem ab inobedientia, & pertinacia. Quam describit exemplo illustri contumaciæ Patrum, in deserto, v. 8. 9. & consecuta iusta Dei ira, v. 10. & exclusionem à quiete, in terra Cananæa, proposita, quæ fuit typus vitæ æternæ, v. 11. Atque hæc quidem de argumento. Ex quo deducitur hortatio bimembris: una, ad fugam mali, seu dehortatio ab incredulitate, & defectione à Deo. Unde adversarii gratiæ Dei concludunt, fideles posse deficere à Deo, & fide. Quod conceditur, primo secundum quid, ratione gradus fidei: deinde omnino etiam, si relatè, ratione fidelium, consideremus; nimirum per se, & sine auxilio Dei: sed per accidens proprium, gratiæ Dei, & virtutis illius conservantis, relatione habita, 1. Pet. 1. vers. 5. impossi-

impossibile est, Matth. 24. vers. 24. & 1. Ioann. 3. vers. 9. & Ioann. 10. v. 21. 29. Rom. 1. vers. 39. At inquirunt: si propter gratiam, & auxilium Dei conservantis, quæ non deficit, fideles deficere non possunt à fide: inde sequitur, dehortationes à defectione illa prorsus esse inutiles. Sed negatur consequentia: quia dehortationes istæ sunt pars gratiæ illius conservantis: conservat enim Deus fideles, primùm Spiritus sui efficaciam, qua partim frenat hostes fidei, dum Satanam, mundum, ac carnem nostram coercet, ne tentatio sit gravior, ac potentior spiritu nostro, 1. Corinth. 10. vers. 11. 12. partim Spiritum nostrum etiam confirmat novis viribus, ut victores evadamus: deinde conservat etiam gratiam prædicationis verbi sui: ut enim fides ex auditu verbi oritur Rom. 10. vers. 15. 17. sic eodem verbo doctrinæ, hortationis, reprehensionis Evangelicæ conservatur, ac nutritur Act. 15. v. 32. & 1. Tim. 4. v. 16. Hæc de versu 12.

Altera, ad studium boni, hortatio est, ut non solum in fidei obedientia simus constantes, sed etiam alii alios quotidie exhortemur: ut quamdiu hodiernus hic dies (quo Christi vox auditur) durat; seu, quamdiu Evangelium in his terris annuntiatur, alii alios fideliter ad obedientiam stimulemus, vers. 13. Cui hortationi connectitur argumentum quintum, ab effectu instrumentali; quia argumentum est (ut v. 6.) seu probatio communionis nostræ cum Christo, vers. 14. ut interim, dum vocem Christi audimus, ne corda obduremus, ut Patres olim, in illa exacerbatione, v. 15. Ut autem hoc melius intelligamus; quartum argumentum, ab exemplo Patrum petiit, ac jam ex parte repetitum, expositione declarat Apostolus. Ostendit enim Patres intelligi quosdam, non tamen omnes, qui exierant per Moysen, vers. 16. Deinde ostendit etiam poenam nempe iram Dei, ac mortem in deserto, v. 17. & exclusionem à quiete, & terra Cananæ, inobedientibus, & peccatoribus, iusto Dei iudicio, evenisse, vers. 18. Id quod, ab experientia & conscientia fidelium, probatur vers. 19. Hæc strictim de cap. tertio.

## C O N S E C T A R I A.

I. Cum fideles omnes, in Sacris Literis, appellentur sancti: ab omni peccatorum contagione abstinere, & adhorrere debent.

II. Vocatio efficax Deum habet authorem in cælis: ac propterea convenienter huic vocationi cælesti vivendum est, piè, sobriè, iustè; Tit. 2. vers. 12.

III. Iesus Christus Propheta est, & summus sacerdos, vers. 1.

IV. Christus non sine vocatione divinâ docuit, & in eâ fidelis fuit Patri: Ergo Christum imitati Ecclesiæ pastores, similiter hæc duo habere debent, Vocationem legitimam, & Executionem illius fidelem.

V. Cum Christus, & Moyses, in Dei domo, fideles fuerint; utrique audientia præbenda est, vers. 2.

VI. Christus est Ecclesiæ architectus: ergo verus est Deus, & servator noster.

VII. Si Ecclesia domus Dei, ac Christi est: sequitur eam habendam esse in pretio: nec impunè laturos, qui eam tyrannide, factione, aut falsâ doctrinâ turbant, & salutem illius obstituerint, vers. 3. & 4.

VIII. Ministri verbi, sunt ministri Christi, & Ecclesiæ; non autem Domini: ideoque nullum in Ecclesiam exercere debent dominium, vers. 5.

IX. Si Christus est Dominus Ecclesiæ: ergo contra, aut citra ejus voluntatem, nihil in eâ constitui potest: ac propterea Pontificis tyrannis, ab omnibus Christi, & Ecclesiæ, ac salutis suæ, amantibus, respui debet.

X. Magna est piis consolatio, & firmum salutis ac perseverantiæ argumentum, quod sint domus Christi, vers. 6.

XI. Psalmi à Spiritu Sancto sunt: ideoque sacrosancti; usque, tanquam Dei verbo, attendendum.

XII. Vox Dei nobis audienda est, v. 7.

XIII. Quamvis salutaris Dei vox semper annunciata fuerit in Ecclesiâ; tamen nunquam defuerunt, qui eam, in-

credulitate suâ, & contumaciâ, rejicerent; ac propterea non est, quod offendamur, si idem hisce temporibus contingat: si enim ex nobis fuissent, (ut ait Johannes) utique mansissent nobiscum.

XIV. Patrum vitia noscenda sunt, non ut imitemur; sed ut fugiamus.

XV. Impiè faciunt, qui Patrum exempla potius sequuntur, quàm regulam verbi Dei, vers. 9.

XVI. Quum Israelitæ stupendis, & clariss. Dei miraculis non fuerint domiti, sed ingrato, & infideli animo, sese Deo opposuerint, eumque tentarint: non mirum est, si jam religionem multi contemnant.

XVII. Deus patienter multos annos Israelitas toleravit, sed tandem iustè punivit: Ergo Dei lenitate non est abutendum, ad licentiam; sed utendum ad vitæ emendationem, v. 8. 9. 10.

XVIII. Verâ fide Deo adhærendum est, vers. 12.

XIX. Fraternali salutem non minus, quàm nostræ studendum est.

XX. Peccatorum seductio perniciosissima est: Ergo prudentiâ & obedientiâ opus est, vers. 13.

XXI. In Ecclesia mixti sunt hypocritæ fidelibus, v. 16.

## C A P U T Q U A R T U M.

Superiore cap. hortationem instituit Apostolus, ad obedientiam erga Christum, & fidei constantiam. Eamque confirmavit, inter cætera, argumento ducto ab effectu contrarii, nempe poenâ contumaciæ, exclusionem à requie cælesti. Quam poenam, exemplo Israelitarum, qui in deserto propterea perierunt, illustravit: nunc verò cap. 4. in ejusdem hortationis, & argumenti repetitione, & expositione, progreditur. Primùm enim hortationem, cap. 3. v. 12. propositam, reponit, diversis tamen verbis: eamque concludit, ex vers. ult. cap. præcedentis. Quem propterea tanquam immeritò ab hoc cap. avulsum, illius principium constituunt: nam ex eo, quod monuit Apostolus, quosdam Israelitas non potuisse ingredi in requiem, propter incredulitatem: inde concludit metuendum esse, ne quis similiter, per inobedientiam, derelicta promissione quietis æternæ, frustretur. Metum autem intelligit non absolute; sed relate, si fideles spectemus: nam ii, si Dei immutabilis promissionem, & Christi servatoris, conservantis nos, potentiam spectemus, excidere à fide, & gratia, non possunt: ut antea superiore. cap. ostendimus: eoque respectu, nulla est metus causa: sin verò consideremus firmitatem hostium, & virium nostrarum infirmitatem, hoc modo iusta causa est metus; qui hoc loco etiam intelligitur, cum dicitur: *metuamus, ne quando relicta promissione*. Quæ verba construi possunt, aut solum ac per se; aut cum alio: priori modo quidam putant esse sensum: *quandoquidem relicta*, id est, proposita nobis est à Deo hæc promissio. Verùm, ea significatione, vocem hanc usurpari, in N. Testam. nondum observavimus. Deinde accipi potest cum conditione, pro derelicta, ut noster interpret vertit, hoc est, si promissionem incredulitate neglexerimus: vel ut eodem ferè sensu, hac versione conservata, construat cum verbo *frustratus*: quæ interpretandi ratio, ut recepta est; ita non malè convenit. Quod verò additur, *videatur aliquis*, illud emphasi sua non caret: nam Oecumenius, ea voce, comminationis asperitatem leniri censet. Alii monent, ad blasphemiam tollendam adjici, ne exiti causa in Deum conjiceretur; ne scilicet putarent, quemadmodum olim Israelitæ, se à Deo delusos. Quæ ut non rejicio: ita existimarem dici posse simplicissime, per Metonym. adjuncti pro subjecto emphaticam, eâ vocè, rei certitudinem declarari: ne quis videatur, hoc est, ne quis revera frustretur, illudque comperiatur, quæ accedens ignominia, ad miseræ incrementum, pertinet, ut vers. antec. dixit similiter, *videmus non potuisse ingredi*, &c. utrimque enim de sensu non corporis, sed animi (quamvis diversa voce) loquitur. Atque huc pertinet v. 11. hujus capituli, *ne quis in idem incidat contumaciæ exemplum*. Hæc de conclusione hortationis, vers. 1. Cujus consequentiam confirmat Apostolus, per anticipationem objectionis, & ar-



*cogitationes & dijudicationes cordis*, ne cui id mirum videatur: ostendit deinde causam illius facultatis, nempe scientiam; quod nulla res creata obscura sit, in conspectu illius: unde apparet, quod omnino vox αὐτοῦ, ad antecedens etiam pertineat: quemadmodum copula connexionis similiter ostendit. Deinde, ne ulla lateat dubitatio, & ut argumentum amplifictur, sequentia id declarant, cum ostenditur: quis ille sit sermo Dei, nempe *ὁ λόγος*. Huc accedit continuatio allegoriæ, in voce *παρακλησις* *diffusa, aperta*. Quare sensus est, vitandam esse contumaciam; quia Jesus Christus Dei sermo, æternus, vivus, & efficax est, Dominus, ac Judex noster potentissimus; & qui gladio penetrantior, & in judicio accuratissimus; ut qui intimos animi recessus dijudicat; & sapientissimus, utpote cui nihil absconditum est; *sed omnia sunt pervia & aperta*. Cujus consequentiæ ratio probatur, adjuncta periphrasi hujusmodi *ὁ λόγος*. Nam quod quidam interpretantur, *de quo nobis est sermo*: ut c. 1. 7. *ὁ λόγος* *de Angelis*, accipitur; ut Hebr. 5. v. 11. *ὁ λόγος*, *de quo nobis sermo*: atque, eo sensu propositæ sententiæ illustrandæ rectè inservire posset: tamen alienius est nonnihil: partim quia nulla necessitas ad rariorem hanc vocis *ὁ λόγος* significationem nos adigit; partim quia sententiæ vim & ubertatem minuit: idcirco quidam vertunt paulò accommodatius, *cum quo nobis negotium*: alii, *apud quem nobis ratio*, hoc est, (ut Chrysost. exponit) *cui reddisuri sumus rationem omnium actionum nostrarum*. Qua etiam significatione vocis *ὁ λόγος*, in argumento simili utitur Apostolus, infra cap. 13. v. 17. ut etiam Luc. cap. 16. v. 17. & Paulus Roman. 14. v. 12. & Petrus 1. Epist. 4. v. 5. Huc etiam pertinent similia illa loca, 1. Corinth. 4. v. 5. *ne ante tempus judicate*, &c. & 2. Corinth. 5. v. 9. 10. *Propterea ambimus; ut ei simus accepti*, &c. Itaque apparet vocem αὐτοῦ, vers. 13. bis ad *ὁ λόγος* referri debere, *omnia aperta sunt oculis sermonis illius, cum quo (sermone) nobis negotium est; vel apud quem nobis ratio est reddenda*: ut declaretur, Christum non solum potentissimum, & sapientissimum esse regem, ac judicem; sed etiam nostrum regem, ac judicem. In qua re, vis argumenti posita est. Si quis objiciat: hanc interpretationem non convenire, quod eo modo *ὁ λόγος* vox, diversa significatione, in eadem periodo, acciperetur: in prior parte pro Filio Dei; in altera verò pro negotio, aut ratione: ac propterea satius esse, ut sermonem notet, utroque in loco. Facilis est hujus nodi solutio: quia antanaclasis hujusmodi nihil habet novi, aut absurdi: sed usitata est etiam in Sac. Lit. & ad elegantiam acuminis pertinet. Cujus exempla, inter cætera, illustria sunt, Matth. 8. vers. 22. & 2. Corinth. 5. v. 21. Atque hæc primum, de conclusione hortationis, ad fugam contumaciæ, & studium quietis æternæ, per vivam fidem: deinde de probatione illius. Sequitur jam ejusdem illustratio, & amplificatio particularis, ex fidei effectis, petita: & simul transitio elegantissima, ad pontificatum Christi, de quo, sex sequentibus capitibus, disseretur.

Hortatur enim primo ad confessionem Christi; deinde ad fidelem, ac liberam invocationem ejusdem. Quæ duo, ut contumaciæ maximè adversantur; ita in iis cum primis elucet fides, Rom. 10. v. 10. 15. Utraque autem adhortatio enthymemate concluditur, ac prioris consequens est; ut teneamus professionem, nempe fidei in Christum, de qua cap. 3. v. 1. & 10. vers. 23. Antecedens verò continet argumentum, petitum à Christi excellentiâ: primum ratione muneris sacerdotalis; quod summus sit Pontifex: deinde ratione potentæ, & gloriæ; quod non impotens sit, ut Pontifices Levitici; sed *κατ' ἐξοχήν magnus*, ut modò demonstravimus, hoc est, Rex potentissimus, ac sapientissimus: & quod cælos penetraverit; nobisque, in iis, pararit locum: denique ratione personæ; quod sit Filius Dei. Unde consequens præmissum rectè concluditur: quemadmodum etiam, ex similibus locis, apparet, Matth. 10. v. 32. Marc. 8. v. 38. Quam rationem, per anticipationem objectionis, illustrat: & simul novo argumento, à Christi adjuncto, nempe misericordia, consequens confirmat. Objici enim poterat: Christum jam, quod in cælis summa fruatur gloria, nos in terris miseros negligere. Ve-

rùm contrà respondet Apostolus, negatione, & ratione adducta: negatio est, *non habemus Pontificem, qui non possit affici sensu infirmitatum*. Hic autem sensus intelligendus, non de dolore, qualis, in hac vita, in Christo fuit; quia gloriæ cælesti illius repugnaret, à qua omnis miseria, omnisque dolor abest, in summa beatitudine; sed de benignâ voluntate illius, erga nos miseros: qua miseria nostra non delectatur, sed suam ducit, nobisque vult succurrere. Ratio autem quâ hanc negationem veram esse, Christumque misericordem demonstrat, deducta est à causa procreante, & conservante misericordiæ: ea autem est miseriæ nostræ, excepto peccato, experientia. De qua re similiter actum est, cap. 2. v. 18. Atque hinc, tanquam ex antecedente ratione, hortationem particularem, ad fidelem, & intrepidam invocationem, adjungit, cum ait: *accedamus igitur cum fiducia ad thronum gratiæ &c.* nam cum habeamus non solum Pontificem magnum, qui possit; sed etiam misericordem, qui velit nobis ferre suppetias: ex eo sequitur, fideles debere accedere ad thronum gratiæ. Quibus verbis, invocationem in omnibus miseriis, *accedendi* voce, denotari, perspicuum est. Sed objectum invocationis, hoc est, quis invocandus sit, atque hic designetur, diversa est doctorum interpretum sententia. Quidam enim Deum Patrem intelligunt, ut *thronus gratiæ Patris* significetur, typo arcæ legalis, adumbratus: quod Pater nobis sit, per filii sacrificium, reconciliatus; & per eum accessum habeamus ad Patrem. Quæ sententia pia est: sed tamen altera, loci circumstantiæ magis videtur convenire, ac simplicior esse: nempe, ut *thronus gratiæ Christi* intelligamus; ut, per thronum, regnum illius in cælis (ut Apoc. 3. v. 21.) intelligamus: de quo actum cap. 1. vers. 8. 9. per *gratiam* verò misericordia illius, tanquam Pontificis misericordis, notetur. Verum quia in miseriâ nostrâ solemus esse impatientes morâ; ideo addit Apostolus, *ad opportunum auxilium*: ut ostendat, Christum quidem auxilium suum sapienter differre: nunquam autem prorsus aufere; sed opportuno tempore id præstare, v. 16. similes hortationes, ex eodem sacerdotii Christi argumento, & quasi fonte, deducuntur, Heb. 10. v. 19. 22. 23.

## C O N S E C T A R I A.

I. Exitii humani causa non pendet ab Evangelio, aut à promissionis divinæ inconstantia; sed hominum vitio: quo promissionem Dei negligunt. Ac propterea iniquè faciunt, qui culpam condemnationis in Deum, aut verbum illius, omnino, aut partim, rejiciunt.

II. Metus iræ Dei, acris est pietatis stimulus, & impietatis frenum: quapropter fideles ac prudentes verbi divini Præcones, auditores suos, non tantum promissionibus allicere; sed etiam propositis iræ Dei minis, carnem refrenare; & spiritum incitare ad officium decet, vers. 1.

III. Non sola verbi divini audientia, ad salutem sufficit; sed obedientia simul requiritur: ac propterea seipso fallunt perniciosissimè Libertini illi, qui solâ voluntatis divinæ notitiâ freti, securè sceleribus sese contaminant.

IV. Ut Evangelium nobis profit ad salutem, fidei temperamento, ac conjunctione opus est, vers. 2.

V. Fide introitur in requiem vitæ æternæ: ideoque patienter, quamvis persecutionem, ex fidei odio, ab infidelibus concitatam, & calamitates hujus vitæ omnes, fortiter perferre debemus.

VI. Infideles, iræ Dei, & condemnationi, obnoxii sunt: ideoque licet quiete mundanâ, ad tempus fruantur, ac beati censeantur; reverâ tamen sunt miseri, quoniam quiete cælesti sunt privati.

VII. Requies Dei alia est, quâ ipse quiescit ab operibus creationis: alia quàm ipse donat fidelibus. Ideoque Sacra Scriptura secum non pugnat; quando uno in loco quietem Dei jam advenisse; alio in loco adventuram tandem asserit: Quemadmodum etiam non pugnat, quod Christus, Johan. 5. v. 7. dicit: Pater meus adhuc operatur & ego operor: & hoc in loco requievisse diè septimo ab omnibus operibus suis: quia Christus loquitur de operibus confer-



conservationis mundi: Paulus de operibus creationis: quod vulgo interpretari solent de novis creaturarum speciebus. Quamvis si quis accuratius rem consideret, non immerito quæri posset, an illud satis consideratè dicatur: Quandoquidem Moses, quem reliqui sequuntur, hoc tantum asserit, Genes. 2. Deum quievissè septimo die, ab operibus illis creationis, quæ enumerat, & complexu verborum ipsius contenta sunt; non quod negat Deum ab eo tempore, quando ipsi visum est, ad poenam aut præmium, ullas alias creaturarum species, ex creatâ mundi materiâ, atque elementis, protulisse, vers. 3.

VII I. Non omnes, sed aliqui tantum servantur: quæ obrem falsum est eorum dogma, qui quemque suâ (qualiscunque tandem illa sit) fide, & religione servatum iri contendunt.

IX. Condemnatio inobedientiæ poena est: ideoque parendum est vocanti Deo, vers. 6.

X. Nomen Jesus & Josua idem sunt.

XI. Sabbatum Vet. Testam. quietis æternæ nobis typus est, vers. 9. 10.

XII. Quum mala majorum exempla, non imitanda; sed sedulo cavenda sint: sequitur eos injustè facere, qui iis freti, audentius sceleribus sese contaminant, eorumque prætextu se mutant, vers. 11.

XIII. Quum Dei sermo sit vivus & efficax: ejus ira metuenda est.

XIV. Si Christus dijudicat cogitationes, & conceptiones cordis: sequitur falli eos, qui cogitationes malas, à cognitione, & iudicio Christi liberas esse, sibi persuadent: contra prudenter faciunt, qui non solum sanctitatem colunt, foris in corpore; sed etiam intus, in animo, vers. 12.

XV. Si omnia Christo aperta sunt: perniciosè errant illi, qui scelera sua latere posse, opinantur.

XVI. Quum nobis cum Christo propheta, sacerdote, rege negotium sit, eique tanquam iudici ratio actionum reddenda sit: pietati seriò studendum.

XVII. Quum Christus cælos penetraverit: sequitur errare Pontificios, & Ubiquitistas, qui corpus Christi, etiam in terris esse, fingunt, vers. 14.

XVIII. Si Christus sit magnus Pontifex; & tamen, quia misericors est, ad thronum gratiæ illius accedendum cum fiducia: Sequitur errare turpi contumaciâ, & idololatriâ Pontificios; qui hanc Christi potentiam obsecant, ac fideles à fiducia, & recta Christi invocatione, deterrent, & ad sanctos cœlites remittunt, v. 14. 15. 16.

#### COLLATIO Christi cum Mose & Josua.

Quandoquidem Christus cum Mose, Hebr. 3. & cum Josua, cap. 4. velut typis suis, Christum quodammodo adumbrantibus, collatus, & utrique (tanquam omnibus numeris excellentior) prælatus est: non alienum, neque inutile, fore arbitramur, si paulò plenior eorum, hoc in loco, collationem, vice corollarii cujusdam, ad Christi servatoris nostri gloriam, & fidei nostræ consolationem, proferamus. Comparabimus autem in hisce 5. capitibus, in *nominibus; naturâ; officiis; effectis; ac statu*. Et ut à Mose ordiamur: *nomen* illius proprium, & Christi, utrumque, non casu; sed consilio inditum, personæ probè convenit. Mose quidem humanitus מֹשֶׁה inditum: מֹשֶׁה enim *extrahere* sonat, à verbo מָצָא quod *extrahere* significat: quomodo à filia Pharaonis, quod ipsum ex aquis extraxisset, nominatus est, ab adjuncto, sive accidente illo, Exod. 2. v. 10. Christi autem nomen proprium est Iesus, divinitus, per Angelum, inditum: quod servatorem notat; quia populum suum à peccatis servaturus esset, Matth. 1. v. 21. de quo postea plenius.

Secundò, si naturam utriusque conferamus: Moses cum Israelitis, quibus præfuit, ejusdem fuit naturæ, & generis, ex Abrahamo. Ideoque verè frater Israelitarum dictus, Act. 7. v. 25. Exod. 2. v. 11. sic Christus similiter ex Israele, Deuter. 18. v. 15. Actor. 3. v. 22. & 7. v. 37. & ex Patribus secundum carnem, Roman. 9. v. 5. Semen

Abrahæ, Hebr. 2. v. 16. 17.

Tertiò, ad officia quod attinet: quemadmodum Moses in munus publicum, non sua sponte, ac temerè involavit; sed à Deo destinatus, & vocatus est, in populi Israelitici prophetam, & regem, Deuter. 33. v. 5. id est, rectorem ac principem, Exod. 3. v. 10. Actor. 7. v. 35. ita & Iesus Christus, Hebr. 3. v. 1. 2. 5. 6. Sed magna tamen observanda est differentia, tam in prophetia, quàm in regiminis modo. In prophetiâ quidem, quoniam Moses, licet Deus ipsum facie ad faciem (id est, familiariter) sit allocutus, Exod. 33. v. 21. Deuter. 34. v. 10. Numer. 12. v. 8. faciem tamen Dei non vidit, nec videre potuit: sed tantum, in apparitione quadam divinâ, majestatem illius adumbrante, tergum Dei, ibid. v. 23. ut etiam nec splendentem faciem Moïse Israelitæ ferre potuerint, nisi velatam, Exod. 34. v. 30. 34. & 2. Corinth. 3. v. 13. deinde legem cum terrore maximo, divinitus latam, Exod. 20. v. 18. Heb. 12. v. 18. 19. 20. 21. tandem, post XL. dierum jejunium, Exod. 34. v. 28. tabulis duabus inscriptam, detulit. Christus verò, qui in sinu Patris est, Patrem plenissimè videt, eumque nobis revelavit clementissimè. Ioan. 1. vers. 18. Matth. 11. v. 27. Christi faciem, in Evangelio nobis apparentem, ac relucens, contemplantes, non solum ferimus, sed etiam gaudemus luce illius; eaque illustramur, & ad imaginem illius reformamur, non minus, quàm Moses, Exod. 34. v. 33. ex Dei colloquio reluxit: quod beneficium, 2. Corinth. 3. v. 11. insigni oppositione Moïse, & Christi; Israelitarum, & Christianorum, declaratur. Et ut per Moïse, post XL. dierum jejunium, Exod. 34. lex lata est: sic gratia, & veritas nobis collata, per Christum, Ioan. 1. v. 17. & post ipsius XL. dierum jejunium, ab ipso annuntiata, Matth. 4. v. 2. 17. In regimine quoque non minus est discriminis: nam Christus, & Moses conveniunt quidem generatim in regiminis subjectis, & jure, & fine: quod videlicet uterque Ecclesiæ Dei rector sit constitutus, ad eam liberandam, & conservandam, ductu, & iudicio recto, Actor. 7. 35. Christus tamen speciatim in hisce excellit: nam, si subditorum amplitudinem consideremus, Moses olim Israelitis tantum præfuit: Christus verò non iis tantum, sed omnibus, etiam totius orbis gentibus, Psal. 2. v. 8. & Matth. 28. v. 18. deinde & juris modo discrepant, quod Christus Ecclesiam regat, non tanquam alienam, & ut famulus tantum Dei, quemadmodum Moses, Hebr. 3. v. 5. sed tanquam filius domum suam, Hebr. 3. v. 6. Deinde si finem regiminis Ecclesiæ, & liberationis modum attendamus: Moses præfuit populo Israelitico; ut eum à corporali Ægyptiacâ servitute, & à gladio, ac potestate Pharaonis, liberaret, Actor. 7. v. 35. & ex Ægypto versus terram promissam deduceret; & ad tempus definitum regeret, ac tueretur, Exod. 3. v. 9. 10. 11. Christus verò datus est Ecclesiæ redemptor, qui nos ex servitute spirituali, in mundo (ubi peregrini fuimus) & ex potestate Satanæ, peccati, ac mortis, eriperet, ac conservaret in æternum, Genes. 3. v. 15. Luc. 1. v. 71. 74. & 1. Ioan. 3. v. 8. & Ioan. 8. v. 36. Heb. 2. v. 14. 15. Præterea, ut ab officiis, ad effectus, transeamus: observanda primùm, quæ propria sint ratione muneris particularis; deinde quænam communia cum aliis. Ad prius quod attinet, sicut Moses Deo, ad Israelitas è servitute vindicandos, vocanti paruit: ita & Christus; sed virtute longè magis excellenti: siquidem Moses initio cunctatione, & inobedientia sua Deum irritavit, Exod. 3. v. 11. & 4. v. 11. & 13. v. 14. Christus verò inde ab ipso principio constanter, ac perpetuò, Patri fuit obediens usque ad mortem, mortem autem crucis, Philipp. 2. 8. Hebr. 10. v. 7. 9. Deinde ut Moses accepto tandem munere fideliter in eo se gessit, Numer. 12. v. 7. ita & Christus, Hebr. 3. v. 2. nam Moses Israëlitas ex Ægypto eduxit, & salvos per mare deduxit, submerso interim divinitus Pharaone, cum exercitu, Exod. 14. 21. 22. 28. 29. Ita & Christus, pro demandato sibi redemptionis munere, nos, à Diabolo, mundo, peccato, maledictione, & morte, vindicavit, Ioan. 3. v. 16. Roman. 8. v. 1. Coloss. 1. 12. 13. 14. 1. Corinth. 1. v. 30. & ut nos sanguinis sui undâ servavit: ita adversarios nostros eâ obruit, ac devicit, 1. Ioan. 1. v. 7.

7. Heb. 2. 14. Col. 2. 14. quemadmodum hoc mysterium nostræ redemptionis, typo conservationis Israelitarum, per mare transeuntium, & submersionis Pharaonis, tanquam sacramento salutis per Christum extraordinario, non minus quam baptismo nostro fuit, adumbratum, 1. Cor. 10. v. 1. 2. Et ut Moses Israelitas in deserto esurientes, ac sitientes; cibo, manna, à Deo cælitus demisso, replevit, Exod. 16. & aqua, ex petra percussa profluente, potavit, Numer. 20. 11. Ita & Christus, seipso, tanquam pane verè cælesti, & sanguinis ac spiritus sui flumine, esurientes, ac sitientes iustitiam, satiat ad vitam æternam, Esa. 55. 1. Joan. 4. 14. & 6. 32. 33. & 7. 38. Apocal. 22. 2. 17. quemadmodum etiam huius beneficii Christi, manna, & petra fuere typi, & extraordinaria Israelitis sacramenta, 1. Cor. 10. 3. 4. Deinde quemadmodum Moses Israelitis, contra hostes Amalekitas, erecto bacilli facri, & à Deo traditi, signo, intercedens precibus, Ex. 17. 9. 12. victoriâ obtinuit: ita & Christus in cruce erectus, Joa. 12. 32. 33. obedientiæ suæ ad mortem; ac precum suarum intercessionem apud patrem; & virtutis divinæ efficacia, nos Satanæ, mundi, carnis, victores efficit, Rom. 8. 34. 39. Adhæc, ut Moses, suspenso æneo serpente, Israelitas, à serpentibus venenatis vulneratos, & in serpente illum intuentes, tanquam causa instrumentalis, ac remota, à mortis periculo exemit, Numer. 21. ita Christus, hoc typo adumbratus, Ioan. 3. 14. seipsum suspendendum obtulit; omnesque ipsum in cruce sublatum, & Evangelii prædicatione oblatum, Gal. 3. 1. vera fide contemplantes, à morte (quæ nobis ab Adami peccato, ut serpentis antiqui veneno imminet) solus, ac perfectè redemit, tanquam vera, ac princeps salutis nostræ causa, Joan. 3. 14. 15. Hebr. 2. 14. & 5. 9. Præterea, ut Moses sermonis mutui inter Deum, & populum (à Dei aspectu, & colloquio sibi metuentē) mediator fuit, Exod. 19. 8. & 20. 19. Gal. 3. 19. Sic Christus quoque mediator, non solum sermonis; sed etiā reconciliationis nostræ cum Deo; per quem nobis liber, & intrepidus accessus ad Patrem patefactus, 1. Tim. 2. 5. Ephes. 2. 18. Joh. 14. 6. Ex quibus omnibus apparet, in muneris peculiaris executione, egregiam esse utriusque similitudinem: ita tamen, ut maxima disparitas observetur. Nam Moses interdum, in officii executione, impetit; ac propterea promissæ terræ Cananæ ingressu, morte divinitus denunciata, exclusus est, Num. 20. 12. Deut. 32. 51. Christus verò nunquam peccavit, sed semper ea fecit, quæ patri placita, Joan. 8. 29. Philipp. 2. 8.

Præterea (ut à propriis, officii particularis, effectis, ad communia, fidei in Deum, pietatis, & iustitiæ officia, accedamus) sicut Moses, fide, in adversis, constantiâ, immunitate ab invidiâ, Num. 10. 29. excellenti mansuetudine, Num. 12. 3. & amore, in populum ingratiſſimum, (adeo flagrantem, ut pro salute ejus sæpius intercesserit; imo tandem sese voluerit morti, pro ea salute devovere, Exod. 32. 32.) reliquos mortales superavit; ita & Christus Mose, virtutibus non solum similis fuit; sed etiam (tanquam peccati omnis experts, Heb. 4. 15. & 7. 26.) immenso intervallo antegellit, Mat. 11. 29. Luc. 23. v. 34. Gal. 3. 12. Rom. 5. 6. Joan. 5. 11. & 1. Pet. 1. 21. 1. Cor. 2. 11. Denique quemadmodum Moses, jam grandis natu, renuit vocari filius filiae Pharaonis; maluitque simul malis affici cum populo Dei, quam temporalibus commodis peccati frui, majores arbitratus divitias probrum Christi, quam Ægyptiorum thesauros; intuebatur enim in præmiis retributionem, Heb. 11. 24. 25. 26. ita Christus fidei nostræ dux, ac perfectior, vice sibi gaudii propositi; pertulit crucem, ignominia contempta, Heb. 12. 2. 3. & mortuus est iustus, amore immenso, pro injustis, ut nos ad Deum adduceret, 1. Pet. 3. 18.

Porro, institutâ jam collatione effectuum Christi, & Moses, reliquum est, ut utriusque statum, postremo loco, comparemus, cum humilem, tum gloriosum. Ad primum autem quod attinet: sicut Moses exordia fuerunt tenuissima, ac de vita periclitatus est, inde à nativitate: partim quod Ægypti Rex, Pharaon, cædem infantum masculorum Israelitarum omnium, eoque & Moses, imperasset, Exo. 1. 16; partim quod arcæ scirpæ impositus, & in algâ rivi expositus fuit, Ex. 2. 13. ita & Christi ortus pauper, & abjectus fuit, Luc. 2. 7. eique, recenter nato, mortem Rex Herodes intentavit, Mat. 2. v. 13. adeo ut hac ratione patriam exilio permutarit, ac fuga in Ægyptum, ei fuerit consulendum, Mat. 2. 14. deinde,

de, si ab infantiâ, ad ætatem adultiorem, ascendamus: multa Moses perpeſſus est, cum à popularibus suis ingratissimus ac contumacibus; tum à Pharaone, & aliis hostibus: sic etiam Christus à Judæis suis popularibus, & Herode rege, ac Pilato præſide, multa pertulit. Nā ut Moses, fratres suos Israelitas, invisens; & futuræ liberationis præludium, ac specimen edens, initio neglectus fuit ab iis; imò cum injuria repulsus, Exo. 2. 24. Act. 7. 25. 27. Ita & Christus, ad suos servandos & tanquam oriens ex alto invisurus, Luc. 1. 28. venit; sed à suis neglectus est, Mat. 2. 3. Luc. 2. 7. & Ioan. 3. 19. 20. Deinde ut Pharaon audita Mosis in vindicandis Israelitis, fortitudine, eum quæſivit, ut interficeret; unde Moses fugâ in terrâ Midianitarum, coactus fuit sibi consulere, Ex. 2. 15. similiter etiam Christum Herodes Rex occidere voluit, Luc. 13. v. 31. Cujus etiam feritatem declinavit Christus, Mat. 14. 13. Adhæc, quemadmodum Mosis legationi Pharaon, prioris Pharaonis successor, cum suis, parere recusavit, imò eò gravius populum Israeliticum oppressit, Ex. 5. 2. 8. 9. Sic etiam Christi doctrina irritatus Satanæ, & instrumenta illius sacerdotum principes, graviore jugo Ecclesiam oneravit, Joa. 9. 22. Et ut Mosis miraculis Jannes & Jambres Magi, resistit, Ex. 7. 11. & Targû Jonathani ibidē. & 2. Tim. 3. 8. ita & Pharisei Christi veritati et oraculis, per suas blasphemias, Mat. 12. 24. et pseudo-prophetæ suis mendaciis, ac præſigiis, 2. Tim. 3. 8. 2. Thes. 2. 9. Mat. 24. 24. sese opposuerunt. Utque Moses, postquam ex Ægypto Israelitas eduxisset, furorem Pharaonis, et Ægyptiorum expertus est, adeo ut parum ab exitio abfuerit, Exod. 14. 3. 9. 10. Ita Christus, postquam populum suum, ex mundo, et potestate Satanæ, eripuisse, doctrina et spiritu suo; mundi et Satanæ odio, ac persecutioni cum discipulis suis fuit expositus, Joa. 15. 18. 19. 20. Ac quemadmodum Core, Dathan, et Abiram vocationi atque authoritati Mosis contradixerunt, ac seditiosè resistērunt, Num. 16. 1. ita et sacerdotes, ac seniores Judæorum, Christi vocationi, et authoritati repugnavit, Mat. 21. 23. adeo ut Christus, à peccatoribus maximam pertulerit contradictionem, Heb. 12. 3. deinde ut Moses populum Israeliticum, (quem tot, ac tantis affecerat beneficiis) sensit longè ingratiſſimum, adeo ut adversus ipsum sæpius murmurarent, et rebellarent; imò nonnunquam innocentē, ac beneficum lapidare voluerint, Num. 14. 4. 9. 10. similiter etiam Christus, suos auditores inconstantes, et ingratos, ac blasphemos, expertus est, Joa. 6. 60. et 66. Mat. 12. 24. et ab iis sæpius, ne lapidaretur, se subducere coactus est, Ioan. 8. 59. et 10. 31. imò tandem, ab iisdem, proditus, Mat. 26. 14. et ad crucem, servator orbis innocentissimus, ac clementissimus, postulatus ac raptus est indignissimè, Luc. 23. 21. 23. Quocirca hinc apparet, maximam esse Christi, et Mosis in humili statu similitudinem. Qualis etiam, quodammodo, in statu glorioso elucet. Ut enim Moses, postquam persecutionem, & exilium pertulit à Pharaone, tandem eo mortuo, Ex. 2. 20. 21. ab exilio remissus est, Dei jussu, in patriam: sic et Christus, hoste ipsius capitali Herode mortuo, Dei, per Angelum, monitu, reversus est in terram Israelis, Mat. 2. 20. Deinde ut Moses ab humili, & spreto (maximè apud Ægyptios) pastoris conditione; ad liberandum, à lupis Ægyptiis, Dei gregem, & ad eum regendum, ac pascendum promotus, ac missus fuit, Exod. 2. ita & Christus, à contempta fabrilis arte, Marc. 6. 3. erectus fuit, ad extruendum vivum Dei viventis templum, Mat. 16. 18. Heb. 3. 6. Et ut Moses, à secundo Pharaone, & Magis rebellibus, & à subditis, atque hostibus, etiam impetitus, tandem eos Dei virtute, subegit; ut coacti fuerint Dei, in illo, potentem manum agnoscere, ac videre se frustra Mose obſistere, Exo. 8. 19. & 9. 11. 27. & 12. 30. 31. et 14. 25. ita Christus, Satanam, et sacerdotes, Judam, Pilatum, et milites, ac forum judicarium superavit; ac partē eorum coëgit agnoscere, ipsū esse innocentem, Joa. 18. 38. & Dei filium, Mat. 27. 54. Luc. 23. 47. 48. ac frustra contra stimulum illius calcitrari, Mat. 28. 12. 13. Atque hæcenus Mosen, & Christum, inter se, comparavimus. Sequitur deinde

## C O L L A T I O Christi &amp; Iosue.

IN qua collatione, considerabimus etiam nomina; officia; effecta; & statum: in quibus singulis, elegans elucebit similitudo.

Nam ad nomen proprium quod attinet, tam forma illius,

lius, & origine; quam communi significatione conveniunt. Etenim cum Iosua initio vocaretur Hoseas sive *יְהוֹשֻׁעַ* servator: postea appellatus est, non temere, sed à Mose, Dei spiritu instructo *יְהוֹשֻׁעַ* Iehoschuah, Num. 13. v. 17. aucta voce in principio illius: unde per syncopen deducta est vox *יְהוֹשֻׁעַ* Ieschuah. Nam ut filius Iehotsadaci, sacerdos summus, ac Christi typus, vocatus est Iehoschuah, Hag. 2. 5. & contractè dicitur *יְהוֹשֻׁעַ* Ieschuah. Esdr. 2. 2. Eadem ratione Iehosua, filius Nun, nominatur contractè Iesuah filius Nun, Nehem. 8. 18. Atque hinc factum est, ut Græci LXX. Interpretes, Num. 13. v. 17. pro Iehoschuah (resectâ, propter asperitatem, postremâ literâ, & addito *Sigma*, ad Græci sermonis morem) posuerint *Iesus*: ut etiam in libro Iosue idem observarunt, cap. 2. 1. & reliquis. Quos imitatus est etiam Lucas, Act. 7. 45. & Paulus Heb. 4. 8. Sic etiam servator noster, virginis Mariæ filius, appellatus est Iesus, Matth. 1. 21. Nam quod Andreas Osiand. acriter contendit, in Harm. Evangelicæ annotationibus, lib. 1. c. 6. non esse idem, reipsa, cum Iehosua; sed scribendum esse *יְהוֹשֻׁעַ* Iehesu, & contractè *יְהוֹשֻׁעַ* Iesu; ac si hoc modo nomen Jehova integrum contineretur, quod per se ineffabile, inserta litera *ו* fiat effabile: illud, inquam, ex iis, quæ modo adduximus scripturæ locis, & doctiorum communi consensu adverso, confutatur: & pluribus à doctissimo viro Angelo Caninio, in tractatu, de locis aliquot Nov. Test. & in fine Grammaticæ Talmudicæ, refellitur. Deinde ad originem vocis quod attinet; quemadmodum Iosua, à Mose, sic vocatur, Numer 13. 16. ita Christus vocatus est Iesus, non temerè, sed Dei consilio, ac jussu, per Angelum, Matt. 1. quainre, ut quidam volunt, observanda est insignis Iudæorum improbitas, & impietas; qui, casu, id nomen, non per Angelum, Christo obtigisse, asserunt: & quia non credunt eum esse servatorem; idcirco nolunt ipsum vocare Ieschuah; sed tollunt *ו*, & pronuntiant Iesu: quemadmodum Elias testatur in Thisbi, in voce Iesu. Quo etiam in loco, ingenuè, alteram causam ostendit; cur à nobis Iesu vocetur, & partim etiam à Iudæis. *Est* (inquit) *dicendum, quod litera ו sit difficilis prolatu gentibus: ob id non proferunt, in lingua sua, ו Iehoschuah ו; sed Iesu, aut Iesus.* Quemadmodum etiam scribit R. Aben Ez. *à nemine unquam, bene posse proferri ו & ו literas, qui prolationem earum non didicerit à pueris id.* Hinc est, quod & Iudæi pronuntiant Iesu, absque *ו*. Hæc ille.

Cæterum, si vocis significationem spectemus, in ea communiter eruditi consentiunt, Iehoschuah, & contractè Iesu, servatorem denotare, si sensum spectemus: quemadmodum etiam Etymologiæ ratio indicat, Matth. 1. 22. sed quidam nihil ampliùs; sed idem omninò significare vocem Iosua, quod Hosea, i. e. servatorem, existimant: ut hoc modo litera (Iod) pertineat tantum ad derivationem vocis, ex futuro conjugationis hiphil: quemadmodum multa alia nomina propria similiter derivantur: ut Isaac, Iahacob, Iehuda, & similia. Quam sententiam, ut temere rejicere nolim; ita (salvo meliori iudicio) non immeritò dubitari possit: an sit satis firma sententia. Nam si nulla est in significatione vocum, *Hosea*, & *Iehoschuah*, discrimen; quorum opus fuit mutatione prioris, & consignatione nominis novi, tam expressa? Alii igitur, non pauci, existimant aliter: nimirum, quemadmodum mutato nomine Abram (ex *אֲבָרָם* & *רָם* quod *Patrem excelsum* significat) in Abraham; ex *אֲבָרָם*, *רָם*, & *חַמְוִי*, quod *patrem magnæ multitudinis*, seu *multarum gentium*, denotat: Et Sarai, quod *dominam meam* notat, in Sara, id est, *dominam*, commutatione nominis, significatio mutata est: ita est: ita in voce Iehosua, non temere, sed Dei Spiritu, per Mosen, accidisse: ut pro voce Hosea, Iehoschuah diceretur: eoque significationem particularem habere, nimirum quod Hosea *servatorem* significet; Iehosua verò *salutem Dei*, aut, (ut loquuntur) *salvationem Dei*: ut hac ratione vox non simpliciter derivata sit, sed composita: ut etiam Christus dicitur, *salus Dei*, Luc. 2. 30. & 3. 6. quemadmodum Esa. 49. de Christo dicitur, *constitui te in lucem gentium, ut sis salus mea*, &c. Quidam verò interpretantur, non Dei salutem, sed *Deum salutem*: quemadmodum Christus similiter appellatur, &

*bona justitia nostra*, Ierem. 23. 6. Quod LXX. Interpretes reddunt, Iosedek, contractè pro Iehova Tzedek, Ierem. 23. 6. Diebus, inquit, *ejus servabitur Iebuda, & Israel habitabit secure, atque hoc nomen ejus est, quo vocabit eum, Iehova justitia nostra*. Verum de hac re actum est ampliùs, ad Mat. c. 1. Atque hæc de primâ Iosue & Christi, convenientiâ, nimirum Nominis.

Altera est Officii, cum ratione objecti: tum ratione finis. Nam si objectum spectes: ut Iosua constitutus est, & quidem à Deo, Israëlitarum doctor, ac ductor, Numer. 27. 18. Deuter. 31. 3. & 34. 9. ita & Christus Israëlitis, imo toti mundo, à Patre, præfectus est: quemadmodum, in collatione cum Mose, apparuit. Si verò fines spectemus; quemadmodum Iosua præfectus est populo: ut eum, trajecto Iordane, in terram promissam deduceret, & prostratis hostibus, certam hæreditatem, & quietem in terris sedes, attribueret, Ios. 1. Ita & Christus Ecclesiæ præfectus est; ut eam ex hujus mundi solitudine, & erroribus, trajectis hujus vitæ, & mortis periculis, in Cananæam cælestem, superatis hostibus, Satana, peccato, mundo, morte, inferno, ad hæreditatem, ac quietem viæ æternæ, traduceret, Ioan. 14. 3. 4. et 3. 16. 2. Cor. 15. 54. 57. Heb. 1. 3.

Tertia similitudo in officii executione, & effectis consistit. Nam primum ut Iosua, in demando munere obeundo, fidelis Deo fuit, Ios. 11. 15. Sic etiam cælestis noster Iosua, Iesus Christus: ut illud, in collatione, cum fidelitate Moïsis, supra ostensum est. Deinde, ut Iosua Israëlitas, non contumaces illos in Deum: sed reliquos, in terram promissam deduxit: similiter & Christus, non contumacibus, adversus Evangelium patefactum: sed verâ fide obedientibus, cælum aperuit, Hebr. 4. 1. 2. & Ioan. 3. 16. & 36. præterea, quemadmodum aquæ Iordanis, ministerio Iosue, & sacerdotum, arcam Dei tenentium, divisæ constiterunt: & sine noxa, populo transitum in Cananæam, patefecerunt, Ios. 3. ita & Christi, Iosue nostri spiritualis, & sacerdotis summi, imo arcæ, & propitiatorii Nov. Testam. consilio, & solius mortis illius, mortem superantis, beneficio, à mortis aquis non absorbemur: sed, per eas, transimus innoxii, ad Cananæam cælestem, freti perpetua Christi præsentia, & potentia salutari, Rom. 8. 1. & 10. 11. 1. Cor. 15. 57. Hebr. 2. 14. 15. Adhæc, ut Iosua hostes, qui Israëlitas, à possessione Cananæ, excluderant, devicit: ita & Christus, spirituales salutis nostræ adversarios, superavit. Nam ut Iosua, Dei instinctu, civitatis Ierechuntis mœnia, circutione septimâ; adhibita arcæ gestatione; & buccinarum, à sacerdotibus delectis, inflatarum clangore, evertit, ac vastavit, Ios. 6. Sic & Christus, per se, circumeundo in his terris, Satanæ regnum, prædicationis Evangelii clangore, destruxit, & per suos ministros, partim Apostolos. Luc. 10. 18. partim Apostolorum successores, sua potentia divina, civitatem, & Synagogam Satanæ, & Babylonem spiritualem, disjecit, Apocal. 14. 8. & 18. 2. Et ut Iosua reges Chananæos crucifixit, & pedibus suis, ac suorum subiecit, ac conculcavit, Ios. 8. 29. & 10. 24. 25. Similiter Christus Satanæ caput conculcavit, Genes. 3. 15. & *adversarias potestates abolevit*, Heb. 2. 14. *et expoliata traduxit palmam, triumphatis illis per crucem*, Coloss. 2. 14. & *Satanam conculcat sub pedibus fidelium*, Rom. 16. 20. ac perfectissimè tandem Satanam, mundum, mortem, suos & nostros hostes conculcabit, ac perdet ultimo die, 1. Cor. 15. 24. 25. 26. Apocal. 20. 14. Deinde quemadmodum Iosua, devicto rege Hai, insculpsit exemplum legis Moïsis, seu Decalogi aliis lapidibus, Ios. 8. 32. Ita noster Iosua, qui non venit ut dissolveret legem, sed ut eam impleret, Matth. 5. 17. Legem, & Evangelium aliis tabulis, quàm Moïses, & Iosua, nimirum non lapideis, ac duris: sed carneis, i. e. molibus cordibus nostris, per Spiritum Sanctum emollitis, per eundem inscripsit, & adhuc inscribit indies, Hebr. 8. v. 10. Præterea, ut Iosua Israëlitis quietem temporalem, in terris, à molestiis, cum peregrinationis, in deserto: tum belli, adversus hostes, attulit, Ios. 11. 23. ita & Christus nobis veram, & perpetuam quietem, post hujus vitæ labores, & peregrinationem in his terris, & post adversarios nostros devictos, præparavit in cælis, Hebr. 4. vers. 10. 11. 2. Thessal. 1. vers. 7. & Apocal. 14. vers. 13. Deni-

## C A P U T Q U I N T U M.

Denique ut Josua, partâ jam quiete Israëlitis, certas sedes, & hæreditatem in promissa terra, secundum Dei mandatum, distribuit, Ios. 11. v. 23. & 13. 1. Similiter & Christus nobis fidelibus paravit locum in cælo, (in quo habitationes multæ sunt, Ioan. 14. v. 2. 3.) & hæreditatem, quæ nec perire potest, nec marcescere, nobis, in cælo, servat, 1. Petr. 1. 4. ac tandem perfectè distribuet, ultimo die, Matth. 25. 34. Ex quibus omnibus luculenter perspicitur, in officii executione, & effectis, Christum, & Iosum convenire egregiè.

Quemadmodum etiam similis convenientia est in statu utriusque, tam ratione initii; quàm finis. Ut enim initio humilis fuit conditio Josuæ; utpote qui fuit Mosis minister: ita & *Christus*, cum esset omnium Dominus, & æqualis cum Patre Deus, *exinanivit sese*: non abjecta forma Dei, seu natura sua divina; sed *assumpsit formam servi*, Philip. 2. 6. id est, humana natura paupere, ac subjecta: & *cum esset dives*, ultro, *propter nos*, eo modo *pauper factus est*, ut nos *diceret*, 2. Cor. 8. 9. *nec venit ut ipsi ministraretur, sed ut ministraret*, &c. Marc. 10. 45. Deinde sicut Josua, postquam explorata jam terra Cananæa, incredulos Israëlitas, ad fidem in Deum, & spem, de promissa terrâ obtinenda, stimulas; ab iis, non solum ingratitudine turpi rejectus; sed etiam lapidibus cum Mose, & Calebo, à populo fuisset obrutus; nisi Deus clementer, & potenter eum conservasset, Num. 14. 7. 10. Eodem modo & noster Josua Jesus Christus cum descendisset è cælo in terram, ut nos in cælum deduceret, & ad fidem in Deum; & ad capeßendam viam ad regnum cælorum, & vitam æternam, promissione Evangelii, benignè ac constanter invitaret, ac stimularet; à suis ignominiosè contemptus est, tanquam falsus doctor & demoniacus, Ioan. 10. 20. Imò sæpius, crudelitate summâ, ab iis impetitus est; & nisi avertisset, sapientia & potentia sua, lapidibus tandem fuisset enecatus, Ioan. 10. 31. ut antea, in comparatione cum Mose, ostendimus. Deinde sicut Josua, ab humili conditione suâ, evectus est à Deo, in prophetam, ac ducem Israëlitarum, Ios. 1. vers. 1. Ita & Christus à privata, & humili vita, ac sorte, ad propheticum, & regium munus obeundum, secretus, & unctus est, Matth. 3. 16. 17. Et ut Josuæ vocatio, variis miraculis, in terra, & in cælo, fuit confirmata: sic & Christi. Nam ad prius quod attinet: Iosuæ vocatio probata est in terrâ, diviso ac consistente Jordane, Ios. 4. 7. 14. & ruina murorum Jerechuntis, Ios. 6. In cælo verò quod Deus, ingentibus lapidibus grandinis dejectis, hostes Cananæos, cælitus trucidavit; & quod, ad Josuæ jussu, Sol, & Luna, in medio suo cursu, substiterint, Ios. 10. 12. 13. Ita longè splendidiùs Iosuæ Nov. Testam. id est, Iesu Christi vocatio stabilita est miraculis clavis, cum ante muneris administrationem; tum post eandem susceptam. Qualia fuerunt, *ante baptismum*, stella nova, nativitatis Christi index, & muneris regii, Matth. 2. *in baptismo* verò vox Dei Patris de Christo filio suo testantis, cælitus; & spiritus super ipsum descendens, ac insidens, ac conspectus Mat. 3. *post baptismum* præterea variis miraculis eadem confirmata: qualia sunt morborum omnium sanatio, Matth. 4. 23. 24. & mortuorum suscitatio, Matth. 11. 5. & 9. 25. Luc. 7. 14. Ioan. 11. 43. 44. ambulatio super mare, Johan. 6. 18. 19. 21. Matth. 14. 26. & ventorum sedatio, Matth. 8. vers. 26. & 14. 30. 32. Ad hæc, in morte ipsâ, Solis obscuratio, & terræ motus, Matth. 27. 51. Denique, quæ secuta est Christi resurrectionem, visibilis ascensio in cælum, Act. 1. & Spiritus Sancti è cælis missio, Act. 2. operaque miraculosa plurima, per Apostolos, aliosque Apostolicos viros, edita, Marc. 15. 26. Deinde quemadmodum Josua, à multis, & potentibus hostibus fuit oppugnatus; sed tamen iis virtute Dei superior fuit: & tandem, in terra promissa, solita quiete potitus est, Ios. 11. 23. similiter et Christus hostes habuit, et habet plurimos; sed, iis omnibus superatis, per ignominiam, penetravit in gloriam, et quietem: ac gloriosè sedet ad dextram Dei in cælis, Hebr. 1. 3: Atque hæc de collatione Iosuæ, et Christi.

Superiori cap. tractatio de officio Christi prophetico, & regio absoluta est: & argumento, à sacerdotii Christi descriptione confirmata: qua via, Apostolus, transitione eleganti, ad explicationem Pontificatus Christi, accessit: ac propositionem hujus doctrinæ, breviter & summatim complexus est. Porro, hoc cap. & seqq. quinque, illius expositionem, & confirmationem addidit: Cujus scopus est, ut Christo justus honor tribuatur: & injustus, sacerdotio Vet. Testam. à Judæis, attributus, detrahatur. Deinde ut, agnitâ sacerdotii Christi potentia, & æternitate; & sacerdotii Levitici impotentia, atque abrogatione, verâ fide, in solo Christo, acquiescamus. Ac propterea non simpliciter, sed comparatè (quemadmodum etiam in prophetico & regio munere, cap. 3. & 4. factum est) Pontificatus Christi præstantiam proponit. Etenim cum antea statuisset, Christum esse summum sacerdotem nostrum, & quidem aptum, ac propensum ad misericordiam: deinde non simpliciter summum sacerdotem; sed *κατ' ἐξουίαν* Magnum; utpote qui cælos penetravit, ac sit Dei filius: ideoque omnipotens, & æternus Pontifex, ac servator, omnibus sacerdotibus Leviticis præior. Iam progressus ad illustrationem, & confirmationem illius, instituta comparatione mixta, cum Pontifice Leviticò: cum eo enim Apostolus Christum confert, ac præfert. Ac propterea mixtam appello; quia in quibusdam similem; in aliis verò disparem, ac majorem esse Sacerdotibus Leviticis, ostendit. Ac similitudo quidem describitur, cum in persona, nempe convenientia in natura humana, & misericordiæ affectu, miseræque sensu; tum in personæ officio, ac pontificatu, ratione causæ efficientis Dei, & finis reconciliationis hominum cum Deo: Disparitas verò, diverso respectu, ac modo: primum in persona; deinde in officio, elucet. In persona quidem, cum ex parte secundum naturam diversam; quod illi homines tantum fuerint: Christus vero etiam filius Dei unigenitus: tum secundum ejusdem naturæ humanæ dissimilitudinem, in qualitate; quod sacerdotes peccatores, ac rei fuerint, per se; coram Deo: Christus verò peccati expers. In officio verò primum ratione finis: quod Christus scilicet non pro suis peccatis obtulerit: deinde ratione objectæ materiæ: quod non bruta animantia, sed seipsum, pro nobis dederit; denique ratione efficaciz: quod Christus sit vitæ nostræ author, cum reliqui Pontifices tantum fuerint ministri. Cæterum, comparationis hujus universæ, partes, sunt duæ: propositio, & redditio. Quarum illa, conjunctim, pontificem Leviticum describit, & quasi vivis coloribus depingit, quatuor membris: quorum singula aliquam cum Christo convenientiam nobis exhibent. Earum autem prima est, ejusdem naturæ humanæ, cum populo & Christo. De qua re, ait Apostolus: *omnem pontificem ex hominibus assumptum esse*, id est, verum, cum reliquis populi hominibus, hominem. Altera est in eodem pontificatus fine, remoto & propinquo. Remotus generatim ponitur, cum dicitur: *constituitur pro hominibus* (id est, ad utilitatem hominum) *in iis, quæ apud Deum*, scilicet peragenda: propinque verò finis descriptio speciatim exponitur; propinquus enim statuitur, *oblatus* partim donariorum; partim victimarum. Remotus declaratur, cum adjungitur: *pro peccatis*, nimirum hominum, & ipsius, ut postea docetur: id est, ad expianda peccata, Deumque placandum, vers. 1. de qua re Levit. 9. 7. & cap. 16. Tertia convenientia est, in adjuncta misericordia, erga populum; & causâ illius, miseræ experientia. Misericordia quidem, *quod vicem possit miserari ignorantium, & (ovium instar) aberrantium*, 1. Pet. 1. 25. id est, populi peccantis. Nam pro peccatis, cum ex imprudentia; tum voluntariè factis, sacrificia, in Vet. Testam. offerebantur, Dei jussu, Levit. 4. & 5. 6. Miseriæ verò experientiam indicat, per Metaph. ad amplificationem accomodatâ. Non enim ait simpliciter; cum & ipse sit infirmus: sed *circumdatus infirmitate*, i. e. plurimis infirmitatibus obnoxius. Ea autem infirmitas est duplex, potest et culpa,



v. 2. Quemadmodum exponit, & illustrat ab effectu: quod propter eam, sicut pro populo; ita pro se quoque, offerre debeat victimam, pro peccatis, vers. 3. Quarta convenientia est in pontificatus causa efficiente, nimirum Deo: quæ, posita contrarii remotione, initio illustratur, & exemplo simili Aaronis declaratur amplius, v. 4. De qua re Exod. 28. Num. 16. 9. & 2. 26. 28. Atque hoc modo prior comparationis pars, nempe protasis, seu propositio, absolvitur.

Cui respondet altera pars, nempe ἀποδοσις redditio: & quidem ὁμοῦ καὶ ἑκείνου, converſenter naturæ rei. Primum enim, Pontificatus Christi eundem authorem esse Deum, asserit similiter, per aphæresin, & per thesin: docet enim Christum non arrogasse sibi temerè pontificatum; sed collatum ipsi à Patre. Idque, duobus Scripturæ testimoniis, comprobatur Apostolus: ne quem fortasse commoveat, quod Christus non sit ortus ex tribu sacerdotali Levi; sed ex Juda. Prius testimonium est ex Psal. 2. nempe, cum ait: *sed is qui dixit ei, filius meus es tu, ego hodie genui te.* Quæ verba, quoniam de æterna filii generatione agunt, prima fronte, videri possunt à re proposita aliena esse; sed tamen rectè conveniunt: partim ratione consequentiæ; partim ratione adjunctarum circumstantiarum. Consequentia quidem ratione: quoniam si filius virginis Mariæ, à Deo Patre vocatur filius, quem genuit: sequitur eum quoque à Patre constitutum pontificem: Nam solus, & certò Immanuel ac θεῶς μετὰ ἡμῶν Pontifex Nov. Test. per prophetas promissus est, qui populum suum à peccatis, sacrificio suo, servaret, Matth. 1. 21. Atqui Christus ita à Deo Patre vocatur. Ergo &c. Ratione verò circumstantiarum adjunctarum, rectissimè quoque quadrat hic locus. Primò, quia additur, in eodem Psalmo, *postula à me:* quo munus sacerdotale, ex proprio effectu, intercessione pro gentium conversione, & fide in ipsum, (de qua re Ioan. 17. 20.) indicatur; tum quia additur: *dabo tibi gentes hæreditatem tuam:* quod ut efficacia Prophetiæ, & regni conficitur; ita & merito sacerdotii comparatum est, cum nos redemit; & morte sua, gentes, & Judæos, in unum Ecclesiæ corpus, conſlavavit, Esa. 53. 10. Rom. 14. 9. 2. Cor. 5. 15. 1. Petr. 1. 19. Ephes. 2. v. 14. 15. 16. Unde apparet, hoc primo testimonio ex Psal. 2. producto, rectè confirmari divinam Pontificatus Christi auctoritatem, & originem v. 5. Alterum testimonium est depromptum ex Psal. 110. (quem de Christo agere, non minus, quàm secundum, liquet, ex iis, quæ cap. 1. vers. 13. dicta sunt) *Tu es sacerdos in æternum, secundum ordinem Melchisedek.* Qua sententiâ Christo, à Patre, tribuitur sacerdotium: quo generatim similis Pontificibus Leviticis statuitur. Idque illustratur adjuncta æternitate, & perfectione, videlicet quod sacerdos sit in æternum, secundum ordinem Melchisedek. Qua ratione Christus pontificibus Leviticis præfertur; quod videlicet illorum sacerdotium morte fuerit finitum; ideoque successores habuerit: & quod illi ex tribu Levi, & secundum ordinem Aaronis; qui ordo à regno fuit secretus: Christus verò sit sacerdos æternus, seu in æternum, successore carens; ex tribu regia sacerdos, Melchisedeci instar. Quod argumentum, quoniam pluribus, & distinctius, exponitur ab Apostolo cap. 7: idcirco, in eum locum, explicationem illius pleniorē differemus. Hæc de vers. 6. & prima comparationis convenientiâ, in pontificatus origine, & causa efficiente. Altera verò est in convenientia naturæ humanæ; cum Leviticis sacerdotibus, & subiecto populo. Quam indicat, cum *carnis* illius meminit. Hac enim voce, & veritatem humanæ naturæ illius, qua nobis ὁμοῦ ἐστίν, Hebr. 2. vers. 14. & simul adjunctam illius infirmitatem temporariam intelligit: ut etiam ea vox accipitur 1. Corinth. 15. vers. 50. Quæ infirmitas, quoniam per glorificationem sublatæ est, manente natura integra, idcirco distinctè ait: *in diebus carnis suæ*, id est, cum carne infirmâ mortali ac corruptibili, in his terris, adhuc esset præditus. Ut autem Christus, hac in re, pontificibus Leviticis similis est: ita præstantia illius indicatur, mentione alterius naturæ: quod non solum sit filius hominis, nobisque ὁμοῦ, secundum humanam naturam; sed

etiam filius Dei, ἡγεῖν, id est, *alterius naturæ*, ratione naturæ divinæ. Tertia porro convenientia est in miseriæ experientia; & illinc quoque profluente misericordia. Quarum illam describit amplificatione ex effectis tribus. Nam Christo tribuit precationem, & quidem supplicem: quemadmodum generali precationis voci, specialem supplicationis subijcit: ejusque comites duos, videlicet *clamorem validum, & lachrymas*. Quibus perpeſſionum, & dolorum Christi veritatem, & vehementiam, declarat. Quæ tria, ex Evangelistarum historia, satis facili ratione, colligi possunt. Nam supplicatio Christi, ex intimo cordis dolore profecta, duplex enarratur. Una in horto, cum dixit: *Pater, si fieri potest, tollatur à me calix iste.* Quam precationem supplicem non solum proposuit semel; sed etiam majori contentione (eoque, ut videtur, non sine clamore) ter repetiit, Luc. 22. v. 42. 44. Matth. 26. v. 39. Marc. 14. 36. Altera in cruce, cum clamore valido conjuncta: *Deus mi, Deus mi, ut quid dereliquisti me?* Matth. 27. 46. Marc. 15. 34. Lachrymarum quidem Evangelistæ non expressè meminerunt; sed tamen in neutra supplicatione defuisse, ex circumstantiis colligi potest. Nam si tanta vociferatio, in cruce, Christo expressa est, doloris ingentis sensu; multò magis lachrymæ, dolori graviore familiares: Et si guttæ sanguinis, præ angoris vehementiâ, ex corpore Christi, in horto, defluerunt, Luc. 22. 44. quanto magis lachrymæ, ex oculis proruperunt. Præsertim, cum Apostolum, ex Sp. S. instinctu, & directione, scribentem, in hac Epistola, hoc cap. interpretem habeamus. Cæterum supplicatio Christi illustratur objecto; subiecto; & adjuncto. Objectum ostendit, apud quem supplicationem obtulerit, nempe apud *patrem*: quem à potentia servandi à morte, describit, periphrasi minimè otiosâ. Quoniam eo modo precationis materiam, seu subiectum simul indicat; quod Christus orarit, ut *servaretur à morte*, id est, ne morte, à Deo desertus, contineretur: ut ex antecedentibus supplicationum formulis apparet. Nam cum Christus ait: *non mea, sed tua voluntas fiat*: & voluntas patris, verbo revelata, ea fuerit, ut (quemadmodum Christus prædixerat, Matth. 16. 21. & 20. 19.) mortis poculum ebiberet, ac tertio die resurgeret: sequitur indicari, eum etiam pro resurrectione sua precatum: id quod à Chrysoſt. & Theod. non satis rectè negatur. Deinde idem elucet ex precatione illa, *Deus mi, Deus mi, ut quid dereliquisti me.* Qua oratione non solum conqueritur, Psal. 22. 2: Sed etiam liberationem ab ira Dei, & morte petit: v. 21. 22. Quemadmodum etiam Psal. 69. 15. ad 20. Cæterum consequens adjunctum sive eventus, quem, ad consolationem fidelium; adjungit Apostolus, est precum exauditiō: de qua Psal. 22. v. 22. 25. Ioan. 11. 42. & 12. 27. 28. Nam liberationem, primùm à doloribus inferni, per mortem: deinde à morte, per resurrectionem consecutus est; sicut historia Evangelica attestatur; & Petrus Actor. 2. v. 24. ex Psal. 16. comprobatur. Quod verò additur καὶ ὑπακοῆς, variè exponitur, ob vocum significationem diversam: καὶ enim, inter alia; non solum notat *ex* (quemadmodum notum est) sed etiam *propter*: ut videre est Matth. 13. 44. 28. 4. & Luc. 22. 45. deinde ὑπακοῆς reverentiam, seu *religiosum honorem, pietatem, cautionem, aut metum*, notat. Hinc primùm, quidam vertunt, *pro reverentia*, id est, propter reverentiam; id quod bifariam exponunt. Nonnulli enim illud, de reverentia patris erga filium interpretantur; quod videlicet in ea reverentia, & honore filium habuerit, ut eum exaudierit. Verùm quoniam reverentia, de honore potius erga superiorem, dicitur, & constructio hoc sensu futura hic esset durior; idcirco alii, eo rejecto, de reverentiâ quidem; sed filii erga patrem, ac pietate ejus, accipiunt: quod Christus exauditus sit à Patre, propter pietatem suam, Ioan. 9. vers. 31. hoc est, quia illi, in omnibus, obediens fuit, usque ad mortem; tanquam filius dilectus. Idque spectavit vulg. interp. quando vertit: *pro reverentia*. Et ne quis de patre intelligeret, addidisse videtur, interpretationis loco, vocem *sua*. Quam expositionem non pauci sequuntur, quod piam habeat sententiam; nec (ut modò ostendimus) verborum significationi repug-

repugnantem. Alia tamen aliis, egregiis Theologis, magis placet interpretatio: ut nimirum vertamus *ex metu*, quod referatur, non ad desperationem salutis (quemadmodum contumeliosè, & indigna calumnia, Ubiquitarii obiectant) sed tantum ad terrorem Christi, quo in horto, & in cruce pressus fuerit; quem multis describunt Evangelistæ, Matth. 26. v. 37. 38. Luc. 22. 43. 44. 45. De qua re, quoniam Clariss. Beza, prolixè ac doctissimè, in maioribus, ad hunc locum, Annot. differuit, plura non addemus. Quamobrem ex hisce, quæ dicta sunt, satis apparet: inter Christum, & sacerdotem Leviticum, esse convenientiam, in miseriæ ejusdem, cum populo, experienciâ: ita tamen, ut Christus, hac in parte, longè excellentior statuatur: ut qui multo graviora fuerit perpassus, quàm illi; imo quam ulli. Et quia, ex miseriæ sensu, misericordia oriri solet (quemadmodum laudabilis illa Didonis sententia docet, apud Virg. Æneid. 4. *Non ignara mali miseri succurrere disco.*) Ideo subjicit Apostolus, quod Christus, *quamvis filius esset*, Patri dilectissimus (eoque nomine sacerdotibus, ut meritis hominibus, superior) *tamen didicerit, ex iis, quæ passus est, obedientiam*: id est, perpassionibus suis, ad obediendum Patris voluntati, per veram fidem, patientiam, & charitatem, fuerit assuefactus; ac propterea ad misericordiam erga nos idoneus est: ut cap. 2. 17. & 18. explicatum est. In qua sententia, obiter, elegans paronomasia observanda est. Nam ut proverbium antiquissimum est Græcorum, *μαθήματα μαθήματα*, sic etiam Apostolus, de Christo, ait *ἡμαρτιν ἡμῶν ἵνα διδάσκηται*. Hæc de v. 8. & tertiâ convenientiâ. Cui deinde subjicitur harum perpassionum, & obedientiæ fructus: unde etiam Sacerdotii Christi finis intelligitur. Ut enim pontifices Levitici, ad offerendas, pro peccatis, victimas, instituti, eas obtulerunt; ita & Christus, ad sacrificandum vocatus, obtulit, pro peccatis, sacrificium: sed duplici observato discrimine, quo illos superavit. Nimirum quod illi obtulerunt victimas, & sanguinem pecudum: Christus verò seipsum; quemadmodum hic dicitur *consecratus*: ut etiam cap. 2. 10. Deinde quod illi tantum fuerunt nuntii, & ministri reconciliationis cum Deo: nec suo, sed Christi merito nixi sunt: Christus verò *factus sit auctor salutis æternæ omnibus, qui ei, verâ fide, obediunt*, v. 9. Idque illustrat Apostolus, repetitione causæ efficientis, seu authoris pontificatus Christi; ut, ad accuratorem Christi, & Melchisedeci comparisonem, viam sibi sternat, v. 10. Antequam verò eam ingrediatur, digressionem quadam (quæ hinc ad cap. usque 7. v. 1. pertingit) remoram aufert, quæ obesse poterat: ut, hac ratione ad attentionem, & pleniorum rerum intelligentiam, Hebræos stimulet. Digressio autem constat, reprehensione vitii, & hortatione ad virtutem. Reprehensio autem continetur hac reliqua capitis parte. Ac primùm doctrinæ hujus, de sacerdotio Christi, secundum ordinem Melchisedeci, difficultatem indicat; & causam illius, objurgatione acri, in negligentiam Hebræorum, confert: quod *auribus segnes facti sint*, id est, quod in doctrina Evangelii, & explicatione illius, per Apostolos audienda, & ruminanda, negligentes fuerint, v. 11. Idque probat, ex effectu, nempe eorum inscitia: quod *prima elementa religionis* iis essent adhuc explicanda. Cujus rei turpitudinem primùm amplificat, ab officio contrario: quod *oportuerat eos esse doctores*. Cujus facultatem, à circumstantia temporis, confirmat; quando addit: *pro temporis ratione*, quo scilicet tam multos annos, mysterium religionis accuratè explicantes, Apostolos habuerant. Deinde insigni similitudine infantum, & rudium, seu imperitorum, illustrat: quod iis *opus esset adhuc lacte, non solido cibo*, v. 12. id est, quod ipsorum negligentia factum esset, ut iis opus sit tradere adhuc rudimenta religionis Christianæ, quemadmodum Catechumenis fieri solet; nec sublimiora capere possent: lacte enim infantes nutriuntur, solido verò cibo grandiores, ut 1. Cor. 3. 2. Idque declarat, ac confirmat Apostolus expositione commoda: qua definit primùm, quinam sint illi, qui lacte opus habeant, nempe qui *inexpertes sunt sermonis justitiæ*, id est, Evangelii doctrinam accuratè non perceperint; aut (ut alii volunt) sermonis justitiæ nomine designatur, ser-

mo perfectior, seu plenior doctrinæ Christianæ institutio, quæ justè à Christianis requiritur: sic autem interpretantur; quia sermo justitiæ opponitur lacti, v. 13. prius tamen videtur simplicius. Deinde quinam sint, qui solidum cibum requirunt, demonstrat: nempe *perfecti ætate, seu auctori, qui, propter habitum, sensus jam exercitatos habent, ad discretionem boni & mali*, id est, qui mentem habent, longo temporis tractu & doctrinæ inculcatione, assuefactam; ut ita possint bonum à malo, id est, verum à falso, & justum ab injusto, rectè discernere: quod infantes, ob mentis & judicii impotentiam, sive imbecillitatem, præstare non valent. Perfectos autem non absolute; sed comparatè cum rudioribus, eos vocat; qui probè jam edocti sunt; quemadmodum, similibus in locis, ea vox occurrit, ut 1. Cor. 2. 6. & 14. 20. Eph. 4. 13. Sed objiciat aliquis: Si Hebræi, ad quos scribit Apostolus, opus adhuc habuerunt lacte, non solido cibo. Ergo male facit Apostolus, quod iis solidiorem cibum postea tradit, c. 7. imò quod ardua mysteria hæcenus proposuerit: qualis est doctrina de æterna Christi Deitate; & mundi ortu, interitû, ac restitutione: de Christi sessione ad dextram; de natura & officio Angelorum. Verum responderi potest, negatione consequentiæ; quoniam hæc reprehensio, non absolute, & omnino, de tota Hebræorum Ecclesia; sed (pro more Scripturæ, in locis similibus) secundum quid, & ex parte tantum, de multis intelligi debet. Hæc autem Epistola ita attemperata est, ut simul lac habeat infantibus, & solidum cibum adultioribus: omnibus denique escam salutarem. Quandoquidem eadem doctrinæ capita, & humiliter, & sublimiter, diverso loco, summo judicio, ac prudentiâ, pertractantur. Deinde inscitia illa in Hebræis (quoniam ex negligentia, & oblivione ducebat originem) Pauli hortatione, & diligenti eorum studio, corrigi potuit; & quæ ante audita, ac nota fuerant, in memoriam revocari: quemadmodum etiam satis perspicuè apparet, ex sequenti hortatione, cap. 6. vers. 1.

## C O N S E C T A R I A.

I. Pontifex Leviticus debuit offerre victimas pro peccatis & suis, & totius populi. Ergo omnes fuerunt peccatores, eoque nulli illorum perfectè justî; nedum operum meritis justificati. Imò quoniam pontifex Veteris Test. cum populo, typus fuerit Christi, & Ecclesiæ Christi: sequitur nos omnes (solo Christo excepto, quem scriptura excipit) esse peccatores, ac debitores Deo. Quemadmodum etiam generalem hujusmodi confessionem peccatorum, oratione dominica, Christus Apostolos, omnesque Christianos docuit, v. 3.

II. Ad ministerium Ecclesiæ obeundum, opus est vocatione divinâ.

III. Cum Pontifices Vet. Test. omnes, secundum legem Dei, per Moysen traditam, ac scriptam, mediatè instituti à Deo; tamen vocati à Deo dicantur, non minùs quàm Aaron, qui singularem à Deo habuit revelationem: sequitur vocationem divinam esse duplicem, immediatam ex peculiari Dei revelatione; & mediatam secundum revelationem communem, ordinis à Deo præscripti, in verbo. Quare, qui, secundum Apostolorum Canones, ad Ecclesiæ ministerium vocati sunt, ministri Evangelii non minùs possunt dici, à Deo, & Christo vocati; quàm ipsimet Apostoli, quos nominatim, peculiari revelatione, ac compellatione ad Evangelium annunciandum evocarit. Ideoque imperitè, & impie piorum pastorum hujusmodi vocatio, in dubium revocatur; quasi nulli à nobis essent agnoscendi pastores, divinitus vocati, nisi quos Deus peculiari-ter, & extra ordinem, constituisset, v. 4.

IV. Aaron & Pontifices Vet. Testam. fuerunt typi Christi, non communes; sed destinati, et quasi visibilis quædam prophetia, v. 1. 4. 5.

V. Si Christus sine vocatione Dei non exercuit pontificatum: ergo intoleranda est eorum hominum arrogantia, qui in munus Ecclesiasticum, sine vocatione Dei involant, v. 5.

G g g 3

VI. Cum

VI. Cùm Christus intolerabiles, pro nobis cruciatus pertulerit: illius exemplo, patientes esse nos decet, ac fortiter crucem, ad Christi gloriam, ferre.

VII. Deus in adversis seriò invocandus est: ut qui servare suos possit, ac velit.

VIII. Cùm Christus in passione suâ, horrore maximo perculsus, clamore valido, & lachrymis Patrem invocarit: sequitur primò; eum esse verum, nobisque per omnia, si peccata exceperis, similem hominem, vereque passum, contra Manichæos. Deinde, non solum perpassum esse cruciatus externos, ab hostibus, in corpore; sed etiam internos, in anima & corpore, dolores inferni, à patre Iudice, inflictos sensisse: alioqui Martyribus multis, qui ad supplicia externa, longè majora, bilares accesserunt; eaque pertulerunt, esset multo inferior; quod omnino impium cogitare.

IX. Cum Christus timuerit in morte sua, certum est non quemvis timorem supplicii esse vitiosum ac dammandum: quia Deus naturæ hominum, imò & animalium in-sevit amorem conservationis naturæ, & odium contrarii: ideoque si rationi subdit, nullo modo reprehendi potest: subest autem rationi, cum timor est verbo Dei accommodatus; ut nihil committatur, quod Amori Dei, aut proximi, aut fidei repugnet.

X. Cum Christi μαθήματα (ut Apostolus, proverbio usus, ostendit) fuerint μαθήματα, *nocumenta*, ut ajunt, *documenta*: Idem de nostris judicandum est. Ac propterea, cum perpassiones sint utiles, non est cur in iis animum despondeamus; aut adversus Dei providentiam, murmuremus. v. 7.

XI. Christus consecratus, nobis est causa vitæ æternæ: Ergo operibus eam non promeremur.

XII. Nulli, nisi per Christum, servantur.

XIII. Cum illi soli salvi fiant, qui Christo auscultant verâ fide: sequitur incredulos condemnari. v. 8.

XIV. Ministrorum Evangelii munus est prudenter, pro capto Auditorum suorum, tractationem doctrinæ temperare.

XV. Verbi divini difficultas potissimum ex hominum segnitie oritur; ac propterea, quo perspicua nobis sit S. Script. & expositio illius, diligentes & attentos in eâ cognoscendâ esse decet.

XVI. Si Auditores Evangelii, temporis tractu, & diuturnâ auditione, ita proficere oporteat, ut aliorum esse possint Doctores: sequitur detestandam esse Pontificiorum sententiam; quâ simplicitatis, & fidei, (ut vocant) implicitæ nomine, crassam in Auditoribus ignorantiam foveat; & liberam Bibliorum lectionem vulgo interdunt.

XVII. In Ecclesiâ Christi, alii, infantum instar, rudes adhuc sunt; alii vero adulti, ac rectius instituti: idcirco ineptè faciunt & iniquè, qui sacros fidelium cœtus rejiciunt, eo nomine, quod in iis, non omnes donis sublimioribus pares esse comperiant.

XVIII. Danda est opera, ut animi sensus habeamus exercitatos, quo dignoscere possimus, quid bonum, quid malum sit; hoc est, quid salutare, verum ac justum; quid secus.

#### COLLATIO Christi cum Aarone.

Quoniam Christus, eum summo Vet. T. Sacerdote, & nominatim etiam cum *Aarone*, confertur; idcirco, non abs re me facturum existimo, si, hoc in loco, Christi, & Aaronis collationem, corollarii instar, adjecero: ut inde clarius umbrarum V. T. significatio, hujusque capitis sententia, appareat; & Christi gloria emineat melius. In qua materia, non omnia, quæ adferri poterant, sed pauca tantum, proponemus: è quibus reliqua facilius poterunt observari. In collatione autem spectabimus convenientiam nominis; personæ; officii; effectuum, & status.

Ad *nomen* quod attinet, Aaron vulgo interpretantur montem, aut qui è monte, seu montanum: à rad. *h* mons.

Quod, si modo verum est, non malè cum Christo convenit: qui *lapis excisus è monte, sine hominum manibus, & effectus est mons magnus, adeo ut repleverit terram universam*, Dan. 2. 34. 35. & 45.

Altera convenientia est in persona, ratione essentiae; & qualitatum illius. Essentiae quidem, quia ut Aaron ex hominibus homo, & ex Israelitis Israelita fuit assumptus, ejusdem cum populo naturæ humanæ: ita etiam Christus, sicut etiam v. 7. exposuimus. Ratione verò qualitatum essentiae, convenientia est: partim quod Aaron corpore fuerit integro, pro sacerdotum lege, Levit. 21. vers. 16. & seqq. partim quod infirmitatibus vitæ humanæ, pro naturæ ratione, fuerit obnoxius, & ad misericordiam idoneus: quemadmodum de omni pontifice asseritur Heb. 5. 2. similiter & Christus, eo typo adumbratus, sanctitate naturæ fuit integer, Heb. 7. 26. & 1. Pet. 1. 19. & infirmitatum nostrarum, in his terris, fuit particeps, Hebr. 5. vers. 7. & 2. 17.

Tertia convenientia est officii: ratione generis, & causarum; cum efficientis; tum finis. Generis quidem, quia ut Aaron summus fuit sacerdos: ita & Christus. Convenientia verò, in causâ efficiente, cum principali, tum instrumentali, apparet. Principalis enim sacerdotii utriusque causa est Deus. Nam ut Aaron, hoc munus, sibi, non temeritate aliqua, arrogavit; sed divinitus ad id vocatus est, & confirmatus Ex. 28. 1. Sic & Christus Heb. 5. 4. Instrumentalis quoque causa, utrinque, ut typus & anti-typus, inter se, probè convenit. Nam Aaron consecratus est vestitu sacro, & oleo, Exod. 29. 5. 6. ac vestitus quidem Aaronis, ad gloriam & ornatum illius, comparatus fuit, Exod. 28. 2. In quo præcipua ornamenta erant: primum capitis. *Cidaris*. In cujus parte anteriore, in fronte, apposita fuit bractea aurea: cui insculptus erat titulus *שׁוּרֵת הַיָּהוָה* *sanctitas Jehovah*, Exod. 28. 36. Ita & Christus est verè *sanctitas Dei: sanctus sanctorum* Dan. 9. 24 & *sanctus Dei*, Act. 2. 27. qui perfectam sanctitatem, & legis obedientiam suam, ad mortem usque crucis, coram Patre, exhibet; ac si eam fronti insculptam contineret. Et ut illius bractæ, in fronte Aaronis, gestationis finis fuit; ut rerum, ab Israelitis consecratarum, iniquitatem auferret, eosque Deo reconciliaret typicè, & instrumentaliter, Exod. 28. v. 38. ita etiam Christus, sanctitatis suæ, & obedientiæ, ad mortem usque, ostentatione, coram Patre, reipsa, nostrarum virtutum (quasi sacrificiorum spiritualium) imperfectionem, & annexam naturæ corruptionem, expiat; & nos Deo gratos, & acceptos reddit; nostrasque actiones bonas sanctificat Heb. 4. 15. 16. & 13. 21. & 1. Pet. 2. 5. Alterum Aaronis ornamentum fuit *amiculum*, in cujus humerali duo lapides Sardonyches, duodecim filiorum Israelis nomina insculpta habebant, atque exhibebant, coram Deo, in monumentum pro iis, Exod. 28. 12. Sic Christus etiam Ecclesiam universam (tanquam spirituales Israelitas Gal. 6. 16.) nominatim, ac perpetuo, patri commendat, Rom. 8. v. 34. Heb. 7. 25. & 1. Ioan. 2. 2.

Tertium fuit *pallium*, in cujus ora, circumquaque distinctè, inter se collocata erant alternè tintinnabula aurea, & malo-granata: ut, in ingressu Aaronis, ac successorum, in Sanctum, coram Deo, & in egressu ejus, ad mortem vitandam, audiretur Exod. 28. 34. 35. Sic etiam Christus, pallio justitiæ, & zeli indutus Esa. 62. 1. & 59. 17. & fide, quasi tintinnabulo, & charitate (qua, in se, omnes electos, tanquam grana, secum constrinxit, ac complexus est) quasi malo-granato plenissimè instructus fuit, & sonum illius, vitæ suæ incesu, edidit: cum fidem suam, & charitatem testatus est, continuâ vitæ sanctitate, & supplicatione cum clamore valido, & intercessione pro nobis: unde etiam ex-auditus est, & à metu mortis liberatus, Heb. 5. 7. Quartum Aaronis ornamentum fuit, *pectorale sacrum*: in quo duodecim lapides inerant pretiosi, cum totidem nominibus filiorum Israelis: Idque in monumentum, coram Deo jugiter Exod. 28. 21. 29. Ita & Christus, omnes fideles, quasi pectore suo inclusos, gratos, ac pretiosos habet; ac Deo Patri tales efficit; ut antea ostensum est. Et ut in pectorali Aaronis fuerunt *Urim & Thummim*, id est, *illuminationes, & perfectiones*, Exod. 28. 16. & c. quibus Deum, in gravioribus,

ribus, consulebant, & illinc oracula recipiebant: Ita in Christi pectore, lucis, scientiæ, & sapientiæ thesauri perfectissimè reconditi sunt Col. 2. 3. quippe solus Patrem potest revelare, ac revelat Matt. 11. v. 27. Denique ut Aaron cingulo & baltheo pretioso cinctus fuit Exod. 28. 8. & 29. 9. ita iustitia cingulum est lumborum Christi, & fides etiam cingulum lumborum ejus, Esa. 11. 5. Atque hæc de primo consecrationis Aaronis instrumento, & convenientia cum Christo. Alterum fuit unctio: qua oleum sacrum, in caput Aaronis, fuit fusum; ad eum, in Pontificem, consecrandum Exod. 29. 7. Levit. 8. 12. Adeo ut oleum illud, ad extremas vestimenti oras, deflueret, Pl. 133. 2. Sic etiam Christus unctus est oleo exultationis supra consortes suos, Pl. 45. & Heb. 1. 9. Cujus unctionis, & spiritualium donorum guttæ, ad infimos usque fideles, destillant, à Christo capite nostro Ioan. 1. 16. 1. Ioan. 2. 27. Ex quibus jam liquet, in causa efficiente Pontificatus Christi, & Aaronis, elegantem esse similitudinem. Quemadmodum etiam in fine ejusdem officii comperitur. Aaron enim consecratus fuit in Pontificem, tribus de causis. I. ut populum doceret omnia Dei statuta Levit. 10. 11. Deinde ut Sacrificia offerret; partim Eucharistica; partim expiatoria: quibus expiatio peccatorum adumbraretur, & tanquam instrumento, expiatio per Christum, obsignaretur ac confirmaretur Heb. 5. 1. & 8. 3. Denique ut intercederet apud Deum, pro salute populi ei; bene precaretur, ac benediceret ut 1. Sam. c. 12. v. 21. Ioël. 2. 17. Num. 6. 23. Ita Christus factus est summus Novi Testamenti Pontifex: ut nos, omnem, ad salutem nostram, voluntatis Dei notitiam, plenè doceret, Deut. 18. v. 18. & Actor. 3. v. 22. 23. & ut seipsum, pro peccatis nostris, offerret; & pro nobis intercederet; nobisque benediceret Gen. 22. 18. Actor. 3. 25. 26. Gal. 3. 13. 14. Atque hæc quidem, de convenientiâ Aaronis, & Christi, ratione officii sacerdotalis.

Cui accedit similitudo in utriusque effectis, quibus officium executus est uterque. Nam (ut omillis communibus, ea, quæ ex officio peculiari requiruntur, spectemus) quemadmodum Aaron, secundum vocationis officium, pro populo sacrificavit, eique benedixit Levit. 9. v. 7. & 22. Ita & Christus Heb. 5. 7. 9. & 7. 25. 26. Deinde ut Aaron, pro rebus, adversus se, populo intercessit, apud Deum; ejusque promeritæ iræ, jam grassanti in Israelitas, sese opposuit; & inter vivos, ac mortuos sese medium interjiciens, thuribulo suffitum excitans, populum reliquum vivum expiavit; & à morte corporis conservavit, tanquam salutare Dei instrumentum Num. 17. 11. ita similiter Christus, pro suis hostibus apud Patrem precatus est Luc. 23. 34. & tradidit seipsum, pro nobis, oblationem, ac victimam Deo, in odorem bonæ fragrantiae Eph. 5. 2. mortuus pro impiis, Rom. 5. iustus pro injustis, ut nos ad Deum adduceret 1. Pet. 3. 18. factus maledictio: ut nos, à morte æterna, & maledictione, liberaremur, ac benedictionem consequeremur Gal. 3. v. 13. 14. atque hoc modo consecratus, factus est auctor vitæ æternæ omnibus, qui ipsi obediunt, Heb. 5. 9. Ex quibus jam colligi potest: Christum cum Aarone, etiam in effectis, convenire. In eo tamen Christus longè excellit, quod ut præstantioris Testamenti sacerdos est, Heb. 8. 6. ita quoque benedictio illius longè alia, ac præstantior est, ibidem. Et sanctitas, ac charitas illius, omnino perfecta, ac perpetua: Aaronis verò imperfecta, & à qua graviter aliquoties aberravit; nimirum cum aureum vitulum, idololatriæ instrumentum, populi metu, conflavit Exod. 32. v. 21. Deinde cum adversus Moysen, indignè, ac contumaciter insurrexit Num. 12. 1. Denique, quando cum Mose, infidelitate sua Deum, apud populum, dedecore affecit Num. 20. 12.

Postrema similitudo, inter Christum, & Aaronem, in statu utriusque duplici, perspicua est. Primum in humiliatione: ut enim Aaron initio humili & afflicta fuit sorte: ita & Christus, ut, in comparatione cum Mose, ostendimus. Deinde quemadmodum Aaron periculis variis, toto vitæ curriculo, fuit obnoxius, ac vexatus, partim à crudeli rege Pharaone, in Ægypto, & à successore altero Pharaone, in exitu ex Ægypto; partim ab ingrato, & rebeli populo

Israelitico, in deserto, Num. 12. v. 2. & Levit. 9. similiter, adversus Christum, in vitæ initio, rex Herodes Magnus Matt. 2. & alter rex Herodes, & Pilatus, cum gentilibus, & populis Israelis, conspirarunt Act. 4. v. 27. quemadmodum plenius, & clarius, ex antecedenti, Christi cum Mose collatione, percipi potest. Deinde similitudo status altera consistit in exaltatione utriusque. Nam ut Aaron, ex humiliforte, ad sublime pontificatus culmen, evectus est divinitus: sic & Christus. Et quemadmodum Deus Aaronem, ab hostium vi, & contemptu, insignibus miraculis, & magnâ, in hostes, severitate, asseruit, Levit. 9. Sic & Deus Pater Filio suo Jesu Christo, partim sermone, partim operibus variis, cum gratiæ, in Christi discipulos; tum vindictæ, in adversarios, testimonium perhibuit sæpissimè: ut, ex collatione cum Mose, apparuit: quemadmodum etiam miraculis divinis convenientibus apparet. Nam ut arida Aaronis virga sola, secundum promissionem & potentiam Dei, noctis spatio, produxit germen, emisit florem, & amygdala, Num. 17. 23. Ita Christus, qui ex virgine, quasi arida virga, effloruit; per mortem, instar virgæ Aaronis, ab arbore resectæ, quasi aridus, & vitæ expers, morte sua, post secundam noctem, superata, germinavit, floruit, & spiritualia amygdala, ac cibum vitæ æternæ, nobis produxit; eaque ratione, se, & verum Dei filium, & summum Novi Testamenti sacerdotem, à Patre constitutum demonstravit, Rom. 1. v. 4. Hactenus de Christi, & Aaronis collatione. Reliqua, suis locis, ex Apostoli indicio, in hac epistola cognoscantur. Hæc de capite quinto: sequitur

## C A P U T S E X T U M.

PRIore digressionis parte (quæ reprehensionem negligentiae Hebræorum continet) absolutâ; opportunè Apostolus, hoc cap. 6. alteram adjungit; & inde concludit. Ea autem est hortatio ad ampliorem, in Euangelii doctrinâ, progressum. Hortatio autem bimembris est; constat autem Aphæresi, & thesi, seu dehortatione à malo, & adhortatione ad bonum. Ad prius quod attinet, sic ait: *quapropter* (i.e. quia vos pro temporis ratione oportuit esse doctores, ut alios docere possitis c. 5. 12.) *omittentes initium Christi sermonem*: id est, prima Euangelii Christi elementa c. 5. 12. Quorum omissio, cum possit esse duplex, ad sententiæ intelligentiam, distinguenda est: una enim est per oblivionem ac defectum ab officio. Altera verò est per confirmationem, progressum ac profectum majorem. Prior autem, quæ prava est, intelligi non potest; sed posterior omissio, quæ recta est, hoc in loco, intelligitur. Idque illustratur adjunctâ thesi, *ad perfectionem*, nimirum doctrinæ Euangelii, tanquam ad scopum, constanti, rectoque cursu, *feramur*: Vos quidem discendo; ego verò docendo sermonem Christi diligenter. Nam utrosque, cum Hebræos; tum Paulum, eâ voce, intelligi, ex cap. 5. 12. & 6. 3. aliisque sententiæ circumstantiis, apparet. Atque hæc propositio, sequenti expositione (ut eo amplius doceat, atque excitet Hebræos) illustratur, ac confirmatur: partim descriptione; partim causæ explicatione. Illa declarat, quid sit *omittere initium Christi sermonem* (ne quis perperam interpretetur) nim. non *jacere rursum fundamentum resipiscentiæ, fidei &c.* Quæ fundamenti metaphora, elegantem similitudinem, ad rem maximè pertinentem, complectitur. Quemadmodum enim architectus, jacto sapienter fundamento, nec illud destruit, nec in eo desinit; sed firmat: & super illud fundamentum, reliquum extruit, donec tectum, & finem operi imposuerit: ita Christi sermo, sua habet, quasi fundamenta, & summa religionis capita: quæ ut conservanda sunt; ita pleniori, & accuratiori institutione, pertractanda sunt. Quæ fundamenta, enumeratione primariorum partium Catecheseos Christianæ, describuntur. Ac primum fundamentum est, de *resipiscencia ab operibus mortuis*, id est, peccatis. Quæ ita appellantur, vel per Metonymiam quod mortem efficiant, Rom. 6. versu ultimo; vel potius, quod sint effecta mortis animæ, seu veteris hominis: quo vitæ imaginis iustitiæ Dei spoliati sumus, ab origine nativitatæ nostræ, Ephel. 2. 1. & 5. Alterum



rum fundamentum est, de *fide in Deum*, Patrem, Filium, & Spiritum Sanctum. v. 1. Quibus duobus fundamentis primariis, summa doctrinæ Christianæ indicatur, Act. 19. v. 4. Marc. 1. v. 4. 15. Luc. 24. v. 47. Act. 20. v. 21. Quibus, explicandi gratiâ, adduntur alia: ac primum *baptismatum doctrina*. Quæ variè exponi possunt: Aut conjunctè, aut divisè. Conjunctè quidem, primum per appositionem grammaticam, cum antecedentibus; quasi per parenthesisin quandam (quæ etiam à nonnullis notatur) ut sit sensus: quod fundamentum respicientiæ, & fidei, est doctrina baptismatum, & impositionis manuum: quemadmodum Evangelistæ attestantur, Matth. 3. v. 2. & Marc. 1. v. 4. Deinde sine appositione grammatica: ut absentia articuli Græci innuere videtur. Quæ sententia uberior est. Atque ita mens Apostoli fuerit hujusmodi: Doctrina baptismatum, id est, doctrina de baptismo singulorum fidelium, eorumque liberorum, ut pluralis numerus indicat. Nam quamvis unus sit specie, ac formâ baptismus, Eph. 4. v. 5. numero tamen multi sunt, pro singulorum fidelium, ac confœderatorum ratione. Atque hoc sane videtur aptius esse, quàm ut dicamus: baptismos plurali numero solennes ritus, vel statos baptizandi dies (ut quidam arbitrantur) designare. Deinde disjunctè exponi possunt, ut per *doctrinam* intelligatur munus interpretandi Sacras Literas; quod cum administratione Baptismi, & Cœnæ, ministerii Ecclesiastici officia continet. Sed tamen antecedens sententia videtur accommodatior: præsertim cum *doctrinæ* vox, pro munere prædicationis Evangelii, ita simpliciter, non facile reperiatur. Cæterum doctrinæ baptismi additur *impositio manuum*: quæ triplex, in Sacris Literis, occurrit. Prima quidem ordinaria, in ordinatione pastorum: unde etiam pro eâ usurpatur: de qua 1. Tim. 5. v. 22. *manus citò nemini imponas*. Reliquæ verò duæ sunt extraordinariæ: quarum altera fuit communior: ut quæ, ad quosvis Christianos, pertinebat, nempe cum baptizatis per Apostolos, impositione manuum, impetraretur donatio Spiritus Sancti. varia, Act. 8. v. 27. 1. Tim. 4. v. 14. & 2. Tim. 1. v. 6. Altera propria est, quâ iis conferebatur corporis sanitas, Luc. 4. v. 40. Marc. 16. v. 18. Act. 28. vers. 8. Quibus accedit impositio manuum alia, quam prisca Ecclesia habuit, in usu: siquidem iis, qui in infantia fuerant baptizati, post professionem religionis Christianæ, Ecclesiastica consuetudine, non necessitate, manus adhibitis precibus, imponebantur; ad accepti baptismi, & fidei confirmationem. Vnde Pontificiorum superstitio, in confirmationis (ut vocant) Sacramento, occasionem sumsit. Pro qua superstitiosa confirmatione, in Ecclesiis reformatis, ab adultioribus baptizatis professio fidei, probatio, & ascriptio in album, seu catalogum membrorum Ecclesiæ, ante Cœnam Domini, secundum Apostolum Paulum, adhibetur, ne indignè Cœnæ participando, ira Dei provocetur. Atque hunc ritum, quem olim observatum diximus, in prisca Ecclesia, multi, hoc loco Apostoli, intelligi arbitrantur. Sed cum alibi nusquam in Sacris Literis hujusmodi ritus fiat mentio, cum tandem, post Apostolorum tempora, ortum esse, minime dubitamus. Id quod etiam nonnulli agnoscunt: atque hinc etiam colligi posse arbitrantur, hanc epistolam non esse Apostoli Pauli. Id quod omnino alienum est: quoniam omisâ hac ignotâ Apostolis manuum impositione, commodè, vel de extraordinaria impositione manuum, ad Spiritum Sanctum, per Apostolos impetrandum; ad tempus baptizatis communi: vel de ordinaria, in vocatione ministrorum, confirmatione, accipi potest; quorum utrumque convenienter baptismum connectitur. Prius quidem ratione temporis, ut ex Actis cap. 8. v. 17. & 19. 6. elucet: posterius verò rectè baptismum conjungitur, ratione cognationis inter utrumque. Quandoquidem ministerii Evangelii officium, & effectum est baptismus Matth. 28. v. 19. Adeo ut commodè hæc duo, ut ordinaria Christi instituta, in Ecclesiâ observanda, hoc in loco, copulentur. Quibus adjiciuntur articuli, *resurrectionis mortuorum & judicii æterni*: tanquam particularis quædam fundamenti fidei, antè memorati, explicatio. Quorum meminit: quod postremi quidem sunt ordine, ac tempore; sed non postre-

rum fidei objectum: ut qui felicitatis nostræ complementum continent. Ut autem resurrectio alia est electorum, ad vitam gloriosam: alia reproborum, ad mortem æternam: sic judicium aliud est vitæ, ac gloriæ æternæ; aliud mortis, & cruciatus æterni: idcirco *judicium æternum*, ratione executionis illius, in æternum duraturæ appellatur, v. 2. Atque hæc quidem pertinent ad descriptionem eorum, quæ in profectione continentur: quæ prima expositionis pars est. Cui altera deinde succedit, videlicet causæ efficientis principalis declaratio. Docet enim hortationis observationem, à providentia Dei dependere, cum ait: *atque id faciemus, siquidem permiserit Deus*. Cum autem dicit: *faciemus*, nihil aliud vult, quàm id ipsum, ad quod hortatus est, versu primo; & quemadmodum ibi non agitur, de solo Paulo, & Evangelii ministris: nec etiam de solis Hebræis; sed de utrisque: ita & in hac sententia, ut etiam sequens ratio ostendit. Sensus igitur est, *ad perfectionem feremur*, & ego docendo & vos attendendo; si modò Deus gratiam eam nobis largitus fuerit. Nam permissio nuda non intelligitur (quia providentiæ divinæ obstat, quæ omnia regit) sed cum gubernatione Dei conjuncta. Deus autem permittit, cum ministros verbi non impedit; quominus Evangelium annuntient (hoc enim interdum fit ut Act. 16. v. 7.) Nec auditoribus suum aufert Spiritum; quominus annuntiatum Evangelium capiant: nec Satanæ, utrosque impedire conanti, habenas laxat; sed eum refrænât, ac coërcet, & pastoribus, atque Ecclesiæ, dona sua continuat, & auget. Sensus igitur est, *faciemus*, si Deus, ut justus contemptiois sui verbi iudex, non impedierit; sed adjuverit. Cujus sententiæ scopus est, ut ad timorem Dei, & perseverantiam in fide Hebræos extimulet, versu 3.

Ac propterea, ut illos eo amplius moveat, addit comminationem gravissimam, adversus apostatas, qui à professione veritatis Evangelii desciscunt; & Christum odiosè abnegant. Ostendit enim Deum iis non largiri, ut in agnitione Evangelii, & professione proficiant. Ac propterea, non frustra, illam conditionem: *si Deus permiserit*: à se esse appositam, Apostolus ostendit. Comminatio autem adducitur primum: deinde confirmatur, & illustratur. In qua observandum est: priore loco subjectum; posteriori verò attributum. Subjectum autem sunt, Apostatæ à religione Christiana, quos describit ab adjunctis, & effectis, id est, à collatis iis divinitus beneficiis: & contrà relatis, ab illis, maleficiis. Ac beneficia statuit *illuminationem* mentis, cognitionem veritatis, & cordis aliquam recreationem, ac lætitiâ, ex consideratione veritatis Evangelii, & præstantiæ Christi, ac salutis oblata; & ex conscientia liberationis à tenebris ignorantie antecedentis; & superstitioso timore. Quam lætitiâ, *doni cœlestis gustationem*, metaphoricè, appellat Apostolus: quemadmodum ex horum donorum expositione videre est. Nam causa adfertur gemina; cum principalis, nempe Spiritus Sancti operatio, per quam illuminatio, & gustus ille oritur, v. 4. tum instrumentalis, nempe *bonum ac suave Dei verbum*, hoc est Evangelium, seu jucunda illa Christi exhibitio, & salutis, ac futuræ vitæ cœlestis credentibus, à Christo partæ, & oblata, annuntiatio. Quorum excellentia, appellatione *virtutem futuri sæculi*, describitur. Hujus autem *verbi* adjunctum vocatur *gustus*. Quo intelligitur fides illa, sine radice, temporaria: qualis, Matth. 13. v. 20. 21. 22. & Luc. 8. v. 13. describitur. In qua adest quidem intelligentia & assensus Evangelii, lætitiâ aliquam in corde excitans, & consequens Evangelii professio: sed deest vis charitatis, & fiduciæ effectiva. Quæ vis, vivam, ac salutiferam fidem, informat; & à mortua (quæ vanam salutis fiduciam solet parere) distinguit, Matth. 7. 22. 23. Iac. 2. v. 14. 17. 18. 20. 26. Atque hæc de beneficiis, in apostatas collatis. Contra verò relata ab iis maleficiâ, *lapsus* voce, per metaphoram usitatam, à re corporeâ, ad spirituales, similitudinè traducta, denotantur. Lapsis autem deflectionem à professione Evangelii, & delectatione boni illius cogniti, designat. Cum autem defectio esse possit varia: non generatim quævis, hoc in loco, intelligenda; quo-

quoniam illud, Ez. 18. vers. 21. aliisque Sacris Literis pronuntiatis; & converforum exemplis, utroque testamento: plurimis denique hujus epistolæ dictis, cap. 4. v. 15. 16. & 7. vers. 25. 26. repugnat. Sed ea solum defectio, quæ cum voluntate, & destinato Christi, ac cognitæ veritatis Evangelii, odio, conjuncta, ut Heb. 10. v. 26. 29. Quod peccatum, ab effectu suo, blasphemia in Spiritum Sanctum *ὁ ἅγιος πνεῦμα*, à Christo appellatur, Mat. 12. v. 31. & *peccatum ad mortem* (quod scilicet sua naturâ, secundum Dei voluntatem, necessariò mortem inferat) 1. Ioan. 5. v. 16. Atque hæc, de comminationis subjecto. Attributum verò justum hujus impietatis gravissimæ effectum, & meritum declarat: *quod fieri non possit, ut denuo renoventur ad resipiscentiam*. Quæ *ἀναίμακτος* intelligenda est, non simpliciter, & absolute; quia hoc, cum Dei omnipotentia, non convenit: sed relatè, id est respectu justitiæ divinæ, & decreti illius, per Filium patefacti, Matt. 12. v. 31. 32. nam quemadmodum Diabolus, Deum, summum bonum, & veritatem, ac justitiam illius cognoscens, destinato illius odio, persequitur; nullamque obtinet peccatorum remissionem: ita nec homines illi, qui agnitæ veritatis abnegatione, atque oppugnatione, eum imitantur, & Christum servatorem, ac salutem, per eum partam, & Spiritus illuminatione cognitam, contemnunt, atque odiosè insectantur. Ac propterea Christus illis veniæ spem præscidit Marc. 3. 29. & Ioannes Apostolus pro talibus (qui, vigente tum temporis prophetiarum dono, cognosci poterant) orare vetuit, 1. Johann. 5. vers. 16. Cujus horrendæ pœnæ justitiam, sequenti explicatione, à peccati magnitudine, confirmat, cum ait: *rursum crucifigentes sibi filium Dei, & ignominiae exponentes*, id est, quod illi, eâ hostili, contra conscientiam, Evangelii abnegatione, Christum, à Iudæis semel crucifixum, & ignominiae expositum, quodammodo rursum (quantum quidem in ipsis est) crucifigant, & contemtui exponant, ad suum exitium: dum crucifixionem illius, à Iudæis factam, approbatione sua, suum peccatum, communicatione quadam, efficiunt: ut infra c. 10. v. 29. *dum filium Dei conculcant, & sanguinem Novi Testamenti communem existimant*. Quamobrem hinc liquere potest, quam graviter errarint; primùm, olim, Novatiani, qui hujus sententiæ iniquo prætextu, omnibus (etiam ex infirmitate humanâ, persecutionum atrocitate, perterritis) qui à fidei professione defecerant, à peccatorum veniâ, & per resipiscentiam in Ecclesiam reditu, excludebant. Deinde hinc etiam liquet: quàm indignè, hujus epistolæ auctoritas, ea de causâ, à nonnullis rejecta sit: quasi omnibus, à professione Evangelii deficientibus, veniam, ac salutem præscinderet. Denique ex antedictis etiam constat, frustra nonnullos hoc loco abuti, ut doceant, hominem, à fide viva, ac justificante, posse omnino, & absolute deficere, ac perire: nec enim de fide vivâ, ac justificante; sed de fide mortuâ, ac temporariâ, sermo est, ut supra ostendimus. Et quamvis disputandi gratia de fide viva agi largiremur. Inde tamen nondum consequeretur antecedentis partis, sed tantum consequentiæ veritas: quemadmodum enuntiationum conditionalium communis natura; & Sacræ Scripturæ exempla demonstrant: nec est, quod quis objiciat, ineptam, & inutilem, hoc modo, fore sententiam; quia hujusmodi conditionum usus esse potest varius: ex gr. ad amplificationem, Gal. 1. v. 8. vel ad agnitionem officii, & ad studium illius; quemadmodum licet *Apostolorum* (excepto Iuda, Ioann. 17. vers. 12.) *nomina essent inscripta in calice*, Luc. 10. v. 40. & regnum cælorum illis certò promissum à Christo, Luc. 12. v. 22. Matth. 19. v. 28. nihilominus iis etiam dixit, Matt. 5. v. 20. *nisi justitia vestra abundaverit plusquam Scribarum, & Phariseorum, non intrabitis in regnum cælorum*. Cum enim fideles considerant, primùm, quantum defectio à fide adferat damni; & suam etiam deinde imbecillitatem, cujus respectu deficere possent, intuentur; ad timorem Dei, & officium capessendum, stimulantur, 1. Corinth. 9. v. 27. quemadmodum etiam contra spectatâ promissâ, certoque futurâ Dei gratia; & virtute, (quæ à lapsu, & interitu conservantur) fidem confirmant, 1. Pet. 1. v. 5. Ioann. 10. 28. 29. & 17. vers. 15. Rom. 8.

vers. 30. 38. 39. Atque hæc de vers. 6. Reliqua, quæ obijci poterant, ad uberiores hujus loci explicationem, Deo favente, proponuntur, Hebr. 10.

Porrò, hanc comminationem, exitii horum malitiosorum apostatarum, illustrat, & confirmat Apostolus, similitudine non minus eleganti, quàm convenienti, nempe terræ sterilis. Quam amplificat à contrario, promissâ antithesi terræ fertilis: adeo ut similitudo sit duplex. Priori enim terra fertilis confertur, cum verâ ac vivâ fide præditis, ut Luc. 8. v. 15. Altera, terra sterilis, cum Apostatis, qui fidem tantum mortuam, ac temporariam habent. Commune est utrique terræ antecedens beneficium, quod & cultores habeant homines, & imbrem, à Deo, in se venientem, combibant; Itaque utrique hominum generi commune est, & quod cultores habeant, Deum & Dei ministros, qui semen, Evangelii prædicatione, in iis, conferunt; Mat. 13. Et quod imbrem cælestem Spiritus Sancti similiter, quamvis dispari gradu, percipiant, dum auditum Evangelium non solum intelligunt, sed ei etiam assentiuntur mente suâ per illuminationem à Spiritu Sancto illustratâ: proprium verò & dissimile utriusque est consequens, cum effectum, tum eventus. Effectum quidem terræ fertilis est, *proferre herbam accommodam, & utilem cultori*: contrâ sterilis est, *proferre spinas, & tribulos*. Sic etiam verè fidelium est, gratitudine laudabili, pro hisce beneficiis, constantis confessionis fidei, ac charitatis fructus, quasi herbam, proferre; ac referre, Luc. 1. v. 15. Contra verò mortua illa fides præditi, ingratitude turpi, à Christo cognito, deficere solent; & pro acceptis beneficiis, maleficia rependere, hoc est, adversus ejus gloriam, & ministros fideles, improbam vitam, & blasphemiam, quasi spinas, producere. Quibus effectis contrariis, contrarii eventus respondent. Nam terræ fertilis eventus est felix, *benedictio Dei*, in messe bona, seu frugum copia, & maturitate. Qua phrasi utitur Isaac patriarcha, Gen. 27. *ecce odor filii mei, sicut odor agri pleni, cui benedixit Dominus*. Contra sterilis terræ infelix eventus est, *maledictio*; quâ deseritur: *& exustio*; qua tribuli, & spinæ exuruntur. Similiter eventus verè fidelium est benedictio Dei, sita in donorum acceptorum incremento, ac maturitate, & ingratis, præstiti debiti officii præmio, vitæ æternæ: Contra apostatarum eventus est, cum maledictio Dei, qua ejus verbi, & Spiritus illuminantis beneficiis, privantur, in hoc mundo; tum consequens ustio, ac cruciatus æternus, in igne inferni. Ex qua similitudine insigni, elucet judicii Dei, in hujusmodi apostatas, severitas, & justitia. Si enim agricola terram sterilem, diu multumque à se cultam; ac sæpius, à Deo, cælesti pluviâ, irrigatam, & tribulos ac spinas tantum proferentem, tandem sapienter, ac meritò incultam deserit, & exurit: multo sapientius ac justius Deus, postquam apostatas, Evangelii semine, per Evangelii ministros, quasi agricolas, longo tempore conseruit, ac coluit, & bono Spiritus sui illuminantis imbre irrigavit, nullosque culturæ fructus bonos percepit vivæ fidei, spei, charitatis: sed contra perfidam defectionem, & abnegationem, odiumque veritatis protulerunt tandem sua illa benigna cura, & donis Spiritus privat, atque igne infernali punit. Hæc de comminatione, & illustratione illius, v. 7. & 8.

Ad cujus asperitatem, apud fideles Hebræos infirmiores, mitigandam, additur (per objectionis anticipationem opportunam) consolatio. Qua comminationis scopum declarat, remotione falsi, & positione veri. Quia enim infirmiores, ea comminatione, potuissent percelli, & animum quodammodo despondere; partim quasi à Paulo, in reprobos numerum essent relati; partim conscientiae stimulis commoti, quod videlicet ob ingratitude, & negligentiam digni essent, qui rejicerentur, & à gratia, ac vita Dei, excluderentur: propterea, perquam sapienter testatur, eum non esse sermonis sui scopum; quasi de ipsis desperaret; sed se bene de iis & salute eorum sperare: *quamvis ita duriter loqueretur*, v. 9. Quam spem, & persuasionem amplificat declaratione geminæ causæ efficientis. Quarum prior est, demonstratio charitatis Christianæ eorum, erga Deum; & erga sanctos Dei filios, seu verè fideles. Quam

Quam charitatem, non solum ab initio illius, laudat; sed etiam à constanti progressu amplificat, sincerè, & salutis illorum studio. Altera causa efficiens est Dei iustitia; cuius est, secundum promissionem suam, non oblivisci sinceræ, ac constantis charitatis fidelium; sed contrà benedictione sua remunerari. Cum autem iustitia sit virtus, qua cuique quod debetur, attribuitur: benedictio hæc, bonis fidelium operibus debita, dici quodammodo potest, sed non ratione meriti operum, ut Pontificii volunt; verum ratione gratuitæ promissionis, ac veritatis divinæ: qua fidelium (quos in Christo gratos habet Eph. 1.) bonis operibus gratiam, & vitam; tanquam præmium gratuitum, promittit: atque, ea ratione, debitorem se constituit, præstandæ promissionis; non autem reddendi meriti nostri: idque ad laudem misericordiæ suæ; non autem ad gloriationem meriti hominum, vers. 10.

Atque hæc de remotione scopi falsi. Sequitur positio veri: quod hæc scripserit; ut sit stimulus, ad perseverantiam in fide, charitate, spe, patientia; & remedium adversus negligentiam, quam supra reprehenderat. De charitate & spe agit, v. 11. De reliquis verò sequenti. Quo in loco, ad fidem, & patientiam, addit calcar, argumento exempli Patrum Veteris Testamenti. Id quod confirmat à fructu, nempe consecutione hæreditariâ promissionis, id est per Meton. vitæ æternæ, à Deo promissæ, v. 12.

Atque hæc illustratur, & probatur exemplo Abrahami: quod quamvis re ipsa singulare sit: usu tamen commune est, & instar omnium. Quoniam Pater fidelium est: cuius *vestigia nos imitari debemus*, Rom. 4. v. 16. Cuius benedictio nobis etiam communis est, ibid. v. 23. 24. Gal. 3. vers. 14. Profert autem Apostolus primum promissionem, quæ à Deo Abrahamo facta est; & juramento per ipsummet, (tanquam verè Optimum ac Maxim.) munita, v. 13. & 14. de qua re Gen. 22. v. 16. 17. Deinde promissionis illius consequens duplex adjicitur, nimirum patientia in Abrahamo; & veritas in Deo, quod promissum suum de Christo, & benedictione per eum, impleverit, vers. 15. Quibus deinde addit Apostolus expositionem, qua finem, & utilitatem jurisjurandi, à Deo, promissioni additi, declarat; præmissa jurisjurandi humani, ad rei amplificationem, comparatione. Nam ut illud est litis diremtio, & confirmatio veritatis, in animis auditorum, v. 16. Sic etiam Deus, ut ostenderet vitæ hæredibus (hoc est fidelibus omnibus, Rom. 8. v. 17. Gal. 3. v. 29.) immutabilitatem consilii sui, promissione revelati, jurejurando interposito, stabilivit, vers. 17.

Cujus rei fructus indicatur, nempe confirmatio fidei nostræ, seu firma consolatio: quod Deus duas res immutabiles, *promissionem & juramentum, in quibus mentiri non potest*, adhibuerit: ut firmam consolationem habeamus, nos, qui cursum corripimus, ut eo modo spem propositam retineamus: id est, ut verbi, & veritatis Dei consolatione, quasi rudente, seu fune nautico validissimo, *spem nostram, tanquam anchoram retineamus*, in curricula, & navigatione hujus vitæ, in undosi hujus mundi Oceano, v. 18. Quam genuinam esse sententiam, liquet ex sequenti comparatione: qua spes confertur anchoræ. Unde etiam liquet, *spei* vocem non esse accipiendam figuratè, ut interdum fit, per Meton. pro re promissa, aut etiam promissione (quia anchoræ similitudo neutro modo conveniret) sed propriè, qua ratione optimè quadrat. Comparatio autem composita est ex similitudine & dissimilitudine. Similitudo est: quod ut anchora laudabilis, ac proba, *firma* est; quæ non comminuitur, nec inflectitur: & *tuta*; quæ demissa in fundum, loco non movetur; sed navem fundo inhærens retinet, ne per tempestatem, abrepta in scopulos, aut in vadum illisa, pereat: ita *spes* Christianorum *firma* est, ac *tuta*, Roman. 5. v. 5. animamque adversus temptationum fluctus, retinet & ab interitu conservat. Dissimilitudo vero est, quod anchora navis demittitur in salum, & solum; sed animæ anchora emittitur in cælum. Nam quod Apostolus ait: *in interius veli spatium*: ea periphrasi (à tabernaculo Veteris Testamenti desumpta) cælum designat. Cujus sanctum sanctorum, infra velum positum, typus fuerit (ut

postea, ab Apostolo, in sequentibus capp. declaratur) & simul legis ceremonialis (quæ à sancti sanctorum penetrali Israelitas velo arcebat) complementum; rupto scilicet jam, per Christi mortem, velo, Matt. 27. vers. 51. ascensione illius in sanctum sanctorum cæleste, Heb. 9. v. 24. Ac propterea addit Apostolus: *quo præcursor, pro nobis, ingressus est Iesus*. Quem, ab officio sacerdotali, secundum ordinem Melchisedec, describit: eaque via, ad rem propositam, unde à capitis quinti vers. 11. digressus erat, repetitione commoda, regreditur, vers. 20.

#### C O N S E C T A R I A.

I. CVM fideles oporteat, à rudimentis religionis Christianæ, ad perfectionem contendere: iniquè omnino faciunt, qui vix cognitis primis fundamentis, in iis negligenter conquiescunt: & multo iniquius Pontificii Doctores; qui, religionis ac fidei implicitæ nomine, eam socordiam commendant.

II. Cùm peccata sint opera mortua; à renatis, & in Christo viventibus fidelibus, cavenda sunt, vers. 1.

III. Profectus, in agnitione & professione Christi, Deidonium est, vers. 3.

IV. Cùm Apostatæ reprobi, suo odio, Christum crucifigant, & ignominie exponant: peccant illi graviter, qui lenitatis Christianæ specie quadam, scelera hujusmodi exiguare student.

V. Si maledictionem, & ignem æternum fugere velimus, necesse est, ut fructus bonos proferamus.

VI. Comminationes proponendæ sunt, non solum reprobis; sed etiam electis: ut repressa carne, in Dei timore & officiis pietatis, retineantur, ac proficiant, v. 9.

VII. Pios in os laudare, interdum, non solum licet; sed etiam decet, & expedit, modò hoc fiat exemplo Apostoli rectè: ut scilicet origo illius sit sinceritas, & charitas: Medium verò veritas: finis denique sit piorum, in laudatâ virtute, profectus, ad Dei gloriam.

VIII. Charitas Christiana vera, à fucatâ mundi dilectione, distinguitur, quod non solum in ore, sed etiam in opere consistat: deinde quod in Deum, & Sanctos potissimum feratur.

IX. Cùm Deus officia charitatis nostræ, pro veritatis suæ iustitia remuneretur: non est, cur ab iis præstandis, mundi ingratitudine, absterreamur, vers. 10.

X. Patrum piorum exempla, rectè non solum cognoscenda sunt, sed etiam imitanda, vers. 12.

XI. Cùm juramenti finis sit rectus, ut & origo, & medium: hominumque juramenta legitima, hoc loco, probentur, & eorum imitatione, Deum jurare, Apostolus demonstret: sequitur nos exemplum Dei rectè posse, cùm opus est, imitari, ac jurare. Ideoque errare Anabaptistas graviter, qui contrarium pertinaciter asserunt, vers. 13. 16. 17.

XII. Fidelium promissa salus certa est; ideoque constanti spe expectanda, vers. 15.

XIII. Cùm Spes Christianorum, Dei conservantis gratiâ, sit *Anchora tuta ac firma*, sequitur eam non posse perire: Errant ergo plurimum, qui perseverantiam illius, in verè fidelibus, certam esse negant, vers. 19.

#### C A P U T S E P T I M U M.

POSTquam Digressionem, ante memoratam, absolvit Apostolus: quâ negligentiam Hebræorum reprehendit, & ad officium hortatus est; & ad Sacerdotium Christi æternum secundum ordinem Melchisedec (de quo egerat, cap. 5. vers. 10.) regressus est tandem, cap. 6. v. 20. In eo amplificando, jam progreditur, hoc cap. 7. Demonstrans illud longè præstantius esse Sacerdotio Levitico: idque bifariam. Primum descriptione Melchisedeci, tanquam typi Christi, quo Levitas inferiores esse docet, ideoque & Christo: deinde oppositione inter ipsius & Levitarum Sacerdotium: cuius etiam abrogationem inde concludit. Descriptio Melchisedechi constat historiæ propositione, & expositione illius. Historia petita est ex Genes. 14.

nes. 14. Quæ, præmissio Melchisedeci nomine, eum describit ab officio, effecto, ( seu beneficio, quod contulit ) & adjuncto, seu gratiâ, quam retulit, sive accepit. Officium statuitur geminum, Regale & Sacerdotale. Ac regni quidem præstantia, à subjecto loco, declaratur, *quod fuerit rex Salem*. Sacerdotii verò sanctitas indicatur, à causa, cum efficiente; tum finali, scilicet Deo, qui ( ut ab idolis, & creaturis distinguatur; & sacerdotium Melchisedeci, ab impio idololatrarum cultu secernatur ) *Alissimus*, hoc est, omnipotens cæli creator, ac Dominus appellatur.

Effectum seu collatum ab eo beneficium est, quod *occurrit Abrahamo à cæde regum revertenti; & benedixit ei, vers. 1.*

Deniq; adjunctum, seu accepta gratia est, quod decimas omnium ab Abrahamo receperit. Atque hæc est propositio historiarum.

Cui deinde subjicitur ejusdem expositio, quæ hujus historiarum partes, & momenta ordine declarat. Nam primum de officiis agit, initio ducto à regno. Cujus qualitates explicat duas; *justitiam & pacem*: idque interpretatione nominis ( ut latens in eo mysterium patefaceret ) cum regis tum sedis regni. Nomen regis est *Melchisedec*: cujus interpretatio est, *rex justitiæ*. Nam ut *מלך regem*; ita *צדק justitiam* significat: litera autem ( *jod* ) per epenthesein inserta est, ad compositionis elegantiam, ut similia declarant: Adonizedeck, Adonibezec, Abimelech Achimelech, Achitob, Abisag, Achitopel, Aminadab, & similia. Ac propterea alienius est, quod quidam, ab Apostoli interpretatione nonnihil declinantes, quasi ( *jod* ) pronomen esset nomini affixum, interpretari malunt *rex meus justitiæ*. Nomen autem sedis regni indicatur, cum ait: *rex Salem, quod est rex pacis*. Salem autem est antiquum urbis Ierusalem nomen, quo etiam Iesus vocatur, Psalm. 76. versu 3. Cæterum hæc difficultas quædam, adversus hujus epistolæ veritatem, eoque auctoritatem occurrit, quæ vulgò ab interpretibus negligitur, ideoque expedienda est. Objici enim potest: quod *שלום* Hebræis est *pax*: *שלם* verò *pacificus*, ut Genes. 34. vers. 22. Responderi autem potest bifariam. I. apud Hebræos usitatum esse, ut non rarò eadem vox, modo adjectivè, modo substantivè usurpetur: quemadmodum *אורב* *insidians*, vel *insidiæ*; *אורב* *longus*, vel *longitudo*, *טוב* *bonus*, vel *bonitas*, & alia multa: ut ex usu, & proborum Lexicorum testimoniis constat. Sic etiam vox Salem *pacificus*, vel substantivè *pax*: licet ejus significationis exemplum, in Prophetis, non extet: sed Apostolus, tanquam rem notam, expressit. Deinde altera etiam responsio esse potest, ut adversariorum obiectio perspicuè, ac solidè refutetur; nimirum, etiamsi daremus, quod probatum non est, *Salem non pacem*; sed *pacificum* notare: interpretatio Apostoli nihilominus esset vera; quia βασιλεὺς ἱερὺς *rex pacis*, consuetâ Scripturæ phrasi, regem pacificum, seu pacis effectorem, notabit, ut Rom. 15. vers. 33. & 16. 20. Heb. 13. vers. 20. *Deus pacis*, eodem sensu dicitur, id est, pacis effector: & 2. Thes. 2. vers. 16. *ipse verò Dominus pacis det vobis pacem*, Timili phrasi usurpatur. Ideoque persistat invicta interpretationis Apostoli veritas, & auctoritas. Atque hæc de descriptione officii Melchisedeci. Secundo verò loco describitur persona ejusdem, à causa sua efficiente; quod nimirum parentum sit expers. Id quod negatione declarat, cum ait: *sine Patre, sine Matre*. Quod intelligendum est non absolutè, ac per se; sed respectu descriptionis Moysis. Qui partim ratione communi ( quoniam obiter tantum Melchisedeci facit mentionem ) partim ratione singulari, ut typus esset Christi: idcirco parentes illius, & genus, silentio tegit. Vnde etiam ab Apostolo dicitur ἀγεννητός *sine generis recensione*. Adjunctum verò est infinitas, seu æternitas: quod *initio dierum, & sine careat*: nempe non absolutè; sed relatè, respectu recensione Moysis. Tertiò describitur alterum Melchisedeci munus, sacerdotium æternum: id quod à simili illustratur, cum ostendit: *in eo assimilatum filio Dei*: id est, quod fuerit Christi typus, v. 3. Quartò Melchisedeci sacerdotis præstantia ostenditur etiam, partim ex adjuncto; partim ex effecto, comparatione instituta cum Abrahamo: & deinde cum Leviticis sacer-

dotibus: quibus majorem fuisse ostendit, ex rebus mutuo gestis. Ea autem sunt Abrahami gratitudo, quæ decimas persolvit; & Melchisedeci benedictio, quæ Abrahamo gratulatus, ac bene precatus est. Ac primum Abrahamo majorem fuisse demonstrat: quod Abraham ei *decimas spoliolum dederit*. Cujus rei dignitatem amplificat, descriptione Abrahami ab effectis, cum *Patriarcham*, id est, principem, populi Israelitici Patrem, vocat. Deinde comparatione cum Levitis addita, iisdem quoque superiorem esse ostendit. Nam utrique quidem in eo similes fuerunt; quod secundum Dei voluntatem decimas acceperunt: sed in eo dispares; quod nimirum Levitici Sacerdotes à populo tantum, id est, fratribus suis, secundum legem Dei decimas acceperunt, quod quidem magnum erat; quia progeniti simul fuerunt ex eodem Patre Abrahamo, versu 5. Melchisedek verò alterius generis existens, decimas acceperit ab ipsomet Levitarum Patre Abrahamo, quod longe majus est. Vnde apparet Melchisedec præstantiorem fuisse Leviticis sacerdotibus. Idque amplius confirmatur, cum, ex effecto illius, Abrahamo digniorem esse, concludit, hoc sensu: Qui Abrahamo benedixit, is major est illo. Melchisedek Abrahamo benedixit. Ergo eo major est. Conclusio, tanquam ex antecedente nota, omittitur: Assumptio ponitur, versu 6. & loco propositionis, confirmatio illius ( ut sæpe, & eleganter fieri solet ) adfertur hujusmodi. *Id quod minus est, ab eo quod majus est, benedicitur*: loquitur autem Apostolus de benedictione non vulgari; qua par pari; imò & superiori inferior benedicere potest: sed de sacerdotali, ac solenni: quæ Dei jussu, & nomine pronuntiatur: & auctoritatis argumentum est. Qualis etiam fuit summorum sacerdotum præscripta, & usitata formula, Num. 6. versu 23. Ac propterea liberè addit Apostolus, ad hujus sententiæ perspicuitatem demonstrandam, fidelium confessionem. cum ait: *sine ulla contradictione, seu controversia, vers. 7.* Ne quis autem exciperet Melchisedecum, initio quidem, fuisse majorem; sed postmodum, accepta promissione, Abrahamum ei fuisse prælatum divinitus. Idcirco prudenter ab Apostolo, omisso Abrahami nomine, periphrasis adhibetur: qua hanc objectionem anticipat, ac diluit, cum eum vocat: *qui habebat promissiones*; nimirum fœderis cum Deo, de seminis incremento; hæreditate Cananæ; & Messie adventu.

Cæterum, quia scopus Apostoli est ( cum Melchisedec majorem fuisse Abrahamo asserat ) ut ostendat præstantiorem esse sacerdotibus Leviticis: propterea eodem jam redit, usus duobus argumentis, ad Melchisedeci præstantiam, ac dignitatem majorem stabiliendam. Quorum prius est durationis vitæ circumstantia; quod Levitæ ( quamvis non minus, quàm Melchisedec decimas acciperent ) tamen mortales essent: Melchisedec verò viveret. Id quod testimonio Pl. 110. ( de quo actum est ) comprobatur. Quod quidem intelligendum est, non propriè, sed typicè, ratione mysticæ descriptionis Moysis: qui, neque initium; neque finem sacerdotii illius recenset, vers. 8. Alterum præstantiæ argumentum est, quod etiam Levi in Abrahamo, quodammodo, decimas dederit Melchisedeco, vers. 9. Idque probat: *quoniam in lumbis illius adhuc erat, quando Abrahamo occurrebat Melchisedec*, vers. 10. Si quis autem excipiat: Ergo & Christus etiam decimas Melchisedeco dedit; eoque & minor eo erit: utpote, qui non minus, quàm Levi, in lumbis Abrahami fuerit: quemadmodum *fructus lumborum Davidis*, similiter appellatur. Consequentiam negamus: quoniam diversa omnino est ratio. Nam antè decimationem hanc, Christus, per promissionem Abrahamo datam fuerat exceptus, & prælatus Melchisedeco, & omnibus: utpote in quo benedicendæ essent omnes gentes terræ; eoque & Abrahamus, & Melchisedecos. Deinde fuit in lumbis Abrahami, secundum carnem tantum; non secundum divinam naturam: cujus dignitate fit, ut humana natura, ei hypostaticè unita, omnibus creaturis major sit. Denique non fuit etiam in lumbis Abrahami simpliciter, quemadmodum Levi, sed tantum secundum quid, ratione materiæ; non autem ratione virtutis generantis; quia non est è semine virili generatus; sed miraculo virtu-



virtutis Spiritus Sancti, à virgine, & è virgine conceptus. Reliqua, quæ ad Melchisedecum, & collationem illius cum Christo, distinctius, ac plenius pertinent, ea consultò, in calcem capitis, differemus.

Atque hoc modo finem imposuit Apostolus descriptioni Melchisedeci: qua eum Abrahamo, & sacerdotibus Leviticis contulit, ac prætulit; ad Christi sacerdotis, hoc typico prophetico adumbrati, excellentiam indicandam. Ad quam jam propius tanquam ab umbra ad corpus, accedit: & infirmitatem, atque abrogationem Sacerdotii Levitici, per Christum, demonstrat: ut errores Iudæorum infidelium, qui à Sacrificiis, neglecto Christo, sanctificationem sperabant, refutaret; & fidelium infirmitati opportunè succurreret. Et quidem, fundamenti loco, id quod de sacerdotio illius, secundum ordinem Melchisedec ex Ps. 110. antea cap. 6. v. 20. proposuerat, reponit, & exponit: & inde imperfectionem Sacerdotii Levitici concludit variis modis. Primum enim hac ratione facit. *Si perfectio populi Dei, seu consecratio per Leviticum sacerdotium erat: non fuisset amplius opus exoriri alium sacerdotem, secundum ordinem Melchisedec, & non secundum ordinem Aaronis.* Probatio est: nam super hoc Sacerdotio Levitico, secundum ordinem Aaronis, legem accepit populus, id est, legem Deus populo dedit, de sacerdotibus ex tribu Levi; & summis, ex ordine posteritatis Aaronis deligendis: non autem ex alia tribu, aut gente, aut familia. Altera ratio à mutatione legis hæc est: Per illud sacerdotium, cuius lex, seu ordinatio, mutatur, non est perfectio. Atque Sacerdotii Levitici lex mutatur. Ergo per illud non est perfectio. Assumptionis loco, probatio illius adhibetur duplex: Vna, ex antecedenti fundamento, talis: Sacerdotio aliquo mutato, lex illius mutatur. Atque Sacerdotium Leviticum mutatur, nempe sacerdotio secundum ordinem Melchisedeci. Ergo lex illius mutatur, vers. 12.

Altera probatio est huiusmodi: quia Christus, de quo dicitur, quod sit sacerdos secundum ordinem Melchisedec, est ex alia tribu, quam Aaronis, & Levi: quam tribum lex (reliquis ab altari, & sacerdotii ministerio, exclusis) requirit, v. 13. Idque confirmat expositione tribus illius, nempe Christi: *quod, quemadmodum notum est, sit ex tribu Iudæ;* utpote ex Davidis familia, cui sacerdotii partem nullam, Deus concessit, per Moysen, v. 14. Atque hanc, sacerdotii Christi, & Levitici, diversitatem, ab adjuncta temporis circumstantia, ex eadem Ps. 110. sententia, amplius concludit, vers. 15. Et explicat, per aphæresin, & thesin, seu remotione falsi, & positione veri: Quibus quasi partibus, antithesis, inter Leviticos sacerdotes, & Christum, continetur. Aphæresis autem est, quod factus sit sacerdos, non ut Levitici pontifices, secundum legem mandati carnalis, id est, caduci & infirmi, quodque circa carnalia verferetur, ut vers. 18. & cap. 9. 10. & 13. accuratius explicatur. Thesis verò est, quod sit sacerdos secundum potentiam vite indissolubilis, id est, æternus, & omnipotens Dei filius, vers. 16. Ut hoc modo hunc locum, cum versu ultimo, comparemus. Hoc autem, testimonio, ex Psal. 110. repetito, demonstratur, versu 16. Et utraque antitheseos pars plenius illustratur, ac confirmatur. Etenim, opportuna quadam objectionis anticipationem, ostendit Apostolus, causam, abrogationis legis ceremonialis, & sacerdotalis, esse infirmitatem, & inutilitatem illius: non quidem absolute (alioquin Deus, quod absit, id frustra statuisse) sed respectu consummationis, & sanctificationis Ecclesiæ, ut versu 11. & 19. declaratur. Legis enim ceremoniarum adumbrarunt: non autem contulerunt peccatorum remissionem, & reconciliationem cum Deo, per se. Causæ quidem fuerunt adjuvantes quodammodo, nempe tanquam instrumenta remota (quod fidem, quæ propinquum est instrumentum, excitarunt, ac confirmarunt) non verò causæ principales: de qua re, hoc in loco, differitur, v. 18. Ideoque hanc inutilitatem generalius propositam, explicat, ac probat, declaratione speciei; qua restringit; *nihil enim lex consummarvit, seu sanctificavit* (de qua re pluribus, cap. 9.) sed Christus per suum sacerdotium. Id quod declarat, per *spem meliorem superintroductam*, id est, rem spe-

ratam, per Metonymiam adjuncti pro suo subjecto: quia, per Davidem, fidelibus, illius rei spes fuerat facta. Cujus effectum esse ostendit reconciliationem cum Deo, versu 19.

Christi autem sacerdotium esse melius Levitico, amplius comprobatur. Ac primum ab adjuncto antecedenti iuramento solenni: quo sancitum est à Deo Patre, v. 20. Quod & Levitico sacerdotio defuisse, & Christi sacerdotio adfuisse, probat ex Ps. 110. v. 21. Vnde concludit: Christum factum sponforem potioris fœderis, v. 22. Altera ratio est, à consequentibus successoribus; quod eos Levitæ, utpote mortales, habuerint, v. 23. Christus verò æternus habeat; & successorum expers sacerdotium, v. 24. Quod amplificatur ab effecto, quod inde concluditur, nempe perfecta salute fidelium, qui Deum, verà fide in Christum, invocant. Cujus causa efficiens est, quod semper vivat, ut interpellat pro fidelibus, v. 25. Reliquæ hujus capitis rationes, antithesi nervosa, & eleganti, continentur. Christum enim opponit Apostolus Leviticis sacerdotibus, sanctitate, sacrario; & denique sacrificio. Sanctitatem vero illius indicat primum simpliciter per thesin, cum *sanctum* vocat: & per aphæresin remotione contrarii, nempe *sine vitio. sine labe*: ut eo modo, non secundum quid, ut pii sacerdotes; sed simpliciter sanctum intelligendum, ostendat. Ideoque oppositè omnibus hominibus, eoque etiam Leviticis sacerdotibus, additur, *segregatus à peccatoribus*; quod videlicet peccatorum numero nullo modo esset accensendus. Sacrarium deinde, in quod pro nobis interpellaturus Patrem, ingressus est, non manu factum in terris (in quod Levitici pontifices introibant) sed cælum ipsum intelligitur. Nam quod nonnulli verba illa *sublimior cælo factus*, de ubiuitate corporis Christi, accipiunt: illud omnino à fidei analogia, & rectâ hujus loci sententiâ, alienum est. Christus enim cælos hosce visibiles penetravit, & in ipsum tertium, ac summum cælum pervenit: ac propterea dicitur cælis sublimior, vers. 26.

Denique in sacrificio differentia variâ statuitur, in subjecta victima; deinde adjecto tempore, & postremo in fine. In subjecta victima; quoniam sacerdotes Levitici obtulerunt, *victimam*, nempe plures, ac brutas: Christus verò *semel*; & quidem *seipsum*, ut qui non solum fuerit sacerdos; sed etiam victima: ac propterea quanto Christus præstantior omnibus, non solum brutis animantibus; sed etiam creaturis quibusvis: tanto excellentius illius exitit quam Levitarum sacrificium. Altera differentia est in adjecto tempore; Pontifices Levitici obtulerunt quotidie: Pontifex noster Christus obtulit semel. Postrema differentia est in fine: Pontifices Levitici sacrificarunt non solum, pro peccatis alienis; sed etiam, & prius, pro propriis: Christus contra non pro suis, quibus caruit; sed tantum pro peccatis populi, v. 27. Quæ Christi præ Leviticis pontificibus prærogativæ confirmantur, oppositione nova: repetitis nonnullis ex iis, quæ antè posita fuerunt. Primum membrum est, quod pontifices Levitici à lege constituti fuerint: Christus verò post legem; ac propterea iis dignior: quia leges priores, posterioribus oppositis, tolluntur. Secundum, illi, sine jurejurando: Christus verò sermone jurejurando sancito, quemadmodum antea exposuimus. Præterea, ratione personæ, & conditionis conjunctæ, aperta est differentia. Illi homines fuerunt, & quidem infirmi, cum infirmitate naturæ finitæ, & culpæ; ut qui & peccatum habuerunt, & seipsum à morte meritâ, per culpam, liberare non potuerunt: Christus verò Filius Dei ideoque Deus omnipotens, & perfectè sanctus, sine peccato, & mortis domitor. Denique illi consecrati fuerunt ad tempus tantum: Christus verò in æternum, v. 28. Atque hæcenus insignis hujus cap. 7. explicatio.

#### CONSECTARIA.

I. **C**um Melchisedecus, inter plurimos impios Reges Chananæos, Dei Sacerdos fuerit; inde apparet Dei, in Ecclesia sua, in medio luporum, conservanda, admirabilis potentia et gratia.

II. Vn-

II. Vnde etiam sequitur, exemplo Melchisedeci, non multitudinis, & mundi immundi, nobis circumjacentis, mores, nobis esse imitandos: sed Dei voluntatem, tanquam Cynosuram, semper esse spectandam; & secundum eam, officium pietatis constanter esse exequendum.

III. Cum verus Deus, sit, ac dicatur, Altissimus: unum esse essentia, necesse est: quia plures altissimi esse non possunt: essent enim *aut pares aut impares*: quorum utrumque Altissimo repugnat. Deinde hinc apparet, ei nos verâ obedientiâ submittere, & serîo colere debere, ut Altissimo subiectos.

IV. Cum Salem, fuerit sacri cultus Dei sedes regnante Melchisedeco, à quo tamen cultu, postea defecisse, ex sacra Iosue historiâ colligitur: inde constat justum Dei iudicium, quo contemptum verbi sui, privatione illius, vindicare solet.

V. Bella, ad infantes, & conjunctos, ab hostium iniustâ violentiâ, liberandos, suscepta, laudato divinitus Abrahami exemplo, defenduntur.

VI. Præclaris aliorum factis non invidere; sed gratulari, ac benè precari nos decet: quemadmodum Melchisedecus, pro suâ benevolentia, & muneris Sacerdotalis ratione, Abrahamo gratulatus est, ac benedixit.

VII. Pro acceptâ de hostibus victoria, Deo gratiæ agendæ sunt; & spoliolum pars, gratitudinis ergo, ad illius cultum, Abrahami exemplo, conferenda est.

VIII. Regum ac Magistratum gloria summa, ac felicitas, posita est, non in terribili potentia; sed in iustitia, & pace: ac propterea, & illi, & subditi, iis potissimum bonis studere debent, omnibus viribus.

IX. In prophetis Veteris Testamenti Typis, quibus Christus adumbratur, nominum origo, & significatio, ubi Scriptura aliquod indicium facit, non est negligenda: quemadmodum exemplum Melchisedeci demonstrat, vers. 2.

X. Si Melchisedecus sine Patre, sine Matre, sine Genere, tanquam Christi typus proponitur: inde merito concludi potest errare graviter eos Anabaptistas, qui asserunt humanam Christi naturam esse ex semine æterno Patris, nec aliter Christum appellari filium Dei: nam si hæc sententia obtineret, inde necessario consequeretur, ut Christus secundum idem Patrem haberet, & Matrem? quod Melchisedeci typo omnino repugnat, vers. 3.

XI. Sacerdotibus Leviticis, Deus decimas, ad eos alendos, à populo, dari non solum concessit; sed etiam præcepit: Ergo non est injustum, ut Anabaptistæ objectant Ecclesiarum pastoribus, quod certo stipendio, ab auditoribus non ingratis, sustententur; præsertim cum eandem esse, si summam, ac genus spectes, Vet. & Novi Testamenti conditionem, hæc in re, demonstrat Apostolus, 1. Cor. 9. & Gal. 6. v. 6.

XII. Cum Reges, Principes, Magistratus, quamvis potestate corporali & externâ, superiores sint verbi Ministris, tanquam suis subditis; animæ tamen, & gubernationis illius salutaris, ac benedictionis ratione minores sint: sequitur non minus Ecclesiæ Pastores, suo loco & gradu, in Sacris Literis declarato, debere esse reverendos, in divinis, & Spiritualibus (si modo officio suo, rectè, ac fideliter fungantur) quàm Magistratus, in humanis, ac corporalibus, ab omnibus jure honorantur. Ac propterea dignitatem sacri Ministerii non satis agnoscunt; sed graviter impingunt, ac peccant, qui illud Ministerium in aliis fastuosè contemnant; aut in se, maledictis, & malefactis suis, contemptui aliorum exponunt, v. 7.

XIII. Si Levi, quodammodo, in lumbis Abrahami Patris sui, decimatus est: multo majori jure asseritur, omnes homines, in Adamo, primo omnium mortalium parente, ac primitiis, peccasse, Rom. 5. v. 12. ut qui in lumbis illius fuerint, & iustitiæ, ac gratiæ feudo, in illo donati; & eo lapso, iisdem bonis feudi spiritualis, exciderint.

XIV. Si per Leviticum Sacerdotium, divinitus institutum, non fuit consummatio, & sanctificatio populi Veteris Testamenti, quòd ea gloria, ad solum Christum, pertineat: ergo multò minus profano Pontificio sacerdo-

tio, ea præstantia tribuenda est v. 11.

XV. Cum palam sit, Christum esse ortum ex tribu alia, quàm Levi, nempe ex tribu Iuda: sequitur ineptas, & impias eorum esse fabulas, qui fingunt Christum, ex tribu Iuda, & Levi, mixtâ, fuisse prognatum. Ac propterea, quatenus ex tribu Iuda fuit, Regem; quatenus verò ex tribu Levi, summum Sacerdotem; cum contrarium de origine, & Sacerdotio ab Apostolo asseratur, vers. 13. & 14.

XVI. Cum Christus sit Novi fœderis Sponsor; illi fidere debemus, v. 22.

XVII. Cum ea sit, inter Christum & Pontifices Leviticos, differentia; quod illi plures facti sunt Sacerdotes, quoniam mors prohibebat eos manere: Christus verò propterea, quod in æternum maneat, æternum habeat Sacerdotium; sequitur, unum, & solum esse Novi Testamenti Sacerdotem: ac propterea impietatis reos esse Pontificios; qui alios Novi Testamenti Sacerdotes, Christo successores, aut vicarios adiungunt, v. 23. 24.

XVIII. Christus est perfectus Servator eorum, qui per ipsum accedunt ad Deum, semper vivens, ut interpellent pro iis. Ergo Christi gratiam oppugnant Pontificii, qui partem salutis aliunde petunt: & ad Deum, Sanctis potius Intercessoribus, quàm Christo freti, contendunt.

XIX. Christus nos potest servare, & vult servare. Ergo secure ad ipsum, veraque fide, confugiendum est, vers. 25.

XX. Si Christus est sublimior cælis factus: Ergo falsa est Ubiquitarianorum sententia, qui Christum ubique esse contendunt: qui enim ubique est, locum mutare, superiorem cum inferiori non potest. v. 26.

XXI. Cum Pontifices Veteris Testamenti singulis diebus obtulerint victimas; primum pro suis peccatis, deinde pro totius populi: sequitur, ex hac confessione, omnes Israelitas fuisse peccatores; ideoque neminem fuisse perfectè sanctum, quique legem impleverit, v. 27.

XXII. Si Christus semel tantum oblatus est, & quidem à se ipso; eaque ratione, pro peccatis populi, plenè satisfecit, quod filius sit in æternum consecratus: perspicuum est, Sacrificium Missaticum, quo Pontificii Christum offerri quotidie, ad remissionem peccatorum, fingunt, esse turpem, unici Sacrificii Christi, & efficacis illius, abnegationem, v. 27. & 28.

#### COLLATIO Melchisedeci & Christi.

**I**nter propheticos Vet. Tet. typos, quibus Christi persona, officia, & beneficia adumbrata sunt, merito excellit Melchisedeci historia; cum per se, ratione similitudinis cum Christo appositissimæ, ac plenissimæ; tum per accidens, ratione difficultatis, quam, in hanc doctrinam, perversa veterum quorundam, & recentiorum studia, & disputationes, invexerunt. Quamobrem operæ pretium erit, si, quæ de Melchisedeci & Christi collatione, brevius in capitis sept. analysi perstricta sunt, ea nunc paulò plenius, ac planius exponam: declarata convenientia, in nomine, persona, officiis, eorumque effectis, seu beneficiis, & adiunctis.

Ad prius quod attinet, utriusque nomen, rei est consentaneum; & omen illius faustum ac felix. Nam quemadmodum Melchisedec, ut Moses Gen. 14. & David Psal. 110. aut Melchisedec (ut exigua, unius vocalis in alteram affinem, permutatione, Græci interpretes, & Apostolus appellant) si significationem spectemus, *regem iustitiæ*, citra controversiam, notat, Heb. 7. 2. & huic regi, reverâ, convenit: Ita & Iesus, servatorem Matt. 1. rei convenienter, notat: Ideoque verè nostrum Melchisedec, ut postea clarius elucebit. Sin vero usum vocis Melchisedeci consideremus, de eo ex parte dubitatur. Quidam enim, Iudeorum conjecturam secuti, commune nomen arbitrantur: quod reges Ierusalem plerique omnes, illis præfatis temporibus, vel Melchisedec *rex iustitiæ*, vel Adonizedek *Dominus iustitiæ* Ios. 10. 1. fuerint appellati: quemadmodum Aegypti reges, *Pharaones*: & Imperatores Romani dicti sunt, *Cæsares*. Alii verò.

H h h

hac con-

liac conjecturâ (ut quæ nullo certo nititur documento) rejectâ, proprium fuisse nomen autumant; quod ut maximè receptum est; ita vero maximè videtur consentaneum.

Secundò ad *personam* quod attinet: alii Melchisedecum dixerunt esse Deum: alii verò creaturam Dei. Deum quidem esse, docuit Ægyptius quidam hæreticus, nomine *Hierax*: qui Spiritum Sanct. sub hominis figura, Melchisedecum extitisse, asseruit, quemadmodum testatur ac diluit Epiph. contra Hierachitas, hæres 67. Quem etiam errorem secutus est quidâ tempore Hieronymi, qui suum, de hoc argumento, volumen, per Euagrium, ad Hieronymum misit, ut iudicium illius exploraret: quemadmodum ostendit, ac refutat Hieronymus tom. 3. epist. ad Euag. Qui verò creaturam esse statuerunt: eorum quidem nonnulli, superiorem, ac cœlestem, seu Angelum fuisse, sinxerunt: primum Theodotus hæreticus, teste Tertuliano de præscrip. c. ult. deinde Origenes homil. 1. in Genes. & ejus discipulus Didymus, ut refert Hieron. epist. ad Euagrium: quanquam, ut quidam etiam observarunt, in iis Origenis operibus, quæ extant, error ille non sit compertus: fortasse quod à posteris, ad veritatis & Origenis honorem, ea sententia expuncta sit; aut, in iis scriptis quæ temporis injuria perierunt, extiterint. Reliqui verò inferiorem, ac terrestrem creaturam, hominem videlicet, ex nomine, regno, sede, professione, donis datis & acceptis, meritò concludunt. Quis verò & quo genere fuerit, diversæ sunt conjecturæ: Hebræi enim (ut Hier. ad Euagrium ait, & ex Rabbini, Sâl. Iarchi, & Abenez. in Genes. c. 14. colligi potest) hoc senserunt, ac tradunt, Melchisedecum esse *Sem*, filium Noë. Quam etiam sententiam attribuit Samaritanis Epiphanius contra Melchisedecianos. In quo illud mirandum est, quod ait: Judæos statuisse, Melchisedecum fuisse justum & bonum; sed filium scorti: ideoque, hac de causa Patrem & Matrem reticere à Mose; fortasse hoc fingentes, quod ea quorundam esset Judæorum contumeliosa doctrina, ut isto modo natalibus Christi, Melchisedeco adumbrati, aliquam ignominie maculam, pro more & odio suo, quo blasphemæ filium scorti vocant, aspergerent. Contrà alii, quia *Semi genealogia* diserte à Mose recensetur: Melchisedec verò dicitur ἀγενεαλόγητος *genealogie expers*: non Semum, sed hominē Cananæum fuisse arbitrantur: quemadmodum Hippolytus, Irenæus, Eusebius Cæsariensis, & Emisenus, Apollinarius, & Eustatius, Antiochenæ Ecclesiæ episcopus, ut Hieron. tom. 3. epist. ad Euagrium, attestatur. Eadem etiam est sententia Epiphani, qui Melchisedecum non fuisse Semum asserit: idque ex temporis supputatione, sed infelici (ut ex collatione Hieron. ad Euagrium apparet) probare conatur: aitque: *apud quosdam Melchisedeci Pater, & Mater habetur: non autem in expressis, & genuinis Scripturis: dixerunt autem quidam Eraclam vocari ejus Patrem, Matrem vero Asteroth, quæ etiam Asteria dicitur: erat autem filius indigenarum, illo tempore, in campestri regione Saba habitantium.* Hæc Epiphanius. Vt verò, omittis hæc conjecturis, id quod S. Litteræ docent, amplectamur; & ad collationem personæ Melchisedeci & Christi, accedamus: duo observanda sunt, personæ origo, & duratio. Vt enim Melchisedec sine Patre, sine Matre fuit, cujus genealogia recenseri non potest. Ita & Christus sine Patre est, secundum humanam naturam in terris; & sine Matre, secundum divinam naturam in cælis: ac propterea, iis modis, distinctè est ἀγενεαλόγητος. Deinde ut Melchisedec sine initio dierum, & sine fine vitæ: ita & Christus omnino æternus est, ratione divinæ naturæ. Hoc interim observandum: Melchisedeco hæc competere, non ratione constitutionis naturæ ipsius per se, sed per accidens, seu ratione διακονίας, seu dispensationis Scripturæ divinæ: quæ, Patrem, Matrem, & initium, ac finem vitæ illius, siluit, non quod iis caruerit; sed ut esset hoc modo, typus filii Dei, ut rectè Hieronymus & Epiphanius observarunt. Atque ea ratione errorem illum refutarunt, qui, hæc absolute accipientes, Melchisedec Spiritum Sanct. vel Angelum fuisse, commenti sunt. Atque hæc de collationis parte alterâ, quæ in personarum similitudine consistit.

Tertia verò est in officiis: & quidem primò, ratione ge-

neris, & numeri: nam ut Melchisedec rex, & sacerdos simul fuit: ita & Christus. Deinde ratione specierum, cum regnum sacerdotii. In regno autem consideranda sunt sedes illius, & qualitas gemina. Vt enim Melchisedec Rex Salem; ita & Christus Ecclesiæ, per eam adumbratæ. Cœterum quia de urbe Salem diversa sunt cum veterum patrum; tum posterorum judicia: non inutile erit, ea paucis examinare. Primum enim quidam Salem, eandem urbem esse putant, cum *Jebus*; & quam, ex utraque voce, composuerunt, nonnulli volunt, *Jerusalem*, quasi *Jebusalem* dictam: quoniam Jerusalem primum dicta fuit, incolarum suorum nomine, per Meton. adjunct. pro subject. Iebusi, Iosue. 18. 28. & Iebus, Iud. 19. 10. 1. Chron. 11. 5. Quanquam aliis aliæ magis placent etymologiæ. Sunt enim qui ab Hebræa voce יְרוּשָׁלַם & יְרוּשָׁלַם deducunt: & *visionem pacis* interpretantur: quemadmodum Hieron. tom. 1. epist. ad Marcellum. Cujus etymologiæ occasionem, ad Abrahamum, quidam deducunt: quasi sacrificaturus filium Isaacum, in monte Moria (in cujus parte Ierusalem sita est) Genes. 22. vers. 2. 14. loco dederit nomen יְרוּשָׁלַם: unde ex illo יְרוּשָׁלַם id est, videbit, seu providebit, & voce יְרוּשָׁלַם formatam esse Jerusalem, id est, *providebit pacem*. Nam quod Ioseph. de bello Iudaico lib. 7. cap. 18. (in Græcis verò exemplaribus lib. 6. c. ult.) ex Græca voce ἱερὸν, & Hebræa *Schalem* derivans, ait, ita à Melchisedeco esse appellatam, quod in urbe Salem ἱερὸν, id est, templum statuisset primus: Illud quamvis multis probetur; à doctioribus tamen, non immeritò, tanquam ineptum rejicitur: cum nec voci Hebrææ, quæ aspiratione caret, conveniat; nec illa linguæ Hebrææ, cum Græca in Etymologicis, barbara mixtio, ab antiquissimis priscorum temporum Hebræis, vicinisque fuerit usurpata: sed omninò credibile est, hoc figmentum esse Iosephi, ad commendationem urbis illius, apud gentes, excogitatum. Cœterum Salem dictam fuisse Ierusalem, probatur ex Psal. 76. 3. *Cujus tabernaculum est in Salem.* Quam sententiam secutus est Onkelos Chaldæus, antiquissimus Mosis paraphrastes, qui Gen. 14. pro Salem, exponit Ierusalem. Deinde ex Patribus Hippolytus, Irenæus, & cæteri, quos supra retulimus: qui, ut ait Hieronym. ad Euagrium tom. 1. dixerunt: *Melchisedec regem fuisse urbis Hierosolymæ, quæ primò Salem, postea vero Iebus; ad extremum Ierusalem appellata sit.* Contrà verò alii, Salem diversam fuisse urbem, ab urbe Hierusalem, arbitrantur: & inter veteres nominatim Hieron. qui ut tom. 1. in Epistola ad Marcell. & tom. 3. quæstionibus in Genesim, maximè communem proponit Patrum, & Iudæorum sententiam: ita, in Epistola ad Euagrium aliam tamen probat, cum ait: *Salem autem non ut Iosephus, & nostri omnes arbitrantur, esse Ierusalem, nomen ex Græco, & Hebræo, compositum: quod absurdum esse, peregrinæ linguæ mixtura demonstrat: sed oppidum, quod juxta Scythopolim, quod usq; bodie appellatur Salem: & ostenditur ibi palatium Melchisedec, ex magnitudine ruinarum, veteris operis ostendens magnificentiam. De qua urbe Gen. 33. transiit Salem, urbem regni Sichem, quæ est in terra Canaan. Idq; amplius inde confirmat, quod Abraham, à caede hostium revertens, quos persecutus erat usq; Dan, non de via Ierusalem; sed de oppido Metropoli Sichem, in itinere fuerit. De quo in Evangelio legimus: erat autem baptizans Ioannes in Eummon, juxta Salem.* Quam Hieron. sententiam, quidam approbant, velut fide dignam: alii verò improbant, & rationibus illius, hoc modo, respondent: nam ad primum, quod ait, de ruinis Palatii Melchisedeci: illud non esse probabile; quia civitas illa Sichem, æquata fuit solo, & sale feminata, ab Abimelecho: quemadmodum Hieron. ipsemet quoque attestatur. Deinde Iosephum, antiquitatis indagatorem diligentissimum, illæ ruinæ (quarum in antiquitatibus Iudaicis nullam facit mentionem) minimè latuissent: neque id, velut rem, historia dignam, reticuisset. Credibile verò esset palatium illud à Ieroboamo, urbis illius restauratore, fuisse extructum, & errore indigenarum, falsaque (ut fieri solet) traditione, attributum fuisse Melchisedeco: & fortasse in eum finem; ut Samaritani Iudæis sese preponerent; & pro more suo, Hierosolymæ urbis antiquam dignitatem, ad se traducerent.

Ad se-

Ad secundum verò quod attinet, locum nimirum, Gen. 33. responderi potest bifariam: primùm vocem Hebræam *Salem*, ibi non designare nomen urbis proprium; sed esse adjectivum, seu epitheton Jacobi, quod pacificum, seu incolumem notat: quemadmodum etiam à doctioribus interpretibus observatum est: & ita quoque Hebræi R. Salom. & Abenezra exponunt, Gen. 33. & Chaldaus Paraphrastes Onkelos. Verùm, quia Græca, & Latina antiqua versio propriè accipit, & eam plerique sequuntur, dari potest, *Salem* hic denotare urbem; sed non eandem cum ea, cujus antea Gen. 14. in historia Melchisedeci, facta est mentio: idquè probatur ex eo, quod distinctionis causa, ut fieri solet, in voce ambigua, addatur: *Salem, urbs Sichem*, ut ab altera, hoc modo, discernatur. Tertio, ad profectionem Abrahami quod attinet; respondetur, eam non ob stare huic sententiæ, quia cum Abraham habitavit in Hebron, Gen. 13. à cæde regum ei revertenti, etiam Jerusalem erat in itinere, & ad ipsum facile exire potuit Melchisedec: cum Rex Sodomæ, ut rectè observant, qui remotior erat à viâ, eidem occurrerit. Denique dici etiam potest, *Salim*, de qua Joh. 3. non fuisse Sichem nec *Salem*, sed *שֶׁלִּים* Sahalim, per contractionem dictam *Salim*. de qua 1. Sam. 9. 4. quemadmodum ad eum locum doctiores Interpretes observarunt. Atque hæc quidem sunt diversæ Theologorum, veterum & recentium, de urbe *Salem*, iudicia. Quæ Epiphanius breviter, hoc modo, recenset, & rem dubiam in medio relinquit. *Salem*, inquit, *civitas appellabatur, de qua alii aliter prodiderunt: quidam autem dicunt ipsam, quæ nunc Jerusalem appellatur, aliquando verò Iebus dicta est: alii verò dixerunt, aliam quandam Salem esse, in campo Sichemorum, ex adverso ejus, quæ nunc Neapolis vocatur; siue autem hinc; siue illinc, non longè distant loca.* Hactenus Epiph. contra Melchisedecianos hæres. 55. Veruntamen omnibus hisce perpen sis, prior, quæ maximè olim, & his temporibus, recepta est sententia, probabilior est: *Salem esse Jerusalem*, quæ sedes regni Melchisedec. Cæterum eandem vocatam etiam fuisse *Zedec*, quidam viri docti inde conjiciunt: quod reges illius dicti sunt, propterea Melchisedec, & Adonisedec, quasi loci illius, ubi iustitia vigeret: Quemadmodum similiter dicitur, ad laudem urbis Hierusalem Esai. 1. 21. *iustitia in ea manet.* Quæ etiam, ut apparet, sententia Hebræorum est, Abenez. ad Gen. 14. & D. Kimchi Ios. 10. 1. Sed conjectura hæc non videtur satis firma, nec veterum autoritate communita. Cæterum hæc sedes regni Melchisedec, Christi sedem rectè adumbravit, bifariam: primò enim, quemadmodum Hierosolymis regnum terrenum habuit Melchisedec: ita & Christus, Rex Israël, ibidem regnum spirituale constituit, & regio comitatu, atque applausu, secundum prophetiam, Zach. 9. v. 9. Hierosolymam in ventus est, Ioa. 12. 12. 13. 14. 15. atque inde doctrinam suam, & verbum promulgavit, Esa. 2. 3. & Actor. 2. deinde sicut Hierusalem terrenam rexit Melchisedec: sic & Christus Rex est Ecclesiæ totius orbis, quæ cælestis Hierusalem dicitur, Galat. 4. vers. 26. Hebr. 12. 22. & nova Hierusalem descendens de cælo, Apoc. 3. 12. & 21. 2.

Ut autem à sede regni, ad *qualitatem* illius transeamus, ea duplex statuitur; *iustitia* & *pax*. quarum illa Melchisedec: hæc verò Regiæ urbis Salem nomine, mysterio prophetico, continentur Hebr. 7. Utraque similiter Christo convenit, ac propria est; partim ratione ipsius; partim ratione regni, ac subditorum illius gratia. *Iustitia* quidem, quia & ipse Rex iustus est, per se, & recta ab eo Ecclesia iusta est, per ipsum, & in ipso. Hinc Ierem. ait: *dies venient, dictum Iehovæ, quibus excitabo Davidi germen iustum, & regnabit Rex, & prudenter aget, & exercebit jus, & iustitiam, in terra: diebus ejus servabitur Iebuda, & Israel habitabit securè. Atque hoc nomen ejus est, quo vocabitur eum, Jehovæ iustitia nostra*, cap. 23. 5. & 6. & Esa. 9. v. 7. Psal. 45. vers. 7. Heb. 1. v. 9. 1. Cor. 1. 30. & 2. Cor. 5. v. 21. *Pax* verò, quia ut ipse Christus Patri est dilectus filius; ita per ipsum pax est in illius regno, nempe Ecclesia, & quidem cum Deo, & cum hominibus, partim in se cum conscientia sua, quæ per Christum pacata redditur fide;

partim inter se cum aliis. Unde *princeps pacis*, Esa. 9. 6. 7. & *pax nostra*, Eph. 2. 14. Rom. 5. 1. appellatur.

Porro quemadmodum in regno ratione sedis, & qualitatum illius, similitudo est, inter Melchisedecum, & Christum: ita quoque in *Sacerdotio*, partim ratione causæ efficientis, & objecti; partim ratione adjunctæ durationis. Nam si efficientem causam, & simul objectum sacerdotii Melchisedeci consideremus, Deus est altissimus, cujus sacerdos dicitur, quod ab eo, & ad eum colendum vocatus fuerit: qua viâ, seu modo, sanctitas sacerdotii significatur: similiter Christus, à Deo vero, & ad cultum illius, sacerdos constitutus est, Psal. 110. Sin verò durationem spectemus, Melchisedec sacerdos est in æternum successore carens: ita & Christus, qui propterea, ob hanc convenientiam, jam explicatam, sacerdos dicitur, secundum ordinem Melchisedec. In qua tamen re, duplex observanda est differentia. *Vna*, quod Melchisedec sacerdos in æternum dicitur, non simpliciter, & absolute, ratione sui, & ratione rei ipsius; sed *relatè*, ratione accidentis typi prophetici, & silentii Moysi, in eum finem adumbrandum instituti: quemadmodum in collatione personæ, jam antea, in explic. cap. 7. declaravimus. Christus verò sacerdos reverà manet in perpetuum: quia morte sua seipsum obtulit in sacrificium expiatorium pro Ecclesia, & per resurrectionem, devictâ jam morte, comparet in æternum, pro Ecclesia sua, in cælis, ad diem usque judicii.

*Altera* differentia est, quod Christus secundum Melchisedeci ordinem, non quali regulam, & prototypum, ac si ejusdem quidem esset omnino sacerdotii, dignitate verò Melchisedeco inferior: sed contrà, tanquam typi, & umbræ Melchisedeci prototypum, & corpus; propterea dicitur Melchisedec assimilatus filio Dei, Heb. 7. Melchisedec enim sacerdotii genere & certis circumstantiis cum Christo convenit, ac similis est, ratione descriptionis, & consilii Moysi, sed forma ac specie (quemadmodum etiam Levitici sacerdotes) à Christo differt: quod Christus victimam propriè expiatoriam seipsum videl. solus obtulit, & nos Deo sacravit. Quibus evortitur Theodoti hæretici, de Melchisedeci sacerdotio error, qui eum Christo majorem finxit: quasi Angelorum esset advocatus, Christus verò hominum: & Christo meliorem, quod is secundum Melchisedeci ordinem sit sacerdos: quemadmodum refert Tert. de præscript. cap. ult. Eadem etiam ratione concidit quorundam Christianorum error, qui (ut refert Epiphanius contra Melchised.) Christum & Melchisedecum confuderunt: putantes Filium Dei, in humana specie, tunc Abrahamo apparuisse. Quod, ut alia, satis refutant, quæ in explicatione c. 7. attulimus: ita argumento, ex relatorum, inter se oppositorum, natura, petito, solidè diluit Epiph. quod videl. non Filius Dei, sed similis Filio Dei, ideoque diversus ab eo, ab Apostolo, Heb. 7. appellatur. Hactenus collationis institutæ pars, & similitudo tertia, quæ in officio gemino, regno, & sacerdotio consistit. Reliquæ duæ, in sacerdotii consequentibus, positæ sunt, cum effectis, tum adjunctis.

Quarta enim similitudo est *effecti*, nempe benedictionis: ut enim *Melchisedec Abrahamo, à cæde regum revertenti, benedixit*, tanquam sacerdos Dei: ita etiam à Christo benedicuntur omnes gentes terræ, Genes. 22. & Galat. 3. v. 12. 14. 16. quemadmodum etiam, devictis hostibus nostris, ultimo die, ultimam benedictionem consequemur: De qua Mat. 25. v. 34.

Præter hoc sacerdotii effectum, alterum numerant Pontificii nempe sacrificium, ut ajunt, incruentum, panis & vini: quod typum fuisse Cœnæ Dominicæ, & Missæ volunt; in qua Missa, per sacerdotes N. T. Christi caro, & sanguis, sub specie panis, & vini, offerantur Deo, in sacrificium incruentum, ad remissionem peccatorum. Idque ex eo colligitur: quia dicitur, Gen. 14. *At verò Melchisedec, Rex Salem, proferens panem, & vinum, erat enim sacerdos Dei altissimi, benedixit ei.* ex quibus verbis, cum Psal. 110. & Heb. 7. collatis, quædam colligunt argumenta: quæ Bell. coacervavit, & excolere studuit, de Missa lib. 1. c. 6.



Quorum primum est: *Si Christus sacerdos est secundum ordinem Melchisedec. Ergo idem cum eo obtulit sacrificium. Atqui verum est prius: ergo & posterius.* Propositionem, quia negari posset, probat hoc modo. Si Melchisedec tantum fuisset figura Christi sacerdotis, nec idem obtulisset sacrificium, tum Christus non minus esset secundum ordinem Aaronis; quam secundum ordinem Melchisedec. Atqui hoc absurdum. Ergo & illud. Sed negatur propositio: quia ordo Melchisedec in eo consistit, quod Sacerdos non sit ex tribu Levi, quod sine patre, sine matre, genealogiae expertus, initio & fine carens, & quod sacerdotium illius sit regale, & æternum, unius tantum hominis, qui nec antecessorem, nec successorem habeat, & Abrahamo, atque Leviticis sacerdotibus major. Ac propterea non simpliciter ac generatim tantum, Christum eo nomine sacerdotem esse secundum ordinem Melchisedec docemus, quod figuram tantum Christi gesserit, ut Bellarminus, mala fide, nobis attribuit: sed quod talem figuram gesserit, qualem, ex Apostolo, modò attulimus.

Alterum argumentum est. *Si Melchisedec obtulit panem & vinum. Ergo sacrificavit Deo: ac propterea figuravit Christi sacrificium, quod, per sacerdotes, in Eucharistia, peragitur. Atqui verum est prius. Ergo & posterius.* Sed iterum falsa est propositionis consequentia, multis modis: nam primum, quamvis Melchisedec obtulerit, aut potius protulerit ut etiam vulgata, Pontificiis authentica, versio habet: quemadmodum Hebræus contextus *אֶלֶּם וְיַיִן* panem & vinum: non tamen dicitur obtulisse in sacrificium: sed potius Abrahamo, & sociis illius, qui à prælio redibant. Sed excipit Bellarminus; prius oblata fuisse Deo; deinde data hominibus, ut de sacrificio participarent. Idque confirmare nititur certis rationibus.

Prima est, quia Abraham non opus habebat pane & vino: quia commeatu, & spoliis abundabat; & paulò ante, cum suis, comederat, ac biberat, Gen. 14. 11. & 24. Sed primum negamus consequentiam. Non enim sequitur: Abraham, cum suis, non opus habuit pane, & vino Melchisedeci. Ergo non est usus: multa enim interdum dantur, & acceptantur, non necessitate indigentis; sed benevolentia dantis. Deinde quamvis Abrahamus, commeatus, ex spoliis, haberet satis, & milites illius, antè, ex eo, comedisent. Gen. 14. 24. non propterea sequitur, paulò ante comedisse (ut falso asserit adversarius Bellarminus) multò minus omnino saturatos, Melchisedeco occurrissè: ad cò ut cibo illius non potuerint refici, aut honoris causà donari: quod omni tempore oportunum.

Alter ratio, quæ obijcitur, est: cum, inquit Bellarm. Scriptura, diversis locis, nobis describat sacerdotium Melchisedec, ut distinctum ab Aaronico; & ut simillimum Christo: debuit ostendere, quale fuerit sacrificium Melchisedec: quia sacrificio ignorato, ignoratur Sacerdotium. Atqui nusquam fit mentio sacrificii, quod obtulerit Melchisedec; nisi hoc in loco. Oportet igitur, per panem & vinum, non prophanos cibos; sed sanctificatos, & Deo prius oblatos, intelligere. Sed negatur propositio, quia non necesse fuit alicubi tradi sacrificium Melchisedeci: quia commune id fuerit, cum Abele, Noacho, Abrahamo, aliisque Patribus V. T. similibus, & Aarone: ac propterea non ineptè à Mose præteritur. Commune autè fuisse colligi potest, quia nulla illius expressa fit mentio; sed tantum sacerdotii voce, & temporis circumstantia, indicatur: ac propterea sacerdotium non ignoratur. Et quamvis hac parte ignoraretur, nihil tamen esset, in ea re, incommodi; cum nobis sufficiat cognitio illius generalis, voce sacerdotii comprehensa, & reliqua sacerdotii adjuncta & officia: quæ ab Apostolo, nulla speciali sacrificii facta mentione, recensentur.

Tertia Bellar. ratio est, (quæ efficacissimam vocat) ex verbis sequentibus petita: *erat enim sacerdos Dei altissimi*: si, inquit, illa sit ratio, cur Melchisedec protulerit panem & vinum. Ergo ea obtulit in sacrificium Deo. Sed verum est prius, ergo & posterius. Imò falsum prius est: quandoquidem Moses non ait (ut Pontificii nobis objectant ex versione sua vulgata) *erat enim*: sed, *& erat*. Ac quamvis quod excipit, adversarius Bellarm. concedamus, copulam, *Et*, aliquando

sumi pro conjunctione causali; ubi veritas sententiæ hanc significationem necessariò requirit: hoc tamen in loco, nullo argumento probatur. Sed iterum obijcitur: *si hæc verba; & erat sacerdos, conjungenda essent non cum antecedentibus, proferens panem & vinum; sed cum sequentibus, & benedixit: tum non intercederet, periodum notans, Soph. pasuc.* Verum ut omittam, quod nonnulli viri magni observarunt: Soph. pasuc interdum derotare non periodum; sed minorem distinctionem, & cum sequentibus rectè posse construui; etiam ex vulgata versione, quæ Pontificiis, ex decreto Conc. Trident. authenticam habent, cum alibi; tum in hujus loci interpretatione, apparet. Deinde negatur consequentia: nam illa verba pertinere dicimus, ad utrumque, & antecedens & consequens, quamvis cum antecedenti tantum construantur: ad antecedens quidem: non ratione proximorum verborum, (ut falso Bellarm. cum reliquis Pontificiis, opinatur, & obijcit, sed ratione remotiorum, initio sententiæ: ut in eodem c. Gen. 14. 5. 8. 22. 23. & c. 22. 10. 20. 21. nam Moses, hoc versu, Melchisedecum describit, ab officio gemino: primum regali, (quando *regem Salem* vocat: & regis munificentia effectum adjungit; quod *panem & vinum protulerit*) deinde sacerdotali: quando sacerdotium regno ita copulat; *& erat sacerdos Dei altissimi*: ut regem simul & sacerdotem fuisse demonstraret. Ad sequentia verò pertinet, non ratione constructionis; sed tanquam causa, quæ, suo effecto explicando, opportunè præponitur. Nec quicquam habet momenti id, quod excipit Bellarm. *Melchisedecum, non ut sacerdotem benedixisse* (quia Abraham etiam sacerdos erat) *sed ut majorem sacerdotem; vel, quia absolute major erat; cum & Rex, & sacerdos esset.* Illud enim nihil ad rem facit: quia non simpliciter, ut sacerdotem; sed ut talem sacerdotem (qualis describitur, qui simul rex erat Salem) benedixisse: eoque, majorem Abrahamo, statui. Quare Bellarm. sua adempta sunt effugia: ac probatum fatis, non sequi; *si panem protulit, & vinum*: Ergo Deo sacrificavit. Deinde quamvis illud, quod tamen falsum est, disputandi gratia, largiremur; non inde tamen concludi posset, figuram fuisse sacrificii Christi, in Eucharistia, quod scriptura nullibi agnoscit: sed potius sacrificii Christi, semel in cruce peracti: ubi nobis panis vitæ fractus est, ut ore fidei comedamus, Joh. 6. 51. quod sacrificium, in Coena Domini, non iteratur alio modo; sed panis & vini sacramento, fidelium cordibus significatur, & obfignatur, 1. Cor. 11. 24. Sed excipit tertio suo, pro Missa, argumento principali: *Si sacerdotium Christi, ad finem mundi, durat (id enim scriptura æternum vocat) certe & sacrificii ritus durare debet: alioqui otiosum haberet Christus sacerdotium. Atqui sacrificium crucis, semel tantum peractum, nec repeti potest: quia mori amplius non potest. Ergo aliud sacrificium esse oportet, quod jugiter offeratur. Ideoque necessario admittenda est, in Ecclesia, vera sacrificandi actio; quæ Christo, summo sacerdoti, per ministros suos, tribuatur. Qualis, præter Missam, nulla est.* Verum falsa est propositio, & confirmatio illius: nam Christi sacerdotium non est otiosum: quia peracto sacrificio, cum eo, jam in Sancto sanctorum coelesti pro nobis comparet, coram Patre: deinde pro nobis, ejus sacrificii merito, intercedit, & benedicit: quemadmodum Apostolus, Heb. c. 7. & seqq. fusè explicavit. Ex hisce igitur constat, Pontificiorum sententiam, de Melchisedeci sacrificio, nec Sacris Literis; nec rationibus, inde petitis, posse confirmari: solidis vero ex scripturæ argumentis dilui posse, ex sequentibus, liquebit. Quorum primum est: *si Christus sacerdos dicitur secundum ordinem Melchisedec propter oblationem panis & vini: sequitur eadem ratione esse sacerdotem, secundum ordinem Aaronis; quia etiam in ipsius sacrificio fuit panis, & vini oblatio. Atqui falsum posterius, Heb. 7. v. 11. Ergo & prius: vel quod eodem redit: Id quod in sacerdotio Aaronico quotidianum erat, in eo non consistit proprius typus sacerdotii Melchisedeci, quia hæc sacerdotia inter se differunt: sed sacrificium panis & vini in sacerdotio Aaronico erat quotidianum, Exo. 29. 40. & Num. 28. Ergo in eo non consistit proprius typus sacerdotii Melchisedeci.* Hujus argumenti vim sentit Bellarm. ideoque variis responsionibus effugere conatur. Primum ait: in sacerdotio Aaronico, oblationem panis & vini

vini fuisse, & quidem sacrificium; sed non solum, nec principale, quemadmodum in sacerdotio Melchisedec. Sed nihil id ad rem facit: nam circumstantia adjuncti, & qualitatis, rem ipsam non tollit; si utrimque sit oblatio panis in sacrificium, ut contendunt, idem reipsa est sacrificium: imò sequitur, Aaronis sacerdotium fuisse perfectius, ut quod habuerit sacrificium Melchisedeci (quod fingunt) nempe oblationem panis & vini, tanquam sacrificium minus principale; & præterea oblationem animantium, quæ macabantur, tanquam sacrificium principale. Imo etiam, hoc effugio, novi argumenti occasionem, inscius nobis suppeditat adversarius. Si enim typus cruentæ oblationis Christi in cruce, præstantior est typo oblationis incruentæ (quam statuunt in Cæna) sacrificia Aaronica fuerunt præstantiora sacrificio Melchisedeci. Atqui hoc scripturæ repugnare adversarius agnoscunt. Ergo & illud. Propositio perspicua est, quia sacrificium Aaronicum fuit typus confessus, inter omnes, oblationis Christi, in cruce peractæ: contra oblatio panis & vini Melchisedeci (quam Pontificii asserunt) typus incruenti sacrificii fuit, quo Christus quotidie Deo offeratur: quæ oblatio dignitate inferior est eâ, quâ Christus ipsemet ipsum obtulit; cum ratione sacerdotis offerentis; tum ratione modi offerendi: quemadmodum, velit nolit, agnoscere cogitur Bellarm. Ac propterea typus rei præstantioris præstantior. Secunda responsio fluctuantis Bellarmini (quando ait, panes in sacrificio Aaronico conspersos fuisse oleo: at in Melchisedeci, tantum simplices) nihil ad rem pertinet; nam oleum adjunctum, formam panis non mutat. Tertia responsio similis est antecedenti: posset, inquit, dici, quod Aaron obtulerit sacrificia omnium generum, i. e. tam cruenta, quam incruenta: at Melchisedec utebatur solo incruento, ac simplici sacrificio. Sed præterquam quod hæc responsio, cum primâ, coincidit, hoc etiam modo, differentia statuitur, non in ipsa sacrificii substantia, sed tantum in circumstantia adjuncti. Ex quo contrâ, novi iterum, adversus se, argumenti materiam nostris suggerit. Si enim illa differentia est propria, & præcipua ordinis sacerdotii Melchisedeci, & Aaronis: quod hic obtulerit sacrificium cruentum, & incruentum, ille verò alterum solum: sequitur huius sacerdotium perfectius fuisse, quàm illius, Aaronis scilicet præstitisse sacrificio Melchisedeci. Atqui posterius falsum est. Ergo etiam prius. Propositio perspicua est, quia sacerdotium illud, quo geminum Christi sacrificium adumbratur, perfectius est eo, quo tantum alterum. Secundum porro nostrorum argumentum, quo similiter responsio Bellar. refutatur, est huiusmodi: Si forma, & proprium ordinis Melchisedeci consistit in sacrificio tantum incruento: sequitur Christum non esse sacerdotem secundum ordinem Melchisedec: quia non habet sacrificium solum incruentum, sed etiam cruentum: & si rei veritatem spectemus, tantum cruentum. Atqui Christus sacerdos est secundum ordinem Melchisedec. Ergo forma & proprium ordinis Melchisedeci non consistit in sacrificio solum incruento. Nam quod respondet Bellarm. sacrificium crucis Christi, nec secundum ordinem Aaronis nec Melchisedeci fuisse: nodum non solvit; sed fortius astringit: & propositionem nostram, illiusque rationem confirmat. Tertium argumentum est. Ex figuris, quæ in Sac. Lit. nullibi explicantur, non est fabricandum religionis dogma. Atqui panis, & vini prolationis, à Melchisedeco factæ (quam Pontificii figuram Christi asserunt) explicatio non continetur in Sac. Lit. Ergo inde non est fabricandum religionis dogma. Assumptio probatur inductione locorum, ubi Melchisedeci fit mentio, Genes. 14. Psal. 110. & Hebr. 5. & 6. & 7. Nam quæ à Pontificiis, ex prioribus locis, proferuntur, ea initio à nobis confutata sunt. Propositio etiam certa est, nec à Pontificiis negari potest: quia receptum est etiam apud illos axioma, quo ajunt: Theologiam figurativam non esse argumentativam, hoc est, non probare, scilicet extra scripturæ explicationem. Nam quod Bellarm. excipit, ex figuris dogmata fabricari posse, quando ex Scripturis, juxta communem Patrum sensum intellectis, colligitur explicatio. Illud eatenus concedimus, si de verâ collectione intelligatur: atque ita proposito argumento nequicquam officit: quia talem collectionem, hoc in loco, minimè demonstrant. Sin verò de

ea sermo sit, quæ tantum hominum autoritate nititur: negamus eam esse rectam; quia Patres non sunt norma certa interpretationis Scripturæ: cum, ut multis in locis aliis; sic non raro, in figuris Vet. Testam. comminiscendis, graviter hallucinati sunt: & in veris etiam figuris explicandis, eas sæpius, Origenem secuti, ut Origenes Philonem Judæum, à recto sensu detorserunt. Quartum argumentum est. Si panis, & vini prolatio fuisset ordinis Melchisedeci forma, & simul typus sacrificii Christi incruentis, Paulus eam oblationem, & typi cum reipsa similitudinem, silentio minime hoc loco, præterisset. Atqui utrumque præterisse certum est. Ergo panis, & vini prolatio, non est ordinis Melchisedeci forma; nec typus alicujus sacrificii Christi incruentis. Propositio clara est: quia, cum Apostolus explicaret reliqua, quæ ad ordinem Melchisedec describendum pertinent, diligenter, illud, quod præcipuum erat, non siluisset. Bellarm. quidem negat propositionem, & silentii causas adferre conatur; sed ordine, falsas esse, constabit. Nam 1. ait propterea id siluisse, quod nihil ad propositum faceret: idque ea ratione probat: quod Paulus, tantum voluerit ostendere præstantiam sacerdotii Christi, supra sacerdotium Leviticum. Imò verò inquam, illud maximè ad propositum faciebat, declarare quænam esset forma, & quodnam proprium esset ordinis Melchisedeci: idque vel ea, quam Bellarm. attulit, ratione, confirmatur: nam si Apostolus voluit ostendere præstantiam sacerdotii Christi, supra sacerdotium Leviticum; debuit explicare, qua in re situs esset ordo Melchisedec, quia eo argumento excellentiam Christi probat, quod sit secundum ordinem Melchisedec, qui major est ordine Aaronis: Levitici verò sacerdotes essent secundum ordinem Aaronis; ac propterea silentio præterire non debuit, qua in re ordo ille esset situs: quemadmodum etiam revera eum non præterit, sed explicavit distinctè, & accuratè; nempe quod ordo Aaronis postulare sacerdotem, qui esset, non ex tribu regali Juda, sed ex tribu Levi, Heb. 7. 5. 13. 14. ordo verò Melchisedeci, sacerdotem, qui, ut Melchisedec, ex alia tribu esset; & simul Rex. Heb. 7. 1. & Psal. 110. & Heb. 7. 14. Deinde ordo Aaronis fuit secundum mandatum carnale institutus, Heb. 7. 10. unctione olei externâ, & hominum ministerio: ordo contra Melchisedeci sine externo oleo, & sine hominum opera, immediatè à Deo, Hebr. 7. 1. & 16. Ad hæc, ordo Aaronis habuit sacerdotem successionem: ordo verò Melchisedeci, successoris, & antecessoris expers, sacerdotem habet æternū, Heb. 7. 23 & 24. Quamobrem, ex hisce perspicuè apparet, ordinem Melchisedeci explicari debuisse, & diligenter explicari. Verum Bellarm. progreditur, & præter hanc silentii causam, quam modo refutavimus, alias etiam duas comminiscitur. Ac primum, quod Apostolus, datâ operâ, omiserit oblationem panis, & vini; ne cogere tur explicare mysterium Eucharistiæ, quod altius erat, quàm ut ab illis tum capi posset. Idque probare studet ex cap. 5. ubi de Melchisedeco ait Apostolus: sermonem esse ininterpretabilem. Unde ita argutur. Cum Apostolus omnia planè exposuerit, quæ de Melchisedeco dicuntur in Genesi; excepta oblatione panis, & vini: non videtur posse negari, quin per sermonem ininterpretabilem (cui non erant idonei Hebræi) mysterium cænæ debeat intelligi. Sed negamus mysterium Cænæ altius fuisse, quàm ut ab illis capi potuerit, cum ratione rei; tum ratione ipsorum. Rei quidem ratione, quoniam doctrina Cænæ, primum ex communi, ac generali sacramentorum; deinde ex propriâ signi, & rei significatione naturâ; præterea ex Christi, & Apostolorum explicatione, atque repetitione, clara est: quamvis Satanæ artificio, & hominum perversitate, postea obscurata sit; denique, si altitudo mysterii doctrinæ de Cæna, esset causa silentii, tum Apostolus non retulisset ea, quæ altiora sunt, & longè difficiliora: atqui ea retulit: nam, ut alia omittamus, proponit, & exponit, cap. 1. & 2. doctrinam de Deitate filii, & incarnatione, illius: quam magnum mysterium vocat Apostolus 1. Tim. 3. cum cæna nullibi, in S. Lit. mysterium vocetur; nec difficultate cum prioribus ullo modo sit comparanda. Quod verò Patres Cænam interdum Mysterium appellarunt, non aliâ factum est

ratione, quàm ut declararent, sub signis visibilibus, gratiam invisibilem declarari: non quod hæc doctrina captu adeo sit difficilis: nam communiter omnia sacramenta vocantur mysteria, tam Baptismum, quàm Cœnam: cum tamen Baptismi doctrina, inter rudimenta religionis Christianæ, ab Apostolo, Heb. 6. recensetur: ac propterea similiter Cœnæ doctrina eodem referri potest, ac debet: quemadmodum Catecheses, etiam Pontificiorum, testantur, in quibus Cœnæ doctrina, non minùs, quàm Baptismi, rudibus proponitur. Deinde doctrina de abrogatione legis Mosaicæ difficilior erat, quàm doctrina de Cœna; utpote in quam, non solum infideles Judæi; sed etiam fideles, & quidem primarii, impeerunt: quemadmodum Actor. cap. 11. & 15. & Galat. cap. 2. perspicuè elucet. Sin verò ipsos Hebræos spectes, cum tamdiu in religione essent instituti ac propterea sacramentis usi, etsi negligentiores, Heb. 5. vers. 12. quomodo minus potuissent intelligere doctrinam Cœnæ, quàm Corinthii? quos Paulus, ad primò traditam doctrinam, revocat 1. Cor. 11. Nam si non poterant capere doctrinam Cœnæ; sequitur non antea communicasse Cœnæ Dominicæ; nam ante communicationem requiritur intelligentia: atqui communicantur haud dubiè. Ergo capere poterant, & perciperant. Quod vero Bellarm. ait, Paulum dicere, sermonem de Melchisedeco esse ininterpretabilem, illud falsum est: siquidem tantummodò ait, esse *ἀόρον διὰ τὴν ἀνέγνωσιν* *difficilem explicatu*: potissimum ob segnitiam Hebræorum, quam ut graviter reprehendit, ita ab eadem dehortatur; & ad altiorum doctrinam percipiendam, provocat, Hebr. 6. v. 1. Quare non reticuit difficultatem illam Apostolus; sed proposuit, & exposuit: ita tamen, ut occasione difficultatis rei, & olim; non solum inter hæreticos, & orthodoxos Patres; sed etiam inter ipsosmet orthodoxos (ut supra probavimus) fuerint dissentientes, ea de re, sententiæ. Tertia denique causa, quam fingit Bell. est, quod Paulus scripserit infidelibus; & quod constet Sacramentum (quod non poterat infidelibus prodari) vix aliud fuisse, quàm Eucharistiæ. Sed contrarium, inquam, tota Epistola ad Hebræos, perspicuè ostendit, nempe eam ad fideles Hebræos scribi: & quidem locus ille, quem in secunda causa, ante confutata, attulit Bell. nempe Heb. 5. 12. 6. 1. 10. 32. & seqq. & 13. 7. 17. 22. Quod verò addit, scripta fuit utrisque, vel certè ita scripta fuit, ut ab illis communicari debuerit etiam cum infidelibus. Kelp. eo nihil prorsus effici: nam negamus constare (quod sibi sumit Bellarm. quasi certum) doctrinam Sacramenti Cœnæ, non posse infidelibus tradi; siquidem tota S. Scriptura, quasi epistola Dei viventis, ad homines omnes, fideles, & infideles, si usum spectemus, pertinet: ut inde Deum, & officium suum erga Deum cognoscant: Agnoscimus quidem priscos scriptores, præsentibus Ethnicis, de Cœna siluisse, imò & præsentibus Catechumenis: sed id factum, sine scripturæ autoritate, & ut omninò videtur, pravâ imitatione Ethnicorum (quod in aliis etiam fecisse clarum est) qui sua sacra, vulgari non ferebant, scilicet ut eo silentio, religionem, ut quidem arbitrati sunt, augerent. Nam si doctrina Cœnæ non potuit ad Hebræos describi, ne mysterium illius infidelibus revelaretur: sequitur primum, eandem ob causam, si vera est, non potuisse describi ab Apostolo, 1. Cor. 10. & 11. deinde neque ab Evangelistis tribus, (qui tamen omnibus hominibus scripserunt) promiscuè revelari: id quod absurdum est. Secundo sequeretur Apostolum, eadem de causa, non traditurum fuisse in hac epistola, quæ majora longe mysteria complecterentur, & quibus infideles magis fuerunt irritati; ut mysterium personæ Christi; mysterium officii; & crucis, & abrogationis legis: & similia. Quintum argumentum nostrorum, non absolutum quidem, sed ex hypothese opinionis Pontificiorum petitum (nempe à dissimilitudine sacrificii Melchisedeci, & Missæ pontificiæ, quam eo adumbratam volunt) est tale. Si sacrificium Missæ esset secundum ordinem Melchisedeci, in eo panis, & vinum Deo offerrentur. Sed in Missa non offeruntur Deo panis, & vinum; sed tantum, (ut ajunt) eorum accidentia: substantiâ panis, & vini in nihilum redactâ. Ergo sacrificium Missæ non est secundum

ordinem Melchisedeci. Bell. autem, negata propositione, ait, sufficere, ut, inter se, sacrificium Melchisedeci, & Missæ, conveniat in exteriori signo: quemadmodum planè convenire, ait, in specie panis, & vini, quod non referat, si substantia sit diversa, quod representatio sit in accidentibus, non in substantiâ. Sed illud inane omninò diverticulum est; falsum enim est Symbola sacramentorum sita esse tantum in accidentibus: nam, ut alia præteream, accidentia non nutriunt, sed substantia; nutrimentum autem spirituale, externo nutrimento, obsignatur.

Sextum argumentum est: Si oblatio Melchisedeci esse typus oblationis Christi, quo, per sacerdotes Missificos, se Deo Patri offert, in Missa; tum Christus non tantum semel fuisset oblatus, sed opus habuisset, ut sæpius seipsum offerret. Atqui Christus semel oblatus est tantum, Hebr. 7. 27. & 9. 28. nec seipsum offerre debuit sæpius, Hebr. 7. 17. & 9. 25. Ergo oblatio Melchisedeci non fuit typus oblationis Christi, qua se Deo Patri offert, ut ajunt, in Missa. Bell. ad propositionem respondet, adhibita distinctione: eam quidem esse veram, de oblatione cruentâ, non autem de incruenta. Sed hæc distinctio, sicut nullò nititur scripturæ testimonio, ita iis, quæ antea attulimus, confutatur: nam si, ad peccatorum remissionem, Christum oportuit sese offerre, non solum semel cruentè in cruce, sed sæpius etiam atque indies incruentè in Missa: sequitur, cruentum illius sacrificium non fuisse sufficiens ad peccata abolenda. Atqui hoc falsum, ut Heb. 7. v. 26. docetur: ut Bellarm. etiam ait, cruentam Christi oblationem sufficientissimam esse, imò infiniti pretii, & valoris. Ergo falsum etiam est illud.

Septimum argumentum est; Si oblatio Melchisedeci esset typus oblationis illius, qua Christus, à sacerdotibus, offertur Deo Patri, in Missa, (ut Pontificii contendunt) tum Christus non esset unicus & perpetuus sacerdos, secundum ordinem Melchisedec, sed successores haberet. Atqui posterius falsum, Heb. 7. 23. 24. Ergo etiam falsum est prius.

Octavum argumentum est: Sacerdos secundum ordinem Melchisedeci, esse debet Rex, & sacerdos: sine patre, sine matre, æternum habens sacerdotium, Heb. 7. 1. 3. 28. Atqui hæc soli Dei filio conveniunt, non autem sacerdotibus missificis. Ergo illi non sunt sacerdotes secundum ordinem Melchisedec: ac propterea non est novum sacrificium à Melchisedeco adumbratum. Sed objicit Bell. si Christus est Pontifex in æternum, illum oportet assidue aliquid offerre: quod quia antea à nobis negatum est, probat ex Heb. 8. v. 3. Omnis Pontifex ad offerenda dona, & victimas constituitur; unde necesse fuit, hunc quoque habere, quod offerret. Fatemur, quod ait Apostolus, debuisse Christum habere, quod offerret; quemadmodum habet revera corpus, quod obtulit, Hebr. 10. vers. 5. Sed non ait, quod semper offerret: quemadmodum contendit adversarius: imò contrà, hanc differentiam repetit, & inculcat, multis in locis, Apostolus; quod Levitici sacerdotes obtulerint sæpius; Christus verò semel tantum: & causam etiam diversitatis exponit, nempe Leviticorum imperfectionem, & sacrificii Christi unici perfectionem. Quæ de re illustris locus est, Heb. 10. v. 1. 2. quo docetur, si potuissent legis victimæ, accedentes sanctificare, desissent offerri, propterea quod sacrificantes semel purgati, nullorum peccatorum amplius essent sibi conscii: & v. 11. 12. 13. elegantissime hanc differentiam explicat Apostolus. Ex quibus omnibus Pauli verbis, notum hoc statuitur argumentum, & demonstratio invicta hujusmodi. Sacrificium, quod repetitur, illud non purgat peccata: & contrà id, quod plenè purgat peccata, non potest repeti. Sacrificium Christi plenè peccata purgat. Ergo non potest repeti. Reliqua quæ Bell. ad locum illum Heb. 8. adfert, non excutio: non ideo tantum, quod impurè sententiam Pauli pervertit, sed etiam imprimis, quod ea, quæ adfert in medium, doctrinam nostram non oppugnant. Antequam verò finem hujus controversiæ celeberrimæ faciamus; ea, quæ porro attexit, expendere, operæ pretium est: ut Jesuitarum error retegatur; & antecedentium argumentorum robur amplius illustretur. Ac primum, quia Pontificii, ex æternitate sacerdotii Christi, colligunt, sacrificii illius perpetuam reiterationem in Missa: contrà Chemnitius, adversus Conc. Trid. alias adfert causas quin-

quinque, cur Christus dicatur sacerdos in æternum: quemadmodum etiam recenset, & refutare conatur Bell. Prima est, quod Christus vivat in æternum: 2. quod virtus unica oblationis in sempiternum duret, & efficax sit. 3. quod semper in cælo intercedit pro nobis. 4. quod per ipsum, ut sacerdotem, habeamus accessum apud Patrem. 5. quod in perpetuum possit servare, qui per ipsum accedunt ad Deum. Quæ, si rem ipsam spectemus, conveniunt cum S. L. Contrà tamen Bell. negat, sufficienter has causas ostendere; cur dicatur, sacerdos in æternum: ac sigillatim id probare satagit, singulas causas non sufficere. In qua negatione illius manifesta est fallacia ignorantis Elenchi: nam Chemnitius non intelligit singulas hæc causas esse efficientes, & sufficientes; tam se junctas; quàm conjunctas: sed singulas, ac se junctas esse efficientes; conjunctas verò sufficientes: imò quasdam etiam sufficientis. Prima quidem causa efficiens est, sed non sufficiens: inde tamen, ad Pontificiorum errorem confutandum, sufficiens peti potest argumentum tale. Si Christus est sacerdos in æternum; non habet, in suo sacerdotio, ac sacrificio, successores, aut focios, Heb. 7. v. 23. 24. sed solus omnino est N. T. propriè loquendo, sacerdos. Contra quàm adversarii (qui suos sacerdotes missificos habent) opinantur, ac docent. Alteram causam, quod virtus oblationis Christi in cruce perpetua sit, Bell. ait, non sufficere: sed, si eam, cum antecedenti, copulemus, omnino sufficit; quoniam ille sacerdos, cujus persona perpetuò vivit; & victima oblata perpetuò durat; ut homines perpetuò reconciliet Deo Patri, habet sacerdotium æternum: Atqui Christi persona perpetuò durat, quia in æternum vivit, & victima similiter: quia sacerdos est & victima, quæ homines perpetuò reconciliat Deo. Ergo sacerdos est in æternum. Nam, quod ait adversarius: non dicitur sacerdotium æternum, cum non jugiter sacrificatur: illud ex superioribus abundè confutatum est: ut enim sacerdotis summi V. T. sacerdotium non minus durabat, cum, oblata victima, cum sanguine compareret in sancto sanctorum, ad expianda populi peccata; quia illa pars erat muneris sacerdotalis, & proprium sacrificii adjunctum consequens: ita & Christi sacerdotium perpetuum est. Tertia causa est, quod semper in cælis intercedat pro nobis: quæ sanè sufficiens est; licet hoc neget adversarius: nam, qui semper in cælis, pro nobis, intercedit, is merito sanguinis sui, pro nobis fusi, sacerdos est in æternum; quoniam illa propria est sacerdotis functio. Atqui Christus hoc facit. Ergo. Quemadmodum etiam hoc argumentum fusi, & accuratè explicatur, Hebr. 9. vers. 12. 13. 24. 25. Nam sacerdotii Christi pars peracta est in terris, quando pro nobis se ipsum, in sacrificium propitiatorium, in cruce, Deo Patri obtulit: pars altera peragitur in cælis, cum se patri sistit, peracto sacrificio, intercessorem. Nam, quod objicit Bell. translato sacerdotio in cælum, etiam legis translationem fieri. Heb. 7. In eo pueriliter ludit homonymias sophismate, & S. Script. abutitur: nam Paulus perspicuè loquitur, de translatione, non de loco in locum (de quo hic quæstio est inter nos) sed de tribu in tribum: alioqui etiam sequeretur argumenti illius vi, aliud fuisse sacrificium sacerdotis Levitici, cum in arâ offerret victimam, & aliud, cum translatione sanguinis facta, in sanctum sanctorum, coram Deo ibidem appareret. Quapropter, quemadmodum idem mansit sacerdotium, quàmvis muneris illius partem, uno in loco, peregerit; alteram verò in alio: similiter idem manet Christi sacerdotium, cum jam relicta terra, & ministerio oblationis in cruce, nunc coram Deo in cælo, tanquam sancto sanctorum, non manu facto, nec adumbrante, sed per illud adumbrato, comparet. Quam comparationem, cum generatim, nonnulli nostrum, oblationem vocent; quod Christus sanguine suo, & passionis satisfactione, pro nobis, intercedat in cælis: ineptè Bell. de oblatione sacrificii, declarat speciatim: atque ita non nostros, sed umbram suam oppugnat. Quartam, & quintam causam, quia cum superioribus convenire, & iisdem refutari sit, quibus superiores, nos contrà iisdem responsionibus, & rationibus, quas adduximus, defendi asseri-

mus. Atque hoc modo hanc nobilem controversiam, de sacerdotio, & sacrificio Melchisedeci, & Christi absolvi-mus. Unde falsitas doctrinæ pontificiæ elucet; ac perspicuè conspici potest; prolationem illam panis, & vini, à Melchisedeco factam, non fuisse typum sacrificii alicujus incruenti Christi, in Missa, ubi sub specie panis, & vini, à sacerdotibus N. T. offeratur Deo Patri: ac propterea, inter effecta sacerdotii Melchisedeci illa prolatio panis, & vini, perperam recensetur. Porro quinta & postrema Melchisedeci & Christi similitudo est in *adjuncto*, quod pro benedictione facta retulit Melchisedek: quemadmodum enim Abrahamus spoliis decimas ei dedit (tanquam sacerdoti, majori se, & Levitis posteris) honoris, & gratitudinis ergo: ita Christus primùm, major est Abrahamo, & Levitis; similiter & Abrahami posteris, nobisque omnibus, omnium gentium fidelibus, quibus benedixit: deinde Christo, ob benedictionem, honoris, & gratitudinis nomine, non solum bonorum nostrorum partem, ad cultum Dei, & ministerium sacrum, 1. Cor. 9. vers. 13 & egena Christi membra sustentanda, liberaliter, Matth. 25. v. 40. conferre debemus: sed etiam totos nos, animo & corpore, ei consecrare, 1. Cor. 6. v. 20. Luc. 1. v. 74 Roman. 12. vers. 1. 2.

Hactenus collatio Christi & Melchisedeci (quæ, in nomine, persona, officio gemino, & consequentibus, cum effectibus, tum adjunctis, consistit) explicata est. Sequitur jam, ad postremi hujus collationis membri illustrationem,

#### BREVIS TRACTATO DE DECIMIS.

Quia enim de *decimarum* usu, & autoritate multa sæpe disceptantur, & à nonnullis, hac in parte, erratur graviter: rationem illarum, corollarii vice, non incommode, declarari posse arbitramur. Quandoquidem illarum, ut in Nov. Testam. rara, & brevis sit mentio, sic crebra, & copiosa in V. & hoc etiam in loco: quo etiam Pontifices Romani, ad suam tyrannidem stabiliendam, abutuntur. Ut autem ad rem accedamus, & summa rerum capita, ordine, ac succinctè perstringamus: certum, ac compertum est, *Decimas* esse decimam bonorum partem: quarum oblatio antiqua est, & latè patens, adeo ut reges olim exegerint decimas, à provinciis suis, & belli tempore, tributum illud duplicariunt. In Sacris verò Literis fit mentio decimarum, quæ Deo fuerunt datæ. Quarum alie *arbitrarie*, quæ citra Dei præceptum, ex arbitrio, conferebantur: quales fuerunt ante legem, & quidem nominatim illæ, quas contulit, ex spoliis hostium, Abraham Melchisedeco, Gen. 14. & quales ex omnibus bonis Deo vovit, nepos Abrahami, Jacobus, Gen. 28. vers. 22. Aliæ verò fuerunt *necessariæ*, quæ à Deo, lege Moysi præceptæ, ex omni proventu, sc. decima pars: quæ necessitate officii, ac religionis imperatæ, præstandæ erant. Quarum alie fuerunt *primæ*: alie verò *ortæ ex primis*. Primæ quidem, quæ à populo dandæ erant Levitis, ex naturalis æquitatis, & determinationis divinæ, ratione. Ea autem æquitas consistit in compensatione jacturæ duplicis. Quarum prima erat, quod duodecima hæreditatis Israeliticæ pars, à Deo ab iis esset ablata, & translata ad filios Josephi, Num. 18. v. 20. 24. Altera quod ad cultum Dei & ministerium Ecclesiæ essent segregati, eaque via, à necessaria ampliore cura rei familiaris, abstracti, Num. 18. 21. Quamobrem populi officium erat, Levitas, & ex æquitatis, & ex gratitudinis officio (cum erga Deum, tum erga illius, apud se, ministros) alere, ac sustentare, & hæreditate destitutis, alia ratione, prospicere. Æquissima autem fuit ea, quam Deus instituit, nimirum ut duodecimæ tribui decimæ numerarentur. Hæ autem decimæ, numerandæ Levitis, fuerunt duplices: alie Levitis propriæ, alie communes cum aliis. Illæ fuerunt, quæ solis Levitis dabantur, excepto tertio quoque anno, Num. 18. v. 20. 22. Hæ verò quæ cum Levitis, etiam pauperibus, peregrinis, & pupillis, ac viduis conveniebant, ut comederent ex iis, & saturarentur tertio quoque anno, Levit. 27. v. 30. cum Deut. 26. v. 12. Ritum verò qui à populo, decimas offerente, adhibendi erant, coram Deo, in illa solutione decimarum,



marum, cum in protestatione innocentiae, tum in precatione consistentes, praescribuntur, Deuter. 26. v. 13. 14. Hæc de primis decimis. *Orta* verò *ex primis* fuerunt *decimæ decimarum*, id est, priorum proventuum centesimæ: quas Levitæ (qui ex decimis vivebant) Deo, per summum Pontificem, offerebant, Num. 18. v. 26. atque ita sacerdotibus, partim honoris causâ, partim ut aliis extraordinariis rebus possent satisfacere, à Levitis decimæ decimarum, sive centesimæ proventus populi pendeantur. Ex quibus omnibus jam constare potest decimarum legem *ratione generis*, esse perpetuam, ut quæ naturali æquitate nitatur: nempe, ut ministri Ecclesiæ, ab Ecclesia, alantur: quia, ut Christus ait, Matth. 10. vers. 10. *dignus est operarius mercede sua*. Quemadmodum etiam pluribus idem, ab Apostolo Paulo, demonstratur, ex eodem fonte naturæ, & auctoritate Scripturæ, 1. Corinth. 9. nominatim verò ex eo, quod, qui altari serviebant, inde vixerint; & quod similiter à Deo constitutum sit, ut, qui Euangelium annuntiant, inde vivant. Sed *ratione speciei* considerata (quamvis partem bonorum generatim dare teneatur Ecclesia) ad decimam tamen non est obstricta; quia ejus constitutionis causa specialis fuit, quod Levitæ carerent hæreditate, ac duodecima essent tribus: ac propterea nec Christus, nec Apostoli decimas exegerunt, aut præceperunt. Si quis tamen magistratus eas præcipiat, dandæ sunt, ratione juris Politici; non autem jure communi, ac divinitus definito. Si verò Episcopi illud præcipiant, eorum præceptum nullam habebit vim: neque ratione conscientiae; (quia ei solus Deus leges potest ferre) neque ratione politiae; quia illius regimen, ad solum magistratum, pertinet. Ac propterea ineptissimum est, quod Bonifacius Octavus concludit: Pontificem esse magistratum, non solum in divinis, sed etiam in humanis, superiorem: quod ab eodem decimas accipiat: quemadmodum propterea, ut ait, Melchisedec, major Abrahamo dicitur, Heb. 7. Nam contra Pontifici non debentur decimæ, nec ratione muneris (quod scriptura præter Christum, summum sacerdotem, sacerdotem nullum jam agnoscat) nec ratione administrationis Ministerii divini; quia illud non obit: cum non *pastor* sit; sed reverà *depastor* gregis. Denique si verus esset pastor, in eo quidem munere, & in rerum divinarum administratione: non absolute tamen, in gubernatione, majorem esse consequeretur. Quod vero ad mysterium decimarum attinet, quod proferunt Pontificii, quasi per decimas declararetur nos omnes esse imperfectos, Christum verò solum perfectum: quemadmodum numerus, ut ajunt, novenarius, imperfectus; numerus verò denarius, perfectus: quod supra eum nullus sit numerus distinctus: illud, inquam, argutum esse potest, sed non videtur veritati simplicitatis S. Script. consentaneum: sed Scholam potius Pythagoræ, & Platoniorum, quam Christi & Apostolorum sapere: ideoque, ab ejusmodi ineptis argutiis, in S. Lit. tractandis, abstinendum. Hactenus breviter de decimis disseruimus.

## C A P U T VIII.

Postquam cap. antecedente; sacerdotii Christi, supra Leviticum sacerdotium, præstantiam, demonstravit Apostolus, variis rationibus: in ejusdem rei amplificatione, progreditur: collectâ primùm antecedentium summâ, & adjunctis aliis quoque argumentis: Ex quibus tandem, abrogationem V. T. & sacerdotii Levitici, deducit. Prima autem Christi præstantia statuitur in adjuncta sessione ad dextram Dei, seu exaltatione illius in regno: quod talis sit Pontifex, qui, ut Melchisedec, cap. 7. v. 1. simul etiam sit Rex; & quidem omnibus creaturis, potentiâ, & gloriâ, superior, Heb. 1. vers. 13. Ideoque sacerdotibus Leviticis major: quoniam illi reges esse non poterant; sed eorum gubernationi subiecti erant. Atque hanc summam esse eorum, quæ antea dicta sunt, declarat v. 1. Altera præstantia est in subiecto sanctuario; quod Christus minister sit sanctuarii celestis: nam sedens in celis sanctuarii minister dicitur v. 1. & 2. Heb. 9. v. 24. contra verò Pontifices Levitici, ministri fuerunt sanctuarii terreni. Tertia excellentia est in ministerio tabernaculi posita, per quod ad sanctuarium

patuit via: Christus enim minister est tabernaculi *veri*, per Moysen typicè adumbrati: Levitici verò Pontifices, ministri tabernaculi typici. *Verum* enim, hoc in loco, non opponitur falso (ut vulgò, ac propriè accipi solet vox) sed typico, & umbræ: idque per Meton. quod veritas consistat in complemento: adeo ut res, typo adumbrata, exhibita, typum verum esse arguat: quo sensu dicitur Joa. 1. v. 17. *Lex per Moysen data est, gratia & veritas per Christum*, ut in ejus loci explicatione, pluribus ostendimus. Sic etiam Joa. 6. v. 22. *Moses non dedit vobis panem verum de celo; sed Pater dat vobis panem de celo.* & Heb. 9. v. 24. *antitypa & ædificat exempla & veritas* opponuntur eodem omnino sensu; ut alibi *corpus & umbra*. Cæterum illud controversum est, quid per *verum tabernaculum*, hoc in loco Apostoli, intelligi debeat. Quidam enim cælum interpretantur, ut idem significet per exegesis quandam, atque sanctuarium: alii verò hanc sententiam minus probant, ac de corpore Christi rectius interpretantur: nam quamvis ad præstantiam cæli, supra tabernaculum Leviticum, ad causam efficientem amplificandam, non ineptè dici possit, quod Deus illud fixerit, non homo (quemadmodum ex re ipsa, & simili loco Heb. 9. vers. 24. apparet) cum sequenti tamen versu non satis quadrat. Deinde ex collatione, Heb. 9. v. 11. 12. colligitur distinguere, tanquam diversa, tabernaculum & sanctuarium, quod videtur per illud, ad hoc sit ingressus: ac propterea Chryf. & alii nonnulli, qui, cum illo, sanctuarium & tabernaculum, hoc cap. 8. cælum designare docent, in cap. 9. explicatione, rei perspicuitate adducti, de corpore Christi, interpretantur: quæ sanè genuina, hoc in loco, sententia est. Sic autem vocatur corpus Christi per Meton. qua signo, nomen rei significatæ, attribuitur: & ab eo signo, veritatis voce adjuncta, distinguitur. *Verum* enim tabernaculum (ut antea ostendimus) appellatur, quod tabernaculo typico fuerit adumbratum. Similitudo autem consistit in duobus. Primùm, quod ut in tabernaculo Deus præsens erat: ita & in Christi corpore divinitatis plenitudo habitet corporaliter, Col. 2. v. 9. Unde etiam, servatâ eadem Meton. templum, id est, typo templi adumbratum, vocatur ab ipsomet Christo; & explicatur ab Evangelista Joan. 2. 19. & 21. Altera similitudo in eo consistit, quod ut in tabernaculo Deus colebatur, & per illud aditus erat ad sanctuarium: ita, in Christi corporis unione, colendus sit Deus; & per illud oblatum, nobis aditus pateat ad patrem, & cælum, Joa. 14. v. 6. *Nemo venit ad patrem, nisi per me* Unde Metaphoricè quoque se *viam* appellat. Quemadmodum etiam propterea tabernaculi velo adumbratum fuit Christi corpus, ut apparet ex Heb. 10. v. 19. 20. Quamobrem rectè, & eleganter Christi corpus tabernaculum appellatur: & ad majorem illius præstantiam commendandam, cum tabernaculo Levitico, amplius confertur, & duplici causâ, ab eodem, distinguitur, eique præfertur, primò, ratione causæ efficientis: quæ indicatur per thesin quidem, cum dicitur: *quod Deus fixit*, nempe per se, sine hominis opera: & per antithesin Levitici tabernaculi, cum per remotionem additur, *non homo*. Illud enim Leviticum à Deo quidem habuit originem, si mandatum spectes; sed per Moysen, & hominum operam constructum est; tabernaculum verò corporis Christi, non homo fixit, quoniam Christus sine virili operatione conceptus est, potentiâ, & efficaciam Spiritus Sancti: unde etiam Pater, filio corpus adaptasse, dicitur, Heb. 10. v. 5. in quod, tanquam tabernaculum, filius ingressus est, incarnatione; & serviit Patri oblatione ejusdem in cruce; & tandem comparitione in cælo, ut in sancto sanctorum. Hæc de vers. 2. Quemadmodum secundò causâ finalis demonstrat, quod Deus fixerit; ut *haberet filium, quod offerret*: i. e. ut non solum tabernaculum esset; sed etiam simul & sacerdos summus, & sacrificium. Idque probat ab officio Pontificis communi. Pontifex, seu summus sacerdos habere debet, quod offerret Deo. Christus Pontifex est. Ergo debuit habere quod offerret Deo. Hoc autem non aliud esse, quàm corpus animatum, extra controversiam est: & in hac Epistola etiam inculcatur, præsertim Hebr. 10. v. 5. seqq. Hæc de vers. 3. & tertia fa-

via sacerdotii Christi, supra Leviticum sacerdotium, præstantiâ. Unde, antequam ad quartam accedat, primæ, & secundæ confirmationem memorabilem interferit, hoc modo: *si esset in terra*, peracto jam sacrificio, nec ascendisset in cæleste sanctuarium, *non esset sacerdos*. Atqui sacerdotem esse, jam antea ostensum est. Ergo, peracto jam sacrificio, non est in terra. Conclusio, & assumptio v. 1. & 2. præmissæ sunt. Propositio verò & confirmatio illius, v. 5. adfertur: nam consequentia ejus probatur: si Christo manente in terris, manerent sacerdotes Levitici, qui offerrent dona secundum legem; Ergo Christus manens in terris, non esset sacerdos. Propositio certa est: quia duo illa sacerdotia, tanquam umbra, & corpus, simul stare non possunt. Assumptionem autem probat Apostolus à sacerdotii Levitici fine, & scopo legis ceremonialis: *Qui exemplari, & umbræ rerum cælestium deserviunt*, illi Christo manente in terris, manent. Atqui Levitæ exemplari rerum cælestium deserviunt. Ergo Christo manente in terris, manent. Propositio perspicua est: quia, quamdiu veritas, seu res per typum significata, non est exhibita, & Christus in cæleste sacrarium non ascendit, umbra, & typus permanere debent, secundum legem. Assumptionem probat Apostolus, ab autoritate Dei, Exod. 25. 40. qua Moses absoluturus tabernaculum, jussus est omnia ad archetypum cælestem, qui ei in monte ostensus erat parare, id est, ex præscripto divino; quo Christus, cum suo sacerdotio, Mosi descriptus, & patefactus erat. Hæc de primæ & secundæ præstantiæ Christi expositione. Cui quartam præstantiam Apostolus addit, nempe à fœdere petitam, hoc modo: Qui præstantioris fœderis intercessor est, quàm Levitici pontifices: ille præstantius sacerdotium habet. Atqui Christus præstantioris fœderis intercessor est. Ergo &c. Atqui ita Apostolus progreditur ad insignem illam, atque illustrem comparisonem Vet. & N. seu legalis, & Evangelici fœderis, atque ad abrogationem prioris. Assumptionem autem probat, firmis argumentis. Quorum primum est à promissionibus petitum: quod fœdus Evangelicum, (cujus intercessor est Christus) præstantioribus promissis sancitum sit v. 6. Alterum ab impotentia fœderis legalis (Rom. 8. v. 3.) quod non fuerit irreprehensibile. Idque ex ordine confirmat, nimirum quod secundo, hoc est, Evangelico fœderi, quesitus fuit locus. Unde rectè concludi potest, hoc modo: Fœdus, quod, post repressum fœdus legale, sancitur, illud eo perfectius, & præstantius est: Atqui fœdus Evangelicum est tale. Ergo perfectius, & præstantius est, v. 7. Quam rationem confirmat Apostolus testimonio Dei ex Jer. 31. quo prophetiam, de novo Testamento sanciendo, proponit; &, alloquens Israëlitas, fœdus legale reprehendit: nam quemadmodum, post Cajetanum, ab aliis etiam rectè observatum est, vox *ἀντί*, non cum antecedenti voce *μυρόν*, sed consequente, nempe *ἀντί* contrui debet: sicut antecedens versus, in quo, de legalis fœderis reprehensione, agitur, satis ostendit. Cæterum hæc prophetia, præmissâ primum præfatione (quæ auctoritatem, & benevolentiam fidelium, ab auctore Deo, conciliat) tractationem rei bimembrem, per propositionem, & expositionem, complectitur. Propositio autem continet promissionem fœderis Evangelici: quod describit, primum, à suo genere, cum *fœdus* appellat, & quidem *Dei*, cum Israël, & Iuda: non quod excludat gentes; sed, *καὶ ἡ ἐξοχὴ*, ordinis, ac principii, nimirum quod illi primum essent vocandi, ex Dei instituto, ad fœderis illius societatem, Matth. 10. v. 5. 6. Act. 13. v. 46. Rom. 1. 16. Eph. 2. v. 12. Deinde additur differentia, cum *novum* vocat (hoc est, secundum, & à legali diversum) & *temporarii* meminit, vers. 8. Quæ differentia, quoniam minus explicata est; idcirco seqq. amplius illustratur: expositio enim propositionem sequitur, constans aphæresi, & thesi. Illa docet, quid non sit, idque commodè, ad errorem tollendum, videlicet, *quod non sit fœdus, quod cum Patribus ipsorum*, Israëlitis, pepigit; nempe legale: *cum ex Ægypto*, benigne, quasi arrepta manu educeret. Ratio autem, quamobrem non illud sit fœdus initurus, petitur ab adjuncta fœderatorum perfidiâ. Cujus culpæ gravitatem, à

consequenti illius effecto, scilicet pœna, declarat; cum Deus dicat: *se eos despexisse*, scilicet ut sui fœderis contemtores, vers. 9. Verum antequam progrediamur, difficultati, quæ sese, hoc loco offert, prius occurrendum. Objicitur enim Apostolum non fideliter Prophetæ testimonium citare: verba enim Hebræa sunt *וְאֲנִי בְעֵלְתִּי בָם* Vox enim *בָּעַל*, quam Prophetæ habet, significat propriè *dominari*: deinde per Synecd. generis. pro specie, *maritum esse*; quod maritus uxoris sit Dominus. Utrovis autem modo quis interpretetur, non videtur convenire cum Apostoli interpretatione. Hanc verò difficultatem bifariam expedire conantur. Alii enim nodum secant: alii solvunt: Secant, qui, concessâ culpâ, translatione ipsius culpæ uruntur, cum vitium non ab Apostolo ortum; sed à Græco interprete, quem secutus sit, affirmant. Sed aliena hæc responsio est: utpote quæ nodum non expedit; sed amplius stringit: non enim hoc loco quæritur: an ab Apostolo; sed an in Apostolo culpa sit? Sacræ enim literæ, utpote divinæ, debent esse veræ; & errores non solum non parere; sed ne sequi quidem. Alii igitur solvunt, negatione dissensionis, & quidem ut consensus statuatur in sensu, quod sufficit, vel etiam in verbis: interdum enim Christus, & Apostoli, verba Prophetarum citant: interdum, iis neglectis, sensum, seu mentem tantum exprimunt: quæ ratio, apud bonos etiam authores profanos, aliorum dicta citantes, subinde observatur. Sensum autem expressum esse ab Apostolo, hoc in loco, duobus ostendunt modis. Quidam enim primam secuti significationem, cum Veteri interprete exponunt: *dominatus sum eorum* (& magis Latine, *in*) quamquam convenientius cum Hebræo, *dominatus sum in eos*, id est, *puniv eos*, & ostendi me Dominum esse: qua sententia, vocem synonymam usurpari ajunt, Ps. 110. v. 2. *Dominare in medio inimicorum eorum*. Alii verò alteram significationem Synecdochicam observant; sed modum interpretationis diversum statuunt. Sunt enim qui, R. D. Kimchi secuti, vertunt: *quanquam conjugio junctus eram iis*: ut copula Hebræa (1) discretiva sit; ut, hac ratione, indignitas defectionis Judæorum, amplificetur. Sed si hæc valeret interpretatio, quomodo cum Apostoli verbis conveniet, nisi forte dicamus, per consequentiam quandam remotiorem: quod scil. Deus ingratos, indignitate eorum offensus, punire soleat. Quod quia paulò longius petitum est, alia quærenda est commodior hujus loci explicatio. Alii igitur concinnius & elegantius, quæ vulgo assertionem quadam vertuntur, per interrogationem legenda statuunt: atque ita per temporis præteriti enallagen vertunt: *Et ego iis matrimonio junctus mansissem?* ac si diceret, minime: qui despectus est specialis; cujus, generali voce, hic meminit Apostolus, atque ita, mutatis verbis, sensum expresserit fideliter. Secundò, ad ampliorem rei declarationem, arbitramur, salvo meliori doctiorum judicio, dici posse, Apostolum non sensum tantum, sed etiam verba Prophetæ, non incommodè, expressisse. Nam R. Joseph. Kimchi, in Jerem. 3. v. 14. & 3. v. 32. ait: vocem *בָּעַל* sequente (ב) *dispectionem* denotare: & eadem significatione usum hujus vocis esse in lingua Arabica, quæ Hebrææ affinis, quibus, cum consentiant Interpp. Græci, quos secutus videtur Apostolus, summa invenietur convenientia. Cæterum ad significationis originem quod attinet, quanquam ea, in multis, latet; in hac tamen voce, à significatione primâ videtur derivata: nam cum dominio despectus servorum plerumque conjunctus est. Atque hæc de v. 10. & expositionis propositi fœderis novi parte prima, nempe aphæresi. Sequitur thesis, sequentibus: qua exponitur fœderis genus, & differentia. Genus quidem partibus suis indicatur, cum dicitur: *ero Deus ipsorum. & ipsi erunt mihi populus*: hoc enim commune est pactum, & fœdus Dei, in utroque, cum fœdere legali; tum Evangelico. Differentia verò sita est in conditione, & promissione, cum sanctificationis; tum justificationis: nam *sanctificatio* bimembris, pro facultatum animæ ratione, statuitur, *mentis*; & *cordis*, sive *voluntatis*: quibus Deus promisit se inscripturum suam legem, cum videl. per Sp. S. mentem illuminat agnitione Dei, & voluntatis illius; ac fide in Christum: & cor emollit, ac flectit ad obe-

ad obedientiam, charitate infusâ, Ezech. 11. vers. 19. 20. & 36. v. 26. 27. Quâ descriptione, elegans omnino antithesis, inter fœdus legale, & Euangelicum, statuitur. Quemadmodum etiam 2. Cor. 3. v. 3. quod lex inscripta fuerit, in illo fœdere, lapidibus; in hoc verò hominibus; & in illo, scil. legali, duabus tabulis externis; in hoc verò, duabus tabulis animi; nempe menti, & cordi. Quæ inscriptio contingit bifariam, extra ordinem in Apostolis, & Ecclesia Apostolica, Jol. 2. v. 29. & Joan. 14. v. 2. Actor. 2. ordinariè vero per prædicationem Evangelii, & internam Sp. S. gratiam conjunctam, 1. Corint. 3. v. 5. 7. in posteris, ad finem usque mundi. Cœterum observandum est: quamvis Abrahamus fide adeo excelluerit; ut nobis, tanquam exemplar fidei sinceræ, & constantis, proponatur: ideoque Pater omnium nostrum (nempe fidelium) appellatur, Rom. 4. v. 16. alique in V. T. Dei notitiâ, fide, & amore excelluerint plurimi, Heb. 11. id tamen nihil obstat propositæ hinc sententiæ: nam sanctificatione hac, & justificatione quidem fuerunt præditi, Actor. 15. vers. 11. & Deut. 30. v. 6. non tamen vi fœderis operum, seu legalis, (quod hoc in loco opponitur novo, & ministerium mortis dicitur, 2. Cor. 3. v. 7. & 14.) sed vi fœderis gratiæ, promissionis, benedictionis, seu salutis per Christum. Quod fœdus propositum primum fuit in paradiso, Gen. 3. & confirmatum deinde cum Abrahamo, Gal. 3. vers. 17. Quæ promissionis ratione, de salute per Christum venturum, fœdus *ἡ διαθήκη* dicitur, id est, promissionis. Denique consummatum, ac sancitum est Christi sanguine, quod fœdus Evangelii (seu læti nuntii, de salute, per Christum exhibitum) appellatur. & novum. Porro *inscriptio mentis* (quæ prima sanctificationis descriptæ pars est) amplificatur à qualitate, cum rei, tum subjecti. Rei quidem, quod tanta futura esset Dei, per Christum, notitiâ; ut non docturus sit quisquam proximum, dicendo, *cognosce Dominum*: subjecti, seu personarum, cum additur: *omnes cognoscent Deum*: idque distributione, in *magnos & parvos*, illustrat: ut 1. Joan. 2. v. 12. 13. 14. Quæ promissio intelligenda est, non absolutè (ut Hebr. 10. v. 34. 35. apparet, & Eph. 4. v. 11.) sed comparatè cum populo Vet. T. nimirum quod adeo illustri futura sit notitiâ, ut non tanta institutione opus habeant, quanta in V. T. in quo populus rudior, & ad idololatriam propensior fuit: quod scil. jam, in novo fœdere, futuri essent *ἡ ἀποδόξα*, Esa. 54. v. 13. Joan. 6. 45. 1. Joa. 2. v. 20. 21. 27. Hæc de sanctificatione. Cui additur altera fœderis novi promissio de justificatione, & conservatione: qua propitius est Deus nostris iniquitatibus, eas remittendo, & in gratia conservando, in perpetuum; ut peccatorum non recordetur amplius: nempe non ratione notitiæ; sed pœnæ, condemnationis: noscit enim, sed ita, ut ignoret. Ac quamvis verè fideles, Deo fœderati, peccatis suis ipsum, non rarò, offendant; ut gratia omni excidere mereantur: eam tamen non aufert. tanquam iudex severus; sed tanquam Pater noster, diligendo castigat; & ad resipiscientiam adducit, ut Heb. 12. eleganter docetur. Hæc de v. 12. Atque hæc testimonium divinum, quo probavit Apostolus, fœdus novum, promissionibus, & perfectione, præstantius esse legali. Ex quo etiam rectè concludit, fœdus legale, cum suis circumstantiis, novo, alterius generis, succedente, fuisse abrogandum, v. 13.

## CONSECTARIA.

I. **N**on solum in profanis, sed etiam in Sacris Scripturis utile est, quæ fusiùs dicta sunt, ea, ad auditorum institutionem, breviter, ad summa capita revocare.

II. Cùm Christus, & Pontifex, & Rex sit, ad dextram Dei sedens, verà fide colendus est.

III. Sessionis Christi ad dextram locus definitur cœlum: errant igitur Ubiquitarii, qui, ex eâ re, ubiuitatem concludunt, vers. 1.

IV. Cùm Christi corpus sit tabernaculum verum; per eum, ad Deum, & Sanctum sanctorum cœleste, contendendum est.

V. Si Deus illud fixit, non homo; rectè conceptus dicitur à Spiritu Sancto: errantque impiè, qui Christum verum, & naturalem Josephi filium, asserunt, v. 2.

VI. Idem Christus, & Pontifex est; & tabernaculum; & victima (imo & alibi propitiatorium) pro diversâ ratione, v. 2. & 3.

VII. Cùm ceremoniæ legales, non solum fuerint, quasi Chirographum debitorum nostrorum, & externi cultus jugum, sed etiam alio modo, Christi & rerum cœlestium, in Christo, umbræ: Ergo earum institutio, non fuit ludicra, ac vana, sed rectè nitens ratione. Deinde usus earum, non tantum is fuit, ut essent frenum, quo Israëlitis, à profanis gentilium ritibus, arcerentur: sed etiam, ut essent Pædagogus, stimulus, & exercitium, ad populum, in fide Christi venturi, excitandum, ac fovendum.

VIII. omnia, quæ ad cultum Dei pertinent, ad Dei præscriptum, curanda sunt: ac propterea in Dei Majestatem sunt injuriæ Pontificii, qui novos religionis ritus, in Ecclesiam, invehunt, v. 5.

IX. Cum Deus utriusque fœderis author sit: sequitur salutis nostræ principium, non à nobis esse, sed à Deo: qui prior dilexit nos, 1. Joh. 4. v. 19. cum v. 9. & 10. eoque nomine nos gratos esse debere, quod nos, creaturas suas, imò hostes, suo fœdere gratuito, Deus sit dignatus v. 9. 10.

X. Fœdus legale non fuit servatum ab Israëlitis: ergo nemo illorum, operibus justificatus est.

XI. Fœderis Dei violatio, iram illius & rejectionem promeretur, v. 9.

XII. Fœdere novo, lex Dei inscribitur mentibus & cordibus: ergo, sine Dei gratiâ, legem ipsius non possumus rectè intelligere, neque ei obedire. Unde Pontificiorum, de lib. arbitrii viribus, error, perspicuè confutatur, v. 10. & 11.

XIII. Dei cognitio ad omnes, tam majores, quàm minores, pertinet: ergo injuriæ sunt in Deum, & in sanctam illius Ecclesiam, qui homines plebejos, ac rudes, in crassissimâ ignorantia, fidei implicitæ nomine, sopitos detinent.

XIV. Deus, novo fœdere, ita peccata remittit, ut eorum non recordetur amplius: ergo Pontificiorum purgatorium, & satisfactiones omnino corruunt: nam ubi pœna, & satisfactio pro peccatis, habet locum, ibidem etiam viget peccatorum recordatio. Deinde hinc etiam confirmatur perseverantia sanctorum: nam quorum peccata Deus sic remittit, ut eorum non recordetur amplius, illi non excidunt gratiâ, v. 12.

## CAPUT IX.

**S**uperiori capite sacerdotii Christi dignitatem demonstravit Apostolus, partim ex sanctuarii, & tabernaculi illius excellentia, v. 1. partim ex ministerii, v. 5. & 6. & fœderis novi (comparati cum vetere, ratione promissionum, & durationis) præstantia, v. 6. Unde fœderis, & sacerdotii legis impotentiam, & abrogationem ostendit, v. 5. 6. & 13. In cujus argumenti expolitione, & declaratione, hoc capite, amplius occupatur. Instituit enim plenior, ac planior fœderis legalis, & novi; deinde sacerdotii Levitici, & Christi oppositionem. Cujus pars prima à v. 1. ad 11. extenditur: ea autem constat propositione, & expositione. Quarum illa describit typos V. T. quorum deinde veritatem, in Christo consistere ostendit. Typi autem recensentur duo: nempe *sacrarium*, & *ministerium*, sive usus illius. Sacrarii autem nomine intelligit tabernaculum Deo sacrum, id quod ad distinctionem cœlestis (de quo c. 8 v. 2. & 9. 11. & 24. agitur) ratione causæ efficientis, & adjuncti illius, *mundanum*, hoc est humanum, & caducum, appellat. Ministerium verò seu usum illius exprimit; cum addit: *religionis ritus*, v. 1. Quæ duo proposita distinctè, servato rerum ordine, exponuntur. Primum enim agitur de tabernaculo usque ad v. 6. quod distributione in partes declaratur. Cùm autem *tabernaculum* (quod erat tripartitum) fuerit divisum, in *atrium*, & in *sanctam*; quæ, ab atrio, per velum intercedens, separata, sacerdotibus erant propria: Apostolus priori neglecto, per Synecd.

Synecd. tabernaculi voce, alterum, ut ex distributione apparet, intelligit: id enim in duas tantum partes dividit; nempe in *prius sanctum*, quod *sancta* simpliciter; & in *secundum*, quod comparatè *sancta sanctorum* appellat. Quæ singula, ut per Synecd. & propter distinctionem velorum, (quasi in diversa tabernacula) vocat tabernacula; ita suis instrumentis, quibus fuerunt instructa, describit, v. 2.

Ac prioris recensentur, quæ præcipua erant, tria, *candelabrum, mensa, & panes propositii*: quæ loco, & usu, ac significatione, differunt. *Loco*, quia candelabrum in sinistro, hoc est meridionali latere collocatum fuit: mensa verò cum panibus impositis, in dextro, id est, septentrionali. *Uso* verò diversa fuerunt, quod candelabrum aureum, septem lucernis, à sacerdotibus accensis, ac semper ardentibus instructum fuit, ut lucem in tabernaculo abundè præberet, Ex. 25. Ut adumbraretur omnium Christianorum potissimum verò Ministrorum Evangelii, officium; & Evangelii dignitas, ac potentia; quod à Christo sacerdote, luce cognitionis Evangelii, accensi sint, per Sp. S. christiani: ut omnes quidem obedientia Evangelii, ac vitâ Christianâ & aliorum institutione privata præluerent, Phil. 2. v. 15. 16. Ministri verò Evangelii, etiam publica illius prædicatione, lucem Evangelii, & Sacræ Scripturæ, in densis hujus mundi tenebris, in Ecclesia, tanquam sancto Dei tabernaculo, Apo. 21. v. 3. *ad illuminandos oculos mentis*, Actor. 26. v. 16. 18. Mat. 5. 13. 15. 16. præferrent: donec, die ultimo, Christus Lucifer noster, discussis omnibus tenebris, in cordibus nostris, plenè exoriatur, Apoc. 1. v. 12. & 2. v. 5. & 11. v. 4. & 2. Petr. 1. v. 19. quibus illuminatio, cujus antè memini, declaratur. Mensæ verò auro obductæ usus fuit, ut duodecim panes sacri, duobus distinctis ordinibus, semel in ordinem quemque, disponentur, ad alendos sacerdotes solos, Exod. 29. vers. 33. Lev. 24. v. 6. & 9. ut iis significaretur, Christum, in Ecclesia, ministerium Evangelii, instar mensæ deauratæ, instituisse: quo distincto, verbi & sacramentorum, ordine, sese panem vitæ æternæ proponeret, edendum solis fidelibus, Joan. 6. v. 27. 29. 35. utpote quos Deo Patri suo constituit sacerdotes; ut ipsi spirituales gratitudinis hostias offerrent, Apoc. 1. v. 6. & 1. Pet. 2. v. 5. Atque hæc de prima tabernaculi parte, ejusque instrumentis, v. 2.

Sequitur deinde *descriptio partis alterius*; quam, eadem ratione, quâ primam, vocat *tabernaculum & sanctum sanctorum* distinctè: hoc est sacrarium sacratissimum, utpote quod soli summo Sacerdoti, & quidem semel tantum quotannis, patebat; & in illud ingrediebatur: de quo Ex. 26. Id autem describit Apostolus, ab illius situ v. 3. & instrumentis v. 4. & 5. Situs est, *post secundum velum*: quod comparatè ita vocatur. Duplex enim in tabernaculo universo, ad illud dividendum in suas partes distinctas, fuit velum, pro ratione, ut antè ostendimus, triplicis spatii distincti: prius enim velum separabat tabernaculi aditum, seu atrium, (tanquam primam tabernaculi partem) à Sancto. secundum verò dividebat sanctum ab adyto, seu penetrali, nempe à sancto sanctorum; cujus hoc in loco fit mentio: de quo agitur, Exod. 26. v. 33. Quale etiam velum fuisse templi, memoratur Matth. 27. v. 57. Instrumenta autem numerantur duo, nempe *aureum thuribulum, & arca fœderis*. Sed in utroque difficultas emergit. In priori quidem, quoniam Exod. 25. apparet, thuribula fuisse, in priorē parte tabernaculi, nempe in Sancto, ad usum altaris suffitus: quomodo igitur in Sancto sanctorum? Sed hæc difficultas solvitur bifariam, nimirum quod cum Sanctum sanctorum dicitur, aureum habuisse thuribulum, illud intelligi posse, vel proximè ante velum sibi adjunctum; vel intra velum conclusum. Si priori modo accipiatur, eadem omninò erit Moysi, & Pauli sententia: quod scilicet Sanctum sanctorum hæc duo habuerit; sed modo diverso: thuribulum ante se propinquum; arcam verò in se conclusam. Sin verò altero modo intelligatur, nihil etiam erit contradictionis: nam quamvis Sanctum, ad usum altaris, sua habuerit thuribula; videtur tamen ex Levit. 16. v. 12. cum hoc Apostoli loco, comparatione facta, Sanctum sanctorum suum etiam peculiare habuisse thuribulum, ad ignem in-

ferendum, cum suffitu, ad propitiatorium, ne Pontifex moreretur; ac propterea non multorum thuribulorum ab Apostolo, sed unius tantum fieri mentionem. Cujus significatio fuisse videtur, ut adumbraret nobis opus esse Christi sacerdotis nostri igne passionis, & intercessionis illius suffitu; ad Deum accessuris, ne pereamus: & ut nos, & cultus noster, Deo placere possimus: quemadmodum ex comparatione, Eph. 5. v. 2. & Apocal. 5. v. 8. & 8. v. 34. cum Levit. 16. v. 12. colligitur.

Porro altera rursus difficultas, eaque, ut videtur, major, exoritur, ex descriptione arcæ. Cujus explicatur primum materia, quâ circumtectâ fuit, nempe aurum: deinde adjuncta illius, partim inferiora; partim superiora. Inferiora recensentur tria; nempe *urna aurea habens manna: virga Aaronis, quæ germinarat: & tabulæ fœderis*, id est, Decalogi; sic dicti, quod eo conditiones fœderis legalis continebantur. Quorum postremum, citra nullam controversiam, arcæ fuit inclusum: sed, de duobus prioribus, disceptatur: siquidem ea exterius, coram arca, fuisse posita, demonstratur Exod. 16. v. 34. 35. & Num. 17. v. 19. Videtur igitur, primâ fronte, scriptor hujus Epistolæ, sacris Ver. Testam. libris, apertè repugnare, cum asserit hæc tria fuisse in arca. Qua occasione factum est, ut quidam Epistolæ hujus auctoritatem in dubium vocarint. Quamobrem dabimus operam, ut collectis doctiorum solutionibus, additâ tandem nostrâ etiam symbolâ, hunc nodum dissolvamus. Variè enim responderi potest, ac solet; idque negatione, aut antecedentis; aut consequentiæ. Antecedentis quidem; quod Apostolus non asserat, in arca fuisse urnam, sed in tabernaculo: quod, cum dicitur: *ἐν τῇ*, relativum illud pronomen referendum sit, non ad propinquam antecedentem dictionem *καὶ τὴν ἀρχάν*, vers. 4. sed ad remotiorem *σκηνὴν* tabernaculum, vers. 3. Neque illud insolens esse, ut relativum ad antecedens, non proximum, sed remotius, aliquando referatur, probant exemplis, Gen. 10. v. 12. *illa est urbs maxima*: quod non ad proximè memoratam urbem, sed ad remotius positam, nempe Niniven pertinere constat. Et 1. Sam. 7. sub finem, *illuc*, id est, in Kiriathaim, 2. Sam. 2. v. 14. Ac propterea sensum hujus loci simpliciter esse posse, *in quo*, nempe secundo tabernaculo, *fuit urna*. Aliis tamen hæc interpretatio, licet ingeniosa, minus probatur, ob loci hujus circumstantiam; quod scilicet vers. 5. pronomen *αὐτῆς* ponatur, id quod non nisi de arca intelligi potest; & de eodem, de quo dicitur, *in qua*: quocirca relativum (*ἥ*) non debet ad remotum, sed ad proximum antecedens referri: certum enim est, *Cherubim* in Sancto sanctorum fuisse. Quæ observatio non aliena est: quia alioqui insolens, ac duplex esset statuenda constructionis trajectio, ad remotius, si relativum (*ἥ*) referretur ad tabernaculum, & pronomen *αὐτῆς* ad arcam. Altera igitur solutio est negatione consequentiæ: idque bifariam, ut præpositio Græca (*ἐν*) vel impositio-nem; vel appositionem designet. Ac priori modo responsio affertur gemina: una, tempore Moysi, urnam, & virgam fuisse, in arca; sed Prophetam 1. Reg. 8. asserere, tantum tabulas fœderis in arca fuisse, non simpliciter; sed comparatè, & per Synecd. nominatâ re præcipuâ, reliquis intactis. Verum quoniam hoc non convenit cum eo, quod disertè dicitur, Exod. 16. v. 34. 35. ante conspectum Dei coram testimonio urnam & virgam Aaronis fuisse collocatam: idcirco alteram interpretationem nonnulli adferunt; nempe, Moysi quidem tempore, ad constructum usque templum, solas legis tabulas reconditas fuisse in arca, de qua re agitur, 1. Reg. 8. v. 9. sed postmodum, à Salomone, per mandatum, impositas. Idque potuisse Apostolum habere, ex traditione majorum, apud Iudæos recepta, quam Spiritus Sanctus instinctu suo sanctificavit; ut traditiones similes, quæ posteris temporibus scriptis consignatæ sunt. Quemadmodum de Iosephi compedibus, & ferro, quibus constructus erat in Ægypto, dicitur Psal. 105. v. 18. & de Iannes & Iambres, Moysi adversariis, 2. Timoth. 3. v. 8. & prophetia Enochi, in Epistola Iudæ. Quæ tamen omnia à Mose non recensentur; sed eodem Spiritu Sancto, quo Moyses scripsit, hæc, Apostolis revelata, à spiritu di-



ritu dictante conscripta. Veruntamen unum omnino ob- stare videtur huic solutioni: quod Paulus hic non disserat de templo; sed de tabernaculo, & constructione illius: quod videlicet hoc, ordinis, ac temporis dignitate, templum antecesserit: ut eo modo amplius Christi præstantiam, & ceremoniarum abrogationem demonstraret. Quare, cum hic nulla fiat templi, sed tantum tabernaculi mentio, respon- sio illa, ex hoc loco, colligi neutiquam potest: & licet maxi- mè aliunde posset probari; nihil tamen ad rem proposi- tam pertineret. Hoc igitur priori solutionis modo (qui conjecturâ incertâ nititur) omisso: alter modus est, ut si- gnificetur non impositio; sed appositio, quod *in ea* arca fuerint *addita* urna & virga. Verum hac ratione difficultas nondum videtur penitus tolli; certum est enim tabulas fœ- deris fuisse non foris additas, sed inditas arcæ: ac propte- rea quoniam earum, & urnæ, ac virgæ meminit Aposto- lus, communis etiam utrique quærenda est vocis ( *ἐν* ) in- terpretatio. Quamobrem, salvo aliorum iudicio, hunc lo- cum, ita vertendum, arbitramur: *ἐν ᾗ cum qua*. quemad- modum enim præpositio Hebræa ( *בְּ* ) quæ proprie *in* signi- ficat, interdum pro *cum* usurpatur, ut Hose. 4. 3. *ha- bitans in bestia agri*, i. e. cum eâ, cum bestia agri: sic etiam vocem græcam ( *ἐν* ) sæpius ab Apostolis usurpari constat: in- ter cætera, ex Mat. 16. 27. *venturus est filius hominis* *ἐν τῇ δόξῃ*, h. e. *cum gloria*: & Luc. 1. 17. *in spiritu*, i. e. *cum spiritu*; & 4. v. 32. *in potestate* i. e. *cum potestate*: Rom. 15. 29. *in plenitudine*, id est, *cum*: & 2. Cor. 13. v. 4. *nam & nos infirmi ἐν αὐτῷ* *in eo*, hoc est, *cum eo*, nempe Christo, sicut res ipsa, & quod ei proximè respondet, demonstrat, cum dicitur, *sed vivemus cum eo*, denique 1. Thess. 2. v. 17. *ἐν πολλῇ ἐκδηλοῦμεν*, id est, *cum multo desiderio*, 1. Thess. 4. v. 16. *in Celestima- te*, *in voce*, *in tuba*, id est, *cum*. atque hoc modo, & brevi- ter, & perspicuè, nodus hic difficilis expeditur, nim. *cum qua*, scil. arca, fuerunt &c. hoc est, cui arcæ, urna ac virga Aaronis, & tabulæ legis, fuerunt conjunctæ: urna quidem, & virga foris; tabulæ verò intus.

Qua ratione, sublata tandem difficultate, pauca, de u- su, ac significatione horum trium instrumentorum, dicen- da sunt. *Urna arca habens Manna* ( de qua urna Ex. 16. v. 34 ) reconditum, & incorruptum, ( ut res ostendit ) Dei virtute conservatum ( nam quorum alioquin, cor- rumpendum brevi, fuisset reconditum ) ut esset signum, & *ἀνυπόστου* durabile beneficii à Deo, cum corporalis præ- stiti; tum spiritualis præstandi: corporalis quidem, quod Deus Israëlitarum corpora, quæ alioqui in deserto, fame periissent, in eo, potenter & singulari gratia, pane cœlesti pavisset; ut omnipotentia, & gratia Dei perpetuò memo- res essent; eique grato animo adhærerent, ac servirent: spi- ritualis verò beneficii signum extitit; ut per corporalem hunc cibum, verè cœlestis, tanquam typo prophetico, ac destinato, significaretur, & obsignaretur: videlicet Chri- stum esse nobis tanquam panem cœlestem, in hoc mundi deserto, datum, Ioa. 6. v. 32. & 33. Apoc. 2. v. 17. & de- inde in Sanctum sanctorum cœleste translatus Ioa. 6. 62. Heb. 9. v. 24. unde etiam Manna, licet ratione substan- tiæ suæ esset corporalis cibus; ratione tamen huius usus spiritualis, nempe relationis suæ ad rem significatam, & obsignatam, cibus spiritualis appellatur, 1. Cor. 10. v. 3. Deinde, si virgam Aaronis spectemus, ( de qua Num. 17. v. 4. & 7. agitur ) usus illius, ut videtur, fuit duplex, nem- pe signum historicum, & typicum, ac propheticum. Hi- storicum quidem, ut esset monumentum partim contuma- ciæ & rebellionis, à populo perpetratæ, & à Deo punitæ; partim autoritatis, & vocationis Aaronis pontificis, non per ipsius, aut hominis arbitrium, sed per Dei voluntatem, & omnipotentiam, stabilitæ; ut hac ratione populus Dei, potentia, & voluntate illius cognita, Deum metueret, & vitata murmuratione adversus Aaronem, & legitimos il- lius successores, in vita servaretur, Num. 17. v. 10. Typi- cum verò & Propheticum videtur fuisse signum Christi, summi sacerdotis: quod ut virga solius Aaronis præcisa, non vi naturæ; sed voluntatis, & omnipotentia Dei, una nocte germinavit, & flores ac fructus produxit; reliquis interim Israëlitarum tribuum adjunctis virgis permanen-

tibus infructuosis: ita & solus Christus in pontificatum, seu summum sacerdotium se non ingessit; sed quemadmodum Aaron, sic ipse, à Deo Patre, eo provectus est, Heb. 5. 4. 5. & solus, ac secretus ab omnibus mortalibus, in eo mune- re, variis miraculis inauguratus, ac confirmatus, viget ac fructus profert nobis salutare. Vnde, quemadmodum, ra- tione nativitatis, *furculus ex trunco* Isai. Esa. 11. v. 1. & *la- pis de monte præcisa*, nullæque hominum operæ politus Dan. 2. vocatur: ita, ratione officii, & confirmationis illius, virgâ Aaronis, omnino videtur adumbrari. Id quod longe me- lius, cum scopo quadrat, quàm quod Pontificii, de virgine Maria, interpretantur: nam quamvis, per communem ali- quam similitudinem ( ut quidam veterum faciunt ) ad eam transferri possit: si tamen scopum spectemus, & circum- stantias, non Mariæ; sed Christi, Aarone adumbrati, ty-pum fuisse, constabit. Quemadmodum nomen etiam Aa- ronis inscriptum fuit, ut hac ratione populus Christianus, cognita Christi summi sacerdotis autoritate, contuma- ciæ, & rebellionem vitarent. Alioquin, si quis tantum si- militudinem consuetari velit, non incommodè dici poterit: sicut virga Aaronis præcisa, flores tamen, ac fructum, Dei virtute, una nocte, protulit: sic Christus, ex numero vi- ventium excisus, & mortuus, resurrexit, & flores, ac fru- ctus vitæ æternæ fidelibus protulit. Qua in re, licet con- cinna sit similitudo; nihilominus tamen scopus hic non est florentis virgæ Aaronis: seu non est typus Propheticus, ac destinatus; sed tantum communis quædam similitudo. De- nique tabularum fœderis, quæ arcæ inclusæ erant, usus, & significatio quoque fuit duplex: nempe, ut esset signum, cum historicum: tum typicum, & Propheticum. Histori- cum, ut datæ à Deo legis, & fœderis legalis, cum populo Dei initi, exemplar extaret authenticum; quo Dei, & be- neficii illius, atque officii sui memores, ipsum colerent. Typicum verò & Propheticum, ut significaretur Chri- stum, tanquam arcam fœderis, legem non soluturum; sed sua obedientia integrâ, servaturum, Matth. 5. vers. 17. & tanquam arcæ operculum, ac propitiatorium, legis accusa- tionem, & maledictionem, ob peccata nostra, promeri- tam, sua satisfactione, & intercessione perpetua, tecturum, Rom. 8. v. 33. 34. Gal. 3. v. 13. & 5. v. 4. 5. unde etiam *ἱλαστήριον propitiatorium* Rom. 3. v. 25. & *ἱλαστήριον* *propitiatio* 1. Ioa. 2. v. 2. appellatur. Atque hæc dicta sunt de arcæ adjunctis inferioribus, cum foris; tum intus, vers. 4. Supe- riora verò fuerunt, præter propitiatorium, *Cherubim*, ima- gines v. 5. aureæ, humana figura alatæ, quæ suis alis pro- pitatorium obtegebant, & obumbrabant, faciebatur versus propitiatorium, unius ad alterum è Cherubim obversis, ut Ex. 25. 18. 19. 20. è quorum medio Deus Mosen allo- quebatur Ex. 25. v. 22. Quapropter etiam crebrò, in S. L. Deus sedere super Cherubim, dicitur; & *Cherubim glo- riæ* ( ob præsentiam Dei gloriosam ) ab Apostolo ap- pellantur. Cujus rei significatio fuit, Christum, pro- pitatorium nostrum, Angelos habere famulos, nutum ipsius observantes; & ad obsequium præstandum, ad sa- lutem fidelium, esse promptissimos, Heb. 1. v. 14. quem- admodum Angeli etiam Cherubim vocantur, Gen. 3. 25. Deinde Deum, in Christo, & per Christum, nos regere, ac docere, Heb. 1. v. 1. Quorum prolixiorum tractatio- nem, præcisione quadam, rejicit Apostolus, ut ad sequen- tia, & rem propositam, propius accedat, vers. 5.

Quomodo, à descriptione tabernaculi, ad alteram ex- positionis partem, nempe ad tabernaculi usum, & mini- sterium, ac religionis ritus, commodè transit. Et quemad- modum tabernaculum, in primum, & secundum; seu in Sancta, & Sancta sanctorum, antea distribuit: sic etiam u- triusque ministerium ordine declarat, distinctione adjun- ctarum personarum, temporis, ac cultus. Ac de priori a- git, vers. 6. *In illud sacerdotes, ritus religionis obituros, in- gressos esse semper*, id est, quovis tempore statuto, quotidie, mane & vespere; & singulis sabbathis; neomeniis; & fe- stis, Ex. 29. v. 28. 39. & 41. De posteriori ait: *in illud in- gressum esse*, non quemvis sacerdotem, sed *solum summum sacerdotem*, deinde non semper, sed *semel tantum quotannis*, nim. in festo expiationis; & jejuniu, die decimo mensis sep- timi,

ptimi, Lev. 16. 17. denique *non sine sanguine, quem offerret pro suis, & populi erratū*. h. e. per synecd. peccatis. Quæ oblatio intelligi potest bifariam; aut quod sacerdos offerret sanguinem, mactando victimam in atrio; aut, collecto sanguine, eum exhibendo, coram Deo, in Sancto sanctorum: utrumque enim verum est; sed posterius tamen huic loco magis accommodatum. v. 7. Atque hæc de constitutione & ministerio tabernaculi. Quorum significationem typicam exponit Apostolus, ut sacerdotii Levitici imperfectiorem, ex eo, demonstret. Significatio autem est duplex; una specialis, quod *prioris tabernaculi duratione Sp S declaravit, nondum viam ad cælum esse patefactam*. Prius enim tabernaculum vocat, hoc in loco, non improprie per Synecd. Sanctum (quatenus à Sancto sanctorum distinguitur, ut v. 2.) sed proprie pro universo tabernaculo levitico: quod prius dicitur, non relatè ad Sanctum sanctorum; sed ad tabernaculum spirituale, externo, & levitico adumbratum: quemadmodum per sancta, aut sacrarium, cælum intelligit. Hoc autem nondum patuisse, durante tabernaculo levitico, ex eo liquet; quod in eo distinctio erat à Sancto; quodque in illud, excluso populo, & reliquis sacerdotibus inferioribus, soli pontifici, & quidem non semper, sed quotannis tantum semel, pateret aditus. Si quis verò obijciat: Atqui Abrahamus, Moyses, Josua, David, alique patres V. T. servati sunt, atque in cælum recepti. Ergo durante levitico tabernaculo cælum patuit. Respondemus adhibita distinctione: cælum enim patere dicitur bifariam; vel ratione rei, & effecti; vel ratione meriti illius: priori modo, cælum, ante Christum, patuisse, concedimus: quod fide in Christum venturum, & per satisfactionem, atque obedientiam, ab eo præstandam, servati sint pii, in V. T. (neque id tollit Apostolus hoc in loco) sed altero modo cælum patuisse negamus: quoniam Christus primùm, adventu suo, & pœnæ, atque obedientiæ satisfactione promeritus est fidelibus, apertionem cœli: quemadmodum etiam remissionem peccatorum pii patres, ante Christum exhibitum, habuerunt nobiscum communem, ratione efficaciz meriti futuri; sed non ratione meriti exhibitæ. De quo Rom. 3. v. 25. & Heb. 9. vers. 11. 15. & cap. 10. vers. 2. 11. 12. & 11. v. 40. Hæc de v. 8. & primâ durationis tabernaculi significatione, quæ specialis est. Cui altera generalis adjicitur, quod usus tabernaculi fuerit, ut esset *exemplar*, seu typus (nempe gratiæ Christi) institutus *ad instans usque tempus*, id est, ut duraret ad tempora exhibitæ, & in gloriam suscepti Christi: id quod postea, *tempus correctionis*, vocatur. Atque inde rectè colligit Apostolus, *donorum & sacrificiorum*, quæ offerebantur à Levitis, *impotentiam*; quod *secundum conscientiam, non possent sanctificare cultorem*. Idque probat à natura eorum, quod sita fuerint, in rebus, & ritibus corporalibus: quæ ut animam non attingunt; ita nec purgant; sed tanquam onus, ac jugum Israëlitis fuerunt imposita, Gal. 4. 3. & 5. 1. *ad tempus usque correctionis*, h. e. ad tempus Christi: qui ceremoniarum legis significationem, gratiæ collatione complevit; atque ita, perficiendo easdem abrogavit, v. 10. Id quod sequentia ostendunt, quæ aptè superioribus connectuntur. Postquam enim hæcenus, oppositionis levitici sacerdotii, & Christi, primam partem distinctè absolvit; & de tabernaculi ac ministerii levitici impotentia, & abrogatione disseruit: transit jam ad alteram partem, quæ de Christo & ceremoniarum, per eum, complemento, & correctione tractat, comparatione eleganti: quâ Pontifici levitico Christum confert; ac deinde præfert: confert quidem generatim, similitudine muneris pontificalis, tabernaculi, sanguinis, sacrarii: præfert verò speciatim, dignitate & efficaciâ: nam primò, si munus spectemus, olim quidem fuerunt Pontifices Levitici, sed impotentes, & futurorum bonorum umbræ: Christus verò author futurorum bonorum, id est, salutis nostræ: quæ vocatione, justificatione, sanctificatione & redemptione ultima, continetur. Secundò, Levitæ quidem tabernaculum habuerunt; sed Christus *majus* longè, & *perfectius*: illorum enim erat manufactum; Christi verò non manufactum, id est, *non hujus utriusque creaturæ*, id est, non ab homine, ut Heb. 8. 2. tabernaculi distinctio osten-

dit: atque eo sensu, vox *creaturæ*, pro homine accipitur etiam Marc. 16. 15. per synecdoch. & καὶ ἰερόν. Quod autem non esse dicitur hujus creaturæ: illud de Christo intelligi debet, non ratione materiæ (quemadmodum Anabaptistæ objectant, ad errorem suum fucandum) sed ratione formationis, ac conceptionis: nam ratione materiæ, semen mulieris Gen. 3. & remotè, semen Abrahami; Heb. 2. sed ratione formationis: nec enim à viro generatus est, sed corpus illius ex virgine Maria, virtute Spir. S. formatum, ac conceptum est, Matth. 1. v. 20. Luc. 1. 34. 35. Hæc de v. 11. Tertium porro oppositionis membrum; ac discrimen consistit, in sanguinis dignitate inæquali: sanguis enim in sacrificiis, & oblatione pontificis levitici, in festo anniversario expiationis, fuit alienus, & brutus; nempe hircorum & vitulorum: Christi verò sanguis, quem offert, non est hujusmodi; sed proprius. Cujus dignitas, ut ex seqq. etiam patebit, dependet non solum à naturæ humanæ, & sanctissimæ (quæ longissimè sanguinem brutorum superat) præstantiâ: sed potissimum ab unione divinæ naturæ, in Christo, cum humana: quæ divina natura cum infinita sit, sanguini pretium, & valorem addit infinitum: quo modo dicitur Deus acquisivisse sibi Ecclesiam proprio suo sanguine Act. 20. 28. Quartum præterea discrimen est, in sacrario, & ingressu illius: Leviticum enim sacrarium fuit terrenum: Christi verò cœlestes; quod hoc quidem in loco reticetur, sed ex seqq. elucebit. Deinde ingressus pontificum Leviticorum in sacrarium, fuit, quotannis, iteratus; quod manere in sacrario non possent: *Christus verò ingressus est semel*, & in cœlo manet. Cujus discriminis causa redditur, quod *æternam redemptionem nactus* sit, hoc est, unica sua obedientia, & sanguinis effusione, plenè pro nobis satisfecerit: ideoque non necesse esse, ut egrediatur sacrarium, iterum sacrificaturus, & sanguinem fufurus, quemadmodum V. T. Pontifices, vers. 12. Porro sanguinem Christi, semel fufum, æternam nobis redemptionem peperisse probat Apostolus, comparatione typi sanguinis legalis. Cujus confirmationis antecedens est: *sanguis taurorum, & hircorum, & cinis juvenæ* (*aspergens inquinatos, ad carnem*, hoc est, corporis, *puritatem*) *sanctificat*, id est, externâ, ac ceremoniali sanctificatione puros reddit, v. 13. Consequens verò est: Ergo multo magis *sanguis Christi*, eo significatus, *emundabit conscientiam à mortuis operibus*, h. e. à peccatis, justitiâ quasi vita destitutis, & coram Deo pollutis, ac sceleribus, justificatione liberabit. Quæ emundatio, à fine, nempe *cultu veri Dei* (quem *vivum*, καὶ ἰερόν eleganti, contra omnes creaturas, & imprimis falsos Deos, oppositione consuetâ, vocat) illustratur. Consequentiam autem amplificat Apostolus, interrogationis figurâ, ad rei claritatem, ex fiducia consensus auditorum, indicandam, cum ait: *quanto magis*: & simul per apostrophen, ad Hebræorum consolationem, iis accommodat, cum ait: *Vestram*. Deinde, ne quis obijciat: sanguinem Christi, etiam esse corporalem, & externum non minus, quàm sanguinem brutorum: ac propterea conscientiam quoque non posse mundare. Idcirco confirmat prudenter consequentiam, à personæ Christi, cujus sanguis est, excellentiâ singulari: nim. quod sit sanguis non hominis tantum; sed etiam Dei, & personæ sancti simi; unde etiam divina accedit dignitas, & sanctificandi efficacia, cum ait: *Christus per Spiritum æternum seipsum obtulit inculpatum Deo*. Quo in loco, per *Spiritum æternum*, non anima Christi (quæ Spiritus Christi finitus, eoque nec æternus est absolutè, ac per se; sed tantum per accedens gratiæ creationis, & ratione finis, non principii) nec Spiritus Sanctus, licet absolutè sit æternus, denotatur; quia Spiritus Sanctus non est sacerdos, filium offerens, quemadmodum Spiritus hoc loco statuitur: sed divina natura in Filio: quæ ut absolutè sola æterna, & spiritualis, *Spiritus æternus* rectè nominatur; & carni ipsius, hoc est, humanæ illius naturæ, opponitur 1. Epist. Pauli ad Tim. 3. vers. 16. & 1. Pet. 3. v. 18. Neque obstat, quod vox (P E R) instrumentalem, aut subordinatam causam denotare soleat, quod hoc in loco, divinæ naturæ non convenit, ut quæ principalis est: nam interdum generatim ea vox *si* (P E R) causam efficientem notat, etiam principalem,

palem Eph. 1. 1, Gal. 1. 1. & alibi: quæ interpretatio, hoc in loco, accommodata est. Nam Christus sacerdos est, & victima, secundum utramque naturam: nam voluntate divina, ac directione, non minus, quàm humana, corpus, animamque doloribus, ac morti exposuit; ut ita satisfaceret pro peccatis nostris: quod scilicet ea victima condita fuerit, siue ornata, non solum sanctitate finita naturæ humanæ; sed etiam dignitate infinitâ, unitæ personaliter, & offerentis in ipso divinæ naturæ. Ac propterea, quamvis Christus se obtulerit secundum utramque naturam, divinæ tamen, hoc in loco, (ob summam illius excellentiam, atque efficaciam) per synecdoch. fit mentio. Nam ut Adami inobedientia temporalis, merita est pœnas infinitas; propter objecti in quod peccavit infinitatem: ita obedientia Christi, secundi Adami, actionis tempore, & humanæ naturæ respectu, finita fuit; tamen propter personæ, tanquam causæ efficientis (secundum divinam naturam) infinitatem, valore, & pretio infinita existens, ab infinitis pœnis nos liberavit: siquidem pro peccatis hominum, in Deum commissis, *Deus homo* satisfecit: quemadmodum dicitur Act. 20. 28. *Deus*, nempe Filius, *acquisivit Ecclesiam suo sanguine*. Hec de v. 14.

Porro, quia in sanguinis Christi effusione, tertium oppositionis (qua Leviticis Pontificibus prælatus est) membrum, & sacerdotii Christi præstantia, consistit: & eâ re potissimum offendeantur infideles, & infirmi, 1. Cor. 1. 23. Idcirco, ad institutionem, & consolationem fidelium, causas adfert necessarias duas, quamobrem oportuerit Christum, sanguinem suum fundere, & mortem obire. Prima est v. 15. ab officio Christi: quia *Novi fœderis mediator* est, in eum finem propinquum, ut moreretur: id quod ab effectu mortis, & officii, sine remoto gemino, illustratur, ac confirmatur; nempe remissione peccatorum, & æternæ vitæ hæreditate. Quorum prioris efficaciam, oppositione antecedentis fœderis legalis, amplificat, cum ait: *transgressionem fuisse sub priori fœdere*: quod videlicet conscientiam ceremoniæ legis non sanctificavit: de qua re actum est v. 9. & 13. contra verò eas expiari per Christum. Ex quibus omnibus satis apparet, Christum, qui Novi fœderis mediator est, oportuisse mori. Hujus autem consequentiæ firmitatem demonstrat Apostolus, à natura fœderis novi: & quidem (ut in Syllogismum, claritatis causa, compingamus) hoc modo: *Ubi Testamentum est, ibi oportet intercedere mortem testatoris, ut sit ratum, ac firmum. Atqui in fœdere novo Test. est. Ergo ibi oportet intercedere mortem testatoris, ut sit ratum, ac promissa hæreditas accipiatur*. Propositio ponitur v. 16. Et confirmatio illius v. 17. *testamentum enim in mortuis ratum est*, nempe tantum: *quandoquidem nondum valet quamdiu vivit testator*: quod, ut ajunt, interea mutari possit; neque hæreditas, testamento statuta, nisi vi mortis obtineatur. Conclusio antecessit probanda v. 15. Ex quo propositionis, & conclusionis enthymemate assumptio syllogismi propositi facillimè colligitur. Eam autem Apost. omittit, partim oratorio, ac consueti disputandi more; partim quod extra controversiam posita esset apud fideles: nam fœdus novum & fœdus est (quia est mutuum inter Deum, & homines, salutis promissæ, & obedientiæ fidei, ab hominibus debitæ, pactum) & simul Testamentum est; quia hoc fœdus, promissa Filii Dei morte, & per eam hæreditate cœlesti, à Deo sancitum est: adeo ut non immerito *fœdus testamentarium, & testamentum fœderis*, ob concursum utriusque, queat appellari: ideoque vita æterna, ut alibi in S. L. frequentissimè; sic etiam, hoc in loco v. 15. hæreditas promissa, nominatur. Quapropter turpiter, & inscitè hallucinantur, qui ex hoc loco colligunt, hanc epistolam non esse Pauli, neque periti Hebræi sermonis: quasi ea, quæ de N. fœdere, & pacto in V. T. dicuntur, de testamento propriè dicto, exponeret: cum contrâ, ut ostendimus, hæc duo, diverso respectu, optimè possint consentire. Quoniam enim à Mose, & Prophetis ostensum est: fœdus novum non esse ratum, nisi morte Filii Dei, Mediatoris, ac testatoris: inde constat, simpliciter quidem esse fœdus, ratione pacti mutui, Dei, & fidelium; sed, secundum quid, esse testamentum, ratione modi; partis prioris, ac potioris, in fœdere, nempe promissionis gratiæ: qua Deus nobis promittit, se fore Deum nostrum propitium,

& vitam æternam daturum, tanquam hæreditatem, merito obedientiæ mortis filii sui. Atque hæc de prima ratione, & confirmatione illius: qua probatum fuit, Christum debuisse mori.

Altera ratio, quâ demonstrat Apostolus, non solum mori debuisse; sed etiam morte violentâ, qua sanguinem profunderet, petita est, à typo illius, nempe sacrificii: *Vetus enim testamentum non fuit dedicatum sine sanguine*. Ergo nec Novum. Consequentia patet; quia novum, finis, ac veritas, est veteris, ratione ceremoniarum, & promissionum, utpote complementum earum. Antecedens continetur, v. 17. Et probatur seqq. usque ad 23. quo consequens, cum consequentiæ probatione, concluditur. Probatio autem antecedentis continetur, inductione historiæ, ex diversis Moysi locis: quæ ostendit, in fœdere Levitico sanciendo, sanguinis effusionem, & asperisionem fuisse adhibitam, in qua indicatur tempus *quando*, & *quo sanguine*, *quibusque conjunctis*, & *quenam*, à Mose, aspersa sint.

*Tempus*, quando sanguinem asperit, statuitur: *cum omnia mandata nempe fœderis, secundum legem*, ac præscriptum *Dei recitasset toti populo*: de qua re Ex. 24. 78. Deinde *quo sanguine* aspererit, declaratur, cum ait: *sumto sanguine vitulorum, & bircorum*: ea enim in sacrificium fuisse oblata, colligitur ex descriptione illius Exod. 24. 5. & Levit. 4. & 9. & 16. Cæterum sanguinis aspersi *accidentia conjuncta* recitantur, tria: *aqua, lana coccinea, & hyssopus*. Verum, hac in re, difficultas quædam emergit, nimir. quod Moyses eorum non meminerit: ac propterea Paulus à Mose videatur dissentire. Verum responsio adferri potest duplex: prior quidem, negatione consequentiæ; quia Apostolus hæc potuit habuisse ex traditione, quam Sp. S. instinctus, indendo illius animo, sanctificavit, & extra dubium collocavit: quemadmodum quædam alia, quæ initio hujus capituli, v. 4. retulimus: quæ etiam à Mose silentio præterita sunt; sed tamen non negata. Aquam autem fuisse sanguini adhibitam, credibile est, duabus de causis: partim ne sanguis aspergendus concreveret: partim ut typus esset mysterii mortis Christi, ex cujus latere, sanguis, & aqua profluxerunt Ioan. 19. 34. Reliqua duo, tanquam asperisionis instrumenta commoda, usitata erant.

Altera deinde responsio est, negatione antecedentis: nam in Mose (ut etiam in aliis) aliquid contineri dicitur, vel explicitè; ut multa; vel implicitè, ut resurrectio mortuorum, Matt. 22. 31. aut (ut vulgo loquuntur) ratione vel consequentis; vel consequentiæ. Priori modo, datum, à Mose horum, quæ Apostolus memorat, mentionem non fieri, in historia, explicitam; sed tamen implicitam, & analogiæ, ac consequentiæ ratione. Nam ad aquam quod attinet, certum est, illota sacrificia, illotis manibus, non potuisse, secundum legem, offerri. Ergo non est ullo modo credibile, aquam, in hoc solenni, ad fœdus confirmandum, sacrificio, à Mose fuisse neglectam. Lanam verò coccinam, ad cultum Dei, adhibitam apparet. Ex. 25. 4. Et hyssopum, tanquam commodum asperisionis instrumentum, fuisse, non solum egressuris ex Ægypto Israëlitis; sed etiam postea, imperatum, colligitur ex Lev. 14. Num. 19. & ex Ps. 51. *expiato me*, inquit, *hyssopo*, ut mundus sim. Quamobrem, cum hæc omnia Deus voluerit esse ordinaria, inde sequitur, in hoc solenni actu, & sanguinis asperisione, non fuisse neglecta. Denique, *quenam* sanguine aspererit Moyses, adjungit Apostolus, quatuor nominatim recensendo. Quorum primum est *liber*, quem aspersum fuisse Moyses apertè non asserit; sed *operè* innuit: cum enim Ex. 24. indicet Moyses, altare fuisse sanguine aspersum; & inde postea librum desumptum: ex eo perspicuè colligitur, librum quoque fuisse sanguine aspersum. Secundum est, *totus populus*, v. 19. In cujus asperisione, hæc solennis verborum formula fuit adhibita: *hic est sanguis hujus fœderis, de quo mandatum dedit, ad vos, Deus*, v. 20. de qua re Ex. 24. 8. Si quis autem objiciat: illud non potuisse fieri, ut totus populus propter infinitam penè multitudinem aspergeretur: ac propterea Paulum; nec cum veritate; neque cum Mose (qui tantum populum aspersum ait) convenire. Resp. negatione consequentiæ, bifariam: primum, quia totus populus dicitur, aut per Synecdoch. de bonâ populi parte; aut per Meton. de duodecim statuis à Mose

Mose erectis, ut repræsentarent 12. tribus Israël: quibus sanguine aspersis, utpote totius populi signis, totus populus aspersus dicatur. Tertium, quod sanguine aspersum fuit, est *tabernaculum*. Quartum, *vasa omnia sacræ functionis*, v. 21. quæ omnia, generatim, cum aliis nonnullis, complectitur, cum ait: *Et omnia fere sanguine spergebantur*. Cujus effusionis, & asperfusionis sanguinis usum, illustrationis gratia, adjungit geminum; sc. *purificationem*, seu consecrationem, qua, ab usu vulgari secreta, Deo consecrabantur, sanguinis asperfusionem: deinde *peccatorum remissionem*: quæ, tanquam usus specialis, sub priori generali, continetur. Cæterum cum remissio peccatorum sit, aut typica, & ceremonialis, aut typis ceremoniarum adumbrata, & vera: non hæc; sed illa intelligitur: quemadmodum antecedentia, & sequentia luculenter demonstrant: nam qualia sacrificia expiatoria sunt; talis etiam expiatio: sacrificia in V. T. erant typica, eoque typica etiam erat expiatio. Atque hæc de Enthymematis secundi (quo probatur Christum debuisse mori, & sanguinem fundere) antecedente, & probatione illius. Sequitur jam consequens ex eo conclusum, & consequentia probatio. Consequens est, *cœlestia debuisse victimis purificari*, & *quidem potioribus*, quam sanguine vitulorum & hircorum. Cœlestia autem vocat, quæ terrenis legis ceremoniis adumbrata sunt, ut Heb. 8. 5. qualia sunt *cœlestia tabernaculum*, sc. *corpus Christi*, id quod non materiæ; sed conceptionis, & efficaciarum ratione, cœlestia appellatur: quemadmodum, oppositè typico, *verum tabernaculum* dicitur, *quod non homo, sed Deus fixit*, Heb. 8. 2. & 9. 11. populus etiam cœlestis sunt fideles, qui cœlitus à Sp. S. sunt regniti Joh. 3. 3. & 5. ac divinæ naturæ participes 2. Pet. 1. 4. & caput, ac *capitulum* habent in cœlis Phil. 3. 20. quibus etiam nominibus, seu causis, fideles, *Jerusalem cœlestis*, dicuntur, Gal. 4. 26. & Heb. 12. 22. & *liber cœlestis*, Euangelium, & fœdus novum, quod & ortu, & efficacia cœlestia est: quia ut caro, & sanguis illud non revelant Mat. 16. 17. ita *verbum est vitæ* Phil. 2. 16. & *Spiritus*, seu ministerium Spiritus 2. Cor. 3. 6. ac *potentia Dei ad salutem* Rom. 1. 16. quæ omnia Christi sanguine, sed suo tamen modo, purificantur. Nam primum Christi corpus purificatur: non quia impurus peccato; sed, quia factus est reus, pro nobis, à reatu peccati, seu obligatione ad pœnam, per sanguinis sui effusionem, se & populum suum exemit, 2. Cor. 5. 21. oblatione sui corporis, & sanguinis, *sanctificans se* (seu in sacram victimam offerens) *ut & nos sancti simus* Joh. 17. 17. 19. deinde efficacia asperfusionis, qua meritum fidelibus applicatur. In qua asperfusionem, causa quidem principalis est Sp. S. instrumentalis verò partim remota, est prædicatio Evangelii; partim propinqua, est obedientia illius per vivam fidem, 1. Pet. 1. 2. Denique liber fœderis Novi, seu Euangelium, purificatur sanguine Christi, non quatenus à peccato aliquo, aut reatu liberatur: sed quatenus pura illius veritas signatur, & obsignatur; & à communi usu, ad Dei gloriam, & salutem hominum, magis magisque secernitur. Ex quibus omnibus perspicue intelligitur, consequentia Enthymematis (nempe quod cœlestia debuerint, potioribus victimis, purgari) sententia & veritas; quod videlicet corporis Christi oblatione, & sanguinis illius effusione, atque asperfusionem fuerit opus. Cæterum frustra Pontificii hoc loco abutuntur. Nam quod ex eo, hoc modo obijciunt: in N. T. purificantur cœlestia victimis. Ergo non solum Christi victima, in cruce cruenta, quæ unica fuit; sed etiam, repetitione illius, incruenta in Missa, opus est. Negatur consequentia; quia victimas nominat Apostolus, alia de causa, & ratione: nam, vel per enallagen numeri pluralis, pro singulari, in S. L. satis frequentem, hæc vox accipitur, (cujus causa est, partim oppositio victimarum V. T. partim & præcipue ratione passionis, & efficaciarum unius victimæ Christi, quæ sit omnium victimarum instar) quemadmodum etiam Esa. 53. de Christo dicitur, *per mortes ejus*, v. 9. & tamen intelligitur mors unica, v. 12. vel exponi potest, ac intelligi, ratione partium victimarum; videlicet quod & corpus oblatum sit, & sanguis: quemadmodum etiam illa duo, distinctis panis, & vini symbolis, in Cœna Domini, signata, & obsignata sunt, à Domino nostro Jesu Christo. Atque hæc de Enthymematis apostolici consequente. Consequentia verò ratio est; quod ceremonie V. T.

fuerunt *exemplaria cœlestium*: Ideoque, quod in his adumbratum est, compleri, ac sequi debuit, & quidem perfectius, in readumbratâ, Jesu Christo, v. 23. Idque declarat, ac confirmat Apostolus seqq. exponens bona parte, quid per *cœlestia*; deinde, quid per *potiores victimas*, intelligat; regressu eleganter facto, ad comparisonem Christi, & Pontificis Levitici: de qua re antea agere cœperat, v. 11. Quâ Christum Levitico Pontifici opponit, ac præfert: hic enim in *manus factum sacrarium ingressus est*, quod exemplar erat veri, hoc est, cœli, ut compareret pro populo coram arca: Christus verò non in illud, sed in ipsum cælum penetravit; & quidem; ut tanquam intercessor, *compareat coram Dei facie*, non inter Cherubim; sed inter Angelos cœlestes, iis adumbratos, v. 24. deinde *pontifex sanguinem obtulit alienum*, & quidem sæpe, nempe *quotannis*: ideoque, vigente peccatorum memoriâ perpetuâ, ea re ipsa, non fuerunt adhuc, meriti ratione, expiata: sed per Christum expianda: quemadmodum Heb. 10. 1. 2. 3. exponit: Christus verò non alienam victimam, nec sæpe v. 21. sed *seipsum*, & *quidem semel, diebus novissimis*; ut peccata fidelium simul, ac semel, meriti sui efficaciam aboleret. Christum autem non debuisse offerri sæpe, probat, per parenthesis: *quia alioquin oportuisset eum sæpe passum esse, à jacto mundi fundamento*, si nimir. unicâ oblatione, peccata non fuissent expiata, v. 26. Atqui non oportuisse eum sæpe passum fuisse, confirmat Apostolus à constituta divinitus, pro hominibus, in his terris, pœnâ ordinariâ; quam Christus ut mediator subire debuit: quod *homini statutum est*, nimir. ordinariè, *semel mori*, & *post judicium*, v. 27. Ergo, cum Christus, ut pro horum peccatis satisfaceret, sese *anctor*, seu *redemptionis pretium* dederit, non sæpe; sed semel tantum, pro constitutione Dei, & hominum reorum conditione, mori debuit, & *semel etiam tantum oblatum est*, ut *multorum* (id est, multitudinis fidelium) *peccata tolleretur*, adventu primo: *secundo verò adventu conficietur sine peccato* (h. e. reatu, & pœnâ peccati) à fidelibus; quos, ab effectu spei, describit, quam periphrasi declarat; cum expectationem Christi ad salutem appellat: ut ea ratione ac viâ fideles omnes (præsertim verò Hebræos, ad quos scribit) adversus crucis, cum Christi; tum ipsorum, scandalum, & molestiam, consolaretur, v. 28. Atque hæc de c. 9.

## C O N S E C T A R I A.

I. IN docendâ Theologiâ, delectus, ac sobrietas adhibenda est, v. 5.

II. Solus Christus via est, ad cælum, v. 8.

III. Si ceremonie V. T. non potuerunt sanctificare conscientiam: quod, quamvis significatione essent spirituales, re ipsa tamen, & comparatè fuerunt carnales, id est, externæ, ad corpus pertinentes, & tantum signa sanctificationis per Christum, & remota organa illius: Ergo neque Sacramenta N. T. quæ etiam, hoc modo, carnalia sunt, conscientiam, suâ vi, sanctificant.

IV. Si ceremonie Mosaicæ institutæ tantum sunt, ad tempus correctionis adventus Christi: Ergo non solum Judæi peccant, qui mordicus omnes retinent; sed etiam Pontificii, in Dei institutum, & salutem fidelium, injurii sunt, qui neglectâ correctione Christi, non paucas earum, ad pompam religionis Christianæ, superstitiones, & præposterè adhibent: ut usus cultus ipsorum, & rationale divinarum officiorum Guilhelmi Durandi, demonstrat, v. 10.

V. Cum Christus non sit hujus creaturæ, & tamen, ut alibi dicitur, semen, & fructus mulieris, virginis: sequitur conceptum esse, non vi humanâ; sed potentia divinâ Sp. Sancti, v. 11.

VI. Cum Christus proprio sanguine nos redemerit: sequitur, nos magno pretio esse emptos, 1. Cor. 6. 20. & 1. Pet. 1. 18. Ideoque, verè fidei, confessionis, & charitatis gratitudine, colendus est.

VII. Cum Christus unicâ oblatione semel factâ, æternam redemptionem sit nactus: Ergo missa faciendâ est impia Pontificiorum Missa; quâ Christi oblationem, ad redemptionem fidelium iterandam, quotidie, per universam ecclesiam, fingunt, v. 12.

VIII. Purgatio est duplex: una carnis, & ceremonialis; altera conscientia, ceremoniis adumbrata: ideo-



ideoque hæc confundenda non sunt, vers. 13. & 14.

IX. Pretium mortis Christi, à Personæ, & Sanctitatis illius dignitate, pendet.

X. Christus Sacerdos est, & victima, quoniam seipsum obtulit.

XI. Peccata sunt opera mortua: ergo Christiani, per Sp. Sanctum renati, & vivificati, ac Deo viventi mancipati, ea fugere debent.

XII. Finis Justificationis est cultus Dei, ac sanctitas vitæ: nec abluimur à Christo, ut, porcorum instar, peccatorum sordibus nos iterum immergamus; sed ut puritate vitæ Deo serviamus, v. 14. & Luc. 1. 74. Rom. 6. v. 17. Tit. 2. 12. 14.

XIII. Christi sanguis purgat conscientiam nostram à peccatis, & quidem omnibus 1. Joh. 1. v. 7. Ergo falsò aliud purgatorium, aut purgandi pretium, satisfactiones humanas, & indulgentias, Pontificii comminiscuntur, ac venditant, v. 14.

XIV. Vita æterna, est æterna hæreditas filiorum: ergo perperam Pontificii Doctores, eam faciunt meritum operum nostrorum, v. 15.

XV. Cum in nullo sacrificio V. T. sine sanguinis effusione fuerit peccatorum remissio: ergo neque in Novo, sine sanguinis Christi effusione. Ac propterea merum est humanum commentum, quod sacrificuli, & doctores Pontificii, in Misa suâ, quasi sacrificio incruento, peccata expiari, asserunt, v. 22.

XVI. Ceremoniæ V. T. non solum fuerunt obedientiæ jugum, ac signa, quibus Iudæi à gentilibus distinguerentur; sed etiam, & quidem pontificum, exemplaria, ac typi Prophetici, destinati ad Christi Sacerdotium adumbrandum, v. 23.

XVII. Christus Advocatus noster est, apud Patrem: ergo verâ fide, rectaque viâ, ad eum, & per eum, ad Patrem confugiendum est, in adversis omnibus 1. Joh. 2. 1. Ac propterea impiè agunt Pontificii seductores, dum, eo præterito, alios sibi Advocatos, proximè deligunt, & invocant, vers. 24.

XVIII. Cum Christus sit perpetuus Sacerdos, & tamen non sæpius, sed semel tantum seipsum obtulerit: sequitur, in officio & personâ Sacerdotis, non requiri continuum sacrificandi actum; sed sufficere perpetuam Sacrificii efficaciam, & intercessionis conjunctionem. Quamobrem errant vulgò Pontificii Disputatores, qui secus, ad Misam suam stabiliendam, postulant, vers. 25.

XIX. Christus ad abolitionem peccati, non sæpe, ut Sacerdotes V. T. sed semel tantum oblati sunt: ergo non, in Misa, potest quotidie offerri: alioqui nec dissimilis esset, hac in re, Pontifici Levitico; nec peccata suo merito perfectè delevisset.

XX. Christus seipsum, tanquam solus, & immaculatus N. T. Pontifex, Deo Patri obtulit; & quidem per Spiritum æternum: ergo impii sunt Pontificii, qui hanc propriam Sacerdotii Christi dignitatem, ad suos, maculatos peccatis missificos Sacrificos, rapiunt indignissimè, vers. 25. & 26.

XXI. Post mortem, iudicium: Ergo post mortem nullus est meriti, nullus satisfactionis locus: ac propterea prorsus inepti, ac vani sunt Pontificii, qui purgatorium ei rei, citra Scripturæ auctoritatem, affinxerunt, v. 27.

XXII. Christus non omnes à peccatis servat; sed tantum fidelium, & electorum multitudinem.

XXIII. Christi adventu primo, jure mortis, & obedientiæ, salus nobis parta est: secundo adventu, reipsâ, plenè conferetur.

XXIV. Fideles ad diem iudicii non horrere; sed contra, verâ spe, eo aspirare, tanquam ad diem ipsis optatum, & salutarem, decet, vers. 28.

#### CAPUT DECIMUM.

Postquam Apostolus graviter, copiosèque præstantiam sacerdotii Christi, & sacrificii illius, comparatione Levitici Pontificis, demonstravit: coronidis loco, ad eisdem materiæ expositionem, & confirmationem amplio-

rem, progreditur hoc cap. 10. & disputationem universam, de Christi Sacerdotio, vers. 19. unde à primâ, principali tractationis hujus epistolæ parte (quæ dogmatica est) ad alteram, quæ parænetica est, opportunè transit. Comparationis autem expositio, Christum, cum pontifice Levitico, confert, ac præfert, duplici ratione: primum sacrificii; deinde sacerdotii. Ac de sacrificio utriusque agitur distinctè versibus 10. Cum enim antea docuisset, Christi hostiam non esse legalem, ac brutam; sed longè meliorem, nempe Christum ipsum: hujus rei necessitatem, & causas præcipuas adfert duas. Quarum prior est, hostiæ legalis impotentia: altera verò voluntas & definitio divina. Hostiarum autem legalium ostendit impotentiam, cum ait: *eas non posse accedentes*, hoc est, sacris utentes, *sanctificare*. Cujus rei rationes adferuntur tres. Prima est, generalis, à legis ceremonialis, & hostiarum fine, quod sit *futurorum bonorum*, hoc est, sanctificationis, & salutis, Veteri Testamento promissæ, & in novo complendæ, Heb. 9. vers. 11. *umbra, non autem imago rerum*. Cum autem imago alia sit essentialis Col. 1. 15. alia accidentalis: quidam essentialem intelligi debere contendunt, ut corpus rerum, seu res ipsa, denotetur: ut umbra corpori, in eadem doctrina opponitur, Col. 2. 17. Alii verò accidentalem significare statuunt, ut umbra non naturalis, sed artificiosa, seu rudis rei adumbratio, ac delineatio, opponatur imagini rerum expressæ, ac vivis suis coloribus consummatæ. Utraque interpretatio est probabilis: sed posteriorem cum nostro interprete lubentius sequimur, ut proprietas vocis imaginis servetur, & umbra ex adverso illius vocetur. Nam quod objicitur à nonnullis, imaginem primum ac propriè, de essentiali; secundo verò atque impropiè de accidentali dici, illud usu communi satis refutatur. Ad rem quod attinet, ex eâ rectè argumentatur Apostolus: Quod umbra est, non autem imago futurorum bonorum, illud non potest populum sanctificare: quia sanctificatio inter bona futura continetur. Atqui hostiæ legales sunt hujusmodi. Ergo non possunt populum sanctificare. Hæc prima ratio, de qua etiam Col. 2. quæ generalis est. Reliquæ verò duæ sunt speciales. Quarum una, ab oblationis hostiarum repetitione, deducta est, hoc modo: Hostiæ, quæ singulis annis repetuntur, non possunt accedentes cultores sanctificare. Atqui legales sunt hujusmodi. Ergo sanctificare nequeunt, v. 1. Quia verò propositio negari poterat, ea confirmatur, si rem spectemus ipsam, hoc modo: Qui semel purgati sunt, hoc est, sanctificati, nullorum peccatorum sibi sunt conscii, v. 2. Atqui quotannis sacrificantes sub lege, peccatorum sibi fuerunt conscii, ut ex effecto confessionis probat, v. 3. Ergo sacrificantes quotannis, non fuerunt sanctificati. Sed objiciat aliquis, propositionem non esse firmam: nam qui semel purgati sunt, ab antecedentibus peccatis, illi possunt postea peccare, & impurari, & sequentium peccatorum sibi esse conscii: ideoque sacrificia legis, quotannis, expiare potuisse anni illius peccata. Verum respondetur: expiationem esse duplicem: unam meriti; alteram efficacis applicationis illius. De priori expiatione, hoc loco, potissimum disseritur; quæ non nisi unica esse potest: quia debet esse valoris infiniti; ob Deum infinitum, peccato offensum: & propterea simul, ac semel, peccata omnia, antecedentia, & consequentia, merito purgat: adeo ut verè, ac solidè dicatur: Qui semel purgati sunt sacrificio, illi peccatorum sacrificii merito expiandorum, sibi non sunt conscii. Atque ita differt confessio peccatorum in V. & N. T. quod in illo memoria erat peccatorum, merito Christi expiandorum: in hoc verò memoria jam expiatorum.

Antequam verò progrediamur, nodus dissolvendus est difficilis, nec dissimilis de applicatione peccatorum. Quoniam excipi potest: si in N. T. peccatorum antecedentium, non solum Christi merito, sed etiam applicatione illius, per fidem, expiatorum, rectè sit mentio, quotannis, imò quotidie à fidelibus: sequitur mentionem, & confessionem peccatorum repetitam in V. Testam. non impedivisse expiationem. Atqui verum est prius. Ergo & posterius. Sed negatur propositio: quia diversa est utriusque ratio: nam peccatorum antecedentium

dentium fit mentio à fidelibus, non quatenus præterita, & expiata sunt Christi merito, & applicatione illius, per fidem, sed quatenus præsentia, & justificatione, seu imputatione meriti iustitiæ Christi, expianda: etenim cum quotidie peccemus, & antecedentia peccata imitemur, ea, consensione, aut saltem, resipiscencia non satis integra, geminamus, & efficimus nova: quapropter eorum recordamur, & petimus remissionem; non quatenus olim perpetrata, sed quatenus approbatione, aut imitatione, aut neglectu eorum, nos reos iterum constituimus. Quo etiam modo peccata aliorum facimus nostra, non solum præsentia, sed etiam præterita. Qua etiam ratione peccata parentum luere dicuntur liberi; quatenus approbatione, peccata majorum, fecerunt sua. Ex quibus omnibus, apostolicæ argumentationis (ab adjuncta hostiæ repetitione derivatæ) veritas, & sacrificiorum legalium infirmitas, apparet. Nam effusio sanguinis brutorum Propheticum erat signum, effundendi sanguinis Christi, pro remissione peccatorum: eumque sanguinem, nondum effusum, ac nondum satisfactum pro peccatis, designabat. Altera deinde specialis ratio est à natura hostiarum brutarum, *Sanguis taurorum, & bircorum non potest auferre peccata* v. 4. quia videlicet est alterius generis, quam hominum peccatorum, & finitus, atque irrationalis: ideoque indignior homine. Atqui sanguis hostiarum legalium est *sanguis taurorum, & bircorum*. Ergo *non potest auferre peccata*. Atque hoc modo demonstravit Apostolus, Christi hostiam non esse legalem, sed meliorem, nempe Christum ipsum; argumento primo ducto à legalium hostiarum impotentia: quam, rationibus gravibus, generalibus, & specialibus, communivit. Alterum argumentum deductum est à Dei voluntate, & definitione prophetica: quam, per relationem quandam, antecedentibus (tanquam effectum consequens) connectit, quod videlicet, ob illam impotentiam hostiarum, Christus eas, jam olim, rejecerit: adfertur enim testimonium ex Pl. 40. v. 7. quod proponitur, & partim præfatione, partim consequenti ratione, explicatur. Præfatione autem innuit authorem Christum; & exprimit circumstantiam subiecti, quod nim. de se, quasi in mundum ingrediente, & incarnato, prophetice loquatur. Propositio verò testimonii prædicat adjunctam vocationem divinam; & effectum illius, Christi videlicet obedientiam. Ac prior pars, per aphæresin, & thesin declaratur: quarum illa indicat, ad quid non sit vocatus, nempe non ad sacrificium & oblationem legalem: quemadmodum repetitione, v. 6. indicatur: & 8. luculenter exponitur: hæc verò ostendit ad quid vocatus sit, nempe ad oblationem corporis sui, cum ait: *Corpus autem adaptasti mihi*. Qui locus magnam habet difficultatem, ad quam tollendam, laboratur ab interpretibus: quia in Hebræo contextu, alia sunt verba & alius, prima fronte videtur sensus: Hebræa verba sunt, *אָנִים כְּרִיתָ לִי*, hoc est, *aures fodisti mihi*. Quod quidam de docilitate, cum Chaldæo paraphraste, exponunt: alii verò de mancipatione perpetua, ad obedientiam: ut orationis figura desumpta sit, à ritu legali, quo servorum aures subula januæ heri ipsorum affigebantur, Ex. 21. 6. Utrovis autem modo accipiamus, descremen apparet: aliud enim est de substantia, & natura corporis loqui: aliud de accidente ministerio: unde etiam videtur Apostolus dissidere à Psalte, in utraque voce; dum, pro *aures fodere*, substituit *corpus parare*. Sed tamen, quod ad alteram vocem attinet, difficultas non est adeo magna: quam loquidem illud apud doctos Hebrææ linguæ interpretes, extra controversiam positum est & usu probatum, vocem *כָּרַת*, quæ utitur Psaltes, significare non solum *fodere*, sed etiam interdum *parare*, seu *adaptare*: id quod secuti sunt LXX. Interpretes, & Apostolus hoc in loco. Verum de priori disceptatur graviter: quo modo aures, & corpus conveniant. Quem nodum quidam audacius secando: alii prudentius solvendo, commoda ratione expedire, ac tollere conantur. Secant nodum, qui conjiciunt fieri potuisse, ut LXX. Interpretes, quorum versionem hoc loco retinet Apostolus, pro voce *אָנִים aures*, legerint *אָזְנִים*, quæ vox os, & corpus notat: ideoque nihil esse dissidii. Sed cum nullam lectionis illius mentionem faciant Maforethæ, id est, Hebræorum critici veteres, reli-

giosissimi; nec antiqui codices; nec patres præci; ea nullo modo amplectenda est. Quamobrem alii à sectione hac infelici ac nimis audaci; abstinentes, solutiones varias adferunt. Ex quibus illa videtur maximè probabilis, nim. ut dicamus, Apostolum non verbum è verbo, sed sensum reddidisse reconditum: quod Psaltes, cum ait, *aures adaptasti mihi*, (nim. ut voluntati tuæ parerem) per synecdoch. partis nomine, totum intelligat: idem enim est Deus, qui aures, & corpus reliquum formavit, ad obedientiam erga se: quemadmodum ex v. 7. seq. concluditur. Atque hæc de vocatione divini obedientia: quæ asseritur prophetice ab ipso, cum ait: *adsum, ut faciam voluntatem tuam*. Idque à causa impulsiva illustratur, ac confirmatur, v. 7. per parenthesis hanc, *in capite libri scriptum est de me*. Quo modo ostendit, quam voluntatem Dei intelligit, nempe Scripturam S. patet factam, & quod propterea obedire paratus sit: quemadmodum similiter, apud Evangelistas, locutum esse Christum, multis ex locis, apparet, Matth. 26. 42. Luc. 22. 42. & alibi: Pro capite autem libri hebraice est *כִּרְתִּי* eodem sensu; quemadmodum Græci interpretes similiter, & hoc in loco Psalms, & alibi etiam transfulerunt: ut Ezech. 2. 9. *וְאֵינִי בִּסְבִּילִי*, & 3. 2. & 3. Intelligit autem *כִּרְתִּי* iuxta Mosis scripta, ad quæ etiam Christus Joa. 5. 39. & 46. & alibi provocavit. Atque hæc de v. 7. & testimonii propositione. Cui deinde subjicitur sua expositio: quæ, per repetitionem, primum exponitur aphæresis, quod *sacrificia, & oblationes* intelligantur, non quævis; sed *juxta legem*, v. 1. Deinde utriusque cum aphæreseos, tum theses vim declarat, quod Christus prius tollat, nempe rejiciendo cultum sacrificii legalis, ut *voluntatem Dei statuat*, de sacrificio Evangelico corporis Christi, vers. 9. Cuius sacrificii dignitatem, & efficaciam, ab effectu suo, describit; & efficiendi modo: effectu quidem, *sanctificatione nostri*; efficiendi verò modo, quod *semel* peractum sit: quibus rationibus, antiquis legis sacrificiis, quæ & repetebantur sæpius; & vi sanctificandi carebant. tacite opponit, ac præponit, v. 10. Quemadmodum disertè exprimit rem ipsam seqq. per oppositionem sacerdotis Levitici, & Christi. Ea autem ostendit causam, quamobrem Christus semel sese obtulerit, non sæpius: quod videlicet sacerdotes Levitici quidem, easdem, non numero, sed specie, hostias sæpius obtulerint; propterea quod non possent sua vi auferre peccata, v. 11. *Christus verò contrà unicus pro peccatis oblati victimam, in perpetuum considerat ad dextram Dei*, v. 12. *de cætero expectans* (ut Pl. 110. 2. & Heb. 1. 13. expositum est) *donec inimici ipsius, pro scabello pedum ipsius, ponantur*, v. 13. hoc est, ut rem paucis complectamur: Christus, una oblati victimam, eam non iterat; sed gloriosius in celo regnat, & sacerdotium, intercessionem suam, apud Patrem obit: ratio autem est illius, quod *unicus oblatione consecravit in perpetuum eos, qui sanctificantur*, h. e. fideles, qui Deo per remissionem peccatorum consecrantur, v. 14. Idque, postremo loco, confirmat Apostolus, auctoritate divina testimonii Sp. S. v. 15. ex loco illo celeberrimo Jer 31. de quo supra, c. 8. actum est plenius. In quo observandum est, v. 16. adferri tantum, tanquam sententiam antecedentem: ut promissionis sequentis sententia sit magis perspicua; & ut constet scopus loci, nim. promissionem hanc ad gratiam N. T. per Christum, pertinere: nam Novi fœderis promissio duplex proponitur, nim. gratia regenerationis, de qua v. 16. gratia justificationis, de qua v. 17. Quæ describitur, plena, ac perfecta peccatorum remissione, & oblivione, metaphoricè intellecta, quæ opponitur V. T. in cujus sacrificiis repetita mentio peccatorum quotannis, quemadmodum v. 3. antè explicatum est. Atque hinc porro disputat Apostolus: *ubi est horum peccatorum remissio* (nim. talis, id est, perfecta) *ibi non est amplius oblatio pro peccato*. Atqui in N. T. facta est perpetua peccatorum remissio. Ergo in eo non est amplius, & c. Propositio autem continetur, v. 18. Assumptio verò antecessit, atque hoc modo stabilita est unica Christi oblatio, v. 15. & contrà sacrificiorum Leviticorum oblatio, & abrogatio firmata. Et ita finis impositus est explicationi doctrinæ, de Christi sacerdotio; imò de persona; & officio Christi triplici: quæ tractationis hujus epistolæ pars principalis, & dogmatica est.

Sequitur deinde, de applicatione, & usu illius, *pars altera*: nempe *parænetica*, de officio hominis Christiani erga Jesum Christum, pertingens hinc ad capitis 13. v. 20. Hortationes autem proponuntur distinctæ, primum ad opera fidei, spei, & charitatis. Ac prioris hortationis antecedens ratio, è superiori doctrina petita, præmittitur; constans duplici privilegio, & beneficio, quod Christus, officio suo, nobis peperit. Primum, quod non excludamur à sacrario, quemadmodum patres in V. T. sed quod via ad cœleste sacrarium, nobis pateat, per Christi sanguinem, id est, merito sanguinis Christi, pro nobis effusi, v. 19. Et quia obijci poterat, obstare posse velum: ostendit, *velum illud esse carnem Christi*, qua non excludimur à sacrario (ut olim Patres, velo templi, à terreno sacrario) sed per quam, seu cùjus fractura 1. Cor. 11. v. 24. *via* nobis parata est *recens ac viva*: quæ nec vetustate corrumpitur; nec vita caret, ut templi velum, ac via. Atque illud miraculo divino significatum fuit, in morte Christi: cum enim corpus Christi, separatione animæ, ac doloribus, ruptum fuit, ac transfossum, velum templi Hierosolymitani, à summo ad imum, ruptum est, aditumque ad sacrarium terrenum patefecit, Matth. 27. v. 51. quo indicatum est divinitus, carne Christi rupta, variis modis, ac morte, viam nobis patefactam ad cœleste sacrarium. Atque hæc ad vers. 20. explanationem. Alterum deinde beneficium est, v. 21. comprehensum, quod Christum habeamus *Sacerdotem magnum, præfectum domus Dei*: quod vel de Ecclesia, quam Deus incolit suo Spiritu, & gratia, Heb. 3. v. 6. intelligi potest; vel de cœlo, quod sua gloria incolit (unde domus Patris dicitur Joa. 14. 2.) accipi potest: utrumque enim Christo probè convenit: sed posterius tamen huic loco videtur aptius, nimirum quod Christus summus sacerdos noster, jam in cœlis sit Dominus, ut qui ad dextram Dei sedet, sicut v. 12. dictum est.

Huic porro antecedenti rationi, additur ex ea consequens hortatio ad *opus gratitudinis fidei*, v. 22. nempe ad invocationem Christi: quam per metaph. *accessum* vocat; quemadmodum in simili omnino hortatione, Heb. 4. 14. Et quia invocatio ficta, & infidelis esse potest, quæ Christo displicet, idcirco eam exponit, ab adjuncta *cordis veritate*, h. e. sinceritate, & causa efficiente *πληροσφία*, h. e. plena *persuasione fidei*. Eam autem confirmat, effecti fidei descriptione, nempe justificatione: quam, per Meton. signi, & typi legalis pro re significata, vocat *asersionem*; qua *purgata corda sunt, à conscientia mala*: de qua re cap. 9. vers. 13. 14. 19. actum est. Altera hortatio est, ad *opus spei*, nempe *spei confessionem*, quemadmodum antea cap. 4. v. 14. In qua, adjunctum constantiæ requirit, per remotionem contrariæ *vacillationis*. Eamque hortationem confirmat ratione duplici: quarum prior similiter ab antecedente ablutione petita est, cum ait: *Et abluti corpus aqua pura*: quam ablutionem, quidam, per metaph. de sanctificatione per Spir. Sanct. exponunt, quemadmodum vocatur Ezech. 36. v. 25. *effundam super vos aquas mundas*. Alii verò de justificatione intelligunt, per Meton. signi sacramentalis, pro re significata: idque vel respectu habito ad aquam baptismi in N. T. vel ad aquam legalem in Vet. qua, ad cultum Dei externum accessuri, abluebant corpus aquâ purâ, ex lacu, in hunc usum, ante tabernaculum collocato: ut sit allegoria, à ritu legali petita. Veruntamen prius magis convenire videtur, ut ad aquam baptismi referatur, primò quia propriam vocum significationem retinet, à qua recedendum non est, nisi gravis causa obster, quæ nulla hîc est: secundò quia sensum continet plenior, ac planior. Altera ratio est à promissione Dei, & veritate illius. Tertia hortatio est, ad *opus charitatis fraternæ*, nempe observationem mutuam, ad confirmationem in charitate, ac bonis operibus vers. 24. Hisce deinde tribus hortationibus absolutis, alias eo pertinentes subjicit Apostolus. Ac primum, ut in fide, spe, & charitate proficiamus, de causa eorum conservante admonitionem apponit, constantem dehortatione à malo, & adhortatione ad bonum. Illa quidem est, *ut non deserant aggregationem mutuam*, id est, καὶ ἑσχατὴν, sanctam, ac publicam; seu cœtus Ecclesiasticos sacros, ad

sanctum Evangelii ministerium, & Dei cultum institutos. Idque (ut vocationis necessitatem ostendat) illustrat exemplo scandalii quorundam, *quibus hujusmodi per-versus mos in usu erat*. Hortatio verò est, ut hortentur alii alios sedulò, nim. ad exercitia pietatis, & sacros cœtus frequentandos. Cujus necessitatem probat ab adventu *illius diei*, nempe diei judicii, καὶ ἑσχατὴν ita appellati, vers. 25. Cujus argumentationis consequentiam confirmat ab apostasia; quæ, ex neglectu publicorum cœtuum sacrorum, oritur. Apostasiam autem describit, cùm ait: *Si ultro peccaverimus* (id est, si quisquam nostrum peccaverit) *post acceptam cognitionem veritatis*. Vbi observandum est: peccatum aliud esse repugnans, aliud regnans; quorum illud, ob sanctificationem inchoatam, & peccati originis reliquias, verè fidelibus convenit Rom. 7. v. 23. Gal. 5. v. 16. hoc verò solis infidelibus: quia peccatum fidelibus non dominabitur, Rom. 6. v. 14. quo etiam sensu pronuntiat 1. Joa. 3. v. 9. *qui natus est ex Deo, peccatum non facit, quoniam semen ejus in eo manet, & non potest peccare, quia ex Deo natus est*. Ex quibus satis superque apparet, peccatum, hoc in loco, non priori modo, de quovis voluntario peccato; sed de regnante intelligi: & quidem non de omni, nec in legem solam; sed de peccato regnante adversus Evangelium, seu directè adversus veritatem Evangelii agnitam, per revelationem Spiritus S. quemadmodum oppositio ostendit, v. 28. 29. cum videlicet, destinato Christi odio, & malitiâ, Christus, & Evangelium illius, testimonio Spir. S. per notitiam veritatis repugnante in conscientia, maledictis proscinditur; & oppugnatur: quemadmodum ex horum versuum circumstantiis perspicue elucet. Quod peccatum, καὶ ἑσχατὴν, vocatur peccatum in Sp. S. & irremissibile: de quo Christus dissevit, Mat. 12. 31. & Ioan. 1. ep. c. 5. 16. & de quo ante actum est c. 6. Cujus pœnam recenset duplicem: unam damni, alteram sensus; seu privationem boni, nempe sacrificii propitiatorii, quod *non sit pro peccatis reliqua hostia*, id est, quod peccatum sit irremissibile, ut quod hostiâ Christi non expiatur, v. 26. deinde consecutionem mali, nempe mortis æternæ; quam indicat, cùm ait, *horrenda quædam expectatio judicii, & ignis fervor, qui devoraturus est adversarios*, v. 27. Cujus pœnæ veritatem, & justitiam confirmat Apostolus, bifariam. Primò comparatione minorum, siquidem confert inter se violatorem legis v. 28. & apostatam, adversarium Christi, & Evangelii illius v. 29. hoc sensu: si morte, absque misericordiâ, ex duorum aut trium testimonio, in politia Moïsi, multatus fuit, qui irritam fecisset Moïsi legem Num. 15. v. 30. & Deut. 19. vers. 15. quanto acerbior supplicio dignus censetur, in politia, & Ecclesia Dei, qui, coram infinitis penè testibus, malitiosâ apostasia, & diabolica oppugnatione, cognitum Evangelium, ac Christum violavit. Quod peccatum, ad consequentiæ confirmationem, describitur, hypothesei gravissima: partim ratione objecti, in quod illud admittitur; partim ratione modi, quo perpetratur. Objectum est Filius Dei, & Spir. S. Modus autem peccati in Filium, est primum, quod ab hujusmodi apostatâ Filius Dei conculetur, nimirum non actu; sed voluntate, ac studio ipsum deprimendi: deinde quod sanguinem Christi Filii Dei, qui sanguis est fœderis novi, profanum ducat: cujus indignitas amplius amplificatur, cum ait: *per quem fuit sanctificatus*; hæc de modo peccati in Filium Dei. Modus verò peccati in Spiritum S. est contumelia: quæ amplificatur, cùm *Spiritus gratiæ*, ab effecto, nempe gratiâ, seu dono illuminationis mentis, appellatur: in quem impiè ingrati sunt; qui testimonium, & veritatem illius obscurare, & opprimere contumeliis suis satagunt. Verum ut ante dicta accuratius intelligantur, difficultas, quæ, hoc loco, occurrit, paucis expedienda est. Siquidem *Semipelagiani* nostri ævi, *Pontificii*, *Vbiquitarii*, & *Arminii affecte*, hujus sententiæ obtentu, doctrinam, de fidelium, in vivâ fide, perseverantiâ, oppugnant, hoc modo. Quicumque, per sanguinem Christi, sanctificati sunt, illi sunt verè fideles: sed quidam, qui peccant in Sp. S. ac pereunt, per sanguinem Christi sanctificati sunt. Ergo quidam verè fideles pereunt. Propositio certa est, quia solam Ecclesiam,

siam, seu verè fideles, suo sanguine, sanctificavit, ut nostri fatentur. Assumptionem autem probant, ex verbis Apostoli, eum ait, de apostata, qui perit: *is qui non est per quem sanctificatus fuerat*. Sed responderetur negatione assumptionis, & probationis illius: nam ut verba Græca melius transtulit vulgatus interpres, *per quem fuit* (non autem fuerat, quasi sanctificatio illa defuisset, & ad apostatam referretur) *sanctificatus*: ita non pertinent ad apostatam, sed ad Filii Dei descriptionem, & ad impietatem apostatæ huiusmodi exaggerandam, quod sanguinem Filii Dei, ac Novi fœderis, per quem Filius fuit sanctificatus, contra *prophanum duxerit*: Filius enim Dei per sanguinem suum fuit sanctificatus, hoc est, Deo, in sanctam victimam, consecratus: ut ait: Joa. 17. v. 61. *pro iis ego me sanctifico, ut & ipsi sanctificati sint in veritate*. Deinde hæc verba non posse referri ad apostatas, qui pereunt, jam antea Apostolus, hoc cap. 10. vers. 14. demonstravit, cum dixit: *unica enim oblatione consecravit in perpetuum eos, qui sanctificantur*. Ergo nemo qui sanctificatus est, unquam desinit esse consecratus: eoque nec penitus gratia excidit ac perit. Et deinde vers. 16. & 17. *Qui fœderis novi participes, eorum peccatorum Deus non recordatur amplius*. Atqui peccatorum, ab apostatis commissorum, recordatur Deus: quia ea in æternum punit. Ergo apostatæ illi, non sunt novi fœderis participes, seu novi fœderis sanguine sanctificati. Atque hæc de prima confirmatione pœnæ defectionis, apostatis illis imminentis. Cui altera additur v. 30 à testimoniis, & comminationibus divinis, contra peccatores, generalibus duobus, ex Deut. 32. v. 35. & 36. Quod argumentum Apostolus, epiphonemate, de iræ Dei gravitate, concludit: ut fideles, metu sancto, ab apostasia deterreat, v. 31. Verum, quia teneriores fidelium aures, auditâ hac comminatione gravissima, graviter poterant percelli: idcirco antecedentium acerbiter, sequenti consolatione, mitigat; & ex ea simul, propositam hortationem, ad fidei constantiam, concludit. Hoc autem præstat argumentatione conveniente, quam ab antecedente ipsorum simili virtute desumit. Quam commemorat Apostolus, ut spem suam, de fidelium Hebræorum perseverantiâ, patefaciat. Quemadmodum, in eadem materiâ explicandâ, eundem observavit modum, c. 6. v. 9. ubi plenius ea explicuimus. Revocat enim iis in memoriam, constantiam ipsorum laudabilem, in persecutionibus variis, veritatis Evangelii, & Christi causa perferendis. Quam constantiam proponit generatim: *quid ingens certamen perpeffionum sustinuerint* vers. 12. deinde speciatim exponit, primum distinctione objectarum perpeffionum, quas tulerant: partim sensu malorum suorum; partim consensu malorum, seu ærumnarum, in aliis fidelibus. Ac priores iterum perpeffiones, in probra, & afflictiones (quibus *quasi in theatrum essent producti*) distribuit; non aliter, quam Christus Mat. 5. v. 11. posteriores verò indicat, quando ait: *participes factos eorum, qui sic agitantur*: quod scil. commiseratione, ac consensione Christiana, fidelium perpeffiones, suas duxerint, vers. 33. Deinde constantiam, in perpeffionibus hisce, exponit: partim quod & *vinculis Pauli* (in quibus Romæ detinebatur) *condoluerint*; partim quod *direptiones suarum facultatum*, non solum æquo animo; sed etiam spectata causa, & fine, *cum gaudio pertulerint*: secundum Jacobi Apostoli præscriptum cap. 1. 2. & Christi, Matth. 5. v. 12. Cujus gaudii iustitiam ostendit, à causa efficiente; nim. fide vitæ æternæ: quemadmodum Matth. 5. v. 12. *quod scirent se habere bona in cælis meliora, & perpetua*, 2. Cor. 4. v. 17. 18. Quæ scientia, de fidei notitia, accipienda est, orta ex promissione divinâ, & internâ Spir. S. ob signatione, Ephes. 1. v. 14. & 4. v. 30. Hæc de vers. 34. Atque hætenus de consolatione Hebræorum, quæ antecedens argumentationis propositæ pars est, & argumentum. Cui deinde additur consequens conclusio, & adhortatio ad constantiam, in hac salutis fiducia: quam comprobat, ratione duplici. Hortatio autem est: *Ne igitur abjicite ~~neque~~ vestram*. Quo in loco observandum est, vocem *neque*, pro diversa significatione illius, etiam diversimodè, hoc in loco, ab interpretibus intelligi. Cum enim ea vox, *dicendi libertatem* propriè deno-

tet; impropriè verò, & frequentissimè *fiduciam* significet quidam vertunt *liberam* professionem: ut opponatur apostasie illi, quæ Christus abnegatur. Sed tamen si ita acciperetur, per synecdoc. de professione Evangelii, explicari oporteret: quo modo non arbitror, ab Apostolis, ullibi usurpari. Alii verò vertunt *fiduciam*: quæ vox optimè convenit stylo Apostoli, & loci circumstantiis: quia, in hac epistola, eo sensu, perpetuò usurpatur cap. 3. v. 6. & 4. 16. & 10. v. 19. deinde, quia antecessit, Hebræos fideles scire, se habere bona in cælis: statim opportunè subjicit: *ne igitur abjicite vestram fiduciam*, nempe ex scientia illa ortam. Idem etiam ex v. 38. colligitur, qui, ad hanc sententiam stabiliendam, pertinet.

Porro huius hortationis confirmatio est duplex: quarum prior ab utilitate deducta est; nempe à fiducia præmio amplissimo vers. 35. Cujus magnitudo, ut hoc in loco, ponitur; ita exposita est vers. antecedente. Altera deinde confirmatio, petita est ab adjuncto inobedientiæ damno, seu à necessitate tolerantie; eoque & veræ fidei, è qua promanat, & quam, tanquam fructus certissimus patefacit. Ac necessitatem ostendit, non quidem absolutam, sed ex hypothese duplici: primo causæ efficientis voluntatis Dei, præcipientis tolerantiam, & fidem: deinde adjuncti, consequentis voluntatem illam Dei, nempe vitæ æternæ. Quam per Meton. adjun. pro subiecto, *promissionem*, id est, promissam vitam æternam, vocat, amplificationis gratia: ut, hac ratione illius certitudinem, à promissione, & veritate Dei, assereret ac firmaret. Cum igitur ait: *tolerantia vobis opus est, ut, voluntati Dei obsecrati, reportetis promissionem*: sensus est, nisi tolerantes fueritis, & in fide constantes, non reportabitis promissam mercedem, ut Matt. 16. vers. 22. Quod autem *semipelagiani* objicere solent. Ergo perseverantia sanctorum non est certa; quis aliàs exhortatio esset vana: Negatur consequentia, & probatio illius: quia certitudo illa pendet à Dei promittentis veritate, ac gubernatione salutari; non autem à virium nostrarum potentia. Neque propterea hortationes sunt vanæ: quia illæ, inter alia, sunt medium, ad perseverantiam, destinatum, atque efficax: nam ut fideles, sine Christo, nihil efficere possunt boni, Joa. 15. v. 5. sed infirmitatis suæ; & potentiæ tentationis Satanæ, & mundi ratione, sine Dei gratia succurrente, ac opitulante, poterant deficere: sic contrâ à defectione per hortationes, aliaque media externa, & per internam conjunctam gratiæ Dei virtutem, conservantur ad salutem 1. Pet. 1. v. 5. & Joa. 10. v. 28. 29. Eoque gratiæ Dei promissæ, ac certò conservantis ratione, statuitur: *electos non posse à veritate seduci, ac perire* Matt. 24. v. 24. *neque posse peccare*, scil. peccato dominante, 1. Joa. 3.

Utramque porro rationem adductam confirmat Apostolus, promissione, & comminatione divinâ, Prophetæ Habac. c. 2. 3. & 4. cujus sententiam adducit. Quæ promissione, adventus Domini propinquus denuntiatur, ad patientiæ confirmationem vers. 37. Deinde fidei utilitas, & necessitas declaratur seqq. Utilitas, *quod iustus ex fide vivet*. de qua re Rom. 1. vers. 17. Necessitas est, quod *si quis se subdixerit, eum animus Dei non probet*. In qua sententia, inversio quædam observanda est ordinis, & mutatio verborum; sed tamen, secundum scopum, sensus fideliter expressus est, ut etiam à Græcis interpretibus: nam pro eo, quod ait Prophetæ: *anima, quæ se extollit, aut ebullit*, (hoc est, quæ se Deo opponit, per tumidam incredulitatem, & defectionem) Paulus habet: *si quis se subdixerit*, nimirum à Deo: deinde pro eo, quod sequitur in Prophetæ, *non est recta in eo anima*, Paulus habet, *non probat eum animus meus*: diversis quidem verbis, sed eodem manente sensu, quibus enim non est rectus animus, eos Deus reprobatur: quemadmodum etiam, ex opposita sententia, de vita fidelium, facile intelligitur, v. 38. Cui annectit Apostolus, ad consolationem fidelium ampliorem, de perseverantia sanctorum, epiphonema; quo, allatam Prophetiam, fidelibus Hebræis accommodat, per thesin, & aphæresin: removet enim à se, & ab Hebræis, aliisque verè fidelibus defectionem; & quod inde sequitur, exitium: deinde attribuit fidem constantem, & fructum illius, salutem, v. 39. Hæc de c. 10.



## CONSECTARIA.

I. **C**um Sacrificia, quæ crebrò offeruntur, conscientiam non sanctificant: sequitur inane, & profanum esse fictitium Missæ, indies repetitæ, sacrificium, v. 2. & 11.

II. Si sanguis Brutorum animantium, pro peccatis populi fusus, ob vilitatem, ea expiare non potuit: ergo nec inanimata baptismi aqua, multoque minus superstitionis, & frivolæ Pontificiorum ceremoniæ. Sed ea laus Christi sanguini propria est, v. 4.

III. Sacrificium Christi voluntarium est.

IV. Quum Christus, Dei Filius, Patris voluntati fuerit obediens; & sese, ad nutum illius, in sacrificium obtulerit: Ergo Christianos similiter, secundum vocationem suam, Deo sese omnino subicere oportet.

V. S. Scriptura vitæ nostræ, & obedientiæ norma est, vers. 7.

VI. Sacrificia alia legalia sunt; alia Evangelica, vers. 8. 10.

VII. Nomen Dei interdum, non absolutè, essentiam divinam; sed relatè ad Filium, personam Patris notat, vers. 7. 9.

VIII. Cum Christus, unica oblatione, consecraverit in perpetuum, eos, qui sanctificantur: ergo repeti illius sacrificium non potest: ideoque impium est Missæ pontificiæ commentum. v. 10. 12. 14.

IX. Christus, qui ad dextram Dei sedet, suos inimicos universos non tollit, sed tolerat ad finem usque mundi: ergo non est, cur ægrè feramus sortem similem.

X. Si Christus expectat diem iudicii, ad plenam hostium subjugationem: Ergo Christiani etiam patientia, & spe, in adversis, munire se debent.

XI. Hostes Christi, qui etiam sunt nostri, pedibus illius subicientur tandem: ergo non est, cur impiorum felicitati invidemus; aut de iudicio Dei conqueramur, vers. 13.

XII. Prophetia Jeremiæ est inspirata à Spir. Sancto: Ergo Sp. Sanctus est Deus: & Prophetia Jeremiæ sacrosancta, & ab omnibus reverenter suscipienda, v. 15.

XIII. Ubi peccatorum est remissio, non est amplius oblatio pro peccato: Christi igitur sacrificium, quo peccata remissa sunt, nullo modo potest iterari: ac propterea, corrumpit iterum Pontificiorum Missa, v. 17.

XIV. Quum, ad Christum, certa persuasione fidei, adeundum, Apostolus nos invitet, & simul libertatem nos habere ingrediendi sacrarium, per sanguinem Christi, remissis peccatis, quia præfectus est domus Dei, asserat: inde evincitur, errare impiè Pontificios, qui hanc fiduciam & libertatem, temeritatis insimulant: & contra Apostoli sententiam, (quia Christus Rex, & præfectus domus Dei, nos verò peccatores) Mediatoribus, & Intercessoribus aliis nobis opus esse, concludunt, v. 19. 20. 21.

XV. Cum spei confessio requiratur à nobis: peccant Nicodemitæ illi, qui conscientiæ Deo notæ prætextu, confessionem spei, & fidei, non requiri statuunt.

XVI. Fides, & spes nostra, Dei promittentis veritate certò niti debent: errant igitur Pontificii, qui spem Christianam dubiam requirunt, vers. 23.

XVII. Non solum nostræ, sed etiam fraternæ salutis, pro virili, studiosos esse oportet.

XVIII. In virtutibus non solum cæpto, sed & progressu opus, vers. 24.

XIX. Prava aliorum exempla nos non offendere, sed cautiores & meliores reddere debent.

XX. Non ex more hominum, sed ex officio vivendum est: quare errant graviter, qui postposita S. Scriptura (quæ officii nostri regula est) aliorum facta imitantur.

XXI. Cum, tempore Apostolorum, quorundam Christianorum is fuerit mos, ut cætus sacros desererent; non est igitur mirum, si, hisce postremis temporibus, idem usu veniat.

XXII. Mutuâ hortatione, ad pietatis exercitia, stimulare alii alios debemus.

XXIII. Diei iudicii consideratio, stimulus esse debet, ad pietatem, & charitatem, vers. 25.

XXIV. Cum Apostolus hic non agat, de quavis defectione à Christo: sed de blasphemiâ in Sp. Sanctum; & odiola Christi, & Evangelii, contra conscientiam, oppugnatione: inde apparet, peccasse olim Novatianos, qui omnibus, ab Ecclesia, persecutionis tempore, lapsis, veniam denegarunt: et Patres occidentales, qui olim hanc epist. (quasi Novatianis faveret) à canone S. Scripturæ seceverunt, vers. 26. & 29.

XXV. Veritas Evangelii in pretio est habenda.

XXVI. Cum ignis inferni Adversarios Dei maneat: Deo, verà obedientia fidei, & charitatis, adhærendum est, vers. 27.

XXVII. Pœnæ Inferni, tempore quidem sunt æquales; sed, pro peccatorum inæqualitate, gradibus inæquales sunt, vers. 29.

XXVIII. Si Deus iudicium sibi vendicat, & populum judicaturus est: non est igitur, cur de impunitate impiorum conqueramur; aut, tolerantia Dei abusi, peccatis indulgeamus, v. 30.

XXIX. Cum horrendum sit incidere in manus Dei; ejus offensio sollicitè vitanda est, v. 31.

XXX. Παθήματα, debent nobis esse μαθήματα.

XXXI. Cum fides sit illustratio mentis: sequitur, & infideles in tenebris ignorantiae miserè versari; & fideles Deo debere esse gratos; & ab operibus tenebrarum, peccatis, abstinere, v. 32.

XXXII. Crux, veræ fidei comes est: idcirco animum, adversus eam, patientia Christiana obfirmare debemus.

XXXIII. Virtutes aliorum, Pauli exemplo, coram laudare, interdum non solum licet, sed etiam opus est: Si Origo illius sit charitas; & Modus veritas, atque oportunitas; & Scopus sit laudatorum, ad Dei gloriam, utilitas, & amplior in virtute profectus, v. 32. & 33.

XXXIV. Cum perpeffiones fidelium sint, non solum eæ, quas ipsi ferunt, sensu in se ipsis; sed etiam consensu in aliis fidelibus, tanquam ejusdem corporis membris: inde sequitur neminem fidelium à cruce liberum.

XXXV. De fratrum afflictionibus, cum iis dolere debemus, ob communionem Sanctorum, vers. 33.

XXXVI. Cum dona cœlestia, sola sint perpetua; eorum fide, ac spe, bonorum caducorum, Evangelii causa, direptionem, non solum æquo, sed etiam quodammodo læto animo, ferre debemus, vers. 34.

XXXVII. Præmium vitæ æternæ, ad fidei constantiam, & patientiam, animare nos debet, vers. 35. & 36.

XXXVIII. Cum Deus iudex venturus sit, iusto tempore, non est, cur moram illius accusemus, aut contemnamus, vers. 37.

XXXIX. Fidei fructus est vita æterna: ergo non operum meritum, ut falsò Pontificii asserunt, vers. 38.

XL. Verè fideles, quamvis interdum errent ad tempus; non tamen subducuntur ad æternum exitium, sed credunt ad salutem: Ergo perseverantia Sanctorum, adversus Pontificiorum sententiam, certa est, vers. 39.

## CAPUT V N D E C I M U M.

**P**ostquam Apostolus, superiori cap. ad constantiam in vera fide, & ad tolerantiam crucis, Hebræos hortatus est; & consolatione firmavit: in ejusdem argumenti amplificatione nunc progreditur: quemadmodum non solum ex cohærentia contextus verborum, ac materia proposita, sed etiam ex aperta conclusione, quæ extat cap. 12. vers. 1. perspicuè apparet. Media verò quibus ad illum scopum collimat, ac tendit, sunt primum, *descriptio fidei ex effectibus*: deinde illustratio illius, per inductionem fidelium Vet. Test. Quæ duo opponit Apostolus periculosis carnis tentationibus, de promissorum bonorum absentia, & malorum præsentia: de quali etiam re Psal. 73. Jerem. 12. & Mal. cap. 2. & 3. agitur. Descriptio autem fidei, bimembris est. Primum enim dicitur, quod sit rerum speratarum

rum *visum subsistentia*; seu id, quod eas, quodammodo extare faciat; & ea repræsentet, quæ spes amplectitur: id est, absentium & futurorum bonorum fidem. Quæ futura bona, proprium sunt spei objectum, Rom. 8. Cæterum *subsistentia ac fundamentum rerum speratarum*, est duplex: primum, ac principale; & secundarium, seu instrumentale. Primum, est Dei promissio, ejusque omnipotens veritas, quæ fidei fundamentum: Secundarium est fides, quæ verbo Dei nixa, spem deinde sustinet, ac res speratas quodammodo extare facit: quemadmodum Abrahamus dicitur vidisse diem Christi Joa. 8. 56 qui tamen longo post tempore primum illuxit. Secundò, in descriptione fidei dicitur, quod sit *ἀσχη*, hoc est, *demonstratio eorum, quæ non videntur*, nim. oculis corporis. Quæ verba, à quibusdam, per Synonymiam, & repetitionem, S. Literis non infrequentem, idem, cum superioribus, valere statuunt: quod certum sit, res speratas non videri. Verum hoc non videtur huic loco satis consentaneum: quoniam res speratæ, & non visæ differunt ut species, & genus: quia res non visæ, sunt non tantum futuræ, quarum tantummodo spes est; sed etiam præsentis, & præteritæ (qualis creatio mundi, cujus proximè fiet mentio) quæ nullo modo ad spei objectum pertinent. Deinde *ἀσχη* *subsistentia*, & *ἀσχη* *demonstratio*, effecta diversa denotant. Prius enim ad firmitatem rei; posterius, ad cognitionem veritatis, pertinet. Fides igitur facit, ut res speratæ, quodammodo, in mente existant: eademque rursus res non visas, nec sensibus perceptas, notas & compertas reddit, vers. 1.

Quæ fidei effecta confirmantur, 1. generatim, exemplis fidei Majorum, à quibus originem ducebant Hebræi. Quos Majores) ut argumento accedat robur) laudatos, à Deo, ob fidem, in S. L. ostendit, vers. 2. Ac peculiariter deinde alterum effectum fidei, nempe quod sit *ἀσχη* seu *demonstratio rerum, quæ non videntur*, exemplo objecti, rei præteritæ, nec oculis subjectæ, nempe creationis mundi è nihilo, illustratur & comprobatur: quod *per fidem intelligamus constructum fuisse mundum, Dei verbo, ut quæ cernimus non sint ex apparentibus facta*, hoc est, per synecd. è nihilo: nam quæ non apparent, sunt vel aliquid; vel nihil. Non autem intelligit aliquid invisibile, seu materiam aliquam, ex qua mundum condiderit, *quia mundum, & omnia, quæ in eo condidit, Act. 17. 24. visibilia, & invisibilia creavit*, Col. 1. v. 16. ideoque nulla materia increata est. Atque hæc de vers. 3.

Cui deinde accedit versus secundi, de majorum fide, confirmatio, specialium exemplorum selectorum, inde ab initio mundi, inductione. Quam secundam principalem hujus capituli partem esse, antea monuimus. Ea autem fidei (quam ex effectis, & adjunctis describit) exempla, pro temporum ratione commodè enumerantur. Alia enim pertinent ad tempora *ante diluvium*; alia ad tempora *post diluvium*. Ac, prioris quidem ordinis, recensentur tria exempla illustria, nempe *Abelis, Enochi, & Noachi*.

*Abelis* autem fides commendatur, primo ex dignitate sacrificii: quod sacrificium, à comparatione minoris, amplificat, qua Caino comparatè præfert. Consentanei quidem, in eo, statuuntur, quod uterque Deo sacrificaverit: dissensitanei verò, quod Abel, per fidem; Cain verò contrà. Unde emergit comparatio, quam subjicit Apostolus, nempe quod majoris pretii fuerit sacrificium illius, quàm hujus.

Secundò commendatur ex approbatione divina, & cura mortui: qua de cæde Abelis, quasi pœnam justam postulante, offensus vindictam sumsit: id quod Metaphoricè, ex Genes. 4. v. 10. declaratur: cum dicitur, *per quam mortuus adhuc loquitur*, id est, locutus est, per enallagen, præsentis temporis, pro præterito, ut res ipsa præterita omninò evincit: quali etiam phrasi, Hebr. 2. v. 16. dicitur, *Semen Abrahamæ assumit*, pro assumit.

Alterum exemplum est, ex Genes. 5. nempe fidei *Enochi*, quæ declaratur, à consequente translatione in cælum: qua à communi, & ordinariâ morte exemptus fuerit: quod Deus raptum corpus illius corruptibile, & mortale; subita mutatione, glorificavit. Qualis mutatio futura fidelibus

viçturis die ultimo, 1. Corinth. 15. v. 52. & 53. quæ mutatio instar mortis est. Fide autem præditum Enochum fuisse comprobatur Apostolus, syllogismo, hac ratione: *sine fide fieri non potest, ut quis placeat Deo*, id est, quisquis Deo placet, fidem habet. Enochus autem placuit Deo. Ergo fidem habuit. Versus quinti initio ponitur conclusio, probanda: in fine verò assumptio. Quæ confirmatur à testimonio Dei: nam justum fuisse, & continenter ambulasse coram Deo, ostenditur divinitus per Moysen, Genes. 5. 24. Propositio extat vers. 6. E ratione munitur hujusmodi. Qui accedit ad Deum, illum credere oportet: sed qui placet Deo, accedit ad Deum. Ergo qui placet Deo, eum credere oportet. Accessus autem ad Deum non intelligitur propriè, quia Deus cælum, & terram implet, ubique est, nec propriè ad eum accedi potest: sed Metaphoricè, accessus ad Deum, vel invocationem illius notat, Hebr. 5. 16. & 10. v. 20. vel communionem cum Deo, ut Heb. 12. v. 22. quo etiam modo, in hac Apostoli sententia, commodissimè accipitur. Propositionem autem demonstrat Apostolus, distributione objecti fidei; seu ejus, in quod respicit, ac tendit fides: hoc autem est, Deus, & gratia illius. Prius ita indicatur: *nam qui accedit ad Deum, hunc credere oportet, quod sit*, scilicet, sicut reverà est, *essentia unus: trinus personis* Pater, Filius, & Spiritus Sanct. potentia, scientia, & sanctitate infinità præditus, mundi creator, & gubernator: ea enim est vera Dei cognitio. Alterum fidei objectum est gratia Dei, cum ait: *Et quod sit mercedis dator iis, qui ipsum requirunt*. Quæ gratia describitur, primum ab iis, quibus ea confertur, nempe *qui ipsum requirunt*: quæ Metaphora, invocationem, & cultum Dei, notat: ut Act. 15. 17. Rom. 3. 11. Id quod solum rectè fit, per veram in Christum fidem, Rom. 10. 14. 16. 23. Eph. 3. 12. Secundò declaratur gratiæ species, quæ Deum requirentibus, ab eo datur: eaque indicatur *mercedis* voce, per Metaph. ab operariis conductis derivatam, Matt. 20. 8. & *καὶ ἡ ζωὴ* præmium gratiæ & gloriæ gratuitum, intelligitur, ut 1. Cor. 3. 13. & Apoc. 11. 18. Mat. 6. 1.

Tertium exemplum est fidei *Noachi*: quæ declaratur ab effectu suo, nimirum obedientia adhibita, in construenda arcâ: quâ demonstravit, ipsum, verbo Dei, de futuro miraculoso diluvio (quod nondum videbatur) deque gratuita sui, in eo, conservatione, fidem adhibere. Quo exemplo suo, *mundi incredulitatem condemnavit*. Cæterum cum hæc salus corporalis, Noacho fuerit non solum promissa, sed etiam fuerit pignus, & typus salutis æternæ, 1. Pet. 3. 20. 21. idcirco dicitur, *factus esse, per fidem, hæres justitiæ*. Nam patrum fides habuit objecta duplicia: nempe promissa bona spiritualia, ac communia reliquis fidelibus: & bona peculiariora corporalia, spiritualium adjuncta, ac typos: hinc fides utraque amplexa est; etiam quando temporalium tantum fit mentio. Atque hæc de exemplis fidei, & patientiæ fidelium, ante diluvium. Reliqua sunt illorum, qui post diluvium vixerunt. Qui in quatuor ordines distribui solent. 1. eorum, *qui ante Moysen vixerunt*. 2. *qui à Moysen, ad judices*. 3. *qui inde ad Macchabæorum tempora*. 4. denique *qui tum vixerunt*.

In primo ordine recensentur exempla quinque fidelium: *Abrahami, Saræ, Isaaci, Jacobi, & Josephi*. Ac fides quidem *Abrahami* quatuor effectis insignibus commendatur: quorum primum est, ex Gen. 12. 4. *Obedientia* erga Deum promptissima, & *constantia*; qua Deo vocanti in locum, quem accepturus erat, in hereditatem, auscultavit; & patriâ, cognatis, notisque omnibus relictis, exiit, *nesciens quo esset perventurus*, v. 8. Alterum effectum est, *patientia*, ac *tolerantia*, nempe quod in terra promissa commoratus sit, quasi aliena: & quidem non in fundatis ædibus; sed positus instabilibus *tabernaculis*: quemadmodum peregrinantes solebant. Id quod similibus exemplis consecutis, Isaaci, & Jacobi illustrat, v. 9. Quam tolerantiam declarat efficiente, nempe spe, seu expectatione vitæ æternæ, & quiete in cælo, tanquam certo & solido ædificio. Ideoque per periphrasim elegantem, & convenientissimam, ut *tabernaculis terrenis*, quorum meminit, opponatur, appellat *civitatem illam, habentem fundamenta, cujus artifex, & conditor*

conditor est Deus, Gen. 1. v. 1. Heb. 13. v. 14. Unde perspicue apparet, fidei Abrahami objectum fuisse, non solum verbum promissionis de possessione Cananæ, in posteris obtinendæ; sed etiam de cæli hæreditate, quæ eo typo adumbrata, & utroque modo fidei descriptæ effectum secundum declarari: quod quæ non apparebant oculis corporis, ea fide fuerit contemplatus, v. 10. *Tertium* fidei Abrahami effectum triplex est, *fecunditas, & liberorum procreatio*, atque *augmentum posteritatis* innumerabile. Quod effectum, simili Saræ exemplo, complectitur Apostolus, hisce verbis: *fide & ipsa Sara vim ad seminis dejectionem accepit; ac, præter tempus ætatis, peperit*. In quo conferuntur, per copulam (Et) hoc est, etiam, Abrahamus, & Sara: qui nimirum cum effecti essent senio, & Sara præterea, naturali sterilitate esset infæcunda, vim tamen acceperit divinitus, *ad jaciendum semen, & liberorum procreationem*. Quapropter, hoc in loco, vulgati interpretis, & nostri, (quem alioqui merito magni facimus) versionem, cum vulgo probare non possumus; qui, *vim ad dejectionem seminis*, de conceptione seminis Abrahami, interpretantur. Quod verò Menno, Anabaptistarum Coryphæus, in colloquio Wismariensi, contra Micronium, fœminas semine carere, affirmat: illud, inquam, Medicorum, & Anatomicorum demonstrationibus, & experientia certâ, confutatur: & hoc in loco verba Apostoli satis sunt explicata: siquidem non ait; *Saram vim accepisse ad seminis οὐλαφιν conceptionem*; aut *κατοχὴν*, ut Chrysost. & Oecum. exponunt: sed ad seminis *καταβολὴν dejectionem*, id est, ad semen, è vasis seminariis, in uterum deijciendum. Adeo ut invictus hic stet locus, adversus Anabaptistarum errorem: quo Mariam virginem, tanquam fœminam, semine caruisse, objectant: & ex eo concludunt, Christum non esse conceptum ex semine Mariæ: contrarium enim de fœminis statuitur, Levit. 12. v. 2. *mulier cum seminificaverit, seu semen dederit, & pepererit masculum*. Quemadmodum etiam Christus *semen mulieris*, Gen. 3. appellatur; & factus dicitur *ex semine Davidis*, (scilicet mediata per Mariam, ex Davide ortam) *secundum carnem*, Rom. 1. v. 3. & *ex fructu lumborum Davidis esse*, Psal. 132. v. 11. & Act. 2. v. 30. & *assumpsisse semen Abrahæ*, Hebr. 2. vers. 16. & *fructus ventris Mariæ*, idcirco appellatur, Luc. 1. quod scilicet ex ea factus sit, Galat. 4. vers. 4. Quemadmodum fructus arboris ortus ex substantia arboris, & fructus terræ (licet semen fortè ex unâ in aliam terræ partem seratur) non aliunde quàm è terra cum fructu suo processit. Cæterum Apostolus declarat, quo modo per fidem, tanquam per causam instrumentalem vim illam acceperit Sara, *ac præter ætatem pepererit*: exponit enim fidei objectum, & fundamentum, videlicet promissionem Dei & veritatem illius: *quod fidelem esse duxerit Deum, qui promiserat*, id est, in dictis, ac factis constantem, ac veracem. Sed excipiat aliquis: Sara, Gen. 18. ab Angelo, incredulitatis nomine satis disertè arguitur. Ergo Apostolus Mosi contradicit, cum fidem Saræ attribuit. Verum, distinctione temporum, nodus hic solvitur: Moses enim loquitur de initio propositæ, & auditæ, promissionis: Paulus verò de succedente tempore: primum enim ex diffidentia quadam risit Sara; sed, reprehensa ab Angelo, incredulitatem correxit; & fidem promissioni divinæ adhibuit: quo demum nomine hoc in loco commendatur, vers. 11. Porro fides Abrahami amplificatur, à tertio fructu; nempe posteritatis incremento admirabili. Id quod exaggeratur, partim ab adjuncta Abrahami impotentia senili: quod esset corpore jam, quasi *emortuo*, hoc est, ad generandum prorsus inepto: partim comparatione proverbiali, qua posterorum numerus astris & arenæ maris comparatur, vers. 12. Porro cum patientia, & tolerantia Abrahami, sit illustre fidei illius (ut etiam Isaaci, & Jacobi) effectum, ac documentum: idcirco illud illustrat, & amplificat Apostolus adjuncto durationis, & perseverantiæ ad mortem; quod scilicet *secundum fidem mortui sint isti omnes, nec adepti sint promissa in terris*: sive temporalia spectentur, posteritatis multitudinem admirabilem, & Cananæ possessionem; sive spiritualia, iis adumbrata, nempe vocationem gentium, & adoptionem in filios Abrahami;

& Christi, seminis benedicti, exhibitionem; regni denique cælestis possessionem: *sed eminus tantum ea conspicati sunt*, oculis nimirum fidei, non corporis: ac propterea additur; *persuasi & amplexi ea*: Idque confirmat, *quod professi sint se esse hospites, & advenas in terra*: ut Abrahamus, Gen. 23. 4. & Jacobus, Genes. 47. v. 9. Consequentiam autem probat, *quod qui hæc dicunt, ostendant se patriam querere*: hoc enim peregrinantium est, vers. 14. Quia vero objici poterat, patriam illam fuisse Chaldæam, non autem Chananæam: Illud hoc argumento refutat Apostolus, *quod eodem potuissent redire*, v. 15. Et contra ostendit fuisse *meliozem*, nempe *cælestem patriam*. Cujus etiam rei veritatem, à Dei misericordie promissione, confirmat, *quod Deum non puduerit, se cognominare Deum eorum, quodque iis urbem*, hoc est, pro Metaph. firmam sedem, cælum patriam *præparaverat*. Etenim *Deum esse alicujus*, hoc in loco καὶ ἑξουσίαν est, esse fœdere salutari sociatum, ac servatorem: quemadmodum similiter Christus, Matth. 22. ex eadem promissione, vitam æternam Abrahami, & resurrectionem futuram, concludit. Hæc de vers. 17. & tribus fidei Abrahami effectis. Quibus *quartum* succedit, ex Gen. 22. nempe *obedientia erga Deum in oblatione filii ipsius in sacrificium*. Quæ oblatio intelligenda est, de animo prompto, & conatu offerendi, ut Jacob 2. v. 21. non autem de eventu, quem Angelus Dei, probata satis, ac patefacta Abrahami in Deum fide, & dilectione, impedivit. Ad cujus rei ampliorem intelligentiam, observandum est: eadem hominis, generatim acceptam, duos modos sub se complecti speciales: quorum primus in actu consistit, ut Cain Abelem occidisse dicitur 1. Joan. 3. v. 12. alter modus est, voluntate, ut ibid. v. 15. *quisquis odit fratrem, homicida est*: Deus autem Isaacum mactandum præcepit Abrahamo, usus voce generali, sed de speciali modo (quem non expressit, sed ad tentandum Abrahamum, ut fides, & obedientia illius clarior patefieret, ad perpetuum Ecclesiæ exemplum, tacuit) intellexit. Atque ita Abrahamus filium mactasse, scilicet voluntate & conatu, dicitur: id quod Deus propriè volebat. Deinde secundo loco dici potest, mandatum Dei fuisse, cum tacita conditione, nisi te impediero: quàm conditionem, ad probationem, & exemplum fidei Abrahami, tacuit. Qualis tacitæ conditionis exempla sunt, in Angelis Dei, qui invitati, ac rogati à Lotho, ut in domum ipsius diverterent: id primum negarunt se facturos; sed tamen eo urgente (quæ tacita erat negationis conditio) ingressi sunt, Gen. 19. 2. 3. sic Esa. 38. v. 1. Deus Ezechiae mandavit, ut disponeret res domus suæ, quod moriturus esset, & non victurus: tacitâ interim poenitentia, & precationis illius intellectâ conditione: quemadmodum eventus perspicue ostendit, vers. 5. Cæterum hæc oblatio Abrahami, primum describitur, à causa efficiente, Dei mandato, quod sine suo indicatur, cum ait: *cum tentaretur*, id est, cum à Deo fides, & obedientia Abrahami, mandato proposito, exploraretur, ac probaretur; ut, patefactione illius, exemplum esset omnibus imitandum: nam cum tentatio alia sit bona, quæ ex bono animo, per bonum medium, ad bonum scopum tendit; alia verò sit mala, quæ secus sit; prior Deo, utpote summo Bono, qui malis neminem tentare potest, Jac. 1. 13. convenit, qui præceptis, afflictionibus, aliisque modis, suos explorare justè, atque utiliter potest, ac solet. Secundò, eadem oblatio amplificatur primum ab objecti conditione, cum naturali; quod Isaacus offerendus filius esset, & quidem unigenitus, nempe ex Sara, libera uxore: deinde adjunctis illi promissionibus, de numerosa posteritate, stellarum instar, ac de possessione Chananæ: deque Messie, seminis benedicti, ex eo ortu, vers. 17. Id quod exponitur v. 18. Quorum utrumque difficultatem afferre, & fidem infringere potuisset. Prius quidem, propter naturalem sagacitatem, quæ erga filium, maxime unigenitum, vehementior esse solet: unde luctus, unigeniti amissi causa, pro amarissimo accipitur in Sac. Liter. Jer. 6. v. 26 Zach. 12. v. 10. Posterius verò propter contradictionis speciem: nam si ex Isaaco erat expectandum promissum, & benedictum semen, ad benedictionem salutis omnium gentium: Ergo non erat in adolescentia immolandus: Ergo non poterat

ex eo,

ex eo, ut ratio quidem humana dicat, oriri, & expectari promissum semen. Sed utrumque superavit Abraham: *scilicet* quidem, & amorem in filium, amore majori erga Deum: speciem verò contradictionis, mandati, & promissionis, ratiocinatione fidei, qua potentiam Dei opposuit cogitationibus carnis, & Dei promissionem cum mandato conciliavit, negatione consequentiae: quod scilicet. quamvis secundum mandatum Dei, filium, tenerà adhuc ætate, immolaret, ac cremaret, inde tamen posset oriri semen promissum, non humana, sed divina potentia, quæ potuisset mortuum suscitare; & ex eo deinde redivivo, secundum promissionem, semen benedictum producere: quomodo Roman. 4. v. 18. *contra spem* (nempe virium creaturarum) *in spem* (scilicet virtutis, & potentiae, ac veritatis Dei) *credidisse* dicitur: quod de humanis viribus desperans, per fidem veritatis, & potentiae Dei promittentis, seu, qui promiserat, spem certam promissionis complendæ conceperit. Id quod etiam ab eventu læto illustratur, cum ait: *similitudine quadam eum etiam recepisse*: id est, quem animo, & conatu macerarat, eum quasi redivivum, ab Angelo Dei, maceratione impedita, receperit v. 19. Atque hoc modo absoluta est descriptio fidei Abrahami. à qua deinde transit Apostolus ad declarandam fidem Isaaci, Jacobi & Iosephi. Isaaci quidem, ex Gen. 27. Jacobi ex Gen. 48. quod uterque filiis suis benedixit, fide in promissiones divinas recumbens: *Isaacs* Jacobo & Esauo, Gen. 27. v. 20. *Iacobus* vero filiis Iosephi, Ephraïmo & Manassî. Quæ benedictio amplificatur, addito altero fidei effectui, adoratione *δὴ τὸ αὐτὸν ἰδὼν*. Quæ verba difficultatem, primo intuitu, habent non exiguam. Quæritur enim qua ratione, cum Mose, Apostolus, hac in re, conveniat? & quis sensus sit illius? differentia enim occurrit duplex: una quidem in mutatione vocis, quod Moses habet *lectum*: Paulus verò *baculum*. Altera in additione, quod Paulus addit pronomen *ipsius*: quæ vox in Mose non reperitur expressa: sic enim sonant illius verba: *adoravit super caput, seu summum lecti*. Quem nodum alii secundo, rigidè: alii verò solvendo, religiosè expedire conantur. Secundo quidem, hoc modo: quod scilicet Græci Interpretes, quos secutus sit Apostolus in *Lib. 2. c. 1.* contextu, legerint, sine punctis, *ἐπὶ τῆς κεφαλῆς*, quemadmodum jam extat in Hebræis Bibliis; sed *ἐπὶ τῆς κεφαλῆς* & *baculus*. Veruntamen ita difficultas non tolli, sed augeri alio modo videtur: nam cum genuina lectio sit unica: sequitur necessarium, si Græci interpretes bene legerint, vitiatam esse hoc in loco, quæ nunc extat, Hebræam scripturam, & corrigendam: sin contra, sequitur errorem esse in Paulo, qui eorum interpretum vitium potius, quàm rei veritatem, expresse-rit: id quod authoritati huius Epistolæ repugnaret. Ut autem novam (quæ in mentem venit) conjecturam adjiciam: quid si potius dicamus, & Græcos interpretes initio, & Paulum postea scripsisse non *ἐπὶ τῆς κεφαλῆς*; sed *ἐν τῇ κεφαλῇ*, exigua literarum mutatione, eodem sensu, cum Mose: sed scriptorum negligentia, antiquitus, locum, in Græca versione, hoc modo, vitiatum; & ea occasione, ex Græcorum interpretum collatione, Pauli etiam testimonium, ex antiqui descriptoris, ac correctoris inscitia, depravatum. Sed tamen, ut ab illa vulgari; sic ab hac nostra conjectura malimus omninò abstinere, neque eo temere confugere: sed solvendo potius difficultatem, quæ tutior via est, quàm secundo nodum, expedire, ac tollere. Quam viam nonnulli pia ratione ineunt: ajunt enim Paulum cum Græcis Interpretibus, non verba Mosis; sed sensum expressisse, & illustrasse: utrumque enim esse verum: Jacobum super caput, seu summum lecti adorasse, quod ait Moses: & simul super baculum, seu baculo innixum, quod refert Paulus: hæc enim duo non sunt opposita; sed commode conjuncta esse possunt. Verùm nova oritur difficultas, quæ vulgo quidem non affertur, sed penitus intuenti sese ultro offert: nimirum cum Moses illud non recenseat, undenam constare possit, baculo fuisse innixum? si dicatur, Paulum illud habuisse ex revelatione: quæretur unde Græci interpretes id cognoverint? ut qui longo tempore antecesserint; ideoque Paulum ex iis potius videri hausisse. Verum responderi potest, Græcos illud accepisse ex traditione: quam

etiam Spiritus S. Paulo inspirando sanctificavit, & veram à fictis traditionibus distinxit: quemadmodum à Davide, Paulo, Petro, (qui nonnulla, è Mose præterita, recensent) factum esse, in similibus, ostendimus, cap. 9. Verùm, de sensu, altera exurgit quæstio: quidam enim adorationem hanc, (de qua, ex Mose, Apostolus) statuunt civilem, cum dicitur, *adorasse*, quasi, nimirum sese incurvasset Jacobus ad baculum, seu sceptrum Iosephi, honoris causa: quemadmodum in somnio, jam ante, erat Iosepho patefactum, Gen. 37. alii verò de religiosa adoratione exponunt, quod Jacobus Deum adoravit, eique gratias egerit, ob juramentum à Iosepho impetratum, de sepeliendis ossibus, in terra promissa, & pro confirmatione, in veritate promissionum divinarum: quæ expositio sequentibus melius quadrat. Sed cur baculo innixus fuerit, vulgò causam afferunt, hoc factum esse, ut corpus senile sustentaret, ad inclinationem, & adorationem Deo exhibendam. Sed dici posset, baculum præterea sumsisse, & quidem potissimum, tanquam signum peregrinationis suæ; & fidei de cælesti patria, de qua vers. 13. & 14. quemadmodum ex prisco, & recepto baculi usu colligitur, Gen. 32. vers. 10. 38. 18. Exod. 12. vers. 12. Marc. 6. vers. 8. Hæc de vers. 21. & fide Jacobi.

Sequitur deinde *Iosephi* moribundi similiter, ex Gen. 50. fides, duobus effectis descripta, mentione egressionis Israelitarum ex Ægypto, secundum promissionem divinam, cui innitebatur: & mandato de ossibus ipsius, in terram promissam deferendis, vers. 22. Atque hoc modo absoluta est prima propositæ inductionis pars: qua exempla fidei Patrum, à diluvio ad Moysen, recensuit.

Alterà porro est, quæ inde ad judices pertingit, & exempla complectitur quatuor, primo *parentum Moysis*, deinde *ipsius Moysis*, tertio *Israelitarum*, postremum denique *Rachabæ* Chananæ mulieris. Ac *parentum Moysis fides*, ex cap. 2. Exod. commendatur à misericordi *occultatione illius trimestris*: eaque, à causa impulsiva externa, describitur; quod *viderent consuetum esse puerulum*: hoc enim *συνήθειον*, seu naturalem amorem amplius excitavit, ad officium faciendum. Sed objicitur: formæ excellentia homines Deo non commendat: ac propterea illius respectum, non esse fidei argumentum: neque Deum id spectare, 1. Sam. 16. vers. 7. 8. Sed tamen contrà responderi potest bifariam. Primo quod vulgò dicitur, non formæ excellentia communi more, ad misericordiam fuisse commotos; sed quod, in illa venustate, nota quædam heroicæ indolis eluceret, quæ ipsum populi servatorem tacitè sponderet. Altera deinde solutio dari potest, hinc causam misericordiæ recenseri duplicem: unam adjuvantem, ac ministram, venustatem pueri, quæ *συνήθειον* naturalem inflammavit: alteram principalem, fidem erga promissionem Dei, de incremento seminis, & liberatione Israelitarum ex Ægypto; quæ ad obedientiam erga Deum, & filii conservationem cum periculo, excitavit: nam, ad fidei opera exercenda, Deus etiam naturali adminiculorum concursu interdum utitur. Porro utriusque causæ cum principalis; tum ministræ, effectum additur, nimirum contemptus injusti mandati Regis; quod *illud non metuerint*, nempe initio, & trimestri illo; nam postea fides, timore infirmata fuit, & repressa non nihil, cum infantem exposuerunt: etsi non extincta fuerit, ut circumstantiæ ostendunt: primo depositio in fiscella scirpea, in carecto ripæ fluminis: deinde sororis illius, eventum expectantis, observatio, vers. 23.

Secundum exemplum est *fidei Moysis*, quæ ex effectibus tribus declaratur. Primum est gemitum: abnegatio mundi, & sui: & tolerantia crucis. Illa declaratur, quod adultus, id est, non in pueritia, sed matura jam ætate, & judicio, *cognationis regie nomen, & thesauros Ægypti spreverit*, v. 24. 25. Hæc verò quod *afflictionem cum populo prætulit opibus Ægyptiacis*. Cujus electionis sapientia, ac iustitia demonstratur, descriptione opum, ab adjuncto; partim instantiæ earum, quod temporariæ essent; partim peccati comitantis, in fructu earum, vers. 25. Quæ, ex opposita descriptione afflictionum, cum populo Dei, amplificat: quæ causas illius impulsivas comparatè continet: primo ab honesto;



nesto: secundò ab utili. Ab honesto quidem, quod afflictiones illæ essent *probrum Christi*: quod accipi potest bifariam, primo ut notetur causa, *probrum Christi*, hoc est, Christicausa, per ellipsin usitatam: ut Ephes. 3. v. 1. Paulus dicitur, *vinctus Christi*, hoc est, propter Christum, & Coloss. 1. v. 24. *afflictiones Christi in carne mea*, quod eas propter Christum in carne sua perferret: vel ut subiectum notet: nam Ecclesiæ afflictiones, in utroque Testam. Christi etiam sunt, propter unionem mysticam capitis, & membrorum: quemadmodum, de persecutione Ecclesiæ Christianæ, ostendit Christus, Act. 9. v. 4. Ab utili verò amplificat, nempe *retributione mercedis*, non meritis, sed gratiæ secundum gratuitam Dei promissionem, v. 26. Alterum effectum fidei Moïsis, est *relictio Egypti*, videlicet prima; ut, ex sequenti paschatis ordine, apparet; non autem secunda, qua populum postea eduxit paschate celebrato. Verum, quia excipi poterat, metu regis fugisse, non autem fide: idcirco *negat Apostolus, timuisse iram regis*: neq; illud repugnat confessioni ipsius Moïsis, qui Exod. 2. vers. 24. terrorem suum agnoscit: Moïses enim loquitur de timore generatim accepto: Paulus verò de certa tantum specie, nempe opposita fidei, & officio. Quemadmodum Christus speciatim talem metum intelligit, cum ait, Matth. 10. v. 28. *ne timete ab iis, qui trucidant corpus*. Timuit enim Moïsis iram regis, ex fide, fugiendo pericula, ne Deum tentaret: non timuit iram regis, cum neglectu officii, & diffidentia; sed credens certò se servatum iri, tanquam destinatum, divinitus, populi servatorem, Actor. 7. v. 25. Ideoque addit: *forti animo fuisse, quod Deum invisibilem*, oculis fidei quasi conspicuum, *videret*, v. 27. adeò ut fides ea fuerit demonstratio eorum, quæ non videntur. Tertium denique effectum fidei Moïsis ex Exod. 12. est *celebratio paschatis*, ut typi Iesu Christi, 1. Cor. 5. v. 7. Atque hæc de fide Moïsis, v. 28.

Tertium exemplum est fidei Israelitarum, ab effecto duplici. Quorum primum, est *transitus maris rubri*, Exod. 14. v. 29. 30. 31. secundum Dei promissionem, & mandatum. In qua promissione gradus duo observandi: prior beneficium corporale continet: quod Israelitæ, etiam reprobi, fide communi amplexi, secundum officium, obtinuerunt. Posterior promissionis gradus fuit de beneficio spirituali, per corporale adumbrato, nempe liberatione à peccatis, morte, Diabolo, per Christum: quod beneficium, verà fide, soli verè fideles Israelitæ acceperunt: atque eo animo, per mare rubrum, tanquam boni huius spiritualis typum, & pignus 1. Corinth. 10. vers. 1. 2. transferunt: de quibus solis, hoc loco, agitur: nam quod supra vers. 5. cap. 4. fide caruisse dicuntur: illud non de omnibus, sed de plerisque tantum intelligendum, ut cap. 3. v. 16. declaratur. Cæterum hic transitus, contrario Agyptiorum eventu, amplificatur vers. 29. Alterum effectum fidei est, ex Ios. 6. *murorum urbis Iericho ruina*. De qua re, in collocatione Iosue & Christi, supra egimus.

Quatum exemplum est fidei *Rachabæ*: ex cuius etiam posteritate Christus nasci voluit, Matth. 1. v. 5. quæ *meretrix* fuisse, hîc dicitur, ad amplificationem respicientiæ, ac fidei illius, & simul misericordiæ Dei. Cuius fidei effectum statuitur, primo salus corporalis, quæ salutis spiritualis typus; eaque, à contrario infidelium civium exitio, exaggeratur. Alterum effectum, ex priori promanans, est benignitas in exploratores, vers. 31. Hæc de secunda parte inductionis exemplorum fidelium, post diluvium.

Cui succedit tertia à *Iudicibus ad Macchabæos*: quæ per præteritionis figuram, exempla recenset. primo *Iudicum* quatuor, *Gideonis*, *Barak*, *Samsonis*, *Iephtæ*: deinde *Regis Davidis*: deniq; *Samuelis*: & generatim *reliquorum Prophetarum*, v. 32. Quorum fidei effecta, deinde, promiscuè subjicit. primo *quod debellarint regna*: id quod Iudicibus, & regi Davidi convenit. secundò *quod operati sint iustitiam*, jus suum cuique tribuendo: ut Samuel erga Israelem, & David erga Saulem, & populum. tertio *consecuti sunt promissa*, nempe particularia: ut David, regnum; & alii alia. quarto *occluserunt ora leonum*: ut Samson, David, Daniel. quinto *extinxerunt vim ignis*: ut Sadrach, cum sociis. sexto *anfugerunt aciem gladii*: ut David 1. Samuel. 18. & Elias 2. Reg. 1. &

alii. septimo *validi facti sunt ex imbecillibus*: ut David, Psal. 6. & 38. & Ezechias, Esai. 38. octavo *effecti sunt robusti in bello*: ut Iudices, & reges. nono *exercitus fugavit*: idem vers. 34. decimo *mulieres acceperunt ex resurrectione mortuos suos*, fide & invocatione per Prophetas, cum per Eliam, 1. Reg. 17. tum per Elisæum, 2. Reg. 4. Atque hæc de exemplis fidei Iudicum, Regum, & Prophetarum.

Quibus postremò adduntur *exempla fidei, temporibus Macchabæorum*: quæ, ex variis tolerantia crucis operibus, describitur, vers. 35. 36. 37. 38. Quæ ut promiscuè recensentur: ita, vel ad mortis genera; vel ad antecedentia mala, partim apprehensorum, partim elapsorum, referuntur: de quibus potissimum, 2. Maccab. cap. 5. 6. & 7. agitur. Cæterum de genuina, vers. 37. lectione controversia est; quæ examen necessariò requirit; ne, hac in re, imprudenter impingamus: nam verba illa (*ἡρεθίσθησαν, ἐπειράσθησαν διεσέχθησαν, tentati sunt*) communi codicum Græcorum fide conjuncta sunt hoc loco, & ita conjungenda esse, penè omnes agnoscunt interpretes. Contra verò, sententia est clarissimi Beza, cujus verba hæc sunt: *Ita in omnibus Græcis exemplaribus nostris scribitur: nec tamen possum aliter statuere, quàm ex margine irrepisse in contextum, ubi quispiam pro ἡρεθίσθησαν perperam annotavit ἐπειράσθησαν*. rationem autem subijcit primariam, his verbis: *quorsum enim istud de tentatione, post acerbissimum pœnarum capitalium commemorationem, quas etiam postea subjicit? altera ratio est, cum addit: sed istud non habet Syrus*. Verum huic persuasioni non immeritò omnium Græcorum codicum consensum, quem agnoscit, opponimus: siquidem ab eo non est recedendum, nisi rationes solidæ contrarium demonstrent: quales eæ non sunt, quas adducit: non secunda, quia Syra interpretatio, non est veritatis, contextus Græci authenticus, norma; sed contrà: nec prima ratio firma est, licet speciem aliquam habere videatur: nam in promissa perpeffionum variarum recensione, qualis hæc est, etiam minores majoribus interferri possunt, ut vel ex hoc loco demonstratur: quod inter *πυρρῶν* seu distensionem, (de quo v. 35.) & lapidationem, ac dissectionem, v. 37. interponitur pœna minor, non capitalis, ludibria, flagella, carceres, v. 36. non mirum est igitur, si similiter, v. 37. inter lapidationem, ac dissectionem, & occisionem gladio, tentatio, quasi minus tormentum, interponatur. Nec enim (ut ostendimus) in promiscua rerum narratione is ordo observatur, ut levius perpetuò præcedat, gravius sequatur: quemadmodum etiam, hoc ipso versu, dissectio corporis, lapidationi, & occisioni gladio (quæ minora sunt supplicia) interponitur. Deinde non quævis, ac levis aliqua tentatio intelligitur (ut loci circumstantiæ ostendunt, cum de fidelium, per tyrannos, afflictionibus agatur, & quidem imprimis Macchabæorum temporibus) sed gravissimæ, quæ non minus, quàm mors ipsa, fuerunt acerbæ, ac periculosa. Cujusmodi exemplum illustre est, 2. Maccab. 7. in septem filiis fratribus, & matre eorum, ab Antiocho, ad defectionem à religione, tentatis; partim flagellationis præviæ sensu, & horrendi cruciatus secuturi, ac mortis comminatione, v. 1. 2. cum 3. & 4. ut primus fratrum tentatus dicitur: partim horrendorum illius primi suppliciorum conspectu, & comminatione parium, ut in reliquis fratribus, ac matre, v. 4. 5. 6. 7. 10. & seqq. gravissima verò fuit postrema tentatio in fratre septimo, & matre illius, cum ad defectionem stimularentur; non solum antecedentium illorum suppliciorum (exsectionis linguæ, excoriationis & ustulationis) exemplo conspecto: & nisi deficerent, perpeffionis similis expectatione: sed etiam hortatione Antiochi, & juramento firmatâ promissione divitiarum, & amicitia regis, ac dignitatum, si deficerent, v. 24. 25. Quales tentationes, supplicia ipsis non sunt minores. Quemadmodum etiam persecutionum, ob religionem Christianam, tempore, & olim, & nostris temporibus, non paucos (quos nec suppliciorum, nec mortis acerbæ metus injectus, superare potuerat) accedentibus huiusmodi promissis, fuisse devictos compertum est. Quare non immerito huiusmodi tentationes, quæ mortem antecesserunt, capitalium suppliciorum catalogo, ab Apostolo interferuntur.

seruntur. Ac propterea Græca verba contextus sacri, hoc in loco corrupta non esse, in voce *ἡμετέριον*, satis apparet: neque conjectura alia ad eam rem est opus. Nam quod Doctiss. Beza ait: *quod si quis est conjectura locus, legendum putarim ἡμετέριον ustulati sunt*. Agnosco historiæ illi memoratæ ex 2. Maccab. 7. non minus, quàm vocem *ἡμετέριον tentati sunt*, convenire: sed, sine necessitate, à consensu omnium codicum, & à commoda sententia, recedere omnino non licet. Eademque de causa, quod ait Doctiss. Piscator: *cum utrimque circumstent verba, certum aliquod genus mortis significantia. probabile est, hic legendum ἡμετέριον, id est, cremati sunt. Quo verbo Homerum usum esse, refert Fran. Iunius*. illud, inquam, probabile non est: ob rationes antea allatas. Quibus accedit, quod vox illa, memoriæ vitio, Homero videtur attributa, cum nec veterum, nec recentiorum præstantissima lexica, ita verbum *πυγῶ* agnoscant, excepto Favorino Italo, qui in suo lexico, illud ex verbo *πυγῆτις* conjecit. Cæterùm observandum est, quod hæc vox *ἡμετέριον* sola ex illis, quas refert Favorinus, apud Homerum Odyss. 1. v. 328. extet.

Atque ita his jam explicatis, ac finitâ inductione exemplorum, ante Christi adventum fidelium, tandem comparisonem eorum cum fidelibus N. Test. Christianis, instituit: nimirum quod illi, *quamvis fides eorum commendata sit divinitus, nihilominus tamen non obtinuerint promissionem*, h. e. per Meton. adjuncti pro subjecto, rem promissam, nempe *αἰῶνος ζωῆς*, Christum exhibitum in carnē, & pro nobis mortuum, & suscitatum, v. 39. contra, *Dei providentiâ gratuitâ, nos feliciores sumus*, ob Christum promissum exhibitum, ut Luc. 10. 23. 24. Cujus causa additur: *ne absque nobis consummarentur*. Id quod intelligendum, ratione meriti Christi, non verò ratione applicationis: nam posteriore modo, Patres fideles, absque nobis, fuerunt consummati, utpote justificati, Rom. 4. vers. 3. 6. 23. 24. & vita æterna donati propter Christum venturum, & meritum solvendum, fide apprehensum: priori verò modo, nequaquam: quia redemptor nondum advenerat, ideoque promissum redemptionis pretium nondum solverat, v. 40. Atque hæc de cap. 11.

## С а р у т Д у о д е с и м у м.

**H**Actenus de digressionē Apostoli, qua fides descripta est, & exemplis fidelium V. T. illustrata: eorumque fides, cum nostra, ratione objectæ promissionis, comparata est. Unde Apostolus, strata jam viâ ad propositum regreditur, & hortationem ad perseverantiam in fide, & tolerantiam crucis, exemplo fidelium majorum, concludit, hoc sensu: *Cum plurimos habeamus, qui enumerati sunt, testes fidei, qui quasi nubes quædam nos circumstant: & laudabilibus exemplis atque imitandis nobis præeunt: Ergo debemus, omnibus impedimentis mundi, & carnis, superatis, in fidei & crucis stadio, decurrere constanter, v. 1.* Quibus exemplis Patrum, alterum deinde addit argumentum gravissimum, ab exemplo Christi, fidei ducis & perfectoris: partim exemplo suo, Matth. 16. partim doctrina & Spiritu suo S. qui fide, *propositæ gloriæ sibi*, ac nobis, ad eam consequendam, *pertulit crucem*. Hic autem observandum est, quod vox Græca *ἄρτι* (ut Latinis *pro*) aut significat *vice*, seu *loco*, ut Luc. 11. 11. aut *propter*, ac finem designat, ut Matt. 17. 27. *pro me & te*, id est, ut ego & tu à tributo, solutione ista liberemur. Hinc fit, ut in hac Apostoli sententia, quidā vocem (*ἄρτι*) exponant *vice*: quod sc. cum liceret ipsi Christo, frui gaudio, sine cruce (ut qui eam non merebatur, utpote sanctissimus) ejus tamen loco, crucem pertulit. Verum illud, & Dei decreto; & Christi officio; ac verbis ejusdem minimè congruit, Matth. 16. 21. Luc. 24. 26 17. Ideoque alii melius, (*propter*) interpretantur. Hæc autem perpassio, à consequente eventu, nimirum gloriæ sessionis ad dextram, amplificatur: in quo novum latet, ad constantiam, argumentum, ut 2. Tim. 2. 12. Hæc de v. 2. Cæterum, ut hoc, à fidei ac tolerantie Christi exemplo, argumentum sit illustrius, amplificat Apo-

stolus, comparatione personarum, & rerum perpeſſarum : ad quarum conſiderationem provocat ; ut conſtantes ſint in adverſis. Si perſonam ſpectes, Chriſtus filius Dei ſanctus fuit : ſin perpeſſiones, à peccatoribus contradic- tionem graviffimam pertulit, cum horrendis blaſphemiis, quibus, ab hominibus ſcleratis ( qui *καὶ ἐξ ὧν* pecca- tores dicuntur ) impetitus eſt, & ad mortem condemna- tus, & poſtulat; & in crucem tandem actus, & in cruce indigniſſimè proſciſſus eſt: ut Euangelicæ pluribus deſcri- bunt. hæc de v. 3. Contrà verò, ſi Hæbræorum conſidere- mus perſonas; peccatum habere dicuntur : ſi perpeſſiones, probris quidem, & afflictionibus agitati ſunt, Hebr. 10. v. 32. 33. ſed non ad ſanguinem reſtiſſe; ſeu non, quem- admodum Chriſtus, ſanguinem fuſiſſe oſtendit. Porro, omiſſis argumentis ab exemplis ſimilibus, alterius etiã ge- neris adjungit. Ac primùm, ab effectu utili, argumentum proponit: quod videl. crucis tolerantia, peccatum innatum, ſeu carnem, oppugnet: eoque modo crux non ſolùm cedat ad Euangelii deſenſionem, contra hoſtes illius, & ad Dei gloriam, ſed etiã ad carnem, ſeu vitioſitatem nati- vam, domandam, & ſalutem æternam conſequendam, v. 4. Alterum deinde argumentum peti- tum eſt, ab authoritate teſtimonii, & mandati divini, ex Prov. 3. v. 11. 12. Quo patientia afflictionum præcipitur, & confirmatur ratione, à cauſa afflictionem efficiente, Deo: cujus voluntati pare- re nos decet, verſ. 5. & ab efficiendi modo, ſeu à cauſa im- pulſiva antecedente, nempe dilectione illius, v. 6. Tertium argumentum, ab adjuncto, deſumptum eſt: quod afflic- tiones ſint notæ, ſeu ſigna, filiorum Dei, v. 7. & quidem per- petuæ, v. 8. Quartum argumentum eſt à comparatione mi- noris; nempe, caſtigationibus Patrum nos ſubjicimus; Er- go multo magis Dei caſtigationibus: quandoquidem illi ſunt per generationem corporum Patres: *Deus* verò per creationem *ſpirituum*, ſeu animarum noſtrarum *Pater* ap- pellatur. Qui locus diligenter obſervandus eſt, adverſus doctrinam, de animæ ex parentibus propagatione: nam hic diſertè diſtinguuntur Patres, à Deo, ab effectis: quod illi ſint Patres carnis, id eſt, corporis: Deus vero ſpirituum, id eſt, animarum Pater. Nam ſi animæ noſtræ à parentibus non minùs, quàm corpora generarentur: inepta hîc eſſet ſententia, & oppoſitio: ideoque dicendi eſſent Patres, & carnis & ſpirituum. Nec dici poteſt, *Patres carnis*, id eſt, carnales; *patrem ſpirituum*, id eſt, ſpiritualem intelligi: quia dicendum eſſet *Pater Spiritus*, ex noto Hebraiſmo: ſed dicitur *ſpirituum*. Qua in re Apoſtolus idem reponit, quod antea à Moſe propoſitum, qui ait, Num. 27. v. 16. *Deus ſpirituum, Deus omnis carnis*: qui ut initio ſpirituum in- didit corpori, Gen. 1. & 2. ſic idem eſt, qui dat ſpirituum omni homini, ut Eccl. 12. 9. *redit pulvis in terram, quemadmo- dum fuerat; ſpiritus autem redit ad Deum, qui dedit eum*. Ne- que etiã dici poteſt, *Pater ſpirituum*, id eſt, Angelorum; quia hoc alienum eſt à ſcopo Apoſtoli, & omninò ineptum: nam Apoſtolus, Deum, Patrem vocat, relatè ad nos homi- nes fideles, ut evincunt tres verſus antecedentes: ac pro- pterea locus hic clarior eſt, quàm ut eludi poſſit. Quintum porro argumentum eſt, ab eventu utili, nimirum vitæ æter- nâ, v. 9. ut etiã Matt. 10. 22. Porro quarti argumenti con- ſequentia, comparationis amplificatione, illuſtratur; & no- va, à fructu, ratione (quod ſextum eſt argumentum) con- firmatur: quod Patres quidem, pro ſuo arbitrio, quod falli poteſt, caſtigant; Deus verò ad commodum noſtrum, nempe ad ſanctimonix ipſius communicationem, v. 10. Septimum argumentum eſt, ab effectu, ac fructu, nempe tranquillitate, & gaudio conſcientiæ. Id quod, anticipa- tione quadam, declaratur: quod caſtigatio triſtitiæ videatur eſſe materia, ratione præſentiæ; ſed ratione fructus conſequentis, ſit gaudium & juſtitia, per eam comparata, v. 11. & Rom. 5. 3. Ex quibus omnibus argumentis Apo- ſtolus concluſionem inferit, ad conſtantiam & perfeve- rantiam in fide, & in cruce ferenda, ſervatis metaphoris antecedentibus ab athleticis, & curſoribus in ſtadio: ut 1. Cor. 9. v. 24. 25. 26. Ab athleticis quidem verſ. 12. cum hortatur, ut tanquam fortes athletæ, adverſus pecca- tum certantes, manus remiſſas, & genua ſoluſa ſurrigant;

**Kkk**

1. Sam:

1. Sam. 23. 16. Job. 4. 34. A cursoribus verò, ut rectas orbitas faciant, rectumq; cursum teneant: quod à fructu confirmatur, nempe ædificatione proximi, v. 13. Hisce subdit Apostolus hortationes alias. Primo, ad pacem cum omnibus colendam, pro virili, Rom. 12. v. 8. Verum, quia cum impiis plerumque coli non potest, nisi vitiis ipsorum assentiamur: Idcirco altera hortatione, colendę pacis circumstantiam, & modum adjungit, *sanctimoniam*. Ad eam autem stimulat, utilitate, & necessitate, ad videndum Deum in gloria cœlesti, v. 14. Tertia hortatio est, ad curam fidei, & salutis proximi: nimirum ut perspiciamus, *ne quis à Dei gratia*, oblato Euangelio, *desiciat*: ne hæresis, aut apostasia ulla, in Ecclesia, exoritur, cum damno multorum, v. 15. similes loci sunt, Act. 8. 33. Deut. 29. 18. Quarta hortatio est, ad *fugam scortationum*. Quinta ad *fugam profanitatis*, & contemptus gratiæ Dei. Cujus hortationis materia declaratur, simili exemplo; deinde forma confirmatur. Exemplum autem est Esavi, ex Genes. 25. 33. cujus impietas, & pœna, (tanquam hortationis ratio) describitur. Impietas quidem, quod *jus primogenituræ, edulio vendiderit*; & ita beneficium, & benedictionem Dei contemserit, v. 16. Quo etiam dicto Apostoli, vox Græca ἀντὶ βρώτης pro edulio, finem notat, nempe ut edulio potiretur: & vulgatus Interpres idcirco, non malè, vertit, *propter escam*. Pœna verò est; quod *frustra postmodum benedictionem repetierit: quoniam non invenit locum pœnitentiæ, quamvis cum lacrymis illam exquisivisset*, Gen. 27. 34. 38. Quæ verba variè accipi possunt: nempe, aut de pœnitentia Esavi, aut Isaaci. Illius quidem, ut vox *eam* referatur ad benedictionem, & Esavi pœnitentia intelligatur: quod ipse illius pœnitentiæ suæ locum non invenerit, apud Patrem, nec apud Deum: sed spes illi recuperandæ benedictionis præcisa fuerit; etsi cum lacrymis, pœnitentię indicibus, eam benedictionem quæsierit; siquidem lacrymæ illæ, ex damni dolore, & ex indignatione in fratrem, & patrem; non autem ex seriâ conversione ad Deum, fuerunt expressæ. Secundo, exponitur, ab aliis, hic locus, de Isaaci pœnitentia; quod ille sententiam, à se latam, de benedictione, ad Jacobum translata, non mutavit, Gen. 27. v. 33. 37. quamvis, cum lacrymis, illam pœnitentiam, seu mutationem sententię Esavus exquisivisset. Quæ quidem expositio secunda, cum voce (ἀντὶ) suavius construitur; prima tamen cum phrasi, nempe *pœnitentiæ locum invenire*, magis convenit, ut sensus sit: quod ejus pœnitentia (lacrymis licet conestata) rejecta sit: ut ea phrasis extat, Ephes. 4. v. 27. *ne date locum Diabolo*, id est, resistite: ut 1. Pet. 5. v. 9. Utraq; verisimilis est sententia, sed prior videtur præferenda. Hæc de materię hortationis declaratione, cui formę confirmatio subicitur: demonstrat enim nos debere profanum animum & contemptum Dei fugere, argumento ducto à gratiæ N. T. Euangelio acceptæ, magnitudine. Quam primo describit. secundo, ex ea hortationem concludit, & exaggerat. Descriptio autē aphæresin, & thesin continet: & N. Test. gratiam, & gloriam, Veteris majestati opponit. Aphæresis, seu remotio falsi est; quod non vocati sint, ad legis promulgationem audiendam à Deo, ut populo Israëlítico olim contigit: quod describitur ex c. 19. & 20. Exodi. Ac primum quidem à circumstantiis subjecti loci, nempe Montis Sinai contrectabilis, seu terreni. Deinde ab adjunctis terculamentis. Quorum primum est incensus ignis: quo signo, legis (peccata patefacientis, damnantis, & occidentis) opus notatum videtur: alterum est, turbo, & caligo; quo V. Test. obscuritas videtur significata. Præterea adjuncta describuntur, procellæ, & sonitus tubæ, & voces verborum Dei, terribiles. Quæ simul, cum igne, turbine, & caligine, ad metum incutiendum, & ad attentionem majorem, pertinebant. Cui consentit descriptionis altera pars, ab harum rerum effectu, nimirum terrore, primum populi, v. 19. & causâ illius subjecta, comminatione, v. 20. Deinde Moysis terrorem ostendit; qui pavorem suum initio confessus est, disertis verbis. Nam quod Moses, tubæ sonitu invalescente, locutus fuisse dicitur, Ex. 19. v. 19. illud post accidisse, ex hujus loci comparatione, apparet, expressis verbis, ex traditione, vulgò notâ, acceptis; & revelatione Dei confirmatis, v. 21. Quemadmo-

dum similia, licet à Mose non expressa, proponuntur. 2. Tim. 3. 8. Heb. 9. 4. ut ostendimus ibi. Atq; hæc de aphæresi, seu prima oppositionis parte. Sequitur altera, nempe thesis, seu veri positio: qua ostendit Apostolus, Hebræos fideles vocatos esse, per N. T. ad gloriosam, & lætam communicationem Ecclesiæ, & Dei, ac Christi. Ecclesiam autem describit, 1. illustribus nominibus: deinde partitione nervosa. Nomina autem sunt petita, ex usu Scripturæ, à typis, quibus Ecclesia, eleganti similitudine, olim fuit adūbrata. Sunt autem tria: primum est *Sion mons*: nam ut ille mons erat sedes arcis, ac regis Davidis, & regum Israëlitis: sic Ecclesia est Christi, regis Israëlitis spiritualis sedes, quam sibi elegit, & quam præsentia sua, per verbum & spiritum, gubernando in ea regnat: quemadmodum dicitur, Ps. 2. 6. *Ego unxi regem meum* id est, Christum) *super Sionem, montem sanctitatis meæ*, id est, Ecclesiam; ut Esai. 52. 7. *quam pulchri sunt pedes*, &c. sicut Apostolus explicat, Rom. 10. 15. Rom. 9. 33. 1. Pet. 2. 6. Hæc de primo nomine, quo Ecclesia, non sine pondere, insignitur. Reliqua verò duo, idem, inter se, notant, nempe *civitas Dei vivi*, & *Ierusalem cœlestis*: quod enim prius proponit, hoc distinctius exponit posterius. Nam civitas Dei vivi vocatur, similitudine ab urbe Hierusalem deducta: quæ *civitas Dei nostri*, Ps. 48. 2. & *civitas regis magni*, v. 3. & à Christo, Matt. 5. v. 35. nominatur. Ut enim ea erat structa in loco edito, ac munito, ex plurimarū ædium congregatione constans: quam Deus, ad templum, & cultum suum, & gratuitam præsentiam, secreverat: unde *civitas sancta* dicitur, Matt. 4. 5. Sic Ecclesia, Christo superstructa, est tanquam Petra, Matth. 16. & ex fidelium, qui domus Dei sunt, Heb. 3. 6. congregatione, constructa: in qua Deus, gratia sua, habitat, & colitur. Cum vero civitas Dei, & Ierusalem, vel propriè sic dicatur; vel impropriè per allegoriam: idcirco distincte Apostolus exponit, cum ait: *super cœlestis*: quemadmodum etiam, Gal. 4. v. 25. 26. distinxit. Hæc de nominibus Ecclesiæ: quibus illius partitio adjungitur, nimirum in Angelos, v. 22. & homines electos, Luc. 10. v. 20. & Phil. 4. 3. & spiritus, seu animas sanctorum in cœlis.

Cui communioni cum Ecclesia, additur communio Dei, quæ indicatur, cum *ad judicem universorum* (à quo, in lege ferendâ, populus fuit prohibitus, supra vers. 20.) *accessisse* dicuntur, nempe, sine terrore, per fidem, ut Rom. 5. v. 1. 2. Eph. 3. v. 12. Hæc de vers. 23. Denique Christi communio indicatur expressius, quod ad *N. Testam. mediatorem*, accesserint, *Iesum*; & quod *illius*, tanquam agni paschalis, *sanguine*, & satisfactione, per fidem, & spiritum, *aspergi*, ab excidio tuti sint. Id quod comparatione minoris elegantissimâ illustrat, quæ in Christi, & Abelis sanguine, diverso modo, consistit: uterque enim sanguis, per Metaph. quandam, certi quid, dicitur postulasse, ut causa impulsiva; sed magno discrimine: sanguis enim Abelis pœnam peccati Caini exegit, quod severæ justitiæ est: Christi verò sanguis peccatorum nostrorum remissionem postulavit, quod justitiæ est ob satisfactionem, pro nobis plenissime præstitam; & immensæ erga nos hostes, Rom. 5. v. 8. Eph. 5. v. 2. misericordiæ, v. 24.

Cui illustri oppositioni additur conclusio dehortationis, à profano Euangelii Christi contemptu. Eam autem hortationem exaggerat Apostolus, superioris oppositionis applicatione, per comparationem minoris: *si non licuit Moysi, in terris loquentem, impune contemnere: multò minus Christum, Dei filium, qui è cœlo nos alloquitur, per Apostolos, & Spiritum*, v. 25. Quæ consequentia confirmatur, descriptione omnipotentię Christi servatoris, ac judicis, ex effectis duobus. Primum est, *quod ejus vox tum* (id est, cum lex ferretur) *terram concussit*; ac promiserit per Aggæum Prophetam cap. 2. v. 7. *fore ut non solum terram, sed etiam cælum semel concutiat*. Quæ verba diversè accipiuntur, ab interpretibus. Quidam enim impropriè, per allegoriam, de statu regni gratiæ, per primum Christi adventum: quod nimirum voce Euangelii prædicati, terram (id est, homines, terræ incolas) commoturus esset, Actor. 2. v. 7. & cælum, id est, Angelos cœlestes, Eph. 3. v. 10. & 1. Petr. 1. v. 12. Alii verò propriè gloriæ regnum describi existimant, futurum ultimo die, per secundum Christi adventum, quo

quo cœlum, & terra concutientur, & mutabuntur: de qua re Matth. 24. 24. 2. Pet. 3. 10. 12. 14. Apoc. 6. 12. 13. 14. Quæ sententia etiam non incommoda. Neque obstat valde, quod Aggæus subjicit, promissionem, quæ ad primum Christi adventum, pertinet: quia Prophetæ ordinem temporum, in suis promissionibus, quibus aliquid confirmatur, non semper observant; sed interdum *επιλογισμῶν* quadam (seu ordinis rerum inversione) utuntur; ut ad rem propositam commodius transeant. Scopus autem Aggæi proximus est, consolari, & hortari structores templi secundi, ad fiduciam in Deum, & operis diligentiam, vers. 4. Ratio est ab omnipotentis Dei effectu, concussione cœli, & terræ, ultimo die: deinde à concussione omnium gentium per Evangelii prædicationem, qua venient ad templum secundum, id est, Ecclesiam Christianam, eo adumbratam, Esai. 2. v. 2. 3. & initio etiam ibidem congregatam, Act. 2. v. 5. & 46. & concussam animo, Act. 2. v. 12. Atque ita Prophetæ transit opportunè, ad scopum principale confirmandum: qui est, corrigere errorem Judæorum, qui ex specie utriusque templi externâ, secundi gloriam seu præstantiam, non esse conferendam, cum prioris excellentiâ, opinabantur. Cujus contrarium demonstrat, à vocatione omnium gentium. Quæ ut ad timorem constructionis templi tollendum proximè pertinet; sic etiam ad templi excellentiam spectat. Ideoque asserit vers. 9. *maiorē secundi templi gloriam*. Utraque autem interpretatio, fidei analogæ est; sed posterior magis consentanea huic loco: quemadmodum hanc promissionem exponit Apostolus, & ostendit sic mundum mutabilem concutiendum; ut succedat mutatus, & inconcussus & immutabilis. Unde concludit hortationem, ut futurum regnum inconcussum amplectamur fide, & gratiam seu favorem Dei retineamus: *per quam* (ut Heb. 13. v. 21.) *Deo gratè serviamus, cum reverentia, &, offensionis atque iræ Dei timore*, Philipp. 2. v. 12. Idque confirmat à causa timoris omnipotentis Dei, in contemptores severitate; *quia Deus noster est ignis consumens*. Qualis metaphora etiam Deuter. 4. v. 24. apparet. Ex hisce igitur constat, locum, qui ex Aggæo citatur, intelligendum de Regno, non gratiæ, sed gloriæ: nam regnum gratiæ, licet non pereat, variis tamen modis agitur ab adversariis: regnum verò gloriæ inconcussus, ac constans manet. Atque hæc de cap. 12.

## CAPUT DECIMUM TERTIUM.

**S**uperiori capite, ad fidem & pietatem, potissimum, hortatus est Apostolus: quibus alias admonitiones hîc subjicit. Quæ, partim ad secundam; partim etiam ad primam legis tabulam, pertinent. Prima enim est, ad charitatem fraternam, generalis. Fratres autem vocat fideles, per Metaphor. à fratribus naturalibus petita: quod videlicet Ephes. 4. v. 6. unum inter se habeant Deum Patrem: & Gal. 4. v. 26. unam matrem Ecclesiam, vers. 1. Proximæ duæ, ad charitatem pertinentes, sunt speciales: cum ad hospitalitatem, vers. 2. quam, ab eventu utili, hospitum præstantiâ, confirmat, exemplis Abrahami, Genes. 18. & Lothi, Genes. 19. tum ad *εὐμενίας* erga victos, & afflictos. Quæ hortationes, ad sextum Decalogi præceptum, pertinent, vers. 3. Tertia hortatio, ex septimo præcepto petita, obliquè proponitur, per commendationem ordinis conjugalis, ac castitatis; & per comminationem, qua exitum à Deo scortatoribus, & adulteris denuntiatur, vers. 4. Quarta hortatio est ad fugam avaritiæ, & ad animum suâ sorte contentum. Quam confirmat, primo, divini auxilii promissione ex Josu. 1. vers. 1. quæ licet speciatim Josuæ fuerit facta, usus tamen communis est: quia ratio, & causa illius communis est omnibus piis, quorum similiter, ut Josuæ, Deus est, vers. 5. secundò exemplo Davidis, vers. 6. petito ex Psal. 118. v. 6. Quinta hortatio, ex primò præcepto est, ad perseverantiam in vera fide, ad finem vitæ, exemplo pastorum fidelium, vers. 7. Quæ confirmatur à Christi (qui fidei nostræ objectum) stabilitate: quod *idem est heri, bodie, & in seculum*, hoc est, semper. Quomodo autem idem

maneat, variè exponunt: nonnulli enim ratione conservationis intelligunt, quod suis servis exitum salutarem tribuat semper: alii ratione adjunctæ doctrinæ salutaris, & fidei, nempe Christum unicum esse, constans, ac perpetuum veræ doctrinæ salutaris fundamentum, in quo acquiescere nos deceat. Id quod antecedentium, & sequentium circumstantiis aptius convenire apparet. Atque hæc hortatio amplificatur, contrariâ dehortatione à doctrina falsa: quam exemplo declarat superstitionis Judaicæ; qua præceptum, de discrimine ciborum mundorum, & immundorum, post Christum exhibitum, contentiosè urgebant: quasi illius etiam observatio, ad salutem esset necessaria. Cujus effectum declarat, negatione utilitatis spiritualis illius: quam, oppositione fructus gratiæ, amplificat vers. 9. Deinde explicatione damni, quod à Christi communione excludat; idque per analogiam typi Vet. Test. appositè demonstrat. Quod quemadmodum iis, qui olim in Vet. Testam. serviebant tabernaculo, in solenni anniversario expiationis sacrificio, Num. 19. v. 5. de hostia comedere non licebat: ita nec in Nov. Testam. de Christo, utpote hostia nostra expiatoria cæsa, non comedunt, qui cultui ceremoniali, Christo exhibitio, serviunt. Qualis etiam sententia extat, Galat. 5. v. 2. Idque probat Apostolus, eleganti, & continuata typi applicatione, & explicatione: nam *si quorum animalium sanguis inferebatur, pro peccato, quibuscumque, expiationum die, in sacrarium per Pontificem, eorum corpora exurebantur extra castra*, Levit. 17. v. 27. Ergo non comedebantur à Levitis, & sacerdotibus, qui in Vet. Tabernaculo deserviebant. Ex quibus, tanquam typo, sequitur, nec in Nov. Test. Christi, hostiæ expiatoriæ, corpus comedi ab iis, qui tabernaculo, id est, cultui, & ceremoniis legis, tanquam post Christum necessariis, serviunt vers. 11. ratio consequentiæ est ab analogia typi, & rei significatæ, quod quemadmodum servientes tabernaculo in Vet. Testam. eos, qui serviebant in Nov. adumbrarunt: ita hostia expiatoria, extra castra emissa, Levit. 17. v. 27. & Numer. 19. v. 5. Jesum, sanguine suo nos redimentem, extraque civitatis portam passum, denotat vers. 12. Unde digreditur jam Apostolus ad hortationem: qua, ad crucem Christi, exemplo illius ferendam, excitat vers. 13. de qua re cap. 11. vers. 26. & 2. Corinth. 1. v. 5. & Coloss. 1. 24. Idque confirmat à conditione nostra, quod simus peregrini, in mundo (ut Hebr. 11. vers. 13. & 2. Corinth. 5. v. 6.) cives verò cœli, Philipp. 3. v. 20. Deinde ut Christus non solum crucem tulit, sed etiam sacrificium obtulit: ita porro hortatur nos Apostolus ad sacrificia (quæ Vet. Testam. sacrificiis opponit) non expiatoria, & meriti, quale Christi solius est; sed eucharistica, & gratitudinis cum gratiarum actionis, ut Psal. 50. 14. & 23. 1. Petr. 2. 5. quæ per Christum mediatorem & Pontificem oblata sanctificantur, vers. 15. tum etiam beneficentiæ: quæ victimæ, ab adjuncta Dei probatione confirmantur, & legalibus sacrificiis abolitis, quæ superstitionis ab aliis commendabantur, præfert, v. 16.

Porro, ut vers. 7. ad fidei pastorum fidelium imitationem provocavit: ita hoc loco, ad obedientiam iis præstandam, extimulat, argumento desumpto, à curæ eorum præstantia, ac difficultate; & ab obedientiæ fine utili; & contrariæ inobedientiæ noxio, vers. 17. Deinde commendat se Hebræorum precibus: addita ratione à fidelitate sua, vers. 18. & illustratione materiæ precum, ut orent, pro restitutione, & liberatione Pauli, ex vinculis, quibus Romæ detinebatur, Hebr. 10. 34. Hæc de v. 19. & translatione Epistolæ.

Sequitur jam *conclusio*: quæ opportunissimè, primum votum Pauli, pro Hebræis, continet: quo declaratur, à quo, & quid voveat, seu petat. Is autem à quo vovet, est Deus Pater: quem describit, ut eo modo causas voti ostendat: primum, cum Deum pacis vocat, id est, pacis authorem; qui & nos inter nos, & sibi, per Christum conciliat. Id quod probat ab effectu suscitationis Christi, ut Roman. 4. vers. 25. Et Christum describit, ab officio triplici, prophetico, cum *pastorem magnum* vocat, 1. Petr. 5. sacerdotali, cum



cum sanguinis fœderis æterni meminit, regio denique, cum *Dominum nostrum* vocat. Atque ita elegantissima *ἀναμνησκόμενοι* summam eorum, quæ initio hujus Epistolæ proposuit, & postea fusè exposuit, complectitur vers. 20. Hæc de objecto voti, à quo vovit. Sequitur subiecta materia, quam vovet: quæ indicatur generatim, nempe ut *perficiat eos omni opere bono*, ut Philipp. 1. v. 6. 1. Thessal. 5. v. 23. Quod opus bonum illustratur à forma sua, nempe consensione cum Dei voluntate, seu mandato; & ab adjuncta Dei probatione; & causa efficiente

Christo, quia non solum cum Patre, & Spiritu suo, bonorum operum est author; sed etiam (quod hîc spectatur) maculas, (quas nos, per carnem nostram spiritui repugnantem, operi origine bono, aspergimus) satisfactione sua diluit. Quo etiam pertinet vers. 15. antecedens, & 1. Petr. 2. v. 5. Cui voto additur celebratio Dei consuetæ: & attextitur excusatio brevitatis; quod, pro materiæ præstantia, fusiùs hæc potuissent tractari. Reliqua, ad conclusionem Epistolæ pertinentia, familiaria, ac trita sunt satis: ac propterea finem hîc faciemus.

## APPENDIX

## DE FIDEI, PER QUAM JUSTIFICAMUR, NATURA.

**Q**Uoniam Apostolus copiosè, Hebr. 10. & 11. inprimis, de fide disseruit, non alienum fore existimamus, si ea occasione, duas de fidei natura quæstiones, ad hujus operis finem dilatas, breviter expendamus: ut eo accuratius veritas hujus doctrinæ intelligatur; & eo feliciter Pontificiorum erroribus ac strophis occurrere, eosque diluere valeamus.

## PRIMA QUÆSTIO.

*An fides, per quam justificamur, sit eadem actio, cum fide, qua credimus nobis per Christum remissa esse peccata?*

**D**E qua diversa sunt doctorum, qui contra Pontificios, justificationem merè gratuitam rectè agnoscunt, sententiæ. Quarum una affirmat: altera verò negat, & tanquam diversos habitualis fidei actus distinguit. Quam posteriorem non immeritò priori præferendam idcirco arbitramur: quod firmioribus longè nitatur argumentis. Quorum quædam in medium proferre, ac declarare conabimur.

Prima autem demonstratio hæc est: Fides remissionis peccatorum acceptæ non est antecedens conditio necessaria ad remissionem peccatorum accipiendam. Atqui fides per quam justificamur est antecedens, &c. Ergo fides per quam justificamur, non est fides remissionis peccatorum acceptæ. Propositio per se clara est: nititur enim hoc principio universali quod duo contradictoria eidem subiecto simul verè tribui non possint: contradictoria autem sunt, idem simul esse & conditionem remissionis peccatorum accipiendæ; & ejusdem acceptæ assensum: quod enim accipiendum est, id nondum est præteritum, sed futurum; quod verò acceptum est, illud non est futurum, sed præteritum. Assumptio etiam perspicua est per se, ex communi ac notâ, fidei, per quam justificamur, descriptione, variis Sacrarum Literarum testimoniis. Qualia hæc sunt: quæ primùm fidem eam ostendunt esse antecedentem conditionem ad remissionem peccatorum accipiendam, ut Act. 10. v. 43. *huic omnes Prophetæ testimonium dant*, &c. & 26. 18. Rom. 10. v. 10. Philip. 3. vers. 9. Galat. 2. vers. 16. *Nos etiam in Christum credidimus, ut justificaremur*. in quo loco notandus est fidei scopus, & fructus ordine executionis fidem consequens. Ideoque ex hisce perspicuè liquet, fidem, per quam justificamur esse antecedentem justificationis conditionem. Deinde necessariam esse, ex iisdem colligitur: quia modus, ac via remissionis peccatorum accipiendæ ita definitur; idemque expressè scriptura testatur, ut Joan. 3. v. 36. *qui credit in filium*, &c. & 8. 9. Hebr. 11. vers. 5. Ideoque & proposit. & assumpt. vera est, unde conclusionis veritas necessariò consequitur: atque ita perstat demonstratio prima.

Secunda verò hæc est: Id quod consequitur & oritur ex antecedente cognitione, & testimonio conscientie, quod viva fide, per quam justificamur, sumus præditi, illud non est fides viva, per quam justificamur. At fides; qua credimus remissa nobis esse peccata, consequi-

tur, & oritur ex. &c. Ergo ea non est viva fides, per quam justificamur: sed actus ab eo diversus. Propositio est firma, ex certo, ac concessio rectæ rationis, de oppositis, principio, quod ea idem esse nequeant: opposita autem perspicua sunt, idem sui ipsius esse antecedens simul & consequens: idemque ortum esse ex origine, & sui ipsius esse originem. Assumptio etiam verissima est: quia fides, qua credimus nobis remissa esse peccata, non oritur ex cognitione Evangelii, nisi accedat hujus fidei in nobis cognitio, ac conscientia: Evangelium enim generatim fidem vivam describit, & omnibus ea præditi remissionem peccatorum promittit: non autem sigillatim testatur, *me, te*, hac fide præditos; nec *mibi, tibi*, remissa peccata. Ideoque aliud præterea adesse oportet: hoc autem est ipsius credentis conscientia; per quam, ut Evangelii descriptione novit, quænam sit viva fides, & per eam remitti peccata; sic etiam eandem, cum Evangelii descriptione convenientem, sibi inesse videt: adeo ut divina Evangelii autoritate, & experientia certa, non autem opinionione nitatur: adeò ut qui viva fide credunt, sciant etiam se ita credere. Quo spectat illud Apostoli, 2. Cor. 13. v. 5. *Vos ipsos tentate, an sitis in fide*, &c. & 1. Cor. 2. v. 12. *nos verò non spiritum mundi accepimus; sed spiritum, qui ex Deo est, ut sciamus, quæ Deus nobis gratificatus est*. Quare, ex illa Evangelii promissione; & conscientie, Evangelio, & experientiæ nixæ, assumptione, conclusio necessariò sequitur: ergo ego accepi remissionem peccatorum: unde 1. Jo. 4. v. 14. dicitur: *per hoc cognoscimus nos in eo habitare, quod de Spiritu suo dedit nobis*: intelligit autem spiritum regenerationis, seu fidei & charitatis. & cap. 5. v. 10. *qui credit in filium Dei, habet testimonium Dei in se*. & vers. 11. *hoc autem est testimonium*, &c. denique Rom. 8. 16. *Ipse autem Spiritus testatur spiritui nostro*, &c. Et quemadmodum Paulus, de sua, & aliorum verè fidelium fide, ait: Galat. 2. v. 16. *nos etiam in Iesum Christum credidimus, ut justificaremur ex fide Christi*: sic deinde, ex hujus fidei suæ, & acceptæ per eam justificationis, conscientia, utrumque hoc proficitur, vers. 20. *Vivo per fidem Filii Dei, qui dilexit me, & tradidit semetipsum pro me*. Talem etiam remissionis peccatorum acceptæ fidem, per practicum hujusmodi Syllogismum, ex universali Evangelii, & particulari conscientie testimonio conclusum jam olim rectè descripsit August. tom. 9. tract. 22. in Ioan. his verbis: *Salvator loquitur, veritas pollicetur, ipse dixit mibi: qui audit verba mea, & credit ei, qui me misit, habet vitam æternam; & transitum facit de morte ad vitam; & in iudicium non venit*. (Hæc Syllogismi August. propositio est. Assumptio subjicitur.) *Ego audi vi verba Domini mei; credidi jam; infidelis cum essem, factus sum fidelis, sicut ipse monuit* (conclusio sequitur) *Ergo transi à morte ad vitam; ad iudicium non venio, non præsumptione mea, sed ipsius promissione*. Haët. August. Et quemadmodum Assumptio in syllogismo, ante à nobis proposita, ex conscientia certa constat, sic & hoc in loco: quemadmodum alibi Augustinus disertè se exponit. Nam tom. 3. lib. 13. de Trinitate cap. 1. ait: *Fidem porrò ipsam, quam videt quisque in corde suo, si credit*. Et paulò post; *ex motibus corporalibus, hominem sicut videndo didicimus, intuemur etiam cogi-*

## SECUNDA QUÆSTIO.

*An fides, per quam justificamur, (hoc est, quæ Evangelio ad remissionem peccatorum accipiendam imperatur) propriè sit fiducia remissionis peccatorum accepta?*

**Q**uidam affirmant: alii verò negant. Quorum sententiam, ut gravibus rationibus suffultam, non immerito comprobendam existimamus.

Demonstratio enim prima hæc est: Fiducia remissionis peccatorum acceptæ, consequitur, atque oritur ex fide remissionis peccatorum acceptæ. Atqui fides, per quam justificamur, non consequitur, nec oritur ex fide remissionis peccatorum acceptæ, sed eam antecedit. Ergo fides, per quam justificamur, non est fiducia remissionis peccatorum acceptæ. Propositio firma est, quia omnis rei acceptæ fiducia, rectâ ratione concepta, necessariò fidem illius rei præsupponit; quæ si absit, stulta omninò est fiducia: quis enim fiduciam ponat, in ea re accepta, quam non acceptam credit? Assumptio autem, in prima quæstione tractanda, demonstrata est; eandemque ampliùs confirmat Christi oratio, Matth. 9. v. 2. qui visâ fide paralytici, eum porro hortatur ad fiduciam; argumento, à peccatorum remissione facta: *confide, inquit, fili, remissa sunt tibi peccata.* & ibidem similiter vers. 22. *Confide filia, fides tua te servavit.* Quamobrem, ex verâ propositione, & assumptione, necessariò conclusio sequitur.

Altera demonstratio hæc est: Quod aliud genus habet, quàm fiducia; illud propriè non est idem. Atqui fides aliud genus habet, quàm fiducia. Ergo fides propriè non est idem. Propositio, rectæ rationis principio certo, ac confesso, innititur: nimirum, quod, quæ inter se genere differunt, non sint eadem: nam differre, quod est, non idem esse, sed aliud; & idem esse, quod est non differre, sunt contradictoria: quæ simul consistere nequeunt. Assumptio autem confessa est satis: quia ut omnis fidei genus est notitia, seu assensus; fiduciæ verò securitas adversus pericula; sic etiam specialis fidei in Christum, per quam justificamur, genus, (citra controversiam, ac communi consensu) est notitia veritatis verbi Dei, seu illius firmus assensus; fiduciæ verò remissionis peccatorum acceptæ genus est, adversus omnia mala securitas, & quidem talis, qua ex remissionis peccatorum acceptæ, & pacis cum Deo, notitiâ, in Dei ope intrepidè acquiescimus. Quemadmodum ea fiducia, ex causis, & effectis suis, egregiè describitur, Rom. 5. 1. 2. 3. & c. 8. v. 31. ad finem capituli.

Tertia porro demonstratio est hæc: Cujus subjectum est intellectus, non autem sola voluntas; illud propriè non est fiducia. Atqui fidei subjectum est intellectus, non autem sola voluntas. Ergo fides non est propriè fiducia. Propositio vera est; quia omnium consensu fiducia non est in intellectu, sed in sola voluntate; quia per se motus, atque affectus cordis, ac voluntatis est, atque ita ab omnibus definitur. Contradictoria autem sunt manifesta, idem esse in intellectu, non autem in sola voluntate: & simul non esse in intellectu, sed in sola voluntate. Assumptio etiam est vera, citra ullam controversiam. Nam licet quæstio sit, an fides sit partim in intellectu; partim in voluntate: illud tamen, omnium consensu, ex Scriptura, & generali fidei significatione, notum est: fidem esse in intellectu, non autem in sola voluntate. Quare conclusio, necessariò, ex verâ propositione, & assumptione sequitur: *fidem non esse fiduciam.*

Quarta demonstratio, qua prima, & secunda controversia, argumento eodem, rectè definitur, hæc est: Fides, quam Evangelium, ad accipiendam justificationem, mandat, est commune, ac debitum omnium hominum, tam reproborum, quam electorum officium. Atqui nec fides remissionis peccatorum acceptæ, nec fiducia illius, est commune, ac, &c. Ergo nec fides remissionis peccatorum acceptæ, nec fiducia illius, est fides quam Evangelium, &c.

Propositio firma est: quia quod Evangelium, citra discrimen reproborum, & electorum, omnibus hominibus mandat,

cogitando. Non sic videtur fides in corde, in quo est, ab eo cuius est: sed eam tenet, certissima scientia, clamatque conscientia. cum itaque ea credere jubeamur, quia id, quod credere jubemur, videre non possumus, ipsam tamen fidem, quæ inest in nobis, videmus in nobis. Et cap. 2. Suam igitur quisque fidem apud se ipsum videt; in altero autem credit esse eam, non videt, & tantò firmitus credit, quantò fructus ejus magis novit, quos operari solet fides, per dilectionem. Sic etiam paulò post subjicit Augustinus: Sed aliud sunt ea, quæ creduntur; aliud fides, per quam creduntur. Illa quippe in rebus sunt, quæ vel esse, vel fuisse, vel futura esse dicuntur: Hæc autem in animo credentis est, ei tantum conspicua, cuius est: quamvis sit in aliis non ipsa, sed similis. Non enim numero sunt una; propter similitudinem tamen, & nullam diversitatem, magis unum esse dicimus, quàm multas.

Atque hæc sunt duæ demonstrationes à nobis propositæ: quibus probatur, fidem, per quam justificamur, hoc est, quæ, ad justificationem accipiendam, Evangelio mandatur, non esse fidem, qua nos justificatos, seu remissionem peccatorum accepisse, credimus: sed actus esse duos diversos. Quod non solum Theologi Ecclesiæ reformatæ nonnulli insignes fatentur: sed etiam Lutheranus Theolog. Witteberg. Balthasar. Meisnerus, in 2. Philos. Söbriæ parte (cui Matthæus Hoë elogium præmisit) sect. 2. cap. 1. quæst. 7. idem tradit: qui, cum multa lubricè ea de re agitaſſet, tandem vi veritatis adactus, propositam à nobis sententiam comprobavit. Verba enim illius hæc sunt: quare distinguimus, inter fidem, per quam justificamur, & fidem, qua justificationem, seu remissionem peccatorum credimus. Fidei, per quam justificamur, objectum non est ipsa justificatio, ideoque hæc non præcedit, sed meritum Christi, quod utique tunc prius est. Fidei verò, qua credimus justificationem, seu remissionem, objectum est ipsa justificatio, quam fidem præcedere concedimus: sed eam intelligimus fidem, qua nos justos esse credimus: non per quam primum justificamur. Est enim hæc fides quasi reflexa, qua credimus nos credidisse: ideoque, hujus fidei reflexæ respectu, dicitur esse priorem, non inficiamur. Nam velut in intellectu recta, objectum intelligibile præcedit ipsam intellectionem: cum vero reflectitur intellectus, ibi ipsa intellectio fit objectum intelligendi, dum intelligo me rem intelligere. Ita quando fides justificat, tum objectum ejus nullum est aliud, quàm Christi justitia, quæ prior nostrâ fide, & propter quam apprehensam nos justificamur. Cum autem fides hanc ipsam justificationem apprehendit, adeoque quasi regreditur, & homo credit se credere; hæc fide justificatum esse: tum utiq; ipsa justificatio, vel remissio, sit objectum fidei: & hoc respectu præcedere rectè dicitur. Et paulò post subjicit Meisnerus, cum ait (scilicet Bellarmi. de Justif. cap. 10. ratione secundâ, contra quem agit) fides justificans præcedere debet justificationem: concedi hoc forte poterit: primus enim actus est meriti Christi apprehensio, quam ordine (dico ordine, non tempore, cum isto respectu omnia sint simul) sequitur imputatio, & remissio. Cum vero ait: fides, qua credimus peccata remissa, sequitur justificationem: & hoc largimur, nisi enim peccata remissa sint, credere haud possumus remissa esse. Quo pacto concedi posset totum argumentum: nempe fidem justificantem, qua credimus in Christum, non esse fidem, qua credimus factam remissionem peccatorum. Ut igitur concludam: hæc fides dupliciter consideratur: ut sit, & ut facta est. Respectu primo, simul est cum fide justificante, quia sunt relata: respectu verò secundo, sequitur fidem justificantem; sed præcedit fidem eam, qua credimus illam factam esse. Hæcenus Meisnerus. In cujus conclusione prius membrum alienum est: nam fides, quæ ad justificationem accipiendam Evangelio requiritur, de qua hîc quæstio est, ut non habet relationem ad remissionem peccatorum factam, ac præteritam, quemadmodum rectè fatetur: sic etiam neque ad præsentem, seu quæ sit, ut perperam statuit: sed ad promissam, ac fidei conditione prævia accipiendam, ut Actor. 10. v. 43. & 26. 18. Galat. 2. v. 16. credimus, ut justificemur. Licet enim simul ac quis fide viva præditus est, confestim justificatio secundum promissionem accipitur, ea tamen non accipitur nisi fides illa ordine prius existat. Atque hæc de prima quæstione. Sequitur

mandat, illud est commune, ac debitum eorum officium: est enim Evangelium, Dei verbum, cui mandanti obedientia debetur. Fides autem ad justificationem accipiendam est hoc, quod Evangelium omnibus hominibus citra discrimen, reprobis, & electis, mandat: ut videre est, Marc. 16. 15. & Ioan. 1. 7. Et Christus, Evangelii prædicatione, fidem non solum auditoribus electis, sed etiam reprobis mandavit, ut Capernaïtis, Ioan. 6. 27. 29. quorum tamen multos incredulos, ac reprobos esse norat; atque eo nomine increpavit, vers. 64. 65. & Judæ, proditori suo, non minus, quam aliis Apostolis Evangelium prædicat, quem tamen reprobum norat, ac declaravit, ibid. vers. 70. 71. Similiter Judæos illos, quos reprobos esse sciebat atque exprobrabat, Ioan. 12. compellans, fidem præcipit, vers. 36. Adeo ut appareat, unam, eandemque fidem, citra discrimen, reprobis & electis mandari. Quare propositionis veritas perspicua est: quam etiam deinde probat inobedientiæ reproborum erga Evangelium, seu quod ei non credant, iusta, ac divina, & accusatio, & condemnationis poena, *Accusatio* quidem, Ioan. 5. 38. & 8. 46. 47. poena vero *condemnationis*, Ioan. 3. 19 & 8. 24. & 2. Thess. 1. 8. Ubique autem inobedientia iusto iudicio accusatur, & damnatur: ubi contraria obedientia debitum esse officium liquet: ideoque propositio firma manet. Assumptionis autem veritas similiter ex eo constat: quod fides, & fiducia rei falsæ, non est debitum officium. Atqui fides remissionis peccatorum à reprobis acceptæ, & fiducia illius, est fides & fiducia rei falsæ. Ergo ea non est debitum reproborum officium. Hujus prosyllogismi major clara est. Nemo enim obligatur à Deo, aut ullo jure tenetur, ut credat mendacio; sed contrarium officium est, ut non mendacio, sed veritati credat. Minor quoque vera est: falsum enim omnino est ullos reprobos accipere remissionem peccatorum; quia nullus reproborum credit, aut credere potest, ea fide, quæ ad remissionem peccatorum Evangelio mandatur; ea enim *electorum fides* dicitur, Tit. 1. 1. & à Christo iis attribuitur, Ioan. 6. 37. reprobis verò, ab eodem, contrà negatur, ibid. v. 43. 44. 65. & 10. 26. Quamobrem cum demonstrationis quartæ, & propositio, & assumptio sit vera; conclusionis veritas inde necessariò constat: nec fidem remissionis peccatorum acceptæ, nec fiduciam illius, esse fidem, quam Evangelium ad justificationem accipiendam mandat.

Idemque de fiduciâ, à magnis Theologis, qui tamen fidem, per quam justificamur, fiduciam esse tradunt, in definitione fidei & fiduciæ, non obscure significatur. Cujus rei exemplum illustre, in egregio illo, quod omnium penè manibus teritur, explicationum Catecheticarum D. Zachariæ Ursini, edito opere, post locum communem de fide expositum, in thesibus de ea subnexis: thesi enim sexta, fides ita definitur: *Fides justificans est notitia quæ quis firmiter assentitur omnibus in verbo Dei sibi patefactis, & statuit promissionem gratiæ Dei, propter Christum, ad se pertinere: & fiducia hujus favoris Dei erga se, omnem tristitiam & metum superat.* ubi duas manifestè, ut & alii solent, fidei justificantis partes ponit. 1. notitiam verbi Dei; ad quam refert peculiariter, statuere promissionem gratiæ ad se pertinere: ac distinctè alteram subjicit, nimirum fiduciam favoris illius, hoc est gratiæ. Idemque ex hypothesi, seu sententia proximè sequentis thesi septimæ confirmatur: qua fiduciam illam, hoc modo, describit: *Est enim fiducia fidei justificantis motus voluntatis, & cordis, compositus ex lætitiâ, propter certitudinem præsentis gratiæ Dei erga nos; & spe futuræ liberationis ab omnibus malis.* Atqui, inquam, fides, per quam justificamur, non est composita ex lætitiâ præsentis gratiæ Dei erga nos; & spe futuræ liberationis ab omnibus malis. Ergo fides, per quam justificamur, non est fiducia illa. Assumptio patet: quia illa duo, lætitiâ & spes, sunt effecta fidei justificantis: quemadmodum in anteced. loco communi de fide, sect. 6 de priori testatur: *Effectus fidei justificantis sunt, 1. justificatio coram Deo: 2. lætitiâ acquiescens in Deo; & pax conscientiæ.* Rom. 5. v. 1. Id quod etiam, in hac descriptione fiduciæ propositâ, indicatur, cum ait: lætitiâ esse propter certitudinem præsentis

gratiæ Dei erga nos: certitudinem autem intelligit creditam: nam propter non creditam, lætitiâ recta esse non potest: Ideoque cum fides gratiæ seu justificationis, & pacis cum Deo, antecedit lætitiâ illam, tanquam causa illius, fiducia autem sit illa (ut ait) lætitiâ, sequitur: fidem gratiæ Dei erga nos præsentis, non esse fiduciam. Deinde spem effectum esse fidei, per quam justificamur, certum est, ex sententia Apostoli, Rom. 5. v. 2. Spes enim liberationis ab omnibus malis, citra controversiam, oritur primum ex fide liberationis, à Deo promissæ: qui enim non credit liberationem certam, illius spem habere non potest; *spes autem non putescit, quia charitas Dei* (scilicet erga nos) *effusa sit in cordibus nostris per Spiritum Sanctum nobis datum*, Rom. 5. 5. Cæterum illud obiter observandum est: fiduciam ex lætitiâ illâ, & spe compositam, dici quidem; sed non probari. Deinde fidem, per quam justificamur, non esse propriè fiduciam remissionis peccatorum à nobis acceptæ, communis eorum, qui contrà sentiunt, expositio evincit, cum fiduciam illam, fidei formam esse, asserunt. Atqui nihil est simul & forma rei & res per formam illam constituta: forma enim rei, illius causa est interna, ac pars primaria, rem constituens; res verò illa est totum quid, & effectum per formam illam formatum. Ideoque si fidei, per quam justificamur, forma sit fiducia, fides non est propriè fiducia. Hactenus ostendimus, fidem, per quam justificamur, non esse fidem remissionis peccatorum acceptæ, neque etiam fiduciam illius: sed utrumque antecedere, tanquam causam utriusque.

Reliquum jam est, ut scrupulos objectos privatim; & rationes, publicis multorum scriptis propositas, ad ampliorem rei intelligentiam, nonnihil expendamus.

Primus autem scrupulus ortus est, ex verbis quibusdam, in primæ quæstionis demonstratione secunda propositis. Ea autem sunt: Evangelium, generatim quidem, fidem vivam describit, & omnibus eâ præditis remissionem peccatorum promittit; non autem sigillatim testatur, *me, te*, hac fide præditum, *mibi, tibi*, remissa peccata. Objicitur autem contrà: quodcumque omnibus fidelibus promittitur, id etiam singulis, *mibi, tibi*, fidei, promittitur. Atqui remissio peccatorum omnibus fidelibus promittitur. Ergo etiam singulis *mibi, tibi*, promittitur. Responsio est, peccari ignorance elenchi: quia verba mea (*mibi, tibi*) de singularibus hominibus absolutè, & quidem sigillatim, hoc est, modo singulari loquuntur: quod scilicet Evangelium, ut nullibi dicit sigillatim, tu Luthere, tu Calvine, fide viva præditus es: sic etiam de illis absolutè, ac sigillatim, hoc est, singulari modo, non ait; tibi Luthere, &c. remissa sunt peccata; sed tantum relatè singulis ex hypothesi fidei, & modo etiam universali: notum enim est, hæc esse opposita philosopho; *καθ' ἑαυτὴν* aliquid dici, & *καθ' ἑαυτὸν*: & Latini, ut Cicero, aliisque, universale, seu generatim, & sigillatim dici, quæ de eodem, secundum idem, ad idem, & eodem tempore dici nequeunt. Neque hisce obstat, uti objicitur, Logicum illud dici de omni, nimirum quicquid dicitur de universali, id etiam dicitur de particulari, quod sub eo universali continetur. Nec enim ea illius dicti est sententia, quasi universalis enunciatio simul esset singularis; neque indicatur illud dictum de omni, esse tantum universalem enuntiationem; sed syllogismorum affirmantium principium, ac consequentiæ fundamentum notat. De qua re pluribus accuratior Logici, imprimis Zabarell. in operib. log. de quarta fig. cap. 6. qui naturalem syllogismum integrum esse tradit, ad quem artificiales dirigantur. Quo etiam principio dicti de omni, nititur practicus ille, cujus antea meminimus, Augustini de fide gratiæ à se acceptæ, syllogismus. Qualem etiam practicum syllogismum vocat, & describit Clar. Ursin. comment. in Esaïam. Nam, ad singularis conclusionis notitiam, non solum requiritur universalis propositio, in qua confusè latet; sed etiam per syllogismum singularis assumptio necessaria. Quemadmodum Aristot. anal. lib. 1. cap. 1. docet: *ignorata assumptione singulari, conclusionem de singulari illo, diverso modo sciri, & non sciri: sciri quidem, universaliter; non autem sciri, simpliciter: cum simpliciter nescitur, an sit.*

an sit. Qua de re, perspicua est eximii illius Zabarellæ, ad eum loc. illustrandum, explicatio; in qua tandem ait: *Conclusionis cognitio pendet etiam, ex cognitione minoris: igitur dum minor penitus ignoratur, quomodo potest conclusio esse penitus cognita? non est igitur perfectè cognita, sed imperfectè, & confusè, in majori universalis præcognita.* Hæc ille. Eademque est singularis illius enuntiationis ratio, *mibi, tibi*, remissa sunt peccata: quæ nullibi, in Evangelio, distinctè, ac sigillatim traditur: sed ex promissione Evangelii, tanquam propositione generali, & ex certa fidei nostræ, per conscientiam veram, assumptione singulari, singularis tandem conclusio. ex vi dicti de omni, rectè concluditur, ac discitur: contra quàm Pontificii contendunt. Idquæ etiam ex conclusione, quæ ex objecto dicto de omni deducitur, perspicuè apparet: cum dicitur, Evangelium igitur promittit sigillatim, non quidem explicite, sed implicite: quo modo proposita à nobis sententia confirmatur, & simul coneradictionem complectitur. Nam quod non explicite, sed implicite aliquid continet: quomodo id continet sigillatim? quia contrà, quod sigillatim continet, id maxime explicite continet: quid enim aliud est quàm modo singulari expressio, seu nominatim de me, de te? Atque hæc de primo scrupulo.

Secundus verò scrupulus hoc syllogismo proponitur: Quodcunque Diaboli generatim credunt, illud non solum generatim, sed etiam sigillatim *mibi, tibi* fideli, credere debeo; & per consequens, sigillatim mihi, tibi promittitur. Atqui remitti peccata, Diaboli generatim credunt. Ergo remitti peccata, non solum generatim; sed etiam sigillatim mihi, tibi fideli, credere debeo: & per consequens sigillatim mihi, tibi promittitur. Minor certa est ex Jacob. 2. Major etiam patet: secus enim fide, per quam iustificamur, non plus crederemus, quàm Diaboli; nec plus certitudinis in justificationis actu, de Dei misericordia haberemus, quàm Diaboli habent. Respondetur autem, paralogismum esse ignorationis Elenchi. Nec enim contradictoria iis, quæ à nobis posita sunt, conclusio infertur: non enim quæstio est inter nos, & aliter sentientes: an remitti peccata non solum generatim; sed etiam sigillatim, mihi fideli credere debeam? sed an Evangelium sigillatim testetur, me esse fidelem, mihi remissa peccata: Et, si ad primum controversiæ primæ statum spectemus: An fides, quæ, ad remissionem peccatorum accipiendam, Evangelio mandatur. sit fides remissionis peccatorum acceptæ; vel, an ad remissionem peccatorum accipiendam, debeamus credere nos remissionem peccatorum accepisse. Quæ, cum aperte contradictionem includant, verè affirmari nequeunt. Quod autem adjicitur conclusioni oppositæ: Et per consequens sigillatim mihi promittitur: meritò negatur consequi: quia fides, qua quis sigillatim sibi remissa peccata credit, non oritur ex sola Evangelii promissione, quæ generalis tantum est, non autem singularis; sed ex ea, tanquam propositione generali, nimirum credenti remittuntur peccata; & ex conscientia, de sua fide certæ, assumptione singulari, ego credo: Evangelium enim hoc fidei nostræ singularis testimonium nullibi tradit: sed vivam fidem describit; & eā præditos, remissionem habere peccatorum tradit. Ex cuius descriptionis notitiâ antecedente, sibi fidem vivam inesse, fide prædicti conscientia novit, atque assumit. Unde ex hoc bimbri antecedente, necessaria conclusio sequitur: Ergo mihi remissa sunt peccata, ut supra ostendimus. Ubi obiter observandum est, de propositione majori objecta, eam generalius positam; & haud dubiè, ex mente authoris, ita restringendam: quod Diaboli generatim credunt, scilicet verè; deinde de fidelibus: alioqui esse bifariam falsa. Cæterum hoc scrupulo expedito: quia fidei Diaboli, & illius, quæ Evangelio ad justificationem mandatur, ac debetur, facta est mentio: non alienum neque ingratum fore speramus; si hac occasione ad clariorem doctrinæ, de fide iustificante, notitiam, discrimen utriusque succinctè explicemus, priusquam ad alias difficultates procedamus.

Discrimen autem hoc consistit, primo in antecedentibus. secundo in causis. tertio in consequentibus. Fidei e-

nim, quæ ad justificationem Evangelio mandatur, antecedentia sunt, pœnitentia peccatorum, & liberationis ab iis, seu justificationis, ac salutis desiderium: prius ostendit Christus, Marc. 1. v. 16. *Pœnitentiam agite, & credite Evangelio.* & Apostolus, Actor. 2. v. 37. & res ipsa evincit: quia ubi pœnitentia peccatorum deest; ibi ira Dei, peccatis offensi, manet, & fides iustificans esse non potest. Contrà fides Diaboli, qua credit, à Deo, vivâ fide præditis hominibus, peccata remitti, caret omni prorsus pœnitentia antecedente: quia ab initio peccat perpetuo, Ioan. 8. 44. & 1. Ioan. 3. 8. Deinde alterum, in antecedente fidei, ratione adjuncti, discrimen est, quod fidem iustificantem præcedat desiderium liberationis à peccatis, ac sitis iustitiæ, Esa. 55. v. 1. Matth. 6. v. 6. Ioan. 7. v. 37. cuius exemplum insigne, Actor. 2. v. 36. Contrà verò Diaboli fides, illo desiderio liberationis à peccatis, ac siti iustitiæ, destituitur omnino; ut qui peccatis suis contumaciter delectetur; & certi sui exitii, ex disertâ atque auditâ Dei iudicis sententiâ, Gen. 3. v. 15. sibi conscius est. Id quod etiam dæmones falsi sunt, Matth. 8. 29.

Secundo in causis etiam fidei maximum utrimque discrimen: Ac primo quidem in efficiente, ac modo illius. Fidei enim iustificantis efficiens causa non est solum externum Dei verbum, quod fidem suadet; sed etiam, ac præcipuè interna Dei per Spiritum Sanctum. revelatio: quæ persuadet, ut Evangelio credamus, Matth. 11. v. 25 & 16. 16. & quidem per regenerationis gratiam, Joh. 1. v. 12. 13. Eph. 2. v. 8. 10 & 1. Pet. 1. v. 3. & 23. Qua regeneratione per Sp. S. ut vivâ fides in mente; sic charitatis donum in corde inditur, vinculo indissolubili, firmiter utrimque radicata fide. & charitate, quæ manet, non perit, Luc. 8. v. 14. & 1. Cor. 13. v. 8. 13. & 1. Ioan. 3. v. 9. quemadmodum homo renatus, seu novus, utroque hoc fidei, & charitatis dono, describitur, Jer. 31. 33. 34 & Ezech. 16. v. 26. 27. Hebr. 8. v. 10. 11. & 10. v. 16. Ephes. 4. v. 23. 24. & 1. Pet. 1. vers. 21. 22. 23. Contrà verò fidei Diaboli causa efficiens, non est interna Sp. S. revelatio, sed evidens externum, atque immediatum Dei loquentis verbum, in promissione Christi, Gen. 3. v. 15. de semine mulieris caput serpentis contrituro, id est, Jesu Christo, per mortem suam imperium, & vires Diaboli abolituro, & fideles liberaturo. Hebr. 2. v. 14. deinde, post Christum exhibitum, accessit Dei patris, de Christo, verbum immediatè, Mat. 3. v. 16. *Hic est filius meus*, &c. & immediato Dei verbo accesserunt etiam mediata revelationes externæ, de Christo servatore: quas, à Deo, per sanctos ministros, processisse, minimè ignoravit: quales sunt per angelos Dei sanctos, ut Genes. 22. v. 17. cum Act. 3. v. 15. & Luc. 1. v. 31. 32. & 2. v. 10. deinde per omnes Prophetas sanctos, Actor. 10. v. 43. Deinde Diaboli fides multò minus existit per regenerationem, ac sanctificationem: quia charitatem non habet, sed perpetuum Dei, & hominum odium, Johan. 8. v. 44. unde meritò Satanæ, Mat. 4. v. 10. id est, inimicus, & adversarius noster, 1. Pet. 5. & *αἱ ἐξ ὧν ὁ πονηρὸς ὁ ὄφεις ὁ δράκων ὁ ὀφθαλμὸς τοῦ δράκοντος* malus ille, Mat. 6. 26. appellatur. Secundum causæ discrimen, in forma diversa consistit: quia fides iustificans, effectiva est per charitatem, Gal. 5. v. 6 & 1. Tim. 1. v. 5. Contrà Diaboli fides, non est effectiva per charitatem; sed odio Dei, & salutis humanæ conjuncta, 1. Pet. 5. v. 8. Tertium causæ discrimen est in fine: nam fidei, quæ Evangelio ad justificationem præcipitur finis est, ut ea præditus iustificetur, & servetur: hic enim finis est, & ratione Dei mandatis, ac dantis fidem, Ioan. 20. v. 21. & 1. Pet. 1. 9. & ratione hominis credentis, Gal. 2. v. 16. Contrà verò finis fidei Diaboli, non est ut iustificetur, & servetur per Christum; qui certò novit, eum esse suum, & Angelorum ipsius, seu dæmonum adversarium, & severum iudicem; à quo ad æternam damnationem sit destinatus, & damnandus, Gen. 3. v. 15. & Mat. 25. v. 41. unde etiam dæmones, Mat. 8. v. 29. & fidem suam de Iesu, ut Christo, & filio Dei; & odium illius simul sunt professi: seque certò damnandos agnoverunt, hisce seqq. verbis: *an venisti huc ante tempus, ut nos torqueres?*

Denique non solum antecedentibus adjunctis, & causis, K k k 4 fides,



fides, per quam justificamur, à fide Diaboli differt; sed etiam consequentibus effectis: nam fidei, per quam justificamur, effecta omnia sunt bona, utpote ad credentis consolationem, aliorum utilitatem, & Dei gloriam pertinentia: nam primò, effectum illius est, conscientia fidei, quod credimus secundum Euangelium, & fidei nostræ sensum, remissa nobis esse peccata, nosque hæredes esse vitæ æternæ, Joan. 3. v. 36. Rom. 10. v. 10. 1. Cor. 3. v. 12. deinde confessio gratiæ Dei, per Christum acceptæ, 2. Cor. 4. v. 13. & invocatio Dei, Rom. 10. 14. tolerantia persecutionum, & gaudium spirituale, Rom. 5. vers. 3. excitatio spei, v. 2. & operum charitatis, Gal. 5. v. 6. Contrà verò fidei Diaboli effecta omnia, per accidens desperatæ illius malitiæ, sunt mala: ut primò, in ipso horror conscientiæ, Jac. 9. v. 9. quod ut Euangelio fidelibus salus parata; sic à vindice fidelium, Christo iudice, ignis æternus ipsi & Angelis ipsius præparatus est, Matth. 8. v. 29. & 25. 41. deinde, per accidens, effectum alterum est: quod odiosè veritatem Evangelii, ad Dei gloriam, & hominum fidem & salutem, partim dolo, 2. Cor. 11. v. 13. & 14. partim vi oppugnat, 1. Petr. 5. 8. & Eph. 6. v. 10. 16. Quare ex hisce discrimen manifestum est, inter fidem, per quam remissio peccatorum obtinetur, & Diaboli ac dæmonum fidem. Unde similiter (ut strictim hoc moneam) discrimen quoque, à fide temporaria, facile colligi potest: inprimis verò ex causa efficiente, & forma, utrimq; discrepante: nam licet, revelatione veritatis Evangelii per Sp. S. inter se conveniant; modo tamen revelationis differunt: quod fides justificans sit data per regenerationem, & renovationem: per quam non solum verbum Evangelii, ut verum, à mente recipitur, sed etiam radicitur, ac firmiter, Sp. S. vegetantis, & conservantis gratia recepta, permanet, 1. Ioan. 3. 9. & Luc. 8. v. 15. Contra fides temporaria est hominis non regenerati; sed qui, instar petræ, exsuccus est, & ad semen Evangelii retinepsum, & radicandum, ineptus est: ideoque fides illa humore alente & radice carere, atque exficari, ac deficere dicitur, Luc. 8. 6. & 13. Deinde ut fides, per quam justificamur, per regenerationem datur (quæ regeneratio est intellectus per fidem, & voluntatis, per charitatem, & spem, renovatio) sic inde fit, ut fides justificans sit viva, seu, per charitatem, & spem, effectiva, ut supra ostendimus. Contrà verò fides temporaria, quoniam à regeneratione separata est, idcirco mortua est, & efficaciam antè dicta destituitur: qualis propterea, Jacob. 2. v. 20. 26. mortua appellatur. Sed hæc breviter, atque obiter. Reliquum est, ut, ad scrupulos alios objectos, procedamus. Quædam enim obijciuntur argumenta, quibus probari putatur, fidei, per quam justificamur, seu quæ ad remissionem peccatorum Euangelio præcipitur, formam, esse fiduciam remissionis acceptæ.

Sic enim primum differitur: Quodcunque in Scripturâ fidei æquipollet, & cum ea reciprocari potest, illud est fidei forma. Atqui fiducia in Scripturâ fidei, &c. Ergo. Resp. autem propositionem majorem, sine ulla probatione (quasi certam, & extra omnem controversiam positam) proferri: cum tamen falsa omnino nitatur hypothesis: quasi, id omne, quod æquipollet rei alicui, & cum ea reciprocari potest, esset forma rei: cum contrà quod tale est, forma rei esse non possit: ut supra ostendimus. Ac certum est, quod definitio æquipollet definito, & cum eo reciprocatur: & divisio æquipollet suo diviso: & tamen neque definitio definiti; neque divisio divisi forma est. Sic etiam fidei definitio æquipollet fidei, & cum ea reciprocatur: neque tamen illius forma dici potest. Quare, ex falsâ propositione, conclusio vera rectè inferri non potest: ideoque syllogismus hic corrui. Deinde assumptio similiter falsa est, ut, ex demonstrationibus supra positis, constare potest. Neque probatio, quæ adfertur, firma est: nam quod primo dicitur, minor probatur, ex Ps. 78. v. 22. Joa. 16. 33. 2. Cor. 1. v. 11. 15. Gal. 5. v. 8. Heb. 3. v. 6. Heb. 10. v. 22. ubi dicitur *πιστοειν* fiducia fidei, per hypallagen Hebræorum; quo id, quod epitheti, seu prædicati loco est, præcedit: unde rectè inferitur, fides est fiducia. Resp. hic duplicem contineri errorem: primus est conclusionis, in

qua ignoratione elenchi peccatur; nec enim quod concludendum erat, sed aliud, reipsa, inferitur: nam minor erat concludenda (fiducia in Scripturâ fidei æquipollet) contrà verò aliud inferitur: fides est fiducia: deinde ambiguitas etiam est in voce *fiduciæ*, observanda: aut enim accipitur propriè, aut impropriè: impropriè quidem, per Me-ton. effecti, pro causa efficiente: ut nihil aliud sit, quam causa efficiens fiduciæ: quemadmodum, illo sensu, in descriptione fidei, accipi solet: similis tropus est, 1. Ioan. 5. v. 4. *fides nostra est victoria*, id est, causa victoriæ, ut proximè sequentia verba exponunt, cum additur, *quæ vincit mundum*. atque hoc modo, hac voce accepta, nullus omnino erit elenchus; nihilque, ad rem controversam probandam, pertinebit: aut *fiduciæ* vox propriè accipitur: atque ita quidem sententiæ, à nobis initio positæ, (qua statuimus fidem non esse propriè fiduciam) adversatur: sed tamen, à minori propositione, quæ hîc concludenda erat, aliena est, & à scopo proposito aberrat: nec enim si fiducia propriè de fide prædicaretur, idcirco ei æquipolleret: quemadmodum fides est notitia, seu assensus veritatis Evangelii; & tamen assensus ille non æquipollet fidei. Hæc de errore consequentis, seu conclusionis. Alter error est antecedentis, quo dicitur: minorem (nempe fiduciam in Scripturâ fidei æquipollere) probari ex locis citatis. Verum ea hoc minimè demonstrare ex singulis patebit. Primus enim locus est ex V. T. ex Ps. 78. v. 22. *Quia non crediderunt in Deum, & in salute ejus, non בָּטְחוּ*. Resp. autem hoc dictum nihil probare certi: quemadmodum enim Hebræum verbum *בָּטְחוּ* interdum *fidere* significat, interdum *sperare*: sic etiam nomen *בָּטְחוּ* modo *fiduciam*; modo *spem* notat: ut Ps. 16. v. 9. ea vox ab Apostolo, Act. 2. vers. 26. *spes* exponitur: & hæc significatio circumstantiæ hujus loci, Ps. 78. de quo agitur, convenit: nam ut fides, & spes in Deum, duæ sunt virtutes, conjunctæ, & distinctæ, ut 1. Petri. 1. v. 21. & 1. Cor. 13. vers. 13. sic in utramque Israëlitarum peccarunt, ut circumstantia loci, & narrationis scopus ostendit: quod non crediderint, Deum posse ipsis cibum præbere in deserto; sed desperarint de salute sua v. 19. 20. & scopus narrationis est, ut posterius eorum in Deo spem suam ponant, v. 7. Ideoque & Græci interpretes *ἐλπίσαντες*: & Hieron. Pagninus, Vatablus, & alii, *speraverunt*, interpretantur. Quare hoc loco nihil agitur, de fiducia. Deinde licet quidam *fidere* interpretentur; idq; concederetur: inde tamen non sequitur, *credere* & *fidere* æquipollere, quod probandum erat: cum expresse hæc duo, hoc in loco, distinguantur: unde enim probabitur, hæc esse synonyma? hoc enim sensu, duo vitia, in Israëlitis arguentur, incredulitas in Deum, & quæ inde nascitur diffidentia salutis. Quare hic psalmi locus, minorem, nempe fiduciam in Scripturâ fidei æquipollere, nequaquam probat. Quemadmodum nec reliqua dicta, quæ è N. Test. ad eam rem adducuntur. Eorum enim primus est locus, Joa. 16. v. 33. *Hæc locutus sum vobis, ut in me Pacem habeatis: In mundo oppressionem habebitis; sed si in me confidite, ego vici mundum*. Verum nihil ad rem, quia hîc nulla fit fidei mentio: neque hinc probari potest, fiduciam fidei æquipollere; sed potius pacem habere in Christo (id est in ipso acquiescere) & *confidere*, idem hic notare: cum pax illa conscientiæ, in rebus adversis sit non fides ipsa, sed fidei effectum, Rom. 5. v. 1. 2. 3. indeque contrà potius sequitur, fiduciam fidei non æquipollere. Alter locus est, 2. Cor. 1. v. 16. *itaque hac fiducia (πιστοειν) volui ad vos venire*. Sed minorem etiam nullo modo probat: scilicet fiduciam fidei æquipollere: neque etiam fidem esse fiduciam. Probabilius, fiduciam pro spe accipi, dici posset, ut locorum collatio, hoc cap. indicare videtur: cum illa duo verba, inter se, in eadem re describenda, permutentur: nam ut v. 6. dixit Apostolus, *spes nostra firma est de vobis*: sic v. 15. *et hac fiducia (nimirum quod vos estis gloriatio nostra, vers. 14.) prius volui ad vos venire, & ut v. 9. dicitur, ut confideremus, &c. in Deo*: sic v. 10. *in quo speramus*: aded ut affines affectus, aut iidem, permutatione vocum, intelligantur: non autem fides, licet ex ea oriantur. Tertius N. T. locus est, Gal. 5. 2. *in quibus non est ex eo, qui vos vocat*. Sed neque eo minor proba-

probatur: nempe, fiduciam fidei æquipollere; neque etiam fidem esse fiduciam: *πεισμον* enim *persuasionem* tantum notat, & quidem hoc loco falsam, de circumcisionis, ad justificationem, & salutem, necessitate. Neque idem est quod *πιστις* *fiducia*, licet ab eodem themate oriatur: sed, uti diximus, *persuasionem* notat: ut & vulgatus & noster interpretes verterunt. Neque, si notaret, minor probaretur. Quartus locus est Hebr. 3. v. 6. *Cujus domus sumus, si tamen iustitiam fiduciam, & spem illam, de qua gloriamur, ad finem usque firmam retinuerimus.* Sed neque hoc dicto minor probatur: neque etiam fidem esse fiduciam: primo quia *πιστις* proprie non *fiduciam*, sed *loquendi libertatem* notat: *πιστις* enim à *πίς* & *ῥις* quasi *πρῆστις* dicitur, ut rectè Henr. Stephan. in Græcæ linguæ thesauro, notat, & propriè, (ut dictum) loquendi libertatem significat, ut nihil subtrahatur, & occultetur: ut idem Steph. illustribus Demosthenis, & aliorum sententiis, probat: quemadmodum etiam Chrys. 2. Cor. 3. v. 12. eleganter, & consentaneè exponit. Quia verò loquendi libertas ex fiducia, oriri solet: idcirco in N. Test. interdum per Meton. effecti, pro causa, fiduciam notat. Etsi Hebr. 3. probari non potest, eam vocem improprie pro fiducia accipiendam esse; cum propriæ significationi nihil obstat, sed ei optime conveniat. Ideoque Beza, in major. annot. *loquendi libertatem*, hic interpretatur: atque, sic vocari fidei effectum illud præstantissimum, quo fit, ut clamemus *Abba Pater*: & Hebr. 10. 35. τὴν *πιστιν* interpretatur, *liberam illam professionem*. Nec enim hac voce significatur fiducia, vel confidentia, in animo duntaxat concepta; sed libera, & ingenua professione testata: quam v. 23. vocavit *ἐμολογίας ἀκλήν*. Quæ interpretatio, Heb. 3. accommodatissima est: quemadmodum libera professionis Evangelii, & fidei necessitatem sæpius in hac Epistola inculcat. Deinde etsi hoc loco fiduciam notaret: inde tamen non probaretur minor, nempe. fiduciam æquipollere fidei; neque etiam fidem esse fiduciam. Quintus locus, Hebr. 10. vers. 22. *accedamus cum vero corde, & πληροῖα πίστεως*, similiter nihil etiam ad rem objectam conducit: nec enim *πληροῖα* proprie fiduciam, sed si etymon spectemus *plenam lationem* notat, qualis navium, cum ventis implentur vela secundis: unde *πληρεῖς ἀνέμου* Home. Odyss. λ *ventus vela implens*. quod Suidas exponit *πῶρος ἀνέμου* ὁ πληρὸν τοῦ ἀνέμου. secundus ventus, qui velum implet. Unde per Metaph. ad rei illius, cui adjungitur, plenitudinem, & firmitatem indicandam, transfertur: quemadmodum Hesychius rectè, in laudato suo lexico, exponit, *πληροῖα βαβάτης*. Atque ita diversis vocibus, eodem sensu, adjungitur: ut intelligentiæ, spei, fidei: quemadmodum Col. 2. vers. 2. *πληροῖα τῆς συνέσεως*, Hebr. 6. v. 11. *πληροῖα τῆς ἐλπίδος*, & in loco nobis objecto, cap. 10. v. 22. *πληροῖα πίστεως*. In quibus locis *firmitatem*, aut *plenitudinem* (ut vulgatus interpret non malè transtulit) designat: ut firma, vel plena intelligentia, spes, fides intelligatur. Adeo ut *πληροῖα πίστεως* nihil aliud sit, quàm quod Col. 2. v. 5. dicitur *σεβόμενα τῆς εἰς χριστὸν πίστεως* *soliditas*, seu *firmitas fidei in Christum*. Unde per Synecdo. generis pro specie *πληροῖα* firmam, vel plenam fidem, aut persuasionem notat: ut 1. Thessal. 1. 5. *ἐν πληροῖα πολλῇ*; quemadmodum verbum *πληροῖα* notat *plenam fidem facio* (ut Henr. Steph. in concordantiis N. T. Græcis rectè observat) ut 2. Tim. 2. 5. hinc *πληροῖαί μου plena fides mihi facta est*, ut Luc. 1. v. 1. Rom. 4. vers. 21. & 2. Tim. 4. v. 17. sic Rom. 14. v. 5. Atque hæc omnia sunt loca, in quibus *πληροῖα*, & *πληροῖα*, & *πληροῖα* extant in Scriptura: neque ullibi fiduciam notat, ut ostendimus. Obiter autem observandum videtur, quod vox *πληροῖα* usurpatur à Græcis interpretibus, alicubi, pro *plenum esse*, ut Ecclesiastis 8. 11. ad malum faciendum *ללא*, id est, *plenum est cor*: Græci autem interpretantur *πληροῖα καρδία*. Deinde etsi fingeretur *πληροῖα* cum additur vox *πίστεως*, significare fiduciam, inde tamen non necessariò sequeretur, fiduciam æquipollere fidei: quasi ea phrasis, per appositionem grammaticam, & expositionem, deberet intelligi: sed potius, ut effectum, & causam illius notaret: sicut *justitia fidei* Rom. 4. vers. 11. expli-

cata est c. 3. 22. *justitia per fidem illius*. Ac propterea quintus hic locus ex Epistola ad Heb. 10. vers. 22. petitus, de *πληροῖα πίστεως* agens, minorem non probat: neque etiam rectè ex eo infertur, fides est fiducia. Sextus locus ad minorem probandam objectus, est Hebr. 11. 1. *fides est hypothesis rerum, quæ sperantur*. Qui locus; quasi palmarium argumentum, obtendi solet, sed frustra. primo, quia nullà hic certa fiduciæ mentio: ideoque inde probari non potest, fiduciam fidei æquipollere: nam *ὑπόθεσις* proprie *subsistentiam* ex etymi ratione, & doctorum consensu, significat: unde per Metonym. pro basi, seu fundamento, quod structuræ subest, seu subsistit, accipitur: ut apud Diodor. Siculum Bibliothecæ historiæ lib. 1. pag. 60. editionis Wecheli *ὑπόθεσις τῆς ταφῆς sepulchri fundamentum*. Atque eo spectat Calvinii interpretatio, Hebr. 11. vers. 1. in comment. *fides, inquit, est hypothesis; id est, futura, vel possessio in qua pedem figimus*. Et paulo post: *fides subsistentia vocatur rerum, quæ in spe adhuc posita sunt*. Sic. P. Martyr in comment. 1. Corinth. 13. v. 3. adducens locum Heb. 11. vers. 1. de fide ait: dicitur *ὑπόθεσις* quæ est basis, vel existentia rerum, quæ sperantur. Et Ursinus, explic. Catecheticarum, loco de fide, sect. 3. ait: dicit Apostolus, fidem circa res sperandas *ὑπόθεσιν*: fides, inquit, est *ὑπόθεσις*, seu subsistentia bonorum sperandorum, id est, illud, quod facit, ut extent, quæ sperantur. Qua in re, versionem & sententiam Beza secutus est: ut Beza Græcum scholiasten Oecumenium, cujus expositionem elegantem describit plenius: addo etiam Chrys. cui Oecumenius consentit. Erasmus autem in annot. *ὑπόθεσιν* dixit *certitudinem*, & id, cui aliquid innititur. Atque hæc *subsistentiæ* vox egregiè fidei, & huic loco & scopo convenit, si eam vocem pro futura, seu fundamento, cui res speratæ innituntur; si eam pro eo, quod rem speratam extare facit, accipiamus: nam quod objicitur, vocabulum *ὑπόθεσις*, non per *subsistentiam*, sed per fiduciam reddendam esse: id solidis rationibus (quæ obtinentur) non probatur. Prima ratio est, quia semper apud Paulum fiduciam significat (intellige aliis in locis, alioquin, si universè acciperetur, petitio principii esset, & controversum argumenti loco poneretur) id; inquam, meritò negamus: Neque tribus, quæ citantur, locis, demonstratur: quæ sunt 2. Cor. 9. v. 4. & 11. v. 17. Heb. 3. v. 14 quia quartus omissus, Hebr. 1. vers. 3. ubi certo *subsistentiam*, & quidem personalem, seu personam notat: ideoque argumentum corrui. Deinde etiam si hic locus abesset, necessarium non est, ut illis tribus locis fiduciam intelligamus: nam quod 2. Cor. 9. v. 4. dicitur *ἐν τῇ ὑπόθεσιν ταύτῃ τῆς καυχῆς*, id quod repetitur, 2. Cor. 11. v. 17. quid vetat, quo minus interpretemur, *in subsistentia*, id est, *substantia ista gloriationis*, seu constanti ista gloriatione. Tertius denique locus Heb. 3. v. 14. *si modo firmum tenuerimus principium τῆς ὑποθέσεως*, non fiduciam necessariò significat, sed potius *subsistentiam*, seu *constantiam*, quam initio exhibuerant in fide, spe & libera confessione veritatis, intelligit. Hinc Beza interpretatur *principium illud, quo sustentamur*; non autem fiduciam: cujus significationis nullum necessarium, in S. Lit. demonstratur exemplum: ut etiam in profanis Græcis authoribus hætenus desideratur: de qua re postea. Deinde etiam si certum esset, omnibus aliis in locis, ubi *ὑπόθεσις* apud Paulum, memoratur, fiduciam notare: inde tamen non sequeretur necessariò, Hebr. 11. v. 1. eundem esse sensum: quia vocabulum potest interdum, in peculiari significatione, uno tantum in loco extare; & in reliquis omnibus, alià notione. Quemadmodum nomen victoriæ, 1. Joa. 5. v. 4. significat causam victoriæ; & tamen, cum alibi sæpius occurrat, in N. T. nullibi ea significatione accipitur. Quare nihil est in hoc argumento subsidii, ut probetur Hebr. 11. v. 1. *ὑπόθεσις* non per *subsistentiam*, sed per fiduciam esse transferendam: nam quod secundo ex contextu Apostoli, objicitur: quod ibi dicatur, quod *Patres V. Test. non adepti sint promissa, sed e minus ea conspicati*: fides igitur non esset subsistentia rerum speratarum, seu id quod extare facit; sed fiducia, qua res illas certo nobis promittimus, iisque confidimus. Negatur consequentia: quia utrumque verum est, fidem res speratas exta-



Etiam deducitur. Resp. differentiam statui in vi effectiva per charitatem: ubi charitatis nomine, charitatis virtus, per Sp. S. in regeneratione indita, significatur: quam fides non efficit, sed per eam conjunctam, excitando illam, opera charitatis efficit; quo modo Gal. 5. v. 5. Apostolus loquitur: quæ charitas in reprobis, quia non regenerantur, citra controversiam, omnino deest: ac propterea cum non sit in iis (sed electis propria) in actum deduci ab illis non potest: nec leve aliquod gaudium, ex Evangelii luce conceptum; nec quædam umbra operum bonorum (quæ neque ex vivâ fide, neque ex verâ charitate, nec recto fine, sed aliis causis, & modis oriuntur) vera sunt charitatis opera. Quod autem huic objectioni attexitur, his verbis: *nec ullam meriti Christi applicationem absque fiducia fieri posse videtur*. Si, inquam, de fiduciâ consequente intelligatur, agnoscimus; & supra ostendimus, ex fide remissionis peccatorum acceptæ, fiduciam promanare: sin verò sensus sit, fiduciam illam, aut causam esse, aut ipsam esse applicationem: quemadmodum in explicationibus Catecheticis Ursini, loco de fide sect. 3. dicitur: illud non immerito negamus: eamque negationem ipsemet clarè satis confirmat, proxima sua annexa explicatione, cum ait: *applicamus autem nobis dum certò statuimus, justitiam seu meritum Christi nobis quoque donari, & imputari*. quod nihil aliud est, quàm fateri, applicationem illam esse intellectus actionem: cuius proprium est, aliquid certum, & verum statuere; non autem voluntatis: ideoque neque fiduciâ, quæ in voluntate est, non autem in intellectu. Atque ita hæc secunda objecta ratio corrui. Tertia, & postrema, est hæc: quodcumque in corde, tanquam in subiecto proprio, residet formaliter, illud est forma fidei. Atqui fiducia in corde, tanquam in subiecto proprio, residet formaliter, Rom. 10. v. 9. 10. Actor. 8. v. 9. 10. Ergo &c. Resp. Propositionem apertè falsam esse: Minorem vero extra controversiam (de eâ enim non disceptatur) sed tamen probationem illius alienam: quia in locis objectis, fidei non autem fiduciæ mentio est. Deinde notetur & illud: hic asseri, quod verum est, fiduciam in corde esse, tanquam in proprio subiecto; ideoque non in alio est: ac propterea falsum esse, fiduciam esse persuasionem, quæ mentis actio. Nam, ut res sit explicatior, observandum est: scriptores nonnullos aliter, ex eo Scripturæ testimonio, differere; nimirum hoc modo: quod in Sac. Lit. dicitur in corde esse, illud non est tantum in intellectu. Atqui fides in Sac. Lit. dicitur esse in corde (locis citatis) Ergo non tantum in intellectu. Verum negatur propositio, quia nititur falsâ hypothesi: quasi in Sac. Lit. *cor* significaret necessariò voluntatem, cum contrarium, ex iis, manifestè demonstratur. Nam *cordis* vox, cum homini attribuitur, per Metaph. à primario, & intimo corporis viscere petita, pro anima, intima & primaria hominis parte, accipitur, vel simpliciter; vel secundum quid. Simpliciter quidem, ratione facultatis utriusque, nimirum intellectus, & voluntatis, Genes. 8. vers. 21. *figmentum cordis humani prævium est*, id est, & intellectus, & voluntatis ratione: ut passim Scriptura docet, utrumque depravarunt, & Matth. 15. 18. disertissime dicitur: *quæ ex corde egrediuntur, illa polluunt hominem*: & v. 19. quo modo cor accipitur (nempe pro utraque illa facultate, exponitur, his verbis: *nam ex corde egrediuntur cogitationes malæ* (quæ soli intellectui conveniunt) *caedes, & adulteria*, &c. quæ soli voluntati: & utraque cordi, id est, animo tribuuntur. Secundò vox cordis interdum non simpliciter; sed secundum quid, ratione unius facultatis tantum, vel intellectus, vel voluntatis, usurpatur: nimirum cum cordi tribuitur aliquid, quod uni tantum facultati convenit. quemadmodum primum, secundum intellectum, accipitur Luc. 2. 35. *cogitationes cordis*, Matth. 13. v. 15. *corde intelligent*, 2. Cor. 4. v. 6. *splenduit in cordibus nostris, ad lumen cognitionis*, 1. Ioan. 3. v. 20. Rom. 1. v. 21. deinde secundum voluntatem intellecta vox cordis accipitur, Rom. 1. v. 24. *cupiditates cordium*. & cap. 2. vers. 5. *cor impenitens*, & 10. 1. Quare nullo modo sequitur: corde credimus. Ergo fides est in voluntate. Atque hac ratione absolvimus earum rationum (quibus fiduciam esse for-

mam fidei iustificantis objicitur) refutationem. Quamvis autem ex hac objectionum refutatione; & ex demonstrationum initio positarum, tractatione, satis liquere potest, fiduciam remissionis peccatorum acceptæ, non esse formam fidei, per quam iustificamur; seu, quæ, ad remissionem peccatorum accipiendam, Evangelio præcipitur: nihilominus tamen pauca quædam argumenta afferemus contraria: ut ea, ab exceptionibus, quæ objectæ sunt, ad pleniorē rei propositæ illustrationem, vindicemus.

Primum autem est huiusmodi: Fidei, quæ, ad remissionem peccatorum Evangelio præcipitur, forma, est simul natura cum ipsâ fide. Fiducia verò remissionis peccatorum acceptæ, non est simul cum fide, quæ ad remissionem peccatorum accipiendam Evangelio præcipitur. Ergo fiducia non est fidei illius forma.

Secundò, Forma fidei, quæ ad remissionem, &c. non est posterior ipsâ fide: fiducia verò remissionis peccatorum acceptæ est posterior fide, quæ ad remiss. &c. Ergo non est forma illius fidei.

Tertiò, Effectum fidei quæ ad &c. non est forma illius. Fiducia remissionis peccatorum acceptæ, est effectum fidei, quæ ad &c. Ergo non est forma illius. Trium autem horum syllogismorum propositio major, nititur invicto, & certo logices, de natura formæ, principio: nimirum *forma simul est cum re, cuius est forma*. Ideoque secundò ea non est posterior re ipsa: neque denique effectum rei. Assumptio verò triplex, ex demonstrationibus, initio, in prima & secunda quæstione positis, conspicua est: & præterea tertii syllogismi minor confirmatur ex autoritate dicti Christi, Matth. 9. v. 2. *confide, remissa sunt tibi peccata*. & Pauli Eph. 3. v. 12. *in quo habemus libertatem, & aditum, cum fiducia, per fidem ipsius*. ubi fiducia, fidei in Christum effectum, disertè dicitur. Sed excipitur adversus tertii minorem, hac distinctione: fiduciæ nomine, vel apprehensio, vel applicatio, vel conscientie tranquillitas, & acquiescentia intelligitur; priori significato, minor negatur, ob rationes, tribus syllogismis propositas; posteriori conceditur. Verum hæc exceptio in eo aberrat à recto. Primo quod nititur distinctione significationis vocis fiduciæ, quæ nulla ratione, nullaque scripturæ autoritate, probatur: nam applicatio meriti Christi, id est, certa remissionis peccatorum, & iustitiæ propter Christum acceptæ persuasio, in intellectu est: fiducia vero remissionis peccatorum acceptæ in voluntate: est enim per se affectus, qui in intellectu non est: ideoque fiduciæ genus (ut supra probavimus) esse affectum, seu motum voluntatis, etiam illi, qui fidei formam esse volunt fiduciam, fatentur: & hac sola de causa, fidem, ratione formæ, in voluntate esse contendunt. Deinde fiducia illa, fidem, seu certam notitiam remissionis peccatorum acceptæ, præsupponit: utpote quoniam illi, tanquam certò creditæ, innitur. Denique, quid si etiam fiducia, illam remissionis peccatorum acceptæ certam notitiam, seu persuasionem notaret; nihilominus sequeretur, eam esse posteriorem fide, quæ, ad remissionem peccatorum, primum accipiendam, Evangelio præcipitur: quia illa (ut antea demonstravimus) ordine naturæ, antecedit: contra fiducia remissionis acceptæ, remissionem acceptam, ordine naturæ, sequitur: multo magis accipiendam. Quod autem à non paucis objicitur: quod *πίστις* apud Græcos authores interdum significet fiduciam: illud fit non propriè, sed per Meton. causæ pro effecto: quod fides fiduciam efficere soleat: neque etiam utrumque simul, ac conjunctim significat (de quo quæstio est) videl. & fidem, quæ verum credimus; & fiduciam, qua re aliqua creditâ nixi, tranquillissimi: sed separatim, fides interdum propriè accipitur, de veritatis rei persuasionem: interdum impropriè fiduciam notat: nullibi autem vox *πίστις*, à *πιστις*, unâ eademque prorsus voce, & propriè, & impropriè accipitur. Sed adversus probationem minoris tertii Syllogismi, ex Paulo Eph. 3. v. 12. ubi fiduciam effectum fidei esse docet (ut etiam communis Interpretum consensus agnoscit) exceptio nobis objicitur, fiduciæ distinctione: quod alia sit habitualis, quæ est habitus mentis & voluntatis: alia actualis, quæ est actio procedens ab illo habitu: Apostolum autem distinguere



guere fiduciam à fide, non habitualement, quæ est ipsa fides; sed actualem, quæ est actio fidei. Sed hæc distinctio argumentum non solvit: verum quidem est, fiduciam esse vel habitualement, vel actualem: sed primum, malè habitualis describitur, cum dicitur, quæ habitus mentis & voluntatis: hæc enim duo, propter subiectorum diversitatem, sunt diversæ habitus species, ut Logica docet; neque ex Theologia contrarium hactenus probatum est. Deinde genus etiam fiduciæ, nempe affectus, seu motus voluntatis, obstat. Præterea quod dicitur, Apostolus à fide distinguit fiduciam non habitualement, verum est; quia de actuali loquitur: falsum tamen est, quod dicitur, quæ (fiduciæ habitualis) est fides: nam definitiones fidei, & fiduciæ habitualis, (quæ etiam ab iis proferuntur, qui diversum à nobis sentiunt) diversæ sunt: ideoque definita idem esse nequeunt. Et licet fiducia actualis sit actio fidei actualis, non tamen est immediata, & in eodem particulari subiecto; sed mediata non in intellectu, sed in voluntate effecta: fides enim habitualis, non qua est, sed quatenus operans est, id est, quatenus actionem fidei producit: eatenus fiduciam habitualement, in voluntate residentem (& sub charitatis voce comprehensam) excitat ad fiduciam actualem producendam. Ex eo enim quod quis verum credit, Deum sibi esse propter Christum proprium; ea fide motus in Deo fiduciam suam collocat. Quare perstat illa argumenti probatio, ex Apostolo deducta. Quia verò in hac questione tractanda, ab egregio Theologo (Polano scilicet in Syntag.) alia exceptio adfertur, ea quoque expendenda. Aliam enim distinctionem objicit, hoc modo: fiducia, in Pauli dicto, est persuasio certa, in exauditione precum, in nomine Christi factarum. Sed fiducia, quæ est essentialis forma fidei, est certissima persuasio, de veracitate, fidelitate, potentiâ, misericordiâ, & reconciliatione cum Deo, per Christum. Fiducia exauditionis rectè dicitur effectum fidei. Verum hæc distinctio fiduciæ in fiduciam reconciliationis cum Deo, & fiduciam exauditionis, vim argumenti non tollit: quia fiducia exauditionis nihil est aliud, quàm animi, de nostrarum precum exauditione,


propter Deum, nobis per Christum reconciliatum, ac Patrem tranquillitas: ideoque fiduciam reconciliationis includit, Joan. 16. v. 23. Eph. 2. v. 18. Deinde error est in descriptione fiduciæ: persuasio enim ad intellectum, non autem ad voluntatem: fiducia verò ad voluntatem pertinet. Ac licet probatum esset, fiduciam interdum per *παράλογον*, id est, vocis abusionem quandam, notare persuasionem; inde tamen non sequeretur, fiduciam propriè dictam, esse persuasionem; neque etiam impropriè, hoc loco, accipiendam: quia à propriâ vocum significatione non est recedendum, nisi ratio necessaria postulet, quæ hoc loco deest.

Quartum porrò nostrum argumentum est: quod fidei reproborum commune est, illud non est forma fidei iustificantis. Fiducia remissionis peccatorum acceptæ est reproborum fidei commune. Ergo fiducia illa non est fidei iustificantis forma. Propositio Logico principio certo innitur: quod forma rei ipsi propria est, non autem communis. Assumptio etiam probatur ex exemplis, Matth. 7. v. 22. Jac. 2. v. 20. cui accedit experientia reproborum, de hac fiducia gloriantium: adeo ut interdum firmiorem habeant fiduciam reprobi, quàm nonnulli verè fideles infirmi, ut etiam in opposito argumento indicatum. At objicitur: quodcunque de fide vera, & salute dubitationem affert, illud non est asserendum. Atqui fiduciam reprobis esse communem, de fide vera, & salute dubitationem affert. Ergo non est asserendum. Veruntamen hæc exceptio argumentum nostrum non solvit. Deinde neque objectionis illius minor vera est: quia fidei vivæ, à mortuâ, distinctio, supra satis est explicata, unde verè fideles salutis habent certitudinem; & licet fiducia remissionis peccatorum, & salutis, sit generatim communis electis, & quibusdam reprobis; speciatim tamen differunt plurimum: quod videlicet prior ex vivæ fidei sensu oriatur: posterior ex inani illius specie, nempe ex fide mortua, ut Matth. 7. v. 22. 23. & Jac. 2. v. 14. 20. apparet.

Atque hoc modo ea, quæ diligenter nobis privatim, objecta sunt, absolvimus.

FINIS Appendicis de Fidei Natura.

## E X P L I C A T I O E P I S T O L Æ A P O S T O L I J A C O B I.

uemadmodum Orthodoxi, Epistolâ Pauli ad Romanos, jure, adversus Pontificiorum errores, utuntur: adeo ut eam quidem, ad Romanos priscos, verè credentes, scriptam, statuunt: ita contrâ, Pontificii, Epistolâ Jacobi potissimum abutuntur; ut Pauli doctrinam obscurant, & erroribus suis colorem aliquem concilient. Quamobrem opportunè, illâ jam antea explicatâ prolixiori Epistola, ad hanc breviorē, à corruptelis vindicandam, progrediemur.

Ac primum, ad pleniorē intelligentiam, quædam de titulo, & re ipsa præmittemus; postea ad Epistolæ enarrationem accessuri. Titulus autem est aut universalis, qui operi universo: aut particularis, qui parti illius convenit.

Titulo universali, primum describitur operis causa: cum efficiens ministra, (quæ adjuncto nomine *Jacobus*, & officio, *Apostolus* declaratur) tum forma communis hujus scripti, nempe *Epistola*; deinde objectum, cum additur *Catholica*. Cujus tituli *authoritas*, *veritas*, & *sententia* excutienda sunt.

De authoritate enim quæri potest ac solet, An hic titulus Epistolæ sit ab autore præscriptus; an vero postea ab aliis adjectus: ut hoc modo à reliquis scriptis, pro more, distingueretur. Arbitramur autem eos rectè sentire, qui ab alio, discretionis causa, præfixum esse titulum censent: nam

ut Moses suis libris titulos non indidit; sed alius: idque variè; ita & huic Epistolæ accidisse demonstrat magna titularum diversitas, in verborum numero, & ordine. Quidam enim breviorē præfigunt, ut Syrus interpres, *Epistola Jacobi Apostoli*, & Oecumen. Græcus Scholiastes. Robert. Stephan. *Jacobi Epistola Catholica*. Alii longiorē, ut Complutensis editio: *Sancti Jacobi Epistola Catholica*; vulgata denique editio, *Epistola Catholica Jacobi Apostoli*. Quæ varietas tanta in tam brevem titulum minimè incidisset, nec ab alio fuisset tolerata, si modo titulus esset genuinus, & non ab alio liberè præfixus. Ac propterea tituli & Epistolæ subiectæ dispar est authoritas.

Ad veritatem deinde quod attinet, non id quæritur, An titulus formam, aut objectum scripti, aut nomen scriptoris fideliter recenset: hoc enim controversia caret, verumque statuitur consensu communi: sed hoc disquiritur; An officium illius rectè proponat: siquidem de Epistolæ authore, & authoritate, veterum Patrum, & Theologorum nostri ævi, diversæ sunt sententiæ. Multi enim Prophetam, seu hominem sanctum divino Spiritu afflatum, fuisse affirmant: alii tamen pernegant. Et eorum quæ affirmant, primum quidam eum ex Apostolorum numero fuisse arbitrantur. Verum cum duo fuerint ejus nominis Apostoli: unus, Zebedæi filius, frater Joannis, dictus Jacobus major; Syrus

Syrus interpres de illo Jacobo interpretatur, in titulo, cum ait: *ante cujus oculos Deus transformatus est: ut hic fuit Jacobus Zebedæi*, Matth. 17. 1. Sed hæc sententia nec satis quadrat temporis vitæ illius; nec materiæ scripti: non temporis, quoniam Jacobus hic initio tantum Evangelii propagati, apud gentes vicinas, Act. 8. 4. & 11. 19. è medio sublatus fuerat, per Herodem Act. 12. hæc verò Epistola postea conscripta est, quando jam inter gentes quoque, longè lateque propagatum esset Evangelium, & ex Judæis, inter eas dispersis, collectæ essent Ecclesiæ, Jacob. c. 1. 1. & donis miraculorum, ac sanationis, presbyteri earum excellent, Jacob. 5. 14. Deinde nec materiæ scripti convenit: cum enim hæc Epistola potius in moribus reformatis fidelium quàm in fide tradenda versetur, apparet conscriptam esse, cum Evangelium diu multumque esset, Judæis inter gentes versantibus, confirmatum, doctrina & scriptis Apostolorum: idque veterum etiam consensu approbatur.

Alii igitur melius censent, qui Jacobum quidem Apostolum, scriptorem hujus Epistolæ statuunt, sed Alphæi filium, Matth. 10. 3. qui frater, hoc est, cognatus Domini, Galat. 1. v. 10. & frater Judæ, Epistola Jud. vers. 1. dicitur; & ætatis suæ, cum altero Jacobo, comparatione, Jacobus minor, Marc. 15. v. 40. & virtutum fama ac præstantia, cum Petro & Joanne, columna nominatur, Galat. 2. vers. 9. Deinde contrà nonnulli Jacobum hunc prophetam, hoc est, divinitus afflatum fuisse agnoscunt, non tamen ex Apostolorum, sed ex LXX. discipulorum numero, eum scilicet quem veteres Patres Jacobum justum, & Obliam (hoc est, *murum*, ut Epiphan. obscura ratione, interpretatur) nominatum, & Hierosolymorum Episcopum fuisse tradunt. De cujus vita, sanctitate, martyrio, multa Hieron. in catalogo scriptorum Ecclesiasticorum, & in comment. ad Galat. 2. & Epiphan. hæref. 78. contra Antidicomarianitas, & Chrysostomus in Matth. homil. 5. Quamvis tamen, contra Helvidium, Hieron. sentiat, hunc Jacobum fratrem Domini fuisse, Alphæi filium: & sanè id probabile videtur, si quis Hieron. argumenta perpendat: nam quod quidam objiciunt: Apostolum non potuisse esse Episcopum, quod Apostolus ad omnes gentes missus sit, Episcopus verò certæ Ecclesiæ astrictus: hunc autem Jacobum justum, à vetustissimis scriptoribus, nominari Hierosolymorum Episcopum; ac propterea non fuisse Apostolum: id negatione consequentiæ, ob argumenti ambiguitatem, diiuvitur: Episcopus enim (quemadmodum presbyter, 1. Petr. 5. 1.) aut generatim quemvis Ecclesiæ pastorem, qui salutem animarum prospicit, denotat, quomodo hoc nomen Christo, 1. Pet. 2. 25. & Apostolis, Act. 1. 20. attribuitur: aut speciatim per Synecdoc. particularis tantum Ecclesiæ pastorem significat, 1. Tim. 3. 1. 2.

Quarum significationum hæc quidem in propositione intelligitur; illa vero in assumptione. Non enim propterea appellatus fuit Hierosolymorum Episcopus, quod uni illi Ecclesiæ fuerit affixus, vocationis jure; sed quod ad communem Ecclesiæ utilitatem diutius, ex cæterorum Apostolorum consilio, in ea subsisteret, & Apostolatus munere sit functus; ut etiam apparet, Act. 15. Unde colligitur, cum postremus suam sententiam dixerit, & statuerit decretum; in Concilio Apostolorum, & Ecclesiæ tum temporis præfuisse: & c. 21. 18. Gal. 1. & 2. Qua etiam ratione Petrus Romanæ Ecclesiæ præfuisse dicitur. Sic enim Aug. contra literas Petiliani lib. 2. c. 51. *Cathedra tibi quid fecit Ecclesiæ Romanæ, in qua Petrus sedet; & in qua bodie Anastasius sedet, vel Ecclesiæ Hierosolymitanæ, in qua Iacobus sedet, & in qua bodie Ioannes sedet*, Deinde ad veterum etiam auctoritatem, quod attinet: ea hac in re, (ut in multis aliis historicis, non est tanti ponderis, ut rectè rationi possit præponi: nam si quis eos diligentius conferat, comperiet illos in hac Jacobi descriptione à S. Lit. & inter se, variis modis dissidere: legantur tantum, & conferantur Euseb. hist. Eccl. lib. 2. c. 1. & 23. Epiph. hæref. 78. Chrys. in Mat. homil. 5. & in Acta hom. 3. & 46. & in 1. Cor. hom. 39. & Ambros. ac Theod. ad Gal. 1. & 2. & Hier. ibidem, & in Epistola ad Aug. & Catalogo scriptorum Ecclesiasticorum, & contra Helvidium.

Cæterum quod nonnulli hanc Epistolam non à Jacobo discipulo Christi, ac certæ urbis Episcopo: sed contrà, ab Apostolo conscriptam esse, ab Epistolæ objecto probare conantur, quod Catholicam, seu plurimis Ecclesiis communem Epistolam scribere, proprium sit Apostolici muneris: ea ratio probabilis quidem videri posset, sed non necessaria: quia Marcus, qui non fuit Apostolus, commune tamen Evangelium toti Ecclesiæ Dei, conscripsit. Nec mirum etiam fuisset, Judæorum Episcopum, Judæorum hellenistarum quoque habuisse rationem: præsertim, cum scriptura non hominum voluntate, sed divinitus inspirata sit; illius destinationis, & missionis amplitudo, non pependit à scribentium arbitrio, aut conditione: sed à Spiritus S. dictantis imperio. Atque hæc quidem de eorum sententia, qui Iacobum prophetam fuisse sentiunt, ex Apostolorum, aut LXX. discipulorum numero: ac propterea divinam hujus Epistolæ auctoritatem agnoscunt ac statuunt. Altera verò sententia contraria eorum est, qui hoc negant, & rationibus quibusdam negationem suam confirmare nituntur: quemadmodum ex Patrum numero præit Euseb. cum ait: *Hactenus de Iacobo, cujus esse dicitur Epistola, quæ inter Catholicas prima est: sciendum est autem, eam esse adulterinam: Non enim multi ex veteribus ejus mentionem faciunt: sicut nec ejus, quæ Iudæ inscribitur, cum & ipsa una sit, quæ ex septem Catholicæ appellantur. Attamen scimus, & istas, cum reliquis, publicè in plurimis Ecclesiis, legi.* Hæc ille hist. Eccl. lib. 2. c. 23. Sed ratio Eusebii infirma est: quia argumentum ab auctoritate (ut loquuntur) negativè non concludit. Non meminerunt: Ergo rejecerunt: quia silentium, sufficiens causarum enumeratio non est. Deinde cum dicat Euseb. ex veteribus mentionem ejus faciunt non multi, testatur aliquos meminisse, quod pluris est imandum, quàm aliorum silentium, quo etiam potius, tanquam tacito consensu, quorundam expressum testimonium confirmatum est. Deinde cum Jacobi, & Iudæ Epistolæ, ab Ecclesia, communi nomine cum reliquis, Catholicæ fuerint dictæ, & publicè in plurimis Ecclesiis lectæ; ex hisce omnibus simul junctis, par auctoritas colligitur. Atque eadem est Hieron. sententia, qui, in Catalogo scriptorum Ecclesiasticorum, de Iacobo ait: *Unam tantum scripsit Epistolam, quæ de septem Catholicis est, quæ & ipsa, ab alio quodam, sub nomine ejus edita asseritur, licet paulatim tempore procedente obtinuerit auctoritatem.* Ut autem à Patribus ad nostra tempora descendamus: inter Pontificios, præcipuè Cajetanus (ut ex Indice errorum ejus, quem Catharinus collegit, apparet) & inter nostros Lutherus potissimum, de hujus Epistolæ auctoritate disceptavit. Lutherum secuti sunt ejus discipuli, Magdeburgenses Theologi centuria 1. lib. 2. c. 4. Et Ægidius Hunnius cum collegis in thesibus de S. Scriptura; qui omnes, inter apocrypha N. T. referunt Epistolam Petri secundam, Ioannis secundam & tertiam, Epistolam ad Hebræos, Jacobi, Iudæ, & Apocalypsin Ioannis. Sed inquit Hunnius: *quæ tamen scripta, in nostris Ecclesiis majore auctoritatem, quàm Apocrypha V. Test. & propè canonicæ scripturæ parem, obtinent.* Quam sententiam ex Luthero videntur mutuati, qui in præfatione Epistolæ Jacobi, in Testamento Latino, à se recognito, & edito Francof. anno 54. ait: *Epistolam hanc Jacobi quamvis rejectam à veteribus, tamen laudo, & pro utili ac commoda habeo, vel ob hanc causam, quod planè nihil humanæ doctrinæ asserat, & legem Dei fortiter urgeat. Verum ut meam de illa sententiam feram (extra tamen præjudicium) existimo nullius Apostoli esse.* Rationes autem suæ sententiæ adfert tres potissimum, quas repetunt & amplificat Centuriatores. Nos eas commodioris doctrinæ gratiâ ad certos fontes revocabimus. Rationes enim adductæ sunt partim à dissensione scripturæ Apostolicæ, partim à consensione nimia, in iisdem sententiis. Ac dissensionis objiciunt tres modos: quorum primus est, in forma seu analogia fidei, à qua, Iacobum, tribus sententiis, dissentire ajunt. Primò, quod apertè contra Paulum, Rom. 3. & 4. & contra reliquam totam S. Scripturam, operibus nostris, & Abrahami, justificationem tribuat. Secundò, quod in eo defendi non possit, quod locum Genes. 15. qui solum de fide, & non de operibus loquitur (ut Rom. 4. liquet) ad opera accommodet.

Tertiò, quod cap. 1. *legem vocat libertatis*; cum tamen à Paulo vocetur *lex servitutis*, Gal. 4. & alibi, *iræ*, *mortis*, *peccati*. Et ob hæc rationes existimo, hanc Epistolam initio appellatam fuisse à Luthero, ex scripturæ phrasi. 1. Cor. c. 3. *stramineam*: quod tantopere Pontificii exagitant; cum tamen non durius, quàm Euseb. multo prius, ita sit locutus: & postea, re-melius perpenſa, duriora hæc verba delevit: ut Bibliorum Germanicorum editiones posteriores omnes demonstrant. Sed ad hæc difficultates, à Luthero, & discipulis illius objectas, in earum expositione, opportuniùs suis locis respondebimus, & speciem diffensionis diluemus. Illud tantùm hic observandum est, non satis liquere, quomodo Lutherus, vir alioqui insignis, in hac re, dùm Jacobi cum Paulo diffensionem asserit, ac probare studet, à seipso, & prima assertione sua, non diffentiat. Nam si hæc Epistola (ut initio, profitemur) nihil humanæ doctrinæ asserat, quomodo verum est, quod postea subijcit, eum Paulo, & Sacræ Scripturæ adversari, nec defendi posse?

Cæterum secundus, quem obijciunt diffensionis modus, est in scripti materia, & docendi modo. Quod Christum non docet, non est Apostolicum: quia Paulus dicit, se præter Christum nihil scire, 1. Cor. 2. Et Christus ait Joan. 15. *vos testimonium perhibebitis de me*. Atqui hæc Epistola Christum non docet: quia ne semel quidem meminit passionis, resurrectionis, & Spiritus Sancti missionis. Nominat quidem Christum, sed de eo nihil docet, & loquitur de communi fide in Deum. Unde concludunt: hanc Epistolam non esse scriptum Apostolicum.

Sed negatur assumptio: nam se Christi servum profiteatur, eoque passionem, & resurrectionem simul indicat. Deinde fide nos justificari, docet; & fidem veram à ficta discriminat, ex effectis. Nec enim erat necesse tunc temporis, ut ita expresse de gratia Christi differeret, cum copiose satis illud à reliquis Apostolis esset factitatum: nam quod regerunt Centuriatores, Apostolos reliquos à gratia Christi incipere; & cum ad præcepta de vita Christiana accedunt, argumenta ex eodem fonte derivare, ac propterea eandem hujus Epistolæ fore rationem, si esset Apostolica. Verùm negatur consequentia, quoniam cum illud abunde factum esset ab aliis, & Judæi illi, ad quos scribit, essent in doctrina fidei satis confirmati, non mirum est, si ad eos sese accommodarit. Quemadmodum in Psalmis de Christo, & gratia Dei, ac fide plurimùm; de moribus parcius; In proverbiiis contrà, parum de fide, de moribus plurimùm agitur, attamen unius ejusdemque Spiritus instinctu: ita eadem hîc, & in aliis Epistolis, ratio est. Tertiã addunt diffensionis speciem Centuriatores in titulo positam, quem sibi scriptor hujus Epistolæ tribuit, quod se non Apostolum, ut Paulus, & Petrus; sed servum Christi appellat.

Sed hæc obiectio levior est superiori: quia Paulus, Philipp. 1. 1. eundem sequitur modum. Atque hæc de diffensione, quam obijciunt temerè. Alterum verò objectionis genus est consensio nimia, cum reliquis Apostolis, in iisdem proferendis sententiis: adeo ut hanc Epistolam, ex aliis collectam, conjiciant. Prima autem est sententiæ Petri cap. 4. v. 8. *Charitas operis multitudinem peccatorum*. Item *humiliamini sub potenti manu Dei*, 1. Pet. 5. 6. deinde & Pauli; *Spiritus concupiscit adversus carnem*.

Verùm hæc obiectio non est magni momenti: nam cum idem Spiritus dictaret Apostolis suas Epistolas, non est mirum, si in quibusdam sententiis conveniant. Quemadmodum Esaiæ, Jeremiæ, & aliis prophetis evenit: & Petrus 1. Petr. 3. v. 9. cum Paulo, Roman. 12. v. 17. convenit. Deinde quis ignorat easdem sententias, præsertim breviores, & de rebus notis, variis etiam scriptoribus, sine alterius lectione posse venire in mentem. Quare ex sententiarum paucissimarum & brevissimarum convenientia cum Pauli & Petri Epistolis, colligi nullo modo potest, eam esse ex iis transcriptam. Deinde non solum consequentia hujus objectionis non est necessaria: sed etiam antecedens ratio non est satis firma. Nam prima illa sententia Petri, non est Petri, sed Salomonis, Proverb. 10. v. 12. nec

eam etiam Jacobus habet eo modo; sed aliter, Jacob. 5. v. 20. Deinde nec secunda sententia, Jacob. 4. 10. cum prima Petri, cap. 5. 6. eadem est verbis, quamvis sensu congruat, & quidem talis est sententia quæ cuivis pio, ex communi Vest. Testam. & Christi doctrina potuisset in mentem venire, sine ullo Petri indicio. Denique ad Pauli sententiam quod spectat, ea perperam refertur, & Jacobus verbis & sententia à Paulo diversus est; quemadmodum, cum ad eum locum perventum fuerit, ostendemus.

Atque hætenus Lutheri & Magdeburgensium argumenta. Coronidis autem loco quid de Epistolæ hujus auctore sentiat Lutherus, annotandum existimo: ait enim. *In ea sum opinione, fuisse probum aliquem virum, qui sententias aliquas, ex discipulis Apostolorum, collegerit, & in chartas congeſſerit*: Cujus judicii sui rationem adfert Lutherus hujusmodi: quod nullo ordine pleraque commisceat. Sed aliquem tamen esse ordinem, ex analysi constabit. Hicce addit Luth. *Summa: his voluit resistere iis, & conatus eorum infringere, qui de fide gloriabantur, sine operibus: & tamen impar fuit ei negotio. Vult inculcando legem illud efficere, quod Apostoli fecerunt, ad dilectionum invitando. Quare non possum ei locum dare inter primarios Scripturæ Sacræ libros: nemini tamen prohibere volo, ut, quo velit, loco habeat. Continet enim multas utiles sententias*.

Hæc de Lutheri atque veterum sententia. Unde apparet non satis gravia esse argumenta, quibus hujus Epistolæ autoritas impugnatur. Ac propterea meritò divinam esse hujus Epistolæ autoritatem concludimus: quia nihil complectitur, quod non cum reliqua Sacra Scriptura probè consentiat, materia, forma, stylo. Deinde quia ex antiquissimis Ecclesiæ scriptoribus, nullus eam rejecit; nonnulli verò eam apertè probarunt, & tandem universa Ecclesia consensit, ut ex superioribus constat.

Atque hætenus de prioris partis tituli hujus veritate, & Epistolæ autoritate: superest jam, ut de alterius etiam partis, nempe obiecti descriptione, & sententiâ, pauca dicamus.

Obiectum, adjuncta in titulo voce *Catholica* describitur: nam quod vulgata Latina interpretatio legit *Canonica*, id aut judicio factum, ut autoritas illius indicaretur: aut errore quodam: quemadmodum in Catalogo scriptorum Ecclesiasticorum Hieronymi, in descriptione Petri, & Jacobi, pro Catholica, vox Canonica à Sciolo substituta fuit, ut ex Græca Sophronii versione, demonstrat Erasmus. Huc accedit Græcorum omnium Nov. Test. codicum, & Theodoret, & Oecumenii consensus: ex quo elucet hujus vocis genuina lectio. Ad sententiam verò quod attinet, videri posset is, qui Canonica vocem adiecit, vocem Catholicam eo modo interpretatus: quemadmodum media Patrum ætate, *Catholicum* pro orthodoxo, & universali Ecclesiæ probato, κατ' ἑξοχὴν, dictum fuit. Verùm communis & recepta vulgo ea est sententia, quam ex Theodoro refert Oecumenius: Eas Epistolas appellatas esse Catholicas, id est, universales, quod non separatim genti uni, aut urbi: sed universè credentibus, sive Judæis, sive omnibus Christianis conscriptæ sunt. Sed obijciat aliquis: Veteres Patres, septem Epistolas, Jacobi, Petri, Joannis, Judæ, communiter Catholicas appellarunt, ac septem numerarunt, ut testatur Hieron. Catal. script. Eccles. in Jacobo; Et ante ipsum Euseb. histor. Eccles. lib. 2. cap. 23: cum tam secunda & tertia Joannis Epistolæ sint certis hominibus destinatæ. Ergo non videtur ea vera esse nominis ratio. Atque hoc argumentum stabilire videtur eorum sententiam, qui Catholicum, & Canonicum, pro synonymis habent: ut scilicet hac inscriptione quinque Epistolæ; quæ suspectæ nonnullis erant, reliquis duabus ac certis, communi nomine, æquarentur. Sed hujus nodi solutio potest esse duplex. Prima, Eusebium, Hieronymum, aliosque veteres hæc septem, Catholicas vocasse Epistolas Synecdochicè, à parte majori. Si quis verò excipiat, in exemplaribus quibusdam Græcis, ut puta Plantini, hanc vocem καθολικὴν, in II. & III. Joannis Epistolæ titulis, expressam esse: reponi potest, eos titulos in veteribus codicibus, & Patribus, aliter extare, ac propterea non esse tanti. Huc

ti. Huc addi potest solutio secunda. *Catholicum* bifariam accipi: propriè pro universalis; & impropriè per Meton, pro eo quod illi adjunctum est; illo modo quinque; hoc vero reliquæ duæ Catholicæ sunt appellatæ: ita Psalmi Davidis 150 dicuntur, cum ramen nonnulli ab aliis Prophetis conscripti sint. Absoluta hac tituli primi Epistolæ explicatione, de altero particulari ageremus, qui est *caput primum*: verum quia de capitum origine, progressu & distinctione varia, aliàs fufius disseruimus, ne quid nos amplius remoretur, pauca etiam de ordine, quem hæc Epist. inter Catholicas obtinet, exponemus. Nam duo potissimum disceptari possunt, nempe quis author sit hujus ordinis, & quæ ratio illius. Cum enim primum obtineat locum, inter 7. Epistolas Catholicas, quæritur: an hic ordo ab Apostolis ipsis promanarit: an verò ab Ecclesia, quæ, Apostolos secuta, libros Nov. Testam. in certum ordinem redegerit. Nos (salvo aliorum judicio) ab Apostolis ortum minimè arbitramur. Nam alioqui, si ordo omnium librorum Nov. Testam. ab iis promanasset, sequens Ecclesiæ eundem in recensione religiosè omninò conservasset. At verò secus contigisse, ex veterum scriptis, apparet: nam ex Tertulliano contra Marcion. lib. 5. colligi potest, alium, eo tempore, ordinem certum, aut arbitrarium fuisse Epistolarum Pauli, quàm qui jam extat. Deinde in canonibus, qui falsò quidem Apostolorum vocantur, sed tamen citra controversiam antiqui sunt, Jacobi Epistola, duabus Petri, & tribus Joannis postponitur: deinde Acta Apostolorum ultimo loco collocantur, canon. 84. Contra Athanasius, in Synopsi divinæ scripturæ, 7. Catholicas Epistolas esse ait, easque eo ordine, qui nunc obtinet, enumerat; sed tamen eas Epistolis Pauli præmittit: & inter hæc quoque, Epistolam ad Hebræos, reliquis ad Timoth. Titum & Philem. præponit. Similis ratio est Concilii Laodicei can. 59. in quo etiam pro voce *καθολικά*, quæ in Græco textu reperitur, malè in Latina versione est *canonica* vox. Denique, ut alia omittam, in Pontificiis Conciliis Floren. & Trid. Jacobi Epistola Petri & Joannis Epistolis postponitur: quod non tam antiquitatis, quàm superstitionis studio factum videtur, ut Petrus primas obtineret; & scilicet Petri successor Pontifex: qua de re consulatur prologus in Epistolam Jacobi apud Lyrannum, &c. Ex quibus omnibus merito concludi potest, hanc Jacobi Epistolam ordine primam esse, non Apostolorum, sed sequentis Ecclesiæ judicio. Quæ verò hujus ordinis sit ratio, incertum est: nam cum librorum ordo, alius sit dignitatis, vel causæ, vel objecti; alius temporis: quidam arbitrantur, propter objecti dignitatem, hanc Epistolam primo loco esse collocatam, quod ad Iudæos sit scripta, quibus Dominus per seipsum Evangelium annuntiavit, ad quos primum etiam missus fuit, Matth. 10. 15. & Apostolos legavit primum, Act. 13. 26 Sed hæc ratio infirma est, quoniam Petri Epistola prima, iisdem apertè inscripta est. Alii ordinem temporis, quo conscripta est, servatum censent, quod Jacobus annos post Christi passionem x x x. Ecclesiæ Hierosolymitanæ præfuit, usque ad annum 6. Neronis, quo martyr obiit: Petrus verò ultimo Neronis, quo tempore Epistolas conscripsit, 2. Pet. 1. 13. Joannes vero post reliquos omnes, ac post mortem Domitiani, Evangelium, & Epistolas conscripsit.

Atque hæc de ordinis auctore & ratione, quæ olim arbitraria fuisse videtur, sufficient. Superest ut etiam de re ipsa quædam, ad difficiliorem hujus Epistolæ diligentior explicationem, præmittamus: nam ut ait Hieron. Epist. ad Paulinum tom. 3. *Jacobus, Petrus, Joannes, Iudas, Apostoli, 7. Epistolas ediderunt, tam mysticas, quàm succinctas, & breves pariter & longas: breves in verbis, & longas in sententiis: ut rarus sit, qui non in earum explicatione cæcutiat.* Hæc Hieron. Quæ verò ad rem præmittendæ, ea sunt *descriptio*, & *partitio*. Descriptionem autem (quæ præter cætera, occasionem, scopum, materiam complectitur) hanc statuimus: *Epistola Jacobi est sacrum, ac divinum Nov. Testam. scriptum: quo fideles Iudæos, per gentes dispersos, & tentatos, partim foris, hostium persecutione, partim intus, malis hypocritarum exemplis, gravi institutione, ab impatientia, & inani fidei jactatione re-*

*vocat, & ad Christianam patientiam, fidemque, bonis operibus demonstrandam, provocat, & inflamat: ad Ecclesiæ salutem, & Dei in Christo gloriam.*

Occasio enim scripti videtur fuisse duplex: persecutio illata foris à tyrannis, & Iudæis infidelibus, Iac. 1. 1. & 12. 1. Thessal. 2. 14. 15. & noxia quorundam, in Ecclesiæ sinu, hypocrisis, qui malè accepta doctrina de gratuita fidei justificatione, & libertate Christiana, Rom. 6. 1. & 14. eaque abusi, Iac. 2. 1. 2. Pet. 1. 19. improbè, ad Christianæ religionis dedecus, & Ecclesiæ detrimentum, vivebant. Quæ utraque scriptionis occasio, ex tractatione Epistolæ c. 1. & 2. satis elucet. Et probabile est, quod ait Aug. ad hunc errorem corrigendum, Epistolas Petri, Joannis, Jacobi, Iudæ, esse conscriptas. lib. de fide & operibus c. 14. potissimum verò ex Pauli Epistolis malè intellectis, & perversis, hunc errorem promanasse, credibile est, Rom. 3. 8. 6. 15. Gal. 5. 13. 2. Pet. 3. 15. 16.

Scopus igitur, & finis hujus Epistolæ proximus, est consolatio Iudæorum in adversis, & correctio vitæ. Remotus, est communis Ecclesiæ Christi, ad finem usque mundi, institutio, & salus: quia, ut concinnè, & doctè contra Marcio. Tertull. qui Epistolam ad Ephesios, perperam Epistolam ad Laodicæos vocabat, ait lib. 5. *nihil de titulis interest, cum ad omnes Apostolus scripserit, dum ad quosdam.* Hæc ille. Quemadmodum enim in Vet. Testam. scribendi occasionem, Deo dictante, certæ Ecclesiæ judicæ, aut aliorum populorum conditiones dederunt, & tamen usus Prophetarum est communis Ecclesiæ, & perpetuus Rom. 15. 4. 5. 2. Tim. 3. 16. 2. Pet. 1. 19. 20. 21. eadem etiam ratione occasionem quidem scriptioni hujus epistolæ præbuit Ecclesiæ Iudicæ dispersæ calamitas, & vita; sed usus est communis hujus epistolæ, fidelibus omnibus, ad finem mundi. Ultimus denique finis spectat Dei in Christo gloriam: ad quem scopum, variis hortationibus, & reprehensionibus, tendit. Ut autem à descriptione, ad partitionem epistolæ, transeamus, partes apparent duæ, *Præfatio*, & *Rei Tractatio*. Et illa quidem ad benevolentiam, & auctoritatem comparata, continet salutationem. Cujus pars antecedens scripto rem hujus epistolæ, qui salutem describit, nomine *Jacobus*, de quo in titulo actum est, & officio; cum se *Dei, ac Domini nostri Jesu Christi servum* vocat. Cum autem servi Dei sint diversi generis, distinctione est opus, ad hujus officii intelligentiam. *Servus* enim *Dei*, alius est naturæ, quemadmodum propriè omnes creature rationales, quæ ad rationalem cultum, creationis & conservationis jure, & summi boni, Dei servitium devinctæ sunt: & impropriè per metaphoram reliquæ omnes creature, quæ ratione, communiter, ob creationem, Deus omnium Dominus & Dominus exercituum, passim in Sacris Literis, appellatur. Alius verò servus est accidente gratiæ Dei, vel salutiferæ ac propria electis, per redemptionem, & vocationem ad veram fidem & spiritualem cultum, ut omnes fideles: vel gratia communi, ratione vocationis ad munus externum, seu politicum, Rom. 13. 4. sive Ecclesiasticum, quemadmodum Dei in Ecclesia ministri ordinarii, aut extraordinarii, *servi Dei* appellantur. Hac autem voce, *Jacobus*, aut generatim se Evangelii ministrum, aut *κατ' ἐξουσίαν* apostolum intelligit. Nam quod quidam putant servum Dei, hoc in loco, Evangelii ministrum generatim, Christi verò servum apostolum denotare, illud non videtur satis firmum: sed potius alterum alterius expositio est. Præstantius verò est, quod quidam nomen Dei non de Patre, sed de Christo, Deo & Domino, interpretantur, quemadmodum Tit. 2. 13. similis est locus.

Hæc de salutationis parte prima, seu subjecto. Altera verò pars, seu attributum epistolæ, & salutationis objectum, & formam illius, seu quos, & quomodo salutet, disertè indicat. *Salutat enim duodecim tribus dispersas.* Intelligit autem *κατ' ἐξουσίαν* tribus Israëlitis, & *συνεδοχῶς*; partem earum, Israëlitas Christianos: quemadmodum Petrus eosdem *electos* 1. Pet. 1. 1. & Iac. 1. 2. *fratres* vocat. Hi autem dispersi fuerunt extra patriam, per varias mundi regiones. Dispersiones autem aliæ fuerunt universales, seu tribuum integrarum: quales præcipuè fuerunt duæ: prima, cum decem tribus per regnum Assyriorum, sunt dispersæ: al-



tera, cum reliquæ duæ, Iuda & Benjamin, in captivitatem Babylonicam abductæ sunt: ex quibus minima pars rediit. Quod malum, Monarchiæ Babylonicæ, & Persicæ everfione, & Regum Syriæ persecutione, auctum est. Quorum dispersionum ratione, Act. 2. 5. dicuntur fuisse *Hierosolymis Iudæi, ex omni natione eorum, qui sunt sub celo*. Atque hæc dispersiones fuerunt antiquæ. Aliæ verò præter hæc extiterunt particulares, & recentiores, converforum ad Christum, qui propter fidem in Christum, persecutionis tempestate, dispersi erant, Act. 8. 1. & 11. 19. quas quidam, hoc in loco, intelligi putant. Sed cum hi dispersi non habuerint suos distinctos cœtus, ut quos Iacobus alloquitur c. 2. v. 2. & Ecclesias inter gentes; sed cum reliquis Christianis, quos invenerant, coaluerint; non est credibile, Iacobum ad illos particulariter scribere; & recentem paucorum dispersionem intelligere: sed potius eos, qui ex antiquis dispersionibus, longè latèque inter gentes versabantur, & Christum amplexi erant, ut ex collatione 1. Pet. 1. 1. apparet. Atque hæc de salutationis objecto. Forma verò est, *χαίρειν gaudere*, i.e. per Metonymiam effecti pro causa, *salvere*: quam quidem vulgarem salutandi formulam non vulgariter intelligit, sed de salute corporis & animæ, quæ solida gaudii materia. Sed obijciunt nonnulli, hanc salutandi formulam, non esse Apostolicam: Apostolos enim gratiam, & pacem Dei precari, eoque modo videri hanc epistolam non esse Apostolicam. Verum negatur antecedens: quia Apostoli hac salutatione usi sunt bifariam, primò si rem spectes; nam quod Christus iussit discipulos dicere, more Hebræo, *pax vobis* Mat. 10. illud eodem sensu dicitur, *salvere*: quemadmodum etiam Ioannes epist. 3. habet *ἰσοῦσθαι τὸ ὑγιαίνειν prospere agere, & valere*. deinde non solum reipsa salutio Apostolica est, sed etiam vocis formula, ut constat ex Apostolorum ad gentes epistola, Actor. 15. 23. Huc accedit rei opportunitas: cum enim persecutionibus essent obnoxii, & consolari vellet, commodè salutationem, eo pertinentem, delegit. Quare exposita præfatione, v. 1. ad Tractationem, quæ sequentibus continetur, transeamus. Ea autem est partim dogmatica: partim ac maximè parænetica, variis exhortationibus constans. Ordo autem arbitrarius est, ut in hoc genere fieri solet: quemadmodum etiam proverbiorum liber demonstrat: non enim ita distinctè adhortationes proponuntur, quin subinde insertis commodis digressionibus, ad easdem recurratur. Hortatur autem Apostolus, hoc capite, ad officium, primùm afflictos; deinde divites; postremò utrosque. Et primo quidem continet adhortationem ad bonum; secundò dehortationem à malo. Adhortatio autem est triplex: ad consolationem Christianam; ad perseverantiam; ad preces, ordine convenientissimo. Ac prima adhortatio proponitur, v. 2. & confirmatur, v. 3. Propositionis (quæ tanquam paradoxum, Christianorum carni absurda videtur) autem sententia hæc est: Christiani, variis rebus adversis afflicti, magnopere gaudere debent. Pars antecedens, seu subjectum, eos, quos apostolus hortatur, describit, à relatis & adjunctis. Vocat enim *fratres suos*, ut mutuam benevolentiam sibi compareret, conjunctionis & amoris significatione: Fratres enim fuere, primùm cognitione carnali, ex semine corruptibili, generatione ex Israël, Act. 7. 23. & 13. 26. Rom. 9. 3. deinde cognitione spiritali, per regenerationem, & adoptionem divinam: qua communem habebant matrem Ecclesiam, Gal. 4. 26. & Deum patrem Eph. 4. 6. & ex Deo nati erant, Ioan. 1. 12. ex semine incorruptibili, verbo Dei 1. Pet. 1. 22. Mat. 23. v. 8. & 9. Hos autem fratres describit ab adjuncta conditione communi Ecclesiæ: *Cum, inquit, incideritis in varias tentationes*, id est, res adversas, religionis ergò; quas per Metonymiam effecti pro causa, *tentationes* nuncupat: quia iis, fides, & constantia Christiana, à Deo tentantur, & examinantur, ac probantur, ut v. 3. docetur: loquitur enim Iacob. hoc loco, non universè, de quibusvis, ut Mat. 6. 13. 1. Pet. 4. 15. sed Synecd. de tentationibus externis, seu persecutionibus, ob verè fidei professionem, & vitam Christianam. Quas, adjuncto, emphaticè illustrat, cum *varias* appellat: ut ostenderet fideles non nonnullis, sed pluribus: nec unius tantum modi afflictionibus, sed diversis esse obnoxios, Psal. 34. 20.

Act. 14. 22. 1. Pet. 1. 6. & 8. Hæc autem varietas in causa efficiente, seu personis, & in forma seu reipsa consistit: nam, si efficientem spectemus, hi fideles dispersi affligebantur, primùm à cognatis infidelibus Iudæis; partim excommunicatione, qua Synagoga ejiciebantur; partim accusatione falsâ, & hostili, apud Magistratum & populum, ut è medio tollerentur: deinde ab Ethnicis, qui fidelium cœtus, & conciones non ferebant. Sin verò formam & rem ipsam attendamus, varietas afflictionum magna fuit, cum in bonis corporis, exilio, carcere, tormentis; tum in bonis externis, quod facultatibus suis, honore, amicis spoliarentur, & ad paupertatem atque ignominiam redigerentur. Quæ omnia jam dicta, ex Act. c. 13. 50. & 14. 5. 18. 12. Gal. 6. 12. 1. Thes. 2. 14. 15. Heb. 10. 32. manifestè comprobantur. Vnde subjectum quidem adhortationis, quo prior, in hac vita, conditio declaratur, intelligi potest. Attributum verò eorundem in tentatione officium continet, ut non tantum placido animo, sed etiam lætissimo, res adversas ferant, religionis ergò: *existimate*, inquit, *gaudium*, i.e. materiam, & objectum gaudii, seu rem gaudio dignam, per Meton. adjuncti ut Luc. 2. 10. quod quidem amplificat adjuncta quantitate, cum addit *omne*. Quæ vox, hoc in loco, non ad quantitatem discretam: sed quasi ad continuam, referenda est: nec enim universalitatem, ut loquuntur, generis alicujus hic notat; sed rei cui adjungitur perfectionem designat; ut Rom. 15. 13. *omne gaudium*, pro perfectio, seu numeris suis absoluto: & ut Ioan. 1. ep. 1. 4. vocat, *pleno*. & ut Latine dicimus, pro *solido* accipitur. Sed obijciat aliquis: hæc doctrina est merum paradoxum, quod videtur contra naturam & Scripturam positum: contra naturam ac plusquã Stoicum est, ut amara dulcia habeantur; & ut, quæ ortu suo pœnæ sunt peccati, satellites mortis, ac postremi hostis, Apoc. 21. 4. gaudio sint; simulq; lugeamus, & gaudeamus: deinde contra Scripturam, quia primùm testimonia ejus repugnant, Mat. 5. 4. *beati qui lugent*, Luc. 6. 21. *beati qui nunc fletis*: Ioan. 16. 29. *Mundus gaudebit, vos lugebitis*: deinde exempla Sanctorum, quorum lachrymæ altera vitâ e-luuntur. Apoc. 21. 4. Veruntamen ut paradoxum esse agnoscimus: ita rectè intellectum, nec nature, nec Scripturæ adversatur: nam contrariæ affectiones possunt in homine esse, dispari gradu, & diverso respectu, ut apparet ex Ps. 2. 11. *Exultate cum tremore*: nam res adverfæ, per se, quatenus naturam lædunt, sunt materia tristitiæ: sed per accidens, ratione conditionis humanæ, & usus boni, quem à Deo habent in verè fidelibus, sunt materia gaudii, Mat. 5. 11. & 12. quemadmodum amara potio, per se, ingrata egro: sed per accidens morbi, & propter vim potionis, ad morbum tollendum, æger eâ delectatur: sic pii, Christi calicis, & crucis amaritudinem, quam per se habet, sentiunt, & adversantur: sed ratione causæ morbi sui, qui eâ curandus, tum spei salutis & gloriæ Dei, quæ inde promovetur, gaudent. Rom. 5. 2. 3. & 2. Cor. 4. 17. 18. *gemit externus homo, gaudet internus*, 2. Cor. 4. 16. pii non sunt trunci, dolent: sed dolorem tamen fide & spe superant: ac propterea utrumque conjungitur, 1. Pet. 1. 6: nam afflictiones, malè suâ naturâ, per accidens gratiæ Dei, ipsum amantibus cooperantur in bonum, Rom. 8. 28. & per consolationem Spiritus Christi, per fidem & spem, gaudium afferunt, 2. Cor. 1. 5. Sed dicat aliquis: quod pii refugiunt, ac deprecantur, eo gaudendum non est. At pii afflictiones refugiunt, ac deprecantur, Ps. 50. 15. Act. 12. 5. Ergo iis non est gaudendum. Resp. Argumentum in propositione acceptum simpliciter & generatim, & in assumptione secundum quid ac relatè, paralogsimum efficere: nam pii non omninò refugiunt afflictiones: sed quatenus & naturam lædunt, & gloriæ Dei, ac salutis suæ, & Ecclesiæ interdum obesse vident: deinde cum conditione, si Deus velit. Deprecantur igitur interdum ad gloriam Dei, ne improbi nomen ipsius blasphement, Ioel. 2. 17. Dan. 9. 19. & ad salutem suam, ne malis victi murmurent adversus Dei providentiam, aut justitiam. Ideoque sapiens deprecabatur non paupertatem: sed nimiam paupertatem, Prov. 30. 9. ita nos petimus, ut si Deus volet, ad gloriam nominis sui, & nostram, aliorumque piorum consolationem, malis eripiat; aut fortitudine invicta muniat, secundum promissionem, Ps. 125. v. 3. 1. Cor. 10. v. 13. 2. Pet. 2. vers. 9. Diverfa ergò ratio, contra-

contradictionis speciem tollit; gaudemus persecutionibus, non quatenus sunt afflictiones; sed ratione effecti, per accidens; ita contrà, interdum, effecti contrarii ratione, dolemus. Atque hæc de v. 2 & Hortationis ad consolationem Christianam propositione. Sequitur confirmatio bimembris, à persecutionum effectu, & fructu gemino. Primus est *exploratio fidei*: sic enim emphaticè, per Metonymiam effecti, persecutiones vocat, quod iis fides, ut aurum igne, probetur, id est, ad gloriam Dei, & piorum exemplum, Phil. 1. 14. declaratur, & ab hypocritica discernatur, Matth. 13. 21. & quasi à scoriâ purgetur, 1. Pet. 1. 7. & 4. 17. Alter fructus est tolerantia: nam ut corpora tenella, variis laboribus, indurantur: sic animus piorum, variis persecutionibus paulatim assuefactus, firmior, & tolerantior redditur. Quæ duo effecta, & rationes propositæ hortationis, à testimonio conscientiarum fidelium, confirmat Iacobus, cum ait: *scientes*, v. 3. ut Rom. 5. 3. 2. Cor. 4. 18.

Porro huic primæ adhortationi, altera deinde adiungitur, transiitione elegantî, ad tolerantie perseverantiam, quam *opere perfecto* notat, inchoato opponens, & à fine suo illustrat, ut *sint perfecti*, nihilque ipsis desit, id est, ut scientia, & constanti executione officii polleant, v. 4. Tertia adhortatio ad preces, ex superiori concinnè fluens, proponitur anticipatione quadam: potuissent enim quidam fideles obijcere, sibi deesse hanc sapientiam, qua cognoscant persecutiones tolerantiam efficere, & justam esse gaudii materiam. Ideoque ostendit primò: si cui sapientiæ desit, à quo petendæ; & quomodo. Docet enim scientiæ & tolerantie causam efficientem principalem esse Deum, & instrumentalem precationem fidelium. *Postulet*, inquit, à Deo. Idque confirmat ratione, ab effectu, seu promissione donationis, cum ait: & *dabitur illi*: quam etiam probat descriptione Dei, à perpetua consuetudine illius, quod *omnibus*, nimirum bene precantibus, det, & quidem *benignè*, ac sincerè *sine exprobratione*, scilicet nisi homines ingrati sint, & donis Dei abutantur, v. 5. Modus verò precationis est, ut adsit fides; quæ gratiæ Dei in Christo, & promissioni exauditionis constanter innitatur: & contrà absit dubitatio de Dei propitia & benevola voluntate donandi sapientiam, ad salutem necessariam. Idque ostendit duobus argumentis, quorum prius à dubitationis, & incredulitatis peccato, ac turpitudine deducitur, quam simili illustrat v. 6. Alterum verò ab effectu, & pœna, quod exauditionem, & quidem omnem impedit, quamdiu scilicet durat, seu nisi resipiscencia & fides succedant, & dubitationem tollant, v. 7. Loquitur autem Apostolus non absolute, de quavis dubitatione, quæ fidei repugnat: sed de ea solum quæ fidem opprimit, & oppugnat: seu non de dubitatione carnis reluctantæ; sed dominante: illa enim à spiritu vincitur & exauditionem precum non tollit: hæc verò contrà. Cæterum prima ratio repetitione illustratur, & amplificatur, quod qui ita docet in precibus, sit *animo duplici*, id est hypocrita, & *inconstans in omnibus viis*, id est per metaphoram, cogitationibus, studiis, dictis, factis suis. Atque ita, tribus hæc exhortationibus aptè explicatis, fedit Apostolus ad primam: cujus subjectum à specie illustrat, & attributum ab effectu amplificat: nam pro variis fratrum tentationibus, de quibus egit v. 2. hic reponit *humilem conditionem*, id est, pauperem & abjectam: & pro omni gaudio, *gloriationem in sublimitate*: quæ sita est in cognitione Christi, Iohann. 17. 3. Phil. 3. 1. justificatione, Rom. 8. 33. & 38. adoptione in filios Dei, Ioann. 1. 13. & 1. Ioan. 3. 1. in crucis Christi dignitate & utilitate 2. Cor. 4. 16. 17. 18. Phil. 2. 28. 29. cum in hac vita, Rom. 5. 3. Iac. 1. 3. tum in altera, Iac. 1. 12. Rom. 5. 2. & 2. Tim. 2. 12. de quibus omnibus Phil. 3. 8. 9. 10. 11. Atque hæc hortationes omnes afflictos spectant; sequens verò divites, id est, fortunatos, quos similiter hortatur Apostolus ad gloriationem in sua humiliatione. Verum cum ea sit, aut conditionis, aut animi, id est, aut humilem fortem, aut animi virtutem notet: priori quidem modo bifariam à viris doctis accipitur: à nonnullis de amissione opum: ab aliis probabilius de origine opum, quod nihil habeat dives à se, vel suo merito; sed omnia à Dei misericordia, 1. Tim. 6. 16. Sed his modis ratio, quam Iacobus subjicit, non satis

videtur convenire. Quare alii non de conditionis, sed de animi humilitate, & demissione rectius interpretantur: ut enim pauperes queruli, nimiam animi humiliatione, & desperatione impingere solent: sic contrà divites gloriosi, nimiam elatione, ac superbia, peccare consueverunt. Ac propterea utrosque convenientissimè, ad contrarias hæc vitii virtutes, hortatur. Ratio autem Apostoli petita est à divitiarum, quibus superbire solent, inconstantia, 1. Tim. 6. v. 17. Quam inconstantiam, elegantî floris herbæ similitudine, illustrat, primum contractè, vers. 10. deinde explicatè suis partibus: protasis quidem est: ut enim solis exorti æstu herba arescit, & flos illius decedit, & decor illius perit: apodosis verò: *ita & divites in suis gressibus marcescet*, est, suo splendore, oborto persecutionis, aut calamitatis alicujus æstu, spoliabitur. Nam quod quidam hunc locum ita exponunt, ac si duæ proponerentur rationes: una, ab adjuncta divitiis inconstantia: altera, ab earum effectu, quod æternum exitium afferunt, dum infinitas peccandi occasiones suggerant, Prov. 30. & fiduciam, quæ Deo debetur, ad se transferant, illud coactius est: nam v. 11. nihil exponitur quod non propositum, v. 10. *Marcescere* enim & præterire, re idem sunt: & Iacobus docet fore, ut dives, etiam humilis animo, prætereat; nempe quæ dives, quod ex divite facile fieri possit egenus: atque eadem est marcescendi sententia. Quare quod nonnulli interpretantur *marcescet*, id est, peribit æterno exitio, scilicet si divitiis suis confidat, non autem spem in Dominum reponat, illud alienius est. Cæterum Apostolus redit ad primam eamque principalem exhortationem, de gaudio in tentationibus, quam epiphonemate confirmat, & tertio novo argumento probat, ab adjuncto, ac consequente beatitudine: quam comprobat à specie, corona vitæ æternæ, quam probatus tandem accipiet. Idque demonstrat, à veritate Dei, quia eam promissit. Si quidem promissit eam diligentibus ipsum, 2. Tim. 4. 8. & 1. Cor. 9. 24. Rom. 8. 28. Sed qui in persecutionibus tolerat ad finem, ille diligit Deum; ut re ipsa ostendit, cum Dei amori & veritati illius vitam suam & omnia postponit, Matt. 10. 36. Ergo ei Deus promissit, ut disertè Mat. 5. 10. 21. & 10. 22. 32. 39. Apoc. 1. 7. & 10. Sed obijciunt Pontificii: Qui tolerat persecutionem beatus est. Ergo tolerantia ac bonis operibus justificamur. Consequentiam probant, ex simili Pauli argumentatione, Rom. 4. 6. 7. Verum diversa est ratio: nam Paulus, cum Davide, loquitur de causa justificationis, & beatitudinis; Iacobus verò non de causa salutis, sed de antecedente conditione, & via: ut Act. 14. 22. declaratur, non propter quid, sed quibus vita detur. Tolerantia via regni est, non causa regnandi. Sed urgent verba sequentia. Vita æterna est corona tolerantie: Ergo meritum illius. Negatur consequentia, quia corona, quæ vincenti datur, tam humana, quam divina, alia est merita, alia est gratuita: qualis hæc est, quæ vincenti, à Deo agonotheta datur: sed non merito victoriæ; primò, quia jure, & creationis, & redemptionis tolerantiam debemus Deo; deinde, quia Deus eam in nobis non invenit, sed operatur, Phil. 1. vers. ult. & 2. v. 13. ac propterea *non merita nostra, sed dona sua coronat*, ut alicubi Augustinus, apostoli ad Hebr. 13. 21. vestigia secutus, rectè monet. Rursus excipiunt adversarii: Corona, quam dat Deus merito justitiæ, ea non est gratuita, sed merita. Atqui coronam hanc Deus ita dat, 2. Tim. 4. 8. Verum respondetur, coronam justitiæ dici, non quæ jure meritoque ei debetur, sed quæ justitiæ datur, aut justitiam comitatur. Iustitia autem ut hoc plenius exponam, aut Dei est, aut nostra; eaque inhærens, aut imputata. Si de justitia Dei Apostoli verba intelligamus, ea, hoc loco, erit justitia veritatis promissionis divinæ; quia in fide, & pietate constantibus, coronam vitæ æternæ, gratiâ suâ, non merito nostro addixit, ac propterea (ut effectum causæ, & exitus respondere principio debet) gratuito confert. Si verò de nostra justitia inhærente exponere velint, declarabitur non effectum, & meritum, sed consequens proprium. Sin denique de justitia fidei, id est, Christi justitia, per fidem apprehensa, nobisque imputata & donata explicarint, excludetur omne meritum. Veruntamen ex

verbis junctis, *justus judex*, nobis regerunt: Coronam hanc dat Deus justus judex: Ergo non gratiâ suâ, sed merito nostro. Negatur consequentia, quia justitia Dei, hoc in loco, intelligitur de instituta promissionis, & veritatis ipsius, quâ gratuito vitam æternam fidelibus, officium facientibus, promisit, ac donat. Denique urgent, adversus responsionem hanc, locum 2. Thes. 1. v. 5. 6. 7. cum ait Apostolus: Oppressionem fidelium esse manifesto indicio justiciæ Dei, ut digni censeantur regno Dei, pro quo & patiuntur: siquidem justum est apud Deum vicissim reddere iis, qui affligunt ipsos afflictionem, & afflictis relevationem. Vnde tria colligi possunt, ad impugnandas responsiones superiores, argumenta. Primum: qui à Deo, Dei regno, id est, vita æterna, digni censentur, illis corona vitæ datur, non gratiâ, sed merito. Atqui tolerantes in afflictionibus digni censentur. Ergo. Negatur propositio: dignus enim regno Dei bifariam dici potest, per se & merito suo, vel per accidens meriti alieni: Christus solus, priori modo, regno Dei dignus est, ex pacto legis, *Hoc fac, & vivet*: quia solus legem perfecte observavit: altero vero modo fideles digni sunt merito Christi, per gratiam ipsis imputato, cui Christo, per fidem, in unum corpus, conjuncti sunt, & filii Dei effecti, atque hæredes regni, Iohan. 1. v. 12. Rom. 8. v. 17. Digni igitur dicuntur fideles à Paulo, non suo, sed Christi merito, & Dei, nos, nostraque opera justificantis, & in Christo acceptantis, ac coronantis, gratia, Heb. 13. v. 21. 1. Pet. 2. v. 5. Ut interim omittam, dignum interdum non causam, sed adjunctum designare, id est, non promerentem, sed idoneum significare, Matt. 10. v. 11. & 13. & 22. v. 8. Ioan. 4. vers. 27. 1. Cor. 11. v. 27. Act. 13. v. 46. quomodo etiam apti & idonei regno fideles, vocantur digni, Apoc. 3. v. 4. quia ea servandorum conditio, ut officium faciant, non autem salutis meritum: nam, strictè loquendo, perpassiones nostræ, non sunt dignæ futura gloria, Rom. 8. vers. 18. Sed (inquiunt) verba conjuncta expositionem allatam non ferunt; dicitur enim *ut digni censeamini regno, pro quo etiam ista patimini*. Ergo regnum Dei, ut patientiæ fidelium effectum, non ut Christi meritum, neque ut conditio sola antecedens consideratur. Negatur Consequentia, quia tolerantia, hoc loco, ut apparet, spectatur tanquam servandorum antecedens officium, non tanquam regni Dei & salutis efficiens causa: quia argumentatur Paulus ab adjuncto proprio, non ab efficiente: docet enim quinam, & qua via: non quare, seu quo merito servantur. Deinde patiuntur fideles pro regno Dei, non tanquam effectu suo; sed tanquam scopo & fine, ad quem per afflictionis viam contendunt. Sed alterum, ex hac Pauli sententia, argumentum deducunt, quia dicit: tolerantibus, iusto Dei judicio, dari vitam. Ergo tolerantia merito. Verum negatur rursus consequentia: nam justum iudicium non restringitur ad meritum, sed absolute refertur ad debitum. Hoc autem est duplex: primò, absolutum & per se, quod iudicati merito nritur, & debitum meritum dici potest: alterum est debitum per accidens, ac certa ratione, quod non ex hominis iudicati merito, sed ex Dei iudicantis antecedenti, & liberali promissione (qua se gratis debitorem fecit) promanat, ac propterea debitum gratuitum est: sic vita æterna, perseverantibus in vera fide, debita est, jure promissionis Dei, qua se gratuito debitorem constituit, non autem jure meriti nostri officii. Tertium argumentum, quod objici potest, est antithesis piorum & impiorum: nam utrique digni dicuntur: illi quidem regno; hi vero exitio: & utrique iudicandi iusto judicio. Ergo eorum eadem est ratio: ac propterea, cum impii, qui Ecclesiam affligunt digni sint exitio, idque persecutionis, quam inferunt, merito: inde sequitur pios, contrario persecutionis, quam perferunt, merito, dignos esse vitam: & utrimque iudicium justum, merita spectare, alioqui inepta videtur oppositio. Sed consequentia negatur: nam eadem, hoc in loco, piorum, & impiorum statuitur quidem conditio generalis: sed non propterea eadem specialis: justum est utrimque iudicium, eoque debitum; sed debiti modi sunt diversi. Mors æterna debita est impiis, & vita piis, utrimque com-

muniter, ratione veritatis divinæ, in propositis comminationibus, & promissionibus: deinde debita etiam est ratione meriti; sed diverso modo: meritum impiorum ipsis est proprium & insitum: piorum contrà, alienum origine, non ipsis, sed Christo inhærens: quod per accidens gratiæ Dei, per fidem, & unionem cum Christo, ipsis imputatur: vitam enim æternam Christus nobis promeritus est, obedientia sua ad mortem usque crucis; & Pater filium gratuito ad eam rem destinavit: illiusque obedientiam, ad salutem, nobis, pro sua misericordia, donat ac imputat. Itaque vita æterna merita est, si Christum spectemus: gratuita verò, si nos ipsos: quia ille obedientia sua meruit; nobis verò, gratuita Dei imputatione, meritum illud donatur.

Sed postremum, adversus hanc declarationem, objiciunt adversarii: Persecutio Ecclesiæ meretur mortem: Ergo perseverantia afflictorum meretur vitam. Si quis consequentiam neget, ajunt; contrariorum esse consequentias contrarias. At persecutio, quæ vitium; & perseverantia, quæ virtus, sunt contraria. Ergo contraria eorum consequentia. Verum primò propositio generalis negatur: non enim apodictica; sed topica est, & exceptionibus obnoxia: nam contrariorum quidem, quæ verè contraria sunt, contrariæ sunt consequentiæ, ratione formæ propriæ: non autem ratione generis, quo conveniunt, & eadem sunt: neque etiam ratione communium, aut accidentium aut effectorum. Deinde etsi propositio, in perfectè contrariis, valeret; assumptio tamen strictè sumpta non est vera: nam persecutio, & tolerantia illius, non sunt perfectè contraria, si consideremus absolute: quia persecutio, ut quodvis singulare peccatum, est simpliciter legis violatio, ac propterea secundum legis comminationem perfectè meretur mortem; hæc enim legis violationem, quæcumque tandem sit, siue universalis sit omnium præceptorum, siue particularis unius mandati, tanquam proprium consequens, & effectum comitatur, ex injustitiæ merito, & justitiæ Dei sententia, Deut. 27. vers. 26. Iacob. 2. vers. 20. contrà verò perseverantia, non est perfecta legis observantia; ac propterea vita ei non debetur, nisi conjuncta sit, ad finem usque, cum omnibus virtutibus, secundum legis sententiam, Levit. 18. vers. 5. Matth. 22. v. 37. adeo ut in Theologia verissimum sit Stoicorum illud paradoxum, rectè intellectum: *Qui unicam virtutem habet* (nempe perfectè) *habet omnes*: nam ad legis observationem requiritur perfectio partium, ut omnia mandata servantur; deinde graduum, ut singula ad amissum, summa intentione, ex toto corde, toto animo, & omnibus viribus: tertio durationis, ac temporis, ut irrupta sit, ac perpetua ad finem vitæ, Deut. 27. v. 26. Mat. 22. v. 37. atque hoc modo Adamus, ob tertiæ perfectionis modum omissum, antecedenti justitiâ non est vitam consecutus, aut promeritus; sed, ob peccatum unum, mortem promeritus. Quare, ut rem in præca contraham, cum persecutio mereatur mortem, quatenus per se, & omnino est legis violatio: perseverantia nullo modo meretur vitam, quia non est perfecta legis observatio; eoque modo, per se, ac simpliciter non est virtus, sed peccatum, si absit gratia; quia nec cum omnibus virtutibus conjuncta, quod fieri debet, Iac. 3. v. 2. neque ea perfectione principii, medii, finis, quæ speciali illius mandato requiritur, prædita; idque ob repugnantiam carnis, Rom. 7. Galat. 5. v. 17. Qua de causa, rectè, ac piè Lutherus asseruit (quod Pontificii tam invidiosè & iniquè traducunt) *santos in quolibet bono opere peccare*, non quidem quâ bonum, sed quâ imperfectum. Sed inquiunt rursus: Omnia Dei opera sunt perfecta: perseverantia est opus Dei. Ergo perfecta. Negatur propositio: nam multa Dei opera tam naturæ, quàm gratiæ, cœpta ac inchoata tantum, non autem perfecta, sed perficienda, ut Phil. 1. v. 6. At ajunt omnia Dei opera, quæ in nobis efficit, alio sensu sunt perfecta, id est, reverà justa. Fatemur: sed non absolute: justa enim sunt ratione operantis Dei; sed non ratione nostri officii, quod amplius postulat; neque ratione carnis nostræ, cujus contagione opus Dei polluitur. Sed excipiunt: Quod Deus bonum opus iudicat, illud absolute, & per se bonum est: quem-

quemadmodum id quod malum vocat, malum est. At perseverantiam, & alias virtutes fidelium, ita vocat, multaque bona opera iis attribuit. Ergo. Verum negatur propositio: nam sufficit ad sermonis Dei veritatem, ut sit bonum opus, aut simpliciter, ac per se: aut secundum quid, & per accidens. Atqui mala opera simpliciter ac per se, sua natura, mala sunt: bona verò opera nostra bona sunt, non simpliciter nec per se; sed tantum ratione causæ agentis, nempe Sp. S. operantis in nobis; & ratione causæ secundæ, seu hominis, secundum quid, nempe secundum spiritum, non secundum carnem, ac veteris hominis reliquias: ut enim pura aqua, per impurum canalem profluens, impura effluit: ita & opera Dei pura, quæ per mentem, & voluntatem nostram promanant, peccati nobis innati reliquiis reluctantibus, polluuntur. Id eoque bona sunt, & à Deo dicuntur, non simpliciter, respectu nostri; sed tantum secundum quid, & per accidens gratiæ Dei & Christi: nam Deus opus suum in nobis agnoscit, concurrentem verò contagionem nostram, Christi iustitia tegit, & ignoscit. Opera igitur nostra, Dei verbo præcepta, bona sunt, primum relatè, ratione causæ primæ, id est, Dei prævenientis, & adjuvantis gratiæ; & parum ratione causæ secundæ seu nostri, secundum spiritum, & regenerationis donum; quo vivificati spiritualiter, actiones etiam vitæ spirituales proferimus: deinde per accidens gratiæ Christi, qui, ut personas nostras; sic opera nostra, ob carnis contagionem, & repugnantiam imperfecta, obedientiæ suæ iustificans, Deo accepta reddit. Qua de re valde insignes extant, & illustres sententiæ, Hebr. 13. vers. 21. κατὰ τὴν ἐκείνου ἰσχυρὰ ἐν παντί ἐργα ἀγαθὰ, ὡς τὸ πνεῦμα τὸ ἁγίον αὐτοῦ, ποιεῖ ἐν ὑμῖν τὰ ὑποτάσσον ἐν ὁπῶν αὐτοῦ, διὰ τὴν χάριν. & 1. Pet. 2. v. 5. quod Exod. 28. v. 38. fuit adumbratum. Atque hætenus de v. 12. & hortatione ad bonum patientiæ; & humilitatis. Cui jam subjicitur dehortatio à malo, transiitione, & ordine eleganti. Nam in rebus adversis duo potissimum vitia regnant, impatientia, & proles illius blasphemia. Contra primum vitium, antea egit: contra alterum verò hoc in loco. Transiit enim à tentationibus externis, id est, persecutionibus, quibus tentatur, & exploratur fides, ad tentationes internas, id est, irritamenta, & provocationes ad peccatum. Idque occasione convenientissima: quia enim proximè antecedenti versu beatum dixerat eum, qui tentationes (nimir. prioris generis) sustineret; ne ad posteriores etiam illud rapeant, per anticipationem occurrit: & huiusmodi tentationum causam Deo adscribi vetat. Hæc autem dehortatio constat propositione, & confirmatione. Propositio est: *Nemo cum tentatur dicat, à Deo tentor*, nempe malo, i. e. peccato, ut sequens ratio exponit: nam *tentare* generatim *explorare* notat. Exploratio autem alia bona est; alia mala. Bona est, quæ ex bono principio, seu animo sancto, per bonam actionem, ad bonum fidem tendit: sic Deus Abrahami fidem explorans, ut eam patefaceret, tentasse dicitur, Genes. 22. versu 1. similes loci sunt, Psalm. 26. vers. 2. 2. Corinth. 13. vers. 5. sic & Iacob. 1. vers. 2. 3. 12. persecutiones *Tentationes* vocantur, & 1. Corinth. 10. vers. 13. Luc. 8. vers. 13. Matth. 22. v. 28. quam, *Tentationem probationis*, nuncupant. Alia tentatio, malum est ac peccatum, quæ principio, medio, aut fine peccat. Eaque duplex: una, quæ Deus tentatur; cum homines Dei verbo non contenti, ex incredulitate, aut temeraria inobedientia, potentiam, iustitiam, veritatem illius explorant, Exod. 17. vers. 7. Hebr. 3. vers. 9. Matt. 4. vers. 7. quam, ab efficiente sua causa, *Tentationem præsumptionis*, vulgò appellant. Altera mala tentatio est, quæ homines tentantur, quæ peccati commendatio est, & ad illud invitatio; de qua, Matth. 6. v. 13. & 26. v. 41. quæ, à suo fine, Tentatio seductionis dicitur: quo sensu *Diabolus καὶ ὁ ἔχθρὸς ὁ ὀνειδιστὴρ* tentator dicitur, Matth. 4. vers. 3. & 1. Thess. 3. vers. 5. De qua re, elegans extat Cassiodori, in Psalm. 26. sententia: *Tentat Deus, ut erudiat; homo ut sciat; Diabolus ut seducat*. De hac seductionis tentatione agit Apostolus, ut ex sequentium confirmatione apparet, quæ rationes varias complectitur. Quarum prima, est à remotione causæ tentationis, ad remotionem effectus: *Dans malis tentari non potest*, Ergo neminem tentat,

nempe malis, hoc est, pravis motibus, & suggestionibus. Etsi enim Deus omnis mali expers sit, Apostolus tamen loquitur, non de malo naturali, vel poenæ; sed malo morali, & culpæ, vers. 13.

Altera ratio cur homo non possit Deum tentationum causam dicere, à causa tentationum prima, & præcipua, deducta est, nempe cupiditate propria, quæ & in nobis, & à nobis est, non autem à Deo. Cupiditatem autem, hoc in loco, intelligit non naturalem, quæ à Deo est: quæ illa, quæ honesta, utilia, & jucunda sunt, secundum rectam rationem, experimus: sed vitiosam, quæ ab homine est, & quidem non actualem propriè, sed habitualement solum, seu peccatum originis; quod quia omnis vitiosæ cupiditatis fons est, per Metonymiam effecti pro causa, *cupiditas* appellatur, id est, ad malè concupiscendum proclivitas. Quæ tentationum malarum origo certis quibusdam gradibus constat, quos elegantibus metaphoris Iacobus, hoc in loco, describit. Primus gradus est quod cupiditas inescat, i. e. ad vitiosos motus in hominibus, voluptatum ostentatione, excitat. Alter est, quod seducit. Est enim si militudo gemina à piscatoribus deducta: ut enim illi hamum esca regunt, eaque via pisces incautos, ad hamum unà deglutendum, alliciunt; & deinde inescatos extrahunt, ac capiunt: ita cupiditas variis voluptatibus, & occasionibus quasi illecebris, affectus, voluntatem, & mentem, ad vitiosos motus insidiosè provocat; ac tandem decipit. Cæterum hæc similitudo, hysterologia, id est, transpositione quadam, proponitur: inescatio enim reipsa præcedit, extractio sequitur: hic tamen Apostolus contrarium ordinem observat. eodem tamen sensu; quia ostendit, quæ via homines à cupiditate extrahantur: sic enim ut servetur metaphoræ ratio, omnino verendum arbitramur, v. 14. Altera porro metaphora est: quod hæc inescatio, & extractio vocantur conceptio, similitudine sumpta à meretricibus: ut enim illæ, amatoribus, jam fuco, & arte sua captis, potitæ, ex iis prolem concipere, & suo tempore parere solent: ita cupiditas, mentem obscurando, & affectus, ac voluntatem, in consensum peccati trahendo, concipit; ac deinde parit, ac producit peccatum. Tertius gradus est, servata eadem Metaphora, quod Peccatum gignit mortem, nempe temporalem & æternam, Rom. 6. vers. 23. *Peccati* autem nomine, actuale hoc loco intelligitur, non exclusivè, sed καὶ ὁ ἔχθρὸς: nam quod Pontificii concupiscentiam, seu cupiditatem vitiosam, si consensus desit, peccatum esse negant: illud primum testimonio Pauli, Rom. 7. vers. 7. 8. deinde formali definitione peccati, 1. Ioann. 3. vers. 4. & institutione legis, Mat. 22. vers. 37. denique natura & effectis concupiscentiæ huius (quæ Spiritui & legi Dei repugnat, Rom. 7. vers. 23. 25. & 8. v. 7. Galat. 5. vers. 16. 17.) perspicuè diluitur. Hæc de vers. 15. & secunda ratione, qua Apostolus probavit, Deum non esse dicendum authorem peccati. Sequuntur jam reliquæ rationes, quibus ritè percipiendis, præfatione viam sibi sternit; primum, captatione benevolentiae, cum *fratres, & dilectos* vocat: deinde, amplificatione propositæ dehortationis, à communi ratione, cum blasphemiam illam, à qua dehortatur, errorem vocat, vers. 16.

Tertia igitur ratio à contrariis effectis deducta est, quod Deus, sit omnis boni dator, & origo: datorem autem vocat, cum ait: *omnis donatio bona, & omne donum perfectum est à supernis*, id est, à cælo, & à Deo proficiscitur. Donum autem perfectum, quidam fucato, alii temporali opponi censent: nonnulli id, quod hominem perficit, per Metonymiam exponunt. Sed simplicius, & concinnius videtur, ut propriè, pro eo, cui nihil deest accipiat. Deinde Deum originem omnis boni esse indicat, cum *Patrem luminis*, id est (per elegantem Metaphoram) veritatis, & sanctitatis authorem vocat. Sensus igitur huius tertie rationis est, Deus est dator, & origo luminis, id est, omnis boni, veritatis, & sanctitatis. Ergo non est causa errorum, vitiorum, malarum tentationum, quæ tenebræ sunt. Atque hanc ratiocinationem confirmat, ac primum consequentiam, ratione petita ab immutabili Dei natura, de qua Mal. 3. v. 6. Esa. 45. v. 10. quam proponit remotione contrarii, & continuata ele-



ganter metaphora; qua Soli, luminum corporalium præcipuo auctori, conversionibus & obumbrationibus obnoxio, præfert, vers. 17.

Secundo, antecedens probat ab hypothefi, feu speciali exemplo regenerationis Iudæorum, ad quos scribit, quam egregiè concupiscentiæ, mortem gignenti, opponit, ac describit à suis causis. Ac primum ab impulsiva, voluntate Dei, id est, per Synecdochen benigna voluntate, feu gratuita benevolentia, Tit. 3. v. 4. Deinde ab instrumentali proxima, *Verbo veritatis*, nempe *κατ' ἐξουίαν* salutaris, 1. Pet. 1. v. 23. 25. Nam quod quidam de verbo substantiali, seu Christo exponunt, sanctum quidem est, sed minus conveniens Scripturæ usui, & loci hujus circumstantiis. Tertiò à fine, quem Metaphora eleganti, à primitiarum consecratione deductà, exponit: *ut essemus primitiæ quædam creaturarum suarum* (nempe novarum) Rom. 1. v. 16. 2. Cor. 5. v. 17. Eph. 2. v. 10. Nam quod generalius exponunt de omnibus fidelibus, enervare videntur Metaphoræ vim, quæ integra est, si de fidelibus Judæis interpretemur. Ut enim primitiis, Deo consecratis, reliquorum terræ fructuum usus erat sanctus, ac licitus: ita Judæis à Deo, per Evangelii prædicationem consecratis, vocatio gentium erat licita. Hæc de vers. 18. de distinctis admonitionibus ad afflictos, & divites. Quibus deinde subjiciuntur hortationes ad officia, utrisque communia, audientiam, & obedientiam, quæ ex antecedenti regenerationis gratiâ, per sermonem veritatis, commodissimâ transitione, concluduntur. Ac primum hortatur ad audientiam, & docilitatem, præsertim in sermone veritatis excipiendo, ut ex vers. 18. & 21. apparet: quam à remotione contrariorum, dehortatione à linguæ incontinentiâ, & ira, illustrat, v. 19. Cui similis locus est Ecclesiastis 5. v. 1. 2. 3. Rom. 12. v. 3. 19. Ut autem magis moveantur lectores, propositæ hortationis confirmatio, Enthymemate gravi apponitur. Cujus antecedens est, v. 20. quod *ira non exequitur, justitiam Dei*, id est per metonymiam, legem Dei, ut Psalm. 119. 7. 142. quæ justitiæ norma justissima: aut ut quidam exponunt, justitiam Dei, quam mandat, quæq; Deo probatur; quod valde concinnum: quæ phrasi, *opera Dei*, vocantur, Ioan. 6. v. 28. 29.

Consequens est, v. 21. Cujus partes sunt duæ, prima est aphærcsis, quæ concludit, quidnam mali fugiendum, ira nimirum, quam Synecdochicè *malitiam* vocat: & eleganti metaphora illustrat, & amplificat, cum sordibus & excrementis, quæ abijcienda sunt, comparat. Altera pars est thesis: quæ contrà, quid boni faciendum sit, ostendit, nempe ut cum lenitate recipiamus sermonem insitum, id est, doctrinam legis & Evangelii: qui sermo à Deo exteriorius per verbi ministros; interiorius per Spiritum S. plantæ instar, animo inseritur, 1. Cor. 3. v. 6. 7. ut fructus fidei & charitatis, ad Dei gloriam, proferat. Cæterum hanc thesin novo argumento firmat Apostolus, à sermonis effectu, quod *possit servare animas*, id est, nos ipsos, Synecdochicè, ut in simili sententia, 1. Pet. 1. v. 9. Sed objiciat aliquis, Sermo insitus est non solum Evangelium, sed etiam lex: Ergo non solo Evangelio & fide servamur; sed etiam lege, & operibus. Negatur consequentia; quia sermo insitus servare dicitur non simpliciter, sed secundum quid, nempe ratione potioris partis, id est, Evangelii, quod fide acceptum servat, Rom. 1. 16. Ephes. 1. 13. Hebr. 4. 2. Deinde ut demus de utroque agi, dici potest, legem quæ non renatis est litera occidens: contrà renatis per Evangelium esse etiam instrumentum, quod, tanquam vitæ norma, sanctitas per Spiritum Sanctum confirmatur in nobis: ideoque reipsa à peccati dominio, & exercitio servamur: non tanquam causa procreante, sed conservante; nec principali, sed instrumentali. Porro huic primæ, ad audientiam, & docilitatem in excipiendo verbo Dei, hortationi, subjicitur altera, ad obedientiam, & observationem illius: quæ porro amplificatur thesi, & aphæresi: *Estote factores sermonis, nec auditores soli*, id est, fide, Evangelio, & charitate, legi obedite. Hæc autem proposita adhortatio, ut bimembris est; ita confirmatur ratione duplici. Prima enim secundum membrum, seu aphæresin ab affectu probat: quod

dum auditores tantum sunt, falso ratiocinando seipso fallant, quia præter opinionem aberrant bifariam: primum à cognitione, cum voluntatis, ac verbi Dei; tum sui ipsius: deinde à proposito, & sperato, gratiæ Dei, & vitæ æternæ scopo, vers. 22. Cujus fallaciæ modus unus, duplici similitudine insigni, illustratur. Quarum prima est, qua verbum Dei speculo confertur: quod videlicet in eo maculæ nostræ detegantur, ut Rom. 3. v. 20. Lex enim index est earum, non solum ut cognoscamus, sed etiam abluamus: & index etiam est officii nostri & miseriæ, cum culpæ, tum pænæ.

Secunda similitudo est, qua illi, qui verbum Dei tantum audiunt, comparantur homini oblivioso, qui in speculo faciem suam, & maculas contemplatus, earum statim oblitus, non abluit, eaque ratione frustra speculo est usus, v. 24. in qua similitudine apodosis non explicata est, sed implicita. Altera ratio secundum hortationis membrum, seu thesin, confirmata similitudine, probat, à consequente beatitudine. Sed de loci hujus veritate, & sententia diversum est judicium. Quidam enim (ut initio, in assertionem de autoritate hujus epistolæ, monuimus) hinc colligere student, hanc epistolam non esse apostolicam, quasi Pauli doctrinæ repugnet, qui ad Rom. 8. v. 15. & Gal. 4. v. 24. legem Moysi servitutem generare docet: contrà verò Jacobus eam legem libertatis vocat, quod Evangelio convenit. Veruntamen nulla hic est contradictio; quoniam lex non eodem modo utrimque consideratur. Nam Paulus non solum de lege morali, sed etiam ceremoniali, & quidem ex hypothefi, quatenus illæ Evangelio opponuntur, id est, sine Evangelii gratia considerantur, secundum legalis pacti rigorem, loquitur: qua ratione omnes mortis servitio addicit, & peccati servitutem, non suo, sed hominum vitio, auget, Rom. 7. v. 8. Jacobus verò agit primum de solâ lege morali, & usu illius in Novo Testamento, ratione hominum regeneratorum. Deinde non vocat legem libertatis eo sensu, quem adversarii statuunt, quasi à servitute maledictionis, quæ peccati poena est, & Evangelii solius ministerio tollitur, nos liberet; sed alia de causa. Sic enim dici potest, primum ab adjuncto, ut sensus sit: lex libertatis, id est, constructione Hebræa, lex libera, idque duobus modis: primum à iugo, & servitute ceremonialium Mosæicarum, quæ legi Morali in Veteri Testamento fuerunt conjunctæ, Galat. 5. v. 1. deinde quod in regeneratis à condemnatione, & rigore expedita sit, Christi mediatoris nostri satisfactione, Rom. 8. 1. ac propterea non servili metu, sed voluntaria obedientia illi pareamus, Rom. 7. v. 25. & 8. v. 15. Secundò etiam piè dici potest, lex libertatis, à subjecto; quod libertati Christianæ, & liberatis necessariò conveniat, Gal. 5. v. 13. 14. qua ratione, scopo hujus epistolæ optimè quadrat: qui est, ut Christiani doceantur libertate Christiana non abuti ad licentiam, & contemptum legis Dei; sed ad obedientiam.

Tertiò lex libertatis appellari potest, ab effectis, bifariam: vel absolutè, ut quidam exponunt, quod libertate in judicando, citra ullam personarum acceptionem, utatur; ut ex collatione c. 2. v. 12. & 13. apparet: quæ expositio optimè videtur convenire: vel ratione regeneratorum, quod eos liberet, non quidem à reatu, & poena peccati, quod ad Evangelium pertinet; sed à dominio, & servitute inhabitantis peccati, & quidem non ut causa procreans, & principalis, sed tanquam instrumentalis & conservans, ob conjunctam Christi gratiam efficacem: quia lex non solum est (ut ante monuimus & piis constat) index peccati, sed etiam norma vitæ, quæ Spiritu S. utitur, ut officium cognoscamus, & præstemus; eaque ratione à servitute peccati magis magisque vindicemur, Rom. 6. v. 8. Atque hæc quoque sententia non malè instituto Apostoli scopo convenit: ut doceat legis observationem, vitæque pietatem non pugnare, sed cum primis consentire cum libertate Christiana, Rom. 6. v. 14. 15. 16. idque contra errorem, qui tum temporis vigeat, quo statuebatur, Christianos sic esse liberatos à lege, ut liceret dissolutè vivere. Quare cum tam multæ piæ sunt & commodæ hujus loci expo-

expofitiones; indignè, & temerariè authoritas & veritas illius impugnatur. Sed excipiunt, non folum fententiæ hujus fubjectum, fed etiam attributum illius, Pauli, & reliquorum Apostolorum doctrinæ repugnare: quia Paulus doce, neminem operibus fervari: contra Jacobus ait, *beatus erit in opere suo*. Sed variè, & sanctè nodus hic folvi potest. Primò, si dicamus, Paulum de causa salutis agere; Jacobum verò de via, qua eò perveniamus: docet enim quodnam fit bonorum operum, non effectum, sed adjunctum consequens: ut Ioan. 13. 17. Nam quod urgent dici, beatus erit in opere suo. Ergo opus est causa. Non sequitur: quia dictio *in pro per* accepta, hoc loco non causam & efficientiam, sed consequentiam & viam notat, per quam incedentes beati simus. Denique quidam existimant hunc locum posse accipi de notitia hominum: erit beatus, nempe apud homines, id est, cognoscetur, ut Matth. 5. 45. *ut sitis filius Patris vestri*, id est, cognoscatur vos esse filios. Sed prima responsio simplicior, & accommodatior est. Quare ut sensum hujus loci paucis complectamur: qui in legem, tanquam in speculum pietatis intropexerit, & in ea præstanda, & meditanda permanferit, beatus erit; ideoque non se fallat: opponit autem Apostolus vocem *permanferit*, voci *abiit*, v. 24. Et *perfectam legem* vocat, partim comparatione cum ceremoniarum lege: partim absolute, ut iniquos legis contemptores, confutaret, vers. 25. Verum quia hypocritæ, bona opera & legis observationem, in externo Dei cultu solummodo collocare solent; eoq; se arroganter efferunt, alios verò facile condemnant, anticipationem quadam docet ex effectis, vers. 26. quàm non verè, sed vanè religiosi sint: nempe qui lingua sunt effræni, & in Deum aut proximum contumeliosi. Quod vitium tanquam exemplum violatæ charitatis proponit: quoniam eo maximè laborarent Hebræi, ut ex cap. 3. colligi potest. Deinde v. 27. quænam sit vera religio, non definit, ut perperam à nonnullis accipitur, sed ex effectis quibusdam describit, nempe beneficentiâ in viduas, & orphanos afflictos, & abstinencia à contaminatione mundi: quâ mundi (id est, infidelium, per Synecdoch. quia maxima sunt mundi pars) vita impura seriò vitatur, Tit. 2. 12.

## C O N S E C T A R I A.

I. HÆc epistola tanquam à Christi servo, & Apostolo profecta, audienda est cum attentione, & obedientia, Luc. 10. 16. Ioan. 13. 10.

II. Exemplo Apostolorum, nec Christi Domini, nec ministerii nostri pudere; sed contrà de eâ re professionem edere, sancteque gloriari nos decet.

III. Israëlitarum ob peccata sua inter gentes dispersio, primò rerum humanarum inconstantiam; deinde Dei judicis justitiam in pœnis; tertio, veritatem in minis, Levit. 26. v. 33. testatur: denique ad officium nostrum, nempe humilitatem, fugam peccati, & studium pietatis, stimulus est, 1. Cor. 10. v. 11.

IV. Contrà, eorundem Israëlitarum, per Evangelii prædicationem, & Apostolorum ministerium, ad unitatem, & patriam cœlestem, vocatio & confirmatio, primò, Dei in collatione immeritæ gratiæ misericordiam: deinde ejusdem in promissionibus, de Israëlitarum, revocatione & salute veritatem, obfignat: eaque ratione, ad fidei nostræ confirmationem, & consolationem pertinet: denique spem nostram, ne de infidelium conversione facilè desperemus, corroborat, vers. 1.

V. Piorum est, non solum sibi bene velle, sed etiam aliis; ac fratribus inprimis, ex charitatis officio, bene precari.

VI. Cùm fideles sint fratres, dissidia fugere & bono ac saluti studere mutuò debent, Genes. 13. 8. 1. Cor. 6. v. 6. & 8. ex *φιλανθρωπία* officio, Rom. 12. 10. Hebr. 13. 1.

VII. Crux, & quidem varia, pietatis comes est, 2. Timoth. 3. v. 12. ideoque 1. Petr. 4. v. 12. non est, cur, ea occurrente, offendamur, vers. 2.

VIII. Cùm Deus cruce nos tentet, ac fidem exploret, ejus sapientia & bonitas agnoscenda est: qui, ut optimus

medicus, venena in medicinam salutarem convertere; & optimus chirurgus, sectione, & cauterio ad salutem suorum uti potest: eoque ingrati sunt, qui de Deo in cruce conqueruntur.

IX. Errant graviter, qui (ut Job. 4. v. 7.) afflictiones fidelium, certa peccatorum, & iræ Dei argumenta esse, temerariè judicant, v. 3.

X. Perseverantia in fide, & crucis tolerantia, necessaria est, v. 4.

XI. Sapientia salutaris Dei donum est: ac propterea non nobis, sed Deo adscribenda.

XII. Preces nostræ ad Deum dirigendæ sunt & fide amentandæ, ut petitis potiamur.

XIII. In beneficiis conferendis, Dei exemplo, utendum est benignitate, & candore, v. 5. 6.

XIV. Hypocrisis summa est, Deum sine fide invocare, vers. 8.

XV. Magna, in cruce fidelium impatientiæ & murmuris contra Deum, & invidiæ in opulentiores causa est, quod deorsum in suam miseriam, & aliorum felicitatem oculos defigant: nec sursum ad dignitatem, & beatitudinem cœlestem suspiciant, vers. 9.

XVI. Blasphemi sunt, qui Deum authorem peccati statuunt, v. 16.

XVII. Cum Deus sit immutabilis, illius potentiæ, gratiæ, & verbo fidendum est.

XVIII. Regeneratio, Dei donum est, per verbum veritatis: ac propterea gloria salutis nostræ, soli Deo debetur: & verbum in summo pretio habendum, v. 18.

XIX. Dei verbo tribuenda est audientia, & obedientia, v. 21. 22.

XX. Turpiter Libertini quidam, peccatis servientes, legem Dei, libertatis Christianæ prætextu, rejiciunt, v. 25.

## C A P U T S E C U N D U M.

Postquam Apostolus egit, sub finem capitis primi de religionis Christianæ descriptione ex effectis: subjungit nunc duplicem dehortationem à vitiis, quæ & religioni, & verè fidei adversantur. Nam primùm dehortatur à *σεβασμῶσι*, quæ inter Hebræos, tum temporis, vigeat: potissimum verò ea, quæ vana divitiarum admiratione excæcati, divites, cum contumelia in pauperes, honorabant, à vers. 1. ad 14. Deinde ab inani fidei jactatione revocat, & operum bonorum necessitatem copiosè & graviter demonstrat, inde ad finem capitis. Ac prima quidem dehortatio generatim proponitur, & confirmatur, vers. 1. propositio est, vitandam esse *σεβασμῶσι*. Quæ vox, cum ambigua sit, explicationem desiderat, & ad hujus loci, & aliorum multorum illustrationem: *σεβασμῶσι* enim (quod *personam* interpretantur) propriè *faciem*; aut *vultum* denotat: unde, per synecdochē partis pro toto, hominem significat. Quomodo in bonam etiam partem is accipere personam alicujus dicitur, qui alicujus habet rationem justam: quemadmodum Deo tribuitur hæc prosopopœia, Genes. 19. v. 21. *accepi faciem seu personam tuam*. deinde Davidi etiam 1. Sam. 25. v. 35. *accepi faciem tuam*. & Elizeo 2. Reg. 3. 14. *nisi faciem regis Judæ acceperissem*. Deinde, quia facies & vultus humanus sæpe fallax est, aliudque foris promittit, quàm cor intus premit: idcirco, alterâ significatione, cordi, & integritati internæ opponitur, 1. Sam. 16. v. 7. unde in malam partem, metaphoricè ad externam, & fallacem quæcumvis rerum speciem, & circumstantiam transfertur: ex qua, de rebus ipsis, justè & verè judicari non potest; ideoque veritati opponitur, Marc. 12. v. 14. *non respicis ad personam hominis, sed in veritate viam Dei doces*. sic Ioan. 7. 24. *judicare καὶ ὅψιν secundum aspectum*, judicio justo adversum statuitur. quemadmodum eodem sensu, *judicare secundum carnem*. Ioan. 8. 15. & *καὶ σεβασμῶσι* *personam respicere*. Quomodo dicitur, Act. 10. 34. *Deus non est σεβασμῶσι*, & Rom. 2. v. 11. *non est apud Deum σεβασμῶσι*. Quæ personarum acceptio mala est, & crebrò in Vet. & N. Test. prohibetur, ut Levit. 19. 15. Deut. 1. 17. & alibi: nec aliud est, quàm quædam injusti-

tia species, qua non rei veritate, & iustitia commoti, sed aliena circumstantia seducti, de aliquo iudicamus. Quæ mala *ωσπολησία* duplex est: quia iniustitia illius, aut in sola causa impulsivâ consistit; aut etiam in reipsa. Illa est, cum iustum quidem est iudicium reipsa, sed tamen iustæ causæ, & rei non habetur ratio, sed antecedentis causæ alienæ atque iniustæ: verbi gratia, si iudex pauperem, iniquè afflictum, in iudicio absolvat, non iustitiæ studio, quod infontem comperiat, sed misericordia, aut indignatione, ut interpellationis molestiam declinet, aut invidiam, iusta iniustè iudicat: quale iniusti iudicis iudicium describitur, Luc. 18. v. 4. 5. 6. Altera species est, quando & iudicium ipsum iustitiæ rei adversatur, & causa impulsiva iniqua est: ut si quis divitem infontem damnet opum invidia, ira, aut alio affectu pravo: vel pauperem iustum opprimat, paupertatis contemptu, geminam committit iniustitiam; quia & iniusta iudicat, & iniustè. Atque, de hac secunda profopolepsiæ specie potissimum, disserit Apostolus, & quidem de eo modo, quo divites quivis, solo opum respectu, pauperibus in cœtu Ecclesiastico præferebantur, adjuncto insigni piorum pauperum contemptu, ut ex seqq. apparebit. Ab hoc igitur vitio dehortatur Jacobus, hoc in loco; & confirmationem addit à contraria causa: quod cum vera fide non posset consistere. Quam rationem probat, ad fidei illustrationem, ab objecto Iesu Christo: quem describit adjuncto gemino: primò ab officio, ac potestate, quod noster, id est, omnium fidelium sit Dominus; deinde à gloria illius, quemadmodum & alibi, *Dominus gloriæ* appellatur 1. Cor. 2. v. 8. unde sequitur *ωσπολησία*, quæ adversus fideles committitur, fidei repugnare, quæ rectè statuit, fideles communem in cœlis habere Dominum, à quo redempti sunt & in familiam illius vocati, apud quem non est *ωσπολησία*, Eph. 6. v. 9. quique gloriæ illius heredes sunt, Eph. 2. v. 6. Rom. 8. v. 17. Coloss. 1. v. 27. quæ fides hæc credit, & mundi gloriæ præfert. Quæ ratio postea, v. 5. explicatur. Cui firmandæ etiam inservit fratrum vox: quæ æqualitatem, & amorem ob communem in cœlis Patrem indicat, & profopolepsiæ adversatur, v. 1. Quæ sicut culpatur: ita ordo, & gradus honoris, inter magistratum & subditum; parentes & liberos, Dominos & servos, à Deo institutus, & præcepto quinto sancitus, nullo modo ad profopolepsiam pertinet. Quam Apostolus exponit exemplo eleganti, qua Hebræos huius vitii convincens, propositæ dehortationis necessitatem ostendit. Primò, enim vitium describit à materia circa quam, seu objecta occasione, v. 2. & à modo bimembri, quod divites, solo divitiarum respectu, & admiratione, honorarent; & contra pauperes, ob solam paupertatem, & quidem in Ecclesiastico cœtu, contumeliosè deprimerent, v. 3. Deinde subiungit reprehensionem, quæ diversè exponi potest. Nam, ut alia præteream, quidam sine interrogatione legunt, cum Oecumenio, & conjunctionem redundare arbitrantur, ut sit sensus: Iudicandi vim corrumpentes, facti estis iniusti iudices, seu elegistis malas cogitationes. Alii melius cum interrogatione legunt: sed bifariam declarant. Nonnulli, hoc modo: Non pudet vos tam sinistri iudicii? nonne damnat vos propria conscientia? ut alio iudice non sit opus: de qua re, Rom. 2. v. 15. Reliqui vero de dijudicatione proximi exponunt, eo sensu, quem Beza, sua versione, rectè expressit, ut sit quædam periphrasis profopolepsiæ: docet enim honorem illum erga divitem, & contemptum pauperum inde oriri, quod perverso iudicio inter utrumque, in ecclesiastico cœtu, discrimen statuerent, eoque modo profopolepsia laborarent. Sed descriptione maluit uti, amplificationis causa, ut argumento secundo dehortationem comprobaret à genere, cum profopolepsiam, perversum iudicium esse indicat. Quod vitium illis exprobrat interrogatione emphatica, qua ad illorum conscientiam, fiducia causæ, provocat, v. 4. Cui subiungitur deinde confirmatio, qua hanc profopolepsiam aliis præterea argumentis confutat; quibus viam præfatione sternit; qua amica compellatione, benevolos, & attentos reddit auditores: benevolos quidem; cum *fratres sibi dilectos* vocat, ut reprehensionis antecedentis acerbiter mitiget, decla-

ratione causæ illius, quod ex amore fraterno prodierit: attentos verò cum ad *audientiam* provocat. Argumentum autem adfert primum (quod ordine tertium est) adversus posterius profopolepsiæ membrum, quo pauperum contemptum arguit, eosque perversos esse iudices ostendit, à iudicii divini exemplo contrario, instituta Dei, & Hebræorum antithesi: cuius prima pars declarat Dei erga pauperes honorem, quod illos elegerit nempe è mundo, eaque ratione divitibus prætulit: qua sententia pauperes non absolute omnes, nec solos intelligit; sed comparatè cum divitibus, quod plures longè ex illis, quàm ex hisce elegerit Deus 1. Cor. 1. v. 26. Deinde anticipatione elegantè paupertatis scandalo occurrit. Primo, cum vocat *pauperes huius mundi*, id est, ratione bonorum terrenorum, & caducorum huius vitæ: quorum vanitatem, Jac. 1. 11. declaravit: quæque alibi opponuntur divitiis apud Deum, Luc. 12. v. 21. Secundo, cum ratione Dei, & bonorum spiritualium ac cœlestium, *divites* esse docet, imò *reges divites*, inquit, *fide*. Quæ verba variè accipi possunt: vel ut fides sit forma; quòd divitiarum pauperum fidelium in fide sitæ sint: quia illa est notitia Christi, quæ magnæ ac spirituales sunt divitiæ: pro quibus Paulus omnia pro stercorebus reputavit, Phil. 3. 8. vel fides hic intelligi potest tanquam causa efficiens instrumentalis, ut fide divites significet, per fidem divites: quia per eam Christi & omnium bonorum sumus participes, Actor. 26. v. 18. Rom. 8. v. 1. Ephes. 3. v. 17. vel denique ut fides sit subiectum, quod à quantitate sua describatur, 2. Thess. 1. v. 3. quemadmodum 1. Cor. 1. v. 5. *ditati* dicuntur *omni sermone, & omni cognitione*. Sed hæc interpretatio dilutior est: priores verò graviores, & prima (ut appareat) accommodatissima: quia distinctè additur (quod in secunda interpretatione includeretur) *& heredes regni* nempe cœlestis, cuius gloria, omnes mundi opes, atque regna, suâ excellentia atque duratione superat, 1. Cor. 2. v. 9. Ac propterea addit, *quod promissit eis, &c.* partim ut hoc regnum, cuius meminit, hac descriptione, à terreno, & præfenti distinguat: partim ut hæreditatis huius veritatem & certitudinem confirmet, à promissione Dei; de qua egimus, Jac. 1. v. 12. Huc accedit, quod amplificationis causa addit, *qui diligunt ipsum*, ut indicet pauperes esse divites, non solum fide, sed etiam charitate: quemadmodum etiam hæc duo electioni conjunguntur, 1. Thess. 1. v. 3. 4. Sed objicit Vorstius & Arminiani quidam: Deus elegit divites fide. Ergo æternæ electionis ad vitam æternam objectum antecedens sunt fideles, eoque fides est conditio prærequisita in eligendo ad vitam æternam. Sed negatur consequentia. Primo. Quia sunt quatuor termini: nam electio, in antecedente, & Jacobi verbis, intelligitur de electione temporali, seu segregatione à mundo, per vocationem Euangelii, 1. Cor. 1. v. 26. 27. in consequente de æterna. Deinde etsi electio utrimque eodem sensu acciperetur, pro electione æterna, nihilominus falsa esset consequentia; quia indicaretur electionis, non objectum, sed attributionis illius subiectum; id est, non declararet quomodo in eligendo considerati sint; sed quales sint electi, descriptione à posteriori. Idque demonstratur ex sequentibus: nam ad verba illa, *elegit divites fide*, addit Apostolus, *heredes regni*. Unde sequitur: si objectum antecedens electionem ad vitam describeretur, fore ut homines prius essent heredes regni, quàm ad illud eligerentur. Atque hoc est absurdissimum. Ergo & illud, 2. Thess. 2. v. 13. Atque hoc primum est propositæ antitheseos membrum, quo Dei de pauperibus iudicium, quo eos honorat, explicatum est. Sequitur alterum, quo Hebræorum contumelia in pauperes opponitur. Argumenti igitur summa hæc est: illi perversè iudicant, qui illos quos Deus honorat, dedecore afficiunt. At verò vos Hebræi hoc committitis: Ergo iniustè iudicatis.

Cæterum huic tertio argumento, quartum, adversus primum profopolepsias modum, quo divites immodicè honorabant, atexit, à communi experientia, & divitum effectis, seu operibus malis, quibus se honore illo indignos præbuerunt. Ea autem opera recensentur gemina: primum adversus secundam tabulam & amorem proximi, violenta

violenta in Christianos injuria, quod eos per tyrannidem opprimerent, & ad tribunalia traherent, ut honore, bonis, aut vita spoliarent, v. 6. Deinde adversus primam tabulam & amorem Dei, blasphemia in Christum, v. 7. Divites autem non absolute omnes omnino (nam & pii nonnulli erant divites) sed comparate cum pauperibus, & multos intelligere, extra controversiam est: sed quales? an fideles, an vero infideles? diversa est sententia. Quidam enim de impiis & profanis divitibus, qui Ecclesiam Christianam persequabantur vi, & Christum blasphemabant: alii vero de divitibus, fidem professis, interpretantur, qui fraudibus variis, exactionibus in emendo, vendendo & forensibus litibus pauperes divexabant, & quasi tyrannidem quandam in Christianos exercebant: de qua etiam re cap. 5. Deinde Christum blasphemabant. Quod vitium quidam angustius per Meton. effecti exponunt, quod suis operibus blasphemiae occasionem praeberent infidelibus. Alii vero latius generatim accipiunt, quod non solum malis moribus opprimerent alios, sed etiam profanis sermonibus Christi gloriam per se violarent: nam ditiores de Christi persona, officio, beneficiis, doctrina, saepius impie loquuntur, & execrationibus, juramentis temerariis aut falsis, non raro peccant. Verum satius videtur, ut quam latissime, hoc est, de divitibus tam infidelibus, quam fidelibus communiter interpretemur, eaque ratione sententias hasce, quae diversae sunt, non adversae, complectamur. Atque hanc rationem anticipatione illustrat. Objici enim poterat ab Hebraeis: se in divitibus injuriis & impiis honorandis servare legem, quae dilectionem etiam hostium praecipit, Matth. 5. v. 45. Prov. 25. v. 28. Rom. 12. v. 20. Resp. autem Apostolus, si illam Dei legem servant, eos recte facere, vers. 8. sin contra, personam respiciant, peccatum committere. Idque legis testimonio comprobatur: quia ab ea velut transgressores redarguuntur: idque partim praepcepto generali de dilectione: partim speciali expositione illius, Lev. 19. v. 15. quibus prosopolepsia prohibetur. Cur autem legem vocet regiam, dissentiant interpretes. Quidam cum Syro, legem regis, id est, Dei, *לֹא יִשְׁחָדּוּ* exponunt: alii forma proverbiali communem omnibus intelligunt, ut Num. 21. 22. *via regia* dicitur. Praeterea sunt qui sic dictam putant, quod regali, id est, forti animo conveniat. Denique nonnulli legem praecipuam interpretantur; quod mandatum de charitate, quasi regina, aut rex, principatum, inter caetera, obtineat, Marc. 12. v. 30. 31. Rom. 13. 9. Sed tamen prima explicatio maxime videtur convenire: ut lex regalis sit Dei, aut Christi regis: quemadmodum praepceptum de charitate, *praepceptum Christi*, Gal. 6. v. 2. appellatur: videlicet quod Christus non solum primum per Moysen dederit; sed etiam potissimum, quod a corruptelis Pharisaeorum, expositione sua, Mat. 5. 8. vindicando, eam serio inculcando, & ab onere olo caeremoniarum jugo liberando, renovarit: unde etiam *novum mandatum*, suo modo, vocat, Joa. 13. 34: nam quod objicitur, exemplum desiderari, ubi Deus, aut Christus absolute Rex dicatur: regeri potest Ps. 35. 2. ubi Christus ita absolute nominatur: deinde cum v. 5. regni facta sit mentio, non inconcinne, hoc loco, de lege Regis agitur.

Haec de v. 9. Cui subicitur confirmatio, anticipatione quadam: objicere enim poterant, se non esse transgressores legis, per prosopolepsiam aliquam, quandoquidem pleaque legis praepcepta servarent. Sed negat Apostolus hoc consequi. *Quisquis enim totam legem servaverit*, (scil. reliquam) *impegerit autem in uno, omnibus tenetur*, nempe non ratione substantiae, sed circumstantiae: nam in singulis virtutibus duo praecipuntur: primum, virtutis forma; & deinde adjuncta caeterarum virtutum copula: debitum enim virtutum, & actionum non partim & separatim; sed omnino, & conjunctim persolvi debet, Deut. 27. v. 26. Gal. 3. 10. nec vera ac perfecta virtus est, quae non ex perfecta charitate, seu toto corde, tota anima & omnibus viribus, Mat. 22. 37. eoque omnibus virtutibus praedito, promanet. Quare si quis vel in unum praepceptum peccarit, omnium reus est propter individuum eorum nexum, v. 10. Idque adjunctis exemplis confirmat inde, quia

Deus eas conjunxit, ac propterea qui separat, ille, *transgressor est legis*, scil. totius v. 11. Vnde sequitur conclusio, non specialis de prosopolepsia tantum; sed generalis, ad sermonum & operum justitiam, adjuncto novo argumento, a consequente judicio secundum legem: quam, ut ante regalem, sic nunc etiam *libertatis* vocat, eodem sensu, qui ante expositus est cap. 1. 25. Hoc autem judicium quidam Synecd. de condemnatione exponunt: sed satius est, ut generatim accipiamus, sicut ex sequenti specierum inductione apparet. Sed excipiat aliquis; si fideles etiam secundum legem sunt judicandi, non servabuntur, sed condemnabuntur: quia legis judicium est secundum veritatem; seu merita, & rigorem juris non secundum gratiam. Resp. legis judicium esse duplex: unum per se, quatenus Evangelio opponitur, & ab ejus gratia separatur, & sic ex causis meritis, fideles condemnat: alterum per accidens, quatenus cum Evangelii gratia, & peccatorum remissione, sublato jam rigore, componitur: & eo modo non ex causis absolvit, & servandos judicat; sed vera fide absolutos, & haeredes regni factos, ex operibus (tanquam fidei, & filiorum Dei signis & effectis) declarat, Mat. 25. 35. Atque hanc v. 12. rationem, inductione specierum judicii, confirmat, v. 13: nam aliud est damnatio, quae immiseri cordes, & acceptores personarum sequitur, stricto jure, (nisi videlicet resipuerint:) aliud est absolutio, seu liberatio a condemnatione & donum vitae aeternae, quae misericordes manet. Cujus certitudinem per Meton. describit, quod misericordia gloriatur, id est, gloriari facit, adversus damnationem. Sed objicitur: Ergo meretur vitam aeternam. Resp. nonnulli, misericordiam, hoc loco, non hominum, sed Dei intelligi. Verum illud contextui non satis convenit: ideoque aliter neganda consequentia: nam misericordia gloriari facit de absolutione, non ut illius causa: sed ut causae signum, & antecedens absolutionem, conditio, & argumentum, secundum promissionem gratuitam, Matth. 5. 7. & 25. 35. quae promissio, gloriationis in Deo materia. Haecenus prima capitis hujus pars, quae dehortationem a prosopolepsia continet, exposita est. Cui altera, valde accommodata anticipationem, annexa succedit: quae inanem fidei iactationem, & Evangelii, ad peccati licentiam, abusum, solide confutat. Objici enim poterat ab hypocritis, adversus antecedentem damnationis comminationem: habeo fidem in corde, & professionem in ore: ac propterea tutus sum a condemnatione, ac servabor ex Evangelii promissione, Joa. 5. 24. Rom. 10. vers. 10. quamvis peccatis serviam, ut Tit. 1. 16. Mat. 7. vers. 19. Rom. 6. vers. 2. Ea nonnullorum licentia reprehenditur. Contra vero Apostolus hanc consequentiam, emphatica interrogatione, ad conscientiae judicium provocans, negat; ac docet, hujusmodi fidem, operibus vacuum, inutilem esse, id est, ut per exegesis addit, non posse servare: nam quod quidam distincte dici putant, inutilem ratione proximi, non servare, ratione incredulorum: illud minus congruit. Recte autem consequentiam negat Apostolus, quia fides vera, ac salutaris, qualem Evangelium requirit, viva est, & ut Gal. 5. 6. statuitur, per charitatem efficax: nam fides salvifica non est tantum notitia Evangelii, & generalis assensus, quae fides historica appellatur: sed notitia viva, cum charitate, & fiducia conjuncta; quaeque fiduciae actum, & dilectionis opera parit. Ac propterea fides operibus vacua, historica tantum est & inutilis ad salutem. Unde primum apparet Iacobum Christo, & Paulo minime repugnare, ut quidam perperam arbitrantur: quia hi in promissionibus Evangelicis fidem vivam, justificantem, ac salutiferam intelligunt: contra Iacobus historicam, & quidem per mimesin, ex sententia hypocritarum, nominat: ait enim *si quis dicat*, v. 14. Caeterum hanc sententiam suam probat, primum similitudine aptissima, cujus propositio est, v. 16. redditio, v. 17. Summa autem haec est: quemadmodum charitatis, misericordiae professio, qua & miseri bona tantum optantur, non autem conferuntur, non est vera & utilis misericordia, sed fucata & inutilis: ita quoque fides operibus vacua, non vera & viva est, sed mortua per se eoque omnino ad salutem inutilis. Consequentiae funda-



fundamentum, seu ratio constat: quia utrimque à remotione consequentis necessarii, ad remotionem antecedentis proceditur. Observandum autem est, nonnullos ea propositionis verba *quæ erit utilitas*, referre ad egentem, alios accommodatius, ad dicentem: quia hæc expositio cum scopo loci, & redditione, melius convenit, & antecedentibus aptius cohæret: nam ut misericordiæ veræ utilitatem & fructum, v. 13. exposuit: sic contrà fucatæ vanitatem, hoc in loco demonstrat. Atque ex hac ratione secundo probatur, Iacobum Paulo nequaquam contradicere, quia ille loquitur de fide mortua; Paulus de viva. quam distinctionis gratiâ fidem electorum, Tit. 1. 1. & ἀντιλήπτου vocat 1. Tim. 1. 5. Itaque falsò Bellar. de justif. lib. 1. cap. 15. in hujus loci depravatione, asserit; fidem in S. L. semper veram fidem significare solere. Porro huic rationi, à similitudine petiti, alteram subijcit Apostolus, eleganti oppositione fidei hujus hypocriticæ & veræ, per prosopopæiam, quâ duos homines, qui fidem & veram religionem profiterentur, introducit: quorum alter ex collatione effectuum, tanquam latentis fidei κενός, hypocritam, fide viva destitutum, se verò ea præditum ostendit, v. 28. Tertia verò ratio, continuata Prosop. petita est, à subjecto hujus fidei; quia communis est cum diabolo, ideoque mortua, & inutilis ad justitiam, & vitam. Nam, inquit: ut tu credis Deum esse unum, id est, per Synec. habes Dei & voluntatis illius notitiam: sic & diabolus credit, nec tamen verè fidelis est, ac confidit Deo, sed ad Dei notitiam horrescit, iudicii metu, nec servari potest. Ergo fides tua non est vera, & viva, justificans fides; sed inanis, & mortua, vers. 19. Unde tertio probatur, Iacobum à Paulo non dissentire; quia Paulus de fide viva, quæ electorum est, loquitur, quæ Diabolo improbo, & reprobo evenire non potest: Contrà Iacobus de historica tantum agit, quæ dæmonibus communis est, nimirum ratione rei; quamvis ratione causæ efficientis diversa. Siquidem homines credunt adducti autoritate testimonii verbi Dei, & interna illuminatione S. Sancti persuasi: sed dæmones credunt experientiâ, ac rerum evidentiâ convicti. Atque hæc tertia ratio est: cui duæ reliquæ adduntur, præmissa scopi, & conclusionis repetitione emphatica: quia non solum fidem, quæ absque operibus est, mortuam, eoque ad salutem inutilem esse asserit Apostolus: sed etiam interrogatione gravi hujus rei probationem solidam afferens, hypocritam provocat, & vanitatis arguit: *ὡς* inquit, *nos*se ὁ homo *wane*, fidem quæ absque operibus est, mortuam esse: vanum vocat, quod vivâ fide, & gratiâ Dei vacuus, de utraque tamen gloriaretur. Rationes autem quas adducit, petiti sunt à duobus exemplis singularibus: quorum prius est Abrahami Hebræi: alterum Rachabæ meretricis gentilis. Ac consequentiæ firmitas, prima fronte exigua videtur: quia à singularibus exemplis, ad regulam generalem proceditur. Sed, si quis rem accuratè perpendat, firma comperietur argumentatio: nam Apostolus nititur certis hypothesebus: quarum prima hæc est: Fides utraque Abrahami, & Rachabæ, fuit vera & viva fides. Altera; vivæ fidei, justificationis, & salutis una & eadem ratio est in omnibus verè fidelibus: ac propterea quali fide unus eorum fuit præditus, justificatus, & servatus; tali & reliqui: quia communes sunt foederis gratuiti conditiones. Nominatim verò hæc ab exemplo fidei Abrahami consequentia firma est, ut Paulus, Rom. 4. v. 11. 16. 22. 23. asserit, & ex Dei promissione probat. Unde etiam *Patrem credentium*, & *Patrem omnium nostrum* vocat, quod vestigia illius fidei sequi nos deceat, Rom. 4. 12. 16. & ideo Iacobus quoque Abrahamum, hac periphrasi, describit, *pater noster*: nam quamvis Hebræorum Pater esset propriè, secundum carnem: tamen hoc in loco metaphoricè sic vocat, exemplo Pauli, Rom. 4. quod veræ & salutiferæ fidei commune sit exemplar, quod imitari omnes debemus. Prioris igitur exempli syllogismus hic esse potest principalis: Fides, quæ dissentit à fide Abrahami, ea est mortua: sed fides absque operibus talis est. Ergo est mortua. Conclusio ponitur, v. 20. Propositionis loco ponitur confirmatio, quia Abraham est Pater noster: similiter & pro assumptione ponitur ratio il-

lius, v. 22. Fides Abrahami administra fuit operum, & ex operibus perfecta fuit, id est, metonymicè perfecta & sincera declarata. Hanc enim metonymicam expositionem, natura rei extorquet. Cum enim fides sit causa; opera, effecta, propriè loquendo fides operibus perfici non potest: quia causa non perficitur à suo effectû, sed perfecta declaratur: ut fructus boni, arborem bonam non efficiunt, sed bonam indicant ac judicant. Perfectio autem, hoc in loco, non graduum, sed partium intelligitur. Fides enim Abrahami integra fuit suis partibus, & sincera; sed tamen, quia regeneratio illius non fuit perfecta, & in summo excellentiæ gradu: propterea etiam fides ipsius absolutè non fuit perfecta. Porro hanc rationem confirmat Iacobus, exemplo illustri, quod indicat: cum ait, *vides*? Deinde cum in expositione illius, per interrogationem, rei certitudinem, & perspicuitatem indicat: Qui ex operibus justificatus est, ille habet fidem administram operum. Propositio Enthymematicè deest, reliqua ordine & apertè exprimuntur. Cæterum quæstio oritur celeberrima, de consensu Pauli, & Iacobi, qui sibi mutuo contradicere videntur. Quidam enim nullum consensum esse existimant; ac propterea divinam, & apostolicam esse hanc epistolam, negant. Sed perperam, ut ex sequentibus apparebit. Alii verò consensum esse statuunt; sed, in modo illius exponendo, variant. Nam Pontificii acutiores ajunt: Paulum loqui de justificatione prima, seu injusti, quâ quis ex injusto fit justus: quæ ex gratia, per solam fidem, contingat: Iacobum verò agere de justificatione secunda, seu iusti: quâ is justior fit, operum merito. Sed falsa hæc est distinctio, ut Paulus ostendit, Roman. 3. 28. Rom. 4. v. 2. 3. 6. ut & ex sequentibus constabit. Quamobrem Orthodoxi aliter conciliant, ac plerique distinctione homonymias utuntur. Ajunt enim *justificare* apud Paulum esse, in iudicio accusatum absolvere, & justum judicare; apud Iac. verò justum declarare: seu quod eodem redit, Paulum, agere de justificatione ex causa, qua, coram Dei judicantis tribunali iusti judicemur: Iacobum verò de justificatione ex effectis necessariis, ex quibus coram hominibus & angelis, addo & coram Deo, iusti declaramur. Quemadmodum enim boni fructus, bonam arborem non efficiunt, sed certò indicant: ita & opera iusta ac fidei, non sunt causa justitiæ, & fidei; sed fidei & justitiæ indicia: qua significatione iustificare hoc loco dicuntur. Quo refertur vulgo illud Pauli Rom. 4. 1. *Si Abraham ex operibus justificatus est, habet quod gloriatur: sed non apud Deum*. Atque hæc expositio probatur ex analogia & convenientia triplici primo cum historia, de qua agitur: Deinde cum contextu hujus loci: denique cum fide communi, seu doctrina Christiana: nam si analogiam historię spectemus, Gen. 22. 12. dicitur à Deo per Angelum: *Nunc cognovi, te esse timentem Dei*, id est per ἀνδραδουλάου (nam Deus ab æterno omnia novit perfectissimè.) nunc declarasti, hac filii tui oblatione, te timentem esse Dei, id est, per Synecd. vera fide & justitia præditum: quemadmodum etiam, Hebr. 11. 17. Abrahamus dicitur fide obrulisse Isaacum. Ex quo Moysi loco, obiter observandum est, minùs rectè vulgò dici, Iacobum agere tantum de declaratione justitiæ coram hominibus: nam expressè angelus, Dei nomine loquens, testatur contrarium. Sed pro sententia Pontificia objici posset, ex seq. verbis Angeli, Deum promittere benedictionem suam Abrahamo, quod obtulisset Deo filium suum: Ergo oblationem causam esse benedictionis, ideoque & justificationis confirmatæ. Verùm respondemus oblationem statui causam consequentiæ, non consequentis, id est, oblatio ista fuit antecedens subjectum, & conditio, cujus consequens, non effectum, sed adjunctum præmium, erat benedictio. Nam jam ante 30. annos promissionem illam benedictionis acceperat: Gen. 12. & 15. Deinde si analogiam contextus, & scopum hujus disputationis attendamus, apparebit hîc non agi propriè, de causis justificationis; sed de effectis, ex quibus fides & justificatio agnosci possunt, vers. 18. ut ex superioribus liquet. Denique huc accedit analogia fidei, quia unum opus non potest hominem, tanquam causam, iustificare; sed universa & per-

& perpetua legis observatio Deut. 27. v. 26. 28. Gal. 3. 10. Jac. 2. 10. Atq; hæc oblatio unum fuit opus. Ergo, &c. Unde concludimus Jacobum voce *justificandi* aliter uti, quam Paulum. Quidam tamen è nostris arbitrantur, conciliationem posse commodius institui, servatâ utrimque eadem *justificationis* significatione, sed ut *operum* vox homonymiam admittat: ac si Paulus eâ propriè uteretur: Jacobus verò per Meton. effecti pro causa, fidem denotaret, ut sit sensus: Abraham justificatus est ex operibus, id est, fide quæ ex se peperit opera. Quæ expositio sancta quidem est, si analogiam fidei consideres: sed nova & durior, utpote quæ cum S. Script. usu, & hujus contextus circumstantiis, præsertim v. 22. ubi opera & fides distinguuntur, non consentit. Nam quod objicitur, servata expositione communi, non facturum hoc ad propositum demonstrandum: illud facile ex superiori expositione & v. 20. ac 26. diluitur. Deinde quod excipitur, Jacobum loqui de justificatione coram Deo, agnoscimus; sed eodem sensu, quo Paulus disputat, negamus: quia justificatio coram Deo est aut à priori, seu ex causis, de qua Paulus: aut à posteriori & effectis, de qua Jacobus disputat. Atq; hæc de v. 21. & 22. Quibus illustrandis anticipatione eleganti ait, v. 23. *Impleta est Scriptura, &c.* objici enim poterat, Scripturam tamen dicere, Gen. 15. Abraham credidisse Deo, & fide justificatum. Resp. Apostolus, verum esse, sed fide viva, seu tali, quæ administra fuit bonorum operum: nam testimonium illud Scripturæ impletum fuit, i. e. compertum est, completum, seu verum, ex illo opere fidei. Nam propriè loquendo, ut rectè à doctis interpretibus observatur, hæc Scriptura impleta est eo ipso momento quo Abraham credidit, ut disertè colligit Paulus, Rom. 4. v. 10. sed complementum illius illustratum ac declaratum est postea, hoc insigni opere fidei, Heb. 11. 17. qua Metonym. versu antecedenti est usus, perfecta est, i. e. perfecta declarata est. Atq; ex hisce jam concludit Apostolus, v. 24. alterum, nempe *hominem justificari*, i. e. justum declarari, ex operibus & non fide tantum, i. e. fide quæ sine operibus seu operibus destituta. Sed objiciunt adversarii, præsertim Bell. de Justif. lib. 1. c. 15. *Justificari*, non posse, hoc in loco, significare, justum declarari: quia sicut fides justificare debet, ita & opera: nam hæc conjunguntur. At fides non justificat declarando: sed vel inchoando justitiam formalem, secundum Catholicos: vel apprehendendo justitiam Christi, secundum hereticos. Ergo nec opera. Negatur propositio: est enim petitio principii, seu quæstionem argumenti loco ponit: nam Jacobus in hoc loco *fidem* sumit oppositè, per mimèsin, i. e. quæ opere vacua sit, non autem comparatè, ut Pontificii statuunt. Deinde falsa est assumptio: nam fides, confessione patefacta, etiam cum operibus declarat justitiam. Sed urgent iterum ex v. 22. Fides Abrahami cooperata est operibus, ad justificandū ipsum. Atqui fides non cooperata est ad justitiæ declarationem. Verum negatur primò propositio: non enim dicitur fides cooperata ad justificationem: sed simpliciter cooperata est, i. e. non fuisse opera sine fide: nam revera illa oblatio filii fuit egregium fidei efficacia opus, Rom. 4. Heb. 11. 17. deinde etsi propositionem concederemus, assumptio tamen esset falsa, ut antè ostendimus: nec enim fides solum est justitiæ causa instrumentalis: sed etiam exercitium illius fidei, est justitiæ signum. Sed contrà tertio excipiunt: Fides ex operibus dicitur esse perfecta. Ergo justificatio inchoatâ per fidem, incrementum accepit, & perfectionem per opera. Negatur consequentia, quia figuratè perfecta dicitur, quod perfectio & integritas illius declarata fuerint, ut non malè, de hac re. Beda differit. Nam duplex alioqui oriretur absurditas: Prior, Abrahamum 30. annos habuisse fidem imperfectam, & informè eo tempore, quo justificatus fuit coram Deo; Posterior est, initium justificationis omne gratiæ Dei, perfectione verò meritis humanis adscribendam, eoq; salutem non esse merè gratuitam, contra Paulum, Rom. 11. 6. Eph. 2. 1. Hæc de priori exemplo, nempe fidei Abrahami. Alterum simile exemplum est Rachabæ. Causa autem, cur hoc potissimum afferatur & eonjungatur exemplo Abrahami, cum multa alia extent clariora: videtur esse, ut omnem exceptionem tolleretur: Rachab enim & gentilis, & meretrix, non ha-

bebat fidem operibus destitutam: sed justificata est, id est, justa comperta ex operibus, ex quibus fidem suam vivam esse ostendit, Heb. 11. 21. Sed objicit Bell. Rachab non potuit declarari justa, cum esset meretrix, sed verè justificata est, i. e. ex infideli fidelis, & ex injusta justa facta est. Verum negamus Rachab tum temporis, cum ex operibus justificaretur, meretricem fuisse reipsa, sed sic vocatur *duxerit*, i. e. distinctionis causâ, quod talis fuisset: ut usus S. Scripturæ, & aliarum linguarum similis est. De cujus fide, ad Hebræos, actum est. Atq; hisce argumentis omnibus propositis, annectitur illustratio à simili: quo ostendit fidem sine operibus mortuam, *sicut corpus sine spiritu mortuum est*. Hoc autem bifariam exponi potest. Primò, ex communi sententia, ut *spiritus* animam significet, ut similitudo ex parte tantum conveniat: nam Spiritus propriè vivificat corpus; contrà verò opera non vivificant fidem, sed vivam indicant: quia sunt consequentia, & effecta propria illius. Deinde interpretatione nova, quam ut olim proposui; sic repono, ut *spiritus*, i. e. *spiritus*, hinc non animam, sed effectum, seu anhelitum, qui propriè etiam *anima* dicitur Latinis, significet: ut apud Græcum interpretem, Ps. 119. 132. *attraxi spiritum*, i. e. *Spiritum* seu animam, & alibi. Quo etiam modo obscurum illum locum exponendum arbitror, 1. Cor. 14. v. 14. 15. *Orare & psallere spiritu*, i. e. flatu oris: cui opponitur *orare & psallere mente*. Ut sit sensus Jacobi: quemadmodum corpus, quod non respirat, mortuum est; ita & fides, si non spiret bona opera, mortua est, i. e. per metaphoram fucata, & ad salutem inutilis. Nam hoc commune est omnibus gentibus corporis mortui experimentum, unde etiam ad majorem certitudinem, mortuorum ori speculum adhiberi solet, ut ex illius claritate, aut obscuracione, an Spiritus insit, dignosci queat. Quare si hanc expositionem nostram amplectamur: futura est similitudo copiosior & integra, qua facillimè adversariorum objectio diluitur; sic enim argumentantur: quod instar Spiritus est, illud est causa principalior, quàm quod est instar corporis. Atque opera sunt instar Spiritus; fides instar corporis, ut Apostolus docet. Ergo opera sunt causa principalior, quàm fides: eoque cum sint *causa* justificationis, opera ea in re præstant fidei. Responderi potest bifariam: primùm negatione consequentiæ: quia est fallacia homonymias ob medii termini ambiguitatem: quia Spiritus in propositione metaphoricè alteram hominis partem, in assumptione propriè flatum oris seu anhelitum notat. Deinde si vulgo usurpatam significationem servemus; negatur etiam propositio. Nam ut ea vera est, si nomen *Spiritus* metaphoricè pro anima accipias: sic falsa, si propriè pro spiritu ac flatu oris. Nam hac etiam ratione constabit similitudo suo modo: sufficit enim similitudinem inesse in simili adjuncto, etsi in effectis sit diversitas: corpus & fides conferentur in eo, quod utrumq; sit mortuum; illud, si anima, hoc, si operibus destituatur: sed differentia est, quod corpus mortuum describetur à remotione animæ, quæ causa vitæ: fides verò à remotione bonorum operum, quæ propria ac certa effecta, & argumenta fidei. Utrovis igitur modo interpretemur, retundetur Pontificiorum telum. Interim satis liquere jam arbitramur, si primam expositionem sequamur, solutionem magis esse illustrem, ac pleniorē: nam præterquam quod propria vocis *Spiritus* significatio servatur, etiam in eo similitudo statuitur, non unica, sed gemina: fides enim confertur corpori bifariam: nam primò, ut corpus est causa Spiritus, ac flatu: sic fides bonorum operum: deinde ut corpus, quod Spiritu caret, tanquam proprio suo effecto, mortuum est: sic fides, quæ operibus bonis caret, mortua est.

## CONSECTARIA CAP. II.

I. **V**Ita nostra fidei sanctè conformanda est, & quæ ei adversantur, fugienda, vers. 1.

II. In honorandis proximis, vitanda est & adulatio, & contemptus justus, v. 3.

III. Malæ vitæ causa est non rarè malum de rebus divinis judicium: eoque curandum est, ut illud secundum normam verbi divini corrigamus, v. 4.

M m m

IV. Non

IV. Non omnes pauperes Deo probantur: sed qui sunt divites fide, & charitate.

V. Paupertas & opulentia duplex est: alia mundi hujus, & corporalis; alia alterius, & spiritualis.

VI. Pauperes pii adversus suam paupertatem & contemptum hominum consolari se debent, partim honore, quo à Deo affecti sunt (quod Dominum habeant gloriosum Jesum Christum, & à Deo electi sunt) partim divitiis spiritualibus, quibus, præ divitibus hujus mundi, donati sunt, quod scilicet secundum electionem à Deo vocati sunt ad fidem, & charitatem; & hæredes regni coelestis constituti sunt, vers. 4. & 5.

VII. Divitibus hæc duo mala comprimis fugienda sunt, oppressio pauperum, & blasphemia adversus Christum, v. 6. 7.

VIII. Lex charitatis omnes devincit, tanquam regia ac divina actionum nostrarum regula, v. 8.

IX. Cum is, qui, servata tota lege, in uno offendit, omnibus teneatur, tanquam legis transgressor; sequitur nullum hominem justificari operum merito; quia, Jac. 3. v. 2. in multis impingimus omnes, v. 10.

X. Judicium Dei secundum legem & opera nostra, stimulus esse debet ad vitæ sanctitatem.

XI. Non innocentia solum, sed etiam beneficentia à nobis requiritur.

XII. Cum Deus futurus sit tandem severus improborum judex; mala non referenda, sed æquo animo ferenda sunt, v. 13.

XIII. Non solum verbis bene precandum est afflictis; sed etiam pro virili benefaciendum, v. 16.

XIV. Fides vera, ab hypocritica fructibus distinguitur, v. 18.

XV. Vani sunt Libertini illi, qui fide, operibus destituta, gloriantur: eoque vocatio nostra, & fides bonis operibus confirmanda est, v. 20.

XVI. Pia sanctorum exempla, non ad rei notitiam, sed ad imitationem, in Sac. L. proposita sunt.

XVII. Dei voluntati, exemplo Abrahami, in rebus etiam difficillimis, obtemperandum est, v. 21.

XVIII. Cum fides pietasque nos Dei amicos reddat; infidelium amicitia parvi pendenda est, v. 23.

XIX. Nulla poenitentia nimis sera, si seria & vera; exemplum Raabæ docet, v. 25.

XX. Cum fides sine operibus mortua sit; sequitur, opera ad salutem esse necessaria; nimirum non tanquam causam, sed tanquam viam, v. 26.

### C A P U T T E R T I U M.

**D**UO, præ cæteris, vitia, in Ecclesia oriri solita, in Judæis etiam Ecclesiis vigeant: primum peccandi licentia, ex perverso, doctrinæ de fidei justificatione, & libertate Christiana, abusu: deinde, ex fiducia arroganti sapientiæ, & justitiæ propriæ, de aliorum fide, & moribus, iniquum & præceptum judicium. Ideoque postquam Apostolus prius confutavit; ad alterius vitii, & cognatorum reprehensionem, opportunè transit. Tres enim hujus capitis sunt partes præcipuæ: primum enim agit Apostolus adversus arrogantiam rigide in alios censuræ: deinde adversus duo cognata vitia, linguæ incontinentiam; & inanem sapientiæ persuasionem. Ac prima pars constat dehortatione & confirmatione illius. Illa est: *Ne estote multi doctores*. Quod quidam de publico docendi munere exponunt; ad quod, ob rei difficultatem, & sanctitatem, non multi sunt idonei: alii verò accommodatius ad privatam, & ambitionem aliorum reprehensionem referunt; ad quam multi, ob superiorem doctrinam, c. 2. v. 18. & 26. pio zelo, sed admixta humana imperitia, & arrogantia, importunius abrepti, longius justo potuissent proflire. Loci similes sunt, Matt. 7. 1. Rom. 2. 1. 2. 3. Prohibetur autem non quævis doctrina privata, aut censura, ut ex Levit. 19. & Matt. 18. 15. & Eph. 5. 11. constat; sed vitiosa tantum, i. e. quæ in re, modo, aut fine peccat. In re; cum falsa est, à Dei judicio, S. L. patefacto, aberras. In modo, cum acrior est, quàm æquitas postulat: aut præpostera, quæ

ordinem violat: & neglectis omnino suis vitiis, in aliorum nævos promptius, ac rigidius inquit. Denique in fine, qui aliud quàm Dei gloriam, & salutem proximi spectat. Quare si censura sit justa, re modo, & fine; hoc in loco non culpatur. Cæterum dehortatio hæc firmatur ab effectu, nempe judicio, i. e. poenæ divinæ incremento, ut Matt. 7. 1. Rom. 2. v. 2. 3. Quæ ratio probatur, partim à censorum conscientia, v. 1. partim à causa judicii, nempe peccatorum multitudine, quæ omnes laboramus: quod contra perfectionis arrogantiam est observandum: nam, qui peccatis scatent, poenam merentur omnes, sed graviores, qui, in aliis judicandis, sui obliti, iniqui ac severi sunt, Rom. 2. 1. 2. 3. Matt. 7. 1. & 18. 33. Porro, *nos in multis labi*, declaratur exemplo speciali lapsus linguæ: ea; viâ eleganter ad secundam partem procedit; qua, primum usum bonum, & malum linguæ describit: deinde dehortatur à malo. Ac bonum usum laudat, bifariam. Primum à causa, nempe perfectione. Loquitur autem hic aut de perfectione absoluta & graduum, hypotheticè, à qua omnes procul absumus; aut de perfectione comparata, & partium, quod linguæ moderatio rarissima sit virtus. Alia ratio est ab effectis: quia ita totum corpus freno potest moderari, quod metaphoricè proponit. v. 2. Quam rationem duabus similitudinibus illustrat, cum linguam, explicata antecedente metaphora, frænæ equorum comparat, v. 3. & navium gubernaculis, v. 4. ut apodosis, utrimque communis, ostendit, v. 5. Similitudo autem constituitur in causarum exiguitate, & effectuum, objectuumq; magnitudine. Atque hæc de bono linguæ usu, & continentia. Malus verò describitur, ac vituperatur; primum generatim: deinde speciatim. Generatim ab effectu, efficiente, adjuncto. Ab effectu, nempe damno quod infert, idq; illustratur, partim similitudine explicata ignis: partim contracta in metaphora, cum maculis confert. Ab efficiente verò cum *inflammata* dicitur à *gebenna*, i. e. Meton. à Diabolo, ut Matt. 16. *Porta inferni*, potentiam Diaboli notant, quemadmodum, v. 15. in vicina sententia sapientiam illam vocat dæmoniacam: Denique ab adjuncta comparatione amplificat, quod cum feræ omnis generis domentur, v. 7. lingua maneat indomita. Cui adjuncto addit repetitionem effecti, illustratam similitudine veneni, & quidem copiosi ac mortiferi, v. 8. Atq; ita hoc effectum confirmans, aptè transit à generali ad specialem intemperantis linguæ vituperationem, ab effectis. Objici enim poterat à nonnullis: linguâ laudatur Deus, Psalmis, precibus, verbi illius annuntiatione, confessione. Ergo non est plena veneno. Verum, antecedente omisso, consequentia negatur: quia illa Dei laus vitatur, conjuncta execratione proximi, quo, tanquam Dei imagine, læso, in Deum etiam peccatur, v. 9. Hactenus descriptio usus boni & mali linguæ: cui succedit consequens ex ea dehortatio, à speciali hoc linguæ abusu, v. 10. Cujus dehortationis ratio est, quod naturæ adversetur. Quam rationem similitudine fontis, v. 11. arborum bonarum, ficus & vitis illustrat. v. 12. Atque hæc de secunda hujus capitis parte. Cum quæ tertia optimè cohæret; in qua falsa sapientiæ persuasio, quæ plerumque censuræ rigidioris, & linguæ intemperantis causa est, reprehenditur, & mansuetudo & pax Christiana commendatur, proposito veræ ac falsæ sapientiæ discrimine, ex effectis contrariis: veræ enim sapientiæ effectum, & *neihæor*, est vitæ sanctitas, & in proximum, præsertim peccantem, mansuetudo prudens, v. 13. contra falsæ sapientiæ nota & effectum, est invidia, & contendendi libido, v. 14. Quod confirmatur à causis, per aphæresin, & thesin, v. 15. Aphæresis autem ex collatione contrariorum effectuum invidiæ, & contentionis, v. 16. & coelestis sapientiæ, v. 17. demonstratur. Cui additur corollarium; quo sapientia coelestis, à consequente, non effectu, sed adjuncto fructu; non enato, sed gratiosè à Deo & promisso, & conferendo, Rom. 6. v. 22. 23. commendatur, v. 18.

### C A P U T Q U A R T U M.

**P**ostquam Apostolus, cap. antec. falsam propriæ sapientiæ persuasionem, tanquam paci adversam & diffidiorum causam reprehendit: in eadem materia excolenda pro-

progredditur, hoc cap. & adversus alias etiam dissidiorum causas differit, voluptates nim. & obrectationem; quibus addit seriam arrogantiam, adversus Dei providentiam, reprehensionem. Quæ tres primariæ sunt hujus capitis partes. Quarum prima constat reprehensione voluptatum, à v. 1. ad 7. & adhortatione ad officium à 7. ad 11. & illa quidem est partim generalis, quæ & voluptates Hebræorum arguuntur, quod in ipsis militarent adversus Spiritum, Rom. 3. 13. & 7. 23. & inter se: & ex effectis culpantur, quod inde bella, & pugnae, i.e. Metaph. contentiones extarent, v. 1. partim specialis, qua inductione optima confirmat generalem. Reprehendit autem avaritiam, ambitionem, atque intemperantiam. Ac primum argumentum est à damno seu à remotione utilis effectus, quod Deus concupiscentiam, i.e. avaritiam, invidiam, atque ambitionem, & quæ inde oritur contentionem, optato eventui destituit. Quod illustratur à causis promerentibus; nempe precum neglectu in nonnullis, v. 2. & abusu in aliis, quod nim. malè, i.e. in malum finem, precarentur, 1. Ioan. 5. 14. nempe ut in voluptates eorum infunderent: quomodo intemperantiam eorum reprehendit, v. 3. Alterum deinde argumentum ab effectu deducitur, Dei nim. offensione; ait enim *adulteri, & adulteræ*, significatione propria & angustiore, ut ex vers. anteced. connexion colligitur: vel figurata & generali, Sacrisque Literis frequenti: sic enim non immerito vocantur illi, qui Deum sponsum suum deserentes, mundo & carni serviunt, eaque ratione spiritualis conjugii pactum violant. Unde subjicit Apostolus amicitiam mundi, esse inimicitiam adversus Deum. Mundum autem nonnulli homines non renatos, alii voluptates & vitia mundi, ad scopum loci accommodatius, exponunt: generatim autem res terrene & vitia insita mundo intelligi possunt: sed illa erit differentia, quod illarum amor malus est tantum, cum inordinatus sit, & in modo, aut fine, à Dei verbo aberrat: horum verò amor absolutè & simpliciter malus est: hæc autem amicitia, inimicitia dicitur adversus Deum. Unde argumentum à cognatis concludit Apostolus, v. 4. qui voluerit amicus esse mundi, inimicus Dei constituitur. Similes loci, Matt. 6. v. 24. 2. Pet. 1. 4. & 2. 20. 1. Ioan. 2. 15. Porro sequens versus maxima varietate ab interpretibus accipitur. Quidam enim verba illa: *an putatis*, &c. arbitrantur per ellipsin pronomini *non*, pertinere ad antecedentem sententiam, de amicitia mundi: quæ sententia, communi S. Scripturæ doctrina, & similibus locis continetur. Alii verò ad sequentia variè referunt, & quidem vel remota, nempe ad v. 6. ut parenthesi media includantur: vel ad proxima: sed nec hic in verborum sensu, neque in Scripturæ loco consentiunt. Multi enim citari putant dictum, Gen. 8. 21. *omne figmentum*, &c. Sed hæc sententia videtur generalior, quam ut huic loco congruat. Alii propius respici putant Moysi ad Josuam responsum, Num. 11. 29. *An invides me causa? si daretur*, &c. Sed quia est quædam personæ & verborum differentia, idcirco alii potius referunt ad locum Gal. 5. 17. 21. 22. *Spiritus concupiscit adversus*, &c. nam inter concupiscentias carnis numeratur invidia: ut contra inter Spiritus opera, charitas & gaudium recensentur. Nam quod primum objici potest, dici à Jacobo Spiritum concupiscere ad invidiam, ut finis & effectum notetur; ideoque per Spiritum animam intelligi, non Spiritum regenerantis gratiam: ad illud responderi potest, duobus modis; primò, ut vocem *eis*, non pro *ad*, sed pro *adversus*, h. in l. accipiamus, ut apud authores Græcos interdum usurpatur, & apud Paulum, Eph. 6. 11. & ut sine interrogatione legatur sententia. deinde, ut, per interrogationem, effectum notet: eoque modo eadem erit sententia, videlicet spiritus effectum non esse invidiam. Deinde quod excipi potest, in Script. citatione V. T. non autem N. intelligi, ideoque locum Pauli alienum esse: illud, Petri aperto exemplo, confutatur, qui Pauli etiam autoritate utitur expressè, 2. Pet. 3. 15. Reliquas interpretationes, quia alieniores sunt, omitto. Ut autem prefatus ad rem redeamus, reprehendit Apostolus invidiam à contrario, quod Spiritus ei, tanquam carnis operi, repugnet, v. 5. deinde superbiam, ab effectu illius, & contrariæ humilitatis gratuito fructus; quam doctrinam Scripturæ auctoritate ex Ps. 34. comprobatur, quod Scriptura non solum

non inaniter nos admoneat invidiam spiritui adversam: sed majorem etiam gratiam præstet, i. e. beneficium, dum humilibus, ab invidia alienis, Dei gratiam pollicetur, v. 6. Atque hæc de reprehensione voluptatum & vitiorum, quibus Hebræi laborabant. Sequitur jam, ad officium & resipiscientiam adhortatio, quam ex antecedenti ratione concludit. Hortatur enim generatim ad obedientiam Deo præstandam, & contra Diabolo fide resistendum, & reliqua *parabolæ* Christiana, de qua Eph. 6. 11. Idque confirmat, promissione victoriæ, v. 7. Hortationis autem prius membrum aliis verbis repetit; & promissione gratiæ Dei amplificat; deinde speciatim obedientiam exponit, cum postulat primò innocentiam; deinde sinceritatem, v. 8. præterea poenitentiam & luctum ob antecedentes voluptates ac peccata, v. 9. denique humilitatem, quam à præmio suo commendat, v. 10. Hactenus prima hujus Capitis pars, adversus voluptates. Altera verò est dehortatio ab obrectatione, quæ quis, ex suo sensu, & arbitrio solo, condemnat alium. Quæ dehortatio confirmatur duplici ratione: prima est, quia hoc modo damnatur Dei lex, quando id, quod illa permittit, damnatur, v. 11. altera, quia Dei summi judicis officium violatur, v. 12. Tertia denique hujus Capitis pars est, adversus quorundam arrogantiam, ac temeritatem, in rebus suis, neglecta Dei providentia, præfiniendis, eventus felicitis sponsione. Ac primò vitium illud prosopopæia quadam describitur, v. 13. & refutatur argumento ducto ab incertitudine vitæ, v. 14. Deinde contrarium officium declaratur, quod contra vitæ ac actionum nostrarum arbitrium, Dei providentiæ sit tribuendum, v. 15. Inde v. 16. reprehensio additur, quæ antecedentibus, per parenthesin distinctis, cum v. 13. est copulanda. Postremò additur, per anticipationem, generalis conclusio ad bona opera commendanda, ut Luc. 12. 40. quod officii conscientia neglectum illius non minuat, sed aggravet, & *κατ' ἰσχύν*, peccatorem, i.e. flagitiosum, constituat, v. 17. sic enim peccatum per Synecdochen accipiendum esse, res ipsa loquitur.

## CAPUT QUINTUM.

Cum bonorum operum studium, superiori capitis conclusionē, generatim commendavit Apostolus: jam progreditur rursus ad specialem quandam explicationem: quam partim à dissidentibus, partim à consentaneis illustrat. Partes autem universæ sunt sex: quarum extremæ 4. ad secundam: duæ verò mediæ, ad primam legis tabulam, pertinent. Prima autem pars divites attingit; estque acris reprehensio: cujus primum membrum est interminatio generalis miseriæ consecuturæ. Cujus magnitudinem amplificat ab effectu, nempe consecuturo fletu, v. 1. ut Luc. 6. 24. *Vae vobis divitibus*. Divites autem intelligit, non quosvis opulentos propriè & generatim; nam divitiæ sunt donum Dei; & Jobus ac David, Deo accepti fuerunt Divites, & in finem ditis Abraham, Patris fidelium, translatus est pauper Lazarus: & divitibus salutis via aperitur, 1. Tim. 6. 17. sed improprie per Synecd. maximam divitum turbam, id est, divites suis divitiis fidentes, ac servientes, notat: de qua re, Matth. 6. 20. 21. 24. & Marc. 10. 23. 24. 25. Alterum reprehensionis membrum est confirmatio à causis miseriæ, tribus peccatorum generibus, injustitia, intemperantia, crudelitate; & explicatione miseriæ specialis. Injustitia autem duplex arguitur, quarum prima est avaritia & immisericordia, quæ partim generatim exponitur, quod divitias suas putrefieri paterentur potius, quam quod iis pauperes, pro officio, juvarent: partim speciatim, quod vestimenta, v. 2. & aurum, argentumque vitari, neglectis pauperibus paterentur. Cui vitio additur, vers. 3. interminatio specialis, quæ miseriam propositam declarat Metaphoricè, fere ut Marc. 9. 44. quod ærugo illa & opum accumulatio futura esset causa, qua convincerentur avaræ immisericordiæ, & gravissimo ultimi diei judicio punirentur, Rom. 2. 5. Mat. 25. v. 45. Altera injustitiæ species, est rapina: quod non solum pauperes non juvarent bonis, sed etiam quod exuerent, debitaque mercede spoliarent, contra disertam justitiæ legem, Deut. 24. 14. Quod vitium amplificat ab effectis: clamore gemino, rapinæ, & pauperum. Clamor rapinæ, per



Metaph. ac proſopopeiam quandam, peccati magnitudinem, pœnamque gravem denotat, quod pœnam promeritam quaſi poſceret à Deo: quemadmodum, Gen. 4. 10. 18. 20. 21. Eſai. 5. 7. Clamor verò afflictorum, eſt querela eorum, de injuria, à raptoribus divitibus facta. Clamor autem hic, dicitur, per quandam Metaph. introiſſe *in aures Domini Zebaoth*. i. e. exercituum, ſeu omnipotentis omnium creaturarum (quæ per Metaph. exercitus dicuntur) divitum & pauperum Domini & judicis juſtiſſimi: ut Ex. 2. 23. Pf. 9. 13. Luc. 18. 7. Ac propterea ira Dei, & imminens pœna à conſcio & juſto judice denuntiatur, v. 4. Porro alterum peccati genus, & cauſa miſerię divitum, eſt eorum intemperantia: quod opibus ad delitias, voluptates, ſantumque abuterentur. Cui ſpecialis interminatio, ad rem accommodata, apponitur, v. 5. quod corda enutriverunt, ut in diem maſtationis. Quæ phraſis bifariam exponi poteſt, primò, ut ſit deſcriptio & amplificatio luxus, ſimilitudine, à Judaicis feſtis, quibus ſacrificia maſtabantur, epuliſque indulgebant, quomodo verba Apoſtoli *ſis ēi hūmēa ſpazys* vertunt, *ut die epuli*. Qualis deſcribitur epulo, Luc. 16. 19. 20. Quo etiam ſenſu vox maſtationis ſumitur, Ezech. 39. 17. Verum ſecundo modo aliter explicari poteſt, ut *ſis ēi hūmēa ſpazys* interpretemur, non *in die*, ſed *in diem maſtationis*: quemadmodum præpoſitio *ēi* pro *ſis*, crebro viciffim uſurpatur, ut ante, v. 3. Qua ratione ad deſcriptionem non peccati, ſed pœnæ imminentiſ pertinebit, ut ſit ſenſus; quod ſuis delitiis, ovium, vitulorum, altitiumque inſtar ſaginati, præparentur in diem maſtationis & exitii. Similes omnino & elegantiffimi loci ſunt, Jer. 12. 3. & 45. 20. 21. Quæ ſententia, uti nervoſior eſt; ita magis videtur convenire. Tertia denique miſerię divitum, & impendentis maſtationis, id eſt, exitii cauſa, eſt crudelitas in pauperes innocentes, quod eos in judicio iniquè opprimerent. Quæ oppreſſio Metaph. mors dicitur, quod iis vitam acerbiffimam, & invitam, ac mortis inſtar, redderent: aut per Metony. effecti pro cauſa, quod mortis immaturę cauſa exiſterent. Similes loci, Eſai. 1. 15. Amoz 4. 1. *juſtum* autem vocat, non Chriſtum *κατ' ἐξοχῶν*, quemadmodum quidam minus aptè exponunt: ſed pauperes innocentes, juſtitia addiſtos, per enallagen numeri uſitatam, Eſai. 3. 11. 12. 1. Tim. 1. 9 Sic & in hoc exemplo: *Romanus prælio victor*. Cum autem alia ſit juſtitia perſonæ, & quidem vel imputata, vel inherens: alia cauſe; hæc propriè, hoc in loco, intelligitur, quod innocentem, & immeritum opprimerent, v. 6. Atque hæc de gravi divitum reprehentione, ex qua altera Capitis pars; quæ ad pauperes & oppreſſos conſolandos; & in officio fidei, & charitatis confirmandos, ſpectat, concluditur: nimirum admonitio pauperum, iniquè afflictorum. Quæ duobus conſtat membris. Prima eſt hortatio ad patientiam: cui ſimilis locus in primis memorabilis extat, Mal. 3. 16. 4. 1. & Pf. 37. 73. Quam hortationem confirmat, promiſſione *adventus Domini*; nempe judicis, & vindicis: qua pœnam malis, præmia bonis rependet: quemadmodum 2. Theſſ. 1. 6. 7. explicatur. Quam conſequentiam probat. opportuna anticipatione, adverſus moræ tædium, utens ſimilitudine à patientia agricolę, ut 2. Tim. 2. 6. Cujus protaſis eſt, v. 7. Apodoſis, aucto novo argumento ab adjuncta adventus propinquitate, v. 8. Alterum verò membrum eſt dehortatio ab impatientia, & vindictę cupiditate, pertinens (ut videtur) ad cautionem, ne iis, quę v. 4. dicta ſunt, abuterentur. Quam dehortationem confirmat, v. 9. à vindictę effecto, nempe condemnatione; & adjuncta illius propinquitate, quam eleganti forma proverbiali indicat, cum ait: *ante januam ſtare*, ſeu præ ſoribus eſſe: ut Gen. 4. 7. & Marc. 13. 29. Hinc, ad confirmationem ampliore, hortationis ad patientiam, reddit, & ſecundam rationem adjungit, ab exemplo Prophetarum laudato, v. 10. quemadmodum, Matt. 5. 12. Tertia eſt ab adjuncta laude, quę à communi teſtimonio probatur. Quarta eſt, ab eventu felici, qui exemplo Jobi oſtenditur (de quo, Job. 42. 10. 12.) & explicatione cauſæ illius, conſequentia quoque probatur, v. 11. Hæc de ſecunda Capitis parte. Tertia eſt dehortatio à temerariis juramentis, quæ tum temporis maximè vigeant, v. 12. quę confirmatur, ut Ex. 20. 7. ab effectu ſuo pernicioſo, condemnatione. Nam quod Anabaptiſtæ omnia

juramenta abſolute prohiberi cenſent, illud omninò alienum eſt: quemadmodum demonſtrat Scripturæ analogia, cum particularis hoc in loco; tum communis aliis in locis, per univerſam S. Script. Particularis analogia hujus contextus elucet ex illa diſtinctione formulatum obliquarum, quibus ad jurandum temerè, & falſò abutebantur Judæi, Matt. 23. 16. 18. 22. ideoque cum Jacobus ait: *nullum aliud juramentum*, illud non eſt intelligendum de univerſali inductione: ſed, quemadmodum Matt. 5. 24. de certo juramentorum genere, nempe de temerariis juramentis, quorum exempla nonnulla præmiſit; non autem univerſe de neceſſariis, veriſque juramentis; quemadmodum etiam analogia communis Sac. Script. perſpicuè demonſtrat; quandoquidem ipſa juramenti natura, S. L. deſcripta eſt: quia eſt invocatio Dei in teſtem & judicem; ideoque Dei cultus eſt, & gloriæ omniſcientiæ, veritatis, juſtitiæ, potentiæ Dei illuſtrat. Deinde legis præſcriptum idem evincit, Deut. 6. 13. Accedit etiam tertio Chriſti antecedens proteſtatio, Matt. 5. v. 18. quod nolit abolere legem; ideoque in ſequentibus legem juramenti non abrogat, ſed exponit. Quarto idem etiam arguit Prophetia, Eſai. 45. 33. qua N. T. cultus, Dei-que conſeſſio, Synecd. juramento deſcribitur, ex expoſitione Pauli, qui genere expreſſo, juramentum conſeſſionem interpretatur, Rom. 14. 11. Quintò laus juramenti & utilitas, Heb. 6. 16. commendatur. Sextò denique exempla divinitus probata. J. Chriſti, ſancti ſanctorum, qui adjuratus, ſeu ad conſeſſionem ſub juramenti religione edendam à Pontifice provocatus, ac juſſus, obtemperavit, Matt. 26. v. 63. Deinde ſancti Angeli exemplum extat, Apoc. 10. 6. qui per Deum juravit. Denique Spiritus S. inſtinctu ſcribentis Apoſtoli Pauli, Rom. 1. 9. & 2. Cor. 1. 23. Ex quibus omnibus conſtat, non omnia juramenta in N. Teſt. eſſe prohibita: ac propterea hunc locum perperam omninò ab Anabaptiſtis detorqueri. Cæterum quarta hujus Capitis pars ſuccedit, quæ invocationem Dei præcipit: in adverſis quidem, petitionem gratiæ; in ſecundis verò celebrationem & gratiarum actionem, v. 13. Quinta Capitis pars de Eccleſiæ officio in curandis ægris diſſerit: ac conſtat partim deſcriptione, partim confirmatione. Deſcriptio officium complectitur geminum, primò Ægri, deinde Presbyterorum. Officium ægri eſt, ut accerſat, id eſt, accerſi curet Presbyteros Eccleſiæ. Presbyterorum verò Officium eſt ut orent pro eo, & inungant eum oleo in nomine Domini, v. 14. Quod intelligendum eſt de iis ſenioribus, qui temporario illo ſanandi dono erant præditi, ſicut præcipit Chriſtus, Matt. 10. v. 8. *infirmos curate*: & Apoſtoli paruerunt, Marc. 6. 13. & unxerunt oleo multos infirmos, & curarunt, & 1. Cor. 12. 28. *poſuit Deus in Eccleſia, primum Apoſtolos, &c. dona ſanationum* & v. 30. *Nun omnes habent donum ſanationum?* q. d. minimè. Confirmatio verò deſcriptionis petita eſt à *precationis fidei*, i. e. ex fide promanantis, aut cum fide conjunctæ, effecto. Fides autem intelligitur non ſolum Presbyteri, ſed ſimul etiam ægri, quæ conditio eſt neceſſaria; quia ſine hac, licet ſanatio corporis contingere poſſit, remiſſio tamen peccatorum & juſtificatio non percipitur, Rom. 3. 28. Matt. 21. 22. Jac. 1. v. 6. 7. Effectum autem inſtrumentale eſt duplex: quorum prius eſt miraculoſum & extraordinarium, ad confirmationem Evangelii, initio Eccleſiæ, pertinens, nempe ſanatio & erectio ægri corporis à Deo: deinde ſanatio animæ, ſeu remiſſio peccatorum. Peccata autem intelligit non generatim ac propriè, quamvis legis tranſgreſſionem: quia alioqui non addidiſſet conditionem, *ſi habueris peccata*: quā notat interdum fieri ut æger non habeat peccata. Atqui nullus homo eſt, qui non habeat, generatim accepta, 1. Ioan. 1. v. 8. quoniam in multis labimur omnes, Jac. 3. 1. Sed peccatorum nomine intelligit per Synecd. peculiaria quædam peccata, videlicet, quorum cauſa, ægritudine divinitus eſſet caſtigatus: quomodo loquuntur Apoſtoli & Chriſtus, Ioan. 9. v. 2. 3. *Uter peccavit?* &c. Ideoque ineptè Pontificii in Catechiſmo Trid. 1. de extrema unctione, vocem *peccatorum* ad leviora & venialia: aut ad graviora, ſed ab ignorantibus perpetrata, referunt. Hæc autem dona ſanationis corporis, & animi beneficia, in ſimili miraculo conjunguntur. Mat. 9. 25. Quod

Quod autem Pontificii fictitium extremæ unctionis sacramentum, ex hoc Jacobi dicto exstruere moliantur; illud perspicuâ, ac multiplici, inter utrumque discrepantiâ, confutatur. Quarum prima est in causa efficiente principali: unctio Jacobi à Presbyteris Ecclesiæ, sanandi dono præditis, peragenda. Pontificia verò unctio tantum à raso, & uncto sacerdote, qui sit ordinatus ab Episcopis, & sanandi dono destituitur, administranda. Altera est in efficiente instrumentali: oleum enim Jacobi est commune: Pontificium verò non est commune, sed variis superstitionibus consecratum. Tertia est in materia subjecta: Iacobus omnes Ecclesiæ infirmos nominat promiscuè, Pontificii non omnes; sed morti saltem vicinos, unde *extrema unctio, & sacramentum exeuntium*, ab iisdem vocatur, Catech. Trid. de extremâ unct. Quarta in forma consistit: Iacobus unctionis simpliciter meminit: Contrà Pontificii unctiones varias, naribus, ori, auribus, genibus, pedibus adhibent superstitione multiplici. Quinta denique differentia in fine & effectu elucet: unctionis Jacobi certus finis est, & effectus, sanatio corporis: contrà in Pontificia unctione neutrum reperitur. Quare ineptè, & impiè superstitionem suam unctionem ordinariam, cum divina extraordinaria, ac miraculosa confundunt. Atque hæc de v. 15. Sexta pars est de mutua peccatorum confessione, & precatione pro aliis: quam confessionem, ineptè Pontificii, ad fictitium auricularis confessionis sacramentum, detorquent. Inde enim sequeretur, sacerdotes etiam debere populo vicissim confiteri, aut solos inter sese. Nam quod Bell. objicit *αἱ ἀλλήλων*, non hic denotare mutuum: sed homines hominibus, ut 1. Petr. 4. v. 9. 10. *hospitales estote invicem: unusquisque sicut accepit gratiam, in alterum illam*

*administrantes*: Quoniam qui tecto carent, non possunt abun-  
dantes domibus excipere, nec imperiti doctos erudire: hoc inquam à re alienum est. Nam ex re proposita, & addita expositione liquere potest, eos ab Apostolo Petro compelli, qui donum aliquod acceperant, quod mutuum esse poterat; vel specie, ut fere hospitalitas & alia communium donorum exercitia: vel genere, ut prædicatio Evangelica, *δουλοῖα*, &c. pro quibus gratiam mutuam, pro suo modulo, non specie, sed genere referunt auditores & pauperes, ut Rom. 12. v. 5. 6. Gal. 6. 6. Atque sic etiam Jacobi locum nobiscum intelligit Beda, in eodem testimonio, quod à Bell. citatur: etsi præterea etiam aliud requiratur. Deinde etsi vocem illam *ἀλλήλων* mutuo, Petrus eo modo, quo Bell. contendit, acciperet: consequens tamen non esset, hoc in loco ita accipi oportere, & à propria vocis relatæ significatione nobis esse recedendum: sed contrà potius analogia Scripturæ, cum propria vocis significatione, arguit, agi de mutua offensus confessione ac pœnitentiæ professione, ad fratris læsi reconciliationem, de qua sermo est, Luc. 17. 4. Matth. 5. 25. Coloss. 3. 13. ut etiam precationis pro aliorum sanatione descriptio ostendit, & verba illa *ὁ ἑαυτοῦ ἀλλήλων ἄλλος* pro aliis, ut sanemini. Quorum ratio deinde subjicitur: quia *multum valet precatio justis efficax*, v. 16. quod exemplo miraculi, precibus Eliæ impetrati, ostendit, v. 17. 18. Ultima denique capitis pars est commendatio curæ in fratribus convertendis, à fructu duplici: conservatione animæ fratrum à morte, & peccatorum ipsius remissione. Nam quod Pontificii vulgo contendunt, fideles, opere conversionis fratris, remissionem peccatorum promereri; est mera loci perversio: quia hic fructus ad conversum, & non ad convertentem pertinet, vers. 19. 20.

## FINIS EXPLICATIONIS EPISTOLÆ JACOBI.

IN PRIOREM  
S. PETRI EPISTOLAM  
Explicatio.

## CAPUT PRIMUM.

**T**Ria cum primis ad hujus Epistolæ explicationem invitare nos debent, *Brevitas, Utilitas, Difficultas*. Nam quod Hieron. ait ep. tom. 3. ad Paulinum: *Iacobus, Petrus, Ioannes, Iudas Apostoli, septem epistolas ediderunt, tam mysticas, quam succinctas: & breves & longas: breves in verbis, & longas in sententiis, ut rarus sit, qui non in earum explicatione cæcutiat*: Illud, inquam, potissimum de hac Petri epistola dici potest, ut ex re ipsa postea cognoscemus. Ut autem ex hoc divino scripto melius nos expediamus, & majori cum utilitate eo utamur: quædam de Titulo præmittenda sunt, antequam ad rem ipsam accedamus. Titulus autem est duplex; Universalis & Particularis. Universalem titulum voco, qui universo operi convenit, nim. *Petri Apostoli Epistola Catholica* prior: In quo titulo spectanda sunt autoritas & sententia. Cum enim tituli alii sint genuini, ab autore profecti; alii vero addititii, discretionis causa, ab aliis postea adjecti: non illius, sed hujusmodi esse hunc Titulum apparet ex lectionis varietate, in tam paucis verbis. Syrus enim interpres habet: *Epistola Petri Apostoli Symeonis Cephæ*. Oecumenius verò Græcus Scholialtes: *Petri Epistola Catholica prima*: quæ varietas non fuisset admittenda, si titulus epistolæ ab autore ipso fuisset præfixus. Huc accedit quod Veteres nonnulli hanc epistolam Petri appellant *epistolam Petri ad Ponticos*. Deniq; cum addatur in titulo nomen *primæ* aut *prioris*, quæ vox ad secundam, suam habet relationem: inde satis etiam constat, ab aliis, quam à Petro, hunc titulum esse præfixum. Unde colligitur, auctoritatem hujus tituli non esse divinam, sed Ecclesiasticam & humanam. In sententia verò primò declaratur hujus ripti causa, scilicet cum efficiens instrumentalis, videl. *Petrus Apostolus*, tum forma communis, videlicet *Epistola*: deinde objectum, quod *Catholica* sit. Quod à nonnullis sic

explicatur, quod sit Canonica & pars Canonis Script. quod attributum & huic epistolæ, & aliis Joannis, Jacobi, Judæ; communiter convenit, ut ostendatur cōmuni ratione hanc ceterasq; esse authenticas. Aliis verò Catholicæ dicuntur respectu objecti: quod hæc epist. 7. Petr. Jacob. Joann. Judæ, etsi proximè ac partim habeant objectum particulare, remotum tamen habeant objectum omnes Ecclesias Christi, ad finem usque mundi: ideoq; usu hanc epistolam esse Catholicam de fine suo; quod ad omnes Christianos & eorum institutionē ac salutem pertineat. Ex quibus apparet, nihil hunc titulum complecti, quod vero non sit consentaneum. Deniq; adjunctum tempus comparatè, cum altera epistola Petri indicatur: *prior* enim dicitur, quod hæc prius; illa verò posterius paulò ante Petri mortem 2. Pet. 1. 14. scripta sit: idq; disertè indicat, 2. epist. c. 3. 1. cum ait: *hanc secundam vobis scribo epistolam*. Hæc de Titulo universalis. Particularis verò est, qui parti convenit; quales sunt 5. κεφάλαιον α, β, γ, δ, ε. κεφάλαιον α, i. e. caput 1. Alpha enim ab Hebræo Aleph; & nomen & usum numeri accepit κεφάλαιον verò propriè caput, summam nim. corporis partem ac primariam: deinde metaph. per similitudinem id significat, quod est summum ac præcipuum in quaq; re: ut rectè Suidas ait: κεφάλαιον αὐτὸ τὸ μέγιστον λέγεται. Sic Act. 22. 28. Πολλὰ κεφάλαια ἐκλήσασάν με, magnâ pecuniæ summâ comparavi. Sic etiam inter cetera de summa alicujus rei & argumento usurpatur, Heb. 8. v. 1. Unde per Meton. Subjecti, pro scripti parte aliquâ, quâ certum caput seu argumentum, sive peculiaris materia explicatur: quemadmodum & apud Latinos, ut apud Gellium noct. Att. 1. 1. c. 10. Atque hoc modo utriusq; Test. librorum partes, capita vel capitula, & eodem sensu κεφάλαιον sectiones ab Hieron. in Esa. c. 63. & ab aliis nominantur. Ea autè capita sunt aut antiqua & exoleta, aut nova & usitata.

Priora sunt, quæ post tempora Apostolorum, veteribus Patribus usitata, & ut videtur, varia, quæ jam diu exoleverunt. Quo sensu videtur Tertull. (quamvis, ut arbitror, argumentum intelligat) capitulorum mentionem facere, libro de monogamia: *Ex hoc enim, inquit, capitulo &c.* Item quæ huic capitulo diversa &c. Item sic ergo in eodem ipso capitulo Similiter Basilii Magnus præfatione in Ethica: *Quæcunque, inquit, reperimus in N. T. sparsim vel vetita vel præcepta, ea pro viribus nostris in definitiones summarias (ut capta facilia sint volentibus) congerere studebimus, addentes cuique definitioni numerum quoque capitum eorum, in quibus scripta illius comprehenduntur, siue ex Evangelio, siue ex Apostolo, siue ex Actis: ut qui definitionem legit, & numerum illi adjectum, vel primum ex. gr. vel secundum videt, ipsam Scripturam repetens & caput dicti numeri quaerens, ita inveniat testimonium, ad quod facta est definitio.* Ex Latinis verò Patribus Ambros. (aut potius priscus aliquis, & ut videtur Arianus commentariorum illorum autor) Gal. 3. 6. *Hoc est, inquit, quod dicit Spir. ad Rom. octavo capite; Ipse spiritus &c.* nisi fortasse hæc verba (octavo capite) ex margine in contextum relata, aut ab interpolatore aliquo inserta: quemadmodum Erasmi in censura præfationis in Epist. ad Rom. Ambrosio adscriptæ, observavit; rapsodum quendam luisse in commentariis illis. Nam alibi in illis talem capitum citationem nondum observavi: neque etiam tum temporis extitisse, ex iis, quæ postea dicuntur, liquebit perspicue. Alioqui illud constat; Evangelium Luc. in Comment. Ambrosii distinctum esse in titulos, id est, argum. & capita certa, nim. in tit. 165. Sed iis tamen numeri nulli adpositi: & an ab Ambrosio tituli illi, ut vulgò opinantur, præfixi sint, an verò à librario aliquo postea additi, meritò dubitari potest: quia in nonnullis cum phrasi Ambrosii non consentiunt. Apud Hier. vero in Comment. in Prophetas frequentissima capitulorum mentio occurrit: sed similiter sine ullâ numeri adscriptione. Vnde etiam liquet alia fuisse apud Veteres capita, quàm quæ jam in usu sunt. Nam capita tria, Esa. 61. 62. & 63. sex priores versus, unum sunt Hieronymo: & reliquum caput 63. à v. 7. cum c. 64. ad unum refert. Vide comment. illius in Esa. c. 63. Atque hæc è multis sufficiant. Idem etiam apparet ex reliquis Patribus ac Scriptoribus antiquis, qui sæpissimè Comment. suorum libros eo in loco auspicantur, ubi nulla nunc est capitis distinctio, & capitis unius initium cum alterius sine copulant. Cæterum in Patribus antiquis, nullam S. Scr. distinctam numeris capitum distributionem invenio, quàm apud Hieron. in prolegomnis Comment. in Matthæum. Quo loco apparet, Eusebium Cæs. Eiscop. ut Hier. ait, sequutum vestigia Ammonii Alexand. Evangelistarum Harmoniam instituisse, ac numeris distinctisse, modis decem, quos Canones appellavit; quorum decimus singulorum Evangeliorum in certa capita distinctionem continet, Mat. in 355. Mar. in 235. Luc. in 343. & Ioan. in 232. Qui Canones etiam è Rob. Steph. in Maj. Græc. Test. edit. similiter propositi sunt. Quas distinctiones ad Symphoniam Evangeliorum indicandam inventas, in citandis Script. locis, Patres eos, qui secuti sunt, observasse, nondum memini. Beda quidem ante 900. circiter an. Marco tribuit capita 45. Lucæ 49. si modo illa distinctio ab ipso sit profecta, non vero ab alio postea apposta. Oecumenius verò ante 500. ann. & amplius Actis Apost. tribuit capita 40. epistolæ Iac. 7. ad Rom. 20. Primæ Petri octo. Et sic Aretas Oecumenio adjunctus ait, *Andream Archiepisc. antecessorem suum Apocalypsin divisisse in 24. partes & hæc rursum in 72. capita.* Porro de capitum antiquorum ratione memorabilis est Suidæ locus, cuius etiam meminit doctiss. Casaubonus præfatione sua in notas ad Matthæum. Τίτλοι (inquit Suidas) διαφέρει κεφαλῶν, ὡς ὁ μὲν Ματθαῖος ἔχει τίτλους ἑξί, κεφαλῶν τρεῖς. ὁ δὲ Μάρκος τίτλους μί, κεφαλῶν λά. ὁ δὲ Λῦκος τίτλους πέντε, κεφαλῶν τεσσάρων. ὁ Ἰωάννης τίτλους ἑνός, κεφαλῶν ὀκτώ. hoc est, Titulus differt à capite: & Matthæus quidem habet titulos 68. cap. 355. Marcus titulos 48. cap. 36. Lucas titul. 83. cap. 348. Joannes tit. 18. c. 232. Quem ad locum, duo annotantur à doctiss. Casaubono. 1. majores librorum partes olim vocatas fuisse titulos, minores capita, com-

trà quam hodie nos facimus. & capita ferè fuisse, quod nobis hodie versiculus. Quæ postrema verba Casauboni commodè accipi debent Alterum est, numerum capitum Marci, apud Suidam esse mendosum: de quâ conjecturâ minimè dubitamus: quia pauciora capita annotantur, quàm tituli, contra Veterum usum. Ego verò salvo meliori judicio, suspicor non simplex, sed triplex esse erratum, & quidem ex Canone Eusebii, cujus antè memini corrigendum: & in Lucæ numero positum in editione Suidæ pro errore librarii, ex vicinitate lit. orto; deinde in Marci numero deesse initio σ, in fine verò, pro σ vicino elemento perperam scriptum esse. Cujus conjecturæ ratio est, quia in Luca & Marc. numeri reliqui, & Matt. & Ioan. omnes cum Eusebii capitibus conveniunt. Ac sanè credibile omnino est, Græcos Majorum observantissimos, potius secutos esse Euseb. quam ut novi aliquid sine causa adinventirent. Atque hætenus de antiquis & exoletis Bibliorum capitibus egimus: nova verò & usitata, sunt sectiones à Scholasticis, ut videtur A. 1241. inventæ, & inde communi usu comprobata, teste Genebrardo in Chronicis; qui eodem tempore Concordantias Bibliorum ab iisdem autoribus prodisse narrat. Sic enim ait: *Circa hoc tempus Biblia in capitula, quæ hodie habemus, distinguuntur. Scholasticorum videtur esse inventum, eorum fortasse qui cum Hugone Cardinale Concordantiarum fuere auctores. Nam ante ista tempora Theologi superiores ea non usurpant, inferiores frequenter. Alex. Aleius, Alb. Magnus, D. Thom. Bonaventura & cæteri hujusmodi Scholastici. Inventum tam commodum, ut hodieque Iudæi eos imitari velint, quod eorum in Parschbyth & Haptharoth partitio sit nimis prolixa. Et paulò post de Hugone Cardinale ait idem; Primus in capitula libros Sacros distinxit, primus Biblicum indicem, quem vocant Concordantias Majores cum Contr. Alberstadio Monacho collegit, conjunctis 500. Monachorum è diversis cænobii operis, atque omnia nomina, verba, participia, denique omnes tam declinabiles quàm indeclinabiles orationis partes, toto Bibliorum contextu comprehensas, in alphabeticum ordinem digessit, annotatis librorum capitibus, & capitum lineis; labore tam utili S. Litterarum studio, ut Græci opera Eulalii Rhodii Monachi, & Hebræi studio Rabb. Isaac Nathan istud fuerint æmulati. Hæc ille.*

Si quis verò objiciat in Ethicis Basilii Magni eadem capita fuisse annotata, quæ jam sunt in usu; agnosco quidem, sed hoc factum est posteriorum studio, qui ut veteres numeros in Græc. edit. tanquam inutiles omiserunt; sic in Latina versione ad faciliorem inventionem novis permutarunt, quemadmodum idem Bedæ commentariis evenit. Atque hæc de novorum capitum origine & propagatione. Ad partitionem verò quod attinet, partes capitum sunt duæ; aliæ majores, quæ interdum lit. A, B, C, &c. interdum paragraphis indicantur. Sic Matthæus habet paragraphos 124. nempe singula capit. 4. præter 5. 13. 16. 17. quæ singula habent paragraphos 7. Marc. 76. Luc. 168. Ioann. 105. Aliæ verò minores, quæ appellantur *versus*, aut *versiculi*, quæ voces forsan à vertendo calamo, lineam notant. Vnde & Synecd. vulgo carmen & sacris authoribus sententia brevior aut longior. Quo sensu Hieron. ait: *Prophetæ testimonium est &c. hic habitabit &c. fortissimè, &c. statimque post duos versiculos sequitur, Regem cum gloria videbitis:* Duos versiculos vocat 8. has voces; *Pax ei datus est*, hic primus vers. at quæ ejus fideles sunt, hic alter versus. Quod propterea observandum est, ut appareat quosdam non satis accuratè statuisse, quid sint versiculi, qui ex numero dictionum, aliquot sententiarum, quas Augustin. versiculos vocat, & sex dictionibus constant, colligunt, versiculum antiquis Patribus sex dictionibus fuisse definitum. Sic minores capitum & paragraph. distinctiones vulgò versus appellant, qui sæpius periodo, interdum colo aut commate uno atque altero, pro illius, qui primum distinxit, arbitrio, definiuntur. Quis verò primum versiculorum utriusque Test. distinctionem, notis numerorum instituerit, nondum liquido observavi. Elias quidem Levit. Hebræus, à Iudæis Tiberitis, *pesakim*, h. e. versus fuisse inventos ait An n. 436. post templi excidium, sed numerorum appositionem non nominat.

nominat. Videtur autem in V. T. hoc factum à Rabb. Iſaaco Mathane, in Concordantiis Hebraicis concinnandis. Author quidem Quæſt. in l. 3. Regum, quæ Hieron. attribuantur, ait: *In Proverbiis verſus 915. continentur: ſed hunc authorem recentem eſſe, non fruſtra conjiciunt eruditi.* Henr. verò Steph. in præſat. ſui N. T. Græc. minorem formâ, ad Sidnejum ait; Patrem ſuum Robert. illam ſingulorum N. T. capit. in certum numerum verſuum, diſtributionem excogitaſſe: nam quod ante id tempus Biblia Pagnini a. 1528. excuſa fuerant cum verſibus, miſimè obſtat: alii enim ſunt verſus ac longiores, coque numero pauciores. Atque hæc de origine capitum, paragraph. & verſuum: cujus hiftoriæ uſus eſt, ne ſectionibus hiſce capitum aut verſuum, divinam autoritatem tribuamus, nevé illos temeritatis accuſemus qui eas diſtinctiones alicubi reprehendunt, aut juratione & cantione immutant. Nonnunquam enim cum ſenſus injuria ineptè ea divelluntur, quæ reipſa conjuncta ſunt & contrâ; cujus rei multa, ſi opus eſſet, adferri poſſent exempla, & crebræ de eâ re in Calv. Viri Doct. Comment. extant querelæ. Quibus omiſſis, & abſolutis hujus epiſtolæ prolegomenis, ad rem ipſam accedamus, à deſcriptione exorſi *Eſt autem dogmaticum N. T. ſcriptum à Pet. Ap. ad Judæos extra patriam diſperſos c. 1. v. 1. & ad fidem in Chriſtum, Apoſtolorum prædicatione converſos, c. 1. v. 212. in vera fide & vitâ Chriſtianiæ ſeu ſpe, charitate, patientiâ, ordinis politici, æconomici & Eccleſiaſtici juſtâ conſervatione, primum conſirmandos, c. 1. 12. & 14. & 5. 12. Babylone exaratum, c. 5. v. 13. & per Sylv. ſi- delem Euangelii præconem miſſum, cap. 4. v. 12.* Dividitur autem in tres partes, præſationem, v. 1. & 2. tractationem à v. 3. ad c. 5. v. 10. & concluſionem inde ad finem. Præſatio conſtat inſcript. & ſalutatione. Quarum illa cauſam efficientem miniſtram, ſeu quæ ſcribat, & objectum, cui ſcribat, complectitur.

Ac Scriptor quidem declaratur nomine uno, & officio ſpeciali.

Hujus enim nomen fuit duplex, aliud à parentibus aut majoribus in circumciſione datum, *Simeon. 2. Pet. 1. v. 1.* quod contraſtè *Simon* dicitur, & diſtinctionis cauſa, ab homonymis, filius Jonæ, Ioan. 1. v. 43. aliud à Chriſto, in vocatione ad ſpem Apoſtolatus additum nempe, *Cepha* & addito s, pro more Græc. *Cephas*. Quæ vox Græcè Πέτρος & Lat. lapidem generatim petram notat, ut ex rei veritate, Chriſti verba Ioannes interpretatur, cap. 1. 43. *Tu es, inquit, Simon filius Jonæ, tu vocaberis Cephas, hoc eſt, ſi interpreteris Πέτρος.* Atque ita ex Chriſti inſtituto vox communis, facta eſt Simeoni illi quodammodo propria: unde promiſcuè appellatus eſt diverſâ linguâ *Cephas* 1. Cor. 3. v. 22. & 9. 5. & 15. 5. Gal. 2. v. 9. & *Petrus*, Gal. 2. 14. Vnde apparet, ridiculum eſſe inepti illius hominis commentum, qui in ſuppoſitiâ ſuâ Anacleti ep. 3. Concil. tom. 1. finxit, *Cephas* ſignificare caput. Nam quod Bell. ad errorem illum turpem excuſandum ac probandum ait, de Rom. Pont. l. 1. c. 18. *unquæ Græcè ſignificare caput: ut l. 2. contra Parmenianum annotavit Optatus*; illud omnino abſurdum eſt. Nec enim Chriſtus Græcâ ling. *Cephas* elocutus eſt, ſed Syriacâ, ex Hebræo פֶּטְרוֹ derivata, quemadmodum tum temporis Hebræa ling. dicta, Chaldaea ſeu Syra ling. corrupta & mixta fuit. Itaque ineptum eſt, ſignificationem illius ex Græcâ ling. petere. Deinde falſum eſt *Cephas* Græcis ſignificare caput; neque ex ullo docto authore probari poteſt. Nam quod Optatum Afrum, hominem nec Græcè doctum nobis objicit adverſarius, nihil evincit: ſi Græcum hominem teſtem adduxiſſet, probabilius diſſereret. Deinde non ait Optatus, *Κεφας* Græcis ſignificare caput. Verba enim illius ſunt: *Petrus omnium Apoſtolor. caput, unde & Cephas dictus eſt.* Denique eſto, fuerit hæc Optati illius ſententia; illa falſi arguitur ab Euangelift. Ioa. c. 1. v. 43. qui diſertè ait: *tu vocaberis Κεφας, cujus interpretatio eſt Πέτρος hoc eſt lapis aut petra:* communi etiam Græcorum authorum & curioſiſſimorum antiquorum & recentiorum Lexicographorum, qui hujus vocis *Κεφας* capitis ſignificationem minimè meminere, conſenſu. *Κεφας* quidem caput ſignificare, notârunt Eufſtathius & Heſy-

chius, ſed *Κεφας* nullus: fortè Optatus imperitiâ quadam ob vicinitatem vocis *Κεφαλας* deceptus eſt, & non obſervato & uſu diſcrimine, ita judicavit, ſi modò ea illius mens fuit, & locus ille à Monachis (ut ſæpius factum in priſcis Patribus) non ſit interpolatus. Cæterum quia de origine & ſignificatione vocis *Cepha* & *Petri* egimus; de cauſa appellationis propter adverſarios dicendum eſt. Sic enim objicit Bell. *Chriſtus frequentiffimè Petra dicitur, ut 1. Pet. 2. & alibi. Chriſtus ergo communicans ſuum nomen cum ſolo Petro, & quidem nomen illud, quo ipſe ſignificatur, ut fundamentum & caput Eccleſiæ univerſæ; quid aliud indicare voluit, quàm ſe facere Petrum fundamentum & caput Eccleſiæ.* Verum & antecedens & conſeq. hujus argumenti negatur. Prius quidem quia non ſoli Petro hoc nomen communicavit, ſed per Petrum etiam aliis fidelibus, ut 1. Pet. 2. v. 4. Chriſtus dicitur lapis vivus: & eadem appellatio proximè, v. 5. Chriſtiani tribuitur: nam quod vulgo excipiunt adverſarii; *Cepha* non lapidem generatim, ſed tantum lapidem ingentem, ac rupem ſpeciatim denotare, id non admittimus: quia plurimis exemplis contrarium demonſtrari poteſt. Nam Mat. 7. 9. *Κεφαλας lapidem*, Syrus interpres vertit *Κεφα*; & Mat. 3. 9. & 4. 3. Iof. 10. 31. *lapides* vertit Syrus *Κεφα*: quemadmodum & h. l. 1. Pet. 2. 4. Chriſtus *Κεφα* & v. 5. Chriſtiani *Κεφα* appellantur; deinde, v. 7. ubi in Græco eſt *Κεφα*, ſimiliter Syrus habet *Κεφα* & pro Petro viciffim *Κεφα*, quod *lapidem* designat. Ex quâ permutatione vocum apparet, *Cepha* & *Abna* eſſe Synonyma. Sed dicent fortè, vocem Πέτρος, quia *Κεφας* exponitur & petra, de rupibus tantum dici: Verum contrâ ſe rem habere apud Græcos, & boni authores Græci, & Lexicographi demonſtrant. Nam hæc voces Πέτρος communiter & Πέτρος Atticè, generatim *lapidem* ſignificant, ut Phavorinus docet, & exemplis probatur ab Henr. Steph. quibus alia multa addi poſſunt: ſed figuratè *Κεφα* Πέτρος pro rupe interdum accipitur, quamvis Latinis *Petra* rupem fere notet. Atque hæc de antecedente objectionis Bellarm. Ad conſequentiam verò quod attinet; ea ſimiliter neganda eſt. Non enim ſequitur; Chriſtus ſoli Petro communicavit nomen *Petræ*, quo ipſe alibi per Metaph. appellatur; Ergo eadem eſt utrimque ſententia. Quoniam voces non ſolum Synonymæ extant ſed etiam homonymæ & analogicæ. Sicut & Chriſtus lapis vivus, & ſoli fideles poſt Chriſtum, 1. Pet. 2. v. 4. 5. etiam appellantur. Sic Chriſtus lucem mundi ſe vocat, Ioan. 8. & ſimili nomine ſuos diſcipulos, Mat. 5. verſ. 14. Sed diſpari nominis ratione. Sic etiam diverſâ ſignificatione Chriſtus *Servator* dicitur, Luc. 2. 11. & fideles Euang. præcones, 1. Tim. 4. 16. & Obadiæ verſu ult. *Servatores* appellantur. Sed iſtanti iterum adverſarii, & Chriſti autoritatem & expoſitionem, ei quam attulimus, opponunt ferè hoc modo: *Petra illa, ſeu fundamentum, cui Eccleſia ſuperſtruitur, eſt caput Eccleſiæ univerſaliæ. Petrus teſte Chriſto, Mat. 16. iſ eſt. Ergo caput.* Sed utraque antecedentis pars negari poteſt. Propoſitio quidem, ſi univerſe ſumatur de fundamento tam miniſteriali quàm principali: nam hoc modo ſolus Chriſtus fundamentum eſt, 1. Corinth. 3. verſ. 11. quia à ſe firmitatem habet & ædificio præſtat, Eph. 2. 20. v. 21. ac propterea caput & Princeps Eccleſiæ eſt, Eph. 1. v. 22. 23. Act. 4. v. 12. Illo verò modo alia etiam ſunt fundamenta miniſterialia: 1. nim. & proximum eſt verbum Dei, Auangelium: quod etiam firmum eſt per ſe, quia à Deo eſt, & tanquam efficax Dei instrumentum Eccleſiam ſuſtinet, & Chriſto imo fundamento & principali conjungit, Eph. 2. v. 20. Alterum remotum ſunt Apoſtoli 12. qui æqualiter fundamenta cœleſtis Hieruſalem dicuntur, Apoc. 21. v. 14. nec tamen capita fuerunt univerſalis Eccleſiæ, ſed miniſtri primarii, ſub Chriſto unico inſtinctu Sp. S. Eccleſiam ſtruentes: quo ſenſu falſa eſt propoſitio. Deinde aſſumptio etiam negatur: quia Chriſtus, Simonem appellat Petrum; Petram vero ſupra quam Eccleſia ædificanda erat, non vocat. Neque contrarium evincunt adverſarii ſuis argumentis, quorum hoc palmarium eſt, ex orationis filo & pronomine deductum: *Hæc, inquit, verba, ſuper hanc Petram, demonſtrant Petram, de*



qua paulò antè locutus erat Christus. Sed non de alia Petra locutus erat, quam de Petro. Ergo non nisi Petrum intelligit: neque aliò verba referenda sunt. Sed assumptio negatur, quia Petre meminerat, non verbo quidem, sed re ipsa. Cum enim post Petri, de Christo Dei viventis Filio professionem, dixisset Christus; *Beatus es Sim. Barjona*, satis eà re ostendit, hanc doctrinam, seu hanc doctrinam descriptum, utpote cum fideles beati, esse Ecclesiæ Petram & fundamentum. Deinde ea ipsa verba, quæ urgent adversarii, demonstrant, multis modis, non posse de Petro intelligi. Ac primum ex articulo ita concludimus; *Articulus cum pronomine demonstrativo non potest ex communi consensu nomini proprio hominis præponi, in sermone Hebræo aut Syro: Homini*, inquam, *quia in aliis potest ut* *היהוה* Psalm. 114. vers. 3. *ipse Iordanus. Atqui hoc loco art. cum pronom. demonstr. proponitur Petre non Græce solum, ( ut fieri solet ) sed etiam Syriac.* *והיהוה* & Heb. in utroque Hebræo *Matt. tam edit. Merceri quam Munst. contextu הכהן הזה* Ergo non potest hæc petra intelligi de nomine hominis proprio. Deinde idem probatur ex mutatione duplici, cum pronominis ac personæ, tum nominis ac generis; quia Christus non ait; *Tu es Petrus* & super te Petrum, sed super hanc Petram, nim. quam confessus erat Petrus & Christum præsentem indicabat. Simili modo atque Ioa. 2. *destruite templum hoc*; quâ ratione suum corpus præfens denotavit. Sed adversus alteram mutationem excipiunt; hoc Arg. esse nullius ponderis, propterea quod Christus loquutus sit non Græc. sed ling. Syr. aut Hebr. mixta, ubi huiusmodi vocis mutatio non est. Deinde quod Heb. ling. Evangelium à Matt. conscriptum sit, ut veteres plurimi testantur. Fateor, Christus locutus est linguâ Syriacâ, aut Hebræâ mixtâ, ut doctiores probant: ac probabile est, eum utrimque unâ voce *כֶּתִיב* usum, ut elegantia antanaclaseos fervetur: quemadmodum etiam in Syra versione & Matthæo Hebraico apparet: sed tamen necessarium non est; quia potuit Christus usus fuisse in prima parte voce *כֶּתִיב*, in altera voce *אֶתֶּן* petra, ut Syri Matthæi 7. loquuntur, & quidem Syriacè discriminis causâ. Deinde an Matthæus Hebraicè scripserit, jure dubitari potest, neque ullo argumento solido hætenus probatum: nam quod veteres hoc testantur, ex errore ortum esse apparet, quod Evangelium Matthæi Hebraicum, quo Nazaræi utebantur, genuinum fuisse putaverunt, quo nihil est alienius. Aliud enim fuit illud Evangelium, & multis ineptiis conspurcatum, & falsò Matthæo suppositum; ut ex reliquiis, quas citat Hieronymus, aliàs distinctius demonstravimus. Sed esto, hoc saltem extra controversiam est, Evangelium Matthæi, quod Græce extat, in Apostolica Ecclesia fuisse probatum, & esse authenticum, quicumque tandem sive Matthæus, sive alius vir Apostolicus verterit. Atqui in eo Evangelio Græco, & sine ullo dubio authentico, hæc mutatio observata est *Petri & Petre*. Sed iterum respondent Adversarii, hanc mutationem & varietatem vocis & generis, non arguere varietatem subjecti: sed aliam esse ejus rei causam, nempe quod *πέτρος* sit masculini; *πέτρα* verò fœminini generis, prius viro melius convenisse ac propterea ab Evangelista adhiberi. Agnoscimus verisimile esse, ab Evangelista nomen Simonis Cephæ propterea exponi potius voce *πέτρος* quàm *πέτρα*: sed illud nodum non solvit. Quæstio enim manet, cur Evangelista igitur non dixerit, *Tu es πέτρος* & *ἐπὶ τῇ πέτρῃ* super hunc Petrum, ut utrimque servata eadem voce & genere res esset concinnior & clarior. Reliqua quæ ex Petre & fundamenti hujus natura peti possent, ad Pontificios confutandos argumenta, brevitatis causâ prætereo. Interim unam atque alteram adversariorum rationem veritatis amplius illustrandæ studio diluam: nam adversus ea, quæ dicta sunt, excipiunt ex cohærentia sequentium; Cui, inquit, à Christo dicitur; *Tibi dabo claves* &c. De eodem dicitur, *super hanc Petram*, &c. Atqui Petro dicitur, *Tibi dabo claves*. Ergo & alterum. Propositionem, quia negari potest, probare conantur ex præposita copula &, sed nihil efficiunt: quia copula connectit quidem res conjunctas, sed non propterea ad eandem personam pertinentes. Sed instant, *nisi agatur de Petro; inepta erit oratio; quia de eo ante*

& post agitur, ideoque & in medio aliqui non cohærebant Christi sermo. Imò verò rectè cohæret: nam postquam Christus Petrum ob veræ doctrinæ fidem & confessionem beatum prædicasset; & doctrinæ ac fidei authorem Deum esse ostendisset, subjicit conclusionem, & promissionem geminam. Illa continet confessionem Christi, quâ vicissim, quid de Petro sentiat, aperit: *Et ego*, inquit, *ubi dico, te esse Petrum*, hoc est, te verè à me Petrum appellatum esse prædico, ut qui sis lapis vivus ac firmus, per fidem veræ doctrinæ, & mihi tanquam fundamento superstructus. Promissio verò est gemina: nam ut antecedentia, doctrinæ & fidei Petri approbationem continent: sic consequentia promissionem de utroque. Ac primum de doctrinâ Evangelii de Christo, seu de Christo illâ doctrinâ comprehenso ait; quod super hanc Petram, quam scilicet Petrus jam erat confessus, quæque fide percepta ipsam bearet, suam ædificaturus esset Ecclesiam: deinde de Petro, quod ei daturus esset regni cœlorum claves. Verum postremò ex hisce disputant contra nos ex clavium dignitate: *Cui à Christo, Matt. 16. claves regni cœlorum promittuntur, eidem & principatus Ecclesiæ. Atqui Petro claves illæ promittuntur. Ergo & principatus*. Propositionem, quam nostri meritò negant, adversarii probant, quod diversis Metaphoris, altera Petre ac fundamenti, altera clavium, unus idemque principatus significetur, & una alterius sit explicatio. Quod quia controverti poterat, confirmare nituntur rationibus: Quarum prima est ex usu Scripturæ: primum Esai. 22. 22. *Dabo clavem domus David super buccinum ejus, & aperiet, & non erit, qui claudat; & claudet & non erit, qui aperiat*, id est, supremam illi in Ecclesia potestatem, & principatum Ecclesiasticum dabo. Deinde, Apoc. 3. v. 7. Christus dicitur habere claves David, qui aperiat & nemo claudat, qui claudat & nemo aperiat. Sic Apoc. 1. v. 18. dicitur Christus habere claves mortis & inferni, id est, dominum esse vitæ & mortis. Sed primum negatur hæc consequentia; Alibi claves notant principatum. Ergo & hic. Deinde negatur etiam, Esai. 22. agi de principatu Ecclesiastico: quia Sobna, à quo ad Eliakim claves translatae, non fuit summus sacerdos: imò neque sacerdos quidem, sed præfectus prætorio, & hoc munere abdicatus. fuit Scriba, 2. Reg. 18. v. 37: nam quod, Esai. 22. v. 15. in vulgatâ versione est *præpositus templo*, illud in Hebræo est *præpositus domus*; nempe Regis. Denique præpositum esse domus, præsentem & regente Rege, non est esse dominum & principem domus, sed ministrum primum. Ad alterum locum quod attinet, alia Christi ratio; alia reliquorum. Ille solus habet claves tanquam Dominus: Petrus & alii Apostoli suo modo, tanquam ministri. Porro altera ratio est adversariorum, *quod soleant domus aut urbis claves penes eum esse, qui in domo vel urbe princeps est*: solent quidem, sed non semper, ut experientia demonstrat varia. Tertia ratio est ex sequentibus verbis: *Quodcumque solveris super terram, &c.* Qua, inquit, metaphora, idem quod duabus prioribus significatur, Petro principatum esse conceditur. Sed contrarium Christus docet: nam eadem promissio & complementum illius Apostolis datur, etsi aliqua sit in verbis differentia: nam quod Petro promiserat, Mat. 16. idem & reliquis Apostolis, Mat. 18. 18. promittit. Deinde cum Petro rem promissam donat, ibi similiter Apostolis eandem potestatem tribuit, Ioa. 20. 19. 23. Verum excipiunt; claves Petro promissas, Mat. 16. non esse datas, Ioa. 20. cum amplius sit ligare & solvere, quam remittere & retinere peccata: quia ligare dicitur in Scripturis, & qui præcipit, Matth. 23. v. 4. & qui punit, Mat. 18. v. 18. Sed negatur consequentia. Quamvis enim uno in loco aut altero ita accipiat: tamen non sequitur etiam alibi accipi oportere. Deinde locus, Matth. 18. non agit de Pœna politicâ, sed de Ecclesiasticâ censurâ: qua peccata & peccatores ligantur vel solvuntur, ideoque optimè cum Ioannis sententia convenit. Sed postremum urgent; Si Petro nihil hîc sit promissum, quàm quod, Ioh. 20. æqualiter omnibus Apostolis collatum est, non promissum ei esset præmium singulare, quod absurdum: quia confessio fuit singularis: ideoque Petro aliud esse promissum, quàm reliquis fuit collatum. Sed respondemus

demus distinctione argumenti medii. Nam præmium singulare dici potest vel ratione substantiæ vel ratione circumstantiæ: Si hoc modo accipiat, tum propositionem negamus. Nam quamvis eadem re ipsa potestas Petro & reliquis Apostolis fuerit collata: quia eadem fuit fides & voluntas; tamen circumstantia diversa: ut enim Petrus nominatim, quod reliqui Apostoli sentiebant, elocutus est: sic etiam nominatim ipsi promissio facta, reliquis non exclusis, sed ea ratione inclusis: quemadmodum etiam doctè demonstrat Origenes. Sin verò præmium intelligatur ratione substantiæ, falsa est assumptio: quia Petri confessio non fuit singularis, nisi ratione sermonis; sed communis fuit, si animum reliquorum & Petri scopum consideres: idem enim reliqui sentiebant, quod Petrus, idemque dictum volebant, & Petrus idem spectabat, ut similiter, Ioann. 6. vers. 69. quoniam non ipse solus, sed omnes rogati fuerant, quid sentirent: Petrus autem conscius communis confessionis discipulorum, solus respondit: non iure principatus in Apostolos: sed partim ob ætatem, qua ei primas in loquendo, ordinis causa, reliqui modeste cedebant: partim ob zelum ferventiorum, qui in multis apparuit: quomodo etiam, Ioann. 6. vers. 69. præcessit. Nam quod Bellarminus ait de Pontifice, lib. 3. cap. 13. *Petrus solum respondisse quod reliqui Apostoli ignorarent, quid potissimum responderent*: illud nulla nititur Scripturæ autoritate; sed facta atque contumeliosa in Apostolos, tamdiu cum Christo versatos, & ad Evangelium in Iudæa prædicandum missos, conjectura. Quare ut hanc, de causa nominis Petri disceptationem concludam, ex hilce apparet, fallere Pontificios, cum docent, propterea ita fuisse à Christo appellatum, quod fundamentum & caput Ecclesiæ universalis constitutus sit. Ut autem de recta ac genuina huius nominis causa sanctius loquamur, observandum est, ita vocatum, aut propter qualitatem inhærentem, aut propter munus & fidem illius executionem; Si illo modo Πίτρου dictus est; ratio metaphoræ erit similitudo firmitatis & structuræ: quod tanquam lapis vivus firmus in fide fuerit, & Christo Evangelioque ejus tanquam petreæ superstructus: quæ laus, ei, forma quidem, cum reliquis fidelibus communis est, 1. Pet. 2. c. 4. §. sed gradu distincta: quia credibile est sic fuisse appellatum, non absolute, ratione sui tantum, sed comparatè & κατ' ἰξοχὴν seu per quandam excellentiam: non quidem potestatis, sed fidei, cuius fervorem Evangelistæ multis modis describunt. Sin verò concedamus, dictum esse Petrum ratione muneris ei deman- dati & fidelis executionis, quod sit quodammodo fundamentum Ecclesiæ; communis erit laus cum reliquis Apostolis, qui Apoc. 21. vers. 14. duodecim cælestis Hierusalem fundamenta, scilicet ministerialia & secundum quid nominantur: quod videlicet tanquam primi & præcipui Ecclesiæ Christianæ fundatores & Apostoli doctrinā suā divinā Ecclesiam collegerint ac fundarint; quorum doctrinam tanquam normam & fundamentum spectantes posteripastores, Ecclesiam magis magisque superstruxerunt. Nec male Origenes ait in Matth. 16. *Si super unum illum Petrum tantum existimas ædificari totam Ecclesiam, quid dicetur de Ioanne filio tonitruī & Apostolorum unoquoque?* Sed, inquit adversarii, sunt & reliqui Apostoli fundamenta; Petrus tamen κατ' ἰξοχὴν sic dictus est Πίτρου quod inter cæteros excellat. Est; illa excellentia, ut ostendimus, non est ratione potestatis aut muneris, quasi maiorem acceperit potestatem, aut munus sublimius quàm reliqui; sed ratione zeli & executionis; in qua re Petrum excelluisse apparet inter reliquos Apostolos, qui à Christo mortali instituti sunt: quemadmodum contra ea in re à Paulo superatus est, qui mysteriorum cognitione, persecutionum gravitate, miraculorum copia, gentium conversione reliquis Apostolis præferri debet, Act. 9. vers. 15. 16. Rom. 15. vers. 17. ad 22. v. 2. Corinth. 12. vers. 1. ad 13. Gal. 1. vers. 1. 17. 2. 6. 8. unde communi consensu & usu Ecclesiæ, Paulus κατ' ἰξοχὴν quandam, Apostolus merito nominatur.

Atque hæc dicta sunt de Scriptoris nomine: cui additur officium speciale, nempe *Apostolus*. Quæ vox Græca qui-

dem est, sed docendi gratia (ut *Ecclesia, baptismus, diaconus* & alia huiusmodi) in Latina versione retenta est, distinctionis gratia: cuius vocis, in Sacris Literis, usus, est varius. Sumitur enim primum generatim, & propriè pro legato, qui cum mandatis aliquo mittitur; quomodo Epaphroditus pastor Ecclesiæ Philippensium, Apostolus nominatur: quod ab Ecclesia illa ad Paulum esset legatus, Phil. 2. vers. 25. & Christus Apostolus professionis nostræ, quod scilicet sit Patris legatus, Heb. 3. v. 1. quemadmodum sæpius se à Patre missum affirmat, Luc. 4. vers. 18. Ioann. 3. v. 17. & alibi. Deinde usurpatur Synecdochicè & speciatim dupliciter: primum latius pro iis, qui non unam tantum Ecclesiam instituunt: sed promulgando passim Evangelio operam impendunt ab Apostolis ad Ecclesias delegati & quasi secundarii Apostoli (qui & Evangelistæ propterea κατ' ἰξοχὴν vocantur, Ephes. 4. 11. qualis Timotheus, 2. Timoth. 4. vers. 5. Titus & similes) ut Rom. 16. vers. 6. Iunius & Andronicus insignes inter Apostolos dicuntur: sic septuaginta discipuli à Christo legati, ad Evangelium prædicandum, Luc. 10. vers. 1. 9. à Tertulliano appellantur Apostoli: *Allegit, inquit, & alios 70. Apostolos, super duodecim*: contra Marcionem, lib. 4. idemque ait Chrysostomus, 1. Cor. 15. v. 7. Hier. verò in epistola ad Gal. c. 1. vers. 19. ait, omnes, qui Dominum viderunt & eum postea prædicabant, fuisse Apostolos appellatos: sed loca Scripturæ, quæ ad eam rem probandam adducit, nim. 1. Cor. 15. v. 7. (etsi de hoc Chrys. idem videatur) Phil. 2. v. 25. 2. Cor. 8. v. 23. id non evincunt. Deinde *Apostolus* angustius κατ' ἰξοχὴν & significatione frequentissima vocatur θεοδιδάκτος, seu divino afflatu doctus, & primarius, à Christo immediatè electus & designatus in Ecclesia minister, ad Evangelium annuntiandum, & miraculis obsignandum, omnibus gentibus terræ, 1. Corinth. 12. vers. 28. Ephes. 4. v. 11. Luc. 6. vers. 13. & 9. v. 2. Eph. 3. v. 5. Ioh. 16. v. 13. Matt. 28. vers. 19. atque hoc demum sensu, Petrus se Apostolum Iesu Christi vocat. Porro horum Apostolorum alii designati sunt primum à Christo mortali, & confirmati post resurrectionem Christi in terris: ut duodecim selecti discipuli, inter quos & Petrus Matt. 10. Luc. 6. v. 13. qui per ellipsin *duodecim* vocantur Act. 6. v. 2. & 1. Cor. 15. v. 5. è quorum numero Iudas Iscarioth Christi prodicione & suspensione sui, excidit Act. 1. v. 17. 18. 20. alii à Christo immortaliter instituti: & quidem vel undecim Apostolis statim ab ascensione Christi inserti, ut Matthias, qui in demortui Iudæ locum, auctoritate prophetiæ Davidicæ & sorte divinitus fuit substitutus: vel duodecim Apostolis postea adjuncti, ut Paulus, & ut videtur, Barnabas, Act. 13. v. 2. 14. 14. 1. Cor. 9. vers. 6. Gal. 2. vers. 9. qui κατ' ἰξοχὴν quandam, gentium Apostoli nominantur, Rom. 11. 13. 1. Tim. 2. v. 7. Gal. 2. v. 9. Huc usque prima inscriptionis pars, quæ causæ efficientis instrumentalis seu scriptoris nomen & officium continet. Altera verò Objectum Epistolæ, cui scripta est, declarat ab adjuncta electione, & loco ac statu. Prius indicat, cum *electos* vocat per Synecdochen generis pro specie, nempe à Deo. Electio autem divina alia est ad munus aliquod politicum aut Ecclesiasticum, quomodo Saul dicitur electus, nempe ad regnum, 1. Sam. 10. v. 24. & Iudas cum collegis ad Apostolatam, Iohan. 6. 70. alia est ad vitam æternam & media illius: eaque aut æterna, aut temporaria: Illa est propositum Dei, quo certos ex hominum numero, ad vitam æternam ab æterno secrevit, Mat. 20. 16. Hæc verò est vocatio, nempe opus Dei, quo in tempore certos homines per agnitionem veritatis & Sacramentorum communicationem ex mundo seu hominum lapsum cœtu ad sui cultum evocat: quomodo vocati 1. Cor. 1. v. 26. electi dicuntur, vers. 27. 28. & Iac. 2. v. 5. & Israelitæ electi à Deo, ps. 105. v. 6. & quod eodem redit, passim in Sacris Literis, populus Dei dicuntur, quorum tamen multi sua adversus vocantem inobedientia perierunt, Heb. 3. v. 18. 4. 3. ideoque electi ad vitam æternam ab æterno non fuerunt. Hæc autem electio seu vocatio alia efficax dicitur, qua vocati ad obedientiam fidei & charitatis adducuntur, & vita iis confertur: alia inefficax,

efficax, quâ certa conditione tantum offertur, ut eo amplius Dei innocentia, justitia & benignitas ostendatur, & reprobi oblatam, fidei conditione, gratiam incredulitate respicientes, amplius convincantur, & ἀναμάρτυροι reddantur, ad judicii Dei gloriam. Itaque hisce modis, quidam electi, hoc est, per vocationem, ad agnitionem Dei, in tempore, ab aliis secreti dicuntur, secundum quid, ratione oblationis vitæ & invitationis ad media illius: alii verò simpliciter, non solum ratione oblationis vitæ, sed etiam ratione collationis per gratuitam & efficacem, mediorum necessariorum operationem. Sive autem hinc vocem electorum sumamus pro electis in tempore efficaciter, ut quidam interpretantur: sive pro electis ab æterno, ut aliis placet, sensus non malè utrimque conveniet. Sed posteriorem expositionem plerique non temerè præferunt: quia sic magis loqui solent Apostoli, Rom. 8. vers. 33. 2. Timoth. 2. vers. 10. Coloss. 3. vers. 12. Tit. 1. vers. 1. & 1. Pet. 2. 9. Veruntamen quæri hinc solet, cum Electio Dei sit arcana, quomodo potuit Petrus rectè judicare, hosce Iudeos, ad quos scribit, fuisse electos, aut prædestinationem ad vitam ab æterno, aut vocationem ad fidem & salutis media, in tempore? Antequam verò ad questionem respondeamus, quædam quasi fundamenta de iudiciis (quibus in bonam partem de aliis judicamus) præmittenda: quæ ad alia etiam Scripturæ loca melius intelligenda pertinebunt.

Iudicium autem huiusmodi pro ratione causæ efficientis est duplex: aliud enim est iudicium fidei Christianæ; aliud charitatis. Illud est, quod divina revelatione, quæ fallere non potest, nititur, ac propterea non dubia opinione, sed scientia constat. Vt autem revelatio alia communis est & mediata, quæ Scriptura Sacra exponitur: alia specialis & immediata, quæ à Dei Spiritu speciatim & immediatè hominibus contingit: ita fidei iudicium duplex est, commune Christianis, quod ex communi: speciale paucis, quod ex speciali revelatione promanat: priori modo nos judicamus, Paulum electum ex revelatione Scripturæ communi, Act. 9. vers. 15. altero verò modo idem judicavit Ananias ex visione Dei speciali, Act. 9. vers. 10. 15. 17. Similiter nos ex fide communi revelationis Sacrarum Literarum judicamus, Iudam esse reprobatum, idemque prius judicarunt Apostoli, sed ex revelatione speciali Christi & Spiritus illius, Ioann. 6. vers. 70. & 17. 12. Charitatis verò iudicium est, quo ex charitate recta, de aliis in meliorem partem judicamus, 1. Corinth. 13. vers. 7. Rectam autem vocamus, quæ verbo Dei regitur, & agnitæ veritati non adversatur. Qua ratione iudicium Pontificiorum, quo falsas quasdam Veterum Patrum sententias subinde contra rei veritatem, & suam ipsorum conscientiam, alio ac saniore sensu exponentes, excusant, eorumque verba interpretantur, ut ait Cajetanus in summa Thomæ, *non ut senserunt, sed ut sentire debebant*: iudicium charitatis rectæ dici non potest: quia Scriptura ei maledicit, Esa. 5. v. 20. Quemadmodum ex adverso nec audacia illa, qua sinistrè deiis, sive injustè, sive temerè judicatur, probari debet; quia Charitati Dei & proximi repugnat. Hoc autem iudicium Charitatis, quia sola probabilitate constat, & in rebus dubiis occupatur, falli potest. Vt autem hisce quasi jactis fundamentis, ad propositæ quæstionis solutionem accedamus, illud est extra controversiam, hoc Petri iudicium suo modo esse charitatis iudicium: quia eos, ad quos scribebat, vera charitate complectebatur, & electionis eorum habebat probabilia argumenta ac signa, nempe veræ fidei professionem & Sacramentorum usum, externamque vitæ sanctimoniam. Sed illud jam quæri potest, an hoc iudicium fuerit charitatis, simpliciter ac solum, non etiam fidei; seu quatenus à fidei iudicio disjunctum; an verò quatenus cum eo conjunctum. Respondere solent, hoc iudicium esse prioris modi, nempe charitatis, non fidei erga Dei verbum; quod videlicet eos electos appellavit Petrus, in quibus divinæ electionis & adoptionis notæ apparebant.

Sed salvo aliorum iudicio, non video quid obstet, quo minus dicamus, fuisse iudicium, non charitatis simplicis, sed etiam fidei, cum *electorum* voce, Synecdochicè, à præ-

stantiori parte, intelligat Ecclesias visibiles, in quibus electi Dei erant. Nec enim omnes & singulos definitè electos appellat, sed indefinitè. Atque hoc in more est Apostolis, quemadmodum 1. Cor. 1. v. 2. Ecclesiæ Corinthiacæ dicitur *sanctificatis in Christo Iesu*: quum tamen in ea essent nonnulli hypocritæ & falsi fratres 1. Cor. 15. v. 12. & 2. Cor. 11. vers. 13. Hoc aut fidei iudicium fuit geminum in Petro: primum commune & quidem mixtum: partim ex revelatione generali S. Scripturæ, partim ex collatione speciali experientiæ, ortum: nam S. Scriptura hanc propositionem tanquam principium hujus iudicii *ἐν τῷ κέντρῳ* suppeditavit, quod in visibilibus Ecclesiis, ubi verbum Dei prædicatur, & ab auditoribus cum obedientia recipitur ac fovetur, & fructus fidei & charitatis constantis in adversis profert, Deus suos habeat electos, Esa. 55. 10. 11. Matth. 13. vers. 23. Experientia verò certa assumptionem suppeditavit specialem: at inter Judæos dispersos sunt huiusmodi Ecclesiæ. Vnde conclusio est iudicium speciale, inter hosce Judæos igitur Deum suos habere electos. Alterum iudicium fuit proprium & simplex, ex speciali instinctu ac revelatione Spiritus Sancti, cujus dictata Petrus tanquam amanuensis mente percepit, & Spiritu dirigente, calamo fideliter exaravit. Ex quibus omnibus elucere potest, quid Petrus sibi velit, cum Epistolæ objectum seu eos, ad quos scribit, ab adjuncto declarans, *electos* vocat. Altera verò pars descriptionis, ad priorem, quæ latior est, restringendam, petita est à conditione & loco, cum *advenas dispersos per Pontum, Galatiam, Cappadociam, Asiam, Bithyniam* vocat. *Advenas* verò appellari, quod à patria abessent, & in alieno solo versarentur, certum est: sed quidam metaphoricè accipiunt pro omnibus fidelibus, quod in hisce terris sint peregrini & remoti à patria cœlesti, Hebr. 11. 13. Phil. 3. v. 20. quod probari putant ex cap. 2. v. 11. *precor, ut tanquam advenæ & peregrini abstineatis à carnis cupiditatibus*: quo monet, ut tanquam cives cœlestes sanctè ex cœlestis civitatis legibus vivant: ac propterea non ad solos Judæos; sed etiam ac potissimum ad gentiles conversos scribi existimant: idque etiam confirmant ex cap. 2. v. 10 *qui quondam erat is non populus*: at Judæi ad illa usque tempora nunquam desierunt esse populus Dei. Denique idololatria prioris vitæ illis adscribitur cap. 4. v. 3. atque que ex historiis colligitur, post captivitatem Babylonicam populum Judaicum ab ea impietate abstinuisset. Sed altera ab antiquis Patribus allata sententia, vulgo magis ac merito probatur, advenas ac peregrinos intelligi propriè Judæos fideles, qui extra patriam Cananæ inter varias gentes habitabant, Jac. 1. v. 1: nam quamvis peregrini metaphoricè omnes fideles interdum dicantur: tamen in inscriptione illud est insolens: neque à propria significatione, nisi iusta subsit causa, recedendum, ut communis interpretationis regula flagitat: alioqui nihil esset certum. Ac verum quidem est, eos ad quos Petrus scribit, cap. 2. non populum dici: sed hoc Judæis tribui non posse, falsum est: nam quidam sunt populus Dei ratione vocationis externæ & secundum quid; alii simpliciter seu omninò, cum ratione vocationis externæ, tum ratione vocationis internæ: priori modo Iudæi erant populus Dei, etiam ante conversionem seu ante fidem; quia oves erant, sed perditæ: posteriori modo primum facti sunt populus Dei per fidem, nempe oves inventæ: idque ex Hosea etiam, que in citat Petrus, apparet, qui de Israëlitis ista profert cap. 2. Quod verò idololatria illis ante conversionem attribuitur, illud historię ac veritati non repugnat: nam ex Macchabæorum libris facillè colligitur, Iudæos multos, ut Regibus gratificarentur, pericula vitarent & commodis suis studerent, idololatria sese polluisse. Denique quod cap. 2. v. 11. Petrus eos, ad quos scribit, peregrinos vocat, non sequitur propterea eodem sensu hoc loco debere accipi, quia circumstantiæ sunt diversæ: deinde locus etiam ille non agit de peregrinis impropriè, ut multi exponunt, sed propriè, ut ex vers. sequenti, perspicue constat; *conversionem* inquit, *vestram habeatis honestam inter gentes, ut glorificent Deum &c.* ut suo loco plenius cognoscemus. Quare hoc clarum est ex iis, quæ diximus, Petrum Apostolum per *advenas*, pro-

proprie Iudæos intelligere: quemadmodum etiam altera voce indicatur, cum *dispersionem* per Metonym. adjuncti pro subiecto, i.e. *dispersos* nominat: nam quamvis etiam gentes conversi, essent dispersi, tamen non propterea alibi ab ullo Apostolo ita appellantur: Iudæos autem dispersos vocat, quod partim ejectione & translatione à patria sua à variis Regibus victoribus, partim multis Regnorum perturbationibus diversas gentium regiones incolerent, quemadmodum luculenter apparet Act. 2: nam quod quidam referunt ad dispersionem illam, de qua Act. 8. v. 1. illud alienius est: quia illa dispersio non tam latè patuit. Cæterum cum Iudæi dispersi fuerint multis in locis, quidam eorum hinc recensentur: nam ut Iacobus omnibus Iudæis dispersis & ad Christum conversis scripsit, cap. 1. vers. 1. sic Petrus non omnibus, quia magnæ parti, quæ Babylone versabatur, erat præsens: sed quibusdam tantum, iis videlicet, qui eas regiones incolebant, quas nominatim exprimit, in quarum plerisque Paulus Ecclesiam collegerat, ut ex Actis apparet: de quibus Plinius, Strabo & alii Geographi consulendi sunt. Hoc interim observandum à Theodoro & Oecumenio construi Pontum cum Galatia, hoc modo, *dispersis per Ponti-Galatiam*, quasi alia esset Galatia juxta Celtas, quæ vera; alia Ponti, quæ hinc intelligatur: sed vulgò & merito duas distinctas provincias exponunt. Deinde cum hæ regiones, præter Pontum, ad minorem Asiam pertineant, probabilis est eorum conjectura, qui Asiæ nomine Synechdochicè Ioniam intelligunt: in qua Ecclesia Ephesina & Smyrnenfis excelluerunt, ut ex Apoc. 2. apparet. Hæc ad vers. 1. Porro versum secundum cum initio primi connectendum per parenthesis quandam, non est dubium: sed alii aliò referunt. Oecumenius ad Petrum refert hoc modo: *Petrus Apostolus juxta præscientiam Dei Patris in sanctificationem Spiritus in obedientiam & ad dispersionem sanguinis Christi: reliqua per parenthesis collocantur; nam significant, ad quos scribatur epistola. Visus est autem ad particula juxta præscientiam Dei, ad significandum, quod in nullo Prophetis sit posterior (quod & ipsi missi fuerant) nisi tempore.* Sed durissima & insolens constructio hæc est & parenthesis: neque opus fuit ulla peculiari Apostolatus Petri commendatione: quia de illius dignitate inter fideles nunquam fuit dubitatum. Alii igitur rectius hæc verba connectunt cum *electis*, ut per parenthesis distinctionis causa inferatur, *adventis dispersis per Pontum &c.* ac propterea in versione perspicuitatis causa vocem *electis* postponunt & cum vers. 2. scribunt: *electis ex præstitione*, ut, eo modo parenthesis asperitatem aliquo modo lenirent & sententiam redderent clariorem; quod quamvis non incommodum, malim tamen servata & annotata parenthesis, situm verborum immutatum retinere. Si cui verò parenthesis minus apta videatur, posset dicere, esse ellipsin repetendæ vocis illius *electis*: quàm alio characterum genere, sensus causa, ut alibi similiter fieri solet, adjicere ad contextum. non esset absurdum. Cæterum ut à constructione & subiecto hujus loci ad rem veniamus, Electionem Iudæorum fidelium, quæ ab æterno ad vitam æternam electi erant, descriptione illustrat, & ab aliis electionum modis distinguit, ad gratiam divinam amplificandam, & ad fideles in debito gratitudinis ac vitæ Christianæ officio amplius confirmandos. Hæc autem descriptio electionis, petita est à causa illius efficien- te & fine. Efficiens & author est Deus Pater: non exclusivè, quasi ad Filium & Sp. Sanctum non pertineret, sed inclusivè. Patri autem electio nostri tribuitur κατ' ἐξουσίαν per excellentiam quandam, non quidem naturæ aut actionis, quia utraque unica est & communis tribus personis, sed ordinis personalis: quia Pater prima ordine persona est, à qua reliquæ duæ ab æterno habent Personæ originem, ideoque actiones divinæ, ad Patrem tanquam ad primam personam ferè referri solent. Efficiendi modus aut causa impulsiva est *ἐλεησιν* illius: qua voce quidam gratiæ Dei adversarii, proprie præscientiam nudam intelligunt, ut ad intellectum tantum referatur, ut Act. 2. 23. & perperam cognitionem futuræ fidei atque operum interpretantur, quasi Deus nos elegisset, quod prænoverit nos fore sanctos: hac enim ratione electionis & salutis prima causa statuere-

tur, non in Deo, sed in nobis; & sanctitas esset non finis quidam & effectum electionis, sed causa illius: contra disertam S. literarum doctrinam, cum alibi, ut Eph. 1. v. 4. *Elegit nos ante jacta mundi fundamenta, ut essemus sancti*, non ait, quia prævidit fore sanctos, & Eph. 2. v. 8. *gratiâ servati estis per fidem: & hoc non ex vobis, Dei donum est, non ex operibus, ne quis gloriatur*: tum hoc in loco, ut ex fine subiecto apparebit. Quare Orthodoxi *ἐλεησιν* vocem ambigam, non proprie; quia analogiæ fidei repugnaret; sed tropicè interpretantur: idque bifariam, aut ut decretum significet antecedens: quo sensu postea Christus dicitur præscitus vers. 20. hoc est, præordinatus: aut ut Metonymicè, dilectionem denotet: quemadmodum Psal. 1. v. 6. *viam justorum novit*, id est, diligit ac probat, Matth. 7. v. 23. *non novi vos*, hoc est, non diligo vos, seu potius, non pro meis servis ac dilectis agnosco, Rom. 11. v. 2. *non repulit Deus populum, quem præscivit*, id est, dilexit. utrovis autem modo interpretemur, sensus erit pius: sed posterior videtur præferendus, ut denotetur gratuita Dei benevolentia, quæ prima electionis & salutis nostræ causa. Atque hac ratione excluduntur in electione omnia merita nostra, quemadmodum etiam in executione 1. Ioh. 4. vers. 10. Porro huic causæ Electionis efficienti adjicitur finis, quæ altera descriptionis illius pars est: finis nimirum non ultimus, sed propinquus: *Sanctificatio Spiritus*. Quæ vox accipitur bifariam. Alii enim de Spiritu humano interpretantur; quemadmodum similis hujus vocis est usus, tum 1. Petr. 3. v. 4. 19. ut subiectum Sanctificationis notet, nempe animam: Alii verò ut in simili loco 2. Thess. 2. v. 13. de Spiritu Sancto exponunt, ut hac ratione non subiectum, sed efficiens & author sanctificationis denotetur. Quæ expositio uberior est priori & convenientior: quia ut electio Patri tribuitur, redemptio Filio, sic sanctificatio Sp. Sancto 1. Cor. 6. v. 11. quæ tria hoc versu continentur. Et hanc genuinam esse expositionem, vers. 22. perspicuè declarabit. Cæterum *Sanctificationis* vox, aut generatim sumitur pro consecratione seu segregatione ab usu communi ad usum & cultum divinum, ut passim in S. Literis: aut speciatim pro regeneratione, ut 1. Cor. 1. v. 30. Christus dicitur sanctificatio, id est, sanctificationis autor: aut pro fructu illius, sancta vita Heb. 12. v. 14. Sed prima significatio ordini rei melius convenit. Atque ita sensus erit, Dei gratia esse electos ad sanctificationem, hoc est, separationem à mundi impuritate & consecrationem Deo: quæ consecratio explicatur duabus speciebus: obedientia & adspersione sanguinis Iesu Christi. Quid autem *obedientia* significet, prima fronte obscurius est: quidam enim de Christi obedientia exponunt: idque probari censent ex constructionis ratione, ut intelligatur sanctificationis hujus materia: alii tamen de obedientia fidelium exponere malunt, ut sanctificationis pars altera significetur: sanctificationis enim vox generatim sumpta, regenerationem & justificationem complectitur, & regeneratio duas habet partes, donum fidei & charitatis: hinc quidam de sola fidei, quæ obeditur Evangelio, obedientiâ, exponunt, quæ Roman. 1. v. 5. *obedientiæ fidei* dicitur; de qua hoc cap. v. 22. *animas vestras purificastis obedientiâ veritatis per spiritum*, sed plenior erit sententia, si utrumque obedientiæ modum complectamur: *fidem* qua Evangelio; & *charitatem*, quæ Legi, secundum Evangelium. obeditur; sicut Evangelium non solum fidem, sed etiam obedientiam sanctæ vitæ ac respicientiam requirit. Atque ea sententia illustratur, si quis conferat cum v. 14. 15. 22. Altera sanctificationis species est *aspersio sanguinis Christi*: qua ratione per metaph. à legali aspersione petita, vers. 19. Heb. 9. 13. 20. Ex. 12. v. 23. obedientiæ & sacrificii Christi imputatio & applicatio, quæ coram Deo in Christo perfectè sancti sumus, Hebr. 9. v. 13. & 12. 24. & 10. 10. denotatur. Hæc de inscriptione, prima præfationis parte: altera est salutatio solemnis, quæ fidelibus gratiæ divinæ ac pacis incrementum adprecatur, quæ aliàs pluribus à nobis explicata. Quare absoluta præfationis declaratione, ad tractationem, quæ secunda principalis hujus epistolæ pars est, transeamus.

Tractatio autem constat exordio & variarum hortationum



num propositione. Ac prius quidem quod à vers. 3. ad 13. protenditur, est *πατρις ἰσχυρ*, laudationem continens triplicem, Dei Patris, Ecclesiæ Dei, seu fidelium Iudæorum, & doctrinæ fidei. Cujus rei scopus idem est, quem initio hujus epistolæ descripsimus. Laudatio Dei primùm enuntiatur, deinde justis rationibus confirmatur. Illud continetur hisce verbis: *Benedictus esto Deus & Pater D. N. I. Christi*. Quæ *δοξαλογίας* formula apud Paulum frequens est, 2. Corinth. 1. v. 3. Eph. 1. 3. Col. 1. v. 3. & alibi. Cujus enunciationis subjectum aliquam habet difficultatem: nam *Dei* vox propriè essentialiter, seu pro communi tribus Personis essentia accipitur: interdum tamen personaliter per Synecdochen pro certâ personâ, & quidem sæpius pro primâ usurpatur: quo modo hic accipi debet, ut ex adjunctâ voce *Patris*, apperet. Vnde Samofateniani & reliqui Deitatis Christi hostes, ita arguantur: *Qui suum Deum habet & patrem; ille ut nec Pater est, ita nec Deus. Atqui Christus, teste Apostolo Petro, talis est. Ergo nec Deus*. Responderi potest bifariam. Primùm negando assumptionem: quia *Dei* vox hic non sumitur relatè ad Christum, sed absolutè. Nam quod objiciunt copulam & ostendere, sensum esse, *Deum Jesu Christi & Patrem*; illud non est admittendum: quia copulativa particula, ut Grammatici & usus probant, accipitur interdum non copulativè, sed exegeticè pro *nempe*, videlicet ut sit sensus, *Deus Pater*: quemadmodum 1. Cor. 15. v. 24. Col. 2. v. 2. Jac. 3. v. 9. Sed regerunt, alia esse similia loca, quibus hæc responsio evertatur, ut Joh. 20. v. 17. *Ascendo ad Patrem meum & Patrem vestrum, & Deum meum &c.* Verùm negamus, hunc locum esse similem: circumstantiis enim pronominum relativorum variant: nam Joan. 20. expressâ relatione dicitur *Deum meum*: hic verò absolutè, *Deus*. Deinde ut id daremus, nihil obtinebunt: quia secundò respondebitur, propositionem propositi syllogismi esse falsam. Aliquis enim potest habere suum Deum, vel simpliciter & omninò: vel tantùm secundum quid. Priori modo vera est propositio: posteriori falsa: Christus enim secundum humanam naturam, quatenus à Deo formatus, habet Deum suum: secundum divinam verò, non habet Deum; sed ipsemet Deus est. Sed instant iterum *Quemadmodum Christus habet Patrem suum, ita & Deus. Atqui Patrem non habet secundum quid, sed totius personæ respectu simpliciter. Ergo & Deus habet non secundum quid tantum, sed omninò ac simpliciter*. Resp. Negatur propositio: quia dispar comparationum est ratio, quippe Deum habet secundum humanam tantùm naturam; Patrem verò secundum utramque, sed diverso modo: unus quidem est filius, sed duo tamen filiationis modi, unus proprius & naturalis ex essentia Patris, respectu divinæ naturæ; quo modo dicitur Christus Filius Dei proprius Rom. 8. & unigenitus Joh. 1. alter improprius per metaphoram seu ex gratia, cum creationis ad imaginem Dei per virtutem Spiritus Sancti; tùm fœderis salutis ad hæreditatem cœlestem, quo modo multos habet fratres, Rom. 8. Hebr. 2. quatenus homo. Sed quærat aliquis, Quid causæ est, quod primam personam ex relatione ad Christum describat, cum Patrem Domini nostri Jesu Christi vocat. Videtur hoc omninò fieri discriminis causa, & confirmandæ fidei in Christum: quod ut olim dictus est Deus Abraham, ut à fictitiis Diis discernetur, per fœdus cum Abrahamo initum per promissum Jesum Christum: ita in Nov. Testam. dicatur Pater Domini nostri Jesu Christi, ut cognosceremus, eum solùm esse verum Deum Patrem, cujus Filius est Iesus Christus. Iohan. 17. v. 3. 1. Iohan. 2. vers. 23. Atque hæc satis de enunciationis subjecto. Attributum perspicuum est. Ut enim Deus nobis per Metonymiam adjuncti pro subjecto benedicere dicitur, cum benefacit: sic contrà nos propriè Deo benedicimus, cum ejus beneficia & gloriam celebramus: quemadmodum hanc laudis enunciationem confirmat sequente laudis merito, nempe gravissima effectorum seu beneficiorum Dei erga fideles commemoratione. Ea autem statuit quatuor, Regenerationem, Spem, Gloriam cœlestem, & Conservationem. *Regenerationis* voce, per Metaph. usitatam, sanctificationem nostri, de qua antè actum est (quæque in mortificatione veteris hominis seu peccati

originis, & vivificatione novi per fidem & charitatem sita est) intelligit. Eamque illustrat suis causis efficientibus, impulsiva & finali. Illa est Dei misericordia, quam à quantitate cum *multam* vocat, amplificat, de qua Tit. 3. v. 5. & 1. Iohan. 3. v. 1. & 4. 10. Finalis verò secundo & tertio beneficio definitur: nam finis proximus regenerationis statuitur, *spes viva*, quam variè exponunt. Quidam enim per Metonymiam impropriè speratam gloriam interpretantur, & sequenti versu *hæreditatis* voce clarius explicari putant, ut Col. 1. v. 5. alii verò propriè affectum ex vivâ fide promanantem, quo promissa à Deo, gratiam ac gloriam cupidè expectamus: quæ expositio convenientior: quia & vocis servat proprietatem, & priori uberior est. Sed quare *viva* dicatur, disquiritur. Quidam per Metonymiam vivificam exponunt, ut Ioh. 6. v. 51. *panis vivum*, id est, vivificus. Verùm exemplum hoc non convenit: quia Christus & vivum & vivificum non frustra distinctè se nominat: angustius etiam vivificatio ad lætitiâ cordis refertur: alii verò per Metaph. perennem exponunt: sed maxime videtur consentaneum, ut generalius veram & efficacem exponamus, ut eo epitheto à spe mundanâ distinguatur, quæ nec certâ fide Euangelii, sed fallaci opinione nititur: nec bonorum operum est ferax, sed sterilis ac quasi mortua, ut hypocritarum fides vocatur mortua, Iac. 2. 20. Quod verò additur *per resurrectionem Jesu Christi ex mortuis*, causam efficientem subordinatam notat: & quidem referri potest, vel ad spem, quæ ex resurrectionis fide oritur ac vivit, Rom. 8. 11. 1. Cor. 15. v. 17. 19. 1. Thess. 4. v. 13. & 14. vel ad regenerationem, ut vulgò exponunt. Nam ut mortis Christi merito vetus noster homo crucifigitur, sic per resurrectionis illius, ut causæ impulsivæ, efficaciam, novus homo suscitatur, Rom. 6. v. 4. & 5. nam amissio imaginis Dei & dominium peccati, poena sunt peccati primi, quam per lapsum Adamus sibi & posteris infligit: a propterea peccato expiato per Christi mortis meritum & expiatione testificata, & efficaciter applicata per resurrectionem Christi (quæ actualis à peccatis absolutio est) sequitur in nobis tanquam Christi membris excussæ imaginis Dei restitutio seu regeneratio. Hæc de v. 3. Porro alter regenerationis nostræ finis, nempe remotus & ultimus, in nobis est gloria cœlestis, seu vita æterna gloriosa, quæ per Metaph. elegantem ac continuatam hæreditas dicitur; quod ea non ut meritum mercenariis & servis, sed tanquam adoptionis gratuitæ fructus & hæreditas, adoptatis & renatis Dei Filiis donetur, Rom. 8. vers. 17. Deinde tribus adjunctis epithetis eandem amplificat, ut ab hæreditate mundanâ distinguat: quorum primum æternitatem, reliqua duo sinceritatem & integritatem insignibus Metaphoris notant. Quarum prima ex oppositione bonorum externorum (quæ sordibus & rei illicitæ contactu impurari possunt) deducitur: nam quod quidam à pudicitia virginis translationem desumptam putant, videtur alienius. Altera metaphora est à floribus & herbis non marcescentibus: quales ferè amaranthus & similes; quemadmodum contrà marcescenti gramini caduca hujus mundi bona comparantur, Iac. 1. v. 11. 1. Petr. 1. v. 24. Atque hæc adjuncta à causa & loco conservantè comprobantur, cum ait: *in cœlis servatam*, nempe à Deo. similes loci sunt, Col. 1. v. 5. Matth. 6. v. 19. & 20. Hæc de vers. quarto, & tertio Dei beneficio: cui quasi per anticipationem quandam objectionis, quartum adjungitur, nempe conservatio in gratia & viâ salutis. Objici enim poterat; tuta quidem hæreditas nostra in cœlo, sed nos hæredes tuti non sumus in terra, propter hostium nostrorum (nempe carnis intus, & Satanæ ac mundi foris) vim & insidias, nostramque imbecillitatem & imprudentiam: deinde hæreditas promittitur quidem, sed differtur possessio illius, neque apparet. Petrus contrà ostendit, nos etiam hac parte tutos, quia conservamur à Deo. Quam conservationem & modum illius eleganti similitudine, à præsidio militari ducta, declarat, cum ait: *præsidio custoditos*. Modus autem est duplex: summus ac principalis, nempe potentia Dei, quæ infinita & invicta, Ioh. 10. v. 28. 29. Rom. 8. vers. 30. 31. 37. 39. 1. Cor. 1. v. 8. Phil. 1. v. 6. deinde subordinatus ac proximus,

ximus est fides, quæ Dei robore fulta, carnem, Rom. 6. 13. 14. 1. Joh. 3. 9. Diabolum 1. Pet. 5. v. 9. & mundum vincit. 1. Joh. 5. v. 4. Præterea docet hæreditatem non auferri, sed differri, cum ait: *Salutem paratam patefieri tempore ultimo*, 1. Iohan. 3. v. 2. Salutis autem nomine intelligit non initium, quod in hac vita habemus per sanctificationis, iustificationis ac pacis conscientie gratiam; sed complementum illius per glorificationem, quod in altera expectamus, constans perfectâ animi & corporis ab omni miseriâ liberatione & æternâ gloriâ: quæ ut jam latent, sic ultimo die patefient, 1. Ioh. 3. v. 2. *Ultimum autem tempus* non accipit comparatè cum tempore, Christi adventum primum antecedente, ut 1. Cor. 10. 11. Heb. 1. 2. & 1. Tim. 4. v. 1. sed absolutè ratione curriculi totius mundi corruptibilis, & status vitæ præsentis, tempus secundi adventus Christi ita designat. Hæc de vers. 5. & prima exordii hujus parte, quæ Dei laudem à beneficiorum in Ecclesiam collatione celebrat: cui altera pars succedit, quæ laudem fidelium, ad quos scribitur, à præstatione officii & rectâ horum beneficiorum consideratione & usu prædicat: ut eos hoc modo non palpet, sed sincerè in recta via contineat & confortetur. Laudis autem capita statuuntur tria: patientia seu exultatio in rebus adversis, dilectio Christi, & fides. Ac patientiam quidem describit primum à causâ impulsiva, cum ait: *In quo*. Quod relativum Oecumenius ad tempus: alii verò accommodatius ad rem antecedentem referunt, seu causam, conservationem Dei ac salutem æternam: quorum consideratio in rebus adversis patientiam & exultationem, seu serium animi gaudium excitat. Deinde patientiæ exultantis subiectum, consolatione egregia describit: primum cum *tentationes*, ut Jac. 1. v. 2. & 12. & 1. Pet. 4. v. 12. per Metonym. effecti pro causâ, afflictiones vocat; quod Deus iis fideles tentet: hoc est, exploret. Quia autem tentationes illæ erant variæ, idcirco ita appellat & consolatione mitigat ratione ab adjunctis circumstantiis: primum à mensura, cum ait *paululum*; deinde à tempore, cum ait, *nunc*; præterea cum ait, *si opus est*. Quibus verbis quidam non conditionem, sed causam notari putant. Ac fateor sanè id alibi habere locum, ubi vox *si* pro *quia* sumitur: sed hîc nulla est necessitas, ut à propria significatione declinemus, quia proprius sensus probè convenit, & magis ad rem ipsam facit. Verum duplex esse potest sensus, vel ut utilitatem significet, seu si ad salutem pertinet: vel ut conditionem necessitatis & temporis circumstantiam notet, ut sensus sit, quando per Dei voluntatem necesse est, non enim Deus semper castigat, quemadmodum 1. Pet. 3. 17. dicitur: *Melius est benefacientes, si ita Dei voluntati placeat, pati*; & Iacobus c. 1. v. 2. gaudere jubet, quando in varias tentationes inciderint. Quomodo sermo erit non de acquisitis temeritate afflictionibus, sed à Deo illatis. Atque hoc modo elegans erit consolatio, ad acerbiter afflictionum mitigandam, tribus quasi gradibus constans: quorum primus est, quod eæ sint exiguæ: alter quod hujus tantum temporis: tertius quod ne nunc quidem semper eveniant aut durent: sed tantum quando & quatenus Deo ad suam gloriam & salutem nostram visum est. Similis sententia est in illustribus illis locis 2. Cor. 4. v. 17. 18. 1. Cor. 10. 13. Heb. 12. 10. Hæc de versu sexto. Porro non solum ab hisce mensuræ exiguæ & temporariæ durationis circumstantiis fidelium afflictiones describit Apostolus; sed etiam ad maiorem consolationem & exultationem à fine & fructu gemino; propinquo quidem, exploratione fidei: qua etiam periphrasi afflictiones fidelium à suo effectu, Iac. 1. 3. & eodem sensu tentationis voce Iac. 1. & hic v. 6. metonymicè appellantur. Hujus autem explorationis necessitas & dignitas eleganti similitudine auri, per comparationem rei minoris explicatur. Similitudo autem in eo est, quod ut aurum igne exploratur, hoc est, ab adulterino distinguitur, & à scoria ac fordibus purgatur & illustrius redditur: ita & fides nostra in afflictionibus probata elucet, Mat. 13. 21. 22. & ab infirmitate liberata emendatur, Rom. 5. 3. 4. Quæ auri & argenti similitudo frequens est in sacris literis, sed pro circumstantiarum ratione, potissimum, auri distinctionis, Prov. 17. v. 3. & 27. 21. aut purgationis

habetur expressa mentio, Zach. 13. 9. Malach. 3. 3. Ps. 11. v. 5. & 66. 10. hîc verò utrumque intelligitur. Argumentum verò rei minoris in eo est, quod ab Apostolo fides auro preciosior dicatur: quod ab auri accidente corruptione, cuius v. 28. meminit, comprobatur: aurum enim usu & attritu consumitur: fides verò durat usuque augetur. Nam si quis objiciat, fidem opponi ad spectui 2. Cor. 5. vers. 7. & cognitionem nostram tandem abolendam 1. Cor. 13. v. 8. & 10. Respondetur primum hîc sermonem esse de conditione in his terris, quod fides scilicet in hac vita in verè fidelibus non pereat, sed sua habeat incrementa ad finem usque. Deinde ista duo, opposita nobis, non pugnant: Fides enim opponitur ad spectui, non absolutè, sed tantum ratione, hujus vitæ, in qua cœlestia bona credimus, non autem videmus: in altera verò vita conjuncta erit fides cum visione. Si quis verò tritum illud Augustini dictum regerat; *Si vides, non est fides*. Respondetur, illud verum tantum esse atque intelligendum non absolutè, sed certo modo, nempe quatenus fides: alioqui duo cognitionis modi optimè possunt pro diverforum principiorum ratione inter se convenire: ut cognitio ex visione, & cognitio ex fide promissionis Dei, ad quam suam quandam habet relationem. Quemadmodum resurrectionem Christi, Apostoli viderunt, & simul crediderunt: sed propriè ac primum crediderunt, non quatenus viderunt, sed quatenus promissionem Christi habebant, cuius auctoritati ac veritati innitebantur: quam etiam fidem suscitavit & confirmavit visio Christi jam suscitati, Iohan. 20. vers. 27. 28. 29. Ita in cœlo erit fides & visio, quarum illa habebit perpetuum suum fundamentum & causam, nempe auctoritatem omnipotentis ac veracis Dei: hæc verò experientiam & rei evidentiam. Fides igitur perpetua est, si substantiam illius consideremus: sin vero circumstantiam spectes, mutabitur: quod ea, quæ in terris futura credebatur, in cœlis verò jam facta credat; quæ circumstantia fidem non evertit. Quemadmodum fides Patriarcharum & Apostolorum specie conveniunt, quamvis modo differant: imò fides Apostolorum per se considerata, illam admisit varietatem: nam ante Christi mortem & resurrectionem utrumque futurum credebatur: postea verò, eadem reipsâ manens, utrumque jam factum credidit. Quod verò objectum est ex 1. Cor. 13. cognitionem nostram ultimo die tollendam: illud relatione accidentis imperfectionis, non ratione substantiæ seu essentiæ intelligi debet: ut locus vers. 11. & 12. satis clarè demonstrat. Si quis autem hac occasione quærat, an etiam spes in cœlo existet in beatis animabus. Respondetur, usque ad diem ultimum, & animæ ac corporis in cœlo glorificationem durabit: quia est promissæ gratiæ ac gloriæ futura expectatio: ideoque donec completa promissio fuerit, spes durabit: quemadmodum Apoc. 6. vers. 10. animæ sanctorum mortuorum vindicationem sui sanguinis petunt, quod ex fide & spe vindictæ promissæ procedit. Post completam verò gratiam & gloriam æternam spes necessario, sublato objecto, ex naturæ illius necessitate esse desinet. Atque hæc dicta sunt de nostrarum afflictionum fine & fructu propinquo, & descriptione illius. Remotus verò describitur, 1. in se consideratus à suis partibus: deinde à circumstantia temporis. Partes autem indicantur, cum ait: *ut exploratio fidei vestræ comperiatur* (scilicet vobis) *ad laudem & honorem & gloriam*. Quæ tria velut Synonyma à nonnullis intelliguntur: satius tamen est, ut distinctè exponantur: ut priora duo ad præmia fidei constantis coram tribunali Christi extra cœlum referantur: & honor quidem ad collocationem ad Christi dextram, Matth. 25. 33. *laus* verò, cum benedictos à Patre & ad hæreditatem cœlestem electos vocabit, & ad eam possidendam advocabit, ibid. vers. 34. atque ita fide constanter Christum professos, coram Patre suo cœlesti confitebitur, Matt. 10. v. 32. *gloria* verò gloriosam cœlestis vitæ fruitionem notet, quæ gloriosam resurrectionem Phil. 3. 21. & vitam æternam cum Christo in cœlis complectitur. Deinde expositio explorationis fidei fine remoto à suis partibus: sequitur explicatio circumstantiæ temporis, cum ait; *In patefactione Iesu Christi*, nimirum gloriosa, hoc est, die ultimo: sed illo

N n n

modo

modo loqui maluit, ad impatientiæ remedium & consolationis incrementum: quemadmodum explicatur 1. Ioh. 3. v. 1. 2. & 2. Theff. 1. v. 10.

Haecenus de vers. 7. & prima virtute, nempe patientiâ in persecutionibus propter Christum & fidei confessionem perferendis, à qua fideles Iudæi, ut in officio porro præstando perstent, collaudantur: unde altius ad reliquas duas, tanquam ad patientiæ fontes ac causas affurgit ac transit. Altera enim virtus, quam illis tribuit, est dilectio Christi: quam amplificat ab adjunctâ circumstantia, quod Christum non vidissent: nam visus amorem illius, qui amore dignus iudicatur, adaugere, 1. Ioh. 4. 20. Tertia virtus est fides in Christum, dilectionis parens: quæ trifariam describitur, primo eadem circumstantiâ, quâ dilectio: quæ vim fidei & felicitatis similiter indicat: ideoque non frustra hîc distinguuntur, ad fidei, quæ hoc adjumento caruit, commendationem, ut Ioh. 20. 29. secundò describitur ab effectu nempe gaudio & exultatione, tam in adversis, quàm prosperis: de qua re etiam antè actum est; sed hîc repetitur amplificatum epithetis, ut ostendatur patientiæ illius origo. tertio à fine vel fructu, nempe salute æternâ, quæ synecd. à potiori subjecti parte indicatur, cum *animarum* dicitur, ut Heb. 10. 39. & 1. Cor. 5. 5. Quod autem in præsentī tempore additur *reportantes*: id accipi potest bifariam, vel propriè, ut per salutem animarum denotetur tota salus, cuius initium in hac vita per conversionem contingit & augetur indies, ut Luc. 19. 9. ut meritò possimus dici reportare salutem, ut Phil. 2. 12. vel impropriè, ut per enallagen temporis consuetam, præfens, pro paulò post futuro accipiat, ad consolationem fidelium, & *salus* significet salutis complementum, quod in altera vitâ expectamus: ut sæpius accipitur & distinctè eandem expressit, vers. 5. Prior tamen sententia uberior est: quia secundam includit, & sequentibus aptius convenit.

Hæc de vers. 2. & fidelium Iudæorum commendatione, secunda scilicet exordii parte, quæ eleganti transiitione connectitur tertiæ, quæ doctrinæ fidei & salutis laudem, descriptione præstantiæ & certitudinis, complectitur. Ac præstantiam quidem demonstrat primùm ab adjuncta Prophetarum inquisitione & desiderio maximo. Sed dicat quis, an igitur Prophetæ non sunt affecuti salutem? Sanè affecuti sunt vitam æternam: sed salus non ita generatim hoc in loco accipitur, sed modo specialis; quoniam verò, obscurius est: respondent vulgò, nomine *salutis* notari nihil aliud quàm gratiæ per Christum allatæ publicæ manifestationem: ut conveniat cum Luc. 10. 24. *multi Reges & Prophetæ voluerunt videre, quæ vos &c.* sed salvo aliorum iudicio, non videtur illud satis convenire: quia *salus* hîc salutem animarum notat, ut ex vers. antecedente apparet. Itaque servato eodem sensu, intelligenda est salus Iudæorum disperforum, hoc est, publica eorum, per Evangelii promulgationem ad Christum conversio, & inde consequens vita æterna; quæ in Christi adventum & gloriam, unâ cum gentium vocatione reservabantur. Quam salutem Prophetæ avidissimè expectârunt, quod salutis præstantiam demonstrat; quemadmodum certitudinem Prophetia, cuius meminit Apostolus, cum addit: *Qui de gratia erga vos prophetarunt*, vers. 10. Quia *gratiæ* voce per synecdochen salutem emphaticè significat, ut eam non ex operum meritis, sed ex Dei gratia & misericordia proficisci ostendat; de qua re plenius ac planius cap. 2. vers. 9. 10. Porro propositam Prophetarum scrutationem & Prophetiæ veritatem expositione illustrat Apostolus, vers. 11. declaratione modi, videlicet quod observata Spiritus Christi revelatione, scrutati sunt tempus perpeffionis & gloriæ Christi, Luc. 24. v. 26. 27. unde pendeat Spiritus Sancti missio illa extraordinaria & copiosissima Joh. 7. v. 39. eoque Apostolorum legatio & Iudæorum disperforum gentiumque conversio ac salus. Atque hæc prima est laudis præstantiæ doctrinæ fidei & salutis Iudæorum demonstratio, à scrutatione Prophetarum petita: cui altera deinde succedit, deducta à comparatione per dissimilitudinem eorum, & fidelium Nov. Testam. Ea autem est quod Prophetæ non sibi, sed nobis administrarint, in Prophetiis illis

scrutandis & conscribendis: quod confirmatur à revelatione Spiritus Sancti. Unde iterum doctrinæ fidei seu veritatis Evangelicæ certitudo elucet, Rom. 1. v. 2. Quod autem ex hoc loco nonnulli homines impuri concludunt, Prophetas non fuisse per Christum salvatos: illud analogiæ cum fidei & Scripturæ, tum contextus hujus repugnat: nec enim simpliciter de Christo agit Petrus, sed tantum secundum quid de exhibitione illius, deque perpeffione & gloria, nempe resurrectione, adscensione, sessione ad dextram Patris, missione Spir. Sancti; quæ omnia reservata fuerant tempori divinitus destinato, longè post Prophetas. Similis locus est, Heb. 11. 39. & Luc. 10. 24. Tertia demonstratio est à testimonio divino per Apostolos, Eph. 3. 5. Postrema ab Angelorum desiderio. Quod quidam ad dogmata referunt, quasi nondum plenè omnia Evangelii mysteria habeant perspecta: alii accommodatius ad rem ipsam, nempe gloriæ Christi & salutis nostræ complementum futurū ultimo die pertinere censent. Hæc de v. 12.

Atque ita explicuimus primam ac nervosam hujus epistolæ partem, nimirum Exordium, quod fundamenta hortationum continet: succedit jam pars altera, quæ variarum hortationum propositionem complectitur, & conclusionem firmâ ex antecedenti exordio deducitur, eique aptissimè cohæret. Hortationes autem sunt partim universales, partim particules. Universales autem sunt, quæ ad universos spectant, & commune omnium fidelium officium declarant. Et hoc quidem in loco ad tria potissimum capita revocari possunt ac debent, nempe ad spem, sanctitatem vitæ & charitatem mutuam. Primùm enim hortatur Petrus ad spei vitæ æternæ perseverantiam, & comites illius: nam per *gratiam, quæ desertur*, salutem intelligit, ut antè ostendimus: quæ ratione complementi nobis obtinget ultimo die, quo Christus secundò patefiet. Nam quod quidam interpretum patefactionem hanc non propriè de secundo corporali Christi adventu, sed impropriè de prædicatione & notitiâ Evangelii exponunt: illud piè quidem dicitur, sed minùs aptè huic loco, si cum antecedentibus conferas, v. 4. 5. 7. 12. Deinde per vocem *παιδες*, id est, *perfecti*, perseverantiam intelligit. Ac vulgò quidem eam perfectionem de perfectione partium & sinceritate interpretantur: sed loci circumstantia & emphasis argumenti postulat, ut vocē *παιδες* explicemus *finaliter, eis τὸ τέλος ad finem* de perfectione temporis; sicut in simili loco similis sententia, Heb. 3. 6. *cujus domus sumus, si fiduciam & spem firmam retinuerimus μέχρι τέλους*; id est, *ad finem usque*. Cæterum spei comites & subsidiariæ virtutes adjunguntur duæ, succinctio lumborum mentis & sobrietas; quæ vitiis spei maximè noxiis, adversantur. In prioris autem descriptione elegans est metaphora eaq; gemina: cum videl. menti tribuitur & succinctio, & lumbi, similitudine ductâ ab Orientalium populorum usu, qui longa & fluctuante veste cincti, eam iter aut opus facturi, collectam cingulo stringebant ad lumbos, ne ipsos impediret, ut 1. Reg. 18. 46. 2. Reg. 4. 29. Luc. 12. 37. & 17. 8. Atque hinc translatione à corpore ad animam ducta ait Paulus, Eph. 6. 14. *State præcincti lumbos veritate*: & Christus eadem hortatione, Luc. 12. v. 35. *Sint lumbi vestri præcincti*. Sensus igitur hujus loci est, ut abjectis omnibus vitiis & carnalibus curis, expeditam reddamus mentem ad spiritualia meditanda. Altera virtus est sobrietas aut vigilantia: quam notat, cum ait, *νιψομεν sobrii*: nam vox *νίψομεν* propriè *sobrium esse* significat: inde per Metonym. vigilantiam notat, quod videlicet ea sobrietatem sequatur. Inde per Metaph. similitudine conveniente à corpore ad animam transfertur, ac designat vel sanctitatem illius, quæ erroribus mentis & cupiditatibus cordis (quibus anima quasi ebria redditur) opposita, ut 2. Tim. 2. 26. vel attentionem & sollicitudinem ac curam, significat, 1. Pet. 4. 7. Hoc autem in loco exponi potest, ut aut ad corpus, aut ad animam referatur. Si ad corpus, sensus non male conveniet cum Christi verbis, in eodem argumento Luc. 21. 34. quibus prohibet primum curas hujus vitæ, quæ succinctio lumborum opponuntur: deinde crapulam & ebrietatem, quæ sobrietati adversantur, ut hac via, spei comites statuatur duæ virtutes, seu duplex sobrietas, una ani-

mi, al-

mi, altera corporis. Sin verò ad anīmam referamus, aut unum idemque significabit cum succinctione lumborum, diversa tamen metaphora, ut fieri sæpius in Scripturis solet, & quidem eleganter: aut aliud significabit, nempe virtutem animi: ut succinctio lumborum mentis, ad intelligentiam & cogitationes: sobrietas verò ad voluntatis & affectuum moderationem (ne voluptatibus & vitiis reliquis inebrientur) pertineat: unde etiam ex hac animi sobrietate tanquam ex fonte emanat sobrietas corporis. Atque hanc interpretationem, quia uberior est, & rei ac loci circumstantiis plenius convenit, reliquis præferendam esse apparet: nam si succinctionem mentis, ut prima postulat interpretatio, ad solas curas huius vitæ, non autem ad quævis meditationes malas (quibus mens à meditatione cœlestium impeditur) referamus, angustior erit interpretatio. Cæterum hanc hortationem ad spem & spei custodes sociasque virtutes, concludit Apostolus ex antecedenti Angelorum desiderio, quo gloriæ Christi & salutis nostræ complementum, videre desiderant: inde enim consequitur nos homines, quibus ea gloria parta est, debere ad eam rem mentem animamque præparare & constanter adversus quasvis difficultates sperare. Hæc de vers. 13. Porro huic primæ hortationi subjicitur altera ad sanctitatem vitæ: nam quamvis nonnulli sentiant, præpositæ hortationis illustriorem esse expositionem: aliud tamen attentiori apparebit: nam spes & comites illius, mentis succinctio & sobrietas illa, ad internam sanctitatem pertinent, ut antè ostensum est: hæc verò hortatio de externa corporis & operum inter homines sanctitate agit: quemadmodum *conversations* vox vers. 15. & usus illius vers. 18. & cap. 2. vers. 11. & cap. 3. vers. 1. 16. alibique comprobat. Hæc aut hortatio bimembris est: ostendit enim officium partim dehortatione per aphæresin seu remotionem contrarii mali: partim adhortatione per thesin seu positionem boni. Dehortatio est, ne configurentur cupiditatibus suis pristinis, hoc est, carnalibus, ut vers. 18. & cap. 4. vers. 3. ostendunt. Similes loci sunt, Rom. 12. vers. 2. Gal. 5. vers. 16. Eph. 4. vers. 22. & 1. Pet. 2. vers. 11. & 4. 2. 3. 4. Hanc verò dehortationem confirmat Apostolus duobus argumentis, à causis: quorum alterum à statu præteritæ vitæ petitur procedit à causæ remotione, ad remotionem effectus proprii, hoc modo; Non estis amplius in ignorantia pristina: Ergò debetis ab operibus ignorantiae, nempe cupiditatibus malis abstinere: alterum est à præsentis statu, nempe adoptionis gratia, & Filiorum Dei officio, à positione causæ ad positionem effectus debiti, hac ratione; Vos estis Filii Dei: Ergò debetis esse obedientes Deo in cupiditatibus (quæ Dei legi repugnant) fugiendis. Eadem argumentationes exstant, Rom. 13. v. 12. 13. Eph. 5. v. 6. 7. 8. Hæc de vers. 14. ac dehortatione. Adhortatio est, ut in omni conversatione sancti reddantur: quod confirmatur ab exemplo Dei Patris, quem periphrasi emphatica à vocationis ad fidem beneficio describit, cum ait: *qui vocavit vos*, vers. 15. Quam consequentiam probat Apostolus ex Scriptura S. & testimonio Dei, vers. 16. Atque hæc tertia est ad propositam hortationem comprobanda ratio: cui deinde communiter plures aliæ adiunguntur. Quarta enim ratio officii necessitatem ostendit, à consequenti iudicio Dei iusto: quæ ratio addita est per anticipationem quandam adversus eos, qui Dei Patris nomine & benignitate ad scelera licentiam abutuntur: quos refutat Apostolus, Rom. 6. v. 1. & 15. 16. Porro huic argumento quintum includitur his verbis, *commorationis vestræ tempore*; cuius duplex potest esse sensus, prior, ut de peregrinatione communi fidelium in histerris agatur, quâ ad Deum & cœlestem patriam per cœlestem viam contendimus, ut Heb. 11. 9. 10. 13. & 16. Quâ ratione vis argumenti erit; peregrini estis in mundo: Ergò non institutis & cupiditatibus mundi, sed Patris & patriæ cœlestis legibus debetis inservire, ut Phil. 2. v. 20. & Col. 3. v. 1. 2. 3. posterior autem esse potest, ut Apostolus intelligat commorationem Judæorum inter gentes specialem: quemadmodum cap. 2. vers. 11. ubi eadem hortatio ad

sanctitatem repetitur, & argumentum, quod hic brevius ponitur, plenius exponitur; utraque sententia probabilis ac concinna; sed prior præferenda: quia illa, ob argumenti diversitatem, ab eo, quod tractatur c. 2. orationem Apostoli ac probationem pleniorē reddit. Hæc de v. 17. & argmento quinto: cui adiunguntur, tria reliqua, à Dei beneficiis per Christum petita. Sextum enim argumentum est à præstantiâ præcii redemptionis ex pristina conversatione mala, per aphæresin, v. 18. & thesin vers. 19. adhibita comparatione minoris. Aphæresis est quod redempti sint non auro neque argento; ut scilicet in corporali à servitute liberatione fieri solet. Thesis est, quod Christi sanguine effuso. Comparatio verò est, quod illa sint corruptibilia, nec summi præcii: hic verò sanguis summè preciosus; partim quia sanguis hominis est, in cuius effusione vita (quæ omnibus mundi opibus dignior) amissa est; potissimum verò preciosus, quia sanguis hominis innocentis, quod agno Paschali omnis vitii experte, Exod. 12. tanquam Sacramento divino adumbratum: denique quod sanguis sit Christi, nempe Regis & Immanuelis Filii Dei, patefacti in carne, ut Act. 20. 28. *Pascite Ecclesiam Dei, quam acquisivit sibi per proprium sanguinem*. Atque hoc argumentum probatur à testimonio conscientiae fidelium Judæorum, cum præmittit Apostolus *scientes*, nimirum ex verbo Dei seu doctrina Euangelii per Prophetas & Apostolos prædicata & mentibus ipsorum per Spiritum Sanctum confirmata. Cæterum duo hæc argumenta connexa sunt, etsi alterum sit primarium. Primum est, empti estis à Christo. Ergò non vestris cupiditatibus, sed honori illius, & iustitiæ debetis servire, Rom. 14. v. 8. & 1. Cor. 6. v. 20. & 2. Cor. 5. v. 15. Alterum est, redempti estis sanguinis effusione & morte. Ergò maximi debetis redemptionem æstimare, in eaque perstare, neque iterum in peccati servitutem vos conjicere: alioquin preciosissimum Christi sanguinem, in redemptionem vestri effusum vilipenderetis, Heb. 10. v. 29. Septimum argumentum est ab exhibitione Christi ad utilitatem & conversionem Judæorum dispersorum: quod beneficium amplificatur per comparationem antecedentium temporum, ideoque Patrum quoque, atque Ecclesiæ Vet. Testam. nam Christus fuit præscitus quidem ante iacta mundi fundamenta, hoc est, ab æterno à Patre præordinatus, Eph. 1. 3. 4. 5. ut Prophetæ demonstrant; sed non prius exhibitus, quam ultimis ac destinatis temporibus, hoc est, ut Gal. 4. v. 4. dicitur, *in plenitudine temporis*: sic enim tempus exhibitu Christi vocatur ex Joële Act. 2. v. 17. comparatè cum tempore Vet. Testam. ut in simili sententia Hebr. 1. v. 1. *olim & novissima tempora* opponuntur. Reliqua quæ ad hoc argumentum pertinent, patent ex antecedentibus, v. 11. & 12. Nam quod vulgò tantum occupationem objectionis hoc in loco contineri censent, quam etiam diversè exponunt, illud minus videtur accuratum. Sensus igitur argumenti est; Illi ad quorum utilitatem Christus exhibitus est, sanctè secundum illius voluntatem vivere debent, & quidem uberiori jure, quàm illi quibus Christus tantum promissus fuit: at vobis Judæis dispersis Christus ita exhibitus est; patribus vestris tantum promissus; eoque illis feliciores, Matth. 13. 17. Heb. c. 11. 39. 40. Ergò sanctè vobis vivendum. Hæc de v. 20. Octavum & postremum argumentum est à beneficio Christi altero, sine quo adventus & redemptio non prodesse, nempe à donatione fidei in Deum Patrem, cum ait, *per quem credentes* &c. ut Mat. 11. 27. Joh. 1. 18. Cujus fidei causam addit subordinatam, nempe suscitationem Christi à mortuis & gloriam: ea enim duo fundamenta & fulcra sunt fidei nostræ, 1. Cor. 15. 14. 17. & 1. Pet. 3. 21. Fides autem in Deum Patrem non excludit fidem in Christum & Sp. Sanctum, sed includit: quia unus sunt Deus: quemadmodum vicissim fides in Christum, fidem in Patrem non excludit, Joh. 14. 1. similis est ratio suscitationis quæ tribus personis (ut reliqua omnia externa Trinitatis opera) communis est: nam ut hoc loco ea Patri tribuitur: sic Joh. 2. 19. 21. & 10. vers. 18. Filio; & Rom. 8. 11. Spiritui Sancto ascribitur: Pater enim per Filium, virtute Sp. Sancti illius est author. Atque hujus suscitationis & gloriæ finem esse



docet fidem & spem in Deum. Cæterum multi hunc locum aliter exponunt, ac si non esset novum argumentum, sed tantum antecedentis expositio, quæ scilicet declararet, ad quos Christus propriè pertineat: ad eos nimirum, qui per illum credunt in Deum; & per illum exponunt tanquam per mediatorem, quod is demum verè in Deum credat, qui in Christum Filium ejus credit: sed intricatior & à phrasi Scripturæ alienior interpretio est: prior verò, quàm modo attulimus, melius omninò fluit & longè uberior est, ob novi & accommodatissimi argumenti rationem. Hæc de v. 21. & secunda hortatione, quæ ad sanctitatem vitæ pertinet. Tertia est ad fraternam charitatem mutuam, in qua requiritur primum sinceritatem, ut sit simulationis expers; deinde sanctitatem, ut à bono principio, medio bono, ad bonum finem tendat: quam per Metaph. aptâ similitudine puritatem vocat, cum ait *ex puro corde*, ut ab impuro mundi amore distinguat. Denique vehementiam requirit, quam insigni metaphorâ (ab arcuum vel instrumentorum musicorum nervis deducta) indicat ac declarat: ut enim nervus intensus in arcu fortius ac longius telum emittit; & chorda intensa sonum clariorem edit, & à pluribus meliusque sentitur: ita & charitas quo intensior ac major, eò latius & amplius ad aliorum utilitatem sese exferit. Cæterum hanc hortationem confirmat Apostolus duabus rationibus. Vna petita est à purificatione per fidem. Quam fidè descriptione quadam illustrat, cum vocat *obedientiam erga veritatem*, nempe Evangelii per Sp. S. quæ de re actum est vers. 2. Purificatio autem est duplex: una per imputationem iustitiæ Christi, quæ justificatio dicitur, quâ puri reddimur in Christo: altera per infusionem puritatis, quæ sanctificatio dicitur, quæ in nobis puri reddimur inchoatè: utroque modo, sed diversè fides nos purificat: priori quidem modo perfectè, tanquam causa justificationis instrumentalis: altero modo imperfectè, tanquam pars internæ sanctitatis, & quidem imperfectè formaliter, uti loquuntur, purificat: quia qualitate seu habitu non solum fidei, sed etiam charitatis puritas nostra constat. Veruntamen cum puritas hæc imperfecta sit coram Deo, ratione graduum seu intensioris; sequitur, non propter fidem seu dignitatem fidei coram Dei iudicio nos purificari, hoc est, puros censer; sed Christi iustitia fide apprehensa, quæ purificatio hoc in loco intelligitur, ut etiam Act. 15. v. 9. Hæc de vers. 12. & prima hortationis ratione: Altera porro ratio subjicitur deducta à regenerationis nostræ instrumento, nempe Evangelio, quod vocat *καὶ ἡ ζωὴν sermonem Dei vivi & manentis in æternum*: quem metaphoricè *semen* vocat. Cujus præstantiam comparatione minoris cum reliquis seminibus amplificat ab adjuncta duratione, quod non sit corruptibile, nimirum ut terrena semina, sed incorruptibile, vers. 23. Quam comparationem amplius exponit sequentibus, testimoniis Es. c. 40. 8. recensens vanitatem & instabilitatem naturæ humanæ v. 24. & contrà opponens verbi divini constantiam, quod duret in æternum. Durare autem dici potest bifariam, primum absolute in se, ratione veritatis perpetuæ ut Mat. 24. 35. deinde relatè in verè credentibus, ut 1. Joh. 3. v. 9: nam semina reliqua, ut ex iis aliquid generetur, prius corrumpantur necesse est, sicut terra concepta semina mutat ac corrumpit: sed semen verbi divini incorruptibile, permanens & immutabile, homines, qui id concipiunt fide, mutat ac regenerat. Vnde facilè solvitur objectio, quæ adferri potest ex Luc. 8. 11. 12. 13. 14. de corruptione seminis: nam non in se corrumpitur, sed tantum respectu hominum infidelium & utilitatis, quam in iis verbum proferre potuisset: ipsis igitur quodammodo perit, quod alioquin per se perstat. Cæterum ne quis hunc sermonem Dei aliter intelligat quàm par est: ambiguitatem vocis tollit Apostolus interpretatione sequenti, cum ait: *Hoc autem est verbum, quod evangelizatum est inter vos*; quo ostendit perspicuè, se loqui non de sermone hypostatice, Dei Filio, ut Joh. 1. v. 1. sed de doctrina divina & quidem Evangelii, quæ hoc loco, ut etiam Matth. 13. rectè semen per Metaph. dicitur, Quare inopiè & ineptè Theodoricus Philippi Anabaptistarum Coryphæus in Enchiridio suo, tractatione de Incarnatio-

ne, hunc locum detorquet, ut probet, Christum non ex semine humano, sed ex incorruptibili Patris semine, incarnatum: nam si hoc valeret, inde etiam sequeretur, nos quoque jam Christo post regenerationem esse pares, & divinæ naturæ participes, non solum ratione qualitatis creatæ (propter imaginem & similitudinem sanctitatis & iustitiæ) sed etiam ratione essentia increatæ, & quidem, ut ita dicamus, totius: quia simplicissima & infinita est, ideoque omnis divisionis expers. Hæc de vers. 25. & ultimo.

## C O N S E C T A R I A.

I. CVM Petrus neque in hac epistola, neque alibi se Apostolorum & Ecclesiæ Christianæ caput ac Christi vicarium, sed contrà, cæterorum instar, Apostolum Iesu Christi vocet: confutatur eo Pontificiorum de primatu Petri sententia, & Pontificis in eo titulo sibi arrogando superbia.

II. Ecclesia Dei, ad peccatorum castigationem, exilio & dispersione per varias gentes multari interdum solet, ut Iudæorum disperforum exemplum docet: ideoque præsentis patriæ fruitioni non est fidendum, sed resipiscentiâ & sanctitate vitæ, paternis Dei ferulis occurrendum.

III. Ejectio à patria terrena, & electio ad possidendam patriam cœlestem, inter se optimè possunt convenire: ideoque exules Christiani hac consolatione sese munire debent, v. 1.

IV. Electio nostra non ex operum meritis, sed ex voluntatis Dei decreto pendet.

V. Cum electi simus ad sanctificationem & fidem, eaque sint Sp. Sancti effecta; sequitur errare eos, qui sanctitatem nostram & fidem esse causam Electionis, & liberi arbitrii nostri effectum statuunt.

VI. Orandus est Deus, ut gratiam suam nobis adaugeat, v. 2.

VII. Dei beneficia, præsertim spiritualia, grato animo celebranda sunt; nec solum, quæ nobis, sed etiam quæ aliis collata sunt.

VIII. Regeniti sumus multâ Dei misericordiâ. Ergò non meritis nostris aut viribus humanis.

IX. Cum vita æterna sit hæreditas, & quidem ex misericordiâ regeneratorum; sequitur esse Dei adoptantis donum, non operum meritum, v. 3.

X. Cum hæreditas cœlestis nec perire possit nec contaminari; merito terrenis & caducis omnibus hæreditatibus præferenda, & illius amore ac spe quævis adversa perferenda, v. 4.

XI. Hæreditas hæc nobis in cœlo servatur, & vicissim nos ad illius fruitionem custodimur in terris virtutis Dei præsidio, per fidem: Ergò falluntur & fallunt, qui Sanctorum perseverantiam negant.

XII. Quoniam salus nostra ultimo die perficietur ac patefiet; oportet sortis nostræ humilitatem & mundi contemptum æquo fortique animo tolerare, & diem illum hilari animo expectare, v. 5. & 6.

XIII. Fideles variis afflictionibus obnoxii sunt, ac propterea non est, quod nobis in his terris perpetuam tranquillitatem spondeamus aut speremus, sed contrà patientia animus adversus eas præmuniendus est.

XIV. Non temerè afflictiones, Donatistarum instar, accersendæ, aut imprudenti zelo appetendæ sunt, sed cum opus est, ex Dei voluntate constanter sustinendæ, v. 6.

XV. In afflictionibus ea primum consolatio esse debet, quod Dei nos tentantis & explorantis voluntate immittantur: deinde quod nec magnæ sint, nec perpetuæ; denique quod utiles ad fidei explorationem & cœlestis gloriæ incrementum, v. 6. 7.

XVI. Fides & charitas gemellæ sunt & individuae in veris fidelibus virtutes.

XVII. Eas autem maximè commendat, si Christum non visum complectantur.

XVIII. Quoniam finis fidei est salus animarum, propterea & operum meritum & purgatorium Pontificiorum (in quo

in quo animas, purgandis reliquis venialibus peccatis, cruciandas post mortem fingunt) simul corruunt : hic enim finis fidei simul effectum est.

XXIX. Fides vera non est ociosa, sed inter cætera gaudium ineffabile, ex apprehensione Servatoris Christi; & satisfactionis illius producit, vers. 8.

XX. Doctrina Evangelii amplectenda est, ut quæ divino Spir. Sancti per Prophetas & Apostolos testimonio nitatur.

XXI. Cum Spiritus Sanctus, sit Spiritus Christi, cujus instinctu Prophetæ locuti sunt, sequitur utrumque & Christum & Spiritum ejus esse verum & æternum cum Patre Deum : certum enim est non alio quàm Dei instinctu esse locutos.

XXII. Doctrina de Christi statu rectè ad duo potissimum refertur capita, ad perpeffiones & gloriam consecutam, v. 11.

XXIII. In eo melior est piorum Novi, quàm Vet. Test. conditio; quod hi habuerint quidem Christi exhibendi ad salutem *ἐπαγγελίας*; nos verò *ἐπαγγελίας*, id est, promissionis illius impletæ, & Christi exhibiti *ἐπαγγέλιον*, hoc est, lætam annunciationem : ideoque ad majorem gratitudinem ac pietatem à nobis præstandam stimulus esse debet v. 11. & 12.

XXIV. Doctrina Prophetarum ad confirmationem Evangelii pertinet, eaque exemplo Apostolorum usendum. Quare peccant graviter, qui V. T. lectionem tanquam hoc tempore alienam respuunt.

XXV. Cum ipsimet Angeli salutis nostræ complementum adeò avidè expectent, quid turpius quàm nos hâc in re esse negligentes, v. 12.

XXVI. Cum tanta hoc in loco à v. 13. ad finem capituli rationum copia afferatur, cur debeant fideles & certi heredes vitæ æternæ piè vivere; sequitur doctrinam de Iustificatione & salute gratuita per fidem deque perseverantia Sanctorum, bonorum operum studio non obstare, ut falsò Papiæ objectant.

XXVII. Cum animæ purificentur fide : sequitur omnes infideles esse impuros, quamvis essent puritatis specie insignes.

XXVIII. Cum fides sit obedientia Evangelii; sequitur errare Pontificios, qui fiduciam salutis *temeritatem* vocant, v. 22.

XXIX. Fides est donum Christi, & Spir. Sancti regnerantis : Ergò non est opus liberi arbitrii, v. 21. & 22.

XXX. Cum Evangelium sit regenerationis nostræ semen incorruptibile; id fulcrum est fidei de perseverantia Sanctorum & stimulus ad Evangelium amplectendum & honorandum, v. 23.

## C A P U T S E C U N D U M .

Postquam Apostolus sub finem capituli primi hortationem ad charitatem fraternam proposuit, & à regenerationis nostræ beneficio & instrumento probavit: eandem hoc capite continuat & illustrat hortatione bimembri, quam ex eodem argumento concludit. Prius enim membrum est dehortatio à vitiis charitati & regenerationi conerariis; nimirum malitia, dolo, simulatione, invidentia, obtrectatione omni: quæ metaphora & similitudine emphatica *deponere* jubet. Quam nonnulli deductam censent à corporibus mortuorum: quod ut illa ab oculis removeri & sepeliri solent; sic etiam vetus homo crucifixus cum suis vitiis, à nobis segregandus sit ac tollendus. Veruntamen si scopum & circumstantias aliorum similium locorum consideremus, videtur potius similitudo derivata esse à vestibus vetustate detritis, quæ deponi ac rejici solent: quemadmodum deponere veterem hominem & induere novum, inter se è regione opponuntur, Ephes. 4. v. 22. & 24. Aut, ut nonnulli putant, ab oneribus: ut enim ea omnia ab iis, qui in stadio certant, deponuntur, ne cursum & victoriam ullo pacto remorentur: sic etiam fideles jubentur deposito omni pondere & peccato, constanter propositum stadium decurrere, Heb. 12. 1. Sed media expo-

sitio aptissima huic locò. Hæc de primo hortationis membro, vers. 1. Alterum est hortatio ad desiderium lactis *λακτός* & sinceri. Quid verò iis verbis intelligere velit Apostolus, diversæ sunt inter doctiores interpretes sententiæ; observatu dignæ: quas idcirco candidè proponemus & expendemus. Quæritur enim, quis hujus loci sit scopus, & quid lactis *λακτός* vocibus denotetur. Quidam enim per *lac* notari existimant, consentaneam innoxie & simplicis infantie vivendi rationem, quam Petrus duobus epithetis describat, rationalis & doli expertis; quorum illud prudentiam requirit, hoc verò simplicitatem & innocentiam: ut conveniat cum dictis Christi: *Estote prudentes, ut serpentes* &c. Matth. 10. 16 & 1. Cor. 14. 20. Quæ docta interpretatio est, & cum scopo Apostoli egregiè conveniens. Veruntamen quoniam *lactis* vox eo sensu alibi in sacris literis non occurrit, magis consentaneum est, ut ex usu Scripturæ cum aliis interpretibus exponamus de verbo Dei, cujus usus est duplex, regenerare & regeneratos nutrire & confirmare. Quapropter prioris usus ratione semè dicitur 1. Pet. 1. 23. posterioris verò respectu *lac* & solidus cibus appellatur; pro diversâ distributionis & usus illius apud infirmos & firmos ratione 1. Cor. 3. 2. Heb. 5. 12. & 13. Sic etiam hoc in loco; adeò ut scopus Apostoli sit hortari fideles ad desiderium & studium verbi divini: nimirum quod ad charitatem & sanctitatem non minus, quàm ad fidem, ordinarium Sp. Sancti instrumentum sit: ac propterea quàm optimè hoc secundum hortationis membrum cum priori & antecedenti coheret. Ac similis etiam tractationis ordo exstat Jac. 1. 18. & 21. qui locus ad hanc sententiam illustrandam plurimum pertinet. Cæterum quamobrem illud *lac* *λακτός* nominetur, variæ adferuntur rationes. Vt enim *λακτός* orationem propriè & inde metaph. rationem (quæ mentis quædam oratio est) denotat: sic quidam per appositionem Grammaticam *lac sermonis* exponunt simili loquendi genere, quo postea dicitur, *regale sacerdotium*, vers. 9. Quæ declaratio magnam habet veri similitudinem: sed Syri interpretis autoritate non rectè, ut arbitror, confirmatur: illius verò verba sunt: *appetite illud verbum tanquam lac purum, & spirituale*: sed quis non videt, hunc interpretem illustrationis causa, ut fieri solet, inferuisse duas illas voces, nempe *illud verbum*, ut locum obscurum illustraret, & *λακτός*, vertisse *spirituale*. Altera igitur interpretatio est, quod *λακτός*, rationale ac spirituale hoc in loco denotet, ut Metaphora hoc epitheto indicetur. Quemadmodum *λατρία* *λατρία cultus rationalis*, id est, spiritualis, corporali & externo, quale Leviticum fuit, opponitur, Rom. 12. 1. & hæc loquendi ratio Petro non est infrequens: sic enim verbum Dei antea vocavit semen non corruptibile, sed incorruptibile, cap. 1. sicut hoc cap. 2. 4. lapidem vivum, & v. 5. donum spirituale & hostias spirituales. Atq; ita unum epithetum essentiam lactis; alterum verò *ἀδολος doli expertis seu sincerum*. qualitatem indicat: ut distinguatur verbum Dei purum, ab eo quod per falsos Doctores adulteratur; quod ut *lac* admixtione aque; sic illud figmentis humanis corrumpitur, 2. Cor. 2. 17. & 2. Cæterum hæc adhortatio confirmatur tribus gravissimis argumentis. Quorum primum est à Judæorum disperforum, ad quos scribit, conditione, quod recens essent regenerati & ad Christum conversi, id quod hisce verbis indicatur: *ut recens nati infantes*, ut sit allegoria concinna: nam quamvis dictio *αἰς*, id est, *ut* denotare possit similitudinem, quemadmodum quidam interpretantur, ut infantes expetunt Jac; ita & vos debetis expetere: tamen aliorum explicatio magis concinna est, qui vocem *αἰς* intelligunt *ἀδολος*, quod rei veritatem & rationem designet, non autem similitudinem: quemadmodum Eph. 5. 8 *ut filii lucis ambulate*: & Eph. 5. 1. *Estote imitatores Dei ut Filii dilecti*: Petrus enim capite antecedente docuit, eos esse regeneratos, itaque convenientissimè eandem Metaph. continuat. Quare sensus primi argumenti est, vos Judæi recens estis regeneriti. Ergò opus habetis lacte vobis convenienti, ut sequentia etiam probant. Alterum enim argumentum deductum est à fine utili, nempe novi hominis incremento, in fide scilicet & charitate; quod continetur illis verbis, *ut per illud adolescat is*, vers. 2. Tertium est ab

antecedente experientia benignitatis Domini, hoc est, Christi: quam, imitatus similem sententiam Psalmi 36. 9. eos dicit gustasse, eleganti continuatione Metaphoræ. Quemadmodum enim infantes lactis corporei suavitate, oris externi gustu semel percepta, illud postea avidius appetunt: similiter regenerati per Christum, ubi Christi suavitatem, seu gratiam salutarem, in verbo patefactam & exhibitam, semel fidei ore degustarint, majori deinde Christi & verbi illius desiderio flagrare debent. Cæterum observandum est gustum Christi & verbi illius, aliud esse cum esu & fructu conjunctum: aliud iis esse destitutum: sive quod eodem redit, gustum aliud esse, qui in nudâ agnitione & approbatione veritatis positus: aliud esse qui in vivâ fide consistit: quorum modorum prior sine secundo existere potest, ut in fide mortuâ præditis: secundus verò priorem semper includit: ac de priori agit Apostolus Heb. 6. v. 4. *qui semel, inquit, fuerint illuminati, & gustaverint donum cælestis & vers. 4. gustaverunt bonum Dei verbum:* de posteriori verò agit hoc in loco; Christus enim verè *ἄριστος* est: & verbum illius ipsum annuncians, & fide percipiendum offerens fidelibus, non lacte solùm, sed etiam melle suavius est: ut de verbo Dei loquitur Prophetâ Psal. 19. vers. 11. & 119. 103. quia ut verè est *ἡ ἀγία*, lætissimum illud gratiæ & salutis per Christum nuncium: sic requiem adfert & pacem lassis, & turbatis conscientis Matth. 11. v. 29. 30. Hæc de vers. 3. quem tanquam sequentis argumenti antecedens, cum proximo versu nonnulli copulant hoc modo: *Expertis estis Christum benignum; itaque ad eum accedite* Sed illud non videtur constructioni satis convenire. Quare satius est, ut ad antecedens probandum, quemadmodum jam declaravimus, referatur. Porro quæ sequuntur, propter vocis *διωδοποιήσας* ambiguitatem accipi possunt bifariam, vel in Indicativo vel Imperativo. Indicativo quidem, ut sit magnifica expositio beneficiorum seu benignitatis illius Christi, de qua jam actum est: atque hoc modo egregiè convenit cum simili loco Eph. 2. v. 20. 21. 22. Beneficia autem erunt, quod Christus nobis sit datus tanquam fundamentum Ecclesiæ: deinde quod consecrati simus in templum Dei & simul in sacerdotes, ut Deum colamus & servemur: quomodo hortatio continebitur non directâ, ratione consequentis, sed indirectâ, ratione consequentiæ: quod illa commemoratio beneficiorum, & finis eorum sint argumenta & stimulus ad officium. Verùm in Imperativo si legamus, erit non narratio, quod beneficia ea Christi recenseantur; sed hortatio ad officium: quod officium ex beneficiis illis directè concluditur. Quam expositionem quia ad scopum efficacius spectat, vulgò præferunt non immeritò. Hortatio autem bimembris est: primum membrum est, ut ad Christum accedant: alterum, ut tanquam vivi lapides ei superstruantur verâ fide. Quod intelligendum ratione continuationis & incrementi, non autem ratione principii, ut ex vers. 2. apparet: alioquin non fuissent regenerati & Christiani, nisi ad Christum jam accessissent. Hæc autem ædificatio illustratur à fine, partim proximo; ut sint domus spiritualis & sacerdotium sanctum, hoc est, sacerdotes Metonymicè, partim à fine remoto, oblatione hostiarum spiritualium, quæ sitæ sunt in oblatione nostri, primum generali, Rom. cap. 12. v. 1. deinde speciali, fructibus illius; seu in actionum nostrarum sanctificatione, quâ indies mactatur vetus homo, & novus suscitatur in sacrificium non *ἱλαστήριον*, quod soli Christo convenit, sed *ἰνχαριστῶν* gratiarum actionis. Qualia sacrificia sunt officia nostra, cum pietatis in Deum, ut confessio & laus gloriæ Dei; deinde invocatio, nempe precatio & gratiarum actio, Psal. 50. 13. Heb. 13. v. 15. tum charitatis in proximum, nempe innocentia & beneficentia, præsertim erga afflictos, Heb. 13. v. 16. Hæc autem hostias ab adjuncto illustrat Apostolus, quando ait *acceptas Deo*, ut Ps. 50. 23. & 51. 21. Heb. 13. 16 ut eo modo ad promptam illarum oblationem exstimulet. Quia verò homines nonnulli ejus rei diffidentia segiores sunt: nonnulli verò ex arroganti dignitatis suæ confidentia laborantes, oblationes suas contaminant, utrique malo occurrit, cum addit: *per Christum*, ut ostendat, nostra opera quamvis

imperfecta per se, Deo tamen grata esse per Christum, seu Christi mediatoris merito: cujus justitiæ imputatione operum nostrorum maculæ delentur. Similis locus est, Hebr. 13. v. 21. Ac propterea Hebr. 13. v. 15. monentur fideles, ut per Christum, hoc est, fide mediatoris Christi offerant hostiam laudis: nimirum quod per Christum & non nisi per Christum placeant. Quod autem quidam arbitrantur, hæc verba *per Christum* posse eodem etiam modo construui, cum voce *offerendum*: illud haberet locum, si verba illa abessent, *acceptas Deo*, cum quibus sensu convenientissimo cohærent; ideoque alia querenda non est constructio. Atque hæc hortatio de accessu ad Christum, & superstruptione. Quia verò scandalum hominum Christum rejicientium aliquo pacto ob stare posset: propterea Christi periphrasin addit, quâ officium illius indicat, & præstantiam, antithesi quadam recti & honorifici judicii divini & perversi præjudicii humani appositâ: quod scilicet Christus lapis vivus, nempe fundamenti, ab hominibus quidem reprobatus, sed apud Deum electus sit, & preciosus; ideoque ei secundum Dei voluntatem superstruendum. Hæc de vers. 4. & 5. Sequitur utriusque cum antecedentis rationis, tum consequentis conclusionis probatio, auctoritate S. Scripturæ. Ac primùm Esa. 28. v. 10. quo declaratur præstantia & officium Christi; deinde officium nostrum & fructus illius. Præstantia Christi; quod sit lapis, positus à Patre in Sione in extremo angulo, electus, preciosus. Primum enim lapis dicitur Metaphoricè, ob similitudinem roboris & usus: quod ut lapis præsertim fundamenti firmus est & ædificio sustinendo aptus: ita Christus lapis est invictus & petra Ecclesiæ. Deinde quod electus & preciosus: quia Patri dilectus filius & noster Immanuel, quo nihil dignius. Officium verò declaratur, cum dicitur *à Patre positus in Sione & ἀπογειωθείς* appellatur. Sionis autem, montis Hierosolymitani, voce, quidam synecdochicè urbem Hierusalem intelligunt, in qua per Apostolos primum Evangelium, post Christi ascensionem, accepto Sp. Sancto, promulgatum est, & lapis ille positus, ubi inchoari oportuit spirituale Dei templum: quemadmodum & Esaias ait cap. 2. v. 3. *E Sione prodit doctrina & verbum Domini Hierosolymis.* Alii verò concinnè ac generalius metonymicè Ecclesiam intelligunt: nam ut Sion mons, in quo regia Davidis, erat typus Ecclesiæ Christi; hinc Sion pro Ecclesia accipitur. Deinde perspicuum est, propterea Christum lapidem extremi anguli appellatum, quod ut lapis angularis utrumque parietem continet ac copulat: ita Christus Iudæos & gentes, omnesque fideles sibi fide unitos in unam Ecclesiam compingat, Eph. 2. v. 14. 15. 18. 20. 21. Verum cum angelus extremus alius sit summus, alius imus: hinc lapidem extremum angularem quidam viri docti de summo exponunt: quod ut parietes quodammodo è fundamento enascuntur & assurgunt & ad summum angulum & extremam pinnam tendunt: ita nobis ab initio Christus instar fundamenti adjungitur, & pro anguli supremo lapide in vertice fabricæ nostræ constituitur: idcirco velut ab illo per regenerationem orimur, ita quotidianis accessionibus in illum assurgimus. Alii verò longè aptius extremum angularem, de imo interpretantur: quod videlicet ut imus angularis lapis, firmitate & magnitudine excellit, eique tota ædificii moles incumbit; ita Christus Ecclesiam sua potentia sustinet ac conservat. Sic autem lapis angularis dicitur, non quasi pars tantum sit fundamenti; sed ut potius ostendatur esse unicum & perfectum fundamentum: nam in hoc eodem Esaiæ loco appellatur non solùm lapis angularis, sed etiam fundamenti: ideoque non partem aliquam domus Dei seu Ecclesiæ, sed universam sustinet. Denique alii mediâ viâ utramque sententiam moderantur ac copulant: ajuntque Apostolum voluisse nobis talem lapidem ob oculos proponere, tam magnum & ita fabricatum, ut totius domus ex omni parte sit fundamentum, & ab omni etiam extremâ parte rectâ ascendat ad summam usque domus ut angularis lapis, quo diversi parietes simul copulentur eoque tota domus simul contineatur ac conservetur. Sed tamen secunda illa, quæ nostris interpretis & multorum est sententia

rentia maximè geuina: ultima verò nimis arguta & præter ædificandi modum, unde similitudo deducta: nam si quis diligenter examinet ordinem verborum Esaïæ & huius capitis, vers. 4. & 5. & conferat locum similem Eph. 2. v. 20. videbit non nisi unum & fundamenti lapidem, cui superstruatur ædificium Ecclesiæ, debere intelligi. Atque hæc de Christi dignitate & officio. Nostrium verò officium inde profluens est, ut credamus: quo verbo propriè indicatur id, quod antea vers. 5. metaphoricè dictum, *ædificemini*. Fructus verò officii est stabilitas & salus: quæ metonymicè per remotionem contrarii effectus, pudoris (qui spe falsos comitari solet) ut Rom. 5. 5. declaratur. Cætera quæ ad collationem huius loci Petri, cum verbis & scopo Esaïæ pertinent; quemadmodum quæ ex Prophetis reliquo hoc capite adferuntur, ea doctè in parallelis sacris à Clarissimo Dn. Junio explicata sunt. Hæc de vers. 6. Porro hanc sententiam applicat Apostolus fidelibus Iudæis, ad quos scribit, præpositâ geminâ antithesi, eaque gravissima, conditionis beatissimæ eorum & contrâ infidelium Iudæorum miserrimæ. Qua ratione scandalum (cujus v. 4. per anticipationem meminerat) clarius exponit & adversus illud fideles amplius munit. Oppositionis autem primum membrum est, quod Christus sit fidelibus *honor*. Quæ vox vel per Metonym. adjuncti pro subiecto, seu abstracti pro concreto, honoratum notat: ut ad Christum referatur, & *non* nihil aliud sit quàm *honor*: ut sit sensus, quod ut per se & apud Patrem preciosus est; ita & ipsum in precio habeant atque honore: vel per Metonym. effecti pro causa, *honor* pro causa honoris, aut pro salute, in qua maximus honor positus, quod eodem redit: ut opponatur pudori, de quo antea actum est, cum dicitur, *non pudebit*. Vtrique interpretatio probabilis est; sed posterior magis videtur ad rem; quoniam argumentatio hac viâ concinnior est: nam propositio antecessit. Qui credit in Christum, non pudebit, i. e. non fallatur fides illius, sed à Christo honorabitur ac servabitur. Atqui vos creditis. Vos igitur honorabimini, non pudebitis, ut illis sit, qui falluntur. Assumptio & conclusio hoc versu exstant. Atque huic primo primæ oppositionis membro, alterum opponitur, conflata priori sententiæ parte ex Psalmis; posteriori verò ex Esaïa, ad piorum atque infirmorum consolationem & confirmationem: nam cum sacerdotum & doctorum Iudæicorum, quos plerique Iudæi sequebantur, magna esset autoritas, eorum contumacia in Christo rejiciendâ & oppugnando fidem infirmorum potuisset debilitare; sed huic malo occurrit Petrus, demonstrando illud fuisse à Prophetis prædictum: ac propterea non esse, cur eâ re, cum prædicta sit, offendantur fideles, ut Ioh. 16. v. 1. sed potius ut ad fidem in Christum confirmandam inserviat: quoniam omnia, quæ de Messia prædicta sunt, in Iesu Christo complentur. Docet enim quod immorigeris, scilicet Euangelio ut 1 Thessal. 1. v. 1. seu infidelibus, Christus (quem ordinarii ministri, ad Ecclesiam super eum ædificandam constituti, contempserunt ac reprobarunt) factus sit iis dedecori, ut Matth. 21. 42. Primò quia conatus eorum contra Christum factus est irritus: Christus enim iis invitis, factus est caput anguli Psal. 118. v. 22. hoc est, lapis *angulus*. Secundò quod in Christum impegierint & offenderint suo vitio: nam Christus propriè & per se omnibus facientibus officium, hoc est, fidelibus, factus est lapis fundamenti salutaris: per accidens verò improbitatis humanæ ei adversantis lapis offendiculi, hoc est, non efficiens, sed obiectum illius Esa. 8. vers. 14. Cujus offensionis duo sunt gradus; nempe lapsus in peccatum & lapsus in exitium: utrumque enim intelligi ex Esaïa apparet. Hæc de vers. 7. Altera oppositio consistit in electione & vocatione: cuius oppositionis primum membrum est, quod infideles Iudæi illi *ad hoc positi sint*, hoc est, decreto Dei ordinati, ut 1. Thess. 5. v. 9. *non posuit nos Deus ad iram*. Ordinati autem dicuntur, quod Deus iusto & libero iudicio eos fide non donare, sed in incredulitate relinquere, ob eamque justè punire decrevit: de quâ re doctè & prolixè disserit in suis annotationibus maioribus Clariss. Beza, ideoque consuli potest. Alterum membrum est, quod fideles Iudæi essent *genus electum*,

*regale sacerdotium, gens sancta, populus à Deo acquisitus*. Quæ elogia Ex. 19. v. 6. populo Israëlítico tributa, hic solis fidelibus applicantur: ut ostendatur, eos demum esse veros non solum ratione vocationis externæ, sed etiam internæ Israëlitas & acceptos Deo, non autem reliquos infideles, qui hisce titulis, qui iis secundum quid tantum conveniebant, gloriabantur vanè, ut Rom. 1. vers. 29. Vt verò ad propositam hortationem redeat Apostolus, finem huius electionis & vocationis addit, nempe celebrationem virtutum Dei, hoc est, sapientiæ & bonitatis ac potentie divinæ, easque oppositione status pristini miserrimi, & presentis per Dei gratiam felicissimi declarat, quod scilicet ante fuissent in tenebris ignorantie & vitiorum; jam verò vocati essent ad lucem, hoc est, cognitionem & sanctitatem, quæ luci comparantur, ut Act. 26. vers. 28. Eph. 5. v. 8. & 11. qua de re 1. Ioh. 1. vers. 5. & 7. Deinde quod antea fuissent non populus Dei, nec misericordiam consequuti: nunc contrâ populus Dei sint & misericordiam consequuti, id est, justificationem & pacem cum Deo. Quam rem verbis Prophetæ Osee proponit, ad consolationem eorum vers. 10. Hisce explicatis, Apostolus hortationem ad sanctitatem, de qua cap. 1. vers. 14. 15. egerat, repetit, eique compellatione amica, cum *dilectos* vocat, & precatione, pondus addit. Hortatur autem primum ad fugam cupiditatum carnalium, de quibus Tit. 2. 12. & 1. Ioh. 2. 16. Hanc autem hortationem confirmat, partim à conditione Iudæorum, quod essent advenæ ac peregrini, nempe inter gentes, cum ratione corporis inprimis, tum etiam ratione animæ: partim à cupiditatum effectû pernicioso, quod militent (Rom. 7. 23.) adversus animam, vers. 11. Secundò hortatur ad studium honestæ, & sanctæ vitæ inter gentes; quod probat ab effectû utili & quidem triplici, honore ipsorum fidelium, conversione infidelium, & Dei gloria, v. 12. Atque hæc hortationes universales, quæ universale Christianorum officium declarant, & ad omnes promiscuè pertinent: sequuntur particulares, quæ ad honestam particularem conversationem, & quintum decalogi præceptum referuntur: suntque politicæ aut œconomicæ: illæ honestatem vitæ civilis, & conservationem ordinis politici præscribunt; qualis est hortatio officii subditorum erga magistratum. Officii autem duas proponit partes, obedientiam & honorem. Obedientiam præscribit his verbis: *Subiecti estote curvis humane creaturæ*, id est, homini, ut Marc. 16. 15. & quidem in magistratu constituto: quam synecdochen sequentia declarant. Ratio autem & modus obedientie additur, nempe voluntatis Domini conscientia; ut Rom. 13. v. 5. Porro magistratum distinguit Apostolus (pro ratione illorum temporum & fidelium quibus scribit) in Regem, hoc est, Cæsarem Romanum & Præsides: illi parendum docet, quod summam haberet potestatem, vers. 13. hisce verò partim à causa efficiente, quod à Rege mitterentur: partim à fine duplici, ultione malefactorum, & laude seu conservatione ac præmio rectè agentium, vers. 14. Porro primam generalem rationem, à divina voluntate petitam, repetit & novi argumenti additione amplificat à fine utili, nempe confutatione maledicentium Christianis, v. 15. Atque hanc hortationem anticipatione objectionis confirmat. Objici enim poterat, liberi sumus. Ergo non debemus obedire magistratui. Sed Petrus concessio antecedente, negat consequentiam, v. 16. liberi, inquit, estis nempe à peccato, sed non à iustitia (ad quam obedientia erga magistratum pertinet) quia *servi estis Dei* Rom. 6. v. 16. 17. & 18. Gal. 5. v. 13. Cujus servitutis ingenue officia quædam addit: ut singulis sua tribuant, omnes honorent, fraternitatem diligant, Deum timeant & Regem honorent; eaque ratione alterum officium erga magistratum exprimit & priori commodè connectit, v. 17. similes loci sunt, Rom. 13. vers. 7. & 8. Matth. 22. v. 21. Atque inde transit Apostolus ab hortationibus politicis ad œconomicas, quæ videl. agunt de conservatione ordinis domestici in officio servorum erga dominos, & conjugum inter se. De priori agit hoc reliquo capite. Et in famulis requirit hæc duo, nempe obedientiam, & stimulum illius timorem: non quidem servilem ac vitiosum, qui ex



sola aut potissima pœnæ consideratione, oritur: sed liberalem atque ingenuum, qui *filialis* vulgò minus Latine dicitur: quo primum ex serio amore Dei & dominorum suorum culpam seu peccatum & inobedientiam primum & potissimum averfantur, & secundario ex iusto amore sui boni, pœnam fugiunt: de quo liberali timore ac iusto agitur, Eph. 6. v. 5. 6. 7. Deinde per anticipationem, distributione quadam dominorum in æquos & iniquos, non solum illis obedientiam esse præstandam, sed hisce quoque qui iniquè famulos onerant & affligunt, ad aras parendum docet, v. 18. Quam hortationem consolatione ab adjuncto deducta, confirmat: quia tolerantia injuriarum, nimirum ex conscientia voluntatis divinæ orta, Deo grata est, v. 19. Cur autem injuriarum meminerit, declarat Apostolus, quod videlicet perpassio afflictionis meritis non sit laude digna; sed immeritis tolerantia, v. 20. Idque comprobatur à causa efficiente, quod ad illud vocati essent. Cum autem vocationis ad officium duo sint modi, doctrina verbi Dei, & exemplum vitæ sanctæ: ab altero vocationem hanc confirmat Apostolus, videlicet à majori exemplo Christi Domini nostri, & fine mortis illius gemino. Quorum priorem indicat, quando ait: *passus est pro nobis*, hoc est, pro salute nostra. Nam quod quidam *nam* nostrum, hunc locum, de utilitate exempli tantum exponunt, illud usui S. Scripturæ in hac phrasi & sequenti expositioni, v. 14. non satis convenit: hic enim primarius passionis Christi finis est, nempe justificatio nostra: alter verò & secundarius est duplex: propinquus quidem ut sit exemplar veræ patientiæ, Matt. 16. 24. remotus verò ut vera patientiâ Christum imitemur, v. 21. Utrumque autem tam primum, quàm secundarium fufius declarat Apostolus sequentibus; & secundarium quidè propinquum, partim à Christi innocentia, adducto testimonio Esaiæ, v. 22. partim à tolerantia, in contumeliosis cum dictis, tum factis patienter perferendis & abstinendo à vindicta bifariam: primum ab externa corporis: quod nec maledicta maledictis regesserit, nec malefacientibus minatus sit, ut læsi solent: deinde ab interna animi: quod à vindictæ cupiditate alienus, Deo totum negotium suum commiserit. Id quod à causa impulsiva, per periphrasin Dei convenientissime declaratur, quando appellatur iustus iudex *ἀγνῶν*: ea enim causa est gravissima, quare à vindicta abstinendum sit: quod videlicet Deus sit summus ac iustus iudex, cui vindicta convenit & qui suo tempore vindicat, Rom. 12. v. 19. Quæ ratio additur ab Apostolo primum ad exemplum & consolationem fervorum, ut Ephes. 6. v. 8. 9. Coloss. 3. v. 24. & 4. v. 1. deinde ad terrorem dominorum, Eph. 6. v. 9. Coloss. 4. ut eâ ratione utrosque in officio, servos quidem in Christianâ patientiâ: dominos verò in æquitate contineat, v. 23. Cæterum ad amplificationem patientiæ Christi & declarationem finis primarii, ostenditur, quidnam Christus pertulerit, nimirum *peccata nostra*, hoc est, pœnam peccatis nostris debitam, metonymicè, & quidem in ligno crucis, morte maledicta Galat. 3. v. 13. quod additur, ne quis de gravitate injuriarum, non ferendâ, ut fieri solet, conqueratur. Finis autem hujus perpassionis Christi geminus additur, nempe justificatio seu liberatio à peccato, hoc est, à reatu & pœna peccati: & vitæ sanctitas, de qua pluribus agitur, Rom. 6. Nam quamvis utrumque membrum ad sanctificationem referri posset, ut interpretes multi exponunt, ac probabilis sententia est: tamen hoc in loco aptius videtur, ut *peccati* vocem utrobique eodem sensu accipiamus, præsertim cum nihil obstat, & hæc interpretatio sit uberior quàm altera; ut liberatio à peccato justificationem, non sanctificationem designet. Idque probare etiam videtur sequens applicatio, quâ doctrinam hanc generalem nominatim Judæis fidelibus, ad quos scribit applicatione verborum Esaiæ cap. 53. accommodat Apostolus, quando ait: *Cujus vibicibus sanati estis*. nam quemadmodum peccata nostra, quæ Christus pertulit, à specie certâ declarat, ad consolationem fervorum, qui flagellis & vibicibus erant obnoxii: ita finem & effectum indicat perpassionis Christi, cum ait, *sanati estis*, hoc est, remissis peccatis Deo reconciliati, v. 24. Idque probat ab instrumento sanationis, conversione seu

fide: quam indicat ex Esai. 53. oppositione eleganti conditionis prioris & præsentis: *Nam eratis*, inquit, *velut oves errantes*, hoc est, à iustitia & vita Dei alieni ac perdit: nunc verò conversi estis ad Pastorem & Episcopum animarum vestrarum, hoc est, ad Christum Servatorem, Pastorem illum bonum, Johan. 10. ideoque sanati. Quam periphrasin Christi addit, continuata eleganter metaphora, ad consolationem fervorum, ut sciant, se quoque Christo esse curæ, vers. 25.

## CONSECTARIA CAP. II.

I. **U**T in sanctitate vitæ proficiamus, & sanctæ vitæ fructus proferamus, à peccati (quasi spinarum noxiarum) extirpatione inchoandum est.

II. Cum renatis malitia deponenda sit, ex communi Apostolorum ad omnes doctrina; sequitur peccati reliquias adhuc in iis superesse, Rom. 7. quod enim non adest, non deponitur. Unde etiam evincitur Regenerationem nostram esse imperfectam, eoque & opera, quæ ex ea promanant. Quare ex rigore legis, quæ summam perfectionem personæ & operis requirit, Matth. 22. v. 37. non vitam promerentur, sed mortem, Deut. 27. v. 26.

III. Si omnis malitia deponenda est; stultè ac perversè quidam occultorum vitiorum licentiam sibi arripiunt, vers. 1.

IV. Cum verbum Dei lacti comparetur, inde apparet illius præstantia, utilitas, necessitas: ut enim in lacte præter præstantiam coloris, quia album est, habemus suavitatem saporis, quia dulcè, & utilitatem usus, quia salubre, & infantibus à Deo ordinatum ac datum ad vitam corporis nutriendam: ita verbum Dei præterquam quod lucidum est, Psal. 19. animo etiam suave est, & lacte, imò melle dulcius fidelium palato, Psal. 119. & salutare ac necessarium animæ regeneratorum, ad spiritualem vitam, nutrimentum.

V. Ut illæ nutrices injuriæ ac noxiæ sunt infantibus, ideoque fugiendæ, quæ lac purum, corruptum infantibus præbent: ita & illi pastores, qui verbum Dei humanorum commentorum & errorum mixtura adulterant, in Deum & Ecclesiæ salutem peccant, 2. Cor. 2. v. 17. meritoque vitandi sunt.

VI. Cum lac sincerum verbi divini, à fidelibus appetendum sit: consequens est, ut pastores, quasi fideles nutrices non aliud exhibeant, ut 2. Cor. 2. v. 17.

VII. Cum verbum Dei lactis instar sit appetendum, ut eo adolescamus: non sufficit semel atque iterum illud percepisse, sed repetitigne crebra opus est, ut paulatim adolescamus: præsertim cum non solum lacti, sed etiam solido cibo, pro diversa ratione, non immeritò divinitus comparetur alibi. Ideoque impiè faciunt & falluntur graviter, qui profectus sui opinione inflati, Dei verbum contemnunt, vers. 2.

VIII. Cum benignitas Domini gustata ad pietatis studium renatos exstimulet: sequitur eos nondum vera fide eam gustasse, qui illa ad impietatem abutuntur, aut eò pertinere arbitrantur, vers. 3.

IX. Cum Ecclesia sit domus Dei spiritualis, cujus singuli fideles sunt vivi lapides, sequitur primò, eos debere unitatem fidei & charitatis conservare, ad Ecclesiæ ædificationem & Dei cultum: deinde grave esse scelus, si quis falsâ doctrinâ aut vitâ impurâ, Ecclesiæ unitatem & ædificationem violet.

X. Si omnes fideles sunt Sacerdotes N. Testam. ad spirituales gratitudinis hostias Deo offerendas: Ergò malè Pontificii contemptâ plebe, hoc nomen suis sacrificiis tantum arrogant. Nam quod ajunt, eos offerre hostiam, non solum gratitudinis, sed etiam propitiationis in Missa suâ, illud injustitiæ crimen non tollit, sed duplicat: cum non solum plebi honorem suum derogant, sed etiam propriam Christi unici Pontificis Nov. Testam. gloriam ad se rapiunt.

XI. Deinde sequitur etiam, quemadmodum ea sacrificia Deo displicebant, primum quæ extra templum jam erectum

erectum fiebant : deinde quæ non in altari sacro Deo offerbantur : Ita opera quæ ab iis, qui extra Ecclesiam sunt, seu infidelibus atque hypocritis, sine Christi altaris nostri ac mediatoris fiducia fiunt ac Deo offeruntur, ipsi placere non possunt.

XII. Cum hostiæ nostræ sint gratæ Deo per Christum ; Ergo noster est mediator : qui ut fidelium personas, sic eorum opera imperfecta, iustitia sua coram Deo justificat, & accepta reddit. Ideoque injurii sunt in Christum Pontificii, qui suis operibus meritum iustitiæ ac vitæ adscribunt, vers. 5.

XIII. Cum doctrinam de Christo ex Scriptura probet Apostolus ; sequitur, eam esse certam doctrinæ Christianæ regulam. Deinde cum ex Scriptura Veteris Test. inde liquet, eam quoque in N. Test. utilem esse, & ad Evangelii & fidei nostræ confirmationem pertinere, ut Prophetiæ de Christo cum eventu comparentur : ac propterea errare eos, qui usum illius in N. T. nullum agnoscunt.

XIV. Christus est fundamentum, quod Ecclesiam totam, ideoque ab initio mundi sustinet ac servat : deinde in eum credendum est. Ergo non solum Servator est noster : sed etiam verus, omnipotens & æternus Deus, & eo nomine honorandus.

XV. Atque hinc etiam sequitur, nec Petrum, nec multo minus Pontifices Romanos, posse esse Ecclesiæ fundamentum, quia Ecclesiam nec totam, nec partem illius, sua vi sustinent. Deinde quia propriè super eos non est ædificandum, hoc est, in eos credendum. Denique quia non fuerunt inde ab initio. Si excipiant, ut solent ; Petrum esse fundamentum Ecclesiæ ministeriale, hoc est, improprie ratione doctrinæ Evangelii, quam ex instinctu & directione Sp. Sancti proposuit : illud non soli Petro, sed reliquis etiam Apostolis æqualiter convenit, Apoc. 21. v. 14.

XVI. Cum Christus sit unicum fundamentum Ecclesiæ ; confundentur illi, quotquot aliud quærunt, v. 6.

XVII. Non est mirum, si nostris temporibus Christus à Pontificiis rejiciatur, qui primum sibi locum in Ecclesia Christiana arrogant : cum idem Apostolorum temporibus e venerit, deque ea re per Prophetas simus præmoniti.

XVIII. Cum Christus invitis adversariis, permanens sit fundamentum Ecclesiæ : Ergo portæ inferorum adversus eam non prævalerunt : Ideoque de Ecclesiæ stabilitate non est dubitandum.

XIX. Ministrorum Ecclesiæ officium est, ut super Christum auditores suos ædificent : etsi multi hoc titulo superbi, falsa doctrina & persecutione Ecclesiam vastare & à Christo avellere contendunt, v. 7.

XX. Providentia divina adversus scandala munire nos debet, v. 8.

XXI. Quamvis Pontificii, præclaris Ecclesiæ titulis superbientes, eos fidelibus detrahunt, ut olim Pharisei ; Dei tamen contrario judicio munire nos debemus.

XXII. Cum virtutes Dei annunciandæ sint ex gratitudinis officio : sequitur eos peccare turpiter, qui Christi verbum, confessionem & Sacramenta contemnunt, v. 9.

XXIII. Carnis cupiditates militant adversus animam nostram : Ergo fideles non sunt perfecti in hac vita, v. 11.

XXIV. Non solum bonæ conscientie studendum est : sed etiam honestæ famæ, & ædificationi proximi.

XXV. Finis omnium actionum nostrarum ultimus esse debet Dei gloria, v. 12.

XXVI. Cum magistratus officium & consentanea media ad illud exsequendum habeant autorem Deum & finem bonum, benè à Christianis administrari potest : ideoque errant Anabaptistæ, qui secus sentiunt, v. 13. & 14.

XXVII. Libertas Christiana ordinem Politicum & cultum Dei non tollit, sed confirmat, v. 16.

XXVIII. Non poena, sed causa facit Martyrem, vers. 20.

XXIX. Non ad voluptates, sed ad crucem vocati sumus, v. 21.

XXX. Dei iudicium & iustitia nos adversus injurias consolari debet, v. 23.

XXXI. Christus non solum Redemptor noster, sed etiam conservator, Pastor & Episcopus animarum nostrarum est : ac propterea ei omninò fidendum, vers. 25.

## CAPUT TERTIUM.

• D Iximus superiori capite post hortationes universales, quæ universos attingunt, particulares, quæ partem hominum ac certos ordines spectant, à Petro proponi. Ac primum politicas, de officio subditorum erga magistratum ; secundò œconomicas de officio partim servorum erga dominos, cap. 2. partim conjugum inter se, cap. 3. ad vers. 8. Ut autem conjuges sunt uxor & maritus : ita distinctè primum uxores ad officium hortatur, versibus prioribus septem. Quod transiitione commodà, superiori hortationi, cap. 2. v. 18. propositæ, & seqq. ad finem capituli probatæ, tanquam simile ratione officii & conservationis ordinis ac charitatis connectit, ac describit hinc virtutibus, simili obedientia, timore, castitate, fuga luxu, lenitate ac quiete. Ad eas autem hortatur partim directè, partim obliquè, additis opportunè probationibus.

Ac primum hortatio ad obedientiam proponitur, vers. 1. hisce verbis : *uxores suis viris sicut domino sicut* scilicet *sint*, ut similis ellipsis antecessit, cap. 2. v. 18. Quà in re emphasis gemina est. Prior in obedientiæ forma communi, ordinis videlicet à Deo constituti conservatione. Etsi enim vox *sicut* alibi generatim quamvis subjectionem, hic tamen secundum vocis originem, ordinatam notat ; ut ex rei natura & simili loco, Rom. 13. v. 1. apparet : quod ad obedientiæ confirmationem pertinet. Altera est in subiecti, nempe virorum determinatione, cum additur *propiis* aut *suis*, ut alienis opponantur : quod ad obedientiæ circumscriptionem, & simul ad difficultatis mitigationem & consolationem spectat, ut etiam Eph. 5. v. 21. 22. 23. & Tit. 2. v. 5. Cum autem viri alii fideles, alii infideles sint, & illis parère non adeò sit grave ; hisce verò ob importunitatem & religionis diversitatem, gravissimum : idcirco omisâ probatione generali, specialem, ad hujus obedientiæ gravitatem minuendam, & uxorum, quæ infideles nactæ sunt maritos, consolationem adducit Apostolus à fine utilis. Finis enim est illorum conversio ; *U*, inquit, *si qui non obediunt sermone*, supple Evangelii, hoc est, infideles ( nam *sermo* pro sermone Dei per synecdochen generis, & quidem *καὶ ἐξ ὧν* pro Evangelio sumitur, cuius obedientia est fides ) *lucrifaciant*, id est, à perditione & tyrannide Satanæ liberati, Christi Regno & Ecclesiæ incremento adjungantur, tanquam ministerii humani. lucrum, ut Matth. 18. v. 15. & 25. v. 17. 1. Cor. 9. v. 20. Atque hæc conversio non solum finis est, sed etiam effectum contingens obedientiæ, tanquam cum reliquis virtutibus causæ efficientis *καὶ*. Idque indicatur his verbis, *per uxorum conversationem*, scilicet talem ac bonam ; quod amplificatur remotione causæ ordinariæ, cum eam inesse vim ostendit, ut quos verbum non movet, sola vita permoveat : nempe ratione præparationis & initii, quod videlicet ad Evangelii ( à quo initio, sapius licet moniti, abhorrebant ) reverentiam & audientiam præparentur, conspecto illius Evangelii fructu in uxorum moribus, unde postea ex verbo, vi Spir. Sancti, fidem concipiunt : quo modo hic locus cum cap. 10. ad Rom. v. 17. conciliandus est. Porro hæc proposita conversatio, & effectum illius, mariti conversio, clarius exponuntur. Illa quidem partitione seu recensione virtutum quarundam, quæ sub ea continentur, nempe castitatis & timoris liberalis seu reverentiæ, quæ obedientiæ & castitatis custos & iudex. Hæc verò exponitur declaratione modi, quæ est spectatio seu observatio harum virtutum, cum obedientia junctarum : qua ratione obliquè ad hæc duas virtutes hortatur, v. 2. quemadmodum ad sequentes directè. Quarta enim est fuga luxu, in externo corporis in capillis & vestibus ornatu, vers. 3. Cui deinde opponit studium ornatus cordis interni : quem ornatum definit occulto cordis homine. Quà periphrasi metaphorica, non substantiam aliquam notat : sed qualitatem, hoc est, imaginem Dei, animo insitam, quæ aliàs novus homo dicitur,

dicatur, & veteri, hoc est, carni seu originali peccato opponitur, de qua Eph. 4. v. 24. Col. 3. v. 9. 10. Hujus autem hominis cum varia sint quali membra, ac multis virtutibus constat: aliis omissis, eam quæ obedientiæ & pacis quali nutrix est, nominatim requirit (quæ quinta uxorum virtus est) nempe lenitatem & quietem spiritus. Quæ duo vel eadem significatione, per Synonymiam quandam: vel distinctè diversa significatione accipi possunt: ut *lenitas* opponatur ferociæ & iracundiæ: quies verò garrulitati & arrogantia πολυπρᾶξις, rerum alienarum curæ. utraque expositio commoda est; sed secunda & sensum habet ampliore & confirmatur loco simillimo 1. Tim. 2. v. 9. 10. ex quo Petrum instinctu Spiritus Sancti suam hanc hortationem mutuatum esse, nonnulli suspicantur, quemadmodum etiam 2. Petr. 3. v. 15. Atque hæc de sensu hortationis; cui adjuncta est confirmatio, constans argumentis tribus: quorum duo ab adjunctis (quibus ornatum externum hæc virtutes antecellunt) deducta sunt, videlicet incorruptione & precii magnitudine; & quidem iudicio non hominum fallaci, sed Dei verissimo ac iustissimo, v. 4. Tertium argumentum est à simili exemplo generali, mulierum Vet. Test. sanctarum, quæ sperabant in Deum, ideoque dignæ erant, quas posteræ imitarentur, quæ hisce virtutibus & obedientia erga suos maritos sese ornarunt, vers. 5. Id quod exemplo singulari & eximio Saræ exponitur, quæ Abrahamo obedivit & re & ore, cum eum humiliter, honoris & prompti obsequii causa, Dominum suum, quamvis socia esset, non ancilla, appellavit: quæ duo Genes. 18. declarantur. Unde rectè sequitur, quod probandum antecessit: Vos uxores Judaicæ ita debetis vos ornare. Quam consequentiam confirmat Apostolus; quod eo modo se esse demonstrabunt genuinas, non solum secundum carnem, sed etiam secundum promissionem & imitationem, Saræ, communis credentium matris, filias: dum ejus benefacta & animi (sua innocentia & potissimum Dei providentia freti) constantiam & fortitudinem imitantur. Quod illustrari potest simili loco infra v. 13. 14. 15. Quomodo id quod de timore dixerat, v. 2. & quod Sara Abrahamum dominum suum vocavit, exponit: & ostendit, se non locutum de timore aut obedientia servili, quasi minis & injuriis tanquam dominorum rigidorum debeant consternari servorum more, v. 6. Atque hæc certa hujus loci sententia est, sed phrasis ratio anceps. Nam ποσειδωναι μωυσαις πεινσι bifariam exponi potest: primum ut πεινσι confirmatio metus formam denotet, phrasi ac pleonasmio non solum Hebræis, ut Marc. 4. v. 41. sed Atticis etiam usitato, quem Latini in quibusdam imitantur, cum ajunt *gaudere gaudium, furere furorem*: vel ut objectum & causam efficientem, ut Rom. 13. v. 3. seu terribilamentum significet, quemadmodum Proverb. 3. v. 25. *non timebis à pavore repentino*, Septuaginta habent πεινσι πεινσι. Similis etiam phrasis exstat, Psalm. 53. v. 6. Esai. 8. vers. 12. 13. & infra vers. 14. hoc capite Petri. Ideoque hæc declaratio quia uberior est, videtur præferenda. Atque hæc quidem de officio uxorum. Sequitur hortatio ad officium maritorum: quæ tanquam similis superiori adjungitur & duabus virtutibus constat. Harum autem prior est scientia, hoc est, prudentia & moderatio in uxore gubernanda; *Viri*, inquit, *similiter una versentur secundum scientiam*, hoc est, convenienter scientiæ, id est, ut scientes decet. Sensus igitur est, ut mariti sapienter ac prudenter uxores regant: quas metaphorica periphrasi *vas muliebre* appellat: quod ut vas ad usum aut ornatum familiæ formatur, ita & uxor à Deo condita sit, ut instar vasis in domo Dei seu Ecclesia & in domo mariti utilis sit, ad Dei gloriam Ecclesiæque ornamentum, & marito ad comoda vitæ & sobolis. In qua metaphora emphasis est, & particularis quædam ratio officii latet. Hanc autem virtutem confirmat à natura muliebri infirmiori, continuata eleganter metaphora: ut enim paterfamilias prudens, vasa infirma attrectat lenius, ne frangantur aut lædantur: ita & maritus uxorem (ut quæ non solum per se infirma sit, sed etiam comparatè cum marito infirmior) gubernare debet sollicitè & humaniter. Infir-

firmior enim est viribus, cum animæ iudicio & affectibus; tum corporis. Quod quidem accipiendum est per se, & secundum communem naturæ constitutionem; alioquin per accidens fit nonnunquam, ut quædam mulieres suos viros animi & corporis viribus superent. Altera virtus mariti est honor erga uxorem, nimirum conveniens, ut verbum *tributionis* etiam innuit; ut quemadmodum illa maritum revereri debet tanquam caput; ita ille vicissim eandem, non quasi ancillam & alienam contemptim, sed ut individuum utilemque vitæ sociam & corpus suum in precio habeat & honestè curet, Eph. 5. v. 28. 29. Observandum autem est quosdam hæc verba cum antecedentibus copulare, ac si hoc in loco modus scientiæ declaratur: nempe ut scienter versentur cum vase muliebri, tribuentes honorem ut infirmiori, sicut de membris infirmioribus idem docetur, 1. Cor. 12. v. 22. & 24. sed plenior sententia, & adjunctis rationibus convenientior est, ut distinguamus, & scientiam de prudentia & lenitate (quæ amarulentie opponitur, de qua Coloss. 3. v. 19.) accipiamus, ut circumstantia rationis adjunctæ ostendit: deinde ut honoris tributionem oppositè contemptui interpretemur. Hæc autem esse distinguenda allatæ utrimque distinctæ probationes demonstrant: priori enim additur, ut *infirmiori*: posteriori verò *similiter*: ut & *cobaredes* &c. quare merito ab antecedentibus distinguimus. Cæterum hæc virtus confirmatur duabus rationibus: primò à pari honore & felicitate apud Deum: quod inter se sint *cobaredes gratiæ vite*, nempe æternæ, καὶ ἡ ζωὴ, quæ à Deo gratis omnibus fidelibus sine sexus discrimine confertur. Altera ratio est ab effectu contrarii noxio, quod contemptu uxoris (unde dissidium oritur) preces interrompantur; quod ut omnibus Christianis Matth. 6. v. 15. ita viris fugiendum 1. Tim. 2. v. 8. Hæc de vers. 7. & hortationibus particularibus, cum politicis, tum æconomicis: unde transiit conveniente ad universales, quæ omnes attingunt, redit Apostolus: ut enim particulare officium maritorum erga uxores esse docuit, ut ita se gererent, ne preces eorum interromperentur, nimirum discordia: ita hoc in loco inductione quadam virtutum variarum, quæ ad charitatem ac pacem, & sextum Decalogi præceptum pertinent, universale omnium officium præscribit. Ac primum requirit consensionem geminam, quarum altera est in mente ac doctrina, cum ait ὁμοθυμαδον, hoc est, *idem* (nempe synecdochicè in bono, seu secundum Dei voluntatem Phil. 4. v. 2.) *sentientes*: ut Rom. 12. v. 16. Phil. 3. v. 15. & 2. Cor. 13. v. 11. aut, ut aliis placet, in animo & voluntate ut sint concordantes, ut idem velint ac nolint, quæ demum firma dici solet amicitia: sed tamen prius videtur magis probandum: partim quia ea propria & prima vocis significatio est: partim quia hortationem reddit plenior, dum à sequenti distinguit: altera enim consensio est in affectu, ut sint συμπάσης, hoc est, *isidem vel mutuo sensu affecti*: ut bonis malisque aliorum afficiantur, ut suis; seu ut gaudeant cum gaudentibus & fleant cum flentibus; quemadmodum in simili argumento distinctis partibus Rom. 12. v. 15. explicatur. Ad quem locum D. Beza rectè annotavit hæc verba: *Urget συμπάθεια Christianam, sed in gaudio & dolore honesto*. Atque hoc modo videtur hic locus commodius posse exponi, quam si de mutuo miseriæ sensu accipiamus: quia illa generalior significatio (quæ etiam usu trita est) hanc specialem includit, ac sequentibus, ad πτωχολογίαν vitandam, convenientior est: quoniam misericordiæ, quæ dolor est ex alterius miseria conceptus, speciatim in hac hortatione fit mentio. Tertia virtus est charitas erga fratres, hoc est, fideles: qui ut aliàs diximus, eandem habent in terris Ecclesiam matrem, Galat. 4. v. 26. & eundem in cœlis Patrem Deum, Matth. 6. v. 9. cujus verbi semine incorruptibili renati sunt & ejusdem hereditatis participes. Charitatis autem effectum est virtus quarta, nempe misericordia; cum ait, ἀλλήλων ὡς ἡμετέρας, *miseriordes*. Quinta est comitas, seu in vitæ consuetudine facilitas & humanitas, vers. 8. Porro sexta virtus est patientia Christiana, cum generalis in omnibus injuriis, tum specialis in persecutione, religionis odio, instituta. Ad quam patientiam, ut famulos hortatus

hortatus est peculiariter cap. 2. ita repetitâ hortationis forma & argumentis omnibus generatim hoc in loco præscribit. Ac generalem quidem patientiam, v. 9. partium inductione describit, nempe cum innocentia in factis & dictis, ne malum malo, nec convitium convitio rependant, Rom. 12. v. 17. tum benignitate benedictionis, quâ maledicentibus benè precentur, Matth. 5. v. 44. Rom. 12. v. 14. ad quam rem quia ob infinitum honoris & commodi nostri amorem vitiosum, tardi sumus, idcirco duas rationes quasi stimulum addit. Quarum prior à causa efficiente deducta, quod ad id vocati sint, nempe verbo Dei & agnitione veritatis, ut antè cap. 1. v. 21. Altera ratio desumpta est à consequente fine, possessione *διδομένης*. Quæ vox propriè significat benedictionem, quâ benè alicui dicimus, laudando Jacob. 3. v. 9. aut precando, ut antè hoc versu. Deinde per Metonymiam beneficentiam vel beneficium, quod laudem mereatur ac pariat seu provocet, 2. Cor. 9. v. 5. & inde *εὐχολογία* beneficia divina notat: quæ sunt vel corporalia & temporalia, Genes. 24. v. 35. vel spiritualia & æterna, Ephes. 1. v. 3. Atque ita hoc in loco vocem *benedictionis* de salute & vitæ æternæ exponunt, sensu pio: sed accuratius examinata potius generalius videtur accipienda, ex natura rei & loci circumstantiis: nam si rem spectemus, pietas utriusque vitæ promissiones habet 1. Timoth. 4. v. 8. quemadmodum mansuetis etiam hæreditas terræ promittitur, Matth. 5. v. 5. & utraque beneficia solenni orationis formulâ peti iussit Christus, Matt. 6. v. 10. 11. 12. sin verò circumstantiam videamus, etiam ratio adducta idem confirmat, quæ petita est ab autoritate & testimonio Davidis Psalm. 34. in quo innocentia & beneficentia ac pacis studium v. 10. & 11. commendantur, allato argumento à consequente adjuncto fructu benedictionis divinæ, nempe vitæ longæ ac felicitis vers. 10. Sub qua promissione per Synecdochen æterna quoque felicitas, de qua Matth. 5. v. 11. 12. continetur: quemadmodum in Vet. Test. in promissionibus huiusmodi, ad Ecclesiam directis usitatum est: hoc tamen servato discrimine, quod benedictio æterna certò Ecclesiæ addicitur; temporalis verò & corporalis conditione hac, quatenus saluti nostræ & Dei gloriæ inservit. Hoc autem argumentum confirmatur à causa efficiente, Dei providentia, quâ iustos benignè curat & exaudit, & contra iniustos iustè punit: quorum illud ad studium iustitiæ; hoc verò ad fugam iniustitiæ & patientiam firmandam accommodatum est, vers. 12. atque hæc de Davidis testimonio, & prima ad patientiam generalem commendandam ratione à beneficentia Dei. Altera deinde per anticipationem quandam additur, ab humani maleficii abstinencia. Objici enim posset ac solet, impunitas & patientia nostra maleficos ad nova provocaret maleficia, & plures ad lædendum invitaret. Ergò ea non est curanda. Respondet Apostolus bifariam: primùm contradictione antecedentis, & inversione argumenti: compellato per interrogationem conscientiæ testimonio, *quis est*, inquit vers. 13. *qui vobis malefaciat, si bonitatis emulatores fueritis?* ac si dicat, nulli aut pauci: quippe beneficiis etiam maximè mali vinci, corrigi aut cohiberi solent, Rom. 12. v. 20. 21. Attamen quia excipi poterat adversus illam rationem ac responsionem, eam quidem veram esse in iis, qui veritatem nòrunt & amant, sed in multis nequaquam: quoniam pertinaces Evangelii adversarios, bonorum patientia reddit deteriores, ut experientia comprobatur: propterea addit Petrus secundam responsionem, qua simul prior obiectio & hæc exceptio diluuntur, concessione quadam antecedentis, & negatione consequentiæ: allata ratione à conditione beata: *sed*, inquit, *etiamsi patientiamini propter iustitiam, beati estis*, h. e. felices. Quæ beatitudo, non de vita tantùm æterna Synecdochicè, sed generatim de statu felici intelligenda est; qui varios habet gradus & causas. Etenim qui iustitiæ & veritatis causa, crucem patienti animo perferunt, illi multis nominibus sunt beati. Primò quidem, ratione generali formæ, quippe quod patientia hæc Dei verbo conviniat; quod non in exigua felicitate ponendum. Secundò, ratione effecti triplicis, nimirum gloriæ, cum veritatis, tum iustitiæ Dei, quæ

patienti obedientia in cruce fidelium illustratur, 2. Thes. 1. v. 12. 1. Petr. 4. v. 14. Johan. 21. v. 19. & deinde ratione ædificationis in fide, spe & charitate: ædificationis, inquam, cum nostræ Jac. 1. v. 2. 3. & 12. tum proximi conversi & convertendi Phil. 1. v. 14. tertio, denique ratione adjuncti partim præsentis, quod patientia illa fidelibus apud Deum & electos ejus, tam Angelos quàm homines, sit honori, tanquam filiorum Dei nota & singulare Dei donum Phil. 1. v. 19. Act. 5. v. 41. partim consequentis, nimirum gratiæ mercedis & coronæ gloriæ cœlestis: quâ à Christo honorabuntur potissimum ultimo die, partim sermone, partim communicatione vitæ æternæ & cœlestis, tanquam perfectæ beatitudinis, Matt. 10. v. 32. & 5. v. 10. 11. 12. & 25. v. 34. 2. Thes. 1. v. 5. Jacob. 1. v. 12. Quamobrem non immeritò ait Petrus; *Si patientiamini propter iustitiam, beati estis*: & opportunè hac viâ transit ab hortatione generalis patientiæ, in quibusvis injuriis perferendis, ad specialem patientiam, in persecutionibus, quæ ab Evangelii hostibus inferuntur, perferendis; deinde ad conjunctas virtutes, quæ in illa requiruntur. Hortatio autem ad hanc patientiam bimembris est: quoniam constat dehortatione à malo, & adhortatione ad bonum, tanquam remedium illius mali: quæ sententia deprompta ex Esa. 8. v. 13. Ac dehortatio quidem à malo est, quâ metum adversariorum nimium & perturbationem animi, ut quæ fidei & charitatis officio repugnet, deponere monet; *timorem*, inquit, v. 14. *eorum ne timeatis, neque turbamini*. Quo in loco *timorem* appellat per metonym. effecti pro causa, afflictiones & minas terribiles; seu quæ timorem possint incutere: quemadmodum antea hæc significationem vers. 6. explicuimus, & usum illius comprobavimus. Timere autem adversarios hîc vetat, non absolute & simpliciter: sed tantùm supra modum, cum videlicet amplius adversarios homines metuimus, quàm Deum Opt. Max. adeò ut fidei & charitati, quemadmodum monui, repugnet: de qua admonitione in similibus sententiis agitur, Matth. 10. v. 28. Phil. 1. v. 28. Adhortatio verò est, ut *Dominum Deum in cordibus*, hoc est, anima sua *sanctificent*, id est, honorent vera fide & obedientia: quemadmodum illa vox Num. 20. v. 12. & alibi accipitur: qua mentis assensu, laudem Deo tribuant, omnipotentis, iustæ, clementis & sapientis providentiæ; & eidem animi fiducia innitantur & offensionem illius timeant & obedire studeant, ut Matth. 10. v. 28. 29. 30. 31. Quia ratione fideles quævis adversariorum terribilamenta, invictò per Sp. Sanctum animi robore, superant Rom. 8. v. 31. Cæterum huic sanctificationi Dei internæ (quæ in corde seu anima, ac fide & timore Dei consistit) conjungitur ab Apostolo altera virtus, ut effectum illius, nempe sanctificatio externa in ore; seu confessio & defensio Religionis veræ: quam spei voce per Metonym. & deinde per Synecdoch. seu per Metalepsin significat. In hac verò promptitudine confessionis & defensionis additur circumstantia temporis, nempe *semper*: scilicet cum quis rogatur, & personæ obiectæ, ut *cui libet*, nimirum qui vel modestè discendi gratia, vel pro autoritate judiciaria rationem religionis postulat: non autem apud profanos derisores, aut furiosos, & publica inquirendi autoritate destitutos adversarios; ut Christus disertè docuit, Matt. 7. v. 6. *ne date sanctum canibus, neque projicite margaritas vestras coram porcis*: deinde præter temporis & personæ obiectæ circumstantiam, adjicitur modus agendi, qui requiritur, nempe lenitas & timor. Quâ voce denotatur non timor servilis pœnæ humanæ aut divinæ, sed timor liberalis culpæ; & quidem vel timor Dei intelligitur, vel timor magistratus rectus, & ut exponunt nonnulli, reverentia vers. 15. Denique requiritur adjuncta vitæ probitas, quæ per suum effectum, nimirum bonam conscientiam, impropriè metonymicè declaratur, & à fine suo ac fructu, nempe adversariorum maledicentium confutatione, confirmatur, v. 16. Atque hac via ad præmissam hortationem ac patientiam afflictionis propter iustitiam, regreditur Apostolus per anticipationem quandam; ratione deducta à comparatione causæ contrariæ afflictionis. Objici enim poterat iustam afflictionem tolerabilem fore, sed inju-



injustam seu immeritam esse miseram & intolerandam; Petrus ve. ò contrà dicit, cum ait: *Melius est ut benè agentes, si ita velit Dei voluntas, malis afficiamini, quam male agentes.* Quo, in loco voluntatis Dei meminit, ut providentiæ argumento confoletur, & ad patientiæ obedientiam tanquam altera ratione stimulet, & ut simul afflictionem necessariam à temeraria & acquisita distinguat, v. 17. de qua re antea etiam similiter actum est, cap. 2. v. 19. 20. Porro hæc hortatio confirmatur etiam Christi justitiam & patientis similitudine & exemplo majori: quod videlicet *passus fuit justus.* Cum autem justitia alia sit causæ & particularis, quando quis causam justam sequitur ac tuetur: alia personæ & universalis, cum ea tota omnibus viribus conformis est legi Dei: utroque modo Christus *justus* dicitur, & à nobis certo discrimine distinguendus est: nos enim fideles, priorum quidem modo similes Christo sumus, cum affligimur veritatis & justitiæ (quam tuemur & adversarii opprimere student) occasione: altero verò modo Christus justus est perfectè, habitu justitiæ cum insitæ in natura, tum acquisitæ per actionum obedientiam perpetuam: nos verò illius justitiæ imputatione, perfectè in illo justus sumus; sed nostræ justitiæ inhærentis & acquisitæ ratione, imperfectè justus sumus in nobis. Sed dicat aliquis; Si Christus justus omnino passus est, Deo affligente. Ergo injustè à Patre fuit afflictus. Verum non sequitur, quoniam licet Christus justus fuerit absolutè, & coram hominibus & coram Deo, ideoque per se afflictionem, quæ peccati pœna, pati non debuerit; per accidens tamen officii mediatoris, quo pœnæ à nobis debita sponsor factus est à Patre, eamque in se recepit, iuste à Patre afflictus fuit: ut sequentibus declaratur: iis enim describit Christi passionem à causa efficiente impulsiva & finali. Illa est, quod passus est pro injustis, scilicet nobis, qui extra Christum omnino sumus injusti; tam carentes justitiâ originali & insita (quia peccato originali laboramus) quàm acquisita bonis operibus, propter peccata actualia. Itaque Christus passus est pro injustis, hoc est, vicem subiit nostram, ut postea etiam explicatur. Huic autem causæ impulsivæ, ad consolationem additur temporis circumstantia, cum ait: *semel*: non enim perpetuò passus est, sed è passione emerfit, quod & nobis fiet. Licet enim Christus inde ab initio vitæ pauper pro nobis factus 2. Cor. 8. 9. ad finem vitæ passus sit: semel tamen passus dicitur, oppositè typicis V. T. sacrificiis pro peccato, quæ quotidie & quotannis ad Christum usque repetebantur, Hebr. 7. v. 27. & 9. 11. & 10. 25. tanquam umbræ veri & perfecti propiatorii sacrificii Christi semel peragendi, nec amplius repetendi, Hebr. 7. v. 27. & 9. 25. & 10. v. 12. Atque in ea re & perfectio passionis Christi, & similitudo liberationis nostræ, ad consolationem fidelium, indicatur: quod ut Christus passus mortem, non sæpè, sed semel, secuta verò est gloria: sic etiam, si exemplo Christi in hac vita propter justitiam patimur, cum eo glorificabimur, Act. 14. v. 22. 2. Tim. 2. 12. Apoc. 2. 10. Atque hæc de causa impulsiva & ei addita circumstantia temporis passionis Christi: finalis verò sequentibus indicatur, his verbis: *ut nos ad Deum adduceret*, hoc est, ut nos peccatorum merito à Dei gratia & vitæ æternæ secretos & æternæ maledictioni obnoxios, Deo reconciliaret. Atque huc pertinet Esai. cap. 53. Rom. 3. 24. 25. Eph. 2. v. 16. 18. Qua in re argumenti vis posita est. Quemadmodum enim similitudo perpassionis Christi, immeritò ab hominibus illatæ, nos consolatur & ad sanctitatem ac patientiam similiter hortatur: sic afflictionum quas pertulit causæ, quas modò attulimus, amplius stimulant. Nam quandoquidem Christus Dominus noster justus, passus est pro nobis injustis, ut nos servaret, vitamque æternam restitueret: multò magis nos servi injusti, pro Christi veritate & justitia, humanas afflictiones perferre debemus, quæ nobis ad veteris hominis mortificationem, & suscitationem novi, utilissimæ sunt. Ad quem locum illustrandum piè & doctè concludit Beda in commentariis hujus capituli. *Qui ergo, inquit, justus patitur, Christum imitatur: qui in flagellis corripitur, latronem, qui in cruce Christum rogavit, & à cruce paradisum cum Christo intravit. Qui nec inter*

*flagelli. desistit à culpis, sinistram latronem imitatur, qui propter peccatum ascendit in crucem, & post crucem, ruit in tartarum.* Hæc ille. Præterea ad majorem consolationem in rebus adversis, felicem passionis Christi eventum describit, distinctione eleganti, quando ait: *mortificatum quidem carne, vivificatum verò spiritu.* ut enim Christi perpassio & mors nostræ perpassionis est exemplar: sic illius resurrectio, spei nostræ fundamentum est & exemplar salutis nostræ, Rom. 8. 17. 2. Tim. 2. 12. Cæterum quid *carnis* & quid *Spiritus* voce denotetur, magna est controversia. Primum enim Pontificii contendunt, *carnem* solum corpus, *Spiritum* verò animam denotare; idque probare contendunt ex oppositione carnis & spiritus, & usu Scripturæ, quæ Christi animam spiritum vocat, Matth. 27. v. 50. Sed hæc interpretatio meritò negatur: quia locus obstat. Nam ut rectè Augustinus observavit epist. 99. ad Euodium; *cum dicitur: Vivificatus autem spiritu; si spiritus animam significaret, sequeretur animam Christi aliquando mortuam fuisse, quod absurdum est.* Nam quod adversarii excipiunt, hanc rationem non concludere; quia passim in Sacris Literis dicitur, vivificari id quod non occiditur, sed vivum servatur, ut 1. Sam. 27. *virum & mulierem non vivificabat David*, id est, non relinquebat vivum, & Act. 17. *ne vivificarentur*, id est, ut non viverent, sed occiderentur. Respondetur, rationem Augustini optimè concludere: quoniam nil vivificari dicitur, quod non fuerit mortuum actu aut potestate, ut corpora: sed neutro modo anima Christi mortua est; ergò non potest dici vivificari. Deinde accedit quod in Sac. Literis in sermone de Christo, cum *caro* & *spiritus* opponuntur, *carnis* voce synecdochicè natura humana intelligi solet; *spiritus* verò divina, quemadmodum Rom. 1. v. 3. 4. 1. Tim. 3. 16. & *spiritus* pro divina Christi natura Hebr. 9. 17. similiter accipitur, atque ita hoc in loco accipi debet. Nam si quis objiciat, oppositionis rationem ob stare, quod ut caro est mortificationis subiectum, etiam spiritus vivificationis debeat esse subiectum, non autem causa efficiens, ideoque non divinitatem, sed animam Christi spiritus voce intelligendam: Negatur antecedens: Quia quamvis caro mortificationis sit subiectum, & spiritus causa efficiens vivificationis; optima tamen oppositionis ratio est, quæ in eo consistit, non quod caro sit mortua, spiritus vero non mortuus (nam quorsum illud additum de anima, cum omnibus sit notum, eam esse immortalem?) sed in eo oppositio est quod Christus ut secundum carnem mortem subiit, sic contra naturæ suæ divinæ potentia mortem superavit & à carne sustulit: & sic convenit simili Apostoli Pauli sententiæ 2. Cor. 13. v. 4. ait: *Nam etsi crucifixus est ex infirmitate, vivit tamen ex potentia Dei*, Rom. 1. 3. 4. 1. Tim. 3. 16. Si quis autem iterum objiciat, carnem denotare non humanam naturam, sed tantum corpus: ideoque spiritum ex oppositionis rectæ necessitate, significare animam. Negatur consequentia: quia recta nihilominus potest esse oppositio, non dissimilis ei quam modò ex Scripturæ locis explicavimus: quod corpore quidem mortuus fuerit, sed in morte non manserit, verum divinæ suæ naturæ potentia corpus vivificavit: quod ad nostram consolationem in adversis plurimum facit, ut qui conformes futuri sumus Christo; ut in cruce, sic in gloria. Deinde antecedens etiam negari potest: nec ratio, quam ad illud probandum afferunt, solida est. Si, inquit, caro non propriè carnem seu corpus, sed synecdochicè humanam naturam significaret, tum tota humana Christi natura, ideoque non minus anima quàm corpus, fuisset mortua. Sed hoc absurdum. Ergò & illud. Verum negamus propositionem: nam ad veritatem sententiæ sufficit, ut caro, id est, humana natura, secundum quid, nempe ratione corporis, mortificata fuerit. Atque hæc de vers. 18. Cui additur v. 19. & sequentibus, amplior rei propositæ confirmatio, digressionis quidam specie. Cujus expositio difficilior est, adeò ut nullum in N. Test. locum obscuriorem exstare, plerique tam veteres, quàm recentiores interpretes profiteantur. Quæ difficultas partim ex contextus hujus loci naturâ: partim ex versione minus recta promanat. Unde nonnihil viri magni ingenuè

ingenue suam ignorantiam professi, hanc doctrinam ejus esse generis monuerunt, de quo dicitur, 1. Cor. 13. *quod ex parte cognoscimus*. Veruntamen hanc difficultatem bona ex parte fustulit suo ingenio & singulari industriâ primus Clariss. Beza, partim versione meliore, partim consideratione & examine contextus accuratori. Nam v. 19. qui maximè agitur, *per quem etiam spiritibus, qui in carcere*; ellipsin esse verbi substantivi, certum est: sed in tempore dissident. Alii enim cum vulgato Interprete sententiam suppleverunt per verbum præteriti temporis, nempe *erant*: Beza verò ingeniosè & meritò, per verbum præsens, *sunt*. Deinde aliorum conjecturas solide diluit, & convenientiorem explicationem adduxit ac probavit. Quare nos omisâ eorum repetitione auditores eò remittimus, & paucis pro raodulo nostro, diutius expensa hujus loci sententiâ, etiam nostram symbolam afferemus: nam cum partim ratione scopi, partim ratione sensus horum verborum, admiranda sit expositionis varietas: hæc salvo aliorum meliori judicio videtur esse aptissima, ut scopus sit, confirmatio uberior hortationis ad vitæ sanctitatem, non solum in prosperis, sed etiam in adversis, de quo actum vers. 13. 14. 16. 17. Quem scopum etiam à Christi justî & patientis exemplo probavit, v. 18. unde occasione, ex mentione spiritus sumta, alteram rationem eleganter annexit Apostolus, à perpetuâ Christi voluntate: quâ ut ipse patefactus in carne sanctitatem coluit, ut modò dictum est: sic ante incarnationem, inde ab initio mundi, sanctitatem præcepit, cum sermone, tum opere, quando immorigeros diu patienter tulit, tandemque severè punivit, & contrâ morigeros servavit. Cujus rei causam affert exemplum maximè illustre, & ad rem accommodatissimum, videlicet prisci Mundi & Noachi, quod exemplum typus fuit officii & salutis fidelium Nov. Testam. Ad sensum verò quod attinet, Petrus ostendit, Christum *spiritu*, id est, divina suâ naturâ hominibus primi mundi prædicasse, per os Noachi, resipiscantiam, & ad eandem lenitatem suâ & arcæ constructione invitasse: qui tamen exceptis paucis, immorigeri permanserunt: unde corporibus submersi, spiritibus verò, hoc est, animabus in infernum detrusi, nunc in eo carcere, justo judicio asservantur: quemadmodum contrâ Deus. Noachum morigerum cum familia universâ (quæ octo hominibus constitit) in aquæ diluvio per arcam servavit: quod ut monuimus, officii & salutis nostræ typus existit. Atque hæc generalis videtur esse sententia; Ad particularem verò quod attinet, de descensu animæ Christi ad inferos; hunc locum non solum multi ex veteribus & Pontificii communiter; sed etiam nonnulli ex nostris Theologis (quamvis meliori sententia) exponunt. Nituntur autem potissimum eo, quod *Spiritus* vers. 18. animam, & *carcer* hoc loco, Apoc. 20. vers. 7. infernum significat: deinde quod additur (*erant*) ab Interpretibus: denique quia dicitur *spiritibus*; quæ vox vivis non conveniat, sed tantum mortuis. Veruntamen solutio non difficilis est, vocem *erant*, non esse ab Apostolo positam, neque intelligendam probari posse. Spiritus autem vox vers. 18. non animam, sed divinam Christi naturam notat, cujus effectum est vivificatio, Joan. 10. vers. 17. *Spiritu* verò vox vers. 19. animas hominum certò notat. Neque verum est, vocem *Spiritus* convenire tantum mortuis, ut objicitur: quia etiam vivis convenit, Matth. 5. v. 3. & 27. 50. Luc. 1. v. 47. Johan. 11. v. 33. 13. 21. Act. 17. v. 16. 1. Cor. 7. v. 34. & 16. 18. Heb. 12. v. 9. Quare non est cur Pontificii suum fictitium inferni limbum (in quo Patres Vet. Testam. ad Christi adventum servati fuerint) nobis obtrudant: præsertim cum analogia Scripturæ reliquæ & hujus loci repugnet. Etenim hi Spiritus (quorum hoc in loco fit mentio) fuerunt immorigeri; Patres verò quos fingunt fuisse in limbo, seu orâ inferni, fuerunt morigeri ac servati. Deinde Spiritus hi non dicuntur (quod Pontificii docent) servari è carcere, sed dicitur tantum, Christum secundum spiritum iis prædicasse; cui prædicationi ex adverso respondet inobedientia, quæ hoc loco adjicitur.

nam quod Pontificii hosce immorigeros postea conversos esse objiciunt: vana est, & à sacris literis aliena fabula, quæ iis, quæ modò attuli, adversatur. Præterea prædicationis nulla est in inferno: quia ibi nullus conversionis locus: ideoque hæc sententia de Inferno non agit. Denique si de limbo aliquo ageret, Noachus cum familia in eo numero contineretur, ex communi Pontificiorum hypothese: sed contrâ hoc in loco hisce spiritibus è diametro opponitur, quam etiam ad rem secunda epistola Petri spectat. Ergò poëticus inferni superioris carcer ac limbus (quem Pontificii adeò studiosè tuentur) ex hoc loco probari nullo modo potest. Atque hæc de vers. 19. & 20. quibus probavit Apostolus, adducto prisci mundi & Noachi exemplo, hanc perpetuam esse & fuisse Christi Filii Dei voluntatem, ut benè vivamus: seu DEO, vera fide & charitate serviamus: nam illud demonstravit bifariam, primum sermone, quando per concionem Noachi infideles & impios ad resipiscantiam & fidem adhortatus est: deinde reipsa, partim cum immorigerorum corpora diluvio perdidit & spiritus eorum detruxit in carcerem inferni: partim cum è contrario morigeros arcæ inclusos ac tutos, aquis servavit. Quæ actio singularis quidem fuit primariò: sed secundariò typus fuit conservationis Ecclesiæ, Christo obedientis. Cum autem typi sint duplices; primum communes, qui nihil aliud sunt, quàm exempla, quæ similitudine quadam ad institutionem accommodata sunt communem, nec prophetiam continent, ut 1. Cor. 10. vers. 11. alii verò deinde sint proprii ac Prophetici; qui propter similitudinem insitam, etiam ad certam rem futuram fugurandam destinati sunt divinitus, ut Hebr. 9. vers. 24. Posterioris generis typus hoc in loco videtur intelligendus. Idque sequentibus indicat Apostolus, cum ex Nov. Test. typo, nempe baptismo, hanc Christi esse voluntatem probat, ut sanctè vivamus. Vnde consequitur, in utroque, Vet. & Nov. Testamento, ac propterea perpetuò hanc esse Christi voluntatem; quoniam baptismum appellat antitypum. Ea autem vox, Hebr. 9. vers. 24. typum notat, distinctè ab archetypo, cui respondet; hic verò typum cum altero typo significatione convenientem. Quem admodum enim aqua diluvii arcam sublatam, eique inclusos, & secundum Dei voluntatem morigeros, Noachum & familiam sustinuit, & ab interitu communi servavit & salutem Ecclesiæ significavit: eadem ratione baptismus fideles in Ecclesiam tanquam in arcam collectos servari significat, & servat. Veruntamen quoniam non omnes, qui externo baptismo baptizantur, servantur ab exitio æterno: propterea objectionis hujus anticipatione, commodè sese explicat Apostolus, distinctione baptismi: alius enim est, quo corporis sordes abjiciuntur tantum, id est, tantum externus, qui sine recto usu est; de quo se non loqui ostendit Apostolus: qualis baptismus fuit Judæ Iscariotis & Simonis Magi, de quo Act. 8. alius est conscientie bonæ *ἡμετέρας* *ἐν* *τῷ* *ὕδατι*, qui cum bonâ conscientia conjunctus est, quo effecto per Metonym. causam illius, nempe ablutionem internam intelligit, accommodatè ad argumentum: quia ad vitæ sanctitatem, id est, bonos fidei & charitatis fructus hortatur. Talis autem baptismus nos servat, non solum typicè significando; sed etiam obsignando salutem; ideoque etiam efficiendo, tanquam instrumentum, non inchoans; sed adjuvans, & quidem remotius: quia fidem, quæ proximum est, firmat & auget. Verum quid sibi vox *ἡμετέρας* velit, obscurius est. Quod ut illustretur, pauca necessariò de vocis origine & usu præmittenda sunt. *Ἐρωτάω* Latinis est *rogo*. Quæ vox ut non solum *interrogo*; sed etiam *peto* significat: Ita Græca, ut Suidas ait, *ἑρωτάω* *σε*, *παράκαλω* *σε*, *κατέχω* *σε*, *δέχομαι*, & antiquum illud ac laudatum H. Stephani glossarium *ἑρωτῆς* exponit *interrogationem*, *supplicationem*. Sic Joan. 4. v. 40. 47. 17. 9. & 15. 1. Thess. 4. 1. Hinc *ἡμετέρας* compositionem, quod, Phavorinus ait, propriè dici, cum ad quæstionem alia utimur quæstione. Sed confirmationem illius desidero. Hoc certum est, idem notare quod simplex *ἡμετέρας*. Atque hinc glossarium Stephani interpretatur

tatur stipulo, interrogo, & ἐπερωτάω, promitto, spondeo, stipulor. & Suidas ἐπερωτᾷ τὸ ἐρωτᾷ. In N. T. usum invenio duplicem: primò ut significet *interrogo* Joh. 18. v. 21. secundò *peto* Matth. 16. v. 1. Rom. 10. 20. Hinc ἐπερωτάω pro originis suæ ratione, tria notat: *interrogationem*, *petitionem* seu *stipulationem*, denique *promissionem* seu *sponsionem*. Atque huc pertinent ferè variz hujus loci expositiones & interpretationes. Nam ex prima significatione (quam vulgatus Interpres sequitur) quidam nostrum exponunt de interrogatione, qua bona conscientia in precibus Deum rogat, nonne tu meus es Pater? Ex significatione secunda duplex emergit expositio; una ut effectum conscientiz notetur; petitio apud Deum, seu libera apud Deum invocatio; altera ut effectum Dei & conscientiz adjunctum, scilicet, stipulationem seu petitionem notet; quâ in baptismo Deus nos adstringit, ut fœderis symbolo, ad bonam conscientiam Act. 8. 27. Denique ex tertia fluit sensus bonæ conscientiz promissio: quo spectare videntur Græca Oecumenii Scholia, quæ vertunt *arrhabonem*, *pignus*, & *demonstrationem*; & ἐπὶ δὲ, exponunt, *ἐπὶ δὲ, secundum Deum*. Atque hæc de triplici hujus vocis significatione, & ortis inde diversis illius quatuor expositionibus: quas ad rei illustrationem paucis expendemus. Ac prima quidem, quæ *interrogationis* significationem regnet, minus apta: quoniam neque ex etymo vocis, neque ex usu illius, neque ex loci circumstantiis probari potest, ἐπερωτάω ἐπὶ δὲ notare interrogationem ad Deum, annon meus Pater es? deinde loci circumstantiis minimè convenit: quia Apostolus de eo, quod in Baptismo fit, loquitur, in quo talis interrogatio insolens. Postrema expositio ex tertia significatione, nempe *promissione* petita, optimè baptismo convenit, in quo fœdus Dei obsignatur: quo ut ille gratiam, sic nos promittimus Deo bonam conscientiam: sed obstat tamen, quod licet glossarium antiquum (cujus meminimus) illam significationem promittendi indicet, nullum tamen neque ex S. Literis, neque ex Græcis autoribus exemplum proferat. Restant reliquæ mediæ expositiones duæ, ex secunda significatione *petendi*. Quarum prima simplicissima est, ut bonæ conscientiz petitionem apud Deum notet: quia ἐπερωτάω pro *peto*, id est, *precor*, usitatum, Matth. 15. 23. & ἐπὶ δὲ pro *coram*, *apud*, tritum est: ut diversis Græcorum exemplis H. Stephanus Græc. ling. thesaurus demonstrat. Altera verò expositio, ut ἐπερωτάω petitionem notet (non quatenus precessionem, sed quatenus stipulationem notat) optimè conveniret: sed obstat, quod ea significatio adfertur quidem, sed, neque ex S. Literis, neque ex Græcis autoribus probatur. Bona autem conscientia nri dicitur resurrectione Christi (quippe quæ salutis nostræ initium & pignus est, Rom. 4. 21. & 8. 11. 1. Cor. 15. 17. 20.) & ascensione & sessione ad dextram Patris, dominioque in omnes creaturas, v. 22.

## C O N S E C T A R I A.

I. CUM uxores suis viris subditas esse, & naturæ & Dei lege oporteat; utrique indignè repugnant, cum uxores imperiosæ, quæ sibi in maritos auctoritatem arrogant, tum viri ὑποτασσάμενοι, hoc est, *uxorii*, qui dignitatis & officii sui immemores, uxorum imperio, sese præposterè subjiciunt.

II. Uxores iniquè faciunt, quæ aliis potius, quàm suis viris parere ac placere student.

III. Si etiam infidelibus maritis obediendum est; Ergò impiè faciunt quidam Anabaptistæ, qui religionis diversæ prætextu, conjuges invitâ altera parte, segregant: unde Belgicè *Erke-impters* / hoc est, Conjugifugæ appellantur.

IV. Finis verbi divini est, non solum ut illud intelligamus, sed etiam ut obediamus.

V. Nullum est præstantius lucrum, quàm cum alienos à Christo & Ecclesia, nostro studio convertimus & animas perditas, è Regno Satanæ & æterno exitio, ad Christi regnum, & Ecclesiæ ac vitæ æternæ societatem adducimus.

VI. Quare nihil molestiæ, ad rem tam sanctam, tam

utilem, detrectandum est.

VII. Plus sapè initio, ad infidelium conversionem, vitæ exemplo, quàm verbis efficitur: ideoque graviter peccant in Dei gloriam & proximi salutem, qui improbè vivunt & scandala parvi æstimant.

VIII. Quemadmodum ex eo, quod quidam viri infideles Evangelio non obedirent, nisi uxorum suarum honesta conversatione, tanquam occasione moverentur, non tamen sequitur, majorem esse apud illos fideles, uxorum, quàm Evangelii auctoritatem: itaque neque ex celebri illa Augustini, de se quondam infideli sententia: *Non crederem Evangelio, nisi me Ecclesia commoveret auctoritas*, concludere possunt Pontificii, majorem esse, apud fideles, Ecclesiæ, quàm Scripturæ auctoritatem, v. 1.

IX. Si mulieres dedecet luxus, in capillorum contortorum nodis, & vestium immodico & superbo ornatu: meritò nostri ævi juvenes & viros concinnatos & sceminarum instar comptos pudere debet, quod cincinnorum fimbriis, & vestium preciosarum ac variarum luxuria muliebri, sexus masculi gravitatem deturpant, v. 3.

X. Corporis orandi nimia cura animum inornatum & neglectum arguit.

XI. Cum virtutes non corpus, sed quod longè præstantius est, cor seu animum nostrum exornent, Deoque valdè placeant; is ornatus maximo in precio habendus est, ac præcipuè curandus, v. 4.

XII. Non quorumvis nec quævis majorum exempla probanda, sed Sanctorum, quatenus scil. communem verbi divini normam secuti sunt.

XIII. Sanctorum fidem, spem, charitatem non solum nôsse & probare, sed etiam imitari nos decet.

XIV. Subjectio uxorum, libertati Christianæ minimè repugnat, vers. 5.

XV. Sanctorum vitæ in S. Literis nobis præscriptæ sunt, non solum ad notitiam historiz, sed etiam tanquam illustria virtutum exemplaria, ad vitæ institutionem.

XVI. Illi demum sunt genuini Sanctorum majorum liberi, qui eorum bona opera sequuntur. Ac propterea frustra Pontificii Sanctorum Patrum, Apostolorum & Christi successione gloriantur, cum eorum vestigiis non insistant, sed ab eis declinent, vers. 6.

XVII. Indigni sunt maritorum nomine, qui auctoritate sua ad illiberalem uxorum contemptum & sevitiam abutuntur.

XVIII. Cum omnes fideles sint vitæ æternæ coheredes, eo nomine amandi & honorandi sunt.

XIX. Cum vita æterna sit gratia; inde omninò sequitur falsum esse illud Pontificiorum dogma, quo asserunt, nos vitam bonis nostris operibus promereri.

XX. Ut Deus nobis sit propitius, pacem cum proximo colere debemus.

XXI. Preces nostræ ad Deum non interrumpi, sed continuari debent, earumque impedimenta seriò cavenda, vers. 7.

XXII. Non carnis, nec mundi, sed Dei vocantis nos iudicium, in vitæ institutione sequendum est.

XXIII. Ad pietatem sola non sufficit innocentia, sed addenda etiam est beneficentia: ideoque periculosè errant, qui hæc à Deo copulata, divellunt, v. 9. 10. & 11.

XXIV. Detestandum est illud proverbium, tanquam Dei verbo adversarium, quo vulgo vindictæ studium excusant; *qui se gerit ut ovem, à lupis devoratur*: contrà enim Deus se pastorem ovibus suis, defensores & beneficium fore pollicetur, vers. 10. & 12.

XXV. Cum bonos Dei gratia; malos vero ira Dei maneat, non est cur statu præsentis & quasi momentaneæ, fortis adversæ piorum, & prosperæ impiorum, ullo modo offendamur: sed contrà, eventus consideratione nos ipsos consolari debemus, vers. 12.

XXVI. Si paratos esse nos decet ad confessionem & defensionem veritatis: Ergò Sacris Literis seria danda est opera, ut veritatem rectè cognoscamus, eaque nos ipsos præmuniamus. Peccant igitur plurimum, qui iis neglectis, imparati hostibus sese exponunt, vers. 15.

XXVII. Ea

XXVII. Ea optima est adversariorum confutatio, cum vitæ probitate pudefacti, à maledictis congerendis in vitam fidelium abstinant, vers. 16.

XXVIII. Cum Christus semel patiundo, nos Deo reconciliavit: sequitur, longè præstantiorem esse illius vitam, quàm sacrificiorum Vet. Test. quæ sæpius repeti oportuit.

XXIX. Cum S. Literæ multa, quæ de Christo dicuntur, distinguant ratione carnis seu humanæ naturæ, & Spiritus seu divinæ, servata tamen unitate personæ: sequitur errare turpiter Anabaptistas & similes, qui cum hunc S. Scripturæ ductum imitatur, & quædam Christo secundum humanam, quædam secundum divinam naturam distinctè convenire asserimus, nos duas Christi naturas dividere in duas Personas iniquè exprobrant, vers. 18.

XXX. Cum Christus per Noachum olim suo Spiritu prædicavit: Ergo homo factus non est *ψιλὸς ἀνθρώπου* homo tantum, ut Samosateniani docent, sed Immanuel, Deus patefactus in carne, *θεὸς ἄνθρωπος*, hoc est, Deus homo.

XXXI. Baptismus alius est merè externus: alius cum interno conjunctus.

XXXII. Sacramenta extra legitimum usum non servant, vers. 21.

## APPENDIX AD ILLUSTRATIONEM

versus 15. 1. Pet. 3.

**A**N *ἀπολογία* doctè verti possit *declaratio* aut *responsio*? Aff. Nec versiones Gallica & Belgica 1. Pet. 3. v. 15. nisi imperitè hoc nomine culpari possunt. *ἀπολογία* enim, pro præpositionis *ἀπὸ* usu duplici, primo *ἀπὸ τοῦ ἐναντιοπαύειν* notat *ἀπαγγέλλω* denunciatio, teste Hesychio, & *ἀποδείκναι*, demonstro, ut doctè Budæus è Philone comprobabat, secundo *ἀποποιέω* significat *abdico*, *denego*. Ex quo similiter *ἀπολογία*, ex secunda significatione, *causæ dictionem* seu *defensionem*: ex prima verò *declarationem*, aut synecdochicè *responsionem* notat, ut Phavorinus apud Rhetores, in usu esse expressè docet, *ὅτι ἐστὶν ἀλλήλων διαφύκτοις*. *ὅτι οὐκ ἀπολογία ἀντ' ἀποδείξεως, ἀλλ' ἀντ' ἀπολογίας ἀντιπαραστήσεως* Et Sap. 6. 11. invenient *ἀπολογία* *responsionem*, ut Pagninus: quid *responsionem*, ut Hieronymus vertit. Quemadmodum *ἀπολογία* *defensionem*, ut Rhetor. ad Alexandrum: aut *declarationem* notat, ut Martiano Heracleotæ ad Nicomedem, *βυζαντινῶν ἐν οἷς ἀπὸ τοῦ ἀβέβαιου οὐκ ἐστὶν ἀπολογία τῆς δόξης* *ἐν τῇ αἰσθησὶ τῇ ἀποδείξεως ἀλλ' ἀντ' ἀπολογίας ἀντιπαραστήσεως*. Ex cuius similitudine illustratur non parum Petri sententia 1. Epist. c. 3. vers. 15. *parati semper estis ἀπολογία πρὸς πάντας ἀνθρώπους ὅτι ὑμεῖς λόγον εἰσθε τοῦ ἐλπίδου*. Quod Syrus consentaneè vertit, *ad deprecandum Spiritum omni petenti à vobis sermonem*: ut rectè ad verbum Fabricius. Quo relatè opponuntur *petere sermonem*, aut *rationem*; & *ἀπολογία* quam Rittershusius apud Isidorum Pelusiotam lib. 4. ep. 118. *rationis redditionem* vertit: & doctè Isidorus de didascalia exponit. Chrysostomus etiam de sacerdotio hom. 4. cap. 6. explicat ex Col. 4. vers. 6. *ὁ λόγος ὁ ὑμῶν ὡς ὁ λόγος τοῦ κυρίου* *ut sciat quomodo oporteat vos unicuique ἀποκρίσθαι* *respondere*. Sic Didymus Alexandr. in 1. Pet. 3. Denique his congruit peritissimorum Græcæ linguæ interpretum consensus. Sic Faber *ἀπολογία* ait *defensionem* vel *responsionem*: & Erasmus *πρὸς ἀπὸλ.* *ad respondendum*: quem sequuntur non solum Calvinus & Beza, Hussus & Bullingerus in 1. Pet. 3. Gallica nostraque versiones, & Hispan. Ital. Danica, Anglica, Hebræa Hutteri; sed etiam Castellio, Illyricus, Hemmingius quoque cum Chemnitio in locis, de confessione, exponunt.

## C A P U T Q U A R T U M.

**P**ostquam digressionem suam inde à vers. 19. ad finem capituli tertiæ absolvit Apostolus, commodè hoc capite ad propositam hortationem, ad vitæ sanctitatem & tolerantiam crucis regreditur, repetito argumento & novis aucto. Concludit enim primum enthymemate, cuius antecedens est, *quod Christus pro nobis passus sit carne*.

Consequens seu hortatio est, *vos eadem quoque cogitatione armamini*: hoc est, statuere debetis veterem hominem vestrum cum Christo esse crucifixum ipsius merito, eaque meditatione vos adversus peccatum armare ac munire; ne regnet in mortali corpore vestro. Hortatur enim à passionis & mortis Christi exemplo, per allegoriam convenientissimam: quia ea non solum imago seu similitudo est, sed etiam merito suo causa est efficiens mortificationis veteris hominis; quemadmodum prolixius explicatur Roman. 6. quod caput huic loco & sequentibus, vice commentarii inservire potest. Atque hæc similitudo declaratur, cum per parenthesis inferitur, *quoniam qui passus est carne*, h. e. cuius caro seu vitiositas nativa, vi mortis Christi mortificata, *desistit à peccato*, Rom. 6. v. 7. Deinde finis mortificationis & meditationis illius additur bimembris: nempe ut non amplius cupiditatibus hominum, sed Dei voluntati serviant, vers. 2. Ac primum quidem membrum confirmatur à comparatione vitæ præteritæ & status præsentis: & à cupiditatum humanarum, quas inductione quadam recenset Apostolus, turpitudine, vers. 3. Deinde anticipationem objectionis commodè consolatur & rationem adfert gravem: nam hominum infidelium ac sceleratorum præiudiciis & calumniis, quibus resipiscentiam fidelium acculabant, vers. 4. opponit consequens severum Dei iudicium, vers. 5. Quod autem consequitur: *nam idcirco mortui quoque prædicatum est Evangelium*: non exiguam habet difficultatem, ac variè ab interpretibus exponitur. Quidam mortuos intelligunt propriè; alii metaphoricè. Et qui propriè accipiunt, nonnulli eos intelligunt, qui temporibus Noachi diluvio mortui sunt. Sed eorum expositio cum scopo, phrasi & circumstantiis Petri utroque in loco collatis non satis videtur convenire: quia cap. 3. Spiritus intelligi dicuntur immorigeri; deinde opponuntur servatis. Alii itaque probabilius de mortuis tempore N. Test. interpretantur. Neque malè etiam videntur exponere illi, qui metaphoricè accipiunt, continuata ex vers. 1. metaphorâ, de infidelibus, vera Dei imagine ac iustitiâ tanquam animæ vitâ destitutis, & ut Scriptura loquitur, mortuis in peccatis: quibus Evangelium prædicatum fuit in eum finem, ut iudicaretur carne, hoc est, ut mortificaretur illorum caro, & Spiritus contrâ Dei efficaciam viveret. Si quis objiciat, hanc expositionem non quadrare: quod mortui versu antecedente propriè accipiantur & hinc de iisdem agatur: illud inquam, non est necessarium: nam à mortuis corpore ad mortuos animo transferri potest, per elegantem & acutam vocis unius diversam acceptionem, ut ex cap. 4. v. 1. & similibus locis constare potest, Matth. 8. 22. & 19. 12. Hæc de v. 6. Atque hæc de generali exhortatione ad veteris hominis mortificationem: sequuntur jam, ad illius illustrationem speciales. Ac primum ratione proposita ab adjuncto, nempe propinquo mundi fine, hortatur ad serias preces, in quibus requirit sobrietatem & vigilantiam, vers. 7. deinde ad charitatem mutuam ac vehementem stimulat; cuius hortationis, vers. 8. addit rationem ab utilitate, nempe condonatione mutuâ: quæ necessaria est ad pacem, non solum cum Deo, sed etiam cum proximo, & cum conscientia nostra fovendam. Quod autem Pontificii obijciunt ex hoc loco; *Id quod multitudinem peccatorum tegit, illud iustificat nos coram Deo*, Rom. 4. 7. *Charitas multitudinem peccatorum tegit*, ut hinc asseritur. Ergo *nos iustificat*. Negatur consequentia. Quia quatuor sunt termini: Medius enim ambiguus est; in maiore enim expressè accipitur de refectione coram Dei iudicio, quando Deus per fidem in Christum, peccata nostra condonat: sed in minore accipitur de refectione, quæ ab hominibus & coram hominibus fit: Paulus enim Rom. 4. loquitur de condonatione divina: Petrus verò de humana, ut ex Prov. 10. v. 12. unde hæc sententia deprompta, & Jacob. 5. vers. 20. apparet. Porro hortatio tertiæ est ad mutuam hospitalitatem: in qua, remotione contrarii vitii, promptitudinem requirit, vers. 9. Quarta est ad rectum & mutuam donorum, pro vocationis ratione, usum & subministrationem. Cuius confirmatio additur, primum à donorum datore Deo, qui tanquam pater-



familias fideles in sua domo, seu Ecclesia (tanquam œconomos) constituit: deinde ab adjuncta varietate, quæ Ecclesiæ utilis est, vers. 10. Quam hortationem duarum specierum, nempe ministrorum Euangelii & diaconorum, inductione explicat: & illis quidem præcipit, ut verbum Dei dignè ac sanctè annuncient: his verò, ut pro virili ac graviter pauperibus serviant. Communem verò utrisque rationem addit à fine & effectu utili, nempe gloria Dei. Ea autem confirmatur à Jure & merito Dei; cui gloria & potentia in æternum convenit, quod voti formula concluditur, ut Matth. 6. v. 13: nam hæc explicatio uberior est & nervosior quàm ut cum aliis nudam ἀξιοζῶν statuamus, vers. 11. Porro hisce explicatis redit Apostolus ad propositam singulis capitibus antecedentibus doctrinam de patientia Christiana, quam ob temporum difficultatem, & hominum, quibus scribit infirmitatem, sæpius repeti & inculcari ad consolationem eorum, adversus frequentes carnis & mundi tentationes oportuit. Hortatio autem est bimembris: constat enim aphæresi, seu remotione pravi, & thesi seu positione recti. Prima enim est dehortatio à scandalo crucis, ne cruce (quam πύρωσις, *afflictionem* seu *explorationem per ignem* metaphoricè vocat) percellerentur. Idque probat ab illius fine, nempe tentatione, hoc est, experimento fidei & charitatis: quæ cruce, ut aurum igne, 1. Pet. 1. vers. 6. 7. probantur ac spectantur, vers. 12. Secunda verò hortatio est ad officium, ac duobus gradibus constans. Quorum prior est gaudium, de quo cap. 1. vers. 6. actum: idque confirmatur partim à simili exemplo passionis Christi: honestum enim & justum est, ut Christo capiti membra conformentur, Matth. 17. v. 24. Rom. 8. 29. partim ab adjuncta consequente simili gloria: quæ metonymia effecti pro causa, gaudio & exultatione describitur, vers. 13. Atque hæc tres sunt ad patientiam Christianam commendandam rationes; quibus per anticipationem quandam duas alias adjungit Apostolus. Objici enim poterat: Afflictiones aliquo modo posse tolerari, sed probris & blasphemis in se & in Christum indignè lacerari, miserum & intolerandum. Sed contrà respondet & asserit Apostolus, v. 14. id esse beatum. Idque probat à duplici perpeffionis illius effectu; nempe gloria ipsorum afflictorum, quod ea ratione ostendant, sese Spiritu Dei esse præditos; & gloriâ Dei: quæ à blasphemantibus quidem læditur, sed ab iis qui blasphemiam immeritò tolerant, promoveatur: quia hac patientia martyres, hoc est, testes sunt veritatis divinæ; & obedientiæ suæ constantiâ, Deum esse summè amandum & colendum, demonstrant; quibus Dei gloria continetur & illustratur, Joh. 21. 19. Quoniam verò non pœna sola, sed causa potissimum facit martyrem & tolerantiam Christianam: idcirco innocentiam expressius requirit: nam quod ante innuit, cum afflictionum & tolerantie probrorum, nomine Christi meminit, illud nunc distinctius ac clarius exponit, cum præcipit, ne quis affligatur suo merito: exempli gratia; ut homicida, aut fur, aut maleficus, aut ἀλλοτριῶν πραγμάτων alienarum rerum inspector. Qua voce non generatim quivis alienarum rerum curiosus & πλυντῶν (de quo 1. Thess. 4. vers. 11.) hoc in loco significari videtur: sed potius speciatim per synecdoch. talis inspector, qui aliorum negociis sese iniquè ingerendo peccat: tales enim meritò affligi solent, v. 15. contrà verò Deo gratias agendas esse docet, si quis affligatur ut Christianus. Atque ita secundus statuitur thesaurus, seu hortationis propositæ gradus: videlicet ut non solum gaudeant in cruce propter Christi nomen quod honorant, & cujus testimonio ipsimet honorantur, sed etiam Deo gratias agant. Quod autem hic dicit Apostolus, *ut Christianus*, illustrari potest ex Tertulliano, qui in Apologetico contrà gentes, cap. 3. & 4. eleganter docet, ob hujus tantum nominis professionem innocuos fideles olim fuisse exosos & afflictos. Idemque profitemur C. Plinius in epist. suis, in epist. ad Trajanum. Cæterum de hujus nominis origine pauca dicenda sunt. Hoc enim constat, fideles, qui ante *discipuli* καὶ μαθηταί, nempe Christi discipuli, vocabantur, dictos esse Christianos primum Antiochiæ, Act. 11. vers. 26. Sed de autore quæstio est.

Quidam enim Spiritum S esse censent; qui hoc nomen primus indiderit credentibus in Christum. Idque probare conantur ex significatione vocis, quâ Lucas utitur, Ἀκτορ. 11. dicit enim fideles primum Antiochiæ χριστιανούς, hoc est, oraculo seu responso divino dictos Christianos: hanc enim vocis hujus significationem esse, probari posse, non solum ex profanis autoribus; sed etiam ex Sacris, ut Heb. 12. 25. Matth. 2. 12. Act. 10. 22. Rom. 11. 4. Alii verò contra existimant, fideles vel à se, vel potius ab Ethnicis ita nuncupatos, quod sese Christi discipulos profiterentur: & fideles hoc nomen non rejecisse, sed tanquam professioni suæ omninò conveniens, complexos: quod maximè videtur probabile: nam si authore Spir. Sancto ita fuissent appellati, haud dubiè Apostoli & Evangelistæ illo nomine, divinitus imposito ac sacro, non abstinuissent, sed sæpius in suis scriptis eo fuissent usi: atqui si exceperis locum Act. 11. ubi origo nominis narratur, & hunc locum Petri, ubi *per mimefim* ponitur, nullus exstat, præterquam in oratione Agrippæ Act. 26. 28. Ex quibus inter se collatis, facile potest colligi, quod sicut fideles à Judæis, odio & contemptum, vocati fuerunt Nazaræi, Act. 24. vers. 5. ita à Gentibus, quod se Christi discipulos vocarent, eodem sensu & Philosophorum more (quorum discipuli à præceptoribus denominabantur, Platonici, Pythagorici &c.) Christiani fuerint appellati. Neque obstat vocis χριστιανούς, quâ Lucas usus est, significatio: nam χριστιανός significat etiam generatim *nominari, nuncupari*, ut Rom. 7. 3. Atque hoc modo frequentissimè apud bonos autores Græcos usurpatur, & prisca Lexica ac recentia, & authorum lectio demonstrat. Hæc de vers. 16. Cui deinde subjiciuntur aliæ rationes duæ, ad tolerantiam persecutionis, à judicio Dei, quod exercet, duplici. Primum est temporarium ac salutare: quo mortificationem carnis, fidei explorationem & martyrium, seu testimonium ad confirmationem veritatis, ad salutem domus suæ seu fidelium procurat. Alterum judicium est exitiosum; quo infideles punit: cujus gravitatem ex hypothesi prioris judicii per comparisonem minoris amplificat & concludit, v. 17. & 18. Ex quibus postremò aptè deducitur conclusio antecedentis hortationis, ad patientiam, fidem & beneficentiam, adjunctis novis aliis argumentis, à causa efficiente afflictionum, Dei scilicet voluntate, & à veritate in promissionibus: denique ab omnipotentia, quam ab effectu creationis describit, v. 19.

## C O N S E C T A R I A.

I. **I**N Christi passionem injuri sunt illi, qui carni serviunt.

II. Cum adversus carnem seu nativam vitiositatem armare nos debeamus; inde apparet, errare illos graviter, qui carnis mortificationem levem ac facilem opinantur; tum etiam qui rei difficultate territi, de victoria desperant, vers. 1.

III. Operum regenerationis & resipiscentiæ nostræ duæ sunt partes, mortificatio carnis & vivificatio Spiritus.

IV. Cum hominum infidelium cupiditates Dei voluntati opponantur; sequitur opera infidelium esse peccata: ac propterea peccare graviter, qui ea imitantur, & suis vitiis excusandis prætexunt.

V. Dei voluntas unica vitæ nostræ norma est, ad quam nos examinare & conformare debemus.

VI. Non possumus simul Deo servire, & mundo ac peccato, vers. 2.

VII. Gravissimè in Deum peccant, qui agnitâ veritate resipiscentiam subinde differunt.

VIII. Infideles bifariam peccant; partim perpetratione & approbatione scelerum; partim maledictis in eos, qui resipiscentia Christiana à scelerum societate abstinent.

IX. Perversa infidelium adversus fideles judicia & maledicta, nos à recto dimovere non debent, vers. 4.

X. Quamvis Dei judicium universale differtur, non tamen aufertur: ideoque non est cur impiorum sceleribus

ribus & felicitate temporaria offendamur, vers. 5.

X I. Si temporibus Apostolorum finis omnium suo modo imminet, quanto magis hisce temporibus: quæ non solum ultima tempora communiter cum antecedentibus, à Christo exhibitio, dici possunt relatè ad tempora Christi adventum antecedentia & longiora; sed etiam comparatè cum Apostolorum temporibus.

X I I. Cum Charitas à nobis requiratur mutua & intensa: indignè faciunt, qui ab aliis diligere se volunt, ipsi verò alios negligunt, aut quasi tepidi parum diligunt.

X I I I. Si aliorum peccata silentio & condonatione tegere, Charitatis officium & argumentum est; charitatem violant, qui citra necessitatem, occulta aliorum vitia aperiant aut ulciscuntur, v. 8.

X I V. In charitatis officiis requiritur non solum beneficentia, sed etiam benevolentia & comitas, v. 9.

X V. Dotes hominum non merita sunt, sed dona à Deo accepta: ac propterea causa non est, cur iis superbi sint, sed ut aliis inserviant.

X V I. Cum pro donorum ratione dispensatores Dei simus, idcirco fideles esse nos oportet.

X V I I. Dei dona varia sunt, nec uni omnia, nec pari mensura collata: Ergo non est, cur donorum nostrorum usum aliis subtrahamus, aut aliorum dona invidè aut superbe contemnamus, v. 10.

X V I I I. Infideles in Dei domo dispensatores sunt illi, qui pro Dei verbo, aut præter illud aliam doctrinam & humanas traditiones docent. Unde apparet, quid de Pontificiis doctoribus judicandum sit, qui innumera hominum commenta, quasi Dei verbum populo proponunt.

X I X. Finis actionum nostrarum summus esse debet gloria Dei.

X X. Ea autem procuratur per Christum, qui scilicet Spiritu suo quicquid boni à nobis sit, efficit, & carnis impuritatem, quæ illud bonum inficit ac contaminat, suo sanguine tegit & expiat.

X X I. Cum Deo gloria & imperium, jure, tanquam summo bonorum omnium fonti, & omnipotenti Domino convenient: sequitur non vanum esse, sed justum, quod glorificationem nominis sui à nobis requirit: & contrà gloriæ nostræ studium, cum nihil habeamus boni in nobis, damnat ac vetat, v. 11.

X X I I. Ad persecutionis tolerantiam præmeditatione illius & utilitate secutura præparare & munire nos debemus.

X X I I I. Quemadmodum non miramur, aurum ab aurifice in ignem mitti, quod id eo non consumi, sed probari ac purgari cognoscamus: ita neque mirandum est, si in crucis ignem à Deo immittamur, ut nobis aliisque fides nostra probetur ac purgetur, non autem aboleatur, v. 12.

X X I V. Non est cur de gloria nobis promissa quamvis mundo non appareat, dubitemus aut conqueramur, cum Christi eadem fuerit ratio, v. 13.

X X V. Cum Christus & Deus, nempe Pater atque Sp. Sanct. distinguantur: trinitas personarum divinarum neganda non est, v. 14.

X X V I. Cum iudicium à domo Dei incipere debeat, malè faciunt, qui eo offensi, à Dei domo recedunt.

X X V I I. Poena infidelium sine carebit seu æterna erit: ideoque non est, cur eorum conditionem in his terris sæpe feliciorē, nostræ afflictioni temporariæ, in æternam gloriam commutandæ, præferamus.

X X V I I I. Cum Evangelium sit Dei tanquam authoris: idcirco contemptores illius justè puniuntur, ac propterea ei parendum est, v. 17.

## C A P U T Q U I N T U M.

**D**iximus initio hujus secundæ partis epistolæ (nempe tractationis) eam constare variis hortationibus, quæ sunt partim universales, partim particulares: quas ita tractat Petrus, ut subinde eodem recurrat: nam quemadmodum primum incepit ab universalibus à capite primo ad capitis secundi v. 13. ac deinde ad particulares, tam Poli-

ticas quam Oeconomicas transit, à cap. 2. v. 13. ad cap. 3. vers. 8. sic iterum universales reposuit, inde à capitis 3. v. 8. ad finem cap. quarti: à quibus hoc capite quinto ad vers. 5. redit ab particulares, & postremò in universalibus conquiescit. Particulares autem hortationes sunt duæ: quarum prior *Presbyterorum*; posterior *Juniorum* officium præscribit. Et illa quidem præfatione, hortatione, confirmatione pertractatur. Præfatio describit primum hortationis objectum, seu quosnam hortetur, nempe Presbyteros: deinde authorem illius, seipsum, à similitudine vocationis præsentis & gloriæ futuræ: in qua re quasi stimulus quidam & ratio ad sequentem hortationem confirmandam præstruitur. Hortatio autem Presbyterorum officium proponit generatim, ut pascant commissum gregem, hoc est, Ecclesiam: & modum illius exponit speciatim, ac remotione contrariorum illustrat: requirit enim in gubernatione Ecclesiæ animum libentem & liberalem, v. 2. & humilitatem atque ædificationem Ecclesiæ, vers. 3. Confirmatio denique est à præmio cælestis gloriæ: quæ describitur à causa efficiente Christo; qui periphrasi elegantis & opportuna *pastorum princeps* appellatur: & ab adjuncto gemino, nempe tempore, adventu Christi & æternitate, per Metaphoram à floribus deductam, vers. 4. Atque huic primæ particulari exhortationi, altera succedit; quæ juniorum erga Presbyteros officium definit subiectione; quæ in reverentia, obedientia & ministerio sita est. In qua sententia observanda est vocis *Presbyteri* apta significatio: nam aut propriè seniores ætate, seu qui ætate provecti sunt, notat: aut tropicè officium Ecclesiasticum & pastores eorumque adiutores in Ecclesiæ gubernatione commode significat: nempe quod id munus senibus ætate, aut saltem senili sapientia præditis conveniat: quemadmodum etiam à senio, senatus & senatores in Republica appellantur, quod ad eam regendam tales potissimum, qui experientia per ætatem valent, eliguntur: atque hoc altero modo Presbyteri, scilicet Ecclesiæ intelliguntur, vers. 1. & 1. Tim. 5. v. 17. Quo loco, ut obiter hoc dicam, hæc duæ seniorum Ecclesiæ species, clare indicantur, cum ait: *Presbyteros duplici honore dignos, præsertim eos, qui laborant in verbo & doctrinâ.* Vnde ex comparatione & distinctione apparet, *seniores* alios esse, qui laborant in verbo & doctrina, hoc est, pastores: alios, qui non laborant in doctrina, hoc est, eos, qui vulgo jam per Synecdochen generis pro specie, *Seniores*, nempe Ecclesiæ & quidem secundarii nominantur. Quod munus ignavia & superbia primariorum seniorum, hoc est pastorum, in Ecclesia prisca paulatim neglectum & extirpatum est. ut in genere in commentariis suis in hanc epistolam, sed antecedenti loco, 1. Tim. 5. 1. proficitur Ambrosius: etsi commentarios illos in epistolas Pauli, qui Ambrosio adscribuntur, multi viri docti, non ipsius, sed tamen antiqui scriptoris esse censent. Sic autem loquitur: *Vnde & Synagoga, & postea Ecclesia seniores habuit; quorum sine consilio nihil agebatur in Ecclesia. Quod quâ negligentia obsoleverit, nescio: nisi forte doctorum desidia, aut magis superbia, dum soli volunt aliquid videri.* Hæc ille. Vt autem ad rem redeamus, *seniores* hoc in loco Petri, vers. 5. priori ac propria significatione intelliguntur, ut antithesis relatæ vocis *juniorum* evincit. Porro ab hisce particularibus hortationibus, eleganti transitione ad universales, quæ omnes Christianos attingunt, accedit. Prima est ad subiectionem mutuam: quæ nulla ordinis perturbatio, sed servato ordine, mutua in bono officia (quibus nos ad aliis serviendum subjiciamus) intelliguntur, ut Phil. 2. vers. 3. hac enim ratione eorum occurritur supercilio, qui sua autoritate ad aliorum & officii mutui neglectum poterant abuti. Altera hortatio est ad humilitatem animi: quam consuetâ metaphora eleganti, ab indumento deducta, confirmat, cum ait, *ὑποτασσάμεθα.* quæ constans est Græcorum codicum lectio: nam quod Henr. Stephanus in appendice sui Thesauri Græc. p. 804. ait: *Sed notandum, Complutensem editionem in illo loco Petri Apostoli habere ὑποτασσάμεθα, ut apud Suidam quoque ὑποτασσάμεθα legitur expositum ὑποτασσάμεθα.* id, inquam, minimè notandum, quia error est perspicuus: Complutensis enim editio expressè cum

cum aliis consentiens, habet etiam ἡκουσάμενος. Ad sensum verò vocis quod attinet, *inducere* seu vestire notat, ut Hesychius κομβάσαι (nam male α pro ο scriptum) exponit πλῆσαι: nam quod noster interpretes vertit, *Estote intus ornati*, minus videtur convenire: quia licet Suidas κομβάματα, καλλοπισματα interpretetur; nullo tamen exemplo id probat: sed ἡκουσάμενος accipi pro *indui, vestiri*, exemplum quod refert Suidas ex Apollodoro demonstrat, ut etiam quod ex Epicharmo adducit. Sic Pollux Onomastici l. 4. c. 18 Hinc Erasmi in Annotat. ad hunc Petri locum ait; *Perinde sonat, quasi dicas inmoderate arte retinete quasi nodis illigatam*. Sed nullum exemplum proferunt. Optimè verò convenit *induite*; ut verbi usum exemplis antè ostendimus, & consueta metaphora induendi, cum de virtutibus agitur, ostendit, ut Rom. 13. v. 12. Eph. 2. 22. & 6. 11. 14. Col. 3. 10. 11. 1. Thes. 5. 8. Quare ταπεινοφροσύνην ἡκουσάμενος, est, *modestiam induite*. Quæ hortatio optimè, tanquam causa prioris, adjicitur: ut enim inofficios reddit superbia: sic officiosos modestia: quæ ex Dei reverentia, honestè de aliis, & modestè de nobis sentimus. Quia verò ob vitiosæ naturæ εὐλαυτίαν ardua ac difficilis hæc virtus est: idcirco hortationem enthymematicè confirmat ratione, ex sententia, Prov. 3. v. 34. duplici, ab adjunctis petita: primùm à pœna contrarii vitii, nempe superbix, quod Deus superbis resistit, hoc est, eos punit; deinde à præmio modestiæ, quod Deus submissis suam det gratiam, hoc est dona gratuita, cum corporalia, tum spiritalia, Pf. 34. 19. & 51. 19. 2. Cor. 7. 6. Atque hoc est antecedens Enthymematis, v. 5. Consequens verò novo auctum argumento, ab omnipotentia Dei (per metaphoram *manus potentis* significata) subjicitur; repetito & applicato per promissionem, humilitatis seu modestiæ adjuncto præmio. Quod eleganti oppositione, servata metaphora, exaltationem vocat; quod ad consolationem & patientiam pertinet, quemadmodum etiam illius circumstantia, cum ait: *In tempore*, nempe convenienti, cum Dei sapientia & salute nostrâ, v. 6. Verùm quia huic humilitati coram Deo, cum immediatè, tum mediatè obstat sollicitudo seculi, & oppressionis metus, ad fiduciam in Deum tanquam salutare remedium hortatur: quæ tertia hortatio est, quam à cura Dei paternâ confirmat, vers. 7. Reliquæ duæ hortationes pertinent ad virtutes contra Satanam necessarias: quibus partim nobis caveamus à Satana, partim adversus eundem certemus. Quarta enim hortatio est ad sobrietatem & vigilantiam: & ratio est ab objecto periculo à Diabolo, dæmonum principe, κατ' ἐξέχλω sic dicto: quod Deum accuset & calumniatur apud homines, Gen. 3. 4. 5. homines apud Deum, Iob. 1. & Apoc. 12. v. 10. & homines inter se, Iohan. 8. v. 44. ut eleganter ait & pluribus explicat Chrysost. in 2. ad Corinth. c. 1. Homil. 2. Et quia nobis accusatione suâ litem intendit, ἐν ἑξέχλω, *adversarius* appellatur: quemadmodum eodem sensu Hebraicè *Satan*: ejus crudelitas, potentia, & nocendi studium, comparatione leonis, & quidem rugientis illustratur, v. 8. Verùm quia hæc potentia & crudelitas, potuissent animum fidelium dejicere; idcirco opportunè eum erigit quinta & postrema hortatione, ad fidei exercitium, ejus firmitate Satanam (cum per se, tum per instrumenta oppugnantem) sustineri ac superari posse indicat, ut 1. Pet. 1. 5. & 1. Iohan. 5. v. 4. & in descriptione *panopliæ* Christianæ, Eph. 6. v. 16. & 1. Thess. 5. vers. 8. Cui hortationi ad consolationem, confirmatio additur à pari conditione fratrum, quorum sortem communem recusare arrogantis, & virtutem ac constantiam nolle imitari, hominis est abjecti, & indigni, cum fidelium societate, tum Christi vexillo ac Regno, v. 9. Hactenus tractationem, quæ altera, & quidem principalis epistolæ pars est, explicavimus. Cui conclusio, quæ tertia ac postrema est, subjicitur, quinque partibus constans. Quarum prima est votum (scopo epistolæ & antecedentibus convenientissimum) quo precatur iis à Deo in fide & charitate perseverantiam. Quam eleganti gradatione amplificat, & D E I descriptione ab effectis, confirmat: cum cum omnis gratiæ, hoc est, donorum, (ut Iac. 1. 5. & 17.) & vocationis nostræ efficacis scilicet ad fidem & vitam æ-

ternam, authorem nominat. Vnde sequitur, quod bonum opus salutis, Phil. 1. v. 6 quod in Iudæis fidelibus cæperat, perfecturus esset, v. 10. Altera pars est celebratio Dei, quæ aut ut ratio antecedentis per assertionem proponitur, ut Matt. 6. 13. aut epiphonemate sancto, antecedenti beneficiorum Dei relationi tanquam effectum subjicitur, v. 11. Tertia pars tabellarium, breviter, & scopum epistolæ exprimit, v. 12. Quarta salutationes complectitur, nomine Ecclesiæ Babylonis & Marci Evangelistæ. Cæterum Babylonem quidam propriè intelligunt, & quidem plerique ac probabilius de Babylone Assyriæ: alii de Agyptiaca exponunt. Quæ de re consulatur Cornelius Bertramus lucubrationum Franckenthalensium c. 9. Quidam verò etiam veterum Metaphoricè vocem *Babylonis* interpretantur de Roma, quæ in Apocalypsi Babylon dicitur ob vitiorum similitudinem, idololatriam, superbiam, libidines, potentiam, crudelitatem in Ecclesiam Dei. Sed hæc sententia non videtur probabilis: nam quorsum in plana hac epistola ea nominis permutatio adhiberetur? In Apocalypsi verò alia est ratio, quæ Mysteriis, ut in Prophetiis fieri solet, redundat. Hæc de v. 13. Denique finitur Epistola solenni Christianæ salutationis & valedictionis formula, vers. 14. quam concludit trita illa voce, *Amen*.

## C O N S E C T A R I A.

I. **N**on solum generatim officium faciendum est; sed etiam speciatim pro vocationis & ordinis cujusque ratione.

II. Ministri Evangelii non minus quam reliqui officii sui seriò admonendi sunt.

III. Cum ministri Evangelii vocentur Presbyteri, hoc est, seniores: senili prudentiæ & honestæ gravitati studere eos decet, & ab erroribus ac cupiditatibus juvenilibus abstinerere.

IV. Petrus se *συμπρεσβύτερον* nominat, neque ullibi dominium sibi in alios attribuit, aut ei ab Apost. aliis est tributum: Ergò non agnovit se caput Ecclesiæ universalis à Christo constitutum: ac propterea multo minus id potestatis convenit Pontifici Romano.

V. Pastores Ecclesiæ non solum alios monere officii debent; sed etiam vitæ Christianæ exemplo suarum admonitionum sinceritatem confirmare, vers. 1. & 3.

VI. Cum fidelium afflictiones sequatur gloria: æquiori animo perferendæ sunt, vers. 1.

VII. Cum Presbyterorum officium sit commune, pascere Ecclesiam; Ergò inde sequitur, falsò à Pontificiis doctoribus Petri Monarchiam ex hac sententiâ Christi, Iohan. 21. *pasce oves meas*, concludi: nam quod regeant diversam esse rationem: Petro universas oves esse commendatas, presbyteris aliquas, nempe gregem, qui penes ipsos est: illud nodum non solvi: quia ad amplitudinem, non autem ad formam domini illud pertinebit: & sequetur presbyteros habere saltem dominium in suum gregem: atqui hoc falsum esse, ex diserta vers. 3. interdictione liquet. Vt interim non dicam, falsum esse Petro universas, hoc est omnium temporum oves, esse commendatas peculiariter: sed communi cum reliquis Apostolis mandato ac jure. Matt. 28. *docete omnes gentes*, sui temporis Ecclesiis ex omnibus gentibus colligendis pro virili inservivit.

VIII. Quandoquidem presbyterorum officium hic statuitur *ἐπισκοπῆν*, quemadmodum Paulus *presbyteros* Ephesinos dictos Act. 20. 17. vocat deinde *Episcopos* v. 28. & Phil. 1. 1. Ecclesiæ unius urbis Philippensis tribuit Paulus *Episcopos & Diaconos*: neque ullibi in Sacris Litteris Episcopus presbyteris præfertur: inde sequitur, non ex divinâ institutione; sed humana traditione; cui deinde accessit superbia, Episcopos à Presbyteris fuisse distinctos, eisque potestate & autoritate prælatos.

IX. Episcopi, ex sententiâ Simonis Petri, non debent turpiter lucrum affectare: Ergò sequitur, Pontificem, apud quem Sacra penè omnia sunt venalia, ut ipsimet Pontificii doctiores conqueruntur; quique ex rebus impuris quæstum facit, esse Simonis non Petri, sed Magi, Act. 8. vers. 18. 19. successorem.

X. Ec-

X. Ecclesia Christi, grex Dei ( utpote quem Deus Filius vocavit & sanguine suo redemit, Act. 20. v. 28. ) & *cleri*, id est, hæreditates Dei ( Levitis Veteris Test. 1. Petr. 2. v. 9. adumbrati ) ad fidelium consolationem vocantur: Ergò indignè hoc nomen ad solos Ecclesiæ ministros, eorumque seminarium tractum est, jam olim, imitatione pædagogicæ legalis, sub qua Levitæ ita vocabantur. Quomodo loquitur Tertullianus de Monogamia c. 11. & 12. ubi *Laicus* opponit *Clerum* & *Ordinem Ecclesiasticum*; quem alibi Synecdochicè vocat *Ordinem*, & *plebi* opponit: in hortatione ad castitatem, c. 7. Deinde ex Canonibus, qui Apostolis falsò adscribuntur, sed tamen antiqui sunt, idem apparet: nam can. 13. & 15. *Clericus* & *Laicus* opponuntur, vers. 2.

XI. Presbyteris interdicitur dominatus in Ecclesiam, ut Apostolis, Mat. 20. 25. & Christus pastorum princeps solus nominatur, v. 4. Ergò corrumpit Pontificis Hierarchia & tyrannis, quâ asserit Bonifacius Papa: *Subesse Romano Pontifici omnem creaturam humanam, declaramus, dicimus & pronunciamus omnino esse de necessitate salutis*. Extravagant. Commun. lib. 1. de majoritate & obedientia cap. 1. *unam sanctam*. De quo dominio blasphemia omnino glossa est ad eum locum. Et majori impudentia additur in decreto Gratiani dist. 40 Si Papa; *non licere cuiquam Papam redarguere, etiamsi innumerabiles populos cateruatim secum raperet in gehennam*. Ad quem dominatum confutandum inter errorum nebulas, insignes emicant in libris Bernhaldi, licet Pontificii & idololatria infecti, ad Eugenium Papam, sententiæ.

XII. Fidelibus Ecclesiæ pastoribus corona gloriæ ultimo die donabitur à Christo pastorum principe: Ergò

fideliter & constanter in officio persistendum, 1. Tim. 4. 8. licet homines in pastores maximè essent ingrati, v. 2.

XIII. Iuniores in Dei mandatum peccant, qui seniores despiciunt.

XIV. Iniqui sunt, qui aliorum officia desiderant: ipsi verò ad mutuam præstendam operam se submittere detestantur.

XV. Acer ad virtutem stimulus est Iudicii Dei contemplatio, vers. 3.

XVI. Cum Deus benignam nostri curam gerat; illi tam in rebus adversis fidendum, quàm in prosperis agendæ gratiæ, v. 7.

XVII. Quandoquidem Deus, cum opportunum est, succurrit; patienter est expectandus, nec ei certum auxilii tempus præfigendum.

XVIII. Ebrietas & crapula corporis animique vitanda, v. 8.

XIX. Cum Diabolus nobis ad perniciem insidietur; orandus est Deus, ne nos inducat in tentationem, sed liberet ab illo malo.

XX. Quum afflictiones sint nobis cum fratribus communes: non est cur in adversis adversus communem patrem murmuramus, aut meliorem sortem præ aliis nobis arroganter postulemus, v. 9.

XXI. Afflictionum brevis duratio & futura gloria, magnum in adversis solamen.

XXII. Orandus est Deus pro confirmatione fidei: ideoque frustra docetur ( ut 1. Cor. 3. ) nisi Deus det incrementum, v. 10.

Reliqua, quia facilia sunt, omittimus.

## EXPLICATIO EPISTOLÆ SECUNDÆ PETRI.

**A**bsolutâ primæ Epistolæ Petri explicatione, alteram, ob scriptoris & argumenti convenientiam, scriptique ordinem in Codice sacro, & brevitatem, examinare & illustrare operæ precium duximus: sed priusquam ad descriptionem & partitionem accedamus, pauca de epistolæ auctoritate & scriptore præmittenda sunt; quoniam de iis, & olim, & nostris temporibus diversæ extiterunt sententiæ. Quidam enim authorem Deum, & scriptorem Petrum Apostolum affirmant: alii verò utrumque negant: petitis ex iisdem generalibus fontibus, argumentis, partim epistolæ initis, nempe à stylo seu scribendi genere, materiâ ac formâ: partim foris assumptis, à testimonio Ecclesiæ antiquæ. Nam qui divinam & Apostolicam hujus Epistolæ auctoritatem esse asserunt, eam stylo & orationis forma cum primâ Epistolâ ( quàm certò Petri esse constat ) congruere, ex eo probant: quoniam genus illud dicendi Petro præ cæteris peculiare, quod Græci *ἰσχυρὸν* vocant ( quo videlicet omnia, vix distinctis periodis, inter se connectuntur ) facile in hac epistolâ observari potest. Deinde si materiam & formam spectemus, optimè cum primæ epistolæ sententiâ, & veritatis Sacrarum Literarum norma consentit: ad eò ut eandem ac divinam auctoritatem & maiestatem, Petrumque Apostolum scriptorem spiret & apertè præ se ferat, cap. 1. 1. 14. 16. Et ut hoc addam, si Petri Apostoli scriptum non sit; ne inter Apocryphos quidem libros locum, ob insignem ac blasphemam mentiendi impudentiam, merebitur: cum sibi, quæ Petro Apostolo propria sunt, tribuat. Denique si Ecclesiæ consensum quæramus, adducunt testimonia, cum publica Conciliorum; ut *Romani* sub Damaso, *Laodisceni*, *Carthaginensis Tertii*, & *Romani alterius* sub Gelasio: tum privata Sanct. Patrum; ut Græcorum, Athanasii in Synopsi, Gregorii Nazianzeni, Amphilochoi; & Latinorum Augustini de doctrinâ Christianâ, & Ruffini in Symbolo. Qui verò contrà hujus epistolæ auctoritatem divinam negant; styli & materiæ, à prima epistola diffensionem & iudicium Ecclesiæ prisce contrarium objiciunt: nam ex Græcis Didymus in Com-

mentar. hujus epistolæ ait: *Non est igitur ignorandum, præsentem epistolam esse falsatam: quæ licet publicetur, non tamen in Canone est*. Et Eusebius historiæ Ecclesiæ lib. 3. cap. 3. *Petri*, inquit, *epistola quæ prior dicitur, citra controversiam recepta est, & hac veteres olim Presbyteri sine ulla hæsitacione in Scripturis usi sunt. Eam verò quæ posterior dicitur, non esse in Testamento, accepimus: & tamen quia multis videtur utilis, cum aliis usurpata est Scripturis*. Ex Latinis verò Hieronymus, ut ajunt, idem testatur epistolarum tomo primo in catalogo Ecclesiasticorum scriptorum in Petro; *Scriptis*, inquit, *duas epistolas, quæ Catholicæ nominantur: quarum secunda à plerisque ejus esse negatur, propter styli dissonantiam*. Cæterum in hac sententiarum pugna, meritò cum Ecclesiis Reformatis priorem & illius rationes comprobamus. Nam quod pro adversa parte objicitur primùm; *Stylus diversus est: Ergò & author*; dilui potest bifariam, primùm negatione antecedentis: quia antè ostendimus genere dicendi Petro peculiari hanc Epistolam cum priori convenire; deinde negatione consequentiæ: quia non quævis styli diversitas, diversum authorem aut scriptorem arguit: cum idem scriptor, pro argumenti aut ætatis diversitate, stylo uti possit non nihil diverso: quemadmodum experientia bonorum authorum evincit: in primis in Scriptis divinis, in quibus Sp. Sanctus ad scriptoris ministri sui stylum non est adstrictus: sed eo, aut diverso, liberè uti potest. Neque solidius est, quod secundo loco adversus nos, de materiæ diffensione adfertur: nullum enim proferunt locum, qui cum prima Epistola Petri, aut cum Sacra Scriptura reliqua, illo modo reverà diffideat. Nec denique Ecclesiæ consensus nos gravat; quia privatis quorundam, licet multorum, judiciis, contrà opponimus Conciliorum & Patrum aliorum insignium sententiam: & quia recta ratione nititur, jure præponimus: nam ad Didymum quod attinet, ex eo optimè, ut arbitror, discere possumus, aperto errore factum esse, ut ignorata verborum Petri mente, & ipse, & alii hanc epistolam à fidei canone secreverint: offensi enim fuerunt Petri sententia, c. 3. 6. 7. & 13. de mundi



mutatione & interitu: quasi non unum numero mundum, pro temporum ratione variatum, sed tres numero diversos mundos, per successionem statuisse. Quod quia vulgo minus observatum, diligenter ad hujus argumenti notitiam, & similibus declarationem, notandum est: sic enim & epistola ad Hebræos, & Apocalypsis Ioannis, ob imperitam quorundam locorum intelligentiam & expositionem, atque hæreticorum abusum, pari errore ac temeritate, à multis olim fuerunt à Canone resecta ac rejecta. Ad Eusebium deinde quod attinet, eadem est parata responsio. Sed Hieronymum, quem etiam obijciunt, omnino à nobis stare asserimus: nam primum, quoniam in loco nobis objecto quid plerique sentiant, refert; ostendit ea loquendi forma nonnullos, & inter eos etiam sese in alia esse sententia: quod aperte confirmatur ex verbis antecedentibus: *Scriptis, inquit, Duas Epistolas*: quibus rei veritatem & iudicium suum, quorundam præjudicio anteponit. Deinde epistola ad Paulinum disertissime ait; *Iacobus, Petrus, Iohannes, Iudas, septem epistolas ediderunt, tam mysticas quam succinctas: ut rarus sit, qui non in earum cæcutiat lectione.* Quo etiam pertinet, quod tom. 3. epistolarum, ad Hedibiam quæst. 11. ait: *Denique duæ Epistolæ feruntur Petri, quæ stylo inter se & caractere discrepant, structuræque verborum ex quo intelligimus, pro necessitate rerum, diversis eum usum interpretibus.* Hæc Hieronymus. Vnde perspicue apparet, eum hanc epistolam Apostolo Petro certò adscripsisse: quamquam, quod de styli diversitate monet, jam antè à nobis solutum est. Deinde quod de diversis interpretibus ait, mera & aliena conjectura est, licet à nonnullis Pontificiis authoribus mirifice probetur: nam hinc sequeretur, Petrum Apostolum suas Epistolas, non sermone Græco, ex Spiritus Sancti instinctu scripsisse, sed Hebraicè dictasse suis Amanuensibus, quos pro temporum ratione habuerit diversos, eosque suo dicendi genere Græcè scripsisse: sicut primam epistolam quidam conjiciunt à Marco; hanc verò ab alio versam; ac propterea pro diversitate interpretum, diversum esse stylum. Quod quàm alienum sit, inde facile cognoscitur, quod & scriptor Petrus linguarum omnium notitia præditus; eaque usus, Act. 2. fuerit: deinde quod illi, quibus scripsit, Iudæi extra Patriam constituti, Græcè ob imperium Græcorum antecedens loquerentur. Quare omissa hac conjectura, & demonstrata satis hujus epistolæ autoritate divina, & scriptore Petro Apostolo, ad descriptionem & partitionem illius transeamus. *Est autem hæc epistola divinum Novi Testamenti scriptum dogmaticum à Petro Apostolo post primam epistolam exaratum: quo jam Martyrio vicinus, Iudæorum dispersorum Ecclesias in agnita doctrinæ Apostolicæ & Prophetice veritate, & secundum eam vitæ sanctitate confirmare & adversus utriusque adversarios præmunire studuit, ad salutem ipsorum, & perpetuam Ecclesiæ ædificationem, & Dei gloriam.* cap. 1. v. 1. 11. 12. 14. 15. & c. 3. 1. & c. 2. 3. & c. Quæ singula ex Epistolæ divisione & explicatione plenius intelligentur. Dividitur enim in Præfationem, vers. 1. & 2. Tractationem à vers. 3. ad capitis 3. vers. 17. & Conclusionem, cap. 3. vers. 17. & 18. Ac Præfatio inscriptione & salutatione constat. Quarum illa & causam epistolæ instrumentalem & objectum: seu quid & quibus scribat, exponit. Scriptor enim denotatur adjuncto duplici, nomine & officio. Nomen est duplex, primò inditum, & primo additum. Primum est, quod ei datum pro more communi, in circumcissione, nempe Simeon & contractè Simon: nam quod doctissimus Drusius ad loca Pentateuchi in Genesi ait; *Simon aliquando contractum esse putavi, ex Hebræo Simeon; nunc inclino, ut credam Græcum Σίμων, quod non malè Simo scribitur:* illud, inquam, videtur omnino alienum: nam Σίμων Græcè aut depeculatorem, aut Simum seu hominem depressis naribus, citra controversiam significat: unde ab hoc vitio Simon Græcè dicitur, ut Latinis Naso, Fronto, à nasi & frontis magnitudine. Ideoque præter vocis quandam convenientiam nihil rei significatæ habet commune cum Hebræo שִׁמְעוֹן. cujus origo prima & etymon honestum indicatur, Genes. 29. vers. 33. à ὤνω *audire*, quod mater illius à Deo exaudita: unde frequens apud Iudæos nominis illius usus promanavit. Quod nomen

ibidem à L. X. interpretibus σίμων redditur: ubi per Syncopen Hebræa adspiratio, Græcis insolens, rejecta, & euphoniæ gratiâ pro chireck parvo υ ψιλόν, & pro Scheva seu nota vocalis absentis sub consonâ mobili ponitur ε ψιλόν. quomodo noster Apostolus, Actor. 15. vers. 14. Σίμων, ut etiam in hujus epistolæ initio appellatur: idemque sæpius & Hebræo propinquius Σίμων, Actor. 10. vers. 5. & 32. & passim in Evangeliiis. Hæc de nomine Hebræo Scriptori hujus epistolæ primum indito. Alterum verò est Syriacum ܫܝܡܝܢ & terminatione Græca κων: à Christo additum, hoc est, Græcè Πέτρος, Ioann. 1. v. 43. Ideoque, Actor. 10. vers. 5. Angelus eum vocat Simonem, qui cognominatur Petrus. De quo nomine contra Pontificios in prima epistola pluribus disseruimus. Atque hæc de primo, Scriptoris hujus epistolæ, quo describitur, adjuncto, scilicet nomine duplici. Alterum est officium illius: quod primum generatim & per Synecdochen indicat, cum ait: *Servus Iesu Christi*: nam ut communi cum fidelibus omnibus ratione, ut Christo tanquam Domino, fidei & charitatis obedientia serviret, erat adstrictus: sic præterea peculiari ratione, quod ad Evangelium prædicandum vocatus esset, Christi servus dicitur: ut Paulus se vocat, Rom. 1. vers. 1. & Phil. 1. vers. 1. Deinde quia inter Christi, in Evangelii prædicatione, servos, diversi sunt modi: idcirco speciatim addit *Apostolus*, ad autoritatem Scriptoris & epistolæ commendandam & fidem excitandam; de qua re in prioris epistolæ initio actum. Hactenus de efficiente instrumentali hujus epistolæ: sequitur deinde objectum, seu quibus ea scripta est. Id quod ab adjuncto fidei declarat, cum ait, *is, qui nobiscum sortiti sunt fidem æquè preciosam*, nempe ratione non mensuræ, sed Dei & fructus illius, seu justificationis ac salutis: ut sequentia demonstrant verba, quibus fidem describit, cum ait: *in δικαιοσύνη in justitia Dei nostri & servatoris nostri Iesu Christi.* Quæ verba diversè exponuntur. Cujus rei occasio est, quod vox *is* & *justitia* diversam significationem admittant: nam *is* interdum causam efficientem notat, ut *is* cum Genitivo per quemadmodum quod 1. Corinth. 12. vers. 8. est *is* πνεύματι & per Spiritum, eodem sensu est bis vers. 9. *is* πνεύματι: interdum adjunctum notat, quando pro *is* seu *is* *is*, id est, cum accipitur: ut quod Marc. 13. vers. 26. dicitur, *cum potentia & gloria*, illud Matth. 25. vers. 31. & Luc. 9. v. 26. *is*, id est, *cum gloria sua*, & 2. Corinth. 7. vers. 1: *is* *is* id Philip. 2. v. 12. *is* *is*, & Petrus hoc cap. 1. v. 5. 6. & 7. voce *is* pro *is*, septies utitur. Deinde ad vocem *Iustitiæ Dei* quod attinet, intelligi potest, vel quæ in Deo, quæ Deus justus seu verax ac fidelis in promissis servandis, ut Rom. 3. v. 25. 26. vel quæ à Deo est, quàm à Christo acquisitam nobis donat, ut Rom. 10. vers. 3. Atque hinc exposita vocatione *is* & *δικαιοσύνη* significatione diversa, oritur inprimis duplex hujus phrasos interpretatio ac sensus. Prior est ut *is* significet per, & *justitia Dei* per Synecdochen intelligatur fidelitas illius in promissis, de Iudæorum dispersorum ad fidem in Christum vocatione: ut eo modo causa efficiens fidei indicetur, ad Dei gloriam & fidelium humilitatem & gratitudinem. Quæ nostri interpretis & quorundam sententia. Posterior expositio est, ut *is* pro *is*, & *justitia Dei* pro donata Christi justitia accipiatur: *cum justitia Dei nostri & Servatoris Iesu Christi.* Quo ostenditur fidem eorum æquè preciosam esse, quod non minus quàm Apostoli fidem à Deo sint sortiti: sed etiam cum ea, per imputationem, justitiam Dei & Christi ad justificationem & salutem. Quæ expositio plenior & scopo accommodatior est. Cæterum cum hac periphrasi, *qui æquè preciosam sortiti sunt fidem* &c. fideles intelligi perspicuum ac certum sit, utri intelligantur, Iudæi an gentiles, diversa sunt iudicia, Quidam enim gentiles intelligi putant: idque ex comparatione instituta parium, & Dei justitia (cujus fit mentio) colligunt; ac si Petrus gentiles sibi & reliquis Iudæis æquales assereret in fide: qui antea erant secreti à Dei fœdere & Ecclesia, Eph. 2. vers. 12. 13. Deinde quod Deus justitiam suam in eo demonstravit, quod gentes secundum promissionem Christo exhibito & glorificato vocavit, & Iudæis æquavit, ut Ephes. 2: vers. 12. 13. 17. 18. 19. Alii verò

verò melius de Iudæis dispersis exponunt: nam iisdem hanc epistolam conscripsit Petrus, quibus primam, 2. Pet. 3. vers. 1. Atqui primam scripsit Iudæis dispersis, ut 1. Pet. 1. vers. 1. ostendimus. Ergo & hanc. Nec propterea aliena est comparatio: quia ad consolationem & confirmationem Iudeorum dispersorum pertinet, ut 1. Pet. 2. vers. 9. & 10. quod non minus illis, quàm in Iudæa natis Evangelium annunciatum esset, & fides ac iustitia Christi, secundum Dei, per Prophetas, promissiones. communicata, vers. 1. Atque hæc de Inscriptione epistolæ. Cui deinde additur, vers. 2. Salutatio: quæ votum continet incrementi gratiæ, pacis & agnitionis Christi, hoc est, fidei Synecdochicè, ut Es. 53. quæ causa augendæ gratiæ instrumentalis est, vers. 2. Hactenus Præfatio: cui aptissima connexion adjungitur altera epistolæ pars, nempe Tractatio, cujus quatuor primariæ sunt partes: commendatio fidei & gratiæ divinæ; deinde hortatio ad opera fidei; præterea confirmatio doctrinæ fidei ab Apostolis & Prophetis declaratæ: denique præmunitio adversus doctrinæ fidei & operum adversarios. Quorum primum connectitur antecedenti salutationi tanquam ratio voti, & præmittitur sequenti hortationi tanquam fundamentum & confirmatio ipsius: nam propositum votum incrementi agnitionis Christi, seu fidei, probat à donorum illorum initio collato: quorum consequens adjunctum proprium est incrementum & perseverantia, Rom. 8. vers. 30. 1. Pet. 1. vers. 5. & 9. Initium autem donorum collatorum describit primum à causa efficiente principali: quod Servatoris nostri Iesu Christi divina potentia, omnia quæ ad vitam, hoc est, hæreditatem vitæ æternæ, & ad pietatem pertinent, donavit nobis: instrumentalis verò est fides, seu *agnitio ejus, qui vocavit nos, per gloriam & virtutem*, hoc est, (ut nonnulli exponunt) per gloriosam virtutem, ut sit *in deo deus*: ut *virtutis* vox pro Dei bonitate accipiat; ut in simili Petri sententia, 1. epist. 2. vers. 9. Altera plenior expositio esse potest, ut *gloria* Metonymicè Dei potentiam notet, ut Iohan. 2. v. 11. & Rom. 6. v. 4. *Sicut Christus excitatus est ex mortuis per gloriam Patris*, hoc est, per potentiam: quam exuisse dicitur in fidei nostræ effectione & in Christi resurrectione, Eph. 1. vers. 19. 20. Quod enim noster interpret & quidam alii ipsum secuti hæc Petri verba *in deo deus & virtutem* interpretantur, & utrumque ad fideles referunt; illud phrasi non convenit. nec enim *in deo* pro *in*, id est, *ad in* S. L. usurpatur: nam quod profertur locus, Rom. 6. vers. 4. alienum est: quia *in deo deus* per *gloriam* optimâ significatione convenit, & circumstantiæ insolentem significationem non postulant, sed propriam. Atque hæc de donorum collatorum descriptione à causa efficiente principali, Christi potentia divinâ: & instrumentali agnitione Dei, seu fide & origine fidei, gloria & virtute, seu potentia & bonitate Dei. Quas describit ab effectis & fine earum. Effecta sunt quod per eas nobis fidelibus maxima ac preciosa promissa donata sint, nempe justificatio, pax cum Deo, & vita æterna. Finis verò est, ut elapsi à mundanis cupiditatibus, quæ exitium pariunt, divinæ fiamus naturæ participes; non essentia, quæ simplex & infinita, sed qualitatium similitudine, hoc est, ut ad imaginem illius in vera sanctitate & iustitia reformemur, vers. 4. Hæc de fidei & gratiæ divinæ commendatione. Cui tanquam fundamento adstruitur altera tractationis pars, nempe hortatio ad serium studium operum fidei & vitæ Christianæ. Quæ hortatio constat propositione & confirmatione. Ac propositio ex antecedenti declaratione finis fidei ac promissionum Dei, quæ Evangelio propositæ, accuratè concluditur: nam si finis est fuga vitiorum, & divinæ naturæ communicatio: sequitur, fidem non debere esse ociosam, sed fructuosam: nam quod vulgò statuunt, in hujus sententiæ explicatione, Petrum, v. 5. hortari tam ad fidem, quàm ad opera & virtutes illius: illud si antecedentem partem spectes, verum est: sed si hujus loci scopum & circumstantias consideres, apparet, Apostolum ipsis, fidem (quum antè donatam asseruit) attribuere tantum: & ut cum ea conjungant opera fidei, hortari. Utitur autem gradatione quadam, & promiscuâ officiorum fidei

enumeratione. Quare requirit virtutem, scientiam, v. 5. continentiam, tolerantiam, pietatem, v. 6. fraternam dilectionem & charitatem, v. 7. Cum autem *virtus* generatim sumi soleat pro iustitia erga Deum, aut proximum: hoc in loco videtur, ut quidam rectè ex virtutum adjunctarum catalogo conjiciunt, *beneficentiam* denotare: quia aliæ deinde virtutes distinctè annectuntur. *Scientiæ* verò voce *prudentiam* significare videtur; quæ, observata diligenter circumstantiarum ratione, beneficentiam dirigat ac moderetur. Fraterna verò charitas & charitas tanquam universale & particulare differunt: fraterna enim charitas est specialis, quâ fratres, id est, fideles amamus, ut filios Dei, ejusdem Patris (non solum creatoris, sed etiam in Christo redemptoris) & Ecclesiæ matris, atque in Christo fratres. Charitas verò generatim ea est, quæ quosvis etiam infideles & inimicos complectitur: ut Mat. 5. v. 44. ad finem usque; & de utraque distinctè & comparatè, Galat. 6. v. 10. Hæc de hortationis propositione: quæ apposita confirmatione stabilitur quinque argumentis. Quorum primum petiitum est ab effectu, hac ratione; quod vos in fide redditis & ostenditis fructuosos, ei studere debetis. Atqui harum virtutum exuberatio vos reddet & ostendet fructuosos. Ergo iis studere debetis, vers. 8. Altera ratio est à causa efficiente oppositi privantis, hoc modo; quod effectum proprium & indicium est cæcitatæ spiritualis, seu rerum cælestium ignorantia, & incredulitatis, ab eo cavere debetis. Atqui harum virtutum absentia, cæcitatæ effectum & argumentum est. Ergo ab ea cavere debetis; ac propterea virtutibus studere. Tertia ratio est ab adjuncta ingratitudine: quod oblivionem purgationis peccatorum (quæ per Christi sanguinem & Spirit. seu justificatione & sanctificatione purgati sumus 1. Cor. 6. v. 11.) arguit, illud vitandum. Atqui peccatorum studium & iustitiæ fuga oblivionem illam in credentibus arguit. Ergo peccatorum studium vitandum, v. 9. Quarta ratio hortationis specie proposita ab effectu utili hæc est; quo vocationem & electionem æternam facimus firmam, ei opera danda est. Atqui virtutum studio id obtinemus. Ergo iis danda est opera. Electionis autem confirmatio propriè hinc intelligitur non ratione Dei (quia consilium ejus æternum ac stabile est, Rom. 11. vers. 29. 2. Timot. 2. vers. 19.) sed ratione conscientia humanæ, cum nostræ inprimis, tum etiam alienæ: quoniam ex bonis operibus tanquam ex fructibus & effectis propriis, dignoscimus ac demonstramus fidem nostram, Iacob. 2. tanquam causam propinquam, & ex iis, cum nobis, tum aliis confirmamus. Eoque modo à vocationis efficacis confirmatione, gradatim ad electionem (à qua vocatio illa tanquam à causa necessariò dependet, Rom. 9. 28. 29. & 30.) ascendimus. Quinta ratio est ab effectu, conservatione perpetua, à lapsu in salutis viâ, quum ait, *numquam impingetis*. Neque huic repugnat dictum Iacobi c. 3. v. 2. *in multis enim impingimus omnes*. Quia Petrus hoc loco non absolute loquitur; sed præmissâ conditione; *Hæc enim si feceritis*. Quia verò ex parte tantum fideles hæc faciunt, ex partè verò non faciunt (quia carnis reliquiæ pugnant adversus Spiritum, Galat. 5. v. 17.) idcirco quatenus hæc infirmitate carnis non facimus, eatenus impingimus: quatenus verò hæc, Spiritu adversus carnem repugnante, eamque superante, facimus, non impingimus. Quare Petrus & Iacobus probè inter se consentiunt. Hæc quinta. Sexta denique ratio est, vers. 11. ab adjuncto, nempe consequente beatitudine: quod ea via in Regnum Christi cæleste, copiosus dabitur introitus, ut Matt. 25. 34. 35. Act. 14. 22. Atque hæc de propositâ hortatione & apposita confirmatione illius: ex qua per objectionis anticipationem quandam, hortationis necessitatem concludit. Objici enim poterat; periti sumus & confirmati in præsentī veritate. Ergo non est, cur ita nos commonefacias. Respondet Apostolus negatione consequentiæ. Imò verò contrā, propter has, quas attuli rationes, non desinam vos commonefacere: quia scilicet vobis amplius confirmandis utile ac salutare est, & ego salutis vestræ studiosus, v. 12. Deinde alteram rationem adjicit, ab officio suo & scientia illius, quod dum in hoc corporis quasi tabernaculo sua anima peregrinaretur,

naretur, 2. Cor. 5. v. 1. iustum esset, ut eos excitaret, suâ commonefactione, tanquam ad id à Christo vocatus, v. 13. Tertia ratio est ab adjuncta temporis circumstantia & mortis propinquitate: quæ amantium de suis curam acuit. Cujus scientiam & certitudinem confirmat à prophetia Christi, sicut, inquit, *Dominus noster Iesus Christus significavit mihi*. Quod vulgo de prædictione, quæ extat Ioa. 21. v. 19. interpretantur: sed tamen aliquid adjiciendum est, quia Christus eo in loco tantum martyrium Petri, non autem circumstantiam temporis designat. Unde satis constare arbitror, Petrum habuisse duplicem mortis prædictionem: unam Ioa. 21. quæ antecessit, & mortis genus definivit tantum: alteram quæ postea successit, & mortis tempus determinavit: alioqui quomodo posset dicere; *Scio futurum brevi, ut deponam Tabernaculum*, v. 14. Quarta ratio ab utili est; ut possint non solum horum meminisse, post migrationem Petri ex hac vita: sed etiam mentionem ejus rei facere, ad Ecclesiæ videlicet in fide ac vitæ sanctitate utilitatem, v. 15. Atque hîc desinit altera Tractationis hujus epistolæ pars; ac tertia succedit, quæ commendationem doctrinæ fidei, ab Apostolis & Prophetis traditæ, completitur, transitione aptissima: nam ostendit ea, quæ à se & reliquis Apostolis proposita sunt, esse memoratu dignissima, ob certitudinem & dignitatem Evangelicæ doctrinæ. Eam autem demonstrat à causis, per remotionem falsæ causæ, figmenti scilicet humani, & positionem veræ, nempe revelationis divinæ duplicis. Quarum prior est miraculosa, & Novi Testamenti, consistens in Majestatis Christi patefactione & Patris cœlestis testimonio. Quæ à suâ & collegarum experientia sensuum comprobatur, nempe quod illius fuerint spectatores, hujus verò auditores. Cœterum majestatem suam Christus, operum divinorum efficacia in vitâ, morte, resurrectione, & postea testatam fecit sæpius. unde communiter de hisce omnibus intelligi potest, v. 16. ita tamen ut potissimum de cœlesti, & planè admirabili illa Christi apparitione, quæ Mat. 17. describitur, accipiat, ut expressè, v. 17. & 18 exponitur. Altera revelatio divina est Sanctorum Prophetarum consensus, de quo idem Petrus, Act. 10. v. 43. quem sermonem ait *beatusque firmiorem*. Quæ vox bifariam exponi potest. Quidam enim per enallagen gradus, comparativum pro absoluto sive positivo positum esse arbitrantur: quemadmodum, Actor. 25. v. 10. *καλῶν* pro *καλῶς*. Cujus expositionis ratio est, ne doctrinæ Apostolicæ, quæ Propheticæ par est, minui videretur autoritas. Alii verò propriè & comparatè explicant *firmiorem*; sed in comparationis accommodatione diversi sunt. Quidam enim comparari Prophetarum doctrinam putant, non cum doctrinâ Apostolica, sed cum hominum fabulis ac traditionibus (à quibus etiam Scripturam ortam esse negat) Alii cum doctrina Apostolorum, qua dicatur firmior non per se, sed tantum per accidens, videlicet ratione opinionis Iudæorum, ad quos scribit. Quæ expositio probari videtur non multum dissimili loco, Ioh. 5. 47. Sed quid si dicatur sermo Propheticus firmior, hîc audito ab Apostolis sermone: non ratione veritatis, quæ utrimque æqualis est; sed solummodò ratione modi patefactionis: quod nim. vox illa cœlitus delata & audita à tribus tantum Apostolis, eaque præterierit: contra verò Prophetarum sermo literis etiam fuerit consignatus, & sæpius successione quadam Prophetarum confirmatus, & communi consensu probatus à Christo, qui eam miraculis prætulit, Luc. 16. vers. 31. 34. Denique ut obiter illud addam, nihil etiam magnopere videtur obstare, quominus relatè non ad doctrinam Apostolicam, sed ad seipsam dicatur nunc firmior: scilicet quod Christi majestate, & Patris testimonio confirmatus sit. Cœterum hinc ad commendationem illius sermonis Prophetici transit Apostolus: ut pios in officio & amore erga Scripturam Prophetarum confirmet, & illorum calumniis occurrat, qui aut eam contemnere inter Christianos audebant: aut Apostolos tanquam illius adversarios traducebant. Ac primum agit de lectione, deinde de interpretatione Prophetarum. Laudat enim Iudæorum fidelium studium, quod sermoni Prophetico attenderent: idque probat ab effectu illius per

allegoriam suavissimam, cum ait; *velut Lucernæ splendens in obscuro loco, usque dum dies illucescat, & lucifer* seu clara Christi notitia *exoriatur in cordibus vestris*. Sed objicere aliquis posset; Si attendendum est sermoni Prophetarum, donec dies illucescat. Ergo postquam jam illuxit, nullus illius est usus. Negatur consequentia: quia vox *donec* antecedens tempus semper includit, sed consequens non necessariò excludit, ut Matth. 28. 20. & alibi. Sed regeat paulo adhuc speciosus, Si lucernæ, orto die, nullus omninò est usus. Ergò nec sermonis Prophetarum (qui instar lucernæ spiritalis, orto die spiritali, nempe clariore Evangelii cognitione) ullus apud fideles erit usus. Negatur consequentia: quoniam similia non sunt eadem, neque paria; sed in similitudinibus considerandus est scopus, nec omnia singillatim in iis similia esse debent. Deinde ut id maximè hîc valeret; dicimus diem non plenè illuxisse fidelibus, ob tenebras adhuc reliquas in hac vita, à quibus paulatim verbi divini & spiritus illustratione liberamur: in cœlo verò & æternâ vitâ plenè lucebit dies, plena erit cognitio & æterna, ideoque neque sermonis Prophetici erit usus. Alioqui si fideles, qui per Evangelii doctrinam illustrati sunt, quibusque ex parte dies ortus, Prophetarum sermonem legere non deberent; hi Iudæi, quibus ejus lectio præcipitur, non fuissent fideles, Evangelii doctrinâ illustrati. Atque hoc falsum esse docuit Petrus, v. 1. 3. 4. 5. 10. & 12. Ergo & illud. Quamobrem lectio Prophetarum utilis ac perpetua esse debet in Ecclesia militante, ut quæ nunc ex parte cognoscit: triumphans verò plenè, 1. Cor. 13. 9. 10. v. 19. Ideoque *donec dies illucescat*, intelligendum est de pleno die in Ecclesia triumphante. Sed ad intelligentiam rectam de Prophetarum lectionis & interpretationis legitimæ regulæ, observationem addit Apostolus, adversus adversariorum Iudæorum præjudicium. Docet enim causam efficientem principalem, seu unde ea petenda sit, remotione contrarii, quod videlicet nulla Scripturæ prophetia sit propriæ explicationis, hoc est, non ab hominis ingenio, aut voluntate, sed à Deo petenda sit: qui scilicet & in verbo, locis apertioribus & commodis circumstantiis, obscuriores, de doctrinâ salutis, sententias declarat & interpretatur, & Sp. Sancto rectam interpretationem fidelium animis probat ac persuadet, v. 20. Idque confirmat Apostolus ab unico auctore Scripturæ Propheticæ, Spiritu Sancto, qui propterea unicus & optimus est, erroris omnis expers, suorum verborum interpres summus.

## C O N S E C T A R I A.

I. CUM Petrus etiam hanc secundam Epistolam confirmandis fidelibus conscripserit: in eo elucet argumentum fidelitatis in Christi agnis, secundum mandatum officium, pascendis, Ioann. 21. vers. 15. & veri pastoris exemplar, quod alii imitentur.

II. CUM hæc epistola ab Apostolo Christi conscripta sit: divina illius autoritas agnoscenda est, & debita obedientia excipienda.

III. Petrus neque hîc neque alibi majores sibi titulos adscripsit, quàm servi & Apostoli Iesu Christi. Ergo malè contrà statuunt Pontificii.

IV. Fideles fidem sortiti sunt, divinâ scilicet providentiâ dispensante: Ergò fides Dei donum est, non humanarum virium effectum.

V. Quamvis fideles fidei mensura dispares sint, dignitate tamen objecti Christi, in quem fertur, & justitiæ illius participatione pares sunt: ideoque mutuo se in precio habere debent, v. 1.

VI. Gratia & pax, Dei potissima bona sunt, quorum incrementa aliis nobisque optare debemus.

VII. Per agnitionem Dei & Iesu Domini nostri, hoc est, per fidem, gratia & pax nobis multiplicantur: Ergò danda est opera, ut precibus & studio in fide proficiamus, vers. 2.

VIII. CUM divina Christi vis omnia nobis donet, quæ ad vitam æternam & pietatem pertinent, per agnitionem Dei; sequitur Christum esse perfectum servatorem & fidei dato-

datores; ac propterea Pontifices non esse Petri successores ac Christi vicarios, sed adversarios utriusque; cum salutem suis meritis, & fidem suis viribus ex parte tribuant.

**IX.** Christus præditus est divinâ virtute & salutis nostræ author ac consummator est; Ergo verus est Deus, cui adversus carnis, Sathanæ, mundi machinas, merito inniti possumus ac debemus.

**X.** Vocationis nostræ ad fidem author est Deus: Ergo gratia & potentia illius grato animo celebranda est, v. 3.

**XI.** Promissionum & gratiæ Dei finis, est fuga cupiditatum mundanarum, & sanctitatis Dei imitatio.

**XII.** Unde sequitur, nos ante promissiones & gratiam Dei, mundi cupiditatibus esse deditos, & à Dei natura alienos, v. 4.

**XIII.** Veri Christiani non sunt, qui de fide operibus vacuâ (ut Iac. 2.) gloriantur.

**XIV.** Sanctitati vitæ, omni collato studio danda est opera: ideoque peccant illi, qui eâ in re frigidi sunt, aut tepidi, v. 5.

**XV.** Qui sanctitate & bonis operibus destituitur, ejus fides iners est & infructuosa, ac propterea Deo ingrata, ut arbores infructuosæ agricolis, v. 8.

**XVI.** Cum à peccatis veteribus simus purgati; sequitur ea tanquam sordes esse æstimanda ac vitanda.

**XVII.** Purgationis peccatorum memoria, ad peccati odium & fugam excitat. Quare illa nunquam est oblitteranda, v. 9.

**XVIII.** Bona opera non merentur Electionem neque salutem; sed electionis & salutis nostræ sunt indicia & argumenta.

**XIX.** Peccant illi non parum, qui Electionis & vocationis prætextu, carnis & peccati licentiam tueri student.

**XX.** Optima de Electione nostrâ judicandi via est, si paulatim ab effectis illius assurgamus; nimirum ab operum bonorum studio, ad vocationem efficacem, & illinc ad Electionem.

**XXI.** Quemadmodum qui male vivunt, tanquam cæci, facile in Dei iram & condemnationem impingunt: ita contra qui bonis operibus addicti sunt, tanquam in luce agnitionis Dei, & officii sui ambulantes, nunquam impingent, v. 10.

**XXII.** *Bona opera*, ut eleganter ait Bernhardus, *non sunt causa regnandi, sed via regni.*

**XXIII.** Admonitiones Christianæ non solum infirmis in fide & charitate, sed etiam confirmationibus proponendæ sunt. Quare errant gravissimè illi, qui quotidie in fide & moribus peccantes, admoneri se officii sui non sustinent.

**XXIV.** Ministrorum Christi officium est, ut auditores de officio ipsorum commonefacere nunquam negligant, v. 12.

**XXV.** Quod justum est, seu quod aliis debemus, illud præstandum est, quamdiu tempus vitæ superest.

**XXVI.** Cum corpus nostrum sit animæ tabernaculum: sequitur, vitam hanc esse viam & peregrinationem: Patriam verò nostram non hinc in terris, sed alibi, nempe in cælo esse querendam, ac potiore animæ tanquam hospitii, quam hospitii, corporis, curam esse habendam.

**XXVII.** Hinc etiam sequitur, animam non esse mortalem; nec mortem magis nobis esse metuendam, quam migratio metuenda sit ex hospitio iis, qui peregrinantur & ad Patriam contendunt.

**XXVIII.** Ne in officio faciendo segnescamus, sed ut in eo pergamus, perpetuò commonefactionum stimulis excitandi sumus, v. 13.

**XXIX.** Petri exemplo, Christi verbis credendum est, & adversus crucem nobis prænunciatam, constantiâ Christianâ animum præmunire debemus.

**XXX.** Sacrarum Literarum usus quoque est veritatis salutaris memoria.

**XXXI.** Scripta Apostolorum sunt veræ & colendæ Sanctorum reliquiæ, auditione, lectione, & fide ac charitate.

**XXXII.** Apostolica de Christo scripta, non homi-

num commentis constant sed rei veritate, & Apostolorum experientia nituntur: unde sequitur primum, eos in Dei veritatem esse injurios qui illa contempnunt omnino, aut humanarum fabularum commentis adulterant: ideoque Pontificem non esse Petri successorem, cum bona doctrinæ illius pars ex humanis fabulis & traditionibus composita sit, vers. 16.

**XXXIII.** Cum Christus sit Dei filius dilectus, in quo acquiescit, verus igitur est & *ὁμοῖος* Patri Deus: utpote filius proprius, & unigenitus, ut Rom. 1. & Ioan. 1. explicatur, v. 17.

**XXXIV.** Prophetæ non solum in Vet. Test. fuerunt legendi, sed etiam in Novo, ad fidei institutionem & confirmationem. Ideoque eorum explodenda est sententia, qui Prophetarum in Ecclesia Christianâ, usum esse negant.

**XXXV.** Sacra Scriptura est instar lucernæ in hisce mundi tenebris ignorantiz & impietatis, donec tandem plena cognitionis luce in cælis perfruamur: ac propterea in Scripturæ lumine ambulandum.

**XXXVI.** Sacræ Scripturæ interpretatio à Dei Verbo & Spiritu petenda est. Quamobrem errant plurimum Pontificii, qui interpretationis normam esse contendunt Patrum & Conciliorum interpretationem.

**XXXVII.** Cum Prophetarum scripta à Spiritu Sancto profecta sint, ergo eorum divina est autoritas, ac major, quàm Ecclesiæ, quæ ei superstructa est tanquam fundamento, contra quàm Pontificii statuunt.

## CAPUT SECUNDUM.

Superiori capite tres priores tractationis hujus epistolæ partes explicatæ sunt; quæ partim laudatione, partim hortatione constant, & ad rectum Ecclesiæ statum pertinent. Nunc verò sequitur quarta, quæ in reprehensione perturbatorum hujus recti status occupatur. Continet enim præmunionem quandam contra doctrinæ Apostolicæ & Propheticæ adversarios duplices: primum opertos, qui falsâ veritatis & sanctitatis specie utrique adversantur cap. 2. deinde apertos, qui palam religionem & adventum Christi derident, cap. 3. utroque verò primum futuros prædicat, deinde describit cum ab effectis ac moribus, tanquam notis, tum ab adjunctis & meritis pænis: ut eo modo & melius cognosci & diligentius caveri possint. Operti sunt falsi Doctores; quorum adventum prædicat, & adversus novitatis scandalum illustrat à simili conditione Ecclesiæ V. T. quod in populo Israëlítico (quem *κατ' ἑξῆς* populum vocat, nim. Dei) olim fuerunt Pseudo-prophetæ, non minus quàm veri Prophetæ, de quibus paulò antè egit: eaque ratione hanc Tractationis partem aptissimè antecedenti connectit. Cui prædictioni adjicitur descriptio ab effectis & moribus. Ac priori loco illis tribuit, quod subintroducunt, aut præter fas inducent hæreses exitiales. *Hæresis* autem *electionem* significans, Græca quidem vox est; sed Ciceroni aliisque Latinis authoribus etiam usitata. Quæ propriè accipitur aut impropriè. Ac propriè quidem electam animi sententiam, quâ ab aliis diffidetur, designat, quæ vario modo distingui potest: nam primum ratione causæ efficientis aut à nobis aut ab aliis inventa est: deinde ratione objectæ materiæ vel religiosa est, quæ religionem spectat; vel non religiosa, sed Philosophica aut Politica: denique ratione adjuncti, vel bona est, quæ cum veritate consentit; vel mala, quæ ab ea diffidet: siquidem hæresis vox media est, ut bonorum authorum usus evincit. Hæc de significatione propriâ. Impropria verò seu tropica est aut per Meton. aut per Synecd. per Metony. accipitur aut pro subjecto, hoc est, pro cætu eorum qui hæresin tuentur, ut Act. 5. 17. *quæ est hæresis Sadduceorum*: aut pro objecto, hoc est, doctrina aliqua peculiari, ut Act. 24. 14. *secundum viam quam dicunt hæresin, servo Deo*. per Synecdochen verò generis pro specie, in deteriore partem accipitur, pro mala hæresi, & quidem religiosa, hoc est, quæ religionem attingit, ut 1. Cor. 11. 19. *Oportet enim hæresin inter vos esse*, & Gal. 5. 20. inter opera carnis recensentur dissidia, hæreses; & hæreticum hominem vitandum docet Apo-



Apostolus, Tit. 3. 10. Quæ significatio in Ecclesia Christiana usitatissima est; atque ita hæreleos vocem vulgo non malè hoc in loco interpretantur.

Sed quid vetat, quo minùs generatim accipiamus, præsertim cum genus ad suam speciem per effectum suum, nempe *exitium* restringatur, cum phrasi Hebræa, *hærefes exitii*, in est, exitiosas appellat. Optimè tamen accipi potest vox *exitii*, tanquam Epitheton ad perniciem ac damnum, quod infert hæresis denotandum. Cæterum *quid hæresis sit, definire omnino*, ut alicubi ait Augustin. *difficile est*. Videtur autem, ut rem totam in pauca contraham, non incommode definiri posse hoc modo: *falsa de religionis Christianæ fundamentis doctrina. iusto Ecclesiæ examine, demonstratione & iudicio confutata, & adversus illius admonitionem (sapienter propositam, cum pertinacia, defensa*. Unde apparet, duo potissima esse hæreleos membra: genus quidem, falsam de religionis fundamento doctrinam: formam verò ac differentiam, contumaciam adversus Ecclesiæ confutationem & admonitiones iteratas, Tit. 3. 10. Porro hoc propositum generale falsorum doctorum effectum, ac primam notam speciali exponit, nempe *abnegatione Domini, qui ipso mercatus est, aut emit*. De cuius loci genuino sensu, controversia est memorabilis, ac dignissima, quæ discutatur: ut doctrinæ fidei puritas illustretur, & adversariorum errores accuratius diluantur. Quorum errorum firmandorum occasio est duplex, ac communis interpretum in huius loci explicatione hypothesis. Primum quod vox *Domini* Dominum Christum notet; deinde quod vox *emit* modum acquisiti domini, nempe redemptionem per sanguinem & mortem, designet. Vnde gratiæ salutaris universalis patroni, ubiquitarii & Arminii sectatores, Christum pro omnibus & singulis, tam Electis quàm Reprobis, mortuum probare contendunt, hoc modo: quos Christus suo sanguine & morte emit, pro iis etiam est mortuus: At qui falsi ac reprobi doctores sunt, quos Christus suo sanguine & morte emit. Ergo pro falsis ac reprobis doctoribus Christus etiam est mortuus: ac per consequens, Christus non aliter pro Reprobis, quàm pro Electis mortuus. Propositio extra omnem controversiam certa est. Assumptionem probari statuunt, partim ex Petri verbis disertis: qui loquitur de falsis doctoribus, & quidem æterno exitio certò perituris, v. 1. 3. 9. 10. eoque reprobis: partim ex communi hypothesis duplici antè posita, *Domini* Christum, & *emit* sanguine & morte redemit significare. Quem nodum nostri Theologi, duplici potissimum ratione solvere conati sunt. Primum enim plerique integrum Syllogismum, Propositionem, Assumptionem & Conclusionem concedunt: sed consequens illius rectè inde deduci negant. Quod licet Christum fateantur, pro omnibus & singulis mortuum, tam reprobis quàm electis; aliter tamen pro hisce, quàm pro illis: pro electis enim mortuum & sufficienter & efficaciter: pro reprobis verò tantum sufficienter. Verum hæc responsio bifariam à veritate aberrat: primum malâ concessione Syllogismi, ut postea demonstrabitur: deinde indigno distinctionis allatæ effugio: duo enim eâ continentur, nimirum mortis Christi finis communis, & modus illius diversus. Finis communis enim statuitur, quod mortuus sit pro electis & reprobis: quod quàm falsum sit, ex phrasis declaratione constat: quod *mori pro nobis* sit nostro bono pœnam maledictionis, peccatis nostris debitam, perferre ac plenè pro nobis satisfacere, remissionem peccatorum, reconciliationem cum Deo, & sanctificationem impetrare; ut cum aliis tum hisce Dei testimoniis demonstratur, Ies. 53. 4. & 5. & 6. Mat. c. 20. 28. & 26. 28. Rom. 5. 10. Gal. 1. 4. Eph. 5. 26. Heb. 10. v. 10. Rom. 6. vers. 6. Quare cum reprobis pœnæ, Christo non sint impositæ, quia ipsemet eas ferunt; eo quod Deus solutionem bis iustè exigere non possit, nec remissionem peccatorum, nec reconciliationem cum Deo habeant, sed iræ Dei perpetuò subsint, nec à dominio peccati liberati nec sanctificati sint: sed sub peccato dominante impuri maneant: hisce aliisque de causis merito in Synodo Nationali, sententia illa rejecta, quâ Christum pro omnibus, tam reprobis quàm electis mortuum statuitur. Atque

hæc de primo responsionis allatæ membro vitioso. Alterum est modi mortis Christi diversi explicatio ista, quâ dicitur, quod mortuus sit pro electis sufficienter & efficaciter; pro reprobis tantum sufficienter, non efficaciter. Atqui ista inter se pugnant: nam mors Christi pro hominibus, pro quibus mortuus est, non potest non esse efficax: quia finis & effecta (ut antè ostensum) sunt efficacissima. pœnæ iis debitæ permissio & plena solutio, remissio peccatorum, reconciliatio cum Deo, & Veteris hominis abolitio ac sanctificatio. Nam quod à nonnullis obijcitur; hunc solum esse sententiæ illius sensum, Christi mortem omnibus & singulis hominibus redimendis esse sufficientem, idque ab omnibus concedi: Respondetur primò, hunc non esse solum sensum: quia asserunt, Christum etiam pro omnibus esse mortuum: cui sola sufficientia, ut antè ostendimus, repugnat. Deinde non simpliciter & absolute, mors Christi sufficiens est: nam quamvis illius dignitas ob infinitam personam, utpote filii Dei, sit infiniti valoris: non inde tamen sequitur pro omnibus esse susceptam sufficienter: quia requiritur præterea voluntas Dei & Christi, quâ pro iis voluerit mori, quemadmodum enim, licet immensos thesauros collegerit Salomon, qui multis pauperum Iudæorum myriadibus ditandis sufficerent; non propterea tamen pro iis fuisse sufficienter collectos dici posset: quia non solum ad eam sufficientiam requireretur thesauri magnitudo, quæ adfuit; sed etiam finis ille à Salomone thesauros colligente propositus, qui defuit. Ac si ille (qui obtenditur) sit sensus, quidni etiam dici posset similiter, Christum (quod absit) pro omnibus & singulis dæmonibus mortem obiisse: quia si illius excellentiam consideremus, eo respectu pro iis abundè suffecisse negari non potest: sed tamen absolute non sufficit: quia non solum mortis Christi in se consideratæ dignitas: sed etiam illius voluntas, ut pro iis mortuus sufficienter statueretur, erat necessaria: quæ deest ratione dæmonum, 2. Pet. 2. 4. Iudæ. v. 6. & reprobis, pro quibus se non orare testatur, Ioa. 17. v. 2. & quorum maxima pars Christo id sciente ac moriente, irrevocabili Dei iudicio, æternis inferni pœnis erat subiecta. Ideoque qui Christum pro iis servandis mortuum esse statuunt, insipientiam & iniustitiam Christo manifestè adscribunt. Sed quærat aliquis, annon, si reprobi crederent, Christus pro iis esset mortuus? Agnoscimus consequentiam: sed consequens negatur, quia antecedens conditione habet impossibilem: quia fides electorum propria, non autem reprobis communis, Tit. 1. 1. Ioan. 6. v. 37. 44. 65. Ioan. 10. v. 26. Si enim crederent, essent electi, non reprobi. Si autem Christus mortuus est tantum pro credentibus, reprobi autem nunquam credant; sequitur eum omnino pro reprobis non esse mortuum. Atque hæc de primæ sententiæ ad Syllogismum pro universali Christi gratia ex 2. Pet. 2. v. 1. initio objectum, examine: unde apparet, eam omnino esse vitiosam, licet magnis nominibus nitatur.

Altera iisdem hypothesis, initio positis, innixa, Syllogismi consequentiam negat: quod paralogismus sit homonymias; quia medius terminus seu argumentum, nempe *emit*, in Propositione accipitur pro revera emit; in Assumptione verò quod emit non revera, sed opinione ipsorum falsorum doctorum, & piorum, qui ex charitate opinati fuerint, eos esse verè fideles, eoque sanguine Christi redemptos: ut ab apostolo non *κατὰ δόξαν*, sed *κατὰ πίστιν* empti dicantur. Quæ explicatio ut fidei analogiam servat, ac propterea priori melior: contextui tamen huius loci non consentit: quia cum Apostolus loquatur de falsis Doctoribus, hæreses exitiales subintroducuntibus, & quidem Dominum suum abnegaturis: quique sibi accersunt velox exitium; quomodo credibile est, plerisque pios tam egregiam de iis habituros opinionem, licet multos in errorem seducant? Deinde quæ causa est, cur Apostolus hosce falsos doctores ex falsa opinione eorum, qui seducuntur, potius, quàm ex recto piorum ac constantium iudicio, & rei veritate describeret? Denique cum nullibi hæc vox in S. L. ita accipitur, neque à propria significatione ad impropriam & insolentem, sine ratione necessariam, in interpretatione, salvâ auctoritate Scripturæ, discedere liceat, meritò hæc

hæc interpretatio non est admittenda. Nam ea, quæ obtenditur, duarum hypothesium necessitas (quarum præjudicium illos in hanc sententiam adegit) si quis rectè expendat, nulla omnino est. Quia ad primam hypothesin quod attinet: qua statuitur *δοσόντων* *herum, dominum*, hoc in loco, de Christo intelligi, id necesse non est: quia rectè de Deo Patre accipi potest: sic enim ea vox citra controversiam illi tribuitur: ut Luc. 2. 29. Act. 4. 24. & 2. Tim. 2. 21. imò quod amplius est, semper Patrem, nunquam Filium (qui *υἱος* vocari solet) notat. Neque duo qui obtenduntur loci, contrarium evincunt. Primus enim est Apostoli Iudæ, v. 4. *Impii qui Dei nostri gratiam transferunt ad lasciviam, & non solum doctrinam dei, sed & υἱον υἱου Iesum Christum negant.* At inquam, *non doctrinam* hic Christum notare non est necesse, imò contrà circumstantiæ loci objecti suadent. Ac primùm antecedentia verba: cùm enim dicitur *gratiam Dei nostri*, Dei voce, Patrem intelligi pro more Scripturæ, certum; neque causa ulla est, cur in proximis verbis *δοσόντων* *θεόν*, ea vox Dei aliter, quàm de Patre accipiat. Deinde idem ostendit distinctio manifesta Dei & Christi, *δοσόντων* & *υἱον*, quæ Subjecti diversitatem indicant. Neque ratio quæ objicitur, contrarium evincit; cum excipiunt, unicum articulum tantùm esse ante vocem *δοσόντων* *θεόν*, non verò ante vocem *υἱον*: ac propterea utramque vocem unum subjectum notare, nempe Christum. Respondetur enim, Regulam linguæ Græcæ de articulo fingi non necessariam; neque usu bonorum authorum, neque etiam Scripturæ comprobata. Quia cum *θεός* & *υἱος* distincta sit mentio, interdum utrique articulus præponitur: interdum in utroque omittitur: interdum priori præponitur, & in posteriori omittitur, ut 1. Tim. 5. 21. & 6. 13. & 2. Thess. 1. 12. & 2. Pet. 1. 2. Quare illa de articulo regula non est certa; neque ex hoc priori loco, Christum vocari *δοσόντων*, probari potest; sed Patri convenire apparet. Alter qui superest locus, similiter eo non pertinet, nempe Apoc. 6. v. 10. *Quousque i doctrinæ sanctæ & verax non iudicas?* Nec enim necessariò *δοσόντων* hic Christum notat, quum nulla loci circumstantia hoc demonstret; sed potius Patrem, qui ut iudex throno insidere traditur, v. 16. & c. 5. 6. & 13. quibus locis ab agno diserte distinguitur. Concludimus igitur merito, primam illam hypothesin, *δοσόντων* denotare 2. Pet. 2. 1. Christum, nullâ niti ratione necessariâ, sed contrà potius Deum Patrem significare; quia nullibi de Christo, ubique verò de Patre in N. T. usurpatur, & loci huius circumstantiis probè convenit. Neque quod objicitur *emendi* vox obstat: nam secunda hypothesis, quâ hoc probare nituntur (nempe *emere*, nihil aliud esse, quàm sanguine redimere, quod Filio soli, Act. 20. 28. non autem Patri convenit) merito negatur: quia *emendi* vox, in S. L. similitudine quadam ab emptione civili petita, generatim pro acquirere, ac suum facere usurpatur, ut cum alibi, tum Ies. 55. 1. *emite* (Lxx. *ἀποδοτέον*) *absq; argento*, & *absque precio vinum & lac*. & Apoc. 3. 8. *ut emas a me aurum ignis exploratum.* Atque hoc sensu rectè, consentaneè analogiæ tam fidei quàm circumstantiarum huius loci Petri accipi potest: nimirum quod falsos illos doctores *emerat*, h. e. sibi acquisiverat. Modus autem acquisitionis fuit vocatio è mundi ignorantia, & profana scelerum licentia, ad cognitionem Euangelii, & externam Christi Ecclesiam ac disciplinam illius: qua vocatione acquisiti fuerunt in servos. Quod emptionis seu acquisitionis beneficium commodè inferitur, ad impietate illorum in Deum apertius demonstrandâ. Quare confutatis hisce hypothesibus, & prioribus duabus ad Syllogismum adversariorum responsionibus, tertia subiicienda, nempe negatione assumptionis: Petrus enim vocat quidem *δοσόντων*, sed ea vox nullibi Christo tribuitur (licet alia voce semel *οὐκ ἔδοσαντες*, Mat. 10. 25. dicatur) sed ubiq; Patri: deinde generatim *emiss* quidem dicit, h. e. acquisivit: non autem addita differentiâ restringit, quæ admodum fieri solet, cum de Christo est sermo: ut *empti precio* 1. Cor. 6. 20. & 7. 23. Apoc. 5. 9. & 14. 3. *empti sunt è terra*, i. e. ut v. 4. *empti sunt ex hominibus*, scilicet reprobis, ut circumstantiæ evincunt. Ex quibus etiam locis probari potest solidè, reprobos non esse emptos sanguine Christi: nam si empti sunt sanguine, ex hominibus, ex omni tribu, na-

tione: ergo non omnes homines empti Christi sanguine sed tantum omnes electi. Quare hoc loco falsi doctores non statuuntur à Christo empti. Atqui hoc modo Syllogismus adversariorum, ob falsam assumptionem corrumpitur. Atque ita explicata falsorum doctorum effecta duo, subintroductio hæresium exitialium, & abnegatio Dei, qui ipsos emit seu vocatione acquisivit. Quibus annectitur tertium, quod accersant sibi velox exitium, nempe æternum, ut sequentia declarant. Hæc de vers. 1. Quartum est multorum, in societatem hæreseos & blasphemiarum, seductio perniciofa: quod indicat, cum hæreses, per meton. effecti pro sua causa *exitia* appellat (quamvis pro voce *ἀπολείας*, lectio etiam alia est *ἀπολύειας* *lascivias*) ut hac ratione apostasiæ & multitudinis scandalum tollat, & à contagione hæresium absterreat. Blasphemias autem ab objecto describit, nempe *via veritatis*, quam variè exponunt. Quidam enim Christum intelligunt: qui via est metaphoricè, tum quâ Mediator, per quem ad Patrem patet aditus: tum quâ doctor ac ductor, doctrinâ & vitæ exemplo. Vnde Veritas, Via, Vita, Ioan. 14. nominatur.

Atq; ita conveniet cum v. 1. ex eorum sententia, ut idem sit, Dominum abnegare, id quod falsi Doctores faciunt: & eundem blasphemare, quod eorundem etiam discipuli & sectatores committunt. Alii verò longè aptius, & Scripturæ phrasi convenientius Euangelium interpretantur: siquidem per Hypallagen Hebræam *viam veritatis* idem esse volunt quod veritatem viæ, hoc est, quæ via est ad cælum. Sed simplicior ac solidior est ratio, quod Euangelium ita appelletur, quod sit doctrina veritatis salutiferæ, quæ veritatis nomine *καὶ ἰσχυρὴ* intelligitur. Nam *viam* per Metaphoram accipi non solum pro vitæ instituto, 2. Pet. 2. 15. sed etiam pro doctrina notum est, quemadmodum, v. 21. Euangelium *via iustitiæ*, & Act. 16. 17. *via salutis*, & *καὶ ἰσχυρὴ*, *via*, Act. 24. 22. & 19. 9. & 23. appellatur. Ceterum doctrina Evangelii non minus quàm Christus sæpius blasphematur, ut 1. Tim. 6. 1. Tit. 2. 5. Cujus rei varii sunt modi. Alii enim simpliciter & omnino, alii partim ac secundum quid; idque vel expressè, vel consequentiæ necessitate dictis aut factis blasphemant; ut exempla Valentinianorum, Marcionitarum, aliorumque omnium hæreticorum evincunt; de quibus post Epiphanium & Philastrium scripsit Augustinus in libro de hæresibus, quem utili ac docto commentario D. Lamb. Danæus illustravit. Hoc autem in loco, quidam blasphemiam, de contumeliis, quod Euangelio essent oblatraturi: alii de factis, quod occasionem daturi essent hostibus, ut protervè Dei veritati maledicant, exponunt. Sed satius est, ut cùm Scriptura non distinguat, sed generatim loquatur, ut non tam angustè ac speciatim, sed latius ac generatim de utroque, ut circumstantiæ ostendunt, interpretemur. Hæc de v. 2. cui subijcitur alia falsorum doctorum nota, nempe avaritia cum hypocrisis conjuncta; quod avarè sermonibus fictis (hoc est, fallacibus, quæ speciem sapientiæ & veritatis apud imperitos habent) utentes, ut v. 17. 18. 19. fidelibus quibusdam tanquam mancipiis ad nundinationem abutantur: quod indignissimè non solum Dominum suum, qui ipsos mercatus est, abnegent; sed etiam servos illius, peccato & Sathanæ mancipare studeant. Propterea Petrus repetit & confirmat pœnam de qua egit, vers. 1. & ostendit, damnationem & exitium, illis destinatum, instare. Quâ in re utitur anticipatione quadam, per remotiorem contrarii, & Metaphoram elegantem, à viatore ductam, ut Prov. 6. 11. quod exitium eorum non otietur, nec dormitat, sed quasi laneis ac tacitis (ut ille ait) pœna venit pedibus, v. 3. Huius autem exitii certitudinem, admixtâ consolatione liberationis bonorum illustrat ac confirmat inductione ac similitudine: primùm trium horribilium exemplorum. Cujus similitudinis antecedens est, v. 4. 5. 6. 7. 8. consequens, v. 9. Quod quia nonnulli minus observant, primum exemplum; quod ab Angelis magis petatum est, *αυαρῆς* seu redditione defectum putant, ac supplendum hoc modo; *neque illis parces*. Simile autem primum est Angelorum, qui peccaverunt, de quorum lapsu alias pluribus disseruimus. Quorum pœna proponitur, partim per aphazresin seu remotiorem contrarii falsi, quod

P p p

Deus

Deus illis non pepercerit, licet dignitate præstantibus; partim per *Sân*, positione veri, quod eos è cælo deturbârit & catenis caliginis tradiderit, damnationi servatos. Unde apparet, dæmonum pœnam hîc triplicem assignari; præteritam, præsentem, futuram. *Præteritam*, privationem boni, nempe deturbationem è cælo, & luce ac gaudio illius: *præsentem*, nempe custodiam: *futuram* denique, damnationem æternam. Ac de prima pœna dicitur *in tartarum detruſos*. Cœterum quid *Tartari* nomine intelligatur, non inter omnes convenit. Plerique infernum exponunt, ex significatione communi. Sed quia objici potest, dæmones in sublimi, seu in aëre, Eph. 2.2. & 6.12. & terra versari, Iob. 1.7. & 2.2. nec in inferni abyſſum detruſos, quod deprecantur à Christo, Luc. 8.31. idcirco respondent nonnulli, illud intelligendum esse de archidæmone, qui in tartaro servetur: sed unde quæſo hoc probabunt, cum certum sit, eum esse diabolum dictum & Sathanam, à quo Christus tentatus in hac terra? Alii verisimilius putant Deum initio à commisso peccato quosdam Angelorum detruſisse in tartarum seu infernum, ita tamen ut quoties ei visum est, ante ultimum judicium eos inde exire permittat in terram, & liberum hunc aërem, rursusque ad tempus saltem, aliquam illorum partem in tartarum includat, ne hominibus noceant, ut Apoc. 9. v.1. & 20. 3. Alii verò nomine *tartari* significari putant non solum infernum sub terra positum, sed imprimis ipsum aërem totumque spacium infra Lunam: ac propterea exponunt Angelos malos omnes de cælo detruſos, in loca quæ sunt intra cœlestes orbes; & infra. Veruntamen annon potius vox *τῆς τῆς οὐρᾶς* generatim pro *deturbo* seu *præcipito* accipi possit ac debeat, diligentiores inquirent. Altera Angelorum malorum pœna est custodia: quod catenis caliginis conſtricti servantur. Quid autem *caligo* significet hoc loco, obscurum est. Vulgo exponunt metaphoricè miserrimam & horroris plenam conditionem, qualis est dæmonum, Mat. 8.29. Iac. 2.19. per Metaph. à damnatis facinorosis, qui in obscuro carcere detinètur, donec ad ultimum supplicium rapiantur. Deinde quidam de aere & locis inferioribus exponunt; quod in iis, tanquam in carcere ac vinculis, cœlesti ac gloriosâ luce exclusi, coërceantur. Si quis autem objiciat, catenas æternas dici Iudæ, v.6. ideoque non intelligi de statu mutando die ultimo, cum in infernum relegabuntur, Mat. 25. respondere possent, æternas catenas non significare infinitas duratione, sed continuas longasque, nempe usque ad judicium ultimum. Tertia pœna est damnatio æterna, futura ultimo die; de qua Luc. 8. v.31. & Mat. 25. 41. Hæc de v.4. & primo exemplo vindictæ divine, in impios. Alterum est hominum præsci mundi ante diluvium, ex Gen. 7. quod eadem ratione tractatur, nempe per aphæresin & thesin. Illa est, quod Deus iis non pepercerit; hæc verò quod diluvio puniverit. Idque ad consolationem fidelium illustratur, à contraria conservatione Noachi & familiæ illius; quorum paucitas numeri designatione indicatur, ut scandalo multitudinis impiorum (de quo egit, v.2.) occurratur, v.5. Tertium denique exemplum, est civitatum, Sodomæ & Gomorræ: quarum conflagratio & subversio, exemplar est justæ vindictæ divinæ, ad terrendos impios, v.6. De qua re, Gen. 19. & Iosephus de bello Iudaico l. 5.5. & Tacitus historiarum l. 5. & Strabo l. 16. & Tert. in apologet. c. 40. & in carmine de Sodoma ait;

*Semiperempta etiam, si qua illic jugera, lætas  
Autumni conantur opes; facile optima sese  
Promittunt oculis pyra, persica, & omnia mala,  
Donec carpuntur: nam protinus indice tactum,  
Solvitur in cinerem, fit vana favillaque pomum.*

Reliqua ex eodem carmine peti possunt. Cæterum hoc pœnæ impiorum exemplum, eodem modo & scopo, quo secundum, à contrario illustratur: videlicet conservatione Lothi, hominis iusti. Cujus iustitia declaratur ab effectu, iustitiæ zelo, nempe dolore ac fatigatione ex nefariis eorum moribus: hic enim dolor ex virtutum & Dei gloriæ ac salutis humanæ amore serio ac zelo, & peccati odio pocessit v. 7. Quemadmodum clarius exponit & amplificat, cum dolorem, tum objectum illius doloris v. 8. dolorem quidem, cum cruciatu & quidè quotidianum vocat: objectum

verò seu id quod considerabat & circa quod versabatur dolor, nempe mores malos, cum facta iniqua, visa auditaque appellat. Atque hæc de inductionis propositæ antecedente. Consequens verò est, quod Deus pios servare noverit ex tentatione h.e. ex afflictione eripere; contra verò injustos, in diè judicii, pœnas daturus servare: ideoque ut ait Apostolus, maxime qui inter injustos excellunt, nempe hæreticos; quod erat confirmandum. Quemadmodum etiam sequentibus à thesi seu sententia generali, ad hypothesein seu sententiam specialem redit, nempe ad hæreticorum speciem, quam etiam notis suis ac moribus & merito interitu describit. Ad mores quod attinet, attribuit illis impuras libidines & contemptum magistratus, quem Metonymicè, ut Eph. 1. 21. *dominatum* vocat. Cujus contemptus gravitatem, epiphonemate illustrat bifariam. Primum enim amplificat partim dignitatem magistratus, (quem metonymiâ adjuncti pro subiecto) *glorias* vocat, quod jure divino humanoque iis honor & gloria debeatur, Rom. 13. 1. & c. 1. Pet. 2. 13. 14. 15. partim indignitatem contemptus, quod non leviter contemnant, sed probris & maledictis & quidem impudenter incessant. Deinde explicat causas, quod ex audacia & arrogantia malum illud oriatur vers. 10. & ut ex seqq. colligi potest, falsus libertatis Christianæ usus ac contemptus potissimum eò etiam spectavit. Porro hujus contemptus ac maledictorum improbitatem oppositione contrariæ modestiæ Angelorum demonstrat: quod Angeli, qui robore & potentia majores sunt, non ferant adversus magistratus apud Dominum judicium maledicum. Qui locus difficilis est & variè ab interpretibus explicatus. Quidam enim de malis Angelis seu dæmonibus exponunt, & spectari putant historiam 1. Reg. 22. 21. ubi Diabolus ad Achabum Regem decipiendum, suam quidem offert operam, sed Achabo, quavis improbissimo, non maledicit. Sed meritò hæc sententia ab attentioribus rejicitur: quoniam Diabolus omniù blasphemiarum in Deum & homines origo est, & mendaciorum parens Ioa. 8. Propterea alii de bonis Angelis interpretantur: sed bifariam. Nonnulli enim de judicio bonorum Angelorum inter ipsos: quod quanquā unus Angelus altero major sit officii dignitate; alii provinciis, Dan. 10. alii hominibus tantum præsent; tamen inferiores superioribus minimè maledicunt. Ergo hominem homini subiectum illi maledicere indignissimum est. Sed hanc sententiam, ut alia omittantur, loci circumstantia satis confutat: nam quorsum alioqui illa majoris comparatio adhiberetur, *qui sunt robore ac potentia majores*, nisi ut homines maledicos amplius convincat, hac ratione; Angeli cum robore naturæ, tum potentia dignitatis majores hominibus in magistratu constitutis, nihilominus tamen eos apud Dominum non probrosè incessunt: ergò indignissimum, subditos & minores suo magistratui & Dominis maledicere. Quare alii hunc locum ita de bonorum Angelorum adversus magistratum judicii rectius interpretantur; nimirum *quod dignitatem Magistratus, & iuxta Elar in Rep. à Deo institutam in honore habeant & regnare etiam impiorum custodiendis tanquam ministri præsent*, Dan. 10. *Neque in conspectu Domini adversus Achabum, quamvis impium, execrationem ullam proferant* 1. Reg. 22. 20. *sed solus spiritus mendax se sponte ad malas artes offerat* 1. Reg. 22. 21. & *servos Dei calumniatur* Iob. 1.9. & 10. Atque hæc videtur maxime probabilis explicatio v. 11. Porro hujus contemptus & maledictionis in magistratum, indignitatem, ab adjuncta stupida ignorantia amplius illustrat, & fructum perniciosum adjicit: *quod videl. hac ratione interitus sui ipsimet auctores sint*. Cujus rei stupiditas declaratur simili brutorum animalium, *quæ ad interitum facta sunt: quæ dum escam bruto impetu persequuntur, ultro in retia & exitium suum ruunt*. Cæterum vocem *ἐδοξεν*, quæ corruptionem seu corruptelam notat; alii metaphoricè de corruptione morum exponunt, ut etiam v. 19. alii de corruptione naturæ seu interitu, ut Gal. 6.8. & hujus versus initio, *facta ad capturam & interitum*. Sed prior interpretatio commodior est: nam interitum distinctè, tanquam effectum suæ causæ subicit, cum ait: *sua ipsorum corruptela interibunt* v. 12. Cujus iustitiam probat, cum docet, fore injustitiæ eorum mercedem: deinde injustitiam illam fusius specierum inductione declarat. Quarum priores quatuor, ad mo-

ad mores & vitam pertinent. Prima injustitia est *intemperantia in cibo & potu*: altera *hypocrisis*, quod in sacris Ecclesiis conviviis verantes, communionem cum Ecclesia simularent, & tamen suis cupiditatibus servirent: Ecclesiæque puritatem (quasi labes & maculæ in veste) conspurcarent v. 13. Idque declaratur adjuncta tertiâ injustitia, *oculorum incontinentia*: quam amplificat à quantitate cum rei, tum temporis. rei quidem, *quod oculos plenos habeant adulterii*, ut Mat. 5. 28. temporis verò, *quod in peccando cessare nesciant*. Deinde describit ab effectu, nempe *seductione animæ: in instabilium*: tamque eleganti metaphora à piscatoribus sumpta illustrat. Quarta injustitia est avaritiæ habitus, cum ait: *Cor habentes ad avaritiam exercitatum*. Quibus vitiis Petrus, (ut, ad majorē cautionem, factum antea sæpius) epiphonemate gravi poenā meritā ac consequentē inserit, cū ait: *Exsecrationis filii* h. e. exsecrationi obnoxii, ut Judas proditor Joh. 17. 12. *filius perditionis* appellatur Hebraismo tritō v. 14. Porro hæreticorū avaritiā & conjunctam dementiā comparatione exempli similis illustrat ex V. T. Docet enim eos *imitari Balam filium Bosor*, de quo Num. 22. 5. ubi appellatur filius בלעם: In qua contradictio esse videtur, quā quidā cum Beda tollere conantur, secuti veterē interpretem, qui legit ex Bosor: quā urbē Balam fuisse conjiciunt; quemadmodū alibi etiā ejus nominis oppida extitisse apparet: ut inter Israëlitas in tribu Ruben בער quod Græci βωρ vocant; & aliud in regione Moab בער, quod Græci βωρ nominant Jer. 48. 24. Sed probabilius est, quod alii monent, pro *beor* sive *Boor* dici *Bosor* per Euphonicam literē s: nam cum summus sit Veterum Codicum consensus, erratum hoc in loco Petri subesse, non est adeo verisimile. Si conjecturæ locus esset, uti esse videtur, dici posset *Patrem Balam fuisse binominem*, uti quam plurimi in V. T. binomines exstant: vel quod magis premere videtur, salvo doctiorum judicio, arbitramur, Apostolum paronomasia quadā mutasse nomen Beor vel Boor, & pro eo *filium Bosor* h. e. carnis à שר appellasse, quod reverā carni esset addictus, ut falsi doctores, de quibus agit: quemadmodū hujusmodi paronomasiis in nominum mutatione emphatica & Scriptura sæpius & Judæi vulgò usi sunt: sicut locum *Bethel*, id est, domum Dei Ose. c. 4. 15. propter idololatriam vocat *Bethaven*, id est, domum vanitatis, & Beelzebub, i. e. Deum muscarum 2. Reg. 1. Iudæi posteriores appellarunt Beelzebub, i. e. Deum stercorum Matt. 10. 25. & 12. 24. & 27. & alibi: idque factum videtur imitatione quadam Scripturæ, quæ idola dæmonibus destinata, ad detestationem eorum לילך, id est, stercora, quasi Deos stercoreos nuncupat Ez. 22. 3. & alibi. Ceterum Balam peccatum eo exprimitur, quod mercedem iniquitatis amaverit, h. e. quod donis à Rege Balaco provocatus & allectus ad maledicendum Israëlitis, sese itineri accinxerit, v. 15. Deinde dementia Balam, ex redargutione miraculosa per asinam, humana voce loquentem, convincitur. Sed objiciat aliquis: Balamus, à Rege Balaco muneribus invitatus, cognita Dei voluntate, initio ire renuit: deinde altera legatione largis promissionibus provocatus, eas contempsit, nec profectus est, priusquam explorasset Dei voluntatem. Ergo avaritia & dementia non rectè illi tribuuntur. Verum negatur primum antecedens: nam quamvis Num. 22. v. 18. constantiam responsi divini (quod muneribus flecti nequiret) asseruerit; tamen dona non contempsit, neque donantis animum; sed avarè concupivit oblata munera, ut ex maledicendi studio & temptatione Dei perspicuum est, v. 19. Vnde etiam falsitas consequentiæ apparet: Deus enim eum proficisci iussit eo animo, ut populo Israëlítico secundum voluntatem ipsius benediceret, v. 12. & 20. Ille contrā profectus est, non divini responsi & veritatis amore, sed avaritia allectus & maledicendi animo, ex Balaci voto, quemadmodum indicatur Ios. 29. 9. & 10. & ex pernicioso illius consilio Num. 24. 14. & 25. 1. 2. 3. & 31. 16. & Apoc. 2. 14. colligitur. Ergo avaritia & dementia Balamo non immeritò à Petro adscribuntur hoc cap. v. 16. Atque hæc de quarta falsorum doctorum injustitia, quæ cum antecedentibus tribus ad mores ac vitam pertinet: sequitur quinta, quæ doctrinam potissimum spectat, nempe vanitas perniciofa; quam explicatione gravi, similibus duobus allatis Metaphoricè declarat. Primum e-

nim comparat fontibus aqua carentibus: qui ut sitientem atque adeuntem fallunt: ita & illi eos qui veritatem & justitiam sitiunt, vanâ pollicitatione ac spe, misere decipiunt. Deinde comparat nebulis à turbine agitatis: quæ ut pollicentur quidem pluviam; sed ob inconstantiam suam eam non dant: ita & illi nebulones veritatem, libertatem, justitiam, vitamque pollicentur; sed minimè præstant. Quod ut scelus gravissimum est ob injustitiam; ita poenam illis imminentem adjicit; quod tenebrionibus illis æterna caligo tenebrarum; h. e. miserrimus inferni cruciatus impendeat ex justo Dei judicio v. 17. Ut autem similitudines allatæ plenius intelligantur, implicatam eorum apodofin explicat ac confirmat facti specie Argumentationis autē vis & summa hæc est; qui prætumidam vanitatem loquendo, Christum profitentes, & à mundi contagio liberatos carnis cupiditatibus, ut esca pisces, decipiunt ac perdunt; illi meritò fontibus siccis, & nebulis à turbine agitatis comparantur. Atqui tales sunt falsi illi Doctores: Ergo meritò illis comparantur. Conclusio probanda antecessit, v. 18. Assumptio extrat, v. 18. Ex quibus intelligitur & colligitur propositio. Assumptio autem probatur à vanitatis & deceptionis modo, quod suā doctrinā polliceantur aliis libertatem, nimirum ab obedientia legum divinarū & humanarum. Cujus rei vanitas demonstratur ab effectis bifariam. Primum à conditione ipsorum contraria, quod dum libertatis Christianæ prætextu, ad carnis cupiditates & legum divinarum humanarumque libertatem alios alliciunt, *servi sint corruptionis*, h. e. peccati, metaphoricè: quia peccatum quasi corruptio morum est. Porro eam conditionē probat descriptione servi generali, à causa efficiente: siquidem *à quo quis superatus est, illius servus est*: sed qui ad carnis cupiditates, libertatis Christianæ specie fallaci alios invitāt, illi à peccato superati sunt. Ergo illius sunt servi. Ceterum victoria peccati duplex est; perfecta & imperfecta. Prior est quā is qui superatus est, fractis jam viribus ac captus non repugnat, sed victori peccato mancipatus est: quo sensu Christus ait Ioh. 8. 34. *qui peccatū operatur, servus est peccati*, & 1. Ioh. 3. 9. *qui natus est ex Deo, peccatum non operatur* & c. & Rom. 6. 14. *Peccatum vobis non dominabitur*. In perfecta verò repugnat, & tandem superior evadit: de qua re Paulus agit, Rom. 7. 23. Hoc autē loco priorem victoriā intelligit Apostolus: quemadmodum loci circumstantiæ, & horum hæreticorum, de quibus agit, deplorata improbitas evincit. Quare homonymia ludunt; qui ex hoc loco doctrinam de perseverantia Sanctorum evertere conantur, v. 19. Atque hæc prima vanitatis falsorum doctorum demonstratio, ab effectu conditionis eorum. Altera porro est ab effectu damno, quod iis inferunt, quos decipiunt: nimirum quod efficiant, ut illi, qui inquinamenta fugerant ac superarant, per agnitionem Christi, his rursus implicentur, & à peccato superentur, ideoque in servitutem redigantur. Cujus damni gravitatem amplificat, comparatione duplici: primo minoris, quod ultima eorum conditio deterior sit priore v. 20. idque illustrat & confirmat oppositione adjunctorum v. 21. quod jam antea peccarint, voluntatis Dei ignorantia; jam verò à sancto relapscentiæ Evangelio traditæ mandato scientes deficiant: quæ in re peccati & poenæ gravitas consistit, Luc. 12. Altera amplificatio sita est in comparatione similium, v. 22. Antequam vero finem faciam, solvenda prius est objectio, quæ communiter ex v. 18. & 20. & seq. colligi solet ab illis, qui perseverantiam Sanctorum negant: Si inquiunt, qui verè effugerant eos, qui in errore versantur, cupiditatibus inescari possunt; & qui inquinamenta mundi per agnitionem Christi effugerant, rursus implicari ac superari possunt, adeo ut conditio eorum posterior, priore fiat deterior: sequitur verè fideles, à fide & sanctitate posse excidere. Atqui verum est prius, teste Apostolo, Ergo & posterius. Verum negatur propositio: nec enim recta est illius consequentia: nam fuga & quidem vera errorum & inquinamentorum mundi, duplex est, una generalis, quæ consistit tantum in cognitione veritatis & externa relapscentia ac confessione; quæ communis esse potest electis & reprobis, seu verè fidelibus & hypocritis; altera vero propria est, quæ sita est in viva fide & sanctificatione ac relapscentia interna cordis, quæ solis verè fidelibus



competit: de qua Petrus non agit, sed de priori tantum. Ergo non immerito Propositio à nobis negata est. De qua materia copiosius in pleniori *de perseverantia Sanctorum* disputatione actum.

## C O N S E C T A R I A.

I. Ecclesie Vet. Testamenti conditio ad nostri institutionem ac consolationem diligenter consideranda est.

II. Cum in Ecclesia Vet. Test. extiterint falsi Prophetæ, talesque in Novo futuros, per Apostolos prædictum sit; non est, cur iis tanquam re novâ offendamur; nedum ut propterea à veritate deficiamus.

III. Cum hæreses sint exitiales; non solum cavendæ sunt, sed iis etiam seriò & constanter occurrendum: ideoque graviter ab illis peccatur, qui eas parvi æstimant, nec pro officio & virili iis resistunt.

IV. Cum Dominus nos sit mercatus; eum pectore, ore ac re ipsa amare ac confiteri debemus.

V. Cum hæretici sibi velox exitium accersant; non est, cur brevi eorum felicitati invidemus, aut hæreses parvi esse momenti statuamus, v. 1.

VI. Multitudo sectatorum non est certum veritatis & Ecclesie Christi *ἐκτίσις*.

VII. Heretici veritatem, quam rationibus vincere non possunt, blasphemias impetere solent, v. 2.

VIII. Avaritia hæresium comes, v. 3.

IX. Angeli ob peccatum defectionis suæ à Deo iuste puniti sunt: ergo non creati sunt mali, sed vitio suo facti tales.

X. Exempla justitiæ divinæ in peccatores, ad consolationem & institutionem fidelium servire debent, v. 4. & 6.

XI. Nec malitiam neque errores propter multitudinem sequi; nec bonos propter paucitatem contemnere debemus.

XII. Piorum est, impios non imitari, sed eos contra justitiam docere, vers. 5. & si indociles ac contumaces sint, ex animo & zelo Christiano impietatem detestari, vers. 8.

XIII. Magistratus munus in honore habendum est: ac propterea peccant rupiter Anabaptistæ, qui illud ob gladii usum, divinitus nihilominus præscriptum, Rom. 13. probrii incesunt, dum Christianæ professioni ac patientiæ contrarium esse asserunt; & ea quæ adversus privatam vindictam à Christo dicta sunt, perperam ad publicam magistratus, Dei loco justitiam administrantis, jurisdictionem rapiunt.

XIV. Turpissimum est, homines nonnullos, recta ratione contemptâ, brutorum instar, cupiditatibus abripi.

XV. Judicium rectum, rei cognitionem non prævertere, sed subsequi debet, v. 12.

XVI. Non animum solum, sed oculos etiam continentes habere nos decet, v. 14.

XVII. Libertas Christiana non in peccandi licentia, sed potius in peccati fuga consistit. Ergo impudentes imitatores sunt Libertini, qui secus docent, v. 18. & 19.

XVIII. Ut peccatorum sunt gradus; ita & pœnam, v. 20.

## C A P U T T E R T I U M.

Explicato capite secundo, quo absoluta est prædictio ac præmunio adversus opertos veritatis adversarios, qui fallaci religionis specie ac professione, veritati & sanctitati repugnant: superest jam caput tertium, in quo adversus apertos ac profanos religionis & adventus Christi ad iudicium derisores differitur. Ac primum ab anticipatione orditur, qua scopum & usum hujus etiam epistolæ declarat. Objici enim poterat à Judæis dispersis ac fidelibus; Nos habemus mentem sinceram & doctrinæ Prophetiæ atque Apostolicæ attendimus: non igitur opus est hisce epistolis & commonefactionibus hujusmo-

di. Contrà verò respondet Petrus, concedendo antecedens & negando consequentiam. Nam scopum suum esse in utraque epistolâ, non ut mentem eorum sinceram reddat; sed ut pro officio & amore suo (unde dilectos vocat) per commonefactionem, ne segnescant, excitet & in sinceritate illa confirmet, vers. 1. Cujus finis indicatur, ne fraude adversariorum inescati, doctrinæ Prophetiæ & Apostolicæ obliviscantur, sed memores illius, in officio persistent. Doctrinam autem Apostolicam vocat mandatum, ut cap. 2. v. 21. & 1. Joh. 3. 23. nimirum de fide & charitate. Quod à causa efficiente principali & ministrâ (ut pondus addatur) describit. Principalis est Dominus & Servator, nempe Jesus Christus: ministrâ verò sunt Apostoli, Petrus & reliqui. Cæterum ex hac & antecedenti sententia Bellarminus adversus perfectionem S. Scripturæ ita arguitur: Quod scriptum est, ut fideles commoneret & excitaret; illius finis est, non ut sit norma fidei integra, sed tantum ut sit quoddam commonitorium, quo retineamus ac foveamus, doctrinam vivâ voce traditam. At verò S. Scriptura scripta est, ut fideles commoneret & excitaret. Ergo non est norma fidei integra. Verum negatur Propositio, duabus de causis: Primum, quia unius rei usus possunt esse diversi; & commonefactio cum fidei norma non pugnat, quemadmodum utrumque scripturæ tribuitur, 2. Tim. 3. v. 16. 17. Deinde non omnis commonefactio est de doctrina, vivâ tantum voce tradita: nam Petrus disertè latius extendit, cum ait: *ut memores sitis verborum; quæ prædicta sunt à sanctis Prophetis*. atqui ea sunt scripta 2. Pet. 1. 19. 20. 21. omniaque continent quæ Apostoli docuerunt, Act. 26. 22. unde Paulus de eadem Scriptura loquens, omnem sapientem posse reddere ad salutem 2. Tim. 3. 15. & *virum Dei* (hoc est, Ministrum verbi Dei) ad omne opus bonum perfectum efficere; ex inductione concludit, vers. 16. 17. multo magis reliquam Ecclesiam. Ex quo etiam loco perspicue constat, assumptionem objectam esse falsam: & Scripturam non solum ad credentium fidem fovendam, monendo pertinere; sed etiam ut credentes ad fidem & salutem adducantur, Joh. 20. v. 31. Denique Pontificii à scopo aberrant: quia de Sacra Scriptura tota, non de singulis illius partibus quæstio est. Deinde quid si epistolæ Petri (quæ pars tantum S. Scripturæ) hunc haberent usum solum, ut fideles monendo confirmarent: inde tamen non sequitur, idem de integrâ Scriptura judicandum, aut etiam de Evangeliiis: nam ut libri Mosis Scripturæ V. Testamenti fundamentum doctrinæ continent; reliqui verò declarationem, & ad statum Ecclesie opportunam accommodationem: sic quatuor Evangelia, Scripturæ N. Testamenti fundamentum, omnia ad salutem necessaria continent: quæ reliquis libris ad usum Ecclesie accommodatè illustrantur. Quare nihil hîc perfectioni S. Scripturæ in dogmatis ad salutem sufficientibus detrahitur, v. 2. Hæc de commonefactionis exordium. Cui deinde succedit ipsa commonefactio: quæ quatuor partibus absolvitur, prædicatione de futuris irrisoribus, descriptione eorum, confutatione, & denique expositione officii nostri. Descriptio autem partim irrisorum mores vers. 3. partim irrisionis modum, enthymemate depingit: nempe conclusionem & probationem illius. Conclusio formam irrisionis continens, hæc est; *ubi est promissio adventus ejus?* In qua sententia *promissio* per Metonym. pro re promissa seu complemento promissionis (ut v. 9.) aut per Hypallagen Hebræis usitatissimam, *promissio adventus*, pro adventu promissionis, id est, promisso accipitur: quemadmodum antea c. 2. 18. *præsumida vanitas*, per Hebraismum pro *vanitas præsumidorum*, hoc est, tumidissima. Deinde adventus ejus, id est, *ἡ ἐλπίς* Christi intelligitur: nam ut cum Pythagorici olim de suo præceptore Pythagora loquerentur, dicebant *ἀντὶς ἰσῶς, ille dixit*, ob excellentiam præceptoris: sic hoc in loco pronomen illud de Christo accipitur; ut similiter 1. Joh. 3. 1. 2. & 3. Adventus autem illius duplex est: primus humilis, & ad subeundum pro nobis iudicium, qui antecessit: secundus verò gloriosus, & ad ferendum de omnibus universale iudicium, qui succedet, promissus, & hoc loco intelligitur. Sensus igitur irrisionis est, vanam esse promissionem adventus Christi, & inte-

interitus ac renovationis mundi. Probatio verò illius est à constanti mundi duratione, hoc modo: Hactenus mundus ab initio creationis ita ut nunc est, sine mutatione duravit. Ergò deinceps quoque semper durabit: Ideoque Christus non venit ad iudicium & mundum destruendum. Quæ argumentatio ab experientia deducta, malè concludit: quoniam de duratione illius iudicandum est ex Dei potentia, tanquam causa conservante; & Dei voluntate verbo per Prophetas & Apostolos patefacta: quod verbum æstat, mundum posse interire, & aliquando interiturum v. 4. Idque confutatione sequenti declaratur: qua & causam impiæ hujus derisionis indicat Apostolus & simul refutat: ostendit enim causam esse ignorantiam voluntariam, cum creationis v. 5. tum diluvii universalis v. 6: nam si per eum omnia sunt condita; Ergò ea per eundem possunt destitui. Deinde si terra initio creata, est aquis obruta, & Dei verbo ex illis eruta; ac deinde universali diluvio ad impios puniendos iisdem iterum operata est: ergò non omnia ita permanent, ab initio creationis: neque absurdum est statuere, Deum impios tandem mundi interitu, ejusdem sermonis potentia puniendum. Ac simul declaratur interitus instrumento & temporis circumstantiâ. Instrumentum enim statuitur ignis: cuius commodè mentionem facit objectionis anticipatione. Quia enim objici poterat, mundus aqua non amplius interibit. Ergò diluvium, cuius mentio facta, non est futuri interitus mundi, sed potius conservationis illius impostero argumentum. Ideò Petrus ostendit hoc non sequi, siquidem non diluvio, sed alia vi, nempe igne, mundus destruetur. Tempus verò describitur ab adjuncto iudicio & exitio universali impiorum v. 7. Atque hoc modo absolvitur derisorum confutatio: cui deinde adjicitur fidelium in hac adventus Christi doctrina, & recto usu illius, confirmatio: nam cum fideles ferè aut nimiam festinationem & impatientiam moræ adventus Christi: aut contrà, ignavia & securitate carnali laborent; utrique vitio, ordine & graviter medetur Apostolus: illi quidem institutione in vera fide ac consolatione: huic verò admonitione ad opera fidei, ex consideratione ac fide adventus Christi. Ac prius quidem agitur, v. 8. & 9. anticipatione objectionis infirmorum fidelium, qua querelam eorum proponit ac diluit. Objici enim poterat ab iis, impatientius miseriam suam & impiorum impunitatem ferentibus: quamvis Christus tandem ad iudicium venturus sit; tamen tardus est diutiusque adventum differt, quàm conveniret. Quæ quidem obiectio inest hisce verbis: *quemadmodum nonnulli tarditatem dicunt.* Cui opponitur responsio Apostoli constans negatione & probatione. Atque illam indicat eodem loco; *non, inquit, tardat Dominus promissionem.* Hujus autem rei probatio rationem continet duplicem. Quarum prior ex Ps. 90. v. 4. petita; & quidem vel à Dei natura æterna, apud quem Deum, id est, in quo nulla temporis longi aut brevis differentia: ideoque tarditas in eo locum habere non potest: vel à statu vitæ æternæ in cælis apud Deum, cuius comparatione omnis mora brevis est: ut *apud Deum*, intelligatur *in cælis*, v. 8. Altera ratio est à causa moræ ac dilationis; nempe Dei amore ac studio resipiscentiæ & salutis electorum: ac propterea non est cur electi de ultimi iudicii salutis suæ morâ conquerantur, cum potius salutem eorum hoc modo procuret. Similem locum videre est Apoc. 6. 10. & 11. Cæterum de electis agi ex naturâ rei & circumstantiis apparet; siquidem Petrus hoc in loco non disserit adversus impios derisores, quos antea confutavit: sed consolatur fideles, quos compellat & dilectos vocat, v. 8. deinde secum conjungit, quando ait: *patiens est erga nos:* & prædictionem adventus Christi præterea promissionem vocat, ratione fidelium, quibus adventus Christi erit salutaris; quemadmodum contrà, impiorum ratione, non promissio, sed comminatio horribilis dici diceretur. Ergò cum ait; *nolens ullos perire;* intelligit verè electos; *ullos*, nempe nostrum, ut antecedens ostendit. Et licet etiam hic agatur de reprobis, quod tamen non fit, nihil obtinerent. Nam *velle* aut decretum Dei æternum notat, quod semper fit, Ef. 46. 10. Rom. 9. 19. aut gratum habere, ut Psal. 5. v. 5. Priori autem significatione accipi non potest, quia alias reprobi servarentur.

deinde quia Petrus subicit, *velle ut ad agnitionem veritatis*, h. e. vivam fidem *perveniant* quod reprobis non fit, quia multi eorum neque ad fidem, neque ad ullam cognitionem veritatis perveniunt: idque Deo sic justè volente; cum prædicationem Evangelii ad cognitionem veritatis necessariam, ab iis arcet, Act. 16. 6. 7. aut si prædicationem audiunt; cognitionem ipsis non dat, nec dare tenetur, ut Mat. 11. 25. & 26. asserit Christus. Itaque *vult* accipi posset pro gratum habere tanquam officium, quod mandet ac probet: nam Evangelium mandat, ut saluti studeant. Ergò obiectio adversariorum vana est. Atque hac ratione perspicuè impatientia & querela, de morâ finis seculi (ad piorum in vera fide confirmationem ac consolationem) confutata est, v. 9. Verum quia alii contrario vitio laborantes, supina adventus Christi negligentia ac socordia ad peccata prolabantur: idcirco admonitionem subicit Apostolus, constantem duobus quasi gradibus; videlicet officii demonstratione & hortatione. Et illam quidem Enthymemate concludit, cuius antecedens complectitur argumentum officii geminum: nempe descriptionem duplicem: Quarum prima est diei adventus Christi, ab adjuncto: quod futurus sit repentinus & inopinatus: quod simili adventus furis nocturni adumbratur, ut Mat. 24. 43. Secunda descriptio modum interitus mundi ostendit esse conflagrationem v. 10. Consequens verò v. 12. & 13. antecedente repetito & amplificato, concludit officium nostrum: cum erga proximum, videlicet conversionem sanctam; tum erga Deum, nempe pietatis exercitia v. 11. & spem ac desiderium adventus diei ultimi & renovationis mundi. Quem mundum novum describit ab adjuncta iustitia. Novos autem cælos & terram intelligit, non ratione substantiæ (quemadmodum olim nonnulli, ut Didymus, perperam interpretati sunt, atque eo nomine hanc epistolam quasi sacris Lit. contrariam imperitè ac temerè rejecerunt) sed ratione qualitatum. Quod verò ad consequentiæ rationem attinet, h. e. connexionem consequentis cum antecedente; de priori parte & argumento nihil est dubii: nam perspicuum est, si Christi adventus repentinus & inopinatus futurus est: nos sanctâ vitâ & spe ac desiderio ad eum debere esse preparados, ut Mat. 24. 42. & 44. docetur. Ad alteram verò quod attinet partem: quidam argumentum à comparatis petunt, hoc modo; Si corruptio cæli & terræ igne purgabitur, ut regno Christi respondeant; quanto magis necessaria est hominum à peccatis purgatio. Sed rectius videtur, ut cum aliis dicamus, quando interitum mundi describit Apostolus, argumenta deduci ab adjuncto horrendo Dei iudicio in impios ultimo die: nam si ultimò die mundus conflagrabit, & impii condemnabuntur: ergo oportet nos puritati studere, ne cum mundi impiis pereamus: Deinde quando renovationem mundi proponit, argumentum desumit ab adjunctorum incolarum conditione, hoc modo; Si in novo mundo iustitia inhabitabit, nempe tantum (ideoque iniusti non habituri sunt locum) danda est opera, ut iusti simus, vers. 13. Quæ explicatio confirmatur hortatione sequenti: qua fideles argumentis ex antecedentibus petitis exstimulat. Primum ad sanctitatem vitæ: ratione sumpta, partim ab expectatione ac spe adventus Christi, & renovationis mundi; partim ab adjuncta felicitate, quam *pacis* voce denotat: nam quod nonnulli *pacis* vocem ad conscientie tranquillitatem referunt, piè quidem dicitur: sed ea, quam attuli, interpretatio uberior & accommodatior videtur: quemadmodum etiam si quis ad pacem cum proximo referat: ut Heb. 12. 14. ea sanctitati connectitur. Verum obicitur à nonnullis; qui irreprehensibiles coram Christo comperientur in die iudicii; illi legem perfectè in hac vita implent. Atqui fideles tales, teste Apostolo, comperientur. Ergò Legem perfectè in hac vita implent. Verum negatur consequentia syllogismi: quoniam quatuor sunt termini: medius enim ambiguus est. Nam *irreprehensibilis* sumitur in propositione simpliciter & per se: in assumptione verò per accidens: quandoquidem fideles irreprehensibiles erunt in iudicio extremo, non per se, jure meritoque iustitiæ, à se, sine ullo reprehensionis merito, peractæ Ps. 143. 2. sed per accidens iustitiæ Christi ex gratia imputatæ: quæ fidelium imperfectam, & cum

cum carnis lucta conjunctam obedientiam (Rom. 7. v. 22. & 23. Gal. 5. v. 17.) ideoque maledictioni, si per se, exigore legis judicetur, obnoxiam (Deut. 27. v. 26. Gal. 3. v. 10. sua perfectione tegendo perficiet. Atque hoc modo immaculati & irreprehensibiles coram Christo comparebimus ultimo die. Quo Christo Mediatore, ut personæ nostræ, sic opera nostra bona justificantur, hoc est, iusta censentur, Deo agnoscante ac probante, quod per Spiritum suum in nobis operatus est boni; & clementer ignoscante ac condonante, ob Christi satisfactionem; quod à nobis accessit, mali & contagii. Qua de re duæ cum primis consentaneæ ac memorabiles exstant sententiæ, Heb. 13. 21. *Deus perficiat vos in omni opere bono, ad præstandam ipsius voluntatem, efficiens in vobis quod acceptum sit in conspectu suo per Iesum Christum.* & 1. Pet. 2. v. 5. *Fiat is domus spiritalis, sacerdotium sanctum, ad offerendum spirituales hostias, acceptas Deo per Iesum Christum.* Neque est quod quis ex priori sententia regerat, quod Deus nos perficiat in omni opere bono: ac propterea nihil in nostris operibus sit imperfectionis: quia Apostolus loquitur, non de perfectione graduum; quâ Deo obeditur toto corde, tota anima, cogitatione ac viribus, sed de perfectione partium: quod videlicet Deus suo Spiritu regenerante ac sanctificante, in nobis obedientiam efficiat, secundum omnia præcepta sua, & operum genera; sed non ita, ut eo perfectionis gradu singula observemus quo præcepit: quoniam per sanctificationis gratiam carnis dominatum tollit, sed tamen ad humilitatis nostræ exercitium, & gratiæ suæ gloriam, luctam reliquiarum carnis relinquit, ut modò ostendimus. Deinde verò quamvis disputaui causa daremus, de utraque perfectione & partium & graduum agi: tamen non sequeretur, nihil in nostris operibus, ratione meriti nostri esse imperfectionis; sed tantum opera esse perfecta & grata, nempe ut additur *per Christum*, hoc est, intercessione iustitiæ mediatoris nostri Christi: qui mortis suæ merito nos sistet coram se sanctos, irreprehensibiles & inculpatores, Col. 1. v. 22. Quamobrem ex hoc Petri loco nihil adversus doctrinam orthodoxam Ecclesiarum nostrarum Perfectiæ concludere possunt. Cæterum nonnulli aliter respondent, negando assumptionem: quod videlicet Petrus non asserat, nos irreprehensibiles fore, sed scopum officii declararet, ad quem debeamus contendere pro virili, licet in hac vita hoc sequentes plenè non assequamur. Sed quia fideles propter inchoatam obedientiam, qua sanctitati student, & peccato feridè reluctantur; & propter accidentem gratuitam imperfectionis remissionem, per fidem etiam in hac vita irreprehensibiles dicuntur coram Deo, Luc. 1. v. 6. idcirco in priori allata responsione arbitror acquiescendum, vers. 14. Hæc de prima hortationis parte ac stimulo ad sanctitatem vitæ. Altera verò est ad fidem, fructus patientiæ & moræ Christi, quod patientia sit salus, hoc est, per Metonym. salutaris; ut antè v. 9: plenius exposuit. Idque declara: testimonio epistolæ Pauli: quem collaudat à communi religione & amore suo erga eum, & sapientia divina, h. e. à Deo accepta: laudis autem scopus esse videtur, ut falsorum doctorum calumnias refutaret, quibus Pauli auctoritatem (quasi animo & doctrina à Prophetis & à Petro reliquisque Apostolis dissideret) minuere conabantur. Quænam verò hîc epistola Pauli citetur; quæri potest. plerique ad Romanos cap. 2. v. 4. ubi similis exstat sententia; nonnulli verò epistolam ad Hebræos intelligunt: quod ea sola ad Hebræos nominatim scripta sit, quemadmodum hîc dicitur: *scripsit vobis*: scil. Hebræis; quemadmodum etiam Petrus ad Hebræos seu Iudæos, scribit: deinde quod pluribus & gravissimè hæc hortatio in epistola ad Hebræos c. 9. 28. & c. 10. 35. 36. 37. 38. 39. & cap. 11. & 12. declaratur. Utraque probabilis explicatio est; sed posterior; quam noster proponit interpres, & alii nonnulli sequuntur, videtur magis convenire. Hæc de vers. 15. & testimonio Pauli; quod à similibus reliquarum epistolarum dictis generatim amplificatur: nam scandalo occurrit eorum, qui Pauli scriptis in hoc argumento & similibus abutebantur. Occurrit autem bifariam; declarando primum rerum quarundam difficultatem: deinde imperitorum & in-

stabilium hominum, in iis detorquendis perversitatem: quemadmodum etiam de ea re conqueritur Paulus, Roman. 3. v. 8. 2. Thess. 2. v. 2. Quam perversitatem ab eorum in reliquis Scripturas injuria atque impietate illustrat, & à consequente effecto, nempe exitio describit: ut iis modis occasionem contemptus Pauli tollat Apostolus, & corruptores illos ac depravatores fugiendos esse ostendat, v. 16. Hactenus de Tractatione seu secundâ principali hujus epistolæ parte egimus. Tertia verò ac postrema est illius conclusio brevis, constans primùm repetitione hortationis universalis, cum ad fugam errorum & constantiam in officio vers. 17. tum ad incrementum in fide; deinde celebratione Christi, vers. ultimo.

## C O N S E C T A R I A.

I. Fidelium Evangelii ministrorum est, Ecclesiam diligere, & salutaris doctrinæ repetitione, in officio confirmare.

II. Sacræ literæ non solum imperitis instituendis; sed etiam peritis stabiliendis conscriptæ sunt: ac propterea iniqui sunt in Deum & salutem suam, qui vanâ scientiæ opinione inflati, eas negligunt.

III. Fideles rectè sentientes crebrâ commonefactione excitandi sunt, ne carnis ignaviâ, & torpore quodam deficiant, v. 1.

IV. Ad agnitæ veritatis & sinceræ doctrinæ conservationem, & hæreticorum fugam, Prophetiæ & Apostolicæ doctrinæ memoria præsentissimum remedium est.

V. Cum Petrus (quemadmodum etiam reliqui Apostoli & Iesus Christus) Christianis memoriam doctrinæ Prophetiæ commendat; sequitur eos errare turpiter, qui Prophetis nullum in Ecclesia Christiana instituenda locum concedunt, v. 2.

VI. Impunitas vitæ, impietatis comes, v. 3.

VII. Epicureismi causæ potissimæ sunt, quod homines profani suis cupiditatibus addicti, & neglecta Dei, naturæ authoris & gubernatoris potentia, in naturæ ordinarium cursum tantum intenti sunt, v. 3. & 4.

VIII. Cum profana, adventus Christi, & religionis omnis derisores, ignorantia non simplici, sed (ob contemptum verbi cogniti) voluntariâ blasphemi sint; criminis eorum atrocitas ignorantia hac non minuitur, sed contrâ augetur, v. 5.

IX. Impii tandem adventu Christi certò damnabuntur: quamobrem causa non est, cur temporariæ eorum felicitati, vel tantillum invidemus, Ps. 37. & 73. nedum ut illa quasi illecebrâ allekti, impietatem eorum sequamur, vers. 6.

X. Querelarum adversus Dei promissiones, causa sæpè est, quod Dei naturam & providentiam, sacris literis abunde explicatam, minimè, ut par erat, considerent. Quare potius seipsos, quàm Deum ipsum accusare debent, vers. 8. & 9.

XI. Exitii æterni remedium in hominibus à Deo adhuc averfis, est conversio & resipiscentia: quam Deus in electis opportunè procurat, vers. 9.

XII. Cum Christi adventus futurus sit repentinus & inopinatus; cavendum est sedulò, ne aliqua morè illius diuturnioris opinione, ad peccandi licentiam abutamur.

XIII. Cum dies ille adventus Christi fidelibus sit sperandus, utpote futurus salutaris; inde omninò apparet, eos in fidem & spem Christianam peccare, qui fidelibus horrendum eum diem esse statuunt vers. 12.

XIV. Cum cælum novum ac terram novam secundum promissionem expectemus, vers. 13. inde colligitur cœli præteritionem ac mundi conflagrationem talem non debere intelligi, qua omninò in nihilum redigantur ratione substantiæ; sed eam, qua mutabuntur ratione qualitatum: ut plenius demonstratum est, Matth. 24. & Rom. 8.

XV. Pauli scripta sunt divina, v. 15. & 16.

XVI. Sacrarum literarum detorsio adfert exitium. Ergo ea nec admittenda, nec tanquam res levis parvi estimanda est, vers. 16.

## DE DESCENSU CHRISTI AD INFEROS

appendix, contra Pontificios & impri-  
mis Bellarminum.

**Q**uoniam Pontificii obscurum illum Petri locum primæ epistolæ cap. 3. vers. 18. de Christi ad infernum descensu proprio exponunt, eumque mirificè ad sententiâ Orthodoxam oppugnandam jactant: propterea de hoc argumento nonnulla dicemus, & quæ præterea ad eum errorem stabiliendum, ab adversariis proferuntur, diluamus. Ut autem ordine ac perspicuè differamus, quid *Infernum* significet, prius explicandum est paucis, ne ambiguitate vocis implicemur. Hebræi infernum vocant *שְׁאוֹל* quod à themate *שָׁו*, hoc est, *petere, desiderare*, derivatum est: ac propriè sepulchrum notat, sic appellatum, ex communi Grammaticorum sententia, quod cadavera in eo consumantur; aded ut feræ instar, nunquam satiari, sed quasi perpetuò, aperto ore, plura cadavera appetere videatur: ut Etymologia hæc confirmatur Prov. 30. vers. 15. *Tria sunt insatiabilia, imò quatuor, non dicentia*, sufficit; *sepulchrum* *שְׁאוֹל* &c. & Prov. 1. vers. 12. *absorbebimus eos ut* *שְׁאוֹל* *sepulchrum* *virgos & integros, ut descendentes in foveam*. Sic etiam accipitur 1. Reg. 2. vers. 9. *descendere facies camitiem ejus in sanguine ad* *שְׁאוֹל* *sepulchrum*. Unde per Metaph. ac translationem ob horrorem, foetorem ac corruptionem, quæ in sepulchro est, similitudine quadam, pro horribili damnatorum loco accipitur. Cui voci Hebrææ, significatione responderet Græca *ἀδης*, quasi *locus aīdēs invisibilis, luce carens*; quippe & pro inferno damnatorum loco, Luc. 16. 23. & pro sepulchro accipitur: ut usus illius vocis apud 70. Bibliorum interpretes probat. Tertia significatio est, ut humiliationem summam, & dolores infernales notet, ut 1. Sam. 2. v. 6. *Dominus deducit ad infernum, & reducit*; & Psal. 16. & ex eo Acto. 2. 27. *non relinques animam in* *שְׁאוֹל* *inferno*: de quo loco postea. His jam præmissis quæritur; An Christi anima post mortem, propriè ad infernum, damnatorum locum descenderit, nec ne? Pontificii asserunt; nostri negant; primum quoniam S. Literis non traditur: deinde quia illis adversatur. Ac prius quidem ex refutatione argumentorum, quibus innituntur, constabit. Adferunt autem Scripturæ ex utroque Test. testimonia: sed, ut de nonnullis scribit Petrus 2. ep. c. 3. Scripturæ depravatione ac detorsione. Nam ex V. T. producunt primum ex Psal. 107. v. 16. *contrivit portas æneæ, & vectes ferreos confregit*. Sed nihil ad rem: quia agitur de liberatione ex Ægypto, ut adversarii quoque fatentur. deinde etiam si typicè de liberatione ab inferno per Christum, esset sermo: tamen non inde sequeretur, illud factum esse animæ Christi descensu, sed personæ merito & potentia divinitatis. Alter quem obijciunt, locus, est ex Ecclesiastico cap. 24. ubi sapientia Dei sic loquitur: *Penetrabo omnes inferiores partes terræ; Inspiciam omnes dormientes. & illuminabo omnes sperantes in Domino*. Sed neque illud ad rem. Primum, quia non ex S. Scriptura, sed libro Apocrypho: quem neque Ecclesia ante Christum Iudæica, neque Patres Orthodoxi ad Hieronymi usque tempora, pro libro S. Scripturæ agnoverunt: quique etiam cum Græcè scriptus sit, ad Canonem Scripturæ V. T. pertinere non potest: neque Propheticus est, ideoque hoc testimonium ex libro Apocrypho desumptum, nullius est momenti. Deinde error etiam est manifestus; quia in Græco contextu, è quo Latina versio traducta est, non exstat, ut etiam adversarii fatentur. Quare omninò hoc argumentum alienum est. Tertius locus est Zach. 9. v. 11. *Tu autem in sanguine Testamenti, eduxisti vinctos de lacu, in quo non erat aqua*. Sed nihil etiam evincit: quoniam Latinus interpres non rectè sententiam vertit: nam primum vox illa *Tu* apud Hebræos, est scēminina nempe. *אֲנִי*, & ad Hierosolymam refertur. Deinde non est vertendum *eduxisti*, sed *eduxi* aut *emisi*. Ad verbum enim ita rectè interpretantur nonnulli; *Etsiam tu* (nempe Jerusalem) *in sanguine fœderis tui* (supple *es*) *emisi vinctos*. Ad sensum verò quod attinet, Propheta agit de liberatione ex captivitate Babylonica: ad

cujus spem & fiduciam excitat ac consolatur, fœderis per Christi Regis sanguinem, initi ac firmati mentione: quemadmodum eo quasi fundamento omnes promissiones tam corporales quàm spirituales, in V. T. fundatæ ac firmatæ fuerunt. Deinde ut demus etiam agi de liberatione ex inferno & servitute Sathanæ, tanquam re adumbrata typo liberationis externæ: tamen non inde sequeretur proprius animæ Christi ad inferos descensus; quoniam nihil aliud significabitur, quàm quod Col. 1. v. 13. dicitur: *Qui eripuit nos de potestate tenebrarum, & transfudit in Regnum Filii dilectionis suæ*: nam infideles qui in his terris versantur, vincti dicuntur & in carcere, per Metaphoram, Esa. 61. v. 1. & Luc. 4. v. 18. quod peccati vinculis constricti, æternæ damnationi obnoxii sint: à quibus merito & efficacia Christi, per fidem liberantur, Col. 1. 21. 22. & c. 2. 12. Quamobrem hæc loca, ex V. Test. petita, adversariorum sententiam nequaquam confirmant: quemadmodum neque illa, quæ ex Novo proponunt. Ea autem sunt sex numero. Primus locus est, Matth. 12. *Sicut Jonas fuit in ventre ceti tres dies & tres noctes: sic erit filius hominis in corde terræ*, hoc est, ut obijciunt, in inferno. Nam quod nostri expositionem illam ut alienam statuunt, & sepulchrum exponunt; excipiunt adversarii, similitudinem huic interpretationi obstare: cor enim in profundissimo animalis esse situm: at sepulchrum Christi videri fuisse supra terram. Deinde si Jonas, inquit, vivus fuit in ventre ceti: ergò aliquid vivum in Christo, nempe anima debet fuisse in corde terræ. Non igitur cor terræ sepulchrum, sed infernum designabit. Verum ad prius illud à nostris rectè responderetur; *cor* pro interiori spacio sumi generatim, ut Prov. 30. 19. *via maris in corde maris*. atqui certum est, navem non profundissima penetrare, sed summa tantum maris. deinde Ezech. 27. Tyrus dicitur sita in corde maris: cum tamen non procul à continente distaret. Deinde falsum est, Christi sepulchrum, quod è petra excisum erat, supra terram exstitisse: quis enim rupes & petras terræ partes esse unquam negavit? Ad exemplum verò Jonæ quod attinet, negatur consequentia; quia similitudo latius extendi non debet, quàm scopus dicentis patitur; alioqui dici posset eodem modo differendi: Si Jonas corpore per triduum fuit in ventre ceti. Ergò & Christus corpore in corde terræ, hoc est, in inferno, ut adversarii exponunt, manserit. Quare hic locus alienus. Secundus verò est Act. 2. *non relinques animam meam in inferno*. Sed duplex nostrorum responsio est. Primum quidam ajunt, animam synecdochicè, pro corpore animato: & deinde per catachresin pro corpore mortuo usurpari, ut Lev. 21. vers. 1. & 11. deinde infernum hic sumi pro sepulchro. Sed adversus utrumque excipitur. Primum enim negatur ab adversariis *ψυχήν animam* tam latè patere, atque *שְׁאוֹל*. Verum id confutatur à LXX. Interpretibus Lev. 21. 1. Deinde obijciunt, cum anima opponitur carni, non potest accipi pro corpore. Atqui hic opponitur carni. Ergò non potest accipi pro corpore. Sed assumptio negari posset; quod videlicet anima non opponatur carni, sed cum ea ponatur ac jungatur, Synonymia quadam, eodem sensu, ut differentia tantum sit in diverso attributo. Duo enim sunt, quæ de anima, seu carne dicuntur: primum quod Deus eam non relinquet in sepulchro: alterum quod non videbit corruptionem, hoc est non experietur seu non corrumpetur: quæ duo reliquis corporibus eveniunt. Veruntamen in hac responsione tota multa ponuntur, quæ à recepta significatione declinant: ac propterea altera deinde ac solidior, ad primariam objectionem responsio est, infernum hîc intelligi (ut antè indicavi) significatione tertia, pro humiliatione summâ & doloribus inferni, quos *dolores mortis* Petrus appellat, ibidem Act. 2. vers. 24. quos Christus ante mortem pertulit; quique morte sunt soluti, ut mors resurrectione. Quæ duo ordine indicantur, cum ait: *Non relinques animam meam in inferno; neque dabis, ut Sanctus tuus videat*, hoc est, experietur, corruptionem: quod idem repetitur distinctè vers. 31. Ideoque temerè hæc non sunt confundenda. Atque hoc modo nihil obtinent Pontificii: quia *descensus ad inferos*, aut *esse in inferno*, pro subiectâ materiâ, modò propriè accipi potest; modo metaphoricè,



phoricè, quemadmodum Christo convenit: cujus anima Patris manibus excepta, non minus quàm commendata à Christo; quæque cum converso latrone eodem die fuit in Paradiso, quæ ad infernum accommodari non possunt: etsi enim Deus in inferno etiam habeat manum potentiæ ac præsentis; manum tamen gratiæ paternæ non habet. Tertius porro ex Novo Testamento locus, qui ab adversariis opponitur, est Rom. 10. *Ne dicas in corde tuo, quis descendet in abyssum? id est Christum à mortuis revocare.* Ergò inquirunt, Christus fuit post mortem in abyssu, hoc est, inferno. Sed negatur consequentia. Nam abyssus hic notat mare, ut ex Mose, quem Paulus citat, apparet. Sensus autem loci genuinus videtur esse huiusmodi: ne dixeris in corde tuo, quis adscendet in cœlem, scilicet. *ut ex eo cognoscamus legem, eamque præstemus*: nam hoc esset Christum quasi ex alto deducere, & negare eum à cœlo descendisse, ut legis genuinum sensum nobis aperiret, & præstandi viam patefaceret: aut quis descendet in abyssum, hoc est in mare navigio, ut ex locis remotissimis cognitionem legis, & præstandi facultatem nobis suppeditet? hoc enim esset Christum quasi à mortuis reducere ac negare eum mortuum pro peccatis, & resurrexisse ad justificationem nostram, & ut missis Apostolis nos plene erudiret: nam propinquum est verbum Euangelii, quo enunciatur usus legis & impletio illius offertur in Christo. Quartus locus est Eph. 4. *Qui adscendit, ipse est qui descendit, in inferiores partes terræ*, hoc est, inquit, infernum. Sed respondetur bifariam. Primum inferiores partes terræ, non denotare infernum, sed terram, quæ per appositionem sic appellatur; inferiores enim partes dici relatè, non cum aliis partibus terræ; sed cum cœlo: & descensum metaphoricè denotare incarnationem quâ patefactus est in terra. Altera responsio est, quamvis relatio comparationis esset inter partes terræ; tamen infernus non esset intelligendus, sed sepulchrum: ut sit sensus, quod non solum incarnatione se demiserit Dei Filius in terram, sed etiam ad mortem & sepulchrum: quod partes inferiores merito dici potest ratione superioris superficie. Nam quod obijciunt adversarii; Sepulchrum Christi fuisse non in terra, sed in excisa rupe supra terram: illud antea à nobis refutatum est. Deinde quod ajunt à Paulo addi, *ut adimpleret omnia*, id est, omnia loca omnesque regni sui partes, quod tripartitum est, cœlum, terra, infernus: illam expositionem negamus. Nam sensus est, ut impletet omnia membra Ecclesiæ donis: vel ut compleret omnia quæ de se ipso scripta, erant: vel ut omnia perficeret, ut Eph. 1. vers. 13. quemadmodum etiam Gagnejus Parisiensis Theologus exponit. Et res ipsa docet, de impletionem omnium locorum intelligi non posse, ratione animæ Christi: quia anima Christi nec cœlum, nec terram, nec infernum unquam implevit, neque per naturam definitam implere potuit. Nec quicquam probat, quod præterea ex epist. ad Philipp. cap. 2. (ut in nomine Jesu omne genu flectatur cœlestium, terrestrium, subterraneorum) obijciunt. Ergò in locis subterraneis sunt aliqui spiritus humani, qui Christo reverentiam exhibere debent: & ad eum locum Christus descendit, ut se totius mundi Regem ac Dominum declararet. Infirma enim consequentia est. Subterranei enim non sunt spiritus hominum, sed dæmones, qui Christo tantum vero Deo exhibent ferverentiam, non voluntariam, sed coactam, Marc. 5. 6. ad quam rem non opus fuit animæ Christi ad inferos descensum. Leviculum etiam est quod obijciunt; genuflexionem dæmonibus non posse competere: quasi verò hæc vox propriè accipiat, & propriè spiritibus humanis queat convenire: perspicuum enim est per Metaphoram quandam eâ voce subjectionem & honoris exhibitionem declarari. Quintus locus est 1. Pet. 3. *in quo (Spiritu) his qui in carcere erant, spiritibus, veniens prædicavit.* Sextus & ultimus 1. Pet. 4. *Ideo & mortuis prædicatum est Evangelium, ut judicarentur quidem secundum hominem, carne: vivunt autem secundum Deum, spiritu.* Sed neuter locus ad animæ Christi descensum ad inferos pertinet: nam non dicitur in Græco (ut ostendimus) *qui in carcere erant*, sed *is qui in carcere*, nempe sunt. Deinde quod mortuis Eu-

angelium annunciatum dicitur; Mortui aut intelliguntur propriè de vita corporali privatis: & sensus erit, iis, nec in cœlo, nec in inferno, sed adhuc in terris existentibus annunciatum Evangelium (*Mortui vox*, prædicationis objectum describit à consequuta morte, id est, iis qui jam mortui sunt, non autem tempus prædicationis: quemadmodum dicitur Christum judicaturum vivos & mortuos: non quod mortui futuri sint, cum judicabit, sed quod antè.) Aut Mortui intelliguntur non propriè, sed impropiè per Metaph. pro infidelibus; ignorantia & vitiositate mortuis, ut in explicatione illius loci ostendimus: atque etiam hoc modo nihil ad rem. Deinde si vera esset adversariorum sententia; duo inter cætera sequerentur absurda; primò in inferno esse prædicationem & conversionem, quod falsum esse ostenditur, Gal. 6. 10. *dum tempus habemus, operemur bonum.* quo loco apertè indicatur, non esse post hanc vitam locum pœnitentiæ & reconciliationis; ut fatetur Bellarmin. controvers. 2. lib. 4. c. 16. Huc etiam pertinet celebris illa Apostoli ad Heb. 9. vers. 27. sententia: *Omni bus statutum est semel mori, & post judicium.* cujus scilicet initium ab anima est; consummatio verò in corpore ultimo die. Atque huc etiam refert Bellarm. locum 2. Cor. 5. *Omnes stabimus ante tribunal Christi, ut referat unusquisque propria corporis*; quod plenius Apostolus ait: *τὰ δὲ σώματα ἡμῶν*. Alterum absurdum est, quod Pontificii ajunt, animas piorum fuisse ante Christi adventum in limbo inferni superiori. Statuunt enim Infernum dividi gradatim in quatuor loca, infimum locum esse æternis pœnis destinatum, ubi pœna est damni gloriæ cœlestis, gratiæ Dei & pacis conscientiæ; & pœna sensus, cruciatus infernalis: qui locus reprobis destinatus ac proprius, qui sceleribus suis sunt promeriti; unde nulla sit liberatio. Reliqua autem tria spacia inferni sic distinguunt, ut locus, infimo inferno proximus, sit purgatorium: in quo eodem igne infernali crucientur animæ, quæ à peccatis suis venialibus, nondum plenè purgatæ, eò descenderunt; ut purgentur, satisfactione illarum pœnarum, ut tandem in cœlum purificatæ adscendant. Reliqua verò duo spacia superiora inferni vocant *Limbo*, hoc est, oram seu extremitatem duplicem. Proximum enim purgatorio limbum, statuunt esse locum pœnæ damni gloriæ cœlestis, non autem pœnæ cruciatus seu sensus. In quo limbo statuunt infantes, sine baptismo mortuos, perpetuò mansuros, sine liberationis spe. Alterum denique ac supremum limbum, statuunt esse locum, in quo omnes sancti Patres, post mortem, usque ad Christi adventum fuerunt; unde per Christum liberati jam sint: adeò ut locus ille seu limbus Patrum sit vacuus; in quo limbo Patres habuerint pœnam, non sensus, sed tantum damni, & quidem temporalis, non æterni, ut de Limbo infantum supra dictum. Verum ut hæc è locis Scripturæ, ineptè detortis, elicere conantur: probare tamen non possunt; cum Scriptura Sacra duo tantum loca nōrit animarum post mortem: *cœlum* servandis; *infernum* perituris. Obijciunt quidem exempla nonnulla ex utroque Testamento; sed quæ omninò aliena sunt. Ac primum Iacobi & Iosephi Gen. 37. *descendam ad Filium meum in infernum.* Sed facilis est solutio; vocem *אֵלֶּי* hinc sepulchrum notare, non infernum, & agi de statu corporis, non autem animæ: nam quod obijcitur, Iosephum filium, opinione Iacobi, cujus hæc verba sunt, non fuisse sepultum, sed à fera devoratum: verum est, propriè non sepultum censuisse, sed tamen sepultum quodammodo Metaphoricè, quod feræ intestina censeret instar sepulchri. Deinde quod etiam afferunt ex 1. Sam. 28. *Samuelem è terra adscendisse post mortem*; ideoque non fuisse in cœlo, sed in inferno: illud vanissimum est: quia Samuelis nomine per Metaphoram, ob similitudinem figuræ, dæmon appellatur. Nota est enim Metaphora, qua id quod alicui simile est, eo nomine appelletur sæpius: quemadmodum pictura ac similitudo Platonis, Plato dicitur: & Angeli duo, qui Abrahamo apparuerunt specie virorum, viri appellantur. Res ipsa quoque hoc evincit: quia pugnat hæc expositio contra statum piorum mortuorum, qualis fuit Samuel: nam *nulla est condemnatio iis, qui sunt*

sunt in Christo Jesu, Rom. 8. v. 1. Ergo in limbo inferni non luerunt pœnam damni gloriæ ad Christi adventum. Deinde ad Coloss. 1. v. 13. asserit Apostolus fideles esse liberatos à potestate tenebrarum, hoc est, diaboli & inferni, in quo tenebræ exteriores. Ergo pœnam damni gloriæ non luerunt in inferni limbo. Præterea repugnat etiam Apocalypsi Johannis cap. 14. v. 13. nam *Beati illi sunt, qui moriuntur in Domino: nam requiescunt à laboribus suis, & opera eorum* (id est, merces operum) *sequuntur eos*. Ergo non luunt pœnam damni in inferno, neque privantur longo tempore, mercede operum cœlesti. Præterea repugnat etiam iis, quæ Esaias c. 57. 2. asserit; nempe cum docet, *pios justos mortuos, pacem habere, & requiescere in suis cubilibus*. Atqui qui pacem habent, illi non habent pœnam damni gloriæ. Deinde pugnat etiam hæc sententia contra analogiam fidei: nam sequeretur dæmones & homines necromanticos, habere potestatem in animas piorum defunctorum, ac pro arbitrio evocare: quo nihil indignius dici potest, cum fi-

deles morientes ac vivi sint in manu Dei, & liberati à potestate Sathanæ. Denique non consentit historia cum adversariis: nam Samuel, de quo sermo est, visus fuit à Pythionissa, sed anima Samuelis videri non potuit: quia incorporea, utpote Spiritus. Quibus addo, & illud refutare Pontificios, cum dicitur, v. 19. *Cras eris mecum, tu & filii tui*. Atqui Saul non potuit esse cum Samuele: quia imo inferno adjudicatus jam erat, & nullum est commercium inter sinum Abraham & infernum, nullus adventus eò ex inferno, ut Luc. 16. docetur. Denique quod obijciunt, Lazarum Luc. 17. in inferno fuisse, absurdum est: dicitur quidem divitem fuisse in inferno, & illinc Lazarum sublati oculis vidisse; sed non illic: ut etiam Stephanus in terra & è terra, Christum in cœlo existentem, contemplatus est, Actor. 7. Atque hæc ad objectionem è parabola Lazari, & explicationem quæstionis de descensu Christi ad inferos.

## FINIS EXPLICATIONIS EPISTOLARUM PETRI.

# ANALYSIS PRIMÆ EPISTOLÆ JOHANNIS.

**E**xplicatis hætenus duabus Petri epistolis Catholicis; reliquum est, ut tres Johannis, quæ supersunt, pro modulo nostro illustremus. Eæ autem scriptæ sunt, partim certis personis nominatim, ut duæ postremæ: partim Ecclesiis multis, ut prima, de qua nunc acturi sumus. Et ut à descriptione exordiamur; *Ea est, Divinum Novi Testamenti scriptum, à Johanne Apostolo fidelibus exaratum, quo omnes, fidei Religionis Christianæ institutione, & variis hortationibus ac consolationibus, in officio continere, & contra adversarios illius præmunire studuit: ut in communionem cum Ecclesia & Deo Patre ac Jesu Christo, & consolationem Christianam confirmaret, ad perpetuam Ecclesiæ Christianæ edificationem, & Dei in Christo gloriam.* Unde hujus Epistolæ scriptor, objectum, occasio, materia, & finis, cognoscuntur: de quibus ordine pauca dicenda sunt. Scriptor enim Iohannes, Apostolus & Euangelista: cujus historiam (ut Euangelia & Acta Apostolorum præteream) recensent Eusebius histor. Eccles. lib. 3. cap. 1. 18. 20. 25. & 28. & Hieronymus tom. 1. in Scriptor. Ecclesiasticorum catalogo. Quibus accedit Pseudo-Dorotheus in Synopsi. Hunc autem Iohannem Apostolum, esse hujus Epistolæ scriptorem ut controversia caret, sic etiam arguit styli & materiæ summa, cum reliquis Johannis scriptis convenientia, & perpetuus & ab initio Ecclesiæ Christianæ, imò & hostium, qui id negare non sunt ausi, consensus. Objectum verò cui hæc epistola est destinata ac missa, sunt fideles cap. 2. vers. 4. & 2. vers. 12. 13. 14. & 5. v. 13. Quos quidam Judæos fuisse arbitrantur ex hujus epistolæ cap. 1. vers. 1. quod Iohannes se cum iis, quibus scribit, à mundo, hoc est, reliquis gentibus mundi distinguat: quemadmodum factum Rom. 11. v. 12. Alii tamen non temerè totam Ecclesiam, ex Judæis & gentibus constantem intelligunt: idque duabus de causis. Quarum prima est, quod doctrinæ & circumstantiæ epistolæ communiter ad omnes omnium nationum & conditionum fideles pertineant. Nam quod Iohannes secum iis, quibus scribit, à mundo distinguit; dici posset, *mundi* nomine intelligi electos adhuc infideles in toto mundo dispersos, per Christum redemptos & ad fidem vocandos; vel ut omnium temporum fideles ob initio mundi intelligantur. Altera causa est, quod hoc scriptum, quamvis & olim, & nunc vulgo Johannis Epistola appelletur & ita inscribatur, videri queat, potius esse *brevi quadam Christianæ doctrinæ epitome, & Evangelii à Ioanne scripti,*

*succinctum Enchiridion; cui adhortationes quædam, pro communis Ecclesiæ conditione sint adjectæ.* Idque eo probant verisimiliter, quod hoc scriptum non inchoetur inscriptione ac salutatione; nec concludatur salutatione aut valedictione ulla: quod tamen in epistolis solemne est, & à Joanne, cum in consequentibus, tum in Apocalypsi observatum: nam licet epistola ad Hebræos careat inscriptione ac salutatione in initio, & epistola Iudæ in fine; nulla tamen utrimque, ut hoc in loco apparet. Cæsar verò Baronius annalium tomo primo, anno 99. aliter sentit: conjicit enim, titulum seu inscriptionem initio hujus epistolæ fuisse à Ioanne præmissum: ex quo constaret, *quis ac quibus* scripsisset, sed temporum injuria, titulum intercidisse. Quæ audax omnino conjectura; & ratio, qua eam probat, inanis: nam quod ait; *à majoribus Higinio epistola prima, & Augustino, in quæstionibus Novi Testamenti quæst. 39. hoc titulo citatur, Ioannes ad Parthos: quod quomodo scissent, nisi titulus ejus, qui dedit & ad quos data, demonstrasset?* Illud, inquam, facile refutari potest: nam ad antecedens quod attinet, falsum est Higinum & Augustinum, citare epistolam hanc eo titulo: nam scripta illa, quæ obtendit, sunt pseudepigrapha & adulterina: nam epistolæ illæ Romanorum Pontificum præcorum (inter quas illa Higinio adscripta) quæ in Conciliorum tomis recensentur, styli & materiæ absurditate à scriptoribus illius ævi, omnino dissentiant. Ex qua re adulterinas esse, vel adulteratas, meritò ab Orthodoxis concluditur. Deinde quæstiones illas Novi Testamenti, non esse Augustini, imò ne Catholici quidem scriptoris, non solum gravi sua censura probavit Erasmus; sed etiam approbat ac multis demonstrat Bellarminus contrav. tom. 3. de gratia primi hominis c. 1. Deinde aut error numerorum est: aut memoriæ, quod caput 39. citat, quoniam illo in loco, Ioannis non meminit omnino, & an alibi Ioannis ad Parthos mentionem faciat, dubito. Deinde etsi valeret antecedens, infirma tamen est consequentia: quia alia esse potuit causa, quam Ioannis iudicium & titulus, cur hanc epistolam ita appellavit: ac fortasse, quod (ut sibi parum consentiens ait Baronius) cum apud Parthos prædicavit Euangelium, etiam ad eosdem scripsisse putaretur. Quamvis (ut de hac re etiam aliquid dicam) non video, unde probare possit Baronius, certò Ioannem prædicasse Euangelium apud Parthos: præsertim cum illud distinctè tribuatur à veteribus, non Ioanni Apostolo, sed Thomæ: quemadmodum ex Origine tradit Eusebius hist. Eccles. lib. 3. c. 1. & Dorotheus in Synopsi. Pro-

fi. Probabilior quodammodo esset conjectura Ioannis Lorini Iesuitæ; nempe videri posse hanc epistolam Ephesiis scriptam, quod ibi diutius vixerit ac sepultus sit. Quare meritò Baronii conjecturam non admittimus. Porro ut ab Objecto, ad Occasionem scripti transeamus, ea videtur fuisse periculum Ecclesiæ geminum. Primum externum, à religionis Christianæ adversariis, partim apertis ac persecutoribus, c. 3. 1. & 13. partim opertis ac seductoribus hæreticis cap. 2. 18. 19. 22. 26. & 4. 1. Quales hæretici (ut ex Eusebio, Epiphano, aliisque veteribus scriptoribus apparet) fuerunt illi qui impugnarunt Christi personam, aut Christianorum officium: ac personam quidem Cerinthus & Ebion, qui divinam: & Basilides Simonis Magi discipulus, qui humanam Christi naturam, negarunt; adeo ut illi Christum non ab initio mundi & ab æterno existisse verum Deum, sed contra ψιλὸν ἀνθρώπου, hominem tantum ex Maria natum, neque prius existisse assererent: Hic verò non verum hominem, nec verè natum, passum, crucifixum, sed speciem tantum externam corporis habuisse, contenderet. Christianorum verò officio adversati sunt Nicolaitæ, qui scortationem & idololatriam sectabantur. Apoc. 2. 6. & 15. Secundum periculum fuit internum, in Ecclesiæ visceribus latens, & ortum ab Ecclesiæ visibilis membris, & Christianis, à recto aberrantibus, qui fidem & charitatem iniquè separabant. Alii enim fuerunt Libertini, qui cognitione Dei, & inani fidei professione freti, de adoptione in filios, communione cum Deo & Christo, remissione peccatorum, iustitiâ sua, & amore erga Deum gloria bantur, & charitate neglecta, peccatis serviebant, cap. 1. 6. & c. 2. 4. 6. 9. & c. 3. 7. & 4. 20. Alii hypocritæ, qui inani virtutum fiducia superbi, sese non habuisse, aut non habere peccatum; (contra veræ fidei naturam, & veritatis ac misericordiæ divinæ gloriam) iactabant c. 1. 8. & 10. Ex quibus omnibus materia hujus epistolæ facillè cognosci potest. Continet enim brevem religionis Christianæ institutionem & hortationes varias eò pertinentes. Proponit enim primum doctrinam de Deo, uno essentia, trino personis, 1. Joh. 5. 7. ac potissimum de secundâ personâ, Filio Dei: cujus cum personam, divinâ & humanâ naturâ, inseparabili unione constantem, c. 1. v. 1. & 2. & c. 4. 2. & cap. 5. v. 20. tum officium ac beneficium redemptionis c. 1. 7. & cap. 2. v. 1. 2. & c. 3. v. 5. 8. & c. 4. v. 9. 10. & 5. 1. & 20. declarat. Deinde alteram addit doctrinam, de nostro, erga Deum Patrem & Filium ejus redemptorem officio, ac notis filiorum Dei, nempe fide vivâ in Christum, c. 5. 1. 10. 13. & sanctitate vitæ, cum generatim, tum speciatim, ac præsertim charitate in proximos. Atque hanc Christianæ religionis ac sanctæ Theologiæ brevem institutionem amplificat, insertis variis hortationibus, quibus ad officii studium, & adversariorum fugam extimulat; quorum omnium finis est, fidelium in verâ fide & sanctitate, & in communione cum Ecclesia & Christo, confirmatio & consolatio, c. 5. 13. & 1. 3. 4. & c. 3. 1. 2. 13. Atque hæc de Epistolæ descriptione. Ad divisionem verò quod attinet, ea ut reliquæ, tribus constat partibus, Exordio c. 1. ad v. 5. usque; Traditione, ac potissimum, Quæstionis de notis filiorum Dei, eorumque officio, à c. 1. v. 5. ad cap. 5. v. 13. & Conclusionem, inde ad finem Exordium autem doctrinæ Apostolicæ præstantiam declarat tribus modis. nempe materiæ dignitate, certitudine & utilitate: primum ad attentionem, medium ad docilitatem, ultimum ad benevolentiam comparandam pertinet. Quorum duo priora, orationis subjecto continentur: tertium verò attributo, v. 2. annectitur. Ac subjectum quidem proponitur v. 1. & exponitur v. 2. Ac primum materiæ dignitas in Christo sita est, quem se & Apostolos reliquos annunciare asserit Joannes; Christi autem personam, distinctione duarum naturarum, & earundem personali unione explicat ac describit, eodem ferè modo (quamvis contractiori) quo in Euangelii sui initio. Quippe naturam divinam indicat Apostolus, primum ab æternitatis proprietate, cum ait: *Quod erat ab initio*; nempe mundi, ut Joh. 1. 1. demonstratum: nam si à principio mundi non esse cœpit, sed erat sermo: ergò principio temporis caret; cum ante principium illud sola fuerit

æternitas; ideoque verus est Deus. Neque obstat, quod neutro genere dicitur *ὁ ἦν* pro *τὸν ὁ ἦν* id quod erat: quia neutrum genus potest non solum de re, quæ non est persona, intelligi; sed etiam de re, quæ persona: quemadmodum hac epistola cap. 5. v. 4. *ὁ ἦν τὸ πρῶτον* pro *ὁ ἦν* accipitur, ut etiam Ioannes cap. 3. v. 6. sic hoc loco *ὁ ἦν* quod erat pro *qui erat* à principio. sic enim λόγος Filius Dei, qui erat in principio Ioan. 1. 1. intelligitur; ut ibidem pluribus ostendimus. Ad quod comprobandum, servit quod secundo loco *sermo vitæ* nuncupatur: sive ita vocetur (ut quidam exponunt) quod vitæ sit author: id quod esse non potest, nisi vita sit per se: sive (ut porius statuendum) ἡ ζωὴ αἰώνιος, ut Ioan. 2. 21. & 11. 13. per Appositionem Grammaticam, quod sit vita: ut eo modo vita non accidens & effectum in nobis, sed fontem vitæ significet, quemadmodum Ioan. 1. 4. *vita* appellatur. Vnde deinde necessariò sequitur, eum etiam esse authorem vitæ, cum naturalis, tum supernaturalis, tam gratiæ, quàm gloriæ: quemadmodum propterea nominatur vita æterna v. 2. & 5. 12. Ex quibus duobus cum æternitate, tum essentia Christi, divina ejus natura demonstratur. Humana verò ab Objectis Johannis & aliorum Apostolorum sensibus, auditu, visu accurato & tactu indicatur. Quod autem multi tactum, ad historiam Thomæ, Ioh. 20. v. 25. & 27. restringunt: illud angustius est: nam Apostoli etiam Christum ante mortem tetigerunt, ut Petrus Matth. 14. v. 31. & Iohannes, ut scribit Euangelii cap. 13. 23. & reliqui etiam Apostoli in lotionem pedum eorum à Christo, ibidem vers. 5. & 12. Unde certitudo doctrinæ elucet; ut quæ confirmetur testibus, certissima experientia nitentibus, & qui ἀντὶ τοῦ θεωρησῆαι spectators & ministri facti sunt λόγῳ sermonis, hoc est, Christi, ut eleganter & huic loco consentaneè ait Lucas Euangelii cap. 1. 2. & Petrus 2. ep. 1. 16. Cæterum ut hæc duæ naturæ in Christo, divina & humana, vinculo personalis unionis continentur: ita eam Apostolus distinctè per præpositionem *ὅτι* de indicat. cum ait: *Manus nostræ contrectaverunt de sermone vitæ*. Ut ita *sermo vitæ* personam Filii Dei incarnati, ab una naturâ denominatam notet, quæ deinde in suas naturas, divinam & humanam, ex ipsarum proprietatibus adjunctis distinguatur (nam *erat à principio* naturæ divinæ: *quod vidimus* &c. humanæ competit) & hac prædicationis forma (nempe *de sermone vitæ*) personæ unitas indicetur, ut Rom. 1. v. 3. & 4. quamvis vocis *ὅτι* diversa non nihil significatio: nam ut apud Latinos præpositio *de* pro *quantum ad* interdum accipi certum est: sic huic dictioni Latinæ, *ὅτι* apud Græcos respondere, Hæticus Stephanus in Thesaurò rectè notavit. Hæc de v. 1. qui clarius per parenthesin exponitur, anticipationem quadam, ut tacitæ objectioni occurrat. Quia enim quæri poterat: quomodo vidistis sermonem vitæ, cum sit invisibilis? Deinde; ubi erat ille ab initio? Propterea Apostolus utrumque exponit. Prius cum ait: *Nam vitæ patefacta est*, nempe in assumpta carne 1. Tim. 3. 16. unde *vidimus & testamur & annunciamus vobis vitam illam æternam*. Similis locus est Joh. 1. 14. Alterum verò declarat, cum ait, *quæ erat apud Patrem*, hoc est, in sinu Patris, ut Filius unigenitus, unum cum Patre natura & gloria, non aliud, diversus verò & alius persona, Ioh. 1. vers. 1. Sed adversus Orthodoxorum rectam expositionem objicit Enjedinus Samosatensis: primum, ambiguum esse, an λόγος hoc loco Christum, an verò Euangelium notet: quod similiter & verbum, & verbum vitæ appellatur. Sed Christum intelligi docent attributa, quia visio & contrectatio Christi personæ, non verò Euangelio possunt convenire: & Ioh. 1. v. 1. ipsemet adversarius λόγος de Christo exponit. Sed aliter hunc locum corrumpit, quod scilicet illud *ἀπ' ἀρχῆς* referendum sit ad tempus illud, quo Christus cœpit docere & miracula edere, ut Luc. 1. v. 2. dicitur; *qui ἀπ' ἀρχῆς ab initio spectators & ministri fuerunt τοῦ λόγου*. Respondetur verò primum, hæc esse longè diversa. Nam apud Lucam *ἀπ' ἀρχῆς* construitur relatè, cum ἀντὶ τοῦ θεωρησῆαι fuerunt; hic verò absolutè dicitur, ut Ioh. 1. v. 1. *quod erat* (id est, existerat) *ab initio*. Deinde idem quoque refutant sequentia, cum de sermone vitæ, id est, Christo, qui erat ab initio, dicitur; &

vita

vita erat apud Patrem, & patefacta est nobis, ut Ioh. 1. v. 1. cum 14. Nam quod excipit, *Christus erat apud Patrem*, hoc est notus ei, sed hominibus occultus & ignotus; quia ei opponitur, & patefacta est nobis. Respondetur contrā dici hic, erat à principio, nempe vita; ut postea etiam sermo vitæ appellatur, cui patefactio tribuitur, Ioh. 1. 1. cum 14. & cap. 16. 28. Quod autem denique objicitur, verborum illorum, quod erat à principio, sensum esse, eundem fuisse à principio tum, cum auditus, visus &c. omnia enim ad idem tempus pertinere, quia non intercedit copula & nempe, & quod vidimus &c. Negamus ad idem tempus debere propterea referri, ut etiam 1. Tim. 3. 16. de eodem Christo plurima, tempore discrepantia sine copula intercedente recensentur. Hæc de subiecto exordii & doctrinæ Apostolicæ dignitate & certitudine. Attributum verò ejusdem, adjunctam Apostolorum annunciationem, & utriusque cum doctrinæ, tum annuntiationis & scriptionis utilitatem, quæ ex fine elucet, complectitur. Finis autem statuitur, cum proximus; tum remotus. Proximus quidem est communio triplex. Quarum una est cum Apostolis, ut Ioh. 20. 29. 30. 31. quæ eleganter exponitur, partim ad Ephesios, 4. 5. 6. 12. 13. 16. partim hoc in loco, ex reliquâ communione duplici. Sic enim declaratur, qualis ea sit communiō quam fideles cum Apostolis habent, nempe communio cum Patre, & cum Filio ejus Jesu Christo: quarum illa in reconciliatione & adoptione in Filios: hæc verò in spirituali, cum Christo capite unione, per fidem consistit: unde etiam tanquam à suâ causâ, communio cum Patre; & ab utraque hac communio cum Apostolis, ac fidelium inter se dependet. Quam triplicem communionem Apostolus doctrinæ Apostolicæ apud fideles finem statuit: non quidem ratione initii (nam jam revera, quia fideles erant, habebant quoque communionem, ut vers. 7. indicatur) sed ratione continuationis & incrementi: quemadmodum Paulus iis, qui gratiam Dei acceperant, eam tamen precatur in salutationibus suis, nempe (ut 2. Pet. 1. v. 2. exponitur) ratione augmenti: & Christus eodem sensu, præcepta sua servantibus, amorem à Patre ac se & notitiam sui pollicetur Joan. 14. 21. Hæc de vers. 3. & fine proximo. Ex quo vers. 4. sequitur remotus, nempe gaudii plenitudo. Quod quidam de vita æterna (in qua solum perfectum, & omnibus numeris absolutum est gaudium) exponunt. Oecumenius verò & nonnulli alii, de gaudio conscientiæ, orto ex fide communionis cum Deo & Christo, commodius interpretantur: ad quod hortatur Paulus Phil. 4. v. 4. Nam quamvis in cælo absolute perfectum sit gaudium: comparatè tamen cum parvo, & cum infidelibus gaudentibus in his terris, in verè fidelibus exstat: quemadmodum plenum gaudium, de magno dicitur: quemadmodum ea phrasi utitur Christus, Johan. 15. v. 11. & 16. 24. & 17. 13. Lucas Actor. 13. v. 52. Paulus Rom. 15. v. 13. & 2. Timoth. 1. 4. Denique Johannes secunda epistola vers. 12. Hujus autem gaudii oportune meminit, quia fideles afflicti, consolatione opus habebant, qua se sustentarent: quemadmodum etiam ex communione cum Deo & Christo, ac fructibus illius, consolationis & gaudii argumenta producit Apostolus cap. 3. v. 1. & 2. Hactenus Exordium. Cui altera hujus epistolæ pars, nempe tractatio quæstionis, de notis & officiis filiorum Dei, & verorum Christianorum succedit, quæ partim demonstrationibus, partim sequentibus ex ea hortationibus promiscuè constat, & cum exordio eleganter cohæret: nam postquam finem hujus epistolæ esse ostendit, communionem cum Apostolis, cum Deo & cum Christo; jam demonstrat (ab effectis ad causas assurgendo) unde cognoscamus, nos illam habere communionem. Duas autem hoc capite notas proponit; sanctitatem vitæ, & confessionem peccatorum. Ac priorem quidem notam seu signum enthymemate duplici concludit, quorum enthymematum conclusio diversa est: quippe prior remotionem contrarii falsi; posterior positionem veri complectitur: antecedens verò unum idemque est. Ac prius enthymema est hujusmodi: Deus lux est purissima. Ergo si in tenebris incedentes, dixerimus nos communionem habere cum eo, menti-

mur. Addita propositione, syllogismus integer erit: Si Deus lux est, & tenebræ in eo non sunt ullæ; Ergo si in tenebris incedentes dixerimus, nos communionem cum eo habere, mentimur. Atqui Deus lux est. Propositionis consequentia, ex oppositorum immediatorum, aut privantium naturâ perspicua est: nam ut 2. Cor. 6. v. 14. dicitur: *Quodnam consortium justitiæ cum iniquitate & quæ communicatio luci cum tenebris?* Assumptio quamvis per se clara sit, confirmatur tamen ab autoritate Christi: qui cum sit verus Deus, verba ejus oracula sunt; & de eo (quod stultè Pythagorici de Pythagorâ usurparunt) sapienter ac verè tanquam certissimum argumentum, & principium Theologicum dici potest, *αὐτὸς ἡ ἀγάπη*. Ac propterea Johannes etiam, hoc in loco non Christum nominat; sed absolute & *καὶ τὸ ἔξοχον, αὐτὸς, ἵπsum* appellat: quemadmodum vers. 10. & cap. 2. 12. 25. 27. 28. & 3. 2. & eodem sensu *ἐκείνους illum* cap. 3. 5. 7. 16. Quo etiam modo Deum Patrem alicubi absolute *αὐτὸς* nominat cap. 2. v. 29. & c. 3. v. 19. Ioannes igitur ait: *Et hæc est annuntiatio quam audimus ex ipso, Deum esse lucem.* Deum autem hypostaticè Patrem (quamvis idem attributum etiam Filio & Spiritui Sancto conveniat) hoc loco intelligit; ut collatio, v. 7. (in quo relatio est Dei ad Filium ipsius, quæ relatio Patri soli, non Filio: non Sp. Sancto quadrat) evincit. *Lucem* autem vocat Metaphoricè, propter similitudinem aliquam in naturâ & effectis. In natura; quia ut lux per se pura est: sic Deus sanctus ac purus est, ab omnibus ignorantia ac peccati tenebris ac sordibus. In effectis verò similitudo est, primum quod ut lux aërem illuminando, tenebras pellit, eaque ratione colores ac faciem rerum & discrimina, viamque ambulantibus utiliter conspicua reddit: Ita Deus gratiâ suâ præsentia & communione, tenebras ignorantia & peccati, Spiritus sui illustratione, per fidem & charitatem donatam, discutiens, rectam Dei & officii nostri notitiam, justique & iniusti discrimen, viamque ad cælum demonstrat. Deinde ut lux oculos corporis recreat, & animos tristes exhilarat: Ita Deus oculos animi reficit & fideles solido gaudio beat. Atque hæc de syllogismi propositi assumptione seu Enthymematis Ioannis antecedente, vers. 5. Unde consequens seu conclusio necessariò deducitur: Ergo si dixerimus, nos communionem habere cum eo, & in tenebris incedimus, mentimur nec veritatem facimus. Conjunctio quidem conclusiva *ergo* non ponitur, sed perspicuâ & frequenti ellipsi omissa, satis ex re ipsa patet. Quid verò *in tenebris ambulare* sit, ex lucis oppositione colligi potest. Nam ut *tenebræ* ignorantiam Dei & peccata significant: sic *ambulare* serium studium (per Metaphoram à viatoribus desumptam) significat, ut Psal. 1. 1. unde sensus hujus allegoriæ est perspicuus. Illi enim in tenebris ambulant: non qui infirmitate peccant (ut omnes fideles, vers. 8.) sed qui studio, hoc est, qui peccatis operam dant ac serviunt: quique *καὶ τὸ ἔξοχον* peccatores, hoc est, scelerati in Sacris Literis, Psal. 1. v. 1. Joan. 9. v. 24 & alibi appellantur; id quod fidelibus non convenit, Rom. 6. 14. & 1. Joh. 3. 9. Denique *mentiri & veritatem non facere*, idem ferè illustratione à contrario denotant; nisi quod prius ad sermonem, posterius ad facta referatur: unde noster interpret rectè versione sua sensum expressit, hoc modo; *nec sincere agimus*, ut Joan. 3. 21. ac similis sententia est, Tit. 1. 16. Atque hæc de primo Enthymemate, quo Joannes docuit per remotionem falsi, sanctitatem vitæ esse notam filiorum Dei. Ostendit enim quàm falsò tales eo titulo gloriantur, partim ut Libertinos confutaret & ad resipiscentiam invitaret: partim ut pios redderet cautiore, v. 6. Alterum Enthymema, repetito & inserto antecedente in consequenti annexit, v. 7. Deus est lux. Ergo si in luce ambulamus, communionem habemus cum eo, & sanguis Jesu Christi Filii ejus purgat nos ab omni peccato. Syllogismus erit; Si Deus lux est. Ergo si in luce ambulamus, communionem habemus mutuum. At Deus lux est. Propositionis consequentia patet per se, & ex antecedenti argumentatione. Assumptio, quæ vers. 5. communiter præmissa est, repetitur verbis paululùm mutatis; sed eodem tamen sensu, *sicut Deus in luce est*, hoc est, luce justitiæ



justitiæ præditus. Cui opponitur esse in tenebris, ut cap. 2. v. 9. & 10. Denique conclusio est: Ergo si in luce ambulamus, (hoc est, sanctitati operam damus, eique servimus) communionem habemus mutuam, nempe cum Deo. Nam quod nonnulli de communione charitatis inter fideles interpretantur: illud scopo & circumstantiis loci, non satis convenit. Deinde quod additur: *Et sanguis Jesu Christi purgat nos ab omni peccato*; alteram communionem (nempe cum Christo) indicat per Synecdochen. Nam Christi sumus participes per fidem: primò ratione personæ, quia vi Spiritus Sancti in unum corpus mysticum cum eo coalescimus: deinde ratione meritorum ac beneficiorum Christi, quæ ab eo tanquam capite, in nos, ut membra ipsius profluunt, nempe justitia & sanctitas vitæ. Hic autem tantum justificationis meminit, quæ ab omnium peccatorum nostrorum fordibus seu reatu purgamur, obedientiæ Christi imputatione: quam obedientiam tropicè sanguinem vocat: sanguis enim ipsius effusus sicut sacrificii Christi pars nobilissima est, ita pro toto sacrificio, imò pro totâ obedientiâ Christi, quæ in sanctitate vitæ, & voluntariâ passionis ac sacrificio consistit, accipitur: quoniam hæc duo, re distincta, tempore conjuncta fuerunt: nam Christi vita quasi perpetua quædam perpessio fuit: & mors illius, obedientiæ communis & singularis quasi colophon: quia in ea morte, cum amor Dei, tum proximi summus emicuit. Unde non immeritò ei salus nostra ascribi solet: quemadmodum de hoc argumento, in disputatione de Justificatione, distinctius & copiosius disseruimus. Sensus igitur hujus loci est; eos habere communionem cum Patre & Filio, seu esse Dei Patris, per adoptionem, filios, atque hæredes vitæ & Christi membra, ejusque sanguine per fidem verè justificados, qui in luce sanctitatis vivunt, vers. 7. Quo modo absolvitur explicatio primæ notæ filiorum Dei, quæ vitæ sanctitas est. Altera est peccatorum confessio, quam per anticipationem objectionis, eleganter priori (in qua purgationis peccatorum meminit) annectit: ac similiter tractat per aphæresin & thesin; ut hypocritarum arrogantiam clarius & acrius retunderet. Aphæresis seu remotio contrarii falsi, ostendit quàm non sint veri, eoque quàm sint à Dei & Christi gratiæ communione alieni, illi nimirum, qui se dicunt non habere peccatum, vers. 8. Thesis contrà, Dei filios & sanguine Christi purgatos ac justificados, eos esse indicat, qui sua peccata confitentur, hoc est, coram Deo & hominibus sese peccatores agnoscunt, non superstitiosâ confessione auriculari, seu recensione singulorum peccatorum, quam Pontificii prædicant: sed generali agnitione, ut ex præpositâ & oppositâ aphæresi apparet: nam dicere, se non habere peccatum & confiteri peccata, hoc est, dicere se habere peccata, opponuntur. Atque hæc sententia est horum verborum: *Si confiteamur peccata nostra*. Consequens autem est: *remittet peccata, & purgabit nos ab omni iniquitate*. Quæ duo Synonymia quadam, idem omninò significant: nam ut peccata & iniquitas unum sunt: sic etiam remittere & purgare, per diversam metaphoram ad eundem scopum tendunt: siquidem ut peccata comparantur vinculis quibusdam ac catenis, quibus iræ Dei & damnationi obstringimur; deinde fordibus, quibus in nobis & coram Deo immundi ac detestabiles feddimur: ita contrà condonatio reatus peccatorum seu obligationis ad penam, remissio dicitur & purgatio. Quod ut melius intelligatur, observandum est, purgationem à peccatis esse duplicem; unam ratione reatus; alteram ratione vitiosæ qualitatis. Prior fit justificatione seu imputatione satisfactionis Christi, qua, tanquam *lux* perfectissimo, à reatu, id est, obligatione ad pœnam liberamur: quomodo tam actualia, quàm habitualia peccata purgari possunt. Posterior fit sanctificatione: qua vitiosâ qualitas reipsa tollitur: quomodo actiones vitiosæ cum fiunt, cohiberi; sed cum factæ sunt, purgari non possunt: quia factum infectum fieri non potest. Contrà verò habituale peccatum in nobis inhærens, paulatim merito Christi per Spiritus Sancti efficaciam tollitur atque expurgatur. Cæterum hoc in loco, ut antea ostendimus, de purgatione à reatu, seu justificatione tan-

tum agitur; quæ confessioni peccatorum; non cuivis (quod observandum) sed ex vera vivaque fide proficienti, tribuitur: & quidem tanquam consequens, non effectum, sed adjunctum. Quamvis enim confessio peccatorum, ad remissionem eorum necessaria sit: non tamen causa est, sed antecedens solum conditio. Deinde hoc in loco intelligenda est remissio, non ratione initii, quia de fidelibus agit: sed ratione continuationis, qua justificati justificantur adhuc, ut in Apocalypsi dicitur, c. 22. v. 11. Hanc autem sententiam probat Johannes à Christi natura: quia fidelis est & justus, hoc est, in promissionibus, secundum veritatis & justitiæ regulam servandis, constans. Quo innuit, eum promississe peccatorum remissionem, peccata sua rectè, hoc est, cum pœnitentiâ & fide confitentibus: ut oratio etiam Dominica evincit, & nobilis illa promissio, *quicquid à Patre petieritis, &c.* Unde argumentationis hujus robur, & consequentiæ necessitas elucet, v. 9. Porro thesi jam apposita, aphæresin reponit & amplificat Apostolus. Nam ut peccata nostra alia sunt præsentia; alia præterita: sic hypocritæ quidâ præterita confitentur, præsentia negant, quasi jam per sanguinem & spiritum Christi prorsus sanctificati & purgati sint: alii verò impudentiores etiam præterita inficari audent. Adversus priores egit Apostolus, v. 8. eosque seipso fallere ac mendaces esse ostendit: adversus posteriores verò differit hoc loco, v. 10. quos in Christum (quem *καὶ ἔσχατον* vocat *αὐτὸν ipsum*) blasphemos esse indicat: quod ipsum mendacem faciant, & sermo ipsius non sit in iis. Quæ duo reipsa unum declarant, sed modo tantum differunt. Nam Christum mendacem facere, non est naturam illius veracem mutare (quia natura divina Christi simplicissima, infinita, & immutabilis est, Jacob. 1. 17. in qua tenebræ non sunt ullæ, Johan. 1. 9. & humana ejus natura sanctissima est ac permanet, ex personæ & officii necessitate, Heb. 7. 26. Johan. 8. 29. 46. 1. Petr. 2. 22.) sed mendacem facere, hic notat mendacem judicare ac dicere: quemadmodum *faciendi* vox, ut apud profanos autores interdum & in omnibus penè linguis, sic Matth. 12. 33. accipitur, cum ait Christus: *Aut facite arborem bonam, item, aut facite arborem putrem*. hoc est, judicate, ut Joan. 5. 18. & 8. 35. & 10. 33. & 12. 7. 12. Sic etiam hoc in loco Metaphoricè *facere* pro *judicare* accipitur. Cujus etiam explicatio & confirmatio continetur in illis verbis: *Et sermo ipsius non est in nobis*, hoc est, sermonem ipsius fide non recepimus, sed incredulitate & contradictione respuimus, quemadmodum hi duo loquendi modi in simili sententia conjunguntur, 1. Joh. 5. 10. Sermo autem Christi totus, cum legis, tum Evangelii, nos peccatores esse multis modis clamat; præsertim declaratione sui muneris & beneficii erga nos; & officii nostri erga se; ac clarissimè in communi omnibus mandata peccatorum confessione, Matth. 6. *Remitte nobis debita*, hoc est, peccata, Luc. 11. v. 4.

#### CONSECTARIA.

I. CUM Christus sit sermo vitæ, qui erat ab initio: falsa est Samosatenianorum veterum & recentium, nempe Socinianorum sententia: qui Christum *ἄνθρωπον* merum esse hominem, quique non prius existerit, quàm à Maria conciperetur, docent.

II. Christus visus, auditus, tactus. Ergo vero *καρὸς* corpore humano præditus. Ac propterea errant non solum Marcionitæ veteres, qui corpus Christi non verum, sed phantasticum asseruerunt: sed etiam Ubiquitistæ, qui, ut Christi corpus sub pane Cœnæ latere docent, tale nobis Christi corpus in terris somniant, quod (contra corporis naturam à Christo explicatam Luc. 24. 39.) non suis terminis dimensum, visibile ac palpabile sit, sed ubique immensum, invisibile & impalpabile.

III. CUM Johannes asserat, se id quod erat ab initio, quod cum Apostolis audierat, viderat de sermone vitæ, annunciare: sequitur, sermonem vitæ non duas esse personas, neque duas separatas aut confusas naturas: sed personam unam duabus unitis ac distinctis, per suas proprietates, naturis constantem. Ac propterea errare Nestorianos, qui

qui personæ unitatem; & Eutychianos, qui naturarum distinctionem negant. Hæc ex v. 1.

IV. Apostoli ea, quæ sensuum experientia perceperunt, de Christo perscripserunt, adeo ut præter certissimam revelationem divinam, & directionem spiritus, etiam habuerint multorum experientiam. Ergo non pro fabulis, ut 2. Petr. 1. v. 16. sed pro Dei veritate, scripta eorum habenda sunt, v. 1. 2. & 3.

V. Cum Apostolis vita patefacta sit, eamque viderint: sequitur pium & elegans esse tritum illud *de Christi personæ ænigma*:

*Sum quod eram* (nempe Deus) *nec eram quod sum* (nempe homo) *nunc dicor utrumque* (nempe Deus & homo, θεὸς καὶ ἄνθρωπος.)

Et simul sequitur errare graviter Anabaptistas, qui docent, sermonem vitæ carnem factum, non assumptione & unione carnis, hoc est, per Synecdochen naturæ humanæ (quomodo Adam factus dicitur anima vivens, unione scilicet) sed mutatione in carnem; ac propterea sermonem vitæ dici visum: quod caro, quæ ex sermone orta sit, visa sit. Quam ad rem hoc Johannis loco frequentissime abutuntur. Atqui si ita esset, inde sequeretur sermonem vitæ, non amplius exstare, neque vitam patefactam: sed illud tantum, quod ex vita, permutatione quadam habet materiam: contra quàm Johannes asserit. Deinde etiam sequeretur, cum vita Deum notet, Filium Dei per incarnationem, desisse jam esse Deum: nam quod mutatur in aliud, jam id, quod erat, non manet, sed esse desit: eaque etiam ratione sequeretur, naturam divinam seu essentiam esse mutationi obnoxiam: ideoque cum una sit tantum essentia Dei, si illa sit mutata in carnem, sequeretur, jam nullum esse Deum, nec Patrem, nec Filium, nec Spiritum Sanctum. Error autem Anabaptistarum inde oritur, quod *Mysterium unionis hypostaticæ*, & quæ ex ea unione promanat, communicationis idioma tum, non intelligant.

VI. Si Christus erat apud Patrem. Ergo distincta est à Patre persona, contra Sabellianos: qui Patrem, Filium, Spiritum Sanctum, tria nomina, unam verò Personam asseruerunt, v. 2.

VII. Agnitio Christi in nobis (præsertim in Evangelii præconibus) ociosa esse non debet, sed aliis etiam exemplo Apostolorum communicari.

VIII. Scopus prædicationis Evangelii esse debet, ut alios ad communionem Sanctorum, eoque cum Patre & Christo adducamus, & in ea confirmemus.

IX. Cum prædicationis Evangelii hic scopus sit & utilitas, sequitur primum eos salutis suæ & aliorum esse hostes, & impios, qui eam, ut inutilem, contemnunt, aut humanis studiis postponunt. Deinde cum tam illustris sit Theologiæ dignitas ac fructus, eo adversus cæcum profanorum hominum judicium, & mundi ingratitude præmunire nos debemus, v. 3.

X. Ex sola doctrina Christiana, vera animi tranquillitas, & solidum gaudium promanat, v. 4.

XI. In Deo nullæ sunt tenebræ. Ergo impiè à nonnullis peccati author statuitur, dum phrasæ Scripturæ ad eam rem detorqueant.

XII. Non est, cur hoc seculo offendamur, si multi, qui Christum ore profitentur, deque fide gloriantur, factis negent: cum viventibus adhuc Apostolis, hæc pestis in Ecclesia existerit.

XIII. Fides sine operibus ficta est, v. 6.

XIV. Cum sanctitas vitæ sit nostræ cum Deo communionis nota, ei seriò studendum.

XV. Christi sanguis purgat nos ab omni peccato. Ergo satisfactiones humanæ, merita Sanctorum, quæ obtenduntur, & vanum purgatorium Pontificium, quibus purgari à venialibus peccatis homines statuunt, unico illo purgatorio, Christi sanguine confutantur, v. 7.

XVI. Cum omnes homines sua habeant peccata, sequitur, Legem (cujus transgressio peccatum est 1. Joh. 3.) à nemine perfectè impleri. Ac propterea nulla sunt hominum merita bona, nedum opera (uti loquuntur) super-

rogatoria, quæ Pontificii somniant, v. 8. & 10.

XVII. Cum peccata solis iis, qui ea coram Deo confitentur, remittantur; ea confitenda sunt, & ut præclare ait hoc in loco Augustinus: *Non vis ut ille damnet? tu damna. Vis ille ignoscat? tu agnosce*, v. 9.

## CAPUT SECUNDUM.

Postquam Johannes capite primo, duas filiorum Dei notas, sanctitatem & peccati confessionem proposuit, & à fructibus collaudavit: antequam ad priorem fusiùs explicandam regrediat, alteram initio capitis secundi, per anticipationem quandam objectionis illustrat, à fine illius. Etenim quia multi, Evangelii gratia, seu gratuità peccatorum remissione per Christum ad peccandi licentiam abutebantur, Rom. 6. vers. 15. 16. docet jam, hanc doctrinam à se contrario esse animo ac fine propositam, nimirum ut Fideles (quos per Metaphoram, ratione ministerii sui & regenerationis per Evangelium, *filios* vocat) *non peccent*, hoc est, non ut omnibus omnino peccatis hîc careant (nam hoc nobis *adversarius* ob sanctificationis in hac vita non perfectæ rationem, ut etiam Johannes cap. 1. vers. 9. asseruit) sed ut ad eum scopum collimantes, pro virili peccata omnia fugiant. Ne quis verò hac sententia infirmitatis suæ ac peccatorum conscientia commotus desperet, consolationem adjicit, anticipationem altera. Objici enim poterat; Atqui peccavi, quomodo igitur miser ego coram Deo subsistam? Respondet Johannes: *Quod si quis peccaverit* (ut nimirum omnes peccasse ostendit, cap. 1. 8.) *habemus apud Patrem Jesum Christum* *παράκλητον*. Quæ vox hoc in loco notat advocatum, aut consolatorem, ut Ioha. 14. 16. communium Spiritu Sancto nomine; quod suos consoletur; quanquam quidam viri magni utrobique & hîc, & Iohann. 14. advocatum exponunt: quod Christus sit *παράκλητος*, hoc est, intercedat & oret pro nobis: Spiritus verò Sanctus dicatur *παράκλητος*, advocatus, quia facit nos orare & in conspectum Dei prodire cum fiducia, Rom. 8. 15. & 26. Cæterum de hac voce pluribus egimus Ioan. 14. Porro Christum esse advocatum nostrum, appositissima descriptione, partim ab adjunctis, partim ab effectu declarat. Nam quæ duo ad acceptum & perfectum apud Deum mediatorem requiruntur, iustitia & Satisfactio, Hebr. 7. v. 26. & 27. illa Christo tribuit: primum quidem cum dicit, ipsum esse *justum*, vers. 2. alterum cum subjicit, *et ipse est propitiator*, hoc est, per metonymiam effecti, propitiator, ut Roman. 3. vers. 25. Quæ propitiatio amplificatur ab objecti amplitudine, per distributionem, cum ait, *nec pro nostris solum, sed etiam pro totius mundi*. Quæ sententia ut admodum illustris est: ita de genuino illius sensu disceptatur. Quidam enim totius mundi nomine omnes & singulos homines, tam reprobos, quàm electos intelligunt: sed propitiationem diversè exponunt. Quidam enim docent, quod Christus sit propitiatio eorum ratione efficientiæ: quod non solum pro electorum, sed etiam pro reprobis peccatis sua morte satisfecerit, eaque expiarit. Sed hoc repugnat Christi officio, Ioh. 17. 9. *Non oro pro mundo* (id est, reprobis mundi; ut oppositio docet) *sed pro iis, quos dedisti mihi*. Alii verò Christum propitiationem esse tam reprobis, quàm electis, non efficaciam, sed sufficientiam ratione: ut post Thomam Aquinat. plurimi explicant. Sed hoc adversatur Analogiæ fidei: nam quorum Christus est propitiatio, eos Deo reconciliat: eoque efficit Deum ipsis propitium seu pacatum. Atqui reprobi cum sint infideles, sub ira Dei manent, Iohan. 3. 36. Quod autem dicunt, Christum mortuum pro eorum propitiatione sufficienter; duo ea re indicant: primum quod Christus sit mortuus pro iis, h. e. in eum finem, ut pœnam iis debitam ferendo, Deo reconciliaretur; alterum est modus, nempe sufficienter. Atqui illud prius quod statuunt, apertè falsum: quia finis mortis Christi non fuit reprobis cum Deo reconciliatio, quia illud erat *adversarius*, imprimis cum maxima eorum pars æternis inferni pœnis cruciaretur. Quare alii nomine *mundi* electos

electos etiam fideles intelligi statuunt: quod non solum Christus sit propitiatio pro peccatis Iudæorum (quos Apostolus intelligat, cum ait, *pro nobis*) sed etiam pro totius mundi electis ac fidelibus omnium gentium, ut Rom. 1. v. 16. & 3. 22. & 11. 30. 31. 32. Eph. 2. 14. 15. 16. vel ut *pro nobis* non significet Iudæos, qualis erat Iohannes, sed fideles illius temporis, quibus se annumerat. Deinde ut per totum mundum omnium temporum electi ac fideles intelligantur, ut 2. Cor. 5. 19. *Deus erat in Christo mundum reconcilians sibi, non imputando eis peccata ipsorum*: ubi per mundum totius mundi fideles intelliguntur: quia illi soli reconciliantur Deo: & peccata iis non imputantur. Nam ut *καὶ ὅλην* quantitatis seu multitudinis, totus mundus in malo jacens, & oppositus iis qui ex Deo sunt, infideles totius mundi notat, 1. Iohan. 5. vers. 19. sic *ὅλην* totius mundi *καὶ ὅλην* qualitatis seu præstantiæ, pro fidelibus totius mundi accipitur hoc loco: aded ut Christus non solum sit mediator fidelium illius temporis: sed omnium totius mundi inde ab initio ad finem: non autem singulorum hominum reproborum & electorum: quod distinctè ab Ecclesiâ triumphante asseritur, Apoc. 5. v. 9. *Adactatus es & redemisti nos Deo per sanguinem tuum, ex omni tribu, & lingua, & populo, & gente*. Hæc de v. 2. & filiorum Dei, qui cum Patre & Filio communionem habent, nota secundâ. Unde ad prioris explicationem ampliorem regreditur Apostolus, occurratque variis quorundam sermonibus, qui fidem suam, charitatem in Deum, & communionem cum Christo iactantes, improbè vivebant. Ac primum docet, observationem mandatorum Christi, nobis esse signum & *μαρτυρίαν* fidei nostræ, ut Matth. 7. vers. 21. & 23. Ioh. 13. 35. & 14. 15. Cum autem Christi, ad fideles mandatum, sit duplex: alterum fidei: alterum charitatis; hoc est, de fidei & charitatis exercitiis & operibus, ea hoc in loco intelliguntur, tanquam effecta & genuini fructus, unde ad causas assurgendo, de fide nostrâ possumus iudicare. Atque hoc sibi vult Apostolus, cum ait: *Per hoc scimus, quod ipsum novimus*. Nam quamvis notitia per Metonymiam pro consequente affectu ac dilectione, non rarò in Sacris Literis accipiat (ut Psal. 1. vers. 6.) & quidam hoc in loco ita exponant, magis æmen videtur convenire, ut Synecdochicè, pro certâ notitiæ specie, nempe vera fide accipiat, ut Ef. 53. v. 11. & Iohan. 17. 3. Huius autem notitiæ seu fidei scientiam habemus duplicem: unam ex causis, materia & forma fidei, ex assensu Evangelii effectivo charitatis, & conscientia illius: alteram ex effectis, de quibus hoc in loco differitur, ex quibus fidem nostram, tanquam propriam causam concludimus, vers. 3. Atque hanc notam, per thesin propositam, remotione contrarii illustrat & amplificat Apostolus, cum asserit, eum qui dicit, *novi ipsum, & mandata eius non servat, esse mendacem*, hoc est, non verè posse Christum vivæ fidei notitia, Tit. 1. 16. Quibus verbis ostendit Iohannes obedientiam non solum esse certam fidei notam, quæ ei soli: sed etiam quæ omni conveniat. Cum autem observatio mandatorum alia perfectâ sit; alia inchoata: de priori, quæ ex rigore legis exigitur, hoc in loco non differit Apostolus, quia illa nobis impossibilis, ut v. 1. monuimus: sed de altera, qua pro virili, dominante Spiritu, sanctitati studemus; & infirmitates ac lapsus quotidianos, fide & respicientia diluimus ac corrigimus. Quæ obedientia quamvis stricto jure, ob imperfectionem suam, inobedientia dici posset: tamen obedientia à potiori parte denominatur, secundum Evangelii æquitatem & gratiam in Christo, qua defectus tegitur, v. 4. Porro aphæresi seu remotione contrarii apposita, redit Apostolus ad thesin propositæ explicationem & confirmationem. Nam ut antè ostendit, observationem mandatorum Christi, propriam esse notam veræ fidei: sic eodem modo ostendit esse notam primùm veræ charitatis Dei, hoc est, erga Deum: Deus enim non efficiens, sed objectum intelligi debet, & ut vulgò loquuntur, dilectio Dei non activè, qua diligit, sed passivè, qua diligitur, intelligenda. Deinde *charitas adimpleta* dicitur, non quod sit numeris omnibus absoluta (nam nullus servat Dei sermonem, Christo excepto, perfectè) sed

quod sit integra seu sincera, quemadmodum c. 4. v. 12. 17. 18. quæ perfectâ etiam dici potest, comparatè cum fucata. Secundò obedientiam hanc, non solum charitatis in Deum: sed etiam communionis cum Christo, ideoque filiorum Dei & verè Christianorum notam esse ostendit, cum ait: *Ac per hoc scimus, nos in ipso esse*, hoc est, ipsi esse unitos & insitos, tanquam palmites viti, Iohan. 15. & furculos oleæ cœlesti & arbori vitæ, & tanquam membra in corpore, Rom. 12. v. 5. Cum autem hæc insitio & unio sit gemina; externa primum, qua per verbi & Sacramentorum societatem, & fidei professionem, Christi Ecclesiæ externæ, & eatenus Christo, conjuncti sumus: deinde interna; qua etiam per fidem vivam Christo capiti uniti sumus, operatione Spir. Sancti. Prior illa communis est reprobis multis cum electis, quia palmites utriusque sunt in Christo tanquam vite insiti; sed altera propria est electis: nam reprobi sunt instar palmitum emortuorum in vite, qui ex vite non vivunt, nec succum vitalem hauriunt, & instar membrorum emortuorum, quæ corpori quidem adhærent, sed vita & motu carent: unde etiam à sua illa externa Christi in corpore Ecclesiæ unione excinduntur & in ignem projiciuntur, Iohan. cap. 15. vers. 6. Matth. 25. vers. 32. & 41. Contrà electi ac verè fideles sunt palmites vivi, & membra viventia, quæ in corpore à capite & spiritu conservantur ac servantur, Iohan. c. 15. vers. 5. Hæc de vers. 5. Porro cum observatio mandatorum Dei latè pateat, hanc notam filiorum Dei speciatim exponit Iohannes, per charitatem fraternam. Ad quam præmissa præfatione transit, qua eos *fratres* vocat & huic doctrinæ auctoritatem conciliat ab adjuncto gemino, nempe cum antiquitate, tum novitate, diverso respectu. Antiquitatem quidem proponit, partim per aphæresin, *non novum*, inquit, *mandatum scribo*: partim per thesin repetitam, *sed mandatum vetus*: idque à circumstantia temporis confirmat, quod illud habuerunt à principio. Quod quidam de principio vocationis per Evangelium intelligunt: ut referatur ad hosce tantum, quibus Epistola hæc missa est. Alii verò altius ad tempus ante Christi adventum; ut intelligantur non hi solum, sed etiam conjuncti cum majoribus: ut sit sensus, quod hoc mandatum antiquum sit, quia à Deo ab initio mundi, per Patriarchas, Moysen & Prophetas in Veteri Testam. propositum. Priori interpretationi favet, vers. 24. sed utraque non incommodè gradatim conjungi potest: quod eam doctrinam tradat, quam & olim Deus per Moysen & postea ab Apostolis sæpius propositam audiverant, vers. 7. quâ ratione antiquitas doctrinæ de charitate declaratur: Cui per correctionem quandam alterum adjunctum, nempe novitas additur: *rursus*, inquit, *mandatum novum scribo vobis*: Novum verò appellat, ut Christus, Iohan. 13. vers. 34. non substantiæ, sed circumstantiæ ratione seu non propter formam & promulgationem (sic enim vetus est) sed propter adjuncta. Primum quod à Christo renovatum & vindicatum, partim ab antiquis corruptelis Judaicis (idque per rectam expositionem & repetitionem crebam, Matth. 5. vers. 21. 22. 42. 43.) partim à ceremoniarum Mosaicarum onerosâ laciniâ ac iugo, Galat. 5. vers. 1. Hebr. 8. vers. 13. Deinde quod ab eodem, nova efficacia Spiritus Sancti, cordibus inscribatur, Hebr. 8. vers. 10. novoque charitatis summæ à Christo exhibitæ, exemplo confirmetur. Nam quamvis sub Veteri Testamento Spiritus Sanctus fuerit etiam collatus, 2. Cor. 4. vers. 13. longè tamen copiosius & pluribus, in Novo. Atque huc pertinet declaratio Johannis, cum ait: *quod verum est in ipso & in vobis*, hoc est, mandatum verè novum est; cum Christi præcipientis, exponentis, exemplum præbentis illustrissimum, & Spiritus Sancti conferentis ratione: tum vestri, qui rectam intelligentiam mandati percepistis, & obediendi facultate, per regenerationis gratiam donati estis: quemadmodum probatur sequentibus verbis, *quia tenebræ prætereunt, & vera illa lux jam lucet*: hoc est, quia discussis paulatim per Spiritum, veteris hominis ignorantie tenebris, vera lux cogni-

cognitionis Dei ac fidei in animis vestris lucet. Quam lucem ac fidem, opera charitatis, tanquam fructus genuini consequuntur, v. 8. Cujus lucis mentione, absoluta jam præfatione, commodissime transit Apostolus ad notam filiorum Dei specialem primam explicandam, per aphæresin & thesin. Aphæresis est; qui dicit, *se in luce esse*, h. e. vera Evangelii luce illustratum, fideque donatum, & *fratrem suum odit*, *in tenebris est usque adhuc*, h. e. nondum vera fide præditus est. *Odis* autem nomine intelligit, non iram ex infirmitate, quæ etiam in verè fideles cadere potest: sed iram inveteratam, & sine resipiscencia, quæ demum infidelium nota est. Deinde *fratrem*, quidam generatim proximum intelligunt, seu quemvis hominem, seu fratrem, creationis ab eodem Deo Patre ratione, ut hoc loco doctrina de charitate sit universalis: sed plerique probabilius fidelem, seu Christianum intelligunt καὶ ἀδελφόν, ut c. 3. 13. & 1. Cor. 5. 11. & 6. 6. qui nobis frater est, non solum ratione universali, creationis ad imaginem Dei: sed etiam ac potissimum ratione particulari, regenerationis & adoptionis in numerum filiorum atque hæredum Dei, quemadmodum passim in N. Test. *fratris* vox usurpatur. Hæc de aphæresi, & v. 9. Thesis verò est, v. 10. *Qui diligit fratrem suum, in luce*, h. e. vera fide, *manet*, & *in eo non est offendiculum*, h. e. lapsus & peccati causa. Quod bifariam exponi potest: aut ratione ejus qui diligit, quod non sinat se à Deo & sanctitate abalienari: vel ratione proximi, quod peccandi occasionem proximo non præbeat; quia, ut Apostolus docet, charitas ædificat, 1. Cor. 8. v. 5. utraque commoda interpretatio: sed prior sequenti versui aptius convenit, in quo aphæresin repetit & amplificat continuata allegoria. Repetitio est, *qui odit fratrem suum, in tenebris est*, de quo v. 9. actum. Amplificatio verò est, qua miseriam illius, qui fratrem odit, exaggerat: quod non solum in tenebris sit, sed etiam in tenebris incedat, ut nesciat, quò eat, hoc est, opera tenebrarum exerceat & multa habeat offendicula: hoc enim per Metalepsin ac Metonymiam (quæ antecedens pro consequente ponitur) per incessionem in caliginosa & ignota via significat Iohannes. Hujus autem rei culpam expositione causæ, in infidelitatem refert, cujus tenebris mentis oculi obcæcati sunt, vers. 11. Porro hanc de charitate fraterna doctrinam, anticipationem quadam, adhibito repetitionum lumine, ostendit ac probat esse communem omnibus fidelibus: idque bifariam. Ac primum universè, v. 12. *filii*, id est, fideles discipuli per Metaphoram, *scribo vobis*, nimirum hoc de charitate mandatum, ut vers. 1. & 7. Probatio est ab accepto beneficio remissionis peccatorum propter nomen Christi, id est, propter Christum, ut c. 1. v. 7. & 9. & 2. v. 1. 2. Act. 4. 12. Deinde particulatim, fidelium ratione utentium, in tres ætates distinctione, in Patres seu senes; adolescentes, & puerulos. Quibus ordine ac distinctè, suas rationes, ætati convenientes adjicit. Ut enim senes antiquitate delectantur, inde argumentum ducit ac dicit: *Scribo vobis, Patres, quoniam nōstis ipsum, qui à principio est*, id est, Christum, ut c. 1. 1. unde sequitur, illius voluntatis autoritate & vitæ exemplo commotos, charitatem colere debere, ut vers. 3. & 6. ostendit. Deinde quia adolescentes, roboris sui declaratione exultant, inde ad charitatem hortatur: *Scribo, inquit, vobis adolescentes, quia malum illum*, (id est, Satanam, Dei gloriæ ac voluntatis, & justitiæ ac salutis vestræ adversarium summum, Matth. 6. v. 13. & 13. v. 19. & 1. Pet. 5. 8.) *vincitis*: nimirum veræ fidei, & armaturæ Christianæ reliquæ robore, Deique auxilio muniti, 1. Pet. 5. 9. & Eph. 6. 11. & 16. Ergo turpe est abjectis armis à Satana superari, & à dilectione fratrum, ad eorum odium abripi. Denique quia pueri Patribus suis gloriari solent, & eorum benevolentiam maximè quærunt, convenienter probat hoc de charitate præceptum, ad eos etiam pertinere: *quia novērunt Patrem*, nempe cœlestem: ac propterea secundum voluntatem illius, Dei filios, suos in Christo fratres, amare debent, vers. 13. Cæterum duo, propositæ distinctionis membra reponit, & alterum explicat Iohannes, non ociosa repetitione; sed uti-  
li *ἀναμνήσις*: partim ad majorem attentionem & negligentiam

nostræ correctionem, quemadmodum, Phil. 3. v. 1. & 18. Gal. 1. v. 8. & 9. partim ut sint sequentis hortationis argumentum antecedens. Ut enim Patribus & adolescentibus maximum periculum est à mundo; & puerulis à seductoribus: ita distinctè eos docet. Ac primum Patres & adolescentes, ut cū illi Christum nōrint; & hi fortes sint fide (qua verbum Dei conservant) Satanam vicerint, v. 14. mundum non diligant, neque ea quæ in mundo sunt. Nomine autem *mundi* intelligi potest, vel mundi pars inferior, terra & creaturæ quæ in ea: cujus mundi amor alius moderatus est, cum quis eo utitur secundum Dei voluntatem: alius immoderatus, cum quis contra Dei voluntatem & gloriam eo abutitur, eique servit, 1. Cor. 7. 31. Jacob. 4. 4. vel intelligi possunt infideles & impii hujus mundi, ut Roman. 12. 2. utraque vera & satis apta: sed prior uberior & versui 17. congruentior est sententia: quia alteram etiam includit: quoniam infideles sunt pars hujus mundi, & amandi quidem sunt, quæ creaturæ, & recto modo atque ordine: non verò quæ infideles, neque supra Deum, aut supra fideles. Deinde per ea, quæ in mundo sunt, Synecdochicè vitia, quæ in his terris regnant, significantur: ut postea ab Apostolo exponitur. Quorum amorem fugiendum demonstrat, primum vers. 15. à contrario, nempe amore Dei, quocum mundi & vitiorum illius amor consistere non potest, Roman. 12. 2. Tit. 2. v. 2. & Galat. 5. v. 17. Jacob. 1. v. 27. & 4. vers. 4. secundò à causa efficiente, per aphæresin & thesin; inserta rei subjæctæ illustratione. Declarat enim quid sibi per ea, quæ in mundo sunt, potissimum velit; partitione trimembri, in concupiscentiam cū carnis, tum oculorum, & fastum vitæ. Quæ verba diversè accipi possunt, partim ob vocum ambiguitatem, partim ob rei convenientiam cum loci scopo. Ac primum *caro*, aut substantiam notat, aut accidens, hoc est, aut corpus, aut totius hominis innatum injustitiæ habitum seu peccatum originale, quod vetus homo Metaphoricè dicitur. Atque hoc modo caro dicitur concupiscere adversus spiritum, Galat. 5. v. 17. quæ ratione omnia peccata sunt illius effecta, Galat. 5. vers. 19. Quo sensu si hoc loco carnis concupiscentia intelligeretur, sequentibus duobus membris contineretur Synecdochica explicatio illius ab effectis. Sed uberior ac verior videtur sententia, si cum plerisque distinctè, priori modo carnem pro corpore accipiamus, ut concupiscentia carnis, corporis libidines & comestiones designet, ut Roman. 13. v. 14. *Carnis curam ne agatis ad concupiscentias*. Deinde *oculorum concupiscentiam* quidam libidinosos ad spectus exponunt; ut conveniat cum Iob. 31. vers. 1. Proverb. 23. vers. 31. & Matth. 5. v. 28. & 2. Petr. 2. 4. Alii verò de avaritia interpretantur: quod videtur melius convenire; quia sensum habet pleniorē & ab antecedenti concupiscentia carnis distinctum, ut ab Apostolo tria vitia, quæ potissimum in mundo regnant, arguantur, libidines, avaritia (ex qua injuriæ & cædes oriri solent) & superbia. Quod spectat sententia Ierem. 22. vers. 17. Denique *fastus vitæ* superbam vivendi rationem denotat, quæ in nimis sumptuoso victu, vestitu, ædificiorum splendore ac famulorum copiâ consistit. Quæ tria, concupiscentia carnis, concupiscentia oculorum, & fastus vitæ, dicuntur non esse ex Patre, sed ex mundo, hoc est, non habere Deum authorem, ut qui nec ea præcipiat neque efficiat: sed mundum, hoc est, infidelium cætum, vers. 16. Cui secundo dehortationis argumento, tertium accedit, ab adjunctâ mundi & concupiscentiæ illius præteritione, de qua Eccles. cap. 1. v. 1. & Psal. 90. vers. 10. & 1. Corinth. 7. vers. 31. & contrariâ Sanctorum duratione perpetuâ ac vitæ æterna, vers. 17. Atque hoc modo absoluta est dehortatio, à mundi & rerum mundanarum amore, pertinens ad patres & adolescentes: non quod soli, sed quod potissimum eo vitio laborent. Huic autem deinde additur admonitio ad puerulos, qui ut imprudentiæ & socordiæ obnoxii esse solent: ita convenientissimè eos adversus Antichristos dolosos, sanæ doctrinæ & rectæ vitæ adversarios præmunit; ita tamen,  
Q q q 2 ut do-



ut doctrina hæc naturâ sua sit communis. Quæ admonitio partim dogmatica, partim parænetica est. Dogmaticam appello, quæ in veri declaratione occupatur, à vers. 18. ad 24. Ac primum asserit, *ultimam horam*, hoc est, per Synecdochén speciei pro genere ultimum tempus *jam adesse*. Quo in loco ad pleniorém notitiám observandum est, tempus distingui vulgò in tempus ante legem, ab initio mundi ad Mosen: & in tempus sub lege, à Mose ad Christi adventum, Rom. 5. vers. 13. 14. denique in tempus post legem, sub gratia Evangelii, à Christi adventu primo, Galat. 4. 3. 4. ad ejus adventum secundum gloriosum ad judicium, de quo Matth. 28. 20. Actor. 2. v. 17. 1. Petr. 2. v. 20. Nec incommodè etiam pro diverso mundi statu triplici, secundum rei veritatem distingui posset in tempus mundi primi, 1. Petr. 3. 5. & 6. nempe à creatione ad diluvium: & in tempus mundi re-creati, 2. Petr. 3. 7. post diluvium ad Christum: & tempus mundi reconciliati, quo (per redemptionem sanguinis Christi & vocationem efficacem ad communionem illius) nova facta sunt omnia, 2. Corinth. 5. vers. 17. & 18. à Christi primo adventu ad reditum ad judicium. Denique tempus, in primum, quod Christi primum adventum antecessit; & in ultimum, quod inde ab eo exhibitio consequitur, distribui potest, quemadmodum ad Hebr. 1. v. 1. Cæterum prima distinctio temporis ab Adamo ad Mosen, & à Mose ad Christum, & inde ad finem mundi optimè convenit. Quod etiam tempus ultimum dividi videtur, relatione partium suarum, in tempus primum, à quo Christus in Judæa, & Apostoli etiam inter gentes Evangelium annunciarunt; & in tempus ab Apostolorum morte ad Christi reditum, ut 1. Timoth. 4. v. 1. & 2. Timot. 3. 1. & 2. Pet. 3. v. 3. de quo tempore hoc in loco agitur: nam reliquis Apostolis jam vita defunctis, Ioannes superfuit solus. Porro ultimum jam tempus adesse, Syllogismo demonstratur ex adjuncto proprio signo, nimirum Antichristorum apparitione. Propositio syllogismi est: Illud tempus, quo exorientur Antichristi multi, est ultimum (ut autoritate doctrinæ Apostolicæ, quam audierant fideles, comprobatur) Assumptio est: Atqui hoc tempore Antichristi multi exorti sunt. Ergò hoc tempus est ultimum. Cæterum ad consequentiæ pleniorém intelligentiam notandum est, vocem *Antichristi* posse accipi bifariam: vel generatim pro falso doctore, Christique adversario quovis, ut in assumptione: atque ita per numeri singularis pro plurali enalagen, Antichristus pro Antichristis usurpabitur: vel speciatim κατ' ἐξοχήν de insigni illo Christi adversario, de quo 2. Thessal. 2. differitur. Cujus ortus est duplex: prior in præcursoribus hæreticis: qui illi viam præpararunt; alter in ipsomet. Utrumque, ultimi temporis, suis gradibus, argumentum est & signum, sed ad præsentis syllogismi consequentiæ, generatim & indistinctè ortus, intelligi debet, ut cum assumptione conveniat: de qua Antichristi tractatione, plenius publica disputatione egimus. Cæterum quod Johannes de Antichristis jam exortis ait, illud verissimum esse ex Cerinthi, Ebionis, Simonis Magi, Basilidis, & Nicolaitarum historia constat. De quibus Augustinus & Philastrius de hæresibus consulendi. Cæterum quia hic Antichristorum ex Ecclesia egredientium ortus potuisset infirmos offendere, aded ut de doctrinæ Christianæ veritate, & Dei erga Ecclesiam providentia & amore dubitarent: idcirco opportunè huic scandalo per anticipationem occurrit Apostolus & fideles consolatur bifariam: primo descriptione Antichristorum: deinde expositione utilitatis nostræ, quam Deus inde elicit. Descriptio autem continet distinctionem à verè fidelibus: nam ut concedit, eos ex Ecclesia egredientes esse: sic negat, eos fuisse *ex nobis*, hoc est, ex verè fidelium numero, seu viva corporis Ecclesiæ membra. Ut enim palea frumenti acervo mixta continetur, sed frumentum non est, cumque ea per ventilabrum discussa est, frumento tamen nihil decedit: Ita hypocritæ in Ecclesia latentes, in ea sunt, sed non simpliciter sunt ex ea. Quippe communio Ecclesiæ, ut aliàs ostendimus, alia externa est, quæ in externa

professione fidei, & usus verbi ac sacramentorum consistit: altera est interna, quæ in communione cum Christo capite, & Ecclesia illius, per veram fidem & eundem spiritum vivificantem consistit, ut antè exposuimus: hypocritæ autem, qui sunt in Ecclesia, priori modo sunt ex Ecclesia, altero verò non sunt: contra verò fideles utroque. Ergò hypocritæ tantum secundum quid, non autem simpliciter sunt ex Ecclesia: quo sensu Johannes hic loquitur. Idque probat ab adjuncto verè fidelium proprio, nempe perseverantiâ in Ecclesiæ societate. Cæterum ne quis erret, observanda est duplex defectionis ab Ecclesia distinctio. Nam ab Ecclesia disceditur, aut omnino, aut partim: deinde aut perpetuò, aut tantum pro tempore: hypocritæ omnino deficere possunt, h. e. ab externa communione, quam solam habent cum visibili Ecclesia: deinde non solum ad tempus, ut interdum fit, sed etiam perpetuò, ut nunquam resipiscant: sed verè fideles, nec omnino, neque perpetuò deficere possunt, per accedens gratiæ Dei conservantis: sine qua per se deficere possent, & Satanae, carnis, mundi viribus, superati deficerent. Quod si fortè ab externâ societate ad tempus deficiant, & interna minuatur, infirmata & quasi sopita fide, nihilominus tamen fundamentum fidei, quasi semen illius in ipsis manet, 1. Ioan. 3. 9. Quemadmodum ignis cineribus relictus, licet non appareat, extinctus tamen non est: & arbores licet hyemali tempore fructibus & foliis sint nudatæ; nihilominus mortuæ non sunt, sed suo tempore fructus producunt: sic fides ad tempus aliquod sopita & quasi mortua, Dei spiritu suscitatur: quo sensu Joannes hoc in loco ait: *Si fuissent ex nobis, permansissent utiq; nobiscum*. Hæc de prima anticipationis parte, seu Antichristorum descriptione. Altera est declaratio, à Dei permittentis & regentis fine, nempe utilitate nostra, quam Deus inde elicit, nempe examine Ecclesiæ: quod ea defectione palea à frumento, & hirci ab agnis separentur, atque ita latentes hypocritæ patefiant, v. 19. Atque hanc doctrinam confirmat Apostolus ab adjuncta fidelium scientia: *Nostris*, inquit, *omnia*. Omnia autem intelligit non simpliciter, sed relatè: nempe hæc & alia omnia ad salutem necessaria, de quibus loquitur. Id quod comprobatur à causa efficiente, nempe unctione, quam acceperant à Sancto. Quo in loco videndum est, quid *unctio*; & quid *sanctus* significet. Unctio enim non Spir. S. essentiam, sed dona illius denotat, per Metaph. à typica legis unctione, Exod. 29. v. 29. Spiritus autem ungit bifariam immediatè ac tantum per internum afflatum: aut mediatè per ministerium Evangelii, cui internam suam efficaciam conjungit, quum mentes illuminat & cor reformat: priori modo unctionem acceperunt Apostoli, Actor. 2. & Prophetæ utriusque Testamenti: posteriori verò modo reliqui fideles, ut 2. Cor. 1. v. 21. 22. de qua re hic loquitur Apostolus, ut ex antecedentibus apparet, v. 7. & 18. & postea, v. 24. unde liquet, cum interna Spir. S. institutione tanquam unctione, conjunctam fuisse externam per Evangelii ministros. Deinde hanc unctionem dicit eos accepisse à Sancto, h. e. à Christo: quemadmodum ex collatione, v. 27. colligi potest. Sic autem Christus vocatur ab adjuncto sanctitatis κατ' ἐξοχήν, quod videl. sit unctus ille Sanctus Sanctorum, Dan. 9. v. 24. Sanctus ille & verax, qui habet clavem David, Apoc. 3. v. 7. qui nos ungit bifariam: primum merito obedientiæ ad mortem usq; crucis, Rom. 6. v. 6. deinde efficacia sui spiritus, qua secundum meritum sanctificationis nostræ, spiritu suo nos cognitione veritatis illustrat, & ad obedientiam Deo præstandam sanctificat, unde sanctificatio nostra dicitur, 1. Cor. 1. v. 30. Hæc de vers. 20. Verum quia obijci poterat à fidelibus: Si ita se res habet, quid igitur ad nos tanquam ignaros veritatis scribis? Idcirco anticipationem quadam respondet Apostolus, se non tanquam ad ignaros scribere, sed ad eos qui nōrint veritatem, & nullum mendacium esse ex veritate, hoc est, à veritate proficisci & cum ea consentire: ideoque ad eos confirmandos in agnitâ veritate, non ignota docere, sed ea quæ nota essent, in memoriam revocare, vers. 21. Quid autem *mendacii* nomine intelligi velit, una specie exponit, & ita redit ad propositam de Antichristis

christis tractationem. Nam ut de ortu eorum egit: sic eisdem à qualitate & doctrina describit, cum ostendit, eum esse mendacem & Antichristum, qui negat Jesum esse Christum, sive ratione personæ, sive ratione officii. Idque probat à consequente effectu, quod eo modo Patrem simul regent & Filium, v. 22. Quam consequentiam roborat à relatorum natura & declaratione mutua, vers. 23. quo pars dogmatica de Antichristis absolvitur. Cui altera attingitur parænetica: cujus quidem propositio est hortatio ad perseverantiam in fide doctrinæ Apostolicæ: confirmatio verò à fructu & utilitate duplici: prior est communionis cum Patre & Filio continuatio, vers. 24. alter verò fructus est vita æterna: cujus certitudinem à promissione Christi confirmat, vers. 25. & conclusionem admonitionis subjicit, quæ rem, de qua agit, declarat, vers. 26. & consolationem addit geminam: priorem quidem ab unctionis acceptæ gratia; eamque amplificat à perfectione, quod necesse non haberent, ut quis eos doceret; nempe non absolutè, aut ad eos confirmandos (nam hoc ipsum agit Johannes) sed cæto modo, nimirum tanquam rudes & ignaros tyrones, ut Heb. 8. 11. alteram verò ab unctionis perseverantia, quam promittit, v. 27. deniq; hortationem repetit, ad fideles, quibus scribit, transferendo, quos filios, ut v. 12. vocat: & hortationem confirmat ab effectu obedientiæ, nempe à libertate ac fiducia, seu intrepida ac pacata conscientia in Christi adventu secundo ad judicium. Id quod amplificat ab effectu contrariæ inobedientiæ, nimirum pudore, vers. 28. Huc usque pertingit inserta tractationi, de notis filiorum Dei, admonitio, quæ ad fidem pertinet. Sequentibus verò redit Apostolus ad opera fidei, & doctrinam de notis filiorum Dei, eodem ordine, quo in antecedentibus; primum enim agit de nota generali, secundò de speciali; sed in probandi modo differt, quia non tam ex effectis, ut ferè antea, quàm ex causis argumenta desumit. Generalis autem nota est *Justitia*: quæ hîc non strictè accipitur, sed debitum nostrum erga Deum & proximum officium designat: ac propterea utriusque tabulæ legis obedientiam complectitur: quemadmodum etiam, c. 3. v. 7. & 8. *facere justitiam*, & *facere peccatum*, inter se opponuntur. De quâ notâ agit Apostolus hoc vers. ult. ad c. 3. v. 10. unde satis perspicue apparet, hanc sententiam incommode à capitulum auctore à capite tertio avulsam. Constat autem conclusione & probatione illius antecedente. Conclusio est: *quicumque exercet justitiam, ex ipso natus est*. Exercere autem justitiam non est intelligendum de rigida perfectione legis ratione graduum, seu ex tota mente, corde & omnibus viribus; (quia ita nemo eam exercet in his terris aut exercuit, Christo excepto, c. 1. 8. & Hebr. 4. 15. & 7. 26.) sed ratione partium; videlicet, cum dominante spiritu, ac carnem subjugante, justitiæ seu obedientiæ legis secundum omnia Dei præcepta dare operam incipimus. Deinde natum esse ex ipso, significat per regenerationem Spir. S. esse filium Dei, ut c. 3. v. 9. & 10. ista *verba* usurpantur. Probatio verò antecedens petita est à Dei attributo eodem: Deus Pater justus est, imò justitiæ fons. Ergò quicumque justitiâ ipsum imitatur, ejus filius est, v. 29.

## CONSECTARIA CAP. II.

I. **E**Uangelii ministri, auditores suos fideles, quasi filios, verbi divini pabulo nutrire, & ad vitam æternam curare debent.

II. Populus Christianus suos pastores mutuò amare, & ut Patres revereri debet.

III. Non viva tantum voce præsentis, sed etiam, ubi usus requirit, scriptis absentes fideles in vera doctrina & obedientia confirmandi sunt.

IV. Cum gratuita omnium peccatorum remissio, sit acerrimus ad peccati fugam stimulus, perversè faciunt Pontificii, qui eam doctrinam tanquam peccati irritamentum traducunt; & iniquius illi, qui ea gratia ad scelus licentiam abutuntur.

V. Cum Jesum Christum Advocatum habeamus apud

Patrem; malè faciunt, qui peccatorum suorum conscientia pressi, de gratia Dei desperant: aut cum Pontificiis alios mediatores aliasque salutis vias comminiscuntur, vers. 1. Cui alia loca illustria consentiunt, Matth. 11. 28. Ioan. 14. 6. Hebr. 4. 15. & 16.

VI. Cum Christus non solum sit justus, sed etiam propitiatio pro peccatis nostris: hinc omnino sequitur, falli ac fallere graviter Pontificios, qui ob Christi veri Dei cum Patre & Spir. Sanct. Justitiam nobis reverendam, nobis intercessoribus aliis apud Christum & Patrem opus esse contendunt.

VII. Cum ad expianda peccata nostra Christum mitti ac mori oportuerit: injurii sunt in Christum & in salutem suam, Libertini, qui libertatis Christianæ falso obtentu ac titulo, ad peccati licentiam abutuntur.

VIII. Si Christus expiatio est peccatorum totius mundi fidelium: ergo Pontificii turpiter impingunt, qui suas satisfactiones, ad quotidiana post baptismum peccata expianda, necessarias docent, v. 2.

IX. Cum ex operibus de verâ fide nostra scientiam habeamus: falsa est Pontificiorum sententia, qua salutis nostræ certitudinem tanquam arrogantiam traducunt, v. 3.

X. Christus non solum Dei mandata docuit ore, sed etiam opere: ac propterea qui sincerè ac rectè docere volunt in Ecclesia Dei, Christi exemplum hoc imitari debent.

XI. In Ecclesia Dei nulla merè nova, sed vetus doctrina docenda est tantum, hoc est, quæ à Deo originem habet & ab initio tradita est; ideoque meritò Pontificiorum traditiones extra Scripturam, tanquam Ecclesiæ Prophetiæ & Apostolicæ ignotas rejicimus, v. 7.

XII. Cum agnitio Christi & fides sint lux spiritualis; ignorantia verò & infidelitas tenebræ; sequitur, non fideles, sed infideles, licet specie externa florentes, verè esse miseros, v. 8.

XIII. Remissio peccatorum fit propter Christum. Ergò non meritis nostris omnino, nec etiam partim, ut Pontificii volunt.

XIV. Cum propter Christum nobis sint remissa peccata: inde sequitur, nos Christo contentos esse debere, illique vera obedientia gratitudinis officia præstare.

XV. Ea maxima fortitudo est, qua Satanæ ad peccata provocantis tela retundimus & tentationes superamus.

XVI. Verbum Dei non solum senibus & adolescentibus; sed etiam pueris conscriptum est. Ergò ab omnibus legi debet. Quare impiè Pontificii contrarium docent, vers. 13.

XVII. Ut fortes simus adversus Satanam, eumque vincamus, verbum Dei in nobis per fidem habitare debet. Quocirca Pontificii qui lectionem Verbi Divini populo liberam non relinquunt, sed ab arbitrio pastorum ipsorum suspendunt, arma militantibus necessaria, ad eorum perniciem subtrahunt, v. 14.

XVIII. Deus non est peccatorum auctor, v. 16.

XIX. Consideratione præmii cœlestis & vitæ æternæ, omnes obedientiæ & crucis molestias superare debemus, vers. 17.

XX. Prophetiæ cum eventu suo, ad prudentiam & patientiam Christianam conferendæ sunt, v. 18.

XXI. Verè fideles nunquam à fide penitus deficiunt. Ergo doctrina de perseverantia Sanctorum, iniquè à Pontificiis & aliis oppugnatur.

XXII. Ecclesia non est culpanda, etiam si hæretici in ea oriantur: ac propterea malitiosè, aut imperitè saltem faciunt Pontificii & similes alii, qui Ecclesiæ Orthodoxæ, apostatarum errores ac scelera imputant, iisque nominibus condemnant.

XXIII. Non omnes, qui sunt in Ecclesia, sunt omnino ex Ecclesia: ideoque prudentes esse nos oportet ac constantes.

XXIV. Quamvis hæreses per se malæ sint: Dei tamen optimi providentia accidente, ad bonum Ecclesiæ pertinent ac diriguntur.

XXV. Non solum rudes erudiendi sunt Dei verbo; sed etiam docti in veritate confirmandi.

Qqq 3

XXVI. Sa-

XXVI. Sacræ literæ etiam doctis scriptæ sunt: Quare superbè & iniquè faciunt, qui eas tanquam sibi minime necessarias contemnunt.

XXVII. Cum Christus sit unctionis nostræ autor: sequitur eum esse verum Deum: quia per Spiritum Sanctum in nobis efficax est.

XXVIII. Agnitio veritatis salutaris, Christi donum est, v. 20. 21.

XXIX. Si, qui negat Jesum esse Christum, Antichristus est: sequitur Pontificem à nobis non injustè eo nomine appellari; ut qui verbo quidem Christum esse fatetur, sed reipsà per triplicis officit illius conspurcationem ac violationem, negat.

XXX. Si is qui filium negat, Patrem eadem opera negat: ergò Judæi, Turcæ, Ariani, Samosateniani, meritò Deum Patrem negare, & falsò de Veri Dei Confessione gloriari dicuntur.

XXXI. Fides viva communionis cum Deo & Christo causa est Instrumentalis, non solum procreans, sed etiam conservans, v. 24.

XXXII. Fideles adversus seductores confirmandi, & in recta via retinendi sunt.

XXXIII. Cum viventibus adhuc Apostolis, ac florentibus miraculis, Ecclesia à seductoribus fuerit agitata; non est, cur iis jam offendamur, v. 25. & 26.

XXXIV. Si fideles manent in Christo: Ergo vera est doctrina de perseverantia Sanctorum, v. 27.

XXXV. Quamvis Christus jam lateat in cœlis à conspectu nostro remotus; tandem tamen patefiet secundo adventu ad iudicium: ideoque vera fide, spe & obedientia expectandus est.

XXXVI. In Christi adventu fideles, tanquam oves ad dextram collocatæ, fiduciam habebunt gratiæ illius: contrà infideles tanquam hirci ad sinistram collocati, ignominia notabuntur. Ac propterea non est, cur impiis invidemus fluxos mundi honores, & huius vitæ commoda, aut nos sortis nostræ humilis & abjectæ in terris poeniteat, v. 28.

XXXVII. Si iustitia filios Dei notat tanquam proprium eorum iudicium: Ergò è contrario Injustitia Dei hostes arguit, v. 29.

### CAPUT TERTIUM.

EX superioribus constat, Iohannem absolutà adversus Antichristos admonitione, quæ ad fidem pertinet, redire ad tractationem de notis filiorum Dei, & de operibus fidei, eodem ordine, quo in antecedentibus, sed probandi modo diverso. Ac primùm agit de nota generali, secundò de speciali. Generalis est iustitia, de qua agere cæpit, cap. 2. v. 29. & eam persequitur hoc c. 3. ad alteram usque partem v. 10. Veruntamen initio huius capitis, arrepta occasione mentionis eorum, qui ex Deo nati sunt seu filiorum Dei, huius nominis & rei dignitatem, convenienti digressionem amplificat, à causa efficiente, admiranda Dei Patris charitate. Cujus præstantiam etiam præfatione ostendit: qua ad contemplationem illius hortatur: partim ut ea ratione in vera fide confirmet ac consoletur: partim ut eo quasi stimulo, ad dilectionem Dei & iustitiam provocet, & sequentis tractationis de nota filiorum Dei fundamentum & probationem præstruat: *Videte*, inquit, *qualem charitatem dederit nobis Pater; ut filii Dei vocemur*, hoc est, sumus, per Meton. consequentis pro antecedente. Cum enim filii Dei vocari possint, aut iuste, ut cum à Deo, vel hominibus, convenienter rei veritati: vel injustè & falsò, ut cum ab hominibus tantum ita appellantur: prior vocationis modus hoc in loco intelligendus est, & quidem, ut rei veritas ita significetur: quemadmodum etiam *vocari pro esse*, cum apud profanos scriptores, tum in S. Litt. usurpatur, ut Gen. 21. 12. *in Isaac vocabitur*, id est, erit tibi semen: ut rem Paulus exponit, Rom. c. 9. v. 7. & 8. & Matt. 21. 13. *domus orationis vocabitur*, i. e. erit, ut Luc. 19. v. 46. interpretatur, *domus mea, domus orationis est*. Huius autem nominis & rei causam efficientem

indicat cum ait: *Qualem charitatem*, h. e. quàm admirandum charitatis opus, per Meton. causæ pro effecto (ut crebrò virtutum nomina, pro effectis suis accipiuntur.) Nec enim adoptio in filios Dei, propriè loquendo, charitas Patris est, sed illius charitatis effectum & argumentum illustre. Cujus charitatis excellentia elucet primùm (ut summa tantum capita perstringamus) in Patris adoptantis, & fidelium adoptatorum oppositione, in essentia, proprietatibus, & operibus: deinde in adoptionis & charitatis causa, nempe gratia Patris seu gratuita & immerita benevolentia, 1. Ioan. 4. v. 10. & Eph. 1. v. 5. denique in adoptionis consequente fructu, hæreditate inenarrabilis & incomprehensibilis gloriæ cœlestis, 1. Cor. 2. v. 9. Rom. 8. v. 17. Cœterum huius dignitatis certitudinem illustrat Ioannes, anticipatione quadam, qua occurrit huic ratiæ objectioni ac scandalo, si filii Dei sumus, cur non tales ab omnibus agnoscimur. Quæ tentatio fideles etiam interdum sollicitat, Psal. 73. & Jer. 12. Responsio duabus rationibus constat: quarum prima est ignorantia Patris: *Propterea*, inquit v. 1. *mundus* (hoc est, infideles, qui per Synecdo. sic appellantur, utpote maxima pars mundi) *non novit nos*, hoc est, non agnoscit pro Dei filiis, sed contemnit, odit ac persequitur, *quia non novit eum*, nempe Deum, Patrem Christi, naturā, & per gratiam, fidelium, ut Ioan. 15. 21. & c. 16. v. 3. & 17. 25. Qua in re consolationis argumentum geminum est, nimirum à causa contemptus, & à simili Dei Patris & nostrum conditione: cum enim Deus Pater non agnoscat à mundo, non est cur nos miselli homines, impatienter eandem sortem feramus, Matth. 10. v. 24 & 25. Altera ratio, cur mundus nos pro filiis Dei non agnoscat, hæc est, quod gloria hæreditatis nostræ nondum patefacta est. Sed ne patefactionis mora diuturnior nobis sit molesta, eam à temporis descriptione illustrat & certitudinem illius indicat: *scimus*, inquit, nempe fide, 2. Cor. c. 5. v. 7. ex Dei verbo, & spiritu illius, qui est pignus hæreditatis nostræ, Ephes. 1. 14. *fore ut cum patefactum fueris*, nempe Christus, in gloria, altero suo adventu, die iudicii 1. Ioan. 2. 28. Matth. 26. 46. *fore ut similes ei simus*, nempe in gloria, hoc est, gloriosa conditione, 1. Cor. 15. 49. & 2. Thess. 1. 10. cum animæ scientia & sanctitate, 1. Cor. c. 13. v. 8 10. 12. tum corporis immortalitate, pulchritudine; splendore, 1. Cor. 15. 53. & 2. Cor. 5. 4. & Matt. 13. 43. & utriusque gaudio ineffabili & æterno, Matth. 25. 21. 1. Cor. 2. 9. Cœterum hanc fidelium cum Christo similitudinem confirmat Iohannes à plena illius visione, nempe læta, 1. Ioan. 2. v. 28. & perpetua, 1. Thessal. 4. 17. cum qua gloria nostra necessariò conjuncta est; alioqui infideles etiam eum videbunt, sicuti est, gloriosum, Matth. cap. 26. v. 64. sed cum pudore & terrore, ut innuitur à contrario, 1. Ioan. 2. v. 28. & Apocal. 6. 16. & ad tempus tantum, Matt. 25. v. 41. & 46. Quod autem nonnulli hæc verba, *videbimus eum, sicuti est*, de Patre & ipsa essentia visione interpretantur, alienum est: quia loquitur de Christi patefactione in adventu ipsius, ut antecedentia ostendunt, c. 2. v. 28. 29. & consequentia, c. 3. v. 5. quæ de Christi patefactione prima agunt. Hæc de v. 2. & digressionem: ex qua Ioannes deducit filiorum Dei notam. Ac filios Dei quidem, ab adjuncta spe visionis, & similitudinis Christi per periphrasin indicat, cum ait: *Quisquis hanc spem in eo sitam habet*. Nota verò & indicium illorum est purificatio sui, quæ serium iustitiæ studium & peccati fugam denotat. Quæ purificatio & à Deo est, & à fidelibus, diverso tamen modo. A Deo enim est, quatenus sanctificationis habitualis causa efficiens & perficiens, & actualis excitans & adjuvans. A fidelibus verò, quatenus à Deo regenerati, ac vitæ spiritualis principio, & quasi anima donati, & excitati atque adjuti, rectè vivere & agere incipiunt, ac sese Dei Spiritu adjuvante purificare student. Quam notam illustrat & confirmat Apostolus à simili, cum addit, *sicut & ille* (nempe Christus) *purus est*: nam Christi Domini, summi doctoris ac ductoris nostri puritas est exemplar puritatis nostræ, quod imitari debemus, Matth. 11. v. 28. & 29. Ioan. 13. 13. & 15. & 34. & 35. Eph. 4. 32. & 5. 2. Phil. 2. 5. Hebr. 12. 1. & 2. cujus perquam oportet

oportune meminit : nam si speramus, nos gloria similes Christo fore in altera vita, oportet ei in hac vita, similes simus, puritate ac iustitia : ut quæ gloriæ & vitæ æternæ principium est, v. 3. Idque amplius illustratur & confirmatur sequentibus argumentis. Quorum primum est à contrarii indignitate : nam ut puritati repugnat peccatum : sic purificare se, & dare operam peccato, contraria sunt. Argumentatio autem hoc modo videri posset construenda, ut argumenti vis appareat : quisquis dat operam peccato, legem studiosè transgreditur. Nullus qui habet spem in Christo, legem studiosè transgreditur. Ergo nullus qui habet spem in Christo, dat operam peccato. Conclusio aliis quidem verbis ; sed eodem sensu antecessit, v. 3. *quisquis habet hanc spem, purificat se*. Assumptio tanquam hypothesi certa intelligitur. Propositio denique exprimitur, v. 4. & descriptione peccati à forma suâ confirmatur ; peccatum enim *ἀνομία* iniquitas ac legis transgressio appellatur, Metonymicè : quia propriè est habitus vel actus legem Dei transgrediens. Alterum argumentum est à fine adventus Christi primi ; quo patefactus est in carne, nempe ut peccata nostra tolleretur, ut Tit. 2. 14. cum merito obedientiæ ad mortem crucis, qua peccatorum remissionem & sanctificationem, nobis promeritus est : tum efficacia sua, qua verbo exterius, & Spiritu S. interius, nobis applicat peccatorum remissionem per fidem, & nos à peccatorum sordibus sanctificatione purgat, infundendo fidem ac charitatem. Tertium est ex antecedente, v. 2. repetitum, quod peccatum in Christo non est, v. 5. unde concludit filiorum Dei notam, cum ait : *quisquis in eo manet*, hoc est, per veram fidem ei inlitus est, *non peccat*, nempe *καὶ ἡ ζωὴ* peccato regnante, Rom. 7. 12. Nam dum fideles hic vivunt, iis peccatum semper inest, 1. Joh. 1. v. 8. sed nunquam penitus præest ac dominatur, Rom. 6. 14. Idque illustrat Apostolus, conversione simplici enunciationis negatæ, quæ ex ea necessario sequitur ; *quisquis peccat, non videt eum, neque novit eum*, hoc est (ut Ioan. 17. 3. per Synecdochen generis pro specie) fidem vivam non habet, ideoque in Christo non manet, v. 6. Verùm quia huic sententiæ sanctæ contradicebant nonnulli, qui se iustos esse gloriabantur, & tamen non iustè vivebant : idcirco Ioannes inserit admonitionem, qua ad cautionem hortatur ; & contraria assertione declarat ex effectis & conjugatis, quisnam iustus dici possit, nempe qui exercet iustitiam : idque probat repetito Christi exemplo, v. 7. deinde confirmat conclusionem antecedentem : ac primum illius conversionem, *quisquis peccat, &c.* idque à causa efficiente : quod qui peccato operam dat, ex Diabolo sit, scilicet non ratione substantiæ, sed accidentis vitii ; seu non quia homo est, sed quia malus ; ideoque generatione non propria, sed Metaphorica, propter exemplum & regimen : quod peccatores, peccato prorsus addicti, exemplum Diaboli imitentur, & illius suggestionibus malis, filiorum instar pareant : unde filii Diaboli propter imitationem & obedientiam appellantur, ut Ioh. 8. 44. Eph. 2. 2. explicatur : quemadmodum ratio, quæ adfertur, hoc in loco ostendit : *quoniam à principio, nempe mundi, Diabolus peccat* : cum in se, tum in aliis, Ioan. 8. v. 44. Idque illustrat à contrario filii Dei studio, & adventus illius fine : quod non solum iustus sit, sed ideo quoque patefactus, ut opera Diaboli, peccata videlicet, dissolveret, nempe in electis ac fidelibus, ut v. 5. utrumque conjunxit, patefactum ut peccata tolleretur, & quidem nostra. Hæc de v. 8. & conclusionis conversione. Cui conclusionis repetitio, paululum immutatis verbis, subjicitur hoc modo : *Quisquis natus est ex Deo, non dat operam peccato* ; & confirmatio apponitur à causa efficiente, seu impediente in nobis peccati dominium, nimirum quod semen Dei in regenerato maneat. Cæterum quid *semen* significet, quæri potest. Quidam Sp. S. ab effectu ita vocari censent : quod ejus virtute, tanquam ex semine quodam novi homines efficiamur. Quæ expositio pia sanè est : sed tamen magis videtur phrasi consentaneum, ut de Evangelio interpretemur, quod à Christo, Matth. 13. v. 19. semini comparatur, & à Petro 1. Ep. c. 1. v. 23. cum ait : *Renati non ex semine mortali, sed immortali, per verbum Dei*

*viventis & manentis in æternum. Manere autem semen* Evangelii dicitur : quod corde per fidem, ab electis susceptum, & radicum, latere quidem possit ad tempus, ut in agris initio fieri solet, & ut pruna sub cineribus : sed exidere non possit, Matth. 13. 23. Porro ut conclusio reposita sit illustrior, eam amplificat à majori, addita actui potentia, *nec potest, inquit, peccare : quia ex Deo natus est*. Quæ *ἀδυναμία* & potens impotentia ac perseverantia, pendet non à viribus humanis, natura inlitis, aut regeneratione infusis : sed à Dei, in filiis suis fidem conservantis, voluntate & potentia, 1. Pet. 1. v. 5. Joan. 10. vers. 28. Ad cujus rei pleniorē intelligentiam plenius in defensione doctrinæ Orthodoxæ de perseverantia Sanctorum disseruimus. Hæc de v. 9. Quem consequitur conclusio doctrinæ de nota filiorum Dei generali : *Per hoc, inquit, manifesti sunt filii Dei, & filii Diaboli ; quisquis non dat operam iustitiæ, non est ex Deo*. Cum autem Iustitia generalem utriusque tabulæ legis obedientiam declaret, eam illustrat à parte altera, à contrario, cum addit, *& qui non diligit fratrem suum*. Eaque viâ à generali filiorum Dei notâ, ad specialem, hoc est, à Iustitiâ universali, in Deum simul & proximum, ad charitatem proximi transit, v. 10. Eamque notam confirmat variis argumentis : primum à dilectionis causâ efficiente, Dei mandato antiquo, cui is, qui natus ex Deo, paret, v. 11. Idque amplificat à contrario exemplo Caini, quem filium mali illius, hoc est, *καὶ ἡ ζωὴ* Diaboli, Matth. 6. 13. 1. Iohan. 5. v. 18. vocat : quod primus fratrem occiderit. Cujus sceleris atrocitatem, à causâ impulsivâ, odio & invidia virtutis fraternæ, exaggerat ; ad consolationem fidelium, adversus grave mundi ingrati, & immundi odium, vers. 12. Quemadmodum consolatio adjicitur his verbis : *Ne miremini, fratres mei, si odit vos mundus, vers. 13. Eamque confirmat à charitatis Consequente eximio, nimirum confirmatione fidei, liberationis à morte æternæ & hæreditatis vitæ æternæ : quod ex charitate, tanquam ex effectu proprio, sciamus nos esse filios Dei, & hæredes vitæ æternæ. Idque amplificat à contrarii effectu, Syllogismo integro, ordine tamen (ut fieri sæpius solet) inverso ; Nullus homicida scilicet non conversus, habet vitam æternam in se manentem. Quisquis odit fratrem suum, homicida est ; Ergo nullus, qui odit fratrem suum, habet vitam æternam in se manentem. Conclusio aliis quidem verbis, sed eodem omnino sensu præponitur ; vers. 14. reliqua expresse apponuntur, vers. 15. Quia verò in fraternæ charitatis limitibus angustius definiendis, ab hominibus peccari solet, quousque illi porrigantur, demonstrat, v. 16. nimirum quod etiam pro fratribus mortem subire debeamus ; si scilicet illud ad Dei gloriam & Ecclesiæ salutem requiratur. Idque confirmatur exemplo Christi, qui nobis amoris author & exemplar, Iohan. 15. 12. & 13. & 13. 24. unde vanitatis arguit hypocritas, qui opibus suis fratrum inopiam sublevare detrectabant : concludit enim, eos charitate Dei esse vacuos : nam si proximo vitam tenemur impendere, quanto magis facultates, vers. 17. Atque hinc hortationem deducit, vers. 18. ad charitatem sinceram, per aphæresin & thesin. Illa est ; *ne diligamus verbo neque lingua* ; hæc verò, *diligamus factis & veritate*. Diligere autem verbo, sumitur hoc in loco non generatim : (nam omnino ex legis præscripto, pectore, ore, re, ut dici solet, proximum amare debemus) sed speciatim & oppositè factis ac veritati, ut etiam Iacob. 2. 15. & 16. declaratur. Atque hanc hortationem munit Apostolus rationibus, ab utilitate triplici petitis. Quarum prima est, quod per hoc, tanquam per effectum cognoscamus, nos esse ex veritate. Quam vocem quidam de Deo, qui infinitè verus est, interpretantur, sancta quidem sententiâ, sed huic loco non satis consentaneæ. Nam quod obijciunt, hoc probari ex sequenti pronomine *αὐτοῦ* ; illud alienum est : quia ea vox *καὶ ἡ ζωὴ*, interdum de Patre, & sæpius de Filio absolutè dicitur, quemadmodum suprâ demonstravimus. Quamobrem magis quadrat, ut vocem *veritatis*, Metonymicè de Evangelio, à materia, nempe veritate salutifera, sic dicto per Metonymiam exponamus : quemadmodum alibi quoque *verbum veritatis*, Ephes. 1. v. 13. & Coloss. 1. 5. & veritas, Ioan.*



Ioan. 17. 17. & Galat. 3. 1. & 5. 7. nominatur: & eodem sensu dicitur: Quisquis est ex veritate, Ioan. 18. 37. hoc est Euangelio, tanquam semine immortalis regnitus. Altera ratio est securitas cordis coram Deo: quæ ex fide, per charitatis contemplationem confirmata, stabilitur, vers. 19 de qua etiam re dictum est, cap. 2. 28. Cujus securitatis & bonæ conscientiæ præstantiam amplificat à contrariæ malæ conscientiæ morsu, & conjuncta majori iudicii divini severitate, vers. 20. Cui additur vers. 21. ut plerique exponunt, rationis allatæ repetitio: etsi nonnulli distinctè interpretentur, ita ut vox *καὶ* accipiatur non per Catechesin, de libertate, ac fiducia: sed propriè de loquendi libertate, qua Deum tanquam propitium Patrem invocamus, quæ oritur ex conscientiæ tranquillitate. Atque hæc de vers. 21. Tertia & ultima principalis ratio, est impetratio eorum, quæ à Deo in precibus petierimus, nempe vera fide, secundum Dei voluntatem, ad ipsius gloriam, ut cap. 5. 14. declaratur. Idque confirmatur ab antecedente adjuncto, observatione præceptorum Dei, vers. 22. Quæ verò præcepta intelligat, distributione materiæ eorum, in fidem & charitatem illustrat, vers. 23. & utilitatem observationis eorum addit, communionem cum Christo, Ioan. 14. 23. Cujus cum notas externas hæcenus tradiderit; jam alteram addit internam, nempe Spiritus Sancti testimonium, vers. 24. de quo Rom. 8. 9. & 16.

## CONSECTARIA.

I. Fideles ad beneficiorum à Deo acceptorum contemplationem excitandi sunt, alioqui in officio torperent.

II. Cum fons adoptionis & salutis nostræ sit Dei charitas; ergo non est, cur prævisis operibus, eam gloriam tribuamus.

III. Hinc etiam sequitur, Deum Patrem esse redamandum, eique in omnibus fidendum: quoniam filii illius sumus, & quidem ex gratia, ut Mal. 1.

IV. Filii Dei mundi infidelium contemptui & persecutioni obnoxii sunt. Ergo ad crucem ferendam patienter & fortiter parati esse debemus.

V. Non est cur iniquo mundi iudicio offendamur, cum eadem etiam sit hac in re Dei Patris conditio.

VI. Cum mundus Deum Patrem non nōrit: illius de Religione iudicium minimi æstimandum est. Ac propterea imperitè faciunt, qui multitudinis iudicium, idoneum veritatis argumentum esse arbitrantur, v. 1.

VII. Adversus hujus vitæ calamitates, consolari nos debemus spe gloriæ cælestis futuræ.

VIII. Cum sciamus, nos fore Christo in gloria similes: ergo iniqui sunt Pontificii, qui doctrinam de certa persuasionem salutis, temeritatis arguunt.

IX. Quoniam scimus, nos Christi adventu servandos, & gloriā cælesti donandos, idque sperare debemus: sequitur, eos in fidem & spem Christianam peccare, qui ad dei iudicii memoriam perpetuè contremiscunt.

X. Spei Christianæ effectum & argumentum est puritas vitæ. Ergo certa salutis gratiæ fiducia & expectatio, non fovet peccandi licentiam, ut adversarii Pontificii objectant, sed eam tollit.

XI. Cum purificare debeamus nos ipsos: sequitur, nos esse naturā impuros.

XII. Christi puritas nobis debet esse sanctitatis exemplar & stimulus. Quocirca impiè faciunt, qui frena cupiditatis carnis, gratiæ Christi prætextu laxant, v. 3.

XIII. Cum peccati forma sit *ἀνομία*, *Legis transgressio*: sequitur damnandam esse Pontificiorum superstitionem: quā traditionum suarum humanarum transgressionem non solum peccata vocant, sed graviora quàm Legis divinæ transgressionem (ut pastorum conjugium adulterio gravius) iudicant.

XIV. Hinc etiam concluditur Justitiam esse *ἀνὸρ* *Legis divinæ* observationem: ac propterea non humanas traditiones; sed Dei Legem esse unicam justitiæ & bonorum operum normam.

XV. Cum omnia peccata sint Legis transgressio, ideoque mortem mereantur, Deut. 27. Rom. 6. 23. Ergo falsa est Pontificiorum peccati ratione meriti sui distinctio, in mortale, quod mortem; & veniale, quod sua natura non mortem mereatur, sed venia dignum sit.

XVI. Hinc etiam sequitur, ad fugam peccati Legem diligenter esse meditandam, v. 4.

XVII. Si Christus peccata nostra tollit: ergo pro iis homines non satisfaciunt suis meritis, ut Pontificii committuntur: peccata enim tollere dicitur, non quod quædam fidelium peccata, sed quod omnia tollat: ut etiam cap. 1. dictum: *sanguis Christi purgat nos ab omni peccato*.

XVIII. Cum fideles id sciant: sequitur adversarios non esse verè fideles, cum id nesciant; imò apertè negent.

XIX. Si quisquis in Christo manet, non peccat, peccato scilicet dominante: ergo certa est sanctorum perseverantia, v. 6.

XX. Non est mirum, seductores hisce temporibus exstare, & quidem qui Euangelii gratia ac justificationis doctrina, ad peccatorum licentiam abutuntur: cum viventibus etiam Apostolis, ejusmodi seductores in Ecclesia existerint.

XXI. Pastorum officium est, Christi oves adversus seductores præmonere: fidelium verò est, eosdem cavere diligenter.

XXII. Christianorum justitia, non in solis verbis, sed in vita sancta consistit potissimum, v. 7.

XXIII. Christi hostes sunt, qui peccatum in se aut in aliis foveant.

XXIV. Si regenerati peccare non possunt, quia semen Dei in iis manet: ergo vera est doctrina de perseverantia sanctorum; falsa contra eorum sententia, qui regeneratos ac verè fideles quosdam, omnino fidem ac Spiritum Sanctum amittere docent.

XXV. Unde etiam fideles ea re sese in tentationibus sustentare ac consolari debent.

XXVI. Malorum hominum facta nobis in Sacris Lit. narrantur, non ut ea imitemur aut tantum cognoscamus; sed ut eò cautiore reddamus, adversus tentationes carnis, mundi, Satanæ; utque eorum exemplum tanquam scopulum fugiamus.

XXVII. Qui piè volunt vivere, persecutionem patientur.

XXVIII. Injusta piorum cædes, non debet fideles à pietatis studio detertere, v. 12.

XXIX. Piorum historiæ in Sacris Literis ad nostram consolationem conscriptæ sunt, v. 12. & 13.

XXX. Si scimus ex charitate, nos translatos ex morte ad vitam: ergo salutis fiducia, iniquè à Pontificiis damnatur.

XXXI. Si quisquis fratrem odit, homicida est; quod odium homicidii fons sit: ergo non solum manum à cæde, sed etiam animum ab odio abstinere debemus, v. 15.

XXXII. Qui proximum non diligunt, ingrati sunt in Christum, v. 16.

XXXIII. Misericordia & liberalitas erga fideles inopes, charitatis Dei nota est, v. 17.

XXXIV. Studendum est, ut habeamus ac foveamus bonam conscientiam, v. 19.

XXXV. Cum Deus omnia nōrit; ejus providentiæ consideratio, adversus injurias, impatientiæ frenum est, & ad pietatem ac justitiam stimulus, Mal. 3. 16.

XXXVI. Non est, cur ob sceleratorum impunitatem adversus Deum murmuremus: quandoquidem illi scelerum suorum testem ac iudicem ipsos condemnantem, in se habeant, nimirum conscientiam, & supra se Deum omnipotentem, v. 20.

XXXVII. Si is, qui facit id, quod Deus imperat, illud, quod ab eo petit, impetrat: ergo Deo parère utilissimum est, v. 22.

XXXVIII. Fides & Charitas individuo nexu copulata sunt.

XXXIX. Si fideles sciunt ex Spiritu; Christum habitare in ipsis. Ergo doctrina de fiducia gratiæ & salutis nostræ

nostræ particularis, immerito à Pontificiis temeritatis damnatur, v. 24.

### Digressio brevis de Interpretatione

1. Joh. 3. v. 19.

**I**N eo cognoscimus, quod ex veritate sumus, & coram eo *πιστούμεν τὰς καρδίας ἡμῶν*. Quæstio proposita est, an accuratè à nostro Interprete, aliisque ipsum securis sit versum, *secura reddemus corda nostra*. Licet enim eam sententiam non rejecerimus neque examinaverimus, quia sensum commodum retinet; & per consequentiam ex textu sequatur: verti tamen melius potest, *persuadebimus cordibus nostris*; ut Matth. 28. 14. quia nullibi in Sacris Literis ea vox, in præsentia aut futuro significat *secura reddere*, neque ex bonis authoribus Græcis hoc evincitur. Ac propterea quod hoc in loco inusitata significatio ponitur; ut ferri potest ratione sensus, ita accuratè non fit. Deinde idem etiam demonstrat adjunctum cordium, v. 20 21. nam condemnare (quod judicii mentis actio, non autem voluntatis) tribuitur iisdem cordibus. Ideo vox hæc non voluntatem notat, sed animam, & quidem secundum quid seu mentem: ut de eâ significatione plurimis egimus sub finem Epistolæ ad Hebræos in tractatione de formâ fidei.

### CAPUT QUARTUM.

**Q**Uoniam nonnulli solam doctrinæ puritatem, sine charitatis studio sectantur, ac de fide suâ gloriantes, opera fidei negligunt: & alii contrâ ita bonis operibus intenti sunt, ut doctrinæ & fidei sinceritatem parvi æstiment: idcirco utrique malo occurrit Apostolus hac Epistolâ: priori quidem, cum ad justitiam & charitatem, tanquam filiorum Dei notam, pluribus hortatur: posteriori verò, cum adversus veræ doctrinæ corruptores, fideles præmunit, cap. 2. vers. 18. ad vers. 29. partim cap. 3. vers. 23. quo fidem charitati connectit, & præsertim hoc capite quarto, 6. prioribus versibus, quos in eum finem doctrinæ de charitate inserit. Quæ tractatio antecedentibus optimè cohæret; quoniam ex iis tanquam conclusio consequitur: si enim fides præcepta est divinitus: ergo videndum est, ne ab ea in errores seducamur. Deinde quoniam mentio Spiritus nobis dati, facta est, vers. 24. antecedente; inde ad tractationem de spiritibus aliorum, occasione commodâ eleganter transitur. Cæterum hæc tractatio constat propositione & expositione. Propositio est admonitio bimembris, complectens dehortationem à malo & adhortationem ad bonum. Dehortatio est à credulitate seu fide temeraria, Ne, inquit, *credite cuiusvis spiritui*, id est, per Metonymiam, spiritu prædito, seu qui se Prophetam esse dicit; quemadmodum ex versu proximo apparet, ubi dicitur, *quicumque spiritus proficitur*. Adhortatio verò est ad examen & probationem spirituum, *an ex Deo sint*, hoc est, ex Dei instinctu loquantur. Hoc autem examen aliud est privatum, quod ad singulos fideles spectat: aliud est publicum, quod ad Synodos & communem Ecclesiæ consensum pertinet. De utroque generatim hoc in loco agit, ut 1. Thess. 5. 19. 20. & 21. Hæc de propositione: cui additur expositio, continens examinis causam impulsivam & modum, additâ consolatione. Ac causa quidem est seductionis periculum, nimirum quod multi Pseudoprophetæ venerunt in mundum. Modus verò examinis, communem notam & dignoscendi regulam complectitur: estque particularis, vel universalis: particularis modi nota, est doctrina de Christi adventu in carnem. Regula verò dignoscendi duplex est: prior, quâ verus spiritus, qui ex Deo est, cognoscitur, hujusmodi statuitur: *Quicumque Spiritus proficitur Iesum Christum in carne venisse, ex Deo est* ( *πρὸς τὴν ἐν σαρκὶ ἐλθόντα* ) in carnem venisse, ex Deo est. Cujus sententiæ pars utraque exponi potest bifariam. Nam primò profiteri Iesum Christum in carnem venisse, accipi potest, tanquam summa doctrinæ de Christo, ut simul personæ, officii & beneficiorum confessionem complectatur: siquidem ut in persona Christi considerandæ sunt duæ naturæ, & earum u-

nio personalis: ita divina natura indicatur hoc in loco, cum dicitur *venisse*; nempe à cælo à Patre, ut v. 9. declaratur; & humana natura assumpta, cum additur, *in carnem*. quâ voce non corpus solum, strictiore Synecdoche, sed latiori, corpus anima rationali præditum intelligitur, ut Joh. 1. v. 14. unio verò personalis notatur, cum Iesus Christus singulari numero appellatur, ostenditurque unam esse personam, non plures. Deinde officium indicat vox *Christi*: ut qui unctus sit & legatus per Spiritum Sanctum, ut sit summus Ecclesiæ ac spiritualis Propheta, Sacerdos, Rex. Denique beneficium, ex officio illo promanans, nimirum salus nostra, voce *Iesus* continetur, Matth. 1. 21. Secundò exponi potest, ut tantum referatur ad naturæ humanæ veritatem, ut quemadmodum cap. 2. 22. & 23. Apostolus disseruit adversus Antichristos, qui Iesum negabant esse Christum filium Dei: ita hoc in loco distinctè agat contra eos, qui negabant, Christum venisse *in carne*, hoc est, carne præditum, seu veram humanam naturam assumpsisse: ut scilicet quemadmodum antea Cerinthum & Ebionem: sic hoc in loco Simonem Magum, & discipulum illius Basilidem confutet. Atque hæc sententia videtur orationis contextu confirmari: nam Iohannes quasi extra controversiam ponit, Iesum esse Christum: sed illud controversum, an in carnem, aut in carne venerit, nec-ne. Ac sanè, ut prior expositio uberius est: ita hæc videtur verior, nisi fortasse versionem aliam, quàm quæ vulgò extat ac probatur, hîc statuamus, hoc scilicet modo: Quicumque Spiritus confitetur Iesum Christum, qui in carnem venit, per ellipsin articuli Græci *ὅτι*, quæ nec durior, nec insolens est. Quod verò ad alteram hujus Regulæ partem attinet, quidam cum Oecumio *ex Deo esse*, simpliciter & omnino de regenerationis gratia interpretantur: & quia obijci poterat, hanc non esse certam filiorum Dei notam, quia etiam Diabolus & hypocritæ hanc doctrinam profiteri possunt: idcirco professionem hanc, non generatim, sed speciatim, cum vera fide conjunctam, & ex ea promanantem intelligunt. Alii verò secundum quid explicant, seu non ratione personæ, quasi illa regenerata sit, sed ratione doctrinæ: quæ expositio, v. 1. (ubi eadem phrasis est, idemque scopus) confirmatur. Hæc de prima examinis regula, qua Spiritus verus, qui ex Deo est, cognoscitur, v. 2. Altera est, qua spiritus falsus, qui non ex Deo est, percipitur, nempe quod contrarium asserat: *Quicumque*, inquit, Spiritus non proficitur Iesum Christum in carnem venisse, ex Deo non est: & ille est spiritus Antichristi ( *τὸν* scilicet *πρὸς τὴν ἐν σαρκὶ ἐλθόντα* ) idque ab adjuncta auditione Prophetiæ illustrat (quemadmodum antea, c. 2. 18. ) ad consolationem fidelium, vers. 3. Quo etiam planius & plenius pertinent sequentia, quibus adversus Antichristorum scandalum fideles consolatur, oppositione duplici. Nam primò opponit Antichristis fideles, quod ut illos ostendit non esse ex Deo, sic hosce esse ex Deo testatur, *quodque illos vicerint*, nempe veræ fidei ac doctrinæ constantia, c. 5. 4. Cùm autem victoria de Antichristis & mundo sit duplex, perfecta aut imperfecta: quidam de priori intelligunt, quod videlicet non re, sed spe certa adversarios superarint: alii verò de altera interpretantur, quod imperfecta & inchoata victoriâ seductores re ipsa superarint, dum in veritate constantes, adversus illorum conatus & insultus varios, hætenus perstiterunt. Quæ sententia magis consentanea est. Hanc autem victoriam, à causa efficiente principali amplificat (ad humilitatem 1. Cor. 4 v. 7. & ad fidem ac spem fovendam) *Quoniam*, inquit, *potentior est, qui est in vobis, quàm qui in mundo est*: hoc est, Deus, qui in verè fidelibus est, sui Spiritus gratia & regimine salutari potentior est, quàm Diabolus, qui in infidelibus mundi est ac dominatur, vers. 4. Huic primæ oppositioni Antichristorum & fidelium, altera additur, qua Antichristi & Apostoli opponuntur: nimirum quod illi quidem à mundo sint, hoc est, ex infidelium & non regeneratorum numero; deinde quod mundana, quæ originem habent à mundo, non autem à Deo, doceant: quodque eos infideles mundi audiant, hoc est, per Synecdochen iis credant ac pareant, v. 5. & contrâ quod Apostoli ex Deo sint; deinde quod

quod qui noverint Deum vera fide, Apostolos audiant ac probent, contraque qui non sunt ex Deo, non audiant. Qua ratione Apostolus notam universalem, cujus initio capitis meminit, qua spiritus dignoscamus, demonstrat esse doctrinam Apostolorum. Regula autem prima est, *qui Apostolos audit, ex Deo est*: Altera, *qui non audit, non est ex Deo*. Nam sententia, cujus jam memini, *qui novit Deum, audit nos*, &c. est reciproca, qui non audit nos, non novit Deum: ideoque addit Apostolus: *Ex hoc cognoscimus, spiritum erroris*, v. 6. Hactenus prima hujus capitis pars, nempe tractatio de spiritibus dignoscendis, quæ ad fidem pertinet. Unde iterum redit ad doctrinam de dilectione: in qua spectanda est hortationis propositio & confirmatio. Illa est, *dilecti, diligamus alii alios*. Hæc verò rationes adhortationis profert diversas. Quarum prima est à Causa Efficiente, quod charitas sit ex Deo, quia auctor illius est, partim exterius, mandato: partim interius Spiritus sanctificantis efficacia. Altera verò ratio est à subiecto: quia nota est filiorum Dei & verè fidelium, vers. 7. Idque illustratur à contrario: quod privatio illius sit argumentum infidelium, qui non verè norunt Deum: qua in re tertia existit ratio, quam probat à natura Dei: *nam Deus est charitas*: hoc est, Metonymicè fons charitatis, perfectissima charitate præditus, quam imitantur, quicumque vera fide Deum norunt, v. 8. Hæc autem Charitas confirmatur ab effectu, & opere illustrissimo, nempe missione Filii ipsius, & quidem unigeniti, & causis illius, primùm sine remoto, ut vivamus per eum, vers. 9. deinde efficiente impulsiva, gratia illius. Quæ indicatur partim remotione falsi, quod nos non dilexerimus Deum: partim positione veri; quod ipse dilexerit nos, nempe prior, ideoque miserit Filium suum, ut esset propitiatio pro peccatis nostris, qui finis missionis propinquus, vers. 10. Similes loci sunt, Johan. 3. vers. 16. Roman. 5. 8. Atque hinc quartam rationem colligit Apostolus, qua dilectionem mutuam fidelibus commendat: *Dilecti, inquit v. 11. si Deus nos eo modo dilexit, debemus & nos alii alios diligere*; ut Eph. 4. 32. & 5. 1. Matth. 18. 33. & 35. Quinta ratio est, quod cum Deus sit invisibilis, eum in nobis habitare constet ex effectu charitatis, scilicet proximi, mutuz. Sexta ratio est, quod sit argumentum Charitatis nostræ erga Deum, *Charitas, inquit, ejus in nobis est perfecta*, hoc est, adimpleta, seu verè & re comprobata. Etenim perfectum, hoc in loco opponitur non imperfecto suis partibus ac gradibus, sed simulato; quemadmodum Ezechias, Esai. 38. 3. ait, se animo perfecto continenter ambulasse coram Deo; & tamen v. 17. peccata sua confitetur; ideoque satis ostendit, se non loqui de perfectione graduum, à qua imperfectio omnis absit; sed de sinceritate. Hæc de vers. 12. Cæterum quia habitationis Dei in nobis meminit, & illius argumentum esse docuit charitatem proximi, jam digressionem quadam, alias duas inserit notas, ad fidem pertinentes. Quarum prior, est spiritus regenerantis communicatio, vers. 13. quam notam similiter, cap. 3. 24. Charitati conjunxit. Altera nota est professio Christi; cujus confirmatio præmittitur ab Apostolorum, oculatorum testium, doctrina. Nos verò spectavimus, & testamur, Patrem misisse Filium, qui esset Servator mundi, vers. 14. de qua re amplius actum est cap. 1. 1. 2. 3. Atque hinc rectè professionis Christi forma ac summa adjicitur: *Quisquis professus fuerit Jesum esse Filium Dei*, nempe sincera fide, *Deus in eo habitat, & ipse in Deo*. Verùm ne quis hallucinetur, observandum est, ut strictim attigi, professionem hanc, non esse generatim intelligendam, sed speciatim & Synecdochicè, de certa illius specie. Nam ratione causæ efficientis, professio Christi non unius est modi: alia enim contra animi sententiam spe vel metu expressa est: alia verò ex mentis notitiâ promanat; & quidem vel sola, seu fide mortua; vel ex viva fide exurgit: qui modus solus hoc in loco & similibus, Matth. 10. 32. & Rom. 10. v. 10. intelligendus est: nam priores duo hypocritis & dæmonibus etiam communes sunt. Deus autem in iis, qui Christum profitentur, dicitur habitare, & hi in Deo, quatenus per Fidem & Spiritum Sanctum, cum Filio Dei unum sunt, ut membra sub eodem

capite, spiritali nexu devinctas; eoque & cum Patre communionem habent, qui in Filio est, ratione unius & ejusdem essentiz, v. 15. Porro ut ad doctrinam de Charitate redeat Apostolus, illustrat suum, quod antè attulerat, testimonium, à causa efficiente, cognitione & fide charitatis Dei erga nos, in missione Filii; & inde repetit rationem quintam, & probationem rationis tertiæ. Nam charitatem eo nomine commendat, quod sit communionis cum Deo, argumentum: Idque comprobat à natura Dei, nimirum quod Deus charitas est, hoc est, fons & origo charitatis, ut antè ostendimus. Sed objicit aliquis; Quænam est ratio consequentiæ, Deus fons est charitatis: Ergo qui charitatem habet, ille manet in Deo? similiter enim argumentari liceret: Deus est veritas seu autor omnis cognitionis Christi. Ergo quicumque habet cognitionem Christi, in Deo manet, quod omninò falsum est. Verùm responderetur, diversam longè esse rationem; quoniam notitia veritatis donum est Dei fidelibus & infidelibus commune; sed charitas donum est fidelibus peculiare. Ergò si Deus charitatis fons & auctor est in solis verè fidelibus (quod tanquam certa hypothesis hoc in loco præteritur) sequitur necessariò, eos omnes habere communionem cum Deo, qui charitate præditi sunt. Sed iterum excipi potest; quod commune electis & reprobis, fidelibus & infidelibus, illud non potest esse certa nota filiorum Dei. Atqui charitas proximi fidelibus & infidelibus communis est, quemadmodum experientia demonstrat: nam officia secundæ tabulæ, & charitatis proximi opera, in Ethnicis & aliis incredulis illustriora sæpe sunt, quàm in verè fidelibus. Ergò charitas proximi non est filiorum Dei nota. Verùm negatur assumptio: quoniam in hominibus infidelibus charitatis proximi fallax species seu similitudo externa esse potest, sed rei veritas deest. Nam ea solùm legitima ac Deo grata est charitas proximi, quæque hoc in loco intelligitur, quæ ex Dei creatoris, & in Christo redemptoris agniti ac crediti amore promanat, & cum professione veritatis salutaris, (quæ amoris Dei actualis pars est) conjuncta est: ideoque ut fides per charitatem efficax dicitur, Gal. 5. v. 6. sic charitas ex fide non simulata oriri asseritur, 1. Tim. 1. v. 5. Hæc de v. 16. Cæterum septimam rationem ad commendandam nobis charitatem, adjungit Apostolus, petitam ab effectu, nempe fiducia in die judicii: de qua re etiam actum est, cap. 2. 28. idque probat bifariam, primò quod qualis ille, nempe Christus est in cælo, tales nos sumus in hoc mundo: hoc est, quod per charitatem Christo reddamur similes sanctitate in hac vita: unde confirmatur fiducia gratiæ & similitudinis gloriæ in altera vita, v. 17. Idque à contrario declarat & probat. Id enim confirmat fiduciam, quod metui adversatur, eumque foràs ejicit: atque charitas perfecta, hoc est, sincera, talis est. Ergo fiduciam confirmat. Cum autem metus alius sit liberalis; alius illiberalis & servilis: posterior hoc in loco intelligitur, & quidem contrarius fiduciæ salutis, qui cum vera charitate & timore Dei liberali non consistit: quia charitas fructus fidei est, & ab ea separari non potest. Ac propterea Apostolus probationem allatam roborat, argumento deducto ab effectu metus: quod conscientiam cruciet: id quod charitati repugnat, vers. 18. Verùm ne quis charitate sua superbiat: idcirco Apostolus causam efficientem esse docet Dei amorem erga nos: ut Deo gloria, & gratiarum actio cedat, v. 19. Octava ratio, ad commendandam charitatem, est, quod à Dei dilectione separari non possit: idque stabilitur duobus modis. Primùm à comparatis: *Qui enim fratrem suum non diligit, quem vidit, Deum, quem non vidit, quomodo potest diligere?* Ratio consequentiæ est, quod dilectio fratris sit etiam dilectio Dei, sed mediata: ad quam non solum verbo, sed etiam adspectu provocamur, cum interim Dei tanquam invisibilis queamus oblivisci, v. 20. Altera ratio est, quia Deus charitatem utramque, Dei & proximi, præcepit, & conjungi à nobis voluit, vers. 21.

## CONSECTARIA.

I. **U**trique peccant graviter, tam illi qui quamvis doctrinam temerè admittunt, quàm alii, qui ob deceptionis periculum omnia eodem modo averfantur.

II. Cum superstitibus etiam Apostolis Pseudo-prophetæ Ecclesiam divexarint, iniquè faciunt, qui propter exortos in Ecclesia falsos doctores, offensi, ab Ecclesiæ communione desistunt, v. 1.

III. Doctrinæ probatio privata, non solum ad Ecclesiasticos, sed etiam ad laicos, ut vocant, pertinet: ideoque iniquè ac superbè faciunt Pontificii doctores, qui hoc plebi derogant, & stultè plebs eam curam in suos pastores solos, qui sæpè depastores sunt, & recti ovilla pelle lupi, à se rejicit.

IV. Verorum Doctorum præcipuum *veritas* est doctrina sana de Christi personâ, officio & beneficiis, v. 2.

V. Cum Anabaptistæ, quamvis verbis aliud profiteantur, reipsa tamen negent, Christum venisse in carnem, cum verbum in carnem mutatum asserunt; sequitur eos non esse ex Deo, seu doctrinam eorum hujusmodi non esse divinam, v. 3.

VI. Filiorum Dei est, vincere mundum & falsos doctores.

VII. Christi potentia maximum fidei & spei Christianæ fulcrum est, v. 4.

VIII. Non est cur offendamur, si videamus maximam mundi partem errores probare, & Evangelium averfari, vers. 5.

IX. Si doctrina Apostolorum unica & certa est Veritatis doctrinæ nota. Ergò malè faciunt Pontificii, qui multitudinis consensum, & traditiones Patrum iactantes, hujus notæ censuram subterfugiunt, v. 6.

X. Cum Christus sit missus à Patre, ut vivamus per eum: ergò falsum est Pontificiorum dogma, & in Deum Patrem Christumque injurium, quo nos bonis operibus vitam æternam promereri asserunt, v. 9.

XI. Quandoquidem Deus nos charitate suâ prævenit ac prior amârit: falsa est eorum sententia, qui prævisorum operum merito, nos Deo gratos, & ad fidem adductos comminiscuntur, vers. 10.

XII. Doctrina de gratuita peccatorum remissione, maximum est ad charitatem argumentum & quasi stimulus: ac propterea iniqui sunt Pontificii, qui per eam doctrinam, bonorum operum studium imminui & extinguere obiectant, versu 11.

XIII. Cum Apostoli sint testes Evangelii oculati ac fidi: eorum doctrinæ credendum est, v. 14.

XIV. Cum professio Iesu Christi recta, sit filiorum Dei nota: ergò illius pudere nos minimè debet, v. 15.

XV. Si metus non est in charitate: inde consequitur, Pontificiorum sententiam à veritate discedere, quâ fideles, dum in his terris vivunt, in perpetua dubitatione & metu salutis versari debere statuunt, v. 18.

## CAPUT QUINTUM.

**P**ostquam capite antecedente demonstravit Apostolus, Dei & fratrum nostrorum, hoc est, fidelium dilectionem, inter se coherere: in eadem materia amplius confirmanda, initio hujus capitis progreditur, & deinde ad doctrinam fidei transit in eaque conquiescit. Ac primum dilectionem fratrum, non posse à dilectione Dei separari, probat à fratrum seu fidelium, ac fidei causa efficiente, nempe regeneratione. Syllogismus autem qui variè ab interpretibus formatur, hoc modo commodissimè, uti videtur, concludi potest: Si, qui diligit genitorem, etiam diligit eum, qui ex eo genitus est: Ergo qui diligit Deum, diligit etiam fratrem suum, hoc est, credentem in Christum. Sed qui diligit genitorem, etiam diligit eum, qui ex eo genitus est. Ergò qui diligit Deum, diligit etiam fratrem suum. Conclusio autem cessit, cap. 4. v. 21. Assumptio exprimitur hoc cap. 5. vers. 1. Propositionis denique loco ponitur illius probatio: quia quisquis credit Jesum

Christum, hoc est, quisquis frater ac fidelis est, ex Deo genitus est, ideoque Deus illius genitor. Quo in loco observandum est, quod credere Jesum esse Christum (ut etiam Ioan. 20. vers. 31.) non notet quamvis Christi notitiam generatim (quia ea quoque mortua fide præditis, Diabolo & reprobis multis communis est) sed vivam fidem, quæ per regenerationem donata, & charitatis effectiva, Johan. 1. 13. Galat. 5. 6. quæ fideles electis & regeneratis est propria, Tit. 1. vers. 1. Hæc de vers. 1. Porro quia dilectio fratrum, alia recta est; qua ad benè agendum: alia prava, qua ad malè agendum benevoli sumus: nequis pernicioso errore, hanc pro illa, probet ac colat: rectæ ac sanctæ dilectionis fratrum notam ac normam describit, nempe dilectionem Dei; quæ propria est dilectionis proximi causa & origo; & mandatorum Dei observationem, quæ dilectionis norma est, vers. 2. Cum autem observatio alia sit secundum *anabaptistas* seu summum Legis jus & rigorem: alia verò secundum *christianos* ac moderationem Evangelii; prior hoc in loco non intelligitur: quia omnes habemus nostra peccata 1. Ioan. 1. 8. sed posterior, quâ sincerè ac pro virili Legi divinæ mente ac secundum spiritum servimus, Roman. 7. 25. Quo etiam pertinet sequens expositio, qua causam reddit, cur dilectioni Dei, mandatorum observationem adjunxerit: nempe quod hæc sit dilectio, ut mandata ejus servemus. Dilectio autem Dei ambigüe quidem dicitur: quia *Deus* notare potest causam efficientem vel objectum: sed tamen liquet objectum hîc designari, ac dilectionem, non quâ nos diligit, sed quâ à nobis diligitur, esse intelligendam. Quæ esse dicitur mandatorum ejus observatio, non tam definitione ex causis, quàm descriptione ex effectis, ut Johann. 14. v. 21. & 24. Verùm quia obijci poterat Legis difficultas, anticipatione quadam eam removeret, & à facilitate, mandatorum observationem illustrat; cum ait, *mandata ejus gravia non sunt*, nimirum certo respectu & modo. Nam si homines non regeneratos consideras, Lex est onus omninò intolerabile; primum ratione rigoris ac perfectionis partium & graduum ac temporis quam requirit: idque propter contrariam corruptionem naturæ humanæ, qua legem perficere non possunt; imò ne incipere quidem, propter mentis cæcitatem & cordis obdurationem, Ephes. 4. 18. hoc est, propter carnis in toto homine dominium: cujus, ut ait Paulus, Roman. 8. v. 7. *Cogitatio inimicitia est adversus Deum: legem enim Dei non subijcitur, neque enim potest*: unde etiam lex dicitur iis impossibilis: quod etsi ea observari possit à natura integra, non tamen à corrupta, qua infirmatur per carnem, Rom. 8. 3. Secundò ratione annexæ, adversus legis transgressores, maledictionis: quæ ut conscientiam infidelium gravat ac terreat: ita sese suis viribus ab ea liberare & eximere non possunt. Contrà lex Dei, si regeneratos spectemus, & intolerabilis, & tolerabilis ac facilis, sed diversis modis, dici potest. Intolerabilis quidem est, quatenus perfectam obedientiam requirit, quam nemo, solo Christo excepto, præstare potest, ob carnis adversus spiritum repugnantis reliquias: atque ita jugum est intolerabile, Actor. 15. vers. 10. 11. Tolerabilis verò ac facilis est comparatè ac secundum quid: Primum propter sanctificationem, qua per Spiritum Sanctum regenerantem lex Dei animis fidelium inseritur: partim cum menti inditur notitia illius & approbatio: partim cum cordi inscribitur desiderium illius observandæ ac studium, Hebr. 8. v. 10. Ac menti quidem inditur illuminatione illius bimembri: ea enim constat intelligentiâ legis & assensu, Roman. 7. vers. 16. Cordi verò inscribitur, cum voluntatis Dei, lege patefactæ, delectatio & amor serius, ingeneratur: seu cum voluntas nostra ad observationem legis propensa ac prompta redditur. Cum autem hæc sanctificatio, quâ secundum omnia Dei præcepta vitam instituimus, sit inchoata in verè fidelibus, non autem gradibus suis consummata (quoniam caro seu peccatum originis, dum hîc vivimus, reliquias suas habet, in nobis, ac pugnat adversus spiritum, Roman. 7. 23. & Gal. 5. 17.) idcirco mandatorum & legis Dei observatio, facilis est regeneratis, non simpliciter, sed se-



sed secundum quid, secundum interiore & novum hominem. Nam si veterem hominem spectemus, legi Dei adversatur & legi peccati servit, Rom. 7. 23. & 25. sin verò spiritum & interiorem hominem intueamur, secundum eum legi Dei delectamur, Roman. 7. 22. eique servimus, Roman. 7. 25. Secundò facilis est fidelibus legis Dei observatio per fidem seu ratione accidentis gratiæ Christi per justificationem, cum personarum, tum operum. Personarum quidem, quâ ab onere maledictionis legis liberantur: seu, ut Petrus ait, corda fide purificantur, Actor. 15. v. 9. nempe à reatu mortis, quam & caro tota, & illius reliquæ, hoc est, injustitia corruptæ naturæ nostræ promeretur. Operum verò nostrorum justificatio est, cum eorum defectus & contagio à carne promanans, Christi justitiâ tegitur, & illud, quod boni inest, & à fide ac spiritu Dei proficitur, Deo acceptum est: quippe non malè hoc sensu dicitur, Christum non solum personas nostras, sed etiam nostra bona opera justificare, & intercessione suâ, deletis maculis adjunctis, Deo reddere grata, Hebr. 13. 21. & 1. Petr. 1. 2. & 5. Denique facilis est mandatorum Dei observatio, propter conscientiam, de Dei gratiâ & amota maledictione certæ, & à terroribus legis, comminantis ac damnantis, liberatæ tranquillitatē. Quare hisce de causis, Dei mandata non omnibus, sed fidelibus (quia de hisce tantum hoc loco differitur) non esse gravia asserit Joannes, vers. 3. Quemadmodum etiam ex probatione hujus sententiæ, quam subjicit, colligi potest. Nam causam facilitatis efficientem adducit, regenerationem & fidem: *Quoniam inquit, quicquid natum est ex Deo, vincit mundum*, hoc est, infideles. Nam quemadmodum infideles mundi, Dei mandata violant: ita Ecclesiam etiam oppugnant, & ab observatione mandatorum Dei avellere student, partim vi comminationum & persecutionis: partim dolo falsæ doctrinæ & promissionum illecebris, & malorum operum exemplis. Contrà, pii superant hasce difficultates, quando in officio, Deo adjuvante, constantes permanent. Causa autem instrumentalis est fides, quam propterea per Metonymiam appellat *victoriam*, hoc est, causam victoriæ, vers. 4. quod ea scilicet Christum ejusque justitiam apprehendat & per charitatem sit efficax, Galat. 5. v. 6. Atque hinc transit Apostolus à doctrina charitatis ad fidem, cujus ut effectum repetit, nempe vincere mundum: sic etiam, ne quis à recta fidei professione seducatur, veram à falsâ distinguit, describens fidem ab objecto præcipuo, Jesu Filio Dei, vers. 5. Eaque viâ probat Iesum Christum esse Filium Dei; primum ad adventu gemino; cum per aquam, tum per sanguinem. Quem adventum, amplificatione à minore repetit & ait; *non per aquam solum: sed per aquam & sanguinem*. Quid autem aqua, quidque sanguis significet, primâ fronte obscurius est, & diversa sunt doctorum Interpretum judicia. Primum enim quidam *aquam* Metaphoricè exponunt sanctificationem seu ablutionem à peccati labe; cujus Symbola erant purificationes illæ sub lege usurpatæ, & cujus nunc tessera est baptismus noster, Roman. 6. 2. 4. 5. Per *sanguinem* verò expiationem à peccatis, per sanguinis Christi adspersionem intelligunt: cujus visibilia Symbola erant in Vet. Testam. sanguinis victimæ adpersio; in Novo verò Baptismus & Cœna Domini. Alii deinde per aquam & sanguinem, Baptismum & Cœnam Domini notari censent; quibus tanquam novi fœderis sigillis, obsignatur testimonium Evangelii de Iesu Christo filio Dei & salute per eum. Atque hinc Ubiquitistæ student suum dogma de corporali Christi in pane Cœnæ præsentia stabilire, hoc modo; Si voce *sanguinis* Cœna hic intelligitur, tum necesse est sanguinem Christi esse sub visibilibus Elementis, reipsa præsentem in Cœna; quemadmodum aqua, quæ conjungitur, in baptismo. Atqui verum est prius. Ergò & posterius. Sed falsa est Propositionis Consequentia. Nam etsi voce *sanguinis*, significaretur Cœna; non inde tamen sequeretur (ut contendunt) sanguinem esse reipsa sub elementis præsentem: neque Cœna vocaretur sanguis propriè, sed impropriè, per Metonymiam: quia est signum & sigillum sanguinis; nec solius, sed etiam corporis Christi: quemadmodum liquet ex natura phrasium Sacramenta-

lium, & ex articulorum fidei, & institutionis Cœnæ analogia. Tertiò alii per *aquam* & *sanguinem* Christi baptismum, & mortem, in qua sanguinem effudit, significari ajunt: quod in utroque luculenta testimonia divina sint exhibita, quibus declaratum est esse Filium Dei, Matth. 3. Joan. 1. 33. Matth. 27. 51. & 52. Denique quarto loco multi de aqua & sanguine, ex Christi mortui perfosso latere promanante, Johan. 19. 34. exponunt. Quo Mystério significatum putant, veram expiationem peccatorum nostrorum esse factam; & purificationem animorum nostrorum, in solo sacrificio Domini nostri Jesu Christi peractam; eaque ratione omnes Legis purificationes & sacrificia abrogata. Quæ sententiæ omnes, si rem spectemus, orthodoxæ sunt & probabiles. Postremam tamen multi reliquis convenientiorem esse arbitrantur: sed obstare videtur primùm phrasi Apostoli; *venit non per aquam tantum, sed etiam per sanguinem*. Deinde quod non satis clara est ratio, ut probeatur Iesum esse Dei Filium. Tertia verò sententia ad rem propositam videtur aptissima, ut ex locis Scripturæ citatis apparet. Atque hæc de probatione prima, eaque gemina, quâ demonstratur, Iesum esse Filium Dei, nempe ab adventu, cum per aquam baptismi, tum per sanguinem in morte. Altera probatio, quæ tertium testem complectitur, est testimonium Spiritus, nempe Sancti, à Christo promissi & missi, Hebr. 2. v. 4. quod verissimum est. Nam verba illa, *ὅτι τὸ πνεῦμα ἐστὶν ἀλήθεια*, videntur optimè vertisse, qui ab antecedente distinguunt, tanquam expositionem dignitatis testimonii Spiritus Sancti, *quia est veritas*, id est, verissimus, eoque omni exceptione major, vers. 6. Atque hanc de tribus hisce testibus doctrinam, illustrat & amplificat Joannes repetitione per distributionem quandam testium in *tres in celo*, & *tres in terra* De quorum verborum autoritate & intelligentia, non eadem sunt Interpretum judicia. Nam ad autoritatem quod attinet, quæstio est; An hæc verba, quæ vers. 7. extant, sint Iohannis Apostoli, ac propterea divina ac genuina: an verò alterius, qui ea huic Epistolæ ex suo ingenio inferuerit Arianis confutandis? Quidam enim (& inter eos potissimum Erasmus in suis ad hunc locum interpretationibus) hæc verba non esse Iohannis contendunt. Neque huic sententiæ probabilia defunt argumenta, partim ex Patribus, partim ex Codicibus manuscriptis editisq; partim deniq; ex versionibus antiquis. Nam (ut de Patribus agamus) ex Græcis Theologis, citantur Athanasius, primus ac præcipuus, Arii, & hæreseos illius, observator & adversarius; Gregorius Nazianzenus, orat. 5. de Theologia; Dydimus Alexandr. Chrysostomus & Cyrillus in thesauro lib. 14. cap. penultimo qui citat antecedentia & consequentia, & in medio omittit hanc sententiam, de quâ quæritur: quibus adde Oecumenium, qui neque in textu ponit, neque etiam exponit. ex Latinis verò proferuntur Hilarius & Augustinus contra Maximinum Arianum lib. 3. cap. 22. quo in loco verborum primorum mentionem facit; sed hujus versus omninò non meminit; quod tamen pro ratione materiæ quam tractat, fieri debuisset: denique huc adducitur etiam Beda: qui omnes cum aliis argumentis & locis Scripturæ, ad confutandos Arianos conquisitis utantur; hunc tamen versum adeò illustrem penitus prætereunt; unde causam suam firmissimè potuissent stabilire. Quibus addo, quod neque in Concilio Nicæno, ubi contra Arii hæresin Trinitas probata est, ex Ioann. 10. v. 30. & 1. Ioann. 5. 6. & *Spiritus testatur, quia Spiritus est veritas*; versus tamen septimus, qui aptissimus, omittitur, ut ex actis concilii editi Paris. part. 2. pag. 146. & 133. constat. Ideoque videtur eos verba hæc, aut non legisse, in suis Codicibus: aut tanquam suspecta, & dubiæ fidei neglexisse. Deinde si Codices manuscriptos spectemus, Erasmus ait, in Codice manuscripto Minoritarum Antwerpiensium defuisse in textu, sed manu recentiori ad marginem fuisse annotatum: nec etiam in Codice publico Academiæ Basilienfis exstare: deesse etiam in codice pervetusto Bibliothecæ antiquissimæ Vaticanæ Romanæ. In editis etiam exemplaribus nonnullis non legi, ut in Aldina & Badiana editione. Addo nec in Græco Testamento Gerbelii Haganoæ 1521. nec Coli-

Colinæi Parisiis edito. Si denique versiones spectemus, Syriaca quæ antiquissima habetur, hunc versum non agnovit: nec etiam Latinæ ante Hieronymum, ut ex ejus verbis postea liquebit: nec in vulgata, in antiquissimis nonnullis Codicibus, quales duo Brugenses Sancti Donatiani Bibliothecæ, quos laudat Erasmus. Quibus omnibus testimoniis & rationibus, nonnulli adducti sunt, ut hunc versum genuinum esse negarent: quemadmodum etiam Tigurini Theologi in Latinâ suâ versione Bibliorum hunc versum omittunt, & ad marginem illius loci, inter alia notant, ita esse in antiquissimo Tigurinæ Bibliothecæ Codice. Atque ita tandem concludunt; *Vide annotationes Erasmi. Nos Cyrilli & aliorum veterum lectionem, tum probatissimorum Græcorum Codicum fidem sequi malimus.* Alii contrarium sentiunt. Ac primum Patrum Orthodoxorum testimonia adducunt: qui partim ita legunt: partim etiam ita legendum asseruerunt. Cujusmodi sunt Higinus Epist. 1. Cyprianus de simplicitate Prælatorum, Athanasius lib. 1. ad Theophilum de unita Deitate Trinitatis, Ioannes II. Papa Epistola ad Valerium, Idacius lib. adversus Varimadum; Eugenius Carthaginensis in explicatione fidei Catholicæ, apud Viðorem lib. 2. de persecutione Vandolica; Author disputationis Athanasii cum Ario habitæ in Concilio Nicæno: Fulgentius lib. contra objectiones Arianorum: denique Hieronymus; cujus censura memorabilis est (ut etiam Erasmus recenset) in prologo in Epistolas Catholicas. Sic enim de iis loquitur; *Quæ si sicut ab iis digestæ sunt: ita quoque ab interpretibus fideliter in Latinum verterentur eloquium; neque ambiguitatem legentibus facerent; nec sermonum sese varietas impugnaret, illo præcipue loco, ubi de unitate Trinitatis, in prima Ioannis epistola positum legimus: in quâ etiam ab infidelibus translatoribus, multum erratum esse à fidei veritate comperimus, trium tantummodò vocabula, hoc est, aquæ, sanguinis & spiritus, in ipsa suâ editione ponentibus, & Patris Verbiq; ac Spiritus testimonium omittentibus, in quo maxime & fides Catholica roboratur, & Patris ac Filii ac Spiritus Sancti una divinitatis essentia comprobatur.* Hactenus Hieronymus. Unde etiam secundum testimoniorum genus confirmatur, petiitum à Græcorum Codicum fide, ad quam Hieronymus provocat & Latinam versionem restituit. Huc etiam accedit manuscriptorum Codicum plurimorum & optimorum (quibus usus est uterque Robertus Stephanus, Pater in Testamento majori forma, filius in octavo.) consensus: nullam enim lectionis varietatem in hoc vers. 7. quasi in nonnullis suis exemplaribus deesset, indicant. Deinde Britannicus codex, ut Erasmus, qui eo usus est, fatetur, eundem versum habet, quamquam sine articulis, Πατρὶς, ὁ Θεὸς καὶ Πνεῦμα. Denique idem confirmat editio Hispaniensis laudatissima, Complutensis nimirum, quæ antiquissimorum codicum collatione edita: sed vocem ὁ omittit, & pro ὁ legit ἡς τὸ ἵν. & pleræque editiones Græcæ, ut Basilienfis Oecolampadii, & altera Brittingeri, & Lipsensis Vogelii, qui duplicem lectionem agnoscit, unam in textu ἡς τὸ ἵν, unum sunt, & in margine, ἡς τὸ ἵν, in unum sunt. Atque hæc sunt rationes præcipuæ, quibus partim Bellarminus; partim alii probant, hunc vers. 7. esse genuinum: quæ sententia probabilis est. Nam quamvis multi Veterum eum prætercant, non tamen negant esse Johannis: & contra Hieronymus, in prologo in Epistolas Catholicas, cujus ante meminimus, disertè asserit. Et licet à quibusdam vetustis exemplaribus Græcis abfuerit, illud Arianorum (qui Constantii tempore, pulsus Orthodoxis totum penè orbem occupant) fraude factum videtur: unde exemplaria alia descripta, reliqua tamen exemplaria incorrupta conservata sunt, ut jam antè ostendimus: unde illa exemplarium Græcorum varietas videtur orta: ut ex Hieronymo diligentissimo scriptorum Veterum & Scripturæ indagatore colligi potest. Atque hæc dicta sunt de hujus, vers. 7. autoritate. Quæ piis ac modestis ingeniis, rem diligenter considerantibus omninò amplectenda est, & ad Ecclesiæ utilitatem proponenda: etsi in disputatione cum Samosate-

nianis & Arianis res non ita explicata est, ut contumaces posset ita convincere, ut os eis otureretur: idque ob probabilia initio posita argumenta. Antequam verò finem faciam, paucis Erasmi adversus Hieronymum Censura expendenda. Sic enim ait; *Hactenus Hieronymi verba retulimus: ex quibus liquet, Hieronymum nihil queri de Codicibus Græcis, sed tantum de iis, qui Græca Latine verterunt. At nunc in Græcis Codicibus hoc potissimum deest, quod ommissum queritur, & habetur in Codicibus Latinis, licet non omnibus. Sed unde Hieronymus castigavit errorem Interpretum? nimirum à Græcis exemplaribus. Sed illa aut habebant, quod nos vertimus, aut variabant. Si variabant, quemadmodum & Latina, quonam argumento docet, utrum sit rectius, utrumve scriptum sit ab Apostolo: præsertim cum quod reprehendit, tum haberet publicus usus Ecclesiæ? Quod si fuisset, non video qui possint habere locum quæ sequuntur: sed tu virgo Christi Eustochium, dum à me impensius Scripturæ veritatem inquiris, meam quodammodo senectutem invidorum dentibus corrodendam exponis, qui me falsarium corruptoremque sacrarum pronunciant Scripturarum. Quis eum clamasset falsarium, nisi publicam mutasset lectionem? Quod si apud Græcos legit Cyrillus, quod nunc habent Græci Codices, si apud nos Augustinus & Beda, aut tantum hoc legit, aut utrumque legit; non video, quid adferat argumenti Hieronymus, quo docet germanam esse lectionem, quam ipse nobis tradit.* Hæc Erasmus. Sed respondetur primò, verum esse quod ait, Hieronymum non queri de Codicibus Græcis: & hoc magnum indicium est, etsi Græci codices nonnulli essent corrupti ab Arianis, incorruptos tamen fuisse notos, & extra controversiam sinceros. Quod autem addit Erasmus; *nunc in Græcis codicibus hoc potissimum deest, quod ommissum queritur*, illud generalius dictum negatur, ut ex omnibus Roberti Stephani codicibus manuscriptis antiquissimis patet. Deinde si qui Codices sint, qui omittant, eos esse per imprudentiam ex corruptis descriptos, aut vitiosæ Latinæ, ante Hieronymum, versionis occasione per imperitiam depravatos. Nam incorruptos Græcorum Codices Hieronymi tempore fuisse citra controversiam apud Græcos certò notos, indicat primò, cum initio translatōres infideles nominat, qui omiserunt hunc versum. Deinde cum in fine subjicit, *sed ego in tali opere nec æmulatorum meorum invidentiam pertimesco, nec sanctæ Ecclesiæ veritatem poscentibus denegabo.* Quæ lectionis indubiæ in Græcis, apud doctos cognitæ, argumentum est. Si enim dubia fuisset lectio, sanè æmulatorum suorum invidentiam meritò timuisset. Quare hæc verba satis ostendunt, Hieronymum, ad certò incorrupta Græca exemplaria, hoc modo provocare: quæ ad rem ipsam compertam provocatio insignis. Et ut in libris Sacræ Scripturæ vindicandis ac judicandis, summa Hieronymi fides constat apud omnes: sic eandem, in corrigenda versione Latinâ (producendo Lectionem Græcam sinceram) adhibuit. Quemadmodum etiam secundo tomo Epistola ad Marcellam ultimâ apparet; ubi ait, *se Latinorum Codicum vitiositatem (quæ ex diversitate librorum omnium comprobatur) ad Græcam originem, unde & ipsi translata non denegant, voluisse revocare.* Hæc ille: quæ duobus illustribus exemplis demonstrat. Quod verò Augustinum citat: is lingue Græcæ (ut alicubi ingenue fatetur) fuit ignarus: id eoque vitiosè translatam proposuit. Quemadmodum etiam Beda (ut in Commentariis solet) auctoritatis illius præjudicio, secutus est. Neque satis magnam diligentiam adhibuisse, res ipsa docet: quoniam in antecedenti sententia; *quoniam spiritus est veritas*, pro voce spiritus, vocem Christi posuit; *quoniam Christus est veritas*: nec solum ita ponit in textu, sed etiam in expositione geminâ. Ad Cyrillum verò quod attinet, quo potissimum Erasmus nititur, & quem hoc loco objicit; verum est, verba illa sic à Trapezuntio versa: sed Græcum exemplar desideramus, ut certò constet, an ita in Cyrillo extet, an Interpretis (ut aliis sæpè factum) aut descri-

descriptoris vitio versus septimus sit omisus. Et sanè locum suspectum esse debere, discrepantia à textu satis ostendit. Nam sic habetur in versione illa hujus loci, *Hic venit per aquam & sanguinem & spiritum, Jesus Christus* ( hoc primum vitium citationis, quod contra omnium veterum & recentiorum fidem malè inseritur & spiritum ) *Iesus Christus non in aqua solum, sed in spiritu* ( Nota perperam spiritu pro aqua positum ) & sanguine, quia tres sunt ( rursus pro *et* & ponitur quia ) qui testimonium perhibent ( omittitur *et* τὴν ) & aqua & sanguis, & hi tres unum sunt ( pro *his in eis*, ut Græca exemplaria manuscripta Roberti Stephani consentiunt ) cæterum plus haberet coloris, si citatus fuisset locus Cyrilli de fide ad Reginas : sed & ibidem Græcus codex esset consulendus ad certitudinem. Denique Augustino & Bedæ opponitur meritò antiquior & Græcæ linguæ peritissimus Cyprianus de unitate Ecclesiæ, cujus hæc sunt verba ; *Dicit Dominus : Ego & Pater unum sumus* ( Johan. 10. vers. 10. ) & iterum de Patre & Filio & Spiritu Sancto scriptum est, & hi tres unum sunt ( 1. Johan. 5. vers. 7. ) Ad sensum verò quod attinet hujus versus septimi ( de cujus autoritate egimus ) scopus satis clarus est, nempe propositum esse Johanni probare, Jesum esse Filium Dei, & Spiritum esse Veritatem. Ostendit enim non solum Spiritum id testari, sed etiam Patrem & Sermonem, hoc est, Filium, sermonem vitæ, 1. Johan. 1. v. 1. Pater enim testatus est, Matth. 3. vers. 17. & Matth. 17. v. 5. Filius autem testatus est, cum alibi dictis & factis : tum nominatim, Joan. 5. 20. 32. & Ioan. 10. 30. collato cum v. 33. & 36. & 38. & imprimis suscitando se à mortuis, Ioann. 2. v. 19. & 10. 17. Spiritus verò in columbæ specie in Christum descendens & super eum quiescens, Ioann. 1. vers. 32. 33. 34. & Matth. 3. vers. 16. & cum à Christo secundum promissionem missus est è cælo, & in Apostolos delapsus ignearum linguarum specie, Actor. 2. & super credentes, Actor. 8. vers. 16. 17. Christo testimonium perhibuit, Hebr. 2. vers. 4. & Ioann. 15. vers. 26. Atque hosce tres de Christo testes describit ab unitate, & hi tres unum sunt. Quam unitatem Erasmus & quidam alii, non ad essentiam, sed ad testimonium & consensionem animi referendam esse arbitrantur, ut Ioan. 17. v. 22. *ut unum sint, sicut nos unum sumus* : Alii verò ad essentiam pertinere censent, quæ maximè vulgò nec immeritò probatur sententia. Veruntamen duo adversus eam obijciuntur argumenta. Quorum primum est à scopo & antecedente petitum, quod cum eo, ut debebat, non consentiat : quoniam Ioannes in antecedentibus, non de essentia Spiritus, sed de testimonii illius veritate locutus est.

Alterum est à consequentibus, quod proximo versu similiter, eademque ratione, de aqua, sanguine & spiritu dicatur, & hi tres unum sunt. Atqui aqua, sanguis, spiritus, non sunt unum essentia, nec numero, neque specie : sed tantum testimonij consensione : quo sensu unum dicuntur. Ergo eadem in tribus testibus prioribus debet esse ratio : præsertim cum similis locus, ut antè ostendimus exstet, Ioann. 17. v. 22. Sed respondetur ad primum, cum scopo, qui est, Jesum esse Filium Dei & Spiritum esse verum, rectè convenire. Nam quamvis non de essentia Spiritus, sed de veritate illius, in antecedentibus disserat Apostolus, rectè tamen hoc loco trium horum testium essentia unitatem adducit, tanquam causam veritatis & consensionis necessariam & præstantissimam. Ergo fatemur hisce verbis consensionem designari, sed mediata per suam causam ; non autem immediatè, ut nonnulli volunt. Deinde neque altera ratio nobis obest : quia negamus eandem esse phrasin, vers. 7. & 8. nam vers. 7. dicitur : *unum sunt* ; sed vers. 8. probatissima exemplaria habent : in unum sunt, hoc est, in unum conspirant. Sed excipiunt rursus, *in unum esse* phrasi Hebrææ idem significare, atque unum esse : quemadmodum dicitur : *ego ei ero in patrem & ipse erit mihi in filium* : hoc est, ego ero ei Pater & ipse erit mihi filius, Hebr. 1. v. 5. Sed negatur consequentia : fatemur quidem, alicubi eam phrasin locum habere posse, eo sensu ; sed nisi contextus

orationis necessitas postulet, negamus ad eum pleonasmum esse recurrendum, propria significatione neglecta. Quid autem hic possit esse causæ, cur Iohannes phrasin in hac sententia mutarit ? Ac propterea licet ( quod Erasmus objectat ) Ioan. 17. 22. dicatur ; *ut unum sint, quemadmodum nos unum sumus*, nempe non essentia, sed consensione, sic etiam hoc in loco : Illud, inquam, minime sequitur ; quia diversa phrasis est : nam Ioan. 17. utrimque ponitur *unum esse*, non autem in altera parte *in unum esse* : sed hoc in loco Epistolæ Ioann. v. 7. *unum*, & v. 8. *in unum* ( distinctè dicitur. Deinde Ioh. 17. subjectorum, Dei Patris ac Christi, & fidelium, essentia citra controversiam opposita sunt : illa enim infinita est & æterna : hæc verò finita est & temporalis : ac propterea de essentia unitate accipi non posse evincitur : Patrem verò, Filium & Spiritum Sanctum non esse ejusdem essentia, probari non potest. Ac quamvis in Complutensi exemplari utrimque ponatur *eis in eis in unum sunt* : omnia tamen quindecim Roberti Stephani exemplaria Græca manuscripta & alii habent in priori tantum *in eis*, *unum sunt* : non autem *in unum*. Neque obstat, quod alicubi apud veteres quosdam utrimque ponatur in Latina versione *unum sunt*. quia facilè scriptorum vitio, vers. 8. vox *in* omitti potuit. Atque hæc de vers. 7. & tribus testibus cælestibus. Quibus subjiciuntur totidem, qui in terra testificantur, spiritus, aqua & sanguis. Quæ verba difficiliora & maxima varietate ab interpretibus accipiuntur. Nam quidam arbitrantur *aquam & sanguinem* alio sensu quàm in antecedentibus debere accipi, nimirum quod ut ibi notarint sanctificationem & justificationem, quibus Christus instructus venit : ita hoc in loco Mysterium eorum ac notam externam designare, nempe aquam & sanguinem, ex Christi profosso latere emanantem. Verum quam obscurum & minus solidum illud sit testimonium, jam antè ostendimus. Secundò alii conjiciunt, vers. 7. tres Deitatis Christi testes citari : hinc verò totidem humanitatis illius testes adduci : nempe spiritum humanum, quem Christus Patri in manus tradidit, Luc. 23. vers. 46. & aquam & sanguinem, quæ ex mortui latere profluxerunt, Johann. 19. vers. 30. tanquam certa humanæ naturæ Christi argumenta. Veruntamen si quis antecedentia & consequentia diligentius expendat, comperiet Apostoli scopum non esse alium, quàm ut probet Christum esse Dei filium ; quod verè Spiritus Sanctus testatus est. Quare alii rectius videntur sentire, qui hæc verba aliter interpretantur. Cæterum quidam censent *aquæ* nomine Evangelium, *sanguine* mortem, *Spiritu* vim Spiritus & miracula denotari : quod scilicet Christus venerit primum ut Propheta *per aquam* ; id est, per doctrinam Evangelii, quæ alibi aquis etiam confertur, ut Esai. 11. vers. 9. quamque Christus attulit & per mundum sparsit : secundò ut Pontifex *per sanguinem*, scilicet quod talem obiecit mortem, qualem Prophetæ de Messia sacerdote simul & victima prædixerant : denique ut Rex *per Spiritum* ; quod talia miracula edidit, qualia de Messia à Prophetis erant prænuntiata. Alii verò aliter non incommodè *Spiritum* Metonym. ut 2. Corinth. 3. vers. 6. Evangelium exponunt, *aquam & sanguinem*, duo ordinaria Novi Testamenti Sacramenta, Baptismum à materia, & Cænam Domini à re significata Metonymicè interpretantur : quia ut Evangelium testatur Iesum esse Filium Dei, Ioann. 20. vers. 31. sic etiam Sacramenta tanquam Evangelii sigilla divina idem in terris nobis perpetuò testantur, Iesum esse Filium Dei, servatorem mundi. Denique salvo doctiorum judicio, videtur dici posse, *Spiritum* hinc distinctè designare donum Spiritus Sancti, quo per Evangelium exterius nobis testimonium perhibetur de Jesu Christo Filio Dei, & interius in mente nostrâ per donationem fidei ; de quâ re 1. Johan. 5. vers. 10. deinde, *aquam* baptismum nostrum designare, quo baptizamus in nomen Patris, Filii & Spiritus Sancti : denique *sanguinem* significare Apostolorum & fidelium pro Christo eadem : unde Martyres, id est, testes dicuntur, Apocal. 2. vers. 13. Atque hæc de vers. 8. & testibus tribus in terra, quibus veritatis testimonij cælestis Patris confirmationem subdit

subdit Apostolus, argumento ducto à minori, nempe testimonio hominum. Si hominum testimonium accipimus, testimonium Dei majus, hoc est, certius ac fide dignius est. Atqui hominem testimonium accipimus, Deut. 17. 6. & 19. 15. Hebr. 10. 28. 2. Cor. 13. 1. Ergo testimonium Dei majus, eoque magis à nobis admittendum. Qualis etiam argumentandi ratio à Christo observata est, Joan. 8. 17. & 5. 34. & 37. Cæterum verba illa quæ sequuntur, nempe (*nam hoc est testimonium Dei, quod testificatus est de Filio suo*) primâ fronte sunt obscuriora: verum illustriora redduntur, si observemus, primum, vocem *en*, hoc in loco non indicare confirmationem seu *quia*; sed expositioni inservire: quemadmodum frequenter eo sensu, etiam apud bonos authores occurrit: deinde, orationem esse hoc in loco imperfectam, ut quæ tantum partem antecedentem, seu orationis subiectum, non autem attributum complectatur, & antecedentis partis declarationem *versum decimum* tanquam parenthesis inseri, ac demum, vers. 11. repetitione quadam antecedentis partis, & adjunctione sequentis attributi, sententiam absolvi. Parenthesis autem, declarat Testimonii divini subiectum: hoc autem quoniam illi sint, qui id accipiant: quod qui credit in Filium, habet Testimonium Dei in seipso. Quam fidei dignitatem à contraria incredulitatis indignitate & impietate amplificat, quod hæc Deum *mendacem faciat*, hoc est Metaphoricè, judicet. Idque inde declarat, quod testimonio Dei, de Filio suo, non crediderit, vers. 10. Atque hinc orationem cœptam absolvit, repetitione, quâ testimonium Patris describit à materia, nempe re testata, quod Filium Pater nobis donarit ad salutem, vers. 11. Unde concludit Joannes utilitatem unionis cum Filio: quod qui filium habet, scilicet per fidem, Johan. 3. vers. 36. Ephes. 3. vers. 17. habeat vitam: Illudque à contrario illustrat: quod qui non habet Filium Dei, vitam non habeat: id quod pertinet ad amplificationem, ut constet, Christum non solum esse causam vitæ efficientem, sed etiam necessariam, imò solam, vers. 12. Atque hætenus altera Epistolæ pars explicata est, quæ tractationem rei continet. Sequitur jam postrema, quæ conclusionem de fide, spe, precatione & fuga idololatriæ complectitur, & antecedenti commodè coheret. Etenim Apostolus primum objectum & finem tractationis antecedentis ac scriptionis suæ indicat. Objectum, cui destinata ac scripta est Epistola, sunt verè fideles, qui credunt in nomen Filii Dei. Finis verò est duplex, scientia vitæ æternæ, & fides in Christum, cum ait, *ut credatis*. Hæc autem fides intelligenda est, non ratione initii: nam disertè fideles alloquitur, sed ratione continuationis & incrementi, vers. 13. Quæ fides describitur ab effectu suo, fiducia certa exauditionis in sanctis ex fide promanantibus precibus, vers. 14. Unde concludit certitudinem exauditionis antecedentium precum, vers. 15. Cæterum cum precatio alia sit pro nobis: alia pro aliis; à priori ad alteram transit Apostolus, adhibet quidam distinctione fratrum, hoc est eorum qui fideles habentur (sive revera tales etiam sint coram Deo, sive sola externa specie, ac coram hominibus) in eos qui non peccant ad mortem, & in eos, qui peccant ad mortem: pro illorum vita, nempe æterna precandum esse docet: idque confirmat à promissione exauditionis: pro hisce verò precandum negat. Peccatum autem ad mortem, si phrasin spectemus, variè accipi potest. Primum id quod durat ad mortem, seu in quo sine resipiscencia homines pereunt: quemadmodum quidam hunc locum exponunt. Sed ex textu apparet, non de duratione peccati, sed de peculiari natura & specie peccati, sermonem institui: nam cum dicitur: *Si quis viderit fratrem suum peccare, indeliquet, de actione, quæ in sensus nostros & mentem, dum vivunt, incurrit, intelligi: ideoque non de futuro, sed de præsentis peccato sermonem esse. Secundò peccatum ad mortem dici potest, quod ad mortem deducit, seu quod mortem infert, idque bifariam: vel jure, vel re seu facto. Jure quod mortem secundum Legis divinæ justitiam promeretur: & sic quidam, in primis Pon-*

tificii, hoc in loco explicant de peccatis capitalibus, & ex eo distinctionem fingunt peccati, venialis, quod non mortem æternam, sed tantum pœnam temporalem, ac veniam mortis æternæ mereatur; & peccati mortalis, quod mortem æternam. Sed illud alienum est. Primum, quia si peccata per se, ratione meriti consideres, omnia sunt mortalia; ut quæ legem divinam, & infinitam Dei majestatem violent, Deuter. 27. v. 26. Rom. 6. vers. ult. sin verò per accidens, & ratione eventus peccata spectemus, omnia fidelium peccata venialia sunt, per accidens gratiæ Christi, regenerantis suo spiritu & justificantis suo sanguine: quia ad resipiscenciam adducit, & à peccato ad mortem tuetur, & peccatorum nostrorum veniam à Deo Patre impetrat, ut Mediator noster, 1. Johan. 2. v. 1. Neque est, quod objiciant, peccata esse inæqualia, ac propterea non debere esse æquales pœnas, id est, æternas: sed partim æternas, partim temporales, pro peccatorum disparium ratione. Respondetur enim pœnas statui æquales, non simpliciter, quum id fieri non posse, per justitiam Dei fateamur, sed tantum certâ ratione pares sunt, quantitate temporis, dispare quantitate gradus, Matth. 11. vers. 22. & 24. idque ad justitiam Dei asserendam sufficit. Secundò circumstantiæ hujus contextus demonstrant, hunc locum non posse de peccatis generatim intelligi: quoniam pleraque eorum remitti posse testatur Christus, Matth. 12. & pro remissione eorum precari licere & dictis & exemplis ex utroque Testamento evincitur: contrâ verò peccatum ad mortem nec veniam à Deo obtinet, neque pro eo precari licet, ut Apostolus hoc in loco testatur. Quare peccatum ad mortem hoc in loco non tantum ratione juris, quod mortem mereatur, intelligitur, & omnibus peccatis convenit: sed etiam ratione facti, quod certò mortem adferat. Verum eo modo peccata sunt ad mortem bifariam, vel per se & semper, ut peccatum in Spiritum Sanctum, Matth. 12. vers. 31. 32. vel contingenter, ut reliqua; quæ aut pœnitentiam habent conjunctam & fidem, ac remittuntur, Matth. 12. v. 31. 32. vel pœnitentiâ ac fide carent, ut omnia reproborum peccata. Hoc autem in loco de priori agit Apostolus, nempe de peccato, quod non solum mortem jure adferat, sed etiam facto; & quidem per se ac semper, in quocunque tandem inveniatur: alioqui preces pro eo remittendo, non prohiberentur. Hoc autem peccatum ad mortem, est peccatum, quo quis Evangelii veritatem, per Spiritum Sancti revelationem agnitam, sciens ac volens, ex destinato Christi odio oppugnat; ut suis cupiditatibus satisfaciatur. Quale peccatum fuit Phariseorum & Iudeorum quorundam, de quibus Christus, Matth. 12. & Stephanus, Actor. 7. v. 51. & Apostolus, Hebr. 6. Cujusmodi etiam credibile est fuisse Juliani Apostatæ peccatum: *Vicisti Galilæe*. Huc etiam refertur vulgò Apostasia Francisci Spiræ, qui post abnegatam, contra conscientiæ testimonium, Evangelii veritatem, ita conscientiæ furiis exagitatus fuit, ut horrenda desperatione videatur periisse: de quo Sleidanus lib. 21. historiæ, anno 1548. Sed tamen satius videtur, ut cum moderatioribus nonnullis Theologis mitius judicemus: quandoquidem historiæ illius circumstantiæ huic peccato non in omnibus conveniunt: quia non ex destinato odio in Christum, sed ex terrore cruciatus ac mortis, Christum abnegavit. Quanquam hujus exempli conspectus, Petrum Paulum Vergerium Episcopum insignem, non ignarum veritatis, spem Cardinalatus, & patriam Italianam deferere, agnitamque veritatem profiteri compulit, ut Sleidanus eodem in loco demonstrat. Quod præclarum etiam est relictis, ad Dei timorem & constantiam in professione veritatis, documentum. Cæterum hoc peccati genus, quia contra conscientiam, & ex destinato in Christum odio procedit: idcirco merè Diabolicum est: & quemadmodum Diaboli peccatum (quo gloriæ divinæ æmulus, perpetuo in Deum odio æstuat) nunquam remittitur: ita nec illis hominibus reprobis, qui Diabolum in hoc horrendo scelere sequuntur. Idque non eâ de causâ, quasi Christi meritum non sufficeret (hoc enim vel mille



immundis mundis pœnitentiâ verâ prœditi sufficeret : utpote infinitum dignitate, quia meritum est non simpliciter hominis, sed Filii Dei) sed quoniam qui id perpetrant, nunquam à Patre fuerunt regenerati, neque spe, fide & resipiscentiâ post peccatum illud donantur: sed in sua pertinaciâ & diabolica malitia deferti, suo vitio iustissimè pereunt. De quo peccato in Sp. S. plenius egimus: in explicat. Mat. c. 12. 31. Verùm explicatâ jam huius peccati ad mortem naturâ, superest ut declarem paucis, quomodo à nobis cognosci possit, ut pro illo, ex Apostoli prœcepto, non precemur. Ratio autem cognitionis est duplex: una vera ac certa: altera verisimilis & incerta. Prior est revelatio divina, quæ certa est ac sola certa simpliciter: quia Deus solus est *καὶ ὁ γνῶσκων*, 1. Reg. 8. v. 29. qui mentem & animum hominis solus inspicit ac scrutatur ac novit, quinam contra conscientiam destinato Christi odio, Euangelii veritatem à Spiritu Sancto ipsis patefactam, blasphemis impetant. Revelat autem Deus hoc peccatum vel immediatè & internè Prophetis: vel mediatè & externè aliis per Prophetas, qui duplex revelationis modus initio Ecclesiæ Apostolicæ fuit frequens, ut ex 1. Cor. 12. & Actis Apostolorum constat, quales etiam fuere Hymenæus & Alexander ærarius, 1. Tim. 1. vers. 20. & 2. Timoth. 4. v. 14. 15. Ac propterea cognitio peccantium in Spiritum Sanctum illis temporibus (quibus hæc Epistola conscripta est) vigentibus Prophetis, non ita fuit difficilis. Altera cognitionis ratio est per experientiam humanam, quæ ex diligenti & assidua dictorum factorumque impiorum adversus Christi maiestatem atque Euangelium observatione promanat: unde tanquam ex effectis ad causam, in mente ac voluntate abditam, gradatim assurgitur. Quemadmodum olim iudicatum est, Julianum Imperatorem Apostatam, peccasse in Spiritum Sanctum, quod Christum, quem antea erat diu multumque à teneris etiam, in Lectoris scripturæ in Ecclesia officio professus, postea abnegavit & blasphemavit horrendis modis, & non solum nefandas Magicas artes exercuerit; sed etiam idololatriam coluerit, & Christianos, ad scelus societatem variis modis adegerit, & Juratis Christi hostibus Judæis in Christi & Christianorum despectum, templi Hierosolymitani, rursus extruendi potestatem & opes dedit, neque ultione divina insignis miraculi monitus, vel tantillum respuerit. Quippe dum Judæi templi restorationem moliantur, ut Ammianus Marcellinus histor. lib. 23. initio testatur, *metuendi globi flammæ, prope fundamenta, crebris adsultibus erumpentes, fecere locum, exustis aliquoties operantibus, inaccessum*. Hæc ille, non Christianus, sed Ethnicus scriptor, Juliani miles & fautor. Denique quod in pugna adversus Persas, sagitta aut telo, incerto auctore, lethaliter percussus, exceptum manu sanguinem è vulnere fluentem, in cælum projecit, hac exclamatione, *Vicisti Galilæe* (id est, Christe, quem per contemptum Galilæum vocavit) quemadmodum testatur Theodoretus histor. Eccles. lib. 3. cap. 15. in fin. pag. 320. edition. Græcæ Robert. Stephan. De quo postremo tamen mirum, Gregorium Nazianzenum adversus Iuliani impietatem scribentem non meminisse: fortè Theodoretus historiam nactus, quæ ad manus Nazianzeni non pervenerat. Hæc de peccato ad mortem, vers. 16. Quod illustratur anticipatione convenientissima, ad consolationem fidelium. Objici enim poterat, nos iniustitiæ nostræ, & interdum contra conscientiam conscii sumus; annon igitur huius peccati ad mortem rei sumus? Respondet Apostolus primum, illud non sequi. Omnis enim iniustitia peccatum est, sed non omne peccatum est ad mortem, vers. 17. Deinde demonstrat Syllogismo, fideles quibus scribit ac sese annumerat, esse omnino ab eo peccato immunes, argumento ducto à regenerationis proprietate. Propositio est eadem, quæ posita & exposita est, cap. 3. vers. 9. Quisquis natus est ex Deo, non peccat, nempe peccato dominante, eoque neque ad mortem (nam omnes peccare, generatim loquendo, cap. 1. asseruit.) Id autem confirmat partim à communi fidelium conscientia, cum ait, *scimus*, nempe ex Dei verbo & revelatione Christi, Mat. 16.

18. & Ioan. 10. 28. aliisque plurimis Sacre Scripturæ locis partim à causa efficiente, fidelium conservatione: quod sese adversus peccatum illud conservent fide viva per charitatem efficaci: quæ ut Dei virtute firmata vincit mundum, 1. Ioan. 5. 4. sic principem mundi: quod fide, quasi clypeo tecti sunt, ac tuti, adversus Satanæ tela, Eph. 6. 16. & 1. Pet. 1. v. 5. & 5. v. 9. Sed objiciat aliquis: Quidam fratres nostri possunt peccare ad mortem, alioqui ineptè cautionem illam & distinctionem addidisset Ioannes, vers. 16. Si quis *viderit fratrem suum peccare peccato, quod non est ad mortem*. Atqui omnes fratres nostri sunt nati ex Deo. Idcirco enim *fratres* dicuntur, quia communem habent nobiscum in cælis Patrem. Ergo quidam nati ex Deo, possunt peccare peccato ad mortem. Verùm negamus consequentiam, propter argumenti homonymiam; quoniam fratres alii sunt secundum quid, ratione communionis externæ, per veræ doctrinæ professionem eum visibili Ecclesiæ; alii verò simpliciter, ratione communionis non solum externæ, sed etiam internæ; qui vera ac viva sunt Ecclesiæ electorum membra, & per regenerationem atque adoptionem Dei filii. De prioribus agit Apostolus, v. 16. & objecta propositio, qui tantum filii Dei sunt, ratione vocationis externæ, hoc est, numero filiorum Dei exterius adscripti: de posterioribus verò assumptio. Quare falsa est consequentia. Sed adversus sequentia verba & *malus*, id est, Diabolus, *non tangit eum*, objicitur experientia verè fidelium: quia Davidem & Petrum Apostolum tetigit. Verùm respondemus, *tangere*, per Synecdochē generis pro specie, significare interdum malis afficere, Ps. 105. 15. Atque hoc modo Diabolus tetigit Davidem & Petrum: ut graviter peccarint, sed peccato infirmitatis, non verò peccato dominante, de quo hic agitur, ut suprà frictum indicatum. Atque hæc de Syllogismo à Ioanne adducti propositione & examine illius, vers. 18. Assumptio est: nos autem ex Deo sumus, idque probat à scientia ac conscientia: *Scimus*, inquit, nempe ex Sp. S. & fidei testimonio, 2. Cor. 1. 22. & Rom. 8. 16. Eph. 1. 14. & 4. 30. Gal. 4. 6. & ex effectis regenerationis propriis, serio peccati odio & pietatis studio, ut Rom. 8. 14. & 17. Deinde illustrat à contraria totius mundi, hoc est, non renatorum conditione: quod in illo malo sint, hoc est, in Diaboli principis mundi potestate, Eph. 2. v. 2. & 3. Coloss. 1. 13. & 1. Tim. 2. 16. vel malo, hoc est, malitiæ mancipati, ut Exod. 32. 22. *in malo esse* eodem modo dicitur. Hæc de v. 19. Hanc autem regenerationis nostræ certitudinem demonstrat Apostolus ex fide in Patrem & Filium, & unione cum Christo: quem describit à persona & officio, quod sit *Deus verus & vita æterna*, ut Ioan. 14. 6. per Metonym. effecti pro efficiente, hoc est, vitæ æternæ author, Hebr. 5. 9. & quidem solus, A & 4. 12. Quæ doctrina hic repetitur, quoniam summa Euangelii est & scopus etiam huius Epistolæ, ac propterea rectè in fine repetitur, v. 20. quemadmodum etiam initium Euangelii sui, & huius Epistolæ cæpit, cum sermonem vitæ appellavit. Nam quod Erasmus hanc nobilem de Christi Deitate sententiam ad Patrem posse referri statuit, docto viro & pio indignum est, duabus inprimis de causis. Primum quia obstat constructionis ratio, quæ non fert, ut pronomen ad remotius nomen antecedens referatur, nisi cum id rei veritas requirit, ac propinquo nomini convenire non potest. Atqui Filio, de quo proximè egit Apostolus, optimè potest competere, ut agnoscit Erasmus; qui Christi Deitatem apertè profitemur. Deinde obstat Tautologiz absurditas, quæ eo modo statueretur: hic nempe, verus Deus est verus Deus. Quod autem objicitur; Etiam si Christus diceretur verus Deus, non tamen sequi, esse æternum Deum: quia verum opponitur ficto: Negatur, quia verus Deus semper in Scriptura dicitur æternus Deus, ut inductio locorum evincit, oppositè ei qui non est æternus Deus. Deinde solus Deus est author vitæ æternæ, quod de Christo hic & alibi dicitur: quia æternam habet vitam, & vitæ cum corporalis tum spiritualis author. Postremo subjicit Apostolus hortationem ad fideles discipulos, quos *filios* vocat, ad fugam idolorum, & solennis voti formulâ, nempe *Amen*, concludit, v. 21.

CON-

## CONSECTARIA.

I. PRæcipuum fidei objectum est Jesus Christus.

II. Cum omnes fideles sint renati; sequitur eam non esse veram fidem, quæ à charitate & regeneratione, ejusque effectis separata est, v. 1.

III. Amor Dei, amoris proximi nota est mutua, v. 1. & 2.

IV. Amoris Dei indicium est mandatorum observatio, v. 2.

V. Si fides vincit mundum: ergo cum peccati dominio non consistit, v. 4.

VI. Cum Pater, Verbum & Spiritus, dicantur tres testes, & unum, non autem unus: ergo doctrina Trinitatis personarum, & unitatis essentia divina, non est neganda, v. 7.

VII. Cum doctrina de Christo, tribus testibus in cælo, & totidem in terra, divinitus comprobetur; ei fides, sine summa impietate, derogari non potest, v. 6. 7. & 8.

VIII. Si incredulitate Deus mendacii arguitur: hinc apparet gravitas peccati, & quantopere fallantur, qui incredulitatis crimen elevant.

IX. Vita æterna data nobis est in Filio. Ergo non est operum nostrorum meritum, v. 11.

X. Qui non habet Filium, non habet vitam: Ergo impiè à nonnullis dicitur generatim, quemque, suâ fide, verâ aut falsâ, vivâ aut mortua, & citra Filii cognitionem ac

communione posse servari, v. 12.

XI. Cum fideles sciant ac scire debeant, se habere vitam æternam seque à Deo exaudiri: falsa est Pontificiorum sententia, qua hanc doctrinam & assertionem temeritatis arguunt, v. 13. & 14.

XII. Precum nostrarum norma unica, est Dei voluntas, quæ verbo patefacta est, v. 14.

XIII. Præcandum est, non solum pro nobis, ex amore nostri; sed etiam pro aliis, ex amore proximi, vers. 15.

XIV. Cum peccatum ad mortem nunquam remittatur: à gradibus, qui eò ducunt, serio Dei timore & amore, abhorreere debemus, v. 16.

XV. Si qui natus est ex Deo, non peccat ad mortem, sed conservet seipsum, & à Diabolo non tangatur lethali-ter: ergo perseverantia fidelium in vera fide certa est, vers. 18.

XVI. Cum fideles sciant, se ex Deo esse: ergo falsò Pontificii dubitationem ea in re requirunt, v. 19.

XVII. Fides est donum Christi. Ergò Christus est verus Deus.

XVIII. Christus est verus Deus, & vita æterna. Ergo Ariani, Samosatreniani, cæterique Deitatis Christi hostes, blasphemii sunt, v. 20.

XIX. Idola fugienda sunt: ergò Pontificii hac in re graviter peccant, v. 21.

FINIS Epistolæ primæ.

EXPLICATIO  
BREVISEPISTOLÆ SE-  
CUNDÆ JOHANNIS.

**E**pistolæ Joannis sunt tres numero, quarum prima ad Ecclesias integras conscripta est: reliquæ verò duæ, ad Ecclesiæ membra: & quidem vel plura, ut secunda; vel unam, ut tertia. Primam explicavimus; ideoque ad secundam succinctè procedemus. Ea autem est *Epistola Iohannis parænetica, quæ fidelem quandam matronam ejusque liberos, compertâ eorum pietate, & cognito seductorum perverso studio, ad charitatis & fidei constantiam exstimulat*. Ex qua descriptione occasio, & scopus scripti elucet. Occasio est cognitio pietatis quorundam à liberis, v. 4. & periculum à seductoribus, v. 7. Scopus autem est in officio pietatis confirmatio. Partes autem sunt tres, præfatio, versibus tribus: tractatio à vers. 4. ad 12. conclusio, inde ad finem. Præfatio autem semina tractationis & hortationum continet: ac consistat partim inscriptione, partim salutatione. Quarum illa primum causam Epistolæ instrumentalem, deinde objectum: seu quis & quibus scribat, exponit. Scriptor per Antonomasiâ ab adjuncto describitur: qui non suo nomine Iohannem se vocat, sed presbyterum, hoc est, senio-rem. Quæ vox cum interdum ætatem, interdum dignitatem & officium in Ecclesia designet; nonnulli priori modo exponunt, quod Joannes jam esset ætate provectus, cum hanc Epistolam scriberet, ut Paulus ad Philemon. v. 9. se *senem* nominat: & illud nomen positum putant ad auctoritatem & benevolentiam, quæ senibus debetur, comparandam. Sed quia illud adjunctum communius est, alii aptius altero modo interpretantur. Sed cum seniores Ecclesiæ sint omnes, qui Ecclesiam gubernant; eorumque duo sint genera: alii pastores, qui gubernant ac docent; alii qui gubernant tantum, 1. Timoth. 5. v. 17. priori modo Joannes se presbyterum vocat, ut & Petrus 1. Epist. cap. 5. vers. 1. Cæterum cur nomen suum proprium præterierit Iohannes, familiaritas & notitia mutua videtur fuisse in causa; quod non est absurdum, cum prima etiam epistola omnino sit inscriptionis expers Scriptor igitur est Joannes, & quidem Apostolus (non alius, ut nonnulli olim opinati sunt) ut etiam styli & sententiarum, cum prima

Epistola accuratus consensu indicat, ut v. 4. cum 1. Joan. 2. v. 7. & 5. cum eodem loco & 3. 23. & 5. 2. & vers. 6. cum 1. Iohan. 2. v. 7. & 11. & v. 7. cum 1. Johan. 18. &c. Objectum verò, cui hæc Epistola conscripta ac missa est, duplex statuitur. Primum est Electa Domina, alterum liberi illius. De priori non idem est omnium judicium. Nam quidam *Electam*, nomen proprium esse arbitrantur: alii commune & epitheton esse malunt. Prima autem ratio est, quod constructio id ostendat, quia alioqui dicendum fuisse putant, *Dominæ Electæ*, ut substantivum præcedat, adjectivum sequatur; non autem *Electæ Dominae*. Sed constructionem quam urgent, ut Hebræa lingua flagitat: sic Græca non requirit, ut 1. Timoth. 1. vers. 2. dicitur *genuino filio*, & vers. 5. *puro corde*, & v. 11. *beati Dei*, vers. 19. *bonam conscientiam*. Quare hæc ratio infirma: altera verò aptior, quia soror hujus etiam Electa dicitur, eodem uti verisimile est sensu. Electam autem hanc nonnulli ineptè Ecclesiam Christianam: alii verò aptè certam aliquam matronam fidelem atque honoratam sceminam intelligi censent, quæ ita vocata sit per excellentiam: vel ratione virtutum insitarum, quasi eximiam dicas; vel potius (quod probabilius est) ratione accidentis electionis divinae ad vitam æternam: quemadmodum ex judicio charitatis, omnes, qui veram fidem ore & opere profitentur, pro electis haberi debent ac solent; donec Deus contrarium revelarit, ut Coloss. 3. v. 12. 2. Thessal. 2. vers. 13. Dominam *Kveia* verò quidam nomen proprium esse censent, ut quædam in Martyrologiis Dominæ nominatæ indicantur: alii verò sic nominatam, ob potentiam, servos ac famulitium ipsi subiectum, & principis aut magnatis uxorem fuisse conjiciunt. Cujus liberi, alterum sunt objecti membrum. Porro objectum illustrat, ad comparandam benevolentiam & docilitatem ab adjuncto, suo scilicet & reliquorum fidelium amore, vers. 1. & amoris causa ac merito, fidei, cum Joanne aliisque fidelibus, communione: quâ veritatem Evangelii complectebantur. Quam fidem ab adjuncta perseverantia amplificat, cum ait:

R r r 3

propter

propter veritatem, quæ manet in nobis, & nobiscum erit in æternum. Iisque modis aperta hortationum sequentium spargit semina ( quia turpe est à ludatis virtutibus deficere ) & adversus tentationes consolatur, v. 2.

Hæc de Inscriptione, cui salutatio adjungitur, quâ huic Dominæ & liberis illius, pio ac consueto voto benè precatur. Votum autem indicat, quid & à quo voveat: nam summam bonorum spiritualium eorumque authorem complectitur. Bona autem spiritualia ordine suo convenienter collocantur, primum externa; quæ fidelibus adfunt: deinde interna, quæ fidelibus insunt; ac priora sunt tria; gratia, quæ gratuitam Dei benevolentiam; misericordia, quæ benevolentiam in miseros, nempe remissionem peccatorum ex gratiâ promanentem; & Pax, quæ reconciliationem significat. Nam quamvis Pax nostra laudabilis, alia sit cum Deo, alia cum hominibus; & quidem vel aliis, vel nobis, seu conscientiæ nostræ tranquillitas: hoc tamen in loco, nec pax cum proximo, nec pax cum conscientia nostra ( quemadmodum ex bonis internis apparet ) sed utriusque causa, nempe pax cum Deo intelligi videtur, ut Roman. 5. vers. 1. Interna verò bona indicat, cum ait; *In veritate & charitate, & pro vobis, in pro eum posito.* Veritas autem per Metonym. est fides erga veritatem Evangelii: & charitas est Dei & proximi amor. Quæ duo opportunissimè hoc voto continentur, quia scopus sunt hujus Epistolæ. Hæc autem bona Apostolus optat, non ratione initii ( nam electionis & veritatis notitiam huic matronæ & liberis antea tribuit ) sed ratione continuationis & incrementi, ut 2. Petr. 1. v. 2. Authorem verò bonorum statuit Deum Patrem, quasi fontem, & Jesum Christum, quasi canalem. Quem describit à natura divina, cum *Filium Patris* vocat: quemadmodum sæpius Epistola prima, ut eo modo adversus hæreticos & Antichristos, Deitatis Christi hostes præmuniat, vers. 3. Hæc præfatio est; cui succedit rei tractatio complectens gratulationem & hortationem. Ut autem gratulatio est, cum alterius felicitatem vobis gratam significamus: sic hoc loco significatio gaudii est, ex comperta liberorum quorundam hujus matronæ vita fideli, secundum Dei Patris præscriptum, vers. 4. Hæc de gratulatione: cui hortatio nervosa deinde subjicitur, constans præfatione, & propositione. Præfationis scopus est, ut sit instar aculei, ad excitandam benevolentiam & obedientiam, cum rursus *dominam* appellat, & non mandat, sed rogat, quasi beneficium sibi futurum. Quo modo etiam Paulus frequenter est usus, Philipp. 1. v. 9. 1. Thessal. 4. 1. & 5. 12. & alibi. Propositio verò ipsius hortationis duas habet partes. Prima est ad mutuam charitatem, quam describit, primo à præcepti generalitate, cum ait, *diligamus alii alios*: deinde ab antiquitate, vers. 5. ut 1. Iohan. 2. 7. Altera hortatio est ad fidem, eaque bimembris. Continet enim adhortationem ad veram fidem, & dehortationem à contrariis. Et adhortationem quidem, egregiè priori ad charitatem spectanti connectit, charitatis descriptione à nota, & causâ illius: nempe incessione secundum Dei mandata, hoc est, non solum charitatis, sed etiam fidei, ut sequentia docent: Idque mandatum similiter, ut charitatis, ab antiquitate commendat v. 6. & confirmat à conjuncto periculo à multis seductoribus, ut 1. Iohan. 2. 18. qui adventum & incarnationem Filii Dei negabant, & à vera fide & charitate seducere conabantur, 1. Iohann. 2. v. 26. & 3. 7. quos sectatores Antichristos esse asserit. v. 7. Atque ita absolvitur adhortatio: Cui additur dehortatio à duobus fidei contrariis, nimirum doctrina & commercio hominum seductorum. Ac dehortatio à doctrina eorum proponitur his verbis: *Videte vos ipsos*, nempe ne Antichristi vos seducant, quod probat ab effectu pernicioso, primum falsæ doctrinæ, nempe amissione mercedis fidei & charitatis, cum ait; *Videte ne perdamus, quæ operati sumus.* Cæterum observandum est, plerisque codices manuscriptos legere in prima persona, uti citavimus, *ἀπολέσωμεν, εἰς χάριν αὐτῶν, ἀπολέσωμεν, perdamus, operati sumus, recipiamus*: pauca, ut quatuor Roberti Stephani, in secunda persona, *ἀπολέσῃς εἰς χάριν αὐτῶν, perdati, operati estis, recipiatis*, & sic vulgata ver-

sio habet: idque D. Beza ait, melius quadrare antecedenti *βλέπετε ἑαυτοὺς videte vos ipsos*, sive attendite. Sed sensus interim eodem redit: adeo ut meritò pleraque exemplaria secuti simus. Nam prima persona secundæ personæ in hortatione ad commune officium sæpè conjungi solet, non solum eleganter, sed etiam majori pondere. quemadmodum 1. Iohan. 2. 28. *manete in eo, ut habeamus fiduciam.* & in hac Epist. vers. 5. *rogo te, ut diligamus alii alios*: & Iacob. 3. v. 1. *ne sitis multi magistri, scientes fore, ut gravius iudicium auferamus.* Quare causa nulla est, cur ista varietate personæ, aliam lectionem sequamur; quæ videtur tamen habere originem ex opinione ea, quasi non satis rectè à secunda, ad primam personam transfiretur. Altera deinde probatio, quam subjicit Apostolus, petita est ab effectu utili, nempe consecutione mercedis plenæ, vers. 8. Mercedem autem intelligit non meritam ( quia omnes sumus peccatores & debitores, Matth. 6. & 18. & 1. Iohan. 1. & fides nostra, ut & charitas imperfecta est ob carnis repugnantiam adversus spiritum, Roman. 7. & Galat. 5. 19. id eoque ob imperfectionem, poenam meretur ex legis sententia, Deuter. 27. v. 26. ) sed mercedem immeritam & ex gratia propter Christum promissam, ac reddendam, nobisque debitam, ob gratuitam Dei promissionem & veritatem illius. Quæ vita æterna, non est stipendium nostræ justitiæ, sed per imputatam Christi justitiam, donum Dei, Rom. 6. v. 23.

Atque hanc ab effectis petitam rationem geminam illustrat ac simul confirmat Apostolus ab effectis necessariò subordinatis: quod quisquis transgreditur, scilicet incredulitate ac defectione, doctrinam Christi, seu doctrinam Evangelii de persona & officio ac beneficiis Christi, Deum non habet, hoc est, caret communione cum Deo Patre, 1. Iohan. 2. 23. & Evangelii, Ioan. 14. deinde contrà quod qui in doctrina manet, habet & Patrem & Filium, vers. 9. Atque hæc dehortatio prima est, à seductorum doctrina. Altera est ab eorum consortio & familiaritate, ne eos hospitio excipiant familiari: deinde ne A V E eis dicant. Quod non absolutè intelligit, sed cum testificatione familiaris benevolentiae: qua errores seductorum probentur, aut dissimulando foveantur, vers. 10. idque declarat adjecta ratio, qua hæc dehortationis pars comprobatur, nimirum communicatione operum malorum: quod *qui dicit ei AVE, communicat operibus ejus malis*, nempe probando vel fovendo, vers. 11. Hactenus Epistolæ tractatio: cui annectitur conclusio bimembris. Constat enim excusatione brevitatæ Epistolæ & salutatione ab aliis. Illa causas exponit, primum remotione contrarii: quod non inopia materiæ finem faciat ( cum multa haberet scribenda ) deinde positione veri, sed spe adventus & colloquii præsentis: quorum finem addit gaudii complementum. Quod intelligendum non absolutè ( nam id in altera demum vita continget ) sed comparatè cum antecedente conditione, vers. 12.

Salutatio deinde pro aliis, est pro sororis illius Electæ liberis, quæ clara est & continetur vers. 13. addita solemnī clausula, A M E N.

#### C O N S E C T A R I A.

I. Verbi ministri, Seniores divinitus appellantur: ac propterea Sapientiâ & honestate aliis præluere debent, pro nominis & functionis ratione.

II. Qui fidei & charitatis opera edunt, pro electis habendi sunt.

III. Divitiæ & dignitates civiles, si adsit pietas, neminem à salute excludunt; quemadmodum etiam nec sexus diversitas.

IV. Religio non tollit justum civilium dignitatum ordinem & discrimina: ac propterea inepti ac superstitiosi sunt illi, qui omnes dignitatum titulos, quasi profanos averfantur.

V. Hoc curandum est, ut non solum matres, sed etiam liberi earum in religione & probitate instruantur.

VI. Fideles, à fidei Dei ministris, amandi sunt.

VII. Di-

VII. Dilectio nostra debet esse non fucata, sed vera, ut Deo Deique servis placeamus.

VIII. Fideles, sese mutuò diligere debent, v. 1.

IX. Maximum dilectionis fraternæ fundamentum ac vinculum est consensus in veritate Euangelii: eoque perversè faciunt, qui potissimum bona externa ac commoda intuentes, alios diligunt.

X. Si veritas nobiscum est in æternum: Ergò de Sanctorum perseverantia non est dubitandum. Quocirca peccant graviter divinæ gratiæ adversarii, qui liberi arbitrii lubrici obtentu, eam negat, v. 2.

XI. Cum à Christo gratia, pax, misericordia, veritas, &c. promanent; quæ opera Dei sunt propria: ergo verus est Deus.

XII. Bonorum spiritualium, non solum initium, sed etiam continuatio & incrementum optari debet.

XIII. Non solum nobis, sed etiam aliis benè velle, & bona vovere debemus, ex charitatis lege & Apostolorum sancto exemplo, versu 3.

XIV. Aliorum pietas, maximè verbi ministris, ad ejus promotionem missis, debet esse gaudium.

XV. Non solum debemus noscere veritatem Euangelii, sed etiam in eà ambulare.

XVI. Ea fides ac vita, rectæ sunt, quæ cum Dei mandato conveniunt, v. 4.

XVII. Dilectio fraterna colenda est, vers. 5.

XVIII. Charitas, quæ fide rectâ destituitur, vera non est, v. 6.

XIX. Cum viventibus adhuc Apostolis, multi seductores exorti sint; non est cur offendamur, si idem hisce temporibus eveniat.

XX. Cum illi sint impostores & Antichristi, qui negant Christum venisse in carnem; quid de Anabaptistarum primoribus sentiendum sit, non est obscurum, v. 7.

XXI. Fideles à seductoribus sibi cavere debent.

XXII. Fidei perseverantia, suam à Deo mercedem obtinet; defectio pœnam, v. 8.

XXIII. Permanendum est constanter in doctrina Christi, v. 9.

XXIV. Si nulla iis communio sit cum Deo (ideoque non sint filii Dei, hæredes vitæ illius, neque Spiritus illius participes) qui Filium non habent: ergò Iudæi, Mahometani, Ariani, Samosatreniani, alieni à Deo meritò dici possunt, v. 9.

XXV. Seducorum (hoc est, eorum, qui alios seducunt à vera religione) familiaritas seriò vitanda est, v. 10. & 11.

#### C O R O L L A R I U M.

EXpositâ jam secunda Ioannis Epistola, non alienum fore arbitramur, si illud quod de Scriptore Secundæ & Tertiæ Epistolæ, deque autoritate illarum controversum est, paucis perstringamus. Siquidem duplex ea de re est sententia. Plerique enim Epistolas hasce, non minus quàm primam, Ioannis Apostoli esse agnoscunt, ideoque authenticas, ac Novi Testamenti partem genuinam statuunt: qua in re consentiunt cum Concilio Pontificiorum Tridentino, Ecclesiæ Reformatæ. Alii verò contrarium statuunt, ut ex Pontificiis Thomas de Viò Cajetanus Cardinalis, & discipuli Lutheri, qui Apocryphis Novo Testamento adjunctis scriptis, annumerant: ut liquet ex Propositionum Hunnii & Danielis Arcularii, Doctorum & Professorum Marpurgensium, tom. 1. disputat. de Sacra Scriptura, & tom. 2. disputat. 1. & similiter ex Matthia Haffsenreffer, Doct. & Profess. Tubingensi, in Locis Theologicis Wittebergæ excusis, qui in loco de Sacra Scriptura sic ait: *Apocryphi libri Novi Testamenti sunt posterior Epistola Petri, secunda & tertia Joannis, Epistola ad Hebræos, Epistola Iacobi, Epistola Iudæ, & Apocalypsis Joannis. Hi autem libri, quanquam in disjudicatione dogmatum, canonicam auctoritatem non habeant: quia tamen, quæ ad institutionem faciunt, continent plurima, cum utilitate & fructu tam privatum legi, tum publicè in Ecclesia recitari possunt.* Hæc ille.

Qua in re Flaccium Illyricum cæterosque Theologos centuriarum Magdeburgensium autores, multosque alios sequitur. Argumenta autem à Veterum Patrum testimoniis, & initio Epistolæ desumuntur, ubi scriptor Presbyter vocatur.

Ad Patres quod attinet, de iis agit Hieronymus in Catalogo Scriptorum Ecclesiasticorum in Ioanne (quod opus tom. 1. in fin. exstat) ubi ait; *Reliquæ autem duæ (nempe Ioannis Epistolæ) quarum primæ principium est, senior Electæ Domine & natis ejus; & sequentis; Senior Gajo, &c. Ioannis Presbyteri asseruntur: cujus & bodiè alterum sepulchrum apud Ephesum ostenditur. Et nonnulli putant, duas memorias ejusdem Evangelistæ Ioannis esse.* Et ibidem in Papia verbis ipsis prolatis ostendit, Ioannem fuisse alium Apostolum, alium non Apostolum, sed ex reliquis Domini discipulis, Presbyterum seniore Ioannem dictum. Et Hieronymus deinde addit: *Hoc autem diximus propter superiorem opinionem, quam è plerisque retulimus, traditam, duas posteriores Epistolas Ioannis, non Apostoli esse, sed Presbyteri.* Hieronymo autem prævit Eusebius histor. Eccles. lib. 3. cap. 22. (in Græco Codice 25.) dicens: *Quibus verò contradiscitur, tametsi multis sint cognita, sunt hæc; Epistola quæ Iacobo tribuitur, & Epistola Iudæ, & posterior Petri, & altera cum tertia Ioannis: sive illæ Evangelistæ sint, sive alterius cujusdam, ejusdem cum eo nominis.* Et libr. 6. cap. 24. in Græco 25. verba Origenis proponit hujusmodi: *Reliquit autem (nempe Ioannes Apostolus) post se Epistolam admodum paucis versibus comprehensam. Esto, adjiciantur & altera & tertia. Etenim non omnes illas germanas esse dicunt.* Hæc ille. Ubi observandum, Interpretem Eusebii, Musculum, legisse *αὐτῶν*; sed in editione Græca Roberti Stephani exstat *αὐτῶν* non *αὐτῶν*.

Verum hisce difficultatibus objectis, commodè responderi potest. Nam ut primùm Cajetano Cardinali, Concilium Tridentinum opponimus, quod contrarium defini- vit: sic Lutheranis Lutherum in præfatione Latinâ Epistolarum Ioannis, ita loquentem opponimus: *Reliquæ duæ Epistolæ, non sunt Epistolæ didacticæ, sed exempla dilectionis & fidei: quæ & ipse, verè Apostolicum spiritum habent.* Deinde ad ea, quæ ex Hieronymo proferuntur, dicimus ea ipsum recensere non ex suâ, uti post apparebit, sed ex aliorum sententia: quam etiam opinionem vocat, & non ab omnibus, sed à plerisque traditam: iis scilicet, quibus Papias author antiquus, sed exiguo judicio præditus, nimia credulitate imposuit: qui etiam multis posteris antiquitatem ipsius spectantibus, errandi occasionem præbuit, ut Eusebius testatur ac probat, histor. Eccles. libr. 3. cap. ultimo.

Præterea non ait, divinam illius auctoritatem negari, sed scriptorem Ioannem Apostolum: quasi essent alterius, nempe Presbyteri Ioannis, & quidam discipuli Domini. Denique opinionis illius causa, consequentia fuit infirma hujusmodi: Quidam fuit tempore Ioannis Apostoli, nomine Presbyter Ioannes, Domini discipulus. Ergo hæ duæ Epistolæ sunt illius; quia harum Epistolarum scriptor se Presbyterum, id est, seniore vocat, non Apostolum. Atqui cum Paulus ad Philemon. vers. 1. se servum Christi vocet, non Apostolum, & in utraque ad Thessal. cap. 1. v. 1. utrumque & Apostoli & servi Christi titulum omit- tat, an propterea eas Epistolas alterius Pauli esse dicentur? cum in reliquis, sese Apostolum vocet? Quod autem Ioannes se Presbyterum seu seniore nominat, in eo Petrum habet antecessorem, 1. Epistolâ cap. 5. (ut initio hujus Epistolæ ostendimus) idque facit ratione muneris Ecclesiastici, & fortè simul ætatis jam provectæ (quâ reliquos omnes Apostolos superavit) Id quod ad attentionem, docilitatem & benevolentiam comparandam factum est, ut etiam Paulus propterea ad Philemon. vers. 9. se *πατὴρ* vocat. Atque ita sensu Athanasius in Synopsi Sacræ Scripturæ tom. 4. ubi agit de secunda Epistola Ioannis: *Hanc senior, inquit, factus, Domina scribebat, τὸν αὐτῶν πατὴρ* &c.

Quod autem nomen Ioannis omittat, sententiam adversariorum non probat: quia & in prima Epistola omisit: neque opus erat, cum ad notos scriberet & per notos fra-



tres, ad ipsum, à Domina electa & liberis adventantes, se Epistolam mittere, vers. 6. declaret.

Deinde quid in eo esset dubii? Imò dubii plus fuisset, si de alio quàm Apostolo nomen *Presbyteri*, id est, senioris esset intelligendum. Nam Presbyteri nomen latè patet, & ille Presbyter Ioannes longè o' scurior fuit Apostolo, id eoque majori distinctione, si Scriptor fuisset, in hisce Epistolis erat utendum.

Ad Eusebium verò & Origenem quod attinet, eadem est solutio: quia non suam, ut verba indicant, sed aliorum opinionem recensent. Quibus multos opponimus alios, rectè sentientes, qui neglecto quorundam, è falsa consequentiâ præjudicio, hasce duas Epistolas genuinas agnoverunt, ut ex antecedentibus objectis testimoniis apparet. Idque etiam ex præstantissimis Patribus & Conciliis laudatissimis probari potest. Nam, ut alios omittamus, Origenes in Iosua homil. 7. sic ait: *Petrus etiam duarum Epistolarum suarum tubis personat: Iacobus quoque & Iudas: Addit nihilominus adhuc Iohannes tubâ canere per Epistolas suas & Apocalypsin.* Consentit huic Hieronymus tomo 3. Epist. ad Paulin. cum ait: *Iacobus, Petrus, Ioannes, Apostoli, septem Epistolas tradiderunt.* Reliqua retulimus in explicatione primæ Epistolæ Petri.

Hisce insignibus testibus (qui maximè tamen ab adversariis objici solent) accedit consensus eorum, qui catalogum librorum Canonicorum consignârunt suis scriptis: ut Athanas. in Synopsi librorum Sacræ Scripturæ: *Catholica*, inquit, *Epistolæ variorum Apostolorum omnes, numero septem, uno volumine comprehensæ, &c. Ioannis tres, & primæ quidem initium est: Quod erat ab initio: secundæ verò, Senior electæ Dominæ, &c. tertiæ, Senior Gajo, &c.* Et Ruffinus in expositione Symboli, ad articulum, *Sanctam Ecclesiam Catholicam.*

Deinde Concilium Laodicenum can. 59. ait: *Catholica Epistolæ* (sic enim Græcè legitur; malè verò in Caranza *Canonica*) *sunt septem, Iacobi una, Petri duæ, Ioannis tres, Iudæ una.* Et Carthaginienſe Concilium 3. can. 47. ait: *Petri Apostoli duæ, Ioannis Apostoli tres, Iudæ Apostoli una, & Iacobi una.* Quæ Concilia licet fuerint particularia, tamen in universali Synodo sexta Constantinopoli, in Trullo habita, confirmata sunt, canone 2. Quibus omnibus accedit harum duarum Epistolarum styli & materiæ cum prima Ioannis, ut res ipsa evincit, consensus: adeo ut neque de authoritate, neque de scriptore Ioanne Apostolo, sit dubitandum.

FINIS Epistolarum Joannis.

## EXPLICATIO EPISTOLÆ JUDÆ.



Ntequam ad hujus Epistolæ explicationem accedamus, pauca de titulo dicenda sunt: quoniam de authoritate & veritate illius quæstio est.

Primum enim inquiri solet, an hic titulus, nempe, *Iudæ Apostoli Epistola catholica*, ab auctore Epistolæ ac Scriptoris fuerit præpositus, an verò postea ab aliis distinctionis causâ appositus. Sed varietas tituli in manuscriptis codicibus hanc litem dirimit: quia verborum numerus, forma, ordo, in titulis differunt: unde colligi potest authoritatem hujus tituli esse non divinam, sed humanam. Ad veritatem verò quod attinet, quæstio altera est, an hæc Epistola, ut titulus præfert, sit Judæ Apostoli, nec ne? Quidam ajunt: quorum sententia à nostris Ecclesiis probatur. Alii contra negant, freti aliquot argumentis, partim insitis, partim assumtis, quæ paucis proponemus ac diluemus.

Ac primum quidem objiciunt, Judam non vocare se hîc Apostolum. Sed respondemus bifariam: primum negando antecedens; quamvis enim se non vocet Apostolum explicitè, tamen implicitè, cum se servum Christi κατ' ἐξουσίαν, & Iacobi, qui Apostolus fuit, fratrem vocat: deinde negando consequentiam: quia filere munus Apostoli, non est negare: quemadmodum nec Paulus ad Philipp. neque ad Thessal. neque ad Philemonem sese Apostolum; sed servum Jesu Christi vocat.

Verum inquirunt iterum, quod secundum argumentum est; Judas non solum non meminit Apostolatus sui, sed etiam posteriorem se Apostolis facit, vers. 17. Fateor, si scripturam spectes: sin verò munus Apostolicum consideres, falsum est: nam Petri verba citat, ex 2. Epist. cap. 3. quemadmodum Petrus eodè in loco v. 13. 15. Epistolas Pauli.

Tertiò objiciunt linguam obſtare; quod Iudas in Perside Euangelium annuntiavit: ac propterea debuerit non Græcè, sed Persicè scribere. Verum ut de antecedente nihil dicam, negatur consequentia: quia ob vocationem omnium gentium, Novum Testamentum lingua maximè communi, videlicet Græca scribi oportuit: deinde quia Epistola hæc scripta est Iudæis dispersis, quibus etiam Epistolæ Petri: ut colligitur ex vers. 17. & 18.

Quartò objiciunt, recenseri in hac Epistola altercationem de corpore Moſis, & Enochî prophetiam: quorum nulla in Sacris Literis mentio. Verum est: sed inde non sequitur hanc Epistolam non esse Apostolicam: quoniam

cum traditiones essent: apud Judæos quam plurimæ, partim veræ, partim falsæ: potuit Spiritus S. ex veris, quamvis dubiis, quasdam per Apostolos asserere & certas reddere. Quemadmodum Paulus ex traditione (quæ etiam extat in Targum seu paraphrasi Chaldæa Ionathanis dicta, Exod. 7.) adversarios Moſis, Iannem & Jambrem recenset instinctu Spiritus, 2. Timoth. 3. 8. Qua explicatione traditio illa certa reddita, & ab incertis ac vanis discreta.

Quintò objiciunt, Iudam librum Enochî citare, ideoque eum probare: quod tamen Apostolicæ veritati ob libri vanitatem repugnat. Verum & antecedens & consequentiam negamus: nam Iudas prophetiam Enochî nominat, sed non propterea scriptam: deinde ut daremus librum Apocryphum Enochî nomine olim confictum ac suppositum, à Iudæ citari: inde tamen non sequeretur, eum librum omninò probari tanquam divinum: quoniam ex eo libro, id quod ex vera traditione acceptum erat ac fideliter positum, ut verum excerpere & sanctificare Spiritus Sancti instinctu potuit. Quemadmodum & Paulus ex Poëtis profanis vera quædam proponit, & orationi suæ ac scriptis inserit; ut ex Arato, Act. 17. v. 28. deinde ex Menandro, 1. Corinth. 15. 33. denique ex Epimenide, Tit. 1. 12. de qua re consulendus est insignis Hieronymi locus in commentariis ad Tit. cap. 1.

Postremò objiciunt; nulla scripta Apostolorum aliunde transcripta sunt, quia sunt immediatè à Spiritu Sancto. Atqui hæc Epistola aliunde transcripta est, videlicet ex 2. Petr. 2. Ergo non est scriptum Apostoli. Sed negatur, ut de propositione nihil dicamus, assumptio. Nam quamvis conveniat hæc Epistola in plerisque cum 2. Petr. 2. tamen habet quædam diversa. Idem Spiritus author est Epistolæ Petri & Judæ, eandemque doctrinam utrique dictavit: & posteriora sua verba per Iudam proposita illustravit testimonio verborum suorum, prius scriptorum, ministerio Petri. Qua in re nihil est absurdi: quemadmodum Paulus ad Ephes. 4. & ad Coloss. 3. ejusdem Spiritus regimine eadem ferè conscripsit. Similiter prophetia Obadiæ bonâ sui parte apud alios Prophetas ex ejusdem Spiritus instinctu extat.

Atque hæc de argumentis adversariorum insitis, seu è repetitis, quæ à testificatione cum tacita, tam expressa scriptoris Iudæ; deinde à lingua & materia sunt deducta. Assumpta vero aliunde argumenta, sunt testimonia veterum: ut Eu-

ut Eusebii, qui hanc Epistolam rejicit & ait; *non multi veterum hujus meminerunt*. Sed Eusebio opponimus Tertulianum longè antiquiorem in libro de habitu muliebri, cap. 3. quamvis in eo hallucinetur, quod Enochii librum divinum esse ex Judæ verbis imprudenter collegerit.

Deinde Origenem etiam opponimus in Matth. cap. 13. *Iudas quidem*, inquit, *Apostolus, scripsit Epistolam paucorum versuum, sed plenam efficacibus verbis gratiæ cælestis, qui in principio dicit Iudas, Iesu Christi servus, frater autem Iacobi*. Et in commentario Epist. ad Rom. lib. 5. cap. 5. disertè hanc Epistolam Judæ Apostolo tribuit; præterea Dydimum in comm. in hanc Epistolam, Epiph. hæres. 26. Hieron. cæterosque qui hanc Epistolam tanquam catholicam honorarunt. Deinde cum Eusebius dicat non multos veterum meminisse; aliquos saltem meminisse indicat: quorum sanè affirmatio certa pluris est, quàm dubium multorum silentium, aut etiam præjudicium, quoniam nulla solidà ratione nixum est: ut ex Hieronymo. apparet in catalogo Scriptorum Ecclesiasticorum, ubi sic ait: *Iudas frater Iacobi, parvam quidem, quæ de septem Catholicis est, Epistolam reliquit, & quia de libro Enochii qui Apocryphus est, in ea assumit testimonium, à plerisque rejicitur: tamen auctoritatem vetustate jam & usu meruit, & inter Sacras Scripturas computatur*: & in comment. Epist. ad Tit. ait: *Qui autem putant totum debere sequi eum, qui libri parte usus sit, videntur mihi & apocryphum Enochii, è quo Apostolus Iudas in Epistola testimonium posuit, inter Ecclesiæ scripturas recipere*.

Quare nihil causæ est, quamobrem de hujus tituli veritate & Epistolæ auctoritate dubitemus, cum doctrinæ veritas & styli Majestas Apostolo probè convenient. Ut autem à titulo ad Epistolæ argumentum ac descriptionem accedamus, dicimus eam esse, *N. Test. scriptum divinum, ab Apostolo Iuda, Iacobi fratre exaratum, ad Iudæos dispersos ac fideles: ut eos adversus falsos & sceleratos doctrinæ salutis corruptores, in vera fide, per charitatem operante institutos, amplius confirmaret*. Dividitur autem in præfationem, v. 1. & 2. tractationem à v. 3. usque ad 24. & conclusionem v. 25. 26.

Præfatio constat inscriptione & salutatione. Inscriptio, quis, & quibus scribat, indicat. Scriptor autem describitur nomine proprio *Iudas*, & adjuncto officii ministerii Christi, in Evangelio annuntiando: quod *אֵלִי עֲבָדָיו* indicat cum ait, *servus Iesu Christi*: deinde adjuncto cognationis Iacobi, nimirum Apostoli: Actor. 1. v. 13. ad differentiam Iscariotis, Luc. 6. v. 16. & Barsabæ, Actor. 15. 22. Quibus verò scribat, ostenditur adjunctis Dei beneficiis, vocatione ad fidem, sanctificatione & conservatione per Christum, v. 1. Salutatio autem quæ altera præfationis pars est, votum habet, v. 2. quo fidelibus precatur incrementum misericordiæ Dei, qua peccata condonantur; ac pacis Dei, quæ misericordiæ & justificationis est effectum, Rom. c. 5. v. 1. & charitatis Dei, quæ misericordiæ causa est, 1. Joh. 4. v. 10. Aut ut nonnullis placet, *pacis* voce conscientiæ tranquillitas, *charitatis* verò nostra erga Deum & proximum dilectio intelligi potest, ut Ephes. 6. v. 23.

Hæc de præfatione ad benevolentiam non minus quàm ad auctoritatem comparata: cui succedit tractatio trimembris, constans propositione, confirmatione & hortatione: quæ paucis tantum percurreremus; quia argumento cum secunda Petri, c. 2. conveniunt.

Propositio autem, præmissa, ad benevolentiam & attentionem comparandam, amoris & studii sui summi erga fideles testificatione, hujus Epistolæ scribendæ, efficiens, materiam, formam, & finem proponit. Efficiens, nempe impellens, est necessitas, non quidem absoluta, sed ex conditione officii Apostolici ritè præstandi, & salutis fidelium. Materia generatim est doctrina salutis: ac speciatim fides seu Evangelium, per Meton. subjecti sic appellatum: ut Gal. 1. v. 23. & 3. 23. 25. Forma est hortatio. Finis remotus est fidelium salus: proximus decertatio pro fide, seu fidei doctrina, v. 3.

Confirmatio, scriptionis & hortationis ac certaminis necessitatem demonstrat, à periculi magnitudine, ex hostium subdola præsentia & contagiosa impietate. Ac præsentiam

subdolum indicat, quando eos *subrepisse*, videl. in Ecclesiâ, testatur: & ad consolationem fidelium, malique fugam addit, id non temerè accidisse, sed Dei providentiâ illud justè ordinante, ad reproborum condemnationem justam, 2. Petr. 2. 3. de quo argumento ad Rom. pluribus disseruimus. Impietatem verò indicat Apostolus generatim, & exponit speciatim: primum fædo abusu & perversione doctrinæ de gratia Christi & libertate Christiana, ad carnis licentiam & effrænatam libidinem, contra veritatis Christianæ rationem, Rom. 6. 15. Galat. 5. 13. Tit. 2. 12. deinde abnegatione gemina, tum Dei patris, tum Iesu Christi, ratione doctrinæ & vitæ: quæ abnegatio utriusque agnitioni, ad salutem necessariæ Ioh. 17. 3. repugnat. Cujus impietatis indignitatem descriptione excellentiæ Patris & Christi, distinctis potestatis epithetis amplificat: Patris quidem, cum Deum, nempe Patrem, *Πατέρα*, hoc est, *verum seu dominatorem* nominat, ut Luc. 2. 29. & Actor. 4. v. 24. & quidem *illum solum*, oppositè, non reliquis *Deitatis* personis, sed creaturis, quemadmodum Iohan. 17. 3. similis sententia, & 2. Cor. 8. v. 6. Iesum Christum verò describit, cum *Dominum nostrum* appellat, v. 4. Sed objici solet, verba hæc; *illum solum verum Deum & Dominum nostrum Iesum Christum*, non de Patre & Filio distinctè, sed omninò de solo Christo intelligenda: quia unus est articulus, unius personæ index: dicitur enim *ὁ υἱὸς τοῦ Θεοῦ* *ὁ υἱὸς τοῦ Θεοῦ*, non autem *ὁ υἱὸς τοῦ υἱοῦ*. Sed negatur consequentia: quia ubi diversæ personæ indicantur, sæpè priori tantum articulus præmittitur: ut Matth. 17. 1. Act. 3. 11. & 18. 14. 10. 10. 15. 22. 17. 15. & 2. Thess. 1. v. 12. quem locum de duabus personis doctissimi interpretes accipiunt: ut 1. Timoth. 5. & 6. 2. Petr. 1. vers. 1.

Hæc de abnegatione Dei & Christi: unde etiam judicii divini & poenæ imminentis justitia apparet. Cujus certitudinem tribus exemplis illustrissimis declarat: cujus consequentiæ ratio est, primò Dei, de puniendis iis, qui non convertuntur, certa ac perpetua voluntas, secundò Scopus Dei in his exemplis statuendis: ut colligitur ex v. 7. & 2. Petr. 2. v. 6. Primum & extremum exemplum sunt hominum: medium Angelorum. Primum est Iudæorum, qui infidelitate suâ, Heb. 4. 2. terrâ promissionis exclusi, in deserto, justissimo Dei judicio perierunt, vers. 5. Alterum est nonnullorum Angelorum exemplum, quorum lapsus Deus severissimè est ultus: quæ de re fusè alias egimus. Tertium est Sodomorum & finitimarum civitatum, quas ob scortationes & libidines nefandas potissimum, aliis exemplo, Deus justissimè subvertit & igne æterno punivit, v. 7. Cui exemplo, seductores ab Apostolo comparantur, partim similitudine quod corpus suum libidinibus polluant: partim argumento à majori; quod quamvis exemplum Sodomorum eos ad timorem Dei, & castitatem excitare deberet, tamen quasi sopiti impuritati se darent. Quod scelus Apostolus amplificat, altero eorum dogmate pernicioso, quo Magistratus auctoritatem rejiciunt, convitiisque proscindunt, vers. 8. Cujus criminis gravitatem amplificat, oppositione modestiæ Michaelis Archangeli, qui adversus Satanam decertans de corpore Mosis, eundem, omiſſis convitiis, Dei judicio coercendum reliquit. Quæ historia, non quidem è Sacris Literis, sed ex traditione nota recensetur: eaque ratione veritas illius, de qua antea dubitari potuisset, Spiritus Sancti instinctu ac monitu certa redditur. Quænam autem propria certaminis hujus causa fuerit, incertum est. Verisimile tamen est, Sethanam cultus Dei sinceri hostem, voluisse Mosis corpus, loco omnibus Israelitis noto sepeliri, ut homines ad idololatriam propensissimi, eo ad superstitionem abuterentur: contra verò, Michaeli sanctum Dei Angelum, veri cultus Dei studiosum ac vindicem, ut idololatriæ occasionem tolleret, Mosis corpus abdidiſſe à conspectu omnium hominum, & (ut quidam arbitrantur) etiam Dæmonum: de quo tamen nihil certi affirmari potest. Huc pertinet locus, Deut. 34. 6. *Sepelivit eum in valle*, &c. Hæc de Angeli modestia: cui ex adverso opponitur seductorum audacia, in iis vituperandis, quæ non norant; & impudentia, in iis, quæ sensu naturali norunt, brutorum instar appetendis

dis & amplectendis, v. 10. unde merito Apostolus concludit & prædicit horum seductorum exitum : & veritatem ac iustitiam illius, antecedentibus satis probatam, amplius confirmat argumento duplici : Primò descriptione reliquorum morum : Deinde prophetiæ Enochii. Ac mores quidem non simpliciter proponit : sed, comparatione exemplorum & similium exponit & amplificat. Exempla adducit tria, primò Caini quem invidia & parricidio, Genes. c. 4. v. 5. secundò Balamii, quem avaritiâ, tertio Core, quem contradictione ac seditiosa ordinis ac status Ecclesiæ perturbatione, Numer. 16. imitantur. Quæ imitatio incremento suo, & quasi gradatione insigni declaratur, nimirum ingressu, effusione & interitu, v. 11. Porro similia ad mores seductorum amplius depingendos, adducit quinque. Primò enim comparat eos maculis. Quod ut hæ vestes & corpora impura reddunt : ita & illi Ecclesiam in fraternis Ecclesiasticorum cœtuum conviviis ( quæ quoniam ad charitatem mutuam testandam ac fovendam erant instituta, ἀγάπης appellabant ) intemperantia sua & impudentia confurcent ; de quibus agitur, 1. Corinth. 11. vers. 31. 2. Petr. cap. 2. vers. 13. de Agapis verò in Apologetico Tertulliani elegantissimè, cap. 39. differitur. Altera similitudo est, qua hypocrisis seductorum declaratur exemplo nubium, quæ aquâ carentes, à ventis circumaguntur : quod ut hæ spem pluviz vanam faciunt : sic & illi seductores veritatem & sanctitatem falsò præ se ferant. Tertia deploratam improbitatem arguit ; quod ut arbores emarcidæ, infrugiferæ, bis emortuæ, eradicatæ, nullos fructus proferunt : ita nec illi fructus iustitiæ edunt, vitali pietatis succo destituti, vers. 12. Quarta vanitatem & impudentiam doctrinæ perstringit : quod ut undæ maris efferatæ despumant sordes : ita & seductores sua prætumida & inani grandiloquentia, sua ipsorum dedecora & impuritates patefaciunt. Postrema similitudo inconstantiam reprehendit, cum stellas erraticas vocat. Atque ex hac morum descriptione, conclusio meritæ pœnæ, iterum apponitur & explicatur. Nam ut antea, vers. 11. vix illis, hoc est, pœnam imminere ostendit : sic etiam pœnæ speciem declarat quando ait : *in caliginem tenebrarum in æternum servari* : hoc est, densissimas & æternas inferni tenebras illis esse destinatas, vers. 13. Porro, alterum argumentum quo hanc conclusionem probat, est prophetia antiquissima Enochii, septimi ab Adamo, qua prædicitur Dei adventus, vers. 14. ad iudicium universale, quo omnia omnium impiorum facta dictaque impia puniturus est, vers. 15. De hac autem prophetia diversæ sunt sententiæ. Quidam enim scriptam arbitrantur ab Enocho, eo libro qui olim sub Enochii nomine extabat : quæ sententia fuit Tertulliani de habitu muliebri, cap. 3. Alii verò traditio-

ne tantum acceptam, & in librum postea relatam, multisque fabulis auctam. Quæ sententia, multis nominibus præferenda est : quoniam nec Sacra Scriptura ejus libri meminit ; neque Ecclesia Iudaica, fida aliàs Sacrarum Literarum, extra controversiam, custos, Roman. 3. vers. 2. eum librum unquam probavit. Quod etiam Tertull. dicto libro agnoscit, cum ait ; *Scio scripturam Enochii non recipi à quibusdam, neque in armarium admitti Iudaicum*. Quod autem idem, argumentum illud eludere conatur, vana nititur accusatione Iudæorum ; quasi illud scriptum rejecissent odio prophetiarum de Christo : quia clarissima de Christo testimonia apud Prophetas extant, quos propterea tamen non rejecisse certum est.

Deinde Christus ipse antiquiorem scriptorem sacrum Mose, non agnoscit, Luc. 24. alioqui non à Mose, sed ab Enocho, ducere debuisset initium explicationis prophetiarum de humilitate sua & gloria, ad quam hæc Enochii prophetia certo pertinet : sed Christus à Mose auspicatus est, Luc. 24.

Denique Iudas scripti nullius meminit, ut initio etiam diximus, sed tantum prophetiæ. Neque dubito, quin ex perverso huius loci intellectu, impostor aliquis fingendi libri Enochii sumserit occasionem : ut & ex mala interpretatione loci, Coloss. 4. vers. 16. & *Epistolam, quæ ex Laodiceæ, vos quoque legatis*, ac si Paulus indicaret Epistolam à se ad Laodicenses conscriptam, conficta est eo titulo Epistola ea, quæ Wormatiæ inventa, & postea à Fabro Stapulensi, in notis ad Epistolas Pauli, simul edita est.

Porro hac interposita prophetia, regreditur ad descriptionem seductorum, v. 16. & citat anticipationem quadam, ne novitate rei percellantur, prophetiam Apostolorum, v. 17. & verba Petri, v. 18. Ac duo præterea in seductoribus illis arguit : unum quod se segregarent à piis : alterum quod spiritu carerent, v. 19. Atque ita transit à secunda parte tractationis ad tertiam. Nam absoluta propositione & confirmatione, subjicit jam hortationem. Primò ad perseverantiam & profectum in fide ; cuius medium esse ostendit operationem Spiritus Sancti & preces, v. 20. Secundò ad charitatem & spem vitæ æternæ, ex misericordia Christi, v. 21. Tertio, ad effecta charitatis erga seductos : ut eorum conversioni pro diversis ingeniis, prudenter incumbant : ut erga dociles utantur commiseratione & clementia, v. 22. erga reliquos verò terrore, quo quasi ex præsentis incendio eos rapiant. Quartò, ad libidinum detestationem, v. 23. Qua sententia tractationem finit. Cui postremo conclusio, tertia Epistolæ pars attexitur, celebratione Dei. Quem ad consolationem, vitæ sanctitatem, & precationis stimulum, describit ab omnipotentia, v. 24. & sapientia ac gratia saluari, v. 25.

FINIS Epistolæ Iudæ.

## EXPLICATIO CAPITULI PRIORUM APOCALYPSIS.

**Q**uemadmodum Vet. Testam. scripta partim in narratione, cum rei præteritæ, quæ historia est ; tum futuræ, quæ prophetia : partim in dogmatum explicatione versantur : sic & Nov. Testam. similis est ratio. Narrationem enim primùm rerum gestarum continet Pentateuchus Evangelistarum ; constans quatuor Evangeliorum de Christo, & Actorum Apostolicorum historia ; deinde rerum futurarum, quam Joannis Apocalypsis ac prophetia nobis exhibet. Cujus principium, Deo aspirante, delibare, pro modulo conabimur. Quippe ut hætenus in Catholicis, Jacobi, Petri, Joannis, Iudæ, & selectis Apostoli Pauli Epistolis versati sumus, non alienum ab officio duximus, si illustres illas Joannis

Epistolas, in vestibulo Apocalypsis comprehensas, non nihil explanarem : præsertim cum non solum genere, cum antè explicatis : sed materiæ quoque præstantia, & cum Ecclesiarum nostrarum statu, mirificè consentiant. Ut igitur à descriptione operis ordiamur ; *Joannis Apocalypsis est divinum Nov. Testam. scriptum propheticum, de Ecclesiæ Christi, ad finem usque mundi, statu, variis visionum typis adumbrato : quod à Christo, per Angelorum ministerium, Joanni Apostolo revelatum, & ab eo fideliter ad selectas septem Ecclesias Asiaticas perscriptum ac missum : ad earum, & totius Ecclesiæ Christianæ respicientiam, & in fide, spe, charitate ac patientia christiana confirmationem, ad Dei in Christo redemptoris ac defensoris gloriam*. Quæ, cum satis ex ipso opere,

pere, & inprimis ex primo & ultimo capite sint manifesta: demonstrationem minimè desiderarent, nisi discrepantia veterum & recentium Theologorum, de hujus operis auctore & scriptore à nobis designato judicia obstarent. Quare nonnihil ea expendenda sunt; ut descriptionis propolite, de auctore & auctoritate operis veritas, ad fidei nostræ confirmationem, stabiliatur. Siquidem ut primum de auctore agamus, quidam certi aliquid definiunt: alii verò de eo dubitationem suam proponunt. Qui certi aliquid asserunt, multi Deum auctorem, nonnulli hominem, statuunt: ideoque illi divinam auctoritatem agnoscunt: hi verò, ut humanam ac fallacem, rejiciunt. Quod fecere olim partim hæretici varii (quales fuere Cerdon & Marcion, ut testatur Tertullian. de priori, lib. de præscriptione adversus hæreses cap. 51. de posteriori, contra Marcionem lib. 4. cap. 5. deinde Alogi & Theodotiani, ut Epiphanius hæresi 51. & 54. & August. de hæresibus cap. 30. narrant) partim quidam Orthodoxi teste Eusebio histor. Eccles. libr. 3. cap. 21. & 22. inprimis Cajus cap. 24. & 25. qui Cerintho attribuit. Secundò alii auctorem non definierunt, sed de eo dubitarunt: ideoque Apocalypsin inter Nov. Testam. scripta authentica, minimè admiserunt. Quemadmodum olim quidem, Ecclesiæ Græcorum, ut Hieronym. tomo 3. Epistola ad Dardanum ait: *quod si eam* (nempe Epistolam ad Hebræos) *Latinorum consuetudo non recipit inter Scripturas Canonicas: nec Græcorum quidem Ecclesiæ Apocalypsin Ioannis, eadem libertate, recipiunt.*

Deinde nostro seculo, Erasmus annotationibus suis ad Apocalypseos caput 22. in eandem sententiam disserit. Eumque secuti sunt, primum Lutherus, qui posteriori Nov. Testam. editione Latina, Francofurti cum notulis edita anno 1554. paulo benignius, quàm antea, iudicat, cum in præfatione Apocalypf. sic ait: *Propter hanc incertam expositionem & occultum sensum, etiam nos reliquimus hætenus intactum* (scilicet hunc librum) *præsertim cum juxta sententiam quorundam Patrum, non sit Ioannis Apostoli: quemadmodum lib. 3. Ecclesiasticæ historiæ cap. 25. habetur; In qua sententia & nos acquiescimus, ita tamen ut nemini prohibitum velimus, sive Ioannem Evangelistam auctorem statuatur, sive diversum sentiat.*

Deinde quidam Lutheri discipuli ipsum sunt imitati, ut inter alios Doctor Matthias Hassenrefferus, Theologus Tubingensis, in Locis Communibus: deinde Theologi duo Marpurgenfes, celebres, Ægidius Hunnius, & Joannes Winckelmannus, disputatione de Sacra Scriptura: ubi Apocalypsin Joannis (non minus quàm Epistolam Jacobi, secundam & tertiam Joannis, secundam Petri & Iudæ) inter Apocrypha, & dubiæ auctoritatis Nov. Testam. scripta annumerant; ac tandem subijciunt; *Quæ tamen scripta in nostris Ecclesiis majorem auctoritatem, quàm Apocrypha Vet. Testam. ac propè canonicis parem obtinent.* Atque hæc de auctore & auctoritate Apocalypseos Ioannis judicia. Qua in re nostræ Ecclesiæ, in confessione sua, primam sententiam meritò profitentur. Quippe ea, & solida ratione, & Ecclesiæ antiquissimæ testimonio, fide digno comprobatur. Rationes enim ipsum opus exhibet, partim sanctitate sua, partim lumine prophetico insigni.

Nam liber, qui doctrinæ Evangelicæ capita primaria sanctè complectitur, & cum libris Canonicis ad amissim convenit, & proprias atque eventu comprobatas, de Ecclesiæ statu complectitur prophetias, est divinus, Esai. 41. v. 23. Atqui Apocalypsis est hujusmodi. Nam & personam Christi, officia & beneficia, cultumque ipsi debitum, passim, imprimis verò capitibus quinque prioribus, & ultimo describit; & de statu Ecclesiæ, cum in Asia cap. 2. & 3. tum per universum orbem eventuras calamitates, & Antichristi Romani originem, sedem, tyrannidem, cap. 13. & 17. verissimè prædixit, ut experientia evicit. Ergo divinus est liber. Altera ratio est, quia nihil in universo opere extat, quod auctoritatem humanam arguat; ut ex objectionum confutatione constabit. Nam quod ideo divinum librum esse negant, quod & inepta & falsa quædam continet: meræ sunt ineptiæ ac calumniæ. Prius quidem probare conantur bifariam; primum ex curiosa, ut ajunt, septenarii nu-

meri observatione, in septem Angelis, septem stellis, septem oculis, septem candelabris, septem tubis, phialis, septem sigillis, & aliis. Sed vana exceptio est; quia Spiritui Sancto numerus septenarius in visionibus & prophetiis non est insolens: ut Genes. 41. vers. 2. 3. bis septem boves, & vers. 22. & 23. bis septem spicæ, & Zach. 3. v. 9. septem oculi, & cap. 4. 2. 10. septem lucernæ & septem infundibula. Deinde ineptam contendunt Apocalypsin. propter obscuritatem: quod præposterè obscurior sit Veteris Testamenti, prophetiis, & interim beatum illum prædicet, cap. 1. v. 3. qui audit & observat verba prophetiæ hujus: quam nemo tamen intelligat: adeo ut non Apocalypseos, sed καλύψας, id est, non revelationis, sed velationis nomen mereatur: videatur Eusebius libr. 7. cap. 24. Sed negamus omnia esse obscura: quædam enim satis, disertè explicantur, ut inter alia cap. 1. 20. & 17. inde à v. 7. Deinde ut major in Nov. Testam. est notitia, quam fuit in Veteri: ita hoc modo attentionis, & examinis diligentiam, acuire voluit Spiritus Sanctus obscurioribus; quemadmodum expositione clariori, cujus memini, multa alia illustrantur: adeo ut recte monuerit August: *In hoc, inquit, libro, cujus nomen est Apocalypsis, obscura multa dicuntur, ut mentem legentis exerceant, & pauca in eo sunt, quorum manifestatione, indagantur cætera cum labore: maxime quia sic eadem multis modis repetit, ut alia atque alia dicere videatur, cum aliter atque aliter hæc dicere investigetur.* Hæc ille, de civitate Dei, lib. 20. 17. Deinde quod Joannes, cap. 1. vers. 3. ut etiam 22. 7. verba prophetiæ hujus observanda statuit: ea, non tam ad rerum futurarum arcana singularia, quàm ad præcepta pertinent: qualia in septem illis Epistolis secundo & tertio cap. clarè proponuntur: ut cap. 2. 25. 26. *Id quod habetis tenete, quousque veniam. Nam si quis vixerit, & servaverit ad finem usque opera mea, &c.* cap. 3. 3. *Memento quæ acceperis & audieris: serva igitur & respice:* & vers. 10. & 11. *quoniam servasti sermonem tolerantiae meæ, &c. Ecce venio cito, tene quod habes, ut nemo coronam tuam accipiat.* Sic vers. 18. & 19. Deinde calamitates Ecclesiæ & persecutiones gravissimæ, & lætus postremò eventus afflicte Ecclesiæ & Antichristi aliorumque hostium miserrimus, sic proponuntur, ut nemo sit, quin si attente legat, generatim saltem intelligat scopum hujus libri, nimirum resipiscantiam, fidem, charitatem, consolationem ac constantiam in rebus adversis, ut Apocal. 13. 8. 19. 10. & alibi. Ideoque verba prophetiæ hujus, servare meritò dici potest, qui summam ac scopum rei memoria complectitur, & secundum præcepta & commendationem virtutum, officium pietatis præstat, etiam si particularia nonnulla minus assequatur. Verum gravius est, si modo verum, quod, si non inepta, falsa saltem dogmata hoc opere contineri objectant, nimirum terreni regni Christi Hierosolymis, & templi Iudaici restorationem, Apocal. 20. sed merito hoc negatur: Nam quæ per prophetiam allegoriam, de Spirituali regni Christi felicitate dicuntur, ea ineptè omninò ac falsò interpretati sunt propriè: quemadmodum doctè observavit Hieron. in præfatione libri 10. commentariorum in Esaiam. *Quæ (inquit) qui recipiunt, mille quoque annorum fabulam, & terrenum Salvatoris imperium, Iudaico errore susceperunt: non intelligentes, Apocalypsin Ioannis in superficie literæ, medullata Ecclesiæ sacramenta continere.* Hæc ille. Quare frustra adversus divinam Apocalypsis auctoritatem, Deumque auctorem illius contendunt. Id quod etiam (ut Concilia, & Patres alios omittamus) ex antiquissimorum Patrum, & Ecclesiarum testimoniis constat. Nam qui proximo Ioannis Apostoli seculo, imò & eodem vixere, hoc disertè testantur, ac demonstrant. Primum Iustinus Martyr (pag. 240. editionis Commelinæ Græco-Latinæ adversus Tryphonem) qui ait: *Ioannes è duodecim Apostolis Christi unus, in ea, quæ illi facta est revelatione, &c.* Vixit autem ac scripsit Iustinus, vix quinquaginta annos post scriptam à Ioanne Apocalypsin, ut ex Chronico Eusebii constare potest. Deinde Irenæus contra hæreses lib. 5. sub finem, Apocalypsin prophetiam vocat, & de Ioanne ait, *qui & Apocalypsin viderat. Neque enim ante multum temporis visum est: sed penè sub nostro seculo, ad finem*



ad finem Domitiani imperii Plura etiam præmittit, quæ quoque ex eo recitat Eusebius, histor. Eccles. lib. 5. c. 8. sic Irenæus lib. 3. cap. 3. se in prima ætate, Polycarpum senem Joannis discipulum vidisse commemorat. Utrumque autem tam Iustinum, quam Irenæum, commentariis suis Apocalypsin exposuisse ex Hieronymo de viris illustribus in Ioanne, constat. Tertio loco Tertullianus quoque, contra Marcionem lib. 4. cap. 5. ait: *habemus & Ioannis alumnas Ecclesias. Nam etsi Apocalypsin ejus Marcion respuit: ordo tamen Episcoporum ad Origenem recens, in Ioannem stabit authorem.* Hæc ille. Unde apparet Ecclesias illas, quas Ioannes docuit, successione certa in officio, Apocalypsin ab eo acceptam servasse, ejusque fidem adversus hæreticos confirmasse; quod idem de Ioannis discipulis ab Irenæo, lib. 5: sub finem asseritur. Neque quisquam ex antiquissima Ecclesia Orthodoxus, Apocalypsis auctoritatem negasse, aut de ea dubitasse legitur: sed hæreticos solum. Nam quod Cajus, posterior iis, apud Eusebium, Cerintho tribuit, in eo iudicium omnino defuisse apparet: nam differissimè, inde ab initio, Cerinthi errores adversus Deitatem Christi, refutantur, ut Epiphanius etiam rectè observavit hæresi 51. & 54. Quis autem ita insaniat, ut ad stabilendum errorem, non solum vano uteretur prætextu: sed etiam primaria sua dogmata egregiè confutaret? Quocirca cum Cerinthus Ioannis fuerit adversarius, quem etiam Ioannes gravissimè reprehendisse & increpasse, præfati Patres testantur, & historia Ecclesiastica: inde potius colligitur, scriptum hoc esse Ioannis Apostoli, qui apertum & noxium hostem toties doctrinâ suâ Ecclesiam muniendo, confutavit. Quod autem Hieron. de suo seculo ait, Græcorum Ecclesias Apocalypsin Ioannis non recepisse: illud non de omnibus, sed nonnullis tantum intelligendum esse, res ipsa arguit, si præstantissimos Græcos Patres consulamus. Nam primum Theophilus Antiochenus, Apocalypsis testimoniis utitur, teste Euseb. histor. Eccles. lib. 4. 23. Secundò Meliton Sardenis, de Apocalypsi Joannis librum conscripsit, ut ibid. Euseb. c. 25. Tertiò Clemens Alexandrinus Pædagogicæ lib. 2. cap. 13. tanquam Apostolicum opus citat. Quartò Origenes in primum Psalmum in Catalogo librorum Canonice Scripturæ Joanni Apostolo tribuit, non solum Euangelium, sed etiam Apocalypsin, ut Eusebius demonstrat hist. Eccl. lib. 6. 24. Idem etiam liquet, cum alibi apud Origenem, tum præfatione in Joannem, ubi ait: *Itaque in Apocalypsi Ioannes, ac Zebedæi filius.* Quintò Dionysius Alexandrinus in Epistola ad fratres Ægyptios, de Apocalypsi ait: *Consentio enim esse eam sancti cuiusdam, & divino spiritu imbuti,* teste Euseb. hist. Eccl. lib. 7. cap. 24. Sextò Eusebius in Chronico suo, ad annum Christi 96. ubi ait; *sub eo (nempe Domitiano) Apostolus Ioannes in Pathmum insulam relegatus, Apocalypsin vidit, quam Irenæus interpretatur.* Septimò Athanasius in Synopsi Sacre Scripturæ. Octavò Epiphanius multum hoc asserit; hæresi 51. & 54. Nonò Chrysost. in homilia 2. in Psal. 118. Sic enim ait: *ut ipse (nempe Deus) per prophetiam: quia neque frigidus es, neque calidus,* Apoc. 3. quibus addimus decimo loco Dionysium, quem Areopagitam vocant, Ecclesiasticæ hierarchiæ, cap. 3. quamvis enim revera non fuerit verè ille Areopagita; antiquum tamen esse scriptorem Græcum, res ipsa arguit. Denique, quod nonnulli Orthodoxi Apocalypsin olim rejecerint, illud nullo modo scripti vitio; jureque factum: sed ob abusum illius, & imperitam quorundam audaciam: siquidem Apocalypsi Joannis abusi sunt, partim hæreticus Cerinthus, Johannis Apostoli adversarius, & coævus: qui regni mille annorum prophetiam, Apocal. 20. ad terrenum regnum Ecclesiæ & corporis voluptates & sacrificiorum ac festorum Judaicorum restitutionem, impiè transtulit: partim Orthodoxi Patres, Iustinus Martyr, Irenæus, Tertullian. & alii non pauci, qui mille annorum regnum, terrenum quidem, sed castum ac sanctum statuerunt: unde Chiliastræ dicti sunt. Atqui hinc, cum errorem Cerinthi aliorumque, licet disparem, confutare niterentur nonnulli, neque argumenta ex Apocalypsi petita valerent expedire, nodum secantes, auctoritatem Apocalypsis negarunt, & Cerinthum autho-

rem, ut de Cajo ostendimus stultissimè statuerunt: ut res ipsa demonstrat, cum vix ullo libro, disertius ac plenius, Cerinthi errores contra Christi Deitatem refutentur. Ac talis fere ratio quorundam fuit, qui olim Epistolæ ad Hebræos auctoritatem in dubium vocarunt, aut etiam negarunt: quod Novatianis favere putarent. Sanctius verò ac prudentius Dionysius, Alexandrinus Episcopus, apud Euseb. lib. 7. 24. ait; *Arcanam quandam, & admirabilem in singulis illius capitibus, futurarum rerum expectationem contineri suspicor.* Etenim ubi illum non intelligo, alio rem quendam sensum verbis inesse cogito: nec de istis meo intellectu inquiso & judico; sed fide potius acquiescens sublimiora illa, quam quæ à me intelligantur, esse puto. Nec refuto ea, quæ non consideravi; sed magis admittor, quod non ipse perspexi Hæc ille. De Orthodoxis verò qui Apocalypsis dicta quædam malè interpretati sunt, recta est Eusebii in Papiam, Chiliastrum inter Orthodoxos authorem, censura, quâ ait: *In quibus etiam millenarios quosdam annorum post resurrectionem mortuorum futuros dicit. In quibus regnum Christi in hac terra, corporaliter consistere debeat. Quæ illum ex eo suspicatum esse puto, quod Apostolicas disputationes non rectè acceperit, nec quæ ab illis per hypodigmata dicta sunt, rectè consideraret; eo quod admodum modico esset iudicio præditus, sicut ex ipsius libris indicium capi poterit. Attamen quamplurimis post se Ecclesiasticis viris, ejusdem erroris causam dedit, qui ad antiquitatem ipsius respexerunt: utpote Irenæo, & si quis alius consimilia sensisse deprehenditur.* Hactenus Eusebius histor. Eccles. lib. 2. cap. ultimo. Quocirca, ex hisce jam satis apparere arbitramur, rectè à nobis in descriptione Apocalypsis authorem Deum constitui, ac divinam propterea illius esse auctoritatem: & frivola esse, quæ objectantur; id eoque scriptorem illius non esse Cerinthum, Christi adversarium, sed ut cap. 1. & alibi asseritur, Joannem Christi servum. Verum altera jam, sed minor tamen controversia est, quis iste fuerit Joannes? Plerique Joannem Apostolum, statuunt: alii alium fuisse conjiciunt. Priorem sententiam, ut vero consentaneam, descriptione expressimus. Rationes autem duæ sunt, ex verbis ipsius Ioannis, quibus se describit, cap. 1. petita. Nam primo loco, v. 2. ait, se Ioannem esse, qui testificatus est λόγῳ τῷ θεῷ, & testimonium Iesu Christi, & quæcunque vidit. Quis autem non videat, hæc de Ioanne Apostolo dici, qui testificatus est λόγῳ τῷ θεῷ Evangelii cap. 1. vers. 1. *In principio erat λόγος,* & 1. Epist. cap. 1. v. 1. 2. 3. *Quod erat à principio, quod audivimus oculis nostris, quod spectavimus, & manus nostræ contrectaverunt & τὸ λόγῳ de Sermone vitæ, &c. Quod vidimus & audivimus, id annuntiamus vobis:* & Ioan. 19. 35. *qui vidit, testatur, & verum est testimonium ejus. Ille scit se vera dicere, ut & vos credatis:* Deinde Apocal. 1. 9. ait: *Ego Ioannes, qui & frater vester, & socius in afflictione & regno & tolerantia Iesu Christi, eram in Insula, quæ vocatur Pathmos, propter sermonem illum Dei & testimonium Iesu Christi.* Atqui unanimi consensu veteres Patres, & historia Ecclesiastica, hoc accidisse Ioanni Evangelistæ testantur, persecutione Domitiani: de alio verò Joanne nullo, ea ullibi recensentur. Quibus accedit Patrum Orthodoxorum, Apostolis proximorum consensus, ut ante ostendimus. Quæ argumenta ut sint clariora, objectionum oppositarum nebulas discutere conabimur. Illæ autem à Dionysio Alexandrino (qui divinum Ioannis scriptum agnoscit, sed alterius quam Apostoli) sunt propositæ modestius, apud Euseb. histor. Eccl. lib. 7. cap. 4. & ab Erasmo, additis nonnullis conjecturis, minori modestia, ac valde lubricè repositæ in annotationibus ad Apoc. cap. 22.

Prima autem objectio, est petita ex styli utriusque, in Apocalypsi, & Ioannis Apostoli scriptis diversitate: quod stylus ille impurius sit: hic vero purior appareat. Altera, quod Ioannes Apocalypsis scriptor, tam sollicitè suum inculcet nomen, *Ego Ioannes, ego Ioannes*, perinde quasi syngrapham scriberet, non librum: præter Apostolorum reliquorum, & Ioannis inprimis Apostoli morem. Tertia objectio, à titulo operis desumitur, quòd in Græcis, quos Erasmus viderit codicibus, in titulo non fuerit Ioannis Evangelistæ, sed Ioannis Theologi. Quarta est à testimonio quo-

niis quorundam Patrum, Dorothei, qui in catalogo Sacre Scripturę Apocalypsin omittit: deinde Anastasii, qui in catalogo suo non aulit affirmare, eam esse Evangelistę, sed tantum dicit, receptam à quibusdam tanquam illius opus; ad hæc Dion. Alexandrinus; præterea Eusebii, qui hist. Eccles. lib. 3. c. 36. ait; *in revelatione quę dicitur Iohannis*. Denique obtenditur veterum quorundam Patrum historia, qui præter Ioannem Apostolum, alterum etiam tum temporis extitisse Joannem, discipulum & seniore dictum, tradunt, teste Eusebio hist. Eccl. lib. 3. cap. 36. qui etiam addit: *Etenim verosimile est alterum, nisi quis primum malit, Apocalypsin illam vidisse, quę sub nomine Iohannis circumfertur*. Sed huic non immerito responderetur. Primum styli diversitatem nihil obstat: cum diversa sit utrimque materia & scribendi ratio; in Evangelio, historia est; in Apocalypsi, prophetia: in Evangelio afflatu ac directione Dei audita & visa narravit, suo loquendi more, quem à Spiritu Sancto per linguarum donum acceperat: in Apocalypsi verò scribit, quę Angelus dictarat, & tali stylo, quo Deus, pro sua sapientia ac libertate, uti voluit. Deinde tanta etiam non est styli diversitas, quin multa cum Evangelii stylo, & totidem sententiis ac verbis conveniant. Deinde nec nominis Iohannis repetitio adversatur: nam in prophetiis crebrò, (qualis hæc est) & ad intelligentiam atque authoritatem conciliandam prophetę nomen repeti solet: ut ex Mose, Esaia, Ieremia, aliisque constare potest. Quemadmodum Daniel, nominis sui plusquam sexages meminit, & nominatim non solum nominis sui, Danielis, meminit, sed præterea inculcat illud, *Ego Daniel*, cap. 7. 15. & 28. & 8. 1. & 27. 9. 2. 10. 2. 7. Quare mirum non est, si in prophetia Iohannis universa, nomen ipsius quinquies tantum (Apoc. 1. v. 1. 4. 9. 21. 2. 22. 8.) repetatur. Quod etiam in titulo, *Apocalypsis Iohannis Theologi* appelletur, nihil evincit: partim quia quædam exemplaria antiqua, & quidem laudatissima, titulum habuerunt, *Apocalypsis S. Apostoli & Evangelistę Iohannis Theologi*, ut ex Complutensi codice & Regio similiter apparere potest: partim quia Ioanni Evangelistę egregiè & καὶ ἱεροχρῆν hoc nomen convenit: quoniam de divina Christi natura (cujus explicatio, *Theologia* à priscis Patribus dici solet) optime conscripsit. Neque ullum alium Ioannem, ipsius tempore aut sequentibus, Ioannem Theologum appellatum fuisse legitur. Hinc Athanasius ait: *Apocalypsis Iohannis, nomine, vocatur hic liber, propterea quod hanc revelationem ipse Iohannes Evangelista Theologus, in Patbmo insula dicta, dominico die vidit*. Hæc ille in Synopsi divinę scripturę. Ac sanè, divinam Christi naturam ac maiestatem, adeo luculenter, hoc etiam libro describit, ut vel ex capite primo & ultimo apparet, & nomen Christi λέγων, convenienter Evangelio, Apocal. 19. 13. asserit: ut meritò huic potissimum libro, Theologi nomen, ab antiquis sit inscriptum. Neque paucorum atque obscuriorum Patrum adversa opinio, plurimis illis antiquioribus; quos antea protulimus, conferenda, multo minus præferenda. Quod denique quidam olim Apocalypsin, Iohannis discipuli Domini, & senioris dicti, esse conjecerunt, facile solvitur. Primum quia hæc elogia Apostolo Ioanni optimè conveniunt: nam Irenęus lib. 4. c. 37. tradit, Apocalypsin esse Iohannis discipuli Domini: & tamen paulò post testatur, Ioannem eum esse, qui in sinu Domini, in cena recubuit. Deinde ex Epistola Iohannis secunda & tertia constat ipsum etiam seniore dictum: vel propter ætatem, præ cæteris valde provectam, (ut Athanas. in synopsi Sacre Scripturę arbitratur) vel fortè potius ratione muneris, ut 1. Pet. 5. v. 1. Quod autem ad Eusebii verba lib. 3. c. 36. attinet; ea, conjecturâ, ex Papię hominis fabulosi dictis petita, nituntur, & in Chornico suo Eusebius assertionem contrariâ, ut antea proposuimus, corripuit. Quem locum ab Erasmo (cum Ecclesiasticę historię verba objiciat) minus observatum miramur: alioqui melius statuisset. Quibus & illud addi potest, Ioannem illum alterum, quem tradunt discipulum Domini & seniore appellatum, clarissimo Bezę videri supposititium. Ac sanè incertum esse, meritò colligi potest, non solum ratione authoris: quod illud à Papiā promanarit; sed deinde etiam ex Hiero, in catalogo scripto-

rum Ecclesiasticorum in Ioanne. Quare ex hisce constare satis existimamus, non alium Ioannem (sive quis Ioannem Marcum, Actor. 12. 25. & 15. 37. nimirum Evangelistam, ut Baronius opinatur: sive diversum quis putet) sed Apostolum hujus Apocalypseos scriptorem: ut ex argumentorum allatorum robore, & contrarię sententię vana origine, objectionumque imbecillium confutatione apparet.

Quamobrem cum ea, quę in descriptione Apocalypsis de authore & scriptore diximus, hætenus probata sint satis, ad partitionem illius transeamus. Dividitur enim in Exordium, Narrationem & Conclusionem: Exordium, ad authoritatem & benevolentiam comparatum, primis octo versibus absolvitur. Constat autem titulo, dedicatione, & salutatione. Titulus, hujus libri genus, efficientem, finem, & effectum utile declarat. Genus est Apocalypsis, de qua voce sic ait Hiero: *Verbum quoque ipsum ἀποκάλυψις, id est, revelationis, propriè scripturarum est, & à nullo sapientum seculi apud Gręcos usurpatum*. Vnde mihi videntur, quemadmodum in aliis verbis, quę de Hebręo in Græcum L. X. X. Interpretes transtulerunt: ita & in hoc magnopere conatos, ut proprietatem peregrini sermonis exprimerent, novis rebus verba fingentes, & sonare, cum quid tectum & velatum, ablato desuper operimento, ostenditur, & profertur in lucem. Hæc ille ad Gal. c. 1. Quę intelligenda sunt, de nomine Apocalypseos, non de themate ἀποκάλυψις. nam ut hujus, in profanis & sacris: sic illius tantum usus observatus est in rerum sacrarum scriptoribus; ut Ecclesiastici c. 22. 29. & c. 42. 20. & in Sacris Literis, ut Rom. 16. 25. & 1. Cor. 14. 6. Eph. 3. 5. Apocalypsis autem hoc est revelatio, per Metonymiam, doctrinam revelatam; & quidem per Synecdochen, divinitus, hoc est, prophetiam hic notat: quia illud, quod ante occultum erat in Deo mysterium, revelatur ac conspicuum redditur, ut Amos. 3. 7. *Non faciet Dominus Deus verbum nisi ὁ λόγος, revelarit mysterium servis suis Prophetis*. eoque etiam sensu prophetia dicitur, Apocal. 1. 3. Cujus deinde efficiens, eleganti gradatione declaratur. Est enim vel author: vel minister. Author primus est Deus. Cum autem ea vox Dei, sumatur in sacris literis, vel communiter & ὁ θεὸς αὐτῶν, ut essentiam tribus personis communem significet; vel propriè, ut singularem Deitatis personam notet; puta Patrem Ioan. 3. 16. vel Filium Actor. 20. v. 28. hoc in loco distinctione à Christo facta, Deum Patrem intelligi apparet. Autor secundus est Iesus Christus, non ut solum Deus, quemadmodum Prophetę in V. T. Spiritu Christi prophetati sunt, 1. Pet. 1. 11. sed ut διαφανεσθῶν, Deus patefactus in carne 1. Timoth. 3. 16. Quomodo discrimen statuitur inter V. & N. T. prophetiam, ut Heb. 1. 1. Hanc autem Apocalypsin, Iesus recepisse à Deo dicitur bifariam: primùm ratione cognitionis: atque ita non secundum divinam naturam (quę omnia est per se) sed secundum humanam tantum accepit: secundum quam, ut sapientia profecit in terris Luc. 2. v. 52. sic diem iudicii ignoravit, Marc. 13. 32. aliaque, quę ad ipsius perfectionem, in sanctitate & muneris executione, non requirebantur: sed in gloriam cœlestem subvectus, admirabili scientię gloria excellit: deinde ratione communicationis & patefactionis apud homines, secundum summi Prophetę munus. Atque hoc modo secundum utramque naturam accepit à Patre, suo modo: quemadmodum secundum utramque conjunctim Christus est: nam Filius Dei, voluntaria œconomia ac dispensatione, sese humiliavit, assumpta servi formā; ut in ea ὁ υἱὸς τοῦ ἀνθρώπου sibi unita, Patris consilio, in munere mediatorio obediret Phil. 2. v. 7. 8. Finis autem hujus datę & acceptę Apocalypseos, est, ut indicaret servis suis, quę oporteat fieri cito, ut Apoc. 22. v. 6. Id eoque obiectum & finis φ, cui inservit, sunt servi Dei; qui intelligi possunt καὶ ἱεροχρῆν vel generatim fideles: vel speciatim ministri Evangelii, qui in prædicatione illius, Deo servant. Sed prius uberius est: quia posterius includit, & loci quoque circumstantiis magis accommodatum. Finis verò ὁ υἱὸς, hoc est, bonum propositum atque intenta utilitas illius, cujus gratia hæc revelatio accidit, est indicatio eorum, quę oportebat fieri cito. Quo, materia etiam Apocalypseos, ab adjuncto executione

executionis tempore propinquo, illustratur: ut revelationis opportunitas, attentionem paret. Citò autem futura dici possunt, vel, ut celeritas, denotet opportunitatem, & opponatur tarditati, quam iudicii Dei prænuntiatis objectare solent derisores: nam quamvis tempus sit longum, ratione sensus nostri, tamen ratione, cum naturæ & utilitatis rei; tum ratione Dei, & collatè cum æternitate, breve est, de quibus 2. Petr. 3. v. 8. 9. vel ut denotet propinquitatem, ut remotis temporibus opponatur: & quidem ut non simpliciter, sed secundum quid, seu ratione partis, atque initii, non autem ratione totius, ac complementi intelligatur. Hujus autem enuntiationis modus, quo hæc dicuntur futura, indicatur voce *ὅτι, oportet*. Cum autem *τὸ δὲ* aliud sit officii, ut Luc. 18. v. 1. & Actor. 5. v. 29. aliud necessitatis, ut 1. Cor. 11. 19. *oportet hæreses esse*; posteriori significatione hic locus accipiendus est, quod necessarium fuerit; veruntamen non absoluta necessitate, videlicet interna naturæ, aut externa violentiæ & coactionis, quamque necessitatem consequentis vocant; sed necessitate relata, ex hypothesi, & ut loquuntur, necessitate consequentiæ: quomodo necesse esse dicitur, ut scandala eveniant, Matth. 18. v. 7. posito enim Dei consilio ac decreto, quod immutabile est, & sine destinato, eorumque indice, Verbo Dei verissimo, aliter evenire, eo quidem respectu (licet naturâ sit contingens) non potest: quia nec falli sapientissimus, nec mentiri verissimus, nec superari, & à creaturæ arbitrio impediri potest omnipotens Deus. Huc pertinet, quod *αὐτὸς τῆς βελῆς* immutabilitas consilii, Deo ascribitur, Hebr. 6. v. 17. quia Deus simplex & absolute æternus; nihil autem absolute simplex, mutabile; & quicquid propriè æternum, idem immutabile. *Quod enim mutatur* (ut ait Augustin. de Trin. lib. 7. c. 6.) *non manet; quod autem mutatur, non est æternum*. Idemque docent clarius illustrata hæc testimonia scripturæ. *Non est Deus quasi homo ut mentiatur, nec ut filius hominis, ut mutetur. Dixit ergo & non faciet? loquutus est, & non implebit?* Num. 23. 19. *Ego labora non mutor*, Mal. 3. 6. *Multæ cogitationes insunt animo cuiusq; sed consilium laboris ipsum stabit*, Prov. 19. 21. *labora exercituum inveniunt consiliū, ecquis irritū faciet?* Esa. 46. 27. *Consilium meū stabit, & omnis voluntas mea fiet*. Esa. 46. 10. *Consilium laboris in seculū consistit &c.* Pl. 33. 11. *apud eū non est transmutatio &c.* Jac. 1. 17. Similiter Dei verbum, consilii patefaciendi index, excidere non potest, Mat. 24. 35. Rom. 9. 6. Ioh. 10. 34. Qua de re doctè Dionysius Carthusianus ad hunc locum: *ista, inquit, futura, non oportet fieri necessitate absoluta, cum in se sint futura contingentia, non sine magno impiorum peccato implenda: Sed eo modo, quo necesse est ut veniant scandala, & oportet hæreses venire; verum necessitate conditionata ex hypothesi consequentiæ, non consequentiæ. Cum enim à Deo provisæ sint, & à Dei sapientia ad electorum profectum præordinata, non possunt non evenire, secundum respectum. Veruntamen providentia Dei mutabilibus necessitatibus non imprimis, nec libertatem hominis tollit*. Quare hinc liquet, quis finis sit datæ Christo revelationis, qui cum Patre causa efficiens principalis statuitur. Causa verò efficiens ministra, est duplex: Angelus Christi, & Ioannes. Per Angelum autem revelata dicitur, non simpliciter & omnino, ut quidam opinantur, sed maxima ex parte: siquidem nec soli apparuerunt Joanni, nec soli loquuti sunt. Et ex prima visione constabit, Christum etiam, citra Angeli ministerium, & se, & multa patefecisse. Ioannes verò significatur Apostolo, v. 1. ut sequenti descriptione illustratur, ex effecto, cum ait; *qui testificatus est sermonem Dei, & testimonium Iesu Christi, & quæcunque vidit*. De cuius loci scopo, & quæ eo dirigitur sententia, queritur. Alii enim scopum esse censent, ut Ioannes Apostolus distinguatur (ad hujus Prophetiæ certitudinem & auctoritatem) à reliquis, qui ipsi erant cognomines. Idque ea via fieri, quod dicatur testificatus *ἀπὸ τοῦ δι* hoc est Iesum, ac de eo testatum quæcunque vidit: idque factum scripture Evangelii Ioan. 1. 1. & 19. 35. & 21. 24. & 1. Ioan. 1. vers. 1. 2. aut ut alii volunt, prædicatione, quod Evangelium ex Pathmo reversus primum conscripserit. Alii contra scopum esse putant, non Ioannis, à cognominibus distinctionem: sed fidei Iohannis in hac

prophetia tradenda commendationem: ac sensum esse, quod ut Christus revelationem (quam à Patre indicandam suis servis acceperat) fideliter per Angelum tradiderit Joanni: ita Iohannes vicissim eam, tanquam sermonem Dei Patris, & testimonium de Iesu Christo, & quæcunque visionibus septem illustribus ipsi revelata erant, fideliter hoc libro testificatus sit. Veruntamen quid si mediam interpretationem adferamus, ut prior pars *ἐννοήσας*, per expositionem quandam, scripturæ more intelligatur: quod *τὸ ἀπὸ τοῦ δι*, hoc est, testimonium de Iesu Christo egregiè professus sit, scripto & sermone, quemadmodum, locorum similium collatio videtur requirere, capit. 1. 9. *Eram in Pathmo propter ἀπὸν Dei, & testimonium Iesu Christi*; & cap. 6. 9. & 20. 4. *qui securi percussi propter testimonium Iesu & sermonem Dei*. Deinde ut altera pars, *& quæcunque vidit*, ad hujus prophetiæ materiam ac visiones imprimis referatur, ut Apoc. 1. 11. 19. *scribe quod vides*: atque inde concilietur operi auctoritas, ex fidelitate Iohannis, cum in Iesu Christo confitendo, & ejus nomine crucem atque exilium fortiter ferendo: tum in Apocalypsi hac, pari fide describenda: quod videlicet non ficta, sed facta & visa testificetur. Atque huc videtur pertinere altera lectio, quam citat Laurentius Valla; *In nostris, inquit, codicibus desunt, post, quæcunque vidit, & ἀπὸν εἶναι, & χρὲ γίνεσθαι μὲν τὰ πῦρ, quæ sunt, & quæ oportet fieri post hæc*: sic in compluteni editione, quam secutus est Plantinus; & in decimo quinto Roberti Stephani manuscripto codice, ex regia Bibliotheca similiter legitur. Et Aretas amplius ait, *in altero exemplari hæc addi, & ὅτι ἵκουσι, & ἀπὸν δὲ γίνεσθαι μὲν τὰ πῦρ*: quæ author ille Græcus exponit, & ut videtur, probat. Quod ut glossema videtur ex vers. 19. ad oram libri adscriptum, quod tandem in quorundam codicum contextum irrepsit: ita loci scopum non malè explicat. Porro hoc modo Apocalypseos causa efficiente, cum principali, Deo & Christo, tum ministra Angelo & Iohanne, proposita & exposita: effectum illius utile describitur & confirmatur. Descriptio autem tradit utilitatis subjectum proprium ac conditionem: & formam, seu usum & utilitatem. Illud declaratur prophetiæ hujus, partim cognitione, per lectionem vel auditionem: partim observatione, per fidem veritatis, & dilectionem præceptorum: ut Luc. 11. v. 28. Matth. 7. 26. Iacob. 1. v. 23. utilitas autem est beatitudo seu felicitas; non particularis, quæ in bono particulari versetur: sed universalis, quæ in bonorum cumulo cum coelestium, tum terrestrium, quatenus ad illa conferunt, consistit: ut 1. Timoth. 4. 8. *Pietas ad omnia utilis, &c.* Hæc autem utilitas confirmatur à temporis, rerum narrandarum circumstantia, quod propè sit: ideoque ad cautionem ac fugam peccati ac calamitatum, & ad consolationem per notitiā illius & observationem conducant, vers. 3.

Hæc de titulo: cui dedicatio libri, ac salutatio succedit. Dedicatio quidem librum inscribit septem Ecclesiis: sub quibus universitatem Ecclesiarum intelligi multi statuunt, sed non satis accommodatè. Quamvis enim septenario numero interdum perfectio denotetur: illud tamen non habet locum, cum rerum numeratarum nomina & circumstantiæ exprimuntur, ut hoc in loco accidit: Iohannes enim non ait generatim, *septem Ecclesiis*; sed adjungit *Asia* scilicet Minoris, & quænam illæ sint, aperte sequenti vers. 11. exprimitur. Quare certis quibusdam Ecclesiis Apocalypsin solummodo inscripsit, ita tamen ut earum ministerio (ex communi scripturæ scopo) communicatio & usus, pertineat ad omnes. Hæc de dedicatione. Salutatio verò (quæ oratio est, quâ salutem iis vovet) constat voti subjecto, & objecto. Subjectum seu id quod vovet, est gratuita Dei benevolentia ac favor; & pax, seu felix rerum hujus & alterius vitæ successus per synecdochē. De quibus aliàs, in epistolarum explicatione sæpe à nobis actum est. Objectum est duplex, cui scilicet & à quo voveat. Cui? *vobis septem Ecclesiis*. A quo? Est triplex. Primum hisce verbis continetur, *καὶ ὁ ἄγιος ὁ πνεῦμα, & ἡ νύμφη λέγουσιν, & ὁ ἀκούων, & ὁ διψῶν, & ὁ θέλων, & ὁ θέλων, & ὁ θέλων*, à qui est, qui erat, & qui venturus est. De quorum etiam constructione & sententia, diversa sunt iudicia. Nam ad constructionem quod atinet, eam vitiosam

vitiolam esse, quasi Græca verba *ὅς ὁ* solœcismum haberent, nullumque sensum præberent, Erasmus & Gagnæus contendunt. Alii contrâ modestius & peritius statuunt; idque bifariam: nam Ioachim Camerarius, & alii qui eum sequuntur, ellipsin statuunt vocis *ὅς*, nempe hoc modo, *ὅς ὁ ὅς ὁ* &c. hoc est, ab existente qui est. Beza clarissim. interpres sine ellipsi exponit: ut hæc descriptio sit instar nominis proprii Iehova, ut Exod. 3. *sum qui sum*. Quod quemadmodum subtile est, ita prius simplicius: cui & illud addi posset, ut articulus *ὅς* ponatur pro *τὸν*, & ut *ὁ* articulus præpositivus, pro *ὅς* accipiatur: quemadmodum neutrum, bonis Græcæ linguæ authoribus est insolens & in scriptura reperitur. De sententia etiam quæritur horum verborum: Quidam enim de tribus personis; idque vel conjunctim, ut tota oratio eo referatur; vel disjunctim, ut, *qui est*, de Patre, Exod. 3. 14. *qui erat*, de Filio, Iohan. 1. 1. *qui venturus est*, de Spiritu Sancto, Ecclesiæ promisso intelligatur, Iohan. 16. v. 13. Contrâ alii accommodatius, de una tantum persona exponunt: ac nonnulli de Filio, ut Apocal. 1. 8. *qui est*, & Iohan. 8. 58. *antequam Abraham esset, ego sum; qui erat in principio*, Ioh. 1. 1. & qui venturus est ad iudicium, Apocal. 22. 7. 12. Alii aptius hæc verba, (licet per se sint tribus personis, communia, ut quæ sunt, & erant, & venturæ, hoc est futuræ sunt: quæ æternitatis quædam descriptio est) ad Patrem tantum referunt, ut Apocal. 11. 17. quia à Spiritu & Christo in hac salutatione distinguitur. Alterum salutationis, seu salutis petitiæ objectum, sunt *spiritus septem qui sunt in conspectu throni ejus*. Id quod à priscis & novis Pontificiis, atque orthodoxis etiam interpretibus, bifariam explicatur. Quidam enim per spiritus, creaturas; alii verò creatorem intelligunt; & utrimque argumentis nituntur probabilibus; quæ diligentius, ob loci abusum, expendenda sunt. Qui ad creaturas referunt, Angelos, & quidem bonos exponunt: qui ut ab officio Angeli, hoc est, nuntii: sic à natura incorporea, per metaphoram, à spiritu ac vento invisibili ac potente petitam, etiam *spiritus* appellari solent, Heb. 1. 14. Quos septem nominari censent; alii quidem propriè ob certum quendam Angelorum numerum: ut primarii illi septem Angeli noventur, quorum maxima est potentia. Idque eo probari censent, quod in sacris literis, non semel, sed sæpius, septem spirituum fiat mentio, Apocal. 5. 6. Agno tribuuntur cornua septem & oculi septem, qui sunt septem spiritus Dei, missi in omnem terram, & cap. 8. v. 2. dicitur, *vidi septem Angelos stantes in conspectu Dei, & datæ sunt illis septem tubæ*, & cap. 15. 16. 17. septem Angeli memorantur tanquam universæ terræ administratores, & Zachar. 4. 10. *septem sunt isti oculi Domini qui discurrunt in universam terram*. hisce addunt locum ex Tobie c. 12. *Ego sum Raphael, unus ex septem, qui astamus ante Dominum*. Quam sententiam etiam sequitur Clem. Alexandr. Strom. libr. 6. & Irenæus, ut attestatur Arethas in Apocal. cap. 4. Alii contrâ, cum Lyrano, Septem, non propriè certum Angelorum numerum; sed eorum universitatem, figuratè per synecdochen, sacris Literis usitatam, notare arbitrantur. Contrâ alii non creaturam, sed creatorem intelligi volunt; ut veteres Theologi, Primasius, Ambrosius, Rupertus, Haymo, Victorinus, Martyr & Thom. Aquinas, & Joach. Abbas, qui de Spiritu Sancto interpretantur, quos plerique orthodoxi nostri ævi Theologi sequuntur, ac probant: quamvis argumentis speciosis impugnetur. Quorum primum est petitum à numero, quia hi spiritus sunt septem; Spiritus sanctus unus, non septem; ideoque hi spiritus, non sunt Spiritus sanctus. Alterum à statu: hi spiritus sunt in conspectu throni Dei: Spiritus sanctus non est in conspectu throni Dei; quia hæc phrasis notat ministerium & inæqualitatem, ut Apocal. 7. 15. atque Angelis convenit Apocal. 8. 2. *Vidi septem Angelos qui coram Deo stant*, & Zachar. 3. *de illis qui nunc assistunt*; & 1. Samuel. 16. *stet David in conspectu meo*, id est, ministret mihi. Deinde addi posset, hac phrasi etiam denotari separationem. Atqui Spiritus sanctus est in Patre, non separatus à Patre. Tertium argumentum est ab ordine, quia præponitur Filio. Quartum denique à locorum similium comparatione & expositione, Apoc. 4. 5. & *septem lampades accensæ coram*

*throno sunt septem spiritus Dei*: cap. 5. 6. *septem oculi aghi, sunt septem spiritus Dei, missi in omnem terram*. Verum ad prius quod attinet argumentum, fateamur quod Spiritus S. unus sit essentia ac persona; sed donis tamen est multiplex, 1. Cor. 12. 4. & Esa. 11. 2. 3. septemplex Spiritus Christo datus proponitur: unde vulgo etiam antiquitus septem dona Spiritus S. colligere studuerunt. Neque est alienum, si prophetico, ac figurato stylo significetur unus spiritus (per Metonym. effecti pro causâ) per septem dona: quemadmodum vicissim, contraria causæ pro effecto metonymia, *spiritus*, Johan. 7. 39. & alibi, *dona spiritus* appellantur: quemadmodum una Dei providentia per innumerabiles oculos, ab Ezechiele indicatur, & una Christi persona, variis umbris Veteris Testamenti significata. Similiter assumptionem secundi argumenti negamus. Nec enim hæc phrasis, *esse coram throno*, aut etiam *stare coram throno*, semper ac necessario inæqualitatem aut separationem notat: ut enim spiritus, quamvis æqualis Patri essentiâ, officio tamen voluntario ac per dispensationem, mitti à Patre & Filio dicitur: sic hoc in loco, per Metaphoram esse dicitur in conspectu throni illius, hoc est, promptus ad officium exequendum. Tertium argumentum levius est: quia ordo personarum, in recensione interdum, ubi distinctione non est opus, confunditur; & hoc in loco valdè oportune, quia cum de Filio acturus esset Propheta, prudenter, ne iusta orationis propositæ series interrumperetur, prius de spiritu egit. Denique quod ex capit. 4. & 5. objectatur, Spiritui sancto probè convenit: nam Lampadibus, ratione donorum comparatur: quemadmodum alibi, ignitis linguis se patefecit, Act. 2. Et septem oculis, ob perfectam scientiam ac curam eleganter comparatur, ut Zachar. 3. vers. 9. lapidis id est, Christo apponuntur septem oculi: qui Zachar. 4. vers. 10. sunt oculi Dei, peragantes terram: quod Christus Spiritu Sancto sit plenus. Et sanè, quemadmodum Principum consilarii & nuntii, Principum oculi rectè nominari solent; quia propter ignorantiam iis quasi oculis, ut etiam auribus opus habent: sic contrâ Christus, quia novit omnia, non alienis, & Angelorum, sed suis videt oculis: quemadmodum etiam suis cornibus, hoc est, potentia potens est, non Angelorum. Præterea cum capit. 4. & 5. animalia & seniores Deum adorent, quæ adoratio creaturæ est propria: illud spiritibus septem ne utique adscribitur: quo innuitur, non creaturam, sed creatorem intelligi. Hisce accedunt contraria alia ex capit. 1. vers. 4. argumenta. Quorum primum petium est ab adjuncto ordine; quod septem Spiritus præponantur Christo, quod indignum est, si de Angelis intelligatur. Nam quamvis inter personas Deitatis ordo interdum confundatur, Galat. 1. vers. 1. & 2. Corinth. 13. vers. 13. 2. Thessalon. 2. vers. 16. Ephes. 5. v. 5. (quia ratione Deitatis, unitas est & personarum æqualitas) nihil est absurdi. Alterum argumentum est gravius, & naturâ prius, à materia; quia quod à Deo solo Patre, Filio, Spiritu Sancto datur, illud Deus Angelis non attribuit: quia *gloriam suam nemini communicat*, Esa. 42. hoc enim iustitiæ ipsius repugnaret. Atqui gratia & pax, à solo Deo dantur; neque ulla in sacris literis extat promissio aut exemplum, petitiæ aut datæ ab Angelis, aut ulla creatura, gratiæ Dei & pacis, sed gloria illa soli Deo tribuitur. Veruntamen objiciuntur nonnulla, ac primum authoritas divina & exemplum simile, Genes. 48. vers. 15. 16. *Deus qui pascit me ex quo die sum, usque in hunc diem. Angelus ille, qui vendicat me ab omni malo, benedicat pueris istis*. Sed responderi potest bifariam; Primum, quod vindicta illa à malo & benedictio, non sint idem quod gratia & pax: nam ad illa utitur Deus Angelorum etiam ministerio, cum homines tuentur à malis externis, & externa beneficia conferunt. Deinde quod aptius & gravius est, Angelus hoc loco non creaturam, sed Filium Dei creatorem notat; qui alibi etiam Angelus dicitur, Exod. 14. v. 19. & Iehova, Exod. c. 13. vers. 21. & 14. v. 24. & Angelus foederis, Malach. c. 3. v. 1. Filii autem Dei, Jacobus Patriarcha hic meminit, quia



quia foederis cum Abrahamo, Isaaco, Jacobo, mediator & foederatorum conservator: quemadmodum etiam Angelus qui vindicavit Jacobum, Gen. 31. 11. vocatur Angelus, & v. 13. Deus fortis, cui Betheli voverat votum, qui verus Jehovah. Gen. 18. 13. 20. Filius autem Dei vocatur Angelus, hoc est nuntius; partim ratione officii mediatorii, partim quod Angelorum more, in assumpta aliqua, non autem hypostaticè unita figura humana, dispensatione temporali, sese patefecerit, & ad unionem hypostaticam simili praeiret. Quod clarius apparet ex Genes. 18. ubi, ex tribus, qui viri metaphoricè, ob speciem similem vocantur, v. 2. duo sunt Angeli creaturæ, Gen. 19. 1. tertius est Iehova, Gen. 18. v. 13. 17. 22. 26. iudex totius terræ, v. 25. Abrahami Dominus, v. 27. Quæ Angelo creato convenire non possunt. Ideoque minus piè, à quibusdam magnis interpretibus, de Angelo creato, exponuntur. Quod iterum ex Nov. Testament. reponunt, 1. Timoth. 5. 21. *obtestor in conspectu Dei & Domini Iesu Christi, & electorum Angelorum, ut hæc servetis*: illud nihil ad rem. Non enim Angeli invocantur hoc loco; nec ut iudices; sed ut testes futuri nominantur, quoniam sunt Spiritus ministratorii, qui ad ministerium servandorum emittuntur, Heb. 1. 14. quosque circumstant, Psalm. 34. Deinde aliud est obtestari coram Angelis indefinitè: aliud definitè septem nominare, neque illud est gratiam & pacem dare: ut enim homines: sic Angeli actionum nostrarum spectatores, testes citari possunt. Sed rursus effugium quærunt. Sic enim quidam Pontificii ajunt, gratiam & pacem expectari ab Angelis, quod per eorum preces nobis Deus gratiam largiatur. Sed illud apertè ineptum: nam eadem ratione, idem petere licebit ab Ecclesia, & ab Apostolis. Quare aliud effugium proponunt, quod gratia & pace veram amicitiam ac reconciliationem intelligamus, quam solemus fratribus precari, ut 2. Machabeor. 1. *exaudiat orationes vestras, & reconcilietur vobis*. Precatur igitur illis amicitiam & pacem cum Deo, per remissionem peccatorum & sanctificationem & amicitiam & pacem cum septem Angelis, ut semper ab iis diligantur & adjuvantur: quemadmodum hoc indicat communis sermo: *redire in gratiam, invenire gratiam coram aliquo*. Sed gratiam & pacem conjunctim illud significare, ac duplici significatione, dicitur quidem temerè; sed non probatur: quia saluatio Apostolica frequentissima est, & significatio alia: nam per gratiam, gratuita Dei benevolentia intelligitur: at verò Angelorum amor erga Ecclesiam, non est gratia omnino; sed debitum ipsorum erga conservos suos. Qua etiam de causa, Angelus à Iohanne honorari humiliter noluit: sed Deum adorari iussit, Apocal. 22. 9. Nec invocatio est Angelorum, uti obijciunt, quod David ait Ps. 103. *benedicite Iehovæ Angeli ejus*, sed officii eorum, mandati figura confirmatio est, quemadmodum versic. 22. *benedicite Iehovæ omnia opera ejus, in omnibus locis dominationes ejus*. Denique obijciunt, Rhemenses Iesuite Anglici, quosdam è nostris ita exponere de Angelis, ideoque non esse, cur illud Pontificiis exprobre-mus plerisque. Fatemur quidem id à nostris suo modo factum; sed cum analogia sit servanda, primum fidei, ne quid in expositione sit, quod sacrarum literarum dogmatis repugnet: deinde analogia contextus, ut nihil statuatur, quod loci circumstantiis repugnet: à priori declinant Pontificii, quod tolerari non potest; quia peccant impietate contra Decalogum, & verè religionis fundamenta; à posteriori verò nonnulli è nostris discedunt, quod magis tolerabile est. Nam discrimen est maximum expositionis utrimque: Pontificii quidem statuunt esse precessionem, quemadmodum invocationem Angelorum vulgò in Missalibus suis usurpant: nostri verò illi, non precessionem, sed votum intelligunt, quod ad Deum dirigatur tanquam datorem, non ad Angelos; sed quod Angelorum meminerit tanquam instrumentorum, quod per eos gratiam Deus & pacem dicatur dare, suo quodam modo; ratione conservationis, quatenus per eos Satanæ & mundi conatus impedit & Ecclesiam tuetur, ne gravitate afflictionum oppressa, à fide & charitate deficiat, eoque modo Dei gratia & pace excidat. Quare nihil illud ad Pontificiorum supersticiosam *εὐχολογίαν* & invocationem conducit; quæ una hac demon-

stratione confutatur; Quod gloriam soli Deo debitam creaturis tribuit, illud iniustitia & impietas est; quia ut iustitia suum cuique, sic Deus suam gloriam alteri non tribuit, Esai. 42. Atqui cultus & invocatio Angelorum (quemadmodum & sanctorum defunctorum) gloriam soli Deo debitam, creaturis tribuit: Deus enim solus religiosè colendus & adorandus, non Angeli, Matth. 4. v. 10. Coloss. 2. 18. Apocal. 22. v. 9. deinde Deus solus omniscius cordium scrutator, qui preces illius & sinceritatem potest perspicere, 1. Reg. 8. 39. & solus omnipotens, qui ab omnibus malis potest liberare, 1. Tim. 6. 15. Esai. 43. vers. 11. in quibus attributis & consequente adoratione, gloria Dei certissimè consistit. Ergo iniustitia & impietas est: id quod Pontificiorum *εὐχολογία* & missalia eorum satis evincunt. Ut autem eo, unde digressi sumus, redeamus, per septem Spiritus, Spiritus sanctus per tropum Metony: intelligitur; qui Spiritus alterum est salutationis propositæ objectum, à quo gratia & pax postulatur, vers. 4. Tertium est Iesus Christus: cujus ad prophetiæ hujus auctoritatem & attentionem, subjicitur descriptio, ex officio adjuncto, & beneficiis erga nos. Officium enim triplex designatur. Primum Propheticum, cum *testis ille fidus* vocatur. Testis quidem; quia in hoc natus est, ut testimonium perhiberet veritati, Iohan. 18. v. 37. quod fecit cum doctrinâ, per se & per suos ministros Apostolos ac discipulos alios: tum factis, partim vitæ sanctitate seu actionibus piis ac iustis: partim mortis constantiâ & effusione sanguinis, 1. Timoth. 6. v. 13. Fidus verò dicitur, propter scientiam, cum iusta constantia in veritate conjunctam. Deinde regium officium duobus epithetis notat: primum est, quod sit mortuorum & vivorum Dominus: id quod indicat, quando *primogenitum ex mortuis* vocat, ut Coloss. 1. 18. *Primogeniti* autem vox Christo diversis in locis, ac variè tribuitur: propriè aut impropriè. Ac propriè quidem, vel qua Deus, ratione generationis æternæ, Coloss. 1. v. 15. *primogenitus* *πρῶτος κτιστός*, id est, *πρῶτος κτιστός*: vel qua homo, ratione temporalis generationis: sic Matth. 1. 25. relatè *primogenitus* Mariæ dicitur. Impropriè verò per Metaphoram, Principem ac Dominum notat: qui scilicet inter eos, qui è mortuis resurrexerunt, primas obtinet, tempore, (quia visus solus & ad immortalem viram primus) & dignitate: quia ut *primogenitus* primus est natus; sic in Vet. Testam. ex Dei lege, inter fratres excelebat: primum bonis, quia duplici hæreditatis sorte potiebatur, Deuter. 21. 17. deinde honore ac potestate; quia (quasi in Patris locum subvectus) fratrum Dominus, Gen. 27. v. 37. statuebatur: hinc Genes. 49. 3. *prior in donis*, hoc est sacerdotio; *major in imperio*, hoc est regno: quæ etiam duo Rubeno ablata, & sacerdotium Levi, & regnum Iudæ, v. 8. attributū. Alterum epithetum est regni, quod sit *Princeps Regum terræ*, ideoque viventium etiam Dominus, Mat. 28. 18. Ps. 2. 8. 9. Id quod ad fidelium afflictorum atque affligendorum consolationem, adversus sequentium calamitatum narrationem, opportunè adjicitur. Sacerdotium denique Christi indicatur per suam causam, & effectum. Causa est dilectio nostri, nempe gratuita, præter, imò contra meritum nostrum, Rom. 5. 8. Ephes. 5. 2. Effectum verò duplex statuitur: primum est lotio nostri à peccatis nostris, per sanguinem ipsius, hoc est, remissio peccatorum, & reconciliatio cum Deo, per fusi sanguinis ipsius sacrificium propitiatorium. Rom. 3. 25. 1. Ioh. 1. 7. Hebr. 9. 25. 26. Hæc autem lotio, hoc est, sordium peccati ablatio, duobus modis peragitur: primum merito in cruce, Actor. 20. 28. & deinde efficacia seu applicatione illius meriti, dum credentium corda per Spiritum S. sanguine suo aspergit, 1. Petr. 1. 2. Ephes. 1. 7. Hebr. 9. 14. Alterum effectum est, quod nos regeneratione fecerit Deo sacerdotes: idque amplificatur, præmissio effecto regni, quod nos etiam fecerit reges; quia & sapientia & viribus instruit nos in terris, ut in pugna, cum adversus carnem intus, tum contra mundum & mundi Principem Diabolum foris, superiores evadamus, & in cœlis cum Christo regnum cœlestē possideamus, Matth. 5. 10. 2. Timoth. 2. v. 12. denique, quia devicta etiam omnino ultimo

ultimo die, illius beneficio, morte, mundum, & impuros Angelos, adversarios, judicaturi sumus, 1. Cor. 6. 2. 3. & anima ac corpore, ( subditis omnibus hostibus ) cœlestis regni gloria in æternum fruitori & triumphaturi, Mat. 25. 34. Sacerdotes verò nos fecit; quoniam ad hoc, sui Spiritus regenerantis ac sanctificantis donis inungens nos fecit idoneos, non ut propitiatorias, ( quod soli Christo convenit ) sed ut gratitudinis hostias, per fidem & charitatem Deo offeramus: primum nos ipsos, Rom. 12. 1. ut animo & corpore, omnibusque membris ac viribus, ad gloriam Dei utamur: deinde nostra bona, Hebr. 13. 16. Philip. 4. 18. denique proximum, nostro studio conversum aut confirmatum, ad Deum adducamus eique consecremus; quod licet omnibus fidelibus sit commune, Iacobi. 5. 20. 1. Petr. 3. 1. imprimis tamen ministris verbi convenit, Rom. 15. v. 16. Quæ duo beneficia Christi nempe regni & sacerdotii, nobis collati, simul exprimuntur, Exod. 19. 16. *Eritis mihi regale sacerdotium, gens sancta*, & 1. Petr. 2. 9. *Vos autem estis gens electa, regale sacerdotium, gens sancta, populus acquisitus, ut virtutes prædicetis illius*. Quæ dona Christi cum sint præstantissima, eorum magnitudo, solenni hac gratiarum actione celebratur; *Ei sit gloria, & robur in secula seculorum, Amen*, vers. 6. Vox autem ei licet ratione analogiæ fidei & rei propositæ, tam Patri quam Filio conveniat (sicut utrique attribuitur Apocal. 5. 13.) sequentium tamen verborum series, v. 7. ad Filium referenda ostendit. Deinde regium Christi officium, ab effectu altero, nimirum adventu glorioso ad iudicium declaratur, quod cum nubibus veniet, ut Actor. 1. 9. 10. 11. Matth. 26. 64. Quas nubes, cum adjuncto glorioso Angelorum satellitio (de quo 1. Thes. 4. v. 16. 17. & Matth. 16. 27.) signum illud esse Filii hominis arbitror, cuius Christus meminit, Matth. 24. 30. *& tunc apparebit signum Filii hominis in cælo, ac tunc plangent omnes tribus terræ, & videbunt Filium hominis venientem in nubibus cæli cum potentia & gloria multa, & mittet Angelos suos cum tuba, voce magna*. Porro Christi adventus, eventu duplici describitur, nimirum visu omnium, & terrore hostium. Prius est, quod eum omnes visuri sint, non solum amici, sed etiam hostes qui eum transfixerunt, Mat. 26. 64. Joan. 19. 37. Alterum est, quod *plangent* ( hoc est, tudent præ dolore pectora ) *coram eo omnes tribus terræ*. Id quod à nonnullis de conversis ac servandis, & planctu salutari accipitur; qualis est Actor. 2. 37. quoniam hæc verba è S. Literis, nempe Zachar. 12. 10. ubi de conversis agitur, sunt deprompta, quemadmodum Joh. 19. 37. ostenditur. Alii vero contrà de damnandis Christi adversariis intelligunt, qui ipsius personam, ac fideles membra ipsius transfixerint: nec enim plangent servandi fideles die ultimo, sed gaudebunt & exultabunt. Deinde non necesse est ut statuamus, Iohannem in Euangelio citare Zachariam, aut hoc in loco, quia nullam facit scripturæ nec Prophetæ mentionem. Et certum est, iisdem phrasibus, Spiritum S. in diversis uti solere argumentis. Denique ut maximè concederemus, non videtur posse evinci, ea verba apud Prophetam de servandis esse intelligenda: planctus enim intelligetur, non ex resipiscentia, qualis piorum, Actor. 2. sed ex poenitentia mera, ob conscientiam peccati, & imminentis poenæ solummodo; qualis fuit Iudæ: qui planctus eleganter depingitur, Apocal. 6. v. 15. 16. & 17. Quod autem de omnibus tribubus dicitur, scripturæ more, non simpliciter, sed secundum quid, de majori earum parte, intelligendum. Atque hunc reditum Christi ad iudicium confirmat Ioannes, primum voto suo synonymia quadam, cum addit; *etiam Amen*: quemadmodum Apocal. 22. 20. Deinde Christi testificatione, qua divina illius natura asseritur: primum eternitate; quia est alpha & omega, id est, principium & finis, & quod eodem redit; qui est, qui erat, & qui venturus est: nam in  $\alpha$  &  $\omega$ , metaphora à literis petita, idem de Filio asseritur hoc in loco, quod passim in Vet. Testamento, à Prophetis Patri tribuitur, cum primus & ultimus nominatur. Deinde divina Christi natura, demonstratur etiam omnipotentię attributo Deo proprio, cum ait: *ille naysmpatup omnipotens*: ideoque & illius testimonio credendum est, & illi tanquam

*παθησώμεθα*, reditus ad iudicium convenit, v. 8. Atque hac confirmatione finitur Exordium, tanquam prima Apocalypsis pars, inscriptione, dedicatione, & salutatione constans. Cui altera, quæ principalis est, adjungitur, videlicet tractatio seu narratio revelationum illustrium septem de statu Ecclesiæ Christianæ. Ea autem continet Apocalypsis seu revelationis partim communes circumstantias, partim modos varios. Circumstantia prima est subjectum recipientis, Propheta, cui revelatio contigit; qui ad auctoritatem operis, & ad consolationem Ecclesiæ, variis calamitatibus obnoxia, describitur, adjuncto nomine Iohannis, & conjunctâ communionem cum Ecclesiis Asiæ, primum in religione, deinde in statu, & præstito officio. Communio in religione est, quod eorum esset frater, nimirum spiritualis, quod per communem fidem in Christum, eundem haberent in cœlis Patrem, Matth. 23. v. 8. 9. Galat. 3. v. 26. & in terris eandem matrem, cœlestem Hierusalem, Galat. c. 4. v. 26. hoc est, Ecclesiam cœlitus regeneratam. Communio altera, in statu utroque, & humili & glorioso posita: humili quidem, quod socius esset in afflictione ac persecutione: glorioso verò, quod socius in regno cœlesti, cui, persecutio ac tolerantia illius præstituta est via, Actor. c. 14. vers. 22. Matth. 5. v. 10. Verum quia non poena facit Martyrem, sed causa, 1. Petr. 4. v. 15. 16. nec causa sola, sed causæ comes, fidelis tolerantia, Deo gratum & saluum facit, Heb. 10. v. 36. Matth. 10. v. 22. Luc. 8. v. 15. & 21. 19. Jacob. 1. v. 4. 12. idcirco communionem tolerantia, & quidem Christi annectit. *Tolerantia autem Christi* variè exponi potest: ut Christus sit, vel illius efficiens, puta tolerantia Christi, quam Christus requirit ac præcipit; aut ut sit finis, tolerantia Christi, id est, propter Christum, ut *crux Christi*, id est, propter Christum appellatur: aut ut sit objectum, & *ἐλπίς* notet *expectationem*, quæ moræ tolerantia: quomodo *ἐλπίς* *ἐν Χριστῷ*, 2. Thes. sal. cap. 3. vers. 5. noster interpret vertit, *expectationem Christi*, quod non malè regno adjicitur: nam ut illud habemus hic jure hereditario, ( quia Filii Dei, Rom. 8. 17. ) deinde factò, cum perfectè, in capite nostro Christo, Eph. 2. 6 tum imperfectè & inchoatè in nobis; quatenus justificatione, sanctificatione, pace cum Deo, & conscientię gaudio, initia vitæ æternæ in terris delibamus: ita complementum regni in nobis futurum per animę solutionem à corpore, ac beatitatem cœlestem, & corporis resurrectionem gloriosam, per fidem & spem patienter expectamus, Tir. 2. 13. Aut denique *Christi* vox accipi potest, ut subjectum notet; ac tolerantia non hominum, sed Christi virtutem designet, quâ nobis exemplo prævit crucis, quam tulit, ac tolerantia, qua patienter pertulit, & regni quod ea viâ obtinuit 1. Petr. 2. vers. 21. Heb. 12. 2. 3. Qua ratione *Christi* vox per ellypsin usitatam *ἐν τῷ*, ad afflictionem, regnum, tolerantiam pertinebit: atque hoc modo earundem rerum communio declarabitur, quod ad scopum loci, & consolationem aptissimum & efficacissimum est, Matth. 5. 12. Iohan. 15. vers. 20. & 17. 33. Hebr. 12. v. 1. 2. 3. & 2. Timoth. 2. v. 12. ac similiter 1. Petr. 4. 13. dicitur: *sed quemadmodum communionem habetis afflictionum Christi, gaudete, ut & cum patefiet ejus gloria, gaudeatis exultantes*. Qua ratione prima Apocalypseos circumstantia, nempe Iohannes, cui ea Prophetia contigit, explicatur. Reliquæ verò circumstantiæ, sunt locus & tempus. Locus est Pathmos Insula, una ex Sporadibus dictis, in mari Icario ( quod vicinum Asiæ minori ) posita, habens in circuitu triginta passuum millia, ut tradit Plinius Natur. histor. libr. 4. 12. Tempus autem indicatur, cum eò esset in exilium, à Domitiano Tyranno, ex Christi & Christianæ religionis ( quam Iohannes constanter profitebatur ) odio relegatus: ut uno etiam ore antiquissimi Theologi, & Ecclesiastica historia attestantur. Idque indicat Iohannes cum ait, *propter sermonem Dei, & testimonium Iesu Christi*, v. 9. de qua re actum, v. 3. Unde jam satis intelligi possunt Apocalypsis seu revelationis circumstantiæ loci & temporis communes, hoc est, quæ ad universam Apocalypsin pertinent. Sequuntur jam revelationis modi varii, qui septem visionibus constant de præsentī, & imprimis futuro Ecclesiæ Christianæ statu. Quarum

prima, usque ad caput quartum, particularem septem Ecclesiarum; reliquæ, universalem omnium, sequentibus describunt. Et in prima quidem revelatione ac visione notantur rei circumstantiæ, & res ipsa. Circumstantia autem est gemina, scilicet præparatio Johannis, ad recipiendam revelationem & tempus. De priori dicitur, *fui in Spiritu*. Quod accipitur bifariam; primum ut intelligatur Spiritus infinitus Dei: quemadmodum à Græcis dicuntur esse *αἱ μούσες*, qui Musis correpti sunt: ita in Spiritu esse, qui à Spiritu S. correpti, & afflati sunt, sacro enthusiasmo. Id quod Camerario, & nostro interpreti placet: qua etiam de causa *Spiritus* vocem, majusculâ litera, hoc in loco notant. Secundò accipi potest pro Spiritu finito & humano, hoc est, Johannisanima seu intellectu: Idque aut, ut *esse in Spiritu*, significet sacram Joannis meditationem & exercitium animæ, in precibus & meditatione verbi; aut ut denotet proximum receptæ Apocalypseos subjectum, nempe Spiritum ac mentem; ut ostendat revelationem hanc non fuisse externam, corporeis sensibus, sed internam, atque animæ objectum, ut Prophetis veteris etiam Test. accidit. Atque hoc modo reliquis locis, quibus hæc phrasis *esse in Spiritu* & *in Spiritu*, in Apocalypsi extat, probè convenit, ut Apocal. 4. 2. *fui in Spiritu*, & Apoc. 21. v. 10. & 17. 3. *abstulit me in spiritu*. Nam quamvis Apoc. 21. de Spiritu S. intelligi possit: quoniam factum illud Filio Dei rectè convenit, non tamen Apocal. 17. v. 3. quoniam illa correptio in Spiritu, effectum est Angeli creati, unius è septem, v. 1. qui per Spiritum S. agere non potest, sed ab eo agitur ac movetur. Quamobrem revelationis subjectum proximum denotatur, Iohannis Spiritus. Tempus verò est dies Dominicus; Quod quidam de primo die hebdomadæ sacro; alii verò de die apparitionis Domini, scripturæ more, accipiunt. Hisce duabus circumstantiis res ipsa subjicitur, revelatio Christi, quæ Iohanni partim à tergo, partim à fronte contigit. A tergo quidem, Christi vox ac sermo: cuius indicatur primum magnitudo, serviens attentioni, quæ similitudine tubæ illustratur, v. 10. deinde forma, constans expositione, primum causæ efficientis ac revelantis, ab æternitatis, proprio Deitatis attributo, quod sit *α & ω*, hoc est, (metaphorâ ab alphabeto petita) primus & ultimus, ut antea vers. 8. quæ laus soli Deo convenit, Esai. 44. v. 6. & 48. 12. deinde mandati declaratione cùm scriptionis hujus Apocalypseos, tum missionis illius, ad Ecclesias septem minoris Asiæ, quæ nominatim recensentur, vers. 11. Atque hujus revelationis à tergo factæ, effectum est, conversio: ut *videret vocem*, quæ locuta erat, hoc est, vocem proferentem, metonymicè, ut Johan. 1. v. 23. Nam quod nonnulli *vocem* propriè, *Videre* autem per catachresin Hebræam, sive Synecdochen sentire, & audita percipere, exponunt, illud non videtur congruere: quia vocem magnam tubæ instar jam perceperat satis, sed loquentem nosse desiderabat. Quare opportunè adjicitur revelatio à fronte facta, complectens visâ & audita. Visâ sunt res & persona: nempe *candelabra*, & *similis Filio hominis*. Et illorum quidem indicatur materia; quod aurea essent, & numerus, quodd septem: quod mysterium, Ecclesias septem Asiaticas, v. 20. adumbrat. Quarum præstantia, auro denotatur: quod ut fulgore & pretio reliquis metallis antecellit: sic quoque Ecclesia primum per notitiam & confessionem veritatis salutiferæ, vitæque puritatem fulgeat; deinde pretiosa sit, coram Deo, Deique Filiis; utpote cùm pretioso Filii Dei sanguine sit redempta, & ex filiis Dei justificatis ac sanctificatis constet, v. 12. Alterum visum, est *similis filio hominis*. Quæ verba diverso modo accipiuntur. Nam primum filium hominis, multi veterum & recentiorum definitè Christum intelligunt; quemadmodum *καὶ ὁ υἱος*, frequentissimè sese nominat; quod, ut quibusdam placet, inter homines fuerit abjecta conditione, ut Esai. 53. & Psalm. 22. aut potius per excellentiam, non humilis conditionis, sed muneris: quod sit Filius ille promissus Evæ, Abrahamo, Judæ, Davidi. Alii accommodatius contrâ indefinitè hominem aliquem interpretantur: idque ex eo verisimiliter probant, quod desit utrimque articulus *ὁ υἱος* ἀνθρώπου: ut Daniel. 7. v. 13. & 10. 16. ea significatione, filius hominis accipitur

pro homine aliquo. Deinde *similem*, quidam ad Christum referunt, alii ad Angelum, qui personam Christi sustinuerit. Idque ex eo probare conantur, quod Jesus Christus Apocalypsin missam per Angelum suum Iohanni significarit, Apoc. 1. 1. sed in eo hallucinantur, quod quæ de magna parte dicuntur de toto exponunt, ut v. 1. ostendimus. Nam Christum esse eum qui loquitur, ex illius descriptione, vers. 11. 17. 18. quæ Angelo competere non potest, satis liquet: ut enim humana figura, duobus Angelis stipatus, Abrahamo, antequam natus esset, exterius sese patefecit, Genes. 18. 2. 17. ita postquam in cœlis ascendit, non suo corpore proprio (quod in cœlis ad diem iudicii permanebit, Actor. 3. 21.) sed sub specie humana, spiritui Iohannis interius objecta, sese revelavit, & hoc loco describitur, adjuncto vestitu, & corporis externa specie. Vestitus autem, muneri Christi designando conveniens, statuitur, primum talaris vestis; quali solebant uti sacerdotes Levitici, Ex. 28.) ut sacerdotium Christi indicetur; quo partim functus est, sacrificio & precatione pro Ecclesia, in terris: partim jam fungitur, sui sacrificii intercessione ac benedictione, in sacrario cœlesti. Aliis tamen alia placet interpretatio. Quidam enim gravitatis & sapientiæ indicium fuisse opinantur: quemadmodum usus senatorum, scribarum & legis doctorum apud Iudæos, Marc. 12. v. 38. Nonnulli verò simul intelligunt iustitiam, nobis induendam, qua velut munda veste, peccata nostra regantur, ut Esai. 61. v. 10. *Induit me vestimentis salutis, & vestimento iustitiæ circumdedit me. Quod sit velut sponsus in sacerdotali ornatu*: Psalm. 132. v. 11. *sacerdotes tui induantur iustitiâ*, Ephes. 6. v. 15. *induti thorace iustitiæ*. Sed prima, quam attulimus expositio simplicior & accommodatior, ut quæ utramque hanc quodammodo simul complectatur: talaris enim vestis, tanquam muneris gravitati conveniens, & iustitiæ quasi typus, non frustra sacerdotibus in usu fuit: nec malè Christus sacerdos, hac vestitus specie, sese Iohanni revelavit. Cui accessit Zona aurea, quæ regale sacerdotium, & Christi Ecclesiæ vindicis potentiam, videtur indicare: nam ut sacerdotes legales Zona, opere Phrygiano, Exod. cap. 28. vers. 26. utebantur: sic reges militaturi, ut ajunt, Zonâ aureâ. Ac propterea etiam Angeli illi septem, Christi regis ministri, aureis quoque zonis ad pectora præcincti visi sunt, Apoc. 15. vers. 6. ut regum magnificentiam, primarii ministri quodammodo imitantur. Cum autem zona, præcingendis fluxis vestibus, & corpori confirmando, inserviat; Christi diligentia, promptitudo, & robur ad munus obeundum hic declaratur: quemadmodum Luc. 12. vers. 35. & 1. Petr. 1. vers. 13. hæc Metaphora præcinctionis lumborum, in usu est. Atque huc pertinet prophetia de Christi regno cœlesti, Psalm. 93. vers. 1. *Dominus regnavit, decore indutus est, indutus est Dominus fortitudine, & præcinxit se*. Sed quare Christum non ad lumbos ut moris, sed ad mammillas, & Angeli, Apoc. 15. ad pectus præcincti sint, obscurius est, nec temere asserendum. Nonnullis placet eo designari, primum Christi & Angelorum puritatem: quod lumbi sint libidinum sedes, qui in hominibus peccatoribus omninò constringi debent; in Christo & Angelis iustis, nullo modo. Deinde charitatis Christi erga Ecclesiam perfectionem, & constantiam notari putant; quod cor (cujus ad mammillas in pectore sedes) zona cinctum significet. Sed priori causæ, prophetia de Christo obstat, Esai. 11. 5. *Erit iustitia cingulum lumborum ejus, & fides zona renum ejus*: & visio Daniel. 10. vers. 5. huic consentanea. Quidam verò zonam auream de charitate exponunt, quæ auro denotetur, Apocal. 3. *suadeo tibi, ut emas à me aurum ignitum, probatum, ut locuples fias*. quod ut zona corpus constringit: ita charitas Christum constringebat, & urgebat, ut salutem hominum quæreret: quemadmodum Paulus de se ait 2. Corinth. 5. *charitas Christi urget nos*. Alii verò de veritate, seu vera, de Dei essentia & voluntate, doctrina: quæ ex duabus mammillis Christi, videlicet ex duobus Testamentis, quæ ex pectore Christi, tanquam perrenni fonte, nutrimentum vitæ æternæ accipiunt, haurienda est. Sed quod primum attulimus, illud accommodatius apparet. Atque

Atque hæc quidem de prima Christi, à vestitu descriptio-  
ne, v. 13. Altera est à corporis specie, qua apparuit Ioanni;  
quæ inductione partium, & adjunctorum declaratur, cu-  
jusmodi fuerint caput & capilli, oculi, pedes, vox, dextra, os,  
facies. Caput & capilli, ab adjuncto candore. (cujus excel-  
lencia gradatim similitudine gemina, cum lanæ albæ, tum  
nivis indicatur) describitur: quo modo Christi antiqui-  
tas, æternitas & sapientia, ideoque divina natura, com-  
munis cum Patre, quodammodo adumbratur: quemad-  
modum simili specie ac sensu etiam Pater apparuisse dici-  
tur, Daniel. 7. 9. Nam quod nonnulli ad solam gravitatem  
& sapientiam (quæ in sensibus propter experientiam po-  
tissimum elucere solet, Iob. 12. v. 12.) referunt, non suf-  
ficit. Quod verò alii caput notare censent, Christum esse  
caput Ecclesiæ, quod omnia impleat, Ephes. 1. v. 22. 23.  
& candorem illius munditiem ac sanctitatem, quam Ec-  
clesiæ impertiat: id alienius est à rei analogia, cum facis  
appareat, reliqua membra, quæ hic recensentur, non esse  
intelligenda de corpore mystico, Ecclesia, cujus Christus est  
caput, sed de persona Christi. Cujus secundo loco descri-  
buntur oculi, à similitudine flammæ ignis: quemadmo-  
dum in visione simili; Daniel. 10. v. 6. oculi ejus similes  
tædis ignis, hoc est, ardentibus. Ut autem in igne habemus  
lucem, qua illuminat, & calorem, quo calefacit: & sic  
partim probat ac purgat admota; partim consumit: ita de-  
notatur Christi, corda & renes scrutantis ac probantis, sa-  
pientia, & in suis curandis, & auri instar purgandis, gratia;  
& contra in adversariis, quasi fœno & stipulis perdendis,  
ira ac potentia, ut ex capitis 2. 18. 19. 23. collatione appa-  
ret. Atque huc pertinent similia loca, Psalm. 34. v. 16. 17.  
*oculi Domini super justos, vultus autem Domini super mala: i-  
tem Deus ignis consumens est.* Deut. 4. 24. & Hebr. 12. 29.  
Hæc de vers. 14. Tertio porro loco describuntur pedes,  
duplici similitudine; primò chalcobani, deinde ignis.  
Chalcobanus autem composita vox est ex χαλκός, id est,  
æs, & λίθος, quæ vox notat primò arborem thurife-  
ram, deinde stillam illius, sive thus, à λίθος, hoc est stillo.  
Cæterum pro diversâ vocum acceptione, varia exurgit ex-  
positio. Nam Arethas Græcus enarrator Apocalypseos,  
hoc loco duas adfert sententias; unam χαλκολίθων æs in  
monte Libano fabricatum notare; id quod noster inter-  
pres ea de causa refutat, quod nusquam legerit in Libano  
fuisse ærifodinas: sed potius in montibus, qui Palæstinam  
ab Arabia Petræa dirimunt. Altera sententia est, thus in-  
telligi, quod æris speciem habeat: id quod Medici *mascu-  
lum* appellant, quod & ipsum igni adsimile, suffumigatio-  
nes suavis emittit odoris. Quam significationem huic loco  
maximè convenire, contendit Anton. Nebrissenfis qui ad-  
dit apud Orpheum in hymnis frequentem esse titulum  
χαλκολίθων, in Apollinem, in Latonam aliosque Deos,  
id est, *masculum thus*, sive *masculi thuris sacrificium*: quem-  
admodum apud Virgilium in Bucolicis;

*Verbenasque adole pingues. & mascula thura.*

Denique Suidas χαλκολίθων ait esse speciem electri, au-  
ro pretiosiore, mixtam auro, vitro & lapide. Quid autem  
electrum sit, Plin. lib. 33. c. 4. docet, ubi de auro ait: *ubi-  
cunque quinta argenti portio est, electrum vocatur, &c.* item,  
*fit & cura electrum, argento addito.* Ego verò hoc tempore  
adhuc ἰσχυρό. Prima tamen sententia probabilius videtur, si  
similes visiones, Ezech. 1. 7. & Daniel. 10. 6. conferamus,  
ubi dicitur; *pedes ejus, sicut color æris politi*, hoc est, fulgen-  
tis: ut ut sit, pedum splendor flammeus denotatur. Cui  
consentit altera similitudo, qua pedes dicuntur quasi in for-  
nace ardentes, ut Apoc. 10. v. 1. Ad significationem verò  
hujus mysterii quod attinet, justitia & potentia Christi in-  
victa, in exequendo munere denotari videtur: ut enim  
pedes, processum notant: ita fulgur, justitiam: ardor,  
potentem severitatem, in castigationibus Ecclesiæ & pœnis  
hostium eleganter depingit. Atque huc pertinet locus, A-  
pocal. 2. 18. *Hæc dicit Filius Dei, qui habet oculos tanquam  
flammam ignis, & cujus pedes sunt similes chalcobano.* Cui  
congruit, vers. 23. *Ego interficiam morte.* Nam quod qui-  
dam pedes de humana Christi natura, alii etiam de Apo-  
stolis exponunt: quod ut pedes sustinent corpus, ita fun-

damentum sint Ecclesiæ: illud alienius esse apparet. Por-  
rò quarto loco vox describitur, comparatione aquarum  
multarum: quemadmodum Daniel. 10. quæ, ut vento,  
fluxuque agitata, murmure magno ac terribili sonant: ita  
Christi magnificentia denotatur, quemadmodum v. 10.  
vox illius magna, tubæ instar fuisse dicitur. Quibusdam  
tamen videtur Evangelium Christi, per universum orbem  
sparsum denotari: quod non magis coërceri possit, quàm  
aquarum copiosarum sonitus. Sed prius verisimilius. Hæc  
de v. 15. Quinto describitur dextra Christi manus, ab ad-  
junctis septem stellis, hoc est, ut v. 20. septem Angelis ac  
pastoribus Ecclesiarum Asiæ; qui stellarum instar, in te-  
nebris hujus mundi, hominibus luce doctrinæ & vitæ præ-  
lucent. Dicuntur autem esse in dextra Christi manu, quo-  
niam eos habet in sua potentia, tanquam omnipotens Do-  
minus, & sub cura sua tanquam supremus Ecclesiæ pastor:  
quomodo oves suas in manu habere docetur, cum ait Io-  
han. 10. fore ut eas nemo è sua manu eripiat. Sextò os il-  
lius describitur, ab adjuncta ancipite romphæa inde pro-  
deunte. Qua notari censent plerique verbum Dei & Evan-  
gelium, ut Hebr. 4. 12. Ephes. 6. v. 17. Sed tamen po-  
tius apparet, sententiam Christi judicariam (quæ adversa-  
rios suos conficiet) denotari: quemadmodum indicat si-  
milis locus, Apocal. 19. 15. ubi de Christo etiam dicitur,  
*ex ore ejus prodibat gladius acutus, ut eo percuteret gentes. Ipse  
enim reget eos virga ferrea; & is est, qui calcabit lacum vini  
excandescientiæ & iræ Dei omnipotentis.* Septimò ac postre-  
mò describitur Christi facies, similitudine Solis in suo vi-  
gore, hoc est, in meridie constituti & cælo maximè sere-  
no, v. 16. Similis verò locus, Jud. 5. 31. quæ species gloriæ  
cælestis, Matth. 13. 43. & majestatis Christi index, ut Matth.  
c. 17. 2. Actor. 26. 13. Quomodo etiam Angeli specie appa-  
ruit, Apocal. 10. 1. ad reverentiam majorem & ad conso-  
lationem; quod videlicet, ut sol vigens, luce sua recreat  
ita Christum suam Ecclesiam, ut Psalm. 4. v. 7. vultus sui  
lumine exhilaret ac foveat. Hinc igitur apparet, quis fuerit  
vestitus, & quæ species corporis in hac Christi visi revela-  
tione. Cujus eventus adscribitur geminus; primus est Io-  
hannis consternatio, ex hac visione orta: Cum, inquit, *vi-  
dissem eum, cecidi ad pedes ejus, veluti mortuus.* Qualem et-  
iam perturbationem contigisse legimus Esaïæ, Ezechiel, Danieli,  
Esa. 6. 5. Ezech. 2. 1. Daniel. 10. 9. & in Ange-  
lorum visione, piis mulieribus, Matth. 28. 4. Causa autem  
hujus terroris fuit, partim naturæ humanæ imbecillitas,  
partim peccati conscientia. Naturæ quidem imbecillitas,  
quod nisi fulciatur, splendorem illum & gloriam propter  
excellentiâ illius, & rei novitatem percellentem ferre ne-  
queat. Conscientia verò peccati; quod Deum per se, aut  
per Angelos judicem gloriosum, justumque peccatorum  
vindicem subitò concipiant: ut Esaï. 6. vers. 5. Atque huc  
pertinet illud Iud. 13. vers. 22. *morte moriemur, quia vidi-  
mus Deum.* Atque hinc sibi plurimum gratulatur Iacob  
Patriarcha, Genes. 32. v. 30. cum ait, *vidi Dominum facie  
ad faciem, & salva facta est anima mea.* Alter eventus est  
clemens ac benigna Iohannis confirmatio, à Christo facta:  
idque partim factò, partim sermone: factò, quod ei impo-  
suit manum; & quidem dextram, qua stellas continebat;  
potentiæ & gratiæ, (qua ita consternato animum & vires  
restituit) indicem: quemadmodum Ezech. 2. v. 3. & Da-  
niel. 10. 10. sermone vero, cum consolatur: atque ita ad  
alteram revelationis hujus partem, nempe à visis ad audita,  
transitur, quibus illa explicantur.

Consolatur autem mandato duplici; primum positionis  
metus, quod confirmat descriptione suæ personæ, ab utra-  
que divina & humana natura; & officii, cum se Christum  
esse, ostendit; eaque de causa Iohannis discipuli sui dilecti,  
non judicem severum, sed fautorem ac servatorem beni-  
gnum: ideoque non terroris, sed gaudii materiam, cum ip-  
si, tum Ecclesiæ, ut Apoc. 2. 8. 10.

Naturam autem divinam indicat v. 7. cum se primum  
& ultimum vocat: quod soli Deo convenit, absolute æ-  
terno, ut Esaï. 44. v. 6. Apoc. 1. 8. eoque modo capitis ca-  
nitatem quæ apparebat, interpretatur. Deinde humanam  
describit naturam, à vita, per resurrectionem restituta, &



morte nempe pro nobis. Ac vitam repetitione apposita, ab æternitate amplificat, ut Rom. 6. v. 9. Quo similiter exponitur talaris species: quod sacerdos atque etiam victima fuerit, ac mortuus pro nobis, Johan. 10. v. 15. 17. & in cœleste sacrarium receptus, jam vivat in æternum. Officium autem regium declaratur à potestate, (quam metaphoricè *claves* vocat) inferorum & mortis: quod mortem & infernum superârit, 1. Cor. 15. v. 54. Heb. 2. v. 14. 15. ac jus habeat suos ab iis liberandi ac servandi, & contrâ hostes perdendi: ideoque clavium non minister, ut alii, sed verè Dominus. Atque ita illustratur species zonæ aureæ, regalis ac militaris, & pedum, oculorum, vocis ac faciei mysterium, v. 18. Quare cum similis filio hominis esset Christus Dominus noster, non erat metuendus. Alterum mandatum, consolans adversus metum, est de fine visionis, videl. descriptione revelationis præsentis & futuræ, v. 19. ac præfens quidem ex duobus Christi adjunctis exponitur hoc loco. Jubet autem mysterium septem stellarum, & septem candelabrorum describi, atque interpretatur: *septem illæ stellæ sunt septem Angeli Ecclesiarum*: h. e. metonymicè, eorum signa, ut Gen. 40. 12. & 41. 26. Angelos autem, hoc est, nuntios vocat, non cœlestes spiritus, sed Ecclesiarum pastores, qui à Deo emittuntur, ut Euangelium hominibus annuntient, ut Mal. 3. v. 1. Matth. 11. v. 10. Deinde septem candelabra, septem Ecclesias designant, typo convenienti: nam ut candelabrum, lucernis gestandis inservit: ita Ecclesia, luce verbi divini, Dei gratiâ per ministerium Euangelii instructa, Dei gloriæ & hominum salutis inservit. Idque adumbratum etiam apparet, aureo candelabro legali septem lucernis adornato, Exod. 25. vers. 31. quod Ecclesiæ Dei significationem habere videtur etsi aliò vulgò traducatur. Similis typus ac similitudo extat, Zach. 4. 2. Hæc de vers. ult.

## C O N S E C T A R I A.

I. CUM Apocalypsis hæc Deum Patrem & Christum habeat authorem, divina illius autoritas agnoscenda est.

II. Apocalypsis data est, ut indicaretur servis Christi, quæ oporteret fieri citò. Ergò impurè faciunt, atque impiè loquuntur, qui quorundam obscuriorum locorum prætextu, eam *καλυσθαι*, non *ἀποκαλύπτειν* vocant, & lectionem illius inutilem esse criminantur.

III. Angeli sunt Christi servi: ergo Christus eorum Dominus: ac propterea illi, ut conservi nostri, adorandi non sunt, v. 1.

IV. Joannes in Euangelio annuntiando, & Apocalypsi tradenda fidus est: Ergo ei fides est adhibenda, ejusque exemplum in nostra vocatione, fideliter obeunda, imitandum, v. 2.

V. Apocalypsis Prophetia est: Ergo Johannes Prophetæ.

VI. Beati sunt, qui legunt, audiunt, & observant eam: Ergo ejus lectio & scrutatio utilis: ideoque felicitati suæ & aliorum adversantur, qui eam negligendam omnino statuunt.

VII. In eo elucet Dei misericordia, quod Ecclesiam de calamitatibus imminetibus præmonet, ut tela prævisa minus feriant, v. 3.

VIII. Cum gratia & pax, à Deo Patre & Spiritu S. qui in conspectu throni Dei, & Christo petatur: Trinitas personarum, & unitas divini essentis confirmatur, v. 4 & 5.

IX. Christus est fidus testis: ergo ei credendum est: deinde princeps est regum terræ: ergo ei in omnibus obediendum, eique in prosperis & adversis fidendum: denique lavit nos à peccatis nostris per sanguinem suum: ergo aliud purgatorium perperam à Pontificis confingitur, vers. 5.

X. Christus fecit nos reges & sacerdotes spirituales Deo & Patri: Ergo non amplius carni, mundo, Satanæ, perniciosè serviendum: sed panopliâ Christiana iis repugnare, & nos ipsos animo & corpore sanctitatis hostiam Deo offerre debemus, Christumque in æternum celebrare, vers. 6.

XI. Cum Christus venturus sit ad iudicium, omnesque tribus terræ, Christo & Christianis adversariæ, plangent: persecutiones nobis ab iis illatæ, fortiter ac patienter ferendæ sunt, nec præsentis, ac suppliciis æternis commutandæ impiorum felicitati, invidendum. Quam etiam ad rem pertinet, Psalm. 37. & 73. & Malachiæ locus cap. penult. & ultimo memorabilis.

XII. Christi reditus ad iudicium, tanquam salutaris fidelibus, optandus est, exemplo Johannis, qui solenni voce Amen id vovet v. 7.

XIII. Christus est *α* & *ω*, principium & finis: Deinde qui est, qui erat, qui venturus est, (ut Pater, v. 1.) omnipotens. Ergo verus Deus, v. 8.

XIV. Fideles sunt inter se fratres & afflictionis ac regni loci in Christo. Ergo sese mutuò amare debent.

XV. In afflictione tolerantes esse nos decet, fretos causæ bonitate, Christi & Christianorum, cum Apostolorum, tum aliorum societate atque exemplo; denique regni cœlestis consecuturi præmio.

XVI. Testimonium Jesu Christi periculis & exilii metu omittendum non est: sed fortiter Johannis exemplo perhibendum, v. 9.

XVII. Christus divina sua essentiâ & auxilio suo in medio Ecclesiæ versatur, ut hic & Matth. 18. v. 20. & 28. 20. docetur. Ergo præfens est nobis; ideoque vicarium in terris non requirit, nedum Pontificem Romanum, v. 13.

XVIII. Cum Prophetæ sancti, ad illustrem Christi visionem, infirmitatis conscii consternentur, sine justa causa, ut exposuimus: inde sequitur impios die ultimo, longè amplius conterrendos, licet jam protervè eum contemnant.

XIX. Deus suos ita interdum tentat, ut non deserat, sed potius confirmat.

XX. Christi adventus fidelibus non debet esse terrori, vers. 17.

XXI. Cum Christus sit primus & ultimus, qui vivit & fuit mortuus; sequitur verè esse Immanuelem seu *Θεοάνθρωπον*.

XXII. Christus habet claves inferorum & mortis: ac propterea ei fidendum est: si enim tantus est pro nobis, quis contra nos? Deinde obtemperandum est, ut iram ejus mortemque declinemus, v. 18.

XXIII. Cum Pastores Ecclesiarum sint Angeli Dei, & stellæ; non dominari Ecclesiæ, sed fideliter ac constanter, quod mandatum est, nuntiare eos decet: nec tenebris errorum & vitæ, Dei gloriam & Ecclesiæ sanctitatem obscurare, sed doctrinæ & vitæ luce in tenebris hujus mundi præluere debent, ad gloriam. & Ecclesiæ in recta via salutis directionem, Matth. 5. 14. 15. 16.

XXIV. Cum Ecclesiæ sint candelabra, versic. 20. humiles esse eas decet & gratas: humiles; quod candelabri instar, luce propria careant: gratas; quod lucernæ ministerii & verbi Dei, Matth. 5. 15. sibi imposita, lucem sustineant. Quo etiam modo Ecclesia columna & firmamentum veritatis dicitur, 1. Timoth. 3. v. 15.

## COROLLARIUM ac quæstio ex v. 4. &amp; 8.

*An & quomodo Christus sit ἀνθρώπος.*

CUM Deus Pater, Apocal. 1. v. 4. (ut & capit. 4. 8. & 11. 17.) vocetur *ὁ ὢν, ὁ ὢν, ὁ ὢν* & *ὁ ὢν*: idemque Filio attribuatur, v. 8. eamque periphrasin ortam consistet ex Dei sententia, Exod. 3. v. 14. *sum qui sum*: illud quæri potest, an eodem omnino sensu, utrique conveniat; ut quemadmodum Pater citra controversiam, est *ἀνθρώπος*, *ἀνθρώπος*, ita & Filius rectè *ἀνθρώπος* appelletur. Nam quemadmodum *λογισμῶν*, & profanas *κωφίας*, stultasque & imperitas quæstiones, fugere nos decet, 2. Tim. c. 2. 14. 16. 23. sic rectus ac sanus vobum, quæ in Theologia usitatæ sunt, usus cognoscendus est; ne in errores incidamus, aut adversariorum contentione implicemur. Nam quemadmodum ab hæreticis olim: sic nostris etiam temporibus, variè hæc controversia, ad Christi & Christianorum contumeliam, agitata est, Quare ad uberiores veritatis

veritatis intelligentiam & Filii Dei gloriam, pro modulo hanc quaestionem explicare conabor, à vocis origine & usu exorsus. Ἀνθρώπος enim (accentu in ultima non penultima) vox antiqua est, non nupera. Nam ut apud Dionysium Areopagitam dictum, de divinis nominibus, cap. 11. extat ἀνθρώπος, sic ἀνθρώπος apud Origenem in Joannem tom. 2. p. 272. & Epiph. hæresi 76. contra Anomæos. Nam quod Gregorius de Valentia, in opusculis Theologicis, & in primam summæ Thomæ Aquin. partem p. 717. & Bellarm. de Christo lib. 2. cap. 20. hæresin 69. contra Ariomanitas citant, ne quis frustra quærat, memoriæ lapsus est. Hanc autem vocis ἀνθρώπος formam, à Scholæ Platonice (in ideis, poetica licentia exprimendis) consuetudine, qua nomina cum pronomine αὐτός conflabant, fluxisse arbitror: quemadmodum ex Origene, & potissimum, ex Dionysio, Platonis æmulo, de divinis nominibus, c. 5. 6. 11. & Græcis illius interpretibus clarissime apparet. Quo etiam pertinet illud Suidæ. Ἀνθρώπος οἱ φιλόσοφοι τὸ κυεῖας λεγόμενον, καὶ τὴν ἰδίαν διὰ τὸ αὐτὸ ἰδίαν, αὐτὸν ὁρῶντος λέγοντες, καὶ αὐτοῦ ὁρῶντος, καὶ αὐτὸν ὁρῶντος, &c. Sic Arist. Metaph. 7. c. 16. ait ideas declarari, addita rebus sensibilibus voce αὐτῶν. Ad sensum verò & usum quod attinet ἀνθρώπος dicitur ipse Deus καὶ ἰσοχρῶν, ut non solum Deum notet, sed etiam, ex pronominis præfixi usu, excellentiam Deitatis (ut etiam Callimach. hymno primo in Jovem ipsum vocat δὲν αὐτῶν αὐτὸν μέγαν, αὐτὸν αὐτῶν Deum ipsum semper magnum, semper regem) idque bifariam, vel omni, ut creator, qui natura infinita Deus omniumque author: vel aliquo respectu, ut Angeli, qui gratia creationis & similitudinis officii cum Deo, Dii sunt ac dicuntur, quod primum sint conditi aliisque præfecti: hinc Angelus vocatur ipse Deus, relatè ad homines, qui etiam Dii appellantur. Quam distinctionem ex Dionysio de divinis nominibus hausimus capit. 11. pag. 404. & duabus sequentibus & Græcis illius interpretibus, Maximo & Pachymerio: ostendit enim quomodo interdum dicat, Deum esse ἀνθρώπον interdum verò ἀνθρώπος ὑποστάτω conditorem: ἀνθρώπων, καὶ αὐτοῦ αὐτῶν, καὶ αὐτοῦ αὐτῶν vocari quidem Deum ἀρχαῖος καὶ ἀπαρχαῖος: Angelos verò (quos providentes virtutes vocat) μετὰ αὐτῶν participatione; unde etiam distinctè, cum à Deo (quem ἀμείβεσθαι αἰποῖ appellat cap. 12.) ἀνθρωπίνων, ἀνθρώπων, ἀνθρώπων, tum distinctè ab hominibus, c. 12. ἀνθρωπινῶς nominat. In qua distinctione, Dionys. indignè omnino, præter omnium bonorum autorum usum nugatur. Expodata jam vocis ἀνθρώπος origine & usu, reliquum est ut propositæ controversiæ authores, & examen paucis consideremus. Author illius, quantum potui observare, fuit Origenes, qui in Evangelium Johannis, tom. 2. pag. 272. abutens illis verbis. δὲν ὁ λόγος, de Patre ait; dicendum enim est illis, quod ἀνθρώπος quidem Deus ille est cum articulo: nempe ὁ δὲν; propter quod & servator in precatatione ad Patrem, inquit, ut agnoscant te, illum solum verum Deum. Quicquid verò est præter hunc, qui ἀνθρώπος dicitur, participatione & communione divinitatis illius deificatum; non ille Deus cum articulo: sed Deus sine articulo, magis propriè dicendum esse. Quomodo omnino primogenitus omnis creaturæ, quippe qui cum primus sit apud ipsum, attrahens divinitatem ad se ipsum, honorabilior & reliquis diis qui sunt præter ipsum, quorum ille Deus, Deus est, juxta id quod dicitur. Ille Deus Deorum Dominus locus est, & vocavit terram, dans esse diis, à Deo hauriens abundanter; unde ipsos efficiat Deos, & unde illis juxta suam ipsius bonitatem suppediet. Verus igitur Deus est ille Deus cum articulo; qui autem Dii efformantur, ad ejus formam velut imagines quædam sunt primi exemplaris. Et paulò post de Filio ait; Haudquaquam Deus mansurus, nisi perpetuo mansisset in contemplatione paternæ profunditatis. Sed quoniam fortassis verisimile est, futurum ut multi offendantur, quia dixerimus unum esse verum Deum, nempe Patrem, & præter Deum verum multos factos Deos participatione Dei, verentes gloriam ejus, qui omnem creaturam præcellit, æquari reliquis obtinentibus appellationem Dei sine articulo, præter datam differentiam, per quam Deus λόγος diximus reliquis omnibus diis ministrum esse Deitatis, &c.

Ex quibus apparet Origenem statuisse, Patrem ἀνθρώπον,

hoc est, ipsum Deum (nam non satis fideliter Interpres vertit, per se Deum) per excellentiam appellari, comparatum non solum cum creaturis, sed etiam cum λόγῳ, eoque solum verum & naturā Deum: Filium verò & creaturas, participatione Deitatis: ac propterea Filium δὲν γέννην Deum factum, alicubi nominat. Qua de causa hoc arguit Epiph. hæresi 64. contra Origenem: & Hieronymus Origenem hæresis Ariane fundamenta jecisse, cum Epiphano statuit: quamvis Origenes alicubi loquatur sanctius, sibi que non satis, veritatis vi actus, constet. Origenem igitur secuti sunt Ariani, ut ante Concilium Nicenum, Eusebius de demonstratione Evangelica, libr. 5. cap. 1. 4. 12. 16. qui opponit δὲν αὐτῶν, & δὲν λόγῳ, & Patrem unum ac solum esse Deum propriè; Filium verò esse ἀνθρώπον secundum Deum, qui extet à deificante ipsum Patre. Similia ab alijs Arianis Arioque prolata, ostendit Epiph. hæresi 69. & 76. Nostri, verò temporibus ortus est Valentin. Gentilis, qui prothesi 8. ait; solus Pater est ἀνθρώπος, id est, à nullo superiore numine essentiat, sed à seipso Deus. & 12. qui Filium ἀνθρώπον esse contendit, is vel duo asserit principia, vel turrim Babel ædificet necesse est. & prothesi XL. atque ultima: unus Jeborua Pater λόγῳ, & unus ille Deus Israel, synonyma sunt primæ personæ Trinitatis. Huic accesserunt calumniandi potius libidine, quam erroris alicujus cum Arianis consensione observata aut probata, primum Pontificius Genebrardus, qui hæresin nominat autotheanorum, ut Calvin. Zanch. Simlerum, Bez. Danæum traduceret. Quem quidam alii secuti sunt, inprimis Ægidius Hunnius, in Calvino Judaizante. Contra verò Filium etiam ἀνθρώπον five ἀνθρώπον, statuerunt orthodoxi Patres bifariam, partim κατὰ τὴν ἰδίαν, eadem voce; partim κατὰ τὴν διάκρισιν, eodem sensu, licet vocibus diversis. Et eadem quidem voce, ut Dionys. Areopagita dictus de divinis nominibus c. 11. quo loco Deum ἀνθρώπος καὶ ἀπλῶς citra ullam personarum distinctionem consideratum, eoque Patrem, Filium, Spiritum Sanctum ἀνθρώπον nominat: deinde Epiphanius hæresi 76. contra Anomæos de Patre & Filio ait; φῶς δὲ διὰ αἰθέρος, ἀπαιεῖται ἔχοντα τὸ ἀζήλωμα, καὶ διὰ τὴν ἰδίαν, ἀλλὰ διὰ τὸ ἀνθρώπος, καὶ αὐτοῦ αὐτῶν. ἀπὸ καὶ τὸ γέννημα ὁμοῦσιν ἔστι. Diversa verò voce, sed eadem sententia multis modis enuntiatur: Filius enim Dei vocatur, primum ἀνθρώπος ipsa essentia καὶ ἰσοχρῶν, videl. divina, quæ primum ens est.

Arius enim filium appellavit alienum à patris essentia, & exclamavit πᾶς ἐν ἡμῶν ἔστι πρῶτος, hoc est, Quomodo igitur ipsa essentia est? ut testatur Epiph. hæresi 69. p. 317. & 335. & Arii asclea, Marcellus; si inquit, essentia est imago, non potest esse ἀνθρώπος ipsa essentia, Epiph. contra Marcellia. hæresi 72. pag. 357. & Aëtius ἀνθρώπων de solo Patre asseruit, ibid. hæresi 76. pag. 406. Contra verò Aëtium Epiph. dicit pag. 413. quapropter ἀνθρώπος est Deus Pater, & Filius, & Spiritus Sanctus, & non ἰσοχρῶς: & Basilus Magnus contra Eunomium libr. 4. p. 392. edit. Genevens. si ingenuus, non est nomen essentia, sed ἀνθρώπος ipsa essentia. Est autem Filius quoque essentia, fuerit quoque Filius ingenuus. Deinde ἀνθρώπος, ipsa vita, ut Basilus ibidem pag. 409. si per Patrem vivit Filius, per alium, non per se vivit; qui verò per alium vivit, ἀνθρώπος ipsa vita esse non potest: neque qui ex gratia factus est, ἀνθρώπος ipse sanctus. Fefellerit igitur Filius cum dixerit, ego sum vita. Sicut de Spiritu Sancto, ait Gregor. Nazianzen. oratione de Herone Philosopho καὶ ἐκ αὐτοῦ αὐτῶν ὁ ἀρχαῖος καὶ ἀνθρώπος ipsa sanctitas. Ac rursus Basil. lib. 1. contra Eunom. οὗτος οὗτος τὴν πύξιν τῆς ζωῆς vocat, & Apologia sua de discessu pag. 361. Quicquid enim per alium vivit, ἀνθρώπος esse non potest: quemadmodum neque quod ab alio calefactum est ἀνθρώπος ipse calor esse potest. Christus vero & Deus noster dixit: Ego sum vita. Tertiò ἀνθρώπος; quod refert ac re ipsa probat de Filio Epiph. contra Marcelli. hæresi 72. pag. 358. Neque aliud sibi vult Basil. contra Eunom. libr. 2. pag. 339. editionis Genevensis, cum de Filio ait, ἐκ τῆς αὐτοῦ αὐτῶν ἡ τὴν δὲν δύναμις. Quartò ἀνθρώπος ipsum bonum. Basil. ibid. pag. 335. hanc esse omnibus Christianis (qui hoc nomine quidem digni sunt) insitam anticipationem, Filium esse genitum, lucem ex ingenita luce refulgentem, & ἀνθρώπος καὶ ἀνθρώπος.



Sophistæ, vœcum censori nimis rigido, neglectum proprietatis objicit, quemadmodum apparet ex antecedentibus, p. 407. ubi de Patre ait: *ὃ τὸ ἀγεννὲς, διὰ τὸ αὐτογεννῆναι, & ingenuus, quia à se genitus*, id est, à nullo. Et Hesychius antiquus ac laudatissimus Lexicographus Græcus ait: *αὐτογεννὲς αὐτογεννῆς ἐκ ἐκείνου γεννῶντος*. Item, *αὐτογεννῆς* δὲ *αὐτογεννῆς*, quem sequitur Suidas. *αὐτογεννῆς δὲ *αὐτογεννῆς**. Sic Deus Pater vocatur à Synesio hymno 6. *αὐτογεννῆς*, & à Nonno in Ioann. cap. 1. & 5. *αὐτογεννῆς*, & Ioan. 1. *αὐτογεννῆς*, & Ioan. 3. *αὐτογεννῆς*: quemadmodum & antea ex Orpheo Iustinus Martyr, hortatione ad Græcos, Pag. 12. & in Sibyllinis oraculis, lib. 1. *αὐτογεννῆς ἐκ ἐκείνου*. Quod etiam vidit Lactantius divinarum institut. lib. 1. cap. 6. *Verum, inquit, quia fieri non potest, quin id, quod sit, aliquando esse cæperit: Consequens est, ut quando nihil ante illum fuit, ipse ante omnia ex seipso sit procreatus. Ideoque ab Apollonio αὐτογεννῆς, à Sibylla αὐτογεννῆς & αὐτογεννῆς & αὐτογεννῆς nominatur. Quod Seneca, vir acutus, in Exhortationibus vidit; Nos inquit aliunde pendemus. Itaque ad aliquem respicimus, cui, quod est optimum in nobis, animam debeamus. Alius nos edidit, alius instruxit: Deus ipse se fecit*. Hæc ille. Impropiè sanè & incommodè, licet Metaphoricè. Ex quibus omnibus liquere jam arbitror, temerè & iniquè, Pontificios nonnullos, & Ubiquitarios quosdam, in nostros Theologos invehi, quod Christum esse *αὐτογεννῆς* professi sunt: quum eodem sensu Patri & Filio competere demonstratum sit: neque eam vocem nostri sint commenti, neque aliter usurparint, quàm ut Deitatis Christi hostes, ea voce abutentes, refutarent.

## CAPUT SECUNDUM.

**Q**uemadmodum Ioanni Prophetæ mandata est à Christo descriptio Apocalypseos rei præsentis & futuræ cap. 1. v. 19. & præsens deinde exposita est: ita jam futura describitur, complectens primum septem Epistolas; ad septem Ecclesias Asiæ, de quibus. c. 1. v. 11. Quarum priores quatuor, secundo; tres reliquæ, tertio capite absoluntur. Quæ, pro Ecclesiarum conditione temperatæ, sunt variæ. Nam Ecclesiæ illæ habuerunt potissimum, aut fideles *ἀνυπεκρίτους* seu sinceros; qui vel reprehensibiles in aliquo fuerunt, ut epistola prima, tertia, quarta; vel irreprehensibiles ac sanctè vivebant, ut epistola secunda & sexta: aut potissimum hypocritas, ut epistola quinta & septima. Ac propterea scopus est varius, correctio vitiorum, aut confirmatio virtutum: methodus tamen communis, eademque. Constant enim præfatione epistolæ, & reliqua epistola. Et præfatio quidem mandatum scriptiōnis proponit: epistola verò primum Exordium habet, quod authorem epistolæ, Christum (ad auctoritatem & docilitatem comparandam) describit, accommodata materiæ periphrasi, petita ex aliqua visionis superioris parte: deinde tractationem doctrinæ, cum propriæ ad particularem Ecclesiam, (qua Christi iudicium de ea, & hortatio exponitur) tum communis, ad quosvis fideles. Quæ sigillatim reipsa demonstrabuntur. Nam epistola, quæ recensetur à vers. 1. ad 8. præfationem habet his verbis, v. 1. *Angelo Ephesinæ Ecclesiæ scribe*. Quibus scriptio præcipitur, & objectum indicatur Synecdochicè, Angelus Ecclesiæ Ephesinæ. Quomodo Ecclesiæ Episcopus seu pastor, ab officio vocationis & missionis divinæ, ad verbum Dei annuntiandum, Angelus, id est, nuntius (ut Apoc. 1. v. 20. & Malach. 2. v. 7. & 3. v. 1.) appellatur κατ' ἔξοχον, inter homines voluntatis Dei nuntius: alioqui frequentius de spiritibus cœlestibus usurpatur, qui distinctè Angeli sancti, Marc. 8. v. 3. electi, 1. Tim. 5. v. 21. Angeli è cœlo, Galat. 1. 8. dicuntur. Deinde simul complectitur gregem seu reliquam Ecclesiam: ut ex huius epistolæ, & sequentis materia apparebit: Cui præfationi succedit epistola ἐπιστολὴν: scopus enim est correctio: Ac propterea Exordium eò spectat: Christus enim describitur his verbis: *Hæc dicit* (primum) *qui tenet septem stellas in dextra sua*, ac deinde addit *qui ambulat inter septem candelabra illa* *αὐτῶν*. Quæ descriptio petita est ex cap. 1. v. 13. & 16.

& 20. Cujus priori parte, Christi in septem Ecclesias Asiaticas dominium seu potestas, potentia conjuncta: posteriori præsentia ac scientia: utroque cura denotatur, ut ex antecedentibus apertum est. Quæ ad reverentiam & resipiscentiam excitandam opportunè adhibentur, v. 1. Exordium subsequitur tractatio doctrinæ: ac primum particularis, quæ ad Episcopum & Ecclesiam Ephesinam peculiariter pertinet: & primò: Christi iudicium de Angelo proponit, partim laudis, partim vituperii. Laudis, non ut aduleatur ac corrumpat: sed ut eo approbationis suæ iudicio, acriori stimulo, ad officium revocet. Laudat autem à virtute: quam primum generatim proponit. *Novi*, inquit, *opera tua*, nempe κατ' ἔξοχον, bona, quod deinde partim ac speciatim exponit, Christianâ patientiâ & zelo sancto. Patientiam denotat labore & tolerantia: zelum verò, seu fervens gloriæ studium declaratur, partim animo, quod non possit ferre malos, partim facto, per disciplinam Ecclesiasticam: primum quod explorârît Pseudoapostolos, qui se dicunt esse Apostolos, nec sunt: deinde, quod compererit eos esse mendaces: qui nec vocatione, nec doctrinâ essent Apostolicâ præditi, licet utrumque præ se ferrent. Intelligit autem subdolos illos Pseudoapostolos Judæos, quales arguuntur à Paulo 2. Cor. 11. v. 13. Hæc de vers. 2. Cæterum hanc laudem patientiæ & zeli Christiani, illustrat & exaggerat bifariam: primum à fine, quod propter nomen Christi laborârît: non enim poena, sed causa facit martyrem: deinde à constantia quam objectis periculis ac difficultatibus indicat, & metaphora insigni, ab athletic defumptâ, (quod laborârît, nec defatigatus sit) illustrat. Veruntamen cum vers. 2. dicatur, non posse ferre malos; hoc autem loco asseratur tulisse & tolerantiam habere, videtur esse contradictio, sed conciliatio expedita est: priori enim statuitur, ipsum non potuisse, nempe æquo animo, & quantum in ipso erat, ferre malos; sed obstitisse pro virili: hoc verò loco tulisse ipsorum molestias renitentem, adeo ut pro Christi nomine laborârît, vers. 3. quæ laus est virtutis egregia. Deinde adjicitur vituperatio: quæ generatim indicatur, cum ait: *sed habeo adversus te*, nempe, τῶν, hoc, aut τὶ ἀλiquid, ut nostro interpreti placuit, ex v. 14 simili, ellipsis suppleri potest: hoc est habeo, quod in te desiderem ac culpam, etiamsi in nonnullis laudem. Deinde explicat particulatim, dicens; *quod charitatem tuam omiseris*, nimirum non simpliciter, sed secundum quid ratione gradus & fervoris, cum in habitu animi, tum in usu seu operibus illius: ideoque addit distinctè, *primam*: ut postea priorum operum meminit, ut comparatè jam imparia ac minora esse indicet, vers. 4. Atque ita finitur Christi, de Angelo Ecclesiæ iudicium: ex quo deinde aptissimè concluditur hortatio: quæ primum proponitur, deinde confirmatur. Propositio autem est hortatio ad conversionem: quæ uti bimembris est, ac duobus quasi gradibus constat, ita & propositio. Hortatur enim ad agnitionem ac meditationem culpæ: deinde ad emendationem vitæ. Prius est: *memor itaque esto*, unde, hoc est, è quo charitatis fervore & gradu excideris; metaphora eleganti: posterius est: *resipisce, & priora opera facito*. Quæ ἐξομολογῆσαι à nonnullis accipiuntur ac si eadem essent, ac priora verba posterioribus explicarentur: Verum satius est & uberius, ut distinctè exponamus; nimirum ut resipiscentia ad animum relata, odium peccati & amorem virtutis designet: priora verò opera fructus resipiscentiæ notent, ut Matth. 3. v. 8. hoc est opera charitatis. Quæ propositio confirmatur, comminatione poenæ immorigero inferendæ à Christo; primum generatim, quod citò ei venturus esset; præsentia non corporis, quod cœlo ad diem iudicii gloriôsè asseveratur, Actor. 3. v. 19. nec essentia divine, quia ubique præsens advenire non poterat; sed præsentia vindicantis potentia, ut tibi veniam, adversus te veniam, designet, quod alibi dicitur *visitare iniquitates*: ut deinde speciatim exponitur; *movebo candelabrum è loco suo*. Quid autem candelabrum hîc notet, ambigitur. Quidam Ecclesiam interpretantur, Christo indicare, capite primo versu 20; alii contrà officium episcopale: ut sit sensus, fore ut Episcopus à suo munere removeretur,



veretur, & alteri administratio committeretur: quemadmodum, Matth. 5. vers. 15. dicitur, lucernam poni super candelabrum; & Apoc. 11. vers. 4. de duobus testibus, *hi sunt duo candelabra*. Sed ut hæc loca episcopos notent; non tamen episcopatum. Neque video quid causæ sublit, quare hic, novam aliamque significationem meditemur, quam antea. Nam quod obijciunt: si candelabrum Ecclesiam notaret, puniretur Ecclesia iniquè, propter peccata pastoris: illud inquam facile solvitur: siquidem communionis pœnæ, communio peccati declaratur. Atque hoc est, quod initio hujus capituli monui, epistolam quidem ad Angelum Ephesinæ Ecclesiæ dirigi; sed ita tamen, ut etiam Ecclesiam complectatur. Sensus igitur hujus loci est, fore ut Ecclesia Ephesina (quod tandem contigit) suo loco moveretur ac sedibus repelleretur, nisi resipisceret, v. 5. Quam reprehensionem ac comminationem mitigat, aspersa laude zeli, quod hoc laudabile haberet, quod facta Nicolaitarum odisset. Cujus odii sanctitatem demonstrat convenientia in ea re cum Christo, vers. 6. Atque hoc modo hortatione absoluta, finitur doctrina particularis, ac propria Angeli Ecclesiæ Ephesinæ. Cui coronidis loco attextitur doctrina communis: quæ constat præfatione & propositione. Præfatione autem comparatur attentio, & omnes verè fideles ac regeniti, quibus aurem cordis Deus aperuit, provocantur ad audiendum: ut Matth. 11. vers. 15. & 13. vers. 9. partim à causa efficiente: quod verba sint Spiritus, hoc est, *ὁ ἅγιος πνεῦμα*, Spiritus increati, ac Dei, seu Spiritus Sancti, per quem Christus loquitur: partim ab objecto, quia loquitur Ecclesiis, ideoque doctrina communis est, ad eos quoque pertinet. Quid autem loquatur, propositio indicat, quæ promissionem complectitur, constantem declaratione objecti, seu cui promittitur, & subjæctæ materiæ, seu rei quæ promittitur: ac priori officium Ecclesiæ: posteriori beneficium Christi, tanquam officii præmium indicatur. Objectum enim est victor, hoc est; fidelis ad mortem; ut vers. 10. qui contra hostes Spirituales, cum externos, mundum & ejus principem Satanam: tum internum, carnem seu veterem hominem, hoc est, innatam vitiositatem, ita panoplia Christianâ (de qua Ephes. 6. vers. 11.) certavit, ut fidem & charitatem conservavit ad vitæ finem, ut 2. Timoth. 4. vers. 7. 8. Subjæcta materia ac victoriæ præmium, est ejus, Christi beneficio, ejus ex arbore illa vitæ, quæ est in medio paradisi. Quæ verba allegoriam continent: siquidem paradysus Dei, non est propriè terrenus hortus, de quo Genes. 2. vers. 8. sed metaphoricè illo adumbratus, ac cœlestis, hoc est, cœlum denotatur, ut Luc. 23. vers. 43. *Hodie mecum eris in paradiso* & 2. Corinth. 12. v. 4. *raptus est in paradysum*, hoc est, v. 2. in tertium cœlum: nam ut paradysus non ab hominibus, sed à Deo fuit confitus; deinde locus fuit amœnissimus vitæ & lætitiæ terrenæ: ita & cœlum non hominem, sed Deum habet authorem, Heb. 8. 2. & 9. 24. & vitæ ac lætitiæ æternæ sedes est, Matth. 25. v. 23. Idque indicatur, cum adjunctum illius subjicitur, nempe ejus ex arbore illa vitæ. Arborem autem illam vitæ, non propriè accipi, ut Genes. 2. 9. sed Metaphoricè: & esum illius, fruitionem vitæ æternæ adumbrare, certum est. Verùm quidam per arborem illam vitæ Deum intelligunt; quod videlicet in Dei visione ac fruitione vita æterna consistat. Alii verò Christum mediatorem, quod videtur commodius, si quis cum v. 17. & cap. 22. v. 2. 14. conferat. Quoniam ut per Christi communionem inchoaram, habemus hîc in terris vitam gratiæ: ita per plenam & perfectam in cœlis, vitam gloriæ æternæ. Nam si sapientia, Prov. 3. v. 8. vocatur lignum vitæ, quod qui teneant eam, beati sint: & Prov. 11. 30. fructus justitiae, & Prov. 15. 4. sanitas linguæ, lignum vitæ appellantur: non immerito Iesus Christus arbor vitæ appellari potest: quia ut arbor vitæ, Deum solum habuit factorem, Genes. 2. deinde & in medio paradisi confita fuit: denique vitam edentibus corporibus tribuere poterat æternam in terris, Gen. 3. 22. ita & Christus, Dei potentia collocatus in medio Ecclesiæ triumphantis, in cœlo gloriosè residet, iisque vitam æternam donat ac perpetuat, v. 7. Hæc de prima epistola. Altera verò consequitur: cui

jus præfatio, objecto tantum, cui epistola scribitur, à superiori variat. Hoc autem est Angelus Ecclesiæ Smyrneorum, hoc est civium & incolarum Smyrnæ. Quæ urbs fuit Ioniæ, in Asia minori; de qua Stephanus de urbibus, & Geographi consulendi sunt. Quis autem hic Angelus seu Episcopus fuerit, non opus est ut curiosè inquiramus, re incertâ. Nonnulli Polycarpum martyrem, discipulum Ioannis Apostoli fuisse arbitrantur; quod circumstantiis temporis & persecutionis rectè convenit, ac probabilius, quàm quod nonnulli, v. 1. Angelum Ephesinæ Ecclesiæ Timotheum exponunt: quamvis enim Ephesi collocatus fuerit à Paulo, ut deterreret ab heterodidascalia, 1. Timoth. 1. v. 3. de qua actum, v. 2. tamen reprehensio, v. 4. sanctitati Timothei non congruit. Epistola autem ad Smyrnæos est *ἡ ἐπιστολὴ*, hoc est consolatoria; cui probè consentiens exordium, Christi authbris epistolæ descriptionem continet, ad consolationem comparata. Describit enim à natura divina & humana, ex cap. 1. v. 17, 18. divinam notat à proprietate æternitatis, *Ego sum primus ille, & ultimus*: humanam verò ex morte & resurrectione, quæ mortis victoria, v. 8. Deinde post Exordium, tractatio rei adjicitur. Ac primum, ad doctrinam particularem pertinet iudicium, partim laudis, partim vituperationis complectitur: laudat enim Angelum, primum à bonis operibus, ut antea vers. 2. *Novi opera tua*; deinde à tolerantia crucis & malorum omnis generis, in corpore, bonis, fama: in corpore, per afflictionem; in bonis, per paupertatem ex facultatum, religionis odio, direptione; ut Heb. c. 10. v. 34. & 1. Thess. 2. 14. Nam quod nonnulli de paupertate spiritali figuratè interpretantur, alienius est. In fama; per Judæorum blasphemiam, hoc est, famæ læsionem ac maledicentiam. Cui laudi egregiæ, consolationem opportunam interserit: primum adversus paupertatem, quod dives esset bonis spiritalibus, nempe partim internis, scientia, ac virtutibus fidei, spei, & charitatis, & conscientiæ tranquillitate: tum externis, partim præsentibus, Dei gratia ac pace: partim futuris, gloria cœlesti, cum anime, tum corporis: ideoque verè dives in Deo; Luc. 12. v. 21. & 33. & Matth. 6. v. 19. & 19. 21. 1. Cor. 1. v. 5. & 1. Tim. 6. 18. Jac. 2. v. 5. Secundo consolationem addit adversus blasphemiam hostium, vituperatione eorum, à simulatione ac vana jactatione: quod scilicet, adversus Smyrnæos gentiles ac Christianos, esse Judæos, legis peritos Deoque scederatos, ut Rom. 2. 17. gloriarentur, cum contrà non essent, hoc est, non essent genuinum Judæ & Abrahamæ semen, secundum spiritum Rom. 2. v. 28. 29. sed Synagoga seu cœtus Satane, cujus ductum sequebantur: ut Matth. 23. v. 7. & 9. Ioan. 8. v. 39. & 44. Hæc de v. 9. & Christi iudicio duplici, laudis Angeli Ecclesiæ, & vituperationis Pseudo-Judæorum. Cui iudicio admonitio annectitur, dehortatione à metu, & adhortatione ad perseverantiam constans. Dehortatio autem primum proponitur, deinde exponitur. Proponitur autem his verbis: *Nihil eorum metue, quæ passurus es*. Quibus futura perperessio, ut metus objectum prædicitur accommodatissimè, ut tela prævisa minus feriant; quemadmodum, Ioan. 16. v. 1. 4. à Christo declaratur. Deinde perperessio illius adjunctum frequens, metus, prohibetur, nimirum non quivis; sed carnalis & immodicus: qui ex incredulitate ortus, officium Christianum impedit, ut Matth. 10. v. 28. Exponitur autem objectum propositum à suis causis, formâ ac fine; deinde ab adjuncta duratione. Forma est coniectio aliquorum ex ipsis in carcerem, à Diabolo, tanquam causa principali, Ephes. 6. v. 13. Ioan. 8. v. 44. qui ad eam rem utitur (tanquam princeps mundi infidelium) hominibus, Evangelii hostibus; è sua Synagoga, Judæis & gentilibus ministris: ut vers. 9. & 2. Cor. 12. v. 7. Qua de re Eusebius historiæ Ecclesiasticæ libro 4. cap. 15. Finis verò est tentatio externa, quæ ab externo principio. Estque aut divina ac bona, quæ à Deo, bono animo, bono modo, bonoque fine existit: aut Diabolica, quæ contrà. Utraque locum hîc habere potest: nam persecutiones inferuntur, à Diabolo quidem tanquam tentatore malo, Matth. 4. 3. & 6. 13. ad malum, ut Act. 5. 3. & 1. Cor. 7. 5. & 1. Thess.

& 1. Theff. 3. 5. à Deo verò ut tentatore bono; qui malis etiam instrumentis bene atque utiliter utitur, ad bonum finem, Genes. 22. v. 1. Jacob. 1. v. 13. & 1. Petr. 4. v. 12. Quamvis autem tentatio accipi possit tanquam finis Diaboli, ut ejus declaratio, ad cautionem fidelium inserviat: accommodatius tamen est, ut de scopo Dei intelligamus: idque videtur innuere, quia non dicit, *ut tentet*, nempe Diabolus; sed *ut tentemini*, hoc est, ut vestra fides à Deo exploretur, ut Jacob. 1. v. 2. 3. Porro afflictionis ac persecutionis duratio, *decem diebus* indicatur: idque Synecdochicè, pro tempore incerto, exponunt bifariam. Quidam enim ad amplificationem persecutionum pertinere putant, ut dies multos notet: quemadmodum, Gen. 31. v. 17. & 41. *mutavit mercedem meam decem vicibus*. 2. Sa. 19. v. 43. *decem partibus ergo major sum apud Regem*, Job. 19. 3. *En decies confundis me*. Alii verò contrà, denarium numerum ad diminutionem referunt, ac decem dies, paucos denotare existimant; quod videlicet brevi duratura esset persecutio; quemadmodum decem dies multis opponuntur, Gen. 24. 55. Amos. 5. 3. & 6. 9. decem viri paucos notant. ut enim decas, monadi collata, multum est; sic contrà comparata centuriæ parum est: ideoque diversa ratione ac relatione, contraria notare potest. Sed secundo loco alii exponunt decem dies de tempore certo: idque etiam duobus modis. Aut enim dies propriè accipiunt, qua ratione sensisse videtur Ambrosius quidam in hunc locum, cum ait: *Tempus, quo hæc persecutio crudelius servitura erat, demonstrat*. Aut rursus, ut dies convenienter stylo prophetico, annum designet; ut Num. 14. 34. Ez. 4. 5. 6. Dan. 9. 24. ut ita decem anni imperii Trajani, ut eruditis quibusdam placet, intelligantur, quibus magna extitit persecutio, inde ab eo anno, quo Ignatius Antiochenus Episcopus, Joannis discipulus, martyrio affectus est, anno Christi 109. usque ad annum 119. initiumque imperii Adriani. Veruntamen quoniam cœpta per Trajanum persecutio, non diu duravit, sed Plinii secundi monitu repressa est, ut docet Tertullianus in Apolog. suo, verisimilius est, ut per decem dies, paucos intelligamus: quod accommodatum antecedenti fini, ad consolationem & dehortationis confirmationem pertinet, ut 1. Cor. 10. v. 13. Adhortatio verò ad perseverantiam, propositione & confirmatione absolvitur. Propositio officium complectitur, *Eso fidelis usque ad mortem*: Fidelis autem est, qui fidem servat. Fides autem est aut dictorum factorumque constantia; aut fides vera in Christum. Ut travis intelligatur, eodem res, hoc quidem in loco, redibit; sed prius accipiendum videtur, ut fidum ac veracem in debita ac promissa confessione Christiana, & vera religione, per fidem & charitatem conservanda, intelligamus, ut Apoc. 2. 13. quemadmodum fidelis & verus connectuntur, Apoc. 3. v. 14. & 19. 11. & 21. 5. Hanc autem fidelitatem ad mortem usque requirit; qua ratione, aut simpliciter vitæ terminum notat; aut etiam termini illius modum, fore nimirum ut Smyrnenfis Ecclesiæ Angelus, hoc est Polycarpus Episcopus, mortem pro Christo subiret. Qua de re Eusebius historiæ Ecclesiasticæ lib. 4. cap. 15. consulendus. Confirmatio verò hujus hortationis, est promissio præmii vitæ æternæ. Quam per Metaphoram valde convenientem, atque ab athletis petitam, coronam vocat, quam Christus, certaminis fidelium præfectus, victori daturus est, 1. Cor. 9. 24. 25. Jac. 1. 12. & 1. Petr. 1. v. 4. 5. 6. Hæc de v. 10. & doctrina hujus epistolæ particulari. Universalis vero quæ ad omnes fideles communiter pertinet, præfationem omnino habet, qualem, v. 7. & propositionem promissionis fidelibus factæ. Cujus objectum, ad quod pertinet, est victor, ut v. 7. Forma verò promissionis, est non affici injuria à morte secunda, hoc est æterna. Siquidem vita est prima, aut secunda: prima; ratione quidem animæ est justitia, Deique gratia seu benevolentia; ratione autem corporis, actus animæ: secunda verò animæ, est justitiæ, per peccatum amissæ, restitutio in terris, & gloriæ accessio in cœlis: ratione corporis, vita illius gloriosa ultimo die. Ita mors, opposita, vitæ duplex est, prima & secunda. Prima; ratione animæ, est privatio justitiæ, & comitis illius, Dei gratiæ seu pacis cum Deo: ratione corporis, privatio vitæ

animalis. Secunda mors, ratione animæ & corporis, est universalis privatio gratiæ & gloriæ Dei cum æternis cruciatibus in inferno, Mat. 10. 28. Apoc. 20. 6. 14. & 21. 8. Qui autem vicerit, ab hac secunda morte non afficietur injuria, hoc est, per Metaphoram non lædetur; ut Apoc. 6. & c. 7. 3. & 9. v. 4. ideoque vitam habebit æternam, ut Mat. 10. 22. & Apoc. 2. 7. Porro absoluta secunda epistola, tertia sequitur: cuius præfatio, objectum tantum habet proprium, Angelum videlicet Ecclesiæ Pergami. Quæ urbs Mysiæ majoris olim celeberrima, Attallicorum regum sedes. Epistola verò epianorthotica est: cuius exordium Christum describit, ex iis, quæ cap. 1. v. 16. proposita, nimirum à judiciaria severitate, quod sententia oris sui condemnabit contumaces: id quod scopo, & versui 16. probè convenit. Hæc de vers. 12. Tractatio verò doctrinæ particularis, primum judicium Christi, cum laudis, tum vituperationis proponit. Laudat enim bona eorum opera, ut vers. 2. & 9. & confessionis Christi constantiam. Quam amplificat à periculo, primum loci: quod degerent ubi thronus erat Satanæ, id est, ubi ministri Satanæ, infideles Evangelii purioris hostes dominabantur: deinde temporis, quo trucidatus fuit fidelis Christi Martyr, Antypas dictus: quod arguit verè Satanam homicidam, Joann. 8. v. 44. ibi habitasse, v. 13. Atque hæc quidem ad laudem primo loco pertinet. Deinde vituperat generatim, quod haberet adversus eos pauca, ut v. 4. speciatim verò neglectum disciplinæ Ecclesiasticæ, in Nicolaitas exercendæ. Quos describit Metaphoricè, quod tenerent doctrinam Balaam, id est, ei similem, ut 2. Pet. 2. 15. Jud. v. 11. idololatria & scortatione: quemadmodum similitudine explicat, cuius portafis seu propositio ponitur v. 14. quæ petita est ex Num. 25. 1. 2. & 31. 16. apodosis vero seu redditio, cum adjuncto Christi odio, v. 15. Huic reprehensioni admonitio ad officium succedit. Cujus propositio est, *respice*: confirmatio verò à comminatione pœnæ inobedientiæ duplici, partim Episcopi, partim Ecclesiæ: *veniam*, inquit, *adversus te cito*, ut vers. 5. deinde Nicolaitarum, cum ait: *pugnabo cum illis gladio illo oris mei*, ut cap. 1. 16. id est, eos exterminabo, quemadmodum olim gladio Balaamum & Madianitas, Num. 31. v. 8. 16. 17. Hæc de vers. 16. & doctrina particulari. Universalis verò præter præfationem, habet propositionem promissionis: cuius objectum, ut in antecedentibus est victor; forma verò est bimembris. Primum enim membrum est, *es*us de manna abscondito, hoc est Christi plena in cœlis fruitio; qui ut Manna Israelitis ignotum erat, unde & nomen habet, Exod. 16. vers. 15. *אֵיךְ הָיָה* quid hoc? ita Christus verè panis noster cœlestis, Joann. 6. vers. 32. ignotus, nisi à Patre gratuito reveletur, Matth. 11. vers. 25. 27. & 17. 17. quæ promissio convenit cum vers. 7. & opponitur esui impuro idolothytorum, de quo vers. 14. Secundum quod promittitur, *calculus albus*, cum inscripto novo nomine, quod nemo novit, nisi qui accipit. Calculorum autem, hoc est, lapillorum usus erat antiquitus duplex; unus ad numerationem, alter ad suffragium: idque vel in judiciis, vel in comitiis. In judiciis quidem, albo eoque integro calculo seu lapillo reus absolvebatur; atro verò & perforato, ut doctiss. Camerarius probat, condemnabatur. Quod eleganter Ovidius libro Metamorph. 15. indicat, cum ait:

*Mos erat antiquus, nigris, atrisque lapillis,  
His damnare reos, illis absolvere culpâ.*

Atque hinc usus manavit notandi & numerandi dies felices albo lapillo seu creta, de qua re Erasmus copiosè in Adagiis (*album addere calculum, & cretâ notare*) disserit. In comitiis verò, nomen ejus, cui favebatur, calculo, ut ad hunc locum observavit Erasmus, inscribebatur: quibus addit Arethas, in theatris ac stadiis certantibus ac vincentibus, dari solitum album calculum. Quod verò nonnulli non ignobiles interpretes carbunculum, aut gemmam interpretantur, refutationem non meretur. Hoc autem certum, à gentiliū consuetudine, phrasin hanc derivatam: sed tamen variè exponitur. Plerique per album lapillum, absolutionem notari censent: quidam diem felicem, id est, vitam felicem & plenam veris voluptatibus: Arethas denique ad certamina spectari putat: quod an historia antiqua

Tte

antiqua probari possit, inquirendum amplius. Interim prima sententia maximè fuit, ut absolutio à reatu mortis denotetur, ac si diceretur, non intrabit in iudicium, hoc est, condemnationem, Ioan. 5. v. 24. Rom. 8. 1. ideoque non ledetur à morte secunda ut ante, v. 11. Nam quamvis fideles, Dei iudicio interno, propter Christum, sint à peccatis absoluti in his terris, ejusque sententiam habeant à ministris verbi Dei, sub fidei conditione promulgatam, & à Spiritu Sancto fidei authore in cordibus suis patefactam & obsignatam privatim, Roman. 8. ultimo tamen die iudicii, absolute ac simpliciter, coram universis Angelis & hominibus absolventur, Matth. 25. 34. Nomen verò novum lapillo inscriptum, quidam novum hominem seu imaginis Dei in nobis restorationem intelligunt: sed temporis ratio obstat, quia post victoriam & mortem lapillus promittitur, regeneratio verò utrumque antecedit. Nonnulli deinde electionis obsignationem per Spiritum Sanctum interpretantur: sed eadem ratio obstat. Alii denique nomen *filii*, hoc est regni Dei hæredis interpretantur; quod Metaphoræ, à comitis ductæ, (de qua repaulò ante egimus) optime convenit, & locis similibus: ut enim victores fideles ultimo die absolventur: sic etiam vocabuntur benedicti à Patre, & regni illius hæredes, Mat. 25. 34. qui etiam nomen Dei in fronte habituri, & regnaturi sunt in æternum, Apoc. 22. 4. 5. Hoc autem nomen novum est, hoc est renovatum; ut Ioan. 13. 34. & 1. Ioan. 2. 8. mandatum novum, eo sensu nominatur; & nemo hominum, nisi qui accipit, 1. Ioan. 3. v. 1. 1. Cor. 2. 9. novit. Hæc de vers. 17. & Epistola tertia. Quarta deinde succedit: Cujus præfatio objectum Epistolæ Angelum Ecclesiæ Thyatirensis notat. Thyatira autem urbs minoris Asiæ, à quibusdam Mysiæ, ab aliis Phrygiæ attributa, de qua Geographi, Strabo, Plinius, Ptolomæus, consulendi. In qua urbe nullam, Joannis Apostoli tempore, fuisse Ecclesiam objecerunt Alogiani, & inde concluderunt Apocalypsin non esse Apostoli. Sed ut omittantur brevitatis causa, ea quæ habet Epiphanius hære. 51. negatur antecedens: imò quia Lydia Thyatirensis credidit, Act. 16. & Joannes in Asia minore vicinas civitates, Ephesum, Smyrnam & cæteras instituerit, cur non & Thyatiram iis vicinam? utpote cum diutissime vixerit; & antiquissimus scriptor Tertullianus contra Marc. lib. 4. has septem Ecclesias Asiæ, Joannis alumnas vocet. Cæterum hæc Epistola *ἡ πρώτη ἐστίν* est. Cujus Exordium, authorem Christum describit à persona, quod sit Filius Dei, & ex c. 1. 14 à potestate & veritate in adversarios, v. 18.

Tractatio verò doctrinæ particularis, iudicium habet, primum laudis, cum virtutum, tum progressus in iis, v. 19. deinde vituperationis, ob neglectum disciplinæ Ecclesiasticæ, in permissione impietatis Pseudo-prophetiæ. Quam videtur per Metaphoram, à similitudine potentie atque impietatis, Jesabel ex 1. Reg. 16. nominare. Cujus impietas ex effectis primum describitur certis gradibus: quod doceret, contra ordinem sexus, 1. Corinth. 14. 34. 1. Timoth. 2. 11. deinde quod seduceret servos Christi, id est Christianos, ad scortationem & esum idolothytorum, eoque ad impiam Nicolaitarum doctrinam, v. 20. Deinde amplificatur à contumacia, vers. 21. & poena varia: quam proponit suis partibus, & effecto illustrat. Poena enim statuitur primum Jezabelis dejectio in lectum & mors: ut antiqua Jesabel miserè periit, 2. Reg. 9. 33. deinde eorum qui ipsam attingebant, cum discipulorum, cum ea adulterium committentium maxima afflictio, nisi resipiscerent, v. 22. tum filiorum ex ea natorum, & impietatis sociorum, mors. Nam quod nonnulli filios, ut etiam adulterium, figuratè accipiunt, vers. 20. non convenit. Quæ varia poena illustratur, ab effecto utili, hoc est, duplicis Christi gloriæ, coram Ecclesia, illustratione, primum quidem scientiæ divinæ, quod sit *ἡ πρώτη ἐστίν*: quæ laus Deo propria, 1. Sam. 16. 7. & 1. Reg. 8. v. 39. deinde iudicii ultimi, quo Nicolaitis hæc, ut reliquis impiis, daturus est secundum opera: cujus rei argumentum ac specimen, futura erat poena temporalis, quam comminatur, v. 23. Atque ita finitur iudicii, laudis & vituperationis illustratio: cui

jam additur hortatio ac mandatum: & hujus quidem objectum sunt reliqui Thyatirenses pii, qui describuntur ab innocentia duplici: primum præsentis; quod non haberent, hoc est non sequerentur doctrinam hanc Nicolaitarum; deinde à præteritis; quod non novissent, hoc est, ut Mat. 7. v. 23. non approbassent profunditates Satanæ: nam notitiam Paulus sibi & fidelibus tribuit, 2. Cor. 11. 10. 11. Profunditates autem vocat, ironiâ quadam, per *μυστικὴν* imitatione adversariorum: qui ut suam hæresin impuram commendarent, profunditatem, quam scilicet imperiti non caperent, nominabant: quemadmodum contra profunditas sapientiæ & scientiæ Deo attribuitur, Rom. 11. 33. & Spiritus profundâ Dei scrutari dicitur, 1. Cor. 2. 10. Ideoque addit, *ut ajunt*, hoc est, gloriantur: quemadmodum ex ipsis Nicolaitis orti, similes, Gnostici, quasi scientes, à vana scientiæ professione appellati sunt, ut Augustin. de hæres. cap. 6. & alii docent. Veruntamen cum profunditas alia sit Dei: alia Satanæ, fatetur Christus in hac Epistola profunditatem, hoc est profundam quandam doctrinam: sed ut ostendat, non esse divinam ac veram, sed fallacem (qualem Paulus, 1. Tim. 6. v. 20. arguit *ψευδὴς γνῶσις* falso nominatam scientiam) addit, *Satanæ*. Hicse autem fidelibus quid mandet, exponit primum per aphæresin, cum ait: *Non imponam vobis aliud onus*, hoc est Metaphoricè præceptum, ut Act. 15. v. 28. 29. deinde per thesin, cum ait, *tantum quod habetis retinete, donec veniam*, scilicet ad iudicium, &c. Idque confirmat à promissione generali ad omnes fideles. Atque ita transitur à doctrina particulari, quæ Thyatirensibus propria, ad doctrinam omnibus communem, quæ constat promissione & mandato; ut in antecedentibus, v. 7. 11. & 17. sed inverso eleganter ordine: quippe ut antecedentem hortationem etiam confirmet, promissionem præmittit, in qua describitur cui, & quid promittatur. Objectum cui est victor: quod exponitur, cum ait, *qui servaverit ad finem vitæ opera Christi*, hoc est ab ipso præcepta: ut *opera Dei* dicuntur eodem sensu, Johann. 6. v. 28. & 29. ut circumstantiæ ostendunt; adeò ut locus ille, non de causa efficiente Deo per Spiritum, sed præcipiente fidem, per verbum, intelligatur. Res promissa est donum Christi duplex: primum in gentes infideles, regnum, cum ratione juris ac potestatis, v. 26. tum ratione facti, seu potentis possessionis ac regiminis; quod reget eas, virga ferreâ domando, & ut vasa figuli conterendo: idque à simili regni Christi, de quo Psal. 2. 9. & Psal. 110. 3. Apoc. 19. 15. qui ut rex est regum, Apoc. 19. 16. sic etiam Ecclesiam reginam, Psal. 45. 11. & fideles reges fecit, Psal. 45. 17. Apoc. 1. 6. & 1. Pet. 2. 9. 2. Tim. 2. 12. Verùm quæstio hoc in loco exurgit, de regni hujus tempore, & modo. Quidam enim ad præsentem vitam referunt, quæ sceptro verbi hostes veritatis prosternunt ac comminuunt, 2. Cor. 10. 4. 5. sed minus rectè; quia hæc potestas, de qua Joannes, non pugnanti in terris, sed victori seu ad finem vitæ perseveranti promittitur: ideoque aliò non pertinet, quàm ad præmium post hanc vitam. Nam quod regeritur, Christum de iis loqui quos præscit perstituros, & Evangelii virgâ infidelium corda domaturos, illud argutius est, quàm verius: quippe præmia promittuntur à Christo, & in antecedentibus & alibi, non ratione prævisionis, sed conditionis perseverantiæ ac victoriæ: ut hoc stimulo ad officium adigat. Alii igitur ad cœlestem præmium & futuram vitam accommodant: sed de regiminis modo, diversa sentiunt. Costerus in Enchiridio de veneratione Sanctorum, propof. 4. asserens constare ex Scripturis, Sanctos in cœlis regnantes, hæc terrena curare & administrare, hunc locum adducit, & inde concludit; *Datur itaque Sanctis auctoritas impios cogendi, cohibendi, puniendi, & pios ex ipso- rum manibus eripiendi*. Verùm hallucinatur Jesuita. Nam & à sociis hoc in loco deferitur, & malè concludit. Nam Christus loquitur quidem de regimine fidelium, veruntamen non statim à morte, sed die ultimo; quo cum Christo, mundum & principem mundi iudicaturi sunt, assensu suo, 2. Corinth. 6. v. 2. & 3. & contritis omnino hostibus regnaturi sunt in gloria: quemadmodum in his terris, in medio hostium, regnant in cruce & militia. Atq; hæc

de

de vers. 27. & primo promisso dono. Alterum est stella matutina; quæ Metaphoricè sic dicta est, quam ineptè omnino quidam ex Esa. 14. de Diabolo; alii aptius de gloria & splendore cœlesti ex Dan. 12. 3. alii denique optimè de Christo exponunt: ut 1. Pet. 1. 19. Lucifer, & Mal. 4. oriturus suis sol justitiæ, & Apoc. 22. 16. stella splendida & matutina appellatur, v. 28. Denique huic promissioni subjicitur hortatio ad attentionem, vers. 29. atque ita caput secundum concluditur.

## CONSECTARIA.

*Ex Epistola Prima, quæ scripta ad Ephesinam Ecclesiam.*

I. **C**hristus in medio Ecclesiæ præsens est, ejusque opera novit ac curat: quare tanquam Deus noster & rex reverendus est, & coram eò sanctè vivendum, v. 1. & 2.

II. Ecclesiæ virtutes citra adulationem interdum candidè laudari possunt ac debent; ut in laudato officio fortius progrediatur.

III. Pastorum & Ecclesiæ est piè probeque vivere, ac crucem tolerare.

IV. Mali ac scelerati, doctrinâ aut vitâ, in Ecclesia ferendi non sunt; sed pro virili segregandi, ne bonis noceant.

V. Sed in disciplina Ecclesiastica vigere debet non solum zelus, sed etiam charitas & ordo: ut judicio præluceat ac præeat examen, & experientia, qua convincantur, ne medicina salutaris abeat in venenum.

VI. Cum etiam Apostolorum temporibus nonnulli fuerint, qui se Apostolos mendacio jactabant: non est cur his temporibus, falsorum doctorum scandalo, ab Ecclesia resiliamus; aut faciliè fidem iis adhibeamus, sed patientia, & prudenti examine malo occurrendum, v. 2.

VII. Assertores veritatis persecutioni obnoxii sunt.

VIII. In persecutione ferenda requiritur non solum laboris & pœnæ tolerantia, sed etiam causa justa, ut propter Christum feramus (quemadmodum etiam, 1. Petr. 2. docetur) & constantia, ne defatigemur, vers. 3.

IX. Fidelis pastoris est, non solum Ecclesiam, ob veras virtutes, laudare candidè; sed etiam Christi exemplo, vitia simul ac serio arguere, ne laude ad superbiam abutatur: sed utrimque ad pietatem acuatur.

X. Charitatis zelus in Ecclesia paulatim deferere solet, vers. 4.

XI. Reprehensioni prudenter & utiliter hortatio, tanquam patefacto vulnere, medicina adjicitur.

XII. In peccatoribus, ad veram conversionem requiritur memoria lapsus, & resipiscencia, ejusque opera.

XIII. Ut Christus peccata Ecclesiæ diu ac patienter perfert: ita nisi repiscat, subito & inopinatè adfuturus est ultor.

XIV. Cum Christus jam diu Ecclesiam Ephesinam reliquasque Asiæ punierit: sollicitè ac piè vivendum est, ne nobis idem eveniat.

XV. Cum facta Nicolaitarum, Ecclesiæ Ephesinæ & Christo fuerint justè exosa: similiter Henrico-Nicolaitarum & Libertinorum facta impura, ex impuris dogmatis orta, detestari nos decet: ideoque viderint quomodo Christo satisfacturi sint, qui iis favent ac foveant, v. 6.

XVI. Non omnes habent aures idoneas ad eam percipiendam ac probandam quæ de Christo dicuntur: ideoque orandus est Deus, ut nobis aures magis magisque aperiat.

XVII. Sic adversus nominis Christi hostes certandum est, ut victores evadamus: & certaminis difficultas ac molestia gravis, eventus præmii vitæ æternæ consideratione devoranda, v. 7.

*Ex secunda Epistola,**Ad Smyrnearum Ecclesiam.*

I. **C**um Christus Servator noster & vindex, opera & afflictiones Ecclesiæ norit, illius ope freti, patienter crux ferenda est.

II. Paupertas religionis nomine, divitiarum spiritualium consideratione mitiganda est.

III. Ecclesiæ & fœderatorum Dei titulis falsò gloriari, non novum, sed antiquum est: ac propterea non est, cur iis magnopere moveamur, si idem à Pontificiis contingat, qui Ecclesiæ & Catholicorum nomine sese efferunt ac jactant.

IV. Ecclesia blasphemiarum adversariorum, inde à priscis Apostolorum temporibus obnoxia est.

V. Extra Ecclesiam est Synagoga Satanæ, vers. 9.

VI. Metus perpeffionum imminentium Christi amore & timore frændus est.

VII. Tyranni sunt Diaboli mancipia, cujus ductu in Ecclesiam Dei sæviunt:

VIII. Cum crux fidelium, eorum explorationi, & probationi fidei inserviat; ac deinde, & brevis sit, & salutaris: illius imminentis metus, horum consideratione, tollendus est fortiter, & præsentis sensus ferendus constanter.

IX. Non solum cœpto opus est, in pietatis studio ac stadio, sed etiam perseverantia ad finem vitæ.

X. Si corona vitæ, fidei ad mortem, à Christo promissa, ocquis locus est purgatorio fictitio, ubi cum longè acerbissimo incendio certandum defunctis animis confingunt, v. 10.

XI. Liberatio à morte secunda, ad mortem corporis pro Christo subeundam, armare & animare nos debet, v. 11.

*Ex tertia Epistola;**Ad Pergamensem Ecclesiam.*

I. **U**bi impura doctrina & vita dominantur, ibi habitat Satanæ.

II. Fides in adversis est servanda: quique eam sanguine obsignant, meritò laude digni sunt, v. 13.

III. Neglectum disciplinæ Ecclesiasticæ in falsos Doctores Christus odit ac punit, v. 14. 15. 16.

IV. Sortatio spiritualis & corporalis faciliè concurrunt, v. 14. & 15.

V. Mundi voluptatibus & honoribus non est invidendum: sed manna absconditum & calculus albus novumque nomen Christianis promissa, iis præferenda sunt, v. 17.

*Ex Epistola quarta,**Ad Thyatirensensem Ecclesiam.*

I. **P**iorum laus est in pietate & charitate, præsertim erga fideles minimè deficere, sed proficere indes, v. 19.

II. Ut Christus ad lenitatis & justitiæ suæ patefactionem non statim punivit: ira neque illius servis statim urendum, secundum: sed falsis Doctoribus tempus ad resipiscendum concedi oportet.

III. Docere in Ecclesia, mulierem omnino dedecet, vers. 20.

IV. Falsos doctores eorumque affectas Christus puniet: ac propterea commercium eorum, piè & prudenter, fugiendum est, v. 22. 23. 24.

V. Cum Christus sit scrutator cordium & judex justus: sollicitè ac sanctè coram eo vivendum est, v. 23.

VI. Falsorum Doctorum est, suos errores speciosis profundæ scientiæ ac similibus titulis fucare: ac propterea ne decipiamur, Thyatirensium exemplo, vitandi sunt, v. 24.

VII. Doctrina à Christo semel tradita solummodo tenenda est: ideoque à traditionum aliarum fermento abstinendum, v. 25.

VIII. Cum Christi mandatorum observationem consequatur triumphus cœlestis de omnibus adversariis, & plena Christi in vita æterna fruitio: idcirco pietas constanter colenda, vers. 26. & 27.

## COROLLARIUM

## de Nicolaitis.

**Q**uoniam Apoc. 2. 6. & 15. damnata est à Christo Nicolaitarum doctrina, quæ Ephesinam & Pergamensem Ecclesiam potissimum infestabat; idcirco pauca, ad plenior-



rem intelligentiam, de Nicolaitarum auctore & dogmate, ex veterum Theologorum monumentis exponenda sunt. Ac primum quidem illud extra controversiam est ex vocis Etymo, Nicolaitas à Nicolao appellatus: eum autem fuisse profelytum illum Antiochenum, Ecclesiæ Apostolicæ Diaconum, de quo Act. 6. 5. veteres Scriptores uno consensu tradunt: sed in causa nominis variant. Alii enim verè, alii falsò ab eo nominatos Nicolaitas asserunt. Ac verè quidè, quod Nicolaus ille, hæresis eorum fuerit auctor, ut sentit Irenæus advers. hæreses lib. 1. c. 27. & Tertull. de præscriptionibus, & Hilarius in Matth. c. 25. & Hieronymus epistola prima ad Ctesiphontem, & 48. contra Luciferianos; denique Epiph. hæres. 25. qui etiam occasionem hæreseos illius hanc tradit, quod Nicolaus, cum haberet uxorem formosam, & ab ipsa se continuisset, ad imitationem eorum, quos Deo addictos videbat, atque aliquotenus tolerarit, non tamen in finem suæ intemperantiæ dominari potuerit, sed volens velut canis ad proprium vomitum reverti, prætextus quosdam non ita bonos sibi ipsi venans, excoGITabat, ad proprii affectus petulantię defensionem, ea quę magis ipsi conferebant: deinde igitur à proposito elapsus, cum propria uxore rem habuisse minimè curiosè: postea verò erubescens se victum esse & veritatem deprehendi, audebat dicere, nisi quis singulis diebus venerem exerceret, non posset particeps fieri vitę æternę, &c. Epiphanium sequitur Philastrius & Damascenus. Contrà verò alii prisca Theologi tradunt, falsò ac sine culpa Nicolai quosdam homines impuros, ab eo sese denominasse Nicolaitas, ut hæreticorum more, honesto nomine, suas fordes velarent. Sic Ignatius epistola ad Trallianos & Philadelphos inquit, *qui falso nomine Nicolaitæ dicuntur*. Et si, ut obiter hoc dicam, epistolę quę extant Ignatii nomine, supposititię non temerè à multis eruditis Theologis censeantur. Deinde Clem. constitutionum lib. 6. cap. 8. *falsi*, inquit, *nominis Nicolaitæ*; quanquam hi (ut Ignatii) Clementis libri supposititii multis argumentis à viris doctioribus statuuntur. Veruntamen Clemens Alexandr. Stromat. lib. 3. idem narrat, & quidem occasionem arreptam ex facto, dictoque Nicolai. Quod cum formosam haberet conjugem, eique ab Apostollis exprobrata esset Zelotypia, in medium adducta muliere, permiserit, cui vellet, eam nubere. Ajunt enim, hanc actionem ei voci consentaneam, quę dicit, quod carne uti oporteat, ejusque factum & dictum absolute & inconsideratè sequentes, qui ejus hæresin sequuntur, impudenter effulseque fornicentur. Ego autem, inquit Clemens, *audio Nicolaum nulla unquam alia quàm ea, quę ei nupserat uxore, usum esse, & ex illius liberis filiam quoque consensuisse virginem; filium autem permansisse incorruptum. Quæ cum ita se habeant, vitii erat depulso atque expurgatio, in medium Apostolorum circumductio uxoris, cujus dicebatur laborare zelotypia: & continentia à voluptatibus (quæ magno studio parantur) docebat illud, uti carne, hoc est, exercere carnem. Neque enim ut existimo volebant convenienter Domini præcepto duobus Dominis servire, voluptati & Deo. Dicunt itaque Matthiam quoque sic docuisse: cum carne quidem pugnare, & ea uti (nihil ei impudicum largiendo ad voluptatem) augere autem animam per fidem & cognitionem*. Hæc Clemens. quæ ex eo repetit ac probat Euseb. Eccles. hist. lib. 3. c. 26. & Theodor. hæreticarum fabularum lib. 3. c. 1. & Aug. de hæresibus c. 5. Nicephorus verò Callistus narrat, nam histor. lib. 3. c. 15. Nicolaitarum auctorem Nicolaum diaconum fuisse ait: sed alios tamen abusos ejus dicto, ex Clemente ostendit. contra verò lib. 4. c. 2. Nicolaum recenset inter hereticos. Ex posterioribus etiam nonnulli dubiè loquuntur. Atque hæc veterum Theologorum de Nicolaitarum auctore, & hæreseos impurissimæ fonte, discrepantia judicia, quę posteri secuti sunt. Quidam enim, ut Centur. Magdeb. & Cæsar Baronius in analibus Ecclesiasticis Clementis sententiam probant: alii verò, ut Lambertus Danæus ad Augustin. de hæresibus, Epiphaniï narrationem longè probabiliorē arbitrantur. Verum de utriusque veritate fortasse non immeritò dubitari potest: neutrum enim, salvo peritiorum judicio, videtur verisimile. Nam ad Clementis narrationem quod atti-

net, quis jure credat Nicolaum, virum Ecclesiæ & Apostolis probatum & æstimatum, Spiritu Sancto plenum, Act. 6. 3. 5. 6. adeo impudenter insanivisse, adeoque Dei, sui, uxoris, & Apostolorum sanctitatis oblitum, ut objectam scilicet Zelotypiam, non aliter quàm uxorem coram Apostolis circumducendo, iisque prostituendo, studuerit diluere? Quibus accedit, quod posteriores multi Patres fidem huic narrationi non adhibuerunt: ut inde apparet, quod alia longè tradunt ac dissentanea. Neque Epiphaniï magis probabilis apparet historia: nam præterquam quod antiquiorum Patrum testimonio destituitur, & aliorum veterum Patrum recensione confutatur, plena est superstitione, quæ doctrinę Apostolorum & sanctitati Ecclesię Apostolicę minimè consentit. Nam primùm viguisse in Ecclesia Apostolica votum illud continentię; deinde Nicolaum jam conjugatum, nec sui juris, eam vovisse; denique reversum ad uxoris consuetudinem, ab Ecclesia petulantię convictum, divinis repugnat præceptis. 1. Cor. 7. v. 2. 3. 4. 5. 9. 10. Nec ullo modo videtur credibile, Nicolaum, etiam si stulto quodam & improvise impetu ac zelo, votum fecisset continentię, ab Ecclesia, quę rectius erat à Paulo instituta, fuisse reprehensum, aut etiam adeo fuisse imperitum, ut re diligentius perpensâ ignoraverit doctrinam Apostolicam, Ecclesię usum, suamque in voto concipiendo culpam, ut iis omittis, quo sese purgaret, omnem pudorem exuerit. Quamobrem utraq; de hæreseos occasione historia fabulosa videtur. Ac quamvis propter veterum consensum contendere nolim, non ausim tamen certò asserere, Nicolaum diaconum hæreseos illius auctorem: cum enim Judæ & Apostolatus, & proditio, Sacris Literis consignetur; putarem Nicolai nomen non solum in descriptione diaconorum, Act. 6. sed etiam in scriptis Apostolicis indicandum fuisse, si ita res fuisset gesta ad Ecclesię cautionem: quemadmodum Hymenæi & Alexandri, 1. Timoth. 2. 20. & Hymenæi & Phileti, 2. Timoth. 2. 17. & Alexandri, 2. Timoth. 4. 14. fit mentio. Neque magnoperè moveri debemus Irenæi & Tertulliani autoritate hac in re.

Nam aliarum hujusmodi vanarum traditionum historicarum, partim auctores sunt ex locis Sac. Scripturæ malè intellectis, partim Papæ ductu. Nam ut alia præteream, quemadmodum ex Judæorum verbis, Ioan. 8. v. 57. *quingenta annos nondum habes*, colligit ac tradit Irenæus, Christum vixisse plusquam annos quadraginta: ita forte ex loco Apocalypseos cap. 2. ubi Nicolaitarum fit mentio, à Nicolao diacono ortos constituit, aut ut traditionem similiter confictam credulus retulit: quemadmodum generalis & illustris est de hujusmodi credulitate Eusebii locus historiæ Ecclesiasticę lib. 3. c. 36. cum de Papia ait: *Et alia quædam idem commentator tanquam ex vera traditione ad se relata, & peregrinas quasdam Servatoris parabolas & doctrinas cum aliis nonnullis fabulosis adjicit. In quibus etiam milenarios quosdam annorum post resurrectionem mortuorum futuros dicit, in quibus regnum Christi in hac terra corporaliter consistere debeat. Quæ illum ex eo suspicatum esse puto, quod Apostolicas disputationes non rectè acceperit; nec quæ ab illis per hypodigmata dicta sunt, ritè considerarit, eo quod exiguo admodum esset judicio præditus, sicut ex ipsius libris indeciū capi poterit. Attamen quam plurimis post se Ecclesiasticis viris ejusdem erroris causam dedit, qui ad antiquitatem ejus respexerunt, utpote Irenæo, & si quis alius consimilia sensisse deprehenditur*. Hactenus Eusebius. An vero Nicolaitæ ab illo Nicolao, falsa aliqua arrepta occasione ex dicto illius aut facto denominati sint; an verò ab alio, incertum. Ad dogmata verò quod attinet, præterquam quod de Deo & Christo multa absurda finxisset ab Irenæo, aliisque Patribus dicatur, hoc certum est, insignes fuisse eorum errores duos, scortationis & communionis idolothytorum, Apoc. 2. v. 14. 15. 22. Idolothyta autem appellantur ea quæ immolata simulacris: quorum esus fuit duplex, unus religiosus, alter communis. Religiosus erat, qui fiebat ex religione falsa in sacrificiis idolorum & sacris atque Eucharisticis epulis, de quibus 1. Corinth. 10. v. 20. 21. *quæ immolant gentes, demoniis immolant, non Deo. Nolim autem*

*vos consortes dæmoniorum esse. Non potestis poculum Domini bibere & poculum dæmoniorum. Non potestis mensæ Domini participes fieri, & mensæ Dæmoniorum.* Communis verò idolothytorum esus erat in conviviis communibus; cum quæ idolis erant immolata, in macello venderentur, non religionis ullius sed usus communis gratia: aut quæ idolis essent immolata, in usum privatum & communem à gentilibus converterentur. Quorum prior esus, nempe religiosus, erat omnino & per se illicitus; de quo in epistola Apostolorum, Actor. 15. posterior verò communis licitus per se: sed interdum per accidens, conscientie imbecillis fratris præsentis ac monentis, illicitus, 1. Cor. 10. v. 23. 25. 27. 28. 29. Cæterum prior esus in Nicolaitis damnatur: ut Apoc. 2. 15. & 16. & ex collatione Balaami apparet. Sed hæc hæcenus.

## CAPUT TERTIUM.

**E**X septem Epistolis, ad Ecclesias Asiæ perscriptis, quatuor priores expositæ sunt, cap. 1. reliquæ verò tres ad Ecclesias, Sardoniam, Philadelphiensem, Laodicensem, hoc capite tertio continentur. Ac prima quidem *ἐκ τῶν ἑπτὰ* sex prioribus versibus: cujus præfatio à reliquis, objecto tantum differt, Ecclesia Sardium. Sardes autem fuit metropolis Lydiæ, de qua Herodotus. Exordium epistolæ, accommodatè ad scopum, authorem Christum describit, ex c. 1. v. 4. & 16. ex septem, quæ habet, cum spiritibus, tum stellis. Ac per septem stellas, Ecclesiarum pastores notari eleganti Metaphora, ex c. 1. v. 20. & c. 2. v. 1. perspicuum est. Quid autem septem Spiritus Dei significent, obscurius est nonnihil. Quidam enim ἐκ πνεύματων, seu eodem sensu, eosdem cum stellis putant: quemadmodum 1. Tim. 4. v. 1. & 1. Ioan. 4. v. 1. Ecclesiæ pastores ac doctores Metonymicè Spiritus vocantur, quod videlicet re ipsa, aut opinione, spiritu Dei sint præditi. Alii verò diversos statuunt. Sunt enim qui Angelos illos septem, judiciorum Dei in terrarum orbem missos ministros intelligunt, Apoc. 8. 2. quos eosdem putant cum septem spiritibus Dei, Apoc. 4. v. 5. & 5. 6. Sunt etiam qui Sp. Sanct. exponunt, ut c. 1. 5. quæ verisimilior sententia, ut ex iis, quæ ad illum locum annotavimus, apparet: Christus enim Spiritum Sanctum & universitatem donorum illius habere dicitur, non quidem simpliciter ratione humanæ naturæ, quatenus homo, & Spir. Sanctum accepit *sine mensura*, hoc est, Metaphoricè copiosè, Ioan. 3. 34. eo quod supra consortes unctus, Heb. c. 1. 9. nec ratione divinæ, quatenus ab æterno Sp. Sanctus ab ipso & Patre procedit: sed ratione *εισροπίας* divinæ, & officii ac status exaltationis in munere mediatorio: quod habeat à Patre potestatem Spir. Sanct. mittendi in universam terram, eoque Ecclesiam regendi, tanquam summus Rex & Propheta, Ioan. 7. 39. & 15. 26. & 16. 13. 14. & 20. v. 22. Actor. 2. 33. Eph. 2. 8. Huic descriptioni Christi additur tractatio doctrine, ac primum particularis, quæ iudicio & hortatione absolvitur. Iudicium est non laudis, sed vituperationis: quia hypocrisin arguit, & in Ecclesiæ administratione negligentiam: quod nomine esset vivus sed reverà mortuus. Vitam intelligit non corporis sed animæ, & quidem non naturalem propriè, quia ea est immortalis; sed improprie per Metaphoram, iustitiam, quæ instar vitæ est; quemadmodum contrà illius privatio, mortui similis. Sic autem mortui dicuntur bifariam: vel absolute ac simpliciter, infideles & non renati, Matth. 8. 22. *sine mortuos sepelire suos mortuos*, ubi elegans & acuta est antanaclasis seu ejusdem vocis primum improprie & Metaphoricè, deinde propriè acceptæ quasi refractio opposita, & Rom. 6. 13. Eph. 5. 14. sic peccata *opera mortua* vocantur, Heb. 6. v. 1. & 9. 14. vel relatè & secundum quid; ut fideles in officio communi pietatis, aut singulari administrationis, ipsis commissæ negligentes, & ita peccatis quibusdam magis, quàm virtutibus addicti: adeò ut relatè, ad debitum officium, & ad antecedentem pietatis zelum comparatè, non vivere sed mortui dicantur, quod sint quasi mortui, quod opera mortua emineant, ac pietas quasi scintilla sub cineribus pressa lateat, ut 1. Tim. 5. v. 6. *quæ laserit, ea*

*vivens mortua est.* Quomodo etiam carnales interdum relatè dicuntur, non in quibus caro penitus dominatur; sed qui peccatis quibusdam, sine actione resipiscentiæ detinentur: ut Corinthii 1. Cor. 3. v. 1. 3. sic hoc loco Angelus mortuus dicitur, v. 1. ut ex sequenti etiam hortatione apparet: nam ut somnus mortis imago est, sic sopitum vocat mortuum: ideoque utitur voce *evigila*; deinde ait, *reliqua moribunda*, ac propterea nondum mortua; nec ipse etiam, cujus relatione reliqua dicuntur; deniq; opera omnino non negat, sed tantum plena. Cæterum hortatio proponitur & confirmatur accuratè. Propositio est bimebris. Hortatur enim primò ad vigilantiam, utque è somno negligentiae & securitatis carnalis excitetur ac vigilet: quemadmodum decet pastorem fidum, Luc. 2. v. 8. & prudentem Patremfamilias, Matth. 24. v. 43. secundò ad curam Ecclesiæ, ac nominatim infirmorum: ut confirmet reliqua moribunda, hoc est, eos qui paulatim (nisi occurreretur) à pietate deficerent ac perirent.

Hujus autem hortationis necessitatem, primum anticipatione objectionis confirmat. Nam ne exciperet; Atqui ego officium facio, ut homines norunt: idcirco ait, *opera tua non sunt coram Deo*, (nimirum iusto iudice, Luc. 16. 15.) *completa*, hoc est sincera, v. 2. Deinde hortationem repetitione illustrat, & comminatione amplius confirmat. Hortatur enim, cum ad memoriam accepti verbi Dei, tum ad observationem & resipiscentiam. Id autem confirmat ab inobedientiæ contrariæ effecto noxio ac fugiendo, nempe consecutura eam poena, *Quod si*, inquit, *non vigilaveris, veniam adversus te*: Quod amplificat ab adjuncto tempore, & modo inopinato, *tanquam fur, neque intelliges quid hora veniam adversus te*, ut Matth. 24. 43. 44. & 1. Thel. 5. v. 2. 3. 2. Pet. 3. 10. Apoc. 16. 15. Sed hoc in loco, ut ante Apoc. 2. 5. & 16. non agit propriè de adventu personæ ad iudicium universale; sed improprie de adventu particulari, seu patefactione præsentis potentiae & iustitiæ in contumaces, vers. 3. Verum ne reprehensio (quæ videtur totam Ecclesiam notare) & comminatio sit acerbior, anticipatione quadam, & mitigatione occurrit ac medetur: exceptione quorundam, & promissione: exceptione, laudat quod *quædam habuerit nomina* (hoc est capita seu personas: Metaphorè, ab usu civili & militari, in subditorum nominibus adscribendis) Sardibus, seu in Ecclesia Sardoniam, *quæ non inquinant vestimenta sua*: quod variè exponunt. Quidam propriè, quod Nicolaitarum more, sese suasque vestes non impurabant libidinibus: ut Jud. v. 23. *odio habentes, vel eam tunicam, quæ à carnis contactu commaculata est*. Alii figuratè: idque vel ut tantum innocentiam notet, quod ut à malo, sic etiam ab externa mali specie (quæ vestibus adumbratur) abstinerint: vel ut simpliciter innocentiam & sanctitatis conservationem notet: nam ut Christus vestis est, quam induimus fide & baptismo: sic & sanctitas per regenerationem donata, est instar lotæ ac candidæ vestis, quæ nuditatem nostram tegat & nos exornet: quemadmodum in prisca Christianorum Ecclesia, ad ea denotanda, vestes veteres exuebantur ante baptismum, & novæ induebantur in baptismo. Laudantur igitur fideles quidam Sardiani, quod in religione ac pietate probè se & constanter gessissent: eoque continuata allegoria subjicitur promissio illis facta, *mecum incedent albis vestiti*. Id quod quidam ad gaudium referunt, Metaphora à conviviis priscorum hilaribus ducta, ut Eccles. 9. v. 8. *sint vestimenta tua candida*. Alii à Regum more, qui albis vestiri solerent, ductam similitudinem arbitrantur. Veruntamen geminus videtur esse sensus, ut à triumphis antiquis deducta Metaphora, gloriam coelestem notet, cujus albæ vestes signa statuuntur, ut Matth. 17. 2. Act. 1. v. 10. Apoc. 4. v. 4. ut sit sensus; *mecum triumphali veste induti, regnabunt in celis*. Nec enim quod nonnulli putant, de vestibus iustitiæ, sed gloriæ loquitur: quæ vestis priori succedit & accedit, ut Apoc. 7. v. 9. *stabant ante thronum, & in conspectu agni, amicti stolis albis & palmæ in manibus ipsorum*, nempe erant; & cap. 19. v. 14. Exercitus coelestes describuntur equis albis, vestiti bysso alba & pura. Porro hæc promissio hac ratione stabilitur, quod *ἀξιον* digni

*digni* sunt : puta non per se aut ullo merito ( nam contrarium, Rom. 8. v. 18. asseritur ) sed per accidens gratuitæ promissionis, qua officium facientibus hoc præmium gratis additum, propter Christum competit, 1. Timoth. cap. 2. vers. 12. Hæc de vers. 4. Quomodo doctrinam particularem, Sardonianis propriam, absolvit, & deinde valde opportunè universalem ac communem quibusvis fidelibus subjicit : quæ promissionem habet, & attentionis mandatum. Ac promissionis quidem objectum est victor, hoc est, qui in fide & sanctitate vitam finierit, carne, mundo, & principe illius Satana, superatis. Res verò promissa per aphæresin & thesin tractatur, v. 5. Aphæresis est : *non delebo nomen ejus ex libro vitæ*, hoc est non expungā eum ex cœlestium civium catalogo, neque excludam à possessione civitatis cœlestis, ut improbis eveniet Matth. 7. vers. 23. & 10. 33. & 25. 41. Thesis verò est confessio Christi, quā coram Patre & Angelis ipsius pro suis agnoscit, ut Mat. 10. v. 33. & 25. 34. 35. Mandatum verò est v. 6. quod epistola quinta concluditur : ac sexta deinde adjicitur, ad Ecclesiam Philadelphensem, ut præfatio ostendit. Cum autem Philadelphia, una fuerit Ægypti, altera Syriæ, tertia Mysiæ, aut ut aliis placet Lydiæ; postrema quæ minoris Asiæ est, intelligitur ( cum ad Ecclesias Asiaticas scribat Apostolus ) in qua, Ecclesia fuit insignis. Est autem hujus epistolæ scopus, confirmatio in officio fidei ac pietatis: quo etiam exordium dirigitur, continens Christi authoris epistolæ descriptionem ab officio triplici, sacerdotali, prophetico & regio. Ac primum sacerdotale innuitur adjuncta conditione sanctitatis. *Talis enim nobis conveniebat Sacerdos, sanctus, innocens, impollutus, segregatus à peccatoribus*, Hebr. 7. v. 26. Sanctus enim est sanctitate perfectus; cum innata naturæ ( unde ob conceptionem è Spiritu S. Sanctus dicitur, Luc. 1. v. 35. ) tum enata vitæ, seu actionum omnium cum animæ, tum corporis, cum lege Dei ad amissum consentanea perfectio; ac propterea à summo sacerdote Veteris Testamenti fuit adumbratus, cujus frontis, ut in Exodo docetur, typicè nomen præpositum fuit, *sanctus Dominus*, ad Israelitas sanctificandos: id quod Christo verè convenit typorum archetypo : quemadmodum Daniel. 9. v. 24. dicitur *ungetur sanctus sanctorum*: qui sanctus omnino, nosque sanctificans ut spirituales Israelitas; unde sanctificatio nostra dicitur, 1. Cor. 1. v. 30. Propheticum deinde munus indicatur similiter adjuncto veritatis, Ioan. 8. v. 40. & 14. 6. & 18. 37. Regium denique additur & explicatur, cum habere dicitur clavem Davidis; quod aperiat & nemo claudat, & claudat, nemoque aperiat, hoc est quod habeat potestatem omnem gubernationis Ecclesiæ, recipiendi aut excludendi, ratione ecclesiæ, cum militantis in terris, tum triumphantis in celis; Metaphora ab usu humano deducta; ut etiam suo modo Esai. 22. v. 22. de Eliakimo dicitur : *penam clavem domus David super humerum ejus; aperiet & nemo claudet, claudet & nemo aperiet*. sed differentia est, quod hic fuerit servus in externo regno; Christus Dominus summus à Patre constitutus in Ecclesia, & quæ Deus creator, & quæ redemptor: ut Mat. 11. 27. & 28. 18. 19. & Luc. 1. 33. Angelus Mariæ dicit: *dabit illi Dominus sedem David Patris ipsius, regnabitque super domum David in æternum*. Atque huc pertinet Matth. 16. v. 19. & 18. 18. & Ioann. 20. v. 23. & 21. 25. Hæc de exordio, v. 7.

Tractatio verò Epistolæ, primum habet iudicium laudis; quod initio generatim innuitur; *Novi opera tua*; quod præmii promissione inserta, speciali explicatione amplificatur & illustratur. Promissio autem est triplex : prima est ostii aperti conservatio, ne quis possit claudere. Per ostium autem Ecclesiæ propagationem vulgò intelligunt; quod multi illius prædicatione, ad Ecclesiam essent accessuri: ut 1. Corinth. 16. vers. 9. *permanebo Ephesi; ostium enim mihi apertum est magnum*, videlicet per quod multi, me prædicante, in Ecclesiam intrabunt; & 2. Corinth. 2. v. 12. *Cum venissem Troadem propter Evangelium Dei, & ostium mihi apertum esset Domino*. Sed tamen si quis accuratè consideret, in propositis hisce locis, ostium Metaphoricè notat commoditatem prædicandi Evangelii: quod recepturi

multi essent, non autem exclusuri, Pauli prædicationem. Atque ita hoc loco accipi potest, convenienter promissioni, vers. 9. Sed, ut arbitror, aptius est, ut ex antecedenti, per ostium apertum intelligamus conservationem in Ecclesia & via salutis, de qua re Ioan. 10. v. 28. & 1. Pet. 1. 5. à qua Satanas & illius ministri studebant excludere, partim falsâ doctrinâ ac dolo, partim vi ac persecutione, sollicitando ad defectionem à sermone Christi, & ad abnegationem nominis illius. Cum autem habenti detur, Matth. 13. v. 12. & donis Dei rectè utenti, ea conserventur atque augentur divinitus: idcirco hanc promissionem, expositione laudis & officii specialis ac bimestris confirmat: tribuit enim Angelo, primum obedientiam erga sermonem seu Evangelium Christi: quæ in fide, per charitatem operante consistit, Galat. 5. versu 6. 1. Ioann. 3. v. 23 deinde constantem confessionem veritatis; quam per aphæresin indicat, ad periculi indicium, & constantiæ laudem. Quæ etiam amplificat, ex adjuncto imbecillitas; *parvam habes vim divinarum, & servasti sermonem meum*: hoc est, quamvis exiguis sis viribus externis, humanisque amicorum potentum subsidiis minimè suffultus, constanter tamen perstitisti in officio. Nam quod nonnulli insignes interpretes *divinarum*, de internis viribus exponunt: ut quasi ratio prima adferatur, cur Christus sit ostium aperturus, quod videlicet hic Episcopus propter imbecillitatem opus haberet Christi auxilio; illud à scopo proposito aberrare, res ipsa ostendit, v. 8. Porro priori promissioni, de ostii apertura constanti, additur altera de Iudæis quibusdam Evangelii hostibus victoria, per conversionem eorum. Quæ proponitur primum generatim, *Ecce ad, nimirum tibi, aliquos ex Synagoga Satanae, eorum videlicet, qui se dicunt Iudæos esse, nempe genuinos coram Deo, & non sunt, sed mentiuntur*, ut c. 2. 9. deinde speciatim: *Ecce, inquit, faciam ut adorent ante pedes tuos, & sciant quod ego dilexi te*. Cum autem adoratio ac prostratio in terram, alia sit religioni propria, quæ religiosa dicitur: alia communis ac civilis, & quidem vel propria, vel Metaphorica; hæc postrema intelligitur. Quemadmodum enim victi, ad victorum, quos oppugnant, pedes se prosternere solent, ut culpæ suæ pœnitentiam testentur, veniam precentur, atque officium in posterum polliceantur; ita per Metaphoram à victis huiusmodi deductam, conversio quorundam Iudæorum designatur. Cum autem alia sit vi extorta ac fucata: alia verò ex agnitione culpæ libera ac seria: idcirco distinctionis gratiâ, causa conversionis additur, *& sciant, inquit, quod ego dilexi te*, hoc est te mihi carum, eoque vera religione ac pietate præditum, contra quàm antea, zelo quodam imperito laborantes, Rom. 10. 2. putarant, Ioan. 16. 2. Hæc de v. 9. & promissione secunda. Tertia denique, tertium beneficium, nempe officii præmium complectitur, præmissa officii antecedentis expositione. Officium est quod Episcopus servavit sermonem tolerantiae Christi; hoc est Evangelium, quo tolerantiam præcipit, Mat. 10. 22. & 16. 24. Quali etiam phrasi opera Christi, ab eo præcepta ipsique debita dicta sunt, c. 2. 26. Præmium verò, est mutua servatio, sed alterius modi: conservatio videlicet adversus imminentem tentationem. Quam ad beneficii illustrationem & amplificationem describit, partim à magnitudine, quod in orbem universum ventura esset, hoc est orbem Romani imperii Synecdochicè: partim à fine, scilicet tentatione ( unde etiam tentatio hic & alibi vocatur, Iacob. 1. v. 2. 3. ) *ad tentandos* inquit, hoc est explorandos in religione & constantia illius incolæ terræ, hoc est Synecdochicè Christianos per orbem dispersos. Quod non de Domitiani (quam patiebatur Ioannes, brevique erat defutura) sed de secuta, per Traiani Tyrannidem, persecutione Ecclesiæ intelligendum, rectè interpretes monuerunt: qua factum est, ut multa Christianorum millia, religionis odio trucidata sint indies; quemadmodum Plinius in epistolis lib. 10. circa finem, & Tertullianus apologetico, & Eusebius lib. 3. cap. 30. & 32. ostendunt. Hæc de v. 10. & iudicio laudis Episcopi atque Ecclesiæ Philadelphensis. Hortatio verò sequitur: quæ propositione, & confirmatione explicatur. Propositio officium notat, *Tene quod habes*, hoc est Evangelium meum tibi traditum

traditum serva, vera ac constanti, fidei, charitatis ac tolerantie obedientia. Confirmatio officii rationem duplicem notat, prima est adventus Christi subitus ad puniendos fontes: ut c. 2. 5. 16. & 3. 3. altera est à periculo, ut *nemo accipiat coronam suam*, hoc est vitam eternam. Metaphora ac similitudine quadam à priscis certaminibus petita; quæ de re valde illustres sunt loci, 1. Cor. 9. 25. & 2. Tim. 4. 7. 8. 1. Pet. 4. 5. Hæc de v. 11. Quo absolvitur doctrina propria Episcopo & Ecclesiæ Philadelphienfi. Communis verò promissionem, & mandatum etiam continet. Ac promissionis quidem objectum, cui ea facta est, est victor. Res vero promissa, est gloria cœlestis gemina. Prima est; *efficiam ut sit columna in templo Dei mei*: hoc est, in Ecclesia triumphante in cœlis, ut emineat instar columnæ, non quæ suffulciat reliquos (ut Gal. 2. v. 9. de primariis Apostolis dicitur: nam in cœlo hoc non requiritur) sed tantum ornamento sit: quales columnæ quasi typicæ, in vestibulo templi Salomonis 1. Reg. 7. v. 5. & 21. describuntur. Quæ gloria, beneficii perpetua continuatione amplificatur, *nec foras egredietur amplius*, hoc est, ab eo tempore. Nam *non amplius*, ut plerumque excluso futuro, includit tempus præteritum: sic interdum tantum ad futurum refertur, ut Ier. 22. 11. *Hæc dicit Dominus ad Sellum filium Josæ, qui egressus est de loco illo, non revertetur huc amplius, sed in loco ad quem transfuleum, ibi morietur*, hoc est omnino ab eo tempore non revertetur: nunquam enim prius Sellum captivus extra Iudeam exierat. Similis locus in Apocrypho Tobie. cap. 3. v. 10. ubi de Sara virgine dicitur *amplius ex te non videamus filium*: id est nunquam; & Act. cap. 13. v. 34. de Christo nunquam corrupto dicitur, non reverfurum amplius in corruptionem.

Quare quod quidam hunc locum ad præsentem vitam, quæ mutationi est obnoxia, accommodant, habitâ hujus vocis significatione primâ, ut sit promissio perseverantiæ, non parum hallucinantur: quia victori, hoc est, ad mortem constanti, hæc gloriæ primæ promissio tantum competit ac tribuitur. Altera verò promissa gloria, nominis in eo inscriptio est; quæ proprietatem inscripti notat, & ex eo ortam subjecti præstantiam. Similitudo autem deducta est ab usu civili antiquo, in quo possessores, suis bonis sua inscribent nomina: ut ea ab alienis distinguerent, & eo modo ab injuria tutarentur: quemadmodum etiam statuis, quæ consecratæ erant gentium Diis, eorum nomina inscripta præferebant; quemadmodum etiam monumenta honoris ab ambitiosis hominibus erecta, ut Absolomi, 2. Samuel. 28. 18. *Erexerat sibi, inquit, cum adhuc viveret titulum, qui est in valle regis. Dixerat enim, non habeo filium, & hoc erit monumentum nominis mei, vocavitque titulum nomine suo & appellavit Manus Absolomi*. Deinde nomen inscriptum, triplex hoc in loco recensetur. Primum Dei Patris: quem Christus Deum suum vocat secundum quid, ratione humanæ naturæ, sic enim à Deo factus est, cum ut esset homo, tum ut esset mediator Dei & hominum: quo etiam sensu locutus est, Ioan. 10. v. 17. *Ascendo ad Patrem meum & Patrem vestrum, ad Deum meum, & Deum vestrum*. Talis autem inscriptio depingitur, Apoc. 14. 1. Alterum nomen, est civitatis Dei, hoc est, Ecclesiæ; quæ communio civium Dei sub uno rege Deo & Christo. Cœterum hoc nomen inscribitur bifariam: Primum in his terris, cum per Spiritum Sanctum internè, conscientiarum nostrarum tabulis quasi inscribitur & obsignatur nos esse Dei filios, Rom. 8. 16. partim cum exterius tales à fidelibus agnoscuntur ac nominantur. Qua de re locus elegans, Esai. 60. 14. *Et venient ad te filii eorum, qui humiliaverunt te, & adorabunt vestigia pedum tuorum, omnes qui detrahebant tibi, & vocabunt te civitatem Domini Sion Sancti Israel*: quod ad illustrationem vers. 9. pertinet. Deinde in cœlo, cum verè fideles iudicio ultimo ad dextram Christi segregati, benedicti Patris coram toto mundo nominabuntur & innotescant gloriosè, Mat. 25. 1. Ioa. 3. 2. Atque hac ratione dicitur Christus inscripturus nomen civitatis Dei sui. Quæ appellatio illustratur descriptione, cum additur *novæ Ierusalem*; quia vetus typicè Christi Ecclesiam adumbravit, Gal. 4. 25. 26. Ideoque distinctè origo additur, quod de-

scenderit de cœlo: quia origo Ecclesiæ militantis & triumphantis est à Deo: eoque sensu de cœlo esse dicitur: ut & baptismus Ioannis, Matth. 21. vers. 25. de cœlo, hoc est à Deo. Tertium nomen est Christi novum nomen. Quod quidam intelligunt figuratè, ut gloriam notet, ex epistola ad Phil. 2. 9. id est, mecum regnabit. Alii contra propriè, & quidem convenientius antecedenti nominis significationi accipiunt: ac quidam Filii Dei; alii Christi nomen: nonnulli nomen Iesu: sed quid si potius Rex regum, Dominus Dominorum intelligatur? quale nomen Christo glorioso inscriptum statuitur, Apoc. 19. 16. Hoc certum est interim, hac nominis Dei, civitatis Dei, & Christi inscriptione, designari Dei gratiam, & futuram Episcopi gloriam: quod Deus Pater, eum agiturus sit in regno cœlesti pro suo fœderato ac filio; & Ecclesia triumphans, quæ civitas Dei, pro suo cive: Christus denique, pro Christiano & membro suo, v. 12. Atque huic promissioni additur mandatum attentionis, v. 13. Atque hoc modo finitur Epistola sexta. Septima verò & ultima est ad Ecclesiam Laodicæ; quæ Laodicæa urbs quidem est, sed cum plures fuerint ejusdem nominis, in Lydia, Syria, Lycaonia, Media, Caria, quænam intelligatur, anceps est. Veruntamen, quoniam Ioannes, Apoc. 1. 4. Ecclesiis Asiæ scribit, idcirco quidam primam, alii ultimam intelligunt, de qua Plinius, lib. 5. c. 29. quæ imposita flumini Lyco. Hæc autem Epistola est *ἡ τριτοῦ ἁγίου* ad vitæ correctionem instituta. Exordium autem ad eum scopum, & media, egregiè pertinet, & Christi authoris Epistolæ descriptionem, ex cap. 1. 5. & 8. duobus hisce, veritate, & potentia in mundi creatione exhibita, completur. Veritas autem indicatur voce Amen. Quæ Hebræa est, ac plerumque adjectivè verum notat: interdum substantivè veritatem, ut Esa. 65. 26. *Iurabit in Deo Amen*, id est, veritatis, hoc est vero, ut Hebræa constructio regiminis demonstrat. Sic Ioa. 14. v. 6. Christus se veracem demonstrat, cum ait, *Ego sum via, veritas & vita*. Idque explicatur, cum additur hoc in loco, *testis ille fidelis & verax*, ut Apoc. 1. 5. quod ad propheticum illius munus pertinet: quo non solum verbis suis, sed etiam sanguine suo veritati divinæ Testimonium perhibuit, Ioa. 18. 37. & 1. Tim. 6. 13. ideoque verissimus Martyr. Potentia verò in mundi creatione exhibita, (quæ ad divinam naturam pertinet) indicatur, cum vocat *ἀρχὴν principium creaturæ Dei*. Quod Ariani avidè olim arripuerunt, ut inde persuaderent, primam ac meram esse creaturam, per quam formata deinde sint reliquæ: ac propterea non esse verum & æternum cum Patre Deum, ut Orthodoxi statuunt. Veruntamen solutio esse potest duplex; primum negatione consequentiæ. Etsi enim diceretur, filium Dei esse primam creaturam, ut Ariani contendunt: illud non simpliciter de ipso, sed secundum quid, hoc est, humanam ipsius naturam esset intelligendum: & quidem non in creatione prima ac propria, sed in secunda ac metaphorica seu regeneratione: quatenus novi mundi principium, & secundus Adam, Rom. 5. vers. 14. & 1. Cor. 5. v. 45. in quo sumus nova creatura, 2. Cor. 5. 17. Deique opus, & creati in Christo Jesu ad bona opera, Eph. 2. 10. Ac propterea ea ratione inde nullo modo concludi posset adversus Filii Deitatem. Altera verò responsio est negatione antecedentis falsæ hypothese, quam sua interpretatione statuunt: quasi *ἀρχὴν principium*, hoc est primam rei alicujus partem notare deberet, aut necesse esset saltem hoc loco ita accipi. Contra enim *ἀρχὴν* trifariam quoque usurpatur. Ac primò causam interdum notat: ut de vocis *ἀρχὴν* significationibus Aristoteles Metaphysicor. lib. 4. cap. 1. inter alia sic ait: *πάντα γὰρ τὰ αἴτια, ἀρχαί. πᾶσαν μὲν δὲ κοινὴν ἀρχὴν, τὴν πρῶτην εἶναι, ὅθεν ἡ ἐστὶν, ἡ γίνεσθαι, ἡ γινώσκεισθαι* supple *πᾶσα μὲν. τῶν δὲ αἰτίων ἐνδεσχυμένων αἰτιῶν, αἱ δὲ, ἐστὶς*. Sic Ecclesiastici c. 37. 20. *ἀρχὴ πάντων ἐστὶν ἁβὴς*, hoc est, *principium omnis operis oratio*; ut quidem interpretantur, quamvis forte aptius esset ratio seu consilium, ut idem sequentibus illustratur. Atque ita Christus ut dicitur principium & finis, Apoc. 1. v. 8. & 21. 6. & 22. 13. quia æternus est Deus: sic etiam principium, h. e. causa efficiens omnis creaturæ est: ut de Deo dicitur, Rom. 11. 36. *ex eo, per eum, & in eum sunt omnia*, & de Christo similiter, Col. 1. v. 16. *qua si-*



gnificatione observata, egregiè quadrabit. Secundo ἀρχὴ notat interdum Metaphoricè principatum ac dominatum; ut Arist. Metaph. 4. cap. 1. docet, & LXX. interpretes, Gen. 1. v. 16. pro Hebræa voce שָׁמַיִם, hoc est, dominio, usurparunt. Vnde tertio per Metonymiam adjuncti pro suo subiecto vox ἀρχὴ, ἡ ἀρχὴ, id est, principem notat; atque hinc ἀρχαὶ ἡ ἐξουσία vocantur Angeli, Ephes. 3. 10. & Col. 1. 16. & magistratus, Tit. 3. 1. Atqui hoc modo voce ἀρχὴ accepta, optimè convenit cum antecedente c. 1. v. 5. ubi Christus vocatur ὁ ἀρχὸν princeps regum terræ. Nam Christum non dici propriè principium creaturæ, quasi esset prima creatura, demonstrat etiam, Ioan. c. 1. v. 1. cum de verbo ait: *in principio erat λόγος*, non autem creatus est λόγος: & erat Deus, & 1. Ioan. 1. v. 1. *quod erat à principio*, & c. 5. 20. de Jesu Christo: *hic est verus Deus & vita æterna*: denique res ipsa hoc evincit, nam Deus verus solus est creator, Esa. 44. v. 24. Christus autem, ut Ariani etiam profitentur, est creator: ac propterea verus est Deus, qui Melchisedeco adumbratus, Heb. 7. vers. 3. *nec principium dierum nec vitæ finem habet*. Atque hæc de v. 14. quo exordium continetur. Tractatio verò Epistolæ in doctrina particulari, ante hortationem, iudicium vituperationis, præmittit; quo, mala opera notat, non solum generatim, cum ait, *novi opera tua*; sed etiam speciatim. Arguit enim primum teporem, hoc est, Metaphoricè supinam in officio, negligentiam, & zeli gloriæ Dei atque pietatis remissionem insignem. Idque amplificat, partim comparatione minorum, *utimam frigidus esses, aut fervidus*. Quod quidem intelligendum est, non absolutè; sed ratione conditionis tacitæ, nempe nisi resipueris; quoniam officii conscientia, neglectum illius & pœnam graviolem reddit, Luc. 12. vers. 47. 48. partim quoque amplificat teporem illum comminatione pœnæ, continuata eleganter allegoria. Quemadmodum enim Medici haustu repentis aquæ, vomitum excitare solent: Ita Christus rejectionem ex Ecclesia indicat, cum ait, *futurum est, ut evomam te ex ore meo*. Quod etiam non absolutè, sed cum exceptione resipiscentiæ, hoc est, nisi resipiscat, intelligendum, vers. 16. quemadmodum sequentia illud etiam ostendunt. Alterum deinde quod arguit, est arrogantia gemina: prima quidem, quod adscriberet sibi divitias, nempe spirituales, hoc est, copiosam sapientiam & iustitiam: secunda vero quod iis fidens opem fastidiret alterius: idque illustratur à causa efficiente, ignorantia miseræ suæ; quod nesciret se esse ærumnosum, ideoque miserabilem. Idque inductione declarat, servata allegoria; quod pauper esset, hoc est, bonorum spiritualium inops; cæcus, sapientia spiritali bona parte destitutus: nec enim absolutè hæc dici ex sequentibus constat; sed per Synecdochen à potiori parte: denique nudus iustitiâ, v. 17. Quæ gravis vituperatio est: cui hortatio apponitur gemina, tanquam conveniens superioribus vitiis, & miseræ medela. Nam primum contra arrogantiam, hortatur ad humilitatem & fidem; primum ut (ad curandam paupertatem) emat à Christo aurum igne exploratum, ut dives fiat. *Emerere* autem hîc, pro oblatum acquirere, accipitur. Nec intelligitur de iustitia, hominum merito comparanda, tanquam pretio; sed fide, qua divitias Christi, Evangelio oblatas ac donatas, percipimus, ut Esa. 55. *Emere sine argento*: deinde ut (ad tegendam nuditatem) vestimenta alba redimat; quæ innocentiam & novæ vitæ obedientiam notant; denique (ut oculis cæcutientibus succurratur ac cernat) ut collyrio inungat oculos suos; hoc est, Evangelii lectione, & Spiritu Sancto precibus obtento, vera sapientia oculi mentis illustrentur, Eph. 1. 17. 18. Hæc de v. 18. Altera verò hortatio, primo vitio, nempe tepori opposita, proponitur & confirmatur. Propositum est *ferve ac resipisce*; quo fervore, ardens Dei gloriæ & pietatis studium designat. Confirmatio petita est, ex regimine Christi in Ecclesia, & amore illius erga fideles. Cujus effectum geminum proponitur; primum, quod quos amat, hoc est suos fideles atque oves errantes infirmitate, arguat, seu verbis increpet: secundò; quod improbitate non obediētes, castiget, ne pereant. Ideoque hisce de causis resipiscendum, quando quidem ex amore arguit,

& ut castigationem iustam illius evadamus, necessarium, v. 19. Primam autem rationem illustrat & amplificat: quia primum docet, quo modo arguat; deinde obtemperanti promittit præmium. Arguit autem, *stando ad ostium & pulsando*, hoc est, quos amat fideles, eos errantes officii serio monet. Promissio verò est, quod aperiēti, hoc est, resipiscēti & Christi voluntatem præstanti, pollicetur sui communionem in gloria cœlesti: quam allegoria cœnæ indicat, ut Luc. 13. 29. Atque hæc de doctrina particulari, v. 20. Universalis verò constat promissione, & mandato attentionis. Illa est, v. 21. qua victori promittitur communio regni cum Christo: ut 2. Tim. 2. 12. Mandatum, v. 22.

## COROLLARIUM PRIMUM

## De Libro Vitæ.

Quoniam in huius capitis tertii explicatione brevius ea perstrinximus, quæ ad deletionem à libro vitæ, vers. 5. & ostii apertionem, vers. 20. spectant; eaque pleniorē discussionem desiderant; idcirco in finem capitis distulimus, ac primum de libro vitæ è Sacris Literis differemus.

Ut autem ad rem ipsam, à generalioribus exorfi, accedamus; liber Dei alius est externus, ac visibilis, & à Deo, hominibus datus, qui propriè liber appellatur, quemadmodum Sacre Scripturæ libri, ut Esa. 34. v. 16. *querite ex libro Domini & legite*: alius est internus & invisibilis, scilicet in ipso Deo: qui sic vocatur non propriè, sed figuratè per metaphoram, similitudine ab hominibus deducta, ut enim illi libris utuntur, iisque acta aut agenda inscribunt, partim ad memoriæ suæ & aliorum subsidium, partim ad inviolatam ac perpetuam rei certitudinem: ita Dei sapientia & præscientia. Liber illius dicitur; quod omnia, ab æterno, certissimè & apertissimè ex decreti præfinitione, scientiæ suæ infinitate habeat definitè cognita, & quasi in libro exarata. Atque hic liber Dei unus quidem est reipsa: sed tamen, pro objectorum & graduum diversitate distinguitur: alius enim universalis est: alius particularis. Universalis liber, est præscientia universalis, quæ modo explicata est, quam propterea librum scientiæ & providentiæ vocant: in quo omnia quæcunque sunt, fuerunt, erunt, continentur: de quo agitur, Psalm. 139. v. 16. *& in libro tuo hæc omnia scripta sunt*: quo etiam pertinere videtur, Psalm. 56. v. 9. Particularis verò liber, est præscientia particularis: quæ distribuitur præcipuè in librum vitæ æternæ, & iudicii. Liber quidem iudicii (per similitudinem, ab usu forensi, quo, in librum, litigantium acta, & tententiæ Magistratus referuntur, derivatam) dicitur præscientia decreti à Deo iudicii: estque vel particularis iudicii: ut præscientia status Ecclesiæ ad finem mundi, liber vocatur, Apoc. 5. v. 1. alius liber est iudicii universalis: estque Dei præscientia, qua omnes creaturas rationales, seu Angelos & homines, eorumque cogitata, dicta, facta, (secundum quæ ultimo iudicio iudicandi sunt) perfectissimè cognoscit: de quo etiam libro agitur, Apoc. 20. vers. 12. *libri aperti sunt, & iudicati mortui ex iis, quæ scripta erant in libris, secundum opera ipsorum*. Quos libros aperiet, cum occulta hominum acta patefaciet, 1. Cor. 4. v. 5. Si quis autem objectet, quod cum non unus, sed plures libri dicantur; idcirco Dei præscientiæ simplici non convenient: consequentiam negamus: quia hæc præscientia non ratione sui, quasi esset multiplex, librorum nomine denotatur, sed ratione objectorum, & ad multitudinem actorum denotandam, pro captu nostro: quæ acta, quasi in plures codices relata, ultimo die deteguntur. Non pauci etiam sentiunt horum librorum nomine partim ac præcipuè intelligi Dei præscientiam, partim hominum conscientiam: quemadmodum hæc duo, 1. Ioan. 3. v. 20. conjunguntur: quodque hominum conscientiæ, futuræ sint librorum & testium instar; cuius rei præludium in hac vita apparet, Rom. 2. v. 15. Liber verò vitæ æternæ est, quo suos novit, 2. Tim. 2. v. 19. seu notitia eorum, quos gratuita dilectione, ad vitam æternam elegit ac prædestinavit. Liber enim est præscientia: Scriptura verò vel inscriptio, est electio. Hic autem liber vitæ *ναὶ ἡ ζωὴ* dicitur, puta vitæ æternæ, Apoc. 3. 5. 17. 8. & 20. 12. & 15.

13. & 15. & 21. 27. & 22. 19. & liber vitæ agni, Apoc. 13. v. 8. & 21. 27. & liber viventium, Psal. 69. vers. 29. & ut multi censent, *לִי* *יְהוָה* liber Dei, Exod. 32. v. 32. & 34. tum liber ille, Dan. 12. v. 1. quo etiam sensu quidam arbitrantur, *arcanum populi*, & *Scripturam domus Israelis* vocari, Ezech. 13. v. 9. & eodem pertinere quod ait, Esa. c. 4. v. 3. *quisquis adscriptus fuerit illi vitæ Jerusalem*. Atque hujus significationis Metaphoram, quidam putant à duce belli petitam: qui milites delectos in libro consignat, & rejectitios exauthorat. Sed commodius alii statuunt, similitudinem esse derivatam ab usu civili, & civitate donatis, quorum nomina in civium catalogum referuntur: ut colligitur ex Apoc. 22. v. 19. Quo sensu priorum nomina dicuntur scripta in coelis, Luc. 10. v. 30. & Clemens, cum nonnullis aliis, scriptus in libro vitæ, Phil. 4. v. 3. & Apoc. c. 3. 5. *neque delebo nomen ejus ex libro vitæ*. Verum hoc in loco exurgit quaestio, an inscripti libro vitæ æternæ, ex eo deleri possint? id quod prima fronte ex præpositis verbis, *non delebo nomen ejus* videri potest, idemque confirmatur exemplo voti Moïsi, qui Ex. 32. ait: *dele me de libro vitæ, cui inscripsisti*. Verum solutio est, negatione consequentiæ, duplex, prima; quia fallacia est homonymiæ: nam quaestio agit de vita æterna: argumentum verò à Moïsi voto petitur, de vita temporali, qua qui donantur, Metaphoricè sunt inscripti à Deo, in libro vitæ: contra qui è vivis eximuntur, è libro & catalogo viventium eximi dicuntur. Nam Moïsi sermo respondet Dei, adversus populum comminationi, qua poenam, ipsis inferendam, in se transferri desiderat. Atqui poena illa erat eorum interfectio, versu 10. & 12. nam quamvis multi essent reprobi, nonnulli tamen fuerunt electi; ideoque mortem æternam Deus non est comminatus. Neque eam comparatè optavit Moïses, quasi mallet vita æterna excludi quàm Israëliticus populus occideretur. Neque etiam, si quis penitus consideret, absolutè potuit privationem summi boni & communionis cum Deo desiderare. Deinde etsi abesset homonymia, consequentia nihilominus esset infirma; quia in precibus & votis, non semper ea quæ fieri possunt, sed interdum *ad vnam* à sanctis petuntur & optantur: nec impiè tamen, quia non absolutè, sed expressa vel tacita conditione voluntatis Dei, & boni alicujus respectu illud contingit. Nam pro objecti ratione, variè afficiuntur sancti. Cum enim salutem suam aut aliorum & Dei gloriam spectant, secus affecti sunt, quàm cum Dei decretum intuentur: ut Christi exemplum demonstrat, qui cum Iudæorum crudelitatem & ruinam perpendit, seriò deplorat, Luc. 19. v. 41. Contra verò, cum Patris iustum decretum aspicit, in eo acquiescens, gratias ipsi agit, Mat. 11. vers. 25. 26. Eadem etiam ratione, cum iræ Dei imminentis pondus gravissimum perpenderet, horrore correptus est ac deprecatus, & quidem sine ullo vitio: primum quia naturale est, & à Deo insitum, ut homo interitum sui aversetur, & conservationem appetat: deinde quia non absolutè, sed voluntatis Dei adjecta conditione hoc postulat. Contra verò cum ad Patris voluntatem & decretum oculos attollit, naturale desiderium reprimens in eo acquiescit, Matth. 26. v. 39. similiter sancti Prophetæ fuerunt affecti, cum hac parte Dei decretum; illa verò salutem hominum & Dei gloriam considerant: cujusmodi est Moïsi votum. Verum dicat aliquis; Esto, sit in prædictis locis conditio intellecta, eam tamen fieri posse, Deus ipse sua sententia, Exod. 32. declarat: ait nimirum, v. 33. *dixit vero Deus ad Moïsem: eum qui peccaverit mihi, delebo nomen ejus de libro vitæ*. Verum responderi potest, deletionem esse duplicem, prout est inscriptio. Quidam enim inscripti sunt libro vitæ, re & veritate: seu electione æterna à Deo destinati ad vitam; atque ita Deo noti pro suis ac servandis: alii contra specie tantum & opinione, ut hypocritæ, qui externa tantum vocatione & obedientia in Ecclesia Dei sunt, & ut electi filii & hæredes Dei, opinione sua probabili, & charitatis iudicio ab Ecclesia censentur. Sic contra deletio è libro vitæ, bifariam dici potest; una enim est deletio veræ & æternæ inscriptionis; de qua, esto, dixerit Moïses: altera deletio fucatæ & temporariæ inscriptionis, de qua Deus. Atque ita per *ἀγραμμάτοις* non minus e-

legantem, quàm illa est, *sine mortuos sepelire mortuos*, Mat. 8. vers. 22. phrasis illa accipienda erit: nam per *μύηται* quandam, Metaphoricè, deleri dicuntur hypocritæ, cum detecto illorum fucò, ad filiorum & electorum Dei numerum, non pertinere declaratur: quod partim fit in hac vita; sed omnino ac plenissimè ultimo die, Mat. 7. 22. 23. & 25. 33. & 41. Atque hinc rectè Augustin. in Psal. 68. (Hebraicè 69.) v. 29. *deleantur de libro viventium, & cum justis non scribantur*, ait; *Fratres non sic accipere debemus, quod quemquam Deus inscribat in librum vitæ, & rursus deleat eum. Si homo dixit, quod scripsi, scripsi, Deus quemquam scribit & delet? & paulò post: hoc dictum est secundum speciem ipsorum, quia ibi se scriptos putabant. Quid est, deleantur de libro vitæ? ut ipsis constet non illos ibi esse. Et paucis interjectis addit: sic ergo & hic & illi, qui se sperabant, tanquam merito justitiæ in libro scriptos Dei, cum producta fuerit damnatio eorum, etiam ad cognitionem illorum delebuntur è libro viventium, id est, non ibi se esse cognoscant. Nam versus qui sequitur, exponit quod dictum est: & cum justis non scribantur. Dixi ergo, deleantur secundum speciem eorum: secundum æquitatem autem tuam quid dico? non scribantur, &c.* Quibus consentit in Apocalypsin Ambrosio adscriptus commentarius; Si, inquit, *librum vitæ prædestinationem vocat, quomodo de libro vitæ aliquis deleri potest? cum Apostolus dicat, quos autem prædestinavit, hos & vocavit; & quos vocavit, hos & justificavit, & quos justificavit, ipsos & glorificavit. Nisi forte ita intelligamus: sunt multi, qui ab hominibus justis putantur, sed in conspectu Dei injusti existunt. Ergo homines, qui eos justos aestimant, jam in libro Dei eos scriptos esse putant: sed in die iudicii, cum facta reproborum atque justorum omnibus patebunt, hæc inscriptio atque falsa suspicio, à mentibus eorum delebitur, cum eorum damnationem pro impietatibus suis conspexerint.* Hæc ille. Ac sane locus idem satis ostendit. Nam agitur hic de statu triumphante fidelium post hanc vitam, cum gloria coelesti donati fuerint: quia antecedit primum in hoc Apocalypseos loco: *qui vicerit*. Ergo post hanc vitam, nam ante mortem victoria non est. Deinde, *incedet mecum albatu*, *neque delebitur nomen ejus*. Atqui hoc est certum, neminem in coelum post hanc vitam receptum, rejici, & à vita æterna excludi. Neque est causa, cur quis excipiat; quorsum igitur deletio negatur, si fieri non potest? siquidem ea ratione æternitas beneficii & vitæ designatur: quemadmodum, v. 12. *qui vicerit, faciam ut sit columna in templo Dei mei, nec foras egredietur amplius*: non quod aliquis egredi possit, sed ut ea negatione perpetuitas gloriæ indicetur; & ut sit quædam antithesis inter statum Ecclesiæ militantis in terris; in qua sunt hypocritæ, qui tandem detecti secernentur ultimo die; & statum Ecclesiæ gloriosæ, quæ tantum puris ac genuinis civibus constabit perpetuò.

## COROLLARIUM ALTERUM

De Ostii apertione ex v. 20.

Hæc de libro vitæ, ad Versus quinti explicationem plenior. Reliquum est, ut ea quæ v. 20. continentur, ac strictim à nobis in Analyti exposita sunt, uberius declaremus, & à Semipelagiahorum, inprimis verò Pontificiorum, corruptelis vindicemus. Verba autem Christi sunt; *Ecce, esto ad ostium, & pulso: si quis audierit vocem meam, & aperuerit ostium, ingrediar ad eum, & cenabo cum eo & ipse mecum*. Quo in loco Christi beneficium, hominis officium, & illius præmium notari certum est. Christi beneficium est; quod stet ad ostium & pulset. Et ostii quidem nomine, cor nostrum designari; pulsatione verò, excitationem illius, ad resipiscentiam & obedientiam per externam verbi prædicationem, & internam Spiritus inspirationem, extra controversiam est. Hominis verò officium, cujus causa pulsatur, est Christi vocem audire & aperire. De cujus relictæ sententia bifariam, si quis diligentius perpendat, discipatur: primum de causa illius efficiente, deinde de modo, De causa efficiente. An hæc apertio tribuatur hoc loco homini regenerando seu nondum regenerato, an verò regenerato. De modo deinde; an viribus naturalibus voluntatis humanæ, & libertate arbitrii fiat, omnino, aut partim; an verò viribus supernaturalibus gratiæ Dei sanctificantis.

Bellar-

Bellarminus de homine nondum converso, sed convertendo & regenerando; & quidem etiam viribus liberi arbitrii exponit: dum hinc eruere conatur, dari quibusdam ad conversionem sufficiens auxilium, quibus non datur efficax. Auxilium autem sufficiens definit libro primo, de gratia & libero arbitrio, cap. 2. quo Deus ita hominem vocat & excitat, ac juvare, dirigendo, protegendo, cooperando paratus est, ut revera possit ille, sic excitatus & vocatus velle credere, velle converti, velle bonum aliquod facere. Sic autem argutatur lib. 1. c. 11. de gratia & libero arbitrio. *Apocalypsis 3. Dominus ait, Ego sto ad ostium & pulso; si quis aperuerit, intrabo ad eum. Vel igitur ii quorum cor Dominus pulsat, habent sufficiens auxilium aperiendi; vel non habent. Si habent, est quod volumus. Si non habent, cur obsecro Dominus pulsat, An igitur ignorat eos aperire non posse? an stultus non esset, qui ostium vicini pulsaret, si certo sciret neminem intus esse qui aperire posset? Habemus igitur ex divinis literis, dari quibusdam sufficiens auxilium, quibus non datur efficax.* Verum in utroque errat Iesuita: primum quia hic putat agi de conversione & apertione prima, qua quis penitus averfus & infidelis ad Deum convertitur; cum res ipsa loquatur, agi de converso, sed in peccata prolapsa, qui ad resipiscentiam vocatur: quoniam hæc sententia accommodatur Episcopo Laodiceno, & iis, quos Christus amat, hoc est, conversis ac fidelibus, sed officium negligentibus, ut ex textu & analysi proposita apparet. Qualis pulsatio allegorica sponsi, & apertio ostii à sponsa Cantic. 5. describitur. Quod adeo clarum est, ut etiam Pontificii doctores insignes attestentur, ut Petrus Bulengerus ait: *bonos imitare, penitentiamque agito mæstus ac ingemiscens, qui buc usque tam piger ac negligens extiteris, &c. Præsto sum, sto ad ostium cordis tui.* & Franciscus Ribera Iesuita sic ait: *Ecce sto ad ostium & pulso: ne forte desperaret Episcopus, Christum sibi propitium futurum, aut se ad priorem statum redire posse, quoniam dixerat, sed quia tepidus es, &c. misericordiam & benignitatem suam pollicetur, Ecce sto ad ostium, &c.* Sic etiam Johannes Gagnæus Parisiensis Theologus eruditus. Deinde, ut maxime concederetur agi universè etiam de non renato, & de conversione prima; in eo tamen errat Bell. quod sufficiens auxilium ab efficaci, in non conversis dividat, & apertionem ostii liberi arbitrii viribus adscribat. Nec enim sequitur, Christo pulsanti homo aperire debet: ergo viribus liberi arbitrii potest; siquidem denotatur hoc modo officium hominis, ad quod tenetur: non autem naturalis efficiendi facultas. Nam quod Bellar. objicit, hoc repugnare Dei scientiæ & sapientiæ: quod pulsaret ostium, ubi nemo intus sit, qui aperire possit: illud merito negatur, quoniam pulsatio pertinet ad reproborum superbam fuditatem & contumaciam convincendam, Esa. 6. v. 10. & Ioann. 12. 40. & instrumentum est conversionis electorum: quam Deus, ut verbo docet atque exigit foris, sic suo spiritu intus, mentem cæcam & voluntatem obduratam regenerando, novisque qualitatibus donando efficit, ut causa sola, ratione habitus, & ut causa principalis ratione operationis: nam habitus ratione, homo merum est subiectum, non causa: operationis verò *nutrimentum*, cooperans Deo: ideoque, rectè Deo tribuitur, ut causæ primæ ac principali efficienti atque etiam adjuvanti: homini verò ut causæ non coordinatæ viribus generationis naturalis, sed subordinatæ viribus regenerationis supernaturalis: qua vitæ spirituali donatur, unde actiones vitæ producit; neque solum à spiritu agitur, sed etiam sub spiritu ac cum spiritu agit. Atque hæc ad loci huius genuinam sententiam.

## C O N S E C T A R I A.

## Ex Epistola quinta.

I. CUM Christus habeat septem Spiritus Dei, quibus Spiritus Sanctus designatur: inde sequitur eum non solum à Deo Patre, sed etiam à Filio procedere, contra Græcorum posteriorum opinionem.

II. Cum Christus Ecclesiæ Episcopos in manu sua habeat, & eorum omnia opera norit; piè & sincerè in conspectu illius vivendum est.

III. Quidam hominum opinione probantur, quos

Christus improbat: ideoque non est cur in fallaci hominum, de nostræ virtutis opinione acquiescamus; sed hoc agendum, ut probemus an simus in fide, & ut Domino nostro placeamus.

IV. Ea demum vita est, quæ virtuti consecrata est.

V. Hypocritæ viventes quodammodo mortui sunt, vers. 1.

VI. Vigilantes nos esse oportet in officio communi pietatis, & proprio administrationis commissæ: ac propterea, qui in illo sopiti sunt, sese excitare ac corrigere tenentur.

VII. Pastorum impietatem & officii negligentiam auditores imitantur: ideoque mors pastoris spiritualis, reliquos reddit magis magisque moribundos. Quocirca in pastorum vocatione, ad salutem Ecclesiæ, non solum doctrina, sed etiam veræ pietatis habenda est ratio.

VIII. Quare pastorum est, & sese ad virtutes stimulare, & infirmos in Ecclesia confirmare: quod etiam, servato ordine, omnibus fidelibus convenit.

IX. Opera nostra non languida, neque externa tantum esse decet, ut Deo placeant; sed plena.

X. Ad quam rem verbi divini meditatio, ad nostri officii & vitii examen atque resipiscentiam requiritur.

XI. Inobedientiæ contumacis comes est subita & inexpectata pœna: ideoque cita opus est correctione, ne inopinata Dei irâ ac vindictâ opprimamur.

XII. Quare non est iusta causa, cur præsentii impiorum felicitati invidemus, sed potius exitus infelicis contemplatione, ut Psal. 73. & 37. iis condolendum, & opera danda, ut si fieri possit, in pietatis viam revocemus, v. 3.

XIII. In Ecclesiis etiam corruptis, Christus suos habet & agnoscit cultores sinceros, qui verâ fide & iustitiâ ipsi inserviunt. Quocirca non temerè tota Ecclesia, licet multi sint vitii additi, condemnanda est.

XIV. Quamvis polluti vitiiis, multitudine præstent, eorum tamen contagio non est admittenda; sed Christo & pietati, forti animo adhærendum, ac puritas vitæ conservanda.

XV. Neque est cur hominum judiciis & mundi contemptu moveamur, sed Christi scientia atque approbatione, & præmio vitæ æternæ secuturo, consolari nos debemus, v. 4. & 5.

## Ex Epistola sexta,

## ad Phyladelphiensem Ecclesiam.

I. CUM Christus sit sanctus sacerdos, verax propheta, & potens rex, cœlestibus clavibus instructus: idcirco fide, amore, ac timore, ut Psal. 2. colendus est, omniaque fortiter illo duce perferenda; & contra, Pontificis Romani aliorumque, adulterinæ claves & excommunicationes Christo adversæ, contemnendæ sunt, v. 7.

II. Obedientia erga Christum, & tolerantia Christiana, tum maxime elucet, cum vires sunt exiguæ & res adversæ, v. 8.

III. Satan Ecclesiam oppugnare potest, sed non expugnare.

IV. Cum Deus ex Synagoga Satanæ, quosdam ad feriam resipiscentiam adducat, non est temere de adversariis veritatis desperandum: sed orandus Deus ut eos convertat, & è regno Satanæ ac tenebrarum, in regnum Filii & lucis clementer tranferat, ne veritati & Ecclesiæ amplius maledicant, sed debitam tribuant gloriam.

V. Cum hic prædicetur fore, ut è Satanæ Synagoga adorient ante Episcopi Philadelphienfis pedes: errant Pontificii, qui ex similibus prophetis promissionibus, Ecclesiæ factis, illud soli Episcopo Romano ascribunt, & perversa omnino sententia tyrannicam & idololatricam pedum Pontificis adorationem concludunt. Quales promissiones sunt, Esa. 49. 23. *Reges erunt nutritii tui, & reginæ eorum nutrices tuæ; prono in terram vultu adorabunt te, & pulverem pedum tuorum lingent;* & c. 60. 14. *Venient ad te humiles filii eorum, qui humiliaverunt te & adorabunt vestigia pedum tuorum, qui detrahebant tibi, & vocabunt te civitatem Domini, Zion Sancti Israel.* Nec enim aliud denotatur, quàm (similitu-

militudine à civili adoratione desumpta) subjectio spiritalis, qua reverenter de Ecclesia & Christi verbo, per illius ministerium propositum, corda sua incurvabunt ac submittent. Nam ut orientales populi ceremoniis abundarunt: ita non solum reges adorarunt, ut Davidem, 1. Sam. 25. 23. & 2. Sam. 9. 6. & 14. 5. & 24. 20. & Salomonem, 1. Reg. 1. v. 53. aut duces, ut Ioabum, 2. Sam. 8. 21. sed etiam parentes & majores, ut Moyses socerum suum Jethronem, Exod. 18. vers. 7. Salomon Matrem, 1. Reg. 2. v. 19. & qui parentum quasi loco, ut prophetam Elifazum, 2. Reg. 4. v. 37. & fratres minores natu, primogenitum, Gen. 27. vers. 29. & 49. v. 8. Imò etiam honoris causa, & testandi animi, ad officia præstanda prompti, tum iis qui benefecerunt, ut Gen. 23. 7. tum hospitibus honestis, ut Gen. 18. 2. & 19. v. 1. (licet enim Angeli essent, homines tamen putabantur, Heb. 13. 2.) Ac quamvis Daniele Rex Nebucadnezar, Dan. 2. v. 46. pronus adoraret, tamen non probatur; quia illud ex impetu ac superstitione gentili, non recta ratione factum: quoniam Daniele quali semi-deum habuit: sicut etiam præcepit ei sacrificia offerri: ut sequentia arguunt. Multo minus juvat, quod Saul spectrum Samuelis, prophetam ratus, adoraret, 1. Sam. 28. v. 14. quia omnino superstitio fuit, qualis eorum qui bestiam adorant, Apoc. 14. 9. ideo & Angeli, Apoc. 19. 10. & 22. 9. adorationem respuerunt, & Petrus, Act. 10. 25. Pedum verò oscula, exceptis Tyrannis nonnullis impiis, nemo admisit: quod Pontifex sibi arrogat. Imò, quod nullus unquam Tyrannus ausus fuisse legitur, Regibus & Imperatoribus fummis pedem osculandum præbet salutantibus.

V I. Dilectio Christi erga Ecclesiam, etiam in adversis durat, ac tandem innotescit etiam hostibus: ideoque non est, cur ob persecutionem de ea re dubitemus, v. 9. & 10.

V II. Tolerantia & obedientia fidelium, etiam conversatione à pœnis corporalibus, à Christo honorari solet, v. 10.

V III. Perseverantiâ opus est ad coronam vitæ: cujus instrumentum est hortatio ad officium, & propositio iudicii Christi imminenti: quibus etiam modis, quos ab æterno elegit, conservat, & ad certam ac destinatam salutem adducit, v. 11.

IX. Gloriæ cœlestis & æternæ promissio, ad brevem ignominiam & persecutionem hominum temporariam superandam stimulare nos debet, v. 12.

#### Ex Septima Epistola, ad Laodicensem Ecclesiam.

I. Cum Christus sit Amen, testis fidelis ac verax: illicius verbo attendendum & innitendum est. deinde quoniam est principium creaturæ Dei, ei tanquam auctori & Domino nostro serviendum, v. 14.

II. Tepor in religione & charitate, Ecclesiæ frequens & perniciosus est, v. 15.

III. Arrogans de sua præstantia gloriatio, ut Christo exosa est, sic etiam stultitiæ & ignorationis miseriæ propriæ, certum argumentum, v. 17.

IV. A Christo nostra iustitia, & sapientia dependet: ideoque ut gloria eorum illi debetur, sic ab eodem humiliter postulanda, v. 18.

V. Cum in religione adeo tepidi simus: non mirum esse debet, cur Christus nos castiget.

VI. Cum autem castigatio Ecclesiæ, ex amore Christi oriatur; ad patientiam & vitæ correctionem excitari nos decet, v. 19.

VII. Christo monenti, ostium cordis aperiendum vera obedientia, considerata monentis autoritate, amore, lenitate, & præmii promissâ excellentia, v. 20. & 21.

#### CAPUT QUARTUM.

Superioribus exposita est prima visio, quæ Joanni contigit, ac particularis est, quoniam ad septem particulares Ecclesias Asiæ pertinuit. Cui jam succedit altera, eaque universalis; quæ universalis Ecclesiæ Christianæ futurum, ad finem mundi statum adumbrat. Quæ visio præparatione ad rem, & rei ipsius revelatione, seu status illius tractatione continetur. Ac præparatio quidem,

c. 4. & 5. absolvitur. Constat autem de descriptione partim circumstantiæ, partim authoris secuturæ revelationis: & utrumque est geminum. Circumstantia enim est temporis & loci. Tempus indicatur cum ait: *post hæc*, nimirum post primam jam narratam visionem, & epistolas ad Ecclesias Asiæ septem à Christo dictatas. Locus verò est cœlum; unde & in quo, visio & revelatio facta est Joanni, duarum causarum concursu: prima enim est apertio cœli: altera ascensio Ioannis. Ac prius illud, comparata initio attentione, per emphaticam demonstrationis vocem *Ecce*, sequentibus indicatur hoc modo: *ostium apertum est in cælo*, quod minimè accipiendum est allegoricè, (ut veteres & recentiores Interpretes multi statuunt) quasi cœlum Ecclesiam (quæ interdum regnum cœlorum nuncupatur) aut Sacram Scripturam, ostium verò Christum ex Ioan. 10. v. 9. notaret: sed de tertio cœlo ac sublimi, gloriæ Dei domicilio intelligendum; licet ostium Metaphoricè dicatur. Hanc autem apertionem cœli se vidisse Ioannes asserit. Cœterum cum & apertio cœli, & visio illius esse potest, aut re ipsa & oculis corporis, ut Ioannes Baptista, Matt. 13. 16. & Stephanus cœlos apertos vidit, Act. 7. v. 56. aut specie quadam menti oblata: posterius hoc eruditorum interpretum iudiciis probatur, & huic etiam loco maximè consentaneum apparet, si quis diligenter conferat cum similibus locis, cap. 1. v. 10. & alibi, atque cum sequenti Prophetæ Joannis explicatione. Porro huic primæ causæ, qua revelationem accepit, altera annectitur, videlicet ascensio Ioannis in cœlum; quæ proponitur causæ efficientis, ac modi ascensionis declaratione. Causa autem efficiens est vox cœlestis: quæ primum ab authore describitur Christo: dicitur enim fuisse prima, quam audiverat, tanquam tubæ loquentis cum ipso, de qua c. 1. 10. Quæ vox dicitur prima, non quidam formæ suæ singularis, sed efficientis ejusdem & formæ communis ratione; quod non alterius vox fuerit, nec alio modo, sed ut prima, tubæ instar sonaret. Id quod ad authoritatem hujus prophetiæ pertinet; utpote quæ è cœlo cœlestis est, & à cœlesti Domino Iesu Christo profecta. Nam quod quidam primam dici, relatè ad sequentia oracula arbitrantur, illud dilutius & alienius esse, res ipsa ostendit. Deinde vox hæc describitur à materia comprehensa bimembri: primum enim est mandatum ad Ioannem: *adscende huc*: deinde ratio à fine promissio, videlicet Apocalypseo aceptione, cum dicitur; *& ostendam tibi, quæ oportet fieri citò post hæc*. quomodo materia & argumentum sequentium declaratur: cujus rei neglecta observatione, non pauci, in hujus loci explicatione impegerunt. Hæc de causa ascensionis Ioannis efficiente, vers. 1. Modus verò ita indicatur *fui in spiritu*, quod bisariam exponitur probabiliter: vel ut Spiritus Sanctus intelligatur translationis in cœlum auctor: ut Paulus ait, 2. Cor. 12. 4. *Raptus sum in paradysum*: vel ut Spiritum seu mentem Ioannis notet; quod fuerit mentis visione ibi, nimirum quo vocabatur, hoc est, in cœlo (quemadmodum Ezechiel hoc visionis genere è Chaldæa in Judæam translatus dicitur) ut *Spiritus* vox subjectum modumque perceptæ visionis notet, quod videtur magis accommodatum, ut similem phrasin, c. 1. 10. expendimus. Hæc porro ascensio, temporis sui circumstantiâ amplificatur, cum dicitur; *statim*. Atque hæc de circumstantia revelationis gemina, sequitur jam descriptionis altera pars, nempe authoris illius cœlestis: partim ratione visæ illius Majestatis, partim perceptæ honorationis ejusdem. Cujus descriptionis scopus est primum commendatio Apocalypseo ex authore cœlesti: deinde Ecclesiæ in fide ac timore Dei ac patientia confirmatio: ex majestate & honoratione illius promanans: quæ describuntur opportunè. Nam revelandum hoc libro mysterium, est status Ecclesiæ afflictissimæ: ut quæ communiter cum mundo, à Deo, sit peste, fame, terræ motu, & per homines bellis concutienda: tum propriè perpeffura persecutiones, intus quidem à falsis fratribus; foris verò à tyrannis & falsis doctoribus, hæreticis scilicet atque Apostatis, eorumque capite Antichristo. Quorum omnium prædictio etiam constantes animos posset perturbare, & eventus illius, omnes de eo non præmonitos percellere ac proster-



nerere: quasi ista tam gravis rerum perturbatio fieret Deo nesciente, aut non curante, vel omnino, vel saltem injustè. Ne igitur fideles, fidei & patientiæ Christianæ facerent naufragium, describitur Dei Patris creatoris, & Filii Dei redemptoris sapientia, sanctitas, bonitas. Author enim Apocalypseos primarius ac dator est Pater; secundarius verò ac Mediator est Filius. *ὁ ἀρχαῖος*, qui pro muneris ratione, eam à Patre accepit ac tradidit Joanni Ap. 1. v. 1. Ac primarius quidem describitur à cœlesti maiestate, c. 4. & libro septem sigillorum, capitis 5. initio. Majestas autem declaratur visa regali magnificentia, & illius honoratione à nobilissimis cœlestibus creaturis. Quæ magnificentia primum summam proponitur sede seu throno cœlesti, & Patris sessione, ut in similibus visionibus, Ies. 6. & Dan. 7. Quorum primum potestatem regalem ac judiciariam: hoc verò regimen ac iudicium, quo potestatem præpotentem exequitur, similitudine à terrenis regibus deducta, Exod. 11. v. 5. & 1. Reg. 1. v. 13. Prov. 20. v. 8. designat, ut liquet ex Dan. 7. 9. *Throni positi sunt, & antiquus dierum sedet, & libri aperti sunt*, & Plal. 9. v. 4. 5. *fecisti iudicium meum & causam meam: sedisti super thronum, qui iudicas iustitiam*, & Plal. 29. 10. *sedebit Dominus rex in seculum*. Quare allegoria importuna hallucinantur, qui per thronum Angelos, Ecclesiam, aut electorum corda intelligunt: quemadmodum etiam qui sedentem in throno interpretantur Filium, & eo sequentia omnia malè accommodant: nam cap. 5. 7. agnus, hoc est, Christus, librum accipit ab eo qui sedebat in throno; accepit autem librum à Patre, Apoc. 1. v. 1. Pater igitur est sessor, non Filius. Hæc de v. 2. Cœterum hæc proposita; cum sedis, tum insidentis regis magnificentia exponitur: ac primum *ὡς οὐρανός* opportuna, à digniori facti initio, sedens Pater ab aspectus præstantia describitur. Quæ res, apta orationis connexionem depingitur, similitudine gemmæ duplicis, Iaspidis & Sardii. De quibus, si quis plura desideret, consulendus est Plinius, naturalis historiæ lib. 37. Georgius Agricola de natura fossilium l. 6. Christoph. Encelius de re metallica; & Franciscus Ruus de gemmis, præsertim quarum in Apocalypsi mentio. Iaspidis autem colores sunt varii: aut enim viridis est gemma, aut cærulea, aut purpurea, rosea, vel mistis coloribus variata. Sarda verò, vel Sardius lapis, igneo rubore emicat. Atque hinc quidam simpliciter hæc gemmas ad elegantiam, & lævorem aspectus divini referunt. Alii verò Dei attributa & effecta denotari arbitrantur; & quidem diversa; per Iaspidem (cujus species frequentior viret) Dei vitam æternam, qua viget ac quasi viret & vivificat; per Sardium verò iustitiam & iudicium quod exercet, notari putant: ut ignis consumens est Heb. 12. 19. & à cuius in folio sedentis conspectu, ignis emicuit, Dan. 7. 9. 10. Albertus verò Magnus paulò aliter ait: *Iaspis viret; in quo figuratur incredibilis beatitudo, quam promittit bonis. Sardius rubet: in quo signatur ignis æternus, quem comminatur malis*. Alii denique ad unum tantum, nempe ad iustitiam & iudicium, licet tempore & instrumento diversum, accommodant. Sic enim Primasius (quem multi sequuntur) ait: *Iaspidis colore aquam, & Sardii ignem significari puto: quibus duobus iudicium novimus celebrari, primum per diluvium; in seculi autem fine per ignem*. Ex hisce autem variis iudiciis, secunda maximè probabilis videtur sententia. Nam quod nonnulli Iaspidis virorem ad divinam Christi naturam; Sardii ruborem ad Christi, sanguine effuso rubentis, humanam naturam spectare putant, à scopo aberrare, ex superioribus apparet: cum non de Christo, sed Patre agatur. Quemadmodum etiam, quod quidam Iaspidis virorem, ut bonæ spei symbolum, misericordiam significare arbitrantur; & Sardium iustitiam: quod hisce attributis ornetur Deus: illud probatæ jam sententiæ postponendum esse, ex collatione signi, & sequenti distincta misericordiæ nota elucebit. Nam sessoris Dei Patris illustrationi, subditur expositio throni ab adjunctis: ac primum ex circumpositis supernè & infernè: supernè in circuitu throni erat iris: qua Dei veritas in servandis promissis: ac clementia erga genus humanum, & potissimum Ecclesiam denotatur: quemadmodum partim ex Gen. 9. partim ex coloris descriptione potest colligi. Nam cum iris sit versico-

lor; hoc tamen in loco emphaticè apparuit similis aspectu Smaragdo, gemmæ viroris longè excellentissimi ac jucundissimi: adeò ut quemadmodum Dei aspectus potuit terere; sic talis iridis arcus, consolari. Quod verisimilius est quàm variæ, quæ circumferuntur expositiones. Quidam enim actionem, Dei scilicet iudicium, quod universos complectitur: alii personam notari censent; & quidem nonnulli divinam Spiritus Sancti, nonnulli verò Christi: quasi nubes iridis, humanam naturam, & duo arcus cornua, divinam & humanam notarent, Alii verò humanas personas, hoc est sanctos significari putant. Nam ut inquit Primasius, *eum nubes imbriferæ, splendore solis fuerint radiatæ, arcus speciem addunt: ad cuius comparisonem, cum sole iustitiæ, qui est Christus, sanctorum animæ fuerint illustratæ, eorum intercessu divinitas propitiari dignatur*. Quæ recensere, refutare est. Si quis verò præter dicta, allegoriam desideret, ad scopum accommodatius diceretur; ut sol radios; in obscuram ac pluviam nubem dirigens, iridem efficit, coloris specie insignem: sic Deus Pater luminum, lumen gratiæ & gloriæ suæ creaturis tenebrosis immittit, easque gloriosè relucere facit, v. 3. Porro ut iris supernè circumposita hic dicitur: sic infernè cinxerunt Dei Patris thronum, Seniores. Throni autem viginti quatuor proponuntur & seniores totidem. Qui describuntur ornatu vestium, & coronarum: earumque præstantia declaratur; vestium quidem à colore albo, iustitiæ & gloriæ signo: ut Apoc. 3. v. 4. & 5. coronarum verò à materiæ pretio & splendore aureo, victoriæ & regni symbolo, Apoc. 2. 10. & 19. 14. & 1. Corinth. 9. 25. & 2. Tim. 4. 8. Jac. 1. 12. & 1. Pet. 1. v. 4. Quid verò hi seniores notent, quidque definitus eorum numerus sibi velit, disquiri solet. Quidam per Synecdochē numeri definiti pro indefinito, universas beatorum animas intelligunt: similitudine, ut arbitrantur, à Pontificum Synedriis, deducta, quæ eodem numero celebrari solita. Sed hoc non probant. Nam ut majus Synedrium constabat Lxx. iudicibus, & præterea præside pontifice: sic minus tantum viginti tribus, ut ex Talmude probat Galatinus, & Sigonius de republica Hebræorum. Quare alii duodecim Patriarchas Jacobi filios, & duodecim Apostolos, quibus duodecim sedes promissæ erant à Christo. Mat. 19. 28. intelligunt. Sed hoc videretur alienum, ab eo numero Abelem, Enochum, Noachum, Melchisedecum, Isaacum, Jacobum, Jobum, Samuelem, Davidem, Eliam, Danielelem, simileque excludi. Reliqui igitur, maxime ut videtur consentaneè, seniores hosce denotare putant insigniores Ecclesiæ utriusque Test. in cœlis triumphantis antistites: qui quasi Dei Patris senatores, gloriæ illius sunt participes & præcones. Ut enim magnates ac iudices, regibus suis gloriosè in throno sedentibus ac iudicantibus, assident: ita Dei Majestati hi seniores, similitudine ab hominibus derivata, adiunguntur afflores: quemadmodum Dan. 7. *Throni positi sunt, & antiquus dierum iudicaturus sedet*. Nam quod nonnulli, veterum quorundam Patrum vestigia secuti, de libris V. Test. viginti quatuor accipiendum contendunt: illud iis, quæ adducuntur argumentis, non probatur. Et quod fundamenti loco subternitur, quod universa throni gloria, (cujus hi seniores pars adjuncta) sit in terris: illud meritò negatur & vestitu ac corona seniorum confutatur evidentissimè. Iam verò rationes, quas opponunt pro hac probanda sententia, expendamus. Prima ducitur ab officio; quia hi seniores, v. 10. & 11. dicuntur glorificare Deum die nocteque: Sed ab hisce viginti quatuor libris maximè glorificatur. Verum negatur consequentia; quia in secunda figura, ex puris affirmatis nihil sequitur, nisi propositio sit reciproca: nam maximè hoc in loco pro valde videtur accipi. Deinde esto: assumptio etiam negatur. Primum, quia non solum, sed etiam magis à Novi T. scriptis Evangelicis glorificatur: ideoque argumenti imbecillitatem agnoscunt, cum subiiciunt, glorificari Deum S. Literis, ex quibus hi libri priores sunt: nam si id quod maxime glorificat Deum, intelligendum est, sequitur aut Evangelia cum reliquis Novi Test. scriptis tantum intelligenda, aut simul cum aliis: ideoque corrui hypothesis. Deinde magis etiam à cœlitibus glori-

glorificatur Deus, si agendi modum, & continuationem illius consideremus. Altera ratio est, quod nomine conveniunt: quod ut hi 24. vocantur seniores, ita viginti quatuor libros hoscce vocari Testamentum Vetus Sed eadem est, ut ante insequentia, quæ augetur novo quarti termini vitio: nam seniores & Vetus Test. longe diversum notant. Tertia est, à numeri consensione: nam ut hi seniores sunt 24. ita & libri authentici V. T. sunt 24. atq; ita nominati ab Hieronymo in prologo Galeato. Sed eadem est ἀλλοιουσία, quæ antea. Quarta ratio est. Quicquid nomine seniorum prolaturum est hoc loco, illud in aliquo Veteris Testam. librorum, comperietur. Sed utrimque hic est eadem, quæ in superioribus, insequentia. Ac sane quam alienum est rei inanimatæ, qualis est V. T. scriptura, attribueret, sessionem, adorationem, vestes albas, redemptionem per Christum, coronam victoriæ & visionis, Ioanni in N. T. primum factæ, explicationem? Quæ cuncta, nisi in personas, cadere non possunt. Idq; agnoscere coguntur, quando ajunt, viginti quatuor seniorum nomine V. T. libros, & Metonymicè, cum veros eorum scriptores, tum omnes fidos professores, certo denotari: alioqui non posse dici Apoc. 5. 9. & 10. per Christum redemptos, & regnare super terram. Quæ etiam assertio suis partibus malè cohæret. Si enim Metonymicè scriptores V. T. intelliguntur: Ergo non propriè libri. Deinde, non omnes fidos V. T. professores hiscce senioribus denotari apparet, cum aliunde, tum ex c. 14. 3. & 4. ubi certo illi seniorum numero, distincte ab iis, Myriades sanctorum adjunguntur. Sed hiscce objectis rationibus explicatis, hypothesein ac fundamentum earum expendamus. Asseritur enim descriptionem hanc throni, non esse descriptionem Majestatis Dei in cælo: sed veræ illius religionis, cui infidet, inter sanctos electos in terris. Nam quamvis dicatur thronus positus in cælo: statuunt tamen non esse visionem gloriæ cœlestis: primò, quia cælum plerumque propheticè accipitur pro Dei cœlestibus electis, aut vera Ecclesia in terris: deinde, quia, ut ajunt, esset curiositas superflua, ampliora nosse cœlestia Dei mysteria, quàm simplicia salutaris doctrinæ capita: tertio, quia scriptura testatur nullius pennam posse describere, nec intellectum capere Dei gloriam in cœlis. Atque hæc sunt quæ obijciuntur. Verum primæ objectionis negatur antecedens & consequentia; & visionibus similibus, Esai. 6. Ezech. 1. Dan. 7. confutatur. Neque altera firmior est: quia scire quæ Deus revelat, curiositas non est, sed recta sapientia: & revelata hic Mysteria, ad salutaris doctrinæ capita illustranda pertinent, scilicet Deum esse regem cœlestem: sanctos selectos esse assessores: judicia Dei esse sapientia, iusta, potentia. Tertia quoque nihil evincit: quia etsi Dei gloriam cœlestem non queamus capere, tamen umbram aliquam illius (quæ hic depingitur specie certa, & alibi Metaphoris, idem denotantibus, indicatur) capere valeamus. Sed quarta objectio speciosior est; quod quatuor animalia & 24. seniores, (quæ sunt membra cohærentia huic throno) Apoc. 5. vers. 9. & 10. constituentur, se Christi sanguine redemptos, & regnare super terram. Verum negatur primùm antecedens: quia non dicunt *regnamus*, sed *regnabimus*. Deinde negatur consequentia, nam fideles in cœlis regnant super terram bisariam: primùm quodam modo in suo capite Christo, qui in medio inimicorum suorum regnat: deinde in membris sibi conjunctis verè fidelibus: qui similiter in medio inimicorum regnant suo modo, superiores per fidem, Satana, carne, mundo, 1. Ioann. 5. vers. 4. & 5. Postrema objectio est, quod inter quatuor illa animalia, oritur fames & annonæ caritas, Apoc. 6. vers. 6. Sed hoc eo in loco non dicitur: sed prædicitur futurum in terris. Quare quod statuitur, per thronum veram religionem denotari, in qua Deus Pater sedeat, & qua illius authoritas & thronus stabilitur in terris: illud à scopo & circumstantiis Apocalypseos aberrat: contraque thronus Dei regiam majestatem in cœlis; viginti verò quatuor seniores, selectos è sanctis assessores denotant. Hæc de v. 4.

Atque hæc de iis quæ circumstiterunt thronum superne & infernæ: Prodeuntia verò è throno, sunt primum ter-

rentia, cum visum, ut fulgura: tum auditum, ut tonitrua & voces: deinde recreantia, septem lampades igneæ ardentes ante thronum; quæ sunt septem Spiritus Dei. Quæ variè exponuntur. Quidam enim tam illa quàm hæc, ad idem omninò pertinere putant; & Spiritus Sancti efficaciam, variis signis adumbrari. Alii verò ad diversa; convenienter iis quæ antè monuimus. Sed tamen non ad eandem rem referunt. Nonnulli enim typicè notari putant, signis quidem terribilibus legem Dei; quod ea ratione in monte Sinai esset tradita; ejusque officium sit terrere peccatores: contra verò signis jucundis lampadum, Evangelium adumbrari: quod Spir. S. eo nos illuminet, foveat ac consoletur: de quibus duobus 2. Cor. 3. & Heb. 12. 18. differitur. Alii verò aliter: Sed maximè probabilè videtur, fulgure, vocibus ac tonitruis, ut in legis promulgatione. Exod. 19. designari, Deum pœnarum in orbem immittendarum, esse autorem præpotentem ac justum: ut ex collatione, Apoc. 8. 5. & c. 10. 3. 4. & c. 16. 18. patet. Deinde Ecclesiæ conservatorem esse suo spiritu, qui donis perfectis suis illuminat, recreat ac dirigit fideles: ideoque lampadibus, & quidem numero septenario depingitur: ut Apoc. 1. vers. 4. declaratum est. Idque videtur lucernis septem, lampadis tabernaculi, Exod. 37. vers. 23, & Zach. 4. vers. 2. adumbratum. Nam ut iis tabernaculum illustrabatur: sic Spiritus S. luce multiplici, universa Ecclesia; per tabernaculum adumbrata (sicut etiam templum Domini à Paulo appellatur) illustratur. Quorum utrumque ad fidelium consolationem pertinet: illud quidem, ut fides de Dei justitia adversus impios Ecclesiæ hostes: hoc verò ut fiducia de Dei cura & misericordia erga Ecclesiam, adversus tentationes stabiliatur, v. 5. Atque hæc de iis quæ è throno prodibant. Tertio verò loco annotatur illud quod erat ante thronum; nempe mare vitreum, simile crystallo. Ac mare quidem vulgo cum Primasio & Beda baptismum exponunt: quia omnis, qui ad thronum Dei vult accedere, per Baptismi mare transire debeat. Atque hinc Paulum volunt mari rubro comparare, 1. Cor. cap. 10. Sed vitrum & crystallum, mira varietate obscurant multi. Alii enim ad eandem rem referunt: idque vel ut animam baptizatam notet: quæ ut vitrum solis radiis ita hæc Deo pervia, gratiæque donis est illustrata: vel ut animæ dotes significet, & quidem antecedentem baptizandi conditionem, vel fidei sinceritatem, quæ vitro sit similis, quod ut vitrum, nihil aliud, exterius, indicat, quam, quod intèrius continet: ita ad baptismum accedentem oportere corde credere & ore confiteri: vel baptismi effectum, puritatem & claritatem cognitionis divinæ; unde Græci Patres baptismum *φωτισμὸν* illuminationem appellant; derivata ex Heb. 6. v. 4. & 10. 32. nominis origine. Alii verò ista ad diversa accommodant: vitrum ad præsentem statum; crystallum ad futurum post resurrectionem: quod fideles modò vitrei sunt, id est, lucidi, sed mortalia corpora portantes, vitri instar, fragilia, post resurrectionem verò futuri sint crystalli instar, solidi & immortales. Sed hæc de baptismo sententia, aliis non immerito displicet. Et per mare vitreum, pœnitentiæ, ut vocant, sacramentum, Pontificii quidam significari ajunt: Mare, propter abundantiam lachrymarum: vitreum, propter confessionis perspicuitatem: crystallum, propter firmitatem propositi non peccandi impostèrum; & propter splendorem gratiæ. Contra verò alii non Sacramentum verum, baptismi; neque fictitium pœnitentiæ, per mare vitreum intelligi rectè censent: sed mundum, qui in conspectu Dei est ejus oculis instar vitri ac crystalli pellucidus: quia omnia aperta sunt oculis ejus, contra Epicuræorum securam incredulitatem. Idque ex verbis Ioannis probant, Apoc. 15. & *vidi aliud signum in cælo, magnum & mirabile, Angelos septem, habentes plagas septem novissimas, quoniam illis consummata est ira Dei.*

Quibus verbis de eorum loquitur suppliciis, qui bestiam adoraverunt; ac deinde subjicit; *Et vidi tanquam mare vitreum mistum igne, & eos qui vicerunt bestiam & imaginem ejus, & numerum nominis ejus, stantes super mare vitreum, habentes citharas Dei, & cantantes canticum Mosis servi Dei.*

V v v

Vidit

Vidit mare vitreum, mistum igne; quandoquidem homines scelareti in terra viventes, in fine mundi conflagraturi sunt: & ante hanc extremam conflagrationem, cum variis calamitatibus affligendi sunt impii, tum estu & igni, ut c. 16. prædicatur. At sancti qui in hoc mare merfi non sunt, sed inter sceleratos degentes pietatem coluerint, & ex illis fluctibus enatarint, stabunt super illud, hoc est, ad illius littus, jam securi, & cantabunt canticum quod Moses cecinit, cum Dei populus salvus exiit è mari rubro, Ex. 15. Quæ postrema expositio videtur huic loco, si summam rei spectemus, magis consentanea. Sed si conjecturæ locus est, putarem simplicissimè posse solum ac quasi pavementum cæli beatorum ita designari; quod Deus ita gloriosus in cælo resideat, ut per illud quasi per mare vitreum & crystallinum, omnia habeat, quæ in terra sunt, oculis suis aperta & conspicua. Quo etiam sensu hic inferior mundus, Apo. 15. mari vitreo comparetur; quod quæ in eo eventura essent, Deo aperta sint, & Joanni clarè revelata. Ex quibus omnibus colligi potest, quid de mari vitreo hoc in loco judicandum videatur. Cui ultimo subjiciuntur, quæ in throni medio & ambitu visæ sunt animalia: qualia partim, Esa. 6. & Ezech. 1. Quæ describuntur in istis ac visis circumstantiis, & effectis auditis. Circumstantiæ sunt, primum numeri quaternarii: deinde oculorum copia & situs; quod plena fuerint oculis, ante & retrò: tertio figura: ac primum singulis propria; leonis, vituli, hominis, aquilæ: deinde adjuncto, senarum alarum, communis. Verùm de recta eorum interpretatione discepratur. Quidam putant propriè denotari hac visione, omnes creaturas cælestes, terrestres, Dei imperio parere: in cælo tonitrua, fulgura, tempestates, iridem: in terris verò animalia, primum rationalia, homines; deinde irrationalia, partim gressilia, cum fera, quæ Leone, tum mansueta, quæ vitulo notentur; partim volatilia, quæ aquilâ, tanquam excellenti specie, Synecdochicè declareretur. Alii contrà (priscorum Theologorum opinione freti) Euangelia quatuor adumbrata existimant: idque vel similitudine initii Euangelii: vel argumenti, quod cum horum animalium natura conveniat. In qua re tamen inter se dissident. Verum utraque hæc sententiæ, quamvis virorum sit illustrium, confutatur tamen; primum hujus visionis circumstantiis: quia nec bruta, nec Euangelia sunt in cælo ac Dei throno; nec plena oculis, nec die ac nocte laudem & gratiarum actionem concinunt: deinde nec attributa sequentium capitum iis conveniunt: ut procidere coram agno c. 5. vers. 8. acclamare Amen, vers. 14. Joannem monere ut ad agnum aperientem sigilla veniat & videat, cap. 6. 1. 3. 5. 7. dare septem Angelis phialas aureas, plenas iræ Dei viventis, cap. 15. vers. 7. cum senioribus 24. Deum procidentes adorare & acclamare Alleluja, Apoc. 19. vers. 5. Quamobrem nec vera animalia, nec Euangelia, adumbrari hac animalium specie concludimus: multo minus alia, quæ importunè ac mira varietate à multis adferuntur.

Denique contra ab aliis doctè de Angelis, & quidem selectioribus exponitur: idque meritò. Nam eorum natura excellens fortitudine ac magnanimitate, quæ similitudine leonis notatur: deinde mansuetudine & laboris tolerantia, quæ vitulo notatur: ad hæc prudentia, quæ per hominem: denique celeritas admirabilis, quæ per Aquilam & alarum senarum similitudinem designatur. Et oculorum plenitudine, Angelorum vigilantia gemina denotatur, partim introrsum, in observando Dei nutu, & mandatis: ne aliquo imprudenter provolent, nisi quo tanquam Spiritus administratorii mittuntur divinitus: partim extrorsum, in observandis creaturis, quibus destinantur vel conservandis, vel puniendis, ne quid præter mandatum exequantur: earum prior vigilantia internis alarum oculis, posterior externis reliqui corporis antè & retrò depingitur: adeo ut cum visione Ezech. 1. egregiè in summa rei consentiat: licet circumstantiis quibusdam (ut in diversis visionibus fieri solet) differat. Vnum tamen disquirendum superest, quomodo citra contradictionem dicatur, hæc animalia fuisse in throni medio & ambitu. Sed illud conciliatur hoc modo: quod non secundum idem ea dicantur. Veruntamen hoc sensu alio

tamen atque alio modo ab interpretibus exponitur. Quidam putant animalium tria reliqua fuisse in throni ambitu: aquilam verò supernè in medio throni, alis explicatis: quia non tantum dicitur, quartum animal fuisse simile aquilæ, sed volanti. Alii verò contrà statuunt, hæc simul de cunctis 4. animalibus fuisse dicta, sed non secundum eandem eorum partem: nam posteriori corporis parte fuisse sub throni medio: capite verò & anteriori parte ante thronum, commodò ordine in throni ambitu: quemadmodum regalibus sedibus, ornamenta similia solent adhiberi: ut in throni Salomonis gradibus, leones duodecim substrati fuerunt. Atque hoc situ, Angelorum subjectio & servitium erga Deum cælestem regem depingetur. Atque hæcenus Dei Majestatis visæ descriptio: Cui, apta connectione, additur illius honoratio: à circumpositis, primum animalibus, deinde senioribus. Nam ut animalium visæ circumstantiæ antè descriptæ sunt: ita hoc in loco ascribitur eorum effectum, Dei videlicet laudatio. Ea autem, præmissa temporis circumstantia, nempe diei ac noctis, sine intermissione recesetur. Constatque laude attributorum Dei Patris, primum sanctitatis perfectissimæ ac summæ, quæ ut Esa. 6. terna repetitione indicatur: deinde omnipotentia: denique æternitatis, quæ licet sit termini ac successionis expers, similitudine partium temporis præteriti, præsentis, futuri, ut Apoc. 1. 8. denotatur; *qui est, qui erat, & qui venturus est*. Hæc de v. 8. Cum verò hæc celebratio Angelica, ad Dominum Deum omnipotentem dirigatur: eam partim expositione quadam illustrat & amplificat Propheta. Expositio quidem declarat primum celebrationem, cum ait v. 9. animalia illa dedisse gloriam, honorem, gratiarum actionem.

Id quod bifariam intelligi potest; nimirum vel ut nihil aliud sit quàm ea prædicasse, Deum afficiendum esse gloria, honore, gratiarum actione: vel ut distinctè de diversis capiatur: ut dare gloriam & gratiarum actionem, significet Dei præstantiam & beneficia ab eo accepta, sermone celebrare: dare honorem, sit gestu corporis humili, exempli gratia, prolapsus in solum adoratione, subjectionem ac reverentiam testari, quemadmodum Apoc. 17. 14. Deinde declaratur hujus celebrationis objectum esse, eundem qui sedebat in throno, qui vivit in secula seculorum: quo æternitas (per antecedentem sententiam *qui est, qui erat, & qui venturus est*) proposita, clarius illustratur, v. 9. Et conveniens causa atque effectum describitur, consequente altera illorum, videlicet viginti quatuor seniorum honoratione duplici: primum facto; quo honorem geminum tribuerunt; adorationis Dei Patris & abjectionis coronarum suarum ante thronum illius: idque in signum subjectionis & gratitudinis debita: Deo videlicet assignando (ut Primasius ait) *quicquid virtutis, quicquid habent dignitatis*. Quod, ut nonnulli observant, prisco etiam Romanorum ritui convenit: quo, ut ferunt, Imperator hostium victor, apud Romanos, triumpho exacto, superstitione in Jovis Capitolini gremio, reponebat coronam triumphalem; ut victoriæ datorem agnosceret. Hæc de v. 10. & honoratione, quæ facto præstita. Altera verò est, quæ verbis ac laude exhibita est: constans propositione illius, & confirmatione. Propositio est; dignum esse Dominum, qui accipiat gloriam, honorem, & virtutem. Cum autem dare & accipere sint relata: quemadmodum dare gloriam & honorem ante ostendimus posse explicari bifariam; ita & accipere gloriam & honorem: vel ut eodem modo utrumque; ad oris confessionem referatur; ut sit sensus; dignus es, cujus prædicetur gloria, honor, potentia; vel ut distinctè accipere gloriam, sit laudari; accipere honorem, affici honore: ut illud ad sermonem, hoc verò ad factum referatur. Quod sicuti est uberius, ita & antea, & hoc in loco, in sententiarum diversitate videtur præferendum: præsertim cum & animalia honorem dederint, & seniores. Sed difficultas aliqua ex tertia voce emergit: quomodo Deus dicatur *virtutem accipere*? nam Deus à creaturis ore celebrari & gestu honorari potest: sed cum sit omnipotens, v. 8. ideoque potentiam ab ipso omnes, ipse verò à nemine accipit, nec accipere potest propriè: qua de causa, quidam contendunt, accipere gloriam, honorem,

honorem, potentiam, similiter ad celebrationem oris tantum pertinere: adeo ut vox accipiendi propriè sumatur; sed gloria, honor, potentia Metonymicè pro confessione testimonioque eorum: ut Apoc. 5. 12. *dignus est agnus ille mactatus, qui accipiat potentiam*. Sed aliter nodus à quibusdam expeditur; nimirum ut accipere dicatur Deus gloriam & honorem ab hominibus: à se verò potentiam; non quidem essentialem, quæ æterna, sed illius in hostibus vincendis operationem temporalem: aut potius potentiæ patefactionem Metaphoricè, quæ sit quasi illius acceptio: ut sit sensus, dignus es qui accipias amplitudinem, ut tibi cuncta subjicias: sic Esa. 51. dictum esse, *consurge, consurge, induere fortitudinem*. Eumque sensum esse genuinum, censet demonstrari loco simili, Apoc. 11. 17. Nam cum locutus fuisset Propheta de punitis impiis, tandem subjicit: *factum est regnum hujus mundi Domini nostri & Christi ejus*, & continuo procedentes Seniores 24. ajunt; *Gratias agimus tibi Domine Deus omnipotens, quia accepisti virtutem tuam magnam & regnasti*; & eodem modo explicant, Apoc. 5. 12. utraque probabilis apparet sententia, sed secunda magis fluit. Deniq; confirmatio hujus propositionis est ab omnipotentia & bonitatis divinæ effecto gemino; creatione omnium, & conservatione: quæ repetitione prioris à causa finali amplificatur, his verbis: *propter voluntatem tuam sunt*, hoc est, creata sunt ac perstant: nam Deus causa mundi est efficiens, non solum procreans, sed etiam finis, ut Rom. c. 11. v. 36.

## CONSECTARIA.

I. Cum secunda visio, Joanni Apostolo, Christi ope in cœlis contigerit; Ergo ei tanquam divinæ ac veræ, fides adhibenda est.

II. Joanni revelata sunt quæ oportuerat fieri: ergo ea à nonnullis, bona parte, ad præteritum Vetus Testam. perperam referuntur.

III. Hinc etiam sequitur Apocalypsin ad usum necessarium & cautionem pertinere: ideoq; malè faciunt, qui ab illius lectione, difficultatis prætextu, prorsus abstinendum censent; cum multa capita commodè satis queant percipi magnæque utilitate observari, v. 1.

IV. Quandoquidem Deus throno suo judiciali, quo particularia judicia exercet, sedet, orbemque gubernat; in illius providentia & cura nobis est acquiescendum, ei; tam in adversis, quàm in prosperis, tanquam Domino nostro, summo ac judici, reverenter ac piè obtemperandum, v. 2. 3.

V. Deus terribilis est sua potentia, sed contra suavis est Ecclesiæ suæ, misericordiæ ac fœderis intercessione, v. 3.

VI. Cum Deus fideles suos servos cœlesti gloria ac coronâ donet, suosque in cœlis quasi assessores constituat: non est causa justa, cur impiis in hoc mundo florentibus, & vestium luxu pompæque mundana, & plerorumq; gratiâ exultantibus invidemus: aut humilis nostræ sortis observatione, animum despondeamus: sed contrâ, per quævis adversa forti invictoque animo ad coronam cœlestem contendendum, v. 4.

VII. Dum mundus Dei tonitru concutitur, lampade sui Spiritus Ecclesiam recreat: ideoque fugiendæ sunt errorum ac vitiorum tenebræ, & in veræ notitiæ Dei & religionis luce vivendum, ut filios lucis decet, v. 5.

VIII. Quoniam Deo omnia sunt pellucida, Angelique oculis pleni; curandum est ut in eorum conspectu in timore & tremore salutem nostram operemur, v. 6.

IV. Angeli quatuor, quasi quatuor mundi plagis destinati, excellunt robore: mansueta promptæque laboris tolerantia, prudentia ac celeritate admirabili: quamobrem si officium fecerimus Deoque placeamus, non est cur mundi vel Satanæ, mundi principis potentiam aut astutiam metuamus: cum Angeli boni, qui nobiscum sunt, iis longè antecellant, v. 7.

X. Quandoquidem Angeli die ac nocte sine intermissione Deum in cœlis celebrant: turpe & impium est, si nos tardi simus ad preces & gratiarum actiones.

XI. Deus est ter Sanctus: eoque profani sunt, ac ter miseri, qui illius gubernationi impiè obtreant.

XII. Beatæ in cœlis animæ, Angelorum exemplo, Deum honorant: Ergo & nos in terris hominum piorum exemplis provocati, eorum pietatem confestim imitari debemus.

XIII. Quamvis Deus internam cordis humilitatem potissimum spectet ac requirat: externa tamen corporis humilitas, tanquam internæ index ac socia; exemplo 24. seniorum requiritur, partim justitiæ, partim ædificationis causâ: justitiæ quidem; quod ut animo & corpore sumus redempti Deoque proprii; ita utroque ei servire debeamus, 1. Cor. 6. vers. 20. ædificationis verò, ut proximus, nostro exemplo excitetur, aut confirmetur in officio simili.

XIV. Cum Sancti ipsi in cœlis Deum adorent, ut vivent in sæcula seculorū, & digni qui accipiat gloriam, honorem, virtutem: ergo eorum exemplo, non sanctos, sed solum ter sanctum Deum adorare, eique soli servire debemus, Matth. 4. v. 10.

XV. Hi seniores coronas ante thronum abjiciunt, seque non suo merito, sed Dei gratia regnare profitentur: ergo impiâ superbiâ Pontificii turgent, dum Sanctorum meritis fidunt, imo suis meritis sese coronam cœlestem assequi posse jactant, v. 10.

XVI. Deus omnia creavit ac sustentat: ergo ei tanquam Domino nostro jure meritoque servire debemus, & ad ejus laudem omnia referre, v. 11.

## CAPUT QUINTUM.

PRimarius Apocalypseos author ac dator Deus Pater, descriptus est, capite antecedenti, à visa cœlesti majestate, seu regali magnificentia; & illius honoratione à nobilissimis creaturis, cœlitibus Angelis & beatorum animabus. Altera descriptio est cap. 5. à dextræ illius adjuncto libro, qui depingitur suis circumstantiis, internis & externis. Internæ sunt scriptionis modus, & scripti obsignatio. Scriptionis modus est, quod fuerit scriptus intus & à tergo; hoc est utrimque conscriptus. Nam ut rectè à quibusdam observatum est, veteres libri una membrana oblongâ constabant, quæ circum cylindrumolvebatur; unde etiam מלל Hebraicè, & volumina Latinis nominabantur: sic Luc. 4. 17. Christus dicitur librum explicuisse, & v. 20. explicuisse: & Apoc. 6. 14. *cælum recessit sicut liber, qui convolvitur*. Hinc volumina intus conscribebantur tantum, nisi tanta materiæ esset copia, ut etiam foris seu à tergo esset scribendum. Quo spectat illud Juvenal. Saty. 1.

---- Plena jam margine libri

Scriptus, & in tergo, necdum finitus Orefes.

Obsignatio verò hujus voluminis declaratur à causa efficiente, sigillis septem: quæ non uno loco conjunctim, ut vulgo sentiunt, sed diversis voluminis partibus apposita fuisse, ex separata eorum apertione colligimus. Quid verò hæc omnia denotent, disquirendum est. Multi, veterum vestigiis insistentes, per librum, Sacras Veteris Novique Testamenti literas intelligunt: sed libri hujus circumstantiis & materia confutantur. Nam liber hic omninò obsignatus fuit: nec à Ioanne, nec ab ulla creatura potuit aperiri, neque inspicere, vers. 1. & 3. sed Sacræ Literæ fuerunt Joanni & Apostolis apertæ, lectæ & intellectæ. Ergo liber hic non sunt Sacræ Literæ. Deinde quæ hoc libro continentur, ea bona ex parte sequentibus exponuntur, quæ reliquis Sacris Literis, non omnino continentur. Quare rectius alii Dei præscientiam & consilium, de rebus in Ecclesia, & hostibus illius gerendis intelligunt: ut ex sigillorum apertione, & cœlesti interpretatione, ex sequentibus liquere potest. Similis quodammodo liber describitur, Ezech. 2. v. 9. 10. *Et ecce manus missa ad me, & ecce in ea volumen libri, & expandit illud coram me: & erat scriptum ante & retro, & scriptura in eo lamentationes & gemitus & vae*. Scriptio verò intus & à tergo, rerum scriptarum copiam: obsignatio verò septem sigillis, hoc Dei consilium per se arcanum esse designabat, v. 1. Atq; hæc sunt internæ libri circumstantiæ: Externa verò est illius apertio & solutio sigillorum, cujus causa efficiens describitur: atq; hoc ordine, ab authore Apocalypseos primario, nempe Deo Patre, commodè transitur ad descriptionem secundarii, nempe



nempe Filii *dei spiritus* mediatoris. Declaratur enim apertio-  
nis causa ad amplificationem, per aphærefin, & thefin. A-  
phærefis removet causas alienas, ac notat, quis non aperue-  
rit: quod exponitur antecedente, Angeli ad libri apertio-  
nem, provocatione, v. 2. & creaturarum omnium impoten-  
tia, v. 3. & consequente Ioannis dolore ob suam & Ecclesiæ  
jacturam, v. 4. Thesis verò eum qui aperturus erat, decla-  
rat, antecedente primum senioris indicio, deinde acceptio-  
ne libri per Christum: denique consecuta honoratione.  
Vnus enim ex senioribus illis, de quibus cap. 4. v. 4. Ioan-  
nem consolatur, dehortatione à fletu, & confirmatione il-  
lius, per revelationem ejus, qui esset librum aperturus. Eum  
autem describit, à persona & effectis. Personam notat, à  
natura humana: cuius indicat majores Judam & Davidem,  
unde etiam è Iuda esse dicitur, ut Genes. 49. 9. Heb. 7. 14. &  
*radix*, hoc est, Metonymicè non minus quam Metaphoricè,  
è radice Davidis, ex Esa. c. 11. Effecta designantur cum  
vocatur *Leo ille qui vicit*; hoc est, sua iustitia peccatum, Sa-  
tanam, mortem, leonina fortitudine superavit, & tribu Iu-  
da, Gen. 49. fuit adumbratus. Quæ victoria Christi, & via  
fuit, & causa ad glorificationem, non solum in regno & sa-  
cerdotio, sed etiam in prophetia, ut dignus esset qui arca-  
num Dei, de Ecclesiæ regimine, calamitatibus, conserva-  
tione in iis, ac salute; contraque hostium exitio, à Patre in-  
telligeret, & hominibus patefaceret, v. 5. Nam secundo lo-  
co indicatur illius revelatio, & per eum libri acceptio. Re-  
velatio quidem à loco; quod inter thronum & quatuor il-  
la animalia, & inter seniores illos steterit: deinde à specie,  
quod ut agnus maculatus, & septem cornibus atque oculis  
fuerit instructus. Quorum prius, illius naturam humanam  
& sacerdotium notat: quemadmodum agno Paschali & le-  
gali fuit adumbratus, Exod. 12. & 1. Pet. 1. v. 19. & 1. Cor. 5.  
v. 7. Posterius divinam illius naturam notat, quod ille for-  
titudinis & sapientiæ divinæ sit fons, è quo Spiritus Sanctus  
mittatur ac donetur, v. 6. Atque ita revelatio loci & spe-  
ciei, qua Christus Ioanni apparuit, absolvitur. Cui adscri-  
bitur effectum accessus ad Patrem, & acceptio libri è dex-  
tra illius: cuius finis fuit (quemadmodum ex v. 2. 4. & 5.  
constat) ut ostenderet se dignum esse, qui aperiret & lege-  
ret librum, & solveret illius sigilla, v. 7. Quæ apertio, sicut  
suam meretur gloriam; ita honoratio Christi sequitur tri-  
plex. Prima fuit selectorum Angelorum & beatarum ani-  
marum: qui typo quatuor animalium & seniorum, de qui-  
bus c. 4. actum est, adumbrantur. A quibus Christus hono-  
ratus est, adoratione & laudatione. Adoratio declaratur  
& gestu & habitu. Gestu; quod prociderint in terram,  
atque ita per corporis demissionem, animi sui subjectionem,  
& Christi Regis sui dominium sint professi. Habitu;  
quod singuli habuerunt cum citharas, tum phialas au-  
reas ad morum Levitarum servientium in tabernaculo  
aut templo Veteris Testamenti: nam primum citharæ  
psallendis Dei laudibus adhibebantur, 2. Chron. cap. 5.  
v. 12. Unde dicitur, Ps. 33. v. 1 & 2. *Exultate iusti in Domino,  
rectos decet laudatio, confitemini Domino cithara.* quo modo  
coelitis etiam tribuitur Apoc. 14. v. 2 & c. 15. v. 2. ad cœ-  
leste encomium depingendum. Phialæ verò aureæ, inter  
vasa sacra altaris, serviebant odorem continendis; de  
quibus, Exod. 25. v. 29. *parabis & acetabula ac phialas, thu-  
ribula ac cyathos, in quibus offerenda sunt libamina, ex auro  
purissimo:* & 1. Chron. 28. v. 17. & 2. Reg. 25. 15. Chaldæi è  
templo spoliasse dicuntur thuribula & phialas. Tales autem  
in templo phialæ aureæ centum fuerunt, 2. Chron. 4. 8. Ha-  
rum phialarum legalium similitudine, dicuntur animalia &  
seniores phialas habuisse plenas suffituum: quorum suffi-  
tuum mysterium, convenienter umbræ legali exponitur  
his verbis: *quæ sunt preces Sanctorum*: ut enim suffitus sursum  
tendit, & odoris suavitate acceptus est: sic etiam preces San-  
ctorum ad Deum ascendunt eique grati sunt: quo modo  
incensi odor suavissimus Domino dicitur, Num. 28. 26. &  
Ps. 141. 2. *dirigatur oratio mea sicut thus in conspectu tuo.* Ve-  
runtamen ex hoc loco invocationem sanctorum Angelo-  
rum & beatarum animarum stabilire conantur Pontificii  
fatis speciosè, hoc modo; Qui norunt preces nostras easque  
offerunt Deo, illi à nobis sunt invocandi, tanquam inter-

cessores nostri apud Deum. Angeli & animæ beatæ norunt  
preces nostras, easque ita offerunt Deo. Ergo ut interces-  
sores sunt à nobis invocandi. Sed primum negatur propo-  
sitio. Nam ad invocationem illam, non requiritur aliqua-  
rum tantum precum notitia: sed omnium perfecta & per  
se notitia, quæ soli Deo, soli sapienti, & *regi* 1. Reg. 8.  
v. 39. convenit: ideoque solus adorandus, Mat. 4. v. 10. De-  
inde oblatio omnium precum nostrarum, sanctificatur di-  
gnitate & merito offerentis Christi, 1. Pet. 2. v. 5. unci me-  
diatoris nostri, 1. Tim. 2. v. 5. per quem solum pervenitur ad  
Patrem, Ioan. 14. ideoque impiè illud à Pontificiis, Sanctis,  
in cœlo constitutis, communicatur. Deinde ad assumptionem  
quod attinet, Angelos & animas nosse preces nostras,  
easque offerre Deo, non asseritur hoc loco, sed de Sanctis:  
dicit enim, *preces Sanctorum*. Sancti autem alii sunt imper-  
fecti; qui in terris adversus peccatum, mundum & mundi  
principem Satanam militant: alii in cœlis perfecti & pecca-  
to exuti triumphant, quorum preces sunt instar suffitus, de  
quibus agitur hoc loco. Nam quod regeritur, eos cum sint  
in gloria, nulla re opus habere: ac propterea eorum non es-  
se preces, quarum hic mentio, sed nostras: antecedens ne-  
gatur: nam & beatæ animæ victoriam de hostibus Eccle-  
siæ, & morte, hostium ultimo, 1. Cor. 15. expectant ac pre-  
cantur, Apoc. 6. v. 10. & fratrum, sibi sub Christo capite  
unitorum, generatim conditionem non ignorant, & salu-  
tem eorum desiderant, quia perfectus eorum est amor: sed  
speciatim singula nosse vota cordis nostri ac preces, scri-  
pturæ repugnat: quæ ut ostendimus, 1. Reg. 8. soli Deo cor-  
dis notitiam tribuit: & rerum nostrarum specialem scientiam  
beatis adimit, Esa. 63. 16. Atque hæc de adoratione  
Christi, v. 8. Laudatio verò primum generatim describitur,  
cum vocatur *Canticum novum*, hoc est, Synecdochicè exi-  
mium: aut potius propriè novum, ob rei novitatem. deinde  
formula illius exprimitur, constans propositione & con-  
firmatione. Propositio est, *dignus es qui accipias librum &  
sigilla aperias*. Confirmatio est à beneficio erga Ecclesiam,  
morte ejusque fructu. Quorum illud indicatur his verbis:  
*maculatus es, & redemisti nos Deo, per sanguinem tuum, ex omni  
tribu, & lingua, & populo, & natione.* Hæc autem re-  
demtio est, per iusti pretii & *λύσις* solutionem, à peccato &  
Satanæ servitute liberatio, qua Deo iterum restituimur ac  
consecramur. Hinc dicuntur primum redempti Deo: quo  
etiam modo in simili cœlestium cantico dicitur; *Hi emi  
sunt ex hominibus primitiæ Deo & Agno*: nempe sacræ, A-  
poc. 14. v. 4.

Deinde cum *λύσις* seu redemptionis pretium sit Chri-  
sti anima seu vita, Matth. 20. v. 28. quam sanguinis effu-  
sione profudit: idcirco redempti dicuntur per sanguinem,  
ut pretii dignitas eluceret: ut 1. Pet. 1. 18. *scientes quod non  
corruptibilibus, argento, &c.* eoque 1. Cor. 6. v. 20. huic loco  
conferentem dicitur *emisti pretio; glorificate igitur Deum  
in corpore vestro & in Spiritu vestro, quæ sunt Dei.* Quod ve-  
rò dicitur *ex omni tribu & lingua*, tanquam liberationis ter-  
minus accipi potest, & cum ea construui: ut 1. Pet. 1. 18. A-  
poc. 14. 3. 4. ut quemadmodum alibi nos ex mundo electi  
dicimur: sic hoc loco, aliis relictis, gratiosè redempti: vel  
ut ad subjectum pertineat, & ad amplificationem referatur;  
ac si esset, nos qui ex omni tribu, *quas* (supple *ὅντας*) *in terris.*  
Sed prius magis convenit, quia constructione simplicius  
est ac magis fluit, & alterum sub se complectitur. Verum  
alia oritur difficultas; quum enim quatuor animalia à  
nobis statuuntur quatuor selecti Angeli: alii contrà beatas  
animas intelligunt, hinc ita disputant; Quatuor hæc ani-  
malia dicunt, *redemisti nos Deo*: atque nulli Angeli verè di-  
cere possunt, *redemisti nos*, quia non peccarunt, eoque  
nec redimi potuerunt. Ergo nulli Angeli sunt quatuor  
animalia. Verum negatur syllogismi consequentia: quia  
*redemisti nos*, ambigüe dicitur, in assumptione propriè,  
in propositione verò synecdochicè: Angeli enim sub  
animalium specie dicunt *redemisti nos*, non ratione suarum  
personarum, sed cœtus & civitatis cœlestis (cujus sunt pars  
Hebr. 12. vers. 22. Apoc. 19. vers. 10.) ratione habitæ;  
*redemisti nos*, id est, cœtus nostri bonam partem, beatarum  
animarum myriades. Qualis synecdochica loquendi ratio  
usitatiss-

usitatissima est vulgo, & in S. Lit. ut inter alia Mat. 27. 44. Marc. 15. 32. latrones dicuntur Christo convitiati, hoc est, interprete Luca c. 23. 39. unus ex latronibus, sic Mat. 24. 9. *tunc tradent vos*, id est, ex Ecclesia, cujus estis membra, fratres vestros; & v. 23. *si quis dixerit vobis*; & v. 33. *ita & vos*. Nam multis ante seculis Apostoli obierunt, ante impletionem Propheticae illius concionis Christi. Imò ratione seniorum etiam hoc in loco aliqua est synecdoche. Nam quod dicunt se redemptos ex omni tribu, lingua, populo: illud non de solis hisce potest intelligi; sed quatenus conjuncti censentur reliquis omnibus sanctis. Quocirca nihil obstat, quominus per quatuor animalia Angelos intelligamus, vers. 9. Atque hæc de mortis Christi jure meritoque: fructus verò & efficacia est, quod nos fecerit Deo nostro reges & sacerdotes: ut cap. 1. 6. expositum. Quorum prius ab effectu declaratur; quod regnabimus super terram. Quod intelligi potest bifariam: primum ratione ultimi iudicii; quo omnia subjicientur pedibus Christi & Christianorum, & perditis reprobis, terra liberabitur ad gloriam regni Filiorum Dei; quibus ea inserviet tanquam illustre clementiae Dei theatrum, è quo in caelestem aulam traducti: vel ratione antecedentium temporum; quibus in suis fratribus dominabuntur cum suo capite in medio inimicorum. Utrovis verò modo accipiamus, sive de regno gloriae & quietis; sive de regno gratiae & militiae; nihil facit pro iis qui contendunt, animalia & seniores hosce denotare praefectos Ecclesiae in terris militantis, v. 10. Porro hæc prima Christi à cœtu animalium & seniorum honoratio: Altera est à reliqua Angelorum circumstantium multitudine, innumerabili; quæ ut Dan. 7. Myriadibus & Chiliadibus, tanquam maximis numerorum vocibus indicatur, vers. 11. Quorum canticum partim à vocis magnitudine, partim à formula describitur: qua Christum dignum esse asserunt, qui accipiat à Patre potentiam, divitias, sapientiam & fortitudinem congruentem regi & regni quoque administrationi in apertione ac lectione libri sigillorum: deinde à creaturis honorem, gloriam, benedictionem vers. 12. Tertia honoratio est omnium reliquarum creaturarum; quæ distinctè exponuntur; primum creaturæ; deinde honoratio. Creaturæ describuntur loci distributione, cœli, terræ, maris. Creaturæ cœli sunt, partim rationales, animæ beatæ, ut Apoc. 7. 9. 10. 13. & 14. 4. partim irrationales, ut astra, Sol, Luna. Creaturæ terræ sunt vel super terram, animatæ & inanimatæ; vel sub terra, res terræ visceribus contentæ. Nam quod Pontificii nonnulli hinc purgatorium stabilire contendunt; illud omnino ineptum est. Omnes creaturæ (inquiunt) sub terra Deum celebrant: Ergo aut Diaboli, aut animæ. Non Diaboli, quia Dei adversarii: Ergo animæ; non autem quæ in inferno (quia dicitur Psal. 5. v. 6. *in inferno quis confitebitur tibi*) Ergo quæ in purgatorio. Veruntamen primum falsa est hypothesis, in propositione disjunctiva; quasi solæ rationales creaturæ Deum honorarent; cum contrà suo modo, id etiam inanimatis, Psal. 19. 1. 2. & alibi tribuatur. Deinde assumptio etiam falsa est; quoniam Diaboli, licet Dei sint adversarii, Christum tamen Dominum suum agnoscere, & inviti, illius potentia subacti ac domiti, honorare coguntur: ut ex Evangeliorum exemplis & Philip. 2. apparet, idemque de animabus damnatis etiam evincit, quod dicitur; omnem cœli, terræ, maris, creaturam, & omnia quæ in iis sunt. Ergo nihil excipitur. Quod enim ex Psalm. 6. objicitur, à re proposita alienum est: quandoquidem locus ille non agit de animabus, sed corporibus, quæ in sepulchro, (sic enim potius quàm in inferno exponendum) exanimata, Deo non consentunt: Precedit enim, *Non est in morte, qui memor sit tui*. Idque etiam apparet ex persona Davidis, de se etiam ista loquentis: qui ab inferni metu, per fidem erat liber, sed morti & corruptioni corporis in sepulchro erat obnoxius: Deinde David de confessione voluntaria loquitur, non autem metu extorta. Quare non agitur de animabus in purgatorio: ne quidem; si prius, (quod oportebat) purgatorium huiusmodi extare, aliunde esset demonstratum. Ideoque creaturæ quæ sub terra sunt, eo trahi non

debent. Quod verò additur, *& quæ in eis sunt omnia*; illud quidam ad creaturas referunt hoc sensu; Non solum creaturæ, quas commemoravi, sed omnia etiam quæ in eis sunt, hoc est, singulæ earum partes: quemadmodum dictum est Psal. 103. *Benedic anima mea Domino, & omnia quæ intra me sunt nomini sancto ejus*. Verum ob stare constructio videtur: primum propter numerum diversum, omnis creatura & quæ in eis sunt: quamvis hæc numeri diversitas, per enallagen, ratione sensus excusari posset, ut 2. Cor. 5. 19. *reconcilians mundum, non imputans iis peccata*: quia mundus sumitur pro fidelibus in mundo, ad quos constructio ratione sensus refertur. Deinde quia ita remotiores erunt partes construendæ: ac propterea, *qui in eis sunt*, ad cœlum, terram, mare referenda arbitramur, h. e. omnes earum partes atque contenta: quomodo sacræ Literæ hæc jungunt, ut Act. 14. 15. *Deum virum qui fecit cœlum & terram & mare, & omnia quæ in iis sunt*; Act. 17. 24. *qui fecit mundum & omnia quæ in eo*; & Apoc. 10. vers. 6. *creavit cœlum & quæ in eo, & terram & quæ in ea, & mare & quæ in eo*. Hæc de creaturarum descriptione; sequitur earum effectum, honoratio Patris & Filii. Patrem enim vocat Iohannes sessorem throni, ut Apoc. 4. vers. 2. & 10. Filium *agnum*, ut hoc capite vers. 6. & 8. Honoratio est, qua benedictionem, honorem, gloriam, robur in secula seculorum Patri Filioque attribuunt, vers. 13. Quæ etiam honoratio simili exemplo confirmatur 24. seniorum, qui viventem in secula seculorum, prostrati in suas facies adorant. Verum quid per viventem in secula denotetur, ambigi potest. Nam Patri convenire potest, sessori throni, cui hæc descriptio addita, c. 4. 9. & 10. vel Filio, ut Apoc. 1. 18. *virgo*, inquit, *in secula seculorum*. Utrique appositè, quia uterque eadem laude, v. 13. celebratus est, vel denique habita Deitatis unius ratione, ad utrumque communiter referetur; tanquam adorationis causa; v. 14. Hæc de capitis quinti explicatione: in qua subsisto.

## CONSPECTARIA.

I. **D**Ei consilia de Ecclesiae statu futuro, sunt liber ob-signatus, quem nulla creatura aperire nec legere potest: Ergo cœlestes Angeli & animæ beatorum non sunt omniscii, ideoque impium est, quod de Trinitatis speculo, in quo videant omnes res, comminiscuntur; impiaque cœlestium adoratio, quæ hoc falso fundamento innititur, v. 1. & 3.

II. Christus est Leo è tribu Iuda, & stirps illa Davidis: Ergo corpus suum non habet è cœlo, sed ex matre. Ideoque errant graviter Anabaptistæ, v. 5.

III. Christus solus Dei secreta novit ac pandit & potens leo est, qui habet septem Dei Spiritus; Ergo non est merus homo, sed etiam verus Deus.

IV. Cum Christus sit victor, leo & agnus mactatus, ejus fortitudini & misericordie lepitati fidentes eum constanter colere debemus, versic. 5. & 6.

V. Christus adorandus est à cœlestibus spiritibus. Ergo verus est Deus.

VI. Cum Jesus sit noster redemptor; & vitæ, & invocatione precum ac gratiarum actionis colendus est, v. 9.

VII. Angelorum ministrorum Christi plurimæ sunt myriades: ergo plures sunt pro nobis quàm contra nos: ideoque non est, cur in adversis desperemus, v. 11.

VIII. Christus æquali eademque gloria cum Patre honorandus est. Ergo verus est Deus, vers. 12. & 13.

## COROLLARIUM De Seculis.

**Q**Uoniam seculi frequens occurrit usus, & Valentiniani ad suos Æones, Manichæi ad Deum malum statuentum, Judæi denique cùm olim, tum nostris temporibus ad ceremoniarum legalium observationem stabilendam pertinaciter ac gloriose in citandis S. Literis abutuntur; & prisca Theologi multa argutius, quàm verius (absit dicto invidia) de seculis disputarint; ut Augustin. tom. 5. de civ. Dei lib. 12. cap. 19. & tom. 8. in Psalm. 9. Hieron. ad Gal. 1. idcirco diligentius ac distinctius de hujus vocis origine & usu corollarii loco differendum duximus;

ut multa Scripturæ loca illustrentur, & adversariis Judæis ora obturari possint. *Αἰών* Græcis dicitur quasi *αἰὶ ὄν*, quod semper sit, ut rectè Aristot. de cælo lib. 1. cap. 9. Hebræis frequentius *עוֹלָם* quod propriè longum tempus (unde Latini *olim* : quod sensu & significatione ferè convenit) à *עוֹלָם* abscondere, quod longo tempore res aboleantur atque abscondantur. Latini interpretantur *seculum*, sive literarum quadam transpositione à Græco *αἰὼς* ætate, ut doctè Turnebus Advers. lib. 26. c. 13. putat: sive à Latino *sene*, ut Perotto placet, aut *sequendo*, ut quidam conjiciunt, derivetur. Usurpatur autem hæc vox vel propriè vel figuratè. Propriè Græcè sumpta, æternitatem seu infinitum tempus significat: idque vel simpliciter & absolute, quod terminis, principio & fine ac successione caret. Sic Deo soli convenit, Genes. 21. 33. Esai. 40. v. 27. *Deus seculi* seu æternus, ut Rom. 16. 26. *αἰὼν ὁ θεὸς* & 1. Timoth. c. 1. v. 17. *rex seculorum* : vel secundum quid & comparatè, ratione termini vel prioris seu à quo, hoc est, quod initio caret, Psalm. 93. v. 2. *à seculo tu es*, Eph. 3. 11. *secundum propositum αἰώνων* id est, *αἰώνων æternum*. Act. 15. 18. *ab æterno nota Deo opera ipsius*: vel ratione termini posterioris & ad quem, seu quod fine caret. Quod Scholastici in rebus creatis, distinctionis gratia, *ævum* vocant. Sic Daniel. 12. v. 3. *in seculum*. Atque hæc æternitas inchoata, à resurrectione quidem mortuorum & adventu Christi glorioso ad judicium, vocatur *seculum illud futurum*, Luc. 20. v. 35. Matth. 12. 32. Hebr. 6. v. 5. & venturum Luc. 18. 30. Figuratè verò primum per synecdoch. speciei pro genere, *αἰὼν* tempus finitum ac diuturnum significat, *עוֹלָם* verò propriè. Idque aut præteritum ac priscum. ut *dies seculi* Deut. 32. 6 Esai. 63. 9. *semisæ seculi*, Ier. 18. 15. *terminus seculi*, Esai. 42. v. 14. sic Ier. 2. 26. à seculo, id est, ut Kimchi explicat, *à longo tempore*, & 28. 8. & Luc. 1. v. 70. & Act. 3. v. 21. *Propheta qui à seculo*, id est, olim fuerunt. Sic Genes. 6. v. 4. *à seculo*, id est, olim, à longo tempore. Aut futurum tempus notat; vel inde finitè, ut Ios. 4. 7. *in monumentum, in seculum*, seu in posterum, Genes. 6. 3. *in seculum*, ac si diceret, in longitudinem dierum. Huc refertur Eph. 2. 7. *secula succedentia* : vel definitè quod insigni aliqua mutatione definiatur. Sic curriculum vitæ humanæ, *seculum* vocatur, ut Kimchi in lexico, Psalm. 119. *non obliviscar in æternum; omnibus diebus vitæ* exponit. Sic 1. Samuel. 2. vers. 22. *maneat ibi usque in seculum*, & 27. 22. *erit mihi servus seculi*, hoc est, æternum serviet, ut Horatius loquitur : *servit æternum, quia parvo nesciat uti*. Quemadmodum Latinis seculum, hominis ætatem longiorem, quæ centum annis definiri solet, notat. Unde *ludi seculares* dicti, centesimo quoque anno celebrati: & Græcis *αἰὼς*, teste Aristotel. de cælo lib. 1. c. 9. sicut etiam Matth. 13. 22. *solicitudo seculi*, hoc est, *hujus vitæ*, ut Luc. c. 18. 15. interpretatur. Sic Jerem. 25. 9. *Vastitates seculi*, hoc est, perpetuæ dicuntur, quæ v. 11. & 12. septuaginta annorum spacio definiuntur, & Deut. 15. 17. *Erit servus seculi*, hoc est, ad diuturnum usque jubilæi tempus, Levit. 25. 39. 40. Eoque Kimchi in Lexico ait; *Vult dicere, omnibus diebus usque ad jubilæum*. Sic terra Chanaan semini Abrahami addicitur in seculum, Genes. 13. 15. ita circumcisio, Pascha & Sabbathum vocantur fœdus seculi, Gen. 17. 13. Exod. 12. 24. & 31. 16. hoc est, ad diuturnum Christi adventum; quo templum cum sacrificiis a-

bolendum erat, ac novum gratiæ fœdus confirmandum, Dan. 9. 26. Ierem. 31. 31. 32. Sic denique diuturnum illud ad alterum Christi adventum tempus vocatur, *seculum*, Matth. 28. 20. & *seculum hoc*, Luc. 10. 34. ut etiam, *tempus hoc* Luc. 18. 38. oppositè *seculo illi & futuro*. Quid autem sit futurum seculum, ad superiorum illustrationem, ex loco Eliæ Levitæ Iudæi, quædam adserimus. Sic enim ait in suo Thisbi in *חֲבֵר עוֹלָם*. *Controversia est inter novissimos scriptores, de tempore seculi venturi. Quidam enim dicunt, quod sit seculum animarum: alii referunt ad tempus dierum Messie: alii verò ad tempus quod erit post resurrectionem mortuorum, & quicquid adducit argumenta pro confirmanda sententia sua. Hæc ille. Deinde per metonym. adjuncti, seculum usurpatur pro mundo generatim, Heb. 1. 2. *secula fecit*, & c. 11. 3. *fide intelligimus aptata esse secula*. Quo etiam modo Deum *seculi*, Esai. 40. 27. Kimchius exponit. Quemadmodum & vulgo, hæc loca Matth. 13. 39. *messis verò est, consummatio seculi*, & v. 40. & 49. *in consummatione hujus seculi* & c. 24. 3. & Matth. 28. v. 20. *ero vobiscum ad consummationem seculi*. Nec valde repugno, sed tamen commodius arbitror, ut Matthæi loca de tempore à primo Christi adventu ad secundum intelligantur. Nam præter hæc loca, ubi *συντελείας ἔστι αἰὼν* fit mentio, tantum reliquus est, Hebr. 9. 26. *ὅτι συντελεία τῶν αἰώνων*, in consummatione seculorum, ex quo priores illustrantur. Nam ut *secula* hic notant tempora ad primum Messie adventum præterita, & præterita consummatio seculorum *plenitudinem temporum*, Galat. 4. 4. ac *fines seculorum*, 1. Cor. 10. 11. ita futura consummatio seculi, *novissima tempora* ad alterum Christi adventum designat, simili locutionis modo. Huc etiam pertinet quod *πάλιν & συντελεία* (quantum observare potui) de temporibus quidem dicuntur Luc. 4. v. 2. Act. 21. 27. & c. non autem de mundo & non consumtionem (quod mundo convenit) sed consummationem notant. Ideoque in concordantiis Stephani in voce *συντελεία* *consumo* pro *consummo*, errore typographi positum est. Quo etiam pertinet Tertulliani interpretatio, qui libro de resurrect. carnis locum illum Matth. 24. 3. consummationem seculi, interpretatur conclusionem seculi: quod tempori convenit. Longè verò aptius ad hanc significationem mundi accommodari potest, 1. Corinth. 2. 7. *quam præfinierat ante secula*: & 2. Timoth. 1. v. 9. *ante tempora secularia*, hoc est, mundana, seu ante jacta mundi fundamenta, ut rectè Beza exponit: & Tit. 1. 2. *quam promiserat Deus ante tempora secularia*. De cuius loci explicatione malè Hieronymus ex Origenis lacunis nonnulla depromsit in comment. in eum locum: Ideoque merito ab interpretibus illius rejicitur. Quare (ea omissa) hoc constat, seculum generatim mundum etiam notare: Speciatim verò per synecdoch. maximam incolarum mundi partem, Rom. 12. v. 2. ut Iacobus declarat c. 1. 27. & Luc. 16. v. 1. 1. Cor. 1. v. 20. & 2. 6. & 2. Cor. 4. 4. Deus hujus seculi, & Galat. 1. v. 4. *præfens seculum malum*. Atque hæc de simplici seculi voce. *Seculum* verò *seculorum*, Esai. 34. 10. vel *secula seculi* Esai. 45. 16. vel *secula seculorum*, 1. Pet. 4. 11. Apoc. 1. 6. 8. 18. & 4. 9. 10. & 5. v. 13. 14. sic dicuntur Hebraismo, emphaticè & per auxesin, ac pro re subiecta intelligenda sunt. His autem locis Apocalypseos æternitatem significant, sine carentem. Nam & Dei vita infinita est & æterna naturâ: eoque rectè vivens & gloriosus in secula seculorum asseritur. Hactenus de seculo & seculis ex Scripturæ usu diximus.*

F I N I S eorum, quæ Author in Apocalypsin scripsit.

APPEN-

# A P P E N D I X,

Q V. Æ

## Continet Explicationem Prophetiarum Moſis de Chriſto:

E T A N A L Y S I N H O B A D I Æ.

Explicatio Genes. 3. verſ. 15.

**Q**Uamvis omnes Prophetæ teſtimonium de Chriſto venturo perhibeant, Luc. 24. 27. Act. 1. 1. v. 43. Moſes tamen, temporis ordine & revelationis modo, primas inter eos obtinet, Num. 12. v. 6. & primus Euangelista dici poteſt. Ac propterea Chriſtus & Apoſtoli, ex illius ſcriptis potiſſimum, Euangelicæ doctrinæ veritatem confirmarunt, & ad illa provocarunt, Luc. 24. v. 47. Iohan. 5. 46. Siquidem doctrina de Chriſto proponitur ab eo partim typis (cum perſonarum, tum rerum ac ceremoniarum) implicata: partim ſententiis apertioribus directè vel obliquè explicata. Quarum tres præſtantiffimæ, Genesi continentur: duæ quidem priores, immediatè hominibus à Deo patefactæ; Poſtrema verò per Iacobum Patriarcham, Gen. 49. v. 10. Et illarum quidem altera in Paradiso, Adamo & Evæ, altera verò extra eum Abrahamo divinitus declarata. Prior continetur Gen. c. 3. 15. & primum Euangelium proponit, hiſce verbis; *Et inimicitiam ponam inter te & mulierem, & inter ſemen tuum & illius: ipſum conteret tibi caput, & tu conteres ei calcaneum.*

De quo loco dicturi, pauca præmittenda de occasione illius: & ad ſenſum deinde procedemus.

Ocaſio ex antecedentibus perſpicua eſt. Poſtquam enim Moſes narraſſet peccatum Adami & Evæ, primum, quo à Deo defecerant, & cauſam illius impulſivam externam, cum principalem Satanam, tum instrumentalem Serpentem; ſubjicit deinde eventum, nempe Dei juſtum examen & judicium adverſus omnes. In examine de facto inquiri: & peccati confeſſionem, ex ipſismet reis (Adam & Eva) elicit. Ut autem Adamus ab Eva; & hæc per ſerpentem à Satana ſeduſti fuerunt: Ita in judicio, poenam ſervato ordine denuntiat, initio ducto à cauſis impulſivis externis. Ac primum ſerpenti maledicit, & poenam ſtatuit itionem ſuper ventrem, & pulveris eſum, verſ. 14. Quod nec contra Dei juſtitiam, nec contra ſapientiam eſt. Nam quamvis ſerpens ratione, eoque & peccato, caruerit, & orationis intellectu; juſtum tamen fuit & prudens factum, ut Diabolus in ſuo instrumento, quod à Deo creatum, Dei gloriæ ſervire debuerat, puniretur, & homines (in quorum uſum ac bonum irrationales creaturæ datæ) fierent certiores de amore Dei erga ſalutem hominum, & cautiores, ad defectionem, aliorumque ſeduſionem evitandam. Si cui tamen videatur hæc oratio directæ; non tantum ad ſerpentem; ſed etiam ad Satanam ſuo modo pertinere: dicere poſſet, poenam etiam Diaboli allegoricè eſſe adumbratam: quod à cæli ſublimitate & gloria, unde antea exciderat, perpetuò eſſet arcendus & terrenis concupiſcentiis & hominibus reprobis ſociandus, & à juſtitie & reſipiſcentiæ fructibus alienus futurus. Sed hiſce tanquam minus ſolidis prætermiſſis, ad alteram judicii partem accedamus. Quæ ut quodammodo ad ſerpentem aptari poteſt: ita certò ad Satanæ poenam pertinere colligitur ex adjunctis circumſtantiis, & Apoſtolorum interpretatione, 2. Cor. 11. v. 3. Heb. 2. 14. Apoc. 12. 9. Ioh. 8. 44. & Rom. 16. 20. Poena autem ſtatuitur duplex, oppoſita convenientiſſimè factis illius ac meritis. Nam ut mulieri & poſteritati illius, per peccatum, inimicitiam Dei conciliaret, & ſibi auſcultantem devicerat: ita contra Deus minatur illi inimicitiam mutuum cum ea, & ſeminis utriusque inter ſe; deinde ſeminis de ipſo victoriam. Cujus rei ſcopus eſt perſpicuus, nempe conſtans, ad finem uſque mundi adverſus peccatum, mortem ac Satanam, Eccleſiæ conſolatio & in vera fide inſtitutio & confirmatio ad ſalutem. Per mulierem autem

intelligit Evam: ut articulus Hebr. & circumſtantiæ rei ipſius ac totius loci demonſtrant. Per *inimicitiam* verò cum Satana, ex relatorum natura & oppoſitorum ratione, amicitiam ac reconciliationem cum Deo obliquè, certaque conſequentia promittit, quod regenerata & in gratiam Dei reſtituta oſura eſſet juſtè, injuſta ſatanæ conſilia & opera, iſque repugnatura, per veram fidem & charitatem, Eph. 6. v. 11. 1. Pet. 5. 9. Cui inimicitie primæ ac mutue altera ſtatuitur adjuncta, nempe inter utriusque ſemen. Satanæ autem ſemen non eſt proprium nec corporale, quia ſpiritus eſt: neque etiam ſpirituale, ex eſſentia illius, quia ſpiritus generationis & diſiſionis eſt expers: ſed improprium per Metaph. ſic dictum, nempe ſclerati & reprobi; quos quaſi gignit, exemplo ſclerum & malitiæ inſtillatione, atque exitioſa gubernatione, Ioh. 14. verſ. 30. Eph. 2. v. 2. ſimiles ſibi efficiendo, cum impietate, tum exitii hæreditate. Quos ſenſu ac modo dicuntur eſſe filii Diaboli, Ioh. 8. v. 44. & ex Diabolo nati, Ioh. 3. v. 10. Verum quid ſemen mulieris ſit, controverſia eſt nobilis. Nos cum orthodoxis Patribus & communi Eccleſiæ interpretatione, ex rei ipſius veritate, Chriſtum eſſe aſſerimus: cui propriè, tanquam Deo & ſervatori, Satanæ contritio convenit, Hebr. 2. 14. Ioh. 3. 8. Sed quatuor inprimis huic ſententiæ potiſſimum objiciuntur, quæ diſtinctè ſolvenda ſunt.

Primum etiam à quibuſdam orthodoxis adfertur; qui de Chriſto quidem exponunt, non tamen ſolo: ſed etiam de electis, eo argumento ducti, quod ſemen ſit nomen collectivum ac poſteros denotet; ideoque ſingulari Chriſti perſonæ convenire nequeat. Verum negamus hoc eſſe perpetuum; freti primum vocis uſu, in S. Lit. Nam per Metonym. materiæ pro effectu illius vox ſeminis, cum de homine agitur, primò ſingulariter, prolem notat: ut Gen. 4. 25. de Setho dicitur: *poſuit mihi Deus ſemen aliud pro Habel*: ubi diſertè & Sethus & Habel ſemen nominantur: & Gen. 21. 13. de Iſmaële dicitur *quia ſemen tuum eſt*: & 2. Samuel. 7. 12. *Non dediſti mihi ſemen*, id eſt, prolem, non autem liberos, ut nonnulli exponunt. Abrahamus enim non de paucitate liberorum ſed de defectu prolis & hæredis conqueritur, & Gen. 38. 8. *Excusciſ ſemen fratri tuo*, id eſt, prolem, non autem liberos. Nam, de unica prole, nempe primogenita accipiendum eſſe aperte docetur, Deut. 25. 6. & Matt. 22. 24. 25. Deinde ab hac prima ſignificatione, quod prolem notat, per Synecdochen collectivè, uti loquuntur frequentiffimè, pro liberis ac poſteris accipitur. Huc accedit Apoſtoli interpretatio certa, Gal. 3. *in ſemine tuo, qui eſt Chriſtus*. Denique ex Chaldæi paraphraſtis interpretatione idem comprobatur, qui *filium* vertit. Hæc de primo argumento.

Reliqua verò tria ab Anabaptiſtis adferuntur. Mulier, inquiunt, eſt ſpiritualis, nempe Eccleſia, quam antiquus ſerpens Diabolus oppugnat, Apoc. 12. 4. Ergo ſemen etiam ſpirituale eſt.

Sed negatur antecedens & probatio illius, quia diverſa eſt utriusque loci ſententia. Moſes enim loquitur de Evæ reconciliatione cum Deo, quam ut fidelem oppugnaturus erat mutuò Satan: Iohannes verò agit figuratè de Eccleſia N. T. tanquam Chriſti regis ſponſa; adverſus quam certaturus erat Satan. Quod declaratur prophetica ſimilitudine, ad hitoriæ Moſis imitationem: quemadmodum Adami & Evæ conjugium, Chriſti & Eccleſiæ conjunctionem adumbravit, 2. Cor. 11. 2. & 3. Eph. 5. 31. & 32.

Vvv 4

Sed



Sed inquirunt; secundò, semen Satanæ spirituale est: ergo & oppositum semen mulieris spirituale esse oportet.

Verùm negatur consequentia: quia semen pro diversa parentum ratione, etiam diversum. Eva mulier fuit corporalis; ergo & corporale ipsius semen: Satan contra spiritus; Ergo & semen spirituale.

Denique objiciunt, mulieres non habere semen naturale, ut Philosophi non pauci testantur: quod etiam observavi, authorem libri de viro perfecto, qui Hieronymo suppositus est atque extat tomo illius quarto, asserere. Ergo semen mulieris, non de naturali propriè, sed de alio semine figuratè intelligi oportere.

Verùm negatur antecedens, quod Medicorum anatomicorum sententiâ & experienciâ, ac demonstratione, & Pauli testimonio diserto confutatur; qui Heb. 11. 11. Saram ait accepisse vim ad καταβολήν, id est, *dejectionem seminis*: convenienter etiam sententiæ Mosis, Lev. 12. 2. *mulier cum ediderit semen & pepererit masculum* אִשָּׁה כִּי תוֹרִיעַ וַיֵּלֶד אִישׁ Hæc de semine Satanæ & mulieris, primæ enuntiationis fundamentum.

Effectum verò, est inimicitia mutua: quæ in mundi improborum, tanquam seminis Satanæ, & Christi contraria natura, studiis & operibus elucet, Joh. 3. 19. 20. 7. 7. 15. 18. 16. 34. 17. 9. 16. & 1. Joh. 5. 19. Quam inimicitiam, ut mundus exercet in Christi personam & membra illius, fideles, in quibus ipsum persequitur, Act. 9. vers. 5. ita Christus in mundum, & caput illius Satanam; dum errores, impietatem, & injustitiam oppugnat. In qua mutua & gemina inimicitia, prima, ut ostendimus, Satanæ poena consistit. Deus autem inimicitia Satanæ & seminis ipsius author non est: sed inimicitia Christi & corporis ipsius, adversus Satanam: utriusque verò gubernator sapientissimus ac iustissimus. Alterum, quod hic observandum, est de ipso frustra renitente victoria: quæ hisce verbis describitur; *ipsum conteret tibi caput; & tu conteres ei calcaneum*. Quo victoria Christi denotatur, & improbus irritusque Satanæ conatus. Verum in priori, de subjecti efficientis & attributi effecti, sententia inquirendum est. Nam Pontificii vulgò legunt in vulgata versione (quam Concilio Tridentino authenticam reddiderunt) non *ipsum* sed *ipsa*, ac de Maria virgine, Christi matre, passim & inprimis in psalterio Mariæ interpretantur: cujus etiam pedibus caput serpentis in picturis suis idololatricis subicere solent, addito hoc elogio; *ipsa conteret caput serpentis*. Cujus etiam idololatriæ documenta in frontispiciis Iesuiticorum quorundam librorum apparent. Ut autem hoc facerent eo speciosius, vigente jam Dei beneficio luce Evangelii, in Bibliis Regiis interlinearibus Antverpianis Hebræum contextum, perfida Guidonis Fabricii operâ, corruerunt: ut Lucas Brugensis vir eruditus testatur in libro quem ad vulgatæ versionis correctionem edidit. Idemque etiam patet ex clariss. Francisco Raphelingio, qui illud vitium postmodum correxit in Plantiniana officina sui socii. Nam cum in Hebræo contextu sit pronomen אִשָּׁה quod ad *semen* refertur: Pontificii ne genus discreparet, posuerunt in Bibliis Regiis אִשָּׁה imposito circulo, trita variæ lectionis nota, ac si esset ἀνστροφή seu vocalium permutatio, qualis interdum reperitur: ac si esset ἡ pro ἰ quod apud Mosen frequens est, ut ante v. 12. & Exod. 3. v. 8. in quo etiam typographi vitium (ut Lucas Brug. etiam notavit) reperitur ἡ pro ἰ. Atque hinc Bellarm. ait: *unum exemplar legi, in quo erat scriptum אִשָּׁה*: quod sine dubio de corruptis hisce Bibliis regis intelligendum: quia ea Bellarmino non fuerunt ignota. Atque hac depravatione vertunt *ipsa*, nempe mulier, *conteret caput serpentis*. Sed hæc perversio vincitur variis modis. Ac primum sequentium syntaxi duplici: partim quia verbum *conteret* generis est masculini: eoque non ad ipsam mulierem, sed ad semen, quod Hebræis est ejusdem generis, aptari necesse est: partim quia pronomen affixum in אִשָּׁה *conteret ei* similiter est generis masculini: ac propterea nequaquam ad mulierem, sed ad semen illius referendum est. Neque quicquam habet momenti; quod objiciunt Pontificii, inveniri interdum generum enallagen. Nam ubi ea extat, ex loci

circumstantiis necessitas enallages, ac permutationis concluditur: neque generis enallage admittenda, nisi res ipsa evidenter hoc flagitet. Hoc autem in loco causa nulla adferri potest, neque adfertur, cur à propria generis ratione ad enallagen, seu permutationem illius adigamur. Deinde etiam attributum, quod sequitur & huic subjecto competit, nempe *conteret caput serpentis*, soli Christo, qui verus & omnipotens est Deus, ac solus humani generis redemptor, propriè competere potest: ac propterea non de alio, aut alia; puta virgine Maria, hic est sermo. Tertium genus argumentorum, est petium ex fidelibus veterum & recentiorum testimoniis. Nam primum LXX. Interpretes, servato genere vertunt *αὐτὴ ἡ ἡ*, ut ad filium per semen mulieris descriptum referatur, sensus habita ratione: alioqui dixissent *αὐτὴ* nempe *σάρξ*, & talis constructio non est inusitata. Deinde Chaldæus paraphrastes antiquissimus ac probatissimus Onkelos, quemadmodum *semen mulieris* interpretatur filium: ita paraphrasi quadam addit, ut in Hebræo contextu, vocem אִשָּׁה. Accedit tertio loco Hebræor. interpretum doctiss. Abenezra, qui vocem אִשָּׁה interpretatur *אִשָּׁה* hoc est, *semen illius*. Præterea Hieronymus cum LXX. Interpretibus Hebræos etiam sequitur, tomo tertio Quæst. in Genesim; Deinde Procopius in Genesim. Quibus, ut alios omittam, accedit veterum codicum & Masoritarum, hoc est, *criticorum Hebræorum vetustissimorum, ad superstitionem usque diligentium*, consensus, qui nullam hoc in loco lectionem variam annotant. Denique ut omittam Irenæum libr. 3. c. 77. Cyprianum libro contra Iudæos, Leonem Pontificem Rom. oratione in nativitate: etiam doctissimi Pontificii nostro ævo, vi veritatis adacti assentiuntur: quemadmodum ex præstantissimis Bibliorum interpretibus, Pagnino, Vatablo, Isidoro Claro, Cajetano, Augustino Steucho recognitione in Genesim, Aloysio Lipomanno, Marco Marino in Arca Noë, & ex ingenua Francisci Georgii Minoritæ professione apparet; sic enim ait; *Ex falsa traductione, qua habetur, ipsa conteret caput tuum, Latini communiter attribuunt victoriam hanc reginæ celorum. Quæ licet sublimior sit quam dici queat; dabimus tamen victori triumphum hunc, cui ex veritate literæ debetur; ubi habetur, ipsum conteret caput tuum, ipsum vid. semen mulieris, quod Christus fuit*. Hæc ille problematum tom. 1. Probl. 55. Ex quibus omnibus concludimus, cum loci syntaxis & materia & antiquorum interpretum ac codicum consensus, ac doctiorum adversariorum, imò Pontificis Romani Leonis professio, vulgarem Pontificiorum, de subjecto hujus sententiæ interpretationem confutent, eam merito esse explodendam. Idque ex attributo quoque clarius & plenius liquet: quod est capitis Satanæ contritio. Caput autem vim & potestatem metaph. notat: quæ sita est in peccato, Eph. 2. 2. 6. 11. 12. & 1. Ioh. 3. vers. 8. & in morte utraque, præviisque afflictionibus, Heb. 2. 14. Contritio vero continuata allegoria, oppressio nem significat: adeo ut *contritio capitis*, sit abolitio potestatis Satanæ in Ecclesiam: quod opus est solius Dei Christi que proprium. Qui hoc caput superavit bifariam. Primum ratione sui: cum oppugnantem, partim per se, tentatione (ut ad peccatum adduceret) Matth. 4. partim per instrumenta sua, maledictis & malefactis (ut omnino perderet) contraria sanctitate perpetua ac patientia, & potentiâ divinâ, quâ tandem resurrexit, superavit. Johan. 6. vers. 76. 14. 30. Deinde ratione nostri: primum merito humilis obedientiæ suæ, & patientiæ ad mortem usque crucis: qua Satanam condemnavit, Joh. 16. 11. cumque mortis imperium habentem eatenus abolerit, Heb. 2. 14. & expulsa imperia ac potestates traduxit, palam triumphatis illis per crucem, Col. 2. v. 15. Deinde efficaciâ sua, partim pro nobis electis, partim in nobis. Pro nobis quidem; gloriosa exaltatione: ac primum resurrectione, qua mortis (à qua detineri non poterat, Act. 2. v. 24. & Satanæ (qui potestatem mortis habebat Heb. 2. 14.) vim convenienter merito suo, re ipsa & efficaciter devicit: secundò ascensione in cælum, qua ascendens in sublime, captivam duxit captivitatem, Ps. 68. 19. & Eph. 4. 8. tertio sessione ad dextram Patris: qua Pater eum collocavit longe supra omne imperium ac potestatem &

domi-

dominium, & omne nomen quod nominatur, non solum in hoc seculo, verum etiam in futuro, omniaque ejus pedibus subjecit, Eph. 1. 12. & in summam extulit sublimitatem & donavit ei nomen, quod est supra omne nomen, ut ad nomen Iesu omne genu se flectat, caelestium & terrestrium & subterraneorum, Phil. 2. 9. Ex quibus liquet, Christum efficacia sua pro nobis seu pro Ecclesia sua per exaltationem gloriosam Satanæ potentiam superasse, ideoque caput contrivisse: deinde in nobis etiam idem præstat, fructu consequente gloriam, Spiritus sui potentia, 4. hisce gradibus, vocatione, justificatione, sanctificatione, & redemptione seu glorificatione, Rom. 8. 30. & 1. Cor. 1. 30. Vocatione quidem; partim dum misso extra ordinem, aut ordinariè Spiritu S. alios dedit Apostolos, alios vero Prophetas, alios autem pastores & doctores, Ephes. 4. vers. 11. 12. per quos vocat exterius à tenebris ad lucem, & à potestate Satanæ ad Deum, Act. 26. vers. 18. partim dum interius operam ministrorum vocantium efficacem ac fructuosam reddit, donatione regenerationis, qua mens illustratur agnitione veritatis salutiferæ, & cor fiducia illius & charitate accenditur: quibus modis vis & potestas Satanæ prima (quæ posita est in incredulitate, & aversione à Deo, ad quam primum hominem adduxit, & qua ratione mundi princeps dicitur Eph. 2. vers. 2.) frangitur, dum à Deo per spiritum idonei efficiuntur ad participandam sortem sanctorum in luce, & liberamur à potestate tenebrarum, ac transferimur in regnum Filii Dei dilecti, Col. 1. vers. 12. 13. Eaque fide Satanam & mundum superamus, Ephes. 6. vers. 16. 1. Pet. 5. vers. 9. & 1. Johan. 5. vers. 4. 5. Secundus gradus est justificatio: qua iusti coram Deo censemur, & à pœna peccati, & carnificis Satanæ potestate liberamur, aspersione sanguinis Christi per Spiritum illius: qui, ut nobis fidem donat: ita illius fidei vinculo unit nos Christo, & ejus sanguine, tanquam agni immaculati paschalis nos aspergit, ne ab Angelo exterminatore Ægyptiorum instar occidamur Exod. 12. vers. 13. sed ut cum Israelitis servemur, 1. Pet. 1. vers. 2. & 19. Tertius gradus est sanctificatio reliqua, quæ in virtutum practicarum habitu seu in charitate Dei & proximi consistit: qua fit ut à Christo per spiritum regenerationis vivificati, non amplius vitam mundi hujus vivamus secundum principem, cui potestas est aeris, & spiritum nunc agentem in hominibus infidelibus Eph. 2. vers. 2. sed dissolutis operibus Diaboli per Christum sanctè vivere incipiamus, 1. Joh. 3. vers. 8. Postremus gradus est glorificatio: quæ in redemptione partium hominis (hoc est, liberatione efficaci) & iudicio ultimo universi posita est. Redemptio partium hominis est, qua primum anima à corporis & peccati, ac tentationum Satanæ vinculis & molestiis soluta, in cœlum, invito Satana, ad authorem suum Deum & servatorem Christum Spiritu illius subvehitur; & corpus deinde, à molestiis quiescens, ultimo die à morte tanquam vulnere Satanæ ac potestate, & ut à stipendio peccati liberatam, immortale, & glorioso Christi corpori conforme, resurget, 1. Cor. 15. 54. & 55. & Phil. 3. 21.

Judicium ultimum & universale universi mundi est, quo post corporis resurrectionem, electis à Christo vita æterna (cujus aditu, Satanæ dolo, exciderant) adjudicabitur & conferetur; contraque Satanæ æternis pœnis ac flammis addictus tradetur. Qua ratione plenissimè Satan conculcatus sub pedibus Christi & Christianorum, vi Christi jacebit. Mat. 25. 34. 41. Rom. 16. 20.

Atque hac viâ constat, quid conculcatio capitis serpentis complectatur, & quam verè & accuratè illa, de Satanæ victoria, Christo, & quidem soli, quadret, tanquam auctori. Intersim ea ab adjuncta repugnatione Satanæ: quæ in hisce terris habet locum, illustratur his verbis: & tu conteres ei calcaneum, hoc est, tu Satanas serpentis instar, non caput Christi, neque cor, sed tantum calcaneum & infimam partem lædes. Qua allegoriâ corpus primariò naturale certò intelligitur & secundariò mysticum intelligi videtur: sicut per contritionem afflictiones & mors denotantur: nam Satanæ actu & instinctu, Christum odio persecuti sunt Iudæi, Joh. 8. vers. 44. Iudas prodidit Joh. 13. 2. & 27. Synedrium & Pilatus per milites ceperunt, crucifixerunt & sepulchro clauferunt (de qua re

Luc. 22. 53. Hæc vestra hora est & potestas tenebrarum) qua potestate læso corpore, illæsa mansit divinitas & anima sancta atque immortalis, quæ in manus Patris & in Paradisum recepta est, Luc. 23. 43. 47. Quapropter quia Satanæ Christi corpus quidem læsit; imò morte fregit: sed divinitatem & animam intactam reliquit: idcirco dicitur contritus non caput & cor, quæ primaria corporis membra, in quibus potestas & vita consistit: sed calcaneum tantum, quo læso aut conculcato, corpus sanari ac vivere potest. Atque huc pertinet quod Christus ait Joh. 14. v. 30. Venit princeps mundi & in me non habet quicquam: nempe ratione, non plagæ, quam intulit; sed victoriæ, quam frustra affectans, non retulit. Quemadmodum si serpens calcaneum læderet alicujus: sed à serpente læsus, caput illius contereretur, nihil haberet potestatis in hominem, quod in certamine succumberet ac periret: Ita Christus pertulit à Satana mortem, sed per eam, mortis fuit mors, & Satanam abolevit, hoc est, caput & potestatem illius conculcavit ac contrivit, Heb. 2. v. 14. Quæ differentia in capitis & calcanei oppositione observanda est. Atque ita primariò & immediatè in Christi corpore naturali, calcaneum conculcaturus erat Satanæ. Idemque secundariò ac mediatè præstat in Christi corpore mystico, Ecclesia ipsius. In quo corpore considerandum primò est quasi caput; anima: quam oppugnare potest, sed expugnare & conterere non potest; nec ratione essentia ac vitæ naturalis, quæ immortalis est, Matth. 10. vers. 28. nec ratione vitæ supernaturalis & cælestis; quæ in tuto reposita est, ac Christi potentissimi Domini ac Pastoris virtute & manibus continetur, Johan. 10. & 1. Pet. 1. Alterum est quasi calcaneus, nimirum corpus, quod animæ subest, quodque variis afflictionibus, tormentis ac morte, Deo permittente, à Satana, per instrumenta ipsius, conteritur, ad majorem victoris Christi triumphum, & Ecclesiæ, per mortem immortalis ac victoris, gloriam, & Satanæ conculcationem atque ignominiam majorem, Eph. 4. vers. 16. 1. Joh. 2. v. 13. Rom. 16. 14. Apoc. 12. vers. 11. Hæc de primo Evangelio, immediatè à Deo, in Paradiso, primis nostris parentibus, Adamo, & Evæ, ad perpetuam Ecclesiæ institutionem, fidem ac consolationem proposita. Cui non incommodè ad Evangelii olim promissi intelligentiam adjungi potest locus, Genes. 15. v. 1. & seqq.

## Brevis explicatio loci

Genes. xv. vers. 1. 2. 3. 4. 5. 6.

Quoniam illustris cum primis est locus de fide & justificatione Abrahami, Genes. 15. vers. 6. de quo Roman. 4. non inutile nec ingratum fore arbitramur, si conjunctis antecedentibus expendamus. Continetur autem Prophetæ oratio, sex prioribus hujus capituli versibus, estque bimembris, complectitur enim colloquium Dei cum Abrahamo, & felicem illius eventum.

Colloquium quod attinet, scopus illius est consolatio ac confirmatio Abrahami, in vera fide, & omnium verè fidelium. Explicatur autem adjuncto gemino, & forma ac partibus suis.

Adjunctum primum est tempus, nempe *his rebus transfactis*: hoc est, ab Abrahamo devictis quatuor Regibus, benedictione à Melchisedecho accepta, contemptique ac rejectis hostium spoliis & opibus. Alterum adjunctum est *visio Dei*: quæ unus est ex ordinariis illis modis, quibus Deus olim priscis Patribus & Prophetis Majestatem suam patefaciebat, Num. 12. vers. 6. Cum autem visio alia sit spiritualis, quæ vel phantasie, vel menti obijcitur: alia corporalis, quæ corpori proponitur; posterior videtur intelligenda, nempe visibile, gloriæ divinæ symbolum, ad ampliore orationis auctoritatem & fidem. Hisce adjunctis subjicitur proximè colloquii forma, quæ ex partium dispositione elucet. Partes autem primariæ sunt tres, Dei colloquium, vers. 1. Abrahami exceptio, vers. 2. & 3. & divina illius solutio unà cum eventu, vers. 4. 5. & 6. Dei colloquium est, quo Abrahamum primum gratiosè compellat, dehortatione & confirmatione illius. Dehortatio est ne metuat. Causa enim metus erat gemina, nempe adversariorum

tiorum potentia malusque animus; & contra Abrahami, cum iis collati, impotentia. Adversarii autem erant partim aperti; partim operati ac tecti. Aperti erant Reges illi devoti, qui insperatâ & gravi clade ab Abrahamo acceptâ offensi, redintegratis viribus, collectisque copiis, eum potuissent adoriri ac ~~de~~tere: operati verò erant, ut probabiliter colligitur incolæ nonnulli, quibus, pro more ingenii humani, invidiosa erat Abrahami victoria, & exosa illius (ob simile cum Regibus victis periculum) fortitudo. Idcirco metum hunc excutit Deus, cum ait: *Ne metue*. Idemque confirmat ratione ac consolatione suavissima, à promissione gemina: quarum prior est ablatio mali, ac defensio contra adversarios & mala quævis: quod insigni & crebra (in psalmis potissimum) metaphorâ illustratur, cum ait Deus: se esse *Abrahami clypeum*, hoc est, tutissimum adversus hostes noxamque munimentum: posterior est collatio boni, quod illius *merces magna valde*, hoc est, maxima. Cum autem hîc ellipsis sit verbi substantivi, bifariam exponi potest: vel ut tertia persona, *est*: vel potius ut prima, *sum*, intelligatur: etsi enim utrumque cum re ipsa, & cum contextu orationis conveniat: magis tamen est emphaticum, si prima persona adhibeatur, ut nimirum hac via, promissionis expositæ subjectum & antecedens sit Deus, cui ista duo attributa ascribantur, primum, quod sit Abrahami clypeus; deinde, quod merces maxima: quemadmodum sese Deus quoque appellat, Numer. 18. 20. *Ego portio & hæreditas tua*, & David eam laudem Deo ascribit, Psal. 16. v. 5. *Dominus portio est & hæreditas mea*. similiter Psal. 119. 57. Quod attributum ad consolationem Abrahami pertinuit plurimum: cum asseritur, quod Deus (nempe beatus & unicus dynasta, Rex regum & Dominus dominantium, 1. Timoth. 6. 15. à quo omne bonum profluit, Jacob. 1. 17.) illius esset merces: hoc est, per metonymiam effecti pro causa, author ac donator mercedis; nempe non meritis sed immeritis & gratuitis. Ita enim intelliguntur omnia bona Abrahamo promissa & conferenda, corporalia & spiritualia, temporalia & æterna.

Hæc de alloquio Dei, prima videlicet parte hujus colloquii; cui altera succedit, nempe Abrahami exceptio adversus alteram promissionis partem, qua objicit & iterat querelam, quod & liberis careat & hæredem habeat alienum. Qua ratione promissioni divinæ quodammodo sese opponit. Tertia pars est Solutio divina, qua Deus contradicit huic exceptioni *ὅτι οὐ γάρ ἐστιν*. Deinde promissione filii asserit, eum fore hæredem. Quam promissionem, Abrahamo ex tabernaculo suo foras educito, amplificat Deus, altera pollicitatione multitudinis liberorum: quam demonstratione & comparatione stellarum cæli innumerebilibus illustrat: ut quotiescunque illas oculis aut animo contempleretur, promissio hæc symbolo illo, in mentem revocaretur, ad fidei confirmationem. Cæterum hoc feminis incrementum pertinet non solum ad filios Abrahami secundum carnem, nimirum Israelitas, aliosque; sed etiam ad liberos secundum spiritum, nempe fideles omnium gentium, qui fide ipsum imitarentur, & Christi feminis Abrahami membra facti, genuini Abrahami filii, censerentur: quemadmodum Rom. 4. vers. 16. 17. Galat. 3. vers. 29. ab Apostolo Paulo explicatum. Cum autem hæc gentilium vocatio, in familiam & potestatem Abrahami, non aliunde quàm à propria causa sua Jesu Christo dependeat, Gal. 4. vers. 28. 29. consequentis necessitate, Christi adventus, illius mentione ac promissione simul includitur. Hæc de Colloquio. Eventus verò sermonis Dei, effectus complectitur duos; non coordinatos quidem, sed subordinatos. Primus effectus est fides Abrahami, quam Dei sermoni & promissioni, quæ Evangelium de Christo includebat, adhibuit: alter est imputatio ad justitiam. Quæ cum ambiguit dicta, & *imputavit ei hoc justitiam*, accipi posset, vel tanquam effectum Abrahami, qui Deo justitiæ & veritatis in promissionibus laudem tribuat: vel tanquam effectum Dei, quo Abrahamum justum censuit: posterior sententia certa est ex Apostoli interpretatione, Roman. 4. vers. 3. Deinde cum justitia, pro obedientia & satisfactione legis accipiatur, eaque sit vel particularis, vel univer-

lis: particularis, qua ex parte legi obeditur, particulari virtute & opere bono; universalis verò, quæ omnino: prior justitia intelligitur in illa sententia. Psal. 106. vers. 31. qua factum Pinchasi dicitur *ei imputatum ad justitiam*: hoc est, tanquam opus justum, probatum, & laudatum ab hominibus; quemadmodum verba addita, *per quamque generationem usque in seculum*, demonstrant. Quamvis etiam dici posset, imputatum ei à Deo ad justitiam, hoc est, Deum illud tanquam justum opus approbasse: nam ut persona Pinchasi placebat Deo, fide & communione justitiæ Christi: ita & opus hoc bonum, ex fide per charitatem operante profectum, in Christo placebat, ac propter Christum. quemadmodum vulgatâ in scholis sententiâ dicitur, Deum justificare non solum personas, sed etiam opera per fidem in Christum: quia nullum tam laudabile est opus fidelium, quin propter imperfectionem veniâ opus habeat. Posterior verò justitia nempe universalis, hoc loco intelligitur: ut ex divina interpretatione Rom. 4. apparet: illud enim ex scopo, antecedentibus, consequentibus, totaque orationis Apostolicæ serie extra controversiam, non de particulari operis, sed de universali personæ coram Dei tribunali justitia Apostolum disserere. Veruntamen queritur hoc in loco, quomodo fides dicatur imputata in justitiam; an formaliter; an vero efficienter. Pontificii prius statuunt: sed adhibent distinctionem quadam: quoniam ut justitia inhærente nos justificari asserunt; ita duas illius partes proponunt, fidem tanquam justitiæ initium, & charitatem quam fidei justificantis formam ponunt, tanquam complementum. Atque hoc modo ait Bellarm. lib. 2. de justis. c. 4. *Non igitur fides est ipsa formalis justitia, nisi inchoata & imperfecta*. & Felicianus Capito explicationum Catholicarum tomo primo, explicatione 18. ait: *fides initiative: opera verò completive & consummative justificant*. Contra verò Orthodoxi posterius tuerentur ac docent, fidem justificare & imputari ad justitiam non formaliter, sed efficienter tantum: non ut causam impulsivam, dignitate sua & merito, quam causam meritoriam vulgo appellant: quasi fide complementum inhærentis justitiæ promeremur, quemadmodum Pontificii tradunt: sed instrumentaliter tantum; quod sit spiritualis oculus & speculum in quo Christi justitia relucet; & manus, qua Evangelio oblata justitia Christi apprehenditur. Nam si fides esset formaliter justitia nostra, esset satisfactio & impletio legis. Atqui non est satisfactio & impletio legis: quia particularis est & imperfecta actio. Si quis verò excipiat, fidem charitati junctam esse impletionem legis; illud eo refellitur, quod propter pugnam carnis adversus spiritum, regeneratio nostra imperfecta est: adeoque fides infirma, & charitas languida, si cum lege, justitiæ regula, conferatur. Deinde si fides hæc, formaliter justitia diceretur, justificatio esset per justitiam propriam, ex opere. Atqui illud est contra Apostoli sententiam & scopum, Rom. 3. v. 21. & c. 4. Quod porro objicit Bellarminus, eodem quem citavi loco, à Luthero & Philippo Melancthone disertis verbis positum; causam formalem justificationis nostræ esse solam fidem: illud per catachresin dictum, contra authorum mentem, malè interpretatur: nam fidem intelligunt, non propriè, ut adversarius accipit: sed tropicè per Metonymiam justitiam Christi imputatam, fide apprehensam: quæ formalis nostra justitia est, hoc est, justitia universalis qua coram Dei tribunali iusti sumus seu justificationis causa materialis; licet ingenuè profitendum sit, illam fidei significationem è scripturâ probari non posse. Quod autem Bel. ait alibi de justificatione lib. 4. c. 18. *si verba Hebræa diligenter inspiciantur, hunc habere sensum, quod actus ille credendi fuerit opus justum & meritorium, & pro tali, sit à Deo judicatum & acceptum*: illud omnino repugnat Apostolo. Nam cum justitia alia particularis sit: alia universalis; deinde alia operis alia personæ; non de priori, sed de posteriori agi, ex Apostoli disputatione, Rom. 3. vers. 28. & 4. constat: alioqui non cohæret sententia. Quæ enim esset consequentia; Abraham fide est justificatus, hoc est, fidei opere factus est justior, ut Pontificii volunt: Ergo (quod probandum erat) homines justificantur, coram Deo, fide sine operibus? cum

cum potius sequatur, ergo homines justificantur, non sine operibus. Ex quibus apparet Pontificiorum error. Quod verò Apostolum Jacob. c. 2. nobis opponunt, illud in explicatione illius pluribus & distinctè diluimus. Porro cum justificatio alia sit injusti; alia justificati & iusti: quarum illa prima dicitur; qua quis in se omnino injustus, & nondum justificatus, coram Deo, per fidem in Christum, iustus censetur: hæc verò secunda, quæ prioris continuatio est, qua iustus justificatur adhuc; non de prima hic locus accipiendus est, qua Abraham primum fide donatus, Dei promissiones amplexus est, (ut Aug. in Ps. 31. & Anselm. in explic. c. 4. ad Rom. accipiunt: quam sententiam Bell. merito rejicit de justif. lib. 4. c. 18.) hoc enim longè antecessit, Hebr. 11. sed de secunda, qua per fidei exercitium, Deo in illustri Euangelii promissione reposita credidit, eique continuata est imputatio ad iustitiam. Nam cum antea suam erga promissiones Dei fidem, abundè satis esset testatus Abrahamus obedientia sua, qua patriam reliquerat, Hebr. 11. v. 8. Deumque sacrificiis coluerat: inde satis apparet agi hîc, non de prima, sed de secunda justificatione. Sed quæstio est hoc loco, cur non antea, sed hoc demum c. 15. seu in hac historia dicatur fidem ei imputatam ad iustitiam. Responsio est duplex. Prima est quod hoc tempore maximè illustris fuerit Abrahami fides, cum tot periculis ac tentationibus esset expositus, nec promissæ e Sara, prolis spem, humanitus posset concipere, unde Messias tandem oriretur. Secundò responderi etiam potest, quod cum antea, fides illius fuisset infirmata quodammodo, & dubitatione quadam peccasset (quemadmodum ex querela adversaria Dei promissioni conspicitur:) opportunè finem promissionis atque eventum fuisse declaratum his verbis; *credidit Abraham Deo, & imputatum est ei ad iustitiam*: hoc est, ad remissionem peccatorum & obedientiam Deo debitam consequendam. Quemadmodum enim peccamus indies: ita opus habemus convenienti & perpetua peccatorum remissione & iustitiæ Christi imputatione. Quare ut antecedentia hujus historiæ, Abrahami lapsus infirmitatis: sic sequentia egregiam restitutionem indicant, cum fides illius commendatur, ad laudem Abrahami, & aliorum hominum exemplum atque imitationem. Sed huic secundæ solutioni contra objici potest adversa Pauli assertio multiplex, Rom. 4. v. 18. *Contra spem sub spe credidit*; Ergo non infirmatus est fide: & vers. 19. expresse adjicitur; *ac minime infirmatus est fide, & vers. 20. ad hanc promissionem non dubitavit infidelitate. sed corroboratus est fide*: denique v. 21. *πληροῦς* seu plenam persuasionem Abrahamo attribuit. Ex quibus omnibus firmitas fidei Abrahami demonstratur. Unde sequitur illum infirmitate fidei non laborasse. Sed facile, re perpenſa, quæ objecta sunt dilui possunt. Primum enim negatur consequentia, Paulus enim differit de fide Abrahami, post promissionem illam: *Ita erit semen* &c. quo tempore firmitatem ei tribuit: solutio verò allata, de fide, ante promissionem illam, hoc tempore, ad fidei confirmationem, propositam, loquitur. Deinde quod nonnulli, Roman. 4. & Genes. 15. Apostoli verſum 18. & sequentes de uno eodemque tempore & eodem fidei actu intelligunt: illud neque verbis Apostoli, neque historiæ veritati congruere, ipsa docet; adeo ut sese in eas pedicas conjiciant, è quibus nequeant extricari. Nam promissio hæc, cui credidisse dicitur Abraham, nimirum: *ita erit semen tuum*, extat Genes. 15. atque contigit ante conceptum Ismaëlem, & cum Abrahami corpus nondum esset emortuum: sed fidei Abrahami firmitas illa, de qua agitur, vers. 19. pertinet ad tempus posterius, cum jam Ismael ab eo procreatus annos esset natus tredecim, Gen. 17. v. 35. cum corpus ejus jam esset emortuum & effectum, ut Apostolus, Rom. 4. testatur. Nam non de uno eodemque fidei actu, sed de gemino loquitur. Prior est post promissionem auditam, Genes. 15. posterior est post iteratam solenniter promissionem, Genes. 17. Quod enim vers. 17. illius capituli ait Moſes, Abrahamum procidiſſe in faciem, & risiſſe ac dixiſſe in animo suo, *an nato centum annos nasceretur proles? an etiam Saræ? an nata nonaginta annos pareret?* illud inquam fidei illius firmitati non obstat: quoniam

risus ille ortus ei fuit, non ex incredulitate aliqua, quemadmodum Saræ evenerat, sed contra ex gaudio insigni. Interrogatio verò nullam dubitationem hoc in loco, sed tanquam fidelis hominis (qui Dei potentiam cum sua & uxoris impotentia comparat) admirationem declarat: quemadmodum illud innuitur partim eo, quod se prostraverit coram Deo, nimirum acturus gratias: partim quod nullo modo à Deo reprehenditur, quemadmodum risui Saræ contrarium accidit, Genes. 18. vers. 12. ut rectissime à clarissimo D. Junio observatum. Si porro quis roget, cur de fide Abrahami dicatur, quod ei imputata sit ad iustitiam? respondemus non solum hoc factum esse ad commendationem insignis fidei & felicitatis Abrahami: sed etiam ad doctrinam de justificatione illustrandam, & ad communem fidelium institutionem ac consolationem, quemadmodum Apostolus ait: *Non scriptum esse propter eum solum, sed etiam propter nos, quibus futurum est ut imputetur*. Rom. 4. vers. 24. Ex qua re confutantur Pontificii, qui diversam justificationis causam statuunt, in prima justificatione & secundâ, cum docent primam fieri fide tantum, sed secundam operibus: cum contrâ Abrahami, jam fidelis, & antea justificati, justificatio evincit, unum & eundem esse justificationis modum per fidem, non tanquam iustitiam nostram, ut perperam Pontificii contendunt, sed ut causam instrumentalem illius in Christo obtinendæ, ut idem etiam comprobatur exemplum & dictum Prophetæ, Psal. 143. vers. 3. *Ne intres in iudicium cum servo tuo, quia in conspectu tuo non justificabitur ullus vivens*: quod in eam sententiam, ad justificationem operum omnino tollendam, adducitur, ad Roman. 3. 20. Galat. 2. 26. quamvis Prophetæ, in sententia illa proponenda, nulla facta sit mentio, cum satis nota esset, & vulgo trita, ideoque indicium Prophetæ non erat necessarium.

## Explicatio loci Genes. XXII.

à v. 15. usque ad 19.

**N**ON immeritò ait Servator, Joh. 8. v. 56. *Abraham Pater vester gessit, ut videret diem meum, & vidit, ac gavisus est*. Etsi enim oculis corporis Christum in carne patet factum non viderit, animi tamen seu fidei oculis, Hebr. cap. 11. vers. 1. 13. in prophetiis ac divinarum promissionum operculo propositum contemplatus est; quemadmodum ex iis, quæ ante de Gen. 15. vers. 6. disseruimus, apparet, & ex hoc cap. 22. clarius etiam elucebit. In quo, si materiam & dispositionis formam consideremus, tum exploratio fidei & obedientiæ Abrahami, tum eventus illius felicissimus declaratur. Exploratio constat probatione divina, & probitate Abrahami. Quemadmodum enim hæc à Deo tentatio, origine, via ac modo, fineque recto procedens, mandato gravissimo, de Filio unigenito dilecto, que mactando, fidem & obedientiam Abrahami examinavit: ita & ille probum in fide ac timore Dei sese exhibuit; dum & prompto animo, ad obediendum Deo sese præparavit, & ad locum præscriptum profectus constanti animo filium Deo mactare in sacrificium, accepto cultro, conatus est. Unde eventus lætissimus multiplex est consequentus. Primus est divinum cædis ab Abrahamo tentatæ impedimentum, & obedientiæ laus. Secundus, est arietis, divinâ providentiâ, Isaaci loco, ad sacrificium substituti, & ab Abrahamo accepti, mactatio. In quo ariete, Christi, pro nobis mortui obnoxii, mactati & mortui, typum Cyrillus contra Julianum lib. 10. non ineptè constituit. Postremus, est promissio beatitudinis, & authoris illius, Christi. Ad cuius prophetiæ explicationem nos invitare debet materiæ dignitas, & summa utilitas: & mentio illius, cum alibi in S. Lit. facta, tum in Ep. ad Heb. 6. 1. 4. & 11. 12. 17. 18. Constat autem hæc prophetia, præfatione, promissionis propositione & confirmatione.

Præfatio ad auctoritatem comparata, promissionis auctorem Deum, & certitudinem, juramento solenni demonstrat: quemadmodum exponitur, Luc. 1. v. 73. Hebr. 6. vers. 14. deinde rationem adfert ad promissionem confirmandam, & occasionem illius declarandam, his verbis: *quantum*



bis; quandoq. idem fecisti rem hanc, & non subtraxisti filium tuum unicum. Quæ ratio causa est, non consequentis, sed consequentiæ ut loquuntur: quoniam ex mera gratiâ, jam inde ab initio vocationis Abrahami, Deus promissionem illam ultro proposuerat, Genes. 12. vers. 3. & postea repetierat crebrius. Ac propterea Deus hoc in loco, dum promissionem plenius ac planius reponit, non ostendit ullum Abrahami meritum, sed gratiæ suæ constantiam & gratuitum fidei & obedientiæ debitæ præmium. Qua ratione præstructa, astringitur & apponitur promissionis propositio. Quemadmodum autem pietas ad omnia utilis est, ut quæ promissionem habet vitæ præsentis & futuræ: sic & pietas Abrahami hoc in loco utilitate sua non caruit. Etenim Deus promittit benedictionem: hoc est, felicitatem primum Abrahamo; deinde semini illius; denique per semen omnibus gentibus. Ad Abrahami benedictionem quod attinet, cum corporalem, tum spiritualement, ea antè explicata est, non obscurè Genes. 12. v. 2. 3. neque ea de re controversia est, sed de reliquis disceptatur. Judæi enim *semen*, denotare posteros seu liberos arbitrantur: ac contendunt non solum alibi, sed etiam in hoc loco, quod semen ex eorum sententia, sit nomen numero quidem singulare, sed significatione collectivum & plurale. Contra vero Christiani accuratius asserunt, id non esse perpetuum: quamvis enim *semen* collectivè sæpius accipiat, singulari tamen significatione & quidem prima ac propria etiam accipi, antè à nobis est demonstratum, è quibus pauca reponemus, aliaque ad maiorem evidentiam adjungemus. Nam primum ex V. Test. est Genes. 4. 25. *reposuit mihi Deus pro Abele aliud semen*, hoc est, prolem, seu filium; ut res ipsa evincit & Chaldaus Paraphrastes interpretatione sua astipulatur. II. est Genes. 15. *Non dedisti mihi semen*, hoc est, prolem. III. Genes. 21. 13. *filium ancillæ hujus in gentem redigam: quia semen tuum est*. IV. Genes. 38. 8. *Exsuscita fratri tuo semen*, hoc est, non liberos sed prolem unigenitam, ut liquet ex Deut. c. 25. 5. 6. Deinde ad Christianorum confirmationem ex N. Test. tria pertinent illustra testimonia: I. 2. Cor. 11. 22. *Semen Abraham sunt? sum & ego*, supple semen: in qua oratione, priori loco collectivè, posteriori singulariter accipitur. II. Galat. 3. 16. cui III. consentit expositio Petri, Act. 3. 25. 26. Ex quibus locis abunde probatur, *semen* accipi interdum de semine singulari; & in hac promissione Abrahamo facta ita debere accipi. Nam quod vulgo *semen* exponunt, v. 17. collectivè, de liberorum multitudine, seu posteris: sed v. 18. singulariter de Christo. quasi (ut subiecta ex attributis, & contrà vicissim sunt intelligenda) attributa hoc in loco illud demonstrent; in posteriori versu merito assentimur, sed bona illorum veniâ, in priori, necessitatem expositionis minimè observamus. Nam quod objicitur, *multiplicatio* collectivè debere accipi: illud sequenti expositione potest confutari. Si quis enim attentius consideret, comperiet *seminis* vocem, significatione singulari distinctè accipiendam & attributis optimè convenire. Ut autem ad rem ipsam progrediamur, *semen* hoc in loco non posteros ac filios, sed filium notat, & quidem non Ismaelem, sed Isaacum, qui promissionis acceperat Genes. 21. 12. 13. & ex illius stirpe prognatum, & per eundem adumbratum, videlicet Jesum Christum. Quemadmodum enim Isaacus non vi naturæ, sed promissionis & potentiae divinæ à Patre ferè emortuo satus est, atque conceptus à matre sterili atque effata; unde cum posteris è rupe excisus dicitur, Esai. 51. v. 1. 2. Ita & Christus, à Maria Virgine, non è virili semine, sed gratuita Dei destinatione ac promissione, & virtutis Altissimi obumbratione, conceptus est Luc. 1. 34. 35. Unde lapis, è rupe, sine hominum manibus excisus, appellatur, Daniel. 2. 34.

Deinde quemadmodum Isaacus fuit filius Abrahami è Sara unigenitus, dilectus & omnium bonorum hæres, Genes. 15. 4. 21. 10. & 22. 2. sic & Christus Patris est filius unigenitus, Joh. 1. 14. 18. dilectus ille in quo acquiescit, Mat. 3. 17. quem hæredem constituit omnium, Ps. 2. 8. Heb. 1. 2. Tertiò ut Isaacus, à Patre ad sacrificium destinatus est, eique obedienti ligna imposita sunt, quibus ipse, ad mactationem postea impositus est & alligatus: similiter

& Christus à Patre ad sacrificium propitiatorium electus ac datus, lignum crucis suæ, cui affixus est, & cruciatus, nostra causa, à Patre inflictos, lubens pertulit, factus hostia salutifera. Quartò, ut Isaacus à Patre suo, animo & conatu mactatus, non periit, sed servatus est, Genes. 22. v. 15. ad 19. & similitudine quadam à mortuis suscitatus, Hebr. 11. v. 19. ita & Christus à Patre, animo & conatu, & quod amplius, facto mactatus, Es. 53. Act. 2. 23. non mansit in morte, nec corruptionem expertus est; sed resurrexit, Act. 2. 24. 30. Quinto ac postremo, quemadmodum cum de Isaac, qui promissiones acceperat, adum videri potuisset, Hebr. 11. 17. 18. nihilominus tamen, posteritate ac potentia, adversus hostes in immensum excrevit: sic & Christus, post mortem, posteritate immensè auctus, & ad summam evectus est gloriam, adeoque lapis, qui excisus erat, imaginem comminuens, effectus est mons magnus, ita ut impleat totam terram, Dan. 2. 35. ut ex sequentibus similiter apparebit. Ex hisce igitur statuere possumus, non frustra Christum Isaac adumbratum, & voce *seminis* hoc in loco includi ac connotari (ut multa de Davide tanquam typo, & Christo tanquam archetypo atque adumbrato suo modo *ἱμαλάω* ac gradatim intelliguntur) quemadmodum ipsius attributa quoque ostendunt.

Promissio autem est bimembris; propagatio liberorum immensa, & hereditas portarum hostilium. Propagatio liberorum, multiplicatione seminis designatur, hoc est, quando ut ex uno semine grana plura; ita ex uno filio plurimi posterii oriuntur. Quo sensu dicitur Adamo & Evæ: *Crescite & multiplicamini*: & Abrahamo, Genes. 17. 2. *multiplicabimini*, & Jacobo, Genes. 35. 11. *fructuosus esto & multiplicare*. Vide etiam Genes. 28. 3. Deinde immensitas hujus propagationis declaratur, similitudine rerum innumerabilium duplici, primo stellarum ut antea, c. 15. 5. deinde arenæ maris: sicut antea, pulveri terræ; c. 13. 16. compararat eodem omnino sensu. Quæ duæ hyperbolicæ ac proverbiales multitudinis maximæ formulæ, ad unum idemque, nempe ad qualitatem & conditionem pertinent. Ac propterea alienum est quod nonnulli arguantur, priori electos quasi cælestes: posteriori reprobos quasi terrenos denotari.

Cæterum multiplicatio illa est duplex: alia carnalis, alia spiritualis. Carnalis quidem ratione *Isaaci*, Deut. 1. v. 10. Spiritualis vero ratione Christi, *qui quoniam se exposuit pro reatu, videt semen*, Es. 53. 11. Hoc autem sunt omnes fideles, quos, ex Ecclesia, per verbum & spiritum regenerat: quorum maxima est multitudo, adeo ut plures sint filii desolatæ, quàm conjugatæ, Esa. 54. v. 1. Quam expositionem mysticam, historiæ velo contentam, confirmat Apostolus (si quis diligenter examinet) Rom. 4. vers. 17. 18. Gal. 3. 29. Huc etiam pertinet locus Jer. 33. 22. *ut non potest numerari exercitus caelorum, nec potest mensurari arena maris: ita augebo semen Davidis*, &c. Quo in loco, per *semen Davidis* intelligit fideles, insitos per fidem, Davidis filio Christo, qui fecit nos reges ac sacerdotes Deo ac Patri suo, 1. Pet. 2. vers. 5. ut orthodoxi rectè exponunt. Et hoc primum est promissionis de semine Abrahami attributum.

Alterum est portarum hostilium possessio hæreditaria. Quæ hostium subjugationem & consequentem ditionis eorum possessionem firmam complectitur per synecdochen convenientissimam. Nam cum in portis urbium essent, cum munimenta ac custodiæ; tum curiæ, Amos 5. v. 15. ea voce urbes (ut Græci rectè sua versione expresserunt) earumque potentia & consilia intelliguntur. Hæc autem portarum possessio etiam est gemina, pro seminis gemini ratione; carnalis & spiritualis: illa adumbrans, hæc adumbrata. Carnalis convenit Isaac, qui primum immediatè in se, jure ex Dei donatione acquisito, deinde mediatè, reipsa ac facto, in posteris suis, hostium portas possidet, cum devictis & expulsis Chanaanæis, terrâ ante promissa, Genes. 13. v. 15. potitus est. Spiritualis verò carnali adumbrata, convenit Christo, tum in se tanquam capite, tum in fidelibus tanquam membris suis ac posteris per Spiritum regenerationis propagatis. Et in se quidem ratione juris omnino ac simpliciter: quia Filius Dei patefactus in carne: ratione

ratione verò rei ac facti ante diem iudicii ex parte tantum; sed eo die & in æternum, omnino. Nam quemadmodum peccatum, mortemque temporalem ac æternam, & Sathanam, mundumque; obedientiæ merito, prorsus devicit, Joh. 16. v. 11. 33. & 12. 31. Col. 2. 15. Heb. 2. 14. 15. ita efficaciz quidem initio, eosdem jam superavit, cum electos à peccati servitute ac condemnatione & à potestate Satanæ ac mundi, per fidem eripuit & eripit, Col. 1. 13 & jam in medio inimicorum suorum regnat, Psal. 110. v. 2. efficaciz vero complemento, ultimo die omnes hostes suos conteret, ac pedibus suis abjiciet, postremo hoste, nempe morte, prostrato, & Satana ac mundo impuro, in ignem inferni, præcipitatis Pl. 2. & 110. 1. Cor. 15. v. 25. 26. Matt. 25. v. 41. 2. Thes. 1. 8. 9. Neque solum hostes devicit Christus, sed etiam ea ratione portas eorum occupat, quando pro jure suo (cum meriti, tum eidem convenientis donationis paternæ) re ipsa mentes & corda fidelium, iniquis dominis ac fortibus armatis expulsis, possidet ac regit, & per orbem universum, ubi peccatum & Sathanas regnaverat, suam colligit, regit & adversus hostes tue-tur Ecclesiam. Deinde Christo quoque hæc victoria & possessio convenit, in membris suis seu fidelibus, quos ex peccati, mortis, Satanæ, mundique servis, per fidem & resipiscenciam Luc. 1. reges facit ac sacerdotes Deo Patri, 1. Pet. 2. 5. Apocal. 1. 6. & 5. 10. & victoriæ ac possessionis suæ participes: victoriæ quidem, dum fide per charitatem operante, & Christi Spiritu adjuvante, mundum superant, 1. Johan. 5. 4. & Satanæ resistunt, ignitaque ejus tela extinguunt, Eph. 6. 16. eumque vincunt 1. Johan. 2. v. 13. carnemque mortificant: possessionis verò participes reddit, partim dum peccatores & infideles luce veritatis & Spiritus Christi adjuncta efficaciz, illustrent & convertunt, eaque via peccati & Satanæ regnum imminuunt, Act. 26. 18. Christi que amplificant; adeo ut, semen Christi & Ecclesiæ, gentes hæreditario possideat, Esai. 54. v. 3. partim dum Christus sub fidelum pedibus, Sathana omnibusque hostibus conculcatis, velut alter Iosua, in coelestem Canaanam (unde dæmones hostes nostri exciderunt, nosque aditu illius privarunt) eosdem deducit. Atque hæc dicta

sunt de promissione benedictionis facta Abrahamo, & semini illius: sequitur promissio benedictionis gentium omnium per semen: quæ continetur hisce verbis: *omnes gentes in semine tuo* וְהָתְבָרַכְוּ Per omnes gentes autem Synecdo. fideles ex omnibus gentibus cum Iudæis tum reliquis totius mundi intelliguntur, ut communis benedictio & Apostolorum interpretatio ostendet. וְהָתְבָרַכְוּ autem quidam vertunt *beabunt se*, hoc est, beatas se prædicabunt; sed minus rectè. Nam licet vox Hebræa sit in conjugatione *hit-pabel*, quæ reciprocationem notare solet: illud tamen non est perpetuum, ut Grammatici profitentur, & usus demonstrat. Deinde Apostolus Petrus Act. 3. 25. 26. passivè exponit, & benedictionis actionem non gentibus, sed Christo tanquam semini diserte adscribit. Quæ benedictio ac beatitudo in hisce gradibus (de quibus in superiori Prophetia enarranda plenius egimus) in vocatione, justificatione, sanctificatione & redemptione consistit: & à semine promisso procedit, hoc est, Christo, primum in Iudæos, deinde in gentes: ut explicatur hoc effectum & ordo Act. 3. 25. 26. Galat. 3. v. 14. 16. Sed difficultas quædam exurgit: Iudæi enim obijciunt, per semen, quia collectivum est, intelligi Israëlitas, in quibus se gentes beabunt, hoc est, hoc exemplo, tanquam illustri & proverbiali formula, sibi bene precabuntur, Gen. 48. v. 19. *in te benedicent Israëlitas, dicendo, &c.* Sed contra jam antea demonstratum est, *semen* sumi, non semper neque primum collectivè, sed nonnunquam, primaque significatione, singulariter. Deinde quamvis alicubi phrasis hæc, *in te benedicent*, significet similitudinem, interdum tamen causam notat, ut Jerem. 42. וְהָתְבָרַכְוּ *benedicent sibi* (ut quidam vertunt) aut potius *benedicentur in ipso*, hoc est, Christo, vero cum Patre Deo, *gentes, & in eo gloriabuntur*: & Esa. 65. v. 16. *benedicentur in Deo veritatis*, hoc est vero. Quæ loca, rectè accepta, huic promissioni, de benedictione gentium, per Jesum Christum, ratione phrasis ac materiæ & sententiæ, conveniunt.

Hactenus de promissionis propositione: cui confirmatio, ex præfatione repetita; ac propterea à nobis in eo loco explicata, subjicitur.

## A N A L Y S I S P R O P H E T I Æ O B A D I Æ.

**C**Um præter auctoritatem divinam tria hæc præcipue pios ad sacrorum Prophetarum examen allicere soleant, brevitās, difficultas, utilitas: ea omnia in Hobadiæ Prophetia elucet; adeo ut non immerito ad illius elogium dixerit Hieronymus; *versuum supputatione, non sensuum, brevem; ut ex tribus libris Salomonis Canticum canticorum, quo brevius eo difficilius*. Si quis utilitatem etiam spectet, comperiet ad Dei justitiam contra Ecclesiæ hostes, & misericordiam erga Ecclesiam per Christum asserendam, eaque ratione, ad fidem & resipiscenciam confirmandam, conducere plurimum. Quare cum hæc Prophetiam explicaturi, paucis descriptionem & partitionem præmittamus. Ad prius quod attinet; Hæc Prophetia est scriptum וְהָתְבָרַכְוּ V. T. per Hobadiam Prophetam contra Idumæos editum; quo ob variam crudelitatem ab ipsis in Ecclesiam Iudæorum, in Iudæa & Hierosolymorum per Nebucadnezarem vastatione, perpetrata, & viribus artibusque suis præfidentibus, iis ad Ecclesiæ consolationem judicia Dei denuntiat, cum severam & justam eorum penam, tum Iudæorum gratiosam & gloriosam ab hostibus corporalibus & spiritualibus redemptionem in regno Christi. Hæc autem Prophetia dividitur in titulum & tractationem. Titulus est aut adventitius & disjunctus: aut conjunctus & genuinus. Adventitius ab Ecclesia præmissus est, distinctionis gratia, *Liber Hobadiæ* vel *Hobadias*: quemadmodum in libris Moïsi & aliorum Prophetarum variè ab Hebræis & Græcis Latinisque, tituli, à materia, scriptore, scripti initio aut genere præfixi sunt; quamobrem de eo non laborabimus.

Titulus genuinus est, *Visio Hobadiæ*: quo auctoritas & attentio comparatur: hinc enim elucet hujus scripti genus & scriptor. Genus est *visio* quæ וִיזְיוֹ de visione divina ac prophetica accepta, bifariam usurpatur: vel speciatim, de speciali prophetiæ ratione ac modo revelationis secreto voluntatis divinæ per visionem, de qua distinctè agitur, Num. 12. v. 6. Joel. 2. 28. vel generatim per synecdochen de quavis prophetia: cujusmodi sunt varii, ut ad Heb. 1. 1. indicatur, familiare colloquium, visio, insomnium, subita Sp. S. afflatio: quo sensu Prophetæ olim *videntes* dicti fuerint. 1. Sam. 9. v. 9. 2. Chron. 33. 18. & *visionis* vox accipitur in distincta & eleganti comminatione, Ezech. 7. 26. *à prophetis visio, à sacerdote lex, à senibus consilium*. Utrovis autem modo accipiamus *visionis* vocem, si rem ipsam spectes, parum interest: certum est enim denotari prophetiam, & probabile etiam est, certum illum prophetiæ modum, quo res enuntiandæ, visione quadam adhibita, à Deo revelatæ sunt, indicari. Per metonymiam autem subjectæ rei signatæ, pro adjuncto signo, *visio* accipitur pro scripto, quo visio illa significatur. Atque hæc de scripti hujus genere. Unde causa efficiens principalis Deus, prophetiæ autor, & modus simul intelligitur: quod etiam prophetiæ eventus & aliorum Prophetarum collatio confirmat. Scriptor verò & causa instrumentalis indicatur nomine *Hobadiæ*, in quo omen est, & nominis cum re convenientia: nam quemadmodum in Actis Stephanus dictus est, qui martyrio coronatus est tandem: sic & iste Hobadias, hoc est, *servus Domini* appellatur: sicut Hieronymus non ineptè ad

X x x

Ptè ad hunc locum observavit. Quis autem fuerit, & quando vixerit, non satis apertè constat. Hebræorum plerique eum fuisse censent, qui Achabi tempore vixit, & Prophetas pavit, 1. Reg. 18. eundemque Idumæum fuisse adjiciunt: quemadmodum ex Rabbi Salomone & Kimchio apparet. Sed illud ab Abenezra merito refutatur: nam historia illa Abdiaz satis ostendit illum non fuisse Prophetam, sed tantum Prophetarum amantissimum aulicum; & hæc prophetia demonstrat Prophetam hunc vixisse post vastationem urbis Hierosolymorum & templi, v. 11. Quapropter omissis incertis conjecturis, non Eliæ & Achabi, sed potius Jeremiæ & Ezechielis temporibus vixisse, ex prophetiæ materia & collatione similium, cum multis interpretibus, colligimus. Et à prophetiæ titulo ad prophetiæ tractationem transimus, quæ constat exordio & narratione. Quorum illud notat causam efficientem: *Dominum Deum*, & objectum *Edom*. Quæ vox communiter *rufum* notat, & inde ad nomen proprium designandum translata est. Quo modo bifariam accipitur: de hominibus, vel eorum regione. Hominibus, vel uno, vel plurium collectione: nam Esau Jacobi frater Edom appellatus est, non à colore nativo, ut quidam arbitrantur; sed ab eventu, quod lentium edulium, *Edom*, hoc est, *Rufum* appellasset, & primogenituræ jus eo vendidisset, Gen. 25. 30. Unde per Metonymiam efficientis pro effectu, Edom pro Edomitibus accipitur: quomodo Esau *pater Edom* appellatur, Genes. 36. v. 9. Denique per Meton. adjuncti locati pro subiecto loco, aut potius possessorum pro re possessa, pro regione Edomitum accipitur. Quo sensu hoc loco usurpatur: quemadmodum constructio pronominis. fœminini, cum subjicitur, *adversus eam*, indicat. Sic tamen regionem compellat, ut incolæ sub illius complexu intelligat. Similes prophetiæ adversus Idumæos extant in plerisque prophetis, Esa. 21. 11. & 34. 5. & 63. 4. Jer. 9. 26. & c. 27. 3. & 49. 7. Ezech. 25. v. 35. Amos 1. 11. Joel. 3. vers. 21. qui loci diligenter collati, commentarii vice, diligentioribus esse possunt. Hæc de exordio, prima tractationis prophetiæ parte dicta sunt. Reliquum est ut ad alteram transeamus. Ea autem est narratio; quæ ad amissum fere cum Jerem. 49. conveniens, de pœna Idumæis inferenda, & Iudæis auferenda, per comminationem & promissionem disserit. Quæ docendi ratio & ordo partium, servatur etiam Esa. 34. & 35. & Ezech. 35. 36. Comminatio antecedit adversus Idumæos: quæ propositione, & expositione copiosa ac gravi absolvitur. Ac propositio bimembris est, quoniam bellum eventurum denuntiat, & eventum effectumque illius, cladem acerbissimam. Bellum v. 1. causis suis describitur, à quibus inferendum. Quarum prima ac principalis statuitur *Deum*, & secunda ac ministra *gentes*, hoc est, Chaldæi eorumque imperio subditi & socii: quemadmodum explicatè declaratur, Jer. 25. v. 9. & 25. Ac priorem causam efficientem indicat Prophetæ cum ait, legatum à Iehova missum ad gentes concitandas ad bellum adversus Idumæos. Quo occulta Dei providentia, per Metaph. significatur: quod instinctus & gubernatio divina sit instar legati alicujus. Quo sensu in Prophetis sæpius gentes evocasse, eas mittere, iisque aliquid præcepisse pronuntiatur: & servi Dei appellantur reges, quorum opera providentiæ suæ judicia perfecit. Qua de re illustris locus est de hoc bello & calamitate Idumæorum, Jerem. 25. vers. 9. Hæc autem belli denuntiatio stabilitur ac confirmatur à testimonio Prophetarum & revelatione divina, quando initio hujus narrationis præmittitur: *rumorem à Iehova audivimus*: hoc est, Abdias & alii Prophetæ quorum antea meminimus, nominatim verò Jeremias cap. 49. vers. 14. *Rumorem*, inquit, *audivi à Iehova*: cui conjunctus Abdias meritò ait, *audivimus*. Porro hujus belli eventus & effectus, nempe clades, declaratur, vers. 2. bifariam; partim effectu exiguitatis & adjuncto magni contemptus: ut enim bellum magnos & potentes imminuit & atterit: ita contemptus, cladis magnæ & impotentiae comes. Cujus Prophetiæ veritas & complementum, Malach. 1. vers. 3. & 4. ostenditur. Nam quod nonnulli hunc locum ita explicant, ac si declararetur antiqua Idumæorum

conditio, quod essent exigui numero & contempti inter reliquas gentes, ideoque non haberent probabilem ullam superbiendi materiam: illud Prophetiæ gravitatem videtur imminuere, nec satis quadrare sequentibus, quibus eorum potentia declaratur. Hæc de propositione pœnæ; Cui additur gravissima expositio, quæ cladis hujus & calamitatis magnitudinem & justitiam describit, remotione bonorum & subsidiorum, quibus impunitatem sibi pollicebantur, & minas Dei superbè poterant aspernari. Utitur autem inductione eleganti & accurata: nam subsidia Idumæorum, in quibus potentia eorum erat sita, recenset partim externa, partim interna. Externa alia sunt animata, & alia inanimata. Inanimata, sunt loci naturâ muniti ac propugnacula, & thesauri reconditi. Quorum prius ab adjuncta fiducia, & arroganti superbia Idumæorum, & conjuncta vanitate describitur. Superbiam indicat, cum hanc gloriationem animi Idumæorum recitat; *quis dejiceret me in terram?* Vanitatem verò arguit quando ait, *superbia animi tui decepit te*, v. 3. Quam vanitatem demonstrat Deus oppositione omnipotentis suæ, per comparisonem majoris; *Quamvis exaltares tuam habitationem, veluti aquila, imo inter stellas poneres nidum tuum, inde tamen te dejicerem*, ait Deus. Ergo multo magis te è tuis montibus dejiciam, v. 5. Qua ratione prioris felicitatis & subsidiorum parte & superbiæ materia Idumæis erèpta, ad alteram transit Prophetæ, nempe thesauros reconditos. Quorum spoliationem non simpliciter enunciat: sed interrogatione stupendam esse ostendit; & comparisonem minorum ac disparium amplificat: etenim confert ac præfert Chaldæos furibus & vindemiatoribus; eoque demonstrat calamitatem Idumæorum longè majorem esse, quam si à furibus & vastatoribus nocturnis, aut vindemiatoribus spoliati essent: nam fures non omnia, sed obvia, & quod satis ipsis est rapiunt: vindemiatores relinquere solent residuos aliquos racemos; partim secundum legem, Deut. 24. v. 21. in usum viduarum, pupillorum & peregrinorum; partim etiam quod non omnia ita accuratè perscrutentur aut curent, v. 5. Contrà verò omnia Esavi loca abdita pervestiganda & perquirenda ostendit, v. 6. Quo in loco per metonymiam *Esavum* vocat Esavi posteros: quemadmodum antea *Edom*. Sic autem dictus est filius Isaaci primogenitus ab ortu, à verbo *עָשָׂה* hoc est, *facere*: quod natus sit pilosus & quasi perfectus & adultus, Genes. cap. 25. vers. 23. Deinde abditorum etiam mentionem facit: quia ut ait Hieronymus, *omnis australis regio Idumæorum ab Eleutheropoli, ad Petram & Hai-lam, in specubus habitantium culas habet; & tuguriis subterraneis, propter nimium solis æstum, quia meridiana est provincia, utitur*. Atq; hac ratione externa inanimata subsidia, cum locorum opportunitatem, tum thesauros reconditos; belli nervum, nil profutura, sed auferenda Idumæis ostensum est. Deinde idem de animatis subsidiis, nempe fœderatis sociis, iisque omnibus, & amicis familiaribus asseritur. Quos obfuturos ostendit, partim perfida defectione sua, partim oppugnatione insidiosa & violenta. Ac fœderatorum perfidiam & insidias describit, cum ait, *deducturos ad terminum usq; ac decepturos*. vim ostendit, quando addit, *prævalebunt tibi*, hoc est, non solum oppugnabunt, sed etiam expugnabunt: amicorum etiam familiarium vim declarat, cum ait, *convivæ tui imponent vulnus*: insidias verò, cum adjicit, *loco tuo, cujus nulla eris intelligentia*, v. 7. Quia verò præter externa hæc subsidia, cum inanimata, locorum opportunitatem & thesauros reconditos: tum animata, socios, cum fœdere ac pace, tum familiaritate conjunctos, alia etiam sunt interna subsidia, quæ in hominibus hærent: sapientia in animo, & potentia ac robur in corde & corpore (quorum illud ad consilium: hoc verò ad effectum requiritur) ne quæ spes ulla Idumæis superfit, horum etiam subsidiorum jacturam minatur Deus, præmissa præfatione, qua hujus comminationis & pœnæ auctorem Deum ostendit, & circumstantiam temporis innuit, *illo die*, hoc est, eodem tempore: quod ad amplificationem calamitatis pertinet, cum omnia mala concurrant. Huic præfationi comminatio subiecta, primum sapientiæ & prudentiæ jacturam indicat his verbis; *perdam sapientes & intelligentes à monte Esau*: hoc est, per Me-

per Metonymiam Idumæos, qui in regione montosa degabant, v. 8. Secundo jactura potentia ac roboris describitur, v. 9. partim potentum terrore, quod ad cor & animum; partim excidio, quod ad corpus pertinet. Quorum prius indicant illa verba; *Et terrebuntur potentes tui à Theman*: posterius cum additur; *ut excindatur quisque à monte Esavi à strage*; seu propter stragis magnitudinem. Theman autem fuit nepos Esavi, Gen. 36. 11. unde per Metonymiam pro Themanitis, & per synecdochen, pro Idumæis generatim accipitur: aut per synecdochen Theman, loci in Idumæa nomen, Ezech. 25. vers. 13. de Idumæa & deinde de incolis intelligitur. Eadem omnino comminatio extat, Jerem. 49. v. 7. Ex quibus omnibus, calamitatis bellicæ Idumæorum, inducta subsidiorum omnium elegantissima enumeratione, magnitudo intelligitur: quæ prima expositionis pars est. Cui altera accedit, quæ pænæ & magnitudinis illius iustitiam, causæ & meriti inductione exponit. Causa enim statuitur peccatum in Iudæos multiplex: cuius magnitudinem proponit generatim primum, deinde inductione speciatim illustrat ac probat. Peccatum definitur violentia in Iacobum; hoc est, Iudæos, Iacobi posterios. Sic autem illos appellat, ut ea via peccati magnitudinem, objecti indignitate ostendat: Iacob enim & Esau fuerunt fratres, à quibus Iudæi & Idumæi orti etiam fratres, hoc est, cognati erant & fraterno animo sese mutuo amare ac tueri debebant: quamobrem Deus Idumæos, hoc nomine ab Israëlitis violari prohibuit, Deut. 2. 3. & 23. v. 6. Grave est alicui vim inferre immerenti: gravissimum & indignissimum, amorem promerenti fratri; idcirco addit Propheta amplioris declarationis gratia, *in fratrem suum*, ut etiam Amos 1. v. 11. & excidii pœnam repetit, & adjuncto consequente pudore & circumstantia temporis exaggerat, quando ait, *excinderis in seculum*; quo demonstrat, fore, ut Idumæi in posterum, eodem jure & more, regionem suam nunquam recuperent Psal. 10. Similes loci sunt Ezech. 35. vers. 9. Esai. 34. v. 10. Ierem. 25. v. 9. Ioel. 3. v. 19. Malach. 1. vers. 4. Porro violentiam Idumæorum in Iudæos probat & declarat inductione sequentium. Primum immisericordie consensione ac delectatione calamitatis Iudæorum. Quam à signo describit; quod ex adverso steterint, quo die extranei Chaldæi & eorum socii captivas abduxerunt copias. Deinde facto & rapinæ societate; quod cum alienigenæ victores Hierosolymam ingrederentur & fortitione incolas & spolia dividerent, Idumæi illorum fuerint socii, v. 11. Quæ duo expolitione gravi explicantur & amplificantur ordine, per exprobrationem, qua officium indignissimè violatum objicit & pœnam propterea denuntiat. Ac primum quod priori loco reprehenderat, quod videlicet ex adverso stetissent, illud exponit, v. 12. convenientissimè tribus membris & quasi gradibus; primum immisericordie; deinde *ἡχαριστία*; denique conviciis: primum indicatur cum ostenditur fuisse spectatores calamitatis; *ne spectas* hoc est, non spectasses, non spectare debuisses, *diem*, hoc est, calamitatem *illo die fratris tui*. fraternum enim est & misericordie humanæ officium, non procedere spectatum calamitatem alterius, sed oculos potius avertere à miseria fratrum: alterum est, quod lætati fuerint de Iudæis in die, quo perierunt: postremum, quod conviciis insultarint victis: de qua re Psal. 137. 7. Alterum de rapina Idumæorum explicat, v. 13. & amplificat adjuncta sede & proditione: sede, quod rupturas e quibus evadere poterant, ut Amos 4. 3. observarint, ad eos qui evaderent, excindendos: proditione, quod elapsos prodiderint: quamvis si *כִּי* de compitis exponamus, indicabitur crudelitas, quod aditus viarum observarunt, ut elapsos concluderent ac necarent; quod cum eorum animo, de quo Psal. 137. non malè convenit, vers. 14. Atque hæc de descriptione odii & violentiæ Idumæorum in Iudæos. Cujus origo, quoniam ad rem plurimum pertinet, & vulgò non satis accuratè explicatur, investiganda est. Causa prima fuit exemplum stirpis: nam Esau odio capitali Iacobum fratrem persecutus est, adeo ut mortem ei minaretur, Genes. 27. vers. 43. Cujus occasio fuit ex opinione acceptæ injuriæ ob præreptam, venditis primogenituræ privilegiis, benedi-

ctionem. Ac quamvis fratri fuerit postea reconciliatus; hæsit tamen in posteris animi abalienatio & odium in Israëlitis: quod significatum fuit divinitus, partim miraculo concussionis mutæ Esavi & Iacobi in utero matris; partim interpretatione Dei, quod concussio illa signum esset duarum nationum, quæ separarentur, quarum una robustior altera, & minor serviret majori, Gen. 25. 22. Atque hoc odium ex eo primum liquet, quod Israëlitis, ex Ægypto in Chananæam promissam tendentibus, transitum per suam regionem commodissimum invidiose negarunt, & armata manu hostiliter prohibuerunt. Num. 20. vers. 20. deinde, quod inter publicos Israëlitarum hostes recensentur postea, 1. Sam. 14. v. 28. Cujus inimicitie occasio & causa fuit invidia possessæ ab Israëlitis Chananææ & status felicitatis, Ezech. 35. 5. & 11. quemadmodum vicini eorum Hammonitæ hanc causam belli prætulærant, similiter Iud. 11. 15. Altera causa odii & violentiæ Idumæorum fuit damnum à regibus Israëlitarum acceptum. Primum à Saule, qui ipsos cum reliquis hostibus bello repressit & inquietavit, 1. Sam. 14. 28. Deinde potissimum à Davide qui subjugavit, 2. Sam. 8. 14. & omnes mares, nempe bello aptos, per Joabum confodit, 1. Reg. 11. vers. 15. Quæ victoria Davidis, prædicta fuerat Bileami prophetia, Num. 24. v. 18. & 19. imo etiam Isaaci, Genes. 25. v. 25. Hæc autem servitus Idumæorum duravit ad Josaphati tempora, 1. Reg. 22. 48. Nam à Ioram defecerunt, constituto rege, & à servitute deinde liberati sunt, 2. Reg. 8. 20. secundum Prophetiam Isaaci, Genes. 27. v. 42. Tertiò damnum bello acceperunt à Ioram, 2. Reg. 3. v. 1. denique ab Amasia, qui eorum decem millia percussit & Petram urbem, Arabiæ Petrææ metropolim, occupavit, 2. Reg. 14. v. 7. Ex quibus omnibus odii & violentiæ Idumæorum in Iudæos antiquitas, occasiones, duratio, & pertinacia, de qua Ezech. 35. 5. apparet. Reliquum igitur jam est, ut ad rem propositam redeunt, explicata reprehensione peccati & violentiæ Idumæorum in Iudæos, pœnam, culpæ comitem & effectum; attendamus: quæ comminatione declaratur, & parium subjectorum comparatione amplificatur ad consolationem afflictæ Ecclesiæ, cum ait; *Nam propinqua est dies Ieboræ adversus omnes istas gentes. Gentium enim nomine Idumæos iisque vicinos, & in Iudæis violandis socios intelligit, nimirum Hammonitas, Moabitas, Syros, Philistæos, Tyrios, Sydonios, quemadmodum disertè exponitur, Ierem. 49. & Ezech. 25. & 26. Quibus omnibus communiter comminatur propinquam pœnam: quam adjuncto tempore metonymicè significat. Dies enim Dei dicitur hoc loco tempus vindictæ divinæ destinatum, seu dies iudicii particularis; quod iudicium Deus per Nebucadnezarem exercuit, Jer. 9. & 27. v. 3. & Ezech. 25. & 26. Porro hujus pœnæ iustitia confirmatur ratione duplici, ad consolationem Ecclesiæ & terrorem meritum hostium illius. Quarum rationum prima est deducta ex lege talionis, in iudiciis publicis, æquissima; quemadmodum fecisti, fiet tibi; retributio tua revertetur in caput tuum, v. 15. Similis locus generalis est, Esai. 33. 1. *cum desieris esse vastator, vastaberis, cum absolveris perfidē agere, perfide agetur contra te*: & particularis ad Idumæos pertinens, Esai. 34. 8. Jer. 49. Ezech. 25. & 36. 5. 6. Altera ratio est comparatione minorum, nempe iudiciorum Dei in suum populum Iudæorum; Nam, inquit, cum biberitis in monte sanctitatis meæ, bibent omnes gentes jugiter, bibent inquam & absorbebunt, eruntque ac si non fuissent. Quæ comparatio plena constat protasi & apodosi. De protasi quæritur, quosnam compellet Deus, & quid bibendi voce denotetur. Quidam compellari putant Idumæos & vicinas gentes, ac sensum esse, cum in Hierosolymorum vastatione hilares sympotia & convivia agitaveritis, vobis idem ab aliis expectate. Atque ita prophana eorum convivia sacris epulis opponerentur: quemadmodum Esai. 62. v. 8. & 9. Alii verò Apostrophē esse ad Iudæos statuunt, & bibendi voce per synecdochen non convivia, sed pœnam denotari, Metaphora à conviviis desumpta. Quæ interpretatio, quemadmodum nervosior est, ita rei quoque magis convenit, & similes etiam loci hoc evincunt, quibus Metaphora & recta similitudo perspicuè declaratur: ut enim vinum largius potum,*



potum, inebriat, sensum vires & totius corporis robur enervat, hominesque proterit: ita poena Dei homines de felicitate & tranquillitate deturbat: quemadmodum adversus Idumæos dicitur; *inebriabis eos*, Esai. 63. v. 6. Et ne quis dubitationi esse possit locus, Jeremias hanc sententiam luculentissimè duobus in locis, adversus Idumæos differens, declarat: quorum prior extat cap. 25. vers. 15. & 16. *Et sume poculum istud vini astus è manu mea, & bibendum dato omnibus illi gentibus ad quas ego misso te, ut bibant & concutiantur atque insaniant propter gladium quem ego missurus sum in terram.* Quibus addit deinde Propheta se poculum sumplisse, ut daret primum Hierosolymis & civitatibus Judææ, deinde aliis gentibus, & inter eas Idumæis, vers. 21. ac tandem subiicit, vers. 28. & 29. Dei verba: *si renuunt accipere poculum bibendum, dicas omnino bibiturus estis, Nam ecce in ea civitate, quæ de meo nomine vocatur, ego initium feci afficiendi malis, & vos omnino impunes eritis? non eritis impunes.* Alter locus est, cap. 49 ubi eadem Prophetia recensetur, v. 12. *Nam sic ait Iehova: quorum nullum erat jus bibendi poculum, illi omnino bibent: tu autem omnino effes impunis? non eris impunis, sed omnino bibes.* Hac etiam phrasi usus est Jesus, Matth. 20. v. 22. Johan. 18. v. 11. & Johan. Apocal. 14. Quamobrem bibendi voce, in protasi comparationis, non effectum Idumæorum sed adjunctam poenam Judæorum denotat. Eademque est ratio in apodoti, *bibent omnes gentes.* hoc enim non de poculo lætitiæ & triumpho gentium, quæ Idumæos oppressuræ erant: nec de bonorum consumptione, quasi sensus esset, Exhaustient omnia bona vestra (ut quidam exponunt) sed de poculo iræ divinæ dicitur: seu de poena quam Idumæi & sociæ gentes erant subituri. Quæ poena amplificatur, partim ab adjuncto tempore, cum dicitur, *jugiter*: partim quantitate, cum additur, *absorbent*: hoc est, non liquidum ac purum, ut populus meus, sed quod longè gravius est, feces ipsas quæ in fundo resident, ebibent, quemadmodum ea Metaphora eleganter explicatur, Esai. 51. v. 17. & Ezech. 33. v. 34. Huc etiam pertinet expositio Dei hoc in loco, *Et erunt ac si non fuissent.* Quo excidium Idumæorum designatur, quod intelligendum est non ratione singulorum, sed ratione populi, qui partim cæsus, partim in exilium pulsus est, nec unquam regionem suam pristino modo recuperavit. Cujus Prophetiæ eventus & constantia, ut antea monuimus, Malach. 1. 4. recensetur; Hæc de vers. 16. & prima tractationis hujus prophetiæ parte, nempe comminatione, de poena gravissima & iustissima Idumæis inferenda. Altera est promissio de poena Judæis auferenda, & referenda salute, ut Ecclesiæ, hostium impiorum felicitate & sua calamitate perentate, consolatio esset plenior ac suis partibus absoluta, & hostibus Ecclesiæ superbis eo major terror injiceretur. Cæterum promissio hæc restitutionem bonorum amissorum & victoriam de hostibus pollicetur. Bona amissa erant patria, & adjuncta illius commoda; cum spiritualia, cultus Dei; tum corporalia, opes hereditariæ, quæ singula suo ordine promittuntur. Ac primum patria, qua per exilium Babylonicum ejecti erant, cum dicitur, *in monte Tzionis eris evasus*, ita enim per synecdochen Hierosolyma & Judæa intelligitur, ut simili promissione Esa. 35. v. 10. Cultus Dei, cum additur, *eritque sanctus*, hoc est, cum à Babyloniis, vastato & spoliato templo, esset prophanatus, Esa. 47. cultui Dei iterum consecrabitur. Opes, cum dicitur *totum Iacob possidebit possessiones suas hereditarias*, cujus promissionis complementum ab Esra & Nehemia recensetur. Cæterum quemadmodum exilium & captivitas Babylonica typus fuit exilii nostri à cœlesti Tzionis & Hierosolymis, ad Galat. 4. v. 26. ad Hebr. 12. 22. seu à regno gratiæ & Ecclesiæ, ideoque & à regno gloriæ & cœlo: ita liberatio populi & reditus in patriam, typus est redemptionis electorum per Christum, qua in Ecclesiæ societatem per fidem vocantur ac servantur, quemadmodum apparet, ex Esai. cap. 35. v. 4 & 10. & c. 61. v. 13. & Ezech. 36. vers. 24. & 25. & Joel. 2. vers. 32. *qui-cunque*, inquit Joel, *invocaverit nomen Iehova, eripiet se: quia in monte Tzionis & Ierusalimis eris liberatio.* Qui locus ad Ecclesiam & credentes in Christum pertinet: quemadmodum ad Rom. 10. v. 13. declaratur. Deinde sanctificatio Tzionis est typus, quo Ecclesiæ ab erroribus & sceleribus repurgatio, per Christi sanguinem & Spiritum denotatur: cujus initium, cum Ecclesiæ Judaica, prædicatione Christi & Apostolorum, fide & resipiscencia mundata est, Ezech. 36. 24. 25. Restitutio præterea hereditariarum possessionum, de qua Esai. cap. 65. v. 9. adumbrat communionem cum Deo & vitam æternam, 1. Pet. 1. 4. Atque hæc de prima promissionis parte, restitutione bonorum amissorum, v. 17. Altera est victoria de victoribus hostibus Idumæis, cum ratione hominum, tum ratione locorum. Ratione hominum, quod sint Idumæos deleturi: quod significatur metaphoricè ignis, cui Iudæos & Israelitas (quos domum Iacobi & Iosephi vocat) & paleæ, cui Idumæos, Esavi posteros comparat. Et auctoritate sua probat Deus cum ait, *quia Iehova eloquitur.* Hoc autem factum est, cum propter violentiam Judæis illatam, Idumæi à Deo deleti sunt. Quo typo simul significatur poena spiritualium Idumæorum in Ecclesiæ N. T. seu impiorum Ecclesiæ hostium, Mich. 5. 8. & 9. cujus initium in hoc seculo, 2. Cor. 2. 16. complementum verò in altero, 2. Thess. 1. 6. & 7. Atque hæc de victoria ratione hominum. Altera est ratione locorum, fore ut Judæi, præter antiquos suos terminos, etiam conterminos & hostiles possideant. Quod partitione & sanium producendorum descriptione declarat. Dividit enim posses-

sores in regionem australem, campestram, Benjaminum, Israelitas & Hierosolymitanos: quibus suas regiones ordine attribuit. Per regionem australem & campestram partitione quadam Iudæa intelligitur: cujus hæ partes cum reliquis recensentur, Ios. 15. v. 21. 33. australis, ea dicitur, quæ Idumææ, campestris, quæ Palestine ad occasum vicina erat. Unde per Metonymiam incolæ harum regionum denotantur. Docet igitur fore, ut prolatis finibus australes Judæi possideant montem Esau, hoc est, montiosam & conterminam Idumæam: campestris verò vicinam Palæstinam (in qua urbes quinque celebres Gath, Gaza, Ascalon, Acaron, Azorus) & tribus Ephraim Samaritæ regionem ad septentrionem sitam. Quia verò inter tribum Judæ & Ephraim, Josue 18. interjacet Beniamitarum regio: iis distribuit ulteriorem possessionem, nempe Gileadem, quæ ultra Jordanem sita, & tribui Rubenis, Gadis, & alteri dimidiæ tribui Manassis in sortem cesserat, v. 19. Præterea quarto loco, deportatis Israelitarum copiis, hoc est, decem tribuum exilibus, pollicetur regionem Chananzorum, Tzarphatam usque. Nam Chananzii residui, illum regionis promissæ tractum, ac terminum servantur: quemadmodum apparet ex Jud. 1. 31. 32. unde Chananza mulier ex illis finibus venisse dicitur, Matth. 15. 22. Tzarphat autem urbs fuit media inter Tyrum & Sidonem, ut ex Josepho liquet; unde Sarphat Sidoniorum dicitur: quo Elias, à viduâ alendus, ablegatus, 1. Reg. 17. Ac propterea rectè dicitur, *quod Chananzorum usque Sarphat*: quia Sidon terminus fuit regionis Chananzorum, Genes. 10. Ex quibus satis superque apparet, frivolum esse Judæorum commentum, quo Sarphat Galliam, & Chananzos Germanos, & Sclavos seu Illyrios, Dalmatas, vicinosque populos esse tradunt, quod in eorum regiones sese à Tito relegatos comperiant. Denique deportatis Ierosolymitanis, *qui sunt in Sepharade*, promittit urbes Austri: Quid autem Sepharad sibi velit, quia nulla ejus in scripturis est mentio, dubium est. Quidam appellativè accipi debere, ac finem dominatus denotare judicant. *quod enim finem* & *dominare* significat: ut sit sensus, iustus limites suos possidebunt. Plerique contrà, propriè nomen loci describere censent: sed ubi situs, controversia est. Primum Judæi Hispaniam interpretantur; idque probant ex Chaldæo Paraphraste, qui *מסופוטמיה* vertit. Quod aliis non probatur, ob literarum diversitatem, quod aliud sit Spania aut Hispania, aliud Spamia. Deinde quidam conjiciunt Paraphrastem Chaldæum, hæc voce notare urbem Ziphron, de qua Num. 34. 9. 10. quia eam nominat Sephamia, & nomen propinquum esse voci Scephan, cujus etiam mentio eodem loco, adeo ut videri possit, destructâ Jonathanis tempore urbe Ziphron, alteram urbem Scephan nominaverit, quæ ei erat vicina. Alii cum Hieronymo Bosphorum. Alii denique locum Babyloniæ exponunt. Quæ ut maxime recepta, ita verisimilis est sententia. Dicuntur autem hi Judæi possessuri urbes australes, quod videlicet australes Judæi earum urbium loco habitaturi essent Idumæam, ut antè ostensum, v. 20. Hæc de loci hujus intelligentia. Cujus complementum duos habet gradus: primus est victoria terrena, quæ apparuit, partim in reditu Israelitarum ex captivitate Babylonicâ, cum Judæis: partim dum Machabæi expulsi hostibus. Israelitarum fines amplificavit. Sed quia pauci reversi sunt Israelitæ, ut ex Ezra & Nehemia cognoscitur, & Machabæi hostes quidem vicerunt, sed non exterminarunt, nec regiones eorum hereditario jure obtinuerunt: idcirco minima complementi hujus prophetiæ pars, in hæc terrenâ victoriâ sita est. Alter igitur gradus, priori adumbratus, est victoria spiritualis, quæ Ecclesiæ fines suos longè lateque per orbem propagatura erat, initio à Judæa sumpto, Act. 1. 8. Verum, ut quæ hæcenus in promissione de restitutione bonorum amissorum, ac salute Judæorum & Ecclesiæ, & de victoriâ proposuit, sint clariora, ea illustrat amplius, vers. 21. à causa efficiente ministrâ & principali.

Causa ministra sunt *servatores*, quos ait ascensuros in montem Tzionis. Servatores autem pro salutis diversitate intelliguntur, primum typici, deinde typo adumbrati: illi sunt liberatores Populi Judaici, Zorobabel, Ezras, Nehemias, Machabæi: hi vero qui potissimum intelliguntur sunt Apostoli, eorum socii & successores, fideles Evangelii præcones, qui, ut Christi instrumenta, se & Ecclesiam, prædicatione Evangelii, ad obedientiam illius adducendo servant, Act. 26. 18. & 1. Cor. 3. 5. & 1. Tim. 4. 16. Hisce autem servatoribus Ecclesiæ attribuitur etiam *judicium, contra montem Esau*, hoc est, Idumæos. Quod judicium in victoria consistet, de qua ante actum, partim corporali in V. T. partim spirituali in Novo. Cujus duo gradus sunt, primus est in hoc seculo, secundus in altero.

In hoc, judicant Apostoli & reliqui ministri Evangelii spirituales Idumæos, hoc est, incredulos & reprobos, dum, ut electis, quos servant, sunt odor vitæ, reprobis sunt odor mortis ad mortem, 2. Cor. 2. 16. In altero, cum in Christo capite, tum assensu & consensu, Matth. 19. 28. & 1. Cor. 6. 2.

Atque hæc de causa salutis & victoriæ ministrâ. Principalis est Deus, cujus ait *regnum futurum*. Is autem Jesus Christus, in N. T. exhibitus Rex: qui, ut cum Patre habet regnum generale omnipotentis, ita habet speciale, de quo hic agitur, mediationis ac redemptionis geminum, nempe gratiæ in terris, quod per ministerium verbi, & efficaciam Spiritus gubernat, & gloriæ in cœlis, ut Luc. 1. v. 33.

F I N I S.

FRANCISCI GOMARI

S. S. Theologiæ Doctoris ac Professoris,

# DISPUTATIONES THEOLOGICÆ:

Habitæ in variis Academiis: quarum

PRIMA EST

DE THEOLOGIA.

THESIS I.



**T**HEOLOGIA à voce θεολογία derivata propriè ex etymo suo & usu apud Græcos, non Dei sermonem, qui Θεολογία, sed sermonem de Deo, Θεολογία, a designat.

a Clemens Alex. Strom. I. 5.

II. Idque vel promiscuè quemvis, verum falsumve, x vel distinctè verum.

x Euseb. præp. lib. 4. præf.

III. Illo modo & poetæ b ob θεολογίας μύθος c prolatus de Deo fabulas, & philosophi, qui de Deo physicè & mysticè disseruerunt d, & sacerdotes vatesque profani theologi dicti sunt. Unde triplex falsa theologia e, 1. fabulosa, seu historica. 2. naturalis ac mystica. 3. civilis, consuetudine ac lege constituta.

b Iust. Martyr cohort. ad Græc. c Clem. Alex. Strom. 5. d Iust. cohort. ad Græc. Iulian. trig. lib. 8. c. 1. e Euseb. præp. lib. 4. præf.

IV. Hoc verò modo accipitur, vel latius Deo confiderato, quavis ratione f, vel strictius & oppositè creaturis.

f Theod. in Gen. qu. 1.

V. Latiore sensu communiter Prophetæ & Apostoli theologi g dicuntur: strictiore verò peculiariter, & Johannes Apostolus à prisca Ecclesia κατ' ἐξοχήν, ob sublimiorem de Filii deitate sermonem θεολογία est appellatus h: & à Græcis Patribus opponuntur, dicta de Christo κατ' ἐξοχήν, & κατ' ἐκδοχήν i, secundum doctrinam de Deitate, & secundum dispensationem, nempe qua λόγος caro factus est, & inter nos ut homo conversatus k. Sic distinctè τὸ πνεύμα θεολογία l, theologia de Spiritu Sancto. Denique à sermonis figurati, affirmati, negati, accidentibus, theologia symbolica seu mystica m, theologia καὶ φανερὰ καὶ ἀποφανερὰ n nuncupatur.

g Dion. Hier. cæli cap. 8. h Titulo Apocal. ac Dionys. epist. ad Ioh. i Theod. dial. 2. c. 17. Damasc. orth. fid. lib. 5. c. 15. k Ioh. 1. 14. l Dion. myst. theol. cap. 3. m Ib. c. 1. & 3. n Ib. c. 3. Tres Patr. in cantica.

VI. Deinde ex distincta illa significatione latiori, metonymicè pro scientiâ, seu notitiâ verâ, de Deo, vulgò usurpatur. Qua ratione Gregorius Nazianzenus ob egregiam rerum divinarum scientiam, Theologus o olim dictus.

o Greg. Presbyter in vita.

VII. Cum autem theologia, & objectum & hujus adjectum, seu attributum compositione vocis & sensus vi, complectatur, duas generatim hypotheses præstituit: quarum prima est, quasi fons, Deus est: secunda, quasi rivus, de eo scientia est. Omniscius quippe Deus sui nequit esse nescius ullo modo: nec imago Dei, creatura rationalis, omni modo.

VIII. Quæ scientia, cum objecto & modo excellat, rectè, sapientia, hoc est, præstans scientia, & cum Dionysio p θεοσοφία, de Deo Sapientia appellatur.

p De Myst. theol. c. 1.

IX. Objectum enim est Deus, quo nihil majus cogitari potest: & modus sciendi excellens, sed pro varia theologiæ ratione, varius.

X. Hæc enim, distinctione homonymi analogici, aut Dei est, aut à Deo patefacta. Unde illa, increata, ac prima veritas: hæc creata dici solet, Augustini q imitatione, sed non satis accuratè, nec planè, ob alterius vocis angustiam.

q Confess. lib. 12. cap. 15.

XI. Increata, aut naturalis est, aut voluntaria.

XII. Naturalis, est essentialis Dei, de se ipso sapientia, eoque absolutissimè necessaria.

XIII. Quæ versatur circa Deum ratione vel essentia unius, vel subsistentia in tribus personis.

XIV. Ac priori modo non solum in Deo est, sed etiam ipse Deus. Quippe mirabiliter hujusce theologiæ suæ solus & simul est objectum, subjectum, adjecta forma: ἡ πρῆσις, ἡ πρῆσις, ἡ πρῆσις, scitum, sciens, scientia: seu, res theologica, theologus, theologia. Utpote simplicissimus, cui hic sapere, ratione licet distinctum, reipsa est esse. Hinc σοφία s sapiens, & σοφία s sapientia cum sacris literis, & ἀντισοφία t ipsa sapientia, cum priscis theologis appellatur.

t Rom. 16. 27. f Luc. 11. 49. t Dionys. de div. nom. c. 7.

XV. Posteriori modo accedente, theologiæ Dei naturalis objectum redditur adæquatum, Deus unus essentia, trinus personis, Pater, Filius, Spiritus Sanctus.

XVI. Voluntaria Dei theologia est, quæ versatur circa Deum, qua à se decreta creaturæ causa est, cum efficiens, tum finis: seu à qua & ad quam ordinantur u reliqua. Unde ἀρχή πρῶτη exemplaris cum scholasticis x scitè dicitur.

u Rom. 11. 36. x Thomas & ad eum Binnes p. 1. 4. 1.

XVII. Quæ, pro objecti sui & subjecti natura, voluntaria est, quia Deus rerum est causa, non naturæ suæ necessitate, sed voluntatis decernentis libertate y: tum, objecti ratione, finita. Hæc de theologia Dei.

y Psal. 115. 3. & 33. 9. Apoc. 4. 11.

XVIII. Theologia verò à Deo patefacta est sapientia de Deo, creaturæ rationali, ab ipso, ex mera bonitate, ad theologiæ suæ similitudinem & exemplar, communicata bono publico, ad sufficientem hominum salutem, de Deo, notitiam, & debitam pietatis & justitiæ gratitudinem, & beatitudinem ad Dei gloriam.

XIX. Hujus theologiæ causa efficiens statuitur Deus: utpote theologiæ fons primaque veritas, & summa bonitas, z

z Iac. 1. 5. 17. & 3. 17. Matth. 19. 17. Act. 17. 25.

XX. Materia circa quam, seu objectum, est Deus à se bono publico patefactus, sub quo omnia, quæ sunt in hac theologia, continentur, non quidem ut partes, species, accidentia, sed quia sunt vel ipse Deus, vel aliquo modo ordinata ad Deum.

XXI. Forma est conformatio ad theologiam Dei: remotè quidem ad similitudinem naturalis, eam quodam modo adumbrando; proximè verò ad exemplar voluntariè κατὰ π, seu pro decreto modulo, exprimendo: unde theologia ἐκτυπω expresse nominatur.

XXII. Finis communis & summus est Dei gloria a: proximi verò triplex, proximus, sufficiens salutem hominum de Deo notitia, remoti, cum debita pietatis, & justitiæ gratitudo b, qui & medius: tum beatitudo, qui ultimus. Quorum propriorum finium medium, per se necessarium & solum, est theologia à Deo patefacta c.

a Rom. 11. 36. b Rom. 11. 21. c Matt. 11. 27.

XXIII. Subjectum in quo, est creatura rationalis: eaque sola, quia nec creatori, primo theologo ac sapienti ἀντισοφία, potest patefieri, ob perfectionem infinitam: nec creaturæ irrationali, ob imperfectionem definitam, & inopiam mentis ac rationis, in qua sola, ut proximo subjecto, sapientia potest residere.

A a a a

XXIV. Ex

XXIV. Ex cuius subiecti natura & statu vario, liquet theologiam patefactam, finitam esse, & accidentalem, variisque patefactionis modis, gradibus, cancellis circumscriptam.

XXV. Nam, pro patefactionis modo, aut naturalis est, & communis; aut supernaturalis, & propria.

XXVI. Naturalis est, quæ ex naturali rationis potentia ac luce deducta est.

XXVII. Lucem autem intelligimus duplicem, unam diviniæ facultatis rationalis<sup>d</sup>, ad simplicium apprehensionem, compositionem & divisionem, ratiocinationem, & ordinem: alteram<sup>e</sup> humani habitus principiorum theologiæ<sup>e</sup> theoreticorum & practicum, non solum universalium, sed etiam particularium.

<sup>d</sup> Joh. 1. 9. <sup>e</sup> Rom. 1. 9. 10. 12. & 2. 14. 15. Joh. 1. 9.

XXVIII. Theoretica vocamus, quorum objectum est, verum, finis illius contemplatio: quale universale ac primum illud; Nihil potest simul esse & non esse &c. & particularia; 1. Deus est. 2. Creator est. 3. Gubernator est. 4. Iudex est.<sup>f</sup> Practica verò, quorum objectum est, res agenda; finis, ejus actio. Quale ex theoreticis fluens, universale quidem ac primum illud, Bonum est faciendum, malum fugiendum: & particulare, Deus rectè colendus est.<sup>g</sup>

<sup>f</sup> Rom. 1. 19. 30. <sup>g</sup> Rom. 1. 32. & 2. 14. 15.

XXIX. Quorum prima notitia, non ex ἀναμνήσεως recordatione: nec ex sensu & inductione (licet hisce confirmetur, & expoliatur,) raptim acquisita: sed ex latente rationis & religionis semine naturali, enata; quod semen ab impiis premi potest & obscurari; sed non opprimi, nec extingui<sup>h</sup>, habent enim legem sine lege: quoniam sibi ipsis sunt lex.<sup>i</sup> Rectèque Damascenus<sup>k</sup>, πᾶσι δὲ ἡ γνῶσις τοῦ Θεοῦ ἔστιν ἐν τῷ αὐτῷ φρονήματι ἐν κατὰ φύσιν. Omnibus enim notitia, quod Deus sit, ab ipso naturaliter insita est.

<sup>h</sup> Rom. 1. 32. <sup>i</sup> Rom. 2. 14. <sup>k</sup> Orthod. fidei l. c. 1. &c.

XXX. Hæc autem naturalis theologia in homine (ut de Angelis fideam) vel immediata & congenita est, vel mediata & acquisita.

XXXI. Immediata, est habitus sapientiæ de Deo creatore, creationis gratia, homini, à Deo, ab origine inditus<sup>l</sup>: ad illustriorem majoremque naturæ perfectionem & salvificam cognitionem & cultum Dei sufficiens<sup>m</sup>, ad Dei gloriam. Quare originalis theologia dici potest.

<sup>l</sup> Gen. 1. 27. Col. 1. 10. Eph. 4. 24. <sup>m</sup> Lev. 18. 5.

XXXII. Siquidem ad naturalem hominis cum perfectionem, tum vitæ terrenæ felicitatem, sufficere potuerat interna animæ ad habitum sapientiæ de Deo uno, creatore, gubernatore, iudice, noscendo & colendo, paulatim acquirendum, potentia: sed gratiæ Dei donum fuit, & perfectionis gradus, quod hanc potentiam per se ac statim deduxerit in actum & habitum theologiæ, (partim secundum naturæ vires, de Deo creatore uno essentia: partim supra eas, de trino personis) indiderit, sufficientem ad supernaturalem felicitatem operandam. Eaque re & modo, partim supernaturalis dici potest.

XXXIII. Mediata theologia est, quæ in adultis sana mente præditis naturalium rerum objecto sensum excitante, & naturali animæ potentia ac lumine agente communicata est.

XXXIV. Deus enim creaturis rationalibus sui imaginem<sup>n</sup>, irrationalibus vestigium impressit.

<sup>n</sup> Gen. 1. 27. Job. 1. 6.

XXXV. Unde mundus hic instar, non solum magistri, testis, præconis<sup>o</sup>, sed etiam libri, speculi, theatri, in quo suam cum Deitatem, tum erga nos beneficia, & nostrum erga ipsum officium, legenda præbet & contemplanda, imò quasi palpanda.<sup>p</sup> Quapropter metonymicè sapientia Dei vocatur, rectèque philosophus<sup>q</sup>, πῶς ἐστὶν φρόνησις ἀφ' ἧς ἐστὶν ἡ ἀρετή, ὡς αὐτῶν ἐργῶν θεωρεῖται ὁ Θεός.

<sup>o</sup> Job. 12. 7. 8. 9. Psal. 19. 1. 2. 3. Act. 14. 17. <sup>p</sup> Rom. 1. 14. 20. Matt. 6. 9. 26. Prov. 6. 5. <sup>q</sup> 1. Cor. 1. 21. Act. 17. 27. <sup>r</sup> De mundo.

XXXVI. Ratio verò insita per sensum & voluntatis ad verum observandum, propensionem excitata, naturali sua luce instar est oculi legentis ac contemplantis<sup>r</sup>, apprehensione simplicium, compositione & divisione, ratiocinatione & ordinatione: quibus, ut reliquæ scientiæ, sic theologia mediata constituitur.

<sup>r</sup> Rom. 1. 20.

XXXVII. Quæ theologia naturalis, pro causarum ra-

tionis & mundi, congenita integritate aut corruptione accidente, omnino integra aut partim corrupta est.<sup>f</sup> Illa ad felicitatem suam sufficiens, hæc ab eadem deficiens.<sup>t</sup>

<sup>f</sup> Rom. 1. 21. 32. <sup>t</sup> 1. Cor. 1. 27.

XXXVIII. Integræ theologiæ accidens & quasi lacinia, fuit notitia revelationis externæ & immediatæ verbi divini & legis<sup>u</sup> arbitrariæ de abstinentia fructus arboris vetitæ, ad debitæ obedientiæ experimentum.

<sup>u</sup> Gen. 1. 17.

XXXIX. Corrupta theologia alterius ad salutem necessitatem inexistit: non pristinæ & integræ naturalis (quæ innocentem & pium beare potuit<sup>x</sup>, reum & impium expiare non potest<sup>y</sup>) sed novæ & supernaturalis.<sup>z</sup>

<sup>x</sup> Levit. 18. 5. <sup>y</sup> Gen. 1. 7. Deut. 27. 27. Rom. 8. 3. 2. 1. Cor. 1. 21. Eph. 2. 12. Act. 17. 30. 31.

XL. Etiam autem, quæ errore corrupta est, vana sit & noxia ignorantia ac stultitia<sup>a</sup>, licet specie & opinione sapientia<sup>b</sup>, tamen κατὰ τὴν & quæ adhuc integra est ac vera, metonymicè veritas<sup>c</sup>, hoc est, vera notitia nominatur, suamque habet utilitatem.

<sup>a</sup> Act. 17. 30. <sup>b</sup> 1. Cor. 3. 19. <sup>c</sup> Rom. 1. 21. 22. 2. Cor. 1. 18. 20. <sup>d</sup> Rom. 1. 18.

XLI. Quoniam divinitus relicta est, cum in timoris Dei stimulum<sup>d</sup>, & ex eo ordinis Politici & Oeconomici fulcrum & societatis humanæ bonum<sup>e</sup>, tum in convincendæ ingratiæ impietatis argumentum & augmentum<sup>f</sup>, ad Dei creatoris ac judicis gloriam.

Hactenus de theologia naturali.

<sup>d</sup> Jer. 5. 22. 24. Act. 17. 27. <sup>e</sup> Rom. 2. 14. 15. <sup>f</sup> Rom. 1. 20. 32. Act. 12. 48.

XLII. Supernaturalis verò est sapientia, à Deo, ex misericordie gratia<sup>h</sup>, homini post lapsum ipsius, supra naturæ vires<sup>i</sup>, luce Spiritus Sancti revelata<sup>k</sup>: ad naturalis de Deo creatore theologiæ restaurationem<sup>l</sup>; & novam mysterii, de Deo per Christum redemptore, notitiam<sup>m</sup>, debitamque hominum obedientiam, ac Dei redemptoris gloriam.<sup>n</sup>

<sup>g</sup> Deut. 4. 5. Psal. 19. 8. 2. Tim. 3. 15. 16. & 1. Cor. 2. 7. <sup>h</sup> 1. Cor. 1. 21. & 2. 9. 12. Matth. 11. 27. Psal. 147. 1. 9. <sup>i</sup> 2. Corinth. 2. 4. & 1. Cor. 2. 7. 14. <sup>k</sup> 1. Cor. 1. 10. 12. <sup>l</sup> Act. 17. 23. 32. <sup>m</sup> 1. Cor. 2. 6. 7. 8. 10. <sup>n</sup> Rom. 1. 5. Tit. 2. 10. 11. 12.

XLIII. Unde supernaturalis rectè dicitur: quod supra, non contra naturæ vires: cum verum vero repugnare nequeat.

XLIV. Est autem supra naturam, partim ratione modi patefactionis tantum<sup>o</sup>: partim ratione, & modi & objecti.<sup>p</sup>

<sup>o</sup> Act. 17. 23. <sup>p</sup> Act. 17. 31. <sup>q</sup> 1. Cor. 2. 7. 8. 20.

XLV. Modus patefactionis est Dei revelatio: objectum verò Deus supernaturaliter revelatus: quia circa eum tota hæc theologia versatur: ad quem, ut principium, vel finem, ordinantur reliqua.

XLVI. Quæ theologia, pro statu hominis duplici<sup>q</sup>, cæli ac patriæ, & soli ac viæ, relatione quadam, πᾶσι<sup>r</sup> perfecta est, aut κατὰ φύσιν imperfecta.<sup>t</sup>

<sup>q</sup> Heb. 11. 13. 16. <sup>r</sup> 1. Cor. 13. 9. 10. 12.

XLVII. Quorum licet commune objectum sit Deus revelatus: gradu tamen, & modo cognoscendi, & lumine gloriæ & gratiæ differunt.<sup>s</sup>

<sup>s</sup> 1. Cor. 13. 12.

XLVIII. Ille est beatorum ac perfectorum in cælis<sup>f</sup> ex glorificatione mentis per infusionem luminis intellectualis perfecti<sup>t</sup>; sapientia de Deo permanens, in beatitudinis fruitionem & ad Dei servitoris gloriam.<sup>u</sup>

<sup>f</sup> Heb. 12. 23. <sup>t</sup> 1. Corinth. 13. 10. 12. <sup>u</sup> 1. Corinth. 13. 10. 11. <sup>v</sup> Joh. 3. 2. <sup>w</sup> 2. Corinth. 5. 7.

XLIX. Quam theologiam visionis<sup>x</sup>, nempe claræ & perfectæ, κατὰ τὴν<sup>y</sup> vulgò nuncupant. Eoque, ut beatitas immota est, sic illa perpetuò durat.

<sup>x</sup> Matt. 5. 8. <sup>y</sup> 1. Joh. 3. 2. <sup>z</sup> 2. Cor. 5. 7.

L. Hæc verò est viatorum & peregrinantium à Domino<sup>y</sup> sapientia sermonis & spiritus luce revelata<sup>z</sup>, ad fidei officium & beatitudinis iter cognoscendum sufficiens.<sup>a</sup>

<sup>y</sup> 2. Cor. 5. 6. <sup>z</sup> 1. Cor. 2. 6. 7. 10. <sup>a</sup> 2. Tim. 3. 15.

LI. Unde relatè ad cœlestem, cognitio dicitur imperfecta, & visio obscura per speculum in ænigmate<sup>b</sup>: relatè verò ad finem, perfecta, quod nihil cognitionis ad hunc consequendum in illa desit.

<sup>b</sup> 1. Cor. 13. 10. 12. <sup>c</sup> 2. Tim. 3. 11. 17.

LII. Estque vel adspirata divinitus<sup>d</sup>: eoque ἀψευδὴς<sup>e</sup> καὶ ἀνθρώπινος<sup>f</sup> vel humanitus acquisita.

<sup>d</sup> 2. Tim. 3. 16. <sup>e</sup> 2. Pet. 1. 21. <sup>f</sup> Tit. 1. 2.

LIII. Illa est quam Deus sermone, externo vel interno, revela-

revelavit: etsi enim theologiæ partes ænigmate visionum & somniorum communicavit<sup>f</sup>; totam tamen non nisi sermone.<sup>g</sup>

<sup>f</sup> Num. 12. 6. 7. <sup>g</sup> 2 Tim. 3. 15. 17.

LIV. Et quidem pro diversa temporum hominumque conditione vario cultus externi ceremonialis, & lucis doctrinæ, incremento & mutatione sapienter temperavit.

LV. Qualis theologia primum ἀρχαία, non scripta: deinde νεώτερη, scripta.

LVI. Non scripta fuit potissimum παλαιοτέρη καὶ πολυμερὴ h patriarcharum usque ad Moysen, aucta cultu sacrificiorum, & in Abrahami familia, circumcissione & illustriore patefactione, h Heb. 1. 1.

LVII. Scripta est quæ scripturæ sacræ instrumento ad ipsius puritatem & memoriam conservandam tradita est, ad perpetuam hominum institutionem, eaque vel umbrosa vel aperta.

LVIII. Illa est quæ velata ceremoniarum legalium umbris & iugo, obscurius & gravius tradita, in novum cultus externi incrementum<sup>i</sup>; ad tutelam & pædagogiam morte Christi adumbrati terminandam.<sup>k</sup>

<sup>i</sup> Gal. 2. 17. Heb. 10. 1. Act. 15. 10. Gal. 4. 7. <sup>k</sup> Gal. 3. 23. 24. 25. & 4. 2. 3. 5. Col. 2. 16. 17.

LIX. Hæc verò est in qua ceremoniarum velo & iugo multiplici baptismo & cœnæ permutatione liberati<sup>l</sup> re-cta facie gloriam Domini κατὰ τὴν εἰκόνα m velut in speculo intuemur.

<sup>l</sup> Gal. 3. 25. & 4. 5. m 2 Cor. 3. 9. 18.

LX. Acquisita est quæ ex theologia divinitus adspirata, studio comparatur. Quæ propterea αὐτόπικη non est, imò nec absolutè πῆρις, nisi quatenus adspirata, & hoc quidem

tempore, sacra scriptura tradita, autoritatè confirmatur: sive ea in sacrarum literarum expositione, quam theologiam positivam vocant, occupetur; sive in dogmatum & locorum communium adversus hæreses tractatione & disputatione scholastica: quam theologiam scholasticam nominant.

COROLLARIA.

1. An Theologia patefacta sit scientia merè theoretica? N.
2. An merè practica? N.
3. An mixta? A.
4. An præcipuè practica? N.
5. An præcipuè Theoretica? A.
6. An Deus patefactus sit theologia subjectum, seu objectum remotum? N.
7. An religio sit adequatum theologia subjectum? N.
8. An theologi beati, videndo Deum in cælis, videant reliqua in ipso, tanquam in speculo? N.
9. An theologia beatorum angelorum & hominum in omnino immediata essentia Dei visione consistat? N.
10. An eadem incremento sit obnoxia? A. distinctè.
11. An fides & spes cum eadem queant esse in cælo? A. distinctè.
12. An theologia huius vita in cælo sit duratura? Affirm.
13. An theologia animæ Christi in his terris equalis fuerit, ut Scholastici volunt, scientia Dei qua visionis dicitur? N.
14. An theologia sapientum ethnicorum fuerit merè naturalis? N.

Hieronymus epist. ad Paulinum.

Discamus in terris, quorum scientia nobis perseveret in cælis.

DISPUTATIO II.

DE SCRIPTURA SACRA.

Quemadmodum prudentes architecti fundamentum, suo ædificio, præstruere solent; ut tota structuræ moles, illius ope, fulciatur; eadem quoque ratione, Sacra Theologia tractationi, doctrina de Scriptura sacra, consultò præmittenda est; quod ea ab hac, tanquam basi & principio organico, exurgat ac sustentetur<sup>a</sup>. Idque majori propterea curandum studio: quoniam Pontificii, non opertis solum sophismatum cuniculis, sed apertis etiam, contumeliarum & anathematum, machinis, auctoritatem usumque illius, minuere ac subruere moliantur. Quocirca non abs re fore arbitramur, si orthodoxam, de Scriptura sacra, sententiam, paucis ac dilucidè, pro modulo nostro, complectamur, & publicâ dissertatione, veritati muniendæ, ventilandam, à vocibus ad rem progressi, proponamus.

<sup>a</sup> Ephes. 2. 20. Joh. 5. 39. Act. 16. 23.

THESES I.

**Q**uod Hebræis, Cethabb<sup>a</sup>, michtabb<sup>b</sup>, cethubb<sup>c</sup>, & Judæis vulgò cethubbá, & micra, idest, lectio, quia assidue legenda<sup>d</sup> (quomodo etiam Nehem. 8. v. 8. insignes nonnulli interpretes, accipi putant) id Græcè, γραφή<sup>e</sup> & γραμματα<sup>f</sup>, Latine verò, scriptura, dici solet.

<sup>a</sup> Esth. 8. 8. <sup>b</sup> Exod. 32. v. 16. <sup>c</sup> 2 Chron. 30. 18. <sup>d</sup> Deut. 17. 18. 19. <sup>e</sup> 2 Tim. 3. 16. <sup>f</sup> 1b ver. 15.

II. Ea autem vox, aut activè, scribendi actionem: aut passivè ac metonymicè, opus scriptum: idque vel absolutè, quodvis; vel relatè, sermonis signum, notat.

III. Utque hoc signum, pro materiæ suæ ratione; aut sacrum est, aut profanum: sic sacrum, pro auctorum suorum diversitate, in scripturam divinam & humanam, distribuitur.

IV. Divina rursus scriptura, vel immediata est; vel mediata.

V. Immediata est, quæ, solius Dei manu, est exarata. Qualis primò est, Decalogus, Dei digitis (hoc est, potentia) descriptus<sup>a</sup>: unde etiam, Scriptura Dei<sup>b</sup>, nuncupatur. Altera deinde est, scriptum, de templi Dei structura, Davidi, à Deo, exhibitum: quod propterea, Scriptura manus Domini<sup>c</sup> nuncupatur. Tertia denique est scriptura, in pariete, regiæ Baltasari<sup>d</sup>, consignata.

<sup>a</sup> Exod. 31. 18. Deut. 10. 2. 4. <sup>b</sup> Exod. 32. 16. <sup>c</sup> 1 Chron. 28. 19. <sup>d</sup> Dan 5. vers. 7. 24.

VI. Mediata verò scriptura est, quam Deus, per amantissimum suum, conscripsit. Eaque vel politica, vel religiosa.

VII. Politica est, quæ populi Israëliti, rationem usumque temporarium, spectat. Qualis fuit Liber Samuelis, de jure regni: cujus authenticum exemplar, coram arca, fuit depositum<sup>a</sup>: deinde Liber bellorum Domini<sup>b</sup>: adhuc Liber relictus<sup>c</sup>, tempore Josuæ & alius ejusdem nominis, ad artem militarem pertinens<sup>d</sup>: similesque historiæ politicæ, ab Ecclesiasticis, distinctæ, & ad ordinem politicum comparatæ.

<sup>a</sup> 1 Sam. 10. 25. <sup>b</sup> Nu. 21. 14. <sup>c</sup> Jos. 10. 13. <sup>d</sup> 2 Sam. 1. 18.

VIII. Religiosa verò scriptura est; quæ toti Ecclesiæ, de religione salutari, in perpetuum usum, tradita ac consecrata. Qua ratione, synecdochice, Sacra litera<sup>a</sup> & κατὰ τὴν εἰκόνα (quasi indice digito exerto) haccathubb<sup>b</sup>, unde baccathubb<sup>b</sup>, ἡ γραφή<sup>c</sup>, hoc est, Scriptura illa, & (intellectâ, non autem demonstratâ, illius excellentiâ) γραφή Scriptura<sup>d</sup>, ut præ reliquis omnibus, hoc nomine dignissima, nuncupatur.

<sup>a</sup> 2 Tim. 3. 15. <sup>b</sup> 2 Chron. 30. 18. <sup>c</sup> Joh. 10. 35. <sup>d</sup> 2 Tim. 3. 16.

IX. Quomodo vel generalius, quodvis scriptum divinum (sive integer sit liber<sup>a</sup>, sive sectio illius<sup>b</sup>, quæ expressius περιεχὶ τῆς γραφῆς dicitur<sup>c</sup>) vel specialius librorum divinorum, de theologia salutari, syntagma designat. Quo sensu, hoc loco accipimus, & proposita, è suis caulibus, definitione describimus.

<sup>a</sup> Act. 8. 32. <sup>b</sup> Mar. 12. 10. <sup>c</sup> Act. 8. 32.

X. Scriptura sacra, est librorum sacrorum ac divinorum syntagma, quo, per homines sanctos, immediatè vocatos, tota vera religionis doctrina, ad salutem necessaria, inspiratione ac directione Spiritus Sancti extraordinaria, ad communem Ecclesiæ usum, conveniente lingua, descripta ac tradita est: ut ea, integra puraque, conservaretur ac propagaretur, in cognitionis



ac cultus Dei redemptoris, perpetuum ac sufficientem canonem, ad edificationem & salutem Ecclesie, & Dei servatoris gloriam.

XI. *Genus Scripturæ*, est *sacrorum librorum syntagma*. Quippe non uno, sed pluribus libris<sup>a</sup>, constat: ideoque, plurali notione, sæpius *ῥεσφῶς Scriptura*<sup>b</sup>, & vulgo *βιβλία* libri, & *biblia sacra*, *καὶ ἑσφῶς* nominari atque inscribi solent. Quilibet, à dispositione, in unum, librorum sacrorum, quasi corpus ac codicem, idcirco *syntagma*: & eodem sensu, singulari notione, *Scriptura*<sup>c</sup> nuncupantur.

<sup>a</sup> Matt. 12. 26. Luc. 3. 4. & 4. 17. Act. 1. 20. & 7. 42. &c. <sup>b</sup> Luc. 24. 27. Act. 18. 24. <sup>c</sup> Ioh. 1. 22. & 10. 9. 2 Pet. 1. 20.

XII. *Causa autem efficiens Scripturæ* est duplex, *auctor*, & *ministri* illius.

XIII. *Auctor* est Deus, Pater<sup>a</sup>, Filius<sup>b</sup>, Spiritus Sanctus<sup>c</sup>: ideoque *syntagma divinum*, dicimus: sicut *λόγια ἑσφῶς eloquia Dei*<sup>d</sup>, divinitus nominantur.

<sup>a</sup> Heb. 1. 1. Luc. 1. 70. <sup>b</sup> 1 Pet. 1. 11. <sup>c</sup> 2 Pet. 1. 21. <sup>d</sup> Rom. 3. 2.

XIV. *Ministri* verò auctoris, sunt *homines sancti*, actuarii Dei, *immediatè* ad hoc *vocati*, & à Spiritu Sancto, theologia edocti, & ad illam, communi Ecclesie usui, describendam ac tradendam, deducti ac directi<sup>a</sup>.

<sup>a</sup> Her. 1. 1. 2 Pet. 1. 21. & 3. 2. 2 Tim. 3. 16. Ioh. 14. 16. & 16. 13.

XV. *Materia subiecta Scripturæ*, est duplex: una, *in qua*; altera, *circa quam*, ea versatur.

XVI. Quomodo, à verbo Dei, de theologia salutari antea tradito, partim *discrepat*: partim cum eo *convenit*.

XVII. *Discrepat*, quod Scripturæ materia, in qua, cum aliis scriptis communis, sunt libri & atramentum ac characteres<sup>a</sup>: unde *libri*<sup>b</sup>, & *literæ*<sup>c</sup>, appellantur: sed verbi, antea traditi, materia in qua, sunt voces; ideoque *verbum ἄρρεσφῶς non scriptum*, dici consuevit.

<sup>a</sup> Ier. 36. 11. 2 Ioh. 12. 2 Cor. 3. 3. <sup>b</sup> Mar. 12. 26. <sup>c</sup> 2 Tim. 3. 15. Ioh. 1. 47.

XVIII. *Convenit* verò, materiâ circa quam: quæ inprimis est, tota veræ religionis doctrina, ad salutem necessaria<sup>a</sup>, Ecclesie, Verbo Dei (cujus fide, servata est<sup>b</sup>) ante communicata. Qua etiam ratione, Scriptura sacra, *eloquia Dei*<sup>c</sup> & *verbum Dei*<sup>d</sup>, metonymicè, & per excellentiam, quod perfectum illius sit symbolum, nominatur.

<sup>a</sup> 2 Tim. 3. 15. 16. <sup>b</sup> Heb. 11. 4. 5. 6. 7. 10. 16. <sup>c</sup> Rom. 3. 2. <sup>d</sup> Eph. 6. 17.

XIX. *Forma scripturæ*, est integra, hujus doctrinæ, ex divina atque extraordinaria inspiratione, descriptio: seu totius, de vera religione, ad salutem necessariæ, ex immediata revelatione & directione Spiritus Sancti, conceptis ipsius verbis, significatio.

XX. Quo sensu, *Scriptura θεόπνευστος divinitus inspirata*<sup>a</sup>, dicitur: quod & res, & voces, à Deo menti, sanctorum illorum hominum, sint inditæ, & ductu illius, consignatæ. *Non enim hominis voluntate, allata est olim Prophetia; sed acti à Spiritu Sancto, loquuti sunt sancti Dei homines*<sup>b</sup>. Quod de sermone, non solum *ἄρρεσφῶς*, sed etiam *ἑσφῶς* ex Sacrarum literarum usu<sup>c</sup>, pronuntiari, antecedentiâ Petri verba, versu 19. & 20. luculenter demonstrant.

<sup>a</sup> 2 Tim. 3. 16. <sup>b</sup> 2 Pet. 1. 21. Ioh. 16. 13. <sup>c</sup> Luc. 24. 25. 27. Act. 2. 31. & 28. 25.

XXI. Hæc autem *forma*, partim *essentialis* est: partim *accidentalis*.

XXII. *Essentialis*, est totius doctrinæ, ad salutem necessariæ, ex divina inspiratione, significatio: qua, cum verbo Dei ante *ἄρρεσφῶς*, omnino convenit, & à reliquis omnibus differt.

XXIII. *Accidentalis forma*, est per literas descriptio. Quæ licet *accidens* sit, ei, cum omnibus scriptis, *commune*, Scripturam nihilominus, à verbo *ἄρρεσφῶς*, *distinguit*. Quippe ut verbum non scriptum, sermonis signo & enuntiatione: sic contra Scriptura, ut verbum scriptum, literarum notis & descriptione, constat.

XXIV. Atque ex hac materiæ & formæ distinctione, illustri illa, de *antiquitatis, Scripturæ & Ecclesie*, comparatione, controversia expeditur. Quippe ratione, & materiæ circa quam versatur, & formæ essentialis; qua constat, *Scriptura prior* omnino est, tanquam *semen*, ex quo Ecclesia *renata* est<sup>a</sup>, & *lac sincerum*<sup>b</sup>, ex quo succrevit, & *fundamentum, cui superstructa*<sup>c</sup>; sed ratione materiæ in qua, & formæ accidentalis, *Scriptura posterior* est, quàm Ecclesia: cujus selecta membra, scriptores nimirum sacri, materiæ & formæ illius, causâ extiterunt<sup>d</sup>. Hæc de *materia & forma*.

<sup>a</sup> 1 Pet. 1. 23. <sup>b</sup> Iob. 1. 2. <sup>c</sup> Eph. 2. 20. <sup>d</sup> 2 Pet. 1. 20. 21. Luc. 24. 27.

XXV. *Finis* verò est duplex; Ecclesie utilitas, & Dei Servatoris gloria.

XXVI. *Utilitas* autem Ecclesie *alumnæ*<sup>a</sup>, & *columnæ veritatis*<sup>b</sup>, est triplex.

<sup>a</sup> 1 Pet. 2. 2. <sup>b</sup> 1 Tim. 3. 15.

XXVII. *Prima*, est perpetua doctrinæ, ad salutem necessariæ, adversus omnia, oblivionis & corruptionis pericula<sup>a</sup>, in Ecclesia, apud Pastores & Gregem, conservatio ac propagatio<sup>b</sup>.

<sup>a</sup> Eph. 4. 11. 12. 13. 14. & 6. 17. 14. <sup>b</sup> Eph. 30. 8. Deut. 17. 18. 19. & 31. 26. Ios. 1. 8. & 2 Pet. 1. 13. 15. 16. & 2 Tim. 3. 16. 17.

XXVIII. Quæ integra atque illæsa, multò certius, uberior, ac promptius, Scriptura constanti, tanquam fido depositario, veritatis teste<sup>a</sup>, gladioque spirituali<sup>b</sup>, quàm memoria labili, voce fluxa, & traditione lubrica, continetur ac vindicatur.

<sup>a</sup> Iob. 19. 23. Eph. 3. 4. 16. 1 Sam. 10. 25. Ioh. 5. 39. Rom. 3. 21. <sup>b</sup> Eph. 6. 17. Matt. 4. 4. 7. 10.

XXIX. *Secunda utilitas* est, ut sit Ecclesie, perpetuus, perfectæque sufficiens, cognitionis Dei, creatoris ac redemptoris, cultusque fidei ac vitæ sanctæ regendæ<sup>a</sup>, ac corrigendæ<sup>b</sup>, lux, via, & canon<sup>c</sup>. Unde *Scriptura Canonica*, *καὶ ἑσφῶς* appellatur.

<sup>a</sup> Deut. 4. 2. & 5. 32. & 12. 1. 8. & 17. 18. 19. Ezech. 20. 11. 18. 19. Ios. 1. 8. Ioh. 22. 31. 2 Pet. 1. 19. Eph. 2. 20. Rom. 15. 4. 1 Tim. 4. 13. & 2 Tim. 3. 15. 16. 17. <sup>b</sup> 2 Reg. 23. 2. 3. 24. 2 Chron. 17. 9. Ezec. 6. 18. Nehem. 8. 8. Matth. 22. 29. 31. 2 Tim. 3. 16. <sup>c</sup> Prov. 6. 23. 2 Pet. 1. 19. Psal. 119. 5. 9. 133. Gal. 6. 16. & 1. 8. Philipp. 3. 16. Ioh. 5. 39. Act. 17. 11. & 26. 22. Rom. 16. 17.

XXX. *Tertia*, est Ecclesie, per Scripturæ lectionem & auditionem, in vera Dei cognitione, & fidei ac charitatis cultu, recta institutio atque ædificatio<sup>a</sup>, & ad salutem æternam deductio<sup>b</sup>.

<sup>a</sup> Psal. 119. 8. 9. 2 Pet. 1. 19. Ephes. 2. 20. & 4. 11. 12. 13. 14. 15. Ioh. 20. 31. <sup>b</sup> Prov. 6. 23. Ioh. 5. 39. & 20. 31.

XXXI. Ex qua triplici Scripturæ, in Ecclesia, utilitate, tanquam propinquo fine ac medio suo *subordinato*; *finis ultimus* ac *præordinatus*, *Dei servatoris gloria*<sup>a</sup>, exurgit: quod pro sua misericordi & immensa bonitate, adeo salutare, cognitionis, ac cultus sui instrumentum, Ecclesie servandæ, literis consignatum tradiderit ac propagarit<sup>b</sup>. Atque hæc *tenus de Scripturæ sacra causis*.

<sup>a</sup> Deut. 4. 6. 7. 8. Psal. 147. 13. 19. 20. <sup>b</sup> Rom. 3. 2. & 15. 4. 2 Tim. 3. 15. 16.

XXXII. Ex quibus, tanquam fontibus, illustria illa, Scripturæ attributa, *auctoritas divina*, *perfectio*, & *consentanea*, in rebus ad salutem necessariis, *perspicuitas*, promanant. *Prima*, ex efficiente, materia, forma, fine: *secunda*, ex materia, forma fine: *tertia*, ex efficiente, & fine scripturæ, procedit.

XXXIII. Ex iisdem etiam causis, & attributis, confectaria tria emergunt: I. *Scripturam, summum esse, doctrina salutaris atque interpretationis sui, καὶ ἑσφῶς ac normam*. II. *ab omnibus jam legendam*. III. *ideoque ut id, cum intellectu & usu fiat, in vernaculas linguas vertendam*.

XXXIV. *Adjunctum* denique Scripturæ, est certum idioma, seu lingua, qua divinitus tradita est, consentaneè Ecclesie intelligentis conditioni<sup>a</sup>. In qua lingua solum, absolute authentica est, & *ἀντίστοιχος* à cuius rectitudine; si defleat versio, eatenus perversa est, & ad illum, divinæ linguæ, canonem revertendo, corrigenda.

<sup>a</sup> 1 Cor. 14. 6. 9.

XXXV. Qui *Canon*, pro varia ac sapiente theologiæ salutaris revelatione<sup>a</sup>, unicus quidem (ut loquuntur) *substantia*; sed *circumstantiis*, duplex est: *vetus & novus*.

<sup>a</sup> Heb. 1. 1. Rom. 1. 2. Eph. 2. 20.

XXXVI. *Vetus* est, qui olim, ante Christum, soli Hebræorum Ecclesie, Hebraicè, Moysi Pentateucho, fuit plenè constitutus, ac *primò propositus*: deinde verò, Prophetarum sequentium scriptis, Canoni consecratis, clarius *expositus*: & eadem lingua (paucis Chaldaicè aptè insertis<sup>a</sup>) suis circumstantiis auctus. Eoque, *Moses & Propheta*<sup>b</sup>, metonymicè, *Scriptura Prophetarum*<sup>c</sup>, & *sermones Prophetarum*<sup>d</sup>, ac *Prophetici*<sup>e</sup>, appellantur.

<sup>a</sup> Ier. 10. 11. Ezec. 4. 7. ad 6. 19. Dan. 2. 4. ad 8. 1. <sup>b</sup> Luc. 19. 29. <sup>c</sup> Matt. 26. 56. <sup>d</sup> Act. 15. 15. <sup>e</sup> 2 Pet. 1. 19.

XXXVII. Qui *Canon*, ab objecto suo, Hebræorum Ecclesia, *Canon Hebræorum*, quod iis, *eloquia Dei, concredita sint*<sup>a</sup>, vocatur: & à materiæ modo (quod parcius, scædus gratiæ: uberius verò, Legem ac scædus operum, seu vetus testamentum,

Itamentum, describat) metonymicè, κατ' ἐξοχὴν, in Sacris literis, *Lex* <sup>b</sup>: & vulgò, *vetus Testamentum*, nuncupatur.

<sup>a</sup> Rom. 3. 2. <sup>b</sup> Psal. 147. 13. 19. 20. <sup>c</sup> Prov. 6. 23. Rom. 3. 19.

XXXVIII. *Novus* verò, imo novissimus *Canon* est, qui ex veteri, & ex ultimo illius auctario, Evangelistarum & Apostolorum scriptis, completus est, ad Christianæ, totius orbis, Ecclesiæ structuram salutarem <sup>a</sup>.

<sup>a</sup> Eph. 2. 21. Iob. 10. 31.

XXXIX. Quod *auctariis syntagma*, veterem Scripturæ Canonem, non solum illustrat, sed sua etiam perfectione in-

cludit: περικαλὴς, quatuor Evangeliiis: ἐκτετακός, reliquis suis scriptis. Atque à materia præcipua, distinctè *Evangelium*, & *Novum Testamentum*, nominatur.

XL. *Totus* autem *Canon*, ab objecto suo, collecta Christianorum, ex Judæis & Gentibus, Ecclesia, *Canon Christianorum*, dicitur: & post Apostolos, deficiente doctrinæ salutaris revelatione immediata, cognitionis *theologia Christiana principium organicum* αὐτὴν πρῶτον est, atque *unicum*: ex quo, oritur primò, & in quod, ultimò resolvitur. Cujus auctori DEO, sit GLORIA.

## DISPUTATIO III.

## DE DEO VERO.

## THESIS I.

**N**omen Dei, propriè acceptum, ac Sacris literis traditum, est vox, ex arbitrio significans, qua se ipsum appellat Deus; ut à nobis cognosci queat ac coli. Unde etiam *memoriale* <sup>a</sup>, nuncupatur. Idque vel proprium est, vel commune.

<sup>a</sup> Exod. 3. 15.

II. *Proprium* est, quod soli Deo convenit. Quod, pro subjecti sui consideratione, bifariam distribuitur. *Aliud* enim, essentiam Dei infinitam: *Aliud*, attributum ac perfectionem essentiae, designat.

III. *Quod essentiam infinitam notat*, est triplex; *Ehje* <sup>a</sup>, *Iehovà* <sup>b</sup>, & quod ex eo contractum est <sup>c</sup>, *Iáh* <sup>d</sup>. Quæ omnia, ab *haja*, vel *havà* (esse) derivantur. Ideoque ut Septuaginta interpretes, ὁ ὢν (ENS) vertunt <sup>e</sup>: & alii plenius, αὐτῶν, aut (ut Bucerus in Psalmorum versione) αὐτοφύς, qui à se est, aut αὐτοθεός, qui à se Deus: sic Apostolus, latentem nominis vim, & periphrasin illius, Exod. 3. 14. Ehje aschér ehje, *ero, qui ero, seu, Sum, qui sum*, his verbis distinctè exprimit & illustrat, ὁ ὢν, ὁ ᾧ καὶ ὁ ἐρχόμενος, *qui est, qui erat, & qui venturus est*, i. futurus. Et Epiphanius <sup>f</sup>, ὁ ἦν, καὶ ἦν, καὶ αἰὲν ὦν, *qui, erat, qui est, & semper est*.

<sup>a</sup> Exod. 3. 14. <sup>b</sup> Exod. 3. 15. & 6. 3. <sup>c</sup> R. Mosche More lib. 1. c. 62. Kimchi in Psal. 104. <sup>d</sup> Psal. 68. 5. <sup>e</sup> Esa. 12. 2. & 26. 4. & 38. 11. <sup>f</sup> Exod. 3. 14. <sup>g</sup> Ap. 4. 8. <sup>h</sup> Contra Archonticos.

IV. Quocirca etiam *nomen Iehovæ* <sup>a</sup> (cui reliqua duo sunt æqualia) ob hanc suam excellentiam, *nomen illud* <sup>b</sup>, & *nomen illius magnum* <sup>c</sup> nuncupatur. Quod, tanquam proprium, sibi soli vendicat Deus <sup>d</sup>: & humano ingenio (citra revelationem) ignotum asserit <sup>e</sup>. Pro qua voce, interdum *Deus* <sup>f</sup>; creberrimè verò, Judæorum more (ne importuna adhuc pronuntiatione, offenderentur) κύριος dominus <sup>g</sup>, Apostolorum interpretatione, substituitur.

Hæc de nomine Dei proprio: quod essentiam notat.

<sup>a</sup> Lev. 24. 16. <sup>b</sup> Lev. 24. 11. <sup>c</sup> Jer. 44. 26. <sup>d</sup> Esa. 43. 8. <sup>e</sup> Psal. 83. 19. <sup>f</sup> Prov. 30. 4. <sup>g</sup> Rom. 4. 3. <sup>h</sup> Gal. 3. 6. <sup>i</sup> Iac. 2. 13. <sup>j</sup> Matt. 4. 10. & 22. 37. & c.

V. *Quod verò attributum & perfectionem essentiae Dei indicat*, vel absolutum est, vel relatum.

VI. *Absolutum* est, quod Dei proprietatem, per se consideratam, declarat. Cujusmodi est, *Schaddai* <sup>a</sup>. Quæ vox, non tam à *schadad* vastare, ut vastatorem notet; quam à *sche*, qui, & *dai* sufficientia, derivatur <sup>b</sup>: quod, nullius indigus <sup>c</sup>, sibi abundè sufficiat: ut Elias doctè, cum R. Salomone aliisque, exponit <sup>d</sup>.

<sup>a</sup> Exod. 6. 3. <sup>b</sup> Eze. 1. 24. <sup>c</sup> R. Mosche More lib. 1. c. 62. <sup>d</sup> A. 17. 25. <sup>e</sup> Psal. 16. 2. Rom. 11. 35. 36. <sup>f</sup> In Tifschbi.

VII. Ac proinde Septuaginta quoque interpretes (etsi interdum Hebræam vocem χαδδαι retineant <sup>a</sup>) plerumque voce ἰσχυρὸς Sufficiens <sup>b</sup>, & παντοκράτωρ Omnipotens <sup>c</sup> transtulerunt. Atque hinc quidam Latinam vocem *Deus*, ab Hebræo *dai*: sed alii aptius, à Græco *θεός*, vel à *divs*, Æolicè pro *θεός*, derivarunt. Quamvis Isidorus, à *di* & *timor*: quod cum colentibus sit *timor* <sup>d</sup>, deducat: ut *timor Isaaci* <sup>e</sup>, pro Deo illius vendendo, metonymicè usurpatur.

<sup>a</sup> Ezech. 10. 5. <sup>b</sup> Ruth. 1. 20. <sup>c</sup> Epiphanius contra Archonticos. Hier. t. 3. epist. ad Marcel. & in Ezech. 10. <sup>d</sup> Iob. 27. 2. 11. 13. <sup>e</sup> Etymolog. 1. 7. c. 1. <sup>f</sup> Gen. 31. 42. 53.

IX. *Relatum* verò Dei nomen est, quod creaturas, tan-

quam effecta vel adjuncta Dei, respicit.

IX. Quippe illud, aut creationis beneficium notat, ut Borè <sup>a</sup>, ὁ κτίστης <sup>b</sup> creator: à *bará* creare: aut ortam, ex creationis jure, in creaturas, potestatem <sup>c</sup>: ut *Adonás* <sup>d</sup> (cum vocali, a, per se longa) Dominus: plurale, sed significationis, per numeri Enallagen, singularis. Oritur autem ab *adon* dominus, quod ab *eden* basis, eleganti metaphora, quasi creaturarum basis: ut Græcis βασιλεύς rex, quod sit *βάσις* <sup>e</sup> λαοῦ populi basis <sup>f</sup>. Ideoque Deus ὁ βασιλεὺς ὁ βασιλεὺς καὶ κύριος <sup>g</sup> rex regum & dominus dominantium <sup>h</sup>: & κατ' ἐξοχὴν rex <sup>i</sup>: dominus universa terra <sup>j</sup>: calis terræque dominus <sup>k</sup>, nominatur. Hæc de nomine proprio.

<sup>a</sup> Eccl. 12. 1. <sup>b</sup> 1. Pet. 4. 19. Rom. 1. 25. <sup>c</sup> Deut. 10. 14. <sup>d</sup> Ps. 89. 12. <sup>e</sup> A. 17. 24. 25. <sup>f</sup> Apoc. 4. 11. <sup>g</sup> Esa. 3. 17. <sup>h</sup> Psal. 16. 2. <sup>i</sup> Etymologicum magnum. <sup>j</sup> Deut. 10. 17. <sup>k</sup> 1. Timoth. 6. 15. <sup>l</sup> Jerem. 40. 18. <sup>m</sup> Mich. 4. 13. <sup>n</sup> Psal. 47. 8. <sup>o</sup> A. 17. 24.

X. *Commune* verò Dei nomen est, cuius vox aliis etiam convenit. Idque similiter, in *absolutum*, & *relatum*, distinguitur.

XI. *Absolutum* rursus, vel à *sanctitate* Dei, vel à *potentia*, deducitur.

XII. *Prioris modo nomen est Kadosch* <sup>a</sup>, *Sanctus*; à *Kadách* mundum à vitiis, vel sanctum esse <sup>b</sup>: posterioris, est *El* <sup>c</sup> *Potens*: ab *Ejál*, potentia: quasi Deus fortis: ut doctissimi interpretes <sup>d</sup> verterunt. Ideoque Apostoli (non minus quam passim Septuaginta) disertè Hebræum *El*, Græca voce *θεός* Deus <sup>e</sup>, exponunt.

<sup>a</sup> Iob. 6. 10. <sup>b</sup> Esa. 57. 15. <sup>c</sup> Esa. 40. 25. <sup>d</sup> Lev. 11. 44. <sup>e</sup> Deut. 6. 15. <sup>f</sup> Tremel. & Iun. e. Mat. 27. 46. <sup>g</sup> Marc. 15. 34. <sup>h</sup> Hier. t. 3. epist. ad Marcellam.

XIII. Quæ *Sancti* <sup>a</sup> & *Potentis* <sup>b</sup>, nomina absoluta, etiam rebus creatis sunt communia, cum voce, tum rei quadam analogia <sup>c</sup>; sed Deo tamen, sanctissimo ac præpotenti, primum, & (κατ' ἐξοχὴν accepta) soli tribuuntur. Unde, *sanctus, sanctus, sanctus* <sup>d</sup> (ut à Judæis etiam passim *hakkadosch barúch hu*, Sanctus ille benedicendus) & ὁ ἁγίος <sup>e</sup> *Sanctus* ille: & ὁ δυνατός <sup>f</sup> *Potens* ille <sup>g</sup>, & solus *El* <sup>h</sup> distinctè nuncupatur. Quemadmodum etiam *κύριος* <sup>i</sup> *solens Potens* (ut *Vetus* etiam Henrici Stephani Glossarium, & vulgatus interpres, non malè vertunt, & LXX interpretes, eo sensu, voce *δυνατός* frequentissimè utuntur) aut, ut aliis placet, solus dynasta, seu princeps (à potentia sic dictus) nominatur. Hæc de nomine communi absoluto.

<sup>a</sup> Dan. 7. 21. 22. <sup>b</sup> 1. Cor. 14. 33. <sup>c</sup> 1. Cor. 1. 26. <sup>d</sup> Luc. 1. 32. <sup>e</sup> Lev. 11. 44. <sup>f</sup> 1. Pet. 1. 3. 15. 16. <sup>g</sup> Esa. 6. 3. <sup>h</sup> Ap. 4. 8. <sup>i</sup> Apoc. 3. 7. & 6. 10. <sup>j</sup> Luc. 1. 49. <sup>k</sup> 2. Sam. 22. 31. <sup>l</sup> 1. Tim. 6. 15.

XIV. *Relatum* verò Dei nomen, partim ad locum: partim ad subditos, refertur.

XV. *Quod ad locum refertur*, est duplex. Unum, est *regiis Cælum* <sup>a</sup>: quod, quum primaria sit gloriæ Dei sedes <sup>b</sup>, pro Deo ipso, cæli præfide ac Domino, metonymicè (ut & apud Judæos, *Schamajim*, cælum, eadem significatione <sup>c</sup>) usurpatur. Alterum eodem ferè sensu, est *ngheljon* <sup>d</sup>, *Excelsus, Altus*: à *nghalá* ascendere. Quod, à Luca (explicatà vocis emphasi) ὁ ὑψιστος <sup>e</sup> *Altissimus*: qui excelsa ac cœlesti sede <sup>f</sup>, & potentia <sup>g</sup>, supremus <sup>h</sup>. Cujus synonymum nomen est *Ram* <sup>i</sup>, à *rum* altum esse.

<sup>a</sup> Matth. 23. 25. <sup>b</sup> Luc. 15. 18. <sup>c</sup> Esa. 66. 1. <sup>d</sup> Elias in Tifschbi. <sup>e</sup> Num. 24. 16. <sup>f</sup> Psal. 92. 2. <sup>g</sup> Esa. 14. 14. <sup>h</sup> Luc. 1. 32. <sup>i</sup> A. 17. 24. <sup>j</sup> Psal. 91. 9. <sup>k</sup> Esa. 14. 13. 14. & 66. 1. <sup>l</sup> Psal. 83. 19. <sup>m</sup> Psal. 96. 9. & 113. 4. 5. 6. <sup>n</sup> Esa. 57. 15.

XVI. Quod verò *ad homines refertur*, id, aut *potentiam* ferendi auxilii: aut potestatem iudicii ac gubernationis, significat.

XVII. *Potentia Dei nomen*, est duplex: *Tsur<sup>a</sup>*, & *Tsebaôth* (pro quo, Septuaginta interpretes, & Apostoli<sup>b</sup>, mollius, ex Græcæ linguæ genio, *ουδωδ*) & quidem tum demum, cum citra constructionem regiminis, per Appositionem grammaticam, nomini Jehovæ<sup>c</sup>, aut Adonai<sup>d</sup>, subijcitur.

<sup>a</sup> Deut. 32. 15. 18. 2 Sam. 21. 32. <sup>b</sup> Esa. 17. 10. Rom. 9. 29. Iac. 5. 4.  
<sup>c</sup> Esa. 1. 24. <sup>d</sup> Esa. 10. 16.

XVIII. Quorum prius, *Petram*, à *tsur* arctare: posterius Copias militares, à *tsaba*, exercitus, designat: & ab Apostolo<sup>a</sup> (Esaie sententiam<sup>b</sup> repetente) *παντοκράτωρ* *Omnipotens*, exponitur. Quo etiam sensu, *Chajil*<sup>c</sup> *Exercitus*, vocatur. Quæ nomina Deum, quasi rupis & exercitus instar, tanquam solum verè & absolute, Averruncum & Sopitorem, illustribus metaphoris, & quidem *אל יצור*, designant<sup>d</sup>.

<sup>a</sup> Apoc. 4. 8. <sup>b</sup> Esa. 6. 3. <sup>c</sup> 2 Sam. 22. 32. <sup>d</sup> Esa. 26. 4. Psal. 18. 3. 32. & 95. 1.

XIX. *Potestatis* verò iudicii ac gubernationis nomen, est *Eloah<sup>a</sup>*, & eodem sensu<sup>b</sup> (per enallagen numeri pluralis, pro singulari) *Elohim* Deus. Quæ vox, & à LXX. interpretibus, & ab Apostolis<sup>c</sup>, Græcè *θεός* *Deus*, consentaneè redditur. Cujus etymon (significatione, voci *Elohim*, concinnè respondenti) à quibusdam<sup>d</sup>, ad *El* vel *Ja*, dispono atque efficio refertur: et si alii, à *Ja* curro<sup>e</sup>: aut à *Ja* videt<sup>f</sup>, originem nominis arceffant.

<sup>a</sup> Deut. 32. 15. 17. <sup>b</sup> Hier. Tom. 3. ep. ad Marcellam. <sup>c</sup> Matth. 4. 10. & 22. 27. Heb. 1. 8. &c. <sup>d</sup> Etymologicum magnum. <sup>e</sup> Ibidem: & Euseb. de præpar. lib. 11. <sup>f</sup> Damasc. de Orthod. fide l. 1. c. 12.

XX. Vox autem *Elohim*, *generatim* ac communiter, iudicem, aut potius gubernatorem, notat<sup>a</sup>: ideoque & magistratui<sup>b</sup>, & Angelis<sup>c</sup>, attribuitur. *Speciatim* verò ac *אל יצור*, summum gubernatorem, Deum verum<sup>d</sup>, significat: nec ullibi aliter, quàm significatione singulari, de vero Deo accipitur.

<sup>a</sup> R. Mosche More lib. 2. cap. 6. <sup>b</sup> Ex. 21. 6. Ps. 82. 6. cum Ioh. 10. 34. 35. <sup>c</sup> Ps. 97. 7. cum Heb. 1. 6. <sup>d</sup> Psal. 18. 12.

XXI. Sed, quemadmodum singularis vox, *θεός* *Deus*, aut *ουδωδ* unam & communem Deitatis essentiam designat<sup>a</sup>: aut *ουδωδ*, pro una Deitatis persona, Patre<sup>b</sup> aut Filio<sup>c</sup>, aut Spiritu Sancto<sup>d</sup>, accipitur: sic etiam nomen *Elohim* Deus, vel Dei essentiam, tribus personis communem, absolute notat (ideoque, quæ de Elohim Deo, ea ratione dicuntur, tribus personis, sub significatione communis, sed singulari) conveniunt<sup>e</sup> vel propriè unam Deitatis personam: ut *Patris*<sup>f</sup>, aut *Filii*<sup>g</sup>, relatè significat.

<sup>a</sup> Matth. 19. 17. Act. 17. 24. <sup>b</sup> Ioh. 3. 16. 17. <sup>c</sup> Act. 20. 18. <sup>d</sup> 1. Tim. 3. 16. Act. 3. 4. <sup>e</sup> Deut. 6. 5. Gen. 1. 1. <sup>f</sup> Psal. 45. 8. Psal. 45. 7. 18. cum Heb. 1. 8. Psal. 68. 19. Esa. 40. 9. Hof. 1. 7.

XXII. Per catachresin verò, *Elohim*, pro falsis etiam diis, usurpatur. Idque vel citra enallagen numeri, cum de multis diis agitur<sup>a</sup>: vel per enallagen, pluralis pro singulari, cum, de singularibus diis sermo est nominatim<sup>b</sup>. Atque hoc modo explicatâ *nominis Dei significatione*, viâque ad rem ipsam quodammodo strâtâ, ad brevem *Dei descriptionem*, ac declarationem illius transeamus.

<sup>a</sup> Psal. 95. 3. & 96. 5. <sup>b</sup> Iud. 11. 24. & 16. 23. 1. Sam. 5. 7. 1. Reg. 11. 31. 2. Reg. 1. 2.

XXIII. Deus est *spiritus*, absolute *infinite*, ac *simplex*, *scientia*, *sanctitate infinita* ac *simplici pradiis*: eoque perfectus ac beatus: & *unicus* ac *singularis*.

XXIV. Quod *Spiritus* dicitur, illud deserto Christi testimonio, *πνεῦμα ὁ θεός* *Deus est spiritus*<sup>a</sup>: & rei ipsius consensione, comprobatur. Quoniam spiritualis natura, Deo eximie quadrat.

<sup>a</sup> Ioh. 4. 24.

XXV. Deus enim est ens, per se subsistens<sup>a</sup>, incorporeum (seu quantitatis omnis expers, & invisibile<sup>b</sup>) vivens<sup>c</sup>, immortale<sup>d</sup>, intellectu<sup>e</sup> ac voluntate<sup>f</sup>, præditum. Id quod, ex internis essentiae Dei attributis (quibus, communis hæc Spiritus notio, quodammodo, quasi differentiis suis, restringitur) clarius elucebit.

<sup>a</sup> Exod. 3. 14. <sup>b</sup> Rom. 1. 23. Esa. 40. 17. 18. 25. 1. Tim. 1. 17. <sup>c</sup> Ier. 10. 10. <sup>d</sup> 1. Tim. 1. 17. <sup>e</sup> Rom. 11. 34. <sup>f</sup> 1. Pet. 3. 17.

XXVI. *Attributa* enim *Dei interna*, vocantur proprie-

tates Dei, quibus essentiae illius perfectio, diversa ratione concepta, verè adumbratur.

XXVII. Ea autem sunt, vel *primaria*, vel *secundaria*. Quorum illa sunt *negativa*, quæ perfectionem Dei, oblique, per negationem imperfectionis, denotant: hæc verò *affirmativa*, quæ, Dei perfectionem, directè significant.

XXVIII. *Primaria*, sunt duo, *infinitas* & *simplicitas absoluta*.

XXIX. *Infinitas absoluta*, est essentiae Dei proprietas, qua, neque causæ, neque mensuræ ullius, cancellis finitur. Unde *duplex* infinitatis *modus*.

XXX. *Primus*, quo omnis *causa*, tam externæ, quàm internæ, est expers. Unde *ἀνεξ- & ἀναι-* dici solet: & eodem sensu, increati voce vulgò, licet non satis accuratè, denotari solet.

XXXI. Et *externa* quidem *causa* expers statuitur: quia nec efficiente, nec fine terminatur. Non efficiente, quia, *ante ipsum, non est Deus*<sup>a</sup>: neque esse potest, quia *primus est & ultimus*<sup>b</sup>: non fine, quia efficiente caret, & ultimus finis est omnium ac summum bonum<sup>c</sup>.

<sup>a</sup> Esa. 43. 10. <sup>b</sup> Esa. 44. 6. 7. <sup>c</sup> Rom. 11. 36. Prov. 16. 4.

XXXII. *Interna* verò *causa* caret: quia materia & forma non constat. Non materia, ex qua; quia omnis materiæ auctor<sup>a</sup>: non forma, per quam existat; quia nec efficientem habet causam, à qua: nec materiam informandam, in quam introducatur. Quum ipsemet sibiipsi quasi forma sit, & omnia: adeo ut *forma Dei*<sup>b</sup> nihil aliud sit, quàm ipsa infinita Deitas.

<sup>a</sup> Esa. 44. 24. <sup>b</sup> Phil. 2. 6.

XXXIII. Secundus infinitatis modus est, quo, ab omni temporis locique mensura, est immunis. Quæ infinitas idcirco, in propriè dictam æternitatem, & immensitatem, distribuitur.

XXXIV. *Æternitas* propriè dicta, est duratio infinita: seu quæ, omni termino, & mutatione, necessario caret. Quod etiam attributum, Deo soli convenit.

XXXV. Nam *primum*, utroque termino, cum initii à quo, tum finis ad quem, tenditur, solus necessario caret. Unde, *à seculo in seculum Deus*<sup>a</sup>: *primus & ultimus*<sup>b</sup>: ac *solus immortalis*<sup>c</sup>, *אל יצול* (utpote à se & absolute) celebratur. Deinde ab omni successione ac mutatione, actu & potentia, per se & à se, est immunis. *Idem enim permanet*<sup>d</sup>: absolute & à se *incorruptibilis*<sup>e</sup>: *apud quem non est transmutatio, nec mutationis obumbratio*<sup>f</sup>.

<sup>a</sup> Psal. 90. 2. <sup>b</sup> Eccl. 44. 6. & 48. 12. <sup>c</sup> 1. Tim. 6. 16. <sup>d</sup> Psal. 102. 27. 28. <sup>e</sup> Heb. 1. 11. 12. <sup>f</sup> 1. Tim. 1. 17. <sup>g</sup> Iac. 1. 17.

XXXVI. Ideoque Deus, propriè est *æternus*<sup>a</sup>: creaturæ verò, non nisi improprie ac metaphoricè, æternè appellantur. Quoniam, & initium à Deo habent: & finem habere possent, per Dei potentiam: multisque successione ac mutationis modis subijciuntur. Ac propterea, quamvis & per se sint, & suo modo æternæ, Dei tamen, fontis essentiae ac vitæ<sup>b</sup>, comparatione, nec æternæ sunt, neque quicquam esse, divinitus censetur<sup>c</sup>.

<sup>a</sup> Rom. 16. 26. Esa. 40. 18. Gen. 21. 33. 1. Tim. 1. 17. <sup>b</sup> Psal. 34. 10.

<sup>c</sup> Esa. 40. 17. vide Hier. 10. 2. epist. ad Damasum.

XXXVII. *Immensitas* verò *Dei* est, qua individua illius essentia, nulla loci dimensione, finiri potest<sup>a</sup>, *An non coelos & terram, ego impleo? ait Jehovah*<sup>b</sup>: nec iis tamen includi potest<sup>c</sup>. Ideoque à Judæis, Deus metonymicè, *makôm*, i. *Locus* vocari solet, quòd sit ubique, nec ullus tamen locus, eum valeat comprehendere. Hæc de *infinitate Dei*<sup>d</sup>.

<sup>a</sup> Psal. 145. 3. Act. 17. 27. 28. <sup>b</sup> Ier. 23. 24. <sup>c</sup> 1. Reg. 8. 27. Psal. 135. 7. 8. 9. 10. Esa. 66. 1. 2. <sup>d</sup> Elias, in Tifchbi.

XXXVIII. Ex qua, *alterum primum Dei attributum, simplicitas absoluta*, promanare quod similiter negativum est: quia vox, *simplex*, à *sine* & *plica* deducitur. Hæc autem simplicitas, est proprietas Dei, qua omnis compositionis est expers. Siquidem compositio, solius essentiae finitæ est. Quæ ut sola, ex partibus suis (integralibus aut essentialibus) confici; sic sola, ex esse & essentia, actu & potentia, subiecto & accidente, perfici potest. Quæ omnia spiritui infinito, ideoque individuo, repugnant. Atque hæc, de *primariis attributis*.

XXXIX. Se-

XXXIX. *Secundaria* verò atque affirmativa, seu (ut loquuntur) positiva, sunt reliquæ Dei proprietates: quæ priores etiam includunt: & ad tria capita, infinitam ac simplicem scientiam, sanctitatem, & potentiam, referuntur. In quibus *vita Dei*, qua actuosus est, consistit.

XL. *Scientia Dei* est, qua omne ac totum *γινώσκω* (id quod sciri potest) uno infinito & simplici intelligentiæ actu, perfectissime comprehendit. In qua, *objectum*, & *adjunctus sciendi modus*, distinctè apparent.

XLI. *Objectum scientiæ Dei* est *γινώσκω* (id quod sciri potest) omne, & totum. *Omne*, quia Deum<sup>a</sup>, & reliqua præter ipsum<sup>b</sup>, complectitur: *totum*, quia non partim, sed penitissime, & seipsum, & res omnes, cum omnibus suis circumstantiis, pernoſcit. Unde *omniscientia*, rectè appellatur.

<sup>a</sup> Matt. 11. 27. 1 Cor. 2. 10. 11. <sup>b</sup> 1 Ioh. 3. 20. Pl. 139. 11. 12. 16. Ier. 16. 17. & 33. 24. Matth. 10. 29. 30.

XLII. Sub quo objecto, non solum præterita, & præsentia, sed etiam futura<sup>a</sup>, continentur: omniaque possibilia: & futura ex hypothesi, seu, qua posita conditione, quidnam esset eventurum: non solum necessarium ex causa necessaria, sed etiam contingens ex causa contingente<sup>b</sup>. Quæ omnia Deus, infinito essentia suæ lumine, complectitur.

<sup>a</sup> Esa. 46. 9. 10. <sup>b</sup> 1 Sam. 23. 12. Matt. 11. 21.

XLIII. *Modus verò sciendi adjunctus*, est omnis, ac totius rei cognitæ, uno actu, non finito, nec composito, sed infinito ac simplici, comprehensio. Adeò ut à se, per suam essentiam, omnia, omnino, & simul, oculi instar, perfectissime cognoscat. Unde *prima veritas* vulgò, & *sapientia*<sup>a</sup>, ob suam excellentiam, dici solet.

<sup>a</sup> Rom. 11. 33.

XLIV. Siquidem, *nota sunt Deo, ab æterno, opera sua*<sup>a</sup>: ipse fines mundi intuetur, & omnia quæ sub cælo sunt<sup>b</sup>; nec est ulla creatura invisibilis in conspectu ejus; sed omnia nuda & aperta sunt oculis ejus<sup>c</sup>: corda & renes perscrutatur<sup>d</sup>; intelligit cogitationes è longinquo<sup>e</sup>: intelligentia illius non est numerus<sup>f</sup>: novit omnia<sup>g</sup>. Ac propterea Deus, *καὶ ἰσχυρὸς*, ob singularem præstantiam, *solus sapiens*<sup>h</sup>, asseritur, quum nulla, creaturæ intelligentis, acies, à se, neque omnia, neque omnino, neque simul, comprehendat. Hæc de *scientia Dei*.

<sup>a</sup> Aq. 15. 18. <sup>b</sup> Iob. 28. 24. <sup>c</sup> Heb. 4. 13. <sup>d</sup> Ier. 17. 10. <sup>e</sup> Pl. 139. 2. <sup>f</sup> Pl. 147. 5. <sup>g</sup> 1 Ioh. 3. 20. <sup>h</sup> Rom. 16. 27.

XLV. *Sanctitas verò Dei*, est universalis illius justitia: seu infinita, ac simplex, Dei virtus, qua sese, ut summum bonum, omniſque boni fontem<sup>a</sup>, aliaque rectæ suæ rationi ac voluntati consentanea, amat<sup>b</sup>: & dissentanea avertatur<sup>c</sup>. Unde *perfectus*<sup>d</sup>, *Sanctus ille*<sup>e</sup>, *καὶ ἰσχυρὸς* (cum nullus sit sanctus ut *Jehova*<sup>f</sup>) *solus sanctus*<sup>g</sup>, *solus bonus*<sup>h</sup> (utpote à se perfectissime, & immutabilis essentia, ac sanctitatis fons) nuncupatur. Creaturarum verò sanctitas, accidens est: quod à Deo habent, & mutari, rursusque, per datoris sui omnipotentiam, tolli potest. Ideoque, comparatè cum infinita sanctitatis Dei excellentia, sanctitas non est<sup>i</sup>.

<sup>a</sup> Iac. 1. 17. <sup>b</sup> Pl. 33. 5. <sup>c</sup> Pl. 5. 5. 6. Hab. 1. 13. <sup>d</sup> Matt. 5. 48. Pl. 18. 31. <sup>e</sup> Esa. 40. 25. <sup>f</sup> 1 Sam. 2. 3. <sup>g</sup> Ap. 1. 5. 4. <sup>h</sup> Matt. 19. 17. <sup>i</sup> Esa. 40. 17. Iob. 25. 4. 5.

XLVI. Quæ *sanctitas Dei*, pro diversis etiam, erga creaturas actionibus, in virtutes ipsius particulares distribui potest. In quibus eminent, *gratia*<sup>a</sup> & *justitia particularis*<sup>b</sup>.

<sup>a</sup> Pl. 145. 7. 8. 9. <sup>b</sup> Pl. 145. 17.

XLVII. *Gratia* hæc, est virtus, amoris Dei, ad bene recteque immeritis<sup>a</sup> volendum ac favendum<sup>b</sup>. Unde etiam metonymicè, *χάρις* pro *χάρισμα*, gratia, pro gratiæ dono, usurpatur<sup>c</sup>. Quæ *bonitas* etiam, syncdochicè dici solet<sup>d</sup>: ut effectum illius, *benignitas*<sup>e</sup>.

<sup>a</sup> Rom. 4. 16. & 11. 6. <sup>b</sup> Rom. 9. 16. & 11. 5. Eph. 2. 4. Tit. 3. 4. 5. <sup>c</sup> 1 Cor. 3. 10. 1 Pet. 4. 10. <sup>d</sup> Pl. 34. 9. & 145. 7. 2 Thess. 1. 11. Tit. 3. 4. <sup>e</sup> Rom. 9. 4.

XLVIII. Quæ, pro objectis variis, *πολυποίκιλος χάρις*, varia gratia<sup>a</sup>, variis nominibus insignitur. Nam, quæ erga miseros versatur, ea *misericordia*<sup>b</sup>; quæ erga peccatores, peccata sua cumulant, *ἀνοχὴ & μακροθυμία* tolerantia & lenitas<sup>c</sup>: appellatur. Hinc Psaltes, *Misericors & graciosus Jehova*: longanimis, & multus benignitate<sup>d</sup>. Hæc de *gratia Dei*.

<sup>a</sup> 1 Pet. 4. 10. <sup>b</sup> Lament. Ier. 3. 22. <sup>c</sup> Rom. 2. 4. & 9. 22. 1 Tim. 1. 16. <sup>d</sup> Pl. 103. 8. Exod. 34. 6.

XLIX. *Iustitia verò Dei* est virtus, jus suum cuique tribuendi. Eaque exercetur, dictis vel factis.

L. *Iustitia in dictis*, est quum oratio universa, assensum auditorum requirens, & animo ipsius, ac rectæ rationi, & rei consentanea est<sup>a</sup>. Adeò ut, & in mandatis sit æquitas; & in enunciationibus, veritas ac rectitudo; tam in dogmatibus, quam denuntiationibus promissionum<sup>b</sup> & minarum<sup>c</sup>. Quæ *justitia fides Dei* dici solet.

<sup>a</sup> Pl. 12. 7. & 33. 4. Tit. 1. 2. <sup>b</sup> Heb. 10. 23. <sup>c</sup> 2 Tim. 2. 11.

LI. *In factis*, est vel *justitia creationis ac gubernationis judicandorum*, vel *justitia judicii*.

LII. *Illa* est, qua omnes suas actiones, in creatione & gubernatione judicandorum, ad rectæ rationis normam, summa æquitate instituit ac dirigit. Ideoque & actiones illius rectæ, & opera<sup>a</sup>: adeò ut, neque in creatura peccati auctor esse possit<sup>b</sup>: neque ipse, actionibus suis, à recto, ultra ratione, declinare<sup>c</sup>.

<sup>a</sup> Pl. 33. 4. Iac. 1. 17. <sup>b</sup> Iac. 1. 13. <sup>c</sup> 1 Ioh. 1. 5. Iac. 1. 17.

LIII. *Iustitia judicii* est, qua secundum opera, mercedem retribuit<sup>a</sup>. Eaque est vel remunerans, vel vindicans. *Illa*, qua præmia bonis<sup>b</sup>, pro gratuita promissione<sup>c</sup>: hæc qua supplicia malis, pro injustis ipsorum meritis, & justis suis minis, rependit<sup>d</sup>. Hæc de *sanctitate Dei*.

<sup>a</sup> Ier. 17. 10. Rom. 2. 5. 6. 7. 8. 2 Thess. 1. 5. <sup>b</sup> 1 Tim. 4. 8. 2 Tim. 4. 8. 2 Thess. 1. 5. 8. <sup>c</sup> Luc. 17. 10. <sup>d</sup> 2 Thess. 1. 7. Rom. 2. 5. 8. 2 Tim. 2. 13.

LIV. *Potentia verò Dei*, est infinita ac simplex vis agendi ea omnia, quæ essentia & attributis ipsius sunt consentanea<sup>a</sup>. Contraria enim potenter non potest, quia impotens esse nequit<sup>b</sup>. Unde *καὶ ἰσχυρὸς* Potens ille<sup>c</sup>, *Omnipotens*<sup>d</sup>, *solus potens*<sup>e</sup>, quod à se, & omnia, & immutabili essentia robore, facillimè efficere valeat<sup>f</sup>. Cujus trimembris excellentia, nihil creaturis competit. Ideoque *supereminens magnitudo potentia*<sup>g</sup>, Deo propriè vindicatur: & *illius esse potentiam*<sup>h</sup>, asseritur.

<sup>a</sup> Matt. 19. 26. <sup>b</sup> 1 Tim. 2. 13. Tit. 1. 2. <sup>c</sup> Thess. 1. 5. <sup>d</sup> 1 Cor. 6. 18. <sup>e</sup> Thess. 1. 5. 8. <sup>f</sup> Esa. 40. 26. 28. <sup>g</sup> Eph. 1. 19. <sup>h</sup> 1 Chron. 29. 11. Matt. 6. 13.

LV. Ex quibus omnibus Dei attributis ac proprietatibus, duo essentia Dei elogia consequuntur. *Primum* est, summa illius perfectio ac beatitudo; *Alterum*, singularis ac necessaria unitas.

LVI. Nam, ubi infinita ac simplex est essentia, sapientia, sanctitas, potentia, à qua, per quam, & ad quam reliqua<sup>a</sup>: nihil desideratur, sed summum ac perfectum est bonum: in cujus, per cognitionem & amorem, fruitione æterna atque immutabili, summa & absoluta consistit beatitudo. Ideo Deus (ut diximus<sup>b</sup>) *Schaddai Omnisufficiens*, & *beatus*<sup>c</sup>, *καὶ ἰσχυρὸς* (à se, nimirum, omnino, & immutabili constantia) nominatur. Creaturæ verò, non nisi Dei gratiâ, pro suo modulo, & mutabili, per Dei omnipotentiam, conditione, perfectæ ac beatæ, censentur.

<sup>a</sup> Rom. 11. 35. 36. Iac. 1. 5. 17. Aq. 17. 28. <sup>b</sup> Thess. 6. <sup>c</sup> 1 Tim. 1. 11. & 6. 15.

LVII. *Deinde*, ubi hæc perfectio ac beatitudo præest, unitas singularis & absolutè necessaria, consequitur. Siquidem ens infinitum, simplicissimum, solum sapiens, solum bonum, solum potens (qualis est Deus) non nisi unicum esse potest. Ideoque graviter, ut multa, Tertullianus<sup>a</sup>, *Veritas Christiana, distinctè pronuntiat, Deus, si non unus est, non est*. Quare nobis (ait Apostolus) *nullus est Deus, nisi unus*<sup>b</sup>. Regi igitur æterno, immortalis, invisibili, soli sapienti, Deo, honor & gloria, in secula seculorum, Amen<sup>c</sup>.

<sup>a</sup> Contra Marc. 1. 4. <sup>b</sup> 1 Cor. 8. 4. Deut. 4. 35. 39. Esa. 44. <sup>c</sup> 1 Tim. 1. 17.

## COROLLARIA.

1. *An nomen Jehovæ, ulli rei, præter Deum in S. literis tribuatur? N.*

2. *An impium sit, id pronunciare, ut Judæi contendunt? N.*

3. *An nomen Jehovæ primum Moysi patefactum, ut videtur è loco, Ex. 6. 3? N.*

4. *An Moysi re ipsa, magis hoc fuerit revelatum, quam El Schaddai? N.*

5. *An vox Elohîm, cum Deo tribuitur, significationem habeat pluralem: ut Petrus Lombardus primus asseruit? Negatur.*



6. An in ea sententia proponenda, sibi aperte contradixerit? A.

7. An recte dicatur Deum unum esse numero? Basil. epist. 141. ad Caesar. & Rufinus in expos. symb. N. Alii affirmant. Malumus distingere: si unum numero, notet unicum,

Aff. Sin, cum Philosopho Categ. c. 2. individuum, seu unum est multis ejusdem speciei, Neg.

8. An igitur Deus, melius unicus ac singularis, quam unus numero, dicatur? Aff. ob phrasin hujus homonymiam: de qua Arist. top. 1. c. 7. & Metaph. 4. c. 6.

## DISPUTATIO IV.

DE NOMINIBUS  
DE I.

## THESIS I.

**N**ominis autem vox, Latinè, à nosco orta est, quasi novimen<sup>a</sup>, aut notamen; quod res notas efficiat<sup>b</sup>: & Gracè ὄνομα, quasi ὀνόμαζα: quod rei noscendæ, sit adjumentum: aut à τίμα<sup>d</sup> distribuo; quod nomine suo, res quæque distinguatur. Quod tamen, à doctioribus<sup>c</sup>, ob insolentem vocalis, o, prosthesin, minus approbatur, Hebraicè verò שם, nomen notans, vox est, non è verbo orta; sed prima: unde Syri suum שמה nomino (quod Hebræis est שמך) derivarunt.

<sup>a</sup> Festus de verb. sign. <sup>b</sup> Isidor. orig. l. 1. c. 6. <sup>c</sup> Iul. Scal. de causis L. L. c. 76. <sup>d</sup> Etym. Gr. e Iul. Scal. de causis L. L. c. 76.

II. Ut autem nomen, vox est, ex arbitrio significans, ad rem noscendam, indita; ita, pro rei illius diversitate, aliud est universale<sup>a</sup>: aliud singulare<sup>b</sup>. Quorum illud, synecdochicè vocabulum: hoc verò, Nomen, Latini appellarunt. Sicut Varro ait: oppidum, sit vocabulum; Roma, nomen<sup>c</sup>: & Nonius Marcellus; Nomen, est proprium vocabulum, singulorum<sup>d</sup>.

<sup>a</sup> Gen. 2. 19. 20. <sup>b</sup> Ib. 2. 11. & 3. 20. <sup>c</sup> Deling. Lat. l. 9. <sup>d</sup> De propr. sermonis c. 4. §. 323.

III. Quæ nominis significatio, aliarum, per tropum, accessione, bifariam variatur. Ac primò quidem, per metonymiam, nomen, pro eo, cujus est nomen (ut nomen Dei<sup>a</sup>, pro ipso Deo: & specialius, ὀνόμαζα ὀνόμαζα<sup>b</sup> paucula nomina, pro paucis hominibus) aut pro honesta nominis fama<sup>c</sup>, seu gloria, accipitur. Deinde verò per synecdochen ὀνομα<sup>d</sup> nomen illud, pro Dei nomine, utpote excellentissimo, usurpatur.

<sup>a</sup> Prov. 18. 20. Psal. 10. 2. Is. 30. 27. <sup>b</sup> Apoc. 3. 4. <sup>c</sup> Prov. 22. 1. Psal. 25. 11. <sup>d</sup> Levit. 24. 11 & 10.

IV. Quamvis enim Deus, ob infinitam naturæ suæ eminentiam, & finitam creati ingenii aciem, nequeat comprehendi: ideoque nec sermone ac nomine, perfectè exprimi, underectè ἀνώνυμος à priscis dictus (quodnam enim nomen ejus, si nosti<sup>a</sup>?) quædam tamen Dei nomina, in Scriptura extant<sup>b</sup>: quibus sese (ut pro modulo nostro, cognosci ac coli posset, ad salutem) concinna quadam analogia, adumbravit<sup>c</sup>.

<sup>a</sup> Prov. 30. 4. <sup>b</sup> Exod. 3. 14. 15. & 6. 3. <sup>c</sup> Gregor. Nazian. orat. 36. seu 2. de Filio.

V. Quæ nomina, ratione sua forma (seu significationis illius eminentis, qua Deo tribuuntur) nulli alteri; sed soli ipsi, conveniunt. Ratione verò materia (seu vocis atque usus illius) nomen Dei, aliud est proprium: aliud verò commune: & utrumque rursus, vel absolutum; quod Deo, ratione ipsius tantum: vel relatum; quod, alterius relatione, dicitur.

VI. Proprium autem atque absolutum, Dei nomen, vel essentiam, vel attributum, seu perfectionem illius, designat.

VII. Ad essentiam tria, ejusdem originis & significationis<sup>a</sup>, pertinent. Quorum, duo sunt integra, ac quatuor consonantium: unde ἱεζραήλ πατριάρχης quadrilitera, dicuntur: tertium verò, ex integro contractum, duarum est consonantium: unde ἱεζραήλ appellatur.

<sup>a</sup> A. Ezra. comment. ad Exod. 3. 15. & 15. 2.

VIII. Integra autem nomina, recensentur Exod. 3. Quorum prius, temporarium atque extraordinarium, Mosi, à Deo, indicatum<sup>a</sup>, & semel tantum, Israëlitis propositum<sup>b</sup>, est יהיה Ehye. Cujus origo est ab היה esse, ex futuro illius, per communicationem vocis, formatum.

<sup>a</sup> Exod. 3. 14. <sup>b</sup> Ibid. 4. 30.

IX. Significatio, verò ejus, non est, Ero, vel sum (ut contra communem nominis, quod personæ ac temporis est expers, naturam, minus rectè exponi solet) sed Ens (ut LXX. ὢν<sup>a</sup> & Hieronymus<sup>b</sup> periphrasticè, Qui est) & quidem non ejusdem, cum creatis ac finitis essentiis, generis intellectum; sed ἰδιόχρηστος, peculiare atque infinitum: nempe æternum absolute atque immutabile. Unde illa oppositio; Ipsi peribunt; tu vero permanes: & mutabuntur; tu vero idem es<sup>c</sup>.

<sup>a</sup> Exod. 3. 14. <sup>b</sup> Tom. 3. ep. ad Marcell. de X. Dei nominib. <sup>c</sup> Pl. 102. 27. 18. Heb. 1. 11. 12.

X. Idque præmissa, à Deo, nominis illius ratio יהיה אשך Sum (nam futurum, pro præsentī) qui sum: & divina illius periphrasis; ὢν ὢν ὢν ὢν ὢν ὢν<sup>b</sup>, Qui est, qui erat, & qui venturus est, hoc est, ὢν<sup>c</sup> futurus: ut in ejusdem sententiæ repetitione, Apoc. 16. 5. ubi, è vetusto codice, pro ὢν<sup>c</sup>, concinnius ὢν<sup>c</sup>, legitur<sup>c</sup>. Quo modo, essentia Dei æterna, partium temporis distinctione, non propriè (quia immutabilis est, ac propterea successionis expers) sed metaphoricè describitur. Atque hæc de priori nomine integro ac temporario.

<sup>a</sup> Exod. 3. 14. <sup>b</sup> Ap. 1. 8. <sup>c</sup> Beza in Annotat. Apoc. 16. 5. 6.

XI. Posterius verò nomen Dei proprium, quod ei soli convenit<sup>a</sup>, ordinarium atque æternum<sup>b</sup>, est יהוה. Quod priori nomine, non solum antiquius, sed etiam vocis, à verbo suo, distinctione, magis idoneum: sive ab היה mutatione jod, in vau<sup>c</sup>: sive ab היה eodem sensu, derivetur.

<sup>a</sup> Psal. 81. 19. <sup>b</sup> Exod. 3. 15. Psal. 135. 13. <sup>c</sup> A. Ezra. ad Exod. 15. 2.

XII. Quod nomen Deus, non celandum, sed sanctè memorandum, Israëlitis commendavit. Quandoquidem & memoriale sui<sup>a</sup> appellat: & eo, ter repetito, benedicendum, à sacerdotibus, populo; & populo, per illud etiam, sanctè jurandum præcepit.

<sup>a</sup> Exod. 3. 15. Hof. 12. 5. <sup>b</sup> Num. 6. 24. 25. 26. <sup>c</sup> Deut. 6. 13. & 10. 20. Ios. 9. vers. 19.

XIII. De cuius recta pronuntiatione, ut docti certant, sic adhuc sub iudice lis est. Quidam enim, Jehova, genuinam esse pronuntiationem, affirmant: alii vero id negant, & adjectas, huic nomini, vocales alienas esse, contendunt: suis utrimque argumentis subnixi. Qua in re controversa, ut tēmere Palæmonis munus mihi arrogare nolim; sic ἀνώνυμος ac ὀνόμαζα esse, instituta eorum, qui hac de re eruditè scripserunt, collatio, & honestum seriumque auditorum desiderium atque expectatio, minimè permittunt.

XIV. Quare bona eruditorum ac bonorum (quibus nihil præscribimus) venia, priorem sententiam, ut quæ veritati magis videatur consentanea, tueri, hac dissertatione, conabimur.

XV. Ratio enim prima est, quod vocales nominis Jehova, consonantibus adscriptæ, iis (non minus, quàm suæ nomini Jehuda) queant convenire: neque ulla subsit causa necessaria, cur alienæ vocales censeri debeant. Id quod ex adversæ sententiæ examine, postea (uti speramus) non obscure cognoscitur.

XVI. Altera est; quia prior ac dimidia nominis, Jehova, pars, nempe יהוה Jeho, iisdem omnino punctis, in vocibus ex ipso compositis extet, & ab omnibus, citra controversiam, eodem modo legatur. Cujusmodi nomina, idcirco à clariss. Drusio ἱαυφός, & πατριάρχης πατριάρχης appellatur. Quale est יהונתן jehonathan, & contracte יהונתן Jonathan, hoc est יהודάτος, Deodatus) & similia non pauca.

<sup>a</sup> Tetrag. p. 78. & 104. & 113. <sup>b</sup> 1 Sam. 19. 1. <sup>c</sup> Ibidem.

XVII. Nam

a Psal. 116. 6. b Nehem. 11. 17. c Psal. 81. 6. d Michol par. 1. pag. 169.  
edit. in 8.

a Diod. Sic. Biblioth. lib. 1. Theodor. qu. 15. in Exod. & Therap. lib. 2. b Num. 32. 38. c Gen. 10. 7. d 1 Sam. 1. 20.

a Thesi 32. b Forsterus. Lex. in יהיה. c August. 104. de consensu Euang. l. 1. c. 23. d De civ. Dei l. 4. c. 1.

a Grammat. Heb. Exercit. Psal. 33. 1. b Drusius Tetragr. cap. 14. & p. 71. Anonym. lib. de punctis Orat. de Tetrag.

a Deut. 28:30. b R. Sal. 1eC 36. 12.

a De vita Mosis.

<sup>a</sup> Antiq. l. 2, cap. 5.    <sup>b</sup> Ibid. L r. c. 1.

a Druf. Tetrag. p. 40.

Digitized by Google

me obvia, nihil tale observetur? Et quum puncta, vocis Elohim, consonis יהוה, in solo (ut ante dictum) Ezechiele, ducentis undecimque vicibus, integrè adscripta, extent: an hic raritas (ut diversæ scriptiois causa) obtendi potest? Ut interim omittam, quòd multa etiam alia, ejusdem scriptiois sunt exempla: quæ, in laudato illo, Eliæ curru (רכב) ob angustiam illius, minimè continentur. Nec enim tantummodo רכב, hoc est, ducentis & viginti duabus vicibus, ita scribitur: sed, præter cxxi. in Ezechiele, in reliquis, lxx supersunt: ut plenior saltem numerus רע seu cclxx sit statuendus: ut quærenti, loca fidem facient.

<sup>2</sup> Druf. Tetrag. p. 99.

XXXV. Neque etiam alia, quæ subsidio additur, respon-  
sio, magis stringit: quòd antiqui interdum Sjeva, per a  
breve, pronuntiarint. Quia illud, pronuntiationis conve-  
nientiam, attingit; sed adscripta puncta, esse aliena ac no-  
minis Adonaj propria, nequaquam demonstrat.

XXXVI. Nam si propterea, Sjeva simplex tantum, pro Sjeva cum patach, sit adscriptum, quod pro eo interdum legatur: eadem ratione, Sjeva simplex, ubi Elohim legitur, non autem (ut fit) Sjeva cum Segol esset expressum, quia Sjeva saepius, per e breve, pronuntiatur. Sicut כרבים  $\chi\epsilon\rho\alpha\beta\iota\mu$ <sup>a</sup>: שרופים  $\sigma\epsilon\rho\alpha\phi\iota\mu$ <sup>b</sup>: רברר  $\delta\epsilon\zeta\omicron\rho\alpha$ <sup>c</sup> aliaque plurima testantur. Atque hæc ad primam rationem: à qua, trium reliquarum momenta non multum abludunt.

a Gen. 3. 24.    b Jer. 6. 2.    c Gen. 35. 8.

XXXVII. *Secunda* enim ratio est ; Si Jehova, non haberet adscripta puncta aliena ac nominis Adonai propria, tum ei, literis א & כ, præfixis, non Patach (ut fit) sed chirik subscribi deberet. *Tertia* ; quòd tum, etiam literæ מ (ex præpositione מן contractæ & præfixæ) Chirik, non autem Tseri, supponi oporteret. *Quarta* denique ratio est ; quod tum post יהוה literæ כפת בגר positæ, carere deberent puncto lenitatis indice.

XXXVIII. Verum quid hic incommodi? Agnoscimus, ita scribi debere: quia ratio grammatices, & nominis, *Iehova*, consonantes, hoc requirunt: sed Masoretharum vitio, aliter scriptum. Illi enim puncta nativa, isto modo corruerunt, ut vicariam ac consuetam, *Adonai*, lectionem (quæ, retentis punctis genuinis, fuisset impedita) conser-  
varent.

XXXIX. Neque id Masorethas ausos fuisse, admirandum: quum eosdem, leviori etiam de causa, similem in aliis usurpasse licentiam, negari non possit. Nam (ut constat) 2. Reg. 18. 27. *pro שנייהם & תראי הם stercora & urinas suas צאתם & רגליהם excrementa sua & aquas pedum suorum* (inepta honestatis affectatione<sup>2</sup> legentes) pro nativis, aliena ac portentosa, harum vocum, puncta, superstitiosa audacia, adscripserunt: *Jonathanem*<sup>b</sup>, contra priscam Hebræorum consuetudinem secuti.

<sup>a</sup> R. Sal. Jef. 36. 12. & D. Kimchi 2. Reg. 18. 27. <sup>b</sup> Targum. 2 Reg. 18. 27. & Jef. 36. 12.

XL. Ea enim perversa lectio, antiquis Judæorum Magistris, fuit ignota: ut ex LXX etiam interpretibus constat: qui voces illas modo memoratas, genuinis suis consonantibus ac punctis consentaneè, legerunt: ut fidelis eorum interpretatio, *καπερ ἐν ὕδρῳ stercuris & urinam*, evincit.

\* XLI. Quare, ex hisce satis apparere videtur, *quatuor* illas, adversus primum, primæ sententiæ argumentum, *rationes*, non è *media* (uti asseritur <sup>a</sup>) *Grammatica*; sed ex temerariis, Masoretharum & Scribarum <sup>b</sup>, corruptelis, depromptas. Una enim eaque fragilis, earum omnium rationum est basis; *Masoretha sic scribunt: sic legunt*. Quorum etsi in aliis fides, non desideretur: in hisce tamen ac similibus, superstitiosam eorum licentiam quis meritiò probet?

a Druf. Tetrag. p. 40. & ex eodem Anonym. Orat. de Tetrag. b R. Sal.  
Jef. 36. 12.

XLII. Quod verò Christus, & Apostoli (qui salva pietate, *Iudeis*, in rebus adiaphoris, *facti sunt Iudei*<sup>a</sup>) pro *Iehova*, non semper<sup>b</sup> (ut fertur<sup>c</sup>) sed plerumque<sup>d</sup> (*Adonai*) *river* usurparint, illud sanè, nec religione ulla, nec

lectionis illius stabilendæ gratiâ, contigit : sed ne intempestiva, vocis, Jehova, pronuntiatione, Judæis irritarent, atque ab Evangelio alieniores redderent, consuetudini eorum (ut in re libera) prudenter atque utiliter, cesserunt, & cognomen pro nomine, usurparunt. Quæ offensa, Judæis diutissimè abdicatis, nobis minimè æstimanda.

a 1 Cor. 9. 20. b Vide thes. 24. c Druf. Tetrag. p. 29. d Matt. 4. 10. & 22. 37. &c.

**XLIII.** Quare omnibus hisce perpensis, ut secundam sententiam ferendam; sic primam tamen (donec contrarium, victrice veritate, cui servire nos omnes oportet, demonstretur) præferendam non temere existimamus.

XLIV. Nam, quod à viro alioqui doctissimo, optime-  
que de linguæ & Scripturæ sacræ illustratione merito, admi-  
randa fiducia asseritur; *Qui Iehova legunt, ajo eos male le-  
gere. Hoc tam mihi liquet, quam bis duo quatuor esse. Dabo nunc  
operam, ut etiam aliis liqueat*<sup>a</sup>: an illud, quatuor iis, quas  
ad eam rem adducit, quasque expendimus, rationibus<sup>b</sup>, sa-  
tis liqueat: an verò, aliis ac firmioribus omnino opus sit prin-  
cipiis, ut demonstratio constet, & in ea acquiescamus, do-  
ctiores iudicent.

a Druf. Tetr. p. 35. b Ib. p. 39.

XLV. Cæterum quod rationibus istis, minus (ut videtur) solidis; variorum auctorum testimonia adjungit; ea speciem habent majorem, quàm firmitatem. Quia *rationum fulcro dissoluto, humana concidit auctoritas.*

XLVI. Interim ut citatos testes nonnihil exploremus: quid si, ante Masorëthas, interpretes Chaldæi, Arabes, Græci, Hieronymus, non aliter, nomen יהוה quàm Adonai, legissent? an ex eo consequitur necessario, vocales nominis *lehova*, alienas ac nominis Adonai proprias, & non potius utrimque (ut ante ostendimus) communes?

a Vide Druf. Tetrag. p. 43.

XLVII. Deinde ut Græcos, in lectione nominis, דָּוִד, non convenire cum Masorethis thesi xxiv. demonstravimus: sic & Arabica Pentateuchi paraphrasis (quæ cum Chaldæa, & Persica, Hebræo caractere, Constantinopoli impressa) ab iisdem dissentit. Nam ut usus illius (dum clementia numinis vixero) ab Amplissimo, Consultissimo, & regionum ac linguarum Orientalium peritissimo, atque humanissimo viro, D. D. Borelio, Ordinum Zelandiæ à Secretis, mihi benignissimè est indultus; sic inde comperi, quod Adonai quidem דָּוִד<sup>a</sup> aut דָּבִד<sup>b</sup> *dominum*, interpretetur: sed pro nomine יְהוָה (contra Masoretharum lectionem ac legem) non דָּבִד dominum; sed vel אֱלֹהִים, si Adonai absit<sup>c</sup>: vel אֱלֹהִים<sup>d</sup> si adsit (quod quater tantum in Mose extat) apertè legat. Ideoque doctiores viderint, an credibile sit R. Saadium (uti inscribitur) hujus paraphrasis verum auctorem esse, aut potius antiquiorem: ut qui tam constanter à Masoretharum lectione recedit: quod à R. Saadia, Talmudi & Masorethis (uti ferunt) additissimo, alienum videtur.

a Gen. 15. 2. & 8. b Deut. 3. 24. & 9. 26. c Gen. 2. 4. d Gen. 15. 2. & 8. Deut. 3. 24. & 9. 26.

XLVIII. Præterea, quod in Chaldæa Persicæque paraphra-  
si, יי, pro ייחוד extare dicitur<sup>a</sup>, verum est: sed quod ad-  
ditur, id valere *Adonai*, vel *Elohim*, minus videtur consen-  
taneum. Neutrum enim horum nominum, initio habet  
Jod, aut Sjeva simplex; neque alterum, nempe *Elohim*, in  
fine Kamets: contra verò ea omnia, in voce Jehova, per-  
spiciuè apparent. Ac propterea, non *Adonai*, sed *Jehova*  
potius, legendum probaretur: etsi usus Judæorum aliter ob-  
tineat.

a Druf. Tetrag. p. 46.

XLIX. Nam quod initio jod, in י, geminatur, consonantis est, non insolens Hebræis, etiam additis vocalibus, indicium. Ideoque succinctè & eruditè Valentinus Schindlerus, in Lexico laudatissimo<sup>2</sup>; ait *Targum י*; quod est nomen veri Dei, *Iehova abbreviatum, sed Adonai legitur.*

a Radic Haja.

L. Idque editio illa Constantinopolitana (cujus meminimus) à Judæis adornata, luculenter demonstrat. Nam, ubi toto primo capite Geneseos in editione majori, ac minori etiam Veneta, pro Elohim (non quod idem valeat: sed nominum permutatione paraphrastica) est "; in Constanti-

nopolitana; promiscuè integrum יהוה, & contractum יי, pro eodem adhibentur. Nam quod pro יהוה, scribunt יי: illa corruptio illis, pro more Judæorum, in eo opere est consueta ac perpetua, etiam in Hebræo contextu: ut etiam in utroque, אלירם pro אליהם pingunt.

LI. Denique quod inter recentiores secundæ sententiæ testes, Tremellius Hebræus, verè pius, & suæ linguæ peritissimus, etiam advocatur ac testimonium è notis illius (à studio olim exceptis) petitur: illud sanè causam adversam non tam juvat, quàm lædit. Nam si perpendantur illa, è notis istis, verba, *Dicunt*, *Addunt*, *Constare*: inde non obscurè, alienam à Tremellio, non propriam recitari sententiam, constabit. Cujus rei etiam testis est, nominis, Jehova, in Bibliorum versione, expressio, minimè (ut putatur<sup>a</sup>) miranda: quum eandem vocem, jam antea in Enarratione Hoesæ (anno 1563. Heydelbergæ excusa) capite primo, similiter expresserit: licet in textu nondum mutaret.

<sup>a</sup> Druf. Tetrag. pag. 52.

LII. Qua in re, ut plurimis viris doctissimis prævit: sic Hebrææ linguæ peritissimos (Galatinum, & quantum videtur, priorem eo Porchetum, Munsterum, Fagium & magnum illum Vatablum, in versionis Pagnini correctione, aliosque non paucos) est secutus. Inter quos etiam est, insignis ille Joh. Reuchlini successor, Forsterus<sup>b</sup>: qui & *lehoa* legit, & ait; *Optarim (si fieri posset) secundum illa puncta, quibus scribitur, pronuntiari, & non verti, vel Dominus, vel Deus: quod hac attributa, neque essentiam divinam, neque nominis propriam significationem, expriment. Sicut etiam, eadem de causa, multa alia nomina, in aliis linguis manserunt invariata: ut sunt Alleluja, Osanna, Zebaoth, Immanuel, Amen.* Atque hæc de genuina nominis *lehoa* pronuntiatione: deque duobus Dei nominibus, essentiam denotantibus, atque integris.

<sup>a</sup> Druf. Tetrag. pag. 105. <sup>b</sup> Lexic. Heb. in Haja.

LIII. Tertium verò, ac contractum ex יהוה, est יה<sup>a</sup> ut tradit expressè, non Maimonides (ut putatur<sup>b</sup>) sed ipsius qui lectoribus imposuit interpretes<sup>c</sup>: & R. D. Kimchi, qui ait esse השם<sup>d</sup>, *dimidium illius nominis* (Jehova) & Kimchio ac Maimonide antiquior, R. Salomo<sup>e</sup>, qui יהוה asserit esse השם שלם nomen illud integrum: יה verò הלקן divisum.

<sup>a</sup> Exod. 15. 2. <sup>b</sup> Druf. Tetrag. p. 2. <sup>c</sup> Lib. 1. c. 62. <sup>d</sup> Comment. in Psal. 104. 35. <sup>e</sup> Comment. in Ies. 12. 2.

LIV. Nam licet contrà Hieronymum<sup>a</sup> (quod vulgo minus observatur) יהוה, ex geminato יה compositum statuatur, communi tamen analogiæ (quia יהוה puncti ultimi est expers) minus videtur consentaneum: deinde etymon ab היה satis Exod. 3. 14. cum 15. indicatur. Denique origo & usus illius videtur longè antiquior: quum nomen יה primum, in epinicio Mosis<sup>b</sup>, proponatur.

<sup>a</sup> Tom. 3. epist. ad Damasum. <sup>b</sup> Exod. 15. 2.

LV. Neque opus est, ut יה, ex היה (ficta, ex היה per transpositionem, radice) cum eruditissimo viro<sup>c</sup>, deriveamus: quia etymon, modo explicatum, est idoneum, & doctissimorum Hebræorum consensu comprobatur.

<sup>a</sup> Val. Schindler, Lex. Heb.

LVI. Cæterum significatio illius, eadem est, quæ vocis integræ. <sup>a</sup> Unde Maimonides ait; notare נצחיות היצירה æternitatem essentia: & Theodoretus (ת' א' א') *eum qui est*. Theodotio verò (ut fertur<sup>d</sup>) יהוה *Deum*. Pro quo (forte memoriæ allucinatione) יהוה citatur. <sup>e</sup> Qua verò ratione Hieronymus<sup>f</sup>, *invisibilem sonare* affirmet; se videre, eruditiores meritò negant. Atque hæc de propriis atque absolutis Dei nominibus tribus: quæ Essentiam illius notant & reliquis præcellunt.

<sup>a</sup> A. Ezra. Exod. 3. 15. & 15. 2. <sup>b</sup> More par. 1. c. 63. <sup>c</sup> Comment. in Psal. 110. <sup>d</sup> Com. Hier. adscrip. in Psal. 146. <sup>e</sup> Druf. Tetrag. p. 1. <sup>f</sup> Tom. 5. in Ies. 26.

LVII. Proprium verò atque absolutum Dei nomen, quod perfectionem essentia: illius designat, est שדי<sup>a</sup> Sjaddai: vel ut LXX. *mollius* σιδδαι<sup>b</sup> ubi in codice Romano dixeris malè ponitur. Cujus etymon à ש<sup>c</sup> (pro שדי) & די<sup>d</sup>

*sufficiencia*, derivatur: ut R. Saadias<sup>e</sup>, R. Salomo<sup>f</sup>, Maimonides<sup>g</sup>, & Elias<sup>h</sup> eruditè tradunt.

<sup>a</sup> Exod. 6. 9. Ezech. 1. 24. <sup>b</sup> Ezech. 10. 5. <sup>c</sup> Iob. 19. 23. <sup>d</sup> Mal. 3. 11. <sup>e</sup> Vide A. Ezram. Exod. 6. 2. <sup>f</sup> In Gen. 17. 1. <sup>g</sup> More par. 1. cap. 63. <sup>h</sup> Tifchbi.

LVIII. Significatio autem est, *δὲ ἀρκεῖν* sibi sufficiens, scilicet absolute *אין יצרך*, seu *ἀνὰρκεῖται*. quod nullius sit indigus<sup>a</sup>; sed infinita Deitatis suæ perfectione, beatus, 1. Tim. 1. 11. & 6. 15. Quomodo etiam LXX. *ratione etymi*; *ἰσχυρὸν sufficientem*, Ruth. 1. 20. 21. & (quod eo etiam continetur) *παντοκράτωρ omnipotentem*, Job. 5. 7. & 8. 5. & c. *ratione verò subiecti*; *יהוה*, in Pentateucho, constanter interpretantur.

<sup>a</sup> Act. 17. 25. Rom. 11. 35.

LIX. Quod verò, Hebræi non pauci, שדי epithetum esse commune, ac fortem notare, nec solum de Deo, sed de aliis etiam dici, asserunt: illud sanè ex Ezech. 1. 24. & Job. 22. 25. frustra probare nituntur<sup>a</sup>: quia & circumstantiæ, & loca similia (Psal. 18. 14. & 29. 3. 4. 5. & 7. 9. & Ezech. 10. 15.) Deum intelligi, ostendunt.

<sup>a</sup> A. Ezra. ad Exod. 6. 2. D. Kimchi ad Ezech. 1. 24.

LX. Nec enim, ut A. Ezra<sup>a</sup> *primum* ait שדי, simile est *שדי* *languidus*: quia hujus radix vera est שדי: illius verò, שדי temere ficta. Nec *pulchrè* videtur Nagid R. Samuel (ut ibidem A. Ezra *secundo* laudat) statuere, à שדי *vastare* (quasi *fortem ac victorem*) deduci: etsi D. Kimchi<sup>c</sup>, eundem sit secutus, Siquidem analogia terminationis in *שדי* repugnat.

<sup>a</sup> Ad Exod. 6. 2. <sup>b</sup> Lament. 1. 22. <sup>c</sup> Lib. Rad.

LXI. Nam *iod*, non est vice literæ geminatæ, ut asserunt<sup>a</sup> quia talis permutatio est omnino insolens: neque ullo exemplo idoneo comprobatur. Quod enim A. Ezra producit<sup>b</sup> *שדי* *astollite*: alienum est, quia thema illius non est שדי; sed synonymum ejus, שדי & *iod*, est pro *he*: ut etiam R. D. Kimchi, in utraque parte Michlol<sup>c</sup>, proficitur. Idemque de *שדי* (quod etiam adducit A. Ezra) censendum.

<sup>a</sup> A. Ezra. ad Exod. 6. 2. <sup>b</sup> Prov. 26. 7. <sup>c</sup> Grammat. in 8. p. 159. b & l. Radicum, in Dala. <sup>d</sup> Isa. 18. 2.

LXII. Nam (præterquam quod de *iod*, non verò de *aleph* quaestio est) *שדי* hic non est vice geminatæ literæ, & à שדי (ut A. Ezra statuit: & Kimchi initio, in commentariis suis, ipsum est secutus) sed loco ה à שדי spernere. Idque rectè Chaldaus paraphraustes docet, quum שדי exponit: & Kimchi tandem, in suo libro Radicum (etiam si multos aliter sentire testetur) in radice שדי agnoscit. Qua in re observandum est mirum auctoritatis A. Ezræ fascinum, quo Kimchius seductus, rationem eorum probavit: cujus tamen fundamenta ipsemet rectè subvertit. Quare prius nominis שדי etymon & significatio, retinenda. Atque hæc de nominibus Dei absolutis ac propriis.

LXIII. *Absolutum* verò ac *commune*, est duplex; nempe שדי<sup>a</sup>, *sanctus*, à שדי sanctum, & à vitiis mundum esse<sup>b</sup>: & שדי<sup>c</sup> Potens, ab שדי<sup>d</sup> potentia. Quæ nomina *communis* dicimus: quod & voce, & suo etiam modo, hominibus tribuantur.

<sup>a</sup> Iob. 6. 10. Ies. 57. 15. <sup>b</sup> Lev. 11. 44. <sup>c</sup> Deut. 6. 15.

LXIV. Nam *sanctus*<sup>a</sup>, pro Dei cultore: & שדי<sup>b</sup> ac *divitibus*<sup>c</sup> *potens*, pro opibus ac viribus prædito analogia quadam à substantivè usurpantur: sed Deo tamen, ut sanctissimo ac præpotenti, שדי<sup>d</sup> tributa soli conveniunt. Qua de causa; *sanctus*, *sanctus*, *sanctus*<sup>e</sup>: & *שדי*<sup>f</sup> *sanctus* ille: ac *solus sanctus*<sup>g</sup>, & *Potens excelsus*<sup>h</sup>, *שדי*<sup>i</sup> *solus potens*, vel *dynasta*, nominatur. Ideoque LXX. interpretes, interdum *respectu etymi*, *ἰσχυρὸν Potentem* 2. Sam. 22. 31. 32. 33. 48. sæpius verò, *respectu eminentia* significationis, & subiecti denotati, שדי (Gen. 14. 18. 19. 20. 22.) interpretantur. Quæ duo paraphrasticè, Clar. Interp. Tremellius & Junius, copulantes, *Deum fortem*, constanter exponunt. Atque hæc, de *absoluto* Dei nomine, cum *proprio*, tum *communi*.

<sup>a</sup> Dan. 7. 21. 22. 1. Cor. 14. 33. <sup>b</sup> Ezech. 31. 11. <sup>c</sup> Psal. 29. 1. <sup>d</sup> Luc. 1. 52. <sup>e</sup> Lev. 11. 44. Ies. 40. 29. <sup>f</sup> Ies. 6. 3. <sup>g</sup> Apoc. 4. 8. <sup>h</sup> Apoc. 6. 10. <sup>i</sup> Ib. 15. 4. <sup>j</sup> Gen. 14. 19. <sup>k</sup> 2. Sam. 22. 32. Ies. 45. 22. <sup>l</sup> 1. Tim. 6. 15.

LXV. Re-



LXV. *Relatum* verò *Dei nomen* est, quod ad creaturas, tanquam effecta illius, vel adjuncta, refertur.

LXVI. Ac *proprium* quidem est: quod *vel creationis beneficium* notat: ut בורא<sup>a</sup>, & כִּסְיוֹ<sup>b</sup> creator: à ברא creare: vel ortam, ex creationis jure, in creaturas potestatem<sup>c</sup>: ut כִּי-אֵל<sup>d</sup>: quando vox simplex est, & cum Kamets (non per accentus distinguendis accidens, ut Gen. 18. 3. & 19. 18; sed per se) scribitur, Quod nomen, LXX. interdum retinentes, אֱלֹהִים proferunt: in quo (ut ante de אֱלֹהִים diximus,) ineptas ultimæ syllabæ, diæresis, à librariis observata.

<sup>a</sup> Eccl. 12. 1. <sup>b</sup> 1 Pet. 4. 19. <sup>c</sup> Deut. 10. 14. Psal. 89. 12. Aq. 17. 24. 25. Apoc. 4. 11. <sup>d</sup> Ief. 3. 17.

LXVII. Quæ vox, à singulari אֱלֹהִים flexa, si terminationem spectes, pluralis est (per Apocopen מֵאֲרֻנִים ut חלונֵי fenestræ Jer. 22. 14. pro חלונֵי) sed sensu singularis (per enallagen numeri; in hac etiam voce, consuetam<sup>a</sup>) ac dominum notat. *Orta* autem est à radice, non ור judicare; sed אר basis: quasi subditorum basis ac columen: ut & Græcis βασιλεύς, quasi βᾶσις & λᾶς<sup>b</sup> *populi basis*, appellatur.

<sup>a</sup> Gen. 24. 9. 10. & 39. 2. Jud. 3. 25. 1. Reg. 1. 11. <sup>b</sup> Etymol. mag.

LXVIII. Qua *significatione* hæc vox, אֱלֹהִים intellecta, Deo tribuitur: quod absolute omnium sit dominus. Unde אֱלֹהִים אֱלֹהֵינוּ<sup>a</sup> dominus dominorum, & βασιλεύς & βασιλῆων & κύριος & κυριεύων<sup>b</sup>, rex regum & dominus dominantium: rex, & dominus universa terra<sup>c</sup>: rex gentium<sup>d</sup>: rex sempiternus<sup>e</sup>: & אֱלֹהֵינוּ rex ille<sup>f</sup>, cæli terræque dominus<sup>g</sup>, nominatur. Atque hæc, de relato nomine Dei proprio.

<sup>a</sup> Deut. 10. 17. <sup>b</sup> 1 Tim. 6. 15. <sup>c</sup> Psal. 47. 8. Mich. 4. 13. <sup>d</sup> Jer. 10. 7. <sup>e</sup> Ib. ver. 10. <sup>f</sup> Ib. 46. 18. <sup>g</sup> Aq. 17. 24.

LXIX. *Commune* verò, vel ad locum, vel ad subditos, refertur.

LXX. Ad locum spectat primum אֱלֹהִים<sup>a</sup> cælum: quod quia primaria est gloriæ Dei sedes, pro Deo ipso, cæli præfide ac domino, metonymicè (ut etiam apud Judæos שמים<sup>b</sup>) usurpatur. Deinde, eodem fere sensu אֱלֹהִים<sup>c</sup> excelsus, à אלה ascendere. Quod à Luca<sup>d</sup> (exposita latente nominis emphasi ac nominati excellentia) ὑψίστος<sup>e</sup> altissimus, dicitur: ut qui excelsa ac cœlesti sede<sup>f</sup>, non minus quam potentia<sup>g</sup>, supremus<sup>h</sup>. Cui synonymum nomen אֱלֹהִים<sup>i</sup> sublimis, à אלה altum esse, accedit. Nam quod Maimonides<sup>k</sup>, hoc de Deo, ratione, non loci, sed gradus dignitatis dici, statuit, nimis strictum apparet.

<sup>a</sup> Matth. 21. 15. Luc. 15. 18. <sup>b</sup> Ief. 66. 1. Psal. 103. 19. <sup>c</sup> Elias Tifchbi. <sup>d</sup> Num. 24. 16. Psal. 82. 6. & 92. 2. Ief. 14. 14. <sup>e</sup> Luc. 1. 32. <sup>f</sup> Psal. 91. v. 9. Ief. 14. 13. 14. <sup>g</sup> Psal. 83. 19. <sup>h</sup> Ib. 96. 9. & 113. 4. 5. 6. <sup>i</sup> Ief. 57. 15. <sup>k</sup> More par. 1. c. 20.

LXXI. Ad subditos verò *relatum* Dei nomen commune, aut *potentiam* ferendi iis auxilii: aut *potestatem* ac gubernationem (ut plerique sentiunt) significat.

LXXII. Ac *potentia Dei nomina*, sunt primum אֱלֹהִים<sup>a</sup>: Deinde אֱלֹהֵינוּ<sup>b</sup>, (quod LXX. interpretes<sup>c</sup>, & Apostoli retinentes<sup>d</sup>, suavius, ex Græcæ linguæ genio, πτωχὸς proferunt) non semper, sed tum demum, quando citra constructionem regiminis, per Appositionem grammaticam, nomini Iehova<sup>e</sup>, subicitur: sive cum Hebræis<sup>f</sup>, per ellipsin אֱלֹהֵינוּ: sive, per metaphoram potius exponamus. Neque obstat, quod Tsebaoth, separatim positum, Deum non designet: ut Epiphanius, de hæres. contra Archonticos, hæc. 20. aliàs 40. & A. Ezra ad Exod. 3. 15. obijciunt: quia appositio hæc, ad nominis constitutionem sufficit; quum constructio ostendat vocem Tsebaoth; ea ratione, absolute usurpari. Ideoque illud non temere Hieronymus & cæteris Dei nominibus, distinctè adscripsit; etsi Cl. Zanchius<sup>h</sup> id miraretur: nec vulgo peritè satis Iehova tsebaoth, dominus exercituum, (quasi regiminis esset constructio) transfertur atque intelligitur.

<sup>a</sup> Deut. 32. 15. 18. 30. 2 Sam. 22. 32. <sup>b</sup> 1 Sam. 1. 3. <sup>c</sup> Ief. 1. 9. 24. & 2. 12. & 10. 16. <sup>d</sup> Rom. 9. 29. Jac. 5. 4. <sup>e</sup> Ief. 1. 24. <sup>f</sup> A. Ezra. ad Exod. 3. 15. <sup>g</sup> Tom. 3. epist. ad Marcell. <sup>h</sup> De Attribut. Dei lib. 1. cap. 11.

LXXIII. Ad *significationem* verò duorum istorum nominum, quod attinet; prius petram, à ארץ arctare: posterius, copias militares, à צבא exercitus, designat, & à LXX. interpretibus<sup>a</sup>, sæpius, & ab Apostolo<sup>b</sup>, Iesaiæ sententiam<sup>c</sup> repetente (expressa significationis, qua de Deo dicitur, ex-

cellentia) παντοκράτης<sup>d</sup> omnipotens, exponitur. Quæ nomina Deum, quasi rupis, & exercituum omnium instar (tanquam solum verè Averruncum & Sospitorem) illustribus metaphoris, אֱלֹהֵינוּ designant<sup>e</sup>. Hæc de nominibus Dei, quæ ferendi auxilii potentiam declarant.

<sup>a</sup> Mal. 1. 4. 6. 8. 10. 11. 13. 14. <sup>b</sup> Apoc. 4. 8. <sup>c</sup> Ief. 6. 3. <sup>d</sup> Ief. 16. 4. <sup>e</sup> Psal. 18. 3. 32. & 91. 1.

LXXIV. *Potestatis* verò ac gubernationis nomen, plerique viri insignes, cum Hebræis, אֱלֹהִים<sup>a</sup>, esse statuunt. Quæ vox, prima videtur; non autem orta, אֱלֹהִים; ut quibuscum placet: ut nec vice versa, El, אֱלֹהִים Eloah, quod aliis arridet: neque אֱלֹהִים jurare: quia utrique isti etymo, vocis Eloah, in cum puncto, desinentis analogia, adversatur.

<sup>a</sup> Deut. 32. 15. 17.

LXXV. Concinnius verò, prima fronte, videtur, quod à diversis viris doctis, אֱלֹהִים derivatur: quasi hoc Arabicè adorare significet: quod Deus sit adorandus: sed an ea vox, eaque significatio, probari queat (quum nec in magni illius D. Fr. Raphelengii, nec etiam in doctissimi Valentini Schindleri, Lexico Arabico, neque in Arabica, Pentateuchi Mo- sis, paraphrasi, ubi adorandi sit mentio, sit comperta) periti illius linguæ judicent ac demonstrent.

LXXVI. Deinde, quid si forte etiam Arabicè id extaret, ac significaret, an non potius origo illius ab Eloah, aut ab Arabico Allah (quasi Deum statuere, adorare) deducetur? Omitto quod non satis aptum videatur, ut primæ linguæ voces, ex aliena ac posteriori, deriventur, præsertim quum nihil vetet, quo minus primitivam vocem esse censeamus: & adorandi verba Hebræis non desint.

LXXVII. Quare primitivam vocem esse, magis videtur consentaneum. Nec enim certum est, quod obtenditur, omnia nomina, quæ potestatem & officium notant, aliunde derivari: quia similes radices non desunt. Quales sunt מן antistes, מן satrapa, מן dux, מן קצין gubernator, מן שטר præfectus. Nam quod Lexicographi, quædam ex hisce, ad fictas radices, referunt, illud communi errore (quem alicubi reprehendit Mercerus) contingit: quo, omnia pene nomina, sæpeque sine ulla iusta causa, à verbo, etiam si non extet, derivare conantur.

LXXVIII. Cæterum, à nomine Eloah, non est diversum Dei nomen Elohim (ut Hieronymus tradita) sed plurale illius, eodem, per enallagen numeri, sensu singulari, quum de Deo dicitur. Generatim enim ac communiter (ut Hebræi quidem statuunt) iudicem ac gubernatorem notat. Nam David Kimchi<sup>a</sup> ait: כָּל אֱלֹהִים עֲבִירֵינוּ שׁוֹפֵט. Omnis Elohim significatio, est iudex. Ideoque primum magistratus Exod. 22. 28. Elohim dicti<sup>b</sup>: quod Chaldaeus Paraphrastes יינין iudices rectè exponit: ineptè verò atque impiè Julianus apostata<sup>c</sup>, ad Deos gentilium detorsit. Deinde idem etiam nomen tribuitur Angelis<sup>d</sup>. Per utrosque enim, & magistratus & Angelos, judicia sua diversè exercet Deus. Singulari verò modo ac אֱלֹהֵינוּ iudicem ac gubernatorem summum, Deum verum, significat. Unde, iudex universa terra<sup>e</sup>: iudex omnium<sup>f</sup>, unus iudex<sup>g</sup>: Elohim aternus<sup>h</sup>, ac solus Elohim<sup>k</sup>: (ob significationis hujus vocis, quum Deo tribuitur, excellentiam) nominatur. Atque ita LXX. Job. 5. 8. nomen Elohim, & πάντων διασότης omnium dominum, exponunt.

<sup>a</sup> Tom. 3. epist. ad Marcell. <sup>b</sup> In Psal. 4. 2. <sup>c</sup> Exod. 21. 6. <sup>d</sup> Vide Cyrill. lib. 7. contra Iul. <sup>e</sup> Psal. 8. 6. cum Heb. 2. 7. Psal. 97. 7. cum Heb. 1. 6. <sup>f</sup> Gen. 18. 25. <sup>g</sup> Heb. 12. 23. <sup>h</sup> Iac. 2. 12. <sup>i</sup> Ief. 40. 28. <sup>k</sup> Ib. 37. 16.

\*LXXIX. Plerumque tamen iidem, ut & Apostoli<sup>a</sup>, Deus, transfulerunt. Cujus vocis origo, à vetustissimo scriptore Herodoto<sup>b</sup>, & ab Etymologo, à θῆνω dispono, concinna analogia, cum tradita ab Hebræis, vocis Elohim, significatione, statuitur.

<sup>a</sup> Matt. 4. 10. & 22. 37. Heb. 1. 8. <sup>b</sup> Euterpeedit. H. Steph. p. 69.

LXXX. Veruntamen, quia nomen singulare Eloah, nulli in Sacris literis, significat iudicem; sed tantum pro Deo vero; aut per catachresin atque ironiam, pro falso (& quidem non nisi ter<sup>a</sup>) accipi comperimus; idcirco simplicius atque aptius videtur, ut vocis Elohim, pro iudice acceptio, non prima ac generalis; sed metaphorica & specialis, censeatur. Quo etiam spectare videtur, dictum ad Mosem; Ecce ego statui te Elohim Pharaoni<sup>b</sup>; hoc est vice Dei<sup>c</sup>: ut sequen-

Ecce ego statui te Elohim Pharaoni<sup>b</sup>; hoc est vice Dei<sup>c</sup>: ut sequentia ostendunt; Aarōnem verò, ut sit Propheta tuus. Ideoque magistratus dii<sup>d</sup> appellati, quia, in iudiciis & regimine, Dei ministri<sup>e</sup> ac vicarii, existunt<sup>f</sup>. Atque hoc modo gubernatores hominum, cum Angelos, tum Magistratus, Elohim interdum significat: non propriè, quatenus sunt gubernatores; sed quatenus in eo, vices Dei delegatas, sustinent, eatenus Dei nomine (augustiori, quàm gubernatorum aut iudicum) ornantur. Atque hoc videtur collatio Psal. 82. 6. cum Joh. 10. 34. 35. postulare.

<sup>a</sup> Dan. 11. 36. 37. 39. <sup>b</sup> Exod. 7. 1. <sup>c</sup> Tremel. & Iun. d Psal. 82. 6. <sup>e</sup> Rom. 13. 1. 2. 4. 6. <sup>f</sup> 2. Chron. 19. 6. vide A. Ez. ad Exod. 21. 6.

LXXXI. Denique ut singularis vox *diōs*, aut *ἰσοδῶς*, unam & communem Deitatis essentiam, designat: aut *ὑποστατικῶς*, pro una aliqua Deitatis persona usurpatur: sic etiam nomen Elohim, vel Dei essentiam, tribus personis communem, ab-

solute notat: ac propterea, quæ de Elohim, ea ratione dicuntur, tribus personis, sub significatione Deo communi, ac singulari sensu, conveniunt<sup>a</sup>: vel proprie unam Deitatis personam, ut Patris<sup>b</sup>, aut Filii<sup>c</sup>, significat.

<sup>a</sup> Deut. 6. 5. Gen. 1. 1. <sup>b</sup> Psal. 45. 8. <sup>c</sup> ibid. ver. 7. cum Heb. 1. 8. Psal. 68. 19. <sup>d</sup> Ies. 43. 9. <sup>e</sup> Hof. 1. 7.

LXXXII. Per catachresin verò vox Elohim, pro falsis etiam diis (qui non naturâ sunt dii<sup>a</sup>; sed vana opinione dicuntur dii<sup>b</sup>) usurpatur. Idque vel citra enallagen numeri, quum de multis diis agitur<sup>c</sup>: vel per enallagen pluralis, pro singulari, quando de singularibus diis, sermo est nominatim<sup>d</sup>. De quo nomine multa pereruditè à Clariss. Drusio, in libro de Elohim, explicata, quæ inde peti possunt. Atque hæcenus de nominibus Dei. Cui gloria in æternum.

<sup>a</sup> Gal. 4. 8. <sup>b</sup> 1. Cor. 8. 5. <sup>c</sup> Exod. 22. 20. Psal. 95. 3. <sup>d</sup> Jud. 11. 24. & 16. 23. 1. Sam. 5. 7. 1. Reg. 11. 33. 2. Reg. 1. 2.

## COROLLARIA.

1. An omnia Dei nomina, sint synonyma? Negat.  
2. An impium sit, pro יהוה, legere Adonai? Neg.  
3. An illud (cum Adonai junctum) rectè legatur, Iehovi? cum Cl. Drusio, N.

4. An qui id probant, ideo digni sint, ut Iehovista ab eo vocentur? N.

5. An Clar. D., Iunius (ob probatam, post alios quosdam, & Iehova & Iehovi lectionem) hanc Clar. Drusii notam, Has literas, ut infeliciter didicerat, ita infelicissimè docebat, fuerit promeritus? Neg. nec enim ille hanc notam; sed utroque indignissima nota, meretur spongiam.

6. An in literis huius nominis, mysteria vera lateant? Adversus Cabalistarum fabulas, Negat.

7. An huic nomini cognito, vis ulla patrandis miraculis, sit insita? Adversus eosdem, Neg.

8. An Capnio, illud nomen, mirificum esse, ex Iud. 13. 18. rectè probeat? Neg.

9. An idem, ex Ies. 63. 16. verè statuatur, hoc nomen fuisse, ante mundi creationem? Neg.

10. An illud, ante Moysen, absolute fuerit ignotum? Neg. cum A. Ezra, contra Iosephum, ejusque affectas.

11. An vulgo illius pronuntiatio, Moysi ayo, fuerit nota? Aff. cum D. Drusio.

12. An integra illius nominis significatio sit, ens æternum, & causa omnium quæ sunt? N. Prius enim, est nominis ratio: posterius verò, non est pars illius, sed tantum consequens: quod omne ens reliquum, a primo ente.

13. An Genes. 18. is, qui Abrahamum est allocutus, fuerit, angelus Raphaël (ut R. Sal. & Bahal hatturim, docent) an verò Dei Filius? Illud Neg. hoc Aff.

14. An in S. literis nomen Iehova absolute positum, ulli rei creata (ut Angelo, Arca, aut aliis) tribuatur? Neg. contra R. Joseph Albo, & assensores illius.

15. An rectè dicat R. D. Kimchi, ad Psal. 89. Deum Jah vocari, quod sit creator orbis? Item, in Ies. 26. 4. Jah est nomen accidentis, Iehova verò, substantiæ? Neg.

16. An ex Gen. 1. 1. creavit Elohim, plures esse personas Deitatis, ex constructionis vi, rectè demonstratur? Cum D. Drusio, (contra Petrum Lombardum, & assensores illius) Neg.

17. An rectè dicatur; Pater, Filius, & Spiritus Sanctus, sunt tres Elohim? N. quia Deus est unus, non tres Di.

18. An R. David Kimchi, rectè in Michlol suo probavit Hebraeæ lingua esse usum, ut quis, etiam de se, loquatur verbo plurali? N.

19. An Hosea, & Iehosua, Num. 13. 17. idem omnino, nempe servatorem, notent? Neg.

20. An nomen Iesu, sit idem quod Iehosua? an verò diversum, & ex Iehova inserto ך (ut ex ineffabili, fieret effabile) sit ortum? Illud Aff. hoc verò, adversus Capnionem, Neg.

21. An יהושע sit factum ex Iehova & שׁוּעַ salus? Aff.

22. An non inde syncopen, (יה expuncto) sit contractum יְשׁוּעַ? Aff. ex Nehem. 8. 17. & ex יְהוֹשֻׁעַ, Aet. 7. 45. & Heb. 4. v. 8.

23. An nomen Iehova, directe significet, promissorum effectorem: an vero indirecte tantum, per consequentiam? Illud N. hoc A.

24. An Christus in S. literis ullibi nominetur (ut non pauci putant) Angelus magni consilii? N. illud enim, ex prava Lxx. interpretum versione, processit: qui verba illa Ies. 9. 6. consiliarius, אֱלֹהֵי גִבּוֹרִים Deus fortis &c. ita corruerunt, μαλῆς βελῆς ἄγγελος.

25. An probari possit, è S. literis, יהוה Ipse, esse Dei nomen? Nos cum D. Drusio, contra Capnionem, N.

26. An ex Dei nominibus istis Iehova & Sanctus, rectè sequatur cum nec esse, nec esse posse, iniquitatis auctorem? an vero ulla ratione contra doceri possit, cum esse auctorem? Prius Aff. poster. Neg.

27. An non sit ἀμείνυμα μεμυνημένον in Hieronymo, quod Comment. in Ezech. 6. tradit; quum (apud Lxx. interpretes) bis Dominus Dominus occurrat; prius, esse commune: posterius, proprium: & contra, ad cap. 28. dicat, tum prius, proprium; secundum, commune? Aff.

28. An Epiphanius de hæresibus contra Archenticos hæ. 20. aut 40. apte interpretetur Elohim, quum ait; ἰλαρίμ, θεὸς αἰεὶ; Neg.

29. An ibidem rectè exponat, τὸ ἀδυνατῆν, ὃ ἐν κύρῳ; Distincte A. Nam ut proprie notat κύρῳ sic quum à Grecis usurpatur, pro Iehova, est ὁ ὢν. quare commate distinguendum à sequenti.

30. An & ἰα, proprie interpretetur voce, κύρῳ; N.

31. An sine ludicro homonymias sophismate, à multis affirmetur eruditiss, Hebraea, Arabica, Persica, Græca, Latina lingua ac plerisque aliis, nomen Dei, esse quatuor literarum? Neg.

32. An Ies. 13. 6. Sjod misjaddai vastitas à Sjaddai, dicatur κατὰ ἱτυμολογίαν an verò κατὰ παρρησιαστικῶν; Prius Neg. post. Aff.

33. An ex lege Levit. 24. rectè statuatur, solam eam in Deum blasphemiam, fuisse capitalem, in qua, nomen tetragrammatum, esset expressum: non autem in qua, aliud ullum recenseretur? N.

DE NONNULLIS QUÆSTIONIBUS CIRCA  
NOMINA DEI, ET ALIA.

## THESIS I.



Elebris est atque explicatione dignissima quæstio; *An vox pluralis Elohim, quando cum singulari aliqua voce construitur, plures idcirco personas significet?* Qua de re, inter eos, qui in asserenda divinarum personarum trinitate consentiunt, nonnulla dissensio est. Quidam enim id affirmant: alii verò negant; ex Pontificiis, Tostatus, Cajetanus, Sixtus Senensis, Bellarminus, Pererius: è nostris, Calvinus, Danæus, Mercerus, Drusius, Paræus, viri insignes. Quorum sententiam, gravibus rationibus innixam, priori non temerè præferendam arbitramur.

II. *Prima* enim ratio est, quod contraria opinio, nullo argumento solido demonstraretur: neque ullum orthodoxorum Patrum, Hebræorum, aut Christianorum doctorum, ante Pontificiæ synagogæ Magistrum sententiarum Petrum Lombardum, habeat fautorem aut indicem.

III. Cujus magistri sententiarum lib. 1. Dist. 1. f. hac de re oratio, non solum imperitia laborat; quod *Elohim*, à singulari *EL*, deducit: sed etiam, contradictione manifesta, seipsam evertit. Quum enim Gen. 1. 1. *Per Deum, Patrem significari* dixisset, subjicit tamen; *Elohim ad pluralitatem personarum referri*. Quod si verum est, non notat Patrem, qui una est persona: aut si ipsum notat, ad plures personas non refertur.

IV. *Secunda ratio generalis* est, quia consuetudine est ac frequens Hebræis enallage, qua vox *Elohim* pluralis, cum singulari voce constructa, sensu singulari, cum *de Deo*, tum *de aliis*, usurpatur. Quorum singula exempla, totidem sunt argumenta.

V. *De Deo* quidem, vel *Patre*, vel *Filio*. *De Patris* persona certò accipitur Psal. 45. 8. *Unxit te Elohim Elohecha*, hoc est, Deus, Deus tuus: quemadmodum transfertur atque exponitur Heb. 1. 9. Ungens enim, est Pater; unctus, Filius; oleum unctionis, Spiritus sancti operatio: ut etiam Jesa. 61. 1. declaratur.

VI. *De filii* verò persona, Psalm. 45. 7. dictum; *Solum tuum Elohim* hoc est, Deus: ut Heb. 1. 8. exponitur & ad Filium refertur. Deinde Hof. 1. 7. *Servabo eos, in Jehova Elohehem*, hoc est, Deo eorum, Christo. Denique Jud. 13. Angelus Jehovæ ver. 21. dictus, idem Elohim ver. 22. & Jehova ver. 23. nominatur. Quare, ex hujusmodi constructione vocis Elohim cum singulari, plures personas minimè designari apparet.

VII. Neque *de Deo* solum, sed *de aliis* etiam simili omnino phrasi, vocem *Elohim*, singulari sensu, ex Hebrææ linguæ genio, usurpari, ex sequentibus sacrarum literarum exemplis constabit.

VIII. *Primum* enim de singularibus falsis diis; ita accipi demonstrat 1. vitulus aureus dictus Exod. 32. 13. *Elohe Zabab*. ver. 31. id est Deus aureus vocatur. Quemadmodum de eodem dicitur Nehem. 9. 18. *Fecerunt vitulum, & dixerunt; Hic Elohecha*, hoc est, Deus tuus, qui eduxit te. 2. de Baale Jud. 6. 31. *Si Elohim ipse*: & eodem 1. Reg. 18. 27. *Quia Elohim ipse*: hoc est, Deus est. 3. de variis singularibus falsis diis 1. Reg. 11. 33. *Asthoreth Elohe Sidoniorum, Cemosch Elohe Moab, Milcom Elohe filiorum Ammon*.

IX. *Secundo* de singulari homine Moise, dicitur Exod. 4. 16. *Tu eris es in Elohim* & cap. 7. 1. *dedi te Elohim Pharaoni*.

X. Denique 1. Sam. 28. 13. *spectrum Samuelis Diabolicum* vocatur *Elohim*: & de eodem quærit Saul; *Quæ figura ejus?* Ac quamvis & vocans & quærens, fuerint impii, Hebrææ tamen linguæ suæ morem designarunt.

XI. *Tertia ratio generalis* est, quia idem phrasis genus (unde plures personas concludunt) in aliis etiam pluralis numeri nominibus, quæ *Deo*, aut etiam *creaturis* tribuuntur, frequenter comperitur.

XII. Dei enim nomen est *Adonai* quod pluralis est numeri ac dominos notaret, sed sensu singulari, per enallagen, dominum notat: ut quum de persona sola Patris dicitur Jesa. 61. v. 1. *Spiritus Adonai Jehova super me*: ubi *Adonai*, dominum & quidem Patrem notat, ut distincta illius à Spiritu & Filio relatio, & Christus Luc. 4. 18. 21. ostendit.

XIII. Deinde Prov. 1. 20. cum dicitur; *chochmôth sapientia* (pro sapientia Prov. 8. 1.) *cantat, & dat vocem*: & cap. 9. 1. *chochmoth edificavit*, Filium Dei designari perspicuum, & inter Trinitatis assertores confessum est.

XIV. Sic etiam voces plurales *gnhosaich, factores tui, & bognhalaich mariti tui*, cum singulari junctæ, sensu singulari usurpantur: ut Jesa. 54. 5. *Bognhalaich gnhosaich Jehova* & Job. 35. 10. *Eloach gnhosai* (hoc est Deus factor meus) *dans cantica*. Nam licet Pater sit creator, & Filius creator & Spiritus Sanctus creator, tamen non sunt tres creatores, sed unus creator Deus.

XV. Similiter vox *Adonim*, domini pro dominus cum voce singulari, ac sensu singulari, cum *de Deo*, tum *de hominibus*, profertur. Ac primum *de Deo*; Malach. 1. 6. *Si ego Adonim*, hoc est, dominus. Nam ut Athanasius in symbolo, *Dominus Pater, Dominus Filius, Dominus Spiritus sanctus, & tamen non tres domini, sed unus est Dominus*.

XVI. Deinde de hominibus creberrimè eadem phrasi ac sensu singulari, pro linguæ Hebrææ more, usurpatur; ut Genes. 39. 20. De Potiphare dicitur, *Acceptit Adone Josephi*: & de ipso Josepho ibidem cap. 42. v. 30. *Locutus est Adone terra*: similiter de quovis etiam plebejo Domino usurpatur Exod. 21. 5. 4. 6. 8.

XVII. Adhæc, *Baalim* possessores domini, singulari sensu vocantur: ut Exod. 21. 29. & 36. *Et non custodierit Baalam*, id est, dominus ejus. Alias verò complures aliarum vocum hujusmodi constructiones (licet non pari frequentia usitatas) præterimus, quod hæc abunde sufficiant: ut ex vi hujusmodi constructionis (nominis pluralis, cum singulari) sensum pluralem demonstrari non posse constat.

XIX. Denique cum singulari *Eloach*, significet Deum; si pluralis ejus *Elohim*, in tali constructione, plures notet, notabit Deos: quia pluralis, à singulari solo numero, non autem significatione differt. Atqui hoc absurdum: ut & Athanasius rectè in symbolo ait; *sicut sigillatim unam quamque personam, Deum ac dominum confiteri Christiana veritate compellimur: ita tres Deos aut Dominos dicere, catholica religione prohibemur*.

XIX. Sequitur altera quæstio, faciliior quidem priori, digna tamen quæ discutatur paucis, ne in dissertatione, cum deitatis Christi, adversariis (uti nonnullis contigisse comperit) intricemur. Ea autem est; *An nomen Adonai, cum camets in fine, de solo Deo in sacris literis dicatur? An vero interdum etiam de creaturis?* Prius vulgò à plerisque statuitur: ab aliis verò accuratius negatur: posterius verò, adhibita distinctione, affirmari & negari posse asserimus.

XX. Affirmari quidem, ratione ejusdem soni vocis: negari verò ratione naturæ ejusdem diversæ. Quia cum *de Deo* dicitur, ultima est camets per se ac semper: cum vero *de creatura*, idem est per accidens pausa sive accentus distinguens, qui brevem vocalem patach producit in camets: ut Gen. 18. 3. & 19. 18. exempla sunt illustria.

XXI. Deinde cum *de Deo* dicitur, perpetuò *Adonai*, est vox simplex & dominum tantummodò significat: cum verò, vel reipsa, vel opinione loquentis, de creatura dicitur, interdum simplex est, ut Gen. 18. 3. in verbis Abrahami, qui obvium sibi hominem arbitratus, *Adonai*, per enallagen numeri, dominum vocat: ut singulari constructione ostendit, cum ait; *si gratiam inveni in oculis tuis*: interdum vero vox composita est ex nomine & pronomine affixo, ac dominos meos significat, ut in verbis Lothi, quibus duos angelos compellat, Gen. 19. 18.

XXII. Ter-

XXII. *Tertia quaestio est de bonis hominum operibus; An iis vitam æternam mereantur? Pontificii asserunt. Orthodoxi verò meritò negant: idque inter cæteras, hisce etiam rationibus demonstratur.*

XXIII. *Primum, quia etiam si bona hominum opera essent perfecta, vitam tamen æternam mereri non possent duabus de causis. Prima est, quia ea Deo sunt debita: altera, quia sunt imparia vitæ æternæ.*

XXIV. *Debita quidem, jure duplici. Primum communis creationis ac benignæ conservationis: deinde proprio redemptionis per Christum: ideoque iis præstitis, nihil mereri possunt apud Deum, nedum vitam æternam, ut Christus asserit Luc. 17. 10. Quum feceritis omnia quæ præcepi vobis, dicite servi inutiles sumus: nam quod debuimus facere, fecimus.*

XXV. *Imparia verò sunt vitæ æternæ; quia ea sunt finitæ naturæ & finiti atque exigui pretii ac temporis opera, quæ Deo nihil commodi adferunt: contra verò vita æterna, beatitudine ineffabili atque imperscrutabili 1. Cor. 2. 9. & nunquam finienda, constat, Adeò ut, quod Apostolus de perfectionibus Christianorum ait (eas quas præsentis tempore persequimur, non esse pares futura gloria in nobis revelanda) eadem ratione, ad omnia bona hominum opera (etiam si perfecta essent) pertineat.*

XXVI. *Secundò verò, quia & numero, & modo ac gradu imperfecta sunt, multo minus aliquid apud Deum præmii mereri possunt. Quippe numero imperfecta sunt, quia multa bona opera à Deo mandata defunt: & mala adsunt. Nemo enim est qui non peccet. 1. Reg. 8. 46. Prov. 20. 9. & 1. Joh. 1. 8. imò in multis labimur omnes Jac. 3. 2. Modo vero ac gradu imperfecta sunt; quia non eo modo atque integritate studii ex toto corde, tota anima, & omnibus viribus (ut Deus*

*præcepit Luc. 10. 27.) peraguntur, ob carnis adversus spiritum repugnantiam, Rom. 7. 23. & Gal. 5. 17.*

XXVII. *Unde rectè ab Orthodoxis, contra Pontificios, concludi solet, si bonorum nostrorum operum meritum, per se solum consideremus; id revera esse maledictionem & mortem æternam. Quia maledictus, qui non permanferit in omnibus scriptis in libro Legis, ut faciat ea, Deut. 27. 27. & Gal. 3. 10. & stipendium peccati mors; donum vero Dei per Christum vita æterna Rom. 6. 23.*

XXVIII. *Atque hinc necessariò sequitur, nullum hominem peccatorem suorum operum merito, ab accusatione Legis absolvi ac justificari coram Deo.*

## COROLLARIA.

1. *An Hithdik aut Tfiddek Hebraum, aut Gracum dīgida in S. literis, cum de justificatione peccatoris coram Deo agitur, significet internā justitiā animam justam efficere, ut Pontificii contendunt? N.*

2. *An alibi ita in S. literis usurpetur? N.*

3. *An dīgida apud Gracos auctores priscos, eo sensu accipiatur? Kemnstinus constanter negavit: neque hactenus ullo exemplo convictus ab adversariis, licet doctissimis.*

4. *An probari possit vocem Eloah (unde plurale Elohim) esse non primam, sed derivatam ab alia voce, vel Hebraea vel alterius linguae? N.*

5. *An demonstrari possit, voces Schamajim & Erets Hebraas, ab alia lingua affini derivatas? N. Idemque (bonis auctoribus & rationibus non contemnendis nixi) de Chaldaicis vocibus, Sabbeca, Planterin & sumphonia Dan. 3. (quas à Gracis traductas ad Chaldaeos vulgò censent) statuimus.*

## DISPUTATIO VI.

## DE PERSONARUM DIVINARUM TRINITATE.

**Q**uoniam fides catholica hac est (ut sanctè graviterque monet *Athanasius*) ut *Unitatem, in Trinitate; & Trinitatem in Unitate, veneremur*: opportunum fore arbitramur, si, priori membro à nobis ante declarato, ad alterum, ex Sacrarum literarum oraculis, illustrandum, & adversus noxias hæreticorum machinas muniendum, pro instituti & moduli nostri ratione, procedamus. *Quia nec periculosius alicubi erratur, nec laboriosius aliquid queritur, nec fructuosius aliquid invenitur*<sup>b</sup>. Quum autem perverso, ambiguitatis variæ, *vocum ὑποστάσεις, προσώπων, & Personæ, abusu*<sup>c</sup> nebulas imperitioribus offundere, & peritiores fatigare, consueverint, ab earum distincta, & paulò uberiori (quam vulgò fieri solet) *explicatione*, Deo secundante, ordiemur. Qua in re tractanda, si consuetæ brevitatis limites, nonnihil excedamus, illud (quemadmodum confidimus) & utilitatis publicæ (ad varia Scripturæ, & Patrum, dicta facilius intelligenda) & novitatis alicujus, intercessione, veniam non difficilem, à benignis lectoribus, impetrabit.

<sup>a</sup> In Symbolo. <sup>b</sup> August. to. 3. de Trinit. l. 1. c. 3. <sup>c</sup> Damasc. de duab. Christi Nat.

## T H E S I S I.

**Υ**πόστασις, vox Græca, ab ὑφίστασθαι<sup>a</sup> subsistere derivatur: non autem ἀπὸ τῆς οὐσίας τῆς οὐσίας quod stet essentia: ut perperam, in *Tractatu definitionum*, docetur, qui indignissimè *Athanasio*<sup>b</sup> adscribitur: quum eodem posterior sit, & indoctior: ut *Greg. Nysseni* mentio, stylus, & materia evincunt. Significat autem (ut loquuntur) *subsistentiam*: & quidem *abstracte*, vel *concrete*.

<sup>a</sup> Damasc. Dial. c. 26. Suidas Lex. <sup>b</sup> Tom. 2.

II. *Abstracte*, actum subsistendi, *proprie* significat: ut forma vocis, & tropica acceptionis propages, perspicuè demonstrant. Nam *primo*, per *synecdochen*, ὑπόστασις<sup>a</sup> resistantiam; aut ὑπόδεξις<sup>b</sup> insidias, sive subseffas, notat: quod illa, apertè, hac, opertè ac testè, adversus hostes subsistatur. *Deinde per metaphoram*, aut *active*, constitutionem indicat (ut ὑπόστασις τῆς ἀνθρώπου<sup>c</sup>, hominis constitutio, dicitur) aut *passive* ὑπαρξίς<sup>d</sup> existentiam, qua res quævis, aut per se ac vi sua, ut substantia, aut in alio, tanquam in subiecto, ut accidens<sup>d</sup>, subsistit. Quæ duo, ὑπόστασις ὑπαρξίς<sup>e</sup> modi existendi, rectè ac generatim, nuncupantur<sup>e</sup>.

<sup>a</sup> *Ælianus* apud *Suidam*. <sup>b</sup> *Sophocles* apud *Socrat.* hist. eccles. l. 3. c. 7. edit. Græc. <sup>c</sup> *Porphyr.* Isago. c. 12. collat. differ. & speciei. <sup>d</sup> *Simplicius* in *Arist.* Categor. Subst. Relat. Qualit. <sup>e</sup> *Ammonius* in *Arist.* Categ. proem.

III. *Concrete* verò, *hypostasis*, *rem subsistentem*, declarat. Quæ eodem sensu, ὑπόστασις<sup>a</sup>, ὑπόδεξις<sup>b</sup>, & vulgò ὑποκείμενον appellatur. Quomodo, vel *proprie*, vel *improprie*, usurpari solet.

<sup>a</sup> Lxx. Jere. 23. 18. *Gregor. Naz.* de Theol. orat. 2. orat. 34. <sup>b</sup> Concil. Nic. Acta par. 2. c. 20. *Theodo. dial.* 1. c. 2.

IV. *Proprie* rem quamvis, *sub alio stantem* ac sustentantem, indicat<sup>a</sup>: ut etiam, conjugatis vocibus, innuitur. Si quidem *Polluce*<sup>b</sup> auctore τῶν ὑποκείμενων quodvis supposititium fulcrum, ὑπόστασις<sup>c</sup> dici solet: & *Philosophus*<sup>c</sup> gravissimum quid sit, definiens ait, τὸ πᾶσι ὑποκείμενον, τῶν κατὰ φύσιν ὁρισμένων quod omnibus, qua deorsum feruntur, *subst.* Unde *matfabb*, i. *militum statio*<sup>d</sup>: *sedimentum*<sup>e</sup>: & *crassamentum*<sup>f</sup>: & *statio*<sup>g</sup>, quæ erectæ, sua basi subsistunt, eadem hypostaseos voce, communi quadam subsistendi ratione, nominantur.

<sup>a</sup> Lxxx. interp. in Pf. 69. 3. Gr. 68. sed hic & postea Hebr. numeros secuti sumus. <sup>b</sup> *Onomast.* l. 10. c. 22. <sup>c</sup> *Arist.* de colol. lib. cap. 3. <sup>d</sup> Lxx. 1. Sam. 14. 4. <sup>e</sup> *Arist.* Meteor. lib. 2. c. 1. & l. 4. c. 5. <sup>f</sup> *Menander* apud *Pol.* luc. l. 6. c. 9. <sup>g</sup> Lxx. Eze. 26. 11.

Bbbb 2

V. Im-



V. *Improprie* verò hypostasis, concretè accepta, per *metaphoram* variè usurpatur: ob *similitudinem*, vel *simplicem*, stationis, aut subjectionis ac sustentationis: vel *geminam*, utriusque.

VI. *Primo modo*, quancunque rem extantem, etiam accidens subiecto inhærens, notat<sup>a</sup>: ideoque, τῇ ἀνυποστάτῃ non existenti, & mero nomini, opponitur<sup>b</sup>. Quo etiam modo artium notitiam ac qualitatem, in mente existentem, ὑπόστασιν Basilus<sup>c</sup> nominat.

<sup>a</sup> Simplic. in Arist. Categ. Relat. <sup>b</sup> Ibidem & Damasc. Dial. C. 10. 27. & 28. <sup>c</sup> Contra Eunom. lib. 2.

VII. *Altero*, id significat, quod est *velut fundamentum*, sustentandi hominis, vel actionis. Hominis quidem, partim ratione corporis: ut *vita duratio*<sup>a</sup>, & vitæ subsidia: *merces*<sup>b</sup>, ac *viçtus*<sup>c</sup> (ut & synonyma, ὑπαρχὴ<sup>d</sup>, εἶσα<sup>e</sup>, & Heb. *hon.*<sup>f</sup> substantia, pro facultatibus usurpantur) partim ratione animæ. ut virtutes, *spei*<sup>g</sup>, *constantia*<sup>h</sup>, *fidei*<sup>i</sup>, quæ etiam rerum sperandarum hypostasis<sup>k</sup> (quod, constantia illius conditioni<sup>l</sup>, innitatur) ab Apostolo, nuncupatur. Actioni verò, quando, pro consilio, accipitur. Quippe, ut *sod* consilium Hebræis, à *jesod* fundamento (quod rerum rectè gerendarum sit quasi fundamentum) derivatur: sic eandem vocem, servata emphasi, Lxx interpretes, ὑποστήματα & ὑποστάσεις<sup>m</sup> vocibus reddiderunt. Ac felicius sanè, quàm Latini Patres<sup>n</sup>, qui Græcos interpretati, *personam*, minus concinnè, transulerunt.

<sup>a</sup> Lxx. Psal. 39. 6. & 89. 48. <sup>b</sup> Lxx. Ier. 10. 16. <sup>c</sup> Lxx. Iud. 6. 4. <sup>d</sup> Heb. 10. 34. <sup>e</sup> Luc. 15. 13. <sup>f</sup> Prov. 13. 7. <sup>g</sup> Lxx. Psal. 39. 8. & Ruth. 1. 12. <sup>h</sup> 2. Cor. 9. 4. & 11. 17. <sup>i</sup> Heb. 3. 14. <sup>k</sup> Ibr. 11. 1. <sup>l</sup> Heb. 3. 14. & 10. 35. <sup>m</sup> 36. 38. <sup>n</sup> Ierem. 23. 18. 22. <sup>o</sup> Augustin. tom. 3. de Trinit. l. 7. cap. 4.

VIII. *Tertio denique modo*, vox hypostasis, *substantiam* significat<sup>a</sup>: quod ea per se (seu non in alio, ut in subiecto) hypostasis instar, subsistat. Unde distinguendo, ab accidente, ἀνυποστάτων vocant<sup>b</sup>: & Anastasius Theopolita, ac Cyrillus<sup>c</sup> (& ex iis Damascenus<sup>d</sup>) definiunt; τί ἐστὶν οὐσία; πρῶτον αὐτῶν ὅτι οὐκ ἔστιν ἐν ἄλλῳ, ἀλλ' ἐν ἑαυτῇ οὐσίᾳ. quid est essentia? res per se existens, neque alterius, ad sui constitutionem, indiga. Atque hoc modo, vel *generatim*, vel *speciatim*, usurpatur.

<sup>a</sup> Simplic. in Arist. Categ. in procem. & de subst. <sup>b</sup> Ammonius in Porph. de spec. & in Arist. Catego. Subst. <sup>c</sup> Expof. orth. fidei. <sup>d</sup> Dial. cap. 1. 2. 23.

IX. *Generatim*, quamlibet substantiam, seu rem, per se subsistentem<sup>a</sup> (sive accidentibus subsit, sive non subsit: seu vivens sit, seu vitæ expers<sup>b</sup>) significat. Quomodo etiam igni, à Cyrillo Alexandrino<sup>c</sup>, & cometæ similibusque à Philosopho<sup>d</sup>, sua attribuitur hypostasis. Quare etsi rectè Socrates<sup>e</sup> historicus, recentiores philosophos hypostaseos vocem sæpius usurpasse fateatur: illud tamen minus rectè, quod, à veteribus præteritam, asserat.

<sup>a</sup> Damasc. primæ instit. cap. 2. & Dial. 10. & 25. <sup>b</sup> Tractat. defin. t. 2. Athanas. <sup>c</sup> De Trin. & perso. Chrl. cap. 8. <sup>d</sup> De mundo cap. 4. <sup>e</sup> Hist. Eccl. l. 3. c. 5. Gr. 7.

X. De qua generali significatione, ait Hieronymus<sup>a</sup>; *Tota secularium schola, nihil aliud hypostasin, nisi usum, novit: & Athanasius*<sup>b</sup>; ὑπόστασις, οὐσία ἐστὶν ἡ ἐν ἑαυτῇ ὁμοσημένιος, ἢ αὐτὴ τῇ οὐσίᾳ. hypostasis, essentia est: ac nihil aliud significat, quàm id ipsum, quod est. nimirum, si usum vocis, extra Ecclesiam, spectes<sup>c</sup>. Ideoque in Concilio Sardicensi (in quo plerique erant occidentales) una Patria, Filii & Spiritus Sancti, hypostasis<sup>d</sup>, hoc est, ut ibidem exponunt, *essentia* asserta est. Quod Hieronymus<sup>e</sup> initio acrius est secutus: quemadmodum remissius Augustinus<sup>f</sup>.

<sup>a</sup> Tom. 2. epist. ad Damasum. <sup>b</sup> Epist. ad Africa. & epist. ad Antiochenos. <sup>c</sup> Theodoret. dial. 1. cap. 2. <sup>d</sup> Theodoret. hist. Eccl. l. 2. cap. 8. <sup>e</sup> Tom. 2. epist. ad Damasum. <sup>f</sup> Tom. 3. de Trinit. lib. 5. cap. 8. & 9.

XI. *Speciatim* verò hypostasis, per *synecdochen*, ab essentia communi, distinguitur<sup>a</sup>, & quodvis essentia individuum proprium, in se subsistens, (etiam brutum, aut inanimum<sup>b</sup>) significat<sup>c</sup>. Quo etiam modo accipitur, in Concilio Niceno<sup>d</sup> & à Dionysio Areopagita dicto<sup>e</sup>, à Iustino<sup>f</sup>, & à plerisque Latinorum; qui, de hac re scribentes Græcè, dicere consueverunt (ut docet Augustinus<sup>g</sup>) μίαν οὐσίαν, πλείους ὑποστάσεις, unam essentiam, tres substantias. Qua etiam substantia voce, pro individuo substantia, synecdochicè accepta, persæpe Hilarium<sup>h</sup>, nomen hypostaseos Latine reddidisse, constat. Posteri vero, ne vocis ambiguitas (ut Thomas Aquinas<sup>i</sup> refert) pos-

sit esse erroris occasio, maluerunt, pro hypostasi transferre subsistentiam, quàm substantiam.

<sup>a</sup> Cyril. de Trin. & pers. Ch. c. 13. <sup>b</sup> Ib. c. 8. Damasc. Dial. cap. 10. 11. 25. 26. 32. & primæ instit. cap. 2. 4. 7. <sup>c</sup> Athan. dial. 1. de Trin. Cyr. dial. 1. de Trin. Theod. dial. 1. c. 2. <sup>d</sup> Actis Conc. Nic. par. 2. c. 12. & 21. <sup>e</sup> De divin. nomin. cap. 2. <sup>f</sup> Expof. fidei. <sup>g</sup> Tom. 3. de Trin. l. 5. c. 8. <sup>h</sup> Lib. de synodis. <sup>i</sup> Sum. p. 1. q. 29. art. 2. ad 2.

XII. Atque hac vocis hypostaseos, generatim, vel speciatim, acceptæ, distinctione, in concilio Alexandrino præses Athanasius<sup>a</sup>, indignam in Ecclesia, de hac voce, litem & λοζομυχίαν (explorata ac demonstrata partium, in re ipsa, consensione) piè, prudenter ac feliciter, diremit. Et huius specialis usus vocis hypostaseos, causæ duæ, in eodem concilio, fuere redditæ; dogmatum (adversus hæreticorum, homonymiis ludentium, strophas) explicandorum necessitas, & verborum inopia<sup>b</sup>. Quæ iustissimæ ac consuetæ sunt, vocis dilatandæ, aut novandæ, rationes<sup>c</sup>. Quumque rerum infinita penè sit copia: & nominum inopia<sup>d</sup>, scitè ait Simplicius<sup>e</sup>, ἡ δὲ τῇ ὁμοιότητι ἐπιλείπει, συναποδύναται τὴν πρᾶξιν, nominum penuria, rem simul perire, nequaquam oportet. Quare immeritò Irenæus grammaticus, hypostaseos vocem, Græcam ac probam, à Græcis theologis tropo variatam, barbaram iudicavit<sup>f</sup>.

<sup>a</sup> Athanas. epist. synodica ad Antiochenos. Greg. Naz. orat. 21. in laudem Athanasii. <sup>b</sup> Socrat. hist. l. 3. cap. 5. Gr. 7. <sup>c</sup> Cic. de finibus l. 3. & de orat. l. 3. <sup>d</sup> Arist. De soph. Elen. cap. 1. <sup>e</sup> In Arist. Categ. Qualit. <sup>f</sup> Socr. hist. l. 3. c. 5. Gr. 7.

XIII. Atque hoc sensu in lobo<sup>a</sup>, Hebræam vocem Kim (à Kim, surgere, stare) id est substantiam aut subsistentiam, Lxx interpretes rectè hypostasin, exponunt. Nec aliter Kimchi<sup>b</sup>, quam de persona, accipit. Et huic affine est, quod lekum<sup>c</sup> substantiam individuum, viventem, citra controversiam, denotat<sup>d</sup>.

<sup>a</sup> Cap. 22. 20. <sup>b</sup> In Lexico. <sup>c</sup> Gen. 7. 4. <sup>d</sup> Kimchi in Lexico & alii.

XIV. Hisce accedit Apostoli usus, omni exceptione maior; quum Dei Patris Filium, ait esse, expressam imaginem, hypostaseos illius<sup>a</sup>, hoc est, subsistentiæ, seu personæ: non autem essentia<sup>b</sup>: ut typi & archetypi, producti & producentis, necessaria diversitas: & essentia Filii, & Patris unitas, solidè evincit: Quare ex hisce omnibus perspicuum est, vocem hypostasis, & re ipsa, & usu, S. literis comprehendendi. Ideoque temerè, & olim, & nostris temporibus, ab Ariana, & Samosatensianis, condemnata. Cui voci significatione convenit altera, οὐσιότης<sup>c</sup> cuius etiam origo, & usus, paucis nobis explicandus.

<sup>a</sup> Heb. 1. 3. <sup>b</sup> Ibid. & interpretes Chrysof. Theod. Theophyl. Occum. Athan. dial. 1. de Trin. Damasc. orth. fid. l. 1. cap. 9. <sup>c</sup> Nazianz. orat. 32.

XV. Πρόσωπον faciem, solius hominis, apud Græcos denotat<sup>a</sup>: sed quidam angustius, ore, oculis, genis<sup>b</sup>: alii latius, fronte addita<sup>c</sup>, circumscribunt. Atque hinc diversam nominis rationem, descriptioni suæ consentaneam, adferunt. Illi, à situ, quasi ὡς ὀπίς<sup>d</sup>, quod, ad oculos, extendatur (ut μίτωπον frons, quod supra oculos<sup>e</sup>) derivarunt. Hi verò, ab actione, à ὡς οὐ ὄπασσι<sup>f</sup>, quod homo solus animalium erectus prorsum rectaque, non obliquè, prospiciat: aut quasi πρὸς τὸς ὀφθαλμοὺς ἔχει & prorsum habens oculos. Sicut ὠδρεω<sup>g</sup> (si, in magna etymologiæ varietate, Ammonio<sup>h</sup> credimus) quasi ὠδρεῖν ἔχει (& ut aliis placet πρῆπον) τὸς ὀφθαλμοὺς, quod oculos sublimes habeat, non, ut cætera animalia, in terram pronos<sup>i</sup>.

<sup>a</sup> Arist. de hist. anim. l. 1. c. 8. Pollux. l. 2. c. 4. <sup>b</sup> Gellius noct. Att. l. 13. c. 28. Pollux. l. 2. c. 4. <sup>c</sup> Arist. hist. anim. l. 1. c. 8. <sup>d</sup> Etym. magn. eib. & Pollux. l. 2. c. 4. <sup>e</sup> Arist. de part. anim. l. 3. c. 1. <sup>f</sup> Etymol. magn. <sup>g</sup> In Porphy. c. de Genere. <sup>h</sup> Ovid. metamorph. l. 1.

XVI. Quæ vox, ut proprie faciem, idemque quod Hebræis panim, significat: sic improprie, per tropum triplicem, usurpatur.

XVII. Ac primò per metaphoram, ob similitudinem quandam, vel expressam, vel adumbratam, ad alia significanda transfertur.

XVIII. Priori modo, pro persona scenica<sup>a</sup> (quæ aliàs ὀσσωπῆσις & ὀσσωπῆσις, usitatus<sup>b</sup>) accipitur. Quæ ab artificibus, certis hominibus perspicuè, & ad vivum designandis, figura & coloribus consimilibus, efformari solebat<sup>c</sup>: ut doctè Budens<sup>d</sup> observavit. Quam significationem propriam esse, & πρὸσωπον dictum, ὡς δὲ ὁ σὸς ὀφθαλμοὺς τὴν εὐχὴν, quod, ante oculos, obtegit vultum, non satis politè Boethius<sup>e</sup> statuit.

<sup>a</sup> Pollux. lib. 2. c. 4. <sup>b</sup> Ibid. <sup>c</sup> Schol. Arist. ad in præis edit. Bas. pag. 201. <sup>d</sup> Comm. Græc. ling. <sup>e</sup> De duab. Christ. naturis.

XIX. Poste-

XIX. *Posteriori* verò modo, vel superficiem<sup>a</sup>, vel exten-  
nam ac fallacem rerum speciem ac circumstantiam, causâ ju-  
stæ oppositam<sup>b</sup> (quæ sit instar vultus; qui sæpè aliud pro-  
mit, quam cor premit<sup>c</sup> in S. literis designat. Quâ etiam  
ratione *ὑποπόστασις* personarum acceptio, Deo veraci ac ju-  
sto, rectè derogatur<sup>d</sup>.

<sup>a</sup> Lxx. Gen. 2. 6. Luc. 12. 56. <sup>b</sup> Lxx. Deut. 1. 17. & Prov. 24. 23. <sup>c</sup> 1. Sam. 16.  
v. 7. <sup>d</sup> Rom. 2. 11. Gal. 2. 6. Job. 34. 19.

XX. Deinde per *metonymiam* signi, pro re signata, vel  
favorem: quod vultu sereno<sup>a</sup>: vel iram, quod torvo<sup>b</sup>, so-  
leat indicari, denotat.

<sup>a</sup> Lxx. Psal. 4. 7. & 102. 3. <sup>b</sup> Lxx. Psal. 34. 17. 1. Pet. 3. 12.

XXI. Denique bifariam accipi solet, per *synecdochen*: vel  
partis, pro toto: vel speciei, pro genere.

XXII. Per *synecdochen* partis, pro toto, humanam hy-  
postasin, seu personam, notat. Qua ratione, in hac Apo-  
stoli sententia, ut donum, *ὅτι πολλὰ ὀνόματα ἐστὶν πολλῶν προσώπων*,  
per multos celebretur<sup>a</sup>, perspicuè intelligitur: ut prisci<sup>b</sup>, no-  
vique<sup>c</sup> interpretes, & res ipsa, attestantur: nisi quod ve-  
tus versio (ineptâ, vocis facierum, adjectione, scribarum  
vitio perverfa) redundet.

<sup>a</sup> 2. Cor. 1. 11. <sup>b</sup> Chryf. Theophyl. Oecumen. Vetus versio. <sup>c</sup> Valla in annot.  
Erasim. Beza &c.

XXIII. Idemque usus apud Lxx. interpretes, apparet<sup>a</sup>.  
Eoque sensu, personarum acceptio, Deo<sup>b</sup> justo (ut & An-  
gelo ipsius<sup>c</sup>) non injustè attribuitur: qui, & miseretur, cu-  
jus vult<sup>d</sup>, & pios sui cultores, licet infirmos, gratos habet  
& acceptos<sup>e</sup>. Atque huic *ὑποπόστασις* significationi, respondet  
interdum vox *ὁμοῦσι* & *νομινῶν* (& ut docti vertunt, capi-  
tum) quæ, personas, per metonymiam signi, pro re signa-  
ta, declarat. Quam tamen vocem, hoc sensu, Patres or-  
thodoxi, justa Sabellii<sup>f</sup> (qui unam trinominem confinxit  
hypostasim) detestatione, minimè usurparunt; sed *ὑποπόστασις*,  
*ὁμοῦσι* *ψιλλῶ* nomini mero<sup>h</sup>, rectè opposuerunt.

<sup>a</sup> Lxx. his locis Job. 42. 8. Genes. 19. 21. Mal. 1. 8. <sup>b</sup> Lxx. Mal. 1. 9. & Job.  
42. 8. <sup>c</sup> Gen. 19. 21. <sup>d</sup> Exod. 33. 19. <sup>e</sup> Job. 42. 8. <sup>f</sup> Actor. 1. 15.  
<sup>g</sup> Epiph. cont. hæc. 42. Gr. 62. Lat. <sup>h</sup> Conc. Nic. Aët. par. 2. c. 12. Atha-  
nas. dial. 1. de Trinit.

XXIV. Deinde per *synecdochen* speciei, pro genere, ad  
quamvis hypostasim, creatam, vel increatam, denotandam,  
à priscis theologis, distinctè & cautè, adhibetur<sup>a</sup>. Sicut in  
Conc. Niceno sapius<sup>b</sup>: inprimis verò à Leontio<sup>c</sup> cum ait;  
*ὑποπόστασις* audimus, ne suspicemur Deum, humana forma præ-  
ditum: compositionis enim & figura est expers. Quamvis hy-  
postasis voce potius, quam *ὑποπόστασις*, Græci Patres uti malue-  
rint: non solum (ut conjicit Augustinus<sup>d</sup>) quod secundum  
lingua consuetudinem aptius diceretur; sed etiam, quia S. Scri-  
ptura prævit<sup>e</sup>. Scitè tamen ab eo dictum; Excedit superemi-  
nentia Deitatis, humani eloquii facultatem. Verius enim co-  
gitatur Deus, quàm dicitur: & verius est, quàm cogitatur<sup>f</sup>.  
Atque hæc de verbis Græcis, *ὑποπόστασις*, & *ὑποπόστασις* dicta plus  
satis: reliquum est, ut Latinæ vocis, persona, originem &  
significationem, afferamus.

<sup>a</sup> Greg. Nazianz. orat. 32. Anastas. expl. fidei. <sup>b</sup> Aëtis conc. p. 2. c. 12.  
<sup>c</sup> Ib. c. 20. <sup>d</sup> Tom. 3. de Trinit. l. 7. cap. 6. <sup>e</sup> Heb. 1. 3. <sup>f</sup> Tom. 3.  
de Trinit. l. 7. c. 4.

XXV. Persona propriè larvam, seu scenicum humanæ fa-  
ciei simulacrum<sup>a</sup>, significat: ut *etymon* arguit, à personando  
(o literâ, propter vocabuli formam, productione) quod vo-  
cem, in unum collectam, magis faciat resonare: ut C. Bas-  
sus, laudante Gellio<sup>b</sup>, censuit. Sed quid si potius, quod hi-  
strio per eam sonet: & causa, cur ô producat, ea sit, ut ab  
adjectivo persona (id est, sonora) distinguatur? Alii ta-  
men, ab eo quod sit *ὑποπόστασις* *circum corpus*, malunt dèri-  
vare: quod, an vocis & rei analogiæ, satis aptè conveniat,  
alii judicent. Quidam denique personam, quasi per se unam  
dictam putant<sup>d</sup>.

<sup>a</sup> Cic. de orat. l. 2. <sup>b</sup> Noët. Att. l. 5. c. 7. Boëthius de duab. Chr. nat. <sup>c</sup> J. C.  
Scal. Poët. l. 1. c. 13. <sup>d</sup> Gul. Altiifod. Sum. l. 1. c. 4. q. 3. Tho. Sum.  
p. 1. q. 29. ar. 4. Bonavent. Sent. l. d. 23.

XXVI. Impropiè verò aut accidens quoddam, aut sub-  
stantiam designat. Accidens quidem, per metaphoram,  
quum, pro hominis conditione ac qualitate usurpatur: ut  
Cicero, duabus nos natura indutos personis<sup>a</sup>, & personam ge-  
rere<sup>b</sup>, dixit: substantiam verò, bifariam notat.

<sup>a</sup> De offic. l. 1. <sup>b</sup> Ibid.

XXVII. Primò, quum per *metonymiam* signi, pro re si-  
gnata, hypostasim humanam significat. Quomodo apud Cel-  
sum<sup>a</sup>, splendida persona; apud Valerium Maximum<sup>b</sup>, ne-  
cessaria persona: apud Ciceronem<sup>c</sup>, persona obscura dicuntur.  
Et, solis radiis clarior, Tullii<sup>d</sup>, definitio: Nomen est, quod  
unicuique persona datur, quo, suo quaque proprio & certo vo-  
cabulo, appellatur: idem evincit. Quibus denique Quintilia-  
ni<sup>e</sup>, & priscorum ac disertorum jurisconsultorum ulus cele-  
berrimus, patrocinator: & falsam magis, quàm solidam,  
Laurentii Valla<sup>f</sup> aliorumque censuram, accuratè diluit.

<sup>a</sup> De Medic. l. 1. proœm. <sup>b</sup> Memor. l. 2. c. 1. <sup>c</sup> Ep. ad fam. lib. 3. epist. 5.  
<sup>d</sup> De invent. l. 1. <sup>e</sup> Inst. Orat. l. 3. c. 8. 4. c. 1. 9. c. 2. <sup>f</sup> Elegant. lib. 6.  
cap. 34.

XXVIII. Secundo personæ vox substantiam notat, quum  
ab hac prima significatione, per *synecdochen* speciei, pro ge-  
nere, latius extenditur: & pro quavis hypostasi intelligen-  
te, usurpatur. Quod accidit, ob Latini sermonis inopiam,  
& vocis generalis, quæ hypostasi & *ὑποπόστασις* responderet,  
necessitatem: ut orthodoxæ doctrinæ veritas, apud pios ex-  
plicaretur distinctius, & hæreticorum insidiæ melius possent  
patefieri. Id quod ex Gregorii Nazianzeni<sup>a</sup> indicio, & ex  
ingenua Augustini confessione<sup>b</sup>, comprobatur. Qua perso-  
næ significatione, Latinorum Patrum antiquissimus Tirtul-  
lianus<sup>c</sup>, persæpe est usus, & posteris exemplo suo rectè præ-  
luxit.

<sup>a</sup> Orat. 21. in laudem Athanas. <sup>b</sup> Tom. 3. de Trin. l. 5. c. 9. & 7. c. 3. 4. 5. 6.  
<sup>c</sup> Contra Praxeam c. 11. 12. 13. 14. &c.

XXIX. Quippe (ut ait Augustinus) licuit, loquendi &  
disputandi necessitate, personam dicere; non quia Scriptura di-  
cit, sed quia Scriptura non contradicit<sup>a</sup>. Qualis etiam ratio  
in reliquarum scientiarum & artium tractatione, observa-  
tur: in quibus voces plurimæ, ob copiam rerum, & ver-  
borum inopiam, à communi usu, aliò sunt translatæ: ut ne-  
cessariæ rerum distinctioni, & doctrinæ accuratæ inservi-  
retur.

<sup>a</sup> Tom. 3. de Trin. l. 7. c. 4.

XXX. Itaque loquendi causa (ait idem Augustinus) de  
ineffabilibus, ut fieri aliquo modo possemus, quod effari nullo  
modo possumus, dictum est à nostris Græcis, una essentia, tres  
substantia (id est, hypostases) à Latinis vero, una essentia,  
vel substantia, tres persona<sup>a</sup>.

<sup>a</sup> Tom. 3. de Trin. l. 7. c. 4.

XXXI. Quam etiam, persona vocem, multi, cum Au-  
gustino<sup>a</sup>, cæteris prætulerunt: quod substantia Latinis ferè  
aliud nihil, quàm essentiam: & hypostasis ac prosopeon, Græ-  
cis Patribus, generatim substantiam singularem propriam<sup>b</sup>  
(animatam<sup>c</sup> aut inanimatam) significet. Unde Damascenus<sup>d</sup>  
ait; Sancti Patres hypostasim, individuum & prosopeon, idem  
vocaverunt<sup>e</sup>. Persona verò, de solo intelligente individuo,  
accipitur. Atque hæcenus, vocum *ὑποπόστασις*, *ὑποπόστασις*, & Per-  
sona, originem & usum variis modis implicitum, extricare  
conati sumus: ideòque rem ipsam, Deo duce, aggrediemur:  
& hac quidem disputatione, persona definitionem, & divi-  
sionem, proponemus & expendemus.

<sup>a</sup> To. 3. de Trin. l. 5. c. 8. & 9. <sup>b</sup> Vide thesin 9. & 11. <sup>c</sup> Ibid. <sup>d</sup> Dialect.  
c. 26. & primæ inflit. c. 1. <sup>e</sup> Tractat. defin. tom. 2. Athan. Cyril. de  
Trin. & perf. c. 13. Athanas. de Trin. dial. 1.

XXXII. Persona definitionem, in Ecclesia Christiana, du-  
plices esse modi comperimus: unam, Græcorum: alteram,  
Latinorum. Quæ pro diversa, vocum hypostaseos, & per-  
sonæ, acceptione, ac dispari amplitudine, inter se plurimum  
discrepant: etsi reipsa, ad eundem veritatis scopum suo mo-  
do colliment. Quod, quum vulgò minus explicetur, dili-  
genter observandum, tanquam filum necessarium, ut ex La-  
byrintho difficili, evadamus: & hostium veritatis nodos,  
facilius dissolvamus.

XXXIII. Græcorum Theologorum, hypostasis definitio-  
nes, inter se consentaneæ, duæ occurrunt.

XXXIV. Prima est Anastasii Theopolita & Cyrilli<sup>a</sup>; *ἡ  
ἐστὶν ὑπόστασις; ἡ οὐσία μετὰ τῶν ἰδιωμάτων, ἀεὶ μὴν, ἡ ὁμοειδὴς, διαφύε-  
ται, τῇ φύσει, ὑποπόστασις ὁμοούσιος. quid est hypostasis? essentia, cum  
suis quibusdam proprietatibus ab iis, quæ ejusdem sunt speciei,  
numero differens, id est, prosopeon cōessentiale.*

<sup>a</sup> Expos. Orth. fidei.

XXXV. In qua definitione, per catachresin ac synecdo-  
chen quandam non necessariam, nec temerè imitandam, no-  
men *ὁμοειδὴς* eorum, qui ejusdem sunt speciei, pro *ὁμοούσιος*,  
Bbbb 3 qui

qui ejusdem sunt essentiae, usurpari liquet. Quemadmodum apud alios etiam Patres, *speciei* nomen pro essentia communi (universali, aut singulari) accipitur: & de Deitate quoque durius enuntiatur<sup>a</sup>.

<sup>a</sup> Damasc. orth. fid. l. 3. c. 4. & Prim. instit. c. 7.

XXXVI. Altera, quae iisdem vestigiis inhæret, est *Damasceni*; *hypostasis* est quiddam speciale, ut res singula, quae eadem specie (nempe substantiali) continentur: & alibi, *hypostasis* est, quae per proprias operationes, & proprietates, manifestam & circumterminatam, ab his, quae unius naturae cum ipsa, tribuit nobis expressionem<sup>b</sup>.

<sup>a</sup> Damasc. prim. instit. c. 2. & orth. fid. l. 3. c. 4. <sup>b</sup> Idem Dial. c. 26.

XXXVII. Sed utraque hæc *Græcorum* definitio, non solum illâ vocis *speciei*, abusione, est obscurior: sed etiam nimis lata, eoque mutila: quia generatim, substantiam singularem ac propriam, nobis describit. Ideoque non minus *Bucephalo*, quam *Alexandro*: nec *Deo Patri* magis, quam *humanæ Filii* naturæ, videtur convenire.

XXXVIII. *Latinorum* verò *persona* definitio, initio quidem fuit neglecta, sed tandem, piorum & eruditorum industriâ laudabili, accuratius, quam à *Græcis*, fuit instituta, & variis suis incrementis, illustrata. Alia enim est *prisca*: alia, est *nova*.

XXXIX. *Prisca* est, quæ, ante annos mille, à *Boethio* (occasione quadam dubitationis ipsius, & ignorantie aliorum, in Concilio Romano, assessorum<sup>a</sup>) seriâ indagine, quæsitâ fuit ac reperta hujusmodi; *rationalis naturae substantia individua*<sup>b</sup>.

<sup>a</sup> De duabus Christi naturis. <sup>b</sup> Ibidem.

XL. *Substantiam* autem vocat: quia est ens, per se subsistens, completum; non verò accidens, neque pars substantiæ: *rationalis natura*, hoc est (per *synecdochen speciei*, pro genere) intellectualis<sup>a</sup>; non intellectu destituta: *individa*; hoc est, singularem, ac propriam, & in se sustentatam; non autem in sua subjecta divisam & communem, nec in alia sustentatam: ut quæ subjectum sit, & de nullo subjecto dicatur<sup>b</sup>. In qua definitione, hoc modo intellecta, *Scholastici theologi* vulgò<sup>c</sup>, *Johanne Scoto*<sup>d</sup> frustra renitente, acquieverunt.

<sup>a</sup> Thomas Sum. p. 1. q. 29. Bonaventura in sent. 1. d. 25. q. 2. Occam. in 1. sent. d. 23. Biel in sent. 3. d. 1. q. 1. b Arist. in Categ. de Substantia: & Boethius in commentariis, in Categ. Arist. c. Alexander de Ales Sum. p. 1. q. 44. Thom. Sum. p. 1. q. 29. Biel in sent. 1. d. 23. q. 1. & l. 3. d. 1. q. 1. d In sent. 1. d. 23. ad qu. resp.

XLI. *Nova* verò *persona* definitio est, quæ, *priscae* illustrandæ, successit. Qualis est, *Scholasticorum*: aut *Philippi Melanchthonis*.

XLII. *Scholasticorum* definitio ea dicitur, quæ à Scholæ Pontificiæ theologis, *Petri Lombardi* (quem *Magistrum sententiarum* vocant) discipulis & interpretibus, tradita est. Eaque, vel *explicatior* est, vel *contractior*.

XLIII. *Explicatior*, est duplex: *prima*, quam *Richardus de sancto Victore* lib. 4. de Trinitate, ut *Boethii* definitionem illustraret, & corrigeret<sup>a</sup>, descripsit, hoc modo; *intellectualis natura, incommunicabilis existentia*. Illustrare conatus est, quum pro *rationali, intellectualem*: & pro *substantia, existentiam*, posuit: corrigere verò studuit; quum *incommunicabilis* vocem (ut inanimam, à personæ appellatione, discerneret<sup>b</sup>) adjecit. *Incommunicabilem* autem dici, duabus de causis, exponit *Scotus*<sup>c</sup>; quod communicari non possit, neque ut universale inferiori: neque ut forma, materiæ: ut anima corpori communicatur. Quam tamen expositionem mutilam esse, *Occamus*<sup>d</sup> contendit. *Secunda* definitio est *Bonaventurae*<sup>e</sup>; *rationalis naturae suppositum, proprietate distinctum*.

<sup>a</sup> Alexand. de Ales. Thomas Biel, Scotus, ibidem. <sup>b</sup> Scotus in sent. 1. d. 23. ad qu. resp. <sup>c</sup> Ibidem. <sup>d</sup> In sent. 1. d. 23. <sup>e</sup> In sent. 1. d. 25. q. 1.

XLIV. Verumtamen, in illa *Richardis* definitione, duo, illius perfectioni, *obstare* apparet. *Unum* est, vocis *existentia*, pro re existenti, non necessaria catachresis: *alterum*, nominis *incommunicabilis*, ambiguitas magna<sup>a</sup>: quæ lucem definitionis offuscant.

<sup>a</sup> Occam. in sent. 1. d. 23. Biel sent. 3. d. 1. q. 1. Suarez metaph. disp. 34. sect. 5. §. 14.

XLV. *Contractior* verò definitio (quam vulgò Pontificii theologi sequuntur) est *Occami*<sup>a</sup>, hoc modo; *persona, est suppositum intellectuale*. Ac *suppositum* (ut addit) est ens

completum: non constituens aliquod ens unum: non natum alteri inherere: nec ab aliquo alio sustentatum. Nam, ut *Biel* b exponit; quod est individuum, in omni natura, hoc suppositum, in natura, per se subsistens: & persona, in natura intellectuali. Atque hæc de *Scholasticorum* definitionibus.

<sup>a</sup> In sent. 1. d. 23. <sup>b</sup> In sent. 1. d. 1. qu. 1.

XLVI. *Philippi* verò *Melanchthonis*<sup>a</sup> definitio (redundantior nonnihil, sed nihilominus expressa magis ac perspicua) hæc est; *persona, est substantia individua, intelligens, incommunicabilis, non sustentata in alia natura*. Cui *Ursinus*, quasi ultimam addens linam, consentit, quum definiens ait; *subsistens individuum, vivum, intelligens, incommunicabile, non sustentatum in alio, nec pars alterius*<sup>b</sup>.

<sup>a</sup> Locis commun. in defin. Theologicis. <sup>b</sup> Locis commun. de tribus perf. & Catech. in expof. symboli.

XLVII. In *expos.* definitioni, non immeritò in Scholis probatæ, uti libenter assentimur: ita nostrum quoque, veritati illustrandæ, symbolum, sincerè, bonâque, bonorum & eruditorum, veniâ, conferemus. Nam quid si potius, non negatè, quid non sit; nec ambiguâ (ut modo ostendimus) *incommunicabilis* voce: sed affirmatè quid sit, & verbis perspicuis (ut definitionis canones præscribunt<sup>a</sup>) describamus, hac ratione? *Persona, est substantia, completa, singularis, intelligens, propria, in se sustentata*. Quæ paucis explicanda.

<sup>a</sup> Arist. Top. 1. c. 5. & 6. c. 2.

XLVIII. *Persona, substantia* dicitur; quia est ens, per se existens, non autem in alio inherens, ut accidens: *completa*; non partialis (ut loquuntur) seu non pars (neque integralis, neque essentialis) alterius: ut caput corporis, anima hominis: & forma & materia, compositi. Quæ substantiæ quidem sunt<sup>a</sup>, sed non completæ. *Deinde intelligens*, ideoque & viva; non bruta, neque inanimata: *singularis*; non universalis: ut genus vel species: *propria*; non communis, ut essentia divina: denique *in se sustentata*; non in alio, ut humana Christi natura.

<sup>a</sup> Arist. Categ. Subst.

XLIX. Quoniam verò nonnulli<sup>a</sup> (viri alioqui, doctrinæ insignis, & assertæ veritatis nomine, suspiciendi) receptam atque usitatam personæ, à *Boethio* & *Melanchthone* traditam definitionem, nec accuratam, neque tutam satis, arbitrantur, eamque mutato prorsus genere recidunt: multique ea opinione, aut à recto, periculosè declinant: aut in bivio, ancipites hærent: necesse est, ut eam, succinctè expendamus, & ad sincerioris, de personarum Trinitate, doctrinæ præmunitionem, & veritatis conservationem, diluamus. Nec enim trita magis, quam sancta *Philosophi* b norma, δὲν ἐν οὐρανῷ καὶ ἐν ἀλυσίαις, καὶ πρὸς οὐρανὸν ἀναστρέψαντες, ὅπου οὐρανοῦ τὸ αἰθέριον, ὅπου οὐρανοῦ τὸ αἰθέριον. Veritati conservandæ, etiam propria tollenda esse decreta: quum enim utraque sint cara, veritas præferenda est.

<sup>a</sup> Barthol. Keckermannus system. theol. p. 16. 17. 19. Jacob. Martin. de tribus Elohim 1. 2. c. 4. & 10. <sup>b</sup> Ethic. Nicomach. 1. 1. cap. 6.

L. Nam, quod *genus persona*, non esse substantiam, seu essentiam, per se subsistentem: sed *subsistentiam*, abstractè sumptam, seu *modum existendi*, contendunt: id neque solidâ ullâ ratione, neque Scripturæ auctoritate, nec veterum Patrum orthodoxorum consensu, stabilitur: sed, omnibus hisce modis, gravissimè confutatur.

LI. *Primum* enim, quum Pater, Filius, Spiritus Sanctus, & singuli homines, & Angeli, sint personæ: nec ullæ sint aliæ, præter hæc: & singulæ, citra ullam contrarietatem sint substantia, proprio suo existendi modo prædita: sole clarius est, hac inductione, evinci, nullam personam esse solum existendi modum, aut subsistentiam absolute consideratam.

LII. *Deinde* quicquid intelligit, vult, potenter operatur, est substantia intelligens propria, in se sustentata. Omnis persona, intelligit, vult, potenter operatur: ergo substantia est. Contra nulla subsistentia, absolute considerata, intelligit, vult, operatur: ergo nulla talis subsistentia, est persona.

LIII. Denique, ut alia omittamus, omne suppositum est substantia: omnis persona est suppositum, communi consensu: ergo etiam substantia, non mera subsistentia.

LIV. Quibus

LIV. Quibus rationibus accedit Sacre Scriptura auctori-  
tas: quæ, per hypostasim Patris<sup>a</sup>, substantiam Patris, suq sub-  
sistendi modo distinctam: seu Patrem ipsum, qui Filium sibi  
ἰσχυροῦς characterem producit, designat: & per ὑποστάσεις<sup>b</sup>  
personas multas, humanas substantias singulares multas, in-  
telligit.

<sup>a</sup> Heb. 1. 3. <sup>b</sup> 1. Cor. 1. 11.

LV. Deinde, perpetuus ac constans Orthodoxorum Pa-  
tram & Ecclesiarum usus ac sententia idem ostendit: ut antece-  
dentibus thesibus, copiosè à nobis est demonstratum.

LVI. Nam, quod à Damasceno<sup>a</sup> & Iustino<sup>b</sup>, personam,  
ὑπόστασις ὑπάρχουσα existendi modum, definitam esse, obtendunt:  
id omninò alienum est.

<sup>a</sup> Dial. cap. ultimo. <sup>b</sup> Expos. fidei.

LVII. Damascenus enim, eo in loco, non personam, sed  
personæ substantiam ac formam, definit; ut antecedentia  
verba disertè demonstrant: & alia loca plurima, quibus per-  
sonam, substantiam esse definit: quorum nonnulla, Thesi  
35. indicavimus. Quum enim hypostasis, aut abstractè sub-  
sistentiam, aut concretè, ens subsistens, notet: non prio-  
ri modo, ut hic, sed posteriori accipit, quum de integra,  
divina, aut creata, persona differit. Quemadmodum quum  
ait; hypostasis individuum declarat: ut Patrem, Filium, Spi-  
ritum Sanctum, Petrum, Paulum<sup>b</sup>. Et alibi<sup>c</sup>; hypostasim  
definiunt substantiam, cum accidentibus (de creata persona  
loquitur) quare hypostasis, quod commune est, cum propieta-  
te habet, & per se existit. Commune autem essentiam intel-  
ligit, ut ibidem exponit.

<sup>a</sup> Orthod. fid. l. 3. cap. 5. <sup>b</sup> Damasc. Orth. fid. l. 3. cap. 4. <sup>c</sup> Ib. cap. 6.

LVIII. Iustinus verò, (ut & reliqui Patres<sup>a</sup>) ingenitum,  
genitum, procedens, modos existendi vocat, quibus Pater,  
Filius, Spiritus Sanctus existunt: sed hypostasim non defi-  
nit. Nam in hypostasis illis, disertè duo distinctè statuit,  
communem & eandem essentiam, & modi existendi diffe-  
rentiam: ut doctè etiam Basilii<sup>b</sup> & Nazianzenus<sup>c</sup>, distin-  
xerunt.

<sup>a</sup> Basil. contra Eunomium l. 4. Theodoret. Epitome divinorum dogm. c. de Spi-  
ritu Sancto. <sup>b</sup> Contra Eunom. l. 2. <sup>c</sup> Orat. 23. in laudem Hieronis.

LIX. Hactenus de persona definitione egimus: cui divi-  
sio analogica succedit. Personam enim aliam, divina est & increa-  
ta: alia, à Deo creata.

LX. Divina, est essentia infinita Deitatis, proprio subsi-  
stendi modo, à coessentialibus distincta: ut inductione con-  
stat. Creata verò est hypostasis finita, ab iis, qui ejusdem  
sunt speciei, essentia sua, & accidentibus, divisa.

LXI. Unde illustres divinarum, & creaturarum persona-  
rum, pro essentiarum discrepantia, differentia consequun-  
tur.<sup>a</sup> Quarum distincta explicatio, ad mysterium Trinita-  
tis melius intelligendum, & fortius asserendum, plurimum  
conducit<sup>b</sup>.

<sup>a</sup> Cyril. de Trinit. & perf. Chr. c. 10. <sup>b</sup> Damasc. Orth. fid. l. 1. c. 11.

LXII. Primum enim, quia personarum divinarum essen-  
tia, est simplex & infinita, creaturarum verò composita ac fini-  
ta: propterea necessario, divina, habent unam eandemque  
essentiam individuum, inter se communem (unde unum<sup>a</sup> in  
Scriptura: & ὁμοῦς<sup>b</sup>, unius ejusdemque omnino essentia,  
vetustissimorum Patrum exemplis<sup>b</sup> in Symbolo Niceno,  
appellatur) creata verò, diversam ab aliis, ac sibi propriam.  
Unde propriè ὁμοῦς<sup>c</sup> ejusdem speciei: & relatè, ad essen-  
tiam universalem, ὁμοῦς<sup>c</sup> relatè verò ad essentiam singula-  
rem, ὁμοῦς<sup>c</sup> ἑστέρῳ<sup>c</sup> similis & alius essentia, nominantur.

Quia quot hic sunt personæ, tot etiam sunt substantiæ sin-  
gulares.

<sup>a</sup> Ioh. 10. 30. & 1 Ioh. 4. 7. <sup>b</sup> Theod. hist. l. 1. c. 8. <sup>c</sup> Basil. contra Euno-  
mum l. 4. Tractat. definit. c. 2. Athanas.

LXIII. Deinde, ex prima hac differentia, aliæ plurimæ  
oriuntur. Nam quum eadem sit, in divinis personis, essen-  
tia; eadem etiam necessario est intelligentia, eadem volun-  
tas, eadem potentia, eadem operatio. Ac concinnè Atha-  
nasilus, εἰς τὴν ἰδίαν τῆς οὐσίας, τὸ τοῦ κυρίου ἐστὶ τῶν ὑποστάσεων, τῶν ὑπὸ τῷ  
οὐσίᾳ<sup>a</sup> si quid est essentia proprium, id quoque commune est  
hypostasis, qua essentia subsunt. Quod enim de attributo  
dicitur, idem etiam de subiecto: ut rectè ex Philosopho<sup>b</sup>,  
Damascenus<sup>c</sup>. Contra verò, quia persona creata, essentiam  
habent diversam inter se, ac sibi propriam, differunt etiam  
inter se, intelligentia, voluntate, potentia, operatione, &  
variorum quoque accidentium cumulo proprio.<sup>d</sup>

<sup>a</sup> Dial. 1. de Trin. & Nazianz. orat. 32. <sup>b</sup> Arist. Categ. præm. <sup>c</sup> Orth. fid.  
l. 3. cap. 6. <sup>d</sup> Porph. Isag. cap. 2.

LXIV. Tertiò, ex eadem essentia infinita unitate, &  
opposita finita diversitate, præsentia mutua modus, diver-  
sus & adversus, promanat. Quia personarum divinarum in-  
tima mutuaque præsentia, est simpliciter necessaria & æter-  
na. Qua, per & propter, unam eandemque essentiam, ἀσύν-  
χως & ἀδιαίρετος inconfusè & indivisè, aliæ sunt mutuo in a-  
liis. Quam Græci Patres, Scripturæ<sup>a</sup> normam secuti, τὴν, ἐν  
ἀχώρῳ, μόνον & ἰδρυόν<sup>b</sup> mutuam (ut interpretantur) imma-  
nentiam & stabilitatem vocant: & eodem sensu, licet obscu-  
rius, sed vulgo usitatus, ἀσύνχως ἐν ἀχώρῳ περιέχεται<sup>c</sup>, in-  
confusam in se mutuo, comprehensionem (nam malè inter-  
pres, circumscriptionem) ac præsentiam, appellarunt. Contra ve-  
rò persona creata, quia composita, finita, & diversæ sunt  
essentia, hac intima, mutuaque, per eandem naturam, præ-  
sentia, necessariò carent: & locorum, partimque tempo-  
rum (ut humanæ personæ) intervallis dirimuntur.

<sup>a</sup> Ioh. 10. 38. & 14. 11. <sup>b</sup> Damasc. orth. fid. l. 1. c. 19. <sup>c</sup> Ib. l. 1. c. 11. &  
3. c. 5. Cyril. de Trin. & perf. Chr. c. 10.

LXV. Denique ex iisdem unitatis, & diversitatis fontibus,  
reliqua duo oriuntur discrimina. Quorum primum est, quod  
personæ divinæ, plures, atque inter se differentes sint, non  
simpliciter; sed secundum quid: non ratione essentia; quia  
ea communis est: sed ratione modi existendi; quia singulis  
est proprius, & incommunicabilis. Nam (ut rectè præsci  
Theologi<sup>a</sup>) inconfusè uniantur: & indivisè discernuntur.  
Discrimen verò posterius, inde profluens, est quod in per-  
sonis divinis ideo non est aliud, & aliud: sed aliud, atque  
aliud<sup>b</sup>: unum, non unus. Contrà verò personæ creatæ,  
simpliciter, & aliā essentia propriā, & aliā propriā acciden-  
tium congerie, inter se separantur<sup>c</sup>.

<sup>a</sup> Damasc. Orth. fid. l. 3. c. 5. Athanas. in Max. 11. omnia mihi tradita. Greg. Naz.  
or. 13. de pace. <sup>b</sup> Ioh. 5. 32. & 14. 16. Nazianz. orat. 51. Athanasius  
dial. 1. de Trin. <sup>c</sup> Porphyr. Isagog. cap. 2.

LXVI. Ex quibus omnibus liquet nihil esse iniquius & in-  
dignius, quàm, si personæ divinæ coessentialia & infinita,  
ad creaturarum personarum (quæ finita & diversæ sunt essen-  
tia) modulum finitum, redigantur, ac judicentur.<sup>a</sup>

<sup>a</sup> Nazianz. orat. 37. de Spiritu Sancto.

## COROLLARIA.

1. Pater, Filius, Spiritus Sanctus, sunt tres persona, u-  
nus Deus.

2. Ideoque Trinitatem imprudenter tollunt, qui Patrem,  
Filium, Spiritum Sanctum tres modos existendi, defi-  
niant.

DISPUTATIO VII.  
DE PATRIS ET FILII PERSONIS.

Præfenti disputatione de Divinarum Personarum, inter se distinctione (quia plures sunt) Deo duce ac  
Scripturæ luce (sine qua, in hac imprimis materia, vana ac cæca est omnis humana ratio) agemus.

## THESIS I.

Persona autem Deitatis alia est prima: alia, orta à  
prima.

II. Prima est, quæ originis omnis expers, reli-  
quas, æterna ac naturali, ejusdem divinæ suæ essen-

tia, communicatione ineffabili, in se produxit. Unde, à  
priori, eaque absoluta proprietate, qua, à nullo est, ἀναξ-  
simpliciter: à posteriori verò, qua alias produxit; ordinis  
existendi ratione, καὶ ἕκαστον, persona producat, & fons Dei-  
tatis, ab Orthodoxis Patribus, nominatur.

Bbbb 4

III. Or-



III. *Orta* verò à *prima*, pro originis diversitate, duplex est: *una*, per generationem (unde & gignens, Pater: & genitus, Filius dicitur) *altera* verò per processionem, à Patre & Filio, ut Spiritus Sanctus. Ideoque tres hae Deitatis personae, & quidem solas, Sacrae literae agnoscunt: & expresse tres<sup>b</sup>, nominant: & hinc *Trinitatis* vox, consentaneè usurpatur. Nunc verò tantum, de *Patre & Filio*, acturi, à *vocum etymo* & *significatione*, ordiemur: & quæ strictum proposuimus, eadem retexentes, sigillatim illustrare ac firmare nitimur.

a Psal. 33. 6. Ief. 61. 4. cum Luc. 4. 18. & 21. Ief. 63. 7. 9. 10. 2 Sam. 23. 2. Agg. 2. 5. 6. Matth. 5. 16, 17. & 28. 19. Ioh. 14. 16. 17. Gal. 4. 6. 2 Cor. 13. 13. b 1. Ioh. 5. 7.

IV. Ad *etymon*, quod attinet, *Pater*, Hebraicè *Abb*, ab *Abbà* voluit, ob nativam, erga prolem, benevolentiam, derivatur. Unde Syriacum, *Abba*<sup>a</sup>: è quo Græcum *πάτερ*<sup>b</sup>, hoc est, pater<sup>c</sup>: ac fortè etiam Syracusanum *πάτερ*<sup>d</sup>: & inde, *πατήρ*: ut ex *μῆ*<sup>e</sup> (quod è Syro *Emma*) *πατήρ* & *μήτηρ*, profuxit. *Filius* verò, Hebr. *Ben*, à *Banà* exstruere, quod familiam paternam, quasi exstruat ac conservet: Græcè, *υἱός*: quod à *φύω* gigno, per aphæresin, deducunt<sup>f</sup>: ut Latine, *Filius*, à Græcò *φίλος* benevolus (ob mutuum in patrem amorem) aut, ut vulgò sentiunt, charus: si modò *οὐλόμυς φίλος* (quo solo nituntur) charos catulos<sup>g</sup>, & non potius blandos, significet. Hæc de *vocum etymo*.

a Rom. 8. 15. b Æschyl. *Ιερέας*, edit. H. Steph. p. 336. c Schol. ib. d Etymol. Mag. in *πάτερ*. e Æschyl. & Schol. pag. 336. f Etymol. & Eusthat. ad Iliad. & edit. Rom. p. 12. g Hen. Step. Thes. Gr. ling.

V. *Significatio* verò earum alia *propria*: alia, *impropria*. Ac *proprie* quidem *pater*, generatim dicitur, qui aliam, ex se, personam, essentiae suae communicatione, genuit: ac *filius* vicissim persona, quæ à patre suo, essentiae ipsius communicatione, genita est. *Improprie* verò, per metaphoram, qui illis sunt similes, iisdem vocibus, designantur.

VI. Utraque acceptione, patris vox, ut de hominibus (qui *patres carnis*<sup>a</sup>, ac terreni) sic etiam, de prima Deitatis persona (quæ, *pater coelestis*<sup>b</sup>) sed diversa relatione, usurpatur.

a Heb. 12. 9. b Matth. 6. 14. & 18. 35.

VII. *Improprie* enim, relatè ad creaturas intellectu præditas (ob gratiae collationem, generationi similem) refertur. Quæ gratia, aut *universalis* est; ut creatio, ad imaginem Dei, quomodo Angeli, *Dei filii*<sup>a</sup>, & homines<sup>b</sup>, qui etiam, *progenies Dei*<sup>c</sup>, dicti: & Deus, eorum pater<sup>d</sup>: aut *particularis*; ut quorundam hominum vocatio. Eaque, vel ad solam Dei (patris instar erudientis<sup>e</sup>) notitiam, & externam, Ecclesiae ipsius, communionem adducuntur: unde huius participes, Filii Dei<sup>f</sup>, vocantur: vel ad notitiam simul ac sanctitatem: quæ idcirco metaphoricè *regeneratio*<sup>g</sup>, dicta. Qua ratione vocati, *divina natura* *communis* *confortes*<sup>h</sup>, ex Deo *genuit*<sup>i</sup>, *Deique filii*: & Deus, eorum *genitor*<sup>k</sup> ac *pater*<sup>l</sup>, ob peculiarem gratiam ac similitudinem<sup>m</sup>, *κτὶς ἰσχυρό* nominantur.

a Iob. 1. 6. b Ief. 45. 11. Mal. 2. 10. c Aët. 17. 29. d Ief. 64. 8. Heb. 12. 9. e Deut. 8. 5. f Gen. 6. 2. 4. g Tit. 3. 5. h Pet. 1. 23. i 2 Pet. 1. 4. j Ioh. 1. 13. Iac. 1. 18. k Pet. 1. 23. l 1. Ioh. 5. 1. m Hof. 1. 10. Rom. 9. 8. 26. n Eph. 4. 24. Col. 3. 10.

VIII. Quæ *impropria* patris, ad creaturas ita relati, notio, primæ personæ, cum reliquis duabus, communis est: ut ex sequentibus etiam elucebit.

IX. *Proprie* verò accepta, soli, è tribus personis, primæ, solaque ad Filium, *proprie* dictum, relatione, convenit: ut *Patris*, è Sacris literis, collecta *descriptio*, ejusque demonstratio, comprobabit.

X. *Pater* enim, est *prima Deitatis persona*: qua sola, per aeternam ac naturalem divinam essentiam suam, communicationem primam, in se, Filium unicum, genuit. Unde, necessaria relatione, *Filius*, est *secunda Deitatis persona*, qua ita, à Patre, genita. In qua descriptione, primum Patris, cum Filio (ut & cum Spiritu Sancto) *convenientia*: deinde verò, *differentia propria*, continetur. Quarum sententiam & veritatem, ordine ostendemus.

XI. *Convenientia communis* est, quòd absolute, *Deitatis persona*, dicitur. *Persona* quidem, quoniam & hypostas<sup>a</sup>, eodem sensu, & *propria personæ*<sup>b</sup>, eidem conveniunt. *Deitatis* verò, quia persona est, non creata, sed increata ac divina: ut Sacra pagina demonstrat.

a Heb. 1. 3. b Ib. 1. 2. 3.

XII. *Primum*, quòd *Deus verus*<sup>a</sup>, *Deus vivus*<sup>b</sup>, *Deus æternus*<sup>c</sup>, ac *solus immortalitatem habens*<sup>d</sup>, *Deus magnus*<sup>e</sup>,

*unus ille Deus*<sup>f</sup>, denique *ille solus verus Deus*<sup>g</sup> (oppositè iis, qui improprie dii<sup>h</sup>) nominatur.

a 2 Chro. 15. 3. b Ief. 37. 4. Matth. 16. 16. c Rom. 16. 26. d 1. Tim. 6. 16. e Deut. 10. 17. f 1. Cor. 8. 6. g Ioh. 17. 3. h 1. Cor. 8. 4. 5. 6 Gal. 4. 8.

XIII. *Deinde solus sapiens*<sup>a</sup>, *solus sanctus* & *solus bonus*<sup>b</sup>, *solus potens*<sup>c</sup>, & *omnipotens*<sup>d</sup>, *solus præterea orbis creator*, & *Ecclesiae redemptor*<sup>e</sup>. Denique is, cui soli, tanquam regi *immortali*, adoratio, omnisque cultus divini gloria, competit<sup>f</sup>. Quæ omnia similiter oppositè creaturis, Patri, in Sacris literis, tribuuntur. Quocirca etiam, Dei vox (quæ aliàs absoluta) relata ad personam, pro Deo Patre, sæpius usurpatur<sup>g</sup>. Quæ clariora, quàm ut, uberiorem demonstrationem, desiderent. Atque hæc de *Patris, cum Filio, convenientia*.

a Rom. 16. 27. 1. Tim. 1. 17. b Apoc. 15. 4. Matth. 19. 17. c 1. Tim. 6. 16. d 1. Cor. 6. 18. e Ief. 44. 24. f 1. Tim. 1. 17. Matth. 6. 13. g Ioh. 1. 1. & 18. & 3. 15. 17. & c.

XIV. *Differentia* verò, qua distinguitur, est *proprietas gemina*, una *ordinis*: altera *actionis personalis*.

XV. *Ordinis* quidem, quum persona *prima* dicitur. Pater enim simpliciter ac solus, non tantum essentiae (ut reliquæ personæ) sed etiam personalis existentiae ratione, primus est: è quo, reliquæ personæ, procedunt ac succedunt: ut harum origo, & ei conveniens operandi ordo<sup>a</sup>, & ordinata earum recensio<sup>b</sup>, demonstrant.

a Heb. 1. 3. Ioh. 15. 26. b Agg. 2. 5. 6. Matth. 28. 19. 1. Ioh. 5. 7.

XVI. *Actionis* verò *personalis* proprietas, in generatione Filii, consistit: ac primum descriptione, contractius *proponitur*, deinde *modi expositione*, latius *declaratur*.

XVII. *Proponitur* enim, primum quum *Filium genuisse*, consentaneè Sacris literis, asseritur. In iis enim extat; *Quod est nomen Filii ejus, si nosti*<sup>a</sup>? Et illud; *Filius meus es tu: ego hodie genui te*<sup>b</sup>. Hunc autem Filium Dei, non improprie dici (ut Angeli, & homines) sed *proprie*, Apostolus eo demonstrat, quòd, licet nomen illud homonymum, illis commune sit: nominis tamen ratio, qua, secundæ personæ, tribuitur, diversa sit, nec ulli creaturæ conveniat. Ideo ait; *Excellentius pra illis sortitus est nomen. Nam cui Angelorum unquam dixit; Filius meus es tu: ego hodie genui te? Et rursus; Ego ero ei Pater, & ipse erit mihi Filius*<sup>c</sup>? Quod etiam discrimen, à Christo fuit indicatum: & à Judæis, probè intellectum, licet improbè atque impie reprehensum<sup>d</sup>.

a Pro. 30. 4. b Psal. 2. 7. c Heb. 1. 4. 5. d Ioh. 5. 7. 18. & 19. 7. Matth. 26. 63. 64. 65.

XVIII. *Deinde* genuisse hunc Filium, *unicum*, in propositione, additur: quia ut *primogenitus*<sup>a</sup>, quoniam ante ipsum nullus: sic *unigenitus*<sup>b</sup>, quia neque post ipsum, aliàs à Patre genitus. Atque hæc, de generationis Filii (quæ actio personalis propria) *propositione*.

a Heb. 1. 6. b Ioh. 1. 34. & 3. 16. 1. Ioh. 4. 9.

XIX. *Expositio* verò, in *modi*, generationis illius, *declaratione* consistit. Qui partim, cum productione Spiritus, ut ante<sup>a</sup> indicavimus, *communis*: partim verò, illi *proprius*.

a Theti 2.

XX. *Communis modus*, est *communicatio essentia divina* (unde *vitam Filio dedisse*<sup>a</sup> dicitur: & *Filius in forma*, hoc est natura, *Dei esse*: seu *ὁμοῦς*, & *aqualis Deo*<sup>b</sup> Patri) & quidem non temporalis; sed *aeterna* (quia essentia Dei, mutabilis non est<sup>c</sup>: & *exitus Filii, à diebus seculi*<sup>d</sup>) nec libera (aliàs Filius, non esset Deus & ens summè necessarium) sed *naturalis*: denique non extra se genuit, sed *in se*. Ex eo enim Filius sic manat, ut in eo maneat. Manat; alias Pater, non esset Pater: in eo verò manet; alioqui Pater, non esset Deus. Quia essentia Dei, nec separari potest, nec dividi, quia simplicissima. Ideo & *Pater in Filio*: & *Filius, in Patre esse*<sup>e</sup>: & *unum, cum eo*<sup>f</sup>; essentiae unitate ac communitate, simpliciter statuitur.

a Ioh. 5. 26. b Phil. 2. 6. c Heb. 1. 10. 12. Iac. 1. 17. d Mich. 5. 2. Pro. 8. 22. 23. 27. e Ioh. 10. 38. & 14. 10. f Ib. 10. 30.

XXI. Ex qua, divinæ essentiae (utpote unicæ atque individuae) communicatione, necessariò sequitur Filium, *unum* esse, cum Patre, *Deum*. Id quod præterea, in Sacris literis, partim expressa *affirmatione*: partim nervosa *rationum demonstratione*, comprobatur.

XXII. *Affirmatione* quidem; quum *nominibus Dei*, partim *per se*, partim *vocum adjectione*; *propriis* describitur.

XXIII. *Per se*, quum *Iehova* absolute vocatur: quem I-fraëlites tentarunt in deserto, Num. 14. 26. 27. & 21. 5. ut Apo-

Apostolus 1. Cor. 10. 9. attestatur & Jefa. 6. 3, 5, 8. is, cujus gloria apparuit, Jehova est: quod de Filio dictum Joh. 12. 41. affirmat. Et Jehova, cui omne genu curvandum, Jefa. 45. 23. Filius est, Rom. 14. 11. Phil. 2. 10. 11. *Jah & Jehova* Psal. 102. 19, 20, 21. cum 26. est Filius Heb. 1. 8, 10. Ac sane nominis Jehovæ expositio, ut Patri, sic Filio Apoc. 1. 8. *Qui est, qui erat, & qui venturus est* (hoc est, futurus) attribuitur.

XXIV. Vocum verò adjectione propriis, Dei nominibus, describitur, *primùm* in orationis attributo: quum *Deus verus ac vita aeterna* 1. Joh. 5. 20. *Deus benedictus in secula* Rom. 9. 5. *magnus ille Deus*, cujus apparitionem expectamus, Tit. 2. 13. de Filio prædicatur. Deinde in subiecto: quum Dei nomen (quod aliàs est absolutum) relatè, Deum Filium, designat: ut Act. 20. 28. *Deus acquisivit Ecclesiam, suo sanguine*. 1. Tim. 3. 16. *Deus patefactus in carne*: unde *Immanuel, Deus nobiscum*, dictus Matth. 1. 23. Atque hæc de affirmatione: qua, Scriptura sacra, Filium verum esse Deum, eoque Patri *ὁμοῖον*, affirmat.

XXV. Ratione verò, idem etiam, demonstrat: quia Deo propria, Filio Dei adscribit: cum *generatim*, Joh. 16. 15. *Omnia quæ Pater habet, mea sunt*: tum *speciatim*; tam interna, quàm externa.

XXVI. Interna; quia & *essentiales* Dei proprietates (quæ Attributa vocantur) & *actiones* Dei internæ, ad creaturas relatæ, eidem tribuuntur.

XXVII. Ad proprietates *essentiales* quod attinet, prima est *aeternitas*: quia *primus est & ultimus* Ap. 1. 17. & 22. 13. Ab æterno est & creationem omnem antecessit. Pro. 8. 22, 23. Joh. 1. 1. Col. 1. 17. quo sensu *primogenitus omnis creatura* Col. 1. 15. vocatur: eique *aeternus spiritus*, hoc est spiritualis essentia æterna, qua operatur, adscribitur Heb. 9. 14.

XXVIII. Altera; *immutabilitas*: quia simul in cælo & in terra est: Matth. 18. 20. & 28. 20. Joh. 3. 13. nec ullis loci spatiis finitur: quia ante ullum creatum locum, extitit, Proverb. 8. 22. Joh. 1. 1, 3.

XXIX. Tertia est *immutabilitas*: quia cæli & terra mutabuntur; *sed ipse idem est, & anni illius non deficient*, Heb. 1. 12. ex Psal. 102. 26.

XXX. Quarta; *omniscientia*: novit enim omnia Ioh. 21. 17. ejusque oculis omnia pervia & aperta Heb. 4. 12, 13. in eo omnes thesauri scientiæ & sapientiæ sunt reconditi Col. 2. 3. corda & renes scrutatur Apoc. 2. 23. Joh. 2. 25. solus, per se, novit Patrem, solusque patefacit, pro arbitrio, Matth. 11. 27. Unde metonymicè *Sapientia Patris* 1. Cor. 1. 24. Prov. 8. 1, 22, 24. & *sermo illius*, metaphoricè, Joh. 1. 1, & 18. Luc. 1. 2 & 1. Joh. 1. 1. nuncupatur.

XXXI. Quinta denique; *omnipotentia*: quia *omnipotens est* Apoc. 1. 8. *qui sibi omnia, sua efficacia, potest subicere*, Phil. 3. 21. Unde metonymicè, *Dei potentia*, 1. Cor. 1. 24. dicitur.

XXXII. Hisce attributis ac proprietatibus Dei, accedunt etiam *actiones Dei internæ*, ad creaturas relatæ, quas, Filio convenire, ut ex attributis necessariò colligitur, sic ex servandorum *electione æterna* (quæ Filio, cum Patre, tribuitur) constat. Pater enim nos, *in ipso*, hoc est per ipsum, ante jacta, mundi fundamenta, elegit, Ephes. 1. 4. Atque hæc de *internis Dei propriis*: quæ Filio, cum Patre, communia.

XXXIII. *Æterna* verò sunt; primùm solius *omnipotentia* Dei opera: deinde *cultus divinus*.

XXXIV. Opera quidem *generatim* Joh. 15. 8. 17. *Pater meus adhuc operatur: & ego operor.* & vers. 19. *Quacunque enim Pater facit, Filius similiter facit: speciatim* verò, tam *universalia*, quàm *particularia*.

XXXV. *Universalia*, ut mundi, ac rerum omnium (cum visibilium, tum invisibilium) *creatio*. Psal. 102. 26. Heb. 1. 8, 10. & 3. 3, 4. Joh. 1. 3, 10. Col. 1. 16. Deinde *omnium, potentia sua verbo, sustentatio* Col. 1. 17. Heb. 1. 3.

XXXVI. *Particularia* verò, primò *miracula* illa, quæ, creaturarum omnium, vires exsuperant, qualis est mortuorum, sua potentia, suoque arbitrio, fuscitatio Joh. 5. 21. non solum ad vitam temporalem Joh. 11. v. 43, 44; sed etiam

tiam ad æternam Joh. 2. v. 19, 21. & 6. v. 40. Philipp. 3. v. 21. Ideoque, *resurrectio & vita*, Joh. 11. 25. id est, auctor earum, appellatur.

XXXVII. Deinde divina ac *salutaria* in Ecclesiam beneficia: eaque partim *extraordinaria*; ut *Prophetia*, in antiquis Prophetis, inspiratio, 1. Pet. 1. 11. in Apostolis donatio *elocutionis & sapientiæ* inviçæ Luc. 21. 15. & *missio Spiritus Sancti*; & Apostolorum, per eum, in omnem veritatem, deductio, Joh. 16. 13, 14. Act. 2. 4. partim *ordinaria*, ut novi externi cultus Dei, nempe *Sacramentorum*, suâ auctoritate, institutio, 1. Cor. 11. 23. Matth. 28. 19. *regeneratio* Eph. 2. 10. & 2. Cor. 5. 17. *peccatorum*, propriâ potestate, remissio, Matth. 9. 6. *gratia ac pacis divina donatio* Rom. 1. 7. Quare opera Dei propria, Filio Dei conveniunt.

XXXVIII. *Cultus* denique *divinus* Filio, cum Patre, etiam communis: id quod Sacraliter, non solum *generationim* testantur, Joh. 5. 23. *Filium ab omnibus honorandum, sicut honoratur Pater*; sed etiam *speciatim* exponunt. Ac *primùm* quum omnibus, etiam Angelis, adoratio Filii, divinitus imperatur, Heb. 1. 6. Rom. 14. 11. deinde cum ejus, omni in loco, *invocationis* ab Ecclesia precibus religiosus, illustria exempla proponuntur ac commendantur. 1. Cor. 1. 2. Actor. 7. 59, 60. & 9. 14. Apoc. 22. 20. Adhæc cum in ipsius nomen, & *cultum*, non minus, quàm Patris, Baptismus consecratur, & ad ipsius cultum religiosum, auctoramur. Matth. 28. 14, 20. Denique quum fides & fiducia (quæ invocationis fundamenta Rom. 10. 14.) in Filio collocanda, ad beatitudinem præscribitur. Psal. 2. 12. Joh. 14. 1. Rom. 10. 11.

XXXIX. Quare, quum Deus, *gloriam suam, nemini tribuat*, quia verè hoc asseruit, Jefa. 48. 11. nec tribuere possit, quia justus: eamque Filio tribuere, ex antecedentibus copiosè demonstratum: inde necessariò sequitur, Filium esse Patri *ὁμοῖον* ejusdem cum eo essentia; unumque atque æternum, cum eo, Deum. Atque hæc de *generationis Filii*, cum productione Spiritus Sancti, *modo communis*.

XL. *Proprius* verò *generationis modus*, licet reipsa sit arcanus (ut qui nec lingua exprimi, nec mente queat concipi) ordine tamen, communicationis essentia; & utriusque termini generationis unitate, adumbratur.

XLI. *Ordine* quidem, quia communicatio essentia; *prima* est: quippe nulla eam præcedit: & altera succedit. *Unitate* verò utriusque *termini*: quia unicus est Pater, *solus* sine socio & socia, generans: *unicus* etiam Filius: ἀμὴν Heb. 7. 3. & *unigenitus à Patre*, Joh. 1. 14.

XLII. Qua de re, concinnè ac nervosè Theologus<sup>a</sup>, quum quod de Patre antè dixerat, de Filio relatè enuntians ait, ἀλλῆλως τὸν υἱὸν, ὡς μόνον, καὶ μόνον, καὶ μόνον, καὶ μόνον, hoc est; Filium, *verè Filium, quod & solus* (sit Filius) & *solus* (Patris) & *singulari modo*, & *solum* (Filius non simul Pater.)

<sup>a</sup> Gregor. Nazianzenus Orat. 23. in laude Heronis.

XLIII. Unde liquet, Patrem & Filium ut Deitatis essentia, unum sunt, personis tamen, inter se distingui. Quod *primùm*, relatio eorum mutua (Pater enim, non sui ipsius Pater: nec Filius, sui ipsius Filius, esse potest) demonstrat: deinde proprietates personales diversæ, genuisse & genitum esse: *præterea* operandi ordo, Patris quidem à se, per Filium, Heb. 1. 1, 2. Filii verò per se, à Patre Johan. 16. 26. adhæc Filii Dei assertio, qui Patrem, alium à Filio esse, affirmat Johan. 5. 32. cum 37. Denique, metaphorica personarum nomina, idem declarant: quum Pater, soli: Filius splendori ejus: Pater, formæ imprimenti: Filius, formæ impressæ: Pater, corpori: Filius, imagini comparatur. Sicut Heb. 1. 3. Filius dicitur *splendor gloria* (hoc est Patris gloriosi, ut 2. Pet. 1. 17.) & *character hypostaseos ipsius*: & Col. 1. 15. *imago Dei* (i. e. Patris) *invisibilis* nominatur. Atque hæc de Patris & Filii, una eademque Deitate: & diversæ subsistenti proprietate: quibus, descriptio Patris ac Filii, comprobata.

XLIV. Usus hujus doctrinæ, est *recta Dei cognitio*: & *glorificatio*. *Cognitio recta*<sup>a</sup> erit, si illius ductum secuti, Patrem & Filium, *unum æternumque esse Deum*: personis verò *distinctos*, agnoscamus<sup>b</sup>: & à recto declinantes, sive ad *dextram* (ut qui vel unitatem Deitatis negant, ut Trinitatē: vel

vel distinctionem personarum, ut Sabelliani) sive ad *finis* *stram*, ut qui, Filii æternam Deitatem rejicientes, creatum statuunt (partim ante orbem conditum; ut Ariani: partim post conceptionem & nativitatem, è virgine Maria; ut Samosatreniani) aversemur. *Glorificatio* verò, in præscripta di-

vinitus obedientia, consistit c. Atque hæcenus de Patris & Filii personis, diximus: quibus, gratiarum actio, & gloria in æternum.

a Rom. 1. 19. & 21. b Joh. 17. 3. 5. & 20. 31. c Matth. 5. 16. Joh. 15. 8. Rom. 1. 21.

## DISPUTATIO VIII.

## DE SPIRITUS SANCTI PERSONA.

## THESES I.

**U**T *spiritus* Latinè, à *spiro*; sic Hebraicè *Ruachh*, à *Ravachh* respirare; & Græcè *πνεῦμα* à *πνέω* (unde *πνεῦμα* dictum; *πνεῦμα πνέει* *spiritus spirat*) derivatur: atque in Sacris literis, *proprie*, vel *improprie*, usurpari solet.

a Joh. 3. 8.

II. *Proprie* quidem, generatim statum significat: sive anhelitus sit (ut cum alibi<sup>a</sup>, tum, quod observandum, Jac. 2. 26. *corpus, sine spiritu, mortuum*) sive ventus. Quomodo Deus, *creator spiritus*<sup>b</sup>, id est, venti, & *Spiritus Dei*<sup>c</sup> ventus ab ipso excitatus, nominatur.

a Ies. 2. 22. Matth. 27. 50. cum Marc. 15. 37. b Amos 4. 13. c Exod. 15. 10. Psal. 147. 18. Ies. 11. 15.

III. *Improprie* verò eadem vox, ab hac prima significatione, per tropum, partim *metaphora*, partim *metonymia*, aliò transfertur.

IV. Per *metaphoram* enim, ad substantiam, vento similem, nempe invisibilem atque efficacem, sive *corporea* sit ac bruta anima<sup>a</sup>, sive *incorporea* atque intelligens essentia, & quidem *creata*, aut *increata*, accommodatur. *Creata*; quia interdum hominis animam<sup>b</sup>, interdum Angelum, bonum<sup>c</sup> malumve, designat. Qui distinctè, *spiritus malus à leova*: & *spiritus malus Dei*, non quod mali sit auctor, sed rector & ultor appellatur. Ad increatam autem, aut absolutè, aut relatè transfertur.

a Eccl. 3. 21. b Num. 16. 22. Heb. 12. 9. Eccl. 3. 21 & 12. 7. c Heb. 1. 7. 14.

V. *Absolute*; quum vel communi analogia, de essentia Dei, prædicatur (ut; *Deus est spiritus*<sup>a</sup>; hoc est, essentia incorporea, intelligens) vel pro essentia divina<sup>b</sup>, singulariter subjicitur.

a Joh. 4. 24. b Rom. 1. 4. 1 Tim. 3. 16. 1 Pet. 3. 18. Heb. 9. 14.

VI. *Relatè* verò ad Deum (Patrem & Filium) tertiam, divinx essentix, personam, distinctè significat. Qua peculiari relatione, partim expressa, *Spiritus Dei*<sup>a</sup> & *Spiritus Sanctus Dei*<sup>b</sup>: partim suppressa, *Spiritus*<sup>c</sup>, & *Spiritus Sanctus*<sup>d</sup>, nominatur. Ideoque ut absoluta Spiritus acceptio, ad essentiam; sic relatà, ad personam pertinet. Unde priori modo, *πνεῦμα*, posteriori verò, *πνεῦμα* usurpari, vulgò dici solet. Atque hæc de significatione spiritus, per *metaphoram*: cui altera, hinc orta, succedit.

a Gen. 1. 1. 2. Joh. 3. 3. 4. 1 Cor. 2. 1. & 6. 11. b Psal. 51. 13. Ies. 63. 10. Eph. 4. 30. c Ioh. 3. 5. 6. 8. d Matth. 1. 18.

VII. Nam per metonymiam ac primum causæ, pro suo effectu, posita, spiritus vox (incorpoream atque intelligentem essentiam, notans) pro illius *in ipso*, aut *extra ipsum*, effectu accipitur.

VIII. *In ipso* quidem; quum pro actione intellectus, aut voluntatis, sive in Deo, sive in homine, adhibetur. Quomodo interdum, *spiritus Dei*<sup>a</sup>, pro mente<sup>b</sup>, sive sententia ac proposito Dei: & spiritus hominis<sup>c</sup>, pro affectu mentis ac sententia: ut Hieronymus in epist. ad Ephes. libro 2. ad cap. 4. 3. exponit, usurpatur.

a Ies. 40. 13. b Rom. 11. 34. 1 Cor. 2. 16. Prov. 1. 23. c Heb. 1. 11. Hof. 4. 12. Eph. 4. 3.

IX. Extra ipsum verò; quum spiritus, spiritus Dei, Spiritus Sanctus (quod tertia Deitatis personæ, nomen) de donis illis ordinariis<sup>a</sup>, aut extraordinariis<sup>b</sup>, intelligitur. Qua significatione, ut plures<sup>c</sup>, ac dispares<sup>d</sup> spiritus, in Sacris literis, recensentur: sic ab uno eodemque Spiritu, tanquam omnium causa ac datore suo, disertè distinguuntur<sup>e</sup>.

a Psal. 51. 12. Ezech. 36. 26. 27. Gal. 5. 17. b Exod. 31. 3. Iud. 6. 34. Ioh. 7. 39. Act. 19. 2. c 1 Cor. 14. 1. cum 12. d 2 Reg. 1. 9. Dan. 6. 3. e 1 Cor. 12. 4. 11. Rom. 8. 5.

X. Ex qua significatione, per *metonymiam* reciprocam (effecti scilicet, pro sua causa) *Spiritus Septem*<sup>a</sup>, unum illum (hoc est, multorum, ex Scripturæ usu<sup>b</sup>,) donorum datorem, Spiritum designat. Id quod & simili locutione plurali de uno Filio Dei, Prov. 1. 20. *Sapientia* (hoc est, omnis sapientix efficiens, Filius) *clamat*, illustratur: & loci etiam circumstantia, de persona Spiritus Sancti, accipi debere, evincit.

a Apoc. 1. 4. b Prov. 24. 16. Lev. 16. 18.

XI. *Altero metonymia genere*, *adjuncti*, pro suo subjecto, Spiritus, pro spirituali, Joh. 3. 6. seu Spiritu prædico 1. Cor. 6. 17. & per synecdochen, prophetico (seu propheta, fuco aut revera) 1. Joh. 4. 1. 2. usurpatur. Quare, *vocis* ambiguitate discussa, ad rem procedemus: eamque primum summam *descriptione* complecti, deinde verò, distinctè *explanare*, conabimur.

XII. Spiritus Sanctus est *tertia Deitatis persona*, qua per æternam internamque ac naturalem, divinam essentia, *communicationem secundam ultimamque*, à Patre & Filio, *incomprehensibili spiratione*, procedit. In qua descriptione, primum Spiritus Sancti, cum Patre & Filio, *convenientia*, ac deinde *differentia*, designatur.

XIII. *Convenientia* est, quòd *persona Deitatis* dicitur. *Persona*; quia definitio illius, Spiritui Sancto, omninò convenit: *Deitatis* verò; quia non creata, sed increata persona est, ac verus Deus: ut utriusque probatio, demonstrabit.

XIV. *Persona enim definitio*, non minus Spiritui Sancto, quàm Patri & Filio, idcirco convenit, quoniam est *substantia intelligens, singularis, completa, propria, & in se sustentata*. Quippe *substantia* est; quia per se subsistit: nec accidens est, alteri inhærens. Idque ut innumera probant: sic vel solus Philippi raptus ac translatio, Azotum usque<sup>a</sup> (quæ substantiæ opus) evicerit. *Intelligens*, quia intelligit<sup>b</sup>, ac pro arbitrio operatur<sup>c</sup>: atque intelligentiam donat<sup>d</sup>. Ex quo etiam, substantiam esse, simul constat. *Singularis*; unus enim idemque numero est Spiritus<sup>e</sup>: *completa*; quia non est pars alterius: *propria*, quia de uno solo, prædicatur: denique *in se sustentata*, quia non sustentatur ab alio: sed substantiæ suæ proprietate, existit, & à reliquis distinguitur. Quæ omnia, etiam ex sequentibus, plenius ac planius elucebunt. Ideoque merito, Spiritum Sanctum, *personam* esse, in descriptione illius, statuimus.

a Act. 8. 39. 40. b 1 Cor. 2. 10. 11. c 1 Cor. 12. 11. d Ies. 11. 2. 1 Cor. 12. 8. e 1 Cor. 12. 4. 11. 1. Ioh. 5. 7. Eph. 4. 4.

XV. *Deitatis* verò personam: seu verum esse Deum, non minus, quàm Patrem & Filium, Sacrarum literarum, cum *affirmatione*: tum *rationum* invictarum, per necessariam consequentiam, *demonstratione*, confirmatur.

XVI. *Affirmatio* enim illius extat, *primum* in Veteri Testamento: tam *per se*, quàm *comparatè* cum Novo.

XVII. *Per se*; quia Jehova ille, quem tentarunt Israëlitz, in deserto, Num. 14. 27. Deut. 6. 16. & 9. 7. idem est Spiritus Sanctus, Ies. 63. 10: ut etiam asseritur, Heb. 3. 7. 9. Deinde, Spiritus Jehovæ, 2. Sam. 23. 2. idem est Deus Israëlitz, versu 3.

XVIII. Sin vero, cum Novo Testamento, *conferas*, Jehova, qui de ingressu sacrarii, legem tulit, Lev. 16. 2. idem est etiam, Spiritus Sanctus, Heb. 9. 7. 8. Secundò, Jehova, qui

qui Ies. 6. 9. locutus est, idem est etiam, Spiritus Sanctus, Act. 28. 25. Denique Jehova, qui Novum fœdus, nobis promittit, Jerem. 31. v. 31. est Spiritus Sanctus Heb. 10. v. 15. 16.

XIX. In Novo verò Testamento similiter, Spiritus Sanctus, Act. 5. 3. Deus definitur, versu 4. & 1. Cor. 3. 16. 17. In quibus locis, eæ adduntur circumstantiæ, ut *Dei* vocem, non nisi de vero & æterno Deo, accipiendam, appareat. Hæc de affirmatione.

XX. *Rationum* verò (quibus idem consequentiæ necessitate in Sacris literis, demonstratur) *summa* est, quod ea, quæ soli vero Deo, sunt *propria*, cum *interna*, tum *externa*, Spiritui Sancto, divinitus tribuantur.

XXI. *Interna*, sunt proprietates Dei essentielles: ac primum, *æternitas*; quia creationem antecessit<sup>a</sup>. Deinde, *immensitas*, quia ubique est, neque ullis locorum spatiis finitur, Psal. 139. 7. Rom. 8. 9. & 1. Cor. 3. 16. & 2. Tim. 1. 14. Tertio *omniscientia*; quia est infinitè sapiens. *Spiritus enim omnia, etiam profunditates Dei, scrutatur*<sup>b</sup>: hoc est (per metonymiam, de Deo *usitatum*<sup>c</sup> intimè pernoſcit: ut sequentia proximè attestantur; *Quis enim hominum* (inquit) *novit ea, quæ sunt hominis, nisi Spiritus hominis, qui est in eo? Ita etiam, quæ sunt Dei, nemo novit, nisi Spiritus Dei*<sup>d</sup>, nempe qui est in eo: ut comparatio arguit, & Cyrillus<sup>e</sup> sapius supplet.

<sup>a</sup> Gen. 1. 1. 2. Psal. 95. 5. cum Heb. 3. 7. 9. <sup>b</sup> 1. Cor. 2. 10. <sup>c</sup> Rom. 8. 27. Apoc. 2. 13. <sup>d</sup> 1. Cor. 2. 11. <sup>e</sup> In Iohan. lib. 1. c. 4. & Thesauri lib. 1. cap. 1.

XXII. Denique *omnipotentia*; quia *Deus magnus Jehova, & rex magnus super omnes Deos*, Psal. 95. 3. est Spiritus Sanctus Heb. 3. 7. 9. Deinde, quia *operatur omnia, in omnibus, sicut vult* 1. Cor. 12. 6. cum 11. Unde etiam in omnipotente, conceptionis Christi, opere conficiendo, *potentia altissimi*, Luc. 1. 35. appellatur *consulens*. quod in ipso, Patris (qui, oppositè creaturis, altissimus dicitur) potentia resideat, & per eundem exerceatur ac pateſcat. Atque hæc de *internis Dei propriis*, quæ Spiritui Sancto conveniunt.

XXIII. *Externa* verò Dei propria, quæ Spiritui quoque Sancto in Sacris literis adscribuntur, sunt primum, Dei solius *opera*: deinde, *cultus* religiosus ac divinus.

XXIV. *Opera* autem sunt partim *omniscientia*: partim *omnipotentia*.

XXV. *Omniscientia* opus, est imprimis *prophetia*, ideoque Deo propria<sup>a</sup>, cujus universæ inspiratio, Spiritui Sancto attribuitur, Joh. 16. 13. & 1. Pet. 1. 11. & 2. Pet. 1. 21.

<sup>a</sup> Ies. 41. 22. 23. & 46. 9. 10. & 48. 1.

XXVI. *Omnipotentia* verò opera, eidem etiam conveniunt: ac primum *universalia*: ut creatio mundi. Nam *Jehova, qui mare fecit, & cuius manus aridam formarunt*, Psal. 95. 5. est Spiritus Sanctus Heb. 3. 7. 9. cui consentiunt Psal. 33. 6. & Psal. 104. 30. & Job. 26. 13. & 33. 4.

XXVII. Deinde *particularia*, ac primum *miracula*, creaturarum omnium vires excedentia, qui vi sua efficit, 1. Cor. 12. 9. 10. Qualia imprimis sunt mortuorum suscitatio, Rom. 11. deinde divina ac salutaria, in Ecclesiam, beneficia, (unde & *Spiritus bonus* Psal. 143. 10. & *beneficus*, seu liberalis Psal. 51. 14. dictus) partim *ordinaria*, partim *extraordinaria*.

XXVIII. *Ordinaria*; ut regeneratio Joh. 3. 5. & 2. Cor. 3. 10. Tit. 3. 5. seu animæ sanctificatio 1. Cor. 6. 11. & 1. Pet. 1. 22. novique cordis Ezech. 36. 26. 27. Eph. 3. 16. seu fidei, 2. Cor. 4. 13. spei, Rom. 15. 13. charitatis: 2. Tim. 1. 7. & justitiæ Rom. 14. 17. donatio. Unde Spiritus Dei, non natura solum, sed etiam operatione, *Spiritus sanctus*, peculiari ratione (quod Pater & Filius, nos per ipsum sanctificent) appellatur. Nam quamvis uterque sit, Spiritus absolutè, & sanctus: nusquam tamen Spiritus Sanctus relatè, aut conjunctim appellatur.

XXIX. *Extraordinaria* verò; ut Apostolorum immediata, in omnem veritatem, deductio, Joh. 16. 13. Act. 2. 4. ac variorum charismatum, quæ, à sola Dei omnipotentia promanant, distributio, 1. Cor. 12. 9. 10. 11. Spiritui Sancto auctori adscribuntur. Atque hæc, de *primis externis Dei propriis*, nempe *operibus*.

XXX. *Alterum* est *cultus religiosus ac divinus*; qui (non

minus, quàm opera divina) Spiritui Sancto, divinitus attribuitur. Ac *primus* est; religiosa illius adoratio. Ea enim ipsi, & ab Angelis præstatur, Ies. 6. 3. cum Act. 28. 25. & Ecclesiæ etiam præcipitur, Psal. 95. 6. *Venite incurvemur nos, & procumbamus coram Jehova, qui fecit nos*. Hic enim etiam est Spiritus Sanctus vers. 9. teste Apostolo, Heb. 3. 7. 9. *Secundo* invocationis religiosæ ac sanctæ exempla extant in Apostolis: in Paulo quidem, 2. Cor. 13. 13. *Gratia Domini nostri Iesu Christi, & charitas Dei, & communicatio Spiritus Sancti, sit cum omnibus vobis*: in Johanne verò; Apoc. 1. 4. *gratia vobis & pax, ab eo qui est, & erat, & futurus est, & à septem spiritibus, qui sunt coram throno ejus*.

XXXI. *Tertio* templa ipsius, fideles appellantur: quæ, soli Deo sacrata. 1. Cor. 3. 16. 17. & 6. 19. <sup>a</sup>. *Quarto*; ipsius nomini ac numini in Baptismo (tanquam rei obſignatæ, donatore Matth. 3. 11. Joh. 3. 5. Tit. 3. 5.) non minus, quàm Patri & Filio, religiosè obligamur: Matth. 28. 19. *Denique* cultui divino ipsi præstando, fidem etiam facit, horrenda illa, adversus cultus illius violationem ac blasphemiam in ipsum, comminatio, quod nunquam remittetur Marc. 3. 29. Heb. 6. 4. & 10. 26. & 29.

<sup>a</sup> Vide Augult. contra Maximin. lib. 1. c. ult.

XXXII. Ex quibus omnibus liquet, quum Deus gloriam nominis sui, alteri tribuere nolit: quia verus Ies. 48. 11. nec tribuere possit, quia justus, & gloriæ, nominis sui, zelotes, Deut. 32. 4. & Exod. 20. 5. & 7. eamque gloriam, Spiritui Sancto, affirmando, eum esse Deum ad Jehovam: & propria Dei (cum interna, seu proprietates essentielles; tum externa, merè divina opera, & cultum religiosum ac divinum) eidem adscribendo, tribuerit: ideo, invicta consequentia, concludimus, *Spiritum Sanctum, verum esse Deum*: rectèque, hanc *convenientiam* ipsius, cum Patre & Filio, quod *persona sit Dicitatis*, in descriptione propositam.

XXXIII. *Differentia* verò appositæ (quum alia, sit *communis*, alia *propria*) *communis* ea dicitur, qua, ut à Patre differt, sic cum Filio, convenit. Ea autem est, quod sit à *Patre, per æternam internamque ac naturalem, essentia divina communicationem*.

XXXIV. A Patre est; quia Spiritus Dei<sup>a</sup>, & ex Deo esse<sup>b</sup>, idcirco statuitur: *per ejusdem* verò *essentia divina communicationem*; quia (ut antè demonstravimus) verus est Deus. Eaque communicatio *æterna* est; quia mutatio in Deum non cadit<sup>c</sup>: *interna*; quia Spiritus sic à Patre procedit, ut ab origine sua nunquam recedat: ut essentia divina unitas, cum Patre, evincit; & Patris, Spiritum producentis, persona flagitat: quæ alias Deus esse desineret. *Naturalis* denique est; quia Spiritus, non liberæ voluntatis contingentia, sed naturæ Patris necessitate, emanat: alias, ens summè necessarium non effet: eoque nec verus Deus. Hæc de *communi*, Spiritus Sancti, differentia.

<sup>a</sup> Rom. 8. 9. Iſa. 61. 1. <sup>b</sup> 1. Cor. 2. 12. <sup>c</sup> Iac. 1. 17.

XXXV. *Propria* verò, est proprius existendi modus; quod *ſpiratione* divina procedat. Procedere enim, seu originem ex aliquo habere, non minus Filio (cujus egressus est ab æterno<sup>a</sup>) quàm Spiritui Sancto, qui à Patre procedere<sup>b</sup> dicitur, convenit. Sed in eo discrimen est, quod ille, generatione; hic verò *ſpiratione*, procedat: eoque sensu, per synecdochen, *processionis* vox, à Theologis præſcis novisque, specialius usurpatur.

<sup>a</sup> Mich. 5. 1. <sup>b</sup> Ioh. 15. 26.

XXXVI. Spiritus autem, generatione non procedit: quia ipse, in Sacris literis nullibi, dicitur, genitus: nec dici potest, quia Filius unigenitus<sup>a</sup> definitur: *ſpiratione* verò, quia relatè, *Spiritus Dei*<sup>b</sup>, & expressiore ad captum nostrum metaphora, *Spiritus oris Dei*<sup>c</sup> (hoc est, qui quasi ex ore Dei ſpiretur) nominatur.

<sup>a</sup> Ioh. 1. 14. 18. <sup>b</sup> Ies. 61. 1. <sup>c</sup> Psal. 33. 6.

XXXVII. Veruntamen illius divinae & æternæ, à Deo, & in Deo, *ſpirationis* ac *processionis*, *modus*, quo, à generatione, differt, reipsa quidem est *incomprehensibilis*: sed communicationis *ordine*, & *originis termino*, quodammodo adumbratur.

XXXVIII. *Ordine*; quia in Filii generatione, est prima, essentia divina, communicatio: quippe, ante eam, nulla, & post





(aptè magis, quàm Latine) nominantur. Atque hæc de *actionibus Dei internis atque æternis, absolute necessariis*.

XI. *Actio* verò Dei interna atque æterna, merè *arbitraria*: extrorsum in res extra Deum, refertur: unde, *actio ad extra*, dici solet. Ea autem est, *universa Dei, de rebus futuris, præfinitio*<sup>a</sup>. Quæ, concinnâ, ex propria significatione, Metaphorâ<sup>b</sup>, in Scriptura, *æternis c propositum*; & eodem sensu in Scholis, *decretum Dei æternum*, nuncupatur: atque ita, plenius describi, potest.

<sup>a</sup> Act. 2. 23. & 4. 28. & 7. 26. <sup>b</sup> Heb. 9. 2. cum Act. 11. 23. <sup>c</sup> Eph. 1. 11. & 3. 11.

XII. Decretum hoc Dei, est *actio illius interna atque æterna, qua, ex rebus possibilibus atque indefinitis, ea omnia & sola, qua jam fuerunt, sunt, & erunt, secundum sapientia sue judicium, immutabili, liberrima voluntatis, placito, ut ita fierent, ad suam gloriam, rectè præfinit*. In qua descriptione, partim communis hujus decreti natura: partim propria differentia, continetur.

XIII. Communis, decreti hujus, natura, est *actio Dei interna atque æterna*: qua analogicè, cum aliis convenit. *Actio autem Dei est*, quia à Deo agente<sup>a</sup>: & interna; quia in eodem existit: æterna vero; quia duratio illius, est infinita: seu utriusque termini, & successionis, expers. Siquidem, ut in Deo (quia ipse *permanet atque idem est*<sup>b</sup>) nihil esse potest novi: sic eidem, *ab æterno, opera sua sunt cognita*<sup>c</sup>. Ideoque decreta<sup>d</sup>.

<sup>a</sup> Act. 4. 28. Rom. 9. 11. Eph. 1. 11. <sup>b</sup> Heb. 1. 11. 12. <sup>c</sup> Act. 15. 18. <sup>d</sup> Eph. 1. 11. 1. Cor. 2. 7.

XIV. *Differentia* verò propria, communem hanc naturam restringit: & *objecto, subjecto, ac causis* decreti, continetur.

XV. *Objectum* decreti divini, sunt *res possibiles ac indefinitæ*.

XVI. *Possibiles* quidem; quia quæ fieri nequeunt, aut quæ actu existunt, ea, à Deo, decerni non possunt. Utrumque enim, infinitæ illius sapientiæ (quæ nihil frustra, aut temere, potest agere<sup>a</sup>) è diametro repugnat.

<sup>a</sup> Rom. 11. 34. 35. 36.

XVII. *Indefinita* verò; hoc est, in neutram partem (seu, neque ut fierent, neque ut non fierent) definitæ. Nam ut *objectum* hoc, naturæ ordine, adjuncto suo decreto, est prius: sic decretum, res possibiles, quatenus illæ sunt futuræ, similiter antecedit. Siquidem ab eo, tanquam à primo, determinationis ipsarum, principio, dependent. Hæc de *objecto*.

XVIII. *Subjectum* verò decreti adæquatum, seu, ea quæ decreta, sunt res possibiles: non universæ (plura enim, & aliter, pro infinita sua sapientia ac potentia, decernere poterat<sup>a</sup>) sed ex iis omnia & sola ea, quæ fuerunt, sunt, & erunt: quæ, cum omnibus suis circumstantiis, præfinit.

<sup>a</sup> Matt. 26. 13.

XIX. Ea autem, in mundi creationem, & gubernationem (quasi in duo membra) universè dividuntur: ut, huic decreto respondens executio, demonstrat. Ideoque *objecto & subjecto* (quasi decreti materia) satis explicato, ad causas (efficientem, formam, finem) considerandas, transeamus.

XX. *Causa efficiens*, qua decrevit, unica est, nimirum Deus. Quippe illius (ut antea ostendimus) actio est: causa verò qua decrevit, gemina est, sapientia illius judicium, & voluntatis liberrima placitum. Quarum prior; remota & adjuvans, posterior verò, proxima ac principalis causa, existit.

XXI. Hoc autem sapientia judicium, in Sacris literis, non propriè, sed metaphorice, *consilium*<sup>a</sup>, appellatur.

<sup>a</sup> Jefa. 46. 10. Eph. 1. 11.

XXII. *Non propriè*; quia consilium (quum sit, aliquid faciendi, aut non faciendi, excogitata ratio) sapientiæ quidem actio est; sed imperfectæ. Quoniam origo illius, est ignorantia ac dubitatio: *modus* verò, est rationis discursus ac mora: quorum utrumque sapientiæ Dei infinitæ (quæ finem, mediaque omnia, uno quasi intuitu, contemplatur ac dijudicat<sup>b</sup>) omnino adversatur. Ideoque propriè, *consilium*, dici non potest. Atque hoc demum sensu (non autem absolute) celebrem illam, magniviri, sententiam, qua ait; *Tam est impia vox, in divinis, consilium, quam pluralitas Deitatis*<sup>c</sup>: veritati consentaneam, agnoscimus.

<sup>a</sup> Cic. de invent. <sup>b</sup> Heb. 4. 13. <sup>c</sup> Jul. Scalig. de subtil. exercit. 385. §. 8.

XXIII. *Metaphoricè* verò, sapientiæ divinæ judicium,

piè ac Scriptura duce, *consilium* (quia huic simile est) dici consuevit. Nam ut consilium humanum, rebus sapienter instituendis atque agendis, prævium est, iisque modum præparat ac proponit: non autem imperat, neque ullam, rebus liberis statuendis, necessitatem imponit: sic sapientiæ Dei judicium, voluntatis ipsius decretum, ordine quidem antecedit: illudque voluntati, non ut necessarium, sed (quemadmodum revera est) tanquam idoneum & liberum, proponit. Atque hæc de prima causa, qua Deus decrevit: remota videlicet & adjuvante: quæ ex sequenti, clarius innotescet.

XXIV. *Proxima* verò ac *principalis*, est voluntatis Dei placitum. Siquidem omnia efficit, secundum consilium voluntatis suæ: hoc est, voluntate ratum<sup>b</sup>. Qua de causa, interdum vocatur, *iudicium placitum*<sup>c</sup>: *iudicium τῆς θελήσεως*<sup>d</sup>, *placitum voluntatis*: *θελοῦσαν βουλὴν*<sup>e</sup> definitum consilium: & eodem sensu, *consilium*<sup>f</sup>: *mens Dei*<sup>g</sup>, & cordis illius cogitationes<sup>h</sup> (quod decreto præeant) denique voluntas Dei<sup>i</sup> (quod proxima decreti sit causa) metonymicè nominatur.

<sup>a</sup> Eph. 1. 11. <sup>b</sup> Jefa. 46. 10. <sup>c</sup> Matth. 11. 26. Luc. 10. 21. <sup>d</sup> Eph. 1. 5. 11. <sup>e</sup> Act. 2. 23. <sup>f</sup> Psal. 33. 11. Act. 4. 28. Heb. 6. 17. <sup>g</sup> Rom. 11. 34. <sup>h</sup> Psal. 33. 11. <sup>i</sup> Ila. 46. 10. Rom. 9. 19.

XXV. Hoc autem placitum, voluntatis liberrime, dicimus: ut ab internis ac necessariis, voluntatis Dei actionibus (de quibus initio egimus) distinguatur. Siquidem Deus, nulla prorsus necessitate, sed mera libertate, ad res, extra se futuras, decernendas processit.

XXVI. *Nulla necessitate*; quia externam bonitatis ipsius communicationem, creationis & gubernationis decreto, statuendam, neque divinæ naturæ proprietas requirebat; quoniam verè *יְשׁוּעָה* sibi absolute sufficiens ac perfectè beatus<sup>a</sup>, nullius est indigus<sup>b</sup>: neque ullum, rei decretæ, jus, id exegit; quia nihil ei debebat<sup>c</sup>, sed ipsa, Deo debet omnia<sup>d</sup>: nec denique vis ulla coëgit; quia nec cogens aderat, quum Deus esset solus: nec qui cogere posset, quia decernens est omnipotens<sup>e</sup>.

<sup>a</sup> 1. Tim. 6. 15. <sup>b</sup> Psal. 16. 2. Act. 17. 25. <sup>c</sup> Rom. 11. 35. <sup>d</sup> Ib. 36. <sup>e</sup> 2. Cor. 6. ver. 18.

XXVII. *Mera* verò libertate, futura decrevit; quia, ab omni interna externaque decernendi necessitate, immunis, res futuras ita decrevit Deus, ut, pro earum origine contingente, & summa in eas potestate<sup>a</sup>, salvaque sua sapientia ac iustitia (ut quæ, libertatem illam, in neutram partem, adstringebant) à decernendo, abstinere potuerit.

<sup>a</sup> Rom. 9. 21. & 11. 35.

XXVIII. Ex qua, efficientis decreti, explicatione, gravis illa & ad veri Dei notitiam ac cultum pertinens, controversia; *An decretum Dei, sit Deus, nec ne?* commodissimè dirimi potest. Siquidem spectata, cum rei, tum Dei, natura, negationis veritas, perspicuè demonstratur.

XXIX. *Nam à natura rei hæc demonstratio est*; *Nulla actio, à consilio & voluntate Dei liberè agente dependens, est Deus*: Deus enim, à se, naturâ est: non verò, à consilio ac voluntate liberè agente, dependet: *Atqui decretum Dei, est actio, à consilio & voluntate Dei, liberè agente, dependens*: Ergo decretum Dei, non est Deus.

XXX. *A natura verò Dei* (ut causæ efficientis decreti) altera etiam invicta demonstratio promanat; *Deus, est ens absolute necessarium*: Decretum Dei, non est ens absolute necessarium. Ergo decretum Dei, non est Deus.

XXXI. Ex quibus etiam (ut alia omittamus) clarissimum æternitatis Dei & decreti discrimen, elucet. Nam ut Dei existentia sic æternitas ejusdem, absolute necessaria est. Contra verò, ut decreti existentia, à causa, liberrimè agente, dependet: sic ejusdem æternitas, merè arbitraria est: ut quæ sic est, ut non esse potuerit: quemadmodum ex superioribus constat. Ideoque decretum, non *συναιρούμενος*, seu eadem prorsus ratione, qua Deus; sed *ἀναιρούμενος*, æternum appellatur. Ac propterea ex eo, decreti deitas, non firmatur; sed evertitur.

XXXII. *Neque tamen, essentia divinæ simplicitatem* (qualem Sacra literæ ei attribuunt) ideo violari, si non omne, quod in Deo est, sit Deus, ex actionibus personalibus (generatione Filii à solo Patre, & spiratione Spiritus Sancti, ab utroque) evincitur.

XXXIII. Eas enim, sic in Deo esse, ut tamen, illa se illius simplicitate, non sint Deus, sole clarius apparet. Essentia enim

C c c c

enim Dei, absolutè ac simpliciter, communis est tribus personis: contra verò actio personalis, ut generatio Filii, non est absolutè & simpliciter communis tribus personis; sed propria certæ: Ergo actio personalis, non est essentia Dei. Deinde, Deus *οὐκ ὁμολογῶν* prædicatur, de singulis personis divinis: actio personalis Dei, non prædicatur *οὐκ ὁμολογῶν* de singulis personis divinis: Ergo ea, non est Deus.

XXXIV. Ideoque mirandum non est, si liberrima voluntatis Dei, in rebus futuris, pro arbitrio, determinandis, actio, in Deo sit, nec tamen sit Deus. Idque sanè non ignorasse, Clar. Ursinum, apparet ex Catechesis explicatione, ad quæst. 58. de vita æterna quæst. 1. etsi minus accuratè exponere videatur.

XXXV. Cæterum hoc Dei placitum, seu decretum, licet suæ, à libera voluntate, originis ratione (quâ esse potuit, aut non esse) sit contingens, posita tamen existentia illius hypothefi, *immutabile* (ob summam Dei decernentis sapientiam, justitiam, ac potentiam) Scriptura prælucente, meritò appellamus.

XXXVI. Sic enim ait; *consilium Iehova, in seculum consistit: cogitationes cordis ejus, in ætates singulas*<sup>a</sup>. *Consilium meum stabit, & omnem voluntatem meam faciam*<sup>b</sup>. Ideoque Apostolus, in Deo, *ἀμεταβέτην τῆς βουλῆς*<sup>c</sup> *immutabilitatem consilii*, prædicat. Nec enim sapientia illius falli<sup>d</sup>, nec justitia depravari<sup>e</sup>, nec potentia superari<sup>f</sup> potest. Ut pote *apud quem, non est transmutatio, aut conversionis obumbratio*<sup>g</sup>. Atque hæc de causa efficiente.

<sup>a</sup> Psal. 33. 11. <sup>b</sup> Jes. 46. 2. <sup>c</sup> Heb. 6. 17. <sup>d</sup> Ibid. 4. 13. <sup>e</sup> 1 Joh. 1. 5. <sup>f</sup> Jes. 14. 27. <sup>g</sup> Jac. 1. 17.

XXXVII. Forma verò decreti, est recta rerum, ut ita fierent, prout eveniunt, præfinitio<sup>a</sup>. *Rectitudo* autem, in sapienti, *finis boni, præordinatione, & iusta mediocrum*, cum omnibus circumstantiis, *subordinatione*, consistit.

<sup>a</sup> Act. 4. 21. Eph. 1. 11.

XXXVIII. *Finis* autem *boni præordinatio*, sapiens est, quia ille propter se: *media* verò, propter finem, ordinantur. Ideoque, ex necessaria sapientia lege, finis, in animo de-

cernentis, naturæ ordine, primùm intenditur ac præfigitur: media verò deinde ad eum reipsa assequendum, subternuntur: etsi tempore, neutrum in Deo, altero sit prius, aut posterius.

XXXIX. *Mediocrum* verò *subordinatio iusta* est: quia omnia, quæ eveniunt *bona* (cum naturalia, tum moralia) ea efficere<sup>a</sup>: quæ *mala culpa*, ea, suâ potentia, non impedire<sup>b</sup>: *utraque* verò sapienter, ad finem usque ultimum, dirigere decrevit<sup>c</sup>.

<sup>a</sup> Eph. 1. 11. <sup>b</sup> Joh. 19. 11. <sup>c</sup> Act. 2. 23. & 4. 27. 28.

XL. *Finis* autem *decreti mediocrum ultimus*, est gloria Dei<sup>a</sup>: quæ est Deitatis & perfectionis illius (seu sapientia, benignitatis, justitiæ ac potentia) celebratio, cum à Deo, tum à *creaturis*, futura.

<sup>a</sup> Prov. 16. 4.

XLI. A Deo quidem; ut suam illam eminentissimam excellentiam, in creationis ac gubernationis mundi speculo, adumbratam, creaturis intelligentibus, noscendam proponeret<sup>a</sup>.

<sup>a</sup> Psal. 19. 2, 3. & 148. 3. ad 11. Rom. 11. 33. & 36. 1 Cor. 1. 21.

XLII. A *creaturis* verò *intelligentibus* (angelis<sup>a</sup> atque hominibus<sup>b</sup>) ut ea agnita, grato animo ac cultu, celebraretur<sup>c</sup>: quod ex membris hujus decreti, & executione illius plenius cognoscetur. Atque hæc, de æterno Dei decreto.

<sup>a</sup> Psal. 148. 2. <sup>b</sup> Ib. vers. 11. & 12. Act. 17. 26, 27. <sup>c</sup> Rom. 11. 36. & 1. 19. cum 21.

## COROLLARIA.

1. *An, ob decreti Dei veritatem immotam, res omnes decreta, in se, sint necessaria?* N.

2. *An eadem, relata ad decretum, ratione consequentia, necessaria sint?* A. & quidem reciproca. Ut enim ex decreti hypothefi, rei decreta consequentia, necessaria est: sic similiter, posita re decreta, decretum Dei necessario concluditur.

3. *An peccata creaturarum, decreti Dei prætextu, rectè queant excusari?* N.

## DISPUTATIO X.

### DE DIVINA HOMINUM PRÆ- DESTINATIONE.

#### THESIS I.

**N**Equaquam ab hujus rei doctrina, aberrantium, quorundam hominum præjudiciis, absterri nos decet: qui, & olim<sup>a</sup>, & nostra memoria, universam de prædestinatione doctrinam (quasi inutilem noxiamque averfantes) æterno silentio suppressendam, inique arbitrantur.

<sup>a</sup> Prosper. Epist. ad August. de reliquiis Pelag. hæreseos. Hilarius Augustini. tom. 7. Augustini.

II. Quippe quum illa, à Prophetis<sup>a</sup>, Christo<sup>b</sup>, & Apostolis<sup>c</sup>, ad Ecclesiæ totius institutionem, sit proposita: eandem, non sine fructu, in Scholis templisque, cum *reverentia, veritate*, ac *prudencia*, doceri posse ac debere, merito affirmamus.

<sup>a</sup> Exod. 33. 19. cum Rom. 9. 15. Mal. 1. 2. cum Rom. 9. 13. Jes. 10. 22. cum Rom. 9. 27. & 11. 5. <sup>b</sup> Matth. 25. 34. 41. & 22. 14. Joh. 6. 37. 39. <sup>c</sup> Rom. 8. 28, 29. Jac. 2. 5. 1 Pet. 1. 2, 20. Judæ 4.

III. *Reverentia* autem, in eo sita, ut sanctam hanc doctrinam, sancta mente ac lingua, religiosè tractemus: ne, quæ non capimus, ea carpamus; sed admiremur<sup>a</sup>: & quasi sacrum Dei montem, Mosis instar, consensuri, impuros, præjudicii & affectuum, calceos exuamus<sup>b</sup>.

<sup>a</sup> Rom. 9. 20. & 11. 33, 34. <sup>b</sup> Exod. 3. 5.

IV. *Veritas* deinde requiritur, ut & *sobriè*, & *sincerè*, literarum divinarum canonem, ac fidei mensuram, sectemur<sup>a</sup>. *Sobriè* quidem; ut mysteria à Deo velata, ipsi relinquamus: & in doctrina ab eo revelata, acquiescentes<sup>b</sup>, studeamus, *μη καταφρονεῖν, παρὰ τὸ θεῶν ἀλλὰ φρονεῖν, εἰς τὸ σωφρονεῖν*<sup>c</sup>, non sapere, supra quàm oportet sapere; sed sapere, ad sobrietatem. *Sincerè* verò; ne sermonem Dei, in ullius gratiam, adul-

teremus<sup>d</sup>, aut dissimulemus<sup>e</sup>; sed puritatem illius, fideli professione<sup>f</sup>, constanter tueamur.

<sup>a</sup> Deut. 4. 2. Gal. 6. 16. Rom. 12. 3. <sup>b</sup> Deut. 29. 29. <sup>c</sup> Rom. 12. 3. <sup>d</sup> 2. Cor. 2. 17. & 4. 2. <sup>e</sup> Matt. 10. 32, 33. <sup>f</sup> Act. 20. 27. 1. Cor. 4. 1, 2.

V. *Prudentia* denique (quæ, in recto hujus dogmatis tradendi modo, consistit) ea adhibenda; ut, pro diversa auditorum ratione, vel *sublimius*, à summis gradibus, ad imos, *οὐκ ἐπὶ ταῖς* vel *humilius*, ab imis, ad summos paulatim deducendo, ἀναλυτικῶς proponatur. Atque illo modo, peritioribus, quasi solidior cibus<sup>a</sup>: hoc verò, imperitioribus, lactis aut cibi præmansi instar<sup>b</sup>, appositè præbeatur.

<sup>a</sup> 1. Cor. 3. 2. Heb. 5. 13, 14. <sup>b</sup> Ibid.

VI. Quam doctrinam, priori modo (ut Academico disputationum, inter eruditos, curriculo consentaneum) repetituri, ad penitentiorem illius intelligentiam, à vocis origine atque usu, ordiemur.

VII. *Ὁρίζω* propriè, *terminare*, designat: *impropriè* verò derivata, *ἀπὸ τῆς ἐξουσίας*<sup>a</sup>, termini positione, metaphora, *duobus modis*, usurpatur.

<sup>a</sup> Act. 17. 26.

VIII. *Interdum* enim, *declarare*, significat<sup>a</sup>: sæpius vero, ad animi propositum, seu destinationem ac decretum<sup>b</sup>, transfertur. Quo etiam modo, synonyma illius *πρῆναι*<sup>c</sup>, *ponere* (in animo) *πρᾶττεν*<sup>d</sup> *ordinare*, *ἐπιμύζειν*<sup>e</sup> *parare*, denique *ἰσχυρίζεσθαι*, simili, à re corporea, translatione, in Sacris Literis adhibentur.

<sup>a</sup> Rom. 1. 4. & Chrysost. Ibid. <sup>b</sup> Act. 11. 29. & 17. 31. <sup>c</sup> 1. Thess. 5. 9. 1. Pet. 2. 8. <sup>d</sup> Act. 13. 48. & 15. 2. <sup>e</sup> Matth. 25. 34, 41. <sup>f</sup> Act. 17. 31.

IX. Utque *locus rei*<sup>a</sup>, à finitore seu mensore, & *res collo-*  
cata<sup>b</sup>

*causa* <sup>b</sup> à loco continente, terminari ac suis finibus definiri, dicuntur: sic & decretum, seu destinatum Dei consilium, & res decreta, seu destinata, communi voce, *ἀποφασίζω* <sup>c</sup> determinatum seu definitum, appellatur; sed disparitatem gradu.

<sup>a</sup> Deut. 19. 14. <sup>b</sup> Exod. 19. 12. <sup>c</sup> Luc. 22. 22. Act. 10. 42.

X. Decretum enim determinatur, à voluntate seu volendi potentia; ideoque *ἀποφασίζω* <sup>a</sup> determinatum consilium, & vulgo *ἀποφασίζω* determinatio dicitur: res verò decreta, per voluntatis actum, seu decretum, definitur ac statuitur.

<sup>a</sup> Act. 2. 23.

XI. Porro voce *ἐπιτίθεσθαι* (eodem seu; sed expressa, temporis inclusi, circumstantia) componitur *προβλεπόμενος* <sup>a</sup>, antè terminare, *προβλεπόμενος*, seu *prædestinare*, sicut ex synonymis, antè memoratis <sup>b</sup>, *προβλεπόμενος* <sup>c</sup> proponere *προβλεπόμενος* <sup>d</sup> praordinare, *προβλεπόμενος* <sup>e</sup> præparare: ut etiam *προβλεπόμενος* <sup>f</sup>, pro *præsciscere* (ut *προβλεπόμενος* pro sciscere, seu decernere <sup>g</sup>) interdum usurpatur.

<sup>a</sup> Rom. 8. 29. 30. Act. 4. 28. 1. Cor. 2. 7. <sup>b</sup> Theol. 8. <sup>c</sup> Rom. 1. 13. Eph. 1. 9. <sup>d</sup> Act. 17. 26. <sup>e</sup> Rom. 9. 23. 1. Cor. 2. 9. <sup>f</sup> 1. Pet. 1. 20. <sup>g</sup> Demosthen. orat. adver. Aristocrat. edit. Wolphii p. 451.

XII. Unde prisci theologi Græci, docendi gratiā *προβλεπόμενος* <sup>a</sup> *præfinitionem*, seu *prædestinationem*, accommodata analogia, efformarunt. Cujus perspicua periphrasis, *προβλεπόμενος* <sup>b</sup> *propositum cordis*, à Luca profertur.

<sup>a</sup> Act. 11. 33.

XIII. *Destinatio* autem, seu *prædestinatio*, pro efficientis voluntatis diversitate, alia, est *Creatoris* <sup>a</sup>; alia, *intelligentis creaturae* <sup>b</sup>.

<sup>a</sup> Rom. 8. 29. <sup>b</sup> Act. 11. 29.

XIV. Quarum prior (pro infinita, excellentiæ suæ, dignitate) interdum *synecdochicè*, generali voce, designatur: ut quum Evangelista ait; *Filius hominis vadit*, & *πᾶν ἄνθρωπον* <sup>a</sup> *quemadmodum definitum*; nimirum à Deo. Sicut Paulus *προβλεπόμενος* <sup>b</sup> *propositionem seculorum* (hoc est, propositum æternum) distinctius nominat.

<sup>a</sup> Luc. 22. 22. <sup>b</sup> Eph. 3. 11.

XV. Porro *Dei prædestinatio*, pro objecti, & subiecti sui, diversitate, vel est *universalis*, quæ res omnes spectat, totumque Dei decretum est: vel *particularis*, quæ ad quasdam earum tantum pertinet: & pars, æterni atque universalis illius decreti, existit. Qualis ea est, & quidem præstantissima, quæ ad creaturas intelligentes, Angelos hominesque, refertur.

XVI. Et *universalis* quidem, ante à nobis explicata: *particularis* verò, & quidem hominum inprimis, restat explicanda. Ac quamvis ea sit *duplex*; una, ad gratiæ Dei salutiferæ: altera, ad vindicis illius justitiæ, gloriam <sup>b</sup>: utramque tamen, ad maiorem rei perspicuitatem, & uno quasi intuitu contemplationem, sequente *descriptione*, complectemur.

<sup>a</sup> Disput. 8. <sup>b</sup> Rom. 9. 22. 23.

XVII. Divina hominum prædestinatio, est *particulare Dei decretum*, quo, ex hominibus indefinitè præscitis, omnes eos, qui fuerunt, sunt, & erunt, in eum finem, bonos creare, & rectā gubernatione, lapsum eorum, ac justitia originalis amissionem permittere, ac porro, ad æternum, anima corporisque statum, dirigere decrevit: ut in electis eorum, per misericordem, cum Christi servatoris, tum salutis æternæ, per eundem, donationem, suam misericordis gratia: in reliquis verò præteritis, iusta per meritum ipsorum condemnatione, vindicis suæ justitiæ, gloriam celebrandam, manifestaret. Atque hæc descriptio: quæ, ut genere suo, & differentia, constat: ita utrumque, plenior explanationem, desiderat.

XVIII. Ac *genus* quidem remotum, statuimus Dei decretum, seu prædestinationem generatim sumptam <sup>a</sup>. Unde, partim *causa interna* illius movens, *iudicium* <sup>b</sup> seu liberum voluntatis divinæ (à nulla re futura dependentis) placitum <sup>c</sup>: partim, *æternitatis* <sup>d</sup> atque *immutabilitatis* <sup>e</sup>, attributa, necessario concluduntur: quemadmodum Dei, & decreti illius, natura evincit.

<sup>a</sup> Rom. 8. 29. Eph. 1. 5. <sup>b</sup> Matt. 11. 26. Eph. 1. 5. <sup>c</sup> Rom. 9. 11. & 18. & 22. & 11. 35. 36. Eph. 1. 9. 11. <sup>d</sup> Matth. 25. 34. 41. Act. 15. 18. <sup>e</sup> Ies. 46. 10. <sup>f</sup> Ib. 14. 27. Iac. 1. 17. Prov. 19. 21.

XIX. *Propinquum* verò fit *genus*, quum decretum hoc, *particulare*, dicitur; ut ab universali (cujus pars est) distinguatur: & similibus homogeneis consentaneum, declaretur.

XX. Cui generi, sua subnectitur *differentia* duplex: *communis*, & *propria*. *Communis* autem est, quæ utrique hominum prædestinationi, conveniens, eam, à reliquis omnibus particularibus decretis, distinguit. Et in *communi*, partim *materia* (ut vocant) partim *forma*, consistit.

XXI. *Ac materia* quidem, vel *objecta* est, vel *subjecta*: quæ duo, *ordine*, & *numero*, inter se differunt.

XXII. *Ordine*; quia *objectum* præcedit: *subjectum* verò, ex objecti prædestinatione, procedit: *numero*; quia illud est totum: hoc verò, pars illius.

XXIII. *Objectum* enim prædestinanti Dei voluntati (quæ, ob summam intellectus illius sapientiam, in ignotum, aut temere, ferri non potest) ab indefinita illius præscientia, monstratum, fuerunt homines, quatenus poterant prædestinari. *Subjectum* verò, sunt omnes illi ac soli homines singulares, qui divinitus prædestinati. Quæ duo, succincta ac distincta, præscientiæ Dei, propriè acceptæ, explanatione, fient clariora.

XXIV. Siquidem præscientia Dei, est rerum universalium, & singularium, quæ fieri possunt, perfectissima, in Deo scientia.

XXV. Nam *præscientia objectum*, sunt *τὰ δυνατὰ*, quæcunque fieri possunt: eorumque ratione, bifariam distinguitur.

XXVI. *Una* enim, est *τὰ δυνατὰ ἀπλῶς*, eorum, quæ simpliciter fieri possunt: seu quæ, in neutram partem (neque ut fiant, neque ut non fiant) sunt definita. Altera verò est *τὰ δυνατὰ κατὰ τὴν πιθανότητα* eorum possibilitium, quæ futura sunt.

XXVII. Unde prior, *præscientia indefinita* ac *simpliciter intelligencia*: & *naturalis* etiam ac *necessaria* dici consuevit: quod Deo nihilominus conveniret, etiam si nihil omnino decrevisset: posterior verò, *definita* nominatur: quod circa res, tanquam decreto definitas <sup>a</sup>, occupetur.

<sup>a</sup> Act. 2. 23. & 15. 18.

XXVIII. Etenim omnia futura, fieri possunt: sed innumera possunt <sup>a</sup>, quæ nunquam sunt futura.

<sup>a</sup> Matth. 26. 53. & 1. 9.

XXIX. Nam si plura, quàm fiunt, efficere nequit Deus, non est omnipotens: si quid autem valeat efficere, aut fieri possit, ignoret, non est omniscius: eoque nec Deus. Quibus nihil, in infinitam, potentiam <sup>a</sup> ac sapientiæ Dei <sup>b</sup>, maiestatem, indignius fingi potest.

<sup>a</sup> 1. Cor. 6. 18. Apoc. 4. 8. <sup>b</sup> Rom. 11. 33. 34. 1. Cor. 2. 11. Heb. 4. 13.

XXX. Sub *indefinita* autem *præscientia* (omnes, simpliciter possibilitium, modos respiciente) etiam illa, quam vulgò, *conditionatam*, nuncupant, continetur.

XXXI. Ea autem est, quæ Deus, ex infinito, scientiæ suæ, lumine, quædam futura, non absolutè, sed certa conditione posita, prænovit.

XXXII. Quemadmodum, si certa, rerum ac circumstantiarum, series poneretur, quisnam inde eventus (non fato Stoico, sed pro causarum ratione) necessarius, aut contingens, esset futurus, certissimè præscivit: sive ea series, succedente *Dei decreto*, sit *definita*, sive *indefinita* manserit. Quoniam præscientia hæc indefinita, à decreto definiente, minimè dependet; sed illud necessariò (tanquam objectum, suum adjunctum) naturæ ordine, antecedit.

XXXIII. Ac *posterioris modi*, in re indefinita, exemplum (præter alia) illultre *primum* est, quod Deus præsciverit futurum, ut David, si modo in urbe Kehila maneret, à Saule invaderetur, & à civibus traderetur <sup>a</sup>: quorum neutrum tamen, ob Davidis fugam, perpetratum. Alterum vero, quod Deus similiter prænovit, ac prædixerit futurum, ut gentes exteræ Ezechielem, si ad ipsas mitteretur, audirent <sup>b</sup>: quamvis etiam, nec res ipsa, neque rei futuræ conditio antecedens, evenerit.

<sup>a</sup> 1. Sam. 23. 11. 12. <sup>b</sup> Ezech. 3. 6.

XXXIV. *Prioris* verò in re, succedente decreto, definita exemplum, in hominum quoque prædestinatione, elucet. Siquidem Deus, inter alia, pro immensâ suâ scientiâ, prænovit, si homines, ex iis, quos creare poterat, certos (nempe eos, qui fuerunt, sunt, & erunt) in recto justitiæ originalis statu, in Adamo crearet, daretque, de abstinentia arboris scientiæ boni & mali, mandatum, Satanæ tentationem non impediret, & consentaneè suæ sanctæ potestati, atque hominum libertati (ut fecit) dirigeret, prænovit (inquam) futurum, ut boni specie ac voluntatis libertate abusi, mandati transgressione laberentur, ac justitiam originalem excuterent: atque ita viam omnino idoneam (cum ad misericordis ac salutiferæ suæ gratiæ, tum ad vindicis justitiæ gloriam) adfuturam.



XXXV. Quam objectam (inter ceteras) rerum seriem, non ut causam, sed ut occasionem, in hac prædestinatione spectans Deus, libero ac sapienti decreto, distinctè præfinit. Idque eventus, certissimus decreti Dei index, evincit: ut qui omnia, ex consilio voluntatis suæ, efficiat<sup>a</sup>.

<sup>a</sup> Eph. 1. 11.

XXXVI. Ut enim innumeros alios homines, & aliter creandos ac gubernandos, pro sua sapientia ac bonitate, destinare potuit, quia omnipotens<sup>a</sup>: idque voluntati suæ objecit, quia omniscius<sup>b</sup>: ita certum tantum numerum, ceterasque singulares personas, pro sua libera justaque potestate<sup>c</sup>, prædestinavit.

<sup>a</sup> 1. Tim. 6. 15. Matth. 19. 26. <sup>b</sup> 1. Tim. 1. 17. <sup>c</sup> Matth. 20. 15. Rom. 9. 18, 22. & 11. 35, 36.

XXXVII. Cujus numeri, à Deo definiti, & singularum personarum, mysterium, solus novit<sup>a</sup>, qui, sine consiliariis, prædestinavit<sup>b</sup>.

<sup>a</sup> 2. Tim. 2. 19. <sup>b</sup> Rom. 11. 39.

XXXVIII. Ideoque *subiectum* hoc, non sigillatim, sed generalius, & à posteriori executione, tantum adumbrantes, his verbis, in præmissa prædestinationis descriptione, innuimus; *qui fuerunt, sunt, & erunt*. Atque hæc de altera *communi*, prædestinationis hominum, *differentia*: quæ, in *materia* (cum *objectis*, tum *subiectis*) consistit.

XXXIX. Tertia denique est in *communi* ac generali forma: qua, à reliquis particularibus Dei decretis, distinguitur. Eaque *partim*, in hominum, ad ultimum finem, præordinatione, *partim*, in mediorum, ad eum idoneorum, subordinatione, apparet.

XL. Quæ duo, licet æternitatis ratione, & perfectissima Dei (sine ulla deliberatione, omnia decernentis) consideratione, sint simul: reipsa tamen, seu naturæ suæ ordine, sunt distincta. Ideoque à Deo distinctè intellecta ac decreta: ut veritas ipsius (qua res sicut sunt, cognoscit) manifestè demonstrat.

XLI. Quum enim finis sapienti propositus, non propter media sua, sed propter se intendatur: media verò (sive efficienda, sive permittenda) propter finem, futura ordinantur: propterea, naturæ ordine, & intentionis Dei (ut sapientia ipsius flagitat) ratione, finis ultimi hominum, prædestinatio, mediorum illius futurorum, ordinationem, necessario antecedit.

XLII. Quare, quum media non minus, quam finis (ac licet simul, ordine tamen posteriore) sint destinata: idcirco ea, *nec causa, nec objectum*, prædestinationem antecedens, sine evidenti contradictione, dici possunt.

XLIII. Deinde, ex eodem liquet, prædestinationem hanc, non esse *conditionalem* ac dubiam, sed *stabilem*<sup>a</sup>. Quoniam, ut finis mediis certo est præordinatus: sic media, fini obtinendo certissimè (ut veritas Dei, & constantia decreti illius, postulat<sup>b</sup>) subordinata.

<sup>a</sup> Eph. 1. 11. Rom. 9. 11. 2. Tim. 1. 19. <sup>b</sup> Jac. 1. 17. Prov. 19. 21.

XLIV. Finis autem *ultimus communis*, est Dei, in æterno hominum, anima & corpore, statu ac gradu, gloria: ut, ex propriis finibus, clarius constabit.

XLV. Media verò *communia*, ad hunc postremum hominum finem, destinata atque idonea, sunt *duo*: nempe eorum, in Adamo, cum iustitia originali, *creatio*<sup>a</sup>: & creatorum, recta *gubernatio*. Quæ *primum* legis latitudinem<sup>b</sup>: deinde transgressionis illius<sup>c</sup> & excussionis gratiæ Dei<sup>d</sup>, atque originalis iustitiæ<sup>e</sup>, permissionem, & perpetuam ad ultimum usque statum directionem<sup>f</sup>, complectitur.

<sup>a</sup> Gen. 1. 27, 31. Eph. 4. 24. <sup>b</sup> Gen. 2. 16, 17. <sup>c</sup> 1b. 3. 6, 11. <sup>d</sup> Rom. 5. 10, 12. <sup>e</sup> Eph. 2. 1, 3. <sup>f</sup> Rom. 9. 14. & 11. 35, 36.

XLVI. Idque, ex reipsa, perspicuè demonstratur. Nam quæ ad ultimum hominum finem, sunt ordinata, illa sunt media, illi subordinata: atqui hæc creatio & gubernatio hominum, ad finem eorum ultimum, sunt ordinata. Is enim est Dei, in æterno hominum statu, gloria: eique creatio, & permissione lapsus gubernatio, inserviunt: & propter eam, tanquam ultimum suum bonum, sunt, & eodem diriguntur<sup>a</sup>. Ergo creatio hominum, & permissione lapsus, gubernatio, sunt media, ad ultimum hominum finem, ordinata. Ideoque, à prædestinationis ambitu, nequaquam excludi debent. Atque hæc de prædestinationis hominum, *differentia communis*.

<sup>a</sup> Jec. 43. 7. Pro. 16. 4. Rom. 9. 20. ad 24.

XLVII. *Propria* verò est, quæ non totius humani gene-

ris communiter; sed alterius tantum partis prædestinationi, convenit: & in *diversis* utrimque, cum *causis extremis* (efficiente impulsiva, & fine ultimo) *tum mediis*, consistit. Unde *duplex* hominum *prædestinatio*, exsurgit: quarum prior, *Electio*: posterior, *Rejectio*, & *Reprobatio* nuncupatur.

XLVIII. *Electio* autem, non humana, sed *divina*: eaque non ad vitæ hujus (civilis, aut ecclesiastica) munia<sup>a</sup>, aut ad externam Ecclesiæ societatem<sup>b</sup>: sed *ad vitam æternam hereditatem*; & quidem non temporalis (quæ est vocatio infidelium, è mundo, ad fidem<sup>c</sup>) sed *æterna, qua certos ex hominum universitate, ad salutem prædestinavit*<sup>d</sup> *κατ' ἐξουίαν*, ac relatione quadam, designatur.

<sup>a</sup> 1. Sam. 10. 24. Joh. 6. 70. <sup>b</sup> Deut. 7. 6, 7. <sup>c</sup> Joh. 15. 16. 19. & 13. 18. <sup>d</sup> Eph. 1. 4.

XLIX. Electio enim non absolutè, quorundam tantum assumptionem; sed relictionem etiam reliquorum conjunctam (ex propria vocis natura, & Scripturæ usu) designat. Quemadmodum *electio* (hoc est metonymicè, electi) *reliquis*<sup>a</sup> opponuntur. Ac propterea, *Electio universalis*, non sine apertâ contradictione, nec sine rejectione Christi (qui, *multos vocatos*; *paucos vero electos*<sup>b</sup> asserendo, particularem statuit) dici potest.

<sup>a</sup> Rom. 11. 7. Marc. 13. 20. <sup>b</sup> Matth. 22. 14.

L. Cujus *Electiois*, à rejectione discrepantis, *propria* extrema causa prima, sive *efficientis impulsiva*, est Dei gratia: hoc est, merè gratuita dilectio: à libera illius, de suis bonis statuendi potestate ac voluntate<sup>a</sup>, promanans. Ac propterea, *electio gratia*<sup>b</sup> vocatur: & operum efficaci dignitati, è diametro adversa opponitur<sup>c</sup>. Atque ita dilectos & electos Deus *τὰς ἰσχυρίας αὐτοῦ ἐκ ἐκείνων, οὓς ἠγάπησεν, οὓς ἔλεξε*<sup>d</sup>, non minus, quàm *electos Dei*<sup>e</sup>, peculiariter appellat.

<sup>a</sup> Matth. 20. 15. Rom. 9. 14. 15. 21. & 11. 35. Eph. 1. 5. 11. <sup>b</sup> Rom. 11. 5. <sup>c</sup> 1b. v. 6. & 9. 16. 2. Timoth. 1. 9. <sup>d</sup> Joh. 17. 6. 9. 2. Timoth. 1. 19. <sup>e</sup> Rom. 8. 33.

LI. Quippe homines eligunt, quos meritò diligunt: Deus verò contra, ab æterno diligit, quos immeritò eligat. In hoc est *charitas*, non quod nos dilexerimus Deum; sed quod ipse dilexerit nos<sup>a</sup>. Item, *Nos diligimus ipsum, quia ipse prior dilexit nos*<sup>b</sup>. *Quis prior dedit ei, & reddiderit ipsi*<sup>c</sup>?

<sup>a</sup> 1. Joh. 4. 10. 2. Tim. 1. 9. <sup>b</sup> 1. Joh. 4. 19. <sup>c</sup> Rom. 11. 35.

LII. Secunda verò *Electiois*, propria atque *extrema causa*, seu *finis ultimus*, est misericordis ac salutaris Dei gratiæ, gloria. Quia propter illam, electorum creatio, & ad æternum statum gubernatio, existit: ut Rom. 9. 23. *ut notitas faceret divitias, gloria sua, erga vasa misericordiae: quæ præparavit, ad gloriam*. Et Eph. 1. 5, 6. *Prædestinavit nos &c. ad laudem gloriosa sua gratia*. Sic Jec. 43. 7. *Et omnem, qui invocavit nomen meum, ad gloriam meam creavi eum, formavi eum, feci eum*.

LIII. Media verò *propria*, ad eum, misericordis ac salutaris gratiæ, finem, ordinata sunt duo: *primum*, est Christi servatoris: *secundum*, salutis per eundem, misericors donatio: ut præter alia, hæc Scripturæ dicta, attestantur.

LIV. De Christo quidem, in *Veteri Testamento* Isa. 42. v. 1. *En servus meus, quem sustento: electus meus, (hoc est, quem elegi<sup>a</sup>) quo delectatur anima mea, indidi spiritum meum ipsi: iudicium Gentibus proferet*. Et versu 6. *Ego Iehova vocavi te & dedi te, in fœdus populi, in lucem Gentium*. Et cap. 49. 7. *Dedi te, in lucem Gentium, ut sis salus mea, usque ad extremitatem terræ*<sup>b</sup>. Et cap. 9. 6. *Puer natus est nobis, Filius datus est nobis, &c.*

<sup>a</sup> Matth. 12. 18. Jec. 49. 7. <sup>b</sup> Act. 13. 47.

LV. In *Novo* verò *Testamento*, idem asseritur 1. Pet. 1. 18, 19, 20. *Redempti estis, &c. pretioso sanguine, ut agni immaculati & incontaminati Christi: præordinati quidem, ante foundationem mundi; patefacti verò ultimis temporibus, propter vos*. 1. Joh. 4. 9, 10. *In hoc, patefacta est charitas Dei, in nobis, quod Filium suum unigenitum misit Deus in mundum, ut vivamus per eum*. In hoc est *charitas*, non quod dilexerimus Deum, sed quod ipse dilexerit nos, & miserit Filium suum, ut esset propitiatio, pro peccatis nostris.

LVI. Ac propterea, quoniam Christus Electis, misericordis Dei gratia, est donatus, idcirco electi, *Christo dati*, ejusque *oves*, appellantur: non solum, ratione vocationis, qua ad eum sunt adducti (ut Apostoli fideles<sup>a</sup>) sed etiam, ob solam prædestinationem æternam, qua tandem ad ipsum, ejusque

que ovile, vocandi, ut per ipsum serventur. Quemadmodum Joh. 6. 37. *Quicquid dat mihi Pater, ad me venit: & venientem ad me, non ejiciam foras: & versu 39. Hac est autem voluntas Patris, qui misit me, ut quicquid mihi dederit, non perdam ex eo; sed suscitem illud, ultimo die.* Et cap. 10. 15, 16. *Animam meam pono pro ovibus meis. Et alias etiam oves habeo, quæ non sunt ex hac caula, illas quoque oportet me adducere: & vocem meam audient, fietque unum ovile, & pastor unus.*

<sup>a</sup> Joh. 17. 6.

LVII. Ex quibus omnibus perspicue apparet, Christum quatenus Mediator est ac Redemptor, medium esse, ad salutem electorum, destinatum: ac propterea, Electio illius, aliorum ad salutem destinationem, ordine non præcedit, sed ut medium, ei fini subordinatum, succedit.

LVIII. Quatenus tamen, æternus cum Patre Deus est, Electionis etiam auctor, cum Patre statuitur, Eph. 1. 4. *Elegit nos in ipso: & cap. 3. 11. Secundum propositum æternum, quod fecit in Christo Iesu.* In quibus locis, & pro 2<sup>a</sup>, tritissimo Apostoli usu, adhibetur: ut Eph. 2. 13. *in sanguine:* vers. 18. *in Spiritu:* & cap. 4. 30. *in quo:* & 5. 26. *in verbo.* Sic Col. 1. 16. *in ipso, condita sunt omnia* (hoc est, ut ibidem, & Eph. 3. 9. & Heb. 1. 2. exponitur, *per ipsum:* nempe Christum) & v. 17. *omnia in ipso consistunt.* Ideoque non minus, quam Patri, liber vitæ scriptus ipsi Apo. 21. 27. attribuitur. Atque hæc de primo electionis, ad misericordis ac salutaris Dei gratiæ gloriam, proprio, ac primario medio.

LIX. Alterum verò est electorum lapsu miserorum misericors ac gratuita per Christum salus, primum *inchoata:* deinde *perfecta.*

LX. *Inchoata* autem, est interna (per merè gratuita fidei ac spei vivæ, & charitatis, dona) *sanctificatio*, & *effecta* illius. Cujus medii consideratione, ab Augustino<sup>a</sup>, aliisque *prædestinatio sanctorum*, appellatur.

<sup>a</sup> Tom. 7. de prædest. Sanctorum.

LXI. *Effecta* autem fidei quidem (ut instrumenti) sunt *unio cum Christo* vivifica: & *duplex*, per eam, *fructus*; justificatio, & *videtia* in filios atque hæredes Dei, adoptio: charitatis verò, à fide excitatæ<sup>a</sup>, effectum, est vitæ sanctitas, seu, bona opera.

<sup>a</sup> Gal. 5. 6. 1 Tim. 1. 5. Jac. 2. 17. 18.

LXII. *Perfecta* deinde *salus*, est electorum glorificatio: seu, beatæ in cælis vitæ, anima ac corpore gloriose suscitato, æterna possessio. Quæ *est* *ἐξουσία*, *salus*<sup>a</sup>, & *salus æterna*<sup>b</sup>, dicitur: & ultimum ac proprium est, electionis medium, & postremus simul status, ac finis penultimus: ad quem, antecedentia omnia media, destinata sunt, ac diriguntur: ut Sacre literæ demonstrant.

<sup>a</sup> Rom. 1. 16. 1. Thess. 5. 9. <sup>b</sup> Heb. 5. 9.

LXIII. Hujus enim *perfectæ salutis* destinatæ ratione *Electio* synecdochicè *ἐκδοτικῶς* *propositum*, nempe servandi Rom. 8. 28. & *ἐκδοτικῶς* *διὰ πατρὸς* *præscitum*, vel *prænotio* Dei Patris 1. Pet. 1. 2. vocatur. *Electi* verò consentanea *periphrasi*, dicuntur, *Quos prænovit*, Rom. 8. 29. *conscripti in calis*, Heb. 12. 23. *quorum nomina scripta sunt in cælis*, Luc. 10. 20. *in libro vitæ*, Phil. 4. 3. *à fundatione mundi*, Apoc. 17. 8. *Quibus, Patri placuit, dare regnum*, Lucæ 12. 32. *ordinati ad vitam æternam*, Act. 13. 48. *preparati ad gloriam*, Rom. 9. 23. *vasa, ad decus, facta*, vers. 21. *Quibus paratum est regnum, à fundatione mundi*, Matth. 25. 34. *Positi, ad acquisitionem salutis*, 1. Thess. 5. 9.

LXIV. *Inchoatam* verò (cum sanctificationis, tum effectum illius) *salutem*, ex gratuita hac, ad perfectam salutem electione, pendere: & ad eam, tanquam finem suum, esse destinatum, Scriptura etiam declarat. Nam, de *sanctificatione* (quæ metaphoricè *regeneratio*<sup>a</sup>, dicitur) & ratione *originis*, & *finis*, generatim hoc docet. De origine quidem 1. Pet. 1. 2. *Electi, secundum præscientiam Dei, ad sanctificationem Spiritus.* De fine verò, cui hoc medium est destinatum, Rom. 6. 22. *Nunc verò liberati à peccato, mancipati autem Deo, habetis fructum vestrum, ad salutem: finem autem, vitam æternam.*

<sup>a</sup> Tit. 3. 2.

LXV. *Speciatim* verò idem tradit, ac *primum*; de fide. Cujus origo, statuitur Electio ad salutem: & *finis*, salus. Orig. Act. 13. 48. *Crediderunt, quotquot erant ordinati, ad*

*vitam æternam*, Rom. 8. 30. *Quos prædestinavit, eos etiam vocavit:* nempe per Euangelii<sup>a</sup>, & Spiritus Sancti<sup>b</sup> efficaciam, ad fidem: ut ibidem, sequens effectum illius, *justificatio* *vincit*. Sic Phil. 1. 29. *Vobis donatum est, in Christi negotio, non solum, in eum credere; sed etiam, pro eo affligi.* Eph. 2. 8, 9, 10. *Gratia enim servati estis, per fidem: idque non ex vobis; Dei donum est: non ex operibus; ne quis gloriatur. Nam ipsius sumus opus; conditi in Christo Iesu, ad opera bona.*

<sup>a</sup> Rom. 10. 17. 1 Pet. 1. 23. <sup>b</sup> 2. Cor. 4. 13. Eph. 3. 16. 17.

LXVI. Nec solum, *efficiens causa* *procreans fidei*, est Deus; sed etiam *conservans* ac *perficiens*: 1. Pet. 1. 5. *virtute Dei custodimur per fidem, ad salutem: qua parata est patefieri, die ultimo.* 2. Thess. 1. 11. *Precaur semper pro vobis, ut vos dignetur ista vocatione, Deus noster, & compleat omne bonitatis placitum, & opus fidei, potenter.* 1. Thess. 5. 23, 24. *Ipse autem Deus pacis, sanctificet vos totos: & integer vester spiritus, & anima, & corpus, inculpate in adventum Domini nostri, Iesu Christi, serventur. Fidelis est, qui vocavit vos, qui etiam efficiet.*

LXVII. *Salutem* autem, esse *finem*, ad quem fides, tanquam medium illius, ordinata est, non solum ex effectis, sed ex aperta quoque Scripturæ assertionem, apparet. Ut 1. Pet. 1. 9. *Finis fidei, salus animarum.* Hæc enim, bonum est illud, cujus gratia creditur<sup>a</sup>, ac fides datur, *Quos enim prædestinavit, eos etiam vocavit: quos vocavit &c. eos etiam glorificavit*<sup>b</sup>.

<sup>a</sup> Joh. 3. 15, 16, 20, 31. Act. 16. 30, 31. <sup>b</sup> Rom. 8. 30.

LXVIII. *Effectum* etiam fidei, similis est ratio. Nam *primum*, ut Christi donatio, ab electione ad salutem (sicut supra ostendimus) promanat, sic ab eadem vivifica, cum Christo unio, per fidem procedit. Eph. 3. 17. *per fidem, inhabitat Christus, in cordibus nostris.* 1. Cor. 1. 9. *Fidelis Deus, per quem vocati estis, in communionem Filii ipsius, Iesu Christi, domini nostri.* *Finem* verò hujus unionis per fidem, esse salutem, liquet Gal. 3. 28. 29. *omnes enim vos, unus estis, in Christo Iesu. Quod si vos, estis Christi; semen Abraha estis, & secundum promissionem, hæredes.*

LXIX. Deinde uterque unionis hujus per fidem, *fructus*, ab electione ad salutem, oritur: eique, ut medium subordinatum, inservit. *Primus* enim *fructus*, est *justificatio*: de qua Rom. 8. 1. *Nulla est igitur condemnatio iis, qui sunt in Christo Iesu.* Et cap. 5. 1. *justificati igitur ex fide, pacem habemus, apud Deum, per Dominum nostrum, Iesum Christum.* Et cap. 8. 30. *Quos vocavit, eos etiam justificavit.* vers. 33. *Quis accusabit electos Dei?* (scilicet vocatos ad fidem) *Deus est, qui justificat: quis condemnabit? Christus mortuus est, &c. pro nobis.* Salutis verò *medium* esse, inde liquet, quod vers. 30. *asseritur; Quos justificavit, eos etiam glorificavit.* Unde, *justificatio* *viva* (hoc est, vivifica) Rom. 5. 18. nominatur.

LXX. Alter verò, unionis cum Christo, per fidem, *fructus*, est *adoptio* in filios & hæredes Dei. Cujus etiam origo est electio ad salutem: & *finis*, salus. Nam de origine dicitur: Eph. 1. 52. *Qui prædestinavit nos, in adoptionem, in filios, per Iesum Christum.* Rom. 8. 29. *Quos præscivit, eos etiam prædestinavit, ut conformes fiant imagini Filii sui: ut is sit primogenitus, inter multos fratres.* Joh. 1. 12. *Quotquot eum acceperunt, dedit eis potestatem, ut filii Dei fierent, iis qui credunt, in nomen ejus.* Gal. 3. 26. *Omnes enim vos, filii Dei estis, per fidem, in Christo Iesu.* Unde, ut electi credentes, filii Dei, re ipsa<sup>a</sup>: sic electi nondum credentes, solius prædestinationis ratione, Joh. 11. 25. *filii Dei* (hoc est metonymicè, destinati in filios) appellantur.

<sup>a</sup> Rom. 9. 26.

LXXI. *Finis* deinde *adoptionis*, est salus æterna<sup>a</sup>. Rom. 8. 17. *Quod si filii, etiam hæredes: hæredes quidem Dei, cohæredes autem Christi.* Hæc de fide & effectis illius, ab electione ad salutem ortis, eique subordinatis.

<sup>a</sup> 1. Joh. 3. 1.

LXXII. *Spei* quoque (quæ alterum est *sanctificationis membrum*) eadem est ratio. Nam, de origine illius, dicitur 2. Thess. 2. 16. *Ipse verò Dominus noster, Iesus Christus, & Deus ac pater noster, qui dilexit nos, & dedit consolationem æternam, & spem bonam, per gratiam, consoletur vestra corda.* Rom. 15. 13. *Deus verò spei, impleat vos, omni gaudio, & pace credendo, ut spe abundetis per Spiritum Sanctum.* De fine verò (cui, ut medium, inservit) non minus quam de origine, seu Dei gratia, agitur

tur 1. Pet. 1. 3. *Benedictus Deus & Pater Domini nostri Iesu Christi; qui, ex multa sua misericordia, regnavit nos, in spem vivam, per resurrectionem Iesu Christi à mortuis, ad hereditatem, qua nec perire potest, nec marcescere, nobis in cælis servatam.*

LXXIII. De charitate denique & effectis illius, vita sanctitate ac bonis operibus, similiter in Sacris literis docetur, ab electione, ad salutem æternam, oriri: & medium esse, ad salutem destinatum. Eph. 1. 4. *Sicut elegit nos in ipso, ante fundationem mundi: ut simus sancti, & inculpati, coram eo, per charitatem.* Et cap. 2. 10. *Ipsi enim opus sumus, conditi in Christo Iesu, ad opera bona: quæ preparavit Deus, ut in iis ambulemus.* Sic etiam pro fide & charitate Ecclesiæ, Deo, ut auctori, gratias agit Eph. 1. 15, 16. & pro utriusque incremento Apostolus v. 16. & 17. & 6. 23. precatur.

LXXIV. Unde charitatis & bonorum operum, ab eligentis Dei gratia, origo conspicua: finis verò est salus. Nam ut sine sapientia nemo videbit Deum, Heb. 12. 14. nec in cælum ingredietur, Apoc. 21. 27. Matth. 7. 21. sic contra diligentes Deum omnia ad salutem conferunt: qui secundum propositum, vocati sunt, Rom. 8. 28. Atque hæc quidem de iis Scripturæ dictis; quibus, destinata salutis media, sigillatim declarantur.

LXXV. Hisce verò accedunt alia, quæ ea, cum suis causis, plenius comprehendunt: ut 2. Thess. 2. 13, 14. *Nos autem debemus Deo gratias agere semper, de vobis, fratres dilecti à Domino, quod elegerit vos Deus, ab initio, ad salutem, per sanctificationem Spiritus, & fidem habitam veritati. Ad quod vocavit vos, per Evangelium nostrum, ad obtinendam gloriam Domini nostri, Iesu Christi, 2. Tim. 1. 9. Qui (Deus) servavit nos, & vocavit vocatione sancta: non ex operibus nostris; sed ex suo proposito & gratia: qua data quidem est nobis (hoc est metonymicè, decreta, ut daretur) per Christum Iesum, ante tempora secularia.*

LXXVI. Sic 1. Pet. 1. 2. *Electis ex prænotione, Dei Patris, ad sanctificationem Spiritus, ad obedientiam, & asperionem sanguinis Iesu Christi. Tit. 3. 4, 5, 6, 7. Postquam benignitas & philanthropia erga homines amor apparuit servatoris nostri Dei, non ex operibus iustis, quæ fecerimus nos, sed, ex sua misericordia, servavit nos, per lavacrum regenerationis & renovationis Spiritus Sancti: quem effudit in nos copiosè, per Iesum Christum servatorem nostrum: ut iustificati, ipsius gratia, heredes efficeremur secundum spem, vite æternæ.*

LXXVII. Ex quibus omnibus invictè concluditur: quum fides, spes, charitas bonaque opera, sint consequentia, electionis ad salutem effecta, ac gratis destinata media, nihil eorum antecedens, electionis illius, objectum (nec causam) sine enormi contradictione, posse constitui. Atque hæc de Electione: quæ prima prædestinatio.

LXXVIII. Altera verò, est hominum in electione prætorum, ad æternam, peccatorum merito, condemnationem, prædestinatio. Quæ non incommodè reprobatio, vulgò nuncupatur. Nam licet ea vox, in sacris literis, non sit expressa; conjugata tamen, nempe reprobatus, electo generatim oppositus 1. Pet. 2. 4. & origo illius Jer. 6. 30. *Argentum reprobatum vocabunt eos, quia Iehova reprobavit illos, comperitur: & res ipsa, in iisdem, extat: ut ex causis extremis, & ex mediis ordinatis, apparet.*

LXXIX. Extrema enim causa prima, seu efficiens impulsiva, est liberum Dei, de vindice iustitia, in non electis, exercenda, placitum Rom. 9. 18. *Itaque cuius vult, misereatur: quem vult, indurat.*

LXXX. Altera verò causa extrema, seu finis ultimus, à Deo reprobante destinatus, est vindicis illius iustitiæ gloria: quia propter eam, omnia media (tam communia, quam propria) ordinantur: & ad eam, ut bonum ultimum, diriguntur; ut sequentia etiam demonstrantur.

LXXXI. Media autem propria, sunt duo; reprobatorum, in miseria, peccatorum & reatus, cum lenitate & absque liberatione, relictio<sup>a</sup>: & merita æternæ eorum, ob peccata, condemnatio<sup>b</sup>.

<sup>a</sup> Rom. 9. 22. <sup>b</sup> Ibid.

LXXXII. Relictio est, quod iis nec Christus servator:

nec salus, per eundem, reipsa donetur. Quum enim hæc duo, liberæ bonitatis Dei beneficia, ex mera misericordie gratia, electis sint propria, reprobatis minimè communicari, perspicuè apparet.

LXXXIII. Primum enim, Christum electis esse proprium, hæc etiam dicta attestantur; Matth. 1. 21. *Vocabis nomen eius Iesum. Ipse enim, servabit populum suum, à peccatis ipso- rum.* Eph. 5. 23. *Christus est caput Ecclesiæ, & ipse est salvator corporis sui.* Joh. 17. 2. *Dedisti ei auctoritatem, in omnem carnem, ut quotquot dedisti ei, det iis vitam æternam.* Apoc. 5. 9. *Maclatus es, & redemisti nos Deo, per sanguinem tuum, ex omni tribu, & lingua, & populo, & natione.*

<sup>a</sup> Eph. 5. 25. 26. Joh. 10. 15. Act. 20. 28. Gal. 1. 4.

LXXXIV. Contra verò, de reprobatis, ait Christus, Matth. 7. 23. *nunquam novi vos.* Et Joh. 17. 9. *Non oro, pro mundo (nempe reprobatorum, ut res ipsa, & proximè addita oppositio, comprobatur) sed pro iis, quos dedisti mihi:* hoc est pro mundo electorum, cui servando datus<sup>b</sup>: pro quo orat, ut credat ver. 21. & 23. & quem credentem, Deus, per Christum, reconciliat sibi, non imputans iis peccata, 2. Cor. 5. v. 19.

<sup>a</sup> Joh. 6. 37. 39. <sup>b</sup> ver. 51.

LXXXV. Cujus totius mundi, seu universitatis electorum, idcirco propitiatio dicitur, 1. Joh. 2. 2. & hosce omnes, Deus vult (hoc est, decrevit) servari, & ad agnitionem veritatis pervenire, 1. Tim. 2. 4. Unde Petrus ait; *Patiens est erga nos, nolens ullos (nempe nostrum) perire; sed ad resipiscientiam tendere, 2. Ep. 3. 9. Quæ reprobis minimè conveniunt.*

LXXXVI. Nam quod quidam eorum, eodem teste 2. ep. 2. 1. *herum illum, qui illos emerat, abnegant: ex eo, minimè colligi potest, Christi sanguine redemptos.* Nam vox emendi, in S. literis, non solum speciatim, acquirere pretio, notat (ut Apoc. 5. 9. ad Christum dicitur; *Emisti nos Deo, sanguine tuo: & 1. Cor. 6. 20. pretio empti estis*) sed etiam sæpissime generatim, acquirere, designat. Ut Dan. 2. 8. *tempus emitis: & Eph. 5. 16. & Col. 4. 5. tempus ementes, aut redimentes: & Jesa. 55. 1. Venite, & emite sine argento, & sine pretio, vinum & lac. Deut. 7. 8. Iehova emit te, è domo servorum: & 9. 26. Populum tuum, & possessionem tuam, quam emisti.* Atque hoc demum modo Deus, reprobos quosdam emisse: hoc est, ut herum, servos (non ut Pater, heredes filios) vocatione ad externam Ecclesiæ, domus suæ, societatem, acquisivisse affirmatur.

LXXXVII. Deinde, quum Christus non sit reprobatis donatus servator, nec in alio quoquam sit salus<sup>a</sup>: inde etiam necessariò sequitur, illis salutem, per eundem, neque perfectam, neque inchoatam, communicari.

<sup>a</sup> Act. 4. 12.

LXXXVIII. Nam, ad inchoatam, quod attinet, fides viva<sup>a</sup> (quæ per fiduciam<sup>b</sup>, & charitatem est efficax<sup>c</sup>) electis, propria est: à reprobatis verò, aliena. Nam licet horum aliqui, per Spiritus Sancti illustrationem, Evangelii veritatem, & bonorum, eo promissorum, excellentiam mente degustent<sup>d</sup>, levique gaudio excipiant<sup>e</sup>; radice tamen (seu viva fide) carent<sup>f</sup>. Nec Spiritus consolatoris<sup>g</sup> simul & veritatis (quem mundus non potest recipere<sup>h</sup>) participes evadunt.

<sup>a</sup> Jac. 2. 16, 26. <sup>b</sup> Eph. 3. 12. <sup>c</sup> Gal. 5. 6. <sup>d</sup> Heb. 6. 4, 5. <sup>e</sup> Matth. 13. 20. <sup>f</sup> Ibid. <sup>g</sup> Rom. 8. 15, 16. <sup>h</sup> Joh. 14. 16, 17.

LXXXIX. Hinc Joh. 10. 26. ait Christus; *Sed vos non creditis: non enim estis, ex ovibus meis.* Et cap. 12. 37, 38, 39, 40. *Non credebant in eum, ut sermo Esaiæ Prophete imple-retur, quum dixit; Domine, quis credidit audito sermone nostro, & brachium Domini, cui retractum est? Propterea non poterant credere: quia iterum dixit Esaias; Excæcavit oculos eorum, & obduravit cor eorum, ne videant oculis, & intelligant corde, & convertantur, & sanem eos.* Et cap. 6. 36, 37. *Sed dixi vobis, etiam vidistis me, nec creditis. Quicquid dat mihi Pater, ad me venit: & ver. 64. & 65. Sed sunt quidam ex vobis, qui non credunt, &c. & dicebat; propterea dixi vobis, neminem posse venire ad me, nisi fuerit ei datum à Patre meo.*

XC. Quam credendi impotentiam, per communem suum, in Adamo, lapsum, imagine Dei (qua credendum omni Dei verbo, erant idonei) excussa, sibi ultro acquisiverunt: eamque non pauci, propria sua contumacia augent<sup>a</sup>.

gent<sup>a</sup>. Ideoque nec Deo culpam illius, nec sibi veniam, ullo jure adscripserint. Atque hæc, de vivæ fidei, in reprobatis, defectu.

<sup>a</sup> Ioh. 5. 40. 42. 44. <sup>2</sup> Thess. 2. 10. 11. 12.

XCII. Deinde neque effecta fidei propria, reprobatis donari (quum dono fidei careant) apparet: & inductione eorum (nempe unionis cum Christo, & unionis illius, per fidem, fructuum) clarius evadet. Nam primum, de unione, testatur Apostolus, (de Christo capite electorum, & capite anguli domus Ecclesiæ ipsius, agens) 1. Pet. 2. 7. 8. *Lapis offendiculi & petra scandali iis, qui offendunt ad sermonem immorgeri, ad quod etiam positi* (nempe permittendi ac gubernandi eorum contumaciam, decreto) fuerunt. Vos autem genus electum, &c. ubi reprobat, alieni à Christo, & oppoliti electis, statuuntur.

XCIII. Fructus verò fidei, atque unionis, cum Christo (justificationem & adoptionem in filios atque hæredes Dei) solis electis, non autem reprobatis, convenire, & superiora demonstrant: & de justificatione ac fide quidem Apostolus testatur. *Quid igitur; quod requiritur Israël, hoc non est affectum: sed electi, affecti sunt: reliqui verò, occalluerunt. Sicut scriptum est: Dedit iis Deus, spiritum soporis, oculos, ut non videant, & aures, ut non audiant, usque ad hodiernum diem.*

<sup>a</sup> Rom. 9. 31. & 10. 3.

XCIV. De adoptione verò, in filios atque hæredes Dei, idem, ex utroque, cum fidei, tum justificationis, defectu constat. Unde Christus reprobato, electis opponens, *filios illius mali*<sup>a</sup>, hoc est Diaboli, quod tales facti maneant, nominat: etsi interdum, quidam eorum improprie, *filii Dei*<sup>b</sup>, (quod Dei filiis, externa vocatione ac specie; sint similes) appellantur.

<sup>a</sup> Matth. 13. 38. <sup>b</sup> Gen. 6. 2.

XCIV. Deinde, ut fide & fructibus illius, reprobat careant, sic vera charitate, vereque bonis operibus (quæ adjuncta, salutis destinata, media) carere, absentia fidei, & unionis cum Christo, aperte arguit. Unde oppositè electis ac piis, *inquinantes, & abominandum ac mendacium perpetrantes*, dicuntur<sup>a</sup>.

<sup>a</sup> Apoc. 22. 27.

XCIV. Nam licet eorum nonnulli, per externam vocationem, cognitione Euangelii donati, verè errorum & scelerum mundi inquinamenta, exterius loti, effugisse dicantur; internam tamen suis lotæ instar, immunditiam reserant: & facili occasione allecti quidam, ad pristinos suos errores, & impuros mores (mortuæ suæ fidei naufragium passi<sup>a</sup>) revertuntur<sup>b</sup>. Unde reprobat, *mali*, oppositè electis justis<sup>c</sup>, appellantur. Atque hæc de primo destinato, ac proprio, reprobationis medio, nempe divina reprobatorum, in miseria, peccati ac reatus, relictione.

<sup>a</sup> 1. Tim. 1. 19. <sup>1</sup> Ioh. 2. 19. <sup>b</sup> 2. Pet. 2. 18. ad finem. <sup>c</sup> Mat. 13. 49.

XCVI. Alterum verò est, iusta æternæ eorum, ob peccata, condemnatio: quæ, *status est ultimus, & mediorum omnium antecedentium* (tam communium, quàm priorum) *finis penultimus*. Siquidem Deus, reprobato creavit, ac labi permisit, atque in miseria, peccati & reatus, relinquit leniterque tolerat, ut iustum suum, in illis iudicium exerceat.

XCVII. Quo pertinent etiam, hæc Scripturæ dicta; Prov. 16. 4. *Omnia fecit Iehova, propter se, etiam impium* (quæ scilicet est, non quæ impius est) *ad diem malum*. Et Rom. 9. 22. *Volens Deus ostendere iram, & notam facere potentiam suam, pertulit magna lenitate, vas aere, coagmentata ad interitum*: scilicet iræ, seu iustæ vindictæ. Nam interitus, per se consideratus, nec rei, nec Dei prædestinantis, finis esse potest. Non rei, quia finis illius, est bonum: non Dei; quoniam interitus, per se, non appetit, quia bonus<sup>a</sup>: sed quatenus merita vindictæ, quia iustus<sup>b</sup>.

<sup>a</sup> Gen. 18. 25. <sup>b</sup> Rom. 12. 19. & 2. 5. 6.

XCVIII. Hujus etiam ultimi status reprobatorum, à Deo destinati, ratione, reprobat, electis ad vitam, oppositè contradictoriè, hac periphrasi notantur; *Non scripti, in libro vite*: Apoc. 20. 15. *Quorum nomina, non sunt scripta in libro vite, à foundatione mundi* Apoc. 17. 8. Contrariè verò, hoc modo describuntur; *Vasa, facta ad dedecus* Rom. 9. 21.

*Quos Deus posuit, ad iram* 1. Thess. 5. 9. *descripti, ad hanc damnationem* Judæ vers. 4.

XCIX. Quare, ex hisce mediis, reprobantis Dei iustitia, elucet. Nam, ut Apostolus Rom. 9. 20. & 21. ait; *Tu vero homo, quis es, qui, ex adverso, respondas Deo? Num dicet figmentum fictori; Cur me, talem fecisti? An non habes potestatem figulus, in lutum, ut ex eadem massa, faciat aliud quidem vas, ad decus: aliud verò, ad dedecus?*

C. Quæ iustitia, eò est clarior, quod cœlestis noster figulus, non mera potentia, sed (suæ bonitatis<sup>a</sup> ac iustitiæ legi<sup>b</sup> consentaneè) non nisi permissis, ac magna lenitate toleratis, reprobatorum peccatis (tanquam medio, simul subordinato) ipsos, ad exitium, recto iudicio inferendum, destinavit ac creavit: adeo ut exitii, efficiens ac sufficiens, causa, in solis reprobatis, comperiatur.

<sup>a</sup> Ezech. 18. 23. 32. <sup>b</sup> Gen. 18. 25.

CI. Quamvis enim Deus reprobatorum peccata, in hoc, iusti exitii, decreto non spectavit, velut causam illius, aut antecedens objectum; habuit tamen permissionis illorum, tanquam mediū, rationem: quo simul uno atque individuo reprobationis decreto, fini suo subordinavit. Ac propterea quæ Deus rectè conjunxit, ea non sunt perperam divellenda.

CII. Quare, ut paucis concludam, si Deus certos ac singulares homines, ab æterno ad iustam condemnationem, peccatorum ipsorum merito, inferendam destinavit, iniustitiæ nomine insimulari, sine summa iniustitia, non potest. Atque hæc de utraque *hominum prædestinatione*, absolutè ac per se considerata: superest, ut strictim, cum Angelorum prædestinatione, conferamus: ut primaria, *convenientia*, ac *differentia*, capita cognoscantur.

CIII. In *Electiōne* enim *convenientia prima*, in ultimo statu communi, consistit: quod ut hominum, sic Angelorum altera pars, Dei gratia, ad salutem æternam in cœlis, destinata: ideoque distinctè, & *Angeli electi*<sup>a</sup>, appellantur: & homines electi ac fideles (quod cœlo sint adscripti & illius ci-ves<sup>b</sup>) ad *Angelorum myriades accessisse*<sup>c</sup>, dicuntur.

<sup>a</sup> 1. Tim. 5. 21. <sup>b</sup> Phil. 1. 20. <sup>c</sup> Heb. 12. 23.

CIV. *Secunda*, est in *mediis*, ad salutem, destinatis: ac primum in creatione, ad imaginem Dei: quæ utrimque communis. Qua de causa, ut Adam *Dei filius*<sup>a</sup>; sic etiam Angeli, ob eandem creationis gratiam, *filii Dei*<sup>b</sup>, appellantur. Deinde, in recto imaginis Dei, usu; nempe, obedientia erga Deum.

<sup>a</sup> Luc. 3. 38. <sup>b</sup> Iob. 1. 6.

CV. *Differentia* verò est, quod *Angelorum electio*, est ad sanctitatis obedientiam perpetuam: *hominum* verò ad cœptam tantum, & redemptoris Christi remedio, restaurandam: ut utriusque eventus, destinationi convenient, demonstrat.

CVI. In illa enim, est gratia, in recto iustitiæ originalis, statu conservans: in hac verò, & permissio lapsus, & gratia, à miseria peccati ac reatus, liberans<sup>a</sup>. Quorum neutrum, Angelis convenit: *quum sani, non opus habeant medico, sed agri*<sup>b</sup>.

<sup>a</sup> 2. Tim. 1. 9. <sup>b</sup> Mat. 2. 12.

CVII. Angelos autem electos sanos, seu peccati & reatus expertes, perstitisse Scriptura asserit; non solum quando *sanctos angelos*<sup>a</sup>, vocat, oppositè iis, qui peccaverunt, quique *originem suam*, hoc est sanctitatem, *non servaverunt*<sup>c</sup> sed etiam, *efficientes verbum ejus, auscultantes voci, verbi ejus*<sup>d</sup>, appellat. Denique, quum *nihil, in calum, immundum ingrediat*<sup>e</sup>: *Angeli verò electi, semper Dei faciem, in calis, cernant*<sup>f</sup>, à peccato immunes esse, necesse est.

<sup>a</sup> Mat. 8. 38. <sup>b</sup> Luc. 9. 26. <sup>c</sup> Act. 10. 23. <sup>d</sup> 2. Pet. 2. 4. <sup>e</sup> Iud. 6. <sup>f</sup> Psal. 103. 20. <sup>g</sup> Ap. 21. 27. <sup>h</sup> Matth. 18. 10.

CVIII. Neque etiam ullibi, peccasse Angelos electos, à Deo traditur. Nam sententia Job. 4. 18. & 15. 15. frustra obtenditur: partim quia humana est; non divina: Eliphazi, hominis quidem pii & eruditi; sed non prophetantis, ut qui ob quædam non rectè dicta, à Deo, meritò reprehensus<sup>a</sup>: partim, quia aliena: ut quæ, Angelis non absolutè peccata adscribit: sed comparatè, minorem quàm Deo, sanctitatem attribuit.

<sup>a</sup> Iob. 42. 7.

CIX. Neque etiam Apostoli dicta, Eph. 1. 12. & Col. 1. 20.



de collectione sub unum caput, & reconciliatione ac pacificatione omnium, qui in terris, & in celo sunt, Angelos attingunt; sed homines electos ac fideles: qui, partim in terris militant, partim in celo triumphant: qui hostes Dei, fuerunt, & reconciliatione, per Christi sanguinem, habuerunt opus. Ideoque simul, Christi promissi adventu (si meritum spectemus) consecrati, affirmantur. Ideoque Christus, *mediator Dei & hominum*<sup>b</sup>: non autem Angelorum sanctorum, existit: quamvis horum etiam sit dominus (potestate in ipsos data, non redemptione eorum facta) constitutus<sup>c</sup>. Atque hæc de electionis, hominum & Angelorum, collatione.

<sup>a</sup> Heb. 11. 39. <sup>b</sup> 1. Tim. 2. 5. <sup>c</sup> Eph. 1. 21.

CX. In reprobatione, non minus similitudo & dissimilitudo, apparet. Similitudo enim prima est, quod, ut hominum, sic Angelorum, pars non electa, ad justam damnationem, est destinata<sup>a</sup>.

<sup>a</sup> Matth. 25. 41. 2. Pet. 2. 4. Judæ 6. 1. Cor. 6. 3.

CXI. Secunda verò, in mediis ei subordinatis, consistit: nempe origine, à Deo creatore, sancta: & lapsus ab ea, ac reatus permissione: & perpetua, in iis relictione. Unde Angeli reprobat, nec servasse originem suam<sup>a</sup>, nec stetit in veritate<sup>b</sup>, dicuntur. Quibus, & origo sancta, atque in veritate statio antecedens, cum consequenti defectione, denotatur. Ideoque Angeli, qui peccaverunt<sup>c</sup> distincte à sanctis, qui non peccaverunt, nominantur.

<sup>a</sup> Judæ 6. <sup>b</sup> Joh. 8. 44. <sup>c</sup> 2. Pet. 2. 4. 1. Joh. 3. 8.

CXII. Dissimilitudo verò est, quod reprobatis, nullis quidem Angelis, sed hominibus multis, Evangelii prædicatio est, suo modo, destinata. Ac primum ut nonnulli eorum, ad fidem generalem, seu veritatis illius assensum, Dei illustratione, adducerentur: idque, ut qui, pro virili, in officio persisterent minusque peccarent, minus etiam punirentur<sup>a</sup>: qui verò ab agnita veritate, & honesta disciplina, deficerent, gravius, justo Dei judicio, damnarentur<sup>b</sup>.

<sup>a</sup> Luc. 12. 47. 48. <sup>b</sup> 2. Pet. 2. 17. 20. 21.

CXIII. Secundo verò, ut aliorum, quibus ea revelatio non obigit, latente ac proterva impietate (ut in Pharaone, similiter factum<sup>a</sup>) occasione Evangelii relecta, omnis excusatio præriperetur, Deique, in iis ferendis, lenitas, & in poenis inferendis, justitia, magis illustretur<sup>b</sup>.

<sup>a</sup> Rom. 9. 17. <sup>b</sup> Matth. 11. 22. Joh. 9. 41. & 15. 22. 2. Thess. 2. 10.

CXIV. Proterva autem impietas, in eo consistit: quod non solum, acquisito, per lapsum communem, vitio, credere nequeant<sup>a</sup>: sed propria etiam contumacia, credere nolint<sup>b</sup>, dum Evangelium audire recusant: aliosque ab eo dehortationibus suis, aut etiam minis, abstergere conantur<sup>c</sup>: vel auditum, maledictis, aut etiam malefactis, insectantur<sup>d</sup>. A quibus sceleribus, libera potestate, sese reprimere & abstinere, poterant: ut externarum hujusmodi actionum natura, multorumque experientia, demonstrat. Atque hæc de prædestinationis utriusque Angelorum & hominum, collatione.

<sup>a</sup> 1. Cor. 2. 14. Joh. 6. 65. Eph. 2. 8, 10. <sup>b</sup> Joh. 5. 40. <sup>c</sup> Ib. 10. 20. & 9. 22. <sup>d</sup> Ib. 10. 31. 33. Act. 7. 51. 54. 57. & 13. 45.

CXV. Ceterum, in modo cognitionis, quo ea, sive Electio, sive reprobatio, utrimque innoscitur, non leve est discrimen. Angeli enim, præter experientiam, tam electi<sup>a</sup>,

quam reprobat<sup>b</sup>, revelationem habent, in Dei verbo, expressam<sup>c</sup>: hominum verò, diversa est ratio.

<sup>a</sup> Matth. 18. 10. <sup>b</sup> 2. Pet. 1. 4. Judæ 6. <sup>c</sup> Matth. 22. 30. & 25. 31. Heb. 12. 22. Matth. 25. 41. & 8. 19.

CXVI. Electio enim singularis, ab electis hominibus auctis, cognoscitur, in his terris, ordinariè, partim exterius, per Evangelium: partim interius, per fidem vivam, & Spiritum Sanctum.

CXVII. Evangelium enim docet, ex effectis propriis, quales certò Deus elegerit, ad vitam: nempe vocatos fideles ac resipiscentes<sup>a</sup>: fidei autem vivæ, ac resipiscentiæ, sensus<sup>b</sup>: & Spiritus Sancti, corda nostra suo testimonio, obsignantis consensus<sup>c</sup>, confirmant non esse fideles ac resipiscentes.

<sup>a</sup> Rom. 8. 18, 19, 30. 2. Thess. 2. 13. 14. Eph. 1. 4. <sup>b</sup> 2. Cor. 13. 5. 1. Joh. 3. 19, 20. 1. Joh. 3. 19, 21. <sup>c</sup> Rom. 8. 14, 16, 17. Eph. 1. 13.

CXVIII. Ex quibus, tanquam syllogismi practici Antecedente (Propositione, & Assumptione) firma, in animis nostris, Conclusio conficitur, & à Spiritu Sancto obsignatur, nimirum; Nos electos ad vitam æternam & præparatos seu destinatos, ad omne opus bonum ac decus<sup>a</sup>. Unde Spiritus Sanctus, arrhabo hereditatis nostræ<sup>b</sup>, vocatur: & bona opera, electionem nostram confirmare<sup>c</sup> (non in Deo, in quo firmissima; sed in animis nostris, tanquam argumenta, quæ eam probent) asseritur.

<sup>a</sup> Eph. 2. 10. 2. Tim. 2. 19, 20. <sup>b</sup> Eph. 1. 14. <sup>c</sup> 2. Pet. 1. 10.

CXIX. Reprobatio verò ordinariè, à reprobatis hominibus, cognoscitur solum, ex peccato in Spiritum Sanctum: quia id, remitti non potest<sup>a</sup>: & ex incredulitate, ad finem vitæ, perdurante: quæ in nullos electos, quorum est fides<sup>b</sup>, sed in solos reprobos cadit. Atque hæc de Prædestinationis doctrina, & cognitione illius.

<sup>a</sup> Matth. 12. 31. 1. Iohan. 5. 16. <sup>b</sup> Tit. 1. 1. Iohan. 6. 39, 44. & 10. 26, 27.

CXX. Usus autem cognitionis hujus doctrinæ, est multiplex. Nam ratione quidem Electionis triplex, in ea, excellit. Primus, est humilis Dei timor: quod salutis nostræ origo, progressus, ac complementum, à Dei electione atque effectione, pendeat<sup>a</sup>. Secundus est fidei adversus omnes tentationes fiducia erga Deum<sup>b</sup>: quod dona (dilectionis atque Electionis) Dei, ac vocatio, sint æquivalentia<sup>c</sup> ac firmum fundamentum<sup>d</sup>: cui tutò innitatur<sup>e</sup>. Tertius, est sanctæ vitæ gratitudo: qua nos Deo electori, anima simul ac corpore, pro dilectione, & miserationibus, electionis vi, præstitis consecremus<sup>f</sup>, eumque in æternum, gratias agendo, celebremus<sup>g</sup>.

<sup>a</sup> Eph. 2. 9. 1. Cor. 4. 7. Phil. 2. 12. 13. <sup>b</sup> Rom. 8. 31, 38, 39. 1. Joh. 4. 10, 16, 17. Luc. 12. 32. <sup>c</sup> Rom. 11. 28, 29. <sup>d</sup> 2. Tim. 2. 19. <sup>e</sup> Rom. 8. 33, 39. <sup>f</sup> Rom. 12. 1. 1. Joh. 4. 10. 11. 2. Thess. 5. 8. 9. <sup>g</sup> 2. Thess. 2. 13. Rom. 11. 36.

CXXI. Doctrina verò de reprobatione usus, inter alios, primus est, ut peccatum atque exitium, hominibus: iusta verò judicia, Deo tribuamus. Deinde verò, consideratione severitatis, erga reprobos (quam in nobis etiam exercere poterat) gratiam nobis præstitam, eo ampliorem, cum admiratione, agnoscamus, ac perpetua pietatis gratitudine colamus ac laudemus<sup>a</sup>.

<sup>a</sup> Rom. 9. 22, 23, & 11. 32. ad finem. 1. Thess. 5. 8. 9.

## COROLLARIA.

1. An, Prædestinare, Rom. 8. 29, 30. & Eph. 1. 5. per se, ac speciatim ponatur, pro eligere: an verò significatione generali, pro decernere; quæ expressa, vel per ellipsin suppressa, atque ex antecedente, intellecta circumstantia restringatur, ad speciem? Posterius affirmamus.

2. An destinatio hominum ad laudem misericordiae Dei, relationem aliquam habeat, ad eorum miseriam? A.

3. An propterea, ad miseriam, vel actu existentem: vel ut objectam ac præordinatam conditionem? An verò, ut possibilem, atque uno decreto subordinatam? Posterius Aff.

4. An ad Heb. 11. 5. 6. dictum sit; Sine fide autem impossibile iustas fieri, de omnibus hominibus universè consideratis? an verò de Henoch? Posterius Aff.

5. An non, ante datam fidem, impossibile, electos non placere Deo? Aff. Nam dilectio ac misericordia Dei, est

propria atque antecedens fidei causa, Eph. 2. 8. Tit. 3. 5. & 1. Timoth. 1. 16.

6. An non, in his dictis contradictio? N. quia ea, non relatè ad idem, sed ad diversam causam, dicuntur. Nam ante fidem, electi placent Deo, solius gratia ipsius, non autem conditionis sue ratione Rom. 5. 8. 10. & 11. 28. post fidem verò, etiam conditionis sue respectu, placent bifariam: primum, quatenus iustificati, Rom. 5. 1. ac grati facti in Christo, Eph. 1. 6. Deinde quatenus placita Deo opera, fide, per Charitatem efficaci, proferunt: Heb. 12. 28. & 13. 16, 21. Col. 1. 10. Rom. 14. 18.

7. An Joh. 15. v. 19. Ex mundo, elegivos: propterea, odit vos mundus, de electione æterna (qua sanè Christo, qua Filius Dei, convenit) an verò de temporali, sem de vocatione, in Discipulos & Apostolos dicatur? Posterius probant

probant extrema verba: quia electio aeterna, mundo prorsus ignota, huius odii causa esse, nequaquam potuit.

8. An doctrina eorum, qui à reformata Ecclesia, in hoc etiam dogmate, desceverunt, pie possit tolerari? N. Quippe (ut alia o-

mittam) quemadmodum perfectionem fidei, ab humano, liberi arbitrii, assensu suspendunt, sic electionem ad salutem, ab hac fide pendere, impure utrimque asserunt: & gratuita salutis gloriam, Deo derogantes, hominibus arrogant.

## DISPUTATIO XI.

## DE CREATIONE MUNDI.

## THESES.



**A**cturi de mundi creatione, præmittimus vocum explicationem: Quarum prima, est *mundus*: qui *Hebraicè* vulgò, *gnholam*, seculum, ab adjuncta duratione longa, metonymicè appellatur: quamvis eo sensu, in Vet. Testamento (nisi fortè Prov. 8. 23. convenienter dicto Joh. 17. 5.) nusquam occurrat. Quod enim *Hieronymus*, etiam in commentariis, Hab. 3. 6. *Colles* (*gnholam*) mundi, non autem seculi, interpretatur, illud non satis, cum adjunctis loci, consentit.

II. *Gracè* verò, simili tropo, *αἰών* seculum, Matth. 13. 39. & 40. & 28. 20. & per enallagen numeri, *αἰών*, Heb. 1. 2. & 11. 3. *Secula*: deinde ex communi usu, *cocinnè* *κόκκινον* appellatur. Hæc enim vox, ut *ornamentum* propriè ac *generatim*, 1. Pet. 3. 3. sic *speciatim*, universam cœli, terræ, ac maris, rerumque iis comprehensarum, structuram ornatiſſimam (ut & *mundus* Latinis, à munditie dictus) designat. Matth. 13. 35. Joh. 1. 10. & 17. 24. & 1. Pet. 1. 20. Quo modo etiam, in hac dissertatione, intelligimus.

III. Unde *primum per synecdochen*, pro parte mundi, *majori*, aut *minori*, usurpatur. Pro *majori* quidem; quum cœli, terræ ac maris, opificium, à rebus comprehensis distinctum, indicat: ut Act. 17. 24. Pro *minori* verò; quum terram Matth. 26. 13. Joh. 16. 28. designat. Deinde per *metonymiam*, pro hominibus qui in mundo sunt, variè, generalius aut specialius, Rom. 3. 19. Joh. 19. 19. & 17. 9. & 2. Cor. 5. 19. accipi solet. Atque hæc de *prima voce*, nempe mundi.

IV. Altera verò est, *creare*: qua, & *Hebraum* *bará*, & *Græcum* *κτίω*, interpretantur. Quæ duo, ea in re, citra controversiam; differunt: quod *bará*, de solo Deo; *κτίω* verò, etiam de hominibus, Levit. 16. 16. à Lxx. interpretibus, & Heb. 9. 11. cum 8. 2. collato (ex communi Græcorum usu) dictum comperimus.

V. Quænam verò genuina sit, *vocis bará*, significatio, inter eruditos disceptatur. *Quidam* enim Hebræi (ut *D. Kimchi*) eam propriè esse, *aliquid è nihilo facere*, affirmant: *alii* verò contrà sentiunt, & quidem non temerè. Quia, ut in priori sententia probanda, solida ratio desideratur: sic eandem, nec Lxx. interpretes (qui, Gen. 1. & alibi sæpiſſimè, *ποιέω* exponunt) agnoverunt: neque doctissimo Hebræorum A. Ezra probatur; sed in commentariis, ad Gen. 1. 1. disertè hoc negat, & S. Scripturæ usu, eruditè confutat.

VI. Nam quamvis (ut id solum objici solet) in creationis cœli & terræ, descriptione, Gen. 1. 1. & locis similibus, effectio è nihilo, intelligatur, illud tamen, non per se, seu ex propriæ vocis, *bará*, significatione, sed per accidens tantum, ex rei videlicet subjæctæ naturæ, & circumstantiis illius promanât.

VII. Idque ex eo satis demonstratur, quòd in eadem creationis historia, vox *bará* creare, de aliis etiam dicatur, quæ non è nihilo, sed ex materia, facta esse recensentur: ut de cetis vers. 21. & de homine. De quo, ut à Deo dictum, *Faciamus hominem*: vers. 26. sic eundem creasse, ter affirmatur vers. 27.

VIII. Quemadmodum etiam cap. 2. 3. & 4. *facere & creare*, de universis sex dierum operibus, promiscuè ac *οὐκ ὁρισμένως* dicta, apparet. Ut etiam Jes. 45. 12. *Ego feci terram, & hominem, super eam, creavi*. Idque etiam usitatum, non solum, quum de prima hominis origine, sed etiam quum de ordinaria, posterorum illius, propagatione agitur. Nam ut Deus, *factor celi*, Psal. 115. 16. & 121. 2. & *creator* ejusdem, Jes. 42. 5. & 45. 18. sic factor, Jes. 17. 7. & *creator hominis*, Eccl. 12. 1. eodem utrimque sensu, appellatur.

IX. Imò non solum, quum substantiæ, sed etiam quando accidentis, à Deo producti, origo memoratur, eadem, harum vocum significatio, apparet. Ut Exod. 34. 10. *Faciám mirabilia, quæ non sunt creata* (id est facta) *in ulla terra*: & Num. 16. 30. *Sin autem briá jibhrá, creaturam creaverit*, hoc est, factum fecerit: quod de apertione terræ, & exitio Coræ, ibidem exponitur. Et Jes. 45. 7. *Faciens lucem, & creans tenebras: faciens pacem, & creans malum. Ego Jehovah faciens omnia hæc*: & cap. 57. 19. *creans* (id est efficiens) *proventum laborum*. Denique Jerem. 31. 22. *Iehova, rem novam creabit, in terra: femina circumdabis virum*.

X. Præterea vox *bará*, non solum de prima alicujus rei effectio, seu origo (ut Gen. 1. 1.) sed etiam de illius refectione ac restauratione, Jes. 65. 17. Psal. 51. 12. usurpatur.

XI. Quare ex hisce, satis perspicuè elucere, arbitramur, *bará* (non minus, quàm Latinum *creare*, aut Græcum *κτίω*) per se ac propriè, non significare, substantiæ, è nihilo, effectioem; sed effectioem communiter: sive ea sit, substantiæ, sive accidentis: sive è nihilo, sive è materia: sive de origine rei, sive de restauratione illius, differatur.

XII. Quamvis autem *gnhafa*, facere, & *bará*, creare, ita convenient: interdum tamen angustius, & distinctè inter se, per synecdochen, *bará*, rei originem: *facere* verò, rei factæ perfectionem, significat: ut Jes. 43. 7. *Creavi eum: formavi eum: feci eum*.

XIII. Denique huic, & propriæ, & synecdochicæ, vocis *bará*, significationi, accedit contraria, per antiphrasin: quum non efficere, sed factum excindere ac perdere, denotat, ut Jos. 17. 15. *Ascende in sylvam, & Berebha excinde*; & vers. 18. Deinde Eze. 23. 47. & *baré*, excindet eos gladiis suis. Quo etiam A. Ezra, refert illud (cujus memini) dictum, Num. 16. 30. ac de excidio, non alienè à scopo, exponit.

XIV. Porro à generali illa, vocis *creandi*, significatione, creationis nomen derivatum, creantis actionem, qua creatura existit, (ut *κτίσις* creatio, 2. Pet. 3. 4. Mat. 10. 6.) designat. Unde, per metonymiam, idem est *κτίσις* creatio, quod *κτίσις* creatura: Col. 1. 15. Heb. 4. 13. & *ὁ κτίσις* homo, Mar. 16. 15. qui expressius 1. Pet. 2. 13. *humana creatura* (hoc enim sequentium constructioni, & vocis usui, videtur aptius, quàm ordinatio) nominatur. Nos autem, de mundi creatione, differentes, propria significatione accipimus: eamque (voci- bus jam explicatis) hoc modo, describimus.

XV. Creatio mundi, est externa, temporalis, atque universalis, Dei actio, qua calum, terram, mare, omniaque iis comprehensa, solus, omnipotentis sua voluntatis vi, sex dierum spatio, fecit, ac perfecit; ad suam, ex bonitatis, sapientia, ac potentia patefactione, gloriam, & creaturarum, inprimis intelligentium, utilitatem, æternamque Electorum, in calo salutem.

XVI. In qua descriptione, *subjectum* quidem, creationem mundi, esse (tanquam certum, ac S. literis assertum, Rom. 1. 20. & Act. 17. 24. fidei articulum, Heb. 11. 3.) fundamenti instar, subternit: *attributum* verò quid ea sit, partim, generis, seu communis naturæ: partim, differentia propria, & finis indicio, delineat.

XVII. *Genus*, est actio Dei, externa, temporalis, atque universalis: quia hæc, communis est, creationis, & gubernationis (ut speciei, illi oppositæ) natura.

XVIII. *Actio* autem dicitur; quia creare, est agere: & creatione, creaturæ sunt factæ: Dei verò; quia creatio, ab eo est. Rom. 1. 20. & 25. Ideoque Heb. *boré* Jefa. 45. 18. & Græcè *κτίσις* 1. Pet. 4. 19. h. e. creator, appellatur. Atque hoc modo, efficiens creationis causa, exprimitur.

XIX. Qua

XIX. *Qua Dei actio*, quum sit voluntaria, Ap. 4. 11. (utpote, à liberrimo illius decreto, orta, Eph. 1. 11.) non unius est personæ propria, sed (quia una eademque est Deitas) *tribus communis*, Gen. 1. 26. Psal. 33. 6. Ac propterea, ut *Patri*, Act. 4. 24. sic *Filio* Joh. 1. 3. & 10. Col. 1. 16. Heb. 1. 2. & 10. & *Spiritu Sancto*, Job. 26. 13. & Psal. 95. 5. collato cum Heb. 3. 7. & 9. servato tamen agendi ordine, attribuitur.

XX. *Externa* deinde vocatur; quia creationis actio, à Deo quidem, tanquam à principio suo, oritur; sed in creaturis ipsis, non autem in Deo, terminatur.

XXI. *Temporalis* autem est, quia non ab æterno creatus est mundus (eum enim Deus antecessit, Psal. 90. 2. & Filius illius, Prov. 8. 25, 26. & Joh. 1. 1. & 17. 5. & 24.) sed in tempore cœpit, ac desinit Gen. 1. 1. & 5. & Gen. 2. 1. & 4. Idque Mosis & Prophetarum Chronologia testatur, ac mundum, ante certa aut pauca annorum millia, primum exortum, demonstrat.

XXII. Nam (ut rectè, contra Arianos, *Athanasius*, orat. 2. edit. Comel. p. 158. disserit) *Etiam si Deo, possibile fuerit, ab æterno opera facere; non tamen potuerunt ea, quæ facta sunt, ab æterno fuisse. Siquidem, ex non entibus emerferunt, nec erant, priusquam fierent. Quæ autem non erant, antequam fierent, quomodo illa coexistere poterant, cum Deo semper existente?*

XXIII. *Universalis* denique dicitur actio; ut, à particulari, distinguatur: quia universum mundum attingit. Idque distincta, principum illius partium (*cali, terra, maris, omniumque ius comprehensorum*) recensio (Scriptura præeunte, Exod. 20. 11. Nehem. 9. 6. Psal. 146. 6. Act. 4. 24. & 14. 15. Col. 1. 16.) explicatur. Atque hæc, de genere, dicta.

XXIV. *Differentia* verò propria, partim suo agendi modo, quasi forma: partim temporis adjuncto, designatur.

XXV. *Agendi* autem modus (quum triplex sit) *primus* est, quòd Deus *mundum fecit*, ac *perfectit*. Quorum *primus*, originem illius, notat Gen. 1. 1. & 2. 1, 2. posterius verò, perfectionem, Genes. 1. 31. & 2. 2. Quæ in sapienti ac benigna, partim *dispositione*, Gen. 1. 7. & 18. Psal. 104. 24. & 136. 5. partim *varia*, cæli, Gen. 1. 14. 16. terræ, vers. 11. 25, 27. & maris, vers. 21. *exornatione*, omniumque bonitate, vers. 31. consistit. Atque hoc modo, creatio, à mundi facti ac perfecti, gubernatione distinguitur.

XXVI. *Secundus* deinde *agendi modus* est, quòd mundum *solus*, nullo usus socio, nullo ministro, aut directore, creavit. Unde Jes. 44. 24. dicit; *Ego Jehovah, faciens omnia: extendens calos solus: expandens terram, per meipsum.* & Job. 8. 9. *extendens calos solus*. Ac propterea Deus, sese, hoc opere (tanquam sibi proprio) ab omnibus aliis, discernit. Psal. 96. 5. Jes. 37. 16. & 40. 12, 13, 26, 28. & 45. 12, 18. & 48. 13. & Jer. 10. 11, 12. Idque, ex sequenti modo, etiã confirmatur.

XXVII. *Postremus* enim est, quòd Deus mundum, omnipotenti, voluntatis suæ, vi condiderit. Quæ vis, uti celebratur Jes. 40. 26, 28. & Jer. 10. vers. 12. & 32. 17. sic mandati metaphora, Genes. 1. vers. 3. & Psal. 33. 9. & 148. 4. 5. & Jes. 45. 12. describitur. Ejus autem *operatio*, duplex est.

XXVIII. *Quadam* enim creaturæ simpliciter, è nihilo (ut termino) & ut Apostolus Heb. 11. 3. loquitur, ex non apparentibus: seu, è nulla materia, universæ suæ essentiae ratione, à Deo conditæ. Cujusmodi in primis sunt, cælum, terra, aquæ, Gen. 1. 1, 2. Psalm. 24. 2. & lux primæva, Genes. 1. 3, 4. & 2. Cor. 4. 6.

XXIX. *Alia* verò, *secundum quid*, seu ratione suæ formæ tantum: ut quæ, non ab insita atque efficaci materia potentia, ac successione quadam (ut in naturali generatione contingit) sed sola, *omnipotentia Dei vi*, & quidem momento, productæ. Qualis herbarum, arborum, corporisque humani, è terra, Gen. 1. 11. & 2. 5. 7. & piscium, ex aquis, Gen. 1. 21. creatio recensetur.

XXX. Quamvis enim naturæ vi (quæ finita) *ex nihilo, nihil fiat*: nec forma, ulli materiae, sine efficaci potentiae illius concursu, nec sine successione aliqua, introducatur: infinitæ tamen Dei potentiae, dispar est ratio. Nam si materia,

aut aptitudinis illius præsentia, definiretur: infinita atque omnipotens, esse desineret. Atque hæc de *agendi modo*, prima ac *primaria* scilicet, *differentia* creationis, parte.

XXXI. *Alterà* verò, est *temporis adjunctum*: quòd mundum Deus condiderit universum, *sex dierum* naturalium spatium: quorum singuli, nocte & die (unde *ἡμέρας* Græcis dictum) definiuntur, Gen. 1. 5. 8. &c. suisque creaturis differunt.

XXXII. Licet enim Deus, pro sua omnipotentia, momento, universa condere, valuerit: voluit tamen, hisce intervallis uti (ut *Ambrosius* Hexaëm. lib. 1. cap. 7. rectè sentit) quòd apertius creationem mundi, non ab æterno, sed in tempore factam, declararet: & ut homines, in particulari, distinctorum operum, meditatione, attentiores retineret: ut ex Psal. 104. & 136. in primis apparet.

XXXIII. *Primo* autem die, in principio rerum & temporis, *creavit Deus calum & terram*, Gen. 1. 1. prima verò nocte finita, *lucem* vers. 3. 4. 5. ad diem, nocti oppositæ succedentem, statuendum produxit. Quid autem *calum & terra*, hic designent, antiqua ac celeberrima est quaestio: quæ, admiranda opinionum discrepantia, agitur. Ideoque reliquis, brevitatæ causa omissis, eam sincerè, ac Scriptura duce, explicare conabor: ut hujus doctrinæ, primæ ac gravissimæ, veritas illustretur.

XXXIV. *Calum* autem & *terram*, Gen. 1. 1. non rude ac confusum mundi *chaos*, ac *primam* rerum cælestium ac terrestrium, *materiam*, (ut plerique sentiunt) sed *ipsum calum, ipsamque terram*, significare innuit Moses, quum disertè ait, cum articulo demonstrativo, ac quasi digito indicans *Hassjamajim, haarets, hoc calum, hanc terram*: quæ jam conspiciuntur.

XXXV. Eamque sententiam (ne quis novam putet) tradiderunt prisca theologi illustres, ut *Tertullianus*, adversus Hermogenem, cap. 19. & 25. & 26. *Athanasius*, de incarnatione, edit. Comelin. p. 39. *Lactantius*, Institut. lib. 2. ultra medium: *Ambrosius*, Hexaëm. lib. 1. c. 7. *Chrysostomus*, in Gen. homil. 2. *Basilius Seleuciensis*, homil. 1. in Gen. 1. *Theodoretus* in Gen. quaest. 11. *Damasceus*, Orthod. fid. lib. 2. cap. 5. & *Basilius magnus*, Hexaëm. homil. 2. disertè ait; *Fecit Deus calum & terram: haud dimidia ex parte, sed totum calum, totamque terram, ipsam essentiam, cum specie, comprehensam*. Idque, ex rationibus sequentibus, constabit.

XXXVI. *Primum*, quia ista impropria, vocum cæli & terræ, pro chao ac prima mundi materia, interpretatio, nullo, S. Scripturæ, usu: neque ullo, hujus loci, indicio, hætenus probata; sed ex impuris, poetarum, & profanorum philosophorum (*Timæi, & Platonis*) figmentis, derivata.

XXXVII. *Deinde* quoniam creationem, cæli ac terræ, è nihilo, tollit. Nam si cælum & terra, & chao, ut prima materia, creata sunt: non igitur è nihilo, hoc est, è nulla materia. Hæc enim, è diametro, inter se dissident: seque mutuo evêrunt.

XXXVIII. Neque contradictionem diluit, quod ea, è nihilo esse mediata, non autem immediata, regeri solet, sed eandem potius confirmat. Nam mediata esse è nihilo, nihil est aliud, quam esse è materia, quæ è nihilo.

XXXIX. Denique ista, cæli & terræ, Gen. 1. 1. de chao, ut prima eorum materia, interpretatio, creationem eorum (quæ isto capite, citra controversiam, continetur, ut conclusio vers. 31. & cap. 2. 1, 2, 3. evincit) omissam statuit. Nam inde à secundo, ad ultimum usque versum, nusquam describitur: ideoque si primo non tradatur, neglectam esse, necesse est.

XL. Nam si terram & aquas, terræ globo & nomine (pro frequenti Scripturæ usu, Gen. 2. 1. & 4. & 14. 22. Exod. 31. 17. & 2. Reg. 19. 15. Jesa. 51. 13.) comprehensas, consideremus, res est perspicua. Quia Gen. 1. 2. non dicitur, terram creavit; sed *Terra autem erat*: etsi adhuc *desolata ac vacua* (*Tohu vabohu*, ut Jer. 4. 23.) quæ videlicet, & *super se*, incolis (brutis atque hominibus) & *in se*, herbis atque arboribus, esset destituta: & profunda aquarum mole, tota supraque montes suos, non confusa, sed circumfusa (ut postea similiter in diluvio evenit, Gen. 7. 19, 20.) lateret.

XLI. Unde

XXI. Unde *terram*, utrimque suo modo, liberatam, atque aquis, in terræ alveos, reclusis, arefactam *apparuisse*, non autem factam esse, traditur Gen. 1. 9. & 8. 3, 13. 14. Ideoque rectè *Tertullianus*, contra Hermog. cap. 29. ait; *videatur arida, videatur, inquit non fiat: jam enim facta erat.*

XLII. Idque, accurata etiam descriptione, explicatur, Psal. 104. 5, 6, 7, 8. *Fundavit terram, super bases ejus, ne dimoveretur in seculum & perpetuum. Abyssus, ut indumento, operueras eam: supra montes stabant aqua. Ab increpatione tua, diffugerunt: à voce tonitru tui, accelerarunt. Conscenderant montes, descenderunt per convalles, ad locum, quem fundaveras ipsis.*

XLIII. Ex qua explicatione, copiosa ac nervosa hæc demonstratio, promanat; Si quum terra fundata est, aquæ eam operuerunt: *deinde* si hæ, supra montes, steterunt; *ad hæc*, si aquis Deus locum fundaverat: *denique* si in eum, per convalles, descenderint: Ergo terra, montes, convalles, & destinatum, aquis congregandis, terræ spatium, initio reverà extiterunt.

XLIV. Ac propterea, inveterata multorum, de chao, ut confusa cæli & terræ materia, opinio perspicuè confutatur.

XLV. Neque alia cæli est ratio: quia cum terræ creatione, Gen. 1. 1. & reliquo S. literarum usu, ejusdem creatio, ut simul facta connectitur. Neque ulla diversitatis ratio apparet.

XLVI. Nec enim obstat, quòd dicitur Gen. 1. 7. *Fecit ergo Deus expansum*: & vers. 8. *expansum autem vocavit cælum*. Quia hisce verbis, non simul æthereum, sed solum æreum, & quidem infimæ tantum regionis, intelligitur. Hoc enim solum, inter duplices aquas, inferiores & superiores, expansum est, easque dividit.

XLVII. Nec enim superiori aëris regioni (adquam initio aquæ, utpote, supra omnes montes elatæ, pertingebant) tribui potest; multo verò minus cælo æthereo: supra quod nec aquæ sunt ullæ: nisi contra duplices aquas (quas Scriptura folas agnoscit) triplices fingantur. Nec si essent, inter eas, & inferiores, quæ terra continentur, divideret: sed inter eas, & aërem superiorem; non verò inter eas, & aquas nubium: nedum aquas inferiores.

XLVIII. Ac quamvis, cælum æthereum, expansum Gen. 1. 14, 15, 17. rectè appelletur (ut etiam Psal. 19. 1. & 150. 1. quod aulæi Psal. 104. 2. & conopœi ac tentorii instar, sit extensum, Jesa. 40. 22. Zach. 12. 1.) non propterea tamen, cum expanso aëris infimo, ob nominis, cæli & expansi, generalis convenientiam, confundendum: quum natura, effectis, atque adjunctis suis, inter se distinguantur.

XLIX. Quibus accedit, quòd de infima aëris regione, distinctè Gen. 1. 6. dicitur; *Sit rakiangh expansum, in medio aquarum*: & vers. 7. *Fecit Deus harakiangh illud expansum*, scilicet, in medio aquarum, de quo proximè dixerat; sed quum de cælo æthereo, vers. 14, 15, 17, 20. loquitur, *expansum cæli* appellat.

L. Unde meritò concludimus, quum creatio ipsius cæli & terræ, Gen. 1. à vers. 2. ad finem, minimè describatur; sed, de eorum exornatione, tantum agatur: eam vers. 1. intelligi: quum eodem capite, citra controversiam, recenseri constet. Unde sequitur repudiandam esse illam opinionem, quæ cælum & terram, chaos, seu confusam eorum materiam, significare, statuit.

LI. Quamobrem laudem meretur, Doctissimi *Piscatoris* candor, quòd errore illum, de chao: quem, & Bibliis suis Germanicis, & in Genesin Commentario expressè statuerat, deprehensum tandem, Quæstionibus in Pentateuchum, Gen. 1. Resp. ad quæst. 6. & 7. disertis verbis, rejecit ac confutavit.

LII. Cæterum quum ex iis, quæ differuimus, satis appareat, cælum & terram Gen. 1. 1. & 2. non confusam aliquam, cæli & terræ, materiam; sed ipsum cælum, ipsamque terram, denotare; superest, ut paucis declaremus, *quidnam*, hoc loco, *significent*. Ac *terram* quidem, globum illius, aquarum mole circumfusum, notare (ut antea ostendimus) satis clarum. Ideoque distincta aquarum creatio, non recensetur: quòd creationis terræ expressione, simul comprehendatur.

LIII. Ad cælum verò, hoc loco, quod attinet, illud, ex iis, quæ ante exposita sunt, liquet, *duplex* saltem cælum, intelligi: *atherenum*, & *aëreum*, infima aëris regione excepta. Ea enim non initio, sed secundo demum die, Gen. 1. 6, 7, 8. creata, & parte aquarum superiore, in mediam aëris regionem, evecta, locum illius, dividendis aquis, obtinuit. Ideoque nullum, in hac creatione, vacuum (quasi cælum & terra, sine aëris intervallo, essent initio creata) statuentum.

LIV. An verò *summum cælum*, hujus cæli mentione, etiam includatur, ut significatione generali, imum, medium, & summum (quod *tertium* 2. Cor. 12. 2. dicitur, & cujus artifex & conditor, Deus Heb. 11. 10, 16.) denotetur, diversæ sunt sententiæ. Quidam negant: alii verò, magis consentaneè, affirmant. Idque ex hisce rationibus, colligi potest.

LV. Primum, ex Gen. 2. 1. *Et perfecti sunt cæli & terra, & omnes exercitus eorum*. Exercitus enim cælorum (ut Propheta, Moyses interpretes, testantur) non solum æthereo cælo, tribuuntur; sed etiam summo: ut apparet ex 1. Reg. 22. 19. *vidi Iehovam, insidentem folio suo, & totum exercitum cæli, adstantem ei*. Quo etiam sensu, Luc. 2. 13. angeli, *exercitus celestis*, appellantur. Ideoque omnium exercituum mentione, angeli etiam, notantur, & cæli voce, etiam domicilium eorum, summum cælum (*cælum cælorum* 1. Reg. 8. 27. & 2. Chron. 2. 6. & Psal. 148. 4. dictum) comprehenditur.

LVI. Idque etiam expressius docetur, Nehem. 9. 6. *Tu ille Iehova solus es: tu fecisti cælos, cælos cælorum, & omnem exercitum eorum; terram, & quicquid in ea; maria, & quicquid in iis, & tu vivificas hæc omnia: etiam exercitus cælorum tibi se incurvant*. Hoc est angeli, summi cæli exercitus. Quibus verbis accurata dicti Gen. 1. 1. *In principio creavit Deus cælum & terram*, explicatio, & perspicua conclusionis illius (Gen. 2. 1. *Itaque perfecti sunt cæli & terra, & omnis exercitus illorum*) paraphrasis, apparet.

LVII. Deinde, ex aliis etiam Moyses sententiis, idem confirmatur. Siquidem Deut. 26. 15. ait, cælum esse habitaculum Dei: & cap. 4. 39. populo mandat, ut sciant & in animum revocent, *Iehovam Deum esse in cælo*: nimirum summo: & cap. 10. 14. dicit; *En Iehova Dei tui, sunt cæli, & cæli cælorum, & terra, & quicquid est in ea*. Quis igitur, non apertam, loci Gen. 2. 1. explicationem, hic animadvertat?

LVIII. Nam si populum rudem, hoc modo, erudire voluit, ut cælum cælorum, hoc est, summum existere: illudque, Dei esse habitaculum, scirent: ejusque dominium (quod à creatione dependet: Psal. 24. 1. 2. & 89. 12. & 2. Reg. 19. 15. Jer. 27. 5. Act. 17. 24. eamque consequentiæ necessitate, indicat) Deo competere, declaret: quomodo credibile est, summi cæli (Israëlitis noti) creationem, in creationis historia, cæli nomine generali, ob ruditatem populi, noluisse comprehendere, sed in universa descriptione præterire? Atque hætenus de *creationis mundi differentia*.

LIX. Finis denique, in descriptione, additur *duplex*: *primus* ac *summus*, & *secundus*; sub primo ordinatus. Ac *primus*, est Dei gloria, Prov. 16. 4. Rom. 11. 36. & 1. Cor. 8. 6. Col. 1. 16. Quæ in bonitatis, sapientie, ac potentie illius, *patefactione* (cum à Deo, tum à creatura Dei, intelligente) consistit.

LX. A Deo quidem, quia in creatione mundi, triplicis hujus gloriæ notas creaturis impressit: sic ut illustre, illius cognoscendæ, speculum existant. Psal. 8. 2, 4, 5. & 19. 1. & 136. 5. Jesa. 40. 26. Rom. 1. 20. Ideoque concinnè Basilius Magnus, Hexæm. hom. 1. de hac mundi, à Deo, creatione gloriosa, ait; *ἡ ποιητὴς ὡς ἀγαθὸς, τὸ χητιστὴν ὡς σοφὸς, τὸ ἡγίστον ὡς δυνάτης, τὸ μέγιστον. Fecit ut bonus, quod utile: ut sapiens, quod pulcherrimum: ut potens, quod maximum.*

LXI. A creatura verò intelligente patefactio, est vera debitaque Deo (ut optimo, sapientissimo, maximoque creatori ac domino) religio. Quæ in eo sita, ut ipsum rectè cognoscat, & sincera fide atque reverenti amore, colat atque observet. Psal. 148. 1. ad 14. & 136. 1. ad 10. & 146. 5, 6. Jesa. 51. 13. Psal. 33. 8, 9. & 95. 1. ad 9. Act. 14. 15. Rom. 1. 20, 21, 25.



25. Apoc. 4. 10. 11. & 14. 7. Hæc de primo ac summo fine.

LXII. Secundus verò, ac sub primo ordinatus, & ad eum tendens, est duplex: primus, est creaturæ, Psal. 104. in primis intelligentis, utilitas. Nam hominum usus, terra, Psal.

115. 16. & Jes. 45. 18. & bruta, Gen. 1. 26. 28. Angelorum verò domicilio, Jud. 6. cælum conditum. Plurimus est, Electorum omnium, æterna in calo salus. Matth. 25. 34. & 22. 30. & Rom. 9. 23. Hactenus de creatione mundi: quibus hæc adjicimus.

## COROLLARIA.

1. An quod apocryphus, libri Sapientia, auctor cap. 11. 18. ait, Creavit mundum, ex materia informi, ex Mose, an vero, ex prophanorum philosophorum figmentis, hausert? Hoc Aff.

2. An non igitur errat Eucherius, Augustinum secutus, quod 1. universam mundi molem, ex materia, qua calis & terra nominibus Gen. 1. 1. significetur, factam, probare ex Sap. 11. conatur? Aff.

3. An recte idem, eodem auctore, statuat calum, & terram, & terram inanem, & abyssum, diversa esse nomina, sed eandem notare materiam? N.

4. An vi phrasæ illius, bará elohim, Gen. 1. 1. designetur mysterium Trinitatis, aut plures saltem persone divina? N.

5. An Spiritus Dei, Gen. 1. 2. Spiritum Sanctum, ventum, vel aliud quid, notet? Primum Aff.

6. An vox Sjamajim calum, certò composita sit, ex Sjam, & majim, quasi ibi aqua? N.

7. An illeſa Grammatica, ea vox, ex Sjamam, obſtupeſce-

re, à nonnullis derivetur? N. ac potius à Sjem, nomen, fama, deduci posse, apparet: quia cælum, inter orbis partes, nominis est (ob suam excellentiam) celeberrimi. Unde etiam à Grecis, ἄστρον, & à Latinis, mundi nomine, non rarò intelligitur.

8. An Gen. 1. 1. In principio, creavit Deus, cælum & terram, sit propositio universalis, qua summam totius historiae creationis, contineat: quaque sequentibus distinctè explicetur? Negat.

9. An eorum, qui ita sentiunt, expositio hac 1. vers. 1. in principio, id est, toto, à primo creationis puncto, sex dierum spatio. 2. Terra autem erat, hoc est, creabatur à Deo. 3. Desolata & vacua, h. e. non solida, non compacta partibus, non rotunda, in centro consistens: sed tota liquida ac mollis. 4. Prius terram creatam, quam cælum æthereum, aut æreum. 5. Expansum & cælum, vers. 7. de æreo & æthereo dici: quaritur, inquam, an hac expositio, sit Moſis historia consentanea? N.


PSAL. 121. 2.

Auxilium meum, à Jehova, factore cæli & terræ.

## DISPUTATIO XII.

## DE ANGELIS CREATIS.

## THESES I.

 Uod in S. literis Hebraicè *Malach*<sup>a</sup>, & Græcè ἄγγελος<sup>b</sup>, illud trita Ecclesiæ consuetudine (à priscis theologis, Tertulliano<sup>c</sup>, aliisque, derivata) Angelus, similiter appellatur. Cujus vocis significatio, propria est, aut impropria.

<sup>a</sup> Matt. 3. 1. <sup>b</sup> Matth. 11. 10. <sup>c</sup> Apolog. cap. 21. & c.

II. Propria, est nuntius generatim, sive hominis<sup>a</sup>, sive Dei<sup>b</sup>: sive sit increatus, ut Dei Filius<sup>c</sup>: sive creatus, cœlestis spiritus<sup>d</sup>, aut homo<sup>e</sup>.

<sup>a</sup> Gen. 31. 3. 6. Luc. 7. 24. <sup>b</sup> Mal. 2. 7. Apoc. 2. 1. 8. <sup>c</sup> Gen. 48. 16. Exod. 14. 19. & 23. 20. <sup>d</sup> Num. 22. 22. 23. Matth. 28. 5. e Luc. 7. 24. & 9. 52.

III. Impropria verò est, quum per synecdochen speciatim, pro Dei nuntio, & quidem spiritu cœlesti creato<sup>a</sup>, usurpatur. Quam vocem, eodem sensu, in hac dissertatione accipimus, & rem ipsam, hujusmodi descriptione, delineari posse, arbitramur.

<sup>a</sup> Gen. 19. 1. Ioh. 5. 4.

IV. Angeli, sunt spiritus, à Deo, ad suam gloriam, mutabili sanctitate, cum mundo creati, ab unione corporis hypostatica absolute liberi, scientia ac potentia excellentes, summique calis incolæ constituti, ut Deum sanctè colant, & celebrent, eique, ad mandata excipienda, assistant, & in terras, ad hominum (in primis servandorum) gubernationem demissi, imperata nuntia atque opera, exequentes, ministrant. Cujus descriptionis, sententia & veritas, ex sequenti partim illius (cum generis, tum differentia) explicatione, elucebit.

V. Genus quidem statuitur hoc modo; spiritus, à Deo, ad suam gloriam, mutabili sanctitate, cum mundo creati: quia hæc communis est, Angelorum, & hominum (ut speciei, proximè oppositæ) natura. Quæ, essentiam eorum, & causas (cum efficientem, tum finem ultimum) atque adjuncta, complectitur.

VI. Essentiam notat, vox, spiritus ut Sacra Scriptura, Angelos definiens, comprobat, quum ait; *Nome omnes sunt spiritus*<sup>a</sup>, & c. Idemque res ipsa evincit. Siquidem spiritus, oppositè corpori (sive de increato<sup>b</sup>, sive de creato spiritu<sup>c</sup>, agatur) est substantia incorporea, immortalis, intellectu ac voluntate, & potentia (ad externas suas actiones exercendas) prædita. Ea autem singula, Angelis, ad amissum, conveniunt.

<sup>a</sup> Heb. 1. 14. <sup>b</sup> Ioh. 4. 24. <sup>c</sup> Luc. 24. 39.

VII. Substantia enim primum sunt, quia entia, non ficta,

sed vera: nec accidentia (ut falso Sadducei, tradebant<sup>a</sup>) sed subsistentia per se: ut attributæ qualitates & actiones eorum, S. literis copiosè explicatæ, demonstrant, & sequentia fidem facient plenior.

<sup>a</sup> Act. 23. 8.

VIII. Incorporea deinde; quia physica materia, & dimensione triplici, carent: neque visu, tactu, aut alio sensu corporeo, percipi possunt<sup>a</sup>.

<sup>a</sup> Luc. 24. 39.

IX. Immortales etiam; ut natura incorporea probat: & à Christo, disertis verbis indicatur; Neque enim (inquit) mori amplius possunt: sunt enim Angelis pares<sup>a</sup>. Hæc tamen immortalitas, iis non convenit absolute, sed naturalis tantum potentia respectu. Deus enim solus, habet immortalitatem<sup>b</sup>: absolute scilicet, & à se: Angeli verò in se, sed à Deo: qui ut, è nihilo creando, vitam immortalem, iis dedit; sic etiam, in nihilum redigendo, auferre valet: etsi nunquam sit ablaturus.

<sup>a</sup> Luc. 20. 36. <sup>b</sup> 1. Tim. 6. 16.

X. Intellectu porro, ac voluntate, & potentia, ad externas suas actiones exercendas, præditos, officia & effecta illorum plurima, verbo Dei tradita, abundè testantur: quæ non, nisi hujusmodi creaturæ, conveniunt. Ideoque Angelis, scientia<sup>a</sup>, desideria<sup>b</sup>, & potentia<sup>c</sup>, expressè adscribuntur. Ex quibus omnibus, Angelos, esse spiritus, meritò concludimus: eaque ratione, essentia illorum cognita, ad causas procedemus.

<sup>a</sup> Matt. 28. 5. <sup>b</sup> 1. Pet. 1. 12. <sup>c</sup> Psal. 103. 10. 2. Theſſ. 1. 7.

XI. Efficiens enim Angelorum indicatur, quum, à Deo creati, dicuntur: atque ita à Deo, tanquam spiritu creatore distinguuntur: ut divina, Prophetarum & Apostolorum, auctoritas demonstrat.

XII. Prophetarum quidem, ut Gen. 2. 1. *Perfecti sunt cæli, & terra, & omnis exercitus eorum*: hoc est, non solum stellæ, ætherei; sed etiam Angeli, summæ cæli, exercitus. Sic enim Nehem. 9. 6. idem explicatur; *Tu fecisti calos, calos calorum, & omnes exercitus eorum & c. etiam exercitus calorum, tibi se incurvant*: hoc est, Angeli: ut 1. Reg. 22. 19. Psal. 148. 2. & Luc. 2. 13. nominantur. Denique Psal. 104. 4. *Qui facit, Angelos suos, spiritus*.

XIII. Apostolorum verò auctoritas accedit illustrior. Nam verba illa, Psal. 104. 4. præmissa, de Angelis dici, Heb. 1. 7. aper-

apertè asseritur. Deinde Col. 1. 16. *Per eum* (inquit Apostolus) *creata sunt omnia, quæ in calo sunt, & quæ in terra: visibilia, & invisibilia, sive throni, sive dominia, sive principatus, sive potestates.* Idque etiam generatim complexus est, Act. 17. 24. *Deus* (inquit) *qui fecit mundum, & omnia quæ in eo:* ergo & Angelos: quos, in mundo esse, constat. Hæc de efficiente.

XIV. *Ultimus* verò finis, eadem Col. 1. 16. sententia, proximè subijcitur, quum ait; *Omnia per eum, & in eum* (hoc est, ad gloriam ejus) *creata sunt.* Quemadmodum & Prov. 16. 4. *Omnia operatus est Iehova, propter se:* & Rom. 11. 36. *Quia ex eo, per eum, & in eum, sunt omnia.* Atque hæc de causis.

XV. *Adjuncta* denique, genere comprehensa, sunt *tempus creationis, & qualitas.* *Tempus creationis,* est *cum mundo,* non ante. *Primum,* quia quum hic initio fuerit creatus, nihil ante eum, nisi æternum: ut æternitatis periphrales, *Antequam hic mundus esset,* Joh. 17. 5. & veru 24. *Ante fundationem mundi,* evincunt. Deinde, quum *sex diebus Deus, cælum, terram, mare, & omnia quæ in iis sunt, fecerit,* Exod. 20. 11. Angelosque, in iis esse, sit certissimum: nec citius, nec tardius creatos, evincitur.

<sup>a</sup> Gen. 1. 1.

XVI. *Qualitas* verò eorum est *sanctitas mutabilis,* à Deo, in creatione, cum intellectui, tum voluntati eorum, indita. *Intellectum* enim, recta Dei & officii erga ipsum, cognitione: *voluntatem* verò amore sincero, ad perfectam Deo obedientiam, præstandam instruit.

XVII. In qua gemina sanctitate, originalis, creaturæ intelligentis, bonitas, inprimis consistit: ut, sine ea, ne bona quidem, nedum valde bona (pro creaturarum elogio <sup>a</sup>) dici queat. Eaque præcipuè ratione, *filii Dei* <sup>b</sup> (non propriè <sup>c</sup>) sed metaphoricè, ob sanctitatis similitudinem, non minus quàm *sancti* <sup>d</sup>, appellantur.

<sup>a</sup> Gen. 1. 31. <sup>b</sup> Job. 38. 7. <sup>c</sup> Heb. 1. 7. <sup>d</sup> Mar. 8. 38. Act. 10. 22.

XVIII. *Mutabilis* tamen sanctitas, dicitur; ut à divina, distinguatur. Hæc enim, absolute immutabilis est: illa verò, liberæ voluntatis abusu, mutari potuit: ut magnæ partis Angelorum, apostasia <sup>b</sup>, & orta inde vitiositas <sup>c</sup>, demonstrat. Atque hæc de Angelorum genere, seu communi eorum, cum homine creato, natura: *prima* scilicet descriptionis parte: cui *altera* subijcitur.

<sup>a</sup> Jac. 1. 13, 17. <sup>b</sup> 1. Joh. 1. 5. <sup>c</sup> 2. Pet. 2. 4. Judæ 6. <sup>d</sup> 1. Joh. 3. 8. Joh. 8. 44.

XIX. *Differentia* enim, qua Angeli, ab hominibus, & spiritibus illorum, corporis vinculo solutis, distinguuntur, partim, *subsistendi perfectione*, partim, *accidentium excellentia*, declaratur.

XX. *Subsistendi* autem *perfectio*, in eo statuitur, quòd, ab unionem corporis hypostatica, omnino sint liberi: ideoque spiritus, in se completi, non autem pars alterius. Nam licet Angeli, veris corporibus, non raro apparuerint: ea tamen, neque partes hypostaseos eorum fuere: neque perpetua; sed vestis instar, ad tempus, certisque ministeriis obeundis, divinitus aptata.

<sup>a</sup> Gen. 18. 2, 9. & 19. 1, 3, 16.

XXI. *Accidentia* deinde, quibus longè, supra reliquas creaturas, *excellunt*, sunt partim *interna*, partim *externa.* *Interna*, sunt scientiæ, & potentiæ eorum, dotes eximæ quidem; sed tamen finitæ.

XXII. *Scientia* enim Angelorum, omniscientia non est: sed, certis suis objectis ac modis, definita. Quæ, licet humanam superet, à divina tamen (utpote infinita) superatur: sive objectum Deum, sive alia extra ipsum, spectemus: ut, ex distincta explicatione, cognoscetur.

XXIII. *Primum* enim Deus solus, & suam *essentiam*, & *quæ in se sunt* recondita, cum simpliciter, tum immediate, cognoscit.

XXIV. *Essentiam* autem suam, idcirco solus cognoscit; quia ea infinita est: ac propterea, à finito creaturæ intellectu, capi non potest. Ac rectè à Theologo Deus dicitur *φύσις ἀπείροτος* <sup>a</sup> *ἢ ἀπείροτος* <sup>b</sup> *natura, quæ nec prehendi, nec comprehendendi potest:* Ac quàmvis (ut tradit) sciamus Deum esse, *essentiam* tamen illius, ne ab Angelico quidem intellectu posse cognosci.

<sup>a</sup> Gregor. Nazianz. Orat. 2. de theologia Al Orat. 34.

XXV. Nam quòd à Pontificiis, priscis novisque theolo-

gis excipitur, *essentiæ Dei scientiam*, aliam esse comprehensionis, quæ Deo propria: aliam apprehensionis, quæ Angelis, & beatis animabus, conveniat, illud res ipsa *essentiæ divinæ*, è diametro repugnat. Quum enim infinita sit ac simplicissima, nec totum est; nec partes illius ullæ: Ideoque, si apprehendi potest, etiam comprehendi posse, necesse est.

XXVI. Neque etiam Dei *essentiam*, ab Angelis, cognosci, ut lux ab oculis conspicitur, ex summa, quæ utrimque intercedit discrepantia, apparet. Objecta enim lux, finita est, & subiecto oculo ac potentiæ illius, analoga: *essentiæ* verò Dei infinitæ, & intellectus Angelorum finiti, nulla est convenientia.

XXVII. Deinde quum Deus non aliter, quàm per suam *essentiam*, se ipsum, omniaque quæ in ipso sunt, cognoscat: si Angeli Deum ipsum, per *essentiam* ipsius, viderent, per eandem similiter omnia, quæ sunt in Deo, perviderent: id quod manifestè, à veritate, abhorreere postea constabit.

XXVIII. Quod autem Angeli, *perpetuò Patris Christi faciem videre, in cælis*, Matth. 18. 10. asseritur; ad visionem *essentiæ*, non pertinet. Quia *facies Dei*, ex Scripturæ usu, non *essentiam* illius, sed *gloriam* <sup>a</sup>, (hoc est, gloriosam majestatis illius speciem <sup>b</sup>) designat.

<sup>a</sup> Exod. 33. 18. <sup>b</sup> 1b. veru. 22.

XXIX. Qualis Israëlitis extitit, duplex *columna, nubes, & ignis* <sup>a</sup>: cujus causa, Jehova iis dicitur *visus, oculo ad oculum* <sup>b</sup>. Sic etiam, quia gloriosa quadam specie, Deus Mosi apparuit; idcirco Deum, *aspectu, non autem anigmatibus, similitudine Iehovæ, intuitus* <sup>c</sup>: *cumque Deus novisse, facie ad faciem* <sup>d</sup>, affirmatur.

<sup>a</sup> Exod. 13. 21. & 22. <sup>b</sup> Num. 14. 14. <sup>c</sup> 1b. 12. <sup>d</sup> Deut. 34. 10.

XXX. Nec enim *essentiam Dei*, imo nec comparatè, cum clariori gloria, *faciem Dei* vidisse, apparet. Quum enim, illustriore tantum *Dei gloriam* <sup>a</sup>, videre expeteret, annuit quidem Deus <sup>b</sup>, ac sese in humana specie, stupendæ majestatis, à tergo solum, non autem à fronte, conspiciendum obtulit <sup>c</sup>: ea causa reddita, *Quod faciem Dei, mortalis videre non possit* <sup>d</sup>. Quare ex visu faciei Patris, *essentiæ* illius, ab Angelis visio, concludi non potest.

<sup>a</sup> Exod. 33. 18. <sup>b</sup> veru. 19. <sup>c</sup> veru. 20. & 23. <sup>d</sup> veru. 22. & 23.

XXXI. Neque etiam ex sententia, 1. Joh. 3. 2. *videbimus ipsum, sicuti est*; *essentiam Dei Patris*, propriè nobis fore conspicuam demonstrari potest. Primum quia vox *Ipsium*, non necessario ad Patrem referenda; sed potius ad Christum: qui licet non nominetur, ea tamen voce, per excellentiam, designatur. Nam ut discipuli, de Pytagora, *αὐτὸς ἵσα ἰπὲρ dixit*: sic justius Johannes, in hac epistola, *αὐτὸς ὁ θεὸς ἰπὲρ ἰπὲρ ἰπὲρ* <sup>a</sup> *Ipsè & Ille*, pro Christo, sæpius usurpavit: ut 1. Joh. 2. 28. & cap. 3. 4, 6, 7. & 16.

XXXII. Christo etiam, res ipsa probè convenit: quum enim patefactus fuerit, similes nos ipsi fore Phil. 3. 20, 21. Col. 3. 3, 4. & 1. Cor. 15. 49. & nos visuros ejus gloriam Joh. 17. 24. promittitur.

XXXIII. Deinde licet illa verba de Patre, necessario essent intelligenda, ea tamen, non ad *essentiæ*, sed ad *gloriæ* illius cœlestis visionem, pertinerent. Non enim dicitur; *Videbimus eum, quid sit*; sed *quid sit, qualiter est*, seu qualis est: quali gloria in cœlis se patefacit.

XXXIV. Quemadmodum etiam *αὐτὸς ὁ θεὸς* <sup>a</sup>, usurpatur sequenti cap. 4. 17. *αὐτὸς ὁ θεὸς ὁ θεὸς ὁ θεὸς ὁ θεὸς ὁ θεὸς* <sup>b</sup> *qualis est ille, nos sumus, in hoc mundo.* Ubi, non *essentiæ* convenientia; sed charitatis similitudo, notatur. Nam ad *essentiam* quod attinet, *Deus habitat lucem inaccessam; quem nullus hominum vidit, neque videre potest* <sup>c</sup>, illi tamen videbunt Deum, in gloria cœlesti: qua etiam in Filio suo relucebit <sup>d</sup>: *cujus gloria* <sup>e</sup>, *gloria Patris* <sup>d</sup>, merito nominatur.

<sup>a</sup> 1. Tim. 6. 16. <sup>b</sup> Matth. 5. 8. <sup>c</sup> 1b. 25. 30. <sup>d</sup> 1b. 16. 27. Mar. 8. 38.

XXXV. Denique quòd Apostolus ait, 1. Cor. 13. 12. *Cernimus enim nunc, per speculum & per anigma; tunc autem, facie ad faciem*, notitiam clariorem, ac familiarem, comparatè cum hujus vitæ statu, & metaphoricè, designat. Nos enim hic *gloriam Domini* (in Evangelio) *ut in speculo, intuemur* <sup>a</sup>. 2. Cor. 3. 18. in cœlo verò, gloriam Domini clarius, sine speculo, coram contemplabimur: Id quod, usitata S. literis similitudine,

D d d

tudine,

tudine, *facie ad faciem*, appellatur: & *enigmatibus*, opponi solet: ut Num. 12. 8. Deut. 34. 10. Exod. 33. 11.

XXXVI. Quod autem 1. Cor. 13. 12. additur; *Nunc cognosco ex parte, tunc verò cognoscam sicut cognitus sum*: illud similitudinem, non paritatem, notat: ut immensa, naturæ Dei infinitæ, & nostræ finitæ, disparitas flagitat. Deus enim, simpliciter & absolute, nos novit; nos verò, pro modulo, ac terminis intellectus nostri finitis, gloriam illius, qua se, exterius & interius, in cœlis patefaciet, perfectione nobis convenienti, cognoscemus. Atque hæc de *essentia Dei*, caput Angelorum excedente.

XXXVII. *Qua autem in Deo, sunt recondita*: ea quoque solus, & omnia, & immediatè, cognoscit: ut Apostolus ait Rom. 11. 34. & 1. Cor. 2. 16. *Quis enim, novit mentem Domini?* & 1. Cor. 2. 11. *Ea quæ sunt Dei, nemo novit, nisi Spiritus Dei*. Angelis verò quædam tantum, eaque mediatè, vel Dei revelatione sunt cognita: vel ex rei eventu, certò collecta; quòd Deus omnia, secundum consilium voluntatis suæ, exequatur<sup>b</sup>. Atque hæc, de cognitione Dei.

<sup>a</sup> Apoc. 1. 1. Eph. 3. 10, 11. <sup>b</sup> Eph. 1. 11.

XXXVIII. *Qua verò extra Deum sunt, sive præsentia, sive futura*, licet multa sint Angelis, longè supra humani intellectus caput, notissima (unde *sapientia*<sup>a</sup>, & *lingua Angelica*<sup>b</sup>, meritò extollitur) non pauca tamen, iis sunt ignota: ut S. literæ testantur.

<sup>a</sup> 1. Sam. 14. 20. <sup>b</sup> 1. Cor. 13. 1.

XXXIX. De *præsentibus* enim, partim, ex *divinis gubernationis mundi*, (& *Ecclesiæ* inprimis) *mysteriis*: partim, ex *humani spiritus arcanis*, perspicuè constat.

XL. *Divina enim gubernationis Ecclesiæ, mysteria*, quædam Angeli revelata vident sed non omnia pervident. Hinc Paulus Rom. 11. 33. ait, *Op profundas divitias, cum sapientia, tum cognitionis Dei! quàm inscrutabilia sunt ejus iudicia, & ejus via impervestigabiles?* & Petrus, de Euangelii mysteriis, 1. Epist. 1. 11. ait; *In quæ Angeli, introspicere desiderant*. Non omnia igitur ea, introspiciunt ac penetrant.

XLI. *Spiritus deinde humani arcana*, Deus solus & omnia, & immediatè, cognoscit: uti asseritur, 1. Reg. 8. 39. *Tu Deus nosti solus, corda filiorum hominis*: & Jer. 17. 9. 10. *Pravum est cor, supra omnia, & agnum: quis cognosceat ipsum? Ego Jehova scrutator cordis, probator renum*. Ideoque distinctè à creaturis, *ἀνεδογνώσκει*<sup>a</sup>, & *ἀνεδογνώσκεις πάντων*<sup>b</sup> *cordiscius* (ut sic dicam) & *cordiscius omnium*, appellatur.

<sup>a</sup> Act. 15. 8. <sup>b</sup> 1b. 1. 24.

XLII. Angeli igitur, cogitationum & voluntatum humani spiritus secreta, non omnia, sed quædam tantum: eaque non immediatè, sed Dei revelatione, vel priorum, effectuum aut signorum, indicio percipere valent. Atque hæc, de *præsentium* notitia.

XLIII. *Futura* quoque plurima, vel *rei*, vel *circumstantiæ* illius ratione, ignota, apparet. *Rei* quidem ratione, ut merè contingentia, quæ à singulari & arcana; Dei gubernatione, vel à liberâ latente voluntate humanâ, dependent. Quarum rerum, nec omnium, nec ullarum, sine patefactione, Angelis convenit: sed, soli Deo propria, asseritur Jef. 41. 22. & 42. 8, 9. & 44. 6. & Heb. 4. 13.

XLIV. *Circumstantiæ* verò ratione, futura quædam rei notæ, esse ignota cum ex aliis, tum ex Euangelii arcanis, apparet: Christi enim, ad iudicium, adventus, Scripturæ indicio<sup>a</sup>, constat; sed, de die illo & hora, nullus novit, ne quidem Angeli cœlorum; sed solus Pater<sup>b</sup>. *Qui ea tempora & opportunitates, in sua ipsius potestate, posuit*<sup>c</sup>.

<sup>a</sup> Dan. 12. 6. <sup>b</sup> Matt. 24. 30. <sup>c</sup> Act. 1. 7.

XLV. Sic etiam, ante Gentium vocationem, *multiformis* Dei, ea in re, *sapientia*, Angelis prius occulta, per Ecclesiæ vocatam, *innoscere* cœpit<sup>a</sup>. Et specialem Ecclesiæ, post Apostolos statum, ante revelationem, ipsis, à Filio Dei, factam<sup>b</sup>, Angeli ignorarunt<sup>c</sup>. Atque hæc, de *finita Angelorum scientia*.

<sup>a</sup> Eph. 1. 10. <sup>b</sup> Apoc. 1. 1. <sup>c</sup> 1b. 3. 4, 5.

XLVI. *Potentia* eorum similiter *eximia*, primum inde apparet, quòd *non ignoti* fortis robore, Psal. 103. 20. *Angeli potentia Domini Jesu*, 2. Theff. 1. 7. & hominibus, *potentia ac robore, majores*, 2. Pet. 2. 11. divinitus meritoque appellantur.

Idemque deinde stupenda illorum effecta (cum in aliis creaturis: tum in hominibus, eorumque operibus) sæpius varieque exercita, demonstrant: ut ex Gen. 19. 11, 13. & 2. Sam. 24. 15, 16, 17. & 2. Reg. 19. 35. Dan. 3. 25, 28. Act. 5. 19, 23. & 12. 7, 8, 9, 10. aliisque locis similibus, constat.

XLVII. *Quæ tamen potentia, licet verè magnifica, dimensa tamen est, non immensa*: potentia, non omnipotentia: quia, & naturæ finitæ cancellis continetur: & operatio illius, divini numinis, partim fræno, Gen. 19. 22. partim imperio, vers. 13. gubernatur. Ideoque eadem actio, & Angelo, ut causæ proximæ atque exequenti: & Deo, ut causæ remotæ atque imperanti, distinctè attribuitur: ut subversio Sodomorum Angelis, per se agentibus Gen. 19. 19. Deo verò, per Angelos, vers. 14. & 24. & 25. Eodemque discrimine servato, Israëlitarum, peste illata, exitium, Angelo, 2. Sam. 24. 16. 17. & Deo, ver. 15. adscriptum. Atque hæc de *internis Angelorum accidentibus*, nempe *dotibus eximiis*.

XLVIII. *Externa* verò, quibus excellunt, *accidentia*, sunt *domicilii*, & *officii*, dignitas. Ac *domicilium* quidem his verbis, indicatur; *Summi cali incola, ab initio constituti*. Cælum enim Judæ 6. *proprium* eorum *domicilium* dicitur. Ideoque, *exercitus cali* (nempe summi) 1. Reg. 22. 19. & *exercitus cali calorum*, Nehem. 9. 6. & *cælestis exercitus* Luc. 2. 13. à domicilio suo, nominantur.

XLIX. *Officium* verò eorum, aut *commune* est cum hominibus, aut *proprium*. *Commune* est; ut Deum, sanctè colant: hoc est, perfecto amore, ei obediant, ac celebrent: ut Dei creatoris, ac domini eorum benignissimi, jus requirit. Job. 38. 7. Psal. 103. 20. & 148. 1. 2.

L. *Proprium* est, cæleste eorum *ministerium*: unde, *ministri* Dei, appellantur Psal. 103. 21. Hoc autem *primum* est; ut in cælis, ad mandata Dei, attentissimè excipienda, assistant 1. Reg. 22. 19. Job. 2. 1. *deinde*, ut in terras, ad hominum gubernationem demissi, imperata nuntia & opera, alacriter ac fideliter exequantur. Unde etiam *Angeli*, hoc est, *nuntii*, sunt dicti.

LI. *Officii* tamen eventu, inter se dissidentes, distinguuntur in *perfidios*, & *fidios*. Quorum illi, sponte sua, violato officio, sanctitate sua, ac domicilio, exciderunt: hi verò Electionis divinæ gratia, in omnibus hisce, firmiter perstiterunt. Ideoque, distinctè ab illis, *Angeli electi*<sup>b</sup>, & *Angeli calorum*<sup>c</sup>, *Angeli sancti*<sup>d</sup>, & *ministri Dei*, *facientes voluntatem ejus*<sup>e</sup>, appellantur.

<sup>a</sup> Iudæ 6. <sup>b</sup> 1. Tim. 5. 21. <sup>c</sup> Matth. 24. 36. <sup>d</sup> Mar. 8. 38. <sup>e</sup> Psal. 103. 21.

LII. Nam, ut Deum sanctè colunt, ac celebrant, Jefa. 6. 3. Luc. 2. 13. 14. Apoc. 5. 13. sic ad imperata ab eo, nuntia, atque opera, audienda, promptissimè ei assistant, ac summa alacritate exequantur: ut S. literæ demonstrant. *Quæ*, non solum, hoc officium eorum, describunt, quum *ministerii causa* mitti, propter eos, qui *hereditate salutem possessuri*, asserunt<sup>a</sup>; sed & laudem obedientiæ, variis exemplis prolatis, iisdem attribuunt, Zachar. 1. 10, 11. & alibi frequenter.

<sup>a</sup> Heb. 1. 14.

LIII. *Nuntia* enim ad homines, fideliter delata, à Prophetis multa recensentur: qualia Gen. 16. 7. & 19. 12, 13. & 22. 17, 18. & 1. Reg. 19. 5, 6, 7. Dan. 8. 16. 18. & 9. 21: ab Evangelistis verò, præstantissima: ex quibus, *primos Evangelii præcones* fuisse, apparet. Cujusmodi fuerunt nuntia, de Christi præcursores<sup>a</sup>, & conceptione (cum futura<sup>b</sup>, tum facta<sup>c</sup>) natiuitate<sup>d</sup>, morte & resurrectione<sup>e</sup>, ascensione in cælum ac reditu<sup>f</sup>, & intercedente Ecclesiæ statu<sup>g</sup>.

<sup>a</sup> Luc. 1. 13. & 19. <sup>b</sup> 1b. 1. 26, 31. <sup>c</sup> Matt. 1. 20, 21. <sup>d</sup> Luc. 2. 9, 10. <sup>e</sup> 1b. 24, 5, 6. <sup>f</sup> Act. 1. 10, 11. <sup>g</sup> Apoc. 1. 1.

LIV. *Opera* verò imperata à Deo, & ab Angelis præstita, sunt *beneficia* aut *pœna*. *Beneficia* autem quædam sunt *corporalia*, quum vel liberant pios, è malo, 1. Reg. 19. 5, 6. Ioh. 5. 4. Act. 5. 19. & 12. 7, 10. vel *defendant*, adversus malum. Gen. 19. 10, 16, 22. & 2. Reg. 6. 16, 17. Psal. 34. 8. & 91. 11. Dan. 3. 25, 28. & 6. 22. quædam *spiritualia*: quale inprimis Luc. 16. 22. *Pœna* verò, vel *salutares*: ut quæ, castigationis gratiâ inflictæ 2. Sam. 24. 13, 15, 16. vel *exitiose*, Gen. 19. 11, 13. & 2. Reg. 19. 35. Act. 12. 23.

LV. Ut autem *perfidiorum* ac malorum Angelorum *numerus* est permagnus: sic & fidiorum ac bonorum, copia admiranda,

miranda, describitur: quum Christus, subsidii *duodecim legionum*<sup>b</sup>: & Psaltes (metaphoricè curribus comparans<sup>c</sup>) duarum myriadum<sup>d</sup>, meminit: & Daniel, de Angelis Dei ministris, & satellitibus, ait; *Decies centena millia, ministrabant ei, & coram eo, centies millena millia stabant*<sup>e</sup>. Atque hæc, ad descriptionis Angelorum explicationem, dicta.

<sup>a</sup> Matt. 1. 9. <sup>b</sup> Matt. 26. 53. <sup>c</sup> 2. Reg. 6. 17. <sup>d</sup> Psal. 68. 18. <sup>e</sup> Cap. 7. 10.

LVI. *U*sus postremò doctrina, de Angelis, ex verbo Dei traditæ, est veræ pietatis confirmatio: ut, ex tribus primariis illius virtutibus, apparet. Ea enim est, *fidei* antidotum: *spei* clypeus: & *charitatis* stimulus salutaris.

LVII. *Fidei* antidotum est, contra venenum ἀγγελόφρονης & ἀγγελόφιλίας religiosi cultus & servitutis Angelorum. Quum enim primò sint spiritus creati; non autem Deus creator<sup>a</sup>: deinde scientiâ finitâ, non omniscientiâ præditi, nec arcanorum cordis conficii. Denique quia ministri sunt Dei; nostri verò συνέργοι *conserui*, idcirco non sunt religiosè colendi: ut ipsimet, huiusmodi argumentis, id piè avertantur ac prohibent<sup>b</sup>: quod Satanas impiè, sibi arrogat<sup>c</sup>: & Apostolus damnat<sup>d</sup>.

<sup>a</sup> Matt. 4. 10. <sup>b</sup> Apoc. 19. 10. & 22. 9. Iud. 13. 16. <sup>c</sup> Math. 4. 9. <sup>d</sup> Col. 2. 18.

LVIII. *Spei* deinde ac fiduciæ clypeus est, quia eam, adversus terrores hostium ac rerum adversarum, munit, consideratio præsidii ac subsidii, custodum Ecclesiæ Angelorum<sup>a</sup>.

<sup>a</sup> Psal. 34. 8. 2. Reg. 6. 16.

LIX. *Charitatis* denique stimulus est: quia benignitas illa Dei summa, qua Angelorum ministerio, nobis regendis ac protegendis utitur, ad seriam, studio boni ac fuga mali, gratitudinem, excitat & inflammat. Eorumque præsentis memoria, ad timorem Dei, & recti ordinis observationem, conducit.

<sup>a</sup> 1. Tim. 5. 21. 1. Cor. 11. 10.

## COROLLARIA.

1. *An Angelis, aut ulli rei, præter Deum creatorem, nomen Jehovæ, in S. literis tribuatur?* N.
2. *An verum sit, Angelos esse, orbium coelestium, motores?* N.
3. *An Angelis, sint simul omnibus in locis?* N.
4. *An singulis servandis, proprium, à Deo, Angelum, custodem præfectum, probari queat?* N.
5. *An primogenitorum in Ægypto cades, Angelis adscribatur?* N.

## DISPUTATIO XIII.

## DE LEGIS DIVINÆ, ET PONTIFICIÆ DOCTRINÆ REPUGNANTIA.

**N**on adeo mirum est, Ecclesiam Pontificiam ita inolescere, ut sanctæ Christi Ecclesiæ, & columna veritatis, elogiū sibi, & quidem soli, magna arrogantia vendicat: licet vix umbram, prisca ac sancta Romana Ecclesia, retinuerit. Nam ut scorta frontem perfricant & quidvis audent, sic meretrix illa magna, pudorem omnem excusfit. Id quod, collata vera, vera Ecclesia doctrina, cum falsis Pontificiorum dogmatis, perspicuè evincit. Cujus, hac tempestate, succinctum, in Legis divinæ (quæ rectam sanctæ vitæ normam complectitur) & falsæ atque impuræ doctrinæ Papalis, repugnantia, specimen proponemus. Quæ in re, ad publicæ dissertationis materiam singula Legis præcepta, percurreremus.

## THESIS I.

**P**rimo enim mandato, Jehovah, pro unico veto Deo, habendum: eique propriam gloriam tribuendam, præscribitur: hoc est, summo amore prosequendum, fidem, fiduciam ac spem, in eo solo, collocandam: illum solum adorandum, ac religiosè colendum. Contra Pontificii, quot in cælo sunt Angeli, & sancti à Papa approbati, tot sunt divi alieni, quibus propriam illam Dei gloriam adscribunt: ut statæ ipsorum precandi formulæ: & inprimis virginis Mariæ invocatio, cum alibi, tum in Psalterio virginis Mariæ, ab auctore Bonaventura Cardinali (quem Papa, in Sanctorum numerum retulit) conscripto evincunt. In quo, ea propria Dei gloria, quæ à Davide, Deo tribuitur; virgini Mariæ, horrenda impietate accommodatur.

II. *Secundo præcepto* imaginum cultus, omnisque εἰδωλόφρονης prohibetur. Contra Pontificii, idololatria multiplici, & traditionum suarum, partim superstitione, partim impietate, eidem adversantur: ut publica ipsorum decreta, & quotidiana experientia, demonstrat. In qua impius idoli Missatici cultus atque adoratio *hostiæ* ipsorum, excellit: & deinde *adoratio crucis*, de qua Thomas Aquinas, Sanctus apud Pontificios, Sum. Theologiæ par. 3. quæst. 25. *Illi exhibemus latria cultum, in quo ponimus spem salutis. Sed in cruce Christi ponimus spem salutis: cantat enim Ecclesia, O crux ave spes unica, hoc passionis tempore: auge piis justitiam, reisque dona veniam. Ergo crux Christi adoranda est, adoratione latria.*

III. *Tertio præcepto*, nominis Dei sanctificatio, imperatur: Contra Pontificii, variis id modis polluunt. Nam inter cætera, horrendis incantationibus, *salem, aquam, cereos, cineres, ramos, campanas, agnos* (ut impiè vocant) Dei, aliaque magiæ Papalis instrumenta, indigna nominis Dei profanatione, consecrant, & tanquam salutis subsidia, commendant. Quæ inprimis patent, ex *Rationali divinorum officiorum Durandi, episcopi: & Sacrarum ceremoniarum Romana Ecclesiæ, libro Christophori Marcelli, episcopi: & Christianis Institutionibus Co-*

*steri*, Papæ auctoritate, & indulgentiis impuris, munitis: denique ex *Pastoralis Romano*, & *Libro de fuga demonum*, aliisque probatis, apud Pontificios, monumentis.

IV. Cujus profanationis, vel hoc solum suffecerit, de *Agno illo Dei* exemplum: quod, à Corcyrensi episcopo, Marcello, *Sacrarum cerem. lib. 1. sect. 7.* recensetur. *Legimus* (inquit) *Urbanum quintum, Pontificem maximum, misisse ad Imperatorem Græcorum, tres agnos Dei, cum versibus infra scriptis.*

*Balsamus & munda cera, cum Chrismatibus unda,  
Conficiunt agnum, quod munus do tibi magnum:  
Fonte velut natum, per mystica sanctificatum:  
Fulgura desursum depellit: & omne malignum:  
Peccatum frangit, ut Christi Sanguis, & angit:  
Prægnans servatur, simul & partus liberatur:  
Dona refert dignis, virtutem destruit ignis:  
Portatus munde, de fluctibus eripit unda.*

Quæ etiam, profanationis nominis Dei, recensio, refutatio est.

V. *Quarto præcepto*, sanctificatio Sabbati, ad publicum rectumque Dei cultum, præscribitur. Contra verò, Pontificii, multa festa, templa, altaria, suis consecrarunt Sanctis: quos in ordinem Sanctorum, à Papa relatos, adorant atque invocant. Quorum nonnulli, aut nunquam extiterunt; ut *Sanctus Christophorus*: aut impii fuerunt, ut *Sanctus Georgius*, Arianus & crudelis Ecclesiæ persecutor. Quod & Cæsar Baronius in *Martyrologio Romana Ecclesiæ*, veritate victus agnovit.

VI. Deinde varios etiam, publicæ ac superstitionis Religio- nis, modos, diversosque ministrorum Ecclesiæ Ordines, præter Dei verbum, Ethnicorum imitatione (ut *Durandus* in *Rationali divin. officiorum lib. 2. cap. 1.* profitetur) statuerunt: suisque (ut vocant) *Annatibus*, Pontifices divendunt: ut experientia comprobatur.

VII. *Quinto præcepto*, honor atque obedientia erga parentes sive natura, sive officio ac cura sint tales (quales inprimis sunt Magistratus) mandat. Contra verò Pontificii Ecclesiasticas personas, à debita Magistratui, patriæ patribus, obsequantia atque obedientia (Rom. 13. 1.) violato hoc præcepto,



pto, exemptas docent. Adeo ut Pontifex (probantibus id Pontificiorum doctoribus) Principes, Reges, Imperatores, ad pedum suorum oscula, impiâ ac plusquam barbaricâ insolentiâ, detrudat: ut Marcellus episcopus Sacr. Cerem. sect. 13. praxin consuetam describit. Imo neque hoc solo contentus Pontifex, Frederici Barbarossæ, Imperatoris (ad pedes submissi) collum impresso pede, conculcavit. Quod Philippus Bergomas Monachus, in *Supplemento suppl. chroniconum*, his verbis describit; *Isto igitur fœdere inito, Alexander summus pontifex, confestim ad januas templi divi Marci Evangelista accessit, & ibidem universo adstante populo, Imperatori iussit, ut se humi prosterneret, & veniam denuo expostularet. Quo facto, Alexander Pontifex, imperatoris collum, pede comprimens, ait: Scriptum est; Super aspidem & basiliscum ambulabis, & conculcabis leonem & draconem. At Fredericus; Non tibi, inquit, sed Petro, cui successor es, pareo. Et summus Pontifex respondit. Et mihi & Petro. Imitatus egregiè Satanam præeuntem, Matth. 4. 9.*

VIII. *Sextum præceptum*, homicidium vetat: contra Pontificii belli sacri obtentu, & Hierosolymis occupandis, Pontifici licere statuunt infinitam pene infidelium multitudinem (nihil tale promeritam) ferro tollere: multasque Christianorum myriades hostium lanienæ exponere: ut historia belli sacri demonstrat.

IX. Deinde horrendam *Inquisitorum* suorum tyrannidem (in numerosa, Evangelium Christi profitentium atque innocenter viventium, turba, variis modis crucianda ac necanda) quasi sanctam justamque comprobant.

X. *Septimum Legis Dei mandatum*, castitatem & matrimonium legitimum, in quibusvis probat Heb. 13. 4. imò iis qui continentia dono carent, præscribit 1. Cor. 7. 9. contra verò Pontificii, omnium verbi ministrorum, sacerdotum, monachorum, (licet multi continentia dono destituantur) cœlibatum, non solum matrimonio præferunt, sed etiam scortationem, eorum conjugio meliorem, impudenter affirmant. Sic enim Pontificiorum antesignanus, Cardinalis Belarminus; *Est majus malum, sic nubere, quam fornicari: quia qui ita nubit, reddit se inhabilem ad votum servandum, quod non facit, qui fornicatur.* Hæc ille lib. 2. de Monachis c. 34.

XI. *Octavum præceptum*, furtum, omnemque alienorum bonorum iniquam averfionem, prohibet: & ut cuique sua

tribuantur ac relinquuntur, imperat. Contra verò Pontificii, non solum non dant Cæsari, quæ sunt Cæsaris, sed etiam è contrario, illius & regum aliorum regna, pro summa potestate arbitrioque Pontificis (*Extravag. com. lib. 1. De major. & obed. c. 1. unam sanctam*) dari, minui, auferri posse statuunt. Quemadmodum revera sæpius justis Dominis, per Pontificum sententiam, illa erepta, & injustis dominis tradita, Italiæ, Germaniæ, Galliæ, Navarræ, Indiarum, Judææ, aliorumque regnorum exempla, & Pontificiorum historiæ evincunt.

XII. *Nonum præceptum*, falsum, contra proximum, testimonium prohibet, & veritatem, fidemque datam, servandam esse, præcipit. Contra Pontificii, non solum fidem datam (quum ipsis commodum est) perfide violant, sed etiam fidem hæreticis non esse servandam, Concilii Constantiensis auctoritate Sessione decima nona, definiunt.

XIII. *Decimum præceptum*, concupiscentiam, à charitate proximi discrepantem prohibet, & Apostolus Paulus differtè (tanquam legis divinæ transgressionem) peccatum esse asserit Rom. 7. 7. Contra Pontificii, Concupiscentiam, in Concilio Tridentino Sessione quinta, peccatum esse negant, & aliter sentientibus, anathema denuntiant.

XIV. Quamobrem ex hac *Legis divina & humanæ Pontificiorum doctrina repugnantia* manifesta, perspicuè elucet, quum Deus mandarit, ut omnia Legis præcepta observarentur & maledictionem iis sit interminatus, Deut. 27. 27. & Gal. 3. 10. qui non permanserint in omnibus: *ex adverso Pontificem Romanorum*, & Pontificios theologos, hoc contrariis suis dogmatis studuisse, ut nullum Legis divinæ mandatum, à violatione liberum; permitterent.

XV. Quapropter quum Christi Ecclesia, vocem ipsius audiat ac sequatur: *Contraque Pontificii*, ei adversentur, inde deducimus hæc

#### CONSECTARIA.

1. *Ecclesiam Pontificiam non esse Christi sponsam, multo minus Ecclesiam Catholicam.*
2. *Nec Apostolicam.*
3. *Nec sanctam.*
4. *Nec Papam Romanum, esse vere Ecclesia caput: neque pastorem; sed depastorem ac lupum: ideoque iis omnibus, qui salutis suæ consultum velint, fugiendum.*

#### DISPUTATIO XIV.

#### DE EUANGELIO CHRISTI.

**Q**uoniam suavisissima, de Evangelio Jesu Christi, doctrina, adeo eximia est dignitas; ut suâ sublimitate, utilitate, ac necessitate summâ, ad sui amorem, nos invitet ac rapiat; tantaque contrâ adversariorum, existit impietas; ut eandem, variis erroribus, vitare ac subvertere moliantur: omnium piorum studium accendi debet; ut veritati divinæ, & Ecclesia salutis, justa doctrina illius assertione, patrocinentur. Quocirca, nostri quoque officii esse, arbitramur, ut sinceram, de Evangelii voce, & natura sententiam, Deo favente, illustremus ac vindicemus, & publica disquisitione expendendam, proponamus.

#### THESIS I.

**E**vangeliæ vox, à priscis Latinæ<sup>a</sup>, & Syriacæ<sup>b</sup>, Ecclesiæ theologis, hætenus usurpata, ex Græco, *εὐαγγέλιον* nomine, traducta est: quod, Hebrææ dictioni *besorâ*, origine, & significatione sua, concinnè respondet.

<sup>a</sup> Tertul. contra Marc. lib. 1. c. 1. 3. & reliqui Patres. <sup>b</sup> Syrus interpres Marc. 1. 1. Rom. 1. 1. 16.

II. *Origine* quidem; quoniam, ut *εὐαγγέλιον* (quod eodem sensu, *εὐαγγελία* dicitur<sup>a</sup>) ab *εὖ* bene, & *αγγελία* nuntiatio<sup>b</sup> (ut hoc, ab *αγγελον* nuntio) deducitur: sic nomen *besorâ* (à quo, per metathesin, oritur Syriacum *sebhartâ*<sup>c</sup>) à verbo *bisser* promanat. Quod, ex Græcorum interpretum<sup>d</sup>, & Sacrarum literarum<sup>e</sup>, expositione, *εὐαγγελισμός*, hoc est, *bonum nuntiare*<sup>f</sup>, designat.

<sup>a</sup> Græci interpres. 2. Sam. 18. 27. 2. Reg. 7. 9. <sup>b</sup> Isidorus Originum lib. 6. cap. 4. <sup>c</sup> Syrus Matt. 4. 23. & Marc. 1. 15. <sup>d</sup> Esa. 61. 1. <sup>e</sup> Luc. 4. 18. <sup>f</sup> Glossar. vetus. H. Stephani.

III. Nam *bisser*, à nomine *basâr* carne, derivatur, notatione eleganti: ut sit, quasi carnem (hoc est, mollia ac sua-

via) nuntiare; quemadmodum Forsterus<sup>a</sup> opinatur: aut potius, quasi carnem ac vires, læto nuntio, reficere: sicut Marcus Marinus<sup>b</sup> censet. Cui etymologiæ, res ipsa, & Salomonis sententiæ, videntur non obscurè suffragari. *Animus* (inquit) *lætus*, bene medicinam facit: *spiritus autem fractus exsiccat ossa*<sup>c</sup>: & alibi, *Vi aqua frigida, erga animam fessam; ita est auditio bona* (en Evangelii periphrasin) *è terra longinqua*<sup>d</sup>.

<sup>a</sup> Lex. Hebræo. <sup>b</sup> in Arca Noë. <sup>c</sup> Prov. 17. 22. <sup>d</sup> Ibid. 25. 26.

IV. *Significatione* verò, hæ voces similiter, Græcè & Hebraicè, inter se, ad amissim congruunt, bifariam: *proprie & improprie*.

V. *Proprie* enim utraque, *bonum*, seu lætum, *nuntium* significat: quemadmodum, bonorum auctorum usus, & exempla illustria, perspicuè demonstrant. Qualia nonnulla, in medium proferemus; ut, eo certius & accuratius, constet veritas.

VI. Nam, de *Græca vocis εὐαγγελίου usu*, fidem faciunt, inter ceteros, indubitata, primùm Plutarchus, quum ait: *εὐαγγέλιον χρησιμεύον scriptis bonis nuntiis: γρηγοράτω*

μετ' αὐτοῦ διαγγέλλειν <sup>b</sup> tabellariis ferentes bona nuntia: μετ' αὐτοῦ διαγγέλλειν <sup>c</sup> mercedem habere bonorum nuntiorum. Deinde Aristophanes <sup>d</sup>, διαγγέλλειν κατὰ ἴφρονα bona nuntia etiam ego dixi.

<sup>a</sup> In vita Phocionis. <sup>b</sup> In v. Pompei. <sup>c</sup> In Artaxerx. <sup>d</sup> ἰππύσι.

VII. Ideoque despuendum est *Judaorum commentum*: quod impio, ad Christi & Christianorum contumeliam, sarcasmo, Græcam & amabilem *ευαγγέλιον* vocem, ad Hebræi sermonis formam, insulse corruptentes, detorqueant, & *avengillajon* <sup>a</sup>, quasi volumen vanitatis, pronuntiant ac cognominant.

<sup>a</sup> Bahal Haruch in Avengillajon: etsi in Basil. edit. relicto spatio, consulto omissum.

VIII. *Euangelium* enim (ut *Elias* Judæus <sup>a</sup>, rejecta suorum hominum sententia, ingenuè agnoscit) Græca, non Hebræa, vox est: quæ, Hebraicè *besora tobhá* (addo etiam, simpliciter *besora*) appellatur.

<sup>a</sup> In Tisbhi in Gillajon.

IX. Siquidem de consentanea, vocis Hebrææ *besora*, significatione, hæc Sacra scripturæ dicta, sunt insignia; *Si solus est* (ait David) *in ore ejus est besora* <sup>a</sup>: hoc est bonum nuntium. Item; *Hic est dñs besora* <sup>b</sup>: seu boni nuntii. Ideoque Græci interpretes, priori loco, *ευαγγέλιον*, posteriori, *ευαγγελίαν*, eodem omnino sensu, reddiderunt.

<sup>a</sup> 2. Sam. 18. 25. <sup>b</sup> 2. Reg. 7. 9.

X. Ac propterea unico duntaxat loco, in Sacris literis (non distinctionis, sed explicationis, gratiâ) *besora tobhá* <sup>a</sup> *Euangelium bonum*, nuncupatur: ut, insita latensque vocis efficacia, clarius exprimeretur.

<sup>a</sup> 2. Sam. 18. 27.

XI. Quemadmodum conjugata dictio *mebhaser* <sup>a</sup>, hoc est, Apostolo interprete, *euangelizans* <sup>b</sup>, simili emphasi, *mebhaser tobh* <sup>c</sup>, est, *euangelizans bonum* <sup>d</sup>, nominatur.

<sup>a</sup> 2. Sam. 4. 10. <sup>b</sup> Esa. 41. 27. <sup>c</sup> Rom. 10. 15. <sup>d</sup> Esa. 52. 7. <sup>e</sup> Rom. 10. 15.

XII. Etsi unicus occurrat locus, ubi, *catachresi*, seu abusione quadam, generalius, de *nuntio*, *tristitia referente*, usurpatur <sup>a</sup>. Unde Hebræi quidam <sup>b</sup>, ansam arripuerunt, ut voces hæc, *bisier*, *mebhaser*, *besora*, propria acceptione, generales esse, & ad *quodvis nuntium* pertinere, minus accuratè judicassent.

<sup>a</sup> 1. Sam. 4. 17. <sup>b</sup> David Kimchi, Comment. 1. Sam. 4. & Lib. Rad. David de Pomis in Tsemach.

XIII. Similis enim *vocis Græcæ abusio*, alicubi etiam reperitur: ut ex hoc veteri scholio (quod apud Hesychium <sup>a</sup> extat) manifestè elucet: *ευαγγέλιον, μετ' αὐτοῦ, κατὰ ἴφρονα. Euangelia* (hoc est) *indicia, nuntia, seu praconia*. Quia, lucem meridiana clarius est, hanc vocem, ex compositionis suæ vi, *nuntia lata, bona*, non alia, designare.

<sup>a</sup> In Lexico Hesychii.

XIV. *Improprie* verò (per metonymiam causæ, pro effectu) *besora* & *ευαγγέλιον*, pro *boni nuntii premio* nonnunquam usurpantur: quemadmodum ordine, certis documentis, constabit.

XV. Nam de *vocis Græcæ* acceptione, testis est *Homærus*, *ευαγγέλιον δῶκεν ἔσθαι* <sup>a</sup> *euangelium verò mihi esto: hoc est* *ἀγαθὴ ἀγγελία δῶκεν*, *boni nuntii donum*: ut vetus ac laudatus Scholiastes <sup>b</sup>, exponit. Item; *ευαγγέλιον πῶς τίσιν* <sup>c</sup> *hoc boni nuntii premium solvam*. Cui accedit *Cicero*; *O suaves* (inquit) *epistolæ &c. quibus ευαγγέλιον, quæ reddam nescio* <sup>d</sup>. Denique *Pollux*; qui *ευαγγέλιον, donum quod nuntio redditur*, eadem ratione, interpretatur <sup>e</sup>.

<sup>a</sup> Odyss. 8. <sup>b</sup> Didymus ibidem. <sup>c</sup> Hom. ibidem. <sup>d</sup> Ad Attic. 1. 2. epist. 12. <sup>e</sup> Onom. 1. 6. c. 41.

XVI. De *Hebræica* verò *distinctione* congruentia Scripturæ exempla, hæc sunt manifesta; *Ut darem ipsi besora* <sup>a</sup>: quod Græci interpretes, *ευαγγέλιον* Chaldaæus, *donum euangelii*: & Hebræi <sup>b</sup>, mercedem *euangelii*, doctè, ac consentaneè, explanarunt. Item; *Non besora obtinget* <sup>c</sup>: hoc est, boni nuntii præmium, ut Chaldaeus Jonathan, & David Kimchi, rectè ad eum locum declarant.

<sup>a</sup> 2. Sam. 4. 10. <sup>b</sup> R. Solomo. D. Kimchi. R. Iesai. <sup>c</sup> 2. Sam. 18. 22.

XVII. Interim *Græca vos ευαγγέλιον* latius sese, quàm Hebræa, extendit, ac peculiari quâdam metonymiâ, *sacrificium*, ob *latum nuntium*, significat: ut frequens illud, apud Græcos *ευαγγέλιον θύειν* <sup>a</sup> *euangelia sacrificare*: seu, *lati nuntii sacrificium offerre*, demonstrat. Quo etiam eleganter utitur *Comicus* <sup>b</sup> *ἐπὶ συμφωρεῖς ἀγαθῶν ἐπαγγελῶν ευαγγέλιον θύει* ob *successus bonos annuntiatos, euangelia sacrificare*.

<sup>a</sup> Ifocrat. Orat. Areopagitica. Plutarchus in Sertorio &c. <sup>b</sup> Aristophanes ἰππύσι.

XVIII. Nam, quod vir eximius <sup>a</sup>, *ευαγγέλιον* vocem, proprie in hac phrasi, per *ellipsis* præpositionis *ἐν* <sup>b</sup> *propter*, interpretatur: quasi *ευαγγέλιον θύειν* idem sit, atque, ob *latum nuntium, sacrificare*, illud, nonnullis sanè in locis, non malè quadrabit. Quemadmodum, ex similibus hisce, patet; *θύειν μετ' αὐτοῦ* <sup>b</sup> *θύειν μετ' αὐτοῦ* <sup>c</sup> hoc est, ob *Metæcia*, ob *Boëdromia*, *sacrificare*: *θύειν ἔνθα καὶ γὰρ θύειν* <sup>d</sup> *ante sacrificaturus, ob Xenia & Natalitia*: denique *θύειν ἐν τῇ ευαγγελίᾳ* <sup>e</sup> *ob lata nuntia* (ut doctiores interpretantur <sup>f</sup>) *sacrificare*.

<sup>a</sup> Budæus Commen. Gr. linguæ & Wolphius in Isocrat. Areopag. <sup>b</sup> Plutarchus in Theseo. <sup>c</sup> Ibidem. <sup>d</sup> Euripides in Jone. <sup>e</sup> Plutarch. in Phocione. <sup>f</sup> Amiotus Gal. & Crufer. Latine.

XIX. Veruntamen *ellipsis* hæc, propositæ Aristophanis sententiæ, minùs videtur convenire, ut prior illius pars demonstrat: nisi, insolentem atque inconcinnam tautologiam, statueremus. Deinde litem, Pollucis auctoritas, dirimit; qui disertis verbis, eandem metonymicam significationem, sic describit: *ἡ ῥῆσις* (inquit) *ἐπὶ τῇ συνήθειᾳ θύειν, ευαγγέλιον* <sup>a</sup>. hoc est, *sacrificium quidem, ob communem letitiam, euangelia* <sup>b</sup>.

<sup>a</sup> Onomast. 1. 5. c. 25. <sup>b</sup> Hæc aliter interpretes reddidit: sed ut liquet, minus rectè.

XX. Nullibi tamen, *Euangelii nomen*, in *Novi Testamenti scriptis*, metonymicâ significatione alterutrâ, usurpari, sed, *bonum nuntium*, significare, comperitur. Atque hæc hactenus, de communibus, vocationibus Euangelii, Græcè & Hebraicè, significationibus, dicta plus satis: consequens est, ut ad *rem ipsam à genere exorisi*, accedamus.

XXI. *Bonum* enim *nuntium*, non unius est generis: sed à sua efficiente causa diversa, aliud est humanum; aliud verò divinum.

XXII. *Humanum* est, quod ab homine promanat. Cuiusmodi fuit Euangelium, de nativitate Jeremiæ <sup>a</sup>: & Euangelium, de Thessalonicensis Ecclesiæ fide, & charitate <sup>b</sup>.

<sup>a</sup> Jer. 20. 15. <sup>b</sup> 1. Thess. 3. 6.

XXIII. *Divinum* verò est, quod Deum habet auctorem: sive illud per se; sive per ministros suos (Angelos, aut homines) patefaciat.

XXIV. Quod, pro *materia suæ subjectæ* discrepantia, vel est *boni corporalis ac presentis vita*: quale fuit euangelium, per Angelum nuntiatum, de nascituro Zachariæ filio <sup>a</sup>: vel est *boni spiritualis, & æternæ, per Christum, salutis*. Quo modo καὶ ἔρχη, in sacris literis <sup>b</sup> frequenter, & à nobis hac disputatione usurpatur. Cujus vera *ναῖστα, definitionis & distinctionis* lumine, deinceps erit illustranda.

<sup>a</sup> Luc. 1. 19. <sup>b</sup> Esa. 53. 7. Rom. 10. 15.

XXV. *Euangelium* autem, hoc modo, non incommode, *definiri* potest; *doctrina divina, quâ arcanum Dei fœdus, de gratuita salute, per Christum, hominibus in peccatum lapsis, annuntiatur: & cum electis inchoatur ac conservatur, ad ipsorum salutem, & Dei servatoris gloriam*.

XXVI. *Doctrina* enim *divina* dicitur, quia efficiens & auctor illius est Deus: ut attributa divinitus encomia, demonstrant. Quippe καὶ ἔρχη *verbum Dei* <sup>a</sup>: aut *ellipsis* quâdam, *ὁ λόγος* *verbum illud* <sup>b</sup>: & distinctius *Euangelium Dei* <sup>c</sup>, nominatur.

<sup>a</sup> 1. Pet. 1. 23. cum 25. Rom. 10. 17. <sup>b</sup> Marc. 16. 20. Act. 6. 4. & 8. 4. <sup>c</sup> Rom. 1. 1. 2. 2. Cor. 11. 7. 1. Pet. 4. 17.

XXVII. Ex quo auctore summo, summa etiam illius *auctoritas* (quæ duobus hisce, *veritate*, & *sanctitate* divinâ continetur) perspicuè exsurgit. Ideoque prioris ratione, *veritas* <sup>a</sup>, *via veritatis* <sup>b</sup>, & magis proprie, *verbum veritatis* <sup>c</sup>: posterioris verò, *via Domini recta* <sup>d</sup>, & *bonum Dei verbum* <sup>e</sup> (ob eximiam, præ aliis veris ac bonis Dei verbis, dignitatem) καὶ ἔρχη appellatur.

<sup>a</sup> 1. Pet. 1. 23. 25. <sup>b</sup> 2. Pet. 2. 2. <sup>c</sup> Eph. 1. 13. Jac. 1. 18. <sup>d</sup> Act. 13. 10. <sup>e</sup> Heb. 6. 5.

XXVIII. Cujus doctrinæ *subjecta materia*, statuitur duplex: *communis & propria*. *Communis*, est fœdus Dei, cum hominibus (quippe Euangelium hac in re, cum doctrinalegis Dei, convenit <sup>a</sup>) *propria* verò, est fœdus Dei, de salute, per Christum, gratuita.

<sup>a</sup> Heb. 8. 9.

XXIX. *Fœdus* quidem *Dei*, quia Euangelium, mutuam Dei & hominum obligationem, de vita æterna, ipsis certa conditione danda, promulgat. *De salute vero per Christum gratuita*; quia Deus Euangelio, ex mera gratia, non solum Christum, & perfectam in eodem justitiam, ad reconciliationem, & vitam æternam, hominibus quibusvis; sub conditione

Dddd 3 vera

veræ fidei, prædicat & offert<sup>a</sup>: sed etiam præscriptam, fidei & respicientiæ, conditionem<sup>b</sup>, electis suis promittit, & in iisdem perficit<sup>c</sup>.

<sup>a</sup> Efa. 28. 16. 1. Pet. 2. 6. Act. 10. 43. Rom. 10. 6, 8, 9. <sup>b</sup> Gal. 5. 6. Luc. 24. 47. Act. 13. 39. Deut. 10. 6. Ezech. 11. 19, 20. Heb. 8. 10, 11.

XXX. Atque hujus *subjecti beneficii* ratione, Evangelium, in Sacris literis, *verbum gratia Domini*<sup>a</sup>: *Evangelium gratia Domini*<sup>b</sup>: *Evangelium pacis*<sup>c</sup>: & *foedus*<sup>d</sup>, nuncupatur: & à conditionis, *officii subjecti, præscriptione, lex fidei*<sup>e</sup>: *lex Dei*<sup>f</sup>, καὶ ἡ ζωὴ & *verbum fidei* & metonymicè *fides*<sup>h</sup>, nominatur.

<sup>a</sup> Act. 14. 3. <sup>b</sup> Ib. 20. 24. <sup>c</sup> Eph. 6. 15. Efa. 52. 7. Rom. 10. 15. <sup>d</sup> 2. Cor. 1. 6. <sup>e</sup> Rom. 3. 27. <sup>f</sup> Efa. 2. 3. <sup>g</sup> Rom. 10. 8. <sup>h</sup> Act. 6. 7. Gal. 2. 25.

XXXI. Quia verò, hoc *foedus salutis per Christum*, naturā omnino ignotum est<sup>a</sup> (quippe quod à mera voluntatis Dei gratia dependet<sup>b</sup>) multisque ad Christum seculis non est revelatum gentibus<sup>c</sup>, idcirco, *arcanum*, meritò appellamus. Quoniam eandem etiam ob causam, doctrina hujus *foederis, mysterium voluntatis Dei*<sup>d</sup>: *mysterium Evangelii*<sup>e</sup>: *mysterium Christi*<sup>f</sup>: *mysterium* denique *pictatis*<sup>g</sup>, indigitatur.

<sup>a</sup> Act. 14. 3. <sup>b</sup> Ib. 20. 24. <sup>c</sup> Eph. 6. 15. Efa. 52. 7. Rom. 10. 15. <sup>d</sup> 2. Cor. 1. 6. <sup>e</sup> Rom. 3. 27. <sup>f</sup> Efa. 2. 3. <sup>g</sup> Rom. 10. 8. <sup>h</sup> Act. 6. 7. Gal. 2. 25.

XXXII. Ex quo *subjecto*, consequitur etiam *objectum* Evangelii, reipsa esse homines, non peritantes in sua iustitia originali (*quia sani non opus habent medico*, nec sancti reconciliatione<sup>a</sup>) sed lapsos in peccatum<sup>b</sup>: ac propterea, violati *foederis operum* reos, ac legis transgressores. Quibus, *foedus salutis per Christum*, nuntiatur & offertur<sup>c</sup>. Atque hæc, de *subjecta, & objecta, Evangelii materia*.

<sup>a</sup> Marc. 2. 17. <sup>b</sup> Ibidem. <sup>c</sup> Gen. 3. 15. Efa. 61. 1. Luc. 4. 18.

XXXIII. *Forma* verò *Evangelii*, divina hujus *materiae*, seu *foederis salutis per Christum*, annuntiatione, indicatur. Quia, per eam, Evangelium est, & à reliquis omnibus, differt ac discernitur.

XXXIV. *Finis* denique *Evangelii*, est *duplex*: alius enim est *finis* *in cuius*: alius verò *finis* *in cuius*, appellatus. De quibus specialius atque uberius nonnihil, ob rei ipsius & controversiarum gravitatem, nobis est differendum.

XXXV. *Finis* *in cuius*, seu ad cuius utilitatem, Evangelium datum est à Deo, sunt homines peccatores. Nam, ut illis, reipsa annuntiatur; eaque de causa, illius *sunt objectum*: sic etiam, ad *eorundem utilitatem*, nuntiatur: atque hac ratione, *finis* *Evangelii* existunt<sup>a</sup>: sed modo dispari.

<sup>a</sup> Marc. 2. 17.

XXXVI. Siquidem *electi*, primariò: *reprobi*, secundariò: illi, utilitatem *Evangelii*, plenè hauriunt<sup>a</sup>: *hi* verò, partim ac leviter tantum, delibant<sup>b</sup>, ut, ex sequentibus, patebit.

<sup>a</sup> Mat. 13. 23. <sup>b</sup> Ib. v. 13, 19, 21, 22. Heb. 6. 5.

XXXVII. *Finis* verò *in cuius*, est utilitas, cuius gratia, Evangelium Christi, divinitus est destinatum, ac datum hominibus. Estque vel *propinquus*, vel *remotus*.

XXXVIII. *Propinquus finis*, est Christi notitia: & illius notitiæ fructus geminus.

XXXIX. *Notitia Christi* est, qua, per *Evangelii doctrinam*, & revelationem Spiritus Sancti, Christus, & gratuita salutis per ipsum *foedus*, cognoscitur. Eaque vel est *viva*: vel *vite expers*.

XL. *Notitia Christi viva*, est *fides per charitatem effi-*  
*cax*<sup>a</sup>. Quæ, electis ad salutem, est propria<sup>b</sup>: & καὶ ἡ ζωὴ, *notitia Christi*<sup>c</sup>: *notitia Patris ac Christi*<sup>d</sup>: & *notitia, secundum pietatem*<sup>e</sup>, nuncupatur. Qui *scopus* est atque *effectus* *Evangelii primarius*<sup>f</sup>.

<sup>a</sup> Gal. 5. 6. <sup>b</sup> Act. 13. 48. cum Tit. 1. 1. 2. Theff. 3. 2. <sup>c</sup> Efa. 53. 11. <sup>d</sup> Ioh. 17. 3. <sup>e</sup> Tit. 1. 1. <sup>f</sup> Ioh. 20. 31. Luc. 8. 15.

XLI. *Notitia* verò *vite expers*, ea est, quæ charitate ac bona conscientia destituitur<sup>a</sup>. Quæ *fides mortua*<sup>b</sup>, dicitur: & reprobi obtingit<sup>c</sup>: *circa quam* etiam, non raro *navfragium faciunt*<sup>d</sup>.

<sup>a</sup> Matth. 13. 20, 21, 22. Luc. 8. 13, 14. Heb. 6. 8. <sup>b</sup> Iac. 2. 17. <sup>c</sup> Luc. 18. 13, 14. Iac. 2. 17. <sup>d</sup> 1. Tim. 1. 19.

XLII. *Fructus* verò *geminus*, ex hac notitia promanans, est *sanctificatio*, & *communio cum Christo ac Deo*. Qui etiam est *scopus*, ad quem, *Evangelii doctrina, collinatur*<sup>a</sup>: & *effectus* organicus, quem producit<sup>b</sup>.

<sup>a</sup> Tit. 2. 11. Phil. 1. 27. 1. Ioh. 1. 3. <sup>b</sup> Act. 2. 41, 42.

XLIII. *Sanctificatio*, est purgatio, à peccati immunditia,

virtute Spiritus Sancti, per Evangelii & Christi notitiam; effecta. Quæ etiam, pro electorum, & reproborum discrimine, suis differentiis, plurimum utrimque distat ac distinguitur.

XLIV. *Electorum* enim *sanctificatio*, est vitioſa ipſorum naturæ, virtute Spiritus Sancti, per Evangelium, regeneratio. Quæ, *sanctificatio* καὶ ἡ ζωὴ, in Scriptura dici solet. Atque huc pertinet oratio Christi; *Sanctifica eos, in veritate tua: sermo tuus est veritas*<sup>a</sup>: & dictum Jacobi, de Deo; *Progenit nos sermone veritatis*<sup>d</sup>: & illud Petri; *Renati &c. per sermonem Dei vivi*<sup>e</sup>: hoc est, per Evangelium<sup>f</sup>: item, *Animabus vestris purificatio, auscultatione veritatis, per Spiritum*<sup>g</sup>.

<sup>a</sup> Heb. 6. 7. Joh. 3. 5. <sup>b</sup> 1. Cor. 6. 11. <sup>c</sup> Joh. 17. 17. <sup>d</sup> Jac. 1. 18. <sup>e</sup> 1. Pet. 1. 23. <sup>f</sup> Ib. vers. 25. & 1. Cor. 4. 15. <sup>g</sup> 1. Pet. 1. 22.

XLV. Ac propterea, quia Evangelium, in electis, efficax est, sanctificationis, per Spiritum Sanctum, instrumentum; non temere *Spiritus*<sup>a</sup>: *ministerium Spiritus*<sup>b</sup>: *speculum transformationis, ad imaginem Domini*<sup>c</sup> nominatur.

<sup>a</sup> 2. Cor. 3. 6. <sup>b</sup> 2. Cor. 3. 8. <sup>c</sup> 2. Cor. 3. 18.

XLVI. Atque hujus sanctificationis, Evangelium causa est externa efficiens, non solum inchoans; sed etiam conservans ac perficiens. Ideoque, prioris ratione, *semen regenerationis incorruptibile*<sup>a</sup>: posterioris verò ratione, *lac sincerum*<sup>b</sup>, & *solidus etiam cibus*<sup>c</sup>, nuncupatur.

<sup>a</sup> 1. Pet. 1. 23. <sup>b</sup> 1. Pet. 2. 2. <sup>c</sup> 1. Cor. 3. 2. Heb. 5. 13.

XLVII. *Reproborum* contra *sanctificatio*, est quædam naturæ ipſorum vitioſa, à Spiritu Sancto illuminante<sup>a</sup>, per agnitionem Evangelii, refractio ac repressio temporaria<sup>b</sup>. Quo demum modo, *mundi inquinamenta*, per *agnitionem veritatis effugisse*<sup>c</sup>, dicuntur: vitiiis cohibitis paulisper; non verò per Spiritum regenerantem extinctis.

<sup>a</sup> Heb. 6. 4. <sup>b</sup> Luc. 8. 13, 14. Heb. 6. 4, 5, 8. <sup>c</sup> 2. Pet. 2. 20.

XLVIII. Quandoquidem consolatorem ac regenerantem, *Spiritum veritatis, mundus* (hoc est, reproborum ac per-euntium cœtus) *accipere non potest*<sup>a</sup>: sicut *nec mors secunda, locum habere potest, in iis sanctis, qui resurrectionis primæ* (seu regenerationis) *sunt participes*<sup>b</sup>. Atque hæc de *primo notitia, Evangelica doctrina ac Christi, fructu*.

<sup>a</sup> Joh. 14. 16, 17. <sup>b</sup> Apoc. 20. 6.

XLIX. *Alter* verò *fructus* est, *cum Christo ac Deo communio*: quæ homines peccatores, suo modo, Dei & Christi, fiunt participes. Alia enim, est *integra ac vivifica*: alia, *mutua & vite expers*. Illa solis electis, tanquam verè filiis hæredibus<sup>a</sup>: hæc reprobis, tanquam servis in domo & regno Dei<sup>b</sup>, contingit.

<sup>a</sup> Matth. 13. 38. Rom. 8. 16, 17. Eph. 2. 19. 1. Pet. 2. 5. <sup>b</sup> Matth. 13. 38, 41.

L. *Electorum* enim *communio*, est Dei, per Evangelii notitiam ac fidem vivam, beneficium: quo Christi personæ, tanquam capiti, & Ecclesiæ Dei, tanquam corpori Christi, uniuntur<sup>a</sup>: in eoque iustificantur<sup>b</sup>, & ad vivos bonorum operum fructus proferendos, vi illius, permoventur<sup>c</sup>. Ideoque Evangelium, *ministerium iustitiæ*<sup>d</sup>: & *sermo reconciliationis*<sup>e</sup>, nominatur: & electi, ob vivam communionem, *palmite in Christo fertiles*<sup>f</sup>: & *fili regni*, καὶ ἡ ζωὴ & omnino, nominantur<sup>g</sup>.

<sup>a</sup> Eph. 3. 6, 16, 17, 18, 20. & 2. 12, 13. <sup>b</sup> Rom. 5. 1. & 8. 1. 1. Cor. 6. 11. Eph. 2. 17, 18. <sup>c</sup> Ioh. 15. 5. <sup>d</sup> 1. Cor. 1. 30. & 6. 11. <sup>e</sup> 2. Cor. 3. 9. <sup>f</sup> 2. Cor. 5. 13. <sup>g</sup> Ioh. 15. 2. <sup>h</sup> Matth. 13. 38.

LI. *Reproborum* contra, cum Deo & Christo *communio*, est beneficium Dei, quo, per notitiam Evangelii, ab externa mundi immunditia, & erroribus, liberati<sup>a</sup>: ad externam Ecclesiæ, tanquam corporis Christi, ac domus Dei, societatem (quæ, communi professione fidei, & Sacramentorum usu constat) sunt adducti<sup>b</sup>.

<sup>a</sup> 2. Pet. 2. 20. <sup>b</sup> Act. 8. 13, 21. 1. Tim. 1. 20. 1. Cor. 10. 3, 4, 5.

LII. Cujus, mediæ & imperfectæ, communionis ratione, reprobi quoque, *palmite in Christo*, censentur; sed *steriles*: & à Patre agricola tollendi<sup>a</sup>. Deusque eorum etiam vocatur *dominus herus* (ut passim hæc vox Patri tribuitur) *qui ipsos emit*<sup>b</sup>. Emisse autem dicitur, non pretioso Filii sui sanguine (quia, *pro Mundo* reproborum, *non oravit*<sup>c</sup>) sed externa in servos suos, vocatione: qua illos sibi parte aliqua (unde *fili regni*<sup>d</sup>, secundum quid, dicuntur) acquirit<sup>e</sup>.

<sup>a</sup> Ioh. 15. 2. <sup>b</sup> 2. Pet. 2. 1. <sup>c</sup> Ioh. 17. 9. <sup>d</sup> Mat. 8. 12. <sup>e</sup> Exod. 15. 16. Deut. 32. 6.

LIII. Nam, ut vox *acquirendi* generalis, per synecdochen specia-

specialius, pro *emissione*, sæpius usurpatur<sup>a</sup>: sic vicissim, specialis *emendi* dictio, generalius, pro *acquisitione*<sup>b</sup> (sicut *venditio*, pro *traditione*<sup>c</sup>) simili tropo, in Sacris literis, accipi solet. Atque hæc, de *Euangelio sine propinquo*, dicta.

<sup>a</sup> Esa. 24. 2. Jer. 32. 7. Prov. 20. 14. & 23. 23. Gen. 25. 10. cum Act. 7. 16.  
<sup>b</sup> Esa. 55. 1. Apoc. 3. 18. <sup>c</sup> Jud. 4. 2. 9. Psal. 44. 13. Esa. 52. 3.

LIV. *Remotus* verò *finis*, & *effectus* Euangelii organicus, etiam est duplex: *medius* & *ultimus*.

LV. *Medius*, est electorum *salus æterna*<sup>a</sup>: ideoque Euangelium, *verbum vite*<sup>b</sup>: & *Euangelium salutis*<sup>c</sup>, appellatur.

<sup>a</sup> Johan. 20. 31. <sup>b</sup> Phil. 2. 16. <sup>c</sup> Ephes. 1. 13.

LVI. *Ultimus* verò *finis*, ex prioribus emergens, est *Dei servatoris gloria*: quæ, in sapientia, misericordia, iustitia, & potentia ipsius, patefactione consistit. Quæ, uti maximi est momenti, sic paucis explicanda.

LVII. *Primum* enim *sapientia Dei* πολυμυα<sup>a</sup> multiformis, ex arcana & impervestigabili, salutis per Christum, via: illiusque opportuna, & Angelis etiam admirabili, per Euangelium patefactione, elucescit<sup>a</sup>. Quæ etiam de causa, Euangelium, *sapientia Dei in mysteriis abscondita*<sup>b</sup>: &, per ironiam perspicuam, *stultitia Dei*<sup>c</sup>, nominatur: ad stultum incredulorum iudicium, traducendum: qui, ita perversè, de Dei sapientia, sentiunt<sup>d</sup>.

<sup>a</sup> Ephes. 3. 8, 9, 10, 19. Rom. 11. 31, 33. 1. Corinth. 1. 24, 25. <sup>b</sup> 1. Cor. 2. 7. <sup>c</sup> 1. Cor. 1. 21, 25. <sup>d</sup> Ibid. vers. 18. & 23.

LVIII. *Deinde misericordia Dei*, seu ipsius, erga miseros peccatores bonitas, nullâ omnino doctrinâ, tam copiosè tantaque claritate, quàm Euangelio Christi, illustratur<sup>a</sup>. Siquidem hæc sola, eam salutis viam, divinitus datam & patefactam miseris, proponit: cuius notitia ac fructu, electorum quidem miseria, aboletur penitus (quæ *misericordia* b *κατ' ἐξοχήν* ideo nominatur) reprobos verò, misera conditio (fugatis Euangelio ignorantia tenebris, & refrænata priorum scelerum licentia) mitigatur<sup>c</sup>.

<sup>a</sup> Eph. 2. 4, 5, 6, 7, 8. <sup>b</sup> Eph. 2. 4. Luc. 1. 72. <sup>c</sup> Vide Thef. 47.

LIX. Præterea, *Dei* quoque *iustitia*, Euangelio bifariam revelatur: partim *erga electos*: partim *erga reprobos*.

LX. *Erga Electos*; quod, cum salutis modum reteggit: quo, iustitiæ Dei, peccatis nostris læsæ, pretiosa Filii morte est satisfactum<sup>a</sup>; *ut feremus iustitia Dei in eo*<sup>b</sup>: quodque, justificationis & sanctificationis, documentum, & organum, est salutare: ut antea ostendimus.

<sup>a</sup> Rom. 3. 25, 26. <sup>b</sup> 2. Cor. 5. 21.

LXI. *Erga reprobos* verò: quod, ex Euangelii doctrina & effectis, sit perspicuum, Deum neque iniustitiæ, neque exitii ipsorum, auctorem, aut adiutorem; sed, culpam utriusque, in ipsis residere.

LXII. Quippe Deus iustus ac misericors, ipsis, suo vitio miseris, liberationem à miseria, Euangelio offert: illi contra eandem, aut sua contumaci ignorantia averfuntur<sup>a</sup>; aut notitia illius, à Deo donati, tantique boni, fiducia & amore vacui, abutuntur<sup>b</sup>.

<sup>a</sup> Joh. 3. 19. <sup>b</sup> Joh. 3. 19, 20. Matth. 13. 20, 21, 22.

LXIII. Denique *potentia Dei*, variis modis, Euangelio declaratur: in primis verò, in procuranda, tuenda ac perficienda (invito mundo, & inferni portis) salute Ecclesiæ, per Christum<sup>a</sup>. Euangelio enim celebratur, & exercetur, *excellens illa magnitudo potentia*, in nobis, qui credimus pro *efficacitate* fortis roboris ipsius, quam exeruit in Christo; quum *suscitavit eum à mortuis*, & collocavit ad dexteram suam in cælis<sup>b</sup>. Unde etiam Euangelium, *potentia Dei*<sup>c</sup>: & *potentia Dei*, ad salutem omni credenti<sup>d</sup>: & summam, *Euangelium gloria beati Dei*<sup>e</sup>, indigitatur. Atque hæc pertinent, ad finis Euangelii coronidem.

<sup>a</sup> Matth. 16. 18. Joh. 20. 28, 29. Rom. 8. 37, 38, 39. 1. Pet. 1. 5. <sup>b</sup> Eph. 1. 19, 20. <sup>c</sup> 1. Cor. 1. 18. <sup>d</sup> Rom. 1. 16. <sup>e</sup> 1. Tim. 1. 11.

LXIV. *Adjuncta* verò *Euangelii*, sunt *Sacramenta*, quæ tanquam verbum invisibile, illius doctrinam, fœderatis signant & obsignant. Quæ de causa metonymicè, *fœdus*<sup>a</sup>: & propriè, *signa fœderis*<sup>b</sup>, & metaphoricè, *sigilla fœderis*<sup>c</sup>, appellantur. Hactenus *Euangelii definitionem*, & *expositionem* illius, tractavimus: quibus succedit *distinctio*.

<sup>a</sup> Gen. 17. 10, 13. Act. 7. 8. <sup>b</sup> Gen. 17. 11. Rom. 4. 11. <sup>c</sup> Rom. 4. 11.

LXV. Etli *Euangelium reipsa* (quam exposuimus) sit *simplex*<sup>a</sup>: rei tamen *circumstantiâ*, duplex comperitur. Quip-

pe aliud est, *Euangelium promissionis Christi*: aliud, *missionis illius*. Unde prius, promittens<sup>b</sup> ac præmissum<sup>c</sup>: posterius verò, promissum Euangelium<sup>d</sup>, appellatur.

<sup>a</sup> Gen. 3. 15. cum Joh. 12. 31. Coloss. 2. 15. Heb. 2. 14. & Gen. 12. 3. cum Gal. 3. 6, 7, 8. & Gen. 22. 18. cum Gal. 3. 8. Rom. 4. 22, 24. Act. 2. 25. & 10. 43. & 4. 12, 13. & 15. 11. Heb. 11. 12. <sup>b</sup> Rom. 1. 2. <sup>c</sup> Gal. 3. 8. Heb. 4. v. 6. <sup>d</sup> Rom. 1. 2.

LXVI. Siquidem *Euangelium promissionis Christi* est, quo olim Deus fœdus gratuitæ salutis per Christum, annuntiavit ac pepigit<sup>a</sup>, Christi que adventum promisit<sup>b</sup>. Quæ de causa, Euangelium hoc, *ἐπαγγελία promissio*<sup>c</sup> distinctè ac κατ' ἐξοχήν (ut reliquis promissionibus longè sublimior) appellatur.

<sup>a</sup> Heb. 1. 1. Act. 16. 43. <sup>b</sup> Act. 3. 22, 24. & 13. 32. <sup>c</sup> Act. 13. 32. Gal. 3. v. 17, 18.

LXVII. Hoc autem *Euangelium*, à Deo *nuntiatum* ac patefactum est duobus modis, *immediatè* ac per se: & deinde *mediatè* per homines.

LXVIII. *Immediatè* ac per se Deus hoc præstitit, ratione diversa: primum enim obliquè: postea verò directè.

LXIX. *Obliquè* enim, primis parentibus, in paradiso, Euangelium initio revelavit, in comminatione Serpenti facta. In qua *ipsum* (mulieris semen) *serpentis caput contritutum*<sup>a</sup> (hoc est Christum virginis filium, *per mortem*, *abolitum* eum, qui mortis habebat imperium, hoc est *diabolum*<sup>b</sup>) pro sua misericordia, promisit.

<sup>a</sup> Gen. 3. 15. <sup>b</sup> Heb. 2. 14.

LXX. *Directè* verò Patriarchis, Euangelium de Christo, patefecit<sup>a</sup>; quorum idcirco fides in Christum, tam magnificè celebratur<sup>b</sup>. Inter quos excelluerunt, Abrahamus<sup>c</sup>, Isaacus<sup>d</sup>, Jacobus<sup>e</sup>: quibus, illustrissimæ promissiones, de Christo ac salute, obtigerunt.

<sup>a</sup> Luc. 1. 55, 73. <sup>b</sup> Act. 15. 11. Heb. 11. 2. Rom. 4. 12, 16. 2. Corinth. 4. 13. <sup>c</sup> Gen. 12. 3. & 22. 18. Gal. 3. 8, 14, 17, 18. Luc. 1. 55, 73. <sup>d</sup> Gen. 26. 4. <sup>e</sup> Ib. 28. 14.

LXXI. *Mediatè* verò Deus, suum Euangelium, revelavit per *Prophetas*. Nam, ut illud per se, suo Spiritu, ipsis, πολυμυα<sup>a</sup> & πολυτρόπως multis partibus multisque modis, indidit ac rexit<sup>a</sup>: sic per eosdem, partim sermone<sup>b</sup>, partim Sacris literis<sup>c</sup>, declaravit Israëlitis solis<sup>d</sup>: *permisiss* interim *Gentibus ingredi in viis ipsarum*<sup>e</sup>: non rimando, sed adorando nobis, mysterio<sup>f</sup>.

<sup>a</sup> 2. Tim. 3. 16. 1. Pet. 1. 11. 2. Pet. 1. 21. Heb. 1. 1. <sup>b</sup> Gen. 49. 10. <sup>c</sup> Rom. 1. 2. Act. 10. 43. <sup>d</sup> Psal. 147. 20. <sup>e</sup> Act. 14. 16. & Psal. 147. 20. <sup>f</sup> Rom. 11. 33.

LXXII. Ad cuius *Euangelii declarationem* & *obsignationem* adjuncti & annexi fuerunt, partim diversi, rerum, personarum ac factorum *typi prophetici*: partim *ceremonia* (seu, externi cultus Dei, ritus) temporariæ.

LXXIII. Quippe κατὰ καιρὸν διατάσσας ad tempus usque *correctionis sunt impositæ*<sup>a</sup>: nec diutius, quàm ad Christi mortem, tanquam cultus Dei, duraturæ: sed rarioribus ac clarioribus permutandæ<sup>b</sup>. Quo mortis Christi termino, *seculum* (seu longa duratio) iis attributum<sup>c</sup>, omnino finitur. Ut pote quum fuerint *umbra futurorum*: corpus autem, Christi<sup>d</sup>: *umbra bonorum futurorum*; non ipsa expressa forma<sup>e</sup>: & *chirographum debitorum nostrorum*<sup>f</sup>: ideoque debitis perfolutis, abolendum: ut veritati, & iustitiæ divinæ satisfieret.

<sup>a</sup> Heb. 9. 10. <sup>b</sup> Heb. 8. 13. <sup>c</sup> Gen. 17. 13. Exod. 12. 24. <sup>d</sup> Col. 2. 17. <sup>e</sup> Heb. 10. 1. <sup>f</sup> Col. 2. 14. Gal. 5. 1, 2, 3.

LXXIV. In quibus ceremoniis excelluere, *signa fœderis* illustra, cum *Sacramenta* ordinaria, circumcisionis & paschatis: tum *sacrificia*, non solum *ἱλαστήρια propitiatoria*; quæ, ad primam fœderis partem, relata, Christum ejusque beneficia, adumbrabant: sed etiam *ὑπαγεταὶ gratiarum actionis*, quæ, ad alteram spectantia partem, officia quoque Ecclesiæ designabant. Atque hæc de *Euangelio promissionis*.

LXXV. *Euangelium* verò *missionis Christi* est, quo Deus postremis temporibus fœdus salutis per Christum: & impletam, de missione ipsius promissionem, annuntiavit<sup>a</sup>.

<sup>a</sup> Heb. 1. 1. Luc. 1. 69, 70. & 2. 10, 11.

LXXVI. Quo modo κατ' ἐξοχήν oppositè promissioni tanquam lætissimum illius complementum<sup>a</sup>, *Euangelium Christi*<sup>b</sup>, nempe exhibiti: *Euangelium regni Dei*<sup>c</sup>: & *Euangelium regni*<sup>d</sup>: & à suo subiecto metonymicè, *novum fœdus*<sup>e</sup>, hoc est, novi fœderis doctrina, appellatur.

<sup>a</sup> Luc. 1. 10. <sup>b</sup> Rom. 1. 9. 1. Cor. 9. 12, 14. <sup>c</sup> Marc. 1. 14. <sup>d</sup> Matth. 4. 23. <sup>e</sup> 1. Cor. 3. 6.



LXXVII. Atque hoc modo fideles, post Christum exhibitum, priscis patribus feliciores longè, judicantur<sup>a</sup>. Licet enim Christi & fœderis gratiæ, fideique, ac salutis, communione, nobis fuerint pares<sup>b</sup>: solam tamen, Christi venturi, pro populo suo morituri, toroque orbe regnaturi, promissionem; non autem rem promissam (quæ ab Apostolo, *promissionis* voce<sup>c</sup>, metonymia consueta<sup>d</sup>, designatur) adepti fuerunt: eoque modo, nobis inferiores.

<sup>a</sup> Matt. 13. 17. Luc. 10. 24. <sup>b</sup> Gen. 12. 3. Gal. 3. 6, 7, 8. Heb. 11. 2. 2. Cor. 4. 13. <sup>c</sup> Heb. 11. 39. <sup>d</sup> Act. 1. 4. Heb. 6. 12, 13. & 10. 36.

LXXVIII. Atque hinc etiam quatuor divini, (historiæ nativitatæ, doctrinæ, vitæ, mortis, & resurrectionis, Jesu Christi) libri, ab uno seipsa missionis Euangelio, *Euangelia*<sup>a</sup> (per subjectæ materiæ metonymiam) nuncupantur.

<sup>a</sup> Marc. 1. 1. Act. 1. 1. 2. Cor. 8. 18.

LXXIX. Hujus autem *Euangelii promulgatio* (pro temporis, divinitus præstituti, ratione) *objecto* plurimum discrepavit.

LXXX. *Primum* enim, usque ad Christi mortem & resurrectionem, Israëlítico tantum populo ordinariè nuntiatum est<sup>a</sup>. Idque factum est, per Angelos<sup>b</sup>, Johannem Baptistam<sup>c</sup>, Filiumque Dei Jesum Christum<sup>d</sup>: & delectos illius (cum duodecim<sup>e</sup>, tum septuaginta<sup>f</sup>) discipulos.

<sup>a</sup> Rom. 3. 2. & 9. 4. Eph. 2. 11, 14. Matth. 10. 5, 6. & 15. 24. <sup>b</sup> Luc. 2. 10. <sup>c</sup> Ib. 3. 18. <sup>d</sup> Marc. 1. 14. Heb. 1. 1. <sup>e</sup> Matt. 10. 7. <sup>f</sup> Luc. 10. 1.

LXXXI. Deinde, post Christi ascensionem, misso Spiritu Sancto, prædicatum est Euangelium, non solum Israëlítico populo (licet ordine fuerint præferendi<sup>a</sup>) sed omnibus etiam gentibus<sup>b</sup>: utpote quum jam, per Christi mortem, legalium ceremoniarum religio ac septum<sup>c</sup>, & discrimen gentium, è medio esset sublatum<sup>d</sup>.

<sup>a</sup> Act. 1. 8. & 13. 46. Rom. 1. 16. <sup>b</sup> Matth. 28. 19. Marc. 16. 15. <sup>c</sup> Eph. 2. 14. <sup>d</sup> Eph. 2. 14. 16.

LXXXII. Hæc autem Euangelii *promulgatio* facta est, per *ministros Christi*: partim *extraordinarios* cum Apostolos<sup>a</sup>, tum eorum adjuutores, qui idcirco, *κτ' ἑξῆς* *Euangelistæ*<sup>b</sup> dicti: partim *ordinarios*; pastores, & doctores<sup>c</sup>. Quæ promulgatio Euangelii, metonymicè interdum *Euangelium*<sup>d</sup> nuncupatur.

<sup>a</sup> Matt. 28. 19. Marc. 16. 15. <sup>b</sup> Act. 21. 8. Eph. 4. 11. 2. Tim. 4. 5. <sup>c</sup> Eph. 4. 11, 12. <sup>d</sup> Gal. 2. 7. 1. Cor. 9. 14. Phil. 4. 15.

LXXXIII. Cui etiam, Euangelio missionis Christi, *sancti* *adjuncta* sunt divinitus, *signa fœderis*, seu *Sacramen-*

*ta*: sed minori numero, & luce ac facilitate majori, *Baptismus & Cœna Domini*, ad secundum Christi adventum, cum ministerio Euangelii, duratura<sup>a</sup>.

<sup>a</sup> Matt. 28. 19, 20. 1. Cor. 11. 26. Gal. 1. 7, 8.

LXXXIV. Quapropter *Euangelium*, hisce de causis, merito *æternum*<sup>a</sup> dicitur: non autem æterno opponendum. Ideoque impuram illam Origenis hæresin (ut de Monachis quibusdam, pseudo-euangelii æterni fabris, taceam) cum Hieronymo detestamur: qua, duplex Euangelium confinxit. Unum enim statuit temporale, de salute hominum, in hoc seculo prædicatum: alterum verò æternum, de salute dæmonum, post hanc vitam, in cœlis prædicandum<sup>b</sup>. Hæcenus de *Euangelio Christi*.

<sup>a</sup> Apoc. 14. 6. <sup>b</sup> Hiero. t. 2. epist. ad Avitum, ex Origine *πρὸς ἀρχόν.*

## COROLLARIA.

I. **A**N Gentes, quas Deus olim sinit incedere in viis suis Act. 14. 15, 16. per fidem generalis Dei misericordiae (*beneficiis naturalibus patefacta*) & per poenitentiam, sine Euangelii Christi cognitione, potuerint servari? *Neg.*

2. An ex hisce (aut similibus) euangelicis dictis Joh. 3. 16, 17, 18. aut 1. Tim. 1. 15. aut c. 2. 4, 6. aut 2. Pet. 2. 1. aut 1. Joh. 2. 2. aut cap. 5. 10, 11. à Reprobis patronis rectè probetur, Christum à Patre morti traditum in eum finem, ut pro omnibus & singulis, tam reprobis, quàm electis Redemptionis pretium persolveret? *N.*

3. An illud Dei iustitia, aut misericordia non repugnet, si talis universalis gratia non admittatur? *N.*

4. An hinc rectè colligatur, Reprobos aliàs fore excusabiles? *N.*

5. An Americani illi ac similes, quibus Euangelium, neque exterius verbo, neque interius à Spiritu Sancto fuit ullo modo revelatum, ob fidei illius absentiam, tanquam causam efficientem, sint condemnandi? *Neg.* ex dictis, Rom. 4. 15. & 1. Joh. 3. 4.

6. An igitur hi, nullo legis jure condemnabuntur? *A. distinctè*: etsi enim hoc non fiet, ob legem fidei (seu Euangelii de Christo) violatam (ut quæ iis neque natura, neque revelatione ulla, patefacta) fiet tamen iuste, ob legis naturæ declarata transgressionem, Rom. 1. 19, 20. & 32. & cap. 2. 12, 14, 15.

## DISPUTATIO XV.

### DE ADAMI PRIMI ET SECUNDI COLLATIONE.

**P**raclarum est illud γινώσκει σεαυτὸν Nosce te ipsum; sed frustra hac notitia queritur, nisi nos ipsos, in utriusque Adami speculo, contemplemur; & in primo, lapsum atque exitium; in altero, restorationem ac salutem redundantem observemus: ut ex illo, ad seriam animi coram Deo demissionem; ex hoc verò adpiam erga eundem gratitudinem stimulemur. Quocirca non abs re fore arbitramur, si eam, primi & secundi Adami, collationem, publica disertatione expendamus.

#### THESES I.

**A**dam, vox Hebræa, in S. literis primum homini, deinde urbi<sup>a</sup>, attribuitur.

<sup>a</sup> Jos. 3. 16.

II. Priori autem ratione, à materia sua, *Adamah*<sup>a</sup>, id est, terra (ut homo, Latinis ab humo, licet quidam dissentiant<sup>b</sup>) nominatur. Ideoque LXX interpretes *אדם*<sup>c</sup>. & Hieronymus<sup>d</sup> vulgatusque Psalmorum interpret<sup>e</sup>, *terrigena*, consentaneè transulerunt.

<sup>a</sup> Gen. 2. 7. 1. Cor. 15. 47. <sup>b</sup> Quintil. Instit. L. 1. c. 9. <sup>c</sup> Jer. 32. 20. <sup>d</sup> De nom. Hebraicis. <sup>e</sup> Psal. 49. 3.

III. Quo sensu hæc vox *Adam*, aut *latius*, aut *strictius*, usurpari solet.

IV. *Latius* quidem, animal rationale (marem aut feminam<sup>a</sup>) notat: strictius verò, *speciali* aut *singulari* modo accipitur.

<sup>a</sup> Gen. 1. 27. Levit. 18. 5. Num. 31. 35.

V. *Specialis* quidem, oppositè, vel Deo, *homines impios*<sup>a</sup> vel *πῖς*<sup>b</sup> aut *geber*<sup>c</sup>, viro (hoc est *αὐτὸς ἰσχυρὸς* potenti ac magnati) *plebej* designat.

<sup>a</sup> Gen. 6. 2. <sup>b</sup> Ps. 49. 3. & 82. 7. <sup>c</sup> Job. 14. 10.

VI. *Singulari* verò modo, hominem primum<sup>a</sup>, notat: qui proprio carens communi nomine, ob originis privilegium, appellatur. Ideoque sæpius<sup>b</sup> articulo demonstrativo, *hæc* (à quo propria hominum nomina abhorrere solent) insignitur, *haadam*, ille homo: ut Græcis ὁ πρῶτος pro Homero (ut similia non pauca) excellentiæ denotandæ gratia, usurpatur.

<sup>a</sup> Gen. 2. 18. <sup>b</sup> Gen. 2. 23, 25. & c. cap. 3. 8, 9. & 4. 1.

VII. Utque *Adam* est Christi typus<sup>a</sup>: sic ille primus homo, Adam<sup>b</sup>; hic verò, *postremus Adam*<sup>c</sup>, & *secundus homo*<sup>d</sup>, comparatè, meritoque appellatur. Quemadmodum *utrinque*, cum in *persona*, tum in *attributis*, collatio partim convenientiæ, partim differentiæ, perspicuè declarabit.

<sup>a</sup> Rom. 5. 14. <sup>b</sup> 1. Cor. 15. 45. & 47. <sup>c</sup> Ib. v. 45. <sup>d</sup> Ib. v. 47.

VIII. In *persona* autem observanda est *natura*, & *hypostasis*, seu *ὑποστάσις* substantia personalis.

IX. In *natura* quidem, convenientia est *speciei*, & *partium*. *Speciei*, quia utrimque natura est humana, uterque homo<sup>a</sup>: *partium*, quia uterque corpore mortali, & anima immortalis præditus<sup>b</sup>, homo verus: & sine patre, citra generationem, sola Dei omnipotentia formatus<sup>c</sup>.

<sup>a</sup> 1. Cor. 15. 45, 47. <sup>b</sup> Gen. 1. 27. & 2. 7. Luc. 23. 46. <sup>c</sup> Gen. 2. 7. Luc. 1. 35. Heb. 7. 3.

X. *Diffe-*

X. *Differentia* vero naturæ utriusque, est in *numero*, & *partium causis* atque *adjunctis*.

XI. In *numero*, quia Adami primi natura est unica humana<sup>a</sup>; unde homo merus: in secundo altera etiam adest, divina: ideoque *Deus verus*<sup>b</sup>, *Immanuel*<sup>c</sup>, *Dens Verbum caro factum*<sup>d</sup>, *Dens patefactus in carne*<sup>e</sup>, & *Dominus è caelo*<sup>f</sup>, (oppositè Adamo primo) nominatur.

<sup>a</sup> 1. Cor. 15. 47. <sup>b</sup> 1. Ioh. 5. 20. <sup>c</sup> Matth. 1. 23. <sup>d</sup> Ioh. 1. 1, 14. <sup>e</sup> 1. Tim. 3. 16. <sup>f</sup> 1. Cor. 15. 47.

XII. In *partium* quidem *causis* *differentia* est, cum *efficientis*, tum *materia* ratione.

XIII. *Efficientis*; quod *Adami primi* corpus & anima, formata sint à secundo<sup>a</sup>: *secundi*, à seipso<sup>b</sup>, ut qui verus sit Deus, *per quem*, & *in quem*, *creata sunt omnia*<sup>c</sup>.

<sup>a</sup> Ioh. 1. 3. <sup>b</sup> Heb. 1. 16. <sup>c</sup> Col. 1. 16.

XIV. *Materia* verò *propinqua corporis differentia* est, quod *Adami primi*, sit è terra<sup>a</sup>; *secundi*, ex substantia virginis Mariæ<sup>b</sup>, ex Adamo primo propagata. Ac propterea, *filius Adami*<sup>c</sup> & *filius hominis*<sup>d</sup> & *ἐξ ἑοῦ*<sup>e</sup>, promissus inde à paradiso<sup>e</sup>, nominatur. Hæc de *partium causis*.

<sup>a</sup> Gen. 2. 7. <sup>b</sup> 1. Cor. 15. 47. <sup>c</sup> Gen. 3. 15. <sup>d</sup> Luc. 1. 42. <sup>e</sup> Heb. 2. 14, 16. <sup>f</sup> Luc. 3. 23, 38. <sup>g</sup> Ioh. 5. 27. <sup>h</sup> Gen. 3. 15.

XV. In *earum* verò *adjunctis* *differentia* est; quod corpus primi *Adami* poterat, servando iustitiam, non mori<sup>a</sup>: *secundi* verò, servando iustitiam, mori debuit<sup>b</sup>. Atque hæc de naturæ *Adami* utriusque, *convenientia* & *differentia*.

<sup>a</sup> Gen. 2. 17. <sup>b</sup> Rom. 6. 12. <sup>c</sup> Ioh. 18. 11. <sup>d</sup> Luc. 24. 26.

XVI. In *hypostasi*, vero, sive *substantia* personali, *convenientia* quidem est in *numero*, quia utrimque est *unica*; ideoque & unum *ὁ ὁμοῦς*<sup>a</sup>, persona una, utrimque<sup>a</sup>. *Differentia* verò est in *modo*.

<sup>a</sup> Rom. 9. 17, 18. <sup>b</sup> 1. Cor. 15. 21, 45.

XVII. *Humana* enim *Adami primi* natura suam habuit propriam hypostasin: adeo ut corpus & anima illius, unam constituerint personam, seu substantiam, singularem, vivam, intelligentem, incommunicabilem, non sustentatam ab alio, nec partem alterius.

XVIII. Contra vero, *secundi Adami humana natura*, hypostasi propria destituitur; ut quæ, per se ac seorsim extra Filii personam, nunquam & nusquam subsisterit, antequam in unitatem personæ assumeretur: Adeo, ut, naturæ sint duæ, *persona* verò *unica*, unus Christus, non duo<sup>a</sup>.

<sup>a</sup> 1. Cor. 8. 6. <sup>b</sup> Eph. 4. 5. <sup>c</sup> 1. Tim. 2. 5.

XIX. *Alter* collatio sita est, in personæ *attributis*: quæ in duos, quasi ramos, diffunduntur, nempe in *dotes* & *effecta*.

XX. In *dotibus* autem observandæ sunt, cum *species*, tum *finis* illarum communis.

XXI. *Species* illæ potissimum in *imagine Dei*, & *dominio* in creaturas *idoneo*, continentur.

XXII. *Imago* autem *Dei*, est *essentia* illius spiritualis<sup>a</sup> & in primis *virtutis*, in creatura rationali, similitudo<sup>b</sup>. Quæ in re, *Adami primi* & *secundi*, partim *convenientia*, partim *differentia*, est perspicua.

<sup>a</sup> Gen. 9. 6. <sup>b</sup> Eph. 4. 24. <sup>c</sup> Col. 3. 10.

XXIII. *Convenientia* quidem, quia *primum* utrique anima rationalis indita est divinitus<sup>a</sup>: quæ *essentia* est spiritualis; eoque & vita immortalis, & facultate gemina, cum mentis, tum voluntatis, Deo similis. In quo, *primus* & immutabilis, bipartitæ *imaginis Dei*, gradus<sup>b</sup> consistit.

<sup>a</sup> Vid. thes. 9. <sup>b</sup> Gen. 6. 9.

XXIV. Deinde præter *essentiam* spiritualem addita *virtus gemina*, mentis, & voluntatis, ad earum perfectionem, alterumque *imaginis Dei* gradum, priori sublimiorem, statuendum.

XXV. *Virtus mentis*, est agnitio Dei, & officii erga ipsum, ad salutem sufficiens<sup>a</sup>: quæ *ἀληθὴς* *veritas*<sup>b</sup> appellatur.

<sup>a</sup> Col. 2. 10. <sup>b</sup> Eph. 4. 24.

XXVI. *Virtus voluntatis*, est iustitia, seu habitus rectæ voluntatis, jus suum cuique tribuendi: primum Deo; ut creatori ac patri, quæ *pietas*<sup>a</sup> & *sanctitas*<sup>b</sup>, dicta: deinde proximo; ut, fratri creato ab eodem patre, eoque congeneri<sup>c</sup>: quæ, communi voce, *iustitia*<sup>d</sup>, per synecdochen, à *sanctitate* distincta, appellatur.

<sup>a</sup> Tit. 2. 12. <sup>b</sup> Luc. 1. 75. <sup>c</sup> Matt. 2. 10. <sup>d</sup> Luc. 1. 75. <sup>e</sup> Eph. 4. 24.

XXVII. Quibus virtutibus (quæ vulgo *iustitia originalis*)

quoniam homines Deo maximè similes redduntur, idcirco iidem, *imago Dei*, in S. literis describi solet<sup>a</sup>. Atque hoc etiam sensu ac consensu, *Adamus primus*, factus ad imaginem Dei<sup>b</sup>, & *secundus*, conceptus ac natus sanctus<sup>c</sup>, affirmatur. Atque hæc, de utriusque *Adami*, in *imagine Dei*, *convenientia*.

<sup>a</sup> Eph. 4. 24. <sup>b</sup> Col. 3. 10. <sup>c</sup> Gen. 1. 26, 27. <sup>d</sup> 1. Cor. 11. 7. <sup>e</sup> Luc. 1. 35.

XXVIII. *Differentia* verò in eadem comperitur duplex: una, ratione *partis secunda imaginis*, seu *virtutis*: altera ratione *numeri imaginis*.

XXIX. *Virtus* enim *primi Adami*, fuit mobilis; ut lapsus illius arguit: *secundi*, verò immobilis; partim ob personæ *ἡνωθέντος* naturam<sup>a</sup>, partim ob veritatis prophetiarum de Christo<sup>b</sup>, & officii illius mediatorii necessitatem<sup>c</sup>.

<sup>a</sup> Ies. 9. 6, 7. <sup>b</sup> Dan. 9. 24. <sup>c</sup> Ies. 53. 9, 11. <sup>d</sup> Heb. 7. 26.

XXX. *Numerus* deinde *imaginis Dei* differt: quod in *primo Adamo* *unica* fuerit *imago*, nempe creata (prout unica fuit natura) qua Deo extitit *ὁμοῦς* & *ὁμοῖος*, similis *essentia* ac *sanctitate*: in *secundo* verò præter hanc, etiam increata est *imago Dei* Patris (prout altera quoque est natura increata) qua *ὁμοῦς* & *ὁμοῖος* ejusdem est *essentia*, & *sanctitatis*. Unde *imago Dei invisibilis*<sup>a</sup>, & *character hypostasis Dei* Patris<sup>b</sup> (utpote *filius proprius*<sup>c</sup>, & *unigenitus*<sup>d</sup>) appellatur. Ex quibus, *collatio in imagine Dei*, *prima* dote proposita, illustratur.

<sup>a</sup> Col. 1. 15. <sup>b</sup> Heb. 1. 3. <sup>c</sup> Rom. 8. 32. <sup>d</sup> Ioh. 1. 14, 18.

XXXI. *Alter* verò *dos*, est *dominium* in creaturas *idoneum*. *Dominium*, potestatem: *idoneum*, sapientiam & potentiam, & auctoritatem usumque *dominii* necessariam designat.

XXXII. *Convenientia* autem *utriusque Adami*, in eo elucet, quod ut *primo*, tanquam typo<sup>a</sup>, datum in terram, mare & animalia omnia imperium<sup>b</sup>, & sapientia ac potentia imperio necessaria<sup>c</sup>; ita & *secundo*, per primi typum adumbrato, *filio hominis*, idem est attributum<sup>d</sup>.

<sup>a</sup> Psal. 8. 5, 7. <sup>b</sup> Gen. 1. 26. <sup>c</sup> Gen. 2. 19. <sup>d</sup> Psal. 8. 5, 7. <sup>e</sup> Heb. 2. 6, 8.

XXXIII. *Differentia* verò est, in *dominii terminis* & *modis*.

XXXIV. *Termini* enim *imperii primi Adami*, angusti terræ, maris & animalium limitibus fuerunt definiti<sup>a</sup>: *secundi* verò *Adami dominium*, cæli, terræ omniumque creaturarum latifundia comprehendit<sup>b</sup>. Ideoque sapientia & potentia longè excellentiori stabilitum.

<sup>a</sup> Gen. 1. 28. <sup>b</sup> Psal. 8. 7, 8. <sup>c</sup> Matt. 28. 18. <sup>d</sup> Heb. 2. 8. <sup>e</sup> Eph. 1. 22, 23.

XXXV. *Modus* deinde *dominii Adami primi* (pro naturæ unius humanæ modulo) unicus fuit ac dimensus: *secundi* verò (pro naturæ humanæ & divinæ sapientia ac potentia, distinctè finita & infinita) geminus, dimensus, scilicet & immensus<sup>a</sup>. Atque hæc de *primo*, personæ utriusque *Adami*, *attributo* nempe *dotibus*.

<sup>a</sup> Apoc. 1. 8. & 17. 14.

XXXVI. *Alterum*, nempe *effecta*, sunt duo, *procreatio generis*, & *communicatio conditionis*.

XXXVII. *Præ*, *uxoris formatione*, & *liberorum* ex ea *procreatione*, continetur.

XXXVIII. In *uxoris formatione*, *convenientia* est, quod ut *uxor primi Adami* ex dormiente ipsius corpore, est constructa; sic & *secundi*.

XXXIX. *Differentia* verò est, quod *Adamo primo* dormiente vitali somno<sup>a</sup>, *uxor* carnalis exorta est, caro propria, ex carne, & os, ex ossibus ejus<sup>b</sup>: ex *secundo* verò, dormiente mortis somno<sup>c</sup>, *uxor* spiritualis Ecclesia<sup>d</sup>, *caro* (per metaphoram, è typo illo petita) *ex carne ejus*, & *os* *ex ossibus ejus*<sup>e</sup>, emerfit.

<sup>a</sup> Gen. 2. 21, 22. <sup>b</sup> Ibid. v. 23. <sup>c</sup> Ioh. 11. 11, 13. <sup>d</sup> Act. 20. 28. <sup>e</sup> Eph. 5. 25, 27. <sup>f</sup> 1. Cor. 11. 2. <sup>g</sup> Eph. 5. 30, 31, 32.

XL. In *Liberorum* etiam ab utrisque *procreatione convenientia* est, quod uterque *Adamus*, è sua uxore matre omnium viventium, liberos, secundum imaginem suam, uberibus matris alendos generavit.

XLI. *Differentia* vero est, quod à *primo Adamo*, ex semine corruptibili, ac naturæ vi<sup>a</sup>, ex Eva matre omnium viventium<sup>b</sup> vita corporali, generati sunt liberi carnales secundum imaginem illius vitiosam<sup>c</sup>, carnali lacte educendi,

<sup>a</sup> Gen. 1. 28. <sup>b</sup> Gen. 3. 20. <sup>c</sup> Ib. 5. 3.

XLII. A

XLII. A secundo verò, ex femine sermonis Euangelii incorruptibili<sup>a</sup>, ac virtute Spiritus Sancti<sup>b</sup>, ex Ecclesia matre omnium<sup>c</sup>, vita spiritali viventium<sup>d</sup>, Spirituales liberi<sup>e</sup>, secundum imaginem virtutis ipsius<sup>f</sup>, sunt regenerati<sup>g</sup>, gemino veteris & novi Testamenti ubere, *rationali lacte sincero*<sup>h</sup>, nutriendi.

<sup>a</sup> Iac. 1. 18. <sup>b</sup> Pet. 1. 23. <sup>c</sup> Ioh. 3. 5. <sup>d</sup> Tit. 3. 5. <sup>e</sup> Gal. 4. 26. <sup>f</sup> Rom. 6. 11, 13. <sup>g</sup> Ioh. 1. 12, 13. <sup>h</sup> 2. Cor. 3. 18. <sup>i</sup> Eph. 4. 24. <sup>j</sup> Isai. 53. 10. & 8. 18. <sup>k</sup> 1. Pet. 1. 23. <sup>l</sup> 1. Pet. 2. 2.

XLIII. Unde stirpes omnium hominum duæ emergunt. Una quidem, omnium generatorum secundum carnem, *Adamus primus*: altera verò, omnium generatorum secundum spiritum, *Adamus secundus*. Atque hæc de primo personæ effecto, nempe generis utriusque propagatione.

XLIV. Alterum vero est, communicatio conditionis, cum liberis generatis; quæ utrimque genere convenit, sed specie differt.

XLV. Primus enim *Adamus*, & bona caduca, & deinde mala solida; secundus verò beneficia tantum, malis illis antidota longè excellentiora, communicat<sup>a</sup>.

<sup>a</sup> Rom. 5. 15, 16, 17.

XLVI. Bona enim primi fuere, inchoata iustitiæ originalis conservatio, & ex recto illius usu cæpta obedientia, & ex utroque consequens pax cum Deo, & juris, ad beatam æternamque in cælis vitam, acquirendi facultas: non autem jus ipsum, quod perseverantia ad finem destinatum, erat primum acquirendum<sup>a</sup>.

<sup>a</sup> Lev. 18. 5. Deut. 27. 26.

XLVII. Mala verò ab eodem promanantia, sunt peccatum, & mors, suo calamitatum variarum satellitio instructa.

XLVIII. Contra verò secundi *Adami* beneficia; sunt consummata ad finem iustitia, & vita æterna. Quæ utriusque *Adami* oppositio, distinctione pleniori, fiet illustrior.

XLIX. Peccatum enim, ab *Adamo* primo communicatum ipsius posteris (vi naturæ propagatis, seu generatis) generatim quidem est malum ab officio, ex iure Dei ipsi debito, dissentaneum; & ut Apostolus, à forma deformi, describit, *avopia à Lege declinatio*<sup>a</sup>: *speciatim* verò distribuitur, in primum, & à primo ortum.

<sup>a</sup> 1. Ioh. 3. 4.

L. Primum (quod *παράβασις transgressio*<sup>a</sup>, *παράπτωμα lapsus*<sup>b</sup>, per metaphoram simul & *ἡ ἁμαρτία* dictum) est inobedientia<sup>c</sup> *Adami* primi, qua per superbiam incredulam, inaccessam Dei similitudinem<sup>d</sup>, Satanæ astu<sup>e</sup>, & uxoris suasu<sup>f</sup>, affectans, fructusque vetiti præstantia allectus, eum comedit<sup>g</sup>, ac se suosque posteros generandos, constituit peccatores, concessaque virtutis Dei similitudine privavit & mortis condemnationem attulit<sup>i</sup>. Quia ut per unum illum hominem, peccatum in mundum introiit, & per peccatum mors: & ita in omnes homines mors transit, in quo omnes peccarunt<sup>k</sup>.

<sup>a</sup> Rom. 5. 14. <sup>b</sup> Ibid. v. 15. <sup>c</sup> Rom. 5. 19. <sup>d</sup> Gen. 3. 5. cum 22. <sup>e</sup> Ibid. <sup>f</sup> Ibid. v. 6. & 12. & 17. <sup>g</sup> Gen. 3. 22. <sup>h</sup> Ib. v. 6. <sup>i</sup> Gen. 2. 17. & 3. 19. <sup>k</sup> Rom. 5. 12.

LI. Cujus peccati primi antidotum, est secundi *Adami* obedientia universalis; qua, cum esset in forma Dei, non duxit rapinam Deo æqualem esse, sed tamen ipse se exinanivit, forma servi accepta, & habitu compertus ut homo, ipse se submisit, factus obediens, usque ad mortem, mortem autem crucis.

<sup>a</sup> Phil. 2. 6, 7, 8.

LII. Cujus obedientiæ universalis merito, iusti constituti, ab *Adami* primi peccato, aliisque nostris sumus absoluti. Hinc Apostolus ait; Sicut enim per obedientiam unius hominis, pec-

catores constituti sunt multi; ita per unius obedientiam, iusti constituentur multi<sup>b</sup>.

<sup>a</sup> Rom. 5. 15, 16. <sup>b</sup> Rom. 5. 19.

LIII. Peccatum verò à primo illo ortum, est innata omnibus, ex *Adamo* primo generatis, privationis iustitiæ originalis vitiositas: qua, ad totius legis divinæ transgressionem, primum propendit<sup>a</sup>.

<sup>a</sup> Gen. 8. 21. Eph. 2. 3.

LIV. Ideoque quum ea pravarum cupiditatum sit scaturigo<sup>a</sup>, καὶ ἡ ἀρχὴ, peccatum<sup>b</sup> dicitur, & per metaphoram, *vetus homo*<sup>c</sup>, ut *Adami* primi vitiosi imago, & quasi spiritalis, à leproso patre, lepra (ipsius & posterorum in ipso lapsorum<sup>d</sup>, merito) propagata.

<sup>a</sup> Rom. 6. 11, 13. <sup>b</sup> Ibid. & cap. 7. 8. <sup>c</sup> Rom. 6. 6. Col. 3. 9. <sup>d</sup> Rom. 5. 12.

LV. Quæ cum nobis sit innata ab origine<sup>a</sup>, originale peccatum, dici consuevit: & quia similis est morti (ob privationem iustitiæ, quæ animæ, quasi anima & vita) mortui<sup>b</sup>, in sacris literis, nervosa quadam metaphora, homines appellantur.

<sup>a</sup> Gen. 8. 21. Psal. 51. 7. Eph. 2. 3. <sup>b</sup> Matth. 8. 22. Ioh. 5. 25.

LVI. Cujus mali medela, à secundi *Adami* beneficio confertur. Nam mortis illius merito, *vetus noster homo cum ipso crucifixus est, ut aboleatur corpus peccati, ne post hac nos serviamus peccato*<sup>a</sup>, & resurrectionis ejusdem efficacia, *novus homo*<sup>b</sup> (secundi *Adami* iusti imago) resurgit<sup>c</sup>, nunquam moriturus<sup>d</sup>: ut in novitate vitæ ambulemus<sup>e</sup>. Atque hæc de primo malo, nempe peccato primi *Adami*, & remedio illius, à secundi beneficio.

<sup>a</sup> Rom. 6. 6. <sup>b</sup> Eph. 4. 24. <sup>c</sup> Col. 3. 10. <sup>d</sup> Rom. 6. 4. 5. <sup>e</sup> Ib. v. 6. 7. & 14. <sup>f</sup> Ibid. v. 4. & 10. & 18.

LVII. Alterum malum quod præter peccatum, à primo *Adamo* posteris ipsius communicatum, est stipendium peccati, mors prima & secunda<sup>a</sup>.

<sup>a</sup> Rom. 6. 23. Gen. 1. 17. Rom. 5. 12, 17. Apoc. 21. 8.

LVIII. Contrarium verò beneficium ac remedium à secundo *Adamo* datum, est per meritum obedientiæ & efficaciam resurrectionis & Spiritus ipsius, vitæ æternæ, cum animæ, tum corporis<sup>a</sup>, hæreditas & possessio. Siquidem iustificati illius gratia ut hæredes fieremus secundum spem vitæ æternæ<sup>b</sup>. Et consecratus, factus est auctor salutis æternæ omnibus, qui ipsi obediunt<sup>c</sup>. Sicut enim in *Adamo* omnes moriuntur, ita & in Christo omnes vivificabuntur<sup>d</sup>. Et sicut gestavimus imaginem terreni, gestabimus etiam imaginem cælestis<sup>e</sup>. Etenim si per unam offensam, mors regnavit per unum, multo magis, qui redundantem illam gratiam, & donum iustitiæ accipiunt, in vitam regnabunt, per unum Iesum Christum<sup>f</sup>. Amen, Amen!

<sup>a</sup> Ioh. 6. 40. <sup>b</sup> Tit. 3. 7. <sup>c</sup> Heb. 5. 9. <sup>d</sup> 1. Cor. 15. 22. <sup>e</sup> 1. Cor. 15. 49. <sup>f</sup> Phil. 3. 21. <sup>g</sup> Rom. 5. 17.

## COROLLARIA.

1. An secundus *Adam*, sit prædestinatus servator prius ordinis, quam homines, per ipsum servandi? *N.*

2. An pro omnium per *Adamum* primum perditorum etiam reproborum salute, secundus *Adam* sit mortuus? an verò tantum pro omnibus ad salutem electis? Prius *Neg.* posterius *Affirm.*

3. An primus *Adamus*, peccaverit contingenter? an vero necessario? Prius *A.* posterius *N.* quia omnes causa fuerunt contingentes ac voluntarie.

4. An eo modo, prædestinatio Dei, reddatur incerta? *N.*

Θεὸς δὲ ὁ ὢν.

## DISPUTATIO XVI.

### DE COLLATIONE DAVIDIS CUM CHRISTO.

#### THE S. I.



Uamvis Euangelium, de salute, per Iesum Christum, communis sit, Prophetis & Apostolis, doctrina: ob dissimilem tamen administrationem illius, distinguendum.

II. Aliud enim, est Prophetia ac promissionis Christi ven-

turi<sup>a</sup>: aliud, historia ac missionis illius, Euangelium<sup>b</sup>. Ac prius, multis modis, ac minori evidentia, propositum; alterum verò, per Filium<sup>c</sup> & Apostolos ipsius, clarius patefactum<sup>d</sup>. Unde illud, umbra, quæ obscurior: hoc verò, imago, quæ clarius<sup>e</sup>, comparatur.

<sup>a</sup> Rom. 1. 1, 2. <sup>b</sup> Mat. 1. 1, 14, 15. <sup>c</sup> Heb. 1. 1. <sup>d</sup> Ioh. 1. 17. & Eph. 3. 5. <sup>e</sup> Heb. 10. 1.

III. Deus

III. Deus enim, ante Christum exhibitum, doctrinam illam, pro infantia Ecclesiae ratione<sup>a</sup>, partim *sermone*, proposuit<sup>b</sup>: partim certis, rerum & personarum, *typis*, eodem destinatis, mediatè adumbravit<sup>c</sup>.

<sup>a</sup> Gal. 4. 1. 2. <sup>b</sup> Gen. 3. 15. & 22. 14. & 49. 20. &c. <sup>c</sup> Col. 2. 17. Heb. 9. 24. & 10. 1.

IV. Quorum typorum, ac quasi visibilium prophetiarum, illustre ac memorabile, in  *Davide* , exemplum, sacris literis, describitur. Quod, cum suo archetypo,  *Christo* , Deo duce, ad fidei Christianae illustrationem, & ad publicæ dissertationis exercitium, paucis, in  *nomine* , officio,  *statu* , &  *effectis* , conferemus.

V.  *Nomen*  enim  *Davidis* , non temerè, sed tanquam auspiciatum, rei præsagium, Dei providentiâ, filio Isai accommodatè fuisse impositum, ex significatione & eventu, colligi potest.

VI.  *David*  enim Hebraicum (idem, quod  *Dod* ) dilectum significat: ac reverâ, Deo dilectus, fuit: ut de eo ait  *Propheta* <sup>a</sup>; Quæsit Jehova sibi virum, secundum cor suum: &  *Paulus*  repetens; de quo (inquit) testimonio dato, dixit; Inveni  *David* , filium Jesse, virum, secundum cor meum<sup>b</sup>.

<sup>a</sup> 1. Sam. 13. 14. <sup>b</sup> Act. 13. 22.

VII. Sic & Jesus, spiritualis est  *David* , seu dilectus, testante id cœlitus Patre; Hic est Filius meus dilectus, in quo acquiesco<sup>a</sup>. Unde à Paulo Apostolo,  *dilectus ille* <sup>b</sup>  *ὁ ἀγαπῶμεν* , nominatur.

<sup>a</sup> Matt. 3. 17. & 17. 5. <sup>b</sup> 1. Pet. 1. 17. <sup>c</sup> Eph. 1. 6.

VIII. Utrunque etiam,  *dilecti*  à Deo,  *argumentum*  est, Filii Dei, & quidem primogeniti, nomen, diversâ tamen typo & archetypo, convenienti notione, attributum.  *David*  enim, per regenerationis & adoptionis gratiam, quâ inter reges terræ excelluit<sup>a</sup>;  *Christo*  verò, per regenerationis æternæ naturam<sup>b</sup>, quâ ita Filius Dei primogenitus<sup>c</sup>, ut etiam unigenitus<sup>d</sup>, jure nuncupetur.

<sup>a</sup> Ps. 89. 27. 28. <sup>b</sup> Ps. 2. 7. <sup>c</sup> Ioh. 1. 14. <sup>d</sup> Heb. 1. 6. <sup>e</sup> Ioh. 1. 14.

IX. Deinde, si officium spectemus,  *David* , fuit unctus à Deo, oleo sancto, per Samuelem prophetam, in Israël, populi à Deo electi, regem<sup>a</sup> (unde  *rex Dei*  &  *Messias* , nominatur<sup>b</sup>) & spiritu regio ac prophetico, ad regnum ritè administrandum, donatus<sup>c</sup>.

<sup>a</sup> 1. Sam. 16. 13. <sup>b</sup> Ps. 89. 21. <sup>c</sup> 1. Sam. 16. 13.

X. Ita & Jesus, spiritualis noster  *David* , singulari ratione Christus<sup>a</sup>, hoc est unctus, à Deo Patre, supra consortes, oleo  *fatitæ* , Spiritus Sancti<sup>b</sup>: quem sine mensurâ<sup>c</sup>, ac copiosissimè accepit: qui & columbæ instar, super ipsum descendit ac mansit<sup>d</sup>. Unctus autem in regem Spiritualem<sup>e</sup> super Israël Dei, hoc est, Ecclesiam universam<sup>f</sup>, monte Sionis,  *Davidis*  regiâ adumbratam<sup>g</sup>.

<sup>a</sup> Luc. 3. 11. <sup>b</sup> Ps. 2. 7. <sup>c</sup> Act. 4. 27. <sup>d</sup> Ps. 45. 8. <sup>e</sup> Heb. 1. 9. <sup>f</sup> Ioh. 3. 34. <sup>g</sup> Ioh. 1. 33. <sup>h</sup> Ioh. 18. 36. <sup>i</sup> Eza. 9. 7. <sup>j</sup> Gal. 6. 16. <sup>k</sup> Ps. 2. 6.

XI. Præterea, si  *statum*  horum regum consideremus,  *accessus*  regni est pauper & humilis; sed  *successus*  tandem gloriosus.

XII.  *David*  enim creatus rex, à caulâ ad aulam<sup>a</sup>, divinitus destinatus & electus, ad tempus sine regni possessione, ignotus & abjectus latuit: ac cognitâ deinde illius, in regem Israël, electione, odio Saulis regis<sup>b</sup>, & persecutioni gravi, fuit obnoxius; adeo ut fugatus, extra Israël fines, adactus fuerit in exilium inter gentes profanas<sup>c</sup>. Ita &  *Christus* , natus rex Judæorum<sup>d</sup>, in vili stabulo, pauper & spretus, atque ignotus initio: postquam regi Herodi innotuit, odio illius capitali & persecutioni ita fuit obnoxius, ut fugâ, extra Israël fines, ad gentes in Ægyptum<sup>e</sup>, eaverit.

<sup>a</sup> 1. Sam. 16. 11. 12. & 2. Sam. 7. 8. <sup>b</sup> 2. Sam. 21. 40. & 22. 3. & 27. 2. <sup>c</sup> Matth. 2. 2. <sup>d</sup> Matth. 2. 10. 21.

XIII. Deinde, sicut  *David* , regni administrationem nactus, à Philistæis aliisque conterminis hostibus, adversus ipsum conspirantibus<sup>a</sup>, fuit oppugnatus<sup>b</sup>: à filio Absolonè regno pulsus<sup>c</sup>, à Semei, maledictis proscissus<sup>d</sup>: ab Achitophele, familiari consiliario, proditus<sup>e</sup>: & à populo suo desertus & ad necem impetitus<sup>f</sup>: ac quodam modo fellis escâ & aceti potu exceptus<sup>g</sup>: ita &  *Christus* , rex Israël<sup>h</sup>, à suis est rejectus<sup>i</sup>, convitiis horrendis traductus<sup>j</sup>, à Judâ, discipulo familiari, proditus<sup>k</sup>, à scribis ac sacerdotibus, vineâ suâ ac regno ejectus<sup>l</sup>, à populo persequente ad crucem postulat<sup>m</sup>, & rege Herode ac Pilato convenientibus, tandem morti tra-

ditus, ac felle acetoque tentatus, ut sub  *Davidis*  typo<sup>n</sup>, prædictum<sup>o</sup>.

<sup>a</sup> Ps. 2. 1. <sup>b</sup> 2. Sam. 5. 17. & 8. 1. 2. 3. 5. & 10. 6. <sup>c</sup> 2. Sam. 15. 12. 14. <sup>d</sup> 2. Sam. 16. 5. 6. 7. <sup>e</sup> 1b. v. 21. & 17. 1. <sup>f</sup> 2. Sam. 18. 6. <sup>g</sup> Ps. 69. 21. <sup>h</sup> Ioh. 1. 50. <sup>i</sup> Ioh. 1. 11. & 9. 21. <sup>j</sup> Matth. 10. 25. & 12. 24. <sup>k</sup> Ioh. 9. 24. <sup>l</sup> Ps. 41. 10. & 55. 14. & Ioh. 13. 18. <sup>m</sup> 1. Ps. 118. 22. <sup>n</sup> Matth. 21. 42. & 43. <sup>o</sup> Ioh. 19. 15. <sup>p</sup> Act. 2. 23. 36. & 3. 13. 14. <sup>q</sup> Ps. 2. 7. & 69. 22. <sup>r</sup> Act. 4. 25. 27. <sup>s</sup> Matth. 27. 34. <sup>t</sup> Ioh. 19. 28. 29.

XIV. Similis convenientia est in  *statu glorioso* . Nam primum, sicut  *David* , post multas afflictiones, regnum iniit, multisque difficultatibus superatis, magno honore ac quiete retinuit<sup>a</sup>: sic etiam  *Christus* , per varias passiones ac mortem, penetravit in gloriam<sup>b</sup>.

<sup>a</sup> 2. Sam. 7. 1. & 22. 51. & 1. Reg. 1. 37. <sup>b</sup> Luc. 24. 26. <sup>c</sup> Heb. 2. 9. 15. <sup>d</sup> Phil. 2. 8. &c.

XV. Deinde ut  *David* , caput gentium vicinarum, est constitutus, adeo ut populi, quos antea, pro suis subditis non cognoverat, ipsi servirent<sup>a</sup>: sic &  *Christus* , omnium, prius à se & Ecclesiâ alienarum<sup>b</sup>, gentium dominium, divinitus obtinuit<sup>c</sup>.

<sup>a</sup> Ps. 18. 44. <sup>b</sup> Eph. 2. 12. <sup>c</sup> Ps. 2. 8. <sup>d</sup> Matth. 28. 18. 19.

XVI. Postremò in  *effectis*  typi & archetypi illustribus, similitudo concinna existit. Nam primum  *generatim*  considerando, sicut  *David* , obedientiam Deo gratam præstitit, totamque illius voluntatem (sed cum exceptione, bonæque partis relatione) sincero corde perfecit<sup>a</sup>: sic &  *Christus* , Deo fuit obediens absolute, usque ad mortem, mortem autem crucis<sup>b</sup>: ac quæ placita erant ei, fecit semper<sup>c</sup>.

<sup>a</sup> 1. Reg. 9. 4. <sup>b</sup> Act. 13. 22. <sup>c</sup> 1. Reg. 15. 3. 5. <sup>d</sup> Phil. 2. 8. <sup>e</sup> Ioh. 8. 29.

XVII. Deinde  *speciatim* , obedientia utriusque, partim  *innocentia* , partim  *beneficentia* , demonstratur.  *Innocentia* , in eo elucet, quod ut  *David* , relatè ac comparatè cum adversariis, iniquitatem à manibus suis abesse<sup>a</sup>, seque injuriâ pressum, quod non rapuerat, rependere coactum profitetur<sup>b</sup>: ita &  *Christus*  sed absolute & simpliciter, secundum legis rigorem, innocens<sup>c</sup> & à Judæis injustè afflictus, quod non rapuerat, exsolvit<sup>d</sup>.

<sup>a</sup> Ps. 7. 4. <sup>b</sup> Ps. 69. 5. <sup>c</sup> Heb. 4. 15. <sup>d</sup> 1. Pet. 1. 19. & 2. 22. 23. <sup>e</sup> Ps. 69. 5. <sup>f</sup> Isa. 53. 5. <sup>g</sup> Act. 3. 14.

XVIII.  *Beneficentia*  verò utriusque in  *fidei*  ac  *spei*  &  *Charitatis*  exercitiis eximiis consistit.  *Fides*  enim ac  *spes Davidis* , in eo sese exeruit, quod, in gravissimis calamitatibus, in paternâ Dei, erga se benevolentia, ac providentiâ (sed cum infirmitate aliquâ humanâ<sup>a</sup>) acquievit<sup>b</sup>, & ab ipsius omnipotentis robore, verâ precum fiducia, & ingenuâ querelâ, auxilium imploravit<sup>c</sup>: sic &  *Christus* , fide suâ ac spe, in Deo Patre suo benignissimo & omnipotente, firmissimè inde à matris uberibus recubuit<sup>d</sup>, &,  *Davidis*  adumbrantis instar, precibus ad ipsum, cum certâ exauditionis perpetuâ fiducia<sup>e</sup>, in cruce exclamavit; Deus mi, Deus mi, quare deseruisti me?<sup>f</sup>

<sup>a</sup> Ps. 73. 2. <sup>b</sup> Ps. 3. 47. & 18. 3. 5. <sup>c</sup> Ps. 121. 2. & 17. 6. 13. <sup>d</sup> Ps. 22. 17. <sup>e</sup> Ioh. 11. 42. <sup>f</sup> Ps. 22. 2. <sup>g</sup> Matth. 27. 46.

XIX.  *Charitas*  verò utriusque, ex cultus Dei  *Zelo* , &  *proximi*  amore insigni, emicuit.  *Zelus*  enim  *Davidis* , partim in serio erga Dei verbum (ipsi, auro gratius, ac melle dulcius<sup>a</sup>) amore, ac pietatis, in cœtu Ecclesiæ exercendæ, studio<sup>b</sup>: partim in flagranti, contaminationis illius, aversione<sup>c</sup> consistit: Sic summus Christi  *Zelus*  ( *Davidis*  umbrâ, quodammodo depictus) eò sese patefecit, quod escam suam judicaret, perficere Patris sui voluntatem<sup>d</sup>, vitamque suam, illi postposuerit<sup>e</sup>: &  *Zelo*  domini totus occupatus<sup>f</sup>, templi ac cultus divini profanatores disturbarit<sup>g</sup>.

<sup>a</sup> Ps. 119. 72. 103. <sup>b</sup> Ps. 84. 11. & 122. 1. <sup>c</sup> Ps. 69. 10. & 101. 7. 8. <sup>d</sup> Joh. 4. 34. <sup>e</sup> Matth. 26. 42. <sup>f</sup> Ps. 69. 10. <sup>g</sup> Joh. 2. 17. <sup>h</sup> Joh. 2. 15.

XX.  *Proximi*  verò amor, cum erga parentes, tum erga subditos reliquosque, utrimque consentit. Nam, si parentes spectes, ut  *David* , patri suo ac matri, paruit<sup>a</sup>: eosque, in adversis: apud regem Moab, deposuit ac commendavit<sup>b</sup>: sic  *Christus*  matri, ac quasi patri Josepho, obtemperavit<sup>c</sup>, matremque, moriturus, Johannis Apostoli dilecti curæ, commisit<sup>d</sup>.

<sup>a</sup> 1. Sam. 10. 26. & 17. 20. <sup>b</sup> 1. Sam. 22. 3. <sup>c</sup> Luc. 2. 51. <sup>d</sup> Ioh. 19. 26. 27.

XXI.  *Amor*  deinde, erga subditos, in iis, & pacis tempore, rectè regendis, & in bello fortiter, adversus perduelles, defendendis, elucet. Nam  *David* , in regimine subditorum, duas istas virtutes exeruit,  *justitiam*  &  *clementiam*  insignem.  *Illam* , dum rectis legibus instruxit, & suum cuique, justo judicio, tribuens fontes puniit, & infantes absolvit ac fovit<sup>a</sup>:

hang



*hanc* verò, quum juris rigorem, æquitate temperat & prudenti indulgentiâ, injurias sibi factas, condonat; & inimicis quoque bona, pro malis, rependit<sup>b</sup>, proque iis preces effudit<sup>c</sup>.

<sup>a</sup> Psal. 101. 6, 7, 8. <sup>b</sup> 1. Sam. 24. 18. & 19. & 20. & 26. 21. 2. Sam. 16. 11. & 17. 21. 23. <sup>c</sup> Psal. 35. 13. & 109. 4.

XXII. Sic *Christus* utroque excelluit. Nam, & *David* ait, virga recta, virgaregni tui: dilexisti iustitiam & odisti iniquitatem<sup>a</sup>: & tam clementi supereminuit benignitate, ut non solum, pro multis inimicis suis, precibus, apud Deum, intercesserit<sup>b</sup>, sed etiam, pro salute eorum, redemptionis pretium, suo sanguine, morteque, crucis maledictæ, persolverit<sup>c</sup>. In quo summus amor proximi eluxit<sup>d</sup>.

<sup>a</sup> Ps. 45. 7, 8. Heb. 1. 8, 9. <sup>b</sup> Isa. 53. 12. Luc. 23. 34. <sup>c</sup> Isa. 53. 6, 7. Matth. 20. 28. Gal. 4. 13. <sup>d</sup> Ioh. 14. 13. Rom. 5. 6, 7, 8.

XXIII. Denique in defensione subditorum, fortitudinem suam, *David* in devincendis Philistæis, eorumque duce Goliatho prosterneundo, suoque, ipsius, gladio trucidando, armisque spoliando, & Israëlitas, ab hostili metu, liberando, patefecit<sup>a</sup>: Christumque (tanquam typus idoneus) adumbravit. Sic enim Christus, non solum hostes Ecclesiæ, veterem

nostrum hominem, secum crucifixit<sup>b</sup>, mundumque devicit<sup>c</sup>: sed etiam mundi principem, fortem illum armatum<sup>d</sup>, in tentationis luctâ, scripturæ armis, repressit<sup>e</sup>, corporibus multorum, eiecit<sup>f</sup>: per mortem denique suam, eum, qui mortis habebat imperium, hoc est, diabolus, abolevit. Ut liberos redderet, quotquot metu mortis, per omnem vitam, obnoxii essent servituti<sup>g</sup>: atque expoliatum in cruce suâ (quasi curru quodam triumphali) traduxit<sup>h</sup>.

<sup>a</sup> 1. Sam. 17. 50, 51. <sup>b</sup> Rom. 6. 6. <sup>c</sup> Iohan. 16. 33. <sup>d</sup> Luc. 11. 21-22. <sup>e</sup> Matth. 4. 11. <sup>f</sup> Matth. 8. 24. <sup>g</sup> Heb. 2. 14, 15. Gen. 3. 15. Ioh. 12. 31. <sup>h</sup> Col. 2. 15.

XXIV. Quare satis ex hisce constare potest, magnam esse, in nomine, officio, statu, effectis Christi, similitudinem: adeo ut rectè, tanquam typus propheticus, Christum suum archetypum, in hisce ac similibus, adumbrarit. Quâ etiam de causâ Christus, à Prophetis, sub *Davidis* nomine (per metonymiam adjuncti signi, pro re significatâ) designatur<sup>a</sup>. Hactenus Collatio: cui, ad uberiolem disputandi materiam, sequentia adjungimus.

<sup>a</sup> Ezech. 34. 23, 24. & 37. 25. Ose. 3. 5.

## COROLLARIA.

1. An rectè à Pontificiis, in prophetiis typicis, duo dicantur sensus, proprius & allegoricus? *N.*

2. An unus tantum sit? *A.* sed bimembris: ut primum membrum, ad historiam: secundum mediâtè, per eandem, ad prophetiam pertineat.

3. An illud Psal. 2. 7. Filius meus es tu, ego hodie genui te, ad Davidem quoque, ut Christi typum, sit referendum, an verò ad Christum solum? posterius *A.*

4. An his verbis, proximè aterna Christi generatio, designetur? An verò, per solidam consequentiam? prius *N.* alterum *A.*

5. An hoc loco, vox hodie, de resurrectionis die: & vox genui, metonymicè, progenitum ac filium declaravi, accipiat? *A.* ex Act. 13. 32. & 33. collato cum Rom. 1. 4.

6. An Psalmi 69, (in quo David Christi figura) versus 6. O Deus, tu novisti fultitiam meam, & dilecta mea non sunt tibi abscondita: de Davide simul & Christo, accipi queant? *A.* Cum iis, qui ironiam statuunt; alioqui, de solo Davide: nec insolens esset sermo, typo interjectus, ut 2. Sam. 7. 13. simile extat exemplum.

7. An Salomon, fuerit etiam typus Christi? *A.* ex 2. Sam. 7. 14. cum 1. Chron. 28. 6. & Heb. 1. 5. Psal. 45. & 72. & c.

8. An fide & gratiâ Dei exciderit? *N.* ex 2. Sam. 7. 15. & 16. & aliis locis.

9. An verba illa, 2. Sam. 7. 14. Ero ei in patrem, & ipse erit mihi in filium, ad Salomonem, & Christum simul, pertineant? *A.* ex 1. Chron. 28. 6. Sed distinctè. De Salomone, ut filio, per regenerationis & adoptionis gratiam: de Christo, ut filio genuino ac naturâ. Atque eo sensu, Angelis hoc tributum,

negatur, Heb. 1. 5.

10. Quum 2. Sam. 7. 14. sequentia verba; Qui, si quid iniquè gesserit, ad Salomonem pertineant, an in eo, ut typus Christi, describatur? *N.*

11. An promissio regni aeterni, 2. Sam. 7. 16. ad solum Christum pertineat, an verò etiam, ad Salomonem? *A.* sed distinctè: ad Christum archetypum absolute: ad Salomonem cum conditione perseverantia in obedientiâ erga Deum 1. Chron. 28. 7.

12. An Christus origine sit maternâ ex Davide? *A.*

13. An per Salomonem: an verò per Nathanem? Prius *N.* alterum *A.*

14. An non, cârâ ratione, irrita reddatur promissio de Christo 2. Sam. 7? *N.*

15. An ab utroque, Lucâ & Matthæo, Christi genealogia recensatur? *A.* sed, ab illo, plenè ac directè: ab hoc, partim ad Davidem: partim per consequentiam generis Iosephi, & hypothesein notam de ortu Iosephi & Mariæ, ex eodem Davide, communi.

16. An Salomonis proles, in Ochoziâ, desierit? *N.*

17. An Iechonias manserit improles? *N.*

18. An Salathiel & Zorobabél Luc. 3. & Matth. 1. eadem fuerint persona? *N.*

19. An certum sit Luc. 3. Iosephum vocari filium Heli? *N.*

20. An Christus, carnis suæ originem habeat, ex Davidis semine: an verò, ex mutatione verbi, in carnem? Prius affirmamus, ex Rom. 1. 3. posterius contra Anabaptistas negamus.

21. An Cainan in genealogiâ Christi apud Luc. 3. 36. à nonnullis interpretibus, ex ipso contextu rectè sit expunctus? Negat.

## DISPUTATIO XVII.

### DE SIMILITUDINE SACERDOTII CHRISTI ET MELCHISEDECI.

**Q**uam, præ cæteris Vet. Testamenti typis, quibus, Christi sacerdotium, fuit adumbratum, Melchisedeci ordo, <sup>a</sup> cum rei præstantia, tum controversiarum celebritate ac pondere, antecellat; non abs re facturi videmur, si Sacra Scriptura ductu, veram ac propriam Sacerdotii Christi, & Melchisedeci, similitudinem, alibi à nobis expositam, recolamus, & publico examini, in auditorum gratiam, proponamus: ut rei veritas, in vera Ecclesiâ, ad Christi gloriam, illustretur.

<sup>a</sup> Psalm. 110.

#### THESIS I.

**S**imilitudo autem, Sacerdotii Christi & Melchisedeci<sup>a</sup>, propria, partim, in persona sacerdotis: partim, in reliqua sacerdotii dignitate, consistit.

<sup>a</sup> Heb. 7. 15.

II. In persona, admirandæ originis, & durationis, convenientia, clucet. Originis; quod uterque, sine Patre, sine Matre: eoque sine genealogiâ<sup>a</sup> est: durationis; quod, nec initium dierum, nec finem vitæ, habeat<sup>b</sup>: re utrimque simili; quamvis modo diverso.

<sup>a</sup> Heb. 7. 3. <sup>b</sup> Ibidem.

III. Talis enim est Melchisedecus, non naturæ suæ genio (quasi Deus esset, Filius<sup>a</sup>, aut Spiritus Sanctus<sup>b</sup>, sub humana forma: ut quidam olim perperam tradidere: quod etiam nomine, regno, sede, sacerdotio, professione, donisque datis & acceptis, Christique similitudine, confutatur) sed Scripturæ silentis, eaque ratione prophetantis, mysterio: ut hoc saltem modo (quod aliter, in hisce homo mortalis, nequibat) Christum adumbraret. Quo sensu restatum esse, dicitur; quod vivat<sup>c</sup> non testimonio expresso; sed silentii typo.

<sup>a</sup> Epiphani. contra Melchisedecianos hæ. 55. <sup>b</sup> Ibidem contra Hierarchitas hæ. 67. Hieron. to. 3. Ep. ad Euagrium. <sup>c</sup> Heb. 7. 8.

IV. Chri-

IV. *Christus* verò *reipsa* talis existit. Nam, ut æterna, à Deo Patre, generatione <sup>a</sup>, est *unigenitus* sine matre, & initii temporis, finisque vitæ, expers, *principium & finis, primus & ultimus* <sup>b</sup>; sic temporali conceptione, per Spiritum Sanctum, è matre virgine <sup>c</sup>, propriè est *unigenitus* sine patre. Quocirca etiam Melchisedec, *assimilatus Filio Dei* <sup>d</sup>, asseritur. Hæc de prima *similitudine*, ratione *persona*.

<sup>a</sup> Prov. 8. 24, 25. Joh. 1. 1, 18. <sup>b</sup> Apoc. 22. 13. <sup>c</sup> Esa. 7. 14. Matth. 1. 23. <sup>d</sup> Heb. 7. 3.

V. *Alter*, quæ, in reliqua sacerdotii dignitate, existit, & suis *adjunctis*, & cum Leviticis *comparatione*, describitur.

VI. *Adjuncta* enim sunt; regnum, & in æternum duratio. *Regnum*; quia uterque, rex & sacerdos <sup>a</sup>: sed Melchisedeci, est terrenum: Christi verò *regnum*, non est de hoc mundo <sup>b</sup>; sed cælestes <sup>c</sup>.

<sup>a</sup> Heb. 7. 1, 2. Ps. 110. 1, 2, 4. <sup>b</sup> Joh. 18. 36. <sup>c</sup> Heb. 8. 1. Ps. 110. 1. 1. Cor. 15. 25.

VII. In regno autem, & *regia & virtutibus regis*, conveniunt. *Regia* illius, fuit *Salem*; sed terrena ac typica <sup>a</sup>: hujus verò etiam, *Salem*, seu *Ierusalem* <sup>b</sup> cælestis; vera fide-  
lium Ecclesia <sup>c</sup>.

<sup>a</sup> Heb. 7. 1, 2. <sup>b</sup> Ps. 76. 3. Zach. 9. 9. Johan. 12. 13, 15. <sup>c</sup> Gal. 4. 26. Heb. 12. 22.

VIII. Virtutes regis, imprimis duæ, *justitia & pax*. Quæ, ut in Melchisedeco vigerunt; ita non casu, sed providentia Dei dirigente, totidem regis, & regis, nominibus, typicè sunt expressæ.

IX. *Expressa* quidem; quia *Melchisedec, regem justitiae, & Salem, pacem* <sup>a</sup>, denotat: typicè verò; quia non solum in iis, indicatæ sunt Melchisedeci dotēs, sed eo etiam, quasi gradu ac typo, Christi ornamenta, sunt depicta. Siquidem verus hic est Melchisedec <sup>b</sup>, verusque Salomo <sup>c</sup>: cui nomina, & quidem propriè, divinitus attributa, sunt hæc; *Iehova isidkenu* <sup>d</sup>, i. *justitia nostra* (quod LXX. interpretes in unam vocem contrahentes, communi nomine <sup>e</sup>, *Iosedeck*, perversè reddunt) & *Deus, princeps pacis* <sup>f</sup>. Hactenus de regno, primo sacerdotii adjuncto.

<sup>a</sup> Heb. 7. 2. <sup>b</sup> Ps. 45. 7, 8. Heb. 1. 8, 9. <sup>c</sup> 1. Chron. 28. 6. cum Heb. 1. 5, 8. <sup>d</sup> Jer. 23. 6. <sup>e</sup> Ezd. 3. 2. <sup>f</sup> Esa. 9. 6. Eph. 2. 14.

X. *Alterum* verò, est regni & sacerdotii duratio, in æternum <sup>a</sup>. In Melchisedeco, non *reipsa*; sed sola descriptionis Prophetica forma ac typo (qui, in eo situs est, non solum quod finem illius reticuit; sed quòd, ea de causa reticuit, ut regni ac sacerdotii Christi durationem, finis expertem, eo modo adumbraret) in Christo verò *reipsa*, æterna hæc regni & sacerdotii duratio, comperitur.

<sup>a</sup> Ps. 45. 7. & 110. 4. Heb. 7. 3.

XI. Nam, ut *regnum* ejus est *sine fine* <sup>a</sup>: & *regia virtutes, justitia & pax*; sempiternæ <sup>b</sup>; ita successoris expers, *ex vi indissolubilis vite, sacerdos est in æternum, secundum ordinem Melchisedec* <sup>c</sup>: ut prototypus, suo typo <sup>d</sup>, respondens. Eoque everitur Theodoti, Melchisedecianorum auctoris, hæresis: qua Melchisedecum Christo, & majorem finxit (quasi ille, Angelus, Angelorum esset advocatus: Christus, hominum) & meliorem; quòd hic, secundum illius ordinem, sacerdos institutus <sup>e</sup>. Hæc, de *similitudine dignitatis prima*: quæ, in *adjunctis consensaneis*, consistit.

<sup>a</sup> Ps. 45. 7. Luc. 1. 33. <sup>b</sup> Esa. 9. 7. Heb. 1. 8, 9. <sup>c</sup> Heb. 7. 16, 17, 24. <sup>d</sup> Heb. 7. 3, 21. <sup>e</sup> Tertull. de Præscript. cap. ult.

XII. *Alter*, est in comparatione utriusque, cum Levitico sacerdotio: cui, multis modis, sacerdotium Melchisedeci, & inprimis Christi, antecellit ac præfertur.

XIII. Primo, *persona*: quòd uterque, sine patre, sine matre, sine genealogia, immortalis <sup>a</sup>: contra Levitici sacerdotes, homines fuere, ex genere Levi, mortales <sup>b</sup>.

<sup>a</sup> Heb. 7. 3, 8, 24. <sup>b</sup> Ib. 7. 11, 23.

XIV. Deinde, *regno*: quòd sacerdotium utriusque regale <sup>a</sup>: contra Leviticum sacerdotium, secundum ordinem Aaronis, ut à Juda, tribu regia; sic à regno, secretum <sup>b</sup>.

<sup>a</sup> Ps. 110. v. 1, 2, 4. Heb. 7. 1, 3. <sup>b</sup> Heb. 7. 14.

XV. Tertiò *duratione*, sacerdotis & sacerdotii, perpetua. Uterque enim sacerdos, in æternum <sup>a</sup>: Melchisedec, typo; Christus verò, rei veritate. Ideoque, jurejurando Patris irrevocabili <sup>b</sup>, stabilitus <sup>c</sup>: quia in æternum manet, perpetuum habet sacerdotium <sup>d</sup>.

<sup>a</sup> Ps. 110. 4. Heb. 7. 3, 8, 24. <sup>b</sup> Gen. 22. 16, 18. Heb. 6. 14, 17. <sup>c</sup> Heb. 7. 20, 21, 28. <sup>d</sup> Heb. 7. 14.

XVI. Contra, *Leviticum sacerdotium*, durationem ha-

buit temporariam: partim, *ratione sacerdotis*: quia ad Christum usque, successionem quadam, *plures facti sunt sacerdotes*; quòd mors prohiberet eos permanere <sup>a</sup>: partim *ratione sacerdotii*, quòd, *sine jurejurando* <sup>b</sup>, & ut, sacerdotii Christi venturi, umbra prophetica, fuit institutum <sup>c</sup>, sic illius veritate exhibitæ, omnino sit abrogatum <sup>d</sup>.

<sup>a</sup> Heb. 7. 23. <sup>b</sup> ver. 21. <sup>c</sup> Heb. 8. 5. & 9. 11, 23, 24. <sup>d</sup> Heb. 8. 5. & 7. 11, 12. & 10. 1. Col. 2. 17.

XVII. Denique, *officiis, & effectis sacerdotii*, uterque Leviticis sacerdotibus, potior: id quòd, præmissa, descriptionis sacerdotis, hypothesi, erit illustrius. Quippe sacerdos, est homo, à Deo vocatus, ut sit fœderis, inter Deum & homines, legatus, in iis, quæ sacra oratione, & operatione, utriusque nomine, peragenda <sup>a</sup>.

<sup>a</sup> Heb. 5. 1, 4.

XVIII. Nam primò, Dei quidem, fœdus pagentis, *nomine, oratio*, in verbi fœderis (de gratiæ divini beneficio, & humanæ gratitudinis officio) institutione ac doctrina: *operatio* verò, in Sacramentorum (tanquam signorum ac sigillorum fœderis) distributione, consistit. Deinde *hominis* confederati *nomine oratio*, posita est, in precatione ac benedictione sacra: *operatio* verò, in donis ac sacrificiis: utrimque, pro populo, offerendis.

XIX. Quorum *primus*, in descriptione similitudinis, Christi & Melchisedeci propriæ, in Scriptura, non spectatur; sed *posterius*. Uterque enim, in hoc, convenit; quòd in iis, quæ populi, Deo fœderati, nomine, apud Deum peragenda, Leviticis sacerdotibus, præstat, donariorum, & intercessionis, ordine ac gradu superiore: quamvis, si rerum naturam attendas, diversa sit, Melchisedeci & Christi, ratio.

XX. Nam Melchisedecus, donorum & sacrificiorum, nec efficacia, nec genere (quòd, cum Patriarchis, commune habuisse, temporis circumstantia, & communis, sacerdotis Dei, appellatio, innuit) nec benedictionis natura (quia salutem vovit, non contulit) Leviticis sacerdotibus fuit major <sup>a</sup>; sed gradu. Ut ex effecto liquet, quòd, tanquam major Levitis, pro munere sacerdotis regalis, Abrahamo Patriarchæ, & sacerdoti, benedixerit, & à Levitis, in ipso, tanquam, in stirpe, comprehensis, sacrum decimarum donarium acceperit <sup>b</sup>.

<sup>a</sup> Num. 6. 23. &c. <sup>b</sup> Heb. 7. 6, 9.

XXI. *Christus* verò *excellens Levitis*, non solum in iis, quæ *Dei nomine*, peragenda apud populum, quatenus summus Propheta, Verbi & Sacramentorum, simul administer & auctor <sup>a</sup>; sed etiam in iis, quæ *populi nomine*, apud Deum, perficienda, cum *sacrificiis*, tum *precationis*, genere ac natura.

<sup>a</sup> 1. Pet. 1. 11. Heb. 1. 1, 2. Matth. 28. 19. Luc. 22. 19.

XXII. *Sacrificiis* quidem; quòd idem, non typicè, sed verè ac simul, sacerdos justus, & victima innocens <sup>a</sup>, unica sui, pro peccatis nostris, per Spiritum æternum, oblatione <sup>b</sup>, ea perfectè expiarit <sup>c</sup>, & chirographum debitorum, decretis ceremoniarum legalium, descriptum, nobisque adversum, cruci affixerit ac deleverit <sup>d</sup>. Ideoque, *æternam redemptionem natæ*, obperactæ victimæ, pretii ac valoris æterni, perfectionem <sup>e</sup>, c. Ferri desit in sacrificium <sup>f</sup>.

<sup>a</sup> Heb. 7. 26, 27. <sup>b</sup> Ib. 7. 27. & 9. 14. Act. 20. 28. <sup>c</sup> Heb. 9. 25, 26. <sup>d</sup> Col. 2. 14. <sup>e</sup> Heb. 9. 12, 26. & 10. 12, 14. <sup>f</sup> Heb. 8. 7, 8. & 9. 25, 26. & 10. 2, 10, 12, 14.

XXIII. Contrà *Levita*, typici tantum sacerdotes, ad tempus correctionis, per Christum futuræ, instituti <sup>a</sup>, brutas victimas, ac pro suis etiam peccatis, obtulerunt quotidie <sup>b</sup>. Quæ cum essent alienæ, & indignioris, quàm humana, naturæ, omnisque rationis, & sanctitatis expertes, non potuerunt auferre peccata <sup>c</sup>, nec cultorem sanctificare <sup>d</sup>. Quippe in iis, partim, qua chirographum erat debitorum, mortis, ob peccata tuendæ, reatum, profitebantur <sup>e</sup>: partim, qua typierant, sacrificii Christi venturi, redemptionem, non conferebant; sed, per ipsum futuram, adumbrabant <sup>f</sup>.

<sup>a</sup> Heb. 9. 10, 11. <sup>b</sup> Ib. 7. 27, 28. <sup>c</sup> Heb. 9. 9. & 10. 4, 11. <sup>d</sup> Heb. 10. 1, 2. <sup>e</sup> Col. 2. 14. Heb. 10. 3, 11. <sup>f</sup> Ib. 8. 5. & 9. 2, 21, 24. & 10. 1. Col. 2. 17.

XXIV. Deinde, *intercessionis & benedictionis* sacerdotalis modo, excellit: quam, ut in terris inchoavit, pro solis electis <sup>a</sup>; sic peragit, pro iisdem, in cælis <sup>b</sup>. Quippe in sacrarium cælestes, per proprium sanguinem, semel ingressus <sup>c</sup>, ut compareat coram Deo, pro nobis <sup>d</sup>, *servare pro suis potest eos, qui, per ipsum, accedunt ad Deum, semper vivens, ut interpellat pro iis* <sup>e</sup>, sacrificii ac sanguinis sui (non vindictam, sed condonationem, pro nobis, flagitantis <sup>f</sup>) dignitate: qua, ut nos, sic

Eccc bonas,

bonas, sed imperfectas, actiones nostras, ut sacrificia spiri-  
tualia &, sanctificat, ac Deo accepta reddit h.

a Joh. 17. 9. 20. 21. Efa. 53. 12. Luc. 23. 34. cum Act. 3. v. 17. b Rom. 8. 34.  
1. Joh. 2. 1. Heb. 6. 20. c Ib. 7. 26. & 9. 11. 12. d Heb. 9. 24. & 10. 20. 21.  
e Ib. 7. 25. f Ib. 12. 24. g Ib. 13. 15. 16. h Ib. 13. 15. 21. i Pet. 2. 5.

XXV. Ideoque minimè, otiosus sacerdos (ut falsò expro-  
brant) hoc modo statuitur, etiamsi non amplius sacrificet  
(quemadmodum nec typus ejus Pontifex Leviticus, cum,  
sanguine hostiæ, in sacrarium illato, ministraret<sup>a</sup>) sed per-  
petuum, per se ipsum, continuat & exercet sacerdotium b.

a Heb. 9. 7. b Ib. 7. 24. 25. & 8. 1. 2. & 9. 12. 13. 14.

XXVI. Quippe, ut sanguinem prius in terris mactatus &  
occisus, ad redemptionis pretium persolvendum, semel ob-  
tulit Deo<sup>a</sup>: sic postquam à mortuis surrexit, illatum jam  
sacrario cælesti (cujus est minister<sup>b</sup>, & sacerdos magnus, pra-  
fectus Domui Dei<sup>c</sup>) intercedens, perpetuo offert ac sistit  
Deo, tanquam pretium solutum, ad partem redemptionem,  
nobis, ad finem usque mundi, communicandam. Quo tem-  
pore, sacrificio expiatorio (ob sublatum omnino fidelium  
peccatum, & mortem) non erit opus: spiritualia tamen, gra-  
tiarum actionis, & laudis sacrificia, ob redemptionis & sa-  
lutis consummationem debita, tum amplius vigeant, nun-  
quam defutura d.

a Matt. 26. 28. Rom. 3. 25. Heb. 9. 15. b Heb. 8. 1. 2. c Ib. 10. 21. d Apo. 5.  
9. & 7. 11. 12. & 19. 1. 3. 4. 5. 6.

XXVII. Contrà Levitici sacerdotes, in sacrarium terre-  
num, semel in anno, ingrediebantur, non sine sanguine,  
sed tamen alieno<sup>a</sup>, pro suis, & populi, peccatis interpella-  
turi: non sui sacrificii viribus (ideoque egressi quotannis, i-  
terum in sacrarium redibant<sup>b</sup>) sed Christi per illud adumbra-  
ti<sup>c</sup>, dignitate. Deinde populo, ut ministri apud Deum, be-  
nedicebant d: sed bona optata, non conferebant: quod ea,  
propria sit Christo, præstantia: in quo, benedicenda omnes  
gentes terra e.

a Levit. 16. 17. 24. 34. Heb. 9. 7. 25. b Ibid. 9. 25. & 10. 3. 4. c Ibid. 10. 1.  
d Numer. 6. 23. 24. e Genes. 22. 18. Act. 3. 25. 26. Gal. 3. 14.  
Ephes. 1. 3.

XXVIII. Quamobrem ex hisce satis constat, quænam sit  
similitudo, sacerdotii Christi & Melchisedeci: eumque, ex  
Apostoli interpretatione, Ordinem esse Melchisedeci, in quo,  
sacerdos est persona, sine patre, matre, genealogia, initio  
fineque vitæ: rex justitiæ ac pacis, & sacerdos in æternum,  
socii & successoris expers, ordine Aaronis longè præstantior.  
Quare viderit Bellarminus, quam prudenter dixerit; Paulus  
non tractat, quis fuerit ordo Melchisedeci; sed solum ostendit,  
excellentiæ Christi supra Aaronem<sup>a</sup>. Atque hæcenus, de ve-  
ra ac propria, sacerdotii Christi, & Melchisedeci, similitu-  
dine.

a De Missal. l. 1. c. 6.

## DISPUTATIO XVIII.

## DE MORTE JESU CHRISTI.

Quoniam, à Iesu Christi morte, vita nostra promanat; nihil omnino, recordatione illius, piis animis, ju-  
cundius, utilius, magisque necessarium, comperitur. Ac propterea nullum est religionis Christiana dogma,  
quod Satanas & mundus (capitales, crucis ac mortis Christi, hostes) graviore odio ac contumelia<sup>a</sup>, perpetuo  
impetunt, & variis erroribus, ad Ecclesiæ perniciem, turbare ac subvertere moliantur. Quamobrem, ut ve-  
ritati divina, & Ecclesiæ salutem, pro modulo nostro, inserviamus, succinctam, gravissimam hujus, de morte  
Christi, doctrinæ explicationem (à vocibus, ad rem progressi) in medium proferemus.

a 1. Cor. 1. 23.

## THESIS I.

Mors Hebraicè *ma'veth*, à *ma'veth* mori, & Græcè  
*θάνατος*, similiter à *θάνατος* mori (non autem aliunde:  
ut variis ludunt conjecturis<sup>a</sup>) derivatur. Cujus syno-  
nymum, est *μῆρος*, quod mortem<sup>b</sup>: aut fatalem por-  
tionem sortemque<sup>c</sup>, designat. Quocirca, amplificationis gra-  
tia, hæc duo *παράλληλως* nonnunquam conjunguntur: ut *θάνα-  
τος πὲρ μέρους* d, mortemque lethalemque. Origo autem est, à *μεῖρεν* e  
partior: hoc est, divido ac separo: vel distribuo. Unde, pro  
duplici hac significatione, originis ratio (ad rei, nobis pro-  
positæ, intelligentiam opportuna) bifariam reddi potest.

a Etymol. mag. in *θάνατος*. b Hefych. in *μῆρος*. Homer. Iliad. φ. ver. 133.  
c Hom. Ili. ζ. v. 357. d Id. Odyss. l. v. 61. & λ. 408. e Etym. mag. in *μῆρος*.

II. Prima est (quæ vulgò traditur) ut, à communi viven-  
tium sorte, *μῆρος* dicatur; quasi *ὁ μεμελεσμένος πῶς* a, quæ o-  
mnibus distributa. Omnibus enim destinatum est, semel mo-  
ri b. Quocirca mors, via universa terra<sup>c</sup>: & homo *μωρὸς* d,  
ac *θνητὸς* e, non minus Græcè, quàm Latinè mortalis f, abso-  
lutè nominatur.

a Etym. in *μῆρος*. b Heb. 9. 27. c Jos. 23. 14. d Hefych. in *μωρὸς*. e Hom.  
l. μ. v. 242. & l. ω. v. 67. f Cic. & Sallust. passim.

III. Altera ac strictior originis ratio, à dividendi signifi-  
catione, depromi potest; ut sit, quasi *μεμελεσμένος* divisio: utpo-  
te, corporis animæque disjunctio<sup>a</sup>. A qua voce Græca, *μῆρος*,  
Latinè, mors contractè derivatur b. Hæc de origine.

a Tertull. de anima c. 27. August. in Psal. 45. Hefychius in *θάνατος*. b Jul.  
C. Scal. contra Card. Exerc. 152. sect. 1.

IV. Significatio verò, vocis mortis, in S. literis est du-  
plex; propria & impropria. Propria est, ut vitæ animalis, ex  
animæ à corpore separatione, privationem notet. Quod, i-  
doneis illius nominibus, partim à forma, partim ab efficiente  
depromptis, egregiè denotatur.

V. Siquidem, à forma sua, *πᾶσι ζωῆς* a, *πᾶσι βίης* b, *πλευ-  
ρῇ βίης* c vitæ finis d: & absolutè, per synecdochen generis,  
*πᾶσι* e, & *πλευρῇ* f, finis g, pro morte: & *πλευρῇ τὸν βίον* h, vi-  
tam finire: & absolutè, *πλευρῇ* i, finire k, pro mori, utra-  
que lingua, usurpatur. Similique sensu, in Prophetis, finis  
carnis l, & finis hominis m, dici solet.

a Heb. 7. 3. b Hefych. in *θάνατος*. c Herod. in Clito. edit. H. Steph. p. 7.  
d Lucret. l. 3. p. ult. e Mat. 10. 22. cum Ap. 2. 10. f Mat. 2. 15. g Horat.

Car. l. 1. Ode 11. h Herod. Clito. p. 8. i Ib. p. 9. Act. 2. 29. k Tacit.  
Annal. 6. p. ult. l Gen. 6. 13. m Eccles. 7. 3.

VI. Ab efficiente verò, per metonymiam, mors *ἀπὸ τοῦ  
σκηνοῦ* a, depositio tabernaculi, *ἐξ* b, exitus (ut etiam  
Latinis, exitus Neronis c: excessus Romuli d:) & ἀνάλυσις e dis-  
solutio (ut Orator exponit; dissolutione, id est, morte f) nun-  
cupatur. Sicut *ἐκδημεῖν* g, & *ἐκμεῖναι* h demigrare è corpore: &  
absolutè, per synecdochen, *ἀπὸ τοῦ* i, *περίνοσ* j abire: *ἀνα-  
λύσει* k dissolvi, pro mori, usurpantur. Quia (ut scitè ait Pla-  
to l) *θάνατος ἀναμύχεται*, λύσις δὲ χωρὶς τοῦ τῆς ψυχῆς, δὲ *σῆμα* m  
mors, anima à corpore, solutio ac separatio, nominatur. Hæc  
de significatione propria.

a 2. Pet. 1. 24. b Ib. v. 15. c Tacit. Hist. l. 1. p. 1. d Cic. de Legibus l. 1. p. 1.  
e 2. Tim. 4. 6. f Cic. de finib. l. 2. g 2. Cor. 5. 8. h Matt. 26. 24. i Luc.  
22. 22. k Phil. 1. 23. l In Phædone. m Cic. Tusc. qu. l. 1.

VII. Impropria verò, per tropum, bipartita existit. Alia  
enim significatio, est mera: alia, mixta. Mera, vel synecdo-  
chica, vel metonymica, vel metaphorica, comperitur.

VIII. Synecdochica est, cum speciatim, pro duratura mor-  
te (qualis malè existimabatur) accipitur, hisce dictis; Puel-  
la, non est mortua<sup>a</sup>: Aegritudo, non est ad mortem b.

a Luc. 8. 52. 53. b Joh. 11. 4. 14.

IX. Metonymica verò est, quando mors, pro causa: vel,  
pro subiecto mortis, usurpatur. Pro causa; ut, Mors est in  
olla<sup>a</sup>: hoc est mortiferum quid: Peccatum est mors b: id est,  
mortem efficit c: Cogitatio carnis, est mors d: id est mortem pa-  
rit e. Pro subiecto, ut, mors (hoc est, mortuus) non lauda-  
bit te f.

a 2. Reg. 4. 40. h Rom. 7. 13. c Ibid. d Rom. 8. 6. e Jac. 1. 15. f Efa.  
38. vers. 18.

X. Metaphorica denique significatio est, cum ad eam rem,  
quæ morti quodammodo similis est, variè transfertur. Pri-  
mum enim pericula lethalia & arumnas (quæ *βίης* a *βίης* vi-  
ta non vitalis, ac mortis instar) significat. Ut; in mortibus  
crebro<sup>a</sup>: Mortis tradimur b: Mors in nobis agit c: Cur peri-  
clisamur omni momento? indies morior d. Deinde privatio-  
nem rei, bonæ vel malæ, designat.

a 2. Cor. 11. 23. b 2. Cor. 4. 11. c Ib. v. 12. d 1. Cor. 15. 30. & 31.

XI. Rei bonæ, cum injustitiam: vel cruciatus infernales,  
notat. Utraque enim, privatio est, & quasi mors: illa qui-  
dem, justitiæ; quæ, altera animæ vita: hæc verò, æternæ glo-  
riæ ac lætitiæ; quæ, vitæ vita, dici potest.

XII. De

XII. De *priori*, hæc loquuntur dicta: *Quis me liberabit, à corpore mortis hujus*<sup>a</sup>: id est, peccati innati<sup>b</sup>: *Sine mortuos* (spiritu: seu, incredulos:) *sepelire mortuos suos*<sup>c</sup>: *Quum essemus peccatis mortui*<sup>d</sup>: hoc est peccatis, quasi morte iustitiæ, detenti. Item: *Quæ deliciis dedita est, viva* (carne) *mortua est*<sup>e</sup> (spiritu). *Purgabit nos, ab operibus mortuis*<sup>f</sup>: hoc est, vita iustitiæ castis, seu iniustis.

<sup>a</sup> Rom. 7. 24. <sup>b</sup> Rom. 6. 6. <sup>c</sup> Mat. 8. 22. Ioh. 5. 25. <sup>d</sup> Eph. 2. 1. <sup>e</sup> 1. Tim. 5. 6. Apoc. 3. 1. <sup>f</sup> Heb. 9. 14.

XIII. De *posteriori* verò, agunt ista; *Peccatum, ad mortem*<sup>a</sup>: *Mortem non videbis*<sup>b</sup>: *Mortem non gustabis*<sup>c</sup>: hoc est, cruciatus inferni, non experietur. Quæ, *mors secunda*<sup>d</sup>, nuncupatur. Unde, per *metonymiam*, *causam hujus mortis proximam*, denotat, cum dicitur, *Stagnum ignis: quæ est mors secunda*<sup>e</sup>.

<sup>a</sup> 1. Ioh. 5. 16, 17. <sup>b</sup> Ioh. 8. 51. <sup>c</sup> Ib. v. 51. <sup>d</sup> Apoc. 2. 11. & 20. 6. <sup>e</sup> Apoc. 10. 14. & 21. 8.

XIV. Deinde, nomen mortis, *rei male privationem*, notat, quum sanctificationem nostri (qua, innata naturæ corruptæ, aut enata operum, vitia tolluntur, ac quasi morti traduntur) adumbrat. Unde simili tropo, *resurrectio prima*<sup>a</sup>, nuncupatur: non propriè; ut falso novi Chiliaste asserunt. Eo pertinent hæc testimonia; *mortui sumus peccato* (hoc est, peccatum, in nobis, emortuum est) *quomodo adhuc in eo vivemus*<sup>b</sup>? *Ut peccatis mortui, iustitia viveremus*<sup>c</sup>: *Si verò spiritum, actiones carnis mortificaveritis, vivetis*<sup>d</sup>. Hæc, de *significatione mortis tropica*, ac *mera*, seu *simplici*.

<sup>a</sup> Ap. 10. 6. <sup>b</sup> Rom. 6. 2. 11. <sup>c</sup> 1. Pet. 2. 24. <sup>d</sup> Rom. 8. 13. Col. 3. 5.

XV. *Mixta* verò ac *composita* (ex propria & impropria, per synecdochen quandam) est utriusque mortis, primæ & secundæ, comprehensio. Quæ ratione, mortis nomen, usurpatur: quando meritum, peccati hominis, coram Deo supplicium, definitur. Ut; *Qua die comederis, morieris*<sup>a</sup>: *Stipendium peccati, mors*<sup>b</sup>. Nec enim altera tantum; sed utraque simul, intelligitur: quippe, non prima solum; sed secunda etiam mors, peccatoribus debetur<sup>c</sup>. Atque hæc, de *voce mortis*: nunc verò, de *re ipsa*, ac *Christi morte*, differendum.

<sup>a</sup> Gen. 2. 17. <sup>b</sup> Rom. 6. 23. <sup>c</sup> Apoc. 21. 8. Matth. 25. 41, 46.

XVI. *Mors Christi*, in Sacris literis descripta, aut simplex est (eque propria, vel impropria) vel composita.

XVII. *Propria* quidem intelligitur, quando ab impropria, suis quibusdam circumstantiis<sup>a</sup>, distinguitur. Ut; *Significans, qua morte, esset moriturus*<sup>b</sup>: *Reus est mortis*<sup>c</sup>. Contraque *impropria*, quando à propria discernitur. Ut: *Quem suscitavit, solutus doloribus mortis*<sup>d</sup>. Nam Christus, morte sua, solutus est à doloribus mortis improprie (quia non relicta est anima illius in inferno<sup>e</sup>: hoc est, in doloribus infernalibus) quemadmodum suscitatione, liberatus est à morte propria: quia Deus non fuit, ut caro illius, corruptionem experiretur<sup>f</sup>.

<sup>a</sup> Efa. 53. 9. Col. 1. 22. <sup>b</sup> Ioh. 12. 31, 33. <sup>c</sup> Mat. 26. 66. <sup>d</sup> Act. 2. 24. <sup>e</sup> Ib. v. 27. <sup>f</sup> Ibidem.

XVIII. *Composita* verò *significatio* (quæ, utramque mortem, notat) intelligitur, quum sine distinctione, pro universa morte, pro peccatis nostris, sponsori nostro debita, usurpatur. Ut hisce, ac similibus, in locis; *Sed Iesum videmus, paulisper inferiorem Angelis factum, propter mortis perpeffionem, gloria & honore coronatum: ut gratia Dei pro omnibus, mortem gustaret*<sup>a</sup>. Item, *Ut per mortem, aboleret eum, qui mortis habet imperium: hoc est, Diabolum: & liberos redderet, quotquot metu mortis, per omnem vitæ, obnoxii erant servituti*<sup>b</sup>.

<sup>a</sup> Heb. 2. 9. <sup>b</sup> Heb. 2. 14, 15.

XIX. Hoc autem in loco, *primam mortem* intelligimus: & quidem propriè dictam: quæ corporis est: non autem animæ, quæ metaphorica, ac iustitiæ privatio. Hæc enim, cum summa & absoluta, personæ Christi<sup>a</sup>, in natura<sup>b</sup> & vita<sup>c</sup>, sanctitate & officii sponforis ac pontificis nostri perfectione<sup>d</sup>, è diametro pugnat. Illa verò, cum utroque, adamussum, convenit<sup>e</sup>: ut ex *definitionis propositione*, & *expositione*, constabit.

<sup>a</sup> Dan. 9. 24. <sup>b</sup> Luc. 1. 35. <sup>c</sup> Phil. 2. 8. Heb. 4. 15. <sup>d</sup> Heb. 7. 26. <sup>e</sup> Heb. 2. 10.

XX. Mors enim Christi, est *cruentia*, *vita animalis illius*, in cruce, per separationem animæ, à corpore, privatio: quam, ex Dei, erga homines, electos ac peccatores, iusta, ac misericordis, voluntate, & gratuita sponfione sua, vice illorum, pertulit: ut eos, à peccati pœna, & iniquitate, liberaret: adipisceretur salutem, & Dei redemptoris gloriam. Quæ definitio, distincta & uberiori causarum declaratione, nobis illustranda.

XXI. *Causa efficiens* mortis Christi, aut est primaria: aut secundaria. Primaria autem, vel est movens: vel ad efficiendum mota. *Movens* rursum, externa est, aut interna.

XXII. *Externa ac promerens*, sunt peccata nostra: quorum *stipendium est mors*<sup>a</sup>. Ideoque, Christus dicitur *traditus*, propter peccata nostra<sup>b</sup>: *Pertulisse peccata nostra*<sup>c</sup>: hoc est, pœnam peccatis nostris debitam.

<sup>a</sup> Rom. 6. 23. <sup>b</sup> Ib. 4. 25. <sup>c</sup> Efa. 53. 5. 1. Pet. 2. 24.

XXIII. *Interna* verò, est virtus Dei erga nos duplex: nempe iustum meritumque, vitii nostri, odium: & imperitus, salutis nostræ, amor: seu *iustitia Dei vindicans*: & *dilectio servans*.

XXIV. *Iustitia vindicans*, est iusta ac constans Dei (tanquam iudicis mundi<sup>a</sup>) voluntas, peccata nostra, in nobis, aut in sponfore nostro, morte puniendi<sup>b</sup>. *Sontem enim non absolvi*<sup>c</sup>: impunitum. Ideoque *decebat*, ut principem salutis nostræ, per afflictiones consecraret<sup>d</sup>: & eum, qui peccatum non norat (experientia sua) pro nobis fecit peccatum<sup>e</sup>: hoc est, peccati hostiam<sup>f</sup>.

<sup>a</sup> Gen. 18. 25. Rom. 3. 5, 6. <sup>b</sup> Gen. 2. 17. Deut. 17. 26. Gal. 3. 10. <sup>c</sup> Exod. 23. 7. <sup>d</sup> Heb. 2. 10. <sup>e</sup> 2. Cor. 5. 21. <sup>f</sup> Eph. 5. 2.

XXV. *Dilectio* verò *servans*, alia communis est: alia propria. *Communis* est, quæ Patri, Filio, & Spiritui Sancto, similiter convenit: quæ est gratuita, salutem æternam, nobis certò dandi, voluntas. Ex qua, mortis Christi destinatio, tanquam unica, salutis nostræ, via<sup>a</sup>, necessariò consequitur. De qua dilectione dicitur: *Ut gratia Dei, pro omnibus, mortem gustaret*<sup>b</sup>.

<sup>a</sup> Act. 4. 12. <sup>b</sup> Heb. 2. 10.

XXVI. *Propria vero Dei dilectio*, est ea, quæ distinctè Patri & Filio attribuitur. Patri quidem: quod Filium suum unigenitum, nobis sponforem, & mediatorem novi fœderis, gratis statuerit: *Filius* verò, quòd pro nobis, hostibus suis, sponfor & mediator, fieri clementer voluerit<sup>a</sup>.

<sup>a</sup> Heb. 7. 22. & 8. 6. & 10. 5, 7.

XXVII. Ac *primum*, de Patris dilectione, dicitur: *Commendat autem, suam charitatem, erga nos, Deus: quòd quum essemus peccatores, Christus, pro nobis, mortuus est*<sup>a</sup>. Sic Deus dilexit mundum, ut Filium suum unigenitum, dederit<sup>b</sup>. In hoc, est charitas Dei, non quòd nos dilexerimus Deum: sed, quòd ipse dilexit nos, & miserit Filium suum, ut esset propitiatio, pro peccatis nostris<sup>c</sup>.

<sup>a</sup> Rom. 5. 8, 10. <sup>b</sup> Joh. 3. 16. <sup>c</sup> 1. Joh. 4. 10.

XXVIII. Deinde verò, de Filii dilectione, agunt hæc dicta: *In fide vivo, Filii Dei: qui dilexit me, & tradidit se ipsum, pro me*<sup>a</sup>: *Christus dilexit Ecclesiam, & tradidit se ipsum, pro ea*<sup>b</sup>; *Christus dilexit nos, & tradidit se ipsum, pro nobis, oblationem ac victimam, in odorem bona fragrantia*<sup>c</sup>. Hæc, de *primaria causa efficiente ac movente*.

<sup>a</sup> Gal. 2. 21. <sup>b</sup> Eph. 5. 25. <sup>c</sup> Eph. 5. 2.

XXIX. *Efficiens* verò *mota*, ad mortem Christo inferendam, est partim æternum Dei, de ea decretum: partim temporalis, decreti hujus, executio.

XXX. Ad decretum, de Christi morte, pertinent, hæc sententiæ; *Filius hominis abit, prout definitum est*<sup>a</sup>: *Hunc definitio consilio & providentia Dei, deditum, quum accepissetis, manibus iniquorum affixum, interemistis*<sup>b</sup>: *Ut facerent, quacunque manus tua* (id est potestas ac jus) *& consilium tuum, definerant faciendæ*<sup>c</sup>.

<sup>a</sup> Luc. 22. 22. <sup>b</sup> Act. 2. 23. <sup>c</sup> Act. 4. 28.

XXXI. *Executio* verò decreti, de Christi morte, duobus quasi gradibus, continetur. Quorum prior, est *mandatum*; posterior verò, *traditio*.

XXXII. *Mandatum* hoc, est voluntatis, Dei Patris, signum, quo, Filio suo, homini factò, ut eam mortem subiret, imperavit. *Modus* autem est, partim *externus*, per Verbum suum: partim *internus*, per Spiritus Sancti dirigentis revelationem.

XXXIII. Per *verbum* quidem: quia hoc Filii officium, Sacris literis, per Prophetas prædixit & præscripsit<sup>a</sup>. Per *Spiritum* verò: quia in eum etiam finem, à Patre, est unctus, Spiritu Sancto; ut sacerdos esset ac victima<sup>b</sup>: & ejusdem ductu, mortem subivit. De quo mandato proficitur, quum ait; *Potestatem habeo, ponendi animam, & potestatem habeo, rursum assumendi eam. Hoc mandatum accepi, à Patre meo*<sup>c</sup>.

<sup>a</sup> Gen. 3. 15. Psal. 22. 16, 17. & 40. 8, 9. cum Heb. 10. 5, 10. Efa. 53. Zach. 13. 7. Dan. 9. 26. Luc. 24. 25, 27. 1. Pet. 1. 11. 1. Cor. 15. 3. <sup>b</sup> Efa. 61. 12. <sup>c</sup> Joh. 10. 18.

Eccc 2

XXXIV. Tra-



XXXIV. *Traditio autem in mortem, est duplex: una, à Patre: altera, ab ipsomet Filio facta.*

XXXV. De Patre enim dicitur; *Non haberes ullam in me potestatem, nisi datum tibi esset superne<sup>a</sup>: Qui proprio Filio non pepercit; sed tradidit eum, pro nobis b: Gladii evigila, contra pastorem meum, & virum proximum meum* (Filium meum) *dictum Iehova exercituum, Percute pastorem, & dispergentur oves<sup>c</sup>.*

<sup>a</sup> Ioh. 19. 11. <sup>b</sup> Rom. 8. 32. <sup>c</sup> Zach. 13. 7. Matth. 26. 31.

XXXVI. De Filio verò hæc dicta (præter illa, quæ modo adduximus<sup>a</sup>) fidem faciunt; *Deus* (nempe Filius) *Ecclesiam suam, proprio sanguine, acquisivit<sup>b</sup>: Christus per Spiritum æternum, seipsum obtulit, inculpatum, Deo<sup>c</sup>.* Atque hæc, de causa efficiente primaria.

<sup>a</sup> Thess. 28. <sup>b</sup> Act. 20. 28. <sup>c</sup> Heb. 9. 14.

XXXVII. *Secundaria verò, mortis Christi, efficiens, est creatura duplex. Alia enim, est pia; quæ, iusto animo, modo, & fine, in agendo directæ: alia impia; quæ contra, ab hac norma, deflexit.*

XXXVIII. *Pia, est solus Christus, secundum humanam naturam, Patris mandato, ex amore erga nos summo<sup>a</sup>, rectaque ratione ac prompta voluntate, obsecundans. Patri enim fuit obediens ad mortem, mortem autem crucis<sup>b</sup>. An* (inquit) *poculum, quod mihi dedit Pater, non bibam<sup>c</sup>? Item, Ideo, ingrediens in mundum, dicit &c. ecce venio (in capite libri scriptum est de me) ut faciam, Deus, voluntatem tuam<sup>d</sup>: Ponet animam suam, delictum<sup>e</sup>: id est, in sacrificium, pro delicto: Effudit in mortem, animam suam<sup>f</sup>: Qui dedit semetipsum, pro peccatis nostris, &c. secundum voluntatem Dei, & Patris nostri<sup>g</sup>.*

<sup>a</sup> Ioh. 15. 13. <sup>b</sup> Ioh. 3. 16. <sup>c</sup> Phil. 2. 8. <sup>d</sup> Ioh. 18. 11. <sup>e</sup> Psal. 40. 9. <sup>f</sup> Heb. 10. 7. 10. <sup>g</sup> Efa. 53. 10. <sup>h</sup> Ib. v. 11. <sup>i</sup> Mat. 20. 28. <sup>j</sup> Gal. 1. 4.

XXXIX. Ideoque, licet per se, ex recto, ac naturæ omnium insito vitæ conservandæ amore, mortem utramque, tanquam naturæ bono repugnantem, averfaretur: & ea ratione, si per Dei voluntatem fieri potuisset, à morte liberari petierit: per accidens tamen, voluntatis Dei contrariæ, eaque spectata, acquievit, & Patris nutui, suam voluntatem, subiecit, quum ait; *Pater mi, si fieri potest, hoc poculum, à me, transeat: verumtamen, non quod ego volo, sed quod tu<sup>a</sup>.* Hæc de pia, mortis Christi, causa.

<sup>a</sup> Mat. 26. 39.

XL. *Impia verò causa efficiens, est Satanas, & mundus. Satanas enim, contrivit Christi calcaneum<sup>a</sup>: casus illius, in mortem, auctor extitit, dum mundum, ad Christi necem, concitavit ac perpulit<sup>b</sup>. Mundus autem Christi adversarios, Judæos ac Gentiles, complectitur.*

<sup>a</sup> Gen. 3. 15. <sup>b</sup> Ioh. 8. 41. 44. & 13. 2. & 14. 30.

XLI. *Judæi enim, partim operata fraude ac prodicione, ut Judas Iscarioth<sup>a</sup>: partim aperta vi, ut synedrium, quod condemnavit, ac Pilato necandum tradidit<sup>b</sup>: & populus, qui cum synedrio Gentiles, ad mortem Christo inferendam, πανωλησθη<sup>c</sup> universa turba, adegerunt<sup>c</sup>. Gentiles verò; partim lata sententia, ac mandato, ut Pilatus<sup>d</sup>: partim operè, ut milites illius<sup>e</sup>, Christum occiderunt.*

<sup>a</sup> Luc. 22. 48. <sup>b</sup> Mat. 26. 66. <sup>c</sup> Ib. 27. 1. 2. <sup>d</sup> Luc. 23. 18. 21. 23. <sup>e</sup> Act. 2. 23. 16. & 3. 14. 15. & 4. 10. <sup>f</sup> Ioh. 19. 16. <sup>g</sup> Ib. ver. 23.

XLII. Ex quibus omnibus, satis liquere potest; quod, ad unam eandemque Christi mortem, plures concurrant causæ agentes: sed non eadem actionum rectitudine: quum origine, modo, ac scopo suo, longissimè inter se diffideant.

XLIII. *Primum enim, actionis Dei & Christi origo, fuit sancta; rectus scilicet, Dei gloriæ & salutis nostræ, amor: ut superiora demonstrarunt: Contra verò, origo actionis hostium fuit vitiosa. Judas enim, ex avaritia & vindicta<sup>a</sup>: Sacerdotes, ex invidia<sup>b</sup>: populus, concitatione sacerdotum<sup>c</sup>: Pilatus, horum & Cæsaris metu<sup>d</sup>: milites, hujus imperio<sup>e</sup>, Christum enecarunt.*

<sup>a</sup> Mat. 26. 14. 15. <sup>b</sup> Ioh. 12. 4. 5. 6. <sup>c</sup> Mat. 15. 10. <sup>d</sup> Ib. v. 11. <sup>e</sup> Ioh. 19. 15. 16. <sup>f</sup> Ib. v. 16. & 24.

XLIV. *Deinde, modus, actionis Dei & Christi, fuit iustificimus: nimirum occasione mortis Christi, ab adversariis expetitæ, oblatio<sup>a</sup>: & recta, perversæ actionis hostium, ad Christi mortem (Deo, pro nobis, ex sponsione debitam) gubernatio. Actio enim Dei; fuit iusta, à iudice, poena<sup>b</sup>. Christi actio; iusta, erga iudicem, obedientia<sup>c</sup>. Contra verò*

*modus actionis hostium, fuit iniustus: qui contra legem generalem<sup>d</sup>, ac sine speciali mandato<sup>e</sup>, suis cupiditatibus obsecuti, innocentem ac iustum, occiderunt<sup>f</sup>.*

<sup>a</sup> Ioh. 19. 11. <sup>b</sup> Act. 2. 23. <sup>c</sup> Gal. 3. 13. <sup>d</sup> Phil. 2. 8. <sup>e</sup> Heb. 10. 7. <sup>f</sup> Exod. 20. 13. & 23. 7. <sup>g</sup> Quale Gen. 22. 2. <sup>h</sup> Mat. 26. 61. 66. <sup>i</sup> Ioh. 19. 6. <sup>j</sup> Act. 2. 23. 23. & 3. 13. 14.

XLV. Denique, scopo ac finibus, disternantur. Nam actionis Dei & Christi, finis fuit rectus ac sanctus; ut postea demonstrabitur: contra hostium Christi, perversus fuit & impius scopus. *Judas; ut avaritiæ & vindictæ suæ: sacerdotum; ut ambitioni & odio suo, inservirent: populi; ut gratificarentur sacerdotibus: Pilati; ut hisce placeret, & quieti suæ potius, quam iustitiæ, confuleret: militum; ut præfidi magis, quam Deo & conscientiæ, obtemperarent. Quemadmodum ex iis, quæ de origine diximus, manifestè constat.*

XLVI. Quare licet Christi hostes, ea fecerint; quæ, à Deo & Christo, iustè erant definita ac directæ; non propterea tamen, Dei ac Christi iustitia hostium iniustitiam, purgat: nec horum iniustitia, Dei iustitiam, contaminat. Quia origine, modo, & fine actionum, utrumque (sicut ostendimus) omnino discrepant. Ac propterea Christus iustè ait; *Filius hominis abis prout definitum est: verumtamen va homini illi, per quem proditur<sup>a</sup>.* Atque hæc de causa efficiente.

<sup>a</sup> Luc. 22. 22.

XLVII. *Subiecta verò, mortis Christi, materia, non est Pater (ut Praxeas<sup>a</sup>, & hac in re sectatores, ideo Patristpassiani dicti, impie delirarunt) sed sola Filii persona; à qua, mortis dignitas infinita, dependet: nec simpliciter, ac secundum utramque naturam; sed secundum humanam duntaxat, & quidem ratione corporis. Ut enim divina natura, per se, & absoluta necessitate, sola est immortalis<sup>b</sup>: quia spiritualis, infinita ac simplicissima essentia: sic etiam anima humana, quia spiritus est creatus, ex gratia Dei immortalis, à nulla creatura occidi potest<sup>c</sup>.*

<sup>a</sup> Tertull. de præscript. c. ultimo. <sup>b</sup> 1. Tim. 1. 17 & 6. 16. <sup>c</sup> Matth. 10. 48.

XLVIII. Ideoque, quod *Filius Dei occisus<sup>a</sup>: & Dominus gloriæ crucifixus<sup>b</sup>*: asseritur, illud per *κρίστας ἰδωμέναν & ἡγ' αὐτὴν*, de persona Christi, quæ Deus est; verumtamen, non qua Deus; sed qua homo ac secundum corpus humanum, pronuntiatur. Unde, *mortificatus carne<sup>c</sup> dicitur: &, Caro mea &c. (inquit) quam dabo, pro mundi vita<sup>d</sup>.* Hæc de subiecta materia.

<sup>a</sup> Mat. 21. 38. <sup>b</sup> Rom. 8. 10. <sup>c</sup> 1. Cor. 2. 8. <sup>d</sup> 1. Pet. 3. 18. <sup>e</sup> Ioh. 6. 51.

XLIX. *Forma verò, hujus mortis, est privatio vitæ, corporis Christi: quæ, à proxima sua causa, separatione animæ (cujus actus, in corpore, vita est) describi solet. Nam, ut Christus ait; In manus tuas, commendo spiritum meum<sup>a</sup>: sic etiam dicitur; Emisit spiritum<sup>b</sup>: Item; Succisus est, à terra viventium<sup>c</sup>.*

<sup>a</sup> Luc. 23. 46. <sup>b</sup> Mat. 27. 50. <sup>c</sup> Efa. 53. 8.

L. *Quæ separatio, animæ à corpore, non est absoluta; sed relata. Licet enim, ratione unionis naturalis & immediatæ, facta sit eorum disjunctio; interim tamen, ratione unionis supernaturalis & mediatæ, in persona Filii Dei, conjunctæ & indivulsæ permanferunt. Quemadmodum unio hypostatica, quæ facta est *αὐτοῦ* inseparabiliter, flagitabat.*

LI. *Hujus autem formæ circumstantia (quæ in Christorequirebatur) duplex, in definitione propositâ, observatur. Una, quod cruenta fuerit mors: altera, quod in cruce acciderit.*

LII. *Cruenta; quia sanguinis Christi effusio divinitus erat decreta, & cruentis, Legis Mosaicæ, sacrificiis expiatoriis, adumbrata<sup>a</sup>. Adeo ut, sine sanguinis effusione, non fiat remissio<sup>b</sup>.*

<sup>a</sup> Heb. 9. 13. 14. 23. <sup>b</sup> 1. Pet. 1. 19. <sup>c</sup> Heb. 9. 21.

LIII. *In cruce verò evenit mors: quia hoc necis genus, maxime ignominiosum, Dei consilio & verbo, erat præfinitum<sup>a</sup>: variisque figuris olim designatum: & maledictionis nostræ, in Christum translata, signum: scriptum est enim; Omnis, qui pendet in ligno, maledictus<sup>b</sup>; hoc est, Christi, pro nobis, maledictionem subituri, typus. Et prout Moyses, extollit serpentem, in deserto: ita, extolli oportebat, Filium hominis<sup>c</sup>. Ideoque Patri factus obediens dicitur usque ad mortem: mortem autem crucis<sup>d</sup>. Hæc de forma & circumstantia illius.*

<sup>a</sup> Psal. 22. 17. cum Ioh. 20. 25. <sup>b</sup> 1. Pet. 2. 22. <sup>c</sup> Ioh. 12. 31. 32. <sup>d</sup> Gal. 3. 13. <sup>e</sup> Deut. 21. 23. <sup>f</sup> Ioh. 3. 14. <sup>g</sup> Phil. 2. 8.

LIV. *Finis denique mortis Christi (qui simul distinctè eisdem, ac passionum, est effectus) alius, est *αὐτῷ* alius, *αὐτῶν*.*

Finis

Finis *ejus*, est utilitas, seu bonum illud, cujus gratia, mors Christi, à Patre, & Filio decreta atque effecta est. Hic autem propinquus est, vel remotus.

LIV. Propinquus, est partim satisfactio, pro nobis: partim gratiæ Novi Testamenti confirmatio, seu, liberatio nostri, ex ea satisfactione, promanans.

LVI. Satisfactio, est qua, tanquam sponsor noster, debitam, pro peccatis nostris, mortis pœnam, perfectè tulit. De qua re dicitur: *Filius hominis non venit, ut sibi ministraretur: sed, ut ministraret, & daret animam suam*, ἀνταποδοῦναι pretium redemptionis, pro multis<sup>b</sup>: *Qui dedit seipsum*, ἀνταποδοῦναι pretium redemptionis, pro omnibus<sup>c</sup>: *Lehova fecit, ut incurrat, in illum, iniquitas* (id est pœna iniquitatis) omnium nostrum<sup>d</sup>: *Deletoque*, quod adversum nos erat, rituum chirographo, quod nobis erat contrarium: & ipsum, cruci affixum, e medio sustulit<sup>e</sup>.

a Heb. 9. 15. b Mat. 20. 28. c 1. Tim. 2. 6. d Efa. 53. 6. e Col. 2. 14. LVII. Liberatio verò, quæ, ex hujus satisfactionis dignitate, procedit, est duplex. *Alia* enim est, à peccati pœna: quæ (per metonymiam causæ, pro effecto) peccatum dici conluevit: *alia*, à peccati iniquitate, nobis inhærente.

LVIII. Pœna peccati, est mortis ac Satanæ potestas, & ira Dei. De utroque dicitur; *Christus nos redemit, à maledictione legis, factus pro nobis maledictum, &c. ut benedictio Abrahæ Gentibus fieret in Christo*<sup>a</sup>: *Ad abolitionem peccati, per immolationem sui ipsius, est patefactus* b: *Qui dilexit nos, & lavit nos, à peccatis nostris, per sanguinem suum*<sup>c</sup>: *Sanguis Filii Dei, purgat nos, ab omni peccato*<sup>d</sup>: *Eum, qui non novit peccatum, pro nobis, fecit peccatum; ut fieremus justitia Dei in eo*<sup>e</sup>: *justificati igitur ejus sanguine*<sup>f</sup>.

a Gal. 3. 13, 14. b Heb. 9. 26. c Ap. 1. 5. d 1. Joh. 1. 7. e 2. Cor. 5. 21. f Rom. 5. 9.

LIX. De priori verò etiam dicitur; *Ut per mortem aboleret eum, qui mortis habet imperium: hoc est, Diabolum: & liberos redderet, quotquot metu mortis, per omnem vitam, obnoxii erant servituti*<sup>a</sup>.

a Heb. 2. 14, 15.

LX. Quoniam, ob passionis, & mortis Christi, meritum, ab utraque morte: sed dispari modo, liberamur. Nam, à secunda, extricamur simpliciter: à prima verò, suis gradibus. Quamprimùm enim, mors nostra, definit esse, irati judicis pœna, & mortis secundæ janua<sup>a</sup>: facta est, finis culpæ, & via æternæ vitæ<sup>b</sup>: deinde verò, ultimo die, omnino abolbitur<sup>c</sup>.

a Rom. 8. 1. b 2. Cor. 5. 8. Phil. 1. 23. Ap. 14. 13. c 1. Cor. 15. 26, 54, 57.

LXI. De posteriori verò, seu de liberatione ab ira Dei, ait Propheta; *Castigatio pacis nostra, imponitur ei*<sup>a</sup>: & Apostolus; *Reconciliati fuimus Deo, per mortem Filii ejus*<sup>b</sup>: & alibi; *Utrosque in uno corpore, reconciliaret Deo, per crucem, peremptis inimicitias, per eam*<sup>c</sup>: Item Petrus; *Christus semel pro peccatis passus fuit, justus pro injustis; ut nos ad Deum adduceret: mortificatus carne, vivificatus autem Spiritu*<sup>d</sup>. Hæc de liberatione, à peccati pœna, per Christi mortem.

a Efa. 53. 5. b Rom. 5. 10. c Eph. 2. 16. Col. 1. 21, 22. d 1. Pet. 3. 18.

LXII. Liberatio verò à peccati iniquitate, nobis inhærente (quæ, metaphoricè, *vetus homo*, dici consuevit) est illius, ex vi pretii mortis Christi, per Spiritum Sanctum, abolitio. Quæ, mortificatio metaphoricè dicta, bimembris existit: *inchoata, & consummata*.

LXIII. Inchoata, est liberatio, qua, à peccati dominio, per sanctificationis gratiam, in perpetuum, immunes reddimur. Consummata verò ea est, qua peccati reliquiæ, omnino in nobis, extinguuntur. *Utrumque* enim membrum, proprius est, mortis, quam Christus, pro nobis est perpassus, finis ac fructus.

LXIV. De qua liberatione, hæc dicta loquuntur; *illud scientes, veterem illum nostrum hominem, cum eo, crucifixum; ut destruat ut corpus peccati; ne posthac, nos serviamus peccato*<sup>a</sup>: *Peccatum, vobis non dominabitur: non enim estis sub lege, sed sub gratia*<sup>b</sup>: *Vos quoque, mortificati estis legi* (quatenus scilicet, carnis vitio, peccati erat occasio<sup>c</sup>) *per corpus Christi; ut essetis alterius: ejus, qui ex mortuis excitatus est: ut fructum feramus, Deo*<sup>d</sup>: *Qui, dedit semetipsum, pro peccatis nostris, ut, eximeret nos, ex præsentis seculo malo*<sup>e</sup>: *Nunc sanè reconciliavit, in corpore illo carnis suæ, per mortem: ut sisteret vos sanctos, & irreprehensos, & inculpatos, coram se*<sup>f</sup>.

a Rom. 5. 6, 7. b 1b. 6. 14. c Rom. 7. 5, 8. d 1b. 7. 4. e Gal. 1. 4. confer 1. Joh. 5. 19. f Col. 1. 21, 22.

LXV. Quibus, hæc consentiunt: *Ut qui sciatis, vos non cauducis, argento vel auro, fuisse redemptos, ex vana vestra conversatione, à patribus tradita: sed, pretioso sanguine, utpote, agni immaculati & incontaminati, Christi*<sup>a</sup>: *Qui peccata nostra pertulit in corpore suo, super lignum: ut peccatis mortui, justitia viveremus: cujus vibicibus, sanati estis*<sup>b</sup>. *Sanctifico me, ut & ipsi sancti sim*<sup>c</sup>. *Dilexit ecclesiam, & tradidit sese pro ea: ut eam sanctificaret*<sup>d</sup>.

a 1. Pet. 1. 18, 19. b 1. Pet. 2. 24. & 2. Cor. 5. 15. c 1. Joh. 17. 19. cum 17. d Eph. 5. 25, 26.

LXVI. Talia denique, sunt etiam hæc testimonia; *Qui dedit semetipsum, pro nobis, ut redimeret nos, ab omni iniquitate, & purificaret sibi populum peculiarem, studiosum bonorum operum*<sup>a</sup>: *Quanto magis, sanguis Christi, qui, per Spiritum æternum, seipsum obtulit inculpatum Deo, purgabit conscientiam vestram, ad serviendum Deo vivo*<sup>b</sup>: *Unica enim oblatione, consecravit in perpetuum eos, qui sanctificantur: testificatur autem nobis, & ipse Spiritus Sanctus. Nam posteaquam pradixit*<sup>c</sup>; *Hoc est fœdus meum, quod paciscar cum iis post dies illos (dicit Dominus) indam leges meas cordibus eorum, & mentibus eorum eas inscribam, & peccatorum atque iniquitatum ipsorum, non recordabor amplius*<sup>d</sup>.

a Tit. 2. 14. Eph. 5. 25, 26, 27. b Heb. 9. 14. c 1. Jer. 31. 33. d Heb. 10. 14, 15, 16, 17.

LXVII. Ideoque, mortis ac passionis Christi, finis & fructus proprius, in iis, (quorum, tanquam sponsor novi fœderis ac testamenti, vicem subiit<sup>a</sup>) non solum est justificatio, ac pœnæ, peccatis debitæ, remissio ac reconciliatio cum Deo; sed etiam sanctificatio: qua, peccatum in nobis, aboletur: dum leges Dei (cùm fidei, tum charitatis) spiritualibus, mentis & cordis tabulis inscribuntur<sup>b</sup>: ut, in fœdere Dei perpetuò maneamus<sup>c</sup>.

a Heb. 7. 22. & 9. 15. b 1. Jer. 31. 33. Heb. 8. 10. c Heb. 8. 10, 12.

LXVIII. Ac propterea ait Christus: *Hoc est sanguis meus, novi testamenti: qui, pro multis, effunditur ad remissionem peccatorum*<sup>a</sup>. De quo fœdere, Jeremias ita testatur: *Et pangam ipsis fœdus perpetuum, fore ut non avertam me, à prosequendis ipsis, benefaciendo ipsis: &, reverentiam mei indam animo ipsorum: ut non recedant, à me*<sup>b</sup>. Hactenus de propinquo sine & fructu.

a Mat. 26. 28. b 1. Jer. 31. 40. Ezech. 36. 27.

LXIX. Remotus verò mortis Christi finis ac fructus, est duplex. Primus, est eorum, pro quibus Christus mortuus est, vita æterna: secundus, est Dei, in Christo redemptoris, gloria.

LXX. Vita autem æterna, in animæ & corporis glorificatione, consistit. De qua dicitur: *Extolli oportet Filium hominis: ut, quisquis credis in eum, non pereat; sed habeat vitam æternam*<sup>a</sup>: *Caro mea est, quam ego dabo, pro mundi vita*<sup>b</sup>: *Et consecrans, factus est auctor salutis æternæ, omnibus, qui ipsi auferunt*<sup>c</sup>. Quæ vita, ex justificatione, ac sanctificatione, divino nexu, consequitur<sup>d</sup>. Ideoque Christus, in hoc complexu, dicitur factus nobis à Deo, *sapientia, justitia, & sanctificatio, & redemptio*<sup>e</sup>.

a Joh. 3. 14. b 1b. 6. 51. c Heb. 5. 9. d Rom. 8. 30. e 1. Cor. 1. 30.

LXXI. Dei verò gloria, ultimus est, mortis Christi, finis qui, ex antecedentibus omnibus exurgit. Ea enim in admiranda justitiæ, misericordiæ, sapientiæ, ac veritatis divinæ patefactione (ad quæ, mors Christi destinata est, & effecta) consistit.

LXXII. *Justitia Dei gloria*, ex eo elucet; quòd, peccata nostra, inulta esse, noluerit<sup>a</sup>: *misericordia*: quòd, eorum pœnam, in Filium suum unigenitum, transtulerit<sup>b</sup>: *sapientia*: quòd hunc, summæ simul justitiæ, & misericordiæ, concursum ac concordiam, admirando, etiam Angelis, mysterio ordinavit, adeoque opportunè sit executus<sup>c</sup>: *veritas* denique gloria ex fidei, decretæ, ac promissæ, mortis Christi, donatione, illustratur. Hæc de fine *ejus*, seu, de utilitate, mortis Christi, dicta.

a Rom. 3. 24, 25, 26. b Efa. 53. Eph. 1. 5, 6, 7. c Eph. 1. 8, 9, 10. 1. Pet. 1. 11. 1. Tim. 2. 6. d Gal. 4. 4, 5.

LXXIII. Finis verò *cui* ea, mortis Christi, bona sunt destinata divinitus, sunt omnes, & soli, electi. Omnes; quia singulis eorum, communia: soli; quia iis, non verò reprobis, propria.

LXXIV. Unde, prioris ratione, interdum, ob excellentiam dignitatis, Electorum universitas (cum, de mortis Christi fine ac fructu,

fructu, agitur) omnes<sup>a</sup>, omnia<sup>b</sup>, mundus<sup>c</sup>, totus mundus<sup>d</sup>, nempe Electorum, nuncupatur: & distinctè à Judæis, Gentilium Electorum cœtus, mundus<sup>e</sup> dicitur. Ut contrà, Reproborum turba, ob numeri excellentiam, mundus<sup>f</sup>; mundus impiorum<sup>g</sup>, totus mundus<sup>h</sup>, oppositâ synecdoche, nominatur. Adeo ut, in duos hosce, quasi mundos particulares, universus mundus<sup>i</sup>; ex usu Scripturæ, distribuatur: ne temerè, in mundi voce, impingamus.

<sup>a</sup> 2. Cor. 5. 15. Heb. 2. 9. <sup>b</sup> 2. Cor. 5. 17, 18. <sup>c</sup> Joh. 1. 29. & 3. 17. & 4. 42. & 6. 51. & 17. 21, 23. <sup>d</sup> 2. Cor. 5. 19. <sup>e</sup> 1. Joh. 4. 14. <sup>f</sup> 1. Joh. 2. 2. <sup>g</sup> Rom. 11. 12, 15. <sup>h</sup> 1. Joh. 14. 17. & 17. 9. <sup>i</sup> 2. Pet. 2. 5. <sup>j</sup> 1. Joh. 5. 19. <sup>k</sup> Rom. 3. 19.

LXXV. Posterioris verò ratione, distinctè, non omnes; sed multi, nominantur. Et si enim, ob personæ Christi infinitam dignitatem, mortis illius pretium valoris sit infiniti (adeo ut, vel mille mundis servandis, si crederent, abundè sufficeret) interim tamen non omnium, etiam Reproborum; sed Electorum, loco ac bono, Servatorem esse mortuum, hac multorum, à reliquis discretionem, aliisque invictis rationibus, in sacris literis, demonstratur.

LXXVI. Huc pertinent illustres hæ sententiæ; *Notitia sui, justificabit, justus servus meus, multos; & iniquitates eorum, ipse bajulabit*<sup>a</sup>: *Ipse, peccatum multorum tulit*<sup>b</sup>: *Ut daret animam suam, redemptionis pretium, pro multis*<sup>c</sup>: *Hoc est enim sanguis novi testamenti, qui pro multis effunditur, in remissionem peccatorum*<sup>d</sup>: item, *qui pro vobis (fidelibus) effunditur*<sup>e</sup>: *Oblatus ad tollenda multorum peccata*<sup>f</sup>.

<sup>a</sup> Esa. 53. 11. <sup>b</sup> 1b. v. 12. <sup>c</sup> Mat. 20. 28. <sup>d</sup> Mat. 26. 28. <sup>e</sup> Luc. 22. 20. <sup>f</sup> Heb. 9. v. 28.

LXXVII. Idem etiam ostendit cœlestis Ecclesiæ professio, cum distinctè, hoc mortis Christi, pro Electis privilegium, extollens ait; *Mactatus es, & redemisti nos Deo, per sanguinem tuum, ex omni tribu, & lingua, & populo, & natione*<sup>a</sup>. Non omnes igitur & singuli nationum; sed electi ex iis multi<sup>b</sup>, Christi morte sunt redempti: qui scilicet soli, stolas suas, laverunt ac dealbarunt, in sanguine agni<sup>c</sup>.

<sup>a</sup> Apoc. 5. 9. <sup>b</sup> 1b. v. 7. & 8. <sup>c</sup> 1b. v. 14.

LXXVIII. Nec aliud Scriptura docet, quàm ait; *Christum animam suam ponere, pro ovibus suis ac propriis*<sup>a</sup> (hoc est pro Electis<sup>b</sup>: quorum tantum est pastor, non pro hircis, non pro lupis<sup>c</sup>) *Tradidit seipsum, pro Ecclesia*<sup>d</sup>: *pro nobis*<sup>e</sup>, fidelibus: *pro sanctificatis*<sup>f</sup>: *pro vocatis*<sup>g</sup>. Qui soli, populus sunt ipsius, & quorum tantum salvator est: ut nominis Jesu definitio propria, demonstrat; *vocabis nomen ejus lesu*<sup>h</sup>: *Ipse enim servabis populum suum, à peccatis ipsis*<sup>i</sup>: *Prophetauit fore, ut lesu, pro ea gente, moreretur: nec tantum pro ea gente; sed ut, filios Dei dispersos, cogeret in unum*<sup>j</sup>: *Unde debuit, per omnia, fratribus similis fieri; ut misericors esset, & fidelis, pontifex in iis quæ apud Deum (agenda) ad expiandum peccata populi*<sup>k</sup>.

<sup>a</sup> Joh. 10. 15. 12. <sup>b</sup> 1b. v. 16, 28, 29. <sup>c</sup> 1b. v. 26, 27. <sup>d</sup> Eph. 5. 25. <sup>e</sup> Esa. 53. 6. <sup>f</sup> Eph. 5. 2. <sup>g</sup> 1. Joh. 4. 10. <sup>h</sup> Heb. 10. v. 14. <sup>i</sup> 1b. v. 9. 15. <sup>j</sup> Matt. 1. 21. <sup>k</sup> 1. Joh. 11. 51, 52. <sup>l</sup> Heb. 2. 17.

LXXIX. Huc accedunt demonstrationes aliæ, ex causis (efficiente & fine ac fructu) depromptæ, quæ solis Electis, non autem Reprobis, conveniunt. Ac primum quidem, à causa efficiente primaria ac movente gemina; *justitia Dei vindicante, & servante dilectione*.

LXXX. A *justitia Dei*: quæ, nec fontem ferre impunitum: nec meritas pœnas bis (à reo simul, & sponfore) exigere potest. 1. Quicumque enim soli à pœna pro peccatis suis debita, omnino liberantur, pro iis solis, Christus mortis pœnam perfolvit: at Electi ad salutem soli, à pœna pro peccatis suis debita, omnino liberantur: Ergo, pro iis solis, Christus mortis pœnam perfolvit.

LXXXI. 2. Quicumque debitam peccatis suis pœnam, æterno supplicio, ipsimet perfolvunt, pro iis, Christus, mortis suæ pretio, non satisfacit: sed Reprobi omnes debitam pro peccatis suis pœnam, æterno supplicio ipsimet perfolvunt: ergo Christus, mortis suæ pretio, pro iis non satisfacit.

LXXXII. Ab æterna verò dilectione Dei, hoc modo; 3. Quoscumque Deus, ab æterno, gratuita dilectione servare decrevit, illi sunt Electi, non Reprobi: quia dilectio, illà Electionis definitione, continetur: & contra Reprobationis definitione omnino excluditur: atqui Deus, omnes eos, pro quibus Christus mortuus est, ab æterno, gratuita dilectio-

ne, servare decrevit<sup>a</sup>: ut supra ostensum: ergo omnes illi, pro quibus Christus mortuus est, sunt Electi, non Reprobi.

<sup>a</sup> Rom. 8. 9. 10. & 8. 39.

LXXXIII. Deinde, à *finibus* & *causis*, & *fructibus* mortis Christi; 4. Quicumque sunt hæredes gratiæ Novi testamenti, illi sunt Electi, ad salutem: quippe illi soli certò servantur<sup>a</sup>: at vero omnes illi, pro quibus sanguis Christi, in mortem, effusus est, sunt hæredes gratiæ Novi testamenti: quia illorum est mediator apud Deum, & sponfor<sup>b</sup>: ergo omnes illi, pro quibus Christus est mortuus, sunt Electi ad salutem.

<sup>a</sup> Heb. 8. 6. 9. 12. <sup>b</sup> Luc. 22. 20. Heb. 7. 22. & 8. 6. & 9. 14. 15. & 13. 20.

LXXXIV. 5. Qui non sunt hæredes Novi testamenti, pro iis sanguis Novi testamenti in morte Christi non est effusus: atqui Reprobi sunt hujusmodi (sunt enim exhæredes) ergo sanguis Novi testamenti, in morte Christi non est pro iis effusus.

LXXXV. 6. Pro quibus Christus mortuus est: illi non possunt condemnari<sup>a</sup>: quia satisfacit iræ Dei, & contrivit caput Serpentis morte sua<sup>b</sup>: at soli Electi ad vitam, non possunt condemnari<sup>c</sup>: ergo, pro solis Electis ad vitam, Christus est mortuus.

<sup>a</sup> Rom. 8. 34. <sup>b</sup> Gen. 3. 15. Heb. 2. 14. <sup>c</sup> Rom. 8. 29. 33. Matt. 24. 24.

LXXXVI. 7. Contra; Quicumque condemnantur, pro iis, Christus non est mortuus<sup>a</sup>: Reprobi condemnantur: ergo pro iis, Christus non est mortuus.

<sup>a</sup> Rom. 8. 34. & 5. 9. 10.

LXXXVII. 8. Pro quibus Deus proprium suum Filium in mortem dedit, iis omnia, ad salutem necessaria, cum ipso, donat<sup>a</sup>: at solis Electis, non autem Reprobis, ea omnia donat<sup>b</sup>: ergo, pro solis Electis, non pro Reprobis, est mortuus.

<sup>a</sup> Rom. 8. 32. <sup>b</sup> 1b. v. 28.

LXXXVIII. 9. Qui reconciliati sunt Deo, per mortem Filii ipsius, illi reconciliati, magis servabuntur, per vitam ipsius<sup>a</sup>: at soli Electi (quorum nomina scripta sunt, in libro vitæ agni mactati<sup>b</sup>) non Reprobi, servabuntur, per vitam Christi<sup>c</sup>: ergo soli Electi, non Reprobi, reconciliati sunt Deo per mortem Filii ipsius.

<sup>a</sup> Rom. 5. 10. <sup>b</sup> Apoc. 13. 8. <sup>c</sup> Matt. 25. 34. 41. 46.

LXXXIX. 10. Quorum peccata Christus norat, non posse remitti, pro iis sanguinem suum, in remissionem peccatorum, moriens non effudit: at vero, Reproborum multorum peccata non posse remitti, Christus norat: ergo, pro iis, in remissionem peccatorum, sanguinem suum, moriens non effudit. Sciebat enim maximam totius mundi partem, eo tempore, ob peccata sua, æternis inferni flammis, sine ulla spe veniæ, cruciari<sup>a</sup>: nec paucos in Spiritum Sanctum, & peccare<sup>b</sup>, & peccaturos<sup>c</sup>: quorum peccata remitti non possent<sup>d</sup>. Ideoque moriendo, eorum remissionem, contra voluntatem Dei, & sententiam propriam<sup>e</sup>, nec piè, nec sapienter, potuit destinare.

<sup>a</sup> Luc. 16. 24, 25, 26. <sup>b</sup> Matth. 12. 31. <sup>c</sup> 1. Joh. 5. 15. 16. <sup>d</sup> Matt. 12. 31. 32. <sup>e</sup> 1. Joh. 5. 16. <sup>f</sup> Ibidem.

XC. 11. Pro quibus Christus mortuus est, illi mente & corde (ex Novi fœderis formulâ<sup>a</sup>) sanctificantur: ut morte Christi sancitum<sup>b</sup>: atqui soli Electi, ita sanctificantur: non autem Reprobi<sup>c</sup>: ergo pro solis Electis, non autem Reprobis, Christus est mortuus.

<sup>a</sup> Heb. 8. 9, 10. & 10. 14. 16. <sup>b</sup> Joh. 17. 19. <sup>c</sup> Eph. 1. 4. 2. Thes. 2. 13. Joh. 14. 17.

XCI. 12. Denique ex adjuncto mortis Christi proprio; pro quibus peccatoribus, Christus tantum orat, pro iis tantum est mortuus. Hæc enim, Mediatoris ac Pontificis nostri, officia duò (intercedere mortis sacrificio, & orationis thure: seu, velle peccatorum remissionem, ac se pro ea, in mortem offerre: & eam velle ac petere à Patre) indissolubili vinculo, sunt connexa<sup>a</sup>. Atqui Christus pro Electis tantum orat, non pro mundo Reproborum<sup>b</sup>: imo contra eum orat<sup>c</sup>: Ergo pro Electis tantum, non pro mundo Reproborum, est mortuus.

<sup>a</sup> Rom. 8. 34. Heb. 7. 25. <sup>b</sup> 1. Joh. 2. 1. <sup>c</sup> Joh. 17. 9. <sup>d</sup> Eph. 2. 23. ad 30. Rom. 11. 9.

XCII. Ideoque cum plurimi ex iis, qui mortis ipsius erant auctores, ad vitam essent electi; pro eorum etiam conversione, ac reconciliatione, Deum oravit, *Pater, remitte iis, nesciunt enim, quid faciant*<sup>a</sup>: & ut semper *Pater eum exaudiret*<sup>b</sup>: sic eos etiam, primum ad tria<sup>c</sup>, deinde ad quinque<sup>d</sup> usque millia, convertit, & in gratiam recepit.

<sup>a</sup> Luc. 23. 34. <sup>b</sup> Joh. 11. 42. <sup>c</sup> Act. 2. 22. cum 41. <sup>d</sup> Act. 3. 17. cum 44.

• XCIII. Quam

**XCIII.** Quum autem Electi, quos servare vult Deus, in omnibus hominum generibus (seu in omni gente, sexu, ætate, conditione) reperiantur: idcirco Apostolus ait; Christum se dedisse, redemptionis pretium, pro omnibus<sup>b</sup>, h. e. omnibus generibus hominum (seu quibuscumque) non singulis generum. Quomodo vox *omnis*, pro subjecti sui ratione, sapius cum alibi<sup>c</sup>, tum ter præterea, eodem in loco<sup>d</sup>, usurpatur.

<sup>a</sup> Apoc. 5. 9. & 7. 9. Gal. 3. 28. <sup>b</sup> 1. Tim. 2. 6. <sup>c</sup> Matt. 12. 31. Luc. 11. 42. <sup>d</sup> Act. 13. 10. Rom. 14. 2. <sup>e</sup> 1. Tim. 2. 8. & 11.

**XCIV.** Ideoque, in Evangelio quidem, jubentur omnes<sup>a</sup>, vera ac viva fide (seu, cum resipiscencia ac charitate, conjuncta<sup>b</sup>) credere Jesum, esse Christum, Filium Dei<sup>c</sup>: qui redemit, omnium verè fidelium Ecclesiam, suo sanguine<sup>d</sup>. Ad quam fidem, etiam Reprobi sunt obstricti: sed, quia nulli eorum, ob nativam corruptionem, ac culpam suam, hanc obedientiam Evangelio præstant<sup>e</sup> (quòd, aut lumine notitiæ careant<sup>f</sup>: aut illuminati, à Spiritu Sancto<sup>g</sup>, resipiscencia ac charitate, destituantur<sup>h</sup>) idcirco meritò, à Christo iudice, puniuntur<sup>i</sup>.

<sup>a</sup> Marc. 16. 15. 16. <sup>b</sup> Luc. 24. 47. Gal. 5. 6. <sup>c</sup> Ioh. 10. 31. Act. 8. 37. <sup>d</sup> Act. 10. 28. <sup>e</sup> Ioh. 6. 44. 45. & 10. 26. 1. Cor. 2. 14. <sup>f</sup> Eph. 4. 18. <sup>g</sup> Heb. 6. 4. <sup>h</sup> Ib. v. 8. <sup>i</sup> 1. Thef. 1. 8.

**XCV.** Ut verò quisquam, cum Paulo, nominatim, de Christi morte, credat ac dicat; *Qui dilexit me & tradidit seipsum pro me*<sup>a</sup>: illud, neque communi Evangelii sententiâ narratur, neque præcipitur: nec ullus certò credere tenetur, aut potest, nisi qui, fide viva, in Jesum Christum, pro Ecclesia mortuum, sit præditus, & inde (tanquam ex proprio effecto) de sui, ad vivam Christi & Ecclesiæ communionem, vocatione sit certus. Adeo ut, cum Paulo, etiam dicere queat; *Unà cum Christo crucifixus sum. Vivo autem non amplius ego: sed vivit in me Christus: & vitam, quam nunc vivo in carne, vivo, per fidem Filii Dei: ut sequentia addere possit; qui dilexit me, & tradidit seipsum pro me.*

<sup>a</sup> Gal. 2. 10.

**XCVI.** Hic enim fidei actus particularis: ex fidei vivæ (quam Evangelium omnibus præcipit) conscientia, necessariò consequitur. Ideoque, in descriptione fidei, eò modo adhiberi solet. Siquidem Evangelium, fundamentum ac Propositionem subternit; Qui viva fide credunt, Jesum esse Christum, Filium Dei, populi sui (seu omnium verè fidelium) servatorem, pro iis Christus est mortuus: conscientia verò ho-

minis fidelis (ex fidei suæ, cum fide Evangelio præscripta comparatæ, consensione comperta) *Assumptionis structuram* subministrat: ego autem viva fide, id credo: unde *Conclusionis fastigium* imponit; ergo Christus pro me est mortuus. Qualis Syllogismus ab August. proponitur<sup>a</sup>.

<sup>a</sup> Tom. 9. Tractat. 22. in Iohan.

**XCVII.** Quod autem falsos doctores fore ait Apostolus, *qui subintroducunt hæreses exitiales, etiam Dominum, qui illos mercatus est, abnegantes, accersentes sibi velox exitium*<sup>a</sup>: illud (ut & olim<sup>b</sup>, à nobis est demonstratum) Christi mortem, Reprobis communem, nequaquam reddit.

<sup>a</sup> 1. Pet. 2. 1. <sup>b</sup> Disput. de Euang.

**XCVIII.** Nam vox *diabolus herus*, ad Patrem sapius: ad Filium, vix uno in loco, relata: de illo, non de hoc, sermonem esse, indicat. Deinde *empti* etiam dicuntur, non pretioso sanguine; sed ratione externæ, in servos Dei, vocationis: qua illos, à mundi erroribus, & dissoluta scelerum licentia, ad externam Ecclesiæ disciplinam, adduxit, ac sibi, parte aliqua, acquisivit<sup>a</sup>. Unde, tales etiam, secundum quid, *filii regni*<sup>b</sup>, (quod, simpliciter acceptum, solis servandis convenit<sup>c</sup>) dici solent.

<sup>a</sup> Exod. 15. 17. Deut. 32. 6. <sup>b</sup> Mat. 8. 12. <sup>c</sup> Ib. 13. 38.

**XCIX.** Quoniam, ut vox, *acquirendi*, generalis, synecdochicè specialius pro *emptione*, sapius usurpatur<sup>a</sup>: sic vicissim specialis *emendi* dictio, generalius, pro *acquisitione*<sup>b</sup> (sicut relatione concinna, *venditio*, pro *traditione*) simili tropo, in Sacris literis, accipi consuevit<sup>c</sup>.

<sup>a</sup> Ezech. 24. 2. Jer. 32. 7. Prov. 20. 14. & 23. 23. Gen. 25. 9. cum Act. 7. 16. <sup>b</sup> Ezech. 55. 1. Ap. 3. 18. <sup>c</sup> Judic. 4. 2. 9.

**C.** Denique neque ullo in loco, Reprobi, sanguine Christi, sanctificati asseruntur. Nam, quod Apostolus ait; *Qui Filium Dei concularit, & sanguinem fœderis profanum duxerit, per quem fuit sanctificatus*<sup>a</sup>: nihil evincit. Nam (ut omittam quod sanguis fœderis, de Cœnæ poculo, utpote sacræ mento sanguinis<sup>b</sup>, & *sanctificatio*, de externa Ecclesiæ societate, à nonnullis intelligitur) verba illa non ad Christi adversarium, sed ad Christum, referuntur: qui, sanguine fœderis, fuit sanctificatus, hoc est, effusione sanguinis sui, sese Patri, in hostiam, pro peccatis Ecclesiæ, consecravit. Ut eodem sensu loquens ait; *Pro eis ego sanctifico meipsum: ut & ipsi sint sanctificati, in veritate*<sup>c</sup>. Quæ circumstantia, peccatum aggravat. Hactenus de morte Christi.

<sup>a</sup> Heb. 10. 29. <sup>b</sup> Matth. 26. 28. Luc. 22. 20. <sup>c</sup> Joh. 17. 19.

## COROLLARIA.

**1.** An certum sit, Christum vocari Ap. 13. 8. agnum mactatum, à constitutione mundi? *N.* quia cum *Arctha* dici potest; à constitutione mundi, non ad proxima verba, agni mactati: sed ad præcedentia, scripta sunt, referri: ut Ap. 17. 8. eodem sensu conjunguntur; *ὅτι ἡ πόλις ταύτη ἐστὶν ἡ πόλις τοῦ βασιλέως τοῦ οὐρανοῦ καὶ τῆς πόλεως τοῦ βασιλέως τοῦ οὐρανοῦ* quorum nomina, scripta non sunt, in libro vitæ, à constitutione mundi.

**2.** An etiam (si priori modo confirmatur) satis aptè, ad mactationis Christi destinationem: aut ad agni paschalis, aliorumque sacrificiorum, typos: aut ad pretii illius efficaciam, priscis patribus nobiscum communem (ut variè declarari solet) referatur? *N.* Quia scopus loci, mactandorum pro Christo, in vera patientia confirmatio, persuadet consolationem esse, à Christi, & Ecclesiæ, exemplò perpetuo, seu, ab agno mactato, non solum in se, sed etiam in membris suis, inde ab origine mundi. Qualis consolatio Heb. 12. 1. 2.

**3.** An rectè Pontificii doceant; Quòd Christus in cruce quidem, corpore ac sensibus, sustinuerit cruciatus: in anima verò rationali, non solum eorum fuerit expertus; sed etiam summo, ex vita æterna fruitione, gaudio fueris plenus? *N.* Quia Antichristiana est, passionis & dignitatis mortis Christi, mutilatio.

<sup>a</sup> Thomas Aq. Summæ par. 3. q. 46. art. 8. Melchior Canus loc. Com. l. 12. c. 14. Bellar. cont. t. 1. De Christo l. 4. c. 8.

**4.** Cui altera similis; qua contritionis capitis serpentis laudem (qua passioni & morti Christi propria est Heb. 2. 14.) ad matrem Christi referunt, & primum Evangelium, horrenda hac perversione, ipsa conteret caput tuum, corruerunt. Imo, in Bibliis regis Gen. 3. 15. vocem *hou*, ipse, in hi ipsa, eam ob causam, contra omnium codicum & antiquorum, consensum, profanè & ridiculè depravarunt: Quia vox conterendi He-

brae *Jelchouphcha*, masculini generis, eam sententiam ad mulierem nullo modo referri posse, perspicuè evincit.

**5.** An pia sit Hilarii sententia, quæ, in passione ac morte, laesum quidem esse Christum agnoscit: sed sine sensu doloris, sine metu mortis? *N.*

<sup>a</sup> Comment in Mat. Can. 31. & de Trin. l. 10. p. 208. &c. edit. Froben.

**6.** An Christus sit, pro bonis Angelis, mortuus: ut, aut novos eorum expiaret, aut sanctitatis perseverantiam eis acquireret? *Neg.* quia S. literis non probatur: nec Angelos assumpsit, Heb. cap. 2. v. 16. nec sani opus habent medico, Marc. c. 2. v. 17.

**7.** An reprobis absolutè teneantur credere, Christum pro ipsis mortuum? *N.*

**8.** An non saltem posita hac conditione, si viva in Christum fide essent præditi? *A.* Nam licet absolutè, & antecedens & consequens, sit falsum; consequentia tamen vera est: ut in hypothetica (Christi Ioh. 8. v. 55. si dixero, me cum (Patrem) non nosse, ero similis vobis mendax: & Pauli Gal. 1. 8. Si nos, aut angelus è cælo evangelizaverit vobis, præter id quod vobis evangelizavimus, anathema esto. Ex falso antecedente non verum consequens: sed vera consequentia oritur.

**9.** An voluntaria mortis Christi, pro nobis permissio, sit perfecta illius pro nobis justitia? *Neg.* quia pars tantum est universalis justitiæ Deo debita & pro nobis præstita, obedientia.

**10.** An rectè dicatur: quòd Christus sese voluntariè in manus hostium, tradidit, juxta vaticinium Isaïæ 53. 7. oblatum est, quia voluit? *N.* quia error est, ex vulgata versione: quem, fons Hebraeus consultus, diluit. Arctatus est & ipse afflictus.



**E**X libro, *Præceptoris Nicolai de Lyra*, excuso Coloniae per Hermannum Bungart. anno 1497.

*Interrogationes faciendæ, infirmo morienti.*

*Primo* interrogari debet; si credit omnia, quæ sunt fidei Christianæ? & respondeat; Credo. *Secundo*, si gaudet se mori, in fide Christiana? respondeat; Gaudeo. *Tertio* si recognoscit, se Deum multum offendisse? & respondeat; Recognosco. *Quarto*; si dolet, de omni Dei offensa? & respondeat; Doleo. *Quinto*; si proponit de cætero, ab omni offensa peccati mortalis, abstinere? & respondeat; divino auxilio mediante, propono. *Sexto*; si credit, se

meritis passionis Christi, & non propriis, ad gloriam pervenire? & respondeat tunc; Credo. *Ultimo* debet sibi dici; si occurrerit tibi inimicus Diabolus, semper ei opponas, merita passionis Christi. Amen. Hactenus ille.

Bellarminus de justific. l. 5. c. 7. Tertia propositio: Propter incertitudinem propriæ justitiæ, & periculum inanis gloriæ, *mississimum est fiduciam totam, in sola Dei misericordia, reponere.*

O quam verè (ut alicubi à Lactantio dictum)

*Veritas, ex invitiis pectoribus, erumpit:*

& Ecclesiarum nostrarum fidem, in ipsa morte confirmat.

## DISPUTATIO XIX.

### DE MERITO CHRISTI, EJUSQUE BENEFICIIS ERGA NOS.

**H**ic usque de Personâ & Officio Iesu Christi Mediatoris. Sequitur ut Meritum, quod Persona illa per Officium illud nobis acquisivit, consideremus.

#### THESIS I.

**V**ocabulum Meriti pro vario ad relatum suum respectu (est enim in categoriâ relationis) vel propriè, vel impropriè sumitur. Impropriè & figuratè capi debet, cum ad mercedem gratis datam<sup>a</sup>, citrà perfectam conditionis, à parte præmium promittente exactæ, præstationem, refertur. Ejusmodi meritum notatur, cum dicitur apud Evangelistam, Diligite inimicos vestros, &c. & erit merces vestra multa, ac Filii eritis Altissimi<sup>b</sup>. Etenim talis merces, seu præmium, non ex rigore legis, & jure debiti, quare neque ex merito propriè, sed ex acceptilatione gratiosâ Dei proficiscitur, & benevolâ tantum ipsius sponcione nititur: ita ut Deus hîc tanquam gratuitus remunerator in considerationem veniat. Propriè verò meritum de J. Christo *δικαιωσις* prædicari potest<sup>c</sup>, cum ex hypothese legis pactique divini, & plenâ muneris mediatorii perfunctione, citrà ullam conditionis in eo requisitæ omissionem, præstitit<sup>d</sup>, quod ad redemptionem nostrî præstare debebat. Atque ita relatio inter meritum & præmium, quæ hîc est, mutua est: quæ ibi, non-mutua.

<sup>a</sup> Rom. 4. 4. Matth. 5. 12. cum Rom. 6. 23. Matth. 5. 46. cum Luc. 6. 32. Luc. 6. 32. 33. 34. cum v. 35. <sup>b</sup> Luc. 6. 35. <sup>c</sup> Thomas Sum. p. 3. q. 48. a. 1. <sup>d</sup> Joann. 19. 30.

II. Neque verò meriti nomine gratia Dei evacuatur; e- quidem fatemur, si quis simpliciter & per se Christum judicio Dei opponere vellet, non fore merito locum, quia non reperiretur dignitas in homine quæ Deum promereri posset: at cum de Christi merito agimus, non statuimus in eo principium salutis: sed conscendimus altius usque ad Dei voluntatem & ordinationem<sup>a</sup>, quæ prima causa est, quia puro puto beneplacito suo mediatorem constituit, qui salutem nobis compararet. Atque ita meritum Christi misericordiæ Dei supponitur, non opponitur: sunt enim subalterna: subalterna autem non pugnare Logica docet. Quare nihil impedit, quominus gratuita sit hominum justificatio ex merâ Dei misericordiâ, & simul intercedat Christi meritum<sup>b</sup>, ita ut operum nostrorum causalitas aut concausalitas omnis & omnino excludatur<sup>c</sup>.

<sup>a</sup> Aug. 1. de Præd. 15. & de bono perf. c. ult. <sup>b</sup> Rom. 3. 24. 25. <sup>c</sup> Luc. 17. 10.

III. Est autem meritum Christi *integra & absoluta obedientia Filii Dei altissimi, qua à Patre, ad officium mediatorii in mundum hunc missus voluntati<sup>a</sup> ejus ultrò<sup>b</sup> ad mortem<sup>c</sup> usque & maledictionem<sup>d</sup> humiliando sese subiecit, legem perfectè implevit<sup>e</sup>, ac judicio Dei plenè satisfecit<sup>f</sup>, ut nos à mortis cum prima tum secunda xamæ<sup>g</sup> liberaret, & vitæ æternæ præmium nobis acquireret<sup>h</sup>.*

<sup>a</sup> Heb. 10. 7. 9. <sup>b</sup> Ioan. 10. 17. 18. Gal. 1. 4. Eph. 5. 2. 25. <sup>c</sup> Phil. 2. 8. <sup>d</sup> Gal. 3. 13. <sup>e</sup> Mat. 3. 15. 5. 17. Gal. 4. 4. <sup>f</sup> Ioan. 19. 30. <sup>g</sup> Gal. 3. 13. <sup>h</sup> Osee 13. 14. 1. Cor. 15. 54. Hebr. 2. 14. <sup>i</sup> Ioh. 10. 28. & 17. 2. Heb. 5. vers. 9.

IV. *Causa efficiens* meriti hujus gemina est, *justitia* sc. Dei, & *misericordia* ejus; illa, quâ iniquitatem, quam in

hominibus conspicit, impunitam relinquere non potuit<sup>a</sup>, ut justus judex: hæc, quâ, quod suum est, perdere in iis non voluit<sup>b</sup>, ut misericors Pater. Quare pro suâ inenarrabili sapientiâ *justitiam cum misericordiâ, & misericordiam cum justitiâ* inconfusè temperavit, & ad utriusque declarationem hoc salutis nostræ mysterium invenit in Filio dilectionis suæ: ut qui justificemur gratis, ejus gratiâ, per redemptionem factam in J. Christo, quem proposuit Deus placamentum per fidem in sanguine ipsius, ad demonstrandam justitiam suam per remissionem antecedentium peccatorum<sup>d</sup>. Atque ita evenit quod regius Propheta prædixerat; benignitas & fides occurrunt inter se, justitia & pax osculabuntur se<sup>e</sup>.

<sup>a</sup> Deut. 17. 26. Exod. 20. 5. Deut. 5. 15. Ps. 5. 6. 7. <sup>b</sup> Ioan. 3. 16. Ro. 5. 8. 10. 1. Ioan. 4. 9. 10. 11. <sup>c</sup> Rom. 8. 3. <sup>d</sup> Rom. 3. 24. 25. <sup>e</sup> Pl. 85. 11. Of. 2. 19.

V. *Causa efficiens* est J. Christus, Filius Dei<sup>a</sup> secundum divinitatem, Filius hominis<sup>b</sup> secundum humanitatem, mediator Dei & hominum<sup>c</sup>, magnus noster Pontifex<sup>d</sup>, & advocatus<sup>e</sup>, qui cum esset in formâ Dei, non duxit rapinam parem esse cum Deo, sed ipse se exinanivit, formâ servi acceptâ, similis hominibus factus, & habitu compertus ut homo, ipse se submisit, factus obediens usque ad mortem, mortem autem crucis<sup>f</sup>. Hic & solus hic causa meritoria salutis nostræ est: quâ de causâ appellat eum Paulus *ἀντιπρόσωπον* *δικαιοσύνης*, & Petrus *ἀντιπρόσωπον* *ζωῆς*<sup>h</sup>. ipseque de se pronunciat, *ἐγὼ εἰμι ἡ ὁδὸς*, *ἐγὼ εἰμι ἡ ζωὴ*, &c. *ἐγὼ εἰμι ἡ ζωὴ*<sup>k</sup>. Falluntur igitur & fallunt illi, qui Christum instrumentum duntaxat, & ministrum salutis, non etiam primarium ac promerentem plenissime, constituunt.

<sup>a</sup> Ioan. 6. 69. <sup>b</sup> Ioan. 6. 62. <sup>c</sup> 1. Tim. 2. 5. <sup>d</sup> Heb. 4. 14. <sup>e</sup> 1. Ioan. 2. 1. <sup>f</sup> Phil. 2. 6. 7. 8. <sup>g</sup> Hebr. 5. 9. Hebr. 2. 10. <sup>h</sup> Ad. 3. 15. <sup>i</sup> Ioan. 10. 9. <sup>k</sup> Ioan. 14. 6.

VI. *Materia, sive subiectum*, est idem J. Christus, qui & *causa efficiens* est, ipse enim & sacerdos noster est & victima; utpote qui in consummatione seculorum ad peccatum per immolationem sui ipsius patefactus est<sup>a</sup>, & per Spiritum æternum seipsum obtulit inculpatum Deo<sup>b</sup>, atque ita non per sanguinem hircorum & vitulorum, sed per proprium sanguinem ingressus est in sacrarium<sup>c</sup>. Cum Christum materiam statuimus, totum Christum, ut est *θεὸς ἁπλοῦς*, consideramus, non solam ejus divinam naturam, neque solam humanam: illa enim cum rerum omnium sit domina, atque per se & in se passa non sit, imò prorsus sit impatibilis<sup>d</sup>, nihil ab hac separata pro nobis mereri potuit: neque hæc ab illa separata quicquam potuit mereri, cum per se sit *ἀντιπρόσωπος*, propter eaque à λόγῳ in unitatem *ὑποστατικῆς* assumpta. Quemadmodum igitur actiones non ad naturam, sed ad personam referuntur, ita quoque meritum ex actionibus fluens, ad totum J. Christum, qui homo-Deus & Deus-homo in una personâ est, referri debet<sup>e</sup>.

<sup>a</sup> Heb. 9. 26. <sup>b</sup> Ibid. 14. <sup>c</sup> Ibid. 11. <sup>d</sup> Iac. 1. 17. <sup>e</sup> Aug. ad Pâsch. Epist. 174.

VII. Hic Christus totâ suâ exinanitione & spontaneâ submissione tam in *actione* quam in *passione* pro nobis satisfecit: tam

tam enim *actionem* <sup>a</sup> quam *passionem* <sup>b</sup> lex à nobis, quippe & ad imaginem Dei conditis, & debitoribus, requirebat, quæ bimembris cum esset, nempe *avouias* retributio per pœnæ sufficientis *λόγος*, ut legis violationi, & maledictionis anathemati satisfaceret (quam *justitiam passivam* vocamus) & *avouias* universalis & perfectæ, naturæ & vitæ, juxta legis postulatum, impletio (quæ *justitia activa* dicitur) idcirco meritum Christi duas hæc partes <sup>c</sup> integrales, non quidem tempore, naturâ tamen distinctas continere debuit. Alioqui juxta legem (quæ hic, ut tetrica & rigida hera, observanda attenditur) adhuc dum aut rei condemnationis, aut nondum vitæ hæredes essemus. Ideoque rectè utrumque connectitur à Prophetâ, expiatio iniquitatis, & adductio justitiæ perpetuæ <sup>d</sup>. Quos duos actus non quidem se jungi, omnino tamen inter se distingui oportet: nam inter utrumque esse potest innocentia, & justitia incompleta, saltem ratione durationis, qualis erat in primis hominibus ante lapsum, qui nec rei erant mortis, necdum tamen etiam jus habebant ad vitam.

<sup>a</sup> Deut. 6. 25. Lev. 18. 5. Rom. 2. 13. 10. 5. <sup>b</sup> Deut. 27. 26. <sup>c</sup> Mat. 3. 15. 5. 17. Rom. 5. 19. 10. 4. Gal. 4. 4. Phil. 2. 8. Hebr. 7. 26. <sup>d</sup> Dan. 9. 24.

VIII. *Passiva justitia* Christi est *voluntaria illa obedientia in passione ipsius fundata & sita* (quæ obedientia non tantum est secundum arbitrium ac peculiare mandatum, respectu Christi innocentis non promeriti, sed etiam respectu noxæ nostræ, & ipsius fidejussionis, juxta communis legis anathema <sup>a</sup>, ac secundum legis præceptum <sup>b</sup>, quæ pœnam Deo debitam rigidè exigunt.) Hæc passio complectitur, tum demissionem illam sui ipsius & humiliationem, quâ exinanivit se usque ad servi formæ assumptionem, tum perfectionem ejus quicquid mali ipsi accidit per vitæ universæ cursum, tum mortem ipsam ac sanguinis effusionem, tum etiam ineffabiles illos animæ cruciatus <sup>c</sup>, & horrendæ maledictionis ac divinæ iræ sensus <sup>d</sup>, quorum in horto præsentio facta: calcavit enim ipse lacum vini excandescentiæ & iræ Dei omnipotentis <sup>e</sup>; siquidem non tantum mortem corporalem, sed & execrationem nostram perferre debebat <sup>f</sup>. Hinc meritò nostrum *ἀπαρέωσθαι* <sup>g</sup>, & *πάσχειν* <sup>h</sup>, & *ἀντιδρῶναι* <sup>i</sup>, imò & *ἀνασταίνειν* <sup>k</sup>, & *καταλείπειν* <sup>l</sup> dicitur. Neque vero hæc Christi justitia est ipsamet legis justitia integra, utpote quæ etiam perfectam præstationem postulet, sed compensatione quadam, seu culpæ debiti, & pœnæ crediti inter se contributione, quasi primæva integritas.

<sup>a</sup> Deut. 27. 26. <sup>b</sup> Exod. 20. 5. Deut. 5. 15. <sup>c</sup> Esa. 53. 11. Marc. 24. 34. <sup>d</sup> Esa. 53. 4. 5. Psalm. 18. 5. 6. & 22. 7. 15. 16. & 69. 1. 2. & 116. 3. Matth. 27. 46. Hebr. 5. 7. <sup>e</sup> Apocal. 19. 15. <sup>f</sup> Gal. 3. 13. <sup>g</sup> Hebr. 9. 5. Rom. 3. 25. <sup>h</sup> 1. Cor. 5. 7. <sup>i</sup> Ioan. 1. 29. 36. <sup>k</sup> 2. Corinth. 5. 21. <sup>l</sup> Gal. 3. 13.

IX. *Activa Christi justitia* est *universalis & perfectæ à vitæ ipsius principio ad finem usque obedientia*, quâ secundum strictum præceptorum legis rigorem ambulavit, ab illis ne in minimo quidem siue internè siue externè recedens <sup>b</sup>; unde *καὶ ὁ ἴσχυς* <sup>c</sup> justus ille <sup>d</sup>, itemque *sanctus ille* <sup>e</sup>, *sanctus sanctorum* <sup>f</sup>, & *agnus inculpatus & incontaminatus* <sup>g</sup> vocatur: nisi enim vita ejus sancta, pura & innocens fuisset, legem non modò non implevisset, sed novis insuper transgressionibus violasset. Habet autem justitia hæc membra duo, nempe *justitiam originalem*, nostræ injustitiæ originali, & *justitiam æternalem*, nostræ injustitiæ actuali, oppositam; illa naturam Christi, hæc ejusdem vitæ concernit. Hæc gemina justitia Christi geminam nostram injustitiam suo modo tegit, non quidem reatum auferendo (hoc enim *justitia* ejus *passiva* competit) sed defectum integræ justitiæ supplendo, quam conditio vitæ consequendæ postulabat <sup>g</sup>. Quare non tantum *passiva* Christi *justitia*, sed etiam *activa*, h. e. neutra sola, sed utraque simul, justificationem nostram causat, illa peccati ablationem, hæc justitiæ collationem.

<sup>a</sup> Phil. 2. 8. <sup>b</sup> Esa. 59. 9. <sup>c</sup> 1. Pet. 2. 22. <sup>d</sup> 2. Cor. 5. 21. <sup>e</sup> Marc. 12. 14. <sup>f</sup> Luc. 20. 21. <sup>g</sup> Ioan. 8. 46. <sup>h</sup> Actor. 7. 52. 3. 14. <sup>i</sup> Ib. & Luc. 1. 35. <sup>j</sup> Dan. 9. 24. <sup>k</sup> 1. Pet. 1. 19. <sup>l</sup> Lev. 18. 5. <sup>m</sup> Deut. 6. 25.

X. At enimverò quia nihil *activæ justitiæ* promeritus fuisset Christus, nisi chirographum <sup>a</sup>, quod nobis adversum erat, cruci affixum è medio sustulisset, ac planè suâ morte, in quâ <sup>b</sup> integræ ipsius justitiæ colophon & coronis elucet, delevisset; hinc jure merito in *passivâ* ejus *justitiâ* (non tamen exclusâ *activâ*, sed synecdochicè inclusâ) umbonem fidei & galeam salutis ponimus <sup>c</sup>, ideoque etiam illuc afflictæ & trepidæ conscientiæ à S. Script. diriguntur <sup>d</sup>, & illinc contra ter-

fores legis, & Satanæ insultus consolatione afficiuntur <sup>e</sup>.

<sup>a</sup> Col. 2. 14. <sup>b</sup> Heb. 10. 14. <sup>c</sup> Rom. 8. 34. <sup>d</sup> Heb. 10. 19. <sup>e</sup> 1. Ioan. 1. 7.

XI. *Forma* est, tum voluntaria & plenissima suscepti à Christo, ex dispensatione œconomica divina, debiti nostri perfolutio, etenim morbos nostros ipse pertulit, & dolores ipsos nostros bajulavit <sup>a</sup>: tum legis perfectissima impletio, nam finis legis est Christus <sup>b</sup>.

<sup>a</sup> Esa. 53. 4. <sup>b</sup> Rom. 10. 4.

XII. *Finis* est, ut Deum, cui propter *avouias* nostram eramus omnes exosi, placaret <sup>a</sup>, & nobis vitæ æternæ jus, ac possessionem compararet <sup>b</sup>.

<sup>a</sup> Rom. 3. 25. 2. Cor. 5. 18. 19. Rom. 5. 10. <sup>b</sup> Heb. 9. 12.

XIII. Ex iis omnibus, quæ hactenus diximus, colligere licet, quænam apotelesmata, effecta, & beneficia ex merito Christi redundant, quæ *generaliter* spectata ad hæc ferè capita deduci possunt <sup>a</sup>. 1. *Liberavit nos à servili præstatione legis* <sup>b</sup>, quatenus ipse legem nobis latam & à nobis violatam perfectè adimplevit. 2. *Liberavit nos à peccato* <sup>c</sup> *ejusque servitute*, quatenus per eum redempti sumus <sup>d</sup>, & pro nobis peccatum factus est, ut nos fieremus justitia Dei in ipso <sup>e</sup>. 3. *Liberavit nos à potestate diaboli* <sup>f</sup>, quatenus remissa nobis sunt peccata, & Deo Patri reconciliati sumus, & temerariè in ejus mortem ille machinatus est <sup>g</sup>. 4. *Liberavit nos à reatu pœnæ* <sup>h</sup>, quatenus ejus meritum fuit superabundans pro peccatis satisfactio, & causa remissionis peccatorum, quibus homo pœnam merebatur. 5. *Liberavit nos ab irâ Dei* <sup>i</sup>, quatenus peccatum removet, & tradidit semetipsum pro nobis oblationem ac victimam in odorem bonæ fragrantiae <sup>k</sup>. 6. *Adaperuit nobis januam regni caelorum* <sup>l</sup>, quatenus non modò à peccato communi humanæ naturæ, quoad culpam & pœnam, sed etiam à peccatis specialibus singulorum nostrum <sup>m</sup>, liberati sumus.

<sup>a</sup> Thomas sum. p. 3. q. 49. <sup>b</sup> Gal. 4. 4. 5. <sup>c</sup> Apoc. 1. 5. <sup>d</sup> 1. Cor. 1. 30. <sup>e</sup> Heb. 9. 12. <sup>f</sup> 2. Cor. 5. 21. <sup>g</sup> 1. Ioan. 12. 31. <sup>h</sup> Matth. 4. 10. 11. <sup>i</sup> Gal. 3. 13. <sup>j</sup> Rom. 5. 9. <sup>k</sup> Eph. 5. 2. <sup>l</sup> Heb. 10. 19. <sup>m</sup> 1. Ioan. 1. 7.

XIV. *Specialiter* verò considerata, multa, imò infinita sunt <sup>a</sup>. Si enim *Salus* quaeritur, ipso nomine Jesu docemur penes eum esse <sup>b</sup>: si *spiritus*, alia quælibet dona in unctione ejus reperientur: si *fortitudo*, in ejus dominio: si *puritas*, in ejus conceptione: si *indulgentia*, in ejus nativitate se profert, qua factus est nobis per omnia similis, ut condolefcere disceret <sup>c</sup>: si *sanctitas & innocentia*, in ejus vitâ: si *redemptio*, in ejus passione: si *absolutio*, in ejus damnatione: si *maledictionis remissio*, in ejus cruce: si *satisfactio*, in ejus sacrificio: si *purgatio*, in ejus sanguine <sup>d</sup>: si *reconciliatio*, in descensu ad inferos: si *mortificatio carnis*, in ejus sepulchro <sup>e</sup>: si *vita novitas*, in ejus resurrectione <sup>f</sup>: si *immortalitas*, in eadem: si *hereditas regni caelestis*, in cœli ingressu: si *praesidium*, si *securitas*, si *bonorum omnium copia & facultas*, in ejus regno: si *secura judicii expectatio*, in potestate judicandi illi traditâ <sup>g</sup>. Denique in ipso thesauri omne genus bonorum cum sint, inde ad satietatem hauriantur, non aliunde <sup>h</sup>.

<sup>a</sup> Calvin. Inst. 1. 2. c. 16. 5. 19. <sup>b</sup> Act. 4. 12. <sup>c</sup> Matt. 1. 21. <sup>d</sup> Heb. 2. 17. 18. <sup>e</sup> 1. Ioan. 1. 7. <sup>f</sup> Col. 2. 11. 12. <sup>g</sup> Ibid. & 3. 1. <sup>h</sup> Iac. 5. 8. <sup>i</sup> Ioan. 4. 14. & 7. 37. <sup>j</sup> Apoc. 21. 6.

XV. Quanquam autem hoc meritum Christi *subjectivè* sit in ipso, *objectivè* tamen in nobis est, fitque nostrum duplici applicatione, *divinâ* sc. & *nostrâ*. Illâ, quâ Pater Filii sui meritum nobis imputat <sup>a</sup>, propterque id nos à culpa & à reatu absolvit <sup>b</sup>, proque justis reputat <sup>c</sup>, perinde quasi pœnam peccato debitam nos ipsi luisset, nosque ipsi legem præstitissemus <sup>d</sup>. Hâc, quâ meritum illud per fidem apprehendimus, & nobis appropriamus <sup>e</sup>. *Utriusque* autor Deus est, qui non tantum meritum applicandum offert, verum etiam fidem applicantem confert <sup>f</sup>.

<sup>a</sup> Esa. 53. 4. <sup>b</sup> Ibid. 5. <sup>c</sup> 1. Cor. 1. 30. 2. Cor. 5. 21. <sup>d</sup> Eph. 5. 26. 27. <sup>e</sup> Rom. 3. 25. 10. 10. <sup>f</sup> Rom. 12. 3. Phil. 1. 29. Hebr. 12. 2. 1. Cor. 12. 9. 2. Cor. 4. 13.

XVI. Quare meriti hujus vim & *coëfessionem* non ad universum corpus hominum, sed tantum ad corpus illud mysticum fidelium pertinere statuimus <sup>a</sup>, qui ut viva membra capiti suo Christo per Spiritus S. gratiam prævenientem <sup>b</sup>, & in omni vitâ concomitantem <sup>c</sup>, unita manent <sup>d</sup>, ac denique per gratiam ejusdem perseverantem <sup>e</sup>, in hac beneficiorum Christi communionem sanctè vivunt ac moriuntur.

<sup>a</sup> Ioan. 3. 16. 36. <sup>b</sup> Ioan. 6. 44. 65. <sup>c</sup> Ioan. 14. 16. 17. <sup>d</sup> Ioan. 6. 56. <sup>e</sup> Heb. 12. 2. 13. 21.

XVII. Unde verò sit illa Christi meriti dispensatio, & cur fide-

fidelibus tantum, ac non singulis hominibus ipso actu conferratur, causa Deus est, qui cum sit liberrimum agens, & sapientissima mens, conditionem fidei prærequirere voluit<sup>a</sup>. Causa eventus sunt homines ipsi, qui plus amantes tenebras quam lucem<sup>b</sup>, in hoc euangelium fidei, tanquam in lapidem offendiculi, sua incredulitate impingunt<sup>c</sup>, ac Filium Dei conculcantes, & sanguinem fœderis profanum ducentes<sup>d</sup>, sermonemque Dei repellentes, indignos seiplos decernunt æternâ vitâ<sup>e</sup>, & accersunt sibiipsis velox exitium<sup>f</sup>.

<sup>a</sup> Rom. 3. 25. <sup>b</sup> Joan. 3. 19. <sup>c</sup> Rom. 9. 32. <sup>d</sup> Hebr. 10. 29. <sup>e</sup> Act. 13. 46. <sup>f</sup> 2. Pet. 2. 1.

XVIII. Cæterum quotquot jam inde ab initio mundi salvi facti fuerunt, hodieque salvi fiunt, & ad finem usque mundi salvi fient, illi omnes per hoc Christi meritum, fide per operationem Spir. S. apprehensum, servati sunt<sup>a</sup>, servantur, & servabuntur: est enim J. Christus heri, & hodie idem, &

in secula<sup>b</sup>: estque ipse agnus ille mactatus jam inde à jactō mundi fundamento<sup>c</sup>. Cui merenti, cum Patre meritum præparante, & Spiritu S. meritum nobis per fidem applicante, sit honos & gloria sempiterna. Amen.

<sup>a</sup> 1. Cor. 10. 1. 2. 3. 4. <sup>b</sup> Eph. 4. 5. <sup>c</sup> Heb. 13. 8. <sup>d</sup> Apo. 13. 8. <sup>e</sup> 1. Pet. 1. 19. 20.

### CONSECTARIUM.

An piorum anima ante Christum ipsius merito in cælo fuerint? Aff.

Leo Papa in Sermon. VII. Mensis.

Effusio pro injustis sanguinis iusti tam potens fuit ad privilegium, tam dives ad pretium, ut, si universas captivorum in Redemptorem suum crederet, nullum tyrannica vincula retinerent.

## DISPUTATIO XX.

### DE SESSIONE CHRISTI AD DEXTRAM DEI.

**Q**vacunque, ad seriam rerum indaginem, divina veritatis cultores, stimulare solent, ea sanè, in illustri hac, de sessione Christi ad dextram Dei, materia concurrere comperimus. Vt enim sublimitas & fructus illius est singularis: sic ejusdem quoque difficultas, variis, veterum & recentium theologorum, controversiis agitata, clarissime clucet. Adeo, ut quidam in hac re omnino fluctuent<sup>a</sup>: alii etiam questionem hanc inexplicabilem<sup>b</sup>, judicant. Ac propterea, non alienum fore, arbitramur; si genuinam gravissimi hujus dogmatis, sententiam, à vocibus ad rem progressi, paucis enucleemus, & in publica hujus Academia palestra, ventilandam proponamus.

<sup>a</sup> Vide Bellar. De Christo l. 3. c. 15. Maldon. comment. in Mar. 16. & Johan. 1. <sup>b</sup> Cyrillus catech. 14. apud Maldon. ibid.

#### THESES. I.

**V**oces autem, hoc loco observandæ, occurrunt duplices: partim disjunctæ: partim conjunctæ. Illæ sunt, *dextera* & *sedere*. *Dextera*, Hebraicè *jamin*:

Græcè, *δεξιὰ* nuncupatur: origine & significatione consentanea. De quibus, paulò uberius, in rudiorum gratiam, differemus: ut eadem operâ, & proposita doctrina, & plurima Sacræ scripturæ loca, magis illustrentur.

II. Hebræa autem vox *jamin*, ab *amán* firmare<sup>a</sup>, deducta, propriè dexteram animalis partem, lævæ oppositam concinnè designat<sup>b</sup>: quòd in ea, firmitas ac robur animalis potissimum consistat<sup>c</sup>: & ab eadem, progressus existat initium<sup>d</sup>. Impropiè verò, trifariam usurpatur.

<sup>a</sup> Forster. lex. Heb. <sup>b</sup> Jud. 3. 15, 16. Ex. 29. 22. Zach. 11. 17. <sup>c</sup> Plinius nat. Hist. l. 7. c. 17. <sup>d</sup> Arist. 2. de Cælo, c. 2.

III. Primum per metonymiam, cum *generalius*, pro loco quovis, ad dexteram sito<sup>a</sup>: tum *specialius*, pro regione australi<sup>b</sup>: quòd ea, spectantibus Orientem (quæ *kedem*<sup>c</sup> anterior pars: ut occidens, *achor*<sup>d</sup>, posterior, in Scriptura, nominatur) posita sit ad dexteram<sup>e</sup>. Deinde, per synecdochen, manum dexteram<sup>f</sup>, tanquam primarium, dexteræ partis, membrum designat.

<sup>a</sup> Gen. 13. 9. 2. Sam. 2. 21. <sup>b</sup> Psal. 89. 13. <sup>c</sup> Gen. 11. 2. Esa. 9. 12. <sup>d</sup> Esa. 9. 12. <sup>e</sup> Epiph. contra secundianos Hæres. 32. <sup>f</sup> Gen. 48. 14. 18.

IV. Denique per metaphoram, *duobus modis*, alio transfertur. Quorum prior est, ut vires ac potentiam<sup>a</sup>, significet. Qua etiam ratione, is, ad *dexteram* hominis, stare dicitur; qui vires illius, vel propugnat amore<sup>b</sup>: vel oppugnat odio<sup>c</sup>. Posterior est, cum effectum virium, seu præsidium atque auxilium<sup>d</sup>, designat. Quæ etiam metaphora, Latinis trita: sicut Poëta: *dextram dare*<sup>e</sup> dixit: & Orator, addita, metaphoræ expositione, ait; *tendit dextram Italia: suumque ei præsidium pollicetur*<sup>f</sup>.

<sup>a</sup> Psal. 144. 8. <sup>b</sup> Psal. 16. 8. & 109. 31. <sup>c</sup> Psal. 109. 6. <sup>d</sup> Lam. 2. 3. <sup>e</sup> Virgil. Æneid. 6. <sup>f</sup> Cicero in Ant. Philip. 10.

V. Atque huic voci Hebrææ *jamin*, respondent Græcæ *δεξιὰ* & *ἡ δεξιὰ*, substantivè accepta. Nam, ut *δεξιὰ μίση*<sup>a</sup>, partes dexteræ; & eodem sensu, absolute *δεξιὰ*<sup>b</sup> dextera nominantur: sic *ἡ δεξιὰ χεὶρ*<sup>c</sup>, *δεξιὰ σπῆν*<sup>d</sup> dextera manus, dextera maxilla, & absolute ac synecdochicè *ἡ δεξιὰ*<sup>e</sup> dextera, pro dextera manu, dici solet.

<sup>a</sup> Ioh. 11. 6. Arist. problem. sect. 6. <sup>b</sup> Matth. 10. 21, 23. & 27. 38. <sup>c</sup> Mar. 5. 30. <sup>d</sup> Mat. 5. 39. <sup>e</sup> Mar. 6. 3.

VI. Origo autem vocis *δεξιὰ*, est *ἵστημι* *δεξω*<sup>a</sup>, accipio: quoniam, ut ea, viribus naturâ potior est, quàm sinistra;

ita quoque, ad acceptionem, magis est idonea<sup>b</sup>. Τοῦ γὰρ δεξιῆς, πάντα πρὸς τὴν ζωὴν, ἀδελφὸν ἔχον. parte enim dextera, efficaciora sunt, suapte natura, animalia omnia.

<sup>a</sup> Eustath. in Iliad. β. & Etymol. mag. in *δεξιὰ*. <sup>b</sup> Etym. ibid. <sup>c</sup> Arist. de part. animal. l. 4. c. 8.

VII. A qua re, altera, nonnihil argutior, etymologia, non abludit: quod *δεξιὰ*, dicta sit, quasi *δεξιὰ πρὸς ὅσα δὲ πρὸς πᾶσι*<sup>a</sup>, quod pleræque, per eam & actiones procedant ac peragantur. Quemadmodum, è contrario, sinistram, *σκαυὴ* (scævam) vocant: *σκαυὴ γὰρ ἔχῃ*, *ὡς τὸ πρὸς ἑμὲ*<sup>b</sup> quippe, ad actiones, inepta est. Ideoque, per antiphrasin, *ἀνυμνὸς* boni-nominis: ac similiter, *ἀεστερὸς*, *τὸ ἐκ ὅσων ἀεστῶν*<sup>c</sup> *ἀλλὰ τῇ ἰσχυρίᾳ καὶ κρείττει*<sup>d</sup> optimam, quæ optima non est: sed alteri (dexteræ) inservit. Quia *φύσις βέλτοις*, *τότε δεξιὴ ἀεστερὸς*<sup>e</sup> dexterum, natura etiam melius est, sinistro. Quocirca, dexteram olim, fidei firmandæ, quasi testem certum, consecrarunt<sup>f</sup>.

<sup>a</sup> Etymol. mag. in *δεξιὰ*. <sup>b</sup> Etymol. mag. in *σκαυὴ*. <sup>c</sup> Ibid. in *ἀεστερὸς*. <sup>d</sup> Arist. l. de insectu animal. cap. 4. <sup>e</sup> Plin. nat. Hist. lib. 11. cap. 45. Gal. 2. v. 9.

VIII. Qua etiam de causâ, Græcis *δεξιὴς*<sup>a</sup>, ut Latinis dexter, peritum, ac rebus agendis idoneum faustumque, metaphoricè designat: ut contra *σκαυὴς*<sup>b</sup> & lævus<sup>c</sup>, imperitum atque infaustum<sup>d</sup>: & *ἀεστερὸς* sinistra, *τὸ μωρὸν*<sup>e</sup> stulta, significat. Quo etiam modo, à sapiente Hebræo, *cor sapientis*, ad dexteram ipsius: at stulti cor, ad sinistram ipsius esse<sup>f</sup>, asseritur, Confer, cum Eccles. 2. 14. & Prov. 17. 24.

<sup>a</sup> Aristoph. *ἑφελαις*. Pollux l. 2. c. 4. <sup>b</sup> Aristoph. *ἑφ*. <sup>c</sup> Virg. d. Scholiast. in Aristoph. *ἑφ*. <sup>d</sup> Sophocles Ajax & Scholia. <sup>e</sup> Eccl. 10. 2.

IX. A qua voce *δεξιὰ*, eodem significato, per epenthesein ac pleonasmum<sup>a</sup>, *δεξιτερὴ*<sup>b</sup>, & *δεξιτερῶς*, profluxit: unde per syncope, Latina vox, *Dextera*, propagata est. Atque hæc quidem, de voce prima: cui altera, paucis explicanda, succedit.

<sup>a</sup> Eustath. Iliad. λ. <sup>b</sup> Homer. Iliad. α. & Apollinar. in Psal. 110.

X. Sedere, in hac, de sessione Christi ad dexteram Dei, doctrina, in sacris literis Hebraicè est *laschabb*<sup>a</sup>: Græcè *καθίζω*<sup>b</sup>, & *καθήμενος*<sup>c</sup>. Quorum prioris origo, est à *καθήμενος* de, & *καθήμενος* sedeo<sup>d</sup>, aut sedere facio<sup>e</sup>: & similiter propriè desidero<sup>f</sup>: aut desidero facere<sup>g</sup>, designat. Posterioris verò notatio, est à *καθήμενος* de, & *καθήμενος* sedeo: quod ab *καθήμενος* synonymo suo promanat<sup>h</sup>. Latinum verò sedeo, à sedes: quod à Græco *ἵδω* solum, sella (ut hoc rursum ab *ἵδω* sedeo<sup>k</sup>: quod etiam, ab *καθήμενος* per pleonasmum<sup>l</sup>, ortum<sup>l</sup>) derivant.

<sup>a</sup> Psal. 110. 1. <sup>b</sup> Mar. 16. 19. <sup>c</sup> Mat. 22. 44. <sup>d</sup> Homer. II. β. vers. 769. <sup>e</sup> Ib. v. 53. <sup>f</sup> Mar. 16. 19. <sup>g</sup> Hom. II. γ. <sup>h</sup> Eph. 1. 20. <sup>i</sup> Hom. II. ζ. <sup>j</sup> Etymol. mag. in *καθήμενος*. <sup>k</sup> Idem. in *ἵδω*. <sup>l</sup> Id. in *ὀφθαλμὸς*. <sup>m</sup> Id. in *ὀφθαλμὸς*.

**XI.** *Improprie* verò, tropoduplici, usurpatur. *Primum enim per synecdochen*, sessionem; unà cum honore ac potestate, significat. Quemadmodum, & septem Persidis principes, dicuntur *sedisse primi, in regno*<sup>a</sup>; quod in consensu & consilio ac iudicio regni, primas obtinerent: & *sedens in solio*<sup>b</sup>, regnantem, ac solio utentem, designat. *Deinde, per metaphoram* sedendi vox, pro quiescere<sup>c</sup>, manere ac residere, seu commorari<sup>d</sup>: aut *præsidere*<sup>e</sup>, seu regere ac iudicare<sup>f</sup>, usurpatur. Quo etiam tropo *sedes*<sup>g</sup>, gloriam ac potestatem: & *sedere*<sup>h</sup>, sedere, facere iudicem ac præsidentem litis dirimendæ, statuere, denotat. Hinc Augustinus *sedere ergo quod dicitur Deus, non membrorum positionem; sed iudiciariam significat potestatem*.

<sup>a</sup> Esther. 1. 14. <sup>b</sup> 1. Reg. 8. 15. <sup>c</sup> Mich. 4. 4. Zach. 1. 11. <sup>d</sup> 1. Reg. 2. 38. <sup>e</sup> Act. 18. 11. <sup>f</sup> Psal. 119. 10. <sup>g</sup> 1. Sam. 2. 8. <sup>h</sup> Psal. 9. 5. 8. & 47. 9. <sup>i</sup> Psal. 45. 7. Luc. 1. 52. <sup>j</sup> 1. Cor. 6. 4. <sup>k</sup> De fide & symb. c. 7.

**XII.** Utenim sessio, quieti ac moræ, idonea: sic etiam in regimine & consiliis ac iudiciis, pro more<sup>a</sup>, & quodammodo lege<sup>b</sup> (ad maiorem cognitionis ac iudicii maturitatem, & iudicis auctoritatem) observari solet. Unde etiam, *sessiones iudicum*, dicitur: & iudices non solum *assessores*; sed etiam metonymicè, *arbitri*<sup>c</sup> confessus, appellantur. Ideoque *sedere*, pro iudicare<sup>d</sup>, à Latinis quoque usurpatum. Sed vocibus hisce *disjunctis*, plus satis explicatis, ad *conjunctas phrasi*, procedamus.

<sup>a</sup> Exod. 18. 13. <sup>b</sup> Psal. 112. 5. <sup>c</sup> Prov. 20. 8. <sup>d</sup> Ioh. 19. 13. <sup>e</sup> Act. 6. 15. & 23. 3. <sup>f</sup> Decretal. 6. de sent. & rejudic. c. 5. <sup>g</sup> Mar. 16. 59. <sup>h</sup> Act. 5. 21. <sup>i</sup> Cic. pro Cluent. & in Vatinium: & ibid. Govea. Budæus Forensib.

**XIII.** *Sedere enim ad dexteram* (præsertim regis) *proprie* ad quietam & honorificam, corporis desidentis, positionem refertur<sup>a</sup>. Quo modo mater Salomonis, ad filii sui, solio insidentis, dexteram, honoris ergò, proxima confedit<sup>b</sup>. *Improprie* verò, *bisariam* usurpatur: cum de regis dextera, agitur.

<sup>a</sup> Ecclesiastici 12. 12. <sup>b</sup> 1. Reg. 2. 19.

**XIV.** *Primo enim per synecdochen*, præter honorificam huiusmodi sessionem, conjunctam etiam gubernandi potestatem designat: sicut in illa petitione, ad Christum, facta; *dic ut sedent, isti duo filii mei, unus, ad dexteram tuam: alter, ad sinistram, in regno tuo*<sup>a</sup>. Quali fere modo, Ecclesia gloriosa, reginæ instar, ad dexteram Christi, sponsi sui ac iudicis, non autem Dei Patris, collocanda describitur<sup>b</sup>: & fideles, unà cum Christo, sedere in cœlestibus<sup>c</sup>: seu, beatè quiescere, in primitiis sui capitis, & spe certa<sup>d</sup>, asseruntur.

<sup>a</sup> Matt. 20. 21. <sup>b</sup> Mar. 10. 37. <sup>c</sup> Psal. 45. 10. <sup>d</sup> Mat. 25. 33. <sup>e</sup> Eph. 2. 6. <sup>f</sup> Ioh. 14. 3. <sup>g</sup> Rom. 8. 24. <sup>h</sup> 2. Tim. 2. 11, 12.

**XV.** *Deinde per metaphoram*, proximam à rege gloriam & regendi potestatem, designat: similitudine quadam, à communi regum more, ducta<sup>a</sup>: qui eum, quem cæteris omnibus, in regno suo, gloriæ ornamentis, ac potestate, anteponebat, & cui, regni sui gubernationem, committere voluit, proximè, ad dexteram suam collocare, consueverunt. Quo etiam modo *Christus, ad dexteram Dei; sedere*<sup>b</sup>, esse<sup>c</sup>, stare<sup>d</sup>, in Sacris literis, apta translatione, asseritur. Siquidem cum *Deus sit Spiritus*<sup>e</sup> (seu essentia incorporea) necessariò dextera, propriè accepta, est expers: ideoque ad eam, non nisi improprie, federi potest. Hisce de *vocum & Phrasis* usu præmissis: de re ipsa nobis tandem est differendum: eaque definitionis propositione, & expositione, non nihil illustranda ac munienda.

<sup>a</sup> Hieron. in comment. ad Eph. 1. <sup>b</sup> Psal. 110. 1. <sup>c</sup> Rom. 8. 34. <sup>d</sup> Psal. 110. 5. <sup>e</sup> d. Act. 7. 55. <sup>f</sup> Ioh. 4. 24.

**XVI.** *Sessio autem Christi, ad dexteram Dei*, hoc modo definiri potest: *propria, ac debita ipsius, post ascensionem in cælum, in persona gloria, & regio officio, à Deo Patre, secundum veritatem & iustitiam, in æternum, exaltatio: ad perfectam Ecclesie salutem, & Dei Patris gloriam*. Quæ definitio, *causarum*, & *accidentium*, declaratione, distinctè est retinenda.

**XVII.** *Causa efficiens* sessionis huius, vel propinqua est: vel remota. *Propinqua*, est Deus Pater: edicto<sup>a</sup> ac facto suo<sup>b</sup>: *remota* verò, aut est *causa interna* & externa: quæ in infinita humiliationis Filii Dei, ad mortem usque crucis, dignitate, consistit<sup>c</sup>: aut *causa externa* atque interna; quæ, Dei Patris, veritate, & iustitia, continetur.

<sup>a</sup> Psal. 110. 1. <sup>b</sup> Matth. 22. 44. <sup>c</sup> Eph. 1. 20. <sup>d</sup> Psal. 8. 5. <sup>e</sup> Heb. 2. 7, 8, 9. <sup>f</sup> Act. 2. 33, 34. <sup>g</sup> Ap. 5. 9, 12, 15. <sup>h</sup> Heb. 12. 2. <sup>i</sup> Phil. 2. 6, 7, 9.

**XVIII.** Quorum illa quidem, accuratam executionis rei<sup>a</sup>,

cum decreto & prophetia Dei<sup>b</sup>, convenientiam: *hæc* verò, debitam Filio Dei, pro minimè debita humiliatione & ignominia<sup>c</sup>, gloriæ & honoris coronam, flagitabat<sup>d</sup>. Quæ, licet humanæ naturæ consideratione, dicatur gratuita<sup>e</sup>: pactitamen ac promissi ratione, debita<sup>f</sup>; & personæ infinitæ, ac summè humiliatæ, valore ac jure<sup>g</sup>, *merita* non immerito, censetur. Hæc de *causa efficiente*.

<sup>a</sup> Act. 2. 36. <sup>b</sup> 1. Cor. 15. 1. <sup>c</sup> Psal. 110. 1. <sup>d</sup> Act. 2. 34. <sup>e</sup> Esa. 53. 4, 5, 9, 10, 11. <sup>f</sup> 1. Pet. 2. 22, 24. & 3. 18. <sup>g</sup> Heb. 2. 9. & 12. 8. <sup>h</sup> Ap. 2. 21. <sup>i</sup> Thes. 1. 6, 7. <sup>j</sup> Phil. 2. 9. <sup>k</sup> Esa. 53. 10. <sup>l</sup> Lev. 18. 5. <sup>m</sup> Rom. 10. 4, 5. <sup>n</sup> Act. 20. 28. <sup>o</sup> Ioh. 17. 5. <sup>p</sup> Heb. 1. 8, 9. & 9. 14. & 12. 1. <sup>q</sup> Esa. 53. 10, 12. <sup>r</sup> Phil. 2. 6, 7, 8, 9. <sup>s</sup> Apoc. 5. 9, 12, 13.

**XIX.** *Materia* verò *subjecta*, sessionis huius ad dexteram Dei, propria, est sola Christi persona<sup>a</sup>. *Persona* quidem, non partim; sed omnino ac simpliciter. Quia, secundum utramque naturam, distinctè ac suo utrimque modo, convenit: ut, reiforma, & effecta illius, perspicuè demonstrant. *Sola* verò; quia solus, est *Immanuel*<sup>b</sup>, & *Deus homo*: solusque, rex Ecclesiæ gloriosus constitutus<sup>c</sup>. Cujus, hoc est privilegium, quod nulli est commune: neque ulli, siue mero Deo, siue meræ creaturæ, communicari potest.

<sup>a</sup> Heb. 1. 13. <sup>b</sup> Matth. 1. 23. <sup>c</sup> Psal. 2. 6. & 11. 1, 2. <sup>d</sup> Act. 2. 33, 36. <sup>e</sup> Eph. 2. 10, 12.

**XX.** *Non mero Deo*; quoniam, ob beatitudinem<sup>a</sup> immutabilem<sup>b</sup>, & infinitam suam perfectionem (quæ est altissimus<sup>c</sup>, *schaddai*<sup>d</sup>, nullius indigus, sibi abundè sufficiens) exaltari, ac beatorum reddi, nequit. *Nec mera creatura*; quia illa ob perfectionem suam, mutabilem ac finitam, Deo infinito, gloriæ æquiparari, non potest. Quæ ambo, in sessione ad dexteram Dei (ut sequentia ostendent) distinctè comprehenduntur. Hæc quidem, de *materia*.

<sup>a</sup> 1. Tim. 6. 15. <sup>b</sup> Iac. 1. 17. <sup>c</sup> Psal. 9. 9. <sup>d</sup> Gen. 17. 1. <sup>e</sup> Act. 17. 25. <sup>f</sup> Rom. 11. 35, 36. <sup>g</sup> Esa. 42. 8. & 48. 11.

**XXI.** *Forma* verò est *duplex*; communis & propria. *Communis*, est personæ Christi exaltatio<sup>a</sup>, seu glorificatio<sup>b</sup>, hoc est, ex humiliori statu, in gloriosum evectio: quæ pluribus rebus convenit. *Alia* enim est, ex conditione mortali, ut resurrectio: quæ glorificationis est initium: *alia* verò, ex immortalitate; ut in cælum ascensio; quæ est gloriæ progressus: & sessio ad dexteram Dei; quæ apex glorificationis, ac coronis existit.

<sup>a</sup> Esa. 52. 13. <sup>b</sup> Phil. 2. 9. <sup>c</sup> Ioh. 7. 39. & 17. 5.

**XXII.** *Propria* verò *forma*, exaltatione ac glorificatione, peculiari ac bimembri, continetur. *Alia* enim est, ratione personæ ipsius; *alia*, ratione officii regii. Utramque eleganter complexus est propheta, his verbis; *Reportaturus est decorem, & sedurus ac dominaturus in solio ipsius*<sup>a</sup>. Ac prior pars, vel immediata est: vel mediata.

<sup>a</sup> Zach. 6. 13.

**XXIII.** *Immediata* personæ Christi glorificatio, est proxima Deo naturæ illius humanæ, supra omnes creaturas, beatitudo<sup>a</sup>. Quæ, in summa perfectionis & gaudii, animi ac corporis, excellentia, consistit. Quo etiam spectat, illud Augustini; *Ad dexteram ergo intelligendum est, dictum esse, in summa beatitudine: ubi iustitia, & pax, & gaudium est*<sup>b</sup>.

<sup>a</sup> Psal. 45. 8. <sup>b</sup> Rom. 8. 19. <sup>c</sup> L. 3. de nde & symb. c. 7.

**XXIV.** *Perfectio animæ*, est scientiæ illius & potentia, ad summum usque gradum, amplificatio: quæ sanctitati pristinae (quæ ab ortu fuit ac mansit perfecta) accessit. *Corporis* verò *perfectio*, summum robur, & pulchritudinem, forma ac splendore eximiam<sup>a</sup> (quæ gloria<sup>b</sup> ipsius, synecdochicè dici solet) completitur. Cujus præludium & umbra, in statu humili antecessit<sup>c</sup>.

<sup>a</sup> Psal. 45. 3. <sup>b</sup> Luc. 9. 26. <sup>c</sup> Psal. 97. 6. <sup>d</sup> Ioh. 17. 24. <sup>e</sup> Phil. 3. 21. <sup>f</sup> Matth. 17. 1. <sup>g</sup> 1. Pet. 1. 10.

**XXV.** Quæ etiam ratione, sessionem Christi ad dexteram Dei, oculis percipi posse, Sacre literæ attestantur. *Videbitis* (inquit Christus) *Filium hominis, sedentem à dextris Dei*<sup>a</sup>: & Stephanus; *video cælos apertos, & Filium hominis, stantem à dextris Dei*<sup>b</sup>.

<sup>a</sup> Matth. 26. 64. <sup>b</sup> Act. 7. 56.

**XXVI.** Gaudium vero utriusque, animæ & corporis Christi, est illius suavissima, ex Dei visione, & perfectionis suæ scientia ac sensu<sup>a</sup>, affectio. De quo suo gaudio, in sessione, ad dexteram Dei, comprehenso, gloriatur Christus, hoc modo; *Scire facies me, semitam vitæ: satiety gaudiorum, est cum vultu tuo: delectationes sunt in dextera tua, in seculum*<sup>b</sup>.

<sup>a</sup> Esa. 53. 11. <sup>b</sup> Psal. 45. 8, 9. <sup>c</sup> Psal. 16. 11.

XXVII. De



XXVII. De quo etiam gaudio, tanquam obedientiae in terris peractae, praemio, loquitur Psaltes; *Dilexisti iustitiam, & odisti iniquitatem. Propterea unxit te Deus, Deus tuus, oleo exultationis, praefortibus tuis*<sup>a</sup>. Hæc enim, non est unctio gratiae, in terris: sed gloriae, in caelis. Illa enim ad humilem luctus sortem, cuius ratione, *vir dolorum, & familiaris morbo*, appellatur<sup>b</sup>: hæc verò ad beatam, omnique luctus expertem conditionem, pertinet (metaphorâ, ab hilaribus festisque conviviis, deductâ<sup>c</sup>) ut tota Psalmi, de glorioso Christi statu, differentis series: & sequentia, de Christi regis, & reginae, Ecclesiae gloriosae, ornamentis ac delectatione, demonstrent<sup>d</sup>. Atque hæc de *immediata Christi glorificatione*, humanæ naturæ tributa, sufficiant.

<sup>a</sup> Psal. 45. 8. <sup>b</sup> Efa. 53. 3. <sup>c</sup> Psal. 23. 5. Efa. 61. 3. Luc. 7. 46. <sup>d</sup> Psal. 45. 9. 10.

XXVIII. *Mediata* verò, naturæ divinæ, sine ulla illius mutatione, convenit. *Ea* enim, nihil est aliud, quam divinæ maiestatis Christi, ex humanæ naturæ gloria, relucens, illustrissima patefactio.

XXIX. Nam, ut Filius Dei, sub humilis ac crucifixæ, humanæ naturæ, velo, suam, in terris, contexerat gloriam<sup>a</sup>; adeo ut, raræ, solum illius, & à plerisque despectæ<sup>b</sup>, scintillæ emicuerint<sup>c</sup>: sic contra, ex carne, in gloriam subvecta, solis instar; discussa, humilis & obscuræ conditionis nube, illustri ac sublimi suo fulgore, enituit: & Filium hominis, esse Filium Dei ac verum Deum, luculenter ac gloriosè, declaravit ac declarat.

<sup>a</sup> Psal. 22. 7. 8. Efa. 52. 14. & 53. 2. 3. Phil. 2. 7. 8. <sup>b</sup> Efa. 53. 1. Matth. 11. 6. <sup>c</sup> Ioh. 1. 14. & 2. 11.

XXX. Quam etiam gloriam, postulavit Christus, solenni hac oratione; *Glorifica me, tu Pater, ea gloria apud te, quam habui apud te, priusquam hic mundus existeret*<sup>a</sup>. Hoc est, me tuum esse Filium unigenitum, gloriosè declara. Quod præcipue, in collocatione ad dexteram, tanquam glorificationis fastigio, comperitur. Et hæc quidem, de *glorificatione persona Christi*.

<sup>a</sup> Ioh. 17. 5.

XXXI. *Glorificatio* verò, seu exaltatio, *ratione officii regii*, est gloriosa Christi, in regni ipsius possessionem, introductio. Ideoque, quod à Psalte *sedere ad dexteram*<sup>a</sup>, vocatur; illud, ab eodem, *Dominari*<sup>b</sup>: & à Paulo, *Regnare*<sup>c</sup>, per synecdochem, exponitur: eique opponitur, *ministrare*<sup>d</sup>. Quo etiam modo Petrus, collocationem hanc ad dexteram, explicat his verbis; *Fecit eum Dominum ac Christum*<sup>e</sup>. Quod quidem intelligendum est, non de effectus initio<sup>f</sup>: sed de gradu summo, ac perfectione illius gloriosa. Et si Græci theologi<sup>h</sup>, de patefactione, metaphoricè interpretentur: ut *faciendi vox*, interdum usurpatur<sup>i</sup>.

<sup>a</sup> Psal. 110. 1. <sup>b</sup> Ib. v. 2. <sup>c</sup> 1. Cor. 15. 25. <sup>d</sup> Heb. 1. 13. 14. <sup>e</sup> Act. 2. 34. 36. <sup>f</sup> Luc. 2. 11. <sup>g</sup> Eph. 1. 20. 21. <sup>h</sup> Phil. 2. 9. <sup>i</sup> Athan. orat. 3. Cont. Arian. Occumen. Act. 2. 1. Ioh. 5. 18. & 10. 33. & 19. 7.

XXXII. Priori etiam modo, Latini Theologi (felicius sanè, quam Græci plerique) explicarunt. Nam Tertullianus, *sedere* Christi, *praesidere* interpretatur<sup>a</sup>: Hieronymus, *Sed & ipsum verbum* (inquit) *sedere, regni significat potestatem*<sup>b</sup>: Sedulius; *Ad dexteram sedet ipse Patris, mundumque gubernat*<sup>c</sup>. Denique Augustinus; *Ipsam dexteram, intelligite potestatem: quam accepit homo ille, susceptus à Deo: ut veniat iudicaturus, qui prius venerat iudicandus*<sup>d</sup>.

<sup>a</sup> Lib. de Carne Christi cap. 10. <sup>b</sup> Comment. ad Eph. 1. <sup>c</sup> Carm. l. 5. in fin. <sup>d</sup> Tom. 9. l. 2. de symb. c. 7.

XXXIII. Hoc autem gloriosum Christi regnum, vel universale est: vel particulare. *Universale* est. quo omnium creaturarum, dominus ac iudex, est constitutus<sup>a</sup>. Cujus regni accepti, partes, & modus, distinctè sunt observandi: ne in multas difficultatum tricas incidamus: quibus non pauci, prius & nuperi scriptores, impliciti hæserunt.

<sup>a</sup> Eph. 1. 20. 21. 22. Phil. 2. 9. 10. 11. Act. 2. 36. & 17. 31. Apoc. 1. 8. & 2. 23.

XXXIV. *Partes enim universalis huius regni*, Christo mandati, sunt duæ. *Prima* est ipsius regimen, ut in omnes creaturas dominetur, iisque summa potestate imperet<sup>a</sup>. *Altera* est, creaturis omnibus mandata<sup>b</sup> certoque tandem omnino eventura, *subiectio*<sup>c</sup>. Quomodo jure & cæpto, omnia

*pedibus illius subiecta*, dicuntur<sup>d</sup>: quamvis, rei perfectione, *nondum omnia, ei subiecta, videamus*<sup>e</sup>.

<sup>a</sup> Psal. 110. 2. 3. 4. Matth. 28. 18. 1. Pet. 3. 22. <sup>b</sup> Phil. 2. 10. 11. Heb. 1. 6. 1. Cor. 15. 24. <sup>c</sup> Psal. 110. 2. 1. Cor. 15. 27. <sup>d</sup> Ephes. 1. 22. 1. Cor. 15. 27. Heb. 2. 8. <sup>e</sup> Heb. 2. 8.

XXXV. *Modus* verò aditionis huius regni, pro diversa duarum disparium, in persona Christi, naturarum ratione, *diversus* existit.

XXXVI. Nam *primus* huius regni *modus* secundum divinam ejus naturam, conveniens, est patefactio & approbatio potestatis illius, quam Filius Dei, homo factus, in omnes creaturas, tanquam creator earum omnipotens, jure suo, obtinet in æternum.

XXXVII. *Ut* enim, regni sui gloria, ad tempus humiliationis, sese quodammodo exinanivit: non privatione aliqua domini sui; sed illius, sub humili carne ac servili afflictæque forma, velatione<sup>a</sup>: sic contra regnum, post carnis glorificationem, accepisse dicitur: non novæ potestatis, qua antea caruerit, accessione; sed pristini regni, quod perpetuò habuerat, revelatione atque confirmatione illustri: qua, ab omnibus, *Dominus*, licet carne vestitus, agnoscatur<sup>b</sup>.

<sup>a</sup> Phil. 2. 7. <sup>b</sup> Psal. 110. 1. 2. Phil. 2. 9. 11.

XXXVIII. *Alter* verò, regni universalis, modus, ad humanam naturam pertinet: estque omnis, finita potestas, longè supra omnes, & in omnes creaturas attributa<sup>a</sup>. Atque hæc, de *regno Christi universalis*.

<sup>a</sup> Matth. 28. 18. Eph. 1. 21.

XXXIX. *Particulare* verò, est suprema & gloriosa construendi ac servandi Ecclesiam, ex omnibus gentibus collectam, potestas<sup>a</sup>. Quæ bimembris est. Alia enim, in hac vita; alia, post hanc vitam, exercetur.

<sup>a</sup> Luc. 19. 12. 15. Psal. 2. 8. Mat. 28. 18. 19. Eph. 1. 22. 23.

XL. *Prior* enim potestas, *partim*, ad Ecclesiae, ex omnibus gentibus colligendæ<sup>a</sup> (quod antea, ob Dei decretum ac præscriptum, erat illicitum<sup>b</sup>) vocationem & constitutionem<sup>c</sup> pertinet: *partim*, ad salutarem, adversus hostes illius, defensionem<sup>d</sup>, refertur. *Posterior* verò, in Ecclesiae glorificatione (quæ perfectam, omnium adversariorum, subjugationem<sup>e</sup>, & vitæ æternæ donationem<sup>f</sup> complectitur) consistit.

<sup>a</sup> Mat. 28. 19. Act. 1. 8. & 13. 47. Efa. 49. 6. <sup>b</sup> Eph. 1. 12. Mat. 10. 6. & 15. 26. <sup>c</sup> Eph. 2. 20. & 4. 10. 11. 12. <sup>d</sup> Matth. 28. 20. <sup>e</sup> 1. Cor. 15. 24. 25. 26. Luc. 19. 27. 1. Thess. 1. 8. 9. <sup>f</sup> Eph. 5. 27. 1. Thess. 1. 10.

XLI. Quæ potestas Christi, pro naturarum ipsius diversitate, *diversa* quoque sortitur munia.

XLII. *Alia* enim, sunt divinæ atque infinitæ naturæ, propria. Qualia sunt; missio Spiritus Sancti<sup>a</sup>: donatio sapientiæ<sup>b</sup>: cordium scrutatio<sup>c</sup>: vivificatio & glorificatio mortuorum<sup>d</sup>: cæteraque miracula<sup>e</sup>, & opera, omnipotentiae & omniscientiæ Dei, propria.

<sup>a</sup> Iohan. 15. 26. Act. 2. 17. & 33. <sup>b</sup> Luc. 21. 15. 1. Cor. 12. 5. 6. 11. <sup>c</sup> Apocal. 2. 23. 1. Reg. 8. 39. <sup>d</sup> Phil. 3. 21. Rom. 4. 17. & 8. 11. <sup>e</sup> Mat. 16. 20.

XLIII. *Alia* verò, etiam humanæ naturæ, conveniunt: ut Pauli, è cælo reprehensio<sup>a</sup>, & consolatio<sup>b</sup>: & Angeli, ad Petrum, è carcere liberandum, missio<sup>c</sup>: aliaque similia, viribus creaturæ consentanea. Quæ, in hac Christi potestate explicanda, prudenter distinguere: non autem temere confundere, oportet. Atque hæc, de *forma*, sessionis Christi, ad dextram Dei.

<sup>a</sup> Act. 9. 4. <sup>b</sup> Act. 18. 9. <sup>c</sup> Act. 12. 17.

XLIV. *Finis* verò, & *fructus* illius, est duplex; perfecta Ecclesiae salus: & Dei Patris, in Christo redemptoris, gloria.

XLV. Ad *perfectam Ecclesiae salutem* pertinent, *primùm*, missio Spiritus Sancti, ad idoneos Evangelii ministros informandos, & inchoandam ac conservandam, corporis Ecclesiae, ex omnibus gentibus colligendæ, sanctificationem ac structuram<sup>a</sup>. Quam ad rem, hæc Christi glorificatio erat necessaria<sup>b</sup>. *Deinde* omnium adversariorum subjugatio: & æterna Ecclesiae gloria ac triumphus<sup>c</sup>.

<sup>a</sup> Ephes. 4. 10. 11. 12. 13. <sup>b</sup> Ioh. 7. 39. & 16. 7. <sup>c</sup> Psal. 110. 2. & 2. 9. & 45. 10.

XLVI. *Gloria* verò *Dei*, ultimus est finis, ad quem præcedentia omnia, collimant<sup>a</sup>: quia *Zelus Domini* (scu justum, gloriæ ipsius, studium) *hæc peragis*<sup>b</sup>. Gloria autem veritatis ac potentiae; iustitiæ & gratiæ, ea ratione collustratur. Quippe *veritas* ac *potentia*, ex præpotenti ac constanti,

stanti, promissæ sessionis, præstatione: *Iustitia*, ex debita, coronæ ac præmii gloriæ, *Domino gloria crucifixo*, tributione: *gratia* denique, ex humanæ Christi naturæ, longè supra omnes Angelos, elevatione: nostræque salutis, eo modo, procuratione elucescit. Quorum omnium contemplatio, Christianorum fidem erigit: Spem ac patientiam firmat: Charitatem denique accendit & inflamat. Hactenus de causis.

a Phil. 2. 11. b Efa. 9. 7. c Psal. 110. 1. Ephes. 1. 19. 20. d 1. Cor. 2. 8. Heb. 2. 9. 10. e Eph. 1. 21. Phil. 2. 9. f Heb. 12. 2. Rom. 8. 34. g Heb. 6. 19. 20. h Col. 3. 1. 2.

XLVII. *Accidentia* verò sessionis Christi, ad dexteram Dei, sunt partim conjuncta gloria: partim adjuncta, loci, & temporis, circumstantia.

XLVIII. *Conjuncta gloria*, (ex usu Scripturæ) hic vocatur, conspicuum, præsentis signum: ad Christi gloriam, & regiam majestatem, collustrandam.

a Exod. 16. 17. & 24. 17. & 33. 22. & 40. 32. 33. 34. Lev. 9. 23. 24. 1. Reg. 8. 11.

XLIX. *Ea* autem est duplex: alia est, *Dei Patris*: alia, *Angelorum gloria*. De priori, agit Matthæus; *Futurum* (inquit) ut *Filius hominis*, veniat, in gloria Patris sui, cum Angelis suis: Et Lucas; *Filius hominis*, cum venerit, in gloria sua & Patris: Et alibi: *Intentis in calum oculis, vidit gloriam Dei: & Iesum stantem, ad dexteram Dei*.

a Matth. 16. 17. b Luc. 9. 26. c Act. 7. 55.

L. De posteriori verò (quæ in glorioso, satellitii, adstantium Christo, eumque adorantium, Angelorum exercitu, consistit) distinctè agit Lucas, & cum Christi gloriâ, conjunctam, utramque eadem sententia complexus, ait; *Cum venerit Filius hominis*, (i) in gloria sua, (ii) & Patris, (iii) & Sanctorum Angelorum. Quæ gloria, Christo, non minus, hoc tempore, ministrat in cælo: quàm, ultimo die, ministrabit. Hæc de conjuncta gloria: reliquum est, ut de adjuncta, loci, ac temporis, circumstantia, nonnulla adjiciamus.

a Psalm. 97. 7. Heb. 1. 6. b Luc. 9. 26. c Ephes. 1. 21. 22. Apocalyp. 5. 13. d Matth. 25. 31.

LI. *Locus*, sessionis Christi, *ordinarius* quidem est cælum: *extraordinarius* verò est, sub cælo: idque die judicii: quo descendet, ad dextram Dei sedens, in aërem: ut ibidem univèrsale iudicium exercent: & Ecclesiam suam, in cælum assumat.

a Marc. 16. 19. Act. 7. 55. & 3. 21. Ephes. 1. 20. Col. 3. 1. Heb. 1. 3. & 8. 1.

1. Pet. 3. 22. b Act. 1. 11. 1. Theff. 4. 17. c Matth. 25. 31. & 26. 64. d 1. Theff. 4. 17. Joh. 14. 3. & 17. 24.

LII. *Tempus* verò, est duratio illius; in qua, initium, ac finis observandus. *Initium*, à Sacra scriptura, post resurrectionem & ascensionem in cælum, disertè definitur: & rationibus suis, solidè demonstratur. Quum enim sessio, sit summa Christi exaltatio ac gloria, eam, ante resurrectionem, evenisse; sine crassa Dei, & rei, contradictione, dici non potest.

a Marc. 16. 19. Act. 2. 36. Ephes. 1. 20. Heb. 1. 3. & 10. 12. 1. Pet. 3. 21. Apoc. 3. 21. b Phil. 2. 9. Eph. 1. 20. 21.

LIII. *Dei* quidem; quia præviam gloriæ perfeccionem, præfinivit ac prædixit: *rei* verò; quoniam servilis, misera ac maledicta, pro nobis, ante resurrectionem, conditio (qua *vermis*, non homo: opprobrium hominum & vir dolorum, ac maledictio, nominatur) cum beatissima, sessionis ad dextram Dei, gloria, è diametro pugnat.

a Luc. 24. 26. Heb. 2. 9. 1. Pet. 1. 11. b Matth. 20. 28. Phil. 2. 7. 8. Gal. 3. 13. c Psal. 22. 7. d Efa. 53. 3. e Gal. 3. 13. f Heb. 12. 2.

LIV. *Finis* verò, seu terminus, sessionis Christi, *ratione glorificationis persona*, nullus est omnino: quia cœlestis illa beatitudo ac gloria, æterna est, nulloque fine terminatur: *ratione glorificationis in regno*, distincta est duratio.

a Dan. 7. 14. Psal. 16. 11. 1. Pet. 5. 10. 2. Pet. 1. 1.

LV. Nam, si regni universalis, & particularis Christi, gloriosi formam internam, & rem ipsam, seu potestatem consideremus, *illius nullus est finis*. Ideoque *ad dextram Dei sedere* dicitur, *in perpetuum*.

a Dan. 7. 14. Luc. 1. 33. Ap. 5. 13. b Heb. 10. 12. 13.

LVI. Sin verò, accidentem illius circumstantiam, formamque externam regiminis, spectemus: qua, Ecclesiam, adhuc in terris militantem, verbi sui, ac Sacramentorum, ministerio colligit, ac tuetur: & in medio inimicorum suorum, concertans regnat: eatenus durabit tantum, usque dum posuerit, omnes inimicos, sub pedibus suis: & Ecclesiam, sibi, Patrique statuerit gloriosam. Atque hoc demum modo, *Patri regnum traditurus*, asseritur: eique (quatenus unum, cum Ecclesia, corpus mysticum constituit) subijcitur perfectè. Quod ante diem ultimum, ob imperfectionem Ecclesiæ, ex carnis & Satanæ repugnantia, mortisque iugo, promanantem, nequaquam continget.

a Psalm. 110. 2. b 1. Corinth. 15. 24. 25. c Eph. 5. 27. Apoc. 21. 2. d 1. Corinth. 15. 24. e 1. Corinth. 12. 12. f Rom. 7. 23. 24. 25. g 1. Corinth. 15. 26. 57.

## C O R O L L A R I A.

1. *An*, sedere ad dextram, apud antiquos, minus fuerit honorificum; quam sedere ad sinistram? Affirmat id quidem Antonius Nebrissensis in *Explicatione*, quinquaginta locorum Scripturæ, capite 39. ut facilius difficultatem, in sessione Christi (non ad sinistram, sed ad dextram Patris) expediat: & Pontificis sui honori subveniat. Scilicet, ne Paulus, Petro potior, videatur: quod, in diplomatis, Pontificum sigillo, munitis, Paulus semper sit Petro dexter. Quæ res, etiam Thomam Aquinatem Gal. 1. antea torserat. Eodem studio, Iesuitarum Coryphaei, Bellarminus controu. Tom. 1. De Christo l. 3. cap. 15. & Maldonatus commentar. ad Marc. 16. non minus, quàm Baronius, eam sententiam (ut & auctorem illius, Nebrissensem) laudant. Nos verò, præter communem Orthodoxorum Patrum (ut Hieronymi commentar. ad Eph. 1. Augustini Tom. 3. de fide & symbolo cap. 7. aliorumque) consensum, Scripturæ auctoritatem opponimus Gen. 49. 18. 19. Matth. 25. 34. unde liquet, apud Iudeos, aliud fuisse observatum. Nam, quod, de Romanorum more obijciunt: illud in hac materia, omnino alienum est: & à viris antiquitatum peritissimis: ut à Turnebo in *Adversariis* lib. 14. cap. 24. & lib. 18. cap. 29. & copiose ac nervosè à Lipio in *Electis* lib. 2. cap. 2. & Centur. 3. ep. 90. adversus Becanum eadem sententiam, refellitur. Licet Ribera comment. ad Heb. 1. (de Iudeorum more, cum antiquitate, de Romanorum, cum Nebrissensi & Becano sentiens) relucet.

2. Si dextera honoratior statuatur, quàm sinistra, an non inde sequatur Filium præferri Patri? Neg. Idque etiam eodem loco Ribera Iesuita (collegis hac in re oculatior) vidit & agnovit.

3. An verum sit, illud Maldonati, commentar. ad Psal.

110. l. paradoxum; dextera (in sessione Christi) non solum significat Christum æqualem Patri: sed etiam majorem &c. administratione scilicet regni, non autem re ipsa? Neg. & pudorem in Iesuita, requirimus: qui, ab universa antiquitate & Ecclesia (de cuius consensione tantopere gloriatur) imò à tota Scriptura, in articuli fidei explicatione, dissentit.

4. An sessio Christi ad dextram, significet, æqualem esse cum Deo: ut prisca quidam theologi, & Bellarminus de Christo lib. 3. cap. 15. probabilius esse statuit? Neg. quamvis ex eo Christum, partim æqualem, partim inæqualem esse, pro diverso, naturarum & sessionis, modo consequatur: ut, suo loco antè demonstravimus.

5. An Christus, ab æterno, sederit ad dextram Patris: ut Thomas Aquinas, comm. ad Heb. 1. & in 3. sent. d. 22. ad 3. & Maldonatus comment. in loh. 1. & Brentius Catech. in expolit. symboli, tradiderunt? N.

6. An Christus secundum humanam naturam, sederit ad dextram Dei, quamprimum verbum caro factum est: ut Brentius ibidem contendit? N.

7. An Spiritus Sanctus, possit propriè dici, sedere ad dextram Patris, vel Filii: ut Thomas Aq. statuit Sum. par. 3. q. 59? N.

8. An sessio, ad dextram Dei, soli humane nature Christi in Sacris literis tribuatur? N.

9. An sessio, ad dextram Dei, Christianis etiam immediate, in suis personis, conveniat? N.

10. An iis, conveniat mediata in Christo; ut Bellarminus censet de Christo l. 3. c. 15? N. & apertam, in Bellarmino, contradictionem, observamus.

Ffff

II. An

11. *An rectè, ibidem Bellarminus asserat; datam humanitati, istam sessionem: sed datam esse, non ipsi in se, sed in supposito? N.*

12. *An Pater dicatur esse, ad dexteram Filii, Psal. 110. 5. ut Bellarminus, de Christo l. 3. c. 15. cum vulgo interpretum, sentis? disquiri potest: an verò contra, vox Domini, ad Filium sit referenda: ut Bellarminus contra comment. ad Psal. 110. exponit? Posterius, ut orationis contextus convenientius, amplectimur.*

13. *An Psal. 97. 7. adore eum omnes Elohim: rectè*

*à plerisque de idolis accipitur? N. ex Apostoli auctoritate Heb. 1. 6.*

14. *An hic locus, de honore Christi regis, ad primum ipsius adventum, sit referendus? N. ex psalmi materia ac serie, qua propria secundis adventus describit: & ex Pauli declaratione Heb. 1. 6. quo loco, vocem πάλιν rursus, ad vocem, introducit; referendam liquet: nec aliò, nisi trajectione non necessaria & violenta, accommodari potest.*

15. *An exaltatio in sacerdotio, sub sessione contineatur? N. conjuncta quidem est, sed distincta.*

## DISPUTATIO XXI.

## DE ANTICHRISTO.

**Q**uemadmodum vera, de Christo servatore, institutio, ad fidem ac salutem necessaria est; sic recta, de Antichristo, doctrina, ad salutarem perfidia & exitii fugam apprime conducit. Ideoque non illa solummodo, sed hac etiam, diligenter, in Sacris literis, explicatur. De qua, gravis & ardua, existit controversia: qua, ab Orthodoxis non paucis, prolixè & accuratè, pertractatur. Quocirca, non inutile, nec ingratum, fore arbitramur, si laudabilem aliorum secuti industriam, eandem materiam, tenuis symbola nostra illustratam, brevi compendio, à voce ad rem ipsam progressi publica disquisitione ventilandam proponamus.

## THESIS I.



*Antichristus*, Græca vox est: non auctore quidem, sed partibus suis, & compositionis earum analogia. Auctor enim, ex Spiritus Sancti afflatu, est Joannes Apostolus<sup>a</sup>: qui, primus & solus, eam, in Sacris literis, usurpavit. Partes verò, ex quibus, ea conflata est, sunt dux, atque ambigua; *χρῆστις* & *ἀντὶ*. Quarum illustrationem succinctam (ne quis, ancipiti vocum homonymia, in rei indagine, intricetur) distinctè præmittemus.

<sup>a</sup> 1. Ep. 2. 10. & 22. & cap. 4. 3. & 2. ep. 7.

II. *Χρῆστις* enim primum, diversa notione accipi consuevit. Quippe aut adjectivè, *unclum*<sup>a</sup>, communiter indicat: aut substantivè atque absolute, *κτὶ ἰεροῦ*, soli *Servatori nostro*, & quidem *bisariam*, attribuitur. Quippe, aut *ipsum*, tanquam Spiritu Sancto *unclum*<sup>b</sup>, caputque Ecclesiæ<sup>c</sup>: per se tantum consideratum<sup>d</sup>: aut simul cum Ecclesia, corpore suo mystico, unitum<sup>e</sup>, designat.

<sup>a</sup> Lxx. Lev. 6. 22. <sup>b</sup> Luc. 4. 18. Heb. 1. 9. <sup>c</sup> Eph. 1. 22. Col. 2. 19. <sup>d</sup> Dan. 9. 25. 26. Mat. 22. 42. 2. Cor. 11. 2. <sup>e</sup> 1. Cor. 12. 12.

III. *Ἀντὶ* verò, præter cætera, aut *Pro*, aut *Contra* (tam per se positum, quàm compositum) denotat: usu tamen utrinque dispari.

IV. Nam *per se positum*, creberrimè *Pro*, seu *Loco ac Vice*; rarissimè, *Contra*, significat.

V. *Prioris exempla* sunt hæc, *Carnem* *ἀντὶ αὐτῆς*<sup>a</sup> loco illius: *Semen* *ἀντὶ Ἀβελ*<sup>b</sup> loco *Abelis*: *Holocaustum* *ἀντὶ Ἰωάνη*<sup>c</sup> loco *Isaaci*: *Regnabat* *ἀντὶ Ἡρώδης*<sup>d</sup> loco *Herodis*: *Serpentem* *ἀντὶ ἰχθύος*<sup>e</sup> loco *piscis*.

<sup>a</sup> Lxx. Gen. 2. 21. <sup>b</sup> Gen. 4. 25. <sup>c</sup> Gen. 22. 13. vide etiam Gen. 44. 33. Jud. 15. 2. 2. Sam. 16. 8. <sup>d</sup> Mat. 2. 22. <sup>e</sup> Luc. 11. 11.

VI. *Posterioris*, hæc sola comperio; *κατὰ ἀντὶ ἐναντίας*<sup>a</sup> *contra centum Troianos*: *Ἀντὶ αὐτῶν ἰτα*<sup>b</sup> *vir contra virum ito*: *ἰμῖναι ἀντὶ Ἀχιλλεύ*<sup>c</sup> *ire contra Achillem*. Quam significationem, non satis commodè, Lexica atque Grammatici, præterisse videntur. Quodenim nos, *Contra* (ut rectè monet *Festus Pompejus*<sup>d</sup>) illi (Græci) *ἀντὶ* dicunt.

<sup>a</sup> Homer. Iliad. 8. vers. 233. <sup>b</sup> Iliad. Y. vers. 356. <sup>c</sup> Ib. Y. vers. 366. <sup>d</sup> De verb. sig. in Anti.

VII. *Compositum* verò, sæpissimè, *Contra*: rarius, *Pro*, seu *Vice ac Loco* significat.

VIII. Quum autem, *Contra*, notat, tum *Substantivum* cum eo junctum, in omnibus fere, *subjectum* est: ut *ἀντὶ ἰσως*<sup>a</sup> *positio contraria, seu oppositio* &c. in paucissimis verò *objectum* existit; ut *ἀντὶ Θεοῦ*<sup>b</sup> *contrarius Deo*: *ἀντὶ παιδὸς* *puer, quasi contrarius puero, qui impuber*.

<sup>a</sup> 1. Tim. 6. 20. <sup>b</sup> Theodoret. Epit. decret. de Antich.

IX. Sed quando, *Pro* (seu *Vice ac Loco*) designat, tum nomen non *subjectum*, sed *objectum* est: ut, *ἀντινομία* *pronomen, τὸ ἀντὶ νόμου*<sup>a</sup> *quod vice nominis*<sup>a</sup>: sic *ἀντιπαισις* & *ἀντιπρονομία*, vulgò *trita*: & *ἀντιβασιλεύς*<sup>b</sup> *proreges, qui vice regum*: *ἀντιπατρις*<sup>c</sup>

qui pro consule, proconsul: *ἀντιεπαρχὸς* verò, utraque significatione, aut dux contrarius<sup>d</sup>: aut, qui vice ducis ac legatus<sup>e</sup>, dici solet.

<sup>a</sup> Apollon. *περὶ συνταξ.* lib. 2. cap. 2. <sup>b</sup> Dionys. Halic. *Antiq. Rom.* l. 10. p. 65. <sup>c</sup> Act. 13. 7. <sup>d</sup> Dionys. *Ant. Rom.* l. 6. p. 334. <sup>e</sup> Budzus *Comment. ling. Græcæ.*

X. Ex quibus perspicuè apparet. *Antichristum*, ratione quidem analogiæ, exponi posse, Christum contrarium, vel contrarium Christo; aut eum, qui vice Christi, seu Christi vicarium: ratione verò usus vocis, in Sacris literis, *contrarium Christo*<sup>a</sup>, *Servatori nostro*, *acceptione generalis*, aut *speciali*, declarat.

<sup>a</sup> Tertul. de præscript. c. 4. August. in 1. Joh. Tract. 3. Damasc. *Orth. Fid.* l. 4. cap. 27.

XI. *Priori modo*, quemvis Christi desertorem & adversarium<sup>a</sup>, notat. Unde *Hieronymus*<sup>b</sup> ait, *Omnes hæresiarchas, Antichristos esse, & sub nomine Christi, ea docere, quæ contraria sunt Christo*.

<sup>a</sup> 1. Joh. 2. 18, 22. 2. Joh. 7. <sup>b</sup> In Matth. 24.

XII. *Posteriori verò* *κατὶ ἰεροῦ*, & (ut *Damascenus*<sup>a</sup>, de hac re, loquitur) *ἰδιοτέλους καὶ ἰεραρχεύοντος* peculiari modo & eximie, de insigni illo, reliquis majore<sup>b</sup>, & Antichristorum ordine ac cœtu, usurpatur<sup>c</sup>. Qui, subjecta hac descriptione, non incommode delineari potest.

<sup>a</sup> *Orthod. Fid. Lib.* 4. c. 27. <sup>b</sup> August. *contra adverb. legis lib.* 2. c. 12. <sup>c</sup> 1. Joh. 2. 18. & 4. 3.

XIII. *Antichristus magnus*, est *Episcopus Romanus, Satana efficacia, ex varia Ecclesia, à doctrina Christi, defectione, paulatim exortus: ac tandem, Romani imperii ruina, passus factus: qui, sub professionis Christi larva, sceleratus est Christi adversarius, supra omnem Deum sese efferens, & quasi Deus, Ecclesia universalis, ac totius Orbis, dominium, sibi arrogans: quique, doctrina & signorum, mendaciis, vitæque impure exemplis, ac scivitia, in errores, idololatriam, atque exitium, seducit: ac tandem, Christi verbo, atque illustri adventu, destruetur. Quæ singula, ex sequenti partium, distincta expositione ac confirmatione, clarius elucebunt.*

XIV. *Genus Antichristi*, est *Episcopus Romanus*. *Episcopus* quidem, quoniam, Ecclesiæ Dei, est antistes: utpote, in qua, non solum sit; sed etiam præsit ac præsideat. Ac propterea, in templo Dei (hoc est Ecclesia<sup>a</sup>, ac populo Dei<sup>b</sup>) *sedere*<sup>c</sup>, dicitur. *Romanus* verò, quia locus ac sedes illius, est Roma: *magna illa, septem montium, civitas*<sup>d</sup>: quæ Johanne vaticinante, *regnum habebat, super reges terra*<sup>e</sup>.

<sup>a</sup> Eph. 2. 21. 2. Cor. 6. 16. <sup>b</sup> Apoc. 18. 4. <sup>c</sup> 2. Thes. 2. 4. <sup>d</sup> Apoc. 17. 17. <sup>e</sup> Varro de lingua Lat. l. 4. <sup>f</sup> Apoc. 17. 17.

XV. Quibus quasi vivis coloribus, sola Roma, ad unguem expressa, indigitatur. Ac propterea Romanus scriptor<sup>a</sup>, consentaneè cecinit; *Sed qua de septem, totum circumspicit orbem*,

orbem, montibus, Imperii Roma Deumque locus. Unde etiam *ἡ πόλις* <sup>b</sup> *Septicollis*, dicta: & festum ac sacrum, apud Romanos, solenne, *Septimontium* <sup>c</sup>, olim nuncupatum.

<sup>a</sup> Ovid. lib. 3. Trist. 4. eleg. <sup>b</sup> Plutarch. Quæst. Romanis, qu. 69. <sup>c</sup> Ibidem. Varro, de ling. Lat. l. 5. Tertull. de idololat. cap. 10.

XVI. Episcopum autem Romanum, genus *Antichristi*, idcirco statuimus; quoniam attributum illud, ei, cum antecessoribus, commune est: & sequenti (ab auctore, origine, moribus, effectis, atque eventu) differentia, ad Antichristum restringitur: ut, ab omnibus aliis, discernatur.

XVII. Ac primum, auctor, & fautor *Antichristi*, est Satanas. Quia hic, primus est, ac summus, Christi adversarius: mendacii parens <sup>b</sup>: qui in incredulis operatur <sup>c</sup>. Unde Apostolus disertè, de Antichristo, ait; *Cujus adventus est, ex Satana efficacia* <sup>d</sup>.

<sup>a</sup> Gen. 3. 1. <sup>b</sup> Ioh. 8. 44. <sup>c</sup> Eph. 2. 2. <sup>d</sup> 1. Thes. 2. 9.

XVIII. Origo verò Antichristi, seu causa ministra & occasio (qua Satanas abusus, illum produxit) alia est formationis, alia patefactionis. Illa est, Ecclesia à doctrina Christi defectio: hæc verò, Romani imperii ruina.

XIX. Defectio autem illa est varia: particularis videlicet, & universalis: utraque, suo modo, ad monstri illius constitutionem, concurrrens.

XX. Particularis ea est, quæ parti Ecclesie convenit: & primum Apostolorum tempore, provenit. Cujus auctores extiterunt, partim hæresiarchæ: partim ambitiosi ac φιλοπενη-  
τοδωτες Ecclesie ministri <sup>b</sup>: quorum illi errore, hi verò superbia, à recto deflectentes, gregem Domini seduxerunt.

<sup>a</sup> 1. Ioh. 4. 1. <sup>b</sup> 3. Ioh. 9. & 10.

XXI. Ac de illis dicitur; *Etiā nunc multi Antichristi facti sunt*: nempe magni illius *Antichristi*, præcursores <sup>b</sup>. Utpote in quibus Spiritus illius, etiam tum, extabat: & mysterium iniquitatis, peragebatur <sup>d</sup>. Adeo ut, arcana Satanae molitione, noxia Antichristi semina ac fundamenta, in ipsis Ecclesie Christianæ primordiis, subdole jacerentur.

<sup>a</sup> 1. Ioh. 2. 18, 19. <sup>b</sup> Tertullian. contra Marc. l. 4. c. 16. <sup>c</sup> 1. Ioh. 4. 3. <sup>d</sup> 1. Thes. 2. 7.

XXII. Cujusmodi fuere, non solum stipula multæ: sed graves etiam ac varii errores; cum quibus, Apostolis fuit coluclandum. Ut, inter alia, veritatis personæ <sup>b</sup>, & officii <sup>c</sup> Christi, negatio: hominum coram Deo, ex operum dignitate, justificatio <sup>d</sup>: Angelorum cultus <sup>e</sup> & adoratio <sup>f</sup>: ciborum quorundam interdictio <sup>g</sup>: ἡεροσολοκία, arbitrarius Dei cultus <sup>h</sup>: & humilitatis ostentatæ, corporisque immodicè affligendi superstitio <sup>i</sup>.

<sup>a</sup> 1. Cor. 3. 12. <sup>b</sup> 1. Ioh. 2. 22. & 23. & 4. 13. 2. Ioh. 7. <sup>c</sup> 1. Ioh. 2. 22. <sup>d</sup> Gal. 5. 4. <sup>e</sup> Col. 2. 18. <sup>f</sup> Theodor. ibid. Concil. Laodic. can. 35. <sup>g</sup> Col. 2. 21. <sup>h</sup> Col. 2. 21, 23. <sup>i</sup> Ibidem.

XXIII. Similis deinde, sublati jam Apostolis, à doctrina Christiana defectio, minimè defecit; sed mysterium iniquitatis, magis magisque profecit, ac succrevit: ut, ex hoc specimine, elucescat.

<sup>a</sup> Act. 10. 19, 30.

XXIV. Gnostici enim, imaginum Christi cultum: Collyridiani, Mariæ virginis adorationem <sup>b</sup>: Manichæi, cælibatus Episcoporum necessitatem <sup>c</sup>: Encratitæ, esus carniū interditionem <sup>d</sup>: Cathari, de bonorum operum meritis gloriationem <sup>e</sup>: Pelagiani, de gratia & libero arbitrio, errores <sup>f</sup>, invexerunt. Cunctique viam Antichristo, (eosdem errores postea interpolaturo) stratum ac paratum, reddiderunt.

<sup>a</sup> Iren. advers. hæret. l. 1. cap. 24. <sup>b</sup> Epiphani. de hæret. c. 46. <sup>c</sup> Aug. epist. 74. <sup>d</sup> Ibidem. c. 25. <sup>e</sup> Ildor. Origin. l. 1. c. 2. <sup>f</sup> August. de hæret. c. 88.

XXV. Universalis verò defectio, est ea, qua universæ Ecclesie, à Christi doctrina, quodammodo declinarunt. De qua in primis, ait Apostolus; *Nisi venerit defectio prius, & revelatus fuerit homo ille peccati* <sup>a</sup>. Ea autem, est duplex: una quidem, aperta: altera verò, operata ac latens.

<sup>a</sup> 2. Thes. 2. 3.

XXVI. Aperta defectio, est Arii, & sectatorum illius, propria: quæ æternam Christi Deitatem oppugnans, totius orbis Ecclesias, etiam Romanam, cum Libero Episcopo, contagione sua, & crudelitate, occupavit.

<sup>a</sup> Hieron. cont. Lucifer. c. 7. <sup>b</sup> Hilarius in Historicis fragmentis.

XXVII. Unde Athanasius, hæresin Arianam, non solum ἀποστασίαν defectiōnem, post quam revelaretur Antichristus: sed etiam ἀντιχριστὸν & ποσειδῶνα <sup>b</sup> Antichristi præcursores, &

præiudicium ac præparationem illius <sup>c</sup>, non immerito nuncupavit.

<sup>a</sup> Ep. ad solit. vit. agentes p. 667. <sup>b</sup> Apol. 2. p. 625. <sup>c</sup> Ad sol. vit. agen. pag. 663.

XXVIII. Quippe, ut hominum animos, ad facilem religionis mutationem, assuefecit: sic etiam debiti, erga veritatem amoris neglectum peperit, & (iusto Dei iudicio <sup>a</sup>) Antichristi tendiculis idoneos præparavit.

<sup>a</sup> 2. Thes. 2. 10. Apoc. 3. 16.

XXIX. Operata verò defectio universalis, est communis, Ecclesie universæ, labes: qua paulatim, examinis Scripturæ incuriā, & ignorantia ac credulitate, laborans, Episcoporum suorum vitii à doctrinæ & vitæ Christianæ puritate, in multis recessit.

XXX. Vitia autem illa fuere, quibus, & mens illorum, & animus, fuit infectus. Illam enim, imperitia: hunc verò, partim cæcus religionis zelus; partim, gemellæ pestes, avaritia & superbia, corruerunt.

XXXI. Imperitia autem, multorum Episcoporum, adeo indigna extitit, ut sæpe, & juris divini, & naturalis <sup>a</sup>, ignaros fuisse, comperiat. Ideoque non est mirandum, sic cæci duces, cæcos assecas, secum abductos, in varios errores, præcipitarint <sup>b</sup>. Ac testis, è multis, Augustinus ille, Episcopus Cantuariensis, Gregorii Magni, in Angliam (conversionis illius colore) legatus, & ab eo, toties ac tam accuratè, commendatus: qui, ita rudis fuit, ut per literas; *An licita essent cum novercis, conjugia*? à Gregorio perquisierit <sup>c</sup>.

<sup>a</sup> Levit. 18. 8. 1. Cor. 5. 1. <sup>b</sup> Matth. 15. 14. <sup>c</sup> Gregor. ad interrogata August. Inter. 6.

XXXII. Cæcus autem religionis zelus, in eo se exeruit, quòd, dum phrasia Scripturæ, & cultus ea præscripti, simplicitatem, Judæis, & Gentilibus alliciendis, minus idoneam arbitrantur, ac maiorem religioni, apud omnes, reverentiam conciliare student, eam imprudenter, Oratione & institutis, à recto deviis, varia noxiaque superstitione minuerunt.

XXXIII. Oratione quidem, quòd apostrophis, hyperbolis, & vocum catàchresi, ex Judæorum & Gentilium ceremoniis, importunè derivatis, veritatem obscurantes, consecutis erroribus, ansam præbuerunt.

XXXIV. Cujus rei, inter alia, documentum est, quòd oratoriis, ad sanctos cælites, apostrophis abusi, invocationis eorum occasionem, incautis præbuerunt. Deinde, quòd periculosa vocum abusione, mereri, pro consequi; meritum, pro quovis opere: Christianos, pro solis baptizatis: pro ministris Evangelii, sacerdotes: pro Cæna, sacrificium: pro fœderis Dei signis, mysteria, usurpare maluerunt: & Gentium more, à conspectu & intelligentia eorum, & Catechumenos, tanquam profanum vulgus arcuerunt.

XXXV. Unde illa Chrysostomi, in homiliis, de ea re, obscurè, & hyperbolicè loquentis, frequens formula; *Initiati intelligunt quid dicamus*: & Theodoret, in Dialogis, cum de Sacramento differit apertius, sollicita cautio; Orthodoxus (inquit) *Non aperto sermone utendum. Fieri enim potest, ut adsint aliqui, qui nondum mysteriis initiati*. Eranistes: *Enigmatica igitur, sit responsio* <sup>a</sup>.

<sup>a</sup> Dialog. 2.

XXXVI. Quæ orationis, de Sacramentis, superstitionis obscuritas, sinceram de iis doctrinam, ita offuscavit ac corripuit: ut, èò facilius, Antichristi errores, in Ecclesiam irreperint, &, specioso orationis Patrum obtentu, pertinaciter adhærescant.

XXXVII. Institutis verò suis, puram religionem, Episcopi corruerunt, partim, commentis humanis: partim miraculorum, & antiquarum traditionum, figmentis: ut res ipsa arguit.

XXXVIII. Commentis quidem humanis, primum, quòd consuetudinum suarum jugum atque onus intolerabile, ac plus quàm Judaicum <sup>a</sup>, Ecclesie humeris, ordinis specie, impoluerint. Ex quo, falsa religionis opinio, emerit: qua, consuetudines illas, Dei præceptis, non solum, pares sanctitate; sed etiam digniores, statuerunt <sup>b</sup>. Quò etiam pertinet Victoris Romani Episcopi temeritas: qua, ob diversum festi Paschatis, diem observatum, ab Ecclesiis Asiaticis, eas iniquè, ab Ecclesie communione, exclusit <sup>c</sup>.

<sup>a</sup> August. Ep. 119. ad Januar. c. 19. Socrat. Eccles. Hist. l. 5. cap. 21. <sup>b</sup> Aug. Ibid. <sup>c</sup> Euseb. Hist. Eccles. l. 5. c. 23.



XXXIX. *Deinde*, quoniam, dum Christianos, ad maiorem fidei constantiam ac vitæ sanctitatem, martyrum & sanctorum denatorum exemplo, stimulare moluntur, panegyrica atque immodica eorum laudatione, & superstitiosa Reliquiarum ostentatione, ac reverentia, abusi<sup>a</sup>, à recto solius Dei cultu, Ecclesiam paulatim seduxere: & copiosam Idololatriæ Antichristi erigendæ materiam suggesserunt.

<sup>a</sup> Gregor. Mag. Ep. l. 5. c. 150. & l. 3. c. 30.

XL. Quæ profana superstitio, Romanam præcipuè Ecclesiam invasit. Adeo ut *Gregorius Magnus*, de clavibus Petri, à se missis ac donatis, jactare non erubuerit, eas *de collo suspensas, contra omnia adversa, munire: ut, presentem salutem & æternam, habere valeant*<sup>a</sup>. Quæ labe, miraculorum & traditionum figmentis, amplius excrevit.

<sup>a</sup> Ep. l. 12. c. 17. & l. 5. c. 106. & l. 6. c. 187.

XLI. *Miracula* enim non pauca aut temerè credita, aut fraude confuta, aut probandæ constantia<sup>a</sup>, divinitus indulta, imprudenti Ecclesiæ, nimium commendando, errores varios instillarunt. Qualia in ridiculo & impuro illo, *Gregorii Magni, de Patrum Italicorum miraculis, dialogo*, quam plurima, superstitionibus colorandis, cugulantur.

<sup>a</sup> Deut. 13. 3.

XLII. *Antiquarum* verò traditionum fabulas, à majoribus, vana credulitate, acceptas Episcopi non pauci, temerè propagarunt. Unde major Ecclesiæ, à veritate & sanctitate, defectio processit. Quod (ut alia fileam) memorabili, duorum exemplorum specimine, illustratur.

XLIII. *Primum* quidem exemplum, in fabulosis Papæ<sup>a</sup>, scriptoris antiquissimi, traditionibus, consistit. Quippe, quum ille, sine ullo iudicio, Apostolorum traditiones, ex iis, qui ipsos audierant, curiosius esset expiscatus, ac temerè credens, eas scriptis suis promulgasset, *quamplurimis*, (ut Eusebius testatur) *post se, Ecclesiasticis viris, antiquitatem illius spectantibus, erroris causam ministravit* b.

<sup>a</sup> Euseb. hist. Eccles. l. 3. c. 36. b Ibidem.

XLIV. *Alerum* verò, est antiqua illa, ac Sacris literis adversa, de Romano, Petri Apostoli, Episcopatu ac primatu: deque cathedra ac potestate illius Romæ: & successoribus ac vicariis affixa, traditio. Quæ, ut à Romanis Episcopis conficta, & vano verborum Christi (de petra Ecclesiæ, & clavibus regni cælorum<sup>a</sup>: de fide Petri non desitura<sup>b</sup>: deque pascendis, ab eo, Christi ovibus<sup>c</sup>) abusu turpi, fucata est<sup>d</sup>: sic imprudenti veterum quorundam adulatione<sup>e</sup> (cum magno libertatis Ecclesiæ, & veritatis Christianæ, detrimento) paulatim stabilita, & Antichristi mendaciis, ac tyrannidi via strata est, ac patefacta.

<sup>a</sup> Matth. 16. 18. b Luc. 22. 32. c Joh. 21. 17. d Leo primus Serm. 2. de anniversario die. Gregor. M. ep. l. 6. c. 201. & l. 4. c. 80. e Gregor. Ep. l. 7. c. 30.

XLV. *Avaritia* porro *Episcoporum*, non minimum quoque, defectioni Ecclesiæ, momentum adjecit: utpote communis ambitionis nutrix, & religionis adulterandæ, lena. Quæ inde elucet, quod illis, sacra Ecclesiæ munia, fuerint venalia. Adeo ut, in iis conferendis, non tam pietas, ac doctrinæ, quam pretii rationes, perpenderentur. Unde, indoctis & improbis hominibus, ad ea patuit accessus: & Ecclesiæ, à recto tramite, magis magisque seductæ, aberrarunt.

XLVI. Qua de re gravis est, *Gregorii Magni*, querela, quum ait; *Quod, in Galliarum vel Germania, partibus, nullus, ad sacrum ordinem, sine commodi datione, perveniat*<sup>a</sup>. Id quod iisdem verbis, de *Hellade*<sup>b</sup>, seu *Græcia*, repetit: idemque vitium, in *Epiro*<sup>c</sup> & *Orientis Ecclesiis*<sup>d</sup>, viguisse, auditum asserit.

<sup>a</sup> Epist. l. 4. c. 95. 97. b Ib. c. 110. c Ib. l. 5. c. 107. d Ib. l. 7. c. 47. & 11. c. 46.

XLVII. Nec ipsos tamen *Romanos Episcopos*, ab eo vitio, magis immunes fuisse, *Gregorii* ipsius, & *Damasi* antecessoris, gesta ostendunt. *Illius* quidem, quod *Petri* (ut loquuntur) *patrimonium*, in Gallia, Sicilia, aliisque in locis, tam sollicitè adeoque flagranti studio, commendavit<sup>a</sup>. *Huius* verò; quod, per horrendam, multorum hominum, cædem, ad Episcopatum Romanum irrumpens, ambitiosam suam avaritiam, humano sanguine, posteris descripsisse, videatur<sup>b</sup>.

<sup>a</sup> Ep. l. 2. c. 61. & l. 5. c. 110. & l. 1. c. 2. & l. 7. c. 117. b Ammian. Marcel. Hist. l. 27.

XLVIII. Denique *superbia Episcoporum*, avaritiæ comes

fere perpetua, rectam Ecclesiæ fidem, mores ordinemque, labefactans, *partim* adversus Deum, *partim* adversus homines, exultavit.

XLIX. *Superbia* autem, *adversus Deum*, *primus gradus* extitit, quod unius legislatoris, ac iudicis *Dei* instar, de rerum liberarum ac licitarum abstinentia, leges varias, anathemate sancitas, figendo, conscientias hominum subjugarunt. *Alier* est, quod etiam *supra Deum* sese efferentes, humana sua placita, divinis legibus, impudenter prætulērunt. Quæ duo, præcipuè in Romanis Episcopis, (*mysterium iniquitatis* strenuè peragentibus, ac genuinis Antichristi præcurforibus) viguisse comperimus.

<sup>a</sup> Jac. 4. 12.

L. *Prioris*, inter alios, specimen præbuit *Gregorius Magnus*, qui, unà cum Concilio Romano, sic decrevit; *Si quis presbyter vel diaconus, duxerit uxorem, anathema sit*<sup>a</sup>. Adeo ut, nec contrariam Dei sententiam<sup>b</sup>, nec censuram<sup>c</sup>, formidaret: neque Concilii Nicæni, in eundem pene errorem prolapsi, & à *Paphnutio* coelibe in viam revocati<sup>d</sup>, exemplo fuerit absteritus.

<sup>a</sup> In fine Epist. Concil. Rom. Decreto. a. b 1. Tim. 3. 4. 12. Heb. 13. 4. c 1. Tim. 4. 1. 2. 3. d Gelasius Actis Concil. Nic. c. 33.

LI. *Posterioris* verò indicium, est illud *Marcelli* Episcopi Romani, antecessoris *Gregorii*, dogma; *Baptismus est majoris necessitatis: manus vero impositio, majoris dignitatis, ex ministro*<sup>a</sup>. Item; *eam Sacramentum esse, majori veneratione dignum* b.

<sup>a</sup> Epistola decretali. b Ibidem.

LII. *Superbia* verò *Episcoporum, adversus homines*, ea est; qua, honoris mundi splendore & illecebris, inescati, ac modestiæ oblii, sacrum ministerii ordinem, in profanum dominatum, pervertentes, se, *supra pares, & superiores*, indigne efferendo, Antichristi refectionem, maturarunt.

LIII. *Supra pares* quidem, quum, à communi sorte, sese eximentes, alios Episcopos, suæ, potestati subijcere, sunt moliti. Quæ pestis, potissimum *tetrarchas Ecclesiæ*, seu quatuor *Patriarchas*, (urbium suarum dignitate & Oecumenici Episcopi titulo inflatos) occupavit: ut ex *Constantinopolitano, & Romano* inprimis Episcopo constat.

LIV. De *Constantinopolitano* quidem Episcopo (quum affectata *Oecumenici*, seu *universalis*, appellatione, ad Monarchiam in Ecclesia, aspirare videretur) sic ait *Gregorius Magnus*; *Ego autem fidenter dico, quia quisquis se universalem sacerdotem vocat, vel vocari desiderat, in elatione sua, Antichristum præcurrit*<sup>a</sup>. Item *Rex superbia prope est: & quod dici nefas est, sacerdotum est preparatus exercitus: quia cervici militum elationis, qui adpositi fuerant, ut ducatum præberent humilitatis* b.

<sup>a</sup> Ep. l. 7. c. 154. b Ep. l. 4. c. 84. vide etiam c. 80. 83. & l. 7. c. 182. & 194.

LV. *Superbia* verò *Romani Episcopi*, longè fuit major & insolentior, ut mirum sit, *Gregorium* adeo cæcutisse, ut eam non observaret: aut alios ignorasse, existimarit. Sic enim olim ante ipsum *Vigilius Papa* erat gloriatus; *Sancta Romana Ecclesia, ejus (Petri) merito, Domini voce consecrata, & sanctorum Patrum auctoritate roborata, primatum tenet omnium Ecclesiarum. Ad quam, tam summa Episcoporum negotia, & judicia, atque querela, quam & majores Ecclesiarum quæstiones, quasi ad caput, referenda sunt*<sup>a</sup>.

<sup>a</sup> Epist. ad Extherum.

LVI. Imo verò licet *Gregorius*, declinata, superbi cognominis *Universalis*, invidia<sup>a</sup>, *servum servorum Domini* b, sese solenni more, primus nuncuparit: reipsa tamen, dominus eorum, censi concupivit. Idque narrata, ac probata ab eo, *Pelagii* Papæ arrogantia, demonstrat. Qui nominis *oecumenici*, à *Johanne* Episcopo, in Synodo Constantino-politana, usurpati, livore percitus, *directis* (ut ait *Gregorius*) *litteris*, Ex AUCTORITATE PETRI, ejusdem Synodi acta cassavit<sup>c</sup>. Ac simili superbia inflatus *Gregorius*, universis *Dalmatiæ* Episcopis pro imperio loquens, inquit; *Quibus ex beati PETRI, principis Apostolorum, AUCTORITATE PRÆCIPIMUS* d. Atque hæc, de *Episcoporum, adversus pares, superbia*.

<sup>a</sup> Epist. l. 7. c. 30. b Johannes Stella in vita Gregorii. c Epist. l. 4. c. 80. & c. 7. & 83. d Ib. 3. c. 16. vide etiam l. 4. c. 82. & 83.

LVII. *Superbia* verò *Episcoporum, adversus superiores* ea est, qua, *partim*, in politici magistratus ac procerum munia, irrupe-

irruerunt: *partim*, regibus atque imperatoribus, subesse, honoremque debitum<sup>a</sup> deferre, dedignati, iisdem præesse voluerunt.

<sup>a</sup> Rom. 13. 1.

LXVIII. *Prioris*, testes sunt locupletes, ingenuæ ac gravissimæ, *Socratis & Gregorii Papa*, querelæ: Illius quidem, quum ait, *Romanum Episcopatum Alexandrini instar, ad principatum, jam olim provectum*<sup>a</sup>. Hujus verò, quum ita scribit; *Hoc in loco, quisquis pastor dicitur, curis exterioribus, graviter occupatur: ita ut saepe incertum fiat, utrum pastoris officium, an terreni proceris, agat*<sup>b</sup>. Et alibi; *Tanta quippe occupationum onera deprimunt; ut, ad superna animus, nullatenus erigatur*<sup>c</sup>.

<sup>a</sup> Hist. Eccles. l. 7. c. 11. <sup>b</sup> Epist. l. 1. c. 24. <sup>c</sup> Ib. l. 1. c. 7.

LIX. *Posterioris*, indicium est, quod Rom. Episcopus, à Nicæno, aliisque orientalibus Conciliis, ea de causa, missis tantum legatis, perpetuo abfuerit; ne scilicet, præsentem in illis Imperatori (primum confessus locum occupaturo) cedere, aut ea de re tumultuari cogeretur. Quemadmodum, hoc iniquitatis mysterium, sagaci Cardinalis Bellarmini suspicione<sup>a</sup>, revelatur.

<sup>a</sup> De conciliis & Ecclesia l. 1. c. 19.

LX. Cujus arcanæ *superbia fomites ac flabella* accessere, Christianorum rudiumque Imperatorum ac regum superstitione: qua, debita Episcopis reverentia<sup>a</sup>, limites<sup>b</sup> immodica observantia, ac foeda majestatis suæ violatione, transgressi, superbos Patriarcharum animos, amplius inflammaverunt. Quemadmodum *Constantini Magni, & regum* (inprimis *Gallia*) gesta demonstrant.

<sup>a</sup> 1. Tim. 5. 17. Heb. 13. 17. <sup>b</sup> 1. Pet. 5. 3. & 1. 17. Rom. 13. 1.

LXI. *Constantinus* enim, adeo imprudenter, & indignè, aberravit, ut, de Episcoporum litigantium causis, cognitionem ac judicium, detrectans, eos, humanis omnibus judiciis, sublimiores, & à solo Deo judicandos: quod *Dii*, in Sacris literis, vocarentur, asseruerit<sup>a</sup>. Quam falsam noxiamque sententiam, Romani Episcopi, adeo avidè arripuerunt; ut ea abusi, & Dei nomen<sup>b</sup>, & supremam in terris majestatem, sibi arrogarent<sup>c</sup>.

<sup>a</sup> Gelas. Act. concil. Nicen. c. 8. <sup>b</sup> Greg. M. Ep. l. 4. c. 75. Nic. Papa Decret. dist. 96. c. *scilicet* evid. <sup>c</sup> Decret. ibidem.

LXII. Reges verò, adeo excellentiæ suæ obliiti sunt, ut, & regni sui opes, vano honoris ac *patrimonii Petri* colore<sup>a</sup>, seducti, profuderint: & quasi Deum rectè, in Pontifice, ita indignè efferendo, colerent; turpissimè subjecerint<sup>b</sup>. Quæ res, temporis tractu, & majorum exemplis, adaucta, Antichristum tandem patefecit. Atque hæc quidem, de *Ecclesia defectione, prima Antichristi* (qua paulatim formatus est) *origo*.

<sup>a</sup> Gregor. Ep. l. 5. c. 105. & 110. <sup>b</sup> Blondus decad. 1. l. 10. p. 157. & 159.

LXIII. *Altera* verò *origo*, qua patefactus est, *Romani imperii ruina*, describitur. Ut enim Romani Imperatoris, in medio urbis Romæ, præsentia, & imperium, latentis Antichristi tyrannidis, obstaculum fuit ac frænum: sic, utriusque, è medio, sublatio, effrenem Antichristum, patefecit.

LXIV. Siquidem *duo, labentis Romani imperii, gradus insigniores* extiterunt. *Primus*, quo Roma, ab Imperatore, Byzantium migrante, deserta, sedes esse imperii desuit: *alter* verò, quo ipsa vicissim Imperatorem deserens, antiquum illius jugum excussit: ac propterea, reliquum Imperium, Romanum esse imperium, cessavit<sup>a</sup>. Quibus duobus gradibus, Antichristi patefactio, in *Bonifacio tertio*<sup>b</sup> & *Stephano secundo*<sup>c</sup>, gradatim respondet.

<sup>a</sup> Abbas Vrsperg. Chron. an. 754. <sup>b</sup> Ib. 607. <sup>c</sup> Ib. an. 754.

LXV. Qua de re, oraculum *Scriptura duplex*, *Primum, Pauli, Et noster* (inquit) *nunc quid obstat: ut is, suo tempore, retegatur. Iam enim, peragitur mysterium iniquitatis tantum: donec, qui nunc obstat* (sic enim sine ellipti transferendum) *è medio fuerit* (sublatus) & *tunc exlex ille, retegatur*<sup>a</sup>. *Alterum* est *Iohannis*, qui, *Bestiam è terra* (id est Antichristum, quasi terræ filium) *ascendere, docet, post primam bestiam, leihali plaga sauciatam*<sup>b</sup>: hoc est, post pristini Romani imperii ruinam. Hactenus, de utraque (cum formationis tum patefactionis) *Antichristi origine: primo videlicet differentia membro: alterum* sunt mores illius.

<sup>a</sup> 2. Thes. 2. 6. <sup>b</sup> Ag. 13. 3. 11. 12.

LXVI. *Mores* autem Antichristi, in proposita, à nobis, definitione, indicati sunt, nempe perversi illius animi *hypocrisis & vitiositas* eximia.

LXVII. *Hypocrisis* illius, est subdola, professionis Christi larva; qua aliud intus premit, aliud foris promit, ut suam vitiositatem, hominibus seducendis, occultet: ut *Scriptura & experientia*, demonstrant.

LXVIII. *Scriptura*; quum ipsum, in *Templo Dei sessurum ac seducturum*<sup>a</sup>: *Dei spiritum ac prophetam falso simulaturum*<sup>b</sup>: & *duo cornua, similia Agno habiturum; sed draconis instar locuturum*<sup>c</sup>, vaticinatur: ipsumque cum subditis doctoribus, *Spiritus deceptores per hypocrisin falsiloquos*<sup>d</sup> vocat.

<sup>a</sup> 2. Thes. 2. 4. 10. <sup>b</sup> 1. Joh. 4. 13. <sup>c</sup> Ap. 13. 11. <sup>d</sup> 1. Tim. 4. 1. 2.

LXIX. *Experientia* verò: quia Pontifex Romanus, inde à *Bonifacio tertio*, Christum, & *generali, & speciali* quadam ratione, *profuitur*.

LXX. *Generali* quidem; quia integram Sacram Scripturam: & summam doctrinæ illius, catechesi Christiana (seu Decalogo, Symbolo Apostolorum, Baptismi, & Cœnæ institutione, & oratione Dominica) comprehensam, velut Christianismi tesseram, prima fronte præterit: sed utrumque tamen, variis modis, inficit ac subvertit.

LXXI. *Speciali* verò, quum se *Christi vicarium*<sup>a</sup>: & vana Gregorii imitatione, *Servum servorum Dei*<sup>b</sup>, ore nuncupat; re ipsa verò confutat: ut, ex effectis, postea liquebit. Hæc de *hypocrisi*.

<sup>a</sup> Extrav. com. l. 1. de Major. c. unam san. <sup>b</sup> Sexti lib. 1. in proœmio.

LXXII. *Vitiositas* autem Antichristi, definitione indicatur *generatim*; quum *scelerosus*: & *specialim*; quum *Christi adversarius* nuncupatur.

LXXIII. *Scelerosum* fore, in *Sacris literis*, prædicitur, quum *ὁ ἄνθρωπος, homo ille peccati*<sup>a</sup> (hoc est, peccati servus eximius: ut *homo Dei*, pro servo Dei<sup>b</sup>) & *ὁ ἀντίχριστος, exlex ille*<sup>c</sup> appellatur: *Christi* verò *adversarium* docet; quum *ὁ ἀντίχριστος, adversarius ille*<sup>d</sup> (Dei scilicet ac Christi) & *ὁ ἀντίχριστος, Antichristus ille*<sup>e</sup>, nominatur. Utrumque autem, ex distincta, effectuum sequentium, inductione, plenius cognoscetur.

<sup>a</sup> 2. Thes. 2. 3. <sup>b</sup> Deut. 33. 1. Cum 34. 5. 1. Timoth. 6. 11. 2. Timoth. 3. 17. <sup>c</sup> 2. Thes. 2. 8. <sup>d</sup> 2. Thes. 2. 4. <sup>e</sup> 1. Joh. 2. 18. & 4. 3.

LXXIV. *Effecta* enim *Antichristi* præcipua, declarantur *duo, elatio, & seductio* eximia.

LXXV. *Elatio* autem gemina est: una, qua impiè, supra Deum: *altera*, qua injustè, supra homines, sese attollit.

LXXVI. *Elatio supra Deum* demonstratur, *partim*, prædictionis *Scriptura* auctoritate: quum ait; *Efferens se, supra omnem, qui dicitur Deus aut numen*<sup>a</sup>: *partim* evidentis *experientia* sensu ac consensu.

<sup>a</sup> 2. Thes. 2. 4.

LXXVII. *Primum* quia Pontifex Romanus, Dei legibus suas opponit, ac præponit: ut, ex antecessoribus ipsius, quos probat, ac sequitur<sup>a</sup>, &, è reliquis effectis, constabit.

<sup>a</sup> Decret. causa 15. q. 6. auctor & dist. 34. c. Lector.

LXXVIII. *Deinde*, quia graviolem, legum suarum humanarum, quam divinarum violatori, redempturam præscribit. Nec mirum: *talis enim præsumptio* (ut ait) *genus est blasphemantium Spiritum Sanctum*<sup>a</sup>. Adeo ut horrendos incestus, vilis quam res nullius momenti<sup>b</sup>, æstimet: ut, pudenda hæc statuta, evincunt; *Absolutio, pro eo, qui matrem, sororem, aut aliquam consanguineam, vel affinem suam, ac commatrem, carnaliter cognovit* gross. v. <sup>c</sup> Et paulò post; *Absolutio, pro presbytero, qui, corpora defunctorum excommunicatorum, in terra sancta sepelivit* gross. viii. <sup>d</sup>

<sup>a</sup> Decret. causa 25. q. 1. Can. violatores. <sup>b</sup> Matt. 15. 9. <sup>c</sup> Taxæ ponit. Apostolicæ. De Absolutione. <sup>d</sup> Ibidem.

LXXIX. *Denique*, quòd sacram, ex hominibus mortuis, divos & religiosa invocatione colendos, efficiendi potestatem, sibi arroget, ac profana *ἀνθρώπων* & (ut vocant) *Canonizatione*, exerceat. Id quod Deus facere non potest: quia *seipsum abnegare, suamque gloriam alteri*, contra justitiam, *attribuere*, omnino non potest<sup>a</sup>.

<sup>a</sup> 2. Tim. 2. 13. Ex. 20. 5. Est 42. 8.

LXXX. *Elatio* verò *supra homines*, ea est, qua, in Ecclesia universa, & totius orbis politia, dominium Dei ac Christi instar<sup>a</sup>,

Ffff 3

instar<sup>a</sup>, sibi arrogat: ut *Scriptura*, & *experientia*, cum *generatim* tum *speciatim* attestantur.

<sup>a</sup> Glossa extra Com. l. 1. de Major. c. unam sanctam.

LXXXI. Ac *generatim* quidem quum in *Scriptura*, *magna illa civitas*<sup>a</sup> (cujus caput est Antichristus Romanus) ait; *Sedeo regina*<sup>b</sup>: & *magna illa meretrix*, *sedere super aquas multas*<sup>c</sup> (hoc est populis multis præsideret<sup>d</sup>) ac *bestia*, Antichristi index *habere duo cornua*, *similia agno*<sup>e</sup> (hoc est duo regna: Ecclesie & politie, Christi agni, celi terræque domini, usurpare) asseritur.

<sup>a</sup> Ap. 11. 8. & 18. 2. <sup>b</sup> Ap. 18. 7. <sup>c</sup> Ap. 17. 1. <sup>d</sup> Apoc. 17. 15. <sup>e</sup> Ib. 13. 11.

LXXXII. *Experientia* verò; quia *Iohannes XXII.* Papa ait; *Summum Pontificem*, cui, in persona beati Petri, terreni simul & celestis imperii jura *Deus ipse commisit*<sup>a</sup>. Cujus indicium est *Tiara Pontificis* (quam *regnum* vocant) triplici corona aurea insignis<sup>b</sup>. Deinde, quoniam *Bonifacius VIII.* hunc novum, de Papali dominio, fidei articulum, promulgavit; Porro subesse Romano Pontifici, omnem humanam creaturam, declaramus, dicimus, diffinimus & pronunciamus omnino esse, de necessitate salutis<sup>c</sup>.

<sup>a</sup> Extr. Joh. 22. tit. 5. c. si fratrū. <sup>b</sup> Ceremon. sac. l. 1. lect. 2. c. 3. <sup>c</sup> Extrav. com. l. 1. de Major. & obedientia c. unam sanctam.

LXXXIII. *Speciatim* verò, arrepti, ab Antichristo, *dominii*, elatio prima ea est, qua, *Dei ac Christi instar* in Ecclesiam, dominationem absolutam, & (ut loquitur) plenitudinem potestatis<sup>a</sup>, usurpat. Cujus rei testis divinus, est *Scriptura sacra*, quæ, non solum ipsum, in Ecclesia sedere, seu præsideret; sed etiam, *Dei instar*<sup>b</sup> & ostentare, se esse *Deum*<sup>c</sup>: & a terra habitatoribus, adorandum<sup>d</sup>, prædicat. Humanus vero testis certus, *experientia* est: quæ & *Papa*, in Ecclesiam dominium, & modum illius impium, sole clarius demonstrat.

<sup>a</sup> Extrav. commu. lib. 5. de Penit. cap. 1. <sup>b</sup> 2. Theff. 2. v. 4. <sup>c</sup> Ibid. <sup>d</sup> Apoc. 13. v. 8.

LXXXIV. Ac *Dominium* quidem, in *Bonifacio tertio*, primo illo Antichristo patefacto, luculenter declaratur. Cujus rogatu (ut ait Abbas Urspergensis) *Phocas constituit sedem Romana & Apostolica Ecclesia, caput omnium Ecclesiarum*<sup>a</sup>. Atque ita tandem injusta tyranni illius, domini sui imperatoris Mauricii parricidæ, auctoritate publica, stabilitum est; quod, Bonifacii illius antecessores, tam avidè, frustra affectarant<sup>b</sup>. Ideoque, in solenni illa, Antichristi Romani, coronatione, solebant ita acclamare, ac bene ominari Pontifici ET UNIVERSALI PAPÆ, *vita*<sup>c</sup>.

<sup>a</sup> Chronico. An. 607. & Platina in vita Bonif. 3. &c. <sup>b</sup> Vide supra, Theff. 5. c. Sacrar. ceremon. l. 1. lect. 2. c. 3.

LXXXV. Deinde, idem etiam, immani illo *legum Papalium* (anathematis comminatione munitarum) jugo, quo Ecclesiam gravat & opprimit, perspicuè comprobatur. Qua de re, justè olim conquestus est Theologus primarius ac celeberrimus; *Fit* (inquit) *amplius de levi jugo Christi, & lege libertatis, jugum ferreum & onus grave, premens cervices Christianorum: dum scilicet aliqui, suas omnes leges, suas institutiones, suas regulas & statuta, arbitrari volunt, accipiendas esse, sicut præcepta legis Dei, ad æterna mortis interitum, si prætereantur, vergentia*<sup>a</sup>.

<sup>a</sup> Gerson de vita spiritali animæ, lect. 2.

LXXXVI. Præterea huc accedit effrænis illa Papæ superbia, qua sua *judicia*, imò & *flagitia*, omnium conciliorum<sup>a</sup> atque hominum judiciis (primatus Petri & ligandi ac solvendi potestatis, obtentu<sup>b</sup>) eximit ac præponit. Unde, i. *apoc. exlex ille*, de quo Apostolus<sup>c</sup>, suo se prodens indicio, palam innotescit.

<sup>a</sup> Causa 9. q. 3. cap. ipsi sunt. Et c. Cuncta. <sup>b</sup> Ibid. cap. Aliorum. <sup>c</sup> 2. Theff. 2. v. 8.

LXXXVII. De *judiciis* enim sic gloriatur *Nicolaus Papa*; *Pateet profecto, sedis Apostolica* (Cuius AUCTORITATE MAIUS NON EST) *judicium*, a nemine fore retractandum: neque cuiquam, de ejus liceat *judicare* *judicio*<sup>a</sup>. Idque *Innocentius* & *Gelasius* Paparum, decretis similibus, probare contendit. Et alibi ait; *Nemini est, de sedis Apostolica judicio judicare, aut illius sententiam retractare, permissum: videlicet, propter Romana Ecclesia PRIMATUM, Christi munere, in beato Petro Apostolo, divinitus collatum*<sup>b</sup>.

<sup>a</sup> Causa 9. q. 3. c. Patet. <sup>b</sup> Causa 17. q. 4. cap. Nemini. Et causa 9. q. 3. c. Patet.

LXXXVIII. De *flagitiis* verò sic ait *Antherius Papa*; *Fa-*

*cta subditorum judicantur a nobis, nostra verò a Domino judicantur*<sup>a</sup>. Et *Symmachus* similiter; *Aliorum hominum causas, Deus voluit per homines terminare: sed sedis istius præsulem, suo sine questione reservavit arbitrio*<sup>b</sup>.

<sup>a</sup> Causa 9. q. 3. c. Facta. <sup>b</sup> Ibid. c. Aliorum.

LXXXIX. Huc pertinet etiam (quasi interpret) celebre illud atque infame decretum: *Si Papa, sue & fraternæ salutis negligens, deprehenditur inutilis, & remissus in suis operibus, a bono taciturnus: quod magis officit sibi, & omnibus, nihilominus innumerabiles populos secum ducit, primo mancipio gehennæ<sup>a</sup>, cum ipso, plagis, in æternum, vapulaturus: hujus culpas, istic redarguere, præsument nullus; quod cunctos ipse judicaturus, A NEMINE EST JUDICANDUS nisi deprehendatur, a fide devius*<sup>b</sup>. Unde, *Papa dominium*, cognosci potest.

<sup>a</sup> 1. Diabolo. Gloss. Ibid. <sup>b</sup> Decret. dist. 40. c. Si Papa.

XC. *Modus* verò *dominii*, illius in Ecclesiam, impius, ex eo apparet; quod *Dei, & Christi instar, dominetur*. Qui modus (ut alia omittamus) ex eo conspicitur *primum*, quod se, potestatis *Christi vicarium*<sup>a</sup>: & Ecclesiam (spreto Christi, unici illius sponsi & capitis<sup>b</sup> zelo) *sponsam* suam<sup>c</sup>; & corpus, *cujus ipse sit caput*<sup>d</sup>, apertè statuit. Hinc *Bonifacius VIII.* Sexti l. 4. de immun. c. 4. ait; *Nos justitiam nostram, & Ecclesia sponsa nostra, nolentes negligere*.

<sup>a</sup> Sexti l. 4. tit. 23. c. 4. Quoniam Extravag. Com. l. 1. De Major. c. unam. <sup>b</sup> Joh. 3. 29. 1 Cor. 11. 2. Eph. 5. 23. <sup>c</sup> Extrav. 1. Joh. 22. tit. 5. c. 2. Si fratrū. <sup>d</sup> Causa 9. q. 3. c. Aliorum.

XCI. Deinde, quod liberè ac pro arbitrio suo, partim, aut omnino, peccatorum remissionem, & varios celestis gloriæ gradus, distribuit ac dispensat: ut *Clementis* Papæ statutum perhibet<sup>a</sup>.

<sup>a</sup> Extrav. com. l. 5. de penit. c. 2. Unigenitus.

XCII. *Postremo*, ut nominis *Dei*<sup>a</sup>, & *divina majestatis*<sup>b</sup> regibus adorandæ arrogatio<sup>c</sup>; sic religiosa Pontificis, in altare, numinis instar, subvecti, adoratio, manifestam divinitatis affectationem demonstrat. Pontifex enim (ut ad Leonem X. Papam, Archiepiscopus Corcyrensis, coronationis Papæ ritum, describit) a *Cardinalibus super altare, ad sedendum constituitur, cum mitra: & prior Episcoporum, genuflexus, incipit; Te Deum laudamus &c. Interim Cardinales, pedes electi, manus, & os, deosculantur*<sup>d</sup>.

<sup>a</sup> Distinct. 96. Can. Satis evid. <sup>b</sup> Concil. Later. ult. sub Leone, Sess. 9. <sup>c</sup> Ibidem. <sup>d</sup> Sacrarum ceremon. l. 1. lect. 1. c. 5.

XCIII. *Altera specialis*, dominantis Antichristi Romani, elatio est, qua, fallaci, potestatis Petri & successorum illius, specie, reges & imperatores, ita inebriavit<sup>a</sup>, ut sceptræ sua ac coronas, mitræ ac pedo, imò & pedibus ipsius (falsa, cultus *Dei* opinione fascinati<sup>b</sup>) subjecerint: ut ejus rei prænuntia est *Scriptura sacra*, eique congruens, ac mille testium instar, *experientia* comprobatur.

<sup>a</sup> Apoc. 17. 2. <sup>b</sup> Alexius episc. orat. in Concil. Later. sub Julio Sess. 3.

XCIV. *Scriptura* quidem: quia, de Antichristo, ait, *Efferens se supra omnem, qui dicitur Deus*<sup>a</sup>: qua voce generali, non solum verus Deus, sed magistratus etiam (ob potentie, ac judicii, similitudinem<sup>b</sup>) intelliguntur. Deinde etiam, de regibus ita testatur; *Hi unum consilium habent: & vires ac potestatem suam bestia tradant*<sup>c</sup>.

<sup>a</sup> 2. Theff. 2. 4. <sup>b</sup> Exod. 21. 6. <sup>c</sup> Apoc. 17. 13.

XCV. *Experientia* verò, innumera stupendæ injuriæ, atque ignominie magistratui summo illatæ, documenta subministrat. Quorum pauca duntaxat seligemus: ut, ex iis, quasi unguibus, efferata, leonis Romani, insolentia, cognoscatur.

XCVI. *Injuria* enim, ex eo, *primum* se prodit; quod Pontifices Romani, & sese, & suos Ecclesiasticos, civilis magistratus imperio, injustè<sup>a</sup> subtraxerint<sup>b</sup>. Quippe, sic decernit, *Cajus Papa Romanus*: *Nemo unquam Episcopum, aut reliquos clericos, apud judicem secularem, accusare præsumat*<sup>c</sup>. Et *Sylvester* pontifex: *Si quis* (inquit) *clericus, accusans clericum, in curiam introierit, anathema sit*<sup>d</sup>. Cui injuriæ colorem vanum ex eo induxerunt, quod, & *dii* appellarentur: & ab humanis judiciis, Constantini sententia, essent immunes<sup>e</sup>.

<sup>a</sup> Rom. 13. 1. <sup>b</sup> Sextilib. 3. tit. 23. de immun. Eccles. c. clericus. <sup>c</sup> Causa 11. q. 1. c. Nemo. <sup>d</sup> Ib. c. si quis. <sup>e</sup> Dist. 69. c. Satis.

XCVII. Deinde, ex eo etiam, *injuria* emicat; quod in omnes Reges ac Principes, arrogata potestate<sup>a</sup>, non raro subditos eorum, a debita obedientia, & fidelitatis juramento, solven-

solventes, regnis & imperiis, pro libidine sua, exuerunt<sup>b</sup>. Quam, falsa Apostolica potestatis plenitudine, quasi divinitus accepta<sup>c</sup>, fucare ac confirmare studuerunt<sup>d</sup>. Quæ injuria, apertis Gregorii II. Zacharia, Gregorii VII. pontificis, aliorumque successorum flagitiis comprobatur.

<sup>a</sup> Sexti. l. 2. de Sent. c. 2. Ad Apost. <sup>b</sup> Causa 15. q. 6. c. Alius. c. Extrav. com. l. 5. de penitentia, c. 1. <sup>d</sup> lb. l. 1. de Major. c. unam.

XCVIII. Gregorius enim II.<sup>a</sup> impio adorationis imaginum cestro percitus, Leoni Imperatori, propterea quod illa idololatriæ instrumenta constanter sustulisset, infensus, Romam [ut Abbas ait] cum tota Italia, ab ejus Imperio, recedere fecit<sup>b</sup>.

<sup>a</sup> Platina & Joh. Stella Gregor. III. vocant. <sup>b</sup> Ab. Ursprung. Chronic. an. 73.

XCIX. Zacharias verò, Francos sacramento, quo regi suo legitimo, Childerico, obstricti erant [non ulla, iniquitatis illius sed ignavia folius, causa<sup>a</sup>] absolvit<sup>b</sup>. Unde Pipinus, beneficio Pontificis, rex salutatus, & à Stephano secundo coronatus, Ravennatem præfecturam, & oppida ducatus Romani, nimis amplo injustitiæ præmio, superstitione rependit<sup>c</sup>. Sic etiam Gregorius VII. Henricum IV. Imperatorem, imperio primum abdicavit: & deinde non prius absolvit, quam deposito regali ornamento, nudis pedibus, quamvis aspera esset hyems, & gelu cuncta rigescerent, ad Pontificem veniret, & veniam ab ipso peteret<sup>d</sup>.

<sup>a</sup> Causa 15. q. 6. c. Alius. <sup>b</sup> Paulus Æmil. Hist. Franc. lib. 2. <sup>c</sup> Ibidem. d. B. Caranza Sum. Concil. in pontifice 163. Concil. Lateran. Sess. 3. in Orat. Alexii episcopi.

C. Ignominia verò majestati illata, speculum est, quòd, abjecta regum superstitione abusi, eos, ad pedum suorum oscula, scædissima barbarie, admiserunt. Adeo ut de ea re Gelasius Papa impudenter gloriatur; Quippe (inquit) quum videas, Regum colla, & principum, submitti genibus sacerdotum, & osculata eorum dextera, orationibus eorum, credant se communicari vel muniri<sup>a</sup>. Et Ant. Puccius, in oratione ad Leonem X. in Concilio Lateranensi, ei, ut divinam tribuit majestatem, sic postea ait; Quorum (regum) libentia oscula, tui exceperint pedes: quasi in te uno, vero, atque legitimo, Christi vicario, propheticum<sup>b</sup> illud, debuerit rursus impleri; Adorabunt eum, omnes reges terra: omnes gentes, servient ei<sup>c</sup>.

<sup>a</sup> Dist. 96. c. Duo sunt. <sup>b</sup> Pl. 72. <sup>c</sup> Concil. Lateranensi ult. sess. 9.

CI. Quale, de Pipino, exemplum recensetur. Equo (inquit Blondus) descendens, Pontificis pedes osculatus, illum, terra incedens, & frangum, Pontificis equi, regens, ad cubiculum usque deduxit<sup>a</sup>. Unde hæc sceditas, priscis exemplis, fucata, in morem & legem evasit: ut solennes, coronandi & colendi Pontificis, ritus, manifestè arguunt.

<sup>a</sup> Decad. l. 1. 10. Platina de vitis Pontif. in Zacharia. Et Johan. Stella de vitis Pontif.

CII. Nam, præter pedum Romani pontificis oscula, equi illius ductum, pollubri & ferculi primi ministratorem, aliaque servilia Imperatoris officia ac dedecora, hoc etiam, caeremoniarum magister commemorat; Si verò Pontifex non equo, sed sella veheretur, quatuor majores principes, etiam si inter eos, IMPERATOR, aut quisvis maximus princeps adesset, IN HONOREM SALVATORIS Iesu Christi (en superstitionis & idololatriæ Papalis fundamentum ac fascinum! quo homines miserè deceperunt) sellam ipsam, cum Pontifice, HUMERIS suis portare, aliquantulum debent<sup>a</sup>.

<sup>a</sup> Sacrar. cerem. l. 1. sect. 2. c. 3.

CIII. Quibus accedit, impudentis hujusmodi elationis, fastigium in Alexandri tertii, contra Fredericum Barbarossam, insania, quæ ab historicis plerisque, iisdem pene verbis recensetur. Isto (inquiunt) scedere, Alexander Pontifex, inito, confestim ad januas templi divi Marci, accessit: & ibidem universo adstante populo, Imperator accessit; ut se humi prosterneret, & veniam denuo postularer. At summus Pontifex, Cesaris Imperatoris collum, pede comprimens ait: Scriptum est; Super aspidem & basiliscum ambulabis, & conculcabis leonem & draconem. At Fredericus; Non tibi, inquit, sed Petro, cuius successor es (en superstitionem, & mali originem!) pareo. Et Pontifex respondit: Et mihi, & Petro<sup>a</sup>. Hæc de primo Antichristi effecto principali, tyrannica ac detestanda illius, supra Deum, hominesque, elatione, sufficiant.

<sup>a</sup> Nauclerus Chronographia gener. 40. Philippus Berg. Supplemento Supplementi Chronic. p. 299. Johannes Stella de vitis Pontif. in Alex. III.

CIV. Alterum verò effectum est hominum, à Christo, & salutis via, seductio. In qua, modus, & terminus, ad quem tendit, in præposita, à nobis, Antichristi definitione, distinctè indicantur.

CV. Modus autem seductionis illius, est duplex: suasionis illecebræ, & coactionis crudelitas. Prius autem, partim, doctrinæ, & signorum, mendaciis: partim, vitæ impuræ exemplis, continetur.

CVI. Ac Doctrina quidem mendacia, primum Sacra litera, apertè prænunciant: cum generatim; quando spiritum Antichristi Dei spiritui, opponunt<sup>a</sup>: eumque, Pseudopphetam illum<sup>b</sup>, eximie appellant: omnemque iniquitatis seductionem<sup>c</sup> illi attribuant: tum speciatim; quum iniquarum legum, (de cœlibatu, & ciborum religioso delectu) exempla, hoc modo proponunt; Spiritus desertè dicit, fore, ut posterioribus temporibus, deficiant quidam à fide, spiritibus deceptoribus attendentes, ac doctrinis Damoniorum, per hypocrisin falsiloquorum: quorum conscientia, cautè resecta est: prohibentium contrahere matrimonium: jubentium abstinere à cibis, quos Deus creavit, ad participandum cum gratiarum actione, fidelibus suis, qui cognoverint veritatem<sup>d</sup>.

<sup>a</sup> 1. Ioh. 4. 3. <sup>b</sup> Apoc. 16. 13. <sup>c</sup> 2. Thes. 2. 10. <sup>d</sup> 1. Tim. 4. 1. 2. 3.

CVII. Deinde, cum divinis hisce vaticiniis, consentit etiam experientia, ut ingens errorum Papalium, de Scriptura, & dogmatis illius, sylva, copiose evincit: è qua, sarmenta quædam, speciminis gratiâ, colligemus; ut Antichristus, amplius dignoscatur.

CVIII. De Scriptura enim errores sunt hujusmodi. I. Libros quosdam Apocryphos non minus, quàm Mosis & Prophetarum, esse sacros & canonicos<sup>a</sup>. II. Scripturam, non esse perfectum, doctrinæ ad salutem necessariæ, canonem: sed eum partim Scriptura, partim traditionibus non scriptis [parique pietatis affectu venerandis] contineri<sup>b</sup>. III. Veterem vulgatam Latinam versionem, esse authenticam: & Hebrææ ac Græcæ (Prophetarum & Apostolorum) scripturæ, sicubi dissentiant, præferendam<sup>c</sup>. IV. Nec singulis privatim, nec cunctis, in publico Ecclesiæ usu, Scripturam, linguis vulgaribus, esse legendam<sup>d</sup>.

<sup>a</sup> Concil. Trid. sess. 4. decret. 1. Contra 1. Tim. 3. 16. 1. Pet. 1. 19, 20, 21. <sup>b</sup> Concil. Trid. sess. 4. decr. 1. Contra Act. 10. 27. cum c. 26. 22. 2. Tim. 3. 15, 16, 17. <sup>c</sup> Concil. Trid. sess. 4. dec. 1. Bellarm. de verbo Dei Lib. 2. c. 10. 11. Contra Rom. 3. 4. Eph. 2. 20. <sup>d</sup> Pius IV. in Indice lib. prohibitorum. Bellarm. de verbo D. l. 2. c. 15. Contra Psal. 1. 2. Ioh. 5. 39. Act. 15. 21. & 17. 11.

CIX. De dogmatis verò in Scriptura traditis, errores sunt innumeri: nos verò paucos duntaxat, compendii studio, excerptos, quasi in tabella quadam (unde Antichristi facies relucebit) proponemus. Quorum alii, æternam charitatis legem, Decalogo expressam; alii, Evangelium, ac fidei in Christum normam, è diametro oppugnant.

CX. Legem quidem; quia Pontifex contra primum legis mandatum, complures Deos alienos, Angelos, & homines mortuos (in Deorum tutelarium numerum, ac canonem, à se relatos, divosque factos) tradit: iisque Deigloriam (cordis scilicet scrutationem, potentiam tutelarem, internumque fiduciam, spei, atque invocationis, cultum<sup>a</sup>) adscribit. Quibus, & Deus Missaticus, seu hostia: & ipsemet Pontifex Romanus, ut antea ostendimus<sup>b</sup>, accenseri debent. Hinc Julius II. in concione de Christo præsens, appellari se impune permisit, Iovem Opt. Max. qui dextra omnipotente tenens ac vibrans trifidum & inevitabile fulmen solo nutu faceret quicquid vellet<sup>c</sup>.

<sup>a</sup> Psalterium Beatz V. Mariz. <sup>b</sup> Thef. 92. <sup>c</sup> Erasmus (qui interfuit) Ciceroniani p. 115. edit. Sim. Colinzj.

CXI. Ut autem, horrenda hæc impietatis hydra fiat conspectior, unum illius duntaxat caput, de Mariolatia, retagemus. Quam ad rem, sufficiet Divi Pontificii, Bonaventura Cardinalis Psalterium B. Virg. Maria<sup>a</sup>: in quo, gloriam Deo attributam, Domini, in Domina nomen mutatione virginis Mariæ adscribit: aliisque blasphemiiis adjunctis, amplificatur.

<sup>a</sup> Constantiæ an. 1611. approbatione Constantiensis Episcopi recusum, & canticis, aliisque auzum.

CXII. Qualia, è multis, hæc sunt illustria; Sancta, sancta, sancta, Mater Dei genetrix<sup>a</sup>. Fiat, misericordia tua magna, nobiscum: quia in te confidimus: in te, clementissima Domina,



*Domina, speramus: defende nos, in æternum. Amen. Te decet laus, te decet imperium, virtus & gloria, in secula seculorum. Amen*<sup>b</sup>. In nomine tuo, omne genu flectatur, celestium, terrestrium, & infernorum<sup>c</sup>. Misericordia illius, nostrorum auferat multitudinem peccatorum<sup>d</sup>. Munda cor meum, igne amoris & charitatis tue. Tu es mater illuminationis cordis<sup>e</sup>. *Qui te in hac vita non invocat, non perveniet ad regnum Dei*<sup>f</sup>.

<sup>a</sup> Cantico Psal. 3. <sup>b</sup> Ibidem. <sup>c</sup> Cantico Psal. 5. <sup>d</sup> Psal. 16. <sup>e</sup> Psal. 40. <sup>f</sup> Psal. 80.

**CXXIII.** Contra secundum etiam impingentes Romani Pontifices, imaginum adorationem, docent<sup>a</sup>. Qua dere, divus Pontificius; *Christus* (inquit) est adorandus, adoratione latraria: ergo & ejus imago<sup>b</sup>. Item; *illi exhibemus latraria cultum, in quo ponimus spem salutis; sed, in cruce Christi, ponimus spem salutis. Cantat enim Ecclesia; O Crux, ave spes unica: hoc passionis tempore, auge piis justitiam reisque dona veniam. Ergo crux Christi, adoranda est, adoratione latraria*<sup>c</sup>.

<sup>a</sup> Concil. Trid. sess. 25. decret. 2. <sup>b</sup> Thomas Aquin. Sum. Theo. p. 3. q. 25. ar. 3. Et ibid. Cajetanus. <sup>c</sup> lb. ar. 4. Et Cajet.

**CXXIV.** Contra tertium, horrendis suis benedictionibus, & incantationibus, salem, aquam, ceram, ramos, cineres, campanas, aliaque magiæ, aut superstitionis suæ instrumenta, indignissimâ nominis Dei profanatione, consecrare, atque exorcizare, docent: eaque tanquam salutis subsidia, commendant. Quemadmodum *Pastorale Romanum: Rationale divinorum officiorum* Durandi Episcopi: & *Christophori Marcelli archiepiscopi, Sacrarum ceremoniarum libri*: & Hieronymi Mengonis, *Fuga Daemonum*, abundè describunt.

**CXXV.** Contra quartum; festa, templa, altaria, Missæ sacrificia, divis suis<sup>a</sup> (quorum nonnulli, aut nunquam extitere; ut *Christophorus Gigas*: aut impii, ut *Gregorius Arius*<sup>b</sup>) dedicarunt<sup>c</sup>. Deinde, varios Religionum modos: variosque ministrorum sacrorum ordines, præter Dei verbum, Ethnorum more, instituerunt<sup>d</sup>.

<sup>a</sup> Concil. Trid. sess. 22. Can. 5. <sup>b</sup> Baronius Martyrologio Romano. <sup>c</sup> Durandus ration. div. offic. l. 2. c. 1. &c. <sup>d</sup> Ibidem.

**CXXVI.** Contra quintum quoque, de honorandis parentibus, præceptum, quàm indignis modis, patribus patriæ, summo magistratui, debitum honorem derogandum, decernant; ex iis, quæ de *Pontificum elatione*, disseruimus, perspicuè convincitur.

**CXXVII.** Contra sextum; horrendam Inquisitorum in hominum, ab iis etiam sanctè dissidentium, sanguine effundendo crudelitatem, suo calculo ac præscripto confirmant<sup>a</sup>.

<sup>a</sup> Dominicus Bannes in 22. Thomæ. q. 11. ar. 2.

**CXXVIII.** Contra septimum, & Apostoli doctrinam<sup>a</sup>, non solum Ecclesiasticorum matrimonia prohibent: sed etiam, scortatione deteriora, affirmant. Sic enim inter cæteros ait *Cardinalis; Majus malum, sic nubere; quàm fornicari. Quia, qui ita nubit, reddit se inhabilem, ad votum servandum: quod non facit, qui fornicatur*<sup>b</sup>. Deinde *Gregorius III. statuit; Si mulier, infirmitate correpta, non valuerit, debitum viro reddere, &c. qui se non poterit continere, nubat*<sup>c</sup>.

<sup>a</sup> 1. Cor. 7. 9. <sup>b</sup> Bell. lib. 2. de Monach. cap. 34. <sup>c</sup> Concil. 1. 2. Epist. ad Bonifacium contra Matth. 5. 32.

**CXXIX.** Contra octavum; non solum, quæ Cæsaris sunt, ea à suis Ecclesiasticis, Cæsari non tradenda, statuunt: ac secus facientes excommunicant<sup>a</sup>: sed illius etiam, aliorumque regum, imperia ac regna, pro summa potestate, atque arbitrio, dari, minui atque auferri posse, decernunt<sup>b</sup>: ut inter alios, *Gregorius VII.* asseruit<sup>c</sup>.

<sup>a</sup> Sexti l. 3. de immunit. Eccles. c. 2. Clericus. <sup>b</sup> Extrav. com. l. 1. de Major. c. unam. Et Glossa ibid. <sup>c</sup> Platina de vitis Pontif. in Gregor. III.

**CXX.** Contra nonum, promissione securitatis, hæreticis data, si in sententia persisterint, promittentem minimè obligari, statuerunt. Sic enim loquitur Concilium: *Dicto salvo conductu, non obstante, liceat & punire, quantum justitia suadebit, si, suos errores revocare, pertinaciter recusaverint: etiamsi, de salvo conductu confisi, ad locum venerint judicii, aliàs non venturi: nec sic promittentem (cum alias fecerit, quod in ipso est) ex hoc, in aliquo, remansisse obligatum*<sup>a</sup>.

<sup>a</sup> Concil. Constantiense sess. 19.

**CXXI.** Contra decimum Apostoli sententiam, ac rationem<sup>a</sup>, *Concupiscentiam, spiritus repugnantem, non verè ac propriè, in renatis, peccatum esse, in Conc. Trid.*<sup>b</sup>, statuerunt.

<sup>a</sup> Rom. 7. 7. Matth. 22. 37. <sup>b</sup> Sess. 5. de Peccato Originis.

**CXXII.** Denique adversus commune, legis universæ, sigillum ac minacem illam sanctionem (*Maledictus, qui non manserit, in omnibus, quæ scripta sunt, in libro Legis, ut ea faciat*<sup>a</sup>) Pontifices Romani, iis omnibus, qui Legem (neglectis ipsorum quæ retulimus, decretis) observarint, anathema ac maledictionem, interminantur<sup>b</sup>. Atque hæc, de *Pontificum*, in divina Lege violanda, erroribus, strictim dicta.

<sup>a</sup> Deut. 27. 27. Gal. 4. 10. <sup>b</sup> Concil. Trid. passim.

**CXXIII.** *Evangelium* verò, non minus scèdè, corrumperunt. Siquidem, sinceram illius, de *Christi persona*, & attributis: deque fidei, ac sigillis illius (seu *Sacramentis*) doctrinam, infinitis penè hæresibus vitiant ac convellunt.

**CXXIV.** Nam, si personam consideramus, non solum humana natura veritatem, qua nobis per omnia est similis<sup>a</sup>: sed illius quoque privilegium, integram ac perpetuam conceptionis ac vitæ sanctitatem, qua omnibus hominibus dissimilis existit<sup>b</sup>, indignis modis violant.

<sup>a</sup> Heb. 1. 17. <sup>b</sup> Heb. 4. 15.

**CXXV.** De veritate enim corporis Christi, *Evangelium* docet, *Lilud* è virgine Maria factum<sup>a</sup>: Pontifices contra, idem fieri è pane, à sacrificiis, monstròse contendunt<sup>b</sup>. Unde se se *creatores esse, creatoris*<sup>c</sup>, gloriantur. II. *Evangelium* docet, Christi corpus, ascendisse in cælum, & in eo, ad judicii diem, hæsurum<sup>d</sup>. Contra Pontifices, idem corpus, in his teris, innumeris in locis, variaque intercapedine diffitis, in hostia, & singulis hostiæ fragmentis, totum contineri, decernunt<sup>e</sup>.

<sup>a</sup> Gal. 4. 4. <sup>b</sup> Concil. Florent. de Eucharistia. <sup>c</sup> Stella clericorum. <sup>d</sup> Ador. 3. 19. & 21. <sup>e</sup> Concil. Flor. de Euchar. Concil. Trid. sess. 13. c. 3.

**CXXVI.** De sanctitate verò naturæ humanæ Christi *Evangelium* asserit, ipsum conceptum ac natum sanctum<sup>a</sup>, nobis, per omnia, similem, excepto peccato<sup>b</sup>: segregatum à peccatoribus<sup>c</sup>: reliquos verò homines universos, esse peccatores<sup>d</sup>. Contra Pontifices, Mariam virginem peccati omnis expertem, Christoque, conceptionis & vitæ totius, sanctitate, similem esse, decretis suis<sup>e</sup>, & novo, *Conceptionis* illius immaculatæ, Festo<sup>f</sup>, promulgarunt.

<sup>a</sup> Luc. 1. 35. <sup>b</sup> Heb. 4. 15. <sup>c</sup> Ibid. 7. 26. <sup>d</sup> 1. Ioh. 1. 8. Rom. 3. 23. Iac. 3. 2. Luc. 11. 4. <sup>e</sup> Conc. Trid. sess. 5. De pecc. Orig. <sup>f</sup> Extrav. com. l. 3. de Reliquiis.

**CXXVII.** *Attributa* quoque, cum officia, tum beneficia Christi, non dissimili ratione, oppugnantur. Nam (ut ab officiis ordiamur) non solum *Propheticum* illius munus (quod, ex superioribus constat) sed etiam *sacerdotale* ac *regium*, detestandis erroribus, conspurcarunt.

**CXXVIII.** *Sacerdotale* quidem; I. quia *Evangelium*, Christum esse unicum, æternumque ac successoris expertem, Novi testamenti, peccatis expiandis, sacerdotem, asserit<sup>a</sup>. Contra Pontifices hanc laudem sibi, suisque sacrificiis, arrogant<sup>b</sup>. II. *Evangelium*, unicam etiam expiatoriam, Novi testamenti, victimam, eamque cruentam, corporis nimirum Christi oblationem, semel factam, prædicat<sup>c</sup>. Contra Pontifices, eandem indies, incruentam, in Missæ sacrificio, repeti atque offerri, contendunt<sup>d</sup>. III. *Evangelium*, unicum, Dei & hominum, mediatorem, hominem Jesum Christum<sup>e</sup>, statuit: Pontifices contra, gloriam illam, suis divis, & inprimis Mariæ virgini (hoc modo invocantes) communicant; *Maria, Dei & hominum mediatrix, ora pro nobis*<sup>f</sup>, venite, ad eam omnes, qui laboratis, & tribulati estis, & refrigerium dabit animabus vestris<sup>g</sup>.

<sup>a</sup> Heb. 7. 23, 24. <sup>b</sup> Concil. Trid. sess. 22. cap. 1. <sup>c</sup> Heb. 9. 12, 14, 26. & cap. 10. 12, 14, 18. <sup>d</sup> Concil. Trid. sess. 22. cap. 1. & can. 2. <sup>e</sup> 1. Tim. 2. 5. <sup>f</sup> 1. Joh. 2. 1. <sup>g</sup> Litanie B. Mariæ V. pag. 346. Psalterii V. Mar. Constantiæ excusi. <sup>h</sup> lb. Pf. 2.

**CXXIX.** *Regium* verò munus, similiter impugnant, I. *Evangelium* ait; unus est Dominus, *Iesus Christus*<sup>a</sup>: cui potestas data est, in cælo & in terra<sup>b</sup>. Contra Pontifices, virginem Mariam, Christo sociam, constituunt: ut, divus illorum Bonaventura, ipsam, ita invocare, docet; *Diligam te, domina celi & terra*<sup>c</sup>. II. *Evangelium* soli Christo, illud vendicat elogium; *Sede, à dextris meis*<sup>d</sup>. Contra Pontifices, hanc gloriosam majestatem, virgini Mariæ, hisce verbis communicant; *Dixit Dominus Domina nostra, sede mater mea, à dextris meis*<sup>e</sup>. Item; *Tu, cum filio tuo, sedes ad dextram Patris*<sup>f</sup>.

<sup>a</sup> 1. Corinth. 8. 6. <sup>b</sup> Matth. 28. 18. <sup>c</sup> Pfalt. B. Mar. Pfal. 17. <sup>d</sup> Psal. 110. 1. <sup>e</sup> Heb. 1. 13. <sup>f</sup> Pfalt. B. Mariæ. Pf. 109. <sup>g</sup> lb. cantico Pf. 3.

CXXX. Et,

CXXX. Et, ne quid desit impietatis, *utrumque* cum sacerdotium, tum regnum Christi, Pontifices Romani, sibi adscribunt<sup>a</sup>, sequeveros esse Antichristos, demonstrant. Unde, enata est illa blasphemiam; *Huius autem regni, & Sacerdotii, principatum perpetuum commisit Filius Dei, Petro, & successoribus eius*<sup>b</sup>. Item; *Christus commisit summo Pontifici vires suas; ut habetur Matth. xvi. c. & xxiv. q. 1. quodcumque. Sed Christo data erat omnis potestas, in cælo & in terra, Matt. xxviii. Ergo summus Pontifex, habebit hanc potestatem*<sup>c</sup>.

<sup>a</sup> Vidē Theol. 84. <sup>b</sup> Glossa Extrav. com. lib. 1. de Major. c. unam. <sup>c</sup> Ibid. Et Sixtus IV. Sacra. ceremon. l. 1. sect. 7. c. 7.

CXXXI. Ad beneficia verò Christi, quod attinet, I. *Evangelium* tradit, ipsum esse servatorem unicum<sup>a</sup>: nec, in alio quoquam; salutem esse: neque aliud nomen esse sub cælo datum, inter homines, per quod oporteat nos servari<sup>b</sup>. Contra verò Pontifices, & virginis Mariæ, & sanctorum nomina, ad salutem consequendam, adiungunt<sup>c</sup>: illamque, hoc titulo, invocare docent; per te placatus mihi Dominus &c. Domina SALVATRIX MEA<sup>d</sup>. Item; Domina, in nomine tuo, salvum me fac<sup>e</sup>. Item; Ipsa est porta vite, janua salutis, & via nostra reconciliationis: spes penitentium: solamen lugentium: beata PAX atque SALUS cordium<sup>f</sup>. Item; Per te, in ventricem gratia & salutis<sup>g</sup>.

<sup>a</sup> Ioh. 14. 6. <sup>b</sup> Act. 4. 12. <sup>c</sup> Extrav. com. lib. 1. de penit. cap. 2. d. Pfalter. B. Mar. cantico. Pf. 18. <sup>e</sup> Ibid. Pf. 53. <sup>f</sup> Ibid. Pf. 46. <sup>g</sup> Ibid. Pf. 8.

CXXXII. II. De modo & perfectione salutis, per Christum, partem, *Evangelium* docet, ipsum propitiatorium esse, in sanguine suo<sup>a</sup>: sanguinem ipsius purgare nos ab omni peccato<sup>b</sup>: poenam omnem peccatis nostris debitam, tulisse<sup>c</sup>, & abstulisse<sup>d</sup>. Contra Pontifices, hoc beneficium, ad alios etiam, derivant.

<sup>a</sup> Rom. 3. 25. <sup>b</sup> I. Ioh. 1. 7. <sup>c</sup> Epli. 1. 7. <sup>d</sup> Pet. 2. 24. <sup>e</sup> Heb. 9. 12, 16. <sup>f</sup> Rom. 8. 1. Ioh. 1. 2.

CXXXIII. Primum, ad virginem Mariam: ut, ex hac invocatione illius, constat: Maria, propitiatorium universæ terræ: & ex illa; Ablue, omnia peccata nostra<sup>a</sup>. Idem etiam Urbanus V. Papa, cereo suo agno, adscripsit; Omne (inquiens) malignum peccatum frangit, ut Christi sanguis, & angit<sup>c</sup>. Denique, agnoscunt quidem, Christum, pro æternis peccatorum poenis, satisfecisse: sed poenam, pro iis, temporalem, fidelibus adhuc restare, vel in hoc seculo, vel in Purgatorio (quod commenti sunt) exsolvendam, definiunt<sup>d</sup>.

<sup>a</sup> Litanie B. Mariæ, addita Pfalt. B. Mar. pag. 156. <sup>b</sup> Ib. Pf. 61. <sup>c</sup> Ceremon. sacra. l. 1. sect. 7. c. 9. <sup>d</sup> Concil. Trid. sess. 6. c. 30.

CXXXIV. III. *Evangelium* docet, vitam æternam, esse donum Dei, per Iesum Christum<sup>a</sup>. Contra Pontifices, eam, bonorum operum meritum esse, contendunt<sup>b</sup>.

<sup>a</sup> Rom. 6. 23. <sup>b</sup> Concil. Trid. sess. 6. Can. 32. & cap. 16.

CXXXV. IV. Denique *Evangelium* tradit, nos Christi beneficio, non solum esse liberos, à merita, violatæ legis charitatis, maledictione; sed etiam, à servili, ceremoniali legis, iugo<sup>a</sup>: & propterea religiosum ciborum delectum, vetat: & contrarium dogma, doctrinam demoniorum<sup>b</sup>, appellat: Pontifices contra, partim imperitia, Judaicum ciborum discrimen: partim impia superstitione, novam, delectus ciborum, servitutem, in Ecclesiam revexerunt<sup>c</sup>.

<sup>a</sup> Gal. 3. 1. Col. 2. 14, 16. <sup>b</sup> I. Tim. 4. 1. <sup>c</sup> Vide supra thes. 85.

CXXXVI. Prius demonstrat Zacharias Papa: qui, ad Bonifacium legatum suum, (Thuringorum ac Saxonum nomine quidem converforem: re ipsa verò perversorem, primumque indignum Moguntinum Archiepiscopum) sic scribit: Flagitasti à nobis, qua recipienda, qua respicienda sint, imprimis de volatilibus, graculis, & corniculis, atque cicconis. Quæ omnino cavenda sunt, ab usu Christianorum: etiam & fibri, atque lepores<sup>a</sup>. An non, hæc stupenda est in utroque, cum Archiepiscopo<sup>b</sup>, tum Pontifice Romano, libertatis Christianæ ignorantia, & aperta Judæismi<sup>c</sup> restitutio?

<sup>a</sup> Concil. t. 2. Epist. Zachar. Papæ ad Bonifacium. <sup>b</sup> Vide supra thes. 118. ad o. tam c. c. Lev. 11. 6, 14, 19.

CXXXVII. Alterum verò, probat Pontificum *Evangelium* quod impurum Concilii Toletani primi decretum (quod quisque, sine inevitabili necessitate &c. diebus quadragesimalium carnium præsumpserit attentare, non solum reus erit resurrectionis Domini; verum etiam alienus, à communione<sup>a</sup>) amplexi complures alios, abstinentiæ, carnis & sanguinis, dies instituerunt<sup>b</sup>.

<sup>a</sup> Tom. 2. Concil. can. 9. <sup>b</sup> Concil. Selegunsiadiensi c. 1. Tom. 2. Concil.

CXXXVIII. De fide porro, non minus perfide docent:

si originem, effecta, & durationem illius, consideremus.

CXXXIX. 1. De origine enim fidei, docet *Evangelium*, eam esse donum, & opus Dei; non autem ex nobis; ne quis gloriemur<sup>a</sup>. Contra Pontifices, eam partim à Deo, partim ex nobis, à liberi arbitrii viribus, oriri gloriantur<sup>b</sup>.

<sup>a</sup> Eph. 2. 8, 9, 10. <sup>b</sup> Concil. Trid. sess. 6. cap. 9.

CXL. 2. De effecto, tradit *Evangelium*, primum quod, in Christo, habeamus libertatem & aditum, cum fiducia, per fidem ipsius<sup>a</sup>: & Deum orandum, cum fide, sine hesitatione<sup>b</sup>. Contra Pontifices docent, quod nullus scire valeat, certitudine fidei, cui non potest subesse falsum, se gratiam Dei esse consecutum<sup>c</sup>. Deinde *Evangelium* asserit, Christi iustitiam, fide apprehensam, esse nostram, coram Deo, iustitiam<sup>d</sup>. Contra Pontifices definiunt, nos non, per Christi iustitiam, formaliter esse iustos<sup>e</sup>: sed per inherenter iustitiam, seu per sanctificationem, & renovationem interioris hominis<sup>f</sup>. Denique *Evangelium* concludit; hominem fide justificari, absque operibus Legis<sup>g</sup>. Contra Pontifices statuunt, bona opera, augenda justificationis esse causam<sup>h</sup>. Item, verè mereri augmentum gratiæ<sup>i</sup>.

<sup>a</sup> Eph. 3. 12. <sup>b</sup> Iac. 1. 5. <sup>c</sup> Heb. 4. 16. <sup>d</sup> Concil. Trid. sess. 6. cap. 9. <sup>e</sup> Phil. 3. 9. <sup>f</sup> 2. Cor. 5. 21. <sup>g</sup> Concil. Trid. sess. 6. Can. 9. <sup>h</sup> Ibid. cap. 7. & 16. <sup>i</sup> Rom. 3. 28. <sup>j</sup> Concil. Trid. sess. 6. Can. 24. <sup>k</sup> Ibid. can. 32.

CXLI. 3. De duratione fidei, *Evangelium* docet eam custodiri virtute Dei: & ad finem usque vitæ, perseverare<sup>a</sup>. Pontifices contra, dubiam illius perseverantiam, statuunt<sup>b</sup>.

<sup>a</sup> Ioh. 6. 39. & 10. 28. <sup>b</sup> I. Ioh. 3. 9. <sup>c</sup> 1. Pet. 1. 5. <sup>d</sup> Rom. 8. 30. 38. <sup>e</sup> Concil. Trid. sess. 6. cap. 13, 14, 15. & can. 16.

CXLII. Denique, de Sacramentis, errores Pontificum, sunt quamplurimi: è quorum numero, primus est, quod veris duobus, Baptismo & Ccenæ Dominicæ, alia quinque falsa, adjecerint<sup>a</sup>: quæ partim, divinis etiam Sacramentis, anteponunt<sup>b</sup>. Deinde, vera, etiam, mirificè corrumpunt. Nos verò, è magna corruptelarum caterva, paucas, brevitatis gratia, perstringemus.

<sup>a</sup> Concil. Trid. sess. 7. can. 1. <sup>b</sup> Vide supra thes. 51.

CXLIII. De Baptismo enim Pontifices docent, 1. Si aqua communis pura desit, non licere baptizare, aqua rosacea: licere verò, uti lixivio, & aqua, è jure carni, aut luto, subtilius expressa<sup>a</sup>. 2. Si sacerdos desideretur, fas esse sceminis, paganis, hæreticis, baptizare<sup>b</sup>. 3. Ritibus humanis variis, partim insul, partim scædis, partim impiis, & indigna verborum Christi abusione, Baptismum contaminant<sup>c</sup>. 4. Denique hominem, Baptismo primum justificari, infusa charitate, contendunt<sup>d</sup>.

<sup>a</sup> Thomas Aq. Sum. p. 3. q. 66. ar. 4. Guido de monte Roch. Manipulo Cur. de Baptismo c. 4. <sup>b</sup> Concil. Florent. de Baptismo. <sup>c</sup> Pastorale Roman. de Baptismo Guido Manip. Cur. c. 8. de Baptismo. <sup>d</sup> Concil. Trid. sess. 6. cap. 4. & 7.

CXLIV. Ccenam verò Domini, longè indignius pervertunt. Nam 1. Laicis (ut loquuntur) calicis usum, denegant<sup>a</sup>. 2. Panem & vinum, in corpus & sanguinem Christi, permutari, & (ut vocant) transubstantiari<sup>b</sup>, docent.

<sup>a</sup> Concil. Trid. sess. 21. cap. 2. <sup>b</sup> Ib. sess. 13. cap. 4.

CXLV. III. Nicolaus Papa, cum Romana Synodo, Berengario, hanc confessionis formulam, præscripsit; Panem & vinum, qua in altari ponuntur, post consecrationem, non solum sacramentum, sed etiam verum corpus, & sanguinem, Domini nostri Iesu Christi, esse; & sensualiter, non solum sacramentum; sed in veritate, manibus sacerdotum, tractare, FRANGI: fidelium DENTIBUS, ATTERI<sup>a</sup>.

<sup>a</sup> De Consecrat. dist. 2. c. Ego Berengarius.

CXLVI. IV. Denique Sacramentum Christianum, in horrendum, & idololatricum, Missæ sacrificium, detorquent ac transformant<sup>a</sup>. Atque hæc, de Pontificum erroribus: primo videlicet mendaciorum, quibus Christo adversantur, genere, diximus.

<sup>a</sup> Concil. Trid. sess. 13. cap. 5. & sess. 22. cap. 21.

CXLVII. Alterum, sunt signa mendacia: ut expressa Scriptura vaticinia: & evidens rei ipsius experientia, perspicue demonstrant.

CXLVIII. Scriptura quidem vaticinia; quia de Antichristo sic prænunciat: Cuius adventus est, ex efficacia Satana, cum omni potentia, ac prodigiis mendacii<sup>a</sup>. Item; Editque signa magna: adeo ut, etiam ignem, faciat è cælo descendere, in terram, in conspectu hominum<sup>b</sup>. Signa autem mendacii, intelliguntur, quæ ad mendacia, doctrinæ suæ, fucanda accommodant [sive ea falsa sint simpliciter & absolute; ratione & rei, & finis,

& finis, quales præstigiæ: sive partim, ac ratione finis tantum] quæque partim per se, partim per suos ministros, efficit.

<sup>a</sup> 2. Theff. 2. 9. <sup>b</sup> Ap. 13. 13.

**CXLIX.** *Experientia* verò: quia Pontificum, & ministro-  
rum illius, signa mendacia, [& inter ea, ignis coelitus de-  
scendens<sup>a</sup>] sunt innumera. Sicut *Vita Pontificum*, *Legenda*  
*Sanctorum*, *Chronica*, imprimis Monachorum: *Canonizatio-*  
*nes* (ut vocant) multorum<sup>b</sup>: denique *Divæ Lauretanæ*, Hal-  
lensis, Aspricollis, & similitum, *descriptions*, evincunt. At-  
que hac ratione, *Pontificum mendacia* (cum doctrinæ, tum  
signorum) *primum* videlicet *seductionis*, per illecebras, *mo-*  
*dum*, exposuimus.

<sup>a</sup> Abbas Vtspurg. Chronico an. 1101. pag. 241. &c. Centur. 12. Magd. ex Otho-  
ne Ffifio. l. 7. c. 32. & ex Chronico Saxoniz. <sup>b</sup> Platina de vitis Pontif. in  
Clemente V. Ioh. XXII. &c.

**CL.** *Alter* verò *modus*, sunt impuræ Antichristi vitæ e-  
xempla: quibus, cerei ac proni in vitia animi, ducum suorum  
auctoritate allekti, facillimè seducuntur<sup>a</sup>.

<sup>a</sup> Adrianus Papa Instructione Legati. Vide Fasciculum rerum expetendarum.

**CLI.** *Scriptura* enim, hanc vitæ impuritatem, non solum  
innuit: quum fontem illius, ac mores, *hominis peccati* atque  
*exlegis*<sup>a</sup>, nominibus aperit: sed etiam, quum Ecclesiam Ro-  
manam (cujus caput est, ac pars primaria, pontifex) *meretri-*  
*cem illam magnam*<sup>b</sup>: *Babylonem magnam*, *matrem scortatio-*  
*num & abominationum terra*<sup>c</sup>: *Aegyptum*, & *Sodomam*<sup>d</sup>,  
metaphoricè, appellat. Ut enim hæc loca, magiæ, idolo-  
latriæ, superbix, luxus, avaritiæ, crudelitatis, & nefan-  
dæ libidinis, theatra extiterunt: sic futura, Romanæ Ec-  
clesiæ, cum Antichristo capite, vita omnibus sceleribus coo-  
perta, similitudine insigni, adumbratur.

<sup>a</sup> 2. Theff. 2. 3, 8. <sup>b</sup> Ap. 17. 1. <sup>c</sup> Ap. 17. 5. <sup>d</sup> Ap. 11. 8.

**CLII.** *Experientia* similiter, luce clarior, rem ipsam,  
nobis patefacit: si *gesta Pontificum*, cum *propria*, plurimo-  
rum: tum *communis*, omnium (inde à Bonifacio tertio) per-  
lustramus. Adeo ut verè de pontifice, dictum: *Qui, super*  
*hoc mare debuerat dare se, quasi pontem in Sion, omnibus est*  
*via plebibus, ad phlegetonem*<sup>a</sup>. Et, decuria Romana, non  
solum asseruit olim idem Monachus gravissimus; *Roma no-*  
*cens nocet, atque viam docet ipsa nocendi*<sup>b</sup>: sed etiam *Adria-*  
*nus* Papa VI. agnoscere coactus, ait: *Inde corruptio, in omnes*  
*inferiores manavit*<sup>c</sup>.

<sup>a</sup> Bernardus Morlanensis de contemptu mundi lib. 3. <sup>b</sup> Ibid. lib. 3. <sup>c</sup> In In-  
structione Legati ad Principes Germanos: In fasciculo rer. expetendarum,  
fol. 173. & Caud. Espencus in epist. ad Tit. p. 70.

**CLIII.** Nam, ad plurimos, Pontifices, quod attinet: &  
*malis artibus* (partim humanis, partim magicis ac diabolicis)  
Pontificatum occuparunt: & deterius gesserunt. Adeo ut  
iis, verè conveniat, quod de Anaeto Papa, Innocentii ad-  
versario, ait Bernardus; *Bestia illa, de Apocalypsi, (cui datum*  
*est os loquens blasphemias, & bellum gerere cum sanctis)* Petri  
*cathedram occupat, tanquam Leo, paratus ad prædam*<sup>a</sup>.

<sup>a</sup> Epistola 12.

**CLIV.** *Malis enim artibus humanis*, grassati sunt, ad se-  
dem Pontificiam (ut Platina, & Stella, alique testantur) Mar-  
tinus II. Formosus, Christophorus, Bonifacius VII. Boni-  
facius VIII. (de quo, tritum illud; *Intravit, ut vulpes: vixit,*  
*ut leo: mortuus est, ut canis*<sup>a</sup>) Johannes XXII. alique. De  
quibus Platina; *Eo enim tum Pontificatus devenerat; ut, qui*  
*plus, largitione & ambitione (non dico, sanctitate vite, & do-*  
*ctrina) valeret, is, summum dignitatis gradum, bonis oppressis*  
*& rejectis, obtineret. Quem modum, utinam aliquando, non*  
*retinuissem nostra tempora*<sup>b</sup>!

<sup>a</sup> Ioh. Stella de vitis Pontif. Vixit. Caranza scribit; regnavit ut lupus. <sup>b</sup> De vi-  
tis pontif. in Sylvestro III.

**CLV.** Deinde *diabolicis artibus*, Sylvester tertius (ut disci-  
pulos ipsius, Pontifices præteream<sup>a</sup>) Pontifex evasit. De quo  
Stella; *Romanus Pontifex, Diabolo adjuvante, constitutus:*  
*hactamen lege; ut, post obitum, totus illius, in anima, & in*  
*corpore, esset*<sup>b</sup>.

<sup>a</sup> Vide Benonem Cardinal. de vita & gestis Hildebrandi in Fasciculo rer. expet.  
<sup>b</sup> De vitis Pont. in Syl. III. Platina alique.

**CLVI.** *Prava* verò, in Pontificatu, *gesta*, adeo multa sunt;  
ut Platina, Johannem Stellam, utrumque Bernardum, (Cla-  
revallensem abbatem, & Morlanensem monachum) Benonem  
Cardinalem, Baptistam Mantuanum monachum, Claudium  
Espenczum, Parisiensem theologum, aliosque complures,  
iis recensendis, fatigarint. Nos binis tantum, & *crudelitatis*,  
& *libidinis* horrendæ exemplis contenti erimus.

**CLVII.** *Crudelitatis* quidem, *primum* est, in Stephano VI.  
qui *multa cum rabie, consilio habito, Formosi ipsius* (Pontificis)  
*corpus, è tumulo, extrahi fecerit: tractumque pontificalibus exui*  
*vestimentis, ac seculari indui habitu, & postea, abscissis duobus de-*  
*xtera ejus digitis, in Tiberim projici, deinde reliquum corpus, in*  
*laicorum sepultura sepeliri mandavit*<sup>a</sup>. Truculentius alterum  
est, in Sergio III. facinus, qui *Formosi acta, iterum improbovit:*  
*atque in ultionem sua injuria ejus cadaver, è sepulchro tractum,*  
*ac si viveret, capitali affectu supplicio: corpus verò, in Tiberim,*  
*truncum projici jussit: tanquam sepultura indignum*<sup>b</sup>.

<sup>a</sup> Iohannes Stella de vitis Pontificum An. 901. Platina de vitis Pontificum. <sup>b</sup> Ste-  
la lib. an. 907. & Platina in Sylvestro.

**CLVIII.** *Libidinis* verò effrenatæ par, in Iohanne XII. &  
Alexandro VI. comperitur. Nam, ille quidem, ut huic Car-  
dinali, *nasum; illi vero, manum abscidit*<sup>a</sup> crudelitæ babara:  
sic, infami libidine, traducta vita, in adulterio deprehen-  
sus, à viro adultera confossus, interijt<sup>b</sup>. Hic verò, homo bel-  
lo ac rapinis assuetus, & *libidinosis*<sup>c</sup>, in celeberrimo Lu-  
cretiæ, filix suæ nothæ, (& à notho ipsius filio, non minus  
quàm ab ipso, vitiatæ) epitaphio, ab Accio Sammarzio, ita  
describitur;

*Conditur hoc tumulo, Lucretia nomine: sed re*

*Thais, Alexandri filia, sponsa, nurus.*

Hæc specimina propria; unde scilicet *Sanctissimus*<sup>d</sup>, &  
*sanctissas* sua<sup>e</sup> (ut loquuntur) cognoscitur.

<sup>a</sup> Stella de vitis Pont. an. 958. in Ioh. XIII. quem Platina XII. vocat. <sup>b</sup> Ibid.  
Stel. & Plat. <sup>c</sup> Abbe Vtsp. Chron. in Append. <sup>d</sup> Concil. Later. ult. sub  
Leone X. sess. 9. <sup>e</sup> Ibidem.

**CLIX.** Sin verò omnes Pontifices spectemus; nullus, à  
Bonifacio tertio, à divinæ, humanæque Majestatis violatæ,  
& Ecclesiæ, tyrannicè oppressæ<sup>a</sup>, ac veræ reformationis ne-  
glectæ<sup>b</sup> criminibus immunis comperietur: etsi nonnulli, ab  
effreni illa, multorum scelerum licentia, abstinentes, paulo  
cautius, aut etiam castius, vixerint. Atque hæc, de *primo*, *se-*  
*ductionis* (per illecebras, falsæ doctrinæ, & impuræ vitæ)  
*modo*.

<sup>a</sup> Vide de his theses supra. <sup>b</sup> Claudius Espencus comment. in Epist. ad Tit. di-  
gest. 2. Platina de Vit. Pont. in Eusebio IV. &c.

**CLX.** *Alter* verò, in efferata *Antichristi* contra Christia-  
nos *furia*, consistit. De qua *Scriptura* vaticinans, ait; *Mu-*  
*lierem illam, ebriam sanguine sanctorum: & sanguine Mar-*  
*tyrum Iesu: & experientia, ac sanguis piorum, (toto orbe,*  
*copiosissimè effusus hactenus) clamat, ac vindictam, à vindice*  
*Deo efflagitat*<sup>b</sup>.

<sup>a</sup> Ap. 17. 6. <sup>b</sup> Ap. 6. 9, 10. & 18. 5. & 19. 2.

**CLXI.** Hujus porro *seductionis terminus* atque *effectum*,  
est duplex: error<sup>a</sup>, atque idololatria<sup>b</sup> in hac vita: & post hanc,  
exitium<sup>c</sup>: idque iusto Dei (contemptum Euangelii vindican-  
tis) iudicio<sup>d</sup>.

<sup>a</sup> 2. Theff. 2. 10, 11. & Ap. 18. 3. <sup>b</sup> Apoc. 13. 15. <sup>c</sup> 2. Theff. 2. 10, 12.  
<sup>d</sup> Ib. vers. 10, 11, 13.

**CLXII.** *Eventus* denique *Antichristi*, est *destructio* illius.  
Quæ *primum inchoatur verbo Dei*<sup>a</sup>, cum prædicato (quo er-  
rores perniciosi & tyrannis illius, reteguntur) tum fidem acce-  
dente; qua & subditi à Babylone exeunt<sup>b</sup>: & reges, post diu-  
tinam poculi meretricis ebrietatem, excitati eam deserunt, &  
injustis regnorum spoliis, & honoribus, exeunt ac denudant:  
ut *experientia* probare cepit. *Deinde perficietur illustri Chri-*  
*sti adventu*<sup>d</sup>: quo in ignem inferni deicietur<sup>e</sup>. *Etiā veni,*  
*Domine Iesu*<sup>f</sup>.

<sup>a</sup> 2. Theff. 2. 8. <sup>b</sup> Apoc. 18. 4. <sup>c</sup> Ap. 17. 16. <sup>d</sup> 2. Theff. 2. 8. <sup>e</sup> Ap. 19.  
20. <sup>f</sup> Ib. 22. 20.

71

DISPUTATIO XXII.

DE PETRI APOSTOLI, ET PAPÆ ROMANI,  
REPUGNANTIA.

**Q**uoniam jam antea, Romanæ Ecclesiæ doctrinam, & Legi divinæ, & Euangelio Christi (Apostolorum symbolo, & Baptismi, ac Cæna Domini, Sacramentis comprehenso) repugnare sigillatim ac perspicue demonstravimus: non alienum fore arbitramur, si originem errorum, ac caput ipsum, petamus, & succincta, Petri Apostoli & Papæ Romani, comparatione instituta, utriusque (in nomine, officio, ac potestate, atque executione illius) repugnantiam, ob oculos proponamus: ut reipsa Papam, non Petri Apostoli successorem, sed adversarium: & Ecclesiam Romanam, non Apostolicam, sed apostaticam esse, luculenter appareat.

T H E S I S I.

**A**C primùm (ut à nomine ordiamur) Petro vetus, & novum obtigit. *Petrus*; quod à majoribus inditum, est Simon<sup>a</sup>, & quod eodem redit, Symeon<sup>b</sup>: & distinctè ab aliis, *Simon Barjona*<sup>c</sup>, hoc est filius Jonæ<sup>d</sup>, non autem Johannis (ut cum nonnullis, vulgaris versio Latina, malè statuit) & per ellipsin, *Simon Jona*<sup>e</sup>, nempe filius, appellatur. *Novum* verò, quod divinitus, à Christo, non mutatione veteris<sup>f</sup>, sed additione alterius, impositum, est Cephass<sup>g</sup>, Græcaterminatione, pro Cepha (ut pro Iona<sup>h</sup>, Ionas<sup>i</sup>) dictum.

<sup>a</sup> Matth. 10. 2. <sup>b</sup> 2. Pet. 1. 1. <sup>c</sup> Matth. 16. 17. <sup>d</sup> Ioh. 1. 43. <sup>e</sup> Ib. 21. 15, 16, 17. <sup>f</sup> Matth. 16. 16. <sup>g</sup> 2. Pet. 1. 1. <sup>h</sup> Ioh. 1. 43. <sup>i</sup> 1. Cor. 1. 12. & 9. 5. Gal. 2. 9. <sup>h</sup> Ion. 1. 1. <sup>i</sup> Matth. 12. 40.

II. Contra verò *Papa Romanus*, vetus suum nomen, novè permutare, consuevit: non Dei institutione, nec Petri (ut vanè obtenditur<sup>a</sup>) sed Papæ, *Sergii secundi*, exemplo. Qui (ut graves Pontificii auctores testantur) antea vocabatur, OS PORCI: unde, ab isto Sergio, ceteri, proprium nomen, deinceps mutarunt<sup>b</sup>. Sed nonne longè iustius, ominosum illud nomen, potuissent sibi assumere: quod vineam Domini, porcini rostri more, subruendo vastare, non desinant?

<sup>a</sup> Glossa in Proemio Sexti. <sup>b</sup> Martinus Polonus archiepiscopus in Supput. 10. Johannes Stella de viciis Pontificum in Sergio.

III. Ad interpretationem verò nominis, quod attinet, quum *Cephas*, Apostolo interprete<sup>a</sup>, πῆτρος (hoc est, lapidem) significet; unde *Petrus* vocatur<sup>b</sup>: contra *Papa Romani*, *Anacletus*<sup>c</sup> & *Vigilius*<sup>d</sup>, divinæ interpretationi, & linguæ sacræ, repugnantes; *Cephas*, id est, caput, perridicula imperitia, exponunt.

<sup>a</sup> Ioh. 1. 43. <sup>b</sup> Matth. 10. 2. <sup>c</sup> Epist. 3. & Decret. dist. 22. can. Sacrosancta. <sup>d</sup> Epistola ad Eleutherium.

IV. Quam non tollit, sed auget ineptè, cum *Cardinale Baronio*<sup>a</sup>, *Bellarmino*<sup>b</sup>: quum, de *Cepha*, ait; *Syriacè significat petram* &c. *Græcè autem significat caput*. Quasi scilicet, κεφαλή & κεφαλὴ, convenirent! Neque eum, Optati Milevitani, scriptoris, non Græci, sed Afri (Anacleti & Vigili erroris impingentis) lapsus, ab imperitiæ, aut malæ fidei, labe repurgarit. Atque hæc est prima, Petri & Papæ (quæ in nomine consistit) repugnantia.

<sup>a</sup> Annalium lib. 1. an. 11. Num. 37. <sup>b</sup> De Pontifice lib. 1. c. 17.

V. Secunda verò in officio existit: Petri enim (ut & reliquorum Apostolorum) officium, ratione sui principii, finis, & mediis, fuit extraordinarium. Siquidem principium, fuit divina atque immediata, à Christo, vocatio<sup>a</sup>: finis autem; ut unus esset, ex primariis, oculatis atque auritis, Christi testibus<sup>b</sup>, ad Euangelium, perpetua veritate, omnibus gentibus, prædicandum, Ecclesiæque fundandas ac gubernandas, legatus<sup>c</sup>. Medium denique, ad eum finem idoneum ac necessarium, fuit Christi, ab initio, conspectus, ac doctrinæ auditio, & miraculorum, passionis, mortis, resurrectionis atque ascensionis illius, experientia<sup>d</sup>, & extraordinaria, Spiritus Sancti donatio<sup>e</sup>: qui & mentem Apostoli, linguarum & omnis veritatis tradendæ notitiâ<sup>f</sup>, & animum constantiâ invictâ imbuat, & in docendo; perpetuò direxit, ac miraculis editis, confirmavit<sup>g</sup>.

<sup>a</sup> Matth. 28. 19. Ioh. 20. 21. <sup>b</sup> Act. 1. 8. 1. Cor. 12. 28. Eph. 4. 11. 1. Ioh. 1. 1. 2. Pet. 1. 16. <sup>c</sup> Matth. 28. 20. Mar. 16. 20. Ioh. 20. 21. <sup>d</sup> Act. 1. 2, 22. & 2. 32. & 10. 39, 41. 1. Ioh. 1. 3. <sup>e</sup> Ioh. 20. 22. Act. 2. 1, 11. <sup>f</sup> Ibidem. Ioh. 16. 13. <sup>g</sup> Luc. 12. 11, 12. Ioh. 16. 13. Marc. 16. 20. Heb. 2. 3, 4.

VI. Contra verò *Papa Romanus*, huic Petri officio, variè repugnat. Primum, quod extraordinarium, totius orbis<sup>a</sup>, apostolum, ordinarium unius urbis (Antiochiæ initio, ac po-

stea Romæ) episcopum extitisse<sup>b</sup>, nullo Scripturæ indicio, nullaque ratione solida; sed aperta contradictione, confingit. Deinde, quod Romanum episcopum, ordinarium Petri successorem institutum, falsò gloriatur<sup>c</sup>.

<sup>a</sup> Mar. 16. 15. <sup>b</sup> Damasus Papa in vita Petri. <sup>c</sup> Decreti causa 24. qu. 1. can. Rogamus.

VII. Etenim, si officii principium spectemus, Papæ Romani vocatio, non est extraordinaria atque immediata, à Christo; sed ordinaria ac mediata, ab hominibus, & quidem scelere sæpius occupata. Cujus rei, quam plurima exempla, Paparum historia (ab antiquis & recentibus Pontificiis auctoribus descripta) recenset. Ex quibus illustre, trium Paparum, specimen jam suffecerit.

VIII. Primus est, Bonifacius septimus: qui (ut *Johannes Stella* ait) quum malis artibus, hoc Pontificatus munus, adeptus fuisset, malè vixit: & pessimè vitam finivit<sup>a</sup>. Huic accedit secundus, Sylvester secundus: qui (ut idem narrat) totum se DIABOLO OBtulit, modo quod optaret, obtineret, &c. ut postremò Romanus Pontifex, DIABOLO ADJUVANTE, fuerit constitutus: hac tamen lege, ut post ejus obitum, totus illius, in anima & corpore esset, cujus fraudibus tantam adeptus esset dignitatem<sup>b</sup>. Denique tertius, est Bonifacius octavus: unde (ut idem refert) de eo prophetatum; Intravit, ut vulpes: vixit, ut leo: mortuus est, ut canis<sup>c</sup>.

<sup>a</sup> De viciis Pontificum in Papa 142. & Bartholomæus Cananza Summa concil. in Bonif. 7. <sup>b</sup> Johan. Stella de viciis Pontif. in Papa 147. & Martin. Pol. archiep. Supput. ad an. 983. & 1007. <sup>c</sup> Joh. Stella de vit. Pont. in Papa 202. Barthol. Carranza Sum. concil. in Bonif. VIII.

IX. Deinde finis institutionis Papæ, non est, ut sit, oculatus atque auritus, Christi testis: & ad euangelium, inter omnes gentes, prædicandum legatus: sed ut Romanæ Ecclesiæ sedem possideat: ut experientia, citra controversiam, demonstrat. Denique medium, ad officii Petri executionem, necessarium, Papæ Romano, prorsus deest. Nec enim in omnem veritatem, interna Spiritus Sancti revelatione, deductio: multoque minus, perpetua, ab eodem, directio, Papæ convenit: sed ordinaria, institutionis humanæ, doctrina: eaque non rarò, cum enormi Sacrarum literarum ignorantia, atque erroribus variis, conjuncta.

X. Cujus rei (ex innumera pene copia) memorabile exemplum, in responsis *Zacharia Papæ*, non minus, quam in *Bonifacii*, apostoli illius, quæstionibus, conspicitur. *Flagitasti* (inquit) qua recipienda & qua respicienda sint, inprimis de volatilibus, id est, graculis & corniculis atque ciconiis, qua omnino cavenda sunt, ab esu Christianorum: etiam & fibri atque LERORES; & equi sylvatici, multo amplius cavendi. Attamen sanctissime frater, de omnibus Scripturis Sacris BENE COMPERTUS ES<sup>a</sup>. Item, Et hoc inquisivisti, post quantum temporis, debet lardum comedi? Nobis à Patribus, constitutum pro hoc non est: tibi autem petenti, consilium præbemus, quod non oporteat illud mandî, priusquam super FUMO siccetur, aut IGNE coquatur. Si vero libet, ut INCOCTUM manducetur; post PASCHALEM FESTIVITATEM, erit manducandum<sup>b</sup>. Quam similes habent labra lactucas! quam stupenda, in Papa simul, & egregio, ad Germanos convertendos, Apostolo, primoque tandem archiepiscopo Moguntino, sancto scilicet Bonifacio, doctrinæ sacræ, sub arrogantia scientiæ, ignorantia; & Christianismi, cum Judaismo, confusio!

<sup>a</sup> Epistola ad Bonif. <sup>b</sup> Ibidem.

XI. Erro-



XI. Errorum etiam illustre speculum, est diserta *Paparum* in contrariis de religione decretis, repugnantia. Primum enim *Gelasius* Papa communionem (ut vocant) sub una specie, grande sacrilegium, pie asseruit<sup>a</sup>. Contra verò, *Pius quartus*, impiè, Si quis hoc dixerit, anathema ei denunciat<sup>b</sup>. Deinde, infantibus Eucharistiam, ad salutem necessariam (loci Joh. 6. 53. abusu, communi sui temporis errore) statuit olim *Papa Innocentius*<sup>c</sup>: contra verò, *Papa Pius quartus* rectè hoc rejicit: imò ita statuentes, anathemate ferit<sup>d</sup>. Atque hæc prima errorum, in Papis Romanis, demonstratio.

<sup>a</sup> Decret. dist. 25. can. comperimus. <sup>b</sup> Concil. Trid. Sess. 21. can. 2. <sup>c</sup> Aug. tom. 2. in epist. Innoc. ad Synod. Milevit. Aug. contra 2. epist. Pelag. c. 4. <sup>d</sup> Concil. Trid. Sess. 21. can. 4.

XII. Altera est, quòd complures eorum (non minus quam alii) facti sint hæretici. Cujus rei (inter cætera) duo clarissima, & omni exceptione majora, exempla proferemus. Primum est *Liberius* Papa: qui apertè ad Arianos defecit: ut non solum *Athanasius*<sup>a</sup>, & *Hieronymus*<sup>b</sup>, alique testantur; sed etiam ipsemet *Liberius*, in sua ad presbyteros & coepiscopos orientales epistola, liberè ac disertè profitetur. Adeò ut *sanctus Hilarius* idcirco, insertis, ei epistolæ, parenthesisibus, illum Apostatam ac prævaricatorem, pia indignatione accensus, vocet, eique anathema, etiam atque etiam denuntiet.

<sup>a</sup> Epist. ad solitatem vitam agentes. <sup>b</sup> In Chronicis Euseb.

XIII. Sic enim *Liberius*; Ego *Athanasium* non defendi &c. At ubi COGNOVI, quando PLACUIT DEO, JUSTE vos illum CONDEMNASSE, mox CONSENSUM commodavi sententiis vestris, &c. Nam ut VERIUS SCIATIS, me VERA FIDE, per hanc epistolam, ea LOQUI, dominus & frater meus communis *Demophilus*, qui dignatus est, pro sua benevolentia FIDEM VESTRAM ET CATHOLICAM exponere, quæ Syrmium, à pluribus fratribus, exposita, ac suscepta est (HÆC EST PERFDIA ARIANA: HOC EGO NOTAVI, NON APOSTATA: LIBERIUS SEQUENTIA<sup>b</sup>) ab omnibus qui in presenti fuerunt, hanc ego libenter animo suscepi (\* ANATHEMA TIBI, A ME DICTUM, LIBERI, ET SOCIIS TUIS \* c) in nullo contradixi, sensum accommodavi: hanc sequor: hæc à me tenetur (\* ITERUM TIBI ANATHEMA, ET TERTIO PRÆVARICATOR LIBERI<sup>d</sup>) Sane petendum credidi, quia jam PERVIDETIS in OMNIBUS, ME VOBIS CONSENTANEUM ESSE &c.

<sup>a</sup> Leg. apud. Syrmium: ut res ipsa, & in fine epist. Hilar. ostendit. <sup>b</sup> Parenthesis prima Hilarii. <sup>c</sup> Altera ejusdem. <sup>d</sup> Tertia ejusdem.

XIV. Eandemque, ad Arianos, apostasiam suam, *Liberius* Papa, in epistola secunda, de exilio ad Ursacium, Valentem, & Geminium Arianos, attestatur. Ideoque *Hilarius*, finii illius subjicit; PRÆVARICATORI, ANATHEMA A ME DICTUM\*. Idemque *Liberius*, in epistola tertia, ad Vincentium, apertè profitetur: ut hæc omnia in *B. Hilarii*, ex opere historico fragmentis (editis anno M.D. xcviii. Parisiis ex officina Plantiniana, apud Hadrianum Perier) sunt conspicua. Et *Bellarminus*<sup>a</sup> similiter agnoscit; Legi (inquit) ipse epistolas *Liberii* manuscriptas, ex Vaticana Bibliotheca: qua partim ad Imperatorem, partim ad episcopos Orientales scripta erant, in quibus SATIS APERTE significabat, se tandem imperatoris voluntati ACQUIESCERE VOLUISSE. Atque hæc, de *Liberio* Papa hæretico.

<sup>a</sup> De Pontifice lib. 4. c. 9.

XV. Alterum exemplum est *Honorius* Papa: qui ad Monothelitas defecit. De quo (præter Concilii generalis Constantinopolitani sexti Act. 13. & 18. & in eo *Agathonis* Papa assensum) *Papa Leo secundus*, tanquam de convicto hæretico, hanc damnationis sententiam protulit; Anathematizamus &c. & *Honorium*, qui hanc Apostolicam Ecclesiam, non Apostolica traditionis doctrina, lustravit; sed profana prodictione, immaculatam FIDEM SUBVERTERE CONATUS EST<sup>a</sup>.

<sup>a</sup> In fine Constant. Concilii 6. in epist. ad Constant. August.

XVI. Unde perspicuum est, quàm vana sit Papæ Bonificii octavi assertio; Quod Pontifex Romanus jura omnia, in

scrinio pectoris, censeatur habere<sup>a</sup>: & similis, *Eusebii* Papa, sententia; In sede Apostolica, citra maculam, semper servata est catholica religio<sup>b</sup>. Ac propterea corrumpit præcipuum, religionis Pontificiæ, fundamentum Pythagoricum; *autis ipsa, Papa dixit*: quasi omnia concilia, etiam universalis (nisi Papæ assensus accesserit) errare possint<sup>c</sup>: solus verò pontifex, ab errore doctrinæ, esset immunis<sup>d</sup>. Atque hæc de secunda, Petri & Papæ, in utriusque officio, repugnantia.

<sup>a</sup> Sextilib. 1. 2. Can. licet. <sup>b</sup> Decret. causa 24. qu. 1. can. in sede. <sup>c</sup> Bellar. de Conciliis l. 2. c. 11. <sup>d</sup> Idem de Pontif. lib. 4. cap. 5. & 6.

XVII. Tertia verò, in potestate eorum existit. Nam potestas officii Petri, primum non fuit politica; sed merè Ecclesiastica: quæ ipsum, à magistratus potestate, non exemit; sed ei subjectum reliquit. Hoc enim Christus, & mandato illo generali; Date *Cæsari*, qua sunt *Cæsaris*<sup>a</sup>: & singulari, Petro imperavit, suoque exemplo (licet summi regis esset filius) fancivit<sup>b</sup>: regnumque suum, non esse hujus mundi<sup>c</sup>, asseruit. Idemque suo, per Apostolum, decreto, Omnis anima, potestatibus supereminens, subjecta esto<sup>d</sup>, confirmavit. Hoc est (ut *Chrysostomus* rectè declarat) omnis anima &c. etiam si Apostolus sis, si Evangelista, si Propheta, si quisquis tandem fueris. Neque enim pietatem subvertit, ista subiectio<sup>e</sup>.

<sup>a</sup> Matth. 22. 21. <sup>b</sup> Ibid. 17. 25, 26, 27. <sup>c</sup> Joh. 18. 36. <sup>d</sup> Rom. 13. 1. <sup>e</sup> Comment. Rom. 13. 1.

XVIII. Contrà verò *Nicolaus* Papa Romanus, Scripturæ & Petri potestati repugnans, primum ita decernit: Qui (Christus) beato Petro, aterna vita clavigero, TERRENI SIMUL ET CÆLESTIS IMPERII, JURA COMMISIT<sup>a</sup>.

<sup>a</sup> Dist. 22. can. omnes.

XIX. Deinde etiam *Papa Bonifacius octavus*, se suolque Ecclesiasticos, ab ea, erga magistratum, subiectione subtrahens, ait; quòd, Ecclesia, Ecclesiastica persona, ac res ipsarum, non solum JURE HUMANO, quinimo ET DIVINO, à secularium personarum exactionibus, sint immunes<sup>a</sup>. Imò non solum *Cæsari*, regibus ac magistratibus subesse, Papa detrectat; sed iis etiam præesse debere, contendit: ut *Clemens tertius*, & *Bonifacius Octavus*, admiranda insolentia, impioque Scripturæ abusu ac lusu, demonstrant.

<sup>a</sup> Sextilib. 3. tit. 20. c. 4. Quamquam.

XX. *Clemens* quidem tertius, quum ad Constantium Imperatorem ait: Ad firmamentum igitur cæli, hoc est, universalis Ecclesie, fecit Deus duo magna luminaria; id est, duas instituit dignitates: quæ sunt Pontificalis auctoritas, & regalis potestas. Sed illa, quæ præest diebus, id est, spiritualibus, major est: quæ verò carnalibus, minor: ut quanta est, inter solem & lunam; tanta, inter Pontificem & reges, differentia cognoscatur<sup>a</sup>. Et Glossa adjecta ait: Sicut igitur, quum terra sit septies major luna, sol autem octies major est terra: restat ergo, ut Pontificis dignitas, quadragesies septies, sit major regali dignitate. Ita vano ac profano Pontificis decreto, putida Glossa respondet. Hæc de *Clemente* Papa.

<sup>a</sup> Decretal. lib. 1. tit. 33. De majoritate & obedientia.

XXI. *Bonifacius* verò octavus, de Ecclesia sic ait: In hac, ejusque POTESTATE, DUOS ESSE GLADIOS, spirituales videlicet & temporales, Evangelicis dictis instrumur<sup>a</sup>. Nam dicentibus Apostolis: Ecce gladio duo hic<sup>b</sup> (in Ecclesia scilicet, quum Apostoli loquerentur) non respondit Dominus, nimis esse, sed satis est<sup>c</sup>. Certè qui in potestate Petri, temporalem gladium esse negat, male verbum Domini<sup>d</sup> attendit proferentis: Convertite gladium tuum, in vaginam tuam<sup>e</sup>. Uterque ergo est in potestate Ecclesie, spiritualis scilicet gladius, & MATERIALIS: sed is quidem pro Ecclesia: ille verò ab Ecclesia, exercendus: ille, sacerdotis: is, manu regum & militum; sed AD NUTUM & PATIENTIAM SACERDOTUM<sup>f</sup>. Sed nonne, simili jure, Papa concluderet: Ergo baculus stat in angulo?

<sup>a</sup> Ratio. 1. <sup>b</sup> Luc. 22. 38. <sup>c</sup> Ibid. <sup>d</sup> Ratio 2. <sup>e</sup> Matth. 26. 52. <sup>f</sup> Extravag. commun. de majoritate & obedientia c. Vnam sanctam.

XXII. Idemque sui similis, postea subjicit: Nam veritate testante: SPIRITUALIS POTESTATIS, TERRENAM POTESTATEM INSTITUERE EST, ET JUDICARE si bona non fuerit. Et sic de Ecclesia & Ecclesiastica potestate, verificatur vaticinium *Jeremia*<sup>a</sup>; Ecce confirmi se hodie, super gentes<sup>b</sup>: & cætera, quæ sequuntur. Ergo si deviat terrena potestas,

*potestas, judicabitur à potestate Spirituali: sed si deviat spiritalis, minor à superiori: si vero suprema, A SOLO DEO; NON AB HOMINE, POTERIT JUDICARI: testante Apostolo c; Spiritus huiusmodi iudicat omnia: ipse autem, à nemine iudicatur d.*

<sup>a</sup> Ratio. 3. <sup>b</sup> Cap. 1. 10. <sup>c</sup> Ratio. 4. <sup>d</sup> 1. Cor. 2. 15.

XXIII. Quibus proximè hæc annectit; *Est autem hæc auctoritas, etsi data sit homini, & exerceatur per hominem, non humana; sed potius divina, ore divino, Petro data, suisque successoribus in ipso Christo, quem confessus fuerat, petra firmata, dicente domino ipsi Petro a. Quodcumque ligaveris b, &c. Quicumque igitur huic potestati resistit, Dei ordinationi resistit: nisi duo (sicut Manichæi) fingant esse principia c. Quod falsum & hæreticum iudicamus: quod testante Moyse, non in principiis, sed in principio, calum Deus creavit & ter-*

*ram. Porro SUBESSE ROMANO PONTIFICI, OMNEM HUMANAM CREATURAM, declaramus, iudicamus, diffinimus, pronuntiamus, OMNINO ESSE DE NECESSITATE SALUTIS. Quis hic non exclamet, papæ! quàm egregia ex hisce principiis, potestatis Papæ, demonstratio?*

<sup>a</sup> Ratio. 5. <sup>b</sup> Matt. 16. 19. <sup>c</sup> Ratio. 6.

XXIV. Nam hæ rationes omnes, adeo ineptæ ac ridiculæ sunt, ut eas doctiores Pontificii (in hac tractanda materia) pudore prætereant, excepta quinta: quæ nihilominus prorsus à scopo, aliena est. Nam *ligandi & solvendi potestas* (ut Petro, sic reliquis Apostolis promissa) non Politica, sed Ecclesiastica est: ut *claves non regni terreni, sed calorum promissæ, & expositio Christi, Matth. 18. 18. & Joh. 20. 23. definiunt. Atque hæc, de Petri & Papa, in politica potestate, repugnantia.*

## A L T E R A P A R S,

## DE PETRI APOSTOLI, ET PAPÆ ROMANI REPUGNANTIA.

**Q**uandoquidem priorem, de Petri Apostoli, & Papæ Romani, repugnantia, partem absolvimus; reliquum est, ut alteram (quæ in potestate Ecclesiastica, & officii executione, consistit) subnectamus: ut vana, majestatis ac sanctitatis Pontificiæ, larva detrahatur, & mysterium iniquitatis resectum, à salutis suæ, & Dei gloriæ cupidis, majore studio eviteatur.

## T H E S I S I.

**A**D prius autem quod attinet, *Potestas Ecclesiastica Petro data, ministerium fuit; non dominium. Quia dominus ipsi, aliisque Apostolis, diserte hoc interdixit. Scitis (inquit) principes gentium, in eas dominari: & qui magni sunt, licentia uti in eas: verum non ita erit inter vos. Quicumque voluerit, inter vos, magnus fieri, sit vester minister a. Ideoque Bernardus, hisce recitatis, subjicit; Forma Apostolica hæc est, interdicitur dominatus; indicitur ministerium b.*

<sup>a</sup> Matth. 20. 25, 26. <sup>b</sup> De considerat. ad Papam Eugenium lib. 2.

II. Ac licet Petrus, ætate a, amoris erga Christum, ac confessionis fidei ardore, ac dicendi promptitudine, inter Apostolos excelluerit: ipsique, ordinis causa, primas in dicendo permiserint: eorum tamen singulis, potestate fuerunt pares: & universi, in Ecclesia gubernanda, majores.

<sup>a</sup> Hieron. t. 2. contra Jovin. l. 1.

III. Pares enim fuisse singulos, suo etiam exemplo, Paulus Apostolus demonstrat, quum ad Corinthios; se NIHILO INFERIOREM, summis Apostolis a, testatur. Et ad Galatas; 1. NIHILO sibi ab iis COLLATUM: 2. Concreditum sibi, Evangelium præputii; sicut Petro circumcissionis: 3. Deum, non minus per ipsum, inter gentes, quàm per Petrum, inter Judæos, operatum: 4. Jacobum & Cepham & Johannem, dextram dedisse societatis ut ipse cum Barnaba inter gentes: illi verò, inter Judæos b, officio fungerentur. Unde paritatem Petri, & aliorum Apostolorum, pricipi Patres c, rectè demonstrarunt.

<sup>a</sup> 1. Ep. 11. 5. <sup>b</sup> c. 2. 6, 7, 8. <sup>c</sup> Chrysostr. & Ambros. ibidem.

IV. Eamque, *ius Pontificium* a, (contradictionibus suis fœcundum) ex Cypriano Papa (non Romano, sed Cartaginensi: ut Papa vox, olim episcopis communis fuit, eoque nomine Cyprianus à presbyteris Romanis b, & Augustinus, ab Hieronymo c appellatur) sic statuit; *Hoc utique erant ceteri Apostoli, quod Petrus: PARI CONSORTIO præditi, & HONORIS ET POTESTATIS d. Idemque Anacletus Papa Romanus ait; Ceteri Apostoli, cum eodem PARI CONSORTIO, HONOREM & POTESTATEM, acceperunt e.*

<sup>a</sup> Decret. causa 24. qu. 1. can. loquitur. <sup>b</sup> Cyprian. ep. 17. lib. 2. <sup>c</sup> August. tom. 2. ep. 13. & 17. <sup>d</sup> Cyprian. de unit. Ecclesiæ Sect. 3. <sup>e</sup> Dist. 21. can. in novo.

V. Idque res ipsa, etiam probat: quia id quod primum ac nominatim Petro (ad unitatem, cum reliquis Apostolis, pro quibus simul erat locutus, indicandam a) promiserat Christus; illud postea, aliis quoque promisit, & promissa præ-

stans, ad omnes Apostolos pertinere (iis omnibus communiter dando b) declaravit. Hinc Hieronymus ait; *At dicis, super Petrum fundatur Ecclesia: licet id ipsum, in alio loco, super omnes Apostolos fiat: & cuncti, claves regni calorum, accipiant, & EX ÆQUO, super eos Ecclesia fortitudo, solidetur: tamen propterea inter duodecim unus eligitur, ut, capite constituto, schismatis tollatur occasio. Sed cur non Ioannes electus est virgo? Etati delatum est; quia Petrus senior erat c. Atque ita paritatem Apostolorum ostendit: nec aliam, quam ordinis præstantiam, Petro tribuit.*

<sup>a</sup> Cyprian. de unit. Ecclesiæ Sect. 3. Hier. contra Jovin. l. 1. <sup>b</sup> Matt. 18. 18. Joh. 20. 21. 22. 23. <sup>c</sup> Tom. 2. adversus Jovin. l. 1.

VI. Deinde quod universi Apostoli (seu eorum cœtus) Petro, in gubernanda Ecclesia, fuerint majores: illud inde etiam cognoscitur, partim quòd eorum auctoritate cum Johanne Apostolo, ad Samaritanos fuerit legatus a: partim quòd parium collegium, singulis suis membris, prævalere constet.

<sup>a</sup> Act. 8. 14.

VII. Contra verò Papa Romanus, huic Petri ac singulorum Apostolorum, paritati, duplici errore repugnat. Primum est, quòd Petrum Ecclesiæ principem, à Christo institutum, fingit a. Idque ut ab ipso, quasi quodam capite (ut Papa Nicolaus ait) dona sua, velut in corpus omne, diffunderet. Hunc enim, IN CONSORTIUM, INDIVIDUÆ UNITATIS ASSUMTUM, id quod ipse erat Dominus voluit nomen, dicendo; *Tu es Petrus & super hanc Petram, edificabo Ecclesiam meam: ut æterni templi structura, Deo edificante instructa mirabili munere gratis Dei, IN PETRI CONSISTERET FIRMITATE b. In quo decreto, & falsum est Antecedens: & infirma omnino consequentia.*

<sup>a</sup> Marcellus Papa Decret. Causa 24. qu. 1. can. Rogamus. <sup>b</sup> Sextilib. 1. Tit. 6. can. fundam.

VIII. Antecedens enim est falsum, quia Christus non ait; *Super te Petrum*: sed distinctè ab eo; *Super hanc Petram*. Quam scilicet & Petrus erat confessus, & Christus præsentem, etiam hac loquendi forma, demonstrabat; ut & alibi, de se, quasi intento digito ait; *Destruite templum Hoc a: item; Hic est panis, qui de calo descendit b. Hinc Augustinus etiam ait; Non enim dictum est ei; Tu es Petra; sed tu es Petrus: petra autem, erat Christus: quem confessus Simon (sicut enim tota Ecclesia confitetur) dictus est Petrus c. Idque & vocum & rei ratio, demonstrat.*

<sup>a</sup> Joh. 2. 19. 21. <sup>b</sup> Ibid. 6. 50. <sup>c</sup> Tom. 1. Retract. lib. 1. c. 21.

IX. Nam ad voces quod attinet, ut in Syriaca lingua (qua Christum usum constat) Cephæ a, & Schûhæ b, lapis & petra,

Gggg

petra, tanquam genus & species, differunt: sic *πίτρες* & *πίτρες*, Græcè. Ac licet interdum per synecdochen, *Cepha* lapis<sup>c</sup> (ut ejus synonymum *Abhna*<sup>d</sup>) pro petra, seu rupe (ut *Ceph* Hebræis) usurpetur: propriè tamen, pro lapide *quinguaqies*, in Novo Testamento Syriaco, subductâ ratione, comperitur. *πίτρες* verò Græcis, rarius ad synecdochen, à propria significatione deflectens, petram designat; sed propriam retinens, trito bonorum auctorum usu, lapidem notat. Unde *Hesychius*, in Lexico suo; *πίτρες*, λίθον, lapidem exponit. Id quod pluribus exemplis (quia & rariora, à Lexicographis etiam, adferuntur, & ad rem propositam, maximè conducit) ex *Homerō*, *Euripide*, & *Sophocle*, illustrandum.

<sup>a</sup> Syriac. Testam. Matth. 7. 9. Joh. 10. 31. <sup>b</sup> Matth. 7. 24. 25. <sup>c</sup> 1. Cor. 10. 4. <sup>d</sup> 1. Pet. 2. 6.

X. *Homerus* enim *Iliad.* v. versu 278. *μολοίδι πίτρες* & *Batrachomyomachia* versu 217. *πίτρες μολοίδι* molari lapide: & *Iliad.* π. ver. 740. *λάβετο πίτρες*, prehendit lapidem: & *Iliad.* v. ver. 293. *βάλει πίτρες* percussit lapide. *Euripides* autem *Supplicibus*, ver. 503. *πίτρες* *καταβύβοντες* lapidibus contriti: & *Cyclope*, ver. 51. *εἰς πίτρες* jaciunt lapidem: & *Helena* ver. 75. *δυσχεύει πίτρες* rectè jacto lapide: & *Heraclidis*, versu. 1002. *πάντα κινῆσαι πίτρες*, omnem movere lapidem: & *Electra*, ver. 328. *πίτρες* *πλάττει* lapidibusque lapidat, seu pulsat. Denique *Sophocles Philoctete*, edit. Henr. Steph. pag. 387. *ὡς πίτρες* *ἐκπίβον* lapidibus (silicibus) lapidem atterens. Ideoque frustra *Cardinalis Baronius* ait, *Apud illos* (Græcos) *πίτρες*, idem est, quod *ἡ πίτρες* item *Cephas*, Syriacè petram significat: non tamen quamlibet petram; sed qua omnium durissima<sup>a</sup>.

<sup>a</sup> Annal. lib. 1. an. 31. Num. 24.

XI. Neque illud ob stare potest, quòd interpret Syriacus Matth. 16. eadem voce *Cepha* (quam fere semper propriè accipit) utrumque, & *πίτρες* & *πίτρες*, obscurius transferat. Priori enim loco, propria significatione, pro lapide: posteriori verò, impropriè, pro lapidis specie, seu petra usurpat: ut Rom. 9. 33. utrumque, cum *λίθον*, tum *πίτρες* (quæ certè distincta) eadem tamen voce, diverso modo accepta, similiter interpretatur. Magis autem consentaneum est, Christum vocibus diversis Syriacis, *Cepha* & *Schnha* (id est lapide & petra) distinctè usum. Quemadmodum hunc sensum esse, docet Matthæus, qui Græcè (non Hebraicè, ut aliàs demonstravimus) scribens, *πίτρες* & *πίτρες*, distinctè interpretatur.

XII. Nec voces solum, sono ac significatione, diversæ: sed etiam *res ipsa*, ad diversos referri oportere; ex contrariis, Petri & Petræ, attributis evincit. Si enim hæc duo, unum hîc denotarent, tum Christo dicente: *Tu es Petrus, & super hanc petram*, revera quoque fuisset petra: seu idoneum atque immobile, struendæ Ecclesiæ, fundamentum, ab errore omni alienum. Atqui hoc perspicue falsum est, Quia licet, Patris cælestis revelatione, Jesum esse Christum, Filium Dei vivi, agnosceret; mortis<sup>a</sup> tamen & resurrectionis Christi<sup>b</sup> doctrinam, nondum rectè intelligebat, sed in eam (non quæ Dei, sed qua carnis erant, sapiens<sup>c</sup>) gravissimè impexit<sup>d</sup>: & à Christo esse increpatus<sup>e</sup>.

<sup>a</sup> Matth. 16. 22. 23. Joh. 18. 10. 11. <sup>b</sup> Luc. 18. 34. <sup>c</sup> Matth. 16. 23. <sup>d</sup> Luc. 24. 11. Matth. 16. 11. <sup>e</sup> Matth. 16. 3.

XIII. Petrus tamen, *πίτρες*, hoc est lapis, Christo superstructus<sup>a</sup> (licet ob fidei, in nonnullis, infirmitatem, nondum ei plenè cohereret) rectè appellatur. Neque enim hisce repugnat, quod Lucas ait; *Christum pro Petro orasse, ne fides illius deficeret*<sup>b</sup>: quia inde non sequitur, ipsum, ab omni errore fuisse immunem: quum contrarium sequentibus testetur<sup>c</sup>: neque hoc, Petro fuit proprium; sed reliquis etiam sanctis Apostolis<sup>d</sup>, imò & omnibus verè fidelibus, commune beneficium<sup>e</sup>. Atque hæc de *Antecedentis*, ratiocinationis Papæ, falsitate.

<sup>a</sup> 1. Pet. 2. 5. <sup>b</sup> Luc. 22. 12. <sup>c</sup> Luc. 24. 11. <sup>d</sup> Joh. 17. 8. 9. 11. 15. <sup>e</sup> Ib. ver. 20. & cap. 10. 28. 29. 1. Pet. 1. 5.

XIV. *Consequentia* verò ejusdem, propterea infirma est, quod licet Petrus (ut vanè obtenditur) petra seu fundamentum struendæ Ecclesiæ, fuisset appellatus: non ideo tamen sequeretur, eundem, potestate officii à Christo data, reliquis Apostolis majorem, & caput ac fundamentum eorum, ac totius Ecclesiæ, constitutum.

XV. Nam ut Christo servatori unico<sup>a</sup>, ea laus propriè lo-

quendo, convenit<sup>b</sup> (neque enim biceps Ecclesia<sup>c</sup>: nec sponsus ejus, est alius, quam ipse<sup>d</sup>) sic impropriè ac similitudine quadam, ob cælitus ac immediatè revelatam, doctrinam: & Ecclesiæ Christianæ foundationem, fundamentum Ecclesiæ (ministeriale scilicet) communi cum cæteris Apostolis ratione; appellaretur. Siquidem *duodecim* cælestis civitatis *fundamentis*, non Petri unius; sed duodecim Apostolorum nomina inscripta, divinitus affirmatur<sup>e</sup>. Quod doctrinæ fundamentum, iis etiam mortuis, non petiit, sed in scriptis ipsorum, ad perpetuam Ecclesiæ structuram<sup>f</sup>, conservatur.

<sup>a</sup> Act. 4. 12. <sup>b</sup> 1. Cor. 3. 4. Eph. 2. 22. 1. Pet. 2. 4. 5. <sup>c</sup> Eph. 1. 22. & 4. 15. & 5. 23. 24. <sup>d</sup> 2. Cor. 11. 2. Eph. 5. 32. <sup>e</sup> Apoc. 21. 14. <sup>f</sup> Eph. 1. 22.

XVI. Quæ adeo perspicua sunt, ut etiam Bellarminus, veritate victus assentiri cogatur, quum ait; *Tribus modis Apostolos fuisse Ecclesiæ fundamenta, sine ullo tamen Petri præjudicio. Uno modo, quia ipsi primi Ecclesiæ fundarunt &c. Altero modo dicuntur fundamenta Ecclesiæ, Apostoli & Propheta, ratione doctrinæ, à Deo revelata &c. Nec in his duobus, major est Petrus cæteris &c. Tertio modo dicuntur fundamenta omnes Apostoli ratione gubernationis. Omnes enim fuerunt CAPITA, RECTORES, ET PASTORES ECCLESIAE UNIVERSÆ*<sup>a</sup>. Hæc ille.

<sup>a</sup> De Pontifice lib. 1. c. 11.

XVII. Unde sequitur, hoc non esse Petri Privilegium, quod jussus est, *oves Christi pascere*<sup>a</sup>: licet illud, ad peculiarem ac triplicem Christi abnegationem abstergendam, ter sit mandatum<sup>b</sup>. Quod etiam Bellarminus confirmans ait; *Dari Apostolis, per illa verba, Ego mitto vos*<sup>c</sup>, quod Petro fuerat promissum per illud; *Tibi dabo claves*<sup>d</sup>, & postea exhibitum per illud; *Pasce oves meas*<sup>e</sup>. Habuerunt igitur eandem potestatem.

<sup>a</sup> Joh. 21. 15. 16. 17. <sup>b</sup> August. in Joh. tract. 123. Isidor. Pelusiota. lib. 1. ep. 103. <sup>c</sup> Johan. 20. 21. <sup>d</sup> Matth. 16. <sup>e</sup> Johan. 21. 16. Bellarm. de pontif. lib. 4. c. 23.

XVIII. Quod autem alibi excipit; *Sed non eodem modo. Illi enim habuerunt summam atque amplissimam auctoritatem, ut Apostoli, seu legati: Petrus autem, ut Pastor ordinarius. Deinde ita habuerunt plenitudinem potestatis, ut tamen Petrus esset caput eorum & ab illo penderent: non è contrario*<sup>a</sup>. In iis (inquam) seipsum, imprudenti contradictione, confutat. Nam si Apostoli fuerunt *capita & pastores Ecclesiæ* (ut antea seruit) *universæ, summamque habuerunt auctoritatem*, caput ac superiorem non habuerunt: sin contra Petrus eorum fuerit caput, iisque superior, summa auctoritate fuerunt destituti.

<sup>a</sup> Ibid. lib. 1. c. 11.

XIX. Nam quòd ait; *Habuerunt, non eodem modo. Illi ut Apostoli & legati: Petrus, ut pastor ordinarius*<sup>a</sup>: vanum omnino effugium est. Quoniam discrimen illud nusquam Scripturâ tradit, sed contra parem legationem iis attribuit<sup>b</sup>: nec Petrus ullibi majorem potestatem sibi adscribit. Deinde nec diversus paritatis modus, paritati repugnat: nec denique modus ille fictitius, contradictionem tollit; sed geminat. Eundem enim, & extraordinarium esse Ecclesiæ universæ pastorem, & simul ejusdem ordinarium, se mutua contradictione evertunt. Ita Bellarminus, semel à veritatis tramite deflectens, quò ulterius procurrit, eò longius aberrat, & contradictionum suarum laqueis sese miserè implicat atque adstringit.

<sup>a</sup> Ibidem. <sup>b</sup> Matth. 28. 19. 20. Mar. 16. 15. 20. Act. 1. 8.

XX. Præterea quomodo potuit Petrus esse ordinarius, universæ Ecclesiæ, pastor, ubi nullus in eadem potestate, ordo constitutus? Quod enim objicit; *Hoc promittitur Petro Matth. 16. cum soli, coram aliis, dicitur; Super hanc petram, edificabo Ecclesiæ meam*<sup>a</sup>, illud jam ante, falsum esse, ostendimus: quia nec de Petro hoc dictum, neque etiam tum dici potuit; nec si dictum fuisset, ipsi soli conveniret. Ideoque audiendus *Augustinus*, quum ait; *Super hanc ergo petram, QUAM CONFESSUS ES, edificabo Ecclesiæ meam. Petra erat Christus: super quod fundamentum, etiam ipse edificatus est Petrus*<sup>b</sup>. Atque hæc de primo modo, quo Papa Romanus, Ecclesiasticæ Petri potestati, repugnat: dum eum caput esse reliquorum etiam Apostolorum, quasi ipsi subditorum, insigni injuria, læsaque simul Christi majestate, affirmat.

<sup>a</sup> De Pontif. lib. 1. c. 11. <sup>b</sup> In Johan. tractatu 104. & de verbis Domini Serm. 13.

XXI. Ali:

XXI. *Alter verò modus est, quod episcopos Romanos officii ac potestatis Petri, in universalis ecclesiæ gubernatione, successores ab ipso institutos, nullo Scripturæ testimonio, sed ineptis frivolisque tantum ratiunculis, tueri conatur. Nam quod Petrum Ecclesiæ Romanæ episcopum ordinarium fuisse, prætendit: illud Apostolico illius muneri repugnat. Eundem enim esse ordinarium ac distinctum Ecclesiæ unius episcopum & simul Ecclesiæ universæ episcopum ac pastorem ordinarium, sibi mutuo adversantur.*

XXII. Nam quod prisca Patres nonnulli, Jacobum apostolum, Ecclesiæ Jerosolymitanæ: Johannem verò Ephesinæ episcopum distinctè nominant: metaphoricè loquuntur: quod episcoporum particularium instar, diutius ibidem in Evangelii prædicatione ac gubernatione, sint versati: revera autem generatim episcopi<sup>a</sup> universæ Ecclesiæ constituti<sup>b</sup>. Nam quæ de Jacobi minoris à Petro, Jacobo & Johanne, in episcopum ordinatione, ab *Anacleto Papa* traduntur: adeo sunt inepta, ut in iis explicandis, Glossa, quintuplici varietate, implicetur.

<sup>a</sup> Act. 1. 20. 22. <sup>b</sup> Matt. 28. 29. <sup>c</sup> Distinct. 66. Can. Porro.

XXIII. Deinde si Petrus, ordinarius Romanæ Ecclesiæ factus est episcopus, quis ipsum, ad munus illud particulare, vocavit? an Christus? an Ecclesia? nihil horum apparet. Imò an Petrus Romæ unquam fuerit (licet vetusta sit traditio) multi dubitant: probabilibus ex Apostolorum Actis atque epistolis rationibus freti. Viginti autem quinque annos ibidem episcopum fuisse (licet antiqua, & communis etiam Pontificum sit sententia) non immeritò tamen in ipsa *Primatus Petri defensione*, ab *Onuphrio*<sup>a</sup> confutatur.

<sup>a</sup> Lib. 3. c. 1.

XXIV. Sed esto, fuerit tot annos Romæ & Ecclesiæ illius episcopus, an propterea privilegia ac pecuniaria illius dona, successoribus erunt communia? Deinde an non Ecclesiæ Antiochenæ episcopus (quem primum Petro successisse, asserunt) eadem ratione, tantundem habebit juris: ac non inferior Romano episcopo, sed ordine sedis, & Christiani nominis origine, superior? Atque ita Romani Papæ imperium collabatur.

XXV. An quia Petrum Romæ mortuum, veteres scriptores tradunt, idcirco episcopus Romanus illius est successor, & universæ Ecclesiæ monarcha? an ideo Ecclesia Romana omnium Ecclesiarum caput, ejusque jurisdictioni (ut Romanus Papa decernit) in omnibus parendum? Sic enim de Petro & Paulo agens, ait; *Ambo sanctam ecclesiam Romanam consecraverunt, atque omnibus aliis urbibus, in mundo universo, tam sua presentia, quam venerando triumpho, prætulerunt*<sup>a</sup>. Quis verò hujus consequentiæ vanitatem non videat, non rideat?

<sup>a</sup> Anacletus Papa Dist. 22. Can. sacrosanct. Pelagius Papa Distinct. 21. can. quamvis.

XXVI. Nam si præsentia, & mortis triumphus, spectetur, tanto præstantior erit Ecclesia Jerosolymitana, quanto summus Dominus, major est suis servis. In hac enim Jesus Christus, Filius Dei, Ecclesiam fundavit, miracula edidit, passus est, & morte sua, in cruce, de diabolo & peccato triumphans<sup>a</sup> ecclesiam universam redemit<sup>b</sup>: ut interim missionem Spiritus Sancti, primam Apostolorum prædicationem, & Evangelii inde ad gentes propagationem, prima Petri vincula ac flagellationem, Jacobi majoris & minoris martyria aliaque ejus ornamenta, omittamus.

<sup>a</sup> Col. 2. 14. 15. <sup>b</sup> Act. 20. 28. Joh. 6. 51.

XXVII. Quare vanæ sunt prorsus, Romani Papæ rationes, quibus officii & potestatis Petri successionem sibi arrogat, & Romanam Ecclesiam, disponente Domino, super omnes Ecclesias, ordinariæ potestatis obtinere principatum<sup>a</sup>, definit.

<sup>a</sup> Innocentius tertius in Concil. Lateranen.

XXVIII. Cui contrarium Hieronymus (talem Domini dispositionem, non agnoscens) liberè statuit: idque jure etiam Pontificio<sup>a</sup>, relatum ac probatum, apparet. *Si auctoritas* (inquit) *queritur, orbis major est urbe. Quid mihi proferis nomen urbis consuetudinem?* Ubique fuerit episcopus, sive ROMÆ, sive ENGBII, sive CONSTANTINOPOLI, sive REGII, sive ALEXANDRIÆ, sive TUNIS, EJUSDEM SACERDOTII, Potentia divi-

narum & paupertatis humilitas, sublimiorem, & inferiorem episcopum, non facit. Caterum omnes Apostolorum successores sunt<sup>b</sup>.

<sup>a</sup> Dist. 93. can. legimus. <sup>b</sup> Tom. 2. Epist. ad Euagrium.

XXIX. Quod autem Romana Ecclesia olim, reliquis patriarchalibus Ecclesiis, prælata, id non à jure divino; sed ab *instituto humano*, neque jurisdictionis; sed *ordinis* ac consensus in Synodis, ratione promanavit.

XXX. Ac de *instituto humano*, testatur quartum concilium universale Chalcedonense dictum; *Etenim* (inquit) *sedis senioris Roma, PROPTER IMPERIUM civitatis illius, Patres consequenter privilegia reddiderunt: eadem intentione permoti, centum quinquaginta Dei amantissimi episcopi*<sup>a</sup> *ÆQUA* (Græcè additum *sanctissima*: quod Caranza omisit) *sedis novæ Roma, privilegia, tribuerunt: rationabiliter judicantes, IMPERIO ET SENATU urbem ornata, ÆQUIS senioris* (Græcè additum *regia*) *Roma privilegiis frui, & in Ecclesiasticis, SICUT ILLAM, majestatem habere* (Gr. *μυζαλονδ*) *negotii, & secundam post illam existere*<sup>b</sup>.

<sup>a</sup> Concil. universal. Constantinopol. can. 5. <sup>b</sup> Sum. Caranza de Concil. Chalced. Sess. 16. Et concil. Græcis canonibus in Synodi Chalced. can. 28.

XXXI. Unde origo primatus, ab urbis amplitudine ac potentia, & Romani & Constantinopolitani episcopi paritas (cum sola, ordinis ac consensus differentia) sexcentorum, & triginta episcoporum, unanimi consensu, (frustra Romani Papæ legatis, superbè reclamantibus *Sedem Romanam ESSE IN OMNIBUS, ET PER OMNIA, PRIMAM*) definitur.

XXXII. *Ordinem* enim solum, præ reliquis omnibus episcopis, Romano prisca Ecclesia attribuit: ideoque *primæ sedis episcopum*, vocarunt: & ut gliscentem illius superbiam refrænerent, in Concilio Cartagin. tertio (in sexta synodo generali, in Trullo habita, confirmato) decretum est; *Ut primæ sedis Episcopus, non appelletur, princeps sacerdotum, aut summus sacerdos, aut aliquid simile*<sup>a</sup>.

<sup>a</sup> Canon. 26.

XXXIII. Quumque Africanis episcopis præesse contenderet, & appellationes ab eorum subditis, ad sese rapere conaretur, *concilium Milevitenum*, excommunicationis sententia, in appellantes lata, constanter ita coërcuit; *Ad transmarinam autem, qui putaverit appellandum, à nullo intra Africam, in communionem suscipiatur*<sup>a</sup>. Ac quamvis Zosimi Papæ legati, in sexta synodo Africana (cui & Augustinus interfuit) ex ipsius Commonitorii (ut vocatur) verbis, suppositio Concilii Nicæni decreto, Papæ Romani, in Ecclesiam Africanam, jurisdictionem ac primatum stabilire conarentur, collatis tamen ac lectis, genuinis Concilii Nicæni exemplaribus, fraus ac mendacium detectum est: & can. 28. arrogans Papæ Romani jurisdictio, confutata, dum ad eum appellandi potestas, sub excommunicationis pœna, decreto interdicta<sup>b</sup>. Atque hæc de *altero modo*, quo *Papa Romanus Ecclesiastica Petri potestati, repugnat*: dum eandem, sibi falso attribuit.

<sup>a</sup> Canon. 22. <sup>b</sup> Canonib. Syn. Græ. concil. Cartag. 6. Can. 38. Et ibidem in epist. synodi ad Celestinum Papam.

XXXIV. *Tertius est, quod etiam longè majorem sibi vendicat. Primum enim Petrus non habuit plenam, nec liberam, pro arbitrio, regendi ac gubernandi Ecclesiam universam, potestatem; sed in Evangelii prædicatione, & disciplinæ exercitio, adstrictum Christi legibus ministerium*<sup>a</sup>. Deinde, ut à morum lapsu, non fuit immunis; sic & aliorum, juxta reprehensionem, fuit subjectus: ut Pauli Apostoli censura demonstravit<sup>b</sup>.

<sup>a</sup> Matth. 28. 20. Marc. 16. 16. Matt. 18. 13. ad 19. <sup>b</sup> Gal. 2. 21.

XXXV. *Contrà verò Papa Romanus* (ut ex *Clementis Sexti & Bonifacii octavi*, decretis constat) *primum Apostolica plenitudinem potestatis, Petro ejusque successoribus, tributam asserit: qua, ex conflato, è Christi sanctorumque meritis, thesauro*<sup>a</sup>, *pœna peccatorum temporalis, vel universa, vel partis illius, remissionem indulgeat*<sup>b</sup>.

<sup>a</sup> Nota blasphemiam. <sup>b</sup> Extra. com. lib. 5. de pœnit. & remiss. can. unigenitus. & cap. 1. can. Antiquorum.

XXXVI. Deinde *Papa sese omnium, universalis Ecclesiæ, hominum judicem, & ab omnibus aliorum judiciis* (ut ex Bonifacio octavo præcedenti parte ostendimus) *immunem gloriatur*<sup>a</sup>. Cui juris Pontificii canon, ita subscribit;

Gggg 2

Si



Si Papa sua & fraterna salutis negligens, deprehendatur, &c. & innumerabiles populos, catervatim secum ducit, primo mancipio gehennae cum ipso plagis multis, in aeternum vapulaturus: hujus culpas isthic redarguere, praesumit mortalium nullus: quod CUNCTOS JUDICATURUS, A NEMINE JUDICANDUS, nisi deprehendatur A FIDE<sup>b</sup> DEVIUS<sup>c</sup>. Atque hæc de potestate Petri & Papæ repugnantia.

<sup>a</sup> Bellar. de Pontif. lib. 2. c. 26. <sup>b</sup> Ergo ab ea deficere potest. <sup>c</sup> Dist. 40. can. si Papa.

XXXVII. Reliqua, in officii ac potestatis executione contraria, (cum doctrina tum vita exemplo) consistit. Ad doctrinam quod attinet, Petrus Ecclesiam, sincera Legis & Evangelii institutione, duxit ac servavit: ut Acta Apostolorum, & epistolæ illius, citra controversiam, testantur. Contra verò Papa Romanus, multiplici Legis & Evangelii depravatione (ut distinctis disputationibus evicimus) Ecclesiam seducit ac vastat.

XXXVIII. Idque etiam ex sequenti, Petri & Papæ, de Ecclesiæ Christianæ (cum ministeriali, tum principali) fundamento, repugnantia, elucebit. Ac de ministeriali, prima dissensio est, quod Petrus Apostolus non fabulas artificiose compositas, neque traditionum humanarum commenta; sed certa ac comperta<sup>a</sup> tradidit, & Sacras, Prophetarum & Apostolorum, literas, Ecclesiæ commendavit<sup>b</sup>. Contra verò Papa Romanus, Belis, Draconisque (ut Hieronymus merito appellat<sup>c</sup>) fabulas, & Apocryphos libros, divini, fidei & morum, canonis (non minus quam sacra Prophetarum scripta) partes statuit: & traditiones Ecclesiæ, paricum Dei verbo reverentia, venerandas decernit<sup>d</sup>. Imo humanam ac vulgarem versionem Latinam (multorum licet errorum, etiam ab eruditissimis Pontificiis, convictam) authenticam habendam, neque ullo prætextu rejiciendam, statuit<sup>e</sup>.

<sup>a</sup> 2. Pet. 1. 16. <sup>b</sup> 1b. 3. 2. 15. <sup>c</sup> 1. Pet. 1. 10. 11. <sup>d</sup> Prefat. in Daniele. <sup>e</sup> Concil. Trid. Sess. 4. decreto de Canon. Script. <sup>f</sup> Ibidem.

XXXIX. Altera dissensio est, quod Petrus fideles, rectè facere, ait, quod sermoni Prophetico attenderent<sup>a</sup>: ut ante Psaltes, eam meditantem, beatum pronuntiarat<sup>b</sup>: & Christus Scripturarum scrutationem mandarat<sup>c</sup>. Contra verò Papa Romanus, Sacrarum literarum, vulgari lingua, lectionem, sine ordinarii facultate prohibet, & sine ea legentem, peccatorum remissionem accipere non posse definit<sup>d</sup>.

<sup>a</sup> 2. Pet. 1. 19. <sup>b</sup> Psalm. 1. 1. 2. <sup>c</sup> 1oh. 5. 39. <sup>d</sup> Indice librorum prohibito facto in Concil. Trid. à Pio 4. probato, regula 4.

XL. De principali verò fundamento, seu Jesu Christo, numerosa discrepantia est; sed una documenti gratia, suffecerit. Petrus enim Apostolus, Christum, unicum principale fundamentum Ecclesiæ tradit: & causam illius exponit, quod unicuique illius sit servator, his verbis; Hic est lapis ille, pro nichilo habitus à vobis: qui factus est caput anguli. Nec est in alio quoquam salus. Nec enim aliud nomen est sub cælo, quod datum sit inter homines, per quod oporteat nos servari<sup>a</sup>.

<sup>a</sup> Act. 4. 11. 12.

XLI. Contra verò Papa Romanus, hoc lapide angulari, unico salutis datore contempto, socios ei, sacrilegio manifestato, adjungit plurimos: quorum meritis salutem quoque adscribit. Id quod ex Mariæ virginis sanctorumque elogiis atque invocatione, aliàs à nobis, copiose demonstratum: & impius ille, quem fingunt, thesaurus, è Christi Sanctorumque meritis, ad peccatorum remissionem pertinens (cujus modo memini<sup>a</sup>) luculenter evincit. Atque hæc, de repugnantia in doctrina.

<sup>a</sup> Thef. 35.

XLII. In vita verò exemplo, similis discrepantia, qualis inter lucem & tenebras, comperitur. Unde, velut ex copioso acervo, pauca speciminis gratiâ proferemus. Petrus enim Apostolus doctrinæ suæ sinceritatem, morum integritate, cohonestans, Ecclesiæ Christianæ ita præluxit, ut pie, erga Deum; justè, erga proximum; & sobriè, in se, pro Christiani hominis officio<sup>a</sup>, vixerit.

<sup>a</sup> Tit. 2. 22.

XLIII. Ac pietatis (inter cætera) indicium est primum, quod Simonem Magum, dona Spiritus Sancti ab ipso empturientem, severissima increpatione rejecit<sup>a</sup>. Deinde, quod humanæ suæ conditionis memor, servata Deo Gloria, à Cor-

nelio, humiliter prostrato, honorari noluit: ipsumque erexit<sup>b</sup>. Iustitia documentum est, quod Cæsari, id quod illius erat, tribuit<sup>c</sup>: quodque à Paulo, justè reprehensus, illud modesta patientia pertulit<sup>d</sup>. Sobrietatis denique, quod conjugatus, Apostolico munere imposito, uxorem non abdicavit, sed (ut reliqui Apostoli) circumduxerit<sup>e</sup>.

<sup>a</sup> Act. 8. 20. 21. <sup>b</sup> 1b. 10. 26. <sup>c</sup> Matth. 17. 27. <sup>d</sup> Gal. 2. 11. 14. <sup>e</sup> 1. Cor. 9. 5.

XLIV. Contra verò Papa Romani, inter alia, impietas apparet, quod sacra munia plerumque habeat venalia, & Simonis, non Petri, sed Magi imitatione (ea emendo & vendendo) Simoniam, ab ipso dictam, exerceat. Idque à multis seculis experientia, & enata inde publica, probatorum Pontificiorum, querela, scriptis variè consignata, demonstrat. Ideoque liberè Bernardus (licet immodicus fuerit dignitatis Pontificiæ præco) se continere non potuit, quominus illud Papa Eugenio tertio, his verbis disertè exprobraret; Quem dabis mihi, de tota maxima urbe, qui te in Papam receperit, pretio seu spe pretii, non interveniente<sup>a</sup>. Eundemque indignis modis, eam fovisse impietatem, gravissima indignatione accensus, demonstrat<sup>b</sup>.

<sup>a</sup> De considerat. ad Eugenium lib. 4. <sup>b</sup> 1b. lib. 1. & 3.

XLV. Nec successores illius, fuisse sanctiores (ut alios omitteremus) Papa Paulus secundus, testatur: qui (ut de eo, Carranza ait) sacerdotio illaudabiliter procurato &c. suo tempore, omnia officia, Roma venalia erant: & ferè semper beneficia & episcopatus, his committebat, qui officium aliquod venale haberent, unde elici munus posset<sup>a</sup>. Atque eadem plurimorum antecessorum ratio. Sed ne quis obtendat, hæc morum tantum, non etiam religionis Papalis vitia, quæ ex doctrina promanant: quum Simoniam etiam decretis suis damnarint: & licet malus prælatus, non habeat diadema sanctitatis, habere tamen diadema dignitatis: qua ex se nec de se peccavit<sup>b</sup>: ideoque Bonifacium 8. ex actionibus quidem improbis, Simonis & turpiloquis, ecclesiam fœdasse, nec propterea dici posse, mala memoria: quia respici debet, non ad id quod fecit: sed ad id, quod ipsum facere decuit<sup>c</sup>. Ne quis (inquam) hæc ineptè hoc modo excuset, Annatarum institutio atque observatio, Simoniam usitatam Paparum, decreto stabilitam evincit.

<sup>a</sup> Sum. Conc. in Papa 219. <sup>b</sup> Glossa Extrav. commun. lib. 5. de Schismat. cap. Dudum. <sup>c</sup> Ibidem.

XLVI. Qua de re Carranza de Papa Bonifacio nono loquens ait; Hic Annatarum (hostium potentiam veritus, vel augenda disionis Ecclesiasticæ causâ, ut aliqui volunt) usum, beneficiis Ecclesiasticis, primus imposuit, hac conditione, ut qui beneficium consequeretur, dimidium anni proventus, fisco Apostolico, persolveret<sup>a</sup>. Unde intoleranda, potestatis Pontificiæ obtentu, Paparum impietas atque injusta avaritia, conspicitur: quæ non pastorem Ecclesiæ, sed depastorem esse demonstrat.

<sup>a</sup> Summa Concil. in Pontif. 209.

XLVII. Deinde injustitia atque impietatis plusquam barbaricæ, Romani Papæ, demonstratio est, quod Imperatoribus (superstitionis fascino seductis, & scortationis illius vino inebriatis) ad vilissima etiam servitia, abutatur. Qualia (inter cætera) sunt, ut præsentem, aquam lavandis Papæ manibus, & primum mensa ferculum, adferant<sup>a</sup>: stapedem, equum consensuro, teneant, & accepto freno, per aliquot passus, equum illius ducant<sup>b</sup>: ipsumque prostrati, venerentur.

<sup>a</sup> Christoph. Marcell. archiep. Sacrarum cerem. ad Papam Leon. 10. lib. 1. sect. 3. <sup>b</sup> 1b. sect. 5. cap. De process. Pontif.

XLVIII. Unde Christoph. Marcellus, de Imperatore ait; Et ut primum Pontificem videt, detecto capite, illum, genua terram tangens veneratur. Et iterum, cum appropinquat ad gradus sedis, genua flectit: demum ad Pontificis pedes pervenit: illos in reverentiam Salvatoris, devotè osculatur<sup>a</sup>.

<sup>a</sup> Ibidem c. 3.

XLIX. Cujus exemplum memorabile ac detestandum, recenset ac laudat Cardinalis Baronius: quod in coronatione Henrici sexti Imperatoris & Imperatricis, perpetratum. Sic enim, ex Rogerii Annalibus, ait; Sedebat autem Dominus Papa, in cathedra Pontificali, tenens auream coronam imperialem, inter pedes suos: Imperator, inclinato capite, recepit coronam: & Imperatrix similiter, de pedibus Domini Papæ. Domini

nus autem Papa, statim percussis cum pede suo, coronam Imperatoris, & deiecit eam in terram, significans, quod ipse potestatem, ejiciens eum ab Imperio, habet, si ille demeruerit. Sed Cardinales statim arripientes coronam, imposuerunt eam capiti Imperatoris. Quam abominandam Papæ insolentiam, his verbis, subjecto suo calculo, approbat Baronius; Ut autem id fixum menti ejus haberet, nempe dare, custodire, conservare, & auferre (si causa exigeret) Imperium, ESSE IN VOLUNTATE ROMANI PONTIFICIS, ejusmodi voluit commonstrasse exemplo.

L. Alterum deinde injustitia Papæ Romani (ex doctrinæ vitio, ac falso potestatis justæ prætextu, procedentis) documentum est, quod regna & Imperia multorum, quia jussis ipsius, parere detrectarant, excommunicationis sententia, aliis donavit: subditosque, à fidelitatis juramento, absolvent: imo si quis ita excommunicatus, zelo Ecclesiæ, interfecerit, non esse homicidas decrevit<sup>b</sup>.

<sup>a</sup> Decreticausa 15. qu. 6. can. alius. & can. nos. Platina de vitis Pontif. in Bonif. VIII. & in Gregorio VII. <sup>b</sup> Decreticausa 23. qu. 5. can. excommunicatorum.

LI. Tertium est, quod Ecclesiasticos à tributis, Cæsari ac magistratibus, solvendis non solum sententia eximit; sed etiam ea exigentes anathemate ferit: ut cum alia, tum Gregorii VII. gesta demonstrant.

<sup>a</sup> Sexti. lib. 3. tit. 23. cap. 2. can. clericus.

LII. Quarta denique, injustitiæ Paparum demonstratio, in crudelitate illorum, conspicua est. Nam ut horrendam in veris Christi cultoribus, laqueo, ferro, flamma necandis laniam, religionis larva velatam, omittamus, in mutuis ac capitalibus Paparum multorum, odiis ac sævitia incredibili, relucet. Cujus rei illustre specimen, in multis, post Formosum, Romanis episcopis extat: quos tanquam monstra quadam (ut ait Platina) è medio, brevi Deus sustulit<sup>a</sup>. Quorum duo, in Formosi Papæ cadaver plusquam ferina immanitate, sævierunt.

<sup>a</sup> De vitis Pontif. in Christoph.

LIII. Nam (ut Stella monachus narrat) Stephanus sextus creatus Pontifex, tanto odio, Formosi nomen persecutus est, ut statim ejus decreta, omnino abrogaverit: & non modo actibus contrariatus, verum etiam multa cum rabie, consilio habito, Formosi ipsius corpus, è tumulo extrahi fecerit, tractumque, pontificalibus exui vestimentis, ac seculari indui habitu, & postea, abscissis duobus dextera ejus digitis, in Tiberim projecit<sup>a</sup>. Quis crediderit eo credulitatem Paparum, potuisse prurumpere? sed in eo tamen, non quievit.

<sup>a</sup> De vitis Pontif. in Papa 118. Martin. Polon. archiepisc. in Supput. ad an. 902.

LIV. Postea enim (ut idem auctor recenset) Papa Sergius tertius, Formosi quoque acta, iterum improbavit: atque in ultionem sua injuria, ejus CADAVER è sepulchro tractum ac si viveret, CAPITALI AFFECIT SUPPLICIO: CORPUS VERO, IN TIBERIM TRUNCUM, PROJICI, JUSSIT, tanquam sepultura indignum<sup>a</sup>. Unde Carranza monachus (iisdem strictim narra-

tis) cohorrescens subjicit; Res plena horroris, ut videas, quantum degenerabant Pontifices, à majoribus suis: NE CUI MIRUM SIT, SI QUI ABUSUS, ET PERVERSÆ OPINIONES IN ECCLESIAM IRREPSE-<sup>b</sup>

<sup>a</sup> De vitis Pontif. in Papa 125. Mar. Archiepisc. Supput. ad an. 907. <sup>b</sup> Summa. Concil. in Papa 125.

LV. Cui prævit Platina, de illorum temporum Papis, ita conquestus: Vide quaso, quantum isti degeneraverint, à majoribus suis. Illi enim (utpote viri sanctissimi) dignitatem, ul-  
tro oblatam contemnebant, orationi ac doctrina Christiana vacantes: HI VERO LARGITIONE ET AMBITIONE, Pontificatum quærentes POSTHABITO DIVINO CULTU, INIMICITIAS NON SECUS AC SÆVISSIMI TYRANNI, INTER SE EXERCEBANT: suas voluptates, postea securius explemuri: cum nullibi extarent, qui EORUM VITIA COERCERENT<sup>a</sup>.

<sup>a</sup> De vitis Pontif. in Sergio Tertio.

LVI. Atque hæc Paparum Romanorum immanis truculentia, ante annos plus quam septingentos extitit. Cujusmodi scelera & atroces injuriæ, in vitis Pontificum, aliisque Pontificiorum historiis, passim comperiuntur: longèque plura acciderunt, quæ periculi metu, ab historicis retinentur. Idque Iohannes Stella, opus suum, de vitis Pontificum, in Epistola ad Antonium Surianum, Venetiarum patriarcham, concludens attestatur, quum ait; Fateor quidem, atque Deum meum testor, me non falsa proposuisse, &c. R. D. innotescat me de industria, PLURA PRÆTERMISSE, PERICULA UNDIQUE PRÆCAVENTEM, maxime in his novissimis temporibus gesta: quæ sine QUORUNDAM NOTA, scribi non potuissent. Atque hæc de Papa Romani injustitia.

LVII. Denique luxuria atque impuritas illius (qua suo coelibatu, sobrietati conjugii Petri adversatur) in eo apparet: quod contra Sacrarum literarum statuta<sup>a</sup>, Ecclesiasticos (licet continentiarum dono destituti sint plurimi) à conjugio, tanquam ipsis illicito atque impuro abstinere jubet<sup>b</sup>: eaque ratione & lese ipse non raro & Ecclesiastici non pauci, scortationibus, adulteriis, nefandisque libidinibus polluant. Cujus rei (inter alios Papas impuros) exemplum Iohannis decimi tertii suffecerit. Qui teste Stella, & ira percitus, duos cardinales ceperat, & huic nasum: illi verò, manum absciderat, &c. tandem in ADULTERIO DEPREHENSUS, à viro adultera CONFOSSUS, interijt<sup>c</sup>. Atque hæc, de vita Petri & Papæ Romani, repugnantia.

<sup>a</sup> Heb. 13. 4. 1. Tim. 4. 3. & 3. 2. 1. Cor. 7. 9. <sup>b</sup> Syricus Papa episc. 4. Innocent. Papa, ep. 31. <sup>c</sup> De vitis Pont. in Papa 137.

Quare ex hisce omnibus perspicue, Petri Apostoli, & Papæ Romani dissensio apparet: ideoque Papam, non Petri Apostoli successorem, sed adversarium: & Ecclesiam Romanam, non Apostolicam, sed apostaticam existere, merito concludimus. Idque amplius sequentia ostendunt.

## COROLLARIA.

Hæc enim Papæ Gregorii VII. in Concilio Romano, de privilegiis Pontificum, sententias (quas recenset Baronius<sup>a</sup>) vera esse negamus.

<sup>a</sup> Annal. lib. 11. anno 1076. Num. 31.

1. Quod Pontifex Romanus, si fuerit Canonice ordinatus, meritis B. Petri, infallibiliter sit sanctus.
2. Quod solus Romanus Pontifex, jure dicatur, universalis.
3. Quod nullum capitulum nullusq. liber Canonicus habeatur, absque illius auctoritate.
4. Quod sententia illius, à nullo debeat retractari: & ipse omnium solus retractare possit.
5. Quod à nemine ipse judicari debeat.
6. Quod nullus audeat condemnare, Apostolicam sedem appellantem.
7. Quod majores causæ, cujuscunque Ecclesiæ, ad eum referri debeant.

8. Quod nulla synodus, absque præcepto ejus debeat Generalis vocari.
  9. Quod illi liceat, Imperatores deponere.
  10. Quod à fidelitate iniquorum, subjectos, possit absolvere.
- Quibus falsis, alia vera, adversus Pontificem subjicimus.
1. Ecclesiæ universalis monarcha, solus est Christus.
  2. Neque in Ecclesia, neque in politia totius mundi, ab uno homine mero, gubernatio est optima.
  3. Solus Deus leges religionis condere potest: non Papa Rom.
  4. Justitia, qua à legis condemnatione, absolvimur, ac perfectè justī sumus, non est (ut Papa tradit) fides & charitas; sed Christi justitia, fide apprehensa.

# THESIS I

a 2. Sam. 7. 16. b Exod. 17. 12. c Deut. 32. 4. d Hab. 2. 4. e Etymo-  
log. magnum. f De lingua lat. l. 4. g De Offic. l. 1.

a Act. 17. 4. Heb. 11. 13. cum Rom. 4. 20, 21. & 14. 23. cum 14. b In Arist. 1. 1. de anima.

a Aq. 17. 31. cum Aq. 1. 3. b Mat. 23. 23. Tit. 2. 10. c Heb. 10. 23. & 21.  
11. Rom. 4. 20. 21. d Rom. 3. 3. e 1. Thes. 5. 24. f 1. Tim. 1. 15.  
g Mat. 25. 21. h Gal. 1. 23. & 3. 2, 23, 25. i 2. Tim. 1. 19. cum 2. Tim. 2.  
18. 1. Tim. 4. 1.

<sup>a</sup> 1. Cor. 11. 18. <sup>b</sup> Arist. Poster. I. r. c. 2. <sup>c</sup> Ioh. 20. 25, 29. <sup>d</sup> Mar. 11. 22.

a Mat. 17:20. 1 Cor. 12:9. & 13:2. b Mat. 9:21, 22. Act. 14:9. c Phil. 1:27. d 1st Cor. 12:9.

<sup>a</sup> Phil. 1. 27. loh. 20. 31. Heb. 11. 6. <sup>b</sup> In Asceticis de fide. <sup>c</sup> Rom. 14. 20, 23. cum vers. 2. & 14.

<sup>a</sup> 1ac. 2. 14. 17. <sup>b</sup> Gal. 5. 6. Heb. 10. 39.

a Jac. 2. 17. Tit. 1. 16. 2. Pet. 1. 8.

a lac. 2. 19. Mat. 8. 29. b lac. 2. 18, 20. Tit. 1. 16. Heb. 6. 7, 8. c Mar.  
13. 20, 28. loh. 5. 35. 2. Pet. 2. 18, 20. 1. loh. 2. 19.

a Luc. 8. 13. b 2. Thes. 1. 10, 11. 2. Tim. 2. 18. 2. Pet. 2. 18, 19, 20, 21.  
c Mat. 13. 21. Luc. 8. 13. d Mat. 7. 22 f e Mat. 7. 23. Jac. 2. 26. 2. Pet.  
2. 20, 21. f Joh. 2. 23, 24.

a Phil. 6. b Luc. 8. 15. i. Thef. 1. 2. Jac. 2. 18. 2. Pet. 1. 8. c Gal. 6. 15. cum 5. 6. d Joh. 1. 12, 13. Eph. 2. 10. Col. 2. 12. e 1. Pet. 1. 22, 23. Heb. 8. 10. Ezech. 36. 26. f Gal. 5. 6. 1. Tim. 1. 5. g 1. Tim. 1. 5. h 2. Tim. 1. 5. Gal. 5. 6. i Rom. 3. 27, 28. & 4. 9. &c.

XIII. *Virtus* autem dicitur; quia est habitus animi, mandato Dei conformis. *Habitus*; quoniam est qualitas durabilis, ad credendum, habilem reddens. Unde fidei hujusmodi, *fides* <sup>a</sup>, & *duratio* <sup>b</sup>, tribuitur: & hac instructi, *fideles* <sup>c</sup>, *credentes* <sup>d</sup>, καὶ ἱσχυοὶ nominantur. *Mandato* verò *Dei* conformis est, quia & initio Evangelicæ doctrinæ, præcipitur <sup>e</sup>, finis illius <sup>f</sup>, atque obedientia <sup>g</sup>, existit.

Ioh. 1. 13. Eph. 2. 3. b Act. 26. 18. Rom. 8. 7. I. Cor. 2. 24. Mar. 11. 27.  
& 16. 17. Eph. 2. 8. Ioh. 6. 44. 65.

Heb. 11.3. Rom. 15.21. Col. 1.9. 1.Joh. 5.20. b 1.Cor. 1.21, 22, 28.  
& 2.14. c 1.Tim. 3.9.

Phil. 1. 29. Eph. 1. 17, 18, 19. & 2. 8. 2. Thes. 1. 11. Ioh. 6. 44, 45. Mar.  
11. 25, 27. & 16. 17. b Marth. 11. 27. Ioh. 1. 18. Eph. 2. 10. 1. Pet. 1.  
21. 2. Pet. 1. 3. 1. Ioh. 5. 20. c 1. Ioh. 3. 5. 2. Cor. 4. 13. 1. Pet. 2. 2, 23.

Digitized by Google

**XVII.** *Movens quippe causa, interna quidem est, non prævium hominum meritum<sup>a</sup>; sed immerita atque æterna, dilectionis, & electionis ad salutem, gratia<sup>b</sup>. Externa verò, est Christi, Mediatoris ac Servatoris, à Patre dati, ad mortem usque obedientia: qua nobis, ut vitam æternam<sup>c</sup>, sic fidem in Servatorem (tanquam necessarium salutis instrumentum<sup>d</sup>) eadem ratione acquisivit<sup>e</sup>: ut divina, novi fœderis, cujus est, sponsor<sup>f</sup>, promissio, ac iustitia, in ea servanda, requirit<sup>g</sup>. Ideoque, *fidei nacti* dicimur, *per iustitiam Dei nostri, & Iesu Domini nostri*<sup>h</sup>.*

<sup>a</sup> Rom. 3. 9, 23. 1. Tim. 1. 16. 2. Tim. 1. 9. Tit. 3. 4, 5, 6, 7. <sup>b</sup> Rom. 8. 28, 30. Mat. 11. 25, 26. Eph. 1. 4, 8, 9. & 2. 8, 9, 10. 1. Tim. 1. 9. 1. Pet. 1. 2, 3. 2. Thes. 2. 13, 14. 16. <sup>c</sup> Ioh. 3. 16. Rom. 6. 23. Heb. 5. 9. <sup>d</sup> Ioh. 3. 36. <sup>e</sup> Rom. 6. 3, 4, 5. <sup>f</sup> Heb. 7. 22. <sup>g</sup> Heb. 6. 6, 10, 11, 12, & 9. 14, 15. <sup>h</sup> 2. Pet. 1. 1.

**XVIII.** *Modus verò effectiois ac donationis fidei, est revelatio & illuminatio Dei duplex. Quarum prior, est externa ac ministra, nempe Euangelii annuntiatio<sup>a</sup>: quæ, testimonium Dei<sup>b</sup>, dicitur. Eaque, vel immediata est, atque extraordinaria: quæ à solo Deo (qualis, in Abrahami fide<sup>c</sup>, adhibita) vel mediata & ordinaria, per Euangelii ministros<sup>d</sup>.*

<sup>a</sup> 2. Cor. 4. 4, 6. 1. Pet. 1. 23, 25. <sup>b</sup> 1. Cor. 2. 1. <sup>c</sup> Heb. 11. 8. cum Act. 7. 2. 4. <sup>d</sup> Ioh. 17. 10. Rom. 10. 14. 17, 18. 1. Cor. 3. 5. Eph. 4. 11, 12, 13.

**XIX.** *Posterior verò, est interna ac principalis, per regenerationem Spiritus Sancti, illustratio<sup>a</sup>. Sine qua, prior illa, ad fidem vivam generandam, ob mentis cœcitatē & cordis duritiem, non sufficit<sup>b</sup>. Nam ut Euangelii annuntiatio, credenda proponit, & ad credendum vocat: sic Deus, sola Spiritus sui potentia cœcitatē mentis discutiendo, & cordis duritiem molliendo, fideique lumen infundendo, & ad Euangelii lumen, occultā mente, intuendum, ac vocationi parendum, adducit<sup>c</sup>. Cujus efficaciz ratione, ut fides efficaciz Dei<sup>d</sup>; sic effectio illius, *vocatio*, è tenebris, ad lucem<sup>e</sup>, & *ἐκ τῶν σκότων* appellatur. Hæc de causa efficiēte.*

<sup>a</sup> Ioh. 1. 12, 13. Eph. 1. 17, 18. & 2. 10. Iac. 1. 18. 1. Pet. 1. 22, 23. Ioh. 5. 19, 20. <sup>b</sup> Eph. 4. 18. 1. Cor. 2. 11, 12, 14. & 3. 7. & 4. 3, 4. <sup>c</sup> Ezech. 36. 26, 27. Eph. 1. 17, 18, 19. Math. 16. 17. 1. Cor. 3. 5, 6, 7. <sup>d</sup> Col. 2. 11. <sup>e</sup> Act. 26. 18. 1. Pet. 2. 9.

**XX.** *Materia verò fidei, alia, subiecta: alia, objecta est: & illa, vel proxima, vel remota, existit.*

**XXI.** *Remota, sunt soli electi, ad vitam æternam<sup>a</sup> (unde, fides, non omnium<sup>b</sup>; sed electorum<sup>c</sup>, dicta) & quidem illi, qui Legis, peccata indicantis, ac damnantis<sup>d</sup>, terrore, ad pœnitentiam (quæ inde, *Legalis*, vocari solet) adducti, liberationem, de suis viribus desperantes, anxie desiderant<sup>e</sup>.*

<sup>a</sup> Joh. 6. 37, 44, 45. & 8. 47. & 10. 16, 26, 27. Act. 15. 48. Rom. 8. 30. 2. Thes. 2. 13. <sup>b</sup> 2. Thes. 3. 2. <sup>c</sup> Tit. 1. 1. <sup>d</sup> Rom. 3. 20. 2. Cor. 3. 9. Gal. 3. 13. <sup>e</sup> Mar. 1. 15. Math. 11. 28. Joh. 7. 35. Esa. 55. 1.

**XXII.** *Proxima verò, fides subiecta, materia, mens est, seu intellectus<sup>a</sup>. Quia hoc proprium est, & fidei in genere, & actionis credendi, & periphrasis illius (*fidelem existimare promittentem*<sup>b</sup>, prædicato Euangelio, *persuasum esse*<sup>c</sup>, acceptis promissionibus *persuasum esse*<sup>d</sup>, ac *plene persuasum esse*<sup>e</sup>) & contrariis incredulitatis ac dubitationis<sup>f</sup> subiectum.*

<sup>a</sup> Act. 26. 18. Eph. 1. 17, 18. Heb. 10. 16, & 11. 3. <sup>b</sup> Heb. 11. 11. <sup>c</sup> Act. 28. 24. <sup>d</sup> Heb. 11. 11. <sup>e</sup> Rom. 4. 21. cum Heb. 11. 19. <sup>f</sup> Act. 17. 4, 5. Math. 14. 31. Rom. 4. 19, 20. & 14. 22, 23. Iac. 1. 6.

**XXIII.** *Idque, cordis voce<sup>a</sup>, interdum denotatur: non quā animam, secundum intellectum ac voluntatem, simul complectitur (hæc enim opposita sunt, distinctorum habituum, subiecta: quæ, composita ac communis, virtutis unius, sedes esse, non possunt) sed quatenus, pro anima, secundum intellectum tantum, significatione tritissima<sup>b</sup>, usurpatur.*

<sup>a</sup> Rom. 10. 9, 10. Eph. 3. 17. Heb. 3. 12. <sup>b</sup> Math. 9. 4. & 13. 15, 19. & 24. 48. Marc. 2. 6, 8. & 11. 23. Luc. 1. 51. Rom. 1. 21. & 10. 6.

**XXIV.** *Objecta verò fidei materia, universalis quidem, est solum, ac totum, Dei verbum, ad credendum propositum, ac Scripturā sacrā, omnino comprehensum<sup>a</sup>. Particularis verò, est verbum reconciliationis ac verbum salutis<sup>b</sup>, seu Euangelium<sup>c</sup>: nempe doctrina Dei, de Iesu Christi, persona, & attributis illius, cum officiis, tum beneficiis<sup>d</sup>.*

<sup>a</sup> 1. Cor. 4. 6. 2. Tim. 3. 15, 16, 17. Act. 24. 14. & 16. 24, 27. Joh. 5. 39. 2. Pet. 1. 19. <sup>b</sup> 2. Cor. 5. 19. Act. 13. 26. <sup>c</sup> Marc. 1. 15. & 16. 15, 16. Rom. 1. 16. <sup>d</sup> Joh. 3. 16. & 17. 3. 1. Cor. 2. 2. & 3. 11. 1. Joh. 5. 10, 11.

**XXV.** *Cujus summa est; Iesum esse Christum, Filium illum Dei<sup>a</sup>, unicum ac perfectum<sup>b</sup>, omnium verè credentium, servatorem<sup>c</sup>. Huiusque objecti ratione, ut Euangelium, *lex* (hoc est doctrina) fidei<sup>d</sup>, & *verbum fidei*<sup>e</sup>: sic vicissim, *fides Euangelii*<sup>f</sup>, *fides in Deum*<sup>g</sup>, & *fides Iesu Christi*<sup>h</sup> *fideque Filii Dei*<sup>i</sup>, & *scientia salutis*<sup>k</sup>, *agnitio gratia Dei*<sup>l</sup>, a-*

*gnitio Christi*<sup>m</sup>, nominatur. Hæc de fidei materia.

<sup>a</sup> Mat. 16. 16. Ioh. 6. 69. & 11. 27. & 20. 31. Act. 8. 37. 1. Ioh. 5. 14. <sup>b</sup> Ioh. 14. 6. Act. 4. 12. & 13. 38, 39. Heb. 9. 16. & 10. 14. 1. Ioh. 1. 7. <sup>c</sup> Ioh. 3. 16. Rom. 3. 25. & 4. 24, 25. 1. Cor. 1. 30. Heb. 2. 10. & 5. 9. & 10. 14. <sup>d</sup> Rom. 3. 27. <sup>e</sup> Rom. 10. 8. <sup>f</sup> Phil. 1. 27. <sup>g</sup> 1. Thes. 1. 8. <sup>h</sup> 1. Pet. 1. 21. <sup>i</sup> Rom. 3. 22. <sup>j</sup> Gal. 2. 20. <sup>k</sup> Luc. 1. 77. 1. Col. 1. 6. <sup>l</sup> Isa. 55. 11.

**XXVI.** *Forma verò, est infusa, ac fructuosa, huius objecti, per regenerationem, agnitio<sup>a</sup>, veræ, de omnium credentium, eoque & sua, per Christum iustitia, ac salute, persuasionis ferax<sup>b</sup>. Hac enim ratione, fides viva est, & à reliquis omnibus differt.*

<sup>a</sup> Esa. 53. 11. Luc. 1. 77. & 8. 15. Ioh. 11. 12, 13. & 17. 3. & 20. 31. Act. 8. 37. & 26. 18, 19. Eph. 1. 17, 18. Phil. 3. 8. Col. 1. 9, 10. 1. Ioh. 5. 1. <sup>b</sup> Esa. 53. 5. Luc. 1. 47. Phil. 3. 9. Act. 15. 11. & 26. 18, 19. Rom. 5. 1, 2, 5. & 8. 15, 16, 32, 38. Gal. 2. 20. 2. Tim. 4. 7, 8. Heb. 3. 6. & 4. 16. & 10. 22. 1. Ioh. 3. 19. & 4. 16. & 5. 14.

**XXVII.** *Nam licet aliqua illius, in quorundam reproborum fide, umbra appareat<sup>a</sup>, veritas tamen desideratur. Quoniam & regenerationis gratiā, & fertilitate destituitur<sup>b</sup>.*

<sup>a</sup> Heb. 6. 4, 5. <sup>b</sup> Luc. 8. 12. 14. cum 15. Heb. 6. 7, 8. Iac. 2. 16. Tit. 1. 16.

**XXVIII.** *Atque huius formæ, omnibus (ante & post Christum) fidelibus communis<sup>a</sup>, ratione, communis fides<sup>b</sup>, & una fides<sup>c</sup>, appellatur: licet singulis fidelibus, sit sua<sup>d</sup>, ac propria; cum mensuræ, tum effectuum, accidentibus, in se, & inter se, dispar ac varia<sup>e</sup>.*

<sup>a</sup> Act. 10. 43. & 15. 9, 11. Rom. 4. 23, 24. 2. Cor. 4. 13. Gal. 3. 8, 9. Heb. 11. 39. <sup>b</sup> Tit. 1. 3. <sup>c</sup> Eph. 4. 5, 13. 2. Tim. 1. 5. <sup>d</sup> Hab. 2. 4. Iac. 2. 18. <sup>e</sup> Rom. 12. 3. & 14. 12. 1. Cor. 12. 11. Eph. 4. 7, 16. 1. Thes. 3. 10. 2. Thes. 1. 3.

**XXIX.** *Finis porro fidei summus, est Dei redemptoris gloria. Quæ partim, ab ipso Deo est; quando fidem, cæcis & adversariis suis (secundum fœdus novum, propter Christum) donando, veritatis, iustitiæ, gratiæ misericordis, & potentæ suæ, virtutes, fidelibus patefacit<sup>a</sup>: partim à fide donatis; quum hæc Dei virtutes, in se, & in aliis, grata mente animoque, & lingua, factisque, concelebrant<sup>b</sup>.*

<sup>a</sup> Luc. 1. 77, 78, 79. Joh. 3. 33. Eph. 1. 18, 19. & 2. 7, 8. & 3. 10, 12, 18, 19. Rom. 3. 26. & 5. 8. & 10. 19, 20. 1. Tim. 1. 16. 2. Pet. 1. 3. <sup>b</sup> Joh. 3. 33. 1. Pet. 2. 9. 2. Thes. 1. 3. & 2. 13.

**XXX.** *Subiectus verò huic finis, ac fructus organicus (unde inprimis fidelium fides inquitur aquæ pretiosa<sup>a</sup>, dicitur) est unio cum Christo<sup>b</sup>, & communio iustitiæ illius<sup>c</sup>: quæque ex hac fluunt, iustificatio<sup>d</sup>, adoptio<sup>e</sup>, vitæque æternæ<sup>f</sup>. Quorum organum, est fides operans: non per se, seu insita vi sua (ut instrumenta naturæ, & artis) neque merito suo (quia Deo debita est, & ob carnis residuæ contagionem<sup>g</sup>, imperfecta) sed, per accidens gratiæ, & promissionis divinæ, & potentæ Spiritus Sancti<sup>h</sup>. Hactenus de causis.*

<sup>a</sup> 2. Pet. 1. <sup>b</sup> Joh. 6. 56. <sup>c</sup> 2. Cor. 13. 5. Gal. 2. 20. Eph. 3. 17. Col. 2. 7. 1. Joh. 5. 20. <sup>d</sup> Phil. 3. 9. Rom. 5. 17, 18, 19. 2. Cor. 5. 21. <sup>e</sup> Gal. 2. 16. Act. 10. 43. & 13. 39. & 26. 18. Rom. 3. 22. <sup>f</sup> Joh. 1. 12, 13. Gal. 3. 26. <sup>g</sup> Joh. 20. 31. 1. Pet. 1. 5, 9. Heb. 5. 9. & 10. 38, 39. <sup>h</sup> Gal. 5. 17. Eph. 1. 17, 18. <sup>i</sup> 1. Cor. 12. 13.

**XXXI.** *Effectus verò fidei (quæ vi sua, & divina ope<sup>a</sup>, producit) primarium quædam sunt propria ac propinqua: partim immediatè, è forma illius, fluens, viva Euangelii, de fidelium omnium salute, credendi actio<sup>b</sup>: partim mediatè consequens, fidelis cujusque, de salute sua, per Christum, certa persuasio<sup>c</sup>. Quæ vulgo (ut interdum, in S. literis<sup>d</sup>) per catachresin, *fiducia*, dici solet.*

<sup>a</sup> Joh. 15. 5. Phil. 1. 9, 10, 11, 29. <sup>b</sup> Rom. 4. 5. & 10. 10. <sup>c</sup> Gal. 2. 16, 20. Rom. 8. 16, 37, 38. Act. 15. 11. 2. Cor. 4. 13, 14. Heb. 10. 22. <sup>d</sup> 1. Joh. 5. 14.

**XXXII.** *Cujus certitudo, licet Dei verbo, non sit nominatim expressa: ex illius tamen, de fide, doctrina, atque fidei sensu (tanquam vero certoque, practicæ ratiocinationis, antecedente) solidè concluditur. Euangelium enim, Propositionem illius, protendit, divini testimonii<sup>a</sup> auctoritate, firmatam; Quicumque viva fide, Euangelio Dei, de gratuita, omnium verè fidelium, iustificatione ac salute, per Christum, credit, iustificatus est ac servabitur<sup>b</sup>. Assumptionem, certa conscientiæ, de huiusmodi fide, experientia, dictat; Ego ita credo<sup>c</sup>. Unde hanc conclusionem necessariam, deducit; Ergo iustificatus sum, ac servabor. Quod, spiritus ac conscientiæ fidelium, testimonium, ac iudicium, consona Sp. Sancti testificatio, in animis ipsorum (arrhæ ac sigilli instar, accedens) sigillatim obsequat<sup>d</sup>.*

<sup>a</sup> 1. Cor. 2. 1. 1. Joh. 5. 9, 10, 11. <sup>b</sup> Joh. 3. 16. & 20. 31. Rom. 8. 30. & 10. 10. Gal. 5. 6. <sup>c</sup> 1. Tim. 1. 16. 2. Tim. 1. 12. Rom. 8. 16, 38. 2. Cor. 4. 13. & 13. 5. Act. 8. 37. Heb. 10. 39. 1. Joh. 3. 19. <sup>d</sup> Rom. 8. 16. Eph. 1. 13.

**XXXIII.** *Veruntamen hæc fidei actio, propria quidem est, sed non perpetua. Siquidem interdum carnis, mundi, Sathanæ, tentationibus (quibus, vel Propositionis illius, ab Euangelio statutz, vel Assumptionis conscientiæ, memoria,*



obnubilatur) infirma fit, aut ad tempus supprimitur; sed nunquam extinguitur<sup>a</sup>. Quemadmodum etiam Spiritus Sanctus, fidelium peccatis castigandis, provocatus oblationem fidei, ac consolationem suam, aliquamdiu ad seriam resipiscen-  
tiam; differt, sed non aufert penitus<sup>b</sup>. Atque hæc de effe-  
ctis propriis.

<sup>a</sup> Psal. 30. 7. 8. & 4. 2. 6. & 73. 2. 22. cum 17. Matt. 14. 30. 31. & 26. 72. 74.  
<sup>b</sup> Psal. 51. 12. 14. Eze. 36. 27.

XXXIV. Communia deinde, ac remota fidei effecta, sunt charitatis, spei, ac fiduciae in Deum, opera<sup>a</sup>. Quæ proxime quidem, ab insita, hisce virtutibus potentia, promanant<sup>b</sup>; remotè verò, à fide viva, salutiferam Dei, per Christum, gratiam, oblatam ac creditam (tanquam efficacissimum, ad actiones earum producendas, argumentum ac stimulum<sup>c</sup>)

objiciente, oriuntur. Unde fides, per charitatem, efficac<sup>d</sup>, & rerum speratarum hypostasis<sup>e</sup>, seu sustentaculum, appel-  
latur: & fiducia Christiana (quia est intrepida animi, adver-  
sus objecta pericula, ex fide gratia atque auxilii Dei, au-  
dientia<sup>f</sup>) fidei proles, statuitur<sup>g</sup>. Hæc, de effectis, gene-  
ratim.

<sup>a</sup> Ioh. 6. 68. 69. 1. Tim. 1. 5. Rom. 4. 17. 18. & 5. 2. <sup>b</sup> 1. Cor. 13. 4. 5. Rom. 8. 25. Eph. 3. 12. Heb. 4. 16. <sup>c</sup> Eph. 5. 2. Rom. 4. 17. 18. & 5. 5. Heb. 4. 14. cum 15. & 16. <sup>d</sup> Gal. 5. 6. <sup>e</sup> Heb. 11. 1. <sup>f</sup> Psal. 23. 4. & 43. 5. Heb. 4. 16. <sup>g</sup> Eph. 3. 12. Heb. 3. 6. & 4. 16. & 10. 22. 34. 35.

XXXV. Adjunctum denique, hujus fidei, certum, est illius, per Dei gratiam, & potentiam, ad finem vitæ, sed gradibus dispar, conservatio ac perseverantia<sup>a</sup>.

<sup>a</sup> Luc. 8. 15. Joh. 10. 27. 28. 29. Rom. 8. 28. 30. 1. Pet. 15. 9. 1. Joh. 3. 9. & 5. 18.

## DISPUTATIO XXIV.

## DE ARTICULORUM FIDEI APOSTOLICÆ, ET FIDEI ECCLESIAE ROMANÆ, REPUGNANTIA.

**N**on alienum, ab instituto nostro, existimamus, si nonnulla subinde, discutienda interponamus: quæ par-  
tim ad errorum confutationem, partim ad veritatis illustrationem, varietate quadam, pertinere videbun-  
tur. Qualis jam erit, de Articulorum fidei Apostolicæ, & fidei Ecclesiæ Romanæ, repugnantia: ut inde  
perspicue constet, Pontificiam, de religione, sententiam, non solum divina operum legi, Decalogo tradita, è  
di metro adversari: sed etiam doctrinæ fidei, Evangelio, & Symbolo Apostolorum, summatim comprehensa, ad-  
versà fronte repugnare: ideoque, non Apostolicam, sed Apostaticam jure meritoque appellandam. Qua in re tra-  
ctanda, non omnia (ne brevitatis modum excedamus) sed quadam deligemus.

## THESIS I.

**P**rimus enim articulus fidei est, ut in Deum Patrem, omnipotentem credamus: hoc est, in eo, fiduciam ac spem omnem, non autem in ulla creatura, ponamus<sup>a</sup>: ut qui solus Deus<sup>b</sup>, solus omniscius<sup>c</sup>, solus omnipotens<sup>d</sup>, solus invocandus<sup>e</sup>. Contra verò Pontificiorum fides, ab Apostolica hac deficiens, hanc propriam Dei gloriam, suis sanctis, imprimis virgini Mariæ, his verbis adscribit; *In te Domina speravi, non confundar in aeternum, &c. Tu es fortitudo mea & refugium meum<sup>f</sup>. Misere mei Domina: misere mei. Tu enim es lux & spes, omnium confidentium in te<sup>g</sup>. In te, dulcis Maria, confidimus: in te, clementissima Domina, speramus: defende nos, in aeternum, Amen. Te decet laus: te decet imperium: tibi virtus & gloria, in secula seculorum, Amen<sup>h</sup>*. Observandum, nos in citatione Pfalterii Mariæ, sequi editionem Constantiensem, anni M. DC. XI. episcopi auctoritate præmissâ, commendatam.

<sup>a</sup> Jer. 7. 5. 7. <sup>b</sup> Joh. 17. 3. <sup>c</sup> 1. Reg. 8. 39. <sup>d</sup> Jer. 63. 16. <sup>e</sup> 1. Tim. 6. 15. 16. <sup>f</sup> Mat. 4. 10. <sup>g</sup> Pfalter. Mariæ, Psal. 30. <sup>h</sup> Ibid. Psal. 46. <sup>i</sup> Ibid. Cant. ad Psal. 3.

II. Secundus fidei Apostolica articulus est, quo creditur in Jesum, hoc est, mundi servatorem<sup>a</sup>: & quidem perfectum<sup>b</sup>, ac solum. Quia non est in alio ullo salus. Nec enim aliud est nomen, sub cælo hominibus datum, per quod nos oporteat servari<sup>c</sup>. Contra Pontificiorum fides apostatica, aliud nomen componens sic ait: *Agnosce Dominam nostram, salvatricem tuam<sup>d</sup>. Domina mea, salvatrix mea<sup>e</sup>*.

<sup>a</sup> Joh. 4. 42. 1. Joh. 4. 14. Mat. 1. 21. <sup>b</sup> 1. Joh. 1. 7. & 2. 2. Rom. 5. 17. 18. 19. <sup>c</sup> Heb. 9. 26. Eph. 1. 23. <sup>d</sup> Act. 4. 1. <sup>e</sup> Psal. Mar. Psal. 133. <sup>f</sup> Ibid. Cant. ad Psal. 28.

III. Deinde eodem articulo, creditur in Jesum Christum, hoc est, unicum Dei & hominum mediatorem<sup>a</sup> atque advocatum<sup>b</sup>, propitiatorium<sup>c</sup>: qui solus, via ad Patrem<sup>d</sup>: qui-  
que omnes laborantes, ad seipsum (ut salutis & vitæ æternæ fontem<sup>e</sup>) vocat<sup>f</sup>. Contra Ecclesia Romana fides, hoc proprium Christi officium, virgini Mariæ ita attribuit; *Talem tibi dedit Mediatrix Deus tuus<sup>g</sup>. Maria advocata nostra: Maria propitiatorium universæ terra: Maria Dei & hominum Mediatrix<sup>h</sup>. Omnes sitientes, venite ad illam: & de fonte suo, gratis vos potabit. Ex quo qui haurit, salvet in vitam æternam: & qui ex eo bibit, non sitiet unquam<sup>i</sup>. Venite ad eam*

omnes, qui laboratis, & tribulati estis: & refrigerium dabit animabus vestris<sup>k</sup>.

<sup>a</sup> 1. Tim. 2. 5. <sup>b</sup> 1. Joh. 2. 1. 2. Heb. 4. 15. 16. & 7. 25. Rom. 8. 34. <sup>c</sup> Rom. 3. 25. 1. Joh. 2. 2. & 4. 10. <sup>d</sup> Joh. 14. 6. <sup>e</sup> Joh. 4. 14. & 7. 37. <sup>f</sup> Joh. 7. 37. Mat. 11. 28. <sup>g</sup> Pf. Mar. Psal. 28. <sup>h</sup> Ibid. in Litan. p. 336. <sup>i</sup> Ibid. Pf. 81. <sup>k</sup> Ibid. Psal. 2.

IV. Denique eodem etiam articulo, fides Apostolica, Iesum Christum, Dominum nostrum, agnoscit, & quidem solum. Unus enim Dominus Iesus Christus, per quem omnia: & nos per ipsum<sup>a</sup>: cui, in cælo & in terra, potestas data<sup>b</sup>. Contra verò Ecclesia Romana, ab eo deficiens, virginem Mariam, sic invocans compellat; *Tu Angelorum Domina<sup>c</sup>. Tibi omnes Angeli & Archangeli: tibi omnes principatus, humiliter serviunt<sup>d</sup>. Diligam te, Domina cæli & terra<sup>e</sup>. Eripe me, de inimicis meis, Domina mundi<sup>f</sup>*.

<sup>a</sup> 1. Cor. 8. 6. Eph. 4. 5. <sup>b</sup> Mat. 28. 18. <sup>c</sup> Psal. Mar. cant. ad Psal. 3. <sup>d</sup> Ibid. Pf. 17. <sup>e</sup> Ibid. Pf. 58.

V. Tercio fidei Apostolicæ articulo creditur, Christum conceptum esse ex Spiritu Sancto: eoque solum sanctum<sup>a</sup>: reliquos verò homines univ[er]sos, conceptos in peccatis & natura iræ filios<sup>b</sup>: ac peccasse ad unum omnes<sup>c</sup>. Contra verò Pontificiorum fides, ab hoc articulo deficiens, Mariæ & conceptionis, & totius vitæ perfectam ac perpetuam sanctitatem, ita eam invocando, profitetur; *Maria sine peccato concepta<sup>d</sup>. Per immaculatam conceptionem tuam: per sanctam navitatem tuam, libera nos virgo gloriosa<sup>e</sup>*. Atque ita eam, quæ piæ, se Servatorem habere, agnoscit<sup>f</sup>: nec servatore Christo, nec oratione Dominica (utpote peccati omnis expertem<sup>g</sup>) opus habuisse, impie statuunt.

<sup>a</sup> Luc. 1. 35. Heb. 4. 15. 16. & 7. 26. <sup>b</sup> Psal. 51. 7. Ioh. 3. 5. 6. Eph. 2. 1. 2. 3. <sup>c</sup> 1. Reg. 8. 46. Rom. 3. 10. 23. 24. Iac. 3. 2. 1. Ioh. 1. 8. 10. <sup>d</sup> Psal. Mar. Litan. p. 347. <sup>e</sup> Ibid. p. 359. <sup>f</sup> Luc. 1. 47. <sup>g</sup> Bellar. in Catech. Papæ Clementis 8. Bulla confirmato cap. 5.

VI. Deinde, multo majori sacrilegio, à Papa Romano Sixto quarto, anno M. CCCC. LXVI. hæc apostatica, de conceptionis virginis Mariæ sanctitate, fides, peculiari festo, fuit consecrata<sup>a</sup>: quum de ea re, & ante, & postea acerrimè inter Pontificios sit concertatum. Adeo ut diverforum ordinum Prædicatores, etiam hoc festo instituto, annis plus quàm septendecim, quotidie predicare non cessarent, eam, de Conceptione V. Mariæ, sine peccato originali, sententiam tenentes, aut asserentes, esse hæreticos: graviterque peccare, qui ejusmodi officium (à Papa institutum) celebra-  
rent<sup>b</sup>.

<sup>a</sup> Extravag. commun. lib. 3. de reliq. & vener. sanctorum, cap. 1. & 2. <sup>b</sup> Ibid. cap. 2.

## VII. Quar-

VII. *Quartus* fidei Apostolicæ articulus, Christum sub Pontio Pilato passum, crucifixum, mortuum & sepultum, descendisse ad inferos, tradit. Quo, (Scripturâ sacrâ indice) non solum corpore, sed etiam anima rationali, dolores inferni perpeffum<sup>a</sup>, denotatur. Contrâ verò *Romana Ecclesia* fides ab ista Apostolica deficiens, Christi passionem, pro nobis debitam, ita mutilat, ut eam quidem, corpori & sensibus, tribuat: sed anima rationali quicquam perpeffum esse mali, in horto aut in cruce, apertè neget: ut Doctores ac Sancti, apud Pontificios, testantur<sup>b</sup>.

<sup>a</sup> Ies. 53. 12. Mat. 26. 37, 38. Act. 2. 24, 27. Heb. 5. 7. <sup>b</sup> S. Thom. A. quin. par. 3. qu. 46. art. 7. & 8. Thom. ab Arg. in 3. sent. dist. 15. art. 3. &c.

VIII. Imò crassiori contradictione asserunt, Christum, inde à conceptione, futuram animæ suæ, in vita æterna, gloriam non sperasse; sed eadem, perpetuò sibi præfenti, fuisse beatam<sup>a</sup>. Ita ut in cruce quidem, summos corpore & sensibus cruciatus, sustinuerit: anima verò rationali, non solum eorum fuerit expers, sed etiam summo, ex vitæ æternæ fruitione, gaudio fuerit plenus<sup>b</sup>.

<sup>a</sup> Th. Aq. par. 3. q. 46. art. 7. Melchior Canus locor. commun. l. 12. cap. 14. <sup>b</sup> Th. Aq. par. 3. q. 46. art. 8. Thom. ab Arg. sent. 3. dist. 15. art. 3.

IX. Denique turpi commento, tradunt Christum, in infernum (quem in quatuor specus, *immum*, damnatorum: *proximum* ei, Purgatorium<sup>a</sup>: *tertium*, infantum non baptizatorum: *summum* denique, limbum Patrum, ridiculè & impiè distribuunt) descendisse & damnatos terruisse: Purgatorii animas, futura tandem liberatione, consolatum: Patres verò ac sanctos, ante Christum mortuos, ipsumque expectantes, è limbo exemptos, secum in cælum transtulisse fingunt<sup>b</sup>.

<sup>a</sup> Cofl. lib. Societatis lib. 5. p. 442. limbum infantum inferius Purg. ponit. Bellarm. catechif. c. 3. exp. 5. art. fidei. <sup>b</sup> Ibidem.

X. Quumque promissionem latroni factam; *Hodie mecum eris in paradiso*<sup>a</sup>, figmentis hisce obfata, animadverterent, ad infernum impiè accommodarunt. Ita enim, ait Jesuita: *Sic inferni loca perlustravit, ut tenebrosum carcerem, in Paradisum converterit, juxta illud, quod latroni dixerat; Hodie mecum eris in Paradiso*<sup>b</sup>.

<sup>a</sup> Luc. 23. 43. <sup>b</sup> Coflerus pag. 442. libri societatis à Papa Greg. 13. diplomate & indulgentiis, anno 1577. approbati.

XI. *Sextus* apostolicæ fidei articulus est: quod Christus *ascendit in cælum*. Quo indicatur, passione sua ac morte penetrasse in cœleste gaudium & gloriam<sup>a</sup>. Deinde quod ibidem *sedet ad dextram Dei Patris omnipotentis*, & quidem solus<sup>b</sup>: adeo ut ipsi tanquam regi, omne genu flectatur<sup>c</sup>. Contra verò *apostolica Ecclesia Romana* fides est: *Primo*, quod (ut ajunt) *Christi anima, ab initio perfecte beata, nihil accidere potuerit majoris gloria*<sup>d</sup>. *Secundo* quod hanc propriam Christi gloriam, virgini Mariæ, communicant: quum, & *reginam cœlorum*<sup>e</sup> vocant, atque ita invocant; *Tu, cum filio tuo, sedes ad dextram Patris*<sup>f</sup>. *In nomine tuo, omne genu flectatur, cœlestium, terrestrium, & infernorum*<sup>g</sup>.

<sup>a</sup> Luc. 24. 26. Heb. 2. 9. & 12. 2. <sup>b</sup> Heb. 1. 13. Rom. 14. 11. Phil. 2. 10. <sup>c</sup> Th. Aq. par. 3. q. 34. art. 4. <sup>d</sup> Papa Sixtus IV. extrav. com. l. 3. de reliq. c. 1. <sup>e</sup> P. Sal. Mar. cant. ad Pf. 3. <sup>f</sup> Ib. cant. ad Pf. 5.

XII. *Septimo*, fidei apostolicæ, articulo, creditur Christum, *inde venturum, ad judicandum vivos & mortuos*. Quo (ut sacræ literæ etiam docent) satis clarè indicatur, corpus Christi, post ascensionem, in cœlo esse, ac manere ad ultimum usque judicium: non autem esse in terris<sup>a</sup>, nec in ea fore, ante ultimum diem<sup>b</sup>. Contrâ verò, *apostolica, Romana Ecclesia*, fides est, corpus Christi, è cœlo indies descendere, seque sacrificulis sistere in Missa præfens<sup>c</sup>: rursusque in cælum, Angelorum ministerio, referri; quemadmodum in Canonis Missæ precatione, traditur: ut reliqua interim absurda omitamus.

<sup>a</sup> Col. 3. 1. 2. Matth. 24. 16, 27. Iohan. 12. 8. <sup>b</sup> Act. 1. 11. & 3. 21. <sup>c</sup> Francisc. conformitatum. lib. 1. c. 7.

XIII. *Nono*, Apostolicæ fidei, articulo binembri, credimus primùm, *Ecclesiam sanctam, catholicam*: cujus Christus, tanquam domus suæ<sup>a</sup> spiritualis<sup>b</sup>, universale fundamentum est unicum<sup>c</sup>: & tanquam corporis sui<sup>d</sup>, uno eodemque Spiritu, per fidem sanctificati, & uniti<sup>e</sup>, unicum est caput, servator, unusque Dominus<sup>f</sup>. Contrâ *apostolica Pontificiorum fides*, ut sanctam & catholicam hanc Ecclesiam, cum profana ac particulari Romana Ecclesia, confundit: sic alterum

ei caput vicarium, Pontificem Romanum, monstrosè affigit: eique in universos mortales, etiam orbis monarchas, potestatem adscribit. Qua de re Papa Bonifacius octavus, sic statuit: *Subesse Romano Pontifici; omnem humanam creaturam declaramus, dicimus, diffinimus, & pronuntiamus, omnino esse de necessitate salutis*<sup>g</sup>. Cui similis labri Glossa subiecta ait: *Christo data erat omnis potestas, in cœlo & in terra, Matth. 28. ergo summus Pontifex, qui est vicarius, habebit hanc potestatem*. Atque hæc de primo, octavi articuli, membro.

<sup>a</sup> Heb. 3. 6. <sup>b</sup> 1. Pet. 2. 5. <sup>c</sup> 1. Cor. 3. 11. Eph. 2. 20, 21, 22. <sup>d</sup> Col. 1. 18. <sup>e</sup> 1. Cor. 12. 27. <sup>f</sup> 1. Cor. 12. 13. & 6. 11, 17. Eph. 3. 16, 17. & 4. 4, 16. & 5. 30, 31, 32. <sup>g</sup> Ephes. 4. 15. 16. & 5. 23. Act. 4. 12. Eph. 4. 5. <sup>h</sup> Extravagant. commun. l. 1. de major. & obed. cap. unam.

XIV. Alterum est, quo credimus *sanctorum communionem*, eamque (ut Scriptura docet) duplicem: *unam*, cum Christo<sup>a</sup>: *alteram*, inter se mutuam<sup>b</sup>. Cum Christo, quod omnes & singuli verè fideles, tanquam viva corporis illius Ecclesiæ catholicæ, sub eodem capite, membra, illius & omnium salutarium beneficiorum, sint participes<sup>c</sup>.

<sup>a</sup> 1. Ioh. 1. 3. <sup>b</sup> Ibidem. <sup>c</sup> 1. Cor. 1. 30. Eph. 4. 4, 5.

XV. *Deinde inter se*, quod singuli sua, quæ acceperunt, à capite communi, dona, ad communem corporis ipsius seu Ecclesiæ, utilitatem conferre teneantur<sup>a</sup>. Ita tamen, ut quisque non aliena, sed *sua fide vivat*<sup>b</sup>, bonaque fidei, charitatis ac spei opera, operantis sint propria, non aliis communia: multò minus, ut pro aliorum pœnis temporalibus, sua dignitate redimendis, sint idonea.

<sup>a</sup> Rom. 12. 5, 6, 7, 8. 1. Cor. 12. 25, 26, 27. Eph. 4. 8, 12, 25. <sup>b</sup> Hab. 2. 4. <sup>c</sup> Ezech. 18. 20, 30. 2. Cor. 5. 10. Gal. 6. 5.

XVI. Contrâ verò *apostolica, Romana Ecclesia*, fides est, hanc communionem sanctorum, in eo consistere, quod *omnia bona opera sint communia*<sup>a</sup>. Adeo ut *Christianorum etiam remotissimorum atque ignotorum, Missæ, preces, divina officia, aliaque bona opera, nos juvent. Neque hanc communionem solum esse in his terris: sed etiam Missas, preces, & bona opera, iis qui in Purgatorio sunt, opem ferant. Deinde preces eorum, qui sunt in cœlo, & nobis, & animabus in Purgatorio, esse adjuvamento*<sup>b</sup>. Hæc de nono.

<sup>a</sup> Bellarm. Catechif. cap. 3. expof. 9. art. <sup>b</sup> Ibidem.

XVII. *Decimo*, fidei apostolicæ, articulo credimus, remissionem peccatorum. Quod Deus solus auctoritate suâ omnibus verè fidelibus, pœnas universas, peccatis ipsorum debitas, propter Christi solius satisfactionem, fide viva perceptum, gratis condonet<sup>a</sup>. Deinde quod hujus condonationis annuntiandæ, non liberam potestatem; sed verbi divini præscripto, definitum ministerium, Apostolis, aliisque Evangelii præconibus, commisit<sup>b</sup>.

<sup>a</sup> 1. Iohan. 1. 7. Rom. 3. 24, 25. & 8. 1. <sup>b</sup> Marc. 16. 15, 16. Ioh. 20. 23. Matth. 18. 17, 18.

XVIII. Contra, *apostolica, Romana Ecclesia*, fides hæc est; *Si quis, post acceptam justificationis gratiam, cuilibet peccatori penitenti, ita culpam remitti, & reatum æternæ pœnæ deleri, dixerit, ut nullus remaneat reatus, pœna temporalis exolvenda, vel in hoc seculo, vel in futuro, in Purgatorio, antequam ad regna cœlorum aditus patere possit, anathema sit*<sup>a</sup>. Item; *Quod temporalibus flagellis, à Deo influctis, & à nobis patienter toleratis, apud Deum Patrem, per Christum Iesum, satisfacere valeamus*<sup>b</sup>.

<sup>a</sup> Concil. Trid. Sess. 6. can. 30. <sup>b</sup> Ibid. Sess. 14. c. 9.

XIX. Quibus accedit, impium hoc, Papæ Bonifacii Octavi, decretum; Pontificem Romanum, *Apostolica potestatis plenitudine*, suis indulgentiis, plenissimam, peccatorum omnium, concedere veniam<sup>a</sup>. Deinde Papam, hanc remissionem peccatorum largiri è thesauro Ecclesiæ, ex Christi & sanctorum meritis, conflato: ut Papa Clemens sextus, summa impietate, decernit, & ait; *Eum thesaurum, per beatum Petrum cœli clavigerum, ejusque successores, suos in terris vicarios, commisit fidelibus salubriter dispensandum, & propriis & rationalibus causis, nunc pro totali, nunc pro partiali remissione pœnæ temporalis, pro peccatis debita, tam generaliter, quàm specialiter (pro ut, cum Deo, expedire cognoscerent) verè penitentibus & confessis, misericorditer applicandum. Ad cujus quidem thesauri cumulum, beata Dei genitricis, & omnium electorum, a primo justo, usque ad ultimum, merita adminiculum præstare noscuntur*<sup>b</sup>.

<sup>a</sup> Extravag. commun. lib. 5. de pœnit. & remiss. c. 1. <sup>b</sup> Ibid. c. 2. unigenit.

XX. Duo-

XX. *Duo decimo*, apostolicæ fidei articulo, credimus nos, cum omnibus vera fide præditis, secundum Euangelii promissionem, vitam æternam<sup>a</sup>, dono Dei, per Christum consecuturos<sup>b</sup>: contra verò apostolica Pontificiorum fides, vitam æternam, bonis operibus nostris esse promerendam<sup>c</sup>: & certam illius fiduciam, esse noxiam temeritatem passim tradit, ac spem salutis dubiam in ejus locum statuit. *Quum nullus*

(inquit) scire valeat, certitudine fidei, cui non potest subesse falsum, se gratiam Dei esse consecutum<sup>d</sup>. Atque hæcenus speciem vidimus repugnantia manifestæ, inter Apostolicam, & Romanæ Ecclesiæ fidem: unde hanc apostolicam esse, constare potest. Ideoque omnibus quibus salus est curæ, hæc tanquam peste vitatâ, apostolica fides amplectenda.

<sup>a</sup> Marc. 16. 16. Ioh. 3. 36. & 5. 24. & 6. 35. 3. 9. 10. 18. <sup>b</sup> Rom. 6. 23. Eph. 2. 8. <sup>c</sup> Concil. Trident. sess. 6. can. 32. <sup>d</sup> Ibid. c. 9.

## DISPUTATIO XXV.

## DE HOMINIS, CORAM DEO, PER CHRISTUM, JUSTIFICATIONE.

**Q**um recta doctrina, de Iustificatione hominis, coram Deo, per Christum, notitia ad Iustitiam & salutem fidelium, necessario pertineat<sup>a</sup> (ideoque sinceritatem illius avideamus<sup>b</sup> Diabolus, hominibus partim ambitiosè impiis, partim minus attentis abusus, variis artibus inficere & extinguere, inde à Christo<sup>c</sup> & antea, sit molitus, nostroque (proh dolor!) ævo, in Ecclesia viscera, imò & visceribus similiter grassetur<sup>d</sup>) non absere speramus, si veritati stabilienda, & ad cautionem utilitatemque Academia, hanc doctrinam, certis thesibus examinandam, ab hypothesebus exorsi, proponamus.

<sup>a</sup> Efa. 13. 11. Ioh. 17. 3. Rom. 10. 3. Gal. 5. 4. <sup>b</sup> 1. Pet. 5. 8. <sup>c</sup> Act. 15. 1. <sup>d</sup> 2. Cor. 11. 3. 13. Gal. 3. 1. <sup>e</sup> Per Pontificios A. Osiandrum, Claudium Albertinum, hinc Apostatam Cornhartum, &c.

## HYPOTHESIS I.

**I**ustificare, vox Glossario veteri \* nota, non in Latine, sed in Ecclesiâ nata, exprimentæ voci Hebrææ צַדִּיק aut הצִּדִּיק, & Græcæ δικαιοσύνη, iustum facere significat: ideoque hæc duo complectitur.

I. Iustum. II. Facere. De quibus nonnulla rei declarandæ, præmittemus.

\* Ab Henrico Stephano edito.

II. *Iustitia* est Iustitia (unde & pro iusto metonymicè *Iustitia*<sup>a</sup>) quæ à jure (quod à iusto, ut jura olim iusta<sup>d</sup> deducunt) orta, Hebræicè צַדִּיק: Græcè δικαιοσύνη (& interdum synonymicè δικαιοσύνη) cuius à δική id est jus, prima origo: quod acutè, & ad rem concinnè Arist. d. à δίκη, propter æqualitatem, (ut & Apostolus<sup>e</sup> πείρασμός τῆς ἀγαθότητος exegeticè copulat) alii à צַדִּיק, per aphæresin, derivant.

<sup>a</sup> Efa. 41. 2. 2. Cor. 5. 21. <sup>b</sup> Festus de Verb. <sup>c</sup> Rom. 5. 18. <sup>d</sup> Nicomach. lib. 5. c. 4. <sup>e</sup> Col. 4. 1.

III. *Iustitia hominis* est bonitas<sup>a</sup>, ex officio, Deo debito<sup>b</sup>, rectæ rationi ac jure divino consentanea<sup>c</sup>.

<sup>a</sup> Gen. 1. 17. 33. Math. 12. 35. Luc. 23. 50. <sup>b</sup> Luc. 17. 10. Rom. 13. 8. <sup>c</sup> Deut. 9. 5. Prov. 14. 6. Efa. 26. 7. 2. Paralip. 30. 20.

IV. *Recte autem rationis & juris divini norma*, prima ac summa, est mens ac voluntas Dei, in coelis: cuius revelatio & adumbratio nobis est, iustum ac lex Dei, in terris; officium Iustitiæ (ex quo metonymicè, cum voluntas Dei<sup>a</sup> tum Iustitia<sup>b</sup>, & Iustitia Dei<sup>c</sup> vocatur) mortem, (temporalem corporis, tum etiam animæ infinitam valore, aut compensatione quadam, ob finitam naturam nostram, infinitam duratione, id est æternam: ob infinitam Dei maiestatem) severè & absolute transgressori comminando<sup>d</sup>, faniens.

<sup>a</sup> Math. 6. 10. & 7. 21. <sup>b</sup> Psal. 5. 9. Iac. 1. 20. <sup>c</sup> Psal. 119. 172. <sup>d</sup> Gen. 2. 17. Exod. 13. 7. Deut. 27. 26. Rom. 2. 2. 13. & 3. 31. & 6. 23. Gal. 3. 10. 12.

V. Cuius mortis perperessio (& quidem voluntaria ac sancta: alioquin reatus non tolleretur, sed nova ἀνομία augetur<sup>a</sup>) non est ipsamet Iustitia legis: ut quæ, innocentia & obedientia perfectâ, constet<sup>b</sup>: sed compensatione quâdam, seu, debiti culpæ & creditæ pœnæ inter se contributione, quasi pristina innocentia. Quare non simpliciter iustum facit, ac salutis præmio dignum (quod ante peccatum, ob inchoatam tantum duratione iustitiam, definit<sup>c</sup>) sed à reatu absolutum, aptumque ad iustitiam, & jus vitæ (quod solum iis adest, quibus omnino ac perpetuo peccatum deest<sup>d</sup>) obedientia consequendum.

Ruit ergo ἀπὸ τοῦ θεοῦ illud, detruncationis iustificantis Iustitiæ Christi, ψυδὸς ac falsum fundamentum geminum, Pœna, pro inobedientia, merita perperessionem; Item remissionem peccatorum omnium, commissionis & omissionis, esse perfectam, ad salutem, iustitiam. Illud enim causa tantum est absolutionis à reatu: Hoc verò ipsa absolutio, ad innocentiam: neutrum perfecta Iustitia; imò nec per se propriè Iustitia: ut quæ &

ἀνομία est, & si à reliquâ universali iustitiâ sit secreta, iustitia non sit<sup>e</sup>. Eademque operâ secundi fundamenti appendix dejecta est. Qui remissis peccatis, non est peccator (hoc est reus peccati) coram Deo, eum esse perfectè iustum. Nam inter utrumque esse potest innocentia & iustitia imperfecta, saltem ratione durationis: ut in Adamo ante lapsum: qui nec Reus erat mortis, & necdum jus habebat ad vitam.

<sup>a</sup> Deut. 27. 26. Jac. 2. 10. <sup>b</sup> Deut. 27. 26. Pf. 34. 15. <sup>c</sup> Deut. 27. 26. <sup>d</sup> Levit. 18. 5. <sup>e</sup> Levit. 18. 5. Deut. 27. 26.

VI. Porro lex Dei, ab ipso, partim per imaginem Dei, naturæ ac menti indita & impressa, ac propterea lex naturæ recte<sup>a</sup> dicitur: partim postea, sermone edita ac promulgata. Atque hinc, metonymia formæ, ut peccatum ἀνομία<sup>b</sup>, sic iustitia τῆς ἀνομίας contrariè opposita<sup>c</sup>, ex huius, & ἀνομίας<sup>d</sup> potius (ut videtur) analogia, quàm ex usu, ἀνομία, vulgò appellatur.

<sup>a</sup> Rom. 2. 14. 15. <sup>b</sup> 1. Joh. 3. 4. <sup>c</sup> 2. Cor. 6. 14. <sup>d</sup> 1. Cor. 9. 21.

VII. Sed lex Dei promulgata, pro originis diversitate, alia est necessaria: alia arbitraria.

VIII. *Necessaria* quidem est, ex natura, cum gloriæ Dei, summi boni ac creatoris, tum hominis imagine Dei ac iustitiâ naturali donati<sup>a</sup>, simpliciter dependens, lex charitatis<sup>b</sup>, quam moralem nuncupant: quæ Decalogo (exceptis substantiæ Sabbathi additis circumstantiis<sup>c</sup>) continetur, & solis obedientibus, vitam<sup>d</sup>, non stricto debiti jure, sed pro sua liberalitate<sup>e</sup>, addicit. Quam legem, pro se tantum, singuli homines posteris, ad debitam perfectionis suæ curam, gratitudinem & Dei gloriam: pro se verò & suis posteris, humani generis (Adamus primus per generationem; Secundus, Christus, per regenerationem) stirpes<sup>f</sup>, præstare potuerunt ac debuerunt, ex hypothesi promissionis<sup>g</sup>, ad præmium vitæ æternæ. Ita ut illa obedientia, in stirpe considerata, communis usu esset, ratione ramorum: in ramis singulis verò applicata, singularis, pro ipsis, non pro aliis. Quo evertitur falsum illud mutilationis iustificantis iustitiæ Christi, fundamentum tertium; quod quis pro se debet, illud pro alio quoque præstare non potest: Et quartum, quod pro alio præstitum, ad illud is non obligatur. Stirpis enim & ramorum discrimen, & modus ac finis debiti diversitas (ut & passionis ac mortis Christi pro nobis, cum nostra consensionis exemplum<sup>h</sup>) omnem hic repugnantiam speciem diluit.

<sup>a</sup> Mal. 1. 6. Exod. 20. 15. Efa. 42. 8. <sup>b</sup> Math. 22. 40. Rom. 13. 10. <sup>c</sup> Col. 2. 16. <sup>d</sup> Deut. 27. 26. Levit. 18. 5. <sup>e</sup> Exod. 20. 6. Job. 35. 7. Luc. 17. 10. <sup>f</sup> Rom. 5. 14. 15. <sup>g</sup> Levit. 18. 5. <sup>h</sup> 2. Tim. 2. 11. 12.

IX. Præterea, ut hæc charitatis lex, legis naturæ integræ expressio est; ita à lapsu corruptæ, correctio<sup>a</sup>, & perfectæ Iustitiæ, Deo in natura & actionibus<sup>b</sup>, tota vita, debita, regula perpetua & necessaria<sup>c</sup>, ac sub utroque foedere, per se immutabilis<sup>d</sup>, & plusquam ἀρχαρχοντοῦ, ac quasi regina<sup>e</sup>, reliquas generali suo imperio ac complexu continens<sup>f</sup>.

<sup>a</sup> Deut. 12. 8. 12. Pf. 19. 8. 9. <sup>b</sup> Math. 22. 38. 39. <sup>c</sup> Deut. 27. 26. & 12. 31. <sup>d</sup> Rom. 13. 8. 10. Gal. 3. 8. 10. <sup>e</sup> Jac. 2. 8. 9. 10. <sup>f</sup> Math. 22. 40.

X. Ideo-

X. Ideoque obligatio illius, nec poenâ<sup>a</sup>, imo nec justitiâ nostrâ<sup>b</sup>, dissolvi potest (quia Deus seipsum ac gloriam suam abnegare non potest<sup>c</sup>) imo & accedente justitiâ Dei (cum imputatâ, tum inhærente) augefcit, magisque stringitur vinculum: quod tum Deo non solum, ut creatori sancto, communiter; sed etiam ut redemptori & sanctificatori, peculiariter, ad officium gratitudinis devincat<sup>d</sup>.

Quare caducum est & falsum illud mutilationis justificantis justitiæ Christi fundamentum quintum, *Obligationem hominis esse, aut ad obedientiam, aut ad poenam*. Nam nec ante lapsum, nec post restitutionem ac justificationem, ad alterum, sed ad alterum, seu prius tantum<sup>e</sup>; post lapsum verò ad utrumque. Ad prius necessitate, cum absolutè Dei creatoris & naturæ suæ<sup>f</sup>; tum relatè, ex hypothesi conditionis vitæ consequendæ<sup>g</sup>. Ad posterius, ex hypothesi, partim comminationis legis absolutæ ac justitudinis Dei, partim peccati sui<sup>h</sup>.

Similiter tollitur falsi hujus fundamenti *falsa hæc appendix gemina. Cui obedientia vitæ Christi imputatur, ei mors illius non est necessaria, sed superflua*: & contra; *Cui mors imputatur, illi vitæ obedientia non est opus*. Nec enim hoc modo injustè, idem omnino, debitum exigitur bis, dum utrumque postulatur: sed duo debita, naturâ & re diversa: quorum solutio, ad unam bimbembrem legis justitiam concurrat.

<sup>a</sup> Deut. 17. 26. Levit. 18. 5. <sup>b</sup> Rom. 13. 8. <sup>c</sup> 2. Tim. 2. 13. <sup>d</sup> Esa. 42. 8. <sup>e</sup> Luc. 1. 75. <sup>f</sup> Rom. 6. 20. 22. <sup>g</sup> 1. Cor. 6. 20. <sup>h</sup> Eph. 5. 1, 2. <sup>i</sup> Pet. 2. 5. 9. <sup>j</sup> 1. Tim. 1. 9. <sup>k</sup> Mal. 1. 6. <sup>l</sup> Levit. 18. 5. <sup>m</sup> Deut. 27. 26. <sup>n</sup> Exod. 23. 7. <sup>o</sup> 2. Thess. 1. 5. 6. <sup>p</sup> Rom. 2. 2. 5.

XI. Atque hujus legis folius *plena obedientia* (quæ perfectione & rei, seu partium, graduumque, & temporis constat: ut legis præcepta omnia, omnino, omnique tempore vitæ observentur<sup>a</sup>) in se & per se, citra gratiam & veniam, Deo accepta<sup>b</sup>, & ex fœdere operum, digna est vita æterna<sup>c</sup>. Quare vulgò à Theologis, *justitia universalis*<sup>d</sup> absolutè: & *justitia personæ*<sup>e</sup>, nominatur. Quam lex omnibus præcipit<sup>f</sup>, nec in ullo mero homine in hac vitâ invenit<sup>g</sup>; Euangelium verò credenti in Christum promittit<sup>h</sup>, & Deus verè donat & imputat<sup>i</sup>. Ideoque eadem, modo diversa, synecdochicè, & distinctè illo, *justitia legalis* (utin sacris literis *justitia ex lege, & per legem*<sup>k</sup>) hoc modo *justitia Evangelica, justitia fidei*<sup>l</sup>, & *ex fide & per fidem*<sup>m</sup>, quæ ex Deo<sup>n</sup> & Donum Dei<sup>o</sup> & imputata<sup>p</sup>, ab Orthodoxis, non putativa, cum Pontificiis, dici solet.

Quocirca falsa est ista, ad peccati originis negationem, & vires liberi arbitrii extollendas, *Pelagianismi Hypothesis*; *Hominem suis viribus, Dei legem ipsi propositam, re perfectè in hac vitâ, posse implere*: & *Semipelagianismi* (quem impudenter & impiè Socinus & Cornhertus *verum Christianismum*, re ipsâ indignant) *hominem rematum & posse & implere hic perfectè; non suis tamen, sed Spiritus Sancti viribus*.

Collabitur etiam sextum *falsum illud detractionis justificantis justitiæ Christi fundamentum*, justitiam legis & justitiam Evangelii *essentia differre*: cum eadem sit; & materiâ obedientia Deo præstita: & formâ, universalis conformitas cum lege necessaria.

<sup>a</sup> Deut. 17. 26. <sup>b</sup> Iac. 2. 10. <sup>c</sup> Levit. 18. 5. <sup>d</sup> Rom. 4. 4. & 10. 3. <sup>e</sup> Rom. 2. 13. & 10. 5. <sup>f</sup> Deut. 6. 25. <sup>g</sup> Rom. 1. 13. <sup>h</sup> Matth. 9. 13. <sup>i</sup> Act. 7. 51. <sup>j</sup> Deut. 17. 26. <sup>k</sup> Ps. 143. 3. <sup>l</sup> Job. 4. 1. <sup>m</sup> Reg. 8. 46. <sup>n</sup> Prov. 10. 9. <sup>o</sup> Matth. 6. 12. <sup>p</sup> Rom. 7. 23. 25. <sup>q</sup> Gal. 5. 16. 17. <sup>r</sup> 1. Ioh. 1. 8. 9. <sup>s</sup> Iac. 3. 2. <sup>t</sup> 2. Cor. 5. 19. <sup>u</sup> 1. Rom. 4. 6. 11. <sup>v</sup> k Rom. 10. 5. <sup>w</sup> Gal. 2. 21. <sup>x</sup> 1. Rom. 4. 11. 23. <sup>y</sup> m Philipp. 3. 9. <sup>z</sup> n Ibid. <sup>aa</sup> o Rom. 5. 15. 17. <sup>ab</sup> p Rom. 4. 6.

XII. Arbitraria verò Lex est, quæ, pro Dei arbitrio, hominem ad particularem aliquam obedientiam adstringit: Ideoque, lex divina positiva, opposita naturali, à Theologis appellata. Quales, sapienti Dei dispensatione, multæ leges positæ sunt, spectantes vel ad fœdus operum, ante<sup>a</sup>, aut post<sup>b</sup> lapsum: vel ad gratiæ fœdus, partim ad tempus (idque aut certò *μῆκος καὶ ὁρισμὸς*<sup>c</sup>, aut dispensatione quadam brevi, ad ædificationis necessitatem, impositæ<sup>d</sup>) partim perpetuò duraturæ<sup>e</sup>.

<sup>a</sup> Gen. 1. 29. & 2. 16. 17. <sup>b</sup> Gen. 9. 3. 4. & 17. 10. <sup>c</sup> Gen. 17. 10. <sup>d</sup> Gal. 3. 12. <sup>e</sup> Heb. 9. 10. <sup>f</sup> Act. 15. 18. <sup>g</sup> 1. Cor. 11. 23. 26. <sup>h</sup> Rom. 3. 27.

XIII. *Quarum legum observatio* justitia quidem est<sup>a</sup>, sed, quia particularis, integram, Deo debitam, obedientiam non complectitur: nec universalis & perfecta justitia, nec absolutè ac per se<sup>b</sup>, nec citra veniam in nobis Deo accepta, nec sine perfecta legis charitatis, seu, moralis, observatione, mereri vitam æternam, dici potest<sup>c</sup>.

<sup>a</sup> Psal. 51. 21. <sup>b</sup> 1. Sam. 15. 22. <sup>c</sup> Amos 5. 21. 22. <sup>d</sup> Deut. 27. 26. <sup>e</sup> Gal. 3. 10.

XIV. Porro, ut à justitiæ norma, ad divisionem illius, progrediamur, justitia hominis, pro duplici suo objecto, habitu & actu, alia est *habitualis*, alia *actualis*: illa *hærens*, hæc *transiens*.

XV. *Habitualis* est durabilis animæ bonitas, quâ mente, voluntate, affectibus apta ac propensa est, ad legis Dei obedientiam. Eaque vel insita, vel acquisita. Insita quidem est, quæ infusa divinitus, formatione ad imaginem Dei, sive per creationem primam (quæ *justitia* propterea *originalis* dicitur) naturalis ac perfecta<sup>a</sup>: sive per creationem<sup>b</sup> secundam & regenerationem, supernaturalis ac perficienda<sup>c</sup>. Illa, à nobis debita, rationem non ortus; quâ Dei beneficium, & principium ac facultas justè vivendi: sed conservationis; quâ officium nostrum ex beneficio accepto profluens, & justitiæ universalis fundamentum ac prima pars: Hæc verò, & quidem perfecta, debita est creationis jure, ratione utriusque cum ortus, conservationis (eoque lege exigitur<sup>d</sup>: & contrariis illius defectus, inimicitia adversus Deum, & inobedientiæ in legem & peccati nomine accusatur<sup>e</sup>: & mortem efficere dicitur<sup>f</sup>) etsi re à Deo detur dono, gradu hic inchoata. *Acquisita* verò est, quæ crebris actionibus, Deique præsidio, ex insitâ justitiâ derivatis, orta<sup>h</sup>.

<sup>a</sup> Gen. 1. 27. 31. <sup>b</sup> Eph. 4. 24. <sup>c</sup> Gen. 1. 27. 31. <sup>d</sup> Eph. 2. 10. <sup>e</sup> Eph. 4. 16. <sup>f</sup> Col. 3. 10. <sup>g</sup> Tit. 3. 5. 6. <sup>h</sup> Deut. 10. 12. 16. <sup>i</sup> Rom. 7. 7. <sup>j</sup> Ierem. 9. 26. <sup>k</sup> Act. 7. 51. <sup>l</sup> Rom. 8. 7. <sup>m</sup> Psal. 51. 7. <sup>n</sup> g Rom. 7. 13. & 8. 8. <sup>o</sup> Eph. 2. 3. <sup>p</sup> Psal. 111. 9. <sup>q</sup> Prov. 1. 2.

XVI. Utraque rursus habitualis justitia, relatè ad suum genus, est, aut particularis, aut universalis. *Particularis*, quæ aliqua tantum: aut una *virtus*, & quidem vel quævis promiscuè (sive Deum, sive proximum spectans) vel certa ad officium erga proximum pertinens virtus, suum cuique, distributione vel commutatione, tribuens<sup>a</sup>. In quâ, cum excellent, & veritas<sup>b</sup>, & elemosyna<sup>c</sup>, καὶ ἐλεῖν relatè *justitia* dicuntur. *Universalis* verò est cunctarum virtutum inhærentium chorus.

<sup>a</sup> Exod. 23. 8. <sup>b</sup> Levit. 19. 36. <sup>c</sup> Esa. 1. 21. 26. & 5. 7. <sup>d</sup> Matth. 20. 4. 7. <sup>e</sup> b Ps. 51. 5. & 58. 2. 4. & 119. 40. <sup>f</sup> Esa. 46. 15. <sup>g</sup> 1. Cor. 9. 10.

XVII. *Actualis* verò justitia est bonitas actus, orta ex habituali, justitiâ, juri divino consentanea<sup>a</sup>. Quæ pro suâ origine, seu habituali ἀπαλῶς perfecta est, vel imperfecta: Illa, quæ ex habitu perfecto: hæc, quæ ex imperfecto. Et utraque rursus, relatè ad suum genus, vel particularis, vel universalis. *Particularis*, quæ aliquot tantum actionum; unde synecdochicè, si pleræque adsint, ut rectè Basilii<sup>b</sup>, vocantur *justi*<sup>c</sup>, aut *unius* (quæ *justitia operis* dicitur, ut & bona opera, *justitia*<sup>d</sup>) sive cuiusvis promiscuè, sive distinctè justitiæ particulares dictæ<sup>e</sup>. Ex quo, & *justitia causa controversa*<sup>f</sup>, vulgo trita & civilis & externa vitæ integritas, vera<sup>g</sup> synecdochicè, nec fucata<sup>h</sup> metaphoricè justitia nominatur. *Universalis* verò justitia est omnium actionum. Atque hæc de *justitia* & *justo*.

<sup>a</sup> Phil. 1. 11. <sup>b</sup> 1. Ioh. 3. 7. <sup>c</sup> b Sermone de poenit. <sup>d</sup> c Prov. 10. 7. <sup>e</sup> Matth. 23. 29. <sup>f</sup> Apoc. 22. 11. <sup>g</sup> d Deut. 24. 13. <sup>h</sup> Psal. 11. 7. & 15. 2. & 106. 31. <sup>i</sup> e Gen. 30. 33. <sup>j</sup> Levit. 19. 15. 36. <sup>k</sup> 2. Sam. 8. 15. <sup>l</sup> Psal. 103. 6. <sup>m</sup> f Psal. 9. 6. 2. <sup>n</sup> Paral. 6. 23. <sup>o</sup> Esa. 5. 23. <sup>p</sup> g Iob. 34. 5. <sup>q</sup> h Esa. 57. 12. <sup>r</sup> Ezech. 3. 20. & 8. vers. 26.

XVIII. Alterum, quod justificandi voce continetur, est *Facere*. Quæ vox, ut sæpius efficere, sic non rarò, tam facris, quam profanis auctoribus, judicare<sup>a</sup> metaphoricè significat: potissimum cum in formatione vocis, non exprimitur, sed potestate includitur. Quod ex usu frequentiori Hebræarum vocum צדק aut צדק & græcè δικαίω, quas justificare (sed πρῶς justum esse re<sup>b</sup>: aut iudicio vel aliena<sup>c</sup> & δικαιοσύνη ac justificare se aut justificari) interpretantur. Deinde ex synonymis, & ex contrariis ἡγίασθαι<sup>d</sup> quasi impiare & ἡγχαλῆν καὶ καὶ ἀπολείν<sup>e</sup>, in sacris literis elucet. Hactenus hypothesi, sequitur.

<sup>a</sup> Matt. 11. 33. <sup>b</sup> 1. Ioh. 1. 10. & 5. 10. <sup>c</sup> b Gen. 38. 26. <sup>d</sup> Iob. 34. 5. & 35. 7. <sup>e</sup> c Iob. 9. 29. <sup>f</sup> Gal. 5. 4. <sup>g</sup> d Psal. 143. 3. cum LXX. interpret. & Gal. 2. 16. <sup>h</sup> 17. <sup>i</sup> Psal. 51. 6. cum Rom. 3. 4. <sup>j</sup> Esa. 4. 3. 9. <sup>k</sup> e Iob. 9. 20. & 40. 3. <sup>l</sup> f Rom. 8. 33. 34. & 5. 18.

## THESES I.

**H**ærum enim vocum significatio in Sacra Scriptura genere tantum est triplex. *Prima, justum judicare* (LXX<sup>a</sup> δικαιο κρίνει) mente<sup>b</sup> (ut δικαίω. Suidas δικαιο νομίζειν, & Glossarium vetus, æquum censere) vel sermone<sup>c</sup>, absolu-  
tè<sup>d</sup>



tē<sup>d</sup> vel relatē ad accusationem ac contrariē condemnationi<sup>c</sup>. Cui synonymum est (servatā, ritus standi in iudicio coram tribunali<sup>f</sup>, metaphorā) alicujus iustitiam statuere<sup>e</sup>: ut etiam iustitiam dare<sup>h</sup> (cui adversum *iustitiam removere ab aliquo*<sup>i</sup>) imputare iustitiam<sup>k</sup>. Et iustificari similiter, *constitui iustum*<sup>l</sup>, *feri iustitiam*<sup>m</sup>, *iustum esse in oculis alicujus*<sup>n</sup>, & *apud aliquem*<sup>o</sup>.

a Psal. 17. 15. b Psal. 143. 3. Luc. 18. 14. Rom. 4. 5. 1. Cor. 6. 11. c Deut. 25. 1. Matth. 11. 19. cum Luc. 19. 35. d Rom. 4. 2. e Rom. 2. 13. 13. & 5. 16. 18. f Esa. 50. 8. Matth. 25. 33. Iud. 14. g Rom. 10. 3. h Iob. 36. 3. i Esa. 5. 23. k Rom. 4. 6. 11. l Rom. 5. 19. m 2. Cor. 5. 21. n Iob. 32. 1. 2. o Rom. 2. 13.

II. Altera effecti metonymia, *iustum ostendere*<sup>a</sup>, aut specie<sup>b</sup>: absolute facto, aut per catachresin, innocentie comparatione<sup>c</sup>. Tertiaper Metaphoram, à similitudine, reum absolvendi, petitam, *liberare*, & ab adversario vindicare<sup>d</sup>. Hinc contra Pontificios concludimus.

1. Quum de iustificatione hominis, coram Deo, per Christum, agitur, nullibi, in sacris literis hæc vox, *infusa iustitia iustum facere*, notat.

2. Imò, attentè considerando, nullibi omnino, eo sensu, in Scriptura extare, demonstrat singulorum locorum inductio.

a 1. Tim. 3. 16. Apoc. 22. 11. b Luc. 16. 15. cum Matth. 23. 38. c Exod. 23. 7. 1. Reg. 8. 33. Ierem. 3. 11. Ezech. 15. 5. 1. d Daniel. 8. 14. Rom. 6. 7. cum 1. Pet. 4. 1.

III. Iustificatio iudicii (quæ propriè δικαιωσις<sup>a</sup>, metonymicè interdum δικαιωσις<sup>b</sup>) in iudicante est, ut in subjecto, cui inhæret; in iudicato, ut in objecto, quod respicit: Illius ratione<sup>c</sup>, ut causæ, actio; Hujus, mutua relatione, passio dici solet. Est autem ab efficiente & auctore, divina aut humana. Illa, quæ Deus hominem<sup>c</sup>: hæc, quæ homo Deum<sup>d</sup>, aut hominem (sive seipsum<sup>e</sup> quod ut פָּרַח sic הַצֶּרֶחַ<sup>f</sup>, sive alium<sup>g</sup>) iustum iudicat, iudicio sententiæ, vel simplicis<sup>h</sup>, vel jurisdictionis<sup>i</sup>.

a Rom. 7. 1. b Rom. 5. 16. c Rom. 3. 26. d Luc. 7. 29. e Luc. 10. 29. f Gen. 44. 16. g Iob. 27. 5. h Luc. 7. 29. Iob. 27. 5. i 2. Sam. 15. 4. 1. Reg. 8. 12.

IV. Iustificatio autem Dei ab objecto suo, est, aut particularis, aut universalis. Prior est qua particularem iustitiam, actum<sup>a</sup>, aut controversum negotium<sup>b</sup>: Posterior, quæ personam, universali iustitiâ<sup>c</sup>, iustum iudicat.

a Deut. 24. 14. Psal. 106. 31. Iac. 2. 21. cum Gen. 22. 12. b 2. Paral. 6. 23. c Psal. 143. 3. Gal. 2. 6.

V. Ac universalis iustitia hæc est duplex, una ex causis rei ac consequentis iudicii, seu, ex iustitia universali<sup>a</sup>. Altera ex iustitiæ effectis, quæ causæ, seu, argumentatantum consequentis iudicii<sup>b</sup>, sive in hac vitâ, quæ viventes<sup>c</sup>: sive in alterâ, ultimo δικαιωσις<sup>d</sup> Dei<sup>e</sup> die: quæ ante mortem iustificati, coram Deo, ex causis, tum ex vitâ hîc peractâ, tanquam ex verè Christiani fructibus, iustificabuntur ac iusti pronuntiabuntur, coram toto mundo, per Christum<sup>e</sup>. Quo etiam sensu tantum, dicitur misericordia (nempe hominis erga proximum) gloriari (hoc est gloriari facere) adversus iudicium<sup>f</sup>, nempe condemnationis: non ut merito suo, sed ut argumento, secundum Dei, per Christum pacati<sup>g</sup> promissionem<sup>h</sup>.

a Esa. 50. 8. Pl. 141. 3. Acl. 13. 38. 39. b Matth. 12. 37. Luc. 7. 47. c Ioh. 1. 21. cum Gen. 22. 12. d Rom. 2. 5. e Matth. 12. 37. & 25. 31. 34. 35. & c. f Iac. 2. 13. g Ioh. 5. 24. Rom. 8. 1. & 39. h Prov. 15. 21. Matth. 5. 7.

VI. Utraque rursus, iustitia est duplex, una in se iusti: & operanti, rigore legis adumbrantis, debita<sup>a</sup>, ex iustitia propria<sup>b</sup>, ad iusti salutem<sup>c</sup>, & iustitiæ, divinæ & humanæ<sup>d</sup>, gloriam. Quam, *iustificationem legalem*, relatē ad oppositum, vocant<sup>e</sup>: qualis solius Christi<sup>f</sup>: qua solus<sup>g</sup>, perfectè naturâ innocens & sanctus, perfectè & absolute legem & omnem iustitiam, internè & externè, toto vitæ curriculo, implevit<sup>h</sup>: unde κατ' ἐξοχήν<sup>i</sup> ab hac ἐνομιᾷ<sup>j</sup> ac iustitiâ, *iustus ille*<sup>k</sup>, nuncupatur. Ideoque *iustificatio Christi*, à proprio objecto (ni obstareret ambiguitas,) dici posset.

a Rom. 4. 4. & 11. 6. b Rom. 2. 12. & 10. 3. Philip. 3. 9. c Lev. 18. 5. Gal. 3. 12. d Rom. 3. 27. Eph. 2. 8. 9. e Acl. 13. 38. f Esa. 50. 8. Pl. 143. 3. Heb. 7. 26. g Rom. 3. 20. 23. Gal. 3. 10. 11. 1. Pet. 3. 18. h Esa. 53. 9. Matth. 3. 15. & 5. 17. Ioh. 8. 46. Rom. 10. 4. Philipp. 2. 8. i Acl. 3. 14. & 7. 52. & c.

VII. Altera est in se iniusti, ac debitoris, lege accusati<sup>a</sup>, sed in alio iusti<sup>b</sup>, iustificatio gratuita<sup>c</sup>, ex iustitia, ortu quidem aliena<sup>d</sup>, sed Christi redemptoris ac capitis solventis<sup>e</sup>, & Dei creditoris ac iudicis<sup>f</sup> donatione, credenti & semini ejus ele-

cto, ex fœdere gratiæ Euangelii, communicata<sup>g</sup>, ad solius Dei gloriam<sup>h</sup>. Quæ *iustificatio Christianorum*, ac per Christum<sup>i</sup>, & Euangelica<sup>k</sup>, vocatur: à legali, non essentiâ, sed modo, usu, & fine ultimo discrepans<sup>l</sup> δικαιωσις utrique iustitiæ, de quâ actum est. Et hanc quidem, sed è causis rei & iudicii ortam, sequenti descriptione proponemus, & exponemus.

a Rom. 4. 5. & 3. 20. & 1. 33. b 2. Cor. 5. 21. c Rom. 3. 24. d Rom. 10. 3. Philipp. 2. 9. e Esa. 53. 6. 7. Matth. 20. 28. 1. Cor. 6. 20. Col. 3. 14. Heb. 7. 21. f Matth. 16. 12. & 18. 23. 35. g 2. Cor. 5. 21. h Gen. 17. 4. 7. 18. Rom. 4. 16. 17. Gal. 3. 9. 14. h Rom. 3. 26. 27. Eph. 1. 6. & 2. 3. i Rom. 3. 24. & 5. 1. k 2. Cor. 5. 19. l Matth. 5. 15. Rom. 3. 31. Gal. 4. 4.

VIII. Ea iustificatio est actio Dei, interna, judicialis, iusta ac gratuita<sup>a</sup>, qua electum ad vitam<sup>b</sup>, in se iniustum, & propterea accusationi & maledictioni legis in se obnoxium<sup>c</sup>, Christoque mediatori suo & capiti vere unitum, & in eodem iustum<sup>d</sup>, acceptatæ universalis Christi erga legem iustitiæ, pro ipso solutæ<sup>e</sup>, imputatione, iustum, coram suo, iustitiæ pariter ac gratiæ, tribunali, ἀμείωμελῆτος<sup>f</sup> iudicat<sup>g</sup>; ad suæ solius iustitiæ & misericordis gratiæ laudem<sup>h</sup>, & certam iustificati sanctificationem ac salutem<sup>i</sup>.

a Rom. 3. 24. Tit. 3. 7. b Rom. 8. 29. 30. c Rom. 4. 5. & 8. 11. d Rom. 8. 1. 30. e 2. Cor. 5. 21. Rom. 5. & 10. 4. Eph. 1. 6. Philipp. 3. 9. f Rom. 3. 24. 26. & 8. 30. 32. 34. & 5. 1. g Rom. 3. 26. 27. Eph. 1. 6. & 2. 9. h Rom. 5. 18. & 8. 30.

IX. Quâ definitione Iustificationis subjectum proximum, & causas complexi sumus. Ac *Subjectum* quidem proprium, cui soli & omni convenit, est aut remotum & inæquale, aut proximum & æquale.

X. *Remotum* est electus ad vitam<sup>a</sup>, in se iniustus (unde *iustificatio impis*<sup>b</sup> vocatur) & propterea accusationi & maledictioni legis in se obnoxius<sup>c</sup>. Legis autem *accusatio* est, qua hominis ἀνομία<sup>d</sup> & iniustitiam detegit<sup>e</sup>, & hoc nomine, non jus vitæ (quod, ob imperfectam tempore iustitiam, nondum aderat) sed aditum ad vitam æternam, iniusto derogat ac præcludit, & mortem æternam exigit<sup>f</sup>.

a Rom. 8. 29. 30. b Rom. 4. 5. c Rom. 3. 19. 20. 23. & 8. 33. Gal. 3. 10. 11. d Rom. 3. 20. e Deut. 17. 26.

XI. *Proximum* subjectum est, vere, ex gratia, unitus cum Christo, in unum corpus, & in illo factus iustus, ex unionis hujus & communionis, capitis Christi cum corpore suo mystico, naturâ<sup>a</sup>, & Christi fidei iussoris à creditore Deo admissi, imò emissi ac persolventis<sup>b</sup>, & absolvendi debitoris iure communi, denique ex objecti iudicii Dei, veri & iusti, conditione<sup>c</sup>. Qui Christo unitus, solus, omnibus, & semper iustificatus est<sup>d</sup>.

a Eph. 1. 22. 23. & 5. 25. 26. 29. 30. Col. 2. 10. 13. Phil. 3. 6. 8. 1. Cor. 5. 21. b Esa. 53. 10. Pl. 69. 5. Mat. 20. 28. 1. Cor. 6. 10. Eph. 1. 7. 1. Pet. 1. 18. c Exod. 23. 7. Rom. 1. 2. d Rom. 8. 1. Eph. 1. 23.

XII. Cujus gratuitæ unionis modus duplex: *immediatus*, qui fit à Spiritu Sancto, secundum electionis & confœderationis gratiam<sup>a</sup>; ut in electis fidelium infantibus, ante usum rationis morientibus: & *mediatus*, in adultis, per veræ, in Christum servatorem, fidei donum<sup>b</sup>. Hæc de subjecto.

a Gen. 17. 7. Heb. 11. 18. Gal. 3. 29. 1. Cor. 7. 14. b Iob. 6. 56. Gal. 3. 26. 27. Eph. 3. 17. Matth. 16. 16. Ioh. 3. 36.

XIII. In *Causis Iustificationis*, I. Efficiens est duplex, princeps & ministra. Princeps est vel movens, & ἀνεγκλησθῆναι<sup>a</sup> antecedens<sup>b</sup>, Dei gratuita electio & misericordia<sup>c</sup>: vel mota & consequens, Deus solus<sup>b</sup>, iure (utpote solus summus noster creditor<sup>c</sup>, legislator, & iudex<sup>d</sup>) & re ipsa cum remotè, qua Christum ad iustificandum destinavit ac misit<sup>e</sup>, eique electos unit, ac fidem perpetuam donat<sup>f</sup>: tum propinquè, quâ in eo iustos apud se æstimat ac iudicat<sup>g</sup>: ut causa procreans ac conservans ἀμείωμελῆτος<sup>h</sup> ac perseveranter<sup>i</sup>.

Quocirca impurum illud Pontificiorum (ad tollendam Christianorum in vitâ & morte consolationem) fermentum, reformatarum Ecclesiarum confessione expurgatum, constanter cavendum: quo asserunt, *iustificatum*, omnino à fide & *iustificatione interdum excidere: sed reprobam lapsu perpetuo; electum ad tempus, sed non finaliter*.

a Eph. 1. 6. 7. & 2. 4. 5. 8. Tit. 3. 7. b Rom. 3. 14. & 8. 30. c Psal. 51. 6. Matth. 6. 12. d Heb. 12. 23. Iac. 4. 12. e Rom. 4. 25. & 8. 32. Gal. 4. 1. Pet. 1. 20. f Ioh. 4. 10. f Ioh. 6. 44. 45. 46. Col. 1. 12. g Rom. 8. 33. 1. Cor. 5. 21. h Rom. 8. 30. 39. & 11. 29. Ioh. 6. 40. & 10. 28. Matth. 24. 24. 1. Pet. 1. 5.

XIV. Atque hinc etiam apparet iustificationem meritò internam, iustam ac gratuitam nominari: ut quæ ex Deo, & in Deo, per ac propter Christum. Cujus iudicii latentis patefactio

*Et divina & ordinaria est primum singularis*, quæ fit clam Spiritus Sancti, adminiculo Evangelii, in corde iustificati, te-  
stificatione & oblatione<sup>a</sup>. Deinde *communis*, quæ fiet pa-  
lam, coram toto mundo, iudicio universali, per filium Judi-  
cem universi<sup>b</sup>. *Extraordinaria est*, quæ Externo Dei sermo-  
ne, per Prophetam summum Christum<sup>c</sup>, aut Christo sub-  
ditum<sup>d</sup>, ex peculiari gratiâ, ad Dei gloriam, & iustificati Ec-  
clesiæque salutem, contingit.

<sup>a</sup> Rom. 8. 16. 1. Cor. 1. 21, 22. Eph. 1. 4. <sup>b</sup> Matth. 25. 34. 1. Ioh. 3. 2.  
Act. 10. & 17. <sup>c</sup> Matth. 9. 10. Luc. 7. 48. & 18. 14. <sup>d</sup> Act. 22.  
vers. 16.

XV. *Ministra* verò, quæ Principi inservit, est aut pri-  
maria aut secundaria. Primaria & *ἐκτελεστική* efficiens &  
conservans<sup>a</sup>, est Jesus Christus, mediator & advocatus<sup>b</sup>,  
suâ pro nobis iustitiâ: per quem & propter quem, solum &  
insolidum iustificamur<sup>c</sup>.

Adeo ut hinc luculenter appareat, iustitiæ & gratiæ iusti-  
ficantis throni ac tribunalis, iustitiæ & gratiæ, concursus &  
complexus<sup>d</sup>, illius, ratione condemnationis Christi fidei ius-  
soris nostri iustæ<sup>e</sup>; hujus ratione solutionis datæ & imputatæ  
gratitudo<sup>f</sup>.

Eoque dissipatur *falsum septimum* mutilationis iustificantis  
iustitiæ Christi *fundamentum*, quo *hic thronus nostri iustifi-  
cationis, prioris respectu truncatione minuitur, & thronus  
misericordiae, à throno iustitiæ separatur*, eique opponitur  
omnino.

<sup>a</sup> Rom. 5. 9. <sup>b</sup> Ioh. 3. 16. 1. Tim. 2. 5, 6. 1. Ioh. 2. 1, 2. <sup>c</sup> Efa. 53. 11.  
Rom. 3. 24. 25. & 5. 19. & 8. 33, 34. Gal. 1. 4. <sup>d</sup> Rom. 3. 25, 26.  
<sup>e</sup> Gal. 4. 4. <sup>f</sup> Rom. 3. 25. & 8. 32.

XVI. *Secundaria* est vel remota & externa, vel propin-  
qua & interna. *Remota* rursus, aut *inchoans* est & *conser-  
vans*, ministri Evangelii<sup>a</sup>, (qui propterea *מְצַדִּיקִים* iustifi-  
cantes dicti<sup>b</sup>) & Evangelium<sup>c</sup>; quâ fidei procreandæ & ju-  
stificationis divinæ nunciandæ instrumenta: aut *conservans  
santum Sacramenta*<sup>d</sup>, ut *signa & sigilla iustitiæ fidei*<sup>e</sup>.

<sup>a</sup> Act. 13. 38. 2. Cor. 5. 18. <sup>b</sup> Dan. 12. 3. <sup>c</sup> Rom. 1. 17. 2. Cor. 5. 19. 2. Tim.  
1. 10. Act. 14. 3. & 20. 24. <sup>d</sup> Act. 22. 16. Eph. 5. 26. Tit. 3. 5.  
<sup>e</sup> Rom. 4. 11.

XVII. *Propinqua* verò est unio mystica cum Christo<sup>a</sup>: &  
in adultis, fidei in Christum manus<sup>b</sup>; quæ Christum, nos  
iustificantem, Evangelio oblatum, amplectitur, eique (non  
verò insitâ, ut instrumentum naturale, aut artificiale; sed  
Evangelii pacto gratuito, & Christi & Spiritus Sancti effi-  
cacia, ut instrumentum supernaturale) nos unit ac maritat<sup>c</sup>.  
Quæ fides sine operibus non<sup>d</sup>: sed *sola sine operibus iustifi-  
cat*<sup>e</sup>. Quo sensu causæ efficientis dicitur *fides imputari ad ju-  
sticiam*<sup>f</sup>, *credi ad iusticiam*<sup>g</sup>, & *iustificatio fides*<sup>h</sup>, *ex fide*<sup>i</sup>.

<sup>a</sup> Rom. 8. 1. Gal. 3. 29. <sup>b</sup> Efa. 53. 11. Act. 10. 43. & 26. 18. Rom. 5. 1. 17.  
<sup>c</sup> Eph. 3. 17. 2. Cor. 11. 23. <sup>d</sup> Jac. 2. 26. <sup>e</sup> Rom. 3. 28. <sup>f</sup> Rom. 4. 5.  
<sup>g</sup> Rom. 10. 10. <sup>h</sup> Rom. 3. 28. <sup>i</sup> Rom. 5. 1.

XVIII. *Materia justificationis communis ac remota*, est  
iustitia: *propria vero & propinqua* Christi redemptoris iusti-  
tia (qua id solum est, quo, Christo uniti, perfectè iusti sunt:  
quodque, pro iis iustificandis, acceptatur & adjudicatur à  
Deo<sup>a</sup>) & quidem legalis ac universalis<sup>b</sup>. Eoque non essen-  
tialis (ut perperam Osiander) quippe cum hæc sit æterna  
simpliciter & infinita ac Deitas, quæ *ἀκρίβεια*, nec homi-  
nis accidens fieri potest) sed accidentalis; quam lex à no-  
bis, & ad imaginem Dei creatis, & debitoribus, re-  
quirat.

<sup>a</sup> 1. Cor. 1. 30. 2. Cor. 5. 21. Philipp. 3. 9. Rom. 5. 19. <sup>b</sup> Rom. 10. 4. Matth. 3.  
15. & 5. 17. Gal. 4. 4.

XIX. Quæ cum sit bimembris (ut antea ostendimus) *ἀν-  
τιπαραβολή* compensatio, per sufficientis pœnæ *λύτρον*, ut legis præ-  
ceptis violatis, & anathemati maledictionis, satisfiat (quæ  
synecdochicè *iustitia innocentia*, vulgò *iustitia passiva* dicitur)  
& *ἐκτελεστική* universalis ac perfectæ, naturæ ac vitæ, secun-  
dum præceptum legis solutio<sup>a</sup> (quæ synecdochicè, & *iusti-  
tia obedientia & activa* vulgò) sic iustitia Christi redempto-  
ris, pro nobis præstita, duas hæc partes integrantes, natu-  
râ non tempore distinctas, complectitur<sup>b</sup>.

Alioqui secundum legis postulatam (cui nihil potest sine  
satisfactione, *ἀποζημίωσις*) adhuc aut rei essemus condemnatio-  
nis, aut nondum hæredes vitæ. Eoque rectè à Propheta co-  
pulari, *deletio iniquitatis & adductio vitæ æternæ*<sup>c</sup>, & Chri-  
stus Sanctus Sanctorum<sup>d</sup>, *sol iustitiæ*<sup>e</sup>, & *Iehova iustitiæ nostra*<sup>f</sup>

(quod *lxx. Ιωσὴδ*) & verus *Melchisedec*<sup>g</sup>, hoc est, *rex iusti-  
tiæ*, appellatur.

<sup>a</sup> Deut. 6. 25. & 27. 26. Levit. 18. 5. Rom. 2. 13. & 10. 5. Gal. 4. 4. <sup>b</sup> Pl. 40.  
9. 2. Corinth. 5. 21. Matth. 3. 15. & 5. 17. Rom. 10. 4. Gal. 4. 4, 5, 21. cum  
1. Corinth. 9. 20. Philipp. 2. 8. Heb. 9. 10. <sup>c</sup> Dan. 9. 24. <sup>d</sup> Dan. 9. 24.  
<sup>e</sup> Malach. 3. 20. Al. 4. 2. <sup>f</sup> Jerem. 23. 6 & 33. 16. <sup>g</sup> Heb. 7. 2, 3.

XX. Cujus iustitiæ bipartitæ, prior est, Christi *πρωτότης*  
sancta & voluntaria<sup>a</sup> (secundum arbitrium & peculiare, à  
redemptore Deo, mandatum<sup>b</sup>) humiliatio & passio, unde  
ab ortu ad sanguinis effusionem<sup>c</sup> & mortis crucis ac male-  
dictionis, ex lege nobis debita *λύτρον* ac solutionem<sup>d</sup>, pa-  
tri oblata ut à maledicto legis ecclesiam redimeret, & dele-  
to debitorum nostrorum Chirographo, innocentem Deo si-  
steret<sup>e</sup>. Idem enim & Sacerdos noster & victima<sup>f</sup>. Qui Aarq-  
nis instar<sup>g</sup>, inter vivos mortuosque medius, grati odoris<sup>h</sup>  
sacrificio, & precum thymiamate sævientem Dei iram, &  
mortem avertunt<sup>i</sup>: unde verus *rex Salem*, id est *pacis*<sup>k</sup>,  
& *pax nostra*<sup>l</sup>, dicitur.

<sup>a</sup> Pl. 40. 10, 11. Heb. 9. 10. Efa. 53. 7. Philipp. 2. 8. <sup>b</sup> Matth. 26. 42. Ioh. 4.  
10. Heb. 10. 10. <sup>c</sup> 2. Cor. 8. 9. 1. Pet. 2. 24. Rom. 3. 25. Heb. 9. 22 & 10.  
9. <sup>d</sup> Pl. 69. 5. Matth. 20. 28. Gal. 4. 4, 5. Philipp. 2. 8. <sup>e</sup> Coll. 1. 13,  
14. & 2. 14. Act. 20. 28. 1. Pet. 1. 18, 19. & 3. 18. Heb. 9. 24, 26. & 12. 24.  
<sup>f</sup> Heb. 9. 14. <sup>g</sup> Num. 16. 48. <sup>h</sup> Eph. 5. 2. <sup>i</sup> 1. Thess. 1. 10. <sup>k</sup> Heb. 7. 2,  
3. Efa. 9. 6. <sup>l</sup> Eph. 2. 14. Col. 1. 10.

XXI. Ex quibus patet, hanc obedientiam Christi esse non  
solum ex mandato arbitrario ac proprio, respectu ipsius in-  
nocentis non promeriti; sed etiam respectu nostræ noxæ &  
fidei iusoris ipsius, secundum legis communis anathema<sup>a</sup>, &  
primam legis tabulam, quæ obedientiam, Deo debitam,  
generatim postulat. Deinde, cum Christum mortem ac ma-  
ledictionem nostram pertulisse, constet; non sola mors ac  
pœna corporalis, sed cum inculpato horrendæ maledictionis  
sensu<sup>b</sup>, (cujus in horto præsentio<sup>c</sup>) intelligitur. Quæ ratio-  
ne dignitatis infinitæ (utpote Dei<sup>d</sup>, seu, Filii Dei, qui *per  
Spiritum æternum Patri se obtulit*<sup>e</sup>) æternis inferni, mortifi-  
que secundæ cruciatibus aqualis (unde *descendisse ad inferos*<sup>f</sup>,  
metaphoricè & rectè dicitur) infiniti Dei offensam planè di-  
luit<sup>g</sup>. Quare meritò nostrum (veterisque *πρωτότης*) *ἱλαστήριον*  
propitiatorium<sup>h</sup>, *agnus paschalis* verus, tollens peccata mun-  
di<sup>i</sup>. Hirco emissario peccata omnia verorum Israëlitarum  
ferenti, & auferenti in solitudinem<sup>k</sup>, cæterisque victimis  
adumbratus<sup>l</sup>.

<sup>a</sup> Deut. 27. 26. <sup>b</sup> Efa. 53. 4, 5. Rom. 8. 32. Matt. 27. 47. Heb. 5. 7. <sup>c</sup> Matt.  
26. 38. Luc. 22. 43, 44. <sup>d</sup> Act. 20. 28. <sup>e</sup> Heb. 9. 24. <sup>f</sup> Act. 2. 27.  
<sup>g</sup> Heb. 9. 26. Efa. 53. 5. <sup>h</sup> Heb. 9. 5. Rom. 3. 25. <sup>i</sup> 1. Cor. 5. 7. 1. Ioh. 1.  
29. <sup>k</sup> Levit. 16. 12. <sup>l</sup> Heb. 10. 1.

XXII. *Posterior iustitia* Christi est & universalis & perfecta  
erga necessariam & communem charitatis legem ad mortem  
ulque, ut *λύτρον*, sic martyrium<sup>a</sup>, obedientia<sup>b</sup>: qua nobis  
adhuc iustitiâ vacuis, benedictionem<sup>c</sup> ac jus vitæ æternæ &  
salutem<sup>d</sup> acquireret. *Cujus iustitiæ membra sunt iustitia ha-  
bitualis* ac originalis naturæ, & *actualis* vitæ, perpetua. Quo-  
rum illud, iniustitiæ nostræ originali; hoc, actuali opponi-  
tur. Eamque suo modo tegit, non tollendo reatum, quod  
passioni convenit) sed supplendo defectum integræ iustitiæ,  
quam conditio vitæ requirit<sup>e</sup>.

<sup>a</sup> 1. Tim. 6. 13. <sup>b</sup> Joh. 8. 29. & 17. 4. Rom. 10. 4. Philipp. 2. 8. <sup>c</sup> Gal. 3. 14.  
<sup>d</sup> Heb. 10. 19, 20. Rom. 5. 17, 18, 21. <sup>e</sup> Cap. 10. 5.

XXIII. Quum autem integræ legalis *Christi iustitiæ* (& pas-  
sionis & charitatis) complexus ac coronis<sup>a</sup>, in sanguinis i-  
psius effusione & morte<sup>b</sup>, eluxerit: Hisce de causis, non  
semper<sup>c</sup>, sed sæpius, nunc sanguine, nunc morti utrumque,  
& à maledictione absolutio, & vitæ æternæ jus<sup>d</sup> ac salus,  
conjunctè, sed distinctè adscribitur. Quippe illud prioris:  
hoc posterioris ratione competit. Ut enim laus, quæ sangui-  
ni aut morti pro totâ obedientiâ synecdochicè sumptâ (pro-  
pter individuum ex gratia copulam, & ad conscientiam, con-  
tra terrores legis, consolationem præcipuam) attribuitur,  
nec mutuo, nec antecedenti passioni *συμμετρικῶς* derogat<sup>e</sup>: Sic  
nec iustitiam vitæ reliquam excludit; sed synecdochicè, co-  
lophonis instar, includit: ut tota Christi iustitia, quam, le-  
gi & Patri plenè obediendo, vita & perpensione præstitit,  
intelligatur.

<sup>a</sup> Heb. 10. 14, 15. Joh. 19. 30. <sup>b</sup> Joh. 14. 9, 31. & 15. 13. & 13. 1. Rom. 5. 8, 9.  
<sup>c</sup> Rom. 5. 17, 19, 21. & 10. 4. <sup>d</sup> Heb. 10. 19, 20. <sup>e</sup> 1. Pet. 2. 24. & 13.  
vers. 18.

XXIV. Quamobrem *falsa* est ea *sententia*, quæ iustitiam  
nostram coram Deo, ac totam iustificandi materiam, de-  
truncatâ parte alterâ, iustitiâ activâ dictâ, sola Christi pas-  
sione & morte; ut iustitia passiva (cujus activa sit, non cau-  
sa so-

Hhhh

la socia ac *σύνεργος*, sed tantum accidens necessarium, seu antecedens & conjuncta conditio) restringunt.

Abominanda verò *Socini* (non Christiani, sed semi-Turcæ, personæ & officii ac beneficii Christi adversarii: ut qui nec Filium Dei, natura verum Deum & *αὐτίκην*, sed tantum hominem Deificatum gratiâ; nec redemptorem sua morte, ut sacrificio *ἱλαστικῶς*, sed tantum martyrio, agnoscit) impietas: qua Petri Abaillardi, Bernardi tempore nati ac damnati, ductu, utrumque tollitur: Christusque servator tantum, quâ salutis viam docet, & exemplo vitæ martyrio mortis ac resurrectione confirmat, tandemque se imitatis vitam est daturus, confingitur.

<sup>a</sup> De J. Christo Salvatore p. 1. c. 1. &c.

XXV. Ut autem materia communis justificationis, est justitia; propria verò justitia Christi: sic *ἀνάλωγος* Forma duplex, communis & propria. Communis, est imputatio justitiæ <sup>a</sup>, & quidem bipartita, pro justitiæ, cum innocentia, tum obedientia charitatis, ratione. Constat enim *abjudicatione injustitiæ*, seu non imputatione peccati, ac remissione peccatorum <sup>b</sup> (quæ synecdochicè, propter cognitionem ex Dei fœdere individuum, & consolationem fidelium, contra horrorem anathematis, pro toto interdum usurpatur <sup>c</sup>) qua reatum nostræ *ἀνομίας*, seu, mortem primam & secundam, injustitiæ nostræ debitam, abjudicat <sup>d</sup>: & *adjudicatione seu imputatione justitiæ*, quæ *ἐννομία*, seu, perfectam legis observationem adjudicat, ad vitam æternam.

Unde *falsum* in detruncatione justificantis justitiæ Christi *fundamentum octavum*, labitur, quod *remittere peccata & imputare justitiā simpliciter sint ἰσodύνημα*, ac paria, eademque.

<sup>a</sup> Rom. 4. 6. 11. <sup>b</sup> Rom. 4. 8. <sup>c</sup> Rom. 4. 7, 8. <sup>d</sup> Rom. 8. 1, 30.

XXVI. *Propria forma* est universalis justitiæ Christi (quâ adversus legis accusationem & maledictionem, Deo plane satisfacit, & in eo justī sumus) bimembris imputatio <sup>a</sup>. Quippe sola, nostri ex causa, coram Deo, justificationem informat ac constituit, & à reliquis discernit.

Unde perniciosus ille, & communis Pontificiis, aliisque gratiæ, adversantibus, *Arminii error detestandus*, quo præter remissionem peccatorum gratuitam per fidem, contenditur, *formam justificationis esse in nobis inhaerentem*, nempe fidem: quod illa sit nostra coram Deo justitia: non quidem ex summo rigore severi judicii Dei, sed propter Christi meritum & intercessionem. Sed Pontificii statuunt, fidem esse formam inchoatam ac justitiā veram, sed charitate complendam: *Alii* <sup>\*</sup> verò partim deterius Pontificiis fidem esse formam totam, verum non per se, sed gratiosa Dei æstimatione: ut quæ rigore juris non sit perfecta justitia, sed illius lo-

co ac vice, acceptetur. Eoque modo *imputativam* dici posse,

Utrumque indoctum ac impium apparet: *indoctum*, quia formam vocant, quod alienum est: quippe justitia, & quidem justī forma; sed justificationis, ex eorum hypothesebus effectum: *Impium*, quia & Dei judicium pervertunt <sup>b</sup>, & loco justitiæ & obedientiæ Christi, quâ coram Deo justī constituimur, supponunt: aut dubiâ lance, rectaque ad præcipitium; & Papismum, via (quod in Claudio Alberico post Palinodiam in Bernensi Synodo, apostata, aliisque eluxit) componunt.

Ideoque illam fidei justitiā formalem asserimus (cum Orthodoxis Ecclesiis reformatis & Augustanæ confessionis: quâ meritò gravissimi hujus articuli puritatem tuerentur, & novitatibus hujusmodi, aut interpolatis erroribus plurimum, ut scripta docent, offenduntur) merè fictitiā, & ut vocant *putativam*. cam verò Dei, fideique justitiā, quam sacræ literæ commendant, non fidei genus, non formam illius, nec justificationis statuimus, sed fidei effectum instrumentale, cujus participes simus fide, ut ex superioribus constat.

<sup>a</sup> Rom. 4. 11. & 15. 1. 18, 19. & 10. 4. 1. Corinth. 1. 30. 2. Corinth. 5. 21. Gal. 4. 5. Philipp. 3. 9. Socinus & Sociniani <sup>b</sup> Exod. 23. 7. Deut. 27. 26. Rom. 2. 2. Proverb. 17.

XXVII. *Finis & effectus* justificationis duplex est, *summus & remotus*, gloria Dei <sup>a</sup>, sita in patefactione ipsius, cum justitiæ tum gratiæ ac misericordiæ <sup>b</sup>: *justitia*, quod Filium suum potius peccatum <sup>c</sup> fieri voluerit, quàm illud inultum relinquere; *gratia & misericordia*, quod nobis miseris justitiā Christi imputarit <sup>d</sup>. *Propinquus*, sanctificatio ac glorificatio <sup>e</sup>, seu justificati sanctitas <sup>f</sup>, & vita æterna <sup>g</sup>. Unde *δικαιοσύνη ζωῆς* celebratur <sup>h</sup>.

<sup>a</sup> Eph. 1. 6. <sup>b</sup> Rom. 3. 26. <sup>c</sup> 2. Cor. 5. 21. Gal. 4. 4, 5. Rom. 8. 3. <sup>d</sup> Rom. 4. 11. & 5. 17, 18, 19. 2. Cor. 5. 1. <sup>e</sup> Rom. 8. 30. <sup>f</sup> Tit. 3. 14. <sup>g</sup> Rom. 5. 21. <sup>h</sup> Rom. 5. 18.

#### COROLLARIA.

1. *An imputare per se ubique in sacris literis significet gratiosam æstimationem, reique imputata imperfectionem? Neg. Imo nullibi, ut ex natura vocis, usu scriptura, & locorum in ea omnium inductione evinci potest.*

2. *An fidem imputari ad justitiā, significet necessariò, loco ac vice justitiæ haberi? N. Ut ex naturâ, & vocum, & rei ipsius demonstrari potest.*

3. *An merces (ex Rom. 4. 4) citra ullam catachresin aut ellipsin dici possit, operanti imputari secundum debitum? Affir.*

4. *An verè & recta, ex scriptura usu, phrasi dici possit, obedientiam Christi ipsi imputatam esse ad justitiā? Affirmatur.*

#### DISPUTATIO XXVI.

### DE HOMINIS, CORAM DEO, JUSTIFICATIONE.

#### THESIS I.

**J**ustificare, Vox est, non in Latio, sed in Ecclesia, nata, exprimentæ voci Hebrææ *Tsiddek* aut *Hisdik*, & Græcæ, *δικαίω*, cujus significatio in S. literis, genere tantum est triplex. *Prima*, est judicis; *justum judicare*, mente <sup>a</sup>, vel sermone <sup>b</sup>; absolute <sup>c</sup>, vel relate ad accusationem, ac contrariè condemnationi <sup>d</sup>: *secunda*, est indicis; *justum indicare* <sup>e</sup>: tertia denique, est vindicis, *vindicare*, seu liberare <sup>f</sup>. *Prima*, propria est: *reliqua dua*, ab ea, per metaphoram, derivatæ.

<sup>a</sup> Psal. 143. 2. Rom. 3. 19, 20. <sup>b</sup> Deut. 25. 1. <sup>c</sup> Rom. 4. 2. & 8. 33. <sup>d</sup> Prov. 17. 15. <sup>e</sup> Luc. 16. 15. cum Matt. 23. 28. Apoc. 22. 11. <sup>f</sup> Rom. 6. 7.

II. *Justificatio judicii*, divina est, aut humana. *Illa*, qua Deus, hominem <sup>a</sup>: *hæc*, qua homo, Deum <sup>b</sup> hominemve <sup>c</sup>, justum judicat; judicio sententiæ, vel simplicis <sup>d</sup>, vel jurisdictionis <sup>e</sup>.

<sup>a</sup> Rom. 3. 26. <sup>b</sup> Luc. 7. 29. <sup>c</sup> Luc. 10. 29. <sup>d</sup> Job. 27. 5. <sup>e</sup> 2. Sam. 15. 4.

III. *Justificatio autem Dei*, vel est *particularis*; qua partim & relate ad particularem justitiā, actum <sup>a</sup>, aut contro-

versum negotium <sup>b</sup>: vel *universalis*, qua, simpliciter & absolute, ob universalem, erga legem, justitiā, justum judicat <sup>c</sup>. Unde illa, *justificatio causa controversa*: hæc *persona*, vulgò nuncupatur.

<sup>a</sup> Psal. 106. 31. <sup>b</sup> 2. Chron. 6. 23. <sup>c</sup> Gal. 2. 16.

IV. *Quæ persona justificatio est*, aut *ex causis judicii*, seu justitiā universali <sup>a</sup>; aut *ex aliis judicii argumentis*, seu *ex justitiæ propriæ effectis* <sup>b</sup>: sive, in hac vita <sup>c</sup>, justī judicentur; sive, in altera, die illo, *δικαιοκρατίας* Dei ultimo <sup>d</sup>. Quo illi qui ante mortem, ex justitiā, tanquam causa, justificati fuerint coram Deo, post resurrectionem à mortuis, ex vita, hic peracta (tanquam ex veris, justificati ac justitiæ, fructibus & argumentis) justī pronuntiabuntur, coram toto mundo, per judicem Christum <sup>e</sup>.

<sup>a</sup> Act. 13. 38, 39. <sup>b</sup> Matth. 12. 37. <sup>c</sup> Jac. 2. 21. cum Gen. 22. 12. <sup>d</sup> Rom. 2. 5, 7. Matth. 12. 37. <sup>e</sup> Matth. 12. 36, 37. & 25. 31, 34, 35.

V. Porro *universalis, ex causis justificatio*, est hominis in se, aut justī, aut injustī. *Illa* est, quæ operanti, rigore legis approbantis, est debita <sup>a</sup>, ex justitiā propria <sup>b</sup>, ad justī salutem <sup>c</sup>.

lutem<sup>c</sup>. Quæ, quoniam pacto legis patefacta est<sup>d</sup>, *justificatio legalis*, appellatur: qualis, solius est Christi<sup>e</sup>. Hæc verò, est hominis Christiani, in se quidem injusti ac debitoris<sup>f</sup>, sed Dei gratia, in Christo, iusti<sup>g</sup>. Quæ, ut Lege velata est; sic Evangelio revelata<sup>h</sup>: ideoque distinctè, *Evangelica*, dici consuevit.

<sup>a</sup> Rom. 4. 4. & 11. 6. <sup>b</sup> Rom. 2. 13. & 10. 8. <sup>c</sup> Phil. 3. 9. <sup>d</sup> Gal. 3. 12. <sup>e</sup> Rom. 10. 5. <sup>f</sup> Phil. 3. 9. <sup>g</sup> Efa. 50. 18. <sup>h</sup> Heb. 7. 26. <sup>i</sup> Rom. 4. 5. & 3. 19. 20. <sup>j</sup> 1. Cor. 1. 30. <sup>k</sup> 2. Cor. 5. 21. <sup>l</sup> Rom. 1. 17. <sup>m</sup> 2. Tim. 1. 10.

VI. Hæc *Christiani justificatio*, est actio Dei interna, iudicialis, gratuita, qua electum ad vitam, & vocatum fidelem, in se injustum, Christoque mediatori suo & capiti unitum, & in eodem iustum, acceptata universalis Christi erga Legem, iustitia, pro ipso soluta, imputatione, iustum iudicat; ad sua solum iustitia, & misericordis gratia, laudem, & certam justificationem, ac salutem.

VII. Qua descriptione, justificationis subjectum proprium & causæ complexi sumus. Subjectum, est electus ad vitam, & vocatus fidelis<sup>a</sup>, in se quidem injustus<sup>b</sup>, & propterea legis maledictioni obnoxius<sup>c</sup> (unde, *justificatio impij*<sup>d</sup>, vocatur) sed Christo verè unitus, & in illo factus iustus, pro unionis huius, & communionis, Christi capitis, cum corpore mystico, natura<sup>e</sup>: Christi que fidei iussoris, à creditore Deo admissi, imò & emissi, solutione<sup>f</sup>: & iudicii Dei, veri & iusti, conditione<sup>g</sup>.

<sup>a</sup> Rom. 8. 29. 30. 33. <sup>b</sup> Rom. 3. 23. 24. <sup>c</sup> Rom. 3. 19. 20. <sup>d</sup> Rom. 4. 5. <sup>e</sup> Rom. 8. 1. <sup>f</sup> Gal. 3. 29. <sup>g</sup> Eph. 1. 22. 23. & 5. 25. 26. 30. <sup>h</sup> Col. 2. 10. 13. <sup>i</sup> Phil. 3. 8. 9. <sup>j</sup> Efa. 53. 5. 10. <sup>k</sup> Matt. 20. 28. <sup>l</sup> 2. Cor. 5. 21. <sup>m</sup> 1. Joh. 4. 10. <sup>n</sup> Exod. 23. 7. <sup>o</sup> Rom. 2. 2. & 3. 4.

VIII. In causis verò justificationis, primò efficiens est duplex, princeps & ministra. Princeps, est vel movens ac *antececedens*, Dei gratuita electio & misericordia<sup>a</sup>: vel mota ac consequens, Deus solus<sup>b</sup>: cum iure; quia solus hic noster creditor<sup>c</sup>, legislator ac iudex<sup>d</sup>; tum reipsa, partim remotè, quatenus Christum, ad iustificandum, destinavit ac misit<sup>e</sup>, eique electos, fide donatà, unit<sup>f</sup>; partim (quod hic spectatur) propinquè, quatenus in eo iustos, tales apud se æstimat ac iudicat<sup>g</sup>, ut causa procreans & conservans, *immutabilis* ac perseveranter<sup>h</sup>. Atque, hinc apparet, justificationem meritò internam ac gratuitam nominari: ut quæ, à Deo & in Deo, per ac propter Christum, gratis datum, existat.

<sup>a</sup> Eph. 1. 6. 7. & 2. 4. 5. 8. <sup>b</sup> Tit. 3. 7. <sup>c</sup> Efa. 43. 25. <sup>d</sup> Rom. 3. 30. <sup>e</sup> Phil. 5. 6. <sup>f</sup> Matth. 6. 12. <sup>g</sup> Heb. 12. 23. <sup>h</sup> Jac. 4. 12. <sup>i</sup> Rom. 4. 25. & 8. 32. <sup>j</sup> 1. Joh. 4. 10. <sup>k</sup> 1. Joh. 6. 44. 45. 46. 65. <sup>l</sup> Eph. 3. 16. 17. <sup>m</sup> Rom. 8. 32. 33. <sup>n</sup> 2. Cor. 5. 21. <sup>o</sup> Rom. 8. 30. 39. & 11. 29. <sup>p</sup> Joh. 6. 40. & 10. 28.

IX. *Ministra* verò justificationis causa, quæ principi inservit, est aut primaria, aut secundaria. *Primaria*, ac *antececedens* efficiens ac conservans<sup>a</sup>, est Jesus Christus, mediator & advocatus<sup>b</sup>, sua, pro nobis, iustitia: per quem, & propter quem, solum, & in solidum, iustificamur<sup>c</sup>. Ideoque relatè ad Deum, *servus illius iustus, multos iustificaturus*<sup>d</sup>, & *iustitia nostra*<sup>e</sup> (hoc est, nos iustificans, metonymicè) appellatur.

<sup>a</sup> Rom. 5. 9. <sup>b</sup> 1. Tim. 2. 5. 6. <sup>c</sup> 1. Joh. 2. 1. 2. <sup>d</sup> Rom. 3. 24. 25. & 5. 19. & 8. 33. 34. <sup>e</sup> Efa. 53. 11. <sup>f</sup> 1. Cor. 1. 30.

X. *Secundaria*, est vel remota & externa, vel propinqua & interna. Ac remota quidem, aut *inchoans* est & *conservans*, ut ministri Evangelij<sup>a</sup> (unde, *maledikim*, iustificantes dicti<sup>b</sup>) & Evangelium<sup>c</sup>; quia sunt fidei procreandæ, & justificationis divinæ nuntiandæ, instrumenta: aut *conservans* tantum; ut Sacramenta<sup>d</sup>: tanquam *signa & sigilla iustitiæ fidei*<sup>e</sup>. *Propinqua* verò, est unio mystica cum Christo<sup>f</sup>, & in adultis, etiam fidei manus<sup>g</sup>, quæ Christum, nos iustificantem, Evangelio oblatum, amplectitur, eique nos maritat, & in unum corpus mysticum, unit<sup>h</sup>: non vi insita, ut instrumentum naturale, aut artificiale; sed, ex Evangelij pacto gratuito, & Christi ac Spiritus Sancti efficacia<sup>i</sup>, ut supernaturale instrumentum. Quæ fides, sola ac sine operibus, non est<sup>k</sup>; sed, sola ac sine operibus, *iustificat*<sup>l</sup>. Quo sensu, causæ efficientis dicitur, *fides imputari ad iustitiam*<sup>m</sup>, *credi ad iustitiam*<sup>n</sup>, *iustificari fide*<sup>o</sup>, *ex fide*<sup>p</sup>. Hæc de causa efficiente.

<sup>a</sup> Act. 13. 38. <sup>b</sup> 2. Cor. 5. 18. <sup>c</sup> Dan. 12. 3. <sup>d</sup> Rom. 1. 17. <sup>e</sup> 2. Cor. 5. 19. <sup>f</sup> 2. Tim. 1. 10. <sup>g</sup> Act. 22. 16. <sup>h</sup> Eph. 5. 26. <sup>i</sup> Tit. 3. 5. <sup>j</sup> Rom. 4. 11. <sup>k</sup> Rom. 8. 1. <sup>l</sup> Gal. 3. 28. 29. <sup>m</sup> Efa. 53. 11. <sup>n</sup> Act. 10. 43. & 26. 18. <sup>o</sup> Rom. 5. 17. <sup>p</sup> h. 2. Cor. 11. 2. 3. <sup>q</sup> Eph. 3. 17. & 5. 25. 26. 23. <sup>r</sup> 1. Cor. 12. 12. 13. 27. <sup>s</sup> Jac. 2. 26. <sup>t</sup> Gal. 5. 6. <sup>u</sup> 1. Rom. 3. 28. <sup>v</sup> Rom. 4. 5. <sup>w</sup> Rom. 10. 10. <sup>x</sup> Rom. 3. 28. <sup>y</sup> Rom. 5. 1.

XI. *Materia justificationis*, est iustitia Christi redemptoris: quia id solum est, quo, uniti Christo, perfecte iusti sunt, quodque pro iis iustificandis, acceptatur, & adjudicatur à

Deo<sup>a</sup>. Hæc autem *Christi iustitia*, est *legalis ac universalis*<sup>b</sup>: qualem lex à nobis, ut ad imaginem Dei creatis, & debitoribus, requirit.

<sup>a</sup> 1. Cor. 1. 30. <sup>b</sup> 2. Cor. 5. 21. <sup>c</sup> Phil. 3. 9. <sup>d</sup> Rom. 5. 19. <sup>e</sup> Rom. 10. 4. <sup>f</sup> Matth. 3. 15. & 5. 17. <sup>g</sup> Gal. 4. 4.

XII. Quæ cum sit *bimembris*, nempe *ἀνομίας*, seu iustitiæ ex legis, compensatio, per sufficientis poenæ λύσις<sup>a</sup> ut Legis transgressioni, & anathemati maledictionis, satisfiat<sup>a</sup>; & *καρμίας* universalis, seu iustitiæ perfectæ (naturæ & vitæ) Legis præceptis debitæ, solutio<sup>b</sup>: sic iustitia Christi redemptoris, pro nobis præstita, duas hæc partes (natura, non tempore, distinctas) complectitur<sup>c</sup>. Unde rectè, à Propheta, de Christi donis differente, utrumque copulatur, *delectio iniquitatis, & adductio iustitiæ æternæ*<sup>d</sup>: & Christus *Sanctitas Iehovæ* (frontalis Aaronis titulo, expiandis & reconciliandis Israëlitis imperato<sup>e</sup>, adumbratus) *solus iustitia*<sup>f</sup>: *Iehova iustitia nostra*<sup>g</sup>, & verus *Melchisedec*, hoc est *rex iustitiæ*<sup>h</sup>, nuncupatur.

<sup>a</sup> Deut. 27. 27. <sup>b</sup> Rom. 6. 23. <sup>c</sup> b. Levit. 18. 5. <sup>d</sup> Rom. 2. 13. & 10. 5. 7. <sup>e</sup> Matth. 22. 3. 39. <sup>f</sup> Phil. 40. 9. <sup>g</sup> 2. Cor. 5. 21. <sup>h</sup> Matth. 3. 15. <sup>i</sup> Rom. 10. 4. <sup>j</sup> Gal. 4. 4. <sup>k</sup> Phil. 2. 8. <sup>l</sup> Dan. 9. 74. <sup>m</sup> Exod. 28. 36. 38. <sup>n</sup> Mal. 4. 2. <sup>o</sup> Ier. 23. 6. & 33. 16. <sup>p</sup> Heb. 7. 1. 2. 3.

XIII. Cuius *iustitia pars prior*; est Christi *ἡγιασμός*<sup>a</sup>, sancta ac voluntaria<sup>b</sup> (secundum arbitrium ac peculiare, à redemptore Deo, mandatum<sup>c</sup>) *humiliatio & passio* (inde ab ortu, ad sanguinis effusionem<sup>d</sup>, & mortis crucis ac maledictionis λύσις<sup>e</sup> ac solutionem<sup>f</sup>) Patrioblata; ut, à maledicto Legis, Ecclesiam redimeret, & delecto peccatorum chirographo, *innocentem* Deo sisteret<sup>g</sup>.

<sup>a</sup> Act. 20. 28. <sup>b</sup> 1. Tim. 3. 16. <sup>c</sup> b. Phil. 40. 8. 9. <sup>d</sup> Heb. 10. 10. <sup>e</sup> Efa. 53. 7. <sup>f</sup> c. Matth. 26. 42. <sup>g</sup> Heb. 10. 10. <sup>h</sup> d. 2. Cor. 8. 9. <sup>i</sup> Rom. 3. 23. <sup>j</sup> Heb. 9. 12. & 10. 10. <sup>k</sup> Matth. 10. 28. <sup>l</sup> Gal. 4. 4. 5. <sup>m</sup> Phil. 2. 8. <sup>n</sup> f. Col. 1. 14. <sup>o</sup> Act. 20. 28. <sup>p</sup> 1. Pet. 2. 18. 19. & 3. 18. 19. <sup>q</sup> Heb. 9. 26. & 12. 24.

XIV. Idem enim, & *sacerdos* noster est, & *victimæ*<sup>a</sup>. Qui, Aaronis instar<sup>b</sup>, inter vivos mortuosque medius, *grati odoris sacrificio*<sup>c</sup>, & precum thymiamate, sævientem Dei iram, & mortem, averruncat<sup>d</sup>. Unde verus, *rex Salem*, id est *pax*<sup>e</sup>, & *pax nostra*<sup>f</sup>, nostrum veterisque archetypum, *ἱλαστήριον propitiatorium*<sup>g</sup>, *agnus paschalis* verus tollens peccata mundi<sup>h</sup>, hircus emissario, peccata omnia Israëlitarum ferenti, & auferenti in solitudinem<sup>i</sup>, cæterisque victimis & holocaustis adumbratus<sup>k</sup>, statuitur.

<sup>a</sup> Heb. 9. 14. <sup>b</sup> Num. 16. 48. <sup>c</sup> Eph. 5. 2. <sup>d</sup> 1. Thef. 1. 10. <sup>e</sup> Heb. 7. 23. <sup>f</sup> Efa. 9. 6. <sup>g</sup> f. Eph. 2. 14. <sup>h</sup> Col. 1. 20. <sup>i</sup> g. Heb. 4. 16. & 9. 5. cum Rom. 3. 25. <sup>j</sup> h. 1. Cor. 5. 7. <sup>k</sup> Joh. 1. 29. <sup>l</sup> i. Levit. 16. 21. <sup>m</sup> k. Heb. 9. 11. 12. & 10. 1.

XV. *Posterior* verò *pars iustitiæ Christi*, est universalis & perfecta, erga necessariam ac communem charitatis legem, ad mortem usque, obedientia<sup>a</sup>, qua nobis, adhuc iustitia vacuis, benedictionem plenam<sup>b</sup>, ac jus vitæ æternæ, & possessionem illius ac salutem<sup>c</sup>, acquireret. Ut enim Christus Deo (& tanquam Deo, seu summo bono, summè amando, & tanquam domino ac creatori, & servatori, suo benefico, redamando) amorem & obedientiam debitam præstitit, quatenus homo; sic eandem pro nobis etiam præstitit, quâ pro nobis factus ac natus homo, nobisque datus<sup>d</sup>, & *secundus Adamus*, prioris adverso typo adumbratus<sup>e</sup>, & iustitiæ ac salutis, in omnes homines, ab ipso regeneratos, propagandæ, stirps communis<sup>f</sup>, imo, corporis Ecclesiæ, caput & constitutus.

<sup>a</sup> Joh. 8. 29. & 17. 4. <sup>b</sup> Phil. 2. 8. <sup>c</sup> b. Gal. 3. 14. <sup>d</sup> c. Heb. 10. 19. 20. <sup>e</sup> Rom. 5. 17. <sup>f</sup> 18. 20. & 10. 4. <sup>g</sup> d. Efa. 9. 6. <sup>h</sup> e. Rom. 5. 12. 14. <sup>i</sup> f. Rom. 5. 18. 19. 21. <sup>j</sup> 1. Cor. 15. 47. 49. 52. <sup>k</sup> g. 1. Cor. 12. 12. 13. 27. <sup>l</sup> Eph. 1. 22. 23.

XVI. Cuius *iustitia membra* sunt duo; *iustitia habitualis* ac *originalis*, naturæ, & *actualis* vitæ, perpetua. Quarum illa, iustitiæ nostræ originali: hæc, actuali opponitur: eamque suo modo tegit; non tollendo reatum, quod passioni convenit; sed supplendo defectum integræ iustitiæ: quam & jus Dei absolutum<sup>a</sup>, & conditio vitæ æternæ consequendæ<sup>b</sup>, à nobis requirit. Qua de re, Catechesis nostra, rectè Resp. ad Quæst. 46.

<sup>a</sup> Deut. 6. 5. vide th. 15. <sup>b</sup> Levit. 18. 5.

XVII. Quam autem integram legis Christi iustitiæ, complexus ac coronis<sup>a</sup>, in sanguinis ipsius effusione & morte<sup>b</sup>, eluxerit; (idcirco nunc sanguini, nunc morti, utrumque cum à maledictione absolutio, tum vitæ æternæ jus ac salus<sup>c</sup>) conjunctè quidem, sed distinctè tamen adscribitur. Quippe illud priori, hoc posteriori, iustitiæ parti, competit.

<sup>a</sup> Heb. 10. 14. 18. <sup>b</sup> Joh. 19. 30. <sup>c</sup> b. Joh. 14. 31. & 13. 1. 15. 13. <sup>d</sup> Rom. 5. 8. 9. <sup>e</sup> c. Heb. 10. 19. 20.

XVIII. Ut enim laus, quæ sanguini effuso, aut morti (pro tota obedientia, propter individuum, ex gratia, copulam, Hhhh 2 sumptus)



sumptis) attribuitur, nec mutuò, nec antecedenti humiliat[i]oni, & pass[i]oni, *συμμετρία* derogat<sup>a</sup>: sic nec iustitiam vitæ, ad mortem usque excludit, sed per synecdochen similem ac suavissimam, colophonis instar, includit: ut tota Christi iustitia, quam Legi & Patri, plenè obediendo<sup>b</sup>, vita & perfectione, obtulit, eo modo intelligatur<sup>c</sup>. Hæc de materia.

<sup>a</sup> 1. Pet. 2. 23, 24. & 1. 18. 2. Cor. 8. 9. <sup>b</sup> Rom. 5. 12, 19, 21. Phil. 2. 8. Rom. 10. 4. <sup>c</sup> Vide Cateches. ad quæst. 60. & 61.

XIX. Forma verò justificationis est, universalis hujus b[em]bris iustitiæ Christi, imputatio<sup>a</sup>: quippe hæc sola, nostri, ex causis, coram Deo, justificationem informat ac constituit, & à reliquis discernit. Constat enim abjudicatione injustitiæ, & adjudicatione iustitiæ.

<sup>a</sup> Rom. 4. 11. & 5. 1, 18, 19. & 10. 4. 1. Cor. 1. 30. 2. Cor. 5. 21. Gal. 4. 5. Phil. 3. 9.

XX. Abjudicatio injustitiæ, est qua Deus, pass[i]onis & mortis Christi, pro peccatis nostris, solutione imputatâ, mortem injustitiæ nostræ debitam, abjudicat<sup>a</sup>. Quo sensu, remissio peccatorum<sup>b</sup>, vocatur: quæ propriè non est iustitiæ imputatio, sed vindictæ tantum, seu pœnæ, ob injustitiam debitæ, præmissio, & ex reorum ac damnandorum catalogo expunctio, ut & vocis significatio communis, & veritas, exigit. Nam ut peccata à nobis facta, non ignorat Deus, quia omniscius; sic, nec facta, infecta judicat, quia verus; sed pœnam peccatis nostris meritam, propter Christi mediatoris *λύτρον* ac satisfactionem, ignoscit. Christus enim solvit pœnam, quam non debebat<sup>c</sup>, pro nobis debitoribus: ut nos ære sanguinis sui pretiosi, à debita, omissionis officii, & commissionis vitii, pœna, quasi ære alieno, liberaret<sup>d</sup>. Quæ demum, à reatu & pœna liberatio genuina est peccati remissio.

<sup>a</sup> Rom. 3. 24. & 8. 1. <sup>b</sup> Luc. 1. 77. Aq. 13. 38. Eph. 1. 7. Hebr. 10. 18. Col. 1. 14. <sup>c</sup> Psal. 69. 5, 6. <sup>d</sup> Eia. 53. 4, 5, 6. Mat. 20. 28. & 26. 28. 1. Pet. 1. 18, 19.

XXI. Adjudicatio verò iustitiæ, est qua Deus, perfectam

mandatorum Legis observationem, à Christo fidejussore, secundo Adamo, marito & capite nostro, nobis nato & dato, præstitam, nobisque cum eo (ob unionem, & communionem illam) communem, nobis adjudicat, ad vitam æternam<sup>a</sup>. Quæ, cum individuo nexu, ex Dei fœdere, remissioni peccatorum, sit conjuncta; non est mirum, si illius interdum voce, per synecdochen, simul comprehendatur<sup>b</sup>. Hæc de forma: quæ, ex materiæ explicatione antecedenti, plenius illustrantur.

<sup>a</sup> Vide Thef. 7. & c. Rom. 4. 11. & 5. 18, 19. & 10. 4. Phil. 3. 9. <sup>b</sup> Rom. 4. vers. 6, 7.

XXII. Finis denique justificationis, est remotus, vel propinquus. Remotus & summus, est gloria Dei<sup>a</sup>, sita, in satisfactione, ipsius iustitiæ, & gratiæ ac misericordiæ<sup>b</sup>. Iustitiæ, quod Filium suum, potius peccatum fieri<sup>c</sup>, voluerit, hoc est, reum victimamque peccati, quàm illud inultum relinquere: gratiæ & misericordiæ, quod, nobis miseris, iustitiam Christi gratis donarit, & imputarit<sup>d</sup>. Propinquus finis, est beneficium Dei, & officium nostrum. Beneficium Dei, est adoptio<sup>e</sup>, sanctificatio & glorificatio<sup>f</sup>. Officium nostrum, est grata, vitæ nostræ, ad Dei, in Christo iustificantis, voluntatem & laudem, in vera iustitia, directio<sup>g</sup>. Qua, licet vitam minimè mereamur<sup>h</sup>, Deo tamen creatori ac domino, & per Christum, redemptori ac patri nostro<sup>i</sup>, gratitudinem debitam<sup>k</sup> præstamus: & nostri, per fidem, justificationem, peccati odio, & iustitiæ studio, tanquam fructibus, coonestamus ac comprobamus<sup>l</sup>. Ideoque iustificanti nos, per fidem in Christum,

Deo, sit Gloria!

<sup>a</sup> Ephes. 1. 6. <sup>b</sup> Rom. 3. 24, 20. <sup>c</sup> 2. Cor. 5. 21. Gal. 4. 4, 5. Rom. 8. 3. <sup>d</sup> Rom. 4. 11. & 5. 17, 18, 19. 2. Cor. 5. 21. <sup>e</sup> Ioh. 1. 12. Gal. 4. 5. Eph. 1. 5. <sup>f</sup> Rom. 8. 30. Tit. 2. 14. Heb. 9. 14. <sup>g</sup> Luc. 1. 74, 75. 1. Pet. 2. 24. Tit. 2. 11, 12. <sup>h</sup> Luc. 17. 10. Math. 6. 12. <sup>i</sup> Mal. 1. 6. Aq. 17. 27, 28. 1. Cor. 6. 20. <sup>k</sup> Tit. 2. 11, 12. 1. Pet. 2. 9. 1. Ioh. 4. 11. 1. Heb. 9. 14. Phil. 1. 11, 27. Col. 1. 10. Iac. 2. 18. 2. Pet. 1. 8, 9, 10.

## DISPUTATIO XXVII.

### DE JUSTIFICATIONIS MATERIA ET FORMA.

Inter orthodoxa, religionis Christiana capita, nullum (post illustrem illam, de Deo & Christo Θεανδρώπῳ, doctrinam) magis necessarium, quàm, de hominis coram Deo justificatione, dogma: neque aliud majori cura, à corruptela fermento protegendum: ut fidei ac salutis Ecclesia consulatur. Quocirca, quum non solam Pontificii, materiam & formam, salutaris hujus doctrina, vitiant; sed Georgius etiam Cargius<sup>a</sup>, in eodem scopulos, novo commento, impegit: aliisque non paucis, errandi occasionem, præbuerit: idcirco, ad veritatis defensionem, errores illius reregimus, & falsas hypothesas ac rationes, quibus fucantur, Deo annuente, à materia justificationis exorsi, diluemus.

<sup>a</sup> De curriculum vitæ Abrah. Scultet.

#### THESES I.

**D**E materia justificationis, error est; eam non esse totam Christi, ab initio vitæ ad finem illius, legis obedientiam; sed eam solummodo, quam in passionem & morte adhibuit<sup>a</sup>.

<sup>a</sup> Piscat. Apolog. pro Disp. p. 104.

II. Hypothesis autem prima, à Cargio proposita, hæc est; Legem, aut ad obedientiam, aut ad pœnam, non ad utrumque, obligare<sup>a</sup>. Quæ aperta est, in Deum & Legem illius, contumelia: ac totius religionis subversio.

<sup>a</sup> De curric. vitæ Ab. Scult.

III. Nam, per accidens peccati, merito ejus, & iustâ Legis sententiâ, obligati sumus ad pœnam<sup>a</sup>. Ad obedientiam verò, non solum relate seu conditione finis; si ex operibus nostris, vitam obtinere velimus<sup>b</sup>: sed etiam absolute; ratione & Dei, & nostri.

<sup>a</sup> Deut. 27. 27. Rom. 6. 21. <sup>b</sup> Lev. 18. 5. Rom. 10. 5.

IV. Dei quidem, cum jure essentia: quia summum est bonum<sup>a</sup>, eoque maximè amandus: tum jure beneficentia (tam communis; quia creator & gubernator<sup>b</sup>; quam propriæ; quod noster sit redemptor<sup>c</sup>) Dominus noster redamandus. Noster verò ratione; quia in Legis obedientia, bonum nostrum, animique perfectio, ac Dei similitudo, consistit<sup>d</sup>. Ac propterea gemino hoc nodo indissolubili, ad Legis obe-

dientiam (quæ Dei proximique amore continetur) astringimur. Ideoque hæc hypothesis, quæ hominem peccatorem ac reum pœnæ, ad Deum & proximum amandum, minimè obligari, affirmat, Legis vim ac pietatem (ut error inde ortus, Euangelium) corrumpit.

<sup>a</sup> Matth. 19. 17. <sup>b</sup> Aq. 17. 26, 27, 28. Mal. 1. 6. <sup>c</sup> Exod. 20. 2. 1. Cor. 6. 10. <sup>d</sup> Mat. 5. 48. 1. Pet. 1. 16.

V. Altera Cargii (ut & Piscatoris<sup>a</sup>) hypothesis (Quod Christus, pro nobis præstitit, ad id præstandum, nos non obligari<sup>b</sup>) vana est: quia finium diversitas, Christi obedientiam & nostram, optimè conciliat.

<sup>a</sup> Apologia pro disp. p. 20. & 88. <sup>b</sup> De curric. vitæ Ab. Scult.

VI. Quod enim Christus, pro nobis præstitit; id non, eodem fine, præstare tenemur (nempe ut vitam, ex pacto ac jure Legis servatæ<sup>a</sup>, consequamur) sed alio; hoc est, ut absolute debitum amoris officium ac gratitudinem, præstemus: ut antè ostendi. Sicut Christus, pro nobis est passus, ut nos redimeret ac Deo reconciliaret<sup>b</sup>: attamen nos etiam, pati debemus, ejus exemplo<sup>c</sup>: non ut nos aliove redimamus (quod Christo proprium) sed ut Dei voluntati, patientiæ officio, pareamus<sup>d</sup>. Atque hæc de Cargii errore, & hypothesibus illius falsis.

<sup>a</sup> Levit. 18. 5. <sup>b</sup> 1. Pet. 1. 18. & 3. 18. <sup>c</sup> Matth. 16. 24. 1. Pet. 2. 21. <sup>d</sup> Ibid. Heb. 10. 16.

VII. Tertia verò hypothesis, quæ à Cargii assensoribus afferri

ferri solet, nempe; *Quam obedientiam quis pro se debet Deo, eam, pro alio quoque, prestare non potest*, similiter infirma est. Quamvis enim id, de nobis, aliisque generis humani posteris, dici queat<sup>a</sup>: falsò tamen, de stirpe atque origine generis, asseritur. Siquidem suam simul, & posterorum, vicem, ex Dei instituto, sustinet. Adamus enim primus, secundus typus<sup>b</sup>, ad tempus, pro se, suisque posteris generandis, stetit atque obedivit: ut etiam, pro se suisque, lapsus & inobediens factus est<sup>c</sup>. Similiter secundus Adamus Christus (qui nobis natus ac datus<sup>d</sup>) pro se suisque posteris regenerandis<sup>e</sup>, stetit atque obedivit, illiusque obedientia ac justitia, est nostra<sup>f</sup>.

<sup>a</sup> Ezech. 18. 19, 20. <sup>b</sup> Rom. 5. 14. <sup>c</sup> Rom. 5. 12, 19. <sup>d</sup> Esa. 53. 10. <sup>e</sup> Ibid. 9. 6. <sup>f</sup> Rom. 5. 18, 19. Phil. 3. 9. Rom. 10. 4.

VIII. *Quarta hypothesis*, gemino errore, & destructione sui, secunda hæc est; quòd in Christo, duplex sit perfecta obedientia, activa & passiva: ideoque quum perfectò nihil addi possit: unâ nobis imputatâ: alteram non imputari. *Primus* enim error est, quòd eam, quæ perfecta non est, perfectam statuatur obedientiam. Siquidem obedientia Christi, in passione adhibita (quam, vocum contradictione, passivam vocant) perfecta obedientia esse non potest: quia tantum est, perfectæ obedientiæ Legis, pars aliqua: nempe patientia, in pœna (quæ nobis debebatur) subeunda ac perfrenda.

<sup>a</sup> Pifc. Apol. pro Disp. p. 39. & 70.

IX. Quæ patientia, fuit dilectionis Dei ac proximi perfectissimæ, actio, non universalis; sed particularis quædam. Joh. 14. 30. 31. *Venit princeps mundi, & in me non habet quicquam. Sed hac sunt, ut cognoscat mundus, me diligere Patrem: prout autem mandavit mihi Pater, ita facio.* Eph. 5. 1. *Christus dilexit nos, & tradidit semetipsum, pro nobis oblationem ac victimam Deo, in odorem bonæ fragrantia.* Quare non duplex est, sed unica tantum, perfecta Christi obedientia: quæ tam extra passionem, quam in passione, versata est: nec pars illius, perfecta seu tota obedientia, sine turpi contradictione, dici potest. Hic igitur *primus* est hypothesis error.

X. *Alter* verò est, quod obedientiam actionum Christi perfectam, subtractione partis illius (seu obedientiæ, in passione, exhibitæ) imperfectam perspicue constituat. Ideoque hypothesis hæc, de duplici perfecta Christi justitia, justissima erroris talione, seipsam evertit: & Legem non minus, quam Euangelium, mutilando violat.

XI. *Quinta hypothesis* est; Duo illa pronunciata; *Christus, sanguinis sui effusione, redemit nos, ab execratione Legis: & Christus obedientiam præstitit, pro nobis, implicare contradictionem*<sup>a</sup>: quæ similiter falsa est. Siquidem ista duo probè, inter se, consentire, res ipsa demonstrat: quia alterum, alterius, reciproca est ac necessaria, conditio.

<sup>a</sup> Pif. Apol. Disp. p. 17.

XII. Nam ut sanguinis Christi effusio, quæ nos, à maledictione redemit, id præstare nequivisset, nisi perfecta adfuisset obedientia (aliàs enim ipsemet peccator fuisset, ac pro se puniendus) sic vicissim, totius vitæ ipsius obedientia, non potuisset nos perfectè justos constituere, nisi pro nobis pœnam, quam Legi violatæ ac justitiæ divinæ debebamus, simul pertulisset. Et jam antè ostendi, obedientiam passionis, fuisset obedientiæ Christi, pro nobis lapsis, partem necessariam, ideoque, unius positio, alterius inclusio est, non exclusio.

XIII. Hisce hypothesisibus, ratio quædam, addi solet; quòd, quum justificatio & vita æterna, oblationi corporis & sanguinis Christi, tribuantur<sup>a</sup>: inde consequi, vitæ Christi obedientiam, non esse nostram coram Deo justitiam, sed eam tantum, qua passionem & mortem pertulit. Verum falsa est consequentia: quia per synecdochen, parti obedientiæ, quod totius est, attribuitur. Nam (ut modo demonstravimus) sola pœnæ patientia, perfecta justitia (quæ sola justos constituit) propriè dici non potest, neque oblationi corporis & sanguinis Christi, justificatio, sine synecdoche, verè adscribitur.

<sup>a</sup> Rom. 3. 25. Joh. 6. 51.

XIV. Christus enim, non solum corpus & sanguinem, sed etiam animam suam, pœnis pro nobis ferendis, obtulit: nec ea solum, in fine vitæ crucem mortemque ferendo, sed simul inde ab initio, pro nobis patiendo<sup>a</sup>: nec corpus & animam

solum obtulit ad pœnam & redemptionem; sed suam etiam perfectam totius vitæ obedientiam ad justitiam & vitam. Quæ duo, individuo nexu fuerunt conjuncta: & ad justificationem perfectam concurrunt. Quippe, *per Spiritum æternum, seipsum obtulit inculpatum Deo*<sup>b</sup>: & *passus est justus, pro injustis, ut nos ad Deum adduceret*<sup>c</sup>.

<sup>a</sup> 2. Cor. 8. 9. Phil. 2. 8. <sup>b</sup> Heb. 9. 14. <sup>c</sup> 1. Pet. 3. 18.

XV. Neque obstat, quòd ad Heb. 10. 9. dicitur; *Ecce adsum, ut faciam Deus voluntatem tuam: & vers. 10. Quæ voluntate sanctificati sumus, per oblationem corporis semel* (factam.) Nam voluntas illa Patris, à Christo facta, obedientiam universam Christi complectitur: cujus pars una, in oblatione corporis sita, pro materiæ subjectæ ratione, describitur: non autem plenè definitur. Idque ex Psal. 40. 8. 9. (quem adducit Apostolus) apparet; *Ecce venio &c. facere voluntatem tuam Deus mi delektor: & lex tua est in visceribus meis.* Deinde etiam si definiret, pars tantum justificationis, oblationi corporis attribueretur: quia sanctificatio hoc in loco, purgationem à peccatis, solummodo designat (ut vers. 1. & 2. & 4. & 11. & 12. ostendunt) quæ, passioni ipsius, propriè convenit.

XVI. Nam quod nonnulli objiciunt; Qui purgatus est à peccato, is perfectè justus est, ac jus habet vitæ æternæ: illud meritò negatur. *Primum* quia ad perfectè justum, requiritur non tantum purgatio à reatu peccati (qualis Heb. 10. intelligitur: quia purgati, de quibus agitur, originalis peccati reliquas adhuc maculas retinent) sed etiam ab omni macula illius.

XVII. *Deinde*, neque omnis peccati absentia sufficit, ut quis perfecta justitia, quæ jus habeat vitæ, sit præditus, sed etiam obedientia legis perfecta requiritur: hoc est, ut omnia præcepta, omnino, & omni tempore, observentur. Quomodo Adamus ante lapsum, etsi non fuerit injustus ac peccator; non fuit tamen perfectè justus, ea justitia, quæ ad jus vitæ requirebatur: quia duratio justitiæ inchoatæ, ad finem non successit. Atque hæc de *materia justificationis*, totius Christi obedientiæ nobis imputatæ, veritate, adversus Cargianos errores falsasque hypotheses, sufficere speramus: ideoque ad *formam* ejusdem asserendam, procedemus.

XVIII. *Error*, in ea tradenda, Cargianus, exprimitur, ab assensore, his verbis; *De causa formali justificationis doceo; justificationem, nihil aliud esse, quam remissionem peccatorum*<sup>a</sup>: quo, indigna justificationis mutilatio, continetur: impurisque hypothesis innititur: ut examen demonstrabit.

<sup>a</sup> Pifc. Apol. pro Disp. p. 104.

XIX. *Hypothesis* enim prima & erroris fons est; *imputare justitiam, & remittere peccata, esse idem*<sup>a</sup>: quod à veritate omnino abhorret, & res diversas, imperitè noxiæque commiscet, ac veram justitiæ Christi imputationem, & salutem inde dependentem, è medio tollit.

<sup>a</sup> Pifc. Apol. p. 4.

XX. Quia *imputare* alicui justitiam, nihil aliud est, (citra controversiam) quam justum ceu perfecta legis obedientia præditum, judicare<sup>a</sup>. *Remittere* verò peccata, est tantum, pœnam peccatis debitam, prætermittere: seu, à pœnâ meritâ, absolvere. Quod sanè longè est aliud, quam justitiam, hoc est, perfectam Legis obedientiam, imputare<sup>b</sup>. Quare, ut justitia imputetur: non sufficit, ut Deus, propter pœnæ, à Christo, pro nobis solutæ, satisfactionem, ab ea nos absolvat; sed etiam, ut obedientiam perfectam (qua caremus) à Christo præstitam, nobis donet. Nam licet justificatio quædam sit à peccatis<sup>c</sup>, quod ea non imputentur, illa tamen non est universalis personæ justificatio (qua simpliciter coram Deo perfectè justus & hæredes vitæ æternæ constituimur) sed particularis, ac parvillius, quæ adversus Legis condemnationem, ob Christi passionis satisfactionem, à debito pœnæ, immunes censetur.

<sup>a</sup> Ibid. p. 70. <sup>b</sup> Vide thes. 16. <sup>c</sup> Act. 13. 39.

XXI. Nec ea obstat argutia, quod non solum peccata commissionis, sed etiam omissionis, sint remissa. Siquidem non propterea, tales à Deo judicantur, quòd nihil mali commiserint, nihilque boni omiserint (hoc enim scientiæ, & veritati, justoque Dei judicio, repugnat) sed quod à debita, omissionis officii, & commissionis vitii, pœna (quia eam Christus, pro iis persolvit) liberos judicet. Solis verò iis justitiam

Hhhh 3

tiam imputat, seu justos judicat, qui perfectam habent legis obedientiam<sup>a</sup>: quæ in solo Christo extat: ipsique fide unitis, à Deo datur atque imputatur<sup>b</sup>.

<sup>a</sup> Pifc. Apol. p. 70. <sup>b</sup> Heb. 7. 26. Phil. 3. 9. Rom. 10. 3.

XXII. Quare falsum est illud confectarium; *Propter quam rem, Deus nobis remittit peccata, propter eam ipsam rem, nobis imputat justitiam*<sup>a</sup>.

<sup>a</sup> Pifc. Apol. p. 60. & 61.

XXIII. Sed rursus, imbelletelum, objicitur; *Pro quibus Christus mortuus est, illi SUNT injusti, 1. Pet. 3. 8. illi quibus imputatur obedientia Christi activa, non sunt injusti: Ergo pro illis, quibus imputatur obedientia Christi activa, Christus mortuus non est. Et per consequens, frustra est mortuus*<sup>a</sup>. Nam propositio falsa est. Non enim omnes illi, pro quibus Christus mortuus est, SUNT injusti: neque Petrus hoc asserit.

<sup>a</sup> Pifc. Apol. p. 82.

XXIV. Nam etiam pro sanctis, qui in cælis sunt, Christus est mortuus, Apoc. 5. 9. qui tamen, non sunt injusti; sed absolute ac simpliciter justis, Heb. 12. 23. Quare, ut vera fiat sententia, addendum, injusti sunt, aut FUERUNT: atque ita, Assumptio erit falsa.

XXV. Deinde si subjectum speciatim, & correctione quadam, ad eos, qui in terris sunt, restringatur, nihil rursus efficiet. Nam injusti intelligentur, aut absolute, aut relate. Si absolute; falsa erit Propositio. Nam, pro viva fide præditis, in terris, Christum esse mortuum, nemo dubitat: at tamen illi non absolute sunt injusti; sed contra, in Christo justis ac justificati. Sin verò relate tantum, seu quales sunt, si per se, ratione naturæ suæ vitiosæ, & in se considerentur, Assumptio erit falsa. Quia fideles, etsi ratione unionis cum Christo, per fidem, & in eo sint perfecte justis: in se tamen, ratione reliquiarum carnis, & repugnantiae illius, adversus spiritum<sup>a</sup>, eatenus sunt injusti<sup>b</sup>. Quare malæ causæ malum accessit patrocinium.

<sup>a</sup> Gal. 5. 17. <sup>b</sup> 1. Joh. 1. 8.

XXVI. Quale etiam, quod ex detortis Apostoli, ad Rom. 8. 3. & 4. 6. 7. verbis, proponunt<sup>a</sup>. Nam ad prius quod attinet, licet Deus Filium suum, miserit in sacrificium, pro peccato, ut *dirigimus* Legis impleatur in nobis; illud tamen non probat, in sacrificio Christi (à vitæ obedientia distincto) perfectam esse Legis obedientiam, eamque nobis imputari. Nam obedientia ac justitia Legis, quæ nobis imputatur, non in nobis impletur: sed in Christo, impleta est: deinde sacrificii obedientia particularis, non est perfecta atque integra justitia, quam Lex à nobis exigit; sed extrema tantum illius portio. Ideoque *dirigimus* justitiam potius quam justificationem notat: quæ paulatim, in nobis impletur, sanctificatione, quam Christus, sacrificio suo, est promeritus<sup>b</sup>. Hæc de prima Pauli sententia.

<sup>a</sup> Pifc. Apol. 70. & 63. <sup>b</sup> Rom. 6. 6.

XXVII. Ex secunda quoque, infirmum prorsus argumentum, deducitur: licet palmarium existiment. Nam Syllogismus est hujusmodi; *justificationem esse justitiæ imputationem, probat Paulus Rom. 4. 6. 7. testimonio Davidis, aut per ipsa verba illius, aut per aequipollentiam verborum: non autem probat per ipsa verba: probat igitur per verborum aequipollentiam, & per consequens, locutiones ista, imputare justitiam, & remittere peccata, aquipollent*<sup>a</sup>. Sed vana est Propositionis disjunctio: ac falsa nititur hypothesi: quia dictio ac probatio alicujus sententiæ, esse potest non solum per ipsa verba, aut per aquipollentiam: sed etiam absque iis, per consequentiæ vim.

<sup>a</sup> Pifc. Apol. 63. & 48.

XXVIII. Sicut Christus ait, de resurrectione mortuorum dictum esse à Deo, *ego sum Deus Abraham*<sup>a</sup>: ubi nec verba ea, neque aquipollentia; sed alia (unde, per consequentiam necessariam, resurrectio dependet) recensentur. Sic hoc in loco, quia remittere peccata, & imputare justitiam, individuo, foederis gratiæ, nexu (licet à distinctis causis procedant) constringuntur: ut cui unum Deus donet, alterum etiam largiatur: idcirco uno posito, alterum, necessariam consequentiā, indicatur.

<sup>a</sup> Matth. 22. 31. & 32.

XXIX. Deinde altera etiam hic subest, hypothesi falsa, quasi ea esset tantum æquipollentia verborum, quum propriè, absque synecdoche aliove tropo, verba intelliguntur: quum tropus & alibi non raro, & hoc in loco subit. Nam remissio peccatorum, non propriè, sed per synecdochen, partis pro toto, commodissime (ob mutuam ac necessariam, cum imputatione justitiæ, connexionem) totam justificationem, designat. Nec enim, sine hac considerata, justos & beatos constituere posse, jam antea demonstravimus. Quam Pauli synecdochen, quædam etiam Ecclesiarum Confessiones imitantur: ut inde frustra, erroris prætextus, rapiatur.

XXX. Denique, quod passim, magna confidentia, inculcatur; *Scripturam nusquam tradere, nobis ad justitiam, imputari obedientiam Christi activam*<sup>a</sup>: illud facillimè, discussa falsarum hypothesium ac rationum, caligine, in Scriptura relucere, conspicietur. Nam Dan. 9. 24. duo illa Christi beneficia, nobis parata, recensentur, *expiatio iniquitatis, & adductio justitiæ æternæ*: quæ diversa esse, jam antè evicimus.

<sup>a</sup> Pifc. Apol. p. 11. & 39.

XXXI. Deinde Jer. 23. 6. Christus dicitur, *Iehova, justitia nostra*: & 1. Cor. 1. 30. *vos autem estis in Christo Iesu, qui factus est nobis sapientia à Deo, iustitia &c.* 2. Cor. 5. 21. *Eum, qui non norat peccatum, pro nobis fecit peccatum, ut fieremus, iustitia Dei, in eo.* Phil. 3. 9. *Ut inveniar in eo, non habens meam justitiam, qua est ex Lege; sed qua per fidem est, Christi: qua ex Deo justitia, per fidem.* Atqui justitia nostra esse non potest, nisi sit perfecta totius Legis observatio.

XXXII. Præterea, ad Rom. 5. 19. *Sicut per inobedientiam unius hominis, peccatores constituti sunt multi: ita per unius hominis obedientiam, justis constituentur multi.* Hoc est<sup>a</sup>, ut Phil. 2. 8. *seipsum submisit, factus obediens USQUE AD mortem, mortem autem crucis.* Quæ obedientia non alia quàm perfecta ab initio, usque ad finem vitæ, intelligi potest: quia hæc sola justitia, perfecta fuit, solaque, justum constituere, valuit: quod obedientiæ (de qua hic agitur) hoc loco tribuitur. Qua de re vera hæc est confessio, *concedo oportere nos, habere obedientiam Legis perfectam, quæ per imputationem, nostra fiat*<sup>b</sup>.

<sup>a</sup> Pifc. Anal. Rom. 5. 19. <sup>b</sup> Pifc. Apol. 69. & 70.

XXXIII. Quod verò subnequit; *Sed dico, hanc imputationem fieri propter obedientiam Christi passivam*<sup>a</sup>: illud, falsa & jam ante confutata hypothesi, nititur; quod obedientia illa, qua sub finem vitæ, passionem pertulit, sit perfecta obedientia Legis: quum illius tantum sit pars, imo partis pars (licet excellens) quoniam obedientia passionis Christi, ab initio vitæ coepit, & ad mortem usque perduravit<sup>b</sup>. Neque potest Deus, quia verax est ac justus iudex, partem justitiæ, integram esse justitiam, judicare, quia seipsum abnegare non potest.

<sup>a</sup> Ibid. <sup>b</sup> 2. Cor. 8. 9. Phil. 2. 8.

XXXIV. Denique Rom. 10. 4. *Finis legis est Christus, ad justitiam omni credenti.* Ubi finis vox, aut *συντελεσµα* complementum (ut Chrysostomo placet) aut causam, cujus gratia Lex est, designat, nempe obedientiam perfectam. Quæ quum nobis natura desit: soli verò Christo adsit: ea nostra fit per fidem, ut justis simus & jus vitæ obtineamus.

XXXV. Nam quod Christum legis finem, ideo dici asserunt, quod ea lata sit, ut per illam, de peccato & impotentia implendi eam, convicti (Rom. 3. 20. & 8. 5.) *justitiam per fidem quæramus in Christo*<sup>a</sup>: alienum est. Primò, quia, hic non est finis legis, per se: sed hic usus tantum est per accidens lapsus: ut convincamur peccati & impotentiae nostræ: & usus non primarius: quia hic est, obedientia. Deinde verum non est, Legem ideo latam, ut Christum quæramus: aliàs Christum doceret, & ministerium esset, non mortis, sed vitæ: quod Evangelio est proprium. Neque etiam *pedagogus ad Christum* Lex moralis dicitur, sed ceremonialis: quæ Christi umbram continuit. Atque hætenus errorum reductio, & hypothesium falsarum de materia & forma justificationis, elenchus.

<sup>a</sup> Pifc. Apol. Disp. p. 12.

XXXVI. Ve-

XXXVI. Veruntamen Corollarii loco attexitur atque obijcitur *Confessionis Ecclesie Belgica consensus*, nobis etiam ad falsitatis elenchum expendendus, ac primum de justificationis materia. In eadem (inquit Piscator) doctrina consentit Confessio Belgica articulo xxiii. ubi sic legitur; *SOLA Iesu Christi crucifixi obedientia suffulti, in ea prorsus acquiescimus: quæ quidem nostra est, cum in eum credimus. Hac porro una abundè sufficit ad omnes iniquitates nostras obtegendas, tum etiam ad nos tuos securosque reddendos, adversus omnes tentationes*<sup>a</sup>. Deinde, de *causa formali* justificationis, ait; idem etiam docet confessio Belgica articulo xxiii. his verbis; *Credimus OMNEM felicitatem nostram sitam esse, in peccatorum nostrorum remissione, quæ est in Christo Iesu: eaque UNICA, TOTAM nostram justitiam coram Deo, contineri*<sup>b</sup>.

<sup>a</sup> Pisc. Apol. Disp. p. 103. <sup>b</sup> Ibid. p. 104.

XXXVII. Speciosa sanè oratio: sed minus proba: obpii & eruditi viri, in expositione Confessionis nostræ, errorem: & falsarii, à quo deceptus est, fraudem. Error est quòd SOLAM crucifixi obedientiam, de ea sola (quam passivam vocat) accipiat: quum tota intelligenda sit, quam crucifixus habuit: quæ ab effectu suo synecdochicè describitur, non autem plenè definitur, quum iniquitates nostras obtegere dicitur: ut ad Rom. 4. cujus meminit. Et quamvis verum sit, hanc (UNAM ABUNDE) sufficere: illa tamen verba, non bona fide, à falsario sunt inserta.

XXXVIII. Idque art. xxii. (ubi justitia nostra coram Deo definitur) apertè demonstrat, his verbis; *Iesus Christus nobis imputans, omnia sua merita, ET TAM MULTA SANCTA OPERA, QUÆ PRÆSTITIT PRO NOBIS AC NOSTRO LOCO* (hæc falsarius ille interpret Cargianus, errori suo adversa, detruncavit) *est nostra justitia*.

XXXIX. Sic etiam initio artic. xxiii. verba illa, OMNEM & UNICA, TOTAM (in quibus totum, probandi consensus, momentum, ponitur) ab eodem illo falsario, perfidè sunt infarta: neque in Confessione nostra continentur. Ac propterea meritò, pro depravata illa Confessionis nostræ versione (in Harmonia Confessionum, & in Corpore ac syntagmate Confessionum) Genevæ edita, incorrupta ac pura, esset bona fide restituenda.

XL. Atque hæc de erroribus, falsisque hypothesibus, ac falsis testimoniis, circa doctrinam de materia & forma justificationis. Quæ controversia est, non de re levi; sed de uno, è primariis religionis Christianæ capitibus: & quidem non de circumstantia; sed de essentia illius: quæ, ma-

teria ac forma, certò continetur. Ac propterea errorum istorum confutatio, non est *rixa inanis* (ut à patronis illorum, qui justificationem, sua materia ac forma inanem reddunt, exprobratur) sed defensio veritatis Orthodoxæ necessaria: ut & doctrina Legis, & Evangelii (quæ, uti ostendimus, corrumpuntur) illæsa integraque conservetur.

XLI. Neque hæc doctrinæ assertio, subtilitatis alicujus nomine, potest infamari: quum, inter primaria ac necessaria religionis elementa, discenda, tradatur & inculcetur pueris, in Catechesi nostra. Quæ primum fuit Palatina, & ante promulgationem ejus à Principe Palatino missa ad Gallicas, Anglicas, aliasque Ecclesias censenda, & communibus earum calculis probata est: ac tandem, in Synodo Nationali, solenniter confirmata.

XLII. In ea autem, ad quæst. 60. *Quomodo justus es coram Deo?* in Resp. dicitur, quòd, *mihi perfecta SATISFACTIO, JUSTITIA ET SANCTITAS CHRISTI, imputetur ac donetur: perinde ac si, nec ullum ipse peccatum admissem, nec ulla mihi labe inhereat: imo vero, quæseam OBEDIENTIAM, quam Christus PRO ME præstitit, ipse perfecte præstitisset*.

XLIII. Et repetitur Quæst. 61. *Cur sola fide te justum affirmas? Non quod dignitate fidei meæ, Deo placeam; sed quòd SOLA SATISFACTIO, JUSTITIA ac SANCTITAS Christi, MEA JUSTITIA, sit coram Deo*.

XLIV. Huc accedit solennis, *administrationis Cœnæ forma*: quæ ab omnibus Cœnæ ministris pastoribus, ante Cœnam, toti Ecclesiæ prælegitur, & communi illius consensu approbatur. In qua, eadem veritas ita proponitur atque iteratur; *Secundo quisque cor suum examinato, an etiam, hac certa promissa Dei credat, quòd ipsi, omnia PECCATA sua, solum passionis & mortis Christi causa REMISSA sint, ET PERFECTA CHRISTI JUSTITIA, ipsi tanquam propria, imputata ac donata sit, imò ita perfecte, ac si ipsemet in propria persona, pro omnibus peccatis suis, satisfecisset, omnemque justitiam implevisset*.

XLV. Idemque postea, in beneficiis Christi recensendis, inculcatur his verbis; *IRAM DEI (sub qua necesse fuisse, nos in æternum submergi) ab initio, quo homo factus est, ad finem vite suæ, in terra, pro nobis, PERTULIT: ET OMNEM OBEDIENTIAM ET JUSTITIAM DIVINÆ LEGIS, PRO NOBIS IMPLEVIT*. Ex quibus firma & clara, Ecclesiæ nostræ, de justificatione sententia, & quantopere ea, cum adultis, tum pueris etiam sit proponenda ac discenda, elucet.

## COROLLARIA.

1. *An justificare, in Sacris literis, interdum significet liberare? A. ex Rom. 6. 7.*

2. *An recta sit versio Piscatoris, Rom. 4. 4. merces non imputatur ex gratia, sed datur ex debito: ut inseratur per elipsin vox, datur? Neg.*

3. *An vera sit hypothesis ullius, quæ in scholiis subditur, Nam certò ex debito non dicitur quippiam imputari: cum imputatio, sit rei, quæ non debetur? Neg.*

4. *An orthodoxè à Pisc. dicatur Rom. 8. 4. Hic indicat*

finem, cujus gratia Deus, in carne Filii sui condemnavit peccatum nostrum, ut scil. justificatio Legis in nobis compleretur, h. e. ut justificaremur, præditi, ea justitia, quam Lex à nobis postulat. *Lex enim à nobis postulat aut perfectam obedientiam, aut poenam*. Nos autem obedientiam perfectam, non præstitimus: at poenam luimus in Christo: is enim pro nobis luit. Ergo Legi satisfecimus in Christo: & proinde Lex non potest nos condemnare; sed tenetur nos justificare? *Negamus*.



DISPUTATIO XXVIII.  
CONTRA ERRORES PONTIFICIORUM,  
DE JUSTIFICATIONE.

**Q**uemadmodum, citra controversiam, orthodoxa, de hominis, coram Deo, justificatione, doctrina, illustris est, & ad salutem necessaria: idcirco, non solum fideliter ea est tradenda, sed etiam adversus veritatis hostes, constanter & prudenter, vindicanda. Quocirca, quum alias, copiose satis sapiusque, sincera doctrinae fundamenta, sint explicata: non incommodum fore videtur, sinudè, Pontificiorum hac in re errores, in theatrum Academicum produceremus: & oppositis recta sententia dogmatis, fœditatem illorum, eo luculentius retegere-mus. Hac enim ratione facilius ac tutius, hanc materiam, cum adversariis disceptari, & promptius, sinceram Ecclesie confessionem, cognosci ac defendi posse, arbitramur. Quare ad Christianam de hisce rebus συζητησιν, pios & eruditos auditores, invitamus.

T H E S I S I.

**V**ocem Hebræam *tsiddek*, vel *hisidic*, Græcam *δικαιο-  
σύνη* (quam docendi causâ, conficto verbo, in Ecclesiâ Latinâ, justificare, interpretantur) in sacra scriptura, quum, de justificatione hominis, coram Deo, agitur, justum facere, infusione justitiæ inhærentis, denotare, Pontificii contendunt. Bellarminus de justif. lib. 1. cap. 1. & lib. 2. cap. 3. & 6. & lib. 4. cap. 18.

II. Orthodoxi verò contra statuunt, hujusmodi vocis acceptionem, esse alienam. Et quamvis probabilè nonnullis videatur, alicubi in sacris literis (ubi, de justificatione nostri, coram Deo, non est sermo) eo sensu usurpari: neque id, causâ Pontificiorum, vel hilum opituletur; nihilominus tamen verissimè, & ad errores Pontificis, hac in re, funditus extirpandos accommodatius, contrarium, ab aliis orthodoxis asser-tum, eadem ratione statuimus. Nullus enim omnino, ex Sa-cra Scriptura, neque ex Apocryphis, locus adferri potest, unde, ea significatio, certò demonstretur: ut, instituto singulorum examine, facilè liquebit. Imo, & frustra hæctenus, à Papæ pro-machis, ex profanis Græcæ linguæ authoribus probatis, hu-jusce significationis exempla, desideramus.

III. Utque in vocis hujus significatione, quasi in limine hu-jus dogmatis, impegerunt; sic, in rei significatæ penetrabili, gravius & copiosius offenderunt. Siquidem, præstitutâ justi-ficationis, in primam & secundam, distributione, primam exponunt, quâ homo impius, seu nondum regeneratus, in-fusione justitiæ, primum fit pius. Concil. Trident. Sess. 6. cap. 7. Bellarm. de justif. lib. 1. cap. 1. & lib. 2. cap. 3. & 6. & 15.

IV. Contra Orthodoxi docent, justificationem, hoc mo-do, in sanctificationem, seu regenerationem (à quâ, in Dei verbo, ut diversum beneficium, distinguitur) perversè com-mutari: eamque quum imperfecta sit (ut carnis, contra spiri-tum repugnantis, reliquæ contagiosæ, demonstrant) nos neutiquam posse justificare.

V. Hujus etiam justificationis partes, simili errore, con-stituunt, remissionem peccatorum; (ut terminum à quo, & internam hominis sanctificationem, seu infusionem, justitiæ; ut terminum ad quem: unde justificatio, suum nomen acce-perit; ut omnes similes notiones, illuminatio, calefactio &c. Concil. Trid. Sess. 6. cap. 7. Thomas 1. 2. quæst. 113. art. 6. Bellarm. de justif. lib. 1. cap. 1. & 1. 2. c. 3. & 6. & 11. & 12.

VI. Orthodoxi contra sanctificationem, ab universa ju-stitutione, ut modo diximus, justè discernunt.

VII. Remissionem etiam peccatorum, impurè asserunt Pontificii, non esse solam condonationem pœnæ, sed etiam ablutionem & emundationem culpæ: quâ, peccatum originis, & mortalia, tolluntur penitus, & evelluntur, ex animo. Tho-mas 1. 2. quæst. 110. art. 1. & quæst. 113. art. 2. Bellarm. de justif. lib. 2. cap. 7. & 10. & 11. & 12. Gregorius de Valent. commentar. theolog. tom. 2. disp. 8. quæstione 5. puncto 5.

VIII. Orthodoxi contra, remissionem peccati, à sanctifi-catione, sanctè distinguunt: & peccatum originis tolli, non penitus, sed partim, in hac vita, ex reliquiis illius noxiis, e-vincunt. Rom. 7. Gal. 5.

IX. Subiectum etiam justificationis, latius, quàm scriptu-

ræ latices ferant, Pontificii diffundunt ac definiunt, non esse solos prædestinatos ad vitam æternam, sed etiam reprobos. Concil. Trident. Sess. 6. can. 17. Bellar. de justificatione lib. 3. cap. 14.

X. Contra verò Orthodoxi, solos ad vitam æternam ele-ctos, justificari, Deo duce, agnoscunt.

XI. Causam efficientem, disponentem ad justificationem statuunt Pontificii, non solam fidem; sed actum fidei, spei, timoris, dilectionis, poenitentiae &c. Bellarm. de justif. lib. 1. cap. 10. & 13. & lib. 2. cap. 15. fidemque aliquo modo mere-ri justificationem. Idem de justif. lib. 1. cap. 17.

XII. Contra Orthodoxi, præviâ verbi divini luce, solam fidem id habere privilegii, non opera aliarum virtutum: nec mereri tamen ullo modo justificationem, constanter asserunt.

XIII. Instrumentalis item causa, ut Concilium Tridenti-num definit, est sacramentum Baptismi: quo nondum rege-niti, Christum induentes, infusione fidei, spei, charitatis, no-va prorsus in illo effimur creatura, & integram peccato-rum remissionem consequimur. Sess. 6. cap. 4. & 7. & Sess. 14. cap. 2.

XIV. Quod impurum commentum, ut naturæ novi fœ-deris, justificationis, & sacramentorum; adversarium, Or-thodoxi purè averfantur.

XV. Causam formalem justificationis, simili errore, de-finiunt, esse justitiam habitualement infusam, nobis reipsa in-hærentem. Concil. Trident. Sess. 6. cap. 7. & can. 10. & 11. Bellarm. de Justif. lib. 1. cap. 18. & lib. 2. cap. 12. & 15. Gregor. de Valen. Comment. Theol. tom. 2. disp. 8. quæst. 5. puncto 3.

XVI. Eodem pertinet erroris hujus explicatio; fidei ha-bitum, esse causam formalem inchoatam justificationis, sed charitatem, consummantem. Eamque charitatem, esse for-mam extrinsecam fidei; non intrinsecam: quæ det illi; non ut sit; sed ut moveatur. Bellarm. de Justif. lib. 1. cap. 17. & lib. 2. cap. 4.

XVII. Ad secundam justificationem quod attinet, pari er-roris progressu eam describunt, esse hominis prius justifica-ti, quâ justus justificatur adhuc, seu, ex justo fit justior, justitiæ inhærentis incremento. Concil. Trident. Sess. 6. cap. 10. Bel-larm. de justif. lib. 2. cap. 15. & lib. 4. cap. 18.

XVIII. Hujus justificationis causam efficientem, merito suo, docent esse opera fidei, spei, charitatis &c. eaque homi-nem justificare meritoriè, ut loquuntur: quod augmentum justitiæ promereatur. Concil. Trident. Sess. 6. cap. 10. & can. 24. & 32. Bellarm. de justificat. lib. 1. cap. 19. & 2. 16. & 1. 4. c. 18.

XIX. Contra Orthodoxi eam sententiam, perfectæ Chri-sti gratiæ, & operum nostrorum imperfectioni, è diametro repugnantem, meritò refutant.

XX. Denique justificationis adjunctum, statuunt Ponti-ficii, dubitationem. Neque illud (ait Concil. Trident. Sess. 6. cap. 9.) asserendum est, oportere eos, qui verè justificati sunt, absque ullâ omninò dubitatione, apud semetipsos statuere, se esse justificados. Quod placitum Pontificis, quia fidei veræ adversatur, Orthodoxi justè detestantur, non minus, quàm antecedentia: ut

Deo soli sit gloria.

## DE RESURRECTIONE MORTUORUM.

**Q**uam Dei, per Christum Servatorem, beneficia, gratiæ & gloriæ<sup>a</sup> complexu consent: quorum illud, salutis est fundamentum & structura; hoc, fastigium illius ac coronis: consentaneum est, ut gratiâ, suis gradibus, sæpius explicatâ, ad gloriam asserendam, transeamus. In quâ, chorus ducit, fiducia Christianorum, resurrectio mortuorum<sup>b</sup>: sine qua, fallax & ingrata gratia<sup>c</sup>, fides infida ac vana<sup>d</sup>, vitæque fidelium, non vitalis; sed mera mors ac summa miseria<sup>e</sup>. Quamobrem, ut & orthodoxa fidei, pro tenuitate nostra, succurramus: & noxiis impiorum ludibriis<sup>f</sup>, quibus incautos irretiunt, & cautos fatigant, commodè occurramus; eximia hujus doctrinæ veritatem, & utilitatem, in arenam literariam reducendam, Deoque duce expendendam, arbitramur. Quæ veritas (ex vocis rei que, descriptione & distributione) explicata ac demonstrata, perspicuè, uti speramus, elucebit.

<sup>a</sup> Psal. 84. 12. Rom. 8. 30. 2. Thess. 1. 10. <sup>b</sup> Tertul. lib. de Resur. c. 4. <sup>c</sup> 1. Cor. 15. 17, 18, 19. <sup>d</sup> Ibid. vers. 14. 17. <sup>e</sup> Ibid. 18. 19. <sup>f</sup> Matth. 22. 23. Act. 17. 31. 2. Cor. 15. 19, 32, 33, 34. 2. Tim. 2. 17, 18. 2. Pet. 3. 3, 4.

## THESIS I.

**R**esurrectio, Hebræis *tekumâ*<sup>a</sup> (ut Syris *Kejameta*<sup>b</sup>) Græcis verò ἀνάστασις<sup>c</sup> & ἔγερσις<sup>d</sup> dicitur: hoc est, (ut Damascenus<sup>e</sup> interpretatur) διῳτις ἡ πικτυὶς ὁμοιωσις, secunda ejus, quod ceciderat, statio: aut potius ac plenius, iterata corporis, à recto statu, quocunque modo, declinati, erectio<sup>f</sup>.

<sup>a</sup> Matthæus Hebræicus uterque c. 22. 23. David Kimchi in Psal. 1. <sup>b</sup> Test. Syr. Mar. 22. 28. 2. Tim. 2. 18. <sup>c</sup> Ioh. 5. 29. <sup>d</sup> Matth. 27. 53. <sup>e</sup> Orthod. fidei lib. 4. cap. 28. <sup>f</sup> Matth. 9. 9. Luc. 4. 39. & 5. 24. 25. & 6. 8. Act. 9. 40. 41.

II. Qualis alia, est vivi: alia, mortui; quæ idcirco distinctæ, resurrectio mortuorum<sup>a</sup>, & relatè ad mortuos, per ellipsin, resurrectio<sup>b</sup> vocatur. Unde metaphoricè, insignem ex calamitatibus (quæ mortis instar) liberationem<sup>c</sup>, notare solet. Prior autem significatio (ut & metaphorica) à nostro instituto aliena est: posterior verò hoc modo generatim, subiecti, & causarum cancellis comprehensa, delineari ac describi potest.

<sup>a</sup> Mat. 22. 31. <sup>b</sup> Mat. 22. 30. Act. 23. 8. <sup>c</sup> 2. Cor. 1. 9, 10.

III. Resurrectio mortui, est actio divina, qua hominis cadaver restituitur per unionem hypostaticam animâ, vivificatur, & resuscitatur; ad immensa Dei sapientia & potentia gloriam.

IV. Subjectum resurrectionis hujus proprium (& quasi materia, in qua exercetur) est hominis cadaver, à cadendo dictum<sup>a</sup>: quod corpus, per animæ separationem vita casum, & casu consequente prostratum, seseque erigendi facultate destitutum, simul designat: & Hebræis *nebbelâ*<sup>b</sup>, ac Græcis πῆμα<sup>c</sup>, eodem sensu, ac simili etymo, dicitur. Proprium autem ideo appellamus, quod hæc resurrectio, ei soli, conveniat: & ab hoc censu, bruta quidem, ob vitæ suæ impotentiam; anima verò humana, ob immortalis suæ vitæ potentiam<sup>d</sup>, excludantur.

<sup>a</sup> Tertul. de Resur. c. 18. <sup>b</sup> Esa. 26. 19. <sup>c</sup> Mar. 6. 19. <sup>d</sup> Matt. 10. 28.

V. Hæc enim resurrectio, caduca rei est, anima verò cadere non potest, qua suscitabit ingressa: non potest ruere, qua elidit egressa<sup>a</sup>. Et si improprie similitudine quadam, sanctificatio illius, resurrectio<sup>b</sup>, & resurrectio prima<sup>c</sup> (corporis utique resurrectioni gloriosæ prævia<sup>d</sup>) appelletur; quod, ut originalis justitiæ, & Dei gratiæ privatio, animæ quasi mors<sup>e</sup> est; sic justitiæ illius, & Dei gratiæ restitutio, animæ vivificatio ac resurrectio ad novam vitam, censeatur<sup>f</sup>. Sic etiam resipiscencia à mortuis operibus<sup>g</sup>, revictio<sup>h</sup> dicitur: unde concinnè Andreas Cæsariensis<sup>i</sup> ait, ἀνάστασις, ἡ ἐκ νεκρῶν ἕως ζωῆς ἐκπαύσεως, prima resurrectio, est vivificatio ex operibus mortuis. Hæc de materia.

<sup>a</sup> Tertul. lib. de Resur. c. 18. <sup>b</sup> Ioh. 5. 25. Luc. 2. 34. & 15. 32. <sup>c</sup> Apoc. 20. 5. 6. <sup>d</sup> Ioh. 5. 25, 28. <sup>e</sup> Iohan. 5. 25. Matth. 8. 22. 1. Tim. 5. 6. <sup>f</sup> Eph. 5. 14. Ioh. 5. 25. Col. 2. 13. & 3. 1. <sup>g</sup> Heb. 6. 1. <sup>h</sup> Luc. 15. 32. <sup>i</sup> In Apoc. 20.

VI. Forma verò resurrectionis corporis mortui ac collapsi, vivificatione & resuscitatione<sup>a</sup>, absolvitur. Quippe per hæc est, id quod est: & ab omnibus aliis actionibus, primò distinguitur. Unde per synecdochen, à priori ac potiori parte, morti opposita, vivificatio<sup>b</sup>, nuncupatur: ut & Syrus interpres sæpius ἀνάστασις νεκρῶν *chajat majeta*<sup>c</sup>, vivificationem mortuorum, vertit: à posteriori verò, casui & sepulturæ adversa<sup>d</sup>, resurrectio ac suscitatio<sup>e</sup> dicitur. Utrumque etiam interdum, eadem sententiâ eodem sensu continetur<sup>f</sup>. Quæ

forma causis suis externis, efficiente & sine uberius illustratur.

<sup>a</sup> 1. Reg. 14. 21. Ioh. 5. 21. <sup>b</sup> Rom. 4. 17. <sup>c</sup> 1. Corinth. 15. 11, 13, 21, 42. <sup>d</sup> Ioh. 5. 28, 29. <sup>e</sup> Mat. 22. 23. & 27. 53. <sup>f</sup> Rom. 8. 11. Ioh. 5. 21.

VII. Efficiens enim, pro duplici ista actione, variatur. Siquidem vivificationis (quæ insigni, ad consolationem piorum metaphorâ, excitatio à somno<sup>a</sup> & evigilatio<sup>b</sup>: ut mors, somnus<sup>c</sup> dici solet) causa efficiens est, aut patrans vi suâ: aut impetrans alienâ. Ac patrans rursus, vel prima est, vel secunda.

<sup>a</sup> Joh. 11. 11, 13. <sup>b</sup> Dan. 12. 2. <sup>c</sup> Joh. 11. 13.

VIII. Prima ac princeps, quæ agit, est Deus (Pater, Filius, ideo metonymicè, resurrectio & vita<sup>a</sup>, dictus, & Spiritus Sanctus) qui vivificat mortuos<sup>b</sup>: vis autem, quæ agit, est sapientia immensa, quæ dirigit, & omnipotentia, quæ perficit<sup>c</sup>, & ut Apostolus celebrat, superemmens illa magnitudo potentia ipsius, & efficacitatis fortis roboris ipsius<sup>d</sup>: actio omnipotentia per quam agit, est animæ cum corpore suo exanimi, per unionem personalem conjunctio<sup>e</sup>.

<sup>a</sup> Joh. 11. 25. <sup>b</sup> Joh. 5. 21. Rom. 4. 17. & 8. 11. 2. Corint. 1. 9. <sup>c</sup> Phil. 3. 21. <sup>d</sup> Eph. 1. 19. 20. <sup>e</sup> 1. Reg. 17. 21, 22. Joh. 16. 17, 18.

IX. Secunda ac proxima causa, quæ agit, est ipsa anima, quæ emigrarat: vis autem, quæ agit, est nativa illius facultas, corpus suum<sup>a</sup>, ita divinitus sibi unitum, animandi ac vivificandi<sup>b</sup>. Hæc de causa patrans.

<sup>a</sup> Joh. 19. 25, 26, 27. Joh. 2. 19. 1. Cor. 15. 53. <sup>b</sup> Gen. 2. 7. 1. Reg. 17. 22. Ioh. 10. 17. Act. 20. 10.

X. Efficiens verò impetrans vi alienâ, est creatura rationalis, hoc dono affecta ac directâ cœlitus; ut, ad indicium illius, Deus vi suâ, mortuum vitâ donet<sup>a</sup>. Hæc enim actio, quum potentia sit infinita, soli creatori (ut similes, viribus creaturæ agentis longè majores<sup>b</sup>) meritò adscribitur<sup>c</sup>. Hæc de vivificatione.

<sup>a</sup> 1. Reg. 17. 22. 2. Reg. 4. 33, 35. <sup>b</sup> Act. 3. 12, 16. & 9. 34. <sup>c</sup> 1. Reg. 17. 21. Rom. 4. 17. 1. Tim. 6. 13. 1. Joh. 5. 21. 2. Cor. 1. 9.

XI. Contra suscitationis, hominis vivificati, causa efficiens vi suâ, non solum est Deus; sed etiam rationalis creatura: ille, princeps quidem; sed hæc, adjuvans vitæ suæ vi atque opera: cujus modulum, actio hæc vitalis nullo modo excedit<sup>a</sup>.

<sup>a</sup> Joh. 11. 43, 44. Act. 9. 40, 41.

XII. Finis denique resurrectionis, est sapientiæ, & potentia Dei gloria: quia & ad hunc scopum, in proposito resurrectionis collimat; & ad eundem, propositi sui executione re ipsa pertingit<sup>a</sup>. Hactenus resurrectionis proposita & exposita descriptio: cui succenturiata est distributio, rem universam distinctè pandens.

<sup>a</sup> Luc. 7. 16. Ioh. 11. 40, 45. & 12. 9, 17, 18. Rom. 4. 20, 21.

XIII. Hæc enim resurrectio, aut est ad vitam mortalem: aut ad immortalam. Illa propria est paucis: hæc, communis omnibus mortuis. Utramque omnis ferè generalibus, ante explicatis, speciatim expendemus.

XIV. Resurrectio ad vitam mortalem, est qua corpora animalia resurgunt, iterum moritura, & ad iudicii diem quietura<sup>a</sup>. Ac propterea quum mortem solam, non autem mortalitatem (seu potentiam atque necessitatem moriendi) tollat, non incommode, imperfecta<sup>b</sup>, comparatè appellatur. Cujus exempla, in veteri, novoque Testamento<sup>c</sup>, ad potentiam Dei, extra ordinem privilegio quodam demonstrandam, extant illustria.

<sup>a</sup> 1. Cor. 15. 44. Ioh. 5. 28, 29. <sup>b</sup> Thomas sum. par. 3. qu. 51. art. 3. <sup>c</sup> Heb. 11. 35. 1. Reg. 17. 21. 2. Reg. 4. 33, 35. & 13. 21. <sup>d</sup> Mat. 9. 25. & 27. 52, 53. Luc. 7. 15. Ioh. 11. 11, 44. Act. 9. 40. & 10. 10.

XV. Resur-

XV. *Resurrectio ad vitam immortalem*, est qua corpora qualitatibus mutatis, immortalia & incorruptibilia, solius Dei Spiritus potentiâ, ad iudicium Dei universale, momento<sup>a</sup> suscitabuntur. Ideoque ut corporum *qualitatibus*: sic efficiendi modo, & *sine proprio*, à priori dirimitur.

<sup>a</sup> 1. Cor. 15. 52.

XVI. *Qualitatibus* quidem; quia corpora (relatè ad vim, non creatoris, sed creaturarum) immortalia futura<sup>a</sup>, & incorruptibilia<sup>b</sup>: ideoque à nutritione, generatione, incremento, decremento, similibusque aliena<sup>c</sup>. Unde resurrectio hæc, priori opposita, *perfecta*<sup>d</sup> cōcinnè vocatur: quod corpora, non à sola morte, sed ab illius etiam necessitate & potentia, omninò eximat. Hinc resurrectio ab Andrea Cæsariensi<sup>e</sup> describitur, ἡ ἐκ φθορᾶς τῶν σωμάτων, εἰς ἀφθαρσίαν, μεταποίησις corporum, ex corruptione, in incorruptionem, transmutatio.

<sup>a</sup> Luc. 20. 36. 1. Cor. 15. 51, 53. 2. Cor. 5. 4. <sup>b</sup> 1. Cor. 15. 52. 2. Cor. 5. 4. <sup>c</sup> Luc. 20. 35, 36. <sup>d</sup> Thom. par. 3. q. 53. art. 3. <sup>e</sup> In Apoc. 20.

XVII. *Efficiente* etiam discrepat; quia licet anima sit *συνάγων* Dei, seu causa adjuvans, vitæ: immortalitas tamen & incorruptibilitas, opus est solius Spiritus Dei. Ideoque *corpus spirituale*<sup>a</sup>, ut à *corpori animali*<sup>b</sup> (quod carne & sanguine corruptibili<sup>c</sup> constat, & ab anima naturaliter solum vivificatur) discerni queat, oppositè dicitur.

<sup>a</sup> 1. Cor. 15. 44. <sup>b</sup> Ibidem. <sup>c</sup> 1. Cor. 15. 50, 53.

XVIII. *Fine* denique suo differt: quia hæc sola resurrectio, ad universale iudicium pertinet<sup>a</sup>: ut ex sequenti distinctione liquebit.

<sup>a</sup> Ioh. 5. 29.

XIX. Hæc enim *resurrectio*, pro diversis subjecti sui ratione, *duplex*<sup>a</sup> est, aut *iudicis Christi*<sup>b</sup>, aut *mortuorum*, qui à *Christo iudicandi*<sup>c</sup>: illa tempore & causa prior; hæc verò utroque modo posterior<sup>d</sup>.

<sup>a</sup> 1. Cor. 15. 23. <sup>b</sup> Act. 10. 41, 42. Apoc. 1. 18. <sup>c</sup> 1. Cor. 5. 16. <sup>d</sup> 1. Cor. 15. 20, 21, 22, 23. Col. 1. 18.

XX. *Resurrectio autem Christi*, est qua corpus suum exanimum & incorruptum<sup>a</sup>, vi suæ Deitatis<sup>b</sup>, à Patre per Spiritum Sanctum<sup>c</sup>, anima sua è cælo<sup>d</sup> recepta, vivificavit<sup>e</sup>, & immortale, incorruptibile<sup>f</sup>, ac gloriosum<sup>g</sup> (gloriæ radiis in terris, ob discipulorum infirmitatem suppressis) è sepulchro suscitavit, tertio die<sup>h</sup>; ad animorum & corporum Ecclesiæ suæ salutem<sup>i</sup>, & ad iudicium universale, ultimo die exercendum<sup>k</sup>.

<sup>a</sup> Psalm. 16. 10. Act. 2. 24, 27. & 13. 34, 35. <sup>b</sup> Ioh. 2. 19, 21. & 10. 18. <sup>c</sup> Rom. 8. 11. & 1. 4. & 2. Cor. 13. 4. Gal. 1. 1. <sup>d</sup> Luc. 23. 43. <sup>e</sup> Ioh. 10. 17, 18. <sup>f</sup> Rom. 6. 9, 10. & 14. 9. Act. 13. 34. Ap. 1. 18. <sup>g</sup> Act. 26. 13. Phil. 3. 21. <sup>h</sup> Matth. 12. 40. 1. Cor. 15. 4. <sup>i</sup> Ioh. 12. 24. Rom. 4. 25. & 14. 9. & 1. Cor. 15. 20, 23. <sup>k</sup> Ioh. 5. 27. Act. 10. 41, 42. & 17. 31. Rom. 14. 9. 10.

XXI. *Resurrectio à Christo iudicandorum* est Patris<sup>a</sup>, in Filio<sup>b</sup>, per Spiritum Sanctum<sup>c</sup> actio, qua mortui universi, vi decreti divini, ac Scripturæ prænuntiæ, & jure iustitiæ distributiæ<sup>d</sup>, per efficaciam sapientiæ & omnipotentiae divini<sup>e</sup>, momento vivificabuntur, ac resurgent, celestimate Christi, voce Archangeli, & Dei tuba<sup>f</sup>, ultimo die<sup>g</sup>, ad iudicium extremum subeundum, & æternam operum mercedem recipiendam<sup>h</sup>, ad iustitiæ Dei gloriam<sup>i</sup>.

<sup>a</sup> Rom. 8. 11. <sup>b</sup> Apoc. 1. 18. Ioh. 5. 21, 28, 29. <sup>c</sup> Rom. 8. 11. <sup>d</sup> Vide thess. 4. <sup>e</sup> Phil. 3. 21. Matth. 21. 29. <sup>f</sup> 1. Cor. 15. 52. 1. Thess. 4. 16. Ioh. 5. 28. <sup>g</sup> Ioh. 6. 40. <sup>h</sup> Heb. 6. 2. Dan. 12. 2. 1. Cor. 5. 10. Matth. 25. 46. <sup>i</sup> 1. Cor. 5. 10. 1. Tim. 4. 8. Ioh. 5. 29.

XXII. *Subjectum* huius resurrectionis, sunt universi, à mundi initio ad finem, mortui ac iudicandi<sup>a</sup>: unde distinctè à reliquis (quæ *particulares* sunt) *resurrectio universalis* aptè dici consuevit<sup>b</sup>.

<sup>a</sup> Ioh. 5. 28, 29. Apoc. 20. 12. <sup>b</sup> Tertul. de Resur. cap. 25.

XXIII. *Causa efficiens*, vel *principalis* est: vel *instrumentalis*; nempe Christi celestima, Archangeli vox, & Dei tuba<sup>a</sup>. Principalis, est *movens*, aut *mota* atque *exequens*.

<sup>a</sup> Ioh. 5. 28. Matth. 24. 31. 1. Cor. 15. 51. 1. Thess. 4. 16.

XXIV. *Principalis movens causa*, est partim decreti divini, & Scripturæ prædicentis<sup>a</sup>, constantia & veritas indissolubilis<sup>b</sup>, partim iustitiæ Dei distributiæ, jus necessarium & inviolabile<sup>c</sup>. Quod, quia nec in hac vita perfectè exercetur<sup>d</sup>, neque post mortem, in solam animam, queat exerceri (ut quæ non homo; sed altera tantum totius hominis pars est<sup>e</sup>, & corporis consors) corporis ejusdem,

non alterius, ad justum iudicium<sup>f</sup>, resurrectio, necessaria est.

<sup>a</sup> 1. Cor. 15. 53, 54. Act. 17. 31. Matth. 22. 29, 31. Heb. 9. 17. Dan. 12. 2, 3. <sup>b</sup> Heb. 6. 17, 18. Ioh. 10. 35. <sup>c</sup> 1. Cor. 5. 10. 2. Thess. 1. 5, 6, 7. Iud. 14. & 15. <sup>d</sup> Psalm. 73. 12, 13, 17. 2. Pet. 2. 9. & 3. 7. Rom. 2. 5. <sup>e</sup> Matth. 10. 28. <sup>f</sup> Ioh. 19. 25, 26, 27. 1. Cor. 15. 53. 2. Cor. 5. 10.

XXV. At scitè dictum, *perfectiorem iudicii*, non nisi de totius hominis representatione constare<sup>a</sup>: non possunt ergo separari (caro & anima) mercede, quas opera conjungit<sup>b</sup>: & Deo indignum aliam substantiam operari, alium mercede dispungi<sup>c</sup>. Adeò ut hæc ratio & demonstratio, apud eos, qui rectæ rationi parent, fidem imperet atque impetret; *Dens est summus & iustus omnium iudex*<sup>d</sup>: ergo corporum iudicandorum resurrectio est<sup>e</sup>.

<sup>a</sup> Tertul. de Resur. c. 14. <sup>b</sup> Ibid. cap. 8. 2. Cor. 5. 10. <sup>c</sup> Tertul. Ibid. c. 5. 6. <sup>d</sup> Psalm. 7. 12. Gen. 18. 25. Heb. 12. 23. 2. Tim. 4. 8. <sup>e</sup> 1. Thess. 1. 5, 6, 7. Matth. 12. 32. 1. Cor. 5. 10.

XXVI. *Causa* verò *exequens*, est sapientiæ divini atque immensæ directio, & omnipotentiae recta operatio<sup>a</sup>. Quæ, pro mortuorum conditione diversa, est dispar. Alia enim corpora sunt integra: alia dissoluta<sup>b</sup>: aut in sua elementa, aut in alimentum. Priora animat: posteriora, collecta redintegrat, animæque suæ unione denuò vivificat: ut prophetica visione<sup>c</sup>, à resurrectione corporum similitudine derivatâ, adumbratur. *De vacuo enim* (ut ait Tertullianus<sup>d</sup>) *similitudo non competit*.

<sup>a</sup> 1. Cor. 15. 38, 42. Matth. 22. 29. 1. Cor. 6. 14. <sup>b</sup> Ioh. 19. 26. Apoc. 20. 13. <sup>c</sup> Ezech. 37. <sup>d</sup> Tertul. de Resur. c. 30.

XXVII. Nam quod *ἀνθρωποφάγος ἢ ἀλλοφάγος hominum* devorationem<sup>a</sup>, & interdum *μυήματ*<sup>b</sup>, veritati resurrectionis adversarii obtendunt: quod eadem caro, diversorum hominum facta, in diversis resurgere, & in his puniri, in illis coronari nequeat, illud fucatâ quâdam scientiæ specie, ex triplici ignorantia<sup>c</sup>, 1. perfectionis Dei suscitantis: 2. naturæ carnis suscitandæ: & 3. suscitationis illius, indignè emergit.

<sup>a</sup> 1. Reg. 6. 29. <sup>b</sup> Vt in Novo orbe. <sup>c</sup> Matth. 22. 29. 1. Corinth. 5. 34, 35, 36.

XXVIII. *Perfectio enim Dei* tam immensa est, ut nihil sapientiæ illius, cuncta simul accuratissimè cernentis ac discernentis, oculos subterfugere valeat<sup>a</sup>: nihil omnipotentiam illius infinitam remoretur<sup>b</sup>. Cognovit homines penitissimè non natos, non formatos: deformatos ac denatos ignorabit? *Idoneus est reficere, qui fecit: quanto plus est fecisse, quam refecisse*<sup>c</sup>?

<sup>a</sup> Heb. 4. 13. <sup>b</sup> Matth. 9. 26. Phil. 3. 21. <sup>c</sup> Tertul. de Resur. c. 12.

XXIX. *Comesa* sit caro ab injustis raptoribus: an difficile est, omnipotenti Deo eam primis iustisque possessoribus, vendicam restituere? Augustè Augustinus<sup>a</sup>; *reddetur ergo caro illa homini, in quo esse caro humana primitus cepit. Ab illo quippe altero, tanquam mutuo sumpta deputanda est: quæ, sicut as alienum ei redhibenda est, unde sumpta est: sua verò illi, quam fames exinaniverat, ab eo qui potest exhalata revocare, reddetur*. Quare Abrahami patris fidelium exemplo<sup>b</sup>, gloria hæc Deo tribuenda.

<sup>a</sup> De Civit. Dei lib. 22. c. 20. <sup>b</sup> Rom. 4. 16, 20, 21. Heb. 11. 19.

XXX. *Carnis* deinde ea est *natura*, ut & dissoluta, non in nihilum, sed in sua, Dei nutui subdita<sup>a</sup>, remeet elementa<sup>b</sup>: & cœnis Thyesteis absunta nec tota alat, nec sola. Quippe, & minima sui parte, alimento idonea: & potus, cibulque (herbarum, farinæ, & similium) una assumptus, non minimam *ἀνθρωποφάγος* nutritioni, conferunt symbolam: aut etiam totam.

<sup>a</sup> Psalm. 135. 6. Apoc. 20. 13. <sup>b</sup> Gen. 3. 19. Eccles. 22. 7.

XXXI. Nam quid vetet? quum Deus mortales, etiam si ne cibo possit alere<sup>a</sup>: & potum cibumque in immensum augere<sup>b</sup>: quid ni, huius etiam potus ac cibi adjecti vires, licet invalidas; valeat auctare, ut brutorum istorum hominum alimento abundè suppetat? Quid ni efficere queat ut comesa hominis caro, adde & concocta, variis modis, præpotenti Dei dextera, excernatur; ne Polyphemis illis accrescat: aut etiamsi accreverit, tabe, labore, inedia, in auras absumat, & ab iniquis immanibusque usurpatoribus emancipatam, suscitando corpori secernat & asservet? Qua de re doctè multa *Athenagoras*<sup>c</sup>.

<sup>a</sup> Exod. 24. 18. 1. Reg. 19. 8. Matth. 4. 2, 4. <sup>b</sup> 1. Reg. 17. 16. Matth. 16. 9, 10. <sup>c</sup> De resurrectione.

XXXII. *Susci-*

XXXII. *Suscitationis* denique *eiusdem corporis* ea est *conditio*, ut eandem carnis substantiam, non molem universam, magnaeque parte inutilem, quae aut in ausas abiit, aut aliis modis absumpta; sed tantam (quanta ad beatam membrorum corporis perfectionem apta ac destinata est) requirat. Nec siquid materiae desit, idem corpus esse desinit.

XXXIII. Atque hoc modo idem fuit corpus Mathusalahi, inde ab incunabilis: quamvis nongentorum sexaginta sex annorum<sup>a</sup> intercapedine, magna pars carnis, fame, nativi caloris pastu, aliisque modis evanuerit, pars non exigua alimentum accreverit. Quae moles universa, si coaluerit, plustquam monstrosum Typhoeum conflaverit. In Christi, & aliorum corporibus eadem, etsi dispar, est ratio. Adamus similiter, costa carneque ad Evæ formationem exempta, non alio fuit corpore, quam prius: quamvis carnis aliquid decesserat, aliquid accesserat<sup>b</sup>: eademque fuere Adami & Evæ corpora, ante & post liberorum, è semine ipsorum, procreationem; etsi materia inæquali. Ideoque costa Adæ, in Eva: & feminis eorum traduces, non in parentibus, sed in liberis, citra difficultatem, resurgent. Unde *efficientis Dei, & effectus resurrectionis corporum, consensu* accuratus conspicitur.

<sup>a</sup> Gen. 5. 27. <sup>b</sup> Gen. 2. 21. 22. 23.

XXXIV. *Finis* denique *resurrectionis huius, ad vitam immortalem, à Christo judicandorum*, est ut toti homines, ad tribunal Christi fistantur<sup>a</sup>: & operum suorum mercedem recipiant<sup>b</sup>, & ut Dei, in Christo iudicis, iustitia pateat<sup>c</sup>.

<sup>a</sup> 1. Cor. 5. 10. Ioh. 5. 27, 28, 29. <sup>b</sup> Ibidem. 1. Thef. 1. 5, 6, 7. <sup>c</sup> Rom. 2. 1, 6. Aq. 17. 31. 2. Cor. 5. 10.

XXXV. Porro hæc *judicandorum resurrectio*, in duplicem multitudinem<sup>a</sup>, distribuitur: una est *justorum* (quam distinctè à Paulo<sup>b</sup>, *ἐκαστου*, quasi *resurrectionem* è terra, in ærem ac cælum, vocari censent<sup>c</sup>) altera *injustorum*<sup>d</sup>. Et harum qualitatum ratione, illa, ad vitam beatam; hæc, ad infernam refertur<sup>e</sup>.

<sup>a</sup> Dan. 12. 1. Aq. 24. 15. <sup>b</sup> Phil. 3. 11. <sup>c</sup> Theophyl. in Ioh. 6. 39. Phil. 3. 11. Et Occumenius in Phil. 3. 11. <sup>d</sup> Aq. 14. 15. <sup>e</sup> Dan. 12. 2. Ioh. 5. 29. Rom. 2. 7, 8.

XXXVI. *Resurrectio justorum dicta*<sup>a</sup>, est qua, eadem corpora<sup>b</sup> electorum<sup>c</sup> mortuorum in Christo<sup>d</sup>, tanquam membra illius<sup>e</sup>, per salvificam, perfecti redemptoris<sup>f</sup>, capitis sui ac primitiarum resurgentium<sup>g</sup>, efficaciam, animabus suis è cælo<sup>h</sup> restitutis, rediviva, spiritali, potenti & glorioso Christi corpori resurgent conformia<sup>i</sup>, (dispari licet, & capitis, & ipsorum inter se, gloria<sup>k</sup>) ad iudicium vitæ beatæ in cælis<sup>l</sup>, & ad gratiæ Dei, in Christo suscitantis ac servantis, gloriam sempiternam<sup>m</sup>.

<sup>a</sup> Luc. 14. 14. <sup>b</sup> 1. Cor. 15. 53, 54. 2. Cor. 5. 10. <sup>c</sup> Mat. 13. 17. <sup>d</sup> Apoc. 20. 12, 13. 1. Thef. 4. 16. 1. Cor. 15. 23. Ioh. 6. 39, 40. <sup>e</sup> 1. Cor. 6. 13, 15. <sup>f</sup> Ioh. 19. 25. Esa. 25. 8. 1. Thef. 1. 10. & 4. 14. & 2. Thef. 8. 10. <sup>g</sup> 1. Cor. 15. 20, 21, 22. <sup>h</sup> Ecclef. 12. 7. Luc. 16. 22. & 23. 43. Aq. 7. 59. 2. Cor. 5. 8. Phil. 1. 23. Ap. 14. 13. <sup>i</sup> Phil. 3. 21. Aq. 26. 13. cum Mat. 13. 41. 1. Cor. 15. 41, 43, 44, 49. Dan. 12. 3. Rom. 8. 17, 18. Col. 3. 3, 4. & Ioh. 3. 2. <sup>k</sup> 1. Cor. 15. 41, 42, 43. <sup>l</sup> Dan. 12. 2. Ioh. 5. 29. Mat. 15. 14, 46. <sup>m</sup> 2. Thef. 1. 12. & 1. Cor. 15. 57.

XXXVII. Unde à *tribus illis qualitatibus cælestibus* resurgentes iusti, *cælestes*, qualis Christus<sup>a</sup>, & *ἰσχυροὶ*<sup>b</sup> non *ἀνέμοι* (angelis pares, non ejusdem essentiae) nominantur. Quippe *similitudo promittitur* (ut ait Hieronymus<sup>c</sup>) *non natura mutatur*: Et resurrectio illa *regeneratio*<sup>d</sup>: *redemptio nostris*<sup>e</sup>: *victoria adoptio in filium*<sup>f</sup> metonymicè: & eodem sensu, *revelatio filiorum Dei*<sup>g</sup>: & absolutè, à fine, *resurrectio vitæ*<sup>h</sup>: & comparatè, *resurrectio melior*<sup>i</sup>: denique *καὶ ἰσχυρὴ resurrectio*: ut & resurgentes huiusmodi, *filii resurrectionis*<sup>k</sup>, nominantur.

<sup>a</sup> 1. Cor. 15. 48. <sup>b</sup> Luc. 10. 36. <sup>c</sup> Tom. 2. epist. ad Pamph. d. Mat. 19. 28. <sup>e</sup> Rom. 8. 23. <sup>f</sup> Ibid. <sup>g</sup> Rom. 8. 19, 21. Ioh. 3. 2. <sup>h</sup> Ioh. 5. 29. <sup>i</sup> Heb. 11. 1. <sup>k</sup> Luc. 20. 16.

XXXVIII. Cujus *resurrectionis justorum quasi præludium*, est *pignus* certissimum divinitus donatum *triplex*. Primum existit in cælis, Christi corpus suscitatum ac gloriosum: nostræ resurrectionis & gloriæ radix ac primitiæ<sup>a</sup>: adeò ut propterea nos *una excitatos & collocatos in cælis, cum Christo*<sup>b</sup>, *vitamque nostram cum ipso absconditam in Deo*<sup>c</sup>, asseratur: reliqua duo pignora, sunt in terris.

<sup>a</sup> Ioh. 2. 24. & 4. 1. & 17. 24. Rom. 4. 25. 1. Cor. 15. 20, 23. Col. 3. 3, 4. <sup>b</sup> Eph. 2. 6. <sup>c</sup> Col. 3. 3, 4.

XXXIX. Quorum *primum* quidem *cordi inditum*, est *consolator Spiritus Sanctus*, perpetuus testis, sigillum, & arrhabo redemptionis & hereditatis nostræ<sup>a</sup>: *posterius* verò *corpori additum*, est *Baptismus*, *signum ac sigillum* emersionis & resurrectionis nostræ utriusque: cum primæ, qua anima, à morte metaphorica, seu privatione gratiæ Dei & iustitiæ (quæ animæ, quasi anima ac vita) per justificationem & sanctificationem, resurrexit: tum secundæ, qua corpus, à morte propria, privationis animæ ac vitæ, excitabitur ultimo die<sup>b</sup>.

<sup>a</sup> Ioh. 14. 16. Rom. 8. 11, 15, 16, 17. 2. Cor. 1. 21, 22. & 5. 4, 5. Ephes. 1. 13, 14. & 4. 30. <sup>b</sup> Rom. 6. 4, 5. 1. Cor. 15. 29. Col. 2. 12, 13. 1. Pet. 3. v. 21.

XL. Qua de re memorabilis ac consentanea prisci theologi<sup>a</sup> sententia: *Hic sequester Dei atque hominum appellatus, ex utriusque partis deposito, commisso sibi, carnis quoque depositum servat in semetipso, arrhabonem summa totius. Quem admodum enim nobis arrhabonem Spiritus reliquit; ita & à nobis, arrhabonem carnis accepit, & vexit in cælum, pignus totius summa illuc quandoque redigenda. Securè esto te caro & sanguis; usurpatis & cælum, & regnum Dei, in Christo!*

<sup>a</sup> Tertul. de Resur. cap. 51.

XLI. Huic *resurrectioni affinis & comes*, est viventium iustorum, eodem ultimo die ac momento, sine morte mutatio<sup>a</sup>: resurrectionis iustorum æmula, & *mortis* (addo & mortalitatis) *expuncta compendium*<sup>b</sup>: iisdemque cælestibus, à Christi Spiritu, qualitatibus, ad eandem beatitudinem perficienda<sup>c</sup>. Ideo Christus dicitur, à Deo *destinatus iudex vivorum & mortuorum*<sup>d</sup>. Quod *privilegium*<sup>e</sup>, exceptionis à communi lege mortis<sup>f</sup>, arcanum, Deus per Apostolum & Prophetam Paulum retexit: ideoque *mysterium* patefactum<sup>g</sup> nuncupatur. Hæc de *resurrectione iustorum, illiusque adjunctis*.

<sup>a</sup> 1. Cor. 15. 51, 52. 1. Thef. 4. 16, 17. Tertul. de Resur. c. 41. & 42. <sup>b</sup> Ibid. cap. 41. <sup>c</sup> 1. Cor. 15. 51, 52, 53, 54. 1. Thef. 4. 15, 16, 17. <sup>d</sup> Aq. 10. 42. & 2. Tim. 4. 1. <sup>e</sup> Tertul. de Resur. cap. 41. <sup>f</sup> Hebr. 9. 27. 1. Cor. 5. 22. <sup>g</sup> 1. Cor. 15. 51. 1. Thef. 4. 15.

XLII. *Resurrectio injustorum*, est qua corpora reproborum<sup>a</sup>, Dei in Christo iudicis ac vindicis, iusta severitate<sup>b</sup>, animabus ipsorum etiam ex inferni custodia<sup>c</sup>, reductis, & unitis<sup>d</sup>; reviviscunt immortalia; sed ingloria: ad ignominiam iudicii condemnationis<sup>e</sup>, & pœnas ignis inferni, in perpetuum sufferendas<sup>f</sup>.

<sup>a</sup> Mat. 25. 41. Ap. 20. 15. <sup>b</sup> 2. Thef. 1. 5, 6, 7, 8. 2. Cor. 5. 10. <sup>c</sup> Luc. 16. 23. 1. Pet. 3. 19. <sup>d</sup> Ap. 20. 13. <sup>e</sup> Dan. 12. 2. Psal. 1. 5, 6. <sup>f</sup> 2. Thef. 1. 8, 9. Ap. 20. 15. Mat. 25. 41, 46.

XLIII. A qua corporis, non minus quam animæ, miseria & cruciatibus perpetuis, vita hæc immortalis, *mors secunda*<sup>a</sup>, luculentâ translatione, tanquam vitæ, gratiæ & gloriæ Dei, privatio; ideoque *ἡ ζωὴ ἡ ζωὴ* vita sine vita, atque *exitium*<sup>b</sup>, & distinctè *resurrectio condemnationis*<sup>c</sup>, appellatur. Ideoque impium illud *Davidis Kimchi*<sup>d</sup> paradoxum est, *impiorum, non esse resurrectionem; sed animam, cum corpore, interire*. Multoque magis abominanda est *Iohannis vigesima tertii* Papæ Romani, merè Antichristiana impietas, qua *dixit & pertinaciter credidit, Animam hominis, cum corpore humano, mori & extingui, adinstar animalium brutorum: dixitque mortuum semel, esse etiam in novissimo die minimè resurrecturum*, ut concilium Constantiense testatur Sess. 11. Atque hæc *doctrina de resurrectione veritas* explicata, quam *utilitas* summa amplius illustrat ac commendat.

<sup>a</sup> Ap. 20. 6. <sup>b</sup> Mat. 10. 28. Phil. 3. 19. & 2. Pet. 3. 7. <sup>c</sup> Joh. 5. 29. <sup>d</sup> Comment. in Psal. 1.

XLIV. *Usus* enim & *fructus* illius, est eximius. Ea enim est fidei & spei nostræ basis ac columna<sup>a</sup>, patientiæ & consolationis fons ac fomes<sup>b</sup>: peccati frænum<sup>c</sup>: timoris ac amoris Dei stimulus<sup>d</sup>. Adeo ut *Christianorum panacea*, meritò dici queat. Quamobrem *Deo sit gratia, qui dedit nobis victoriam, per Dominum nostrum Iesum Christum*<sup>e</sup>.

<sup>a</sup> 1. Cor. 15. 19. 2. Cor. 5. 6, 7, 8, 9. Job. 19. 26, 27. Rom. 8. 23, 24. <sup>b</sup> Mala. 3. 16, 17, 18, 19, 20. Psal. 16. 9, 10. 2. Corinth. 4. 16, 17. Philipp. 3. 21. 1. Thef. 4. 13, 14, 18. Heb. 11. 35. <sup>c</sup> Luc. 21. 34, 35, 36. 1. Corinth. 15. 32, 33, 34. 2. Corinth. 5. 9, 10, 11. 2. Pet. 3. 11, 12, 13. <sup>d</sup> 2. Corinth. 5. 9, 10, 11. Philipp. 3. 10, 11, 12, 14. 1. Corinth. 15. 58. 1. Timoth. 6. 13, 14. <sup>e</sup> 1. Corinth. 15. 57.



## COROLLARIA.

1. *An omnes homines propriè resurgent?* N. ex 1. Cor. 15. 51. Resurgere enim dicitur, quod prius moriendo cecidit (ut *Acacius*, apud *Hieronymum* to. 2. ep. ad *Minerium*) non omnes autem morientur; teste *Paulo*.

2. *An igitur perversa vulgati interpretis versio.* 1. Cor. 15. 51. omnes quidem resurgent, sed non omnes immutabimur? Aff. ut quæ mera illius sententia, duplici contradictione, est eversio. vide *Hieronymum*. to. 3. epist. ad *Minerium*: & tom. 3. Epist. ad *Marcellam*, & *Thomam Aquinatum* in 1. Corinth. 15.

3. *An mutatio illa, de qua 1. Cor. 15. 51. reprobis ullis conveniat?* N. quia stipendia peccati, mors. Rom. 6. 23.

4. *An corpora rediviva, futura sint homogenea & invisibilia, ut Origenes & cum eo Johannes Hierosolymitanus, asseruerunt.* Neg. Utrumque cum *Hieronymo* to. 2. epist. ad *Pammachium*.

5. *An citra curiositatem definiri possit locus animarum piarum, ante resurrectionem?* A. posse & debere, luce & duce Scriptura, Luc. 23. 43. Phil. 1. 23. Act. 14. 13.

6. *An post mortem, anima in loco invisibili, extra calum, ad resurrectionem expectatura: ut Irenæus lib. 5. contra hæreses sub finem statuit?* N.

7. *An usque ad resurrectionem caritura sunt conspectu Dei: ut Irenæus ibidem tradit: & Papa Johannes vigesimus secundus à Parisiensibus theologis, publicè promisso buccina sonitu, condemnatus, asseruerat?* Ockam. Compendio errorum *Johannis* 22. & *Johannes Gerson*, sermone in festo Pasche, tom. 4. p. 36. edit. Basil. *Adami Petri*, anno 1518. ubi errore typographico virgine, pro visione, legitur? N.

8. *An Chiliastarum de resurrectione, & mille annis in terris, ex Apocal. 20. arrepta sententia, sit S. literis consentanea?* N. ex 1. Cor. 15. & 1. Thes. 4. & c.

9. *An omnes infantes, sine Baptismo obeuntes, resurgent ad resurrectionem condemnationis: ut Pontificii contendunt: Bellarm. de amiss. gratia lib. 6. cap. 3.?* N.

10. *An spirituales corporum qualitates futura sint effecta anima: ut Thomas Aquinas in 1. Corinth. 15. sapius ingerit?* Neg.

11. *An certa sit scientia, quod Bellar. de bonis operibus lib. 1. c. 13. ex Matth. 25. v. 6. & Luc. 17. v. 34. concludit, resurrectionem media nocte futuram?* N. etsi *Diodorus*, apud *Hieronymum* epist. ad *Numerium*, ex iisdem locis, idem olim judicavit: obstat enim *Mar.* 13. 35.

12. *An argumentum Pauli 1. Corinth. 15. 32. nihil concludat, nisi præsupponat animas esse mortales, si corpora non resurgent: ut Bellarminus contendit, De purgatorio lib. 1. cap. 3.?* N. Quod enim arguitur, si animus est immortalis, etiam si corpora non resurgent, multum proderit & c. bene vivere: quia proderit ad gloriam animæ acquirendam: id sanè minus piè, & indocte nimis, à docto viro, asseritur. Quia salus corporum, & salus animarum, individuo nexu coherent *Iob.* 6. 39, 40. ut uno sublato, alterum necessario tollatur 1. Corinth. 15. 16, 17 & 55. Corpora enim piorum, non minus quam anima, sunt membra Christi 1. Corinth. 6. 13, 15. Ephes. 5. 30. & sanguine Christi redempta, Deoque fœderata 1. Corinth. 6. 20. Adeo ut salus utraque ex iisdem omnino fontibus, fœdere gratia, Christi mortis pretio, & resurrectione, Heb. 2. 14, 15. & 1. Cor. 15. 16, 17, 56, 57. imò & Christi ipsius perfectione & gloria 1. Corinth. 6. 13, 15. & 2. Thes. 1. 10. 12. necessario proficiat. Itaque si utraque vel altera, anima aut corporis salus desit, fontes illos deesse necesse est. 1. Corinth. 15. 13, 16.

13. *An saltem argumentum Christi Matth. 22. 32. nihil concludat, nisi præsupponat animas esse mortales, si corpora non resurgent: ut Bellar. de Purgat. l. 1. c. 3. censet?* N. Nam quod ait, Deus erit viventium, etiam si mortui non resurgent: error est, ex ignorantia fœderis Dei, & Abrahami fœderati promanans. Nam Deum, esse Abrahami & piorum Deum; est proprium in Messia patrem, peccatorum condonatorem, servatorem esse ac remuneratorem Gen. 3. 15. cum Heb. 2. 12. Exod. 28. 38. Levit. 16. 30. Psal. 33. 12. Jer. 31. 33, 34. Abrahamus etiam non animam solum, quæ altera ejus pars; sed personam totam, animam & corpus illius, denotat. Quinam autem potest Deus dici propitijs pater & peccatorum condonator: si corpora suorum filiorum, sub pœna & stipendio peccati, morte Gen. 2. 17. Dent. 27. 26. Rom. 6. 23. contra fœdus suum Gen. 3. 15. cum Heb. 2. 12, 13. & Gen. 12. 3. cum Gal. 3. 8, 9. Levit. 16. 21, 22, 30. Jerem. 31. 33, 34. perpetuò deserat? Quomodo perfectus servator ac remunerator existit, si partem filiorum suorum fœderatam sibi, ac sigillo fœderis sui confirmatam Genes. 17. v. 13. & fœderis fidam culticem, à mortis ultimi hostis Genes. 2. 17. & 1. Corinth. 15. 26. 55. domino ac victoria, non vindicat ac servet? Quomodo illi beati, quorum Deus est Jehova, Psal. 33. 12. si parte sui prima, perpetuò miseri? Denique quomodo Abrahamus benedictus & in ipso, hoc est cum ipso, fideles. Gen. 12. 3. Gal. 3. 8, 9. si mortis maledictioni subsint? Quare absurda Bellarmini est oratio: Christi verò demonstratio solida, illi quorum Deus est Deus, non sunt mortui, sed vivi. Abrahami, Isaaci, Jacobi, Deus est Deus: Ergo non sunt mortui, sed vivi. Mortuos autem intelligit corpore (de iis enim erat questio) & quidem non generatim quosvis, vita corporis orbatos (alioqui nec Abrahami, Isaaci, Jacobi, esset Deus: nec Christus, mortuorum Dominus Rom. 14. 9.) sed speciatim, morte perpetuâ, sine spe resurrectionis universalis, extinctos: ut Sadducei intelligebant Matth. 22. 23. quos Christus in significatione vocis sequitur, ut directè refutet. Quemadmodum simili occasione, similiter est locutus, de *Jasri* filia, non est mortua, sed dormit. Luc. 8. 52. mortuam negat, non generali notione, & absolute: nam revera erat mortua vers. 53. sed speciatim & relatè ad sensum domesticorum, qui mortuam, sine particularis resurrectionis per Christum spe, sentiebant atque indicabant vers. 49. Christus igitur hoc sensu, mortuam negat hoc est mansuram in morte, & contra dormire, ac quodammodo vivere, metaphoricè ob suscitationem paulò post futuram, asserit. Eodem modo mortuos Matth. 22. relatè ad Sadduceorum mentem, de iis accipit, qui vita corporis privati in perpetuum. Vivos eadem ratione vocat illos, qui victuri ac resurrecturi: qui licet naturâ essent mortui, gratia tamen destinationis divinæ, meriti mortis Christi, & resurrectionis ipsius vi & spe certa quodam modo vivebant ac salvi erant. Unde Apostolus Rom. 8. v. 23, 24. suspiramus adoptionem expectantes, redemptionem corporis nostri. Nam spe servati sumus.

14. *An die resurrectionis, mundus sit mutandus, in statum meliorem? an verò in nihilum sit redigendus?* A. prius. ex Rom. 8. 19, 20, 21, 22. Heb. 2. 11, 12. & 2. Pet. 3. 13. N. posterius.

15. *An verè à Thoma Aquinate dictum sit in commentariis 1. Cor. 15. Resurrectionis activa causa, solus est Deus: etsi ad hoc utatur, ministerio Angelorum, quantum ad pulverem collectionem?* A. membrum prius: N. posterius. Quo nomine, resurrectionis auctori,

SOLI DEO GLORIA.

# DISPUTATIO XXX. DE ECCLESIA DEI.

**Q**uam tanta sit, Ecclesie Dei, dignitas, ut vinea<sup>a</sup>, ac domus Dei Spiritualis<sup>b</sup>, sponsa<sup>c</sup>, ac corpus Christi<sup>d</sup>, superna Jerusalem, mater omnium nostrum<sup>e</sup>, appelletur; ad cuius aggregationem<sup>f</sup>, atque observantiam<sup>g</sup>, Deus & salutis conditio, nos serio provocent; quumque, de essentia illius, & attributis, gravissima, inter Orthodoxos & Pontificios, agitentur controversie: non importunum, nec inutile, fore arbitramur, si hanc materiam (ad veritatis illius, pro modulo nostro, illustrationem) breviter ac distincte pertexendo, publicâ dissertatione ventilandam, à vocibus, ad rem, progressi, proponamus.

<sup>a</sup> Matth. 21. 33. <sup>b</sup> 1. Timoth. 3. 15. <sup>c</sup> 1. Pet. 2. 5. <sup>d</sup> Ioh. 3. 29. <sup>e</sup> 2. Cor. 11. 2. <sup>f</sup> Ephes. 5. 23. <sup>g</sup> Gal. 4. 26. <sup>h</sup> Hebr. 10. 25. <sup>i</sup> Matth. 18. 17, 18. <sup>j</sup> Act. 2. 47.

## T H E S I S I.

**Q**uod Hebraicè, *Kahál*<sup>a</sup>, aut *Kehillá*<sup>b</sup>, ac, per metathesin, *lahaká*<sup>c</sup>; & Latinè, *concio*, appellatur; id *Gracè*, à septuaginta interpretibus<sup>d</sup>, & à sacris, Novi Testamenti scriptoribus, *ἐκκλησία*, dici solet: unde, & à priscis theologis Latinis<sup>e</sup>, *Ecclesia vox*, quasi Latio donata, hætenus usurpatur.

<sup>a</sup> Psal. 22. 23. <sup>b</sup> Nehem. 5. 7. <sup>c</sup> 1. Sam. 19. 20. <sup>d</sup> Psal. 22. 23. <sup>e</sup> Hebr. 2. 12. <sup>f</sup> Tertul. de Orat. c. 2. &c.

II. Quorum vocum origo, inter se consentanea est. Nam, ut *Kahál*, à *Kahál*, congregando; *concio*, à conciendo, id est, convocando, quasi convocatio<sup>a</sup>: sic *Ecclesia*, *ἐκ* & *ἐκκλησιάζω*, ab evocando, quasi cœtus evocatus, derivatur.

<sup>a</sup> S. P. Festus, de verb. signif.

III. Cuius vocis significatio, in Sacris literis, alia est propria: alia, impropria.

IV. *Propria* est, cum (non aliter, quàm Romanis concio<sup>a</sup>) multitudinem hominum, è suis locis, publica superioris auctoritate, in unum, convocatam ac congregatam, denotat<sup>b</sup>. Quæ *Ecclesia* *ἡ* *ἐκκλησία* *legitima*<sup>c</sup>, distinctè dicitur: ut à *confusa* & illegitima<sup>d</sup> (quæ nomen Ecclesie, abusione quadam, interdum obtrinet<sup>e</sup>) discernatur. Quæ Ecclesia, tum esse definit; quando conventus est dimissus ac solutus<sup>f</sup>: quia forma illius, in congregatione, consistit.

<sup>a</sup> S. P. Festus Gellius lib. 18. c. 7. <sup>b</sup> 1. Cor. 11. 18, 22 & 14. 35. <sup>c</sup> Act. 7. 38. <sup>d</sup> Hebr. 2. 12. <sup>e</sup> Act. 19. 39. <sup>f</sup> Act. 19. 32. <sup>g</sup> Act. 19. 40. <sup>h</sup> Ibidem.

V. *Legitima* autem *Ecclesia*, distribuitur bifariam. *Primò*, à causa efficiente: quia alia est Dei; alia est hominis: illa, quæ divina; hæc, quæ humana auctoritate, convocata est. *Deinde*, à fine suo, alia religiosa est; quæ, ad religionem, seu agnitionem & cultum Dei: alia profana; quæ, ad rem profanam, est congregata.

VI. *Impropria* verò significatio, Scripturæ peculiaris est: ut, *ἐκκλησία* Dei Ecclesiam<sup>a</sup>, seu cœtum, ad salutem electorum, ac vocatione sanctificationum, in Christo<sup>b</sup>, universum, indicet: sive ille, uno in loco, sit congregatus, sive segregatus. Adèd ut dimissa solutaque concione, Ecclesia tamen (ita accepta) neutiquam dissolvatur: sed, suis commissuris ac vinculis compacta, perduret<sup>c</sup>. Quæ vocis significatio, per synecdochen, variè modificata, in plures diducitur: ut, ex re ipsa (quæ, sequenti descriptione, & partitione, continentur) clarius elucescet.

<sup>a</sup> Col. 1. 18, 24. Eph. 5. 32. <sup>b</sup> 1. Cor. 1. 2. Eph. 5. 26. <sup>c</sup> Eph. 2. 20, 21 & 4. 16.

VII. *Ecclesia* autem Dei (ut plenius describamus) est *universa multitudo hominum, ad salutem electorum, sua culpa peccatorum, Christique sanguine redemptorum: quos Deus gratuita sua misericordia, ex mundo, per Evangelii revelationem, & Spiritus Sancti potentiam, efficaciter vocando, sanctificavit, & Christo, capiti ac servatori, uniendo, in unum corpus, ad communionem benedictionis, gratia & gloria illius, collegit ac compegit: ut, immensa ac salutifera ipsius bonitas, sapientia, & potentia, patefiat, & in æternum, agnoscat, ac celebretur.*

VIII. Quâ descriptione, causas Ecclesie strictim complexi sumus: quas, sequenti analyfi atque expositione, ordine suo evolvemus. *Prima* enim causa est efficiens (à qua Ecclesia originem ducit) eaque, cum principalis; tum instrumentalis. *Principalis*, est vel exequens ac perficiens; vel movens atque impellens.

IX. *Exequens illa ac perficiens*, est unus Deus, Pater<sup>a</sup>, & Filius<sup>b</sup>, per Spiritum Sanctum<sup>c</sup>, *partim*, externâ Evangelii revelatione, vocans; *partim*, internâ potentiâ, vocationi efficaciam adiungens, quâ, ad vocationis metam, vocatos perducit. Unde, ex horum duorum concursu, *vocatio efficax*, constituitur: quæ, *vocatio secundum propositum*<sup>d</sup> (nempe servandi) & *superna*<sup>e</sup>, *cœlestis*<sup>f</sup>, *sancta*<sup>g</sup>, *ἁγία* *ἐκκλησία* nominatur.

<sup>a</sup> Col. 1. 13. <sup>b</sup> 1. Cor. 2. 6, 28. <sup>c</sup> Matth. 16. 18. <sup>d</sup> Act. 2. 47. <sup>e</sup> 1. Cor. 12. 5. <sup>f</sup> Eph. 4. 11, 12. <sup>g</sup> 1. Cor. 12. 4. <sup>h</sup> Act. 20. 28. <sup>i</sup> Rom. 8. 28. <sup>j</sup> Phil. 3. 14. <sup>k</sup> Hebr. 3. 1. <sup>l</sup> 2. Tim. 1. 9.

X. *Evangelii autem revelatio*, vel est *immediata*, cum Deus, per seipsum, sine ullâ ministrorum operâ, doctrinam, de salute per Christum, pandit (ut Abrahamo<sup>a</sup>, & Paulo<sup>b</sup>, aliisque nonnullis evenit) vel *mediata*, cum hominum industriam atque operam adhibet: inprimis verò, cum ministros Evangelii mittit<sup>c</sup>, ac tuetur<sup>d</sup>.

<sup>a</sup> Gen. 12. 1, 2, 3. <sup>b</sup> Gal. 3. 8. <sup>c</sup> Gal. 1. 12. <sup>d</sup> Joh. 20. 21. <sup>e</sup> Col. 1. 25. <sup>f</sup> Eph. 4. 10, 11, 12. <sup>g</sup> Matth. 28. 20.

XI. *Potentia* verò vocationis *interna*<sup>a</sup>, est quâ Deus vocatorum animos, ad audientiam<sup>b</sup>, & obedientiam Evangelii<sup>c</sup>, Christique unionem<sup>d</sup>, & gratiæ<sup>e</sup>, ac gloriæ<sup>f</sup> illius, communionem<sup>g</sup>, perducit.

<sup>a</sup> 2. Thess. 1. 11. <sup>b</sup> Hebr. 8. 10. <sup>c</sup> Act. 16. 14. <sup>d</sup> 1. Pet. 1. 2, 22, 23. <sup>e</sup> 1. Cor. 1. 9. & 12. 12. <sup>f</sup> Eph. 1. 22. <sup>g</sup> Gal. 1. 6. <sup>h</sup> Rom. 3. 24. & 5. 17. <sup>i</sup> 1. Thess. 2. 12. <sup>j</sup> 1. Pet. 5. 10. <sup>k</sup> Eph. 5. 27. <sup>l</sup> Rom. 8. 29, 30, 31.

XII. *Causa* verò, exequentem *movens*, est, vel prima, vel primæ subordinata. *Illæ*, est Dei gratuita misericordia: seu, immerita, imò contra meritum, erga miseros, atque ocores sui, benevolentia<sup>a</sup>: quâ eorum, ex mundo, seu perditio genere humano, vocationem, & salutem, clementer voluit: & Servatorem, ac salutis adminicula, idcirco donavit<sup>b</sup>. *Hæc* verò, est Christi, pro iisdem, oblatio<sup>c</sup>, & intercessio<sup>d</sup>: quibus, vocationem ac sanctificationem, & salutem ecclesie, redemit, & acquisivit<sup>e</sup>.

<sup>a</sup> 2. Tim. 1. 9. <sup>b</sup> Tit. 3. 5. <sup>c</sup> Rom. 8. 10. <sup>d</sup> 1. Pet. 1. 3. <sup>e</sup> 2. Thess. 2. 13, 14. <sup>f</sup> 1. Ioh. 4. 10. <sup>g</sup> 1. Pet. 1. 2, 3. <sup>h</sup> Eph. 5. 12. <sup>i</sup> Ioh. 17. 19. <sup>j</sup> Act. 20. 28. <sup>k</sup> Gal. 1. 4. <sup>l</sup> Ioh. 17. 20, 21, 24. <sup>m</sup> Psalm. 2. 8. <sup>n</sup> Act. 20. 28. <sup>o</sup> Hebr. 7. vers. 25.

XIII. *Instrumentalis* causa, vel remota est, vel proxima. *Remota*, sunt ordinariè, Evangelii ministri ac pastores<sup>a</sup>. Quorum *unus*, est princeps, Christus: unus ac totius ovilis, pastor unus, & universalis<sup>b</sup>, magnus ille ovium pastor<sup>c</sup>, *ἀρχιεπίσκοπος* ac dominus<sup>d</sup>: *reliqui* verò, *Christi ministri*<sup>e</sup>: qui, ut illius ratione, sunt oves<sup>f</sup>; sic, ratione pascendi gregis, sunt pastores<sup>g</sup>, cooperarii Dei, ac structores ecclesie<sup>h</sup>, per *fidelem mysteriorum Dei dispensationem*<sup>i</sup>. Quæ, sincera Evangelii prædicatione, & legitimâ Sacramentorum administratione, continetur<sup>k</sup>. Quorum illud, struendæ; hoc, confirmandæ ecclesie, inservit. *Proxima causa*, est Evangelium, voce vel scripto, traditum<sup>l</sup>: quod etiam interdum, extra ministerii ordinem, solâ lectione, aut privatâ institutione, vocationis instrumentum existit, ut experientia demonstrat.

<sup>a</sup> Ephes. 4. 12. <sup>b</sup> Joh. 10. 16. <sup>c</sup> Hebr. 13. 20. <sup>d</sup> 1. Pet. 5. 4. <sup>e</sup> Act. 20. 28. <sup>f</sup> 1. Cor. 4. 1. <sup>g</sup> Matth. 26. 31. & 25. 33. <sup>h</sup> 1. Pet. 5. 2. <sup>i</sup> 1. Cor. 3. 9, 10. <sup>j</sup> 1. Cor. 4. 1, 2. <sup>k</sup> Matth. 28. 19, 20. <sup>l</sup> 1. Cor. 11. 23, 24. <sup>m</sup> 1. Pet. 1. 23, 25. <sup>n</sup> Ephes. 5. 20. <sup>o</sup> Jac. 1. 18.

XIV. *Materia* (ex qua, Ecclesia est) sunt omnes & soli electi<sup>a</sup>, perditii, seu, iustitia & gloria Dei, destituti, Christique sanguine redempti<sup>b</sup>.

<sup>a</sup> Rom. 8. 29, 30, 33. <sup>b</sup> 1. Pet. 2. 5, 9. <sup>c</sup> Act. 20. 28. <sup>d</sup> Eph. 5. 26, 27.

XV. *Forma* (per quam Ecclesia est, id quod est, & à reliquis distinguitur) est individua<sup>a</sup> (per eundem Spiritum sancti-

sanctificantem<sup>b</sup>, & unius agnitionis Filii Dei, & charitatis mutuae vinculum<sup>c</sup> cum Christo capite<sup>d</sup>, & inter se in unum corpus<sup>e</sup>, ac Dei populum filiosque<sup>f</sup>, conjunctio, & benedictionis<sup>g</sup>, gratiæ, ac gloriæ, seu iustitiæ ac vitæ æternæ<sup>h</sup>, per Christum communio<sup>i</sup>.

<sup>a</sup> Matth. 16. 18. Joh. 6. 37. 56. <sup>b</sup> 1. Cor. 6. 11. 17. 19. & 12. 13. Eph. 2. 21. 22. <sup>c</sup> Eph. 4. 3. 4. 15. 16. <sup>d</sup> Joh. 17. 20. 21. 22. Eph. 1. 22. 23. & 4. 3. 12. 13. 15. 16. <sup>e</sup> Rom. 12. 5. 1. Cor. 12. 27. <sup>f</sup> Rom. 9. 26. <sup>g</sup> Gen. 22. 18. Gal. 3. 14. <sup>h</sup> Rom. 5. 17. & 8. 1. 29. Eph. 5. 23. 27. 2. Thess. 2. 14. <sup>i</sup> Joh. 1. 16. & 17. 24. Eph. 5. 23. 26. 27. 1. Cor. 15. 49. Phil. 3. 21. 1. Pet. 5. 1.

XVI. Ex qua unione, & communione, fluit, quod Ecclesia Christi (quæ corpus, & complementum, illius est<sup>a</sup>) per synecdochen suavissimam, capitis sui nomine decorata, *Christus*, ab Apostolo appelletur<sup>b</sup>.

<sup>a</sup> Eph. 1. 23. <sup>b</sup> 1. Cor. 12. 12.

XVII. A qua etiam *forma ecclesiæ*, triplex illius promanat *attributum*; unitas, sanctitas, universalitas: ideoque *una*, *sancta*, *universalis*, (seu, Græcâ voce, *catholica*) nuncupatur. *Una*; quia, licet multa sint membra, *ὁμοῦμος*<sup>a</sup> tamen dicuntur: ut quæ, unum sunt corpus<sup>b</sup>, sub uno capite<sup>c</sup>, uno Spiritu (quasi unâ animâ) vivificatum<sup>d</sup>, & unius agnitionis Filii Dei, charitatisque mutuae, commissura ac vinculo, aptè compactum<sup>e</sup>. *Sancta*; quia sacrificio<sup>f</sup>, & verbo ac Spiritu Christi<sup>g</sup>, sanctificata, & in populum Dei sanctum, ac cultores illius, consecrata<sup>h</sup>. *Catholica*, seu *universalis*, quia omnia Christi membra<sup>i</sup>: seu universos, omnium locorum, temporum, & conditionum, homines, ad benedictionem Christi vocatos, sinu suo comprehendit<sup>k</sup>.

<sup>a</sup> Ephes. 3. 6. <sup>b</sup> 1. Cor. 12. 12. Eph. 4. 4. Rom. 12. 5. <sup>c</sup> Ephes. 1. 10. & 4. 15. 16. <sup>d</sup> 1. Corinth. 12. 13. 2. Cor. 3. 6. Eph. 4. 4. <sup>e</sup> Eph. 4. 12. 13. 15. 16. <sup>f</sup> Joh. 17. 19. Heb. 10. 10. Ephes. 5. 26. <sup>g</sup> 1. Cor. 6. 11. 1. Pet. 1. 2. 22. 23. <sup>h</sup> 1. Thess. 4. 7. 1. Pet. 1. 15. 16. & 2. 5. 9. <sup>i</sup> Eph. 4. 16. <sup>k</sup> Ephes. 1. 10. Gen. 22. 18. Gal. 3. 14. 28. 29. Joh. 10. 16. & 11. 51. 52. 1. Joh. 2. 2. Ap. 5. 9. & 7. 3. 4. 9.

XVIII. Ex utroque autem, cum materia, tum forma, confutantur *Pontificiorum errores* varii, in Ecclesiam, & caput illius, contumeliosi 1. quod vera, Ecclesiæ catholicæ, membra, à corpore suo refecent: cum quosdam fideles, qui partim nondum sacris communicarunt, partim ab iis, excommunicati sunt, omnino excludunt. 2. quod, falsa membra, supponant plurima: dum reprobos atque infideles, à Christo, & sanctitate alienos, Ecclesiæ membris, annumerant. 3. quod Christo, unico capiti, solique universali Episcopo, caput vicarium, Petrum Apostolum, illiusque, ut fingunt, successorem, Papam Romanum, substituant: & ecclesiam, in biceps monstrum, transformant. 4. quod Romanam Antichristi synagogam particularem, pro vera, & catholica, Christi Ecclesia, venditent.

XIX. *Finis* denique *Ecclesia catholica*, (propter quem, Ecclesia divinitus formata ac constituta) est Dei vocantis (ex quo, per quem, & in quem, sunt omnia) æterna gloria<sup>a</sup>. Quæ, in patefactione, & grata agnitione, ac celebratione, immensæ ac salutiferæ bonitatis, sapientiæ, & potentiae illius, consistit. *Bonitatis*, quod, cum mundo perditos (seu peccato, & condemnationi, obnoxios) è tenebris, ad lucem suam admirandam vocare<sup>b</sup>, & ad Christi communionem, & in populum suum, atque hæredes, adsciscere; vitæque æternæ donare, voluerit<sup>c</sup>: *sapientia* *πολυτακία*, quod modum decentissimum, atque ipsis etiam Angelis admirandum, ordinavit<sup>d</sup>: *potentia*, quod, quæ benignè, &, sapienter, voluit; & ordinavit, ea, adversus omnium hostium vires, invicto robore, exequatur<sup>e</sup>. Atque hoc modo explicata *ecclesia*, *descriptione*, ad *partitionem* illius, procedemus.

<sup>a</sup> Rom. 11. 36. <sup>b</sup> 1. Pet. 2. 9. 19. <sup>c</sup> Ibidem, & 2. Thess. 2. 13. 14. Rom. 9. 23. 24. 25. <sup>d</sup> Rom. 11. 26. 33. Eph. 3. 10. <sup>e</sup> Eph. 1. 19. 20. 22. 23. & 4. 10. 11. Matth. 16. 18. Joh. 10. 28. 29. 1. Pet. 1. 5. 2. Thess. 1. 11.

XX. *Ecclesia enim catholica*, pro duplici suo (ad capitis sui Christi conformitatem<sup>a</sup>) statu ac gradu, *bisariam distinguitur*<sup>b</sup>. Quippe, aut ingloria est<sup>c</sup>, aut gloriosa<sup>d</sup>: illa, militans; hæc, triumphans, dicta.

<sup>a</sup> Matth. 16. 24. Luc. 24. 26. Act. 14. 22. <sup>b</sup> Ephes. 1. 10. Heb. 12. 23. <sup>c</sup> Joh. 16. 33. 2. Cor. 4. 17. 1. Pet. 5. 1. <sup>d</sup> Eph. 5. 27.

XXI. *Ingloria* ac *militans*; est coetus, omnium fidelium, in terris: qui, virtute Christi<sup>a</sup>, Deo & iustitiæ, militantes<sup>b</sup>; intus, cum carne sua<sup>c</sup>; foris, cum Satana<sup>d</sup>, mundoque<sup>e</sup>, panoplia Dei<sup>f</sup>, decertant: ut, ad metam perfectionis, ac palmam supernæ vocationis Dei, in Jesu Christo, pertingant<sup>g</sup>.

Quæ Ecclesia, cum toto terrarum orbe diffundatur, &, ad finem usque mundi, invitis inferorum portis, perpetuò duret<sup>h</sup>, idcirco relatè, non absolutè, *universalis*, quoque, & eatenus *invisibilis*, vocari consuevit.

<sup>a</sup> Mat. 16. 18. & 28. 10. Eph. 6. 10. Joh. 10. 28. & 16. 33. <sup>b</sup> Rom. 6. 13. 13. <sup>c</sup> Rom. 7. 23. Gal. 5. 17. <sup>d</sup> Ephes. 6. 12. <sup>e</sup> 1. Joh. 5. 4. 5. <sup>f</sup> Ephes. 6. 11. 13. <sup>g</sup> Eph. 4. 13. Phil. 3. 12. 13. <sup>h</sup> Matth. 16. 18. & 28. 20. Luc. 1. 33. Ps. 89. 29. 35. 36.

XXII. *Militans* rursus (pro diversa, vocationis & communionis vocatorum ratione) in *duas* etiam *partes*, *distributa* est. Quarum *una*, est eorum, qui, ad communionem externam, sunt adjuncti: *altera*, eorum, qui, ab ea disjuncti.

XXIII. *Prior*, est multitudo omnium, qui sincerâ Evangelii prædicatione, & legitimâ Sacramentorum administratione, & Spiritus Sancti efficacîâ, ad Evangelii obedientiam, & communionem ac benedictionem Christi, sunt perducti.

XXIV. In qua vocatorum Ecclesia, quia vocatio, & communio, externa, reprobis quibusdam est communis: efficacia verò, & communio, interna, electis est propria; propterea, *multi vocati*, *pauci electi*<sup>a</sup>, afferuntur. Et *reprobi*, velut hædi, cum ovibus, permixti<sup>b</sup>, propriè *sunt in Ecclesia*; sed *non, ex Ecclesia*<sup>c</sup>: nisi secundum quid, ac metaphoricè, ob similitudinem, professionis fidei & obedientiæ: qua, hircinum ingenium, ovinâ hac pelle, contegunt, & oves Christi (verâ fide ac charitate, Christo capiti, mutuò devinctas) fallaci specie, simulant: quodque tales etiam, donec patefiant, à veris ovibus, ex charitatis (in meliorem partem, de proximo sperantis ac judicantis) regula<sup>d</sup>, censeantur.

<sup>a</sup> Matth. 22. 14. <sup>b</sup> Matth. 25. 31. <sup>c</sup> 1. Joh. 2. 19. <sup>d</sup> 1. Cor. 13. 7.

XXV. Quæ Ecclesia, cum multis cohabitantium coetus particulares, Evangelii ministerio collectos ac colligatos, tanquam partes, complectatur; ea etiam de causa, harum relatione; ipsa, *universalis*, & *invisibilis*; partes verò illius, *particulares Ecclesiæ*, &, à visibili convocatione & communionem, *visibiles* (quod videri queant) nominantur: etsi interdum, persecutionum nube contextæ, publicè non appareant<sup>a</sup>. Quâ vocis acceptione, non una tantum est Ecclesia: sed plurimæ<sup>b</sup>, quæ tamen, universalis Ecclesiæ unitatem, non destruant: sed, interna sua unione & communione, construunt ac componunt.

<sup>a</sup> 1. Reg. 19. 10. Rom. 11. 3. Apoc. 12. 14. <sup>b</sup> 1. Cor. 1. 2. Gal. 1. 2. 23. Apoc. 1. 11. 1. Cor. 14. 33.

XXVI. *Particularis* autem *Ecclesia*, constat, partim *pastoribus* ac præfectis<sup>a</sup>, partim *cleris*<sup>b</sup>, hoc est (ut Scriptura exponit) grege<sup>c</sup>: unde, per synecdochen, vox Ecclesiæ, aut presbyterium<sup>d</sup>, aut clericos, seu gregem solum<sup>e</sup>, distinctè significat.

<sup>a</sup> 1. Cor. 12. 27. 28. 1. Pet. 5. 2. <sup>b</sup> 1. Pet. 5. 3. <sup>c</sup> Ibidem. <sup>d</sup> Matth. 18. 17. <sup>e</sup> Act. 20. 28.

XXVII. Ut autem pastores Ecclesiam, ministerio *fidelis*, seu, sincerâ, Evangelii prædicatione, & legitimâ Sacramentorum administratione, colligunt ac gubernant<sup>a</sup>, sic grex vicissim, sancta Evangelii auditione ac professione, & Sacramentorum perceptione; obtemperat<sup>b</sup>.

<sup>a</sup> Matth. 28. 19. 20. 1. Cor. 12. 23. Eph. 4. 12. <sup>b</sup> Joh. 10. 27. & 13. 35. Act. 2. 41. 42.

XXVIII. Quorum conjunctio, ubi comperitur, ibi vera est visibilis Christi Ecclesia; quæ ideo, *columna & firmamentum veritatis*<sup>a</sup>, dicitur: quod Evangelii veritatem, ad salutem necessariam, columnæ instar, doctrinâ, & professione suâ, appensam ac confirmatam, sustineat ac prætendat<sup>b</sup>. Quod *πυλῶν* ac *κρημὲν*, seu *nota certa* ac documentum est<sup>c</sup>, quo Ecclesia particularis, ac visibilis, *vera* (cui tuto nos possumus adungere) à *falsa* discernatur, ac dignoscatur. Ut autem sinceritatis doctrinæ, suos habet gradus; ita, quo magis, aut minus, sincera est doctrina; eò magis, minuscule, sincera Ecclesia, dijudicatur. Hæc de *priori, militantis Ecclesiæ, parte*.

<sup>a</sup> 1. Tim. 3. 15. <sup>b</sup> Phil. 2. 25. 16. Matth. 10. 32. Rom. 10. 8. 9. <sup>c</sup> Egi. 2. 2. 3. & 19. 21. Eph. 2. 20. Joh. 8. 31.

XXIX. *Posterior* verò, est coetus omnium fidelium, qui nondum, Sacramentorum usu, sunt initiati: sive ordinariè, per pastores, sint vocati; ut Catechumeni: sive præter hunc ordinem, divinâ revelatione, aut humanâ privatæ lectionis, vel auditionis Evangelii, industriâ, ad fidem, Christique, & corporis illius, communionem spiritualem, sint perducti: ut nonnulli alii. De quibus, illud scitè dicitur *multos esse, ex Ecclesia, qui*

*sa, qui non sunt in Ecclesia. Quo modo, exposita Ecclesia militantis naturâ, & partibus; ad triumphantem, tanquam Colophonem illius, transeamus.*

XXX. *Ecclesia gloriosa ac triumphans, est cœtus iustorum<sup>a</sup>, qui, post consummatam suam, spiritualem ac sanctam, militiam, victores<sup>b</sup>, palmam ac coronam, vitæ & gloriæ æternæ, affecuti in cœlis<sup>c</sup>, Deum, perfectâ scientiâ, cognoscunt, ac de facie ad faciem vident<sup>d</sup>, & coram throno ipsius, perfectâ iustitiâ<sup>e</sup>, ac lætitiâ<sup>f</sup>, colunt ac celebrant in æternum<sup>g</sup>.*

<sup>a</sup> Matt. 25. 37. <sup>b</sup> 2. Tim. 4. 8. <sup>c</sup> Apoc. 3. 21. <sup>d</sup> 1. Cor. 9. 25. <sup>e</sup> 1. Pet. 1. 4. <sup>f</sup> Apoc. 2. 7. 10. & 7. 9. 10. <sup>g</sup> 1. Cor. 13. 10. 12. <sup>e</sup> Ephes. 5. 27. <sup>f</sup> Apoc. 21. 27. <sup>g</sup> Matt. 25. 21. Joh. 16. 22. Apoc. 21. 4. 7. <sup>g</sup> Apoc. 7. 10. 15.

XXXI. *Quæ etiam Ecclesia (ratione disparis amplitudinis suæ) particularis est, vel universalis. Illa est cœtus spirituum iustorum perfectorum<sup>a</sup>; qui, in cœlesti gloria, corporum suorum resurrectionem ac glorificationem desiderant<sup>b</sup>. hæc verò, est cœtus omnium hominum electorum, & iustorum; qui, ab initio mundi, ad finem usque, animâ & corpore, æternâ vitâ & gloriâ, capiti suo Christo, sunt conformes<sup>c</sup>, & ἱεραὶ Angelis pares<sup>d</sup>: quique, perfectè beati, nihil boni desiderant: omniaque, Dei fruitione, possidendo, nihil amplius expectant<sup>e</sup>.*

<sup>a</sup> Heb. 12. 23. <sup>b</sup> Apoc. 6. 10. & 22. 17. <sup>c</sup> Matt. 25. 32. 33. 34. 46. <sup>d</sup> Rom. 8. v. 29. <sup>e</sup> Phil. 3. 21. <sup>f</sup> 1. Cor. 15. 49. 53. <sup>d</sup> Luc. 20. 36. <sup>e</sup> Apoc. 21. 7. 23. <sup>f</sup> 1. Cor. 15. 28.

XXXII. *Quæ Ecclesia, non ante ultimum diem completur: quo, Angelorum congregationi omnino conjuncta, beatorum ac cœlestium civium rempublicam, absolvit. Quorum pars illa, Dei filios, gratia creationis & perseverantiæ; hæc verò, filios gratia redemptionis, vocationis, & adoptionis, complectitur. Illa, Christo domino subest, non inest: hæc verò, ei sic subest, ut etiam inest, tanquam vivus pal-*

mes in vite<sup>a</sup>, & corpus, capiti suo complendo, arctissime unitum<sup>b</sup>.

<sup>a</sup> Joh. 15. 5. <sup>b</sup> Eph. 1. 23. Vide Thesin 14. & 15.

XXXIII. *Ex quibus liquere potest, cœlestem, beatorum Angelorum, cœtum, Ecclesiæ concives esse; non membra: sponsæ Christi amicos; non sponsam: ut quæ, ex Christi, secundi Adami, morte obdormientis, latere enata sit ac ducta, veraque Eva, viventium mater, effecta, & ab ignominia, ad gloriam cœlestem, traducta ac subvecta<sup>a</sup>.*

<sup>a</sup> Eph. 5. 25. 26. 27. 30. 31. 32. <sup>b</sup> Esa. 53. 10. <sup>c</sup> Apoc. 21. 29. 10. 11.

XXXIV. *Deinde quoniam ultimo, restaurationis omnium, die<sup>a</sup>, omnia Ecclesiæ membra, in unum congregantur<sup>b</sup>, gloriaque illius propria, tum futura est conspicua<sup>c</sup>, idcirco universalis hæc Ecclesia, sponsa Christi gloriosa, visibilis, cum capite suo apparebit<sup>d</sup>. A M E N.*

<sup>a</sup> Act. 3. 21. <sup>b</sup> Matt. 3. 12. & 13. 30. & 24. 31. & 25. 32. 33. <sup>c</sup> Matth. 13. 43. <sup>d</sup> Rom. 8. 19. <sup>e</sup> 1. Joh. 3. 2. <sup>f</sup> Rom. 8. 18. 19. <sup>g</sup> Col. 3. 4. <sup>h</sup> Apoc. 21. 2. 9. <sup>i</sup> Matt. 25. 33.

## COROLLARIA.

1. *An Ecclesia Catholica, in terris, prorsus possit deficere? Neg.*

2. *An errare possit, in doctrinâ fidei? A. distinctè.*

3. *An nota, Ecclesia particularis, visibilis, quas Pontificii, (præter eas, quas exposuimus) obseculant, sint propria? Neg.*

4. *An pars Ecclesia, (ut Pontificii contendunt) sit animarum laborantium, in Purgatorio? Neg. quia Purgatorium est in Utopia.*

5. *An ministerio Ecclesia consecrati, oppositè Ecclesia, quasi Laicis, rectè Clerici Veterum quorundam imitatione, consentaneè Sacris literis, nominentur? Neg. ex demonstratione 1. Pet. 2. 9. & 5. 3.*

## DISPUTATIO XXXI.

## DE SACRAMENTIS.

**N**on importunum fore arbitramur, si orthodoxam de Sacramentis sententiam, ex Sacris literis, & sanis Patrum sententiis, auditoribus communicemus, & publica disquisitione, ad veritatis illustrationem, & ad errorum nebulas clarius discutiendas, publico examini, à generali doctrina exorsi, submittamus.

## THESIS I.

**S**acramenti vox, non à secretis virtutibus (ut malè conjicit Isidorus<sup>a</sup>) sed à sacro<sup>b</sup>, dicta est, ac præter alia, probatis linguæ Latinæ auctoribus, *juramentum militum*<sup>c</sup> (unde Glossarium vetus; *Sacramentum*, ἱερὰ & ὑποσχεσις) notat: quo, ad fidem & obedientiam, Imperatori suo præstandam, certis ritibus consecrabantur. Nam (ut ait Vegetius<sup>d</sup>) *victuris in cune punctis, milites scripti, quum matriculis inferuntur, jurare solent: & ideo, militia sacramenta, dicuntur, &c. jurant autem milites, omnia se strenuè facturos, quæ præcepit imperator: nunquam deserturos militiam; nec mortem recusuros, pro Romana republica.*

<sup>a</sup> Originum lib. 6. c. 19. <sup>b</sup> Varro de lingua Lat. l. 4. <sup>c</sup> Cic. de off. l. 1. & Sueton. Julio Cæsar. c. 42. <sup>d</sup> De re militari l. 2. cap. 5. <sup>e</sup> Scil. manus: unde in lege Maurentii: In manu signati, periphrasis militum apud Gregor. Mag. Ep. lib. 3. ep. 100.

II. Unde, à re militari, ad sacram, eleganter deducta est metaphora. Quippe, ut non solum Christianus scriptor<sup>a</sup>, disertè testatur; sed etiam prophanus Philosophus agnovit; *ὅτι ἡ ἐκκλησία ἡμῶν ὁμνύει, οἷον οἱ στρατιῶται τῇ κυρίῳ; nos etiam Deo decebat jurare; ut milites Cæsari.*

<sup>a</sup> August. To. 10. De Tempore Serm. 181. Arrianus Epi. lib. 1. cap. 14.

III. Ideoque, ad signa fœderis Dei, per Christum (quibus Deo, ut cœlesti Imperatori, ad sacram militiam consecramur) ab antiquioribus Patribus, *Sacramenti vox*, translata est<sup>a</sup>: quamvis clarius, plenius ac tutius, signa fœderis<sup>b</sup>, Deo duce nominassent. Tertullianus autem, *Sacramentum Baptismi & Eucharistiæ*<sup>c</sup>, primus appellavit: quem postea Cyprianus<sup>d</sup>, Ambrosius<sup>e</sup>, Hieronymus & Augustinus<sup>f</sup>, sunt secuti: à quibus, hoc nomen, latius ad alios dimanavit, & communi Ecclesiæ consuetudine, hæcenus receptum.

<sup>a</sup> Tertull. de Corona. c. 11. & De præscript. cap. 40. August. de temp. Serm.

<sup>181.</sup> Hier. Epi. lib. 1. ad Heliod. <sup>b</sup> Gen. 17. 11. <sup>c</sup> Contra Mar. l. 4. c. 34. <sup>d</sup> Serm. de Cœna. <sup>e</sup> Libris de Sacram. <sup>f</sup> Locis ante citatis.

IV. *Ufus tamen illius, est diversus. Aut enim relatè accipitur, pro signo<sup>a</sup>: aut absolutè pro utroque, & signo & signato. Ut quum, Sacramentum constare, ajunt, re terrena, & cœlesti: quod de Eucharistia indicat Irenæus<sup>b</sup>.*

<sup>a</sup> August. in Joh. Tract. 26. & 27. <sup>b</sup> Lib. 4. cap. 34.

V. *Quarum significationum prior, naturæ Sacramento- rum (ut, ex singulorum genere, atque inductione, constat) propria est ac genuina. Ex qua etiam, orta est illa, in Patrum scriptis, Sacramenti, & rei, veritatis, gratia, virtutis Sacramenti<sup>a</sup>: & apud Tertullianum<sup>b</sup>, figura, & veritatis, oppositio. Posterior verò significatio, impropria est, per synecdochen quandam, idque non satis apta Irenæi imitatione: ut postea ostendetur: ideoque priorem meritò amplectimur.*

<sup>a</sup> Cyprian. Serm. de Cœna 9. 7. & 8. Aug. in Joh. Tract. 26. & 27. & de Bapt. contra Donat. c. 21. & in Levit. qu. 84. <sup>b</sup> Contra Mar. l. 4. c. 40.

VI. *Quum autem hujusmodi Sacramentum, aliud, sit extraordinarium ac temporarium (ut Baptismus in mari, & nubes: & manna, ac petra in deserto<sup>a</sup>) aliud, ordinarium ac perpetuum, ad alterutrum Messis adventum<sup>b</sup>, duraturum: nos, illo omisso, hoc potissimum definiemus.*

<sup>a</sup> 1. Cor. 10. 2. 3. 4. <sup>b</sup> Genes. 17. 10. 11. Exod. 12. 14. 24. Heb. 9. 10. Col. 2. 16. 17. 1. Cor. 11. 26.

VII. *Sacramentum, est sacrum ac visibile signum ac sigillum, à Deo, in usum, fœderata per Christum, visibilis & in terris militantis, Ecclesia institutum, & predicationi Evangelii annexum, ad fœdus gratia, per illud revelatum, amplius declarandum, & obsignandum: ut fides & obedientia Ecclesiæ confirmetur, ad salutem illius, & ad Dei, per Christum Servatoris ac patris, gloriam.*

VIII. *Idemque trita ex Augustino<sup>a</sup> definitio, Forma<sup>b</sup> visibilis*



*visibilis invisibilis gratia*, complectitur: sed generalius atque obscurius. Quamobrem, plenior illius expositionem subnectemus.

<sup>a</sup> De Catech. rudibus cap. 26. Concil. Trid. Sess. 13. c. 3. <sup>b</sup> Vulgo Signum visib.

IX. Sacramentum enim primum, *signum*, appellamus, ex S. literarum consuetudine<sup>a</sup>, & rei convenientia. Quia est res (ut Augustinus<sup>b</sup> signum definit) *præter speciem, quam ingerit sensibus, aliud aliquid, extra se, faciens in cogitationem venire*. Ideoque Theodoretus, *symbolum*<sup>c</sup>, & Scripturæ imitatione, *typum*<sup>d</sup>, appellat.

<sup>a</sup> Gen. 17. 11. Rom. 4. 11. Exod. 12. 13. Luc. 22. 19. <sup>b</sup> De doctrina Christi. l. 2. c. 1. M. Sent. lib. 4. dist. 1. §. Sacramentum. <sup>c</sup> Dialog. 1. <sup>d</sup> 1. Pet. 3. 21.

X. Quum autem, finis ratione, signa alia sint *prophana*: alia *sacra* (quomodo per synecdochen speciei, voce generalius accepta, Augustinus<sup>a</sup> ait, *Sacramenta, id est, sacra signa*) & utraque rursus, vel visui, vel auditui, vel etiam aliis sensibus, destinata sint, idcirco Sacramentum, ab eo sensu, quo potissimum percipitur, *sacrum ac visibile signum*, vocamus: quia rem sacram oculis significat.

<sup>a</sup> Contra advers. Legis l. 2. c. 9. & de civit. Dei l. 10. c. 5.

XI. Ac propterea, *verbum visibile*, eleganti ac trita, ex Augustino<sup>a</sup>, metaphora, nominatur. Sicut vicissim, *sacra*, de rebus arcanis, verba, præsertim tropica (ut Augustinus ait<sup>b</sup>; *Sacramentum figuratum, allegoria est*) simili translatione. *Sacramenta*<sup>c</sup> (ut loquuntur) *audibilia*, nuncupantur. Quod scilicet, quæ verbum auribus notat, ea Sacramentum oculis, suo modo vicissim significet.

<sup>a</sup> De doctrina Christi. l. 2. c. 3. & contra Faustum. Man. l. 19. c. 16. & in Joh. tract. 80. <sup>b</sup> in Psal. 103. <sup>c</sup> Hilari. de Trinit. lib. 10. Aug. in Ps. 33. & 93. Hier. comment. Eph. 5. 31.

XII. Verum, ut signa visibilia, *quædam signant*, & mentem erudiunt; *quædam obsignant*, & cor afficiunt; quædam denique, utrumque præstant, tanquam *signa obsignantia*; idcirco distinctionis gratiâ Sacramenta, non solum signa, sed etiam (per metaphoram, à literis & diplomatis<sup>a</sup> derivatam) *sigilla*, Deo auctore<sup>b</sup>, nuncupamus.

<sup>a</sup> 1. Reg. 21. 8. 1. Cor. 9. 2. <sup>b</sup> Rom. 4. 11.

XIII. Quod non ideo fit, ut verbo Dei, quasi per se infirmo, aut apud nos dubio, auctoritatem & fidem conciliarent (ut ineptè nobis Jesuitæ objectant:) sed quod verbo appensa, & sigillatim communicata, veritatem promissam ac creditam, clarius in animis nostris, signent & obsignent, dum pluribus sensibus, eandem proponunt, & quasi infigunt: non sua quidem natura, sed ex promissionis divinæ, eis annexæ, pacto.

XIV. Nam (ut præclare ait Chrysostomus<sup>a</sup>) *si incorporeus esses, nuda ipsa dona incorporea, tradidisset tibi: quoniam verò corpori conjuncta est anima tua, in sensibilibus, intelligenda tibi, traduntur*. Atque ideo etiam Augustinus<sup>b</sup>, eadem *signacula rerum divinarum*, vocat: & Tertullianus<sup>c</sup>, de Baptismo ait, *lavacrum illud, obsignatio est fidei*: & Basilii<sup>d</sup>, *in ᾧ τὸ βάπτισμα, σφραγὶς τῆς πίστεως, est enim Baptisma, sigillum fidei*: denique Theophylacti<sup>e</sup> verba, hisce concinunt; *Ait igitur, quod circumcisionis signum acceperit, pro sigillo obsignante ac prædicante, quod ex fide justificatus est*.

<sup>a</sup> In Matth. homil. 83. <sup>b</sup> De catechizandis rud. cap. 26. <sup>c</sup> Lib. de penit. c. 6. <sup>d</sup> Contra Eunom. l. 3. <sup>e</sup> Enarrat. ad Rom. 4.

XV. Deinde, quoniam hujusmodi signa & sigilla, vel hominem, vel Deum habent auctorem, à quo data<sup>a</sup>, vel mandata sunt<sup>b</sup>: propterea & ab humanis, & à datis tantum signis, Sacramentum discernentes, à Deo institutum, duplici de causa, asserimus.

<sup>a</sup> Gen. 9. 11, 12. <sup>b</sup> 1b. 17. 10. 11. Exod. 12. 25, 26. & 43. Matth. 28. 19, 20. Luc. 22. 19.

XVI. 1. Quia pars est cultus Dei<sup>a</sup>: quem instituere, solus Deus jure potest<sup>b</sup>: quia solus est Ecclesiæ dominus, & legislator<sup>c</sup>: cujus verbo, nihil addendum<sup>d</sup>, quique *ἡ ἀληθεύουσα* detestatur<sup>e</sup>. Ideoque filii Aaronis, quod ignem alienum, non præceptum, obtulissent Deo, cælesti igne absumpti, *ἡ ἀληθεύουσα* arbitrarii cultus, pœnas luerunt<sup>f</sup>.

<sup>a</sup> Gen. 17. 13, 14. Exod. 12. 26. Matth. 3. 15. Ioh. 1. 31. <sup>b</sup> Ezech. 20. 18. 19. Matth. 15. 9. <sup>c</sup> Iac. 4. 12. <sup>d</sup> Deut. 4. 2. <sup>e</sup> Col. 2. 23. <sup>f</sup> Lev. 10. 2.

XVII. 2. Quoniam, ut Deus solus, rei Sacramento promissæ, seu gratiæ, est auctor; sic solus potest ejus instituere signa ac sigilla, citra omne fallaciæ, & crimen, & periculum: siquidem *Deus verax: omnis verò homo mendax*<sup>a</sup>. Quare Paulus, hanc gloriam Deo attribuens, ait; *Accepi à Domino, quod tradidi vobis*<sup>b</sup>. Ac propterea Tertullianus, *Sacramenta*

*divina*<sup>c</sup>: & Ambrosius, *cælestia*<sup>d</sup>: quod è calo sine<sup>e</sup>, & à Deo instituta, non immeritò nuncuparunt.

<sup>a</sup> Rom. 3. 4. <sup>b</sup> 1. Cor. 11. 23. <sup>c</sup> De præscr. cap. 40. <sup>d</sup> De Sacram. lib. 5. c. 2. <sup>e</sup> Matth. 21. 25.

XVIII. Hæc autem divina Sacramenti institutio, *verbo gemino*, partim *mandati officii humani*, partim *assertionis ac promissionis beneficii divini*, continetur.

XIX. Ac *mandatum* quidem *officii humani*, est legitimus signi usus: qui in *recta*, cum *administratione*, tum *perceptione* illius, consistit.

XX. *Administratio recta* est, quæ fit, per ministrum divinitus institutum: & in Novo quidem Testamento, per solum Evangelii (cujus prædicationi annexa est<sup>a</sup>) præconem: utpote solum, diplomatis ac sigilli gratiæ, dispensatorem<sup>b</sup>: idque ex præscripta à Deo liturgia ac formula, agentem<sup>c</sup>. Cæterum nec *recta*, animi illius, *intentio*, Sacramenti ipsius integritatem, efficit: nec *prava*, sinceritatem ejusdem, inficit; etiam administrum iræ Dei obnoxium reddat.

<sup>a</sup> Matth. 28. 19, 20. Heb. 5. 4, 5. <sup>b</sup> 1. Cor. 4. 1. & 11. 23. <sup>c</sup> Ibid.

XXI. *Perceptio verò recta* est, qua signa, non mutila, sed integra, & secundum Dei institutionem, piè à communicantibus, accipiuntur<sup>a</sup>. Atque hæc de *mandato*, ut *primo Sacramenti verbo*.

<sup>a</sup> Matth. 3. 6, 7, 8. Act. 2. 38. 1. Cor. 11. 28, 29.

XXII. *Alterum* verò est rei signo designata ac beneficii divini assertio ac promissio. Quo gemino (mandati & promissionis) *verbo accedente ad elementum, fit Sacramentum*: ut rectè ex Augustini<sup>a</sup> sententia vulgò statuitur.

<sup>a</sup> In Joh. Tract. 80.

XXIII. Nam, si *verbum mandati* desit, non erit signum divinitus institutum: sin *verbum promissionis*, non erit sigillum fœderis: ideoque nec omnino Sacramentum. Quo sensu etiam, ab Ambrosio<sup>a</sup> dicitur; *Sermo operatorius est, ut sint qua erant, & in aliud commutentur*.

<sup>a</sup> De Sacram. lib. 4. c. 4.

XXIV. Ideoque *mutatio* & *conversio* quædam, in Sacramentis, existit: non quidem essentia signorum, in rem significatam, per *μετεσώπιον transsubstantiationem* (alioqui signa & Sacramenta esse desinerent) neque insitarum proprietatum, per novæ qualitatis infusionem; quia Sacra literæ hoc non tradunt: sed mutatio est tantum usus naturalis, per gratuitam Dei institutionem; qua res absoluta, fit relata, & in signum fœderis ac Sacramentum consecratur ac convertitur.

XXV. Quomodo rectè Theodoretus, *τὸ ἐν τῇ χάριτι μεταβαλλόμενον, eam, qua ex gratia est, mutationem*<sup>a</sup>, agnoscit: sed propriam, & *φύσιον μεταβαλλόμενον nature mutationem*, pernegat<sup>b</sup>.

<sup>a</sup> Dialog. 1. <sup>b</sup> Ibid.

XXVI. Quod verò, à nonnullis Patribus<sup>a</sup>, contrarium videtur statui: illud, non de naturæ essentia, sed de illius usu, intelligendum. Nempe, quod naturalis elementorum (ut vocant) usus, in supernaturalem & mysticum ac cœlestem, verbo permutetur, & rei significatæ voce, insigniatur. Atque hæc de *signi Sacramentalis efficiente: Dei videlicet institutione*.

<sup>a</sup> Ambros. De Sacram. l. 4. c. 4. & De his qui initiantur cap. 9.

XXVII. *Subiectum* verò, & *quasi materia signi*: seu id, quod ad significandum, in Sacramento, institutum, duobus constat membris. *Primum*, est substantia: quæ, per metonymiam causæ, *elementum*<sup>a</sup>, & *res terrena*<sup>b</sup>: & eodem sensu, *species elementorum*<sup>c</sup>: ac brevius, *species*<sup>d</sup>, & *forma*<sup>e</sup>, nuncupatur: *Posterius* verò, est *accidens ritus*, quem, peculiari sua phrasi, Tertullianus<sup>f</sup>, *rem Sacramenti* (hoc est rem, non significatam Sacramento, sed significantem, seu ipsammet Sacramenti ceremoniam sacram) nominat: sicut Augustinus<sup>g</sup> generalius, *rem qua significat & rem qua significatur*, distinguit.

<sup>a</sup> Ambros. de iis qui init. cap. 4. & 9. Aug. de Catechiz. rud. lib. 2. cap. 26. <sup>b</sup> Irenæus. l. 4. cap. 34. <sup>c</sup> Ambros. de iis qui init. cap. 9. <sup>d</sup> Ibid. & August. in Ioh. Tract. 45. <sup>e</sup> Idem de Doctr. Christi. l. 2. c. 1. <sup>f</sup> De præscr. c. 40. <sup>g</sup> Epist. 101. ad Euodiam.

XXVIII. *Substantia* est, ut cultus aut organum circumcidens: agnus: aqua, panis & vinum. *Accidens verò ritus*, sunt actiones solennes, quæ ab hominibus, & in administratione, & in perceptione illius substantiæ, ritè peraguntur: ut sunt circumcisio, mactatio & manducatio, immersio & ablutio: denique panis & vini distributio, eorumque communicatio.

XXIX. Quo-

XXIX. Quorum rituum nominibus, Sacramenta pleraque, Synecdochicè appellantur. Ideoque non satis commode, nec plenè, in accurata eorum definitione, *genus* statuitur *ritus*, vel *actio sacra*: quoniam generis tantummodo pars existit. Atque hæcenus de *signi Sacramentalis* subiecto.

XXX. *Objectum* verò, seu *res significata*, ad quam, hoc signum bimbembre, refertur, est *foedus gratia*: partim *externum*, partim *internum*. Ideoque Circumcisio, *signum foederis*<sup>a</sup> (generali, seu communi, cum aliis Sacramentis, ratione) vocatur.

<sup>a</sup> Gen. 17. 11. <sup>b</sup> Col. 2. 11, 12. <sup>c</sup> 1. Cor. 11. 24.

XXXI. *Externum* autem *foedus*, situm est in externa, cum Deo & visibili, militantis in terris Ecclesiæ, conjunctione: qua quis, externa, fidei & vitæ, professione, sese, à mundi impietate & impuritate, segregat, & Dei cultui, Ecclesiæque visibili, aggregat & obstringit<sup>a</sup>, & Deus vicissim ipsum, pro externo, visibili Ecclesiæ suæ, membro, & eatenus saltem foederato ac sancto, suscipit atque agnoscit<sup>b</sup>.

<sup>a</sup> Deut. 26. 15. <sup>b</sup> Ibid. 26. 18, 19.

XXXII. Atque hoc modo Deus communiter sese, totius Ecclesiæ visibilis, *Deum*<sup>a</sup>: eamque, *populum suum*<sup>b</sup>, & *regnum*<sup>c</sup>, & *filios regni*<sup>d</sup>, appellat: quamvis lolium, cum tritico<sup>e</sup>, sit mixtum, & hypocritæ vera fide destituti, cum veris fidelibus, eadem externa societate, sub Dei signo militantes, comprehendantur.

<sup>a</sup> Psalm. 81. 11. <sup>b</sup> Ib. vers. 12. <sup>c</sup> Matth. 13. 41. <sup>d</sup> Ibid. 8. 12. <sup>e</sup> Matth. 13. 25, 30. <sup>f</sup> Heb. 4. 2. Deut. 29. 4, 6.

XXXIII. *Internum* verò *foedus*, est mutua inter Deum, & fidei vivæ Spiritu præditos, obligatio, qua Deus, ex *gratia*, sese Deum ipsorum ac servatorem esse, ac perpetuo fore, per Christi & beneficiorum illius communionem, asserit ac promittit: & vicissim, fidei & obedientiæ perpetuæ cultum, ab illis *jure stipulatur*<sup>a</sup>. Quomodo *Circumcisio*, non tantum *signum foederis*; sed etiam *sigillum justitiæ fidei*<sup>b</sup>, appellatur.

<sup>a</sup> Gen. 17. 1. Marc. 16. 16. <sup>b</sup> Rom. 4. 11.

XXXIV. Ideoque nec *beneficium Dei*, nec *hominis officium* (foedere Dei comprehensum, & Sacramentis obsignatum) præsentis tantum confederationis tempore, concluditur: ut postea pluribus liquebit. Hæc de Sacramenti *objecto*, seu *re significata*, ad quam refertur.

XXXV. *Forma* verò & *differentia* Sacramenti *οὐρανίου* (quia relatum est) in hujus signi, ad suum terminum signatum, seu rem significatam, *relatione*, consistit: hoc est in ordinatione, ad illam, foederis gratiæ, visibilem significationem & obsignationem. Quippe ea, & Sacramenti essentiam constituit, & ab omnibus differre facit.

XXXVI. Quæ relatio, quoniam vinculi instar, inter signum & rem significatam, intercedit, & tanquam duos terminos conjungit, ac quodammodo unit: idcirco, nova & obscura phrasi, *unio Sacramentalis*, Ubiquitarianorum imitatione, non satis recta, vulgò nominatur. Quia res significata, nobis verius unitur<sup>a</sup>, quàm signis: idque signis denotatur, ac confirmatur.

<sup>a</sup> Joh. 6. 56. <sup>b</sup> 1. Cor. 12. 13. Gal. 2. 20. Eph. 5. 30.

XXXVII. Quamobrem hæc unio, non est *substantialis* & absoluta, sed *relativa*. Quia non versatur, in rei, sub signo, occultatione, neque in eodem, rei & signi, perceptionis modo: sed partim, in *similitudine* signi & rei significatæ: partim, in communicationis rei obsignatæ in legitimo signi usu, ex Dei pacto, *certitudine*.

XXXVIII. Signum enim, & significata foederis Dei gratia, *simul* à fidelibus percipiuntur<sup>a</sup>, sed *non similiter*.

<sup>a</sup> Genes. 17. 7, 11. Exod. 12. 13. Psalm. 51. 9. Marc. 16. 16. Gal. 3. 27. <sup>b</sup> 1. Cor. 10. 16.

XXXIX. *Simul* quidem; non simpliciter & absolute, sed tantum quatenus verbo declaratur. Quia obsignata gratia, partim præterita, partim præsens, partim futura est: pro foederis ac pacti, substantia & circumstantia.

XL. Quemadmodum in Abrahami circumcissione, *gratia præterita*, fuit antecedens justitia fidei. Gen. 15. 6. & Rom. 4. 11. *præsens*; quòd Deus, ipsius esset Deus, & justitiæ illius continuatio: *futura*; quòd Deus, porro futurus esset ipsius Deus, Gen. 17. 7. ideoque servaturus ipsum, Matt. 22. 32. & cælo promissione Chananeæ adumbrato) donaturus Gen. 17. v. 8. Heb. 11. 9, 10. denique quod Christum, ex ipsius semi-

ne, idcirco esset producturus: in quo, *pater fieret multarum gentium* Gen. 17. 4. & 22. 18. Rom. 4. 13.

XLI. *Non similiter* verò, nec eodem instrumento, signa & res significatæ, exhibentur, neque percipiuntur: sed (pro diversa conditione ipsorum) *signa*, oblata per ministrum, corporis sensibus, *res verò significata*, collatæ à Domino, à fidelibus, corde recipiuntur ac viva fide<sup>a</sup>. Quia in re *legitimus*, seu *dignus*<sup>b</sup>, & salutaris, percipiendi à nobis Sacramenti, *usus* continetur.

<sup>a</sup> Matt. 23. 11. <sup>b</sup> 1. Cor. 12. 13. Col. 2. 11, 12. Gal. 3. 27. Tit. 3. 5. Eph. 5. 26. <sup>c</sup> 1. Cor. 11. 29.

XLII. Atque hac mente, veteres quidam theologi, in *signaculis visibilibus*, & *sub specie visibili*, rem *invisibilem* percipi, affirmarunt. Ut etiam *Irenæus*<sup>a</sup>, non absolute ratione omnium communicantium, sed relatè ad fideles & servandos, *Eucharistiam constare* ait *duobus rebus, terrenæ & cælesti*: non ut partibus integrantibus, eodemque loco sitis; sed quòd simul, diverso tamen modo, præbeantur & acceptentur. Ideoque salutarem resurrectionem, fructum esse hujus Eucharistiæ, statuit: quæ fidelibus solis, citra controversiam, convenit.

<sup>a</sup> Lib. 4. c. 34.

XLIII. Ex quibus etiam satis liquet, *errare eos* graviter primùm, qui Sacramenta, nuda *signa*, rei præbitione & perceptione destituta, & solas externæ professionis tesseras esse contendunt: Deinde qui talia à nobis statui protervè confingunt. Atque hæc de *forma ac differentia* constituyente Sacramentum.

XLIV. Cujus *forma ac relationis*, non solum *effectum*, sed etiam, ad nostri consolationem, indicium, est *predicatio Sacramentalis*: quam rectè *ὁνομαζυμένον ὀνομαστικὴν permutationem* Theodoretus<sup>a</sup> vocat. Cujus causam esse ait; ut *Sacramentis utentes, non intenti essent in naturam rerum, quæ cernuntur, sed per nominum permutationem, crederent ei, quæ ex gratia facta est, mutationi*<sup>b</sup>.

<sup>a</sup> Dialog. 1. <sup>b</sup> Ibid.

XLV. *Predicatio* autem *Sacramentalis* ea dicitur, qua nomina & attributa Sacramenti, & rei (seu signi & significati) inter se permittuntur, per metonymiam, in sermone de signis (cum quibulvis, tum præcipuè sacramentalibus) usitatam: in utroque Testamento: ut exempla demonstrant.

XLVI. Nam in *veteri Testamento*, quando de signis agitur, *septem cum vacca*, tum *spica sunt septem anni*<sup>a</sup>: *arbor, est rex*<sup>b</sup>: *quatuor bestia, sunt quatuor regna*<sup>c</sup>: *cornua decem, sunt decem reges*<sup>d</sup>. In *Novo* etiam *Testamento*, *ager, est mundus*: *bonum semen, sunt filii regni*: & *messis, est consummatio sæculi*: *messores, sunt Angeli*<sup>e</sup>: *septem capita, sunt septem montes*: *decem cornua, sunt decem reges*<sup>f</sup>: hoc est, eorum signa<sup>g</sup>.

<sup>a</sup> Gen. 41. 26. <sup>b</sup> Dan. 4. 17, 19. <sup>c</sup> Ibid. 7. 17. <sup>d</sup> Ib. vers. 24. <sup>e</sup> Matt. 13. 38, 39. <sup>f</sup> Apoc. 17. 9, 12. <sup>g</sup> Vide Aug. tom. 4. Quæst. in Levit. 57.

XLVII. In *Sacramentis*, est similis ratio. Nam, in *veteri Testamento*, dicitur, *Circumcisio, est foedus*<sup>a</sup>: quia *signum foederis*<sup>b</sup>, ut Deus exponit: *agnus est Pascha*<sup>c</sup>, id est transitus; quia *signum illius*<sup>d</sup>. In *Novo Testamento*, simili tropo; *Petra, erat Christus*<sup>e</sup>: *Baptismus, est ablutio peccatorum*<sup>f</sup>, & *lavacrum regenerationis*<sup>g</sup>: *panis est corpus*<sup>h</sup>: & simul est *communio corporis Christi*<sup>i</sup>: *poculum, est novum foedus*<sup>k</sup>: & *sanguis Christi*<sup>l</sup>: atque etiam, *communio sanguinis Christi*<sup>m</sup>. Quæ omnia ita dicuntur, *non ratione substantiæ; sed significationis*: ut eruditè Augustinus<sup>n</sup> declarat: & ut ait Theodoretus<sup>o</sup>, *non natura mutatione, sed gratia adjectione*: quia earum signa sunt ac Sacramenta.

<sup>a</sup> Gen. 17. 13. <sup>b</sup> Ib. 17. 11. <sup>c</sup> Exod. 12. 11, 21. <sup>d</sup> Ib. 12. 13, 27. <sup>e</sup> 1. Cor. 10. 4. <sup>f</sup> Act. 22. 16. <sup>g</sup> Tit. 3. 5. <sup>h</sup> 1. Cor. 11. 4. <sup>i</sup> Ib. 10. 16. <sup>k</sup> Luc. 22. 20. <sup>l</sup> 1. Cor. 11. 25. <sup>m</sup> Marc. 14. 24. <sup>n</sup> 1. Cor. 10. 6. <sup>o</sup> Tom. 4. Quæst. in Levit. 57. <sup>p</sup> Dialog. 1.

XLVIII. Quare inepetè omnino, ab Ubiquitariis, *instituta predicatio*, nominatur: quæ usu tritissima. Quæ dere, celebris, & à Pontificiis<sup>a</sup> laudata, Augustini sententia; Si *Sacramenta, quandam similitudinem rerum quarum Sacramenta sunt, non haberent: omnino Sacramenta non essent. Ex hac autem similitudine, plerumque etiam, ipsarum rerum nomina accipiunt. Sicut ergo secundum quandam modum, Sacramentum corporis Christi, corpus Christi est: ita Sacramentum fidei, fides est*<sup>b</sup>. Et alibi; SOLET res, quæ significat, ejus rei nomine quam significat, nuncupari<sup>c</sup>. Item; Aliquando res, quæ significat ejus rei nomen, quam significat, accipit, &c. Sic enim & *petra, Christus: quia significat Christum*<sup>d</sup>.

<sup>a</sup> M. Sentent. l. 4. diff. 1. Sacramentum. <sup>b</sup> Epist. 23. ad Bonifacium. <sup>c</sup> In Levit. qu. 57. <sup>d</sup> Epist. 102. ad Evodium.

XLIX. Et ante Augustinum, Tertullianus ait; *Acceptum panem & distributum, corpus suum illud fecit. Hoc est corpus meum, dicendo: id est, figura corporis mei*<sup>a</sup>; & Cyprianus, de pane & vino, corpore & sanguine, loquens ait; *Quod significantia & significata, iisdem nominibus, censerentur*<sup>b</sup>. Denique Ambrosius; *Sicut* (inquit) *mortis similitudinem sumpsisti, ita etiam, similitudinem pretiosi sanguinis, bibis*<sup>c</sup>.

<sup>a</sup> Contra Mar. l. 4. c. 45. <sup>b</sup> Sermone de unctione Chrismatis. <sup>c</sup> De Sacram. lib. 4. c. 4.

L. Ex quibus, citra ullum errorem, veterum Sacramentalium hyperbolæ, intelligi possunt ac debent. Unde pie Augustinus; *Ut literam sequi, & signa, pro rebus, qua iis significantur, accipere, servilis infirmitatis est: ita inutiliter signa interpretari, male vagantis erroris est*<sup>a</sup>. Atque hæc de forma Sacramentorum effectu, nempe predicatione Sacramentali, superest, ut de fine agamus.

<sup>a</sup> De Doctr. Christ. lib. 3. cap. 9.

LI. Quum autem finis sit vel  $\bar{\epsilon}$ , seu bonum illud, cuius gratia, Sacramentum est institutum; vel  $\bar{\epsilon}$ , seu ille, cuius bono est institutum; prior est duplex; proximus, vel remotus.

LII. Proximus, est significatio & obsignatio mysterii fœderis gratiæ: eaque de causa Sacramenta, ab Apostolo appellantur, res spirituales<sup>a</sup>: non essentia; sed fine ac significatione: & à Græcis<sup>b</sup> (quos Latini<sup>c</sup> sunt imitati) *mysteria*, hoc est arcana, & *mystica symbola*: utpote (ut Augustinus ait<sup>d</sup>) aliud existentia, aliud significantia, nominantur.

<sup>a</sup> 1. Corinth. 10. 3. 4. <sup>b</sup> Orig. homil. 9. in Levit. Chrysost. in Matth. hom. 83. Theodoret. dial. 1. <sup>c</sup> Ambros. de Sacra lib. 1. cap. 1. <sup>d</sup> Contra Maxim. lib. 3. c. 22.

LIII. Remotus verò finis, est medius, vel summus.

LIV. Medius, est fidei & obedientia fœderatorum confirmatio. Quum enim ad oblivionem gratiæ Dei, & gratitudinis nostræ, & ad dissidentiam atque inobedientiam (nativa tabe, & Diaboli ac mundi insidiis) propendamus: oblivionem mentis, significatio<sup>a</sup>: dissidentiam, & inobedientiam cordis, obsignatio corrigit<sup>b</sup>.

<sup>a</sup> Exod. 12. 13. 14. Luc. 22. 19. <sup>b</sup> Rom. 4. 11.

LV. Quod adeo clarum est, ut ex invitis pectoribus, erumpat veritas. Sic enim pontifex Pius V. in Catechismo suo Tridentino<sup>a</sup>; *Christus Salvator noster, quum nobis peccatorum veniam, celestem gratiam, Spiritus Sancti communicationem pollicitus est, quadam signa, oculis & sensibus subiecta, instituit: quibus eum, quasi pignoribus obligatum, haberemus, atque ita fidelem in promissis futurum, dubitare nunquam possemus. Quam sententiam, contrariæ Jesuitarum impudentiæ, merito opponimus.*

<sup>a</sup> De Sacramentis.

LVI. Ultimus verò finis (ex priori, promanans) ratione Sacramentum percipientis, est vel internus, vel externus.

LVII. Internus, est Ecclesiæ salus: quam spectat & efficit non immediate ac per se; sed mediate, per fidem: quatenus eam excitat ac fovet, ad gratiam amplius percipiendam. Atque hoc modo rectè dicitur, quod Sacramenta, sint gratia instrumenta efficacia: & vicissim, quod eorum privatio non damnet; sed contemptus. Nam & sine iis, per fœderis gratiam, servatus est Iatro<sup>a</sup>: & cum iis, per fœderis violationem, damnatus est Iudas<sup>b</sup>.

<sup>a</sup> Luc. 23. 43. <sup>b</sup> Joh. 17. 12.

LVIII. Externus verò Sacramenti finis, est gratiæ Dei per Christum servatoris, gloria. Qua etiam de causa, Sacramenta eucharistica, nempe Spiritualia, synecdochicè (nam & alia etiam sunt ejusmodi<sup>a</sup>) vulgò nominantur. Hæc de fine<sup>b</sup> seu bono, cuius gratia Sacramentum est institutum.

<sup>a</sup> Heb. 13. 15. 16.

LIX. Finis verò<sup>a</sup>, seu ille cui, ad bonum ipsius, Sacramentum est institutum, sunt omnes Deo, in visibili ac militante in his terris Ecclesia, fœderati, *οἱ ἀναλογίαι*, seu, pro ratione confœderationis ipsorum.

LX. Illis enim, qui simul, externo internoque fœdere, Deo, ejusque Ecclesiæ, sunt conjuncti, Sacramenta sunt de-

stinata simpliciter, ut signa fœderis utriusque, & ut sigilla justitiæ<sup>a</sup>.

<sup>a</sup> Gen. 17. 1. 7. Marc. 16. 16. Act. 2. 38. 39. & 8. 37. 1. Cor. 11. 28. Rom. 4. vers. 11.

LXI. Contra verò, qui externi fœderis solum sunt participes, iis, eatenus etiam Sacramenta, sunt signa & sigilla fœderis<sup>a</sup>, non autem simpliciter & absolute, etiam sigilla justitiæ: quum ea careant; sed tantum ex hypothese conditionis, si verè resipiscant & credant in Jesum Christum<sup>b</sup>. Eadem enim est significationis, Sacramenti & verbi, materia.

<sup>a</sup> Gen. 17. 11. 12. 13. 14. <sup>b</sup> Matt. 3. 7. 8. Act. 8. 13. 21. 22.

LXII. Atque hoc demum sensu, rectè dicitur; *Sacramenta, ratione offerentis Dei, talia permanere, sed ratione hypocrisis abutentis ipsi Sacramenta esse desinere*<sup>a</sup>: imo fieri supplicii majoris occasionem, ob gratiam Dei, in suis signis, contemptu violatam<sup>b</sup>. Quomodo Circumcisio, sigillum fœderis, ratione Dei dantis, transgressoribus fiebat præputium<sup>c</sup>: Et hoc (seu, indigna Cœnæ participatio) non est carnem Domini accipere<sup>d</sup>.

<sup>a</sup> Jer. 66. 3. Agg. 2. 13. 14. 15. <sup>b</sup> 1. Cor. 11. 27. Mar. 16. 16. <sup>c</sup> Rom. 2. 15. <sup>d</sup> 1. Cor. 11. 20.

LXIII. Qua de repræclare Chrysostomus, *ὡς μὴ τιμώμενον ἔχεις, ὅστις τὸ σημεῖον λατρεῖν εἶναι δύναται, τὸν δὲ ἴσαι σημεῖον, τὸ δὲ σφραγίς, ὡς ὅτι τὸ σφραγισμὸς ἔσται. ἢ δὲ διακοσμήσει τὸ σημεῖον, διακοσμήσει δὲ ὡς ἔχεις, ὅστις σημεῖον ἔχεις. Ἀλλὰ τὸ τὸτο, ἔλαβες σημεῖον, ἵνα τὸ πᾶν ἔσται ἐπιστήμη, ὡς τὸ σημεῖον ἔχεις, hoc est; Si hanc (fidem) non habueris, neque signum reliquum, signum esse potest, &c. Si enim, (circumcisio) justitiæ signum est, justitiā autem non habeam, neque signum habes. Propterea enim accepisti signum, ut REM exquireret, cuius SIGNUM habes<sup>a</sup>.*

<sup>a</sup> In epist. Rom. 4. Homil. 8.

LXIV. Quod etiam rectè, in mediis Pontificiorum tenebris, vidit Bernardus; *Nam* (inquit) *& Sacramentum, sicut accipit ad vitam dignus: sic, ad iudicium & mortem propriam, indignus. SACRAMENTUM enim, sine RE SACRAMENTI, mors est sumenti: RES verò SACRAMENTI, etiam præter SACRAMENTUM, vita æterna est accipienti*<sup>a</sup>. Atque hæc de Sacramentorum fine simul, & definitione.

<sup>a</sup> Sermone de Cœna.

LXV. Diviso verò est; quòd Sacramentum aliud, est initiationis<sup>a</sup>: aliud, confirmationis<sup>b</sup>. Quorum prius, signum est, receptionis in fœdus, cum Deo; ideoque, semel duntaxat, peragitur: posterius verò, est symbolum, continuationis, in fœdere cepto: ac propterea sæpius repetendum<sup>c</sup>.

<sup>a</sup> Gen. 17. 11. Matth. 28. 19. <sup>b</sup> Exod. 12. 47. Luc. 22. 19. <sup>c</sup> Exod. 12. 14. 1. Cor. 11. 25. 26.

LXVI. Utque fœdus gratiæ, ante, & post Christum, non substantia, sed quibusdam solum circumstantiis, variat: ita etiam Sacramenta<sup>a</sup>. Ac propterea errorum Pontificiorum<sup>b</sup> contrarium, meritò repudiamus: & hæc Augustini dicta (ut Dei verbo consentanea) amplectimur; *Sacramenta, illa fuerunt: in SIGNIS, diversa sunt; sed in Re, QUÆ SIGNIFICATUR, paria sunt*<sup>c</sup>. Item; *Fide manente, signa varia*<sup>d</sup>. Hactenus, de generalis Sacramentorum doctrina.

<sup>a</sup> Rom. 4. 11. 1. Corinth. 10. 2. 3. 4. <sup>b</sup> Concil. Trid. Sess. 7. can. 2. de Sacram. M. Sent. l. 4. diff. 1. §. Sac. & §. ideo. <sup>c</sup> In Joh. Tract. 26. <sup>d</sup> Ibid. Tract. 45.

## COROLLARIA.

1. An per Sacramenta omnis vera justitia, vel incipit, vel cepta augetur, vel amissa reparatur? Concil. Trid. Sess. 7. præmio A. Nos verò N.

2. An rectè, de N. Testamenti Sacramentis, asserat Concil. Trid. per ipsa, ex opere operato, conferri gratiam<sup>a</sup>? hoc est (ut Bellarm. exponit) Sacramentum conferre gratiam, ex vi ipsius actionis Sacramentalis, à Deo ad hoc institutæ, non ex merito agentis, vel suscipientis. Item, quòd activè, & proximè atque instrumentaliter efficit gratiam justificationis, & sola actio illa externa, quæ Sacramentum dicitur: & hæc vocatur, opus operatum<sup>b</sup>. Resp. opus operatum, passive ac barbarè, usurpari<sup>c</sup>: & sententiam illius, esse falsam.

<sup>a</sup> Sess. 7. De Sacram. in genere, Can. 8. <sup>b</sup> De Sacram. in gen. lib. 2. cap. 1. <sup>c</sup> Bell. Ibid.

## DISPUTATIO XXXII.

## DE BAPTISMO.

In præsens de Baptismo (tanquam initiationis Sacramento) à vocibus ad rem progressi, disceremus.

## THESIS I.

**B**aptismus<sup>a</sup>, & baptisma<sup>b</sup>, voces sunt, ad usum Latinæ Ecclesiæ, à priscis Theologis translata: sed Græca origine. Origo autem, non est duplex, (ut quidam arbitrati c) à βάπτω & πῦρ, quasi βάπτω, & πῦρ, in quo abjicitur offensā (hæc enim allusio, non etymologia) sed simplex.

<sup>a</sup> Tertull. de Bapt. c. 13. <sup>b</sup> Id. de resurrect. cap. 48. <sup>c</sup> Etymo. mag. & Anastasius de Etymol.

II. Nam ut à πῦρ, βάπτω; ῥῶ, ῥάπτω; ῥῶ, ῥάπτω, sic à βάπτω, per paragogen, fit βάπτω. Quod significat. I. mergo: quod merfa subeant<sup>b</sup>. 2. Synecdochicè, intingo<sup>c</sup>, vel abluo<sup>d</sup>, ut Suidas<sup>e</sup>, ex Aristophane, βάπτωσι, πλύνωσι interpretatur.

<sup>a</sup> Eusthat. in odyf. ex Herodiano. <sup>b</sup> Etymolog. magnum. <sup>c</sup> Joh. 13. 26. <sup>d</sup> Luc. 11. 38. <sup>e</sup> Lexico.

III. Unde frequentativum βαπτίζω: quod à Tertulliano propriè, mergitare<sup>a</sup>: ac per metonymiam efficientis, tingere ac diluere<sup>b</sup>, redditur: quo sensu etiam in Sacris<sup>c</sup> usurpatur. Quemadmodum Hebræum, tabbâl, mergere, tingere (quod Lxx. βάπτω<sup>d</sup>, & βαπτίζω<sup>e</sup> vertunt) & rachâs, lavare, eodem sensu permutantur<sup>f</sup>: atque ita Syracides, βαπτίζω de λύπη, lotionem, exponit<sup>g</sup>.

<sup>a</sup> De corona cap. 3. <sup>b</sup> De Baptif. cap. 4. <sup>c</sup> Mar. 7. 4. <sup>d</sup> Lev. 4. 6. <sup>e</sup> 2. Reg. 5. 14. <sup>f</sup> 2. Reg. 5. 13, 14. <sup>g</sup> Ecclesiastici 34. 36.

IV. Hinc, per metaphoram, à merione ductam, gravissime affligere<sup>a</sup>: à tinctione verò & ablutione, donis effusis<sup>b</sup> imbueri designat<sup>c</sup>.

<sup>a</sup> Mar. 10. 38. <sup>b</sup> Act. 2. 17. Tit. 3. 6. <sup>c</sup> Luc. 3. 16.

V. Ex qua demum voce (servata significationum illius varietate) βαπτισμός<sup>a</sup> & βάπτισμα<sup>b</sup>, derivantur. Quæ baptizandis actum, hoc est, vel merionem solam: vel intinctionem atque ablutionem consequentem<sup>c</sup>, denotant: eoque sensu, πῦρ<sup>d</sup> purgatio appellatur. Hinc Isidorus, Baptismum<sup>e</sup> Græcè, Latine tinctionem, interpretatur<sup>f</sup>. Quare etiam à Tertulliano intinctio<sup>g</sup>: & vulgò, Baptismus fluminis, & aquæ<sup>h</sup>, nuncupatur.

<sup>a</sup> Mar. 7. 4. 8. <sup>b</sup> Heb. 6. 2. <sup>c</sup> Mar. 7. 4. 8. <sup>d</sup> Joh. 3. 25. <sup>e</sup> Sic etiam vocat Tertul. de bapt. c. 15. <sup>f</sup> Originum 1. 6. cap. 19. <sup>g</sup> De poenit. cap. 5. & 6. <sup>h</sup> Joh. 1. 26.

VI. Deinde hæc vox, ob similitudinem, cum utroque, transfertur, primum, ad gravissimas afflictiones<sup>a</sup>, quibus homo, quasi aquis immergitur atque absorbetur<sup>b</sup>: qui baptismus sanguinis, à Cypriano<sup>c</sup>: & intinctio secunda<sup>d</sup>, & lavacrum sanguinis<sup>e</sup>, à Tertulliano nominatur.

<sup>a</sup> Matt. 20. 22. Luc. 12. 50. <sup>b</sup> Psal. 66. 12. & 69. 2. 3. 15. 16. <sup>c</sup> Epist. 73. Sect. 19. <sup>d</sup> Tertul. de patientia c. 13. <sup>e</sup> De Bapt. c. 13.

VII. Secundo ab altera, tinctionis & ablutionis, significatione accommodatur, ad Spiritus Sancti, regenerantis vel extraordinariis donis exornantis, donationem: quod Spiritus, aquæ instar, in animam effundatur, eamque imbuat<sup>a</sup>, atque abluat<sup>b</sup>. Ideoque hæc actio, Baptismus fluminis, seu Spiritus<sup>c</sup>: & geminata metaphora, Baptismus Spiritus & ignis<sup>d</sup> (ut alibi, nativitas ex aqua & Spiritu, expositione quadam) appellatur<sup>e</sup>.

<sup>a</sup> Ezech. 36. 25. Joh. 3. 5. Act. 2. 27. <sup>b</sup> Tit. 3. 6. Ezech. 36. 25. <sup>c</sup> Joh. 1. 33. <sup>d</sup> Matt. 3. 11. confer. cum Malach. 3. 23. Num. 31. 23. <sup>e</sup> Joh. 3. 5.

VIII. Cæterum Baptismus aqua, vel est vulgaris; vel mysticus: & hic rursus, vel humanus ac superstitiosus; vel divinus ac religiosus.

IX. Humanus, est qui ab hominibus, ad superstitionem, est institutus; quales Baptismi, cum Pharisaorum<sup>a</sup>: tum Ethnicorum. Quippe (ut scitè ait Tertullianus) Diabolus, res Dei amulans, Baptismum in suis exercet<sup>b</sup>.

<sup>a</sup> Mar. 7. 4. Luc. 11. 38. <sup>b</sup> De Baptismo cap. 5.

X. Divinus verò Baptismus est, qui à Deo, ad religionem, est institutus. Et quidem vel ante Christum; ut ordinarii legales Baptismi varii, ad tempus correctionis impositi<sup>a</sup>: quibus, analogia quadam, respondit extraordinarius Baptismus in nube & mari<sup>b</sup>: vel post Christum exhibitum, quo Christianæ

militiæ tyrones palam, Christo duci, auctorantur, & in illius solius verba jurant<sup>c</sup>. De quo Apostolus; Unus Dominus, una fides, unum Baptisma<sup>d</sup>. Quo sensu potissimum, Baptismi vox, & ἑξ ἑκῆ, communi Scripturæ & Ecclesiæ usu, celebratur, & à nobis hic definitur.

<sup>a</sup> Heb. 9. 10. Levit. 8. 7. & 16. 26. Num. 11. 8. 18. Psal. 51. 9. <sup>b</sup> Exod. 14. 24. 1. Cor. 10. 1, 2. <sup>c</sup> Hieronym. lib. epist. ad Heliodorum. 1. Cor. 1. 13. <sup>d</sup> Eph. 4. 5.

XI. Baptismus, est Sacramentum Novi Testamenti primum, à Deo institutum, & per Iohannem Baptistam, & Iesum Christum, promulgatum, quo per ministrum Evangelii, omnes Deo, per Christum, fœderati, aqua tingi debent, in nomen Patris, Filii & Spiritus Sancti, ad significandam & obsequandam susceptionem, in novum gratiæ fœdus per Iesum Christum exhibitum, & fidei atque respicientiæ confirmationem. Cujus definitionis proposita veritas, sequenti expositione, elucescit.

XII. Baptismum enim, Sacramentum, vocamus: quia illi, non solum brevis actrita, ex Augustino descriptio, Forma visibilis invisibilis gratiæ<sup>a</sup>. & brevior ac melior è S. literis, Signum fœderis<sup>b</sup> & sigillum justitiæ fidei<sup>c</sup>; sed etiam explicatio illa, à nobis, aliàs tradita definitio, ad amissim convenit: ut ex distincta causarum inductione, constabit. Ex quibus etiam, Novi Testamenti primum esse, cum institutione, tum usu, perspicuum evadet.

<sup>a</sup> De Catechiz. rudibus cap. 26. <sup>b</sup> Gen. 17. 11. <sup>c</sup> Rom. 4. 11.

XIII. Nam, ut ab efficiente ordiamur, ea statuitur duplex; primaria, & secundaria. Primaria est, auctor & legislator illius, Deus: qui verbo, cum mandati sui, tum gratiæ Evangelii promissæ, Judæorum Ecclesiæ primum instituit<sup>a</sup>: deinde institutum, Christi usu, & illustrissima trium personarum patefactione, apud eandem confirmavit ac sancivit<sup>b</sup>: denique ad Ecclesiam, ex omnibus gentibus colligendam, perpetuæ observationis ordine, propagavit<sup>c</sup>. Ideoque Baptismus è cælo esse<sup>d</sup>, dicitur, & Dei consilium<sup>e</sup>, imo opus<sup>f</sup>: cujus obedientia, sit justitia<sup>g</sup>: inobedientia verò, contemptus Dei<sup>h</sup>. Unde à Lactantio, celeste lavacrum<sup>i</sup>, meritò appellatur.

<sup>a</sup> Iohan. 1. 6, 7, 33. Luc. 3. 2, 3. <sup>b</sup> Matth. 3. 16, 17. <sup>c</sup> Matth. 28. 19, 20. <sup>d</sup> Mar. 16. 15, 16. <sup>e</sup> Matth. 21. 25. <sup>f</sup> Luc. 7. 30. <sup>g</sup> Eph. 5. 26. Tit. 3. 5. <sup>h</sup> Matth. 3. 15. <sup>i</sup> Luc. 7. 30. <sup>j</sup> Divinar. Instit. 1. 7. c. 5.

XIV. Secundaria verò causa efficiens est, quæ primæ inseruit; seu, quæ Deo auctore Baptismum efficit. Modus autem efficiendi, est promulgatio, vel administratio.

XV. Promulgator primus quidem tempore, est Johannes, præcursor Christi<sup>a</sup>: sed dignitate, primus est Christus, Iohannis dominus<sup>b</sup>. Qui, sicut Baptismum, quæ Deus est, instituit; ita, quæ homo, promulgavit<sup>c</sup>.

<sup>a</sup> Luc. 3. 2, 3. Mar. 1. 2, 4. Act. 13. 24. <sup>b</sup> Ioh. 1. 27, 30, 31. <sup>c</sup> Ioh. 3. 22. 26. & 4. 2. Matth. 28. 10.

XVI. Administer verò Baptismi, est is, qui ex Dei vocatione baptizat, solus nimirum Evangelii minister: quia propria, ministerii illius, pars est<sup>a</sup>. Unde, pro toto ministerio, synecdochicè interdum, Baptismi vox usurpatur. Ac propterea, quæ Deus conjunxit, homo ne separet<sup>c</sup>: ut generali edicto imperatur.

<sup>a</sup> Matth. 28. 19, 20. <sup>b</sup> Act. 18. 25. <sup>c</sup> Matth. 19. 6.

XVII. Ut autem vocatio, alia est extraordinaria; quæ Dei revelatione: alia ordinaria, quæ ordine, per Dei verbum, præscripto, nititur: ita administer alius est extraordinarius: alius, ordinarius.

XVIII. Extraordinarius enim fuit primò Iohannes Zachariæ, primus Evangelii & Baptismi præco, & administer<sup>a</sup>. Ideoque, Baptista<sup>b</sup>, vocatur: deinde Iesus Christus<sup>c</sup>, cum Apostolis: sed illi per se; Christus verò per illos, Baptizavit<sup>d</sup>.

<sup>a</sup> Matth. 11. 13. Mar. 1. 4. Act. 19. 5. <sup>b</sup> Matth. 3. 1. & 11. 11. 12. <sup>c</sup> Ioh. 3. 22. <sup>d</sup> Ibid. 4. 2.

XIX. Ordinarius verò administer, est quivis ordinarius Evangelii minister: cujus etiam prædicationi, ad finem mundi duraturæ Baptismi administratio annexa est<sup>a</sup>. Quamvis



vis prius, ita excellat, ut interdum, non absolute, sed comparate, posterius excludat<sup>b</sup>.

<sup>a</sup> Matth. 28. 19, 20. <sup>b</sup> 1. Cor. 1. 15, 16, 17.

XX. Quæ administratio, ad Ecclesiæ Baptizantæ securitatem, recta est, si ex præscripta, à Deo liturgia ac formula peragatur. *Aliud est enim* (ut rectè monet Augustinus) *Baptizare per ministerium: aliud, baptizare per potestatem. Baptisma enim tale est, qualis est ille in cuius potestate datur: non qualis ille, per cuius ministerium datur*<sup>b</sup>. Atque hæc, de causa efficiente.

<sup>a</sup> Matth. 28. 19, 20. <sup>b</sup> Tractatu 7. in Iohan.

XXI. *Materia* deinde Baptismi, seu subjecta res, quam Deus in eo, ad significandum instituit, pro communi Sacramentorum natura, duobus etiam membris, substantia, & accedente ritu, continetur.

XXII. *Substantia*, est aqua quævis. *Aqua*; quia Deus sic instituit<sup>a</sup> (ideoque *ἡ ἵεξις*, *lavacrum aqua*<sup>b</sup>, & à Tertulliano, *Sacramentum aqua*<sup>c</sup> vocatur:) *pura*; quia talem, & res significata<sup>d</sup> (cui impura repugnat) & Deus postulat<sup>e</sup>: *quævis* denique, siquidem nullum Scriptura discrimen statuit. Ideoque rectè Tertullianus ait; *Nulla distinctio est, mari quis, aut stagno, flumine aut fonte, lacu aut alveo, diluatur*<sup>f</sup>.

<sup>a</sup> Ioh. 1. 33. <sup>b</sup> Act. 8. 26. <sup>c</sup> De Bapt. c. 1. & 12. <sup>d</sup> Eph. 5. 26. <sup>e</sup> Heb. 10. 12, 23. <sup>f</sup> De Bapt. c. 4.

XXIII. *Accidens* verò aquæ ritus, est tinctio, & ablutio, seu baptizandi ceremonia. A quo membro, synecdochicè, *Baptismus* appellatur. Parum autem interest, si ea ceremonia, tinctioe una, aut terna: siue etiam totius corporis, vel capitis, in aquam immersione: siue aquæ infusione & asperione peragatur. Quali Petrum, in trium, & in quinque illorum millium Baptismo, Hierosolymis<sup>a</sup>: & Paulum, quum domi quosdam baptizaret<sup>b</sup>, usos esse, citra culpam apparet. Utrunque enim, quædam est immersio ac mora sub aqua, & ablutio atque emersio: quibus ceremonia Baptismi continetur. Neque ea res strictius in S. literis definitur.

<sup>a</sup> Act. 3. 41. & 4. 4. <sup>b</sup> Act. 16. 43.

XXIV. Porro hæc *subjecta Baptismi materia*, relatione sua, ad objectam rem significatam, & obsignatam, *informatur*, & signum ac Sacramentum efficitur.

XXV. *Objecta* enim *res significata*, est susceptio in fœdus perpetuum cum Deo, per Christum exhibitum. De cuius fœderis (partim externi, partim interni) summa, pluribus ac distinctè antecedenti disputatione egimus<sup>a</sup>.

<sup>a</sup> Disput. 16. de Sacram.

XXVI. *Forma* igitur *Baptismi integra*, & quasi *ovulæxi* differentia, est divina, hujus susceptionis in fœdus, cum Deo, per Christum exhibitum, significatio atque obsignatio: ut verbum mandati ac promissionis<sup>a</sup>, & formula Baptismi, in *nomen Patris, Filii, & Spiritus sancti*<sup>b</sup>, demonstrat. Hinc rectè Augustinus<sup>c</sup>; *Detrahe verbum, & quid est aqua, nisi aqua? Accedat verbum ad elementum, & fit Sacramentum, etiam ipsum, tanquam visibile verbum*. Hæc enim, ordinatione divina, significatio & obsignatio, Baptismum constituit, & ab aliis omnibus Sacramentis, distinguit: ideoque genuinam esse formam, apparet.

<sup>a</sup> Mat. 1. 4. <sup>b</sup> Act. 1. 38, 39. <sup>c</sup> In Ioh. tract. 80.

XXVII. *Oritur* autem ea, ex signi, cum re significata, similitudine, partim insita (ut metaphoræ, inde derivatæ<sup>a</sup>, ostendunt) partim divinitus proposita, & annexo verbo (à quo etiam obsignatio dependet) declarata: ut, ex *singulorum membrorum* inductione, fiet illustrius.

<sup>a</sup> Ies. 1. 16. Ierem. 4. 14. Ezech. 16. 9.

XXVIII. *Primum* enim, *signi Baptismatis membrum*, seu substantia aquæ puræ, ut tinctioni & ablutioni, convenit, sic *aquam mysticam*<sup>a</sup> nempe Christi carnem & sanguinem, & Spiritum Sanctum mergendis & abluendis peccatis idoneos, significant<sup>b</sup>.

<sup>a</sup> Ezech. 36. 25. & 47. 1, 9. <sup>b</sup> Ibidem. Ioh. 3. 5. 1. Cor. 6. 11.

XXIX. *Secundum* etiam signi membrum, seu *accidens aquæ ritus*, divinitus præscriptus, partim *Dei baptizantis*, per Christum *beneficium*, partim *hominis baptizati officium*, designat. Quemadmodum circumcisio, symbolum fuit, internæ circumcissioni duplicis, cum ejus, quam Deus gratis

promisit<sup>a</sup>: tum illius, quam ab hominibus, ut debitam gratitudinem, vicissim exegit<sup>b</sup>.

<sup>a</sup> Deut. 10. 6. <sup>b</sup> Ib. 10. 16.

XXX. *Dei enim baptizantis beneficium*, per ceremoniam *mergentis aqua* significatum, & ex Christi communionem promanans, est duplex. *Primum* est, sanguinis illius effusi ac mortis & sepulturæ, communio: quibus, quasi aquis Christus pro nobis, quodammodo immersus est (unde &, *baptismum suum*, vocat<sup>a</sup>) & nos in illo. *Si enim* (ait Apostolus) *unus pro omnibus, mortuus fuit: omnes igitur mortui sumus. An ignoratis, quotquot baptizati sumus, in Christum Iesum, in mortem ejus esse baptizatos*<sup>c</sup>? *Sepulti igitur sumus, una cum eo, per baptismum, in mortem*<sup>d</sup>. Hinc Cyrillus Hierosolymitanus, rectè Baptismum vocat, *ἀντικείμενον τῷ χρεὶ τῆς παθῆναις ἐκτελέσεως* *perfectionibus Christi respondens*<sup>e</sup>.

<sup>a</sup> Matth. 20. 22. <sup>b</sup> 2. Cor. 5. 15. <sup>c</sup> Rom. 6. 3, 4. <sup>d</sup> Col. 2. 12. <sup>e</sup> Catechesis.

XXXI. *Secundum* verò, ex communionem Christi, ortum *beneficium*, est mortis illius, & effusi sanguinis, fructus: nempe, peccati submersio, & quasi sordium spirituum *ablutio gemina*<sup>a</sup>, baptismo designata. Prior qua, per asperionem ac purgationem, sanguinis & mortis Christi<sup>b</sup>, reatus peccati eluitur: *posterior*, qua, per Spiritum regenerationis<sup>c</sup>, peccatum inhabitans, seu vetus homo, submergitur ac tollitur: unde *Baptismus Spiritus*<sup>d</sup> vocatur. *Tollitur autem primum*, ratione dominii, inflicto lethali vulnere<sup>e</sup>. *Deinde* ratione inhzrentis contagionis reliquæ. quæ in hac vita, variis gradibus, imminuitur, sed in morte, per Christi gratiam extinguitur<sup>f</sup>. Hinc Apostolus ait; *Corpus Carnis peccato obnoxia exuistis, per circumcisionem Christi: conspersi cum eo per Baptismum*<sup>g</sup>. Atque hæc de significatione ritus, quo baptizans Deus, per ministros, aqua *mergit*.

<sup>a</sup> 1. Cor. 6. 11. <sup>b</sup> 1. Ioh. 1. 7. <sup>c</sup> Act. 22. 16. <sup>d</sup> Heb. 9. 14. <sup>e</sup> Apoc. 1. 7. <sup>f</sup> 1. Pet. 3. 2. <sup>g</sup> Tit. 3. 5, 6, 7. <sup>d</sup> Matth. 3. 11. <sup>e</sup> Rom. 6. 13, 14. <sup>f</sup> Eph. 4. 22. <sup>g</sup> Rom. 7. 24, 25. <sup>g</sup> Col. 2. 11, 12.

XXXII. *Reliquus ritus*, est eductio ex aqua: quæ suscitationis Christi, qua, ex morte & sepultura pro nobis, emergens se exemit, communionem, & fructum ejusdem (justificationem, & novi hominis, secundum animam & corpus<sup>a</sup>, vivificationem) significat. Unde Baptismus, *lavacrum regenerationis & renovationis per Spiritum Sanctum*<sup>b</sup>, vocatur. *Per quem* (Baptismum) *cum eo* (Christo) *resurrexistis, per fidem Dei efficaciter agentis, qui excitavit eum ex mortuis: vosque mortuos in peccatis & præputio carnis vestra, cum eo vivificavit, condonatis vobis omnibus peccatis*<sup>c</sup>.

<sup>a</sup> Mat. 19. 28. <sup>b</sup> Rom. 6. 3, 4, 5. & 8. 1. <sup>c</sup> 1. Cor. 15. 29. <sup>b</sup> Tit. 3. 5. <sup>c</sup> Col. 2. 12, 13. <sup>d</sup> Eph. 5. 26, 27.

XXXIII. Atque hæc de Baptismi, *ratione baptizantis Dei*, significatione. Quam rectè etiam Theodoretus, de Baptismo differens, ita expressit; *ἀρχαῖον γὰρ ἐστὶ τὸ μυστήριον ἀγαθόν, καὶ τὸ ἱερὸν ἀναστάσις τῶν τε, καὶ κενωτὴς τῆς διαβολικῆς παθῆναις, καὶ μυστήριον τῆς διαβολικῆς ἀναστάσις*. Baptismus, est *arrha futurorum honorum, & futura resurrectionis typus, & communio passionum Domini, & consortium Dominicæ resurrectionis*<sup>a</sup>.

<sup>a</sup> Divin decret. Ep. cap. de Baptismo.

XXXIV. *Ratione* verò *Baptizati*, *immersio*, *mora sub aqua*, & *emersio*, significant illius debitum, pro accepta, communionis Christi & beneficiorum gratia, gratitudinis officium; quod, *bona conscientia stipulatione*<sup>a</sup>, denotatur. Hoc est *primo* quod *justificari*, per exercitium fidei, Christo, quasi immergantur & arctius uniantur<sup>b</sup>, & *stolas suas lavando & dealbando in sanguine agni*<sup>c</sup>, *justificentur adhuc*<sup>d</sup>. Deinde quod sanctificati, per charitatis usum, veteris hominis concupiscentias & opera mortificando & eluendo<sup>e</sup>, novique hominis opera suscitando<sup>f</sup>, in vitæ puræ novitate ambulent<sup>g</sup>: atque ita *sancti, sanctificentur adhuc*<sup>h</sup>. Atque hæc de *Baptismi forma cum integra*, tum *partibus* suis explicata.

<sup>a</sup> 1. Pet. 3. 26. <sup>b</sup> Eph. 3. 17. <sup>c</sup> Apoc. 17. 14. <sup>d</sup> Ib. 22. 11. <sup>e</sup> Rom. 8. 13. <sup>f</sup> Ep. 4. 22. <sup>g</sup> Col. 3. 5, 8, 9. <sup>h</sup> Col. 3. 10. <sup>g</sup> Rom. 6. 4. <sup>h</sup> Ap. 22. 11.

XXXV. *Finis* *ejus* gratia institutus Baptismus, vel *proprius* est, vel *communis*. *Proprius* (qui solis, interioris & exterioris, Deo fœderatis, convenit) est, ut eo signo ac sigillo, partim *fides*, gratia communionis Christi, & ablutionis peccatorum, excitata confirmetur, & per fidem, gratia ea continuetur in iis<sup>a</sup>: *partim*, debita Deo, per Christum servatori, gratitudo provocetur: hoc est, ut perpetua resipiscen-

tia,

tia, peccatorum suorum sordes eluant ac deponant<sup>b</sup>, & vitæ puritati ac sanctitati, ad Dei baptizantis gloriam, & salutem suam, inserviant. Siquidem *sepulti sumus una cum eo* (Christo) *per baptismum in mortem, ut, sicut excitatus est Christus ex mortuis, in gloriam Patris, ita & nos, in novitate vitæ, ambulemus*<sup>c</sup>.

<sup>a</sup> Mar. 1. 4. <sup>b</sup> Act. 2. 38. & 22. 16. Eph. 5. 26. Tit. 3. 5. 1. Pet. 3. 21. <sup>c</sup> Rom. 6. 4.

XXXVI. *Communis* verò finis, omnibus externa Christi communione fœderatis congruens, est ut iis, conditione fidei & resipiscentiæ, gratia Baptismo signata, confirmetur. Quod pertinet Christi dictum, *Qui crediderit, & baptizatus fuerit, salvus erit: qui verò non crediderit, condemnabitur*<sup>a</sup>. Hinc Johannes prædicavit *Baptismum resipiscentiæ, ad remissionem peccatorum*<sup>b</sup>: ut etiam Petrus<sup>c</sup>. Hæc de fine & cuius: seu de bono, cuius gratia Baptismus est institutus.

<sup>a</sup> Mar. 16. 16. <sup>b</sup> Ib. 1. 4. <sup>c</sup> Matth. 3. 7. 8. <sup>d</sup> Act. 2. 38.

XXXVII. *Finis* verò & *subjectum* recipiens proprium, cui Baptismus est institutus, sunt fœderati Deo, per Christum exhibitum, nondum Sacramentis Novi Testamenti initiati<sup>a</sup>: qui bus omnibus & solis (ut ex fine & apparet) Baptismus est imperatus, ad bonum ipsorum, confœderationis ratione<sup>b</sup>.

<sup>a</sup> Matth. 28. 19. Eph. 5. 27. 28. <sup>b</sup> Vide Disput. 16. De Sacrament. Theol. 60. & 61.

XXXVIII. Fœderatos autem suos, Deus agnoscit, sine sexus discrimine<sup>a</sup>, primum *adultos*, fidem & resipiscentiam, ore & opere profitentes<sup>b</sup>: deinde *infantes*, ex altero saltem parente fidei prognatos<sup>c</sup>. Id quod ab Orthodoxis, contra Anabaptistas, hilce quoque argumentis demonstratur.

<sup>a</sup> Act. 8. 11. Gal. 3. 27. 28. <sup>b</sup> Matth. 28. 19. & 3. 6. <sup>c</sup> Act. 8. 36. 37. <sup>d</sup> 1. Cor. 7. 14.

XXXIX. 1. Ad quos promissio fœderis salutis, per Christum exhibitum, pertinet, illi sunt baptizandi: fidelium infantes sunt huiusmodi<sup>a</sup>. Ergo baptizandi. Quomodo Apostolus Petrus est argumentatus<sup>b</sup>.

2. Ad quos Spiritus Sanctus pertinet: illis aqua Baptismi, denegari non potest<sup>c</sup>: ad infantes Spiritus Sanctus pertinet<sup>d</sup>.

Ergo iis aqua Baptismi denegari non potest. Qua etiam ratione idem Apostolus disseruit<sup>e</sup>.

3. Qui ad Christum & ad Ecclesiam illius pertinent: illis etiam convenit Baptismus<sup>f</sup>. Fidelium infantes, non minus quam adulti; ad Christum, & ad Ecclesiam illius pertinent<sup>g</sup>. Ergo iis convenit Baptismus.

4. Sacramentum Novi Testamenti, quod in locum circumcisionis successit, non minus nunc convenit infantibus, quam olim circumcisio: quia gratia non minor Christianis facta, quam Judæis. Atqui Baptismus in locum circumcisionis successit<sup>h</sup>. Utrumque enim signum & sigillum est fœderis gratiæ per Christum, & initiationis Sacramentum, ut pluribus antea probatum est. Ergo baptismus infantibus convenit. Ideoque quom par utrimque sit ratio, infantum baptizandum expressam fieri mentionem, non erat necessarium.

<sup>a</sup> Gen. 17. 7. 1. Cor. 12. 13. <sup>b</sup> Act. 8. 36. 37. <sup>c</sup> Matth. 19. 14. <sup>d</sup> Act. 2. 39. <sup>e</sup> Act. 10. 47. <sup>f</sup> Act. 10. 47. <sup>g</sup> Eph. 5. 26. 27. <sup>h</sup> Matth. 19. 13. 14. <sup>i</sup> Act. 2. 39. 1. Cor. 7. 14. <sup>j</sup> Col. 2. 11.

## COROLLARIA.

1. *An Baptizati omnes, regenerentur? N. contra Pontif. & Ubiquitarios.*

2. *An Baptismus Iohannis Baptista, & Apostolorum, idem specie fuerit? A.*

3. *An ex verbis Tertulliani, de Baptismo c. 18. probari possit, paedobaptismum, in Ecclesia, tum non fuisse in usu? an verò contra? Posterius? A.*

4. *An rectè ibidem asserat; Cunctatio Baptismi utilior est: Præcipuè tamen circa parvulos? N.*

5. *An quod addit; Quid enim necesse est, si non tam necesse sponsores etiam periculo ingeri? qui & ipsi, per mortalitatem, destituere promissiones possunt, & proventu malæ indolis falli: an inquam recta sit ratio? N.*

6. *An argumentum, pro paedobaptismo tum ex Matt. 19. 14. usitatum, rectè refuset? N.*

## DISPUTATIO XXXIII.

## DE BAPTISMI SACRÆ SCRIPTURÆ, ET ECCLESIAE ROMANÆ, REPUGNANTIA.

**H**Ac disputatione apostaticæ Romanæ Ecclesiæ, dissensionem, ac defectionem multiplicem, de Baptismo in causis, effectis, subjectis, & adjunctis, repugnantiam, à causis exorssi, demonstrabimus & ad veritatis divinæ gloriam, & Romanæ apostasiæ confutationem, ac fugam, publica dissertatione ventilandam, proponemus.

## THESES. I.

**P**rima enim repugnantia, est in causa efficiente ministra. Nam Sacra Scriptura, eam, non aliam, esse tradit, quam vocatum ad Ecclesiæ ministerium: quoniam ad alteram illius officii partem, Baptismi administratio<sup>a</sup> pertinet.

<sup>a</sup> Matt. 28. 19. cum Eph. 4. 11. 12.

II. *Contra* verò, Ecclesia Romana apostatica docet, infantem aut Catechumenum, in vitæ periculo, absente sacerdote, tam à muliere<sup>a</sup>, quam virò, tam infideli, quam fidei, posse baptizari<sup>b</sup>. Qua de re, hæc consentanea Bellarmini pronuntiata; *Laicis Baptizatis licere, in casu necessitatis, baptizare*<sup>c</sup>. Item, *Non Baptizatis in casu necessitatis, licere Baptismum dare, si sciant ritum*<sup>d</sup>. Idemque Thomas Aquinas docet<sup>e</sup>. Imo & Baptismum etiam, per lusum & oblationem puerilem collatum esse verum Baptismum<sup>f</sup>. Idque exemplo pueri Athanasii (quod temerè olim nonnulli ratum habuerunt<sup>g</sup>) frustra fucare conatur<sup>h</sup>.

<sup>a</sup> Decreto. causa 30. q. 3. can. Super. <sup>b</sup> Guido Manupuli Curatorum de Bap. cap. 4. <sup>c</sup> Tom. 2. De Baptif. l. 1. 7. <sup>d</sup> Ibidem. <sup>e</sup> Sum. par. 3. q. 67. ar. 5. <sup>f</sup> Bell. l. 2. de Bap. l. 1. c. 7. <sup>g</sup> Ruf. Hist. l. 10. c. 14. <sup>h</sup> Tom. 2. de Sacra. l. 1. cap. 28. & de Pœn. l. 1. cap. 11.

III. *Altera* repugnantia, in materia existit duplex. Sacra enim Scriptura primum *aquam communem*, in Baptismo adhibet<sup>a</sup>: deinde *mundam*<sup>b</sup>: ut reificatæ, seu purgationis, analogia<sup>c</sup>, requirit.

<sup>a</sup> Matt. 3. 6. Act. 8. 38. <sup>b</sup> Heb. 10. 22. <sup>c</sup> Ezech. 36. 25. Eph. 5. 26.

IV. *Contra* verò Ecclesia Romana apostatica, in utroque adversatur. Primum quippe, non aqua communi, sed exorcismo aquæ, ad Satanam (quem ei inesse falsò credit) expellendum, variisque superstitionibus impuris præparatâ<sup>a</sup>.

<sup>a</sup> Pastorale Romanum De Baptif. edit. Plant. P. 2.

V. Sic enim Durandus episcopus; *In benedictione baptismi* (inquit) *sunt sex, quoniam sacerdos orat: aquam manu tangit: vocem mutat: cereus immergitur, & alii cerei illuminantur: insufflat sacerdos: & chrisma miscet. Primo ergo orat sacerdos Deum Patrem, ut per Iesum Christum imploret Spiritum, ut in fontes descendat<sup>a</sup>: & deinde ter tangit aquam. Primo dividens aquam, in modum crucis: per quam, ut præmissum est, Baptismus maximam efficaciam recipit, ut aqua Spiritu Sancto fecundetur, & Spiritus immundus expellatur &c. Secundo, aquam manu tangit, ut eam, per invocationem sanctæ trinitatis, muniat, ne hostis, ab illa expulsus, redeundi habeat potestatem<sup>b</sup> &c. Easque aquas, etiam purificandis mentibus efficaces<sup>c</sup> tradit: Eaque omnia, ex liturgia publica, demonstrat.*

<sup>a</sup> Rationali divinatorum officiorum l. 6. c. 82. Num. 3. <sup>b</sup> Ib. Num. 5. <sup>c</sup> Ibid. Num. 6.

VI. Deinde Ecclesia Romana apostatica, non solum aqua munda, sed etiam, si ca desit, immunda licitum esse Baptizare, fœdissimè tueretur. Sic enim post Thomam Aquinatem<sup>a</sup>, Cardinalis ait; *Omnem veram & naturalem aquam, quantumvis*

tumvis accidentaliter alteratam & mutatam, esse materiam idoneam, ad Baptismum<sup>b</sup>.

<sup>a</sup> Sum. par. 3. q. 66. ar. 4. <sup>b</sup> Bellar. t. 2. de Bap. l. 1. c. 2.

VII. Id quod clarius anno M. CCC. XXXIII. celebris Pontificius explicavit. Postquam enim aqua rosacea, aliisque artificialibus, baptizari posse negavit, hæc subijcit; *In lixivio tamen (si aqua non possit inveniri) posset fieri Baptismus: quum lixivium, nihil aliud sit, quàm aqua, colata per cineres. Et propter eandem rationem, dicunt aliqui Doctores, quod in urina, propter defectum aqua, posset baptizari: quod non credo verum: quia urina, non est aqua, sed humor resolutus à cibis comestis: & idem dico de saliva. Sed nonne in jure carniū: posset fieri Baptismus: ubi alia aqua, non posset inveniri? &c. Si autem non sit tanta spissitudo; sed jusculum sit pingue, credo quod tum, in illo, posset fieri Baptismus. Et idem dico de luto: scilicet, si aqua exprimatur, ex illo, in illa aqua expressa, posset fieri Baptismus<sup>a</sup>. Hæc ille: eademque de JURE CARNIUM, & aqua è LUTO expressa, Thomas Aquinas, asseruit<sup>b</sup>. Hæc de secunda.*

<sup>a</sup> Guido Manip. Curat. de Bap. c. 2. <sup>b</sup> Sum. par. 3. q. 66. ar. 4.

VIII. Tertia verò repugnantia, in Baptismi formula conspicitur. Sacra enim Scriptura, docet, in nomine Patris, Filii, & Spiritus Sancti, baptizandum<sup>a</sup>; neque aliud nomen<sup>b</sup> aut additamentum probat: quia nullus alius est verus Deus, in quem credendum, cuique in Baptismo consecramur: neque statutis illius quicquam addendum aut detrahendum; sed omnia servanda<sup>c</sup>.

<sup>a</sup> Mat. 28. 19. <sup>b</sup> 1. Cor. 1. 3. <sup>c</sup> Matth. 28. 9. & 13. & 28. 20.

IX. Contra verò Ecclesiæ Romanæ apostaticæ, Papa Zacharias, etiam alio nomine adjuncto, Baptismum agnoscit<sup>a</sup>: ut etiam Guido tradit. *Si autem (inquit) non intendat mutare formam Ecclesiæ, sed, ex quadam fatua devotione, addat aliquid, sic dicendo; Baptizo te, in nomine Patris, & Filii & Spiritus Sancti, & beata virginis: vel, beata virgo juvete: vel aliquid simile, talis additio, non impedit Baptismum<sup>b</sup>. Et paulò post addit; Sicut narratur, (in Decreto Dist. 4. cap. Retulerunt nuntii) quòd quidam sacerdos, signarus Latina lingua, baptizabat sub ista forma; Baptizo te, in nomine patris, & filia & Spiritus Sancta: & dicit Papa, in decreto illo, quod verè baptizat.*

<sup>a</sup> Decret. de consecr. dist. 4. c. Retulerunt. <sup>b</sup> Guido Manip. De Bap. c. 3. Idem ait. Thomas Aquinas par. 3. q. 66. ar. 8.

X. Imò quàm horrenda blasphemia Durandi episcopi, quiait; *Baptismi autem forma, non vitatur, si quid in eo superflue ponitur: ut si dicatur; Baptizo te, in nomine Patris, & Filii, & Spiritus Sancti, & Diaboli: vel; Arma virumque cano: & ego Baptizo te: &c. Si verò aliquid interponatur, ut si dicatur; Ego Baptizo te, & Deus est: in nomine Patris, & Filii &c. dicunt quidam non esse Baptizatum: alii verò contradicunt. Si autem verborum ordo aut forma mutetur: ut si dicat; baptizo te in nomine Filii, Patris, & Spiritus Sancti, dicunt non esse baptizatum: quia ordo verborum, de forma est<sup>a</sup>. At quis foedam hanc deformitatem, non detestetur?*

<sup>a</sup> Rational. l. 6. de Bap. Nu. 19.

XI. Quartarepugnantia, in fine Baptismi consistit. Sacra enim Scriptura credentes in Christum, baptizandos docet<sup>a</sup>: ut inchoata regenerationis<sup>b</sup>, & remissionis peccatorum ac justitiæ, gratia<sup>c</sup> signetur, & fidei, per verbi ac signi objectum, excitatione<sup>d</sup>, confirmetur. Quemadmodum Apostolica Sacramenti descriptio Signum & sigillum justitiæ fidei<sup>e</sup>, declarat.

<sup>a</sup> Mat. 16. 16. Act. 8. 37. <sup>b</sup> Ioh. 1. 12, 13. <sup>c</sup> 1. Pet. 1. 22, 23. <sup>d</sup> Mat. 9. 2. Luc. 7. 48. Act. 10. 43. & 47. Rom. 3. 22, 25. <sup>e</sup> Rom. 10. 17. 1. Pet. 1. 22. & 23. & 2. 3. <sup>f</sup> Rom. 4. 11.

XII. Contra verò Ecclesiæ Romana apostatica finem Baptismi esse, regenerationis & justificationis inchoationem ac perfectionem, statuit. Sicut ait Bellarminus; *Finis principalis secundum Catholicos, imò secundum Scripturas, est justificare, & regenerare<sup>a</sup>. Idque sequentibus clarius evadet.*

<sup>a</sup> Tom. 1. de Bap. l. 1. c. 1.

XIII. Quinta enim repugnantia in Baptismi effectis, conspicua est. Sacra enim Scriptura, de credentium in Christum Baptismo docet, effectum illius esse, inchoatæ regenerationis, & gratiæ justificationis, significationem, & confirmationem: ut propositus & probatus, Baptismi finis (cujus, ad

amissum respondens, executio est) ostendit. Idem enim, quatenus hic intenditur, finis est: quatenus verò existit, effectum. Quocirca etiam Bellarminus, pro eodem (quum ait; *Effectum seu finis principalis Sacramenti<sup>a</sup>*) usurpat.

<sup>a</sup> Tom. 1. de Bap. l. 1. c. 1.

XIV. Contra verò Ecclesiæ Romana apostatica, regenerationis ac justificationis gratiam Baptismi opere, primum inchoari ac simul perfici: sive, non solum peccata omnia remitti; sed etiam fidei, spei, charitatis, habitus infundi<sup>a</sup>: ut Concilium Tridentinum Sess. 14. c. 1. decernit; *Per Baptismum (inquit) Christum induentes, prorsus in eo efficiuntur nova creatura. Et Sessione quinta; Si quis (inquit) asserat, non tolli totum id, quod veram & propriam peccati rationem habet: sed dicit, illud tantum radi aut non imputari, anathema sit. Unde etiam Bellarminus asserit; Baptismo reipsa tolli omnia peccata: ita ut non solum non imputetur, sed nec sit, quod imputari possit, ad culpam<sup>b</sup>.*

<sup>a</sup> Concil. Trident. Sess. 6. c. 7. Bellar. t. 3. de gratia. l. 1. c. 1. <sup>b</sup> Tom. 2. c. 2. De Bap. l. 1. c. 13.

XV. Deinde verò, & tertium Baptismo effectum apostatica Romana Ecclesiæ affingit: nempe proprii characteris, in anima Baptizati impressionem, Ut Concilium Trident. *Si quis (inquit) dixerit, in tribus Sacramentis, Baptismo scilicet, Confirmatione & Ordine, non imprimi characterem in anima (hoc est, signum quoddam spirituale, & indelebile, unde ea iterari non possint) anathema sit<sup>a</sup>. Attamen Cardinalis Cajetanus, liberè, de hoc characterē, asserit, eum ex Scriptura non haberi; sed ex Ecclesiæ auctoritate & non multum antiqua &c: quod Innocentius tertius (extra de Bap. cap. majores causas) determinavit<sup>b</sup>.*

<sup>a</sup> Sess. 7. De Sacram. can. 9. <sup>b</sup> Ad summ. Thomæ par. 3. q. 61. ar. 1.

XVI. Neque Scriptura solum, hujusmodi characterem, non agnoscit; sed ne ipsi quidem assertores, quid certò sit, norunt: dum alii relationem rationis, alii qualitatem esse conjiciunt<sup>a</sup>: & ridicula obscuritate definientes, ignorantiam suam produnt. Bellarminus quidem quum ait; *Character Baptismatis est passiva potestas: facit enim hominem aptum, ad suscipienda omnia alia Sacramenta: & sine ipso, nulla aliorum Sacramentorum susceptio est rata<sup>b</sup>. Nec scientius Cajetanus; Character (inquit) Sacramentalis, est quadam spiritualis potestas, ad ea, quæ sunt divini cultus<sup>c</sup>. Nec etiam Thomas, quum ait; character est quoddam signaculum, quo anima insignitur, ad suscipiendum, vel aliis tradendum ea, quæ sunt divini cultus<sup>d</sup>.*

<sup>a</sup> Bel. t. 2. de Sacr. l. 2. c. 29. <sup>b</sup> Ibidem <sup>c</sup> in Sum. Thomæ par. 3. q. 3. <sup>d</sup> Sum. par. 3. q. 63. ar. 4.

XVII. Sexta repugnantia, in subiecto, seu Baptizandis, elucet. Sacra enim Scriptura, eos esse docet primum adultos, credentes in Christum (ideoque Christo insitos<sup>b</sup>, regnitos<sup>c</sup>, ac justificatos per fidem & reconciliatos Deo<sup>d</sup>) deinde eorum infantes<sup>e</sup>: qui quoniam saltem ad externam Dei Ecclesiæ pertinent, sancti appellantur, & neutros, ob Baptismi absentiam, si pertinax contemptus absit, ullibi à salute excludit<sup>f</sup>.

<sup>a</sup> Mat. 16. 16. Act. 8. 37. <sup>b</sup> Eph. 3. 17. <sup>c</sup> Ioh. 1. 11. Act. 10. 15. cum 15. 9. <sup>d</sup> 1. Pet. 1. 22, 23. <sup>e</sup> Rom. 5. 1. & Act. 2. 39. <sup>f</sup> 1. Cor. 7. 14. <sup>g</sup> Mat. 16. 16. Luc. 18. 16, 17. & 23. 43. Ioh. 3. 15.

XVIII. Contra verò, Romana Ecclesiæ apostatica, baptizandos omnes, tam adultos quàm infantes, Christi, & regenerationis ac justificationis omnino expertes, tradit (ut ex iis, quæ de effectis diximus, constat) ideoque si, absque Baptismo, vel voto illius, aut Martyrio, moriantur; infantes quidem visionis Dei absentia, adultos verò, præterea cruciatus æternis damnandos<sup>a</sup>. Imò etiam, antequam Baptizentur, à Satana insecutos, & ut ille exeat, trina primum insufflatione ac mandato exitus: deinde exorcismo, trina crucis formatione ei inserta, expiandos<sup>b</sup>.

<sup>a</sup> Thom. par. 3. q. 68. ar. 2. & 3. <sup>b</sup> Pastorale Romanum de Bap. p. 20. & 17.

XIX. Deinde nondum etiam natos, sed in matris utero adhuc hærentes, sicut, vel manum, aut pedem, exerant, in vitæ periculo, esse Baptizandos (in Pastoralis Romano p. 7. & in Decreto, de consecr. dist. 4. cap. in maternis) decernit.

XX. Septima denique de Baptismo repugnantia in adjunctis consistit. Sacra enim Scriptura, simpliciter Baptismi

peilmi materiam & formulam, cum tinctione tantum, præscripsit: nec ullis ceremoniarum laciniis oneravit.

<sup>a</sup> Matth. 28. 19.

XXI. *Contra* verò, *Apostolica Romana Ecclesia*, hac simplicitate spreta, superstitionis atque impuris ceremoniis, Baptismum conspurcat. Cujus rei specimen est, quod ante Baptismum, & ante baptizandi exorcismum, *salis modicum ori infantis indendo dicunt*; N. accipe sal sapientia, ut propitiatur tibi Dominus in vitam aeternam. Amen<sup>a</sup>. Eumque salem antea, hac forma incantant; Exorcizo te creatura salis &c. ut in nomine sanctæ Trinitatis, efficiaris salutare Sacramentum, ad effugiendum inimicum<sup>b</sup>.

<sup>a</sup> Pastorale Romanum p. 13. <sup>b</sup> Ibidem p. 12. & 15.

XXII. Quibus impiis ceremoniis accedit impurum sacrificii sputum. Quibus in manum suam primum ejicit: sic deinde utramque aurem baptizandi tangens, dicit Eppheta, hoc est, adaperire: deinde nares tangit ac dicit, in odorem suavitatis. Tu autem effugare diabole. Appropinquabis enim judicium Dei. Ad dextram manum, inprimendo signum crucis, dicit Sacerdos; N.trado tibi signaculum domini nostri Iesu Christi, in manu tua dextra, ut te signes, & a te adversarium, ab omni

parte, repellas, & habeas vitam aeternam, & vivas cum eo; in secula seculorum. Resp. Amen<sup>a</sup>.

<sup>a</sup> Pastorale. p. 17. & 18.

XXIII. Denique similis superstitio sequitur, quum sacerdotes oleo superstitionis consecrato, cruce facta in pectore infantis, dicit; Ego te, oleo salutis, linio (& simili modo, eodem oleo inter scapulas inungens, dicit) In Christo Iesu domino, ut habeas vitam aeternam<sup>a</sup>. Sed impiarum ac fœdarum superstitionum, quibus adjunctis, Baptismus contaminatur, satis. Ex quibus omnibus merito concludimus; quum in Baptismi canis, effectis, subjectis, adjunctis, demonstrata sit, Sacra Scriptura, & Romana Ecclesia, repugnantia: hanc non Apostolicam, & Christianam; sed apostaticam, & Antichristianam, non calumnia; sed verâ justaque reprehensione, appellari.

<sup>a</sup> Ibid. pag. 19.

## COROLLARIUM.

I. An Iohannis Baptismus à Christi Baptismo fuerit revera alius? Contra Pontificios, N.

## DISPUTATIO XXXIV.

## DE COENA DOMINI.

*In præsens secundum, nempe δεῖπνον κυριακόν, Cœnam Dominicam, continuationis fœderis gratia, & nutritionis spiritualis, sigillum, à vobis declaratione exoristi, considerare decrevimus.*

## THESES. I.

**V**ox Græca, τὸ δεῖπνον (& ὁ δεῖπνος<sup>a</sup>) rectè, præ cæteris etymis<sup>b</sup>, à duobus fontibus derivatur; quasi μῆδ' ὁ δεῖπνος<sup>c</sup>, quo sumpto, laboribus sit incumbendum. Atque cibum notat; ut Apostolus loquitur, δεῖπνον φάγει<sup>d</sup>. & Lxx. interpretes, δεῖπνον καὶ τὸ εἶναι<sup>e</sup>, distinctè copulant. Cui synonymum est, per metonymiam, τράπεζα<sup>f</sup> mensa, pro cibo, convivis in mensa posito: ut etiam Lxx. ἐδόντες τὸν τράπεζαν<sup>g</sup> comedentes cibum.

<sup>a</sup> Etymolog. magnum. <sup>b</sup> Ibid. & Plutarch. Sympos. 8. quæst. 6. <sup>c</sup> Eustath. in Iliad. λ & in Odyss. β. <sup>d</sup> 1. Cor. 11. 20. <sup>e</sup> Dan. 1. 16. <sup>f</sup> 1. Cor. 10. 21. <sup>g</sup> Dan. 1. 13. & 15.

II. Ideoque, pro etymi ratione, propriè quidem δεῖπνον, prandiculum<sup>a</sup> seu jentaculum: vel prandium, vetustioribus Græcis<sup>b</sup>, significavit. Cui synonymum est, ἄριστον<sup>c</sup> unde, quod Matthæus, ἄριστον<sup>d</sup>; id Lucas, δεῖπνον<sup>e</sup> vocat. Quamvis ea, interdum variè distinguantur: ut δεῖπνον, jentaculum; ἄριστον prandium, designet<sup>f</sup>: vel contra<sup>g</sup>.

<sup>a</sup> Veterum ac Plauti vox, apud Festum de verb. sign. <sup>b</sup> Eustath. Iliad. λ & Odyss. β. <sup>c</sup> Idem Odyss. ρ. Chrysost. in 1. Cor. 11. d. Cap. 22. 4. <sup>e</sup> Cap. 14. 16. <sup>f</sup> Tzetz. in Hesiod. εγγ. β. & Eust. Odyss. β. <sup>g</sup> Æschyl. apud Eust. Odyss. ρ.

III. Improprè verò, primò per catachresin, pro vespertina<sup>a</sup>, seu cibo vespertino, à Comicis, & plerisque recentioribus Græcis, usurpatur<sup>b</sup>: quasi non esset δεῖπνον<sup>c</sup>; sed ἄριστον<sup>d</sup>, μῆδ' ὁ δεῖπνος<sup>e</sup> ut argutè alludit Eustathius<sup>f</sup>. Quomodo etiam utitur Euripedes; ἡμεῖς οὐκ ἀρίστους ἔσμεν<sup>g</sup>: & sic distinctè, à Luca, ἄριστον & δεῖπνον<sup>h</sup>, connectuntur. Secundo, per Synæcdochen, aut utrumque significatum, prandii ac vespertinae, complectitur<sup>i</sup>; aut pro cibi potusque victu, & καὶ τῷ εἶναι<sup>j</sup>, pro convivio, seu epulo, accipitur<sup>k</sup>, Hæc de voce tantum Græca.

<sup>a</sup> Plaut. vox ap. Festum. <sup>b</sup> Etymolog. mag. <sup>c</sup> In Odyss. β. <sup>d</sup> In Hecuba. <sup>e</sup> Cap. 14. 12. <sup>f</sup> Homer. Odyss. e & Eustath. ibid. <sup>g</sup> Mat. 23. 6. <sup>h</sup> Mar. 6. 21.

IV. Cui respondet Cœna: quæ usu quidem, Latina est: sed origine, Græca: ejusque usum, cum priscum, tum novum, exponens Festus ait; Cœna, apud antiquos dicebatur, quod nunc est, prandium: vespertina; quam nunc Cœnam appellamus<sup>a</sup>. Quæ, eodem sensu, à Plauto<sup>b</sup> etiam, vespertina, metonymicè ac sæpius, vocatur: ut, De vespertina vivat suo<sup>c</sup>, id est, cibo vespertino, cœnaque sua.

<sup>a</sup> De verb. signific. <sup>b</sup> In Rudente. <sup>c</sup> In Milite glorioso.

V. Vespertina autem, Cœna, κυριακὴ<sup>a</sup> dicitur, ἀπὸ τῷ κυριακῷ<sup>b</sup>: quasi κυριακὸν τῷ κοινῷ<sup>c</sup> communis cibum καὶ συνάγειον<sup>d</sup> convivium

& quidem vespertinum. Quoniam (ut ait Plutarchus) seorsim prandebant prisce Romani: sed cum amicis cœnabant<sup>b</sup>. Hinc Isidorus; Cœna vocatur, à communione vespertinum<sup>c</sup>.

<sup>a</sup> Plutarch. Sympos. 8. quæst. 6. <sup>b</sup> Ibidem. <sup>c</sup> Orig. 10. cap. 1.

VI. Cœna autem, pro convivio accepta, alia humana est: alia divina. Illa quidem; quæ ab homine, vel ad societatem fovendam, vel ad superstitionem, instructa est.

VII. Ac socialis Cœna, aut civilis, aut Ecclesiastica; ut Christianorum ἀγάπη<sup>a</sup> dilectio<sup>b</sup>, Metonymicè (quasi dilectionis convivium) dicta. Quam Chrysostomus<sup>c</sup>, & communis mensæ ac communionis Ecclesiæ Hierosolymitanæ, ἀσπίσιον<sup>d</sup> defluxum, & apud Corinthios corruptam, statuit. Clemens verò Alexandrinus, abusum vocis corrigens, ait; δι' ἀγάπην, καὶ μὴ δι' ἐκείνην<sup>e</sup> ἀπὸ τῆς ἀγάπης, τὸ δεῖπνον; ἀπὸ τῆς ἀγάπης καὶ κοινωνίας καὶ ἀσπίσιον<sup>f</sup>: hoc est; Ob charitatem, factum convivium: sed convivium non est charitas; verum, benevolentia socialis ac liberalis indicium.

<sup>a</sup> Iudæ 12. <sup>b</sup> Tertull. Apol. cap. 39. <sup>c</sup> In 1. Cor. 11. Orat. 27. vide etiam Concil. Laodicenum can. 27. & 28. <sup>d</sup> Act. 2. 46. & 6. 1. 2. <sup>e</sup> Prædag. lib. 2.

VIII. Superstitiosa verò est, quæ, ad falsam religionem, instituta. Qualis fuit, in idololatricis, Ethnicorum<sup>a</sup>, ac Judæorum<sup>b</sup>, sacrificiis: quæ propterea, mensa, & poculum demoniorum<sup>c</sup>, nominantur. Cujusmodi etiam fuere, pseudochristianorum nefandæ & ψευδοπροφῆται Agape<sup>d</sup>: quarum infamia, iniquè ab Ethnicis, Ecclesiæ Christianæ, olim adspergebatur<sup>e</sup>. Hæc de Cœna humana.

<sup>a</sup> Exod. 34. 15. Iustin. mart. Apol. 2. <sup>b</sup> 1. Cor. 10. 7. <sup>c</sup> 1b. vers. 10. & 21. <sup>d</sup> Clem. Alex. Strom. lib. 3. & 7. <sup>e</sup> Tertullian. Apol. cap. 39.

IX. Divina verò est, quæ à Deo, ad veram religionem, est instituta. Eaque vel ante Christum exhibitum, vel postea.

X. Ante Christum quidem, Cœna fuit, partim, Dei omnipotentia, parata ac data; ut manna, & aqua à petra, cibus ac potus<sup>a</sup>: partim, verbo Dei imperata: cum in Sacrificiis variis<sup>b</sup>; tum in Paschatis Sacramento, vesperti celebrando<sup>c</sup>: quod inde meritò, Cœna, appellatur<sup>d</sup>.

<sup>a</sup> 1. Cor. 10. 3. 4. <sup>b</sup> Exod. 18. 12. Deut. 12. 17. 18. Psal. 116. 13. 1. Cor. 10. 18. <sup>c</sup> Exod. 12. 8. <sup>d</sup> Iob. 11. 2.

XI. Post Christum verò exhibitum, Cœna instituta est Dominica: quam hoc loco consideramus, atque ita describimus.

XII. Cœna Dominica, est alterum N. Testamenti Sacramentum, ad finem mundi, sæpius repetendum, à Christo institutum: quo, per ministrum Evangelis, adjuncta gratiarum actione, panis & vini præscripto usu, cœni baptizantium ad-



dultorum, fidem & respicientiam, ore & opere, profuentium, significatur & obsignatur, communionis corporis & sanguinis Christi exhibitio, & gratia Novi Testamenti, continuatio, ad fidei & charitatis cœnantium gratitudinem, & salutem, amplius confirmandam. Quæ descriptio, sequenti explicatione illustratur ac stabilitur.

XIII. Cœnam enim hanc, Sacramentum vocamus: quia signum ac sigillum est, iustitiæ fidei: omniaque illa, quæ ad Sacramentum constituendum pertinere, superiori de Sacramentis dissertatione, ostendimus, eidem accuratè conveniunt: ut sequens *causarum expositio* demonstrabit.

XIV. Nam, ut à *causa efficiente* auspicemur, *primaria* est, auctor Christus, novi fœderis mediator<sup>a</sup>, verusque Deus ac Dominus noster, qui *verbo* suo (cum *mandati*, tum *gratiæ* Euangelii) hoc Sacramentum, crebrius, ad reditum suum, repetendum<sup>b</sup>, immediatè, vespere quo traditus fuit, peracta Paschali Cœna, instituit<sup>c</sup>, eique opportunè substituit. Unde à Tertulliano, *convivium Dominicum*<sup>d</sup>: & ab Apostolo, *Cœna Dominica*<sup>e</sup>, partim ab auctore; partim ab accidente ac libera, vespertini temporis, circumstantia nominatur<sup>f</sup>.

<sup>a</sup> Heb. 9. 15. <sup>b</sup> 1. Cor. 11. 25, 26. <sup>c</sup> Matth. 26. 26. Luc. 22. 19. <sup>d</sup> Ad uxorem lib. 2. cap. 4. <sup>e</sup> 1. Cor. 11. 20. <sup>f</sup> 1. Cor. 10. 21. & 11. 23.

XV. *Secundaria*, est minister Euangelii: cui Cœnæ administratio, pro communi Sacramentorum, Novi Testamenti, natura<sup>a</sup>, divinitus imperata est. Qualis, præ cæteris, *primus* est, tempore & dignitate, pastorum princeps Christus. Qui ut Cœnam, qua Deus, auctoritate atque imperio suo, instituit; ita qua homo, fideli obsequio & exemplo, promulgavit, & administravit<sup>b</sup>.

<sup>a</sup> Vide disput. de Sacram. <sup>b</sup> Matth. 26. 26.

XVI. *Subiectum* verò, ac quasi *materia*, quam Christus, in hoc Sacramento, ad rem significandam instituit, pro generis sui (seu Sacramenti) ratione, *duabus* quoque *partibus* continetur.

XVII. *Prior*, est *substantia* nutrimenti gemina, *panis* (sive azymus, ut in prima Cœna, per accidens festi azymorum, sive ζυμῆς fermentatus) & *vinum*, *genimen vitis*<sup>a</sup>. A quibus duobus, Cœna hæc, *panis* ac *mensa*, & *poculi Domini*<sup>b</sup>, periphrasi, describitur. Quæ, ut olim grata communicantium, erga Deum & Ecclesiam, liberalitate solebant offerri; idcirco *oblationis* & *sacrificii* (nempe eucharistici) nomen, ad Cœnam, à priscis theologis<sup>c</sup>, est traductum: etsi postea, in superstitionem evaserit.

<sup>a</sup> Matth. 26. 27, 29. <sup>b</sup> 1. Cor. 10. 21. & 11. 26, 27. <sup>c</sup> Irenæus lib. 4. cap. 31. & 34.

XVIII. *Posterior* materiæ *pars*, est accidens panis & vini *ritus* atque *usus*, à Christo *prescriptus*. Cujus *adjunctum commune*, & *partes*, observari debent.

XIX. *Adjunctum commune*, est invocatio Dei duplex: *una*; Cœnam Dominicam *antecedens*: *altera*; eandem *consequens*.

XX. *Antecedens*: est *ευχαριστία* *gratiarum actio*: qua, accepto pane, & poculo, distinctè ac jure<sup>a</sup>, Deus, ut bonorum auctor, à Ministro Euangelii, celebratur. Quæ, eodem sensu, *ευλογία* benedictio (per synecdochen generis) nominatur. Nam ut Matthæus<sup>b</sup>, & Marcus<sup>c</sup>, ait, *ευλογήσας* quum benedixisset: sic idem referens Lucas<sup>d</sup>, *ευχαριστήσας*, quum gratias egisset, exponit. Gratiarum enim actio, est ob benefacta, benedictio.

<sup>a</sup> Deut. 8. 10. <sup>b</sup> Cap. 26. 26. <sup>c</sup> Cap. 14. 22. <sup>d</sup> Cap. 22. 19.

XXI. Hinc rectè Theophylactus, Luca præeunte, ait; *ευλογήσας δὲ, ἀπὲρ ευχαριστήσας*<sup>a</sup> & Apostolus 1. Cor. 16. consentaneè scribit; τὸ πρῶτον τὴν ευλογίαν, ὅ (pro καὶ δ, usitata ellipsi<sup>b</sup>) *ευλογῶν ποτόν benedictionis, (circa) quod benedicimus*: hoc est quo, manibus accepto, Deo gratias, pro beneficiis agimus: ut Græci Patres<sup>c</sup> (sequenti Apostolum, qui ibidem cap. 14. 16. *ευλογεῖν*, per *ευχαριστία*, exponit) interpretantur.

<sup>a</sup> Comment. Mar. 14. 22. <sup>b</sup> Act. 18. 3. <sup>c</sup> Heb. 1. 9. & 10. 22, 23. <sup>d</sup> Chrysost. Theophyl. Photius apud Oecum. 1. Cor. 10. 16.

XXII. *Consequens* verò, Cœnam Domini, invocatio, *cuncta* (ut Augustinus ait) *concludens*<sup>a</sup>, est hymnus<sup>b</sup>: quo Dei benignitas, ad gratitudinem testandam, celebratur. A qua utraque gratiarum actione (ac prima præcipuè) Cœna Domini, *ευχαριστία* (gratiarum actio) à Græca Latinaque Ec-

clesia<sup>c</sup>, (quemadmodum & *Eucharistia Sacramentum* d) dici consuevit. Atque hæc de Cœna adjuncto.

<sup>a</sup> Epist. 59. ad Paulinum. <sup>b</sup> Matth. 26. 30. <sup>c</sup> Justinus apolog. 2. Irenæus lib. 4. cap. 34. Tertull. de Orat. cap. 14. <sup>d</sup> Idem de Corona. cap. 3.

XXIII. *Partes* verò *ritus*, in actione, cum *Ministri*, tum *Cœnantium*, consistunt: quæ *generatim*, à Justino<sup>a</sup>, *διὰ τὴν διανομήν, & μετέληψιν, distributio, & perceptio*, dicta. Unde Cœna, à priori, interdum synecdochicè *λήτουργία* & *εὐεργία ministerium publicum, & sacrum*<sup>b</sup>: à posteriori verò, *Communio*, vulgò appellatur. Quæ, ex distincta *utriusque* explicatione *speciali*, fient clariora.

<sup>a</sup> Apolog. 2. <sup>b</sup> Dionys. Ecclesiast. Hier. cap. 3.

XXIV. *Actio* enim *Ministri*, est qua, Christi convivatoris, nomine & exemplo, *panem* acceptum *frangit*, *edendumque præbet*<sup>a</sup>: & *vinum* similiter, poculo *infusum*, omnibus convivis *bibendum porrigit*<sup>b</sup>. Unde Cœna rursus, à priori, *panis fractione*<sup>c</sup>: à posteriori; *potatione*<sup>d</sup> designatur.

<sup>a</sup> Matth. 26. 26. Marc. 14. 22. <sup>b</sup> Matth. 26. 27. 1. Cor. 11. 28. <sup>c</sup> Act. 2. 42. <sup>d</sup> 1. Cor. 12. 13.

XXV. *Actio* verò *convivarum Domini*, seu *Cœnantium*, est quæ, Christi & discipulorum exemplo<sup>a</sup>, de accepto illo *pane edunt*; & de poculo illo, *bibunt omnes*<sup>b</sup>. Apostoli enim in prima Cœna, fuerunt convivæ tantum: sed *Christus convivator* simul; & *conviva*, imo & *convivium*, externo signatum. Ut enim Circumcisus fuit<sup>c</sup>, & Pascha edit<sup>d</sup>; ut promissiones Patribus factas, confirmaret: sic Baptizatus fuit<sup>e</sup>, & Cœnam sacram percepit<sup>f</sup> ut Euangelium, obsignaret, per se alioqui peccati omnis expers<sup>g</sup>: & virtutibus perpetuò abundans<sup>h</sup>.

<sup>a</sup> Luc. 22. 19, 20. Matth. 26. 29. <sup>b</sup> 1. Cor. 11. 24, 25, 26. Marc. 14. 23. <sup>c</sup> Luc. 2. 21. <sup>d</sup> Luc. 22. 15, 16. <sup>e</sup> Matth. 3. 15, 16. <sup>f</sup> Marc. 14. 24. <sup>g</sup> Chrysost. in Matth. 26. Hom. 83. August. de doctr. Christ. lib. 2. c. 3. <sup>h</sup> 1. Pet. 2. 11. <sup>i</sup> Phil. 2. 8.

XXVI. Hactenus de *Cœna Dominicæ materia*: quæ (pro communi Sacramentorum natura) suam quoque habet *rem significatam*, ad quam *refertur*, ob similitudinem, partim, naturâ insitam (ut metaphoræ frequentes, inde ortæ declarant) partim, verbo Domini, distinctè propositam.

XXVII. *Res* autem *significata*, est communionis Christi & gratiæ Novi Testamenti, continuatio: ut, ex distincta ac particulari, relationis explicatione, clarius elucebit.

XXVIII. *Prior* enim *materia* Cœnæ Dominicæ, *pars* seu *substantia gemina*, terrenus *panis* & *vinum*, ad hanc vitam, & quidem perfectè nutriendam, idonea, *carnem & sanguinem Christi*, tanquam panem & potum cælestem, ad vitam æternam, perfectè conservandam, efficacem significant. Ideoque de pane, ait Christus; *Hoc est corpus meum*<sup>a</sup>: de vino; *Hoc est enim sanguis meus*<sup>b</sup>. Sicut antea, de re significata; *Ego sum panis vita*<sup>c</sup>. *Caro enim mea, verè est cibus, & sanguis meus, verè est potus*<sup>d</sup>. Atque hinc nata ista distinctio, inter *panem Domini*, & *panem Dominum*<sup>e</sup>.

<sup>a</sup> Matth. 26. 26. Marc. 14. 23. <sup>b</sup> Matth. 26. 28. <sup>c</sup> Joh. 6. 48. <sup>d</sup> Ib. 6. 55. <sup>e</sup> August. in Johan. Tract. 59.

XXIX. *Posterior* verò materiæ *pars*, nempe ceremoniæ, seu *actiones sacre*, de panis & vini crebro usu, divinitus præscriptæ, *partim*, convivatoris Christi *beneficium*, nempe communionem ipsius, & gratiæ fœderis novi, continuationem: *partim* convivarum Christianorum *officium*, seu, rectum, beneficii illius, usum, designant. *Illud* quidem, per ministri; *hoc* verò, per Cœnantis actionem.

XXX. Nam in *panis usu*, primum *actio Ministri*, seu, panis accepti fractio, & *communicatio*, corporis Christi, pro nobis traditionem, ac, sine crurifragio<sup>a</sup>, clavis & lancea, contritionem<sup>b</sup>, & per Spiritum Sanctum<sup>c</sup>, communicationem illius, utilem ac necessariam, ad vitam æternam, designat. Idcirco ait Christus; *Hoc est corpus meum, quod pro vobis datur*<sup>d</sup>, & *frangitur*<sup>e</sup>: ut antea, de re significata, allegoricè; *Panis, quem ego dabo, caro mea est: quam dabo, pro mundi vita*<sup>f</sup>. *Amen dico vobis, nisi granum frumenti, cadens in terram, mortuum fuerit; ipsum solum manet: si verò mortuum fuerit, multum fructum adfert*<sup>g</sup>.

<sup>a</sup> Joh. 19. 36. <sup>b</sup> Jesh. 53. 5. <sup>c</sup> Psal. 22. 17. Zach. 12. 10. Joh. 20. 25, 27. & 19. 34. <sup>d</sup> 1. Cor. 12. 13. <sup>e</sup> Luc. 22. 19. <sup>f</sup> 1. Cor. 11. 24. <sup>g</sup> Joan. 6. 51. <sup>h</sup> Ibid. 12. 24.

XXXI. Deinde *actio Cœnantis*, nempe panis accepti, *esui corporalis*, & per participationem<sup>a</sup>, *communio externa*, ad vitam

vitam hanc temporalem conservandam, significat internum, unius ejusdemque corporis Christi, per fidem accepti, esum spirituales & communionem, ad vitam, justitiæ & gloriæ, æternam, & communionis hujus consequens, Sanctorum, inter se & cum Christo, communionem.

<sup>a</sup> 1. Cor. 10. 17. & 11. 27. 28.

XXXII. Quæ, Apostoli explicatione, comprobantur, quum ait; *Panis, quem frangimus, nonne est communio corporis Christi?* Quoniam unus est panis, unum corpus, multi sumus: omnes enim, unius panis, sumus participes<sup>a</sup>. Atque ita Christus, rem significatam, & communionis modum, allegoricè describit; *Ego sum panis vita: qui venit ad me, non esuriat; & qui credit in me, non sitiet unquam*<sup>b</sup>. Amen dico vobis, qui credit in me, habet vitam æternam. *Ego sum panis vita*<sup>c</sup>. *Ego sum panis vivus, qui de calo descendi: si quis ederit, ex hoc pane, vivet in æternum*<sup>d</sup>.

<sup>a</sup> 1. Cor. 10. 16, 17. <sup>b</sup> Joh. 6. 35. <sup>c</sup> Verf. 47. & 48. <sup>d</sup> Verf. 51.

XXXIII. Hisce concinit celebre Augustini dictum; *Ut quid paras dentes, & ventrem? Crede, & manducasti*<sup>a</sup>: & alterum; *Qui non manet, in Christo, & in quo, non manet Christus, procul dubio, nec manducat spiritualiter carnem ejus, nec bibit ejus sanguinem; licet, carnaliter & visibiliter, premat dentibus, Sacramentum corporis & sanguinis Christi*<sup>b</sup>.

<sup>a</sup> In Joan. tract. 25. <sup>b</sup> Ib. tract. 26.

XXXIV. In vini verò usu, primum actio ministri, nempe vini, in poculum effusi, communicatio ad corporis nutrimentum perficiendum, & vitam illius conservandam, pertinet, sanguinis Christi (ad remissionem peccatorum, & Novum Testamentum faciendum) è corpore effusionem, pro nobis, & communicationem illius, significat. Ideoque Christus ait; *Hoc est enim sanguis meus, novi Testamenti: qui pro multis effunditur, in remissionem peccatorum*<sup>a</sup>: & quod eodem spectat; *Hoc poculum est novum Testamentum, in sanguine meo, qui pro multis effunditur*<sup>b</sup>. Ideoque Apostolus; *sanguinem æterni Testamenti*<sup>c</sup>, nuncupavit.

<sup>a</sup> Matt. 26. 28. <sup>b</sup> Luc. 22. 20. <sup>c</sup> Heb. 13. 20. Conf. cap. 9. 14. 15. &c.

XXXV. Deinde, actio Cœnantis externa, nempe accepti vini, ore corporis, haustus, & communio, internam, sanguinis Christi, animæ ore, seu fide, perceptionem, & communionem, significat. Quo pertinet, illa Apostoli explicatio; *Poculum benedictionis (circa) quod benedicimus, nonne communio sanguinis Christi est?* & Christi, de re significata, promissio; *Qui ederit carnem meam, & biberit sanguinem meum, in me manet, & ego in eo*<sup>b</sup>.

<sup>a</sup> 1. Cor. 10. 16. <sup>b</sup> Joan. 6. 56.

XXXVI. Atque hæc, de distincta materia Cœnæ, ad rem suam cœlestem ac spirituales, significatam, ex Christi verbo, relatione, qua informatur: & signum ac Sacramentum Cœnæ, perficitur. Quod, ut ratione, cum materiæ suæ, tum modi quo percipitur, terrenum ac corporale est; sic hujus relationis & significationis respectu, spirituale ac cœleste, Scripturæ imitatione<sup>a</sup>, dici solet<sup>b</sup>.

<sup>a</sup> 1. Cor. 10. 3. 4. <sup>b</sup> August. apud Gratian. de consecrat. diff. 2. Can. Hoc est.

XXXVII. Forma igitur Cœnæ Dominica, & quasi *οὐρανίου* differentia, est divina, panis & vini, ususque eorum, per Christi verbum, ordinatio ad visibilem, communionis invisibilis Christi, & gratiæ fœderis novi continuandæ, significationem & oblationem: ut superiora demonstrant.

XXXVIII. Utque ex forma, (seu Sacramentorum relatione) communi, promanat phrasidis duplex; propria, qua, nomina, & attributa signi, signo: & rei significatæ, sua similiter, tribuuntur: & impropria, seu metonymica (quæ vulgo, καὶ ἰσχυρῶς, prædicatio sacramentalis, dici solet) qua nomina, & attributa signi, cum re significata, permittuntur: utraque, in doctrina, de Cœnâ Dominica, usitata est<sup>a</sup>: & secunda, in Sacris etiam literis, expressa.

<sup>a</sup> Theodoret. dial. 1. cap. 8. vide Disp. de Sacram.

XXXIX. Cujus exemplum primum est; *Hoc* (id est, hæc res, seu panis acceptus ac fractus) *est corpus meum, quod pro vobis frangitur*<sup>a</sup>: id est Sacramentum, seu signum ac monumentum<sup>b</sup>, corporis frangendi. Alterum; *Hoc poculum, est novum Testamentum, in meo sanguine*<sup>c</sup>: id est vinum, poculo contentum, est Sacramentum, seu signum ac monumentum, novi Testamenti<sup>d</sup>, sanguine meo (ut Tertullianus rectè exponit<sup>e</sup>) oblationati. Tertium est; *Hoc est enim*

*sanguis meus, novi Testamenti, qui pro multis effunditur, ad remissionem peccatorum*<sup>f</sup>: id est, Sacramentum, seu signum, in sanguinis effusi recordationem<sup>g</sup>.

<sup>a</sup> 1. Cor. 11. 24. <sup>b</sup> Ib. & verf. 26. <sup>c</sup> Luc. 22. 19. <sup>d</sup> 1. Cor. 11. 25. <sup>e</sup> Ibid. <sup>f</sup> Contra Marc. lib. 4. cap. 40. <sup>g</sup> Matth. 26. v. 28. <sup>h</sup> 1. Corinth. 11. v. 25, 26.

XL. Quartum exemplum est; *Panis, quem frangimus: nonne communio corporis Christi est? Poculum benedictionis, circa quod benedicimus, nonne communio sanguinis Christi est?*<sup>a</sup> id est, communionis illius Sacramentum, seu signum ac monumentum<sup>b</sup>. Sicut in Cœnâ Paschali, i. de agni carne dictum, *Accipite, comedite*<sup>c</sup>: ea est Pascha (Latine transiens) Iehova<sup>d</sup>: id est, signum ac monumentum illius<sup>e</sup>. 2. De sanguine agni; *Accipite, adspargite postibus*<sup>f</sup>: sanguis ille, erit vobis, in signum &c. ut videns transeam<sup>h</sup>. Et de utroque, sacrificium, est Pascha Iehova; qui transiit<sup>i</sup>: hoc est, signum illius.

<sup>a</sup> 1. Cor. 10. 1. 6. <sup>b</sup> Ibid. 11. 24, 25. <sup>c</sup> Exod. 12. 5. <sup>d</sup> Verf. 11. <sup>e</sup> Ibidem. <sup>f</sup> Verf. 14. <sup>g</sup> Verf. 7. <sup>h</sup> Verf. 13. <sup>i</sup> Verf. 27.

XLI. Hujusmodi metonymicas, Scripturæ, de Cœnâ Domini, phrasæ, prisci Patres imitati sunt sapius, imo durioribus hyperbolis, ad reverentiam excitandam, auxerunt: nec raro interim propriis, disertè ac perspicuè explicarunt. Ut Tertullianus; *Acceptum panem, & distributum Discipulis, corpus suum fecit; hoc est corpus meum, dicendo: id est, figura corporis mei*<sup>a</sup>: & alibi; *vinum, in sanguinis sui memoriam, consecravit*<sup>b</sup>. Et Augustinus; *Non dubitavit, Dominus dicere; Hoc est corpus meum: quum daret signum corporis sui*<sup>c</sup>.

<sup>a</sup> Contra Marc. lib. 4. cap. 45. <sup>b</sup> De anima cap. 17. <sup>c</sup> Contra Adimantum lib. 1. cap. 12.

XLII. Sic Theodoretus panem & vinum Domini, vocat corporis & sanguinis mystica symbola, imaginem, antitypa<sup>a</sup>. Qualia multa, apud reliquos Patres, in Disput. de Sacramentis, pridem adduximus. Imo jus Pontificium, hoc etiam agnoscere cogitur, teste Gratiano<sup>b</sup>: qui hæc, ex Augustino, laudat; *Cœlestis panis, qui Christi caro est, suo modo, vocatur corpus Christi: quum revera sit Sacramentum corporis Christi, illius videlicet, quod visibile, mortale, in cruce posuit est. Vocaturque ipsa immolatio carnis, qua sacerdotis manibus fit, Christi passio, crucifixio, non rei veritate, sed significante mysterio*.

<sup>a</sup> Dial. 2. cap. 29 & cap. 8. <sup>b</sup> De Consecrat. diff. 2. Can. hoc est.

XLIII. Et Glossa ibidem, consentaneè ait; *Cœlestis, id est, cœleste Sacramentum, quod verè representat Christi carnem, dicitur corpus Christi, sed IMPROPRIE: unde dicitur; Suo modo; sed non rei veritate, sed significante mysterio: ut sit sensus; vocatur Christi corpus, ID EST SIGNIFICATUR. Hæc de forma, & ex ea promanante phrasè, Cœnæ Dominicæ, dicta.*

XLIV. Finis denique, quum generatim sit duplex, primus (seu bonum, cujus obtinendi gratia, Cœnam Christus instituit) potissimum est triplex.

XLV. Primus, ut Cœnantium Christi recordatio ac fides in ipsum, pro nobis mortuum, nobisque ad justitiam ac salutem communicatum, hoc sacro signo ac monumento suscitata, & oblationati, augeatur.

XLVI. Secundus est, ut hac recordatione ac fide aucta, magis magisque oblationati novi Testamenti beneficia (seu communio Christi, & ex ea, justitia ac salus) continuentur.

XLVII. Postremus est, ut horum etiam beneficiorum recordatione ac fide (quasi fomite) charitatis, erga Christum servatorem, gratitudo accendatur: ad ipsum colendum ac celebrandum; & mutuam membrorum Christi dilectionem, ac communionem augendam, qua fidelium, cor unum, animaque una, reddatur. Qui fines Cœnæ, verbis institutionis, & expositionis divinæ, indicantur.

XLVIII. Primus, mandato de usu, cum panis; *Hoc facite, ad mei recordationem*<sup>a</sup>: tum vini, *Hoc facite, quotiescunque biberitis, ad mei recordationem*<sup>b</sup>.

<sup>a</sup> Luc. 22. 19. <sup>b</sup> 1. Cor. 11. 24. 1. Cor. 11. 25.

XLIX. Secundus verò declaratur promissione, i. de usu panis; *Hoc est corpus meum, quod pro vobis datur*<sup>a</sup>, ac frangitur<sup>b</sup>. Panis, quem frangimus, nonne communio corporis Christi est<sup>c</sup>? 2. de usu vini, *Hoc poculum, est sanguis meus novi*

Kkkk

Testa-

*Testamenti: & Novum Testamentum, in meo sanguine, qui pro vobis, & multis effunditur, in remissionem peccatorum*<sup>d</sup>. Poculum benedictionis, circa quod benedicimus, nonne communio sanguinis Christi est? Omnes una potatione potati sumus, per unum Spiritum<sup>e</sup>. Qui adharet Domino, unus spiritus est &.

<sup>a</sup> Luc. 22. 19. <sup>b</sup> 1. Cor. 11. 24. <sup>c</sup> Ibid. 10. 16. <sup>d</sup> Matth. 26. 28. cum Luc. 22. 20. <sup>e</sup> 1. Cor. 10. 16. <sup>f</sup> 1. Cor. 12. 13. <sup>g</sup> 1. Cor. 6. 17.

L. Tertius denique finis & Cœnæ Dominicæ, ex prioribus omnino promanans, à Paulo explicatur, quum ait; *Quotiescunque enim ederitis panem hunc, & poculum hoc biberitis, mortem Domini annuntiate, usque quo venerit*<sup>a</sup>. Item; *Quoniam unus est panis, unum corpus, multi sumus*<sup>b</sup>. Quocirca etiam, ob dissidia, & indignum fratrum contemptum, Cœnam Domini, inter Corinthios fuisse, negat Apostolus: & ad contrarium officium exstimulat<sup>c</sup>. Ex quibus omnibus, finis & comprobatur.

<sup>a</sup> 1. Cor. 11. 26. <sup>b</sup> Ib. 10. 17. <sup>c</sup> 1. Cor. 11. 18, 20, 22, 23.

LI. Secundus generalis finis nempe &, seu subjectum proprium, cui soli Dominus, Cœnam suam, instituit, est Cœtus Baptizatorum adultorum, fidem & resipiscenciam, ore & opere, profuturum.

LII. Cœtus enim, primum requiritur, exemplo Cœnæ primæ<sup>a</sup>: ut verè sit Cœna, seu commune ac Domini convivium<sup>b</sup>, & communionis Christi & Ecclesiæ, Sacramentum<sup>c</sup>. Hinc Paulus ait; *Omnes, ex uno pane, participamus*<sup>d</sup>. Nec solum conventum in Ecclesia, & quidem ad panem illum edendum, requirit<sup>e</sup>; sed mutuam quoque expectationem, & communem mensam, præscribit<sup>f</sup>.

<sup>a</sup> Matth. 26. 26. <sup>b</sup> 1. Corinth. 11. 20. <sup>c</sup> Ib. 10. 16. <sup>d</sup> Verf. 17. <sup>e</sup> Ib. 11. 20. <sup>f</sup> Verf. 33.

LIII. Ac propterea etiam, Cœna propria, Dominicam Cœnam, (tanquam *συνάγωγος*<sup>a</sup>, hoc est, Tullio interprete<sup>b</sup>, congregationem) opponit. Unde olim *συναγωγὴ*<sup>c</sup> congregatio, & *κοινωνία*<sup>d</sup> communio (à participationis societate) & *μυστήριον*<sup>e</sup>, *μυστηρίου κοινωνία*<sup>f</sup>, *mysteriorum communio*, à Græcis Patribus appellatur.

<sup>a</sup> Oecumenius in 1. Corinth. 11. <sup>b</sup> De Senectute. <sup>c</sup> Dion. hier. Eccles. lib. 3. <sup>d</sup> Chryf. 1. Cor. 11. Basil. Eth. def. 21. <sup>e</sup> Chryf. 1. Cor. 11.

LIV. Deinde, ad hunc Cœnantium cœtum, pertinent, non quivis, sed triplici conditione præditi. Prima, ut sint Baptizati: sicut ad Paschalem Cœnam, admissi sunt tantum circumcisi<sup>a</sup>. Quia Baptismus, est regenerationis Sacramentum:

ideoque, primum ac præmittendum<sup>b</sup>: contra verò Cœna, nutritionis, ac confirmationis spiritualis, sigillum: ut ex superioribus constat: ideoque Baptismus consequens.

<sup>a</sup> Exod. 12. 48. <sup>b</sup> Tit. 3. 5. Matth. 28. 19. Heb. 6. 2.

LV. Altera est, ut sint adulti: quia hi soli, ad necessaria, convivarum Domini, officia, sunt idonei: qualia sunt, seipsos probare: corpus Domini discernere: illiusque recordari: & mortem ejusdem annuntiare<sup>a</sup>.

<sup>a</sup> 1. Cor. 11. 28, 29, 24, 5, 26.

LVI. Tertia denique, Cœnæ Domini communicantium, conditio est, ut fidem & resipiscenciam, ore & opere, profiteantur: ut, ex superioribus finibus atque officiis, liquet. De quibus omnibus, præclare Justinus Martyr ait; *Porro alimentum hoc, appellatur apud nos EUCHARISTIA: quod nulli alii participare licitum est quàm (1.) veram esse doctrinam nostram credenti: & (2.) lavacro, propter remissionem peccatorum & regenerationem, abluto: & ita (3.) ut Christus tradidit, viventi*<sup>a</sup>.

<sup>a</sup> Apologia 2.

LVII. Quales soli, pro Sacramenti Cœnæ Dominicæ consortibus, ab Ecclesiæ pastoribus, censendi<sup>a</sup>: iisque sub fidei conditione, res significata obsignatur. Ideoque ut gratiæ, Sacramento significatæ, participes fiant, præter confessionem oris & vitæ, requiritur consentanea cordis, fides & charitas<sup>b</sup>.

<sup>a</sup> 1. Cor. 10. 21. & 11. 20, 27, 28. <sup>b</sup> Joan. 6. 27, 29. Rom. 10. 10. Gal. 5. 6.

LVIII. Quorum operatio, si in Cœnæ Domini usu abfuerit, corporis & sanguinis illius, per contemptum violati, crimen incurrunt<sup>a</sup>: ac pœnam divinam, sibi accersunt. Fideles quidem, si officium hoc negligant, *temporalem*, ne cum mundo pereant<sup>b</sup>; sed castigati, ad resipiscenciam reducantur<sup>c</sup>. Infideles verò *hypocritæ*, etiam æternam<sup>d</sup>. Qua ratione considerata, Cœna Domini, officium facientibus suavissima atque optatissima, ob violationis pœnam, à Chrysostomo, *φειστέον μυστήριον*<sup>e</sup>: & *φειστέον τὸ πρὸς τὴν ἐκκλησίαν*<sup>f</sup>, hoc est, *horrenda mysteria, & pertremenda mensa*, appellatur. Atque hætenus, de Cœna Dominica: fexit autem Dominus, pro sua clementia, ut ea, nobis omnibus, sit salutaris!

<sup>a</sup> 1. Cor. 11. 29. <sup>b</sup> Ibid. verf. 30. & 32. <sup>c</sup> Ibid. 31. Heb. 11. 10, 11. <sup>d</sup> Matt. 24. v. 51. Marc. 16. v. 16. Rom. 8. v. 13. <sup>e</sup> In Matt. 16. Hom. 89. <sup>f</sup> In 1. Cor. 11.

## DISPUTATIO XXXV.

## DE VERBIS CŒNÆ DOMINI.

**Q**uemadmodum, de sacra Domini Cœna, verè ait Augustinus; O Sacramentum pietatis! ô signum unitatis! ô vinculum charitatis<sup>a</sup>! sic adversus depravatam Pontificiorum Eucharistiam, merito exclamari potest; O Sacramentum impietatis! ô signum apostasiæ! ô vinculum iniquitatis! Impietas enim, in fictitio corporis Christi, sub specie panis, sacrificio atque adoratione consistit. Cujus falsa opinio, defectionem à doctrina (de persona, officio & beneficiis, Christi) fundamento, complectitur: & capitale, contra piæ dissentientes, odium concitavit. Quibus malis, ut commodius occurramus, veram, verborum Domini de Sacra Cœna, expositionem antea traditam, plenius demonstrare conabimur: & falsam Papistarum interpretationem (utpote impietatis illius fulcrum unicum) Deo favente, diluamus. Ac primum disputationi repetenda præmittemus.

## PARALLELA

Verborum institutionis Cœna Domini, ex capite,

Matthæi 26.

26. Quum accepisset Jesus panem, & benedixisset, fregit, deditque discipulis, & dixit; Accipite, edite: hoc est corpus meum.

27. Et quum accepisset poculum, ac gratias egisset, dedit illis, dicens; Bibite ex eo omnes.

28. Hoc enim est sanguis meus, novi Testamenti, qui pro multis effunditur in remissionem peccatorum.

Marci 14.

22. Quum accepisset Jesus panem, quum benedixisset, fregit, deditque illis, & dixit; Accipite, edite: hoc est corpus meum.

23. Et quum accepisset poculum, quum gratias egisset, dedit illis; & biberunt ex eo omnes.

24. Et dixit illis; hoc est sanguis meus, novi Testamenti, qui pro multis effunditur.

Lucæ 22.

19. Quum accepisset panem, quum gratias egisset, fregit, & dedit illis, dicens; Hoc est corpus meum, quod pro vobis datur: hoc facite in mei recordationem.

20. Idem poculum postquam cœnasset dicens;

Hoc poculum, est novum Testamentum in sanguine meo, qui pro vobis effunditur.

Pauli 1. Cor. 11.

23. Dominus Iesus ea nocte qua proditus est, accepit panem. 24. Et quum gratias egisset, fregit & dixit; Accipite, edite: hoc meum est corpus, quod pro vobis frangitur: hoc facite in mei recordationem.

25. Idem & poculum, postquam cœnasset, dicens;

26. Hoc poculum est novum Testamentum, in meo sanguine: hoc facite, quotiescunque biberitis, in mei recordationem.

Quo-

Quorum verborum, hæc est paraphrasis,

I. Cor. 10. 16.

*Poculum benedictionis cui benedicimus, nonne communio sanguinis Christi est?*

*Panis, quem frangimus, nonne communio corporis Christi est?*

Hinc Scotus ait; *Hic Apostolum determinare, de modo perceptionis hujus Sacramenti, in 4. sent. dist. 8.*

### THESIS I.

**I**N verbis autem Cœna præmissis, tres potissimum occurrunt enuntiationes: de quarum subjectis & attributis, disceptatur. 1. *Hoc, est corpus meum.* 2. *Hoc, est sanguis meus.* 3. *Hoc poculum, novum Testamentum est, in sanguine meo.* Accipitur, in prima, & secunda est, *Hoc* (quod genere neutro, absolute, ut solet<sup>a</sup>, hanc rem notat) rem præsentem demonstrat<sup>b</sup>: in tertia verò est, *Hoc poculum*; quod metonymicè, potum, poculo contentum, citra controversiam, significat<sup>c</sup>.

<sup>a</sup> Lxx. Gen. 2. 23. & Exod. 16. 15. Marc. 10. 7. Luc. 18. 36. <sup>b</sup> Catech. Concil. Trident. de Euchar. Bellarm. de Euchar. lib. 1. c. 11. <sup>c</sup> Thomas Aqu. in 1. Cor. 11. Bellarm. de Euchar. lib. 1. cap. 11.

II. Sed *questio* est; An primum, *Hoc*, panem: & reliqua, *Hoc*, & *hoc poculum*, vinum denotent, nec ne? Nos utrumque, cum Orthodoxis, meritò affirmamus: ut, ex hisce argumentis, liquebit.

III. *Primum.* Quod Christus in Cœna accepit, benedixit, fregit, deditque discipulis, de eo dixit; *Hoc*<sup>a</sup>: atqui panis est id, quod Christus in Cœna accepit, benedixit, fregit, deditque discipulis: ergo de pane dixit; *Hoc*. Quæ demonstratio adeò clara est ac firma, ut eandem Bellarmino, Lutheri discipulos oppugnanti, veritas expresse sit. *Nam* (inquit) *Dominus accepit in manibus panem, eumque benedixit, & dedit discipulis, & de eo ait; Hoc est corpus meum. Itaque panem accepit, panem benedixit, & de pane dixit; Hoc est corpus meum*<sup>b</sup>.

<sup>a</sup> Gregor. de Valent. de Euchar. l. 1. c. 9. <sup>b</sup> De Euchar. l. 3. c. 19.

IV. *Secundum.* Id, quod in Cœna Domini editur, de eo dicitur, *Hoc*: panis autem est id, quod in Cœna Domini editur: ergo de pane dicitur, *Hoc*. Ut Propositio certa est: sic Assumptio quinque locis, à Paulo asseritur: 1. *Quotiescunque ederitis panem hunc*<sup>a</sup>. 2. *Quisquis ederit panem hunc*<sup>b</sup>. 3. *De pane illo edat*<sup>c</sup>. 4. *Unus panis est*<sup>d</sup>. 5. *Unius panis sumus participes*<sup>e</sup>.

<sup>a</sup> 1. Cor. 11. 26. <sup>b</sup> Vers. 27. <sup>c</sup> Vers. 28. <sup>d</sup> 1. Cor. 10. 17. <sup>e</sup> Ibidem.

V. *Tertium.* Quod in Cœna Domini frangimus, & communio est corporis Christi, illud per, *Hoc*, denotatur: sed panis, in Cœna Domini, est hujusmodi: ut Paulus attestatur: *Panis quem frangimus, nonne est communio corporis Christi*<sup>a</sup>? ergo panis per, *Hoc*, denotatur.

<sup>a</sup> 1. Cor. 10. 16.

VI. *Quartum.* Quod Christus dicendo; *Bibite ex eo*, pronomine *eo*, intellexit, de eodem dicitur, in proximè sequenti, *Hoc*, sive *Hoc poculum*: ut antecedens nomen, & annexationis nota, *enim*, comprobant, & adversarii confitentur<sup>a</sup>. Atqui Christus dicendo; *Bibite ex eo*, intellexit pronomine *eo*, vinum: quia tum temporis, nihil aliud poculo continebatur<sup>b</sup>. Ergo de eodem vino dicitur, proximè sequenti, *Hoc*, sive *Hoc poculum*.

<sup>a</sup> Bellarm. de Euchar. l. 1. c. 11. <sup>b</sup> Ibidem.

VII. *Quintum.* Quod Apostoli biberunt, in Cœna illud denotatur, *Hoc poculo*: sed *vinum* est, quod Apostoli biberunt in Cœna: 1. Quia hic potus solus iis fuerat datus ac præscriptus: ut modò probavimus. 2. Quia (teste Marco) biberunt ante pronuntiata verba; *Hoc poculum* &c. quo tempore, vinum fuisse, non est dubium<sup>a</sup>. Ergo, *Hoc poculum*, denotat vinum.

<sup>a</sup> Ibid. Bellarm.

VIII. *Sextum.* Quod Christus, cum Apostolis, in Sacramento Cœnæ, bibit, de eo, *Hoc poculum*, dicitur: atqui vinum est quod Christus, cum Apostolis, in Sacramento Cœnæ bibit; testibus, post Patres, adversariis<sup>a</sup>: ergo vinum est, de quo, *Hoc poculum*, dicitur. Propositioni veræ ac perspicuæ, vera subest Assumptio.

<sup>a</sup> Chrysost. in Matth. homil. 81. August. de doctr. Christ. l. 2. c. 3. Bonavent. in 4. sent. dist. 9. qu. 4. Thomas Aqu. in 4. sent. dist. 11. ad 5. & Summa par. 3. qu. 81. ar. 1. Biel. in 4. sent. dist. 9. qu. 1. Canus locis comm. lib. 12. cap. 13.

IX. Nam ut Christus eundem, cum Apostolis, cibum cenavit (quod Lucæ 22. 20. & Pauli 1. Cor. 11. 25. parallela testantur) ita eundem potum bibit: quem *genimen vitis*, hoc est vinum ipsemet disertè nominat; *Non bibam* (inquiens) *amplius ex hoc genimine vitis*. Quæ verba, ut antè, de postremo Paschali poculo, Luc. 22. 18. sic postea, de poculo Cœnæ, non amplius gustando, pronuntiavit, Matth. 26. 28. & Marc. 14. 25.

X. Ex quibus omnibus, jam liquet, *Subjecta*, in verbis illis Christi, esse *panem & vinum*: *Attributa* verò (si voces spectemus) certa sunt, *corpus & sanguis Christi*, a *Novum Testamentum*: sed de sententia *quæritur*, An hisce enuntiationibus, insit *tropus*, nec ne?

XI. *Primum* tuentur Orthodoxi: qui in re ipsa conveniunt, atque ita declarant; Hic panis est Sacramentum, seu signum, corporis Christi: vel, significat corpus Christi. Quæ (ut etiam Jesuitæ agnoscunt<sup>a</sup>) *eodem redeunt*: ac se mutuo consequuntur. Veruntamen in sede tropi definienda, judiciis discrepant. Ideoque, bonâ bonorum veniâ, ad illustrandam, & ab exceptionibus vindicandam, veritatem, ea breviter expendemus.

<sup>a</sup> Bellarm. de Euchar. l. 1. c. 11. Stapleton. Antidot. in Matth. 26.

XII. *Quidam*, in hisce aliisque tropicis enuntiationibus, singulas voces, propriam suam significationem retinere, tropumque, nec in sola Copula, neque in Attributo solo, sed in tota attributione consistere, disputant: quod disparatum, directè de disparato, in iis affirmetur. Verùm hoc modo, nec Rhetoricis, neque Logicis principiis, satis videntur consentire. Quia tropum (quem, communi cum aliis hypothesi, agnoscunt) sua expositione, præter opinionem, evertunt: ut ex sequentibus firmamenti apparet.

XIII. *Primum.* Ubicumque enim *tropus* est, ibi à propria significatione, in aliam, mutatio est<sup>a</sup>; unde *ἡ ὁμοιοῦς* dictus: atqui in hisce enuntiationibus tropicis, servata omnium vocum proprietate, non est propriæ significationis, in aliam, mutatio: ergo in hisce enuntiationibus tropicis, servata omnium vocum proprietate, non erit tropus. *Ἀδύνατον*.

<sup>a</sup> Quintil. instit. l. 8. c. 6.

XIV. Siquidem eandem omnino enuntiationem, veram simul & falsam, inopinatò statuunt. Nam quicumque enuntiationem, quam veram agnoscit, ait esse directam disparati de disparato affirmationem; ille statuit, idem, simul verum esse, & falsum: sed qui omnia illa verba; *Panis est corpus meum* &c. asserunt propriè accipienda, illi ajunt enuntiationem, quam veram agnoscunt, esse directam disparati de disparato, affirmationem: ergo qui omnia illa verba; *Panis est corpus meum* &c. asserunt propriè accipienda, statuunt idem, simul esse verum & falsum.

XV. Assumptio certa est: Propositio verò principium est Logicum *ἐμπειρίας* quo nihil verius. Nam omnis directæ, disparati de disparato, affirmatio, falsa est. *Primum*, quia aliud significat, quàm res est. Nam quæ natura non sunt *ὑπάρχοντα*, sed differentiis inter se separata, ideoque, ex norma Logicæ, erant disparanda (unde disparata quoque, *impossibilia*<sup>a</sup>, à Scholasticis dicuntur) ea, contra rerum naturam (ut cum Plauto loquar) comparat, & opposita, quasi *ὑπάρχοντα*, perperam componit.

<sup>a</sup> Bonavent. in 4. sent. dist. 8. qu. 1. Franc. de Mairon, in 4. sent. dist. 9. qu. 3.

XVI. *Deinde*, contradictionem implicat manifestam. Nam quatenus disparatum dicitur Attributum, eatenus quoque omnes illius differentias simpliciter attributas, subjecto quoque convenire, affirmatur<sup>a</sup>. *Contraque* quatenus Attributum, dicitur disparatum, eatenus idem negatur: quia disparatorum, diversæ sunt differentiæ & attributa<sup>b</sup>.

<sup>a</sup> Arist. Categ. cap. 3. <sup>b</sup> Ibid. & Top. 1. c. 15.

Kkkk 2

XVII. *Ter-*



XVII. Tertiò, quia omne subiectum, verè enuntiationis, ἐστὶν ἰδιότης, est Attributi sui species, aut individuum; sed nullum disparatum, est sui Attributi disparati species, neque individuum, quia ἡ ἀλλοτρίωσις non est, sed heterogeneous: ergo nullum disparatum est subiectum verè enuntiationis, ἐστὶν ἰδιότης.

XVIII. Quamobrem Bellarminus de huiusmodi enuntiationibus loquens, non minus in Logicam impingit, quàm in seipsum, quum ait; *In exemplis allatis* (circumcisio est fœdus &c.) *semper predicatur disparatum, de disparato; ut patet ex illis, boves sunt anni, Semen est verbum, Christus est vitis &c.* In his enim, quum nullo modo fieri possit, ut illa propriè sint vera, cogitur necessario recurrere ad tropum<sup>a</sup>. Et paulò ante. *Tales sunt etiam illa Matth. 13. Semen est verbum Dei: & Gen. 41. Septem boves, septem anni sunt. Atque in hoc genere propositionum accipiuntur semper predicata tropicè, non propriè.* Quæ dicta minimè inter se consentiunt.

<sup>a</sup> De Euchar. lib. 1. cap. 11.

XIX. Nam nulla affirmatio, disparati, de disparato, est vera: omnes autem hæc divinæ enuntiationes, sunt veræ: ergo nulla earum, est disparati de disparato. Si enim ex Dei auctoris sententia, tropicè accipiuntur (ut fieri debere rectè agnoscit Jesuita) ὁμοῦ καὶ ἀλλοτρίως sunt ac consentanea, non heterogeneous ac disparata: sin verò propriè, veræ Dei enuntiationes, in falsas pervertuntur.

XX. Qua de re postea differens Bellarminus, veritate cogente, in viam redit, & sibi contradicens, rectè ait; *Non hic opus habemus Aristotele cum sensus communis sufficiat. Nam si liceat disparata, de disparatis, licebit eodem jure, affirmare, de nihilo, aliquid; de aliquo, nihil: de luce, tenebras; de tenebris, lucem: de Christo, Belial; de Belial, Christum. Neque fides nostra, nos obligat, ut defendamus, qua contradictionem implicant<sup>a</sup>.*

<sup>a</sup> De Euchar. lib. 3. c. 19.

XXI. Denique oratio, quæ notat hunc panem Cœnæ, esse signum corporis Christi, non est affirmatio disparati de disparato: quia est attributio generalis signi corporis Christi, de congenere subiecto singulari. Atqui enuntiatio, *Panis est corpus*, est oratio, quæ notat hunc panem Cœnæ, esse signum corporis Christi: ergo enuntiatio, *Panis est corpus meum*, non est affirmatio disparati, de disparato. Quare ex hisce liquet, tropum non esse in tota oratione.

XXII. Idcirco alii, in copula, *est*, posita pro significat, tropum consistere arbitrantur. Verum hic modus quoque nec Rhetoricis neque Logicis Principiis, neque confessæ, metonymiæ sacramentalis, hypothefi, videtur congruere.

XXIII. Nam primò, ubi non ponitur subiectum signatum, pro adjuncto signo, nec contra, ibi non est metonymia illa sacramentalis: atqui ubi, *est*, usurpatur pro significat, non ponitur subiectum signatum, pro adjuncto signo, nec contra: ergo non est metonymia illa sacramentalis.

XXIV. Deinde nullum, *est*, τὸ ἐν τῷ ὁμοῦ καὶ ἀλλοτρίως<sup>a</sup>, seu ὁμοῦ καὶ ἀλλοτρίως<sup>a</sup> tertio loco adjectum, potest esse sedes tropi: atqui, *est*, in hisce enuntiationibus, *Hoc est corpus meum* &c. est tertio loco (inter subiectum scilicet & attributum) adjectum: ergo non potest esse sedes tropi. Assumptio liquet: Propositionis verò ita demonstratur.

<sup>a</sup> Aristot. de Interpret. cap. 10.

XXV. Quod præter temporis circumstantiam, & terminorum connexionem, sive affirmationem attributi, de subiecto, nullam rem significat, illud non potest esse sedes tropi, atqui, *est*, tertio loco adjectum, præter temporis circumstantiam & terminorum connexionem (unde, *verbalis copula*, dici solet) nullam rem significat. Ergo, *est*, tertio loco adjectum, non est sedes tropi. Propositionem, allata è Quintiliano, tropi definitio<sup>a</sup>, confirmat: Assumptionem Aristoteles docet, & simplicitas illius copulæ demonstrat: quia omnia verba, in illam, & in rem aliquam (ex quibus duobus significatio eorum conflata est) resolvuntur. Exempli gratia, vivit, significat: in illo enim complexum; est vivens: in hoc verò; est significans.

<sup>a</sup> Vide Thef. 13.

XXVI. Quamobrem primùm necessariò consequitur, quum in hisce tropicis enuntiationibus, nec in subiectis (pane

& vino) nec in tota attributione, nec in Copula, *est*, sit tropus: reliquum esse, ut optimè in attributo statuatur. Deinde in omnibus directis ac veris attributis, quæ, si absque tropo affirmarentur, forent disparata, est tropus: atqui *corpus, sanguis Christi, Novum Testamentum*, sunt hic directæ ac vera attributa, quæ, si absque tropo affirmarentur, forent disparata (ut ante demonstratum, & res ipsa evincit) ergo in iis attributis est tropus.

XXVII. Is autem, est metonymia quædam, in divina Sacramentorum explicatione tritissima<sup>a</sup>: qua, nomen rei significatæ, pro signo illius, ponitur<sup>b</sup>. Quod bifariam in huiusmodi, enuntiationibus, fieri solet. Quippe nomen rei significatæ, pro signo illius, usurpatur: & quidem 1. vel particulari, si nomen illud subiectum: 2. vel universali, si sit attributum, quod de particulari suo, directè affirmetur.

<sup>a</sup> Vide anteced. Disp. de Sacram. Thef. 47. & de Cœna Dom. Thef. 39. &c. <sup>b</sup> Hugo Cardinal. in 1. Cor. 11.

XXVIII. Exemplum prioris est; *Pascha erat manducandum<sup>a</sup>*: Pascha enim, id est, transitus, non significatione generali, signum transitus notat hoc loco; sed particulare illius signum, nempe agnum Paschalem<sup>b</sup>: ut attributum etiam demonstrat. *Posterioris* contra; *Vitima est Pascha<sup>c</sup>* (transitus) hoc est, non agnus Paschalis (quia is subiecto designatur) sed generali significatione, transitus signum<sup>d</sup>: quod de agni vitima, ut signo particulari prædicatur. Ac propterea ut rectè tropum hic agnoscit Jesuita; sic, inepta omnino tautologia, agnum interpretatur<sup>e</sup>. Similiter *Petra erat Christus<sup>f</sup>*: id est, signum Christi<sup>g</sup>. Denique conjunctum utriusque exemplum illustre extat Gen. 17. 13. *Fœdus meum est in carne vestra, in fœdus perpetuum.* Hic enim fœdus, in subiecto, signum particulare, nempe Circumcisionem; in attributo verò, signum fœderis<sup>h</sup> generatim notat.

<sup>a</sup> Luc. 22. 7. <sup>b</sup> Biel. in Canon. Missæ lect. 34. <sup>c</sup> Exod. 12. 27. <sup>d</sup> Hier. ab O. lealtro: Lipoman. & Ytella in Exod. 12. <sup>e</sup> Maldonat. in Matth. 26. <sup>f</sup> 1. Cor. 10. 4. <sup>g</sup> Thom. Aq. Lyra & Glossa interlin. in 1. Cor. 10. <sup>h</sup> Gen. 17. 11. & ibidem Ludovicus Ytella.

XXIX. Ad priorem quidem modum pertinet, quod apud Patres, tropicè loquentes, corpus Christi (id est, panis Cœnæ) tangi, frangi, in terram cadere: & sanguis Christi (id est vinum Cœnæ, signum illius) *ora rubefacere*; dicitur<sup>a</sup>. Sic etiam Jesuita ait; *Sacramentalis locutio esset, si aqua diceretur regeneratio: si panis, corpus Christi: si corpus Christi, frangi & dentibus teri: quemadmodum D. Chrysostomus locutus est. Hac non possunt nisi Sacramento tenus intelligi: quia non corpus propriè frangitur, sed Sacramentum<sup>b</sup>.*

<sup>a</sup> Chrysost. Homil. 60. ad pop. Antioch. &c. Gratian. causa 1. qu. 1. interrog. 80. &c. <sup>b</sup> Maldonat. Matth. 26.

XXX. Ad posteriorem verò modum spectat, quum, de pane monstrato, dicitur, *est corpus meum*: id est, Sacramentum, vel signum, corporis mei: ut præfati Patres, Scripturæ ductum secuti, disertè exponunt<sup>a</sup>, & Pontificium decretum<sup>b</sup>, ejusq; Glossa<sup>c</sup>, confirmant. Ac propterea, vanum omnino est, quod Jesuita<sup>d</sup>, signum corporis Christi, generatim, à nostris hic intellectum, cum pane Cœnæ, qui signum est particulare, ineptè confundit.

<sup>a</sup> Vide Disp. 18. de Cœna D. thef. 41. & 42. <sup>b</sup> Ibid. thef. 42. <sup>c</sup> 1b. thef. 43. <sup>d</sup> Stapleton. antidot. in Matth. 26.

XXXI. Quare in hisce præmissis Christi enuntiationibus, tropum esse, & quidem in attributis, satis est demonstratum. Veruntamen, ut res ipsa amplius illustretur, tenebras Pontificiorum, cum hac luce, conferemus, ac falsam eorum Sententiam, confutabimus.

XXXII. Consensunt quidem plurimùm, in vocum proprietate, & communi significatione, tribus hisce hypothefibus. 1. Enuntiationes illas propriè, & ut sonant, accipi oportere<sup>a</sup>: quia materia de qua agitur, est pactum, Sacramentum, lex & dogma: qua omnia requirunt propriam, non figuratam, locutionem<sup>b</sup>. 2. Præsentiam totius & corporis, & sanguinis, Christi, sub speciebus, panis & vini, & qualibet eorum parte<sup>c</sup>. 3. Modum præsentia, conversionem panis & vini, in corpus & sanguinem Domini iisdem significari<sup>d</sup>. Quamvis olim inter Pontificios nonnulli<sup>e</sup>, qualis Rupertus Abbas<sup>f</sup>, conversionem negarint.

<sup>a</sup> Cajetan. in 3. Thom. qu. 75. art. 1. Staplet. & Mald. in Matth. 26. <sup>b</sup> Bellarm. de Euchar. lib. 1. cap. 8. & 9. <sup>c</sup> Concil. Trid. sess. 13. & Cano. 3. <sup>d</sup> Ibidem & Bell. de Euchar. l. 1. c. 11. <sup>e</sup> Vide Rich. de med. villa in 4. sent. dist. 11. qu. 1. <sup>f</sup> Bellarm. de Euchar. lib. 1. cap. 11.

XXXIII. Dis-

XXXIII. *Dissentiant* verò, stupenda varietate ac repugnantia, in *explicandi modo*: quo & Sacris literis, & hisce hypothesebus, & sibi mutuo, & sibi ipsis, scèdè contradicunt. Cujus labyrinthi inextricabilis, non universum Chaos, sed breve tantum specimen, ex scriptis ipsorum depromptum, edituri sumus. Ac primum, in *subjecti, copula, & attributi* verborum Christi, expositione: ut quàm egregiè suas hypotheses tueantur, perspicuè appareat.

XXXIV. Ac de *subjecto* quidem, *primò* censent Jesuitæ, Maldonatus, Stapletonus, *Hoc*, in priori membro, monstrare corpus Christi: in altero, sanguinem. *Quamvis enim corpus nondum illic esset, tamen quia statim futurum erat, illud, eo pronomine, demonstratur*: ait Maldonatus<sup>a</sup>. *Hoc est* (inquit Stapletonus) *corpus meum*. Pronomen *Hoc*, nihil aliud significare potest; quàm, quod *predicatum enuntiat*<sup>b</sup>. Item; *Totam Ecclesiam Latinorum hætenus semper ita intellexisse, quia ex certa fide credebant, non aliud, hujus Propositionis esse subjectum, quàm id, quod enuntiat predicatum, videlicet sanguinem Christi*. Cui expositioni, ipsemet ante repugnat, inquiens; *Dicit Christus, de porrecto calice, id est, de vino, non solum, hic est sanguis meus &c.* & falsitas illius, sequentibus contrariis judiciis, & assertionibus, convincitur apertè: quemadmodum vanitas testimonii (quo, illam expositionem, toti Latinorum Ecclesiæ, affingit) à Scholasticis ante citatis, ipsoque Maldonato<sup>c</sup>, aliisque refellitur.

<sup>a</sup> In Matth. 26. & Robertus Holcot. in 4. sent. qu. 3. <sup>b</sup> Antidot. in Matth. 26. <sup>c</sup> in Matth. 26.

XXXV. Contrà, enim ex Latinis, S. Bonaventura Cardinalis; *Hoc* (inquit) *demonstrat panis substantiam, sub accidentibus, quæ oculis conspici possunt: & tangitur illud, quod convertitur, per subjectum: sicut illud contra, in quod, per predicatum*<sup>a</sup>.

<sup>a</sup> In 4. sent. dist. 8. qu. 1.

XXXVI. Utramque verò *tertiò*, cum illorum Jesuitarum, tum S. Cardinalis sententiam, non solum S. Thomas Aquinas<sup>a</sup> (Jesuitarum patriarcha) sed etiam Jesuita Cardinalis Bellarminus, falsi arguit. *Hoc* (inquit) *non demonstrat panem, nec corpus Christi*<sup>b</sup>. Ac contra idem sibi repugnans dicit. 1. *Restat igitur, ut veras Catholicorum sententia, qui illud, Hoc, demonstrare volunt, non panem, sed rem contentam sub speciebus panis: quæ etsi antea fuerat panis, tamen tunc jam erat Christi corpus*<sup>c</sup>. Postea rursus hæc subvertens ait; *Licet fuerit panis ante consecrationem, tamen vi illorum verborum, incipit esse corpus Domini*<sup>d</sup>. Item; *Licet vinum fuerit ante consecrationem; tamen finitis verbis consecrationis, non vinum, sed sanguis erat*<sup>e</sup>. Item; *Quando dicitur, Hoc, tunc non est presens, substantia corporis Christi*<sup>f</sup>. Et alibi, *De pane dixit, Hoc est corpus meum*<sup>g</sup>.

<sup>a</sup> Sum. par. 3. qu. 78. ar. 5. <sup>b</sup> De Euch. l. 1. ca. 1. 1. & Paulus Soncinas in epit. Capreol. in 4. sent. d. 8. & 9. conclus. 4. <sup>c</sup> De Euch. l. 1. cap. 10. <sup>d</sup> Ib. c. 11. <sup>e</sup> Ibidem. <sup>f</sup> Ibidem. <sup>g</sup> De Euch. lib. 3. cap. 19.

XXXVII. Paulo tamen post, sibi contradicens ait; *De pane mutato verissimè dixit; Hoc est corpus meum, id est, quod sub specie panis continetur, non est amplius panis, sed corpus: & hoc dicunt Catholici*<sup>a</sup>. Denique Protei instar, in aliam se vertens formam, *Hoc est corpus meum exponit, sub his speciebus est corpus meum*<sup>b</sup>. Qualis lubrica inconstantia, in Guitmundo<sup>c</sup>, quem imitatur ac commendat Bellarminus<sup>d</sup>, etiam reperitur.

<sup>a</sup> Ibidem & lib. 1. c. 8. <sup>b</sup> De Euch. lib. 15. cap. 11. <sup>c</sup> De Sacram. lib. 2. <sup>d</sup> De Euch. lib. 1. c. 11.

XXXVIII. *Quartò* alius porro, frontibus adversis, secum pugnantia ponens Jesuita, primam & secundam sententiam, vaga significatione ac gemina, constans (adeoque ex uno subjecto, geminum & successivum, in una simplici enuntiatione, indoctè fingens) *Hoc*, interpretatur, *substantiam contentam sub accidentibus panis & vini: quæ quidem principio illius enuntiationis, verè fuit panis & vinum; sed in fine, verè corpus ac sanguis Christi*<sup>a</sup>. Quod (ut omnino videtur) ex Thoma (præsertim in 1. Cor. 11.) mutuatus: ita egregiè à Francisco de Mayronis, in 4. sent. d. 9. qu. 3. impugnatur.

<sup>a</sup> Gregor. de Valent. De Euch. l. 1. c. 9. & 3. c. 5. & Exam. inst. lib. 2. c. 1.

XXXIX. *Quintò*, hisce omnibus adversis nonnulli vocem, *Hoc*, nihil demonstrare, censent: ut Innocentius Papa<sup>a</sup>, &

Josephus Angles<sup>b</sup>. Cujus sententiæ vanitatem oppugnat, non solum Thomas Aqu. in 4. sent. dist. 8. sed etiam Biel, in Canon. Missæ, lect. 48. & Bellarminus, de Euch. lib. 1. cap. 11. imò idem, qui eam propugnat. 1. Angles subjecta interpretatione sua, evertit, quum affirmat, sensum esse; *Hoc ens: vel; Hoc individuum factum ex pane, est corpus meum*<sup>c</sup>. Atque hæc, inter cætera, de *subjecto, Hoc*, disceptantur.

<sup>a</sup> De sacro altaris lib. 4. c. 17. <sup>b</sup> In 4. sent. qu. 1. c. 10. Concil. 3. De Euch. <sup>c</sup> Ibidem Concil. 3. & 5.

XL. Deinde ad *Copulam*, est, quod attinet, eam *primò* Bonaventura, *conversionem dicere*<sup>a</sup>, asserit, Ideoque Josephus Angles, illius opinionem esse ait, *Est, verbo, Fit, æquivalere*; ut sit sensus; Panis, fit corpus meum<sup>b</sup>. Contra, ut hac sententiam referunt, sic etiam refellunt, Alexander Ales<sup>c</sup>, & Gabriel Biel<sup>d</sup>.

<sup>a</sup> In 4. sent. dist. 8. qu. 1. <sup>b</sup> In 4. sent. de Euch. qu. 1. ar. 10. <sup>c</sup> Sum. par. 4. qu. 33. ar. 2. <sup>d</sup> In Can. Missæ, lect. 48.

XLI. Denique *attributum* primæ enuntiationis 1. plerique contendunt esse corpus meum, propriè acceptum: & sibi tamen repugnantes, impropriè atque insolentissimè Sacris literis synecdoche, de sola corporis substantia, exponunt. Contra verò, 2. ex sententia Bonaventuræ, *non est, corpus meum*, sed ens, quod convertitur; in corpus meum: ut recenset ac confutat Biel<sup>a</sup>. Ac similis *attributi secundi*, nempe sanguinis, est ratio.

<sup>a</sup> Ibidem.

XLII. *Tertium* quoque, *Novum Testamentum*, Jesuitarum antesignani, contrariè exponunt. Nam *primò* Bellarminus<sup>a</sup>, Stapletonus<sup>b</sup>, Maldonatus<sup>c</sup>, propriè accipi, contendunt. Deinde verò contra, c. societate eadem, Gregorius de Valentia<sup>d</sup>, tropum esse agnoscit; *Hic calix* (inquit) *est Novum testamentum in sanguine meo, oportet prorsus calicem ibi accipi, pro re contenta, quæ est Christi sanguis; & consequenter de hoc sanguine Testamentum, seu promissionem, non nisi figuratè predicari: quatenus promissionem videlicet & Testamentum confirmat: ut explicat ille dicendi modus Matthæi & Marci, in casu nominis obliquo, sanguis Novi Testamenti*. Sic etiam Thomas Aqu. in 1. Cor. 11. & Cajetanus in Luc. 22. Hæc de *primo*, contradictionis Pontificiæ, genere.

<sup>a</sup> De Euch. l. 1. cap. 11. <sup>b</sup> Antidot. in Matth. 26. <sup>c</sup> In Matth. 26. <sup>d</sup> De Euch. lib. 1. c. 9.

XLIII. Altera inter eos concertatio est, de *conversionis panis*, in corpus, & *vini*, in sanguinem Christi, *significatione*. *Primum* enim quidam statuunt, hisce verbis, *Hoc est corpus meum &c.* conversionem ante factam, significari tantum: ut Innocentius Papa<sup>a</sup>: & Bellarminus; *De pane* (inquit) *mutato, verissimè dixit. Hoc est*<sup>b</sup> &c. idemque docet Franciscus de Mayronis in 4. sent. dist. 9. qu. 3. Contra verò id oppugnat, ab Alberto Magno, in Mar. 14. & à Thoma Aquin. in 1. Cor. 11. atque à Thoma ab Argentina, in 4. sent. dist. 8. qu. 1. ar. 2.

<sup>a</sup> De sacro alt. lib. 4. c. 6. Vide Alex. Ales sum. par. 4. qu. 33. ar. 2. <sup>b</sup> De Euch. l. 1. c. 19. & lib. 1. c. 11.

XLIV. Deinde plerique conversionem, hisce verbis finitis, demum significari, & simul effici, docent: quòd ut de verbis hisce Henricus à Gandavo ait, *non tantum sunt significativa, sed etiam effectiva*<sup>a</sup>: & ut Lyra in 1. Cor. 11. ait; *Conversio fit subito, in fine prolationis verborum, quod tunc habent sensum perfectum, & effectum*. Idemque, sibi repugnans Bellarminus, etiam asserit<sup>b</sup>.

<sup>a</sup> Quod lib. 9. qu. 10. & Thom. Aqu. 1. Cor. 11. & Richar. de med. villa in 4. sent. d. 8. ar. 3. qu. 1. <sup>b</sup> De Euch. lib. 1. c. 11.

XLV. *Tertio* nonnulli dubitatione fluctuant: ut Guilielmus Altifidoriensis, (Summæ lib. 4. tract. 5. cap. 2.) inter cæteros. Verum & hi rursus, instar fratrum Cadmæorum, inter se digladiantur. Nam I. Durandus hanc *conversionem* fieri tradit, *non materia, sed forma mutatione*<sup>a</sup>. Idcirco Josephus Angles, ei ut crimen exprobrat, quòd omnino negat *transsubstantiationem*<sup>b</sup>. Sed contra Petrus de Aliaco Cardinalis, ait; *Ille modus est possibilis, nec repugnat rationi, nec auctoritati Biblicæ, imò est facilius ad intelligendum, & rationalior, quàm aliquis aliorum*<sup>c</sup>.

<sup>a</sup> In 4. sent. d. 11. qu. 1. & 3. <sup>b</sup> In 4. sent. de Euch. qu. 5. ar. 1. <sup>c</sup> In 4. sent. qu. 5. ar. 1.

XLVI. Alii contra, *etiam materia mutationem*, agnoscunt; sed ita ut *aliquid panis maneat*: ut Cajetanus Cardinalis<sup>a</sup>. Quod refutans Josephus Angles ait inde *sequi, conversionem*

nem istam, in corpus Christi, non esse Transsubstantiationem<sup>b</sup>.

<sup>a</sup> In Thom. par. 3. qu. 74. ar. 4. <sup>b</sup> In 4. sent. de Euchar. qu. 5. ar. 1.

XLVII. Quidam 3. modum conversionis se ignorare, profitentur: ut Glossa ordinaria in 1. Cor. 11. & Pontificiorum magister, Petrus Lombardus, 4. sent. dist. 11.

XLVIII. Reliqui 4. (ut hac camarina nos tandem expdiamus) conversionis modum definiunt, esse substantialem, nihilque substantia panis superesse; sed conversionem fieri totius substantia panis, in substantiam corporis Christi: & totius substantia vini, in substantiam sanguinis ejus<sup>a</sup>. Ideoque, Transsubstantiationis vocem<sup>b</sup>, confinxerunt.

<sup>a</sup> Concil. Trid. sess. 13. cap. 4. Catechis. Concil. Trid. de Euchar. <sup>b</sup> Ibidem.

XLIX. Quod Christi corpus 1. Concilium Romanum, cum Nicolao Papa, sensualiter, non solum sacramentum, sed in veritate, manibus sacerdotum tractari, frangi, fidelium dentibus atteri<sup>a</sup>, asseruit. 2. Guilmundus<sup>b</sup> (quem Bellarminus<sup>c</sup>, huic concilio cum Lanfranco, interfuisse putat) hanc sententiam excusans; de illius tamen certitudine dubitavit.

<sup>a</sup> Lanfran. adversus Berengar. pag. 3. Decret. Gratiani de consecrat. dist. 2. Ego Berengar. <sup>b</sup> De Sacram. l. 1. p. 34. & 41. <sup>c</sup> De Euchar. ar. 1. c. 11. & 3. c. 21.

L. Contra 3. Innocentius Papa<sup>a</sup>, illi concilio & Papæ repugnans, disertè rejicit: & Glossa Decreti (de Consecrat. dist. 2. Ego Berengarius) audentior ait; Nisi sanè intelligas verba Berengarii, in majorem incidis haresin, quam ipse habuit, & ideo omnia referas, ad species ipsas. Non de Christi corpore, partes non facimus. Sic etiam propriè loquendo, hæc verba, non debere concedi docet Robertus Holcor<sup>b</sup>, quum tamen propriè, à Concilio, accipiantur, ut antithesis illa, Non solum Sacramentum, sed in veritate, perspicuè demonstrat. Hæc de specimine, Labyrinthi errorum Papalium: quos paucis, ab ipsorum hypothesebus exorsi, diluimus.

<sup>a</sup> De sacro alt. lib. 4. cap. 10. <sup>b</sup> In 4. sent. qu. 3. ad 4.

LI. Primum enim, non possunthi, Sacris literis demonstrari: ut, clarissimi Pontificii Doctores, confitentur. 1. Cardinalis Cajetanus; Non apparet (inquit) ex Evangelio coactivum aliquod, ad intelligendum, hæc verba, propriè item; Alterum, quod Evangelium non explicavit expressè, ab Ecclesia accepimus, scilicet conversionem panis, in corpus Christi<sup>a</sup>. 2. Ante hunc, celebris auctor, Thomas ab Argentina, ait; jam dictam igitur conversionem, teneo: non propter rationem aliquam cogentem; sed propter sanctorum auctoritatem, & sacra matris Ecclesia definitionem<sup>b</sup>. Quem secutus postea Cardinalis Cameracensis, de transsubstantiatione, liberius ait; Quod ita esse non sequatur evidenter ex Scriptura, nec etiam, videre meo, ex determinatione Ecclesia<sup>c</sup>. Et ibidem; Hæc opinio (scilicet, substantiam panis, non definire esse simpliciter) non posset reprobari, nec per evidentem rationem, nec per auctoritatem Scriptura cogentem.

<sup>a</sup> In 3. Thomæ qu. 75. ar. 3. <sup>b</sup> In 4. sent. dist. 11. ar. 2. <sup>c</sup> Petrus de Alliaco card. Cam. in 4. sent. qu. 6. ar. 2.

LII. Nam, quæ ab adversariis adferuntur, ea non sunt firma argumenta; sed totidem Grammatici errores. Siquidem quod primo, ad proprietatem, attributi corporis, asserendam, ex proximis verbis, pro vobis datum, vel, quod pro vobis datur, vulgò obtendunt<sup>a</sup>, corpus non posse accipi, pro signo corporis, quod alioqui signum pro nobis diceretur datum: id mera halucinatio est.

<sup>a</sup> Bellar. de Euchar. lib. 1. c. 10. Maldonat. & Staplet. in Mat. 26.

LIII. Constructio enim est, Hoc est signum corporis mei, pro vobis dati: vel (quod eodem redit) Hoc est signum corporis mei, quod scilicet corpus (non autem signum corporis) pro vobis datur. Ut rectè ac multis comprobatur etiam Cajetanus<sup>a</sup>.

<sup>a</sup> In 3. Thom. qu. 75. ar. 1.

LIV. Qualis syntaxis trita est vulgò, & à Deo, in Sacramentis, usitata: ut; Victimæ, est Pesach Jehova, qui transivit<sup>a</sup>: ubi, relativum, Qui, refertur non ad casum rectum Pesach, sed ad obliquum, Jehova: quamvis Hebraicè, genere infinito, cum utroque conveniat. Ac sensus est, victima est signum pesach, hoc est transitus, Jehovæ, qui, nempe Jehova, transivit. Quare hoc commune Pontificiorum, post Innocentium Papam<sup>b</sup>, argumentum, inane est atque indoctum. Ideoque mirandum est, viris doctis ita potuisse arridere, ut corpus, propriè accipi debere, idcirco judicarent.

<sup>a</sup> Exod. 12. 27. <sup>b</sup> De sacro alt. l. 4. c. 7.

LV. Deinde quod Jesuitæ<sup>a</sup>, Hoc poculum, non vinum, sed sanguinem, demonstrare, contendunt, ex adjunctis verbis, quasi nō vobis vobis exxvōdpor<sup>b</sup>, cum sola voce poculi, construi possit: illud non pauci, per metonymiam solvunt; quod vinum, sit Sacramentum ejus, quod pro nobis effusum: verum tropi subsidio, hac in re, non est opus.

<sup>a</sup> Bellarmiu. de Euchar. lib. 1. cap. 10. Maldonat. & Staplet. in Matth. 26. <sup>b</sup> Luc. 22. 20.

LVI. Quia hic secundus est error grammaticus, quem vulgata & authentica ipsorum versio, Jesuitas poterat dedocere: quia pro articulo, relativum Qui, ponit: ut nō sit, pro dō non ex aliquo Hebraismo, sed ex usu Græcorum non insolenti. Ut Homerus τὸ οἰ κῆρ<sup>a</sup>, pro dō teste Didymo<sup>b</sup>: & Lucianus (ut alii) τὸ μῆνεν<sup>c</sup> pro dō denique Apostolus una periodo nō pro q̄ quater utitur, imò ipsemet τὸ vobis vobis quod pro vobis, in cœna exponunt<sup>d</sup>. Quare hoc non est argumentum, ex Scriptura, robustissimum; ut Bellarminus gloriatur<sup>e</sup>: sed planè vitreum, ac fragile, ex syntaxeos ignorantia conflatum.

<sup>a</sup> Iliad. 1. ver. 72. <sup>b</sup> Ibidem. <sup>c</sup> Dialogo deorum 1. <sup>d</sup> Rom. 13. 7. <sup>e</sup> De Euchar. lib. 1. cap. 10.

LVII. Præterea, quod alius Jesuita<sup>a</sup>, voces illas, ad corpus & sanguinem, pertinentes, nempe frangitur & effunditur, urget, quasi non nisi de præsentī actione, in Eucharistia, possent intelligi: quia & tempus est præsens, & fractio corporis, crucifixioni Joh. 19. 36. repugnet: illud omnino est ineptum.

<sup>a</sup> Maldonat. in Matth. 26.

LVIII. Nam primo, præsens, pro paulò post futuro, rectè usurpari solet: ut 2. Tim. 4. 6. Ego jam labor & tempus resolutionis meæ jam instat: & Joh. 10. 15. Pono animam meam: & in conclusione Cœnæ Matth. 26. 29. nūc & nūc bibo pro bibam, geminatur.

LIX. Sic hoc loco, effunditur, pro effundetur: ut authentica Pontificiorum versio, Canon Missæ, & Catechismus Concilii Tridentini, à Papa confirmati, de Eucharistia, tradiderunt. Idque, cum doctissimis adversariis, exponi posset, etiam Bellarminus<sup>a</sup> agnoscit: imò debere, asserit Cardinalis Cajetanus<sup>b</sup>. Ideoque tertius hic est error grammaticus.

<sup>a</sup> De Euchar. lib. 1. cap. 10. <sup>b</sup> In 1. Cor. 11.

LX. Quem secundo, res ipsa quoque, diluit: quia nec corpus Christi fractum, nec sanguis effusus, in mensa; sed in cruce tantum. In qua rectè (illæsis ossibus Joh. 19. 36.) corpus clavis, & lancea, fractum dici potest, propter confractionem cutis & nervorum ac venarum: ut etiam Bellarminus<sup>a</sup> attestatur: & verissimè dici, antea docuit Cardinalis Cajetanus<sup>b</sup>.

<sup>a</sup> De missa lib. 1. c. 12. <sup>b</sup> In 1. Cor. 11.

LXI. Quod denique ex 1. Cor. 11. 27. panem indigne edentes, fieri corporis reos objiciunt, illud eos lædit, non juvat. Nam panem dicuntur edere, non autem corpus: corporis verò dicuntur rei, quia illius Sacramento abutuntur: sicut Genes. 17. rei erant violati foederis, qui, signum illius, contempserant. Ac propterea, ex his omnibus apparet Pontificiorum, in Christi verbis explicandis, hypothese, sacris literis minimè comprobari: ideoque fidem nullam mereri.

LXII. Nec mirum, quoniam à suis etiam expositionibus (quibus deberent stabiliiri) convelluntur: ut, vel ex Bellarmino, liquere potest. Primum enim apertè cum aliis, fatetur, tropum esse in voce, poculi<sup>a</sup>: ergo falsi arguit hypothese primam, & rationem illius universam, quam à Petro Martyre nondum confutatam, ineptè jactat<sup>b</sup>.

<sup>a</sup> De Euchar. l. 1. cap. 11. Thom. Aqu. in 1. Cor. 11. Stapleton. in Matth. 26. <sup>b</sup> De Euchar. lib. 1. c. 9.

LXIII. Deinde qui in verbis Cœnæ, Hoc, exponit, Quod continetur sub hisce speciebus, ille reipsa negat propriè accipi, ac tropum statuit. Bellarminus autem sic exponit<sup>a</sup>; ergo reipsa negat propriè accipi, ac tropum statuit. Propositio firma est, quia sic duplex fingitur tropus: prior est synecdoche, quum, Hoc (quod demonstrat substantiam cum accidentibus) ad accidentia propriè pertinere statuitur<sup>b</sup>. Posterior, est metonymia continentis pro contento. Quibus adde, duos alios in vocibus, corporis & testamenti, tropos, thesi 41. & 42. demonstratos.

<sup>a</sup> Ibid. l. 1. c. 8. & 10. & 11. <sup>b</sup> Ibid. c. 11.

LXIV. Tertio, qui, Hoc est corpus meum, ait significare, sub

sub hisce speciebus est corpus meum, ille reipsa negat, verba illa, propriè & ut sonant, accipienda; atqui Bellarminus ait: *Hoc est corpus meum*, id est, sub his speciebus est corpus meum<sup>a</sup>, ergò negat, verba illa, propriè & ut sonant, accipienda, suaque *expositio*, hypothesein subvertit. Propositionis ratio, solida est: Quia hoc modo, pervertitur primò, subjecti, & attributi sedes. Nam; *Corpus meum*, fit subjectum: & *Hoc*, attributum. Deinde sensus, vocis, *Hoc*, falsò & indoctè permutatur, verbis istis, sub hoc, vel, sub hisce speciebus (hoc est accidentibus) quæ, toto categoriæ genere, differunt.

<sup>a</sup> De Euchar. lib. 1. c. 11.

LXV. Omitto, quod Maldonatus vocem, *Frangitur*, tropicè (sed falso etiam) in Matth. 26. exponit: aliique aliter, à proprietate vocum deflectunt; suæque hypothesei repugnant: & dum orthodoxis, tropum sacramentalem, obijciunt, ipsimet plures, à sacramentis abhorrentes, tropos confingunt.

LXVI. Reliquas etiam hypotheses suas similiter tollunt. Primò enim, ubi substantiæ panis nulla fit mentio, ibi quoque nulla, conversionis panis, potest esse significatio. Quia contradictoria sunt, de aliquo mentionem fieri, & non fieri: atqui in verbis sacræ cœnæ, *Hoc est corpus meum*, à Bellarmino ita intellectis & expositis, *Quod sub his speciebus continetur, est corpus meum*, vel, *Corpus meum est sub his speciebus*, nulla substantiæ panis fit mentio: ergo ibi nulla potest esse conversionis panis Significatio, multo minus effectio.

LXVII. Secundo, id quod initio orationis præsens monstratur tunc, cum dicitur, *Hoc*, illud non efficitur, nec etiam significatur primùm præsens futurum, reliqua oratione finita: quia præsens esse, & non præsens esse, sed futurum, sunt opposita: atqui corpus Christi (ut etiam, sibi repugnans, exponit Bellarminus<sup>a</sup>) initio orationis tunc præsens monstratur, quum dicitur, *Hoc*: ergo corpus Christi non efficitur, nec significatur; præsens, reliqua oratione finita. Quod est contra Pontificiorum hypotheses.

<sup>a</sup> Vide thes. 37.

LXVIII. Tertiò, quæcunque res, enuntiatione omnino propria, verè significatur esse, ea falsò dicitur, enuntiationis illius effectum: atqui conversio panis, in corpus Christi (ut Pontificii vulgò exponunt) est res, quæ hac enuntiatione omnino propria, *Hoc est corpus meum*, verè significatur esse: ergo conversio panis in corpus Christi, falsò dicitur illius enuntiationis effectum. Propositio firma est: quia ut effectum suam causam, necessario ordine, sequitur; sic contra essentia rei, quum sit subjecta ac significata affirmationis veræ materia, adjunctam sui significationem, necessariò antecedit.

LXIX. Nam, ut verà ac probatà citra controversiam sententià, ait Philosophus; τὸ πρῶτον εἶναι, ἢ μὴ εἶναι, τὸ δεύτερον, εἶναι ἢ μὴ εἶναι, εἶναι ἀπὸ τοῦ πρώτου, eo enim, quod res est, vel non est, oratio vera, vel falsa, esse dicitur<sup>a</sup>, & rectè celestis illius interpres; εἰ ἀληθὲς, ἐν τῇ ἰσχυροῦς τῆς λόγου, αὐτὸς τὰ πρῶτον. Veritas, in orationum, cum rebus convenientia<sup>b</sup>, consistit. Ideoque vanum effugium est quod Bonaventura ait; *Hoc est corpus meum*, esse singularem, inter omnes enuntiationes reliquas, indicativas veritatis; hanc, effectivam<sup>c</sup>.

<sup>a</sup> Aristot. categor. cap. 5. in fine. <sup>b</sup> Ammonius Ibidem. <sup>c</sup> In 4. sent. Dist. 8. qu. 1.

LXX. Quod argumentum, ut prorsus invictum est, ita subtilem illum Scotum, in eas angustias, redegit, ut, quasi scotomate percussus, in clarissima *ἐμφανέως* principia, turpissimè impegit. Qualitercumque (inquit) Logicus salvet, istam propositionem esse veram, saltè non est oratio sacramentalis, ut vera; sed ut tale signum sensibile, præcedens forte tempore, & ad minus naturaliter, suam veritatem. Item: Si quæras tunc, qualis? aut ut vera, aut ut falsa, est propositio conversiva? Dico quod neque sic, neque sic; sed tantum, ut est propositio neutra, & prior naturaliter, & forte tempore, sua veritate<sup>a</sup>.

<sup>a</sup> In 4. Sent. Disp. 8. qu. 2.

LXXI. In eadem intricatas tenebras incidit Theodoricus à Nihem<sup>a</sup>, & Nicolaus de Orbellis<sup>b</sup>. Ideoque Josephus Angles<sup>c</sup> contra asserit, propositionem, prius natura veram esse, quàm conversivam. Sed eadem manet difficultas.

<sup>a</sup> Resolut. sup. sent. tractat. 6. De Euchar. qu. 1. par. 3. <sup>b</sup> In 4. sent. Dist. 8. qu. 2. <sup>c</sup> In 4. sent. De Euchar. qu. 1. ar. 10. dif. 5.

LXXII. Nec minus miserè Bellarminus, contradictione sua, implicatur, quum ait; *Simul tempore sunt completa, significatio verborum, & conversio panis in corpus Christi: ordine tamen natura, invicem se præcedunt, & sequuntur, hæc duo. Nam verba illa, quatenus causa sunt illius conversionis, præcedunt conversionem: & contra, quatenus veritas propositionis, pendet à rei essentia, conversio præcedit significationem*<sup>a</sup>. Itane verò idem, eadem omnino re, prius, & posterius, simul naturà existet? & verum erit, antequam sit verum? O miseram conversionem, quæ sine sui, per apertam contradictionem, eversione, defendi non potest!

<sup>a</sup> De Euchar. lib. 1. cap. 11.

LXXIII. Atque hunc errorem, quem statuit Bellarminus, vidit olim Scholasticus non ignobilis, Richardus de Media Villa: sed, dum vitare studuit, easdem hypotheses (quas diluimus) similiter sustulit, quum ait; *Sensus orationis est, illud, quod statim erit, sub hac specie, est corpus meum*<sup>a</sup>. Ideoque & Bellarmino vicissim, ista opinio displicuit<sup>b</sup>. Sed hæc sufficiunt, ut, hypotheses illas & dogmata Pontificiorum, propria expositione ipsorum, convelli atque everti, constet.

<sup>a</sup> In 4. sent. Dist. 8. qu. 1. <sup>b</sup> De Euchar. lib. 1. cap. 11.

LXXIV. Superest porro, ut etiam demonstremus, eosdem errores, & 1. *Sacris literis*, & 2. *reclatationi seu invictis natura principis, fœdissimè repugnare*. Et si enim prima (videlicet de verborum cœnæ proprietate) hypothesis, sententiæ orthodoxæ, initio propositæ, assertionem, luculenter refutetur: eaque eversa, reliquæ quoque duæ (nempe de præsentia corporis, & de conversione panis) simul corruant; quia proprietatis fundamento innituntur: pauca tamen, iis refellendis, coronidis loco, argumenta subnectemus.

LXXV. Nam primum ad sacras literas quod attinet, earum veritas, cum in *Cœnæ historia*, tum aliis in locis proposita, multis modis, hypothesis illis oppositis, violatur.

LXXVI. Historia quidem Cœnæ, quia, quum panem in corpus Christi, converti asserunt, simul naturam, signi & signati, tollunt. Signi, quia substantiam panis perire docent, eoque mutuam analogiam (seu similitudinem) ac sacramentum destruunt: Signati; quia, repugnantia corporis Christi attributa, constituunt: ut ex hisce, aliisque antithesibus, evincitur. Quarum singulæ, totidem sunt, adversus Pontificiorum errores, firmissima argumenta.

LXXVII. Nam ex eorum sententia, cum Historia Cœnæ comparata, unum idemque corpus 1. mensæ assedit, extra species panis: & non assedit, sed sub specie panis, contentum fuit. 2. Idem vestibus indutum fuit: & simul non fuit, sed specie tantum panis velatum. 3. Visui & tactui fuit expositum: & simul non fuit. 4. In sinu suo, habuit assidentem Johannem: & simul non habuit; sed unà cum sinu suo ore Johannis fuit exceptum, & in stomachum illius transmissum.

LXXVIII. Præterea 5. corpus Christi accepit panem, sua manu, fregit, deditque Discipulis: & idem simul non accepit panem, nec fregit, nec dedit sua manu: sed, sub specie panis, totum, unà cum suis manibus, contentum fuit sua manu, ac Discipulis datum. 6. Dixit; *Hoc est corpus meum*: idemque non id dixit; sed obmutuit, specie panis contentum. 7. Idem corpus, suo loco, ad mensam manens, non fuit esum ore discipulorum: & simul, suo loco non manens, fuit esum.

LXXIX. Adhæc 8. Corpus Christi esum fuit à Discipulis, & intra stomachum eorum receptum (ut Pontificii contendunt) & tamen contra idem, extra stomachum positum, non esum fuit, sed sub specie vini, per Concomitantiam (ut loquuntur) præsens, rursus oblatum totum, parte sua, nempe manu, & à Discipulis potatum. 9. Eodemque modo sanguis Christi, invenis ipsius, extra ora Discipulorum, mansit, & simul non mansit, sed cum corpore, per Concomitantiam, esus fuit, & intra stomachum receptus. 10. Et rursus non esus, sed à corpore, in cujus tamen venis inclusus manebat, Discipulis (ut volunt) poculo oblatum, & ab iis potatus.

LXXX. Denique 11. Christus cum Apostolis cœnans (ex adversariorum sententia) corporis sui ore, corpus suum integrum, edit: & postquam edit, rursus bibit, sub specie vini: & sanguinem suum, similiter primùm edit, per Concomitantiam, sub specie panis præsentem: deinde postquam

Kkkk 4

ita



ita edit, rursum bibit, simul extra se manens, & sese, intra se, recipiens. Eoque totum simul extra, & non extra: intra se, & non intra se manens.

LXXXI. Quod non est Christi veritatem tueri (*apud quem non est simul, est & non<sup>a</sup>*) sed ridiculum *Amphitruonis Sosiam*, geminum ac Sosiopecten, domi forisque simul existentem<sup>b</sup>, impiè imitari, ac longe superare. Ac propterea, sole meridiano clarius est, *Historia Cœna veritatem*, Pontificiorum expositione indignissimè violari.

<sup>a</sup> 2. Cor. 1. 18. <sup>b</sup> Plaut. Amphit. Act. 2.

LXXXII. Neque ea solùm; sed etiam *fidei analogia* ac *Scriptura reliqua consensio* iisdem erroribus oppugnatur. Ea enim corpus Christi, post ascensionem, non in terris, sed in cœlo esse, ac mansurum, donec veniat ad iudicium, perspicuè ac sæpius attestatur<sup>a</sup>: licet visione quadam, tanquam in specula, sese in tertis interdum patefecerit<sup>b</sup>: & in cœlo existens, è terris visus<sup>c</sup>.

<sup>a</sup> Act. 1. 11. & 3. 21. 2. Cor. 5. 6. Col. 3. 1. 2. <sup>b</sup> Act. 18. 9. & 23. 11. <sup>c</sup> Ibid. 7. 55. & 22. 14. 1. Cor. 15. 8.

LXXXIII. Quam futuram sui absentiam, in Cœnæ institutione, indicavit, quum ait; *Hoc facite, in mei recordationem*<sup>a</sup>: ut Apostolus rectè exponit; *Quotiescumque enim ederitis panem hunc, & poculum hoc biberitis, mortem Domini annuntiabitis, donec veniat*<sup>b</sup>. Ac propterea perspicuum est, Pontificiorum, de Cœnæ verbis, expositionem, Sacra Scripturæ veritati, cum historiarum institutionis Cœnæ, tum analogiæ fidei, ratione diserte repugnare.

<sup>a</sup> Luc. 22. 19. <sup>b</sup> 1. Cor. 11. 26.

LXXXIV. Nec minus denique universa natura, & verissima recta rationis principia, hisce Pontificiorum erroribus destruantur. Primum, dum accidentia panis & vini, sine substantia subsistere, eoque, contra definitionem, accidens, non accidere, asserunt. Deinde, quòd accidentia per se subsistere (quod est substantiam esse) indigna utrimque repugnantia<sup>a</sup>, contendunt.

<sup>a</sup> Arist. Categor. cap. 2. & Top. 7. c. 5. & Metaph. 7. (Græcè 6.) cap. 1.

LXXXV. Tertio corporis Christi naturam evertunt 1. unitatis illius, multiplicatione. 2. continuitatis separatione.

3. dimensionis & formæ ac figuræ confusione. 4. totius & partium adæquatione. 5. contrariorum accidentium attributione.

LXXXVI. Unum enim ideinque corpus, in cœlo & in terris, plurimisque in locis, sub singulis hostiis; earumque singulis minutissimis particulis, & vini guttis, per concomitantiam (ut loquuntur) totum extare: eoque modo membra singula, à seipsis, & totum corpus, à sese, distare tradunt.

LXXXVII. Ac rursus, in singulis, Cœnæ micis, & vini guttis, confundunt; tantumque corpus, sub iis singulis contineri, docent, quantum pendit in cruce: eoque continens minus, æquale esse, majori suo contento: & partes corporis, quæ minores toto, toti tamen corpori, esse pares.

LXXXVIII. Denique, ne singula commemorem, unum ideinque corpus, eodem tempore, quiescit (ut loquuntur) in ciborio: & contra movetur in altari: & quidem (ob multifarum diversarum copiam) unum ideinque movetur contrariis motibus: sursum, & deorsum: simulque retrorsum, & prorsum. Quæ stupenda, in verum corpus, portenta non cadunt.

LXXXIX. Quem duplicem, de accidentibus, & corpore, errorem, doctè rejecit olim Augustinus, quum ait; (1) *Spacia locorum, tolle corporibus; nusquam erunt, & quia nusquam erunt, nec erunt.* (2) *Tolle ipsa corpora, qualitatibus corporum, non erit ubi sint: & ideo necesse est, ut non sint.* Quamobrem ex hisce omnibus abundè liquet, falsam esse Pontificiorum, de verbis Cœnæ, sententiam: & quæ inde dependet, *hostia adorationem*, abominandam esse *idola regnare*.

<sup>a</sup> Epistola ad Dardan.

#### COROLLARIUM.

An rectè olim in epist. ad Concil. Milevitanum (quæ inter Aug. epistolas est 93.) ab Innocentio Papa assertum, Infantes, sine Eucharistiæ usu, non posse vita æterna donari: Ut neque etiam sine Baptismo? *Neg.* & ut communem illius seculi errorem, meritò rejicimus.

### DISPUTATIO XXXVI.

#### DE COENÆ DOMINI DOCTRINA, SACRÆ SCRIPTURÆ, ET ECCLESIAE ROMANÆ, REPUGNANTIA.

**A**lterum Novi Testamenti Sacramentum de Cœna Domini, indignissimè, à Romana Ecclesia, conspurcatum, maxima impietate, violari, ex sequenti hac Doctrinæ, S. Scripturæ, & Papalis synagogæ, in signo & re significata, repugnantia, perspicuè elucebit.

#### THESES I.

**N**am, ut à signo Cœna (quod substantia sua, & accidentente ritu, constat) ordiamur, *Sacra Scriptura*, substantiam illius statuit, verum panem, nutritioni idoneum, ac consuetum<sup>a</sup>: deinde vitis genimen<sup>b</sup>, vinum: ut analogia signi, & rei significatæ, utrimque requirit<sup>c</sup>.

<sup>a</sup> Matth. 26. 26. 1. Cor. 11. 26. <sup>b</sup> Matth. 26. 27. 29. <sup>c</sup> Ioh. 6. 54. 56.

II. Contrà verò, *apostatica Romana Ecclesia*<sup>a</sup>, panis veri ac consueti loco, nummularium atque azymum, salisque expers<sup>b</sup> panis simulacrum, instar nummi, quo Judas Christum prodidit<sup>c</sup>, efformatum, substituit. Quod *Episcopus Durandus*, in Rationali divinorum officiorum (quod, à Pontificiis doctoribus, summopere commendatur) ita confirmat; *Panis autem hic formatur, in modum denarii: quia panis vite, pro denario, traditus est*<sup>d</sup>. Denique vinum, aquæ mixtura, quasi necessaria, in sacerdotum usu, supersticiosè, ex Paparum decretis<sup>e</sup>, adulterat, atque ineptis ratiunculis fucare conatur<sup>f</sup>.

<sup>a</sup> Durandus Rationali lib. 4. c. 41. Num. 9. <sup>b</sup> Ibid. Num. 7. <sup>c</sup> Mat. 26. 15. <sup>d</sup> Lib. 4. c. 41. Num. 8. <sup>e</sup> De consec. Dist. 2. can. in Sacram. <sup>f</sup> Concilium Florentin. de Sacram. Eucharist. Conc. Trid. sess. 22. can. 9. & cap. 7. Innoc. 3. Papa, De sac. altar. myst. l. 2. cap. 57.

III. De accidentibus verò ritibus, *Sacra Scriptura* memorat primum de pane, Christum illo accepto benedixisse<sup>a</sup>, (hoc

est, Deo Patri, *gratias egisse*<sup>b</sup>) fregisse, denique dedisse discipulis, atque ut acciperent, & ederent, præcepisse<sup>c</sup>: non autem Deo, in sacrificium propitiatorium (quod solùm ac semel, in cruce, sanguinis effusione, erat offerendum<sup>d</sup>: sæpius verò fractione panis obsignandum<sup>e</sup>) obtulisse demonstrat.

<sup>a</sup> Matth. 26. 26. <sup>b</sup> Luc. 22. 19. 1. Cor. 11. 24. <sup>c</sup> Mat. 26. 26. <sup>d</sup> Gal. 3. 13. <sup>e</sup> Heb. 9. 14. 22. 25. 26. <sup>f</sup> 1. Cor. 11. 24. & 26.

IV. Contrà verò, *apostatica Romana Ecclesia*, accepto pane suo nummulario, cum benedictionis Christi perversione, supersticiosam crucis signationem (quæ, ut loquuntur, panis benedicatur) adhibet<sup>a</sup>. Nec etiam, in Cœnæ communione, panem frangit: sed integrum (contra rei significatæ analogiam<sup>b</sup>) relinquit. Neque etiam accipiendum communicantibus, porrigit; sed ori eorum indit, ut experientia testatur.

<sup>a</sup> Durand. Ration. l. 4. c. 41. Num. 14. <sup>b</sup> 1. Cor. 11. 24. & 10. 17.

V. Quibus accedit primum impia, nummularii illius panis ante communionem, à sacerdote, in sacrificium expiatorium, oblatio<sup>a</sup>. Unde etiam, *hostiam* (non quod signum hostiæ cum priscis; sed propriè) appellant. Deinde hostiæ illius, in usum infirmorum, supersticiosa consecratio<sup>b</sup>, atque custodia<sup>c</sup>: adeo ut interdum putredo, & vermium aut murium esus, consequatur<sup>d</sup>. Hinc Guido ait; *Sed, quid si, ex illis speciebus corruptis, sint vermes generati; quid debet fieri, ex illis vermi-*

bias?

bus? Dico quod debent comburi, & cineres; intra altare, recondi<sup>c</sup>. Et antea; sed pone, quod mus, vel aliqua alia bestia, sumpserit species consecratas. Quid faciendum est? Dico, quod si posset extrahi ista species, ab illo animali, illud animal debet aperiri, & species illa reverenter in sacrario reponi, & animal comburi, & cineres intra altare recondi.

<sup>a</sup> Bell. tom. 2. de Millà lib. 1. c. 24. <sup>b</sup> Pastorale Roman. de Eucharistia. <sup>c</sup> Concil. Trid. sess. 13. can. 7. <sup>d</sup> Innoc. 3. de alt. lib. 4. c. 11. & 16. <sup>e</sup> Manipulo Curat. de Euchar. cap. 11.

VI. Secundo de vini ritu, Sacra Scriptura tradit, Christum accepto vini poculo, illud discipulis suis tradidisse, ac jussisse, ut ex eo, omnes biberent<sup>a</sup>: eosque omnes bibisse affirmat<sup>b</sup>. Idque similiter, ab Apostolis, Ecclesiæ traditum, & in ea observatum, attestatur<sup>c</sup>. Unde rectè, Gelasius Papa, ita decrevit; Aut integra Sacramenta percipiant: aut ab integris accedant. Quia divisio unius ejusdemque mysterii sine grandi sacrilegio non potest pervenire<sup>d</sup>. Et Soter Papa; Ab omnibus fidelibus ac pœnitentibus percipienda, corporis & sanguinis dominici, Sacramenta, constituit.

<sup>a</sup> Mat. 26. 27. <sup>b</sup> Mar. 14. 23. <sup>c</sup> 1. Cor. 10. 16. & 11. 25, 27. <sup>d</sup> De consecrat. dist. 2. can. conperimus. Ibid. Can. in Cœna.

VII. Contrà verò, apostolica Romana Ecclesia hoc Scripturæ Sacræ, & consentaneum priscorum Paparum decretum, Concilio suo repugnante, hoc modo, diris devovet; Siquis dixerit, ex Dei præcepto, vel necessitate salutis, omnes & singulos Christi fideles utramque speciem, sanctissimi Eucharistia Sacramenti, sumere debere anathema sit<sup>a</sup>.

<sup>a</sup> Concil. Trid. sess. 17. can. 1.

VIII. Adhæc Sacra Scriptura docet, Christum, Cœnam suam (pro Sacramenti illius communione<sup>a</sup>) non uni tantum, sed cœtui discipulorum, instituisse<sup>b</sup>: idemque Apostolos tradidisse<sup>c</sup>, & ab Apostolica Ecclesia observatum<sup>d</sup>: declarat.

<sup>a</sup> 1. Cor. 10. 17. <sup>b</sup> Matth. 26. 26. <sup>c</sup> 1. Cor. 11. 23, 24, 25, 33. <sup>d</sup> Aq. 2. 4.

IX. Contra verò apostolica Romana Ecclesia, violata hujus Sacramenti communione, ejus loco, privatas sæpius Missas, eodem in templo; & tempore, concelebrat: in quibus, unus auditor, nempe minister (quasi totius populi, vicem sustineret) sit satis<sup>b</sup>: Sin verò, populi adsit frequentia, panem etiam, in tres partes fractum<sup>c</sup>, solus<sup>d</sup> (reliquis non communicantibus, sed tantum spectantibus) contra antiquos Paparum canones<sup>e</sup>, absomit. Adeo ut revera, non synaxis, seu congregatio, ac communio; sed segregatio atque excommunicatio, dici mereatur.

<sup>a</sup> Conc. Trid. sess. 12. cap. 6. <sup>b</sup> Thom. Aq. part. 3. qu. 83. ar. 5. <sup>c</sup> Guido Man. Curat. de Euchar. cap. 10. Durand. Rational. lib. 4. c. 51. Num. 1. & 4. <sup>d</sup> Conc. Trid. sess. 12. can. 8. <sup>e</sup> De consecrat. dist. 1. can. omnes.

X. Præterea Sacra Scriptura docet, panem Cœnæ, manere panem, atque edi: ut nutritioni sit idoneus, & verum, nutritionis spiritualis, eo significat, symbolum ac Sacramentum. Idque Apostolum, frequenter inculcasse, declarat, his verbis; Omnes, unius panis, sumus participes<sup>a</sup>. Quotiescunque ederitis, hunc panem<sup>b</sup>. Qui ederit, panem hunc<sup>c</sup>. Et sic, ex hoc pane edat<sup>d</sup>.

<sup>a</sup> 1. Cor. 10. 17. <sup>b</sup> 1b. 11. 26. <sup>c</sup> 1b. vers. 27. <sup>d</sup> 1b. v. 28.

XI. Contra verò, apostolica Romana Ecclesia, panem non permanere, nec edi; sed in Christi corpus, à sacerdote, virtute verborum (Hoc est corpus meum) converti, seu (ut loquuntur) transsubstantiari, contendit<sup>a</sup>. Adeo ut, substantia panis, omnino pereat: ut nec forma illius, nec prima materia, maneat<sup>b</sup>: sed sola accidentia (color, odor, sapor, figura, pondus) non tantum sine suo, sed etiam sine ullo subiecto, supersint ac subsistant<sup>c</sup>. De qua transsubstantiatione, Stella clericorum, ita gloriatur; Iste qui creavit me, dedit mihi, creare se: qui creavit me sine me; creator mediante me<sup>d</sup>. O creatores creatoris!

<sup>a</sup> Conc. Trid. sess. 13. cap. 4. <sup>b</sup> Bellar. 10. 2. de S. Euch. l. 3. c. 18. <sup>c</sup> Thom. Aq. par. 3. qu. 7. ar. 1. & c. <sup>d</sup> Editione Patristica Petri vid. ultra libri medium.

XII. Qua in re, non solum signi, seu panis, sed etiam rei significat, nempe corporis Christi, veritas negatur. Nam, si conversione panis, corpus Christi fit; antè non erat: si autem erat; non fit. Deinde & suam quoque de transsubstantiatione, panis & vini, in corpus & sanguinem Christi, sententiam, stupenda contradictione, falsi arguit: ut vel ex Papa, & Cardinali, perspicuum.

XIII. Nam Papa Innocentius tertius transsubstantiatio-

nem, à Christo factam, illis verbis. Hoc est corpus meum: Hic est sanguis meus, tradit<sup>a</sup>. Contra verò, idem ait; Christus tum confecit, cum Benedixit<sup>b</sup>. Item; Benedixit panem, formam fregit, dedit corpus<sup>c</sup>. Card. verò Bellarm. primò adstruit; Licet fuerit panis, ante consecrationem, tamen vi illorum verborum, incipit esse corpus Domini. Item; Licet vinum fuerit, ante consecrationem, tamen finitis verbis consecrationis, non vinum, sed sanguis erat<sup>d</sup>. Quæ manifesta contradictione, rursus destruit sequentibus; Quare simul tempore sunt, completa significatio verborum, & conversio panis, in corpus Christi: ordine tamen natura, invicem se præcedunt, & sequuntur, hæc duo. Nam verba illa, quatenus sunt causa illius conversionis, præcedunt conversionem: & contra, quatenus veritas propositionis, pendet à rei essentia, conversio præcedit significationem<sup>e</sup>.

<sup>a</sup> De f. alt. myst. l. 4. c. 11. & 2. <sup>b</sup> 1b. cap. 17. <sup>c</sup> Ibidem. <sup>d</sup> Tom. 2. de Euch. l. 1. c. 11. & l. 4. c. 12. & 13. <sup>e</sup> de Euchar. l. 1. c. 11.

XIV. Insuper Sacra Scriptura, corpus Christi, in cœlis regnare gloriosum<sup>a</sup>: ibique ad finem mundi permansurum<sup>b</sup>; nec in terris quærendum<sup>c</sup>; sed supra<sup>d</sup>, & ut, ex præfata Cœnæ Liturgia Pontificii retinent, sursum corda habenda ad Dominum. Ideoque, ad sui memoriam, Cœnam instituisse<sup>e</sup>: utque mortem ipsius annuntiarem, donec veniat, præcepisse<sup>f</sup>, demonstrat.

<sup>a</sup> Col. 3. 1. <sup>b</sup> Act. 3. 21. <sup>c</sup> Matth. 24. 26, 27. <sup>d</sup> Col. 3. 1. <sup>e</sup> Luc. 22. 19. <sup>f</sup> 1. Cor. 11. 26.

XV. Contrà verò apostolica Romana Ecclesia, corpus Christi, in cœlo quidem, semper<sup>a</sup>, esse fatetur: sed nihilominus, in Cœnæ celebratione, è cœlo indies descendere<sup>b</sup>: & diversis atque innumeris in locis, sub panis specie, & singulis illius separatis particulis, in terra simul existeret<sup>c</sup>, ac rursus cum hostia corrumpi incipit, recedere<sup>d</sup>, & in cœlum rapi atque ascendere<sup>e</sup>: & (ne quid monstri desit) recedente Christi corpore, novam, illis accidentibus, panis substantiam, miraculose creari, affirmat<sup>f</sup>.

<sup>a</sup> Conc. Trid. sess. 13. c. 1. <sup>b</sup> S. Francisc. Conformit. l. 1. p. 177. <sup>c</sup> Conc. Trid. sess. 13. c. 1. & 3. & can. 4. <sup>d</sup> Guid. Man. de Euch. c. 12. Innoc. de f. alt. l. 4. c. 16. <sup>e</sup> Durand. Rat. l. 4. c. 41. Num. 23. <sup>f</sup> Innoc. de S. alt. l. 4. c. 16. <sup>g</sup> Ibid. c. 11. Dur. Rat. l. 4. c. 41. Nu. 23.

XVI. Qua ratione, ex signo sacramentali, Ecclesiæ ordinario contra rei naturam, & sinceram Patrum doctrinam<sup>a</sup>, miraculum<sup>b</sup>, omnium maximum, statuit; ut in eo (ex Thomæ Aquinatis sententia) plura sint difficilia, quam in creatione<sup>c</sup>. Adeo ut Durandus Episcopus<sup>d</sup>, in corpore hoc Christi, undecim miracula esse, asserat, atque recenscat: nec omnia tamen quæ, ex Transsubstantiationis figmento, consequuntur, complectitur. Ut interim copiosas, veri corporis Christi, & fictitii illius (quasi, sub speciebus panis, latentis) repugnantias, omittamus.

<sup>a</sup> August. de Trinit. l. 3. c. 10. <sup>b</sup> Innoc. de f. alt. l. 4. c. 11. <sup>c</sup> Par. 3. qu. 75. ar. 8. <sup>d</sup> Rational. l. 4. c. 41. Num. 16. & c.

XVII. Qualis est, quod docet, Christum in Cœna, suum ipsius corpus, manu sua, gestasse, & ore suo comedisse<sup>a</sup>; Alterum, quod licet gloriosum, & passionis omnis expers, sit Christi corpus; nihilominus tamen, in usu Cœnæ dentibus frangi, Nicolaus Papa, cum Concilio cxiv. Episcoporum, Romæ statuit, & Berengario profitendum, præscripsit atque approbavit, his verbis; Panem, & vinum, quæ in altari ponuntur, post consecrationem, non solum Sacramentum, sed etiam verum corpus & sanguinem Domini nostri Iesu Christi, esse: & sensualiter, non solum Sacramentum, sed in veritate, manibus sacerdotum tractari, frangi, fidelium dentibus atteri<sup>b</sup>. Imo (ut Thomas Aquinas ait) si hostia, tempore mortis Christi, fuisset in pyxide servata; Christum non solum mortem subiturum in cruce, sed etiam in pyxide<sup>c</sup>.

<sup>a</sup> Thom. Aq. par. 3. qu. 81. ar. 1. <sup>b</sup> Conf. dist. 1. can. Ego Bereng. Guitmund. de Sacram. l. 1. p. 35. & 41. <sup>c</sup> Par. 3. qu. 83. ar. 3.

XVIII. Denique Sacra Scriptura docet, panem Cœnæ, esse memoriale, corporis Christi, pro nobis traditi<sup>a</sup>, ideoque non esse ipsum Christum, nec Christi corpus: ac propterea minimè adorandum<sup>b</sup>.

<sup>a</sup> Luc. 22. 19. <sup>b</sup> Matth. 4. 10.

XIX. Contra verò, apostolica Romana Ecclesia, hostiam esse adorandam, statuit<sup>a</sup>: eaque de causa, horrendam ἀβλαΰτητα, exercet. Ac propterea Romanam Ecclesiam, revera esse apostaticam, Sacra Scriptura, ut in plurimis, sic etiam in doctrina de Cœna, manifestè repugnantem: ac propterea ab omnibus salutis æternæ cupidis, seriò fugiendam concludimus.

<sup>a</sup> Conc. Trid. sess. 1. c. 5. & can. 6.

COROL-

1. *An in verbis Cæne; Hoc est corpus meum, sit tropus? A.*

2. *An Pontificiorum & Ubiquitariorum propositio, quatuor-pum inesse negat, expositioni eorum consentiat? N. Utrique enim tropum, in subjecto fingunt: quia vocem Hoc, exponunt; Quod sub hoc continetur. Ut Innocentius III. Papa ait; Hoc est corpus meum, id est, illud quod præbeo, sub hac forma<sup>a</sup>. Et Bellarminus, Ut sensus sit, Hoc, id est, quod sub his speciebus continetur<sup>b</sup>.*

<sup>a</sup> De sacro alt. myst. l. 4. c. 17. <sup>b</sup> Tom. 2. de S. Eucharist. l. 1. c. 8. & 10.

3. *An τὸν Hoc, Matt. 26. 26. panem, & vers. 28. vinum poculi, designet? Aff.*

4. *An in illis Luca 22. 20. verbis τὸν τὸ ποτήριον &c. ὃ τὸ αἷμα μου τὸ τῆς ὑμῶν ἐκχυσίματος, sit vitiosa constructio, si τὸ τῆς ὑμῶν ἐκχυσίματος, non ad ποτήριον, sed ad vocem αἷμα referatur? N. adversus Bellar.<sup>a</sup>: quia articulus præpositivus, pro postpositivo, τὸ pro ὃ, apud Græcos auctores, reperitur: & in N. Testamento frequenter, ut Rom. 13. 7. quater usurpatur τὸ pro ὃ.*

<sup>a</sup> De Euch. l. 1. cap. 10.

5. *An igitur, verè ex his Luca verbis, Bellarm. gloriatur, argumentum inde robustissimum<sup>a</sup> peti, ut probetur, Hoc Matt.*

26. 26. non demonstrare panem: nec vers. 28. vinum poculi? Neg.

<sup>a</sup> Ibidem.

6. *An idem aptè concludat, Calix igitur, non significat calicem vini; sed calicem sanguinis<sup>a</sup>? Imo ineptissimè. Nec enim nostri statuunt calicem (aut potius poculum) notare calicem vini; sed vinum poculi, seu poculo contentum. Et si primum, finitis consecrationis verbis mutatio sit panis & vini, in corpus & sanguinem; quomodo, Hoc, corpus & sanguinem, demonstrabit?*

<sup>a</sup> Ibidem.

7. *An quod Bellarm. ait. Vera sit Catholicorum sententia, qui illud, Hoc, demonstrare volunt, non panem, sed rem contentam sub speciebus panis: quæ etsi antea fuerat panis, tamen tunc jam erat Christi corpus<sup>a</sup>: An inquam illud cum sequentibus (Illud Hoc, non demonstrat panem, nec corpus Christi, sed contentum sub speciebus) consentiat? Neg.*

<sup>a</sup> Ibidem.

8. *An rectè, à Bellarmino<sup>a</sup> asseratur, Iohan. 6. de Sacramento Eucharistia agi? Neg.*

<sup>a</sup> Ibid. c. 11.

## DISPUTATIO XXXVII.

DE SACERDOTIO CHRISTI ET MELCHISEDECI:  
ET MISSIFICI SACERDOTII, CUM UTROQUE, RE-  
PUGNANTIA.

**Q**uum Sacra litera; non solum ad doctrinam, sed etiam ad redargutionem, conducant<sup>a</sup>; opportunum fore existimamus, si alias, demonstrato jam, à nobis, sincero similitudinis sacerdotii, Christi & Melchisedeci, dogmate, in præsens repugnantes noxiosque Pontificiorum errores, Deo favente, diluamus: quo, & veritati suus constet honor, & ora passim contradicentium, facilius obsruantur.

<sup>a</sup> 2. Tim. 3. 16. Tit. 1. 9. 10.

## T H E S I S. I.

**S**iquidem duplex, hac de re, inter Orthodoxos & Pontificios, agitur controversia. Quarum prima est; An similitudo, sacerdotii Christi & Melchisedeci, in iisdem utriusque, panis & vini, sacrificiis, consistat? Secunda; An Missificum sacerdotium, cum iis consentiat? Utrumque enim, Pontificii asserunt, & pro ea re, tanquam pro aris & focis suis, dimicant: Orthodoxi contra, utrumque meritò inficiantur: quòd neutrum, sit Sacris literis traditum: imò neutrum, iis consentaneum.

II. Nam (ut, à priori controversia, ordiamur) ea, quam obtundunt, utriusque sacerdotii similitudo, nec, disertis Scripturæ verbis, exprimitur; nec, probæ consequentiæ necessitate, continetur. Nam si, sacram, de Christi cœna, narrationem, & Melchisedeci actionem, à Mose traditam, perscrutemur; Christus propriè panem & vinum, discipulis dedit, in sui memoriam ac sacramentum: Melchisedec verò (ut Moses recenset) protulit Lechem<sup>b</sup>, & vinum. Lechem autem, ut speciatim, per synecdochen, panem<sup>c</sup>, aut carnem<sup>d</sup>; sic propriè ac generatim, quamvis escam, designat<sup>e</sup>. Ideoque, ut sine pane esset potuit; sic & aliam, præter panem, adfuisse escam, munificentie regie consentaneum. Unde Philo ait; *Fausta illi precatus, mactatisque victimis splendidum epulum, fociis dedit<sup>f</sup>*. Et antecessor illius, Josephus similiter; *Xenia (inquit) & omnium necessariorum rerum copiam, præbuit<sup>g</sup>*. Quam sententiam, nobilis & antiquus scriptor Pontificius, Petrus Comestor<sup>h</sup>, recenset ac comprobat.

<sup>a</sup> 1. Cor. 11. 24, 25, 26. <sup>b</sup> Gen. 14. 18. <sup>c</sup> Exod. 12. 8, 39. <sup>d</sup> Lev. 3. 16. & 21. 6. <sup>e</sup> Psal. 136. 25. & 147. 9. <sup>f</sup> De Abrah. pag. 250. <sup>g</sup> Antiquit. l. 1. c. 11. <sup>h</sup> Historiæ Scholasticæ de Genesi cap. 46.

III. Deinde, protulisse dicitur, non autem obtulisse, in sacrificium. Quia vox, *hōsi*, Hebræa, qua Moses utitur, non sæpe (ut Pontificii<sup>a</sup> fingunt, & ineptè locum, Jud. 6. 18, 19. testem citant) sed nusquam, in Sacris literis, eo sen-

su, usurpatur. Protulit autem, non Deo; sed Abrahamo: ut, loci circumstantia, ostendit, Patres docent<sup>b</sup>, & Bellarminus (licet, Pererius Jesuita, anceps fluctuet) fateri cogitur. Nos, inquit, non negamus data illa, in cibum, Abrahamæ & sociis<sup>c</sup>.

<sup>a</sup> Bellarm. l. 1. de Missa c. 6. Ludovicus Ystella & Pererius in Gen. 14. <sup>b</sup> Terul. adversus Iud. c. 3. Epiphani, contra Melchis. hære. 55. &c. <sup>c</sup> De Missa l. 1. cap. 6.

IV. Sed, à verbis rejecti, ad Scripturæ, & circumstantiarum, consequentiam, confugiunt, atque excipiunt, prius fuisse Deo oblata & consecrata, & tum data hominibus; ut de sacrificiis participarent<sup>a</sup>. Sed quonam argumento? An quod paulò ante comederant, nec pane & vino, iis esset opus, qui spoliis abundabant<sup>b</sup>? Atqui, ante comedisse Scriptura asserit<sup>c</sup>: paulò ante, Scripturæ depravatio est. Deinde esto: an illud Melchisedeco constitit, aut commeatus copia & usus, humanitatis<sup>d</sup>, aut victoriæ, mori<sup>e</sup>, & regie munificentie donis (quibus, vel in præsentia, vel postea, frui licebat) ullo modo repugnat? Quocirca aptè, argumenti huius infirmitatem, Pererius Jesuita, agnoscit<sup>f</sup>.

<sup>a</sup> Bellarm. de Missa l. 1. c. 6. <sup>b</sup> Ibidem. Lyra & Toftatus ad Gen. 14. <sup>c</sup> Gen. 14. 24. <sup>d</sup> Ios. 9. 14. <sup>e</sup> Deut. 23. 4. <sup>f</sup> Iud. 8. 5, 6. <sup>g</sup> Comment. in Gen. 14. Num. 71.

V. Præterea, quam infirma est, altera ratio, qua panis & vini, sacrificium, inde colligunt, quòd alioqui sacrificium Melchisedeci (eoque & sacerdotium) nobis foret ignotum<sup>a</sup>? Quasi verò, non satis commodè, sacerdotis voce<sup>b</sup>, & temporis illius circumstantia, indicaretur: aut quasi ad ordinem, sacerdotii Melchisedeci, proprium, quo ab Aaronico discrepat, cognoscendum, consuetudine communis sacrificii declaratio, pertineret.

<sup>a</sup> Bellar. de Missa lib. 1. c. 6. <sup>b</sup> Gen. 14. 18.

VI. Nam quòd, efficacissimè probari; jactant, ex verbis sequentibus, erat enim sacerdos<sup>a</sup>: quasi ratione, à Spiritu Sancto, reddita, cur panem & vinum protulerit: qua omnino cogat, ut intelligamus, panem & vinum, oblata in sacrificium<sup>b</sup>: illud planè vanum

vanum est. Siquidem, in Hebræo, non extat; *Erat enim sacerdos*; sed; *Et erat*. Ac quamvis, catachresi quadam, vox Hebræa, quæ, & propriè notat, interdum pro, *enim*, sententia prorsus hoc flagitante, usurpetur: quòd tamen Bellarminus, id fieri frequentissimè, asserit; illis, quæ selegit, testimoniis<sup>c</sup>, minimè evincit: nec, si evinceret, idem hoc in loco, rejecta significatione propria, necessarium esse, probaverit.

<sup>a</sup> Gen. 14. 18. <sup>b</sup> Bellar. de Missa l. 1. c. 6. <sup>c</sup> Gen. 20. 3. & 30. 27. *Idem* 64. 5.

VII. Neque obstat, *accentus Sophpafuc*, ut, Bellarminus<sup>a</sup>, & Cotonus<sup>b</sup>, Jesuitæ regerunt. Quoniam Sophpafuc, non semper periodum terminat: ut ex frequentibus Scripturæ exemplis<sup>c</sup>, etiam hoc capite Gen. 14. d. conspicuis, elucet: & sacrosancta Pontificiis, Vulgata versio, ibidem, tum hoc etiam in loco, demonstrat, quum hunc versum (de quo disceptatur) cum sequenti, eadem periodo, complectitur<sup>e</sup>.

<sup>a</sup> De Missa l. 1. c. 6. <sup>b</sup> Geneva plagiarum ad Gen. 14. <sup>c</sup> Gen. 15. 18, 19, 20. & 16. 19, 20. & 17. 3. 26. & 27. 20, 21. & 23. 5, 10. 14. 17. & 24. 26. &c. <sup>d</sup> vers. 1. & 5. & 22. <sup>e</sup> Gen. 14. 18.

VIII. Neque etiam, si terminaret, obesset nobis, nec, hilum prodesset, adversariis. Ut enim Moses, regem Melchisedecum, describit ab effectu; quòd protulerit cibum & vinum honorarium; sic, ab adjuncto sacerdotio, quòd etiam fuerit sacerdos Dei altissimi, amplificaret.

IX. Idque commodè, proxima sententia, ab effectu ipsius, benedictione sacerdotali, esset illustratum. Quod etiam vidit, nec invidiam suorum metuens, veritate adactus, ingenuè professus est, eruditissimus Cardinalis Cajetanus, quum ait; *Nihil hic scribitur de sacrificio, seu oblatione: sed de prolatione, seu extractione: quam Josephus, dicit factam, ad reficiendum victores. Quod autem, in Vulgata editione, subditur, ut causa oblationis; Erat enim sacerdos Dei altissimi, in Hebræo non habetur, ut causa, sed ut separata clausula: Et ipse erat sacerdos, Deo excelsio<sup>a</sup>.*

<sup>a</sup> Comment. in Gen. 14.

X. Utque, præficiens adversariorum, de efficacissima illa ratione, jactatio, amplius confutetur, quid si scriptum esse, *Erat enim sacerdos Dei altissimi*, largiremur: an panis & vini sacrificium, ea ratione, demonstraretur? minimè verò. Siquidem ratio redderetur, cur rex Melchisedec, cibo vinoque, Abrahamum decorarit: quòd non solum esset rex potens (tales enim & alii fuere in ea regione, qui Abrahamum neglexerunt) sed imprimis etiam, sacerdos Dei, pius ac benevolus: qui Abrahamo, vera religione sibi devinctissimo, gratulatus benefecit, & ut regalis sacerdos, benedixit.

XI. Præterea, si sacerdotii, Christi & Melchisedeci, similitudo, in illa, panis & vini, prolatione, fuisset posita (quod alienum esse, Bellarminus agnoscit) aut, in aliqua antecedenti actione, ut idem arbitratur<sup>a</sup>, consisteret: quorsum illud Apostolus, de ea re, ad Hebræos multis differens, retinisset?

<sup>a</sup> De Missa l. 1. c. 6.

XII. An ob doctrinæ, de Eucharistia, difficultatem, ut obiectant? Atqui illa disertè, ab eodem, alibi<sup>a</sup> explicata: & sublimia sacerdotii Christi, longeque difficiliora, quàm Eucharistiæ, mysteria (excusso prius Hebræorum torpore, & attentione seria, reprehensionum stimulis, comparatè<sup>b</sup>) accuratè ac minutè describit: & Christi sacrificium, non minus, quàm intercessionem, fidelibus Hebræis, opportunè ac plenè, pertractat, Leviticoque plurimum antecellere convincit.

<sup>a</sup> 1. Cor. 11. 23, 24, 25. <sup>b</sup> Heb. 5. 11, 14. & 6. 1.

XIII. Denique, quum nec Sacris literis, ullo modo affingenda sit historia: nec, si ea sit expressa, aliter certus statuendus sit typus ac prophetia, quàm Scripturæ interprete: nec ubi typus est certus, certum ex eo stabiliri possit, dogma; nisi res ipsa, & typi significatio, Sacris literis exponatur: quis Pontificiæ sententiæ ruinam, non animadvertat?

XIV. Siquidem, in historia sacra, non traditur, Melchisedecum Deo, panem & vinum, obtulisse in sacrificium: multò minus, fuisse sacrificii Christi typum. Quod si etiam fingatur, quomodo ostendetur, typum fuisse, non veri sacrificii, in cruce oblatis; sed Eucharistiæ? quum eam, veri & unici sacrificii Christi signum ac monumentum, esse constet<sup>a</sup>: quo sen-

tu Eucharistia improprie, à priscis theologis *sacrificium*, appellatur, & exponitur<sup>b</sup>.

<sup>a</sup> 1. Cor. 11. 24, 25. <sup>b</sup> Theodor. dialogo 2. August. contra Faustum lib. 20. c. 2. &c.

XV. Neque, hac in re, *Clementis Alexandrini<sup>a</sup>, Cypriani<sup>b</sup>*, aliorumque (quos Bellarminus objicit) *Patrum consensus*, Pontificios juvat. Quia non tam assensum, propter antiquitatem & concursum; quàm veniam, propter hallucinationem, promerentur. Qua factum, ut alleghi, Clementis illius, Philonis æmuli, in allegoriis effingendis (quod vel liber citatus, arguit) licentia, à genuino Scripturæ sensu, non raro aberrarint.

<sup>a</sup> Lib. 4. Strom. in fine. <sup>b</sup> l. 2. ep. 3. ad Cæcilium. al. ep. 62.

XVI. Cujus etiam rei, in eadem *Cypriani* epistola, documenta sunt varia: sed unum suffecerit specimen, ut luculentum, sic sancto homine indignum, quum ait; *Quod Noë, typum futura veritatis ostendens, non aquam, sed vinum biberit, & sic imaginem Dominice passionis, expresse. Item; Figuram, Dominice passionis, extitisse, quod vinum biberit, quod inebriatus est, quòd in domo sua nudatus est, &c.* Idque, non ut conjectura; sed ut argumentum scilicet, contra Aquarios (qui aquam, in Cœna, vini loco, adhibebant) inter cætera, ejusdem genii, proponit.

XVII. Non negamus interim, quin, & ex aliis locis, & ex hac historia, servatâ fidei analogia, peti possit similitudo. Qualis est; quòd, ut Melchisedec, pane & vino, regali munificentia ac favore, Abrahamum, post partam de hostibus victoriam, donarit ac refecerit: sic Christus, fideles, tanquam genuinos Abrahami filios, mundi, per fidem, victores<sup>a</sup>, corporis & sanguinis sui pane ac vino spiritali, donet ac nutriat, ad vitam æternam<sup>b</sup>: ut Cœna Domini obsignatur<sup>c</sup>.

<sup>a</sup> 1. Ioh. 5. 4, 5. <sup>b</sup> Ioh. 6. 35. & 54. & 55. & 63. <sup>c</sup> 1. Cor. 11. 25, 26.

XVIII. Veruntamen hanc similitudinem, Melchisedeci actione, ut prophetiâ typicâ, peculiariter designatam, probari non potest: multo minus, eam actionem, sacrificium fuisse, & ejusdem, cum Christi sacrificio, modi: & sacrificii Christi, & Cœnæ, prænuntium. Quæ Pontificii, temerè sibi assumunt.

XIX. Deinde, similitudo illa sacrificii, Christi & Melchisedeci (quam comminiscuntur) non solum, ut hactenus ostendimus, *Sacris literis* non traditur: sed iis etiam *adversatur*. Nam primò; sacrificium illius, est quo seipsum obtulit Deo: hujus, quo rem vitæ expertem. Secundo: illius, est verè propitiatorium: hujus, typus tantum. Ideoque sacrificii genere, Christus & Melchisedecus, differunt.

XX. Præterea, ut Pontificiorum, hac de re, doctrina, à Sacra Scriptura dissentit: sic, nec sibi, satis consentanea est. Nam, si Melchisedeci sacrificium, in eo fuerit situm, quòd, panem & vinum, obtulerit Deo, quomodo probabunt, fuisse propitiatorium: quale, in Missa, fingunt: quum, *sine sanguinis emissionem, non fiat remissio<sup>a</sup>*? Ac cur non potius, eucharisticum: quum, victoriæ & gratulationis causa, panem & vinum, protulerit, & pro victoria, Deo gratias egerit<sup>b</sup>?

<sup>a</sup> Heb. 9. 22. <sup>b</sup> Gen. 14. 20.

XXI. Ad hæc, si id, quod prætexunt; obtineat, cur, Christi sacerdotium, magis secundum ordinem Melchisedeci, quàm, Aaronis, dicetur: quum & Aaron, ex lege, panem vinumque, obtulerit<sup>a</sup>? An quòd, oleum adjunctum, dicatur? Atqui, hæc circumstantia, naturam rei non mutat: & si mutaret, quomodo non similiter, in Eucharistia, mutabit: in qua, aquam adhibitam, & adhiberi oportere, contendunt.

<sup>a</sup> Exod. 29. 40. <sup>b</sup> Bellar. de Missa lib. 1. c. 6.

XXII. An potius, quòd Melchisedeci sacrificium, tantum fuerit incruentum: Aaronis verò etiam cruentum<sup>a</sup>? Atqui, hoc modo, sacerdotium Christi, non erit, secundum ordinem Melchisedeci: quia non incruentum tantummodo: sed contra, magis erit, secundum ordinem Aaronis: utpote, & cruentum, in cruce: & incruentum (uti fingunt) in Eucharistia.

<sup>a</sup> Ibidem.

XXIII. Denique, si, ut contendunt, oblatio illa, panis & vini, fuit figura prophetica, veritatis sacrificii Christi, non idem igitur, utriusque sacrificium. Quia typus propheticus, & veritas, sunt diversa, & prius, posteriori aboletur. *Nec enim opus est typis, ubi veritas adest<sup>a</sup>*: imo veritas nondum adest, si

typus



typus propheticus superfit ac vigeat. Atque hæc, de *prima controversia*.

<sup>a</sup> Ibidem.

XXIV. *Altera est, de Missifico sacerdotio*: quod, secundum ordinem Melchisedeci, institutum, falso gloriantur: quoniam Scripturæ omnino ignotum est, & adversarium: ut, ex utriusque *causis, subjectis, adjunctis, repugnantibus*, liquebit.

XXV. 1. *Ex causis*; quia auctor sacerdotii Melchisedeci, est idem, qui laudator, Deus: Missifici; non Deus sed homines, farraginis illius sutores: ut proximè pluribus, Deo favente, ostendemus. *Deinde*, quia illud est, *non secundum legem carnalis mandati* (quod oleo, & ritibus carnalibus, peragebatur <sup>a</sup>) *sed ex vniuersali solubilis vita* <sup>b</sup>: hoc verò, secundum legem humanam (qua, oleo, & ritibus superstitiosis, sacrifici consecrantur <sup>c</sup>) institutum.

<sup>a</sup> Exod. 29. 1. 5. 9. <sup>b</sup> Heb. 7. 16. 17. <sup>c</sup> Durandus Rationat. divini offic. lib. 2. c. 8. Num. 14. & cap. 10. Num. 14.

XXVI. 2. *Ex subjectis*; quia persona, illius sacerdotii, est patris, matris, genealogiæ, initii, finisque vitæ, expers; ut, priori disputatione, docuimus: quorum nihil omnino, sacerdoti Missifico, convenit.

XXVII. 3. *Ex adjunctis tribus*; regno, societate, duratione. *Regno*; quia illic idem est sacerdos, & rex: cum jure, tum re ipsa: contra Missifici sacerdotes, neutro modo: etsi, raso in orbem vertice, coronam ridiculè jactent, seque, reges simul ac sacerdotes esse, gloriantur <sup>a</sup>. *Societate*; quia illud, uni personæ proprium, impatiens consortis: contra, hoc socios requirit innumeros. *Duratione*; illud enim est æternum: in quo sacerdos immortalis, successorem admittit neminem: contra, hoc temporale: in quo, sacerdotes immortales, successores habent plurimos.

<sup>a</sup> Ibid. l. 2. c. 1. Num. 26. & 30. & 31.

XXVIII. 4. Denique, *ex repugnantibus*: quia (ut Papalem, de Melchisedeci & Missæ sacerdotio, errorem, omnibus modis convictum, ac deploratum esse, appareat) ipsemet se, dissidentium sententiarum contradictione, subvertit. Sacerdotium enim Melchisedeci, panis & vini veritatem habuisse, agnoscunt: non solam eorum speciem: contra, Missæ sacrificium, solam eorum speciem; non autem veritatem, completi, profitentur. Quæ, quasi è diametro, ac toto genere, dissidere, quis non videat?

XXIX. Rursus, in sacrificio Missæ, corpus & sanguinem Christi, offerri contendunt: contra verò, in Melchisedeci sacrificio, neutrum admittunt. Quare, jure meritoque, cum Orthodoxis, concludimus, omnibus verè fidelibus, ad sanctum Christi, secundum ordinem Melchisedeci, sacerdotium, vera fiducia, esse recurrendum <sup>a</sup>: contraque, repugnans ei, Missificum sacerdotium, missum esse faciendum: orandumque Deum, ut mentes eorum, quibus hæc veritas nondum satis est perspecta, remoto, opinionis inveteratæ, velo ac zelo, luce verbi & Spiritus sui, illustrare dignetur. Amen, Amen.

<sup>a</sup> Heb. 4. 15. 16. & 7. 25. & 10. 22.

### COROLLARIA.

1. *An extet Pontificiorum Purgatorium? Negamus.*
2. *An, bona piorum opera, aliis, aut etiam sibi, mereri possint, remissionem peccatorum & vitam æternam? Neg.*
3. *An ea, propriè loquendo, causa vite æternæ dici possint? Neg.*
4. *An, extrema unctio Papalis, sit divinum sacramentum? Neg.*

## DISPUTATIO XXXVIII.

### DE COENÆ DOMINICÆ ET MISSÆ, REPUGNANTIA.

**Q**um Pontificii Doctores, Missam suam, tanquam Christi, pro vivis & mortuis, sub panis & vini specie, Deo, pro remissione peccatorum, & aliorum malorum liberatione, oblatis, proprium ac propitiatorium sacrificium <sup>a</sup>, falso statuant: & veluti Cœnam Dominicæ, ac totius Christianæ Religionis arcem <sup>c</sup>, vulgò jactitent: idcirco, ut ante, sacerdotii ipsorum, impietatem, ostendimus; sic & sacrificium illius, subjecta, Cœnæ & Missæ, repugnantia, ejusdem criminis convictum, elucebit.

<sup>a</sup> Concil. Trid. sess. 22. Can. 1. & 3. & cap. 1. & 2. <sup>b</sup> Ibid. cap. 1. <sup>c</sup> Miletus Refut. error. Hæsius loco 8.

#### THESIS I.

**P**rima enim repugnantia, in voce sita, non obscura est. Quippe Cœna Dominica vox, origine & significatione, sancta est: ut quæ, à Spiritu Sancto, sacræ rei significandæ, Sacris literis, tradita <sup>a</sup>. Contra Missæ appellatio: quæ, non Hebræa; sed Latina <sup>b</sup> origine & significatione, à Pontificiis maximè recepta, humana est, ac profana.

<sup>a</sup> 1. Cor. 11. 10. <sup>b</sup> Bellarm. de Missa l. 1. cap. 1.

II. *Sive enim ex communi*, Scholæ Pontificiæ magistri <sup>a</sup>, & fluctuantium illius interpretum <sup>b</sup>, sententia, inde sit dicta, quod Angelus, è cælo mittatur, qui, hostiam corporis Christi, in cælum deferat ac transmittat: sive potius, cum aliis, à Missa, id est, emissionem Catechumenorum, olim ante Cœnam Domini, usitata <sup>c</sup>, derivetur, profanam arguit originem.

<sup>a</sup> Pet. Lombard. l. 4. dist. 13. & 24. <sup>b</sup> Thomas pag. 3. qu. 83. ar. 4. <sup>c</sup> Bellar. de Missa lib. 1. cap. 1.

III. *Præter* enim, Christi in cælos ascensionem, & in iis mansionem <sup>a</sup>: postea, Catechumenorum, fide instructorum, dignitati, adversatur: quod, superstitionis Ethnicorum imitatione, tanquam profani, à sacræ Cœnæ cognitione, procul abesse, juberentur <sup>b</sup>. Unde profana, vocis Missa, origo elucet: quemadmodum & rei significatio, olim ignota, Pontificiis verò usurpata, meram spirat impietatem.

<sup>a</sup> Act. 1. 11. & 3. 21. Phil. 3. 20. Col. 3. 1. <sup>b</sup> Guill. Durand. Rational. 4. c. 6. § 46.

IV. *Secunda enim repugnantia*, in re ipsa consistens, clarius hoc evincit, ac copiam dicendi, suggerit uberrimam. Ex qua, pauca duntaxat, è causis & adjunctis contrariis, deligam strictim; ne, justæ brevitatis limites, excedam. Utque, à causa efficiente, exordiar, auctor Cœnæ, unicus est, Dominus Christus: unde etiam, Dominica <sup>a</sup>, nuncupatur: contra verò, Missæ

sa Papalis auctor, non unus est, sed plurimi infidi, diversorum temporum, servi: quos, centonem Missæ, collatis superstitionum symbolis, paulatim consueverunt <sup>b</sup>.

<sup>a</sup> 1. Cor. 11. 10. <sup>b</sup> Innocent. de sacro alt. myst. lib. 2. cap. 26. & 3. c. 10. & 11. & c. Platina in vita Sixti. Durand. Rat. lib. 4. pass.

V. *Administri verò Cœnæ*, sunt omnes, vocati à Deo, ministri Euangelii, cujus illa, est sigillum <sup>a</sup>; contra Missæ mystæ, sunt soli Sacerdotes, oleo superstitionis consecrato, citra contraque divinam vocationem <sup>b</sup>, ad sacrificandum, ab hominibus inuncti <sup>c</sup>.

<sup>a</sup> Luc. 11. 29. Matth. 28. 19. 10. 1. Cor. 11. 23. <sup>b</sup> Heb. 5. 4. cum 7. 23. 24. <sup>c</sup> Conc. Trid. sess. 22. Cap. 1. & 2. Magist. lib. 4. d. 24. Guido Manipulo Curat. tract. 4. cap. 2.

VI. *Materia quoque subjecta*, ad significandum instituta, utrimque opposita est, ratione & substantia ipsius, & circumstantia ritus, seu actionis sacræ.

VII. *Substantia enim Cœnæ*, est panis verus, & vinum <sup>a</sup>: contra in Missa, solum est nummularium, veri & ordinarii panis, simulacrum: & vinum, aqua superstitionis dilutum <sup>b</sup>.

<sup>a</sup> Mat. 26. 26. <sup>b</sup> Innocent. de S. alt. mysterio lib. 4. c. 31. Concil. Trid. sess. 22. c. 7. & can. 9.

VIII. *Circumstantia verò actionis*, & primum ministri, in Cœna, est qua, panem fractum, & vinum fustum, distribuit omnibus convivis sacris <sup>a</sup>. Contra in Missa, si privata sit, nulla omnino est, panis aut vini <sup>b</sup>: si publica sit, nulla est vini illius; sed sola, speciei panis, & quidem non fracti, distributio <sup>c</sup>: imò in ea, quæ, sicca <sup>d</sup>, dicitur, siccus etiam est sacerdos.

<sup>a</sup> Matth. 26. 27. Mar. 14. 23. 1. Cor. 11. 28. <sup>b</sup> Conc. Trid. sess. 22. can. 8. <sup>c</sup> Ibid. sess. 21. cap. 2. <sup>d</sup> Durand. Rat. l. 4. c. 1. § 11.

IX. *Actio deinde communicantium*, prior illi respondens, in Cœna, est communicatio panis & vini. Contra in Missa, illius loco, indigna est populi, aut ab utroque, aut à vino saltem, excommunicatio. Adeo ut, quamvis aliam fuisse, & Christi institutionem, & primæ Ecclesiæ praxin, Constantiensis concilium <sup>a</sup>,

cilium<sup>a</sup>, disertè profiteatur; ea tamen (ut ait) *non obstante*, contrariam posteriorum consuetudinem, pro lege censet ac præfert, eamque sub excommunicationis pœna, injungit.

<sup>a</sup> Sess. 13.

X. In qua, *sacrarum Cœnæ actionum* indigna *detractio*ne, sacrilegium extat manifestum: sicut in copiosa, orationum, actionum, salutationum populi, gestuum, vestiumque (partim sacris, partim impiis rebus, adumbrandis) *additione*<sup>a</sup>, damnata à Christo, superstitio<sup>b</sup> elucet.

<sup>a</sup> Innoc. de alt. Myst. Durand. Rat. lib. 4. passim. <sup>b</sup> Matth. 15. 9. 13.

XI. Utque *materia*, inter se dissident; sic nec *forma*, utrimque conformis. Etenim *cœna forma*, sita est, in communionis sacrificii, corporis & sanguinis Christi, per panem fractum ac comestum, & vinum effusum atque haustum, significatione & oblatione divina<sup>a</sup>: *Contra Missæ forma*, & essentia, in corporis & sanguinis Christi (è pane & vino conversi, & sub eorum specie, à sacerdote consecrati, & manducati) sacrificio, constituitur<sup>b</sup>, repugnantia deformi ac numeroſa.

<sup>a</sup> Matth. 26. 26. 1. Cor. 10. 16. <sup>b</sup> Bellar. de Missa l. 1. c. 27.

XII. Nam *forma vera Cœna*, hujus Sacramenti *materiam*, panis & vini substantiam, *conservat*, & usu solum corporali, in spiritualem, converso informat ac perficit<sup>a</sup>. *Contra* verò, ficta *Missæ forma*, materiam Sacramenti, panis scilicet & vini, nucleum ac substantiam, in nihilum redigit, ac signum, relicto tantum fallaci accidentium putamine ac specie, enervat ac destruit<sup>b</sup>.

<sup>a</sup> 1. Cor. 10. 16. & 11. 26. <sup>b</sup> Conc. Trid. sess. 13. can. 2.

XIII. Qua in re, cum primis triplex monstrum naturæ & Scripturæ repugnans, existit. 1. *Substantiam omnino interire, non forma solum; sed etiam materia*<sup>a</sup>. 2. *Accidentia sola, sine ullo subiecto, superesse*<sup>b</sup>. 3. *Ex his solis accidentibus, fieri posse substantiam*: ut dum hostia servata, ac putrefacta, vermes: aut combusta, cineres, producit<sup>c</sup>.

<sup>a</sup> Cateches. conc. Trid. De Euchar. <sup>b</sup> Ibid. <sup>c</sup> Durand. Rat. divin. offic. l. 4. c. 41 & 33. &c. Vignierus Inst. Theol. c. 16. §. 3.

XIV. Deinde *forma Cœna*, rem Sacramento *significatam*, corpus & sanguinem Christi, *non efficit*; sed, pro communi Sacramentorum natura, signat & oblationem convenientissimè. Christus enim seipsum, nec efficere *voluit*; quia, voluntatis illius, nullum omnino extat indicium: nec *valuit*; quia omnipotens ac verax, invalidus ac mendax esse, seque ipsum abnegare, non potest<sup>a</sup>.

<sup>a</sup> 2. Tim. 2. 13. 2. Cor. 2. 18. 19.

XV. *Contra Missæ forma*, corpus & sanguinem Christi, ex panis & vini substantia, fieri<sup>a</sup>, fœdissima contradictione, statuit. Nam si Corpus Christi est, non fit: si fit, nondum est: eoque quum Missa utrumque statuat, *substantiam*, corporis Christi, evertit: quemadmodum & reliquas *circumstantias*.

<sup>a</sup> Concil. Trid. sess. 13. can. 2. Bellar. de missa, l. 1. c. 27.

XVI. Quippe, ut Missæ forma, sola *accidentia*, panis & vini, sine substantia fingit; ita contra, *substantiam* solam, corporis & sanguinis Christi, sine suis accidentibus, & proprietatibus naturalibus, extare, & (quod absurdus) easdem nihilo minus retinere: hoc est, corpus, non corpus; idem, non idem, esse confingit. Quod perspicue liquet, ex *antithesi*, veri corporis Christi, in prima Cœna, & corporis *Missæ*; quod, post consecrationem, ibidem, sub specie panis, latuisse contendunt.

XVII. Nam *verum Christi corpus*, ad mensam accubuit, & ad finem usque Cœnæ, mansit: trinaque dimensione circumscriptum, vestitum, conspicuum, contactum fuit: panemque ac poculum, Discipulis porrexit, simulque ex iisdem, edit ac bibit, Deumque, canora voce, celebravit, & tandem, à mensa surrexit<sup>a</sup>. Quorum *nihil, fictitio*, sub specie panis, corpori, attribui potest: ut *contra*, quæ huic affinguntur<sup>b</sup>, à vero Christi corpore, omnino abhorrent.

<sup>a</sup> Matth. 26. 20. 26. &c. <sup>b</sup> Vide Durand. Rat. div. off. l. 4. c. 41.

XVIII. Qualia sunt; incircumscriptum, inconspicuum, intactum, vestibus exutum, panis specie tectum, tacitum, manu Christi contentum, è mensa, supraque eam, sublatum, ore & stomacho Discipulorum receptum, denique unum idemque corpus, à se ipso, locorum spatiis, & contrariis attributis, divisum esse, ac separatum: ut dum intra unius Apostoli os receptum esset, alteri nihilominus edendum; imo

utrumque iisdem rursus sub vini specie, bibendum porrigeretur.

XIX. Quomodo, pro uno corpore (ut & sanguine) *triplex* monstruè, loci intervallis, tripliciter diremptum, confingitur. Quorum *primum* sit, sub specie panis, *transsubstantiatione* factum atque *edendum*: deinde *secundum* per concomitantiam (uti loquuntur) solum, sub specie vini, contentum, ac *bibendum*: contraque *tertium verum* Christi corpus, extra species illas, conspicuum, quod reliqua duo, sub speciebus contenta, cum Discipulis Cœnans, suo etiam ore, sumperit & consumperit<sup>a</sup>.

<sup>a</sup> Bellarm. de missa, l. 1. c. 27. sub finem.

XX. Quibus denique hoc etiam monstrum accedit, quod, pro fragmentis specierum, inter edendum, factis plurimis, plurima etiam, iis singulis (uti docent) contenta corpora<sup>a</sup>, cum Discipulis constituerit atque ederet. Sed portentorum (cujusmodi in Missa, sunt & alia plurima<sup>b</sup>) satis: ex quibus constat, *Missæ formam*, corporis Christi veritatem, Cœna oblationem ac confirmatam, tollere; imo seipsam quoque contradictionibus hisce aliisque, evertere, ac deridendam propinare.

<sup>a</sup> Conc. Trid. sess. 13. can. 3. <sup>b</sup> Vide Durand. Rat. lib. 4. &c. & Gab. Biel. in Can. Mis.

XXI. Præterea, *forma Cœna*, divinum, gratiæ Christi, *Sacramentum*, solum constituit ac proponit: quo panem ac vinum, corpori nostro, & corpus ac sanguinem suum, animæ tantum credenti, accipiendum, gratuito Testamento, offert ac donat<sup>a</sup>. Cui *contraria*, *Missæ forma*, humanum sacrificium, affingit & opponit: quo, *Christi corpus ac sanguis*, sub specie panis ac vini, Deo offerantur, ac donentur<sup>b</sup>.

<sup>a</sup> Luc. 22. 19. 20. 1. Cor. 10. 16. Joh. 6. 35. 63. <sup>b</sup> Conc. Trid. sess. 22. Can. 1. Bellar. de missa l. 1. c. 25.

XXII. Denique *forma Cœna*, verum ac propriè dictum novi Testamenti sacerdotium: ratione *sacerdotis*, *sacrificii*, & *sacrificationis*, legitimum Deoque acceptum, oblationem: *contra Missæ forma*, id ipsum, apertè & omnino, oppugnat.

XXIII. *Cœna enim Dominica*, novumque testamentum, nullum proponit alium, quam æternum, successoris & peccati expertem, *sacerdotem simul ac regem*, secundum ordinem Melchisedec, *Iesum Christum*: qui, peracti semel sacrificii, efficacia æterna, nunc intercedit, pro nobis, apud Patrem<sup>a</sup>. *Contra Missæ Papalis*, alios insuper, temporales ac peccatores, *sacerdotes* opponit plurimos, qui, pro suis, & populi, peccatis, sacrificent<sup>b</sup>: imo *Mediatores* sint, *Mediatoris* Christi; dum pro eo, in Missa oblato, orant Patrem, ut, *propitio ac sereno vultu, respicere dignetur, & acceptum habere*: & *per manus angeli sui, in sublime altare suum, perferre jubeat*<sup>c</sup>.

<sup>a</sup> Heb. 7. 23. 24. 25. 26. 28. <sup>b</sup> Conc. Trid. sess. 22. Canon. 1. & 2. <sup>c</sup> Can. Missæ. Miletus Refut. Hæsius ad err. 172.

XXIV. Deinde *Cœna Domini*, novumque testamentum, unum tantum numero proprium sacrificium, solius corporis & sanguinis Christi, proponit<sup>a</sup>: *contra verò Papalis Missa*, aut *duo specie* comminiscitur: unum; panis & vini, Deo, ad transsubstantiationem, oblato<sup>b</sup>: alterum, corporis & sanguinis Domini<sup>c</sup>: aut *unum specie*, ex duobus hisce, conflatur<sup>d</sup>: sed *numero*, ob infinitam pene, quotidianarum Missarum, copiam, *sacrificia innumera*; majori contradictione opponit.

<sup>a</sup> Heb. 9. 25. 26. & 10. 14. <sup>b</sup> Can. Missæ. <sup>c</sup> Ibid. <sup>d</sup> Bellar. de Missa lib. 1. c. 27.

XXV. Postremò, si *sacrificationem spectes*, *Cœna Dominica*, novumque testamentum, veram, & sacrificio consentaneam immolationem<sup>a</sup>, significat ac confirmat: quæ, in externa ac visibili, corporis Christi, in ara crucis, fractione, & sanguinis effusione ac morte, consistit<sup>b</sup>. *Contra*, ficta *Missæ sacrificatio*, huic omnino adversatur: ac justissima talione, seipsam quoque, descriptione sua, evertit.

<sup>a</sup> Bellarm. de Missa l. 1. c. 2. & 27. <sup>b</sup> Luc. 22. 19. 20.

XXVI. Nam si, vel in sola, panis & vini, consecratione (ut multis placet) vel, partim in consecratione, partim in manducatione sacerdotis, ac consumptione (quod Bellarminus, contra priores, tuetur<sup>a</sup>) consistere definiant, generalis *sacrificationis natura*, (quæ, viventis victimæ, occisionem & oblationem, flagitat<sup>b</sup>) nullam *sacrificationem*, in *Papalis Missæ sacrificatio*ne, fieri, vincet. Nam nec *consecratio*

(ex Pontificiorum sententia) corpus Christi interficit; sed efficit: nec *manducatio* sacerdotis, Christum planè destruit ac consumit (quod in omni vero sacrificio requiri statuunt<sup>c</sup>) sed, oblatum Sacramento, assumit: alioqui, parricidium esset sacrilegum; non autem sacrificium.

<sup>a</sup> De Missa l. 1. c. 27. <sup>b</sup> Ibid. c. 2. & 27. <sup>c</sup> Ibidem.

XXVII. Cui deformitati, tam enormi, *repugnantia finis*, succedit, ratione, cum *utilitatis*, ad quam collimat; tum *illius*, cui illa inservit. Nam *finis* atque utilitas, *cujus* gratia, *Cæna Domini*, ab ipso instituta est, & ministro, Ecclesiæque, imperata, est fidelis ac grata Christi, pro nobis crucifixi, ad spirituales ipsius, ac beneficiorum, ex eo promanantium, communionem, recordatio<sup>a</sup>: qua, *sursum corda habeamus, ad Dominum*<sup>b</sup>, olim pro nobis mortuum, nunc verò in cælis gloriosum ac mansurum, donec inde veniat, ad redemptionem, ultimo die<sup>c</sup>.

<sup>a</sup> 1. Cor. 11. 24, 25. & 10. 16. <sup>b</sup> Col. 3. 1, 2. <sup>c</sup> 1. Cor. 11. 26.

XXVIII. *Contra Missa finis* est, ut Christus etiam deorsum quærat, & sub specie panis, ore corporis, edatur, ad remissionem peccatorum, aliaque beneficia spiritualia, & corporalia, impetranda<sup>a</sup>.

<sup>a</sup> Con. Trid. sess. 22. ca. 3. Catech. conc. Trid. de Euchar.

XXIX. Similiter *finis* alter, *cui*, proposita utilitas, inservit, utrimque est dissentaneus. Nam 1. *Cæna utilitas*, ad solos homines<sup>a</sup>: *Missa contra*, etiam, ad res, quæ ad homines pertinent, extenditur<sup>b</sup>. 2. *Cæna* solum vivorum hominum comodo<sup>c</sup>: *contra Missa*, etiam animabus mortuorum, ex Purgatorii Utopia, redimendis, destinata<sup>d</sup>. 3. *Cæna*, solis Ecclesiæ membris<sup>e</sup>; *contra Missa*, etiam alienis ab Ecclesia convertendis, conducit<sup>f</sup>. 4. Denique *Cæna*, præsentibus ac communicantibus, solum<sup>g</sup>: *Missa contra*, spectantibus & absentibus quoque, utilis confingitur<sup>h</sup>.

<sup>a</sup> Luc. 22. 19. <sup>b</sup> Con. Trid. sess. 22. can. 3. Bellar. de Missa l. 2. c. 9. <sup>c</sup> 1. Cor. 11. 22, 23. <sup>d</sup> Con. Trid. sess. 22. c. 2. & can. 3. <sup>e</sup> 1. Cor. 10. 16, 17. <sup>f</sup> Bellar. de Missa l. 2. c. 6. <sup>g</sup> 1. Cor. 10. 16, 17. & 11. 28. <sup>h</sup> Con. Trid. sess. 22. can. 3.

XXX. Neque hisce solum *causarum* (*efficientis, materia, forma, finis*) contradictionibus demonstratis, hæc *Cæna* & *Missa* pugna, finitur; sed *adjunctis circumstantiis*, accrescit.

Nam *Cæna Domini*, omnia bona hominum merita (peccatorum, per Christum, remissionem obsignans) excludit: & solius Dei gratiam, invocationem & adorationem continet<sup>a</sup>.

<sup>a</sup> Luc. 22. 19, 20.

XXXI. *Contra Missa farrago*, sanctorum merita<sup>a</sup>, ac partim invocationem<sup>b</sup>, includit: & panem consecratum Christi Dei instar, in Missa<sup>c</sup>, & extra eam, inprimis in nupero ac profano, corporis Christi festo (anno 1264. ab Urbano IV. ex Julianæ virginis superstitionis monitu, instituto<sup>d</sup>: & ob neglectum, à Clemente V. anno 1313. restituto<sup>e</sup>) adorandum prostituit.

<sup>a</sup> Canon Miss. <sup>b</sup> Bellar. de Missa l. 2. cap. 8. §. 5. <sup>c</sup> Concil. Trid. sess. 13. c. 5. & Can. 6. <sup>d</sup> Baron. Annal. t. 13. an. 1264. N. 4. <sup>e</sup> Clement. lib. 3. tit. 16.

XXXII. Deinde *Cæna*, lingua communicantibus nota, à Christo & Apostolis, ad ædificationem, administrata est<sup>a</sup>: *Contra Missa*, Latino ignotoque vulgò sermone, imo, & principali sua parte, *secreto*, paragenda<sup>b</sup>. Quare, ex hisce omnibus, perspicuum est, *Missam Papalem, Cæna Dominica*, è diametro repugnare: Ideoque *Cænam* sanctè observandam: *Missam* contra profanam, *missam* faciendam ac detestandam: orandumque Deum, ut noxia sanctitatis illius opinione seductos, in rectam veritatis viam clementer reducat.

<sup>a</sup> 1. Cor. 14. 16. <sup>b</sup> Con. Trid. sess. 22. cap. 5. & Can. 9. Durand. Rationali lib. 4. cap. 35.

### COROLLARIA.

1. *An orthodoxum sit statuere, perfectam mandatorum legis, à Christo præstitam, obedientiam, non esse meritoriam, vita nostra æterna, causam? Negamus.*

2. *An verè dicatur, tantum esse conditionem illius, & causam sine qua non? N.*

3. *An orthodoxum sit, credere remissionem peccatorum, propriè ac sine synecdoche acceptam, esse perfectam nostram, coram Deo justitiam? Negamus.*

4. *An sine falsis hypothesis, & sine justificationis mutilatione, dici possit, perfectam vitam Christi, erga mandata legis obedientiam, non esse nostram, coram Deo judice, justitiam? N.*

## DISPUTATIO XXXIX.

### DE QUINQUE FALSIS PONTIFICIORUM SACRAMENTIS.

**P**resenti disputatione falsa Pontificiorum sacramenta paucis expendemus, & confutabimus: quo, & sententia orthodoxa veritas reddatur illustrior, & errorum Pontificiorum fucus ac turpitudine clarius desegatur.

#### THESIS I.

**Q**uestio est, an præter Baptismum & Cænam Domini, reliqua sint quinque N. T. verè ac propriè dicta, Sacramenta? Pontificii quidem hoc statuerunt primum in Concilio Florentino<sup>a</sup>: deinde in Tridentino, hoc canone, confirmarunt<sup>b</sup>: *Si quis dixerit Sacramenta nova legis, non fuisse omnia, à Iesu Christo Domino nostro, instituta, aut esse plura, aut pauciora quam septem, videlicet Baptismum, Confirmationem, Eucharistiam, Pœnitentiam, extremam Unctionem, Ordinem, & Matrimonium, aut etiam aliud horum septem, non esse verè & propriè Sacramentum; anathema sit.* Orthodoxi vero tantum duo N. T. sacramenta agnoscunt: unum regenerationis ac pœnitentiæ, Baptismum; alterum nutritionis ac confirmationis spiritualis, Cænam Domini: reliqua quinque falsa esse, veris rationibus demonstrant: ut, ex sequenti examine, constabit.

<sup>a</sup> Decreto Eugenii 4. <sup>b</sup> Sess. 7. de Sacram. in genere. Marc. 1. 4.

II. Cujus normam præcipuam & *normam*, cum Pontificii commune præstruemus celebrem illam ex Augustino<sup>a</sup> collectam, Sacramenti definitionem: signum visibile invisibilis gratiæ. In qua, ut signum intelligitur, quod habet authorem Deum, & materiam visibile elementum: (quippe, accedit verbum ad elementum & fit Sacramentum) sic gratia non quævis, sed justificationis, designatur. Quæ omnia perspicuè à Concilio Tridentino & Papa Pio V. asseruntur<sup>c</sup>. Quemadmodum & Bellarminus<sup>d</sup> ait: Ad omne Sacramentum pro-

priè dictum requiruntur & sufficiunt, 1. ritus externus, S. Symbolum, 2. divinitus institutum, & 3. promissio gratiæ justificantis, illi ritui, seu Symbolo annexa. In qua sententia ea fraus latet, quod nec elementum, nec visibile signum requiri censeat. Contra rectam Augustini, & Concilii Tridentini sententiam. Quare, ut ad hanc normam, singula exigamus, primum confirmationem infirmabimus & diluamus, à descriptione illius exorisi.

<sup>a</sup> Lib. 10. de liv. D. cap. 5. Lombard. lib. 4. Dist. 1. <sup>b</sup> August. in Joh. tract. 80. <sup>c</sup> Catech. ad Paroch. de Sacram. <sup>d</sup> De pœnitent. lib. 1. cap. 9. & de confirm. cap. 2.

III. Ea autem ex Concilii Tridentini sententia<sup>a</sup>, est Sacramentum, quo is, qui baptizatus est, quum ab Episcopo sacro chrismate ungitur, additis solennibus illis verbis; signo te signo crucis, & confirmo te chrismate salutis, in nomine Patris, Filii, & Spiritus Sancti: nisi aliud sacramenti efficaciam impediatur, novæ virtutis robore firmior, atque adeo perfectus Christi miles esse incipit. Quo fere modo Scholastici, Scotus, Biel, Petrus de Alliaco, aliique in 4. sentent. dist. 7. antea descriperant.

<sup>a</sup> Catech. ad Paroch. de Confirm. & Concil. Trident. decreto Eugenii.

IV. Hanc verò confirmationem, non esse Sacramentum à Christo institutum, demonstrari potest duobus modis.

V. 1. Quia neque signum, seu materia, & ritus illius, neque verborum formula, in S. literis, quæ hominem Dei, ad omne opus bonum perfectè instruunt & informant<sup>a</sup>, declaratur. Materia enim est chrisma ex oleo & balsamo (aut potius opo-

opobalsamo<sup>b)</sup> confectum: quod ex N. T. probari non potest: sed potius Judaicam superstitionem, & Colobarsiorum superstitionem, redolet. Ideoque Alexander ab Ales ait<sup>c)</sup>: *Neque Dominus hoc Sacramentum, ut est Sacramentum, instituit, neque dispensavit, neque Apostoli.* Item, institutum fuit hoc Sacramentum Spiritus Sancti instinctu, in Concilio Melodensi; quantum ad formam verborum, & materiam elementarem, Idemque probat Cardinalis Bonaventura<sup>d)</sup>. Quibus antiquior præluxit Gulielmus Episcopus Antisiodoriensis<sup>e)</sup>, licet inconstantior, quum ait: *Quantum ad Chrismationem, ortum habuit ab institutione Ecclesie.*

<sup>a</sup> 2. Tim. 3. <sup>b</sup> Polyd. Virg. de Inv. rer. l. 5. cap. 3. <sup>c</sup> Exod. 30. Vide Bellarm. de Confirm. cap. 8. <sup>d</sup> Iren. lib. 1. cap. 18. <sup>e</sup> 1. Sum. par. 4. qu. 24. mem. 1. <sup>f</sup> In 4. sent. d. 7. art. 1. qu. 1. & 2. <sup>g</sup> Sum. lib. 4. tract. 4. cap. 3.

VI. Nam primò quod Apostolorum exemplum ex Act. 8. & 9. obtendunt<sup>a)</sup>, illud omnino alienum est: I. Quia actio illa Apostolorum non fuit Sacramentum; cum & elementum abfuerit, & certa gratiæ justificantis promissio. II. Perspicua etiam est utrumque tum in signo ritus, tum in re significata, differentia. 1. Illic ritus fuit, manus impositio: hic verò, loco illius, frontis unctio: ut & Ecclesia Romana olim etiam agnovit: Per frontis chrismationem (ait Innocentius<sup>b)</sup> tertius) manus impositio, designatur: & Eugenius IV.<sup>c)</sup> per manus impositionem, Spiritum Sanctum dabant: loco autem illius impositionis manus, datur in Ecclesia confirmatio. 2. Illic, significata fuere dona Spiritus Sancti miraculosa: eoque, cum suo signo, temporaria: hic verò, ut fingunt, ordinaria & perpetua. Quare exemplum illud, nihil ad rem.

<sup>a</sup> Conc. Flor. decr. Eugen. 4. & Bellarm. de Confirm. c. 2. <sup>b</sup> Decret. de sacra unct. tit. 15. <sup>c</sup> Concil. Flor. in Decret.

VII. Deinde, quod duobus hisce Sacrae Scripturae locis 2. Cor. 1. qui autem confirmat nos vobiscum in Christo, & qui unxit nos, Deus: qui & signavit, & dedit pignus Spiritus in cordibus nostris: & 1. Joh. 2. & unctio, quam accepistis, manet in vobis; expresse chrismatis fieri mentionem, vel certe ad eam alludi contendit Jesuita<sup>a)</sup>: hac duplici sententia indignè, in re seria ludit duplici sophismate.

<sup>a</sup> Bellarm. de Confirm. cap. 8.

VIII. Prius est, homonymia: quia Apostoli agunt de unctioe metaphorica & interna cordis; ut puta, quæ manere, & fideles docere dicitur: Jesuita verò de propria & externa frontis; quæ non manet, sed sale & aqua brevi abluitur<sup>a)</sup>. Nec eo errore contentus, falsò Theodoretum testem citat. Posterius est, non causa, ut causa: non enim ea est hujus metaphoræ unctiois causa, quod Scriptura ad chrisma Pontificium alluserit (prius enim probandum esset) tum in usu fuisse: neque alio spectasse hæc loca, sed ad unctionem, regum & sacerdotum V. T. typicam: quæ, unctionem Spiritus Sancti internam adumbravit.

<sup>a</sup> Guil. Paris. d. 7. de Sacram. Confir.

IX. Probabilius dixisset Jesuita, ex metaphorarum scripturae abusu, & Judaicarum caeremoniarum, actionumque Christi & Apostolorum, καὶ ἐν ἡμῖν, caeremoniam chrismatis, aliasque plurimas esse confectas; ut Judæos & Gentiles, religionis Christianæ simplicitate offensos, ad eam magis allicerent, & Christianos magis erudirent, & commoverent. Unde paulatim opinio necessitatis cultus, meriti, superstitiosè invaluit. Quomodo lactis, & mellis<sup>a)</sup>, item lactis & vini<sup>b)</sup>, post Baptismum, delibatio, allusione quadam ad metaphoras Esa. 55. v. 1. & 1. Pet. 2. 2. olim fuit usurpata. Ex eodem fonte, apud Pontificios, salis & sputi in baptismo; & halitus, in Chrismate, aliorumque observatio, promanavit: ut à Guilelmo Durando<sup>c)</sup>, copiose demonstratur.

<sup>a</sup> Tertull. contra Marc. lib. 1. cap. 14. <sup>b</sup> Hieronym. in Es. cap. 55. <sup>c</sup> Ration. Divin. off. Vide etiam decretum de consec. D. 4.

X. Denique unguentum Leviticum, quo tabernaculum & sacerdotes, Dei jussu, Exod. 30. olim ungebantur, non fuit figura corporalis chrismatis; ut Jesuita<sup>a)</sup> objicit: sed Spiritus Sancti; quo oleo Christus cum suis confortibus Christianis<sup>b)</sup> regali sacerdotio<sup>c)</sup>, non in fronte est, sed in anima, delibutus. Quare, quum chrisma Pontificium, non fuerit à Christo institutum, confirmationem non esse Sacramentum apparet.

<sup>a</sup> Bellarm. de Confirm. cap. 8. <sup>b</sup> Psal. 45. v. 10. Act. 10. v. 38. <sup>c</sup> 1. Pet. 2. v. 5. Apoc. 1. v. 6.

XI. Altera ratio accedit, quod chrisma illud ne potuerit quidem, à Christo, institui: adeo Christo contrarium est.

Hic enim Sanctus Sanctorum<sup>a)</sup>; illud verò summæ<sup>b)</sup> impietatis instrumentum; ut, ex prophana consecratione & preparatione elucet: 1. In exorcismo; *Exorcizo te creatura olei per Deum Patrem omnipotentem, qui fecit cælum & terram, mare & omnia, quæ in eis sunt, ut omnis virtus adversarii, omnis exercitus diaboli, omnisque incurio & omne phantasma Sathana eradicetur & effugetur à te, ut fias omnibus, qui ex te ungenti sunt, in adoptionem filiorum per Spiritum Sanctum: in nomine Dei Patris omnipotentis, & in charitate Jesu Christi Filii ejus, Domini nostri: qui, cum eo vivit & regnat Deus in unitate ejusdem Sp. Sancti.* 2. In prefatione; *te igitur precamur, &c. ut, hujus creatura pinguedinem sanctificare tua benedictione digneris, & Spiritus Sancti ei admisce-re virtutem.* 3. Post prefationem; *hac commistio liquorum fiat omnibus ex ea perunctis propitiatio & custodia salutaris in secula seculorum.*<sup>d)</sup>

<sup>a</sup> Dan. 9. v. 24. <sup>b</sup> Pontif. Roman. cap. 3. de off. fol. 186. <sup>c</sup> Ibid. fol. 187. <sup>d</sup> Ibid. fol. 188.

XII. Quibus verbis & similibus, impietas copiosa continetur: 1. In Deum creatorem; dum creaturam illius bonam<sup>a)</sup>, ab exercitu diaboli, ante exorcismum, obsideri fingunt. 2. In Filium redemptorem; quum propitiationem, adoptionem filiorum, & salutem, consecrato chrismati attribunt. 3. In Spiritum sanctificantem; quum virtutem illius, spiritualem gratiam, & plenitudinem sanctificationis, chrismati infundi statuunt. Denique in Patrem, Filium, & Spiritum Sanctum, quum nominibus eorum in exorcismo ad falsam dæmonum ejectionem, profanè ac magicè contra tertium Decalogi præceptum, abutuntur. Quæ impietas augetur, execrandæ idololatriæ accessione, præsertim eâ, quæ Episcopus & sacerdotes duodecim, in secundum præceptum, impingentes chrisma adorant: nam ut testatur Pontificale Romanum 6. in varia distantia genuflectunt coram ampella, qualibet vice semper altius dicendo, in tono prædicto; *Ave sanctum chrisma.* Quo dicto labium ampellæ reverenter osculantur.

<sup>a</sup> Gen. 1. v. 31. 1. Tim. 4. v. 4. <sup>b</sup> Parte 3. fol. 188.

XIII. Quamobrem quum chrisma Pontificium, neque institutum sit, neque institui potuerit, à Christo; merito concludimus, chrismatis confirmationem, non esse, Novi Testamenti Sacramentum: ideoque prophanam esse Romanæ Ecclesiæ sententiam, quæ non solum verum esse Sacramentum contendit, sed etiam imprimere characterem in anima, hoc est, signum quoddam spirituale & indelebile<sup>a)</sup>: & majori veneratione venerandum, ac tenendum, quam Baptismum<sup>b)</sup>: idque ut pleni Christiani inveniantur<sup>c)</sup>: item, ut Spiritus Sancti septiformis gratia cum omni plenitudine sanctitatis venire in hominem declaretur<sup>d)</sup>: imo, quod nunquam erit Christianus nisi in confirmatione Episcopali fuerit chrismatus<sup>e)</sup>. Hæc de confirmationis confutatione, ad poenitentiam procedamus.

<sup>a</sup> Concil. Trident. sess. 7. can. 9. de Sacram. <sup>b</sup> Decret. de Consec. dist. 5. <sup>c</sup> de his. <sup>d</sup> Ibid. c. omnis. <sup>e</sup> Ibid. c. Noviss. <sup>f</sup> 1b c. jejuni.

XIV. Quum autem Poenitentia sit, merè interna, vel signis externis declarata: illam quidem non esse Sacramentum extra controversiam est; hanc verò externam, cum verbo absolutionis conjunctam, verum ac proprium esse Sacramentum Pontifices<sup>a)</sup> statuunt: eamque definiunt<sup>b)</sup>, Sacramentum à Christo institutum, quod peccata illis remittenda, qui post Baptismum gratiam Dei amiserunt, ac deinde peccatorum poenitentia ducti, in gratiam illius redire desiderant. Ac subjiciunt<sup>c)</sup>, id potissimum esse situm in confessione peccatoris auriculari, & absolutione sacerdotis. Et hujus Sacramenti quasi materiam esse actus poenitentis tres, Poenitentiam, Confessionem, & Satisfactionem pro peccatis, secundum arbitrium sacerdotis; præcipuè, orationem, jejunium, eleemosynam: Orthodoxi contra, non esse ejusmodi Sacramentum à Christo institutum, rectis rationibus demonstrant.

<sup>a</sup> Catech. ad Paroch. & Catech. Bellarm. de Poenit. <sup>b</sup> 1b. Catech. Bell. <sup>c</sup> 1b & Conc. Flor.

XV. Primum, quia deest signum Sacramentale. Nullum enim hic 1. elementum, 2. aut visibile gratiæ Symbolum. Eoque frivolum est, quod in verbo Confessionis & Absolutionis, signum collocant<sup>a)</sup>. Deinde, quia hæc auricularis confessio caret Christi mandato: & Apostolorum exemplo. Denique,



que, quia hæc à peccatis absolutio à Christo institui non potuit; quum illius doctrinæ & gloriæ adversetur falsis hæc aliiisque hypothesebus. Primum distinctionis peccati in mortale & veniale; quod & merito peccati, & iustitiæ Dei repugnat; quum nullum sit, quod maledictionem & mortem non mereatur<sup>b</sup>. Deinde absolutionis à peccato, i. remissa culpa, non semper remitti debitum, pœnæ temporalis luendæ, cum in alia vita, in purgatorio; tum in præsentī<sup>c</sup>. Quod & merito atque efficaciz Christi, & Dei gratiæ, adversatur: quia ut Christi sanguis nos purgat ab omnibus peccatis<sup>d</sup>; sic nulla est condemnatio iis, qui sunt in Christo<sup>e</sup>: etsi castigationes paternæ, ad medicinam interdum adhibeantur<sup>f</sup>. 2. Debitum illud pœnæ per satisfactionem pœnitentis posse redimi. 3. Huius satisfactionis quoque iudicem esse sacerdotem, &c. Quæ omnia bonorum operum nostrorum debito & imperfectione, peccatorum merito, & mortis Christi λύπη, Deique iudicis potestate confutantur.

<sup>a</sup> Catech. ad Paroch. & Cat. Bellarm. de Pœnit. & Controv. de Pœnit. l. 1. c. 15. & 16. <sup>b</sup> Deut. 27. Rom. 6. <sup>c</sup> Concil. Trid. sess. 14. Bell. de Pœnit. lib. 1. cap. 1. & 2. <sup>d</sup> 1. Joh. 1. v. 7. <sup>e</sup> Rom. 8. v. 1. <sup>f</sup> 2. Sam. 2.

XVI. Nam quod potestas remissionis peccatorum Apostolis commissæ Joh. 20. à Concilio Tridentino Sess. 14. adducitur, illud ineptum est: Quum iis, non iurisdicção, sed ministerium, committatur: quo, remissionis peccatorum, non sunt iudices, ac authores constituti; sed iudices ac præcones divini, ad consolationem credentium. Quod vel ex suo sententiæ Magistro<sup>a</sup> addiscere potuissent. Quare Pœnitentia illa nullo modo est Sacramentum. Idemque de extrema unctione, cum Orthodoxis, sentimus.

<sup>a</sup> Sent. 4. d. 18. f.

XVII. Eam enim intelligunt, qua æger in discrimine vitæ constitutus, oleo, per Episcopum consecrato, in oculis, clunibus, auribus, manibus, pedibus, renibus, à presbytero ungitur hac verborum forma: *Per istam sanctam unctionem, & suam piissimam misericordiam, indulgeat tibi Dominus quicquid peccasti per visum, &c.* 1. Ut reliquæ peccatorum inprimis venialium (quorum videlicet aut est immemor aut inscius) abstergantur. 2. Et anima ægroti divinæ misericordiæ fiducia confirmetur: quo facilius morbum ferat, & Sathanæ resistat. 3. Utque sanitatem corporis, si animæ expediat, consequatur<sup>a</sup> verum, hoc non esse verè Sacramentum à Christo institutum, similiter demonstratur.

<sup>a</sup> Concil. Flor. in Decr. Eugen. & Trid. Conc. sess. 14. Catech. Trident. ad Paroch. de Extr. unct.

XVIII. 1. Quia neque signum illius, materia ac ritus; neque forma, sacris literis continetur. Nam materia, oleum, per Episcopi exorcismum & orationem, consecratum; ritus, inunctio septuplex; forma verò, *Per istam, &c.* de quibus nihil omnino in Scriptura extat. Nam quod ajunt<sup>a</sup>; apud Marcum<sup>b</sup> quidem insinuat, per Jacobum<sup>c</sup> Apostolum ac Domini fratrem commendatum ac promulgatum, reipsa confutatur. Hi enim non loquuntur de tali oleo, nec de ordinario ac perpetuo Sacramento; sed de extraordinarii & temporalis miraculi signo: quod cessante miraculi dono omnino vanum est, nec citra κενός<sup>d</sup> usurpari potest. Quodque Jacobus remissionis peccatorum etiam meminit, eam, non oleo, sed orationi fidei presbyteri & ægri adscribit: ut Matth. 9. v. 2. 3. quare unctio hæc non est à Christo instituta. 2. Imo,

neque potuit à Christo institui, ob multiplicem impietatem; quæ in olei exorcismo & sequente oratione<sup>d</sup> elucet: simili ferè modo, quo in Chrismate, ut antea ostendimus.

<sup>a</sup> Concil. Trident. sess. 14. & Catech. ad Paroch. de extr. unct. <sup>b</sup> Cap. 6. <sup>c</sup> Cap. 5. <sup>d</sup> Pontif. Rom. part. 3. de off. fol. 184.

XIX. Unctioni succedit Ordinis Sacramentum: de quo ferè Pontificiorum tot dissensiones sunt, & errores; quot capita: è quibus paucos tantum delibabimus. 1. Dum ordines & gradus clericorum, qui in Ecclesia serviunt, septem, ostiarii, lectoris, exorcistæ, acolythi, subdiaconi, diaconi, sacerdotis plerique statuunt totidem esse Sacramenta: hinc conficitur, non septem fore sacramenta; sed tredecim, &, ex Bellarmini sententia, quatuordecim: quum sacerdotem in majorem, sc. episcopum, & minorem, scilicet presbyterum decidat: & utriusque ordinem Sacramentum esse tradat<sup>a</sup>. Nam, quod excipit, omnes ordines, licet sint per se singuli Sacramenta, tamen unum Sacramentum censerī, vel genere, vel quia ad unum finem omnes referuntur<sup>b</sup>; nihil juvat. Si enim genere sunt unum, diversæ sunt species, & quum, si unus sit finis remotus, non propterea Sacramentum unum; quum proximi fines sint diversi: diversa quoque materia ac forma: & separata subjecta.

<sup>a</sup> Bellarm. de Sacram. Ord. cap. 5. <sup>b</sup> lb. cap. 8.

XX. 2. Quum horum ordinum materiæ & formæ<sup>a</sup>, sacris literis non sint traditæ, perspicuum est, non esse Sacramentum. Quod partim vidit Pontificiorum Magister lib. 4. sent. d. 24. *Diaconatus* (inquit) & *presbyteratus* solos primitivæ Ecclesiæ legitur habuisse: &, de his solis, Apostoli præceptum extat. 3. Ut varias, materiæ & formæ partim ineptias, partim blasphemias omittamus; (ut quod Episcopum fingunt, potestatem tribuere Exorcistæ dæmones exorcismis, & catechumenis & Baptizatis fugandi: subdiacono verò legendi Epistolas; & diacono Evangelia; utrumque pro vivis & defunctis: denique diacono & presbytero Spiritum Sanctum<sup>b</sup>) quum hi ordines; ut à Pontificiis observantur ad impium Missæ, pro vivis & mortuis, sacrificium, vel conficiendum, vel administrandum perspicue pertineant<sup>c</sup>: eos non potuisse à Christo unico Novi Testamenti secundum ordinem Melchisedec sacerdote, institui<sup>d</sup>, concludimus.

<sup>a</sup> Conc. Flor. decr. Eug. 4. Pontif. Rom. part. 1. Catech. Trident. ad Paroch. de Ordin. Sacram. <sup>b</sup> Ibid. & Conc. Trident. sess. 23. Can. 4. <sup>c</sup> Ibid. <sup>d</sup> Heb. 7.

XXI. Postremo loco Matrimonium non esse Novi Testamenti Sacramentum apparet: quia 1. ante lapsum institutum est. 2. Et utriusque Testamento proprium. 3. Tam extra quam intra Ecclesiam commune. 4. Nec ullum habet elementum à Deo mandatum. 5. Neque gratiæ justificationis promissionem ullam. Quamvis similitudinem aliquam habeat, cum magnò illo unionis Christi & Ecclesiæ arcano<sup>a</sup>. Quamobrem merito, quinque illa Pontificiorum Sacramenta falsa esse statuimus.

<sup>a</sup> Eph. 5. v. 32.

#### COROLLARIA.

1. *Missæ non est sacrificium: nec presbyteri sunt veri sacerdotes, secundum ordinem Melchisedec.*

2. *Purgatorium Pontificium est figmentum humanum.*

F I N I S.

CON-



re providentiam quisquis sustulerit, etsi divinitatem verbis assereret maximè, re ipsa tamen divinitatem negat. Ac sanè quum nullum mortalium dignum censeamus appellatione patris, qui liberorum curam abjiciat; aut regis, qui subditos negligat: quid fieri possit indignius, quàm putare justissimum ac benignissimum rerum omnium dominum ac patrem, abjecto mundi gubernaculo, regnum & opus suum, ludibrio fortunæ, aut insolenti subditorum arbitrio, prostituere? Quare rectè ac graviter, ut multa de Deo Nyssenus de Provid. c. 8. *Quia sapiens est & bonus, sapienter & optimè eorum qua sunt providentiam gerit. Nam siquidem non providet, non est bonus: si verò non bene, minime sapiens est.* Verum, ut ab illa sublimi Dei natura, ad opera illius & illustrissimam mundi fabricam, oculos circumferamus, quis adeo rudis est, ut ex cæli magnitudine, firmitate, motu, innumerabili syderum copia, dispositione, splendore, & ad statas temporum vires moderandas terræque fecunditatem utilitate, conspicuam Dei providentiam non agnoscat? Quis tam hebes ut ex soli medio aëre librati stabilitate: & admirabili animalium, arborum, fructuum, structura, varietate, opportunitate, generis cujusque conservatione ac propagatione incredibili, Dei sapientiam & potentiam non persentiat? Quis adeo cæcus est, ut ex perenni fontium scaturigine, perpetuo fluminum cursu, oceani amplitudine, fertilitate, fluxu & refluxu certissimo; ex omnium denique mundi partium compage, usu, ordine & ornatu summo, quasi ex speculo, relucens Dei providentiam, non pervideat, admiretur, prædicet? Qua de re divinè, ut omnia, Apostolus Rom. I. 19, 20. ait: *Quoniam id, quod de Deo cognosci potest, manifestum est in ipsis. Deus enim eis manifestum fecit. Ipsi enim invisibilia, jam inde à condito mundo, ex rebus factis intellecta pervidentur, æterna videlicet ejus, cum potentia tum divinitas, ad hoc, ut sint ipsi inexcusabiles.* Et præclare Jobus, Dei providentiam, adeo claram esse docet, ut & bruta animantia, eandem docere valeant. *Cæterum, ait, interroga queso bestias & unaquæque docebit te: & volucrem cæli & indicabit tibi. Aut alloquere terram & docebit te: etiam narabunt tibi pisces maris. Quis non cognovit ex omnibus istis, quod manus Iehovæ fecit istud; in cujus manu est anima omnis viventis & spiritus totius carnis humana?* Job. 12. 7, 8, 9, 10. Et Paulus, *Non passus est Deus se experiri esse testimonii, dans nobis calidus pluvias ac tempora fructifera, implens cibo & lætitiâ corda nostra,* Act. 14. 17. Et alibi, *Definivit tempestivitates, quas præstituit: & posuit terminos habitationis eorum, ut quærent Deum, si forte palpando, eum invenirent,* Act. 17. 26, 27. Hinc cælos enarrare gloriam Dei, ait Psaltes Psal. 19. 1. & in providentiæ laudem erumpens, *Iehova, inquit, Domine noster, quàm magnificum est nomen tuum in tota terra, qui ponis decus tuam supra calos,* Psal. 8. 1. Nec mundus solum universus, sed hominis etiam constitutio & regimen (unde <sup>a</sup> *μικρότης* & mundi majoris brevitas dicitur) Dei providentiam ostendit. Nam admirabilis humani corporis structura, artificis sapientiam celebrat: & animi conjunctio & imperium, gubernationem illius evincit. Siquidem quum nec corpus sine ratione, ut nec respublica sine rectore, nec sine gubernatore navigium, queat consistere: an universa hæc mundi machina, quæ ex innumera rerum contrariarum varietate conflata est, tot seculis tantaque firmitate & ordine, sine ordinantis Dei providentia perduraret? Itaque memorabilis sanè Gregorii Magni sententia, Moral. in Job. lib. 6. cap. 6. *Quis, inquit, omnipotentis Dei mirabilia perscrutari sufficiat? quod cuncta ex nihilo creavit, quod ipsa mundi fabrica mira potentia virtute disposita sit, & super aëra calum suspenditur, & super altum*

<sup>a</sup> Gregor. Nyss. lib. de homine cap. 4.

*terra libratur: quod ex rebus invisibilibus ac visibilibus omnia hac universitas existit: quod hominem fecerit, (ut ita dixerim) in brevi colligens mundum alterum, sed rationalem; quod hunc ex anima & carne constituens, investigabili virtutis dispositione permiscuit spiritum & lutum.* Præterea quid imprudentius, imo impudentius fieri potest, quàm ut eum, qui providendi facultatem (quæ non nisi à providente natura manare potuit) non hominum solum animis, sed & brutis animantibus quodammodo impreffit, providentiæ laude spoliemus? Eoque merito exclamat Psaltes, *Animæ servite ò brutissimi & stultissimi, quando intelligentes eritis? Plantator auris an non audiat? aut formator oculi non intueatur? An castigatorem gentium, non reprehendas: qui docet homines scientiam?* Psal. 94. 8. Huc etiam accedit religionis quoddam quasi semen, omnium mortalium pectoribus insitum penitissimè: adeo ut nulla sit gens tam bárbara, tam efferata, quin Deum colendum esse sentiat, & aliquam saltem religionis & divini cultus habeat rationem, eoque providentiam Dei re ipsa agnoscat. Nam quid obsecro precibus opus est, si eas non audit, aut non exaudit Deus? quid gratiarum actione alienius, si nulla ab eo beneficia? quid religione & timore Dei vanius, si neglecta universi cura, pietatem & impietatem mortalium pari ratione & modo æstimat? At secus omnium temporum & locorum experientia comprobatum est. Etenim apertissima copiosaque divinæ in scelerosos vindictæ & erga probos benignitatis exempla nunquam defuerunt. Cujus rei testes locupletissimi sunt historiæ non solum sacræ, sed etiam profanæ, & quæ mille testium instar conscientia. Illius enim naturam paulisper examina, nihil verius comperies. Nam quid ea tandem aliud est, quàm iudicii divini quoddam quasi præjudicium & certissimum providentiæ in utramque partem argumentum? Scitum enim illud ac suo modo verum monostichon, *ἡ σκηνὴ τῆς ἀντιλήψεως τοῦ θεοῦ.* *Omnibus mortalibus conscientia (quasi) Deus.* Nam quum gentes, ait Apostolus, *qua legem non habent, natura quæ legis sunt faciunt, isti legem non habentes sibi ipsis sunt lex: ut qui ostendant opus legis scriptum in cordibus suis, unâ testimonium reddente ipsorum conscientia, & cogitationibus sese mutuo accusantibus aut etiam excusantibus,* Rom. 2. 14, 15. Itaque ut omnia bonis interdum malè: malis verò bonè & ex sententia fluere videantur: illorum tamen felicitatem id minimè evertit: nec horum miseriam tollit. Hos enim maleficiorum conscientia Dei iram intentans perpetuo stimulat & excruciat: illos recti & providentiæ divinæ conscientia in media etiam morte consolatur: *quia præsentem vitam, viam, non patriam; militiam, non palmam deputant:* ut scitè Gregorius Magnus Moral. in Job. l. 8. c. 6. Nec obstat, quod gubernationis divinæ rationem in multis non capimus: imo vel hoc ipsum maxima est providentia, quod rerum rationes nobis arcane sunt & ineffabiles: ut doctè Chrysostomus <sup>a</sup> monet & pluribus confirmat. Præterea quid de ostentis & prodigiis, quæ rerum eventu comprobata sunt, statuemus? quid de miraculis, quæ non casu aut fortuna, sed consulto supra naturæ vires, præstita sunt innumera; nonne potentissimam Dei manum & divini numinis providentiam disertè testantur? Denique, ut alia præteream, quum crebrò & ab omni pene memoria, rerum etiam multis post seculis futurarum, prædictiones verissimæ & clarissimæ extiterint, quæ nulla naturæ luce, nulla conjectura concipi potuerunt: ecquis aliquam esse Dei providentiam dubitare audeat? Quare ex his omnibus, id quod instituimus, generatim divina confirmatur providentia: quæ copiosius ac distinctius ex sacrarum literarum auctoritate demonstrabitur suo loco.

<sup>a</sup> Comment. ad Ephes. 5. sermone 20.

### C A P U T III.

**I**TAQUE ut ordinis, à nobis propositi, ratio postulat, quid providentia Dei sit, porro explicemus. Ea autem est providentia, qua Deus, ad gloriam suam, universas actiones suas externas earumque circumstantias, decrevit ab æterno: & tandem exequitur. Quod autem providentiam appellamus, non inanis est *πρόνοια*, sed generis analogici,

quod *πρόνοια* non ineptè omitti solet, declaratio. Siquidem alia est, creaturarum ratione præditarum, Angelorum & hominum: alia Dei providentia. Illa cum ratiocinatione & consultatione; hæc sine ea: illa imperfecta; hæc perfectissima <sup>a</sup>. Quod ex descriptione constat, quæ porro nobis re-

<sup>a</sup> Arist. Ethic. lib. 6. c. 6. & Thomas part. 1. qu. 22. art. 1.

texenda

texenda est ac distincta partium explicatione illustranda. Etenim quum<sup>a</sup> providentia, generatim sumpta, consilium & executionem illius complectatur: ita & providentiæ divinæ partes sunt duæ, consilium seu decretum Dei, & illius executio<sup>b</sup>. Hinc rectè Scholastici, sciendum est, quod circa providentiam duo sunt consideranda. Unum est ipsa præordinatio: & aliud est ipsius præordinationis executio: Primum est æternum; & secundum temporale. Consilium seu decretum Dei est prior providentiæ divinæ pars, qua ab æterno res omnes præscivit, & ex iis, pro suo arbitrio, certas cum omnibus suis circumstantiis, quàm optimè præfinivit. Cæterum ut consilium omne ad intellectum pertinet & voluntatem: sic etiam consilium seu decretum Dei, analogicè complectitur, præscientiam Dei indefinitam, & præfinitionem illius, quæ, *ὡς ἐν ἀρχῇ βούληται*, definitum seu destinatum Dei consilium, dicitur Act. 2. 23. Etsi enim in Deo, propter summam essentiae simplicitatem, hæc duo, ut similia, reipsa sint unum; nec tempore differant, quia æterna: ratione tamen ordinis & conceptus nostri, cui se clementer Deus accommodavit, distinguuntur. Præscientia autem Dei indefinita est rerum universalium & singularium, quæ fieri possunt, perfectissima in Deo scientia. Nam præscientiæ objectum sunt τὰ ἀνωτάτω quæ-

<sup>a</sup> Resolutio Theolog. super sententias. <sup>b</sup> Tract. 1. par. 3. por. 1. q. 3. & Thomas Par. 1. q. 22. art. 1.

cunque fieri possunt: quorum ratione distinguitur. Est enim τὰ ἀνωτάτω ἀπὸ τῶν ὑποτάτω, ἢ τὰ μελλόντων, eorum quæ simpliciter fieri possunt (sive ea futura sint, sive minus) aut futurorum. Unde illa præscientia indefinita & simplicis intelligentia; hæc verò definita nominatur<sup>a</sup>. Etenim omnia futura, fieri possunt; sed infinita possunt fieri, quæ nunquam futura sunt: utraque tamen à Deo præsciuntur ab æterno<sup>b</sup>. Nam si plura, quam fieri efficere nequit Deus; non est omnipotens: si, quid valeat aut fieri possit, ignoret; non est omniscius: quibus nihil magis absurdum, nihil in divinam maiestatem indignius, dici aut fingi potest. Nam & ratio dicitur & sacræ literæ testantur, Deum esse infinitum: eoque scientia & potentia infinita præditum. Omnipotens tamen non hoc solum nomine, quod omnia possit, quæ velit; sed & reliqua, quæ velle potest & naturæ ipsius tanquam summo bono, minimè repugnant. Quæ summa demum potentia est. Ideo enim verè omnipotens est, quia impotens esse non potest. Sic noluit Christum, Angelorum subsidio, morti eripere: attamen potuit. An putas, inquit Servator Matth. 26. 53. me non posse rogare Patrem, & sistet mihi plures quàm duodecim legiones Angelorum? Et ut potuit Deus, ita posse se, ab æterno præscivit: quia summè sapiens, sibi ignotus esse non potest.

<sup>a</sup> Thomas Aq. Par. 1. qu. 14. ar. 9. &c. <sup>b</sup> Greg. de Valent. comment. Theol. Disp. 1. q. 14. pun. 5.

## CAPUT IV.

**P**RÆFINITIO verò est actio voluntatis Dei qua ad suam gloriam ex rebus præscitis creationem & gubernationem hujus mundi præfinivit. Actionem voluntatis appello: quia, quemadmodum præscientia ad intellectum, ita & præfinitio ad voluntatem pertinet. Quare & consilio ab Ecclesia Hierosolymitana ascribitur, his verbis, *Quæcunque manus tua & consilium præfinierat facienda*, Act. 4. 28. & ad voluntatem ab Apostolo refertur, *Præfiniti*, inquit, *secundum propositum ejus, qui omnia efficit secundum consilium voluntatis suæ*, Ephes. 1. 11. Non enim omnia, quæ præscivit, quum infinita sint; sed quæ voluit, eoque certa quædam præfinivit Deus: *quia omnia quæ voluit fecit*, Psal. 115. 5. Unde etiam præfinitio, quæ voluntatis actio, metonymicè, *voluntas Dei*, passim appellatur. Quum verò ad præfinitionem, ut ante ostendimus, duo requirantur, primum finis, deinde media: seu, propositum finis & accommodata mediorum, ex rebus præscitis, ad eum finem destinatio; utrumque descriptione proposita explicatur. *Ac finis quidem præfinitionis Dei est ipsius gloria: quæ ut summo bono & bonorum omnium fonti, jure meritoque convenit: etsi Deo ad beatitudinem nihil conferat*, Act. 17. 25. Deut. 10. 13. 14. Alioqui non esset summum bonum, <sup>a</sup> *sibi ad omnia sufficiens, nullo indigens, quo omnia indigent ut sint & ut bene sint*. Hunc autem esse finem perspicuum est. Sic enim ait Sapiens, *Omnia Deus fecit propter semetipsum, etiam impium ad diem malum*, Pro. 16. 4. *Quoniam ex eo* (inquit Apostolus Rom. 11. 36.) *per eum, & in eum sunt omnia*. Et alibi exclamat, *Regi autem æterno, immortalis, invisibilis, soli sapienti Deo, honor sit & gloria, in secula seculorum, Amen*, 1. Tim. 1. 17. Media verò sunt creatio & gubernatio hujus mundi: quæ ad gloriam suam, quàm optimè præfinivit ab æterno: quia ante creationem, nihil nisi æternum. Porro quum ex rebus præscitis creationem & gubernationem hujus mundi pro voluntate sua præfinierit Deus: consequitur hanc præfinitionem non solum optimam, hoc est, sapientissimam esse & justissimam: verum etiam liberrimam & immutabilem. Hæc enim voluntatis Dei optimi, maximi, propria. Quum autem alia sit libertas à necessitate naturali, alia à necessitate accidente seu coactione: hoc quidem libertatis modo, seipsum vult Deus: utroque verò, reliqua à se. Etenim seipsum, hoc est, suam sapientiam, potentiam, bonitatem, gloriam, non potest non velle, liberrima ab omni coactione necessitate naturæ: *quia seipsum abnegare non potest*, 2. Tim. 2. 13. Reliqua verò creationem nimirum & gubernationem hujus mundi, poterat non velle, aut aliter: voluit autem Deus, nulla naturæ necessitate, vel coactione absoluta, aut mixta *ἡλικὴ ἀνάγκη καὶ ἰσχύς*<sup>b</sup> volens nolente animo, (*ut hominibus contingit*) sed volunta-

te omnino liberrima. Quia nullius est indigus, nulli devinctus, solus *ἀντικεινός* & omnipotens: qui nec cogi potest nec impediri. *Eoque omnia operatur secundum consilium voluntatis suæ*, Ephes. 1. 11. *miseretur quorum vult: quos vult indurat*, Rom. 9. 18: *elegit nos secundum beneplacitum voluntatis suæ*, Eph. 1. 4. *dona sua distribuit, prout vult*, 1. Cor. 12. 11. (*nam quis prior dedit Domino, ut retribuatur ei?* Rom. 11. 35.) *denique de suo facit quod vult*, Matt. 20. 15. Itaque nullæ hoc loco fatales Stoicorum affingendæ sunt tabulæ, quæ Deo creationis aut gubernationis destinandæ legem modumve imponant. Qua de re graviter Nyssenus lib. de fato c. 4. *Neque* (inquit) *voluntatem ejus servire necessitati fas est dicere. Etenim necessitatis est conditor. Nam necessitatem sanè imposuit astris, ut semper secundum idem moveantur: & mare circum terminavit: & universalibus & generalibus necessarium terminum imposuit. Quem si Fatum vocare volunt: eò quod ubique & semper secundum necessitatem sit, ut omnia per successionem sint in generatione & corrumpantur, nihil curamus. De nominibus enim non velis amur adversus eos. Ipse verò supra omnem necessitatem, non modo consistit: sed & dominus & factor ejus est. Omnipotens enim existens & suapte natura ipsa potestas, nihil neque natura necessitate, neque legis dispositione facit. Omnia verò ei sunt contingentia, etiam necessaria. Et ut hoc monstretur, cursum Solis & Luna, qui necessitate feruntur & semper uno modo habent, quandoque stare fecit: ut ostendat nihil à se secundum necessitatem fieri, sed omnia per potestatem contingenter. Quamobrem præfinitio Dei liberrima est: quemadmodum & constantissima atque immutabilis. Propterea ἀμεταβάτος & βδελύξαι immutabilitas consilii Deo ascribitur in<sup>a</sup> Sacris literis. Nec sanè immeritò. Primum quidem, quia Deus simplex est & æternus: nihil autem simplex mutabile, & quidquid propriè æternum, idem immutabile. *Quod enim mutatur, ait Augustinus<sup>b</sup>, non manet: quod non manet, non est æternum. Idque inter immortale & æternum interest, quòd omne æternum immortale est: non omne immortale satis subtiliter æternum dicitur. Quia etsi semper aliquid vivat: tamen si mutabilitatem patiat, non propriè æternum appellatur: quia non semper ejusmodi est: quamvis immortale, quia semper vivat rectè dici possit*. Deinde etiam præfinitio immutabilis est, quia nec falli sapientissimus, nec mentiri verissimus, nec superari aut ab ullius creaturæ arbitrio pendere potest omnipotens, & (ut cum Nysseno<sup>c</sup> loquar) ἀνάγκη<sup>c</sup> cause superioris expers Deus. Atque huc cum primis faciunt disertissima hæc Sacrarum literarum testimonia, *Non est Deus quasi homo, ut mentiatur: nec ut filius hominis ut mutetur*, Num. 23. 19. *Dixit ergo & non faciet? locutus est & non**

<sup>a</sup> Heb. 6. 17. <sup>b</sup> August. de Trinit. 1. 7. c. 6. Quæst. octuag. q. 19. <sup>c</sup> Lib. de fato cap. 4.



implebit? Mal. 3. 6. Ego Iehova non mutor. Multa cogitationes insunt animo cuiusque, sed consilium Iehova ipsum stabit, Prov. 19. 21. Iehova exercituum ineunte consilium, equis irritum faciet? & manum eius extentam, quis avertat? Esa. 14. 27. Ego sum Deus & non est ultra Deus, nec est similis mei, annuntians ab exordio novissimum & ab initio quæ nondum facta sunt, dicens, Consilium meum stabit & omnis voluntas mea fiet, Esa. 46. 9, 10. Consilium Iehova in seculum consistit: cogitationes cordis eius, in aetates singulas, Psal. 33. 11. Omne munus bonum & omne donum perfectum superne est, descendens à patre lumininum: apud deum, non est transmutatio nec conversionis obumbratio, Jac. 1. 17. Unde etiam solus sapiens, solus bonus, solus potens & immortalis<sup>a</sup> appellatur. Nec quidquam huic adversatur sententia quod poenitentia Deo attribuitur, cum alibi, tum Gen. 6. 6. Poenituit Iehovam, quod fecisset hominem: & 1. Sam. 15. 11. Poenitet me constituisse Saulum in regem. Ea enim voce non mutabilis in Deo affectus (quum nullum accidens sit in eo, utpote simplicissimo & infinito) sed destinata effectus mutatio à prophetis metaphora adumbratur. Quod vex interpretatio ne Samuelis, alterius in loco, constat. Triumphator, inquit, Israël, non mentietur, neque poenitebit eum: quia non est homo, ut poeniteat eum, 1. Sam. 15. 29. Quomodo enim (ait Theodoretus Quæritur in Gen. c. 7.) poenitentia cadat in eum, qui sua præscientia regit universa? Quare poenitentia Dei nihil aliud est, quam mutatio dispensationis eius. Poenitet me, inquit, quod constituerim Saulum regem: pro eo, quod est, statui illum deponere & alterum creare. Sic in hoc loco, Poenitet me fecisse hominem, hoc est, decrevi perdere hominum genus. Quapropter scitè ac rotundè Gregorius Magnus Moral. in Job. lib. 20. cap. 24. Quia ipse immutabilis, id quod voluerit mutat; poenitere dicitur: quamvis rem mutet, consilium non mutet. Et Augustinus in Psal. 109. Poenitentia mutatio rerum significatur. Et de civit. Dei l. 15. c. 25. Cogitatio verò eius & recognitio mutandarum rerum est immutabilis ratio. Neque enim ut hominem, ita Deum, cuiusquam facti sui, poenitet: cuius est de omnibus rebus tam fixa sententia, quam certa præscientia. Porro nec veteris testamenti abrogatio nec cæterarum rerum mutatio præfinitionis constantiam tollit. Nam hæc omnia (ut idem Aug. Epist. 5. ad Marcellum ait) mutantur, nec mutantur divina providentia ratio: quæ fit, ut ista mutantur. Præterea quod minas non semper exequitur Deus ut Abimelechi, Ezechia & Ninivitarum historia comprobatur, nullam consilii mutationem arguit: sed sapientem Dei clementiam demonstrat. Si quidem tacita exceptione resipiscentiæ, minarum terrore, strata consilio via, ad destinatum officium & salutem peccatores, non gratiosè solum invitat: sed & Spiritus efficacia pertrahit ac perducit. Quæ de re præclarum in Ezechiele cap.

<sup>a</sup> Rom. 16. 27. Luc. 18. 19. 1. Tim. 6. 15, 16.

33. 11. testimonium; vivo ego, dictum Domini, non deletor morte improbi: sed ut convertatur & vivat. Ac rectè Theodoretus in Jon. 3. Quoniam conservare Deus gaudet, minatur tristitia, ne in nos tristitia irrueret; Et in Ezech. 7. Ineffabilis Dei clementia penas minatur, ne in penas inferat. At de Ezechia exemplo nominatim & graviter, Augustinum<sup>a</sup> secutus, Gregorius Magnus Moral. in Job. lib. 12. cap. 1. ait, Nulla quæ in hoc mundo hominibus sunt, absque omnipotentis Dei occulto consilio veniunt. Nam cuncta Deus secutura præsciens, ante secula decrevit, qualiter per secula disponantur. Statutum quippe iam homini est, vel quantum hunc mundi prosperitas sequatur, vel quantum adversitas feriat: ne electos eius aut immoderata prosperitas elevet, aut nimia adversitas gravet. Statutum quoque est, quantum in ipsa vita mortali temporaliter vivat. Nam etsi annos quindecim, Ezechia regi, ad vitam addidit omnipotens Deus: quum eum mori permisit, tunc eum præscivit esse moriturum. Quæ in re questio oritur, quomodo ei per Prophetam dicatur 2. Reg. 20. 1. Dispone domus tuæ, quia morieris tu & non vives. Cui quum mortis sententia dicta est, protinus ad eius lachrymas est vita addita. Sed per Prophetam Dominus dixit, quo tempore mori ipse merebatur: per largitatem verò misericordia illo eum tempore ad mortem distulit, quod ante secula ipse præscivit. Nec propheta igitur fallax; quia tempus mortis innotuit, quo vir ille mori merebatur: nec Dominica Statuta convulsa sunt; quia ut ex largitate Dei anni vita crescerent, hoc quoque ante secula præfixum fuit: atque spatium vite quod opinatè foris est additum, sine augmento in præscientia fuit intus statutum. Hinc etiam Deus Abimelecho mortem initio minatus, expressa postmodum conditione, minarum sententiam illustravit, Gen. 20. 3, 7. Quæ de re tota insignis & à deo prophetis figuratus Jeremia locus, Quum eloquar, inquit Deus cap. 18. 7, 8. contra gentem & contra regnum, me convulsurum & demoliturum & perditurum momento, conversa gente illa à malo suo, contra quam locutus fuero, poenitebit me quoque eius mali, quod cogitaveram facere ei. Atque eadem est promissionum ratio. E contrario, ait Ezech. 18. 9, 10. quum loquar de gente & regno me edificaturum & plantaturum momento, si fecerit quod malum in oculis meis, non auscultando voci meæ, vicissim poenitebit me illius boni, quo dixeram me benefacturum ei. Huiusmodi promissio est de sacerdotio Heli 1. Sam. 2. 30. & de regno Sauli 1. Sam. 13. 13. Talis etiam quodammodo promissio extitit, de introducendis in Chanaan<sup>b</sup> Israëlitis: quæ ratione quidem populi seu generis Israëliti, fuit absoluta ac tandem re comprobata: verum, si singulos spectes, tacitam habuit conditionem, nimirum, si Deo se morigeros præberent. Quamobrem hæc frustra decreti divini certitudini & veritati opponuntur.

<sup>a</sup> Aug. de Genes. ad lit. lib. 6. cap. 18. <sup>b</sup> Exod. 3. 17. <sup>c</sup> Num. 15. 2. & 14. 30.

## CAPUT V.

**A**TQUE hæcenus de præfinitionis attributis ac præsertim libertate & constantia illius immutabili: reliquum est, ut distinctionem illius attexamus. Siquidem objecti ratione distinguitur. Etenim quæcunque eveniunt bona, ea præfinit Deus efficere: quæ peccata, ad bonum permittere: utraque iustè & ad destinatos fines dirigere. Quamobrem distinctè illud decretum efficax: hoc verò permittens, dici solet. Eoque præfinitio Dei bonorum omnium causa efficiens prima ac summa: omnium vero rerum in universum moderatrix. Quo quidem sensu nonnulli<sup>a</sup> potens & efficax decretum nominant: quatenus nimirum permissioni otiosæ & à gubernatione vacuæ (quam quidam malè statuunt) opponitur. Nam decretum efficax dicitur vel per se & à deo simpliciter, ratione regiminis & effectiois: vel per accidens & rati<sup>b</sup> n aliquatenus, ratione regiminis solum. Illud est, quo res objectæ & fiunt & diriguntur divinitus; ac speciatim ad bona restringuntur: hoc verò est, quo res objectæ omnino, hoc est, antequam fiant, quum fiunt & factæ sunt, ad fines usque destinatos tantummodo diriguntur: & peccatis congruit. Quamobrem ex hac verissima distinctione, nostrorum in hoc argumento sententias (quæ ex Sacris literis hauriuntur, minus atten-

<sup>a</sup> Beza colloq. Mompelg. parte altera pag. 179.

tis, inter se dissentire videntur) optimè convenire perspicuum est. Quæ de re tota quid ex divina auctoritate & orthodoxo piorum consensu statuendum sit, plenius ac planius suo loco<sup>a</sup> exponemus. Cæterum Dei præfinitionem ad omnia tam mala, quam bona, quamvis diversa ratione referri, Sacræ literæ & res ipsa testantur. Quoniam non minus verum, quam tritum illud dictum, Quicquid Deus agit in tempore, id<sup>b</sup> præfinit ab æterno. Quia nihil, sine consilio, agere potest sapientissimus: nihil contra consilium suum, omnipotens & immutabilis Deus. Itaque quum non solum bona efficiat, sed mala etiam permittat ac dirigat: utraque hoc modo, æterna voluntate sua, præfinitivè certissimum est. Ac rectè Augustinus<sup>c</sup> ait, Propterea namque opera exquisita in omnes voluntates eius, ut miro & ineffabili modo, non fiat præter eius voluntatem: quod etiam contra eius sit voluntatem, quia non fieret, si non sineret; nec utique nolens finit, sed volens. Nec sineret bonus fieri malè, nisi omnipotens, etiam de malo, facere posset bene. Atque hoc testatur Ecclesia Apostolica quum ait Act. 4. 27. Coacti sunt enim verè, adversus sanctum tuum Filium Iesum, quem unxisti, Herodes & Pontius Pilatus cum gentibus & populis Israël, ut facerent, quacunque ma-

<sup>a</sup> Cap. 11. & 12. <sup>b</sup> Act. 15. 18. <sup>c</sup> Enchirid. ad Laur. c. 100.

*me tua & consilium tuum αὐτοῦ ἡμεῖς προῖναι faciendū.*  
 Et Apostolus Act. 2. 23. τῷ τῇ ἐκείνῃ βουλῇ καὶ αὐτοῦ ἡμεῖς,  
*hunc definito consilio & præscentia Dei deditum, quum accepis-*  
*setis, manibus sceleratis cruci affixum, interemisistis.* Et Chri-

a magno viro <sup>2</sup> dictum sit, quòd, ~~et~~ <sup>et</sup> ~~quod~~ <sup>quod</sup> ~~ad ea quoque trans-~~  
feratur, ~~qua~~ <sup>qua</sup> ~~sicut optima sunt~~, quod ad Dei decretum attinet;  
ita hominum ipsorum respectu, summa maximaque sunt sca-  
lera: ut Act. 2. 23. dicitur Christus ~~et~~ <sup>et</sup> ~~propter~~ <sup>propter</sup> ~~Deum~~ <sup>Deum</sup> ~~proditus~~, ~~et~~ <sup>et</sup> ~~im-~~  
piorum manibus crucifixus. Quare frustra, ex hac sententia,  
calumniandi occasionem arripiunt. Sed plura suo loco.

a Beza præl. in Rom. 6.

## С а р у т V I.

**P**ORRO à natura præfinitiois Dei ad effectum illius proprium & necessarium accedamus. Id autem est præscientia definita, quæ est rerum omnium à Deo præfinitarum in Deo scientia. Quandoquidem nota sunt Deo ab æterno omnia opera sua, Act. 15. 18. Ipse fines mundi intuetur, & omnia quæ sub calo sunt, Joh. 26. 24. Nec est ulla creatura invisibilis in conspectu ejus: Omnia autem nuda & aperta sunt oculis ejus, Hebr. 4. 13. Adeo ut tenebra perinde sint ei atque lux, Psal. 139. 12. Novit omnia: Corda & renes perscrutatur, 1. Joh. 3. 20. Jerem. 17. 10. Intelligit cogitationes è longinquo, Psal. 139. 2. Sapientiam dat sapientibus & scientiam scientibus intelligentia, Dan. 4. 21. Eoque meritò solus sapiens appellatur, 1. Tim. 1. 17. Quod eleganter expressit Boëthius, De consol. Philos. lib. 5. metro 2.

*Huic ex alto cuncta tuenti*

*Nulla terra mole resistunt :*

*Non nox atris nubibus obstat :*

*Uno mentis cernit in ictu*

*Qua sunt, qua fuerint, veniantque.*

Quem, quia respicit omnia solus,

*Verum possis dicere Solem.*

Hanc autem definitam Dei præscientiam, *Scientiam visionis & intuitivam Dei notitiam* <sup>a</sup> nominant: quod res omnes præfinitas, tanquam præsentis, intueatur ac cognoscat penitissimè. Etenim *non singula*, ut Augustinus de Trinitate lib. 15. cap. 7. ait, *cognoscendo aspicit, sed una æterna & immutabili atque ineffabili visione complectitur cuncta quæ novit*. Itaque si res ipsas, Præscientia; sin æternam Dei naturam consideres, Scientia potius dicenda est, quàm, Præscientia. Quia quod propriè æternum est, successione & intervallo temporis caret. Unde æternitas vulgo definitur ex Boëthio <sup>b</sup>; *Interminabilis vite tota simul & perfecta possessio. Deus autem inhabitat æternitatem*, El. 57. 15. ac propriè æternus & infinitus dicitur, eoque omnia habet sibi præsentia constantissimè. Hinc *mille anni, ante oculos ejus, sunt tanquam dies hesterni, quæ præterit*: ut ait Psalter Psal. 90. 4. Quem imitatus Apostolus asserit, *unum diem, apud Deum perinde esse ut mille annos: & mille annos, ut diem unum*, 2. Pet. 3. 8. Quare scitè, ut solet, Augustinus de civit. Dei lib. 11. c. 21. *Non quod nullo modo scientia Dei varietur, ut aliud in eo fiant, quæ nondum sunt, aliud quæ jam sunt, aliud quæ fuerunt. Non enim, more nostro, vel quod futurum est: prospicit: vel, quod præteritum est, respicit: sed alio modo quodam, à nostrarum cogitationum consuetudine longè latèque diverso. Ille quippe non ex hoc, in illud cogitatione mutata, sed omnino incommutabiliter videt. Ita ut illa quidem quæ temporaliter fiunt & futura, nondum sint; & præsentia, jam sint; & præterita, jam non sint: ipse verò hæc omnia stabili ac sempiterna præsentia comprehendit*. Ac præclare Gregorius Magnus Moral. in Job. lib. 20. cap. 24. *Quomodo est præsciens, dum nulla, nisi quæ futura sunt, præsciuntur? Et scimus, quia Deo futurum nihil est: ante cuius oculos præterita nulla sunt, præsentia non transeunt, futura non veniunt: quippe omne quod nobis fuit & erit, in ejus prospectu præstest: & omne quod præsens est, scire potest potius, quam præscire*. Hanc autem præscientiam Dei definitam, præfinitionis effectum necessarium ac proprium appellamus, quod certò & ex ea solum oriatur. Ut enim præscientia Dei indefinita (qua Deus omnia, quæ contingere simpliciter possunt, tanquam *divinè* novit) præfinitionem Dei ordine antecedit, tanquam subjectum & materia, unde certa quædam definiri possunt futura; sic etiam præfinitio, ex præcitis possibilibus futura quædam determinans, præscientiam definitam

<sup>a</sup> Thomas Aquinas Par. 1. q. 14. art. 9. &c. <sup>b</sup> De consol. Philos. lib. 5. pro-  
faut.

(quæ futurorum est) ordine & causa tanquam efficax objectum, & primum determinationis futurorum principium, antecedit. Nam definita Dei præscientia non à rebus futuris promanat, sed à determinante futura decreto Dei. Siquidem temporale æterni causa esse non potest: alioquin & accidens aliquod esset in Deo & indigna ejus majestate imperfectio. Quod naturæ illius simplicissimæ, immutabili, perfectissimæ & infinitæ omnino repugnat, & ab orthodoxo consensu abhorret. Itaque non res futuræ, sed æternum de futuris decretum, præscientiæ definitæ causa est. In quam sententiam eleganter ac doctè Augustinus de trinitate lib. 15 c. 13. *Universas ergo creaturas suas & spirituales & corporales, non quia sunt, ideo novit; sed ideo sunt, quia novit. Non enim nescivit quæ fuerat creaturus. Quia ergo scivit, creavit: non quia creavit, scivit. Nec aliter ea scivit creata, quàm creanda. Non enim ejus sapientia aliquid accessit ex eis, sed illis existentibus, sicut oportebat & quando oportebat, illa mansit, ut erat.* Et Augustini imitator Gregorius Magnus Moral. in Job. lib. 20. cap. 24. *Quia ea, quæ nobis futura sunt videt (quæ tamen ipsi semper præsto sunt) præscius dicitur: quamvis nequaquam futurum prævideat, quod præsens videt. Nam & quæcunque sunt, non ab æternitate ejus ideo videntur quia sunt; sed ideo sunt, quia videntur.* Quam sententiam pluribus argumentis probant ac tuentur etiam Scholastici<sup>a</sup>. Quare præscientiæ definitio, & ut loquuntur, limitatio, non provenit à conditione rerum quæ videntur, sed à voluntate & decreto Dei tanquam determinationis futurorum principio. Verum hinc nova exoritur quæstio, *Anigitur contra, Dei præscientia sit rerum causa necne?* Quæ commoda vocum præscientiæ & causæ distinctione tollitur. Itaque operæpretium existimo, ut eam, è suis fontibus huc derivem: quo res tota fiat explicatior & aperta. Nam *præscientia* aut propriè ad intellectum restringitur, & solam rerum notitiam indefinitam aut definitam notat; aut *impropriè* synecdochicè conjunctam cum voluntate seu providentiam, & interdum *καὶ ἐκ τῆς* electionem, significat, Rom. 8. 29. & II. 2. Illam *θεωρητικὴν* contemplativam, quod in sola rerum contemplatione sita sit: hanc verò *πρακτικὴν* activam, quod in actione occupetur, appellant vulgò. Eoque distinctè<sup>b</sup> Lombardus, *Has enim duobus modis accipitur cognitio vel scientia Dei; scilicet pro notitia sola, vel pro notitia simul & beneplacito.* Deinde *vox causa*, non eodè semper modo sumitur. Nam aut *generatim* pro argumento quovis & ratione consequentiæ accipitur, unde *causa consequentiæ*<sup>c</sup> dicitur: aut *speciatim* pro argumento essentiali, cujus vi res est, nempe efficiente, materia, forma, fine: & *causam efficiendi & consequentis* nominant. Hinc *καὶ ἐκ τῆς* pro efficiente plerumque accipitur. Denique *impropriè* & metaphoricè pro antecedente aut adjuncto necessario, quod sit instar causæ, usurpatur. Quam *causam sine qua non* (etsi à veteribus, materiæ propriè sic dictæ, id nominis interdum tribuatur) nuncupant. Quo etiam pertinet objectum: quia similitudinem habet materiæ: unde materia circa quam appellatur. Cæterum hæc ita esse comparata nec tricas sophistarum, sed tritas disertiorum sententias, res ipsa loquitur & doctiorum consuetudo. Sic enim Cicero, <sup>d</sup>quem de usu vocum differentem nemo facile rejecerit, *Causarum igitur* (inquit) *genera sunt duo, unum quod visiva, id quod sub ea subjectum est, certè efficit: ut ignis accendit: alterum quod naturam efficiendi non habet, sed sine quo effici non possit: ut, si quis æ causam statua velit dicere, quod sine eo non possit effici. Hujus generis causarum sine quo non efficitur, alia sunt quæta, nihil agentia, stolidæ quodammodo: ut locus, tempus, mate-*

a Lombardus lib. 1. diff. 28. Thom. Aq. par. 1. quæst. 14. art. 8. & alii. b Sent. 1. 1. diff. 38. c Hancigitur. d Thom. Aq. Par. 1. q. 14. art. 8. &c. d Topic. ad Trebatium.

ria, ferra<sup>ment</sup>a, & cetera generis ejusdem. Alia autem praecur<sup>sum</sup>tionem quandam adhibent ad efficiendum & quadam adferunt per se adjuvantia, etsi non necessaria: ut amor congressio causam attulerit, amor flagitio. Idem lib. de fato, accuratius communem hanc loquendi rationem examinans ait, Non sic causa intelligi debet, ut quodcunque antecedit, id ei causa sit: sed quodcunque efficienter antecedit. Ac paulò post, Nulla igitur earum causa est, quoniam nullam rem, sua vi efficit, cuius dicitur causa: nec id, sine quo quippiam non sit, causa est, sed id, quod quum accessit, id cuius causa est, efficit necessario. Atque hæc de vocum significationibus: quæ neglectæ, summam in hoc argumento & similibus pariunt difficultatem: observatæ verò, lucem adferunt maximam. Quare (ut instituto nostro aptemus) præscientia propriè sumpta sola & *πρωγενής*, non est causa efficiens rerum: quia illius vi non existunt. Innumera enim sunt (ut antè ostendimus) quæ indefinitè præscivit Deus, quæ nunquam futura sunt: & quam plurima contingunt scelera, quæ definitè præscivit, quorum propriè causa dici, sine summo scelere non potest. Deus (ait Augustinus De lib. arb. lib. 3. cap. 4.) omnia, quorum ipse auctor est, præscit: nec tamen omnium, quæ præscit, auctor est. Quorum autem non est malus auctor, iustus est ultor. Atque hoc sensu, præscientiam rerum causam esse, plerique negant; etiam illi, qui secus statuere videntur. Quare de scitè gravissimus Theologus, ait, In *αἰωνίω* verò, si verbum *πρωγενής* de simplici Dei notitia accipiat, certe *αἰωνίως*, quam præscientiam vocant, nullam efficientis causæ rationem habebit. Nec enim res futura, idcirco futura sunt, quia Deus illas futuras prænovit: sed contra, idcirco sunt futura & illas futuras prænovit, quoniam futuras illas decrevit. Sin verò causæ vocem generatim pro argumento quovis & consequentiæ ratione capiamus: tum quidem præscientia indefinita, causa esse non potest; sed definita, optimè. Quia illa est *ἡ ἀπολὺς διουκτικὴ* eorum, quæ simpliciter fieri possunt, unde rerum constitutio non consequitur: hæc verò, rerum decreto Dei præfinitarum: unde earum consequentia vicissim concluditur; quia decretum Dei, ex quo promanat, constans & immutabile est. Atque hoc sensu definita

<sup>a</sup> Beza Prælect. in Rom. 9.

Dei præscientia rerum causa à nonnullis Orthodoxis appellatur. Præterea si improprie nomen causæ usurpemus; præscientiæ Dei optimè convenit. Est enim causa sine qua non, & materia circa quam, seu objectum præfinitionis & operationis divinæ. Unde causam exemplarem, (quod ad eam tantquam exemplar res existant) Scholastici<sup>a</sup>, Augustinum secuti nominant. Denique quum præscientiæ vox improprie & synecdochicè non pro sola, sed conjuncta cum voluntate notitia seu providentia usurpatur, tum merito causa rerum variè, ut antè explicavimus, appellatur: efficiens quidem bona, permittens mala, regens omnia<sup>b</sup>. Qua de re multa non indoctè à Scholasticis disputantur. Unde perspicuum est divinæ sanctitati nihil à D. Beza derogari, quum, ut ante indicavimus, ait, *Res futuras, ideo futuras esse, quoniam futuras illas Deus decrevit*. Siquidem, ut alibi fusius explicamus, Dei decretum est bonorum omnium causa efficiens absolute & per se, ratione actionis, qualitatis & ordinis: malorum verò per accidens, ratione actionis & ordinis, quæ bona sunt; non autem ratione vitiosæ qualitatis & *ἀνομιᾶς*, quæ peccatum est & à creatura sola promanat. Sed ut eo, unde digressus sum, redeam, hoc sensu de præscientia cum Dei voluntate conjuncta, sic alicubi differit Calvinus Comment. in Gen. 41. 17. *Quod Deus, inquit, præscit, est rerum omnium, nulla inde necessitas inducitur. Quasi verò nudam præscientiam dicamus rerum causam esse: ac non potius hanc copulam teneamus à Mose positam, quæ futura sunt Deum præscire, quoniam ea facere decrevit. Ipsi verò inscitè ac perperam ab æterno Dei consilio & continua actione providentiam divellunt*. Itaque quum reipia inter se consentiant Orthodoxi, non est cur loquendi varietate offensi eos aut inter se, aut cum Sacris literis committamus. Ingenui enim est aliorum dicta benignè interpretari: nisi de contraria sententia penitus constet. Cæterum, ut hujus varietatis fontes aperiā, ea partim ex vocum ambiguitate, partim ex adversariorum variè loquentium occasione profluxit. Quæ ratio non solum in hoc argumento; sed in aliis etiam obtinet.

<sup>a</sup> Quæst. 83. qu. 46. <sup>b</sup> Lomb. l. 1. dist. 38. Thom. Aquin. par. 1. qu. 14. art. 8. &c.

## CAPUT VII.

**A**TQUE hæcenus de priori providentia parte, seu decreto Dei differuimus: ad executionem illius transcamus. Ea autem est altera providentiæ Dei pars, qua decretum illud, potentissimè, ad suam gloriam, omnino exequitur. Etenim quum Deus omnipotens sit & immutabilis, omnia quæ voluit fecit, Psal. 115. 3. sine ulla penitus difficultate aut mutatione sui. Ipse dixit & facta sunt: ipse mandavit & creata sunt, Psal. 33. 9. An non nosti, ait Esaïas c. 40. 28. an non audisti, quod Deus æternus Jehovah creator finium terræ, non lassatur nec defatigatur, nec est pervestigatio prudentiæ ejus? Deinde quum decretum illud Dei sit optimum, hoc est, sapientissimum, iustissimum, benignissimum, parem esse illius executionem necesse est. Unde qui finis decreti & executionis rerum, Dei emergit gloria: ut postea melius liquebit. Porro ea executio distribuitur in creationem & gubernationem hujus mundi: quia ut hæc sola decrevit Deus; ita non alia exterius operatur. Creatio autem est prima externa Dei actio, qua solus, è nihilo, universum hunc mundum secundum decretum suum, in principio temporis produxit & sex dierum spacio disposuit ad electorum salutem & gloriam suam. Externam Dei actionem appello: quia actio Dei alia est interna, quam immanentem: alia externa, quam transeuntem & ad extra nominant. Interna est quæ in Deo terminatur: eaque vel essentialis & communis tribus personis; cuiusmodi est decretum Dei æternum: vel personalis & propria certis, quæ personis distinctè convenit & opus Dei ad intra vulgo dicitur: ut Patris, Filium gignere & amborum producere Spiritum. De quibus copiosius agere non est nostri instituti, nec hujus argumenti. Interim hinc constat, Deum ante mundi creationem, non fuisse otiosum: eoque ineptè hoc argumento quosdam ad mundi æternitatem statuendam esse abusos. Externa verò Dei actio est quæ extra Deum, in res alias exercetur. Nec aliud est, quam de-

creti æterni executio. Quæ omnino consistit, in creatione & gubernatione hujus mundi. Cujus gubernationis pars est humani generis redemptio: eoque verè quidem, sed paulo angustius, Dei opera, in creationis & redemptionis opera dividuntur vulgo. Deinde ut efficiens, creationis est Deus: ita subiectum opus est mundus. Qua voce in hoc argumento, non cælum (ut veteres<sup>a</sup> nonnunquam *οὐρανὸν*) aut terram simul: aut homines, trita synecdoche: sed rerum<sup>b</sup> universitatem seu universam cæli solique & quæcunque eorum complexu continentur compagem ornatissimam & inanimem intelligimus. Nam qui mundum definierunt<sup>c</sup> animantem, ejusque animam, aut æternum aut conditum aliquem Deum docuerunt, non Sacris solum literis; sed rationum etiam pondere, jam olim exploti sunt. Mundum autem à Deo Patre, per Filium, & Spiritum Sanctum esse conditum, Sacre literæ passim docent. Nam, ut de Genesios<sup>d</sup> historia nihil dicam & è multis pauca excerptam, *Mundus*, inquit Johannes, *per eum factus est*, Joh. 1. 10. & 16. 3. Quod interpretatur, *Omnia per eum facta sunt & absque eo factum est nihil, quod factum est*. Deus, inquit Paulus Act. 17. 24. *fecit mundum & omnia quæ in eo sunt*. Et Act. 14. 15. *Fecit cælum & terram & mare & omnia quæ in eis sunt*. Item, *Nam per eum condita sunt omnia, quæ in cælis sunt, & quæ in terra, visibilia & invisibilia, sive throni, sive dominia, sive imperia, sive potestates, omnia per eum & in eum condita sunt*, Colos. 1. 16. Huc accedit Psaltes, *Verbo Jehovah cæli facti sunt, & Spiritus oris ejus totus exercitus eorum*, Psal. 33. 6. Jobus denique cap. 26. 14. ait, *Spiritu suo ornavit cælos*. Porro materiam, ex qua mundum effecit Deus, nullam agnoscimus. Nam quum Deus, solus<sup>e</sup> æternus (initio, fine, successione carens) & immortalis

<sup>a</sup> Cicero de universo. <sup>b</sup> Arist. de mundo cap. 2. Plato Timæo. <sup>c</sup> Plato Timæo. <sup>d</sup> Cap. 1. & 2. <sup>e</sup> 1. Tim. 6. 16.

fit,

fit, omniaque sine exceptione, coque & materiam, condiderit: sequitur mundum non ex materia aliqua æterna (multo minus ex Dei essentia, quippe infinita, simplicissima, & immutabili; sed è nihilo, tanquam termino, potentia Dei extitisse. *Ipsè dixit & facta sunt: ipse mandavit & creata sunt*, Psal. 33. 9. Nam Deus *vocat ea quæ non sunt, tanquam sint*, Rom. 4. 17. Idque creandi verbum, quod alias generalius usurpatur, in hoc argumento declarat. Qua de re Apostolus Heb. 11. 3. *Per fidem intelligimus, constituta fuisse secula verbo Dei: ut quæ cernimus, non sint ex apparentibus facta*. Itaque quidquid est, illud aut immediatè, ut cælum, terra, aquæ, anima, Angeli: aut mediatè ut alia, ratione primæ materiæ è nihilo promanant. Nam commune ac tritum illud Philosophorum placitum *ex nihilo nihil fit*, ordinariæ rerum corporæarum constitutioni & humanis artificii aptari potest: sed creationi (quam ignorarunt) & divinæ potentie opponi nequit. Quæ, si materiæ præsentia definitur & astringitur, infinita non est, coque nec divina. De qua re tota eleganter & graviter Theodoretus<sup>b</sup>, *Est autem hoc quoque humanarum rationum imbecillitatis argumentum. Quoniam enim omnis ars, apud homines subiecta materia indiget: & fingendi quidem ars, luto; adificandi verò, lapidibus & lateribus; lignis autem fabricis & navium adificatrix; texendi ars, lanis; & coriario- rum quidem ars, pellibus; pingendi autem & incrustandi, coloribus; & ut semel dicam, unaquaque ars, materia convenienti: existimarunt stolidi, etiam Deum non posse, sine materia fabricari; nec intellexerunt, quanta sit Dei & hominum differentia, & quod fieri non potest ut imago omnia habeat quæ exemplar, & quod homo quidem, ut imago, ex iis quæ sunt fabricatur: Deus autem & ex iis quæ non sunt. Et hoc nos aperte docuit Sacra Scriptura. Apostolus enim dicit, Heb. 11. 3. Fide intelligimus aperta esse secula verbo Dei, ut ex invisibilibus visibilia fierent. Et rursum Rom. 4. 17. Qui vocat ea, quæ non sunt, tanquam sint. Cæterum forma mundi interna, in abdita universi natura: externa verò in dispositione omnium partium, cum in se, tum inter se ornatissima & utilissima consistit. Unde ὁ κόσμος Græcis, mundus Latinis appellatur. (Creationis enim duæ sunt partes, productio rerum & dispositio sapientissima: utraque Deo propria; ut nulla Angelorum aut hominum usus sit opera. Quod creationis c<sup>a</sup> historia & Prophetarum testimoniis comprobatur. Ego Iehova (inquit Esaias cap. 44. 24.) facio omnia, extendo calos solus, qui expando terram per meipsum. Sic Ezechias, Tu es Deus ille solus o-*

<sup>a</sup> Vide Damasc. orth. fid. lib. 2. c. 5. <sup>b</sup> Divinor. decret. epitom. ca. materia. c Gen. 1. & 2.

mnibus regnis terra, tu fecisti cælum & terram, Esa. 37. 16. Et Jobus, cap. 9. 8. *Qui extendit calos solus, qui calcatur excessa maris*. Unde, *Creator dicitur* 2. Pet. 4. 19. & hac nota se ab idolis distinguit, *Dii, inquit, qui cælum & terram non fecerunt, pereant de terra & de his quæ sub cælo sunt*, Jerem. 10. 11. Unde admirabilis Dei creatoris sapientia, bonitas & potentia elucet: quorum agnitio & celebratio corde, lingua, opere, creationis, ut decreti, scopus ac finis ultimus existit. Hinc Jeremias cap. 10. 12. de Deo ait, *Qui fecit terram virtute sua, stabilivit orbem sapientia sua & prudentia sua extendit calos*. Et Moyses Gen. 1. 31. *Vidit Deus quæcunque fecerat & erant valde bona*. Ac Psaltes, *Quam ampla sunt opera tua ô Iehova, omnia sapienter fecisti!* Psal. 104. 25. Et alibi dicuntur *Cæli enarrare gloriam Dei*, Psal. 19. 1. & ad illam prædicandam omnes creaturæ passim excitantur, Psal. 147. & 148. &c. *Quia omnia*, ait Sapiens Prov. 16. 4. *fecit Deus propter semetipsum*: & ut monet Apostolus, Rom. 11. 36. *ex eo, per eum, & in eum sunt omnia: Ipsi gloria in secula*. Huc etiam sanctorum epiphonema Apoc. 4. 11. pertinet, *Dignus es Domine, qui accipias & honorem & virtutem: quia tu creasti omnia & propter voluntatem tuam sunt, & creata sunt*. Atque hic summus creationis mundi finis: proximus verò & ad illum pertinens, est salus electorum. Ut enim omnia hominum gratiâ condita sunt: sic ipsi propter se mutuo & potissimum ad electorum bonum. *Subjicite terram*, ait Deus Gen. 1. 28. 29. *atque dominamini piscibus maris & volatilibus cæli & omni bestia reptanti super terram*. Dixitque Deus, *Ecce dedi vobis omnem herbam producentem semen in superficie totius terræ: & omne lignum, in quo est fructus arboris producentis semen, vobis erit in escam*. Et Psaltes Psal. 8. 6, 7. *Dominari fecisti cum operibus manuum tuarum: omnia posuisti sub pedibus ejus*, Et Paulus denique 1. Cor. 3. 22. *Omnia, inquit, vestra sunt, sive mundus, sive vita, sive mors, sive præsentia, sive futura*. Porro ut à causis creationis mundi ad circumstantias transeamus, ea nec ab æterno, nec momento, sed in principio temporis, sex dierum spacio, ut distinctius & attentius Dei gloriam consideremus, contigit: quemadmodum Genesis demonstrat. Nam locus & tempus, sunt rebus creatis propria. Siquidem prius & posterius rebus finitis (cujusmodi omnes & solæ sunt creaturæ) solùm competunt: infinitis verò, qualis solus est Deus, minimè quadrant. Qua de re acutissimè, ut solet, Tertullianus contra Praxeam: *Ante omnia enim Deus erat solus, ipse sibi & mundus & locus & omnia*. In qua sententia acquiesco & doctrinam de creatione hujus mundi concludo.

## CAPUT VIII.

**R**ELIQUUM igitur est, ut de administratione, seu potius gubernatione illius, differam. Hæc enim vox minus diluta est & adumbrando Dei regimini accommodatur. Nam præclare ex naturæ luce ait Philosophus<sup>a</sup>, καὶ ὁ κόσμος δὲ, ὡς περὶ τοῦ κυβερνήτου, οὗ ἀρχὴ δὲ ἀρχή, οὗ χάρις δὲ κορυφαία, οὗ πόλις δὲ τοῦ κόσμου, οὗ εὐταπεινὸν δὲ ἡμέραν, ἔτι ἡὺς οὗ κόσμου πάλιν καὶ ὅτι τῶς μὲν κορυφαίης τὴν ἀρχὴν πολυκινήτην καὶ πολυμέλειον τὸ δὲ ἀλυπὸν τι, ἀπὸ τοῦ τὴν πύσης κινῆσαι μὲν οὐκ ἀδύνατον. hoc est, *Ad summam, quod in navi gubernator, in curru auriga, in choro prætor, in civitate lex, in exercitu imperator, hoc idem in mundo est Deus: nisi quod illis ipsis principatus laboriosus, perturbatus & anxius est; huic autem expers molestia & laboris ab omni corporali infirmitate separatus*. Itaque rectè sapiens Hebræus ad hoc argumentum gubernationis vocem transtulit, quum ait Sap. 11. 3. *ὁ δὲ σὺ πάτερ ὁ κυβερνᾷς πᾶν*. At tua, pater, gubernat usque providentia. Cæterum gubernatio mundi est altera externa Dei actio, qua universum hunc mundum & quæcunque in eo, secundum decretum suum gubernat. Ac synecdochicè, ut initio monuimus, *providentia* vulgo appellatur. Quam Deo competere eleganter & nervosè ait, ex Greg. Nysseno de prov. cap. 1. (è quo multa transcripsit) Damascenus Orthod. fid. lib. 2. c. 29. *Ἀνάγκη δὲ τὸ αὐτὸ εἶναι ποιητὴν τῶν ὄντων καὶ σωτηρὴν ὅτι ὁ δὲ πᾶσι, ὅτι ἀπὸ τοῦ αὐτοῦ μὲν ποιεῖν εἶναι τὸ ὄντων, ἀλλὰ καὶ σωτηρὴν ὅτι ὁ δὲ πᾶσι εἶναι πᾶντος εἶναι ἀμφοτέρω: οἱ μὲν ὅτι ποιεῖ, οἱ δὲ ὅτι σωτὴρ. Necesse enim*

*est eundem esse factorem eorum quæ sunt & provisorum. Neque enim consequens est, neque decens, alium quidem esse factorem eorum quæ sunt, alium provisorum. Sic enim omnino uterque infirmitate laboraret: hic non faciendi, ille non providendi. Cui consentit probè Theodoretus, Est enim, inquit Decret. divinorum epit. cap. Providentia, longè absurdissimum, dicere quidem ipsum omnia fecisse (non quod ipse eis opus haberet, sed sola sua benignitate & humanitate adductum) & creaturam veluti cymbam aliquam & clavo & gubernatore destitutam à contrariis ventis, huc atque illuc impelli, scopulisque & rupibus allisam confringi. Cæterum gubernationis hujus partes sunt, duæ, conservatio & ordinatio mundi constituti, quæ καὶ ἡγεμονία plerumque gubernatio dicitur. Hinc Damascenus Orthod. fid. lib. 2. c. 28. *ὅτι ὁ ὁμοῦς ἡμῶν, ὁ δημιουργὸς αὐτῶν ὁμοκράτης ἐστὶν ἐν ἡγεμονίᾳ, ὁ σωτηρὸς αὐτῶν ὁμοκράτης αὐτῶν καὶ κυβερνήτης ἐστὶν αὐτῶν ὁμοκράτης αὐτῶν ὁμοκράτης. Nam & generatio nostri conditricis ejus potentia est: & permansio, continentis potentia illius: & gubernatio ac salus, providentis illius potentia. Et rotundè ac piè Augustinus Epist. 57. ad Dardanum. Sic Deus per cuncta diffusus, ut non sit qualitas mundi, sed substantia creatrix mundi: sine labore regens & sine onere continens mundum. Et alibi (de Gen. ad lit. lib. 4. cap. 12.) quæstionem huic argumento convenientissimam explicans ait, Quapropter sic accipimus, Deum requievisse ab omnibus operibus suis quæ fecit, ut jam novam naturam nullam conderet: non utique, ut quod condide-**

<sup>a</sup> Arist. de mundo cap. 6.



rat continere & gubernare cessaret. Unde & illud verum est, *Quod in septima die requievit Deus*, Gen. 2. 2. & illud, *Quod usque nunc operatur*, Joh. 5. 17. Sed à partitione, ad partium definitionem, transcamus. Itaque *conservatio mundi* est prior gubernationis pars, qua Deus mundum continuat: hoc est, universam mundi machinam illiusque vim & positum à se naturæ ordinem, quasi manu sustinet ac conservat. Quam providentiam universalem nominant: & copiose ac graviter à Psaltes, cum alibi tum Psalmo centesimo quarto, describitur. Etenim cæli cursum & efficaciam, seu, ut Deus loquitur Job. 38. 33. *statuta cæli & dominatum ejus in terra*, temporum vires, soli fertilitatem, maris fines, animalium fructuumque propagationem perpetuat. Unde *principium motus & primus motor* (etsi augustius nonnunquam id accipitur) vulgo dici solet. Eoque Dei Filio non solum tribuit Apostolus, *quod secula condiderit*, sed etiam, quod omnia, potente suo verbo, sustineat, Heb. 1. 2, 3. Et alibi, Colos. 1. 16. ait: *Estque ipse ante omnia, & omnia per eum consistunt*. Item, *In ipso enim vivimus, movemur, & sumus*, Act. 17. 28. Nam ex eo, & per eum, & in ipsum sunt omnia, Rom. 11. 36. Et Jer. cap. 31. 35, 36. Sic ait Iehova, qui disponit Solem & lucem interdiu,

*statuta Luna & stellarum noctu: qui dirumpit mare & fremunt fluctus ejus: cui nomen est Iehova exercituum*. Si amovebuntur *statuta ista à conspectu meo*. Et cap. 35. 25. Si non fuerit meum interdiu & noctu, si *statuta cæli & terra non disponam*. Quomodo, ait Sapiens ille Hebræus Sap. 11. 26. mansurum fuisset aliquid, nisi tu voluisses? aut non vocatum à te, conservaretur? Sic enim (ut scitè Aquinas Comment. Col. 1.) se habet Deus ad res, sicut Sol ad Lunam: quo recedente, deficit lumen Luna: & sic, si Deus subtrahat suam virtutem à nobis, in momento deficerent omnia. Ac præclare Augustinus, de Genesi ad lit. lib. 4. cap. 12. Creatoris namque potentia & omnipotentis atque omnitenentis virtus, causa subsistendi est omni creatura. Quæ virtus, ab eis qua creata sunt regendis, si aliquando cessaret, simul & eorum cessaret species, omnisque natura concideret. Neque enim sicut structura adsum, quum fabricaverit quis abscedit, atque illo cessante atque abscedente stat opus ejus; ita mundus vel ictu oculi stare poterit, si ei Deus regimen sui subtraxerit. Proinde & quod Dominus ait Joh. 5. 17. *Pater meus usque nunc operatur*, continuationem quandam operis, qua universam creaturam continet atque administrat, ostendit.

## CAPUT IX.

**P**ORRO non tantum res omnes creatas sustinet, & naturæ ordinem generali providentia continuat Deus; sed etiam particularem singulorum curam gerit, & ad certos ac destinatos fines ordinat ac dirigit. Nam ex Deo, ut ait Augustinus, Quæst. 83. q. 69. *Sunt omnia, non solum ut sint; verum etiam ut ordinata sint*. Quamobrem alteram gubernationis partem statuimus, *ordinationem mundi constituti specialem*. Ordinatio autem nihil aliud est, quam effectio ordinis. Quem definiunt, ait Orator<sup>a</sup>, *compositionem rerum aptis & accommodatis locis*. Cui definitioni convenit illa Augustini de civ. Dei lib. 19. c. 13. *Ordo est parium dispariumque rerum suacumque loca tribuens dispositio*: & Philonis, de opificio mundi: *ἡ ἀρχὴ τῆς ἀσφαλείας καὶ εὐνομίας ἐστὶν ἀσφαλείαν καὶ ἐποικίαν*, hoc est, *Ordo est consequentia serieque rerum præcedentium & subsequen- tium*. Itaque ordinatio mundi est ordinis in mundo constitutio. Quare genuinam vocis illius significationem non attendunt, qui secus accipiunt, & metonymia quadam, non ordinis, sed rerum effectioem, aut mandatum interpretantur. Cæterum ordinatio alia interna est consilii: alia externa & executionis. Illa nihil aliud est quam ordinis præfinitio: eoque præordinatio distinctius appellatur. Sic credidisse dicuntur, qui erant ordinati (hoc est, ut vetus interpres habet, præordinati) *ad vitam æternam*, Act. 13. 48. Hæc verò est ordinis præfinitio effectio. Sic *potestates ordinata* (hoc est, ad bonum universi apte posita, dicuntur à Deo: aut potius sub Deo, Rom. 13. 1. Ut autem ea quæ de ordinatione generatim diximus, instituto nostro accommodemus, interna mundi ordinatio decreti divini pars est: externa verò ad executionem illius pertinet. Estque ea vel creationis seu constitutionis mundi, vel gubernationis & mundi constituti. Illa est mundi in creatione dispositio, quæ sex dierum spacio finita est; quam alteram creationis partem supra appellavimus. Hæc verò à mundi creatione continua est: eaque vel generalis quæ conservatio ordinis naturæ dicitur; quam modo explicavimus: vel specialis de qua hoc loco agimus ac sic definimus. *Ordinatio mundi constituti specialis* est altera gubernationis pars, qua Deus mundum universum & singula quæ in eo, modo placito regit, & ad suos, hoc est à se destinatos, fines medios ultimumque perducit. In qua re duo potissimum, quæ expendenda sunt accuratius, denotantur: *ordinationis subiectum & modus*. Ac prius quid statuimus esse mundum universum & singula quæ in eo fuerunt, sunt, & erunt. Cæterum omnes creaturas magnas, parvas, præstantes, viles, omnes motus, omnia consilia, affectus, dicta, facta, eventus rerum, sine ulla omnino exceptione, divino subesse regimini perspicuum est, non solum ex iis quas antè<sup>b</sup> adduximus rationibus, sed etiam ex diserta Sacrarum literarum auctoritate. Nam ut ex infinitis pene testimoniis pauca feligam, quid aliud sibi hæc

volunt? Tu ille Iehova es, Solus es, tu fecisti calos, calos calorum & omnem exercitum eorum: terram & quidquid est in iis, & tu vivificas hac omnia: etiam exercitus calorum tibi se incurvant, Nehem. 9. 6. *Ordinatione tua perseverat dies, quoniam omnia serviunt tibi*, Psal. 119. 91. *Omnia efficit (Deus) ex consilio voluntatis sue*, Eph. 1. 11. *Omnia operatur Iehova, etiam impium ad diem malum*, Prov. 16. 4. *Ipse dat omnibus vitam & halitum & omnia*, Act. 17. 25. *Vita humana constituit terminos, qui præteriri non poterunt*, Job. 14. 5. *Alit volucres cæli, circumvestit herbam agri*, Matth. 6. 26. 30. *Singulis seminibus suum dat corpus, ut voluit*, 1. Cor. 15. *Dat calitus plu- viam ac tempora fructifera, implens cibo & letitia corda nostra*, Act. 14. 17. *Iehova morte afficit & in vitam restituit: Iehova depauperat & ditat*, 1. Sam. 2. 6. *Ipse mutat tempora & tempestates: transfert reges & constituit reges, dat sapientibus sapientiam, & scientiam scientibus intelligentia*, Dan. 2. 21. *Equus paratur ad diem belli, sed Iehova est ipsa salus*, Prov. 21. 31. *Ego Iehova & nemo præter me, formans lucem & creans tenebras: faciens pacem & creans malum: ego Iehova faciens omnia hæc*, Esa. 45. 6, 7. *Quis est iste qui dicit, existit Domino non jubente? ex ore excelsi non prodit malum quodque & bonum? Lament. Jer. 3. 37, 38. Quis statuit os homini? aut quis statuere potest surdum aut sensibus valentem aut cecum? nonne ego Iehova? Exod. 4. 11. Homini sunt dispositiones cordis, sed à Iehova est sermo lingua*, Prov. 16. 1. *Cor hominis deliberat de via sua, Dominus autem dirigit gressum ejus*, Ibid. 9. *Novi Iehova non esse penes hominem, viam ipsius, non esse penes virum ambul- antem dirigere gressum suum*, Jer. 10. 23. *Irritum facit consilium gentium, infringit cogitationes populorum*, Psal. 33. 11. *Operatur in nobis velle & perficere pro bona sua voluntate*, Phil. 2. 13. *Sicut rivi aquarum est cor regis in manu Iehova: ad omne quod vult, inclinat illud*, Prov. 21. 1. Ergo & multo magis reliquorum. Denique, ne quid ab hac ordinatione Dei alienum existimes, etiam illa, quæ fortuita vocantur, eidem adscribuntur divinitus. Siquidem de fortuito homicidio ait Deus, Exod. 21. 12, 13. *Qui percutit quenquam, ita ut moriatur, omnino morte plecti- tor; tamen qui non quaesierit, sed Deus ipse objecerit manui ejus, constitnam tibi locum, quo ille confugiat*. Quod alibi (Deut. 19. 4.) exemplo illustratur: *Hoc autem, inquit, esto jus occisoris qui fugerit, ut vivat: qui percusserit proximum imprudenter, quum ipse non oderit eum antea: ut qui iverit cum proximo suo ad cadendum lignum, dejecerit ferrum è manubrio ejus, quod offendat proximum ejus, ita ut moriatur, is fugiens ad unam harum civitatum fugito*. Nec dispar est cæterorum ratio. Nam quid quæso magis fortunæ, quæ fingitur, lu- dibrio, aut casui possit attribui, quam inconstans vento- rum flatus, fluctuum motus, dubius avicularum, capillo- rum, & fortium, casus? At ea divino subesse regimini Sacra litteræ demonstrant. *Descendentes*, inquit Psaltes, *ad mare navi-*

<sup>a</sup> Cic. de Off. lib. 1. <sup>b</sup> Cap. 2. Vide Nyssenum de Provid. c. 7. & 8.

navibus, quique faciunt opus in aquis multis. Ipsi viderunt opera Jehova & mirabilia ejus in profundo. Et dixit & stare fecit spiritum turbinis & exaltavit fluctus ejus, Psal. 107. 23, 24, 25. Et clamaverunt ad Dominum in angustia sua & de angustis eorum eduxit eos. Stare fecit turbinem in silentium & siluerunt fluctus eorum. Et latati sunt quoniam siluerunt, & duxit eos ad portum voluntatis eorum, Verf. 28, 29, 30. Passer unus, ait Christus Matth. 10. 32, 33. non cadit humi sine patre vestro. Vestri etiam capilli numerati sunt. In gremium, inquit Salomon Prov. 16. 33. conjicitur fors: à Jehova autem est tota ratio ejus. Atque huc pertinet providentiæ divinæ adumbratio prophetica Ezechielis capite primo. De qua nonnulla eleganter auctor libri de Trinitate: qui Tertulliano suppositus est. Denique rotundè & piè Sapiens Hebræus de sapientia & providentia Dei ait Sapiens. 8. v. 1. *Pertingit à fine ad finem fortiter & disponit omnia utiliter*: & lb. 11. v. 21. *Omnia mensura numeroque & pondere ordinasti*. Nam si Satanam & homines & singularum rerum naturam spectes confusa & perturbata sunt penè infinita: sin Deum sapientissimè etiam confusa in se, ad fines cælitus destinatos & ad ordinem ac bonum universi dirigentem confideres, nihil potest esse ordinatius & ornatus. Summo enim Deo (ait Augustinus quæst. 83. q. 27.) *cuncta bene administrante quæ fecit, nihil inordinatum in universo nihilq; injustum est, sive scientibus sive nescientibus nobis. Sed in parte offenditur anima peccatrix: zamen quia pro meritis ibi est, ubi talem esse decet, & ea patitur, quæ eam pati æquum est, universum regnum Dei nulla sui fœditate deformat. Quamobrem, quoniam non omnia novimus, quæ de nobis bene agit ordo divinus, in sola bona voluntate secundum legem agimus: in cæteris autem secundum legem agimur: quum lex ipsa incommutabilis maneat, & omnia mutabilia, pulcherrima gubernatione moderetur. Atque hisce quas adduximus auctoritatibus, omni exceptione majoribus, accedunt etiam copiosa & perspicua ordinationis universi & singulorum exempla, quæ passim Sacræ paginæ monumentis expressa continentur: in quibus ecclesiæ regimen excellit. Unde satis superque demonstratur universa & lingula divinâ ordinatione gubernari. Adeo ut nihil tam vile sit & abjectum, quod Dei notitiam aut curam fugiat: nihil tam sublime aut liberum, quod illius gubernaculo careat. Quare eleganter Augustinus, de Gen. ad lfr. lib. 5. c. 21. *Nec omnino, inquit, audiendi sunt, qui putaverunt sublimes quidem mundi partes, id est, à confinio corporulentioris æris hujus & supra, divinâ providentiâ gubernari: hanc autem immam partem terrenam & humidam ærisque hujus vicinioris, qui terrarum & aquarum exhalationibus humescit, in quo venti nubesque consurgunt, casibus potius & fortuitis motibus agitari. Con-**

tra hos loquitur Psalmus 148. 7, 8. *qui quum explicasset laudem celestium, se etiam ad ista inferiora convertit dicens, Laudate Dominum de terra dracones & omnes abyssi ignis, grando, nix, glacies, spiritus tempestatis, quæ faciunt verbum ejus. Nihil enim tam videtur casibus volvi, quam omnes ista procellosa ac turbulenta qualitates, quibus calis hujus inferioris (quod non immerito etiam terra deputatum est) facies variatur & vertitur? Sed quum addidit, Quæ faciunt verbum ejus, ostendit earum quoque rerum ordinem, divino subditum imperio, latere nos potius, quam universitatis deesse naturæ. Quod autem ore suo Salvator dicit, Matth. 10. 29. Unum passerem non cadere in terram sine Dei voluntate: & quod sænum agri post paululum mittendum in clibanum, ipse tamen vestiat: Id. 6. 30. Nonne confirmat non solum totam istam mundi partem rebus mortalibus & corruptibilibus deputatam; verum etiam vilsissimas ejus abjectissimasq; particulas divinam providentiam regi? Itaque & prophani hominis vox est, Magnas res Deum curare, parvas fortuna committere: ad quam utinam propius non accessisset alicubi Hieronymus! & indigna Damasceno sententia, quæ voluntatem humanam à Dei providentia exemit. Sic enim ait Orthod. fid. lib. 2. c. 30. *τὸ δὲ ἰσχυρὸν οὐκ ἐστὶν ἐν τοῖς ἀνθρώποις, ἀλλὰ ἐν ἡμῶν τῷ θεῷ. Quæ enim sunt in nobis non sunt providentiæ, sed nostri liberi arbitrii. Nec propterea tamen Deus, ut arbitrat, peccati auctor censeretur potest: quemadmodum ex ordinationis ratione ac modo constabit: & Scholastici agnoverunt. Atque hanc mundi constituti ordinationem, quod ad singulas mundi partes pertineat, singularem & particularem providentiam appellant. Quum verò ad homines ac potissimum fideles restringitur, specialem & peculiarem vulgo plerumque nominant: quia præcipuam & paternam horum curam gerit Deus: quemadmodum & eorum bono creavit reliqua. Nam curæ divinæ certi sunt gradus. Etsi enim homines & jumenta servat Deus, Psal. 36. 7. illos tamen accuratius, & præcipuè fideles, Matth. 6. 26. Unde etiam appellatur servator omnium, maxime fidelium, 1. Tim. 4. 10. In quam sententiam comparatè curare nos, 1. Pet. 5. 7. & boves non curare, 1. Cor. 9. 9. impios nescire, Matth. 25. 12. imo & mortuorum obvisci statuitur, Psal. 88. 6. Nam quod quidam hoc postremum ad sensum impiorum, alii ad infirmitatem turbati Prophetæ referunt, videtur aliquantò alienius. Nec obstat huic de providentiæ gradibus sententiæ, quod ex sapiente illo Hebræo objicitur, Sapiens. 8. *Equaliter providet omnibus*. Non enim paritatem indicat, sed similitudinem notat: ut ex verbis liquet, ἰσχυρὸς πᾶσι τοῖς ὄντιναις καὶ πᾶσιν. Quamobrem malim vertere similiterq; providet omnibus. Hoc enim & verbis & rei convenientius.**

a Euripides in Plutarc. Pericle. b Comm. in Habac. 1. c Thomas Par. 1. q. 22. rat. 2. & 6.

## CAPUT X.

PORRO, ut quæ de ordinationis divinæ subjecto differuimus, ea paulo distinctius explicentur, ad modum illius transcamus. Is autem est varius: & ritè distribuitur in ordinarium & extraordinarium: utrumque tamen ordinatum. Ordinarius autem est, qui communem naturæ aut gratiæ ordinem observat. Illius exemplum è multis illustre exprimitur promissione illa Domini, Erit, inquit, Hof. 2. 21. 22. *die illo ut exaudiam calos & ipsi exaudiant terram & terra exaudiat frumentum & mustum & oleum & ista exaudiant lizehelem*. Hujus, Apostoli sententia, *Fides ex auditu est, auditus autem per verbum Dei*, Rom. 10. 17. Extraordinarius verò est, qui præter communem ordinem existit: ut quum Israëlitas mannâ & conturnicibus; Eliam corvo pavit: Paulum cælitus convertit Deus. Deinde modus ordinationis divinæ alius est, mediatum, alius immediatum. Ille est, qui mediis & causis secundis utitur: hic verò qui minimè. Ita, verbi gratia, extra ordinem, non solum Mosè & Eliam immediatè & per se vocavit Deus, sed etiam mediatè Elyseum per Eliam: & hunc quidem pavit primum mediatè pane & aqua, deinde quadraginta dies immediatè, virtute sua. Quos modos graviter explicavit August. Quæst. 83. q. 53. *Non itaque Deus deceptor est: quod credere nefarium & impium esse quis non intelligat? sed meritum & personarum justissimus distributor, faciens quadam per se ipsum, quæ illo solo digna sunt, eique soli conveniunt (sicut est illuminare animas & se ipsum eis ad perfrendum prabendo, sapientes beatissq; præstare) alia per servientem sibi creaturam, integerrimis legibus pro meritis ordinatam, quadam eorum jubens, quadam permittens, usq; ad passerum administrationem, sicut Dominus in Evangelio dicit, & us-*

que ad feni decorem, usque ad minimum etiam capillorum nostrorum, divina providentia pertendente atque veniente. De qua etiam dictum est Sapiens. 8. 1. *Pertingit à fine usque ad finem fortiter & disponit omnia suaviter*. Quibus ordinationis divinæ modis Dei illustratur gloria. Siquidem mediatum, bonitatis; quod *συνεργία* operationis societatem naturæ communicat: immediatus, potentia; quod illi non sit astricta: uterque verò multiformis sapientiæ Dei speculum existit. Cæterum quia media non unius sunt generis, ea porro distinguenda sunt, ut ordinationis divinæ rationem & modum illustremus. Ac primum quidem media alia sunt necessaria; alia contingentia, & quidem aut rarò, aut plurimum, aut æqualiter, ut ex philosophis distinguit Nyssenus, de volunt. & involunt. cap. 5. Necessaria sunt, quæ secundum naturam suam, certum necessariò producant effectum: contingentia verò sunt, quæ contingenter. Unde illa causa definita: hæc verò, indefinita nominantur. Atque hinc tanquam à causis proximis & internis, effecta alia sunt & vocantur necessaria quæ à causis mediis ac proximis necessariis: alia contingentia, quæ à contingentibus promanant. Etsi salvâ rerum naturâ, ratione decreti tanquam causæ primæ & externæ, definita & suo modo necessaria sint omnia. Cæterum quia necessitatis varii sunt modi, eos paulo fusius ex veterum sententia (ne quid novi effingere videamur) proponemus. Hac enim ratione facilius & sophistis calumniandi & rudioribus errandi præcludetur via. Necessarium itaque id dicitur quod aliter se habere non potest: ut & nominis ratio, à non cessando, demonstrat: cui contrarium est contingens. Necessarium autem est duplex; per se & absolute

M m m m

neces-

necessarium, necessitate, ut vocant, consequentis; aut per aliud, secundum quid & conditione quadam antecedentis, conjuncti, aut consequentis, necessitate, ut appellant, consequentia. Sic Philosophus, (ut, quæ in Metaphysicis Lib. 4. c. 5. describit, præteream) ait de part. animal. lib. I. c. 1. *ἡ δὲ ἐκείνου περὶ τῆς ἀνάγκης τῆς ἀπορροῆς τῆς ἀπὸ τοῦ αἵματος, τῆς αἰδίου, τῆς δὲ ἐκ τοῦ οὐραίου, ἡ δὲ ἐκ τοῦ γένους πάντων. Non distinguentes quot modis necessarium accipi debeat. Inest id ipsum, rebus quidem æternis, simpliciter; sed iis etiam quæ generantur omnibus, ex suppositione. Quam sententiam imitatus est Orator<sup>a</sup>, quum inter alia hæc ait, *Atque etiam hoc mihi videor videre esse quasdam cum adjunctione necessitudines: quasdam simplices & absolutas. Et paulo post, Reperias nullam esse rem, quam facere necesse sit, nisi propter aliquam causam, quam adjunctionem nominamus. Pariter autem invenias esse multas res, ad quas necessitudinis similis adjunctionem non accedit. Quod genus, ut homines mortales necesse est interire: ut cibo utantur non necesse est, nisi cum illa exceptione, si nolint fame perire. Et alibi Philosophus<sup>b</sup>, ἡ δὲ ἀνάγκη διττή, ἡ δὲ φύσις καὶ τῶν ὁρίων, ἡ δὲ βίαια, ἡ δὲ τῶν ὁρίων. ὅτι οὐδὲν ἐστὶν ἀνάγκη καὶ ἀναγκὴ καὶ κατὰ φύσιν, ἀλλ' ἡ δὲ τῶν ὁρίων ἀνάγκη. Necessitas autem est duplex: una est secundum naturam & propensionem: altera est violenta, quæ contra propensionem. Quomodo lapis necessitate & sursum & deorsum fertur, sed non eadem necessitate. Quæ de re plenius Scholasticorum coryphæus Thomas Summa I. q. 82. 1. *Necesse est, quod non potest non esse. Quod quidem convenit alicui uno modo ex principio intrinseco: sive materiali, sicut quum dicimus, Omne compositum ex contrariis necesse est corrumpi; sive formali, sicut quum dicimus, quod necesse est triangulum habere tres angulos aequales duobus relictis. Et hæc est necessitas naturalis & absoluta. Alio modo convenit alicui, quod non possit non esse, ex aliquo extrinseco, vel fine, vel agente. Fine quidem, sicut quum aliquis non potest sine hoc consequi finem aliquem; ut cibus dicitur necessarius ad vitam & equus ad iter. Et hæc vocatur necessitas finis: quæ interdum etiam utilitas dicitur. Ex agente autem hoc alicui convenit, sicut quum aliquis cogitur ab aliquo agente, ita quod non possit contrarium agere: & hæc vocatur necessitas coactionis. Atque hæc de necessitate satis: quæ ad hujus argumenti intelligentiam necessaria sunt & veterum verbis proposita, ut majoris essent ponderis. Reliquum jam est, ut ea ad institutum nostrum aptemus. Nam recte vir doctissimus<sup>c</sup> ait, *Non temere in scholis inventas fuisse distinctiones de necessitate secundum quid & absoluta: item consequentis & consequentia. Adde immutabilitatis, utque loquuntur infallibilitatis & coactionis. Etenim nihil sua natura tam contingens existit, ut non tribus modis ex hypothese sit necessarium existentia, decreto, & præscientia Dei definita. Nam non minus verum quam tritum illud ex Aristotele dictum, de interpretatione c. 10. §. 5. *Quidquid existit, quæ existit* (addo quidquid futurum, quæ futurum) *necessarium est*: quia alias duo contradictoria simul essent vera: quod naturæ repugnat & veritati Dei; in quo non est simul *Etiā & Non*, 2. Cor. I. 18. 20. De qua re acutè, ut solet, Augustin. Contra Faust. lib. 26. cap. 4. *Tam non possunt futura non fieri, quam non fuisse facta præterita: quoniam non est in Dei voluntate, ut eo sit aliquid falsum, quo verum est. Quapropter omnia quæ futura sunt, sine dubio fient: si autem facta non fuerint, futura non erant: ita omnia quæ verè præterita sunt, sine dubio præterierunt. Deinde si rerum naturam & causas secundas (quas Deus non tollit, sed ordinat) & notitiam hominum, occultam Dei administrationem ignorantium spectes, contingentia sunt innumera, in rebus animatis & inanimis: sin Dei decretum & præscientiam suspicias, pariter necessaria sunt omnia ex hypothese, necessitate, ut vocant, immutabilitatis & consequentia. Nam quum universa & singula non solum eventa, sed etiam conditiones & media, ut ante probavimus, decreta & præcisa sint à Deo & secundum decretum & præscientiam ordinentur: consequitur ea secus evenire non posse: eoque omnia, suo quodam modo, esse necessaria. Quandoquidem nec decretum Dei immutari potest, nec præscientia falli. Nam si quid aliter eveniat, quam decrevit Deus, id eo fit nomine, quod decretum exequi, aut non possit, aut nolit: at prius omnipotentia, alterum sapientia & constantia voluntatis illius è diametro adversatur: ut pluribus antè demonstravimus. In quam sententiam rectè de Deo ait Augustinus, De Gen. ad lit. lib. 6. c. 15. *Cujus voluntas, rerum necessi-******

*tas est.* Hæc autem contingentia & necessitatis in una re, sed diversa ratione, convenientia, exemplis firmari & illustrari potest plurimis: sed nos pauca, brevitatis causa, decerpemus. Josephus in Ægyptum deductus, ad regiam dignitatem evectus, à fratribus honoratus iisque alendis præfectus est & contingenter & necessario. Ac contingenter quidem ex natura ipsius Josephi & causarum secundarum serie, nempe fratrum invidia & plagio, mercatorum accessu & emptione, captivitatis occasione, somniorum recitatione, pincernæ memoria, mandato Pharaonis, fratrum in Ægyptum adventu & reditu. Quæ causæ mediæ, ut fuerunt contingentes sua natura & principiis; ita contingenter ex iis effecta illa consecuta sunt: quia fuerunt arbitraria. Contrà vero eadem fuere necessaria, ex Dei providentia: ut liquet non solum ex eventu (qui necessarium & maximè illustre decreti argumentum: quia nihil fit, quod non decreverit aut efficere aut permittere omnipotens Deus) sed etiam ex certa decreti Dei præscientia & prophetia, iterato divinitus somnio: Gen. 37. 7. 9. Unde etiam necessariò ex hypothese, eventus illi promanarunt. Quia Deus immutabilis & *ἀψάδης, qui mentiri non potest*, Tit. I. 2. Nec secus ille<sup>a</sup> qui prophetam certum, rogantem id Dei jussu, ferire noluit, à leone occisus est contingenter; quia per causas secundas servari poterat: attamen necessariò, ratione decreti & prophetia divina. Similiter in prælio cæsus est Achab<sup>b</sup> contingenter & fortuitò ratione causarum secundarum, cum sagittarii hostilis in incertum jaculantis, tum occursum Achabi: at necessariò ratione decreti & prædictionis Dei. Paribus etiam modis scelerata Achabi conjux<sup>c</sup> Jezabel in Jezrehel à canibus devorata est contingenter: quia in vita servari diutius, aut alia ratione mori potuit: si naturam illius & regis, qui de fenestra præcipitari curavit, arbitrium spectes: deinde exposita canibus, ab iis negligi: aut canum ferocia ab hominibus arceri potuit. Contra verò etiam necessario id contigit, ex decreto, præscientia, & prædictione divina. Sic etiam Cyrus procreatus est & hoc nomine donatus, in regnum evectus, Babylone positus, Judæorum liberator & templi divini restaurator effectus est; contingenter quidem, si parentum & Cyri naturam liberamque voluntatem consideres; sed necessariò ratione decreti divini, quod jam olim patefecerat Deus, Esa. 44. 28. & 45. 1. Porro ut ad Novum testamentum me conferam: illustrissimum est, quod primò sese offert nostri Servatoris exemplum. Etenim Christum in templo vinciri contingens erat: nam vinciri poterat si naturam illius spectes, imo fere necessarium, si adversariorum furorem attendas: at non vinciri necessarium fuit, quia ejus hora nondum aderat, Joh. 7. v. 30. 44. Contra verò postea sub Pascha Jerosolymis, à Juda domestico proditum, vinciri, à Pilato damnari & medium inter latrones crucifigi, lanceaque transfigi erat contingens, si naturam Christi valentem & vegetam, ac voluntatem<sup>d</sup> illius liberam potestatemque consideres: deinde, si causas secundas, Judam, sacerdotes, milites, Pilatum, spectes: quorum operandi principium fuit voluntas. Eoque & consilio & executione contingens fuit Christi perpassio. Nam ut aliud potuerunt Christi hostes statuere: sic statutum, mutata voluntate, minimè exequi: ut ante crebrius contigerat. Eadem tamen Christi perpassio alia ratione fuit necessaria, nimirum, præfinitione, præscientia & prædictione Dei: quia hora ejus advenerat, Luc. 22. 53. & mortis poculum auferri aut differri erat, *ἀδύνατον*, Matt. 26. 42. Marc. 14. 35. Hinc Christus ait, *Filius hominis vadit prout definitum*, Luc. 22. 22. & perpassionis suæ ejusque circumstantiarum necessitatem toties inculcat. Sic Christi ossa non sunt fracta<sup>e</sup> contingenter & necessario; contingenter, si fragilem ossium naturam & vires liberamque militum voluntatem spectes: necessariò, ex hypothese decreti & præscientia Dei immutabilis, & horum indice prophetia Joh. 19. 36. quæ fieri irrita non potuit; quia *Scriptura solvi non potest*, Joh. 10. 55. Denique templum Jerosolymitanum eversum est contingenter & necessario, quia perstare potuit, si interna illius principia & causarum secundarum naturam, mutabilem Romanorum militum & voluntatem, contra Imperatori sui mandatum nitentem, intuearis: sin Dei præfinitionem, præscientiam & prædictionem animadvertas, dirutum est necessariò. Quia ut decretum & præscientia Dei constant: sic & ver-

<sup>a</sup> Cicero De invent. lib. 2. <sup>b</sup> 2. Post. anal. c. 11. <sup>c</sup> Calvinus Instit. I. 1. c. 16. §. 9.

<sup>a</sup> 1. Reg. 20. 36. <sup>b</sup> 1. Reg. 22. 34. & 28. <sup>c</sup> 2. Reg. 9. 35. 36. <sup>d</sup> Esa. 53. 7. Joh. 10. 17. 18. <sup>e</sup> Matth. 26. 2. & 45. <sup>f</sup> Luc. 9. 24. & 17. 25. & 22. 37. & 24. 26. & c. <sup>g</sup> Egeippus de excid. Hierosol. lib. 5. c. 42. Matth. 24. 2.

hum Dei excidere non potest, Rom. 9. 6. Itaque contingentia, hoc est, ordo inter causam & effectum mutabilem, cum necessitate eventus ex hypothese præfinitionis divinæ optimè congruit. Quia mediorum naturam non tollit, sed tuetur, eaque utitur & ordinat, tanta sapientia & opportunitate, ut ex causis contingentibus, sine ulla coactione, eventus destinatus necessariò consequatur. Sic itaque, ait Augustinus de civit. Dei lib. 7. cap. 30. *administrat omnia quæ creavit, ut etiam ipsa proprios exercere & agere motus sinat.* Quare nec Deum peccati auctorem statuimus, nec fatum cum Stoicis fingimus: nec voluntatis nativam libertatem, nec consiliorum aut operum cæterorumque mediorum usum, decreti & præscientiæ Dei constantia & necessitate, subvertimus; sed potius stabilimus. Idque graviter copioseque adversus Ciceronem, (*qui dum vult facere liberos, facit sacrilegos*) demonstravit Augustinus. Nam inter cæte-

ra quæ præclare, rejecto fato, differit, *Non est autem, inquit de civit. Dei lib. 5. cap. 9. consequens, ut si Deo certum est omnium ordo causarum, ideo nihil sit in nostra voluntatis arbitrio. Et ipsa quippe nostra voluntates, in causarum ordine sunt, qui certus est Deo ejusque præscientia continetur: quoniam & humana voluntates humanorum operum cause sunt. Atque ita qui omnes rerum causas præscivit, profecto in iis causis, etiam nostras voluntates ignorare non potuit, quas nostrorum operum causas esse præscivit: & ideo quidquid valent, certissime valent; & quod factura sunt ipsa, omnino factura sunt; quia valituras atque facturas ille præscivit, cujus præscientia falli non potest.* Et cap. 10. *Proinde non frustra sunt leges, oburgationes, exhortationes, laudes, vituperationes: quia & ipsas futuras esse præscivit, & valent plurimum, quantum eas valituras esse præscivit, & preces valent ad ea impetranda, quæ se precantibus concessurum esse præscivit.*

## CAPUT XI.

**A**TQUE hæc de contingentia & necessitate ac prima mediorum, (quibus divina utitur providentia) distinctione: ad alteram porro transeamus. Media enim alia sunt bona & per se ordinata, alia mala seu peccata & in se ordinata. Illa solum & potenter efficit: hæc consultò ad bonum permittit: utraque ordinat & ad destinatos fines regit Deus, consilio & modo sæpe occulto; sed nunquam injusto. *Nihil enim, ait Augustinus de trinit. lib. 3. c. 4. fit visibiliter aut sensibiliter, quod non de interiori atque invisibili aula summi imperatoris, aut jubeatur aut permittatur, secundum ineffabilem justitiam premiorum atq; poenarum, gratiarum & retributionum in ista totius creatura amplissima quadam immensaque republica.* Qui tertius ordinationis divina modus. Ac bona quidem tam naturæ (ut substantias, motus, actiones & perfectiones rerum) quam morum, seu virtutes tam civiles quam spirituales, à Deo non solum ordinari, sed etiam effici, ex Sacris literis, ut ante ostendimus, & natura constat. Quia ut Deus summum bonum, ita omnis boni, & tantum boni origo & auctor est: iisque modis, quos modò explicavimus. Unde ex communi hominum sensu definitur à Platone in Definitionibus *ἡ ἀρχὴ τοῦ καλοῦ καὶ τοῦ ἀγαθοῦ φύσις αἰτία, essentia sempiterna & boni natura causa.* Etenim *omne munus bonum & omne donum est perfectum, supernè descendens à patre luminum: apud quem non est transmutatio, nec conversionis obumbratio, Jac. 1. 17. Deus est lux, & tenebra in eo non sunt ulla, 1. Joh. 1. 5.* Quæ de re eleganter Augustinus Enchir. ad Laur. c. 23. *Nequaquam dubitare debemus rerum quæ ad nos pertinent bonarum causam non esse nisi bonitatem Dei: malorum verò, ab immutabili bono deficientem boni mutabilis voluntatem prius Angeli, postea hominis.* Nec obstat, quod alibi ait Dominus, *se formare lucem & creare tenebras: facere pacem & creare mala, Esa. 45. v. 6, 7. Neque enim mala, ut ait Gregor. Magn. Moral. in Job. lib. 3. c. 6. quæ nulla sua natura subsistunt, à Domino creantur: sed creare se mala Dominus indicat, quum res bene conditas, nobis malè agentibus, in flagellum format: ut ea ipsa, & per dolorem quo feriunt, delinquentibus mala sint: & per naturam, quæ existunt, bona.* Quæ de re tota graviter & distinctè Tertullian. Adversus Marc. 1. 2. *Mala dicuntur & delicta & supplicia.* Item, *Nos autem adhibita distinctione utriusque forme, separatis malis delicti & malis supplicii, malis culpa & malis poena, suum cuique parti definimus auctorem. Malorum quidem peccati & culpa, Diabolum: malorum verò supplicii & poena Deum creatorem: ut illa pars malitia deputetur, ista justitia mala condenti judicium adversus mala delicta. De his ergo creator proficitur malis, quæ congruunt judicium. Quæ quidem illis mala sunt, quibus rependuntur: cæterum suo nomine bona; quia iusta & bonorum defensoria & delictorum inimica atque in hoc ordine Deo digna. Mala verò seu peccata, quæ fiunt, Deum permittere (hoc est, non impedire quum possit) res ipsa loquitur. Nam alias ea efficeret ac probaret, aut ignoraret, aut impedire non posset: sed prius justitiæ, alterum sapientiæ, postremum omnipotentis illius adver-*

satur. Atque huc pertinent sequentes Scripturæ loci, *Impedivi te ne peccares mihi, nec permisi, ut tangeres eam, Gen. 20. 6. Non permisit ei Deus ut noceret mihi, Gen. 31. 7. Non permisit cuiquam opprimere eos, Qui in præteritis atatibus permisi gentes suis ipsarum viis ingredi, Act. 14. 16. Tentatio vos non apprehendit, nisi humana. Fidelis Deus qui non permittit vos tentari, supra id quod potestis, 1. Cor. 10. 13. Permissio interim sic malis, quæ fiunt, attribuitur, ut bonis tamen minimè derogetur. Sic Paulus 1. Cor. 16. 7. ait, *Spero temporis aliquantum mansurum me apud vos, si Dominus permiserit.* Et Hebr. 6. 3. *Atque id faciemus, siquidem permiserit Deus.* Hæc tamen differentia quod illa etiam efficit; sed mala minimè. Cæterum Deum peccata permittere non inscium, nec invitum, aut negligentem, sed consultò & volentem perspicuum est. Quia nec sapientissimus quidquam agit imprudenter, nec omnipotens mundi gubernator incuria aut invitus. Itaque non parum hallucinantur qui permissionem consilio & voluntati omnino opponunt. Nec propterea tamen contrarias in Deo statuimus voluntates, quia diversa ratio contrarietatis speciem tollit. Quamvis enim Deus peccata quæ eveniunt propriè & per se non velit, aut velle possit, quæ peccata sunt; quia sanctissimus: eadem tamen aliquatenus per accidens vult, nimirum permittere, propter aliud quæ media sunt, & per accidens sapientiæ divinæ rationem habent boni. Sic Josephi venditio Gen. 45. 8. Jobi afflictio Job. 1. 17, 21. Achabi deceptio 1. Reg. 22. 23. filiorum Heli 1. Sam. 2. 25. Rechabeami 1. Reg. 12. 15. Amaziæ 2. Par. 25. 20. contumacia; Semei maledictum, 2. Sam. 16. 10. Christi crucifixio, Esa. 53. 10. Gergesenorum<sup>a</sup> vastatio, peccata fuerunt hominum & Satanæ gravissima: at eadem tamen, quamvis aliâ ratione, Deum justè voluisse Scriptura demonstrat. Nec consultò solum, sed etiam ad bonum mala permittit Deus: quia summi boni perpetuò bona mens & bonus animus. Eoque à peccato in permissione illius omnino immunis est. Quandoquidem impedire, hominum instar, non tenetur maximus; nec nisi ad bonum permittere decrevit ac permittit optimus. Quæ de re præclare Augustinus Enchirid. ad Lauren. c. 27. *Melius enim judicavit de malis bene facere, quam mala nulla esse permittere.* Et postea c. 96. *Non ergo fit aliquid nisi omnipotens fieri velit vel sinendo ut fiat, vel ipse faciendo. Nec dubitandum est Deum facere bene etiam sinendo fieri quacunque sunt malè. Non enim hoc nisi iusto judicio finit. Et profecto bonum est, omne quod iustum. Quamvis ergo ea quæ mala sunt, non sint bona: tamen ut non solum bona, sed etiam sint & mala, bonum est. Nam nisi esset hoc bonum, ut essent & mala, nullo modo esse sinerentur ab omnipotente bono. Cui procul dubio quam facile est, quod vult facere, tam facile est, quod non vult esse, non sinere. Hoc nisi credamus, periclitatur ipsum nostræ fidei confessionis initium: quæ nos in Deum Patrem omnipotentem credere confitemur. Neque enim veraciter ob aliud vocatur omnipotens, nisi quia quidquid vult, (adderem, aut potest velle) potest, nec voluntate cuiuspiam creatura, voluntatis omnipotentis impeditur effectus.**

<sup>a</sup> Matt. 8. 32.

## CAPUT XII.

**A**TQUE hæc de peccati permissione: cujus adjunctum necessarium est ordinatio illius & regimen. Quo sensu permissionem peccati, efficacem<sup>a</sup> nonnulli, non simpliciter, sed quodam modo nominant: non quod peccatum Deus effi-

<sup>a</sup> Beza Tom. 1. De æterna Præd. pag. 572.

ciat; sed ordinem illius. Non enim pro libidine Satanæ & hominum, peccata quovis tempore aut modo, aut in quemvis erumpere aut postea promiscuè grassari permittit Deus: sed inde ab initio ad fines usque destinatos ordinat ac dirigit. Nam

M m m m 2

universa



universa & singula consilia moderatur, voluntates fleat, conatus vertit huc illuc, eventus temperat pro arbitrio suo: ut antea copiosè demonstravimus. Itaque ordinationis peccati non minus quàm boni, partes sunt duæ, principium quod in consiliorum, voluntatum & conatum regimine situm est: & perfectio quæ in eventuum ad fines decretos gubernatione consistit. Quare à veritatis scopo aberrant plurimum qui aut otiosam omnino permissionem statuunt: aut concessio eventus regimine principium peccati ab ordinatione divina eximunt. Utrumque enim divinitus ordinari & regi non tantum ex iis, quæ supra differuimus, sed ex aliis etiam expressioribus Sacrarum literarum testimoniis constat. Qualia è multis sunt hæc Gen. 45. 8. *Non vos misisti me huc, sed Deus ipse.* Exod. 4. 21. *Et ego indurabo cor ejus, ut non dimittat populum.* Exod. 9. 12. *Et induravit Iehova cor Pharaonis, neque obedivit eis quemadmodum locutus fuerat Iehova ad Moysen.* Exod. 14. 17. *Ecce ego induro cor Aegyptiorum & ingredientur post eos.* Deut. 2. 30. *Et noluit Sihon res Hisbon, ut transiremus per se: induraverat enim Iehova Deus tuus spiritum ejus & obfirmaverat cor ejus ut daret eum in manum tuam.* Jos. 11. 20. *A Iehova enim fuit quod obfirmabant cor suum ad occurrendum bello Israël, ut internecioni devoveret illas, nec fieret illis gratia: sed ut perderet eas, quemadmodum praeceperat Iehova Moysi.* 1. Sam. 2. 25. *Et non audierunt vocem patris sui: quia volebat Iehova occidere eos.* 1. Sam. 16. 15. *Spiritus autem Iehovæ recessit à Saule & terruit eum Spiritus malus à Iehova.* 2. Samuel. 12. 11, 12. *Sic dixit Iehova, En ego suscitaturus sum adversus te malum de domo tua, tollamque uxores tuas in oculis tuis & dabo proximo tuo, dormietque cum uxoribus tuis in oculis Solis hujus. Tu enim fecisti absconditè: ego autem faciam verbum istud in conspectu omnis Israël & in conspectu Solis hujus.* 2. Samuel. 16. 10. *Dominus enim praecepit Semei, ut malediceret Davidi: & quis est qui audeat dicere quare sic fecerit?* 2. Sam. 24. 1. *Et addidit furor Iehovæ irasci contra Israël & concitavit Davidem in eos dicendo, vade numera Israël.* 1. Reg. 12. 15. *Et non exaudivit rex populum, fuit enim causa à Iehova, ut confirmaret verbum suum quod locutus fuerat ipse per manum Abia Silonita ad Ieroboam filium Nebat.* 1. Reg. 22. 23. *Nunc ergo dedit Iehova Spiritum mendacii in ore omnium istorum Prophetarum tuorum.* 2. Par. 11. 4. *Sic dixit Iehova, Ne ascendatis neque pugnetis contra fratres vestros: revertimini quisque in domum suam: quia à me facta est res ista.* 2. Par. 25. 20. *Et non acquievit Amazias: quia à Deo erat ut traderet eos in manum.* Jobus cap. 1. 21. non ait, Dominus dedit: Diabolus abstulit; sed, Dominus abstulit: sit nomen Domini benedictum. Job. 19. 21. *Manus Dei tetigit me.* Psal. 105. 25. *Convertit cor eorum, ut odio haberent populum suum, ut machinarentur dolos in servos ejus.* Esa. 6. 10. *Impingua cor populi hujus & aures ejus aggravat & oculos ejus claudat: ne forte videat oculis suis & auribus suis audiat, & corde suo intelligat & convertatur & sanet eum.* Esa. 10. 15. *Angloriabitur securis adversus secantem ipsam? an magnificabitur ferra adversus eum qui ipsam agitat?* Esa. 19. 14. *Dominus miscuit in medio ejus spiritum vertiginis & errare fecerunt Aegyptium in omni opere suo.* Esa. 63. 17. *Quare fecisti nos errare Iehova à viis tuis: recedere fecisti cor nostrum à timore tui.* Ezech. 14. 9. *Propheta quum erraverit & locutus fuerit verbum, ego Dominus decepi Prophetam illum.* Ezech. 24. 21. *Sic ait Iehova; ecce ego prophanaturus sum sanctuarium meum, excellentiam roboris vestri, desiderium oculorum vestrorum & cui indulget anima vestra: etiam filii vestri & filia vestra quas reliquistis, gladio concident.* Act. 2. 27. *Hunc definito illo consilio & praescientia Dei deditum, quum accepistis, manibus sceleratis cruci affixum interemistis.* Act. 3. 17. 18. *Scio vos per ignorantiam ista fecisse sicut & primores vestros: Deus autem qua prænunciaverat per os omnium Prophetarum suorum Christum suum perpeffurum, ita implevit.* Rom. 1. 26. *Tradidit illos Deus fœdis affectibus.* Rom. 9. 18. *Cujus vult, miseretur: quem vult, indurat.* 2. Thef. 2. 11. *Ideo igitur mittet eis Deus efficaciam deceptionis, ut credant mendacio.* 1. Pet. 3. 17. *Melius enim est ut bene agentes, si ita velit Dei voluntas, malis afficiamini, quàm male agentes.* 1. Pet. 4. 19. *Qui malis afficiuntur ex voluntate Dei.* Sed testimoniorum satis: ex quibus omnibus liquere existimo, non ea solum quæ bona sunt, sed peccata quoque, divina gubernatione ordinari & omnino dirigi. Quod & Augustinus, cujus apud orthodoxos gravissima semper habita est auctoritas, pluribus in locis, disertè testatur

ac comprobat. Qualia inter cætera sunt hæc, De Gen. ad lit. c. 5. *Nam, inquit, & vitiorum nostrorum non est auctor Deus, sed ordinator est: quum eo in loco peccatores constituit & ea perpeti cogit, quæ merentur. Ad hoc valet, quod oves ponuntur ad dextram, hædi ad sinistram. Quadam ergo & facit & ordinat: peccatores autem, in quantum peccatores, non facit sed ordinat tantum.* Et de civit. Dei l. 14. c. 26. *Deum appellat, creatorem omnium naturarum, voluntatum autem bonarum adiutorem ac remuneratorem, malarum autem relictorem & damnatorem, utrarumque ordinatorem.* Et ibid. l. 5. c. 9. *In ejus voluntate summa potestas est: qui creatorum spirituum voluntates bonas adjuvat, malas judicat, omnes ordinat: & quibusdam tribuit potestatem, quibusdam non tribuit. Sicut enim omnium naturarum creator est, ita omnium potestatum dator, non voluntatum. Mala quippe voluntates ab illo non sunt, quoniam contra naturam sunt, quæ ab illo est. Atque huc etiam pertinet quod in Confessionibus lib. 1. c. 10. ait, Et tamen peccabam Domine Deus, ordinator & creator omnium: peccatorum autem tantummodo ordinator. Sic enim locum illum, qui vulgò vitiosè legitur, Tantum non ordinator, restituendum omnino censeo: ut ex re ipsa & iis quæ adduximus aliisque ejusdem auctoris sententiis constat. Nec dubito, quin compendio literarum, Tantummodo, scriptum fuerit: quod librariorum incuria in, Tantum non, abierit. Sic etiam Fulgentius, qui Augustini sententiis adeo delectatus est, ut eas pluribus in locis non tam imitatus sit, quàm expresserit, Mala verò, inquit ad Monimum l. 1. c. 24. futura opera illorum, quos non prædestinavit ad regnum, sed ad interitum, præcivit potentissima Deitate & ordinavit provida bonitate. Et ibid. c. 26. Deus itaque licet auctor non sit malarum cogitationum, ordinator tamen est malarum voluntatum: & de malo opere cuiuslibet mali, non desinit ipse bonum operari. Nec in ipsis injusta voluntatis operibus deserit operum suorum justum ordinem: quia & hoc in ipso ordine habet, quod malum justè deserit voluntatem. Quam tamen sic, in suis malis operibus à se descendente, deserit; ut ibi permittentis Dei operatio bona non desit: dum & in peccatis voluntate injusta implet ipse justitiam, & de malo quo peccantem judicat, quibus ipse vult beneficium prorogat. Atque hujus ordinationis gratia fit, ut ea quæ à Satana hominibusque promanant mala, etiam Deo, quamvis alia ratione, passim in Sacris literis ascribantur. Nam ut è multis pauca delibemus, sic Pharaò & à se & à Deo induratus dicitur, Exod. 7. 13. & 4. 21. Jobi bona & à Chaldæis Diaboli instinctu & à Domino ablata, Job. 1. 12, 17, 21. Satanas Davidem incitavit ut populum superbè numeraret, 1. Paral. 21. 1. idemque Deo attribuitur 2. Sam. 24. 1. Semei sceleratè Davidi maledixit, & Dominum ei præcepisse fatetur David 2. Sam. 16. 10, 14. Satanas & pseudoprophetae populum decipiunt; quod Deus etiam sibi vendicat 1. Reg. 22. 23. Ezech. 14. 9. denique quemadmodum crudelis Judææ vastatio Sancheribo, & excidium Moabitarum Chaldæis ascribitur Esaia. 10. v. 12. sic utrumque Dei opus appellatur Jeremia. 48. v. 10. Verum enimvero non ea mente hæc dicuntur divinitus, quod illorum & similium auctor sit Deus, quæ peccata sunt, (nam eatenus permittit solum) sed ratione subiecti & ordinis illius. Quia ad eandem actionem Deus, homines, Satanas concurrunt variè, sine ulla divinæ justitiæ & majestatis macula. Nam actio per se & regimen à Deo est, tanquam causa prima: à creatura, ut secunda: vitium verò à creatura sola. Quod potest Deus punire, non facere: ut scitè monet Fulgentius lib. 1. ad Monimum cap. 19. Etenim quum ea quæ perpetrantur peccata sint *ἡ ἐξ ἀνθρώπων* actiones aut opera contra legem Dei; unde opera mala appellantur 2. Pet. 2. v. 8. 2. Tim. 4. 18. tria in illis sunt observanda: materia in qua hærent, forma, & adjunctum regimen. Materia seu subiectum peccati sunt actiones, eæque aut internæ & animi, nimirum mentis, voluntatis, affectuum: aut externæ & corporis. Unde peccata ex Augustino contra Faustum lib. 22. cap. 27. vulgò definiuntur facta, dicta, concupita contra legem Dei. Forma peccati, est *ἀνὰ κτλ* violatio legis: quæ non est proprium actionis, sed accidens & singularis illius *ἀνὰ κτλ* ordinis naturalis perturbatio, eum actionis in se consideratæ, tum ratione finis debiti. Siquidem actionis integritas ita corrumpitur: & ordo illius, ad finem legitimum, tollitur. Adjunctum denique regimen est peccati ad bonum universi, per accidens providentiæ divinæ, & *ἡ ἐξ ἀνθρώπων* iusta ordinatio. Primum igitur peccati subiectum, ut per acci-*

accidens peccati malum, sic per se bonum est: eoque promanat à Dei providentia, non solum universali (qua tanquam causa prima creaturas & operationis principia ac facultates à se primum inditas sustentat ac continuat) sed etiam particulari; qua ut agens liberrimum singula pro arbitrio variè permovet. Nam Deus omnis motus & actionis, (quà naturalia, non quà vitiosa) omnisque boni citra controversiam origo & auctor est. Act. 17. 28. *In ipso enim vivimus, movemur & sumus.* Idque doctè & eleganter demonstrat Augustinus in Enchirid. ad Lauren. c. 12. *Natura igitur omnes, inquit, quoniam naturarum prorsus omnium summe conditor bonus est, bona sunt.* Item ibid. c. 13. *Omnis namque natura, etiam si vitiosa est; in quantum natura est, bona est: in quantum vitiosa est, mala est.* Et contra adversar. legis c. 5. *Quodenim malum est per vitium, profecto bonum est per naturam. Vitium quippe contra naturam est, quia natura nocet: nec noceret, nisi bonum ejus minueret. Non est ergo malum nisi privatio boni: ac per hoc nusquam nisi in re aliqua bona, etsi non summe bona (quoniam summe bona incorruptibilia & immutabilia perseverat, ut Deus est) non tamen nisi in bona: quoniam non noceret nisi minuendo quod bonum est. Ac per hoc, bona sine malis esse possunt sicut ipse Deus & quaque superiora caelestia: mala vero sine bonis esse non possunt.* Hinc igitur constat etsi peccatum non possit esse in se bonum, bonum tamen illius esse subiectum. Deinde & ordinatio illius iusta est: quia ex puro auctore, bono fine, & modo promanat. Quæ tria ad perfectionem operis requiruntur. Nec enim sanctitati divinæ quidquam derogat, quod peccata ordinet: sed sapientiam & bonitatem illius demonstrat, quod ea quæ creaturæ culpa inordinata sunt, in ordinem creator redigat. *Sicut enim,* ait Augustinus ille scriptor August. De peccat. remiss. lib. 1. c. 29. *bono uti male, malum est: sic malo bene uti bonum est.* Et in Euang. Joh. tract. 27. *Sicut iniqui male vivuntur bonis operibus Dei: sic contra Deus bene utitur malis operibus iniquorum.* Ut enim medicus venena non procreat, sed ad corporis incolumitatem venenis probè & cum laude utitur: sic & Deus peccata non efficit, sed ad bonos fines bonoque modo semper dirigit: quamvis ea non semper assequamur. *Quia iudicia Dei sunt abyssus multa,* Psal. 36. 7. Adeo ut non immeritò exclamet Apostolus, Rom. 11. 33. *O profunditatem divitiarum tuarum sapientia, tum cognitionis Dei! quam inscrutabilia sunt ejus iudicia, & ejus via impervestigabiles!* Fines autem sunt varii: è quibus præcipuos & communiores recensebimus. Ac primum si reprobos spectes, proximus finis est, iusta eorum patefactio & poena; quam aut sibi met inferunt, aut ab aliis ferunt: remotior est merita damnatio & interitus. Sic gentiles tradente Deo fœdis suis affectibus mancipati, mercedem quam oportuit, erroris sui in sese receperunt, Rom. 1. 26, 27. Et quia multi amorem veritatis non receperunt, propterea mittit illis Deus efficaciam deceptionis, ut credant mendacio: ut damnentur omnes, qui non crediderunt veritati, sed acquirerunt in injustitia, 2. Thess. 2. 10, 11, 12. Sic Deus Satanæ & pseudoprophetarum mendacia occulto providentiæ fræno (quod præceptum metaphorice dicitur) effrenatam Achabi impietatem iustissime punivit, 1. Reg. 22. 23. De quo argumento eleganter & distinctè Gregorius Magnus Moral. in Job. 1. 25. c. 12. *Omne quippe peccatum, quod tamen citius poenitendo non tergitur, aut peccatum est & causa peccati: aut peccatum & poena peccati. Peccatum namque quod poenitentia non diluit, ipso suo pondere mox ad aliud trahit. Unde fit ut non solum peccatum sit, sed peccatum & causa peccati. Ex illo quippe vitio culpa subsequens oritur: ex quo cecata mens ducitur, ut pejor ex alio ligetur. Sed peccatum quod ex peccato oritur, non jam peccatum tantummodo, sed peccatum est & poena peccati: quia iusto iudicio omnipotens Deus cor peccantis obnubilat, ut præcedentis peccati merito etiam in aliis cadat. Quem enim liberare noluit, deferendo percussit. Non ergo immeritò poena peccati dicitur, quod iusta de super irrogata cecitate, ex præcedentis peccati ultione, perpetratur. Quod videlicet agitur dispensatione superius ordinata, sed inferius iniquitate confusa: ut & præcedens culpa sit causa subsequentis, & rursum culpa subsequens sit poena præcedentis. Sin pios spectes, finis ad quem peccata hominum dirigit Deus, proximus quidem est, aut conservatio eorum in hac vita, vel in pietatis officio: aut exploratio virtutis, præsertim ut probati per patientiam manifesti fiant, vel sibi ad spem, vel aliis ad imitationem, Aug. contra Secundinum cap. 10. Rom. 5. 4. aut deni-*

que castigatio vitiorum; ut meliores reddantur, quum vel ipsi peccant, vel in ipsos peccatur. Remotus verò finis est eorumdem salus. Sic Deus optimus maximus sceleratam Josephi venditionem ad peccantium fratrum conservationem clementer convertit, Gen. 45. 5. Quemadmodum & Satanæ improbitatem ad Apostolum in officio & modestia continendum, 2. Cor. 12. 7. patientiam Jobi etiam nostro bono explorandam Job. 1. 11, 12. Jac. 5. 10. 11. Davidem cum populo castigandum, salutem eorum omnium procurandam gubernavit Deus, 2. Sam. 24. 1. In quam sententiam rectè Gregorius Magnus Moral. in Job. lib. 16. cap. 19. *Apostata quippe angeli perversa voluntas est, sed tamen à Deo mirabiliter ordinatur, ut ipse quoque ejus insidia utilitati bonorum serviant, quos purgant dum tentant.* Et ib. 1. 33. cap. 18. *Secreto ergo dispensationis ordine, unde se vivere permittitur iniquitas Diaboli: inde pie perficitur benignitas Dei.* Elegantissime verò Basilii Magni Tom. 1. Orat. quòd Deus non sit auctor peccati. *Συνεχίζονται δὲ αὐτῷ τῇ πορνείᾳ εἰς ἡμιάνθρωπον ἡμετέραν ψυχῶν ὁ σόφος καὶ ἀπειρημένος διανομῶν τῶ ἀνθρώπων ὁ ἀπὸ τοῦ τοῦ τῶ ἐχθρῶν ἰδὲ εἰς σωτηρίαν φερόμενος κατὰ τοῦτο δὲ πρῶτον.* Hoc est, Ille igitur sapientissimus & providentissimus rerum humanarum dispensator ejus (Diaboli) improbitate simul utitur ad nostrarum animarum exercitationem, quemadmodum medicus vipera veneno ad salutarem medicamentorum præparationem. Sic Paulus ait 1. Cor. 11. 19. *Oportet hæreses esse, ut, qui probati sunt, manifesti fiant.* Et 1. Cor. 10. 13. *Tentatio vos non apprehendit, nisi humana. Fidelis autem est Deus, qui non sinet vos tentari, supra id quod potestis: sed præstabit, una cum tentatione, etiam evasione.* Et ad Rom. cap. 8. 28. *Novimus autem iis qui diligunt Deum, omnia simul conferre ad bonum: usque adeo omnia,* ait Augustinus de correptione & gratia cap. 9. *ut etiam si qui eorum deviant & exorbitant, etiam hoc ipsum eis faciat proficere in bonum, quia humiliores redeunt atque doctiores. Discunt enim in ipsa via iusta cum tremore se exultare debere, non sibi arrogando, tanquam de sua virtute fiduciam permanendi: nec dicendo in abundantia sua, Non movebor in aeternum,* Psal. 30. 7. Ultimus denique finis est sapientiæ, potentiæ, bonitatis & iustitiæ Dei gloria, Rom. 9. 17. Ad quam demonstrandam, ut Pharaonem excitavit & pios regit: sic & omnia operatur etiam impium ad diem malum, Prov. 16. 4. Porro modus ordinationis peccati varius est ac sæpe occultus, nunquam autem injustus: quia à solo bono Matt. 19. 17. & summe iusto promanat. *Quid si,* ait Apostolus Rom. 3. v. 56. *injustitia nostra Dei iustitiam commendat, quid dicemus? Num injustus Deus, qui inferat poenam? (humano more loquor) Absit: alioqui quomodo iudex erit Deus mundi?* Qua de re scitè Augustinus de gratia & libero arbitrio cap. 20. *Scriptura ostendit non solum bonas renatorum voluntates, quas ipse facit ex malis: verum etiam illas qua conservant seculi creaturam, ita esse in Dei potestate, ut eas quo voluerit, quando voluerit, faciat inclinari, vel ad beneficia quibusdam præstanda, vel ad poenas quibusdam ingerendas, sicut ipse iudicat, occultissimo quidem iudicio, sed sine dubio iustissimo.* Generalior verò ordinationis peccati modus est duplex: quorum prior est privatio gratiæ peccato adversantis. Quum autem huiusmodi gratia alia sit interna; lux mentis & frænorum cupiditatum: alia externa; furoris Satanæ & mundi repressio: sic & privatio illius duplex est. Una internæ gratiæ, qua mens luce & iudicio recto destituitur & cupiditatibus fræna sic laxantur, ut ea tamen Deus perpetuò contineat & pro arbitrio gubernet. Atque hujus privationis ratione à quibusdam Deus deficiens, & removens, prohibens peccati causa improprie nominatur. Pet. Mart. in Locis cap. 14. §. 7. & 16. *Sicut accidit de domo ruinosa qua sustentetur columna; accedit aliquis, amovet columnam, cadunt lapides & adificia de summo loco suo pondere cadunt, qua in seipsis descensus habent causam: tamen qui aufert columnam dicitur ut cunque facere casum: removet enim fulcrum, quod ruinam prohibebat.* Sic Deus natura sua bonus est, quatenus tamen iustus, vult punire peccantes, tollit gratiam & quoquomodo causa eorum qua postea male fiunt potest dici: non vera causa: nam ea propria est interior, mala scilicet eorum voluntas. Etsi ab illa phrasi abstinere malim: non quia non sanctè ab iisdem intelligitur, sed propter ambiguitatem illius & inignem adversariorum calumniandi libidinem: qui secus, quam par est, interpretantur. Etenim quum peccatum non sit natura, sed naturæ vitium, un-

de & nihil ab Augustino dicitur in Euang. Joh. tract. 1. non tam efficiens, quàm deficiens illius causa statuenda est. Ut doctè ab Augustino Decivi. Dei lib. 11. c. 7. explicatur; quum ait, *Nemo ergo querat efficiens causam malæ voluntatis. Non enim est efficiens, sed deficiens: quia nec ulla effectio est, sed defectio. Deficere namque ab eo, quod summè est, ad id quod minus est, hoc est incipere habere voluntatem malam. Causas porro defectuum istarum (cum efficientes non sint, ut dixi, sed deficientes) velle invenire, tale est ac si quisquam velit videre tenebras vel audire silentium: quod tamen, utrumque nobis notum est: neque illud nisi per oculos. neque hoc nisi per aures: non sanè in specie, sed in speciei privatione. Nemo ergo ex me scire querat, quod me nescire scio: nisi forte ut nescire discat, quod scire non sciendum est: Ea quippe quæ non in specie, sed in ejus privatione sciuntur, si dici aut intelligi potest, quodammodo nesciendo sciuntur, ut sciendo nesciantur. Cæterum deficiens causa imperius ambiguit appellatur, per se, aut per accidens. Illa est, quæ in se à rectitudine legis debita; hæc verò quæ in alio, à gratiæ suæ communicatione indebita, deficit. Hic defectus peccato caret: & creatori tribuitur: ille verò peccatum est, & creaturæ soli convenit. Quæ de re subjicit Augustinus, Hoc scio, naturam Dei nunquam, nusquam, nulla ex parte posse deficere: & ea posse deficere, quæ ex nihilo facta sunt. Quæ tamen quanto magis sunt, & bona faciunt: tunc enim aliquid faciunt, quum causas habent efficientes: in quantum autem deficiunt, & ex hoc mala faciunt (quid enim tunc faciunt nisi vana?) causas habent deficientes. Sic postea cap. 9. Quum ergo malæ voluntatis efficiens naturalis, vel, si dici potest, essentialis nulla sit causa (ab ipsa quippe incipit spirituum mutabilium malum, quo minuitur atque depravatur nature bonum) nec talem voluntatem facit nisi defectio, quæ deseritur Deus: cujus defectio etiam causa utique deficit. Quam Augustini sententiam nostri approbant, etsi & alia declarationis ergo adjiciant. Hinc doctissimus Theologus Calvinus De æterna Dei prædest. opusc. pag. 998. ut verè ab Augustino dictum libenter amplectar, In peccato, sive in malo, nihil esse positivum. Atque hæc ratione doctè vulgò dicitur, Privationem rectitudinis ætèræ sumptam esse posse à Deo; non autem passivè: quia illa est iusta pœna: hæc iniusta culpa. Atque hæc prima est privatio, gratiæ nimirum internæ. Altera verò est, externæ gratiæ; quæ mortales Satanæ & mundi injuriis, non absolute, sed definitis à Deo iudice & temporis & modi limitibus, variè exponuntur. Quod ex Jobi, cap. 1. 12. & 2. 6. & Achabi, 1. Reg. 22. v. 22. historia liquet, & Gergesorum calamitas, Matth. 8. v. 31. demonstrat. Etenim si ne in porcos quidem sævire Satanæ potuit, nisi data à Christo venia: quomodo minus in homines? Itaque Diabolus efficax quidem est in incredulis, Eph. 2. 2. atque operatur in iis, quod vult; sed non quantum vult. Quidquid enim Deo permittente ac gubernante mali facit, illud vult, quia malus: non autem quidquid vult, illud perficit: quia insatiabilis in eo malefaciendi libido & determinata divinitus potestas. In quam sententiam graviter & rotundè Augustinus de civi. Dei lib. 2. c. 23. Quia, inquit, sicut ipsi mali homines in terra: sic etiam illi (immundi spiritus) non omnia quæ volunt facere possunt, nisi quantum illius (Dei) ordinatione sinuntur. Cujus plenè iudicia nemo comprehendit: iuste nemo reprehendit. Et Gregorius Magnus Moral. in Job. lib. 18. cap. 1. Omnis voluntas Diaboli iniusta est: & tamen permittente Deo omnis potestas iusta. Ex se enim tentare quoslibet iniuste appetit, sed eos qui tentandi sunt, prout tentandi, non nisi tentari Deus iuste permittit. Atque hic prior est ordinationis peccati modus. Alter verò est bonarum occasionum oblatio: quibus impii ad peccata perperam abutuntur. Quales sunt intus bonæ cogitationes, aut ordinariæ ex communibus naturæ principiis, institutione, experientia; aut extraordinariæ & immediatè singulari Dei instinctu excitatæ: foris, tum dicta, ut præcepta, narrationes, promissiones, minæ; tum facta cæteraque quæ in sensus incurrunt. Atque hinc facile perspicitur sana mente à D. Martyre, Comment. ad Rom. 9. dictum, Indurationem esse effectum iræ & ultionis Dei, sive à Deo ipso, ut loqui solent, immediatè: sive per Diabolum: sive per hominem exerceatur. Nam immediatè Deus indurare potest, privatione gratiæ iusta & interna atque admirabili bonarum occasionum & cogitationum oblatione. Ad quam sententiam illustrandam præclarum illud ac celebre Augustini contra Julianum lib. 5. cap. 3. dictum pertinet: Facit hæc miris & ineffabilibus modis, qui novit iusta sua iudicia non solum in o-*

peribus hominum, sed & in ipsis cordibus operari: qui non facit voluntates malas: sed utitur eis ut voluerit, quum aliquid iniquè velle non possit. Nec Deo injurius Martyr, quod postea addit, Clamant absurdum esse, Deum ponere causam indurationis: at velim ex ipsis audire in quem articulum fidei hoc absurdum incurrat? Etenim induratio, ut multa, & peccatum est & pœna peccati. Illius causa dici non potest propriè; sed tantum per accidens, & occasio qua creaturæ abutuntur, ut modò ostendimus: hujus verò optimè; quia, quum Deus summus & iustus sit iudex, pœna omnis, quæ pœna, proprium iustitiæ illius opus est. Sic ait Augustinus contra Julianum l. 5. c. 3. Tradit ergo Deus in passionem ignominia, ut fiant quæ non conveniunt: sed ipse convenienter tradit, & sunt eadem peccata supplicia prætorum & suppliciorum merita futurorum: sicut tradidit Achab in pseudoprophetarum mendacium, sicut tradidit Roboam in falsum consilium. Et de prædest. sanct. c. 10. Et si sunt quedam, quæ ita peccata sunt, ut pœna etiam sint peccatorum (unde dictum est, Tradidit illos Deus in reprobam mentem, ut faciant quæ non conveniant) non ibi peccatum Dei est, sed iudicium. Sed ut eò unde digressus sum, redeam: sic Deus peccatores movet & bonas occasiones offert malis, ut interim à mali contagione utrimque sit immunis. Ut enim conspicuus hic Sol radiis suis flores & sordes æquè feriens, ex illis odorem suavissimum, ex his verò teterrimum elicit: sic & inconspicuus ille Sol noster Deus, eadem sæpe ratione providentiæ suæ radiis & bonos & malos permovet: sed, pro vario eorum ingenio, ex illis quam in sevit pietatem; ex hisce, quam non effecit, sed invenit impietatem, in lucem iustè educit. Et ut aer sole per vitrum coloratum pellucens, lumen habet à sole, sed colorem à vitro: sic actiones humanæ à Deo habent ut sint & ordinatæ sint; ab hominis vitio, ut malæ sint. Quamobrem in eodem argumento accusatur ac sapius punitur creaturarum scelus & laudatur Dei iustitia: quæ etsi iusto ordine, iniustum aliquid fieri iuste permittit, inultum tamen abire non sinit, Greg. Magn. Moral. in Job. lib. 16. cap. 36. Quod vel ex hisce testimoniis perspicuum est. Gen. 50. 20. Vos cogitastis adversus me malum, Deus autem cogitavit illud in bonum: ut faceret secundum diem hanc. Deut. 13. 2, 3. Si dixerit Propheta, Eamus & consequamur Deos alienos, non audies vocem ejus: quia tentat vos Dominus, utrum diligatis eum. Propheta autem ille interficiatur: quia locutus est ut vos averteret à Domino Deo vestro. Job. 1. 21. Dominus dedit, Dominus abstulit: sit nomen Domini benedictum. Esa. 10. 5, 6, 7. Assur virga furoris mei & virga quæ est in manu eorum, est ira mea. Ad gentem impiam mittam eum & super populum furoris mei mandabo ei, ut spoliet spolia & prædetur prædam & ponat eum in conculcationem, sicut lutum platearum. Ipse autem non sic existimabit, nec cor ejus ita reputabit, sed ad perendum erit cor ejus. Et vers. 12. Et erit quum compleverit Dominus omne opus suum in monte Sion & in Ierusalem, visitabo super fructum magnitudinis cordis regis Assur. Luc. 22. 22. Filius hominis quidem, prout definitum est, vadit: verum tamen vā homini illi per quem proditur. Idem egregiè illustrat Augustinus in epist. Joh. Tractatu 8. Facta est, inquit, traditio à Patre: facta est traditio à Filio: facta est traditio à Iuda. Una res facta est: sed quæ res discernit Patrem tradentem Filium, scilicet Filium tradentem, & Iudam discipulum tradentem magistrum suum? Quia hoc fecit Pater & Filius in Charitate: fecit autem hoc Iudas in prodicione. Videtis quia non, quid faciat homo, considerandum est: sed quo animo & voluntatè faciat. In eodem facto invenimus Deum Patrem, in quo invenimus Iudam: Patrem benedicimus, Iudam detestamur. Quare Patrem benedicimus, Iudam detestamur? Benedicimus charitatem, detestamur iniquitatem. Quantum enim præstitum est generi humano de tradito Christo? nunquid hoc cogitavit Iudas, ut traderet? Deus cogitavit salutem nostram, quæ redempti sumus: Iudas cogitavit pretium quo vendidit Dominum: Filius ipse cogitavit pretium quod dedit pro nobis: Iudas cogitavit pretium, quod accepit ut venderet. Diversa ergo intentio, diversa facta facit. Quum sit una res ex diversis eam intentionibus si metiamur, unum amandum, alterum damnandum: unum glorificandum, alterum detestandum invenimus. Sic idem & in tract. de natura boni c. 32. Iniustum enim non est, ut improbis accipientibus nocendi potestatem, & bonorum patientia probetur & malorum iniquitas puniatur. Nam per potestatem Diabolo datam & Iob probatus est, ut iustus appareret, & Petrus tentatus est, ut non de se presumeret, & Paulus colaphizatus, ne se extolleret, & Iudas damnatus, ut se susten-

se suspenderet. Quum ergo per potestatem quam Diabolo dedit, omnia iuste ipse Deus fecerit; non tamen pro his iustis factis, sed pro iniqua nocendi voluntate, quae ipsius Diaboli fuit, ei reddetur in fine supplicium, quum dicetur impiis, qui ejus nequitia consentire perseveraverint, *Ite in ignem aeternum, quem paravit Pater meus Diabolo & Angelis ejus*, Matth. 25. 41. Hisce consentit Fulgentius ad Gnomimum lib. 1. cap. 27. Bene, ait, quippe malis interitus à Deo redditur, quamvis sit malus interitus eis, qui nunc iuste deseruntur & postmodum iuste torquebuntur. In talibus enim Deus iudicium suum desertione inchoat, cruciatione consummat. Nam & hoc tempore, quo discedentes malos deserit Deus, non operatur in eis, quod ei displicet; sed operatur per eos, quod ei placet: postmodum eis redditur, quod ab ejus iustitia merentur. Recipient enim non pro eo, quod Deus benedixit eis eorum operibus malis: sed pro eo, quod ipsi male abusi sunt Dei operibus bonis. Quamobrem etsi eadem opera Satanæ, hominibus & Deo tribuantur, peccati tamen auctor Deus minimè constituitur. Nam diversa natura, finis & modus voluntatem actionesque Dei & malorum distinguunt. Ea enim omnia in Deo summè bono, pura puta sunt; in malis verò mala; ideoque in illo laudem; in hisce supplicium promerentur. Nec aliud sentit D. Calvinus Opusc. De aeterna prædest. pag. 998. (etsi id mirificè exagitant) quum ait, *Quæperperam & iniuste ab hominibus sunt, eadem recta & iusta esse Dei opera*. Quod non solum ex apologia contra Castellionem: verumetiam ex aliis ejusdem auctoris sententiis demonstrari potest. Non enim ex charitate tantum, quæ viro de ecclesia Dei optimè merito debetur, sed certo etiam iudicio in meliorem partem hoc dictum & similia interpretamur. Quod ex iis quæ producimus testimoniis omnibus citra præiudicium attentis, fiet perspicuum. Quod verò Deus, inquit Comment. in Esa. 44. 18. excacare atque in reprobum sensum tradere dicatur, patet ex variis Scripturae locis, nempe quum lucem Spiritus sui aufert & fræna laxat hominum libidini, ut nulla amplius ratione cohiberi possint. Satanam quoque armat efficacia erroris, ut neque ab ejus insidiis caveant & fallaciis obnoxii sint, qui recusatunt veritati parere. Et ibid. c. 12. 14. Itaque quum Deus homines excacat aut reprobat, saviæ accusari non potest. Iusta enim improbitatis & nequitia eorum pœna est, nec potest auctor mali dici, qui scelera puniendo iuste agit. Nunc ad puniendi modum veniamus. Permittit eos Satana puniendos. Ipse enim est qui propriè permiscet Spiritum vertiginis & pravitatis: sed quia nihil agit nisi mandato Dei, propterea Deus ipse id agere dicitur, quod Satan agit. Nam quod vulgò dicunt fieri permissu Dei, nimis frivolum est effugium. Plus enim expressit Propheta, nempe inflatam à Deo hanc pœnam, quod iustus sit iudex. Agit ergo Deus per Satanam ut iudex per carnificem, iustasque pœnas sumit, de iis qui ipsum offenderunt. Et ut alia omittam, præclare ac rotunde in Institutionibus suis Lib. 2. c. 4. sententiam suam orthodoxam, de hoc argumento exponit. Quomodo, inquit, idem opus ad Deum, ad Satanam, ad

hominem auctorem referamus, quin vel Satanam excusemus Dei consortio, vel Deum mali auctorem predicemus? Facile, si finem agendi primum inspiciamus, Deinde modum. Domini consilium est servi sui patientiam calamitate exercere: Satan molitur eum ad desperationem adigere: Chaldaei ex re aliena præter jus & fas lucrum querere affectant. Tanta in consiliis diversitas opus jam valde distinguit. In modo non minus est discriminis. Satana affligendum servum suum Dominus permittit: Chaldaeos quos ad id exequendum ministros delegit, illis permittit ac tradit impellendos. Satan alioqui pravos Chaldaeorum animos venenatis suis aculeis ad perpetrandum id flagitium instigat: illi ad iniustitiam furiosè ruunt: omniaque membra scelere obstringunt ac contaminant. Propriè ergo agere dicitur Satan in reprobis, in quibus regnum suum, hoc est nequitia, exercet. Dicitur & Deus suo modo agere, quod Satan ipse, instrumentum quum sit ira ejus, pro ejus nutu ac imperio huc atque illuc se inflectit ad exequenda ejus iusta iudicia. Omitto hic universalem Dei motionem: unde creatura omnes ut sustinentur, ita efficaciam quidvis agendi ducunt. De illa speciali actione tantum loquor, quæ in unoquoque facinore apparet. Idem ergo facinus Deo, Satana, homini assignari videmus non esse absurdum: sed varietas in fine & modo facit ut illic inculcata Dei iustitia reluceat, Satana hominisque nequitia cum suo opprobrio se prodatur. Atque hæc quidem de peccati permissione divina & adjuncta Dei ordinatione. Ex quibus non adeo difficile est Orthodoxorum in hac quæstione sententias conciliare, quum alii hanc Dei permissionem statuunt: alii rejiciunt. Illi enim non quamvis permissionem, sed conjunctam cum ordinatione & regimine Dei intelligunt: hi verò non simpliciter tollunt, sed nudam & à Dei regimine secretam, quam nonnulli fingunt, averlantur. Quæ de re, ut alios brevitate causa prætermittam, doctissimus D. Beza ad Francisc. Claud. Apologia altera. Permissionem enim à nobis non simpliciter tolli, quum aliter in bonis, aliter per malos agit Deus, sed eo sensu duntaxat, quo & à Iuliano quondam usurpabatur (contra quem errorem ex professo disputat Augustinus contra Julianum lib. 5. cap. 3.) & à nobis nunc accipitur, quasi videlicet voluntati & decreto opponatur, quoties à nobis est inculcatum? Et Prælect. in cap. 9. ad Romanos. Et ad hanc distinctionem spectat rectè intellectum συγκαταγωγος id est permissionis nomen, tam malè à nonnullis acceptum, qui Dei voluntati, id est decreto, illud opponunt (quod Augustinus ante à nobis citatus copiosissimè refutat) quàm rectè ab eis usurpatur, qui sic distinguunt, Dei actionem in bonis & per bonos verè agentis, ab eodem sic per malos etiam peccantes, iusta sua iudicia exequentis, ut tamen malam in ipsis voluntatem non efficiat, neq; malè moveat, sed mala ipsorum voluntate bene utatur. Atque hinc facile colligitur, quo sensu ab eodem providentia paulò antè ibidem definitur, Vis illa Dei sapientissima & optima à cuius efficacia cuncta cum facta tum facienda dependeant. Itaque frustra ex eo invidiam doctissimo viro conflare moluntur.

## CAPUT XIII.




**A**TQUE hæc quidem de natura providentiæ divinæ pro tenuitate nostra differuimus. Ex quibus hujus doctrinæ usus & utilitas singularis elucet. Etenim sapientiæ, bonitatis & potentiæ Dei infinitæ theatrum est illustrissimum: fidei & spei fulcimentum: superbix & impatientiæ frænum: gratitudinis stimulus: optima denique religionis magi-

stra. Quæ singula ut ex superioribus constant, sic & scriptis catecheticis accuratè vulgò explicantur. Quare iis illustrandis & confirmandis superledeo, ac finem facio. Hactenus Conciliatio doctrinæ orthodoxæ de providentia Dei; ex quo, per quem, & in quem sunt omnia. Rom. II. v. 36. Ipsi sibi gloria in secula. AMEN.

## FINIS.



S E Q U I T U R  
S Y N O P S I S  
D O C T R I N Æ  
D E P R O V I D E N T I A.



F I N I S.

ANTI-

# A N T I - C O S T E R I

LIBRI TRES:

S E U

## Enchiridii Controversiarum præcipuarum no-

stri temporis in Religione, à FRANCISCO COSTERO

*D. Theologia Soc. Jesu conscripti: nempe*

- I. *De Discrimine Hæreticorum & Catholicorum.*
- II. *De Sacra Scriptura.*
- III. *De Ecclesia Christi.*

REFUTATIO.

Autore

F R A N C I S C O G O M A R O

*D. & Profess. Theologia in Academia Leydensi.*

# A R G U M E N T A C A P I T U M

## LIBRI PRIMI.

In exordio fœda Sodalitatis virginis Mariæ idololatria fideliter ostenditur  
ac solidè confutatur.

- CAP. I.** De discrimine hæreticorum & Catholicorum quatuordecim antihefes.
- Prima in contrario eorum erga Christum studio consistit. Ac demonstratur à Christiana ecclesia Christum pie honorari: contra verò Pontificiam ecclesiam Christi personam, triplex officium, beneficia, & Sponsam indignissimè ac variis modis violare.*
- CAP. II.** Secunda antihefis in contrario erga Pontificem animo. Pontificem à Christiana ecclesia jure meritoque rejici: contra verò à Pontificia ecclesia injus & ad summam Christi ignominiam observari ac coli.
- CAP. III.** Tertia antihefis in contrario erga episcopos & presbyteros studio. Christianam ecclesiam à Pontificis episcopis, presbyteris & Sacerdotibus, tanquam lupis rapacibus, prudenter abhorrere ac fugere: contra verò Pontificiam ecclesiam eosdem gravissimo errore amplecti ac sequi tanquam fideles pastores.
- CAP. IV.** Quarta antihefis in contrario erga Monachos studio. Monastica Pontificiorum instituta, tanquam diram in ecclesia Christi pestem, verè à Christiana Ecclesia reprehendi: contra verò eadem falsò à Pontificia ecclesia defendi & indies novis & indignis modis augeri.
- CAP. V.** Quinta antihefis in contraria templorum & Sacramentorum tractatione. Christianam ecclesiam, sine ullo Sacrilegio idololatria Pontificiorum templa contemnere: contra verò eadem à Pontificiorum ecclesia cultu idololatræico honorari.
- CAP. VI.** Sexta antihefis in contrariis doctrinæ fructibus. Ex Christianæ ecclesiæ doctrinæ veram fidem & veram charitatem: contra verò ex Pontificiæ ecclesiæ doctrinæ magnam superstitionum, crudelitatis, libidinum, hypocrisios, avaritiæ & perfidiæ messem oriri.
- CAP. VII.** Septima antihefis in contraria successione. In Christiana ecclesia veram vigere successionem tam doctrinæ, quam ministerii ecclesiastici: contra verò in ecclesia Pontificia utramque desiderari.
- CAP. VIII.** Octava antihefis in contrariis consiliis & actionibus. Christianam ecclesiam Dei gloriæ & virtuti operam dare: contra verò clerum Pontificium magna ex parte, avaritia, ambitione & impuritate vitæ contaminatum.
- CAP. IX.** Nona antihefis in contrariis erga patres antiquos & concilia studiis & judiciis. Christianam ecclesiam eos honorare tanquam testes: sed eis tamen Sacris literis præferre tanquam unicam fidei regulam: contra verò Pontificiam ecclesiam patrum & conciliorum consensum, si veritatem spectemus, Dei verbo æquare.
- CAP. X.** Decima antihefis in contrariis loquendi modis. Christianam ecclesiam fidei suæ confessionem edere ex Sacris literis & certa prudenter ab incertis distinguere: contra Pontificiam Ecclesiam humanam niti doctrinam & de rebus abstrusis, sine Sacris literis, magna temeritate pronunciare.
- CAP. XI.** Undecima antihefis in judiciis de majorum salute. Christianam ecclesiam neminem qui bona conscientia fidei fundamentum retinuerit condemnare & de proximi salute bene sperare: contra verò Pontificiam ecclesiam in majoribus & verè fidelibus reipsa condemnandis esse temerariam.
- CAP. XII.** Duodecima antihefis in contraria ad ministerium ecclesiasticum vocatione. Christianæ ecclesiæ pastores legitime secundum verbi divini præscriptum vocatos, & per januam in ovile Christi fideliter ingressos: contra verò Pontificiæ ecclesiæ ministros plerosque per fenestram tanquam fures irrepsisse.
- CAP. XIII.** Decima tertia antihefis in duratione doctrinæ. Christianam ecclesiam in fundamento fidei constantem esse: contra Pontificiam ecclesiam in ea re esse instabilem.
- CAP. XIV.** Decima quarta antihefis in miraculis. Christianam ecclesiam Christi & Apostolorum miraculis instructam nullis jam amplius egere miraculis ad doctrinæ suæ confirmationem: contra Pontificiam ecclesiam veritate destitutam confectis miraculis niti.
- CAP. XV.** De ratione agendi cum hæreticis & Pontificiæ ecclesiæ crudelitatem, qua in suos adversarios sævit: & quenam optima cum ea disputandi ratio: quamque multa & horrendæ hæreses in ea doceantur.
- CAP. XVI.** De ratione agendi cum iis qui hæreticis credunt: & qua ratione à verè Christianis Pontificiorum questionibus positi satisfieri.

# A N T I - C O S T E R I

## LIBER PRIMUS,

### D E

## DISCRIMINE HÆRETICORUM ET CATHOLICORUM.

**Q**VISQVIS operis tui titulum & præmium attente voles observare, quid de enchiridio tuo judicandum sit, Costere, minimè dubitabis. Nam quemadmodum profanarum gentium poeta, non veri Dei sed falsorum numinum, auspiciis, sua scripta exordiri solent; sic tu, non à Christi, sed à Christi matris patrocinio, orationis hoc principium inducis.

### C O S T E R U S.

**P**OSTQUAM, Deo Opt. Maximo volente, multi eruditione præstantes viri atque adolescentes summa spe animi & ingenii, sub augustissimo nomine & patrocinio matris Dei, cælorum Reginæ & humani generis singularis advocatæ, beatissimæ semper virginis Mariæ, in sodalitatem, certis legibus, à S. sede Apostolica comprobatis, ad multorum salutem curandam ac promovendam, conveniunt (quæ sodalitas jam per universum fere terrarum orbem propagata, non exiguum fructum peccatoribus convertendis & hæreticis ad ovile Christi reducendis, divinagratia reportat) cumque sodalium studium in eo potissimum sit collocatum, ut priscam & orthodoxam fidem pro sua virili parte tueantur, hæresesque refellant, eorum autem plerique, vel per ætatem, vel per ingenium, aut eruditionis tenuitatem subtiliorum disputationum minus capaces videantur; visum fuit operæ pretium ad eorum captum, præcipua religionis nostræ capita, de quibus hoc tempore cum Novatoribus controversiam habemus, ruditer explicata eis tradere, simulque quæ vulgò obijci solent diluere; ut, quemadmodum ait Apostolus, Tit. 1. v. 9. *Amplēctentes eum, qui secundum doctrinam est, fidelem sermonem, potentes sint exhortari, in doctrina sana, & eos qui contradicunt arguere: parati semper ad satisfactionem omni poscenti rationem*, 1. Pet. 3. v. 15.

### G O M A R U S.

**I**NSIGNIS sanè in Christum contumelia. Quid enim Christiano homine indignius dici aut fingi potest, quàm, & regiam & sacerdotalem Christi dignitatem, aliò derivare? Attu Costere, dum papalem religionem ornare studes, id minimè reformidas. Nam quum Sacræ literæ perspicuè demonstrant, Jesum Christum unicum esse Dei & hominum mediatorem, 1. Tim. 2. 4. unicum servatorem, Joh. 14. 6. Act. 4. 12. unicum Ecclesiæ Dominum, 1. Corinth. 8. 6. Ephes. 4. 5. & cælestis aulae Regem: tu verò contrà, singularem hanc Christi gloriam, sermonis tui auspicio, virgini Mariæ vendicas & adscribis. Hanc enim *calorum reginam & humani generis singularem advocatam* appellas. Nec mirum quum & eo impietatis processerint Doctores vestri, ut non solum Christi matrem, Christo in plurimis component & æquent, sed interdum etiam anteponent. Id quod ex profano illo & celebri Hymno vestro (Missali Parisiensi) constat, *Nostra pians scelera, jure matris impera Redemptori*. Ac sanè si quis reliquos ejusdem farinae hymnos, Psalteria & Officia beatæ Mariæ evolvat, nihil tam sublime & sanctum, nihil tam Deo singulare & proprium comperiet, quod non ad virginem Mariam transtulerunt. Et ne longius abeam, nonne fidem, spem, charitatem animis indendi, in adversis servandi, ac tandem cælo beandi potestatem Mariæ ascribunt? nonne fide, invocatione, religiosa gratiarum actione, aliisque divini cultus privilegiis eandem venerantur? Atque huc etiam pertinet (ut cætera omittam) egregium illud carmen, imò crimen, quo librum hunc, insigni impietate, virgini Mariæ dedicas & inscribis, & inter cætera sic ais:

*Quod quoniam Christi Mariaque favore peractum,*

*Est libitum nulli tale dicare viro:*

*Sed majestati (res justæ) vovere superna*

*Tutelsque sacra virginis esse datum.*

*Supplice quocirca prece sollicitamus eandem*

*Incidat in varias hæc ut opella manus.*

Est postea in fine:

*Hunc una cupimus dignè pudica libellum*

*Tutari auspiciis virgo parensque tuis.*

*Personasque libro normaue fideliter usus*

*Nos simul Elisiis annumerare choris.*

Paris omnino pietatis est Confluentinorum Jesuitarum, quod præfationi subjicitur carmen;

*Castâ parens, & stella maris, depelle tenebras*

*Sinceramque animis fac radiare fidem:*

*At nobis, quibus est animus defendere matris*

*Virgineæ laudes, robur opemque feras.*

Ut similes habent labra lactucas? Scilicet maris cura Mariæ demandata est. An verò nondum tam crassæ & supinæ idololatriæ vos pudet? Unde quæso maris esse stellam didicistis? An ex sacris literis? At in iis ne quidem. An ex nominis ratione? at quis divinitus id impositum, aut illam hujus vocis esse significationem, demonstrat? pudendus sanè error, qui ex librarii incuria & superstitione vestra promanavit. Nam quod Hieronymus, de nominibus Hebraicis interpretatus est, *Stilla maris*, illud scriptorum errore mutatum est in, *Stella maris*; ut ea, quam spectavit, nominis ratio certò demonstrat & evincit. Nam *מַר* jam Hebræis mare: *מַר* *mar* verò non stellam, sed stillam & guttam significat. Si quid igitur ex nomine esset eruendum sanctius longè diceretur, ut stillæ maris, maris amplitudo & vires absurdissimè tribuerentur; sic virgini Mariæ, Dei creaturæ, creatoris Dei gloria: *Cui omnes gentes quasi מַר mar, stilla stillula & quasi momentum statera deputatæ sunt*, Esa. 40. 15. Itaque meritò ait Deus, *Gloriam meam alteri non dabo*, Esa. 48. 11. Ac propterea quis non videat, Costere, quàm toto aberres cælo, quando eum scriptionis tuæ præfigis scopum, *ut lectores potentes sint exhortari in doctrina sana & eos qui contradicunt arguere*? Nam si hæc doctrinæ vestræ est sanitas, quæ ægritudo? Si lumen vestrum tenebræ sunt, ipsæ tenebræ quantæ? Ostende sodes hujus erroris vestri vel apicem in sacris literis, & aspersam idololatriæ notam absterferis, piisque rationem poscentibus, satisfeceris abundè. Sed illud tum demum eventurum est, quando luci & tenebris conveniet. Quod ut, ex orthodoxæ antiquitatis monumentis, clarius patefiat, insignem Epiphani, adversus hanc Mariolatram & Sanctorum invocationem, locum auctarii vice recensebo; qui licet prolixior sit, tamen propter summam illius præstantiam, & Costeri aliorumque Jesuitarum, in hujus operis limine, stupendam & frequentem idololatriam, necessariò præmittendus est. Nam quum *paires, patres*, perpetuò crepent adversarii; ut Scripturarum auctoritate, sic orthodoxo patrum consensu, obruendi sunt: ut insolentem suam jactationem compescere incipiant. Quare patienter & attentè Epiphanium contra hæreticos libro tertio, Tom. 2. Contra Collyridianos, hæres. 79. Costeri & Je-



& Jesuitarum Majores differentem, audiamus. Vnde (inquit) non est simulacrum hoc studium & facinus, diabolicum? Prætextu enim justitia, semper subiens hominum mentes Diabolus, mortalem naturam, in hominum oculis, deificans, statuas, humanas imagines præ se ferentes, per artium varietatem expressit. Et mortui quidem sunt, qui adorantur; ipsorum vero imagines, quæ nunquam vixerunt (neque enim mortuæ esse possunt, quæ nunquam vixerunt) adorandas introducunt, adulterante mente ab uno & solo Deo: velut commune scortum, ad multam multiplicis coitus absurditatem irritatum, & quod temperantiam legitimi conjugis unius viri detruit. Re vera sanctum erat corpus Maria, non tamen Deus: revera Virgo erat ipsa virgo & honorata; sed non ad adorationem nobis data: sed ipsa adorans eum, qui ex ipsa, carne genitus est; de calis vero ex sinibus paternis accessit. Et propterea Evangelium munit nos, dicens, quod ipse Dominus Johan. 2. 4. dixerit: Quid mihi & tibi cura est mulier? nondum venit hora mea: quo non putarent aliqui magis eximiam esse sanctam virginem, mulierem eam appellavit; velut prophetans quæ futura essent in terra, sedularum & hæresum gratia: ut ne aliqui nimium admirati sanctam, in hanc hæresim ejusque deliramenta dilabantur. Est enim ludibrium tota res & anicularum fabula, ut ita dicam, tota hæresis tractatio. Quæ verò Scriptura de hoc narravit? Quis Prophetarum præcepit hominem adorari, sedum mulierem? Eximium equidem est vas, sed mulier, & nihil à natura immutata: verum & intellectu & sensu in honore honorata: velut corpora sanctorum & si quid aliud ad glorificationem dixerim, sicut Elias, ex matre virgo, & sic manens in perpetuum, & translatus, & mortem non confuscans: sicut Iohannes, qui super pectus Domini recubuit, quem diligebat Iesus: sicut Thecla sancta. Et Maria adhuc honoratior hac est, propter dispensationem mysterii, quæ digna facta est. Sed neque Elias adorandus est, etiamsi in vivis sed neque Iohannes adorandus, quanquam per preces suas proprias, dormitionem suam admirandam effecerit, imò potius, ex Deo gratiam acceperit. Sed neque Thecla, neque quisquam sanctus, adoratur. Non enim dominabitur nobis antiquus error, ut relinquamus viventem, & adoremus ea, quæ ab ipso facta sunt.

Coluerunt enim & adoraverunt creaturam præter creatorem & stulti facti sunt, Rom. 1. 25. & 22. Si enim Angelos adorari non vult, quanto magis eam quæ genita est ab Anna, quæ ex Joachim, donata est Anna, &c. Carnem induit Deus Verbum ex sancta virgine: non tamen ut adoretur virgo, neque ut Deum hanc efficeret: non ut in nomen ipsius offeramus: non ut post tot secula mulieres sacerdotes ac sacrificulas ostenderet. Non complacuit hoc Deo in Salome fieri: non in Maria. Non permisit ipsi dare baptismum, non benedicere discipulos, non imperare in terra iussit, sed solum ipsam sanctificationem esse & dignam factam esse regno ipsius, &c. Sit in honore Maria: Pater & Filius & Spiritus Sanctus adoretur. Mariam nemo adoret, non dico mulierem, imò neque virum: Deo debetur hoc mysterium. Neque Angeli capiunt talem glorificationem. Delectantur quæ male scripta sunt in corde deceptorum. Tollatur ex oculis cupiditas ligni: convertatur rursus figmentum ad Dominum, revertatur Eva cum Adam, ut Deum colat solum, ne ducatur serpentis voce, sed permaneat in Dei præcepto, Gen. 2. 17. Ne comedas de ligno: & erat lignum, non error, sed per ipsum lignum facta est inobedientia erroris. Ne comedas qui de errore, qui est propter sanctam Mariam. Nam etsi pulchrum est lignum, sed tamen non ad cibum: Etsi pulcherrima est Maria, & sancta & honorata; at non ad adorationem. Hæ verò rursus renovant fortuna mixturam & præparant Diabolo & non Deo mensam, velut scriptum est: Et pascuntur cibo impietatis: velut dicit divina Scriptura, Et feminae ferunt polinem, & filii colligunt ligna, ut faciant placentas oleo subactas exercitui cæli, Jer. 7. 17. Comescantur à Ieremia tales mulieres & ne turbent orbem terrarum, ne dicant, Honoramus reginam cæli, &c. Sive enim veluti ipsam adorantes Mariam ipsi offerunt collyridem sive placentiam, vana ista mulieres sive pro ipsa offerre conantur prædictam hanc putidam oblationem, tota res stolidæ est & aliena & ex demonum mosu fraudis & impostura. Quo verò non longius extendam sermonem, sufficient nobis relata, Maria in honore sit: Dominus adoretur. Hactenus Epiphanius ante mille ducentos annos Mariolatram & Coiteri societatem & religionem damnavit.

## CAPUT I.

Interim an in reliquis veritatis scopum attigeris melius, videamus.

## C O S T E R U S.

CÆTERUM, quo fructuosius sodales cum id genus hominibus versentur, duo præmittenda videntur; quorum alterum ad eos cognoscendos, alterum ad

modum cum iis congregandi pertinet. Utrumque enim subinde magnam requirit industriam, dum angelus Sazana se transfiguratur in angelum lucis, 2. Cor. 11. 14. & sermo hæreticorum serpit ut cancer, 2. Tim. 2. 17.

## DE MORIBUS HÆRETICORUM ET CATHOLICORUM.

FATEMUR quidem non omnes catholicos sanctos esse, & hæreticos quosdam, moralis cujusdam probitatis & honestatis commendatione, bonorum virorum speciem præ se ferre: nonnullos catholicos variis sceleribus cooperatos & multos hæreticos à vitiis multis alienos esse. Denique plerosque catholicos feris ac belluinis moribus, blasphemiarum causam præbere infidelibus: & quosdam hæreticos, externa quadam verborum morumque decencia, in sui admirationem & imitationem aliorum animos allicere.

## G O M A R U S.

D UO, ut apparet, explicanda tibi proponis: unum est, de moribus Hæreticorum & Catholicorum: alterum de ratione agendi cum hæreticis. Quæ vestigia tua ordine lubet persequi. Ac primum quidem quod Catholici nominis splendorem vobis pontificiis adscribis solum, agis quidem more vestro satis confidenter, sed quàm verè, paucis ad rectæ rationis libram examinemus. Catholici enim non solum veteribus dicti sunt, qui ad catholicam, id est, universalem Christi ecclesiam pertinent. Ea autem est fidelium universitas, seu (ut Patres orthodoxi ecclesiam describunt) san-

ctorum omnium congregatio: & Pontifex vester ait, Catholica ecclesia congregationem fidelium comprehendit. Quare ut doctè & rotundè definit Augustinus, libro quæst. ex Math. cap. 11. boni Catholici sunt, qui & fidem integram sequuntur & mores bonos: Et Hieronymus in Psal. 133. Ecclesia ibi est, ubi fides vera est. ἰδὲ ἰδὲ, ἰδὲ ἀληθὴς, ecce Rhodus, ecce saltus. Demonstra fidei vestræ integritatem morumque bonitatem; & Catholici nominis honorem ultrò vobis deferemus. Ac de fidei quidem integritate controversias postea disceptabimus, nunc vero quid de moribus statuas, perpendendum, Fatemur quidem, inquis, non omnes catholicos sanctos, imò plerosque catholicos feris ac belluinis moribus. Aperta sanè & rei consentanea (utinam etiam ingenua!) confessio. Adde ipsa veritas, cogente natura, etiam ab invitis pectoribus erumpit, ut graviter & verè monet Lactantius De originis erroris lib. 2. cap. 1. Etenim si quis non solum Jesuitarum, monachorum, sacerdotum, episcoporum, Cardinalium, sed etiam summorum Pontificum gesta, animo perlustrari, nihil hac tua confessione verius comperiet. Quamobrem illustrandæ & firmandæ veritati, breve morum Papalium specimen, ex

a Augustin de unit. Ecclesiar. cap. 2. & 3. Hieronymus in Job. 26. &c.

a Extravag. communium. l. 3. de celebr. Missar.

vestris

vestris scriptoribus fideliter expressum ad controversiam de Pontifice Romano, corollarii loco adjungemus, ut (quod ajunt) ex ungue leo, & ex hisce indicibus, patrum (ut appellantur) sanctissimorum sanctitas, & sermonis potius, quam animi tui, veritas, hac in re, cognoscatur. Quippe ut sapienter ait Augustinus de Doctrina Christiana. lib. 4. c. 27. *Etiā non veritate, annunciari veritas potest, id est, ut pravo & fallaci corde qua recta & vera sunt predicantur.* Ac sane, Costere, quum tam protervè orthodoxos in variis libellis, mendaciorum quasi plaustris impudenter in odium omnium adducere studeas, satis patet, veritatem abs te annunciari hoc loco, non veritate, sed dolo malo: ut quum in vestris, quæ negare non potes, sceleribus, cogente veritate, agnoscendis, tam apertus opinionis ac fidem tibi concilies. Verum ne id causam, cujus patrocinium suscepisti, lædat gravius, continuò medicam apponis manum.

## COSTERUS.

**V**ERUM quum duplices sint errores hominum; uni, qui ex præscriptione doctrinæ suscipiuntur: alteri, qui contra doctrinam quam profitemur, à sola cupiditate proficiuntur; de prioribus nos in præsentia disputamus; de

moribus videlicet Catholicorum, quæ Catholici sunt: quemadmodum medicorum actiones, non quæ vitio quodam & animi pravitate, sed quæ ex arte medendi ab ipsis suscipiuntur, nominamus. Medicus enim, quæ medicus, moderatè vivit, tametsi non desint, qui pro sua intemperantia, contra normam & præscriptionem artis, strenuam abdomini suo operam navent. Porro ad mores proprios hæreticorum, qui nimirum ipsi hæresi comitantur, investigandos, oportet animadvertere, qui in omnes, non unius seculi, sed omnium temporum atque ætatum hæreticos convenient. Qui enim omnibus, simul atque in hæresin inciderunt communes esse deprehenduntur, videntur ab illa non obscurè manare. Quare placet in medio ponere quandam Hæreticorum Catholicorumque inter se pugnantium conflictionem & quasi concursum, ut ex fructibus eorum, quemadmodum cælestis magister admonet Matth. 7. 20. *cognoscamus eos.*

## GOMARUS.

**N**ON displicet distinctio. Quare ne acrius Papalis sanctitatis moveamus camarinam, de iis moribus agamus, qui non ex hominum solum vitio, sed præcipuè ex doctrinæ contagione promanant, & quæ inter vos & adversarios vestros, proponis discrimina, perlustremus.

## ANTITHESIS PRIMÆ.

## COSTERUS.

**P**RIMO hæretici ad unum omnes verbo quidem videntur esse valde Christi salvatoris nostri gloriæ studiosi atque observantes; re autem vera penitus gloriam Christi obscurare atque obruere moluntur. Statim à principio Ebion, Cerinthus & alii nonnulli temporibus Apostolorum, nefarium ac sacrilegum bellum divinitati Christi intulerunt. Arius & Macedonius eandem eum cum Patre naturam habere pernegaverunt. Monothelitæ humana voluntate, Apollinaristæ anima, Manichæi natura humana, Christum spoliaverunt. Nestorius duas in Christo personas, sicut duas naturas: Eutyches humanam naturam in divinam transfusam esse nugatus est, à quo non abhorrent nostri temporis Ubiquitarii, qui divinam proprietatem, qua Christus Deus cælum & terram implet, etiam ad humanam ejus naturam transferunt. Basilides Christi passionem, Cerinthus resurrectionem, Apelles cum carne humana in cælum ascensionem, in dubium vocaverunt. Pelagius gratiæ Christi, Berengarius sanctissimo augustissimoque ejus corpori, plagam imposuit. Joannes Wiclephus divinum Christi corpus in panem, quasi in aliquam artocream, inclusit. Johannes Hussus, quum omnia, fatali necessitate, evenire crederet, preces, quibus Christi gratia & auxilium imploratur, è medio sustulit. Iconoclastæ, quum imagines, quibus memoriam beneficiorum Christi & pium erga ipsum affectum conservabant Majores nostri, ex templis convellebant; non obscurè cum honore & gloria Christi belligerantur. Illi quoque insigniter contumeliosi in Christum videri debent, qui sponsam ejus ecclesiam, omnibus convitiis & maledictis oncraverunt, & bellum ad eam funditus delendam continenter gesserunt. Quod quidem omnibus, qui fuerunt hæcenus, hæreticis commune fuit: quorum alii Ecclesiam *Meretricem Babylonicam*, alii *congregationem excommunicatorum*, alii *idololatram*, alii aliis fœdioribus nominibus appellarunt.

## GOMARUS.

**N**IHIL profectò verius est, quàm quòd Hæreticos omnes gloriam Christi obscurare affirmas; sed non omnes ea nominis infamia notandi sunt, quos perstringis. Arium, Apellem, Pelagium & reliquos, quos iis præmittis, meritò pii omnes, tanquam gravissimorum errorum auctores, averfantur: sed quæ de Berengario & sequentibus adjungis, probari non possunt, *Berengarius*, inquis, *sanctissimo*

*angustissimoque corpori plagam imposuit.* Fateor sanè, sed tum demum, quum, deserta turpiter veritate, Nicolai Papæ subscribens errori, confessus est <sup>a</sup>, *panem & vinum quæ in altari ponuntur, post consecrationem, non solum sacramentum, sed etiam corpus & sanguinem domini nostri Iesu Christi esse, & sensualiter, non solum sacramentum, sed in veritate, manibus sacerdotum* (horreo referens) *tractari, frangi, fidelium dentibus atteri.* Antea verò non plagam corpori Christi infligit, sed sanè cum <sup>b</sup> sacris literis, <sup>c</sup> Augustino & <sup>d</sup> canonibus vestris judicavit, *panem suo modo vocari corpus Christi, quum revera sit sacramentum corporis Christi: Dominum non dubitasse dicere, Hoc est corpus meum, quum signum daret corporis sui.* Deinde verò quòd Wiclephum, divinum Christi corpus in panem, quasi in aliquam artocream inclusisse accusas, unde probabis? At Concilium Constantiense Sess. 8. artic. Wiclephi 3. reclamationem, quod sententiam Wiclephi his verbis disertè proponit, *Christus non est in eodem sacramento identice & realiter in propria presentia corporali.* Item ibidem sess. 15. *Quod absque omni ambiguitate hac est figurativa locutio, Hoc est corpus meum, sicut illa in verbis Christi, Joannes est Elias.* Idem etiam infestissimus Wiclephi adversarius, Guilielmus Widefortus contra Wiclephum art. 2. testatur. Tertia calumnia est, quod Johannem Hussum, omnia fatali necessitate evenire credidisse affirmas: eadem scilicet fide, qua blasphemiam illam eidem & Wiclepho impegistis, *Deum debere obedire diabolo.* Aded ut <sup>e</sup> Hussus non immeritò de accusatorum ac testium calumniis gravissimè & justissimè sit conquestus. Quod præterea de Iconoclastis & imaginum cultu, hoc in loco & sequentibus profess, postea discutietur. Nec erat quod expostulares de iis, qui Pontificem & Romanam ecclesiam *meretricem Babylonicam* appellarunt. Ingenui est in rebus gravibus non perplexè loqui: ficus, ficus: ligonem, ligonem vocant. Nec sine exemplo, nec sine Dei verbo. Sic vestri veritate victi (ut <sup>f</sup> Waldenses etiam demonstrarunt) interdum appellant: sic <sup>h</sup> orthodoxi Patres: sic <sup>i</sup> sacra literæ; quæ *Babylonicam Meretricem urbi septicolli regum domina*, id est, Romæ, *insidentem* describunt. Quamobrem non est cur amplius conqueraris: aut nostros accuses, nisi gravioribus argumentis causam tuam stabilias. Nam quid quæso tantopere perstringis?

<sup>a</sup> De consecratione dist. 2. Can. Ego Berengarius. <sup>b</sup> 1 Corinth. 11. 24. 26. <sup>c</sup> August. contra Adimantum cap. 12. <sup>d</sup> De consecrat. dist. 2. Can. Hoc est quod dicimus. <sup>e</sup> Concil. Constant. Sess. 8. art. 6. <sup>f</sup> Ibid. sess. 15. <sup>g</sup> Responsione, contra literas Augustini. <sup>h</sup> Tertull. contra Judæos c. 9. & Hieronymus ad Marcellam. <sup>i</sup> Apoc. 17. 9. & 18.

## C O S T E R U S.

**C**ERTE nostri seculi hærefes omnes, quamvis pleræque non videantur directò Christum petere, omnes tamen in ipsum sunt injuriosæ. Virgini Deiparæ matri Christi cæteras mulierculas, etiam contaminatissimas, gratia & sanctitate pares affirmare (quod post Copronymum fecit Lutherus) valde in Christum contumeliosum est. Negare sanctos, ævo sempiterno in cælo fruantes, preces mortalium audire, atque auxilium, vel precibus apud Deum suis, vel opera sua, ferre nobis posse, non est aliud, quàm surdos ac debiles principes Christo assignare. Arbitrii libertatem cum meritis bonorum operum tollere, non parum efficaciam passionis Christi infirmat. Denique quisquis soli fidei salutem adscribit, injustitiæ crimine manifestò Deum condemnat. In reliquos errores si quis studiosè velit oculos conjicere, in singulis insignem aliquam Christi injuriam deprehendet. Neque mirum: sic enim jam inde à principio generis humani futurum Deus pronuntiavit, Gen. 3. 15. *Inimicitias, inquit, ponam inter te & mulierem, & inter semen tuum & semen illius.* Mulieris semen Christus est, & pui illius satù editi Christiani. Ad semen serpentis illi inprimis pertinent, qui nihil penitus cum Christo commune habere volunt, ut infideles omnes, Pagani, Judæi & hæretici, qui fide, spe, & charitate (quibus homo cum Deo conjungitur) repudiatis, odium, præsumtionem & opinionem assumerunt. Negant enim D. Athanasius & Epiphanius hæreticos, nisi homonymas, appellandos esse Christianos, Orat. 2. in Arian. Hæresi 29.

## G O M A R U S.

**G**RAVIS profectò Lutheri in Christi matrem, si vera narras, contumelia est: at quum falsa confingas, turpis Costeri calumnia est. Nec enim Lutherus aliud unquam docuit, postquam ex Pontificiarum tenebrarum abyssu emerfit, quàm omnes homines, excepto solum Christo, si naturam spectes, esse *conceptos & natos in peccatis*, Psal. 51. 6. & *ira Dei filios*, Ephes. 2. 3. sin Dei gratiam consideres, fideles donata quidem sanctitate, pro varia regenerationis mensura, esse dispares; sed imputatà Christi sanctitate & justitiâ pares, Heb. 10. 10. & 13. 12. 1. Cor. 1. 30. Quemadmodum & Paulus ad Rom. 3. 22, 23, 24. ait; *Iustitia autem Dei per fidem Iesu Christi, in omnes qui credunt: non enim est distinctio.* Omnes enim peccaverunt & destituuntur gloriâ Dei, justificantur autem gratis ejus gratiâ per redemptionem factam in Christo Iesu. Alioqui virginem Mariam gratia dotibusque insignem, præ cæteris mulieribus, extitisse, apertè Lutherus<sup>a</sup> profitetur in eadem concione, ex qua putidam hanc viri magni accusationem instituere soletis. Quare meritò causæ pontificiæ infirmitatem prudentes Lectores vident: quum à fragili calumniarum fundamento subsidium petat. Sed quid præterea adducis argumenti, ut gloriam Christi à nobis impugnari demonstres? Negare, inquis, sanctos ævo sempiterno in cælo fruantes, preces mortalium audire, atque auxilium, vel precibus apud Deum suis, vel opera sua, ferre nobis posse, non est aliud, quàm surdos ac debiles principes ac ministros Christo assignare. Parcius Costere. Plus enim tibi assumis, quàm datur, & aliud concludis, quàm justè sequitur. Ecquis enim orthodoxus concesserit sanctos in cælis esse principes, &, ut alibi<sup>b</sup> exponis, cum Christo hac terrena curare & administrare? nec surdi propterea aut debiles sunt, ut falsò judicas; quia ad felicitatem eorum id minimè pertinet. Abraham, inquit Esa. 63. 16. Job. 14. 21. *nescivit nos & Israël ignoravit nos: tu domine pater noster, redemptor noster, à saculo nomen tuum.* Nec tertium quod objicis adversariis majoris est pretii, Arbitrii libertatem cum meritis bonorum operum tollere, non parum efficaciam passionis Christi infirmat. Imò verò confirmat maximè, ut Apostolus docet; *Non justificabitur ex operibus legis ulla caro*, Gal. 2. 16. Item, *Non abrogo gratiam Dei: nam, si per legem est iustitia, Christus sine causâ mortuus est*, v. 21. & alibi,

<sup>a</sup> Postilla in Evangelium nativit. Mariz. Gregorius de Valentia in Thomam Disp. 1. q. 12. p. 4. <sup>b</sup> Enchiridio controverf. 12.

*Gratia enim servati estis per fidem; idque non ex vobis, Dei donum est: non ex operibus, ne quis gloriatur*, Ephes. 2. 8, 9. Atque hinc perspicuum est, quàm verum sit, quod attexis; Denique quisquis soli fidei salutem ascribit, injustitiæ crimine manifestè Deum condemnat. Hæc enim non in nos, sed in Deum ipsum contumelia est: cujus hæc superioribus consentiens sententia est; Christum proposuit Deus placamentum, per fidem, in sanguine ipsius, ad declarandam justitiam suam, per remissionem præcedentium peccatorum, Rom. 3. 25. Item, Colligimus igitur fide justificari hominem absque operibus legis, Rom. 3. 28. Quare vides opinor Costere, quàm iniquè orthodoxos accuses. Propterea si cuiquam, vobis sanè jure meritoque cumpimis convenit, quod censoria quadam virgula apponis, In reliquos errores, si quis studiosè velit oculos conjicere, in singulis insignem aliquam Christi injuriam deprehendet. Nec mirum: sic enim jam inde à principio generis humani futurum Deus pronuntiavit Gen. 3. 15. *Inimicitias, inquit, ponam inter te, & mulierem, & inter semen tuum, & semen illius.* Adde Costere, quæ sequuntur, & per vos etiam, antiquum illum serpentem, Christi calcaneo insidiatum, imò caput ipsum appetiisse, comperies. Sequitur enim, *Ipsam conteret caput tuum.* Quem locum ad fucandam vestram idololatriam in sacrosancta scilicet versione vestra, turpiter corripistis: ut etiam ex vestris Doctoribus potest probari. Ex falsa translatione (inquit Franciscus Georgius minorita Problematis Tom. 1. problem. 55.) qua habetur, ipsa conteret caput tuum, Latini communiter attribuant hanc victoriam Regina calorum. Quæ licet sublimior sit, quàm dici queat, dabimus tamen victori triumphum hunc, cui ex veritate litera, debetur, ubi habetur; Ipsam conteret caput tuum: Ipsam videlicet semen mulieris, quod Christus fuit. Nec satis fuit Latinos codices corrupisse, etiam Hebræos sacrilega manu vitare quidam studuerunt. Testantur id Biblia operis regii interlinearia quibus genuina lectio וְהָיָה פְּרִיטָה (legendum וְהָיָה) ipsa: addito circulo variæ lectionis nota, ac si esset antistoichia vau pro jod. Quam profanam audaciam, qui secundæ ejusdem operis editioni præfuerunt detestati, veram & Spiritus Sancti lectionem pristinæ integritati restituerunt. Verum ne in gloria Christi minuenda, cæteris Pontificiorum doctoribus esses inferior, non solum in libello sodalitatis hanc de Christo sententiam ad Mariam in præfatione tua transtulisti; sed etiam ut idololatria vestra esset conspectior, profana pictura, in editione Antverpiana, & in Enchiridio tuo Coloniae ante excuso, in fronte & titulo libri præmisisti. Unde perspicuè apparet, quantum fidei mereatur alterum primæ antitheseos tuæ membrum, quò vestrorum hominum (quos falsò Catholicos nominas) mores, ex adverso describis.

## C O S T E R U S.

**C**ATHOLICI contrà, ut filii sponsæ, in Christi sponsi gloriam, omnes conatus & studia conferunt: unde non ipsius personam modò, sed ea quoque omnia, quæ ipsum quoquo modo attingunt, ad majorem sponsi gloriam, piè venerantur; Matrem, ministros, imagines, sacramenta, passionem, merita, vicarios, &c. Hinc tot sacræ ceremoniæ, tot dies festi, tot templa, tot altaria, tot monasteria, tot vota, tot peregrinationes, tot jejunia & bona opera, tanta majorum observantia, tam humilis obedientia.

## G O M A R U S.

**I**NSIGNE profectò elogium, in Christi gloriam omnes suos conatus conferre! verum si Christi personam, officia, beneficia, cultum, sponsam, variis modis violare, gloriam illius illustrare est, fatebor equidem libens meritoque, vobis hujus studii laudem, cum primis deberi. Nam, si personam spectes, sacræ literæ unicum Christi corpus agnoscunt, quòd vi Spiritus Sancti, ex virgine Maria formatum, non jam in terra, sed in cælo, (Col. 3. 1.) servata veri corporis natura, contineatur, ac mente non dente percipiatur: Joh. 6.

Joh. 6. 35. & 63. vos contra alterum etiam revera affingitis, quod à sacerdote, ex pane <sup>a</sup> transsubstantiatione factum, non in cœlo tantum, sed etiam in solo & contra veri corporis <sup>b</sup> naturam pluribus in locis existat: nec mente tantum, sed etiam dente tangatur, frangatur & atteratur <sup>c</sup>. Nec majorem triplici Christi officio honorem exhibetis. Nam si propheticum Christi munus consideres, nonne sacris Christi literis Pontificum sententiam & decreta adæquatis, imò præfertis? nonne eas imperfectionis arguitis, & traditionum humanarum additione violatis? si neques, prima, de sacra scriptura, controversia, fidem faciet. Sin Christi sacerdotium attendas, nonne dignitatem, nonne munia illius sanctis & sacerdotibus vestris indignè communicatis? Etenim sacræ literæ (Hebr. 4. 15. Rom. 3. 23.) Christum talem nobis sacerdotem describunt, qui solus natura & vita perfectè sanctus sit: eoque à reliquis omnibus hominibus, quippe natura peccatoribus, Psalm. 51. 6. & iræ filiis, Ephes. 2. 3. sit secretus: vos contra hanc geminæ sanctitatis, cum naturæ, tum vitæ, dignitatem, Virgini Mariæ: alteram verò, etiam reliquis quibusdam sanctis, contra sacrarum literarum sententiam, vendicatis. Deinde quum sacerdotii Christi munia sint, unicum sacrificium corporis ipsius, & meritis suis nixa intercessio: utrunque soli Christo deberi sacræ literæ (Hebr. 7. 24. Heb. 9. 12, 26.) testantur, quæ unicum illum novi testamenti sacerdotem, unicam corporis illius, & quidem cruentam, oblationem, quæ sola & perfectè peccata diluat, Heb. 7. 25. unicum denique mediatorem, 1. Tim. 2. 4. qui meritis suis Patrem pro nobis interpellat, 1. Joh. 2. 1, 2. agnoscunt & prædicant. Vos contra ea partim vobis, vestrisque monachis & sacerdotibus, partim cælitibus ascribitis. Nam infinitos pene sacerdotes Christo adjungitis, & Sacrificium corporis Christi, non figuratè (ut quidam Orthodoxi loquuntur) sed propriè ab iis iterari, tertiarum, imò quotidie & incruentè repeti, ad peccatorum remissionem promerendam, statuitis. Deinde Christi merita & satisfactionem enervatis, quum satisfactiones humanas & sanctorum merita, ad iram Dei placandam, cum Christo concurrere, docetis. Intercessionis etiam Christi præstantiam tollitis, quum sanctos etiam, suis meritis, pro nobis intercedere affirmatis. De regno denique quid Christo superest, quod non à vobis violatum? Sacræ literæ statuunt, Jesum Christum unicum esse dominum, regem, & protectorem nostrum, 1. Cor. 8. 6. Ephes. 4. 5. reliqua omnia nostra: vos contra Virginem Mariam (ut sanctos taceam) cælorum reginam, dominam vestram, & Asylum prædicatis, ut antea demonstravi. Sacræ literæ docent Christum esse unicum Ecclesiæ suæ Legislatorem & Magistrum, cujus solius voci in cultu Dei obtemperandum est: (Jac. 4. 12. Matth. 23. 8.) vestri contra Pontifices, hanc auctoritatem, imò plenam in omnia potestatem sibi vendicant & ascribunt. Nec officia solum Christi, sed etiam beneficia iis parta, conspurcatis. Nam sacræ literæ Christum reverà unicum esse Jesum, hoc est, servatorem asserunt, Joh. 14. 6. Actor. 4. 12. qui nos solus servet, obedientiæ suæ merito, & Spiritus sui efficacia; qua certis gradibus, meriti participes facit, vocatione ad fidem, justificatione, sanctificatione, conservatione, & glorificatione, Rom. 8. 29. 1. Cor. 1. 30. 31. Quid verò Pontificii? nonne hæc propria Christi beneficia, partim minuunt, partim aliis communia faciunt? Ac minuunt quidem variis modis: Primum, quum miseriam, unde à Christo liberamur, mirificè extenuant. Nam sacræ literæ clamant, omnia peccata mereri mortem, Deut. 27. 27. Rom. 6. 23. vos contra quædam, natura sua, venialia statuitis. Sacræ literæ inculcant, nos esse natura filios iræ, Ephes. 2. 3. hostes Dei, Rom. 5. 10. obscurata mente, Eph. 4. 18. tenebras, ib. 5. 8. adeo ut sapientia Dei nobis videatur stultitia, 1. Cor. 2. 14. ad cogitandum aliquid boni (quod ad verum Dei cultum pertineat) omnino ineptos, 2. Cor. 3. 5. cordibus obduratis ac lapideis, Eph. 4. 18. Ezech. 26. 36. mortuos denique in peccatis, Eph. 2. 1. sola verò Christi gratia regenerari, Joh. 1. 13. fide illustrari, vivificari, Eph. 2. 5. Vos verò non mortuos peccato, sed semivivos & imbe-

cilles tantum esse traditis: quasi Christi gratia præcunte & adjuvante, reliquis liberi arbitrii viribus, ad fidem & salutem assurgamus. Secundò etiam Christi servatoris beneficia minuitis, quum purgatorium illius sanguinem, (1. Joh. 1. 7.) non pro omnibus peccatis nostris & poena debita, plenè satisfecisse; sed nobis etiam temporalem aliquam poenam (qua judicio Dei satisfiat) vel in hoc seculo, vel in purgatorio vestro, persolvendam <sup>a</sup> affirmatis. Atque hisce potissimum rationibus, beneficia Christi apertè minuitis: nec minuit solum, sed in eorum etiam, quæ Christo relinquitis, societatem, non minori flagitio alios advocatis. Quippe fidem, reconciliationem, sanctificationem, conservationem, glorificationem Virgini Mariæ (ut de reliquis interim taceam) quemadmodum vulgò, sic carminibus, hymnis, & scriptis vestris, attribuere, non erubescitis. Hinc ex tenebris Pontificiis de Maria ait Bernardus Sermone 1. super Salve Regina. *Vocatur Regina misericordia, quod divina pietatis abyssum, cui vult, ac quando vult, ac quomodo vult, creditur aperire.* Profana omninò sententia! adèò verum est quod de Bernardo quidam judicarunt, *ubi bene, nemo melius: ubi male dicit, nemo pejor.* Quare quàm sanctè beneficiorum Christi gloriam illustretis, quis non videat? præsertim quum cultus Christi eadem sit ratio: quem mirificè à vobis lædi, non tam confirmationem desiderat, quàm detestationem. Primum enim alienum Christo cultum, & quem apertè repudiat, exhibetis. Nam sacræ literæ asserunt, *nil in Christo valere, præter fidem per charitatem efficacem*, Gal. 5. 6. At Pontificii neutrum sincere observant. Siquidem salutis fiduciam temeritatis infimulant, & dubitationem in illius locum substituunt. Deinde charitatis & cultus Christiani normam, non in solo Dei verbo, sed bona ex parte in *ἡλοφροσύνῃ* & Pontificum voluntate collocatis. Atque hinc, ut tecum loquar, *tot apud vos, superstitionis & ineptæ ceremoniæ, tot dies festi, tot templa sanctis, cum Dei dedecore, dicata, tot altaria, tot monasteria, tot vota, tot peregrinationes, tot jejunia præter Dei verbum instituta: addo, tot imagines, ad cultum contra secundum legis Divinæ præceptum prostitutæ, tanta missarum pompa & varietas, tot sacramenta à vobis excogitata, aliaque superstitionis vestræ opera (in quibus proram & puppim divini cultus constituitis) emanant.* Nec alienum tantum Christo tribuitis cultum, sed proprium etiam ad alios traducitis. Solus enim cum Patre & Spiritu Sancto, fide, spe, invocatione, religiosa gratiarum actione colendus est; quia verus Deus, cui ista propria. Vos verò pleraque hæc Sanctis, omnia verò Mariæ virgini, larga quod ajunt manu, attribuitis: ut ex superioribus constat. Quibus firmandis addo, ex infinitis vestris blasphemias, pauca ex vita sancti vestri <sup>b</sup> Anselmi, cui ascribitur oratio hoc titulo, *Invocatio matris virginis simul & Filii*: Sic enim ad finem, Maria Christo exæquatur; *Ille bonus filius hominis, venit perditum sponse salvare: & Mater Dei poterit perditum clamantem non curare? Bonus ille Filius hominis, venit vocare ad poenitentiam peccantem: & mater Dei num contemnet peccantem, in poenitentia? sed etsi pariter ambo offensi estis, non & ambo clementes estis? Fugiat ergo reus justis Dei, ad piam matrem misericordis Dei: refugiat reus offensam matrisque ad pium filium benigne matris.* (Ergone Christus mediator apud matrem? ô tempora! ô mores!) *Ingerat se reus utriusque, inter utrumque: injiciat se inter pium filium & piam matrem. Pie Domine, parce servo matris tuæ: pia domina, parce servo filii tui: qui me injicio inter duas tam immensas pietates, non incidam, inter duas tam potentes severitates. Bone Fili, bona mater, non sis mihi frustra quod confiteor de vobis hanc veritatem: non erubescam quod spero in vobis hanc pietatem. Dic mundi judex cui parcis? dic mundi reconciliatrix, quem reconciliabis? si tu Domine damnas, & tu Domina aversaris homunculum, bona vestra cum amore, mala sua cum merore, confitentem? Talis etiam impietatum abyssus & sacrarum literarum fœdissima perversio in sancto vestro Bonaventura elucet, qui omnes Psalmos Davidis, expuncto Dei nomine, Virgini Mariæ accommodavit, non solum non prohibente, sed etiam pro-*

<sup>a</sup> Concil. Trident. sess. 13. c. 4. <sup>b</sup> Augustin. Ep. 57. ad Dardanum. <sup>c</sup> De consecrat. diff. 2. Can. Ego Berengarius.

<sup>a</sup> Concil. Trident. Sess. 6. Can. 30. <sup>b</sup> Præfatione operum Anselmi editorum Noribergæ ann. 1481.



bante Pontificiorum consensu. Denique ne quid Christo superesset integrum, etiam *sponsam* illius Pontifici vestro subjecistis: qui, iustum Christi sponsi nostri zelum nihili æstimans, non solum se caput Ecclesiæ, sed Ecclesiam quoque

suam sponsam<sup>a</sup> appellat, & dominium in eam exercet. I nunc Costere, & vos *sponsa filios & gloria Christi studiosos* gloriare. Sed de hisce in controversiarum disceptatione plura.

<sup>a</sup> Decret. sexto lib. 4. tit. 23. cap. 4.

## CAPUT II.

## ANTITHESIS SECUNDA.

*Quare absoluto prioris antitheseos examine, ad alteram progredior: quæ ex contrario in Pontificem animo existit. Alii oderunt & oppugnant: Pontificii amant & venerantur. De priori membro sic ais.*

## COSTERUS.

**F**UIT semper proprium Hæreticorum, Christi vicarium D. Petri successorem (quem constituit Dominus super universam<sup>a</sup> familiam suam, gubernare & regere agnos & oves suas) impetu quanto possent maximo oppugnare. Princeps ille hæreticus Simon magus, (Actor. 8.) quantum negotii D. Petro, primo Pontifici Romano, faceffit? Quas non machinas ad evertendum S. Cornelium<sup>b</sup> Novatiani commoliti sunt? quàm indigne S. Liberius ab Arianis in exilium projectus fuit? Quibus non injuriis & contumeliis illa Arianorum Episcoporum ad Felicem epistola referta est? Donatistæ (teste D. Augustino lib. 2. contra Iher. Pet. c. 9.) cathedram Romanam appellabant *cathedram pestilentia*. Berengarius Romanos episcopos, ut in eos ex pompæ fastusque nomine odium populi commoveret, ignominiosè *Pompifices* appellare solebat. Nostri temporis Hæreticis persuasum est, *Pontificem Romanum esse ipsissimum Antichristum*: à quo, Catholicis Papistarum nomen imponunt; sicut olim Aëtiani, Antiquariorum. Istud porro tam grave odium in sedem Romanam, ex eo causam habet, quod videant, illa stante, nova sua dogmata necessariò ruere debere. Si enim jussu Christi homo iste constitutus petra Ecclesiæ, accepit potestatem, de omnibus religionis quæstionibus judicandi & dogmata fidei contraria notandi, jam sibi nullum in Ecclesia Dei locum, ubi consistant, relictum esse facile intelligunt.

<sup>a</sup> Cypri. lib. 1. Epist. 3. <sup>b</sup> Recognit. Clement. <sup>c</sup> Greg. Tur. de Glor. Mart. lib. 1. cap. 80. Epiph. hæret. 79.

## GOMARUS.

**A**UDIO splendidam Pontificis, quem Christi vicarium & D. Petri successorem appellas, descriptionem; qua rudiorum animos studeo circumscribere: sed fraus suis locis detegitur. Omitto quod perperam vulgi errorem secutus, Petrum, *a Divum* appellas: nisi forte *ἀνθρώπων* illius nobis probes. Præterea etiam quòd Liberium Papam (quem orthodoxi Patres Arianis subscripsisse<sup>b</sup> testantur, & Liberius ipsemet suis literis demonstrat) sanctum nominas. Nam id fortasse à vobis excusari posset, ut Glossa vestra Benedictum undecimum, qui Bonifacium octavum, *bona memoria Papam* appellavit. Sed, inquit Glossa<sup>c</sup>, *quæro, quidam Papa exactionibus improbis, Simonis, & turpiloquiis ecclesiam fœdavit, ut hic, numquid propter dictos actus posset dici, mala memoria? Dic, quod non: quia respici debet, non ad id, quod fecit; sed ad id, quod ipsum facere decuit.* Et ut alibi<sup>d</sup> Glossa distinguit, *Sanctus non persona, sed statu.* Cæterum iniquè facis, quod Arianorum & Donatistarum factiones, cum Berengarii & Orthodoxorum zelo æquas: non secus, ac sicut antiquis impiorum hominum, in pios prophetas & sacerdotes maledictis, iustam Christi, Joannis Baptiste & Apostolorum in Phariseos libertatem, comparares. Quid enim Berengarius à vero alienum protulit? an quod Pontifices vocavit *Pompifices*? At considera quæso paulisper triplicem Papæ coronam, vestium splendorem, universam pompam & fastum plusquam Persicum; quid aliud inde judicabis? Res ipsa loquitur. Itaque ingenuè ad Eugenium Papam, non hostem, sed amicum & olim discipulum suum, Bernardus de consideratione lib. 4. *Inter hæc tu pastor procedis deauratus, tam mul-*

<sup>a</sup> Turnebus adversar. lib. 28. c. 6. <sup>b</sup> Vide Hilarii, ex opere Historico, fragmenta. <sup>c</sup> Extrav. comm. l. 5. De Schismaticis. <sup>d</sup> Ibid. lib. 1. de Majoritate.

*ta circumdatus varietate. Oves quid capiunt? Si auderem dicere, demonum magis, quàm ovium pascua hæc. Scilicet sic factitabas Petrus: sic Paulus ludebat. Vides omnem Ecclesiasticum zelum fervere sola pro dignitate tuenda? honori totum datur, sanctitati nihil aut parum. Idem paulò post, Petrus hic est, qui nescitur processisse aliquando vel gemmis ornatus, vel sericis, vel reclus auro, non velatus equo albo, nec stipatus milite, nec circumstrepentibus septus ministris. Absque his tamen credidit satis posse impleri salutare mandatum; Si amas me, pascere oves meas. In his successisti non Petro, sed Constantino. Et tu Costere Pontifices, Pompifices esse negabis? Sed audiamus quid amplius accuses? Nostri, inquit, temporis Hæreticis persuasum est, Pontificem Romanum, esse ipsissimum Antichristum. Imò persuasum est orthodoxis, & ex sacris literis copiosè & solidè à multis demonstratum. Frustra ergo conquereris, quod inde *Papistarum* nomen vobis imponunt: quum ad Pontificis potius, quàm ad sacrarum literarum præscriptum, fidem & vitam componatis: ut pluribus suo loco ostendetur. Quare erras graviter, quod ais; Tam grave odium in sedem Romanam, ex eo causam habet, quod videant, illa stante, nova sua dogmata ruere debere. Imò verò, quod videant illa stante, sacrarum literarum auctoritatem & veritatem indignissimè conculcari & ecclesiæ salutem impediri. Nec quicquam nos movet quod subdis; Si enim jussu Christi homo iste constitutus petra Ecclesiæ, accepit potestatem de omnibus religionis quæstionibus cognoscendi, de novis doctrinis & sectis judicandi, & dogmata contraria fidei notandi, jam sibi nullum in Ecclesia Dei locum, ubi consistant, relictum esse facile intelligunt. Quippe non alio nobis opus est responso, quam eo, quo a Lacedemonii olim Philippo Macedonum Regi, non valde dissimili conditione, minitanti, solum rescripserunt, SI. Nam falsissimam eam esse, quam hîc statuis hypothefin, postea in controversia de Romano Pontifice apparebit. Atque hæc de priori antitheseos membro. Quid verò in altero, ad vestram probitatem commendandam, adducis?*

<sup>a</sup> Plutarch. de garrulitate.

## COSTERUS.

**C**ONTRA verò Catholici, quanti semper Apostolicam D. Petri sedem fecerint, divinæ literæ & veteres historici testantur. Cornelius se ad D. Petri genua projecit, Actor. 10. 25. Ecclesia Hierosolymitana totas noctes, pro ejus salute & liberatione, Deo supplicavit; quum sequenti die ad necem producendus esset, Actor. 12. 5. D. Paulus honoris causa venit Hierosolymam videre Petrum: cum quo & cum Jacobo atque Joanne, qui cæteris dignitate antecellebant, euangelium, quod prædicabat, communicavit, Gal. 1. v. 18. Illi enim non modo erant, sed etiam (*ἀποστόλοι*) tanquam præ reliquis illustres & conspicui, videbantur esse columnæ; hoc est, summa veneratione & observatione, tanquam principes & optimates Ecclesiæ, colebantur. Quo loco sanctissimi doctissimique viri, Athanasius, Chrysostomus, Augustinus, Cyrillus, Hieronymus, Pontificem habuerint, testantur illorum epistolæ & scripta, in quibus amplissimè honorificentissimèque de Romano episcopo loquuntur. Imperatores & Reges Christiani muneribus & officiis suum erga Pontifices animum testificati sunt. Constantinus & Carolus Magnus Italiâ Pontificem & diademate ornaverunt: Luitprandus Longobardorum, & Pipinus Francorum Reges, hic

hic Stephani Secundi, ille Zachariæ Pontificis equum venerabundus manu sua pedes duxit. Agnoscunt nimirum & venerantur Catholici Christum, in suo vicario, & in summi beneficii loco ponunt, hominem in terris humanæ fragilitatis participem relictum, cui Filius suam potestatem impartivit. Chrysostomus lib. 3. de Sacerdotio.

## G O M A R U S.

**A** MPLUM potestatis & pompæ Pontificiæ enco-  
mum! Catholicos semper magni Apostolicam D. Petri  
sedem estimasse: sed erras, Costere, quum sedem Petro as-  
scribis, quæ Episcopis convenit, qui certis locis astringun-  
tur; non Apostolis, qui omnibus gentibus destinati ac mis-  
si sunt, Matth. 28. 19. Actor. 1. 8. Galat. 2. 9. Sed quomo-  
do sententiam probas? Cornelius Centurio se ad D. Petri ge-  
nua projecit. Fateor: sed quid illud ad Petri sedem? Deinde,  
vel hinc liquet, Pontificem non Simonis Petri, sed Simonis  
Magi potius vestigiis inhærere. Nam ille, ut Simonis  
hostis, sic à superbia alienus, centurionem demissus, quàm  
par erat, ad pedes accidentem, erexit, & immodicum ho-  
norem hac sententia repressit, Surge; nam & ego ipse homo  
sum, Act. 10. 26. hic verò, ut Spiritus Sancti dona mercari,  
sic tandem, pro Deo haberi, & coli voluit, Act. 8. 19. Nec  
longè secus Papa Romanus, qui ut habet *venalia omnia sacra*  
& Deum ipsum (ut Baptista Mantuanus<sup>a</sup> monachus ante an-  
nos centum conquestus est) sic Dei & humanæ fortis obli-  
tus, pedem suum Principibus, Regibus, Imperatoribus, in-  
tolerabilè & inaudita superbia, osculandum præbet. Qua de  
re Christophorus Marcellus episcopus Corcyrensis, ad Leo-  
nem decimum Pontificem Romanum, ait<sup>b</sup>; *Electus Impera-  
tor, ut primum Pontificem videt, detecto capite illum, genu  
terram tangens, veneratur: & iterum, quum appropinquat ad  
gradus sedis, genu flectit: demum ad Pontificis pedes pervenit, il-  
los in reverentiam Salvatoris devotè osculatur. Pontifex hilari  
vultu Casarem aspiciens, ad osculum manus & oris recipit. Tum  
Casar iterum genu flexus, auri massam ad pedes Pontificis offert,  
habetque verba ad Pontificem, gratias agens pro honore suscepto,  
prout ei videbatur. Pontifex benignè illi respondens, illum suble-  
vat, & summa charitatis declaratione amplectitur. Et stante i-  
bi ad dextram pontificis Casare, Pontifex recipit Imperatorem  
ad osculum pedis & manus: Regem verò, si quis adest, ad osculum  
pedis, manus, & oris: alios autem prelatos, procures, & nobiles  
Casaris, ad osculum pedis tantum. Sic etiam<sup>c</sup> Durandus Mima-  
tensis Episcopus ait, Illud quoque vacare non creditur myste-  
rio, quod summus Pontifex septem modis accipit osculum: vi-  
delicet ad os, ad pectus, ad humerum, ad manus, ad brachia, ad  
genua, ad pedes. Huc accedit, quod supra naturæ humanæ con-  
ditionem impotenter se attollit Pontifex Romanus, ut cum  
aliunde, tum ex Glossa vestra in Clementinarum procemium  
apparet; Papa, inquit, id est, admirabilis, quia vices Dei  
in terris gerit. Inde dixit ille Anglicus poëta, in poëtria nova;  
*Papa stupor mundi.* —*

Et circa finem;

— qui maxima rerum

*Nec Deus es, nec Homo, quasi neuter es inter utrum-  
que.*

Papæ, quale ergo monstrum Papa est! & quantum à Petro  
diffidet? qui, ne plus justo honoraretur, se etiam hominem  
esse Cornelio centurioni prædicavit, Actor. 10. 26. Deinde  
verò quod Romanum Episcopum olim à viris sanctissimis  
& doctissimis honoratum gloriaris, esto: *fuere quondam stre-  
nuis Milesis*: quid ad hæc tempora? Verum est illud; *Heroum  
filii noxe*. Nam quemadmodum antiquorum regum & pa-  
triarum patrum ornamenta & laudes, tyrannis posteris; & pri-  
scorum ac piorum sacerdotum, Aaronis & similium, laudes,  
Caiphæ & Annæ improbis successoribus, minimè conve-  
niunt: sic nec vestri Pontifices veterum Episcoporum hono-  
res (à quorum doctrina & moribus defecerunt) ulla ra-  
tione promerentur. Deinde verò nunquam Patres illi tan-  
tam Romano Episcopo auctoritatem, quantam confingitis,  
tribuerunt. Qua de re audiat Hieronymus<sup>d</sup> instar omnium,

*Si auctoritas quaritur, orbis major est urbe. Ubique fue-  
rit Episcopus, sive Roma, sive Eugubii, sive Constantinopoli,  
sive Rhegi, sive Alexandria, sive Tanis, ejusdem meriti, e-  
jusdem est & Sacerdotii: potentia divitiarum & paupertatis hu-  
militas, vel sublimiorem, vel inferiorem Episcopum non facit:  
ceterum omnes Apostolorum successores sunt. Sed dicis quomodo  
Roma ad testimonium diaconi presbyter ordinatur? Quid mihi  
profers unius urbis consuetudinem? quid paucitatem, de qua  
ortum est supercilium, in leges Ecclesie vendicas? Porro à  
patribus ad posteros descendis; Imperatores, inquis, & Re-  
ges Christiani, muneribus & officiis suum erga Pontifices ani-  
mum, testati sunt: sed summam vicissim ingratitude, in  
iisdem tandem compererunt. Addis; Constantinus & Carolus  
Magnus Italiæ Pontificem & diademate ornaverunt: sed de  
priori secus omnino, inter alios demonstravit ex Pontificiis  
vir doctissimus Laurentius Valla<sup>a</sup>, & fictæ illius Constanti-  
niæ donationis fabulam, solidis rationibus evertit: frustra  
reluctante Eugubino. Idem præstiterunt olim Nicolaus de  
Cusa Cardinalis lib. 3. De concordantia Catholica cap. 3. Hie-  
ronymus Pau. canonicus Barcinonensis cubicularius Alexan-  
dri VI. Pontificis in Prætica Cancellariæ Apostolicæ, ac sen-  
tentiam suam non solum rationibus, sed etiam Papæ Pii con-  
tra Constantini donationem Dialogo, confirmavit. Præ-  
terea Raphael Volaterranus in vita Constantini, & doctissi-  
mus Pontificiorum historicus Guicciardinus lib. 3. & 4. Hi-  
storiæ, quemadmodum hi loci, fraude omitti, in historia,  
tandem Basileæ prodierunt anno 1569. Plura si quis deside-  
ret, consulat Fasciculum rerum expetendarum pag. 81. De  
Carolo verò Magno & Pipino honestius potuisses tacere; a-  
deò id honori vestro detrectat. Nam ut Pontifex Romanus  
regnum<sup>b</sup> Galliæ summa injuria legitimo regi Childerico &  
posteris illius ereptum, Pipino Childerici subdito tradide-  
rat, & firmarat; sic Pipinus pari injuria Imperatorem exar-  
chatu (cujus partem Longobardi occupant) spoliavit, &  
adjunctis quibusdam aliis urbibus, Papæ, gratitudinis ergò,  
dedit: & Carolus confirmavit & auxit. Quam iniquissimam  
donationem, falsò Constantini liberalitati ascribitis. Quare  
non mirum est, si Pipinus Stephani Papæ, Tyrannidis suæ au-  
ctoris & fautoris, equum venerabundus, ut ais, duxit. Nempe  
ut clarius constaret, quænam sit Babylonica illa meretrix,  
quæ, idololatriæ suæ poculo, inebriat reges terræ, Apoc.  
17. 2. Quem insolentem fastum agnovit tandem & vetuit  
Papa Cælestinus quintus: de quo, præcipuus Pontificum  
propugnator, cogente veritate, ita loquitur, *Fertur edixisse,  
ne deinceps Romani pontifices & Cardinales veherentur e-  
quis & mulis, sed tantum asinis, Christi, cujus vicarii esse vel-  
lent, exemplo. O legem nunc prodigiosè eversam!* Sed quam re-  
formationis hujus gratiam à Bonifacio octavo retulit? *Per can-  
nam* (ait cum reliquorum Pontificiorum historicorum con-  
sensu) *deceptus est (voce tanquam calidus missa) insonantem,  
ut deferret pontificatum, & Bonifacium instituere.* Cæterum  
miror cur non etiam aliis Paparum honoribus, præclarum  
illud Alexandri tertii Papæ facinus adjicias, quod cum ab a-  
liis, tum à Jacobo Philippo Bergomense monacho recensetur,  
*Isto igitur (inquit Supplem. Suppl. chron. pag. 299. fœdere  
inito, Alexander summus pontifex confestim ad januas templi  
Divi Marci Evangelistæ accessit, & ibidem, universo astan-  
te populo, Imperatori jussit, ut se humi prosterneret & veniam  
denuò expostularet. Quo facto, Alexander pontifex imperatoris  
collum pede comprimens, ait; scriptum est, super aspidem &  
Basiliscum ambulabis & conculcabis leonem & draconem. At  
Fredericus; Non tibi, inquit, sed Petro, cui successor es, pareo.  
Et summus Pontifex ait; Et mihi, & Petro. A qua insolentia  
Antichristiana, non abludit, quod addis; Agnoscunt nimirum  
& venerantur Catholici, Christum, in suo vicario, & in sum-  
mi beneficii loco ponunt, hominem in terris humana fragilitatis  
participem relictum cui Filius Dei suam potestatem impartivit.*  
Venerati sanè sunt nonnulli, non tamen religione id fa-  
ctum est, sed superstitione & contumelia in Christum &  
magistratum singulari. Ac propterea jugum Pontificium*

<sup>a</sup> De Calamitatibus temporum lib. 3. <sup>b</sup> Sacrarum Cæremoniarum Romanæ  
ecclesiæ lib. 11. sect. 5. cap. 3. <sup>c</sup> Rationali divinorum officiorum lib. 4. cap.  
53. <sup>d</sup> Tom. 2. Ep. ad Euagrium.

<sup>a</sup> De ficta donatione Constantini. <sup>b</sup> Martinus Polonus Episcopus supput.  
anno 751. <sup>c</sup> Genebrardus chronicorum lib. 4. anno 1294.

non immeritò olim Philippus pulcher, Galliarum rex, & multi Romani Imperatores, excusserunt. Nec enim Christus, summus nimirum & solus novi testamenti sacerdos, in eo munere, parem agnoscit, aut vicarium. *Siquidem alii quidem plures facti sunt Sacerdotes, idcirco, quòd morte prohiberentur permanere: hic autem, eò quòd maneat in aeternum, sempiternum habet sacerdotium*, Heb. 7. 23. 24. Deinde nec summam potestatem suam ulli mortalium communicavit, aut communicare potuit, quum ea Christo conveniat qua *Deus-homo*, generis humani mediator & ecclesiæ rex. Verùm hæc vestra est religio, ut divinam Christi potestatem & gloriam, ad Pontifices vestros, audacter derivetis. Quod ut melius appareat, & hujus sententiæ tuæ detegatur impietas, Glossam<sup>a</sup> vestram interpretem audiamus, *Christo data erat omnis potestas in calo & in terra*, Matth. 28. Ergo summus Pontifex, qui est ejus vicarius, habebit hanc potestatem. Et paulo post, ex Hostiensis episcopo; *Item quòd Iesus Christus Filius Dei, dum fuit in hoc mundo, & etiam ab aeterno, naturaliter dominus fuit, & de jure naturali in Imperatorem & quoscunque alios depositionis sententias ferre potuisset & damnationis, & quascunque alias, utpote in personas quas creavit, & donis naturalibus & gratuitis dotaverat & conservabat. Et eadem etiam ratione, & vicarius ejus potest. Nam non videretur Deus discretus fuisse (ut cum reverentia ejus loquar) nisi unicum post se vicarium reliquisset, qui hac omnia posset.* Hæc scilicet est summa illa, & (ut vulgò appellatis) plenaria Romanorum.

<sup>a</sup> Extravag. commun. lib. 1. de Majorit. & obed. cap. 1. Unam sanctam.

mani pontificis potestas, quam boni, scilicet, vestri Catholici tantopere extollunt ac pertimescunt. Sed contrà Christus & Petrus, Matth. 22. 21. 1. Pet. 5. 3. (quorum nominibus indignissimè ad fuscandam Pontificiam Tyrannidem abutimini) præceperunt. Contrà etiam Bernardus, alioqui superstitioni in multis addictior, docuit: contrà fecit. Hinc præclara & trita illius ad Eugenium Papam censura<sup>a</sup>, *Apostolis interdicitur dominatus. I ergo tu, & tibi usurpare aude, aut dominans, Apostolatam; ut Apostolicus, dominatum.* Verùm ne sine auctoritate saltem loqui videaris, adducis ad oram hujus loci Chrysostomum lib. 3. de Sacerdotio: sed mala, ut soletis, fide. Nec enim de aliquo Pontificis privilegio, & summa in omnes mortales potestate (quam probandam suscepisti) sed de communi sacerdotum ministerio, in peccatorum remissione (Pontificis Romani nulla prorsus facta mentione) orationem instituit. Denique si Tyrannidis Pontificiæ metum, aut gratiæ emolumentum tollas, qualis quæso Pontifici Romano, ab ipsis Romanis exhibetur honos? Hoc demonstrat satis crebra & ferina, in Pontificum cadaveribus violandis, crudelitas: quam ut referre ex vestris Historiis facile; sic sine horrore referre difficillimum. Quamobrem ex iis, quæ à nobis hætenus explicata sunt, satis constat; nec eos omnes esse hæreticos, qui Pontificem Romanum oppugnant; nec verè Christianos & Catholicos, qui Tyrannidem illius probant ac tuentur.

<sup>a</sup> De consideratione ad Eugenium lib. 2.

## CAPUT III.

## ANTITHESIS TERTIA.

*Ceterum an tertiam hæreticorum & Catholicorum antithesin rectius definias, & quid primum de adversariis tuis scribes, audiamus.*

## COSTERUS.

**V**ETUS est Hæreticorum consuetudo, Episcopos, Presbyteros, & clerum Catholicum universum, variis modis insectari. Nemo, enim, vel leviter in ecclesiasticis<sup>a</sup> historiis versatus, ignorat, quibus damnis, ignominiiis, vinculis, verberibus, exiliis ac suppliciis orthodoxi Episcopi ab Arianis & Iconoclastis Imperatoribus exagitati. Quomodo enim æquis oculis intueri possent eos, quibus Christus clavem scientiæ commendavit, atque in conciliis negotia religionis dijudicandi potestatem fecit?

<sup>a</sup> Ern. Ep. 195. Petrus Clunia. 2. Epist. 2. Nicet. 1. 5. Thefan. 34.

## GOMARUS.

**H**ÆRETICOS ab orthodoxis contrario in catholicos Episcopos & presbyteros studio distinguis, ac veterem hæreticorum consuetudinem esse ais, quòd catholicos Episcopos variis modis insectentur. Sed quid illud ad rem? nec enim, nos quos accusare tamen voluisti, hæretici, nec vos orthodoxi, ut audacter tibi arrogas, quod maximè controversum, ac primum probari oportuit. Deinde, quòd crudelitatem nobis affingis & impingis, id non solum vestrorum hominum & sacrificulorum apud nos vitæ securitas, sed & vestra, ab aliquot seculis, in acerbissimis infinitorum piorum episcoporum, & aliorum Christianorum suppliciis, plusquam belluina immanitas, abundè & perspicuè refutat. Vix enim tot belli tempestas, longo temporis tractu, invexit funera, quot brevi momento Inquisitionis vestræ carnificina trucidavit. Specta mihi vel solam Galliam, an lanienæ Parisiensis & vicinarum urbium meminisse posses, ut, servata fronte, non assentiaris? Omitto singulis penè Belgii urbibus, præsertim sub Albano Tyranno, numerosam piorum Dei servorum turbam, exquisitissimis cruciatibus, furca, ferro, flumine, flamma, religionis veræ odio, crudelissimè enecatam. Quòd verò à vestris sacrificulis ita abhorreamus, non ea est causa, quam falsò prætexis, quòd Christus iis clavem scientiæ commendavit, Luc. 11. 52. sed quòd eam Pharisæo-

rum instar, Christum exosi, sustulerint, nec ipsi in regnum cælorum intrent, & intrare conantes, obnixè impediunt & impetant crudelissimè. Deinde etiam quòd omni flagitiorum genere & morum turpitudine ecclesiam corrumpant, & summam Christiano nomini consent infamiam. Quod non minus verè quam ingenuè in concilio Tridentino Bavariz ducis orator conquestus est<sup>a</sup>; *Clerus, inquit, noster, gula libidinibusque indulget, ac quasi velit, in contemptum Dei hominumque, omni genere vitiorum se coopertum potius palam cognosci, quam minima aliqua in re emendatum animadverti. Ut cetera Cleri vitia, qua cum populo communia habet, taceantur; at certè, libido illa nimis libera, atque notoria, propter quam is nunc potissimè infamis est, à plebe, irritatoque populo alienissima esse judicatur.* Denique quæ de conciliorum auctoritate attexis, ea commodius suo loco<sup>b</sup> discutientur. Interim, qua ratione Pontificii vestri, erga Catholicos ecclesiæ episcopos & presbyteros affecti sint, videamus.

<sup>a</sup> Liber nomin. & cognom. patrum concil. Trident. & orationum à Legatis habit. <sup>b</sup> Libro 2.

## COSTERUS.

**Q**UOD quum probè teneant Catholici, mandatum Apostolicum ante oculos habentes, obediunt præpositis suis, (Heb. 13. v. 17.) & subjacent eis, quos sciunt à Spiritu Sancto positos esse, regere Ecclesiam Dei: (Actor. 20. v. 28.) neque conturbant eos vitia episcoporum & Cleri (quæ nunquam defuerunt in concionatoribus hæreticorum graviora) quòd sciant potestatem, non sanctitati, sed homini datam, ut Christi erga nos benevolentia testator esset & illustrior: qui ad populi sui consolationem, etiam per malos & flagitiosos ministros, gratiam suam voluerit, ad animos nostros, permanare. Et esto, sint plerique rectores populi mali, nullam tamen inde boni capiunt detrimentum, nisi vel impietatem Judæ sanctis Apostolis, vel impuritatem Nicolai Antiocheni reliquis sex diaconis, vel quarundam levium faminarum turpitudinem, honestissimis prudentissimisque matronis, fraudi ac crimini fuisse dicere velimus.

GOMA-

## GOMARUS.

**A**UDIO quid in Pontificiis collaudes, Costere, sed errorem vestrorum hominum agnosco duplicem. Prior est vitæ; quod in traditionibus humanis & variis superstitionibus, vobis ducibus, contra Dei mandatum parent, Matth. 15. 13, 14. Præpositis enim, ex Apostoli sententia, Heb. 13. v. 7. obediendum est, non quibusvis; sed iis, qui verbum Dei docent. Alioquin oracula ista Christi observanda sunt; *Cavete vobis à fermento* (hypocriticos & doctrinæ) *Pharisæorum*, Matth. 16. 12. *Sinite eos, caci sunt, & duces cecorum*, Matth. 15. 14. Alter verò error est iudicii, quod præteritis & spretis veris Dei servis, illos à Spiritu Sancto ecclesiæ Dei præfectos opinantur, qui bona ex parte in ecclesiam aut irruerunt aperta vi, aut malis artibus irreperunt. Idque ex Pontificum vitis & usu communi constat. Quibus accedit

gravissimum Bernardi<sup>a</sup>, sancti vestri, testimonium: qui, ex adversaria Pauli descriptione, Pontificum mores graphicè ad Eugenium Papam depingit & seriò hac severa increpatione expostulat, *Numquid ad eum* (Paulum) *de toto orbe confluebant ambitiosi, avari, Simoniaci, sacrilegi, concubinari, incestuosi & quæque huiusmodi monstra hominum, ut ipsius Apostolica auctoritate, vel obtinerent honores ecclesiasticos, vel retinerent?* Sed excipis; *sunt plerique, rectores populi mali, nulum tamen inde boni capiunt detrimentum*: sane tum demum, quum ejusmodi pastorum vocatio legitima est, & doctrina sana. Quorum prius quum plerisque vestrum desit, alterum vero omnibus: gravissimum auditores, ex contagione Pontificia, damnum patiuntur. Ac propterea à Clericis vestris non ut catholicis pendere, sed tanquam à *cacolytis*, lupis gravibus ac rapacibus, Christo<sup>b</sup> & Paulo<sup>c</sup> monitoribus, fugiendum.

<sup>a</sup> De Consil. lib. 1. <sup>b</sup> Matth. 7. 15. <sup>c</sup> Act. 20. 29.

## CAPUT IV.

## ANTITHESIS QUARTA.

*Verum à clericis vestris, ad monachos delaberis, & quartam antithesin, contrario hæreticorum & Catholicorum in eos studio, definis.*

## COSTERUS.

**A**NTIQUE intercedunt inimicitie hæreticis cum monachis, & religiosam vitam professis. Tametsi enim veteres hæretici, Waldensium & Wiclephi secula præcesserint, qui singulari monachorum odio primi monachatum impugnarunt, omnes tamen fuerunt capitales monachorum hostes. Non tacent historici, quid egerint in hoc genere, per suos circumcelliones, Ariani & Donatistæ. Quæritur B. Augustinus, in Psal. 132. monachos à Donatistis & circumcellionibus multis convitiis laceratos esse, seque à Petiliano<sup>a</sup> graviter redargutum, quod illud vitæ genus instituerit. Multa præterea monachorum domicilia, veterum hæreticorum immanitate, vel penitus everfa, vel hominibus nudata fuisse antiqua literarum monumenta testantur. Neque id mirum videri debet, quum illud genus, non modò vitæ sanctitate, impuros hæreticorum mores condemnet; sed etiam tanquam præcipua & nobilissima ecclesiæ membra, fidem orthodoxam & doctrinam catholicam firmiter retineant, doceant ac tueantur, hæresesque acriter insectentur, & jejunii, pœnitentiis, orationibus, concionibus, scriptionibus tanquam machinis quibuscumque, facilius feliciusque expugnent: Siquidem hæreses omnes, quibus hætenus Respublica Christiana fuit conflictata, monachorum Deoque dicorum hominum studio potissimum conciderunt.

<sup>a</sup> Lib. 3. contra lit. Petil. c. 40.

## GOMARUS.

**A**NTIQUE, (inquis) *intercedunt inimicitie hæreticis, cum monachis & religiosam vitam professis*. Sed quam mihi religionem nominas? falsamne quæ superstitione; an veram quæ *ἀληθινή* vero Dei cultu definitur: verus autem Dei cultus est, qui verbi divini<sup>a</sup> auctoritate & norma instituitur. At Monachus vester hominum traditione & *ἰδιωθενεσκέια* fictaque humilitate & vana corporis afflictione, non sacrarum literarum præscripto, nititur. Quare ad falsam, non ad veram religionem, pertinet. Deinde verò iniquè monachos vestros, primis illis comparas: à quibus, latissimis superstitionis, otii, & impuritatis finibus<sup>b</sup>, differunt. Itaque quod odii in monachos vestros causam in hæreticorum confers impuritatem, qui monachorum sanctitatem & cruditionem ferre nequeant, id sane à ratione & rei veritate alienum esse experientia & communes querelæ vociferantur. Sed hoc loco suffecerit Francisci Pici comitis<sup>c</sup> Mirandulani viri doctissimi & Pontificii ad Leonem decimum expostulatio; *Quid* (inquit) *aliud Pater sanctissime: quid-*

<sup>a</sup> Matth. 15. 9. Deut. 4. 2. & 5. 32. Col. 2. 18, 23. <sup>b</sup> Augustin. de moribus Eccl. Cathol. lib. 1. cap. 31. Vide Vitas Dominici & Francisci. <sup>c</sup> Epistol. ad Leon. x. & Concil. Lateran. de reformandis morib.

*nam aliud nobis intelligi dedere? quàm sacras ades & temple lenonibus & catamys: quàm nefariis lupis optimi pastoris ovilia demandata: quàm virginibus olim discata plerisque in urbis septa, in meretricios fornices & obscena latibula fuisse conversa?* Hisce similia ante quadringentos & quinquaginta annos conquestus est Bernardus<sup>a</sup> Morlanensis monachus Cluniacensis: conquesti sunt alii innumeri, & indies querelarum tristissima materia. Nec te latet, quum omnes remusculos ita studiosè captes, quàm horrenda monasteriorum scelera, lustratis in Anglia & Belgio monasteriis, resecta sint. Quare non est cur vobis amplissimos illos honores quos monachis apud vos delatos gloriaris, magnoperè invideamus. Ais enim:

<sup>a</sup> De contemptu mundi.

## COSTERUS.

**Q**UO animo fuerint Catholici erga monachos, testantur per universum orbem maximis sumtibus exædificata fructibusque uberrimis<sup>a</sup> dotata monasteria pene innumeralia: testantur honores, quibus affecti, & insignes immunitates, quibus ad vitam quietius ducendam, à Regibus & Imperatoribus donati fuerunt.

<sup>a</sup> August. lib. 2. de Genesi contra Manich. cap. 25.

## GOMARUS.

**V**ERUM utinam, Costere, summam illam profusionem in veros Dei servos & pauperum numerosam turbam potius convertissetis, minus superstitionis & plus pietatis ac dilectionis haberetis. Nam præterquam, quod vestra monasteriorum institutio, hominum placitis solum nixa, à Dei verbo aliena est, eorum certè innumerabilis illa, quam tantoperè extollis, copia, prudentioribus omnibus Pontificiis semper displicuit. Nam ut alios, quos referre possem, præteream, audiat Petrus de Aliaco Cardinalis Cameraensis & celeberrimus Pontificiorum scriptor; *Primò* (inquit de reformat. Ecclesiæ cap. de reform. Relig.) *videtur, quò tanta religiosorum numerositas & varietas non expediat: qua inducit ad varietatem morum & quandoque ad contrarietatem & repugnantiam observationum, & sæpe ad singularitatem, & ad superbiam & vanam extollentiam unius status super alium. Et maxime videtur necessarium, quod diminuerentur religiones ordinum mendicantium, quia tot sunt, & in numero conventuum, & in numero suppositorum, ut eorum status sit onerosus hominibus, damnosus leprosis & hospitalibus, ac aliis verè pauperibus & miserabilibus indigentibus, (quibus convenit ius & verus titulus mendicandi) ipsis quoque curatis parochialibus: & si benè consideretur etiam præjudicia-*

Nnnn 4

lis



his omnibus Ecclesie statibus, & specialiter hujusmodi religiosi intolerabilis, & eorum professioni contrarius. Reliqua quæ à Cardinale vestro severa animadversione redarguuntur, quamvis dignissima sint, quæ omnium oculis exponantur, ea tamen, ne propositæ brevitatis limites excedam, præteribo. Itaque honores illi, quibus monachos vestros affectos commemoras, ut Regum & Imperatorum zelum & opes ostentant, sic deplorandam veri ignorationem & superstitionem

arguunt: dum hominum traditiones, sacrosanctis Dei mandatis æquarunt; & munificentia sua, coelum redimere, à monachis delusi, studuerunt. Nec quicquam probat Augustini, quem citas, locus lib. 2. de Genesi contra Manichæos cap. 25. quum nullam omnino Monachorum faciat mentionem. Sanè si memoria, aut aliorum indicio lapsus es, ignoscendus est error: sin lectorem fallere studuisti, agnoscenda est etiam hoc in loco mala vestra in Patribus citandis fides.

## CAPUT V.

## ANTITHESIS QUINTA.

Interea verò ad sequentem Antithesin quintam progrediamur.

## COSTERUS.

**E**ST præterea illud commune hæreticorum omnium studium, ut in sacramenta & ecclesias catholicorum sint injurii: idque duplici nomine, tum, quòd eorum communionem defugiant; tum, quòd sacra eorum, sacrilega impietate, detestentur. Et quidem nonnullos hæreticos (qui ex professo damnant religionem nostram & apertum bellum gerunt contra sacrificia, sacramenta, reliquaque mysteria catholicorum) non est mirum demoliri templa, confringere imagines, & id genus alia committere sacrilegia: sed Donatistas, Arianos, & reliquos qui istos errores non sunt professi, non minus quàm cæteros, in sacra omnia debacchatos fuisse, mirandum videtur. Narrat Optatus, Lib. 2. sanctissimum Christi corpus canibus à Donatistis objectum, & vitream pyxidem, cum sacro chrismate, per fenestram, in acervum lapidum, missam. Ariani<sup>a</sup> quum nullum sacrilegii genus in Catholici nominis odium & detestationem prætermitterent, sacrum etiam Christi sanguinem, in terram effundere, non dubitaverunt; congruenter sanè visioni<sup>b</sup> D. Antonii, cui per visum demonstrati fuerunt multi altaria disturbantes: quos ipse, Arianos fore, prædixit. Ea videlicet est natura hæresis, quum sit doctrina dæmoniorum, illa omnia velle abolita, quibus aliquis Christo (qui conterit caput serpentis) honor deferitur.

<sup>a</sup> Chryf. Ep. 1. ad Innoc. & Hom. 1. in 1. ad Corinth. <sup>b</sup> D. Athan. in ejus vita.

## GOMARUS.

**S**IT sanè, ut affirmas, commune hæreticorum omnium studium, ut in sacramenta & Ecclesias Catholicorum sint injurii: quid nos attingit, Costere? Quippe nec Catholicos ullo modo, nec Pseudo-Catholicos Pontificios injuria ulla, lædere studemus. Illorum enim sacramenta & ecclesias, meritò in pretio habemus & observamus: horum verò sacra, divina auctoritate ducti, fugimus ac detestamur. Sequimur enim Deum præcipientem, *Fugite ab idolorum cultu*, 1. Cor. 10. 14. *Impurum ne attingite, tum ego excipiam vos & ero vobis Pater, & vos eritis mihi filii ac filia, dicit Deus omnipotens*, 2. Cor. 6. 17. *Etiamsi nos, aut Angelus, è calo evangelizet vobis, præter id quod vobis evangelizavimus, anathema esto*, Gal. 1. 8. *Exite ex ea, (Babylone) popule mi, ne participes sitis peccatorum & ex plagis ejus accipiatis*, Apoc. 18. 4. Nec mirum est sacrificia vestra oppugnari, quum ea perspicuè unico Christi sacrificio (Heb. 7. 23, 24.) & meritis illius (quæ nobis vita nostra debent esse cariora) repugnent. Ac propterea infamem sacrilegii notam non meretur, sed sacro Dei mandato consentaneum est, quòd magistratus noster orthodoxus, aras & imagines vestras, ad Dei & sanctorum cultum, turpissima idololatria, prostitutas, comminuit ac dissipat. Quòd verò de Donatistis & Arianis hæreticis subjicis, nos minimè lædit. Interim fidem in citandis Patribus videamus. Narrat, (inquis) Optatus, *sanctissimum Christi corpus, canibus à Donatistis objectum*: imo verò quamvis figuratè sic Patres interdum loquantur, hoc tamen in loco, non corpus, sed *Eucharistiam profusam* Optatus narrat<sup>a</sup>. Cujus sanè violatio reos omninò sancti corporis facit, 1. Cor. 11. 27. quum sacramenti injuria, in rem significatam redundet. Et si quoque nonnulla de Chrismate fiat mentio, nihil id tamen

<sup>a</sup> Genes. 17. 13, 14.

ad vestrum Chrisma, quo moribundos inungitis, omninò pertinet; sed ad unctionem, quæ tanquam athletic, contra Satanam luctaturis, Baptismo, præter Dei verbum, adhibebatur. Eoque, quum hic nævus sit veterum, notandus est, non imitandus. Similiter quæ de Arianorum sceleribus recenset, facile credent, qui veterem<sup>a</sup> historiam observant: sed iis quæ ex Chrysostomo adducis testimoniis, iterum fidem tuam in Patribus adferendis non immeritò suspectam reddis. Nam prius ex homilia 1. in 1. ad Corinthios testimonium, omnino vanum est: quum nihil tale contineat: alterum verò ex epist. 1. ad Innocentium depravatum est. Non enim Arianos ejus sceleris arguit Chrysostomus: sed Theophili Alexandrini episcopi milites, rectæ quidem fidei; sed non rectæ vitæ. Denique quod ad fontem malorum aperiendum subjicis, *ea natura est hæresis, quum sit doctrina<sup>b</sup> dæmoniorum, illa omnia velle abolita quibus aliquis Christo*, (qui conterit caput serpentis) *honor deferitur*: id verum agnoscimus, & in vestram doctrinam summo jure orthodoxi scriptores retorquent. Si quidem Paulus apostolus doctrinam dæmoniorum definit, prohibere conjugium, urgere abstinentiam à certis cibis: quæ non solum veteribus hæreticis, sed Pontificiis etiam, ad amissum convenire res ipsa demonstrat. Vos enim conjugium, quod *in omnibus honorabile esse* Apostolus Heb. 13. 4. testatur, monachis & sacerdotibus vestris non solum prohibetis, sed intolerabili etiam impietate, scortatione pejus affirmatis. Sic enim (ut alios, quos referre possem, omittam) antesignanus vester Bellarminus lib. 2. de monachis cap. 34. ait; *Est majus malum, sic nubere, quàm fornicari: quia qui ita nubet, reddit se inhabilem ad votum servandum; quod non facit, qui fornicatur*. Quantò verius & sanctius Bavariz ducis legatus in concilio Tridentino liberè pronunciavit: *requirit ut more primitiva ecclesia docti mariti & ad docendum instructi admittantur ad sacros ordines: præsertim verò ad prædicandum & amplificandum populo verbum Dei. Legis enim divina quum non sit, ut oporteat hominem sacerdotem esse celibem, siquidem constet veterum monumentis atque historiis, maritos sacris ordinibus initiatos esse, & non modo ad sacerdotii dignitatem, sed etiam ad sublimitatem Episcopi pervenire*. Deinde verò non solum contra Dei verbum conjugium prohibuistis, sed carnis etiam abstinentiam, certis diebus, contra Christianam libertatem, & unici legislatoris Dei honorem, ad cultum Dei, præscripsistis, & usum illius summi sceleris loco habendum judicatis. Præterea quàm variis & indignis omnino modis honorem Christi violetis, jam antea copiosè demonstravi, cap. 1. & 2. Et tamen non desinis vestrorum hominum pietatem hac ratione commendare.

<sup>a</sup> Victor Uticensis hist. perfec. Vand. lib. 3. &c. <sup>b</sup> 1. Tim. 4. 1. <sup>c</sup> Vid. lib. no. minum Patrum Concilii Trid. & orationum à legatis habitatum.

## COSTERUS.

**N**ON sic Catholici, qui quò vehementius pietati dediti fuerunt, hoc plus operæ, studii ac sumtuum in Ecclesiarum ornatum cultumque divinum, muneribus, veneratione, ceremoniis ad divini nominis gloriam populique devotionem augendam impenderunt. Nobilissima vasa sacra, magnificè & pretiosè factas statuas, Constantinus Magnus, temporibus Sylvestri Pontificis templis donavit: sumtuosis vestibus variaque suppellectili templa per universum orbem terrarum, majorum nostrorum pietate, instructa atque ornata videmus.

GOMARUS.

## GOMARUS.

**S**ANE si pietas traditionum humanarum splendore defini-  
ri debet, meritò in eo Ecclesiæ vestræ primas tenent: sin  
verò Dei mandata fidei & charitatis Christianæ norma sunt,  
non aliunde clarius superstitio & impietas vestra demonstrari  
potest. *Nam quis consensus templo Dei cum idolis?* 2. Cor.  
6. 16. Honor Dei & Christi non arbitrario cultu, Col. 2. 23.  
sed obedientia definitur. *Nunquid vult Dominus holocausta &  
victimas, & non potius ut obediat voci Domini? melior est e-  
nim obedientia, quam victima, & auscultare magis, quam  
offerre adipem arietum, quoniam quasi peccatum est ariolandi,  
repugnare: & quasi scelus idololatria, nolle acquiescere,* 1. Sam.  
15. 22, 23. Quum verò de nobilissimis vasis sacris tantopere  
glorieris, Chrysostomum censorem audias, *Perdiscamus* (in-  
quit in Mattheum Hom. 51.) *igitur Christum Iesum philosophari  
& ipsum ex voluntate sua honorare. Nam quod honoratur,  
eo maxime honore latatur, quem ipse voluit; non quem opta-*

*mus. Sic Petrus Christum honorare credebatur, si eum à lotionem  
pedum prohibuisset: quod certe contrarium erat. Pariter in etiam  
ita eum honora, ut ipse vult: expone divitias tuas pauperibus.  
Non est opus vasis, sed animis aureis.* Hinc<sup>a</sup> Bonifacius mar-  
tyr interrogatus, *an liceret in vasculis ligneis sacramenta confi-  
cere?* respondit, *Quondam sacerdotes aurei ligneis calicibus ut-  
tebantur: nunc contra lignei sacerdotes aureis utuntur calicibus.*  
Nec antiqui solum, qui in clariore luce versati sunt, ita judi-  
carunt; sed etiam ex mediis Pontificiorum tenebris, Petrus  
de Aliaco b Cardinalis Cameracensis superstitionem vestram  
quam adeò celebratis, minuendam judicavit. Ait enim; *Circa  
huiusmodi reformationem, qua necessaria est, providendum es-  
set, quod in divino servitio, non tam onerosa prolixitas, quam  
devota & integra brevis servaretur: quod in ecclesiis non tam  
magna imaginum & picturarum varietas multiplicaretur, quod  
non tot nova festa solennizarentur, quod non tot nova ecclesia  
adificarentur, quod non tot novi sancti canonizarentur.*

<sup>a</sup> Concil. tom. 2. Concil. Tribunensis c. 19. <sup>b</sup> De reformat. Ecclesiæ, §. de re-  
for. Prælat.

## CAPUT VI.

## ANTITHESIS SEXTA.

*Sed à templorum lapideorum pompa, ad Dei viventis spirituales domum, & templum Spi-  
ritus Sancti transeamus & sextam antithesin perlustremus.*

## COSTERUS.

**H**ÆRESES omnes inducunt vitæ laxitatem, aliæ qui-  
dem ex professo id ipsum docentes, ut Gnostici & E-  
bionitæ, qui improbarunt virginitatem: Waldenses, qui  
obedientiam majoribus debitam sustulerunt: Circumcellio-  
nes, qui homines ad sibi ipsis manus violentas inferendas in-  
stituerunt: Manichæi & majores ipsorum, discipuli Simonis  
Magi, qui omni turpitudine & obscenitate vitam hominum  
commaculaverunt, 2. Pet. 2. & Ep. B. Judæ. Possunt his ad-  
ungi nostri Anabaptistæ, quibus uxores communes sunt: & il-  
li, qui in novam Henrici Nicolai amoris domum se dicave-  
runt, qui ut sibi suisque bene prospiciant, in aliorum faculta-  
tes & possessiones involare dicuntur.

## GOMARUS.

**A**NTIQUUM obtines, Costere. Nam, quum se-  
xtam hæreticorum & Catholicorum repugnantiam  
morum dissidio definias, improbos aliis, probos verò pon-  
tificiis ascribis; eadem usus veritate & candore, quo supe-  
rioribus antithesibus. *Hæreses* (inquis) *omnes inducunt vitæ la-  
xitatem*: & earum duas constituis species: quarum prior sit  
eorum, qui ex professo illud docent: iisque Waldenses an-  
numeras: qui (ut objicis) obedientiam majoribus debitam  
sustulerunt. Ac sanè si accusare ad victoriam sufficit, præcla-  
rè adversarios devicisti: sed probationibus est opus. Nam  
unde tandem id demonstrabis? Contrarium enim Waldenses  
in professione fidei suæ<sup>a</sup> ad Uladislavum Hungariæ regem aper-  
tè profitentur. Et in excusatione contra literas doctoris Au-  
gustini ajunt, *Quacunque statuta cognoscimus non esse contra  
justitiam, ea facimus: quia si & ex magna parte contra justi-  
tiam forent, si possumus aliquo tamen modo, uti eis ad justi-  
tiam, ipsis utimur ad bonum sensum.* Quid sanctius dici po-  
tuit? an illud est obedientiam majoribus debitam auferre?  
Huc accedit Aeneæ Sylvii Pontificis Romani in Bohemica  
historia cap. 35. pag. 105. &c. consensus: qui quum ordine &  
accurate Waldensium doctrinam recenset, hujus tamen,  
quam affingis, improbitatis nullam omninò facit mentionem.  
Itaque, si hæc novisti, insignis est accusationis tuæ impuden-  
tia; sin ignoras & vestrorum hominum calumniis temere fi-  
dem accommodas, magna imprudentia est: utrumque verò,  
bono ac sapienti viro indignissimum. Quæ præterea de Ma-  
nichæis, Anabaptistis, Henrico-Nicolaitis, & similibus hæ-  
reticis recensens, Ecclesiam nostram reformatam non attingunt:  
quum & communes illi sint adversarii, & fortius ac cre-

brus à nostris refutati, quàm ut cuiquam possit esse obscu-  
rum. Itaque progrediemur.

## COSTERUS.

**A**LIE Sectæ quamvis nihil ejusmodi præ se ferant, ne-  
que quicquam ex professo & instituto vitiosum do-  
ceant, ex spiritu tamen professionis, vitæ dissolutionem con-  
junctam habent. Testes sunt Ariani, Donatistæ, Iconocla-  
stæ, Hussitæ & plures alii: qui licet de moribus vitiosis verbum  
nullum fecerint, universum tamen terrarum orbem, seditioni-  
bus & bellis perturbaverunt, libidinibus inquinaverunt,  
immanibus sacrilegiis violaverunt, & jura omnia divina atque  
humana inexpiabili scelere polluerunt. Nihil de factionibus &  
imposturis erroneum docuerunt Ariani & Donatistæ: at,  
Deus bone, quæ turbæ, quanta barbaries, quanta crudelitas  
hæresin statim secuta fuit!

## GOMARUS.

**Q**UEMADMODUM à prioris sectæ studio alieni  
sumus, ita non minus profectò ab hujus quam oppu-  
gnans contagione immunes esse comperies, si semoto ad-  
versarii animi præjudicio rem ipsam perpendas. Verum quum  
pro Romanæ Ecclesiæ more Hussitas, & plures alios (quibus  
nominibus Orthodoxos gravas) seditionis accusas, audire  
mihi videor seditionis Judæorum contra Paulum & Silam  
clamorem, *Hi sunt qui orbem perturbant*, Act. 17. 6. & A-  
chabi vocem, *Tunc es ille qui conturbas Israël?* Liceat igitur  
nobis cum Elia respondere: *Non ego turbavi Israël, sed  
tu & domus Patris tui, qui dereliquisti mandata Domini &  
secuti es Baalim*, 1. Reg. 18. 17, 18. Sic enim se res habet:  
vos à vero Dei cultu defecistis, & homines innocentes ac  
pios ferro flammaque persecuti, coëgistis tandem adversus  
crudelitatem vestram justè se tueri. Quæ verò de libidinibus  
& sceleribus recensens, ea rei veritas & Pontificiæ sanctitatis  
collatio satis superque refutabunt. Quare ad causas hæresum,  
quas exponis, attendamus.

## COSTERUS.

**H**UJUS rei causa hæc est, quod spiritus erroris gratiam  
Dei tollat; qua qui privatus est, in omnè vitiorum  
genus præceps ruit: neque solum gratia spoliatur, sed alibi  
quàm in Ecclesia, aliisque mediis, quàm Christus instituit,  
salutem querere docet. Quemadmodum ergo gentiles sua  
sapientia & Judæi lege Mosaica confisi, teste divo Paulo, *tra-  
diti sunt in reprobum sensum*, Rom. 1. 28. quia sine Christo,

extra

<sup>a</sup> Cap. de Ecclesia Sancta.

extra Ecclesiam, beatitudinem se consequi posse speraverunt: quemadmodum viatores à recta via aberrantes, quo cupiunt non aspirant: sic hæretici quum iter aliud ac deberent ingrediuntur, quò longius procedunt, eo deteriores evadunt: & tantum abest, ut eò, quò intendunt perveniant, ut ad metam planè contrariam tandem deducantur. D. Paulus concionatores hæreticos, appellat *Spiritus erroris*; & hæreses, *doctrinam demoniorum*, 1. Tim. 4. 1. Nam sicut dæmonum studium est ad graviora semper peccata hortari atque impellere; ita hæretici hoc sibi proprium officium ac munus summissee videntur, deterioribus mentem imbuere, & per eos malè affecta voluntate, in graviora scelera miseram animam protrahere. Unde rectè D. Augustinus: *Et omnes quidem hæretici scientia pollicitatione decipiunt & reprehendunt eos quos simpliciter credentes invenerint, & quia omnino carnalia persuadent, quasi ad carnalium oculorum apertionem conantur adducere, ut interior oculus excœcetur.*

## G O M A R U S.

**E**ST sanè, ut rectè mones, hæc doctrina Diabolica, & hæresium ac scelerum multorum origo apertissima, quòd *spiritus erroris non solum gratia spoliat, sed alibi quàm in Ecclesia, aliisque mediis quàm Christus instituit, salutem querere docet.* Nam ut alia omittam, considera quæso Ecclesiæ Romanæ *idolopatreæ* & infinitam illam superstitionem, nihil verius comperies. Hinc tanta apud vos monasticarum religionum, quibus æternæ vitæ meritum arrogatis, colluvies: tanta in ceremoniis vestris, aqua benedicta, campanis, palmarum ramis, cineribus, agnis Dei, & cæteris idololatriæ instrumentis fiducia: adeò ut illa tanquam salutis causas præter & contra Christi institutum & dignitatem extollatis, & pretioso Christi sanguini, summo scelere, adæquetis. Quod ita usu profano & scriptis protritum est, ut non tam probatione nostra, quàm ipforum extirpatione indigeat. Etenim si quis superstitionum earum copiam amplissimam requirat, perlustret modo *Pastorale* ad usum Romanum accommodatum, & Archiepiscopi Mechliniensis jussu anno superiore Antverpiæ editum: evolvat Guilielmi Durandi Mimatensis Episcopi *Rationale divinarum officiorum*: & *Sacrarum ceremoniarum Romana Ecclesiæ* libros tres à Christophoro Marcello Episcopo Corcyrensi conscriptos: perlegat etiam *Christianarum institutionum* tuarum (quas Gregorius XIII. Papa auctoritate & indulgentia sua stabilivit) librum quartum ex communibus Romanæ Ecclesiæ orationibus, & Pastoralibus conflatum, & cum horrore satisfiet. Nam aquæ incantationibus Pontificiis benedictæ hæc vires spirituales ascribis,

## C A P. 8.

- I. Profligantur demones ex locis & creaturis.
  - II. Remittuntur venialia peccata.
  - III. Phasmata diabolica, prava cogitationes, & mentis distractiones in oratione aliisque temporibus excluduntur.
  - IV. Mens à terrenis rebus colligitur.
  - V. Disponitur animus ad orationem & devotionem.
  - VI. Gratia, favor, & præsentia Sancti Spiritus impetratur.
  - VII. Preparatur mens hominis, ut rectius divina mysteria peragat, sacramentaque percipiat.
- Et, nequid desit impietatis, hæc vires spirituales, sequentibus corporalibus accumulas;

## C A P. 9.

- I. Curatur sterilitas hominum, jumentorum, humanarumque rerum.
- II. Impetratur bonorum multiplicatio & ubertas.
- III. Infirmitates corporum ne invadant præcaventur; & ubi occupaverint, curantur. Conceditur enim sanitas mentis & corporis.
- IV. Noxius aer purgatur, depellitur pestis, & omnis contagio.

De cineribus est eadem superstitio: quos consecrari ais,

- I. Ut valeant ad sanitatem animarum & corporum, terræ marique.

II. Ut, de locis, ubi accensi fuerint, demon & quicquid demonis ars est machinata, depellatur.

III. Ut mentes & corda nostra, invisibili igne & splendore Sancti Spiritus illustrentur, omniumque peccatorum & vitiorum cecitate careant, ut cernere possimus quæ Deo sunt placita & utilia salutis.

IV. Ut ignis Charitatis cum lumine fidei in animis nostris accendatur, qui nos ad lumen indeficiens in vitam æternam deducat.

## C A P. 10.

De Cinerebus similis est ratio. Petit (inquis) multis orationibus in cinerum benedictione ecclesiæ, ut istos salutares effectus consequantur fideles, qui sunt his cineribus usuri:

- I. Ut juvetur Homo ad internam humilitatem cordis.
  - II. Ut benedictio celestis in aspersos descendat, qua serio compungantur & de peccatis doleant; considerantes per peccatum hominis & ipsam terram maledictam fuisse in opere nostro, & nos omnes in terram & cinerem redituros.
  - III. Ut hi cineres sint salubre remedium ad assequendam remissionem peccatorum & premium vitæ æternæ.
  - IV. Ut detur corporis sanitas, ad penitentiam pro peccatis agendam.
  - V. Ut anima ipsa divina tutela protegatur.
  - VI. Ut illa à Domino impetremus quæ ad ipsius voluntatem petimus.
  - VII. Ut in bono constanti animo perseveremus.
- Præterea non minor est in palmarum ramis benedicendis superstitio, quum à Romana Ecclesia Deus rogatur, ut gestantes hos ramos,

## C A P. 11.

- I. Accipiant protectionem mentis & corporis in salutis remedium, & ad gratiam divinam obtinendam.
  - II. Ut, sicut rami virentibus sunt foliis; ita frondeant opera nostra virore justitiæ & virtutum multarum pulchritudine.
  - III. Ut sicut Hebræorum populus Christo hiram occurrat, & cum ipso in civitatem Hierusalem intravit: ita nos bonis operibus instructi Domino obviam procedamus, ejusque vestigia sequentes, per ipsum & cum ipso in caelestem Hierusalem admittamur.
  - IV. Ut sicut Christus de hoste per passionem triumphavit, ita & nos, sape hoc opus misericordiæ animo volentes, amore Christi accendamus, ad pugnam & ad victoriam de demone, carne, & mundo referendam.
  - V. Ut in quemcunque locum importati fuerint hiram, habitatores, Dei benedictionem consequantur & omni adversitate fugata, dextera Dei protegantur.
- Ejusdem planè impietatis ea sunt, quæ de orbiculis quibusdam cereis (quos, à figura impressa à Pontifice, agnos Dei appellatis) recenses. Verum ut magis conspicua sit Romanæ Ecclesiæ idololatria, Pontificis vestri profanos versus ascribam, quemadmodum à Corcyrensi Episcopo referuntur. Legimus, (inquit Sacrarum Ceremon. Rom. Eccles. lib. 1. Sect. 7.) *Urbanum quintum Pontificem maximum misisse ad imperatorem Græcorum tres agnos Dei cum versibus infra scriptis:*

*Balsamus & munda cera cum Chrismatismis unda  
Conficiunt Agnum, quod munus do tibi magnum:  
Fonte velut natum, per mystica, sanctificatum:  
Fulgura desursum depellit: & omne malignum  
Peccatum frangit, ut Christi sanguis, & angit:  
Prægnans servatur, simul & partus liberatur:  
Dona refert dignis, virtutem destruit ignis:  
Portatus munde, de fluctibus eripit unda.*

De campanis denique an sanctius judicatis? Audiatur vester Episcopus, Durandus ration. divin. off. l. i. c. 4. Pastorale. Pulsatur autem & benedicitur campana, ut per illius tactum & sonitum, fideles invicem inviolentur, ad premium, & crescat in eis devotio fidei: fruges, mentes, & corpora credentium serven-

*serventur: procul pellantur hostiles exercitus, fragor grandinum, procella turbinum, impetus tempestatum & fulgurum temperentur, infestaque tonitrua & ventorum flamina suspendantur: spiritus procellarum & aëria potestates prosternantur: & ne hoc audientes, confugiant ad sanctæ matris ecclesiæ gremium, ante sanctæ crucis vexillum, cui flebitur omne genu.* Hæc referre, refutare est. Nam si hæc non est idololatria, magna profectò profanis gentibus fit injuria, quum gloriam Dei, ad creaturâs transfuisse (Rom. i. 25.) arguuntur. Sin verò, ut ante ex sacris literis pronuntiasti, *ea vitiorum omnium origo est, quod spiritus erroris, suos non solum gratia spoliât, sed a libi quam in ecclesiâ, aliisque mediis, quam Christus instituit, salutem querere docet*, inde omninò consequitur, non esse mirum, si pietatem & probitatem, in Pontifice, clero & Monachis vestris, desideremus. Nam quemadmodum gentiles sua sapientia & Judæi lege Mosâica malè intellecta, & suorum operum meritis, & humanis commentis confisi, traditi sunt in reprobum sensum: sic sanè Pontificiis doctoribus contigisse res ipsa docet. Nihil enim tam præclarum, tam singulare & Christo proprium, quod sine Dei verbo, vestris ceremoniis, cum summa in Christum contumelia non arrogetis. Nam ostende si potes ex sacris literis & orthodoxo Patrum<sup>a</sup> consensu, novam illam religionem (qua aquam lustralem, cereos, palmarum ramos, cineres, agnos Dei, campanas, templa, domos privatas, enses & reliqua consecratis) à Christo institutam, aut tanquam salutis media, ecclesiæ mandata, & pretioso ipsius sanguini æquata? Sin verò id præstare nullo modo potes, agnosce errores vestros, veritati<sup>c</sup> cede, & define Ecclesiâ Romanam, à pietate & probitate tam prolixè commendare. Verum, ut vera Dei gloria & Ecclesiæ Romanæ turpitudine clarius etiam patefiant, reliqua quæ adjungis perpendamus.

<sup>a</sup> Vide Synodum Mogunt. anni 1549. cap. 39. Et Concil. Mediolan. quintum, anni 1579. cap. Quæ ad Sacram.

## COSTERUS.

**L**ONGE alii sunt fructus doctrinæ Catholicæ, quæ reddit homines mansuetos, humiles, castos, sobrios, obediētes, virtutum omnium & perfectionis sectatores; replet monasteria monachis & virginibus, solitudines anachoretis, urbes probis & bene moratis civibus. Solent enim Catholici doctores frequenter auditores suos ad poenitentiam, ad lachrymas, ad perfectas solidasque virtutes, ad martyrium denique incitare: sicuti è contrario hæretici ad discordias, ad seditiones, ad bella, ad sanguinem effundendum, facies alacriter suis præferre. Antequam Romanum imperium, desertis idolis ad Christum se aggregasset, quum essent multa Christianorum millia, qui vi atque armis debellatis gentilibus, religionem Christianam inducere ac constituere potuissent, maluerunt tamen profundendo sanguinem suum crudeliter occumbere; quam, sanguinem aliorum effundendo, gloriosè regnare. Porro Catholicos pia quædam hæreticorum misericordia, desideriumque conversionis tenet: illi contrà nomen nostrum funditus deletum atque extinctum cupiunt. Catholici à concione redeunt compuncti corde, tundentes pectora sua, aliorumque peccata gementes, quemadmodum Propheta Jona & D. Petro concionante contigisse novimus. Illi contrà vani, leves, spirantes minarum & cædis discedunt: ut non sit difficile, columbam discernere ab accipitre. Unde fere homines dissoluti & perditæ hæresibus se dedunt, qui parum pietati dediti laxiorem vivendi rationem adamarunt. Quod B. Johannes Apostolus notasse videtur, quum de signis hæreticorum differens ait, *Ipsi de mundo sunt* (homines carnales) *ideo de mundo loquuntur* (carni & mundo grata) *& mundus eos audit*, 1. Joh. 4. 5. hoc est, homines carnales sectam vocemque eorum sequuntur. Scribit & B. Augustinus Eusebio, Epist. 169. subdiaconum quendam Sapiensis Ecclesiæ, nomine Primum, quum, contra Majorum interdictum, virgines Deo sacras accedere non esset veritus, clericatu motum esse: illum verò graviter hac re commotum atque irritatum, abductis secum duabus sanctimonialibus ad Donatistas defecisse atque rebaptizatum esse.

## GOMARUS.

**U**TINAM, Costere, gratulandi vobis hanc pietatem iusta sese offerret occasio! sed mores à pietate alieni, quos partim doctrina, partim vitæ exemplo instillatis, reclamant: & propterea non tam communi hominum infirmitati (quæ plus minusve, ubique sese exerit) sed Pontificiæ Ecclesiæ constitutioni ascribi debent. Longe, inquis, *alii sunt fructus doctrinæ Catholicæ, quæ reddit homines mansuetos, humiles, castos, sobrios, obediētes, virtutum omnium & perfectionis sectatores.* Imo verò, quomodo quæso doctrina Pontificia (quam falsò Catholicam vocas) mansuetos reddit, aut humiles, quæ Pontificis & Episcoporum fastum plusquam Persicum, & immanem eorum, in Christianis ferro flammaque, levi hæresis suspicione, tollendis, crudelitatem probat ac tue-tur? quomodo castos & sobrios, quæ impollutum conjugii thorum, (Heb. 13. 4.) contra Dei verbum pollutum arguit & in sacerdotibus scortatione pejorem<sup>a</sup> docet? quomodo obediētes, quæ Pontificem, contra Christi<sup>b</sup> & Petri<sup>c</sup> præcepta & exempla, omnium mortalium imperio eximit: clerum universum cum monachis, Regum & Imperatorum potestati contra Dei<sup>d</sup> præscriptum subducit: quosvis subditos, pro Pontificis arbitrio, à debita suis dominis obediētia, non solum absolvit, sed etiam minis & anathemate deterret? Denique quomodo virtutum omnium sectatores reddit, quum veram virtutum regulam, non solum Dei verbum, sed humanas etiam traditiones, quibus frustra colitur Deus (Matt. 15.) proponat? Quare quod non desint apud vos viri probi, id non doctrinæ vestræ, nec cleri aut monachorum prælucenti pietati, sed Dei clementiæ tribuendum, qui in media etiam Babylone suos habet electos, quos inde tandem educit. Repleat sanè doctrina vestra monasteria monachis & virginibus, sanctitate tamen minimè complet. Notæ enim sunt totius orbis jam à longo tempore querelæ. Consulatur uterque Bernardus, Clarevallensis (quem inter sanctos numeratis) & Morlanensis; illadem quandam impietatis manachorum & sacerdotum explicabunt. Et ut Benonem, Petrumque de Aliaco, Cardinales, aliosque Pontificios scriptores quàm plurimos prætermittam, audiat vel upa<sup>e</sup> Francisci Pici Mirandulæ Comitæ ad Leonem Pontificem querela justissima; *Apud plerumque religionis nostræ primores, ad quorum exemplum componi atque formari plebs ignara debuisse, aut nullus, aut certe exiguus Dei cultus, nulla bene vivendi ratio atque institutio, nullus pudor, nulla modestia: Insuper vel in odium vel in gratiam declinavit: Pietas in superstitionem pene procubuit.* Et paulo post, *Nostra verò & in sacras ades sit irruptio, & ab illis etiam (proh pudor!) femina abiguntur ad eorum libidines explendas, & meritorii pueri à parentibus commodantur & condonantur his, qui ab omni etiam corporis concessa voluptate se se immaculatos custodire deberent, hi postea ad sacerdotiorum gradus promoventur, atatis flore exoleti.* Non igitur miremur si dejerant & falso se nosse utrumque sacrarum literarum instrumentum profiteantur: quoniam nec quid ejus nomen significet, pernovere. Ac memini puerum quendam in Episcopi locum a-scitum, qui, quoniam literas penitus ignorabat, per jocum dum rogaretur an magnos progressus fecisset in disciplinis? respondit ingenuè, *Nondum se didicisse exordium ejus orationis, quam de more sacerdotes præfari solent sacra facturi: novi & qui annuas sacerdotii pecunias, commendatas eorum fidei, spurcissimis voluptatibus & impendant & impendisse gloriantur.* Quamobrem ex hac ingenua summi inter Pontificios viri querela satis apparet, verissimè Adrianum sextum Papam in Epistola ad Principes Electores confessum, <sup>h</sup> à curia Romana processisse hoc malum, & inde corruptionem in omnes inferiores emanasse. Quod pluribus etiam testimoniis & argumentis, ante annos viginti duos, à Claudio Espencæo, inter Pontificios theologos doctissimo, declaratum est, in epist. ad Tit. i. Nam quod ais, *Solere catholicos doctores, auditores suos ad poenitentiam, ad lachrymas, ad perfectas solidasque virtutes, ad martyrium denique incitare:* imo verò contrà, inquam, ad fu-

<sup>a</sup> Bellarminus lib. 2. De monachis cap. 34. <sup>b</sup> Matth. 22. 21. & 17. 27. <sup>c</sup> 1. Pet. 2. 13. <sup>d</sup> Rom. 13. 1. <sup>e</sup> De considerat. ad Eugenium. <sup>f</sup> De contemptu Mundi. <sup>g</sup> De reformatis moribus. <sup>h</sup> Fasciculus rerum pag. 173.

catam



catam poenitentiam; quæ non Dei verbo, sed hominum placitis superstitione conformatur. Eoque nec ad veras virtutes exstimulant, sed ad externam & inanem pietatis speciem: quam graphicè describit Apostolus, *Itaque* (inquit Col. 2. 20.) *si mortui estis cum Christo ab elementis mundi, quid, ut viventes in mundo, ritibus oneramini, ne attigeris, neque gustaris, neque contrectaris? quæ omnia ipso usu pereunt ex mandatis & doctrinis hominum, quæ rationem quidem habent sapientia in cultu voluntario & summissione animi, & in eo quod corpori non parcant.* Atque huc pertinent Pontificæ poenitentiae præscriptiones, quæ non Dei imperio, sed Pontificis voluntate diriguntur: ut vel ex Christianis tuis institutionibus apparet. Siquidem præfixa Gregorii XIII. Pontificis epistola toties debitam annorum viginti poenitentiam remittit, quoties quis alterum ex eo opere quicquam docuerit. Hæc scilicet est poenitentiae vestrae præstantia! hæc pietas singularis, qua Pontifex pro arbitrio, in Christi unici legislatoris & conscientiae Domini munus irrumpit, & verum Dei cultum adulterat ac pervertit! Omitto auricularis confessionis normam & usum, quo castas aures polluitis, & tenellis ac lubricis animis voluptates & scelera ignota sceleratissimis quaestionibus instillatis. Adde enim impudenter inaudita & nefanda quæque libidinum & facinorum monstra, à Confessoribus vestris (quorum ora sancta esse debebant) in confessione auriculari inquiruntur & explicantur, ut de iis sine summo horrore castus & pius animus cogitare non possit. Ac propterea hanc confessionis vestrae doctrinam & exercitationem merito omnium vitiorum magistratam appellare possis. Negas Costere? Ad confitentes vestros provoco; &, ut illi pudore aliquo fortasse sileant, Poenitentiale Romanum & Burchardi Wormatiensis Episcopi decretorum librum XIX. (quo auricularis confessionis inquirendi formulæ præscribuntur) consule, & verissimum comperies. Prætereo indignam illam rerum sacrarum nundinationem & Simoniam, qua quorumvis scelerum impunitatem certo præscripto pretio divenditis: & hac ratione non tam fenestram, quam viam latissimam, ad omnium vitiorum licentiam, aperitis. Extant enim recusi sæpius de hoc argumento Ecclesiae Romanae libri, inscripti, *Taxa cancellariae apostolica*: deinde, *Taxa sacra poenitentiaria Apostolica*: quibus certa singulis sceleribus redimendis pecunia præscribitur. Qua de re frustra sæpius prudentissimi Reges & Imperatores editis suis, ut vocant, Gravaminibus conquesti sunt. Quamobrem animadvertis omnino, quales sint doctrinae Pontificæ fructus, quales doctores, & quam procul à recta virtutum verarum institutione seducant. Et sanè ut vel maximè ad veras perfectasque virtutes interdum auditores incitarent, eorum tamen irritus esset conatus: quod imprudentes auditores in vitam sæpius, quam in doctrinam oculos defigant. De qua re graviter & iustissimè in concilio Tridentino Bavariae ducis Legatus conquestus est totidem verbis, *Quæ morum*

<sup>a</sup> Lib. nominum Patr. Concil. Trident. & Orat. à legatis habitatum.

*turpitudine in clero, vehementer offendit imperiti populi animos, tanopere ut sacerdotium una cum sacerdotibus, doctrinam una cum doctoribus execretur, dirisque devoveat.* Præterea quod adversarios vestros eo nomine accusas, quod ad discordias, ad seditiones, ad bella, ad sanguinem effundendum faciem alacriter præferant: in eo profectò Pontificios Doctores, Monachos, Jesuitas, imprudenter descripsisti. Quod ut probem, non colligam infinita, quæ historiae vestrae subministrant, exempla Imperatorum, Regum, Principum, qui à vestris monachis, sacerdotibus, ferro aut veneno patrum & nostra memoria necati sunt: omittam ab iisdem turbata regna varia: hoc verò tantum abs te quaero, cur edicto regio Jesuitarum tanquam Christiani orbis pestes Gallia nuper ejecti sint? reliqua prætereo, quia nihil tam copiosè de Jesuitarum factionibus & crudelitate à me dici potest, quod non clarius omnium mortalium animis contineatur. Itaque quod de prisca Christianorum pietate subjicis, eos maluisse sanguinem suum profundendo crudeliter occumbere, quam sanguinem aliorum effundendo gloriosè regnare, id revera à moribus vestris alienissimum esse docent Romanorum Pontificum in bello sacro accendendo & in plurimis Imperatoribus oppugnandis furor. Idem demonstrat multarum myriadam in Belgio, Anglia, Gallia, religionis veræ odio exquisitissimis tormentis trucidatio. Itaque frontem perficisti, Costere, quum addis, porro Catholicos pia quadam hæreticorum misericordia desideriumque conversionis tenet. Lachrymarum crocodilum sed quæ prudentiores, non facile inescabunt. Viget enim Concilii Constantiensis apud vos de fide hæreticis non servanda decretum, Sess. 19. & apud omnes illius memoria. Adeo ut non immerito Hussi & Hieronymi Pragensis, & multorum nostris temporibus vestigia, prudentes deterreant. Ac propterea verè mones, *Non difficile esse, ex hisce, columbam discernere ab accipitre.* Verum de laxa vivendi ratione frustra exoptulas. Nam si ea demum laxa & dissoluta est, quæ à Verbi divini vinculo soluta diffluit: stricta contra, quæ eo regitur; nihil vestra vivendi ratione dissolutius esse perspicuum est. Nam quemadmodum Baalis sacerdotes non eò sanctiores extiterunt, quod in cultu suo se inciderent cultris & lanceolis, donec perfunderentur sanguine (1. Reg. 18. 28.) sic nec vestris mastigiis & monachis *apedia* illa (Col. 2. 23.) & afflictio corporis, ex arbitrio humano, ad cultum Dei instituta, sanctitatem conciliat; sed superstitionem eorum demonstrat. Itaque, Babylone vestra exeuntes, audimus & amplectimur Paulum præcipientem; *In libertate igitur, qua Christus nos liberavit, perstare, & ne è contrario implicamini servitutis iugo, &c. tantum ne libertatem detis in occasionem carni,* Gal. 5. 1. & 13. Audimus & observamus Christum docentem; *Frustrate colunt docentes doctrinas, quæ sunt mandata hominum,* Matth. 15. 9. Eoque de divino iudicio certi, vestrum præjudicium minimè formidamus.

## CAPUT VII.

## ANTITHESIS SEPTIMA.

*Quare expensa jam antithesi sexta, septimam quoque, quam passim inculcas, percurramus paucis: quia in secunda controversia pluribus erit pertractanda. Ea autem est successionis diversitas, quam hac ratione describis.*

## COSTERUS.

**N**ULLAM prorsus invenias sectam, cujus originem possis per continuam & non interruptam successionem ad Apostolos Christi revocare, sed noti sunt omnium sectarum principes & architecti. Ariani suum esse dicunt Arium<sup>a</sup>, Novatiani Novatum suum jactant, Lutherani auctorem & parentem suum Martinum Lutherum esse confirmant, atque ita de reliquis omnibus, quotquot ullo unquam tempore hæreses viguerunt. Est enim proprium hæreticorum omnium, ut Apostoli tradiderunt, *segregare se, Judæ 19. exire ex nobis,*

<sup>a</sup> Athan. Oratione 1. contra Arianos.

*Act. 15. 24. 1. Joh. 2. 19. discedere à fide, 1. Tim. 4. 1. afferre novapræter illud, quod accepimus, Gal. 1. 9. quod quidem adeò verum est, ut nemo hæreticorum vel unicum hominem potuerit hætenus producere, qui ante tempora sui hæresiarum per omnia senserit & docuerit, sicut ipse sentit ac docet. Jactant quidem omnes, etiam illi, qui capitali odio inter se dissident, Christum & Apostolos; sed quo ordine, quave successione doctrinam suam ab Apostolis acceperint, demonstrare non possunt, quare coguntur fere eò confugere ut dicant ecclesiam ante sua tempora, vel nullam fuisse (ut de Denatistis refert Augustinus de unitate Ecclesiae c. 12.) vel invisibilem.*

<sup>a</sup> Vincent. Lerinus contra omnes Hæreses.

bilem

bilem & sua potissimum opera è tenebris in lucem vocatam: quod non sine insigni Christi optimi maximi contumelia Lutherani nostra tempestate, palam profitentur ac præ se ferunt. Alii ad antiquos hæreticos suam doctrinam referunt, ut quidam Anabaptistæ ad Manichæos, & hi ad antiquissimos Simonis Magi discipulos. Sed ut nullus est Hæresiarcha, qui non aliquid veteribus errorum magistris acceptum referat: ita nullus est, qui non sit novi aliquid commentus: sic ut tot hæreses sint & sententiæ, quot capita.

## G O M A R U S.

**M**AGNUM causæ Pontificiæ subsidium in successionem situm existimas: verum si quis rem ipsam non obiter & quasi per transennam sed penitus & accuratè intueatur ac ponderet, confestim apparebit, eam quam Scriptura commendat successionem, non vestræ, sed nostræ ecclesiæ, tribuendam. Nam quum duplex in Ecclesia laudabilis sit successio, una doctrinæ Apostolicæ: altera ministerii Ecclesiastici: & utramque nobis competere, jam sæpius ab orthodoxis demonstratum sit, sanè iniquè facis, quod sectis nos aggregas. Etenim doctrinæ puritatem ex sanctorum Prophetarum & Apostolorum literis graviter copioseque nostri probant, & in hujus operis tui examine comprobabo. Quare non solum insignis calumnia est, quod ais, *Lutherani auctorem & parentem suum Martinum Lutherum esse confirmant*, sed etiam falsi abs te convincitur, quum ais, *jactant quidem omnes Christum & Apostolos: quomodo igitur auctorem suum Lutherum esse confirmant?* Est sanè proprium hæreticorum omnium segregare se, exire à nobis, discedere à fide: hoc enim Apostoli tradiderunt, sed de vera ecclesia & doctrina, non de vitata, qualis vestra. Nam ut meretrix fieri potest civitas fidelis Esa. 1. 21. sic ab ea tum temporis discedendum esse, non solum sacrarum literarum mandato, sed etiam Apostolorum & Christi exemplo demonstratur, Matth. 15. 3. 15. & 16. 6. Verum, ne sine ratione loqui videaris, argumentum adfers, ut tu quidem putas adamantinum & palmarium: ut verò orthodoxi censent planè vitreum ac fragile. Quod, inquis, adeo certum est, ut nemo hæreticorum vel unum hominem potuerit hætenus producere, qui ante tempora sui hæresiarcha per omnia senserit & docuerit, sicut ipse sentit ac docet. Hoc mirificè tibi placet Costere: unde passim toto hoc opere idem repetis & adversarios eo pancratice provocas. Sed producimus tibi Christi & Apostolorum consensum, omni exceptione majorem. Si solus Christus audiendus est, (ut inquit Cyprianus distinct. 19. & decreto Pontificio insertum ac sancitum est) non debemus attendere, quid aliquis ante nos faciendum putaverit, sed quid primus qui ante omnes est, fecerit. Neque enim hominis consuetudinem sequi oportet, sed Dei veritatem, quum per Esaiam prophetam loquatur Deus & dicat, sine causa colunt me, mandata & doctrinas hominum docentes. Deinde verò Irenæum, Cyprianum, Basilium, Augustinum, cæterosque orthodoxos Patres testes adducimus, quatenus cum sacris literis consentiunt. Quam conditionem ipsimet Patres & decreta Pontificum Romanorum præscribunt. Quare non est quod purioris doctrinæ successionem in nobis desideres. Ad successionem verò ministerii Ecclesiastici quod attinet, si quid apud vos recti, id nostri habent; si quid pravi, id ad normam Apostolicam, ex officio, reformarunt. Nam Johannes Hussus, Hieronymus Pragensis, Lutherus, Zwinglius, Oecolampadius, Bucerus, cæterique reformatæ Ecclesiæ antesignani, aut doctores fuerunt apud vos, aut ecclesiæ ministri: quibus in ecclesia & schola

sacras literas docendi & errores refutandi munus fuit demandatum. In quo sic versati sunt, ut ecclesiam, quæ jugo pontificio premebatur, in lucem clarius produxerint & auxerint plurimum. Nam semper ecclesiam extitisse, non modo ex sacris literis, sed experientia quoque edocti sumus: ut *Catalogus testium veritatis* & historiæ demonstrant. Cæterum, quæ ratione Ecclesia invisibilis dici possit, suo loco plenius ex sacris literis & orthodoxo Patrum consensu differemus. Interim quid ex adverso de Romana Ecclesia gloriaris, attendamus.

## C O S T E R U S.

**A**T verò doctrina Ecclesiæ Catholicæ, ab ipsis Apostolis accepta, integra atque inviolata per tot sæcula & ætates ad nos usque pervenit: quod enim credimus hodie in Ecclesia Romana, id majores nostri ante annos centum, id ante annos ducentos, trecentos, mille, atque adeo ipsis Apostolorum temporibus crediderunt. Et quidem usque adeo est hæc fides & doctrina ecclesiæ catholicæ, ut neminem hætenus adversarii dare potuerint, qui illam vel excogitarit, vel mutarit, vel depravarit. Hanc incorruptam doctrinam per tot annorum ætatumque spatia ad posteros propagationem, veteres illi doctores<sup>a</sup> Irenæus, <sup>b</sup> Tertullianus, <sup>c</sup> Cyprianus, <sup>d</sup> Origines, <sup>e</sup> Eusebius, <sup>f</sup> Epiphanius, <sup>g</sup> Augustinus, <sup>h</sup> Optatus Milevitanus tanti fecerunt, ut in ea certissimam veræ ecclesiæ cognoscendæ ac demonstrandæ notam constituerint.

<sup>a</sup> Lib. 3. & lib. 4. cap. 43, 45, 63. <sup>b</sup> Lib. de præscript. hæret. <sup>c</sup> Lib. 1. Ep. 3. & 6. lib. 2. Ep. 10. lib. 3. Ep. 10. & de Simpl. prælat. <sup>d</sup> Lib. 6. *de æx. ur.* <sup>e</sup> Eccl. histor. lib. 5. cap. 6. <sup>f</sup> Hæresi 27. <sup>g</sup> Epist. 165. & de util. cred. cap. 17. contra Faustum lib. 28. cap. 2. contra Ep. fund. cap. 4. Quærit. 100. vet. & novi test. <sup>h</sup> Lib. 2. contra Donatist.

## G O M A R U S.

**I**NANIS & solita vestra jactatio est, quam Centuriæ Magdeburgensium & varia concilii Tridentini examina multique viri doctissimi refutarunt, & nos pro modulo, Symbolam nostram, in secunda hujus præfationis parte & in controversia de ecclesia, ad Babylonis fundamenta subvertenda & ad Dei gloriam illustrandam, conferemus. Interim ut è plurimis pauca tantum attingam & Pontificiæ religionis arcem petam: quis ante Bonifacium octavum Papam, docuit <sup>a</sup> *subesse Romano Pontifici omnem humanam creaturam, omnino esse de necessitate salutis?* Quis ex tota veteri ecclesia unquam asseruit, imagines Christi, eodem cultu cum Christo, adorandas: ut cum sanctis vestris doctoribus Thoma<sup>b</sup> Aquinate & Bonaventura Cardinale docetis? Quis veterum lanceam, crucem ligneam, spem salutis vocavit & invocavit? Quis veterum campanas, cereos, cineres, aquam, ramos, more vestro, tanquam salutis organa, consecravit? Summam præterea Romanæ Ecclesiæ cum orthodoxis Patribus & inter vos dissensionem, in tractatu de Ecclesia, prolatus sum: ut arrogantem & perpetuam gloriationem vestram, rei veritate, humiliem. Quare frustra de successionem vestra gloriaris. In qua licet Patres orthodoxi aliquam esse notam constituerint, antequam publica in ecclesiam Christi invecita esset apostasia & tyrannis, id tamen à nostris temporibus & ab Ecclesiæ Romanæ calamitate, alienum est. Imo, si hæc certissima veræ ecclesiæ nota est, consequitur necessariò, Romanam ecclesiam non esse veram Christi Ecclesiam; quum majorum & Apostolorum doctrinam & successionem corruperit variis modis: ut, in controversiarum disquisitione, plenius ac planius constabit.

<sup>a</sup> Extravagant. commun. lib. 1. de majoritate cap. 1. <sup>b</sup> Summa Theol. par. 3. qu. 25. <sup>c</sup> Vide etiam cap. 19. hujus libri.

<sup>a</sup> Gratianus dist. 9. 9. Ego Solis, & noli meis, &c.

## ANTITHESIS OCTAVA.

*Quare ad octavam antithesin, qua in contrariis hæreticorum & Patrum sanctorum studiis consistit, progrediamur.*

## COSTERUS.

**O**MNIUM hæresium parens ac procreatrix superbia, aut aliud id genus peccatum est. *Mater omnium hæreticorum* (inquit Augustinus <sup>a</sup>) *superbia est*. Simon Magus (Act. 8.) dicebat se esse aliquem magnum, Arius & Novatus quum ecclesiæ principatu, cujus cupiditate ardebant (ille Alexandrinæ, hic Romanæ) potiri non possent, perniciosissimos errores & hæreses sunt commenti, ut nomina sua, virtute obscura, insigni scelere, ad memoriam sempiternam propagarent. Lutherus in disputatione Lipsica, de mutatione religionis à se excitata, *Neque, inquit, propter Deum cœpit res ista, neque propter Deum finietur*. De veterum hæreticorum ambitione, libidinibus & voluptatibus scribunt S. Petrus & Judas Apostolus, *Dominationes contemnunt & audaces sibi placentes, majestatem blasphemant*, &c. 2. Pet. 2. 10. Epist. Jud. 8.

<sup>a</sup> Lib. 2. de Genes. contra Manich. cap. 8. Theodoretus lib. 1. hist. Eccl. cap. 24. Chryf. Hom. 27. in Johan.

## GOMARUS.

**Q**UÆ de Hæreticorum origine commemoras, controversia carent: & iisdem argumentis, Papatum, non veritatis, sed superstitionis & hæresium scholam esse, demonstramus. Nec enim aliunde Pontificum dominatus & doctrinæ perversitas, quàm ex superbia, avaritia & libidine eorum promanavit. Testantur id non solum gravissimæ orthodoxorum rationes, sed multorum etiam Pontificiorum scriptorum consensus, ut suis locis apparebit. Ac propterea verius longè Pontifices Romanos Simoni Mago, Novato & Ario (quorum vestigia insequuntur) copulasses, quàm veritatis & Dei amantem Lutherum. Nam quod ei aspergis maculæ, ut à vobis confictum est: sic responsionem longiorem non meretur. Sed fuerint (ut fingitis) hæc Lutheri verba, mentem tamen illius mala exponis fide: quum ea non de suo, sed de Pontificiorum studio protulerit: qui ut indulgentiarum nundinationem, non Dei (cujus verbo repugnant) sed avaritiæ gratia instituerant; sic eodem animo propugnabant; qua de re Reges, Principes, Imperatores, & infiniti alii suis ad concilia (ut appellarunt) Gravaminibus liberè & graviter sæpius conquesti sunt. Deinde graphica illa hæreticorum ex sacris literis descriptio, *Dominationes contemnunt, & audaces, sibi placentes, majestatem blasphemant*, nullis mortalium magis convenit, quàm Pontificibus, Cardinalibus, episcopis, presbyteris, monachis, Jesuitis. Quænam enim major esse potest arrogantia & dominationum contemptus, quam se totumque ordinem Ecclesiasticum, magistratus imperio eximere: dominationes omnes sibi subjicere: Principes, Reges, Imperatores, religionis specie, ad pedes osculandos detrudere: constantes in officio & Imperatoriæ & regalis majestatis suæ memores, pro arbitrio, de solio deturbare, & subditos eorum à debitâ suis dominis, divino jure, obedientiâ, anathematis fulmine prohibere: summam denique, & (ut in

re barbara barbarè loqui soletis) plenariam, in omnes potestatem sibi arrogare? Agnoscis, opinor, hic vivos Pontificum colores, & dominationum contemptum, & conculcationem intolerabilem, priscisque temporibus inauditam. Nec dominationes solum contemnunt, sed etiam, quod summum superbiæ fastigium est, à nullo mortalium sua scelera reprehendi posse affirmant. *Si Papa* (inquit jus Pontificium Dist. 40. c. Si Papa.) *sua & fraternæ salutis negligens deprehenditur, inutilis ac remissus in suis operibus, & insuper à bono taciturnus, quod magis officii sibi & omnibus: nihilominus innumera-biles populos catervatim secum ducit primo mancipio gehenna, cum ipso plagis multis in æternum vapulaturus; hujus culpas redarguere istis presumpsit mortalium nullus; quod cunctos ipse judicaturus à nemine est judicandus: nisi deprehendatur à fide devius*. Nunc verò conferto cum hac Pontificum Romanorum insolentia sacrarum Literarum & Chrysostomi (cujus scripta Pontificum decretis Dist. 15. Can. sicut Sancti. confirmata sunt) judicium. *Potestatibus* (inquit Comment. Rom. 13.) *ex debito obedire debent. Ostendens quod ista imperentur omnibus & sacerdotibus & monachis, non solum secularibus, id quod statim, in ipso exordio, declarat, quum dicit; Omnis anima potestatibus supereminentibus subdita sit: etsi Apostolus sis, si Evangelista, si Propheta, sive quisquis tandem fueris: neque enim pietatem subvertit ista subjectio. Quid hic obsecro excusationis prætendis?*

## COSTERUS.

**C**ONTRA verò sicut Apostoli (qui sanguine, secundum Christum, ecclesiam fundaverunt) admirabili virtute præditi fuerunt: ita in illustrioribus illis Patribus & doctoribus, qui, in pascendo grege dominico, Apostolis successerunt, singularis vitæ sanctimonia eluxit. Admiramur summam in Augustino & Gregorio humilitatem, incredibilem victus cultusque asperitatem in Hieronymo, Basilio, Nazianzeno, Chrysostomô; Angelicam in D. Thoma & Bernardo castitatem. Neque quisquam est inter sanctos ecclesiæ patres, qui non, ut doctrina erudire, ita singulari aliqua virtute excellere & aliis præluere conatus fuerit.

## GOMARUS.

**S**ICUT Judæos, Abrahamo patre & Prophetis gloriantes Joh. 8. 40. doctrinæ & vitæ corruptio refellebat: eadem sanè ratione, quæ de Apostolorum & Patrum sanctitate recenses, non aliò spectant, quàm ut eò clarior sit vestra impuritas. Nam, *si non est quisquam inter sanctos Ecclesiæ patres, qui non, ut doctrina erudire, ita singulari aliqua virtute antecellere & præluere conatus sit*; necessariò sequitur, pontifices, episcopos, sacerdotes, monachos, Jesuitas vestros, nihil cum iis habere commune: quum à multo tempore vix quisquam inter eos sit, quin doctrinæ & vitæ turpitudine, reliquos superare contenderit: ut ex iis quæ ante proposui & ex justis totius orbis querelis constet.

## CAPUT IX.

## ANTITHESIS NONA.

*Quamobrem quam iniquè hac à te explicata sit antithesis, prudenti lectori perspicuum est: atque verò sequens nona plus habeat roboris videamus.*

## COSTERUS.

**H**ÆRETICI omnes (quemadmodum veteres animadverterunt) non Patrum, non conciliorum, non ecclesiæ totius, sed solius scripturæ auctoritatem admit-

tunt. Unde cum ipsis in disputatione solis scripturis est agendum; quas deinde pro suo arbitratu vel mutilant, vel ad suæ causæ commodum torquent, vel prorsus more Sadducæorum

<sup>a</sup> Tertullianus de præscrip. Augustin. lib. 32. contra Faustum cap. 29. Cypr. de unit. Eccles. Petrus Chiusa. lib. 1. Epist. 2.

rcji-

rejiunt. Pleni sunt omnes veterum<sup>a</sup> libri istarum querelarum. Maximinus Arianorum Episcopus ita dicebat, si quid divinis scripturis attuleris, quod commune est omnibus; necesse est ut audiamus: haec vero voces, quae extra scripturam sunt, nullo casu, à nobis suscipiuntur; quum ipse Dominus moneat & dicat, Sine causa colunt me docentes mandata & praecepta hominum. Item, Si affirmaveris de divinis scripturis, si alicubi scripti lectionem protuleris, nos divinarum scripturarum optamus inveniri discipuli. Nostri temporis haeretici adeo ad solas scripturas tanquam ad saxum adhærescunt, ut se non Catholicos, sed ab Evangelio, Evangelicos vocari velint: quos libet cum Divo Augustino lib. 32. Con. Man. cap. 19. in hunc modum affari: Videtis id vos agere, ut omnis scripturarum de medio auferatur auctoritas, & suus cuique animus auctor sit; quid in quaque scriptura probet, quid improbet: id est, non ut auctoritati subiciatur scripturarum ad fidem, sed ut sibi scripturas ipse subiciat: non ut ideo illi placeat aliquid, quia hoc in sublimi auctoritate scriptum legitur, sed ideo recte scriptum videatur, quia hoc illi placuit. Haecenus Divus Augustinus. Neque injuria hoc faciunt haeretici, quum (ut Beatus Gregorius loquitur) non conenter suis inquisitionibus veritatem assequi, sed victores videri: hoc est, quod semel conceperunt, volunt à Scriptura dici, non autem iudicium suum ad sanum scripturæ intellectum accommodare: & quia scriptura chartis mandata patitur se quoquo versus inflecti, deduci, distrahi, neminem volunt præter illam opinionum suarum iudicem.

<sup>a</sup> Vide August. lib. 1. contra Maximin.

## GOMARUS.

**D**E Patrum & Scripturæ auctoritate inter haereticos & orthodoxos disceptari, nemini dubium esse potest: sed quàm rectè, obsecro, hanc litem definis? Haeretici, inquit, non Patrum, non conciliorum, non ecclesia totius, sed solius Scriptura auctoritatem admittunt. Verum confusè agis, Costere, ut aliqua contumaciæ suspitione orthodoxis invidiam constare possis. Nam quum, in dirimendis religionis controversiis, duplex sit auctoritas; primaria, quæ summo iudici, & secundaria, quæ indici & testi convenit; priorem, Deo in Sacris literis loquenti, alteram, orthodoxis Patribus, distinctè ac sanctè concedemus. Quid igitur in hac confessione nostra, justè desideras? Praesertim quum hujus sententiæ, non Deum solùm, sed Patres etiam auctores habeamus. Ego (inquit Augustinus Epist. 19. ad Hieron. & ex eo Pontificum decretum Gratianus dist. 19. §. Ego solis) fateor charitati tuae, solis eis scripturarum libris, qui jam Canonici appellantur, didici hunc timorem honoremque deferre; ut nullum eorum auctorem, scribendo aliquid errasse firmissimè credam. Ac si aliquid in iis offendero literis, quod videatur contrarium veritati, nihil aliud, quàm vel mendosum esse codicem, vel interpretem non assecutum esse, quod dictum est, vel me minimè intellexisse, non ambigam. Alios autem ita lego, ut, quantalibet sanctitate doctrinaque prepolleant, non ideo verum putem, quia ipsi ita senserunt, sed quia mihi, vel per illos auctores canonicos, vel probabili ratione, quod à vero non dissentiant, persuadere potuerunt. Hæc Augustinus, qui postea, sacram scripturam in summo & caelesti auctoritatis culmine collocatam, affirmat. Quare salva, suo ordine, Patrum auctoritate, solam Sacram Scripturam, tanquam certam fidei normam admittimus, eique quod iniquè vitio vertis, tanquam saxo salutari adhærescimus, superstructi Prophetarum & Apostolorum fundamenta, Eph. 2. 20. Hæc enim genuina est sanctæ catholicæ ecclesiæ nota: eoque ut veros Catholicos, ab adulterinis nostri distinguere Evangelicorum nomen, sana sententia, usurparunt. Quod autem ex Augustino contra Maximinum de Arianorum errore (qui voces quæ extra scripturam sunt, nullo casu se suscipere profitebantur) adjungis; nihil omnino ad nos pertinet. Siquidem de re tantum solliciti, profanam illam vocum superstitionem, meritò averfamur. Quod reliquum est, celebrem illam Augustini in eodem opere sententiam amplectimur, vobisque regerimus, Sed nunc (inquit contra Maxim. lib. 3. cap. 14.) nec ego Nicannum, nec tu debes

Arimenense, tanquam præjudicatus, proferre concilium. Nec ego hujus auctoritate, nec tu illius detineris: Scripturarum auctoritatibus, non quorumcunque propriis, sed utrisque communibus testibus, res cum re, causa cum causa, ratio cum ratione concertet. Nec minus à ratione alienum est, quod nos iis verbis affaris, quibus ille Manichæos, quatuor Evangeliorum auctoritatem respicientes, perstringit, quum contra nos illam reliquamque Scripturam sacram, tanti faciamus, ut ea de causa, vel te teste, Evangelicorum nomen amplectamur. Quare quum summam, quam merentur, auctoritatem, iis ultrò deferamus, vos verò contra mirificè minuatis & ecclesiæ iudicio apertè postponatis<sup>a</sup>, facile lectores vident, hanc sententiam, in vos ipsos, non immetitò posse retorqueri. Nos enim Scripturis lubentes nos subijcimus, non tanquam regulæ Lesbæ & inconstanti, ut iniquè censes, sed ut certo fidei & vitæ canoni: unde meritò communi Patrum consensu Canonica appellantur. Vos verò hanc Scripturæ auctoritatem detrahitis eamque vobis subijcitis ac torquetis. Exemplum desideras? aquam in mari, aut ligna in sylvis, eadem opera deesse, judicares: adeò corruptelis vestris pleraque scripturæ loca contaminata & ad errores vestros fucandos indignis modis detorta sunt. Nam ut ex infinitis pauca delibemus: quomodo obsecro Bonifacius octavus Pontifex sacris literis non illudit? Nam quæ Deus Jeremiæ cap. 1. 17, 18, 19. de ministerii ipsius officio, quo gentium & regnorum everfiones constanter erat prædicaturus, pronuntiavit; eadè summam Papæ in omnes Reges & Imperatores potestatem, b detorsit. Eadem injuria verba Apostolorum, ecce duo gladii hic: & Christi, satis est. Item, Converte gladium tuum in vaginam, ita pervertit, ut concludat, utrumque gladium esse in potestate Ecclesiæ, spirituale scilicet & materiale: sed eum quidem pro ecclesiâ, illum verò ab ecclesiâ exercendum: illum sacerdotis, hunc manu regum & militum, sed ad nutum, & patientiam sacerdotum. Pari fide Papam nullius subesse debere imperio inde probat, quod Apostolus ait, spiritualis homo judicat omnia, ipse autem à nemine judicatur, 1. Cor. 2. 13. Similes sacrarum literarum perversiones crebræ, in decretis Pontificum & cæterorum Romanæ ecclesiæ doctorum scriptis, occurrunt: unde luce meridiana clarius apparet, quàm parvi Dei verbum æstimetis. Quod ut amplius illustretur, omisso tuo adversus orthodoxos præjudicio, quid de Patrum & Sacrarum literarum auctoritate Pontificii iudicent, ex te ipso cognoscamus.

<sup>a</sup> Costerus Enchirid. contra. 1. <sup>b</sup> Extra. Com. de major. cap. 1.

## COSTERUS.

**C**ATHOLICI magno in honore habent antiquas Majorum traditiones, Conciliorum decreta, sanctorum Patrum (qui, per universum orbem, Christianum populum instituerunt) concordem & consentientem doctrinam, à quorum placitis transversum digitum discedere nefas arbitrantur. Hos magistros à Deo datos in omnibus audiunt, horum mente divinas literas interpretantur, quum sciant ecclesiæ esse columnam & firmamentum veritatis, 1. Tim. 3. 15. & eum qui ecclesiæ non audierit, loco Ethnicæ & Publicani habendum, Matth. 18. 17. & item illud concilii Hierosolymitani, Visum est Spiritui Sancto & nobis, Act. 15. v. 28. & à sapiente denique seriò præceptum, Ne transgrediamur terminos antiquos, quos posuerunt patres nostri, Prov. 22. 28.

## GOMARUS.

**M**AGNA profectò laus est antiquos Patres justè honorare, sanctæ eorum placita amplecti: sed major gloria est Patrem cælestem revereri, illius verba tanquam amissim omnino observare & omnium mortalium patrum sententiis præferre. Ac propterea duplex in hoc sermone tuo apparet error, iudicii nimirum & professionis. Iudicii quidem, quod Patrum placita Canonicis æterni Patris literis honore exequas. Itaque Patrum doctissimum Augustinum oppono, Nos, inquit, contra Crescenti. lib. 2. cap. 31. Cypriano nullam facimus injuriam, quum ejus qualibet literas, à canonica divinarum Scripturarum auctoritate distinguimus.

0000 2

Ne-



*N*eque enim sine causa, tam salubri vigilantia, Canon Ecclesiasticus constitutus est, ad quem certi Prophetarum & Apostolorum libri pertineant, quos omnino judicare non audeamus, & secundum quos de ceteris literis, vel fidelium vel infidelium, liberè judicemus. Et paulò post, ibidem cap. 32. Ego hujus Epistola auctoritate non teneor, quia literas Cypriani, non ut Canonicas habeo, sed eas ex Canonicis confidero, & quod in iis divinarum Scripturarum auctoritati congruit, cum laude ejus accipio: quod autem non congruit, cum pace ejus respuo. Sed ne sine ratione loqui videaris, adducis quatuor Scripturæ Sacræ testimonia, quibus vestram de Patrum auctoritate sententiam firmare studes: quorum duo priora quum in prima controversia repetantur, eorum explicationem in eum differamus locum: reliqua verò, quæ hîc tantum recenseres, omninò aliena sunt. Primùm enim agnoscimus concilium Hierosolymitanum dixisse, non minus verè quam disertè, *Visum est Spiritui Sancto & nobis*: sed inde malè concludis, omnium conciliorum eandem esse auctoritatem. Nam quis ferat, ex singulari exemplo, regulam statui generalem? Ac sanè perquam diversa est Concilii Hierosolymitani & reliquorum ratio. Interfuerunt enim Apostolici viri, singularibus Spiritus Sancti donis instructi: præfuerunt etiam Apostoli, qui perpetuò à Spiritu Sancto afflari, ab erroris periculo in doctrina fuerunt alieni. Reliqua verò concilia, ex iis hominibus confliterunt, qui errare, labi, decipi, potuerunt, ut tritis rerum experientia sapius comprobavit. Denique quum Concilium Hierosolymitanum non fuerit universale, ut historia convincit, & vestri doctores agnoscunt, non minus eo firmari potest, particularium conciliorum (quæ tamen errare

posse nobiscum agnoscitis) quàm universalium auctoritas. Itaque quum nihil ad causam vestram, ex hoc testimonio sit subsidii, alterum quoque perpendamus, quo Patrum auctoritatem, quasi in summa arce collocas. *A sapiente*, inquis, *præceptum ne transgrediamur terminos antiquos, quos posuerunt Patres nostri*, Proverb. 22. v. 28. Sed nihil efficit Costere, quum sapiens ille, non figuratè de fidei finibus, sed propriè de agrorum terminis loquatur, & Moïsis de ea re præceptum Deuter. 19. v. 14. repetat. Nec enim hæresim prohibet, sed avaritiam, qua alieni fines occupantur. Sic Basilius Magnus Sermone in aliquot scripturæ locos, exponit, *terminos patrum ne moveas, ne cupias proximi agrum*. Itaque rectè interpres vester Lyranus in Prov. 22. *ne transgrediaris terminos antiquos, occupando injustè possessionem vicini tui*. Sed esto, valeat allegorica ista interpretatio, intelligentur termini, non quivis, sed secundum Dei verbum præfixi: alioqui attendendum ad illud Dei oraculum, *In præceptis Patrum vestrorum nolite incedere, Ego sum Iehova Deus tuus in præceptis meis ambulate*, Ezech. 20. 18. & ad Christi sermonem, quo, objicientibus Phariseis, *Quare discipuli transgrediuntur traditionem seniorum?* liberè respondit, *Quare & vos transgredimini mandatum Dei per traditionem vestram, &c.* Frustra me colum docentes doctrinas, mandata hominum, Matth. 15. 2, 3, 9. Quare iudicii vestri de Conciliorum & Patrum auctoritate errorem animadvertis: professionis verò vanitas (qua vos Patres per omnia audire, horum mente divinas literas interpretari, gloriari) pluribus in hujus operis progressu elucebit.

## CAPUT X.

## ANTITHESIS DECIMA.

*Itaque, refutata Antithesi nona, decimam consideremus, qua in diverso loquendi modo, consistit.*

## COSTERUS.

**E**ST quoque modus loquendi hæreticorum alius, quam catholicorum. Nam hæretici, qui sibi juxta nomen suum (ut ait Tertullianus de præscr.) quod credant, eligunt, quando dogmata sua proferunt, quali propriam ac privatam doctrinam venditantes, sic se sentire, sic docere, sic sibi videri dicere solent. Hinc tot Catechismi, quibus sua quisque somnia exponit, sparguntur, sicut olim Ariani alias atque alias fidei professiones identidem proponebant.

## GOMARUS.

**D**E hæreticis, non laboramus: sed quandoquidem orthodoxos nostrarum ecclesiarum scriptores, in eorum numero intelligis ac perstringis, gravissimam iis fieri injuriam, prudentiores nobiscum vident. Hoc enim nostri in ore habent loquendi genus, sic sacra littera docent: sic Prophetæ: sic Apostoli tradunt. Et si quando hoc loquendi genere, sic sentio, sic doceo utantur, non illud eo fit nomine, ac si privatam doctrinam (ut iniquè exponis) venditarent; sed ut fidem suam ex sacris litteris petitam, ad Dei gloriam & ecclesiæ institutionem, liberè profiteantur. Ac propterea sententiæ suæ rationes, ex Dei verbo & orthodoxo Patrum consensu, adjungunt; ut auditores suos, non ab humanis placitis (ut apud vos solenne est) sed à cælestibus oraculis pendere doceant. Denique si quando sic sibi videri, aut sese ita putare dicant, non ea ratione doctrinæ suæ fundamenta incerta esse ostendunt; sed in rebus dubiis modestiam suam testantur. Quis enim assertionem omnibus in rebus meritò requirat? quis vestrorum doctorum non aversetur temeritatem, qua de rebus cælestibus & ab humana cognitione abstrusis, ita extra sacras literas arroganter statuunt, ac si cum Paulo Apostolo, in tertium usque cælum penetrassent, & omnia Dei mysteria pervidissent? Ac propterea non nostri solum, sed etiam Erasmus, Vives, & ante eos sapientissimi viri, Ecclesiæ Romanæ addicti, de ea re gravissimè conquesti sunt, & vestrorum scholasticorum theologiam, turpem esse

κατηχησάν pronunciarunt. Cæterum quam de Catechismo-  
rum nostrorum origine allinis maculam, eam Harmonia earundem & vestrum exemplum facile diluet. Sed quid de Pontificiis doctoribus proponis?

## COSTERUS.

**C**ATHOLICI quum privatam aut propriam religionem non habeant, sed communem, universalem, Catholicam, aliter loquuntur. Sic, inquiunt, credit Ecclesia, ita docuerunt majores. Hac est fides Catholica. Obstupecentibus claudi curationem Judæis, Viri Israëlita (inquit D. Petrus Actor. 3. 12.) quid miramini in hoc, aut nos quid insuemini, quasi propria virtute, aut religione fecerimus hunc ambulare (ita enim Græcè legitur) Deus Abraham, Deus Isaac, Deus Jacob, &c. quasi velit dicere, Fecimus ita, non propria sed communi religione, qua Deus Abraham, Deus Isaac, Deus Jacob colitur: quam etiam vos hætenus, sed in umbra atque figura, tenuistis.

## GOMARUS.

**A**IS quidem vestros communem, universalem, Catholicam habere religionem; verum secus à nobis antea demonstratum est: & id ipsum quod probationis loco adducis (etsi doctrinam nostram non lædat) sententiam, quam probandam suscepisti perspicuè evertit. Nam majores vestri, concilio Tridentino (Sess. 4.) vulgatæ versionis auctoritatem sanxerunt: tu vero contrà (ut fieri debere censet Augustinus, & decretum Pontificum confirmat) ex Græcis fontibus repurgare studes. Ex quo omninò sequitur, non quicquid majores instituerunt probandum, nec semper eorum vestigiis vos inhærere. Ac sanè laudabile esset studium tuum, Costere, si cum recta ratione à Majoribus discederes. Nunc verò, quum sanam eorum sententiam & sacrarum literarum sensum pervertas, quid fidei Jesuitæ mereantur lectores judicent. Quod ut meliùs liqueat, age Patrum & Costeri interpretationem cōferamus. Illi *ὑποβίβαν* verterunt *pietatem*: tu

a Gratian. Dist. 9. §. Et veterum.

religionem, ita enim, ais, *Græcè legitur*. Imò verò Costere, si vocis naturam examinare velimus, non religio Græcè legitur, sed recta religio, hoc est (ut rectè majores verterunt) *pietas*, quæ in Deum iustitia est. Religio enim aut vera est aut falsa, de quarum utraq; graviter scripsit Latinorum Patrum longè eloquentissimus Lactantius Firmianus. Quamobrem perperam vocem *Λογισμὸν* aliter interpretaris: quum potius, siquid in antiqua & vulgata versione libuisset corrigere, præcedentem dictionem potuisses, ad vitandam ambiguitatem, permutare, & *διδακμὸν*, non *virtutem* sed *vim* interpretari. Cæterum (ut error errorem trahit) quemadmodum verba Apostoli corrupisti, sic rem ipsam multò indigne pervertis. *Quasi* (inquis) *velit dicere, fecimus non propriam, sed communis religionem, qua Deus Abraham, Deus Isaac, Deus Jacob colitur*. Sed quæso, Costere, quando ut Catholicos loqui gloriaris, ita credidit ecclesia, ita docuerunt majores? Ostende, si potes, non propriam, sed communem & universalem interpretationis tuæ religionem. Mi-

fera profectò Pontificiæ religionis comprobatio, quæ rei, quam firmandam suscepit, tam disertè contradicit! Quis enim tam cæcus est, ut in tanta orationis Apostolicæ luce, non videat, Petrum non opponere propriam *διδακμὸν*, & *Λογισμὸν* majorum religioni, sed Dei & Christi potentiæ & gratiæ: ut demonstraret non humanum, sed divinum esse, quod acciderat? ut doctè Chrysostomus & Theophylactus exponunt. Idque patet ex sequentibus Petri verbis, *Glorificavit Filium suum Iesum: & hunc confirmavit nomen ipsius*, Act. 3. 13, 16. Quare hæc tua interpretatio, quemadmodum doctrinam nostram non minuit; sic scripturam contaminat, & à Majorum ac Patrum interpretatione recedit. Ac propterea, quum ne hoc quidem in loco (ut demonstrare contendis, Pontificios sic loqui, ita credit Ecclesia, ita docuerunt majores, hæc est fides Catholica) Majorum & Catholicam doctrinam secutus sis, facilè prudentes lectores vident, quàm parum fidei, dum Patres jactatis, vobis tribuendum sit.

## CAPUT XI.

## ANTITHESIS UNDECIMA.

*Porro undecimam instituis antithesim, in contrario, de majorum salute, judicio.*

## COSTERUS.

**H**ÆRETICI, tametsi neminem damnari à se dicunt, ipso tamen facto, præ se condemnant orbem universum. Quum enim ex arcanis sacrarum literarum constet, *Unicam esse fidem*, sicut *unus est dominus, unum Baptisma, unus Deus & pater omnium*, Eph. 4. 5. & planissimè liqueat, *Sine fide impossibile esse placere Deo*, Heb. 11. 6. necessario efficitur, illos omnes, qui aliter, atque hæretici, crediderint, à benevolentia & gratia Dei alienos extitisse. Perierunt ergo omnes majores nostri, perierunt omnes ecclesiæ sanctæ Patres & doctores, perierunt omnes Christi martyres & confessores: nec quisquam in cælum aspiravit toto orbe terrarum, à primis Apostolorum temporibus, usque ad illum hæresiarcham, qui *novam fidem*, in omni memoria inauditam, invenit. Sed ajunt simplicitate excusari majores, quia aliter instituti non fuerunt. Verum D. Paulus quum dicit, Heb. 11. 6. *Sine fide impossibile esse placere Deo*, neminem prorsus à damnatione excipit, sive indoctum, sive simplicem, sive seductum. Quia nulla infidelitas qualiscunque, seu Judaica, seu Ethnica, seu hæretica (tot enim sunt ejus species) quocunque colore aut prætextu, gehennam effugiet. Deinde viros ingeniosissimos, doctissimos, in divinis scripturis versatissimos, magistros & Doctores Ecclesiæ laudatissimos (quales per orbem universum, in omni ætate, non pauci floruerint) nulla poterit ignorantia, ab interitu vindicare, quum illis clavis scientiæ & munus docendi commissum sit: sed sicut indoctus præceptor graviore multa dignus est, quod, quum sit ineptus ad docendum, cathedram ascendat: ita Doctores errantes, & in errorem inducentes, digni sunt, qui plagis vapulent multis: sicut populus cæcus cæcos duces sequens, etsi plagis vapulabit paucioribus, vapulabit tamen, & cum cæcis ducibus in foveam cadet, Matt. 15. 14. Luc. 12. 48. Matt. 15. 14.

## GOMARUS.

**G**RAVE profectò crimen est, condemnare præ se orbem universum: nec levius est, Costere, quòd immerentibus, id criminis impingis. Etsi enim hæreticorum patrocinium suscipere, nec jure possim, nec velim; pios tamen Dei servos, quos hoc nomine odio, cum reliquis adversariis vestris involvis, adversus injustam accusationem tuam tueri veritas & charitas Christiana jubent. Quarum utramque, indignè abs te hoc loco violatam, comperio. Primum enim, quænam ea differendi est ratio, quod toties tibi assumis, vestram doctrinam esse antiquam illam majorum religionem, adversarios vestros hæreticos & doctrinam eorum novam, quum id in controversia maximè versetur? Mala certè causa, non melioribus digna firmamenti! Nam quis adeò

desipit & contra rei veritatem liberalis est, ut id vobis largiatur? Frustra tam graves agitantur controversiæ, frustra tantum operæ in Enchiridio tuo perscribendo impendisti, si id, quod vobis arrogas, citra controversiam, concedendum. Negamus, Costere, negamus vestram doctrinam esse antiquam illam Apostolorum & orthodoxorum Patrum doctrinam: novitatem, quam nobis affingis, non agnoscimus, & ad sacrarum literarum judicium (quod tantopere pertimescitis) & ad orthodoxorum patrum consensum (quem tam confidenter jactatis) provocamus. Hinc causæ vestræ argumenta desume, siquid obtinere voles: & quod in quæstione versatur, rationis loco adducere, desine: ne, apud prudentem lectorem, justum doctrinæ Pontificiæ contemptum, concilies. Deinde verò, ut hoc imbecille & controversum ecclesiæ vestræ fundamentum omittam, quàm sanctè de majoribus judicas? Agnoscimus unam esse fidem, si fundamentum consideres, sed circumstantiarum tamen ratione certi cognitionis & fidei sunt gradus. Itaque qui fundamentum fidei evertunt, illos verbum Dei à salute excludit: qui verò aliter in reliquis, infirmitate quadam humana, sentiunt, eos minimè damnandos, cum sacris literis, censemus, 1. Cor. 3. 11, 15. Phil. 3. 15. Quare quod inferis, *Perierunt ergo omnes majores nostri*, id minimè consequitur. Quamvis enim omnes adversus veram religionem errores damnationem, ut reliqua peccata (Deut. 27. 26.) mereantur: non omnes tamen exitium adducunt: sed plurimi, si fundamentum piè retineatur, à Deo gratiosè condonantur. Nam si, ad rigidam judicii tui lancem, orthodoxos Patres examinare lubeat, non solum Originem & Tertullianum, sed etiam Cyprianum, Chrysostomum, Hieronymum, Augustinum, Hilarium cæteraque antiquæ ecclesiæ lumina, quibus sui (ut postea ostendemus controversia 2. de Ecclesia) in religione non defuerunt errores, condemnabis. Quare dum adversariorum vestrorum, in damnandis Patribus temeritatem probare studes, in eandem iniquitatem imprudenter incidisti. Ut vero à primis illis Patribus, ad posteros & propinquiores descendamus, nunquam suis fautoribus destituta fuit veritas. Quamvis enim, Romani Pontificis tyrannide, depressa fuit ecclesiæ libertas; nunquam tamen ita oppressa, quin semper durarit, & liberam vocem subinde ediderit, ad Dei gloriam & Babylonis ruinam. Hinc illæ Romanæ Ecclesiæ lachrymæ & in cætum piorum (quem odiosè Waldensium, Wiclephistarum, Hussitarum & similium nominibus infamem reddere studuit) crudelitas subsecuta est. Quam veritatis oppugnationem densioribus ignorantiae tenebris, Deus justissimè vindicavit. Quare non est, cur tam verbosè, magistros & doctores vestros à veri ignorantia purgare, studeas. Nam quum, rejecta divini verbi norma & lucerna, ad humana commenta, se totos conformarint, quid mirum est eos, gravissimè hallucinatos, in errorum scopulo impigisse? Etenim

Etenim ut adversarii vestri sileant, scripta ipsorum, quæ tam fœdè cum sacris literis & inter se dissentiunt, id apertissimè demonstrant. Quod quum hoc loco probare sit facillimum, in controversiam de Ecclesia, ubi commodior futura est occasio, differemus. Quare reliqua hoc loco excutiamus.

## COSTERUS.

**P**RÆTEREA majores nostri magna deliberatione, diligenterque inquisitione ac maturo judicio adhibito, hæreses omnes, quæ post ipsos exortæ fuerunt, exploserunt atque ejecerunt: quomodo ergo eos, harum rerum ignaros atque insolentes fuisse, credibile est? Nam quod ad nostra quidem atinet tempora, nulla ferè est excogitata hæresis, quæ olim, licet diversis temporibus, notata, & totius Ecclesiæ anathemate icta, non fuerit. Errores de fide explosi sunt in Eunomio & Aëtio; de sanctissima Eucharistia in Berengario; de veneratione sanctarum reliquiarum in Vigilantio; de ecclesia in Donatistis; de pœnitentia in Novatianis; de imaginibus in Iconoclastis, &c. Damnant igitur orbem universum hæretici, non exigui sed gravissimi sceleris, blasphemix, infidelitatis, idololatriæ. Ariani, qui post Ebionitas negarunt Christi divinitatem, majores omnes idololatriæ mortuos condemnaverunt. Qui in Eucharistia, præter panem, nihil esse concedunt, coguntur dicere, tot seculis orbem universum pro Deo suo frustum panis coluisse. Qui cultum sanctorum, venerationem imaginum, sacrificium Missæ, sacras ceremonias, meram superstitionem esse docent, omnes omnium temporum atque locorum Christianos, impios atque nefarios in Deum fuisse pronunciant. Anabaptistæ, qui Christianorum Baptismum, pro nihilo putant, Christianos omnes, pro non baptizatis, pro Judæis, atque ethnicis habent.

## GOMARUS.

**M**AJORES vestros mirificè extollis, Costere: sed quum ab eorum antiquissimis, doctrina & moribus, longissimè dissideatis, frustra eorum auctoritatem prætendis. Nam errorem vestrum de traditionibus humanis, quas Dei verbo æquatis, in Phariseis Christus & Apostoli damnaverunt: errorem de Angelorum cultu, post Apostolum Paulum in Ep. ad Col. & Concilium Laodicenum, Chrysostomus, Theodoretus<sup>a</sup>, Epiphanius, Augustinus in Simone Mago & Angelicis; de invocatione & cultu virginis Mariæ, in Collyridianis Epiphanius<sup>b</sup>, & alii Patres: de imaginum Christi veneratione, in Gnosticis & Carpocratianis Epiphanius<sup>c</sup> & Augustinus, de liberi arbitrii viribus<sup>d</sup> & operum meritis in Phariseis & Pelagianis<sup>e</sup>, extremam unctionem in Heracleonitis: & reliquos errores vestros in aliis condemnaverunt. Quæ verò de fide, Eucharistia & cæteris objectas, ea distinctè in controversia de Ecclesia (ubi eadem repetis) explicabuntur. Quare quæ de orbis universi damnatione proponis, vobis potius, quàm adversariis plerisque conveniunt: à nobis verò aliena esse ex superioribus antithesibus apparet. Cæterum quod ais; *Qui in Eucharistia, nihil præter panem esse concedunt, coguntur dicere: orbem universum, pro Deo suo, frustum panis coluisse*: in iis, inquam, paucis verbis, non pauci errores. Nam quis adeò à sacris alienus, quin, in Eucharistia, præter panem, verbum & institutionem divinam agnoscat: qua accedente, fiat sacramentum? sed ea scilicet est vestra sanctitas, ut Christi doctrina repudiata, non panem esse in Eucharistia, sed species tantum & accidentia panis statuatis: sub quibus verum Christi corpus (quod scriptura & articuli fidei cælo ad diem judicii ascribunt) commentitia vestra transubstantiatione abscondatur. Deinde verò gravis admodum in Christum con-

tumelia est, quum frustum panis consecrati, pro vero Deo colitis: & insignis in homines injuria, quod orbi universi idololatriæ vestræ & errorum societatem, ascribis. Nam ut de orthodoxis patribus & ecclesiis Græcis, Syris, Ægyptiis, quæ Pontificis jugum non agnoscunt, nihil dicamus, quamvis jamdiu in Ecclesia Romana publicè frustum panis consecrati, pro vero Deo turpissimè, à plerisque adoratum sit; non dubitamus tamen quin multa piorum millia in ea latuerint, quæ genua sua Baali (ut Eliæ conquerenti respondit Deus 1. Reg. 19. 18. Rom. 11. 4.) nullo modo inclinarint. Nec id solum sentimus ex communi charitatis lege, (1. Cor. 13. 7.) quæ optimam de aliorum salute spem concipit, sed etiam, ex plurimorum testimonium veritatis constantia, habemus exploratum. Quare quum cultum sanctorum, venerationem imaginum, sacrificium Missæ, plerasque sacras vestras ceremonias, meram esse superstitionem docemus, non omnes omnium temporum atque locorum Christianos (ut falsò concludis) impios ac nefarios in Deum fuisse pronunciamus; sed eorum laudamus pietatem, qui idem nobiscum ex sacris literis orthodoxè senserunt: ut in hujus enchiridii tui examine plenius liquebit. Nunquid verò sanctius de iis judicatis?

## COSTERUS.

**N**ON ita contumeliosè sentiunt ac loquuntur Catholici de Majoribus, quorum memoriam sempiternam in benedictione colunt, quorum mores & fidem admirantur, quorum vestigia persequi toto pectore conantur. Ipsorum vox est: *Prima salus est recta fidei regulam custodire & à constitutis Patrum nullatenus deviare*. His semper ante oculos obversatur illud Apostolicum, *Memento te præpositorum vestrorum, qui vobis locuti sunt verbum Dei, quorum inuenies exitum conversationis, imitamini fidem. Jesus Christus heri & hodie ipse & in secula. Doctrinis variis & peregrinis nolite abduci*; Heb. 13. 7. & novis doctoribus omnibus qui Majorum doctrinam non afferunt, sed aliud Euangelium præter id quod à Patribus per manus acceperunt, cum eodem Apostolo anathema dicunt.

<sup>a</sup> Felix Can. 2.

## GOMARUS.

**I**MO verò, quid fieri potest in Patres contumeliosius, quàm, quod errores vestros iis aspergitis: quod eorum scripta, ad veritatem obscurandam pro arbitrio truncatis & adulteratis, ut Indices vestri expurgatorii evincunt? Qua in Patres contumelia, nihil unquam exitit indignius, nihil impudentius: nullumque malæ causæ ac malæ fidei certius argumentum. Quod autem addis, *Ipsorum vox est, Prima salus est recta fidei regulam custodire, & à constitutis Patrum nullatenus deviare*. Agnosco verba Hormisdæ Papæ: quæ quàm feliciter Felici ascribas, videris. De re autem sic statuimus, Primam salutem esse rectæ fidei regulam, hoc est, doctrinam 5. literis (quæ propterea Canonice dicuntur) à Deo traditam custodire, & à constitutionibus Patrum, quatenus ei regulæ consentiunt, nullo modo declinare. Quæ omnino Apostoli mens est, in eo quod adfers præcepto, *Memento te præpositorum vestrorum qui vobis locuti sunt VERBUM DEI*. Et in eandem sententiam Felix primus pontifex, Epist. 3. ad sacrarum literarum fontes, contra Arianos provocat, *Hi, inquit, ignorantes divinarum Scripturarum & Apostolorum jura, ex proprio aut adulterino sensu talia fabricant & seducere corda fidelium quarunt. Nos verò ad ipsius fontis originem redeamus, ex quo, Filium Patrem semper videre potuimus, vel posse, evidentioribus testimoniis de veteris & novi instrumenti literis doceamus*. In qua pia sententia acquiescimus: nec aliud, quam quod ab Apostolis & Euangelistis traditum est, amplectimur.

<sup>a</sup> De Hæres. cap. 39. <sup>b</sup> Contra hæres. lib. 3. Tom. 2. hæres. 79. <sup>c</sup> De hæres. cap. 7. <sup>d</sup> Rom. 10. 3. <sup>e</sup> August. de hæres. cap. 16.

## CAPUT XII.

## ANTITHESIS DUODECIMA.

*Itaque ad duodecimam antithesin progrediamur; quæ vocationis, aut potius executionis illius diversitate, definitur.*

## COSTERUS.

**N**ULLI hæretici, ad sua dogmata nova populo proponenda, legitimè missi sunt: quanquam enim plerique eorum Episcopi, Presbyteri & doctores, ex ordine munus & officium docendi acceperunt, nulli tamen facultas data est, nova decreta fabricandi, sed hoc tantum candidè & syncerè tradendi, quod ei, qui misit, probatur. Quemadmodum enim ei, qui doctor juris publicè renunciatur, non confertur potestas Medicinam vel Theologiam profitendi, sed jurisprudentiam: & legatus ad aliud nihil censetur mitti, quàm ad ea, quæ à Principe accepit negotia tractanda: simili modo instituitur Episcopus aut concionator, ad Catholicam & universalem totius Ecclesiæ doctrinam populo explicandam non ad novas, vel suas, vel aliorum novatorum, opiniones venales exhibendas.

## GOMARUS.

**C**ELEBRIS est profectò de vocatione pastorum quaestio: sed ita à nostris pertractata, ut veritatis studio plenè satisfactum sit. Duo enim ab iis demonstrata sunt, nempe legitima nostrorum pastorum ad Dei verbum (non hominum commenta) promulgandum vocatio, & fidelis illius administratio. Quorum prius nobis non potes derogare: ut antea ostendimus, & hisce verbis non obscurè significas; *quanquam plerique eorum Episcopi, Presbyteri, & doctores, ex ordine munus & officium docendi acceperint*: alterum verò negas, quum ais, *ad sua nova dogmata*: sed accusationis hujus vanitatem, totius operis nostri series, confutabit. Nam quæ ex divinis & antiquis Prophetarum & Apostolorum literis deprompta sunt, novitatis notam non merentur; sed quæ ex humani ingenii vanitate, sacris literis accesserunt. Quorum

amplissimam apud vos copiam extare, ex tam variis traditionibus & ceremoniis vestris, elucet. Sed quid de vestrorum hominum vocatione asseras, attendamus.

## COSTERUS.

**C**ATHOLICI<sup>a</sup> maximam semper legitimæ missionis & vocationis rationem habuerunt: usque adeò, ut multos virtute præcellentes viros, non solum vocare aut mittere; sed cum Mose & Jeremia quasi per vim impellere oportuerit, ut constat de Ambrosio, Basilio, Gregorio aliisque innumerabilibus.

<sup>a</sup> Vide Innocentium 3. de hæreticis, cap. Cum ex injusto.

## GOMARUS.

**S**I Catholici maximam semper legitimæ vocationis habuerunt rationem, inde consequitur vestros Pontifices, episcopos, pastores, nihil minus esse, quàm catholicos. Nam quum libera electio, doctrinæ, morumque examen & approbatio, consensus Ecclesiæ, ad legitimam vocationem pertineant, ut sacræ literæ & vestri canones docent, pleraque in vobis desiderantur: contra verò simonia, ceteræque artes malæ, primas obtinent: ut rei experientia & gravissimorum auctorum vestrorum testimonia declarant. Nam quod sanctus vester Bernardus (de Considerat. lib. 4.) de Eugenio Pontifice ait, *Quem dabis mihi de tota maxima urbe, qui te in Papam receperit pretio aut spe pretii non interveniente*, id plerisque Romanis Pontificibus & Episcopis convenit. Quod si neges, Annatarum (ut appellatis) improbitas, quam sapientes Reges, Principes, Imperatores sæpius frustra tollere studuerunt, & eorum Gravamina conciliis vestris missa abundè demonstrant.

## CAPUT XIII.

## ANTITHESIS DECIMA TERTIA.

*Porro decimam tertiam antithesin, doctrina duratione describis.*

## COSTERUS.

**I**NCONSTANTIA in dogmatis fidei, propria est hæreticis & perpetua. Et illa quidem duplex<sup>a</sup>. Nonnunquam unus & idem ad priorem suam opinionem, tanquam imperfectiorem, adjicere aliquid solet, & doctrinam mutare. Quod fecisse Novatianos confirmat D. Ambrosius Lib. 1. de poenit. cap. 2. qui quum prius docuissent, nullum posse peccatum in ecclesia condonari, postea Catholicorum argumentis convicti, exceperunt leviora. Pelagianos scribit D. Augustinus Hæres. 88. ad Quod vult Deum, quum principiò orationes, quæ ad gratiam Dei impetrandam fieri solent, damnavissent, postea palinodiam cecinisse. Ariani Christum nunc heterouision, nunc homoouision dicebant, & singulis ferè conventibus novas formulas fabricabant. De inconstantia Berengarii multa Guitmundus. Loci communes Philippi Melancthonis, vivente auctore, vix unquam sine novo errore typis mandati fuerunt. Confessio Augustana, initio quidem contra Calvinianam disciplinam aperte decertavit, postea ejus adversus Lutheranos patrona & vindex facta est. Non minor inconstantia & dissimilitudo in discipulis hæreticorum apparet: qui ut auctoritatem sibi parent, & in numero doctorum & sapientum virorum habeantur, ad impiam præceptorum doctrinam, aliquid, & id quidem fere deterius, apponere solent: sicut videre est in omnibus discipulis Simonis Magi, Arii, Donati & cæterorum omnium. Hinc nulla unquam hæresis

<sup>a</sup> Prior inconstantia.

sola constitit, sed quum plures unum doctorem audirent, quod ingenii ostentandi gratia alius aliud adderet, profeminatæ sunt varix, quasi familiar, dissentientes inter se & multum disjunctæ & dispares. Ex officina Simonis Magi exiit pene innumerabilis diversorum hæreticorum multitudo usque ad ipsos Manichæos: qui postea in Catharitas, Macarios, & in propriè dictos Manichæos, sunt dispersiti. Ab Aëtio orti sunt Macedoniani, Aëriani, Aëtiani, & alii plurimi, sicut hac tempestate à Lutherò, Calvinistæ, Anabaptistæ, Confessionistæ emanaverunt. Pars Donati (inquit D. Augustinus Lib. 1. contra Donatum cap. 6.) *in multa minutissima frustra confissa fuit.*

## GOMARUS.

**M**AGNA & laudabilis est virtus, in doctrina puriori, constantia: turpis contra inconstantiam macula. Ac propterea, quum modis omnibus adversarios vestros superare coneris, iis duplicem inconstantiam objectas. Quarum priorem statuis in Doctoribus, quod suam doctrinam mutant. Cujus rei, ut veterum hæreticorum exempla (quæ nos non attingunt) producis; sic etiam pii & orthodoxi viri Philippi Melancthonis locos communes indignè accusas. Exprobras enim, quod vivente auctore, vix unquam, sine novo errore, typis mandati fuerint: sed qua ratione id confirmas? An quod librum suum ad ecclesiæ utilitatem auxerit & illustravit? at hac ratione Enchiridion tuum: condemnabis,

Oooo 4



bis, quod nuper aliquot locis & bona controversiarum parte locupletatum atque emendatum, in fronte & titulo libri profiteris. Deinde verò, ut id vobis ad accusationis tuæ iniquitatem amplius convincendam largiamur, mutavit sanè aliquid in doctrinæ modo; quum in melius mutarit, non odium aut dedecus, sed laudem & amorem promeretur. Nec etiam mirandum est, eum, qui in densissimis Papatus tenebris erat enutritus, ex iis emerisse paulatim, & diligenti sacrarum literarum examine, & pia Dei invocatione, in veritate profecisse. Quæ progressus ratio in antiquis etiam Patribus observari potest. *Ego* (inquit ingenuè ac piè Augustinus Epist. 7.) *proinde fateor, me ex eorum numero esse conari, qui proficiendo scribunt, & scribendo proficiunt.* Quæ pia mente errores suos non paucos, per varios libros dispersos, virum sanctissimum retractare non puduit: ut quos imprudentia sua & auctoritate in errorem adduxerat, hac Christiana palisodia, in veritatis viam secum revocaret. Quem sanè, si tam re imitari, quam verbis extollere studeretis, plus apud vos pietatis & sinceræ doctrinæ eluceret. Deinde verò ad confessionem Augustinam quod attinet, non mirum est si eandem, ex Philippi Melancthonis auctoris mente, interpretemur. Itaque frustra ex hisce, nostrorum doctorum in doctrina inconstantiam, probare studes. Nec melius etiam discipulorum inconstantiam demonstras. *Apparet sanè ea* (quam statuis) *dissimilitudo in discipulis hæreticorum; qui, ut auctoritatem sibi parent, & in numero doctorum & sapientum virorum habeantur, ad impiam præceptorum doctrinam aliquid, & id quidem ferè deterius apponere solent:* sed quid illud quæso ad Ecclesias nostras pertinet? Nam primum demonstrandum tibi est, Costere, præceptorum nostrorum doctrinam, quam sequimur, esse impiam, aut ab aliqua pia illorum sententia nos recedere. Nam quum Calvinus & alii in veritatis stadio longius progressi sunt, quam Lutherus (qui ut vir fuit maximus & de ecclesia optimè meritis, sic residuum aliquid fæcis pontificiæ, in doctrina de sacramentis, retinuit) iniquè eos inconstantia & erroris insinuas. Denique quod ais, à *Luthero Calvinista, Anabaptista, Confessionista emanaverunt*, injuriis abundat. Primum enim quod Calvinistas eos nominas, qui in Christi nomen baptizati sunt, ejus solo verbo omnia reformanda docent, & in Christo solum gloriantur, convitium est, à rei veritate & charitate Christiana alienum. Nec enim Calvinum novæ doctrinæ auctorem agnoscimus, sed fidelem antiquæ sacræ scripturæ præconem: nec in verba illius juramus, sed eatenus tantum sequimur, quatenus Dei verbum fideliter proponit. Deinde verò quod Calvinistas à Luthero emanasse affirmas, mera ac solita vestra calumnia est. Nec enim Lutherus auctor doctrinæ nostræ, sed propagator tantum. Denique quod Anabaptistas ab eodem profluxisse objicis, pari omnino ratione & jure, Simonem Magum, Ebionem, Cerinthum, aliaque hæreticorum portenta (quæ in ecclesia Apostolica à puritate doctrinæ defecerunt) Apostolis ascribes. Itaque refutata accusatione tua, reliquum est, ut quæ ad Romanæ ecclesiæ laudem proponis, expendamus.

## COSTERUS.

**V**ERUM Ecclesia Catholica, tot circumfremmentibus hæresium & innumerabilium sectarum procellis, sui semper similis, stabilis ac prorsus immobilis persistit. Est enim *columna & firmamentum veritatis*, 1. Tim. 3. 15. & à sapiente architecto, super firmam petram ædificata, *adversus quam porta inferi non prevalebunt*, Matth. 16. 18. Et licet in rebus ad fidem non pertinentibus, diversi diversa sentiant, sive illa philosophica sunt, sive Theologica: licet non uno more institutoque vivatur in Ecclesia Catholica (alia enim est secularium, alia Ecclesiasticorum, alia monachorum vivendi ratio) licet varii sint religionum ordines, sicut & secularium, & Ecclesiasticorum hominum plures sunt gradus: in dogmatibus tamen fidei, est unus omnium consensus. Et quamvis forte nonnulla melius fuerint posterioribus temporibus enucleata, prout necessitas postulavit, nihil tamen unquam in Ecclesia creditum fuit à posteris, quod cum fide Patrum vel pugnet, vel ab illa quoquo modo discreparet.

## GOMARUS.

**E**ST sane, Costere, Ecclesia vera, *columna & firmamentum veritatis* & super firmam petram ædificata & ab exitu libera; quamvis non ab omni periculo & jactura: ut tristis multarum ecclesiarum & verè piorum casus sæpius demonstravit, & in controversia de ecclesia, plenius exponetur. Quod autem hanc veræ Ecclesiæ laudem Romanæ ecclesiæ ascribes, vobis libenter largiemur, ubi veritatem doctrinæ vestræ, ex sacris litteris comprobatis. Verum quum ab iis ad humana commenta & fabulas defeceritis, & Christum unicam illam ecclesiæ & salutis petram esse pernegetis, inanem vestram jactationem prudentes vident. Nam quod vestrorum Doctorum perpetuum consensum extollis, id ex accurata eorum comparatione in controversia De Ecclesia pluribus & apertissimis contradictionibus ipsorum diluetur. Ex quibus perspicuè summa doctorum Pontificiorum cum sacris litteris, orthodoxa antiquitate, & inter se dissensio, & doctrinæ ipsorum turpitudine, apparebunt.

## CAPUT XIV.

## ANTITHESIS DECIMA QUARTA.

*Quare ad postremam Antithesin, quæ in miraculis consistit, transeamus.*

## COSTERUS.

**V**IDENTUR denique ad unum omnes hæretici contra miracula, quæ per sanctos in ecclesia Dei fiunt, conjurasse. Quum enim nulla illi vera miracula, ad sua dogmata stabilienda, patrare possint, nec à sua perfidia, Catholicorum miraculis, abduci velint; necesse est, ut ea, vel pro dæmonum operibus (more Phariseorum, qui divina Christi opera, principi dæmoniorum Beelzebub, ascribebant) vel pro fictis & commentitiis habeant. Conatus quidem fuit Cyrola Episcopus Arianus (ut est apud D. Gregorium Turonensem Lib. 2. Hist. Francorum cap. 5.) cuidam, qui se cæcum simulaverat, lumen restituere; sed ita parum negotium successit, ut videntem lumine orbaverit. Ex hoc odio miraculorum ed audaciæ & insanix proruperunt hæretici, ut quum populum miraculis commoveri cernant, sacras reliquias & imagines, ad quas ejusmodi mirabilia Deus operari dignatur, disturbent, confringant, exurant.

<sup>a</sup> De Arianis B. Ambros. Serm. 91.

## GOMARUS.

**U**T magna est verorum miraculorum præstantia, sic non perpetua est eorum necessitas. Itaque quod adversariis vestris eorum exprobras inopiam, eadem Chrysostomi sententia, quam ipsemet postea subjicis, respondemus. Etenim si miracula requiris, producimus tibi Prophetarum, Christi & Apostolorum miracula, omni exceptione majora: Quibus ea doctrina, quam tuemur, ante multas annorum centurias confirmata est. Nam quod de novitate doctrinæ nostræ perpetuè regeris, eadem facilitate & majori jure à nobis negatur, quam à vobis asseritur. Nos enim ad sacrarum literarum examen & judicium, Christo duce, provocamus: vos verò, nocturnarum instar, lucem & summum earum judicium subterfugitis ac detrectatis. Scilicet ut inde omnibus constet, quantum doctrina vestra fidei mereatur. Miracula verò vestra ejusmodi sunt, ut ea non immerito adversarii vestri aspernentur; quod (ut rectè opinaris)

vel

vel pro demonum operibus, vel pro fictis & commentitiis habent. Nam ut omnia Christi miracula (quæ impiè à Phariseis damnabantur) fuerunt reverà miracula divina, & ad sacram literarum doctrinam confirmandam edita: sic contra, quæ à vobis tam prolixè commendantur, ad erroris patrocinium & doctrinam Dei verbo repugnantem, vi dæmonis aut arte humana effecta: aut ad rudiores fallendos, à vobis conficta sunt. Ut enim Christophorum & similes sanctos, qui nunquam in rerum natura extiterunt (quod doctores Pontificii Villa-vicentius & Baronius agnoscunt) fabulosè estis commenti: miracula plurima pari fraude & impudentia confinxistis. Nam, ut alia infinita omittam, quid absurdius & indignius fingi potest iis miraculis quæ Aurea vestra Legenda, Conformitatum libris & Sanctorum vestrorum, Bonaventuræ Cardinalis Legenda, & Antonini Episcopi Historia, de Dominico, Francisco, & reliquis ejus farinae sanctis vestris referuntur. Ea enim adèò à miraculorum divinorum gravitate & sanctitate abhorrent; adèò putida sæpe & insulsa sunt, ut referre pudeat. Cæterum quia non solum vulgò & imperitis probantur, sed etiam à sanctis vestris conscripta, à summis doctoribus & monachis vestris confirmata, & non ita pridem, consensu Pontificio, iterum in lucem edita sunt: quædam ex iis in controversia de Ecclesia recensito; ut admirandam miraculorum vestrorum absurditatem lectores cognoscant. Interim præterire hoc loco silentio non possum, Lauretani facelli fabulosissima miracula, quæ ab Horatio Turbellino Romano Jesuita, in Lauretana historia Moguntia hoc anno 1590. edita, & Clementis octavi Romani Pontificis privilegio confirmata, describuntur. Narrat enim (Hist. l. i. c. i.) domum beatæ virginis, funditus cum simulacro ipsius, è Galilæa Angelorum ministerio per aërem transportatam primum in Dalmatiam: atque inde secundo (cap. 5. & 6.) post quinque menses, in Italiam, in Pyceni Sylvam: unde tertio, (cap. 7.) post octo menses, in collem duorum fratrum: postremò (cap. 8.) inde, post paucos menses, in eum collem, ubi nunc visitur, translatam. Hisce miraculis simile est quod ais, (cap. 9.) *venienti domicilio arbores obvias velut venerabundas incluisse se: ac deinde pronas persitisse, quoad ævo, ventis, ferro procumberent.* Alia, parvi momenti, omitto; quæ summam vestrorum sacrificulorum & Jesuitarum, in miraculis fingendis & spargendis, impudentiam perspicuè demonstrant. Omitto fœdam illam Sacelli Lauretani inscriptionem. *Hic tabernaculum Dei cum hominibus*, & Leonis Papæ reliquorumque idololatriam: quæ eadem historia recensentur. Itaque quod à miraculis vestris tantoperè abhorreamus, nulla id contingit infamia vel audacia (ut perversè judicas) sed sancto idololatriæ odio & iusto gloriæ divinæ amore. Quis enim adèò vestrarum rerum imperitus, ut varias fictorum miraculorum imposturas non observet? Quis adèò inhumanus, ut eum simplicioris populi, à vobis gravissimè seducti, non misereatur? Quis denique adèò amore Dei vacuus, ut reliquias vestras & imagines, quibus miserè rudiores fascinatis, tanquam perniciofa idololatriæ instrumenta disturbare, confringere, exurere, si auctoritate magistratus jubeatur aut probetur, non contendat? Nam si hujus rei confirmationem ex sacris literis desideres, ne longius evageris, secundum tantum decalogi præceptum & Dei explicationem attende; & quàm justa judicii lance imagines vestras ponderemus & æstitemus, faciliè comperies. De reliquiis verò quid dicam? Etenim quum nec certæ apud vos extent sanctorum reliquiæ, nec rectè honoretis: miraris, quod eas aversemur? nam quid certi in iis esse possit quum eadem corpora, capita, & reliquias sanctorum, variis in locis, eodem tempore extare, turpissima contradictione fingatis & turpiori idololatriæ adoretis? Quod adèò rei experientia perspicuum est, ut probationem ampliorem non desideret, & quam plurimis ac claris exemplis apertè & prolixè à fidelissimo Christi servo Joanne Calvino, in *Admonitione de reliquiis sanctorum* demonstratum est. Deinde verò etiam si quædam certæ apud vos sanctorum corporum essent reliquiæ, iis tamen non justum sepulturæ

honorem deferretis, sed Dei gloriam, insigni idololatria in eas transferendo, contaminatis indignis modis. Siquidem thura religiose illis adoletis, cereos in earum honorem accenditis, genuflectitis, magna pompa circumfertis & adorandas ostentatis: nec denique prætermittitis quicquam, quod idolis suis ethnici detulerunt. Quare quum reliquias vestras adèò honorandas statuatis, nihil solidæ pietatis aut frontis vobis reliquum esse apparet, ut ex sequentibus magis elucet.

## C O S T E R U S.

**C**ATHOLICI è contrario sanctorum miracula & admirantur & venerantur: quippe quæ signa sunt, vel sanctitatis eorum, per quos efficiuntur, (sive vivant illi adhuc in terris, sive beatam cum Christo in cælis vitam degant) vel orthodoxæ fidei & doctrinæ, quam profitentur. Certè Christus Dominus, posteaquam plurima miracula, ad doctrinam suam in vulgus probandam persuadendamque edidisset, sub finem vitæ de Judæorum pertinacia conquerens, *Si opera*, inquit, *Joh. 15. 24. non fecissem in eis quæ nemo alius, peccatum non haberent*: non obscurè significans ad novam doctrinam inducendam miracula esse necessaria. Et quamvis<sup>b</sup> Catholica fides, tot seculorum decursu per orbem universum confirmata, miraculis non egeat, sed illa potius indigeat, quæ nova hæcenus & omnino inaudita, pro vero Dei cultu jactatur; multistamen miraculis, etiam nunc, ad sacras imagines & divorum reliquias, illustratur Ecclesia, & fidei nostræ veritas comprobatur: quum hæretici (qui hoc quasi diplomate divinæ voluntatis, missionem suam, in novo isto reformandi orbis studio, confirmare deberent) ne minimum quidem signum edere potuerunt.

<sup>a</sup> Amb. Ep. 5. Aug. lib. 22. De Civit. c. 8. <sup>b</sup> Chrysost. Hom. 14. in Mattheum. Patian. Ep. 3. ad Sympronianum.

## G O M A R U S.

**Q**UIS neget sanctorum miracula in pretio habenda? sed non omnes sancti, quos eo nomine insignitis, nec omnia vera & divina miracula, quæ à vobis tam prolixè jactantur. Ostende, si potes, talia vestrorum sanctorum esse miracula (si quæ forte speciem eorum habere possunt) qualia Servatorem nostrum edidisse constat: & pari honore amplectenda agnoscemus. Verum summa auctorum, formæ, & finis diversitas secus omnino demonstrant. Nam si quis seriò & candidè legendas vestras, quibus Romanæ ecclesiæ miracula recensetis, perlustret, & aniles illas fabulas cum sacram literarum gravitate & sanctitate contulerit, non magis lucem cum tenebris, quàm illa inter se dissentire, comperiet. Atque eadem est expositionis tuæ & sententiæ Christi, quam adducis concordia. Ait ille quidem: *Si opera non fecissem in eis quæ nemo alius fecit, peccatum non haberent*, Joh. 15. 24. Sed an inde (ut falsò interpretaris) non obscurè significavit, ad novam doctrinam inducendam, miracula esse necessaria? An igitur doctrina Christi nova, quam ex Mose probat, & ad sacras literas examinari jubet? Patienter ferte fideles Christi servi, quod qui Christi domini nostri doctrinam novam appellant, vestram similiter, quam ex sacris literis à Christo accepistis, novitatis acculent. Deinde verò fœdus est error, quod novam doctrinam in Ecclesia Dei, miraculis confirmari posse, doces, & hac lege miracula ab adversariis vestris, quasi divinæ voluntatis diploma, requiris. Nos contra si vel mille ad novam doctrinam stabiliendam prodirent miracula, Pauli, imò Spiritus Sancti sententiam opponimus, *Sed etiam si nos, aut Angelus è calo evangelizet vobis, præter id quod vobis evangelizavimus, anathema esto*, Gal. 1. 8. & Christi monitum & præceptum, *Surgent Pseudochristi & Pseudopropheta & edent signa magna & miracula: ita ut seducant (si fieri possit) etiam electos. Eoce prædixi vobis. Itaque se dixerint vobis ecce (Christus) in deserto est: ne egredimini; ecce in conclavibus, ne credite*, Matth. 24. 24, 25, 26. Verum de hoc argumento, copiosius in controversia de Ecclesia differemus.

## CAPUT XV.

*Quamobrem ex harum Antithesium refutatione satis apparet, Pontificios doctores non esse fideles veritatis pracones, sed errorum patronos: ac propterea ab omnibus salutis sua amantibus sedulo fugiendos. Quod ut magis fiat perspicuum, alteram Praefationis partem paucis percurramus, quam proponit.*

## COSTERUS.

*De ratione agendi cum Hæreticis.*

**M**AGNUM est discrimen (inquit B. Augustinus ad Honoratum de utilit. cred. cap. 1.) inter Hæreticum & eum qui credit Hæretico. Ille compendii sui & præcipue gloria principatusque gratia, novas & falsas opiniones, vel gignit, vel sequitur: hic verò ejusmodi hominibus specie quadam veritatis & pietatis assimulata deceptus fidem habet. Hac significatione, Hæreticum post unam & secundam correptionem vult vitandum D. Paulus Tit. 3. v. 10. quia subversus est ejusmodi & proprio judicio condemnatus. Veteres quoque Patres omnes communi consensu disputationem, cum proprii nominis hæretico, dissuadebant: quod ejusmodi concertatio (ut dicebat apud Sozomenum Nectarius Patriarcha Constantinopolitanus Hist. Tripart. lib. 5. cap. 18.) non solum schismata non uniret, sed amplius divideret. Nam sicut vulpes, nec mansuecit unquam, nec cibo utilis est (ut ait B. Ambrosius lib. 7. in Lucam) ita neque hæreticus, vulpeculæ nomine, in divinis literis designatus. Contentiosi enim nimium sunt hæretici (ait B. Cyrillus Lib. 2. thesaur. cap. 1.) & quia perversi sunt & decreverunt animo non mutare sententiam, quodcunque etiam contigerit, inquit B. Chrysostomus, Homil. 6. ad Titum.

## GOMARUS.

**E**TSI pleraque, quæ, de ratione agendi cum hæreticis, adducis, nos minimè attingant; sed communia utrique parti sint præcepta: ea tamen breviter ad ecclesiæ institutionem & veritatis divinæ gloriam excutiemus. Magnum est, fateor, inter hæreticum & eum qui credit hæretico discrimen: sed illud indignissimis modis à Romana ecclesia violatur. Nam primum hæresis crimen, non ad sacras veteris & novi Testamenti tabulas (ut fieri oportebat) sed ad humana pontificum vestrorum placita, examinatis. Unde veritatis cælestis assertores laudatissimi, qui, ad verbi divini normam, doctrinam vestram reformare student, infami hæreticorum nomine onerantur à vobis, & summis suppliciis, à veritatis propagatione deturbantur. Deinde non solum doctores, qui à doctrina vestra recedunt; sed eos etiam qui illis fidem aliquam adhibent, imò verò vel tantillum favoris demonstrant, hæreticorum numero accensetis ac trucidatis. Nam (ut summus vester doctor ait) *inquisitores hæretica pravitatis procedunt ex presumptione, & tenentur punire vel hæreticum eum, qui ex dictis vel factis convincitur esse hæreticus, etiamsi revera non sit hæreticus.* Ad quam crudelitatem magis ac magis accendendam, faces à vestris doctoribus adhibentur. Nam quum hæresim definiant *errorem pertinacem catholica fidei manifestè contrarium in eo, qui fidem Christi profitetur: & pertinacia temporis moram requirat, ut Pontificii prudentiores agnoscunt, alii tamen (quod id tyrannidi suæ obstare animadvertunt) turpi contradictione & turpiori improbitate adversantur.* Nam quum videant sæpius infinita imperitorum virorum, & faminarum, rudium adolescentium, tenellarum virginum, millia, levi heresim suspitione oborta, nullius erroris revera (nedum pertinaciæ) convicta, ad crucem, ferrum, fossam, flumen, flammam raptari; ut hujus injustitiæ & crudelitatis infamiam levent, vocum naturam pervertunt, & eos qui scientes à Romana Ecclesia (quam solam veram ecclesiam agnoscunt) vel tantillum deflectunt, pertinaces vocant. Sic enim (ut alios fileam) Salamanticæ academici

a Dominicus Bannes in 2. 2. Thomæ qu. 11. art. 2. b Ibidem.

in Hispania: Professor primarius antepaucos annos scripsit, *Deceptus est Sylvester (observa Pontificiorum Doctorum consensum) in verbo hæresis. 1. §. 2. ubi ait, necessarium esse temporis discurritatem & perseverantiam aliquam, ut quis dicatur pertinax. Quod falsum est; quia in momento, quo aliquis sciens auctoritatem ecclesiæ sibi contrariam, assensit alicui propositioni, statim pertinax est in suo assensu. Eodem etiam pertinent, quæ postea subjicit, si quis dissentit alicui propositioni, si vera sit, si vera falsa, neque pertineat ad fidem: erit tamen hæreticus, si putat oppositum ejus, quod ipse sentit, definitum esse ab Ecclesia. Quia tunc habet errorem pertinacem; scilicet non est in unum verum quod definitur ab Ecclesia de fide. Hoc scilicet est observare magnum illud inter hæreticum & eum qui credit hæretico discrimen! Sed ea iusta Dei vindicta est, ut, Madianitarum instar, mutuis gladiis concidatis. Cæterum quæ, in disputatione cum hæreticis & iis qui hæreticis fidem habent, observanda mones, perpendamus.*

a Dominicus Bannes in 2. 2. Thomæ qu. 10. art. 11.

## COSTERUS.

*Quatuor servanda cum hæretico.*

**S**I tamen vitari nequeat congressus, ne sine fructu eorum saltem qui audiunt, voces mittantur, quatuor quæ sequuntur videntur utiliter observari posse. Primum, ut respondentis potius, quam oppugnantis personam, sustineas; eò quod facilius sit, argumenta in contrarium allata confutare, quam superbum & arrogantem adversarii animum rationibus convincere, qui omnes rimas evadendi quærit, scripturas torquendo, mutilando, rejiciendo. *Quid promovebis* (ait Tertullianus Lib. de præsc.) *experientissime scripturarum, quum si quid defenderis negetur: è diverso si quid negaveris, defendatur, & tu quidem nihil perdes, nisi vocem in contentione; nihil consequeris, nisi vilem de blasphemiam laudem.*

## GOMARUS.

**R**EVERA, quemadmodum deplorati hæretici indigni sunt, cum quibus de Religione amplius disputetur: quod, Camarinæ instar, commoti, sordibus suis & blasphemis (ut Tertullianus Lib. de præsc. observavit) Dei gloriam & pios auditores conspurcent: tamen quando periculum subest, ne tenellas Christi oves à veritate, seducant; agendum est fortiter, iisque ne noceant (ut Apostolus Tit. 1. 11, 12. docet) obturanda sunt ora. Qua in re sæpius eorum mendacia oppugnare & expugnare longè facilius est ac tutius, quam intricatos Sophistarum nodos expedire. Ad eò enim plerumque crassi & fædi sunt multorum errores; ut levi momento, etiam à minus in religione exercitatis, queant refutari: contra adeò speciosæ interdum falsorum doctorum objectiones, ut etiam exercitatis negotium facessant? Nam quod Hieronymus de Lactantiò adversus gentiles disserente In Epistola ad Paulinum de institut. Monachi ait, *utinam tam nostra confirmare potuisset, quam facile aliena destruxit:* id non immeritò de plurimis aliis, qui cum hæreticis disceptarunt, usurpari potest. Quamobrem tutissima & optima cum hæreticis disserendi via est, ut ex Pauli præcepto<sup>a</sup>, non solum scuto fidei nos muniamus, sed etiam gladio spiritus, hoc est, Dei verbo adversarios jugulemus. Cujus egregia illa Hieronymi sententia (in Esa. cap. 13.) consentit, *Filios hæreticorum & omnium qui decepti sunt, interficiamus sagittis spiritualibus, id est, Testimoniis Scripturarum.* Deinde ut errores

a Ephes. 6. 16. 17.

inter

inter se devincti & concatenati sunt, superbus & arrogans adversarius ad absurda illa, quæ ex hæresi ipsius oriuntur, adigendus est; & tumultuari desinet: aut, si fronte amissa, non cedat, auditores saltem, ab eo abhorrentes, in veritate magis firmabuntur. Quam convincendi præfractum adversarium rationem, non solum Apostoli<sup>a</sup> secuti sunt, sed etiam ex communi naturæ judicio Ethnorum<sup>b</sup> sapientes præscripserunt. Quare ut minus peritum lectorem, ad Pontificiorum hæreses superandas, instituam; nihil ad eam rem præstantius est, quam ut earum absurditas, & quam graves errores inde necessariò consequantur, adversarii naribus & auditorum auribus ingeratur. Nam quod contra præfatos hæreticos disputans ait Irenæus Lib. 2. c. 12. *Adversus eos victoria est sententia eorum manifestatio: quapropter conati sumus universum male compositum vulpecula huius corpusculum, in medium producere & aperte facere manifestum: jam enim non multis opus erit sermonibus ad evertendam doctrinam eorum, manifestam omnibus factam*: id inquam, de Romanæ Ecclesiæ doctoribus & religione meritò affirmari potest. Nam ut perspicue convincantur, demonstretur, quam indignè sacrarum literarum auctoritatem humanis traditionibus componant, imò postponent<sup>c</sup>: & summa illarum capita, legem Dei & Evangelium violent.

Ac primum quàm turpiter *primum & secundum* legis divinx præceptum idololatria sua plusquam Ethnica infringant, & Dei honorem, ad creaturas rapiant ac traducant: quam horrendis a incantationibus salem, aquam, vinum, herbas, aliaque magiæ Pontificiæ instrumenta, contra *tertium Dei præceptum*, indigna nominis Dei profanatione exorcizant, & tanquam salutis subsidia commendunt. Quàm multos in ordinem Sanctorum retulerint & adorent, qui aut<sup>e</sup> nunquam, aut impii extiterunt: quam multa iis<sup>f</sup> festa, templa, altaria consecrarint: quam varios religionum modos, & diversos Ecclesiæ ministrorum ordines, præter Dei verbum & Ethnorum exemplo instituerunt, & sædissimis, ut vocant, <sup>h</sup> Taxis & Annatibus divendant. Quibus omnibus modis *quartum Dei præceptum* violatur. Declaretur etiam, quàm indignè magistratus, patriæ patres, à Pontificibus, non solum debito honore, contra *quintum præceptum*, fraudentur, sed etiam ad<sup>i</sup> pedum oscula & nonnunquam ad<sup>k</sup> conculcationem detrudantur: exponatur quanta immanitate ad infideles, quod regnis suis cedere nolint, evertendos, classicum canant & bellum quod nullo divino aut humano jure sacrum appellant, pro arbitrio, cum infinita Christianorum perniciæ, accendant: addatur, quàm crudeliter à doctrina Pontificia vel leviter diffidentium sanguinem, contra *sextum Dei præceptum*, Inquisitorum tyrannide effundendum, sermone & re ipsa<sup>l</sup> doceant. Explicetur quàm turpiter omnium sacerdotum & monachorum (licet plerique continentia destituantur dono) cælibatum non solum matrimonio præferant, sed etiam scortationem eorum matrimonio meliorem, contra *septimum Dei præceptum*,<sup>m</sup> affirmant. Indicetur quàm injustè Pontificii monachi & sacerdotes contra *octavum præceptum*, non solum non dent Cæsari quæ Cæsaris sunt, Matth. 22. 21. Sed etiam è contrario illius & regum aliorum regna, pro summa potestate arbitrioque Pontificis, dari, minui, & auferri posse<sup>n</sup> statuunt. Quemadmodum revera sæpius iustis dominis Pontificum<sup>o</sup> sententia erepta & injustis tradita esse, Germaniæ, Galliæ, Navarræ, Indiarum, Judææ & aliorum regnorum exempla & Pontificiorum historiæ luculenter evincunt. Aperiatur non solum quàm perfidè, fidem datam, cum ipsis utile est, violent; sed etiam, quàm impudenter fidem hæreticis non servandam, contra *nonum Dei præceptum*, concilii Constantiensis (sess. 19.) auctoritate, definiant. Denique monstratur, quàm profanè concupiscentiam, contra *decimum præceptum*, & Apostoli definitionem, concilio Tridentino (sess. 5.) peccatum esse negent, & secus sentientes

anathemate feriant. Ex quibus apparet quum Deus præceperit ut legis ipsius præcepta omnia accuratè observentur, & maledictionem iis sit interminatus, qui non permanserint in omnibus, (Deut. 27.) Pontificem & Pontificios doctores id studuisse, ut nullum eorum inviolatum permitterent.

#### Contra Evangelium.

Si verò à lege Dei, decalogo comprehensa, ad Evangelium (cujus summa duodecim articulis fidei & sacramentorum institutione continetur) devenire lubeat; in singulis ferè Pontificiæ doctrinæ absurditas & copiosa refutationis materia elucebit. Ac primum objiciatur adversariis, quòd contra *primum fidei articulum* non in solum Deum credant, nec eum solum omnipotentem agnoscant: sed etiam Mariæ virgini & sanctis, quos invocant, geminam hanc & propriam Dei gloriam communicent, Rom. 10. 14. Esa. 42. 8. Ostendatur deinde, eos nomine quidem Filium Dei esse Jesum, id est, servatorem & dominum nostrum confiteri; sed re ipsa, utrumque honorem, soli Christo convenientem, contra *secundum fidei articulum*, virgini Mariæ & Sanctis arrogare. Quorum duorum articulorum profana violatio, non solum ex iis quæ capite primo à nobis allata sunt, constat; sed etiam profana illa Florida Mariana Martini del Rio Jesuitæ (quæ anno superiore, ex officina Plantiniana, cum Episcopi Leodiensis approbatione, prodierunt) perspicue demonstrant. Nam ut Costerus suum Enchiridion, sic Martinus opus illud virgini Mariæ, blasphemum hoc Elogio, consecravit. *D. Maria S. Dei Genitrici, semper virgini, misericordia matri, calorum, terra, maris, regina, catholica ecclesia proteptrici, hæresum expugnatrici, virtutum cunctarum speculo, Optima, Maxima, Patrona hoc de corollis multicoloribus fertum, pancarpum, vovit, panxit, solvit, servulus Martinus Delrius ætatis XLV. & salutis humana M. D. IVC.* Præterea adjiciatur contra *tertium* de sancta Christi conceptione *articulum*, non solum Pontificios Mariæ virgini conceptionis sanctitatem attribuire: sed eam quoque multo majori sacrilegio, à Romana Ecclesia<sup>a</sup> peculiari festo obfignatam: & quidem, quod magis absurdum est, quum de ea re, nondum quicquam certum à Pontifice aut à Pontificiorum doctoribus esset definitum, sed & antè & postea acerrimè de hac questione concertarint. Declaretur<sup>b</sup> quàm absurdè Pontificii doctores, contra *quartum fidei articulum* & sacrarum literarum definitionem Christi Passionem adeò mutilent, ut eam corpori quidem & sensibus tribuant, sed<sup>c</sup> anima rationali quicquam perpeffum esse in horto, aut in cruce, aperte negent. Scilicet ut crassio rem errorem tueantur, <sup>d</sup> Christum inde à conceptione futuram animæ suæ in vita æterna gloriam, non sperasse, sed eadem perpetuo sibi præfenti, fuisse beatum. Ita ut in cruce quidem summos corpore & sensibus sustinuerit cruciatus; <sup>e</sup> anima verò rationali, non solum eorum fuerit expertus, sed etiam summo, ex vitæ æternæ fruitione, gaudio, fuerit plenus. Quibus absurdis & profanis sententiis addatur; Pontificios doctores, adversus *quintum articulum*, infernum convertere in Paradisum. Quemadmodum Costerus Christ. instit. lib. 5. in expositione symboli de Christi descensu ad inferna ait; *Sic inferni loca perlustravit, ut tenebrorum carcerem, in Paradisum verterit, juxta illud quod latroni dixerat, Hodie mecum eris in Paradiso.* Demonstratur eorundem, adversus *sextum articulum* & sacrarum literarum auctoritatem, (Esa. 53.) error, quod Christus per passionem non intravit ascensione sua in gloriam, ratione corporis & animæ, sed corpore tantum: videlicet quod (ut<sup>f</sup> ajunt) animæ ab initio perfectè beatæ, nihil accedere potuerit majoris gloriæ. Indicetur eos adversus *septimum articulum*, Christi & Apostolorum definitionem, (Act. 4. 12. 1. Cor. 11. 26.) Christi corpus non expectare primum ad diem judicii, ut præsentia illius potiantur: sed contra statuere, id è cælo indies & descendere & se sacrificulis sistere, in missa præfens. Ostendatur

<sup>a</sup> Extravag. commun. lib. 3. de reliquiis & veneratione Sanctorum cap. 2. <sup>b</sup> Ibidem. <sup>c</sup> Thomas Aquinas par. 3. qu. 46. art. 7. & 8. Thomas ab Argentina in 3. Sent. 15. dist. 3. art. & alii vulgò. <sup>d</sup> Thomas Aquin. par. 3. qu. 7. art. 4. Melchior Canus loc. commun. lib. 12. cap. 14. <sup>e</sup> Thomas Aquin. part. 3. qu. 46. art. 8. Thomas ab Argentina Sent. 3. dist. 15. art. 3. <sup>f</sup> Thomas Aquin. par. 3. qu. 34. art. 4. <sup>g</sup> Sanctus Franciscus Cnors. lib. 1. pag. 177.

præterea

<sup>a</sup> 1. Corinth. 15. 14. &c. Galat. 2. 21. <sup>b</sup> Aristot. top. 8 &c. <sup>c</sup> Coster. Enchirid. de S. Script. <sup>d</sup> Vide Sup. cap. 1. Pastoralis & De fuga Dæmonum. <sup>e</sup> Baronius Martyrolog. Roman. <sup>f</sup> Durandus Ration. divin. officior. <sup>g</sup> Ibidem lib. 2. cap. 1. <sup>h</sup> Taxæ sacræ pœnit. apostolicæ & Taxæ cancellar. apostolicæ. <sup>i</sup> Sacrar. ceremon. sect. 13. <sup>k</sup> Supplem. supplem. Chron. 1. 12. p. 299. <sup>l</sup> Dominic. Bannes in 2. 2. Thomæ qu. 11. art. 2. <sup>m</sup> Bellarminus lib. 2. De monachis cap. 34. <sup>n</sup> Extravag. commun. lib. 1. de Majoritat. & obed. cap. 1. unam Sanctam. <sup>o</sup> Dominicus Bannes in 2. 2. Thomæ quæst. 10. art. 10.



præterea eos, adversus *nonum* fidei articulum, ecclesiam sanctam catholicam cum particulari & impura sua Romana ecclesia confundere: adeo ut vulgò Romanam & Catholicam ecclesiam pro eadem absurdissimè usurpent. Adjungatur error gravissimus, quod adversus *nonum & decimum articulum* statuunt sanctos, (qui tamen omnes nobiscum communiter, in hac vita debitores extiterunt & remissionis peccatorum vitæque æternæ communionem cum reliquis fidelibus habent, Matth. 6. 12. Rom. 3. 23, 24.) non solum habere sua apud Deum merita, sed iis etiam remissionem peccatorum aliis<sup>a</sup> promereri: dum vivunt quidem animis in purgatorio afflictis post mortem verò reliquis etiam fidelibus in terra constitutis. Denique (ut alia quæ fufius initio hujus operis (cap. 1.) proposui, omittam) demonstretur Pontificios doctores contra *duodecimum articulum* & reliquos omnes, loco<sup>b</sup> fidei veræ qua vitam æternam, propter Christum gratis promissam, vera fiducia amplectuntur fideles, c dubitationem substituere, & quod<sup>d</sup> Scriptura donum Dei esse testatur, operum suorum meritum, indignissimè appellare. Nec in fidei solum articulis violandis Pontificiæ doctrinæ absurditas consistit, sed etiam in sacramentorum institutione cum primis apparet. Nam ut à Baptismo fiat exordium, ostendatur primum Pontificios doctores, contra *Baptismi materiam* docere, si aqua elementaris desit, illius loco, c non aquis distillatis sed jure carniū uti licere: imò, quosdam doctores eò impudentiæ procedere, ut etiam<sup>e</sup> *urina*, propter defectum aquæ, baptizari posse affirmant. Deinde<sup>f</sup> celebres nonnullos Pontificiorum doctores (contra præscriptam<sup>h</sup> à Deo *verborum formulam*, Dei honorem & Apostoli decretum) aperte tradere Baptismum esse posse, si quis dicat, *Baptizo te in nomine Patris & Filii & Spiritus Sancti & beate virginis Mariae*. Præterea objiciatur, eos de *ministris Baptismi* non minus absurdè sentire, quod contra<sup>i</sup> Christi & antiquorum<sup>k</sup> Patrum doctrinam, Baptismum, si sacerdotes desint, à<sup>l</sup> fæminis fidelibus aut infidelibus administrari posse, doceant. His addatur, quod statuunt<sup>m</sup> infantes in utero matris adhuc latentes, in vitæ periculo, si caput tantum, pes, aut manus extet, debere baptizari. Præterea de *ceremoniis Baptismi* non minora objici possunt absurda, ut quod Pontificii sacerdotes, præter Christi institutionem, ritibus variis, partim insulis, partim fædis, partim impiis Baptismum conspurcent: n ut quum digitos suos infantum auribus immittunt & o Christi in miraculo patrando sermone abutantur, quum salivam suam ori infantis indunt, crucibus superstitione signant: dæmonem, ut de anima baptizandi recedat, adjurant: iterum cruce è spūto (ne quid purum relinquantur) aures, nares, os infantis notant: salem magicè exorcizant, & infantis ori imponunt: oleo exorcizato crucem in pectore & scapulis baptizandi, formant: vestem albam capiti imponunt: adduntque cereum accensum, conjuncta in singulis hisce, mira verborum Dei profanatione. Denique quod contra Christi honorem & Apostoli decretum<sup>p</sup> *nomen sancti* alicujus imponunt, ut eo patrono Baptizatus<sup>q</sup> omnes animæ & corporis molestias superet. Nec minor in altero sacramento servata est reverentia. Nam ut ora adversariis obturentur, demonstretur primum eos *sacramenti Cœnæ naturam* pervertere; quod signa divinitus instituta non solum mutant, quum vinum, aquæ admixtione<sup>r</sup> superstitione adulterant; sed etiam mutant, quum<sup>s</sup> contra Dei institutum & veterum Patrum ac<sup>t</sup> Pontificum decretum, laicis calicem denegant. Imò quod sacrificuli (ut omnibus perspicuè constat) contra sacramenti hujus communionem & naturam, loco unius Cœnæ Dominicæ, sex, septem, decem & plures privatas Missas (in quibus singulis unus auditor nempe<sup>u</sup> minister, qui totius populi personam sustineat sit satis) uno in templo, & quidem<sup>x</sup> contra Dei verbum

<sup>a</sup> Collier. Christ. Inst. lib. 5. Exposit. Symboli. <sup>b</sup> Johan. 10. 27, 28. Rom. 8. 38. 1. Johan. 3. 2. & 5. 10, 11, 12, 13. <sup>c</sup> Concil. Trident. Sess. 6. c. 11. & Can. 12. 13. <sup>d</sup> Rom. 6. 23. <sup>e</sup> Thomas Aquin. par. 3. qu. 66. art. 4. Holcot. in sent. lib. 4. qu. 1. Guido in manip. curat. de Baptif. cap. 2. <sup>f</sup> Guido ibidem. <sup>g</sup> Idem cap. 3. Holcot. in sent. 4. qu. 1. <sup>h</sup> Matth. 28. 19, 20. <sup>i</sup> Cor. 1. 13. <sup>j</sup> Matth. 28. 19, 20. <sup>k</sup> Cor. 14. 34. <sup>l</sup> Tim. 2. 12. <sup>m</sup> Tertul. de Virg. Velandis. Ephiph. contra Collyr. hæref. 79. <sup>n</sup> Pastorale de Baptismo. Guido manip. curat. de Baptif. cap. 3. <sup>o</sup> Pastorale de Baptismo. <sup>p</sup> Ibidem & Guido manip. de Baptismo, cap. 8. <sup>q</sup> Mar. 7. 34. <sup>r</sup> 1. Cor. 1. 12, 13. <sup>s</sup> Pastorale de Baptif. <sup>t</sup> De Consecrat. dist. 2. Can. 1. in sacram. <sup>u</sup> Concil. Trid. Sess. 21. cap. 2. <sup>v</sup> De Consecrat. dist. 2. Can. Comparimus. <sup>w</sup> Thomas Aquin. par. 3. qu. 83. art. 5. <sup>x</sup> 1. Cor. 14. 16, 28.

<sup>a</sup> ignotâ auditoribus linguâ, concelebrant: & (quod absurdius) ipsi plerumque panem in tres partes fractum, reliquos non communicantibus sed tantum spectantibus, <sup>b</sup> soli, contra<sup>c</sup> Pontificum canones antiquos, absumant: adeo ut revera, non tam synaxis & communio<sup>d</sup> (ut vocant) quàm excommunicatio & ecclesiæ distractio dici mereatur. Objiciatur etiam, quod panem in corpus Christi, contra<sup>e</sup> institutionem illius, <sup>f</sup> corporis veritatem, <sup>g</sup> Apostolorum doctrinam & communem sensum<sup>h</sup> transubstantiari statuunt: ita ut sublata panis substantia, accidentia tantum, non solum sine suo, sed etiam<sup>i</sup> sine ullo omnino subiecto, contra naturam super sint. Qua ratione ex signo sacramentali ecclesiæ ordinario, contra rei proprietatem, & <sup>k</sup> Patrum doctrinam, <sup>l</sup> miraculum faciunt omnium maximum: adeo ut in eo plura sint difficulta, quàm in creatione, quemadmodum Pontificiorum sanctus, <sup>m</sup> Thomas Aquinas, ex communi Romanæ ecclesiæ consensu, docet. Addatur hisce quod Christi corpus gloriosum (quod in cælis regnat, <sup>n</sup> nec alibi querendum,) infinitis ferè in locis, in hostiis, & <sup>o</sup> singulis earum particulis, eodem tempore, in terra simul existere contra<sup>p</sup> veri corporis modum, <sup>q</sup> gloriæ rationem, <sup>r</sup> Cœnæ institutionem & <sup>s</sup> Patrum consensum affirmant. Deinde quod sacramentum<sup>t</sup> Eucharisticum, ad recordationem beneficii Christi & nostræ gratitudinis officium excitandum, institutum, <sup>u</sup> in sacrificium proprium & propitiatorium ac satisfactorium pervertant. Et quod absurdius est, non solum in Dei, sed etiam in<sup>v</sup> sanctorum variorum honorem variè celebrent. Conjungetur quod in ejus usu, non sibi solum manducantibus<sup>x</sup> sed aliis etiam tam mortuis, quàm vivis remissionem peccatorum & varia corporalia beneficia, & quidem non fidei, sed operis (ut loquuntur) operantis dignitate, promereri sese affirmant. Unde pro diversis necessitatibus precio venalem missam celebrant: ut verè Simonis magi potius, quàm Simonis Petri successores sese probent, Act. 8. 20, 21. Atque hinc tria illa Pontificiorum sanctorum & doctorum quæstio, <sup>y</sup> *Utrum sacerdos accepto stipendio obligatus ad missam specialiter, pro uno celebrandam: postea alteri quoque precio missam addixerit, una & eadem opera utrique possit satisfacere?* Obijciatur etiam, quod hostiam<sup>z</sup> corpus Christi & Deum suum appellantes, adorent & adorandam aliis attollant ac circumferant: & in conclavibus reponant, ac dicant *Ecce Christus*. Quæ omnia cum<sup>a</sup> Christi institutione atque<sup>b</sup> interdicto, & <sup>c</sup> veterum Patrum doctrina, gravissimè pugnant. Addatur etiam profana illa Pontificiorum sententia, qua ajunt, <sup>d</sup> *Sibotia tempore mortis Christi fuisset in pyxide servata, Christum non solum mortem subiturum in cruce, sed etiam in pyxide*. Denique (ut multas alias Pontificiorum doctorum de hoc sacramento absurdas impietates, quas referre possem, brevitate causa omittam) objiciatur iis, quod, turpissima contradictione, doceant, <sup>e</sup> Christum in cœna suum ipsius corpus manu sua gestasse, & ore suo comedisse, & aliis similiter, tam impiis hypocritis, quàm verè fidelibus, sub specie panis ita comedendum, <sup>f</sup> dentibus frangendum & atterendum tradidisse: & ne quid impietatis desit, <sup>g</sup> Christi corpus & Deum verum, ut à muribus aliisque brutis animantibus posse deglutiri, sic ab ebriosis & aliis evomi & ignibus traditum cælestes sedes petere. Adeo ut non sit mirandum<sup>h</sup> Averroëm Arabem summum philosophum absurdis & cyclopis ac Canibalicis illis Capernaitarum, Pontificiorum doctorum, impietatibus offensum, dixisse; *Quoniam Christiani manducant Deum,*

<sup>a</sup> Concil. Trid. Sess. 22. Can. 9. <sup>b</sup> Ibidem Can. 8. <sup>c</sup> De Consecrat. dist. 1. Can. Omnes. <sup>d</sup> Thomas Aquin. par. 3. qu. 73. art. 4. <sup>e</sup> Matth. 26. 26. Luc. 22. 19. <sup>f</sup> Heb. 2. 17. Luc. 24. 39. <sup>g</sup> 1. Cor. 10. 16. & 11. 26, 27, 28. <sup>h</sup> Concil. Trid. Sess. 13. cap. 4. <sup>i</sup> Thomas Aquin. par. 3. qu. 77. art. 1. &c. <sup>k</sup> August. de Trinit. lib. 3. cap. 10. Innoc. Papa de sacro alt. myst. lib. 4. cap. 11. <sup>m</sup> Par. 3. qu. 75. art. 8. <sup>n</sup> Col. 3. 1. <sup>o</sup> Concil. Trid. Sess. 13. cap. 4. <sup>p</sup> Heb. 2. 17. Luc. 24. 39. Johan. 12. 8. <sup>q</sup> Col. 3. 1. <sup>r</sup> 1. Cor. 11. 25, 26. <sup>s</sup> August. Epist. 57. ad Dard. & in Joh. 12. Tractatu 50. <sup>t</sup> 1. Cor. 10. 16. & 11. 25. <sup>u</sup> Concil. Trid. Sess. 22. cap. 2. & Can. 1. <sup>v</sup> Ibidem cap. 3. & Can. 3. <sup>w</sup> Ibidem cap. 2 & 3. <sup>x</sup> Viguer. cap. 16. §. 3. vers. 15. Gabriel Biel. in Canon. missæ lect. 27. Holcot. in sentent. lib. 4. qu. 3. <sup>y</sup> Concil. Trid. Sess. 13. cap. 5. Collierus præfat. Eucharid. antithesi 11. <sup>z</sup> Luc. 22. 19. <sup>a</sup> Luc. 24. 26. <sup>b</sup> August. de doctr. Christ. lib. 3. cap. 5. Cyril. in Lev. lib. 5. Hieron. in 1. Cor. 1. <sup>c</sup> Thomas Aquin. par. 3. qu. 81. art. 3. <sup>d</sup> Thomas ibidem art. 1. <sup>e</sup> De consecrat. dist. 2. Can. Fgo Bereng. Guimundus de Sacram. lib. 1. p. 35. & 41. <sup>f</sup> Thomas par. 3. qu. 83. art. 6. Et in sent. lib. 4. distinct. 13. Biel in 4. Sentent. dist. 12. qu. 1. art. 3. Guido manip. Curat. de Eucharistia, c. 11. <sup>g</sup> Comment. in lib. 12. metaphys. Arist.

quem adorant, sit anima mea cum Philosophis. Nos verò rectius, Quoniam Pontificii hoc faciunt, sit anima nostra cum Apostolis & piis Christi discipulis. Reliqua Pontificiorum sacramenta, quæ ab hominibus præter Dei verbum instituta sunt & pluribus absurditatibus gravissimis scatent, ne prolixior sim, prætereo. Quare ut rem totam concludam, optima illa est cum Pontificiis & aliis falsis doctoribus differendi & convincendi ratio, ut primum errores eorum & statum quæstionis rectè intelligamus ac fideliter proponamus, sacrarum literarum gladio jugulemus, & absurditatibus propositis, contradicentium ora obturemus. Præsertim verò, ut quæstio de sacrarum literarum auctoritate, adversus humanas traditiones (ad quas perpetuò Pontificii recurrunt) expediatur priori loco. Ac propterea, Costere, hanc ipsam in Enchiridii tui examine viam sequar, ut veritas, patefactis & discussis erroribus vestris, illustretur. Sed, priusquam finem præfationi imponam, reliqua perpendamus.

## COSTERUS.

**D**EINDE danda est opera, ut intra limites unius materiæ adversarius contineatur. Est enim hæreticis, præsertim rudioribus, qui sibi tamen non parum sapere videntur, familiare, ut, quum dissolutis argumentis, in unâ aliqua causa se convictos animadvertunt, aliò dilabuntur, & rerum diversarum multitudine antagonistas suos obtundant, ne si nihil in medium afferant, manus dare vincique videantur.

Est præterea ad rectam argumentandi formam astringendus hæreticus, utque omisissis superfluis nudam ratiocinationem proponat: qua in re non parum laboratur ab adversariis, qui vel Dialecticæ ignari, in argumentando graviter halucinantur, vel sophistarum more ratiocinationes suas oratoris pigmentis, quasi fuco quodam colorando, falsa pro veris, dubiaque pro certis, indoctis auditoribus venditant.

## GOMARUS.

**S**ANE si hæc præcepta, quæ a nostris tam diligenter urgentur, apud vos vigerent, facilius veritati cederetis. Nam quid magis vobis familiare est, quàm statum quæstionis propositæ aut vitare & subterfugere, aut vitiare? quæ maximè in controversia versantur, argumenti loco assumere ac centies inculcare? quum vos argumentis & scripturæ robore pressos animadvertitis, ad traditionum latebras confugere? & ne causa cadere videremini, Patrum rectè dicta eò pervertere, aut naves eorum, relictis sanioribus sententiis, accumulare? Tertii par ratio est: nam quàm turpiter sæpe, contra rectam differendi disciplinam, principia aliena ad res cælestes indignè traducitis: aut communia & perpetua naturæ & scripturæ fundamenta, quum lubet, pernegatis? Legantur scholastici vestri doctores, & qui eorum vestigia nostris temporibus insequuntur; videantur vel ea solum, quæ de Missa à vestris differuntur, nihil verius comperies. Ad formam verò argumentandi quod attinet, eam quidem in otiosis scholarum veltrarum umbris, in usu esse qualemcunque non nego: sed eandem in publica luce & iusto cum adversariis vestris certamine aut nunquam, aut rarò, adhibetis. Atque utinam id à vobis impetrari aliquando posset, ut recta argumentandi forma causam vestram nobiscum disceptaretis! sperarem enim fore, ut quam longis ambagibus obscuratis veritatem, ea stricto illo & aperto differendi modo illustrata, faciliorem nobis victoriam largiretur. Atque hoc consilio D. D. Antonius Sadeel, Guilielmus Witakerus, Christophorus Pezelius, Sybrandus Lubberti alique complures viri doctissimi scholasticam illam & pressam disputandi rationem secuti sunt, ut vestros errores eò distinctius & clarius confutarent. Itaque in hisce præceptis nihil est quod in nobis desideres. De quarto verò quid proponas audiamus.

## COSTERUS.

**A**D extremum convitia, maledicta, cognomina, quibus nomen nostrorum urgere solent, surda velut aure sunt prætervehenda. Nam sicut qui malam causam coram iudice tueatur, quum rationibus & æquitate deficiat, clamoribus instat: ita hæreticus, quum veris ac solidis argumentis se vincere posse desperat, contumeliis certat, ut rem à legitima disputatione ad contentionem detorqueat. Tu verò dissimulatis omnibus verborum portentis, quasi cum homine phrenetico ac furioso negotium habeas, in solam miseri hominis salutem & conversionem animum intendas. Cogita non hominem, sed spiritum erroris, sed ipsum dæmonem, per os hominis ista maledicta evo-

cre. Quare misereate potius ejus, verbis utere adversus eum humanis & benevolis, tacitusque subinde Deum pro animæ Dæmonis laqueis & æternorum suppliciorum periculis irretita precare. Quod si apud ipsum nihil proficies, saltem auditoribus infectis scrupulum aliquem ac dubitationem injicies. Summus enim ita comparati, ut moveamur modestia, indignemur petulantia.

## GOMARUS.

**S**UMUS revera ita comparati, Costere, ut moveamur modestia, indignemur petulantia: sed nec justam orbis Christiani indignationem, nec veritatis dignitatem, nec præsentis Dei majestatem reveritus esse videris, quum ea, quæ optimè de Christiana modestia hoc loco definis, summa immodestia nuperis tuis libellis pessimè violasti. Nec enim solum Martini Lutheri, Philippi Melancthonis, Calvini, Bezzæ aliorumque plurimorum fidelium & præstantium Christi servorum famam falsissimis maledictis in odium adducere studuisti, sed etiam nostrates D. Tilenum, Grevenchovium, Bogardum, aliosque viros innocentissimos atque optimos ita putidis & crassis, contra publicam populi conscientiam, mendaciis proscindere voluisti, ut facile inde appareat, te quum rationibus & causæ bonitate destituaris, de vestra doctrina desperantem ad contumeliam & mendacia prorumpere. Itaque non solum nos consolatur Christi sententia, Matth. 5. 11. 12. *Beati eritis quum convitiati fuerint vobis, & persequenti fuerint, & dixerint quidvis mali, adversus vos, mentientes propter me:* sed magno nobis etiam gaudio est, quod vel tuo indicio ex hac maledicendi improbitate rem vestram ad triarios rediisse, & exitio proximam, videamus. Siquid verò à nobis adversus vestrorum hominum mores gravior dicatur, non illud maledicendi, sed arrogantia vestra reprimendæ studio contingit: nec de paucis doctoribus, aut eorum qui ad mentem redierunt, peccatis sermo est: sed de plerisque Pontificibus, Cardinalibus, episcopis, sacerdotibus, monachis: quorum effrænem & minimè Christianam vivendi licentiam, non ex nostrorum hominum, aut aliorum, qui vobis adversantur, scriptis, aut rumoribus carpinus, sed ex consignatis veterum & recentium pontificiorum, Regum, Principum, & Theologorum fide dignorum querelis, accusamus. Adeo ut non iniquæ contumeliæ sed justæ reprehensionis nomen mereatur. Novimus enim ex Dei verbo (Exod. 20. 16. Joh. 8. 45.) edocti, non solum fidelibus sed etiam infidelibus & hæreticis fidem (contra Concilii vestri Constantiensis [Sess. 19.] decretum) omnibus modis servandam: nec pias eas putamus fraudes, quibus ad causæ veritatem demonstrandam, mendaciis adversarii onerantur. Novimus etiam ecclesiam Dei agro comparari, in quo non solum bonum semen, sed etiam zizania succrescant; & sagenæ (ibidem, 48.) in quam non solum boni colligantur pisces, sed etiam mali. Agnoscimus in familia, communis fidelium patris Abrahami, (Gal. 4. 29, 30.) non modo fuisse Isaacum probum, sed etiam Ismaëlem reprobum; in Isaac domo, non tantum Jacobum pium, sed etiam Esavum impium (Heb. 12. 16.) in Jacobi liberis, non solum Josephi & Benjaminis probitatem, sed etiam reliquorum alioqui piorum Patriarcharum peccata, non exigua, quorum eos tandem seriò pœnituit, Gen. 40. 45. & 50. 17. in Davide, viro secundum cor Dei, (1. Sam. 13. 14.) non solum innocentiam penè perpetuam, sed etiam lapsus aliquos graviore, adulterium, & homicidium, 2. Sam. 12. 9. in filiis verò longè majora offendicula ex S. literis cognoscimus. Denique inter duodecim Christi Apostolos non solum Judam furem, proditorem, filium perditionis extitisse, Joh. 6. 70. & 12. 6. & 17. 12. sed etiam inter pios Apostolos Petri abnegationem & resipiscentiam legimus, Matth. 26. 75. Quemadmodum & inter diaconos septem, ab Apostolis electos, non solum Stephanum, Philippum & reliquos sanctos, sed etiam Nicolaum, postea sectæ Nicolaitarum auctorem fuisse, ex veterum testimonio didicimus, Actor. 6. 5. Apo. 2. 15. Quamobrem non propterea à Romana Ecclesia abhorremus, quod multi inter vos extent Episcopi, sacerdotes, monachi, sceleribus cooperti; (quemadmodum nec à Christiana ecclesia nostra despectimus, quòd interdum contra doctrinæ nostræ sanctitatem, aut latentium hypocritarum improbitas, aut quorundam piorum Dei servorum lapsus aliqui, appareant) sed eo nomine Romanam Ecclesiam justè accusamus, quod doctrina sit impura, & pares, ex doctrinæ & gubernationis vitio, maximæ partis ecclesiasticorum, ut supra ostensum est, mores.

Pppp

CAPUT

## CAPUT XVI.

*Acque hac quidem de modo agendi cum hæreticis; reliquum est ut, quemadmodum credentes hæreticis tractandi sint, perquiramus.*

COSTERUS.

*De Ratione Agendi cum iis qui hæreticis credunt.*

**H**ACTENUS de iis quos propriè & verè hæreticos appellamus: superest dicamus, quemadmodum credentes hæreticis, hoc est, qui vel ad hæreticos defecerunt, vel in fide nutant, tractandi videantur: inter quos majori studio videntur illi juvandi, in quibus major conversionis spes apparet. Ad quam rem præter rationes, quibus hoc libello singuli articuli controversi confirmantur, tria ista communia puncta poterunt esse adjumento, ut primo perconteris ab eo, quicum agis, quas ob causas ab ecclesia recesserit, ac totius orbis Christiani societatem & communionem deseruerit, majoresque suos atque adeò omnes omnium rationum, omnium seculorum, omnis memoriæ homines, qui Catholicè decesserunt, sceleris ac nefariæ infidelitatis mortuos tam severè condemnaverit? Quia si rectè credit hæreticus, omnes isti perierint.

Tum deinde, qua ratione, quave auctoritate commotus hujus potius quàm illius hæretici sectam sequatur: quum non minus Calvinistæ, Anabaptistæ, Syvencfeldiani atque Lutherani, sua dogmata sacrarum literarum testimoniis, confirmant; cur horum potius quam illorum vocem interpretationemque audiat? Si dicat horum, vel istorum videri sibi magis veritati & rationi consentaneam fateri cogitur, illud suum **VIDERI** esse regulam fidei. Unde concludes illum hæreticum esse, hoc est, electorem, qui sibi ex multis quod credat suo ipse arbitrio & voluntate deligit.

GOMARUS.

**D**E hisce punctis tuis, non est cur multum laboremus. Nam ut frequens, imò perpetua quæstio est, quàm adversariis vestris occinere soletis (& adversus hæreticos valere potest) nimirum, quas ob causas ab Ecclesia recesserint, ac totius orbis societatem ac communionem deseruerint? ita facilis & expedita nostris fratribus est responsio, vos id frustra Romanæ ecclesiæ arrogare & nobis derogare, quod probare non valetis. Antiquitatem jactatis? hac parte ne latum quidem unguem Prophetarum & Apostolorum auctoritate freti cedimus. Patres obtendis? quàm parum vos juvent, imò quam acriter errores vestros refellant, & antea sapius ostendi, & in operis hujus progressu plenius ac planius demonstrabo. De condemnatione verò quod mones, quibus quæso rectius, si ex rei veritate & animi sedati sensu, judicare velis, competet, quàm vobis: qui plurimas pias orthodoxorum sententias conciliorum vestrorum decretis damnatis, & ita sentientes anathematate feritis? Exemplis illud hoc loco probare possem quàm plurimis, nisi ex iis, quæ superioribus à nobis explicata sunt & deinceps exponentur, apertè constaret. Quod verò secundò quærendum consulis, qua ratione aut auctoritate adversarius vester commotus, hujus potius quàm illius sententiam sequatur? in promptu nostris est hujus facilioris nodi solutio, non id à se fieri, quod ea sibi magis veritati videantur consentanea, (ut falsò affingis) sed quod sacrarum literarum auctoritate eò impellantur. Quærat igitur aliquis vestrum à nostris fratribus, quamobrem Arianorum, Pontificiorum, Anabaptistarum, doctrinam averſentur? respondebunt illi, eò sese pertrahi, quòd Dei verbo & orthodoxæ antiquitati repugnantes comperiant. Sciscitetur iterum Pontificius, quamobrem, quum in plerisque religionis capitibus ipsoque fidei fundamento, cum magno illo Dei servo Martino Lutero sentiamus, in doctrina de Cœna Domini & præsentia corporis Christi ab eodem diffideamus? respondebunt nostri, quod hac parte veteris fermenti Pontificii in Lutero reliquias depleamus, easque ex Dei verbo, sacramentorum & Corporis Christi naturis, & articulis fidei, repurgare coacti simus: ac quamvis magni faciamus insignem Dei servum Lutherum, pluris tamen, ut par est, ve-

ritatem æstimemus. Quamobrem hac parte expediti, postremum tuum punctum audiamus.

COSTERUS.

**D**ENIQUE urgebis illum, ut vel unicum hominum ex omni antiquitatis memoria producat, qui antequam Lutherus nasceretur, secum in omnibus senserit. Neminem proferre poterit, neminem nominare, ne ex hæreticorum quidem albo, quorum quisque diversam, quam sibi ipse finxit, religionem coluit, & persecutus fuit. Age igitur, amice, estne æquum, ut repudiata totius orbis disciplina, doctrinam vel hætenus inauditam, vel olim totius antiquitatis consensu explosam atque ejectam, complectaris, hac sola ratione motus, quia isti nescio qui obscuro homines, præclare tibi videantur divina oracula & myſteria interpretari! Ergo tot fortissimos invictissimosque viros ac mulieres, qui sanguine suo ecclesiam rigaverunt; tot ingeniosissimos homines, qui in divinarum literarum studio & interpretatione totas ætates contriverunt; tot integerrimos spectatissimosque Christi confessores, qui fidei suæ veritatem, vitæque sanctimoniam innumeris miraculis testatam reliquerunt, impios, infideles, idololatrias fuisse confirmabis? Ergo omnes illos in sceleratorum sedem atque regionem præcipites ages, ac sempiternis suppliciis vivos mortuosque mactabis? Et hoc solum propterea, quia tute tibi videris melius sapere & rectius intelligere Scripturas? Quasi verò Christus Opt. Max. ecclesiam illam, quam acerbissima sibi morte in cruce despondit, in tam cæca caligine retrisque erroribus totos 1500. annos jacere ac consenescere passus fuerit, donec post tot secula, tui ingenii lumine mundus illustraretur.

Hæc atque alia id genus cum quadam pia commiserantis animi significatione modestè proposita, magnum habent momentum & pondus ad animum hominis seducti, non prorsus obstinati, commovendum: præsertim, si magnitudo periculi, æternitas, inquam, suppliciorum, vehementer etiam atque etiam inculcetur; quæ sine ulla dubitatione omnibus iis subeunda est, qui, extra Ecclesiam & sine fide catholica & orthodoxa, à vita discedunt, juxta illud Isaïæ 60. 12. *Gens & regnum, quod non servierit tibi, peribit.*

His namque cogitationibus jactatus hæreticus, si non omnino errorem deponet, nutabit tamen fortasse, & rei gravitatem imminensque periculum seriò cum animo suo considerabit, cogitans fieri posse, ut non minus ipse, cum pauculis suis symmisticis, in errorem sit inductus, quàm orbis terrarum universus.

GOMARUS.

**Q**UUM tertium hoc præceptum jam antea sapius, & præsertim capite septimo, à nobis refutatum sit, ne importunè eadem repetantur, ad illa loca diligentem lectorem remittimus. Et ut insolentem hanc gloriationem Costerus deponat, meminerint orthodoxi, ex justa talionis lege, quòd eo postulare, ut vel unum primis, post Apostolorum tempora, sexcentis, imò mille annis, qui idem in omnibus cum hodierna Costeri & Pontificiorum doctrina senserit, demonstret. Age Costere, qui tam crebro & inpotenter te hac provocatione jactas, nomina vel unum Patrem orthodoxum, vel unicum hominem, & consentientem in omnibus proba: aut, quia id amplius longè est, quàm, ut sperari unquam possit, ostende saltem in iis omnibus, quæ pauca ex copioso errorum vestrorum cumulo, à nobis capite præcedenti selecta sunt, consensum: aut potius (quum id præstare nullo modo possis) cede quæso veritati, da gloriam Deo, excede ocys ex Babylone, ne peccatorum contagione, ruina illius obruaris. Quod veritatis studium, ut tibi aliisque Jesuitis & Pontificiis, adversus stimulum calcitrantibus, donetur, Deum ex animo rogamus.

a Apoc. 18. 4.

ANTI-

# ANTI-COSTERI

LIBER SECUNDUS,

DE

## SACRA SCRIPTURA.

Cujus Libri

ARGUMENTA CAPITUM

HÆC SUNT.

- CAP. I.** Tria scripturæ genera à Costero falso constitui.  
Pontificum decreta in veteri testamento non fuisse tertium sacre scripturæ genus, nec parum cum sacra scriptura auctoritatis.  
In novo testamento consensum ecclesiæ non esse sacre scripturæ genus.
- CAP. II.** Consensus ecclesiæ præstantiam multis partibus superare scripturas, impiè omnino à Costero asseri.  
De dignitate sacre scripturæ: & quibus modis & gradibus infideles ad earum notitiam & fidem adduci possint.  
Quo consilio novum testamentum conscriptum: & quibus modis adversus corruptelas conservatum sit.  
Veram omnium dissidiorum de religione Christiana derimendorum regulam esse, non ecclesiæ judicium, sed sacram scripturam.
- CAP. III.** Decreta conciliorum generalium perperam à Costero tertium sacre scripturæ genus constitui.
- CAP. IV.** Decreta generalium conciliorum, si veritatem, si obsequationem Spiritus Sancti, si præsentiam Christi spectes, idem habere pondus quod Sancta Dei Evangelia, impiè à Costero affirmari.
- CAP. V.** De perfectione sacre scripturæ. Omnia fidei & vitæ Chri-

stianæ dogmata ad salutem necessaria sacris literis esse descripta.

Varie demonstrationes quibus divina sacrarum literarum dignitas & certitudo adversus Pontificios & Libertinos asseritur.

Defensio rationum quibus ecclesia Christiana sacrarum literarum perfectionem adversus Pontificios tuetur.

- CAP. VI.** De claritate sacre scripturæ. Omnia fidei & vitæ Christianæ ad salutem necessaria dogmata perspicue in Sacris literis reperiri, adeo ut ad veritatem salutarem certò cognoscendam ipsæ sibi sufficiant.

- CAP. VII.** Vulgus Christianorum posse, imò debere non minus legere Sacras literas, quam doctos: & Pontificiam ecclesiam ei rei, ad Dei ignominiam & Ecclesiæ Christianæ detrimentum, repugnare.

- CAP. VIII.** Defensio rationum, quibus Christiana ecclesia id demonstrat, & exceptionum Costeri confutatio.

- CAP. IX.** De sacrarum & Canonicorum librorum numero. Christianam ecclesiam piè Canonicos ab Apocryphis & humanis scriptis secernere: contra Costerum dum eos eadem auctoritate & loco comprehendit, è diametro adversus Scripturæ veritatem, Patrum antiquorum consensum, & præcipuos Pontificios doctores pugnare.



FRANCISCUS GOMARUS  
CONTRA  
C O S T E R U M,  
DE  
S A C R A S C R I P T U R A.

C A P U T I.

**Q**UOD, *prafatione tua tandem absoluta, Costere, disputationem de sacris literis, tanquam reliquarum fundamentum, pramittis, ordinem institutum probo: sed, in opere universo, qua maxime commendat Deus, charitatem desidero & veritatem, Zachar. 8. 19. Nam, ut varia convitiis, qua passim intertexis, emblemata silentio involvam, genuinum questionis statum pervertis sapius, & argumenta nostra, in rebus gravissimis, aut praeferis omnino, aut mala recenseres fide. Quod sanè summum diffidentia & male causa argumentum. Verum ne hac gravandi potius adversarium, quam veritatis asserenda, studio, dixisse videar; age, ex re ipsa fiat iudicium. Primum enim, antequam ad controversiam de S. Scriptura disceptandam accedis, vestram de tribus S. Scripturae modis & auctoritate, sententiam, in prima quasi acie, praemunitionis gratia, collocas; sed qua contra ab orthodoxis copiose solideque disputantur, ea ne verbo quidem attingis. Quasi verò non hac prima sit & summa controversia, ex qua reliqua omnes dependent. Quamobrem, qua timide ad causam vestram in medium proponis, ea pressius examinemus, ut illustretur ac vincat veritas.*

C O S T E R U S.

*Triplex scribendi modus.*

**S**A C R A scriptura est quae Deum habet auctorem: sicut scriptura regis, quae à rege proficiscitur. Constat autem tribus modis à rege quippiam conscribi: aut enim manu sua scribit: aut alteri scribenti dictat, ipse verò subscribit, sigilloque munit: aut denique nec ipse scribit, nec dictat, sed alteri utrumque committit, ipse deinde manu sua sigilloque apposito, quod scriptum est confirmat. In his tribus scribendi modis, hoc differt primus à reliquis, quod & mentem habeat regis & stylum & characteres: secundus, non quidem characteres, sed mentem & stylum: tertius, praeter solam mentem & veritatem, nihil. Unde quod ad veritatem attinet, tametsi parem ubique in iudicio fidem faciant, primus tamen est merito ceteris antefendus, ob characteres regia manu exaratos, & stylum modumque loquendi, non alterius, sed regis. Secundus, ut sit primo inferior, quod alterius habeat manum, est tamen postremo praestantior, ob dictionem phrasimque regis. His tribus scribendi modis in veteri Iudaeorum populo, Deum usum fuisse, haud difficulter erit intelligere, si vetus instrumentum consulamus: Nam ad primum modum pertinent duae tabulae legis, in quibus decem praecepta Decalogi digito Dei exarata fuerunt. Ad secundum referenda est tota vetus scriptura legis & prophetarum, quam tametsi non scripserit manu sua Deus ipse, Prophetis tamen dictavit, quos Spiritu Sancto suo afflavit, *Siquidem Spiritu Sancto inspirati locuti sunt Sancti Dei homines*, ait beatus Apostolus Petrus 2. Epist. 1. 21. & David Propheta, *Lingua mea calamus scribae velociter scribentis*, Psal. 44. 2. Ad tertium modum referri possunt Pontificum decreta, quae ex Cathedra Moysis illi statuebant: quae hac communi Dei sententia, quasi sigillo, roborabantur; *Qui noluerit sacerdotis imperio obedire, ex decreto iudicis moriatur*, Deut. 17. 12. & Christi voce, *super cathedram Moysis sederunt Scribae & Pharisei: omnia ergo, quaecunque dixerint vobis, servate & facite*, Matt. 23. 2.

G O M A R U S.

**S**P E C I O S U M profectò huius controversiae exordium! quod si omnino verum esset, Pontificiorum sententiam magnopere stabiliret: sed quum in multis à veritate diffideat, non exiguum nobis, ad eandem labefactandam, subministrat argumentum. Nam quod Deum, tribus illis scribendi modis in veteri testamento, usum fuisse, affirmas; de duobus prioribus minime contendimus, sed tertius, quem affingis, nullis idoneis rationibus demonstrari potest. Ais quidem Pontificum decreta, quae ex Cathedra Moysis illi

statuebant eò referri posse: sed quomodo probas? an quòd Dei sententia, quasi sigillo roborabantur? Atqui ad tertium scripturae modum, ut ex tua descriptione constat, non solum confirmatio divina, sed etiam ac primum quidem scriptio humana necessaria est: quae in hisce decretis non apparet. Deinde si ratio tua quidquam valeret, tum iusta magistratus politici statuta, quum Christi firmentur auctoritate, (Rom. 13. 1, 2. Matth. 22. 21.) essent S. Scriptura non minus quam Pontificum decreta. Denique quae ex Dei verbo producis testimonia, sententiam tuam non demonstrant. Prius enim ex Deuteronomio petiit error duplici: quandoquidem & verba, & mentem loci, corrumpis. Nam disertè ait Deus, *sacerdoti aut iudici*: quemadmodum non solum evincit Hebraea veritas (ad cuius normam Latinorum veteris testamenti codicum fides, ut rectè ex Augustino decretum Pontificium, Dist. 9. §. *Et veterum*, definit, examinanda est) sed etiam Graeca versio, & orthodoxorum patrum Theodoretum ad eum locum, & Cypriani epist. lib. 4. ep. 10. ad Florentium consensus, demonstrant. Quis igitur non videat pseudographema vestrum, quod ex vitioso vulgati interpretis codice proponis, *Ex decreto iudicis*? Vetustiores sanè libri minus depravatè habent cum Lyrano, *Et decreto* (pro *Aut decreto*) quod tandem imperitia quadam aut studio, cum *ex decreto* permutatum est, & à vobis ad errorem vestrum firmandum retinetur. Ex qua re liquet, quantum fidei concilium vestrum Tridentinum (Sess. 4.) mereatur, quod vulgatam versionem, in omnibus sequendam, mandat. Verum, ut à verbis divinis, ad sensum eorum procedamus, si decretum iudicis Israelitici non est S. Scripturae modus; sequitur etiam, nec pontificis decretum: quia eadem penitus firmatur auctoritate & sententia. Praeterea non omnia (ut vulgò perperam statuitis) sed quaedam tantum pontificum decreta, hoc praecepto, sanciantur; ea nimirum quae ex S. literis hausta, non autem quae iis assuta. Quandoquidem legis divinae terminis concluduntur. Nam Moyses Deut. 17. 10. ait, *Facies quodcumque dixerint qui praesunt loco, quem elegerit Deus, & docuerint te juxta legem ejus*. Idque ex Glossa vestra ordinaria & Lyrano observare potuisses. Nota, ait Glossa, *non dicitur ubi ut obedias; nisi juxta legem docuerint*. Unde, *super cathedram Moysis sedent Scribae & Pharisei*. Idque amplius confirmatur primum ex Dei ad Aaronem summum sacerdotum, & filios illius praecepto; *Docetis filios Israël omnia legitima mea, quae locutus est Dominus ad eos, per manum Moysis*, Levit. 10. v. 11. Deinde ex sanctione legis ad populum universum; *Non addetis ad verbum, quod vobis loquor, nec auferetis ex eo: custodite mandata Domini Dei vestri*, Deut. 4. 2. Et postea, cap. 5. v. 32. *Custodite igitur & facite quae praecepit*

a Pagninus & Arias Montanus.

Domi-

*Dominus Deus vobis, non declinabit neque ad dextram, neque ad sinistram.* Huc accedit Bellarmini Jesuitæ de verbo Dei lib. 1. cap. 2. confessio, qua ait; *Moses igitur, Deut. 17. Si difficile, inquit, & ambiguum apud te iudicium esse perpexeris, &c.* Et infra: *Facies quodcumque dixerint qui præsumt loco, quem elegerit Deus, & docuerint te juxta legem ejus: ubi satis aperte S. Moses controversias exortas in populo Dei, ex lege Domini judicandas, docet. Adeundem modum & Esaias clamat c. 8. Ad legem magis & testimonium: Et Malac. c. 2. Labia sacerdotis custodient scientiam, & legem requirunt ex ore ejus: quia angelus Domini exercituum est. David quoque in Psal. 118. Beati qui scrutantur testimonia ejus.* Denique quum summi sacerdotes à veritate ad mendacium, & à vero Deo ad idololatriam interdum defecerint, 2. Reg. 16. 11. 16. 2. Par. 36. 14. non omnia eorum decreta à Deo confirmantur: multò minus tertium S. scripturæ modum & fidei normam constituunt. Quare ex hisce perspicuum est, quàm indignè, & verba & sententiam hujus testimonii pervertas, dum errorem vestrum firmare studes. Malum omen lapsus in limine! Similis est alterius, quem ex Matthæo adducis, testimonii ratio. Etenim Christus quidem ait, *Super cathedram Moysi sederunt Scriba & Pharisei: omnia ergo quacumque dixerint vobis, servate & facite:* sed nihil ad rem: quoniam non de ullis Pontificum decretis, sed de singulorum Scribarum ac Phariseorum doctrina loquitur. Deinde, nec alium, à divinis Prophetarum literis, Scripturæ modum definit: nec absolutam erga Scribas obedientiam præscribit; sed, ut rectè exponit Theophylactus, Comm. in Matth. 23. *Dominus dicit de his qui in Cathedra Moysi sedent: hoc est, his qui ea que in lege habentur, docent.* Nam alibi mentem suam plenius exponit, quum ait, Matth. 16. 11, 12. *Cavete à fermento* (hoc est doctrina) *Phariseorum.* Item, c. 15. 9, 13, 14. *Frustra me colunt, docentes doctrinas & mandata hominum. Omnis planta, quam non plantaverit pater meus cælestis, eradicabitur. Sinite eos: cæci sunt, & duces cæcorum.* Quibus sententiis, pontificum decreta, & scriptas Phariseorum traditiones (quas deuterofes vocabant) maximè condemnat. Idem piè testatur Johannes Ferus concionatorum Pontificiorum facillè primus (Comment. in Matth. 23.) *Omnia, inquit, qua dicunt vobis, servate & facite: sed præmisit; Super cathedram Moysi sedent. Neque enim voluit Christus, ut omnia Phariseorum dogmata susceperent; sed quatenus legi consonarent. Unde & supra, quum docuisset eos legi contraria in aliquibus docere, post aliqua interposita, subintulit; Cavete à fermento Phariseorum.* Itaque hinc apertè constat, quàm falsò in veteri testamento tertium S. Scripturæ modum statuas ac definias. An verò, primum in novo quoque testamento extare, melioribus argumentis confirmes, attendamus.

## COSTERUS.

**P**ALAM est, in lege Evangelica scripturam Novi Testamenti, ad primum scribendi modum, pertinere non posse: ad secundum posse; quòd illam dictaverit S. Sanctus, non autem scripserit suis, sed amanuensium manibus: Apostolorum inquam & Evangelistarum. Cùm autem gloria domus secundæ, hoc est, Ecclesiæ, non sit minor gloria domus primæ, Agg. 2. 10. nimirum synagogæ, debet ecclesia hac in re non esse synagoga inferior: habebitque manum sui sponsi & genuinam scripturam. Et Joh. 8. scripsit digitis suis Christus; sed in terra: & non nobis; sed Judæis. Eusebius Lib. 1. Hist. Eccles. c. 13. refert Christum dedisse literas ad Abagaram Regem: sed neque illæ propria Christi manu extant, neque unquam ab Ecclesia pro ejusmodi acceptæ sunt. Quærenda est igitur alia scriptura, quam manu sua Christus exaravit. Eam nobis D. Paulus, ex Propheta Jeremia, ita manifestat; *Dabo leges meas in mentem eorum, & in corde eorum superscribam eas,* Heb. 8. 10. & 10. 16. Jerem. 31. 33. Christus enim nec ecclesiam suam à chartaceis scriptis pendere, nec membranæ mysteria sua committere voluit (quod Moyses olim magna ex parte fecerat carnali populo) sed quum spiritualem constitueret Ecclesiam, suo S. Sancto informatam, usus est sublimiore charactere, scribens digito Dei, in corde Ecclesiæ. *Epistola estis Christi,* (ait Apostolus 2. Cor. 3.

v. 3.) *ministrata à nobis, & scripta, non atramento, sed Spiritu Dei vivi: non in tabulis lapideis, sed in tabulis cordis carnalibus.* Quam eandem scripturam Christus his verbis promisit; *Ego rogabo Patrem, & alium paracletum dabit vobis, ut maneat vobiscum in æternum, Spiritum veritatis. Ille vos docebit omnia, & suggeret vobis omnia, quacumque dixerò vobis,* Joh. 14. 16. & 26. Est autem scriptura hæc Ecclesiæ catholicæ consensus & concors Christianorum omnium, qui sunt per orbem terrarum, doctrina non horum modò, sed & eorum, qui per continuas successiones ab Apostolis ad nos usque, fidem propagaverunt: *qua scriptura* (ut ait Apostolus 2. Cor. 3. 2.) *legitur ab omnibus hominibus.* Estque illa *unctio, qua docet nos de omnibus, quam qui percepit, non necesse habet ab alio doceri,* sicut Johannes Epist. 2. 27. loquitur, quum sit *quod dicitur,* Joh. 6. 45.

## GOMARUS.

**U**T similis tibi es, Costere! nam quemadmodum frustra laborasti, ut tertium S. Scripturæ modum, in veteri testamento extitisse ostenderes; sic temerè desudas, ut primum ratione & auctoritate divina, in Novo Testamento haberi, demonstrares. Ais quidem; *quum gloria domus secundæ, hoc est Ecclesiæ, non sit minor gloria domus primæ, nimirum Synagoge, debet Ecclesiæ hac in re non esse synagoga inferior: habebitque manum sui sponsi, & genuinam scripturam:* verum, inquam, id minimè consequitur, quia falsa gloriæ definitione niteris. Quippe Christianæ Ecclesiæ gloria, ut in Novo Testamento ab Apostolo, (Heb. 1. 1. & 10. 1. & 11. 40. & 12. 22.) sic in veteri à Propheta, non scripturæ modo, sed Christi exhibitione, gentium omnium ad regnum Christi vocatione & spiritualium donorum copia, delineatur. Nec secus evinces iis testimoniis, quibus maximè confidis. Nam primum eorum quatuor, Jerem. 34. 33. 2. Cor. 3. 3. 1. Joh. 2. 27. Joh. 6. 45. omnino aliena sunt: quandoquidem scripturæ vox, in quæstione nostra propriè de scriptura externa intelligitur, ut ex initio exordii & similitudinis abs te propositæ apparet: contra vero in argumento tuo & hisce locis, non propriè, sed metaphoricè & tantum similitudine quadam, usurpatur. Præterea singularum ecclesiarum & Christianorum notitia & fides per charitatem efficax, Sacra scriptura dici non potest: quia nec propriè scriptura omnino est, nec etiam (quum depravari possit) fidei norma: ut omnibus constet. Atqui lex inscripta cordibus, epistola Christi & unctio hæc, sunt singularum ecclesiarum & Christianorum notitia & fides per charitatem efficax, ut liquet ex locorum circumstantiis, & orthodoxo patrum consensu declaratur: Hieronymi in Esa. 54. 13. & in Jerem. 31. 31. Augustini de Spiritu & litera cap. 17. imò ex pontificiorum assensu, Thomæ Aquinatis in Heb. 8. 10. Bellarmini de S. Scriptura lib. 3. cap. 10. & Costeri in solutione ad quartam objectionem pag. 64. Quare nihil hæc loca ad rem propositam conducunt. Deinde si de Sacra scriptura agerent, tum sanè non tres tantum, ut initio definis, sed quinque effingendi essent Sacræ scripturæ modi; tres unius generis, & externæ scripturæ: duo alterius & internæ, nempe extraordinarius & immediatus, ut in Prophetis, Apostolis, Evangelistis; & ordinarius ac medius, ut in reliquis fidelibus. Qua etiam ex re superior nostra ad rationem tuam responsio stabilitur. Quod enim in novo testamento omnino deest, illud ad gloriam illius non est necessarium: primus, quem statuis, scripturæ modus, abest penitus à Novo Testamento: qua igitur ratione ad illius gloriam pertinere affirmas? Si exceperis, simile quid extare & præstantius ac sublimiori (ut loqueris) *charactere;* nihil efficies. Simile hoc non est idem, nec ejusdem generis. Præterea veteris testamenti ecclesia interna, illa (quam vocas) scriptura, minimè caruit, quum & prophetiæ & fidei dono excelluerint plurimi: nos verò externa illa digitis Dei exarata destituimur omnino. Itaque non omnes veteris testamenti scripturæ modi, ut malè statuis, ad novi Testamenti gloriam requiruntur. Cæterum superioribus quatuor, quibus abusus es testimoniis illustrandis, reliqua etiam duo conjungis, quorum prius extat Joh. 14. 16. de quo postea in quæstione de præstantia S. scripturæ nobis erit plenius differendum, ac propterea in

Pppp 3

cum

eum locum differemus. Alterum verò petiit ex 2. Cor. 3. 2. *Epistola nostra vos estis, scripta in cordibus nostris: qua scitur & legitur ab omnibus hominibus*: qua sententia nihil alienius adferri potuit. Docet enim Apostolus Corinthios sibi esse instar duplicis epistolæ commendatitæ. Nam Corinthiorum animis, inscripta Pauli ministerio fides, erat Epistola Christi, qua Paulum Corinthiis commendabat, 2. Corinth. 3. 3. ejusque fidei jucunda in Pauli & sociorum corde & ore memoria, fuit instar epistolæ apud alios, 2. Cor. 3. 2. & signaculum Apostolatus Pauli, 1. Cor. 9. 2. Quæ epistola legi dicitur ab omnibus: quia ex Pauli & aliorum relatu, Corinthiorum fides passim innotuit. Quam interpretationem non modò Paulinæ orationis circumstantiæ docent: sed etiam orthodoxi patres, Chrysostomus, Theophylactus & Oecumenius confirmant. Itaque quum fidei Corinthiorum memoria non sit Sacra Scriptura: epistola autem hæc, quæ legi dicitur ab omnibus hominibus, sit fidei Corinthiorum memoria, quis non videat ineptè ad Sacram Scripturam accommodari? Ac propterea, quum nihil, ex allatis Scripturæ testimoniis, habeas prædicii; temerè profecto & profanè alium, ab Apostolorum & Evangelistarum libris, Sacræ Scripturæ modum & fidei normam, in Novo testamento confinxisti. Priusquam verò ad alteram, quæ sequitur, quæstionem discutiendam, accedo, expendenda est nonnihil hujus, quam comminisceris, Scripturæ definitio. *Est autem, inquis, scriptura hæc Ecclesia catholica consensus & Christianorum omnium doctrina*. Verum quum Ecclesia catholica per vastum terrarum orbem, sit diffusa, consensum illius conciliorum definitis sententia: sed, quia hæc rariora sunt, nec omnes ab iis controversiæ deciduntur, majori compendio ad Pontificis Romani judicium astringitis. Quemadmodum id pluribus in controversia de Pontifice contendis. Eos enim solum agnoscitis pro veris Christianis & Ecclesiæ catholice membris, qui Ecclesiæ Romanæ, quasi matri; & Pontifici, quasi capiti & certissimæ orthodoxi consensus normæ, in omnibus obtemperant. Atque hinc splendida illa Romanæ Ecclesiæ<sup>a</sup> encomia, *Sacrofancta*

<sup>a</sup> Decret. 6. lib. 1. Tit. 1. & c. Dist. 22. §. Omnes. Ibidem §. sacrosanct. Vigilius Papa concil. Tom. 2.

*Romana ecclesia, mater omnium fidelium & magistra: Mater fidei; Caput & cardo, cujus auctoritate omnes reliquæ ecclesiæ regantur, Fundamentum & forma ecclesiarum à qua omnes ecclesiæ principium sumserunt*. Qua de re memorabilis arrogantia est Calixti Papæ decretum (Dist. 12.) *Non decet, inquit, à capite membra discedere, juxta Scripturæ testimonium, omnia membra caput sequantur*. Nulli verò dubium est, quod Apostolica Ecclesia mater sit omnium ecclesiarum, à cujus regulis nullatenus vos convenit deviare. Et sicut Dei Filius venit facere voluntatem Patris sui: sic & vos implete voluntatem matris vestre, quæ est ecclesia. Huc etiam pertinent Pontificiæ dignitatis elogia<sup>a</sup>, *Voluntariam canonum Papalium violationem esse sacrilegium, imò blasphemiam in Spiritum Sanctum, cujus nutu & gratia canones editi sunt*. Item<sup>b</sup>, *Plantata ubique ecclesia sufficere unum, qui Christi vice doctor ecclesiæ, catholicam fidem tueretur, hæreses damnet, & in se conversos haberet ceteros: à quo, tanquam Dei vicario, Christi sententiam & veritatem omnes expeterent*. Tua verba, opinor, agnoscis, Costere, quibus, in controversia de Pontifice Romano consensus orthodoxi & fidei vestræ normam describis. Atque eo tandem Doctores vestri longis ambagibus oberantes dilabuntur. Hinc igitur liquet illam à vobis catholicam omnium Christianorum doctrinam & orthodoxum consensum definiri: qui Pontificis Romani judicio conformatur. Reliquos enim omnes, etiam Concilia totius orbis universaliter errare posse (quamvis etiam legato Pontificis præsentem ac probante) asseritis<sup>c</sup>, donec confirmatio Romani Pontificis (qui solus ab erroris periculo, vestra opinione immunis est) accedat. Itaque, quod communem omnium Christianorum consensum & conciliorum auctoritatem tantoperè jactatis, inanis larva est, ad rudiores fallendos prætexta: quum sola & universa quæstio, in Pontificis auctoritate definienda, consistat. De qua re, quum ad eam controversiam fuerit devenit, pluribus ex sacris literis, & orthodoxo patrum & prudentiorum Pontificiorum consensu, differemus.

<sup>a</sup> Causa 17. quæst. 4. cap. Si quis. <sup>b</sup> Causa 25. quæst. 1. cap. violatores. <sup>c</sup> Belarm. de concil. lib. 2. cap. 11.

## C A P U T II.

*Quamobrem strata jam sequentibus via, ab hujus scripturæ, quam nobis commentus es definitione, ad auctoritatem illius transeamus. Ceterum, ne quis errori sit locus, non de eo disputatur, an singularis & divina Apostolorum scientia, eorundem literis antecellat: sed an communis ecclesiæ consensus & Romani Pontificis sensus illis præstent, nec ne? Nos, tributæ Deo sua gloriæ, id meritò negamus: contrarium verò confidenter asserit.*

### C O S T E R U S.

- *Differentia inter scripturas internas & externas.*

**H**UJUS scripturæ præstantia multis partibus superat scripturas, quas nobis in membranis Apostoli reliquerunt. Primò, quòd illa sit exarata digito Dei; hæc calamis Apostolorum. Secundò quòd illa sit antiquior, nempe cum Ecclesia data: hæc posteriores, quia constat totis duodecim annis, sine scriptis Apostolicis, Ecclesiam fuisse. Tertiò quòd hæc prioris illius indiguerint confirmatione; quia *Evangelio non crederem* (ait B. Augustinus c. 4. contra Epist. fundamenti) *nisi me Ecclesiæ auctoritas commoveret*.

### G O M A R U S.

**I**NAUDITAM priscis temporibus, in ecclesia Dei, consensus ecclesiæ auctoritatem definis: quum non solum scripturam appellas, verum etiam divinis Apostolorum literis, insigni blasphemiam, præfers. Sed quibus, obsecro, argumentis? Sanè si numero certandum esset, causam veltram, aliquo modo comprobasses: sed, quum pondere & rei veritate demonstratio constet, nihil illis quinque quas adducis rationibus apud pium & attentum lectorem, poteris obtinere. Nam quòd primum ais, Sacram scripturam calamis Apostolorum conscriptam, quis neget? sed, quòd adjungis, consensum ecclesiæ exaratum esse digito Dei, illud absolute probari non potest. Nam quum Ecclesia, lunæ instar, sua habeat incrementa, consensus illius in multis, non semper à Deo, sed interdum ab humana cæcitate promanat: quemadmodum in proxima de Ec-

clesia controversia pluribus ostendemus. Deinde verò quòd Ecclesiæ consensum Sacris literis antiquiorem facis, quòd multos annos, sine scriptis Apostolicis, fuerit Ecclesia, id parum ad illis præstantiam conducit. Nam alioqui lex Moysi Evangelio; Vetus testamentum Novo; conciones Johannis Baptistæ, Christi verbis, propter antiquitatem, antecellerent. Imò vero ut hoc argumentum in te retorqueatur, si, quo quid antiquius, eo esset præstantius, tum sanè prophetia illa Jeremiæ calamo c. 31. 31. exarata, de inscriptione legis in cordibus electorum, eandem inscriptionem, hoc est, (ut ipse interpretaris) ecclesiæ Novi testamenti consensum dignitate superaret. Quamobrem vides, Costere, quàm perperam concludas. Nec consequentia solum inconstans, sed ipsa quoque ratio infirma est. Quandoquidem scripturæ vox Dei verbum divino afflatu conscriptum notat: unde à materia & forma interna, verbum Dei; à forma verò externa, scriptura appellatur. Itaque si scriptionem spectes, ecclesia prima, tempore antecessit: sin doctrinam, quæ ea continetur, ac potissima scripturæ pars est, consideres, scriptura Ecclesiam antiquitate superat. Quum enim fundamentum antiquius sit ædificio, ut communis consensus demonstrat & scriptura seu doctrina Apostolorum & Prophetarum sit ecclesiæ, tanquam domus Dei fundamentum, (Eph. 2. 10.) quis summam illius antiquitatem non agnoscat? Etenim quum de Sacra Scriptura loquimur, non de externis literis, sed de interna earum significatione & doctrina salutari, quæ illis, tanquam fidei thesauro, continetur ac definitur, disputamus: eamque tanquam Dei verbum, ecclesiæ consensu meritò præstantiorem esse demonstramus. Nam quòd contra inferiori esse statuis, quasi Scriptura sacra consensus ecclesiæ confirma-

firmatione indiguerit, illud obscure dicitur, & malè omninò concluditur. Quum enim quædam ad rei confirmationem absolute & per se, quædam per accidens & propter aliud requirantur, non eadem utrinque est ratio. Quoniam, si id, cujus confirmatione, per accidens & propter infirmitatem humanam alterum indiget, ea re esset dignius, tum Johannes Baptista, Joh. 1. 7, 37. Apostoli, Act. 1. 8. & Samaritana mulier, Joh. 4. 38, 42. & 5. 34. & 6. 69. (quorum confirmatione Christus non suo, sed aliorum vitio opus habuit) Christum dignitate superarent. Pari etiam ratione miracula Christi, eidem antecederent. Dicit enim; *Nisi signa & prodigia videritis, non credetis*, Joh. 4. 48. Quare quamvis, propter hominum imbecillitatem, ecclesiæ judicium ad sacrarum literarum certitudinem apud imperitos, confirmandam, requiratur; non propterea tamen Ecclesia scripturam dignitate antecedit. Nam quum Sacra Litera sint verbum ab ipso met Deo dictatum, alterius confirmatione per se non indigent; sed suo robore in æternum consistunt; quia auctor earum est Deus omnium Dominus, & mentiri nescius. Quare de re Bellarminus Jesuitarum coryphæus (l. 2. de concil. cap. 12.) ait: *quod si interdum catholici aliqui dicunt, scripturam pendere ab Ecclesia sive à concilio; non intelligunt quoad auctoritatem, & secundum se, sed quoad explicationem & quoad nos, &c. Itaque concilia quum definiunt qui sint libri canonici & divini, non faciunt eos infallibilis veritatis; sed declarant solum esse tales*. Hinc igitur concludo, interpretes & testis solum literarum sui regis, iis non est præstantior, sed inferior: ecclesiæ consensus est interpres & testis solum Sacrarum literarum, quæ summi omnium regis & Dei viventis litera, (ut scire patres orthodoxi<sup>a</sup> observarunt) ac propterea sine gravissimo scelere consensui ecclesiæ postponi non possunt. Unde perspicue apparet celebre illud Augustini dictum; *Ergo Evangelio non crederem, nisi me ecclesia commoveret auctoritas*, sententiam vestram minimè stabilire. Verum quandoquidem eo, quasi palmario, potissimum adversus orthodoxam de scripturæ auctoritate doctrinam, insultatis; age, corollarii loco distinctè examinemus, & iis, quæ à nostris theologis copiose & eruditè explicata sunt, nostram etiam tuendæ veritati symbolam conferamus. Ac primum quidem, ut una hirundo non facit ver, sic nec Augustini exemplum regulam generalem. Nam variis modis homines converti & ad fidem Evangelii commoveri certum est<sup>b</sup>. Quoniam singulæ ecclesiæ, quæ autographa Apostolorum sibi missa servabant, non catholicæ ecclesiæ auctoritate movebantur, sed ipsis Apostolorum literis. Reliqua verò Catholica ecclesia, re comperta, illarum fidem sequebatur. Multi præterea non catholico consensu; sed vel miraculorum splendore, vel visa martyrum constantia (ut Justinus Martyr) vel<sup>c</sup> certorum Christianorum probitate, ad Christum & Evangelii fidem adducti sunt, 1. Pet. 3. 1. Deinde verò, esto exemplum Augustini instar omnium, nihil inde, adversus sententiam nostram, concludi potest. Nam Ecclesiæ auctoritas ei fuit ad fidem Evangelii, causa procreans & conservans, non solanec principalis, sed adjuvans & ministra tantum. Nam tria illa quæ plerumque ad aliorum conversionem, etiam ad Augustini fidem generandam & fovendam concurrerunt, nempe testimonium ecclesiæ, & auctoritas Dei duplex, externa & interna. Quarum prior auctoritas, extra fideles, in ipsis sacris literis consistit: in quibus admiranda doctrinæ majestas & veritas summa, in partium consensu & prophetiarum cum eventu convenientia, elucet: quæ auctoritates ecclesiæ fundamenta. Altera verò & interna Dei auctoritas, est in ipsis electis, flexio voluntatis & mentis illustratio per Spiritum Sanctum. Priora duo, nomine Dei, fidem jubent, ac suadent; sed postremum solum persuadet. Quæ satis superque ex ipsomet Augustino demonstrari possunt: præsertim ex confessionum libris: quibus antea actæ suæ vitæ historiam, quam accuratissimè describit Tom. 6. de utilitate credendi cap. 3. Docet enim Manichæos scripta Veteris Testamenti & Acta Apostolorum rejecisse omninò: Evangelia verò quatuor, & Pauli epistolas, non Scripturam sacram, sed merè

sacram negasse, quod interpolatam & corruptam dicerent ab iis qui legem Evangelio miscere studuerant. In qua hæresi fuerat Augustinus: unde, certis quibusdam gradibus, ad fidem orthodoxam reductus est. Ac primum quidem moveri cœpit Carthagine, Elpidii viri pii & eruditi cum Manichæis disputatione: quod argumenta ecclesiæ Orthodoxæ, ex Sacris Literis petita firmiora esse observaret, quam ut à Manichæis possent infirmari. Deinde contra quum nodos Manichæorum commodè ex S. Scriptura posse dissolvi, crebra Ambrosii auditione didicisset, ferè commotus est. Postea verò magnum ad fidem momentum addidit auctoritas ea, quam Deus Sacra Scripturæ apud omnes populos conciliarat. Denique Colophonis instar accessit persuasio Dei, seu donata fides: quam subsecutum est plenioris intelligentiæ donum. Quæ singula subjectis Augustini testimoniis confirmantur. Ac de primo quidem gradu sic ait, Confess. l. 5. c. 11. *Iam enim Elpidii cujusdam adversus eosdem Manichæos coram loquentis & differentis sermones, etiam apud Carthaginem, movere me caperant; quum talia de scripturis proferret, quibus resisti facile non posset, & imbecilla mihi responsio videbatur istorum. Quam quidem non facile palam promebant, sed nobis secretius, quum dicerent, scripturas novi testamenti falsatas fuisse à nescio quibus, qui Iudeorum legem inserere Christianæ fides voluerunt: atque ipsi incorrupta exemplaria nulla proferrent*. De secundo verò gradu ait Confess. lib. 5. cap. 14. *Et dum cor aperirem, ad recipiendum, quam diserte diceret (Ambrosius) pariter intrabat, & quam verè diceret, gradatim quidem. Nam primò etiam, ipsa defendi posse, mihi jam cæperant videri, & fidem catholicam, pro qua nihil posse dici adversus oppugnantes Manichæos putaveram, jam non impudenter asserti existimabam: maxime audito uno atque altero, & sapius enigmate soluto, de scripturis veteribus: ubi, quum ad literam acciperem, occidebar spiritualiter. Itaque plerisque illorum librorum expositis locis, jam reprehendebam desperationem meam, illam duntaxat, qua credideram, legem & Prophetas detestantibus atque irridentibus, resisti non posse: nec tamen ideo mihi catholicam viam tenendam esse sentiebam, &c. Stans ergo, tam diu esse catechumenus in catholica ecclesia à parentibus commendata, donec aliquis certi eluceret, quo cursum dirigerem. Et alibi (de utilitate credendi c. 8.) *Atque id sedulo faciebam (precabar) & jam ferè me commoverant nonnullæ disputationes Mediolanensis episcopi: ut non sine spe aliqua, de ipso Veteri Testamento, multa querere cuperem: quæ, ut scis, malè nobis commendata execrabamur. Deceveramque tam diu esse catechumenus in ecclesia, cui traditus à parentibus eram, donec, aut invenirem, quod vellem, aut mihi persuaderem, non esse querendum. Sic alibi (Confess. l. 6. c. 3.) *Et cum quidem in populo verbum veritatis rectè tractantem<sup>a</sup> omni die Dominico audiebam, & magis magisque mihi confirmabatur, omnes versutarum calumniarum nodos, quos illi deceptores nostri adversus divinos libros innectebant, posse dissolvi. De tertio verò gradu, hæc ait Confess. l. 6. c. 4. & 5. *Sed sicut evenire assolet, ut malum medicum expertus, etiam bono timeat se committere, ita erat valetudo animæ meæ: qua utique, nisi credendo, sanari non poterat; & ne falsa crederet, curari recusabat, resistens manibus tuis qui medicamenta fidei conficisti, & aspersisti super morbos orbis terrarum, & tantam illis auctoritatem tribuisti. Ex hoc quoque jam præponens doctrinam catholicam. De quarto verò gradu hæc subjicit; Deinde paulatim tu Domine manu mitissima & misericordissima pertractans & componens cor meum, consideranti, quam innumeraabilia crederem, quæ non viderem, neque quum gererentur, adfuissem (sicut tam multa in historia gentium, tam multa de locis atque urbibus, quæ non viderem: neque quum gererentur adfuissem, tam multa amicis, tam multa medicis, tam multa hominibus aliis atque aliis, quæ nisi crederentur, omninò, in hac vita nihil ageremus: postremò quam inconcusse fixum fideretinerem, quibus parentibus ortus essem, quod scire non possem, nisi audiendo credidissem) persuasisti mihi, non qui crederent libris tuis, quos tanta in omnibus ferè gentibus auctoritate fundasti, sed qui non crederent, esse culpandos: nec audientes esse, si qui fortè mihi dicerent, unde scis illos libros n-****

<sup>a</sup> Augustin. epist. 3. ad Julian. Macarius hom. 39. Gregor. Magnus epist. l. 4. ep. 84. <sup>b</sup> Tertullianus de Præscript. August. de doctrin. Christiana l. 2. c. 8. & contra Faustum Manichæum l. 11. c. 2. <sup>c</sup> Euseb. hist. eccles. l. 4. c. 8.

<sup>a</sup> Plura vide cap. 4.



ninus veri & veracissimi Dei Spiritu esse humano generi ministratos? Id ipsum enim maxime credendum erat. Denique contra epist. fundamenti cap. 14. de intelligentia hæc ait; *Eos sequamur, qui nos invitant prius credere, quod nondum valeamus intueri: ut ipsa fide valentiores facti: quod credimus, intelligere mereamur, non jam hominibus, sed ipso Deo mentem nostram firmante atque illuminante.* De tota verò conversionis suæ ratione hæc paucis refert, Confess. l. 6. c. 6. *Ideo quæ quum essemus infirmi, ad inveniendam liquida ratione veritatem, & ob hoc nobis opus esset auctoritate Sanctorum literarum, jam credere coeperam, nullo modo te fuisse tributurum tam excellentem illi Scripturæ per omnes terras auctoritatem, nisi & per ipsam tibi credi & per ipsam te quæri voluisses.* Iam enim absurditatem, quæ in illis literis solebat offendere, quum multa ex iis probabiliter exposita audissem ad sacramentorum, altitudinem referebam: eoque mihi illa venerabilior & sacrosancta fide dignior apparebat auctoritas; quo & omnibus ad legendum esset in promptu & secreti sui dignitatem in intellectu profundiore servaret, &c. Hactenus celeberrimum Augustini dictum à perversione Pontificia vindicavimus: quamobrem ad reliquas tuas rationes procedamus.

## C O S T E R U S.

**Q**UARTO, quod istæ sint litera mortua scripta atramento in membrana vel charta, quam si quis vel truncare velit, vel torquere, vel pravis expositionibus corrumpere, nihil sentiat: illa verò quum scripta sit Spiritu Dei vivi, in cordibus vivis ecclesiæ, truncari & torqueri se non sinit; sed, sui per omnia similis, perseverat. Quintò, istæ non omnia continent religionis mysteria explicite: utpote non ob id datæ, ut formulam exactam & omnibus numeris absolutam nobis præscribant fidei, administrationis sacramentorum, aliorumque in republica Christiana necessariorum; sed occasione quadam vel ad Judæos vel hæreticos confutandos, vel ad abusus quosdam tollendos, vel ad fideles consolandos, à quibusdam scriptæ & nonnullis ecclesiis missæ. Illa autem, quam Spiritus Sanctus in cordibus imprimere dignatus est, omnem veritatem in se habet, omnia fidei mysteria, omnemque rationem Christianæ religionis complectitur, & omnia dubia, quæ de fidei negotiis exoriri possent, dissolvit. *Spiritus Sanctus* (inquit Christus Joh. 14. 26. & 16. 13.) *docebit vos omnem veritatem.* A qua scriptura hoc habet ecclesia, ut ab Apostolo 1. Tim. 3. 15. *columna & firmamentum veritatis*, vocetur: & de ea à Christo dicatur; *Si Ecclesiam non audierit, sit tibi tanquam ethnicus & publicanus*, Matt. 18. 17. Ex quo sequitur, hanc scripturam esse omnium scripturarum interpretem, omnium opinionum judicem, omnium errorum expultricem, à cujus judicio ad alium judicem non liceat cuiquam provocare, imò cujus judicium, iudices omnes inspicere & sequi teneantur.

## G O M A R U S.

**V**ERUM illud omninò est, Costere, quod dici solet, eum qui semel à recta via in alteram partem declinavit, quo amplius progreditur, eò longius aberrare. Nam quemadmodum tribus superioribus rationibus, à debita sacris literis reverentia recessisti, sic ab eadem multò amplius deflectis, & immodestius etiam oppugnas. Nam ut consensum ecclesiæ originis dignitate, temporis antiquitate & auctoritate, Sacris Apostolorum literis antea prætulisti; sic hoc loco, constantia & perfectione iisdem præstare, summa Deum contumelia, contendis. Hac enim ratione, errore prorsus gemino, propriam verbo divino laudem iniquè detrahis & alienam ecclesiæ consensui indignè ascribis. Nam primum, quod objicis, sacras literas posse truncari, torqueri, & variis explanationibus corrumpi, quamvis suo modo verum esse non aliorum solum, sed tuo etiam exemplo, sæpius antè demonstratum sit; absolute tamen, sine summa injuria concedi non potest. Quum enim corruptio scripturæ, alia sit contextus, alia expositionis, alia utriusque: omnibus modis scriptura se tuetur. Nam si contextus in quibusdam e-

xemplaribus hæreticorum pravitæ truncetur, aut adulteretur, reliquorum exemplarium antiquorum integritas succurret. Qua ratione Manichæorum calumniam & fraudem Augustinus (Lib. 5. cap. 11.) agnovit, ut antea ex Confessionum libris demonstravi, & ex insigni illa ad Hieronymum epistola apparet. *Manichæi* (inquit Epist. 19.) *plurima divinarum scripturarum, quibus eorum nefarius error clarissima sententiarum perspicuitate convincitur, quia in alium sensum detorquere non possunt, falsa esse contendunt: ita tamen ut eandem falsitatem non scribebant Apostolis tribuant, sed nescio quibus codicum corruptioribus, quod tamen, quia nec pluribus frue antiquioribus exemplaribus, nec præcedentis lingue auctoritate (unde Latini libri interpretati sunt) probare aliquando poterunt, notissima omnibus veritate superari confusique, discedunt.* Et sanè quum Deus Sacras literas tanquam perpetuam voluntatis suæ epistolam, & ut fœderis nobiscum initi tabulas & fidei Christianæ canonem ecclesiæ commendavit (unde vetus & novum fœdus aut testamentum omnium consensu inscribuntur 2. Cor. 3. 6, 14. & Scriptura canonica appellantur) necesse fuit, ad salutem ecclesiæ, Sacras literas integras conservari. Et in veteri quidem testamento integrè custodiendo, Deus singulari sua providentia non Christianorum solum, sed etiam Judæorum usus est ministerio; qui ad eò religiosè conservarunt, ut singularum etiam vocum & literarum numerum fidelissimè annotarint: quemadmodum Pontificiorum doctissimi agnoscunt, ac prædicant: qua de re memorabilis Augustini sententia, *Propterea* (inquit) *adhuc Judæi sunt, ut libros nostros portent, ad confusionem suam.* *Quando enim volumus ostendere prophetatum Christum, proferimus Paganis istas literas. Et ne fortè dicant, dari ad fidem quia nos illas Christiani composuimus, ut cum Evangelio quod predicamus finxerimus Prophetas, per quos prædictum videretur quod predicamus, hinc eos convincimus; quia omnes ipsæ literæ quibus Christus prophetatus est, apud Judæos sunt, omnes ipsas literas habent Judæi. Proferimus codices ab inimicis, ut confundamus alios inimicos.* *In quali ergo opprobrio sunt Judæi? Codicem portat Judæus, unde credat Christianus: librarii nostri facti sunt; quomodo solem servi post Dominos codices ferre, ut illi portando deficiant, illi legendo proficiant.* Hactenus in enarratione in Psal. 56. Augustinus, de fideli veteris testamenti conservatione, testatur. Et contra Faustum Manichæum l. 12. c. 23. *Quid est enim aliud hodieque gens ipsa (Judæorum) nisi quadam scriniaria Christianorum bajulans leges, & Prophetas, ad testimonium assertionis ecclesiæ.* In Novo verò Testamento patrum & aliorum fidelium diligentia in Græcis illius exemplaribus rectè conservandis & conferendis hæreticorum imposturas perspicuè & abundè patefecit. Si qui verò, in Bibliorum versiones varias, irreperierint errores, eos ad fidem codicum Hebræorum in Veteri, & Græcorum in novo testamento corrigendos fuisse, & correctos, non Patres solum sententia & re ipsa demonstrarunt, sed etiam antiquum Pontificum decretum (Dist. 9. §. & veterum) ex Augustino rectè confirmat. *Decet enim* (ut ait Marcus Aurelius Cassiodorus Instit. lectionum divin. lib. 1. c. 15.) *ut unde ad nos venit salutaris translatio, inde iterum redeat decora correctio.* *Quoniam* (ut de eadem re ait Hieronymus adversus Helvidium) *multo purior manere credenda est fontis unda, quam rivus.* Itaque si quædam forte exemplaria hominum improbitate aut negligentia truncantur aut adulterentur, reliquorum codicum integritate, piorum fide, Sacrarum literarum, Dei providentia, ab injuria vindicantur. Sin verò ad expositionis corruptionem devenire lubeat, fatemur quidem, cum Apostolo Petro, *indoctos parumque stabiles Sacras Scripturas suo ipsorum exitio detorquere*, 2. Pet. 3. 16. sed interim manent in seipsis integræ & illæsæ, & adversus sententiæ suæ corruptores solida & perspicua præbent argumenta: quibus, *quasi sagittis, hæreticorum filii* (ut Hieronymus in Eesai. 13. monet) *conficiuntur*: & tanquam gladio Spirituali, (ut Paulus præscribit Eph. 6. 17.) Diabolum oppugnantem fugamus. Siquidem id Christus exemplo suo, sæpius comprobavit, Matth. 4. Nam, quum genuinam Sacrarum literarum sententiam, ad ipsum superandum corrumpere Satanæ, non aliunde, quam ex iisdem literis, adversarii improbitatem, detexit & repressit. Eadem etiam ratione ac via Petrus, Paulus, alii que

aliique Apostoli, sacrarum literarum corruptores, devicerunt. Denique si ad eam effraenem existat quorundam hominum audacia, ut & contextum & sententiam Sacrae Scripturae simul contaminent, iisdem rationibus, quas distinctè jam recensui, convincentur. \* Primum bonorum & antiquorum exemplarium integritate: deinde vel iisdem mutilis & corruptis libris. Nam tanta Sacrarum literarum est præstantia: ut si magna parte truncentur aut adulterentur, id tamen quod integrum & sanum supererit, satis habebit momenti, ad improborum corruptelas redarguendum. Nam quamvis Sadducæi sprete reliquorum Prophetarum auctoritate Veteris Testamenti codicem ita imminuerint, ut solos libros Moysi amplecterentur, ex iisdem tamen à Christo perspicuè & solidè confutati sunt. Sic etiam licet Marcionitæ Novum testamentum additione & detractone varia corruperint olim, non solum integrorum codicum fide, sed etiam, ex reliquiis incorruptis, corruptelas eorum Tertullianus contra Marc. lib. 4. cap. 5. & 6. & alii patres orthodoxi graviter copioseque demonstrarunt ac diluerunt. Quod præclare testatur Irenæus lib. 3. cap. 11. *Tanta est autem (inquit) circa Evangelia hæc firmitas, ut & ipsi hæretici testimonia reddant ei, & ex ipsis egrediens unusquisque eorum conetur suam confirmare sententiam. Ebionæ etenim eo Evangelio quod est secundum Matthæum solo utentes, ex illo ipso convincuntur, non rectè præsumentes de Domino: Marcion autem id quod est secundum Lucam circumcidens, ex his quæ adhuc servantur penes eum, blasphemus in solum existentem Deum offenditur. Qui autem Iesum separant à Christo, & impassibilem perseverasse Christum, passum verò Iesum dicunt: id quod secundum Marcum est præferentes Evangelium, cum amore veritatis legentes illud, corrigi possunt: hi autem qui à Valentino sunt, quod est secundum Iohannem plenissime utentes, ad ostensionem conjugationum suarum, ex ipso deteguntur, nihil rectè dicentes. Nec veteres solum doctores, sed vester etiam Sanctus Gilbertus (in cantica sermone 47.) sacrarum literarum, non minus quam reliquarum, usum & constantiam generali hac ratione eleganter commendavit; Bonum (inquit) est, si dicantur verba, sed nihilominus bonum est, si scribantur verba. Volat enim irrevocabile verbum, nisi scripto mandetur. Scriptura verbum & stabile facit & visibile: mandatum pagina reposcet quum voles. Bonus depositarius est liber, integrè, quod acceperit, resignans: quum voles, sumes; ubi voles, leges; quamdiu voles, moraberis. Scriptura memoria reparatrix est, quia verbi repræsentatrix est. Tuò verbi medicamenta illic recondis: servantur enim illesa. Quamobrem ex hisce quæ hæcenus disseruimus omnino elucere existimo, quàm iniquè Sacris literis inconstantiam obiectes: quum in sese (frustra oppugnantibus adversariis) integræ persistant, & arma valida, detegendis ac superandis ipsarum corruptoribus, subministret. Nam ne longius abeamus, quænam Sacrarum literarum Novi Testamenti corruptio & perversio major esse possit, quàm quod illas *literam mortuam* appellas? Etsi enim in sese, nec sensum, nec motum habeant, Spiritus tamen efficacia eas non solum conservat, sed etiam quodammodo animat ac vivas reddit: & propterea Evangelium, non minus scriptum, quàm prædicatum (quo instrumento auditores fide & charitate vivificantur, Joh. 20. 31.) *Spiritus*, (2. Cor. 3. 6. 7.) *ministerium Spiritus* & *justitia*, 1b. v. 8. 9. & *potentia Dei ad salutem omni credenti*, Rom. 1. 16. Gal. 6. 16. 2. Tim. 3. 15. ab Apostolo nominatur. Legis verò doctrinam suo modo *literam mortuam* appellari, quatenus nimirum per se considerata, ab Evangelii & Spiritus gratia secernitur, notum & exploratum est ex Pauli sententia 2. Cor. 3. 7. 14. & patrum consensu: sed Evangelium mortuam esse *literam*, utrique repugnat. Quemadmodum etiam Bellarminus Jesuita (de verbo Dei lib. 2. cap. 3.) his verbis confirmat, *Apostolus Paulus neque per literam occidentem, Sacram Scripturam, neque per Spiritum vivificantem internam Spiritus alloquutionem intelligi voluit. Neque aliud sunt Paulo, litera & Spiritus, quàm lex & gratia*. Itaque defensa jam Sacrarum literarum constantia & dignitate, qua ratione ecclesie consensum (quem internam Scripturam vocas) supra*

Dei verbum extollas perpendamus. *Ille (inquis) quum scripta sit spiritu Dei vivi in cordibus vivis Ecclesia, truncari & torqueri se non finit, sed sui per omnia similis perseverat*. Magna profectò ecclesie commendatio! quam si aperto Dei verbo, aut iustis rationibus probare posses, libenter meritoque amplecteremur: Sed rei veritas & scripturae dignitas obstitit. Primum enim, quod consensum ecclesie, Spiritu Dei vivi scriptum, affirmas, de Apostolis & Prophetis omnino verum esse, controversia caret, sed de ordinaria ecclesie ratione non absolute, sed ex parte tantum dici potest. Nam in consensu Ecclesie quatuor gradus considerandi sunt, veritatis salutaris apprehensio, intelligentia, assensus, obedientia: quorum duo priores communiter hominum ministerio, per sacrarum literarum lectionem vel prædicationem, animis auditorum inscribuntur: reliqui verò duo à Spiritu Sancto promanant: qui mentem sua luce ad assensum, & cor seu voluntatem, suo motu, ad obedientiam adducit. Quibus modis *legem divinam mentibus indere & cordi inscribere dicitur*, Jerem. 31. 33. Heb. 8. 10. Deinde verò quod ais, sensum ecclesie truncari & torqueri non posse, sed sui per omnia similem perseverare, id malè ex antecedenti conclusis & falso pronuncias. Nam si quidquid Spiritu Dei vivi inscriptum est cordibus, sui per omnia simile permaneret, fides & charitas Christianorum, quæ ejusmodi sunt, turbari & lædi non possent: quod tamen Sacrae literæ & deploranda multorum experientia clarissime refellunt. Deinde verò non eundem semper consensum ecclesie permanere, sed humana imbecillitate, duobus modis infringi & vitiari posse res ipsa testatur. Primum ratione partium, quemadmodum ex Ecclesiarum <sup>a</sup> Galaticarum & <sup>b</sup> Corinthiarum exemplis, viventibus adhuc Apostolis, apparet: & sequuta tandem tristissima infinitorum Christianorum & maximæ partis ecclesie catholice in Oriente & Occidente ad Ethnicorum idololatriam, aut ad Mahumetis impietatem, aut ad varias hæreses deflectione, compertum est. Deinde ratione totius: quia & Ecclesia ante Christum universa & post Christum nonnulla concilia universalia (quæ ecclesiam catholicam *representativam* vulgò appellatis) errare potuisse & errasse, postea pluribus partim in hac prima, partim in secunda de Ecclesia controversia demonstrabitur, ac constabit. Quare confirmata jam satis Sacrarum literarum constantia, ad perfectionem earum adversus quintam rationem tuam, qua consensum ecclesie præstantiorem esse contendis, transeamus. Ac primum obijcis, quod sacra Apostolorum literæ, *non omnia contineant religionis mysteria explicitè: utpote, non ob id data ut formulam exactam & omnibus numeris absolutam nobis præscribant fidei & administrationis Sacramentorum, aliorumque in republica Christiana necessarium*. Sed quum hæc pleraque ab orthodoxis nostris ecclesiis seriò & meritò pernegari sentias, id ea ratione probare contendis, quod scripta Novi Testamenti occasione quadam, vel ad Iudeos vel hæreticos confutandos, vel ad abusum quosdam tollendos, vel ad fideles consolandos à quibusdam scriptis & nonnullis ecclesiis missa sint. Verum ut omittam quod importunè adversus Sacrarum Literarum perfectionem hoc loco differis (quum de eo argumento distincta sequatur questio) quis, obsecro, consequentiam, quam connectis, admittat? aut quomodo eam nobis comprobabis? Etsi enim res quædam singulares & certæ ecclesie scripto alicui præbere possint occasionem; non inde tamen necessario sequetur, Scriptorem, eas res solum explicare debere, & ad certæ tantum ecclesie utilitatem: quin potius contrà fiet, ut una, quod ajunt, opera plurimis inserviat. Alioquin si ratio illa, quam obijcis, valeret, Moysi & Prophetarum scripta, quæ Judæorum & certorum hominum occasione olim edita sunt, ad nostram doctrinam & perfectam institutionem nullo modo pertinerent. Quod quàm absurdum sit, ex perspicuis Apostolorum sententiis elucet, Rom. 15. 4. 2. Timoth. 3. 16, 17. Ita igitur Novum Testamentum bona parte certis occasionibus conscriptum est, ut tamen omnia fidei mysteria complectatur, & certis hominibus aut ecclesiis missum, ut usu interim, ex Spiritu Sancti instituto, ad omnes redeat. Ac prius quidem, postea plenius liquebit: alterum verò demonstratur ex

\* August. contra Faustum Manichæum, lib. 10. cap. 4. & 5. & 1. 11. cap. 2. & lib. 32. cap. 16.

<sup>a</sup> Galat. 1. 6. & 3. 1. <sup>b</sup> 2. Cor. 3. 3. & 11. 3.

prima ad Corinthios epistola cap. 2. quæ illis quidem mittitur, sed nihilominus omnibus etiam Christianis inscribitur, quemadmodum & reliquæ Pauli epistolæ ad communem fidelium institutionem pertinent, ut diserto Petri Apostoli testimonio (2. Pet. 3. 15.) declaratur. Idque aperte ac perspicue attestantur Patres, quemadmodum Tertullianus contra Marcion. lib. 5. ait; *Ad omnes Apostoli scripserunt, dum ad quosdam.* Et Cyrillus Prologo in Johannem: *Hæc commotus Iohannes par esse putavit, tam presentibus, quam futuris, huius Evangelii conscriptione, consulere.* Hieronymus, in Psal. 86. *sicut scripserunt Apostoli, sic & ipse Dominus, hoc est per Evangelia sua locutus est, non ut pauci intelligerent, sed ut omnes.* Augustinus de consensu Evangel. l. 1. c. 35. *Quicquid enim ille (Christus) de suis factis & dictis nos legere voluit, hoc scribendum illis, tanquam suis manibus, imperavit.* Sic de Evangelio Lucæ ait celebris Romanæ ecclesiæ interpres Lyranus ad prologum Lucæ, *Dicit ergo, Optime Theophile, non quod pro ipso solo scriberet, sed quia scripturam ei dirigebat pro ipsius & fidelium omnium salutē.* Denique Gregorius Magnus Pontifex Romanus in Ezech. Homil. 7. *Scriptura (inquit) sacra duo sunt testamenta, quæ utraque Dei Spiritus scribi voluit, ut nos à morte aeterna liberaret.* Quamobrem frustra & periculosè adversus stimulum calcitras, Costere, dum Novi Testamenti perfectionem & præstantiam oppugnās: & eò quidem indignius, quod ad Ecclesiæ consensum, propriam verbi divini laudem, iniquè transfers. *Illa autem (inquit) quam Spiritus Sanctus in cordibus imprimere dignatus est, omnem veritatem in se habet, omnia fidei mysteria, omnemque rationem Christiana religionis complectitur, & omnia dubia quæ de fidei negotiis oriri possunt, dissolvit.* Sanè, si de Apostolis & Prophetis sermo esset, meritò hunc honorem iis ascriberemus; sed quum de ordinaria ecclesiæ scientia differas, sine summa in Deum & rei veritatem injuria, ei tribui non potest. Nec enim rationes, quas adducis, eæ sunt; ut fidem apud pium & attentum lectorem mereantur. Nam quod primum, à Christi promissione illa Joh. 14. 26. & 16. 13. *Spiritus Sanctus docebit vos omnem veritatem,* malæ causæ subsidium petis, nihil ad rem facit: quum hæc promissio, non ad universam ecclesiam & perpetuum illius consensum, sed nominatim ad Apostolos referatur: quemadmodum ex orationis serie & promissionis complemento apparet, Act. 1. 8. Etenim hæc Apostolorum deductio in omnem veritatem, duo complectitur, perfectam ad Evangelium omnibus gentibus annunciandum, cognitionem, & perpetuum Spiritus Sancti in eo regimen, ut in docendo essent extra omne erroris periculum, eorumque doctrina esset planè divina & ecclesiæ fundamentum, Eph. 2. 20. Apoc. 21. 14. Deinde, si hæc promissio non ad solos Apostolos, sed ad totam Ecclesiam referatur, id ea fiet ratione, ut aut ad singula illius membra pertineat, aut ad cuncta seu ad corpus ecclesiæ, per cujus membra veritas omnis diffusa sit: at neutro modo rectè huic loco conveniet. Nam, si de singulis ecclesiæ membris aut doctoribus interpretari lubet, sequetur eos omnino fidei mysteria habere explorata, omnesque religionis controversias posse expedire: quo nihil absurdius dici potest: sin verò solummodò de conjuncto fidelium cætu & doctorum universorum consensu Christi verba exponere velis, unde hanc sententiam comprobabis? An ea ratione, quod eadem Apostolorum successoribus, quæ Apostolis convenire debeat promissio? At, præterquam quod secus jam antè demonstravi, id non aliunde clarius, quàm ex hoc loco, diluetur. Nam, si ita se res haberet, sequeretur omninò necessario, non solum conjunctos & universos, sed etiam singulos ecclesiæ doctores, omnem à Spiritu Sancto veritatem edoceri, & ab omni prorsus errore liberos esse ac tutos: quandoquidem Christus non minus singulis Apostolis, quàm conjunctis & universis, liberalem hanc promissionem dedit, & re ipsa comprobavit. Denique quamvis etiam concederetur, hanc generalem & communem esse promissionem, quæ universæ ecclesiæ, seu Apostolorum successoribus non minus quàm Apostolis conveniret, inde tamen, quod contendis minimè obtineres. Quoniam Deus, diversis modis & gradibus, omnem veritatem, per Spiritum Sanctum, docet. Apostoli enim, uno eo-

demque momento à Spiritu Sancto afflati, perfectè edocti & postea perpetuò directi fuerunt: ut Sacræ literæ testantur. Contrà verò reliqui ordinarii eorum successores & ecclesiæ Doctores veritatem omnem, à Spiritu Sancto, non uno momento, nec pari cum Apostolis, nec eadem semper mensura, percipiunt; sed certis tantum gradibus, progressibus & temporum intervallis. Nam primum Spiritus Sanctus plenissimè omnem veritatem docet exterius communicatione Sacrarum literarum (quibus nos alloquitur, & perfectam salutaris veritatis doctrinam proponit) & interius, efficacia sua: qua paulatim & certa mensura, mentis oculos illustrat, & cordis duritiem emollit, ut exterius oblatæ Sacrarum literarum veritati assentiamur & obediamus. Nam, quemadmodum Deus promiserat, se Israëlitas in promissam regionem Chanaanam deducturum, sed certis tamen itineribus & successu temporis hoc perfecit; & iterum ad pœnam peccatorum, inde ad tempus in Chaldæam ejecit: ita Deus ecclesiam in veritatem, non uno momento, nec eodem gradu semper deducit, aut in ea, pari perfectione, continet: ut omnium temporum experientia & miseranda ecclesiæ calamitas comprobavit. Quare ex hisce constat, hanc Christi ad Apostolos promissionem, indignè ad communem ecclesiæ consensum, & multò indignius, ad summam illius & perpetuam in omnibus fidei mysteriis constantiam demonstrandam, detorqueri. Nec alterum, quod ex Pauli verbis deducis, argumentum, magis accommodatum est; quamvis id mirificè extollatis. Etenim ecclesiam rectè <sup>a</sup> *columnam & firmamentum veritatis* dici, nemo nostrum unquam negavit, sed interpretationem vestram, & quam inde necitis consequentiam, jure meritoque refutamus. Quoniam ecclesia non propterea columna & firmamentum veritatis appellatur, quòd fidei mysteria aut omnia, aut perfectius sacris literis, complectatur; aut, quòd veritatem primariò fulciat: sed partim, quòd Sacras literas seu *eloquia Dei* (ut Apostolus docet Rom. 3. 2.) *sibi concedita*, columnæ instar, appensa custodiat, & testimonio suo apud infirmos confirmet: partim quod veritatis mysteria, quamvis non omnia quæ Sacris literis continentur, ea tamen quæ ad salutem necessaria sunt, pro suo modulo fide complectatur ac doceat: quemadmodum pluribus de hac re, in principio controversiæ de ecclesia, differemus. Tertium denique quod ex Matth. 18. 17. adducis testimonium, *Si ecclesiam non audieris, sit tibi tanquam ethnicus & publicanus,* id, ab instituta quæstione, omninò alienum est. Primum, quia Christus non de doctrina, sed de censura morum agit. Deinde, quia non de universali, sed de quavis particulari ecclesia, differit: ac propterea si, ut ais, *ex eo sequitur, hanc scripturam esse omnium scripturarum interpretem, omnium opinionum judicem, omnium errorum expultricem, à cujus judicio, ad alium judicem non liceat provocare; imò cujus judicium judices omnes inspicere & sequi teneantur:* si, inquam, hæc vera sunt, inde clarissimè consequetur, hoc summum in religione definienda judicium, ad omnes & singulas ecclesias pertinere. Quod quàm absurdum & iniquum sit, non solum acutiores & orthodoxi vident, sed etiam Pontificii doctores nobiscum testantur. Ac propterea, Costere, nisi firmioribus argumentis causam vestram itabilire possis, patrocinium illius tibi deferendum, vides, & veritati cedendum. Ac sanè vel ipsa doctrinæ tuæ absurditas (ut rationum infirmitatem præteream) eò te hortari debebat. Nam quid, obsecro, magis pietati in Deum adversatur, quàm à Sacris illius literis perfectionis & judicii auctoritatem detrahere, & ad Ecclesiam, quæ hunc honorem perpetuò recusavit, utrumque transferre <sup>b</sup>? Laudatur quidem à Deo Ecclesia, & *matris* nomine honoratur; sed non aliter, nisi quatenus ipsa Dei *patris* cœlestis vocem, in Sacris literis patefactam, amplectitur & filiis utriusque fideliter tradit. Itaque breviter & eleganter (ut solet) Augustinus in epist. Joh. tractat. 3. ait: *Est autem mater, Ecclesia: & ubera ejus duo testamenta scripturarum divinarum. Hinc sugatur lac.* Et, nequis aliquid desiderari posse putet, *ex iisdem etiam scripturis solidum hauriendum esse cibum,* eodem in loco, demonstrat; Quare quum eam fingas ecclesiam, quæ aliis & plenioribus, quàm utriusque testamenti

<sup>a</sup> 1. Tim. 3. 15. <sup>b</sup> Decret. dist. 9.

uberibus, suos nutriet alumnos, constat eam, non veram matrem esse, sed perniciosam novercam, imò *Babylonem magnam matrem fornicationum & abominationum terra*, Apoc. 17. 5. Ac propterea quum eos, qui à veris veræ matris ecclesiæ uberibus, Dei verbo, dependent, avellere, alioque traducere studeas; quantum in ecclesiâ fidei merearis, legitimi Dei & ecclesiæ filii facile judicabunt. Et ut magis conspicua sit iudicii tui indignitas, hæc pauca è multis Dei decreta opponimus, *Ad legem magis & ad testimonium: quod si non dixerint juxta verbum hoc, non erit eis lux matutina*, Esa. 8. 20. Sed etiam si nos, aut angelus è cælo evangelizet vobis, præter id quod vobis evangelizavimus (hoc autem totum comprehensum est Sacris literis, Actor. 26. 22.) *anathema esto*, Gal. 1. 8. Quicumq; secundum canonem hunc incedent, pax super eos & misericordia, Gal. 6. 16. Huc accedit consensus ecclesiæ catholicæ, quæ Sacras literas canonicas & canonem fidei ac cultus Dei propterea appellavit, & ad illarum iudicium controversias in conciliis merito dirimendas judicavit. Canon enim, summus est recti & obliqui index ac iudex: ac propterea, quum Sacræ literæ sint fidei canon, iis summum in religione iudicium iustè deferendum est. Quemadmodum piè & eleganter ait Chrysostomus in 2. Corinth. Hom. 13. *Habemus exactissimam trutinam & gnomonem ac regulam, divinarum, inquam, legum assertionem. Idèò & obsecro & oro omnes vos, ut relinquatis quidnam huic & illi videatur, deque his, à Scripturis, omnia inquirete.* Et Augustinus contra Donatistas lib. 2. cap. 6. *Non afferamus stateras dolosas ubi appendamus quod volumus pro arbitrio nostro, dicentes, hoc grave est, hoc leve est; sed afferamus divinam stateram, de Scripturis sanctis, tanquam de thesauris Dominicis, & in illa, quid sit gravius appendamus, imò non appendamus, sed à Domino appensa, recognoscamus.* Et alibi; Contra Creconium l. 2. c. 31. *Neg, enim sine causa tam salubri vigilantia canon ecclesiasticus constitutus est, ad quem certi Prophetarum & Apostolorum libri pertineant, quos omnino judicare non audeamus, & secundum quos de cæteris literis vel fidelium, vel infidelium, judicemus.* Quare quis non videat, quàm absurde Sacrarum literarum iudicium declines? sic enim pergis.

## C O S T E R U S.

**U**NDE, quando in religione quæstio movetur, de Christi divinitate, de sanctorum invocatione, de cultu imaginum, similibusque rebus, de quibus scriptura divina, in membrana relicta, quædam ad aliorum mentem dicere videtur; veluti, *Pater major me est: De die autem illa neque Filius novit nisi solus Pater: Dominus creavit me initio operum* (juxta septuaginta interpretes: ) *Non habebis Deos alienos coram me: non facies tibi sculptile, &c.* inspicienda atque pervolvenda sunt viva in corde ecclesiæ divinitus impressa atque inusta monumenta, in quibus tanquam in clarissimis commentariis ac certissimis explanationibus acquiescere debemus: nimirum, quid, de his quæstionibus, ecclesiâ, per orbem sparsa, & nunc & hæcenus ad Apostolorum usque tempora longa serie deducta, crediderit atque servaverit: & quo sensu scripturas in contrariam partem allatas, intellexerit.

## G O M A R U S.

**V**ERISSIMUM illud esse comperio, quod ait Christus, *Omnis qui mala agit, odit lucem, & non venit ad lucem, ut non arguantur opera ejus*, Joh. 3. 20. Nam, si causæ & religionis vestræ fides veritati, non tantoperè sacrarum literarum lucem, veterum hæreticorum exemplo, declines. Ut enim de sui temporis hæreticis ait Irenæus l. 3. c. 2. *Quum ex scripturis arguuntur, in accusationem convertuntur ipsarum scripturarum, quia variè sint dicta, & quia non possit ex his inveniri veritas, ab his qui nesciant traditionem:* ita de Pontificiorum doctoribus & hujus loci sententia, merito dici potest ac debet. Objicis enim Sacris literis obscuritatem, ecclesiæ verò consensui & traditioni summam claritatem ascribis, ac propterea ad hujus interpretationem & iudicium recurrendum & in eo acquiescendum mones. Sed neutrum iusta ratione comprobabis. Nam, ut de Sacris Literis prius loquamur, quamvis in iis quædam ad hæreticorum mentem dici videantur, non inde tamen sequitur, alium quærendum

esse illustriorem & certiorē interpretem. Siquidem Sacræ literæ, ut constantis sunt veritatis, sic locorum circumstantiis, & similibus ac clarioribus sententiis, seipsas, quam optimè interpretantur. Demonstravit id Christus exemplo suo Matth. 4. 6. 7. comprobant etiam Apostoli, qui passim in suis scriptis Sacras literas, non ex aliqua Patrum traditione, sed ex illis ipsis, declararunt. Imò, idem etiam iudicio & consuetudine sua ecclesiâ antiquo & orthodoxi Patres attestantur. *Qua* (inquit Basilii Magni in regulis contractis, regul. 267.) *ambiguè & obscure in nonnullis scriptura locis dicta videntur, per ea, quæ alibi certa & indubitata habentur, declarantur.* Et Origines in Jerem. Hom. 1. *Quapropter necesse est nobis scripturas sanctas in testimonium vocare: sensus quippe nostri & enarrationes, sine iis testibus non habent fidem.* Et Hilarius de Trinitate l. 1. *Optimus enim lector est, qui dictorum intelligentiam expectet ex dictis potius, quàm imponat, & retulerit magis, quàm attulerit: neque cogat id videri dictis contineri, quod ante lectionem præsumserit intelligendum.* Quum itaque de rebus Dei erit sermo: concedamus cognitionem sui, Deo; dictisque ejus, pia veneratione, famulemur. Similia patrum iudicia (quæ brevitatis causa filio) sunt quàm plurima: eaque, reipsa & consuetudine sua, confirmantur. Quoniam genuinum Sacrarum literarum sensum, ex iisdem fontibus hauserunt, & adversus hæreticorum corruptelas, tutati sunt. Quod non solum ex eorum commentariis & disputationibus constat, sed etiam vel ex hisce locis, quos adducis, perspicuè apparet. Nam, quum Ariani Christi divinitatem & æqualitatem cum Patre, quam orthodoxi statuebant, oppugnarent eo dicto, quo Christus ait; *Pater major me est:* contrà Patres orthodoxi, ex ipsis Sacris literis, solidam refutationem petiverunt, & petendam docuerunt. Quemadmodum Cyrillus (quo, ut existimo, nullus Veterum doctius, Arianos confutavit) ait Theaur. l. 2. cap. 3. *Probè facerent hæretici omnes, si undique studerent verum Scripturarum sensum venari, nec ad voluntatem suam omnia vertere atque inde syllogismos connectere. Si enim offends eos, quod Pater major Filio scribitur, juvet illud quoque, quod de Filio dicitur; Qui quum esset in forma Dei, non rapinam arbitratus est se esse æqualem Deo, Phil. 2. 6. & Iohannes c. 5. 18. apertissimè; 'Patrem, inquit, suum Deum dicebat, æqualem seipsum faciens Deo. Et postea, Certè hic (Phil. 2.) ipse Paulus, & æqualem Deo filium apertissimè, dixit, & minorem esse, propter passionem mortis, enuntiavit.* (Comment. in Joh. lib. 10. cap. 9.) Sic alibi eandem sententiam similiter declarat ex Sacris literis. *Christum Patre minorem, secundum humanam naturam, & humiliationis statum, non autem secundum Deitatem;* idque probat, ex iis Scripturæ locis, quibus adoratio, & idem cum Patre Spiritus, ei attribuitur, & in Patre esse dicitur, ac denique verus Deus & vita æterna nominatur. Ac tandem adversus hæreticorum errores concludens, Sacrarum literarum præstantiam & perfectionem, hisce verbis, ostendit; *Nam si à Sacris literis id non acceperunt, confundantur, proprias in fidem sententias afferentes.* Deinde ad alterum locum, *De die autem illa neque Filius novit, nisi solus Pater*, Marc. 13. 32. Gregorius Nazianzenus orat. 2. de Filio, & ante eum Athanasius sermone 4. contra Arianos, Filio ignorantiam tribui non absolute, sed tantum ratione humanæ naturæ, petita ex Sacris literis interpretatione, exponunt. Denique ad tertium quod attinet locum, quem nobis objicis, *Dominus creavit me initio operum suorum*, Prov. 8. 22. juxta septuaginta interpretes, si patres ipsos audimus, non aliunde, quàm ex eadem Scriptura, interpretationem veram, & hæreticorum confutationem, hauserunt. Nam primùm Hilarius de Synodis adversus Arianos, cap. 5. ex consequentibus Salomonis verbis, docet, sapientiam genitam dici; deinde Basilii & Hieronymus respondent ex Hebræo contextu & accuratioribus interpretibus legendum esse non *ἐκ τῆς κτίσεως* creavit: sed *ἐκ τῆς οὐσίας* possedit. Nec dubitandum est quin *ἐκ τῆς οὐσίας*, in *ἐκ τῆς οὐσίας*, librorum vitio, perversum. Denique quod clara & perspicua decalogi præcepta; *Non habebis Deos alienos coram me: Non facies tibi sculptile, &c.* sæpissime à Mose & Prophetis iterata & explicata, iis locis annumeras, quæ, pro-

<sup>a</sup> Contra Eunomium lib. 2. <sup>b</sup> Comment. ad Eph. 2.



pter obscuritatem, ad hæreticorum mentem, dicta videntur: id omnino causæ vestræ infirmitatem & deploratam idololatriam demonstrat. Quamobrem etiam ex hisce apparet, Sacras literas optimum esse sui interpretem. Quibus accedit Clementis Papæ consensus, qui Concil. tom. 1. Clem. ep. 5. *ex ipsis Scripturis sensum veritatis capiendum, & ex divinis scripturis integram & firmam regulam veritatis petendam*, affirmavit: & Leonis Papæ sententia, Epist. 10. ad Flavianum, quæ *in rebus obscuris ad veritatem cognoscendam ad Propheticas voces, ad Apostolicas literas, ad Evangelicas auctoritates, recurrendum docet*. Quamquam & gravem sententiam, si ut debebas, amplectereris, non tam indignè Sacrarum literarum interpretationem, postposita Scriptura, ex judicio ecclesiæ potissimum depromendam judicares. *Inspicienda* (inquis) *atque provolutanda sunt viva in corde ecclesiæ divinitus impressa monumenta*: sed qua ratione id fieri potest? *Homines enim externam faciem contemplantur, solus Deus corda intuetur*, 1. Sam. 16. 7. Itaque quod fundamenti loco subternis, id & naturæ & scripturæ omnino adversatur. Dices fortasse, abdita quidem hominibus esse cordium penetralia, sed ea patefieri nobis sermone & scripto tanquam duobus præcipuis animi nuntiis: sed quid illud ad rem faceret? neutrum enim scriptura illa interna est, quam fingis, & de qua inter nos existit controversia. Deinde neutrum etiam certum est (si Prophetas & Apostolos exceperis) ejus quod à Deo menti inscriptum est, indicium. Nam quum regeneratio ecclesiæ in hujus vitæ curriculo sit imperfecta, & caro spiritui reluctetur, Gal. 5. 17. Os verò & manus sint communia utriusque instrumenta (quæ prout alterutrum interdum eminet, ita eidem inserviunt) quomodo certò nobis constabit, utrum Spiritus, an carnis sententiam proponant? Quapropter, in hac etiam re certior quærenda est interpretationis Scripturæ & Spiritus divini regula, Sacræ nimirum literæ: quas citra ullam controversiam à Deo prodiisse, & jussu illius fideliter conscriptas, constat. Unde Apostolus Paulus ait, *Omnia probate; quod bonum est, tenete*, 1. Thes. 5. 21. & Johannes; *Ne cuius Spiritui credite, sed probate Spiritus, an ex Deo sint*, 1. Johan. 4. 1. & Christus *scrutamini scripturas, quia vos putatis in ipsis vitam æternam habere, & illa sunt, quæ testantur de me*, Johan. 5. 39. Nam quod Bellarminus Jesuita de verbo Dei lib. 1. cap. 2. adversus scripturarum contemptores ait, *Moses, Propheta, Christus ipse, Johannes Baptista, Apostoli, vel divina dogmata ex Scripturis ipsi confirmabant, vel certè ad scripturas legendas alios hortabantur, nec ullum unquam ad interni Spiritus judicium, scripturis neglectis, remiserunt, &c.* id, non solum de singulis, sed etiam de communibus judiciis, meritò dici potest. Præterea, quum de vera Christi Ecclesia, ubinam ea sit, gravissima vigeat dissensio, prius de illa re, ex diligenti Sacrarum literarum examine, tanquam fundamento, certi esse debemus, priusquam ecclesiæ judicium, sine errore aut sine dubitatione gravi, audire possimus. Ac propterea, vera Sacrarum literarum interpretatio non ab Ecclesiæ judicio; sed ecclesiæ judicium, à Scriptura dependet. Si exceperis, veram hujus temporis ecclesiam ex antiquæ ecclesiæ & orthodoxorum Patrum comparatione & consensu elucere, eadem manebit difficultas. Nam quum varii ab initio & magno numero fuerint hæretici, quæretur perpetuò, quibus argumentis orthodoxi patres, ab hostibus veritatis, dignosci possint? Actandem ad Sacras literas, veræ religionis canonem, velis, nolis, erit recurrendum. Deinde, ut de Patribus orthodoxis minimè dubitemus, quum diversos singuli ferè habuerint nēvos, & inter sese, ac secum, non rarò dissenserint, quibus indiciis consensum orthodoxum aliunde rectè, quàm ex certo Sacrarum literarum canone, cognoscemus? Quod adeò clarum

est, ut id summi vestri doctores, infinitis ferè exemplis, demonstrant. Etenim occurrant diversæ apud patres loci alicujus interpretationes, non patrum antiquitatem, non numerum spectant: sed rem ipsam ad Sacras literas appendentes, judicant, & paucorum sententiam plurium judicio, tanquam Sacris literis convenientiorem, sæpe anteponunt. Videatur vel sola orationis Dominicæ, vel unius scripturæ capitis expositio, & verissimum esse constabit. Eandem rationem ipsi patres observant: quemadmodum Hieronymus Augustinum à reliquis patribus in explicatione Psalmorum diversa sentire ait (Epist. Aug. 11.) & eandem libertatem alibi sibi tribuit. Sic enim loquitur (Epist. lib. 3. ad Minerium & Alexandrum:) *Nec juxta Pythagoræ discipulos præjudicata doctoris opinio; sed doctrina ratio ponderanda est: si quis autem contraria factionis immurmurat, quare eorum (Patrum) explanationes legam, quorum dogmatibus non acquiesco? scias, me illud Apostolis libenter audire; Omnia probate: quod bonum est tenete, &c.* Et præfatione in Oseam, post quam eos patres, qui in Oseam scripserant, recensuit; addit; *Quos tamen non in omnibus sum secutus, ut judex potius operis eorum, quàm interpret existerem.* Et Augustinus libro de natura & gratia, contra Pelagianos ait, *se in hujusmodi quorumlibet hominum scriptis liberum*: & addit; *quia solis canonicis debeo sine ulla recusatione assensum.* Et Epist. 111. ad Fortunatianum: *Neque enim quorumlibet disputationes, quamvis Catholicorum & laudatorum hominum, velut scripturas canonicas habere debemus: ut nobis non liceat, salva honorificentia, quæ illis debetur hominibus, aliquid in eorum scriptis improbare atque respuere, si fortè invenerimus, quod aliter senserint, quàm veritas habet, divino adjutorio, vel ab aliis intellecta, vel à nobis. Talis ego sum in scriptis aliorum, tales volo esse intellectores meorum.* Denique huc accedit consensus Bellarmini, De conciliis lib. 2. cap. 12. *Scripta patrum non sunt regula, nec habent auctoritatem obligandi.* Præterea quum immensa sint orthodoxorum patrum volumina, & Græco aut Latino sermone conscripta, quo modo maxima ecclesiæ & totius orbis multitudo, quæ harum linguarum imperita est, & si perita esset, omnia examinandi & intelligendi, imò legendi facultate destitueretur: quomodo, inquam, de patrum omnium consensu certò cognoscet? Nam quod ait Hieronymus præfatione in Jonam; *Scio veteres ecclesiasticos, tam Græcos, quàm Latinos super hoc libro multa dixisse, & tantis questionibus, non tam aperuisse quàm obscurasse sententias, ut ipsa interpretatio eorum, opus habeat interpretatione, & multo incertior lector recedat, quàm fuerat antequam legerat*: id, inquam, meritò de reliquis quoque non paucis dici potest. Denique si ad hujus temporis ecclesiæ catholicæ judicium, in omnibus rebus dubiis, confugiendum est; quomodo id fieri potest? quum ecclesia, per orbem diffusa, rarissimè, imò nunquam, ne in generalibus quidem synodis, millesima sui parte conveniat, & paucissima in conciliis definiat ac declaret: multa etiam ob difficultatem in medio implicata relinquant; ut vel ex concilii Tridentini vestri historia cognosci potest. Vides itaque, Costere, sermonis tui absurditatem, quantisque difficultatibus te involvas, quemadmodum in controversia de Pontifice non obscurè agnoscis; *Penes* (inquis) *ecclesiam catholicam est judicium veritatis, sed quod ea per vastum orbem diffusa, sine gravissimis incommodis unum in locum coire nequeat, & pro re nata, quæstiones difficiles non rarò exoriantur, necessum erat, majori compendio, Christianorum commodis fidei, integritati prospicere.* Hoc autem compendium, Pontificem definis: quem, certum & summum omnium controversiarum judicem, à Deo constitutum, affirmas. Quod, quantoperè pietati & experientiæ repugnet, in argumento de Pontifice, ostendemus.

## CAPUT III.

*Quare ex hisce liquet consensum ecclesie non esse primum, quem fingis scriptura modum, eoque multò minus Sacris Apostolorum literis præstantiorem: quemadmodum utrumque insigni in Deum contumelia frustra studuisti demonstrare. Nec sanctius tertium scriptura genus definis, ut ex sequentibus elucebit.*

## COSTERUS.

## Decreta conciliorum.

**T**ERTII generis scriptura est in decretis conciliorum generalium, quæ Christus gravissimo suo testimonio & auctoritate communivit; *Qui vos audit, me audit*, Luc. c. 10. v. 16: & *si ecclesiam non audierit, sit tibi velut ethnicus & publicanus*, Matth. 18. v. 17. & *Ego vobiscum sum, omnibus diebus, usque ad consummationem sæculi*, Matth. c. 28. v. 20.

## GOMARUS.

**M**AGNA & illustris est Conciliorum, quæ ad verbi divini normam instituta sunt dignitas; sed tamen longè minor, quàm à te statuitur. Quod ut distinctius & clarius ostendatur, observandum est, Concilia quædam esse particularia, quæ à vero aberrare posse, frequenti experientia & communi Pontificiorum assensu, constat: alia verò esse universalia, de quibus gravis est Orthodoxis cum Pontificiis controversia. Quæritur enim, an ea sint certa fidei Christianæ norma, & divinis scripturis accensenda? Costerus affirmat, nos verò id meritò pernegamus, ut ex rationum, quas adversarius adducit, levitate, apparebit. Tria enim illa, quibus confidit, testimonia, prorsus inepta, & à re proposita adedò aliena sunt, ut, nisi trita & communia essent omnibus Pontificiis doctoribus argumenta, prævaricari & in re seria ludere videretur. Nam, ut ea ordine perlustremus ac perpendamus, verum est Christum dixisse; *Qui vos audit, me audit*: sed quid inde concludis? Nam, ut aliquid ex hoc loco consequaris, probandum tibi esset primum, Christum alloqui concilium: deinde non particulare, sed generale tantum: præterea promissionem hanc esse absolutam & perpetuam: ad hæc communem non uni concilio generali, sed omnibus: deinde agere de decretis, iisque & omnibus, & scriptis. Adedò ut, si quid ex hisce desideretur, nihil obtineas: quoniam hæc omnia in quæstione versantur & probanda suscepisti, quemadmodum ex verbis tuis antecedentibus & sequentibus constat. At verò nihil istorum cum Christi sententia consentit. Nam primum hæc promissio non ad concilium ullum, sed ad septuaginta discipulos: deinde, non magis ad generale, quàm ad particulare concilium, imò quàm ad binos aut singulos episcopos, pertinet. Quandoquidem Christus hanc promissionem, non conjunctis solum hisce discipulis, sed binis dedit, Luc. 10. 1. Tertiò promissio hæc, quatenus hoc loco intelligitur, non fuit absoluta & perpetua, sed temporaria, & ad legationem illam accommodata. Quartò, quum legatio fuerit singularis & miraculis obsignata, (Luc. 10. 17.) ineptè omninò sanctio illius, ad ordinarium & commune ecclesiæ ministerium, extenditur: nisi ex aliis locis idem probari possit. Quintò, hæc promissio nullam contra, aut extra Sacras literas (quod Pontifici & Conciliis attribuunt) conficiendi decreta, facultatem concedit (tantum abest, ut ea omnia stabiliat) sed ad verba<sup>a</sup> à Christo accepta, fideliter proponenda, alstringit. Quemadmodum etiam, quamvis Apostoli perpetuò à Sp. Sancto immediatè in doctrina directi sint, nullam tamen, nova de religione decreta conficiendi, potestatem, acceperunt; sed ad Christi verba fideliter tradenda fuerunt delegati. Nam quod Christus Matt. 28. 19. ait; *Docete omnes gentes*, postea explicat, *docentes eos servare omnia quaecunque mandavi vobis*: quemadmodum etiam doctiores vestri scriptores agnoverunt. Nam Johannes Ferus commentariis in Matt. 23. ait, *Apostolis eorumque successoribus dixit, Qui vos audit, me audit; & qui spernit, me spernit*. Item: *Qui non*

*receperint vos, tolerabilius erit terra Sodomorum, &c.* Verum præmisit Matthæus, quod Christus elegit duodecim quos & vocavit Apostolos, quibus & præcepit prædicare Euangelium in universo mundo, &c. è quibus patet audiendos esse Apostolos, sed quatenus Apostoli sunt, hoc est, Christi negotium agunt, ac quæ Christus jussit prædicant ac docent. Quòd si alia docent, & Christo contraria, jam Apostoli non sunt, sed seductores, ideo nec audiendi. Ac sanè eatenus, non solum conciliorum canones, sed etiam singulorum ecclesiæ pastorum, dicta audienda sunt, quatenus ab iis Christi verba audiuntur & bona fide traduntur. Denique quum Christus ait, *Qui vos audit, me audit*, non de ulla scriptura, sed de prædicatione Euangelii, apertissimè loquitur, ut ex omnibus circumstantiis demonstrari potest. Nec enim hoc septuaginta discipulos, quos compellat, ad decreta statuenda & conscribenda conjunctim destinavit; sed distinctè binos, ad regni sui adventum sermone tantum annuntiandum, præmisit, pro temporis illius ratione: quod ad Novi Testamenti scripturam (nondum misso Spiritu Sancto) erat omninò importunum. Itaque quis non animadvertat quàm turpiter hujus loci sententiam pervertas, quum eum, ad conciliorum generalium auctoritatem & tertium scripturæ genus confirmandum detorques. Alterum etiam quod producis testimonium; *Si ecclesiam non audierit, sit tibi tanquam ethnicus & publicanus*, non minus alienum est. Quod, quamvis ex iis, quæ ante à nobis explicata sunt, satis liqueat, tamen ut clarius scripturæ majestas, sententiæ tuæ in decretis conciliorum scripturæ æquandis iniquitas, & turpis hujus loci abusus, demonstretur, distinctius & pluribus agemus. Nam primum ecclesia, hoc in loco, non Concilia generalia denotat, sed eos qui ecclesiis particularibus præsent, quemadmodum res ipsa evincit. De ea enim ecclesia differit Christus, Matth. 18. 15, 16, 17. quæ in fratrum correctione ab iis qui privatim sunt offensi, adiri potest ac debet. Quod conciliis generalibus minimè convenire certissimum est. Deinde idem attestantur in explicatione hujus loci veteres Patres, Chrysostomus, In Matth. 18. Gregorius Magnus Epist. lib. 12. Epist. 31. & Theophylactus Comment. in Matth. 18. ac propterea vulgò doctissimi Pontificii idem agnoscunt, quum ecclesiæ vocem etiam angustius & iniquius exponunt *prælatus ecclesiæ*: quemadmodum ex Alberto Magno & Lyrano in commentariis ad eum locum & ex Thoma Aquinate (Summæ 2. 2. qu. 33. art. 8.) apparet. Ex quo perspicue sententia tua evertitur. Nam prælatus ecclesiæ nec concilium est, nec ab errore liber: eoque dicta & scripta illius, ut ad concilia generalia propriè non pertinent, sic nullam fidei normam, nec tertium Sacræ Scripturæ genus constituunt. Huc accedit, quòd hoc Christi dictum non agit de decretis ullis, aut aliqua scriptura; sed de ecclesiastica reprehensione & adhortatione, qua illi, qui in fratres suos injurii sunt, ad culpæ agnitionem & pacem Christianam excitantur. Cui adhortationi si obedire contumaces detrectent, Ethnicorum instar habendos esse, Christus docet. Adhæc, non absolute obedientiam Christus hoc in loco exigit, sed quatenus ecclesia rectè edocta, rectè judicat. Nam & adversarius falsis testibus innocentem accusare, & qui ecclesiæ præsent, aut errore, aut affectu aliquo humano, perperam interdum arguere possunt. Itaque audiendi sunt non absolute, sed in rectis sententiis, quatenus re probè cognita, in judiciis suis Dei verbum audiunt & tanquam normam sequuntur. Quod prudenter & piè observavit angelicus (ut vocatis) doctor & sanctus vester Thomas Aquinas, *Prælato*, inquit Summæ 2. 2. qu. 33. art. 7. *non est obediendum contra preceptum Domini, secundum illud Act. 5. Obedire oportet Deo magis, quam hominibus, &c. unde, si prælatus expresse præciperet contra hunc ordinem à Domino institutum, & ipse peccaret præcipiens, & ei obediens, quasi contra preceptum Domini agens.*

<sup>a</sup> Luc. 10. 5, 3. 11.

Unde non esset ei obediendum. Et graviter etiam ait Hieronymus in Matth. 16. *Quodcumque ligaveris super terram, &c. Iustum locum episcopi & presbyteri non intelligentes, aliquid sibi de Pharisaeorum assumunt supercilio, ut vel damnent innocentes, vel solvere se noxios arbitrentur: quum apud Deum, non sententia sacerdotum, sed reorum vita, quæatur.* Denique, etiam si ecclesiarum nomine (quod falsum esse ostendimus) concilia generalia essent intelligenda, tamen, quum certum sit, hic non de aliis agi, quàm de iudiciis facti, in quibus (ut ajunt summi doctores<sup>a</sup> vestri) concilia generalia errare posse non est dubium: sequitur omnino nullam hinc Sacrae Scripturae genus aut absolutam obedientiae normam posse stabiliri. Atque eadem denique est tertii, quod adjungis testimonii ratio; *Ego vobiscum sum usque ad consummationem seculi.* Nam Christus, hoc in loco, non agit proprie de conciliis, nec potius de generalibus quàm particularibus, sed de Apostolis singulis, & eorum ministerio successoribus & fidelibus: servatis tamen donorum gradibus & mensura: quemadmodum ex orationis filo & similibus sententiis, quibus Christus praesentiam & auxilium suum pollicetur, ostendi potest; *Ubi enim sunt duo vel tres coacti in nomine meo, illic sum in medio eorum*, Matth. 18. 20. *Oves mea vocem meam audiunt, & ego eas cognosco, & sequuntur me: & ego vitam aeternam do eis: nec peribunt in aeternum, nec rapiet eas quisquam è manu mea*, Joh. 10. 27, 28, 29.

<sup>a</sup> Bellar. de Concil. lib. 2. cap. 8.

Quam genuinam explicationem orthodoxorum patrum consensus adducit ac probat. Ac primum Augustinus de Genesi ad litteram l. 6. c. 8. ait, *Omnibus enim dicebat, quos suos futuros videbat. Ecce ego vobiscum sum usque ad consummationem seculi.* Deinde Chrysostomus in Matth. Hom. 15. *Quum dicitur; ecce ego vobiscum sum omnibus diebus usque ad consummationem seculi, non ad eos tantummodo loquitur, sed per eos ad universum prorsus orbem.* Et in 2. Thess. 2. 3. Homil. 5. *Quodenim non solum istis promiserit, sed & illis qui vestigia ipsorum subsequuntur, ex eo liquet, quod dicat, usque ad consummationem seculi. Quid ergo ad eos dicit, qui doctores non sunt? Quisque vestrum, si volet, doctor est; & si non alterius, tamen sui ipsius.* Idem testatur<sup>a</sup> Theophylactus, <sup>b</sup> Basiliius, <sup>c</sup> Salvianus. Quare, quum hæc promissio ad omnes & singulos Apostolos eorumque successores & pios, suo modo & gradu pertineat, nullum inde novum scripturae sacrae genus sancitur: alioqui singulorum episcoporum & fidelium de religione sententiae, essent sacrae literae & norma fidei: quod non solum rei veritati, sed etiam communi adversariorum doctrinae repugnat. Ac propterea ex hisce omnibus apparet, conciliorum decreta non esse inter canonicas scripturas numeranda: quod adeo perspicuum est, ut id etiam Bellarminus Jesuita agnoscere sit coactus, & sententiam tuam apertissime refellat, De conciliis, lib. 2. cap. 12.

<sup>a</sup> In Matth. 28. <sup>b</sup> Sermone de penit. <sup>c</sup> De Providentia Dei l. 2.

#### C A P U T IV.

*Unde reliqua, quæ de Conciliorum auctoritate proponis, facilius convellentur.*

#### C O S T E R U S.

QUAE sanè decreta, si veritatem, si ob signationem Spiritus Sancti, si praesentiam Christi spectes, idem habent pondus quod sancta Dei Evangelia: sicut & B. Gregorius pluribus<sup>a</sup> locis fatetur: & B. Theodosius (apud<sup>b</sup> Nicephorum) magnæ sanctitatis archimandrita ante ipsum, publice concensio suggestu ausus est dicere; *Si quis quatuor synodos quatuor Evangelis non exaquet, anathema.* Quod idem Apostoli præ se ferre videntur, quum ex primo suo concilio Hierosolymitano ita scribunt; *Visum est Spiritui Sancto & nobis*, Act. 15. 28. Si autem verba ipsa decretorum consideres, nullo modo sunt cum Sacris literis conferenda. Quum hæc dictata à Spiritu Sancto, nec jota unum vel unum apicem habeant, cui non insit suum pondus & efficacia, unde tanquam divina eloquia mentem hominis admirabili dulcedine & suavitate afficiunt, sicut toto Psalmo 118. B. David Propheta docet. Conciliorum verò decreta à Sanctis Patribus conscripta fuerunt, qui suis verbis veritatem divinam nobis loquuntur: non aliter atque scriptor, qui regis voluntatem suo stylo literis mandat. Atque hinc rectè dixit B. Augustinus, Epist. 19. se nullius hominis libris tantum deferre atque divinis literis; non quidem ob veritatem, quæ par est in utrisque, sed ob verba & phrasim distantis, qui fuit Spiritus Sanctus.

<sup>a</sup> Lib. 1. Ep. 24. Lib. 2. Ep. 10. Lib. 3. Ep. 33. Lib. 5. Epist. 2. <sup>b</sup> Lib. 16. c. 33.

#### G O M A R U S.

SANE, si decreta conciliorum generalium essent scriptura divina, eadem cum reliquis Sacris Literis auctoritate polerent; sed, quia secus antè demonstravi, magna est in Deum injuria, quod ea, si veritatem, ob signationem Spiritus Sancti, & praesentiam Christi spectemus; idem habere pondus, quod Sancta Dei Evangelia, affirmare non vereris. Quod verò illud, omisso Dei verbo, humanis Gregorii & Theodosii testimoniis probare niteris, doctrinae vestrae infirmitatem aperte proditis. Siquidem, ut idem ait Gregorius in Job. l. 18. c. 14. *Qui ad vera praedicationis verba se preparat, necesse est ut causarum origines è sacris paginis sumat: ut omne quod loquitur ad divina auctoritatis fundamentum revocet, atque in eo adificium locutionis suae firmet. Ut enim praediximus, saepe heretici, dum sua student perversa astruere, ea proferunt, quæ profecto*

in Sacrorum librorum paginis non tenentur. Quamobrem ab humanis literis ad divinas provocamus. Alia quippe (ut ait Augustinus contra Faustum Manichæum lib. 23. c. 9.) non habent ad has res ullum pondus auctoritatis. Quippe nec parentum nec majorum error sequendus est, sed auctoritas scripturarum & Dei docentis imperium: ut rectè monuit Hieronymus in Jerem. 9. Qui propterea Helvidio patrum testimonia objectanti piè respondit, (Contra Helvidium.) *Nugas sermum & fonte veritatis omisso opinionum rivulos conflamur.* Quare si quid Gregorii & Theodosii testimonium valere cupis, illud prius ex Sacrarum literarum fontibus probari oportet. Deinde verò quamvis hæc, quæ objectas, verba (quæ generatim accepta, non à nobis solum, sed etiam à Jesuitis<sup>a</sup> doctioribus refutantur) largiremur, tuam tamen, de conciliorum decretis, sententiam minimè confirmarent. Nec enim absolute, de omnibus omnium Conciliorum decretis, loquuntur, (de qua re inter nos quaestio est) sed de certis tantum, iis videlicet, quæ ad Sacrarum literarum normam, contra Arii, Macedonii, Nestorii, & Eutychetis errores, quatuor illis conciliis, definita sunt. Nam quartum concilium, nimirum Chalcedonense, adeo errasse scribit Gregorius<sup>b</sup>, ut Leoni Romano tribuerit *universalis Episcopi* titulum: quem titulum, *prophanum ac scelestum fidesque perniciosum*, appellat. Præterea si idem cum Sanctis Dei Evangelis, conciliorum illorum decreta haberent pondus<sup>c</sup>, Catechumeni lapsi tres annos à communibus ecclesiarum precibus essent excludendi: nec die Dominica, nec in Pentecoste genua ad Deum orandum ulli fidelium essent inflectenda, ex concilii Niceni decretis, Can. 20. quæ tamen, ut alia multa, communi usu abrogasti. Deinde non solum superbè, sed etiam impiè fecissent legati<sup>d</sup> Leonis Pontificis & ipse Leo, quod quarti concilii decreto pertinacius reluctati fuerunt, in quâ tamen re sanctè eos fecisse, vulgo judicatis. Denique hoc certum est, nec Leonem, nec legatos illius, parem concilii & Evangelii veritatem (quam tu definis) agnovisse: alioqui non tam apertè ei sese opposuissent. Atque idem etiam iusta Leonis sollicitudo confirmat. Nam quemadmodum Concilium Ephesinum secundum, quod Sanctam synodum initio appellaret, postea eventu comperto, non posse vocari concilium, quod in eversionem fidei fuerit agitatam, <sup>e</sup> asseruit:

<sup>a</sup> Bellarm. de Concil. lib. 2. cap. 12. <sup>b</sup> Gregor. Epist. lib. 4. Epist. 80. & 81. & lib. 6. Epist. 188. & lib. 7. Epist. 30. <sup>c</sup> Concil. Nicen. Can. 3. <sup>d</sup> Leo Epist. 51. & 53. <sup>e</sup> Epist. 14. ad Concil. Eph. Epist. 41. ad Martianum.

fic

sic postquam jam indictum esset Chalcedonenſe concilium universale, metuens ne & illud, in decretis ſuis, ut Ephesiſinum, à vero aberraret, ſic eodem in loco Imperatorem alloquitur; *Unde, per ipſum Dominum noſtrum Jeſum Chriſtum, qui regni veſtri eſt auctor & rector, obteſtor & obſecro clementiam veſtram, ut in preſente ſynodo fidem, quam beati patres noſtri ab Apoſtoliſ ſibi traditam prædicarunt, non patiamini, quaſi dubiam, retractari, & qua olim à majorum ſunt auctoritate damnata, rediſſimis non permittatis conatibus excutari.* Ex quibus apparet Leonem Papam ſtatuiſſe, primum, concilia generalia, non eſſe certam veritatis normam; ſed contra, veritatem fidei, eſſe Sanctorum conciliorum generalium certam regulam: deinde, concilia generalia errare poſſe & interdum erraſſe. Verum omiſſis patrum teſtimoniis Sacras literas citas, ſed ut ſoles timide & inepte. Ais enim, *Quod idem Apoſtoli præ ſe ferre videntur, quum ex primo ſuo concilio Hieroſolymitano in literis ſynodalibus ita ſcribunt, Viſum eſt Spiritui Sancto & nobis:* Verum id nec præ ſe ferunt Apoſtoli, nec præ ſe ferre videntur. Quoniam alia eſt concilii cui præſuerunt Apoſtoli, alia cæterorum ratio. Apoſtoli enim hoc privilegio donati erant ſinguli, ut in doctrina errare non poſſent, quod perpetuo Spiritus Sancti regimine in omnem veritatem deducerentur, Joh. 16. 13. Act. 2. v. 4. unde *fundamenta eccleſie* divinitus appellantur, Apoc. 21. v. 14. Eph. 20. v. 20. Quamobrem, quæ de ſuis decretis peculiariter teſtati ſunt, ea malè ad omnia concilia generalia extendis. Deinde, concilium illud Apoſtolorum (ut etiam ſapientiores veſtri ſcriptores<sup>a</sup> fatentur) non fuit generale ſed particulare eccleſiæ Hieroſolymitanæ. Nam unde quæſo probabis, (quod ad univerſale concilium<sup>b</sup> requiritur) ad illud, omnium reliquarum eccleſiarum episcopos, fuiſſe invitatos? Itaque eodem jure elogium illud ad particularia (quæ tamen errare poſſe conſtat) atque ad univerſalia concilia, accommodari deberet: ac propterea nihil ad rem facit. Contra verò conciliorum generalium decreta, non habere parem ubique, cum ſanctis Dei Evangeliiſ, veritatem, multis graviffimis rationibus probari poteſt, è quibus pauca ſeligemus. Nam quum decreta alia ſint de moribus, alia de fide, in utriſque concilia errare poſſe & erraſſe, Evangelia verò ſibi ſemper conſtare, apparet. Quod perſpicuitatis & brevitatſ cauſa ex adverſariorum confeſſione reiſſa demonſtrabo. Nam ad mores quod attinet, Jeſuitarum celeberrimus Bellarminus (De conciliis lib. 2. cap. 12.) deſcribens diſcrimina, quibus Sacras literas conciliis præſtare docet, ſic Coſtero aperte contradicit; *tertium eſt quod in ſcriptura nullus poteſt eſſe error, ſive agatur de fide, ſive de moribus, & ſive affirmetur aliquid generale & toti eccleſiæ commune, ſive aliquid particulare & ad unum tantum hominem perti-nens, &c.* At concilia in judiciis particularibus errare poſſunt, nec non in præceptis morum, qua non toti eccleſiæ, ſed uni tantum, aut alteri populo proponuntur. Deinde in fidei decretis concilia univerſalia errare poſſe tribus modis Bellarminus experientia victus confeſſetur, Ibid. c. 11. *primo ut patres conſentiant & deſiniant diſſidentibus legatis Papæ. 2. ut deſiniant, conſentientibus legatis, ſed contra inſtructionem Pontificis agentibus. 3. Conſentientibus omnibus legatis habentibus & ſequentibus Papæ inſtructionem.* Quæ ſigillatim conciliorum exemplis probat. Quare non eſt cur prolixam ejus rei demonſtrationem à nobis deſideres. Præterea quum concilia generalia ſibi in utroq ſæpius adverſentur, non perpetuò vera ſunt, multò minus Evangeliiſ conferenda. Nam Conſtantinopolitanum concilium, ſub Conſtantino Copronymo, imaginum cultum meritò damnavit; Nicenum ſecundum probavit: Francofurtenſe ſub Carolo Magno, adverſus concilium illud Nicenum imaginum cultum iterum damnavit. Quam decretorum diſſenſionem falſò quodam Pontificioſ Doctores tollere ſtudiſſe, Bellarminus de Concil. lib. 2. cap. 8. demonſtrat. Sic concilium Conſtantiænſe & Baſileenſe, Papam fieri poſſe, & interdum fuiſſe, hæreticum; concilia verò univerſalia errare non poſſe eiſque & Papam ſubefſe debere, decreverunt: contrarium verò concilium Lateranenſe deſinivit. Denique quum Dei verbo<sup>c</sup> nihil addi, nihil detrahi, <sup>d</sup> ne ab Apoſto-

lis quidem aut angelis cæleſtibus liceat: quomodo concilia parem cum Evangelio (ſi veritatem ſpectemus) habebunt auctoritatem, quum eorum decreta à poſterioribus conciliis interdum mutari & emendari conſtet? Hoc enim experientia evincit, & celebris ac memorabilis illa Auguſtini ſententia de Baptiſmo contra Donat. lib. 2. cap. 3. teſtatur, *Quis autem neſciat Sanctam Scripturam, canonicam tam Veteris quam Novi Teſtamenti, certis ſuis terminis contineri, eamque omnibus poſterioribus episcoporum literis ita præponi, ut de illa omnino dubitari & diſceptari non poſſit, utrum verum vel rectum ſit quidquid in ea ſcriptum eſſe conſtiterit: episcoporum autem literas, quæ poſt confirmatum canonem vel ſcriptæ ſunt, vel ſcribuntur, & per ſermonem forſè ſapientioreſ cujuſlibet in ea re peritioris, & per aliorum episcoporum graviores auctoritateſ, doctiorumque prudentiam, & per concilia, licere reprehendi, ſi quid in eis forſè à veritate deviatum eſt. Et ipſa concilia, quæ per ſingulas regiones vel provincias ſunt, plenariorum conciliorum auctoritate, quæ ſunt ex univerſo orbe Chriſtiano, ſine ullis ambagibus cedere: ipſaq ſplenaria ſæpe priora, poſterioribus emendari, quum, aliquo experimento rerum, aperitur, quod clauſum erat, & cognoscitur quod latebat: ſine ullo typho ſacri-legæ ſuperbiæ, ſine ulla inflata cervice arrogantia, ſine ulla contentione livide invidia, cum ſancta humilitate, cum pace catholica, cum charitate Chriſtiana. Nam quod ais; Hinc rectè dixit B. Auguſtinus Epist. 19. ſe nullius hominiſ libriſ tantum deferre atque diviniſ literiſ: non quidem ob veritatem, quæ par eſt in utriſque, ſed ob verba & phraſin diſtantiſ; qui ſunt Spiritus Sanctuſ: id inquam, miſerum omnino effugium eſt. Nam Auguſtini locus adeò pro nobiſ facit, ut vix quidquam apertius, ad ſententiam tuam evertendam, adferre potuiſſes. Hæc enim ſunt verba, *Ego enim fateor charitati tuæ, ſoliſ eiſ ſcripturarum libriſ qui Canonici appellantur, didici hunc timorem honoremque deferre, ut nullum eorum authorem ſcribendo aliquid erraſſe firmiſſimè credam. Ac ſi aliquid in eiſ offendero literiſ, quod videatur contrarium veritati, nihil aliud quàm vel mendosum eſſe codicem vel interpretem non aſſecutum eſſe quod dictum eſt, vel me miniſimè intellexiſſe non ambigam. Alioſ autem ita lego, ut quantalibet ſanctitate doctri-næque præpolleant, non ideo verum putem, quia ipſi ita ſenſerunt: ſed quia mihi, vel per illoſ auctoreſ canonicos vel probabiliſ ratione, quod à vero non abhorreat, perſuadere potuerunt. Illudne eſt, Coſtere, humaniſ & diviniſ libriſ parem veritatem aſſcribere? Profecto niſi hic locus adeò trituſ eſſet ac perſpicuuſ, & decreto Pontificio (Diſt. 9. Can. Ego.) inſertuſ & approbatus, te memoria lapſum exiſtimarem: ſed nunc quum nulla eſſe poſſit ignorantiaſ ſuſpicio, tuam in patrum ſententiis aperte detorquendiſ audaciam ſatiſ demirari non poſſum. Præſertim quum ſimileſ ejus generiſ in eadem episto-la extent ſententiæ, ut quod ait, Sanctam Scripturam in ſummo & cæleſti auctoritateſ culmine collocatam: Item, quum Hieronymuſ patrum teſtimoniis adverſuſ Auguſtinuſ diſputaret & ad ea provocaret ait, *Flagitaſ à me aliquem ſaltem unum oſtendam, cujuſ in hac ſententiam ſim ſecutuſ, quum tu tam plureſ nominatim nominaveriſ, qui te, in eo quod aſtruſiſ, præceſſerunt.* Videſ, Coſtere, Hieronymuſ imprudentem idem poſtulaviſſe, quod tu orthodoxiſ perpetuò objiciſ? audi igitur quid Auguſtinuſ Hieronymo & tibi reſpondeat; *Quamquam, ſicut paulò antè dixi, tantummodo ſcripturiſ canonicis hanc ingenuam debeam ſervitutem, quæ eaſ ſolaſ ita ſequor, ut conſcriptoreſ earum nihil in eiſ omnino erraſſe, nihil fallaciter propoſuiſſe, non dubitem.* Et lib. 11. c. 5. contra Fauſtuſ Manichæuſ poſt declaratam ſcripturæ auctoritateſ ait, *In opuſculiſ autem poſteriorum, quæ libriſ innumerabilibuſ continentur, ſed nullo modo illi ſacraſſima Canonicaſ ſcripturarum excellentiaſ coquantur, etiam in quibuſcunq ſcorum invenitur eadem veritas, longè tamen eſt impar auctoritas. Itaq ſi quid forſè propterea diſſonare putatur à vero, quia non ut dicta ſunt intelliguntur, tamen liberuſ ibi habet lector auditorve judiciuſ; quo vel approbet, quod placuerit; vel improbet, quod offenderit, & ideo cunctaſ ejuſmodi, niſi vel certa ratione, vel ex illa canonica auctoritateſ defendantur, ut demonſtretur vel omnino ita eſſe, ſive fieri potuiſſe, quod vel diſputatum ibi eſt, vel narratum, ſi cui diſplicuerit, aut credere noluerit, non***

<sup>a</sup> Dominicus Bannes in 2. 2. Thomæ qu. 1. art. 10. <sup>b</sup> Leo Papa 1. Epiſt. 47. <sup>c</sup> Deut. 4. 2. <sup>d</sup> Gal 1. 8.



reprehenditur. In illa verò canonica eminentia Sacrarum literarum, etiam si unus Propheta, seu Apostolus, aut Evangelista aliquid in suis literis posuisset, ipsa canonis confirmatione declaratur, non licet dubitare, quod verum sit: alioquin nulla erit pagina, qua humana imperitia regatur infirmitas. Quare detectam sententiam tuam fraudem, & confutatam, tuam de pari humanorum scriptorum & Sacrarum literarum veritate & pondere doctrinam, animadvertis. Ac propterea in viam veritatis redi, & debitam Sacris literis gloriam restitue, concilia verò quæ cum iis consentiunt, sive ea particularia sint, sive universalia, non quia concilia, sed quia vera, amplectere; quæ contra ab iis dissentiant, ea avertere. Agnosce verum illud esse, quod adversus generale Concilium Constantino-politanum, ait Nicolaus Papa primus; <sup>2</sup> *Non totidem presu-*

les, sed merita non minora, synodum synodo possunt facere parilem. Item; Numerus igitur pusillus, nec obest, ubi abundat pietas; nec multiplex prodest, ubi regnat impietas. Item, Nolite ergo gloriari in multitudine; quia non multitudo, sed causa, damnationem vel justificationem adducit. Denique ad celeberrimam illam, piam & elegantem Augustini sententiam contra Maximium l. 3. c. 10. attende, *Sed nunc nec ego Nicenum, nec tu debes Ariminense, tanquam prajudicaturus, proferre concilium. Nec ego hujus auctoritate, nec tu illius detineris. Scripturarum auctoritatibus non quorumcunque propriis; sed utrisque communibus testibus, res cum re, causa cum causa, ratio cum ratione, concertet.*

<sup>a</sup> Concil. Tom. 2. Epist. ad Michaëlem Imperat.

## CAPUT V.

*Caterum demonstrata jam Sacrarum literarum auctoritate, quid de earum perfectione judices, expendamus.*

## COSTERUS.

*An omnia, quæ credere oportet, sint Sacris Literis expressa?*

**E**X his facile erit controversias omnes de Sacra Scriptura ortas dijudicare, & imprimis illam, *Utrum omnia, quæ ad fidem pertinent, sint scriptis expressa?* Dicendum enim omnia fidei mysteria cæteraque creditu & scitu necessaria, in corde ecclesiæ esse clarissimè exarata: in membranarum, tam Novi, quam Veteris Testamenti, multa desiderari. Ubi enim numerus Evangeliorum & Epistolarum Apostolicarum? Ubi Evangelium Matthæi & Marci in scripturis divinis potius, quam Nicodemi, ut Thomæ, commendatur? Ubi habetur, duodecim articulos fidei, ab Apostolis esse ecclesiæ relictos? Præterea formas multorum Sacramentorum, iustis de causis, ait B. Dionysius Areopagita cap. ult. Eccles. Hierarc. Innoc. 1. Ep. 1. esse suppressas. Eodem pertinent difficultum & dubiarum scripturarum interpretationes, quas in varios sensus hæretici trahunt. B. Augustinus Lib. 10. de Genes. ad lit. cap. 23. ad Apostolicam traditionem, extra scripturam, refert baptismum parvulorum. B. Basilii Lib. de Spiritu Sancto. c. 27. alique patres multa alia enumeraverunt in quibus ad hoc primum scripturæ genus confugerunt, invitis omnibus, omnium ætatum, hæreticis: qui, quum aliam nullam præter externam scripturam agnoscunt, in ea tamen omnia contineri, valde impudenter affirmare non verentur <sup>a</sup>. Cæterum non inficiamur, præcipua illa fidei capita, quæ omnibus Christianis ad salutem necessaria, perspicuè satis esse Apostolicis scriptis comprehensa: cujusmodi sunt mysterium trinitatis & incarnationis Filii Dei, historia passionis Domini, remissio peccatorum & promissio vitæ æternæ. Hæc enim, ut firmitus omnium mentibus inhærent, variis modis inculcari debuerunt, concionibus, Evangeliiis, Epistolis, & demum Apostolico symbolo. Quod ideo divini illi principes ecclesiæ ita breviter & perspicuè posteritati tradere voluerunt, ut nemo illius ignorantiam posset excusare.

<sup>a</sup> August. Epist. 3. ad Voluf.

## GOMARUS.

**R**ECTE ais, Costere, ex hisce facile fore controversias omnes de Sacra scriptura ortas dijudicare, & imprimis eam, quæ ad perfectionem illius, spectat. Sed in eo non rectè facis, quod formam controversiæ omnino pervertis. Nec enim id inter nos quæritur, *utrum omnia, quæ credere oportet, sint Sacris literis expressa?* sed generatim, *an omnia fidei & vitæ Christianæ dogmata ad salutem necessaria Sacris literis descripta sint?* Quædam enim descripta statuimus expresse, quædam vi necessariæ consequentiæ: quemadmodum utriusque modi exempla, eodem tempore suppeditavit Christus. Prioris quidem, quum rogatus, quodnam esset magnum mandatum in lege, respondit id quod expressa legis sententia continetur: *Dilige Dominum Deum tuum, ex toto corde*, Matth. 22. 36, 37. Posterioris verò, quum adversus Sadducæos re-

surrectionem asseruit; *De resurrectione verò mortuorum non legis, quod verbis dictum est, à Deo dicente: Ego sum Deus Abraham, & Deus Israël, & Deus Jacob? Deus non est Deus mortuorum, sed viventium*, Ib. 22. 31, 32. Quare dum angustius statum quæstionis describis, indignam viro docto & pio fraudem admittis. Nec culpam minuit cæterorum Pontificiorum Theologorum exemplum. Nam quamvis (ut alios præteream) antesignanus vester Eccius Enchiridio locorum communium cap. 4. (quem & operis titulo & materia maxime secutus videris) differat, nostros *nihil recipere velle, nisi præbetur per scripturas expresse*, ejus rei falsitatem, ex sequentibus Eccii verbis, potuisses observare. Sic enim tandem ait; *Non sunt igitur solum credenda & observanda (id quod volumus stolidi Lutherani) quæ expresse habentur in divinis literis aut probantur ex ipsis, verum etiam ea oportet credere & servare quæ sancta mater Ecclesia credit & observat.* Itaque quemadmodum quæstionem, Eccii calumnia secutus, hoc modo deformasti; *An omnia quæ credere oportet, sint sacris literis expressa: sic, cum eodem reformare potuisses & addere, Aut probantur ex ipsis.* De qua quæstione, quid certi statuas expendamus; Dicendum, inquis, *omnia fidei mysteria cæteraque creditu & scitu necessaria in corde ecclesiæ esse clarissimè exarata: in membranarum, tam Veteris quam Novi Testamenti multa desiderari.* Sed huic iudicio Haymonem oppono, qui ante annos octingentos sic docuit comment. Hebr. 8. *Nos autem partim in cordibus, plenius autem in membranarum scriptum (Evangelium) habemus, ab illis (Apostolis) nobis relictum, ut in illis meditando exerceamur.* Et Eusebium in concilio Nicæno contra Philosophum differentem, qui ait, *Scriptis crede, quæ non scripta sunt ne cogites, nec inquiras.* Quarum sententiarum veritas tuarum objectionum imbecillitate confirmatur. Nam quod primum quæris, *ubi numerus Evangeliorum & Epistolarum Apostolicarum?* respondemus hanc numeri notitiam non esse absolute necessariam. Nam quemadmodum Irenæus lib. 3. cap. 4. ait, *multos Barbaros fidem habuisse Evangelio, sine scripturis:* sic, plurimi semper extiterunt rudiores Christiani, qui Evangelistarum & Apostolorum doctrinam amplexi, numerum tamen librorum ignorarunt. Imò quid dico rudiores, quum totus ferè orbis hac in re interdum aberravit: quemadmodum (ut alia argumenta omitterem) aperte testatur & errorem corrigit Hieronymus, Epist. Tom. 3. ad Dardanum. *Quod si eam (epistolam ad Hebræos) Latinorum consuetudo, non recipit inter scripturas canonicas, nec Græcorum quidem ecclesiæ, Apocalypsin Johannis eadem libertate suscipiunt: & tamen nos utramque suscipimus, nequaquam hujus temporis consuetudinem, sed veterum scriptorum auctoritatem sequentes.* Deinde verò numerus etiam Evangeliorum & Epistolarum titularum inductione declaratur. Et si Gregorium Magnum pontificem Romanum audire lubet, Evangeliorum numerus & scriptores commendantur Ezechielis capite primo, ut in suis ad eum locum commentariis (quos à Spiritu Sancto dictatos profiteris de Scriptura pag. 54.) testatur. Qua in re secutus

secutus est antiquos patres Irenæum lib. 3. cap. 11. Athanasium in Synopsi, & Hieronymum, qui suam sententiam Proœmio in Matthæum & Comment. Ezech. 1. hisce verbis concludit; *Quibus cunctis perspicue ostenditur, quatuor debere tantum Evangelia suscipi, & omnes Apocryphorum nugas, mortuis magis Hæreticis quam ecclesiasticis utilis, canendas.* Sed alia inlitas via, & altera quæstione nos urgere studes, *Ubi, inquis, Evangelium Matthæi & Marci in scripturis divinis potius, quam Nicodemi aut Thomæ commendatur?* Respondeo, non solum in Ecclesiæ doctrina, sed etiam in Veteri & Novo Testamento. Quod ut plenius ac planius ad Dei gloriam & ecclesiæ institutionem illustretur, non ingratum me facturum pio & attento lectori existimo, si totum hunc locum de Novi Testamenti auctoritate, non solum adversus Pontificios, sed etiam adversus alios divini verbi contemptores, eadem opera distinctus, ex orthodoxo patrum consensu, pertractaro. Etenim modi quibus novi testamenti scripta genuina cognoscantur sunt duplices. Alii enim constant demonstrationibus externis, alii internis. Externas appello, quæ extra Sacras literas petuntur: suntque testimonia partim divina, partim humana. Divina sunt, primum Apostolorum & Evangelistarum: qui, donec fuerunt in vivis, non solum ex certa rei cognitione; sed etiam ex perpetuo Sp. Sancti regimine, tanquam Sacrosancti & publici veritatis salutaris à Deo delecti & stabiliti notarii, sua scripta ipsimet ecclesiæ tradendo, & viva voce, miraculis & sanguine suo obfignando, ea ab adulterinis<sup>a</sup> distinxerunt. *Non enim (ut ait Chrysost. in Matt. Hom. 1.) in uno aliquo scribentes angulo, ea quæ scripserant, occultaverunt: sed terras & maria lustrantes, in conspectu & auribus omnium volumina sacra replicabant, quæ (sicut etiam nunc fieri videmus) ipsis quoque, presentibus legebantur inimicis.* Deinde reliquorum Apostolorum & Evangelistarum scripta eodem consilio ad veritatem declarandam, ecclesiæ, suo ordine, commendarunt. Quemadmodum Hieronymus in Catalogo scriptorum ecclesiasticorum<sup>b</sup> testatur; *Marcus discipulus & interpret Petri, juxta quod Petrum referentem audierat, rogatus, breve scripsit Evangelium. Quod quum Petrus audisset, probavit, & ecclesiæ legendum sua auctoritate edidit, sicut Clemens in sexto<sup>c</sup> communium libro scribit.* Et de Johannis Evangelio ait; *Sed & aliam causam hujus scriptæ ferunt, quod quum legisset Matthæi, Marci & Luca volumina, probavit quidem textum historicum.* Nec Apostoli solum & Evangelistæ de novi testamenti scriptis potuerunt certo judicare; sed etiam Prophetæ alii & miraculis clari, qui in Apostolica ecclesia multi & aliquamdiu viguerunt, & voce & miraculis idem cum Apostolis testati sunt, 1. Cor. 14. Atque hisce testimoniis divinis accedunt etiam testimonia humana, ecclesiæ & hostium illius. Et ecclesiæ quidem primum primitivæ, quæ ab Apostolis & Evangelistis Novi Testamenti libros accepit, & eorum voce, miraculis & sanguine comprobatos tanquam genuinos agnovit, autographa servavit & fidei descriptione & versione universo orbi commisit, & hæc omnia ad posteros transmisit. Qua de re Tertullian. in libro de præscriptionibus adversus hæreticos cap. 36. & contra Marcionem l. 4. c. 5. ait, *Age jam, qui voles curiositatem melius exercere, in negotio salutis tuæ, percurrere ecclesias Apostolicas, apud quas ipse adhuc cathedra Apostolorum suis locis præsidetur, apud quas ipse authentica litera eorum recitantur sonantes vocem & representantes faciem uniuscujusque.* De versione verò Novi Testamenti in varias linguas, testatur etiam Chrysostomus in Johannem Hom. 1. qui de Evangelio Johannis ait, *Syros, Egyptios, Indos, Persas, Æthiopes, & innumeras alias gentes id in suam linguam transtulisse.* Et Eusebius de demonstratione Evangel. l. 3. c. 9. *Prædicatum itaque est in exiguo temporis spatio in toto orbe Evangelium, in testimonium omnibus gentibus, & Barbari & Græci quæ de Jesu Christo erant scriptæ, patriis literis, patriæque voce exceperunt.* Deinde, non solum ecclesiæ primitivæ testimonio Evangelistarum & Apostolorum libri demonstrantur: sed etiam simili sequentis ecclesiæ scientia ac fidelitate; quæ eosdem libros à majoribus traditos, fideliter accepit, conservavit, &

ad posteros continua successione transmisit & scriptis suis variis in æternam rei memoriam consignavit. De qua canonis Novi Testamenti constitutione & ab Apostolis & majoribus derivatione ait Augustinus contra Faustum Manichæum l. 11. cap. 5. *Distincta est, à posteriorum libris, excellentia canonica auctoritatis Veteris & Novi Testamenti, quæ Apostolorum confirmata temporibus per successiones episcoporum & propagationes ecclesiarum, tanquam, in sede quadam sublimiter constituta est, cui serviat omnis fidelis & pius intellectus.* Nec tantum ecclesia de Sacris Novi Testamenti libris hisce modis testata est, sed etiam hostes ecclesiæ assensu suo variè confirmarunt. Nam, quemadmodum publica inde ab initio fuit librorum Sacrorum traditio, explicatio & usus in ecclesia Dei; ita plurimi ecclesiæ adversarii, qui illius saluti insidiabantur, re comperta, de<sup>a</sup> autoribus Novi Testamenti minimè dubitarunt. Ut enim Lucianum Sophistam prorsus impium præteream, doctissimi & capitales Ecclesiæ hostes idololatæ, Porphyrius & Julianus Imperator Apostata, veritatem quidem librorum Novi Testamenti oppugnarunt, sed quum omnes contradicendi occasiones capterent, eò tamen impudentiæ minimè<sup>b</sup> pervenerunt, ut contra perpetua totius orbis testimonia & conspicuam rei certitudinem, Evangelium Matthæi à Matthæo Apostolo, epistolas Pauli à Paulo Apostolo, proditiisse negarent. De hostium verò hæreticorum testimonio rectè Irenæum lib. 3. cap. 11. secutus, ait Chrysostomus in Matthæum Homil. 1. *Horum igitur omnium consonantiam, orbe quoque ipso teste, monstramus; quæ ea quæ sunt dicta suscepit, testibus quoque ipsis veritatis inimicis. Siquidem multa, post illos, hæreses pullularant, contraria his, quæ scripta sunt, opinantes. Et earum quidem alia, omnia, quæ Evangelistæ scripserant, receperunt: alia verò, quibusdam sententiis à reliquo opere amputatis, sic apud se scriptas, conservant. Quod si pugna aliqua esset in dictis, neque ista, quæ ex adverso loquuntur hæreses, omnia receperunt; sed tantummodo illam partem, quam sibi cernerent convenire: neque ista, quæ partem aliquam receperunt, ex eadem parte convicti fuissent.* Atque hæc de externis modis, quibus certitudo & auctoritas scriptorum Novi Testamenti asseruntur. Internæ verò demonstrationes sunt, quæ ex ipsis libris sacris hauriuntur, & generatim ad quatuor fontes revocari possunt, nempe ad scriptorum manum, doctrinam, stylum, efficaciam: quorum primum, temporarium fuit, reliqua verò tria, perpetuò durant. Prima itaque demonstratio est, ex Evangelistarum & Apostolorum manu, quæ ut cognita fuit ecclesiæ, sic olim inter alia signum fuit certum, quo libri sacri à supposititiis & falsis discernentur. Nam sua scripta aut integrè scribebant, aut saltem scriptione sua sanciebant. Quæ de se Paulus ait; *Nec citò à mente dimoveamini, neque turbemini, neque per Spiritum, neque per sermonem, neque per epistolam tanquam per nos (scriptam) quasi instet dies ille Christi. Ne quis vos seducat ullo modo,* 2. Thes. 2. 2, 3. Et sequentibus; *Salutatio mea manu Pauli quod est signum in omni epistola: ita scribo; Gratia Domini nostri Jesu Christi sit cum omnibus vobis, Amen,* 2. Thes. 3. 17, 18. Sic ad Corinthios & Colossenses, *Salutatio mea manu Pauli,* 1. Cor. 16. 21. Col. 4. 18. Et ad Galatas, *Videtis qualibus literis vobis scripserim mea manu,* Gal. 6. 11. Ad quem locum ait Hieronymus comment. ad Gal. 6. sic Paulum loqui, *quod sua manus essent eis nota vestigia: ut dum literarum apices recognoscunt, ipsum se putarent videre, qui scripserat.* Alter demonstrationum fons est, doctrinæ majestas: quæ rerum veritate, sanctitate & sublimitate continetur. Ac veritas quidem<sup>c</sup> elucet primum in mutuo consensu, quo sibi, & inter se, & cum Veteris Testamenti canone eadem doctrina & simili authorum, in humili conditione & erratis suis syncerè narrandis, ingenuitate conveniunt. Quare quum Vetus Testamentum ex se, & ex Novo, & similiter Novum ex seipso & à Veteri confirmetur: quis non videat Sacram scripturam ex seipsa comprobari? Sic Theodoretus Græcarum affect. curat. Serm. 6. ait; *Evangelicam præterea veri-*

<sup>a</sup> Tertul. contra Marc. lib. 4. cap. 5. <sup>b</sup> In Marco. Vide etiam Tertull. contra Marcionem lib. 4. cap. 5.

<sup>a</sup> Chrysost. in Matthæum Homil. 1. <sup>b</sup> Chrysost. in Marcum Homil. 1. Cyrillus contra Julianum. Hieronymus comment. ad Gal. &c. <sup>c</sup> Vide Chrysost. Homil. 1. in Matthæum. Augustinum de consensu Evangel. &c.

tatem & antiqua prophetia confirmant. Ha namque predicunt, qua in Evangelii continentur. Evangelia verò prophetica praedictionis finem ostendunt: Atque hac demonstratione, adversus utriusque Testamenti adversarios antiqui Patres merito & frequenter usi sunt. Quemadmodum Augustinus de civitate Dei l. 18. c. 41. ait; *Auctores nostri, in quibus non frustra Sacrarum literarum figitur & terminatur canon, absit ut inter se aliqua ratione dissentiant. Unde non immerito quum illa scriberent, eis Deum, vel per eos, locutum, non pauci in scholis atque gymnasiis litigiosis disputationibus garruli; sed in agris atque urbibus, cum doctis & indoctis, tot tantique populi, crediderunt.* Et de Consensu Euangel. l. 1. c. 1. *Nos ad commemorationem fidei nostra, & ad consolationem spei nostra, & ad exhortationem charitatis nostra, libros Propheticos & Apostolicos legimus, alterutris vocibus sibi met concinentes: & ea concinentia tanquam caelesti tuba & a corpore mortalis vita nos excitantes, & ad palmam superna vocationis extendentes.* Secundò demonstratur veritas, ex prophetiarum Novi Testamenti, cum earum eventu, convenientia summa. Quae ratione Tertullianus contra gentes allatis aliquot exemplis ad scripturæ utriusque Testamenti veritatem confirmandam subjicit (Apologetico c. 20.) *Idoneum, opinor, testimonium divinitatis, veritas divinationis. Hinc igitur apud nos futurorum quoque fides tua est, jam scilicet probatorum; quia cum illis, qua quotidie probantur, praecebeantur. Eadem voces sonant, eadem litera notant, idem Spiritus pulsant, &c.* Et Theodoretus Græcarum affectio. curat. serm. 11. adductis non paucis ex Matthæi Evangelio prædictionibus, eventu comprobatis, ait; *Eorum itaq; verborum veritatem res ipsa clamore vocalissimo, prædicant, &c.* Quandoquidem igitur hac Dominus multò antè prædixit, idemque futura vita statim nobis prænuñciavit, videmusque perspicuam harum rerum veritatem, illa quoque sine controversia, quæso, accipiamus, ab iis qua facta jam cernimus ad illa perducti: hisce utentes pro illorum signis certis. Hac enim causa & hac & illa, Christus prædixit, ut his ea maxime stabiliret. Deinde non solum doctrinæ veritas, sed etiam conjuncta sanctitas divinam librorum Novi Testamenti originem demonstrat. Nam & Deum summum bonum, & officium nostrum erga Deum, ad illius gloriam & hominum beatitudinem, purissimè in iis describi, ex diligenti lectione, & cum aliis scriptis comparatione, orthodoxi patres copiosè demonstrarunt. Denique doctrinæ Novi Testamenti majestatem demonstrat rerum, quæ explicantur, sublimitas. Nam de Deo rebusque divinis, deque hominis beatitudine, ea proponit, quæ captum humanum longè superant. Eoque præclare ait Chrysostomus in Mat. Hom. 1. *Non enim humana simpliciter est anima de immortalis & beata illa natura & qua cum illa sunt potestatibus, de natura corporum mortalium & eorum futura immortalitate, de supplicio, de futuro judicio, de verborum, operum, cogitationum & sententia uniuscujusque examinibus intelligere, &c.* Et in Johannem Homil. 1. *De Deo rebusque caelestibus ea philosophari docent, quæ illorum (philosophorum) nullus unquam potuit vel mente concipere, &c.* Nihilominus tam sublimia illa nostrorum dogmata & suscepta & credita sunt, & florent quotidie. Præterea quemadmodum doctrinæ majestas, sic etiam stylus librorum Novi Testamenti Deum auctorem esse demonstrat. Etenim in stylo eorum tria potissimum divinæ originis indicia elucet. Primum est simplicitas & perspicuitas summa, qua sine humanæ eloquentiæ fūco sublimia salutis mysteria, tanquam per se fide digna & omnibus necessaria, magna verborum humilitate declarantur. Nam quod de Evangelio Johannes ait Chrysostomus in Johannem Homil. 1. id de toto Novo Testamento merito affirmari potest ac debet; *Idcirco nulla caligine, nullis tenebris suam operis doctrinam, ut illi (philosophi) ratione sua, pravis opinionibus obscuritatem, tanquam velum quoddam, indiderunt. Hujus autem doctrina sole clarior est & illustrior, ideoque in omnes mortales propagata. Nullum hic tumorem verborum atque fūcum, nullam superfluum compositionem & stylum ineptum videbimus (longè enim hac ab omni absunt Philosophia) sed divinum & inexpugnabile robur & sacrorum dogmatum*

<sup>a</sup> Vide etiam August. contra Faustum lib. 13. c. 5. <sup>b</sup> Chrysost. in Matthæum Homil. 1. Cyrillus contra Julianum. Theodoretus Græcar. affect. curat. &c.

*tantam vim ut nullo possit pacto superari.* Alterum in stylo divinæ originis indicium situm est in verborum pondere, quod in superiori de conciliis quæstione Costerus ultro profitetur; *Si autem (inquit) verba ipsa decretorum consideres, nullo modo sunt cum sacris literis conferenda: quum ha dicta à Spiritu Sancto nec jota unum vel unum apicem habeant, cui non insit suum pondus & efficacia: unde tanquam divina eloquia mentem hominis admirabili dulcedine & suavitate afficiunt, sicut toto Psalmo 118. B. David Propheta docet.* Postremum quod in stylo consideramus est auctoritas, quæ emicat partim ex assertionibus, partim ex præceptis. Nam in narrationibus, promissionibus, minis, nullum dubitationis aut opinionis ullius vestigium est, sed perpetua, divinam certitudinem spirans, assertio. Deinde etiam præcepta non tam nituntur rationum robore, quàm voluntate & jussu Dei: ac propterea obedientiam non liberam faciunt: sed tanquam omninò necessariam, jure exigunt. Sic Lucas se testatur, *scribere veritatem*, aut potius, *non labascentem firmitatem*, Luc. 1. 4. & Johannes: *Hæc scripta sunt ut credatis, Jesum esse Christum Filium Dei, & credentes vitam habeatis, in nomine ejus*, Johan. 20. 31. Item; *Hic est discipulus ille, qui testimonium perhibet de his, & scripsit hæc: & scimus, testimonium ejus esse verum*, Johan. 21. 24. Et Apoc. 21. 18, 19. *Contestor enim omni audienti verba prophetia libri hujus; Si quis adjecerit ad hæc, imponet ei Deus plagas scriptas in libro isto. Et si quis abstulerit aliquid de verbis libri prophetia hujus, auferet Deus partem ejus à libro vite & ex urbe sancta, & ex iis qua scripta sunt in libro isto.* Ac rectè Chrysostomus in Matth. Homil. 1. *Quæ enim sapientes seculi, ne per somnium quidem, aliquando imaginari potuerunt, hæc isti (Apostoli) cum asseveratione manifesta, annunciant, atque persuadent.* Et in Johannem Homil. 1. *Hic piscator, omnia absque dubitatione differens, tanquam petra immixtus, nulla ex parte titubet. Ipsi namque supernis penetralibus dignus habitus est, & quum omnipotentem Deum in se loquentem haberet, nihil terrenum sensit.* Sic Paulus & Petrus similiter dictorum & scriptorum suorum auctoritatem sanciant, Galat. 1. 1. 2. Pet. 1. v. 16. Denique libros Novi Testamenti esse sacros ac divinos demonstrat divina eorum efficacia: quæ partim in conversione & correctione multorum; partim in pertinacium adversariorum subjugatione, sese exerit ac prodit. Et in conversione quidem excellit primùm reverentia & fides; quam Evangelistarum & Apostolorum scripta, in animis auditorum, divina virtute, excitant ac foveant. Nec enim humana aliqua scriptorum potentia, aut dignitate commendantur; nec ullo doctrinæ suæ cum humana ratione aut cupiditate consensu, fulciuntur, sed hominum, ob invisam nationem & conditionem, abjectorum, & ob doctrinam suam, à principibus & sapientibus hujus mundi occisorum, nomina præferunt: & doctrinam, quæ communi judicio ridicula (1. Cor. 1.) videtur, & omnium hominum cupiditatibus, humanis religionibus, legibus, & consuetudinibus adversabatur, proponunt ac persuadent. Quæ demonstratio adeo illustris est, ut nihil frequentius in patrum orthodoxorum, adversus scripturæ hostes differentium, scriptis occurrat: è quibus pauca seligemus. *Tria (inquit Augustinus de Civitate Dei lib. 22. c. 5.) sunt incredibilia, qua tamen facta sunt. Incredibile est enim Christum resurrexisse in carne, & in celum ascendisse cum carne: Incredibile est mundum rem tam incredibilem credidisse: Incredibile est homines ignobiles, infimos, paucissimos, imperitos rem tam incredibilem tam efficaciter mundo & in illo etiam doctis persuadere potuisse.* Similiter Eusebium secutus, Theodoretus, postquam prolixè demonstravit legum & religionum humanarum impotentiam & angustos earum fines, de Apostolis & eorum doctrina & scriptis subjicit; *At nostri illi piscatores & publicani sutorque ille noster cunctis nationibus legem Evangelicam detulerunt. Neque solum Romanos, quique sub Romano vivunt Imperio, sed Scythas quoque ac Sarmatas, Indos, Æthiopes, Persas, Seras, Hircanos, Britannos, Cimmericos & Germanos, utque semel dicatur, omne hominum genus nationesque omnes induxerunt, crucifixi leges acci-*

<sup>a</sup> Euseb. de præpar. Euang. lib. 1. cap. 3. & de demonstr. Euang. lib. 3. cap. 8. & 9. <sup>b</sup> Theodoretus Græcarum affect. curat. Sermone 9. <sup>c</sup> Vide etiam Chrysost. in Matth. Homil. & in Joh. Homil. 1.

pere, non armis usi, non infinita vi militum delectorum, non immanitatis Persica violentia; sed verborum suavis, ostensa legum quas predicabant, utilitate. Quae de repiè & doctè ante annos centum scripsit, lib. 3. de patientia c. 2. Baptista Mantuanus, monachus sui ævi doctissimus; Sæpenuero (inquit) mecum cogitavi, unde tam suadibilis sit ista scriptura, unde tam potenter insinuat in animos auditorum: unde tantum habeat energia, ut non ad opinandum tantum, sed ad solide credendum omnes inflectat? Non est hoc imputandum rationum evidentia; quas non adducit: non artis industria, aut verbis suavis & ad persuadendum accommodatis; quibus non utitur. Sed vide anidin causa sit, quod persuasi sumus, eam à prima veritate fluxisse. Sed unde sumus ita persuasi, nisi ab ipsa? quasi ad ei credendum, nos sua ipsius trahat auctoritas. Sed unde, oro, hanc sibi auctoritatem vendicavit? Neque enim vidimus nos Deum concionantem, scribentem, docentem: tamen, ac si vidissimus, credimus & tenemus à Spiritu Sancto fluxisse quæ legimus. Forsitan fuerit hac ratio firmiter adharendi, quod in ea veritas sit solidior, quamvis non clarior. Habet enim omnis veritas vim inclinativam, & major majorem, & maxima maximam. Sed cur ergo non omnes credunt Evangelio? Respondeo, quod non omnes trahuntur à Deo. Sed quid longa opus est disputatione? Firmiter Sacris Scripturis ideo credimus, quod divinam inspirationem intus accipimus. Et cap. 3. Inest ergo Scripturis Sacris, nescio quid, imò scio, quid, natura sublimis: id est, inspiratio facta divinitus, & divina irradiationis influxus certus. Quod si & aliarum religionum Hebraica & Machometana exempla produxeris, in quibus est assensus, qui non divino influxui, sed imputandus sit consuetudini, respondemus eorum religione contineri humilia, & nihil ferè supra terram ac humana: quibus credendis quum non multum natura reluctetur, consuetudo facile opitulatur. Nostra vero sunt sublimia, divina, caelestia, creditu difficillima, & quibus, cum fortior consuetudine natura, contradicat, necesse est, ut inspiratio foveat. Deinde, quemadmodum Evangelistarum & Apostolorum doctrina & scripta, fidem omnium ferè gentium sibi conciliarunt; sic divinum quendam amorem veritatis & sanctitatis suæ in earum animis accenderunt. Ac veritatis quidem amorem demonstrat, non solum fidelium libera oris confessio, sed etiam sanguinis obsignatio: quem divina quadam constantia, infinita virorum, mulierum, senum, juvenum, nobilium, ignobilium, doctorum, indoctorum turba, ad librorum Novi testamenti doctrinam confirmandam, inde ab initio, constantissimè profudit. Unde non immeritò ea virtus, martyrium, hoc est, testimonium, nimirum veritatis divinæ, & fidelis ac charitatis nostræ, appellari solet. Sanctitatis verò amorem testatur subita infinitorum hominum improbißimorum, ad meliorem frugem, & gentium profanarum & crudelissimarum, ad pietatem, justitiam, temperantiam, clementiam admirandam, librorum Novi testamenti doctrina & lectione conversio. De qua re eleganter ait Theodoretus, Græcarum affection. curat. sermone 9. *In re igitur factum est, ut verissimas de divinis humanisque rebus traditiones, non illustres eloquentia, tumidique sermones, sed simplices humilesque, ac omnibus mortalibus noti, prædicent, magnumque adeo ineffabilemque thesaurum viles admodum theca despicabilesque circumferant. Quantum autem roboris quantumque virtutis insitum habeant facile is inspiciet, qui Græcorum legislatores ac Romanorum in medium proferat, isque nostros piscatores ac publicanos in comparationem adducat. Inveniet enim illos, ne finitimis quidem persuasisse, ut ad suas leges vitam instituerent: contra autem Galilaos, non solum Romanos, Græcosque, verum etiam cunctas Barbaras nationes ad amorem legis Evangelicæ traduxisse, &c.* Quæ demonstratio pluribus modis eodem in loco explicatur & expolitur. Cæterum librorum Novi Testamenti efficacia non in sola fidelium conversione & correctione sita est, sed etiam in certa de hostibus victoria apertè conspicitur. Ut enim portæ inferorum ad ecclesiam subvertendam, nihil valent, Matt. 16. sic Sacras literas, tanquam doctrinæ ecclesiæ fundamentum & canonem extinguere adversarii ipsius, tyranni, Ethnici, Judæi, hæretici, frustra conati sunt & interdum tragico interitu veritatis victoriam inviti obsignarunt. De qua re, (ut reliquos Patres fileam) memorabilis est Theodoretus demon-

stratio: Caterum (inquit Græcarum affection. curat. sermone 9.) hi tot numero Imperatores, tantaque dominatione orbem regentes, confusis Barbarorum animis, clari bellicis victoriis atque illustres, manualium tamen artificum rudiumque hominum & pauperrimorum mulierumque lana & tela victum sibi quærentium, potentes minime fuerunt: quanquam adversus eos machinamenti omnibus usi fuerunt. Quid autem grandiores natu, viros dico ac mulieres, quum ne adolecentes quidem prima literarum elementa perdoctos à Dei Servatorisque nostris cultu summovere potuerint. Itaque Corybantum more capita præ furore jactantes inciti rabie, technisque ac vafra mentis usi quàm plurimis, piscatorum leges non dissolverunt quidem, sed multo validiores oppugnando eas reddiderunt: planeque illis per similes inventi sunt, qui flammam quidem restinguere concupiscunt, oleum verò satus instillantes ardentiorē illam efficiunt. Etenim hi quoque, contra pietatem bello suscepto, pia veritatis robur manifestius declararunt. Ac veluti quondam rubus ille, quem vidit Moses, ardore ignis non est absumptus; ita nec Christianos, impiorum bellis petitos, tela hostilia consumserunt. Quin potius sicut lignatoribus sylvam cadentibus multo plures pullulant propagines, à radicibus, quàm sint rami qui inciduntur; ita tum quoque, piis compluribus interfectis, multo plures quotidie ad doctrinam Evangelicam accedebant: cruorque ille casorum corporum irrigatio quadam erat novis in Ecclesia emergentibus plantis. Atque hæc quidem quas hæcenus recensui, sunt præcipuæ demonstrationes, quibus Sacra Scripturæ & præsertim librorum Novi Testamenti origo divina confirmatur. Veruntamen, pro diverso & triplici ecclesiæ tempore, earum copia distinguenda est. Nam ecclesia primitiva, quæ ipsos Apostolos & Evangelistas audivit, reliquis à se derivatis, prima acceptione librorum, voce Apostolorum, & miraculorum numero excelluit. Proxima verò & media Ecclesia, durantibus Apostolorum autographis, primitivam, ampliori prophetiarum Novi Testamenti complemento, & versionum utriusque Testamenti in varias linguas frequentia, & exarato variis libris fidelium de Sacra scriptura testimonio; sequentem verò Apostolorum & Evangelistarum manu, primitivæ ecclesiæ auditione, & miraculorum numero, superavit. Postrema verò, autographis Apostolorum jam vetustate sublatis, majori saltem prophetiarum eventu primitivam & mediam ecclesiam antecedit. Unde Apocalypsis Johannis, quæ in primitiva Ecclesia fuit auctoritatis certæ, in media verò, ob hæreticorum fraudem & imprudentem multorum patrum in ea explicanda errorem multis in locis cœpit esse auctoritatis dubiæ: tandem diligentiori examine adhibito & conspicuo multarum prophetiarum eventu, potissimum in postrema ecclesia, comprobata est, omnisque dubitandi occasio sublata. Quamobrem, ut ad quæstionem abs te propositam revertar, Costere, Matthæi Evangelium esse Sacram Scripturam demonstrant ea argumenta, quæ jam explicavi, non solum externa, sed etiam interna ex ipso Evangelio & reliqua Sacra scriptura petita. Ac præsertim doctrinæ majestas, hoc est veritas (quæ apparet in communi partium singularum cum toto, & totius cum reliquo Veteris & Novi Testamenti canone, in doctrina, & ingenuitate, & prophetiarum cum eventu convenientia perpetua) sanctitas, sublimitas. Deinde styli convenientissima humilitas, pondus, auctoritas. Denique divina efficacia: quæ primum elucet in conversione ecclesiæ ad fidem & amorem sui; quæ, libera oris confessione & testificatione sanguinis, patefuit: deinde, in clara de omnibus hostibus, qui inde ab initio resisterunt, victoria, qua irritos eorum conatus reddidit, & sæpè stimuli instar, adversus se recalcitrantibus, memorabilem perniciem, iusto Dei judicio, attulit, & confessionem suæ divinæ originis expressit. Quemadmodum de Imperatore Juliano Apostata illustre & celeberrimum ejus rei specimen narratur. Nam quum Evangelium Matthæi, Marci, Lucæ, Johannis, aliosque Novi Testamenti libros nominatim & acerrimè Christi odio oppugnaret, ut eos ex animis & manibus fidelium excuteret ac perderet, non solum operam luit, sed etiam eorum librorum auctoritatem &

a Vide August. contra Faustum lib. 8. c. 2. b Juliani Verba extant apud Cyrillum contra Jul. lib. 8. & 10.



Christi potentiam invitus<sup>a</sup> illustravit, & tandem conscientia & veritatis stimulis agitatus, confessus est. Quippe (ut refert Theodoretus Hist. ecclesiast. l. 3. c. 25.) in bello Persico, lethali vulnere, incerto auctore, accepto, implese manum suam ferunt sanguine, & sparsa illo in aëra, dixisse, Vixisti Galilae, simulque & victoriam confessum, & maledictum ausum esse: ita erat astonitus. Vides igitur, Costere, nobis præter ecclesiarum testimonium plurimas superesse demonstrationes, ex ipsis Evangeliiis petitas, quibus divina eorum auctoritas nobis constat. Ac sanè tanta huius rei est claritas & veritatis robur, ut imprudentes nobis præbeatis interdum assensum, & vestrum errorem aperta contradictione subvertatis. Nam quum adversus scripturam hostes disputandum est, quibus obsecro utimini argumentis? an solius ecclesiarum testimonio? Audiatur Bellarminus Jesuita de verbo Dei l. 1. c. 2. *At Sacris Scripturis, quæ Propheticiæ & Apostolicis literis continentur, nihil est notius, nihil certius: ut stultissimum esse necesse sit, qui illis fidem esse habendam neget. Notissimas enim esse, testis est orbis Christianus & consensus omnium gentium, apud quas multis jam seculis summam semper auctoritatem obtinuerunt: certissimas autem atque verissimas esse nec humana inventa, sed oracula divina continere, testis primò est veritas vaticiniorum, &c. Secundo testis est incredibilis quadam & planè divina conspiratio atque concordia, &c. Tertiò testis est Deus ipse, qui aliquando celesti animadversione Scripturam hanc suam ab humana profanatione defendit, &c.* idque Theopompi exemplo probat Bellarminus. *Quartò testis est ipsa scriptura, cujus si vera fuerint prædictiones rerum futurarum & eventus postea comprobavit: cur vera non sint rerum præsentium testimonia? &c. Postremò testis est infinitus propè numerus divinorum miraculorum, quæ omnibus seculis facta sunt, ad ea dogmata comprobanda, quæ in his literis continentur. Quare quum Sacra Scriptura regula credendi certissima intissimæque sit, sanus profectò non erit, qui ea neglecta Spiritus interni, sæpè fallaci & semper incerti, iudicio se commiserit. Eadem accuratius & plenius à Scoto<sup>b</sup> recensentur, & ex eo in Resolutione Theologorum<sup>c</sup> super sententias: & à<sup>d</sup> Thoma Aquinate contra gentes. Quare vestra doctrina omninò oblii & principiorum Theologiae ignari esse videbimini, quum ea quæ adversus scripturæ hostes rectè, quamvis minus plenè, præstruxistis: ea postmodum, consueta vestra quaestione (ubi Evangelium Matthæi & Marci in scripturis divinis commendatur?) destruat. Qua de re celebris impudentiæ est Hosii cardinalis sententia, Confut. prolegom. Brentii l. 3. qua impium illud dictum, *Scripturas valere quantum fabulas Aesopi, si destituantur auctoritate ecclesiæ*, excusare studet, & addit: *Nam revera nisi nos Ecclesiæ doceret auctoritas, hanc scripturam esse canonicam, perexiguum apud nos pondus haberet.* Ex quo impuro Hosii fonte Enchiridii tui tubos multis in locis irrigasse videris. Nam ut hæc (quam refutavi) quaestionis pars indigna Theologo est, sic altera multò indignior de Evangeliiis Nicodemi & Thomæ. Quæris enim ubi Evangelium Matthæi & Marci in scripturis divinis, potius quàm Nicodemi aut Thomæ, commendatur? Quasi verò non totius Veteris & Nōvi Testamenti comparatio, & ex demonstrationibus, quas modò adduximus id perspicuè ostendant. Ut enim curvum non solum sensu, sed etiam applicatione regulæ arguitur non esse rectum; sic ficta illa, sub Nicodemi & Thomæ nominibus, Evangelia, Sacra Scripturæ comparata, manifestè falsitatis convincuntur: quia omnia illa quæ scripturam sacram demonstrant, & Matthæi & Marci Evangeliiis congruunt, privilegia, iis desunt. Quibus demonstrationibus orthodoxi Patres usi, ea vera Evangelia confirmarunt, ficta respuerunt. Quemadmodum Augustinus contra Faustum l. 33. cap. 6. ait, *Infelices inimici animæ vestrae, quæ unquam litera ullum habebunt pondus auctoritatis, si Evangelica, si Apostolica non habebunt? De quo libro certum erit, cuius sit, si litera, quas Apostolorum dicit & tenet ecclesiæ, ab ipsis Apostolis propagata, & per omnes gentes tanta eminentia declarata, utrum Apostolorum sint, incertum sit, & hoc erit certum, scripsisse Apostolos, quos huic ecclesiæ contrarii heretici proferunt auctoritatem suorum nominibus appellatos, longè post Apostolos* e-*

<sup>a</sup> Theodoretus Græcarum affect. curat. Serm. 9. <sup>b</sup> Proemio in Magist. sentent. <sup>c</sup> Proemio in sentent. quaest. 2. <sup>d</sup> Lib. 1. cap. 6.

existentium. Quasi verò in literis secularibus, non fuerint certissimi auctores, sub quorum nominibus postea multa prolata sunt, & idè repudiata, quia vel his, quæ ipsorum esse constaret minimè congruerunt; vel eo tempore, quo illos scripserint, nequaquam innotescere, & per ipsos, vel familiarissimos eorum in posteros prodi commendarique, meruerunt. Et idem de consensu Evangelistarum l. 1. c. 1. *Ceterique autem homines, qui de Domini, vel de Apostolorum actibus aliqua scribere conati sunt, non tales vel suis temporibus extiterunt, ut eis fidem haberet ecclesiæ; atque in auctoritatem canonicam Sanctorum librorum eorum scripta reciperet: nec solum quia illi non tales erant, quibus narrandis credi oporteret, sed etiam quia scriptis suis, quadam fallaciter indiderunt, quæ Catholica atque Apostolica regula fidei & sana doctrina condemnas. Sic ante Augustinum Ambrosius Proemio in Lucam: Sicut multi in illo (Judæorum) populo divino infusi Spiritu prophetaverunt; alii autem prophetare se pollicebantur & professionem destituebant mendacio. Erant enim pseudopropheta potius quàm propheta: sicut Ananias filius Azor: erat autem populi gratia discernere Spiritus, ut cognosceret quos referre deberet in numerum prophetarum: quos autem, quasi bonus nummularius, improbare: in quibus materia magis corrupta sorderet, quàm veri splendor luminis resuleret. Sic & nunc in Novo Testamento multi Evangelia scribere conati sunt, quæ boni nummularii non probarent. In quo numero refert Evangelium Thomæ, &c. Nec immeritò: quia id à Manichæis conscriptum fuit; quemadmodum Cyrillus Hierosolymitanus Catechesi 4. ait; Scripserunt & Manichæi Evangelium secundum Thomam, quod suavi Evangelici nominis odore coloratum, simpliciorum animas perdit. Et Hieronymus Proemio in Matthæum ait, plures fuisse qui Evangelia scripserunt, quæ (inquit) à diversis auctoribus edita diversarum hæresium fuerunt principia: ut est illud, iuxta Egyptios: & Thomam & Matthiam & Bartholomæum, duodecim quoque Apostolorum & Basilidis atque Appellis & reliquorum, quos enumerare longissimum est: quum tantum in præsentiarum hoc necesse sit dicere, extitisse quosdam, qui, sine Spiritu & gratia Dei, conati sunt magis ordinare narrationem, quàm historia texere veritatem. Optimè verò Eusebius, Ecclesiast. Histor. l. 3. c. 22. *Quæ sub nomine Apostolorum, sive Petri, sive Thomæ, vel Matthei, vel aliorum præterea Evangelia: aut veluti Andrea & Johannis aut aliorum Apostolorum acta continentia ab hereticis proferuntur, quorum nullam uspiam, vel aliquis ecclesiastica successionis scriptor mentionem in commentariis suis facere dignatus est. Porro & phraeos character à consuetudine Apostolica variat, & ipsa sententia, & propositum eorum quæ in illis adferuntur plurimum à veritate rectæ doctrina discrepant, & quod hereticorum sint virorum fragmenta perspicuè convincunt. Quapropter ne inter adulterina quidem ponenda, sed tanquam omninò absurda & impia, averfanda sunt. Ecce habes nunc, Costere, de Evangeliorum verorum auctoritate, & à fictis discrimine demonstrationes solidas, copiosas, perspicuas: quibus si (ut optamus) acquieveris, erit quod Deo gratias agamus: sin minus eveniat, saltem attentis & piis lectoribus satisfactum, & Jesuitarum impiam & imperitam, in primo religionis fundamento, impudentiam, perspicuè convictam esse apparebit. Quamobrem hac secunda adversus Sacra Scripturæ perfectionem ratione multis modis refutata, ad tertiam pergamus. Objicis enim; *Ubi habetur, Duodecim articulos fidei ab Apostolis esse Ecclesiæ relictos?* Verum, id non est ad salutem necessarium, ut credamus symbolum ab Apostolis esse conflatum: sed satis est doctrinam symboli, tanquam ex Dei verbo haustam & doctrinæ Apostolicæ consentaneam, amplecti. Quandoquidem non aliunde, quàm ex S. Literis petiitum & concinnatum est. Unde Episcopus vester Durandus in Lombardum l. 3. dist. 25. quaest. 2. ait; *Symbolum etiam dictum à collectione articulorum ex diversis locis scripturae.* Et Augustinus ad Catechumenos de Symb. lib. 1. cap. 1. *Illæ verba (Symboli) quæ audistis, per divinas scripturas sparsa sunt, inde collecta & ad unum redacta ne tardorum hominum memoria labaret.* Idem etiam docet Cassianus de incarnatione lib. 6. Quarta, qua scripturæ perfectionem oppugnas, hæc est; *Præterea formas multis Sacra-***

mento-

mentorū iustis de causis ait B. Dionysius Areopagita esse suppressas. Verum prudentius Dionysii testimonium silentio suppressissēs. Primum, quia hujus scriptoris fides parvi merito, in fidei dogmatis, æstimanda est, Nec enim (ut, falsam inscriptionem secutus, opinaris) idem est Dionysius ille Areopagita, cujus Acta Apostolorum cap. 17. 34. meminerunt, sed multò recentior auctor & à puritate ac simplicitate Apostolica remotissimus: quemadmodum accuratè & perspicuè à multis demonstratum est: & quatuor insignes rationes initio bibliothecæ Photii referuntur. Nec magnam in multis, apud vos, illius esse auctoritatem, maximum plurimarum superstitionum (quas tanquam necessarias & divinas commendat) cum Pontificæ Ecclesiæ consuetudine dissidium, perspicuè evincit. Quod non solum ex mutua eorum comparatione: sed etiam ex ingenua Ambrosii monachi vestri confessione<sup>a</sup> ac demonstratione apparet. Deinde non solum testis, quem adducis, fide indignus est; sed etiam testimonium illius mala recensēs fide. Ait quidem, eo quem citas loco, Dionysius; *Preces mysticas fas non est scripto interpretari: neque ipsarum arcanum, sive illas quæ in his ex Deo sunt virtutes, ex adyto in publicum efferre: sed iis verbis agit tantum de superstitiosis precibus in mortuorum sepultura adhibitis: non autem de multorum Sacramentorum formis, ut falsò affirmas. Præterea si preces funebres ulla (ut Dionysius censet) nefas est scripto interpretari: cur omnes hujusmodi preces vestras (ut etiam Ambrosius monachus ibidem agnoscit & res ipsa testatur) variis libris tradidistis? Quare hoc tuum argumentum omninò est aægodiavov. Quod verò addis, eodem pertinent difficultum & dubiarum scripturarum interpretationes, quas in varios sensus heretici trahunt, illud, in quæstione de scripturæ præstantia, prolixius abs te propositum, & plenius à nobis refutatum est. Ad sextam igitur rationem procedamus. Ais enim B. Augustinus ad Apostolicam traditionem extra scripturam refert Baptismum parvulorum: sed iterum mala uteris in Patribus citandis fide. Ait quidem Augustinus Baptismum parvulorum esse traditionem Apostolicam; sed falsò assuis, extra scripturam; Verba enim Augustini sunt, *Consuetudo tamen matris ecclesiæ in baptizandis parvulis nequaquam spernenda est, neque omninò superflua deputanda, nec omnino credenda, nisi Apostolica esset traditio.* Quod autem non intelligat traditionem extra Sacras literas, alibi (de Baptismo lib. 4. c. 24.) sese exponit, quum pædobaptismum adversus Donatistas ex Sacris literis comprobatur. Deinde quamvis ea, quam fingis, fuisset Augustini sententia, fidem tamen, quum Dei verbo repugnet, minimè mereretur. Consule Pontificum Romanorum<sup>b</sup> decretalia, & comperies Innocentium tertium infantum Baptismum Sacris literis confirmare. Idem quatuor argumentis demonstrat antesignanus vester Eccius, Enchirid. locor. cap. 30. & Jesuita Bellarminus lib. de Baptism. c. 8. hanc veritatem, in scriptura tribus argumentis, probari docet. Et tandem cap. 9. subjicit; *Licet enim non inveniamus expressè mandatum, ut baptizemus infantes: tamen id & colligitur satis aperte ex scripturis, ut supra ostendimus.* Estne igitur baptismus infantum traditio extra scripturam? Sed ea iterum Pontificæ doctrinæ, iusto Dei iudicio, inconstantia est: ut quæ rectè adversus Anabaptistas manu ædificastis dextra, eadem postea in insana quadam cæcitate, in errore vestro adversus scripturæ perfectionem propugnando, sinistra diruat. Cæterum objicis nobis postremo, Basilium aliosque patres multa alia enumerasse, in quibus ad hoc primum scripturæ genus confugerint, in vitis omnium atatum hereticis. Verum ad Basilium respondeo; primum de fide illius loci non constare: quandoquidem ineptus quidam veterum scriptorum interpolator, pannos suos & nœnias Basilii purpuræ (ut Erasmus doctè censet) intertexuit. Deinde nec vobis quidem omnia posse probari, quæ eo in loco statuuntur & sacris literis adversari, res ipsa demonstrat: quoniam ritus, partim liberos, partim supersticiosos, eandem, cum Sacrarum literarum dogmatis, habere vim ad pietatem, adeò ut iis rejectis fidei prædicatio ad nudum nomen contrahatur, asserit. Cujusmo-*

<sup>a</sup> Scholiis in Dionysium de Eccl. Hierarchia. <sup>b</sup> Decret. lib. 3. tit. 42. cap. 3. Majores.

di ritus sunt, signatio crucis, trina in Baptismomersio, conversio inter precandum ad Orientem, & statio inter precandum diebus Dominicis & à Paschate ad Pentecosten, &c. Quæ sigillatim copiosè ac doctè à laudatissimæ memoriæ theologo D. Withakero Disp. de S. Scriptura, qu. 6. c. 12. refutata sunt. Quibus confirmandis ut alia etiam addamus adjumenta, attende, quàm ineptis rationibus Basilii traditionum, quas recenset, originem tueatur. Omnia (inquit) quæ nec intueri fas erat non initiatis, qui conveniebat horum doctrinam publicum circumferri scripto? Item, hæc est ratio, cur quedam citra scriptum tradita sunt, ne dogmatum cognitio, propter assuetudinem, vulgò veniret in contemptum. Quasi verò hac ratione non summa religionis mysteria, de trinitate, de incarnatione Filii Dei & conceptione ex Spiritu Sancto, nativitate ex virgine, de Christi crucifixione, resurrectione, ascensione in cælum, sessione ad dextram Dei, reditu ad iudicium, de prædestinatione, de meritis mortis Christi, de remissione peccatorum, Baptismo, Cæna Domini, carnis resurrectione & vita æterna: quasi, inquam, non hæc & similia summa religionis mysteria (quæ Ethnicis semper fuere ludibrio, Judæis offendiculo 1. Cor. 1.) si ea ratio valeret, sine literis tradi potius debuerunt, quàm istiusmodi, quos recenset ritus? Nec quidquam ad rem facit, quod Moyses exemplum præterit, qui non omnia, quæ erant in templo, passus sit omnibus esse pervia. Ex eo enim nihil aliud demonstratur; quàm, distinctionem illam templorum, ex Judaicarum ceremoniarum per Christum abolitarum superstitionosa imitatione, promanasse. Imò Moyses exemplum pro nobis omninò facit. Nam quamvis non omnia, quæ in templo erant, passus sit omnium aut pedibus teri, aut oculis perlustrari; totam tamen liturgiam sacram & tabernaculi faciem, intimaque secreta accuratissimè scripsit. Præterea, si hæ rationes valerent, tum sanè temerariè fecisset, & violati mysterii reus esset Basilii, Dionysius, alique, qui hujusmodi traditiones suis scriptis divulgaverunt. Gravissimè verò Ecclesia Romana jam ab aliquot seculis peccaret, quæ Eucharistiæ administrationem, reliquosque ritus sacros, omnibus spectare volentibus libertatem permittit, & concionibus ac scriptis publicè proponit. Quorum utrumque nefas esse, hoc Basilii loco asseritur. Quare ex hisce omnibus apparet hujus quem ex Basilio adducis loci, ab imperito aliquo homine corrupti, auctoritatem non esse magni faciendam. Verum quamvis denique genuina hæc fuisset Basilii hoc loco & tempore sententia, quia humanum est errare, & veritas errori præferenda est; à Basilio hoc in loco aberrante, ad rectius multis in locis definientem provocaremus; Manifestus (inquit Sermone de fide) est fidei lapsus, & liquidum superbia vitium, vel respuere aliquid eorum quæ scriptura habet, vel inducere quidquam, quod scriptum non est, quum Dominus noster Iesus dicat; Oves meæ vocem meam audiunt, & præmiserit; Alienum autem non sequuntur, sed fugiunt ab illo, quoniam non norunt vocem alienorum. Et Paulus, per humanum exemplum, vehementer prohibeat aliquid in scripturis divinis addere vel demere: quum dicat; Homini testamentum corroboratum nemo reprobat, aut aliquid illi superstruit. Proinde quamcunque alienam à doctrina Domini vocem ita nos semper & nunc, fugiendam esse cognovimus. Et paulò antè; Fidei verò ministri proprium esse, scitis planè & ipsi, ut quod in conservos dispensandum ab optimo Domino conceditum habet, hoc illis servet purum ac sincerum. Itaque & ego quæ ex scriptura divina agnovi, hæc vobis pro beneplacito Dei, ad communem utilitatem, proponere debeo. Si enim Dominus ipse, in quo beneplacitum est Patri, in quo sunt omnes thesauri sapientiæ & scientiæ absconditi, qui omnem potestatem & omne iudicium à Patre accepit, Mandatum (inquit) mihi dedit, quid dicam & quid loquor: & iterum; Quæ igitur ego loquor, sicut dixit mihi Pater, sic loquor: Et Spiritus Sanctus à seipso non loquitur, sed quacunque audit ab ipso, hæc & loquitur: quanto magis nobis piū scilicet est & cautum, hoc sentire & facere in nomine Domini nostri Iesu Christi. Nec alibi aliter docet Basilii quæst. 95. Nam in definitionibus contractis ait; Necessarium enim est & consonum, ut ex Sacra quisque scriptura, quod

quod necesse sit, discat, cum ad Dei cultus plerophoriam, tum ne assuescat humanis traditionibus. Et postea ibid. qu. 98. Erga Deum animatus debet esse, tanquam minister Christi & dispensator mysteriorum Dei, metuens ne quid, præter voluntatem Dei in scripturis certò expressam, vel dicas, vel instituas, & inveniat falsus testis aut sacrilegus, in eo quod inducit alienum quid à doctrina Dei, aut omitat aliquid placitorum Dei. Et Ethicorum fine quæst. 3. Si enim quidquid ex fide non est, peccatum est, sicut dicit Apostolus: fides verò ex auditu, auditus autem per verbum Dei est: Ergo quidquid extra divinam scripturam est, cum ex fide non sit, peccatum est. Ex hisce omnibus constat, Basilium, non minus doctè quàm perspicuè Pontificiorum errorem refutare. Quod verò Augustinum epist. 3. ad Volusianum, ad oram libri testem indicas, iterum malam tuam in patrum scriptis fidem prodis. Nam quod ille in ea epistola ait, *de me mihi magis quàm ulli alteri credas*: id in hujus loci citatione, si quis observarit, & Augustino potius, quàm tibi crediderit, animadvertet quàm primùm, illum duas ad Sacrarum literarum laudem sententias adferre; de traditionibus verò non scriptis, omninò silere. Itaque nulla est (ut censeres) hæresis aut impudentia, sed divina veritas & orthodoxa patrum doctrina, quod Sacris Literis non solum præcipua, sed etiam omnia fidei & vitæ Christianæ ad salutem necessaria dogmata contineri, affirmamus.

## COSTERUS.

## Objectiones Hæreticorum.

**P**RIMA est ex cap. 20. Johannis; *Multa quidem & alia signa fecit Jesus in conspectu discipulorum suorum, quæ non sunt scripta in libro hoc. Hæc autem scripta sunt, ut credatis, quia Jesus est Christus Filius Dei, & ut credentes vitam habeatis in nomine ejus*: Ergo omnia quæ ad fidem pertinent scripta sunt.

## SOLUTIO.

**C**ONSEQUENTIA non valet, sed inferendum potius erat; Ergo ea literis testata fuerunt à Johanne de Christo, quæ ad salutem erant scitu omnibus necessaria: quod ultrò damus. Plura autem ad fidem pertinent, quàm omnes nosse teneantur. Pauca capita novisse sufficit ad salutem: de reliquis satis est, contrarium pertinaciter non tueri. His porro verbis beatus Johannes indicare videtur, quid se ad scribendum Evangelium moverit, nempe ut se adversus hæreticos (maximè Cerinthum & tunc Ebionitarum dogma confurgens, qui asserunt Christum ante Mariam non fuisse) divinam ipsius naturam commonstraret: quod ait se abundè enumeratione miraculorum fecisse.

## GOMARUS.

**H**ACTENUS quæ contra Sacrarum literarum perfectionem abs te disputata sunt, confutavimus: superest, ut argumenta, quæ ab orthodoxis proferuntur, à responsione tua vindicemus. Quum autem plurima sint & illustria, duo tantum selegisti, quæ hæreticorum objectiones, censoria auctoritate, appellas: sed quam iniquè, ex sequentibus constabit. Ac primum quod ea quæ ad salutem scitu omnibus necessaria sunt & ad eam sufficiunt à Johanne tradita esse ultrò concedis, lubenter amplectimur, atque hoc pacto sententiam nostram confirmamus. Quod continet ea quorum notitia ad salutem sufficit, in eo nihil scitu necessarium desideratur; quia hæc contraria sunt: atqui Sacre literæ, ex tua confessione, sunt ejusmodi: ac propterea falso ante statuisti, in iis multa scitu necessaria desiderari. Atque id etiam confirmat Patrum consensus. Ac primùm Augustini in Johannem tractatu 49. *Nam quum multa fecisset Dominus Jesus, non omnia scripta sunt, sicut idem ipse Sanctus Evangelista testatur, multa Dominum Christum & dixisse & fecisse quæ scripta non sunt: electa sunt autem quæ scriberentur, quæ salutis credentium sufficere videbantur.* Deinde Cyrilli in Johannem l. 2. c. 68. *Non igitur omnia, quæ Dominus fecit, conscripta*

*sunt, sed quæ scribentes, tam ad mores, quàm ad dogmata, putarunt sufficere, ut recta fide & operibus rutilantes ad regnum cælorum perveniamus, in Domino nostro Iesu Christo.* Ceterum quod ais; *Plura autem ad fidem pertinent quàm omnes nosse teneamur, nihil dici potest inconstantius.* Nam ad fidem pertinere, & quod nosse teneamur idem valere in statu quæstionis & explicatione illius satis declarasti. In iis enim hæc tria, *Quæ credere oportet, Quæ ad fidem pertinent; Omnia creditu & scitu necessaria*, eodem sensu abs te proposita sunt. Sed inquis, *pauca capita novisse sufficit ad salutem, dereliquis verò satis est contrarium pertinaciter non tueri.* At quænam ea sunt capita? nonne quæ Symbolum Apostolorum præscribit? At illa omnia creditu necessaria continere, & præcipua quidem capita apertè, reliqua necessaria consequentia, communi orthodoxorum patrum consensu constat. Unde fidem & regulam fidei communiter appellarunt. Quamobrem recta est consequentia. Quod verò subjicis; *Johannes indicare videtur quid se ad scribendum Evangelium moverit; bene mones: sed quod ais; nempe ut adversus hæreticos (maximè Cerinthum & tunc Ebionitarum dogma confurgens, qui asserunt Christum ante Mariam non fuisse) divinam ipsius naturam, commonstraret, quod ait se abundè enumeratione miraculorum fecisse: id, inquam, minus bene asseritur.* Nec enim de miraculis solum loquitur Johannes, quum ait; *hæc autem scripta sunt*; sed de iis, & reliquis omnibus quæ antecedunt: nec hæreticos solum refutandos sibi proposuit; sed eadem opera doctrinam fidei Christianæ accuratè docere. Nam quemadmodum quum Paulus de summa evangelii 1. Cor. 2. 1. 2. ait, *non judicavi me scire aliquid inter vos nisi Iesum Christum & hunc crucifixum*; ita & Johannes universam Evangelii doctrinam fide ea, quæ Iesum esse Christum Filium Dei credimus, summatim complexus est. Itaque meritò statuimus omnia fidei Christianæ dogmata Evangelio Johannis contineri. Rectè enim ait Cyrillus præfatione in Evangelium Johannis, *Exquisita profecto est divinitusque defluxa omnium Evangelistarum doctrina. Nam quum, quasi ab æta specula, cuncta circumspiciat, auditorum undique commodum, ita diligenti studio colligit; ut qui veritatem divinorum sunt dogmatum (si recto animo scripturarum sensum inquirunt) facile quidquid eis conferat, in ea inveniant.* Et Chrysostomus in Euang. Joh. prologo. de Johanne ait: *Quæ omnia hic nobis Evangelista accurate explicat, quum ipsi regi incredibili sit amore devinctus: imò, & ipsum in se loquentem contineat, audieritque ab eo quacunque ipse à Patre acceperit, vos dixi amicos (inquit Joh. 15.) quia omnia quacunque audi vi à Patre meo, nota feci vobis.* Quare asserta jam prioris argumenti nostri veritate, ad alterum procedamus.

## COSTERUS.

## SECUNDA.

**A**CTORUM primo; *Primum quidem sermonem feci de omnibus, o Theophile, quæ capit Iesus facere & docere, usque in diem, quæ precipiens Apostolis, per Spiritum Sanctum quos elegit, assumptus est: ergo omnia Christi facta dictaque literis mandata sunt.*

## SOLUTIO.

**C**ONSTAT beatum Lucam, non omnia scripsisse, quæ Iesus fecit, aut docuit, quum vix quicquam eorum, quæ B. Johannes suo Evangelio comprehendit, ipse attigerit. Veluti de cæco nato, Joh. 9. 1. de paralytico ad probaticam piscinam curato, Joh. 5. 5. de aqua in vinum conversa, Johan. 2. 9. de Lazaro suscitato, Joh. 11. 49. præterea insignia illa colloquia habita cum Nicodemo, Johan. 3. 1. cum Samaritana, Joh. 4. 7. cum Capharnaitis, Joh. 6. 26. & cum Apostolis, absoluta Cæna agni Paschalis. Neque sic loquitur B. Lucas: *scripsi omnia: sed sermonem feci de omnibus, quæ capit Iesus facere & docere*, Actor. 1. 1. hoc est, (ut beatus Chrysostomus interpretatur) summatim aliquid de omnibus attigi, quibus satis constare omnibus possit, quis vir fuerit, & qualis noster Iesus.

GOMA-

## GOMARUS.

**A**GNOSCO quidem argumentum nostrum, Coste-  
re, in antecedente: sed fraudem tuam in conclusione  
illius. Non enim omnia Christi facta dictaque literis man-  
data unquam docuimus, sed ea tantum quæ salutem nostram suf-  
ficerent. Quemadmodum Glossa vestra interlinearis rectè  
interpretatur, Actor. 1. *omnibus modis doctrina & quantum  
singulorum fidei sufficit sacerdotum*. Itaque quod pluribus pro-  
bare contendis, non omnia Christi dicta factaque Euange-  
lio contineri, operam omnino perdis. Magnum profectò  
& perspicuum malæ causæ vestræ indicium. Nec meliori fi-  
de Chrysostomi interpretationem adducis. Hæc enim ex-  
pressa illius sunt verba; *Non dixit omnia, sed de omnibus:  
perinde ac si quis dicat summam & in genere, aut de omnibus  
loquitur, quæ necessaria sunt urgentque*. Itaque quod de tuo  
hæc allinis, quibus satis constare omnibus possit, quis vir fue-  
rit, & qualis noster Iesus, & Chrysostomo injuriam facis &  
lectoris fucum. Atque hanc de hujus loci interpretatione &  
Euangeliorum perfectione sententiam, ipsemet Lucas, ini-  
tio sui Evangelii, aperitè probat, & vestri interpretes faten-  
tur. *Visum* (inquit Luc. 1. 3. 4.) *est & mihi affecto omnia à  
principio, diligenter ex ordine tibi scribere, Optime Theophi-  
le: ut cognoscas eorum verborum, de quibus eruditus es, verita-  
tem*. Ad quem locum Lyranus in Luc. c. 1. ait: *Accipitur hic  
omnia: quod scripsit de omnibus necessariis, quorum notitia e-  
rat necessaria ad salutem*. Quare hæc argumenta nostra ad-  
versus responsiones tuas invicta perstant. Cæterum plurima  
alia à nostris adducuntur, quibus Sacrarum literarum perfe-  
ctio demonstratur. E quibus quædam ad veritatis illustra-  
tionem proferemus. Primum est ex Mose; *Non addetis ad  
verbum hoc, quod vobis loquor, nec auferetis ex eo*, Deut. 4.  
2. Et expressius; *Quod præcipio tibi, hoc tantum facito Do-  
mino: nec addas quicquam, nec minuas*, Deut. 12. 32. Qua  
de re convenienter & doctè episcopus vester Durandus in  
magistr. Sentent. lib. 3. dist. 25. qu. 2. ait; *Sacra Scriptura est  
regula fidei, cui non licet aliquid addere vel minuere, secundum  
id quod habetur, Deut. 4. Non addetis ad verbum quod ego  
loquor vobis, nec auferetis ab eo*. Et ibid. in præfat. lib. 1. *Mo-  
dus enim est non excedere mensuram fidei. De qua dicit A-  
postolus, Rom. 12. Non plus sapere, quam oportet sapere,  
sed sapere ad sobrietatem, & unicuique sicut Deus divisit men-  
suram fidei. Quæ quidem mensura in duobus consistit, videli-  
cet, ut non subtrahatur fidei, quod sub fide est, nec attribuatur  
fidei illud, quod sub fide non est. Utroque enim modo mensura  
fidei exceditur, & à continentia Sacra Scriptura, quæ fidei  
mensuram exprimit, deviat. Alterum, ex Esaia, Esa. 29.  
13. & Christo Matth. 15. 9. *Frustra colunt me, docentes do-  
ctrinas & mandata hominum*. Tertium, ex Christi testimo-  
nio: *Scrutamini scripturas: quia vos putatis in ipsis vitam æ-  
ternam habere, & illa sunt quæ testimonium perhibent de me*,  
Joh. 5. 39. Quartum ex Apostoli Pauli confessione peti-  
tum est hujusmodi; *Quod omnia continet quæ Paulus Aposto-  
lus docuit, illud habet omnia fidei & charitatis dogmata,**

quæ ad salutem necessaria sunt: quia Paulus Act. 20. 20. ait;  
*Vos scitis, ut nihil subterfugerim eorum, quo minus ea vobis  
annunciarem & docerem vos*. Item, Act. 20. 27. *Non enim  
subterfugi, quo minus annunciarem omne consilium Dei vobis*.  
At verò Sacra literæ omnia ea complectuntur quæ Paulus do-  
cuit, quemadmodum ipse aperte profitetur; *Auxilium à Deo  
nactus perstiti in hunc usque diem, testificans tum parvis tum ma-  
gnis, nec quidquam dicens extra ea, quæ Prophetæ ac Moses futu-  
ra prædixerunt*, Act. 26. 22. Quamobrem, quis de Scriptura-  
rum perfectione, merito dubitet? Quintum ex eodem argu-  
mentum est; *Quod nos potest sapientes reddere ad salutem per  
fidem, quæ est in Christum Jesum, illud omnia quæ ad sa-  
lutem necessaria sunt, comprehendit*. Quare, quum Sacra  
literæ, teste Apostolo, 2. Tim. 3. 15. sint ejusmodi, sequi-  
tur omnia in iis, quæ ad salutem necessaria sunt, contineri.  
Sextum argumentum est; *Quod hominem Dei perfectum  
reddit ad omne opus bonum perfectè instructum, in eo nihil  
ad salutem necessarium deest*. Paulus verò hanc laudem Sacris  
literis expressa sententia ascribit, 2. Tim. 3. 15. quam San-  
ctus vester Thomas Aquinas, (quem Angelicum doctorem  
& optimum Pauli interpretem vulgo nominatis) eodem mo-  
do interpretatur, Comm. in 2. Tim. 3. lect. 3. *Sic ergo qua-  
druplex* (inquit) *effectus Sacra Scriptura: scilicet, docere ve-  
ritatem: arguere falsitatem quantum ad speculativam: eripere  
à malo & inducere ad bonum, quantum ad practicam: ultimus  
ejus effectus est, ut perducatur homines ad perfectum*. *Non e-  
nim qualitercunque bonum facit, sed perficit; Heb. 6. Ad  
perfectionem feramur. Et dicit, ut perfectus sit homo Dei: quia  
non potest esse homo perfectus, nisi sit homo Dei. Perfectum  
enim est cui nihil deest*. Nec aliter Chrysostomus Comm. in  
Johan. 5. Hom. 39. ad illa Christi verba, (*Scrutamini scri-  
pturas*) exponit; *Ad quarum* (Scripturarum) *eos testimonium  
relegat; hoc nos exemplo, adversus hæreticos, hinc arma suma-  
mus. Omnis enim scriptura divinitus inspirata utilis est ad  
docendum, ad arguendum, ad corrigendum, ad erudiendum in  
justitia, ut perfectus sit homo Dei, ad omne opus bonum instru-  
ctus, 2. Tim. 3. 16. non aliis abundet: aliis careat: hic enim  
non est perfectus*. Ergo Sacra literæ omnia, quæ ad salutem ne-  
cessaria sunt, perfectè comprehendunt. Unde fidei canonem,  
mensuram, stateras, fundamentum & Dei testamenta, Gal. 3.  
17. (quibus nihil addi aut demi potest) Deo prævio, Eccle-  
sia Dei, semper appellavit. Ac propterea celebratur meritò a-  
pud omnes illud Hieronymi dictum in Matt. 23. *Quia hoc  
de Scriptura non habet auctoritatem, eadem facilitate conte-  
minitur, quæ probatur*. Tanta denique hujus rei est perspi-  
cuitas, ut Pontificiorum celeberrimi doctores idem asserant.  
Nam præter Thomam & Durandum, quorum jam memini,  
Scotus in Sent. lib. 1. prologi, quæst. 2. id expresse docet,  
& ex Scoto, Resolutio Theologorum super sententias ait  
Tract. 1. proemii quæst. 2. *His præmissis ponitur talis con-  
clusio; Doctrina supernaturalis nobis necessaria, utiliter & suffi-  
cienter habetur in sacra scriptura*. Idemque ante sex annos  
Doctor Elutherus Albergonus, Mediolanensis Theologus in  
Resolutione doctrinæ Scoticæ, Prolog. qu. 2. repetivit.

## CAPUT VI.

*Ex quibus omnibus meritò concludimus divinam esse Sacrarum literarum perfectionem.  
Quare ad facilitatem excutiendam pergemus.*

## COSTERUS.

*Sine Scriptura facilis intellectus.*

**M**ULTA in Sacris literis esse perspicua negandum  
non est: omnia autem esse hujusmodi, ut sine labo-  
re à quovis intelligi possint, etiam illa loca, quæ dogmata  
fidei continent, cum experientia pugnat. Sufficiunt pauca e-  
xempla: 1. Pet. 3. 19. *In quo & his qui in carcere<sup>a</sup> erant spiri-  
tibus veniens predicavit, qui increduli fuerant aliquando,  
quando expectabant patientiam Dei in diebus Noë*. 1. Co-  
rinth. 15. v. 29. *Quid facient qui baptizantur pro mortuis,  
si omnino mortui non resurgunt?* Rom. 10. 6. *Quæ autem*

*ex fide est justitia, sic dicit. Ne dixeris in corde tuo: quis ascen-  
dat in calum? id est Christum<sup>a</sup> deducere: aut quis descendet in  
abyssum? hoc est, Christum à mortuis revocare. Sed quid  
dicit scriptura? Prope est verbum in ore tuo*. 1. Cor. 3. 15. *Ipse  
autem salvus erit, sic tamen, quasi per ignem*. Beatus Petrus,  
2. Epist. 3. 16. fatetur in epistolis Paulinis multa esse diffici-  
lia, quæ indocti depravant. Ac proinde (ut B. Augustinus  
auctor est, Lib. 83. qu. 76. Et præfat. Psal. 31.) B. Jacobus  
Apostolus ad correctionem eorum, qui beatum Paulum ma-  
lè intellexerant de justificatione ex fide loquentem, episto-  
lam suam conscripsit. Quod etiam reliquos Apostolos fe-  
cisse B. Augustinus libro de fide & operibus Cap. 14. affir-  
mat, his verbis; *Quia hac opinio de sola fide tunc fuerat exor-  
<sup>a</sup> Vide August. lib. de fide & operib. cap. 15.*



ta, alia Apostolica litera Petri, Johannis, Jacobi, Jude, contra eam maxime dirigunt intentionem, ut vehementer asseruant, fidem sine operibus nihil prodesse.

## G O M A R U S.

**Q**UEMADMODUM in superiori quaestione proponenda mala usus es fide: sic, in facilitate sacrarum literarum oppugnanda, tui & reliquorum Pontificiorum dissimilis esse noluit. Nec enim ea (quam fingis) inter nos est controversia; *An omnia in Sacris literis adeo perspicua sint, ut sine labore à quovis intelligi possint, etiam ea loca quae fidei dogmata continent?* (quis enim adeo imprudens, aut impudens esse possit, quin multa in sacris literis obscura esse fateatur?) sed, *an omnia fidei & vitae Christianae ad salutem necessaria dogmata, perspicue in sacris literis reperiantur, adeo ut ad veritatem salutarem cerè cognoscendam sibi ipsa sufficiant?* Nostri, ex verbi divini sensu & orthodoxo patrum consensu, id affirmant & confirmant. *Lex Domini* (ait David Psal. 19. 8. 9.) *immaculata, convertens animam; testimonium Domini fidele, sapientiam praestans parvulis. Justitia Domini recta, laetificans corda: Praeceptum Domini lucidum, illuminans oculos.* Et Psal. 119. 105. *Lucerna pedibus meis verbum tuum & lumen semitis meis.* Et Salomon, Prov. 6. 23. *Mandatum lucerna est, & lex lux, & via vita, increpatio disciplina.* Et Petrus Apostolus, 2. Pet. 1. 19. *Habemus firmiorem sermonem Propheticum, cui benefactis attendentes quasi lucerna lucenti in caliginoso loco, donec dies elucescat & lucifer oriatur in cordibus vestris.* Et Paulus 2. Tim. 3. 15, 16, 17. *Tu verò permane in his, quae didicisti & credita sunt tibi, sciens à quo didiceris. Et quod ab infantia sacras literas nosti, quae te possunt sapientem reddere ad salutem, per fidem quae est in Christo Jesu. Tota scriptura divinitus est inspirata & utilis ad doctrinam, ad reargutionem, ad correctionem, ad institutionem, quae est in iustitia: ut perfectus sit homo Dei, ad omne opus bonum perfecte instructus.* Contra verò Pontificii negant, omnia fidei & vitae Christianae ad salutem necessaria dogmata Sacris literis perspicue contineri: ac contra statuunt, sacras literas ad certam sui in salutaribus dogmatis intelligentiam, & ad controversias, (quae de ea re oriuntur) dirimendas non sufficere, sed ad utrumque necessarias esse traditiones & patrum scripta: quemadmodum ex iis, quae supra in quaestione de scripturae praestantia docuisti, perspicue apparet. Unde (inquis Pag. 46.) *quando in religione quaestio movetur de Christi divinitate, de sanctorum invocatione, de cultu imaginum, similibusque rebus, de quibus scriptura divina in membrana relicta, quaedam ad aliorum mentem dicere videtur, &c. inspicienda atque pervolvenda sunt viva in corde ecclesiae divinitus impressa & innixa monumenta, in quibus tanquam in clarissimis commentariis ac certissimis explanationibus acquiescere debemus.* Idem prolixius & apertius Martinus Perefius Guidixiensis episcopus (De divinis traditionibus par. 1. De scriptura assert. 3.) exponit. Quare quum genuinum quaestiones statum compertum habeatis: magna profecto impudentia est, quod eum prudentes non dissimulatis solum, sed etiam pervertitis omnino. Itaque quod multa Sacrarum literarum loca, etiam quae dogmata fidei continent, difficilia esse probare studes, non nobiscum, sed cum umbra tua, luctaris. Etsi enim nonnulla etiam fidei dogmata, quibusdam in locis, ut exerceamur, proponantur obscurius, alibi tamen, ad salutem nostram clarius explicantur. Deinde, quod addis, *Petrum fateri in epistolis Paulinis multa esse difficilia, quae indocti depravant: id à veritate alienum est.* Nec enim ait *multa*, sed *non quaedam*. Verum licet ea esset Petri sententia, nostram tamen doctrinam minimè offenderet. Sed alia instas via.

## C O S T E R U S.

**P**ORRO ipsimet haeretici fateri coguntur multorum locorum obscuritatem, dum scripturas quasdam contra ecclesiae totius sensum haecenus inauditis adeoque inter se pugnantibus interpretationibus exponunt. Unica haec sententia; *Hoc est corpus meum*, catholicis significat verum Christi corpus sub panis specie in sanctissima Eucharistia adesse:

Lutheranis verò, adesse cum corpore panem: Calvinistis autem, solum panem, sine corpore Domini. Similis est ratio scripturarum omnium, quibus ad suas haereses confirmandas, variè haeretici abutuntur, quas catholica ecclesia, jam usque ab Apostolicis temporibus ducta, pro fide orthodoxa interpretatur.

Veteres omnes ecclesiae doctores agnoverunt scripturarum difficultatem: ad quas intelligendas B. Basilii & Nazianzenus tredecim annis in monasterio constiterunt. <sup>a</sup> B. Hieronymus relictis negotiis Romanis in Bethlehem se contulit. S. Chrysostomus ab ipso met B. Paulo Apostolo institutus legitur. Et B. Gregorius Pontifex à Sp. Sancto: quem Petrus Diaconus in columbae specie ei in aurem vidit suggerentem, quae in Ezechielem dictabat. Augustinus sic ait, lib. 2. c. 6. de doctrina Christiana; *Multis & multiplicibus obscuritatibus & ambiguitatibus decipiuntur, qui temerè legunt scripturas aliud pro alio sumentes: quibusdam autem locis, quid vel falso suspicentur, non inveniunt, ita obscure quaedam dicta caliginem obducunt. Obscuritatibus hisce* (ait idem B. Augustin. Sent. 67. Prosperi.) *non temerè à Spiritu Sancto scripturas esse testas, sed ob id maxime ne vilescant, & exerceant, ut pascant.* Vult enim Deus orationibus, meditationibus, & studiis suorum verborum intellectum communicari, non vanis, non ambiosis, non mundo additis.

<sup>a</sup> Ruff. lib. 2. Hist. cap. 9.

## G O M A R U S.

**F**ATENTUR sanè nostri (quos inique haeticos appellas) multorum locorum obscuritatem: sed quod eos scripturas quasdam contra ecclesiae totius sensum haecenus inauditis adeoque inter se pugnantibus interpretationibus exponere affirmas, qua ratione demonstrabis? *Unica, inquis, haec sententia; Hoc est corpus meum, catholicis significat verum Christi corpus sub panis specie in sanctissima Eucharistia adesse.* Imò verò, veri catholici non speciem panis in cena Domini, sed verum panem statuunt: nec Christi corpus, sub specie panis, in terris latere, sed in caelo gloriosè, ad iudicii diem permanere, ex Dei verbo, sensus experientia, & orthodoxa antiquitate agnoscunt. Contra verò Pseudocatholici Pontificii hisce omnibus repugnant, ut ex iis quae libro superiore demonstravi, apparet. Quare laudem veritatis promeretur Lutherus, quod errori vestro de specie panis renunciarit: sed in eo miseratione dignus, quod in doctrina de corporis Christi praesentia; veteris fermenti Pontificii nonnihil reservavit. Quod quum nostri perspicuo Dei verbo expurgarint, frustra sententiarum repugnantiam ad Scripturarum obscuritatem demonstrandam nobis obiectas. Nam, quod à nobis hac in re dissentiant Lutherani, id nequaquam Sacrarum literarum arguit obscuritatem, sed erroris pontificii caliginem: unde tandem ut speramus, penitus emergent. Interea sanctè cum Augustino & antiquo Pontificum Romanorum <sup>a</sup> decreto Christi verba exponimus; *Hic panis est Sacramentum corporis Christi.* Deinde, quod ex diuturno Basilii, Gregorii Nazianzeni, & Hieronymi, ad sacrarum literarum intelligentiam comparandam studio, earundem colligis difficultatem, actum agis: sed ut aliquid obtineas, Costere, id quod in quaestione positum est, illis auctoribus proba, si potes. Non enim tam diu in Sacras literas incubuerunt, ut quae ad salutem necessaria sunt, haurirent: sed, quod majoris difficultatis est, ut ad ecclesiam docendam sese compararent. Porro, ne seria haec sua careant fabula, Chrysostomus (ais) *ab ipso met Paulo institutus legitur: at ubi quæso? miror cur non idem de Thoma Aquinate sancto vestro adjeceris, Bartholomæum de Spina Monachum secutus, qui ait In 2. 2. Thomæ Aqu. in praefatione: Orans suppliciterque deprecanti Thoma ante crucifixi imaginem, ut de doctrina sua soliditate certior fieri mereretur: voce patenti per os imaginis nonnullis fratribus, qui divinum doctorem orantem observare consueverant, audientibus, respondit Christus; Benè scripsisti de me Thoma. Hoc ipsum alias beatissima virgo per os ipsius suae imaginis, qua coram Sanctis orabat, aperitissime protestata est. Beatissimi etiam senatus Apostolici principes, Petrus & Paulus, de passu dubio, propheta: eundem ple-*

<sup>a</sup> De Consecratione diffin. 2. Can. Hoc est.

nus personaliter instruxerunt. Et per seipsum alias Paulus (ut fratri in spiritu rapto videre & audire concessum est) idem divo Thomae percunctanti, si in epistolis suis clarum habuerit intellectum, respondit; Quantum humanus capere queat intellectus. Eiusdem farinae est quod addis, *Beatum Gregorium Pontificem à Spiritu Sancto (quem Petrus Diaconus in columba specie ei in aurem vidit suggerentem, qua in Ezechielem dictabat) institutum.* Quas omnes putidas esse fabulas, ex Chrysostomi, Thomae & Gregorii cum Sacris literis comparatione, pluribus, si opus esset, demonstrari potest. Ac sanè perquam absurdum est, quod ineptissima hæc figmenta tibi arriserint potius, quam ipsiusmet Gregorii in procem. in Ezech. non minus vera, quam modesta, confessio, qua commentarios suos in Ezechielem, Ambrosii & Augustini scriptis, longo intervallo, postponit. Quare si quid probare voles, semotis fabulis, quæ re ipsa confutantur, seria argumenta propone, aut potius Chrysostomum quem ab ipsomet Paulo institutum ais) de scripturæ claritate adversus Pontificios testantem audi Comm. ad Rom. 1. *Et vos itaque si lectioni epistolarum Pauli, cum animi alacritate volueritis attendere, nullo alio præterea opus habebitis. Verus enim est sermo Christi, quum dicit; Quarite & invenietis, pulsate & aperietur.* Et Comm. in Joh. Hom. 1. Idcirco nulla caligine, nullis tenebris suam operuit doctrinam, ut illi (philosophi) oratione sua pravis opinionibus obscuritatem, tanquam velum quoddam indiderunt. Huius autem doctrina sole clarior est atque illustrior, ideoque in omnes

mortales propagata, &c. Omni ejecto satana fastigio atque illuvie, tanta doctrinam suam perfudit facilitate, ut non modo sapientibus, sed & mulierculis, adolescentulis, quidquid dixerit ante oculos poneret. Nec ea quam ex Augustino objicis sententia, nobis quidquam adversatur. Nam multa obscurè in Sacris literis proponi, nemini dubium est, sed an inde consequitur, non omnia fidei & vitæ Christianæ dogmata, ad salutem necessaria, in Sacris literis perspicuè reperiri? Ea enim inter nos controversia est. Imò verò contrarium omnino, eodem in loco, docet Augustinus; *Magnificè & salubriter* (inquit de Doctrina Christi lib. 2. cap. 6.) *Sp. Sanctus ita scripturas Sanctas modificavit, ut locis apertioribus fami occurreret, obscurioribus autem fastidia detergeret. Nihil enim fere, de illis obscuritatibus eruitur, quod non planissime dictum alibi reperitur.* Et postea cap. 9. *In iis, qua aperte in scriptura posita sunt, inveniuntur illa omnia, qua continent fidem, moreque vivendi; spem scilicet atque charitatem.* Et Epist. 3. ad Volusian. *Invitat omnes humilis sermone, quos non solum manifesta pascit, sed etiam secreta exerceat veritate, hoc in promptis, quod in reconditis habens: sed ne aperta fastidirentur, eadem rursus operata desiderantur, desiderata quodammodo renovantur, renovata suaviter intimentur. His salubriter prava corriguntur & parva nutriuntur, & magna oblectantur ingenia.* Quare ex hisce concludimus omnia fidei & vitæ Christianæ dogmata ad salutem necessaria perspicuè in Sacris Literis reperiri, adeò ut, ad veritatem salutarem certò cognoscendam, sibi ipsæ sufficiant.

## CAPUT VII.

*Ceterum quid de Sacrarum literarum lectione statuendum sit, excutiamus.*

## COSTERUS.

*An vulgo permittenda sit scriptura lectio.*

**B**EATUS Johannes Chrysostomus multus est in adhortandis suis civibus ad scripturarum lectionem, ut quæ omnibus datæ sunt, ab omnibus legantur. *Nec recedat volumen legis huius ab ore nostro, sed meditemur in eo diebus & noctibus, ut custodiamus & faciamus omnia quæ scripta sunt in eo, & dirigamus viam nostram, & intelligamus eam.* Jos. 1. 8. De modo autem legendi est quæstio: An sic permittenda sit vulgo scripturarum lectio, ut simul penes omnes sit jus eas interpretandi? Quem quidem nodum non est difficile ex iis, quæ paulò superius diximus, expedire. Si enim oracula divina multis magnisque sunt obstructa difficultatibus, non quivis unus è populo, sed ii soli, qui magno studio & labore difficultatem omnem superarunt, erunt ad ea explicanda atque evolvenda accommodati. <sup>a</sup> Oritur autem obscuritas & difficultas variis ex causis: primò quidem ex difficultate rei, quæ tractatur: quam ob causam epistolæ B. Pauli præsertim ad Romanos & Galatas, multa ingenia magnorum virorum non parum fatigarunt. Deinde ex phrasibus, vel Græcis, vel Hebræis, quibus plenæ sunt scripturæ omnes. Præterea ex consuetudinibus quibusdam veteris ecclesiæ, certas ob causas paulatim mutatis. Quo modo totum caput decimum quartum primæ ad Corinthios est intricatum, & quod capite sequenti dicitur: *Quid facient qui baptizantur pro mortuis?* 1. Cor. 15. 29. varios habet sensus. Rursus ex profunditate rei ipsius cælestis & altitudine doctrinæ, quam mens imbecillis attingere nequit. Quis quæso intelligit, quod ad Eph. 3. 10. scribitur; *Ut innotescat principibus & potestatibus in cælestibus, per ecclesiam multiformis sapientia Dei, secundum prævisionem seculorum quam fecit in Christo Jesu Domino nostro.* Et postea Eph. 3. 18. *Ut possitis comprehendere cum omnibus sanctis, quæ sit latitudo & longitudo & sublimitas & profundum.* Denique ex mysteriis, quæ similitudinibus explicantur, quæ res facit, ut tota Apocalypsis B. Johannis inexplicabili obscuritate lateat involuta.

<sup>a</sup> Causæ obscuritatis scripturarum.

## GOMARUS.

**Q**UÆNAM hæc inconstantia est Costere? amphora cepit institui, currente rota cur urceus exit? Quæ-

stionem de Sacrarum literarum lectione præfigis, ac subito, quasi tui oblitus, ad earum interpretationem desulas. Quæ sanè longè alia quæstio est: ac propterea distinctè explicari solet. Verùm tamen quum scripturæ lectionem non modò licitam omnibus, sed etiam mandatam, agnoscas, in eo robur elucet veritatis, cui frustra Pontificii doctores reluctantur. Nam quod ea de re controversiam esse negas, eadem opera solem in meridie lucere negaveris. Sic enim in indice librorum prohibitorum à Pio quarto Pontifice decretum extat Reg. 4. *Quum experimento manifestum sit, si Sacra Biblia vulgari lingua, passim sine discrimine, permittantur, plus inde ob hominum temeritatem, detrimenti quam utilitatis oriri, hac in parte iudicio episcopi, aut inquisitoris stetur, ut cum consilio parochi vel confessionarii, Bibliorum à catholicis auctoribus versorum lectionem, in vulgari lingua, eis concedere possint, quos intellexerunt, ex huiusmodi lectione, non damni, sed fidei atque pietatis augmentum capere posse.* Eandem sententiam tuentur doctores vestri, Peresius De traditionibus par. 1. assert. 3. Bellarminus De verbo Dei l. 2. c. 15. & alii quàm plurimi. Sed quoniam te huius Pontificii erroris meritò pudet, & quasi deserto vadimonio Sacrarum literarum lectionem permittis omnibus, gratulor tibi, hanc correctionem, & Deum precor, ut te magis magisque ex tenebris Pontificiis educat. Ad interpretationem igitur transeamus. Ea autem est duplex; publica, quæ in Ecclesia publicè docenda consistit: & privata, quæ in usu privato occupatur. Ad priorem, vocationem <sup>a</sup> legitimam & doctrinam <sup>b</sup> solidiorem, requirimus: ab altera verò neminem excludimus fidei, qui donorum suorum <sup>c</sup> mensuram minimè excesserit, & adhibita diligentia, rectam interpretandi viam fuerit secutus. Contrarium verò Peresius & alii Pontificii doctores docent. Utri autem verius & sanctius differant, quæstio est? *Quem nodum* (ut rectè mones) *non est difficile ex iis, quæ paulo superius diximus, expedire: sed alia quàm arbitraris ratione.* Nam quum ea quæ ad salutem necessaria sunt, satis perspicuè in Sacris literis reperiri, demonstratum sit, quis ab iis pro modulo exponendis Christianos repellat? Quamvis enim ad majores difficultates explicandas, non quivis è populo accommodati sint, an propterea penitus, tanquam profani, aut iudicii expertes, ab omni Sacrarum

<sup>a</sup> Rom. 10. 15. <sup>b</sup> Tit. 1. 9. <sup>c</sup> Rom. 12. 6.

Rrrr

lite.

literarum interpretatione arceri debent? Quod etiam causas obscuritatis multorum scripturæ locorum commemoras, id sententiam nostram non evertit. Sint sanè multa in Sacris literis difficilia, quæ etiam doctos exerceant: non pauca tamen adèdè perspicua sunt, partim per se, partim fidei piorum & doctorum interpretum in Sacris literis conferendis industria, & rei experientia, ut etiam à vulgo, adhibita diligentia, intelligi, & utiliter explicari possint. Nam (ut reliqua fileam) quid in Sacris literis obscurius Apocalypsi Johannis? at tamen non *totà* (ut falsò judicas) *inexplicabili obscuritate latet involuta*: sed multa complectitur, quæ partim sua luce perspicua, partim prophetiarum eventu illustrata sunt. Quare non omnis Sacrarum literarum interpretatio vulgo deroganda est, quod ex sequentibus clarius constabit.

## COSTERUS.

*Scriptura à magistris discenda.*

**Q**UEMADMODUM igitur ars nulla sine magistro discitur, neque auctor etiam profanus sine studio intelligitur; ita nec Scripturæ cognitio, sine labore & opera doctoris, haberi potest. Et sicut ne vilis quidem opifex in his, quæ artis suæ sunt, ab imperito illius artis viro, admoneri se patitur, sic admittendi non sunt ad Sacrarum rerum interpretationem, qui non prius illis operam dederunt; ne meritò illis obijciatur tritum illud; *Ne sutor ultra crepidam*. Sicut enim in hac Ecclesiæ Republica distincta videmus officia factorum, futurorum, fabrorum, lanionum, qui suis opificiis Christianos in ecclesia adjuvant: ita ex Sacris literis discimus, aliquos esse pastores & doctores ad consummationem Sanctorum in adificationem corporis Christi, Ephes. 4. 11.

## GOMARUS.

**F**ATEMUR, Costere, scripturæ cognitionem sine labore & opera doctoris haberi non posse: ac propterea meritò doctrinam Pontificiam averfamur, quæ hunc lectionis & examinis Sacrarum literarum laborem non omnibus permittit. Contrà verò in eo maximè occupamur, ut quovis, ad serium divini verbi studium, excitemus & inflammemus. Rectè enim Chrysostomus de Lazaro Concione 3. *Magna adversus peccatum munus est scripturarum lectio, magnum precipitium, profundum barathrum scripturarum ignorantio, magna salutis perditio nihil scire ex divinis legibus. Ea res & hereses peperit, ea vitam corruptam invexit. Hoc sursum deorsum miscuit omnia. Nam fieri non potest, non potest, inquam, fieri, ut quis sine fructu discedat, qui assidua assidueque scripturarum lectione fruatur.* Nec ad diligentem solùm scripturæ lectionem & meditationem, sed etiam ad doctorum & piorum ecclesiæ pastorum conciones audiendas, easque ad verbum Dei examinandas, adhortamur. Qua in re ut Deum sequimur ductorem, ita meritò à sententia Pontificia diffidemus. Vos enim plusquam Pharisaica arrogantia, Christianorum vulgo rerum sacrarum imperitiam, vobis verò scientiam & iudicium earum arrogatis. Ut enim Pharisei suis ministris Christum laudantibus responderunt; Joh. 7. 48. 49. *Nunquid ex principibus aliquis credidit in eum, aut ex Phariseis? sed turba hac, que non novit legem, maledicta est: & postea liberam & ingenuam cæci à Christo sanati confessionem & sui reprehensionem non ferentes, ei dixerunt; In peccatis natus es totus, & tu doces nos?* Johan. 9. 34. Sic vestros doctores à fidelibus auditoribus (quos animales & carnales, ut vos spirituales, appellatis) admoneri minimè sustinetis. Nimirum quòd vestro iudicio imperiti sint, & sacris literis operam non dederint. Hinc illud obijcis, *Ne sutor ultra crepidam*. Quæ sanè turpis in Christi ecclesiam contumelia est. Nam quamvis fidelium vulgus comparatione quadam cum doctioribus imperitum & indoctum appellari possit; non propterea tamen prorsus imperitum est. Nam dispari fructu diu multumque Sacris literis operam dedit: ac primum quidem institutione majorum; quemadmodum Timotheus novisse dicitur *Sacras Literas à puero*, 2. Timoth. 3. v. 15. deinde publica catechesi: præterea attenta concionum sacrarum per multos annos auditione & ad

Dei verbum examine: denique pia & diligenti Sacrarum Literarum lectione, & piorum commentariorum aliorumque de doctrina Christiana librorum collatione. Qua de re insignis Chrysostomi in Johannem Homil. 10. adhortatio; *Quid igitur à vobis contendimus? ut una dierum in hebdomade, vel saltem sabbatho, cura vobis sit Evangelicas legere lectiones, quas ante has conciones in manibus habere, domi frequenter repetere, earum diligenter sensum disquirere, quid clarum, quid obscurum in his sit, annotare velitis, quid pugnare videatur, quum non pugnet: ita omnibus penitus examinatis, his vos concionibus, quàm attentissimos exhibeatis.* Hoc pacto non parum utrisque nostrum emolumenti provenerit: siquidem nobis non multo opus erit labore, ut Evangelii vim ostendamus, quum domi, ipsam vobis sententiam, quantum ad verba, jam familiarem reddideritis: vos autem & acutiores & perspicaciores efficiemini, non ad audiendum & doctrinam duntaxat percipiendam, sed & ad docendum alios. Ideoque virum eloquentissimum & optimum Apollo non puduit plenius in doctrina Christiana à plebeis hominibus Aquila & potissimum Priscilla uxore Aquilæ institui, Actor. 18. 26. Ex quibus satis apparet, Christianorum turbam, tanquam omnino imperitam, ab omni Sacrarum literarum interpretatione & iudicio, iniquissimè à vobis excludi: scilicet ut, sublata iudicii libertate & scripturæ luce traditionum humanarum iugo, liberè ecclesiam opprimatis. Nec propterea distincta in ecclesia pastorum & auditorum munia confunduntur: quia hiſce privatam tantum, illis verò etiam publicam interpretandi & docendi facultatem concedimus. Sed reliqua, quàm commodatè abs te disputentur, attendamus.

## COSTERUS.

**I**GITUR aliquorum officium est Sacras Literas tractare, earumque intelligentiam Christiano populo tradere, quos ait scriptura esse sacerdotes, *quorum labia custodiunt scientiam, & legem requirent ex ore eorum*, Malach. 2. 7. Sacerdotum in veteri lege erat tuba canere, Jos. 6. 4. populum docere, Deut. 24. 8. Dominum consulere, ejusque responsa etiam ad viros sanctissimos deferre, 1. Reg. 22. 10. denique ea omnia, quæ divinæ legis erant, tractare. Ad idem munus delecti sunt sacerdotes legis Christi, quibus Christus sic locutus est; *Ecce ego mitto vos, predicare Evangelium omni creatura, docete omnes gentes.* *Qui vos audit me audit, & Spiritus Sanctus quem mittet Pater in nomine meo, ille vos docebit omnia.* B. Paulus sic loqui solet & scribere presbyteris; Actor. 20. 28. *Attendite vobis & universo gregi, in quo vos S. Sanctus posuit Episcopos regere Ecclesiam Dei: Item, Attende lectioni, exhortationi, doctrina, 1. Tim. 4. 13. Attende tibi & doctrina, instans illis, hoc enim faciens, & te ipsum salvum facies, & eos qui te audiunt, vers. 16. Predica verbum, instans opportunè, inopportunè, opus fac Evangelista, ministerium tuum imple, 2. Tim. 4. 2. Tu autem loquere quæ decet sanam doctrinam: verbum sanum, irreprehensibile, ut is qui ex adverso est vereatur, Tit. 2. 1. & 8. Hæc nusquam mandata sunt idiotis; quorum est audire, & à peritioribus scripturarum intelligentiam accipere. B. Leo Pontifex Maximus Antiocheno Patriarchæ sic scribit; *Illud dilectionem tuam convenit præcavere, ut præter eos, qui sunt Domini sacerdotes, nullus sibi jus docendi & predicandi audeat vendicare, siue sit ille Monachus, siue laicus, qui alienius scientia nomine gloriatur.* B. Basilii, in quæstionibus compendio explicatis (quæst. 235.) ait, *superiorum esse illa scire ac discere, quæ alios doceant, aliorum autem non plus sapere, quàm oporteat sapere.* Et B. Augustinus 8: *Quis mediocriter sanus, non facile intelligat, scripturarum expositionem ab iis petendam esse qui earum doctores se esse profitentur? fierique posse, imò id semper accidere, ut multa indoctis videantur absurda, quæ quum à doctioribus exponuntur, eo laudanda videantur elatius, quo abjectius aspernanda videbantur; & eo accipiantur aperta dulcius, quo clausa difficiliter aperiebantur.* Hanc sanè rationem discendi literas sacras, secuti sunt Patres omnes ecclesiæ, qui non prius sibi sumserunt docen-*

a Luc. 10. 3. b Mar. 16. 15. c Matth. 28. 19. d Luc. 10. 16. e Johan. 14. 26. f Epist. 62. vide Epist. 82. ad Julianum. g Lib. 1. de moribus Eccles. cap. 1. Vide Can. 19. Trullian. & sess. 11. concilii Lateranensis.

di officium, quàm ipsi à præceptoribus probè instituti essent. B. Hieronymus Epistola ad Domnionem gaudet se B. Gregorio Nazianzeno & Didymo magistris Sacras Literas didicisse. B. Basilius & Nazianzenus, ut ex B. Rufino superius dictum est, *in monasterio per annos tredecim omnibus Græcorum secularium libris remotis, solis scripturæ divinæ voluminibus operam dederunt, eorumque sensum non ex suo cerebro, sed ex majorum scriptis & auctoritate hauserunt, quos & ipsos ex Apostolica successione intelligendi regulam accepisse constabat.*

<sup>a</sup> Lib. 2. cap. 3.

## GOMARUS.

**U**T multus es Costere, in eo demonstrando, quod controversia caret, & mutus in eo quod probari oportuit! Nos enim, quod copiosè impuñas, publicum in Ecclesia literas sacras interpretandi munus non facimus promiscuum, sed id pastoribus & doctoribus proprium esse statuimus. Itaque accumulandis hac in re scripturæ & veterum testimoniis superfedere, & privatæ interpretationis quæstionem discutere, potuisses. Interim quum Leonis Papæ sententiam cites, qua monachi à publico docendi munere arcentur, cur jam illi inter concionatores vestros non aliquem tantum, sed etiam primum occupant locum? Hic scilicet vester est cum maioribus, consensus! Deinde verò quandoquidem Basilii de publico docendi munere iudicium, ex quæstionibus compendio explicatis, adducis; audias vicissim, quid eodem in libro, de privata interpretandi facultate, sentiat; *Necessarium* (inquit quæst. 95.) *est & consonum, ut ex Sacra quisque scriptura, quod necesse sit, discat, cum ad pietatis plenitudinem, tum ne assuescat humanis traditionibus.* Et in Ethicis (Definit. 72.) ait, *Oportere subditos eos, qui in scripturis imbuti sunt, probare ea quæ à Doctoribus dicuntur, & quæ scripturis sunt consona, recipere; quæ aliena rejicere, & eos qui in ejusmodi doctrinis alienis perseverant, vehementer aversari.* Cæterum quod posteriore loco, ad firmandam doctrinam vestram producis, excutiamus.

## COSTERUS.

**Q**UERITUR porrò B. Hieronymus lib. 1. adversus Pelagium c. 6. hæreticos, ut favorem sibi plebis concilient, scientiam legis quibusvis, adeoque ipsis mulierculis,

tribuisse: Et ad Paulinum; *Sola scripturarum ars est, quam sibi passim omnes vendicant, hanc garrula anus, hanc dilirus senex, hanc sophista verbosus, hanc universi præsumunt, lace- rant, docent antequam discant.* Neque hoc nostro tantum aut Hieronymi seculo factum fuit, sed etiam temporibus Apostolorum. Adeo ut beatus Jacobus ejusmodi hominum temeritatem efficacibus verbis comprimere debuerit; *Nolite* (inquit Jacob. 3. 1.) *plures magistri fieri, fratres mei, scientes, quoniam majus iudicium sumitis.* Et verè non aliunde tot hæreses & schismata profeminantur, quàm quòd, quilibet ad suum iudicium, scripturas interpretetur, atque ad nova sua commenta accommodare conetur, ut veteres dixerunt, <sup>a</sup> Hilarius, <sup>b</sup> Hieronymus, <sup>c</sup> Augustinus, <sup>d</sup> Epiphanius.

<sup>a</sup> Lib. 2. de Trinit. & lib. 2. ad Constant. <sup>b</sup> In cap. 1. ad Gal. & contra Lucifer. <sup>c</sup> Lib. 12. confess. cap. 25. <sup>d</sup> In 7. Synod. sess. 6.

## GOMARUS.

**R**ECTE de Hæreticorum temeritate queritur Hieronymus, sed malè illius verba accommodas. Non enim quamlibet, sed accuratorem scientiam intelligit: *quam*, ut ait, *in multis doctoribus ecclesie, aut raro, aut difficulter invenias.* Nam quàm multis mulierculis nominatim scripturæ cognitionem attribuit? Similiter ad Paulinum scribens, moderatam & Sacris literis consentientem interpretandi rationem vulgo non detrahit, sed temeritatem & præposterum interpretationis modum reprehendit. Nam quemadmodum Paulus Apostolus ad Colossenses cap. 3. 16. ait, *Verbum Christi habiet in vobis abundanter, in omni sapientia, docentes & commonescentes vosmetipsos:* sic Hieronymus in commentariis suis ad eum locum; *Hic* (inquit) *ostenditur, verbum Christi non sufficienter, sed abundanter etiam laicos habere debere, & docere se invicem semper monere.* Qua utraque sententia, quid esse possit illustrius, & ad doctrinæ Pontificiæ refutationem magis accommodatum? Nec obstat Jacobi Apostoli monitum cap. 3. 1. *Nolite plures magistri fieri:* sive enim magistrorum nomen cum Beda & plerisque aliis, ad publicum docendi munus, sive cum aliis ad rigidam morum censuram referamus, nihil ad propositam controversiam facit. Quare ex hisce apparet, fidelium turbam pro donorum suorum modulo posse & debere, ad privatam sui & proximi utilitatem, Sacras Literas modestè & sanctè legere & interpretari.

## CAPUT VIII.

*Idque, ex rationumstrarum defensione, clarius patebit.*

## COSTERUS.

*Objectiones Hæreticorum.*

## PRIMA.

**C**HRISTUS præcepit auditoribus suis, ut doctrinam Christianam ad regulam exigant Sacre scripturæ; *Scrutamini scripturas*, Johan. 5. 39. Igitur permissum, imò mandatum est vulgo Christianorum iudicium de scripturarum interpretatione & negotiis fidei.

## SOLUTIO.

**N**EGANDA est consequentia: primo quidem, quia Christus non indoctæ plebeculæ locutus est, sed sacerdotibus, Levitis & Phariseis; qui clavem acceperunt scientiæ, Luc. 11. 52. de quibus idem dixit Johan. 5. 33. *vos misistis ad Iohannem & testimonium perhibuit veritati:* Et Joh. 5. 44. *Quomodo potestis credere qui gloriam ab invicem accipitis, & gloriam, quæ à solo Deo est, non queritis?* quos constat non fuisse ex promiscua multitudine, sed principes viros, qui ab Hierosolymis sacerdotes & Levitas ad Johannem legaverant, ut interrogarent eum, *Tu quis es?* Joh. 1. 19. Deinde verò quia scrutari scripturas non est scripturas ad sensum suum quolibet torquere, vel novam atque hactenus inauditam interpretationem ad novum dogma confirmandum comminisci: sed est doctrinam cum scriptura conferre, eo sensu intellecta, quem tradiderunt majores.

## GOMARUS.

**R**ATIOCINATIONEM nostram agnoscimus Costere, sed solutionem tuam non probamus. Negas quidem consequentiam duabus de causis, sed neutra satisfacit. Nam quòd primum objicis, *Christum non indocta plebecula, sed sacerdotibus locutum, quia ait; Vos misistis ad Iohannem;* id minimè consequitur. Nam Johannes cap. 1. 19. ait, *Misistis Iudeos Hierosolymis Sacerdotes & Levitas.* Qua ratione vulgus minimè excluditur. Nam quod publica auctoritate fit, an non rectè etiam populo ejus conscio, nisi reclamet, ascribi potest? Deinde licet sacerdotes gloriam aucuparentur, an propterea soli? Quasi verò suo fermento (à quo tam sollicitè suos Christus dehortatur) sectatores suos non infeccerint? Præterea, quum Christus adjiciat, *Judeos voluisse ad horam exultare in luce Iohannis,* an non potius id ad populum pertinet, quàm ad sacerdotes: quum hi ferè spreverint Johannem, Luc. 7. 30: illi verò in pretio habuerint, Matth. 21. 25. Denique scripturæ examen non solum doctoribus, sed etiam auditoribus commendari, ex similibus Prophetarum & Apostolorum sententiis constat; *Beatus* (inquit David Psal. 1. 1, 2.) *vir ille, qui non ambulat in consilio improborum, & via peccatorum non insistit, ac in consessu derisorum non sedet, sed in lege Iohovæ est delectatio ejus & in lege illius meditatur de die ac nocte.* Item Ps. 119. 2. *Beati qui scrutantur testimonia ejus, in toto corde exquisunt eum.* Et Johannes; *Probate Spiritum*

Rrrr 2

ritum



ritus an ex Deo sint, 1. Johan. 4. v. 1. Et Paulus; *Omnia probare, quod bonum est, tenete*, 1. Thessal. 5. v. 21. Item; *Verbum Dei habetis in vobis abundanter in omni sapientia docentes & commonefacientes vos ipsos in Psalmis, hymnis, in canticis spiritualibus in gratia, cantantes Deo & Patri per ipsum*, Coloss. 3. 16. Quem locum ad Christianorum vulgus pertinere Hieronymus, ut ante (cap. 7.) retuli, demonstrat. Nec aliter Chrysostomus exponit; *Inhabitet, inquit, comment. in Coloss. 3. in vobis opulenti non simpliciter, sed cum multa opulentia. Audite quotquot estis mundani & uxoriis praeestis ac liberis, quomodo & vobis potissimum precipiat scripturas legere, idque non simpliciter neque obiter, sed magna diligentia*. Et paulò post, *Neque moreris alium doctorem, habes oracula Dei, nemo te docebit, quemadmodum illa: Alius tibi multa sapsit, sive per vanam gloriam, sive per invidentiam, invidet. Audite obsecro seculares omnes. Comparete vobis biblia, anima pharmaca, &c. Hoc demum malorum omnium causa est quod scriptura ignoratur*. Quare ex hisce omnibus liquet, Christum justè potuisse ac voluisse non solum doctores, sed etiam vulgus Judaeorum, ad Sacras Literas scrutandas provocare. Atque hoc modo prima tua ratio confutatur. Altera verò partim aliena est, partim falsa. *Quia, inquit, scrutari scripturas non est scripturas ad sensum suum quolibet torquere, vel novam, atque hactenus inauditam interpretationem ad novum dogma confirmandum comminisci*. Quis mortalium id negat? sed an inde (quod tibi probandum est) consequitur, non licere Christianorum vulgo Sacras Literas pro suo modulo ad ipsarum normam interpretari & de negotiis fidei judicare? Addis deinde, *sed est doctrinam cum scriptura conferre eo sensu intellecta, quem tradiderunt majores: rectè, modò (quod saepe fit) à Sacris Literis non dissentiant: non autem absolute, ut perperam docetis*. Majores enim in honore habendi sunt, tanquam testes: Sacrae verò Literae omnibus praeferendae & in summo precio habendae, tanquam fidei canon. Quod judicium non solum patres orthodoxi, sed etiam antiqua Pontificum decreta (à quibus postea turpi contradictione defecerunt) comprobant ac praescribunt. Quare confirmata jam ratione prima, alterius etiam robor asseramus.

a Gratian. dist. 9. b Concil. Trid. sess. 4.

## COSTERUS.

## SECUNDA.

**B**EROENSES commendantur Act. 17. 11. quòd quotidie scrutarentur scripturas, an illa quae à Paulo & Sila dicebantur ita se haberent: ergo licet populo idem praestare.

## SOLUTIO.

**C**ONCEDI potest ad eum modum, quo id fecerunt Beroenses: qui scripturas, ab Apostolis pro concione expositas cum ipsa eorum explicatione, conferebant, considerabantque utrum novis modis à veteribus ignoratis, scripturas torquerent; an verò majorum doctrinae & interpretationi consentanea dicerent. Hoc ipsum optandum est ab omnibus fieri, & iis praesertim temporibus quando nova dogmata in mundum invehuntur, scripturarumque centonibus comprobantur: tunc enim conferendae sunt novitates illae cum vetustate ecclesiae, & nova interpretatio cum antiqua interpretatione majorum, cum qua si pugnat rejicienda est, & juxta beati Pauli admonitionem anathemate percutienda, Gal. 1. 8.

## GOMARUS.

**Q**UAM das manum, Costere, eam libenter amplectimur, atque utinam in reliquis etiam propius ad veritatem revertaris! Itaque depugnatum est hac quidem parte: nec jam amplius de iis, ad quos interpretationis jus & doctrinae examen pertinet, sed de modo illius controversia est. *Concedi, inquit, potest ad eum modum, quo id fecerunt Beroenses*. Rectè mones: nec enim aliud postulamus, ut, ex proposito quæstionis statu & expositione tua, perspicuum est. Quamobrem ad modum transeamus. *Qui (inquit) scripturas ab Apostolis pro concione expositas, cum ipsa eorum expli-*

*catione conferebant, considerabantque utrum novis modis à veteribus ignoratis scripturas torquerent, an verò majorum doctrinae & interpretationi consentanea dicerent*. Hic igitur statuis majorum doctrinam interpretationis canonem: sed quo auctore? Non enim Beroenses dicuntur examinasse Pauli dicta ad majorum interpretationem, sed ad Sacras literas. Quandoquidem Majorum interpretatio, sectarum vitio, corruptissima erat: ac propterea Christus multis in locis tam graviter eam reprehendit, Matth. 15. &c. deinde quum superioribus prolixè & solidè demonstratum sit, majorum doctrinam, ad Sacrarum Literarum trutinam examinari oportere: certa & constans interpretationis verae norma dici non potest. Nec alio pertinet sententia Pauli; *Sedetiamus nos, aut angelus, è calo evangelizet vobis, prater id quod vobis evangelizavimus, anathema esto*, Gal. 1. 8. Quare quum secunda etiam ratio nostra invicta perftet, ad tertiam procedamus.

## COSTERUS.

## TERTIA.

**M**ATTHÆI II. Christus Patri caelesti confitens, quia abscondisset hæc à sapientibus & prudentibus, & revelasset ea parvulis, significare voluit, non minus inesse gratiae imperitiae multitudinì, quàm inflatis doctoribus: non sunt igitur rudes ab interpretatione & judicio Scripturarum arcendi.

## SOLUTIO.

**N**EGANDA est consequutio; quia parvulorum nomine non quis imperiti, sed humiles ac nullius rei cognitione tumentes, intelligendi veniunt: quales erant Apostoli, piscatores illi quidem & demissi, nullo spiritu inflati, nullius artis inanis arrogantia subnixi ambulantes, non tamen indocti, utpote, qui totum triennium æterni Patris divinam sapientiam docentem audierant, & mentem ipsam intus erudientem senserant. Gaudet igitur Christus non tumidos peritia legis Phariseos, non inflatos naturalium rerum cognitione philosophos, sed humiles & à mundo contemptos piscatores ad Christianam sapientiam, primò quidem à se discendam, deinde verò aliis communicandam delectos, eo ferè modo, quo beatus Apostolus Paulus; *Videte (inquit 1. Cor. 1. 26.) vocationem vestram, fratres, quia non multi sapientes secundum carnem, non multi potentes, non multi nobiles, sed quæ stulticia sunt mundi elegit Deus: ut confundat sapientes*; Indocti qui præ se majores omnes pro nihilo putant suumque judicium totius ecclesiae anteponunt, non sunt in istorum parvulorum, de quibus Christus loquitur, sed in turgidorum, non dicam sapientum, sed sciorum numero reponendi.

## GOMARUS.

**A**BERRAS à scopo, Costere, nam quis adeò rudis & imperitus est, ut sermonis tui fallaciam non observet? Quoniam imperitiae multitudinis & rudium nomine non quovis imperitos, sed Christianorum vulgus (vestrum sermonem veritatis illustrandae gratia imitantes) ita appellamus, non simpliciter, sed comparatè cum doctioribus, & ratione sapientiae humanae. Nam alioquin & Deum Patrem in Christo norunt, quæ vera sapientia est, & Christi verbo se subjiunt, quæ summa demum humilitas est. Ac sanè, si Apostoli, ut ais, vivente Christo, indocti non fuerunt, quæ fronte Christianorum turbam, rudem, imperitam, indoctam vulgo appellatis? Etenim bona earum pars, non adulta tantum ætate, & triennium, ut Apostoli, sed inde à puero decem, viginti, triginta annos doctrina Christiana imbuta est. Deinde quamvis Apostolorum mentem Christus suo modo illustrarat, lux tamen eorum erat adeò tenuis, ut non solum conditionem regni Christi ignorantes mundanum aliquod regnum expectarent, sed etiam apertam & perspicuam passionis, mortis & resurrectionis Christi prædictionem minime intelligerent, Luc. 18. 34. quæ omnia tamen Christianorum vulgo hoc tempore comperta sunt. Itaque hac tertia ratione stabilita quartam expendamus.

COSTE-

## C O S T E R U S.

## Q U A R T A.

**I**OHANNIS 6. 45. Affirmat Christus ex Prophetis, *Erunt omnes docibiles Dei*, sive, ut, Græcis est, *ηδιδάκται*, hoc est, *docti à Deo*. Ait namque Esaias cap. 54. 13. *Ponam universos filios tuos doctos à Domino*: & Jeremias cap. 31. 33. *Dabo legem meam in visceribus eorum, & in corde eorum scribam eam, & non docebit ultra vir proximum suum, & vir fratrem suum, dicens, Cognosce Dominum. Omnes enim cognoscent me à minimo usque ad maximum, ait Dominus*. Igitur non opus est plebi alio doctore, sed omnibus licebit interno Spiritus instinctu Scripturas exponere.

## S O L U T I O.

**M**ALE colligunt adversarii. Non enim Prophetarum omnium intelligentiam, sine doctore externo, à solo Deo volunt Christianis omnibus infusum iri, sed duo alia prædicunt Messiae temporibus eventura. Alterum, quod omnes docendi sunt à Deo, hoc est, divinitus communicandam omnibus scientiam: quod factum est à Christo Deo & Patris sapientia, primò quidem quando per se ipse Deus cum hominibus conversatus, cælesti doctrina ore suo sacrosancto mortales imbuivit, & per Apostolos eorumque successores eadem mundum divina scientia collustravit: deinde verò dum quotidie per se ipse fidei virtutem Christianis infundit. Alterum, quod *non docebit unusquisque proximum suum*, non quidem nihil, sed *nolle Dominum*. Significavit enim Propheta his verbis, temporibus Christianorum, tam publicam fore & omnibus manifestam orthodoxam fidem, tam conspicuam ecclesiam catholicam, ut ea neminem possit fugere: statim enim cum lacte sugendam Dei notitiam & ipsis infantibus à parentibus instillandam: quod totis 1500. annis vidimus in ecclesia per universum orbem à Catholicis egregiè præstitum esse. Voluit igitur Propheta indicare Ecclesiam Christi non fore invisibilem, sicut quidam docuerunt, neque ullo unquam tempore ita suppressendam orthodoxam fidem & ita abditam in occulto latitaturam, sicut his 1500. annis coguntur hæretici fateri sua dogmata invisibila fuisse, quod ne unum quidem hominum ante sui hæresiarum ætatem nominare possint, qui idem prorsus in omnibus, quod ipsi, professus fuerit.

## G O M A R U S.

**A**UDIO Libertinorum argumentum, quod nobis iure affingi non potest, quum verbi divini ministerium summo habeamus in pretio & honore. Interim ne nihil nobis ex hoc loco putes esse subsidii, ita ex eo sanctius & verius sententiam nostram possumus comprobare; Qui divinitus à Spiritu Sancto de religione docti sunt, illi pro modulo suo Sacras Literas possunt intelligere & interpretari. Omnes fideles, Christo teste, sunt ejusmodi; ac propterea iniquissimè ab omni Sacrarum Literarum interpretatione à vobis excluduntur. Cæterum quæ de ecclesia visibili atteris, ea in tractatu de ecclesia diluentur, quemadmodum & novitatis accusatio ante confutata est. Quare ad quinti argumenti examen procedamus.

## C O S T E R U S.

## Q U I N T A.

**M**AJORES nostri & Ecclesiarum doctores, quum fuerint homines erroribus obnoxii, errare potuerunt: Non igitur quidquid illi dixerint, ex oraculo editum existimari debet.

## S O L U T I O.

**V**ERUM est singulos homines tam doctos, quàm indoctos posse errare & pro fidei regula accipiendum non esse quod singuli vel dixerunt vel scripserunt, universos tamen simul errare, nunquam permittet ille, qui se suæ ecclesiarum præsto futurum promissit usque ad consummationem se-

culi, Matth. 28. 20. Cæterum quia hæreticis omnibus solenne est, Sanctorum patrum, quod fuerint homines, auctoritati detrudere, exponendum erit quibus de causis ipsi in ecclesia auctoritatem habeant, & à Catholicis in dogmatum suorum confirmationem adducantur.

## Cui Patres citentur.

Prima est quod sint certi testes eorum, quæ suis temporibus Christianus populus per orbem universum credidit. Quum enim lego B. Chrysostomum in Græcia, B. Hieronymum in Palæstina, Ambrosium in Italia, Augustinum in Africa, Hilarium in Gallia, Orosium & Prudentium in Hispania eodem seculo ante 1200. annos, eadem prorsus nobiscum sentientes, atque scribentes, populos sibi commissos pro concione docentes, & libris instituentes; dubitare non debeo eandem per omnem ecclesiam fuisse fidem ante 1200. annos, quæ hodie etiamnum à catholicis retinetur. Sicut namque historicis sua debetur fides, ita multò magis his pastoribus atque doctoribus, qui non tantum, quid ecclesia credidit, sed quid & quibus modis conceditum gregem concionatores & superiores docuerint, posteris tradiderunt.

Secunda, quod viri sanctitate conspicui, miraculis clari, doctrina illustres, studio laboreque indefessi, minus existimandi sint errasse, quàm nos novi homines: qui neque pietate, neque eruditione cum ipsorum minimo sumus conferendi. Nec enim credibile est viros hujusmodi, præsertim in rebus quæ fidem attingunt, à Deo sic destitutos, ut ipsi errarent, & concionibus doctrinaque sua in errorem alios induxerint.

Tertia, quod qui ante annos 1200. ad ecclesiarum gubernacula federunt ab Apostolorum temporibus solis 300. annis abfuerint, eorumque doctrinam, tanquam viciniore, longè melius cognoverint, quàm nos, post mille ducentos annos, sequuti: præsertim quum non nisi per veteres illos majores ad nos Christiana nostra doctrina pervenerit. Ire igitur ad veteres, nihil aliud est quàm investigare utrum dogmata religionis pura atque illibata, sicut ab ipsis tradita fuerunt, ad nos sint delata.

Quarta, quia quod multo ante nostra secula vixerunt, incorrupti sunt iudices controversiarum quæ à posteris moventur. *Nullas* (inquit D. Augustinus lib. 2. contra Julianum Pelagianum,) *nobiscum vel vobiscum amicitias attenderunt vel inimicitias exercuerunt, neque nobis neque vobis irati sunt, neque nos, neque vos miserati sunt: quod invenerunt in Ecclesia, retinuerunt: quod didicerunt, docuerunt: quod à parentibus acceperunt, hoc filiis tradiderunt.*

## G O M A R U S.

**Q**UOD, singulos homines tam doctos quàm indoctos errare posse, nobis concedis, id amplectimur, & meritò inde ex inductionis natura concludimus, ergò universi simul errare possunt. Quia universitas nihil aliud est quàm singulorum congregatio. Nec obstat Christi promissio Matth. 28. 20. *Ego vobiscum sum usque ad consummationem mundi*: quoniam ea (ut pluribus cap. 3. hujus libri demonstratum est) non solum ad universos, sed etiam ad singulos & pios quosvis verbi ministros & fideles, pertinet. Ac propterea nihil ad rem facit. Deinde verò quod unanimum omnium majorum consensum fidei regulam constituitis, in eo erratis plurimum: quoniam ea regula incerta est & fallax. Nam unde obsecro universalis ille majorum consensus cognoscetur? An ex veterum episcoporum & doctorum scriptis? At doctores non universam ecclesiam sed alteram tantum partem constituunt. Deinde verò quum perpauci ex majorum infinita multitudine fidem suam literarum monumentis tradiderint, & ex scriptis eorum bona pars injuria temporis interciderit: id quod superest dici non potest absolute consensus universus; Denique quum interdum à Sacris literis, à se mutuo, & à seipsis dissentiant (ut ante à nobis demonstratum est) regula fidei dici non possunt. Quare ex hisce perspicuum est, quàm ineptè ex unius doctoris sententia totius regionis, & ex septem doctoribus, universi orbis consensum communem concludis. Sic enim ais; *Quum enim lego B. Chrysostomum in Græcia, B. Hieronymum in Palæstina, Ambrosium*

in Italia, Augustinum in Africa, Hilarium in Gallia, Orisum & Prudentium in Hispania eodem seculo ante 1200. annos eadem prorsus nobiscum sentientes, populos sibi commissos pro concione docentes, dubitare non debeo, eandem per omnem ecclesiam fuisse fidem ante 1200. annos, qua hodie etiamnum à catholicis retinetur. Verum, ut omittam, Costere, quod de vestro cum hisce patribus in doctrina consensu falsò gloriaris, ex te quæro, an non septem, octo, novem, decem, diversarum provinciarum doctores in errore aliquo possint convenire? si negas, variorum patrum & conciliorum exempla id demonstrabunt: sin (ut fieri necesse est) concedis, vides haud dubiè quàm perperam ex paucorum sensu, univèrsam ecclesiæ consensum metiaris; At (inquis) sicut historicis sua debetur fides, ita multo magis his pastoribus atque doctoribus: agnosco historicis suam deberi fidem, sed non absolutam: quia, in multis errare potuisse & errasse, compertum est, & idem antiquis illis scriptoribus usu venit. Quod verò veterum doctrinam ita extollis, ut nostri temporis homines, neque pietate, neque eruditione cum ipsorum minimo conferendos esse, censeas, id minimè ferendum est. Nam quamvis nostræ tenuitatis conscii, id de nobis meritò possimus ac debeamus fateri, de multis tamen id, sine magna in Deum ingratitudine, & in homines injustitia, dici non potest. Quamvis enim patres antiqui sua habuerint ad eruditionem subsidia; duobus tamen maximè necessariis ad solidiorem Sacrarum literarum notitiam comparandam adjumentis, librorum copia & linguarum doctoribus, caruerunt. Nam primum quum Cyprianus, Hieronymus, Augustinus ad scribendum accederent, pauca de Christiana religione scripta, quibus uterentur, extabant, & ob descriptionis difficultatem rara & cara erant exemplaria: nostrum verò seculum eò felicius est, quod plurima etiam ab illis patribus, cæterisque paulatim sint conscripta, & typographiæ (olim ignotæ) beneficio, magna copia & tolerabili pretio comparentur: adeò ut quæ longo tempore & maximo labore à veteribus indagata sunt, ea citò ac faciliè ex scriptis eorum possint addisci. Deinde verò quàm pauci ex Latinis patribus ullam Græcæ linguæ notitiam habuerunt? quàm rari ex omnibus patribus Hebrææ linguæ fuerunt periti? quàm pauca (ob librorum & fide-

lium præceptorum inopiam) ad eam rem habuerunt auxilia, ex variis Hieronymi testimoniis apparet. Atque hinc factum est, ut à genuina Spiritus Sancti sententia longius, præsertim in Veteri Testamento, sæpius aberrarint. Quod non solum à nostris, sed etiam à plurimis vestris doctoribus comprobatum est. Nostri verò temporibus, Hebræi Græcique codices sunt innumeri & linguarum periti professores non pauci, quorum beneficio ita Sacrae literæ illustratæ sunt, ut quàm plurima, quæ patrum memoria erant obscura, luce clarius videantur. Quare, ut patribus reverentiam debemus propter antiquitatem, sic, nostris temporibus, multis præclaris ingenii maximas debemus gratias, quòd doctissimis suis laboribus nobis ad accuratiorem divini verbi scientiam eruditione ac diligentia sua prælucent. Nec mirum est, aut incredibile, (ut opinaris) patres in nonnullis, etiam quæ fidem attingunt, interdum aberrasse, & doctrina sua alios in errores induxisse: quia id, Origenis, Cypriani & multorum aliorum exemplis, compertum est. Quod verò objicis, eos qui ante annos 1200. ad ecclesiæ gubernacula sederunt, ab Apostolorum temporibus solis trecentis annis absuerint, eorum doctrinam tanquam viciniore longè melius cognovisse, quàm nostri temporis homines, illud minimè concedimus. Nam eadem habemus instrumenta, quæ illi, sacras nimirum literas, & subsidia (ut modò ostendi) longè majora. Nam quàm miserrè majores illi decepti fuerint, qui ex traditionibus hominum Apostolorum doctrinam cognoscere studuerunt, ex Papiæ, Irenæi & aliorum antiquissimorum patrum erroribus demonstrat Eusebius Hist. Ecclesi. lib. 3. cap. 36. Denique quod patres antiquos *judices incorruptos* vocas, agnosco lubens, sed ea conditione, ut ab iis sicubi aberrarint, ad Dei verbum tanquam summum iudicem liceat provocare. Quam viam non solum ferunt sed etiam præscribunt. Neque enim (inquit August. Epist. 3. ad Fortunat.) *disputationes quamvis catholicorum & plaudatorum hominum velut scripturas canonicas habere debemus, ut nobis non liceat, salva honorificentia, quæ illis debetur hominibus, aliquid in eorum scripturis improbare atque respuere, si forte inveniremus, quod aliter senserint, quàm veritas habet, divino adjutorio vel ab aliis intellecto, vel à nobis. Talis ego sum in scripturis aliorum, tales volo esse intellectores meorum.*

## CAPUT IX.

*De lectione & interpretatione Sacrarum literarum egimus: reliquum jam est, ut de Sacrarum & Canonicorum librorum numero disseramus.*

## COSTERUS.

*De numero librorum Sacrorum.*

**N**ULLUS ferè canonicus extat liber, cui non censoria severitatis notam inusserint Novatores, siquidem minus errori suo favere videretur. Totum vetus Testamentum damnaverunt Carpocratitæ, Sæveriani & Manichæi, tanquam à malo principio confictum. Evangelia, præterquam Lucæ, negavit Cerdon; Cerinthus etiam Lucam abiecit & cæteros, præter Matthæum. Severiani Apostolorum acta sustulerunt & cum Ebionitis omnes B. Pauli epistolas. Epistolam B. Jacobi Lutherus appellavit stramineam & indignam Apostolico Spiritu. Alogiani, B. Johannis Apocalypsim pro figmento Cerinthi habuerunt. Non pauci de posteriori epistola B. Petri & duabus B. Johannis Apostoli dubitaverunt. Quibus omnibus si fides habenda sit, restabunt nobis in Scripturis unica B. Petri, unica B. Johannis & una B. Judæ quas tamen non esset difficile prætextu aliquo, cum cæteris expungere. Cæterum ne hoc malum orbi eveniret, inscripsit in mentibus ecclesiæ Deus Sacrorum librorum numerum qui inspiciendus est ei, qui de libro aliquo dubitat. Ante 1200. annos, in concilio Carthaginensi, cui B. Augustinus adfuit, & in Epistola B. Innocentii cap. 47. ad Exuperium, illi omnes nominati sunt, quos ante 150. annos celeberrimum illud Florentinum concilium Latinorum, Græcorumque patrum atque Armeniorum legatorum consensione celebratum, recensuit, & nostra ætate Tridentina Synodus comprobavit.

## GOMARUS.

**N**ULLA sanè iis habenda est fides, qui sacros & certos Veteris & Novi Testamenti libros, Sacrarum literarum numero exemerunt. Ac propterea meritò ab iis dissidemus, & ut reliquorum de aliis, sic primam illam Lutheri, de Jacobi epistola opinionem (quam ipse postea corripuit) minimè comprobamus. Sed mirandum est te festucam in Lutheri oculis adeò ostentare, quum trabem, in vestro Cardinale, summo Lutheri adversario, silentio prætereas. Nam Thomas de Vio, <sup>a</sup> Cajetanus cardinalis Sancti Xylti, Pontificis Romani adversus Lutherum in Germania ad Carolum quintum legatus, non solum de epistola Jacobi auctoritate dubitavit, sed etiam *secundam Petri non esse ipsius: secundam & tertiam Iohannis non esse Iohannis Apostoli, nec canonicam: epistolam Iudæ, non esse Iudæ, neque abs re refutari: auctorem epistolæ ad Hebræos, scripturam male citare, torquere, à falso scripturarum intellectu deceptum*, affirmavit. Sed hoc omisso ad rem ipsam propius accedamus. Ac primum unde certum sacrorum librorum numerum cognoscendum statuatis exponis; *Inscripsit (inquis) in mentibus ecclesiæ Deus Sacrorum librorum numerum, qui inspiciendus est ei, qui de libro aliquo dubitat.* Imò verò, Costere, non à solo ecclesiæ iudicio, quod mutabile est, pendere nos decet, sed rationes etiam, quibus ea nititur, perpendendæ, & libri de quibus dubitatur legendi ac diligenter cum reliquis exploratæ fidei scripturis conferen-

<sup>a</sup> Vide iudicem errorum Cajetani per Ambrosium Catharinum.

di sunt,

di sunt, & antiquæ ecclesiæ testimonia conjungenda, ut veritas illustretur. Fieri enim potest, ut ecclesia in diversas partes distracta contrarium errore quodam humano sentiat, quemadmodum Hieronymi ætate contigisse constat. Nam epistola ad Hebræos à Græci sermonis ecclesiis inter canonicas scripturas recepta erat, Apocalypsis verò rejecta: Latina verò ecclesia in utroque contrarium sentiebat. De qua re audiat Hieronymus Tom. 3. epist. ad Dardanum. *Quod si eam (epistolam ad Hebræos) Latinorum consuetudo non recipit inter scripturas canonicas, nec Græcorum quidem ecclesia Apocalypsin Johannis eadem libertate suscipiunt, & tamen nos nitamurque suscipimus; nequaquam hujus temporis consuetudinem, sed veterum scriptorum auctoritatem sequentes, qui plerumque utriusque utuntur testimoniis: non ut interdum de apocryphis facere solent (quippe qui & gentiliū litterarum raro utantur exemplis) sed quasi canonicis & ecclesiasticis.* Deinde verò, eum numerum librorum Sacrorum commendat, qui à conciliis vestris, Florentino ante 150. & Tridentino nostra ætate, definiti sunt. Verum quum ea concilia nec antiquitate, nec forma, nec episcoporum ratione ullam apud orthodoxos mereantur auctoritatem, aliis opus est majoris momenti testimoniis ad conciliorum illorum sententiam confirmandam. Ea autem est librorum illos qui Apocryphi vulgò appellantur, Tobiam, Judith, Sapientiam, Ecclesiasticum, Baruch, Macchabæorum libros duos, appendices Esteræ & Danieli in Græcis & Latinis exemplaribus adjectas, partem esse Sacræ Scripturæ, & cum reliquis, fidei canonem. Quam doctrinam meritò Orthodoxi averfantur. Nam quibus obsecro rationibus, aut antiquæ ecclesiæ testimoniis, causam defendes? Adducis priore loco concilii Carthaginensis canonem 47. Sed præterquam quòd concilia errare posse antè demonstratum est, concilium hoc non fuit generale, sed particulare, Augustini & paucorum episcoporum Africanorum: ac propterea, ex communi Pontificiorum judicio, errare potuit, & revera in eo erravit, quod inter Salomonis libros sapientiam & Ecclesiasticum recensuit. Nam quòd id concilium cum Caranza in Trullana synodo generali confirmatum vulgò objicitis, inane effugium est: quia canones illius Synodi dubiæ sunt fidei, & à doctissimis Pontificiorum<sup>b</sup> doctoribus, tanquam in Romanam ecclesiam injuriæ, pluribus argumentis refutantur. Deinde ea Synodo non solum Carthaginense, sed etiam Laodicenum concilium, (quod vestræ de librorum sacrorum numero sententiæ repugnat) comprobatur. Denique quamvis concilii hujus valeret auctoritas, causam tamen Pontificiam nequaquam stabiliret. Nos enim de sacro canone fidei disputamus, concilium agit de sacro canone lectionis ecclesiasticæ, ad vitæ ædificationem. Subjicitur enim; *Hoc fratri & consacerdoti nostro Bonifacio, vel aliis earum partium episcopis, pro confirmando isto canone innotescat, qui à patribus ista accepimus in ecclesia legenda. Liceat etiam legi passionem martyrum, quum anniversariis dies eorum celebrantur.* Atque eadem est Innocentii, quem secundo loco nobis objicis, sententia. (Cajetanus Comment. in Ester. 10.) Quod ut minus suspectum & magis sit perspicuum, Cardinalem vestrum interpretem audiamus; *Nam reliqui (videlicet Judith, Tobia & Macchabæorum libri) à divo Hieronymo extra canonicos libros supputantur, & inter apocrypha locantur, cum libro sapientia, & Ecclesiastico: ut patet in prologo Galeato. Nec turberis novitie, si alicubi repereris libros istos inter canonicos supputari, vel in sacris conciliis, vel in sacris doctoribus. Nam ad Hieronymi limam reducenda sunt tam verba conciliorum, quam doctorum: & juxta illius sententiam, ad Chromatium & Heliodorum episcopos, libri isti (& si quilibet sunt, in canone biblia, similes) non sunt canonici, hoc est, non sunt regulares, ad firmanda ea, quæ sunt fidei: possunt tamen dici canonici (hoc est regulares) ad adificationem fidelium; utpote in canone Biblia ad hoc recepti & auctorati. Cum hac enim distinctione discernere poteris & dista Augustini in secundo de doctrina Christiana, & scripta in concilio Florentino sub Eugenio quarto: scriptaque provincialibus conciliis, Carthaginensi & Laodicensi, & ab Innocentio & Gelasio Pontificibus. Quare eversis falsæ doctrinæ vestræ fundamentis, vera orthodoxarum*

ecclesiarum sententia retinenda est, quæ gravissimis de causis libros apocryphos, à libris prophetis, qui fidei canonem continent, secernit. Nam primum plerique eorum nonnulla continentur quæ à rei & Sacrarum litterarum veritate discrepant, unde & pars eorum *fabula* ab Hieronymo Præfatione in Daniel. appellantur. Deinde non à prophetis conscripti nec approbati sunt, ut fieri oportuit. Præterea nec lingua prophetica & ecclesiæ veteris testamenti, sed Græcè plerique fuerunt conscripti, eoque non ad canonem fidei in ecclesia, destinati sunt. Hisce etiam accedit, quod Judaica ecclesia, cui divina oracula concredita erant, Rom. 3.2. nunquam eos libros tanquam Dei verbum accepit aut agnovit, nec Christus aut Apostoli ullibi commendarunt. Idque postremò copiosis patrum & multorum Pontificiorum doctorum testimoniis comprobari potest, è quibus ne prolixior sim pauca proponam. Ac primum celebris & insignis est Cypriani (Expositione Symbol.) aut Rufini locus: *Hæc sunt quæ patres intra canonem concluservunt, ex quibus fidei nostra assertiones constare voluerunt. Sciendum tamen est, quod & alii libri sunt, qui non canonici sed ecclesiastici, à majoribus appellati sunt: ut est Sapientia Salomonis, & alia Sapientia, quæ dicitur filii Syrach: qui liber apud Latinos hoc ipso generali vocabulo Ecclesiasticus appellatur: quo vocabulo non auctor libelli sed scriptura qualitas cognominata est. Eiusdem ordinis est libellus Tobia & Judith, & Macchabæorum libri. In novo verò testamento libellus qui dicitur Pastoralis sive Hermatis, qui appellatur, Dna via, vel judicium Petri. Quæ omnia legi quidem in ecclesiis voluerunt, non tamen proferri ad auctoritatem ex his fidei confirmandam. Ceteras verò scripturas, Apocryphas nominarunt, quas in ecclesiis legi noluerunt. Hæc nobis à patribus, ut dixi, tradita, opportunum visum est, hoc in loco designare, ad instructionem eorum qui prima sibi ecclesia ac fidei elementa suscipiunt: ut sciant ex quibus sibi fontibus verbi Dei haurienda sunt pocula.* Secundò audiendus est Hieronymus Præfat. in libros Regum; *Hic prologus scripturarum quasi Galeatus principium omnibus libris, quos de Hebræo vertimus in Latinum convenire potest: ut scire valeamus, quidquid extra hos est, inter apocrypha esse ponendum. Legitur Sapientia quæ vulgò Salomonis inscribitur & Iesu filii Syrach liber & Judith & Tobias & Pastor, non sunt in canone.* Et Præfat. in Proverb. *Sicut ergo Judith & Tobias & Macchabæorum libros, legit quidem ecclesia, sed eos inter canonicas scripturas non recipit, sic & hæc duo volumina (Ecclesiasticum & Sapientiam) legat ad adificationem plebis, non ad auctoritatem ecclesiasticorum dogmatum confirmandam.* Et Præfat. in Daniele de Daniele ait, *Apud Hebræos, nec Susanna habet historiam, nec hymnum trium puerorum, nec Belis Draconisque fabulas: quas nos, quia in toto orbe dispersæ sunt, verum ante posito, easque jugulante, subiecimus: ne videremur apud imperitos magnam partem voluminis detruncasse.* Eandem etiam Africani patris doctissimi sententiam fuisse, attestatur. Idem docent reliqui patres plurimi, Origines in Psalmum 1. ut refert Eusebius histor. ecclesiast. lib. 6. cap. 24. Quilocus, ut observavi, mutilus quidem est in Græco exemplari, quod nunc extat, & vulgò malè versus, sed corrigendus ex versione antiqui patris Rufini. Nam duodecim prophetarum librum, cujus in Græco exemplari, scriptorum vitio nulla fit mentio, apertè, ut necesse est, cum reliquis libris recenset, & Macchabæorum libros extra canonem ponit. Athanasius in synopsi divinæ scripturæ. Melito apud Eusebium lib. 4. cap. 24. & Eusebius in Chronico Olympiade 116. Gregorius Nazianzenus Poëmate de genuinis libris divinitus inspiratæ scripturæ. Hilarius præfatione in Psalmos. Epiphanius hæresi 8. Cyrillus Hierosolymitanus in 4. Catechesi. Johannes Damascenus orthodoxæ fidei lib. 4. cap. 18. Idem etiam ex concilio Laodicensi & Gregorii magni Pontificis testimonio confirmatur. Quæ frustra eludere contendis.

## C O S T E R U S.

## O B I E C T I O P R I M A.

**C**ONCILIUM Laodicenum eos libros V. Testamenti omittit qui non sunt in canone Hebræorum: non igitur agnovit libros Macchabæorum, Sapientiam, Tobiam, Judith.

<sup>a</sup> Epitome Conciliorum. <sup>b</sup> Melchior Canus de locis Theologicis lib. 5. cap. 6.



## S O L U T I O.

**N**EGANDA est consequentia: non enim eo loci patres abiecerunt hos libros, tanquam non Sacros, nec decreverunt non esse canonicos, sed non numeraverunt inter illos, qui in Ecclesia essent legendi, idque præsertim propter Judæos ad fidem conversos & fere Judaizantes, quibus Phrygia ab Apostolorum temporibus abundabat. Hos nimirum Sancti illi episcopi irritare noluerunt iis libris Veteris Testamenti in ecclesia legendis, quos illi in canone Hebræorum non habebant.

## G O M A R U S.

**N**EGARE consequentiam potes: sed sine ratione iusta. Nam quod primum ais; *patres non abiecerunt hos libros tanquam non Sacros, nec decreverunt non esse canonicos, sed non numerasse inter illos qui in ecclesia essent legendi*, id perspicue concilii verbis repugnat. Ita enim loquitur Can. 59. *Non oportet ab idiotis psalmos compositos & vulgares in ecclesia dici, neque libros qui sunt extra canonem legere, nisi solos canonicos Veteris & Novi Testamenti. Qua autem oporteat legi & in auctoritatem recipi, sunt hæc, Genesis, Exodus, &c.* Deinde etiam ea quam profers ratio, cur libri Apocryphi ab hoc concilio omittantur, inane commentum est, & gravissima concilii accusatio. Nam quum totius Sacre scripturæ lectionem ecclesiæ præceperit Deus, qua fronte huius rei consilium concilium secus statuisse? An offensionis metu? atqui ejusdem habenda est ratio, quando non offenditur Deus, hoc est, in rebus arbitrariis, non autem in iis, quæ à Deo præscripta sunt. *Deo enim obedire oportet potius, quam hominibus*, Actor. 5. 25. Deinde verò quod Sanctos illos patres Judæos Judaizantes irritare noluisse asseris, omnino alienum est. Nam quum offensio injusta & pertinax, ne errores foveantur, contemnenda sit; quomodo Judæorum offensionem, quæ trecentos sexaginta quatuor annos à Christo nato durat, timuissent? Denique ut ex iis quæ ultro largiris rem totam concludam, quum libri Macchabæorum, Sapientia, & ceterique apocryphi, non fuerint in canone Judæorum, sequitur eos non esse in canone fidei Veteris Testamenti. Primum, quia Judæis *concredita sunt eloquia Dei*, Rom. 3. 2: qui adeo religiosè libros conservarunt, ut propterea *librarii Christianorum* à patribus dicti sint. Deinde quia non aliunde, quam ex Judæorum canone Christus & Apostoli sua confirmarunt: nec unquam eo nomine Judæi à Christo Apostolis aut antiquioribus patribus accusati sunt quod Veteris Testamenti canonem mutilassent. Denique idem orthodoxus veterum consensus, quem modo adduxi, confirmat. De qua re, præter ea quæ diximus, eleganter ait Hieronymus Præfat. in Paralipom. *Ad Hebræos revertendum est, unde Dominus loquitur & discipuli exempla præsumunt.* Et Præfat. in Esdras: *Quæ non habentur apud illos (Hebræos) nec de viginti quatuor senibus, sunt procul abjicienda.* Sic enim legendum est. Quid autem per *viginti quatuor senes* sibi velit, Prologo Galeato, seu præfatione in libros Regum, exponit. Atque eadem est Gregorii magni Pontificis Romani sententia.

## C O S T E R U S.

## S E C U N D A.

**B**EATUS Gregorius lib. 16. Moralium, cap. 17. de libris Macchabæorum sic loquitur, *Non inordinate agimus, si ex libris licet non canonicis; sed tamen ad adificationem ecclesiæ editis testimonia proferamus.*

## S O L U T I O.

**S**ED nec ille negat esse libros illos Sacros, aut in canonem ecclesiæ relatos, quum virum doctissimum latere non potuit, quid ante annos ducentos, beatus Innocentius Papa & concilium Carthaginense, de his Macchabæorum libris scripserit. Loquitur igitur de canone Hebræorum, in quem isti libri ascripti non fuerunt, & propterea non parum obtinebant apud omnes homines, præsertim Judæos, auctoritatem. B. Augustinus multò antè, Libro de cura pro mortuis agenda ca. 1. ex iisdem libris tanquam sacris & apud ecclesiam canonicis, sacrificium pro defunctis confirmare minime reformidavit.

## G O M A R U S.

**G**REGORII sententia illustrior est quàm ut hac responsione tua offuscari queat. Opponit enim inter se *canonicos*, hoc est canonem fidei, & *eos qui ad adificationem ecclesiæ editi sunt*, Hieronymum & veteres hac in re iudicio & loquendi modo, secutus. Nam quis mortalium vel ante, vel post Gregorium hac periphrasi canonem fidei distinxit & non potius apocryphos designavit? Deinde, si ex concilii sententia Macchabæorum libri ad canonem fidei pertinebant, quid opus erat ista excusatione, *Non inordinate agimus si ex libris canonicis, &c.* Quare concilii Carthaginensis & Innocentii sententiam eadem nobiscum ratione intellexit, aut communi antiquorum patrum iudicio postposuit. Non ignorabat enim Origenem, Athanasium, Melitonem, Gregorium, Nazianzenum, Epiphanium, Cyrillum Hierosolymitanum, Hilarium, Hieronymum, Rufinum, concilium Laodicenum, *Macchabæorum libros* à Veteris Testamenti canone meritò exclusisse. Quare erras graviter in eo, quod Gregorium ais, loqui de Judæorum canone, ac si videlicet in Veteris Testamenti canone, ab ecclesia Christiana discrepant. Rectius sanè Bibliorum apud Pontificios interpretes primarius Nicolaus Lyranus in Esdras cap. 1. de Macchabæorum libris ait, *non sunt in canone, nec apud Judæos, nec apud Christianos.* Ac propterea Occamus 3. parte dialogorum tractatu primo lib. 3. cap. 16. & Richardus lib. 2. exceptionum cap. 9. eos rejecerunt ut Melchior Canus cognoscit, De locis Theolog. lib. 2. cap. 10. Qui eodem etiam in loco & capite 11. Gregorium magnum utrumque Macchabæorum librum à canone, secrevisse, nobiscum fatetur. Nec illa quam citas Augustini sententia, causam tuam confirmat. Primum quia Macchabæorum libros eo in loco appellat scripturas non canonicas, sed veteres, & ad dogmatis ecclesiastici auctoritatem confirmandam adducit. Deinde Contra Gaudentii Epist. lib. 2. c. 23. sobriè Macchabæorum libros ut non inutiles, legendos monet. Quam cautionem verè canonicis minimè adhibuisset. Præterea, quamvis Augustinus id quod ei adscribis, sensisset, meritò tamen privato illius & paucorum sine iusta ratione iudicio, communis plurimorum patrum sententia, pluris æstimari deberet: quemadmodum hanc in scriptis suis dijudicandis libertatem non solum admittit, sed etiam præscribit, Epist. 3. ad Fortunatianum. Et sanè plurimæ à nostris adferuntur rationes, quibus Macchabæorum libros non divino, sed humano Spiritu conscriptos esse demonstrant. Nam præterquam quod nec à Prophetis conscripti, nec ecclesiæ Dei tanquam canonici traditi sunt, tam perspicua est eorum librorum, partim inter se, partim cum reliquo Veteris testamenti canone discrepantia, ut nulla probabili specie excusari possit. Huc accedit, quod liber secundus nihil aliud esse dicitur cap. 2. 24. &c. quàm Epitome librorum quinque Jasonis Cyrenæi, in qua re declaranda, non divinum spiritum, sed humanam diligentiam copiosè & aperte ostendit. Atque huic initio finis consentit: in quo, humano more, auctor, si minus dignè historiam conscripserit, veniam poscit. Quare roganti damus veniam, sed illius opera à libris afflatu divino conscriptis, sanctè cum orthodoxis patribus & Gregorio magno Pontifice vestro separamus.

## C O S T E R U S.

## T E R T I A.

**O**LIM à plerisque dubitatum fuit, de nonnullis scripturæ libris, de epistola ad Hebræos, de altera epistola ad Hebræos, de altera epistola D. Petri, de posterioribus Danielis, &c. Non sunt igitur hæreseos crimine condemnandi, qui eisdem nunc vel rejiciunt, vel in dubium vocant.

## S O L U T I O.

**C**ONSEQUENTIA neganda est: quia pari ratione efficietur, hodie à nobis dubitari posse, an sint de integro baptizandi, quos hæretici abluerunt? quod existimavit D. Cyprianus, cum conciliis aliquot Aphricanis: & an Christianis observanda sit lex Mosaica, etiam istis qui ex gentilibus crediderunt? quod ante Hierosolymitanum concilium citra hæresim à plerisque agitatum fuit. Denique, utrum ad gentes quoque pertineat gratia Evangelii, an verò ad solos Judæos? sicut nonnulli in actis apostolicis arbitrabantur. Tametsi namque ecclesia unam eandemque fidem

<sup>a</sup> Act. 15. <sup>b</sup> Act. 11.

quovis

quovis tempore retineat, quædam tamen fiunt nonnunquam explicatiora, temporis progressu, quam fuerint in principio. Sicut enim numero crevit Ecclesia, ita facta est auctior eruditione, & perspicacior in illis cognoscendis, quæ ex primis articulis fidei manifestò notis, tanquam ex principiis necessario colliguntur. Ecclesia igitur nullo unquam tempore, pro fidei dogmate recepit, quod prius rejecerat, vel non esse credendum docuerat (hoc enim est hæreticorum, qui fidem mutant) sed aliquando credit explicatius, quod prius crediderat in genere atque obscurius. Proinde quamvis nihil fidei contrarium sentiant, qui de re nondum explicata, diversam ab aliis opinionem tumentur; nulli tamen licet, citra notam hæreseos, in dubium revocare rem semel ab universa ecclesia manifestè declaratam, atque receptam. Itaque postquam ab ecclesia explicatum est etiam illos libros in sacris esse habendos, qui apud nonnullos in dubium venerant, nulli est fas amplius dubitare; cum pari veneratione habendi sint, atque si nulla de his unquam dubitatio fuisset; quandoquidem ab eadem ecclesia fidem auctoritatemque accipiunt, quæ reliquos libros in sacris numeravit. Causa autem cur à plerisque catholicis non fuerint Sacris literis adnumerati, non illa est, quia tunc non fuerint sacri; sed quia nondum omnibus, à tota ecclesia, pro Sacris propositi. Ergò simul atque publicè proponuntur, sine ulla recusatione in divinorum librorum numero ab omnibus colendi sunt ac venerandi. Quemadmodum nummus aureus quibusdam initio suspectus velut adulterinus, si postea aurificis periti statera examinatus, & à magistratu approbatus, ab omni populo recipiatur, non minoris est pretii, quam cæteri nummi, qui talem suspensionem nunquam tulerunt.

## G O M A R U S.

**H**OC tertium argumentum nos minimè attingit, quum de auctoritate epistolarum ad Hebræos & Petri secunda probè inter nos conveniat. Quod verò posteriora Danielis capita iis annectis, alia longè est ratio. Ea enim non esse Danielis Prophetæ non solum ecclesia Veteris Testamenti, quæ illa nunquam à Deo accepit, aut probavit, & sermo Græcus, ostendunt; sed etiam temporis, & reliquarum circumstantiarum ratio id evincit. Quare non temerè, sed iustis de causis ab orthodoxis Patribus, extra Sacræ Scripturæ canonem, collocantur. Qua de re celebris Hieronymi locus Prologo commentariorum in Daniele; *Et miror* (inquit inter cætera de hisce capitibus quæ Danieli postea assuta sunt) *quosdam iniquissimos mihi indignari quasi ego detruncaverim librum, quum & Origenes, & Eusebius, & Appollinaris, alique ecclesiastici viri & doctores Græcia fateantur, nec se debere respondere Porphyrio prohibis, quæ nullam Sacra Scripturæ auctoritatem habeant.* Atque eadem est Johannis Driedonis Lovaniensis Theologi sententia de dogmatibus Ecclesiasticis lib. i. c. ultimo. Itaque malè Cypriani de baptismo, & Judæorum de legis observatione & Gentium vocatione, Christi verbis repugnantes errores, cum iusta veterum, de posterioribus Danieli assutis capitibus, sententia confers. Qua etiam in re observanda est insignis Pontificia contradictio. Nam quum veteres plerique, ut fateri cogeris, aliter senserint de Sacræ Scripturæ libris, quàm ecclesia Romana hodierno die, sequitur ecclesiam errare posse & iudicium illius non esse regulam fidei; nec Romanam ecclesiam, de perpetuo suo cum patribus consensu, posse gloriari. Sed una (inquis) manente fide quadam fieri possunt explicatiora: fateor sanè sed non contraria; cuiusmodi sunt veteris ecclesiæ & Pontificiæ, de apocryphis libris, iudicia, ut ex superioribus constat. Deinde verò quod subijcis; *Sicut enim numero crevit ecclesia, ita facta est auctior eruditione & perspicacior in illis cognoscendis quæ ex primis articulis fidei manifestò notis, tanquam ex principiis, necessario colliguntur;* id ut vestram infirmat; sic nostram confirmat sententiam. Nos enim veteres Patres sicuti, ex articulis fidei & ex certis Prophetarum & Apostolorum libris, tanquam ex principiis, de apocryphis aut incertis iudicamus. Vestra verò de eo argumento doctrina nulla ratione colligitur, sed sola paucorum hominum in concilio Florentino & Tridentino auctoritate

constat ac propterea parvi æstimanda est. Nam quæ de ecclesiæ in scripturas auctoritate subijcis, ea suo loco examinavimus. Similitudo verò qua hanc controversiam concludis; *Quemadmodum nummus aureus quibusdam initio suspectus, velut adulterinus, si postea aurificis periti statera examinatus, & à magistratu approbatus, ab omni populo recipiatur, non minoris est pretii, quam cæteri nummi, qui talem suspensionem nunquam tulerunt;* hæc inquam similitudo elegans est, & orthodoxam nostrarum ecclesiarum sententiam plurimum illustrat ac confirmat. Nos enim libros apocryphos aut dubios, non ad fallacem humani ingenii opinionem, sed ad articulos fidei, & certos Sacræ Scripturæ libros, tanquam ad Lydium lapidem & rectam fidei stateram perpendendos ac probandos affirmamus. Quam etiam rationem Pontificii doctores præstantissimi, veritatis eò adacti, secuti sunt, & nobiscum libros illos apocryphos à Scripturæ canone secretos esse censuerunt. Hugò de Sancto Victore, in prolegomenis lib. i. de Sacramentis, cap. 7. Nicolaus Lyranus in Eldram cap. i. & præfatione in Tobiam; Richardus libro 2. exceptionum cap. 9. Dionysius Carthusianus principio commentariorum in Genesim: Abulensis in Matthæum cap. i. Antoninus episcopus, qui in Sanctorum numerum à Pontifice relatus est, 3. part. tit. 18. Hugo Cardinalis in prolegomena Josue, Thomas de Vio, Cajetanus Cardinalis, & Papæ adversus Lutherum ad Carolum quintum legatus, cujus (ut omittam ea quæ ante retuli) ad Clementem Papam septimum præfatione in Josuam hæc sunt verba; *Divus Hieronymo, pater beatissime, universa ecclesia Latina plurimum debet, non solum ob annotatas ab eo in libris Veteris & Novi Testamenti particulas, cum adjecticiis, cum ambiguis; sed etiam propter discretos ab eodem canonicos, à non canonicis. Liberauit siquidem nos ab Hebræorum opprobrio, quod fingamus nobis antiqui canonis libros aut librorum partes, quibus ipsis penitus carent.* Atque hanc horum virorum esse sententiam confitentur, partim Melchior Canus episcopus, in locis communibus, lib. 2. cap. 10. partim Bellarminus, Jesuita, de verbo Dei lib. 1. c. 7. Eisdem etiam à canone libros rejiciunt Brito auctor Glossæ in prologum Hieronymi in Lyrano, Franciscus Picus de fide & ordine credendi theoremate quinto, & ante paucos annos, Benedictus Arias Montanus (vir toto orbe celeberrimus, qui Bibliis regis Antwerpiz præfuit) in Bibliis Hebræis cum interlineari interpretatione, excusis & approbatis à Lovaniensibus theologis, Novi Testamenti titulo, de libris Sapientiz, Tobiz, Judith, Macchabæorum, & reliquis similibus loquens, ait, *Ecclesia orthodoxa Hebræorum canonem secuta inter Apocryphos recenset.* Idem denique communi Bibliorum Pontificiorum, quæ hætenus prodierunt, iudicio confirmatur: in quibus prologus Hieronymi galeatus, quo apocryphos à Canone secernit præfationis loco præmissus, omnium oculis perspicuè proponitur. Ex quibus omnibus testimoniis apparet Costerum, qui consensum Romanæ ecclesiæ tantopere jactat, nec cum veteri ecclesia, nec cum præcipuis suis doctoribus convenire, sed apertis eorum sententiis abundè confutari. Quare ut cum Nicolao Lyrano, Præfat. in Tobiam libros illos apocryphos à Sacrarum literarum canone segregante, loquar: *Sicut in scripturis Philosophicis veritas cognoscitur per reductionem ad prima principia per senota: sic in scripturis à catholicis doctoribus traditis veritas cognoscitur, quantum ad ea quæ sunt fide tenenda, per reductionem ad scripturas Sacra Scriptura canonicas, quæ sunt habitare revelatione divina, cui nullo modo falsum potest subesse.* Et ut cum Basilio Magno Epist. 80. universam de Sacra Scriptura controversiam concludam: *Itaque divinitus inspirata scriptura arbiter noster esto, & apud quos inventa fuerint dogmata divinis eloquiis consona, his omnino veritatis accedet suffragium.* Interim verò dum me ad alteram refutationis Enchiridii Costeri partem, de Ecclesia & Pontifice Romano temporis ratione compono, hoc controversiarum fundamentum boni consulenti boni. Quod ut ecclesiæ sit utile & Costero illiusque affectis salutare, Deum Sacræ Scripturæ auctorem precor.

## F I N I S

Controversiæ de Sacra Scriptura contra Costerum.

A N T I.

# ANTI-COSTERI, LIBERTERTIUS. DE ECCLESIA. SEU SPECULUM VERÆ ECCLESIAE.

## CAPUT I.

**Q**uandoquidem de prima & præcipua religionis Christiana controversia superiori libro discernimus, Costere, & sacrarum literarum dignitatem, perfectionem, facilitatem, & usum adversus Romana ecclesie errores defendimus: reliquum est, ut doctrinam de vera Christi Ecclesia perpendamus: quemadmodum etiam ordinis abs te instituti ratione succedit. Ad cuius illustriorem & necessariam explicationem, quum definitionis & distinctionis lumen præstendendum sit, quam id rectè abs te fiat, attendamus.

### COSTERUS.

**Q**uam variis erroribus & flagitiis mundus totus in maligno positus, ab ultimo fine creationis suæ, æternæ salutis, aberraret: Christus quosdam homines ex tota hominum multitudine, gratia suâ & misericordia evocavit, eosque certis inter se legibus conjunxit, societatemque seu rempublicam quandam instituit (quam ecclesiæ nomine appellari voluit) quæ à cæteris hominibus separata, non tam res hujus vitæ caducæ inrueretur, quam ad beatitudinem perpetuam futuri ævi mentis oculos intenderet. Et quum maximus sit humani generis amator Deus, non unius nationis, gentis, vel loci angustiis hanc suam congregationem concludi voluit; sed potestatem fecit, quotquot sunt in universo orbe hominibus, nullo sexus, ætatis, donorum natura, vel fortuna discrimine, ut hunc suum cætum adire, in eumque cooptari possint. Quotquot enim receperunt eum, dedit eis potestatem filios Dei fieri, his qui credunt in nomine ejus, Johan. 1. 12.

### GOMARUS.

Ex hisce verbis talis colligi potest ecclesiæ Christianæ descriptio, quod sit societas quorundam hominum ex tota hominum multitudine, gratiâ & misericordiâ Christi evocatorum, certisque legibus conjunctorum ad beatitudinem perpetuam obtinendam. Verum ut de certis illis legibus nihil dicam; illud sanè ab omni arte & ratione alienum est, quod necessariam vocis distinctionem omnino prætermittis. Nam quum ecclesia sit evocatorum societas, ut nominis ratio & descriptio tua testantur: hinc, pro vocationis varietate, variè solet usurpari. Nam vocati alii sunt electi, alii non electi. Ac rectè Glossa<sup>b</sup> vestra ordinaria ait; *vocatio exterior fit per prædicatores, & est communis bonorum & malorum: interior verò tantum est electorum.* De exteriori dicitur, *Multi sunt vocati, pauci verò electi.* Similiter ecclesia Christi, quamvis una sit, certis tamen circumstantiis distinguitur. Interdum enim ad vocationem internam relata, solam vocatorum ad fœdus Dei & ad vitam electorum universitatem notat; & ob formam, *invisibilis* dici solet. Cujus pars una cum Christo capite & regit triumphat in cœlo: altera adversus mundum, Satanam, & carnem laboriosè militat & pugnat in terra, unde ecclesia triumphantis & militantis trita vulgò distinctio. Atque hoc sensu ecclesia propriè appellatur *domus Dei*, 1. Tim. 3. 15. *edificata super petram*, Mat. 16. 18. *sponsa*, Ap. 21. 9. *caro*, Eph. 5. 31. 32. *corpus Christi*, 1. Cor. 12. 12. 13. Eph. 5. 23. quod is spiritu suo animata ac servat. Eaque ratione reprobi, etsi in ecclesia sint, non tamen de ecclesia: quemadmodum sacræ literæ & orthodoxi Patres accuratè exponunt ac demonstrant. Ac per hoc etiam (inquit Augustinus Contra Cresconium l. 2. c. 21.) *nesciente ecclesia, propter malam pollutamque conscientiam damnata à Christo, jam in corpore Christi non sunt, quod est ec-*

*clesia: quoniam non potest Christus habere membra damnata.* Et idem de Baptismo l. 7. c. 51. *Omnibus consideratis, puto me non temerè dicere, alios ita esse in domo Dei, ut ipsi etiam sint eadem domus Dei, quæ dicitur edificari super petram; quæ unica columba appellatur, quæ sponsa pulchra, sine macula & ruga, & hortus conclusus, fons signatus, puteus aquæ vivæ, paradysus cum fructu pomorum. Quæ domus etiam claves accepit ac potestatem solvendi ac ligandi, &c.* Alios autem ita constat esse in domo, ut non pertineant ad compagem domus, nec ad societatem fructifera pacificæque justitiæ, sed sicut esse palea dicitur in frumentis. Eadem ratione olim, inter Pontificios Doctores, Hugo de sancto Victore docuit: *Ecclesia* (inquit de sacram. l. 2. c. 2.) *sancta corpus est Christi, uno Spiritu vivificata, unita fide, una, & sanctificata.* Et paulò antè c. 1. *Sicut scriptum est: Qui non habet Spiritum Christi, hic non est ejus. Qui non habet Spiritum Christi, non est membrum Christi. In corpore uno Spiritus unus. Nihil in corpore mortuum: nihil extra corpus vivum.* Idem attestatur Bernardus in Cantica sermone 78. qui sponsam ecclesiam *Electorum* interpretatur: Denique Scholasticorum non infimus, Gabriel Biel in Canonem Missæ, lect. 22. §. E. *Accipitur* (inquit) *etiam ecclesia pro tota multitudine prædestinatorum.* Atque hæc prima vocis ecclesiæ significatio, quæ internam vocationem spectat, & solos ad vitam æternam electos complectitur. Altera verò est, quæ ad vocationem externam, electis & reprobis communem, refertur, & cætum vocatorum ad externam fœderis Dei communionem; in fidei Christianæ professione, & sacramentorum divinatorum usu, designat. Unde à forma sua externa, *visibilis* dicitur, & in particularem, quæ vocatorum partem, & in universalem, quæ universos continet, distinguitur. Ac priori quidem ratione plurimæ dicuntur esse ecclesiæ, ut Corinthiorum, Philippenis, Ephesiorum & similium. Sic Joannes scribit ecclesiis *Asia*, Apoc. 1. 11. & Paulus ecclesiis *Galatia*, Gal. 1. 2. & alibi ait; *Salutant vos ecclesia Christi*, Rom. 16. 16. Altera vero ratione, unica dicitur ecclesia<sup>a</sup>: verumtamen tres potissimum illius significationis vulgò statuuntur modi: nempe, ut aut simpliciter & absolute omnes omnium temporum ab initio ad finem mundi: aut secundum quid certi temporis ecclesias notet: quæ vel inde à Christo ad finem mundi (quæ Ecclesia peculiari etiam ratione universalis dicitur, quod non solum Judæos, sed quarumvis etiam gentium ecclesias complectatur) vel uno eodemque tempore in orbe universo existunt. Denique Patres synecdochice & angustius quasvis particulares ecclesias, quæ catholica membra, fide ac charitate illius præditæ sunt, eo nomine appellarunt. Itaque quum tanta sit vocis Ecclesiæ ambiguitas, aliquam saltem præmittere potuisses distinctionem. Ea enim quam proponis descriptio, adeo fusa est & communis, ut non minus ecclesiæ electorum, quam generatim vocatorum, nec minus particulari (si rectè consideres) quam universali conveniat.

<sup>a</sup> Franciscus Horantius Locorum Theol. l. 6. c. 1. <sup>b</sup> Ad Rom. c. 8.

<sup>a</sup> Gabriel Biel in Canon. Missæ. lect. 22.

## CAPUT II.

Quare, strata jam ad hujus controversia explanationem via, ad rem ipsam procedamus. In cuius tractationis aditu, tria Ecclesie privilegia pramittis.

## COSTERUS.

## Proprietates ecclesie.

**H**ic porro Reipublica eximia quadam privilegia concessit, qualia extra hanc congregationem nusquam invenias. Eorum primum est, in ecclesia sola veram esse notitiam Dei, divinarumque rerum nullo permixtam errore intelligentiam, eamque ita constantem Christi Spiritu directore, in vera religione persistere, ut error in fide apud illam locum habere nequeat. Est enim ecclesia firmamentum & columna veritatis, 1. Tim. 3. 15. qua veritatem fidei sustentet, eique testimonium & auctoritatem prabeat. In hac sola igitur est sincera verbi Dei prædicatio, integra scripturarum explicatio, divinaque voluntatis interpretatio.

Secundum ex primo sequitur, in sola ecclesia esse verum Dei cultum, sinceram sacramentorum administrationem, sanctas Deoque acceptas ceremonias.

## GOMARUS.

Haecenus ecclesie privilegia, quasi extra controversiam posita, describis; sed qua sinceritate & constantia, lectores judicent. Quis enim adeo est rudis & rerum imperitus, ut de primo & tertio privilegio gravissimè inter Orthodoxos & Pontificios disputari ignoret? Nam quaeritur primum; An ecclesia Christi visibilis in terris in doctrina errare possit, necne? Orthodoxi affirmant; tu vero contra statuis, in ecclesia sola veram esse notitiam Dei, divinarumque rerum nullo permixtam errore intelligentiam. Idque divina auctoritate confirmare studes; Est enim (inquis) ecclesia firmamentum & columna veritatis, 1. Tim. 3. 15. Quis negat? Sed falsa est, quam inde nectis, consequentia. Primum, quia hoc elogium ecclesie dignitatem & officium describit; nimirum, quod in ea eminere & elucere debeat veritas: non autem quod in ea perpetuò plena luce effulgeat. Deinde quemadmodum ædificatio ecclesie super veritatem (columna enim & firmamentum ecclesie est evangelium, ut ait Irenæus Lib. 3. cap. 11.) suos habet gradus, ita & veritatis apud homines sustentatio in ecclesia, varia est. Ut enim alii fundamentum retinent & sincerè superstruunt, alii vero stipulæ nonnihil adstructum habent; ita & columna veritatis nonnulli sunt simpliciter & omnino; alii secundum quid ratione fundamenti & bona ex parte; ex qua rei denominatio, ut in usu communi, sic in Scriptura sacra, fieri solet. Quare columnam esse & firmamentum veritatis non excludit omnem errorem. Tertio, quod non solum ecclesie universali, sed etiam particularibus ecclesiis (quas errare posse certum est) convenit, illud ab omni doctrinæ errore minimè liberat: at columnam esse & firmamentum veritatis, etiam ecclesiis particularibus congruit, quia ecclesie Ephesiorum ab Apostolo tribuitur, ut orationis scopus, series, verba demonstrant. Hac (inquit) tibi scribo, sperans fore ut celerius ad te veniam. Quod si tardius venero, ut noris quomodo oporteat in domo Dei versari, qua est ecclesia Dei vivi, columna & firmamentum veritatis. Verfabatur autem tum temporis Timotheus in ecclesia Ephesina: quæ aliquando fuit præclara veritatis columna: sed ubi obsecro jam pridem est? Columna hæc concidit & translata inde est omnis veritatis soliditas. Idem etiam ex Apocalypsi 1. 11. 20. & 2. 5. probatur, qua ecclesia Ephesina (ut reliquæ septem Asiaticæ) candelabrum nimirum veritatis, eodem sensu, quo columna appellatur: cuius tamen ablatio prædicta divinitus & tristi eventu comprobata est. Sic de ecclesia Philippensi ait Paulus; Inter quos splendetis, ut luminaria: in mundo, verbum vite præsentantes, Phil. 2. 16. Præterea ex priori hujus sententiæ membro idem probari potest. Nam qui sunt domus Dei, illi etiam sunt columna veritatis: quia ubi mendacium præsidet, non ibi domus Dei est; sed Satanæ, mendacii patris, synagoga: Eoque hæc duo, quæ dividi non possunt, merito conjunxit Paulus. At vero omnes ecclesie Christi

particulares sunt domus Dei. Quis igitur columnam esse & firmamentum veritatis neget? Atque idem confirmat Patrum interpretatio. Columna (inquit Chrysostomus in 1. Tim. 3.) & firmamentum veritatis, non quemadmodum Judaicum illud templum, hoc enim est quod fidem continet & prædicationem. Quippe veritas ecclesia & columna & firmamentum est. Sic Theodoretus in 1. Tim. 3. Domum enim Dei & ecclesiam appellavit cætum eorum, qui crediderunt. Eos dixit columnam & firmamentum veritatis. Supra petram enim fundati, stabiles & immobiles permanent, & rebus ipsis producunt dogmatum veritatem; Gal. 3. 1. 2. Cor. 11. 3. Quare quum ecclesie particulares sint columna veritatis, & errare eas posse agnoscatis, sequitur necessario columnam veritatis posse à veritate declinare: eoque malè, ex hac re ecclesiam errare non posse concludis. Cujus sententiæ falsitas aliis etiam argumentis quam plurimis, graviter ac perspicue, confutari potest. Ac primum frequenti ecclesie ante & post Christum experientia. Nam ante Christum ecclesia Israëlita, (ne rem altius repetam) à fidei sinceritate sæpius aberravit. Ac primum in Ægypto: ut Josue testatur; Auserte Deos, quibus servierunt patres vestri, in Mesopotamia & in Ægypto, ac servite Domino, Jos. 24. 14. Ezech. 20. 7, 8. Deinde in deserto, Exod. 32. 8. Ezech. 20. 13. Postea in Chanaanæ frequentissimè, & quidem temporibus Judicum statim ab eorum obitu, ut disertè indicatur Judic. 2. 10. & 19. & sequentibus variorum exemplorum inductione declaratur, Jud. 3. 7, 12. & 14. 2. & c. Interdum etiam superstitionibus Judicibus, Jud. 8. 27. Sub regibus vero quam plurima & illustrissima ecclesie visibilis à fide aberrantis exempla Sacris Literis consignata sunt. Ac primum quidem sub Jeroboamo decem tribus Israël turpi idololatria à Deo defecerunt, 1. Reg. 12. 28. quam apostasiam reliquæ tribus Roboami imperio paulo post imitatz sunt, 1. Reg. 14. 22. adeo ut Scriptura aperte dicat, Quumque roboratum fuisset regnum Roboam & confortatum, dereliquit legem Domini & omnis Israël cum eo, 2. Par. 12. 2. Deinde sub Asa rege ecclesie errorem & calamitatem prænuñciavit Azarias propheta; 2. Par. 15. 2. 3. Transibunt multi dies in Israël absque vero Deo & absque Sacerdote, absque Doctore & absque lege. Hoc verò eventu comprobatum est, regnantibus Joram, 2. Reg. 18. 18. Ochasia, 2. Reg. 18. 27. & Athalia, 2. Par. 24. 7. Præterea sub finem regni Joaz, 2. Par. 24. 20. & Amasia, 2. Par. 25. 15. regnante Achazo, 2. Reg. 16. 11. & 2. Par. 28. 24, 25. Manasse, 2. Par. 33. 9. Amone, 2. Par. 33. 22. Joakimo & Joackimo, 2. Par. 36. 5, 9. denique Zedechia, 2. Par. 36. 12. Cujus temporibus hoc visibilis ecclesie elogium Spir. Sanctus attribuit; Sed & universi principes sacerdotum & populus prævaricati sunt, inique juxta universas abominationes & polluerunt domum Domini, quam sanctificaverat sibi in Jerusalem, 2. Par. 36. 14. Atque eadem passim ab Esaia, Jeremia, Ezechiele, aliisque prophetis gravissimè arguuntur. Postea verò quàm fœda & miserabilis Antiocho sæviente ecclesie facies extiterit, nemini obscurum est. Porro Christi temporibus, quàm graviter ecclesia visibilis à vero aberravit, demonstrat primum Phariseorum & Sadduceorum fermentum, quod in ecclesia non solum ferebatur, sed etiam publicè præferebatur veritati, Matt. 11. 25. & 16. 12. Joh. 7. 48. Deinde huc accedit concilium Jerosolymitanum, quo Christus damnatus: & populi consensus, cujus effrenata vociferatione in crucem actus est, Ioan. 19. 22. Mar. 15. 14. Post Christum verò nec pauca, nec obscura erroris ecclesie exempla extiterunt. Ac primum describitur ab Evangelistis Apostolorum & aliorum discipulorum de fide resurrectionis Christi dubitatio, Mat. 28. 13, 15. Luc. 24. 11. & 25. Qui error adeo à plurimis & præcipuis pontificiis Doctoribus extollitur, ut in sola virgine Maria passionis tempore fidem & sanctitatem perdurasse asserant. Quemadmodum Bernardus sanctus vester, tractatu De passione Domini super, Ego sum vixi, de virgine Maria ait; Sola per illud triste sabbatum stetit in fide & salvata fuit ecclesia in ipsa sola: propterea quod apertissimo



tota ecclesia in laudem & gloriam ejusdem virginis diem sabbathi per totius anni circulum celebrare consuevit. Bernardum sequitur *Marfilus* in 2. *Sent. quest. 20. art. 3.* Et (ut *Dominicus Bannes* in 2. 2<sup>a</sup>. *Thoma. q. 1. art. 10. pag. 177.* recenset) multi alii. Denique tu ipse Costere, hoc agnoscis in tertia nota ecclesie, pag. 100. Quæ sententia, quamvis falsa sit, tamen doctrinam vestram perspicue confutat. Nam si omnes, uno excepto, in fide errare possunt: quis adeo imprudens aut impudens, ut ecclesiam errare posse neget? Deinde superstitibus adhuc Apostolis ecclesie Galaticæ & Corinthicæ à fidei puritate non parum deflexerunt, ut Pauli epistolæ demonstrant. Postea vero quanta errorum colluvies in ecclesiam inundavit (à qua ne Roma quidem libera fuit sub Libero) ex historia<sup>a</sup> ecclesiastica & deplorandis ecclesiarum in Asia, Africa & bona Europæ parte ruderibus, plus satis perspicuum est. Præterea quum concilia generalia, (quæ ecclesiam representativam vulgo<sup>b</sup> appellatis) nonnunquam gravissimè à veritate aberrarint, & inter se plurimum dissenserint, ut lib. 2. capite 4. ostendimus, inde consequitur ecclesiam visibilem errare posse.

<sup>a</sup> Hilarius fragmentis historicis. <sup>b</sup> Gabriel Biel in Canon. Missæ, lect. 2.

Ad hæc quum in ecclesia sessurus dicatur *Antichristus*, 2. *Theff. 2. 4.* quomodo ecclesia à veritate non seducetur? Idem denique apertis Sacrarum Literarum testimoniis comprobatur, 2. *Theff. 2. 3.* & *Matth. 24. 24.* quibus locis apostasia & seductio ecclesie prædicatur.

Et ut illud auctarii vice adjiciam, quum Pontifex Romanus fieri possit hæreticus & factus sit sapius (ut orthodoxi Patres, concilia, & pontificii doctores, imo Pontifices nonnulli, confessi sunt) quomodo ecclesiam errare non posse defendes? Nam & Concilia particularia & generalia errare posse apertè agnoscitis<sup>a</sup>: solum vero Pontificem ab erroris periculo alienum vulgo jactatis. Ac propterea quum tota hæc de ecclesie veritate controversia (ut alibi memini) in eo cardine vertatur, *An Pontifex errare possit nec ne?* in reliquis verò nobiscum sentiat, quorsum sententiam vestram sub specioso ecclesie titulo proponis? nimirum ut rudiorum oculi eo quasi velo obtegantur, & rei veritas obscuratur. Quæ quum satis jam detecta & defensa sit, ad tertium, quod ecclesie tribuis, privilegium (nam secundum ex primi examine satis dijudicari potest) pergamus.

<sup>a</sup> Vide librum sequentem de Pontifice Romano.

### C O S T E R U S.

Tertium est Christum sacratissimæ passionis, laborumque suorum merita in sola ecclesia reposuisse: quorum illi tantum participes efficerentur, qui se ad ecclesie conjunctionem reciperent. In hac ergo ecclesia sola, accipitur peccatorum remissio, gratia Dei, justificatio, sanctificatio, soli ecclesie filii bonis operibus merentur apud Deum vel augmentum justitiæ vel æternam vitam: soli sunt grati & accepti Deo, amici & filii Dei; soli communionem habent cum sanctis sanctorumque meritis; soli ornati sunt veris, seu Christianis virtutibus; soli promissionem habent certamque expectationem vitæ æternæ. Magna utique privilegia & verissima: nam extra ecclesiam nihil horum reperitur, nulla sanctitas, nulla virtus Christiana, nulla operatio Deo accepta, nullum meri-

tum; nulla spes salutis; hæc quidem fortassis non ægrè admodum nobis assentientur hæretici.

### G O M A R U S.

Quemadmodum in prima ecclesie proprietate à vero aberrasti; sic in tertia describenda & pietatem & pudorem omnem abjecisse videris. Nam pia quidem videntur esse verba tua, Christum sacratissima passionis laborumque suorum merita in sola ecclesia reposuisse; sed sensu tuo nihil impurius est: quia dignitatem, efficaciam, & distributionem meritorum Christi pervertis. Nam quum Sacre literæ nullum servatorem agnoscant quam Christum, Actor. 4. 12. nulla vitæ æternæ merita, quam in perfecta justitia & satisfactione Christi (cujus sanguine ab omni peccato purgamur, 1. Joh. 1. 7.) collocant: omnes denique homines esse peccatores & debitores, Rom. 3. 23, 24. 1. Joh. 1. 8. Jac. 3. 2. Matth. 6. 12. vitamque æternam esse Dei donum affirmant: tu contra ex communi ac turpi Pontificiorum officina profers, ecclesia filios bonis operibus mereri apud Deum vel augmentum justitiæ, vel vitam æternam. Nec in eo impietatis gradu consistis, sed ulterius etiam progressus, ecclesie filios non solum sua habere apud Deum merita asseris, sed etiam communionem habere cum sanctorum meritis, nimirum ad peccatorum remissionem. Nam, Clementem sextum Pontificem & reliquos Pontificios secutus, thesaurum ecclesie fingis ex Christi sanctorumque meritis constatum (ut expressius loqueris de Pontifice, pag. 164.) unde indulgentia humana, peccata remittantur. Et horum meritorum, (ut ex Vignerio Institut. cap. 16. §. 6. vers. 20. apparet) duo fingitis fundamenta: quorum primum est, sanctos multa sustinuisse tormenta, quæ excedebant pœnas peccatorum illorum: & multa bona supererogationis, hoc est, consilii fecisse, ad quæ non tenebantur. Alterum est, quod sancti pro excessu eorum non fuerint remunerati in seipsis: unde concluditis, quum nullum bonum maneat irremuneratum, sequi quod excessus & supererogatio fuerit reposta in gazophylacio (id est thesauro) ecclesie. Ad distributionem vero meritorum Christi quod attinet, non solum præconium sibi adscribit Pontifex, quo resipiscuntibus & fidelibus, secundum Christi verbum, remissionem peccatorum annunciet, sed etiam liberam potestatem & summam auctoritatem sibi arrogat, qua pro arbitrio eam, cui velit, & quantum velit, dispenset. Quæ omnia, quum Dei verbo & Christi gloriæ apertissimè repugnent, meritò & palam orthodoxi execrantur. Et contra celeberrimam illam Leonis Papæ orationem<sup>d</sup>, ut piam & elegantem, probant; Quamvis (inquit) multorum sanctorum in conspectu Domini pretiosa mors fuerit, nullius tamen insonitis occisio propitiatio fuit mundi: accepere justis, non dederunt coronas: & de fortitudine fidelium exempla nata sunt patientia, non dona justitiæ. Singulares quippe in singulis mortis fuere, nec alterius quisquam debitum suo sine persolvit; quum inter filios hominum unus solus Dominus noster Iesus Christus extiterit, in qua omnes crucifixi, omnes mortui, omnes sepulti, omnes etiam sunt suscitati. Quamobrem ut pietatem in hisce erroribus defendendis violas, sic pudorem exuisti cum ais; Hæc quidem fortassis non ægrè admodum nobis assentientur hæretici.

<sup>a</sup> Rom. 6. 23. <sup>b</sup> Extra. com. lib. 5. cap. 2. <sup>c</sup> Vignerius Instit. c. 16. §. 6. v. 22. <sup>d</sup> Epist. 83. [alias 81.] ad Palæst.

### C A P U T III.

Examinatis itaque ecclesie privilegiis, notas illius, quibus dignosci possit, inquiremus: quas, ne ignota sint, reipsa clariores esse oportet. Sed quum rerum nota generatim sint duplices; alia propria & certa, ab essentia aut proprietate rei petita, quæ texura dicuntur, & rem cognoscendam necessariò demonstrant: alia communes, ex accidentibus & incertæ; quæ evicta nominant & rem tantum probabilis modo indicant: de prioribus nobis est questio. Quæ de re sic ais.

### C O S T E R U S.

#### Ubi sit Ecclesia.

Tota porro difficultas in eo est, penes quos inveniatur ecclesia ista, dum singuli ad suas congregationes eam pertrahunt. Cujus litis evidenter dirimendæ gratia Christus

Salvator pro sua in humanum genus charitate, aliqua certa indicia, & signa, notasque reliquit, quibus hæc sua respublica ab aliis cœtibus dignosceretur; ne, si quis ex fidelibus ad ecclesiam se conferre velit, dubius hæreat, quam, ex tanta congregationum diversitate, potissimum amplecti debeat, quarum quælibet, nomine ecclesie tot privilegiis instructa jactat.

jaſtat. Rerum autem quæ inquiruntur notæ ejusmodi eſſe debent, quæ & clariores ſint rebus ipſis, & à communi conſuetudine non alienæ.

## GOMARUS.

Rectè his verbis eam quam aſſerimus, hypotheſin proponis, quod *Chriſtus aliqua certa indicia & ſigna notæque reliquerit, quibus eccleſia ipſius ab aliis cœtibus diſtingueretur*: Sed quænam illæ ſint notæ, in dubium vocatur. Pontificii enim antiquitatem, unitatem, ſanctitatem, & amplitudinem ſtatuant: nos vero cum reliquis orthodoxis, præcipuas viſibiles eccleſiæ notas eſſe docemus, *verbum Dei verè prædicatum & ſacramenta legitime adminiſtrata*. Verbum autem Dei verè prædicatum definimus, doctrinam Legis & Euangelii, quæ Sacris Literis continetur, fideliter propoſitam & expoſitam: Sacramenta verò legitime adminiſtrata, quæ ad amuſſim & regulam verbi divini congruunt. Ubique hæc duo vigent, ibi vera eſt eccleſia Chriſti, ad quam tanquam certis & erectis ſignis & vexillis à Domino vocamur, & cui ſe fideles adjungere poſſunt ac debent. Quò autem magis hiſce eccleſia dirigitur, eò purior: & quò minus, eò impurior eſt: quæ verò contra in fundamentis ab hiſce decedit pertinacius, ea non ut Chriſti eccleſia honoranda eſt; ſed ut errorum officina fugienda. Quam orthodoxam de notis eccleſiæ ſententiam hac ratione confirmamus; Privilegia & proprietates quæ ſoli eccleſiæ conveniunt & ſenſibus percipi poſſunt, ſunt certæ illius notæ. At verbum Dei verè prædicatum & ſacramenta legitime adminiſtrata, ſunt hujusmodi: quia ſola eccleſia edificata eſt ſuper fundamentum *Prophetarum & Apoſtolorum*, Eph. 2. 19. 20. ſola columna eſt & firmamentum veritatis, 1. Tim. 3. 15. Deo fœdere juncta. Cujus fœderis tabulæ ſunt verbum Dei: ſigna verò & ſigilla ſunt ſacramenta Dei, quæ verbo prædicato adjunxit, ut eccleſiam tanquam confœderatorum cœtum ſibi, & eccleſiæ membra inter ſe copularet, & à reliquis diſtingueret. Quorum notarum certitudinem apertè conſiteris, quum ais proprietate prima; *In hac igitur ſola eſt ſincera verbi Dei prædicatio*: & in altera; *In ſola eccleſia eſſe verum Dei cultum, ſinceram Sacramentorum adminiſtrationem*. Atque ita Chriſtianum definitis, *eum qui baptiſmatis ſacramento initiatus Jeſu Chriſti veri Dei atque hominis ſalutarem doctrinam, in ejus eccleſia, proſitetur; neque ſectis vel opinionibus ullis, ab eccleſia alienis, adheret*. Et Bellarminus de Eccleſia militante lib. 4. cap. 11. ſanctitatem doctrinæ veram eſſe eccleſiæ notam apertè demonſtrat. Et expreſſius enchiridion Chriſtianæ institutionis in concilio provinciali Colonienſi editum, in expoſit. ſymb. in articulo, Credo ſanctam Eccleſ. ait, *Notas & ſigna habemus longè certiffima, quæ nos de eccleſia ubinam ſit, dubitare non ſinunt. Principio nemo negat in Eccleſia ſinceram doctrinam Evangelicam & Apoſtolicam eſſe oportere, & hanc præcipuam eſſe eccleſiæ notam. Iuxta illud: Oves meæ vocem meam audiunt, Joh. 10. & quod eſt apud Paulum, Si quis prædicaverit aliud Evangelium, anathema ſit, Galat. 1. Quare meritò celebratur Auguſtini ſententia tom. 7. de unitate eccleſ. cap. 2. Inter nos (inquit) & Donatiſtas quæſtio eſt, ubi ſit eccleſia? Quid ergo facturi ſumus? in verbis noſtris quaſituri an in verbis capitis ſui Domini noſtri Jeſu Chriſti? puſto quod in illius potius verbis eam querere debemus, qui veritas eſt & optimè novit corpus ſuum*. Et commentarii in Mattheum cap. 24. hom. 49. qui Chryſoſtomo vulgò adſcribuntur: *Qui ergo vult cognoscere quanam ſit vera eccleſia Chriſti, unde cognoscat, niſi tantummodo per ſcripturas*? Sed qua ratione hanc ſententiam oppugnes audiamus.

a Gen. 17. 11. Rom. 4. 11. b 1. Cor. 12. 13, 13. c Eph. 4. 4, 5, 6. d Caniſius Catech. cap. 11.

## COSTERUS.

Quocirca qui ex eo penes ſe eſſe veram Chriſti eccleſiam contendunt, quod ſe verbum Dei ſincerè interpretari, & ſacramenta purè adminiſtrare affirmant, non ſatis id apertè demonſtrant, cum iſtud non minus in dubium vocetur, & omnibus ſit occultum, atque illud, quod quærebatur. Quum enim, ut diximus, hæc ſint eccleſiæ privilegia, & proprietates,

quicumque ad ſuum cœtum eccleſiæ nomen transfert, is utique proprietates ejus omnes ſe habere dicet; & qui de numero gentilium eccleſiam veram quæret, nihil certi inveniet, quando omnes audiet de ſincera verbi divini prædicatione, & ſacramentorum adminiſtratione gloriari, alioſque à ſe mendacii arguere. Nam Lutherani hæc penes ſe eſſe docent, non apud Calviniſtas, Anabaptiſtas, Schvvenckfeldianos: contra verò Calviniſtæ apud ſe ſolos, non apud alios ea reperiri volunt, atque ita de cæteris.

a Johannes Eviratus in Prato. cap. 29.

## GOMARUS.

Totà aberras viâ, Coſtere, quum ais; *qui ex eo penes ſe eſſe veram eccleſiam Chriſti contendunt, quod ſe verbum Dei ſincerè interpretari & ſacramenta purè adminiſtrare affirmant, non ſatis id apertè demonſtrant*: Quoniam non ex affirmatione noſtra, ſed ex reiſpâ & convenientia cum ſacrarum literarum norma, judicium, de eccleſia noſtra, fieri volumus. Quod verò addis, *hæc notas non minùs eſſe dubias, atque ipſa, quæ quaſiunt, eccleſia, à veritate alienum eſt, & probatio, quam adfers, infirma*. Quamvis enim de hiſce Privilegiis & proprietatibus omnes gloriemur, id tamen notarum certitudini & claritati nihil derogat. Siquidem non ex inani hominum jaſtatione, ſed ex reiſpâ de certitudine & claritate illius judicandum eſt. Alioqui, quid eſſe poſſit in rerum humanarum ac divinarum judiciis certum aut perſpicuum? Nam (ut de humanis prius dicam) quamvis illi, qui in foro litigant, cauſam quam tuentur ſinguli, eo nomine obtinere ſtudeant, quod (ut ajunt) ea legibus conſentanea ſit: non propterea tamen à rei cognitione aut ſententia judex deterretur, ſed inſtituta rerum & legum collatione, non alia nota cauſæ bonitatem agnoſcit & alteri parti adjudicat, quam quod legibus conſentaneam comperit. Sic in ſacris de religione judiciis reſeſe habet. Gloriabantur quidem de vera verbi divini prædicatione Pharifæi & Sadducæi, gloriabatur & Chriſtus, an propterea tamen veritatis amantibus reſ erat dubia & obſcura? An Chriſtus ideo perturbatus hanc Notam, ut incertam, rejecit? imo verò ad Sacrarum Literarum examen provocavit: *Scrutamini*, inquit, *Scripturas, & illa ſunt quæ teſtificantur de me*, Johan. 5. 36. Sic ex Sacris Literis Sadducæos confutavit, Matth. 5. 22. Hinc laudatur à Spiritu Sancto Boroënſium prudentia & ſtudio, quod quamvis Judæi de religionis ſuæ veritate gloriarentur, & eam contra Paulus ſibi vendicaret, non leviter tamen hunc aut illos rejecerint, nec etiam dubii hæſerint; ſed quod receperint ſermonem cum omni alacritate, quotidie ſcrutantes Scripturas, an hæc ita ſe haberent. Itaque quamvis ſinguli de vera verbi divini prædicatione gloriantur, non propterea tamen ancipites & dubios eſſe nos decet, & ad alias notas confugere; ſed examîne opus eſt; ut in rebus omnibus. Conferatur cum regula & veritas pateſcet. *Ipsa enim doctrina eorum* (ut ait Tertullianus de præſcript. hæretic.) *cum Apoſtolica comparata ex diverſitate & contrarietate ſua pronuntiabit, neque Apoſtoli alicujus auctoris eſſe, neque Apoſtolicæ. Quia ſicut Apoſtoli non diverſa inter ſe docuiſſent, ita & Apoſtoli non contraria edidiſſent, niſi illi qui ab Apoſtoliſ deſciverunt & aliter prædicaverunt*. Itaque cum Auguſtino de unitate eccleſiæ cap. 1. reſpondemus: *Non audiamus hac dico, hac dicis; ſed audiamus, hac diſcit Dominus*.

*Sunt certè libri Dominici, quorum auctoritati utrique conſentimus, utrique credimus, utrique ſervimus. Ibi quaramus eccleſiam, ibi diſcutiamus cauſam noſtram, &c. Quia nolo humanis documentis, ſed divinis oraculis ſanctam eccleſiam, demonſtrari. Quare ex hiſce perſpicuum eſt, quid de ſequenti tua concluſione ſentiendum ſit.*

## COSTERUS.

Unde manifeſtum eſt rectius ab illis fieri, atque, ut Philoſophi loquuntur, rem à priori oſtendi, qui ex hoc ſe docent prædicta habere; verum, inquam, Euangelii & Scripturæ ſenſum, ſinceram adminiſtrationem ſacramentorum, &c. quod veram penes ſe habent eccleſiam.

Sfff

GOMA-

## GOMARUS.

Malè concludis Costere. Nec enim ecclesia prior est prædicatione verbi: quia hæc primùm à Deo prodiit ac cœpit in Paradiso, unde ad homines tanquam ad Dei ministros postea promanavit. Deinde semen, quo ecclesia regeneratur, & fundamentum cui superstruitur, priora sunt ipsa ecclesia: atqui verbum Dei verè prædicatum est semen & fundamentum ecclesiæ, ut Sacræ Literæ demonstrant. Hinc Petrus; *Renati non ex semine mortali, sed ex immortalis per*

*sermonem Dei vivi & manentis in æternum, &c. Hoc autem est verbum illud quod evangelizatum est vobis, 1. Pet. 1. 23, 25. Et Paulus; Non amplius estis hospites & inquilini, sed concives sanctorum & domestici Dei, superstructi super fundamentum Prophetarum & Apostolorum, Eph. 2. 19. Et alibi; Fides ex auditu, auditus autem per verbum Dei, Rom. 10. 17. Ergo verbi divini prædicatione est prior ecclesiâ. Quippe quæ cœtus est evocatorum, prædicatione verbi divini & sacramentis, ad fœdus Dei. Ac propterea hæc<sup>a</sup> duo fœderis sui præconibus & ecclesiæ architectis ecclesiæ suæ proponenda mandavit.*

<sup>a</sup> Matth. 28. 1. Cor. 11. 23. 2. Cor. 5. 20.

## CAPUT IV.

*Quamobrem defensa veritate orthodoxa, reliquum est, ut pontificiam de notis ecclesiæ doctrinam, audiamus, & ad veritatis normam examinemus.*

## COSTERUS.

**V**eram autem ecclesiam esse clarioribus notis perspicuum faciunt; quas ne ipsi quidem adversarii possunt inficiari. Notæ porro istæ sunt duplices: una, ab ipsa origine sumitur; alia ex proprietatibus externis re ipsa, quæ quæritur, notioribus. Similitudine fiet res manifestior. Quæritur Colonia Agrippina, eadem illa quam condidit olim Agrippa, multis prærogativis atque immunitatibus donata, civitas Imperii, Respublica libera, &c. Sunt quidam antiquæ hujus civitatis oïes, qui ab annis 100. vel 50. aliis oppidulis excitatis & nomen, & jus nobilis illius veteris Colonix, ad illa transferre audeant; & si quis hospes aliunde de recens adventans de Colonia quærat, suas illi novas à se nuper fabricatas sedes monstrent. Hospes sanè iste his duobus signis de veritate docebitur; alterum est, ut consultis annalibus oppidorum omnium inquirat originem: inveniet quippè in veteri Colonia continuatam ab ipso Agrippa historiam, cæterorum verò non poterit initium inde ab ipso Agrippa deductum ostendere: sed tantum à quinquaginta aut centum annis jacta esse fundamenta reperiet, atque adeo ne principium quidem ullius ædificii ante illud tempus extitisse constabit. Alterum, quo in notitiam veræ Colonix veniet, est in externis signis, quæ sensibus ipsis sunt notissima, quibus ab historicis, indubitatisque authoribus, multis retro seculis descripta fuit Colonia à situ loci ad Rheni ripam, in planitie, infra Bonnenſe oppidum, &c. ab ædificiis & templis, à consuetudinibus, &c. quæ notæ si non in recentibus illis oppidulis extent, sed in antiqua Agrippina, non ignorabit hospes, quò tandem se conferre debeat, quicquid reclamant alii: quos ut impudentes bonorum adversarios, & humani generis oïes detestans, omni supplicio dignos pronunciare non verebitur.

## GOMARUS.

**QUID** de notis ecclesiæ generatim sentiant PONTIFICII, his verbis proponis, & similitudine quadam illustras. Qua in re si subsisteres, & piè explicares, non esset cur nobiscum contenderes. Verùm cum à sacrarum literarum præscripto discedas & falso nitaris fundamento, ut postea liquebit, nescio qua fronte affirmes, *veram penes vos esse ecclesiam iis notis demonstrari à vobis, quas ne ipsi quidem adversarii possint inficiari.*

Et ut de proposita similitudine (quæ alioqui nihil probat) aliquid dicamus, non erit difficile eandem causæ nostræ accommodare.

Quemadmodum enim Colonia, quæ hoc tempore existat, certò inde cognoscitur esse vetus illa ab Agrippa condita Colonia, quod veterum annalium & historiarum descriptioni sola conveniat, & certis Colonix Agrippinæ proprietatibus sola prædita sit: ita & ecclesia vera ex sacrarum literarum (quæ ortum, formam & proprietates veræ ecclesiæ describunt) indicio & descriptione cognoscenda est.

Nam quum sola Christi ecclesia sit *columna veritatis*, (1. Tim. 3. 15.) ubicunque regnat veritas, ibi & originem à Deo & veram esse Christi ecclesiam luce meridiana clarius est.

Quamobrem veritate adactus, idem paulò post confiteris. Sed interim qua ratione hac similitudine ad causam vestram fucandam abutaris, audiamus.

## COSTERUS.

Pari ratione in ecclesia invenienda utetur vir prudens, qui vel recens ex gentibus Judæisve, ad veræ Catholicæque religionis lucem convertitur, vel (ut fit) in hac tanta sectarum diversitate dubius hæret, ad quam se debeat partem adjungere. Is enim non ex doctrina Ecclesiam, sed ex Ecclesiæ doctrinam metietur; neque sibi auctoritatem vendicabit de doctrina judicandi, sed certis notis deprehensa Ecclesia, ipsius judicio per omnia stabit, quam falli non posse, neque fallere ex divinis scripturis didicit. Primum igitur ad suam originem singulos eos cœtus deducet, qui se pro vera Christi Ecclesia offerunt. Inveniet *Lutherana* Ecclesiæ à Luthero datum initium anno 1517. *Calviniana* à Calvino etiam posterius: *Anabaptista* à Balthasaro Pacimontano sub annum Domini 1522. *Svenckfeldiana* à Svenckfeldio, multo recentius; Domui amoris ab *Henrico Nicolai* nauta, fortè sub annum 1550. Sique diligenter investiget, clarè deprehendet non statim primis illis annis totam fidem, ut nunc ab illis traditur fuisse perfectam, sed paulatim cusam atque recusam; vix tandem triginta annis integram, uti nunc colitur, fuisse servatam. Sanè ex Locis Communibus *Philippi & Augustana confessione*, quæ singulis penè editionibus aliquid novi pro fidei doctrina vulgarent, hoc mutabile incrementum discet. Si porro etiam attentius consideret, & historias veteres evolvat, manifestè cognoscet ante Lutherum, Calvinum, similesque novos doctores, ne unum quidem fuisse toto terrarum orbe hominem, seu Catholicum, seu hæreticum, qui per omnia de rebus fidei ita vel docuerit vel senserit, sicut illorum sectatores hodie profitentur se credere. Et quod ad hæreticos quidem attinet, non est diffitendum, à novis sectariis veteres, semper aliquos errores suscitari, quod non obscure in nostris locum habet, qui ab Aërio & Eunomio doctrinam suam de sola fide mutuati sunt; à Manichæis de matrimonio; à Novatianis de poenitentia; à Vigilantio de sanctorum reliquiis; à Joviniano & Helvidio de coelibatu; à Berengario de Eucharistia; à Leone Isaurico, & Compronimo de sacris imaginibus; ab Hussitis de necessitate utriusque speciei; à cæteris deinde ferè omnibus aliud aliquid in fabricam suam pravorum dogmatum transtulerunt. Nam & Calvinum Arianizasse, & Bucerum cum Sebastiano Munstero Judaizasse, non obscura fama est.

<sup>a</sup> Novæ hæreses aliquid à veteribus habent.

## GOMARUS.

Eâne ratione in ecclesia invenienda utetur vir prudens; ne non ex doctrina ecclesiam, sed ex ecclesia doctrinam metiatur? Si quidem de eo tempore disputares, quo Apostoli & Prophetæ, Spiritus Sancti instinctu ecclesiam docuerunt, minus à veritate aberrares: & tamen Prophetæ, Christus<sup>a</sup> & Apostoli, b se suamque ecclesiam ex Sacrarum Literarum examine voluerunt cognosci, suamque doctrinam ex iisdem

<sup>a</sup> Joh. 5. 35. 46. & 8. 47. & 10. 45. <sup>b</sup> Act. 24. 14.

confir-

confirmarunt. Quod vero adjungis, *neque sibi auctoritatem vendicabit de doctrina judicandi; sed certis notis deprehensa ecclesia, ipsius judicio per omnia stabit*: quid istud aliud est, quàm oculos hominibus velle erueri? Si enim de Colonia Agrippina, an antiqua illa sit dubitetur, eam cum antiquis historiis & indubitatis auctoribus comparandam, & ex iis judicium formandum statuis: quum verò de vera ecclesia (cujus tamen parem ais esse rationem) disceptatur, judicium doctrinæ quæ ecclesia Christi in Sacris Literis dignoscenda proponitur, eripere studes. Scilicet ut stulta credulitate (quam *prudensiam* appellas) vestros auditores erroribus pontificiis mancipetis. Itaque opponimus vobis Christi & Apostolorum judicium & mandatum, *Scrutamini Scripturas*, Joh. 5. 39. 46. *Dilecti, ne cuiusvis spiritus credite, sed probate Spiritus an ex Deo sint. Nam multi pseudo-prophetae venerunt in mundum*, 1. Joh. 4. 1. *Prophetias ne pro nihilo habete: omnia explorate, quod bonum est tenete*, 1. Thess. 5. 20, 21. Quamobrem vir prudens ex vera doctrina veram ecclesiam; non autem ex ecclesia, veram doctrinam metietur. Nam quod probationis loco addis, *eius judicio per omnia stabit, quam falli non posse neque fallere, ex divinis scripturis didicisti*: id profecto nimis infirmum fundamentum est, ut pluribus supra demonstravi. Quare, ut argumentum hoc in te retorqueam, quum visibilem ecclesiam errare posse ex Sacris Literis & crebra experientia constet: non ex ecclesia veritas, sed ex veritate ecclesia dignosci debet. Cæterum, ut originis habeatur ratio, quid in ecclesiis nostris (nam de Anabaptisticis & similibus non loquor) desideres? Non enim earum origo ab anno 1517. aut posterius, ut falso affingis; sed inde ab initio; etsi earum splendor Pontificia tyrannide diu fuerit offuscatus. Nam in medio Papatu Deus O. M. suos habuit fideles, qui servato fundamento, Pontificios errores averfati sunt, & ex tenebris Babylonicis plurimos paulatim ad veritatis lucem revocavit. E quorum numero fuere Waldo, Wiclephus, Johannes Hussus, Lutherus, Zuinglius, alii. Ut autem lux diei suos habet progressus & incrementa, nec matutino crepusculo tam clarè affulget atque sub meridiem: sic non est mirum, si Lutherus & alii in veritatis notitia profecerint. Quam verò Philippo & Augustinæ Confessioni allinis maculam, eam in refutatione Præfationis tuæ (lib. 1. cap. 10.) absterimus. Sed pressius agis & novitatis Lutherum, Calvinum, simileque infimulas, quod, ut ais, *ne unus quidem fuerit toto terrarum orbe homo seu Catholicus seu hæreticus, qui per omnia in rebus fidei ita vel docuerit, vel senserit, sicut eorum sectatores hodie profitentur se credere*. Hic scilicet Achilles vester, hic causæ pontificiæ murus aheneus, ac propterea passim repetis & inculcas: sed cum veritatis aries facile concutiet ac prosternet, ut libro primo ostendimus. Nam ea illius est confirmatio & firmamentum adeò debile, ut leviter tentatum, sua sponte concidat. Ac primum frustra te fatigas, ut demonstrates nullum veterum hæreticorum nobiscum in omnibus convenire, & falsò nobis errores impingis, pro more scilicet & amore vestro in rei veritatem. *Non est, inquis, diffidendum à novis sectariis veteres semper aliquos errores suscipiari: quod non obscure in nostris locum habet: qui ab Aetio & Eunomio doctrinam suam de sola fide mutuati sunt*. At quænam fuit Aetii & Eunomii doctrina? Quum tu sileas, audiat de utroque Augustinus De hæresibus cap. 54. *Fertur* (inquit) *usque adeo fuisse bonis moribus inimicus, ut asseveraret, quod nihil cuiquam obesset quorumlibet perpetratio & perseverantia peccatorum: si huius, quæ ab illo docebatur, fidei particeps esset*. Eane nostra est doctrina? Imo verò contrà Calvinus in Antidoto adversus concilium Trid. ad sess. 6. can. 11. *Sola* (inquit) *fides est, quæ justificat: fides tamen quæ justificat non est sola. Sicut calor solis solus est qui terram calefacit, ipse tamen calor non est solus in sole, sed cum splendore*. Idem demonstrant ecclesiarum nostrarum confessiones, catechismi, conciones. Quare hæc prima tua calumnia est, cujus iniquitas oportuniori loco plenius apparebit. Altera est quod nos doctrinam de matrimonio à Manicheis mutuatos esse arguis. Sed quæso te, quomodo? Manichæi<sup>a</sup> liberorum in

matrimonio procreationem detestati sunt: nos contrà ex Sacris Literis palam asserimus, *honorabile inter quosvis esse matrimonium & cubile impollutum*, Heb. 13. 4. & matrimonii prohibitionem esse *diabolicam doctrinam*, 1. Tim. 4. 3. Vos verò non inter quosvis honorabile esse matrimonium statuitis, sed sacerdotibus vestris illud contrahere prohibetis, & *eorum conjugium scortatione esse turpius*<sup>a</sup> affirmare non erubescitis: ut alibi comprobavi. Nec mirum quum vester Syricius Papa, ut hoc impurum suum matrimonii interdictum colore aliquo tueretur, Sacras Literas foedissimè pervertat. Quoniam probationis loco illa Pauli sententia abutitur distinct. 82. can. proposuisti. *Qui autem sunt in carne, Deo placere non possunt: vos autem contra non estis in carne, sed in spiritu*.

<sup>a</sup> Bellarminus lib. 2. de Monachis, c. 34.

Cujus rei tanta est indignitas, ut celebris ille Theologus vester Parisiensis Claudius Espensæus De continentia lib. 1. cap. 13. Syricium eo nomine detestetur. *Romanos* (inquit) *Pontifices Syricium imprimis & Innocentium, quibuscum lovinianum execror*. Et paulò post Pontifices refutans; *Ac proinde non intelligo (idque dictum cum summa reverentia ut cetera volo) quo sensu, conjugii, præsertim ante sacros ordines contracti usum, cleri sui sanctimoniam indignum, & carnis esse immunditiam in qua Deo placere non possit, vocare non dubitarint*. Nam Paulina quæ allegant, vel Immundis nihil esse mundum: vel, *Qui in carne sunt, Deo non placere: non minus ad laicos, quam ad clericos pertinent*. Et prior locus se de fidelibus explicat: & posterior contra connubium, alibi honorabile & impollutum vocatum, facere non potest. I nunc, Cõstere, & vos ipsos in Manichæi castris imprudentes militare agnoscas. Nec alia est tertia accusationis ratio. Novatiani enim tres potissimum errores tutati sunt. Primum, quod de operum meritis & puritate sua gloriabantur: unde se Catharos, hoc est, mundos superbè nominabant. Deinde secundas nuptias damnabant. Denique lapsis in peccata, post baptismum peccatorum veniam denegabant. Sic enim de iis ait Augustinus de hæresibus. *Cathari, qui se ipsos isto nomine propter munditiam superbissimè atque odiosissimè nominant, secundas nuptias non admittunt, poenitentiam denegant, Novatum sectantes hæreticum: unde Novatiani appellantur*. Nos verò nullum horum errorum probamus. Nam ex Sacris Literis<sup>a</sup> profiteamur, omnes homines, excepto Christo, esse peccatores: & cum Paulo concludimus, *Fide justificari hominem sine operibus legis*: Nuptias etiam secundas non improbamus: & lapsis relapsiscentibus veniam, secundum Dei voluntatem, annunciamus. Quare cum hæreticis illis nihil nobis est commercii: vos vero iis affines esse experientia evincit. Nam virginem Mariam & quosdam sanctos catharos seu mundos fuisse prædicatis, nec solum legi potuisse plenè satisfacere, sed amplius etiam præstitisse, *opera* nimirum, ut barbarè & impiè vocatis, *supererogationis*, quæ etiam aliis hominibus ad gratiam Dei obtinendam possint imputari. Ad quantam impietatem, Novatum quamvis impium, nunquam pervenisse comperitur. Deinde quamvis neminem ob nuptias secundas ab ecclesia excludatis, à sacerdotio tamen quasi profanum arcetis: eodem cum Novato abusi argumento. Et quod magis ineptum est, primas nuptias<sup>b</sup>, si cum vidua celebrentur, secundam nuptiarum speciem constituitis: ac propterea nullos, qui viduam habuerunt uxorem, ad ecclesiæ ministerium admittitis. Lapsis denique non aliter veniam tribuitis & absolvitis<sup>c</sup>, nisi ubi commentis vestris humanis (*quibus frustra colitur Deus*, Matth. 15. 9.) satisfecerint. Quare si quibus Novatianorum hæresis ascribenda est, non nobis, sed vobis potius, qui parum ab illis diffidetis, tribui debet. Præterea quod doctrinam nostram de reliquiis à Vigilantio; de cœlibatu à Joviniano mutuatos esse accusas, probari non potest. Nihil enim de hisce rebus docemus, quod non ex puris Sacrarum literarum fontibus derivatum sit. Deinde vero quid hæreticum de reliquiis sanctorum docuit Vigilantius contra Vigilantium? Verba ipsius ex Hieronymo audiantur: *Quid* (inquit) *neceffe est te tanto honore non solum honorare, sed etiam*

<sup>a</sup> August. contra Faustum Manich. lib. 15. cap. 7.

<sup>a</sup> Rom. 3. 28. 1. Tim. 5. 14. Ezech. 18. 23. 2. Cor. 2. 16. <sup>b</sup> Summa Sylvestri-  
na par. 1. cap. Bigamia. <sup>c</sup> Concil. Trid. sess. 14. c. 6, 8, 9.



adorare, illud nescio quid, quod in modico vasculo transferendo colis? Quid pulverem linteamine circumdatum adorando oscularis? prope ritum gentiliū videmus sub praeextu religionis introductum, in ecclesiis sole adhuc fulgente moles cereorum accendi, & ubicunque pulvisculum nescio quod in modico vasculo circumdatum osculantes adorare. Quid verius & sanctius in superstitionem obortam dici potuit? Honorem reliquiarum Sacrae Literae & communis natura, non barbara cadaverum effossione aut membrorum distractione (ut alibi caput, alibi brachium, alibi pedes appareant) non profana eorum adoratione; sed honesta sepultura, describunt. Quid etiam Jovinianus de coelibatu à sacrarum literarum consensu alienum docuit? An quod (ut Hieronymus contra Jovinianum lib. 1. refert) asseruerit virgines viduas & maritatas, quae semel in Christo lotae sunt, si non discrepent ceteris operibus, ejusdem esse meriti? At veto nonne graviter scriptura<sup>a</sup> docet nihil nos operibus nostris promereri, quia Dei sunt dona; deinde, quia debita; denique, quia ob carnis nostrae, adversus Spiritum certantis, contagionem imperfecta? Nos enim in multis labimur omnes; nos mille talenta debemus Deo, nec sumus solvendo: nos debita nostra indies profiteri & remissionem eorum precari iussit Christus. Quare si quid praemii confert Deus, non meritum est operum, sed gratiae divinae donum. Deinde verò quod Sacris Literis, quae omnium virtutum perfecta sunt regula, non praecipitur, illud per se non est virtus, eoque per se nullius potest esse meriti. Ostende igitur ubinam Dei verbo virginitas praecipitur? aut agnosce regnum Dei per se non esse situm in virginitate aut matrimonio; sed utrumque statum ex usu aut abusu à Deo aestimari. Etenim matrimonium instituit Deus, Genes. 3. & iis qui se continere non possunt, praecipit, 1. Cor. 7. 9. Abraham & Sara credentium parentes, virgo Maria, imo Petrus & plerique Apostoli, fuerunt conjugati, 1. Cor. 9. 5. Quare veritatis ductu rectè Chrysostomus in Epist. ad Heb. hom. 7. *Quomodo honorabiles nuptiae, si nos tantoperè impediunt? &c. Si qui impediti sint ex nuptiis, sciant quod non nuptiae illis impedimento fuerunt, sed voluntas, quae male utitur nuptiis; Nam neque vinum facit ebrietatem, sed mala voluntas & moderationis excessus. Ut cum moderatione nuptiis & PRIMUS ERIS IN REGNO, & omnibus fruere bonis. Quamobrem vides, Costere, quam frustra, nobis Vigilantii & Joviniani nominibus invidiam conflare studeas.*

<sup>a</sup> Heb. 13. 21. Luc. 17. 10. Rom. 7. 25. Gal. 5. 17. Jac. 3. 2. Matt. 18. Matt. 6.

Quid vero dicam de sequentibus? Affirmas enim doctrinam de eucharistia à Berengario: de sacris imaginibus à Leone Isaurico & Copronymo: de necessitate utriusque speciei ab Hussitis esse mutuatos: sed toto erras caelo; quia & nos doctrinam nostram ex divinis literis hausimus, & tu illos homines injustè erroris propterea infirmulas. Nam ut de Berengario primùm dicamus, quid, obsecro, falsi initio de Eucharistia docuit? Consule quae de hac re, libro primo cap. 1. scripsimus: nec erit quod merito reprehendas. Quibus addo idem Berengarium docuisse, quod ante ipsum Augustin. de consec. dist. 2. §. Prima: cujus sententiam jure Pontificio approbastis. *Non hoc, inquit, corpus quod videtis manducaturi estis & bibaturi illum sanguinem, quem effusuri sunt, qui me crucifigent: sacramentum aliquod vobis commendavi, spiritualiter intellectum vivificat vos.* Item: *Ut quid parat dentem & ventrem? crede & manducasti.* Quod verò de utriusque speciei necessitate commemoras, duplicem errorem vestrum continet. Primus est, quod non panem & vinum in cæna Domini à fidelibus manducari statuitis; sed externam tantum panis & vini speciem. Nam substantiam panis & vini in corpus & sanguinem Christi permutari: accidentia verò tantum permanere, contra scripturae auctoritatem & naturae sensum, affirmatis. Unde ex impura sententia impurum omnino transsubstantiationis verbum promanavit. Alter error est, quod Hussum ea de causa hærescos accusas, quod non minus vini quam panis usum in cæna necessarium statuit. Hac enim ratione Christi & Pauli mandatum; *Bibite ex eo omnes*, 1. Corinth. 11. & Pontificis vestri decretum<sup>a</sup>

<sup>a</sup> De consecrat. dist. 2. §. comperimus.

convellis. Sic enim Gelasius Papa ait; *Comperimus autem quod quidam summa tantummodo corporis sacri portione, à calice sacrati cruoris abstineant. Qui (procul dubio quoniam nescio qua superstitione docentur astringi) aut integra sacramenta percipiant, aut ab integris arceantur. Quia diviso unus ejusdemque mysterii sine grandi sacrilegio non potest provenire.* Quare interim dum vos sacrilegii accusat & vincit Pontifex vester, neglecta accusatione tua, ad Imperatores, Leonem Isauricum & Copronymum progredior: qui ea etiam de causa vobis odio sunt, quod imaginum cultum, ex Divini verbi praescripto & conciliorum duorum consensu prohibuerunt, & Ezechiae regis exemplo, idololatriæ sustulerunt materiam. Quo nomine quum gratiae illis deberentur, tanta in idololatria asserenda exitit Romanorum Pontificum vāsanīa<sup>a</sup>, ut propterea Gregorius tertius Papa imperio & communione fidelium Leonem imperatorem privavit. Quocirca quā iniquē doctrinam orthodoxam infectoris perspicuum est: adeo, ut quum veris argumentis destituaris, ad falsi rumoris subsidium confugas. Nā illud profectò deploratæ causæ argumentum est. Nam & Calvinum ais Arianizasse, & Bucero cum Sebastiano Munstero Judaizasse non obscura fama est. Sed quibus, quæso, auctoribus? Quis Calvino solidius Arianos confutavit? Quis Bucero Evangelium magis illustravit? Quis ante Munsterum Judæorum errores tam perspicuè evertit? sed hæ sunt artes vestrae, ut quum veritatem non possitis opprimere, eandem per bonorum latus variis calumniis confodere studeatis. Quare his omissis, reliqua, quæ attexis, expendamus.

<sup>a</sup> Platina de vitis Pontif. in Gregor. 3.

## C O S T E R U S.

*Nullus veterum hæreticorum cum novis convenit.*

Cæterum ut in aliquibus conveniant, in multis tamen dissentiant; quia vel aliquos errores veterum hæreticorum detestantur, vel novos adjiciunt hætenus inauditos; Justitiam imputari, non inhærere: speciali fide, qua se quisque credit justum esse, remitti peccata: Peccatum originale esse substantiam, non accidens, aut privationem: duo tantum esse Sacramenta Ecclesiae: Sacramentum Baptismi non dare gratiam; sed indicium esse aut signum collatæ gratiae: Christum in Cæna præsentem nulla veneratione colendum esse, vel adorandum, nemini prorsus antecedentium hæreticorum in mentem aliquando venit. Missæ sacrificium, quod tantoperè averfantur hujus sæculi omnes sectarii, veteribus omnibus fuit sacrosanctum. Ejus namque explosio juxta Danielis prophetiam cap. 12. 11. proximis antichristi temporibus debebatur. Hic igitur manifesto efficitur, quod nemini unquam eorum hæreticorum, qui ante vixerunt, quā à veritate Catholica Lutherus descivisset, cum ullo nostri temporis hæreticorum, in his quæ fidei sunt, per omnia convenerit.

## G O M A R U S.

Ut ima summis conveniant! Quemadmodum enim veterum errores injustè nobis antè tribuisti; sic pari fide novos & hætenus inauditos ascribis. Sed quinam hi sunt? *Justitiam*, inquis, *imputari, non inhærere*: imo vero utrumque statuimus; sed diverso modo. Nam Justitiam perfectam, qua coram Deo justificamur, in Christo esse asserimus, nobis verò imputari per fidem: Justitiam vero inchoatam, in nobis hæreere sanctificatione per Spiritum Christi. Quid in hac doctrina novum? Quid aliud docet tota Scriptura? Nam ut de altero membro, quod extra controversiam est, nihil dicam, *an non Deus imputat justitiam absque operibus?* Rom. 4. 6. Nonne obedientia Christi justis constituntur multi? Rom. 5. 19. nonne ipse est justitia nostra, 1. Cor. 3. 30. & nos Dei justitia in ipso? 2. Cor. 5. 21. Rectè Bernardus Epist. 190. ad Innocentium. *Nam si unus pro omnibus mortuus est: Ergo omnes mortui sunt: ut scilicet satisfactio unius omnibus imputetur, sicut omnium peccata ille unus portavit, &c. Iustum me dixerim, sed illius justitiā. Quanam ipsa?*

*Finis*

*Finis legis Christus ad justitiam omni credenti. Denique qui factus est nobis*, inquit Serm. 22. in Cantica, *justitia à Deo Patre*. Et alibi exponens dictum illud Pauli: *Qui factus est nobis sapientia, justitia, sanctificatio, redemptio; Sapientia* (inquit) *in predicatione, justitia in absolutione peccatorum*. Et Serm. 23. *Omnes enim peccaverunt, & omnes egent gloria Dei. Quis accusabit tamen adversus electos Dei? Sufficit mihi ad omnem justitiam solum habere propitium, cui soli peccavi. Omne quod mihi ipse non imputare decrevit, sic est quasi non fuerit. Non peccare, Dei justitia est; hominis justitia, indulgentia Dei*. Quare nihil de justificatione novum, nihil falsum asserimus. Atque eadem est fidei ratio. Non enim fides generalis, qua credimus verè fideles à Christo servari, nos beat (alioqui & Judas & Sathanas essent beati) sed fides specialis, qua<sup>a</sup> oblatam Christi gratiam, Abrahami patris nostri exemplo, amplectimur: adeo ut per Spiritum adoptionis clamemus, *Abba Pater*. *Qui ipse Spiritus testatur unà cum Spiritu nostro nos esse filios Dei*, Rom. 8. 15. 16. Quum enim id nobis euangelio præcipiatur ut credamus Christum esse servatorem nostrum, ea vera est fides, quæ huic mandato sanctè paret. Adeo ut fidelium quisque cum Paulo dicat: *In fide vivo Filii Dei, qui dilexisti me & tradidisti seipsum pro me*, Gal. 2. 20. Quibus consonat Bernardus Sermone 1. de annunciatione Domin. Si, inquit, *credis peccata tua non posse deleri, nisi ab eo, cui soli peccasti, & in quem peccatum non cadit, bene facis: sed adde adhuc ut credas, quia per ipsum tibi peccata donantur. Hoc est testimonium quod perhibet in corde nostro Spiritus Sanctus, dicens: Dimissa sunt tibi peccata*. *Sed enim arbitratur Apostolus gratia justificari hominem per fidem*. Ex quibus gravissimis testimoniis nos nihil de fide novi, nihil falsi statuere, perspicue apparet. Cæterum quod de peccato originali commemoras, nos nihil attingit, quum id non substantiam, sed accidens esse statuamus. Sed duo tantum esse novi Testamenti Sacramenta, quamvis id novum & inauditum esse objicias, apertè asserimus & ex sacris literis & orthodoxorum Patrum consensu comprobamus. Quid enim aliud sunt Sacramenta, quam divina signa & sigilla fœderis Dei ecclesiæ tradita? quemadmodum Moses circumcisionem appellat *signum fœderis*, Gen. 17. & Paulus *sigillum justitiæ fidei*, Rom. 4. Quæ descriptio, abrogata per Christum pædagogia legali, soli Baptismo & Cænæ Domini convenit. Hinc Augustinus de doctrina Christi lib. 3. cap. 9. ait: *A resurrectione Domini quadam pauca signa promissis, eademque factu facillima, intellectu augustissima, observatione castissima ipse Dominus & Apostolica tradidit disciplina: sicut & Baptismus & celebratio corporis & sanguinis Domini*. Reliqua verò quinque, quæ à Pontificiis Sacramenta finguntur, partim ab hominibus, non è cælo (ut fieri oportebat) prodierunt: ut *Confirmatio & Extrema unctio*: partim à Deo quidem, sed in alium finem instituta: ut *Matrimonium, Pœnitentia, Ordo*, seu, *ecclesiæ ministerium*. Quæ singula pluribus demonstraremus, nisi esset hoc loco importunum. Quare his omisiss & generali refutatione contentus: quid in doctrina nostra de veris Novi Testamenti Sacramentis desideras? *Inauditum esse censet statuere Sacramentum Baptismi non dare gratiam, sed signum esse aut indicium collatae gratiæ*. Imo verò, Costere, distinctius de Baptismo docemus, cum fidelibus eorumque liberis esse institutum: ac propterea quum in Dei fœdere utrique contineantur, eos gratiæ Dei & Spiritus Christi suo modo esse participes. Deus enim, *Deus noster est, & seminis nostri*, Gen. 17. Act. 2. 39. Et qui *Spiritum Christi non habent, non sunt ejus*, Rom. 8. 9. Quare, si gratiæ initium spectas, Baptismum ordinariè antecedit: qui vicissim collatam gratiam signat & obsignat: Sin verò continuationem & incrementum gratiæ consideres, Baptismum comitatur ac sequitur. Quia Deus Baptismo suum fœdus confirmat & in adultis fidem, qua oblatam Christi gratiam amplectuntur, fovet ac roborat. In quam sententiam Calvinus in Antidoto Concil. Trid. sess. 7. can. 5. (quem tanquam convitiatorum vestrorum scopum vobis proponitis) apertè asseruit, *Sacramenta esse instrumentales, conferenda nobis gratiæ causas*. Contra verò vestra de Sacramento Bapti-

<sup>a</sup> Rom. 4. 21, 22.

fmi sententia & verbis nova & sensu profana est. Sic enim Concilium vestrum Tridentinum Sess. 7. can. 8. *Per ipsa nova legis sacramenta ex opere operato conferri gratiam, hoc est, vi actionis Baptismi, non habita ratione humane fidei aut electionis & vocationis Divinae*. Contra verò Sacre literæ docent, gratiæ perceptionem in adultis à fide oriri. *Qui enim crediderit & baptizatus fuerit, salvus erit: qui vero non crediderit, condemnabitur*, Marc. 16. 16. Fides in Christum quasi spiritalis quædam manus est, qua, ut Apostolus docet, *accipimus remissionem peccatorum, & sortemur inter sanctificatos*, Act. 26. 18. *Fide purificantur corda*, Act. 15. 9. *fide justificamur*, Rom. 5. 1. Hujus autem veræ fidei semen & maturitas in solis electis existit. Unde *fides non omnium esse* dicitur, 2. Thess. 3. 2. *sed electorum*, Tit. 1. 1. *Etsi effectum illius est stipulatio bonæ conscientia, quæ externo baptismo juncta, propriè nos servat*, 1. Pet. 3. 21.

Idque graviter & eleganter declarat Augustinus In Johan. tractat. 80. quum ait: *Unde est hac tanta virtus aqua, ut corpus tangat, & cor abluit; nisi faciente verbo, non quia dicitur, sed quia creditur? Nam & in ipso verbo, aliud est sonus transiens, aliud virtus manens. Hoc est verbum fidei quod predicamus, ait Apostolus; quia si confessus fueris in ore tuo, quia Dominus est JESUS, & credideris in corde, quia Deus illum suscitavit à mortuis, salvus eris. Corde enim creditur ad justitiam, ore autem confessio fit ad salutem*, Rom. 10. Unde in actis Apostolorum legimus, *fide mundans corda eorum*, Actor. 15. & in epistola sua beatus Petrus: *Sic & vos, inquit, Baptisma salvos facit, non carnis depositio sordium, sed conscientia bona interrogatio*, 1. Pet. 3. *Hoc est verbum fidei quod predicamus, quo sine dubio, ut mundare possit, consecratur Baptismus*. Quare ex hisce apparet non nostram de Baptismi gratia doctrinam, sed Pontificiorum opinionem ab orthodoxa antiquitate abhorreere, & Baptismum Christi minuire dignitatem. Nec mirum: quum & humanum Confirmationis figmentum tanti faciant, ut cum cœlesti Baptismo non solum componant, sed etiam præponant & majori venerationi venerandum asserant: adeo, ut ex eorum sententia, *Baptismo quidem Christiani, sed confirmatione demum in perfectos Christianos evadamus*. Quare ex hisce facile judicare possunt pii, quam egregiè Baptismi Christiani honorem Pontificii tueantur. De cœna Domini similis est ratio. Nam quod hæresin inauditam esse ais, *Christum in Cœna præsentem, nulla veneratione colendum esse, vel adorandum statueret*; id ambiguit & falsò judicas. Matth. 28. Nam Christum in Cœna esse præsentem agnoscimus & adoramus: quia divina sua natura & gratia perpetuò nobiscum est; sed in pane aut in specie panis in Cœna præsentem non agnoscimus. Quia, ut articuli fidei docent, *Ascendit in cælum, ibique manebit donec redeat ad judicandum vivos & mortuos*; Actor. 3. 21. non autem patitur se indies millies è cœlo in panem detrahi, aut eo formari. Quare Sacrarum literarum antiquitati adhærentes, adorationem panis iis relinquimus, *qui deserto creatore creaturam, imò opus manuum humanarum colunt*, & pro Deo suo fructum panis, turpissima idololatria, adorant. Itaque nulla est, ut malè cenles, *hæresis, quod orthodoxi Missæ sacrificium tantopere detestantur*, quum ea potissimum hanc stabiliat idololatriam, & soli Christo conveniens sacerdotium, & unicum illius pro peccatis nostris sacrificium turpissimè violet; ac denique naturam cœnæ pervertat. Nam in Cœna jubemur panem accipere & comedere in recordationem corporis Christi: in Missa<sup>d</sup> verò sacrificius (ut putat) *Christi corpus offert Deo, non solum pro fidelium vivorum peccatis, pœnis, satisfactionibus, & aliis necessitatibus; sed & pro defunctis in Christo nondum ad plenum purgatis*. Sed ne quis errori desit fucus, Sacras Literas prætendis, & de sacrificio Missæ ais; *Ejus explosio, juxta Danielis Prophetiam, Antichristi temporibus debebatur*, Dan. 12. 11. Verum nec de Antichristi temporibus eo in loco prædicat Propheta (alioqui dies secundi adventus Christi præsciri posset, Marc. 13. 32.)

<sup>a</sup> Sent. Lib. 4. dist. 7. & de consecr. dist. 5. §. De his. <sup>b</sup> Matth. 26. 11. Rom. 1. 25. <sup>c</sup> Heb. 5. 4, 5, 6. & 9. 11, 12. & 10. 14, 15. <sup>d</sup> Concil. Trid. sess. 22. cap. 3.

nec de fictio Missæ sacrificio loquitur, sed de jugi sacrificio veteris testamenti, quod Antiochi temporibus fuit interruptum, & postea omnino sublatum, quum urbs Hierosolyma à Romanis funditus everfa est, *Matth. 24. 15.* Ac quamvis ad Antichristi tempora is locus pertineret, non aliud ista jugis sacrificii figura adumbraret, quam religionem Christianam, qua vera fide & charitate, animo & corpore fideles Deo in hostiam vivam offeruntur & consecrantur, *2. Pet. 2. 5. Apoc. 1. 6.*

Quamobrem ex hisce necessariò efficitur, falsò nos hæreseos & novitatis insimulari. Ac propterea frustra in eo laboras, ut demonstres nemini unquam eorum hæreticorum qui ante nos vixerunt, nobiscum per omnia convenisse. Hoc enim liberè profitemur ac docemus. Sed Patrum nobis consensum objicis.

## C O S T E R U S.

*Nullus veterum Catholicorum cum hæreticis consentit.*

Sanctorum patrum eadem est ratio, qui & unanimi consensu veteres hæreses à Neotericis, revocatas condemnaverunt, & disertis verbis se illa credidisse, sibi que commissos populos docuisse scripserunt, quæ sectarii nostri Ecclesiæ Romanæ crimini & errori ducunt. Beatus Hieronymus gravissimè infectatur Vigilantium, quod sanctarum reliquiarum venerationem impugnarit. Beatus Augustinus (lib. de hæret. cap. 54.) inter hæreses Eunomii recenset doctrinam de sola fide: quam tot annorum spatio decurso, rursus ab inferis suscitavit Lutherus. Beatus Ambrosius (lib. de poenitentia) eundem errorem de potestate clavium & peccatorum remissione reprehendit in Novato, quem docent sectatores Lutheri, &c. Fidem Romanæ Ecclesiæ de sanctissimo Missæ sacrificio ad unum omnes majores tenuerunt: Sanctos cum Christo beato ævo fruantes, omnes invocaverunt: Romanum Pontificem magna veneratione & obedientia pro Christi vicario & B. Petri successore omnes coluerunt: operibus bonis merita & æternæ vitæ mercedem omnes attribuerunt: satisfactiones pro commissis peccatis omnes imposuerunt, & multa id genus se fecisse & credidisse docuerunt, quæ ex diametro cum hæreticorum nostri sæculi doctrinis pugnant. Nemo igitur ex his omnibus cum quoquam de nostris sectariis per omnia consentit; constatque manifestè neminem toto orbe mortalium ante Martinum Lutherum, hoc est, ante annum Domini Christi 1517. extitisse, qui eam fidem teneret, quam Lutheri, Calvini aut aliorum hæresiarcharum discipuli profitentur. Qui hæc animo suo versat vir prudens, suæque salutis amans, non solum his novis hominibus, salutem suam non committet, sed & vehementer admirabitur, atque ex animo deplorabit, inveniri aliquos qui tam parvi ducant animas suas, ut in certam earum damnationem, non ita pridem excogitatam fidem, & coactum novorum hominum cœtum, pro vera fide & Ecclesiâ venerentur, sequanturque.

## G O M A R U S.

Illustre est, fateor, Patrum nomen & veterum consensus; sed illustrior est Pater cœlestis, & Sacræ illius Literæ, ad quarum canonem Patres se examinari voluerunt, & decretum Pontificium pluribus jubet. Cujusmodi est memorabilis & ingenua illa Augustini<sup>a</sup> sententia; <sup>b</sup> *Neque quælibet disputationes, quamvis Catholicorum & laudatorum hominum veluti scripturas canonicas habere debemus, ut nobis non liceat, salva honorificentia qua illis debetur hominibus, aliquid in eorum scripturis improbare: si forte inveniremus quod aliter senserint quam veritas habet de vîno adjutorio vel aliis intellecta, vel à nobis: talis ego sum in scripturis aliorum, tales volo esse intellectores meorum.* Hac norma usi Patrum scripta non subterfugimus, sed nævos eorum, quos perperam excerpere & amplecti soletis, à veris sententiis secernimus.

<sup>a</sup> Epist. 111. ad Fortunatianum. <sup>b</sup> Grat. diff. 9. §. Neque.

Quemadmodum, quod ais, *B. Hieronymus gravissimè infectatur Vigilantium, quod sanctarum reliquiarum venerationem impugnarit*: id certum est: sed ita infectatur, ut infirmitate quadam humana, modestiæ & veritatis limites in hoc & in Joviniano, sit transgressus: sicut Erasmus in operis illius argumento testatur: & res ipsa demonstrat. Etenim Hieronymus nullis sacrarum literarum testimoniis, sed sola consuetudine & dictis pugnat, aded ut præclaræ suæ sententiæ in Matthæum cap. 23. *Hoc quia de scripturis non habet auctoritatem, eadem facilitate contemnitur, qua probatur*; oblitus fuisse videri possit. Ut interim omitam judicium illius de sanctorum adoratione, de cereis in honorem Sanctorum interdiu accensis, de vigiliis nocturnis, à sententia Pontificia discrepare. Quæ verò de Eunomii & Novati erroribus aspergis, ea jam ante diluimus. Quibus addo disertum Augustinæ confessionis testimonium, articulo 6. *Item docens, quod, quum fide reconciliamur, necessario sequi debeat iustitia bonorum operum, quæ Deus nobis mandavit, sicut & Christus præcepit; si vis in vitam ingredi, serva mandata.* Et articulo 11. *Damnant Novatianos, qui volebant absolvere eos qui lapsi post Baptismum, redibant ad poenitentiam.* An illud obsecro est, (ut objicis) *Eunomii & Novati errores ab inferis revocare?* Aut potius jam detectam & patefactam accusationis tuæ falsitatem agnoscis? Addis deinde, *fidem Romanæ Ecclesiæ de sanctissimo Missæ sacrificio ad unum omnes majores tenuerunt.* Sed unde id probas? Ostendimus enim jam sæpius id cum primis Christi Sacerdotis dignitati & unicus illius sacrificii propitiarii meritis, & Cœnæ institutioni è diametro repugnare.

Eadem etiam fide absque sacrarum literarum & Apostolicæ ecclesiæ testimoniis, *sanctos ab omnibus invocatos* affirmas. Nam quæ alibi de hoc argumento disseris, suo loco expendemus. Interim crassam & variam à vobis committi idololatriam, cum in sanctis definiendis, tum in cultu eorum statuendo, apertum est. Nam primum sanctos colitis, partim tales, quales nunquam in rerum natura extiterunt, ut<sup>a</sup> Christophorum gigantem, Georgium equitem & similes; partim eos, qui è cœlo impietate sua exclusi sunt; aut an in cœlo sint, certo constare non potest: quum Pontificia solum auctoritate (quam in ea errare posse vulgò agnoscitis) in Sanctorum album relati sint. Qua de re trita & vetus illa querela est, *Multorum corpora colis in terris, quorum anima torquentur apud inferos.* Et ut in Sanctis definiendis, sic & in cultu eorum describendo aberratis toto cœlo: quum Dei sapientiam & potentiam & Christi unicus mediatoris nostri munus Ethnicorum more magna ex parte Sanctis vestris arrogatis. Nam quid minoribus suis & tutelaribus Diis tribuerunt idololatæ gentiles, quod non sanctorum animis vendicetis? Tempia, (inquam) cereos, sacrificium, rerum omnium, quæ in terris sunt, notitiam, certarum provinciarum, morborum, membrorum, potestatem. Ac sicubi quid est discriminis, id nova quadam impietatis specie rependitis abundè. Itaque antiquitatem scripturæ audimus; *Deum unum adorabis, & ei soli servies*, Matth. 4. 10. Et huic consentientem Augustinum de vera religione, cap. 55. *Non sit, inquit, nobis religio, cultus hominum mortuorum. Quia, si pie vixerunt, non sic habentur, ut tales quarant honores: sed illum à nobis coli volunt, quo illuminante, letantur meriti sui nos esse consortes. Honorandi ergo sunt propter imitationem, non adorandi, propter religionem.* Cæterum, quod de Pontificis Romani dignitate mones, id proxima controversia plenius excutietur. Ad bonorum autem operum merita quod attinet, agnoscimus Latinos Patres merendi verbo abusos, non raro pro adipisci jure aut gratia: & meritum improprie bonum opus appellasse (ut eo quem modò adduxi Augustini loco, apparet) non autem eo sensu, quo Pontificii rapiunt ac traducunt.

<sup>a</sup> Hortulo animæ, par. 4.

Nam quemadmodum Sacræ Literæ ajunt, *stipendium peccati, mors; donum verò Dei, vita æterna*, Rom. 6. 23. Sic Augustinus De gratia & lib. arb. cap. 6. *Dona sua coronat Deus; non merita nostra. Ea quippe sunt* (ut Bernardus pie & eleganter

elegantè Tractatu de lib. arbitrio & gratia declarat) *via regni, non causaregnandi*. Atque hinc etiam cognosci potest, quid de satisfactionibus vestris, quas inter merita recensetis, judicandum sit. Ais quidem, *Satisfactiones, pro commissis peccatis omnes* (Patres) *imposuerunt*. Agnosco satisfactionum multos meminisse, sed alia ratione. Illi enim externa quædam resipiscentiæ indicia peccatoribus præscripserunt, quibus non iudicio Dei, sed ex Dei præcepto, ecclesiæ offensæ satisfacerent. Nam Dei iudicio pro peccatis nostris nemo satisfacere potuit, sed solus & perfectè satisfecit<sup>a</sup> Christus obedientia sua ad mortem crucis: in qua redemptionis pretium solvit, 1. Joh. 1. 7. & *debitorum nostrorum chirographum affixit*, Col. 2. 14. &c. Cujus satisfactionis participes sumus per fidem, Rom. 3. 25. quæ *justificati, pacem habemus cum DEO per Dominum nostrum JESUM Christum*, Rom. 5. 1. & 8. 1. Itaque satisfactio duplex est: alia, qua satisficit ecclesiæ publica exomologesi & resipiscentiæ professione; alia, qua soli Deo, quum resipiscens peccator fide Christi satisfactionem amplectitur, eaque fretus veniam à Deo implorat. Utriusque meminit Cyprianus quum alibi, tum libro 4. epistola quarta. Talis verò satisfactio qualem Pontificii sacerdotes confitenti peccata, pro arbitrio suo, præscribunt, quaque non culpa, sed pœna solum temporalis<sup>b</sup> redimatur, non est cultus Dei, nec patrum orthodoxorum doctrina, sed traditio humana, à Sacris Literis & ab orthodoxo Patrum consensu aliena, quæque doctrinam de gratia & beneficio mortis Christi & verum Dei cultum mirificè obscurat. Quare, ut injuste gloriaris Costere, *neminem ex sanctis Patribus ante Lutheri tempora, existisse, qui idem nobiscum senserit*: sic pii omnes, qui salutis suæ consultum volent, nec Pontificis anathematis, nec Jesuitarum maledictis, à recta Orthodoxarum Ecclesiarum via deterreri se patientur. Sed quia hîc latissimus Pontificiorum est campus, in quo insolentius nobis insultant, quid amplius ad hanc sententiam nostram minuendam adferas, examinemus.

<sup>a</sup> 1 Joh. 2. 1. <sup>b</sup> Concil. Trid. sess. 14.

## C O S T E R U S.

*Apostoli cum hæreticis non senserunt.*

Atqui occurrunt adversarii, dicuntque, Apostolos Christi ad mentem Lutheri docuisse & passim toto terrarum orbe rerum credendarum sensum atque intelligentiam exposuisse. Quos si doctrinæ suæ favere demonstrent, non aliis argumentis opus erit ipsis, ut dogmatum suorum integritatem veritatemque persuadeant. <sup>a</sup> Sed ista pauca attendat vir prudens; primum quidem, cum sectarii omnes, illi etiam, qui pugnantia tuentur dogmata à se Apostolos stare quisque velint, Lutherani, Calvinistæ, Swenckfeldiani, Anabaptistæ; quis me docebit, Apostolos Lutheri potius quam Calvinii fidem tradidisse?

<sup>a</sup> Quatuor attendenda.

Deinde verò mirum omnino videtur, cum tantos in instituendo orbe labores insumpserint Apostoli Christi, tot annis sudaverint, tot miraculis prædicationem suam confirmaverint, tot loca peragraverint, eos ne unum quidem hominem posteritati reliquisse, qui sinceram doctrinam Apostolicam per omnia integram, incorruptamque tenuerit, posterisque tradiderit.

Atque id quidem admirandum amplius, quod statim à primis illis Apostolorum temporibus, non varii diversis locis, sed eidem prorsus per universum orbem errores, iique gravissimi irrepperint, nemine advertente Episcoporum, quos sibi successores Apostoli constituerant. Certum est, (ut testatur beatus Irenæus lib. 3. cap. 4.) sacrificium Missæ in omni loco Deo oblatum statim à morte Apostolorum Christi fuisse: constat ubique invocatos Sanctos, & satisfactiones poenitentibus indicatas; quæ, dum non possunt inficiari hæretici, fatentur prima post Apostolos centuria introductos errores, quos Calvinus appellat *hallucinationes patrum*. Cæterum vir prudens ac cordatus statuet potius homines illos, qui 1500. annis post Apostolorum ætatem secuti sunt, graviter hallucinari & falli, fallereque, quam sanctissimos illos ma-

jores nostros, qui & ex Apostolorum docentium ore veram, puramque Christianæ religionis cognitionem acceperunt, & ipsorum mentem probè assequuti sunt: præsertim cum non pauci illorum fidem ab Apostolis perceptam sanguine suo consignarint. Intelliget certè vir prudens non esse consentaneum divinæ bonitati ut totis 1500. annis vera fides doctissimos quoque pientissimosque viros, Apostolis vicinoratiis; & demum post tot secula innotuisse Lutheri, Calvino, cæterisque Neotericis, asseratur. Si namque statim post Apostolos corrupta est fides, perierit utique, cum *fides sit una*, Eph. 4. 5. quæ sibi neque addi quicquam, neque demi patitur. Si fides periit, interiit simul ecclesia, quæ in vera fide innititur. Sublata fide atque ecclesia, necessario efficitur, æternis ignibus adjudicatos, quotquot alienam à Lutheri fidem professi sunt, quia *sine fide impossibile est placere Deo*, Heb. 11. 6. Ista si sepositis affectibus, vir prudens expendat, non credet se novis doctoribus, qui licet fidem suam atque Ecclesiam ad Apostolos ipsos referre laborent, inprimis tamen hæresiarum suis subsistere coguntur, & totis 1500. annis successionem interruptam fateri, cum ne unum quidem post Apostolos hominem asserere possint, qui per omnia cum ipsis in doctrina consenserit. Si norint, edant nomen, fideique ipsius testimonia proferant. Neque movebitur vir prudens, si dicant occultos aliquos existisse omni tempore, qui Lutheranam fidem à se conservatam ad posteros transmisserunt. Primo namque Lutherus ipse fateatur à nullo homine se institutum, sed à solo Christo; agnoscitque se primum sui dogmatis inventorem. Deinde argumento vel teste nullo, occultos hos Lutheranos docere possunt; ut manifestè intelligas, effugium esse eorum, qui se à veritate constringi sentiunt. Si occulti fuerunt, unde norunt fuisse? Ego pari ratione, si novam comminisci hæresim velim, à cæteris omnibus alienam & diversam, ad Apostolos per occultos quosdam deducam: sed ita occultos, quos neque homo ullus unquam novit, neque Deus. Et hæc de origine sectarum.

<sup>a</sup> An ante Lutherum occulti fuerint Lutherani.

## G O M A R U S.

Hujus orationis tuæ duo summa sunt capita, de quibus ordine dicturi sumus. Primum enim sententiam nostram proponis, eamque veritate cogente, confirmas. Ut enim graviter & piè ait Ignatius Epistola ad Philadelphenses: *mihi antiquitas est JESUS Christus: cui nolle obedire, manifestum exitium est*: ita & nos antiquitatem fidei nostræ, inde comprobamus, quod Christi, & Apostolorum doctrinæ conveniat. Cujus rationis tanta est firmitas, ut assensum hunc exte expresserit; Quos (inquis) si doctrina sua favere demonstrant, non aliis argumentis opus erit ipsis, ut dogmatum suorum integritatem veritatemque persuadeant. Verum ne omnino victus esse videaris, nostram assertionem quibusdam effugiis eludere studes. Ac primum quæris, quum sectarii omnes, etiam illi qui pugnantia tuentur dogmata, à se Apostolos stare quisque velint, quis me docebit, Apostolos hujus potius quam illius fidem tradidisse? Sacre Apostolorum literæ. Ut enim probum aurum ab adulterino, lapidis Lydii affricus, & rectum à curvo norma adhibita discernit: sic etiam doctrinæ Apostolicæ veritas, ad Apostolicarum literarum canonem examinata, dignosci potest. Atque hinc Swenckfeldianos & Anabaptistas, non solum nostri, sed etiam Pontificii ex Sacris Literis refellunt. Eadem etiam regula Lutheri & Calvinii de Cœna Domini sententiæ judicantur. Quoniam Cœnæ Dominicæ descriptio, sacramentorum natura, corporis Christi veritas, ascensio in cœlum, & mora ad judicii diem, ac reditus è cœlo (quæ omnia Sacris Literis accuratè continentur) non nihil fermenti Pontificii in Cœnæ doctrina Lutheri adhæsisse demonstrant. Similis est cæterorum ratio. Quemadmodum enim, quum de genuina Platonis, Aristotelis aut Galeni doctrina disceptatur, meritò ad scripta eorum recurritur: ita & doctrina Apostolica ex eorum scriptis apparet. Quare inane est hoc primum tuum effugium, & paris momenti sunt reliqua. Quis enim unquam

SSS 4

asseruit,



asseruit, *Costere, ne unum quidem hominem posteritati reli-*  
*ctum, qui sinceram doctrinam Apostolicam per omnia inte-*  
*gram, incorruptamque tenuerit, posterisque tradiderit?* Nam  
 quam multi extiterunt viri pii, qui nihil omnino scripserunt?  
 quam multa etiam scripta interciderunt? Quare ex iis quæ  
 supersunt, de reliquis omnibus non est ferendum iudicium.  
 Deinde si doctrinæ Christianæ fundamentum spectes, vete-  
 res scriptores non paucos (etsi suos habuerint naves) veram  
 doctrinam conservasse ac tradidisse agnoscimus. Sed excipis,  
*admirandum amplius, quod statim à primis illis temporibus A-*  
*postolorum iidem prorsus, per universum orbem errores irre-*  
*pererint:* verum nihil hîc admiratione dignum; quia S. San-  
 ctus id prænuñciavit. *Iam enim* (ait Apostolus) *peragitur my-*  
*sterium iniquitatis, 2. Thess. 2. 7. & Apostolis etiam super-*  
*stitibus Judaismus & inanis Philosophia pleraque ecclesias*  
*corruerunt, Col. 1. & 3. & c.* Apostolis verò vita defunctis  
 à verbi puritate deflecentibus viris primariis, facile reliqui  
 auctoritate illorum decepti hallucinati sunt, quemadmo-  
 dum ex Papia, Origine & similibus, <sup>a</sup> videre est. Sed quibus  
 exemplis sententiam tuam demonstras? *Certum* (inquis) *est*  
*ut testatur B. Irenæus, sacrificium missæ in omni loco Deo obla-*  
*tum statim à morte Apostolorum Christi fuisse:* imo contra cer-  
 tum est sacrificium Missæ Pontificiæ, Orthodoxæ antiquita-  
 ti, fuisse ignotum. Etenim nonne Missam hisce elogiis vul-  
 gò ornare & appellare soletis, *sacrificium propitiatorium cul-*  
*pæ, satisfactorium pœnæ, meritorium gratiæ, impetratorium*  
*denique omnis generis beneficiorum pro vivis, & pro mortuis:*  
 ut interim de missa privata & sicca, aliisque vestris in Chri-  
 stianam religionem contumeliis, taceam. Quorum nihil om-  
 nino ex Sacris Literis, nihil, secundum eas, ex orthodo-  
 xæ antiquitate, probari potest. Nam quod Irenæi auctorita-  
 tem prætendis, erras non solum memoria, quum lib. 3. cap.  
 3. pro lib. 4. cap. 32. & 34. citas, sed etiam iudicio: Nam  
 Irenæus nullam omnino Missæ facit mentionem, sed eucha-  
 ristix & gratitudinis fidelium: qua in ecclesia, ex more vul-  
 gatò, offerebant panem, vinum, & reliqua, in usum partim  
 Cœnæ Dominicæ, partim ecclesiæ ministrorum, partim  
 pauperum. Quam oblationem sacrificium Irenæus nominat,  
 non propitiatorium redimendis peccatis, sed eucharisticum,  
 gratitudinis ergò, *quod alimenta nobis præstet Deus.* Quo sen-  
 su Apostolus ait, *Per ipsum igitur assidue offeramus Deo sa-*  
*cificium laudis, id est, fructum laborum consentium nomi-*  
*ni ejus. Beneficentia verò & communicationis ne obliviscimi-*  
*ni; talibus enim beneficiis delectatur Deus, Heb. 13. 15, 16.* Et  
 alibi: *Expletus sum posteaquam accepi ab Epaphrodiso, quæ à*  
*vobis missa sunt, odorem fragrantia, hostiam acceptam ac gra-*  
*tiam Deo, Phil. 4.* Idque ex loco Irenæi demonstrari potest:  
 quem, quia plurimum ad Missam vestram stabiliendam per-  
 tinere arbitraris, non pigebit totum ascribere. Sed (inquit  
 ille lib. 4. cap. 32.) *& suis discipulis dans consilium primitias*  
*Deo offerre ex suis creaturis, non quasi indigenti, sed ut ipsi*  
*nec infructuosi nec ingrati sint, cum qui ex creatura panis est*  
*accepit & gratias egit, dicens: Hoc est corpus meum: & cali-*  
*cem similiter, qui est ex ea creatura, quæ est secundum nos,*  
*suum sanguinem confessus est, & novi testamenti, novam*  
*docuit oblationem, quam Ecclesia ab Apostolis accipiens in uni-*  
*verso mundo offert Deo, ei qui alimenta nobis præstat primitias*  
*suorum munerum in Novo testamento, de quo in duodecim pro-*  
*phetis Malachias sic præsignificavit: Non est mihi voluntas in*  
*vobis, dicit Dominus omnipotens, & sacrificium non accipiam*  
*de manibus vestris. Quoniam ab ortu solis usque ad occasum*  
*nomen meum glorificatur inter gentes, & in omni loco immen-*  
*sum offertur nomini meo & sacrificium purum. Quoniam ma-*  
*gnum est nomen meum in gentibus, dicit Dominus omnipotens:*  
*manifestissime significans per hac, quoniam prior quidem popu-*  
*lus cessavit offerre Deo: omni autem loco sacrificium offertur ei,*  
*& hoc purum: nomen autem ejus glorificatur in gentibus.* Et  
 cap. 34. *Quoniam igitur cum simplicitate ecclesia offert iuste*  
*munus ejus purum, sacrificium apud Deum deputatum est.*  
*Quemadmodum & Paulus Philippensibus ait, Repletus sum*  
*acceptis ab Epaphrodiso, quæ à vobis missa sunt, odorem suavi-*  
*tatis, hostiam acceptabilem, placentem Deo. Oportet enim nos*

<sup>a</sup> Eusebius eccl. hist. lib. 3. cap. 6.

oblationem Deo facere, & in omnibus gratos inveniri fabrica-  
 tori Deo in sententia pura & fide, sine hypocrisi, in spe firma, in  
 delectione ferventi, primitias earum, quæ sunt ejus creatura-  
 rum, offerentes, & hanc oblationem ecclesia sola purum offert  
 fabricatori, offerens & cum gratiarum actione ex creatura e-  
 jus. Atque hæc adversus Missam. De satisfactionibus vero  
 jam antea respondimus. Quare confidenter potius quàm ve-  
 rè gloriaris, ea quæ adducis, nos inspicari non posse. Deinde  
 iniquè Calvinum reprehendis, quod patet (quos alioqui  
 omnes magnificamus) hallucinationes aliquas tribuit. Etsi e-  
 nim Apostolorum temporibus fuerint propinquiore, id ta-  
 men ab errore eos minimè liberat. Errare, labi, decipi, hu-  
 manum est. Quod ut melius appareat, quum plurima suppet-  
 unt argumenta, paucis & perspicuis exemplis id demonstra-  
 bo, non ut dignitatem eorum minuam, sed ut veritati divinæ  
 necessariò consulatur. Optarim enim me omnia patrum anti-  
 quorum dicta posse iustè probare & excusare: aut lapsus eo-  
 rum, ex charitatis officio & debita iis reverentia honestè pos-  
 se tegere.

Sed prius non patitur rei veritas, nec auctoritas Dei quem  
 proclamantem audio: *Va qui dicitis malum, bonum; & bo-*  
*num, malum: ponentes tenebras lucem, & lucem tenebras:*  
*ponentes amarum dulce, & dulce amarum, Esa. 5. 20.* Eo-  
 que meritò Scholasticorum & reliquorum Romanæ ecclesiæ  
 Theologorum in Patrum sententiis exponendis, mala fides  
 fugienda est. Nam quod de Thoma Aquinate ait Cajetanus,  
 id reliquis plerisque Pontificiis scriptoribus commune est:  
*Frequenter* (inquit in 3. Thom. q. 27. arg. 4.) *auctor sicut in*  
*Philosophia Aristotelem ut Philosophum exponit, quidquid*  
*ipse Aristoteles senserit: ita in Theologia doctores, (Patres)*  
*ut Theologos, quidquid illi auctores senserint, exponere cona-*  
*tur; ut in sano salventur eorum verba sensu.* Nec enim hæc  
 modestia aut sapientia est (ut Cajetanus censet) sed contra  
 mala fides & inconstantia: quam etiam Ethnici Philosophi  
 naturæ & rectæ rationis ductu damnaverunt. Meritò enim  
 ab omnibus celebratur egregium illud de veritate honoran-  
 da Aristotelis dictum Ethic. ad Nicom. lib. 1. cap. 6. *Quæ no-*  
*bis, etsi difficilis est questio, quod nobis amici sunt ii, quidam*  
*induxerunt, tamen æquum est, veritatis retinenda causa, sua e-*  
*tiam decreta tollere, philosophos præsertim. Etsi enim utrique*  
*chari sunt, tamen præclarum est plurius estimare veritatem.* Ita-  
 que in meliorem partem ex charitatis lege, (quæ optima in  
 dubiis sperare jubet 1. Cor. 13.) aliorum dicta exponenda sunt.  
 Sed ubi certò de falsa sententia constat, sine turpi fraude & ve-  
 ritatis Christianæ jactura excusari non potest. Alterum verò  
 quod optarim, est, ut Patrum errores honestè possem silen-  
 tio tegere; sed obstat adversariorum importunitas, qui cum  
 magno veritatis & infirmorum dispendio immodicè patres  
 extollunt, & relictis plerumque sanioribus sententiis, naves  
 eorum excerpunt & oraculi instar fidelibus obtrudere conan-  
 tur. Quare rectè nostri historici & Theologi liberè & piè  
 patrum errores notant, ne in eos, tanquam in scopulos, im-  
 prudentes lectores impingant.

Ac propterea ut in re non minus odiosa, quam necessa-  
 ria justam omnium reprehensionem devitem, divinæ verita-  
 tis & salutis ecclesiæ studio è multis certos patrum errores  
 proponam, quos Pontificii nulla probare possunt ratione,  
 sed nobiscum pariter averfantur. <sup>a</sup> Ac primum Cerinthe de  
 mille regni Christi annis errorem amplexus est Justinus Mar-  
 tyr, contra Tryphonem, & Papias, qui (ut Eusebius re-  
 fert historia ecclesiastica libro tertio, capite trigesimo sexto)  
 quam plurimis post se ecclesiasticis viris ejusdem erroris causam  
 dedit, quod ad antiquitatem ipsius respexerunt, utpote Irenæo,  
 & c. Eundem errorem secuti sunt Tertullianus contra Marcio-  
 nem libro 2. Lactantius Firmianus lib. 7. cap. 24. Apollina-  
 rius, Victorinus Pictaviensis, & alii, ut testatur Hierony-  
 mus in catalogo scriptorum Ecclesiasticorum, cap. Papias.  
 Omitto fabulosas Papiæ, Tertulliani, & aliorum veterum tra-  
 ditiones, quas vulgo Apostolicas appellarunt. Deinde Justi-  
 nus Martyr Apologia secunda magno errore ait; *Qui cum*  
*ratione vixerunt, Christiani sunt, etsi non novisse Deum a-*  
*ssimatisint: quales apud Græcos Socrates, Heraclitus atque fi-*

<sup>a</sup> Patrum errores vari.

miles. Irenæi quoque errores alii, non ignoti sunt. Ait enim *Enochum legatione Dei ad Angelos functum*, libro 4. cap. 30. *Fidem esse in potestate nostri liberi arbitrii*, libro 4. cap. 72. *Christum docuisse annos fere viginti: crucifixum vero circa annum ætatis sue quinquagesimum: idque traditionem esse Apostolicam* statuit lib. 2. cap. 39. & 40. Contra *Clemens Alexandrinus*, Origenis præceptor contrario errore (quem in Valentianis reprehendit Irenæus libro 2. cap. 38.) ait, *Christum unicum tantum annum docuisse, & crucifixum quum annorum esset triginta: abusus ad id loco Esaia 61.2. ut predicarem annum placabilem Domino*. Deinde majore errore ait, *Christum nec esurisse verè, nec verè sitisse, & impatibilem, gaudii ac doloris expertem. Apostolos etiam post resurrectionem Christi ab affectibus fuisse liberos*, Stromatum lib. 6. pag. 301. Præterea *Christum & Apostolos omnibus animabus, quæ apud Inferoerant, annunciasse Evangelium, ut quæ ad fidem in inferno converterentur, eas servaret; reliquas verò in incredulitate perdurantes, justè damnares*, ibid. lib. 6. pag. 295. Origenis verò errores prætereo, quia tam multi & graves fuerunt, ut inde *Origenistarum* secta appellata sit. *Cypriani & Synodi Africanæ de Baptismo hæreticorum error* notissimus est, ex lib. 2. epist. 1. ad Stephanum Papam Romanum. *Hilarius* ait, *Deum nec pios, nec impios judicaturum, sed medios*, in Psalmum primum. Et alibi: *Christi animam tristem fuisse usque ad mortem, non metu mortis; sed quod quum spiritus blasphemiam nec hic, nec in æternum remittatur; metuerit, ne discipuli se Deum abnegarent, quem casum & conspuum & crucifixum essent contemplati*, In Matth. Can. 31. De corpore Christi docet etiam, primum *illud non habere originem ex Maria (ut quæ incrementa tantum & partum contulerit) sed ex cælo & S. Sancto*. De trinitate lib. 10. Deinde *corpus Christi passum sine ullo dolore*, ibid. Denique *tandem id in finem mundi mutatum iri in naturam divinam, ne Christus ex parte Deus sit, sed totus Deus*, lib. 11. *Ambrosius* quoque contra historiam Evangelicam veritatem Petri abnegationem mirificè extenuat & excusat commentariis in Lucam lib. 10. c. 22. quam sententiam merito reprehendit Hieronymus commentariis in Matth. cap. 26. Deinde *Paradisum, quem Moses describit, non in terra, sed in animo hominis, contra scripturæ veritatem, constituit, & totam illius historiam variè deformat*, lib. 6. epist. 62. *Hieronymus* tradidit *Angelos multis seculis ante mundum creatum existisse ac Deo servasse*, comment. ad Titum 1. *Dei providentiam singulas res etiam vilissimas nosse*, negat commentariis in Habac. 1. In argumento verò de Petri reprehensione & Apostolorum veritate quam graviter aberravit in comment. ad Gal. 2. demonstrat *Augustinus* ep. 19. qui suos etiam habuit ævos. Quamvis enim Patrum omnium communi sententia, purissimus habeatur, hominem tamen se esse qui errare potuerit & errarit sæpius, non solum Christiano & singulari candore suis *Retractionum* libris confessus est, sed alia etiam, quæ non animadvertit, idem testantur. Quale est illud, quod infantibus cænam Domini ad salutem omnino necessariam asserit, Tomo 7. De peccatorum meritis contra Pelagianos, lib. 1. cap. 20. & aliis in locis. Nec is privatus fuit Augustini error, sed aliis etiam Patribus communis. Quippe propterea infantibus cænam Domini, contra Christi institutionem ministrabant, ut ex Augustino colligitur, tom. 10. sermone de verbis Apostoli, & tom. 2. epist. 107. & ex Cypriano, sermone De lapsis: cujus etiam loci Augustinus meminit. *Chrysostomus* & cæteros Græcos patres, vel illud etiam erroris satis convincit, quod liberi arbitrii vires tantoperè extollant, ut ejus dignitate nos præparari ad gratiam statuunt. Quam Græcorum Patrum doctrinam cavendam & repudiandam

esse, meritò <sup>a</sup> Lovaniensis vester Theologus ac promachus vester agnoscit. Denique conciliorum multorum, tam universalium quam particularium errores <sup>b</sup> alibi ostendimus. Quare nullam orthodoxis patribus facimus injuriam, quum *hallucinationes aliquas* iis tribuimus, & quum scenum ac stipulam doctrinæ humanæ ab auro divini verbi secernimus. Quam multa enim præterea quæ recensuimus in sacrarum literarum interpretatione, à Spiritu Sancti mente aliena protulerunt? Quanta sententiarum in rebus gravissimis diversitas?

Sed excipis; *Si statim post Apostolos corrupta est fides, perierit, utique*: sanè, si te audire lubeat; at si veritatem spectes, facile comperies, quod ut non omnia corporis vulnera mortem inferunt, sic nec quævis fidei corruptio illius interitum adducit. Nam quod ais *fidem esse unam*, quis negat? Sed quosdam unitatis illius esse gradus, ex scriptura Dei & experientia ecclesiæ cognosci potest. *Alii enim* (ut Apostolus 1. Cor. 3. 12. testatur) *superadificant fundamentum, aurum, argentum, lapides pretiosos; alii ligna, fœnum, stipulam*. Idque ex iis patrum exemplis quæ retulimus, perspicue comprobatur. Unde etiam liquet, quanta sit consequentiæ illius & sequentium vanitas, quum ais: *si fides perierit, interit simul ecclesia*: quum neutrum periisse demonstremus. Eiusdem momenti est inanis ista gloriatio, qua novitatem nobis exprobras. Nam quum in ea accusatione nihil adferas novi, sed cramben antè sæpius refutam reponas: non est cur de ea refellenda multum laboremus. Flagitas à nobis ut antiquitatem doctrinæ nostræ probemus? Sacrarum literarum auctoritatem & iis consentientem veteris ecclesiæ consensum producimus, ut ex antecedentibus constat. Quare frustra ad antiquos patres, præsertim quum vobis adversentur, nos provocas. Huc accedit quod nunquam defuerunt orthodoxi, ne in medio quidem Papatu, qui genua sua Baali non incurvarunt. Sed quemadmodum pii Israëlitarum Eliæ temporibus furore Achabi afflicti sese abdiderunt: sic verè fideles, Majorum memoria, tyrannide pontificia pressa, sæpius latebras quærere coacti sunt. E quibus tamen emerferunt nonnumquam & liberiore voce usi sunt: sed subitò calumniis, furca, ferro, flamma eos repressistis. Nam quid, obsecro, de fidei fundamentis à nostris docetur Ecclesiis, quod non ante trecentos annos, ut alia omittam, Waldo, & pii illius discipuli ad Lutheri usque tempora constantissimè docuerunt? Quid in Pontificiis errorum reprehendimus, quod non à multis seculis à plurimis viris piis factitatum? Demonstrant id Veterum scripta, & ex eorum testimoniis *Catalogus testium veritatis & martyrum Christi historia*. Nam quod objicis, *Lutherus ipse fatetur à nullo homine se institutum, sed à solo Christo, agnoscitque se primum dogmatis auctorem*, non solum falsò, sed etiam ineptè asseritur. Falsò quidem, quod nullo Lutheri testimonio id probare potes: ineptè verò, quod contraria copulas. Nam si à solo Christo se institutum gloriatur quomodo se primum dogmatis sui inventorem gloriari possit? Quorsum igitur Waldensium & Hussi fidem tantoperè commendat? Cur patres Orthodoxos, cur Sac. L. ad dogmatum suorum veritatem confirmandam adducit? Sed hac scilicet ratione adversarios oppugnare soletis, ut quum veritatem extinguere non possitis argumentis, eam calumniis variis obscurare studeatis. Ex quibus etiam apparet, quàm frivola sit etiam illa de occultis (ut vocas) Lutheranis exceptio. Etsi enim ecclesiam persecutionibus pontificum penè oppressam, quasi ignem sub cineribus, latuisse interdum statuamus, nihilominus tamen ex ea scintilla quædam subinde emicuerunt, ex quibus ecclesia innotuit. Itaque non est cur novitatem doctrinæ aut ecclesiæ nobis obijcetes.

<sup>a</sup> Stapletonus Antidot. Evangel. in Joh. 6. 37. <sup>b</sup> Lib. 2. de sacra script.

## CAPUT QUINTUM.

*Verum quum in oppugnanda orthodoxa ecclesia nihil sis assecutus, videamus porro an Pontificiam paulo felicius tuearis.*

## COSTERUS.

*Antiquitas ecclesie Catholicae, ejus Propagatio & Successio.*

**C**onvertat porro nunc se homo prudens, suae salutis amans, ad ecclesiam Romanam, ejus intueatur originem, consulat annales, Graecaeque & Latinas historias, inspicat veterum monumenta, templa, monasteria, sacram suppellectilem, ritus & ceremonias, & quidquid demum aliquid antiquitatis refert, inveniet ante annos 100.200.300. & usque ad 1500. eandem doctrinam, eandem fidem, eandem ecclesiam, quovis tempore, per omnes aetatum gradus extitisse. Sive enim ascendat ad Apostolos, cognoscat eandem fidem in Catholicis hac nostra tempestate viventibus, atque in eorum parentibus ante annos 100. & in istorum avis, abavis, ceterisque majoribus re nulla prorsus variata: sive descendat, manifeste videbit perpetuam ab Apostolis ad nos usque nullo unquam tempore interruptam successionem. Videbit ex Christi Domini mandato primum quidem praedicatum esse Evangelium Hierosolymis, tum in omni Judaea & Samaria, demum ad ultimos terrae fines, Act. 1.8. & Heb. 2.6. Ut namque Orientales, & Meridionales praetermittamus, certum est Germaniam utramque & Galliam nunquam aliam didicisse fidem, quam quae hodie a Catholicis servatur. B. Petrus Germanis misit Crescentem, qui Moguntinis; Eucharium & Valerium, qui Treveris; Maternum, qui Tongris & Coloniensibus evangelium praedicarunt. Ad Gallorum conversionem ablegavit Sixtum, Sinicium, Amantium, Mennium qui Rhemensem ecclesiam fundarunt: Savinianum & Potentianum, qui Senonensem; Altinum qui Aurelianensem; Adventinum, qui Carnotensem; Autromonium, qui Avernensem; Martialem, qui Burdegalensem, pluresque alias. D. Petri successor Clemens in Gallias direxit Dionys. Areopagitam, cum Rustico & Eleutherio, qui Parisienses fidem docuit, & Virdunensibus Sanctinum Episcopum dedit: Exuperium; qui Bajocensis primus praefuit; Taurinum, qui Ebroicensibus; Eutropium, qui Xantonensibus; S. Photinum qui Lugdunensibus. Hiporro eandem quam a B. Petro atque Clemente acceperant fidem & religionem ad posteros transmiserunt: populos non alia quam Catholica fide imbuerunt, & novis ecclesiis Episcopos praefecerunt: quae in re non parvam operam praestitit in Gallia temporibus Clodovaei B. Remigius Remensis Episc. & in Germania B. Bonifacius Moguntinus, primus Archiepiscopus, qui auctoritate Stephani Romani Pontificis, auxilioque Caroli M. Imp. multas ecclesias crexit & Episcopales Cathedras instituit.

Nec cessarunt interea Romani Pontifices, qui sibi universalis ecclesiae curam non ignorabant esse commissam, subinde novos Doctores & Pastores emittere, Medardum, Peregrinum, Agricium, Amandum, Wilebrordum, Rumoldum, qui Gallicas & Belgicas aliquot provincias ad Christi fidem adduxerunt. In Angliam primum a S. Lupus & S. Germanus, temporibus Attilae; tum a B. Gregorio Magno, S. Augustinus cum sociis missi fuerunt.

a Fuit tempore Lucii regis.

## GOMARUS.

Magnifica oratio! quae assensum omnino meretur, si veritati conveniret; sed cum ab ea dissideat, non est cur provocationem tuam metuamus. *Convertat se* (ut hortaris) *homo prudens, suae salutis amans ad ecclesiam Romanam: ejus intueatur originem, consulat annales, Graecaeque & Latinas historias inspicat, veterum monumenta, templa, monasteria sacram suppellectilem, ritus & ceremonias, comperiet omnino, non eandem, ut gloriaris, doctrinam, & eandem eccle-*

*siam vestram per omnes aetatum gradus extitisse.* Nam ut a prima illius origine exordiamur, quemadmodum Pauli tempore sincera & illustris fuit Romanae ecclesiae fides, quae expressa & confirmata est epistola ad Romanos: Sic hisce temporibus Romana fides adeo deformata est, ut epistola illa non tam ad Romanos, quam contra Romanos scripta videatur. Ceterum ne quid a nobis attentus lector desideret, pauca ad inanem Costeri jactationem reprimendam exempla proponam, quibus non eandem semper cum majoribus doctrinam in Romana Ecclesia viguisse demonstrabo.

*Patrum & Romana ecclesia dissidia in doctrina religionis.*

## 1. De S. Scriptura.

Nam ut a scriptura exordiar, eosdem libros divinos nobiscum agnoscit Hieronymus, Prologo Galeato: reliquos qui apocryphi dicuntur, rejicit: vos contra huic sententiae anathema denunciatis, Concil. Trid. sess. 4.

## 2. De Pontifice Romano.

Deinde Pontificem Romanum docet Hieronymus jure divino aliis Episcopis minime superiorem, tom. 2. Ep. ad Euagrium: vos contra eum *Caput Episcoporum* affirmatis, a quo tanquam membra descendunt, & de cujus plenitudine omnes accipiunt, Durandus Rationali divinorum offic. lib. 2. c. 1. Gregor. M. Papa Imperatori potestatem super omnes homines calitus datam agnoscit, seque indignum famulum Imperatoris, cujus mandatis ex officio sibi parendum sit, aperte profitetur, Ep. lib. 2. ep. 61. ad Mauritium imperatorem: contra vero Papa Bonifacius 8. statuit *ad salutem necessarium, ut omnes mortales etiam Reges & Imperatores Pontificis subsint imperio*: Extravag. com. lib. 1. De auctoritate & obed. c. 1. Unam sanctam: ideoque Philippum Pulcrum Galliae Regem (quod huic edicto resisteret, ac Bonifacium haereticos accusaret) excommunicavit: quem tamen postea, rescisso Bonifacii decreto Clemens Pontifex laudavit & absolvit; Extravag. com. lib. 5. De privilegiis, c. 2. Praeterea Patres & Concilia Pontifices Romanos non paucos haereticos insimulant ac damnant. Hieronymus in Chronico Eusebii & Concilium sextum. Tu contra *Papam solum errare non posse in fide*, contendis.

## 3. De Eucharistia signis.

Poculi usum in Cena Domini sine sacrilegio omitti non posse Gelasius Papa recte decernit, De consecratione, dist. 2. §. comperimus. Contra ecclesiam Romanam Concil. Trident. ei qui hoc senserit, anathema denunciat, sess. 21. can. 1. Et tamen veritatis hujus doctrinae Pontificum novitatem fateatur, his verbis: *Quare agnoscens sancta mater ecclesia hanc suam in administratione sacramentorum auctoritatem, licet ab initio Christiana religionis non infrequens utriusque speciei usus fuisset; tamen progressu temporis latissime mutata iam illa consuetudine, gravibus & justis causis adducta, hanc consuetudinem sub altera specie communicandi approbavit, & pro lege haberi decrevit*, ibid. c. 2.

## 4. De Eucharistia necessitate &amp; usu.

Deinde Innocentius Papa cum Augustino & aliis Patribus a Christi & Apostol. doctrina declinans, infantibus Cenae Dominicae usum non solum licitum; sed etiam ad salutem necessarium male sensit; In epist. Augustini, epist. 93. Contra vero ecclesiam Romanam concilio Trident. hanc sententiam anathemate feriit ac condemnavit, sess. 21. can. 1.

## 5. De Imaginibus.

Imagines Dei in ecclesia fieri prohibuit Concilium Eliberitum, can. 36. contra Greg. Magn. Papa permisit, sed adorari

raritamen vetuit: epist. lib. 9. epist. 9. Utrique verò repugnans impurum illud concilium Nicenum secundum imagines etiam adorandas decrevit. Quæ profana sententia adeò apud pontificios invaluit, ut imagines Christi & crucem eadem adoratione divina adoretis cum Christo & invocetis. Quare Thomas Aquinas summa part. 3. q. 25. ait, *Illi exhibemus latria cultum, in quo ponimus spem salutis. Sed in cruce Christi ponimus spem salutis: cantat enim ecclesia:*

*O crux ave spes unica,*

*Hoc passionis tempore*

*Auge pii justitiam,*

*Reisque dona veniam.*

Ergo crux Christi adoranda est adoratione latria. Hæc Thom. Atque ex hisce liquere satis arbitror quantoperè ab antiqua ecclesiæ doctrina dissideatis: ac propterea quanta orationis tuæ sit vanitas quum de fidei vestræ constantia, & irrupta ab Apostolis successionem gloriaris. Nam si illi, quos recenses (quàm fideliter, non excutio) *maiores, eandem quam à Petro atque Clemente acceperant fidem & religionem* (ut mones) *ad posterum transmiserunt*: sequitur omninò necessariò aliam esse fidem vestram, ut quæ à Petri doctrina dissentiat, quemadmodum antea demonstravi, & collatis paucis Petri & Papæ sententiis liquere potest.

*Petri & Papæ dissidium in doctrina.*

Petrus enim Christum principem pastorem 1. epist. 5. 1. 4. se contrà Apostolum Christi & unà cum aliis presbyterum agnoscit & dominium in clerum vetat: contrà verò Papa se, summum sacerdotem, caput omnium ac dominum prædicat. Deinde Petrus quum simulatione imprudenti noceret ecclesiæ, justam & acrem Pauli reprehensionem submisit pertulit, Gal. 2. 14. accusatus etiam injustè, patienter & modestè facti rationem reddens se defendit, & reliquorum Apostolorum consensu cum Johanne ad Samaritanam ecclesiam confirmandam missus, piè obtemperavit, Act. 11. 24. Act. 8. 14, 15. Contra verò Romanus Pontifex nulli imperatori, nulli concilio se submittit, nullius mortalium reprehensionem admittit, *etiamsi* (ut jus Pontificium asserit Distinct. 40. §. si papa) *innumerales populos catervatim secum raptaret in Gehennam*. Petrus nullibi se ecclesiæ fundamentum vocat, sed soli Christo hunc honorem defert: 1. Pet. 2. 4. Contrarium verò statuit Pontifex. Petrus asserit, Act. 4. 12. *non esse in alio quoquam quàm in Christo salutem, nec aliud nomen esse sub cælo quoddatum sit inter homines, per quod oporteat nos servari*: Pontifex verò virginis Mariæ & Sanctorum nomina<sup>a</sup> adjungit: quorum merita cum Christi meritis ad salutem nostram in unum indulgentiarum (ut vocatis) thesaurum conflant, ac pro arbitrio dispensat. Petrus Act. 15. 9. 11. docuit *corda fidelium fide purificari*, ac solâ gratiâ Domini nostri Jesu Christi salutem provenire: Pontifex verò etiam meritis operum suorum salutem adscribit. Petrus docuit Christum, qui in cælos ascendit, *oportere cælo contineri ad tempora instaurationis omnium*, Act. 3. 21. Pontifex contrà, corpus Christi infinitis penè locis, quibus in terra Missa celebratur, sub speciebus panis & singulis particulis illius integrum contineri asserit. Petrus spiritualia tantum N. Test. post Christum sacrificia agnoscit, & Christum semel pro peccatis nostris passum ut nos ad Deum adduceret, cum reliquis Apostolis proponit, 1. Pet. 2. 5. c. 3. 18. Pontifex contra, corporis Christi semel pro nobis in cruce oblato incruentum sacrificium in Missa constituit. Quare cum Pontifex Romanus tantoperè à Petri doctrina (quam discipulos ejus secutos asserit) dissentiat, facile vident lectores, quàm inanitas illa sit vestræ cum antiqua ecclesiæ consensionis gloria. Et si enim Romani Pontificis curam tam splendide commendat, fidei tamen sinceritatem probare non potes. Universalis ecclesiæ curam sibi commissam gloriatur, sed quam indignè, proxima de Pontifice controversia apparebit. Pontifices Romani doctores & Pastores emisserunt multos, sed ah omnes recti ductores aut potius seductores, merito quæri potest. Quod ut fiat perspicuum, quæ de Bonifacio recenses, examinemus: *In Germania* (inquis) *B. Bonifacius Moguntinus*

*primus archiepiscopus, qui auctoritate Stephani Romani Pontificis auxilioque Caroli Magni imperatoris multas ecclesias erexit & episcopales cathedras constituit*. Verum primum in historia aberras. Hæc enim non auctoritate Stephani secundi; sed Gregorii tertii & Zachariæ Pontificis; nec auxilio Caroli Magni Imperatoris, sed Caroli Martelli avi illius & Carolomani patris contigerunt. Idque non solum ex Mariano Scoto & melioribus Chronicis,<sup>a</sup> sed etiam ex eorum Pontificum & Bonifacii epistolis demonstratur. Quas si quis diligenter evolvet & historiam scrutetur, certò comperiet, quantoperè à vera Christi doctrina & ab Apostolorum fide Pontifices illi cum Bonifacio vestro declinarint. Nam primum quum Christus pronunciet, *Quicumque dimiserit uxorem suam nisi ob fornicationem, & aliam duxerit, eum moechari*, Matt. 5. 32. contra Gregorius tertius Papa,<sup>b</sup> in epistola quadam ad Bonifacium repugnat his verbis: *Nam quod posuisti, quod si mulier infirmitate correpta non valuerit debitum viro reddere, quid ejus facies jugalis? Bonum esset si sic permaneres, ut abstinentia vacares: sed quia hoc magnorum est, ille qui se non poterit continere, nubat magis, non tamen subsidii opem subtrahat ab illa quam infirmitas præpedit & non detestabilis culpa excludit*. Deinde quanta in Bonifacio & Zacharia Pontifice fuerit superstitio, & divinarum rerum imperitia, patet ex duobus (ut alia sileam) exemplis epistolæ Zachariæ Papæ ad Bonifacium. Quorum prius totidem verbis continetur: *Flagitasti à nobis quæ recipienda, quæ respondenda sint: imprimis de volatilibus, id est, graculis & corniculis atque ciconiis? quæ omninò cavenda sunt ab esu Christianorum: etiam & fibri, atque lepores, & equi sylvatici multò amplius. Attamen, sanctissime frater, de omnibus scripturis sacris maxime comperis es*. Annon id est Judaizare & abrogatas à Christo ceremonias in usum revocare, adversus disertum sacrarum literarum præscriptum? Col. 2. 16. 17. &c. Nec sanctius aut doctius est alterum ex iisdem literis exemplum hoc: *Et hoc inquisisti, post quantum temporis debet lardum comedi? Nobis à patribus constitutum hoc non est: tibi autem petenti consilium præbemus, quod non oporteat illud manduci priusquam sub fumo siccetur aut igne coquatur. Si vero libet ut incoctum manducetur, post Paschalem festivitatem erit manducandum*. Quid hac quæstione & responsione ineptius dici aut fingi potest? Quare ex hisce perspicuis exemplis constat, quanta in Bonifacio sacrarum literarum & officii fuerit imperitia: quanta in Pontifice Romano superstitio & stultitia, qua scripturæ sacræ peritiam Bonifacio ascribit, qui adeò doctrinæ Christianæ fuit ignarus, ut quando lardum comedi posset, ignoraret: quanta denique in utroque à Christi doctrina dissensio. Quæ vitæ improbitate se amplius prodidit ac patefacit. Quam ad rem unicum suffecerit exemplum, cujus cum antè breviter facta sit mentio, explicatius id non meis, sed Mariani Scoti Monachi antiqui verbis in Chronico proponam: *Zacharias, inquit, Papa ex auctoritate S. Petri Apostoli mandat populo Francorum, ut Pipinus qui potestate regia utebatur, etiam nominis dignitate frueretur. Ita Hildericus Rex qui ultimus Merovingorum Francis imperabat depositus & in monasterium missus est. Pipinus vero in civitate Suesonum à sancto Bonifacio archiepiscopo in regem unctus, regni honore sublimatus est. Et deinde ob id post Papam habetur Moguntinus episcopus usq; in hodiernum diem*. Quare ex hoc improbabissimo Zachariæ Papæ & Bonifacii facinore, quamvis id juris humani & divini specie fucare studeat Marianus<sup>c</sup> & Gelasius Papa, pii tamen & prudentiores non obscurè vident summam Pipini in legitimum dominum suum perfidiam, & Papæ ac Bonifacii arrogantiam & injustitiam singularem. Quis enim ignorat ista oracula Christi: *Reddite quæ sunt Cæsaris, Cæsari; & quæ Dei sunt, Deo?* Matth. 22. 21. Et Paulus, *Omnis anima sublimioribus potestatibus subdita sit*, Rom. 13. 1. Et Petri: *Subjecti igitur esto te omni humana creatura propter Deum, sive regi, quasi præcellenti, sive ducibus tanquam ab eo missis, ad vindictam malefactorum, laudem verò bonorum?* 1. Pet. 2. 13. Quæ sancta Dei præcepta, ut alia multa, quum profanè Bonifacius

<sup>a</sup> Costerus de Pontifice.

<sup>a</sup> Vide Conciliorum tom. 3. <sup>b</sup> Concil. tom. 2. <sup>c</sup> Decreto causæ 15. can. 6. 9. Alius.



violarit, immerito à Pontifice in sanctorum relatus est album, & inique ex illius doctrina ecclesie Pontificie veritatem stabilire contendis. Quid etiam novo illi Augustino tribuendum sit, quantumque ab antiquo illo diffideat, ex quaestionibus illius ad Gregorium<sup>a</sup> facile potest judicari. Nam ad eò rerum sacrarum fuit ignarus, ut quaestione sexta dubitarit, *an conjugium cum noverca esset licitum*: quod seculus non solum<sup>b</sup> Sac. L. utroque testamento damnant, sed<sup>c</sup> etiam naturæ repugnare testantur. Quantas etiam Augustinus ille cum suis in ecclesia Britannica turbas concitarit, historiarum demonstrant. Quamobrem hujusmodi doctorum cumulo doctrinæ vestræ ab Apostolis deducta successio probari non potest. Quia & illi in multis ab Apostolorum consensu discesserunt; & vos corruptam illorum doctrinam magis magisque corrupistis: quemadmodum antè copiose comprobavi.

<sup>a</sup> Greg. Magnus Resp. ad interrog. Aug. <sup>b</sup> Lev. 18. <sup>c</sup> 1. Cor. 5. 1.

#### COSTERUS.

Hos autem omnes non aliam in sibi designatas provincias fidem atque doctrinam invexisse ab ea, quam posteri coluerunt, primum quidem ex eo manifestum evadit, quod à Romanis Pontificibus mandatum acceperint, eandem prædicandi fidem, quam Romæ didicerant: Romæ autem nunquam fuisse variatam fidem & religionem Christianam, scriptores omnes fatentur. Deinde verò, quod ferè per Monachos sit ad fidem conversa Germania & Anglia, & id quidem majori ex parte temporibus Caroli Magni: qui insigne *Monasterium Fuldense*, doctorum hominum seminarium, in Buchonia maximis sumptibus erexit atque fundavit: in quo nonnumquam præter Diaconos & inferiores Clericos 400. vixerunt sacerdotes monachi, ad Germanorum conversionem expediti. Denique quod eadem ubique religio, eadem ceremoniarum, divini cultus, eademque doctrina à posteris omnibus retineatur.

Idcirco vir prudens, qui fidem nullam, nullamque ecclesiam à prima origine in Germania & Galliis agnitam fuisse advertet, præter catholicam, cui præpositus est Romanus antistes, intelliget hanc esse verissimam ecclesiam à Christo evocatam, & constitutam; non recentes illas, quæ tametsi nihil præter Apostolicam fidem atque doctrinam, & verbum Dei in ore habeant, quærentes tamen originem suam, in medio hærent, neque ad Apostolos deveniunt.

Hac nota semper usi fuerunt majores nostri adversus hæreticos, & in Constantinopolitano symbolo pulchrè eam indicaverunt, quando ecclesiam vocaverunt *Apostolicam*, hoc est, quæ sine interruptione originem suam ad Apostolos ducit. Itaque sicut is de nobilitate non potest gloriari, qui licet jactet se à majoribus nobilibus prosapiam ducere, à patre tamen ignobili ex vili scorto est susceptus: ita neque hæretici veræ ecclesie laudem, quæ tot seculis manifesta & incorrupta perseveravit, sibi jure vindicare possunt. Atque ista de priori genere signi sufficiant.

#### GOMARUS.

Ais quidem hosce omnes (quos commemorasti majores vestros) non aliam in sibi designatas provincias fidem invexisse, ab ea, quam posteri coluerunt; sed argumentorum tuorum levitas è vestigio se prodat. *Primum* (inquis) *ex eo manifestum evadit, quod à Romanis Pontificibus mandatum acceperint eandem prædicandi fidem, quam Roma didicerant: Roma autem nunquam fuisse variatam fidem & religionem Christianam, scriptores omnes fatentur.* Imo verò secus de Romana fide testantur scriptores plurimi, & rei veritas, ut antè instituta Patrum & Pontificis Romani comparatione abundè demonstravi. Deinde verò ut id maxime largiremur, malè confuta est reliqua tua oratio. Quamvis enim à Romanis Pontificibus mandatum acceperint eandem prædicandi fidem, quam Romæ didicerant: an propterea id ipsi necessario executi sunt, & posteri eorum coluerunt? Nam ne longius abeam, Bonifacium illum Papæ legatum (cujus ante meminimus) paulisper considera: nonne merito à Zacharia Pont. Rom. <sup>a</sup> arguitur quod homi-

<sup>a</sup> Conc. tom. 2. ep. Zachariæ ad Bonifacium.

nem ab indocto sacerdote sermone corrupto *in nomine Patris & Filii & spiritus sancti* baptizatum, contra majorum doctrinam rebaptizavit? Ut interim omittam utriusque & Bonifacii & Zachariæ communem errorem; quo in sacramentorum administratione ignotam auditoribus linguam, contra Apostolorum præscriptum & antiquæ ecclesie usum, abhibuerunt. Altera etiam ratio tua par est momenti. Esto: *conversa sint aliquot regiones ferè monachorum industria*, an inde sequitur eos non aliam fidem docuisse, quam posteri tradiderunt? Interim ut id obiter dicam, Fuldensis monasterii ædificationem negligenter Carolo Magno ascribis: quod illius patruo deberi temporum ratio & Marianus Scotus Monachus Fuldensis testantur. Sed hosce errores historicos libentius condonaremus, si in religione vestra vigeret pietas. Nam quod postremum eandemque ubique religionem, eandem divini cultus ceremonias, eandem doctrinam à posteris omnibus retentam affirmas, id rei experientia confutatur. Nam quemadmodum doctrinam<sup>a</sup> vestram à majorum fide dissentire ostendi: sic idem de ceremoniis paucis comprobabo. Et ut arcem & caput ceremoniarum & religionis pontificie petam: quis ignoret, quanta jam olim in Missæ observatione extiterit varietas? Ad eò ut anceps hæserit hac in parte Augustinus ille Greg. Magni Pontificis legatus, & ab eo quaesierit: *cur quum una sit fides, sunt ecclesiarum consuetudines diverse? & altera consuetudo Missarum est in Romana ecclesia, atque altera in Galliarum ecclesiis tenetur?* Quam mirè canon Missæ à variis Pontificibus interpolatus & auctus sit, docet Platina & Mystes Pontificiorum Durandus. Et ne à nobis solum hanc ceremoniarum & constitutionum innovationem accusari putes, Gersonem Parisiensem Cancellarium audias, De vita spirituali animæ, lect. 2. *Fis amplius de levi iugo Christi, & lege libertatis iugum ferreum & onus grave, premens cervicem Christianorum, dum scilicet aliqui suas omnes leges, suas institutiones, suas regulas & statuta, arbitrari volunt accipiendas esse sicut præcepta legis Dei, ad æternæ mortis interitum, si prætereantur, mergetia, &c. Scimus quid dixerit Petrus Apostolus, Act. 15. Quid tentatis Deum, imponere iugum super cervicem discipulorum, quod neque nos, neque patres nostri portare possumus? Hoc animadvertens & pia compassione deplorans egregius doctor Augustinus ad inquisitionem Iannarii: Ipsam (inquit) religionem nostram, quam manifestissimis & paucissimis celebrationum sacramentis Dei voluit misericordia esse liberam, servilibus premunt oneribus: ut tolerabilior sit conditio Iudeorum, qui legalibus sacramentis, non humanis præsumptionibus, subjiciuntur. Si tuo tempore sic dolebas, ô sapiens Augustine: quid nostra tempestate dixisses: ubi pro varietate & motu capitum, incredibilis est varietas & dissona multiplicitas onerum hujusmodi servilium & humanarum, prout loqueris, præsumptionum.* Hactenus Gerson graviter quidem conqueritur; sed levius tamen quam rei indignitas postulat. Quamobrem ex hisce omnibus apparet, religionem Pontificiam non inde ab Apostolorum fontibus purè & constanter hactenus derivatam: quum nec doctrinæ, nec doctorum apud vos legitima successio diu permaneret integra: ut ex episcoporum Romanorum catalogo apparet. Quod verò de ecclesie nostræ origine aspergis, id antè confutatum est. Nec quidquam vos juvat quod ais, *hac successionis nota semper usos fuisse majores nostros adversus hæreticos, rectè factum, dum viguit doctrinæ successio, consentimus: sed eà paulatim vitiata, alia omninò est ratio.* Deinde quod addis, *in Constantinopolitano Symbolo eam indicasse, quando ecclesiam vocaverunt Apostolicam*, in eo hallucinaris. Nec enim tam propterea id factum est, quod sine interruptione originem suam ad Apostolos ducat, quam quod Apostolorum doctrinæ consentiat. Alioqui si doctrinæ puritas aut legitima muneris successio interrumpi in ecclesia non posset, nec Constantinopolitanam, nec Romanam, nec Alexandrinam, nec Antiochenam ecclesiam Apostolicam appellare licuisset. Nam Constantinopolitanæ ecclesie episcopi, Sergius, Pyrrhus, Paulus, Petrus: Romanæ, Honorius Papa: Cy-

<sup>a</sup> Vide Pastorale & Durandi Rationale divinarum offic. <sup>b</sup> Interrog. 3. ad Gregor. Magnum.

rus Alexandrinæ: Antiochenæ Macharius, post Symboli recitationem in eodem, quod citas, concilio Constantinopolitano, <sup>a</sup> hæreseos nomine perspicuè accusantur. Quare si

<sup>a</sup> Concil. 6. Constant. act. 17.

hæc legitima ecclesiæ nota est: sequitur Romanam ecclesiam non esse veram Christi ecclesiam, ut quæ irrupta, & perpetua successione careat.

## CAPUT SEXTUM.

*Atque ex hisce constat, irruptam & constantem in omnibus vera doctrina inde ab Apostolis successionem, non esse necessariam ecclesiæ Christiana notam: quia ut fusè initio hujus controversiæ demonstravimus, sacra litera & experientia (quæ ecclesiam errare posse docent) secus testantur.*

## C O S T E R U S.

## Nota Ecclesiæ.

**A**lia indicia sumuntur ex proprietatibus sensu notioribus, quæ multo, antequam dubitatio à quoquam moveretur, certissimis scriptis fuerunt indicatæ: ejusmodi in symbolo Constantinopolitano, aut potius symbolo Apostolico, tria exprimuntur, *una, sancta, Catholica.*

## I. Nota, Una.

Ecclesiæ unitas ab eadem doctrina fidei accipitur: cum enim se habeat ecclesia ad modum scholæ (sumus quippe & vocamur in scripturis discipuli) cernitur ecclesiarum diversitas à varietate doctrinæ. Sicut igitur quondam Academici, Peripatetici, Stoici, Cynici ex opinionibus distinguebantur; ita qui discrepantia de rebus fidei sentiunt, ad eandem non pertinent scholam seu Ecclesiam. Vir prudens itaque qui toties audivit in Sac. L. unitatem fidei commendari (*una fides, unum baptisma, Ephes. 4. 5. Sitis perfecti in eodem sensu, & in eadem sententia, &c. 1. Cor. 1. 10.*) quos viderit in negotiis religionis acriter contendere, facile intelliget non pertinere ad eandem ecclesiam. Discipuli Lutheri qui Augustinæ confessionis doctrinam amplectuntur, de rebus gravissimis inter se vehementer pugnant, & dissentiunt: de peccato Originali, de præsentia corporis Christi in Eucharistia, deque aliis innumeris: non igitur Lutheranorum cœtus vel Protestantium aut Confessionem Augustinam profitentium, est vera ecclesia, quia non una. Par ratio est Calvinistarum, qui in Calvinio-Papistas & Puritanos divisi sunt, & Anabaptistarum, qui in plurimas sunt sectas dissecti, atque ita de reliquis.

## G O M A R U S.

Alteram ecclesiæ notam ais esse unitatem, ac primum in eadem doctrina fidei. Verum si de vera doctrina intelligis, malè nostram sententiam, quæ hanc notam includit, rejecisti. Sin de quavis accipis, malè ecclesiam denotas. Nec enim quævis fidelium, sed verè fidelium unitas, ecclesiam constituit, ut trita illius definitio demonstrat. Atque hoc sensu, *una fides, unum baptisma: idem sensus, eademque scientia* ab Apostolo commendantur. Veruntamen unitatis hujus, in vera fide trii sunt gradus. Alia enim unitas in fundamento: illa ad ecclesiæ constitutionem; hæc verò conjuncta ad perfectionem pertinet. Quamobrem temerarium est, ut antè ostendi, judicium tuum, quo eos qui in negotiis religionis acriter contendunt, ad eandem ecclesiam pertinere denegas. Verum ea est Romanæ ecclesiæ tyrannus, ut iniquè & levi de causa ab ecclesiæ unitate dissentientes excludat. Nec mirum: quum olim etiam Victor, episcopus Romanus totius Asiæ ecclesias ob diversam diei Paschatis observationem temerariè & impiè excommunicavit: ac propterea meritò & acriter ab Irenæo reprehensus est. Ac sanè si quævis acrior de religione contentio ecclesiæ unitatem omnino dirimeret, non ad eandem ecclesiam Victor Papa & ecclesiæ Asiaticæ: nec Hieronymus cum Augustino & Rufino pertinerent. Quum itaque malè abs te definita sit ecclesiæ unitas, non mirum est, quod perperam discipulos Lutheri ad eandem ecclesiam pertinere objicis. Etsi enim inter se nonnulli infirmitate quadam ignorantia humanæ de quibusdam rebus disceptarint: inita tamen concordia negotium componere studuerunt. De

<sup>a</sup> Eusebius histor. eccles. lib. 5. cap. 32.

peccato Originis privatus fuit Flacci & paucorum error, doctrinam vero de corporis Christi in pane Cene præsentia ex communi Pontificiorum fermento plurimi retinuerunt. Sed mirum est profecto hanc dissensionem Lutheri discipulis abs te objectari, quum de iisdem argumentis acerrime Pontificii inter se digladiantur, ut ex sequentibus liquebit. Similis ratio est, cum nostros (quos inique Calvinistas vocas) in Calvinio-Papistas & Puritanos divisos esse exprobras. Nam ut de odiosis illis & injustis nominibus nihil dicam, non de doctrina in qua consentiunt, sed de ceremoniis <sup>a</sup> dissensio est: quæ ecclesiæ unitatem dirimere non potest. Quippe in externa ecclesiæ gubernatione & ceremoniis, alii simplicitatem laudant Apostolicam; ad quam non solum doctrinam, sed etiam externam ecclesiæ formam reformandam esse judicant: alii contra antiquæ & auctæ post Apostolos ecclesiæ consuetudinem liberam & ad auctoritatem ministerii, & ad faciliorem errorum extirpationem utiliter servari posse arbitrantur. Quare quum in hoc primo unitatis ecclesiæ modo causam vestram minimè confirmaris, an in altero gravius differas, inquirendum est.

<sup>a</sup> Socrates histor. eccles. lib. 5. cap. 21.

## C O S T E R U S.

Sumitur præterea ecclesiæ unitas (ut est apud B. Cyprianum lib. 1. epist. 9. & D. Hieronymum contra Jovinianum, & ad Damasum) ab uno capite visibili, sicut corpus animale non est nisi sub uno capite: atqui licet ab uno Luthero, ceu primo fonte, hodiernæ hæreseos omnes originem ducant; singulæ tamen, à diversis in varios rivulos deductæ, omnem superiorem excluderunt: nemo sanè est, qui, ne dicam Lutheranis omnibus, vel omnibus Calvinistis, vel omnibus Anabaptistis, &c. præsit, sed quem exiguæ quarumvis sectarum familiar pro capite agnoscant.

## G O M A R U S.

Quod ecclesiæ unitate. ab uno capite sumi mones, non inficiamur. Ut enim ecclesia est corpus Christi; sic Christus ecclesiæ caput: à quo ecclesiæ Christiana meritò nominatur. Verum quod ecclesiæ caput illud visibile definis, id nulla sacrarum literarum auctoritate, nulla ratione confirmas: fortasse ea de causa, quia de hoc argumento in proxima de Pontifice controversia copiosius erit differendum. Quare in eum etiam locum refutationem illius differam. Interim ne quid novi afferre videaris, Cyprianum & Hieronymum sententiæ tuæ testes citas, sed frustra. Nec enim de universali ecclesiæ catholicæ capite loquitur Cyprianus, sed de singulis ecclesiarum episcopis, ut ex collatione lib. 1. ep. 12. ad Pepusianum apparet. Hieronymus etiam causam tuam non magnoperè juvat: etsi enim in Romanum episcopum, cui olim infervierat, alicubi propensior fuerat: serid tamen quid de eo sentiat epistola ad Euagrium exponit: *Si auctoritas queritur, orbis major est urbe. Ubique fuerit Episcopus sive Roma, sive Eugubii, sive Constantinopoli, sive Rhegiis, sive Alexandria, sive Tanis, ejusdem meriti, ejusdem & sacerdotii. Potentia divitiarum & paupertatis humilitas vel sublimiorum vel inferiorum episcopum non facit. Ceterum omnes Apostolorum successores sunt.* Quibus verbis, quæ de uno capite visibili totius ecclesiæ proponis, ab Hieronymo perspicuè evertuntur. Ac propterea non est mi-

T t t t

rum,

rum, si non à Luthero, quem iniquè *hæresum fontem* appellas, multo minus à Pontifice Romano pendeamus: sed Christo communi & unico capite contenti: neglecta episcopi universalis monarchia, legitimo pastorum ministerio gubernemur. Qua de re multa graviter differit Gregorius Magnus epistol. lib. 4. cap. 80. 82. 83. ac docet, *ecclesiam universalem soli uni capiti Christo coherere. Petrum non caput universale ecclesie, sed primum tantum fuisse illius membrum.* Unde satis apparet, quantum iudicio tuo tribuendum sit; quo & nostram ecclesiam dissensionis nota aspergere; & Pontificiam, ob capitis & doctrinæ unitatem, ornare contendis. Nam ut de capite loquar, *primum* crebra & diuturna apud vos schismata, quibus ecclesia vestra in contrarios Papas (qui alii alios eorumque subditos devoverunt) sæpius fuit distracta, hanc perpetuæ unitatis gloriolam evertunt. *Secundo* obstat etiam illegitima plurimorum Pontificum in sedem Papalem irruptio. Nam (ne altius conscendam) quam multos mihi à Formoso Pontifice ad hæc tempora daturus es, qui non malis artibus, aut aperta vi, sed recta via ad Papatum contenderint? Quam multi Pontifices Romani effrenato in antecessores odio omnia eorum acta, bullas & decreta omnino abrogarunt, imò anathemate ferierunt? adeò ut verè & cum reliquorum omnium Pontificiorum scriptorum consensu Jacobo Philippus monachus; non solum plurimos Pontifices sine iusta electione Papatum invalisse probet, sed etiam Pontifices *postposito Dei timore atque divino cultu, inimicitias, non minus ac si essent tyranni crudeles, inter se exercuisse* conquerantur, Supplemento supplementi Chronicorum lib. II. pag. 266. Quare quid Pontificibus vestris tribuendum sit, audiat Lateranensis concilii vestri iudicium & edictum: *Si quis* (inquit) *pecunia, aut gratia humana, aut populari, militarive tumultu sine concordia & canonica electione cardinalium fuerit in throno Petri collocatus, is non Apostolicus, sed Apostaticus, id est, à ratione deficiens merito vocetur. Liceatque Cardinalibus, clericis & laicis Deum colentibus, illum, ut pradam, anathematizare & quovis humano auxilio à sede Apostolica propellere, atque quovis in loco, si in urbe non liceat, catholicos, huiusce rei causa congregare.* Annon igitur summo jure à Romanis Pontificibus horum criminum, communi vestrorum historicorum testimonio convictis, abhorremus? Nam quod sanctus vester Bernardus de consideratione lib. 4. de Eugenio pontifice ad Eugenium conqueritur, *Quem dabis mihi de tota maxima urbe, qui te in Papam receperit, pretio aut spe pretii non intercedente?* illud plerisque Pontificibus & episcopis vestris convenire experientia evincit. Sed quia plenius hac de re proximo libro erit differendum, ad vestram in doctrina unitatem & consensionem, quam tam verbosè ac toties extollis, procedamus.

## COSTERUS.

At verò catholici omnes, ubivis terrarum, sub uno capite, Romano Pontifice, cui omnes parent, & principes & Reges, ut Christi vicario, eandem fidem constanter retinent, idem dicunt, idem sentiunt, idem credunt per omnia, & ne in minimo quidem religionis negotio discrepant: est igitur apud ipsos verissima ecclesia Christi; <sup>a</sup> *una alla columna, perfecta & electa, genitrici suæ, de qua in Canticis.* Sint multæ <sup>b</sup> *vulpeculæ, multi* <sup>c</sup> *lupi rapaces, multi accipitres,* <sup>d</sup> *multi singulares feri, hoc est, crudeles apri sylvestres, multæ denique concubinæ: una est certè regina dilecta, amica, speciosa.*

<sup>a</sup> Cant. 6. 8. <sup>b</sup> Cant. 2. 15. <sup>c</sup> Matth. 7. 16. <sup>d</sup> Psal. 79. 4.

## GOMARUS.

Gloriaris vos eandem fidem constanter retinere, idem dicere, & ne in minimo quidem religionis negotio discrepare: sed quam id à vero alienum sit, ex hisce quæ è multis selegi exemplis, perspicuè constabit. Etsi enim ab iis recensendis ob singularem turpitudinem, malim abstinere, cogit me tamen adversariorum importunitas, ut ea mysteria ex Scripto-

rum Pontificiorum adytis in lucem proferam; quo unitatis Pontificæ larva, quæ simpliciores imponunt, detrahatur. Nihil autem adducam quod non ex præcipuis & probatissimis Pontificiorum Doctoribus, Episcopis, Cardinalibus, fideliter comprobabo.

## Pontificiorum Doctorum dissensiones.

## 1. De Sacra Scriptura.

Ac *primum* ut à fundamento religionis exordiar, quam graviter & quam variis modis in doctrina de sacra scriptura dissideatis, id libro superiore pluribus demonstravi, quam ut iuste possit negari.

## 2. De Deo.

*Secundo de Deo*, quam indignè loquantur & sibi contradicant, audiat Dominicus Bannes: *Alii* (inquit) *doctores Scholastici ajunt, quod quamvis Deus de potentia ordinaria non possit mentiri aut falsum dicere, tamen de potentia absoluta mentiri potest, &c. Hujus sententia est quidam doctor Hybernicus, (ut refert Gregorius de Ariminis in 2. Sent. dist. 42. qu. 1.) quam sequitur Petrus Aliacensis in 1. Sen. quest. 12. art. 3. & Olcont. in 2. dist. 2. quest. 2. & Gabriel in 3. dist. 38. quest. 1. conclus. 2. & ait Gregorium esse in eadem sententia, &c. Contra Bannes ait, hanc doctrinam esse erroneam in fide, in 2. 2. Thoma quest. 1. art. 3.*

## 3. De Ecclesia &amp; Pontifice.

*Tertiò de Ecclesia & Pontifice Romano* quàm contrariæ & repugnantes pontificiorum sententiæ? Nam concilium Basiliense unà cum legato Pontificis communi consensu statuit, concilium esse supra Papam. Idemque hætenus docent Parisienses Theologi & alii non pauci, ut fatetur Bellarminus de conciliis lib. 2. cap. II. & 14. Contrà verò reliqui ab his dissentiant, nec tamen inter se conveniunt. Quidam enim Canonistarum volunt Papam quidem esse supra concilium & à nemine judicari posse invitum, tamen posse seipsum subijcere concilio & dare illi supra se potestatem: alii verò plerique Papam nullo modo conciliis subesse posse asserunt. Deinde de conciliis, nonnulli statuunt concilia generalia non posse errare etiam ante confirmationem Papæ, Papam verò errare posse & errasse sæpius: contrarium verò ab aliis docetur, teste Bellarmino de conciliis lib. 2. cap. II. Præterea (ut refert Dominicus Bannes 2. 2. Thomæ, quest. 1. art. 10. pag. 319.) *Sotò in 4. distinct. 24. & Cajetanus de primatu Romani Pontificis, cap. 13. docent episcopum Romanum non esse jure divino episcopum orbis. Contra Driedo lib. 4. de dogmat. variis, par. 3. cap. 2. Et Canus lib. 6. cap. 4. per aliud extremum affirmant, quod Romanus episcopus jure divino hanc sit universalem potestatem adeptus.*

## 4. De peccato originis.

*Quartò de peccato originis*, quàm graves sunt vestrorum Theologorum contentiones, quàm turpes contradictiones? *Quidam*, ut refert Bellarminus, *tradunt, concupiscentiam esse duplicem, unam in carne & alteram in anima. Sed posteriorem solam esse peccatum originis, quod definiunt morbidam in anima qualitatem prava desideria perpetuò excitantem, quam sententiam sequitur communis totius Pontificæ scholæ magister Petrus Lombardus & Henricus de Gendavo, Gregorius Ariminensis, & Lovanienfis doctor Johannes Driedo. Contrà, hanc doctrinam apertè erroris insinulat & impugnat Bellarminus de amissione gratiæ, lib. 5. cap. 15. & Gregorius de Valentia commentariorum Theologicorum tom. 2. disput. 6. quest. 12. pun. 1. Deinde alii contraria sententia docent, peccatum originis nihil aliud esse, nisi illam primam Adam inobedientiam: ut Albertus Pighius, & Ambrosius Catharinus episcopus. Contrà Bellarminus de amissione gratiæ, lib. 5. cap. 15. & 16. hanc doctrinam refutat & hæresin vocat: aliasque quinque de peccato Originis diversas Pontificiorum sententias recenset cap. 17. Idemque iudicium est Gregorii de Valentia, eodem, cujus jam memini, loco, & Andreæ Vegæ de justific. lib. 4. cap. 2. & Ruuardi Tapperi Lovanienfis academix cancellarii. Præterea Ruardus statuit, peccatum originis non esse propriè peccatum: tom. I. de Peccato originali, pag. 73. & 74. contra Ruardum hac*

hac in re confutat Gregorius de Valentia : & hanc Ruardi sententiam à veritate alienam, imo Pelagianam esse docet, Comment. Theolog. tom. 2. disputat. 6. quæst. 12. de quiddit peccati originis, pag. 1. Adhæc Gregorius Ariminensis in 2. Sent. dist. 30. art. 2. ait, *peccati originis reatum baptismi tolli, essentiam vero illius tantum minui* : contra Gregorius de Valentia hanc sententiam plane contra fidem esse asserit tom. 2. disputat. 6. quæstion. 12. pag. 1. Denique omnes homines, excepto solo Christo, cum originali peccato conceptos : eoque virginem Mariam in peccato conceptam, asserunt Thomas Aquinas part. 3. quæst. 27. art. 2. Cajetanus commentariis suis in eum locum, additque sanctos & antiquos doctores ita tenuisse, Gregorius Ariminensis lib. 2. dist. 30. quæst. 2. art. 1. Dominicus Bannes, in 2. 2. quæst. 1. art. 10. & decreti Pontificii glossa de consecrat. dist. 3. cap. pronuntiandum. *Festum* (inquit) *conceptionis* (Mariæ) *celebrandum non est, sicut in multis regionibus fit, & maxime in Anglia. Et hæc est ratio, quod in peccatis concepta fuit, sicut & ceteri sancti, excepta unica persona Christi. Idemque pluribus docet Bernardus epistola 174. ad Lugdunenses. Et Dominicani monachi. Contrariam verò sententiam tuentur Franciscani, Scotus & Scotistæ, quemadmodum Gregorius Ariminensis recenset & refutat. Sic Thomas ab Argentina lib. 2. sent. dist. 4. lib. 1. ait; Mariam sine peccato conceptam & festum conceptionis tandem etiam & rectè celebrari in ecclesia Romana. De quo argumento tam acris & odiosa inter Dominicanos & Franciscanos exitit concertatio, ut & concionibus & scriptis publicis alii aliorum sententiam hæreseos accusarint. Quemadmodum Sixtus quartus Papa in Extravagan. com. lib. 3. de reliquiis, cap. 2. recenset ac condemnat. Nam poenam excommunicationis statuit in eos, qui alterutram sententiam ut hæreticam damnare audeant : quod, ut ait, id nondum esset à Romana ecclesia & sede Apostolica decisum. Qua in re turpis Pontificis dubitatio & contradictio apparet. Etenim si Pontifex, ut Pontificii gloriantur, in iudiciis suis errare non potest, cur pacis & veritatis studio quæstionem non solvit? Si res adhuc dubia esse debebat, cur ante id tempus, cum ecclesia Romana festum sanctæ conceptionis Mariæ instituit & indulgentiis roboravit? ut ex eadem & ex antecedente Extravaganti perspicuè declaratur.*

Quid est quæstionem hanc solvere, si hoc non est? Eadem est concilii Tridentini ratio sess. 5.

#### 5. De libero arbitrio.

Quinto de libero arbitrio quam varia & discrepantia pontificiorum iudicia? Nam de natura illius, seu quid sit, octo diversas sententias recenset Bellarminus de liber. arb. lib. 3. cap. 7. De viribus verò illius multi statuunt, hominem liberi arbitrii viribus absque speciali Dei auxilio actum morale, hoc est, recta rationi omnino consentaneum, proferre posse, ut testatur Gregorius Ariminensis : contra verò ipse (ut etiam Marsilius in 1. Sent. quæst. 20.) id omnino negat, quod (ut ait) illa sententia à doctrina sanctorum & ecclesiasticis definitionibus dissonet, & errori Pelagii faveat; aut, si in aliquo ab eo discedat, magis tamen recedere à catholica veritate, quam dictum Pelagii. Ac propterea Scotum, Occamum & similes nominatim refutat, lib. 2. distinct. 20.

#### 6. De Fide.

Sexto de fide Ambrosius Catharinus adversus Dominicum à Soto, asserit hominem posse habere certitudinem fidei de remissione suorum peccatorum : contra concilium Trident. Sess. 6. c. 9. definit. Deinde Enchiridium religionis Christianæ concilii Colonienfis in tractatu de iustif. ait, necessarium esse ad iustificationem, ut certo credat unusquisque sibi remissa esse peccata : quamvis contra, concilium Tridentinum huic sententiæ anathema denunciat, Sess. 6. canon. 13.

#### 7. De gratia Dei.

Septimo de gratia Dei, quam perplexæ, ineptæ, & à facris literis alienæ sint Pontificiorum Doctorum contradictiones, apparet ex Thoma de Argentina lib. 2. distinct. 26. & 27.

art. 2. & ex Bellarmino de gratia & lib. arbitrio, lib. 1. cap. 6. & 7. & Alberto Pighio : quas tamen concilium Tridentinum (ut multas alias) dirimere noluit. Bellarminus ibidem cap. 3. Deinde Petrus Lombardus lib. 1. Sent. dist. 17. docet, dilectionem fraternam qua Deum diligimus, esse Deum : quam impiam sententiam meritò refellunt Thomas & Bellarminus de gratia & libero arbitrio, lib. 1. cap. 3. & 7.

#### 8. De iustificatione.

Octavo de iustificatione docent Albertus Pighius in secunda controversia & auctores antididagmatis Colonienfis, causam formalem iustificationis esse imputatam Christi iustitiam : contra verò Bellarminus hanc sententiam erroneam vocat & impugnat, De iustificatione lib. 2. cap. 1. & c.

#### 9. De bonis operibus.

Nono de bonis operibus docent nonnulli ea jure promereri vitam æternam ratione operis, etiamsi nulla extaret divina promissio, ut Thomas & Cajetanus in 1. 2. q. 114. art. 3. & Dominicus à Soto lib. 3. de natura & gratia, cap. 7. Contra alii tradunt opera jure quidem promereri vitam, non tamen ratione operis, sed tantum ratione pacti & acceptionis divine : ut Scotus in 1. Sent. dist. 17. q. 2. & Andreas Vega in opere de iustificatione, q. 5. Alii bona opera promereri utroque modo, ut Bellarminus de iustif. lib. 5. cap. 17. Denique alii neutro, ut Durandus : cujus sententiam propterea Bellarminus eodem libro cap. 16. refutat. Deinde plerique Pontificii Deum bona opera ex mera liberalitate supra dignitatem eorum remunerari affirmant : contrarium tamen docet Andreas Vega de iustif. q. 5. ut etiam Bellarminus, de iustif. lib. 5. cap. 19. agnoscit. Plura denique de hac diffensione agit non ignobilis scholæ Pontificiæ doctor Marsilius de Inghen, in Sent. lib. 2. quæst. 18. art. 2.

#### 10. De Imaginibus.

Decimo de imaginibus asserit cum Thoma Aquinate Cajetanus, imaginem Christi propriè loquendo adorandam adoratione latria, qua soli creatori debetur; Summæ par. 3. q. 25. art. 3. Contra verò apertè disputat Durandus Rationali divinorum officiorum lib. 4. cap. 39. & in 3. Sentent. dist. 9. qu. 2. & Gabriel Biel in Canone Missæ, lect. 49.

#### 11. De Reliquiis.

Undecimo de reliquiis statuunt vulgo Pontificii præputium Christi & sanguinem qui de corpore ejus in cruce profusus adhuc in terris conservari : sicut utrumque (ut ait Biel in canone, lect. 50.) in ecclesia Lateranensi urbis Roma contineri dicitur, & die Paschæ populo adorandum ostenditur. Contra verò Thomas Aquinas part. 3. q. 54. art. 2. totum sanguinem Christi in cruce effusum rediisse in corpus asserit ac probat, eandemque rationem esse ait omnium particularum, qua ad integritatem & veritatem humana nature pertinent : & sanguinem, qui vulgo in quibusdam ecclesiis pro reliquiis conservatur, non fluxisse de latere Christi; sed miraculose dici effluxisse de quadam imagine Christi percussa. Contra utramque verò sententiam Innocentius Papa hæret dubius. Sic enim loquitur, De sacro altaris mysterio lib. 4. c. 30. & 31. *Iam & illud inquiratur, utrum Christus, resurgens à mortuis sanguinem illum resumpsit, quem effudit in cruce. Si enim capillus de capite vestro non perit, quanto magis sanguis ille non perit, qui fuit de veritate humana natura? Quid ergo de circumcisione præputii, vel umbilici præcisione dicetur? an in resurrectione Christi similiter rediit ad veritatem humana substantia? Creditur enim in Lateranensi Basilica scilicet in sancto sanctorum conservari: licet à quibusdam dicatur quod præputium Christi fuit in Hierusalem delatum ab Angelo, Carol. Magno, qui sustulit illud & posuit Aquisgran. Sed postea à Carolo Calvo positum est in ecclesia Salvatoris apud Carosum. Melius est tamen Deo totum committere, quam aliud temerè definire. Hæc ille: nec multò minore dubitatione loquitur Bielus de can. lect. 50. Unde perspicuè apparet, quàm temerè & impiè fictitium Christi præputium & sanguinem adoretis: & quàm malè in hac re vobis conveniat. Ac profectò tam turpis est Pontificiorum de reliquiis suis dissensio, ut inde non solum magna imprudentia,*



dentia, sed etiam summa impudentia appareat; quemadmodum illud à Calvino in libro de reliquiis clare demonstratum est.

#### 12. De sacramentorum efficacia dissensio.

Duodecimo de sacramentorum efficacia docet Thomas Aquinas, in sacramentorum verbis & rebus contineri veritatem aliquam gratia effectivam, par. 3. q. 62. & 63. & art. 3. & 4. contra verò tradunt Scot. Durandus, Aureolus: ut testatur Cajetanus ad eum Thomæ locum. Deinde sacramenta imprimere aliquem characterem in anima asserit Thomas par. 3. qu. 63. art. 1. quam sententiam ait Cajetanus ex sacra scriptura non haberi, sed ex ecclesiæ auctoritate & non multum antiqua, & quod Innocentius Papa eam determinavit. Idemque tradit Durandus in 4. Sent. distinctione 1. q. 4.

#### 13. De Baptismo dissensio.

Decimo tertio, De Baptismo quam malè inter Doctores Pontificios conveniat, & quam indignè & foedè in rebus sacris disceptetur, ex celebri scriptore vestro Guidone de monte Rocherii dijudicari potest: Cujus integrum de Baptismi materia locum ascribam, ne quis ob rei turpitudinem de fide nostra dubitet. Sic enim loquitur: Sed nunquid in aqua roseacea, vel in aqua ardente, vel in aliquibus aquis destillatis possit fieri baptismus, si aqua elementaris inveniri non possit? dicendum est quod non: quia tales aqua non sunt propriè aqua, sed humores illorum corporum, à quibus destillantur. In lixivio tamen si aqua non possit inveniri, posset fieri baptismus: quum lixivium nihil aliud sit, quam aqua colata per cineres. Et propter eandem rationem dicunt aliqui doctores, quod in urina propter defectum aqua possit baptizari: quod non credo verum. Quia urina non est aqua, sed humor resolutus à cibis comestis. Et idem dico de saliva. Et nonne in jure carniū posset fieri Baptismus, ubi alia aqua non potest inveniri? Dicendum est, quod aut tanta resolutio carniū est, facta in illo jure, quod desit species aqua esse; & est alia species de novo generata, & tunc non potest fieri Baptismus: aut non est ibi tanta resolutio carniū facta, & tunc fieri potest, & in tali jure baptizari. Quando autem sit talis resolutio facta, & quando non, potest perpendi ex spissitudine. Si enim sit tanta spissitudo juris, quanta est in carne, vel aliquantulum minor, non credo quod posset in illo jure baptizari. Et, idem dico de luto, scilicet si aqua exprimitur ex illo, in aqua illa expressa posset fieri Baptismus. Hactenus Guido in Manipulo curatorum, De baptismo, c. 2. quibus consentanea scribit Thomas Aquinas, par. 3. q. 66. art. 4. & Holcotus in Sent. lib. 4. q. 1. Deinde de forma baptismi primum plerique usitatum verborum formulam necessariam esse docent: contra Panormitanus & Paludensis docent, posse Baptismum conferri sub aliis signis exterioribus, sine vocum expressione, ut testatur Adrianus Sextus Papa in 4. Sent. De sacram. Baptismi, art. 3. q. 2. Deinde si quis dicat, Baptizo te in nomine Patris & Filii & Spiritus Sancti, esse Baptismum, docet Guido in Manipulo, de Baptismo, c. 3. & Holcotus in Sent. 4. q. 1. Alii contra statuunt: ut Thomas Aquinas p. 3. q. 60. art. 8. & Durandus in Sent. 4. dist. 3. q. 2. Præterea de forma baptismi ait Guido, Si diminuaturn dictio integra, quacunque sit illa, de omnibus istis, Baptizo te in nomine Patris, & Filii & Spiritus Sancti, Amen: nihil fit, quia omnia ista verba sunt de essentia forma: contra Holcotus affirmat dictionem, Amen, non esse de essentia, sed de evidentia: quod in Evangelio non apponatur. Denique Adrianus sextus Papa errorem Innocentii Papæ & canonistarum de forma Baptismi reprehendit in 4. Sent. De sacramento Baptismi, art. 3. q. 2. De ministris & effectibus baptismi varias dissensiones Pontificias, ne prolixior sum, prætereo.

#### 14. De Confirmationis Sacramento dissensio.

Decimo quarto de Confirmationis apud Pontificios sacramento magna etiam concertatio est. Nam ut Gabriel Biel annot. in 4. Sent. dist. 7. §. D. tres contraria de ea sunt sententia. Nam Alexander Ales & Bonaventura docent, sacramentum hoc neq. à Christo, neq. ab Apostolis institutum: sed ab ecclesiâ in concilio Meldensi: contra quidam doctores asserunt, hoc sacramentum institutum & ministratum ab Apostolis: Denique utraque hac sententia rejecta Thomas & Scotus,

& alii plures confirmationem à Christo institutam affirmant.

#### 15. De Confessione auriculari.

Decimo quinto de confessione quidam statuunt, eam esse sacramentum juris divini, alii (ut glossa de poenitentia, dist. 5.) solum juris humani: ut scribit Adrianus Papa in 4. Sent. De sacram. confess. q. 2.

#### 16. De Sacramento Eucharistia.

Decimo sexto de sacramento Eucharistia Pontificiorum dissensiones penè sunt innumeræ. Nam, ut de materia illius primum dicam, quidam ut (Gabriel Biel in Sent. 4. dist. 12. q. 2. loquitur) asserunt, panem triticeum necessario requiri ad consecrationem Eucharistia: adeo ut speltaceo aut hordeaceo irrita esset consecratio, & nihil fieret. Quam sententiam tuerentur Thomas Aquinas, Gerson, Scotus, Alexander de Ales, & alii. Contra Albertus Magnus & Petrus Paludensis spelta posse fieri consecrationem ajunt: idque ecclesiæ quarundam usu comprobant: Contra denique Bonaventura statuit materiam apertam esse frumentum: quam sententiam eo, cujus memini, loco, Bielus comprobat. De quibus doctorum Pontificiorum dissensionibus conqueritur (ut refert Biel in canon. missæ, lect. 35.) celebris scholasticus Thomas de Argentina: Vellem (inquit) quod in isto puncto & in quibuslibet aliis, in quibus tractatur de his, quæ ad necessitatem pertinent sacramentorum, sine quibus non putatur esse veritas in sacramentis, doctores nunquam sibi contradicerent: & sicubi hoc fieret, quod ecclesiâ Romana per determinationem suam remedium adhiberet. Altera etiam de materia Eucharistia dissensio est, quod quidam statuunt (ut refert Gabriel Biel in can. Missæ lect. 35.) Sacerdotem non posse consecrare materiam panis, nisi quantum cedere debet in usum fidelium: quod irritum esset fidei & sacramenti, si sacerdos consecrare posset omnem panem qui est in foro, & omne vinum, quod est in cellario. Contra verò Thomas Aquinas tradit & subjicit, si sacerdos intendat consecrare propter finem malum, ut irrideat, veneficia faceret, aut incantaret, nihilominus propter potestatem sibi datam perficit sacramentum, & tamen hac intentio magis est deformis institutioni, quam prior. Deinde verò de forma major etiam concertatio est: Primum enim eam verborum formam quam Christus expressit, per omnia illibatam debere servari, ac propterea peccare graviter, qui aliquid interposuerit aut mutarit, docet Innocentius Papa de sacro altaris mysterio, lib. 4. c. 18. contra tamen in prima Cænz parte, ut quinque verba conflentur, vocem, Enim, interposuerunt Pontificii, eamque consulto, sine peccato mortali, omitti non posse, docent Gabriel Biel in 4. Sent. dist. 8. q. 3. & Holcotus in 4. Sent. q. 3. In altera verò Cænz parte inseruerunt verba hæc, mysterium fidei: & Thomas Aquinas apertè ait, in formis sacramentorum licere aliquid addere vel minuire, par. 3. q. 60. art. 8. Deinde de forma consecrationis panis plerique statuunt eam contineri illis verbis: Hoc est enim corpus meum: contra Doctor subtilis docuit etiam præcedentia verba, Qui pridie, &c. ad formam consecrationis esse necessaria. Guido Manipulo curat. de Eucharistia, c. 4. Gabriel Biel in can. Missæ, lect. 38. Christum consecrasse panem, non hisce verbis, sed antea quum benediceret, tradit Innocentius Papa De sacro altaris mysterio l. 4. c. 17. Contra huic sententiæ Biel in canon. Missæ lectione 36. & 48. & plerique alii adverfantur. Ad sententiam verò horum verborum quod attinet, major etiam est dissensio. Quum enim queritur quid sibi Christus voce, Hoc, voluerit? quam diversè & ineptè doctores Pontificii disputant? Nam quidam docent, Hoc nihil demonstrare, ut Innocentius Papa de sacro altaris mysterio, lib. 4. c. 17. & Glossa de consecr. distinct. 2. ca. Timorem. Contra alii, hac rejecta Pontificis sententia, eam vocem aliquid demonstrare affirmant: sed quidnam illud sit, dissentiunt. Nonnulli aliquid indeterminatum demonstrari censent: ut sit sensus, Hoc quod continetur sub illis speciebus, quidquid sit illud, est corpus Christi: ut Thomas Aquinas. Reliqui contra, aliquid certi demonstrari ajunt: sed tamen inter se quoque non conveniunt. Quidam enim corpus Christi: alii, ut Bonaventura, non corpus, sed substantiam panis, demonstrari docent. Nec solum de voce, Hoc, sed etiam de dictione, Est, dissentiunt. Quidam enim propriè sumi censent: alii verò interpretantur, convertitur. Quæ sententia Bonaven-

naventuræ est; qui (ut Biel etiam annotat) hæc verba exponit, *Hoc est corpus meum: hoc est, Hic panis convertitur in corpus meum.* De quibus contradictionibus prolixè Gabriel Biel in canon. Missæ, lect. 48. & Guido Manipulo de Eucharistia, c. 4. Atque hæc de forma consecrationis panis & verborum sensu: de forma quoque consecrationis vini malè etiam inter Pontificios convenit. Nam Henricus de Gandavo cum suis sectatoribus eam ait tantum consistere in illis verbis, *Hic est calix sanguinis mei:* reliqua verò quæ addi solent, ad Sacramenti necessitatem minimè pertinere: contra verò Thomas Aquinas cum suis asserit, formam consecrationis sitam in his verbis: *Hic est enim calix sanguinis novi & æterni testamenti, mysterium fidei, qui pro vobis & pro multis effundetur in remissionem peccatorum: ita ut ista omnia verba sint de essentia forma: adeo ut si quis aliquid istorum ommitteret, nihil efficere.* Quam dissensionem agnoscit & recenset Guido de euchar. c. 4. Quidam præterea docent,

Christum in cæna corpus & sanguinem suum discipulis suis tradidisse, non tamen ipsum sumisse: & contra plerique asserunt, *Christum in Cæna accepisse corpus suum manducando, & sanguinem suum potasse primo, deinde discipulis tradidisse.* Sed nec hi consentiunt inter se, quia nonnulli docent Christum sumpsisse se, nec Sacramentaliter, nec spiritualiter, sed tantum ut esset exemplum nostræ manducationis: contra Alexander Alesius ait, *Christum se sumpsisse tantum sacramentaliter:* ut hanc controversiam recenset Gabriel in can. Missæ, lect. 37. Denique de transsubstantiatione diversas & adversas scholasticorum sententias plurimas (quas describunt Cajetanus in Thomam part. 3. q. 37. art. 1. Innocentius de sacro alt. mysterio, l. 4. c. 20. Biel, & alii) brevitatis causa (ut tandem, ex infinito dissensionum & contradictionum Pontificiarum labyrintho & Babylone, me expediam) præteribo. Nam ex hisce quæ hæcenus retuli, Pontificiorum in doctrina unitas, de qua tam confidenter gloriaris Coltere, abundè confutatur.

## CAPUT SEPTIMUM.

*Quare ad alterius notæ, quæ Ecclesia Christiana dignosci possit, examen, transeamus.*

## C O S T E R U S.

## 2. Nota, Catholica.

Secunda nota est, esse Catholicam, universalem, ubique diffusam. Hanc notam sicut multò ante Christum prædixerunt Prophetæ (*In omnem terram exivit sonus eorum, & in fines orbis terra, verba eorum*, Psal. 18. 5. *Dominabitur à mari usque ad mare, & à flumine usque ad terminos orbis terrarum*, Psal. 71. 8. *Omnes scient me à majore usque ad minorem*, Jer. 31. 34. *Erunt omnes docibiles Dei*, Es. 54. 13. & Joh. 6. 45.) ita eam agnovit B. Apostolus Paulus suo tempore impletam: *Audistis*, inquit, Col. 1. 5. *in verbo veritatis Evangelii, quod pervenit ad vos: sicut & in universo mundo est, & fructificat & crescit.* Et iterum: *Nunquid non audierunt? & quidem in omnem terram exivit sonus eorum*, Rom. 10. 18. Si quis igitur certo indicio deprehendere velit ecclesiam, mente percurrat orbem terrarum. Lutheranos inveniet in sola Germania, Calvinistas ferè in sola Gallia & Anglia, Anabaptistas in variis obscuris angulis Hollandiæ & Moraviæ: sicut Donatistæ & Novatiani ferè in Africa latuerunt, & Iconoclastæ in Græcia. Extra Europam nulla sectarum Lutheri, Calvini, &c. notitia ab orbe condito unquam pervenit. Fieri igitur non potest, ut Novatores nostri seculi ad veram ecclesiam pertineant.

## G O M A R U S.

Si hæc propria est, quam describis ecclesiæ nota, quæ ratione eam à Satanæ Synagoga distingues? *Nam* (ut ait Franciscus Sonnius episcopus Antverpianus in Demon. relig. Christ. tract. 8. c. 3.) *quantum obsecro nunc patet per orbem habitabilem ecclesia catholica? Vix tres ulnas longum, comparatione ejus vastitatis, quam possidet ecclesia Satana?* Non igitur hæc propria ecclesiæ nota est. Deinde verò non satis explicatè catholicam ubique diffusam exponis. Nam aliquid ubique diffusum dici potest bifariam: vel reipsa uno eodemque tempore, vel jure tantum & successu temporis. Priori modo ecclesia Novi testamenti hæcenus Catholica nondum fuit; ut experientia Americanorum, nostro ævo, & gentium Africanarum tempore Augustini comprobavit. *Sunt enim* (inquit ille Epist. 80. ad Hefychium) *apud nos, hoc est, in Africa, Barbaræ innumerabiles gentes: in quibus nondum esse prædicatum Evangelium, ex iis qui ducuntur inde captivi & Romanorum servitiis jam miscentur, quoties nobis addiscere in promptu est.* Altero verò modo ecclesia Christiana nunquam desit esse catholica: quamvis in miras angustias, interdum fuerit redacta. Idque ex iis quæ præpostere postea confiteris apparet. *Non enim* (inquit) *ex eo dicitur ecclesia catholica, quod eodem tempore totius orbis ditiones occupet: hoc quippe ne in hunc usque diem fortassis contigit, quando antarcticis hominibus & qui extremas remotissimæque America oras incolunt fides Christi nunquam innotuit. Sed his duabus potissimum de causis, tum quod nulli nationi sit alligata, nulloq; loco conclusa: tum quod,*

*juxta veterum Prophetarum vaticinia, aliquando per singula orbis loca, seminandum sit Evangelium: plantanda fides, atque extendenda ecclesia.* Quamobrem ex hisce apertè liquet, quam iniquè ecclesiam nostram orthodoxam sequentibus accuses. Nam primum quod reipsa hoc tempore non ubique diffusam arguis, nihil (ut antè demonstratum est) ad rem facit. *Nam* (ut episcopus vester non ita diu asseruit) *dividunt Cosmographi orbem habitabilem in tres plagas, Asiam, Africam & Europam. Quarum pars longè minima est Europa: & ea sola nunc patet Evangelio Christi; nec tota: Quoniam non modicam ejus portionem jam fortiter occupavit Mahumetana perfidia, nempe Græciam, Dalmatiam, Bulgariam, Ungariam, &c.* Interim quod reformatæ ecclesiæ membra, quæ odiosis Lutheranorum & Calvinistarum nominibus traducis, in sola Germania, Gallia, Anglia inveniri affirmas, id falsi convincunt omnes Christiani orbis regiones, & Christi martyrum cineres & sanguis eorum à vobis in Italia, Hispania, Lusitania, Belgio & cæteris Europæ regnis veræ religionis odio copiosè effusus. Qui haud dubiè clamat ad cælum & justas tyrannidis Pontificiæ poenas à summo judice deposcit. Quare conscientia teste, hujus sententiæ falsitatem ex parte corrigere studes, quum addis, *fere in sola Gallia, &c.* Cæterum quæ de Anabaptistis, Donatistis, Novatianis, & similibus hæreticis (quos nobis more vestro annumeras) recenseres, ea nos minimè offendunt. Deinde Iconoclastas in Græcia latuisse, falsum esse historiæ testantur. Nam ut Deus imagines, ad colendum prostitutas, frangi jubet, Exod. 32. 13. sic pii reges paruerunt: & concilium Francofurtense in Germania contra cultum imaginum celebratum est. Præterea Claudius Taurinensis episcopus in Italia dum vixit Caroli & Ludovici temporibus, idololatriam illam acriter & solidis rationibus oppugnavit. Id quod ex Jona Aurilianensi apparet: qui dum post illius obitum veritatem studuit obscurare, eandem libri sui ineptiis magis apud attentum lectorem illustravit. Atque utinam tandem Claudii scripta, quæ cum nonnullis similibus veterum monumentis Parisiis manuscripta latent, ut ex docto & pio viro intellexi, ipsius aut alterius industria, in lucem emittantur. Commemoratur etiam historicus Pontificius Mejerus in Annalibus Flandriæ; anno septingentesimo quinquagesimo secundo, non defuisse Gandavi fautores Cæsaris, qui sanctorum imagines tanquam idololatriæ instrumenta à templis removendas contenderunt. Sed de imaginibus alibi commodius differetur. Itaque ut ad rem redeamus, nihil ecclesiæ veritati detrahit locorum angustia aut fidelium raritas: præsertim quum utrumque divinitus prædictum sit. Nam Christus ait, *filii hominis quum venerit, num reperturus est fidem in terra?* Luc. 18. v. 18. Et Paulus Apostolus, *Non veniet dies Christi, quin veniet defectio prius; & detectus fuerit homo ille peccatis, filius perditionis,*

a Franciscus Sonnius demonstrat, relig. Christ. Tract. 8. c. 3. b Apoc. 6. 10.

tionis, 2. Theff. 2. 3. Et Johannes in Apocalypsi, qua res futuras recenset, de statu ecclesiæ ait: *Peperit filium masculinum, rectorum omnes gentes virgâ ferreâ, & raptus est filius ejus ad Deum & thronum ejus. Mulier verò fugit in solitudinem, ubi habet locum paratum à Deo ut illic pascat eam, &c.* Apoc. 12. 5. *Data sunt mulieri dua ala aquila magna, ut volet à conspectu serpentis in desertum, in suum locum, ut alatur ibi per tempus & tempora & dimidium temporis,* Apoc. 12. 14. Nec id diffiteri audeat Costerus, quum ait, *Arbor eadem est si truncus maneat, tamen si rami alii excidant, alii succrescant. In Apocalypsi prædixit Apostolus novissimis temporibus calum recessurum adinstar libri involuti: hoc est, ecclesiam qua prius latè patebat, in angustias contrahendam.* Itaque quia in hac locorum angustia parum sibi esse videt præsidii, ad alterum, tanquam ad sacram anchoram delabitur & ecclesiam nostram jure & successione ubique diffusam negat. *Extra Europam* (inquit) *nulla sectarum Lutheri, Calvini, notitia ab orbe condito unquam pervenit: sed cum id solide ac perspicue in prima ecclesiæ nota refutatum sit, ecclesiæ reformatæ veritas invicta perstat.* Quamobrem ad Pontificiæ ecclesiæ examen procedamus.

## COSTERUS.

At verò Romana Ecclesia per orbem universum fusa, hoc nomine (catholicæ) perpetuò sola gloriatur. <sup>2</sup> Et quidem primis illis majorum temporibus priusquam in Turcarum potestatem Patriarchales Ecclesiæ venissent. Constantinopolitana, Alexandrina, Antiochena, Hierosolymitana, magna erat omnium in una fide consensus, sub uno capite Romano Pontifice (sicut in sequenti capite demonstrabitur) neque alia fides usquam quam Romana prædicabatur. Hinc illæ voces in generalibus Synodis post lectas Romanorum Pontificum epistolas: *Hæc est patrum fides, hæc Apostolorum fides, ita omnes credimus: anathema, qui ita non credit,* Chalc. Actor. 2.

*Ecclesia est Catholica, etiam post schisma Græcorum.*

Postquam verò seu ante Turcarum adventum, seu post occupatam Græciam, ab ecclesia Romana sese Orientales episcopi segregarunt, erroremque de Spiritu Sancto induxerunt: non amisit tamen ecclesia nomen Catholicæ: tum quod in regionibus illis non desint catholici, sicut neque per Germaniam, Galliam, Angliam; tum quod eadem prorsus constanter perseveret ecclesia, eadem fide, eodem divino cultu, eadem religione, licet contractior. Arbor eadem est, si truncus maneat, tamen si rami alii excidantur, alii succrescant. In Apocalypsi c. 6. 14. prædixit Apostolus *novissimis temporibus, calum recessurum adinstar libri involuti,* hoc est, ecclesiam, quæ prius latè patebat in angustias contrahendam. Non enim ex eo dicitur ecclesia catholica, quod eodem tempore totius orbis ditiones occupet, hoc quippe ne in hunc usque diem fortassis contigit, quando Antarcticis hominibus, & qui extremas remotissimasque Americæ oras incolunt, fides Christi nunquam innotuit.

*Catholica duabus de causis.*

Sed his duabus potissimum de causis, tum quod nulli nationi, ut olim lex Moyfi Judæis, sit alligata; nulloque loco conclusa, sicut Donatistarum & Lutheranorum errores, quorum hi extra Germaniam nusquam celebrantur, nec illi extra Africam reperiuntur: tum quod juxta veterum Prophetarum vaticinia, aliquando per singula orbis loca seminandum sit Evangelium, plantanda fides, atque extendenda ecclesia, quod nulli alteri cœtui contingere potuit. Ariana quidem hæresis Romanum orbem ferè pervagabatur, sed prius extincta est, quam latius serperet. Turcarum perfidia latissimè patet; sed Occidentem Dei gratia nunquam attigit. Calvinistæ ante annos non ita multos tentabant ad Indos & Peruanos errores suos invehere, sed auxilio Christi & Catholicorum industria exclusi fuerunt.

*Temporibus Apostolorum fuit catholica.*

Catholica verò ecclesia primùm quidem ab ipsis Apostolis per omnes ferè notas regiones est propagata: dum B. Petrus per se suosque discipulos Italiam, Germaniam, & Galliam prædi-

<sup>a</sup> D. Aug. cap. 4. contra epist. Fund.

cavit: Jacobus Hispaniam: Andreas Thracibus Scythiis Europæis: Philippus Scythiis Asiaticis: Matthæus Æthiopiis: Simon & Marcus Evangelistæ Ægyptiis Lybiis & vicinis Afris: Bartholomæus Armenis & Indis citerioribus: Thom. Indis ulterioribus Parthis, Medis, Persis, Brachmanis, Hircanis & Bractis, atque ita de cæteris. Nam & Josephum ab Arimathia volunt Apostolorum ætate in Angliam fuisse, & Simonem Leprosam in Galliis Cenomanensem ecclesiam rexisse. De Græcia, Syria, minori Asia satis loquuntur scripturæ, quod ab Apostolis, præsertim Petro, Paulo, Johanne fidem didicerint. Itaque statim primis illis initiis dicta est ecclesia catholica, quod per cognitum orbem fides ubique seminaretur, passimque omnibus hominibus innotesceret veritas Evangelii, atque ad Ecclesiam ipsam aliqui omnibus locis aggregarentur: non autem quod totæ ditiones Christum susciperent. Nam successoribus Apostolorum hoc relinquendum erat, qui inchoata ab Apostolis perficerent, quod in Occidente ferè per Romanos Pontifices, <sup>2</sup> etiam primis illis temporibus, præstitum legimus, quorum labore ad fidem venit Africa, Saxonia & Britannica atque Scotica regna, & his postremis sæculis, in regiones Orientales, Occidentales & Meridionales remotissimas atque vastissimas fides importata est. In Japonias insulas, Sinarum regionem, Brasiliam & Peruana regna paulatimque ad Antarcticum polum deducitur fides illa eadem, quam à D. Petro acceptam incorruptè constanterque retinet Ecclesia Romana verè catholica. Exeant à nobis Germani & Angli, Græci quoque, Afri & Syri: satis nobis est, ad Catholici nomen tuendum, quod nostri fuerint, à nobisque exierint, fidemque eandem nobiscum aliquando tenuerint, adeoque quod omnibus illis locis Catholici non desint, etiam ubi maximè vel hæreses nostræ ætatis vigent, vel schismata Græcorum. Hoc enim sufficiebat Apostolorum ætate, quando regionibus omnibus, Idolorum cultui deditis, pauci Christiani in omnibus locis Ecclesiam efficiebant Catholicam.

Cæterum, quæ Dei est bonitas, hisce nostris temporibus quando vel maximè impetitur ab Europæis hæreticis Romana fides, Orientalium oculi paulatim ad veritatem aperiuntur. Nam & Abdifus Armenorum Primas, Trid. synodo subscripsit, Romamque Archiepiscopum ad Pontificem misit: & Antiochenus Patriarcha ipsemet Romam venit obedientiam suo suorumque nomine Pontifici delaturus: & Constantinopolitanus Patriarcha (cujus gratiam ambiebant Lutherani) duos ex fratre nepotes Romæ apud Pontificem habet, qui, Romanam fidem edocti, paulatim dextreque Orthodoxam religionem in Græcia restituant. Pontifex verò pro sua in omnes cura, Syrorum unum, Græcorum alterum Collegium Romæ erexit, multosque ditionum illarum præclaros adolescentes magnis impensis in Romana religione instituit, atque in patriam plerosque jam institutos remisit. Effectum est igitur, nomen Catholici in Schismaticam nullam, sed in solam illam ecclesiam competere, quæ per universum orbem terrarum disseminata, uni parat Romano Pontifici.

<sup>a</sup> D. Gregorius lib. 7. ep. 3. ad Dominicum Carthag. de Africa.

## GOMARUS.

Speciosa sanè oratio, sed quam rei veritas vanitatis arguit. Nam quod *Romanam ecclesiam hoc nomine Catholica solam perpetuò gloriari* affirmas, id omnium reliquarum ecclesiarum confessionibus refutatur. Græci, Syri, Moscovitæ & quotquot jugum Papale non agnoscunt, Symbolum profitentur Apostolorum: in quo *credimus ecclesiam sanctam catholicam*, ad eamque se pertinere asserunt. In nostris ecclesiis eadem est professio. Ac sanè si amplitudinem spectes, *Constantinopolitanus episcopus* (ut Concilium Basileense in appendice testatur) *habet in Asia, Africa & Europa vastissimas provincias, atque amplissima regna & plurima genera hominum linguâ & moribus longè disparia.* Quare arroganter hanc laudem vobis solum adscribis Costere, præsertim quum rationes quas adducis nihil habeant firmamenti. Jactas quidem *primis illis majorum temporibus magnam fuisse omnium in una fide sub uno Pontifice Romano consensionem:*

sed

sed quid quæso ad præsentem & corruptissimum Romanæ ecclesiæ statum veterum integritas facit? non magis profecto quam reliquis Romanæ urbis rudibus antiquæ Romæ eulogia, consentiunt: nec magis quam Abrahami, Moïsi, & Aaronis fides & pietas incredulis & profanis successoribus Annæ & Caiphæ & cœtui ipsorum (qui majoribus illis perpetuò gloriabantur) convenerunt. Deinde verò quod Romanis Pontificibus Capitis & gubernationis universæ ecclesiæ dignitatem tribuis, à vero alienum est: ut in proxima de Pontifice controversia constabit. Nam quamvis olim ad eam tyrannidem sæpius aspirarint Rom. Pontifices, tamen Conc. Niceni, Chalcedon. & Africani sexti auctoritate & constantia repressi sunt. Nec multum vos juvat, quod (ut scribis) in Chalcedonenſi synodo post lectas Romani Pontif. literas hæc voces prolatae sint: *Hæc est patrum fides; hæc Apostolorum fides: ita omnes credimus: anathema qui ita non credit.* Nam orthodoxa erat Leonis contra Eutychem sententia, quam non Papæ Rom. auctoritate, sed orationis veritate adducti, hisce elogiis (quibus paulò ante Cyrilli epistolam similiter ornarant) comprobant. Alioqui liberè, si male sensisset, Rom. Pontif. rejecissent, non secus quam postea Concilium sextum act. 13. Honorium Papam Rom. apertè hæreseos condemnavit. Ac profecto si quis actionem decimam sextam Concilii illius Chalcedonenſis perlustraret, clarissimè hæc duo maximi ad rem præsentem momenti comperiet: primum Pontif. Rom. nec concilio illi (ut convenisset, siquidem caput fuisset ecclesiæ) præfuisse, nec ullo modo pro capite agniti: imo contra cupiditatibus illius fortiter fuisse occursum. Inde etiam secundo liquebit, ut cæterorum Patriarcharum, sic Rom. Pontif. auctoritatem & potentiam non Dei verbo, sed hominum instituto & civitatum splendore nixam ac fundatam: quæ temporis progressu Pontificum ambitione & regum partim sopore, partim iniquitate adeo excrevit, ut Christianam ecclesiam bona ex parte subjugarit. Itaque si originem à qua deflexistis spectemus, catholicam quidem ecclesiam: sin verò ad præsentem statum oculos convertamus, mirificè deformatam & vix ullam ecclesiæ Christianæ notam reliquam videamus: ac propterea in reformatæ Ecclesiæ Deum colimus. Nam quod ecclesiam Romanam gloriaris eandem constanter perseverare, eadem fide, eodem divino cultu, eadem religione, id superioribus perspicuè refutatum est. Quæ verò de Ecclesia in angustum contrahenda, & causis, quibus catholica nominatur, recensens, ea causam nostram (ut ante ostendimus) non infirmant, sed confirmant. De Lutheri doctrina quod aspergis, ante diluimus: quemadmodum etiam quod hanc ecclesiæ Christi per orbem propagationem nulli alteri cœtui contingere posse asseris. De Ariana hæresi & Turcis non disputo: interim optarim verè abs te dictum esse, *Turcarum perfidiam occidentem nunquam attigisse.* Nam tristis Ungariæ & vicinarum provinciarum calamitas secus testatur. Cæterum ne intacti abeamus, ais; *Calvinista ante annos non ita multos tentabant ad Indos & Peruanos errores suos invehere:* sed erras, Costere. Nec enim Calvinistæ sed Orthodoxi veram Christi religionem propagare studuerunt, non ut Catholicorum nomen, quod veræ fidei beneficio obtinent, sibi compararent: sed ut regnum Christi augerent pro virili. Ac propterea non Christi auxilio nec catholicorum industria exclusi fuerunt; sed hominum crudelium avaritia insatiabili, & Christi tolerantia, donec mensura immanitatis Ibericæ, ut olim Chananæ, compleatur. Quare id nihil ecclesiæ nostræ reformatæ officit, quo minus veræ catholicæ ecclesiæ nomen tueatur, quemadmodum nec vestræ Pontificæ proficit, quod (ut ais) ecclesia primum ab ipsis Apostolis per omnes ferè notas regiones propagata est, quandoquidem ab ea paulatim jam longo tempore defecistis. Atque utinam priscorum saltem episcoporum Romanorum vestigiis insisteretis, qui regnum Christi propagare studuerunt, quamvis interdum commentis humanis non tam auxerint ecclesiam, quam perturbarint: ut ex Augustino, Bonifacio, & similibus Pontific. in Angliam & Germaniam legatis historici demonstrant. Verum, quia non tam de priscis temporibus, quàm de postremi hujus ævi Romana Ecclesia disceptatur: amplitudinem illius mirificè extollis ac profers nobis Japonias insulas, & Sinarum regionem,

Brasiliam & Peruana regna: sed ea parum vos juvant, nisi fidei catholicæ adsit puritas: quam quidem à Petro Apostolo acceptam incorruptè constanterque retinuisse Ecclesiam Romanam gloriaris, sed secus ex doctrinæ Petri collatione superioribus comprobavi. Deinde verò quænam ea est ecclesiæ propagatio, quæ non doctrinæ viribus & Spiritus Sancti virtute, sed terrore & tyrannide plusquam belluina instituta est. Nam Hispanus vester episcopus Bartholomæus de las Casas narrat, Peruanam & vicinam regionem adeo vastatam, ut hominum bis mille myriades inaudita feritate, paucorum annorum spacio ab Hispanis deletæ sint. Qua de re vir doctissimus vester Justus Lipsius, De constantia lib. 2. cap. 22. hoc modo conqueritur: *Pauculis Iberi ante annos octoginta in vastas illas & novas terras delati, quæ funera (Deus bone!) ediderunt? quas strages? Nec de causis aut de jure belli dissero, tantum de eventis. Cerno ingens illud terrarum spacium (quod vidisse magnum sit, non dicam vicisse) à vicenis tricenisque militibus pervadi & passim inermes illos greges sterni, ut segetem à falce. Ubi tu es insularum maxima Cuba? Tu Hayta? Tu Lucaja? quæ olim quingentis aut sexcentis hominum millibus succincta, alibi vix quindecim ex iis retinuit in semen. Ostende etiam te paulum tu Peruanam, tu Mexicanam ora. Heu miram miseramque faciem! immensus ille tractus & verè alter orbis, vastus attritusque apparet non aliter quàm si caelesti quodam igne deflagasset. I nunc Costere, & Indorum ad fidem conversionem jacta. Sane si evertere, convertere est, vicisti. Quare non mirum est, quod à vobis quædam nationes, tanquam Babylone exierint, & sævum ac perniciosum Pontificis jugum leni & salutare Christi jugo permutarint. Nec propterea tamen (ut male jactas) vera ecclesia catholica nomen potestis tueri. Quoniam nec Græci, nec Afri, nec Syri (ut ais) ex vobis exierunt: sed majorum suorum auctoritate nituntur. Ac quamvis olim Germani & Angli Pontif. poculo inebriati fuerint plerique, non defuerunt tamen catholici orthodoxi, qui voce Evangelii quosdam subinde ab idololatria Pontificia ad Christum excitarint: ut Martyrum historia & Catalogus testium veritatis demonstrant. Cæterum quia exempla ad persuadendum plurimum pertinere solent, producis nobis ad Ecclesiæ Pontificæ commendationem priori loco Abdissum Armenorum primatem, quem synodo Tridentina subscripsisse, Romanæque Archiepiscopus ad Pontificem misisse affirmas. Sed primum quibus idoneis testibus poteris comprobare, Abdissum eam habuisse auctoritatem? Tu Armenorum primatem fingis: reliqui contra Pontificii Assyriorum Patriarcham, & multa de illius potestate fabulantur: quæ res ipsa confutat. Ac propterea merito hæc fabula à prudentioribus deridetur. Nihil enim novi est, si Pontifex inanes variorum episcopatum titulos pro arbitrio donet: quibus deinde ad pompam abutatur: quemadmodum misello Olao Magno episcopatus Upsalensis titulum sine re ipsa Paulus tertius concessit, ut regni Pontificii splendorem augeret. Qualis etiam fuit in concilio Tridentino Antonius Hælius patriarcha Hierosolymitanus: & similes in papatu non pauci: quos propterea titulares episcopos vulgò appellant. Nam quibus obsecro, Costere, auctoribus & rationibus hanc de Abdissu primatu sententiam confirmabis? Proferes fortasse Cardinalis Amulii ad concilium Tridentinum ex Pontificis mandato literas, quibus hæc fabula primum conficta & temere à Pontificiis credita est: sed vel ex iis ipsis liquere potest, quam exiguam fidem mereatur. Nam si personatus ille Abdissu patriarcha fuit, cur plus minus annum neglecto concil. Trid., cui sua præsentia maximo fuisset ornameto, hæsit Romæ; Deinde, cur confessio illius, quam edidisse dicitur, septimo Martii, post sex demum menses die Augusti vigesimo octavo à Cardinale ad concilium primum perscripta est? Præterea quibus modis confirmat Amulius Cardinalis Abdissum hunc & electum fuisse, ut ait, à Clero & populo Assyriorum patriarcham, & Romam venisse, ut à Pontifice Romano confirmaretur? Literas profert: sed quomodo fides harum literarum probabitur? quasi verò de ignotis populis, ignota lingua nihil Abdissu potuerit confingi. Deinde quod Abdissum concilio Tridentino subscripsisse affirmas, quomodo demonstrabis? Nam si confessiones Abdissu & li-*

a Vide Librum Nominum patrum concilii Tridentini, &amp;c.



teras Cardinalis mandato Pontificis, conscriptas objeceris: nullis argumentis clarius hujus fabulæ vanitas elucebit. Nam confessione secunda, die vigesimo tertio Julii, dicit Abdifus, *se non dubitare suos episcopos omnes ex corde Romana ecclesia partes tenere*: contra verò in confessione prima ait, *se Romana ecclesia fidem modis omnibus quibus poterit, persuadere conaturum*. Deinde Cardinalis agnoscit hunc Abdifum non solum per multos dies, sed etiam per multos menses, in iis in quibus dissenferat, à Pontificis institutum. Quomodo hæc conveniunt? Alia brevitatis causa omitto: sed illud tamen præterire non possum, quod tandem ais, *Abdifum Romam ad Pontificem archiepiscopum misisse*, quemadmodum etiam quod alibi ais, *à Patriarcham Chaldaea nomine Abdifum ad concilium Tridentinum venisse, & cum reliquis ducentis sexaginta episcopis subscripsisse*: ea turpis mendacii, Cardinalis Amulii narratione, arguuntur. Secundò de Antiocheno patriarcha temerè gloriaris: Nam ut Pontifici avarè & turpiter se subjecit, sic propter indignitatem rei à Syris munere suo abdicatus, ac frater in illius locum substitutus est. Eoque exsul in Italiâ consenuit, & meritis inconstantiae pœnas dedit. Constantinopolitanus verò Patriarcha, ut se Papæ præfert, sic in multis ab eo dissenit: quemadmodum Censura

<sup>a</sup> Costerus Demonstrat. antiquæ catholicæ Doctrinæ, pag. 49.

æ orientalis ecclesiæ, c. 13. &c. & Meletii ad nobilissimum Douzam Dominum à Noortvick, academix nostræ curatorem epistola demonstrat. Cujus fidem, quia impudenter negare ausus es, doctus & ingeniosus juvenis Georg. Douza in itineris sui Constantinopolitani descriptione asseruit & audaciam tuam perspicue confutavit. Quare parum vos juvat, quod Græcorum & Syrorum adolescentum collegia Romæ erecta sint, cum nec Syri, nec Græci Pontificem sequantur. Verum miror Costere, cur non eadem opera, Anglorum Jesuitarum seminaria, quæ Romæ & Rhemis instituta sunt, extollas: Sed fortasse eorum te pudet: quod non ad ecclesiam Christi augendam, sed ad eadem regibus & principibus intentandam comparata sint. Hoc enim magna sicariorum, qui ex illis seminariis in Angliam variis temporibus ad serenissimam Angliæ reginam trucidandam, emissi sunt, copia evincit. Hoc etiam nuperum potentissimi Galliæ regis edictum sole clarius demonstrat, quo Jesuitæ Galliâ, tanquam dira regni pestis, proscripti sunt & Galli scholas eorum etiam extra Galliam adire severissime prohibentur. Quare ut hunc locum concludam, falso catholicæ ecclesiæ titulum Romanæ ecclesiæ arrogas & ascribis.

## CAPUT OCTAVUM.

*Atque eadem est sanctitatis, in qua tertiam ecclesia notam collocas, ratio; quod ut fiat perspicuum, singula quæ proponis, cum notæ illius definitionem, tum hæreticorum & catholicorum ad eandem examen, cognoscamus.*

## COSTERUS.

3. *ota, Sancta.*

**T**ertia nota consistit in sanctitate, quæ non ita accipienda venit, quasi interna hominis pietas, & congregationis sanctitas externis oculis cerni ab aliquo possit: sed quod manifestis indiciis impietas & pietas deprehendi possint. Et quidem in agnoscenda impietate nulla est difficultas, cum facta ipsamet eam de homine testentur, homicidia committere, latrocinia exercere, alienum thorum violare, tam manifesta sunt flagitia & scelera, ut is, qui talia agit, non solum pronuncietur impius, sed gravibus publica sententia adjudicetur supplicii. In sanctitate autem hominis agnoscenda magis laborandum est, quod externæ actiones, quæ ab intentione rationem virtutis aut vitii sortiuntur, non satis certo de interna sanctitate testentur. Itaque nec multo jejunio, nec eleemosynis, neque productis orationibus suis fidem potuerunt Pharisei facere CHRISTO suæ justitiæ. Opus est alio indicio firmiori, divino scilicet & supernaturali, qualis est revelatio: quomodo de sanctissimæ virginis MARIÆ sanctitate per Gabriëlis archangeli salutationem edocti sumus: *Ave gratia plena, DOMINUS tecum, benedicta tu in mulieribus*: qualia item sunt miracula in testimonium sanctitatis alicujus divina virtute edita.

Cœtus igitur illi, qui nihil sanctitatis habuerunt unquam vel pietatis, sed contrà potius gravissima in Deum atque homines flagitia, & id quidem non ex humana infirmitate, sed ex professo atque ex instituto suæ doctrinæ & fidei, Ecclesia sancta dici nequeunt. Ubi verò manifestis indiciis deprehenditur sanctitas fuisse, & manifeste colligi non potest ab omnibus abesse, quin potius verisimilibus rationibus judicatur in multis inesse, hæc erit sancta ecclesia. Tamen si namque ejus plurima membra sint emortua & impia, non amittit tamen sancti nomen, quamdiu vel unus pietatem ex animo colens, retinet sanctitatem, quæ tempore passionis Dominicæ in sola virgine sacratissima viguit: arbor namque vivere dicitur, quamdiu aliquid habet vitæ, licet multi sint aridi rami.

## GOMARUS.

Et multi etiam, Costere, in hac oratione tua aridi sunt rami, qui sacrarum literarum falce amputandi sunt, ut vera à falsis secernantur. Verum enim est ecclesiam recte dici

sanctam, & internam animi sanctitatem, soli Deo esse conspicuam, qui solus est *κρυπτός*. Unde etiam sequitur sanctitatem internam non posse notam ecclesiæ appellari, nisi quatenus manifestis indiciis se prodat. Sed quænam ea sint indicia, disceptatur. Nos enim Sacrarum literarum ductu ea in externa sanctitate collocamus, quæ internæ respondet. Ut itaque internam sanctitatem vera fide & charitate Christiana: sic externam utriusque patefactione definimus. Ac primum quidem fidei patefactionem statuimus esse partim auditionem & constantem professionem doctrinæ veræ, partim legitimum sacramentorum usum. Ut enim unius exercitus milites signum & sacramentum militare ab alienis secernit: sic ecclesia <sup>a</sup> in terris sub Christo militans, Symbolo, hoc est signo, Apostolorum, & Decalogo Christi sacramentis dignoscitur. Nam ut omittam ea, quæ ante (c. 3.) adduxi, id demonstrat Christus, Joh. 8. 31. *Si vos in sermone meo manseritis, verè discipuli mei eritis*. Et paulo post, v. 47. *Qui ex Deo est, verba Dei audit*. Matt. 10. 32. *Quisquis confitebitur me coram hominibus, confitebor & ego eum coram Patre meo, qui est in calis*. Rom. 10. 10. *Corde creditur ad justitiam, ore fit confessio ad salutem*. Gal. 3. 27. *Quicumque in Christo baptizati estis, Christum induistis*. Ephes. 5. 26. *Christus tradidit se pro ecclesia, ut mundaret eam lavacro aquæ in verbo*. Joh. 10. 27. *Oves meæ vocem meam audiunt*. 2. Joh. 9. *Qui manet in doctrina Christi, hic & Patrem & Filium habet*. Atque hac ratione ecclesia Apostolica describitur, Act. 2. 42. *Erantque perdurantes in doctrina Apostolorum & communione & fractione panis & precibus*. Deinde vero charitas interna Dei & proximi, externis etiam fructibus innotescit. Ac charitas quidem Dei patet, partim verbis, quando debite per Christum Deo gratiæ aguntur, & publice ac privatim solus ac legitime per Christum invocatur: partim factis, quando vitatâ idololatriâ & omni *ιδωλοθρησκεία* secundum verbum ipsius colimus & crucem Dei ac veritatis nomine fortiter toleramus. Quibus rationibus & fides & charitas erga Deum elucescunt. Charitas vero proximi innocentia & beneficentiâ declaratur. In qua, proximi in vera fide & charitate, institutio & confirmatio, & erga miseros, præsertim pios, & (ut Paulus vocat Galat. 6. v. 10.) *domesticos fidei*, propter Christi nomen liberalitas. Atque huc pertinent sequentes scripturæ loci, Rom. 10. 13, 14. *Quicumque invocaverit*

<sup>a</sup> Rufinus in expōit. Symboli.

nomen Dei, saluus eris, quomodo igitur invocabunt eum, in quem non crediderunt? 1. Pet. 2. 9. Vos autem genus electum, regale sacerdotium, gens sancta, populus acquisitus, ut virtutes predicetis illius, qui vos vocavit e tenebris in admirabilem suam lucem. Matt. 16. 24. Si quis vult post me venire, abneget semetipsum & tollat crucem suam, ac sequatur me. 1. Pet. 1. 6. 7. Quia in re exultatis tristitia paululum nunc (si opus est) in variis afflictionibus affecti: ut exploratio fidei vestra comperiatur, multo pretiosior auro, quod perit, & tamen per ignem exploratur. Joh. 13. 35. Ex hoc omnes cognoscent vos esse discipulos meos, si charitatem habueritis alii in alios. 1. Thess. 5. 11. Consolamini alii alios & edificare singuli singulos, sicut & facitis. Hebr. 10. 24. Observemus alii alios, ut nos acnamus ad charitatem & bona opera, non deserentes aggregationem nostri mutui, sicut mos est quibusdam, sed adhortantes. Jac. 2. 18. Ostende mihi fidem tuam ex operibus tuis. Jac. 1. v. 27. Religio pura & immaculata apud Deum & Patrem hac est, invisere orphanos & viduas in afflictione ipsorum, & immaculatum seipsum servare a mundo. Atque hoc etiam modo, ex fidei & charitatis argumentis in suis epistolis Apostoli & Majores nostri veras ecclesias a falsis distinxerunt. Quid vero ait Costerus? nempe, quod externa actiones quae ab intentione rationem virtutis aut vitii sortiuntur, non satis certo de interna sanctitate testentur. Sanè si quis externas actiones tam latè definiat, ut apertis Christi hostibus ethnicis etiam sint communes: at verò si quis angustius de fidei & charitatis Christianae officiis, quemadmodum declaravi, exponat, certo de ecclesiae sanctitate constabit: Quandoquidem in sola ecclesia Christi viget sincera verbi divini praedicatio & recta sacramentorum administratio: ut initio hujus controversiae apertè profiteris: & ex iisdem actionibus & Christiani & Christiana ecclesia ab omnibus definiuntur. Denique Bellar. de ecclesia militante lib. 3. c. 2. ait; *Ut aliquis absolute dici possit pars vera ecclesiae: de qua scriptura loquuntur: non putamus requiri ullam internam virtutem, sed tantum externam professionem fidei & sacramentorum communionem: quae sensu ipso percipitur.* Et lib. 4. c. 11. hanc notam esse Ecclesiae agnoscit: *Ostava, inquit, nota est sanctitas doctrinae. Vera enim Ecclesia non solum est catholica, Apostolica, una, sed etiam sancta, ut habet symbolum Constantinopolitanum: Constat enim sanctam dici ecclesiam: quia professio ejus sancta est: nihil continens falsum, quoad fidei doctrinam, nihil injustum quoad doctrinam morum.* De charitate verò Christiana eadem ferè est ratio: quia fides per eam operatur, Gal. 5. v. 6. Nam quamvis externa illius officia non pauca reperiantur etiam infidelibus esse communia: quaedam tamen propria sunt ecclesiae: quemadmodum cum aliorum, tum mutua in vera fide & pietate institutio & confirmatio. Ubique hanc verè fidei professio & charitatis Christianae officia vigent, ibidem ecclesia Dei existit, iisque notis longè profecto melius quam revelationibus & miraculis cognoscitur. Quoniam haec notae communes sunt & incertae. Communes quidem, quia & hypocritis in ecclesia, & apertè sceleratis extra ecclesiam interdum conveniunt: ut S. Lit. & experientia testantur, Matth. 7. 22, 23. *Muli mihi dicent in die illo, Domine, nonne per nomen tuum prophetavimus & per nomen tuum demonia ejecimus, & per nomen tuum multas virtutes edidimus. Tunc autem proficebor eis, nunquam novi vos, discedite à me qui operamini iniquitatem.* Sic Bileamus revelationibus divinis excelluit: quum tamen ab ecclesia Dei & vera pietate fuerit alienus, Num. 22. & 23. 2. Pet. 2. 15. Incertae verò sunt haec notae, quia iusta Dei iudicis permissione Diaboli & infideles ea imitantur: ac propterea an divinae sint revelationes & miracula, saepius dubitari potest. Nota sunt ex veterum historiis non solum oracula Delphica, quibus res futurae crebro pronuntiatæ sunt, sed etiam miracula, quae apud ethnicos perpetrata sunt plurima: quemadmodum & S. Lit. in. Vet. Test. ostendunt. Nam fere omnia quae virtute Dei patravit Moses, ea similiter Aegyptii magi suis incantationibus perfecerunt, Exod. 7. 14. 25. & 8. 8. Eadem ratione de bestia dicitur, Apoc. 13. 13, 14. *Fecitque signa magna, adeo ut etiam ignem faceret de calo descendere in terram, in conspectu hominum. Et seducit incolas terra propter signa, quae datum est ei, ut faciat.* Et Paulus Apostolus

de Antichristo ait: *Cujus adventus est in efficacia Satana cum omnipotentia & signis ac prodigiis mendacibus, & cum omni fraude injustitia, in iis qui pereunt, pro eo quod amorem veritatis non receperunt, ut salvi fierent. Propterea igitur mittet illis Deus efficaciam erroris, ut credant mendacio, ut damnentur omnes, qui non crediderunt veritati, sed acquieverunt in injustitia, 2. Thess. 2. 9, 10, 11, 12.* Itaque ne de veritate doctrinae aut sanctitate ecclesiae ex hisce notis certo judicaremus, Christus nos praemonuit, ac praemunivit: *Pseudoprophetae (inquit) edent signa magna & miracula, ita ut seducant, si fieri possit, etiam electos. Ecce praedixi vobis, Matth. 24. v. 24, 25.* Quare quamvis vera miracula & revelationes divinae veritatem confirmant, Marc. 16. 20. tamen an vera sint miracula & sanctae revelationes, ad Lydium Sacrarum literarum lapidem exploranda sunt, ne falsa specie seducamur. Quemadmodum Apostolus praescribit, *si nos aut Angelus è calo evangelizet vobis, prater id quod vobis evangelizavimus, anathema esto, Gal. 1. 8.* Sic Abrahamus ad Sac. Lit. potius quam ad miracula attendendum docuit, quum epuloni respondit: *Habent Moysen & Prophetas, audiant eos. Ille vero dixit, Non Pater Abraham: sed si quis ex mortuis abierit ad eos, respiciant. Abraham autem respondit ei: Si Moysen & Prophetas non audiunt, ne siquidem quispiam è mortuis excitetur, assentientur, Luc. 16. 29, 30, 31.* Et ut Christus miraculis suam doctrinam confirmavit: sicutraque sacrarum literarum consensu stabilivit, Joh. 5. 39. Quamobrem revelationes & miracula notae quidem esse possunt ecclesiae, sed secundariae: primaria autem & certior est doctrinae sanctitas, quae in consensu cum Sac. L. consistit. Quae si adsit, non opus jam alio indicio firmiori: quia revelationes & miracula omnia, quibus per Prophetas & Apostolos olim S. Lit. confirmatae sunt, doctrinam cum iis consentientem similiter stabiliunt. Denique revelationes & miracula nec sunt in ecclesia Dei perpetua, nec hoc tempore necessaria, quum satis superque infirmorum fides per Apostolos & discipulos eorum confirmata sint. Rectè Gregor. Magnus: *Nunquid non fratres mei, quia ista signa non facitis, minime creditis? Sed hac necessaria in exordio ecclesiae fuerunt. Ut enim ad fidem cresceret multitudo, miraculis fuerat nutrienda, quia & nos quum arbuta plantamus, tamdiu eis aquam infundimus, quousque ea in terra jam coaluisse videamus: & si semel radicem fixerint, irrigatio cessabit.* In Evangelia, Homilia 29. Ex hisce igitur apparet quantopere aberres Costere, quod revelationes & miracula manifesta sanctitatis indicia appellas, & in ecclesia ad sanctitatem illius demonstrandam requiris. Atque hosce errores aliis etiam adauges: Nam quod ais, *Ecclesiam non amittere sancta nomen, quamdiu vel unus pietatem ex animo colens retinet sanctitatem*, id omnino absurdum est. Nam ecclesia est sanctorum societas: ac propterea sanctitas illius uno contineri non potest. Nec ferendus est error, quod probationis loco ais, *sanctitatem ecclesiae tempore passionis Dominicae, in sola virgine Maria vixisse.* Nam quibus, quæso, scripturae testimoniis id probabis. Nam quamvis Apostoli omnes ab hostibus territi aufugerint, quemadmodum Christus praedixerat, omnes vos ista nocte offendemini in me, Matth. 26. v. 31. & fides eorum ut ignis sub cineribus fuerit ad tempus consopita, an propterea fidem (quæ sine sanctitate viva esse non potest, Jacob. 2. 26.) aut sanctitatem suam amiserunt? praesertim quum Christus, qui semper à Patre exauditur, Joh. 11. 4. 2. pro utraque orarit, Luc. 22. 32. Johan. 17. 17. Ac sanè si quovis lapsu periret fidelium sanctitas: quis eam tandem, quum in multis labamur omnes, Jac. 3. 2. conservabit? Deinde verò nonne passionis tempore sanctitatem suam testatam fecit Johannes, & potissimum Maria Cleopæ, & Maria Magdalena: quæ & in cruce (non minus quam virgo Maria) & in sepultura constantissimè Christum coluerunt. Nam ut ait Evangelista, *stabant juxta crucem Iesu mater ejus & soror matris ejus, Maria Cleopæ uxor & Maria Magdalena cum discipulo, quem diligebat Iesus, Joh. 19. 25, 26.* Omitto Nicodemum, Josephum Arimathensem & multos alios, quibus vitæ sanctitas sanctè derogari non potest. Ac propterea hujus sententiae tuae falsitatem viderunt & confutarunt Pontificii doctiores. Nam Bel-

Bellarmin. de Ecclesia militante lib. 3. c. 17. eo nomine reprehendit Johannem de Turre<sup>a</sup> cremata, quod dixerit, *esse contra fidem universalis ecclesie asserere, non in sola beata virgine, mansisse fidem in die passionis Domini*. Et Dominicus Bannes ante annos quatuordecim Salamanticæ in Hispania, eandem sententiam tuam doctè & pluribus rationibus refutavit. Quare vides, Costere, quàm falsò de consensu & unitate doctorum Papalium glorieris: & dum virginis Mariæ in Christi passione sanctitatem ad fucandam vestram idololatriam extollere studes, quàm iniquè reliquos sanctos sanctitatis nomine spolies. Deinde gravior etiam est error, quod virginem Mariam *sanctissimam* appellas, & angeli salutationem probationis loco adducis, *Ave Maria gratia plena, Dominus tecum: benedicta tu in mulieribus*. Quamvis enim prima fronte nulla subesse videatur impietas, secus tamen ex interpretatione tua apparet. Hæc enim verba alibi sic exponis: *b Itaque primò nunquam vel navum habuisti peccati: sive quod à primis humani generis parentibus propagatum, sive quod culpa aliqua tua commissum esset, etiam levissimum & venia facile dignum: nihil, inquam, vel opere, vel verbo, vel cogitato nunquam admisisti, quod non usquequaque esset gratissimum Deo. Secundo omni affluens & ornata fuisti virtutum genere, ex ipso etiam utero matris tuæ in anima, & omnibus mentis tuæ integerrima facultatibus*. Et, ne quis errorum esset modus, addis, *Tertio concepto Deo plenitudinem habuisti Deitatis in te habitantem corporaliter*. At vero si hoc postremum verum est, virgo Maria non divina erit, sed verus

<sup>a</sup> In 2. 2. Thom. q. 1. art. 10. vide etiam Martinum Eysengreyn de Ecclesia catholica c. 6. p. 109. <sup>b</sup> Christian. instit. lib. 5.

Deus: quemadmodum Christi divinitas hæc sententiâ asseritur, Col. 2. & orthodoxi patres exponunt. Sin vero priora illa vera sunt, & virgo Maria omni peccato caruit, non igitur solus Christus<sup>c</sup> segregatus erit à peccatoribus: non omnes homines erunt peccatores: <sup>d</sup> nec virgo Maria pro remissione peccatorum orare debuit, nec Christi morte redempta est<sup>e</sup>: quemadmodum hisce & aliis sacrarum literarum argumentis Thomas Aquinas, Gregorius Ariminensis & alii multi Pontificii hanc profanam sententiam tuam confutarunt. Qua de re audiat Anselmus lib. 2. *Cur Deus homo*, c. 16. *Virgo ipsa, unde assumtus est Christus in iniquitatibus concepta est, & in peccatis concepit eam mater ejus, & in Originali peccato nata est, quod & ipsa in Adam peccavit, in quo omnes peccaverunt*. Imo vero Chryl. tom. 2. in Matt. hom. 45. & tom. 3. in Joh. hom. 20. arrogantiam & ambitionem aliquam virgini Mariæ attribuit. Imo Augustin. tom. 4. *Quæst. Vet. & N. Test.* q. 72. *in morte Domini virginem Mariam cum reliquis omnibus, de Filii divinitate dubitasse affirmat*: idem opinatur Theophyl. in Luc. 2. 35. Quod quamvis à veritate alienum est, illud tamen satis ostendit, quam procul etiam à sententia tua patres dissenserint: & Origines in Luc. 2. hom. 17. *Putamus, inquit, quod scandalizatis Apostolis mater Domini à scandalo fueris immunis? Si scandalum in Domini passione non est passa, non est mortuus Jesus pro peccatis ejus<sup>f</sup>. Si autem omnes, & egent gloria Dei, justificati gratia ejus & redempti, (Roman. 3.) utique & Mariæ illo tempore scandalizata est.*

<sup>c</sup> Heb. 7. 26. <sup>d</sup> Rom. 3. 23. <sup>e</sup> Joh. 1. 8. Jac. 3. 2. <sup>f</sup> Psal. 31. Matth. 6. 12. f. 1. Joh. 2. 1.

## CAPUT NONUM.

*Quamobrem ex hisce perspicue constat: quàm malè sanctitatem definias, & quàm parum sanctè exponas. Nec melius hæreticos & catholicos ad sanctitatis libram examinas. Nam de priori parte sic ais.*

### COSTERUS.

*Duo genera peccatorum in omnibus hæreticis.*

**H**æretici omnes ex instituto suæ doctrinæ, duo habent gravissima peccata, blasphemiam in Deum, impietatemque in parentes, quantumcunque præ se ferant divinum cultum, & parentum proximorumque amorem.

#### 1. Impietas in parentes.

Impietatem in eo luculenter est videre, quod majores suos omnes, & quotquot hætenus, ab Apostolorum temporibus additi Catholicæ probitati vixerunt, gravissimi criminis accusent & damnent. Dicunt eos non rectam fidem tenuisse, malè credidisse, infideles fuisse, Deo exosos & invisos, ideoque jure æternis ignibus mancipatos: & hæc quidem hæretici omnes. Quia porro nulla est hæresis, quæ non peculiare aliquid in ecclesia catholica detestetur, singuli etiam hæretici peculiare crimen majoribus impingunt. Ariani Filium Dei in numerum creaturarum referebant: Macedoniani verò Sp. S. Donatistæ affirmabant non esse ecclesiam, quæ cum bonis etiam malos contineret: Hussitæ alterius speciei communione dicunt Christi institutionem violari: Lutherani Romanum Pontificem, verissimum Antichristum esse: Calvinistæ in Eucharistia merum panem & vinum dari: Anabaptistæ infantum Baptismum damnant. His itaque hominibus majores omnes, totusque orbis gravissimis criminibus obligatus fuit: Ariani & Macedoniis *coluerunt creaturas potius quàm creatorem*, quod inter maxima Gentilium mala refert Apostolus, Rom. 1. 26. Donatistis non fuerunt in Ecclesia: Hussitis violarunt mandatum Dei, adeoque ut sacrilegi, perverterunt Sacramenti institutionem. Lutherani obtemperarunt Antichristo, Christi adversariò, neglecto Christo. Calvinistis pro Deo coluerunt & adoraverunt bolum exiguum panis, pauculasque guttulas vini, qua Idololatria nulla fuit apud gentes sceleratior. Anabaptistis neque

baptizati fuerunt, neque Christiani. Hæc quam sint fœda quamque enormia mala, nemo non intelligit. Si quis parenti vel avo nomen Turcæ, Judæi, Idololatæ, blasphemæ, mancipii Diaboli impingat, grave utique supplicium meretur, juxta legem, *qui maledixerit patri vel matri, morte moriatur*, Exod. 21. 16. & Levit. 20. 2. etiamsi perturbato verba ejusmodi excidant: qui vero illa deliberatè de majoribus omnibus suis, de Prælati, de Principibus, deque totius orbis Christianis & dicunt & sentiunt, graviore utique scelere se astringunt. Et quidem hæc eadem verba à multis non usurpari, ut nimis impia, facilè crediderim: sed nemo ignorat, rem aliquam efferri duobus modis; apertè, quando disertis verbis exprimitur: & virtute, quando aliis verbis, quæ idem valeant; vel definitione, descriptione, proprietatibus, periphrasi vel necessaria consecutione.

Qui hominem dicit aliena sustulisse, furem dicit, dignumque de quo supplicium sumatur, si modo leges de furum suppliciis non improbet: ita qui verbis, scriptis, aut factis Papistarum (quos vocant) religionem & fidem detestantur; ii certè Papistas seu Catholicos (de quorum numero fuere parentes) non rectè credidisse, seu quod idem valet, nullam fidem habuisse, atque infideles fuisse; Deoque invisos & æternis suppliciis dignos dicunt. Cum enim sit *unica fides* (ut inquit Apostolus Eph. 4. 5.) qui illam non habet, prorsus nullam habet: & quia (sicut est apud eundem) *sine fide impossibile est placere Deo*, Heb. 11. 6. non placens Deo adversatur Deo, *Qui, inquit, non est mecum, contra me est*, Matt. 12. 36. Adversarius autem Dei & impius est & reus gehennæ: necessariò efficitur Papistas omnes, qui hæreticorum fidem non tenuerunt, Hæreticorum testimonio & verbis, mereri Gehennam ad eamque descendisse, quotquot hætenus sine ista eorum fide, ex hac vita migrarunt; sive illi parentes fuerint, aut necessarii, sive miraculis clari, sive martyres Christi, sive doctores ecclesiæ, sive alii quicunque, nemine prorsus excepto: *quia sine fide impossibile est placere Deo*: Martyres autem, quo pertinacius fidem non rectam tenuerunt, ut pro qua mori

mori voluerunt; & Doctores Ecclesiæ, quibus nulla occasio fuit prætendi ignorantiam, atque adeo, qui primis Apostolorum temporibus viciniore fuerunt, quando recens esse debebat Apostolicæ doctrinæ memoria, gravius in Gehenna supplicium perferent. Neque excusabit quemquam Christianorum ignorantia magis quam infideles Ethnicos Idolorum cultores, *qui ignorantes servierunt creatura potius quam creatori*, Rom. I. v. 26. quia tametsi, *Servus sciens voluntatem Domini, & non faciens, plagis vapulet multis, is tamen servus, qui nescit voluntatem Domini, facitque digna plagis, vapulabit quoque*, licet paucioribus, Luc. 12. 48. Et, si plagas meretur cultus Idoli argentei vel aurei: merebitur utique adoratio frustuli panis, obedientia Antichristi, violatio sacramentorum.

## GOMARUS.

Multa accumulas Costere, sed quàm rectè, perpendamus. *Hæretici* (inquis) *omnes ex instituto sua doctrina duo habent gravissima peccata, blasphemiam in Deum, impietatemque in parentes*. Magnum profecto ad sanctitatis laudem, adversariis vestris (quos hæreticos vocas) detrahendam, si vera oratio est: at si falsa, injusta & turpis calumnia est. Quibus igitur rationibus confirmas; an quod *maiores omnes non rectam fidem tenuisse, malè credidisse* asseramus? Atque eadem perpetuò oberras chordâ, & crebra repetitione id arrogas tibi, quod maximè in controversia versatur & probationem desiderat. Nam quod Pontificæ doctrinæ, quam sc. Catholicam vocas, antiquitatem ab Apostolis deducis, & de majorum omnium consensu gloriaris, id sacrarum literarum, & orthodoxorum Patrum, & piorum majorum cum Romana ecclesia comparatione, jam antea diluimus: quemadmodum & ea quæ hoc in loco accusas, ab omni impietatis nota vindicavimus. Verum enim est *alterius* (ut vocatis) *speciei communionem Christi institutionem violari: Romanum Pontificem esse Antichristum: in eucharistia, à solo Christo fidei oris offerri corpus & sanguinem ipsius: à ministro verò panem & vinum, tanquam Christi sacramentum*. Quid in his sententiis in majores omnes impietatis admittimus? Nam quæ de Arianis, Macedonianis, Donatistis & Anabaptistis hæreticis commemoras, ea nos minimè attingunt. Addis; *Hæretici* (maiores) *violarunt mandatum Dei, adeoque ut sacrilegi perverterunt sacramenti institutionem: sed contra, majores olim integro usi sunt sacramento, & si qui secus fecerunt, etiam à Romano Pontifice tanquam sacrilegi condemnati sunt, quod unus ejusdemque mysterii violatio sine gravi sacrilegio non possit provenire: ut Gelasius Papa piè asseruit, de Consecratione dist. 2. §. comperimus*. Nec verum est quod ais, *Lutherani obtinuerunt Antichristo: quia ut Deus Eliz temporibus, septem piorum millia quæ Baalem non adorarunt, conservavit: sic majores non paucos confirmavit Deus, qui nec Antichristi Romani pedem osculati sunt, nec jugum illius agnoverunt*. Et quemadmodum latro in cruce conversus est: sic non dubitamus, quin Christus suas oves non paucas ante vitæ finem è faucibus lupi Romani ereptas conservarit. Ac propterea non omnes majores pro Deo coluerunt bolum exiguum panis pauculasque guttulas vini, oculis & animis in terram deorsum intenti in sacramentum: sed contra *sursum corda* attolentes: Christum solum non in pane, sed in cælo præsentem, adorarunt. Vos verò dum panem & vinum converti in corpus & sanguinem Christi, contra S. Lit. auctoritatem & communem sensum experientiam, confingitis, ea pro vero Deo adoratis. *Quæ idololatria* (ut ipsemet fateris) *nulla fuit apud gentes sceleratior*. Quam liberam Costeri confessionem pium & prudentem lectorem attendere velim, ne, si qui fortè iusta rei indignitate & pio zelo commoti, Pont. sacerdotes, *sceleratos idololatrias* interdum vocent, calumniari, aut acerbius, quam par est, adversarios compellare censeantur. Nec propterea tamen in majores nostros, ut objicis, *sumus injurii*: quandoquidem plerosque eorum, quod à vestris erroribus fuerint immunes, laudamus: reliquorum vero lapsus coram Deo & mundo justè agnoscimus ac deploramus. Hoc enim suo quodam jure à nobis postulat veritatis dignitas & cha-

ritas erga ecclesiam: ne ea incautior majorum exemplo, in eisdem scopulos impingat. Atque hujus sanctæ & necessariæ libertatis monumenta in S. L. multa continentur. Et enim nonne Josue disertis verbis, ut Israëlitis ad pietatem accenderet *Patres ipsorum in Mesopotamia & Aegypto falsis Diis servisse monet*? nonne divinus Psalter patrum suorum ingratitudinem in Deum, & errores gravissimos, ut meliores reddat ipsorum posteros, libere perstringit: Psal. 78. v. 9, 10. & Psal. 106. v. 6, 7. Nonne Daniel peccata patrum suorum, ad misericordiæ divinæ gloriam ingenuè profitetur? Dan. c. 9. Quis denique<sup>b</sup> Christum, Stephanum, Paulum apostolum summa libertate majorum suorum & incredulitatem & contemptum Dei, ad Phariseos præpostere patribus gloriantes, refutandos, & ad piorum cautionem, retulisse ignoret? Quamobrem frustra nobis ex iusta & necessaria majorum quorundam reprehensione nostra, invidiam apud imperitos conflare studes: frustra adeo tragicè judicia nostrorum hominum exaggeras. Nec enim omnes majores nostros Papistas fuisse agnoscimus: nec eos qui fuerunt, tam protervè damnamus. Quamvis enim una sit vera fides, suos tamen servato fundamento habet gradus. Scimus enim complures fuisse Pontificios, qui, dum in extremo vitæ discrimine versarentur, & ad severam judicii divini libram sua facta expenderent, rejectâ traditionum humanarum fiduciâ, ad solius Christi meritum & intercessionem, tanquam ad sacram anchoram, confugerunt: imò ipsi sacrificuli sæpius, desperantibus ad Pontificias consolationes ægrotis, aut confitentibus, non alia ratione, quàm pura Evangelii promissione, salutarem animæ medicinam attulerunt. Deinde compertum est etiam, nunquam in Papatu tam densas viguisse tenebras, quin aliqua fuerit publica in templis Evangelii lectio & promissionum Evangelii pro concione, quamvis adjunctis erroribus, repetitio: ac propterea non est mirandum complures paulatim Dei Spiritu adjuvante ad veram fidem, præteritis quasi surda aure expositionum vestrarum corruptelis, Evangelii voce conversos. Præterea quis ignorat sæpius Deum concionatorum Pontificiorum corda ita illustrasse, ut Evangelicæ veritatis fundamenta purè intellexerint, & eadem luce auditoribus suis magno cum fructu ad salutem præluxerint: quos tandem aut instabiles terroribus ad veritatis abnegationem coëgistis; aut constantes, variis suppliciis, ad veritatem opprimendam, trucidastis. Considera *Catalogum testium veritatis*: consule annales vestros, nihil verius comperies. Et quamvis plurima piorum veritatis assertorum scripta cum auctoribus concremastis: reliqua tamen opera quæ supersunt, eorum fidem faciunt. Ac sane ante Lutheri tempora quis fere in Papatu error est, cui non olim multi è vestris, quorum corda Deus attigit, scriptis & concionibus contradixerunt? Et ne altius rem repetam, quam multis nostra memoria in medio Papatu purioribus nonnullis concionibus, aut confessorum colloquiis, fides Christiana paulatim instillata est? Exemplis illud probare non est opus: quia multos pios lectores suo aut aliorum exemplo id didicisse minimè dubito. Denique quum Deus suam semper habuerit in medio Papatu, sed fide à Pontifice separatam ecclesiam; non est dubium quin verè fideles subinde Pontificios complures converterint, partim alloquio suo & concionibus, partim confessione & martyrio: dum ad necem evangelii gratiâ correpti veritatem perspicue & intrepide confessi sunt, & sanguine suo constanter obsignarunt: Ac propterea quum tam multæ ad Pontificiorum conversionem extiterint olim rationes: certum est partem majorum nostrorum variis in locis ad fidem potuisse converti, & conversos esse minime dubitamus. Vestrum est, Costere, non nostrum, levi de causa anathematis fulminè in dissentientes favire. Verum<sup>c</sup> quia eandem crambem quam antea sæpius proposuisti, iterum reponis, ad refutationem nostram lectorem remitto, & ad alterum accusationis tuæ caput examinandum accedo.

a Jos. 24. 14. b Matth. 23. 23. Act. 7. 39. 1. Cor. 10. 5. c Enchiridii Præfat. antich. 11. & de ecclesia. nota 1. &c.



## COSTERUS.

*Tres blasphemia in Deum.*

Deum simili modo gravissimis blasphemiiis lædunt, quem faciunt mendacem, crudelem, iniquum. Mendacem quidem, qui non præstet promissa. Per veteres quippe Prophetas de temporibus ecclesiæ prædixit, veram Dei notitiam ita per orbem terrarum manifestam fore, *ut non doceat unusquisque proximum suum, dicens, cognosce Dominum. Omnes enim cognoscent me à minori usque ad maximum*, Jer. 31. 34. & Heb. 8. 11. Per seipsum quoque Christus perpetuam nobis suam Sanctique Spiritus sui præsentiam addixit: *Ego vobiscum sum usque ad consummationem seculi*, Mat. 28. 20. Et, *Mittam vobis paracletum, Spiritum veritatis, qui doceat vos omnem veritatem & maneat vobiscum in æternum*, Joh. 14. 16. Hæretici admittere nequeunt hæc esse prædicta, quine unum quidem hominem exhibere possunt, à temporibus Apostolorum toto terrarum orbe ejusdem omnino fidei secum & religionis. Nusquam igitur manifesta fuit vera Christi doctrina, nec ubique recepta, defuit adesse Ecclesiæ suæ Christus, secessit Sp. S. successit Spiritus erroris & Demoniorum. Crudelem verò faciunt Deum, qui pauculos quidem illos Christianos, quos puram Evangelii scientiam Apostoli ipsi docuerunt, participes esse voluerit sanguinis Christi, reliquos verò omnes excluderit, qui à discipulis successoribusque Apostolorum imbuti errores hauserint, non synceram fidei doctrinam. Injustum denique, qui nec ipsis sanctis Martyribus notitiam veræ fidei religionisque dederit, aut sanguinis Christi fructum communicaverit, quos constat pro Christi amore dedisse sanguinem suum. Hæc certè omnia necessariò consequuntur, si Majorum fides, quam nostram esse docuimus, errorem habuerit, ut Magdeburgenses pro Lutheranis fatentur, & Calvinus ipse pro suis sectatoribus.

## GOMARUS.

Hæc profecto gravis accusatio est: qua triplicem nobis blasphemiam injustè impingis. Nec enim Deum facimus mendacem, quem *solum*<sup>a</sup> ac summum bonum & mentiri nescium<sup>b</sup>, & in promissis constantem prædicamus. Quare ut prædictionem illam Jeremiæ verissimam, sic interpretationem tuam à vero cumprimis alienam comperimus. Fingis enim, ut alibi<sup>c</sup> expressius declaras, *Prophetam his verbis significare temporibus Christianorum tam publicam fore & omnibus manifestam orthodoxam fidem, tam conspicuam ecclesiam catholicam, ut ea neminem possit fugere*. Sed aquam citius è pumice expresseris, quàm hanc sententiam ex Prophetæ verbis. Quippe ille de omnibus N. T. electis agit: tu ad universos mortales extendis: quod quam absurdum sit, non solum sanctus vester Thomas Aquinas in commentariis suis ad Heb. 8. lect. 3. agnovit, sed experientia quoque demonstrat; ut ex iis, quæ de ecclesiæ amplitudine explicavi, apparet. Deinde verò non negamus, quin Christus ecclesiæ suæ perpetuam Spiritus sui præsentiam addiderit ac præstet: quemadmodum lib. 2. cap. 2. demonstravi. Non inficiamur igitur eorum, quæ à Prophetis & Prophetarum domino prædicta sunt veritatem, sed corruptelam vestram & inanem objectæ vanitatis calumniam, quæ jam sæpius refutata est, parvi æstimamus. Fuit certè, fuit hæcenus & perstabit ad finem usque Christi veritas & ecclesiæ: quamvis lunæ instar varia facie, nunc clarius, nunc obscurius, interdum quasi extincta & multis in locis profligata. Adeo ut nemini mirum esse debeat, si secessisse à multis locis Spiritum Sanctum & successisse erroris & demoniorum spiritum; Dei auctoritate 2. Thessal. 2. 1. Timoth. 4. & experientiâ edocti asseramus. Quare ut doctrinæ vestræ falsitatem averfamur, sic Dei laudamus & amplectimur veritatem. Porro aliâ nos aggrederis viâ, & blasphemiam maculam nobis allinis, ac si *crudelem faceremus Deum*: Sed dum id probare contendis, & blasphemus es in Dei justitiam & injurius in nostram con-

fessionem. Nam cum *crudelis* is dicatur (ut etiam vestri<sup>a</sup> definiunt) *qui in puniendo excedit modum*: nulla crudelitas sine gravi impietate, Deo adscribi posset, si vel solos Apostolos clementer, per Christum servasset: quos juste cum reliquis omnibus hominibus potuisset condemnare. Interim voluit Deus gratuito beneficio justitiam suam erga humanum genus misericordia temperare, & ecclesiam suam propagare ad finem usque mundi: quemadmodum etiam revera propagasse agnoscimus. Ac propterea falso nos arguis, quasi *solis Apostolis scientiam veritatis & sanguinis Christi fructum exclusis omnibus posteris, convenisse* traderemus. Nec dissimilis est tertiæ blasphemiam accusatio, quod *injustum facimus Deum, qui nec ipsis sanctis martyribus, notitiam veræ fidei religionisque dederit, aut sanguinis Christi fructum communicaverit, quos constat pro Christi amore dedisse sanguinem suum*. Verum Costere, aut tibi inepte contradicis, aut iterum, quam nobis objicis blasphemiam, incurris. Quomodo quisquam sanctos Martyres, qui pro Christi amore obierunt, ignaros fuisse veritatis judicabit? Sin vero de externa sanctitatis specie, & amore ac zelo imperito intelligis, tum justitiam & gratiam Dei gravissimè lædis. Quis enim nisi Pelagianus nos operibus nostris Dei gratiam prævenire & veritatis notitiam promereri asserat? Quis etiam neget, multos extitisse hæreticos externa vitæ probitate & imperito Christi amore præditos, qui ab ethnicis non hæreseos nomine, sed ob generalem Christianæ religionis professionem & idololatriæ fugam trucidati sunt. Quam multi infideles Judæi cæco Dei amore quævis tormenta ab hostibus pietatis pertulerunt? An ideo tamen Deus injustus dicetur, quod illis veræ religionis notitiam non donavit; Denique, quum in sanctis etiam martyribus, Justino, Cypriano, & aliis, qui fundamentum pietatis & salutis conservarunt, errorum etiam stipulas extitisse compertum sit: an injustus est Deus, quod perfectam veritatis notitiam iis non sit largitus? Quare animadvertis, opinor, Costere, dum blasphemiam notam nobis aspergere studes, eandem te imprudenter vobis inurere. Huc accedit quod fragili fundamento totam hanc criminationem altruis & concludis. *Hæc certe, inquis, necessariò consequuntur, si Majorum fides, quam nostram esse docuimus, errorem habuerit*. Verum nimium tibi arrogas, Costere. Quis enim eandem majorum & vestram esse fidem concedet, quum id in controversia maxime versetur, & secus ex mutua comparatione antè sit demonstratum? Quis etiam meritò neget majores nostros, ut homines fuerunt, humanitus aliquid passos & suos habuisse nævos? Examina Costere, quæ de hoc argumento superioribus exposui, & facile comperies, quàm iniquè Magdeburgenses & Calvinum accuses. Verum ne quid in lædendis orthodoxis, quos etiam hæreticos vocas, abs te prætermittatur, alia etiam peccata objectas.

<sup>a</sup> Thomas Aquinas summæ 2. 2. quæst. 107. art. 1.

## COSTERUS.

*Peccata comitantia hæresin.*

Præter hæc gravissima in Deum hominesque peccata hæreticis omnibus communia, alia etiam sunt, quæ hæreses comitantur: ut sunt; humanas leges violare, in proximos à sua secta alienos injurios esse, persecutiones moliri, seditiones movere, bella ciere, omnia turbare. Qui enim sibi persuasum habent in errore proximum versari, Deumque blasphemiiis, idololatriis, impiaque religione offendi, non dubitant sui pro fraterna charitate officii esse, salutem curare aliorum, novam fidem aliis communicare, suam doctrinam propagare, (*hæresis quippe serpit, ut cancer*, 2. Tim. 2. 17.) omniaque novo Evangelio replere. Et quia novitatibus etiam vehementer ad carnis oblectamenta commodis & plausibilibus, non desunt impedimenta; existimant ad eundem charitatis fervorem, conscientiaque suæ quietem pertinere, pro viribus ad submotionem obstaculorum conari, & quidvis tentare potius, quam ut veritas post tot annos reperta, diutius incognita hæreat in tenebris. Hinc bella, seditiones, perduelliones, Catholicorum persecutiones, Monasteriorum atque templorum everfiones, Sacramentorum violationes, rerum sacrarum

<sup>a</sup> Matth. 19. 17. <sup>b</sup> Tit. 1. 1. <sup>c</sup> De sacra scriptura, pag. 64.

sacrarum profanationes, sacerdotum neces, Sanctorum martyria, atque id genus alia, quæ non minus oculis nostris vidimus, quàm in codicibus nostris legimus.

## GOMARUS.

Indignum facinus est humanas leges violare, sed multo indignius, divinas: quorum utrumque Monachis & Sacerdotibus vestris congruit, qui magistratus in se imperium non agnoscunt, nec huic Dei legi parent; *Omnis anima superioribus potestatibus subiecta est*, Rom. 13. 1. Quæ sententia non minus episcopos & verbi præcones, quàm alios compellat: ut res ipsa demonstrat, & ex insigni Chrysostomi expositione alibi demonstravi. Nos verò Christum præcipientem & exemplo suo præeuntem audimus; *Date quæ Cesaris sunt, Cesari, & quæ Dei, Deo*, Matt. 22. 21. ac propterea magistratus nostros tanquam Dei ordinationem honoramus & decretis eorum paremus usque ad aras: quatenus nimirum nihil impium in Deum, aut injustum in proximum, mandant. Alioqui scimus amorem Dei præceptum esse primum ac summum, Matth. 22. 38. & oraculum illud Apostoli, Act. 5. 29. *Deo potius parere oportet, quàm hominibus*, sequimur tanquam ducem. Quare nullam improbitatis reprehensionem, sed magnam pietatis laudem promeretur, quod multi, Prophetarum & Apostolorum exemplo, maluerunt patriam cum exilio, opes cum egestate, & vitam cum morte commutare, quam deserta veritate & suavi Christi jugo cum æterna salutis iactura errores & Idololatriam Pontificiam amplecti. Indignum est *proximos à sua religione alienos, injuriis afficere, persecutiones moliri, seditiones movere, bella ciere, omnia turbare*: sed quibus, obsecro, hæc conveniunt? Considera tantum quàm liberè apud nos degant & loquantur non solum Pontificii, sed etiam residui monachi & sacerdotes. An apud nos catervatim Pontificii rapiuntur in crucem? an gladio trucidantur? an aquis obruuntur? an igni ustulantur vivi? an juvenulæ defodiuntur? Hæc sane à nobis aliena, contrà vobis familiaria negare non potes. Quamobrem dum hac criminatione gravi invidiam vestris adversariis conflare satagis, vos ipsos vivis coloribus imprudens depinxisti. Porro quæ de monasteriorum & templorum everfionibus iterum commemoras, ea libro primo ad antithesin quintam & sextam, perspicuè diluimus. Sed ut hoc argumentum amplius illustretur, Apostolorum & hæreticorum comparationem audiamus.

## COSTERUS.

*Diversa ratio predicandi Apostolorum & hæreticorum.*

Non sequuntur quippe hæretici eam suæ doctrinæ propagandæ rationem, quam S. S. Apostoli & primi Ecclesiæ fundatores præmonstrarunt, qui non inferendo regibus bella, non invadendo Principum civitates, non occupando per vim alienas terras, non mortem minitendo, non tormenta inferendo, Ecclesiam plantaverunt, & per orbem terrarum longe lateque propagarunt: sed obediendo, patiendo supplicia, martyria, mortes tolerando, sanguinem suum fundendo, sancta stabiliaque Ecclesiæ Christi initia dederunt. Christus enim non armis, aut humana virtute, sed humilitate subicere sibi orbem voluit: hancque vim & efficaciam sanguini Martyrum, sanctorumque afflictionibus dedit, ut semina essent multorum bonorum. Et sicut granum frumenti cadens in terram, si mortuum fuerit, multum fructum affert, Joh. 12. 24. ita ex morte Martyrum, magna sementis fiebat novorum Christianorum: Plenæ sunt historiæ ad unius Martyris mortem multa Gentilium millia quandoque in Christianæ religionis lucem concessisse, atque inter eos credentes, aliquando etiam carnifices ipsos fuisse. Persecutionibus namque crescit Ecclesia, non tollitur. Admirabilis pugnandi ratio, & novum genus potentia, sustinendo cadere hostem; patiendo affligere hostem; moriendo prosternere hostem; jacendo triumphare de hoste. Non prius Imperatores & Principes fidem susceperunt quàm populus, ne humanæ potentia Christi gloria tribueretur, sed primo mundus ferè universus Christum agnovit. Qui deinde humili obedientia,

malorum tolerantia, suppliciorum perpessione, innumeris mortibus, animorum in una fide consensione, sicut ad Christum accesserat, ita Principes, Reges & Imperatores ad idem Christi ovile adduxit. Hæretici, quod non ignorent, hoc privilegium non sibi, sed Ecclesiæ datum, militari manu agunt more Mahometi & Principum improborum, qui armis invadant aliena regna: certissima enim sententia est, quam B. Augustinus se tandem agnovisse fatetur: *Hæreticos persecutionibus tolli, non augeri*, Epist. 48. 50. & 68. lib. 2. retra. cap. 5.

## GOMARUS.

Utinam, Costere, quæ de Apostolis & successorum virtutibus commemoras, advivum exprimeretis! Cessaret proculdubio Inquisitionis vestrae Hispanicæ in orthodoxos immanitas. Verum quum secus crebra & tristi experientia compertum sit, non difficile est, lupos, licet agnina veste contectos, ex ovium dilanatione ab ovibus Christi discernere. Ac sane si hoc ecclesia (ut ais) *privilegium est, ut moriendo vincat*: & si verum est, *hæreticos contrà persecutionibus tolli, non augeri*, quis adeo cæcus est, quin nostram ecclesiam ab hæreseos nota liberet, & verum esse Christi ovile agnoscat? Etenim ex quo tempore inauspicato cœpistis promiscuè, in viros, fæminas, senes, juvenes, adolescentes, juvenulas ad reformatam & orthodoxam ecclesiam opprimendam gladiis acuire, furcas erigere, foveas parare, ignes accendere, & exquisitissimis tormentis in nostros sævire, in immensum contra expectationem vestram, fidelium numerus cum magna Pontificii regni calamitate, accrevit. Quod profecto, te ipso iudice, præclarum veritatis & bonæ causæ argumentum: adeo ut merito cum Tertullian. in apologetico dicere valeamus, *quoties metimur, plures effloimur: semen est sanguis Christianorum*. Perge ita, Costere, & rationes nobis imprudenter porrige, quibus veritatem tueamur, & errores vestros destruamus. Quam ad rem nonnihil etiam faciunt, quæ ad crudelitatem vestram fucandam adducis.

## COSTERUS.

*Principes cur hæreticos puniant.*

Neque hic moveat quemquam, quod constituta jam ecclesia, Principes & Reges edictis & legibus in Hæreticos sæviant: non enim aliena invadunt, sed sua conservant; sibi que subiectos ad officium & juratam fidem adigunt. Sciunt Principes quanta blasphemia sit hæresis; sciunt, quam irrequietum sit malum, quod pacem publicam turbat, aliosque secum ad perniciem trahit. Severas igitur pœnas statuerunt in Hæreticos, legibusque gravissimis caverunt omnem religionis innovationem. Quæ leges jam olim à vetustissimis Imperatoribus vulgatæ, & multis retro seculis per orbem Christianum servatæ, magnam pacem attulerunt Ecclesiæ. Certè non minus est Regum & Principum eos compescere & tollere, qui novis dogmatibus Reip. nocumento sunt, quàm qui furtis & homicidiis tranquillitatem, & libertatem publicam violarunt: Catholici igitur qui hæreticos insectantur, non rapiunt aliena, sed sua retinent, atque id non iudicio suo, sed auctoritate legum. Et hætenus quidem de peccatis hæreticorum, quæ vel necessario semper, vel communiter & plerumque hæreses omnes comitantur.

<sup>a</sup> August. epist. 146. <sup>b</sup> Aug. lib. 3. contra Cresconium Gram. cap. 53. Lib. 2. contra epist. Gaudentii cap. 26.

## GOMARUS.

Æthiopem lavas Costere, dum crudelitatis Pontificiæ maculam eluere studes. Duo enim vobis constanter obstantur, nimirum quod & aliena invaditis regna, & Inquisitione vestra in subditos religionis odio inaudita feritate sæviatis. Ut autem defensionis duplex est modus, negatio & purgatio: sic ordine utrumque in hoc argumento usurpas. Primum enim accusationis caput inficiaris, sed qua fronte? Nonne Alexander sextus Papa <sup>a</sup> in bulla quadam regi Ferdinando & Elisabetæ dominium omnium insularum

<sup>a</sup> Dominicus Bannes in 2. 2. Thomæ. quest. 10. art. 10. pag. 619.

maris Oceani usque ad illud tempus inventarum & invenientiarum concessit? Ex qua re plus humani & innoxii sanguinis effusum esse, quam cunctorum tyrannorum sævitia, ipsimet Pontificii oculati testes scriptis profitentur<sup>a</sup>. An non illud est aliena regna invadere? Agnovit hoc tandem Paulus tertius Papa, qui *definit Indos occidentales veros esse dominos rerum, quas habebant ad usum, nec esse tali dominio & jurisdictione spoliandos*. Unde prioris Pontificis injustitia ac perversum iudicium, & utriusque dissensio, & Pontificiorum in sanctitate & unitate ecclesiæ suæ iactanda vanitas singularis apparet. Ac sanè si hic lubeat verba tua cum Romanorum Pontificum factis comparare, quam copiosa mihi refutationis futura est materia? Nam ut pauca è plurimis excerpam, evolve annales & inquire, quis Italiam ad defectionem à Leone Imperatore adduxit? Gregorius tertius Papa Romanus. Quis Rodolphum Sueviæ ducem adversus dominum & imperatorem suum Henricum quartum ad rebellionem concitavit? Gregorius septimus, qui missâ coronâ imperium à legitimo domino hoc profano & injusto versu transferre conatus est; *Petra dedit Petro, Petrus diadema Rodolpho*. Quis etiam Henricum quintum filium ad patrem suum immerentem & clementissimum Henricum quartum regno suo, contra naturæ & scripturæ jura, deturbandum provocavit? Paschalis secundus Papa. Quis ante annos octoginta sex Gallicæ & Navarræ regna excommunicatione sua prædæ exposuit & Ferdinando Arragonum regi Navarram injustissime invadendi & occupandi potestatem dedit? Julius secundus Papa. Quis Sanderum<sup>b</sup> & cæteros conjuratos bullâ suâ ad bellum in Hibernia contra serenissimam Angliæ reginam nostrâ ætate armavit? Nihil minus quam nomini suo respondens, Pius quintus Papa. Quæ omnia partim à Platina, partim ab aliis auctoribus Pontificiis referuntur. Quare desine tandem, Costere, gloriari vos *aliena non invadere regna*. Et ne quis tantum in Pontificum moribus sanctitatem & justitiam desiderari putet, ad doctrinam vestram attendamus. Ac primum non referam quibus rationibus apud vos Gynesium Sepulveda truculentam illam Indorum invasionem & everisionem (quam summopere accusabat Bartholomæus de las Casas<sup>c</sup> episcopus de Chiapa, *constantissimus Indorum ad mortem patronus*, ut Dominicus Bannes appellat) religionis specie tutari conatus sit: omitto quod Hostiensis summi inter Pontificios nominis eodem modo (ut Bannes recenset) *infideles omnes sola infidelitatis causa posse per bellum privari dominio rerum temporalium: quoniam existimat ille solum esse dominium verum rerum temporalium apud fideles*. Hæc, inquam, & alia quæ adferre possem plurima, missa facio, & ad Pontificis Romani Gregorii septimi (cujus paria dictis facta ante recensui) decretum me converto. Nos (inquit) *sanctorum prædecessorum nostrorum statuta tenentes, eos qui excommunicatis fidelitate aut sacramento constricti sunt, Apostolica auctoritate à juramento absolvimus, & ne sibi fidelitatem observent, omnibus modis prohibemus, quousque ipsi ad satisfactionem veniant*. Unde primum Thomas Aquinas concludit, *principibus apostantibus à fide, non esse obedendum*. Deinde similiter Dominicus Bannes in suis ad illum Thomæ locum commentariis ait, *Post lasam sententiam declarativam de crimine hæresis, injuste princeps possidet regnum, & principatum, & exercet jurisdictionem in subditos: tenenturque subditi eximere se ab ejus obedientia, & bellum gerere contra illum si vires illis suppetant, &c.* Ex hac conclusione sequitur primo excusandos esse Angelicanos & Saxonicos fideles, qui non se eximunt à potestate superiorum, nec bellum contra illos gerunt. Quoniam communiter non habent facultatem ad hac bella gerenda contra Principes, & imminet illis gravia pericula. Animadvertite obsecro serenissimi reges, illustrissimi principes, ac magistratus, qui veritatis luce illustrati Pontificiis erroribus renunciastis, qua ratione subditi vestri ad rebellionem doctrina Pontificia concitantur: observate parricidas in vestrum jugulum, religionis specie, armari: & quod hactenus tuti aut invicti persististis, non Pontificiæ religionis innocentia, sed

imbecillitati illius & Dei beneficio tribuendum. Reliqui quorum oculos Romanæ ecclesiæ splendor adhuc percellit, videte tandem, quam indignè dignitas & pietas vestra ludibrio habeatur. Et ut ad te revertar, Costere; vides vos aliena invadere regna, non morum tantum vitio, sed etiam ex doctrinæ vestræ instituto, & injustitia. Nam ut auctarii loco id adjiciam, quum Pontifex Romanus summam in omnia mundi regna potestatem sibi arroget & ascribat, qua possit suo jure reges alios solio<sup>a</sup> deturbare, alios corona donare, nonne aliena invadit regna? Vides igitur, nisi omnino cæcus es, Costere, vident alii multi ex numero vestro, sed mutire adversus Pontificem non audetis: quod is non solum regna aliena opprimat & conculcet; sed omnem quoque justæ reprehensionis libertatem omnibus<sup>b</sup> eripiat. Quamobrem quum primum defensionis tuæ caput, quo animum & studia vestra ab alienis regnis invadendis averfa testaris, abunde refutatum sit, an in altero felicius verferis & crudelitatem in eos, quos vocatis hæreticos, recte purges, perpendamus. Ac primum, quis in ea re fraudem non animadvertat, cum sævitia vestræ invidiam in edicta regum & principum quorum abutimini auctoritate, transfers? Vobis scilicet ut Phariseis, *non licet occidere quemquam*, sed ut illi Pilatum ad Christi cædem legum suarum specie concitarent: Sic episcopi sacrificuli, monachi Jesuitæ, magistratum vestrum eadem viâ ad verè Christianorum perniciem commovent & inflammant. Ac sane sicubi reges & principes ab innoxio sanguine effundendo sibi temperant, non vestræ sanctitati, sed principum bonitati & Deo pro suis excubantis providentiæ debetur. Deinde vero quis prudentior non agnoscat, quam graviter in hæretici cum definitione, tum poena impingatis. Hæretici enim vobis sunt non solum qui in fidem peccant Christianam, & falso de religione pertinaciter ecclesiæ pacem ac consensionem dirimunt: sed omnes illi *qui contra receptam in ecclesia Romana doctrinam sentiunt*. Quum autem recte in quibusdam, prave in aliis sentiat, hinc fit ut eos, qui veritatem amplectuntur, non minus quam qui ab ea defleunt, hæreticos censeatis & exterminetis. Deinde contra vocis naturam (quæ errorem doctrinæ & fidei necessario includit) eos quoque hæreticos appellatis, qui tantum in charitatem, revera aut opinione vestra, impingunt. Quales sunt sacrilegi illi, quos *Simoniacos* vocatis, qui sacra precio redimunt aut divendunt: & *Schismatici* qui servata doctrina sacra, ecclesiæ unitatem moribus violant: omnes denique qui à Pontifice *excommunicati* sunt: quemadmodum Glossa<sup>c</sup> juris Pontificii & multorum Pontificum, in reges, imperatores, principes scripta testantur. Hoc enim vobis solenne est, adversarios vestros quo magis reddatis infames, odioso hæretici nomine gravare. Atque huc etiam pertinet quod ais: *Sciunt principes, quanta blasphemiam sit hæresis*: sane Costere, si blasphemiarum nomen generatim pro quavis honoris Dei læsione interpretari lubeat: sinverò speciatim, ut usus apud principes<sup>d</sup> obtinet, de aperta in Dei maiestatem contumelia, intelligis, malè id nomen ad hæreses omnes generatim extendis. Et si enim Dei gloriæ omnes contrariæ sint, non omnes tamen eam recta & quasi adversa fronte oppugnant: sed quædam obliquè & consequentiæ tantum ratione. Præterea quum magnum sit inter hæreticum & eum qui credit hæretico, discrimen, ut ex Augustino in præfatione tua agnoscis, perperam hoc loco ambos hæreticorum voce confundis. Ad poenam verò quod attinet, agnoscimus gloriam Dei, quorum gratia nati sumus, & Reipubl. salutem flagitare, ne aut aperta in Deum blasphemiam impune toleretur, aut hæreses licenter in ecclesia grassentur. *Qua est enim* (ut rectè ait Augustinus ep. 166.) *peior mors anima, quàm libertas erroris?* Sed in iis tollendis primum opus est institutione fideli: deinde verò moderatione ac prudentia Christiana. Quare humanas ecclesiæ Christi requirit leges: non quæ (ut Draconis Atheniensis legislatoris) *sanguine conscriptæ sint*, & cauterium levi de causa cum perniciè reipublicæ usurpent. Ac

<sup>a</sup> Bartholomæus de las Casas. <sup>b</sup> Chronicum Genebrardi anno 1580. <sup>c</sup> In 2. 2. Thomæ quæst. 10. pag. 614. Ibidem. <sup>d</sup> Gratianus causa 15. quæst. can. nos sanctorum. <sup>e</sup> In 2. 2. Thomæ q. 12. art. 2.

<sup>a</sup> Extravag. com. de Major. c. unam. Et Gratianus causa 15. q. 7. cap. Alius item. <sup>b</sup> Dist. 40. § 5. Papa. <sup>c</sup> Glossa Decret. lib. 5. c. 3. §. Firmissime. <sup>d</sup> Summa Sylvestrina, §. Blasphemia.

propterea immanem illam Inquisitionis vestrae crudelitatem (quam *iusta severitatis* nomine commendas) merito non solum reliqui mortales, sed etiam Pontificii saniores detestantur. Nam quod ais, *leges eas jam olim à vetustissimis imperatoribus vulgatas & promulgatas & multis retro seculis per orbem Christianum servatas*: qua auctoritate comprobabis? Citas quidem ad oram libri Augustinum, sed nullus ad errorem tuum refellendum magis idoneus. Quod ut fiat perspicuum, ea ipsa quæ annotasti loca, excutiamus. Ac primum epistolam 147. aut errore memorie, aut typographi vitio adducis: quia nullam omnino pœnæ hæreticorum mentionem facit. Reliquis verò quos indicas locis, puniendam à principibus hæreticorum insolentiam docet Augustinus, sed in pœnæ via & modo prorsus à vobis dissentit. Sic enim in priori loco ait: *Sed in omnibus tenendus est modus aptus humanitati, congruus charitati, ut nec totum, quod potestatis est, exeratur, & in eo quod exeritur, dilectio non amittatur: in eo autem quod non exeritur, mansuetudo monstratur.* Quænam autem sit ea moderatio exponit perspicue Augustin. epist. 48. ad Vincentium. *Sed plane (inquit) in iis qui sub nomine Christi erant seducti à perversis, ne forte oves Christi sint errantes, & ad gregem aliter revocanda sint, temperata severitas & magis mansuetudo servatur, ut coercitione exiliorum atque damnorum tribulatione admoneantur, considerare quid & quare patiantur & discant præponere rumoribus & calumniis hominum scripturas quas legunt.* Quis enim nostrum, quis vestrum non laudat leges ab imperatoribus datas adversus sacrificia paganorum: Et certe longe ibi pœna severior constituta est, illius quippe impietatis capitale supplicium est: de vobis autem corripendis & coercendis habita ratio est, qua potius admoneremini ab errore discedere, quam pro scelere puniremini. Similia in eandem omnino sententiam extant ep. 50. ad Bonifacium. An igitur Augustinus probat, ut promiscue à fide aberrantes doctores, discipuli, senes, juvenes, matres familias, virgines horrendo spectaculo trucidentur? Provocas perpetuò ad patrum auctoritatem: gloriaris alibi, vos ne in minimo quidem religionis articulo ab ea discedere: hic pedem igitur in re gravissima fige, & si potes, hanc sententiam vestram Augustino, Chrysostomo, Ambrosio, Hieronymo, cæterisque patribus placuisse demonstra: aut potius ut res postulat, doctrinæ vestrae novitatem & summam Inquisitionis vestrae Hispanicæ injustitiam agnosce, & orthodoxos hæresicos insimulare desine. Interim quum hætenus demonstratum sit, quàm injustè ecclesiam orthodoxam impietatis & injustitiæ accusaveris, audiamus, qua ratione sanctitatis nomen eidem eripere contendas.

a August. de utilit. cred. ad Honor. c. 1.

## COSTERUS.

*Sanctitas nulla in hæreticis.*

Sanctitatem verò in cœtibus eorum vel fuisse, vel esse, nullo certo indicio demonstrari potest: Edunt illi quidem moralia nonnunquam bona, largiuntur eleëmofynas, xenodochia erigunt, moderatè eorum quidam vivunt, à convitiis & juramentis sese abstinere: sed id genus virtutum etiam in plerisque philosophis ethnicis reperias, & externa hæc officia ex mente hominis, tam ad vitia, quàm ad virtutes referri possunt. Si enim vel eleëmofyna, vel alio officio pauperi opituleris, ut tibi in hæresi consentiat, non minus est actio hæresicos & grave peccatum, quàm si ex superbiz vitio proficiscitur, si idem præstes, ut honoreris; vel ex libidine, si tali officio occasionem venêris luxuriæ. Quærenda sunt igitur alia sanctitatis indicia. Ea autem vel ex aperta revelatione divina fumentur, vel ex miraculis ad hominum utilitatem solâ potentiâ divinâ editis, ut excitare mortuum, Joh. 11. 44. illuminare cæcum, Joh. 9. 7. & quæcunque creaturarum vires excedunt.

D. Johannes Baptista nullum quidem signum vivus edidit, sed testimonium sanctitatis à Christo accepit: *Inter natos mulierum non surrexit major Johanne Baptista*, Matt. 11. 11. Christus verò innumeris miraculis testatum omnibus fecit, se Filium esse Dei: *Quem Pater (inquit) sanctificavit & misit in mundum, vos dicitis, quia blasphemias, quia dixi,*

*Filius Dei sum? si non facio opera Patris mei, nolite credere mihi*, Joh. 10. 36.

## GOMARUS.

De verè hæreticis, Costere, non laboro; sed quia nos potissimum eo nomine involvis, quo jure ais, *sanctitatem in cœtibus nostris vel fuisse vel esse, nullo certo indicio posse demonstrari?* an quod ea quæ à nostris proficiscuntur bona, cum ethnicis sint communia? Sanè si res ita sese habet, non est cur multis tecum contendamus; verum duplici modo hallucinatis. Nam primum quamvis Ethnici quidam largiantur eleëmofynas, Xenodochia erigant, à convitiis & juramentis sibi temperent: alia tamen professione, quam Christiani. Illi enim ea præstant, quod, ut ajunt, humanæ naturæ societas & Reipublicæ conservatio id postulet, ac minus in Christianos, religionis odio, quàm in reliquos benigni sunt: contra vero Christiani ea præstant charitatis officia cum professione causarum, quibus permoventur, Dei nimirum præcepto, Christi Servatoris merito, præmio cælesti, ejusdem naturæ, creatoris & servatoris societate. Ac propterea quum in omnes benigni sint, *maximè erga domesticos fidei*, Gal. 7. Xenodochia quidem ethnici construunt; sed ut in iis corporis tantum salus procuretur: Christiani verò ita informant, ut animæ etiam salus doctrinæ veræ institutione & consolatione Christiana promoveatur. Ac propterea non immeritò Christus ex hisce & signilibus veræ pietatis officiis veros Christianos à reliquis omnibus discreturus est ultimo die, Matth. 25.

Possunt quidem externa hæc officia ex mente hominis ad virtutem, quam ad vitia referri, sed adjuncta veritatis confessio mentis sanctitatem indicat. Ac quamvis non omnes coram Deo sancti sint, qui externa pollent sanctitate: nobis tamen ex charitatis lege & perpetuo Apostolorum usu tales pro sanctis habendi sunt: & ecclesiis illis, in quibus hæc sanctitatis indicia conspicua sunt, sanctitatis laus derogari non potest. Deinde verò quum de sanctitate ecclesiæ disceptatur, eam tamen in illis quæ commemoras charitatis fructibus propriè & potissimum non collocamus, sed in sincera verbi Dei prædicatione, & legitimo sacramentorum usu; ut supra à nobis ex sacrarum literarum & orthodoxorum patrum consensu demonstratum est. Nam ubi hæc vigent, quamvis palea frumento, boni malis permixti sint, ecclesiam tamen agnoscimus: quod, ut eleganter ait Augustin. Ep. 166. *intra retia verbi & Sacramenti mali pisces cum bonis inclusi sint.* Hæc signa sicubi adsunt: quia ut initio hujus controversiæ agnoscis, veræ & sanctæ Ecclesiæ propria sunt, eandem certò demonstrant, & certius quàm multæ revelationes aut miracula; partim quod ea impiis communia esse possunt, partim quod non sint perpetua, ut antè demonstravi. Denique si miracula à nobis quærentur, proferimus ea quæ à Christo, *Sancto sanctorum*, & à sanctis Apostolis veterique ecclesia edita sunt ad confirmationem ejusdem doctrinæ quam profiteamur: ut ex sacrarum literarum collatione apparet. Adeò ut si qui in iis signis non acquiescant, dici possit, quod de Judæis Servator; *Natio mala & adultera signum quæris*, Matth. 16. 4. Quod ut magis illustretur, age quæ de miraculorum causis adducis, examinemus.

## COSTERUS.

*Miracula.*

Miracula porrò duabus ex causis fiunt, altera est ad doctrinæ testimonium, ut indicia sint veritatis & sanctitatis doctrinæ; quomodo etiam ab impiis miracula posse edi fatentur scripturæ. *Multi*, (inquit Christus, Matth. 7. 21.) *dicerent, Domine, nonne in nomine tuo demonia ejecimus, & virtutes multas fecimus, & tunc confitebor illis, quia nunquam novi vos; discedite à me omnes, qui operamini iniquitatem.* Et beatus Paulus 1. Cor. 13. 2. fatetur magna fide transferri posse montes sine charitate. Altera causa, in testimonium sanctitatis vitæ: Si, inquit Elias, *homo Dei ego sum, descendat ignis de celo, & devoret te & quinquaginta tuos*, 4. Reg. 1. 10.

Vuuu 2

Hæreti-



Hæreticis neutro modo concessum est miracula edere, ut vel de sanctitate doctrinæ suæ, vel de sanctitate vitæ testentur. Ajunt Novatianos quosdam olim miracula fecisse, sed in testimonium fidei catholicæ apud Gentiles, non in testimonium sui erroris; adinstar illius Judæi, qui in Christi nomine dæmonia ejiciebat, nec tamen fidem amplexabatur, de quo beatus Johannes, Luc. 9. 49. *Præceptor, vidimus quendam in nomine tuo ejicientem dæmonia & prohibuimus eum, quia non sequitur nobiscum.* Ferunt Anabaptistas idiotis suis, si baptisma suscipiant, legendi conferre peritiam, qua careant, simulatque hæresim detestantur: sed majora præstant oppressi à Diabolo, qui & alienis linguis loquuntur, & absentia atque occulta revelant. Hæc enim non miracula sunt censenda, quæ Diaboli potestatem non excedunt. Faciet miracula Antichristus, sed opera Dæmonis, & prorsus inutilia, nihil enim ad hominum commodum: faciet de cælo ignem detrahare, Apoc. 15. 2. & imagini bestię dare sermonem: similia fiunt à Magis non parvo Reipubl. incommodo. Cæterum miracula quandoque à defunctis eduntur ad eorum vel reliquias, vel invocationem, sicut ossa Elisæi sepulti occisum hominem resuscitarunt, 4. Reg. 13. 21. & hæc testantur sanctitatem defuncti. Hæretici ergo, qui nec vivi, nec mortui sanctitatem suam apud quemquam suorum confirmare possunt (tamen & veteres Ariani, & Lutherus atque Calvinus id non rarò conati sint) neque manifesta & indubitata revelatione docege, ad Ecclesiam veram non pertinebunt, cujus signum est sanctitas.

## GOMARUS.

Multa, Costere, de miraculis differis, sed quæ merito causam vestram apud bonos suspectam reddant. Primum enim quod miracula in testimonium sanctitatis edi confirmas, Elisæi sententiâ: *Si homo Dei ego sum, descendat ignis de cælo, & devoret te & quinquaginta tuos*, à scopo aberras. Nam homo Dei, hoc in loco non virum sanctum & justum, sed Dei ministrum & Prophetam notat, ex sacrarum literarum usu. Itaque hoc miraculum non ad sanctitatem Elisæi, sed contrà ad muneris & prophetiæ veritatem à ludibrio & injuria adversariorum vindicandam editum est; quemadmodum loci circumstantiæ & Interpretum consensus demonstrant. Deinde quod ais, *hæreticis neutro modo concessum esse miracula edere, ut vel de sanctitate doctrinæ suæ, vel de sanctitate vitæ testentur*, id sacrarum literarum testimoniis & experientiâ confutatur. Etsi enim Deus mendacio testimonium nunquam perhibeat, quia *ἀψευδής, mentiri nescius*, Tit. 1. 1. interdum tamen ad suos probandos & verbi contemptores puniendos miracula falsis doctoribus abutenda non præcipit, sed juste permittit. Qua de re illustre Dei oraculum est, Deut. 13. v. 1. *Si surrexerit in medio tui Propheta aut qui somnium vidisse se dicat, & prædixerit signum atque portentum, & evenerit quod locutus est, & dixerit tibi, eamus & sequamur Deos alienos, quos ignoras, & serviamus iis; non audies verba prophetiæ illius aut somniatoris, quia tentat vos Dominus Deus vester, ut palam fiat, utrum diligatis eum an non, in toto corde, & in tota anima vestra. Dominum Deum vestrum sequimini & eum timete: mandata illius custodite, vocem illius audite.* Nec aliter judicavit Hieronymus comment. ad Gal. lib. 3. *Observandum etiam quod operari virtutes dicantur, in his qui non tenent Evangelii veritatem, sicut in illis qui Dominum non sequentes in nomine ejus signa faciebant, Johanne vel maxime conquerente: Præceptor vidimus quendam in nomine tuo ejicientem Dæmonia, & prohibuimus eum, quia non sequitur nobiscum. Hoc adversum hæreticos qui probationem fidei suæ ex eo, si signum aliquod fecerint, arbitrantur: qui quum manducaverint & biberint in nomine Domini (habent quippe & illi altare sacrilegum) & signa multa invocato Servatore fecisse se jactent, in die judicii merebuntur au-*

a Matth. 9.

*dire, Non novi vos, discedite à me qui operamini iniquitatem*, Matth. 7. Quare Deum sequuti ducem vocem illius in sacris literis resonantem audimus, ad quam & ecclesiam & miracula examinamus, quemadmodum rumores vulgi ad rem ipsam. Itaque quamvis cum Anabaptistis nobis nihil sit negotii, facile tamen ex eorum accusatione videmus, quam iniquè & imprudenter putidis & falsis rumusculis, ad vestros adversarios gravandos, abutaris. Ferunt (inquis) *Anabaptistas idiotis suis si Baptisma suscipiant legendi conferre peritiam: qua careant, simulatque hæresim detestantur.* Itane verò, Costere, tam crassis mendaciis temere fidem adhibes? Agnoscite obsecro prudentes lectores quantum accusationibus Costerianis tribuendum sit. Interim opportune accidit, quod dum Anabaptistas refutare studes, eadem operâ quæ à vestris finguntur, aut fiunt miracula, imprudens refellis. Nam si (ut narras) *hæc non sunt miracula censenda, quæ Diaboli potestatem non excedunt*: falso igitur tantam miraculorum copiam jactatis: quæ ope Diaboli fieri posse nemo sanus negaverit. Qualia sunt innumera, quibus describendis *Legendas* vestras onerastis, ad miseram plebeculam fabulis seducendam. Sed reliqua audiamus: Ais enim; *miracula quandoque à defunctis eduntur ad eorum reliquias vel invocationem, sicut ossa Elisæi sepulti occisum hominem resuscitarunt, & hæc testantur sanctitatem defuncti.* Quibus sanè paucis verbis multa adversus veritatem accumulās. Nam primum nulla à defunctis eduntur miracula, sed si vera sunt, à Deo: si falsa, à Satana & illius instrumentis. Defuncti enim in Domino quiescunt: nec magis rerum harum quæ in terris aguntur curam gerunt, quam Abrahamus credentium pater: cui ignotos se fuisse posteri Israëlitarum cum Esaiâ agnoverunt<sup>a</sup>. Deinde verò sancti nunquam probarunt, ut corporum reliquiæ ad cultum religiosum prostituerentur: Quemadmodum alibi fufius de hoc argumento, volente Deo, agetur. Præterea ad ossa Elisæi miraculum divinitus editum est, non ad sanctitatem Prophetæ; sed ad veritatem prophetiæ illustrandam, ut orationis series ostendit: aut ut Glossa vestra ordinaria exponit, *ut esset (quemadmodum aneus serpens) typus salutis nostræ per Christi pro nobis mortui conjunctionem.* Præterea quemadmodum Anabaptistas antè ex falso & incerto rumore accusasti: sic pari fide Lutherum & Calvinum iniquè Arianis copulas, eosque non rarò doctrinam suam miraculis confirmare studuisse accusas. Nam quibus quæso non dico rumoribus, non vestris scriptoribus, sed idoneis & dignis testibus id confirmabis? Si accusare, ad condemnationem alicujus sufficit, quis futurus est innocens? Denique ne tam imperitè revelationes & miracula à nobis amplius exigas, Augustinum causam nostram graviter adversus vos perorantem audiamus: *Sed utrum ipsi ecclesiam teneant, non nisi divinarum scripturarum canonicis libris ostendant. Quia nec nos propterea dicimus nobis credere oportet, quod in ecclesia Christi sumus, quia ipsam quam tenemus commendavit Milevitanus Optatus, vel Mediolanensis, vel alii innumerabiles nostra communionis episcopi: aut quia nostrorum collegarum conciliis ipsa prædicata est; aut quia per totum orbem in locis sanctis quæ frequentat nostra communio, tanta mirabilia vel auditionum vel sanitarum fiunt: ita ut latentia per multos annos corpora (quod possunt à multis interrogantes audire) Ambrosio fuerint revelata & ad ipsa corpora cæcus multorum annorum civitati Mediolanensis notissimus, oculos lumenque receperit: aut quia ille somnium vidit & ille Spiritu assumptus, audivit, sive ne iret in partem Donati, sive ut recederet à parte Donati. Quæcunque talia in catholica fiunt, ideo sunt approbanda, quia in catholica fiunt, non ideo ipsa manifestatur catholica, quia hæc in ea fiunt.* Hactenus Augustinus, qui non miraculis, sed sacris literis ecclesiam demonstrari docet.

a Esa. 63. vers. 16. b Tom. 7. De unitate ecclesiæ, cap. 7.

## CAPUT DECIMUM.

*Quamobrem quum satis multis ea quæ adversus reformatarum ecclesiarum sanctitatem disseruisti, à nobis refutata sint, ad Romanæ ecclesiæ sanctitatem progrediamur.*

## C O S T E R U S.

*Revelationes.*

**E**cclésiæ porro Catholicæ nunquam defuerunt certissima argumenta sanctitatis, tot inquam miracula veterum SS. Benedicti, Antonii, Hilarionis, Simeonis Stilitæ, Gregorii Thaumaturgi, & iis recentiorum, Bernardi, Dominici, Francisci, Vincentii, Valentini, Antonii de Padua, qui ut vivi sanctitatem suam, religiosique instituti sui miraculis potentissimis docuerunt, ita post mortem cum Christo in cælo regnantes, quo loco apud Deum semper fuerint, atque etiamnum sint, miraculis palam fecerunt, & plerique eorum non rarè adhuc faciunt, S. Andreæ apostoli, S. Catharinæ, & S. Walburgis ossa sacra oleum sudant: B. Antonius in Francia & Belgio à Calvinistis impetitus, convitiis atque blasphemis vindicta & nece impiorum quid possit, non rarè his paucis annis docuit. Miracula porro quæ sanctitatem doctrinæ in ecclesiâ testentur, ubique per orbem fiunt ad B. Virginis Mariæ, aliorumque Sanctorum imagines atque memorias, & talia sanè quæ neque humanis fraudibus simulari, neque arte Dæmonis perfici queant. Si revelationibus agendum est, quas pro somniis adversarii rejiciunt, non desunt vaticinia Brigittæ, Gertrudis, aliorumque sanctorum hominum, quibusque prædicta legimus, secuta vidimus: sufficiant porro stigmata S. Francisci in fidem sanctitatis viri à Christo impressa. Rident hæc hæretici, ut omnia pia: scriptum est autem: *Ipsè deludet illusores & mansuetis dabit gratiam*, Prov. 3. 34.

Certe vir prudens suæque salutis studiosus hæc secum rumigans non facile indocetur ut cogitet hæreticorum synagogas ad veram pertinere Ecclesiâ, quæ cum recentes sint, & vel maxime testimonio egeant, nihil tamen exhibeant, quod fidem faciat vel sanctitatis vitæ, vel puritatis doctrinæ. D. Apostolus Corinthiis, *Vos ipsos, ait, tentate, si estis in fide, ipsi vos probate*<sup>a</sup>. Quasi dicat, ibi fidem cessare, ubi cessant miracula. Ecclesiâ verò<sup>b</sup> catholica & fundata est miraculis, & conservata. Ad gentium conversionem miracula etiam hodie fiunt in remotioribus Orientis & Occidentis regionibus, India, Japonia, Brasilia, Peru; ubi ad haurtum aquæ benedictæ frequenter morbi pelluntur. Ad catholicorum conservationem in hisce partibus, Dæmones non raro per sacerdotes, Ecclesiæ ministros, exorcismis ejiciuntur. Ad hæreticorum reductionem impii homines Iconoclastæ & blasphemii sanctorum potentia conteruntur.

<sup>a</sup> 2. Cor. 3. 5. <sup>b</sup> D. Aug. contra ep. Fund. cap. 4.

## G O M A R U S.

Quod veterum patrum miracula recenseres, nihil ad causam vestram juvandam pertinet, nisi vestrum cum iisdem in doctrina consensum demonstres: de quo inter vos & vestros adversarios controversia est. Deinde vero quibus argumentis probabis, miracula à veteribus illis patribus fuisse edita ad sanctitatem ipsorum ostendendam, & non potius ad doctrinæ Christianæ veritatem obsignandam, aut potentiam, bonitatis, vel severitatis divinæ demonstrationem, aut aliam aliquam ecclesiæ utilitatem? Quemadmodum variorum miraculorum esse possunt causæ, ut etiam ex Eliæ & Elisæi miraculis sacræ literæ ostendunt. Quare absurdè ex miraculis sanctitatem illorum, qui ea ediderunt, probare studes: ut ante ex Dei verbo, Hieronymo, & Augustino abundè declaravi. Quamobrem quæ de Bernardi, Dominici, Francisci & similium sanctorum vestrorum miraculis jactas, ea nec illorum, nec ecclesiæ vestræ sanctitatem, testantur. Deinde quænam quæso ea sunt miracula? Confutantur *Legenda* vestræ, statim apparebit, vix ullum timoris Dei aut alicujus sanctitatis argumentum, sed omnia fabulis, superstitione & impietate redundare. Quod, quamvis satis

perspicuum est, dabunt mihi tamen prudentes & pudentes lectores veniam, si putidam hanc miraculorum & sanctitatis monasticæ movero Camarinam. Etsi enim honestas id postulet, ut sordes istæ æterno potius silentio regerentur: cogit me tamen invitum impotens Monachorum & Jesuitarum impudentia, ut propositis aliquot Francisci & similium exemplis, quid de sanctis illis judicandum sit, paucis demonstrem. Quæ in re ne quis de fide mea dubitet, non aliis quam maximi nominis & probatissimis Pontificiorum libris comprobabo. Qualis inprimis est *liber Conformitatum B. Francisci*: qui conscriptus est olim à magistro Bartholomæo à Pisis, Franciscano, & approbatus ab Henrico omnium Franciscanorum generali & capitulo illius ante annos ducentos, typis verò excusus Mediolani Anno 1510. postea vero Bononiæ apud Alexandrum Benatium, anno 1590. recusus cum privilegio, & Hieronymo de Ruvere, Cardinali Ordinis minorum conventualium protectori, dedicatus hoc titulo, *Liber aureus, inscriptus liber Conformitatum vitæ beati ac Seraphici patris Francisci*, &c. Hinc igitur ostendam summam sancti Francisci & Franciscanorum impietatem in doctrina, hypocrisin in vita, absurditatem in miraculis. Et impietatem quidem ostendit primum blasphemiam contra Filii Dei gloriam: *Filius*, inquit Conformit. 1. pag. 177. *Dei quotidie se humiliat, sicut quando à regalibus sedibus venit in uterum virginis, quotidie venit ad nos ipse humilis apparens, quotidie descendit de sinu Patris super altare, in manum sacerdotis*. Quam sententiam non solum articuli fidei & sensus Apostoli Petri, Act. 3. 19. sed etiam consensus Doctorum quorundam Pontificiorum falsi convincit. *Altera impietas est*, quod paupertatem quam scriptura poenam peccati esse docet, Conf. l. 1. p. 1. 180. *virtutum reginam, virtutem quæ maxime Christo amicum redderet, specialem viam salutis appellat*. Eam autem paupertatem definit, Ibidem pag. 109. & 111. &c. *quæ quis non solum mendicet confidenter, sed etiam omni bonorum possessione & proprietate careat, quam regulam Evangelicam appellat à Christo observatam & Apostolis traditam*<sup>a</sup>. Quæ doctrina quamvis à Nicolao quarto Pontifice cumulatis blasphemis confirmata fuerat, postea tamen à Johanne vigesimo secundo Papa acerrimè confutata est<sup>b</sup>. Tertia denique, ut alias brevitatis causa præteream, *Francisci blasphemiam est*, quod quum infantiæ à quodam accusaretur, tandem respondit, *quid putatis de me, adhuc adorabor per totum mundum*: scilicet imitatus patrem suum, qui à Christo voluit adorari: ac propterea Christi verbis à toto mundo retundendus est; *Abi à me Satana: Deum tuum adorabis & illi soli servies*, Matt. 4. Eandem blasphemiam augeat Franciscanorum ex ejus institutione iudicium: Sic enim ait, lib. 1. pag. 6. *conformitatum: B. Franciscus fuit exemplar omnis perfectionis & in gloria est dicti Patris (Phil. 3.) &c. Christus B. Franciscum similem fecit nunc in calo deificando ipsum, in gloria sanctorum collocando & statuendo: ad quam gloriam Salvator omnium Dominus Jesus Christus nos perducet beati Francisci meritis*. Et alibi lib. 1. p. 13. *Ultimus actus est Francisci meritis à Christo donorum distributio & accessio. In quacunque enim necessitate Franciscus invocatur, subvenit Christus invocantibus*. Et alibi (p. 31.) *Franciscus est princeps singulari Christi insignitione tam in ecclesia militante, quam triumphante institutus*: Item l. 3. p. 3. *Meritis similis Angelis, Archangelis, & aliis ordinibus*, &c. lib. p. 24. *Franciscus totum Evangelium observavit ad litteram*, &c. lib. 1. p. 16. *Mundus ab omni peccato usque ad quadrantem novissimum: Sanctus ad perfectionis apicem*. Item lib. 3. p. 300. *B. Franciscus titulatus fuit titulo JESUS, per conformitatem quam habuit ad vitam Iesus NAZARENUS, quia virgo purissima*: R. E. X, *sensuum exteriorum & inte-*

<sup>a</sup> Decret. Sexto de verborum signif. tit. 12. cap. 3. <sup>b</sup> Extrava. De verb. sig. tit. 14. cap. 5. <sup>c</sup> Confor. lib. 1. pag. 172.

reriorum custodia & regulatione: Iudeorum, quia iubilo & gaudio plenus creaturas omnes ad Deum laudandum sollicitavit. Et paulò post: lib. 3. p. 301. Cum Bonaventura Cardinalis ordinis Franciscanorum generalis deberet de B. Francisco prædicare, tenens librum Apocalypses ante se, cæpit instantissime orare Deum, quatenus dignaretur sibi revelare, de quo fuit illa dicta figura Apoc. de angelo habente signum Dei vivi, cap. 7. & vox de celo venit, dicens, figura illa literaliter dicta est de B. Francisco. Item infinita ejus generis alia in libro Conformitatum in Legenda aurea, in legenda B. Francisci à Bonaventura Cardinale, ab Antonino episcopo (qui duo etiam in Sanctorum numerum à Papa relati sunt) & ab aliis Pontificiis scriptoribus recensentur ac probantur: quæ omnia detestandam Francisci sancti vestri & Franciscanorum impietatem demonstrant. Atque eadem est sancti Dominici ratio: ut ostendit celebre illud Pontificiorum dictum: <sup>a</sup> Agios Paulus, per istum iter ad Christum. Agios Dominicus, facilius iter per istum. Nec mireris. (inquit episcopus & sanctus vester) de scriptura hujusmodi: quia doctrina Pauli sicut & cæterorum Apostolorum erat doctrina inducens ad fidem: doctrina Dominici ad observationem consiliorum, & ideo facilius per ipsum iter ad Christum. Atque hinc nata sunt putidæ illæ & blasphemæ fabulæ, quas, ut alii scriptores vestri, sic aureus Conformitatum lib. 1. p. 23. recenset: *Ut* (inquit) *in legenda B. Dominici habetur, Christus peccatis hominum, videlicet superbia, avaritia, & luxuria, irritatus, dum très lanças ad mundum destruendum vellet vibrare, meritis matris & supplicatione cum promissione destinationis beatorum Francisci & Dominici ad mundum convertendum, ab ipsa Dei genitrice inclinatus Dominus, & mundo pepercit & præfatos ad mundum convertendum destinavit. Septimum quod ostendit propositum, est Diaboli attestatio, qui per os cujusdam mulieris de B. Francisco & ejus loquens ordine, dixit, quod 'Deus Pater propter peccata hominum, cum finem mundi vellet maturare, Christus ejus Filius Patri supplicavit, ut daret sibi aliquos, qui essent sua crucis bajuli, ut numerus salvandorum augetur: & quod tunc à Patre aeterno datus est sibi B. Franciscus cum ordine suo & ipsum Christus direxit cum ordine ad præfata. Agnoscis ne, Costere, doctrinam ex inferis petitam? Atque hanc sanctorum vestrorum impietatem auget vitæ impuritas & hypocrisis admiranda: quam paucis ex infinito penè numero exemplis, ne sentinam hanc cum iusta lectorum nausea exhauriam, confirmabo.*

Primum enim simulatam Francisci humilitatem ostendit: quod quum laudaretur à populis, alios ad sibi dicendas injurias & opprobria inferenda non solum invitabat, sed etiam cogebat, lib. 1. p. 39. Quænam hæc est infania? Simulatam deinde paupertatem, qua se nihil proprium habere velle finxit, satis id convincit, quod quum quidam ei diceret, venio de cella tua: quia audivit, *Tua, in cella prædicta noluit amplius habitare*, lib. 1. p. 49. Deinde, quum cuidam Novitio concessisset, ut haberet Psalterium, revocans postea sententiam, & Novitium quaesivit, ubi dixi tibi quod faceres ut minister tuus diceret tibi de Psalterio? qui ostendit ei locum, & tunc beatus Franciscus genu flexus coram illo dixit, *Mea culpa frater, mea culpa. Quicumque enim vult esse frater minor, non debet habere nisi tunicas, (sicut regula concedit) chordam & femoralia, & qui manifesta necessitate coguntur, calceamenta*, lib. 2. p. 218. Præterea, lib. 2. p. 220. quum invitaretur ab aliquo quantumcunque nobili ut comederet & hospitaretur cum eo, semper hora comestionis ibat prius pro elemosynâ, quam iret ad domum illius, propter fratrum bonum exemplum & dignitatem domina paupertatis. Quam hypocrisin & injustitiam elogio suo ipse imprudens refutavit. Nam de se ipso dicebat, ibidem, *non fui latro de elemosynis, acquirendo eas, vel utendo ultra necessitatem, semper minus accepi, quam mihi contingeret, ne alii pauperes fraudarentur portione sua, quia contrarium facere furtum esset. Quomodo igitur aut ipse invitatus ad cenam aut dites mendicantium monachorum ordines à furto se excusabunt? Simulatam denique pœnitentiam & superstitionem insanam ostendunt hæc exempla. Primum, si quando (ait liber Conformitatum, lib. 2. p. 243.) ratione infirmitatis car-*

<sup>a</sup> Antoninus hist. part. 3. tit. 3. cap. 15.

*nes comedisset, vel coquinam conditam lardo, ad proprii corporis vindictam animatus & opprobrium, mira exercebat ad carnis macerationem suisque contemptum. Quum in quadam infirmitate de pitantia comedisset tempore magni algoris nudum & quartanarium de Ecclesia sancti Ruffini Assisi se fune injecta, collo trahi fecit per socium usque ad locum malefactorum in platea civitatis, ubi populo congregato, facta predicatione, in fine dixit eis, quod non erat ut sanctus ab eis honorandus, sed ut gluto, quia in illa infirmitate carnes comederat, ab omnibus reputandus & contemnendus. Deinde, quod contemplationi deditum Bernardum quendam rei ignarus ter vocasset, ut de Deo ad invicem loquerentur, re divinitus cognita, fratri Bernardo mandavit, ut ad superbiam sui cordis conterendam posito uno pede in ore & alio in gutture, ter transiret ipsum dicendo, tace rustice fili Petri Benardonis: cujus mandata etsi cum dolore, humiliter tamen obediendo frater Bernardus, quod sanctus Franciscus præceperat, adimplevit, lib. 2. p. 227. Ejusdem omnino spiritus fuit illa sancti Macharii pœnitentia, qua (ut refert sæpissime recusa & à vobis probata Legenda aurea de Machario, c. 18. §. c.) dum quendam calicem se pungentem manu occidisset, & multum de illo sanguinis emanasset, reprehendens se quod propriam vindicasset injuriam, nudus sex mensibus in deserto mansit, & inde totus à crabronibus laceratus exivit. Omitto impia illa à Francisco in Michaëlis archangeli & Apostolorum honorem instituta jejunia, Conform. lib. 2. 242. Præterea, quod ibid. p. 244. ad edomandam carnis tentationem se durissime verberavit & similiter magni algoris tempore in foveam glacie & nive plenam se plerumque immergit, ut domesticum hostem, scilicet carnem, perfecte subiret & candidum vestimentum pudoris à voluptatis incendio præservaret. Unde corpus suum fratrem asinum appellabat. Sed ut tandem ex hisce fratris asini sordibus lectorem expediam, ad miraculorum quæ ascribuntur, absurditatem progrediar, quam ex re ipsa & testium, quibus nituntur, indignitate demonstrabo. Nam si miracula sanctorum vestrorum consideres, ea partim natura & communiter, partim arte, partim potentia Diaboli contingere potuerunt. Natura quidem, ut, quod liber Conformitatum lib. 1. p. 106. ait, *Clara multis & magnis claret signis. Cujus corpus est integrum & capilli capitis & ungues ita crescunt sibi ac si viveret*. Nam si quis id fieri frequenter in cadaveribus neget, non ad Philosophorum solum scholam, sed ad vespillonum ludum ablegandus est. Arte vero humana evenit, <sup>a</sup> quod Franciscus, ovem ita instruxit, ut quum fratres ecclesiam ingrediebantur & ipsa ecclesiam ingrediens, sine alicujus sermone flectebat genua, vocem balatus emittens, ante altare virginis, ac si eam salutare gestiret, & similes fabulæ quæ eodem loco recensentur complures. Diaboli verò potentia accidit, quod (si vera est fabula) ajunt, <sup>b</sup> ferrum dum à medico in Francisci carnem ignitum profundari deberet, dixerit, *Mi frater ignis, esto mihi in hoc propitiis, esto curialis, ut tuum mihi calorem temperes, quo suaviter urentem valeam sustinere, quod & fecit*. Ejusdem generis est quod narratur, lib. 2. p. 209. quod Franciscus post refectorem habitam transfiguratus in templo ad socium ignitus ore dixerit, *ha, ha, ha, frater Massæ, præbe mihi teipsum: & hoc fuit ter. Frater Massæus hoc videns stupuit; sed vice tertia dicente B. Francisco, præbe mihi teipsum, misit se totum intra brachia B. Francisci. Tunc B. Franciscus cum hiatu magno & Spiritus Sancti fervore ac clamore magno reboando ha, ha, ha, levavit fratrem <sup>c</sup> Massæum cum isto flatu in aërem & impulit eum ante, quantum posset esse unius hastes mensura. Ejusdem sanctitatis est ea, quam narratis, fabula. Quum Franciscus cum uno socio pervenisset ad quoddam hospitium, ubi sibi erat pro quiete necessarium commorari, invenit ibi quandam mulierem corpore speciosam & facie, sed turpissima mente, qua ipsum sanctum de actu nefario requisivit. Cui sanctus respondit: *Si tu vis quod ego tibi assentior, volo etiam tu mihi consentias: ait illa, Accipio quod dicis: eamus ergo & lectum paremus. Sanctus vero Franciscus ait, Venias mecum, & ducam te ad lectum pulcherrimum, & duxit illam ad magnum ignem: qui tunc in illa domo fiebat & in fervore spiritus expolians se in lare illo ignito nudum, tanquam in lecto se***

<sup>a</sup> Lib. 2. p. 191. <sup>b</sup> Lib. 1. p. 173. <sup>c</sup> Lib. 1. p. 142.

collocavit, & vocans illam dixit: *Exspolia te & festina frui lecto splendissimo, florido & mirando: quia hic te oportet esse, si tu vis mihi obedire. Ille autem ignis in nullo beatum Franciscum laesit: sed super larem illum ardentem ignem quasi super flores hilariter accubebat.* Atque huic miraculo duo alia similis sanctitatis alibi referuntur, lib. 2. pag. 191. quod primum à muliere cubiculo illius inclusa, deinde postea à Saracena quadam ad concubitum provocaretur, utroque loco igni nudus sine ulla laesione incubuerit. Quod quemadmodum Diaboli potentia fieri potest, ita quam exiguum fidem meretur, ex libidinum incendio, quo impurus ille monachus, ut ante ostendi, plerumque æstuabat, constare potest. Atque hanc miraculorum absurditatem etiam testium, quibus à Pontificiis confirmantur, indignitas magis arguit. Quoties hominis alicujus obscuri, quoties Diaboli testimonium adfertur? Atque huc pertinent inter multa, ea quæ sequuntur, ex libro Conformitatum, lib. 1. p. 73. petita: *S. Conradus quinq; mortuos suscitavit, ut asseruit Diabolus.* Item lib. 1. p. 12. *Christus hunc (Franciscum) petiit à Patre sibi specialiter dari. Hoc enim Diabolus professus est.* Item lib. 2. 19. *Miraculo beatum Franciscum suis sociis stigmatibus consignando. Teste enim diabolo stigmatum impressio bulla fuit approbationis istius indulgentia.* Item lib. 3. p. 318. *Patet ergo testimonio Damonis, quod beatus Franciscus de purgatorio multas animas traxit post mortem suis meritis, atque ad vitam æternam, cum ipsis ascendendo, perduxit.* Quare quum ex hisce abundè constet, Franciscum, Dominicum & similes Pontificiorum sanctos singularem in doctrina impietatem, insignem in vita hypocritin, & admirandam in miraculis absurditatem prodidisse: quis adeo perfrixæ frontis est, ut sine rubore sanctitatis laudem iis adscribat? Atque hinc etiam apparet, quantum fidei mereatur, Costere, quod asseris, *Andrea Apostoli, Sancta Catharina, & S. Valburgis ossa Sacra oleum sudare.* Nam primum quibus documentis certo demonstrabis, eorum esse ossa quibus ascribuntur? Nam scitum ac verum est antiquum illud dictum: *ⁱ Multorum corpora coluntur in terris, quorum animator quæritur apud inferos.* Idque etiam liquet ex impudenti Pontificiorum in suis reliquiis commendandis contradictione, dum caputidem, aut pedes iidem unius sancti diversis in locis ostentantur & coluntur. Deinde quibus idoneis testibus hujus olei ex ossibus stillationem confirmabis? Denique ut id etiam præstares, quomodo miraculi nomen mereri posset, quod humana fraude simulari & arte dæmonis, qui longè majora operatur, perfici posset? Quæ verò de Antonii vindicta commemoras, ea fortasse, apud imperitas rerum & superstitiosas mulierculas fidem invenient: sed nulli prudentiori persuadebis. Parem etiam auctoritatem revelationes vestræ quas tantopere commendas, promerentur: ut res ipsa demonstrat. Nam ut de Brigitta, quam primo loco lococas, aliquid dicam, sic de ea Antoninus episcopus (cujus non solum scripta comprobata sunt, sed ipse quoque in album sanctorum à Clemente septimo ante annos 66. relatus est) ait: *ⁱ Hæc composuit libros Revelationum multos de diversis mysteriis sibi revelatis. Ipsa revelationem, ut asserit, habuit, virginem Mariam conceptam sine originali peccato: & beata Catharina de Senis, non (ut creditur) minoris sanctitatis, licet non canonizata, habuit revelationem contrariam.* Et paulò post, de religione & revelationibus Brigittæ addit: *Quæ religio ab ecclesia probata est, licet revelationes illæ ab ecclesia approbata non sint.* Quum igitur revelationes hæc ab ipsa ecclesia Romana nondum probatæ sint, quo jure fidem apud alios merebuntur? præsertim cum inter se & cum Sacris literis è diametro diffideant: quis nisi imprudens iis præbeat assensum? Imo adeo ineptæ sæpe sunt istæ revelationes Brigittæ, ut te ipsum, si legas, fidem adhibiturum minimè censeam. Volumen est ingens, par libro Conformitatum Francisci, impressum Noribergæ, An. MDXVII. in officina Frederici Perpus, sumptibus Joh. Cobergers, hoc titulo, *Revelationes caelestes prælecta sponsa Christi B. Brigittæ vidua de regno Suevia, octo libris divisæ.* Quo in libro quanta est fa-

bularum insularum congeries? quanta rerum historiarum Evangelicæ de Christo contaminatio? Qualis illa lib. 1. c. 10. §. D. de conceptione & nativitate Christi revelatio virginis Mariæ, ad quem locum ea quam retuli sententia, Antoninum episcopum spectasse suspicor. *Quumque, inquit, haberem eum (Jesum) in utero, portabam eum sine dolore, sine gravedine & radio ventris. Humiliabam me in omnibus, sciens eum esse omnipotentem, quem portabam. Quando verò peperim eum, sine dolore & peccato peperim eum, sicut & concepim, cum tanta anima & corporis exultatione, quod pedes mei præ exultatione non sentiebant terram, ubi stabant. Et sicut in omnia membra mea cum gaudio totius anima intravit; sic cum gaudio omnium membrorum exultante anima ineffabili gaudio, sine laesione virginis meae, exiit.* Similis est historiarum passionis Christi ineptissimis fabulis interpolatio. Sed nihil est novum, si aut hominum commenta, aut impia Satanæ ludibria pro divinis revelationibus honoretis, modò superstitionem pontificiam confirmet. Qualis est illa revelatio qua Nicolao Tollenino (quem Eugenius quartus Papa Sanctorum numero ascripsit) patefactum est ipsum celebratione Missæ non solum animas quasdam purgatorio eruisse, sed etiam fratris animam liberasse ex inferno, ut sanctus vester Antoninus recenset historiarum par. 3. tit. 24. c. 10. §. 1. Quare rectè quidem facis Costere, quod hæc revelationes parcius attingis, sed multo rectius ea omnino siluisses. Cæterum quod addis, sufficiant porro stigmata S. Francisci in fidem sanctitatis à Christo impressa: quis à risu aut à iusta potius indignatione, ob fabulæ impietatem & turpitudinem, sibi temperet? Nam quis sine rubore ea, quæ impudenter à Pontificiis adducuntur, tanquam oracula, effari queat. Cogit me tamen invitum tua & vestrorum hominum immodestia, ut ea in medium proponam. Ignoscite igitur huic necessitati, castæ lectorum aures, & agnoscite adversariorum sanctitatem. Sic autem aureus Conformitatum lib. 1. p. 64. ait, *Frater Rufinus stigmata beati Francisci videre promeruit, sed ad cognitionem vulneris lateralis triplici modo pervenit; primo lavando femoralia beati Francisci, quæ ex parte dexteri lateris multipliciter cruentata de sanguine, qui de plaga lateris exibat, invenit. Nam beatus Franciscus post impressionem suorum stigmatum femoralia usq; ad stellas portabat.* Et lib. 1. pag. 197. *Christus voluit bulla stigmatum suorum beato Francisco impressorum indulgentiam confirmari: ut Diabolus asserere habuit.* Hisce testimoniis adeo putidis stigmata beati Francisci comprobantur: quemadmodum similibus castitas illius. Tertio (inquit liber Conformitatum lib. 2. p. 247.) *apparuit quod fuerit virgo, quia se nudavit coram episcopo Assisi & aliis, & femoralia ipsa patri dedit, quod utique non fecisset sine magno rubore, si pollutus fuisset.* Pluribus recensendis, quæ superflunt, supersedeo, ne, dum impudentiam adversariorum demonstrare satago, iusti pudoris limites excedam. Quapropter ex hisce perspicuè constat, quam prudenter & quam piè abs te dictum sit, quum ais: *ⁱ Rident hæc heretici, ut omnia pia.* Imo vero rident & detestantur hæc omnes viri prudentes & suæ salutis studiosi tanquam ridicula, impia & impura: & ex hac impuritate vestra, quid de Pontificia synagoga statuendum sit, facile animadvertunt. Et quis non ea derideat, nisi Heraclitus? quis non detestetur, nisi Democritus aut Epicurus? Omitto quam profanè S. literas ad Sanctos vestros exornandos conspurcatis, ut ex paucis hisce exemplis elucet. *ⁱ Quod uni ex minoribus meis non fecistis, mihi non fecistis, ut dicit beatus Franciscus, Christus ad literam intellexit de fratribus hujus ordinis: b Deinde quod angelus habens signum Dei vivi, Apoc. 7. B. fuerit Franciscus, visione facta fratri Sylvestro est clarificè demonstratum. c Præterea Paulum etiam de Francisco hæc sententia prophetatum, Ego stigmata Jesu Christi in corpore meo porto, Gal. 6. Talis est historiarum creationis Adami interpretatio, d Faciamus hominem ad imaginem nostram, &c. Faciamus, verbum est totius trinitatis, B. Franciscum ad mundum dirigentis. Secundo, quod fuit homo sincerissimus, & à corporis brutalitate segregatus, quia homo fuit, & per consequens, non sensualis aut sensuali-*

ⁱ Vide Claudium Espensum ad Titum 1. p. 127. b Hist. par. 3. tit. 24. c. 11. §. 3. c Postea tamen canonizata à Pontificè.

ⁱ Lib. 1. p. 113. Matth. 25. b Lib. 1. p. 13. c Lib. 1. p. 14. d Lib. 1. p. 6.



sati corporis deditus, sed ab ea separatus rationabilis, &c. Tertiò fuit homo perfectissimus, quia ad imaginem Dei, &c. Reliquam impudentissimam & ineptissimam hujus historiarum ad Franciscum perversionem prætereo. A qua sacrarum literarum indigna contaminatione id non abludit Costere, quod hoc loco adducis; *Apostolus Corinthiis, vos ipsos (ait) tentate, si estis in fide: quasi dicat ibi fidem cessare, ubi cessant miracula.* Nam primum Paulus hoc in loco non agit de externa fidei probatione ex miraculis, sed de interna animi & conscientiarum exploratione ex testificatione Sp. Sancti: ut etiam Greg. Papa in Job. lib. 31. c. 26. exponit: Nam ut rectè quidam doctorum<sup>a</sup> vestrorum ex Augustino de Civitate Dei lib. 13. c. 1. ait, *Omnia qui credit, videt se credere: hoc enim experitur in se.* Deinde quamvis de probatione fidei ex miraculis ageret Apostolus, non inde tamen consequeretur, eam probationis rationem, qua in Corinthiis usus est Apostolus, esse generalem & perpetuam. Illis enim temporibus in singulis ecclesiis & quam pluribus fidelibus miracula ex Christi promissione<sup>b</sup> copiosè viguerunt: quibus confirmata multis seculis fides, ut ipsemet in præfatione testaris, non indiget. Alioqui si, quemadmodum ecclesia Corinthiaca miraculorum à Christo prædictorum copia ab adulterinis pseudo-apostolorum cœtibus secerni potuit: eodem jam utendum esset examine, tum singularum civitatum ecclesiarum, quæ miraculis vacarent, veræ fidei laude privarentur. Præterea gloriaris quidem de miraculis vestris Indicis: sed quis fidem eis adhibebit, qui singularem vestrorum hominum in miraculis effingendis audaciam & crudelitatem ex Legendis vestris & Sanctorum vitis compertam habet? Qua de re merito olim conquestus est vester Nicolaus Lyranus in Daniel. 14. *Similiter (inquit) aliquando fit in ecclesia maxima deceptio populi in miraculis fictis à sacerdotibus, velis adherentibus propter lucrum temporale.* Deinde vero qualia obsecro ea sunt? *Ad haustum, inquis, aqua benedicta frequenter morbis pelluntur.* Verum si, ut paulò antè scripsisti, Costere, ea non sunt censenda miracula, quæ Diaboli potestatem non excedunt, quo jure ex re proposita miraculum conflabis? Adhæc quam mihi aquam benedictam nominas, eandem ob profanam vestram incantationem & nominis divini profanationem, *maledictam* potius nominare debueras. Sic enim aquam benedictam qua etiam in Baptismo utimini, vulgo præparatis; *Exorcizato te creatura aqua in nomine Dei & Patris omnipotentis, & in nomine Jesu Christi Filii ejus Domini nostri, & in virtute Sancti Spiritus, ut fias aqua exorcizata ad effugandam omnem potestatem inimici, & ipsum inimicum eradicare & explantare valeas cum angelis suis apostolicis per virtutem ejusdem Domini nostri Jesu Christi: qui venturus est judicare vivos & mortuos, & seculum per ignem, Amen.* Quis unquam Prophetarum aut Apostolorum, quis sanctorum patrum hanc superstitionem, imo magicam incantationem docuit? Evolve sacra Biblia: antiquorum scripta perlustra, in magorum libris similia fortè reperiēs, sed in sanctis scriptis talem creaturæ Dei & sacramentorum profanationem nunquam invenies. Quid mirum est igitur, si vobiscum colludant Dæmones, & ut ais, *non raro per sacerdotes exorcismis efficiantur?* Quoniam ut superstitionum & incantationum auctores sunt, ita pro virili suis artibus & subdola fuga eas fovent & confirmant. Si quis dubitet, consulat tantum librum qui cum privilegio & approbatione Bonaventuræ, omnium Franciscanorum generalis, prodiit Venetiis, anno MDXCVI. apud hæredes Johannis Varisci, hoc titulo, *Fuga Daemonum, adjurationes potentissimas & exorcismos formidabiles atque efficaces in malignos Spiritus propulsandos, & maleficia ab energumenis pellenda continens, Auctore Hieronymo Mencho.* Si quis, inquam, dubitet, consulat hunc librum, & Simonem Magum in Pontificiorum sacerdotibus & monachis revixisse comperiet. Omitto crebras vestras in Dæmoniis subornandis imposturas: quæ, ut apud Imperitam & credulam plebeculam fidem inveniunt; sic à prudentioribus ad æternum vestrum dedecus deteguntur. Qua de re recens & illustre exemplum extitit hoc anno in Martha Brosier, cu-

jus cum monachis collusiones à curia Parisiensi compertæ declarantur Narratione historiarum veræ Marthæ Brosier, quæ dedicata Galliarum Regi & excusa Parisiis, typis Mamertis Patissoni typographi regii ordinarii. Denique ne quid miraculorum ad causam Pontificiam exornandam omitteretur, ais, *ad hæreticorum reductionem impii homines Iconoclastæ & blasphemii sanctorum potentia conteruntur.* Verum ea pari facilitate & meliori jure à nobis negantur, quàm abs te sine ulla probatione asseruntur. Quare iis omisissis, quid ad Pontificiorum peccata, quæ sanctitatis vestræ commendationi obstare videntur, excusanda adducas, audiamus.

## COSTERUS.

## Peccata Catholicorum.

Jam verò quod ad peccata attinet, habet ecclesia peccatores, *qua nigra est & formosa*, Cant. 1. v. 5. multum tamen interest inter ecclesiam atque sectarios: primò quidem, quod ecclesia una cum peccatoribus multos alat insigni vitæ sanctimonia conspicuos, multosque hoc vitæ spatio integrè piæque confecto ad cælum præmiserit. Hæreses peccata habent, sanctum neminem vel habent, vel habuerunt, neque quemquam ad cælos præmiserunt: deinde ex vi hæreseos peccata nascuntur, ut antè diximus. Unde in terra hæreticorum, videre est vastitatem & abominationem desolationis, desertæ everseque monasteria, neglectam virginitatem, exclusa jejunia, prophanos sacrorum ministros sine altari, sine sacrificio, sine sacerdotio. Peccata autem catholicorum singulorum fragilitate vel malitia perpetrantur, non vitio doctrinæ.

## GOMARUS.

Verum est, Costere, ecclesiam veram, multos habere pios, & si qui in ea minus piè vivant, id non doctrinæ, sed hominum vitio, evenire. Sed laus ea vestræ synagogæ minimè convenit. Nam quæ tanquam summa sanctitatis monumenta celebras: ea sanctitati Christianæ proximè adversantur. Qualia sunt humana commenta de votis monasticis: supersticiosa jejuniorum, præter Dei verbum, & ad impios fines, institutio: certorum ciborum contra Dei verbum prohibitio: impura conjugii in ministris ecclesiæ damnatio: Judaica altarium & sacrificiorum propitiandis peccatis in Novo testamento, ad Christi unici sacerdotis dedecus, revocatio: plus quam ethnicus imaginum cultus, & infinita alia, quæ partim primo, partim hoc libro suis locis confutata sunt. Quare similitudinem, quam illustrandæ sententiæ Pontificiæ adducis, perpendamus.

## COSTERUS.

Et hætenus ex civitatis similitudine rationem docuimus, & methodum dedimus in tanta ecclesiarum multitudine, veram Ecclesiam à Christo fundatam, privilegiisque ornatam à falsis discernendi. Juvabit ad eandem rem similitudo viarum, quæ sicut ad civitatem ducunt, ita fides, sincera doctrina, & vera religio, quæ in sola ecclesia colitur, ad civitatem patriamque cælestem. Esto igitur mercator quispiam, cui in itinere Francofordiensi occurrant viæ septem utcunque tritæ, hoc tamen discrimine, ut una quæ latior est, rectissimè ducat, & plena sit viatoribus, qui hunc eodem invitent, dicantque multis abhinc annis infinitam hominum turbam eadem præcessisse, quos Francofurtum attingisse certissimis nuntiis innotuerit: alias illas vias obliquas esse, non ita nuper stratas, & paucos quidem per eas ingressos, de quorum nomine hætenus nil certi aliquid relatum sit, an Francofurtum venerit, an potius in feras, aut latrones incidit. Quid hic facturus est mercator? Si sapit, dimissis pauculis illis, abire vias suas, vulgato ipse & tutiori itineri se committet, ridentibus licet miscellis aliis.

In spiritali hoc itinere, quo in cælos tendimus, viæ sunt multæ, una regia, lata, vetus, sui similis, quam infinita hominum turba, jam mille quingentis annis ingressa est; Catholica, inquam, ecclesia, per orbem universum diffusa, quæ

<sup>a</sup> Dominicus Bannes in 2. 2. Thomæ q. 6. art. 2. Rom. 8. 16. 2. Cor. 1. 12.  
<sup>b</sup> Matth. 16. 17. 1. Cor. 14. c. Pontificale de sacram. Baptis. pag. 2.

quæ non Germanos tantum, Gallos, Belgas, Anglos, & hos septentrionales ducit viatores, sed innumeros per Italiam, Hispaniam, Lusitaniam, Indiam, Japoniam, Sinas, Peru, Brasiliam, Africam, Æthiopiam. Omnes enim Catholici tam latè in orbe sparsi, eandem ubique retinent fidem, idem credunt per omnia, idem sentiunt, idem dicunt, eundem ducem sequuntur Christi in terris Vicarium, non præsentem modò, sed antecessores quoque totis 1500. annis, successione nunquam interrupta. Hanc porro viam ingressos certissimis argumentis compertum est, ad cælestem illam, quo tendebant, civitatem, non paucos devenisse, evidentissimis (inquam) miraculis, quibus post mortem in fidem sanctitatis claruerunt.

*Origo hæresum.*

At non defuerunt omni tempore homines, qui hujus tam celebris viæ pertæsi, novas sibi suisque sequacibus vias sternerent. Primus Simon Magus, tum Arius, Sabellius, Nestorius; postea Berengarius, Waldenses & quotquot à recto itinere deflexerunt. Sed quod posteris nullo testimonio aliquis ex antecessoribus salus comprobaretur, paulatim obducta sunt vetera illa devia, ut eorum ne vestigium quidem amplius relinqueretur. Anno autem Domini 1517. quidam frater Martinus Lutherus, professione & habitu monachus, ordinatione sacerdos, novum quoddam & compendiosum iter in cælum à se repertum docuit, ex regia tamen illa via ad latuseductum. Nova igitur dogmata mundo proposuit, novam fidem atque religionem excogitavit, ab orbe condito nulli vel auditam, vel usurpatam: modumque quo in illius noticiam primus venerit, ipse non tacuit. Scripsit enim cum Dæmone eam sibi consuetudinem fuisse, ut cum eo plusquam modum salis consumperit: sibi que ab illo administrata recenseret argumenta, quibus ad evertendum Missæ sacrificium deinceps est usus. Hanc viam cum fraterculus ille primus stravisset, qui eandem secuti fuerant, ne, cum duces ipsimet esse vellent, unius illius hominis ducatum sequi viderentur, ex illius obliqua via multa sibi singuli diverticula aperuerunt, populumque Christianum in sectas innumeras divisum, varios in errores abduxerunt. Neque tamen an illorum quispiam in cælum pervenerit, mortalium ulli constare hæcenus potuit. Is ergo, qui serio de salute æterna cogitat, quos tandem sequetur? videbit sectarios parum auspicato,

consiliis, inquam, Diaboli seductos, viam regiam Catholicorum deferuisse. Videbit paucos quosdam homines in singulis diverticulis (quid enim ad orbem Catholicum Germania vel Gallia, quæ tamen non integræ eundem ducem sequuntur?) videbit nunquam hæcenus tritas vias, non ita nuper ab obscuris quibusdam apertas fuisse: neque adhuc cuiquam constare, an eò quisquam appulerit, quò proficiscebatur: sane qui sapit, nihil sibi cum hæreticis commune esse volet, sed veterem fidem, Romanamque ecclesiam sequetur. Unienim Luthero, paucis hæreticis, novis hominibus, quos constat ab ecclesia descivisse, nec constat boni aliquid post hanc vitam consequutos esse, seipsum suamque salutem committere, est plenum periculis.

GOMARUS.

Valdetibi hæc similitudo placet Costere, sed apodosis illius, quia falsis & sæpius jam confutatis nititur fundamentis, sua sponte corrui. Nam primum falsum est, vos idem cum ecclesia veteri sentire: falsum est Pontificem esse Christi vicarium in terris: falsum est antiquam ecclesiam Pontifici fuisse subiectam: falsum est successionem vestram nunquam fuisse interruptam: falsum est miracula certum esse sanctitatis argumentum. Similiter quæ de Berengario, Waldensibus & Luthero commemoras, ea sunt meræ calumniæ, antea à nobis sæpius refutata. Quare (ut similitudinem propositam sanctius explicemus) is qui de salute æterna cogitat, quos tandem sequetur? Christum nimirum, tanquam viam, veritatem, vitam, Joh. 14. Prophetas & Apostolos, qui Dei verbum sanctè tradiderunt, & quotquot pii sub Christo unico summo pastore degunt, ejusque vocem in S. Lit. resonantem audiunt, & vera fide ac charitate sequuntur: quoniam hi soli vitam assequuntur æternam. Reliquos vero omnes, quamvis titulis & opibus superbos, qui Christi voci humanas traditiones præferunt aut conferunt: nec fidem ad Evangelium, nec charitatem ad legem Dei conformant, tanquam cæcos & cæcorum duces, qui in mortis foveam præcipientes ruunt, seriò vitabit. Ac propterea à Romana synagoga, tanquam regno Antichristi, superstitionum & errorum schola & spiritali Babylone maturè fugiet: ne æterno illius exitio involvatur.

CAPUT UNDECIMUM.

*Quare, hac de Notis ecclesie disputatione absoluta, superest ut de altera etiam questione paucis agamus.*

COSTERUS.

SITNE ECCLESIA VISIBILIS.

**H**æretici ut necessitatem effugiant, successione non interrupta Ecclesiam suam ad Apostolos deducendi, eò confugiunt, ut dicant Christum invisibilem instituisse ecclesiam, in qua soli sint boni; quorum cum pietas lateat, ignoretur etiam, quinam ad ecclesiam pertineant.

Sed huic doctrinæ non modo scripturæ sacræ adversantur, sed recta quoque ratio: scripturæ quidem, quæ in eadem sagena bonos agnoscunt pisces, & malos: in eadem nuptiali domo homines vestitos nuptiali veste & non vestitos: in eodem agro tritum & zizania: expectantes sponsi adventum sapientes virgines & fatuas: in Apostolorum collegio Judam Diabolum cum reliquis viris sanctissimis, Joh. 6. 70. B. Apostolus non existimavit Corinthium illum fornicarium prius ab Ecclesia alienum esse, quam sententia excommunicationis excluderetur. In Apocalypsi Apoc. 3. 1. & 14. gravissimè corripuntur episcopi Sardicenis & Laodicenis: ille, quod Spiritum mortuum esset: iste, quod neque frigidus neque calidus, sed tepidus, miser & miserabilis, & pauper, & cæcus & nudus; uterque tamen agnoscitur episcopus & caput ecclesiæ suæ, nec dum ejectus ex ore divino. Ratione verò id ipsum confirmatur. Si enim invisibilis est ecclesia, videri non poterit, multò minus adiri & consuli. Ignorabit igitur quò se

<sup>a</sup> Matth. 13. 17. Matth. 22. 11. Matth. 25. 2.

conferat, qui forte ex infidelitate conversus, Ecclesiam quaerit. Impleri non poterit Christi mandatum, *Disce ecclesia*, Matth. 18. 17. Nulla erit ecclesiastica jurisdictio, nulla potestas manifesta, nullus superior, nullus à quo peccatorum remissio à vice Christi petenda sit. Omnia occulta, incerta, dubia.

His igitur rejectis erroribus docet orthodoxa fides, Christum Dominum in orbe hoc terrarum, congregationem instituisse, ip eamque homines evocasse, & ecclesiam appellasse, eique, ut ante dictum est, eximia privilegia contulisse. Hos autem homines qui ecclesiam conficerent, digito demonstrasse, ne in incerto hæreremus. Sicut enim sensibili voce à magnifica gloria delapsa Deus Pater Christum Filium Apostolis exhibuit; <sup>b</sup> *Hic est filius meus dilectus, ipsum audite*: ita Filius clara & aperta voce Apostolos ostendit, <sup>c</sup> *Vos estis lux mundi*. <sup>d</sup> *Eccè ego mitto vos*. <sup>e</sup> *Qui vos audit, me audit*. Apostoli deinde visibiles ecclesias fundarunt, verbis & epistolis instruxerunt, Episcopos ordinarunt, politiam instituerunt, leges præscripserunt, eaque omnia præstiterunt, quibus externa atque visibilis Respublica constitui solet. Voluit enim CHRISTUS non modò visibilem esse ecclesiam suam, sed valde conspicuam, ut omnibus innotesceret gratia Dei, quæ in hac sancta congregatione, & non alibi aservatur, atque confertur; unde etiam *civitas, qua in monte posita est, & candelabrum supra candelabrum similem fecit*, Matth. 5. 14.

<sup>a</sup> Matth. 18. 18. Johan. 20. <sup>b</sup> 2. Pet. 1. 17. & Matth. 17. 5. <sup>c</sup> Matth. 5. 14. <sup>d</sup> Matth. 10. <sup>e</sup> Luc. 10. 16.

## GOMARUS.

Quum ecclesiae vox (ut initio hujus libri ostendimus) aut strictius cœtum vocatorum & electorum ad vitam æternam notet; aut latius cœtum vocatorum ad Evangelii Christi professionem, in quo per ministros ad hoc vocatos Evangelii doctrina purè traditur, & sacramenta ex Dei verbo administrantur, significet, inde facile apparet quam confusè & indigne quæstionis statum & mentem nostram proponas. Nostrum enim distinctè affirmant, ecclesiam priori modo acceptam, nobis in his terris esse invisibilem: altera verò significatione, si de particularibus ecclesiis loquamur, esse visibilem: sin vero de ecclesia catholica agitur, eam primùm totam visibilem fore asserimus postremo die. Quia non antè tota in unum locum conveniet: & tunc quum tota in unum locum conveniet: & tunc quum tota erit conjuncta & conspicua, particulares ecclesiae, particulares & disjunctae esse desinent. Quæ distinctio adeo perspicua est, quamvis multi Jesuitæ eam studeant obscurare, ut non solum Patrum consensu, sed etiam doctiorum Pontificiorum confessione probari possit. Nam, ut omittam Bernardum, Hugonem de sancto Victore, Gabrielem Bielem, (quorum insignia initio hujus controversiæ testimonia adduxi) nobiscum loquitur Enchiridion Christianæ institutionis in concilio provinciali Colonienfi editum: *Ut autem contendant quidam Ecclesiam invisibilem esse: quod de ecclesia prædestinatorum non negamus: nihilo secius (ut opinamur) nobis concedent ecclesiam etiam visibilem, quæ bonis habet admixtos malos visibiles fidei professione & sacramentorum communione sociatos. Quare frustra in eo laboras, Costere, ut Sacris literis ostendas in ecclesia externa, non tantum bonos esse, sed etiam malos reperiri: & Christum Apostolos ostendisse, eosque visibiles ecclesias fundasse: quia illa omnino extra controversiam sunt. Nec ratio tua nobis adversatur. Nam quod Christus de adeunda ecclesia loquitur, id intelligit non de universali prædestinatorum ecclesia, quæ invisibilis est, sed de particularibus externis & visibilibus vocatorum cœtibus, in quibus electi reprobis permixti versantur, quem cœtum, quum ejus rei datur copia, adiri præcipit. Verum altera quam parcius postea attingis, quæstio est, An ecclesia visibilis aliquando certa ratione fieri possit invisibilis? hoc est, an ita latere possit persecutionibus compressa, ut ad tempus alienis ab ecclesia, imo & multis fidelium, non appareat? Nos exemplo veteris ecclesiae & prophetia Apostolorum freti, id affirmamus. Nam quis Elias<sup>b</sup> tempore ecclesiam septem milium in Israël ita latuisse ignoret, ut etiam Elias se solum Dei cultorem superstitem relictum imprudens conquestus sit? Quis sub Roboamo, Joramo, Ochozia, Athalia, Joa, Amazia, Achazo, Manasse, Amone, Joakimo & Joachimo, Zedechia, regibus Judæorum, ecclesiam, idololatria publice dominante & tyrannis sævientibus pressam (ut ante c. 2. ostendimus) tanquam ignem sub cineribus latuisse neget? Similis in Novo Testamento ecclesiae calamitas prænunciatur 2. Thess. 2. 3. 4. & Matth. 24. 24. potissimum verò Apoc. 12. 6. de ecclesia sub mulieris typo prædicatur, *Mulier verò fugit in solitudinem, ubi habet locum paratum à Deo, ut illic pascant eam diebus mille ducentis sexaginta: &c. 14. Dæte sunt mulieri ala dua aquila magna, ut volet à conspectu serpentis in desertum, in locum suum, ut alatur ibi per tempus, & tempora & dimidium temporis.* Atque hisce consentit ecclesiae historia<sup>c</sup>, quæ demonstrat Christianos olim sævien-*

<sup>a</sup> De Sacram. Ord. p. 171. <sup>b</sup> 1. Reg. 19. 10. <sup>c</sup> Vide Tertull. apolog. Justinum Martyr. Arnobium, Plinium Juniorem, &c.

tibus tyrannis, modò privatis ædibus inclusos, modò in antris ac speluncis cœtus ecclesiasticos conservasse. Qua de re rectè ait August. <sup>a</sup> *Ecclesia est sol, luna & stella, &c. Quando sol obscurabitur & luna non dabit lumen suum, & stella cadent de calo, ecclesiam non apparebit, impiis tunc persecutoribus ultramodum sævientibus.* Et alibi; <sup>b</sup> *Ipsa est (ecclesia) quæ aliquando obscuratur & tanquam obnubilatur multitudine scandalorum, quando peccatores intendunt arcum ut sagittent in obscura luna rectos corde. Sed etiam tunc in suis firmissimis eminet, &c. Illi qui tunc firmissimi fuerunt & verba hereticorum insidiosa intelligere potuerunt, pauci quidem in comparatione cæterorum, sed tamen ipsi quidam pro fide fortiter exulabant, quidam toto orbe latitabant: ac sic ecclesia, quæ per omnes gentes crescit, in frumentis Dominicis conservata est.* Quamobrem hinc liquet, ecclesiam visibilem hostium furore non extingui quidem, sed obscurari, & in solitudine compulsum nonnumquam latere: quemadmodum ecclesiae caput Christus Herodis tyrannide fugatus aliquandiu latuit in Ægypto. Quid ad hæc objicies? *Voluit (inquis) Christus non modo visibilem esse ecclesiam suam, sed valde conspicuam: sed an perpetuo? Voluit innotescere omnibus gratiam Dei: sed quamdiu ingratitudine & tyrannide hominum id minimè impediretur.* Nec enim suos discipulos solum voluit esse innocentes ut columbas: Sed etiam prudentes ut serpentes<sup>c</sup>: sed excipis, *ecclesiam inde civitati quæ in monte posita est & candelæ supra candelabrum comparari.* Audio commune & tritum Pontificiorum argumentum, in quo multi errores demonstrari possunt. Primum, quia non ecclesia, sed ecclesiae pastores (ut Chrysostomus Comment. in Matth. 5. & alii multi rectè exponunt) civitati illi & candelæ comparantur. Quibus verbis officium eorum describitur, quod doctrinæ & vitæ splendore cæteris hominibus debeant præluere: non autem promissio datur, quæ quid certo facturi sint, declaratur. Itaque inepta omnino consequentia est, ab officio ad effectum. Quandoquidem ecclesiae pastores officium omittere possunt, aut suo vitio, aut adversariorum tyrannide coacti. Atque hanc genuinam esse hujus loci sententiam ex antecedentibus & consequentibus verbis, & totius orationis serie apparet. *Vos estis sal terra, quod si sal infatuatus fueris, quo salietur? ad nihil valet amplius, nisi ut abjiciatur foras & conculetur à quibusvis. Vos estis lux mundi. Non potest urbs occultari supra montem posita. Neque accendunt lucernam & ponunt eam subter modium, sed in candelabrum, & splendet omnibus qui sunt in domo. Ita splendeat lux vestra coram hominibus, ut videant vestra opera bona, glorificentque Patrem vestrum qui est in calis.*<sup>d</sup> Idemque demonstrat concionatorum vestrorum præstantissimus Johannes Ferus commentariis suis ad hunc locum. Deinde si concederemus Christum loqui non solum de apostolis, sed etiam de Ecclesia: quemadmodum servata ordinis & graduum differentia concedi potest, nihil tamen vos juvabit. Nam primum hæc Christi oratio non effectum, sed officium ut ante ostendi, proponit: deinde non minus ad ecclesias singulares, quam ad universalem, imo non minus ad singulos pastores & quosvis fideles, quam ad fidelium cœtum & ecclesiam referenda est: ut loci circumstantiæ evincunt. Ac propterea quum particulares ecclesiae & singuli fideles, qui civitati in monte posita & lucernæ comparantur, interdum ad tempus à conspectu hominum remoti latere possint, & latuisse sæpius constat: sequitur necessariò ex hac civitatis & lucernæ comparatione falsò à vobis concludi, ecclesiam semper esse conspicuam.

<sup>a</sup> Epist. 80. ad Hefychium. <sup>b</sup> Epist. 48. ad Vincentium. <sup>c</sup> Matth. 10. v. 13. &c. <sup>d</sup> Matth. 5. vers. 13. &c.

## CAPUT DUODECIMUM.

*Quare convulsis sententia vestra fundamentis, ad nostrorum argumenta confirmanda transeamus, quibus probamus ecclesiam predestinatorum & fidelium esse invisibilem.*

COSTERUS.

## OBJECTIONES HÆRETICORUM.

PRIMA.

**E**cclēsia fide creditur. Credimus enim sanctam catholicam Ecclesiam: non igitur videtur oculis: quia *fides est rerum non apparentium*, Heb. 12. vers. 1.

SOLUTIO.

Neganda est consecutio: quia id quod videtur credi etiam potest, quatenus habet aliquid, quod non videtur. Jesus videbatur oculis homo, credebatur fide Messias, & Deus. *Quia*, inquit, *vidisti me, Thoma, credidisti*<sup>a</sup>: hominem vidisti, Deum tuum & Dominum credidisti. Ita homines videmus oculis, qui ad ecclesiam pertinent; eos autem homines credimus ecclesiam esse sanctam, Catholicam & Apostolicam, penes hos solos peccatorum esse remissionem, gratiam, justificationem, spem vitæ æternæ: extra hunc cœtum nulli mortalium expectandam esse vel salutem, vel Dei favorem.

<sup>a</sup> Joh. 20. vers. 29.

GOMARUS.

Negas hac solutione tua argumentationis vobis objectæ consecutionem: sed ea ratione, quæ contra argumenti nostri nodum non solvit, sed fortius astringit & sententiam ac consecutionem negatam confirmat. Nam scimus quidem homines illos qui sunt sancta Dei ecclesia, esse visibiles: sed illos esse eam ecclesiam Dei non videmus, sed credimus: id quod argumentatione proposita concludimus. Tu vero quid ad hæc? Ais, *id quod videtur, credi etiam potest, quatenus habet aliquid quod non videtur*: quod quid aliud est quam fieri, ea quæ creduntur non esse visibilia, quatenus creduntur. *Nam si vides, non est fides*: ut eleganter ait Hugo de sancto Victore, de Sacram. lib. 1. par. 3. cap. 1. At verò ecclesia sancta catholica, quatenus est ecclesia sancta catholica in symbolo fidei creditur: Ergo ecclesia, sancta catholica, quatenus est talis, non est visibilis. Idque aperte agnoscis sequentibus; *Ita* (inquis) *homines videmus oculis: qui ad ecclesiam pertinent: eos autem homines credimus ecclesiam esse sanctam, catholicam & apostolicam*. Et recte: nec enim quæstio inter nos est, an homines sint visibiles, quod sensus docet: sed an eatenus, quatenus sunt viva & sancta Christi membra, verique fideles & ecclesia Christi: hoc est, an ecclesia sit visibilis. Ac propterea hanc responsionem tuam non solutionem, sed concessionem merito appellare debuisses. Quare hoc fundamento recte jacto & munito, reliqua facilius confirmabuntur.

COSTERUS.

SECUNDA.

Christus Luc. 17. 20. *Regnum Dei*, inquit, *non veniet cum observatione, neque dicent, Ecce hic aut ecce illic*. Ergo demonstrari non potest ecclesia.

SOLUTIO.

Eodem loco demonstratur sequentibus verbis ecclesia: *Ecce enim regnum Dei intra vos est*, Luc. 13. 21. Non negat ergo Christus vel regnum Dei videri, aut ecclesiam demonstrari posse: sed irrisoria Pharisæorum quæstioni, qua toties à Christo & Apostolis prædicatum regnum Dei, tanquam jam affuturum, videre desiderabant, respondet, non ad ipsorum mentem se in hoc mundo regnaturum (*cujus regnum non esset de hoc mundo*, Joh. 18. 30.) ut instar Principum externos triumphos ageret, palam inauguraretur, & certo loco sedem regni collocaret; sed eo modo se regnaturum, quo jam tum incipiebat, nempe in cordibus hominum, atque in

ecclesia, cujus vera membra inter eos erant Apostoli atque discipuli, quos alio loco digito signans: *Beati*, inquit, *pauperes, quoniam vestrum est regnum Dei*, Luc. 6. 20. Vos, inquit, etiam sine pompa & fastu cives estis regni, à quo procul absunt divites Pharisei.

GOMARUS.

Magnum profecto veritatis robur. Iterum enim, quum argumentationis nostræ consequentiam ex sententiæ Christi circumstantiis convellere studes, eandem amplius confirmas. Nam quod Christus addit, *Ecce enim regnum Dei intra vos est*: quid aliud sibi vult, quam ut exponit Glossa vestra ordinaria, in Luc. c. 17. *Non poterit observari: quia regnum meum non est corporale, sed spirituale, quod fide jam incepit*. Sic igitur ex hoc loco concludimus. Id quod non est corporale, sed spirituale & fide constat, id oculis corporeis videri non potest: Atqui regnum Dei hujusmodi est: Ergo oculis videri non potest. Sed *demonstrari*, ais, *ecclesiam his verbis: Ecce, &c.* Fateor sanè demonstrari, sed oculis mentis, quibus fidem suam fideles contemplari possunt, non oculis corporis, de qua re inter nos quæstio agitur. Idque adeo perspicuum est, ut ipsemet imprudens ostendas: quum agnoscis *Christi regnum non esse de hoc mundo, sed eo modo regnaturum, quo jam tum incipiebat in cordibus hominum atque ecclesia*. Atqui quod in cordibus hominum situm est, illud soli Deo visibile est: *qui solus novit corda filiorum hominum*, 2. Par. 2. 30. Ergo regnum Dei non est visibile. Nam quod ais, *cujus* (ecclesiæ) *vera membra inter eos erant Apostoli atque discipuli: quos alio loco digito signans: Beati, inquit, pauperes, quoniam vestrum est regnum Dei*: id, inquam, partim falsum, partim à re proposita alienum. Falsum enim est, omnes Apostolos fuisse vera ecclesiæ membra: quia Judas fuit electus ad Apostolatam, sed non electus ad regnum Christi æternum, nec à veris ecclesiæ membris, nisi prodicione sua & indicio Christi dignosci potuit. Nam quum duodecim discipulos rogasset Servator, *num & vos vultis abire?* Johan. 6. 67, 68, 69. Petrus omnes verè fideles esse arbitratus, respondit, *nos credimus*, &c. Ac propterea ei Christus merito objecit, *Nonne ego vos duodecim elegi, & unus ex vobis est diabolus?* Deinde à re proposita alienum est, quod ais, *Christum discipulos digito demonstrasse*. Nam præterquam quod id Scriptura non testatur, Christus ostendit non ipsam ecclesiam, sed quædam ecclesiæ membra, & quidem cum Juda & aliis hypocritis commixta, adeò ut oculis corporeis ab iis distingui non possent. Deinde ostendit homines eos qui ad regnum Dei pertinebant; sed ipsum regnum & veram fidem (per quam erant Christi & ecclesiæ membra) non ostendit. Atque illud est quod in responsione ad primum argumentum nostrum agnovisti; *Homines videmus oculis, qui ad ecclesiam pertinent: eos autem homines credimus ecclesiam esse sanctam*, &c. Quare ad tertium argumentum nostrum pergamus.

COSTERUS.

TERTIA.

Ecclesia creditur sancta, nulli ergò nisi sancti ad ecclesiam pertinebunt, & quia sanctitas non cernitur oculis, erit utique invisibilis ecclesia, & incognita membra ecclesiæ.

SOLUTIO.

Malam esse primam consecutionem. Nam inferendum erat: Ergò sancti sunt in ecclesia, licet non soli. Arbori viventi multi aridi rami adherent, & in corpore humano multi insunt sine vita humores & sordes.

GOMARUS.

Imò, verò, Costere, recta est consequentia. Nec enim, ut falso exponis, ecclesia propterea appellatur sancta, quod in ea



in ea sunt aliqui aut multi sancti : sed quia omnia & singula illius membra fide & charitate sanctificata sunt : quemadmodum Concilium vestrum Colonienſe piè expoſuit. <sup>a</sup> Non inficiamur (inquit) ad eccleſiam ſtrictius acceptam, quatenus ſcil. ii in eccleſia eſſe dicuntur, ex quibus civitas Dei conſtat, tantum vite ſpiritalis participes, & ſibi mutuo in ſpiritu charitatis coherentes pertinere. <sup>b</sup> Ad quem modum eccleſia eſt corpus Chriſti myſticum, ſeu congregatio fidelium in unitate fidei & charitatis vinculo, ſub uno capite Chriſto militantium, ipſique capiti (ex quo totum corpus per nexus conjunctioneſque ſubminiſtratum & conſtructum creſcit in augmentum Dei) per vivam fidem & charitatem coherentium. Quam hic ſymbolum appellat ſanctam, id eſt, mundam ac puram. Quanquam & ſancta recte dicatur, quod ſit Deo conſecrata : ſicut ſanctum Domino dicitur, quod eſt illi ſacrum. Denique quod ad eam rationem qua ſanctum inviolatum appellamus, eccleſia omnino inviolabilis fundata eſt ſuper petram, id eſt, Chriſtum, adeo ut ne porta quidem inferorum adverſus eam prevaleſcere poſſint. Talem eccleſiam conſtantem tantum ex membris participibus vite ſpiritalis & occulta quadam connexionem in ſpiritu charitatis coherentibus Apoſtolus Paulus deſcribit, Ephes. 5. Chriſtus, inquit, dilexit eccleſiam & ſemetipſum tradidit pro ea, ut illam ſanctificaret, mundans eam lavacro vite, ut exhiberet ipſe ſibi glorioſam eccleſiam, non habentem maculam aut rugam aut aliquid huiusmodi, ſed ut ſit ſancta & immaculata, &c. Habes hic, Coſtere, non ſolum teſtimonium perſpicuum, ſed etiam confirmationem elegantem. Quare ſimilitudines ab arbore & corpore deſumptæ, ut nihil probant, ita ſi de eccleſia externa agamus, quæ verè fidelibus & hypocritis conſtat, locum habere poſſunt : ſed eccleſiæ ſanctæ & catholicæ non conveniunt. Quamobrem poſtremum quod nobis ſcribis argumentum aſſeramus.

<sup>a</sup> In Enchirid. Chriſt. inſt. in ſymb. apoſt. <sup>b</sup> In eccleſia ſtrictè accepta ſoli prædeſtinati, Ep. 1. Col. 1. & 2. Eph. 4. &c.

#### C O S T E R U S.

##### Q U A R T A.

Ad præſentis vitæ eccleſiam refertur à patribus, quod in Canticis dicitur : *Tota pulchra es amica mea, & macula non eſt in te*, Cant. 4. 7. Non ſunt ergo mali & vitioſi homines membra eccleſiæ.

##### S O L U T I O.

Quamvis de cæleſti eccleſia propriè loquatur ſcriptura, quæ (ut proxime in eodem cap. ſequitur) *coronatur à ſponſo* : tamen ſi cum B. Gregor. ad viventes in terris referas, eo ſenſu dicitur tota eccleſia pulchra & macula carere, quod viva ejus membra per inhærentem gratiam ſint illuſtria coram Deo, nec obſuſcentur, (ſicut exiſtimabant Donatiſtæ <sup>a</sup>) præſentia improborum : & licet nemo juſtus aut ſanctus peccato careat, non tamen deſinit eſſe ſanctus aut juſtus, quia affectu retinet ſanctitatem : & per aſſiduam poenitentiam (inquit D. Greg. in c. 4. Cantic.) aſſidue ſervat munditiam ſuam : dum quotidie peccata minuta lachrymis abluit, & à majoribus ſe obſervat.

<sup>a</sup> Auguſt. cap. 86. eccleſiaſticorum dogmatum.

#### G O M A R U S.

Duplicem, ad argumentum noſtrum diſſolvendum, adfers reſponſionem : ſed neutram recte probas. Primum ais, ſcripturam de cæleſti eccleſia propriè loqui, quæ (ut proxime co-

dem capite ſequitur) *coronatur à ſponſo*. Sed aberras à ſcopo, Coſtere, & erroris à Gregorio Magno potuiſſes admoneri, qui de eccleſia terrena exponit. Nec ratio quam adducis, ullius eſt ponderis. Primum, quia in Hebræa veritate nulla coronationis extat mentio, ſed ejus loco dicitur *Taſchuri*, hoc eſt, *cōtemplaberis* : Deinde, ut interpretationem vulgatam admittamus, ultro nobis imprudens telum ſuggeris, quo expoſitionem tuam conficiamus. Nec enim ea coronationem præſentem celebrat, ut tu falſo ais, *qua coronatur* : ſed futuram promittit, quum ait, *Veni coronaberis*, quemadmodum Gregorius Magnus Papa veſter exponit, *Veni tertio, quando in die judicii ulimi carnem reſumit, & cum Chriſto thalamum cæleſtem ingreditur*. Ibi quippe omnium ſuorum laborum præmia conſequitur, ibi jam omnino proſtratis & excluſis hoſtibus glorioſe coronatur. Ideo & hic per promiſſionem ſequitur, *coronaberis*, &c. Quare hinc oblato à te argumento ſententiam noſtram hoc modo aſſeremus : Eccleſia quæ invitatur, ut ad Chriſtum veniat & coronetur, illa nondum coronata eſt, ac propterea non eſt cæleſtis, ſed terreſtris : Atqui hæc ſponſa Cant. 4. 8. eſt eccleſia quæ invitatur, ut ad Chriſtum veniat, & coronam conſequatur : Ergo non eſt cæleſtis, ſed terreſtris. Vides, Coſtere, verè vulgo veritatem palmæ comparari, quæ quò magis premitur, eò magis aſurgit ? Sed alteram reſponſionem tuam ſimiliter examine-mus : Tamen, inquit, ſi cum Gregorio ad viventes in terris referas : quid audio, Coſtere, tunc de Pontificis veltri expoſitione dubitas ? ubi igitur perpetuus conſenſus veſter ? Sed quid prætereà addis ? eo ſenſu dicitur *tota eccleſia pulchra & macula carere* : quod viva ejus membra per inhærentem ejus gratiam ſint illuſtria coram Deo, nec obſuſcentur præſentia improborum. Obſcurè reſpon-des, Coſtere, ne fortasſe reſponſionis tuæ infirmitas detegatur. Nam ſi nobiſcum ſentis, pulchre huius ſponſæ nomine viva tantum illius membra intel-ligi, recte in viam redis, quamvis imprudenter ante veritati contradixiſti. Quia rectè (ut capite 1. monſtravi) ait Auguſtinus, *non poteſt habere Chriſtus membra damnata* : & Hugo de ſancto Victore, *Eccleſia ſancta corpus eſt Chriſti, uno ſpi-ritu vivificata, unita fide una & ſanctificata*, &c. Sicut ſcri-ptum eſt : *Qui non habet Spiritum Chriſti, hic non eſt ejus : Qui non habet Spiritum Chriſti, non eſt membrum Chriſti. In cor-pore uno Spiritus unus. Nihil in corpore mortuum, nihil ex-tra corpus vivum*. Sin verò ita ſentis, ſponſam hanc conſta-re partim vivis membris & ſanctis, partim mortuis & im-probis, ſed tamen pulchram dici ratione, partis unius, nimirum vivorum membrorum, apertè Salomoni contra-dicis, qui ait, *tota pulchra es*, non autem parte aliqua pul-chra es. Idemque probant ſequentia : *Hortus clauſus eſt ſoror mea, ſponſa*, &c. Cant. 4. 12, 13. Qua de re concilii Colo-nienſis enchiridium in Symbolum ait : *Hæc (eccleſia) deſcri-bitur hortus concluſus, ſoror mea ſponſa, fons ſignatus, puteus aqua viva, paradus cum fructu pomorum*, Cant. 4. Quod intelligere non audent Auguſtinus <sup>a</sup> niſi in ſanctis & juſtis, non avariis, non fraudatoribus, rapacibus, ebrioſis & invidiis, qui-bus baptiſmum habuiſſe, cum juſtis commune eſt, cum quibus non habent communem charitatem. Numerus ergo juſtorum, qui ſecundum propoſitum <sup>b</sup> vocati ſunt, de quibus dictum eſt, *c* Novit Dominus, qui ſunt ejus, ipſe eſt hortus concluſus, fons ſignatus, puteus aqua viva, paradus cum fructu pomorum, Cant. 2. Atque hæcenus de Eccleſia diſſeruimus.

<sup>a</sup> De baptiſmo contra Donatiſtas lib. 5. cap. 27. <sup>b</sup> Eph. 1. <sup>c</sup> 2. Tim. 2.

#### F I N I S.

FRANCISCI GOMARI,  
S. S. Theologiae Doctoris & Professoris,  
EXAMEN CONTROVERSIARUM,  
DE GENEALOGIA  
CHRISTI:

In quo, & Patrum, & posterorum Theologorum, sententiæ propositæ, ad  
veritatis defensionem, expenduntur.



Quandoquidem, *Jesu Christi Genealogiam*, Matthæus & Lucas, variè descripserunt, non omnium est eadem, de *veritate*, & *demonstratione* illius, sententia.

Etenim, Christi & Evangelistarum hostes, Judæi, hominesque profani, Matthæum & Lucam, ab historia sacra, mutuoque, dissidere contendunt. Christiani contra, Evangelistas, Spiritus Sancti afflatu ac directione, sua conscripisse, certa fide persuasi, de sancta eorum consensione ac veritate, minimè ambigunt. Veruntamen, quam solida ratione ac via, difficultates, ab adversariis objectæ, commodè queant expediri, non exigua est, opinionum discrepantia. Quidam enim perplexa quorundam priscorum, novorumque auctorum, in hac materia pertractanda, diversitate atque inconstantia attoniti, Labyrinthum inextricabilem suspicantes, concepta desperatione, conticescunt. Alii verò, iis minimè perculsi, sed pio Evangelicæ veritatis (adversus insultus ac ludibria hostium) vindicandæ, studio accensi, laudabili ausu, multisque præclarè observatis, rem aggressi, viam illius, non esse inviam, demonstrarunt.

Quamobrem, quum diu multumque ab eruditis aliquot piisque viris, quid, de tota hac genealogiæ Christi controversia, sentirem, flagitaretur; non potui diutius (licet, tenuis meæ supellestilis, conscius) tam honestæ petitioni, adversari. Parebo igitur tandem, & aliquid jam otii nactus, quid videatur, pro modulo meo, aperiarn: ut si vires fortassis, in ardua hac materia, filumque Ariadnes, defuerint; animum tamen, veritatis cupidum ac morigerum, adfuisse comperiant.

Quod si verò, præter morem meum, insignium quorundam virorum, aliter, quàm rei consentaneum videatur, sententiarum, opiniones, nominatim libereque discussero, præfiscinè bonaque cum venia, dictum velim. Siquidem eò, nos reluctantes, veritatis amor, & necessaria, adversus auctoritatem (à recta sententia, non rarò avertentem) præmunitio: & Clarissimorum denique Theologorum (in pristina sua, de genealogia Christi, opinione rejicienda ac retractanda) exempla, provocarunt. Qua in re, si alicubi aberraro, dictum indictum atque inductum, velim, monitusque, lubens gratoque animo, in rectam viam redibo: ut sua veritati (cui ferimus ac servimus) palma tribuatur.

## CAPUT PRIMUM.

Quod igitur Deus benè vertat, sacram *Jesu Christi Genealogiam*, tanquam propositi examinis Materiam, in vestibulo illius, proponemus: & *Robertum Stephanum*, in

Græcis, secuti, Latinam interpretationem, in Matthæi recensione, *Theodori Beza*; in Lucæ verbis, (re ipsa hoc flagitante) novam adjungemus.

### MATTHÆI

1. Β' ΒΛΟΣ γένειο· Ἰησὺ Χριστὸν υἱὸν Δαβὶδ, υἱὸν Ἀβραάμ.

2. Ἀβραάμ ἐγέννησεν τὸν Ἰσαάκ. Ἰσαάκ δὲ ἐγέννησεν τὸν Ἰακώβ. Ἰακώβ δὲ ἐγέννησεν τὸν Ἰούδαν καὶ τοὺς ἀδελφούς αὐτοῦ.

3. Ἰούδας δὲ ἐγέννησεν τὸν Φαρέν καὶ τὸν Σαράν καὶ τὸν Θάμμερ. Φαρέν δὲ ἐγέννησεν τὸν Ἐσάμ. Ἐσάμ δὲ ἐγέννησεν τὸν Ἀράμ.

4. Ἀράμ δὲ ἐγέννησεν τὸν Ἀμινάδαβ. Ἀμινάδαβ δὲ ἐγέννησεν τὸν Ναασάον. Ναασάον δὲ ἐγέννησεν τὸν Σαλμών.

5. Σαλμών δὲ ἐγέννησεν τὸν Βοόζ καὶ τὸν Ραχάβ. Βοόζ δὲ ἐγέννησεν τὸν Ὀβεδ καὶ τὸν Ρούθ. Ὀβεδ δὲ ἐγέννησεν τὸν Ἰεσάι.

6. Ἰεσάι δὲ ἐγέννησεν τὸν Δαβὶδ τὸν βασιλέα. Δαβὶδ δὲ ὁ βασιλεὺς ἐγέννησεν τὸν Σολομῶνα καὶ τὸν Οὐρίαν.

7. Σολομῶν δὲ ἐγέννησεν τὸν Ροβοάμ. Ροβοάμ δὲ ἐγέννησεν τὸν Ἀβιά. Ἀβιά δὲ ἐγέννησεν τὸν Ἀσά.

8. Ἀσά δὲ ἐγέννησεν τὸν Ἰωσαφάτ. Ἰωσαφάτ δὲ ἐγέννησεν τὸν Ἰωράμ. Ἰωράμ δὲ ἐγέννησεν τὸν Ὀζία.

9. Ὀζίας δὲ ἐγέννησεν τὸν Ἰωάθαμ. Ἰωάθαμ δὲ ἐγέννησεν τὸν Ἀχάζ. Ἀχάζ δὲ ἐγέννησεν τὸν Ἐζεκία.

10. Ἐζεκίας δὲ ἐγέννησεν τὸν Μανασσῆ. Μανασσῆ δὲ ἐγέννησεν τὸν Ἀμόν. Ἀμόν δὲ ἐγέννησεν τὸν Ἰωσία.

11. Ἰωσίας δὲ ἐγέννησεν τὸν Ἰεχονία καὶ τοὺς ἀδελφούς αὐτοῦ ἐπὶ τῇ μετακινήσει Βαβυλῶνος.

α πιν' Ἰακώμ. Ἰακώμ δὲ ἐγέννησεν τὸν

### CAPUT I.

1. LIBER generationis Jesu Christi, filii David, filii Abraham.

2. Abraham genuit Isaac. Isaac autem genuit Jacob. Jacob autem genuit Judam & fratres ejus.

3. Judas autem genuit Phares & Zara & Thamar. Phares autem genuit Esrom. Esrom autem genuit Aram.

4. Aram autem genuit Aminadab. Aminadab autem genuit Naasson. Naasson autem genuit Salmon.

5. Salmon autem genuit Booz & Rachab. Booz autem genuit Obed & Ruth. Obed autem genuit Jesse.

6. Jesse autem genuit David regem. David autem rex genuit Salomonem ex ea (que fuerat) uxor Uriæ.

7. Salomon autem genuit Roboam. Roboam autem genuit Abia. Abia autem genuit Afa.

8. Afa autem genuit Josaphat. Josaphat autem genuit Joram. Joram autem genuit Hosiam.

9. Hosias autem genuit Joatham. Joatham autem genuit Achaz. Achaz autem genuit Ezechias.

10. Ezechias autem genuit Manassen. Manasses autem genuit Amon. Amon autem genuit Josiam.

11. Josias autem genuit Jechoniam & fratres ejus, in deportatione Babylonica.

XXX

12. Men

12. Μετὰ δὲ τὴν μετακίσιον Βαβυλωνίαν Ἰεχονίας ἐγέννησε τὸν Σαλαθιήλ. Σαλαθιήλ δὲ ἐγέννησε τὸν Ζοροβάβελ.  
 13. Ζοροβάβελ δὲ ἐγέννησε τὸν Ἀβιὺδ. Ἀβιὺδ δὲ ἐγέννησε τὸν Ἐλιακίμ.  
 14. Ἐλιακίμ δὲ ἐγέννησε τὸν Ἀζώρ.  
 15. Ἀζώρ δὲ ἐγέννησε τὸν Σαδὸκ. Σαδὸκ δὲ ἐγέννησε τὸν Ἀχίμ.  
 16. Ἀχίμ δὲ ἐγέννησε τὸν Ἐλιούδ.  
 17. Ἐλιούδ δὲ ἐγέννησε τὸν Ἐλεάζαρ. Ἐλεάζαρ δὲ ἐγέννησε τὸν Ματθάν.  
 18. Ματθάν δὲ ἐγέννησε τὸν Ἰακώβ.  
 19. Ἰακώβ δὲ ἐγέννησε τὸν Ἰωσήφ, τὸν ἀνδρα Μαριάμ, ἐξ ἧς ἐγέννηται Ἰησοῦς ὁ λεγόμενος Χριστός.  
 20. Πᾶσαι γὰρ αὗται γενεαὶ ἀπὸ Ἀβραάμ ἕως Δαβὶδ, γενεαὶ δὲ ἀπὸ Δαβὶδ ἕως τῆς μετακίσιον Βαβυλωνίαν, γενεαὶ δὲ ἀπὸ τῆς μετακίσιον Βαβυλωνίαν ἕως τοῦ Χριστοῦ γενεαὶ δὲ ἀπὸ τοῦ Χριστοῦ.

## LUCÆ

23. **K**Αὶ αὐτὸς ἦν ὁ Ἰησοῦς ὡς εἰπὼν τελέσθη αἰχμήν· ὡς ἐνομίζετο υἱὸς Ἰωσήφ, τοῦ Ἡλίου,  
 24. τοῦ Ματθαίου, τοῦ Λευὶ, τοῦ Μελχὶ, τοῦ Ἰαννᾶ, τοῦ Ἰωσήφ,  
 25. τοῦ Ματθαίου, τοῦ Ἀμὸς, τοῦ Ναὺμ, τοῦ Ἐφλὶ, τοῦ Ναγγᾶ,  
 26. τοῦ Μααθὶ, τοῦ Ματθαίου, τοῦ Σιμὶ, τοῦ Ἰωσήφ, τοῦ Ἰούδα,  
 27. τοῦ Ἰωανᾶ, τοῦ Ρηοῦ, τοῦ Ζοροβάβελ, τοῦ Σαλαθιήλ, τοῦ Νηρι,  
 28. τοῦ Μελχὶ, τοῦ Ἀδδὶ, τοῦ Κοσάμ, τοῦ Ἐλμοδάμ, τοῦ Ἡρι,  
 29. τοῦ Ἰωσήφ, τοῦ Ἐλίζερ, τοῦ Ἰαρίμ, τοῦ Ματθαίου, τοῦ Λευὶ,  
 30. τοῦ Συμεὼν, τοῦ Ἰούδα, τοῦ Ἰωσήφ, τοῦ Ἰωάν, τοῦ Ἐλιακίμ,  
 31. τοῦ Μελιᾶ, τοῦ Μαϊνᾶ, τοῦ Ματθαίου, τοῦ Ναβὶ, τοῦ Δαβὶδ,  
 32. τοῦ Ἰωσᾶ, τοῦ Ὠβιῶ, τοῦ Βοὺζ, τοῦ Σαλμών, τοῦ Ναασσόν,  
 33. τοῦ Ἀμινάδῃ, τοῦ Ἀρᾶμ, τοῦ Ἐσρᾶ, τοῦ Φαρι, τοῦ Ἰούδα,  
 34. τοῦ Ἰακώβ, τοῦ Ἰσαάκ, τοῦ Ἀβραάμ, τοῦ Θάβη, τοῦ Ναχὸρ,  
 35. τοῦ Σαρχὶ, τοῦ Ραγὰβ, τοῦ Φαλεκ, τοῦ Ἐβὲρ, τοῦ Σαλᾶ,  
 36. τοῦ Καϊνᾶ, τοῦ Ἀρφαξάδ, τοῦ Σὴμ, τοῦ Νῶε, τοῦ Ἀδὰμ,  
 37. τοῦ Μαθυῶ, τοῦ Ἐνὸχ, τοῦ Ἰακώβ, τοῦ Μαλλιῶ, τοῦ Καϊνᾶ,  
 38. τοῦ Ἐνὸς, τοῦ Σὴθ, τοῦ Ἀδὰμ, τοῦ Θεοῦ.

12. Post verò deportationem Babyloniam Jechonias genuit Salathiel. Salathiel autem genuit Zorobabel.  
 13. Zorobabel autem genuit Abiud. Abiud autem genuit Eliacim. Eliacim autem genuit Azor.  
 14. Azor autem genuit Sadoc. Sadoc autem genuit Achim. Achim autem genuit Eliud.  
 15. Eliud autem genuit Eleazar. Eleazar autem genuit Matthan. Matthan autem genuit Jacob.  
 16. Jacob autem genuit Joseph, virum Mariæ, ex qua genitus est Jesus qui dicitur Christus.  
 17. Universæ igitur progenies ab Abraham usque ad David, progenies quatuordecim : & à David, ad deportationem Babyloniam progenies quatuordecim : & à deportationem Babylonica usque ad CHRISTUM, progenies quatuordecim.

## CAP. III.

23. **E**T ipse Jesus incipiebat esse circiter annorum triginta, existens (quum putaretur filius Joseph) [filium] Heli.  
 24. Matthai, Levi, Melchi, Jannæ, Josephi,  
 25. Mattathæ, Amosi, Naum, Effi, Naggæ,  
 26. Maathi, Mattathæ, Semei, Josephi, Judæ,  
 27. Joannæ, Resæ, Zorobabelis, Salathielis, Neri,  
 28. Melchi, Addi, Cosami, Elmodami, Eri,  
 29. Jose, Eliezeri, Jarimi, Matthai, Levi,  
 30. Symeonis, Judæ, Josephi, Jonanis, Eliacimi,  
 31. Meleæ, Mænanis, Mattathæ, Nathanis, Davidis,  
 32. Jessè, Obedi, Boozi, Salmonis, Naassonis,  
 33. Aminadabi, Arami, Esromi, Pharesi, Judæ,  
 34. Jacobi, Isaaci, Abraami, Tharæ, Nachoris,  
 35. Saruchi, Ragavi, Phaleci, Heberi, Salæ,  
 36. Cainanis, Arphaxadi, Semj, Noë, Lamechi,  
 37. Mathufale, Henochi, Maleleëlis, Cainanis,  
 38. Henosi, Sethi, Adami, Dei.

## CAPUT SECUNDUM.

## De Lucæ, &amp; Mosis concordia.

**H**Ætenus, *Genealogia Christi*, descripta. Ut autem propositam, examinis illius, telam (Deo duce) ordiamur, expendenda nobis, atque asserenda est illius, cum *Sacris literis, consensio*. Utpote quum neque *Lucas*, in Patriarcharum progenie, cum Mose: neque *Matthæus*, in regum enumeratione, cum aliis Prophetis, congruere videatur. Unde gravis exurgit controversia.

Siquidem, in *Patriarchis* recensendis *Lucas* cap. 3. 36. Salam, Cainanis: & hunc, Arphaxadi filium, asserit: contra verò, Salachum, ab Arphaxado genitum, Gen. 10. 24. tradidit Moses & Propheta I. Chron. 1. 18. Ac propterea adversarii manifestam, inter eos, patere repugnantiam contendunt.

Veruntamen iniqua omnino est exprobratio. Nam, ut Lucæ verba, sunt ambigua (quum, vel expositionem, vel relationem, indicent) ita duplici responsione, objecta contradiçtio, diluitur. *Primum* enim verba Lucæ, τὸν Σαλᾶ, τὸν Καϊνᾶν, tanquam synonyma, seu hominis unius duo nomina, intelligi possunt: ut, ad nomen Salæ, alterum Cainanis, expositionis gratia (per Appositionem grammaticam) subnectatur. Ut quemadmodum, Rom. 1. 4. Χριστὸς, τὸν καὶ Θεοῦ υἱόν, hoc est, qui Dominus: ita Salæ, Cainanis, hoc est, qui Cainan, dicatur: ne scilicet quispiam, cum vulgo, LXX. interpretes secutus, binominem Salachum, à Cainane diversum, existimaret. Quo modo, in recensione Apostolorum, Marcus cap. 3. 13. Thaddæum accenset: Matthæus verò binominem indigitans, ait, *Lebbæum dicitur*

*Thaddæus*. Qua interpretatione posita, oppositæ ratiocinationis *Antecedens*, nempe Salam, à Luca, Cainanis filium, affirmari, confutatur.

Licet enim verba illa præmissa, τὸν Σαλᾶ, & similia, sine Appositione ac relatè (τὸν scilicet υἱόν filii Salæ) sint intelligenda, non propterea tamen necesse est, ut, cum additur τὸν Καϊνᾶν, eodem modo capiatur. Quoniam voces ac phrasæ, Sacrarum literarum, quæ, per se, bifariam (ut hoc in loco) intelligi queunt, non semper, pro frequentiori usu; sed, prout subjecti conditio, & Scripturæ analogia flagitat, explicandæ. Quæ interpretationis norma, communi Doctorum hominum consensu, & reipsa (in cuius veritatem aliàs impingeretur) & infinitis pene exemplis, adeo est illustrata, ut quasi radiis solaribus, descripta videatur, & in hac ipsa quoque genealogia, reluceat. Quippe quum, ad vocem τὸν, in reliquo illius corpore, intellecta vox filii, propriè accipiatur: in capite tamen & calce ejusdem improprie ac per metaphoram (dum & Christus Josephi filius, & Adamus Dei, recensetur) usurpatur. Ideoque hac prima via, dissensionis objectæ exprobratio, convellitur.

Deinde etsi prior hæc interpretatio deesset, alteraque, quæ vulgò recepta (nempe τὸν Καϊνᾶν Cainanis, supple filii: ut relatio sit filii, ad patrem) sola valeret; *Objectionis* tamen *Consequentia*, sua infirmitate collaberetur, & Lucæ, cum Mose, consensus perstaret. Nam licet partim, in verbis, sit diversitas; reipsa tamen, omnino conveniunt. Nam

in genealogiis interdum, præterito filio, nepos avo subijci-  
tur: ut 1. Chron. 4. 1. inter Churem avum, & nepotem Scho-  
balum, Calebus secundus (pater Schobali 1. Chron. 2. 50.)  
omittitur. Sicut in apocrypho 4. Ezræ cap. 1. 2. in genealo-  
giæ Ezræ repetitione, inter Azariam & Merajothum, sex  
nomina (ut è 1. Chro. 6. 7. 8. 9. liquet) prætermittit, appa-  
ret. Ita etiam Arphaxadus Salachum, ut avus, per filium  
Cainanum, mediatur: Cainan verò eundem, ut pater proxi-  
mè generavit. Ac priori modo, Moses? posteriori verò Lu-  
cas, consentaneè intelligitur.

Sed novè rursus, eaque duplex, emergit difficultas. Pri-  
ma est, quòd quum, rem istam, prætereat Moses, quanam  
ratione, eant? Lucas cognoscere, potuerit? & quid ipsum,  
ad explicandum, commoverit?

Cognoscere, inquam, potuit, primùm opinione verifi-  
mili, ex prisca majorum traditione: cujus, in LXX. Inter-  
pretum versione (licet, in annorum numeris, mirificè vitia-  
ta) luculentum extat indicium. Deinde certa, per Spiritus  
Sancti revelationem, scientia percepit: ejusdemque jussu,  
genealogiæ inseruit.

Cujusmodi conspicua, in Veteri & Novo Testamento,  
exempla, comparent: in quibus nonnulla, à Mose præteri-  
ta, nihilominus referuntur. Nam 1. Chron. 7. 21. *caedes filio-  
rum Ephraimi*, narratur: quæ, apud Mosem, in historia  
eorum, minimè reperitur. Similiter, *Iannes & Iambres*, ma-  
gorum (qui Mose in Ægypto resisterunt) nomina, à Paulo  
Apostolo, 2. Timoth. 3. 8. recensentur. Quæ sanè, non è  
Mosis historia (in qua nulla, eorum nominum, fit mentio)  
sed ex antiqua traditione (ut ex Chaldaea, quæ Jonathani ad-  
scribitur paraphrasi, Exod. 7. patet) potuerunt ipsi esse co-  
gnita: & Spiritus Dei instinctu ac gubernatione, certò pa-  
tefacta ac stabilita. Quibus etiam modis, Judas versu 14. &  
15. *Henochi Prophetiam* (nullis Prophetarum libris memo-  
ratam) percepit, & posteritati, sua Epistola, Deo inspiran-  
te, commendavit. Quare absolum non est, si Lucas Caina-  
nem, à Mose olim præteritum: non solum Spiritus Sancti  
patefactione cognoverit; sed etiam ductu illius, Arphaxa-  
di filium declararit. Neque hoc loco curiositati laxandæ sunt  
habentæ, ut inquiramus, quid causæ sit, cur ea, quæ à Mo-  
se aut prioribus Prophetis, in narratione sunt omittit, à  
posteris, Prophetis aut Apostolis, describantur? quia &  
placitum Dei, & sapientia illius inscrutabilis, in hujusmo-  
di tractationis modo, ad ora mentemque coercenda, &  
modestè acquiescendum, sufficiunt. Verùm hoc primo jam  
remoto, alter, ac gravior, inde oritur scrupulus: quod, hæc  
Lucæ narratio, ipsi naturæ (uti obtendunt) adversetur.  
Nam quum Arphaxadus, natus annos triginta quinque Sa-  
lachum genuerit, Genes. 11. 12. qua ratione, avus illius ef-  
se potuit? optimè inquam. Quamvis enim matrimonia,  
prisca ac primis illis temporibus, tardius contrahi sole-  
rent, quidni ferre potuit natura (multò sanè, quam no-  
stra tempestate, vegetior) ut Arphaxadus citius conjuga-  
tus, anno genuerit decimo octavo Cainanem: & Cainan,  
decimo septimo Salachum: atque ita anni triginta quinque  
Arphaxadi, compleantur? Quumque Deo secundante,  
præter morem supraque vires naturæ, tum temporis or-  
dinarias, <sup>a</sup> Booz, Obed, Isai, filios suos tardius, mi-  
nimum centum annos nati, singuli genuerint (ut Chrono-  
logia sacra demonstrat) an mirum videbitur, si viribus na-  
turæ idoneis instructi, sed consuetudine citius, Cainan &  
Selachus, conjugati, prolem procrearent?

<sup>a</sup> Genes. 17. 17.

Non enim hic opus est, ista Lyran conciliatione, qua  
ait; *Ad concordiam hujus, potest dici, quod iste Cainan, fuit  
Pater Sala legalis, sive, adoptivus: Arphaxad verò Pater  
naturalis. Quasi scilicet sensus esset, qui Sala fuit Cainani, &  
fuit Arphaxadi, filius.*

Quippe ea, quam attulimus explicatio, neque Scriptu-  
ræ, neque naturæ, adversatur. Ideoque hoc modo propo-  
situm initio nodum, malim tutò solvere, quam (nulla ur-  
gente necessitate) vitii alicujus, in genealogiæ verbis, agni-  
tione, vel rigide secare: vel arctius etiam constringere. Qua-  
si scilicet error aliquis, vel descriptorum culpa esset com-

missus, ut *M. Flaccus Illyricus*<sup>a</sup>, *Kemnitius*<sup>b</sup>, & *Ægy-  
dius Hunnius*<sup>c</sup>, *Beza*<sup>d</sup>, *Paras*<sup>e</sup>, *Piscator*<sup>f</sup> censent) vel  
ab ipso Luca, non approbatione; sed concessione quadam  
historica, admissus: ut, post *Cajetanum*<sup>g</sup>, *D. Junius*<sup>h</sup> exi-  
stimavit. Quod verò Cajetanus, textum Hebræum, qui  
jam extat, mancum, sed Græcum LXX. Interpretum,  
integrum, secunda responsione conjicit, illud viro eru-  
dito, & plurimorum, interpretationis Græcæ, errorum  
non ignaro, indignissimum. Optarim etiam viros illos re-  
verendos, optimeque de Ecclesia Christi, Sacrarum lite-  
rarum illustratione, meritos, penitus rem istam conside-  
rasse atque expendisse diligentius! Nec enim dubito, quin,  
malè exauctoratam Cainanis vocem, sine difficultate, reti-  
nuissent.

<sup>a</sup> In Glossa. <sup>b</sup> C. 3. In Harmonia Euan. <sup>c</sup> Prælect. in Gen. 10. <sup>d</sup> Annot.  
Luc. 3. <sup>e</sup> Comment. Gen. 10. <sup>f</sup> Analys. Luc. 3. <sup>g</sup> Annot. Luc. 3. resp. 1.  
<sup>h</sup> Parallelis Sacris.

Nam, quod Clariss. *Beza* ait, Luc. 3. v. 36. [*Filii Arpha-  
xad & Aephazad*] *Ante hoc nomen, legitur & Καϊνὰν quod non  
dubitavi expungere, secutus auctoritatem Mosis, Gen. 11. 12.  
& mei vetustissimi codicis*: illud, inquam, nec satis reveren-  
ter factum: nec firmis rationibus munitum. Quia major re-  
verentia Scripturæ debetur; quam ut ei falcem, adeò facilè  
immittamus: quum *ἀρξάν φρονίδος*, citra mutationem, po-  
tuissent tandem satisfacere. Nam ut locum Matth. 1. v. 41.  
quem initio (codicem unum atque alterum secutus) mutarat,  
tandem, in postrema editione, re melius perpenſa, pristina  
integritati, restituit: ita & hoc loco potuisset, recta ratio-  
ne, accuratius subducta, nihil expungendum, judicare.  
Nam nec Mosis auctoritas (ut antea ostendimus) Caina-  
ni obstat: nec unus ille (quem vetustissimum vocat) codex,  
tantæ videtur esse antiquitatis, ut reliquis omnibus, & pri-  
scis Patribus, sit conferendus, nedum præferendus: neque  
tantæ sinceritatis, ut fidem, præ cæteris, mereatur. Quis  
enim non videat, codicem illum, adeo laudatum, in hac  
ipsa genealogia, imperitò conciliandi studio, ab homine a-  
liquo temerario, magna ex parte, depravatum. Cujus rei lu-  
culentum, ac fecundum, prodit exemplum, ipsemet D. Be-  
za Luc. 3. 23. Quippe reſectis omnibus, inde à Josepho, ad  
Davidem, positis, à Luca, nominibus, in eorum locum,  
diversa, ac longè pauciora (perversa Matthæi imitatione)  
per Matthanem, ad ipsum Salomonem, assurgendo (ut im-  
peritiore imponeret) supposuit. Quæ memorabilis, &  
ignota universæ antiquitati, corruptela ac perfidia, fidem huic  
codici, non immeritò derogat.

Ac licet *Hieronymus* (quod *D. Paras*, in suis ad Gene-  
sin commentariis, urget) in Quæstionibus suis, in Gene-  
sin, Cainanis non meminerit, perparum refert. Meminit  
enim alibi, non obscurè, Epistola nimirum ad Damasum;  
*Ajunt, inquit, ab Adam, usque ad Christum, generationes  
septuaginta septem. Lege Lucam Evangelistam, & invenies,  
ita esse, ut dicimus.* Idemque observat, Hieronymo coæta-  
neus, *Augustinus*, de consensu Evangelistarum, lib. 2. cap.  
4. *Ideo (inquit) & in eo numero, qui est peres Lucam, &  
ipse Christus, à quo incipit enumeratio, & Deus, ad quem  
pervenit, connumerantur, & sit numerus septuaginta septem,  
quo significatur, omnium, prorsus remissio & abolitio, pecca-  
torum.* Et Quæst. Evangelicarum, lib. 2. cap. 4. *Septuagin-  
ta (inquit) septem persona, secundum generationes, quas Lu-  
cas secutus est, inveniuntur.* Et contra faultum Manichæum  
lib. 3. cap. 4. *Numerus autem generationum, secundum Lu-  
cam, qui in Baptismo Domini commemoratur, ad septuagin-  
ta & septem, perveniat &c.* Hæc ille. Atqui deme Caina-  
nis nomen, numerus ille, non constabit: ideoque, in eo,  
fuit recensitum.

Qua in re, *Gregorius Nazianzenus*, Hieronymo (disci-  
pulo suo<sup>a</sup>) & Augustino, Oratione 44. in sanctam Penteco-  
sten, præluxit: ubi de Christo, novo Adamo, sic ait; *Qui  
juxta retrogradam Luca descriptionem, à veteri, & sub  
peccato constituto, Adamo, septuagesimus numeratur.*  
Et ante Nazianzenum *Epiphanius*, in compendiaria O-  
ratione, de fide Catholica, libris contra hæreses, subnexa

<sup>a</sup> Hier. descript. Ecclesiast. cap. 12. 7.





Novi Testamenti Græci, anno M.D. LXXVI. editione, expressit.

Quemadmodum, hac in re Parisiis, *Simon Colinaus*, anno M.D. XXXIV. sua industria (nisi quod, pro *Ἰωάννη*, plenius, cum Stapulensi, habet *Ἰωάννη*) antecessit. Utramque verò, cum Epiphani (nisi potius sit Hieronymi, de quo postea) tum Fabri, lectionem (quasi simili, inter se, probabilitate nixam) præclarus ille theologus, *Martinus Bucerus*, ancipiti licet sententia, comprobavit. Sic enim ad Matthæi cap. 1. 17. ait; *Secunda tessaradecas, incipiens à Salomone, in Iechonia finitur. Quem, nisi repetas, & caput constituas tertia, ea non habebit generationes quatuordecim. Unde duos Iechonias, hoc est, patrem Iojacim, & filium Iojachin (qui vocatus, Iechanja) fateamur oportet: aut quòd, scriptorum vitio, pro Iojacim, patre Iechanja, irrepserit Iechonias: ut eodem, & pater, & filius, nomine legantur. Nam Faber Stapulensis (eruditione & pietate, venerandus senex) meminit hoc loco, ex veteri quodam archetypo Græco, ubi nos Iechoniam habemus, legi Iojacim &c. ita, si posteriore Iechoniam, filium prioris intelligas, constabit & hac tertia tessaradecas, habens suas generationes quatuordecim: sive hic Iechonia nomine, vocatus fuit, sive irrepserit id nominis, pro Iojacim. Pater enim, secundum tessaradecadem, finiet: & filius, tertiam incipiet.* Hætenus Bucerus. Eandem etiam, Fabri & codicis Roberti Stephani, lectionem, *Biblia Gallica postrema, & Germanica Piscatoris*, & priores *Beza, Novi Testamenti, editiones*, tanquam genuinam, expresserunt: & in sua Harmonia, cum *Calvinus*, tum *Kemnitius*, verisimilem censuerunt. Atque hæc de primo *Responsionis modo*, qui, in *negatione Antecedentis*, consistit.

Quomodo, rejecta illa, quæ obijcitur lectione, tanquam scriptorum vitio depravata, Matthæi veritas, illæsa conservatur.

*Alter verò modus*, concessio antecedente, agnitaque ea, quæ opponitur, vulgoque extat, lectione, *Consequentiam*, tanquam infirmam, sed diversa sententia, negat. *Quidam* enim utrimque, & versu 11. & 12. Iechoniam intelligi, & à Josia, ut avo, mediata genitum, dici: & quasi in angulo constitutum (ob duplicem conditionem, regiam, ante transportationem, & post eam, privatam) pro duplici genere, censerī statuunt. Quæ opinio, est *Augustini*, De consensu Evangelistarum, lib. 2. cap. 4. & *Quæstionum Evangelicarum*, lib. 2. cap. 5. Sic etiam, *vetusti auctoris*, in Matthæum, *homilia Latina*, Chrysostomo adscriptæ. Sed hanc opinionem Matthæi, de numero generationum, cap. 1. 17. definitio, non admittit. Siquidem, nominis & hominis unius, repetitio, generatio duplex dici non potest.

*Alii* igitur accommodatius, eodem Iechoniz nomine homonymo, duos diversos homines, designari, censent. Ut Iechonias, priori loco, sit pater, nempe Joacimus: posteriori verò, filius ipsius, Iechonias dictus. Ideoque hæc verba, & cum sacra Historia, & cum tessaradecadem versu 17. supputatione, ad amussim conveniunt. Quæ sententia, est *Ambrosii*, in Luc. 3. & *Hieronymi*. Quam *Lyranus* sequitur, & in Annotationibus suis, proponit *Erasmus*, & *Beza*, in postrema Annotationum Novi Testamenti, editione (priori suâ sententiâ ac lectione ingenuè repudiata) similiter recitat ac probat, quum ait, omnium autem appositissimè, Hieronymus in hunc locum; *Sciamus* (inquit) *Iechoniam* priorem, ipsum esse, quem & *Iojacim*: secundum autem filium; non patrem. *Quorum* prior per K & M, & sequens, per CH & N, scribitur. *Quod, scriptorum vitio, & longitudine temporum, apud Græcos Latinosque, confusum est.* Hæc ille rectissimè. Quibus *Beza* verbis illustrandis, addi potest consentanea *Hieronymi*, è *Commentariis* in Dan. cap. 1. sententia; *Et ob hanc* (inquit) *causam, in Evangelio, secundum Matthæum, una videtur deesse generatio: quia secunda nomen addidit, in Iojacim, desinit, filio Josia: & tertia incipit à Iojachin, filio Iojachin. Quod ignorans Porphyrius, calumniam struit Ecclesiæ, suam ostendens imperitiam: dum Evangelistæ Matthæi, arguere nititur, falsitatem.*

Hæc ille: Eamque, post *Bezam*, aliosque pios & eruditos theologos; *Benedictus Aretius*, sententiam, sibi arridere,

*Commentariis* in Matthæi c. 1. profitetur. Atque hæc quoque, de altero, *Responsionis* ac conciliationis, modo, differuimus. Uterque enim (nimirum, sive objectionis propositæ, Antecedens: sive Consequentiam, rejiciamus) verisimilis est, & Apostolum perspicuè, ab objecto falsi crimine, vindicat, actuetur.

Neque sanè video, quomodo alterutrum, solidè queat confutari: idque plenius ac planius, ex eorum, quæ opponuntur, examine penitiori, elucebit.

Nam, quod *Beza*, primum illum (quem initio probat) modum (quo legendum statuitur; *Josias autem genuit Iojakimum. Iojakimus autem, genuit Iechoniam, & fratres ejus, &c.*) cum Historiis sacris, minimè congruere, censet: quod hæc, nullos Iechoniz, Joakimi filio, fratres attribuant: illud aliquam, prima fronte (si quorundam 1. Chron. 3. 16. versionem audiamus) veri speciem præterdit; sed, liquida veritate, destituitur. Quandoquidem contrarium, ex eo loco, non obscurè, colligi potest: ut D. Piscator etiam rectè judicavit. Idque ipsa historiz verba (per ellipsin copulæ, & reddenda) demonstrant; *Filii verò* (inquit) *Iehojakimi Iechonia filius ejus: [ & ] Tsidkia filius ejus.* Nam, si Iehojakim habuit filios: ergo Iechonia filius ejus, habuit fratres aut saltem fratrem Tsidkiam nimirum juniorem, patruo suo, 1. Chron. 3. 15. cognominem, & posteros illius (qui licet in Sacris Literis, quòd pater ipsorum non esset primogenitus, pro more recteantur) fratrum etiam nomine, consueta usurpatione, continentur. Quemadmodum Abrahamus, se, fratrisque sui filium, Lothum, Gen. 13. 8. *fratres*, nominat: ob communem Therachum patrem, licet dispari gradu: primo quidem, Abrahami; secundo verò, Lothi, cujus erat avus, Gen. 11. 31. Similiter Iechonias, non solum Tsidkiam habuit fratrem, ut ex eodem patre, eodem gradu, ortum; sed etiam filios ipsius, tanquam patruus: utpote, ab eodem patre Joakimo sed inæquali gradu prognatos.

Quare proposita, sententiæ Matthæi, in integrum restitutio, permanet verisimilis, & retundendis, adversariorum Evangelii, calumniis, opportuna; non tamen (ut *Piscator* appellat) necessaria. Utpote quum sine illius subsidio, ex altera, cum Hieronymo, explicatione, non incommoda conciliatio, instituitur.

Idque ex duarum, quæ occurrunt, *difficultatum* discussione, constabit. *Prima* est, sumi quidem ab Hieronymo, Joakimum, filio suo Iechoniz, fuisse cognominem; sed non probari. *Alter* est, quod hoc modo, genealogiz catena, præter Scripturæ morem, indignè dissolvatur: si connexio illa; Joakimus verò, genuit Iechoniam, desideretur. Quæ ratio, tanti est momenti, ut Epiphanium (sicut antea ostendimus) commoverit, ut verba illa; *Iechonias verò, genuit Iechoniam*, ab indocto aliquo homine, emendandi studio, deleta, & ad integritatem loci, restituenda, afferuerit.

Veruntamen, si accuratius scrutari lubeat, rem utrinque, in vado esse, comperiemus.

*Primum* enim, quum reges Judæorum, non pauci (pro gentis suæ more) fuerint binomines, aut etiam trinomines: quid vetat, quo minus Joacimus (licet Eliacim quoque 2. Reg. 23. 34. dictus) commune insuper, cum filio suo Iechonia, habuerit nomen: idque Matthæo, per Spiritum Dei, mentem calamumque, imbuentem ac dirigentem, innotuerit? Præsertim quum similia, in prima Lucæ, cum Mose, conciliatione, à nobis proposita sint exempla.

*Deinde* insolens non est, ut, in genealogiis interdum, connexio laxetur, & ita generatio, quodammodo innuatur potius, diversi nominis indicio; quam exprimatur. Siquidem illustria illius, in Sacris Literis, extant documenta: ut, ex primo Chronicorum libro; apparet. Postquam enim cap. 3. 17. dictum est, *Salathiel, filius ejus*, ommissa connexione hac; *Filii verò Salathielis*, subjicitur, *Et Malchiram, & Pedaja &c.* quod, ab eruditis Hebræorum magistris, observatum: ut *David Kimchi*, ad illa verba; *Omnes* (inquit) *illi filii Salathielis: quod, compendiosa via, completitur. Neque ait, Et filii Salathielis: quia res intelligebatur quod recenseret patrem, & filios ejus omnes.* Hæc Kimchi.

Ideoque non est *μίγα λίω αἰτήτω* (ut *Piscator* censuit) quod clarissimi viri, *Tremellius* & *D. Junius*, sua interpretatione ac paraphrasi, eo modo declararunt. Præsertim quum Scriptura, diserte, in Salathielis posteritate describenda (ut postea apparebit) patrocinetur. Sed, ne dubitationis ullius amplius sit locus, idem clarissime, duobus aliis, ex 1. Chron. 6. exemplis, demonstratur. Postquam enim, in filiorum Cethi genealogia, versu 24. dictum esset: *Tachath, filius ejus, Ursel, filius ejus, & Schaul filius ejus*, cæpta ac consuetanegligitur connexio, nempe; *Et Elkana, filius ejus*. Sequitur enim, versu 25. *Et filii Elkana, Hamasai*. Similiter, versu 27. *Eliab, filius ejus, Jerocham filius ejus, Elkana filius ejus*: ostenditur connexio ista; *Schemuel filius ejus*: ut sequentia ostendunt. Additur enim versu 28. *Filii vero Schemuelis, primogenitus Vaschni, &c.* Ideoque insignes illi (quorum modo meminimus) interpretes, paraphrasi sua, claritatis causâ, utroque loco, connexionem suppleverunt. Utque connexionis, utraque interruptio, ex re ipsa (uti jam ostendimus) elucet: sic etiam, ex repetita, & ordine retrogrado, plenius connexa, in sequentibus, versu 33. & 36. genealogia, manifestè convincitur. Ubi & illud obiter observandum, quum non pauci, in hac genealogia recensiti, fuerint binomines, in repetitione illius, prius nomen, cum altero; in plerisque, permutatum. Adeo ut inde, nominis Joacimi, cum Jechonia synonymo (de quo ante disseruimus) commutatio, minus insolens videri debeat.

Quare, etiam hac ratione, facta rectaque esse poterit Hieronymi, sine lectionis Matthæi mutatione, responsio. Quæ sibi (ut videtur) ob simplicitatem, & lectionis illius, quæ frequentissima est, conservationem, primas vendicat: altera vero, commoda ratione, secundas. Utile enim est (ut alicubi rectè monet Augustinus) diversas, ac probabiles, unius loci controversi expositiones concurrere, ut eo fortius, adversariorum tela retundantur: & imperitioribus, uberius satisfiat. Idque, in hujus difficultatis discussione mediocriter factum, speramus.

Nam scrupulus ille reliquus, qui, ex illis verbis, *ἐπὶ τῆς μετακινήσεως Βαβυλῶνος* in transportatione Babylonica, concipitur: ab eruditis interpretibus, satis commode est sublatu.

Quum enim obijciatur, eam orationem, cum Historia sacra, non convenire: ut quæ, secundum Dei promissionem, 1. Chron. 34. 28. Josiam, aliquot annos, ante captivitatem Jojakimi, 2. Reg. 24. 1. obiisse commemoret: ideoque in captivitate genuisse, verè dici non possit: illud (inquam) opportuna constructione, diluunt. Quod videlicet, vox *ἐπὶ* in, non ad verbum remotius, *genuit*, sed ad proximum, *fratres ejus*, trita pronominis, *τῶν*, & verbi substantivi, ellipti, hoc modo referatur, *τῶν μετὰ τὴν μετακίνησιν*, qui fuerunt, in deportatione Babylonica: seu, tempore illius: ut Beza, D. Junius, & Piscator, eruditè observarunt.

Veruntamen, quid si etiam, quod obtendunt, obtinerent

adversarii, ea verba, non aliò, quam ad vocem, *genuit*, referri oportere, Matthæum non læderent: quum, alia interpretatione, succurri queat. Nam licet vox *ἐπὶ*, cum Genitivo juncta, sæpius voci *in*, cum Ablativo, Latinis respondeat: frequenti tamen antiptosi (non secus atque si Accusativum regeret) pro *in* sive *in* & *ad* (cum quarto casu) usurpatur. Quemadmodum ad illustre illud Homeri Iliados 7 versu 5. de gruibus, exemplum; *πίπτονται, ἐπ' ἀκταμένο ῥοάνι volant ἀδω- ceani fluentia*, Eustathius monet, vocem *ἐπὶ*, eodem sensu, maximè apud historicos, usitatam. Nec immeritò: ut *Herodotus* & *Thucydides*, historiarum principes, demonstrarunt. Ille quidem edit. H. Steph. l. 1. pag. 1. *ἀναπλωτὴς ἐπ' Αἴγυπτον*, *Abnavigantes in Egyptum*, & pag. 25. *ἐπὶ κρημνίστῳ ἔλκετο ἡν ὀφθαλμὸν ἔλκετο*, *officinam fullonis trahens*. Et lib. 2. pag. 58. *ἐπ' Αἰθιοπίας*, *item ἐπὶ Σουδῶν ad Ethiopiam: ad Syriam, &c.* Hic verò, edit. Steph. lib. 1. pag. 12. & 19. *ἀνελθόντων ἐπὶ οὐκ ἐκ δόμου ἐκ- σὺς reversi sunt*: cui simile pag. 18. & 29. & 36. ubi ter occurrit. Et pag. 20. *ἀφικνύμενοι ἐπὶ Θέβης perveniunt in Thraciam*. Sensus igitur, hoc loco, Matthæi esse poterit, quòd *Josias, Jechoniam* (nempe seniore, hoc est Joakimum) *genuit*, non in transportatione; sed *in*, sive *ad*, *transportationem Babyloniam*: ut ita, non tempus generationis, sed consecutus atque observandus, tristis geniti eventus, indicetur. Aut (quod *Tremellius*, ad Syrum Matthæi interpretem, monet) ut vox *in* pro *sub*, vel *circiter*, accipiat: hoc est, quum deportatio illa immineret: ut etiam *Lyranus* exponit. A quo sensu, vocis *ἐπὶ* pro *ad*, usurpatæ, significatio, non abludit.

Quibus, vocis *ἐπὶ* post, apposita oppositio, egregiè convenit, quod videlicet antea, generationes captivitatem (quæ in Joakimo cæpit) præcedentes, sint expositæ: quibus, eam subsequatæ, subnectantur. Quemadmodum versu 17. ait, *David usque ad transportationem Babyloniam, generationes quatuordecim: & post transportationem, &c.* Atque ita concinna erit sententia, ut verba illa, *ἐπὶ μετακινήσεως* in (vel ad) *transportationem*, ad Joakimum (Jechoniz primi nomine intellectum) solummodo referantur: & reliqua illa, *& fratres ejus*, per parenthesin sint inserta. Quemadmodum postrema interdum verba (ubi res postulat) ad remotius antecedens, pertinent: ut Genes. 10. 12. *inter Niniven & inter Celachum: illa* (Ninive scilicet) *est civitas maxima*, aliisque locis (quos eruditi interpretes ibidem, & alibi, observarunt) constat. Deinde fieri etiam potest, ut verba illa, *in deportationem*, ad proximum antecedens, syncedochicè referantur. Quia fratres ipsius Joacimi, in deportationem geniti, non omnes quidem, sed Tisdias, ut frater proximus, & hujus filii, ut fratres remoti. Hoc tamen discrimine, quod hi, in deportationis aditu, cæsi: ille verò, deportatus, 2. Reg. 25. 7.

Quocirca hoc modo, prima Matthæi, in *regibus recensendis*, cum Historia sacra, consensione asserta, ulterius procedemus.

## C A P U T Q U A R T U M.

### De Matthæi cum Prophetis, convenientia secunda, in Ducibus.

**S**iquidem, alia de Salathielis & Sorobabelis, ducum posterorum, origine, succedit (sed minori discrimine) controversia.

Nec enim, divinam genealogiz auctoritatem, attingit; sed rectam illius & quorundam, Veteris testamenti, locorum, sententiam. Nam de Salathielis genere, Matthæus versu 12. sic ait; *post transportationem verò Babyloniam, Jechonias, genuit Salathielem*: idemque antea, à Propheta, 1. Chron. 3. 17. consentaneè traditum: *Filii verò Jechonia, Assir, Schealthiel filius ejus*. Ubi obiter hoc notandum, quod quidam, vocem Hebræam, *Assir*, non esse, hoc in loco, nomen commune, sed proprium, arbitrantur. Quomodo LXX. Interpretes, D. Kimchi ac prisca (ut ait) *Hebraeorum magistri*, vetus ac vulgata Latina versio, *Santes Pagninus*, *Cornelius Bertramus* Lucubrat. Franketal. cap. 6. aliique non pauci, acceperunt.

Alii verò, communi vocis significatione retenta, vin-

*Assum*, interpretantur: ut, ex D. Luthero, & D. Junio, aliisque apparet. Utrovis autem modo, intelligamus, genealogia Christi, cum historia sacra, perspicuè congruet. Sed hoc disquiritur; An Jechonias propriè, an verò impropriè, Salathielem genuisse, dicatur. Prius affirmant, veteres *Rabbi*: ut *David Kimchi*, in Commentariis, ad 1. Chron. 3. attestatur: & *Hieronymus*, in suis ad Jerem. 22. commentariis agnoscit. *Natus* (inquit) *est, de Joakim, Jechonias: de Jechonia, Salathiel: de Salathiel, Sorobabel: & per ordinem venit ad Christum*. Posterius verò inter alios D. *Tremellius* & *Junius*, amplectuntur. Quorum sententiam & argumenta, *Biblia Gallica* postremò recognita, Germanica *Piscatoris*, & *Cornelius Bertramus*, Lucub. Franketal. cap. 6. sequuntur. Sententiam autem ita proponunt, quod Jechonias, Salathielem, tanquam sanguine proximum, habuerit successorem: ipsumque propterea, per metaphoram, genuisse dicatur. Idque, duobus argumentis, stabilire nituntur. Quorum

Quorum prius est, quod Jechonias, sine liberis obierit. Ut Jeremias vaticinio cap. 22. prædictum, contendunt: alterum verò Salathielem filium fuisse Neri, ex Nathanis posteris, Luc. 3. 27. ideoque Jechonias (ex Salomonis genere, oriundi) filium, non nisi improprie, appellari.

Verum, si quis id rectè expendat, & propositam, hujus sententiam, *hypothesein*, Scripturæ usu: & *argumenta* illius, nervis destitui comperiet.

Nam, ad hypothesein quod attinet: quam sententiam suam (velut firmam & extra controversiam positam) substernunt, quasi *gignere*, idem interdum, ac successorem in regno habere, denotaret, prorsus videtur insolens.

*Excipiunt* quidem Tsidkiam, licet patrum Jechonias nihilominus filium (similitudine quadam, cum filio) ob successionem in regno, 1. Chron. 3. 16. nominari. Sed hoc omnino alienum est: partim à scopo; nobis proposito: quia non de filii (quæ minus latè patet) sed, de gignendi voce, disceptatur: partim, à Sacrarum literarum, phrasi: quæ novam illam, *filii* significationem, nequaquam agnoscit. Neque loci circumstantia, hoc flagitat: sed potius, tanquam omnino importunum, & à perpetuo, in genealogiis, ordine, abhorrens, adversatur. Quumque versu 15. Tsidkiam, cum fratre ipsius Jehojakimo, Josias filii accensuerit: quoniam, quæso, colore, idem rursus, sequenti versu, Jechonias filius, hoc est, Jehojakimi nepos, recensetur? Ordinis sanè ratio, patrum diverforum mentio, & genealogiæ (successionem generis, non regni, profitentis) institutio, diversos homines; sed ejusdem nominis (priori loco, patrem; posteriori, fratris ipsius filium) proprie intelligendos arguit. Unde, *hypotheseos* memoratæ, *infirmas* satis conspicitur.

Neque est, cur *argumenta*, quæ, ad eam fulciendam, obtenduntur, nos moveant: quum peræquè appareant invalida: licet prius, altero sit speciosius.

Nam, quod ex *Jeremia* cap. 22. 30. Jechoniam liberis caruisse, ideoque Salathielem, filium illius, proprie dici, non posse, *objeclant*: bifariam diluitur. Quippe neque antecedens *Propositio*, est certa: neque *Consequentia*, necessaria.

*Propositio* enim, cum insignibus auctoribus, justaque ratione, negari potest. Nam vox Hebræa *Gnhariri* (qua Jeremias, eo in loco, utitur) à generali sua significatione, per metaphoram, translata, non uno modo, intelligi potest. Si quidem ea, à verbo *Gnharar*, ejusdem cum affini voce, *Gnharar*, Psalm. 137. v. 7. significationis (ut *Rabbi* Salomo, ad Gen. 15. 2. testatur) derivata, proprie, *destructum*, notat: unde, concinna (ob similitudinem) metaphora, ad infelicem ac miserum, transfertur: & quidem, vel liberis, vel patria bonisque, destitutum. Præma significatio, Gen. 15. 2. & Levit. 20. 20, 21. altera verò (ex antiquissimorum interpretum, sententia) Jeremias cap. 22. 30. usurpatur. Id quod succinctè, in hujus loci explicatione, complexus est Hieronymus; *Pro sterili* (inquit) *in Hebræo scriptum est Hhariri: quod Aquile prima editio, sterilem: secunda, ἀναγεννῶν, id est, non crescentem: Symmachus, vacuum: LXX. & Theodotio, abominabilem & abdicatum, interpretati sunt.* Hæc tamen Hieronymus. Cæterum Græcè, apud LXX. est *ἐκχέου-στος*, voce præconis exterminatum, extorrem: & (ut Hesychius exponit) *ἀπίσταντος* *abjectum*. Unde, ex horum interpretum sententia, apparet primum, illam Jeremias vocem, non solum, improlem; sed etiam extorrem atque abjectum, significare posse: ac deinde, hoc loco, ita intelligi oportere. Quæ etiam declaratio, cum sententiam circumstantiis, egregie conspirat. Hæc enim versu 28. præcedunt; *An simulacrum contemptum, quod dispergitur, esset vir iste Conja? An instrumentum, in quo nulla delectatio? Cur ejus essent ipse & semen ipsius, & projecti in terram, quam non norunt?* Sequitur versu 29. *O terra, terra, audite verbum Iehova, & 30. Sic ait Iehova; scribite virum istum Gnhariri (qui) non prosperabitur, in diebus ejus: quia non prosperabitur, de semine ejus, quisquam, sedens in solio Davidis, & dominans amplius in Iehudam.* Quibus verbis, miseria Jechonias, per ejectionem à terra sua, ac projectionem in alienam: & regni amissionem perpetuam, describitur: atque ita revera,

*Gnhariri* ejectus, demonstratur. Unde, *Propositionis* objectæ, imbecillitas apparet.

Deinde, licet ea veritati congrueret, *Consequentia* tamen (seu conclusionis, cum antecedente, connexio) nondum esset necessaria.

Quia non absolutè, sed ratione præsentis, ante captivitatem, status, *improles*, intelligi posset, & ex manifesta, genealogiæ illius, 1. Chron. 3. 17. & Matthæi 1. 12. descriptione, intelligi deberet. Siquidem clara Scripturæ loca, non ex ambiguis & obscuris, sunt exponenda: sed hæc contra, è claris ac disertis, illustranda.

Nam locis indicatis, Jechonias, & genuisse, & filios habuisse, disertè pro genealogiæ more, asseritur: improles verò à Jeremia (ut volunt) dictus, ambigua voce, nominatur. Quoniam sic dici potest, vel in præsentia, vel in posterum.

Id quod clarissimi viri, *Tremellius* & *Iunius*, interpretatione sua, agnoverunt: quum, ambiguitatis hujus tollendæ gratia, ad vocem illam *Gnhariri* (quam, liberis carentem, vertunt) ne quis, de præsentis tempore, acciperet, vocem, *fore*, minus rectè (ut res ipsa evincit) paraphrasi, de suo addiderunt. Quippe, & verba antecedentia, versu 28. & consequentia, Jechonias *semen* (hoc est prolem) disertè attribuunt; sed ipsi simile, *Gnhariri*, abjectum atque infelix. Id quod tandem *D. Piscator*, re melius perpensa, in postrema sua, Analysis Matthæi, editione, observavit: ac Jechoniam filios habuisse (ex evidenti hæc seminis attributione) ingenuè profitetur, ac priorem suam sententiam (ut loquitur) retractat. Nam quod in suis (ad illa Jeremias verba) Notis, interpretes, ante memorati, semen Jechonias, de gente ipsius, exponunt: omissum optarim. Quis enim non videat, quàm illud sit coactum, & à Sacrarum literarum phrasi, dissentaneum?

Denique, quid si etiam, hæc *seminis* Jechonias, inculcata abesset mentio: & vox illa, *fore*, adesset, ac carentem liberis fore, comminaretur Deus, nondum consequentiæ necessitas liqueret. Notum enim est, poenarum hujusmodi, comminationes, solere esse, non absolutas; sed tacita pertinaciæ conditione, circumscriptas; ut celeberrima illa Dei, per Jeremiam, cap. 18. 7. 8. sententia: & illustrata Ninivitarum, aliorumque, exempla demonstrant. Quo modo veteres Hebræorum doctores (ut *D. Kimchi*, ad hunc locum testatur) hanc, de liberorum defectu, sententiam, non absolutè, sed hæc conditione, nisi resipiscerent (ut Ninivitis accidit) propositam: seriò autem resipuisse (ideoque filios illi, 1. Chron. 3. adscriptos, carcere exemptum, solioque, præcæteris, sublimi decoratum) tradiderunt.

Quòd autem *Piscator*, in candida sua, pristina sententia, retractione, Jechoniam proprie filios habuisse, agnoscit; illud rectè quidem, ex seminis (ut ostendimus) adscriptione, probat: sed quòd, filii carentem fore, cum nonnullis interpretatur, idcirco dictum, quòd nullus eorum, in regno esset successurus: illud commodè potuisset reticere. Quippe, neque ex verbis Jeremias, firmiter id concluditur: neque usu Scripturæ (quæ talem filii significationem, ut paulò antè dictum, ignorat) stabilitur.

Atque hæc, de *primi argumenti*, *solutione* varia: unde constare satis arbitror, Salathielem, non impropria, atque insolenti omnino, significatione, à Jechonia genitum dici, sed proprie; quod, è semine illius fuerit progenitus.

Alterum verò objectum *argumentum*, adeo leve est, ut mirandum sit, viros gravissimos complures, eo potuisse commoveri. Nam licet verum sit, Salathielem (quem Lucas recenset) filium fuisse Neri, non alium: inde tamen minimè efficitur, idem de Salathiele, apud Matthæum, statuendum: quum sub iisdem nominibus, diversi homines; ac diversi generis, describantur. Matthæus enim, Salomonis: Lucas contra, Nathanis posteros, enumerat: ut rectè *Africanus*, aliique Patres orthodoxi, censuerunt: & in sua *Retractione* *Piscator*, sincerè agnovit.

Ac propterea, non est absolum, quòd Salathiel, à Luca, filius Neri: à Matthæo contra, Jechonias proles, statuatur: ut etiam ex Sorobabele, Salathielis filio, utrimque diverso, liquere potest. Salathiel enim Matthæi, Jechonias



filius genuit Sorobabelem, per filium Pedajam 1. Chron. 3. qua de causa Agg. 1. 1. 12. 14. & 2. 3. 24. & alibi sæpe, *Salathiel filius*, hoc est nepos, nominatur. Contra verò Salathiel Lucæ, filius Neri, non nepotem, sed filium habuit. Sorobabelem: quia Lucas, in genealogia, nullos præterit, ut rectè in *Retractione*, à *Piscatore*, observatum. Neque obstat quicquam, quòd utrimque similiter Salathiel, Sorobabelis pater, declaratur. Siquidem similis, duorum aut plurium, hujusmodi nominum, eodemque ordine succedentium, concursus, accidere potest sæpius: & in sacris etiam genealogiis, reperitur. Nam de duobus, vel hæc ipsa Lucæ genealogia, fidem facit: quoniam, ut versu 24. ait, *Matthai, Levi*: sic in aliis duobus, eorum posteris, recensendis, versu 29. similiter habet; *Matthai, Levi*. De pluribus verò, 1. Chron. 6. 7. & 8. legitur; *Amarias genuit Achitub, Achitub genuit Sadocum*: idemque, de quatuor eorum nepotibus, totidem vocibus, versu 12. iteratur.

Quamobrem, ex hisce omnibus, constare satis arbitror,

Jechoniam Salathielis patrem, verè ac propriè, extitisse: neque alia ratione, Matthæi verba; *Jechonias autem genuit Salathielem*: *Salathiel autem genuit Sorobabelem*, quàm propriè, accipienda, de filio natura, non aliter. Idque eruditè Augustinus, *Quæstionum in Deuteronomium* cap. 46. conjecit. *Sorobabel* (inquit) *qui ferè est vigesimus, sursum versus, à Joseph, apud Lucam: apud Matthæum autem, undecimus. Qui propterea, ideo ipse esse, credetur: quia pater ejus, apud utrumque Evangelistam, Salathiel invenitur. Quamvis fieri poterit, ut alius fuerit, eodem nomine, habens ejusdem nominis patrem: cujus & ille habuit. Nam, & inde sursum versus, diversi sunt. Alium quippe, habet Sorobabel, avum, apud Lucam, qui est Neri: alium, apud Matthæum, qui est Jechonias. Atque ita superius nusquam, est consonantia, quoniamque venit ad David, apud Matthæum per Salomonem: apud Lucam, per Nathan. Hactenus Augustinus. Ex quibus, Matthæi, non minus, quàm Lucæ, cum *Prophetis consensu*, apparet.*

## CAPUT QUINTUM.

### De mutua, Matthæi & Lucæ, congruentia.

**R**eliquum est igitur, ut *mutuam*, horum Evangelistarum, in *Christi genealogia*, congruentiam, adversus impiorum insultus, pro virili, vindicemus. Hac enim ratione commodissimè, putida illa, *Fausi Manichæi*; calumnia, qua *litem*, Matthæi & Lucæ, *infinitam & interminabilem*<sup>a</sup>, traduxit, diluatur: & argumentorum, quæ, ab hostibus, obijciuntur, vanitas elucescet.

<sup>a</sup> August. contra Faustum lib. 3. cap. 1.

Sic enim illi *arguti* sunt; Matthæus Josephum, à Jacobo, è Salomonis posteris, genitum asserit: Lucas verò, eundem, Heli, ex Nathanis familia orti, filium affirmat: ideoque, è diametro, inter se dissident: quum fieri nequeat, ut unus, duorum, è diversa prosapia, patrum, sit filius.

Verum, quum duplex, verborum Lucæ, versu 23. constructio ac distinctio, esse queat: una, ut *τῷ Ἰσὶ*, cum Joseph, construatur: altera, ut ab eo, segregetur: ita bifariam quoque, responderi potest. *Priori enim modo*, Antecedente concessio, *negatur*, diversa ratione (ab hisce quidem, propter synonymiam: ab aliis verò, ob latentem homonymiam) *Consequentia*.

Sunt enim nonnulli, qui diversis, Jacobi & Heli, nominibus, unum eundemque, Josephi patrem binominem, recenseri arbitrantur.

Verum, longa illa, diversi generis, numeroque dispar, differentium nominum, continuata, apud Lucam, series, synonymiam illam, minimè admittit: ut eruditè, ab *Augustino*, *Quæstionum Evangelicarum* lib. 1. cap. 5. demonstratur.

Quare *alii* accommodatius, homonymia, vocis filii, explicata, Evangelistas conciliant, & consequentiam adversariorum confutant.

*Filius* enim (ut distinctè agamus) alius, *natura* ortus dicitur: qui, è semine patris, genitus: alius contra, lege acquisitus. Ac natura filius esse potest, qui non sit lege acquisitus: lege verò, nemo potest esse, unius filius, qui non sit etiam alterius (vel saltem ejusdem<sup>a</sup>) natura. Lege porro sit filius, vel gentium communi: vel Israëlitis propria.

<sup>a</sup> Vide Lucian. in *Antiphrasibus*.

*Communi gentium*, vel omnino, per adoptionem: vel quodammodo, per conjugium; quo gener, soceri ac socrus, & privignus, vitrici (ob debitam eorum curam, ac potestatem quasi paternam) filius dicitur. *Propria* verò Israëlitis lege, jure vindicis, Deuter. 25. 5. 6. filius appellatur. Qua lege, proximus, consanguineo suo, sine prole, defuncto, ducta ipsius vidua, ad familiam, ab interitu vindicandam, prolem, defuncto accensendam, suscitare tenebatur. Unde satis liquet, optimè fieri posse, & sæpius contingere, ut idem filius, duos habeat patres, unum natura, alterum lege.

Quemadmodum, Ephraim & Manasses, filii fuerunt Josephi, natura: Jacobi verò, adoptione, Gen. 48. 5. Et E-

sther natura, alterius: adoptione, Mardochei patrui, filia, Esth. 2. 7. indicatur. Sic nurus Nahomi, aliis matribus genitæ, Ruth. 1. 8. conjugii tamen, cum filiis ipsius, ratione, filiz ejusdem, versu 11. & 12. nominantur. Ac filias Jacobi, Genes. 37. 35. ad nurus etiam referunt Hebræi, in Bresth Rabba, teste *Galatino*, de *arcanis Cathol. verit. lib. 7. cap. 12*. Et ita *Rabbi Salomo*, ex R. Nechemja, ad eundem Molis locum, exponit. Quod alii tamen aptius, ad filiam genuinam & neptes (quibus nonnulli, nurus annuerant) retulerunt. Similiter ob conjugii, cum matre, reverentiam, ac quasi patriam potestatem, Josephus, *Christi pater*, non natura (ut vulgò perperam opinabantur) sed conjugii, cum matre Christi, jure ac more vitrici, ab ipsamet genitrice, Luc. 2. 48. nuncupatur. Denique, si legem vindicis spectemus, Obedus, natura ac genitura, fuit Boozi, è Rutha (Machlomiimprolis, vidua) filius: & simul, pro vindicis lege, posthumus & acquisitus, Machlomi filius. Cujus rei gratiâ, Obedus, matris hujus Nahomi, filius (hoc est nepos) Ruth. 4. 17. celebratur.

Quare, ex hisce, liquere satis, arbitror, si Josephus, ab Evangelistis, duorum filius, (unius, natura; alterius lege) recensatur: nullam prorsus esse dissensionem. Quæ generalis responsio ad confutandam adversariorum accusationem: sine ulla speciali distinctione, sufficeret.

Veruntamen longius, eruditorum hominum, processit industria: ut de Josepho, primum disquirent, utrius (è duobus istis patribus) *Jacobi ne, an verò Heli, legalis filius, extiterit?*

*Ambrosius*, enim, suis, in Lucam, cap. 3. Commentariis, *primus* amplectitur: plerique verò, *posterior* (Josephum, Jacobi fuisse filium, natura; Heli verò, lege) statuunt: Idque, non obscuro discrimine, ab Evangelistis, indicatum. Matthæus enim, *gignendi*, utitur voce: quæ, filio naturali, convenit: Lucas verò, generaliore filii appellationem (quæ, de legali non minus, quàm naturali, intelligi potest) usurpavit. Quod primum, *Aphricanus*, in sua, ad Aristidem, Epistola: ac postea, *Augustinus*, de consensu Evangelistarum, lib. 2. cap. 3. rectè observavit.

In quo rursus, secundo responsionis gradu (quasi, tranquilliore statione) subsistere; & hujus disceptationis metam, majori consensione, figere potuissent: sed ulterius progredi, & ad majorem evidentiam, investigare maluerunt, *quanam lege*, an adoptionis, aut conjugii, aut vindicis, Josephus, *filius* Heli, statuatur?

*Primum* enim modum, *Augustinus*, priusquam Aphricani (ut 2. *Retract.* cap. 7. agnoscit) legisset sententiam, cæteris prætulit: ac de filio adoptivo, *Quæst.* Euang. lib. 2. cap. 45. & *Quæstionibus*, in Deut. cap. 46. interpretatur. *Secundum* verò, *Galatinus*, de arcanis cathol. verit. lib. 7. c. 12. *Matthæum Flaccum Illyricum*, in Glossa Matth. 1. *David Chytræus*

*Chytræus* ad Matth. i. *Kemnitius*, in Harmonia Euang. c. 9. & *Benedictus Aretius* Commentar. in Matthæum, denique *Piscator* in Bibliis, primum ad Matthæum analysi, comprobant: ac filii nomen, de genero, exponunt. Nam, quod doctissimus *Calvinus*, neque cum natura ordine, consentaneum, nec tale exemplum, in Scriptura, usquam legi, ait: jam antè, ex Ruth i. v. 8. solutum. Sin autem obijciatur; non solere, in aliis genealogiis, generos, pro filiis, poni: non mirum, hinc aliter fieri. Quia in Christo, naturæ ordinem superante (quum, patre homine, careat) alia est ratio: dum, quasi patris loco, vitricus substituitur: ut ita, ordo Christi, ad avum, deducatur. Tertium denique, post *Aphricanum*, *Origenis* coetaneum, *Patres Orthodoxi* plerique, sunt amplexi: eundemque tandem, lecto *Aphricano*, prioris sua sententia abdicata, non solum, *Augustinus* lib. 2. Retract. cap. 7. & 12. & 16. sed etiam *Piscator* (candoris illius imitatione) in postrema, Analysis Matthæi, recognitione, est secutus.

Quam sententiam, *Hieronymus*, ad verba illa Matthæi, cap. i. *Jacob autem, genuit Joseph*, succinctè est complexus. Hunc locum (inquit) objecit nobis *Julianus Augustus*, de dissonantia Evangelistarum: cur Evangelista *Matthæus*, *Joseph dixerit, filium Jacobi*: & *Lucas*, eum appellavit, *filium Heli*: non intelligens, consuetudinem Scripturarum: quod alter, secundum naturam: alter, secundum legem, ei pater sit. Scimus enim hoc, per *Mosè*, Deo jubente, præceptum: ut si, frater, aut propinquus, absque liberis, mortuus fuerit, alius accipiat uxorem, ad suscitandum semen fratris, vel propinqui sui<sup>a</sup>. Super hoc, & *Aphricanus*, temporum scriptor, & *Eusebius Casariensis*, in libris *diapontias* *Evangeliorum* (in *Eusebio* legitur, *συμφωνίας*) plenius disputarunt. Hæc *Hieronymus*, succinctè quidem; sed minus explicatè. Nam quum, *Jacob*, *Josephi* pater, longissimo, ad *Davidem* usque, majorum aliorum, intervallo, ab *Heli* fuerit remotus: quomodo, jure proximitatis, secundum legem, prolem ipsi suscitare potuit? Quæ non exigua, hac in re, difficultas, *Augustinum* initio, ab hac sententia, ita absterruit; ut *Questionibus in Deuteronomium*, cap. 46. in hæc verba proruperit; *Difficilimum autem videtur, non fuisse aliquem propinquiorem, qui duceret uxorem fratris sui, quam eum, qui ex David, esset consanguineus, tam longinquo gradu, non aliqua infra propinquitatem conjunctus, quum sit, apud Lucas, David, pene quadragesimus, à Joseph: apud Matthæum autem, fere viginti septimus*.

<sup>a</sup> Deut. 25. 5.

Sed hic scrupulus, tandem *Augustino* (postquam *Aphricani*, de hac re, Epistolam ac traditionem, percepisset) est exemptus: ut 2. Retract. cap. 7. attestatur. Ideoque, majoris evidentiae causa, *Aphricanum* ipsum, nervosa brevitate, sese summam, in fine Epistolæ suæ explicantem (ex *Historiæ Ecclesiasticæ*, *Eusebii* lib. i. cap. 8.) audiamus.

*Matthan* (inquit) qui, à *Salomone*, descendit, genuit *Jacob*. Mortuo *Matthan*, *Melchi* (qui, à *Nathan*, originem ducit) ex eadem muliere, genuit *Heli*. Fuerunt igitur, ex eadem matre, fratres, *Heli* & *Jacob*. *Heli*, sine liberis, mortuo, *Jacob* illi semen excitavit, nato *Joseph*o, ipsi quidem secundum naturam, secundum legem verò, *Heli*.

Quam historiam, non à Christianis, sed à Judæis Christi consanguineis, traditam asserit. Quare soluta, hoc modo, de generis, *Heli* & *Jacobi*, dissidio, objectione, *Augustinus* tandem (uti monuimus) *παλαμδίας* canens, in hac sententia acquievit.

Nam quod huic, secundo loco, obstare existimarat, quasi filio, ex suscitandis feminis lege, a progenito, idem cum legali suo patre, nomen debuisset imponi: ideoque hoc loco, non *Josephum*, sed *Heli*, fuisse appellandum, illius imbecillitatem, *Questionibus in Deuter. cap. 46.* & tandem falsitatem, 2. Retract. cap. 12. agnovit.

<sup>a</sup> Deut. 25. 4.

Ad quæ, si attendisset diligentius, vir alioqui insignis, *Petrus Galatinus*, De arcanis Catholicæ veritatis, lib. 7. cap. 12. duo illa (ab *Augustino* retractata) argumenta, tanti non æstimasset, ut, eorum fiducia, aliter sentientes, nimium falli, assereret.

Veruntamen, in *Aphricani* conciliatione, & in illius, ab *Ambrosio*, in *Lucam*, repetitione, hoc inest incommodi (ut etiam à *Cornelio Bertramo*, *Lucubrationum Franketalsium*, cap. 6. observatum) quod à *Lucæ* verbis, non parum recedat. *Lucas* enim, *Melchi* proavum & *Heli*: contra *Aphricanus*, eundem, patrem constituit. Id quod primus, è priscis patribus (nisi fallor) *Beda*, comment. in *Lucam* cap. 3. animadvertit. Qui, *Aphricani* sententiam, recitans, ac pro *Melchi*, *Matthat*, ex *Luca*, concinnius reponens, ait; *Hæc Aphricanus, his ipsis syllabis, profert, excepto, quod, pro Matthat, posuit Melchi: quia fortassis, vel codex vetus, sic habuit: vel in historia (in qua hæc didicerat) eundem Matthat, invenit esse dionymum*. Hæc ille. Ac mirandum sanè est, insignem eum, in *Aphricani* historia errorem, à vetustioribus Patribus, non animadversum: nisi forte, in amplectenda illius sententia, plus adhibuerint fidei, (ob traditionem antiquam) quam examinis, ad accuratorem rei notitiam. Quod, non raro accidisse, *Eusebius*<sup>a</sup> aliique rectè observarunt.

<sup>a</sup> *Histor. Eccles. lib. 3. cap. 36.*

Porro *Aphricani* conciliationem, *Damasceus*, *Orthodoxæ fidei*, lib. 4. cap. 15. his verbis, interpolavit; *Ex serie igitur Nathan, filii David, filius Levi, genuit Melchi & Panthera. Panthera, genuit Barpanthera, sic ab eo denominatum. Barpanthera genuit Ioachim: Ioachim verò, genuit sanctam Deiparam. Ex serie filii David, Matthan, duxit uxorem, ex qua, genuit Jacob. Mortuo autem Matthan, Melchi (qui erat, ex tribu Nathan) filius Levi, frater verò Pantheræ, duxit uxorem Matthan, matrem quidem Jacob, & genuit, ex ea, Heli. Erant igitur, fratres uterini, Jacob & Heli. Jacob quidem, ex tribu Salomonis: Heli verò, ex tribu Nathan. Defuncto autem Heli, ex tribu Nathan, sine liberis, accepit Jacob, frater ejus, ex tribu Salomonis, uxorem ejus, & suscitavit semen, fratri suo, & genuit Joseph. Joseph igitur, natura quidem, est filius Jacob, ex descensu Salomonis: secundum verò Legem, filius Heli, ex Nathan. Hactenus ille, sine Scripturæ, aut traditionis, indicio: quibus, *Aphricani* historia, non correctæ; sed corruptæ. Quoniam minimè verum est, (ut rectè, *De arcanis Cathol. Verit. lib. 7. cap. 12.* monuit *Galatinus*) *Levi*, genuisse *Melchi* & *Panthera*: imò *Melchi* genuit ipsam *Levi*: ut, ex *Luca*, evidenter apparet.*

Cæterum ex iis, quæ differuimus, liquere arbitror, non esse necessarium, ut certus aliquis, ex tribus, legalium filiorum, modis, definiatur (quum antiqua genealogiarum monumenta, hostium temporumque injuria, jam olim perierint<sup>a</sup>) sed, singulos eorum, verisimiles esse, ad dissensionis Evangelistarum, calumniam confutandam, suffecerit.

<sup>a</sup> *Aphricanus Epist. apud Euseb. hist. Eccles. l. i. cap. 8.*

Qua de re, eruditè *Augustinus*, contra *Fauftum Manichæum*, lib. 3. cap. 3. Nempe tota (inquit) in hoc quæstio est, quomodo potuerit, duos patres habere *Joseph*? Hoc enim, si fieri potuisse, demonstratur, nulla omnino causa est, cur quiscumque, istorum Evangelistarum, in diversis generationibus enumerandis, falsum dixisse credatur.

Si quis tamen nosse desideret, quænam ex tribus illis, de *Heli*, *Josephi* patre legali, sententiis inter se comparatis, præferri mereatur? Dicam (salvo meliori judicio) eam mihi videri præferendam, quæ & simplicissima est, & incertarum hypothesium, minimè est indiga, & Christi denique genealogiam (tanquam certum Evangelistarum scopum) propius attingit.

Quam laudem, primo loco, secunda, de *Joseph*o filio, hoc est, genero *Heli*, sententiæ, jure sibi vendicat. Prima verò, de filio adoptivo, expositio, secundas partes flagitat. Neutra enim, incertis atque intricatis traditionibus, nititur: secunda verò sola, ad scopum genealogiæ pertinet. Quocirca *Augustinus*, in priori sua opinione, tutius ac commodius, potuisset persistere: quam ut, ea retractata, ad *Aphricani* judicium implicatus, traditionis antiquæ, sed incertæ obtentu, declinasset.

Atque hæc, de prima, ad propositam objectionem, per *Consequentia negationem*, responsione.

Cui alteram, quæ, in negatione Antecedentis, non sine gravitatione, consistit, subnectemus. Neque enim necessarium

rium est, ut vox *Heli*, cum Joseph juncta (ut communis fert opinio) construat: quum ab eo disjungi, & cum Jesu, commodissime construi posse, non solum materiz veritas, sed orationis etiam concinnitas, demonstret.

Idque jam olim, *Questionum Veteris & Novi Testamenti*, cap. 56. auctor (non Augustinus, cui illud opus vulgò attribuitur; sed eo, in Sacris Literis, si Erasmo, ad Luc. 3. credimus, exercitator, addo tamen, nisi ab Ariano interpolatum sit opus, impurius<sup>a</sup>) rectè percepit, sed, minus firma ratione, explicavit. Siquidem omnia, genealogiz hujus nomina, immediatè cum Jesu (quasi singulis, copula &, adjuncta esset) non autem, cum proximo, construi debere, contendit. Ac si Jesus, & Josephi (opinione) & Heli (revera) ac reliquorum ordine patrum, atque Dei Filius, designaretur. Videlicet, ut eo modo, Jesum simul, & horum patrum, Adamique filium, secundum carnem, & super hos omnes, atque ante omnem carnem, verum esse Dei Filium, ad Photini (ut ait) *confusionem*, demonstraretur.

<sup>a</sup> Quæst. 48.

Sed hæc interpretatio (qua singula majorum nomina, non cum proximo suo; sed cum infimo solum, construuntur) à perpetua, in genealogiis, sacris profanisque, describendis, consuetudine recedit. Ac propterea, ad Photini impietatem, & Aphricani, de Josepho, legali Heli filio, sententiam (quod acriter conatur) confutandam, nequaquam opportuna.

Quare, alia ineunda est via: ut, neque in orationem Evangelistæ, neque in materiam illius, impingamus. Quæ via (ut videtur) omnino futura est, si primum parenthesis, ab illis verbis, *ὡς ἐκοιμήθη* sine dubio cœpta: non iisdem tamen (ut fieri solet) sed sequenti voce, *Ἰωσήφ*, terminetur. Deinde, licet vox *κοιμήσας* interdum, pro *lege*, aut *more*, receptum esse, Actor. 16. 13. & apud bonos auctores non infrequenter, accipitur: & Cornelius Bertramus, Lucubrat. Franket. c. 6. eam interpretationem, hoc in loco, amplectatur; consueta tamen *putandi*, significatio, ut quæ magis fluat, non immeritò, ab aliis præfertur.

Denique quamvis, vox Græca *ὡς* (non minus, quàm, ut, Latina) propriè quidem convenientiam qualitatis ac similitudinem, ac *scilicet*, demotet; frequentissimè tamen temporis convenientiam, seu *quum*, designat. Ac priorem significationem, prisci posterique theologi, sunt sequuti: dabitur mihi interim (ut spero) ab æquis rei æstimatoribus, venia, si alteram (quæ plusquam vicies, apud Lucam<sup>a</sup> occurrit) suadente id ratione, prætulero.

<sup>a</sup> Luc. 1. 23. & 24. & 2. 15. & 39. & 11. 1. & 15. 25. & 19. 41. Idem Actor. 1. 10. & 7. 22. & 10. 3. & 17. & 13. 18. & 25. & 16. 14. & 15. & 18. 5. & 19. 9. & 20. 18. & 21. 12. & 22. 25. & 27. 1.

Sic enim, Græca Lucæ verba, commodè, ac simplicitate minimè coacta, distinguere, & clarius reddi posse, arbitramur; *καὶ αὐτὸς ἦν ὁ Ἰησοῦς ὡς ἐπὶ τῶν τελεσθέντων ἀρχόμενος*, ὡς (*ὡς ἐκοιμήθη* ὡς *Ἰωσήφ*) & *Ἡλὶ*. Latine; *Et ipse Iesus incipiebat esse circiter annorum triginta, existens (quum putaretur filius Joseph) [filius] Heli*, ut, capite primo, interpretati sumus.

Nam hac ratione, primum salebras illas evitabimus, quibus se (absit dicto invidia) & Erasmus, & Beza, viri alioquin doctissimi, implicuerunt. Idque ipsorum, quàm meis verbis, ad majorem rei fidem, & cautionem, aptius cognoscetur. Sic enim, in suis annotationibus, Erasmus; *Vetum (inquit) qui potuit esse, filius Joseph, si putabatur tantum, & non erat? Unde res ipsa cogit, ut ad superiora referatur, & accipiamus, participium usurpatum, vice verbi infiniti: nempe ὡς, pro ὡς, Qui incipiebat esse. Quod sanè, non infrequens est, apud Græcos. Hæc Erasmus: quem, hac in re, sequitur Cornelius Bertramus, Lucub. Franket. cap. 6.*

Beza verò, in suis Annotationibus postremis; *Hic locus (inquit) paulo aliter, citatur, ab Epiphanio καὶ Ἐπιφάνιος & bis, καὶ Ἐπιφάνιος. Legit enim, καὶ ὁ Ἰησοῦς ἀρχόμενος ὡς ἐπὶ τῶν τελεσθέντων, ὡς ὡς, ὡς ἐκοιμήθη, & Ἰωσήφ. Id est; Iesus autem incipiebat esse, quasi triginta annorum, filius, (ut existimabatur) Josephi. Hanc autem lectionem, maxime probo. Quia, si ὡς jungas, cum ἀρχόμενος, ut scriptum sit, καὶ ἀρχόμενος, durior erit hac loquendi formula, pro ἕκαστο ὡς vel ὡς, eadem tamen est sententia, utramvis lectionem sequamur.*

Hactenus ille: sed neutra circuitione, est opus: quum res sit salva.

Nam servata genuinæ vocis & significatione, & sede, ut cum & *Ἡλὶ* (interjectis parenthesis inclusis) construat: neque acceptio participii, pro infinito; neque ulla, ex Epiphanio, lectionis novæ, substitutio, requiritur. Præsertim, quum recepta lectio, unanimi manuscriptorum codicum (ut ex Roberto Stephano, aliisque, constat) consensu, approbetur.

Neque certæ ac genuinæ lectionis, argumentum est idoneum, hujus loci, apud Epiphanium, scriptio. Partim, quia patres orthodoxi, in referendis Sacræ Scripturæ dictis, neque verborum numerum, neque ordinem, semper observant, sed (Christi & Apostolorum, exemplo) sententiam sæpius appendunt ac recensent. Partim, quia verba subinde, non è stabili firmaque, codicis sacri, lectione, sed è labili, imò labente interdum, memoria, variè depromunt. Cujus varietatis exempla non pauca, in Patrum scriptis, (non minus, quàm aliorum) sunt obvia. Siquidem (ne longius abeamus) eadem Epiphani, contra Ebionæos, tractatio (unde illa Lucæ lectio obtenditur) id convincit. Nam eadem pag. 72. editionis Græcæ, pro verbis illis matris Christi, Luc. 2. v. 48. *τίκτον, πὶ ἐκποίησας ἡμῖν ἕως; ἰδὲ ὁ πατήρ σου καὶ γὰρ* hæc (verborum transportatione, non exigua) reponit; *πὶ ἡμῖν ἐκποίησας τίκτον; ἰδὲ ἡ γὰρ καὶ ὁ πατήρ σου*. Sic pag. 71. pro verbis Christi, Johan. 12. 23. *ἰσχυρόν ἐστι ἡ ὥρα, ἵνα δεξαμένη ὦσιν ὁ ἀνθρώπου*, *Venit hora, ut glorificetur filius hominis*, alia, (cespitante nonnihil memoria) substituit, *ὡς ἐφ' ἧσαν ἡ δεξία ὁ Θεός*, *Nunc venit gloria Dei*. Similiter se res habet, in sequenti, apud Epiphanium, verborum Lucæ cap. 3. recitatione: quæ non è libro: sed è memoria, sententiam retinente, verbaque, aliter, atque aliter, referente, derivata. Id quod altera, *καὶ τὸ ἀρχόμενος*, tractatio (quæ est, de hæresi 31. aliàs 51. pag. 188.) ostendit. Ubi non bis (ut objicitur) eadem, quæ contra Ebionæos, verba, sed semel proponit: paulò verò post, aliter ac convenientius cum Lucæ verbis, sic memorat, *καὶ δὲ ἐπ' ἑταῶν λ, ὡς ἐκοιμήθη ὡς ὡς Ἰωσήφ, & Ἡλὶ, & Ματθαίου*. Ubi vitium, aut librarii, aut memoriz auctoris, Ματθαίου pro Ματθαίου scribentis. Quare varia Epiphani memoria, tanti non est ponderis, ut, constantem Lucæ lectionem, sua sede, dimoveat.

Deinde, huc accedit, fidei analogia: quæ, receptæ lectioni, magis patrociniatur. Nam quid, obsecro, conferre potest, ad fidei confirmationem, aut vitæ institutionem, utilitatis, si postquam Evangelista Matthæus, prius Josephi, ex Abrahamo, genealogiam explicavit: alteram rursus (sive legalem, sive naturalem, dicas) ejusdem, inde ad Adamum usque, continuatam, Lucas adjiceret? Sin vero, Jesum, Heli (mediatè per matrem, virginem Mariam) filium statuerit: eaque ratione, ad avum (quia patre caruit) referatur: inde evidentius, fides in Christum, à Davide, Abrahamo, Adamo (secundum promissionem, de semine ipsorum, caput serpentis contrituro<sup>a</sup>, gentes omnes beaturus<sup>b</sup>, & in æternum regnatus<sup>c</sup>) utrimque roboratur. Matthæus enim primus, Christi genealogiam, Spiritus Sancti (gradatim eam explicantis) ductu, partim atque indirectè, per consequentiam, enarravit. Quippe, ut Josephus ab Abrahamo, Isaac, Jacobo, aliisque Patriarchis, ac Davide denique, duxit originem: ita & Christus: ut proposito Matthæi cap. 1. 1. *Liber generationis, Iesu Christi, filii David, filii Abraham*, demonstrat. Ideoque genealogia Christi, non simpliciter; sed secundum quid, ab Abrahamo nimirum, ad Davidem usque (communi, cum Josepho, ratione) intenta ac proposita, describitur. Siquidem vulgò, ita indubitatum habebatur, Josephum & Mariam, communem habere, è Davide, originem: ut neque capitales Christi hostes, Scribæ & Pharisei (genealogiz Davidicæ periti) quum ipse, se Christum passim doceret, & filii Davidis laudem admitteret, invidentes licet, ausi sint denegare: neque Apostolis, idem docentibus, Actor. 2. 30. 32. & 2. Timoth. 2. 8. contradicere. Alioqui minimè tacuissent: quum id solum, non esse è Davide ortum, abundè suffecisset, ut, pseudo-Christum esse, convincerent: neque opus fuisset; ut, ex Galilæa, quasi natali solo, Johan. 7. 41, 42, 52. calumniam struerent, aut aliunde, falsos testes, adversus ipsum, subornarent.

<sup>a</sup> Gen. 3. 15. <sup>b</sup> Id. 22. 18. <sup>c</sup> Ps. 89. 5. Luc. 1. 32, 33.

Quum

Quum igitur, res ea adeo liqueret, descripta Josephi, ex Abrahamo & Davide, genealogia: ex vera notaque hac (de generis, Josephi & Mariæ, convenientia) hypothesi, sequitur, Jesum Christum, Mariæ virginis filium, ex iisdem quoque, progenitum.

Lucas verò, Matthæum sequens, eodem sapienti numinis afflatu, sed ulteriore gradu, directè procedit, enumerans non partim, sed omnino, Christi genealogiam: ut ea ratione, omnis exceptionis, in posterum, ansa, uberius præcideretur.

Quocirca antiquus ac doctus ille, *Quæstionum Veteris & Novi Testamenti* (cujus supra meminimus) auctor, Quæst. 56. eorum, qui post Matthæum, à Luca, non Christi, sed Josephi genealogiam, recitari putant; sententiam, nec probabilem, neque utilem, acrius non nihil judicavit. Nam quamvis, ad fidei, in Christum, confirmationem, perparum conducere videatur; ad diluendam tamen, dissensionis Evangelistarum, in Josephi genealogia, calumniam, non prorsus inutilem esse, ostendimus: quamvis, aptior ac solidior responsio, sit adhibenda. Quod vidit etiam, eruditus ac celebris theologus, *Martinus Kemnitius*: qui, in Harmonia Evangel. cap. 3. recensitis iis, quæ de Josepho, Jacobi & Heli, filio, dicta sunt, subjicit; *Sed hac omnia, absque ullo alio testimonio, solo traditionum titulo, proponuntur: sicut Aphricanus (apud Eusebium lib. 1. cap. 6.) à Christi consanguineis, hac tradita, asserit. Quæ, forsan à Judæis, tunc ita sparsa fuerunt; ut haberent plausibilem occasionem & prætextum, illudendi fidei nostræ. Omnes enim opiniones, de Josepho, sollicitæ sunt, & ipsi attribunt duos patres, magno conatu, ex duabus ac prolixis lineis, deductos: quibus tamen Evangelista expresse contestentur, Jesum, non esse natum, ex Josephi semine. Interim, in tota illa genealogica disputatione, nemo sollicitus est, de familia Mariæ virginis: ex qua, Christum natum esse, verbum Dei tradit. Hæc vir ille, inter suos, doctrina & judicio excellens.*

Veruntamen, quia Kemnitii, aliorumque, sententia (quæ Josephum, Heli filium, hoc est generum, dici statuit) cum ea, quæ ante, à nobis, de Jesu, Heli filio, (hoc est, nepote) proposita, in eo convenit, quòd Christi, non Josephi, genus recenseatur: ita duo, quæ priorem oppugnant, argumenta, similiter hanc attingunt. Ac propterea, ut veritas reddatur illustrior, ea proponemus, ac pro virili, discutere conabimur.

Quorum prius, jam olim, ab hominibus profanis (qualis Faustus Manichæus) objectum, ita colligitur; Elisabet, ex Aaronis familia, orta, Luc. 1. 5. Mariæ, matris Christi, cognata, Luc. 1. 36. nominatur: ac propterea, cum filio suo Jesu, ex eadem tribu, Aaronis ac Levi: non autem, ex Davidis ac Judæ genere, oriunda.

Verum, negatione consequentia, bifariam, ab orthodoxis, responderi solet. Quidam enim eam, non omnino, sed partim solum, negant: quòd scilicet, quamvis prius illud membrum, Mariam, ex Aaronis familia, extitisse, rectè concludi putent: alterum tamen, quòd ideo, ex Davide non sit orta, minimè consequi, affirmant. Utrumque enim, diversa relatione, probè consistere, statuunt. Mariam enim, paterno genere, ex Davide: materno, ex Aarone, extitisse: atque hoc modo, non illo, cognatam Elisabethæ, nuncupari. Atque ita sensit *Augustinus*, de consensu Evangelistarum, lib. 2. cap. 2. de Maria differens; *Cujus (inquit) femina, quoniam nec sacerdotale genus tacetur (insinuante Luca, quod cognata ejus esset, Elisabet: quam dicit, de filiabus Aaron) firmissimè tenendum est, carnem Christi, ex utroque genere, propagatam, & regum scilicet, & sacerdotum. Cui Kemnitius, Harmon. Evang. cap. 3. consentit, & ex Lutheri sententia, concludens, ait; Atque ita Christus, rex & sacerdos, natus esset, ex Maria, oriunda ex tribu regali, quod ad paternam stirpem, & ex tribu sacerdotali, secundum maternam lineam. Sed prior hæc responsio, Apostoli verbis, quibus Christum, non ex sacerdotali, sed, ex Judæ tribu, ortum statuit, Heb. 7. 13. & 14. minus congruit.*

Quamobrem alii negant, non partim, sed omnino, consequentiam: quòd etsi Elisabetha, patrem habuerit, ex Aa-

ronis familia (unde, à potiori, denominata est) matrem tamen, ex Davide, ortam. Et hac demum ratione, Mariæ cognatam, nuncupari. Etsi enim filiæ (patre, sine filiis, defuncto) hæredes, lege Moïsi, obstringerentur, ne, extra suam tribum, nuberent, Num. 27. 8. & 26. 6. aliis tamen, non hæredibus, marito, è quavis tribu, sociari (nulla id lege prohibente) fuit liberum. Idque illustribus piorum conjugum, regis Davidis & pontificum, Aaronis & Jojadæ, exemplis, demonstratum. David enim Michaëlem, Sauli Regis, è tribu Benjaminis, 1. Samuel. 18. 27. & Aaron, Elisabetham, Aminadabi, è tribu Juda filiam, Naassonis sororem, Exod. 6. 23. Jojada denique Josabatham, Ochoziæ regis Judæ sororem, 2. Chron. 22. 11. duxit.

Qua observatione, duplex Epiphaniï hallucinatio (contra Antidicomarianitas, pag. 441. edit. Gr.) facilius poterit declinari. Prima enim est, cum ait; *Nam hæc duo tribus sola, conjungebantur inter se; regia, sacerdotali: & sacerdotalis, regia: altera, cum addit; Sic etiam supra, in Exodo, Naasson, è Iuda tribunus, accepit Elisabeth, seniore filiam Aaron, sibi in uxorem.* Adeo verum est, quod, de memoriæ lapsu, antea monuimus. Sic autem (ut ad rem redeam) de Maria & Elisabetha, succinctè *Ambrosius*; *Cognata ergo; quia amba, Israëlita erant: simul & cognata; quia amba erant, ex tribu Iuda.* Sed, quæ postea tandem subjicit; *Fuit enim verè & secundum carnem, regalis ac sacerdotalis familia, rex ex regibus: sacerdos, ex sacerdotibus.* Item, *Quod Matthæus, per reges, ductam originem, comprobet: Lucas verò, per sacerdotes: non satis percipio, quomodo ea, & cum antecedenti sententia, & cum ipsa genealogiæ veritate, conveniant. Quemadmodum neque illud, quod Epiphanius, eodem forte alludens, ait; Secundum duos modos, Maria, cognata erat Elisabetha: Contra Antidicomarianitas pag. 441. An utraque igitur, ex utroque, Davidis & Aaronis, genere?*

Atque hæc, ad primi argumenti, à profanis hominibus objecti, solutionem.

Secundum verò, à piis ac doctissimis viris, opponitur: sed majori animi conatu, quàm rationum robore: ut res ipsa demonstrabit. Sic enim acrius *Calvinus*, in Harmonia Evangeliorum, judicat; *Si, à Maria genealogia, Salomo excluditur, Christus esse Christus desinet: sed, quàm rectè, hoc judicium, probet, audiamus, & ad Scripturæ, rectæque rationis, trutinam expendamus: ne candida piaque sententia, atro, præclari viri, & in aliis accuratissimi, calculo ac præjudicio, indignè gravetur.*

Sic autem procedit; *Quidquid enim de ejus genere differitur, in solenni illa promissione, fundatum est; sedebit super thronum tuum, successor, qui perpetuo regnabit. Ego ero illi, in patrem, & ipse erit mihi, in filium. Atqui extra controversiam est, hujus æterni regis, qui promissus erat Davidi, Salomonem fuisse typum. Nec Christo, aliter aptari potest promissio, nisi quatenus ejus veritas in Salomone, adumbrata fuit. Nunc si ad ipsum, non refertur Christi origo: unde, vel qua ratione, censebitur ille filius Davidis? Ergo quisquis, Salomonem expungit, ex Christi genealogia, simul promissiones, in quibus agnosci debet filius Davidis, obliterat ac delet.*

a 2. Sam. 7. 12. Psal. 132. 11.

Hæc probatio; sed minus proba est consequentia. Non enim, quicumque Christi regis est typus, propterea generis illius origo, existit. Siquidem Melchisedec (quem Semum fuisse, rectè in comment. Genes. 14. negat) Christi personæ, & regni æterni, fuit typus nobilissimus, Hebr. 7. 1, 2, 3. an ideo, ab ipso progenitum, statuemus? Similiter quamvis Salomon, Davidis filius, & rex, solii æterni promissionem habens, 2. Samuel. 1. 13. Christi, Davidis filii, ac regis æterni, fuerit typus, non ideo tamen, è Salomone ortum, consequitur. Neque Salomonis regnum, eadem ratione, ac Christi, in æternum duraturum: quum Christo, absolutè; Salomoni vero ac posteris, cum conditione officii (quod neglexerunt) fuerit promissum, 1. Chron. 28. 7. & Psal. 132. 22. Idque adeo perspicuum est, ut ultro Calvinus postea profiteatur. Primum, quum sublatam, Ochoziæ morte, Salomonis stirpem, probabile (imo, plus quam probabile)



bile) statuit. Hoc enim si verum, quo jure, injurius dicitur, qui Christum, è Salomonis stirpe ac genere, ortum negat? Quanquam in eo, non minus hallucinetur: quàm quòd, Salathielem & Sorobabelem, Matthæi & Lucæ, eòdem esse (utrimque Erasmus, à Pseudophilone Annii deceptum, secutus) asseruit. Deinde idem, eò magis agnoscit, quo magis telum hoc, in se retortum, declinare conatur. Sic enim ait; *Si quis objiciat, Jesum, non posse agnoscì, Messiam, qui promissus erat, nisi sit, ex Salomonis posteris, quem certum est fuisse typum Christi, in promptu est solutio. Quamvis naturaliter, ex Salomone, non fuerit genitus; legali tamen ordine, censerì ejus filium; quia, ex regibus, originem duxit.* Atqui, si Christus, non est naturaliter, ex Salomone genitus, quomodo genus & origo illius, ad ipsum referetur? Nec enim solutio illa, quæ adfertur, tam recta, quàm prompta: quum nodum non solvat; sed novo ac duplici errore (cum in sermonem Scripturæ, tum in sacram historiam, impingendo) validiorem reddat.

Nam primum (ut antea ostendimus) *gignendi* vox, (quam Matthæus, in genealogia, adhibet) ex Sacrarum literarum, & bonorum auctorum, usu, prolem procreare, non verò, successorem habere in regno, designat.

Ideoque distinctio illa, in genitum natura, aut ordine legali, fundamento destituta, corrui. Imo filii vocem (licet latius pateat) ea significatione, minimè usurpari, (ut cap. 3. monuimus) res ipsa evincit. Neque enim Joas, Ochoziæ filius (quod statuit) idcirco dicitur, *qui gradu proximus erat, & natus, regni hæres*; sed quia ex eo progenitus.

Licet enim (quod objicit) ab *Athalia sublatum* dicatur, *totum regium genus*; disertè tamen excipitur Joas, 2. Reg. 11. 2. qui eodem in loco, & v. 4. & c. 13. 1. & 14. 13. & in genealogia 1. Chron. 3. 11. filius regis Ochoziæ, perspicuè definitur. Quemadmodum ejusdem adhuc lactentis, adversus Athaliæ crudelitatem, conservatio, prudenti ac tempestivæ, per amitam, surreptioni, & cautæ, una cum nutrice, in templo, occultationi, disertè attribuitur 2. Chron. 22. 11. Adeo ut, adversus tam evidentem Scripturæ historiam, leviculæ illæ, quæ offunduntur conjecturæ, parum habeant momenti.

Deinde, neque Christus (ut obtendit) legali ordine, regibus successit; sed privatis. Quoniam post Tsidkiam, ultimum Judæorum regem, non solum regia majestas, sed etiam regni externi jus ac potestas, adempta. Ideoque duces

Israëlitarum, sese, non minus verè, quàm modestè, regum exterorum, servos, Nehem. 9. 36. sunt professi: utpote, & humano, & divino jure, à regni potestate, exclusi. *Humano* quidem, quia jure belli ac victoriæ hostilis, & injuriæ rebellionis (à Tsidkia perpetrata) merito, subjugati, regno ac libertate exciderant. *Divino*; quia iusta Dei sententia, regnandi potestatem iis detractam, solique Christo (sed spiritali modo, Joh. 18. 46.) reservandam, Jer. 22. 30. Ezech. 12. 26. decretum, asseritur. Quare, legalis ille, in regno, successionis, ad Christum, ordo (quem neque divina, neque humana lex, admittit) in genealogia Matthæi, non est observatus: sed natus, & ad Josephum, ex Salomone ortum, deductus. Ideoque, licet, à genealogia Christi, & Mariæ, Salomon excludatur, eaque ad Nathanem referatur; hac tamen ratione, promissionibus de Christo (per Salomonis typum, adumbrato, propositis) nihil omnino derogatur.

Quæ sanè (ut existimo) si, vir optimus ac candidissimus, *Piscator*, perpenderit accuratius, priorem suam (de Christi majoribus, à Luca descriptis, & Josepho, Heligeno, non propriè filio) sententiam (ut quæ verisimilior, & ad fidem in Christum, Davidis filium, confirmandam, aptior) cum ista, minus consentanea, in sua *Retractione*, minimè permutasset, sed pleniori illa, quam exposuimus, parenthesi, correxisset. In eo tamen laudandus, quòd majori usus cautione, minus impegit: adeo ut, neque stirpem Salomonis, in Ochoziâ extinctam: neque Salathielem ac Sorobabelem, Matthæi & Lucæ, eòdem: neque genus legale, à Matthæo, sed naturale, recenseri statuerit.

Quare concludimus Christum non ex Salomone; sed ex Nathane, ducere originem: idque à Luca expressum, quum de Christo ait; *Existens (quum putaretur, filius Joseph) [filius] Heli.*

Atque hætenus, *controversiarum, de genealogia Christi, examen*: ex quo, *Matthæi & Luca, & cum Prophetis, & mutuam, inter ipsos, consensionem*, pro tenuitate nostra, mediocriter demonstratam, speramus. Faxit Deus, ut ad veritatis divinæ assertionem, & fidei confirmationem, inserviat.

Huic porro de Genealogia Christi examini visum est, brevem ac rudem, de lingua, qua Euangel. Matthæi scriptum est, dissertationem subicere, & amico singulari inscribere. Si opum fuisset, accuratius rem explicuissem: quare, ut benigni lectores, boni consulant, rogo.

F I N I S.



## EUANGELIO MATTHÆI,

Quanam lingua sit scriptum,

## DISSERTATIO,

Clariss. &amp; Consultiss. VIRO,

DN. JOHANNI BRUNÆO, J. U. Doctori,  
& Senatori MIDDELBURGensi, in perpetuum amicitiae mutuae  
monumentum, dedicata.



Memorabilis est, de lingua, qua Euangelium Matthæi, ab ipso conscriptum est, controversia: quidam enim, Hebræam; alii, Græcam esse, contendunt. Ac prior quidem sententia, si plurium auctorum consensum spectemus, primas obtinet; sin verò rei veritatem, posterior amplectenda: ut examen demonstrabit. Rationes enim ac fundamenta, prioris sententiae (ut in certa capita redigamus) petuntur, partim à Patrum testimoniis: partim, ab eorum experientia.

Nam, ad Patres quod attinet, constanter asserunt Matthæum, suum Euangelium, Hebraicè scripsisse. Sic enim, proximus Apostolorum temporibus, Papias (teste Euseb. histor. Eccles. lib. 3. cap. ultimo) ait; *Matthæus itaq; Hebraea dialecto librum suum composuit: exposuit autem illum* (aut ut Græcè est, ἑρμηνεύον αὐτὸν interpretatus est ea) *quisquis, ut potuit.*

Secundò Irenæus lib. 3. cap. 1. *Matthæus* (inquit) *in Hebrais, ipsorum lingua, scripturam edidit Euangelii.*

Tertiò Origenes, in primò Tomo in Euangelium Matthæi (teste Eusebio histor. Eccles. lib. 6. cap. 24.) de Euangelio ait; *Primum scriptum est, à Matthæo &c. qui illud, fidelibus ex Iudeis, literis Hebraicis, scriptum publicavit.*

Quartò idem Eusebius histor. Eccles. lib. 3. c. 21. attestatur. *Matthæus enim* (inquit) *quum primum Hebrais predicasset, & jam ad alios quoq; transiturus esset, Euangelium suum patrio sermone, litteris tradidit.*

Quintò Epiphanius, contra *ἀλλόγους*, hæresi 151. *Matthæus* (inquit) *Hebraicis literis scribit Euangelium.* Item hæresi 29. contra Nazoræos, de iis ait; *Habent autem Matthæi Euangelium perfectissimum Hebraicè. Apud ipsos enim clarè, quemadmodum ab initio scriptum est Hebraicis literis, adhuc servatur. Non novi autem, an Genealogiam, ab Abrahamo, usque ad Christum, amputaverint.* Et hæresi 30. de Ebionæis ait; *Et suscipiunt quidem etiam ipsi Euangelium secundum Matthæum. Nam hoc solo etiam ipsi (veluti Cerinthus & Merinthus) utuntur, appellat autem ipsum, Euangelium secundum Hebræos: sicut revera habet, quod Matthæus solus, Hebraicè & Hebraicis literis, in Novo Testamento, Euangelii editionem ac predicationem fecit. Iam verò etiam aliqui dixerunt; Euangelium secundum Joannem, de Græca Lingua, in Hebræam, translatum esse & in Iudeorum gazophylaciis haberi, his videlicet, qua sunt in Tiberiade, & repositum esse, inter Apocrypha: veluti Iudæi, ad fidem conversi, ex acce nobis exposuerunt. Quin, & librum Altiuum Apostolorum, similiter ex Græca Lingua, in Hebraicam, conversum, fama refert, illis in Gazophylaciis haberi: ut etiam ex hoc, Iudæi hi (qui legerunt & nobis recensuerunt) in Christum crediderint.*

Sextò Athanasius, in Synopsi sacrae scripturæ, ait; *Euangelium secundum Matthæum, ab ipso Matthæo, Hebraicis literis conscriptum & editum est, Hierosolymis, interpretante Jacobo, Domini fratre, Hierosolymorum Episcopo.*

Septimò Chrysostomus, in Matthæum, homilia prima ait, *Matthæus &c. Euangelium dicitur Hebraicè conscripsisse.*

Octavò Hieronymus, præfatione in Matthæum; *Matthæus Euangelium, in Iudæa, Hebræo sermone, edidit.* Sic in Esai. cap. 6. & cap. 11. & 40. & 65. & in Ezech. cap. 16. & alibi, & certissime, in Catalogo Scriptorum Ecclesiasticorum, in vita Matthæi; *Matthæus &c. Euangelium Christi, Hebrais literis verbisque composuit, quod, quis postea in Græcum transtulerit, non satis certum est. Porro ipsum Hebraicum, habetur usque hodie, in Casariensi Bibliotheca: quam Pamphilus Martyr studiosissimè consecit. Mihi quoque à Nazaræis, qui in Berrheæ urbe Syria, hoc volumine utuntur, describendi facultas fuit.* Hæc ille.

Et, ut alios omittam non paucos, Theophylactus, in Matthæum, ait; *Matthæus autem primus omnium scripsit Euangelium Hebræa lingua, propter Hebræos credentes, octo annos post Christi ascensionem: transtulit autem Iohannes illud, ex Hebræa Lingua, in Græcam.*

Deinde eadem sententia, altero argumento, ab experientia Patrum, probari potest. Primò, quia tempore Hieronymi, Euangelium Matthæi, Hebraicè ab ipso scriptum, in Bibliotheca Casariensi extabat. Deinde similia exemplaria habuerunt Nazoræi, & Ebionæi, quod Matthæi genuinum esse asseruerunt. Tertiò, Hieronymo facultas describendi, ab illis facta: ut, hæc omnia, ex superioribus liquent. Denique ipsemet Hieronymus; in Græcum & Latinum sermonem, transtulit: ut in Catalogo Scriptorum Ecclesiasticorum, in vita Jacobi, asserit; *Euangelium quoque* (inquit) *quod appellatur secundum Hebræos, & à me nuper, in Græcum Latinumque sermonem, conversum est: quo & Origenes sapientissimè, &c. similiter in Matthæum cap. 12. scribit.*

Ex quibus, hoc modo, concludi potest: Constans & unanimis est Patrum consensus; Euangelium Matthæi, ab ipso scriptum Hebraicè, & olim experientia, & lectione Patrum, fide dignorum, hoc compertum est: ut ex antecedentibus testimoniis, apparet: ideoque, sine temeritate, negari non potest. Contrà tamen nonnulli Theologi insignes, sentiunt: quidam opinione, alii assertionem.

Opinione quidem, ut Erasmus, in Annotationibus in Novum Testamentum, Matth. 5. 8. *ut donemus*, inquit, *à Matthæo Hebraicè scriptum Euangelium, quod ipsum, mihi non sit verisimile.* Et in annotationibus ad cap. 19. Matthæi, ait similiter; *Si Matthæus Hebraicè scripsit: quod mihi non sit verisimile.*

Assertio verò eorum, qui Euangelium Matthæi, quod habemus, Græcè ab ipso scriptum esse statuerunt, alia certa est, alia dubia.

Certa, vel simplex est, qualis Calvini, qui in Harmonia Euangeliorum ad Matt. cap. 2. 6. Matthæi Euangelium, Hebraicè scriptum esse, negat: vel anceps; ut Cajetani: qui, in Matth. cap. 1. 23. cum initio dixisset, *Euangelium hoc, non fuisse à Matthæo Hebraicè scriptum, constat manifestè, ex Euangelii textu, tamen post difficultatem, ex*

Yyy

testi-

testimonio Hieronymi contrario, objectam, ait; forte *Matthaeus scripsit in utraque lingua. Hoc enim certum est, ex ratione dicta, Evangelium istud quod habemus, Græcè à Matthæo, scriptum esse: quidquid sit, de illo Hebræo codice.*

Dubia verò est Bezzæ assertio, in Annotationibus majoribus ad eundem Matthæi locum: qui statuit, vel non scripsisse Hebraicè, vel Hebraicè & Græcè quoque scripsisse, vel alium Hebræa Matthæi interpretatum.

Rationes autem, quibus ostenditur, Evangelium Matthæi, non esse ab ipso Hebraicè, sed Græcè, conscriptum, ex ipsismet Evangeliiis desumptæ, sunt duæ. Prima est, apud Cajetanum, & Bezzam, locis citatis, ex contextu Græco: in quo interpretatio est Græca, non solum vocis Hebraicæ, ut vocis Emmanuel, Matth. 1. v. 23. sed etiam integræ sententiæ Hebraicæ; *Elî Elî Lama Sabachtani*, Matth. 27. Nam si Hebraicè scripsit Matthæus Hebræis intelligentibus, defuit interpretatio: si verò defuit, qua fide interpretes potuit adjicere? Nam quod obtendunt quidam, LXX. interpretes interdum vocem Hebræam, cum interpretatione, ponere: ut, 1. Sam. 7. v. 12. Hebræum *A-ben-ezer* ponunt, & exponunt Græcè: ut etiam Latinus interpretes Hebræis nominibus *Ben-oni* & *Benjamin*, Genes. 35. v. 38. simul Latinam interpretationem adjicit, illud, inquam, alienum est. Primum, quia hæ versiones non sunt authenticæ: ideoque majori libertate utuntur; cum contra Evangelium Matthæi Græcum, sit authenticum, citra controversiam. Deinde aliud est, nomen proprium interpretari (quod in illis versionibus interdum fit) aliud, integram sententiam Hebraicè ponere, & Græcè interpretari, quod neque à LXX. Interpretibus, neque à Latino interprete veteri, ullibi præstitum.

*Secundatio*, contra Evangelium illud Hebraicum, est duplex. Una, à testimoniis Patrum: altera, ab experientia eorum, & Evangelii hujus materia.

Nam primò, testimonia illa objecta, antea nobis posita, neque sunt universalia, neque idonea ac fide digna.

Non universalia, quia non omnes asseruerunt: Nam & Chrysostomus non dicit, se hoc scire, sed se, ex fama tantum habere, ostendit, cum ait; *dicuntur*: & quidam etiam Veterum, inter adulterina scripta, recensuerunt: ut historia Eusebii libr. 3. cap. 22. testatur, cum ait; *Iam verò & Evangelium quidam, quod ad Hebræos est, inter ista*, (loquitur autem, in antecedentibus, de adulterinis) *connumerant, quæ potissimum delectantur hi, qui ex Hebræis, Christum receperunt.* Et Beda in Lucam, de pseudo-evangeliiis differens; *Inter quæ, notandum, inquit, quod dicitur Evangelium juxta Hebræos (quo scilicet utuntur Nazoræi) non inter apocryphas, sed Ecclesiasticas numerandum historias.* Hæc ille.

Non idonea verò esse, testimonia illa Patrum, inde constat, quoniam vana credulitate, ut res ipsa docet, non autem scientia certa, veteres fuerunt inducti, ac seducti à Papiæ, scriptore quidem antiquissimo, sed (ut cum Eusebio, Histor. Eccles. libr. 3. cap. ultimo loquar) exigui judicii viro: qui multa fabulosa, leviter credita, posteris tradidit, multisque post se ecclesiasticis viris, occasionem errandi, antiquitate sua, præbuit. Cum enim extaret Evangelium Hebraicum, Matthæi nomine probatum falsò, quo Nazoræi & Ebionæi (ut ante ostendimus) utebantur, Papias ille, & reliqui Patres eum secuti, opere illo pseudo-Matthæi, aut non viso; aut non examinato, authenticum Matthæi falsò crediderunt. Quod eò facilius fuit, quia plerique Patres, Hebrææ linguæ fuerunt imperiti, neque diligentes, in illo Evangelio requirendo: ut ex Epiphani, hæresi 29. contra Nazoræos, testimonio anteposito, colligi potest, cum ait; *Non novi autem, an Genealogiam, ab Abrahamo, ad Christum usque amputaverint.*

Deinde, experientia idem evincit, & illius tantopere celebrati Hebraici Evangelii materia, sole clarius demonstrat.

Nam primò Epiphanius, cum hæresi 29. ut ante ostendimus, dixisset; *Evangelium illud Matthæi perfectissimum;*

*Nazoræos habere. Apud ipsos enim clarè, quemadmodum ab initio scriptum est Hebræis literis, adhuc servatur: paulo tamen post, melius edoctus, contrarium sensit. Nam in eodem opere, hæresi 30. non plenum, sed corruptum & mutilum, vocat & Genealogiam Christi resectam, ait: & alia addita, testatur.*

Deinde Hieronymus, idem confirmat, disertis testimoniis. Ut in Matth. cap. 12. vers. 13. ubi addit ac proponit verba illius Evangelii, à Matthæo aliena, illique alluta; *In Evangelio, inquit, quo nuntur Nazaræi & Ebionæi (quod nuper in Græcum, de Hebræo sermone, transulimus, & quod vocatur, à plerisque, Matthæi authenticum) homo iste, qui aridam manum habet, cementarius scribitur, & istiusmodi vocibus auxilium precans; Cementarius eram, manibus vitæum quaritans, precor te Jესu, ut mihi restituas sanitatem, ne turpiter cibos mendicem.* Tale additamentum, recitat Hieronymus, in Matth. cap. 27. in Evangelio, inquit, *cujus saepe mentionem fecimus, superliminare templi, infinita magnitudinis, fractum esse atque convulsam, legimus.* Hæc Hieronymus.

Accedit deinde, quod illud pseudo-evangelium habet historias, ex aliis Evangelistis, conflatas, partim ex Luc. 24. vers. 37. ad 41. partim ex vers. 27. mutatis nonnullis, & aliis, quæ nullibi extant, assutis. Idque ex Hieronymo in Jesa. 65. in præfatione, liquet; & partim in Catalogo scriptorum Eccles. in vita Ignatii, simile quid extat. Sic enim ait; *De Evangelio, quod nuper à me translatus est, super persona Christi, ponit testimonium dicens; ego verò, & post resurrectionem in carne, eum vidi, & credo quia sit. Et quando venit ad Petrum & ad eos, qui cum Petro erant, dixit eis; Ecce palpate me, & videte: quia non sum demonium incorporeale: & statim tetigerunt eum, & crediderunt.* Quale etiam assumentum historiarum, apparitionis Christi, post resurrectionem, prolixum recitat Hieronymus, in vita Jacobi; *Evangelium quoque (inquit) quod appellatur secundum Hebræos (& à me nuper in Græcum Latinumque, sermonem translatus est, quo & Origenes saepe utitur) post resurrectionem Salvatoris refert; Dominus autem cum dedisset Sindonem servo sacerdotis, iussit ad Iacobum, & apparuit ei (Iuraverat enim Iacobus, se non comesturum panem, ab illa hora, qua biberat calicem Domini, donec videret eum, resurgentem à mortuis) rursumque paulo post ait; Afferte autem, mensam & panem, & statim additur; tulit panem, & benedixit ac fregit, & dedit Iacobo iusto, & dixit ei; Frater mi, comede panem tuum, quia resurrexit Filius hominis, à dormientibus.*

Et Tom. 9. in Epistolam Pauli ad Ephes. cap. 5. ait Hieronymus; in Hebraico quoque Evangelio, legimus Dominum ad discipulos loquentem; *Et nunquam, inquit, laeti fuisti, nisi cum fratrem videritis in charitate.* Denique Evangelium illud, pro Matthæi genuino habitum, historiarum mulieris peccatricis, quæ ad Christum deducta & accusata, continet (ut Eusebius historiar. Ecclesiast. lib. 3. capit. ultimo ait) quam Johannes capit. 8. describit, & verum Evangelium Matthæi prorsus præterit. Ex quibus omnibus, maxima, pseudo-Evangelii, à Matthæi genuino, discrepantia, detractio, & additione varia, demonstratur. Quibus simul probandis, novum insuper, ab ineptis & impiis sententiis (quales tres sufficient) accedit argumentum.

Prima sententia, extat apud Hieronymum, commentariis in Micham cap. 7. sic enim Hieronymus ait; *Credideritque Evangelio, quod secundum Hebræos editum nuper transulimus, in quo, ex persona Salvatoris dicitur; Modo tulit me, mater mea, Spiritus Sanctus, in uno capillorum meorum.* Quod repetitur, in commentariis Hieronymi, in Ezech. cap. 16.

Altera sententia, est apud eundem in Esa. cap. 11. *Sed juxta Evangelium eorum, quod, Hebræo sermone conscriptum, legunt Nazaræi, descendit super eum fons omnis Spiritus Sancti: & paulo post: Porro in Evangelio (cujus mentionem fecimus) hac scripta reperimus: Factum autem est, cum Dominus ascendisset de aqua, descendit fons omnis Spiritus Sancti, & requievit super eum & dixit ei,*

*Fili*

*Fili mi, in omnibus Prophetis, expectabam te, ut venires, & requiescerem in te. Tu enim es mea requies, tu es Filius meus primogenitus, qui regnas in aeternum.*

Denique hisce addatur quod recitat Hieronymus, Tom. 2. dialogo contra Pelagianos, lib. 3. *In Evangelio*, inquit, *secundum Hebraeos* (quod è Chaldaico quidem Syroque sermone, sed Hebraicis literis, est scriptum, quo utuntur usque hodie Nazareni, secundum Apostolos (notanda est hæc sententia, Hieronymi, Evangelium illud, non verè esse Matthæi, sed secundum Apostolos, dici) sive, ut plerique autumant, juxta *Matthæum* (notetur hoc dici, ex aliorum sententia, quam jam non probat Hieronymus) quod etiam in Casariensi Bibliotheca habetur) narrat historia; Ecce Domini mater & fratres dicebant ei, ecce Iohannes Baptista baptizas in remissionem peccatorum, eamus, baptizemur ab eo. Dixit autem iis, quid peccavi, ut vadam, & baptizet ab eo? nisi forte hoc ipsum, quod dixi, ignorantia est. (notetur hæc blasphemia) Et in eodem volumine: Si peccaverit frater in verbo, & tibi satisfecerit, septies in die suscipe eum. Dixit illi Simon discipulus, septies? Respondit Dominus, & dixit ei, Etiam ego dico tibi, usque septuagies septies. Etenim in Prophetis quoque, postquam uncti sunt Spiritu Sancto, inventus est sermo peccati. Hæc illè.

Unde apparet, ex tam multis sententiis, ac narrationibus, nihil cum Matthæo, congruere penitus. Ex quibus omnibus, pseudo-Euangelii illius Hebraici, à priscis tantopere commendati, discrepantia, & dissidium, ab Evangelio Matthæi, maximum apparet: ideoque jure meritoque, ut humanum figmentum ac pseudo-Euangelium, qualia multa olim fuerunt (ut docet Origines Tom. 2. præfatione in Lucam, & Eusebius libr. 3. capit. 22. & Epiphanius hæresi 46. respondendum. Hæc de Evangelio Matthæi à priscis memorato.

Nam, quæ nostra tempestate, in lucem prodire, diversa Matthæi Evangelia Hebraica: à Munsteri, & Mercero, Latine reddita: ea nihil habent genuinum. Nam, ut toti antiquitati fuere ignota: sic styli sui indicio, additione, ac detractone quadam, & maxima inter se, varietate, satis ar-

guunt, à Judæis diversis, & eruditione disparibus, è Græco, aut Latino esse translata: ideoque nullam mereri auctoritatem. Qua de re, viri præstantissimi Johannis Merceri, judicium observandum. Sic enim, de priori Evangelio, loquitur in Notis, ad Thesaurum Hebrææ linguæ, Sanctis Pagnini in radice, *Ajin*: Peccant ergo in hujus linguæ puritatem, qui *Ain* præteritis, vel futuris verbis, jungunt. Quales solacismos passim committit, qui *Matthæum Evangelistam*, Hebraicè convertit, Basilea, opera Munsteri, excusum. Is, se lingua Hebraica ignarum, prodit, sive Judæus, sive Christianus, fuerit. De altero verò, in præfatione versionis suæ, sic ait: Quod si Hebraicum exemplar (ne non *Matthæi* authenticum esse, tibi persuadeas) te quippiam movet, scito, ne Nazareorum quidem, quo usus Hieronymus, & quod plerique Syriacum fuisse credunt, *αὐτόγραφον*, meo iudicio, fuisse. Si enim *αὐτόγραφον* erat, cur in Græca editione (cujus quis, auctor fuerit, Hieronymo teste, non satis certum est) illa omissa; Cementarius eram: quod ab eodem citatur, in 12. capit. *Matthæi*. Item; modò me arripuit mater mea, Spiritus Sanctus: quod profert Ezech. 16. Nam Græca editionis, quæ extat hodie, auctorem non esse Hieronymum (ut quidam putarunt) hæc satis superque ostendunt. Ut ut sit, hæc, satis præ scripta, si diligenter evolvas, nec, à veteris instrumenti nitore, procul abesse (etsi nonnihil Rabbiniismi interdum adiunctum) comperies. Hactenus Mercerus. Quæ si Quinquarboræus, prius percepisset: non dubito: quin, ab Hebraici Evangelii, à Munsteri editi, nova editione, opera Martini juvenis Parisiis Anno 1551. & impunis à laude illa abstinuisset, qua interpretatione sua, ait: Quod autem hoc ipsum sit Evangelium, quod D. *Matthæus* Hebraicè scripsit, ambigere quis possit? Ac sanè quum pro eo, quod Matthæus, capit. 15. vers. 5. habet *ἰσχυρὸς*, à Christo, Hebraicè fuerit propositum, *יָסֻר*, ut Marcus demonstrat, in eadem sententia, cap. 7. vers. 11. & in ea voce, ut res ipsa evincit, emphasis sit non exigua, exemplaria illa Judaica, vocem *Matthan*, si genuina essent, minimè substituissent. Hactenus de Evangelio Matthæi Hebraico: inde satis liquet non à Matthæo, sed ab Interprete ortum.

## F I N I S.





FRANCISCI GOMARI,  
S. S. Theologiae Doctoris & Professoris,  
INVESTIGATIO  
SENTENTIÆ  
ET  
ORIGINIS SABBATI:  
ATQUE  
INSTITUTIONIS DIEI DOMINICI,  
CONSIDERATIO:

*Ad reverendos & doctissimos, Confœderati Belgii, Ecclesiastæ.*

• Fratribus suis, in Christo, honorandis, gratiam & pacem à Deo, per JESUM CHRISTUM.

**D**UÆ potissimum (reverendi atq; observandi Viri) de Sabbato ac Die Dominico, controversia existunt: quarum una, sanctificationis modum: altera, originem utriusque attingit. Ac prior quidem, à piis atque eruditis hominibus, cum prisca, tum nostra tempestate, adeo feliciter est expedita, ut recto medioque, inter superstitionis Charybdin, & profanationis Scyllam, decursu, in veritatis ac pietatis portum appulerint. Posterior vero, ita dispari ratione, ab iisdem est tractata, ut penitentiorem aliquam disquisitionem, flagitare videatur. Siquidem, in vera utriusque origine, investiganda, quasi in brevis quodam constituti, in diversas sententias, servata fidei compage, declinarunt. Quocirca, non alienum ab officio meo, facturus videor, si ad uberiores veritatis hac in re dignoscenda, indaginem, meam quoque pro modula, symbolam minimè detestare. Ea etenim ratione, speravi fore, ut minori negotio in propositu, de Sabbati & diei Dominici origine, controversiis, certa ab incertis, & probabilia à necessariis, dirimerentur. Quod ut, majori pietatis compendio, præsaretur, initium à genuina, doctrina de Sabbato, sententia, ducendum existimaui: ut ea, quasi basi præstrata, & facis instar prælucente, non solum scientia, sed etiam conscientia lectorum, consuleretur. Quem laborem, non ille lubenter in me suscepi: ut eadem opera, & iusta auditorum expectationi, & honestissimo complurium, è vestro ordine, desiderio, infervirem, meamque erga vos observantiam, publico hoc testimonio, obsignarem. Ac propterea tenuem hanc opellam, laudatissimo nomini vestro, honoris & amoris testandi causa, inscripsi, & exalto vestro iudicio perpendendam subjeci. Quam, ut pro more, & candore vestro, equi bonique consulatis, etiam atque etiam rogo. Deumque precor, ut sanctissimis vestris laboribus clementer adspicere, vestrumque, in sancta religionis orthodoxa veritate & charitate conservanda, studium benignè secundet, ad nominis sui gloriam, & Ecclesiæ salutem. Groninga Anno MD. C. XXVIII. Nonis Septembris.

CAP. I.

*De vocis Sabbati origine, & significatione.*

1. **V**OCIS Sabbati origo, alia vana, alia vera, statuitur.

2. Vana est ea, quæ vel impudente, profanorum hominum, contumelia, vel imprudente, piorum quorundam, studio, promanavit.

Quam propterea silentio, ob rei indignitatem, involverem, nisi exempli utilitas, secus persuaderet: ut ea ratione, scolulis iis (in quos olim eruditi, Hebrææ linguæ neglectu, impegerunt) observatis, majori alacritate, eandem prosequeremur.

3. Etenim profani quidam scriptores, Hebræam Sabbati vocem, ex aliena lingua, partim Ægyptia, partim Græca, pari utrimque inscitia, atque impietate, derivarunt.

4. Ac prius quidem, Appionis Alexandrini, figmentum est: cujus verba Josephus, secundo, adversus eundem, libro, non procul ab initio illius, hoc modo recenset; *Reddit causam, quare Sabbatum nominatum sit. Exalto enim (inquit) sex dierum itinere, inguinum ulceribus affecti sunt: & hac de causa, septima die, quiesceverunt, incolumes constituti, in regione, qua nunc Judæa vocatur. Et appellarunt eam diem, Sabbatum, servata Ægyptiorum voce. Nam, inguinis morbum Ægyptii vocant Sabbo.*

5. Sic enim legendum omnino videtur, non autem (ut in Græca Basileensi, & Græco-Latina Genevensi) *Sabbatosis*: quemadmodum perspicue ex subjecta, ejusdem vocis repeti-

tione gemina (quam suo loco, paulò post referemus) demonstratur.

6. Cui Appionis maledicto, affinis est Iustini historici, è variis mendaciis, confuta fabula, quam adspersit historiæ, libri trigelimi initio, his verbis: *Sed Ægyptii, quam scabiem, & vitiliginem, paterentur, responso moniti, eum (Mosem) cum agris, ne pestis ad plures serperet, terminis Ægypti pellunt. Dux igitur exilium factus, sacra Ægyptiorum, furto abstulit: qua repetentes armis Ægyptii, domum redire, tempestatibus compulsi sunt. Itaque Moses, Damascena, antiqua patria, repetita, montem Sina occupat: quò septem dierum jejuniis per desertam Arabiam, cum populo suo fatigatus, quem tandem venisset, septimum diem, more gentis, SABBATUM appellatum, in omne ævum, jejuniis consecravit: quoniam illa dies, famem illis erroremque finierat.* A quo insulso figmento, Tacitus, libri quinti historiæ initio, non multum abluat. Hæc de primo profano etymo.

7. Posterior vero, est Plutarchi (viri alioqui, de literis humanioribus, optimè meriti) indignum convivium. Qui *συμπόσιον* libro quarto, problemate quinto, peracerbo religionis Judaicæ (quam variè ac prolixè infectatur) odio, ut *Levitas* ab *ἱεροῖς*, sic Sabbatum, à *σαβῶ*, Græco Bacchantium epitheto, deducit. Utque majori vocum similitudine, calumniam suam fucaret, & Judæos, à Bacchi cultura, minimè alienos esse, persuaderet, *σαβῶ* in *σαβῶν* (nisi forte librariorum sit error) depravavit.

8. Idque

8. Idque non solum, ex conjugatis, *σαβάζει* & *σαβάζειν*, vocibus, & veterum ac laudatorum grammaticorum (ut *He-fychii*, *Suida*, *Scholiasis Aristophanis* *ἑρμῆς*, & *Eusthatii ad Odyss.* β) indicio; sed ex eo etiam, quem vocis hujus testem adducit, *Demosthene*, confutatur. Siquidem in oratione de *Corona*, editionis Wolfii pag. 150. olim vocibus hisce *ἰωῖ*, *σαββῶν*, debacchatum *Æschinem*, exprobrat.

9. Utque Hebræis, *Sabbatum*, non à *σαβ* Græcorum; sic vicissim, nec *σαβ* & *σαβάζειν* (ut conjicitur) à Sabbati, apud Hebræos, abusu (qui, à furiosa Bacchantium intemperie, longissimo intervallo, dissidebat) originem traxit: sed aut, à Græco fonte; ut à Græcis istis, quos recensui auctoribus traditur: aut à *Saba*, quod Hebræis vinosum esse notat: ut hoc etymon; à nobilissimo Viro, litterarum oculo, *D. Heinsio*, in eruditissimo *Aristarcho sacro*, acutissime observatum. Atque hæc de priori vana Sabbati, à profanis hominibus, ad protervam illius despectionem, conficta origine.

10. Altera verò est, quam veteres quidam theologi, recto quidem animo ac scopo, sed aberrante nonnihil sententia, tradiderunt.

11. *Lactantius* enim *Firmianus*, De divino præmio, libro septimo, capite decimo quarto, ait; *Hic est autem dies Sabbati: qui lingua Hebræorum, à numero nomen accepit. Quasi videlicet, à voce, Schebhagh, id est septem (pro quo emolliendi soni gratia, vulgò, Seba, enuntiant) deduceretur.*

12. Neque alia, *Theophili Antiocheni*, secundo ad Autolycum libro (qui Bibliothecæ sacræ, insertus) videtur sententia, quum ait; *Hic enim dies, qui ab Hebræis, Sabbatum, vocatur, Græcè, si quis interpretetur, septimana dicitur. Ubi obiter, interpretatio parumper dirigenda, ac pro, Septimana, legendum, Hebdomas: ut res ipsa arguit. Atque hæcenus, de vana vocis Sabbati origine: quæ, ut indicio suo, sic & sacra lingua, & Scriptura divina, diluitur.*

13. Vera enim vocis illius origo, est à verbo *Schabbath*: id eoque *κατ' ἰσχυρίαν*, cum eo conjungitur, *Levit.* 23. v. 32. *Tischbion schabbathichem, Cessabitis Sabbato vestro, & c. 25. 2. Schabbitha schabbath, cessabit Sabbato.*

14. Significat autem *Schabbath*, primo generatim ac propriè, *desit*, sive *cessavit*, ut *Gen.* 2. 3. *desit*, (sive *cessavit*) *ab omni opere suo*: & *Jerem.* 31. 36. *desinent esse gens*: & *Job.* 32. 1. *desierunt respondere*: *Nehem.* 6. 3. *Quare cessaret hoc opus?*

15. Unde speciatim, per synecdochen, aut *desit*, (sive *cessavit*) esse: aut *operari desit*, significat. *Esse* quidem *desit*, ut *Jos.* 5. 12. *desit manna* (quod septuaginta interpretes, *ἐξήλειπεν* defecit, vertunt) & *Jes.* 24. 8. *desit gaudium*. Deinde verò *operari desit*; ut *Exod.* 16. 30. *cessaverunt populus*: & cap. 34. 21. *cessabis*: id est, ab opere desistes: & *Levit.* 23. 32. *cessabitis, Sabbato vestro.*

16. Atque ita, *cessare*, & *quiescere* ac *respirare*, velut synonyma, *Exod.* 23. v. 12. & 31. 7. *operari* verò, & *cessare*, tanquam opposita, *Exod.* 23. 12. & 34. 21. statuuntur. Unde *similitudine* quadam, de terra, à sui cultura, vacante, ac quasi cessante, usurpatur, *Lev.* 25. 2. & pleniori allegoria ac prosopopœa, *Lev.* 26. 34. & 43. exponitur.

17. Quam vocem (*Schabbath*) LXX. interpretes, Græcè *παύειν*, & *ἀπαύειν*, sed frequentius *καταπαύειν* nonnunquam verò, Hebræam vocem imitati, *σαββατίζειν* *Exod.* 16. v. 30. & *Levit.* 23. v. 32. & 26. v. 35. exponunt. Hæc de verbo *Schabbath*.

18. Ex quo, aptè nomen fœmininum, *Schabbath*, *Exod.* 31. 15. (per syncopen, pro *schabbatheth*: ut rectè *Aben Ezra*, ad *Exod.* 16. v. 23. tradit) & synonymum ejus, *Schabbathon*, *Exod.* 16. 23. & 45. 2. & *Levit.* 23. 39. derivatur. Quod Græci Interpret. LXX. rarius *σαββατι*, creberrimè verò, per numeri enallagen, *σαββατι*, ut *Exod.* 16. 23. 26. & 20. 8. 10. *Deut.* 5. 12, 14, 15. & c. appellarunt. Adeo ut in numerosa illa vocis hujus, in libris Mosis, repetitione, nullibi (si *Exod.* 31. 13. *Numer.* 15. 32. & 28. 10. exceperis) aliter expressisse compariamus.

19. Quos sacri N. Testamenti scriptores sæpius imitantur: ut *Matth.* 12. 1. 5. 10, 11, 12. & 28. 1. *Marc.* 1. 21. & 2. 23,

24. & 3. 2. 4. & c. Idemque in libris Machabæorum frequens, 1. Machab. 2. v. 32. 34. 38. & 9. 34. 43. & 2. Machab. 15. v. 3. Sic etiam *Philo Iudeus*, libro de Abrahamo, ait; *ὅτι τὴν ἑβδομήμην, ἢ ἑβδαὶὸν σαββατικὴν καλεῖσιν. Et septimam, quam Hebræi, Sabbata vocant.*

20. Ac propterea, quòd eruditus ille sacrarum litterarum scholiastes, *Piscator*, ad locum *Exod.* 20. 10. de Græcis, illius sententiæ, interpretibus ait, *Pro σαββατῇ, videtur legendum, σαββατι*, alienius esse, perspicuè apparet. Sed Latini tamen, sine illa numeri permutatione, *Sabbatum* vulgò appellarunt. Atque hæc de vocis Sabbati origine.

21. Significatio porro, alia est prima: alia inde orta.

22. Prima, est cessatio ab opere: seu requies, *Levit.* 23. 32. ut etiam contra Appionem, libro 2. *Josephus* attestatur. *Nam hæc, inquit, voces, Sabbo, & Sabbatum, inter se maxime differunt. Sabbatum enim, secundum Iudeos (ἀνάπαυσις) cessatio est, ab omni opere: Sabbo verò (ut ille affirmat) Ἐγυπτίσις, inguinum morbum, significat. Quemadmodum & Philo, libro de Abrahamo, ἀνάπαυσιν interpretatur.*

23. Sic etiam *Sabbatum*, *Exod.* 16. 23. & *Levit.* 23. 24. & 39. à LXX. interp. ἀνάπαυσις requies redditur: & auctor libri secundi Machabæorum, cap. 15. diem Sabbati, modò, τὴν τῆς κατὰπαύσεως ἡμέραν illum quietis diem, versu 1. modò, re-tenta voce Hebræa, τὴν σαββάτιν ἡμέραν vers. 3. nuncupavit.

24. Neque aliter fere LXX. interpretes: vel sacri Novi Testamenti scriptores, loquuntur; qui voce, *σαββατῇ*, aut *σαββάτιν*, Hebræa utentes, ab interpretatione illius, abstinerunt. Nam quòd ad *Heb.* 3. 11. & 4. 3. κατὰπαυσις, (non autem ἀνάπαυσις,) è Psalmo nonagesimo secundo, memoratur, illud tanquam vocis *Mnucha* (non autem *Schabbath*) interpretatio adfertur.

25. Cæterum Hebræam Sabbati vocem, ob rei solennitatem, ac frequentem illius, inter Judæos, per Gentes dispersos, usum: ac denique ut, à profana ac communi quiete, distingueretur (ut in similibus *Adonai*, *Hallelujah*, *Hosanna*, *Pascha*, *Amen*, contigit) servarunt.

26. Siquidem ea vox, non de quavis cessatione ac quiete generatim: sed speciatim ac κατ' ἐξοχήν, de sacra: & quidem non Dei (ut quidem arbitrantur) sed de divinitus Ecclesiæ imperata, in Sacris Literis, usurpatur. Atque hoc modo, à voce *Mnucha* (quæ quietem generatim notat, *Genes.* 49. 15. *Deuter.* 12. 9.) distinguitur. Hæc de prima Sabbati significatione.

27. Orta verò ex ea (per tropum quandam) acceptio, est varia.

28. Primum enim, per metonymiam, tempus Sabbati, seu quietis, significat: quod in orbem perpetuò recurrens, cessatione ab opere, consecratum est. Estque vel dies, vel annus, cessationis.

29. *Sabbatum diei* est, vel cujusque hebdomadæ, vel certi mensis.

30. Ac *Sabbatum diei cujusque hebdomadæ*, est unicum: nempe dies illius septimus, seu ultimus, *Exod.* 20. 10. 11. Qui κατ' ἐξοχήν, ob maximam recursus sui frequentiam, & quietis rigorem, Sabbati voce (ut *Exod.* 16. v. 25. & 2. Reg. 11. v. 5. *Jes.* 1. 13.) intelligi solet. Unde LXX. interpretes, diem Sabbati, *Exod.* 20. vers. 11. & 31. v. 15. τὴν ἡμέραν τὴν ἑβδαμὴν septimum illum diem, paraphrasi quadam interpretantur.

31. Atque eò pertinet, illa apud *Suidam* expositio; *σαββατῇ, ἑβδομήμην ἡμέραν, ἢ κυκλικὴν ἀσπίδα, Sabbatum fuit septimus dies, circularis illius intervalli.*

32. *Sabbatum verò diei certi mensis*, est quod solennibus festorum feriis divinitus, *Lev.* c. 23. & alibi, præfinitum. Nam quòd quidam Theologi, non indocti, Neomenias, Sabbatis hujusmodi annumeraverunt, divina auctoritate destituuntur. Quamvis enim certum sit, fuisse eas festas, ac sacrificiis peculiaribus insignes (*Numer.* 28. vers. 11. & 15.) nullum tamen, cessationis ab opere præceptum, in Sacris Literis reperitur. Neque interim verisimile esse negaverim, Judæos easdem, inter gentes, superstitione quadam, quasi Sabbata, celebrasse. Quo etiam pertinere videtur, illud *Horatii* (Libro 1. Satyra 9.) in

Judæorum Neomenias dicitur, quum eas, *tricesima Sabbata* (quod, ut *Adrianus Turnebus*, *Adversar.* lib. 14. cap. 18. monet, *tricesimo quoque die recurrerent*) appellavit. Hæc de Sabbato dici.

33. *Anni* verò *Sabbatum*, est *septimus* quisque *annus*: quo & à debitis, ab Israëlitis exigendis, Deut. 15. 1. & ab iis, in servitute, retinendis, versu 12. & à terræ cultura, erat cessandum: Levit. 25. v. 4. Unde, *annus cessationis terræ*, vers. 5. & *Sabbatum terræ*, vers. 6. & vulgò, *annus Sabbaticus*, nominatur. Cui *anni quinquagesimi* (qui *Jobel* vers. 12. dicitur) cessatio, consentit vers. 11. Qua de re, nonnulla eleganter *Gregorius Nazianzenus*, oratione 44. in sanctam Pentecosten, disseruit.

34. Porro ex illa Sabbati, pro septimo die hebdomadis, significatione; *alia* etiam gradatim oriuntur. *Primo* enim, quoniam hoc Sabbatum, septimanæ pars est, & quidem, ob religionem, primaria, idcirco interdum, per synecdochen, pro tota septimana, usurpatur. Quemadmodum Levit. 23. 15. *Septem Sabbata*: quod LXX. interpretes, *ἑπτὰ ἡμέρας*, ad loci sententiam accommodatè, transulerunt. Et Luc. 18. v. 12. *jejuno bis (in) Sabbato*: hoc est, in hebdomade: & Matth. 28. v. 1. *Extremo autem Sabbato, quum lucefceret, in primum (diem) ἑβδόμην Sabbati*, ut *Vulgata versio* translulit: hoc est hebdomadis: ut *Beza* sensum expressit.

35. *Deinde* vice versa, per reciprocā totius, pro parte, synecdochen, *ἡβδόμη* septimanas (nisi quis potius septimas, interpretari velit) pro, diebus septimis, hoc est Sabbatis, extra Sacras Literas usurpari, comperimus. Sic enim *Iosephus* de bello Judaico, lib. 1. cap. 5. *τὰς ἡβδόμας ἑπταήμερας*

*Πομπή*, *ὅς αὖς πᾶν τὸ ἔργον, ἀπὸ τῶν θεοποιῶν, χεῖρας ἀπὸ τῶν ἰουδαίων.* *Pompejus, observatis hebdomadis* (hoc est diebus septimis) *quibus ab omni opere, propter religionem, manu abstinent Judæi.* Idemque contra *Appionem*, lib. 2. *τὰς ἡβδόμας, ἃν δεγόμεν ἡμέρας, τὰ ἑβδ., hebdomada* (hoc est, diei septimi) *qua vacamus, consuetudo.* Eodemque modo, 2. Mach. 6. v. 11. *ἀγὼν τῶν ἡβδόμας.* & cap. 15. 4. *ἀσκήσας τῶν ἡβδόμας, colere hebdomadam*: hoc est septimum diem seu Sabbatum, ut vers. 3. *ἀγὼν τῶν ἡβδόμας ἡμέρας*, designat.

36. Adhæc Sabbati, pro hebdomade acceptio, alteram quoque, similiter gignit. Quum enim septimana, septem dierum numerum, complectatur; inde fit, ut Sabbati vox, interdum *ἑπτάδι*, hoc est, *septenarium*, significet. Quemadmodum Levit. 25. v. 8. *septem Sabbata annorum*, subiecta hac interpretatione, *septem anni, septem vicibus*, declarantur.

37. Denique Sabbati vox, Metonymia quadam, ad rem spiritualement, cujus signum est, transfertur: ut Jesa. 66. 23. *Eritque à Neomenia, in Neomeniam ejus, & à Sabbato in Sabbatum ejus: ut veniat omnis caro, ad incurvandū se coram me, ait Jehovah.* Quo etiam tropo, *ἡβδόμη*, Sabbati observatio, Heb. 4. 9. usurpatur. Atque hæcenus, de vocis Sabbati origine, & significatione varia: quibus nonnulla de Sabbathi hebdomadæ, Judæis traditi ac culti (unde Ovidius lib. 1. de Arte, *cultaque Judæo septima sacra viro*: & à Martiale Judæi, Epigr. 1. 1. epig. 4. *Sabbataris dicti*) institutione, subnectemus: ut eo commodius, ad religionis Sabbati originem, procedamus.

## C A P. II.

### De Sabbati hebdomadis, Judæis traditi, institutione: ac primum, nova.

**H**ÆC autem Sabbati, Judæis divinitus traditi, institutio, citra controversiam duplex est: *nova & renovata.*

2. *Nova* est, qua Deus, Sabbatum illud, primum, & à reliquis mandatis sejunctum, unico tantum mense, post reductos, ex Ægypto, Israëlitas, elapso, Exod. 16. 1. iisdem præcepit.

3. Cujus historia ibidem inde à versu 23. descripta continetur; *Illud est, quod locutus est Jehovah, quies Sabbatum sanctum (erit) Jehovah cras: quod cocturi essetis, coquite, & quod elixaturi essetis, elixate: quicquid autem abundat, deponite vobis asservandum, in crastinum.* Vers. 14. *Et deposuerunt illud, usque in crastinum, sicut praeceperat Moses, & non foetuit, nec vermis in eo fuit.* 25. *Et dixit Moses; comedite illud hodie: quia Sabbatum (est) hodie Jehovah. Hodie non invenietis illud, in agro.* 26. *Sex diebus, colligetis illud: die vero septimo (erit) Sabbatum: non erit, in eo.* 27. *Et fuit die illo septimo, & egressi sunt, ad colligendum, & non invenerunt.* 28. *Dixitque Jehovah, ad Moysen, quousque rennitis, observare mandata mea, & leges meas?* 29. *Videte, quod Jehovah dedit vobis, ipsum Sabbatum: idcirco ipse dat vobis, die sexto, cibum bidui: manete quisque in suo loco: ne exeat ullus, è suo loco, die septimo.* 20. *Et cessavit populus die septimo.* Atque hæc est, *nova institutionis Sabbati historia.*

4. Ea autem (ut summam breviter præstringamus) par-

tim religionis Sabbati *mandatum*: partim *eventum* illius, describit.

5. Ac *mandatum* Sabbati, non solum propositum fuit, sed *tribus* etiam illustribus, per annos quadraginta, Exod. 16. 35. Jos. 5. 12. durantibus *miraculis*, confirmatum.

6. Quorum *duo priora*, ad *benedictionem Sabbati*, pertinent, & in gemino cœlesti beneficio consistunt. *Primum* quidem fuit, quod Deus, in quietis Sabbati gratiam, pridie illius, duplex manna demensum, colligendum ac parandum, depluit: *alterum* verò, quod partem illius demensi, in Sabbatum usque depositam, præter naturam illius, à putredine immunem, cum populi ac ducum stupore, conservavit.

7. *Tertium* porro *miraculum*, ad Sabbati *sanctificationem*, editum, in eo situm est, quod Deus ipsemet, die septimo, à demissione manna illius, cessavit, eumque à sex prioribus, ea ratione, secrevit. Unde perquam aptè *Theodoretus*, in Exod. 16. quæst. 32. ait, *Quum hominibus lege præcepisset quiescere, die Sabbati docuit illos ipso facto, servare præceptum.* Hæc, de mandato.

8. *Eventus* verò *mandati* est duplex, ac gradatim describitur. *Prior* est Israëlitarum transgressio: *posterior*, est vitii hujus correctio. Cujus quidem, *causa prima* ac *remota*, statuitur divina, per Moysen, increpatio: *proxima* verò, est Israëlitarum resipiscencia: qua, ad Sabbati observationem, sunt adducti. Atque hæc de *nova Sabbati institutione.*

## C A P. III.

### De renovata Sabbati institutione.

**R**enovata verò Sabbati institutio, est conjuncta illius, cum reliquis Decalogi mandatis, quarto loco, plenior repetitio. Eaque, tempore aliisque circumstantiis variata, est duplex.

2. *Prima* est; quæ, à Deo, in deserto, è monte Sinai, Exod. 19. 20. facta: quum Legem duarum tabularum, quinquagesimo, egressus ex Ægypto, die, Exod. 12. v. 17. cum 19. 1. & 11. promulgavit, Exod. 20. vers. 8.

3. *Secunda* verò, mandati de Sabbato, repetitio, ea est, quæ per Moysen, jussu Dei, Deuter. 6. 1. post annos qua-

draginta, Deut. 1. 3. Israëlitis, in promissam Patribus regionem, brevi transituris, vers. 8. contingit: quum Decalogum, ad legum divinarum memoriam, atque obedientiam, firmiorem, iterum proposuit, Deuter. 5. 1. 7. & 6. 1. 2. & paraphrasi quadam, etiam Sabbati mandatum, Deuter. 5. 12. 13. 14. 15. illustravit.

4. Quocirca hujus renovatæ institutionis Sabbati descriptionem duplicem, sequenti tabella (commodioris intelligentiæ gratia) comparatè, ob oculos proponemus.

EXOD.

## EXOD. XX.

8. *Memento diei illius Sabbati, ad sanctificandum illum.*

9. *Sex diebus operaberis, & facies omne opus tuum.*

10. *Dies vero septimus, Sabbatum (est) Iehova, Deo tuo: non facies ullum opus tu, aut filius tuus, aut filia tua, servus tuus, aut ancilla tua, aut jumentum tuum, aut peregrinus tuus, qui (est) intra portas tuas.*

11. *Nam sex diebus, fecit Iehova cælum, & terram, & mare, & quicquid est in eis: & quiesvit die illo septimo: idcirco benedixit Iehova diei Sabbati, & sanctificavit illum.*

5. Atque hæcenus, institutionis Sabbati, bifariam repetitæ, descriptio. Quæ constat, mandato officii, & confirmatione illius.

6. Mandatum autem, initio summatim proponitur: deinde verò, subiecta expositione, distinctè illustratur.

7. Ac propositio illius, Exod. 20. v. 8. his verbis; *memento diei illius Sabbati, ad eum sanctificandum* (seu ut eum sanctifices) traditur.

8. Complectitur autem, duo membra, mandati obiectum, circa quod verlatum, & officium demandatum.

9. Obiectum, de quo præcipitur, est dies illius Sabbati, seu quietis sacræ. Nam ut, i, Græcus; sic fons illius, Ha, articulus Hebræus, citra controversiam, loco pronominis demonstrativi, sapius usurpatur: & eodem modo hic accipitur. Quippe *Hasschabbath*, per excellentiam, quietem illam sacræ, à Deo scilicet, Exod. 16. 25. & 29. antè imperatam, designat. Quò etiam imprimis refertur illud, quod à Mose Deut. 5. huic mandato, explicationis gratia, adjungitur; *quemadmodum præcepit tibi, Iehova Deus tuus.*

10. Officium verò, circa diem Sabbati, ut in reliquis præceptis, uniuscujusque compellatione singulari, proponitur. Cujus (ut Philo, inter alia, libro, de Decalogo, ait) causa est, quia qui concionem alloquitur, non semper interdicit, aut præcipit: quum autem singuli admonentur, quid agere debeant, omnes docentur eadem opera, & quisque reddatur obsequentior, sibi dictum existimans. Quum verò, cum cæteris, turbâ comprehenditur, eodem alloquio, surdescit, turbam ipsam prævens sua contumacia.

11. Porro officium hoc, est duplex, & duobus quasi gradibus, mandatur. Prius est illius memoria: posterius verò, ejusdem sanctificatio.

12. Memoria enim, partim Sabbatum antecedens, ad sanctam parasceven (qua pridie ea parantur, quæ die quietis sacræ, ad victum necessaria, Exod. 16. 34.) partim Sabbato conjuncta gravissimis de causis, requiritur.

13. Harum autem quædam, est communis, cum aliis præceptis: quædam, propria.

14. Communis est, primum rei dignitas: quia, à Deo, originem ducit, & ad gloriam ejusdem tendit: deinde necessitas; quòd rei mandata memoria, sit necessaria, partim ad rectam illius observationem, conditio, & gradus prævius, sine quo ad eandem perveniri non potest: partim ad fugam pœnæ. Ideoque Exod. 23. 24. præscribitur communiter; *Cave ne quando obliviscaris pacti Domini tui, quod pepigit tecum.*

15. Quamobrem alibi quoque generatim, omnium mandatorum Dei memoria, præcipitur (ut Deut. 5. 1. *Discite ea, & opere complete: & 6. 6. Eruntque hæc verba, quæ ego præcipio tibi hodie, in corde tuo*) & varia quoque signa, ac monumenta, quæ in oculis incurrerent, ad eandem conservandam, præscribuntur. Quemadmodum Deut. 6. 8, 9. *Alligato ea, in signum manus tue: & sunt, pro frontalibus, inter oculos tuos: denique inscribito ea, postibus domus tue, & portis tuis.* Similiter de fimbriis, ac filo hyacinthino, in eundem usum statuitur. Num. 15. v. 39. *Hoc esto vobis penicillamentum: ut videntes illud, memores sitis omnium mandatorum legis, & faciatis ea.*

## DEUT. V.

12. *Observa diem illius Sabbati, ad sanctificandum illum: quemadmodum præcepit tibi Iehova Deus tuus.*

13. *Sex diebus operaberis & facies omne opus tuum.*

14. *Dies vero septimus, Sabbatum (est) Iehova, Deo tuo. Non facies ullum opus tu, aut filius tuus, aut filia tua, aut servus tuus, aut ancilla tua, aut bos tuus, aut asinus tuus, aut ullum jumentum tuum, aut peregrinus tuus, qui (est) intra portas tuas: ut quiescat servus tuus, & ancilla tua, sicut tu.*

15. *Et memineris, te servum fuisse, in terra Egypti; Iehovam verò Deum tuum, eduxisse te manu forti & brachio extento: idcirco præcepit tibi Iehova Deus tuus, ut observes diem illius Sabbati.*

16. Ac speciatim quoque de festo azymorum primo (ut hic, de Sabbato) simile extat statutum. Exod. 13. 3. *Memento diei hujus, quo egressi estis ex Egypto, è domo servorum: nam robusta manu, eduxit Iehova vos illinc: ne ergo comeditor fermentum.*

17. Propria verò memoriæ Sabbati imperatæ, ratio triplex apparet.

18. Prima est, ut recentem atque indignam illius, apud Israëlitas, Exod. 16. 27. oblivionem, obliquè innuendo, adversus similem culpam, amplius præmuniret. Quò etiam prior spectarat increpatio atque monitio illa, Exod. 16. 28, 29. *Quousque renuitis, observare mandata mea & leges meas? VIDETE, quod Iehova, dedit vobis illud Sabbatum.*

19. Secunda ratio est, ut eo modo excitati, & attenti, adversus peculiaris pœnæ periculum (cum propriæ ac capitalis, in Sabbati violatores, destituta ac brevi faciendæ, Exod. 31. 14, 15. & 35. 2. Num. 15. 35. tum communis divinitus, contumaci populo, obventuræ, Jer. 17. 27.) cautiores redderet.

20. Tertia denique est, quia illustrium Dei beneficiorum signum fuit ac monumentum destinatum, Exod. 31. 13. & 17. & 5. 15. & religionis discendæ atque exercendæ introductio: ut postea exponetur.

21. Ad quam memoriam, amplius firmandam, tanta cura, plurimis in locis (ut Exod. 23. 12. & 31. 13, 14, 15, 16. & 34. 21. & 35. 2. 3. & alibi passim) præceptum Sabbati inculcatur atque extollitur. Neh. 9. 13, 14. & ad observationem illius, divinæ felicitatis & gratiæ præmio invitat Deus, Jer. 56. 2. & 4. & Jer. 17. 24, 25, 26. Atque hæc de *Diei Sabbati memoria: prima officii* (hoc mandato comprehensi) parte.

22. Altera verò ac præcipua est, diei Sabbati sanctificatio: quæ, prioris partis, finis statuitur. Quippe memoriam illius, in hujus gratiam, imperari, sequentibus his verbis; indicatur; *Ad eum sanctificandum*: seu, ut eum sanctifices.

23. Quæ vox, quum varie accipi soleat: hoc in loco, nihil aliud est, quàm à communi usu, ad sacrum, segregare. Id quod, & materia subiecta, & perpetua Sacræ scripturæ (quum de inanimatorum sanctificatione ac sanctitate agit) consuetudo demonstrat.

24. Quemadmodum de die, 2. Reg. 10. 20. *Sanctificate cætum*: hoc est diem cætus: de loco, 2. Chron. 7. 16. *Sanctificavi domum hanc: de re, Exod. 29. 27. Sanctificato pectus illud agitationis.* Quo etiam sensu, sanctitas tribuitur, panibus sacratis, Lev. 22. 6, 7. & anno Jobel, Ibid. 25. 12. Ac similiter, dies Sabbati, Exod. 31. v. 14. & 35. v. 2. *sanctitas* (hoc est, sanctus, sacer) *Israelitis*, appellatur. Atque ita sanctificari, hoc mandato, jubetur.

25. Quæ sanctificatio duobus membris, continetur. Quorum primum est, religiosa diei Sabbati, seu quietis sacræ, observatio. Quæ, ex hujus præcepti cogniti memoria, & reverentia, à negotiorum humanorum opere, ad obsequium, Deo legislatori, præstandum, cessatur. Unde Jer. 17. v. 24. *ut sanctificetis, diem Sabbati*, exponit sequentibus, *& non faciatis in eo, ullum opus.* Deinde alterum, est quietis illius, ad publicum cultus Dei exercitium consecratio: ut ex contraria Sabbati profanatione: quæ utrique parti (priori qui-

Yyyy 4



ri quidem, Exod. 31. 14. Jer. 17. 22. & 24. posteriori verò, Jer. 58. 13.) opponitur, apparet.

26. Quomodo Sabbati sanctificatio, Exod. 20. v. 8. utrumque hoc membrum, complectitur: sed Deut. 5. 12. *Observa diem illius Sabbati, ad illum sanctificandum*, secundum tantum designat. Quæ varietas, ex diversa verborum (in mandati, de Sabbato, propositione) circumstantia, promanat: quoniam disertè, à diei Sabbati, seu quietis, observatione, tanquam scopus illius, distinguitur.

27. Quemadmodum vicissim, diei Sabbati observatio: quum à sanctificatione ejusdem, Deut. 5. 12. discernitur, solam illius quietem, speciatim denotat. Quando verò absolute ac separatim, sine illa distinctione (ut Exod. 31. 16. *Observanto itaque, filii Israël, Sabbatum ipsum, celebrando Sabbatum, per generationes, fœdere perpetuo*) generatim ponitur, utrumque similiter, & dici quietem sacram, & illius, ad solennem Dei cultum exercendum, consecrationem, comprehendit. Nam, ut diei Sabbati quies sacra, & cultus Dei, imperatur; sic, in utriusque obedientia, observatio & sanctificatio Sabbati, consistit. Atque hæc de mandati hujus propositione.

28. Cui, *expositio* opportunè subjicitur: ut & luce illius, mandatum intelligatur melius: & inserto quodam stimulo, ad debitam obedientiam, alacriores reddantur. Ac prius quidem mandati membrum, uberius: posterius verò, strictim tantum declaratur.

29. Primum enim, *dies Sabbati*, distinctè explicatur: quum & *dies ille*, & *Sabbatum*, hoc est, quies illius, ordine commodo, describuntur.

30. Quis autem sit *Sabbati*, seu quietis divinitus imperatæ, *dies*, concinna dierum septimanæ, in sex priores, operi humano indultos, & septimum quieti sacrum, distinctione atque oppositione (ut Ezech. 46. 1. *Sex dies operis, & dies Sabbati*, distinguuntur) sapienter exponit.

31. Hac enim docendia via, summam hujus mandati æquitatem ac facilitatem demonstrat: ut iniquas, contumacis Israëlitarum ingenii, querelas, maturè præcideret, & ad promptiorem Sabbati cultum, stimularet.

32. Quum enim Deus, Israëlitarum absolute dominus (utpote creator ac redemptor eorum) non tres tantum, quatuor, aut quinque, (ut jure poterat) sed sex priores, cujusque hebdomadæ, dies, ipsorum negotiis, indulserit, solum verò septimum, quieti sacræ, suoque cultui, vendicavit, quid æquius, quid facilius, desiderarint? Idque etiam *Aben Ezra*, ad Exod. 20. rectè observans, ait; *Omnibus diebus septimana, homo sese occupat, in negotiis suis necessariis; & ecce hoc die, consentaneum est, ut sese segreget ac quiescat: propter Dei gloriam.*

33. Idque his verbis, Exod. 20. 9. *Sex dies operaberis, & facies omne opus tuum*: cum generatim, tum speciatim, denotatur.

34. *Generatim* quidem, quum ait; *Operaberis*: hoc est, (ut Hebræa vox *Tagnabod* significat) ministerio ac laboribus corporis, te ipsum exercere licebit. Hoc enim in loco, non præceptum; sed permissio: non necessitas; sed libertas, indicatur. Idque octavum præceptum, quo operandi officium, citra controversiam, præscribitur, Eph. 4. 28. & mandatorum decem, primæ & secundæ tabulæ, confusionis expers, distinctio, evincit.

35. Verumtamen, hæc operandi libertas, infinita non est, sed, sanctarum feriarum exceptione, circumscribitur. Quas scilicet, vel Deus, pro summa sua potestate, Ecclesiæ imperat: ut Levit. 23. vel magistratus, pia gravique de causa, suis subditis, legitime injungit. Cujusmodi sunt, quæ, aut ad jejunia ac supplicationes publicas, in adversis (ut Joël. 2. 15. 16. præscribitur exemplum) aut ad gratias Deo, in secundis, solenniter ac sancta hilaritate, persolvendas (ut Esther 9. 21. & 1. Machab. 4. 59. cum Joh. 10. 22.) diriguntur. Atque hæc de operatione generatim, sex diebus indulta.

36. *Speciatim* verò, operandi modus, sua periphrasi, & circumstantiis, ita explicatur; *Et facies omne opus tuum*. Primum enim, *periphrasis* est, quum vox, *Operaberis*, definitur; *Facies opus*, scilicet servitii: ut vox Hebræa, *Mlacha* (licet per Catachresin, latius etiam, imo & ad creatoris o-

pus, Genes. 2. vers. 2, 3. extendatur) designat.

37. Unde LXX. interpretes, *Mlacha*, Exod. 12. 16. ἔργον λειτουργίας opus ministratorium, transtulerunt. Ac propterea etiam, ad ampliorem rei evidentiam, interdum, *servitii*, vocula, adjicitur. Nam quòd Exod. 12. 16. simpliciter à Mose, de feriis Paschalibus, dicitur; *Non fiet ullum Mlacha (opus) in iis*: illud in ejusdem mandati repetitione, Levit. 23. 7. & 8. *Non facietis, ullum Mlecheseth gnhabboda*, id est, *opus servitii*, exponitur.

38. Deinde opus servitii, cujus in Sacris Literis fit mentio, aliud est *sacrum*; quo Deo servitur: ut 1. Chron. 9. 19. *in opere servitii*: quod LXX. interp. ad rem accommodatè ἔργον λειτουργίας, opera publica functionis, interpretantur: aliud verò, non *sacrum*, sed *commune*, ad negotium humanum pertinens: ut Lev. 23. 21. *opus servitii*: quod LXX. interp. ἔργον λειτουργίας, & Vulgata editio, *opus servile* exponunt.

39. Deinde opus hoc commune, vel *omne*, vel *aliquod*, esse tantum potest. Ac propterea, non indefinitè hic dicitur; opus (ut in eadem sententia, Exod. 31. 14. & 15. *Qui fecerit in ea opus*) sed distinctè additur; *Tuum*, & *Omne*.

40. *Tuum* enim (ut res ipsa indicat) non *sacrum*; sed *commune*: & quidem non *viciosum* (quia illud, cum Dei legislatoris sanctitati, Psal. 5. 5. tum Legis totius materiz, ac scopo, repugnat) sed *licitum*, negotii aut laboris tui, opus (quo tibi aliisve, functione hoc postulante, Joh. 1. 8. vel saltem non vetante, inservis) includit: *Omne* verò, nullum hujusmodi, sive œconomicum, sive politicum sit, excludit.

41. Cujusmodi etiam, opus œconomicum, est victus, Sabbato requisiti, die sexto imperata præparatio, Exod. 16. 23. Unde etiam, *Iustini* historici fabula, falsa apparet, qui lib. 31. Sabbatum, jejunio sacrum, narrat: & *Ostavianum Augusti* dictarium, refellitur: qui in epistola ad Tiberium (teste *Suetonio* lib. 2.) ait; *Ne Judæus quidem, mi Tiberi, tam diligenter Sabbati jejunium servat, quam ego hodie servavi: qui in balneo, demum post horam primam noctis, duas buccas manducavi priusquam ungi inciperem.*

42. Atque hæc quidem de prima distinctionis hebdomadæ, in sex dies operarios, parte: unde, & quis dies, Sabbati seu quietis, non sit, expresse cognoscitur: & quis sit, oblique, per oppositionis consequentiam, indicatur. Quippe quum unus sit hebdomadæ dies, & sex priores, non sunt: septimum esse, concludi potest.

43. *Secunda* verò, propositæ distributionis, pars, his verbis definitur, versu 10. *Dies verò septimus* (erit) *Sabbatum Iehova, Deo tuo*. Septimus autem, cujusque hebdomadis, non alius, quam ultimus, qui eandem finit, designatur: qui, revolutione perpetua, adie septimo, à creationis initio, omnino respondet. Idque inter cætera, attributum illius, Sabbatum (quod non alio, quam ultimo illo hebdomadis die, celebrandum erat) luculenter demonstrat.

44. *Sabbatum* verò, hoc loco non quietem (ut antea versu 8. ubi à die distinguitur) sed diem Sabbati, seu sacræ, ab operibus, quietis notat: ut Exod. 16. 29. & 31. 16. & alibi: quemadmodum, in vocis illius significatione explicanda, supra ostendimus. Ideoque frustra, *Philo Judæus*, libro de Abrahamo, ita arguitur; *Vates Sabbatum Hebræorum, septimum quemque diem, quierem nominat: non (ut quidam putant) quia post sex dierum spacium, populus abstinebat, à consuetis operibus; sed quia septenarius numerus, tam in mundo, quam in nobis, confessione omnium, habetur pacatissimus, & à seditione, bello, contentione, alienissimus.*

45. Cur autem dicatur, *Sabbatum est, Iehova Deo tuo*, paulò post opportunius exponetur. Atque hæc de primo observationis, diei Sabbati, *membre*: nempe quoniam Sabbati, seu quietis, sit dies.

46. *Alterum* est Sabbatum, seu quies, illius: cujus amplitudo, *subiecti* sui, & *objecti*, universitate describitur.

47. *Subiectum* enim, seu illi, in quibus, ea ab opere cessatio, requiritur, sunt omnes, in populo Israëllico, *homines*, & *jumenta*: ut, specierum enumeratione, declaratur.

48. *Homines* enim, ad hujus quietis observationem obstricti, sunt duorum generum, *Israëlitæ* & *peregrini*.

49. *Israë-*



solum parabitur vobis. Cujus loci sententiam brevius quidem, sed eleganter tamen, *Vulgatus interpres*, ita reddit; *Nihil operis facietis, in eis, exceptis his, quæ ad vescendum pertinent.* Atque hæc de prima sanctificationis Sabbati parte: seu, de quietis Sabbati, tempore, & modo.

62. Altera verò (quæ alibi uberius explicatur) in Decalogo breviter tantum perstringitur: quum ad ista verba; *Dies vero septimus Sabbatum est* (ut Lev. 23. 1.) *Iehova, Deus tuus*, hoc est, ad cultum, veri atque æterni Dei, ac redemptoris tui, sacrum. Unde, & *Sabbata sua*, Levit. 26. 2. Jesa. 56. 4. Ezech. 20. 20. & *Sabbatum sanctitatis Iehova*, Exod. 16. 23. & *sanctitatem* (hoc est, rem sanctam) *Iehova*, Exod. 31. 15. appellat. Nam, ut dies hebdomadæ septimus, Sabbato, hoc est quiete, sanctificatur: sic quies illa, veri Dei cultu. Ideoque iniquè (ut ait *Augustinus* de civit. Dei lib. 6. cap. 11.) *Seneca reprehendit etiam Sacramenta Iudaorum, & maxime Sabbata: inutiliter id facere eos affirmans, quod per illos singulos, septimos interpositos, dies, septimam fere partem, ætatis sue perdant vacando, & multa, in tempore urgentia, non agendo, ledantur.*

63. Cultus autem hic, partim est publicus: partim, publico intersvens, privatus.

64. Publicus, synecdochicè, à parte sua, convocatio sancta, dicitur: Levit. 23. 3. *Sex diebus, fiet opus: die vero septimo, Sabbatum cessationis, convocatio sancta* (esto.)

65. Quæ, duobus officiis, continetur. Quorum prius, est Ecclesiæ, in locum sacrum, ad publicum Dei cultum exercendum, Psal. 122. 4. conventus. Ideoque locus ille, extra templum, metonymicè *συναγωγή* *synagoga*, seu congregatio, Matth. 4. 23. & *ibi*, nuncupari solet. Alterum vero est, cultus ejusdem, exercitium. Nam, si finis propositus, in conventu desit: aut finis, executione effectoque, careat, convocatio sancta, esse non potest, Isa. 1. v. 12, 13.

66. Cæterum publicus exercitium hoc, partim externum est: partim, internum.

67. Externum est, id quod ad corporis officium pertinet. Idque primum, in orationis, cum Deo, communicatione: deinde, in sacrificiorum præscriptorum usu ac donariis, consistit.

68. Oratio autem, una est, qua Deus, Ecclesiam: altera, qua Ecclesia Deum compellat: in utraque autem, cum Deo communicat.

69. Primum quidem, quum ipsum, per sacerdotes, prædicatione verbi sui, alloquentem, attentè ac reverenter, audit, Malach. 2. 7. Act. 13. 27. & 15. 21. cui simile est Deut. 31. 11, 12, 13. & Nehem. 8. 3. 6. Deinde, quum vicissim Deum alloquitur. Unde, ab hoc usu, imprimis templum, domus orationis, Isa. 56. 7. Matth. 21. 13. & synagoga, metonymicè (quod orationi esset sacra) ab Evangelista, Actor. 16. v. 13. (ut & à Philone, ad Gajum) *συναγωγή*: ac similiter à Juvenale, Satyra 5. (ut rectè *Turnebus*, Adversar. lib. 1. cap. 19.) *Proseucha*: eodemque modo, Ecclesiasticis scriptoribus, *Oratorium*, nuncupatur.

70. Cæterum hæc oratio Ecclesiæ, est qua sacerdotes, aut soli, pro populo, Numer. 6. 23. &c. aut una, cum eo, Nehem. 8. v. 6. vel, Dei opem ac beneficia, implorant: vel illum, pro acceptis creationis, præsertim, & redemptionis, beneficiis, gratiarum actione concelebrant, Psal. 100. v. 4. & 68. 27. & 26. 6. 7. 12. & 95. 2. 6. 7. In quem etiam finem, scriptus est Psalmus nonagesimus secundus, qui, *Canticum ad diem Sabbati*, inscribitur: quo, opera creationis, & conservationis Ecclesiæ, collaudantur. Quam ad rem, etiam Psalmus centesimus undecimus totus, egregiè spectat. Atque hæc, de primo publico, atque externo Sabbati cultu.

71. Secundus, est religiosa sacrificiorum, die Sabbati, præscriptorum oblatio, Num. 28. v. 9. ac contemplatio, Psal. 26. 6. 8. & 27. 4. & 84. 2. 3. 11.

72. Nam quod ad circumcisionis, & Paschatis, Sacramenta spectat, ea non Sabbato; sed peculiaribus suis diebus, erant adstricta, Genes. 17. 12. & Exod. 12. 3. nec administratio eorum, sacerdotibus, in convocatione sancta; sed patribus familias privatim, quodam privilegio, divinitus sunt commissa, Gen. 17. 23. & Exod. 12. 3. 6. Unde *Philo Iudæus*,

in vita Mosis, de Paschate ait; *Pascha nominant. Quo tempore, non ut alias plebei homines, victimas adducunt ad altare, mactandas sacerdotibus; sed jubente lege, tota gens sacrificat: dum pro se quisque, mactat hostiam, suis manibus: tunc universo populo, celebrante lætas epulas, quisque se gerit, pro sacerdote.* Similia idem, in libro de Decalogo, repetit.

73. Ultimus denique publicus atque externus Sabbati cultus, est donariorum, seu sacrorum donorum, in convocatione sancta, collatio. Quæ, licet non sit expressa, non male tamen, ex solennium atque annuorum festorum, convenientia generali, colligi solet: quum in iis diserte hoc præscribatur, Deut. 16. 16, 17. *Trihus vicibus compareto quorannis, omnis mas tuus, ante conspectum Iehova, Dei tui, in loco, quem elegerit, in festo Azymorum, & in Festo Septimanarum, & in Festo Tabernaculorum: sed ne compareto, ante conspectum Iehova, vacuus. Quisque, prout donatum est manui sue, pro benedictione Iehova, Dei tui, qua donavit it.* Sic & Exod. 34. v. 20. de festo Azymorum.

74. Quibus etiam donariis, commodè excipiendis, arca quædam, in templo tandem fuit collocata, 2. Reg. 12. 10. quæ propterea *Gazophylacium*, Marc. 12. 41. & Luc. 21. 1. & Syriaca voce, *Corbana*, Matth. 27. 6. (à *Corban*, hoc est, dono, Marc. 7. 11.) appellatur. Atque hæc de externo, publici cultus divini, die Sabbati, exercitia.

75. Internus verò cultus, est animi sanctitas, cum externo illo cultu, conjuncta. Quæ, vivam in Deum, creatorem ac redemptorem suum, fidem, & resipiscientiam sinceram (hoc est odium ac fugam vitii, & amorem studiumque virtutis) complectitur. Quoniam, si ea absint, Sabbatum profanum, Deoque exosum: sin adsint, sacrum ac Deo acceptum, constituitur. Esa. 1. 12, 16, 17. & 66. 1, 2, 3. Amos 8. 5. 6. Psal. 51. 18, 19. Isa. 56. 2. & 58. 13. Hactenus, de publico Dei cultu.

76. Privatus verò est, qui, extra convocationem sanctam, observatur. Eamque partim, antecedit: partim, consequitur.

77. Antecedens, est diligens dignitatis, publici illius cultus, consideratio, & matutina opis Dei ad Sabbatum rectè sanctificandum, invocatio: qualis Marc. 1. 35. denique promanans inde, serium lætumque, cultus illius videndi, unaque cum Ecclesia exercendi, Deoque obtemperandi, desiderium, Psal. 26. 8. & 27. 4. & 35. 18. & 111. 1. Eccles. 4. v. 17. Quo etiam illud spectat: Psal. 122. 1. *Latus sum, dicentibus mihi; Domum Iehova adeamus.*

78. Consequens verò, publicum Dei cultum, privatus, tribus potissimum gradibus, continetur.

79. Primus, est sancti publici cultus peracti, & verbi audit, operumque divinatorum, meditatio atque examen, Psal. 1. v. 2. Actor. 17. 11. Alter est familiaris ac proximi, in vera religione, noscenda atque observanda, institutio, Deut. 6. v. 6. 7. & 11. 18, 19. operumque misericordiæ, exercitium, Jesa. 58. 3. ad 14. Postremus est sancta ac benigna hilaritas: ut ex affini festo, Nehem. 8. 10. 11. & Judæorum praxi perpetua, Judith. 8. 5. colligitur.

80. Atque hæc de quietis, diei septimi, sanctificatione. De qua multa, eruditè atque aptè, *Philo Iudæus*: quæ ab aliis etiam observata: quibus consentaneè, ad Exod. 20. *Abben Ezra* ait; *Ecce Sabbatum datum est, ad consideranda Dei opera, & meditandum in Lege ejus.* Similiter *R. David Kimchi*, ad Psal. 92. *die Sabbati canendum, ait; Dies Sabbati, gratus est Deo, præ reliquis septimana diebus: quia homo, in eo, conversus est, à negotiis huius mundi: & anima illius pura est, ab occupationibus corporis, & sese exercet in sapientia, & servitio Dei.*

81. Cæterum hæc sanctificatio, primus est Sabbati, seu quietis sacræ finis: alter verò est typus ac destinata, peculiaris cujusdam quietis, cum Dei, tum Israëlitarum, significatio: ut ex mandati, de Sabbato, propositi atque expositi, confirmatione subjecta (quæ alterum, institutionis Sabbati, membrum est) elucebit.

82. Confirmatio enim mandati, de Sabbato, tribus rationibus, constat.

83. Prima, quietem Dei spectat: quod, ad eam significandam,

candam, Sabbatum sit destinatum, Exod. 20. v. 11. Nam ut Deus, absoluto totius creationis opere, septimo die quievit; sic idcirco, hoc est, ad illius creationis absolutam, ac quietis suam, monumentum ac meditationem, Psalm. 92. 1. 5. Exod. 31. 17. *diei Sabbato benedixit, eumque sanctificavit. Benedixit enim non tantum sermone, quum sanctam vocavit, Exod. 16. 23. sed etiam opere: quum peculiare beneficium, in illius gratiam contulit, Ib. 16. 24. & 29. sanctificavit verò partim mandato suo, quum ad quietem sanctam secrevit, vers. 23. & 25. partim quietis suae exemplo; quum mannae demissionem septem diebus, seu Sabbatis, intermisit, v. 26.*

84. Ceterum illa, à creationis operibus requies non pro humanæ infirmitatis modulo: sed pro omnipotentis ac beatæ essentiae perfectione intelligenda. *Nec enim lassatur, aut defatigatur Iehova, qui creavit terminos terræ, Ies. 40. 28. Ac concinne, de Deo, August. tom. 3. De Genesi lib. 4. cap. 8. ait; Ipse, nec quum creavit, defessus: nec quum cessavit, refectus est. Et Gaudens, tractatu, de Exodilectione, 8. Requies igitur Dei, non laboris remedium; sed creatorum finis est operum.* Atque hæc de prima quietis Sabbati, ad rem sacram significandam, ratione.

85. Reliqua verò dua, Israëlitarum quietem, partim corporalem, partim spiritualem, spectant.

86. Secunda enim, observandæ quietis illius, ratio fuit, ut esset signum ac monumentum, redemptionis ac quietis, à miserrimis, Ægyptiæ servitutis, operibus, Deut. 4. 20. per admirandam Dei gratiam ac potentiam, Deuter. 7. 1. 2. 8. donatæ. Id quod Deut. 5. 15. declaratur hoc modo; *Et meminervis, te servum fuisse, in terrâ Ægypti, Iehovam verò Deum tuum eduxisse te, manu forti, & brachio extenso: idcirco præcepit tibi Iehova Deus tuus, ut observes diem illum Sabbati.*

87. Tertia ratio est, ut sit sacrum, salutaris cum Deo fœderis (eoque & quietis spiritualis, eo comprehensæ) signum, verumque atque ordinarium, Israëlitiæ Ecclesiæ, sacramentum: ut proposita à Deo definitio, demonstrat, Exod. 31. 13. & 14. (ut etiam Ezech. 20. 12.) *Sabbata mea servate. Nam signum est, inter me, & inter vos, per generationes vestras, ad cognoscendum me, Iehovam esse, qui sanctifico vos. Observate ergo Sabbatum: quia res sancta est vobis. Et Ezech. 20. 20. Sabbata mea sanctificate: ut sint signum, inter me & vos, me Iehovam, esse Deum vestrum.*

88. Qua in re etiam, quies spiritualis duplex, Sabbati quiete corporali, typicè adumbrata & obsignata continetur. Una, est beneficium divinum: altera, officium humanum.

89. Quies, quæ beneficium divinum, est liberationis, à peccati & mortis servitute, ob futurum mortis Christi meritum, per vivam fidem apprehensum, donatio. Qua ratione, de Sabbatis etiam, Col. 2. 17. dicitur; *Quæ sunt umbra rerum futurarum: at corpus, est Christi.*

90. Hæc autem quies inchoatur in hac vita, sanctificatione, Rom. 6. v. 6. 12. & justificatione, Rom. 5. 1, 2, 3. perficitur verò, post hanc vitam, glorificatione: seu vitæ æternæ, donatione. Eaque de causa inprimis, Heb. 4. 1, 2. requies Dei, quam scilicet donat, appellatur.

91. Quæ requies, prima fœderis, inter Deum & Israëlitas, parte continetur. Qua de re, inter alia, quæ præclare, de Sabbati otio, disserit Cyrillus, in Johannem lib. 4. cap. 51. ait; *Cessare namque ab omni opere, septimo, id est, ultimo die, jubet: futuram sanctorum requiem, hinc significans, quando laboribus huius vite liberati, sudore corporum detergo, beatam, cum Christo (ut à quodam Propheta dicitur) & iucundissimam vitam, agent. Item; Laudabile igitur Sabbati otium, sanctorum vitam in requie, atque sanctificatione, tunc futuram ostendit, quando omni huius vite cura deposita, bonis æternis fruuntur. Et rursum; Illam igitur vitam Sabbatismus significat, in qua, omnibus bonis, cum Christo viventes fruimur, peccato radicitus extirpato. Denique sic ait; Nam qui peccato servivimus, & illecebris voluptatis, Diabolo nos vendidimus, iustificati per fidem Christi, ad verum & sanctum pervenimus Sabbatismum, libertatem gratia induti & bonis*

*divinitus resplendentes. Atque hæc de quiete, quæ beneficium divinum est, ac Sabbati quiete fuit obsignata.*

92. Quies verò quæ officium humanum est, & ex memorato sanctificationis beneficio oritur, est perpetua, ab omnibus vitiosis operibus, cessatio. Quæ in hac vita, inchoata, Matth. 16. vers. 24. Gal. 5. vers. 17. in altera verò, perfecta existit.

93. Ac de inchoata Iesaias cap. 58. 13, 14, ait; *Si averteris à Sabbato, pedem tuum, ne facias id, quo delectaris, die sancto meo, & vocaveris Sabbatum delicias, sanctum Iehova, honoratum, honoraverisque ipsam, non exercendo vias tuas, non prestando id, quo delectaris, aut loquendo verbum: tunc, oblectantem te, in Iehova veham te super excelsa: & faciam, ut fruaris, possessione Iacobi, patris tui: quia os Iehova loquitur.*

94. Ac rectè Cyrillus in Iesa. 56. 2. ait; *Huius igitur cessationis, in Sabbato, virtus, otium & cessationem, à peccatis, & carnis cupiditatibus figurabat.* Quæ, debita Deo requies, altero ac relato fœderis membro (quo Israëlitis sese vicissim, Dei sui populum, ad obsequia obstrictum, profitebantur) indicatur. Hoc enim nihil aliud est, quàm, à vitiosa voluntate sua, cessare, justamque Dei, tanquam domini creatoris ac redemptoris voluntatem perficere; Malach. 1. 6. & 1. Corinth. 6. 20. Quod officium, & Judæis & nobis commune, Sabbato fuit adumbratum.

95. Quæ typica, quietis Sabbati, significatio, illustri Iesaiæ Prophetia, explicatur, quum de Ecclesia Christiana, ex gentibus colligenda cap. 56. v. 1. &c. ita vaticinatur; *Sic ait Iehova, observate ius, & exercete iustitiam meam: nam proximè salus mea ventura est, & iustitia mea revelanda. Beatus mortalis (qui) fecerit illum, & filius hominis qui prebenderit illum, observans Sabbatum, ne profanet illud, & observans manum suam, ne faciat malum. Nam ita ait Iehova, de Eunuchis, qui observaverint Sabbata mea, & elegerint id, quo delector apprehenderintque fœdus meum: etiam daturus sum eis, in domo mea & intra muros meos, spatium & nomen melius, quàm filiorum aut filiarum: nomen perpetuum daturus sum eorum cuique, quod non excindetur. Alienigenas verò, qui adjunxerint se Iehova, ad ministrandum ei, & ad diligendum nomen Iehova, ut sint ei servi; quisquis observaverit Sabbatum, ne profanet illud: & apprehendentes fœdus meum, adducam ipsos quoque, ad montem sanctitatis meæ, & lausificabo eos, in domo orationis meæ, holocausta eorum & sacrificia eorum, accepta erunt, in altari meo: nam domus mea, domus orationis, vocabitur omnibus populis.*

96. Quod etiam spectat, de spirituali, ac divino Christianorum cultu, prophetia, Iesa. 66. 23. *Eritque de neomenia, in neomeniam ejus (hoc est, alteram) & de Sabbato, in Sabbatum ejus (seu alterum) ut veniat omnis caro, ad incurvandam se coram me, ait Iehova.* Hæc de inchoata, à vitiosis operibus quiete, in hac vita.

97. Perfecta verò, quæ in altera vita speratur, ab Apostolo describitur, Hebr. 4. 9. *Itaque reliquus est aliquis Sabbatismus (hoc est Sabbati, seu quietis observatio) populo Dei: & versu 11. Studeamus igitur ingredi, in requiem illam.* Atque hæc, de mandati confirmatione.

98. Ceterum ea Sabbati, Judæis traditi, institutio, per synecdochen (qualis, in reliquis quoque Decalogi præceptis reperitur: ut perfectio eorum, quum inde, *Moses & Prophete, seu omnia eorum mandata, dependant, Matth. 22. 40.*) alia quoque complectitur. Ac speciatim quidem, similia propriaque Israëlitis festa, Levit. 23. 38. & Num. 28. 9. quæ Sabbato non erant adstricta, sed certis ac præfinitis diebus observanda. Quod etiam sacrificia quotidiana, & sacrorum locorum, à profanis omnibus negotiis secretio, Marc. 11. 15, 16, 17. ac similia, referuntur.

99. Unde Philo Judæus, libro de Decalogo, ait; *Quarto verò (præcepto) de festis diebus & Sabbatis in summa præcipit: deque votis atque sacrificiis, atque purgationibus & cetero cultu religioso numinis.*

100. Deinde verò generatim, sancta, certis ac SUFFICIENTIBUS temporibus (adverbi divini ministerium, ac publicam veræ religionis institutionem, atque exercitium, virium-



viriumque reparationem) à mundanis negotiis ac curis, vacatio, ut genus, specie sua, synecdochicè ac proximè intellectum, hoc quarto Decalogi mandato continetur.

101. Hoc enim, & gloriæ Dei, creatoris ac redemptoris, rectè noscendi, ac publicè etiam colendi, Ps. 68. 27. amor, & debita, salutis nostræ, ac proximi, procurandæ, dilectio, Prov. 29. 18. Luc. 11. 28. Rom. 10. 14. 17. & Eph. 4. 11. 12. Heb. 10. 24. necessariò requirit.

102. Ideoque ad eam rem, non solum certa atque ordinata tempora (prout *Deus, non perturbationis est auctor, sed pacis: omniaque, decenter ac secundum ordinem, facienda*, 1. Cor. 14. 33. 40.) sed etiam SUFFICIENTIA. Non sufficient autem, si rariora fuerint, quàm quæ Israëlitis imperata. Quandoquidem Deum clementissimum, hac in re, magna, erga rigidæ cervicis ac querulum populum, indulgentia, usum esse, sine ulla controversia, constat: & inæqualis illa sex dierum Israëlitis indultorum, & septimi Deo consecrati, comparatio demonstrat. Vide thes. 32.

103. Quumque scholæ Christianæ, sint necessaria, ministrorum verbi, seminaria; idcirco hoc etiam mandato (tanquam causæ, suo effecto) comprehendendi, rectè statuitur.

104. Quæ generalis Sabbati præceptio (speciali, per synecdochen, uti ostendimus, inclusa) omnes, ante & post Christum, homines, æterna charitatis lege, in terris obstringit: sed Sabbati & similium iussio specialis, tantum Judæorum populum, ad correctionis tempus, Heb. 9. 10. tanquam Christi venturi umbra, Col. 2. 16. 17. & antiqui fœderis sacramentum, Ezech. 20. 20. atque legalis quædam pædagogia, devinxit, Galat. 4. 3. & Hebr. 9. 10. Christo verò exhibito ac crucifixo religio illius abrogata est, Col. 2. v. 14. 16. Galat. 4. 10. Hebr. 8. 8. 9. 13. etsi ad tempus aliquod, usus Sabbati, cum nonnullis ceremoniis, pro libertate Christiana (sine ulla, necessitatis ac cultus, opinione) prudenter, atque ex salutis, infirmiorum Judæorum, studio (ne eos, à

fide Christiana, averterent) ab Apostolis fuerit retentus, 1. Cor. 9. v. 20. Act. 16. v. 3. & 21. 24. cum 26.

105. Neque huic abrogationi, obstare potest, illa Judæorum exceptio, quod Sabbatum, *pactum seculi*, Exod. 31. 16. (ut & circumcisio, Genes. 17. 13. & Pascha, Exod. 12. 24.) appellatur. Quia *gnholam*, id est seculum, propriè diuturnum tempus (à *gnhalam*, occultare: quod eo, res aboleri, atque ita occultari, soleant) generatim designat. Et interdum quidem infinitum ac termini expers; sed sæpius tamen suo termino *finitum*, idque vel *præteritum*, vel *futurum* (ut Latinis, *Olim*, inde derivatum) notat.

106. *Præteritum* quidem; ut, *dies seculi*, Deut. 32. 7: *semita seculi*, Jerem. 18. 15. *termini seculi*, Prov. 22. 28. id est, prisca temporis, seu termini antiqui: *Tacui à seculo*, Jesa. 42. vers. 14. hoc est, longo tempore, jam diu.

107. *Futurum* verò tempus, variè definitum, significat: Ac *primo* *vita humanæ curriculum*, 1. Sam. 1. 22. de Samuele; *Maneat ibi, usque in seculum*: & 27. 12. Sicut Latinis, *seculum*, & Græcis *αἰών*, teste Aristotele, De cœlo lib. 1. cap. 9. & Matt. 13. 22. *solicitudo* & *αἰὼν* *seculi*: hoc est & *βίη* ut Lucæ 8. 14. exponitur. Deinde diuturnum illud, *ad jubileum*, *annorum quinquaginta*, *spatium*, Deut. 15. 17. *Erit tibi servus* (in) *seculum*: hoc est, ad Jubilæum, Levit. 25. 39. 40. *Præterea*, Jerem. 25. 9. *Vassitates seculi*, dicuntur: quæ tamen annorum septuaginta spatio, erant terminandæ. Denique diuturnum illud temporis, ad Christi mortem, intervallum, seculi voce, in loco objecto, Exod. 31. 16. intelligitur. Quia novum fœdus, veteri illo abrogato, erat instituentum, Jerem. 31. 31. 32. Heb. 8. 7. 8. 13. ac templum destruendum, & sacrificia (qualia etiam, ad Sabbati religionem, erant necessaria, Num. 28. 9.) abolenda, Daniel. 9. 2. 6. 27. Quare, ex *pactum seculi*, Sabbati Judaici perpetua observatio, demonstrari non potest.

#### C A P. IV.

#### De Sabbati origine.

1. **H**isce jam de septimi diei hebdomadæ, ad sacram quietem, Judæis traditi, *mandato & confirmatione* illius, explicatis, reliquum est, ut ad ampliorem rei intelligentiam, *duas*, eadere, *quæstiones* nonnihil expendamus. Quorum *prima* (quæ, ex præcepti, de Sabbato, confirmatione, exurgit) de origine illius, hæc est; *An dies septimus hebdomada, ad quietem ac cultum Dei, jam inde, à mundi hujus creatione absoluta, sit institutus? Altera* verò (ex mandato, de Sabbati observatione, promanans) de septimi diei circumstantia, ambigit; *An unus, è septem hebdomada diebus, perpetuò in orbem recurrens, ad cultum Dei, ex quarti præcepti sententia, sit observandus? De quibus, dissenteanea sunt Theologorum judicia: quocirca, veritatis studio, ordine ac sincerè, easdem expendamus.*

2. Ad primam quæstionem, quod attinet, plerique antiqui Patres (ut postea liquebit) constanter negant: contra veterum pauci, sed recentiorum theologorum plures, variè affirmant: nos bona, bonorum venia, primam illam, antiquissimorum illorum Patrum, sententiam, Sacris Lit. magis congruentem, arbitramur, hisce freti argumentis.

3. Quorum *primum* est, quod qui contra sentiunt, minus solidis causæ suæ firmamentis, innitantur: quod *examen* eorum (uti spero) declarabit.

4. Primum enim, ac primarium, quod Judæi quidam, multique Christiani auctores, proferunt, ex historia Gen. 2. 2. 3. deducitur; *Quum autem* (inquit Moses) *perfecisset Deus, die septimo, opus suum, quod fecerat, quiescit die septimo, ab omni opere suo, quod fecerat. Et benedixit Deus diei septimo, & sanctificavit ipsum.* Verùm hic locus, minus idoneus est, ad illam religionis Sabbati antiquitatem statuendam. Quamvis enim narrationi (de absoluta mundi creatione, ac Dei, die septimo, quiete) benedictio ac sanctificatio Sabbati subjiciantur, ea tamen, tum temporis accidisse, non asseritur: neque, ex loci circumstantiis, evincitur.

5. Ea enim, à Mose, perquam opportunè, hoc loco inferuntur, non quasi eadem tempestate essent gesta; sed ut ostenderet, hanc perfecti orbis, & quietis divinæ, die septimo, historiam, perpetua Israëlitarum, memoria retinendam. Quandoquidem Deus, quum Moses hæc scriberet, jam antea, paulò post eductos, ex Ægypto, Israëlitas, Exod. 16. in ejus rei monumentum, atque imitationem, diei septimo benedixerat, ipsumque sanctificarat. Et sicut Deus initio, in mandati de Sabbato, è monte Sinai repetitione, Exod. vigesimo, hanc sententiam posuerat: sic eandem, ad majorem Israëlitarum, in septimi diei quiete observanda, excitationem, hujus historiz occasione, in descriptione illius, reponere & inculcare, voluit.

6. Neque est, cur quispiam *objiciat*, talem rei, longè post factæ, cum historia, ante gesta, connexionem, ac parenthesis, simili Sacrarum Literarum ac bonorum auctorum carere exemplo: quia exemplum, non est requirendum, ubi res ipsa (ut modo, hinc fieri, ostendimus) rectæ rationi consentit.

7. Deinde *exempla*, si quis desideret, non est cur ea longè arcessamus. Siquidem, in hac ipsa historia (de qua agitur) enarranda, *Flavius Josephus*, vir disertissimus, illustre documentum præbet. Sic enim Antiquitatum Judaicarum lib. 1. cap. 2. ait; *Atque ita mundum sex diebus univsum, & omnia qua mundo continentur, Moses facta esse dicit; septima autem requiescente Deum, & ab operibus cessasse.* QUAMOBREM ETIAM NOS, VACATIONEM A LABORIBUS, PER HUNC DIEM, CELEBRAMUS; appellantes eam SABBATUM: quæ vox, requiem, Hebræorum lingua, significat. Ovum ovo magis non est simile quàm, Mosis & Josephi Mosem explicantis, narratio: ut pluribus, jam non sit opus.

8. Sed ecce alterum quoque in ipso Mose, Exod. 16. se se offert exemplum. Nam eodem in loco, ubi diei Sabbati, à Ju-

à Judæis observandi, institutio narrata est; historię de manna occasione, ea inferuntur, quę posteris temporibus, structo demum tabernaculo & arca, imo post annos quadraginta, contigerunt: sed Moſe tamen hæc ſcribente, jam evenerant.

9. Sic enim Exod. 16. 33. *Dixit etiam Moſes, hoc est verbum, quod pręcepit Jehovah, plenam mensuram Homer, aſſervanda est, ex ea, per atates veſtras: ut videant panem illum, quem vobis edendum dedi, in hoc deserto, poſtquam eduxi vos, e terra Egypti.* 34. *Quare, edixit Moſes, Aharoni, accipe urnam unam, ubi ponas plenam mensuram Homer manna: & depone ipſam ante conſpectum Jehovah, aſſervandam, per atates veſtras.* 35. *Quemadmodum pręcepit Jehovah Moſi, ſic depoſuit eam Aaron, coram Teſtimonio ipſo, aſſervandam.* 36. *Filiis autem Iſraëlis, edebant mannam iſtam, quadraginta annis, donec pervenirent, ad extremitatem Regionis Chanaanæ.*

10. Quibus omnibus ritè conſideratis, liquere ſatis arbitrator, ex illa, Genef. 2. 3. ſententia, Sabbati, à condito mundo, originem ducendam, minimè demonſtrari. Atque hæc de primo ac primario, quod objici ſolet, argumento: cui accedunt alia, ſed minori veriſimilitudine ac pondere.

11. Secundum enim (quod à Simlero Exod. 20. aliſque adducitur) eſt huiusmodi; Patriarchę ante Moſem, pro ſua in Deum pietate, religionis, & reparationis virium, ſtata habuerunt tempora: ergo ſeptimum hebdomadę diem, ad eam rem obſervarunt. Conſequentia verò infirma eſt: partim, quia nihil vetat, quominus alio tempore idoneo, ad religionem publicè exercendam, convenerint: partim, quia neque de Sabbato, à Patriarchis obſervando, ullum extat præceptum, neque obſervati illius, minimum, in ſacris Literis, veſtigium apparet.

12. Nam quamvis poſteris eorum, Iſraëlitis, ſeptimus dies, in creationis abſolutę, & quietis divinę, monumentum, ſit inſtitutus, an propterea, eundem Patres obſervarint? aut obſervandum noverint? Neque enim ſeptimi diei, præ cæteris, religio, ab ullâ rei, aut diei neceſſitate (aliſque, & nos ea adſtringeret) ſed à libera ac prudenti Dei, populum ſuum, variè gubernantis, voluntate dependit. Quare, ſecundum etiam hoc argumentum, concidit.

13. Tertium verò, ex Noachi, in arca conſtituti historia, Genef. 8. 10. & 12. depromptum, pluma levius eſt: ut quod, mera & aliena nitatur conjectura. Noach quidem, poſt aquarum diminutionem, ſeptem dies exſpectavit, antequam vice altera (non prima) emiſſet columbam: deinde alios ſeptem dies, priuſquam eam ruſſum emitteret. Sed, an inde rectè concluditur, Noachum in arca, cum familia Deum ſeptimo hebdomadis die, ſingulari modo, coluiſſe?

14. Quanam enim, veriſimili ratione, probari queat, diem illum ſeptimum, fuiſſe ultimum hebdomadę diem? Nam ſeptimus, hoc in loco, non dicitur, relatè ad mundi originem, ſeu primum hebdomadę diem, de quo quæſtio eſt: ſed ad eum quo primum columbam emiſit: ut Genef. 8. dicitur; *Emiſit columbam, ut videret, num levata eſſet aqua ſuperſicies terra:* altera deinde emiſſio, ita deſcribitur, verſu 10. *Exſpectaviſti itaque adhuc ſeptem dies alios, & iterum emiſit columbam illam ex arca.*

15. Deinde, quid ſi etiam ultimus fuiſſet, hebdomadę dies, an ex emiſſionis columbę opere, die illo ſeptimo, ceſſationis ab opere, ad cultum Dei ſingularem, obſervatę conjectura, valeret? Ideoque rationem illam tertiam obiter, & tanquam opinionem, perſtringit tantum Simlerus, ad Exod. 20. quum ait; *in historia quoque diluvii, columba, ex arca, emiſſa, ſeptenario dierum intervallo, SABBATI RATIONE VIDENTUR.*

16. Neque magni momenti ac roboris, eſt quartum, pro adverſa ſententia, argumentum: quod ex illis Dei verbis, Exod. 16. 23. adfertur: *Ille eſt, quod dixit Jehovah: quia Sabbathum ſanctum eſt Jehovah cras: quod cocturi eſſetis, coquite hodie: & v. 25. Dixitque Moſes; comedite illud hodie. Nam Sabbathum hodie eſt Jehovah.* Ergo, inquiunt, Sabbati, tanquam inter Iſraëlitas, celebris ac noti, ſit mentio: neque

hic primum inſtituitur; ſed tanquam res antea inſtituta, propter manna collectionem, violandum non eſſe, à Deo præcipitur.

17. Verum negatur, primum ac partim, Antecedens: quia minus recta verſio adducitur; *Sabbatum ſanctum eſt Jehovah cras.* Non enim EST (cui objectum argumentum videtur inniti) ſed ERIT, ſupplendum; ut res ipſa indicat: crastinum enim ac futurum non eſt, ſed erit: Quod autem ſequitur: Nam Sabbathum, hodie eſt Jehovah: illud non, ut ante Moſem notum ac celebre: ſed ut prædictione Moſis notum jam redditum, profertur.

18. Deinde, conſequentia etiam infirma eſt: nullum enim illius celebritatis Sabbati, inter Iſraëlitas, aut notitię antecedentis, indicium reperitur.

19. Siquidem verſu 23. duo continentur: primum eſt correctio ſtuporis, & relationis, ducum populi: qui duplex manna demenſum, à Deo, ſexto die datum, & à populo collectum, cum admiratione obſervantes, Moſi recensuerant verſu 12. Ei enim ſtupori, occurrit verſu 23. *Hoc eſt, quod dixit Deus, iſque verbis mandatum, verſu 6. præmiſſum, de colligenda, die ſexto, duplici manna menſura (quo promiſſio, de ea re divinitus danda, includebatur) iis in memoriam revocat. Alterum verò eſt, duplicis illius menſurę manna, ſinis: nempe, ut partem illius reſiduam, in crastini diei ſeptimi uſum parent, ac reponant: quod dies ille, ſacrandus eſſet, quieti ac Domino. Idque verbis illis, quies Sabbathum ſanctum erit Jehovah, ſeu Domino, perſpicuum eſt. Eaque ratione Sabbathum prænuntiatum atque inſtitutum. Ideoque quartum argumentum, eſt infirmum.*

20. Quintum porro, eſt huiusmodi; Si ultimus dies, à ſeptem, quieti, à Patriarchis, non fuerit dicatus, quomodo dierum, in hebdomadas, diſtinctio potuit obſervari? Quomodo etiam memoria creationis rerum, & ſinis creationis, ſeptimo die factus, tempore Patriarcharum aliter retineri; Sed facilis eſt ſolutio. Eſt enim, diei Sabbati conſecratio, ad hebdomadarum diſtinctionem, utiliſſima ſit: Patriarchiſtamen, non fuit, ad eam rem, neceſſaria.

21. Quum enim Adamus, pridie diei ſeptimi ac quietis divinę, viribus & ratione valens, fuerit creatus: quomodo id ignoravit? Quumque diu, cum Methuſalacho; & hic, cum Semo; Semus denique, cum Abrahamo & Iſaaco, vixerit, quid ni potuerunt dierum creationis, & ſeptimi quietis divinę, meminiffe: & idoneis temporibus Deum colere, & ad poſteros, illam temporum notitiã, Deique cultum traditione propagare, etiam ſi ſeptimi diei cultus abſuerit?

22. Præterea, quod ſi quoque, iſta hebdomadarum diſtinctio, ante Moſem deſuiſſet: ac primum divinitus, per eum, Iſraëlitis, Sabbati inſtitutione, atque hebdomadę definitione eſſet tradita: an idcirco Patriarchis, creationis dies fuiſſet ignotus? Nonne menſium, annorum, & tempeſtatum anni diſcrimina, Lunę Soliſque curſu, designata ipſiſque non ignota, memoriam illam, facile conſervaffent? Et quid ſi ipſos etiam latuiſſet, quo die, orbis primum fuiſſet creatus, an ideo menſium dies, ad cultum Dei neceſſarium, non potuiſſent diſtinguere, Deumque, orbis conditorem, celebrare? Quare, neque hoc argumentum, efficax comperitur.

23. Quod denique non pauci, ſeptimum hebdomadę diem, non ſolum à Judæis, ſed à profanis etiam gentibus religioſè obſervatum cultumque, aſſerunt: ac propterea inde colligunt originem illius, non ad Moſis tempora, ſed ad mundi abſoluti primordium, referendam; illud duplici errore laborat: quia, nec antecedens ratio certa: nec conſequentia firma.

24. Nam quod, rationi munienti, Clementis Alexandrini & Eusebii dicta, prætexunt, ea parum, apud attentiores, ad hanc quidem rem probandam, merentur fidei. Siquidem verum eſt, quod ajunt, Clementem hoc affirmare, Stromateon libro 5. *Septimum ſacrum diem, non tantum Hebræi, ſed etiam Græci norunt:* & Eusebium (Clementem ſecutum) De præparatione Euangelica lib. 3. cap. 7. ſed quàm parum aptè ac præſe illud, ex Heſiodo, Homero, aliſque poëtis, probent, res ipſa arguit: quum poëtę illi, de aliis

Zzzz

(ut di-

(ut dici solet) Clemens verò & Eusebius, de cepis, loquantur.

25. Cujus rei (ut ea, quæ ex Homero, & Callimacho, proferunt: nec in eorum reliquis jam scriptis, comperiuntur, præteream) specimen illustre, in Hesiodi sententia (quam, velut antesignanum quendam, in prima acie collocant) apparet. Hæc autem est, *Πρῶτον ἡν περὶς τι, & ἰσθδὺς ἡδὲν ἡμερῶν*, qui versus est *ἡμερῶν* Hesiodi sextus: quem eruditè (ut omnia nobilissimus D. Heynsius, sic reddit; *Primum novilunium, quartaque, ac septima sacra dies*. Cui ratio, à Poëta, subicitur; *Hæc enim, Apollinem auriensem, genuit Latona*.

26. Atque ita Proclus (quem Moscopulus etiam sequitur) ait; *Anovilunio exorsus, laudat tres, τὸν τρίτον, sic vocans novilunium, ab ἑ quartam, septimam: & omnes, sacras dicens: septimam verò etiam, ut Apollinis natalem, celebrans. Ideoque Athenienses eam, tanquam Apollinarem, laurum ferentes, honorant*. Quare, quum de septimo mensis diè, & quidem Apollinis natalitio ac sacro, apertè loquatur Hesiodus, minus aptè, ad septimum hebdomadæ diem, accommodatur. Quum nulla hic sit alia, quàm generalis quædam, in septimi diè appellatione, similitudo: quam Clemens Alexandrinus, allusione usus, intellexisse videtur. Quod profecto, à feria disputatione, & à proposito scopo, aberrat.

27. Idque etiam Clemens ostendit, dum addit; *Solonis elegia, septenarium numerum valdè celebrant*: hoc enim ad rem similiter, non pertinet, ut ex libro 6. Stromateon liquet, ubi, de eodem prorsus argumento, differens, ait; *Ætatum quoque mutationes fieri, per septenarium, elegia Solonis significant, hoc modo; Infans septenos postquam compleverit annos, &c.* Platonis verò lib. 5. (cujus jam memini) facta est mentio, sed alio, quàm ad septenarium, à Clemente refertur.

28. Neque alia Philonis Judæi lib. 2. de vita Moïsis, sententia, quum ait; *Quis enim sacram illam diem, per singulas hebdomadas recurrentem, non honorat?* Hoc enim non propriè (ut quibusdam, huc accommodantibus, videtur) sed similitudine sola septenarii, intelligit: ut libro suo, De Decalogo, disertè exponit. *Quartum* (inquit) *præceptum, commendat diem septimam: jubens eam, sanctè pièque transigi. Hanc civitates quadam, singulis mensibus, ut festum celebrant, incipiendo numerationem, à novilunio: Judæis verò sancta est, septima quaque dies*. Quare frustra, in Philonis Judæi testimonio, pro Sabbati, à profanis gentibus, observatione, patrocinium collocatur.

29. Cujus etiam rei locuples testis est Theodoretus, in Ezechielem cap. 20. his verbis; *In aliis igitur, cum aliis, juncti: in observatione Sabbati, propriam quandam videbantur obtinere rempublicam. Nulla enim alia gens, hoc otium observabat. Neque circumcisio, ita ipsos, ab aliis distinguebat, ut Sabbatum. Quippe circumcisionem Idumæi quoque habebant (qui ab Esau genus ducebant) & Ismaëlitis similiter. Egyptii item à Judæis, hanc edocti, observare studebant. Quod per Prophetam Jeremiam, Deus declaravit, quum dixit; Et visitabo super omnes circumcisos, præputium ipsorum, super Egyptum & super Edom, & qua sequuntur: Sabbati verò observationem sola Indæorum natio, custodiebat. Idcirco dixit: Quia Sabbata mea dedi eis ut sint in signum, inter me & inter ipsos, ut cognoscant, quod ego Dominus, sanctificans eos*. Hæc ille.

30. Ac propterea mirandum esset, viros non paucos, egregiè doctos, in expositione Genes. 2. non solum Pontificum, Johannem Marium; sed etiam inter Orthodoxos, eximium illum Johannem Mercerum, in tanta luce potuisse impingere, nisi eruditionis, Clementis Alexandrini, splendor, judicii aciem perstrinxisset & ab omni examine avocasset. Nam, ut Marius prolixè Clementis dicta recenset: sic Mercerus ad Genes. 2. ait; *Hinc & apud alias gentes (ut apud Hesiodum, & alios, videre est) dies septimus tantopere commendatur, celebratur & extollitur: ut planè esset (ut Philo inquit) ἡμερῶν πᾶνδῆμος festum populare, ad omnes, ex æquo, gentes pertinens*. Hæc ille: cujus testimonium siluifsem, nisi hæc hallucinatio, in hac materia, non venia, sed fide atque assensu dignissima, putaretur. Hæc ad primum, in

antecedente ratione opposita, *errorem* convincendum facia-

31. *Alter*, in consequentiæ vitio, consistit. Nam licet Sabbati observatio, inter gentiles viginisset (quod, nullis eorum monumentis, rectè probatum) ex eo tamen, tanta Sabbati (quasi, à finitæ creationis primordio, instituti) antiquitas, minimè evinceretur; sed Sabbati Judaici, à profelytis, aliisque forte nonnullis, admissi imitatio, appareret.

32. Qua de re Iosephus, contra Appionem, lib. 2. audiat. Nam verbis illis, quæ ex eo objectantur, (*Neque est civitas Græcorum ulla, aut Barbarorum, neq, ulla gens, ad quam, septimi diè, in quo vacamus, consuetudo, minimè pervenerit*) ista in hac citatione, prætermittitur, præmittit, quæ controversiam, dirimunt; *Quinetiam populi jam multum, nostram pietatem, emulantur*. Atque hoc modo, argumenta, pro Sabbati, inde ab orbe condito, origine, satis soluta esse speramus: atque inde primum nostrum argumentum: quod sententia contraria Sacris Literis, non demonstratur, stabilitum arbitramur: cui reliqua jam adjiciemus: quæ, hac quasi face præmissa, futura sunt clariora.

33. *Alterum* enim argumentum ex Genes. 2. & Exod. 20. est, quòd illa Dei effecta benedictio scilicet & sanctificatio Sabbati, primo illi, à condito orbe, diè septimo, non conveniant; sed septimo diè, in mannæ donatione, revoluta, Exod. 16. optimè quadrent. Ac propterea, non ad primum illum, prima Sabbati origo atque institutio, pertinet.

34. Nam quòd duo illa, pro eodem, à contrariæ sententiæ patronis, exponuntur (unde etiam nonnulli, in sua versione, pro vocibus, *Benedixit & sanctificavit*, paraphasi liberiore; *Benedixit, id est, sanctificavit*, transtulerunt) illud omnino videtur insolens, & à vocis benedicendi, in Sacris Literis significatione, alienum.

35. Siquidem vox Hebræa, *Berech* (qua Moïses utitur) propriè est benedicere: & quidem laude, vel voto. Laude; ut Psalmo 68. 27. *In congregationibus benedicite Deo*. Unde interdum, per Antiphrasin (sive Catachresin ironicam) maledicere: ut falsi testes, Nabotho exprobrant illud, 1. Reg. 21. 10. & 13. *Benedixisti Deo, & regi*: hoc est maledixisti. Job. 1. 11. & c. 2. 5. Voto, ut Num. 6. 23. *Benedicite filiis Israël*.

36. Impropriè verò, per effecti (pro sua causa accepti) Metonymiam, benefacere, designat: ut Num. 6. 23. *benedicite tibi Jehova*: & Gen. 24. 35. *Jehova benedixit, Domino meo, valde*. Cujus tropici causa est, quòd benefacta, benedictionem ac gratam laudem, concilient.

37. Benedicere verò, pro sanctificare, hoc est, ad sacrum usum segregare (ut sanctificandi vox, Gen. 2. & Exod. 20. citra controversiam accipitur) usurpari, asseritur quidem à nonnullis; sed à nemine hæcenus, è Sacris Literis, demonstratum comperimus. Ideoque, quum benedicere, & sanctificare, sint diversa, neque ulla benedictio, primo, à creatione, diè septimo, tributa extet, eò non potest pertinere.

38. Contra verò hæc distincta benedictio, & sanctificatio, diè septimo, ac Sabbato, Exod. 16. Judæis primùm instituta, ad amissum quadrant: ut illustribus documentis, antea demonstravimus. Siquidem sermone, & opere, illi cumulatè benedixit, & sanctificavit.

39. *Benedixit enim sermone & laude*; quum eum diem, sanctum, vocavit: opere verò; quum eximio beneficio, ac miraculo gemino, in peculiarem Sabbati gratiam, honoravit. Siquidem & pridie illius, diurnam mannæ mensuram, genuit: & præparatam Sabbato partem, præter naturam, in craftinum incorruptam, conservavit. *Sanctificavit* verò, & mandato, & quietis suæ, diè Sabbati, (in mannæ prætermissione) exemplo. Eamque benedictionem, & quietis suæ exemplo sanctificationem admiranda, per annos quadraginta, continuatione reddidit Deus illustriorem. Ideoque & in repetitione mandati, de Sabbato, Exod. 20. & Gen. 2. ad hanc benedictionem & sanctificationem respiciendo, earum mentionem fecit. Hæc de secunda argumento.

40. *Tertium* verò, deducitur, ex verbis, quibus modus Sabbati, Judæis instituti, declaratur. Nam Exod. 16. vers. 23. dicitur. *Quies Sabbatum sanctum erit Jehova cras*. Et versu 25. *Sabbatum hodie Jehova est*. Et versu 29. *VI-DETE, quod Jehova DEDIT VOBIS ILLUD* SAB-

SABBATUM: idcirco dat VOBIS, die sexto cibum bidui. Et Ezech. 20. 12. SABBATA DEDI EIS; ut essent SIGNUM INTER ME ET IPSOS ad sciendum, me Iehovam, sanctificare ipsos. Et Exod. 31. 13. Nam signum est inter me & vos, per generationes vestras, ad cognoscendum, me Iehovam esse, qui sanctifico vos. Denique Nehem. 9. 14. SABBATUM quoque sanctum, NOTUM FECISTI EIS: quum praecepta statutaque; & leges, praeceperes iis, per Moysen servum tuum.

41. Unde ita colligitur; Quod Deus, in Sacris Literis, notum fecisse Judæis dicitur, per Moysen, notumque faciendo crebro inculcavit; ipsique se dedisse, emphatica attentionis provocatione praemissa tradit, ac repetit, ac dedisse in signum sanctificationis ipsorum; illud non fuit ipsis (uti contenditur) ante celebre ac notum, omnibusque ab origine mundi traditum. Atqui Sabbatum est huiusmodi: ut Moysi & Prophetarum, memorata jam testimonia, demonstrent. Ergo Sabbatum, non fuit Judæis ante celebre ac notum, omnibusque, ab origine mundi, traditum.

42. Propositio inde firmatur, quod quæ celebria & nota sunt, illa interdum repeti, sed tam operose, cumque attentionis provocatione, inculcari non solent: & quæ omnibus data sunt communiter, illa cum emphatica distinctione; *Videte, dedit vobis*, & quidem in signum sanctificationis ipsorum, non rectè convenire apparet.

43. Denique si Sabbatum sanctificatum fuit omnibus, in signum quietis Dei: omnibus etiam fuit signum, quod Deus illos sanctificasset, hoc est, ad cultum sui ita segregasset: atqui non omnibus, sed Judæis hoc peculiariter tribuitur, Ideoque ad omnes non pertinet.

44. Quartum argumentum, sententia illa Deut. 5. 2, 3. Deus noster pepigit nobiscum fœdus, in Choreb: non cum patribus nostris, pepigit Iehova fœdus illud: sed nobiscum, qui ipsi hic hodie, omnes sumus vivi: suppeditat huiusmodi; Quod Deus cum Israëlitis, non cum patribus ipsorum, pepigit, illud non est institutum, ab origine mundi: fœdus Legis Decalogi est huiusmodi: ut proposita Moysi sententia, & expositio illius versu 12. & 15. & 23. ad 29. & cap. 4. 11. 13. ostendit. Ergo fœdus Legis Decalogi, non est ab origine mundi institutum.

45. Quum autem de nullis Decalogi præceptis, præter quartum, de Sabbato, verè dici possit, quod patribus non sint tradita (quia citra controversiam, sunt juris naturæ ac communis: ut etiam Tertullianus, adversus Judæos cap. 2. egregiè demonstrat) sequitur ratione quarti præcepti esse intelligendum: non simpliciter quidem, sed partis illius ceremonialis, ratione.

46. Veruntamen bifariam, evadere posse, dissentientes videntur, nempe; ut ellipsis, in Moysi sententia, constituitur duplex. Prima quidem, ut hæc verba (*Non cum Patribus nostris, pepigit Iehova fœdus illud*) accipiantur, non absolute; sed comparatè: hoc est, non eo modo, exaratis tabulis, & singulis horrendis. Verum, sine iusta causa (quæ hic deest) ab integra propriaque orationis forma, ad ellipsin confugere, cum recta interpretandi norma, pugnat. Deinde ellipsis ista, huic loco non quadrat. Nec enim, hæc modi diversi circumstantia, pacti essentiam, vel auget, vel minuit.

47. Præterea, an minus est, quod Deus Abrahamo tanquam benignus pater, cælitus apparuit, Gen. 17. 1. dicens; *Ego sum Deus omnipotens, ambula coram me, & esto perfectus*: quàm quod, tanquam tremendus iudex, Israëlitis idem pactum, seu legem iustitiæ, promulgavit? An majus etiam est, quod Legem, Israëlitis datam, tabulis duabus lapideis inscripsit; quàm, quod eandem, menti & cordi Abrahami, Genes. 18. 19. (quod Israëlitis minimè datum à Moysi, Deut. 29. 4. asseritur) impressit?

48. Verum quid opus est multis? doctissimus Calvinus; in Gallicis suis, ad Deuteronomium, concionibus, à prima illa expositione, & ellipsi, à se prius posita, recedens, alteram substituit, quam veram ac genuinam esse, verbis expensis, statuit. Nempe, ut patrum voce, hoc loco, non prius patriarchæ intelligantur, qui ante Moysen fuerant; sed proximi: quilegem, quum primum promulgaretur, audie-

rant, & longa, quadraginta annorum, oberratione, in deserto perierant. Deinde diversam, à prima, ellipsin ponit huiusmodi; *Non cum patribus*, hoc est, Non cum patribus tantum.

49. Sed quam necessaria ratione, ellipsis gemina probabitur, quæ, pro negatione illa; *Non cum patribus nostris, sed nobiscum*, affirmatio hæc substituitur; *Non cum patribus nostris tantum, sed etiam nobiscum*: hoc est, & cum patribus nostris, & nobiscum?

50. Deinde si patres nostri, proximi intelligerentur, propria esset ad populum præsentem, tanquam filios, relatio: sed propriè de Moysi loquente, & Josua, & Calebo quomodo dicitur? verum esto synecdoche; patres nostri, hoc est, ferè omnium nostrum: quorsum quæso, hæc sententia, spectabit? An ignorare poterant Deum, non solum, cum patribus ipsorum, sed etiam cum ipsis, fœdus pepigisse? quum ipsi non minus præsentis fuissent, in Lege promulganda, quàm Patres: ut Moyses, hoc ipso in loco, aperte affirmat, Deut. 5. 3, 4, 5.

51. Quare ex hisce, satis (uti existimo) apparet, horum Israëlitarum patres (ut passim, in eodem libro Moysi, Deut. 1. 8. 11. 21. 35. & 4. 1. 31. 37. &c.) intelligi Patriarchas, imprimis Abrahamum, Isaacum, Jacobum. Deinde fœdus illud cum iis, non pepigisse, secundum quid, ratione partis: quod videlicet, quamvis legem charitatis iis imperasset, mandatum tamen de Sabbato, & ceremoniis, eo comprehensis, non dedisset; sed posteris ipsorum Israëlitis, quos alloquitur Moyses.

52. In quo, quarto argumento, præluxit nobis, *Ensebius*, De demonstratione Evangelica, lib. 1. cap. 6. Idcirco (inquit) illi testimonium exhibetur, quod praecepta, & mandata, & ceremonias, & quæ in legibus posita sunt Dei, ante Moysi constitutionem, servaverit. Dicit igitur, ad Isaac, is qui oracula illa reddebat Deus; Et dabo semini tuo omnem terram hanc: & benedicentur, in semine tuo, omnes gentes terræ, eo quod obedieris Abrahamus pater tuus, voci meæ, & custodieris praecepta & mandata mea, & ceremonias meas, & quæ in legibus meis posita sunt (Gen. 26. 4. 5.) Erant enim, etiam ante Moysi Legem, mandata Dei alia, & ceremonia, non similia iis, quæ, à Moysi tradita sunt: legesque alia ac praecepta Domini, per quæ illi iustitiam adepti sunt. Porro quod non eadem essent, cum iis, quæ per Moysen, in legibus posita sunt, Moyses ipse perspicue demonstrat, ubi ait ad populum; Audi Israël justificationes & iudicia, quacunque ego loquor, in auribus vestris in die hac: & discetis ea & servabitis, ut ea faciatis. Dominus Deus noster condidit vobis, in Choreb Testamentum: NEUTIQVAM PATRIBUS VESTRIS condidit Dominus Testamentum hoc, sed vobis. Et sanè spectata, ut planè dicit Testamentum HOC: propterea quod non idem illud patribus eorum constituit. Quod si absolute non datum esse, patribus eorum, Testamentum, dixisset, in mendacium sanè illi recidisset oratio. Datum est igitur Abrahami Testamentum, datum est etiam Noæ, sicut sacra testantur oracula. Atque idcirco cum adjunctione dixit, non HOC datum esse patribus eorum.

53. Quintum porro argumentum est; Si septimi diei quies, omnibus, ab origine mundi, hominibus fuisset instituta, non autem solis Israëlitis, tempore Moysi, Deus non solos Israëlitas, ob neglectum illius, sed etiam Gentiles (alicubi saltem) eadem de causa, reprehendisset. Atqui Deus solos Israëlitas, frequentissimè, ob Sabbatum violatum, reprehendit: Gentiles verò nusquam. Ergo septimi diei quies, omnibus, ab origine mundi, hominibus non est instituta.

54. Propositio inde patet: quod reliquorum omnium præceptorum (excepto quarto, de quiete diei septimi observanda) violatio, in Gentilibus, non minus, quàm in Israëlitis reprehenditur passim, & gravissimæ poenæ, eo nomine, infligitur, aut infligendæ, denuntiantur: ut Israëlitis redderentur cautiore, & ab imitatione eorum, averterentur.

55. Ac propterea, si Sabbati quies, iis fuisset etiam instituta atque observanda, neglectum illius & poenam, Sacrae Literæ similiter, alicubi saltem, expressissent: quum ne derisionem quidem Sabbati, à Judæis observati, reticuerint. Quo pertinet illud Lamentationum Jeremiæ cap. 1. v. 7. *Viderunt eam hostes, & deriserunt Sabbata ejus*: ut Hieronymus rectè vertit: & Calvinus consentaneè exponit.

Zzzz 2

56. Quo



56. Quo etiam pertinet, illud Theodoret, Ezech. 20. *Rursus hic quoque, Sabbathorum mentionem fecit, neque ea, cum aliis, justificationibus conjunxit, &c. Neque enim hac, ut illa, vitam conciliant, sed quendam peculiarem, reipublica administranda, characterem, continent. Illud enim, non machaberis, non occides, non furaberis, & alia, cum his conjuncta, alios quoque homines natura Lex edocuit: at Sabbathi observandi, non natura, magistra: sed latio legis. In aliis igitur, cum aliis, communione juncti: in observatione Sabbathi, propriam quandam videbantur habere rempublicam.*

57. Atque hæc sunt argumenta, quibus comprobatur, institutionis Sabbathi originem, non à mundi primordio: sed à Mosis tempore, arcessendam. Quod verò, recentiorum theologorum, testimonia non pauca, ab adversæ sententiæ fautoribus, proferuntur, ea, consensionem quidem aliquam, ostendunt: sed rationibus solidis, fuisse persuasos ac certos, minimè demonstratur. Præsertim, quum eorum antesignani, non ut certam veritatem, sed tanquam probabilem duntaxat opinionem, protulisse appareat: ut ex sequentibus, Calvini, Hieronymi, Zanchii, Josia Simleri, & Cornelii Bertrami, exemplis conspicitur.

58. Primò enim, Johannes Calvinus ad Exod. 16. INCERTUM EST (inquit) an quies, jam antea à Patribus observata sit: quod PROBABILE VIDETUR: de quo tamen PUGNARE NOLIM.

59. Deinde Hieronymus Zanchius, De redemptione, libro primo, ad quartum decalogi præceptum, de Sabbatho ait; *Quomodo autem sanctificavit? Non solum decreto & voluntate: sed re ipsa: quia illum diem (ut non pauci volunt, & PROBABILE EST) mandavit primis hominibus observandum.* Et paulò post, contra Sabbatharios: *Quod verò ajunt, Patres, ante Legem, sanctificasse septimum diem, quanquam HOC NON FACILE ET APERTE DEMONSTRARI POTEST è Sacris Literis (sicut & Tertullianus, in libro adversus Judæos, contendit) ego tamen, non contradixerim.*

60. Tertiò, Josias Simlerus, in Exod. 16. *Quando autem (inquit) Israëlitis data sit Lex Sabbathi, non exprimitur: VERISIMILE EST, per Patres datam, ac antiquissimam fuisse Sabbathi observationem, sicut sacrificiorum.* Et ad Exod. 20. ait, *Deinde, quod sumunt, in Minore, sanctificatum septimum diem, statim mundo condito, VERUM EST: sed AMBIGITUR, an propterea, Sabbathum observarint. Et id negat Tertullianus, & Judæorum QUIDAM RABBINI in expositione minori in Genesin arbitrantur, Abrahamum non coluisse Sabbathum: sed ut ceteris diebus, operaficisse. An verò illis sit habenda fides, PENES LECTOREM ESTO.*

61. Denique Cornelius Bertramus, De politia Judaica, cap. 2. similiter dubiè ait: *Iam inde ab orbe condito præstitutus VIDETUR dies septimus, seu Sabbathi, frequentandis cætib, sacraque quieti. Ex quibus illustrium auctorum, qui objectantur, sententiis, quid de reliquis etiam sit æstimandum, non obscurè apparet.*

62. Quia verò Patres quosdam sententiæ suæ, de primæva Sabbathi origine, duces proferunt: ut examen omittamus, age complurium ac præstantium Patrum, ac primùm antiquissimorum testimonia, opponamus.

63. Primus, inter eos, est Iustinus Martyr, qui in Dialogo cum Tryphone Judæo, edit. Comel. p. 186. sic ait: *Quid si ista, ad hunc modum, non fuerimus professi, eveniet nobis, ut in absurdas incidamus cogitationes: quod non idem Deus, temporibus Enoch & aliorum, fuerit: quod neque circumcissionem in carne habentes, NEQUE SABBATUM SERVAVUNT, neque alia insuper quæ Moses fieri mandavit. Et paulò post: Si namque, ante Abrahamum, non fuit USUS circumcissionis: NEQUE ANTE MOSEM CELEBRATIONIS SABBATI, & feriarum, & oblationum: neque nunc quidem, post Filium Dei Iesum (Christum).*

64. Alter est Irenæus, adversus hæreses libro 4. c. 30. Ipse Abraham, sine circumcissione, & SINE OBSERVATIONE SABBATORUM, credidit Deo, & reputatum est illi, ad justitiam. Et post pauca: *Sed & reliqua autem multitudo eorum, qui ante Abrahamum fuerunt justii, & eo-*

*rum Patriarcharum, qui ante Moysen fuerunt, sine his quæ prædicta sunt, & sine lege Moyse, justificabantur.*

65. Tertius succedit Tertullianus, libro adversus Judæos cap. 2. *Igitur quum neque circumcissum, NEQUE SABBATIZANTEM Deus ADAM instituerit, consequenter quoque sobolem ejus ABEL, offerentem sibi sacrificia, incircumcissum, NEC SABBATIZANTEM, laudavit. Item, NOE quoque incircumcissum Deus, sed & NON SABBATIZANTEM, de diluvio liberavit. Nam & ENOCH justissimum, non circumcissum, NEC SABBATIZANTEM, de hoc mundo transtulit: qui necdum mortem gustavit, ut æternitatis candidatus, jam nobis ostenderet, nos quoque, sine legis onere Moyse, Deo posse placere. MELCHISEDECH quoque, summi Dei sacerdos, incircumcissus & NON SABBATIZANS, ad sacerdotium Dei electus est. Item, Sed ABRAHAM inquit, circumcissus est. Sed ante, Deo placuit, quàm circumcideretur, NEC TAMEN SABBATIZAVIT.*

66. Idem cap. 4. Denique DOCEANT (sicuti jam prælocuti sumus) ADAM SABBATIZASSE: aut ABEL, hostiam Deo sanctam offerentem, SABBATI RELIGIONE placuisse: aut ENOCH translatus, SABBATI cultorem fuisse: aut NOE, arca fabricatorem, propter diluvium imminens, SABBATUM observasse: aut ABRAHAM in OBSERVATIONE SABBATI, Isaac, filium suum, obtulisse: aut MELCHISEDECH, in suo sacerdotio, LEGEM SABBATI ACCEPISSE.

67. Denique Sabbathi primordium, Mosis demum tempore, extitisse, idem attestatur, contra Marcionem lib. 4. cap. 12. *Meminerat & ille, hoc privilegium dignatum Sabbatho, à primordio, quo dies ipse compertus est, veniam jejunii dico. Quum enim prohibuisset creator, in bidden legi manna solummodo permisit, in parasceve, ut Sabbathi sequentis ferias, pridianæ pabuli paratura, jejuniis liberaret.*

68. Unde perspicuum est, hæc, non de modo Sabbathizandi Judæorum (ut objicitur) sed de Sabbathi institutione: nec de neglectu hujus diei, propter memoriam ejus, inter multos oblitteratam, sed de absoluta Sabbathi, nondum traditi, ignorance, intelligenda: ut omittam, quod id, cum ipsorum hypothese, de notitia & celebritate Sabbathi, apud Israëlitas repugnat.

69. Quartus est Eusebius, de demonstratione Evangelica lib. 1. cap. 6. qui similia tradit. *Etenim, inquit, protinus MELCHISEDEC inducit Moses, sacerdotem Dei altissimi: qui neque corpore erat circumcissus, neque unguento comparato, ex Lege Moyse, delibutus, NEQUE QUID SABBATUM esset illo modo EDOCTUS. Et talem fuisse Noachum, Enochum, Abrahamum, indicat: ac postea sic ait: Sed quidnam de beatissimo Job, de illo, inquam, vero homine illo inculpabili, justo JOB dicemus? Quæ tandem illi, summa illius pietatis & justitiæ, causa extitit, nunquid præcepta Moisaica? minimè. NUM DIEI SABBATI, aut alterius cuiuspiam Judaici ritus, OBSERVATIO? Unde illi hoc, qui & etate ipsum Moysen antecedit, & ante leges, ab illo positas, est natus?*

70. Quintus testis, est Iohannes Damascenus, Orthodoxæ fidei lib. 4. cap. 24. *Cujus sententiam, ob accurationem illius, paulò altius deducemus. Septimus, inquit, dies, Sabbathum vocatus est: significat autem, requietem. In ea enim, quiescit Deus, ab omnibus operibus suis: ut divina ait Scriptura. Et idcirco, usque ad septem, numerus dierum procedens, in orbem redit, & à prima incipit. Hic numerus, honorabilis apud Judæos: quod Deus præceperit, honorare ipsum: non utique, sed cum gravissimis transgressionis pœnis. Non simpliciter autem hoc præcepit, sed propter quasdam causas, mysticè & spiritualiter, & contemplatoribus intellectas. Et quantum ego indoctus cognovi (ut ab infirmioribus & crassioribus incipiam) sciens Deus populi Israëliti crassitiem, carnis amorem, & omnino, ad materiam, proclivitatem, simulque judicii defectum, primum quidem, ut servus & jumentum requiescat: sicut scriptum est; Quia & vir justus, miseretur animarum jumentorum suorum: simul autem, ut à distractione circa materiam, vacantes, ad Deum adducerentur, in Psalmis, hymnis & canticis spiritualibus: & meditatione divinarum rerum, universum septimum diem consumentes, & in Deo requiescentes (c. præcepit.) Quum enim Lex non esset, nec scriptura, divinitus inspirata, neque SABBATUM DEO*

DEO SACRABATUR. At quando Scriptura divinitus inspirata, PER MOSEM data est, SACRATUM EST DEO SABBATUM, ut circa illius meditationem, in ipso exercerentur, qui, non totam vitam, Deo consecrabant.

71. Sextus est Procopius Gazæus, ad Genes. 2. Reliquos, (inquit, de diebus) honoravit operibus, quæ, in iis, eveniunt. Verum septimum voluit esse documentum, universitatis, in eo esse consummatam. Etenim sanctificavit, id est, separavit eum, à reliquis, ut illius esset signum & monumentum. Quemadmodum festos dies appellamus sanctos, qui contineant memoriam, beneficii alicujus singularis, à Deo nobis dati, sicut & illud, Sanctificate jejunium, id est, separate & ordinate jejunandi tempus: ITA JUDÆIS IMPERAVIT supremum Numen, ut segregarent à ceteris diebus, diem septimum, eumque destinarerent cultui divino: ut, si oblivio Deserte obreperet, tamen in vitis tandem, ex ipso die, quo quietem capiunt, in memoriam revocetur & redigatur is, qui omnia fecit, & die septimo requievit.

72. Septimus est Beda, qui, ad Lucæ cap. 6. ait; Volens intimare Sabbati legalis observantiam, cessare ultra debere, & NATURALIS SABBATI LIBERTATEM (QUÆ, AD MOSIS USQUE TEMPORA, CÆTERORUM DIERUM SIMILIS ERAT) oportere restitui.

73. Octavus est Euthymius, qui in Orthodoxæ fidei pænoplia, quam Alexii imperatoris jussu, ex Orthodoxis ac probatis maximè Patrum sententiis, concinnavit, Damasceni, de Sabbato, explicationem (cujus partem bonam, ante adduximus) cap. 30. integram reposuit: atque ita approbavit.

74. Quibus Patrum testimoniis accedit antiquissimi ac doctissimi scriptoris Hebræi, Flavii Josephi, Antiquitatum lib. 1. cap. 3. consensus: ut ex testimonio illius, quod capite quarto, aphorismo septimo, produximus, elucet.

75. Huc accedunt veteres quidam Hebræi in Genesi minori, ut supra aphorismo 60. Simlerum attestari, ostendimus, qui Abrahamum, non coluisse Sabbatum, arbitrantur.

76. Deinde succedit Rabbi Salomo Jarchi, qui ad Gen. 2. ait; Benedixit ei, in manna: quia omnibus diebus septimana, descendit iis Homer, pro singulis; & sexto, panis duplex. Et sanctificavit eum, in manna, quoniam non descendit omnino. Et Scriptura loquitur, de re futura. Unde liquet, ab ipso, ea Genes. 2. verba, ad historiam referri, quæ describitur Exod. 16. non autem, ad creationis absolutæ tempus; cujus ratione, futurum vocat: quum aliàs, Moysis scribentis ratione, jam esset præteritum.

77. Hosce omnes sequitur, eximius ille Theologus Volfgangus Musculus in locis communibus, in explicatione Decalogi, ad præceptum quartum, his verbis; Quare CONVINCERE NON POTEST, quod septima diei SABBATUM, ANTE HANC LEGEM, vel ante diluvium, ab Adamo, ad Noë usque, vel post diluvium, à Noë, ad Moysen usque; vel per Abrahamum, vel posteros ejus, SERVATUM FUERIT. Unde & quidam Hebræorum sentiant, non esse scriptum de Abrahamo, quod Sabbatum observavit.

78. Similiter, Franciscus Vatablus, de die Sabbato, Gen. 2. 3. ait; Sanctificavit diem Sabbati, hoc est, solennem ac sanctum, venerabilemque eum haberi voluit, capis tamen sanctus ac celebris haberi, DATA LEGE NON PRIUS.

79. Idemque docet vir eruditus ac disertus, Robertus Loëus Anglus, in Effigiatione veri Sabbatismi: multisque probare contendit.

80. Tostatum, ac similes, viros doctissimos, ejusdem sententiæ fautores, omitto: non, quia Pontificii (nam cum iis, nulla unquam Orthodoxis, hac de re, fuit contentio: nec omnes Pontificii, idem sentiunt) sed quòd, auctores memorati, abundè sufficiant. Nec enim testium numero; sed rationum pondere, veritas æstimanda.

81. Operæ pretium tamen existimo, si Benedicti Pererii, Jesuitæ quidem, sed viri doctissimi, de hac quæstione, sententiam, postremo loco subjiciam.

82. Sed quæstio est, inquit, an ex his verbis Moysis, intelligendum sit, Deum jam tunc, in exordio mundi, observationem Sabbati, præcepisse, qualem videlicet, post multa secula, sanxit lex Mosaica. Catharinus hoc ait, idque argumentatur, neque enim aliud esse, Sabbatum sanctificare, quàm ab omni labore & servili opere, diem illum vacuum facere, & cultui divino consecrare: eodem enim modo postea, per legem Moysis, diem Sabbati, sanctificatum esse, legimus.

83. Testatus autem hoc negat. Nam, quæ hic traduntur, de sanctificatione Sabbati dicta esse putat, per anticipationem, nec referenda ad primum illud, mundi nascentis, Sabbatum, aut ad primavos homines; sed ad statum & tempus legis Mosaica: quo nimirum tempore, hunc librum Moyses Judæis scripsit.

84. Non fuisse autem, in exordio mundi, indictam observationem Sabbati, multa probant argumenta. Principio, in statu innocentia, supervacaneum fuisset præscribere homini, unum aliquem diem, ad vacandum Deo & rebus divinis: tunc enim nihil futurum erat, quod hominem avocaret, à contemplatione, & cultu Dei: quin ad hoc, sponte sua, propensissimus fuisset homo: nec septimo duntaxat die, sed quotidie, & quidem, non semel, sese, ad meditandas tractandasque res divinas, dedidisset.

85. Deinde, præceptum, de vacando, à labore, & opere servili, supervacaneum fuisset, in statu illo, hominis felicissimo, in quo nihil erat quod homini laborem, molestiam, aut pœnam aliquam afferret.

86. Postea, si tum datum fuisset præceptum, observandi Sabbatum, profecto, cunctos mortales, obstrinxisset: datum enim esset, primo homini, & in eo, omnibus ejus posteris. Constat autem, nunquam fuisse, apud Gentiles, in more & instituto, observationem Sabbati: nec legimus, sanctos Patriarchas, diem Sabbati observasse.

87. Et verò si ab Adamo usque, perpetua fuisset, hujus præcepti, traditio, & saltem apud pios viros observatio, cum Moyses promulgando Legem, præceptum hoc indixit Judæis, haud dubiè, antiquitatem ejus, & religiosam observationem, apud eorum majores, commemorasset, quo facilis Judæorum animos inclinaret, ad hoc præceptum, promptè, studiosè, sanctèque custodiendum.

88. Præterea tradunt fere Patres, ac Theologi, Deum non aliud imposuisse Adæ præceptum, omnino positivum, nisi illud, de non edendo, fructu arboris scientiæ, boni & mali, &c. Deinde concludit hoc modo; Tostato, suffragatur Beda (in Hexaemeron) Nam sanctificationem Sabbati, quæ hic describitur, refert ad eam, quæ, per Legem Moysis, postea tradita est Judæis. Ego quoque assentior Tostato potius, quàm Catharino: hanc enim sententiam, Eusebio, in primo libro, historia Ecclesiastica, capite quarto, & Iustino, in Dialogo, quem cum Triphone habuit, nec non & Tertulliano, atque Cypriano, in suis libris, quos scripserunt, adversus Judæos, placuisse reperio. Hactenus Pererius: & quæstionis prima, quæ de Sabbati origine est, examen: quare superest, ut ad alteram transeamus.

## C A P. V.

## De Septimi diei cultu.

Secunda enim quæstio est, An unus, è septem hebdomadæ diebus, perpetuò in orbem recurrens, ad cultum Dei, necessariò, ex quarti præcepti vi ac sententia, sit observandus? Quidam affirmant: alii verò negant. Quorù judicio, ut subscribam lubens, hoc in primis me movet: quod nulla hactenus argumenta cõperi, quibus, assertio contraria, solidè demonstretur.

2. Quis enim non videat, quàm parum ista, inter se, cohæreant; præcepto quarto, Judæi jussi sunt, septimum, hoc est, ultimum, hebdomadæ diem, celebrare: Ergo propterea Christiani tenentur, ut unum aliquem, è septem, ad Dei cultum consecrent? Ut verò res ipsa sit illustrior, ea quæ obijciuntur argumenta, ordine expendemus.

Zzzz 3

Quo-

Quorum *unum*, ex præcepti verbis: *reliqua*, aliunde sunt deducta.

3. *Primum* enim est; Sex dies operi, lege sunt concessi: Ergò necessariò Christianis, uno aliquo, è septem diebus, ad cultum Dei, quiescendum. Verùm infirma est consequentia: quia diversa omnino est, Christianorum, & Israëlitarum, ratio. Quamvis enim hisce, sex dies, operi fuerint concessi: illud tamen non absolutè & in perpetuum; sed relatè tantum, ad septimum atque ultimum hebdomadæ diem, quieti destinatum (& post Christum, abolitum) spectat. Deinde factum illud est, non rei aliqua necessitate (ut Christianos etiam adstringeret) sed Dei, pædagogiam illam legis, veteri populo, ad tempus præscribentis, libertate, atque indulgentia. Potuisset enim plures, aut pauciores, quàm unicum hebdomadæ diem, quieti ac cultui suo, consecrare: & pauciores, vel plures, quàm sex, operi ipsorum, præscribere: sed populo querulo ac contumaci, & variis ceremoniis onulto, indulgens, sex humani operi concessit: unum verò tantum, divino cultui secrevit. Ex quo speciali jure, atque erga Israëlitas, sub pædagogia legis constitutos, indulgentia, quomodo, jus commune, & generalis ratio, rectè deducetur? Hæc ad primum.

4. *Secundum* deinde *argumentum*, ab absurdo (uti putant) consequente, addunt hujusmodi; Si, ex vi & analogia hujus præcepti, non rectè colligatur, unum diem, è septem divino cultui, consecrandum: tum nullus certus, ex ullo præcepto divino, dierum numerus, aut cultus, limitari poterit: quum nullius alterius numeri, ullibi, in ullo alio præcepto, fiat mentio. Sed quid, obsecro, hac in re, est incommodi? Quamvis enim, certus aliquis dies, Christianæ Ecclesiæ, non sit præfinitus; cultus tamen publici, generativum, præcepto quarto, comprehensio ratio (ut supra declaravimus) postulat, ut non solum *certi dies* (ordinis, & cultus melioris, gratia) observentur, sed etiam *sufficientes*: ne cultus rarior sit, quàm recta Ecclesiæ institutio ac salus, & Dei gloria, requirunt. Quod autem Deus, non definiat, ejus ordinandi, non vagam licentiam; sed piam ac prudentem libertatem (ea, quam exposui, conditione) permittit. Ac propterea inferri non potest, quòd vel quinquagesimum, vel centesimum, vel etiam millesimum quemque, liceat eligere. Ecquis enim, diem hujusmodi, ad publicum Dei cultum sufficere, unquam censuerit?

5. *Sufficientes* autem, quinam sint dies; etiam ex præcepto, de Sabbato, colligi potest: videlicet, ut sint, aut non rariores, aut paulò frequentiores, quàm Israëlitarum Sabбата: ut Dei, in eo præcepto dando, indulgentia ostendit. Quum enim Israëlitis, duræ cervicis hominibus, ac graviflorum ac ceremoniarum aliarum, onere pressis, pro sua clementia, (ut antè monuimus) unum, è septem, suo cultui tantum vendicaret; quomodo rariores, apud Christianos, ab illo jugo atque onere liberos suffecerint? Frequentiores verò, eadem de causa, esse posse (exempli gratia, tertio, quarto, quinto, aut sexto quoque die) quis non videat? Quod enim, ob peculiatas causas, indulgenter ac remissius factum est, quin iis sublati, arctius etiam fieri queat, quis jure dubitet? Atque hæc ad *secundum*.

6. *Tertium* denique *argumentum*, ab Apostolorum & Ecclesiæ Apostolicæ exemplo, petitur est hujusmodi; Apostoli & Ecclesia Apostolica, loco Sabbati, primum septimanæ, nempe diem Dominicum, invariatiè observarunt. Ergo, ex vi præcepti, de septimo die sanctificando, unus, è se-

ptem, est ad cultum Dei observandus.

7. Verùm, neque Antecedens, est certum (ut postea distinctè ostendemus) neque firma consequentia. Nam licet, Ecclesiæ primitivæ consuetudine, unus, nempe primus, è septem diebus, Sabbati loco, sit observatus: illud tamen non necessitate præcepti, sed libertate prudenti, factum esse, paulò ante ostendimus. Quippe, aut unum, è septem, aut frequentiores dies, ad cultum Dei, licitum erat consecrare: *liberè* verò ac *prudenter*, proximum à Sabbato, delegerunt. *Libere* quidem; quia neutrum erat, lege Dei, certò definitum: *prudenter* verò; ut ita, minori mutatione, Judæos minus offenderent: & inprimis, ut hoc monumento libero, resurrectionis Christi memoriam, singulis hebdomadis, illustrarent.

8. Quare, quum neque lege naturæ, neque Scripturæ testimoniis, neque solidis inde deductis argumentis, demonstratur, unum è septem diebus, perpetuo recursu, ex vi præcepti quarti, ad cultum Dei, necessariò observandum, propterea sententiam hanc minus verisimilem esse concludimus.

9. Atque hinc factum est, ut non pauci theologi insignes, quum in quarti præcepti explicatione ceremoniale ac temporale, à morali ac perpetuo, distinxerunt, septimi diei circumstantiam, à morali se creverint: ut vel ex hisce (inter cætera) testimoniis, apparet.

10. Sic enim *Simlerus*, ad Exod. 20. Porro, inquit, hæc *septimi diei definitio*, res est *ceremonialis*, siue *faciamus figuram æterni Sabbati*, siue *symbolum creationis*. Quod dies una, cultui divino consecratur, ex lege natura est: quod autem hæc sit *septima*, non *octava*, aut *nona*, aut *decima*, est *juris divini*, sed *ceremonialis*. Idemque ad Exod. 36. v. 21. Mirum videtur, cur non licuerit Judæis, Sabbatum intermittere, tempore messis, necessitate id postulante nobis autem licet? Sed (ut in explicatione legis dictum est) longè arctior fuit observatio Sabbati, quàm ea, qua fit in Novo fœdere. Illi tenebantur ad exactam Sabbati observationem: quia pædagogia Mosaica strictim exigebatur: at nos non tenemur hujusmodi ceremoniis. Id autem, quod *SUBSTANTIALE* est, ut *CERTO TEMPORE* sacri cœtus habeantur, in quibus colatur Deus, id nos obstringit, in Novo Testamento.

11. Sic *Benedictus Aretius*, locis Commun. LV. loco, de Sabbato, *Christiani homines*, hoc (Sabbatum) *translata-* runt in diem *Dominicum*: Nam *temporaneum* sic fuit institutum, ut res semper maneret: temporis autem observatio mutaretur. *RES Sabbati*, erat *refectio virium*, & *exercitium pietatis*: illa manere debuerit. *TEMPUS* autem, hoc est, *UT SEPTIMO DIE* observetur, hoc non fuit necessarium, in Ecclesia Christi.

12. *D. Parvus* similiter, ad Rom. 14. dub. 4. Cujus, (inquit) *præcepti SPECIES* quidem, seu *circumstantia*, *DE SEPTIMO DIE SANCTIFICANDO*, in creationis memoriam, ceremonialis ac typica, cum *umbra* reliquis *abolita* est, Christi adventu: *GÉNUS* verò, *MORALE* est, ab initio mundi; ut videlicet aliquod Sabbatum servetur: hoc est, aliquod tempus tribuatur, concionibus, precibus, & liturgiis publicis. Ratio patet, ex fine præcepti perpetuo & necessario: qui est, publica Dei celebratio, seu conservatio & usus, ministeriis Ecclesiasticis. At publica Dei celebratio & sanctificatio, servari non potest, nisi statuta sint tempora, publicis Ecclesiæ congressibus, & quieti à laboribus servilibus, dicata.

## C A P. VI.

### De Dominici diei institutione atque origine.

1. Cæterum, ut responsionis, ad tertium argumentum, callatæ veritas, illustretur ac confirmetur amplius; paucis, de *Dominici diei institutione* atque *origine*, differemus. Quidam enim eum certò ab Apostolis, in locum Sabbati ad cultum Dei institutum affirmant: alii verò hoc certum esse negant. Quorum verisimilior sententia, inde apparet, quod contraria assertio, Sacrarum Literarum (quæ,

omnia cultus Dei præcepta, perfectè complectuntur) auctoritate, destituatur: ut ex sequenti examine, constabit. Quum enim in universum, tria tantum Scripturæ testimonia, ad Apostolicam Dominici diei institutionem, adferantur; nullum eorum, certitudinem illius rei, evincit.

2. *Primum* enim est Lucæ, Actor. 20. 7. *cō dñi τñ μὴ τῷ σάββατῳ, quum Discipulis convenissent ad frangendum panem.*

Sed

Sed inde, certò non probatur, diem Dominicum, ad cultum Dei, ab Apostolis institutum. Quod ut luculentius appareat, quædam de orationis hujus constructione & vocum usu, præmittenda.

3. Nam, (quod vulgò notissimum) in constructione, certa hic est ellipsis, τῇ μίᾳ, pro τῇ μίᾳ ἡμέρᾳ, ut Luc. 20. 1. ὡς μίᾳ τῇ ἡμέρᾳ, ut in similibus τῇ πρῶτῃ τῇ ἡμέρᾳ, Matth. 26. 17. pro quo, integrè Marc. 14. vers. 12. τῇ πρῶτῃ ἡμέρᾳ τῇ ἡμέρᾳ, ut Act. 16. 11. τῇ ἐπιπορεύῃ pro τῇ ἐπιπορεύῃ ἡμέρᾳ. & Matt. 28. 1. τῇ ἐπιπορεύῃ. Deinde est etiam enallage pluralis, pro singulari, consueta, ut cap. 1. ostendimus, in voce σαββάτων, pro σαββάτῳ, ut circumstantia hujus loci evincit.

4. Ad usum vocum, quod attinet, certum etiam est, primo μίᾳ accipi solere, vel propriè, vel impropiè. Propriè; ut unum notet: & quidem, vel absolutè, ut unus dies, 1. Cor. 10. 8. vel relatè, unum è pluribus, seu unum quendam, quendam: ut Luc. 5. 17. ὡς μίᾳ τῇ ἡμέρᾳ, uno die, ut Vulgata versio ad verbum reddit: id est, quodam die: ut rectè alii interpretantur. Deinde, per catachresin Hebraicam, unus, pro primo usurpatur: ut Joh. 20. v. 1. μίᾳ τῇ σαββάτῳ primo Sabbati.

5. Ad vocem verò Sabbati, quod attinet, certum est, & cap. 1. à nobis perspicuè probatum, inter cætera, diem septimum septimanæ: aut septimanam, denotare. Quibus jam præmissis, consequentiæ indicata infirmitas, clarius elucebit.

6. Nam Lucas Act. 20. loquitur, de uno Sabbati die: Conclusio, die primo die septimanæ. Neque consequens est, si una Sabbati, in historia resurrectionis, Luc. 24. 1. impropria locutione, de prima hebdomadis, rectè exponatur: idem hic fieri oportere. Quia alia est prorsus ratio. Nam hanc interpretationem (qua, à propria significatione vocum receditur) historię resurrectionis veritas, necessariò exigit: quia Christus, non die Sabbati, sed primo hebdomadis, resurrexit. Hic verò Act. 20. nulla ratio necessaria adferri potest, cur impropriam illam vocum, unius, pro primo: & Sabbati, pro hebdomade, significationem, admittere oporteat.

7. Dici verò septimo optimè convenit, sive voces, sive rem ipsam, consideremus. Ideoque minus recta est quorundam licentia, qui *Primo autem die hebdomadis*, hoc in loco transferentes, latiore vocum significationem, permutatione paraphrastica, minimè necessaria, opinioni suæ servientes, in angustias redegerunt.

8. Nec enim uno tantum modo, vox unus (ut ab adversa parte factum) accipi potest, sed tribus. Ac primus est, qui, ab eruditissimis, quibusdam theologis, adfertur: ut unum aliquem, seu quendam, notet. Atque ita interpretatus est Erasmus; *Uno autem die Sabbatorum*: & in Paraphrasi sua exponit; *Quodam die Sabbatorum*. Et Conradus Pellicanus theologus Tigurinus, in suis ad hunc locum, commentariis ait: *Una autem Sabbati* *Quodam die Sabbatorum*. Hos secutus Calvinus, ad eum locum sic ait: *Uno autem die* *vel primum diem hebdomadis*; *proximum Sabbato intelligit*, *vel unum quodpiam Sabbatum*. *Quod posterius mihi videtur magis probabile*. Nam dies ille, ad conventum habendum, ex more, aptior fuit. Denique Henricus Bullingerus, commentariis in Act. 20. ait; *Uno autem die Sabbatorum*, &c. *Ad disciplinam Ecclesiasticam pertinet, quod Sabbatorum die conveniunt, quod predicationem audiunt, & panem frangunt*. *Videntur autem hac Dominica die esse gesta, & una Sabbatorum* (ut & Evangelica historia & 1. Cor. 16.) *positum esse, pro prima*. Quibus satis ostendit, bifariam hunc locum, exponi posse, & id quod probat, non esse rem certam, sed probabilem videri.

9. Verum, adversus hanc primam expositionem, tria opponuntur impedimenta. Quorum primum est, quod adjunctus articulus declaret, hanc particulam τῇ μίᾳ, indefinitè accipi non posse, pro quodam die; sed definitè. Verum hoc non est perpetuum: quia articulus ille, interdum redundat: ut Beza, qui primus videtur hoc argumentum, Act. 20. 7. proposuisse, ipsemet, in Annotationibus ad Roman. 5. 15. dissolvit, quum ad ista verba, ὡς πολλοὶ πολλοί, ait; *Redundat autem articulus ὡς, ut 1. Cor. 9. 19. & 2. Cor. 2. 6. & 9. 2.*

10. Alterum ejusdem argumentum est, quod μίᾳ σαββάτῳ, pro σαββάτῳ τῷ (uno Sabbatorum, pro quodam Sabbato) nusquam inveniat. Sed & illud, ab eodem, reipsa diluitur: ut qui Luc. 5. 17. & 8. 22. & 20. 1. ὡς μίᾳ ἡμέρᾳ quodam die, rectè interpretatur. Nam vocis σαββάτῳ mutatio, nihil omnino, de vocis μίᾳ significatione, immutat. Quocirca, qui hunc auctorem, in priori argumento sequuntur, prudenter hanc rationem prætereunt. Quare, quod ille concludit; *Primus itaque dies hebdomadis, hic omnino intelligitur is, quem Dominicum vocamus*, everfis jam duobus illis, quibus innititur, rationibus, perstare non potest. Ideoque non est, cur opposita, gravissimi viri, sententia, hac in re moveamur: quum argumentis illius, pondus deesse, ex hisce constet.

11. Tertium denique, quod objicitur, est, quod res ipsa hanc expositionem non ferat. Quum enim Paulus, septem tantum dies, Troade commoratus sit, Act. 20. 6. rectè dici non posse quòd quodam die Sabbati, disseruerit. Verum, neque ea consequentia, est necessaria. Nam licet initio, unus, id est quidam, dies, indefinitè dicatur, additione tamen vocis Sabbati, & discessus Pauli mentione, definitur. Quid ni enim sensus esse possit; *Quodam die* (nempe ex illis septem, quorum meminerat) *Sabbati*: hoc est (per Appositionem Grammaticam) qui Sabbatum fuit? Quotus vero fuerit dies, adventus Pauli, discessus descriptione, indicatur. Quum enim septem tantum dies Troade hæserit, & iis elapsis, discesserit, certum est, septimum fuisse diem. Quare tria ista, quæ objecta sunt argumenta: primum illum expositionis modum (quo unum, pro uno quopiam, seu quodam: & Sabbatum, pro septimo hebdomadis die, accipitur) nequaquam destruunt.

12. Veruntamen, præter eam Erasmi, Calvini, aliorumque insignium Theologorum, expositionem probabilem; alia præterea interpretationes, exceptionibus minus obnoxie, sese offerunt: licet vulgò (quantum quidem potui observare) intactæ.

13. Prima est, ut vox μίᾳ absolutè, & articulus τῇ definitè accipiatur. Nempe; Uno illo (die) Sabbati. Quum enim septem tantum, præsentis Pauli, fuerint dies: unus tantum, fuit Sabbatum, quo, Discipuli convenisse, & Paulus discessisse, dicitur: pridie scilicet discessus.

14. Altera est, si unus, pro primò, usurpetur. Ac sensus erit; Primo illo die Sabbati (seu Sabbato, per Appositionem) qui scilicet, in septem illis diebus, mansionis Pauli, occurrit. Atque ita cognoscitur Paulum, primo hebdomadis venisse, & postquam septimo die, nempe Sabbati, docuisset, primo rursus hebdomadis discessisse. Quid quæso hic est, aut in verbis, aut in re, quod minus accuratè consentiat?

15. Huc accedit, quod nulla in Actis, à capite ad calcem, appareant cultus Dei, à Sabbato, in primum hebdomadæ, translati vestigia. Sabbatis verò ordinariè ac peculiariter, convenisse Apostolos atque Ecclesiam, historia Actorum demonstrat: ideoque non est mirum, si hunc etiam locum, servata propria vocis Sabbati significatione, reliquis omnibus consentaneè, exponamus.

16. Qua de re memorabilis est, celebrium illorum quatuor theologorum, consensus, Centuria Ecclesiastica prima, libro 2. cap. 6. Apostoli, inquiunt, & alii Christiani, ut aliis rebus adiaphoris, ita etiam festis, libere uti sunt, juxta regulam, Col. 2. Nemo vos judicet, in cibo, aut potu, aut in parte diei festi, aut Novilunii, aut Sabbatorum. Unde diei Sabbati observati, etiam à Paulo, & aliis, passim in Actis, fit mentio. Nam Act. 13. Paulus & Barnabas, ingressi in synagogam, die Sabbatorum, dicuntur. Ibidem gentes rogant, ut sequenti Sabbato, sibi loquerentur sermonem. Et Paulus & Silas, die Sabbatorum, egressi sunt civitatem ad flumen, Act. 16. & Thessalonica, per tria Sabbata disseruit Paulus (Act. 17.) Et fratres uno Sabbatorum, ad frangendum panem convenisse, dicuntur, Act. 20. Quare jam satis liquere existimo, hunc locum Act. 20. diei Domini ab Apostolis institutionem, minimè demonstrare.

17. Veruntamen, ut eò abundantius, veritas innotescat, age,



age, quid si hoc loco, *uno Sabbatorum*, primum hebdomadæ necessariò denotaret, an propterea hunc diem, peculiari-ter, ad cultum Dei, in Sabbati locum, ab Apostolis institutum, necessariò consequetur? Minimè verò. Primum enim, quum fractio panis, alia sit communis, Actor. 27. vers. 35. alia religiosa ac sacra, in Cœnæ Dominicæ administratione, Actor. 2. vers. 42. Quid obsecro vetat, quominus hic, non de sacra, sed communi fidelium Cœna, intelligamus? Certum enim est, in Ecclesia Apostolica, communionis & dilectionis mutux gratia, Cœnas hujusmodi fuisse usitatas: quæ propterea *ἀγάπη* dictæ. Sicut in Epist. Judæ versu 12. *Hi sunt macularum instar, in Agapis vestris, dum vobiscum convivuntur, absque ullius metu, sese pascentes.*

18. Et sanè, Paulum videmus, ad mediam noctem, diffusus sui occasione, vers. 7. differuisse jejunum, ac tum demum panem fregisse ac gustasse, & ad auroram cum Discipulis collocutum, vers. 11. Quæ Agapæ ac viatorix ipsius Cœnæ, probè conveniunt. Huc spectat illa Cajetani ad hunc locum sententia: *Ad frangendum panem* Incertum est, an de pane sacramentali, an de pane communi, sit sermo. *Dies Dominicus innuit, quòd de Sacramento, est sermo: verumtamen quia paulò inferius, panis communis, eisdem verbis, significatur (discendo; frangensque panem & gustans) ambiguitas nonnulla oritur.*

19. Denique etiamsi dies illè fuisset, hebdomadis primus, & Cœna Domini intelligeretur, an propterea sequitur necessariò, diem illum ordinariè, ad Dei cultum, in Sabbati locum, ab Apostolis substitutum, atque observatum? Atqui quum Paulus, otium non ageret, sed Euangelio prædicando, ubi collecta erat fidelium Ecclesia, quotidie docuerit, ut Actor. 19. vers. 9. an negligentior fuisse, septem illis diebus Troade, statuimus? aut qua ratione, tantum sacro quietis die, Cœnam Domini celebratam, probabitur? Nonne & Ecclesia Hierosolymitana quotidie, eam celebrasse, fertur, Actor. 2. vers. 42. cum 46. Ac nonne posteris etiam temporibus, idem, in multis Ecclesiis, observatum?

20. Qua de re *Augustinus*, epistola 118. ad *Januarium*, cap. 2. *Alii quotidie communicant corpori & sanguini Domini, alii certis diebus accipiunt: alibi dies nullus intermittitur, quo non offeratur: alibi Sabbato tantum, & Dominico: & si quid aliud hujusmodi, animadverti potest, totum hoc genus rerum, liberas habet observationes.* Et *Socrates*, historix Ecclesiasticæ lib. 5. cap. 21. Porro, inquit, de synaxi, varia consuetudines sunt. *Nam quanquam omnes, ubique in orbe terrarum, singulis septimanis versentibus, die Sabbati, mysteria celebrant; Alexandrini tamen, & Romani, ex antiqua consuetudine, istud facere renuunt.* Eademque, *Socratem* secutus *Sozomenus*, historix Eccles. lib. 7. cap. 19. & *Nicephorus* (*Socratis*, hac etiam in re, compiler) Eccl. hist. lib. 12. cap. 34. tradiderunt.

21. Quare in quamcunque partem, locus Act. 20. vertatur, inde tamen, ea, quæ obtenditur, Dominici Diei, ab Apostolis, institutio, nullo modo demonstratur. Quemadmodum neque ex reliquis.

22. Secundus enim extat 1. Corinth. 16. 1. & 2. Porro de collecta, in sanctos, quemadmodum ordinavi (*διότα*) Ecclesiis Galatia, ita & vos facite. Primo quoque (die) hebdomadis unusquisque vestrum, apud se reponat, recondens, quod pro Dei benignitate licuerit: ne quum venero, tum collecta fiant. Ergo dies primus septimanæ, ab Apostolo, Sabbatis est substitutus, & Ecclesiis commendatus. Verum neque antecedens certum, neque consequentia firma.

23. Antecedens non est certum, quia verba illa *ἡ μίαν σάββαν* non pro vocum amplitudine, sed pro interpretis opinione, angustius, citraque ullam necessitatem, minus rectè restringuntur. Quod idem vitium, Actor. 20. commissum esse, ex supra dictis constat.

24. Nam præter illam interpretationem, quæ in Antecedenti objectionem ponitur, nempe, *Primo quoque die hebdomadis*: alia, pro varia vocum significatione, & quidem aptiores, à doctissimis quibusdam theologis proponuntur.

Quarum prima est, ut *ἡ μίαν σάββαν* sumatur pro *in*, ut Matt. 1. 20. *ἡ μίαν σάββαν* in somno: ac *ἡ μίαν σάββαν*, in uno quopiam septimanæ cuiusque: ut Luc. 18. v. 12. *jejunio, bis in Sabbato*: nempe unoquoque. Atque ita exponit *Nicolaus Hemmingius*, in commentariis suis; *In uno* (inquit) *Sabbatorum & c. modum, seponenda elemosyna, exponit. Vult, ut quilibet, certum diem, in septimana, constituat: in quo, apud se seponat, quod irrogaturus est, in pauperes.*

25. Altera est, ut vox *ἡ μίαν σάββαν*, distributivè intelligatur: ut *ἡ μίαν σάββαν* pro *ἡ μίαν σάββαν* usitatum est: & *ἡ μίαν σάββαν* Heb. 7. 27. pro *ἡ μίαν σάββαν* unoquoque die, Hebr. 13. 3. sic *ἡ μίαν σάββαν* unoquoque (die) Sabbati: seu singulis Sabbatis. In quam sententiam (præmissa alia minus apta) propendit *Calvinus* ad 1. Corinth. 16. Particulam (inquit) hanc *ἡ μίαν σάββαν* exponit *Chrysostomus*; *Primo Sabbati: cui ego non assentior. Potius enim significat Paulus, ut conferat hic, uno Sabbato; alius, alio: aut etiam, singuli unoquoque Sabbato.* Et institutionum lib. 2. cap. 8. Numer. 33. idem ait; *Siquidem in Ecclesiis ab eo institutis, Sabbatum in hunc usum retinebatur. Illum enim diem præscribit Corinthiis, quo symbola, ad sublevandos Hierosolymitanos fratres, colligantur.*

26. Sic *Victorinus Strigelius*, Hypomnematis in 1. Cor. 16. ait, in una, *ἡ μίαν σάββαν*, id est, singulis Sabbatis, *Euclides* in prima definitione lib. 6. *ὅμοιαι γὰρ αἱ διχομήται ἐν τῷ αὐτῷ γωνίᾳ ἔχουσιν ἴσην ἡμίσυα.* Id est, figura rectarum linearum similes ea sunt, quæ angulos singulos (singulis) æquales habent. Similiter *Agid. Hunnius*, ad eundem locum; *In una Sabbatorum* Rationem & modum ostendit, faciendæ collectæ, jubens quemque, de suis pecuniis, in usum fratrum, tantum erogare, quantum cuique videatur; idque in communem fiscum recondere. Quod vult fieri, diebus Sabbatorum.

27. Denique *Benedictus Aretius*, in commentariis ad eandem sententiam Pauli ait; Sunt qui, *ἡ μίαν σάββαν*, vertunt, per singula Sabbata. *Nec malus est sensus: quum certum sit, Ecclesiam Christi, diu mores illos Judaicos observasse. Sed est aliter quoque sensus, quo *μίαν*, pro *ἑκαστῇ* explicatur. Quare ex hisce abundè constare potest, Antecedens objecti enthymematis non esse certum: imo alias interpretationes, magis idoneas: ideoque sententiam consequentem, quæ illi probandæ adfertur, ex eo minimè comminari.*

28. Deinde consequentia quoque (seu consequentis, cum Antecedente, connexio) infirma est. Nam quamvis Antecedens esset verum, & primus hebdomadæ dies, intelligeretur; ex eo tamen, non necessariò sequeretur, diem illum ad cultum Dei, ab Apostolis institutum.

29. Primò, quia hoc Pauli statutum, non universale est, (quasi omnibus Christianis, omnique tempore, esset præscriptum) sed particulare: nec ad Judæos, sed ad Gentiles, & quidem illius tantum temporis: neque enim ad omnes illos, sed ad Corinthios, communi cum Galatis ratione, pertinens. Nam Antiocheni, ea in collecta, ultro officium fecerant: ut Actor. 11. 29, 30. asseritur; *Singuli autem discipulorum, καθὼς ἕκαστος πρὸς τὸν κύριον, prout cuique suppetebat* (cum quo convenit illud, *ὅ, πὶ ἑκάστῳ*, 1. Corinth. 16. quod vero quidem sensu, ut Deut. 16. 17. sed laxiore paraphrasi, in objectionem proposita, verum) decreverunt subsidio mittere fratribus habitantibus in Judæa. Quod & fecerunt, mittentes ad Seniores, per manum Barnabæ & Pauli.

30. Secundò consequentia etiam idcirco infirma est, quia res, ab Apostolo, hic statuta, non ad quartum Decalogi præceptum, ac publicum Dei cultum; sed ad octavum, & charitatis fraternæ, in pauperibus, facultatum communicatione, sublevandis, officium spectat. Unde ad Ephesios cap. 4. vers. 28. ita furto opponitur; *Qui furabatur, non amplius furetur, sed potius laboret, operando manibus, quod bonum sit, ut possit impertiri, cui opus fuerit.*

31. Et huic elemosynæ commodè colligendæ, non religionem, sed ordinem tantum, præscribit Apostolus: ut unusquisque, statuto illo hebdomadis die, pro facultatum acceptarum ratione, paulatim aliquid reponat: & quidem non publicè, in Ecclesiæ conventu (ut nonnulli opinantur) sed privatim in ædibus suis. Quia versu 2. ait; *Reponat apud se, & recondat.* Quæ verba *Chrysostomus* rectè considerans ait; *Non dixit, ferat in Ecclesiam, ne propter paucitatem erube-*

*erubescant: sed quum, collectionibus, quæ paulatim fiunt, au-  
xeris collationem, quum accessero, tunc ostendet. Interim, in-  
quit, apud se reponere, & domum tuam, fac Ecclesiam: arcu-  
lam, gaophylacium.* Hæcille: unde satis constat, hanc eleē-  
mosynam, prorsus differre ab ea, quæ in publico Ecclesiæ  
cœtu, ex amore & more perpetuo, confertur. Quare fru-  
stra hoc argumentum, objectatum: ac citius (ni fallor) a-  
quam è pumice, exprimere posse videaris, quàm solida ra-  
tificatione, ex his Apostoli verbis, diei Dominici, ad cul-  
tum Dei, institutio, concludatur.

32. Neque *tertium* ac postremum *argumentum* (licet pal-  
marium censeatur) quicquam evincit. Sic enim disputare  
solent, Apoc. 1. 10. dicit Johannes; *Fui spiritu correptus,  
die Dominico.* Ergo dies Dominicus; seu primus hebdoma-  
dis, ab Apostolis, ad cultum Dei, fuit institutus. Verùm in-  
firma est, multis de causis, consequentia.

33. *Primo*, quia certum non est (quod, quasi certum,  
statuitur) diem Dominicum, Apostolo denotare, diem re-  
surrectionis Domini: seu primum hebdomadæ: quum talis  
significatio, nusquam alibi, in Sacris Literis, occurrat. U-  
sus enim Scripturæ perpetuus est, ut dies Domini (qui, no-  
tissimo Hebraismo, nihil aliud est, quàm dies Dominicus)  
diem adventus, seu apparitionis Domini, significet.

34. Ut enim Amos 5. vers. 18. *Va desiderantibus diem Je-  
hovæ: quorsum vobis dies Iehovæ: quum sit tenebrarum,  
non autem lucis?* ut inquam, hoc loco, dies Jehovæ est,  
quo se patefecit, luce expectata, seu gratia ac beneficiis, vel  
tenebris seu pœnis: sic dies Domini, hoc est, Christi dies  
adventus & apparitionis exponitur, Malach. 3. vers. 1, 2. *Ve-  
niet* (inquit) *in templum suum Dominus &c.* Quis autem  
sustineat diem adventus ejus: aut quis consistat, quum appa-  
ruerit. Et Johan. 8. vers. 56. *Abraham gestivit, ut videret  
diem meum:* diem scilicet nativitatis: quo assumpto semine  
Abrahæ, Hebr. 2. vers. 16. patefactus est in carne, 1. Tim. 3.  
vers. 16. quæ, magni gaudii, materia, Luc. 2. vers. 10. Si quis  
verò hîc diem improprie, pro tempore accipere malit: vis  
eadem locutionis, nihilominus permanebit: tempus nem-  
pe, quo apparuit in carne, & miraculis Sic 1. Corinth. 5. 5.  
*Ut spiritus salvus sit, in die Domini:* quo scilicet apparebit,  
ad iudicium.

35. Ideoque mirandum non est, si qui, Scripturæ usum se-  
cuti, diem Dominicum, Apocal. 1. de die apparitionis Do-  
mini (aut in carne: ut dies natalis intelligatur: aut in specie,  
qua peculiari atque illustri visione, Johanni se patefecit, &  
futurum Ecclesiæ statum revelavit) interpretentur.

36. Nam quod à Beza in Annotationibus, ad hunc lo-  
cum, objicitur, (& secundæ expositioni opponi potest) *dies  
circumstantia pertinere solet, ad fidem narrationis faciendam,  
ut Ezech. 1. 1. & 8. 1.* verum quidem est, quando diei, men-  
sis, & anni, fit mentio, ut in prolatis Ezechielis sententiis:  
sed diei primi, è septem, expressio (qualem interpretantur)  
nihil, ad narrationis certitudinem, conducit. Neque etiam  
certa temporis distinctio, in Apocalypsi occurrit. Nam hoc  
loco ostenditur quomodo, die Dominico, seu apparitio-  
nis Domini, fuerit comparatus: nempe, quod spiritu fue-  
rit correptus: eoque non corporis, sed mentis oculis vide-  
rit: nec corporis aure, sed spiritus, dicta illius perceperit.  
Sic in sequentibus cap. 4. 1. & 5. 1. & 6. 1. &c. eodem sensu  
videndi voce (Prophetarum more) & omiſſa temporis cir-  
cumstantia, describit. Sin verò diem Domini natalem, in-  
telligamus, aliquanto expressior erit temporis circumstantia,  
quam si, primus hebdomadis, diceretur: licet, propter anni  
& mensis omissionem, esset imperfecta.

37. *Secundo* quamvis etiam dies dominicus, hoc in loco,  
diem resurrectionis Domini, denotaret, an inde necessariò  
statui posset, non annuum ac solennem resurrectionis Do-  
mini diem: sed primum hebdomadæ, intelligendum? Nam  
quòd ea quæ post Apostolos vixit Ecclesia, hanc phrasin,  
hoc sensu usurparit, illud interpretationi Johannis, legem  
non constituit. Quia appellationum, in usum diversum,  
commutationem accidere potuisse, & Paschatis, & Penteco-  
stes, nomina (quæ alio sensu, in scriptis Apostolorum: alio,  
in consecutæ Ecclesiæ scriptis, usurpantur) demonstrant.

38. Neque veterum quorundam testimonia certam fidem  
faciunt, quum diem Dominicum, ab Apostolis sacratum,  
tradunt: quia idem, de Paschatis festo, maxima contentio-  
ne ac superstitione, asseruerunt: ut, ex Socrate, in fine hu-  
jus scripti, constabit.

39. Ac sanè, si diei Dominici, pro die resurrectionis Do-  
mini, seu primo hebdomadis, appellatio, ab Apostolis pro-  
manasset, eaque in Ecclesia omnino fuisset recepta, an cre-  
dibile est, potuisse fieri, ut *Iustinus Martyr*, antiquissimus  
atque incorruptus scriptor, eâ (in accurata rituum illius de-  
scriptione) omiſſa, Solis diem, aut unam Sabbatorum, aut  
primam hebdomadis, tantummodo nominaret? Quemad-  
modum, in *Apologia*, pro Christianis, ait; *Solis autem die,  
communiter omnes conventum agimus: quandoquidem is pri-  
mus dies, quo Deus, tenebris & materia versis, mundum effe-  
cit, & Iesus Christus Servator noster, eo ipso die, à mortuis  
resurrexit. Prædie enim diei Saturni, ille in crucem actus est,  
& postredie ejusdem, qui scilicet Solis est dies, Apostolis &  
discipulis suis apparuit.* Sic, in *Dialogo cum Tryphone Iudeo*,  
ait; *Circumcisi sumus ab errore & pravitate, per eum, qui à  
mortuis resurrexit, una Sabbatorum die, Iesum Christum  
Dominum nostrum. Una enim Sabbatorum die, prima manens  
dierum omnium, juxta numerum, statim rursus dierum o-  
mnium, in circulum decursis, octava vocatur, & prima, sic-  
ut est, manet.*

40. Quare ex Apoc. 1. certò demonstrari non potest,  
primum hebdomadis diem, ab Apostolis, ad cultum Dei  
institutum. Idque satis ingenuè, etiam ab iis, qui Ap. 1. pri-  
mum hebdomadis, notari putant, agnoscitur, qui consue-  
tudinem Ecclesiæ, aut etiam Apostolorum, non autem,  
mandatum agnoscunt. Ut primum ex *Bullingero* constat,  
qui ad Apocal. 1. Ecclesia consuetudinem, vocat: & postea  
subjicit; *Sponte verò Ecclesia, receperunt illam diem: non le-  
gimus eam ullibi præceptam. Ac Ecclesia viderunt, omnino  
necessarium esse, certum tempus, in quo conveniant sancti:  
delegerunt ergo diem resurrectionis: neque de his odiosius con-  
tenderunt, inter se, ut, postea factum in Ecclesia, testantur  
historia.*

41. Sic etiam *Ursinus* tom. 1. in expof. decalogi; *Quum  
igitur* (inquit) *non minus alio die, meditatio ac celebratio, o-  
perum Dei possit fieri, quàm septimo, sicut initio, propter cau-  
sam accommodatam primis temporibus, designavit Deus mi-  
nisterio diem septimum: sic deinde, propter causam accommo-  
datam, exhibiti Messia temporibus, legem eam abrogavit,  
& LIBERUM ECCLESIAE reliquit alios dies eligere.*  
*Quæ, propter causam PROBABLEM, delegit diem pri-  
mum, quo facta est Christi resuscitatio, per quam spirituale &  
æternum Sabbatum in nobis inchoatur.*

42. Similiter *Aretius* in Locis De Sabbato ait; *Christia-  
ni homines hoc (Sabbatum) transtulerunt, in diem Domini-  
cum &c. Christiani igitur, in diem Dominicum muta-  
runt.*

43. Et *Zanchius*, de operibus Redemptionis lib. 1. ad 4.  
præceptum. *Ita constat* (inquit) *hunc diem, & ex traditione  
Apostolica esse, & optimo jure, ab Ecclesia retentum, & san-  
ctificatum fuisse, in hunc usque diem. Sed tertio adjicimus,  
sine ulla conscientiarum obligatione, fuisse hunc diem, cultui  
divino definitum. Hoc liquet è Sacris Literis. Nullibi enim  
legimus Apostolos, hoc cuiuspiam mandasse, tantum legimus,  
quid soliti fuerint facere Apostoli; & fideles, in illo die: libe-  
rum igitur reliquerunt. Accedit quòd Apostolus ad Galat. 4.  
& ad Colof. 2. non vult servari, à fidelibus, præcepta Dei, de  
Sabbatis, aliisque festis Moſaicis: quia nolebat fidelium con-  
scientias, illis præceptis obstringi. Quanto minus igitur volue-  
runt Apostoli, obstringi conscientias, sanctificando diem Do-  
minico: quod nullum habet Domini mandatum. Liberum igitur  
est istud etiam tempus, hoc est, nullius obligans conscientiam,  
sed ita tamen liberum, ut omnino ipse dies sanctificandus sit,  
nisi charitas aliud postulet.*

44. Similiter etiam, ad Exod. 20. contra diei Dominici  
contemptores; *Nimium*, inquit, *sibi tribuere videntur quòd  
tam temere & contentiose, consuetudinem Apostolorum tempo-  
re receptam, non pugnantem cum Sacris Literis, rejiciant.*

45. D. Pa-

45. D. Parau ad Genes. 2. Pro sua igitur libertate (inquit) Ecclesia Apostolica Sabbathum diei septimi, mutavit in Sabbathum primi, &c. Quomodo facta sit hac mutatio, in Sacris Literis expressum non habemus. In Apocalypsi, sit Dominica diei mentio: & 1. Corinth. 16. Apostolus jubet, primo die septimana convenire, & facere collectionem Corinthios. VIDE-  
TUR huic esse APOSTOLICA OBSERVATIO.

46. Johannes Cuchlinus, in thesibus p. 733. Consuetudinem quidem Apostolicam fuisse, ut primo die septimana, conventus suos, Christiani agerent, non inficiamur: sed ipsos, necessitate nulla, aut cultus opinione, ad hujus diei observationem, constrictos aut obligatos fuisse, aut etiam, Apostolos præceptum reliquisse, constanter negamus.

47. Utque Bucerum Matth. 12. & Aretium ad 1. Corinth. 16. & Apocal. 1. omittamus, memorabilis est Calvini declaratio Institut. libr. 2. cap. 8. Num. 34. Quamquam, inquit, non sine delectu, Dominicum, quem vocamus, diem VETERES, in locum Sabbathi subrogarunt. Nam quum vera illius quietis, quam vetus Sabbathum adumbrabat, in resurrectione Domini, finis sit ac complementum, ipso die, qui umbris finem attulit, admonentur Christiani, ne umbratili ceremonia, inhæreant. NEQUE SIC TAMEN SEPTE-  
NARIUM NUMERUM MOROR, UT EJUS SERVITUTI ECCLESIAM ASTRINGAM: neque enim

Ecclesias damnavero, quæ alios conventibus suis, solennes diæ habeant, modo à superstitione absint. Quod erit, si ad solam observationem discipline & ordinis bene compositi, restantur.

48. Ac Thomas Aquinas 22<sup>a</sup> quæst. 122. ad quartum ait; Observantia diei Dominica, in nova lege, succedit observantia Sabbathi, NON EX VI PRÆCEPTI LEGIS; sed ex CONSTITUTIONE ECCLESIAE, & CONSUE-  
TUDINE populi Christiani. Nec enim hujusmodi observatio, est figuralis, sicut fuit observatio Sabbathi, in veteri lege. Et ideo, non est ita arcta prohibitio operandi, in die Dominica, sicut in die Sabbathi. Sed quadam opera conceduntur in die Dominica, quæ in die Sabbathi, prohibebantur: sicut decotio ciborum & similia.

49. Quamobrem, omnibus hisce rectè perpenſis, liquere satis arbitror, certum non esse, diem Dominicum, seu primum hebdomadis, ab Apostolis, ad cultum Dei, institutum: observandum tamen ad publicum Dei cultum, ex generali, præcepti quarti decalogi, sententia, nec posse violari, sine religionis læsione ac scandalo indigno, ex iis quæ supra proposuimus apparet. Hactenus de Sabbathi sententia atque origine. Faxit autem Deus, ut omnes spirituale Sabbathum colamus: & publicum cultus divini diem, ab omni, cum profanatione, tum superstitione vacuum, sanctè celebremus. AMEN.

## A P P E N D I X

### DISSERTATIONIS SOCRATIS DE FESTIS ET RITIBUS ECCLESIARUM HISTORIÆ ECCLESIASTICÆ

lib. V. cap. XXI. Editionis Grynæi.

**H**Oc loco, mea quidem sententia, opportunum tempus sese offert, pauca de paschate differendi. Neque veteres certè<sup>a</sup>, neque recentes, hi qui Judæorum consuetudinem imitari contendunt, satis justam causam (si quid ego judico) habuerunt, cur tantopere de hoc festo digladiarentur. Neque præterea illud, cum animis considerarunt, quando religio Judaica, erat in Christianam commutata, accuratas illas Mosaicæ Legis observationes, & rerum futurarum figuras, penitus evanuisse. Cujus rei argumentum certissimum, inde capi potest, quod nulla lex, à Christo condita, Christianis fecit potestatem, ritus Judaicos observandi: Imo verò contrà Apostolus, illud planè vetuit, dum non modò circumcisionem abrogabat; verum etiam hortabatur, uti de festis nulla fieret dissensio. Quapropter, ad Galatas scribens, sic ait; dicite mihi, qui sub Lege vultis esse, Legem non audistis<sup>b</sup>? Ac cum pauca, de hac re, differuerit, populum Judæicum, servum esse ostendit; eosque in libertatem vocatos, qui ad Christum accesserant: admonetque ut dies, menses, & anni minimè observentur. Quinetiam ad Colossenses<sup>c</sup> clara voce pronuntiat, observationes eorum, umbram esse: & & propterea dicit; Nemo vos judices, in cibo, aut in potu, aut in parte festi, aut Neomenia, aut Sabbathi: quæ sunt umbræ futurorum. Itemque in epistola ad Hebræos, eadem confirmat, dicens<sup>d</sup>; Translatio sacerdotio, necesse est, ut Legis translatio fiat. Itaque neque Apostolus, neque Evangelia ipsa, jugum servitutis, his qui ad doctrinam Christi se contulerint, omnino imponunt; sed festum Paschatis aliaque festa, libero a quoque judicio eorum, qui in illis diebus beneficia acceperant, recolenda reliquerunt. Unde<sup>e</sup>, quoniam homines festa amplectuntur, quò se, à laborum contentione, relaxent, idcirco illis diebus singuli, in singulis locis, pro arbitratu, memoriam salutaris passionis, ex quadam consuetudine, celebrant. Nam neque servator, neque Apostoli, illud observandum, lege aliqua, præceperunt: neque mulctam, aut supplicium (sicut Lex Mosaisca Judæis) vel Evangelia, vel Apostoli, nobis minati sunt: sed solum, quo res gestæ (tum ad gravem reprehensionem Judæorum, quòd in diebus festis, se cæde & sanguine polluerunt: tum

ad declarandum, quòd servator, tempore azymorum, passus sit) verè narrentur, in Evangeliiis<sup>f</sup>, de hoc festo, mentio facta est. Atque Apostolis propositum fuit, non ut lege, de festis diebus celebrandis, sancirent; sed ut rectè vivendi rationis, & pietatis, nobis auctores essent. Mihi quidem certè videtur, sicut alia res multa, in locis quibusque ex more quadam, introducta fuerunt; ita festum Paschatis, ex quadam consuetudine, apud singulos populos, observationem privasam habuisse: propterea quòd nemo ex Apostolis, legem de eo, ut dixi, cuiquam edidit. Et quòd ex consuetudine potius, quàm ex lege, ab antiquis temporibus, observari cœptum sit, rerum eventa perspicuè declarant. Plerique namque in Asia minore antiquitus, decimo quarto die mensis, nulla ratione diei Sabbathi habita, hoc festum observarunt. Quod dum faciebant, cum aliis, qui aliam rationem, id eodem festo agendo, sequebantur, usque eò nequaquam dissenserunt, quoad Victor, episcopus Romanus, supra modum iracundia inflammatus, omnes in Asia, qui erant paschæ celebrantes, appellati, id est, qui decimo quarto die mensis, Pascha celebrabant, excommunicaverit. Ob quod factum, Irenæus episcopus Lugduni, urbis Galliæ, in Victorem, per epistolam, graviter invehit, tum æstum iracundiæ illius incusando: tum docendo, quòd veteres, qui in illius festi observatione, inter ipsos discrepabant, minimè fuisse communionem se juncti: quodque etiam Polycarpus, episcopus Smyrnæ (qui post, regnante Gordiano, Martyrio occumbebat) cum Aniceto episcopo Romano communicavit, minimeque cum illo, licet ex patria consuetudine, Smyrnæ servata, festum illud, decimo quarto die, observavit (sicut ab Eusebio, in quinto libro Ecclesiasticæ historiæ, commemoratum est) ompino dissensit. Nonnulli, ut dixi, in Asia minore, decimo quarto die mensis, festum illud peragunt: quidam, qui partes propius ad Orientem sitas incolunt, Sabbatho illud celebrant illi quidem, sed de mense discrepant. Atque illi Judæos, quamvis tempus festi non adeo accuratè observantes, imitandos asserbant: hi post æquinoctium celebrant: eodemque tempore cum Judæis festum agere abhorrent. Quippe Pascha semper celebrandum esse, cum Sol sit in Ariete, docent. Mense, ut Antiocheni vocant, Xantico: ut

<sup>a</sup> De Paschate dissensio. <sup>b</sup> Cap. 4. 21. <sup>c</sup> Cap. 2. <sup>d</sup> Hebr. 7. <sup>e</sup> Festorum ratio.

<sup>f</sup> Matth. 26. Marc. 14. Luc. 22.

Romani, *Aprilis*. Atque illos istud fecisse, non Judæis recentioribus (qui omnino in magno errore versabantur) sed veteribus, ut Josepho (sicut in tertio libro, de antiquitate Judaica, præscribit) obsecutos. Atqui, ut isti ad hunc modum inter se, de Paschat<sup>o</sup> dissederunt, sic cæteros universos, qui partes, versus Occasum solis, & Oceanum accolebant, ex veteris traditionis præscripto, post æquinoctium idem ipsum celebravisse constat. At tamen omnes hi, isto pacto, in eodem festo observando discreparunt: nunquam tamen communionem Ecclesiæ, quæ inter ipsos intercedebat, dissociarunt. Neque illud est verum, quod nonnullis frequens in ore est, Concilium Constantini temporibus habitum, morem hujus festi celebrandi, penitus pervertisse. Nam Constantinus ipse, eos qui de hoc festo ab aliis dissentiebant, per epistolam hortabatur, ut cum pauciores essent, eorum consuetudinem imitarentur, qui erant numero plures: quam quidem Imperatoris epistolam, in tertio libro Eusebii de vita Constantini, integram reperies. Pars autem illius, quæ est de festo Paschatis conscripta, ita se habet; *Est modus ille eximius, quem omnes Ecclesia servant, quæ orbis partes, vel versus Occidentem, vel versus Meridiem, vel versus Boream sitas, incolunt: ac nonnulla quoque, quæ in locis, ad Orientem spectantibus, habitant: & ob eam causam omnes, in presentia, hunc rectè se habere, arbitrantur. Ipseque etiam, vestra sapientia illud probatum iri, in me recepi, nimirum ut quod in urbe Roma, in tota Ægypto, Hispania, Gallia, Britannia, Lybia, & universa Græcia, in diæcesi Asiatica & Pontica, in Cilicia denique, una & consentiente sententia conservatur, hoc etiam vestra prudentia, libenter approbaretis: illud sedulo reputantes, non solum, quod in locis, quæ modo citavi, major Ecclesiarum numerus existat, sed etiam quod sanctissimum institutum sit, ut omnes communis consilio, id ratum cupiant, quod recta ratio postulare videatur: quodque nihil, cum Judæorum perjurio, habet commercii.* Talis fuit Imperatoris epistola.

Qui quarto decimo die mensis Pascha celebrant, eum morem observandi, à Johanne Apostolo, ipsis traditum, dicunt: qui autem Romam, & alias partes Occidentis, incolunt, Petrum & Paulum Apostolos, consuetudinem, quam illi tenent, ipsis reliquisse affirmant. Verum nemo istorum omnium, testimonium de his rebus, scriptis proditum, referre potest.

Et quod ex consuetudine potius, in singulis locis, quam ex ulla alia causa, cæpta sit festi Paschatis celebratio, hinc facio conjecturam. Cujusque religionis & sectæ varii sunt ritus, licet eadem de illis ipsis, habeatur opinio. Etenim qui in eadem fide consentiunt, iidem, in ritibus & ceremoniis, inter ipsos discrepant. Proinde pauca, de variis Ecclesiarum ritibus<sup>a</sup>, hoc loco disserere, non erit incommodum. Jejuniorum rationem<sup>b</sup>, quæ ante Pascha fiunt, aliter ab aliis observatam esse, facile est reperire. Nam qui sunt Romæ, tres septimanas ante Pascha, Sabbato & Dominico exceptis, simul jejunant: qui autem in Illyria, & tota Græcia, quique Alexandria habitant, ante sex septimanas jejunia, quæ ante Pascha fiunt, ordiuntur, illudque tempus, *Quadragesimam* nuncupant. Alii præter horum consuetudinem, septem septimanas, ante istud festum, initium jejunandi facientes, quamvis quindecim dies solum, quibusdam interpositis, jejunent: nihilominus tamen tempus illud, quadragesimam, vocant. Unde non mediocris me capit admiratio, qua ratione isti, licet de numero dierum dissentiant, omnes, eodem nomine, Quadragesimam appellent. Alii aliam causam hujus nominis, suoque ingenio excogitatam, tradunt. Quinetiam non de numero dierum solum discrepant; verum etiam de abstinentia à cibis<sup>c</sup>, variam sequuntur rationem. Nam alii omnino, ab omni animantium genere, abstinent: alii, inter animantia, pisces solos comedunt: alii, cum piscibus, volucres etiam manducant: easque ex aqua (ut est apud Moysen) nasci asserunt. Alii à fructibus, duris integumentis involutis, & ab ovis temperant: alii, arido pane solo, vescuntur: alii, ne ullo quidem. Sunt qui, cum ad horam nonnam jejunarint, variis ciborum generibus utuntur. Alia ra-

tione, apud alias gentes jejunatur: cujus rei sunt causæ prope infinitæ. *Ac quoniam nemo, de ea præceptum, literarum monumentis proditum, potest ostendere, perspicuum est Apostolos, liberam potestatem in eadem, cujusque mentis & arbitrio permisisse: ut quisque nec metu, nec necessitate, inductus, quod bonum sit ageret.*

Hanc disparem jejuniorum rationem, in Ecclesiis esse cognoscimus. Porro de Synaxi varia consuetudines sunt<sup>a</sup>. Nam quanquam omnes ubique in orbe terrarum Ecclesiæ, singulis septimanis vertentibus, die Sabbati mysteria celebrant, Alexandrini tamen, & Romani, ex antiqua traditione, istud facere renuunt. At Ægyptii, qui Alexandrinis finitimi sunt, & illi qui Thebaidem incolunt, Sabbato Synaxin exequuntur illi quidem; sed non, ut mos fert Christianorum, mysteria participant. Nam ubi epulati sunt, & variis cibariis se saturarunt, sub vesperam, oblatione facta, mysteriis communicant.

<sup>a</sup> De Synaxi.

Rursus Alexandria, quarta feria & ea quæ dicitur Parasceve, & leguntur Scripturæ, & doctores eas interpretantur: omniaque quæ ad Synaxin pertinent administrantur, præter mysteriorum celebrationem. Atque hæc quidem est vetus, apud Alexandrinos, consuetudo. Etenim illis diebus, constat Origenem potissimum, in Ecclesia docuisse, qui, utpote doctor valde sapiens, cum animadverteret, legis Mosaicæ præcepta, non posse ad literam intelligi, præceptum de Paschate, ad altiore divinioremque sensum, traduxit: unumque solum verum Pascha fuisse, quod Servator efficaciter celebravit contra potestates adversarias, quando cruce affixus, contra Diabolum, victoriæ trophæa reportavit.

Itemque Alexandria, *lectores & interpretes*<sup>a</sup>, sive catechumeni sunt, sive baptizati, nullo discrimine fiunt: cum aliæ omnes ubique Ecclesiæ, baptizatos solos, ad hoc munus, designant. Ipse porro in Thessalia, aliam consuetudinem invaluisse novi, ut ibi qui clericus sit<sup>b</sup>, si cum uxore, quam, cum esset laicus, ducebat, postquam clericus factus sit, dormierit, clericatu *abdicatus sit*: id adeo cum omnes illustres presbyteri in Oriente & episcopi, modo ipsi voluerint, *nulla lege coacti*, ab uxoribus abstineant. Nam non pauci illorum, dum episcopatum gerunt, etiam liberos, ex uxore legitima procreant. Consuetudinis autem in Thessalia, observatæ auctor, fuit Heliódorus Tricæ (quæ est urbs illius regionis) cujus feruntur libri amatorii, quos cum esset adolescens composuit, eosque, *Æthiopica* inscripsit. Eadem consuetudo etiam Thessaloniciæ, & in Macedonia, & in Hellade, servatur.

<sup>a</sup> De Lectoribus & interpretibus. <sup>b</sup> De Clericorum matrimonio.

Aliam præterea consuetudinem, in Thessalia esse cognovi, nimirum, ut diebus festi Paschatis dumtaxat baptizent<sup>c</sup>. Ob quam causam omnes, paucis admodum exceptis, absque baptismo, moriuntur.

<sup>c</sup> De Baptismo.

Ecclesia Antiochiæ Syriæ, *contrarium*, ab aliis Ecclesiis, *suum*<sup>a</sup> habet: nam altare, non ad Orientem; sed ad Occasum, spectat. In Hellade, Hierosolymis, & in Thessalia, *preces*<sup>b</sup>, dum accenduntur lucernæ, fiunt ad consuetudinem Novatianorum, qui sunt Constantinopoli. Pari ratione, & Cæsareæ Cappadociæ, & in Cypro, die Sabbato & Dominico, sub vesperam accensis lucernis, presbyteri & episcopi, Scripturas interpretantur. Novatiani, qui sunt in Helleponto, non eundem penitus morem, in precationibus faciendis observant, quem Novatiani, qui sunt Constantinopoli; sed tamen ex multo majore parte, primariæ apud illos Ecclesiæ, consuetudinem sequuntur. Ad summam, apud omnes, religionum & sectarum, formas, nusquam reperire poteris duas, quæ, in precandi more, inter se consentiant. Quinetiam Alexandria non *concionatur*<sup>c</sup> presbyter: qui mos, eo tempore initium habuit, quo Arius perturbavit Ecclesiam. Cæsareæ Cappadociæ eos, qui post Baptismum peccaverunt<sup>d</sup>, ejiciunt, à communione, more Novatianorum: idem faciunt & in Helleponto, Macedoniani, & in Asia, qui decimo quarto die mensis Pascha celebrant. Novatiani, qui sunt in Phry-

<sup>a</sup> De Ecclesiæ situ. <sup>b</sup> De more Precum. <sup>c</sup> De concionatoribus. <sup>d</sup> De lapsis post Baptismum.

gia,



gia, *secundas nuptias*<sup>a</sup> non recipiunt: qui Constantinopoli habitant, neque recipiunt omnino, neque omnino rejiciunt: qui partes in Occidente sitas incolunt, omnino recipiunt. *Causa*<sup>b</sup> quidem, & auctores hujusmodi *discrepantia*, fuerunt *episcopi*, qui variis temporibus Ecclesiis præerant. *Qui autem eos ritus accipiunt, eos tanquam legem ad posteros transmittunt.* Verum omnes *Ecclesiarum ritus*, qui in singulis urbibus regionibusque usurpantur scriptis mandare, ut valde laboriosum est, ita vix, aut ne vix quidem fieri potest. Satis quidem multi quos recitavimus, ad declarandum *festum Paschæ*, *consuetudine* quadam, in singulis locis celebratum esse. Quocirca inanis est illorum oratio, qui prædicant, Concilium Nicænum, hujus festi celebrandi morem, penitus pervertisse. Nam Episcopi, qui ibi convenire, populos pauciores, qui antea, à multo pluribus numero, dissenserant, ad concordiam reducere laborarunt. Quod autem multæ dissensiones, ipsis Apostolorum temporibus, ob ejusmodi res, oriebantur, ne ipsos quidem latuit Apostolos: sicut ex libro, qui Acta Apostolorum inscribitur, satis constat. Nam cum Apostoli essent, de tumultu, ex gentium dissensione, fidelibus concitato, certiores facti, omnes in unum convenerunt, divinamque legem quandam, in modum epistolæ scriptam, per quam fideles, gravissima istarum rerum servitute, & inani de iidem contentione, liberabant, divinitus promulgarunt. Certam denique, vitæ rectè instituendæ, normam, eamque, ad veram pietatem, rectè ducentem, docuerunt, dum ea solum, quæ sunt necessariò servanda, illis præscriberent. At licet epistola illa, in Actis Apostolorum literis<sup>c</sup> consignata sit, nihil tamen obstat, quominus eandem, etiam hoc loco, proponamus; *Apostoli, & presbyteri, & fratres, his qui sunt Antiochia, & Syria, & Cilia fratribus, ex gentibus, salutem. Quoniam audivimus, quod quidam ex vobis exeuntes, turbaverunt vos verbis, evertentes animas vestras, jubentes vos circumcidi, & observare Legem, quibus non mandavimus: visum est nobis, collectis unanimiter, eligere viros & mittere ad vos, cum charissimis nostris, Barnabæ & Paulo, hominibus qui tradiderunt animas suas, pro nomine Domini nostri Iesu Christi. Misimus ergo, Iudam & Silam, qui & ipsi vobis verbis referent eadem. Visum enim est Spiritui Sancto, & nobis, nihil ultra imponere vobis oneris, quam hac necessaria: ut abstinatis vos ab his, quæ immolantur simulacris, & à sanguine, & suffocato, & scortatione: à quibus custodientes vos, bene agitis. Valete. Ista visa fuerunt Deo: nam sic loquitur epistola; Visum est Spiritui Sancto, nihil ultra imponere oneris, præter ea, quæ necessariò observari debent. Cæterum nonnulli, istis neglectis, omnem scortationem, rem quidem indifferentem,*

<sup>a</sup> De secundis nuptiis. <sup>b</sup> De causis discrepantiæ rituum. <sup>c</sup> Act. 15. 23.

arbitrantur; sed tamen de diebus festis, tanquam de vita, decertant: Dei præcepta evertunt, ipsique sibi leges sanciunt; legis promulgationem, ab Apostolis traditam, contemnunt & pro nihilo putant: sicque contraria illis, quæ visa sunt Deo, imprudentes exequentur. Porro quamvis possemus, sermonem de paschate susceptum, multò longius producere: tum qua ratione Samaritani, qui sunt secta Judæorum, semper post æquinoctium hoc festum peragant planè ostendere: tamen ejusmodi opus, & separatam, & longè prolixiorē tractationem, desiderat. Istud igitur solum dico, quòd qui tanto studio ducuntur, Judæos imitandi, & sunt in figuris rerum observandis tam curiosi, non debeant, vel transversum (quod ajunt) digitum, ab illis discedere. Nam omnino, si tam accuratè omnia observare, in animum inducant, non dies solum & menses observare debent, verum etiam alia quæcunque Christus, factus sub lege, Judæorum more obierit, aut quæ, à Judæis, injustè perpeßus sit, aut quæ in figuris, ad omnibus gratificandum, expresse. Verbi gratia, in navem ingressus docuit, Pascha in coenaculo parari jussit, afinam alligatam solvi mandavit, hominem gestantem lagenam aquæ, signum dedit discipulis, qui ad Pascha parandum maturabant: aliaque præterea infinita, in Evangeliiis, ejus generis scripta sunt. Atqui nullum istorum omnium, externo & corporeo more, ut litera postulat, observare nituntur hi, qui propter festi celebrationem se justificatos esse putant. Nam nemo illorum è navi aliquando, apud populum, concionatur: nemo omnino in coenaculo, Pascha celebrare aggreditur: nemo, cum afinam ligaverit, eam denuo dissolvit: nemo denique cuiquam negotium dat, lagenam aquæ gestandæ, ut ea, quæ rerum sunt symbola, expleat. Etenim hæc aliaque id genus; Judæorum potius, quàm Christianorum, propria existimant. Nam Judæi hujusmodi instituta, corporeâ potius observantia, quàm interiori mentis cultu observare contendunt. Quam ob causam, sunt execrationi obnoxii: quod legem Mosâicam, in umbris ac figuris potius, quàm in rebus ipsis ac veritate, positam intelligunt. Qui autem Judæorum fautores sunt, tametsi has res ad altiorē divinioremque rem transferunt, tamen de diebus & mensibus bellum excitant gravissimum, interioremque & sublimem, quæ in illis est, notionem, quasi pedibus proterunt: & propterea hac in parte, par ratione cum Judæis, necessariò condemnantur, sententiamque execrationis, sibi ipsis asciscunt. Verum de his satis superque, me dixisse, censeo. *Hæcenus Socrates historicus:* cui consentanea, sed brevius, recenset Sozomenus, historiz Ecclesiasticæ libro septimo, capite XIX. & Nicephorus, histor. Ecclesiast. libr. XII. capit. XXXII. & duobus sequentibus, eadem ex utroque congestit.

## F I N I S

## Investigationis sententiæ &amp; Originis Sabbati.



# J U D I C I U M ,

## DE PRIMO ARTICULO REMONSTRANTIUM, DE ELECTIONE ET REPROBATIONE.

### Articulus Remonstrantium primus.

**D**EUS æterno & immutabili decreto, in Jesu Christo, ante jacta mundi fundamenta ex genere humano, in peccatum prolapsa, statuit illos, in Christo, propter Christum, & per Christum salvare; qui per gratiam Spiritus Sancti, in eundem ejus Filium Jesum, credituri, & in ea fide, fideique obedientia, per eandem gratiam, usque ad finem, essent perseveraturi: Contra verò converti nescios, & incredulos, sub peccato & ira relinquere & condemnare, tanquam à Christo alienos, secundum verbum Euangelii Joh. 3. v. 36. *Qui credit in Filium, habet vitam æternam: qui verò Filio non assentitur, non videbit vitam, sed ira Dei manet super eum:* pluraque alia Scripturæ loca.

### Articuli hujus Explicatio.

*Theses.*

*Antitheses.*

### De universa hominum Prædestinatione.

1. Prædestinatio, (quæ electionem & reprobationem complectitur) non est unica sed duplex. Remonstrantes citat. Declarat. Artic. I. & Epist. ad Walach. 41.

2. Prima, est decretum divinum, generale, seu universale; qui constituit credentes servare, incredulos damnare. Ibidem.

3. Hoc est totum & integrum prædestinationis decretum. Coll. Hag. Belg. 57.

4. Decretum de salvandis fidelibus, solum est fundamentum Christianismi, salutis, & certitudinis salutis. Collat. Hag. Belg. 61.

5. Secunda prædestinatio, est decretum divinum speciale, seu singulare; quo constituit juxta præcedens illud decretum, hos servare, illos perdere: id est, hos consideratos, ut fideles, æternæ vitæ destinare: Illos consideratos, ut infideles, sive qui credere nolint, æternæ morti atque exitio addicere. Remonst. & Epist. Walach. 34. & 41.

1. Prædestinatio, (quæ electionem & reprobationem complectitur) non est duplex, sed unica. Idque ex sequentibus constabit.

2. Decretum divinum generale, seu universale quo constituit credentes servare, incredulos damnare, non est prædestinatio ad salutem & condemnationem.

1. Quia per se, nec salutem, nec condemnationem ullam futuram statuit: Sed modum tantum ac conditionem salutis, & condemnationis describit.

2. Quia nullam hominum, sed qualitatum tantum, fidei & infidelitatis electionem & reprobationem designat. Remonstrant. citat. Declarat. Utpote cum generale hoc decretum (ex Remonstrantium sententia) non solum singularem hominum fidelium prævisionem antegrediat: sed etiam mediorum, ad fidem ingenerandam necessariorum, destinationem omnino præcedat. Remonst. Epist. ad Walach. 35. 36.

3. Hoc non est totum & integrum prædestinationis decretum.

Illius enim constare potest veritas si aut omnibus credentibus ac servatis nemo damnaretur: aut omnibus incredulis ac damnatis, nemo fieret salvus. Id quod integræ prædestinationi (quæ electione simul & reprobatione constat) è diametro adversatur.

4. Decretum de salvandis fidelibus, non est solum fundamentum Christianismi, salutis, & certitudinis salutis: Sed fundamentum primum salutis, est gratuita Dei dilectio & electio: quæ causa est & fundamentum, non tantum salutis, sed etiam donationis Salvatoris Christi, & fidei in ipsum, Rom. 8. 29. 30. Joh. 3. 16. & 6. 37. Actor. 13. 48.

5. Specialis quidem est prædestinatio: sed veriore ratione describenda, ut ex sequenti distincta explicatione liquebit.

*Theses.*

*Antitheses.*

### De prædestinatione, seu electione hominum ad salutem specialem.

1. Prædestinatio hominum ad salutem specialem duplex est, peremptoria: quæ æternæ salutis communicationem actualem & realem, sibi conjunctam habet: aut non peremptoria, contra Remonst. citat. declar. ad Artic. 1.

2. Peremptoria est decretum Dei, de salvandis iis sigillatim, quos per Spiritus sui gratiam, in Christum credituros, atque in hac fide ad finem usque perseveraturos, prævidebat. Remonst. Epist. ad Walach. 36.

1. Sacræ Literæ non aliam, quam unicam prædestinationem hominum ad salutem specialem agnoscunt.

2. Prædestinatio hominis ad salutem, est decretum Dei, de gloria & gratia ad salutem sufficiente, & efficaciter perficiente, certis, ex universo genere humano, hominibus, pro liberrimo ac mero gratuito beneplacito, conferenda, 2. Thess. 2. 13. Rom. 8. 28, 29, 30. Philip. 2. 13. ad laudem gloriosæ suæ gratiæ, Ephes. 1. 6.

Aaaaa

3. Quæ

3. Quæ prædestinatio solummodo ad salutem & gloriam est; non etiam ad gratiam. Eadem Epist. 38. & 45.

4. Quæ salus in credentibus fidei præmium est, non autem finis. Remonst. citat. declarat.

5. Gratia verò donationis Christi, vocationis, fidei, justificationis, sanctificationis, adoptionis, perseverantiæ, non est medium prædestinationi speciali ad salutem subordinatum: sed ea prædestinationem ipsam naturæ ordine antecedit. Epist. ad Walach. 41. & 44.

6. Fides enim, obedientia illius & perseverantia, ut ab homine præstita, & à Deo prævisa, est conditio in objecto eligendo prærequisita, ac causa sine qua non, cui decretum electionis innititur. Remonst. citat. declar. & Epist. ad Walach. 41. & 44.

7. Quæ fidei gratia, non solis electis ad gloriam & servandis confertur: sed reprobis etiam ac condemnandis. Remonst. citat. declar.

8. Ac fides electorum semel collata, omnino amitti ac restitui potest, adeoque re ipsa interdum amittitur, & amissa restituitur. Ibidem.

9. Ideoque peremptoriè electus, in hac vita fieri potest reprobis, & rursus ex reprobo electus.

10. Unde sequitur electionem peremptoriam aliam esse mutabilem, quæ est electorum viventium: aliam immutabilem, quæ est mortuorum tantum.

11. Electionis hujus causa impulsiva est, & solum ac liberrimum Dei beneplacitum & Christi meritum. Epist. ad Walach. 35. & 41. & 46. & 36.

12. Fidelium; in hac vita de electione sui salvifica, certitudo non est absoluta, sed tantum conditionata, ut quæ ab incertæ perseverantiæ conditione dependet. Grevinch. contra Amel. 138.

13. Absoluta electionis certitudo, ad pietatem non conducit. Ibid. 139.

3. Eadem prædestinatio non solum est ad salutem ac gloriam, sed etiam ad gratiam, quæ ad gloriam conferendam necessaria, 2. Thess. 2. 13. Rom. 8. 28, 29, 30.

Qualis est gratia donationis Christi in servatorem, Johan. 3. 16. 1. Pet. 1. 20. & 1. Johan. 4. 10. & vocationis, Rom. 8. 28. 30. & fidei, Actor. 13. 48. & 2. Thess. 2. 13. Phil. 1. 29. & 2. 13. justificationis, Rom. 8. 30. conformitatis cum Christo, Rom. 8. 29. ac sanctificationis, Eph. 1. 4. & 2. Thess. 2. 13. Adoptionis, Ephes. 1. v. 5. & conservationis in Christo & per Christum, Joh. 6. 29. & 10. 28, 29. donatio. Ad quam gratiam, non minus quam ad salutem, prædestinatio est instituta, 1. Pet. 1. 2.

4. Quæ salus in credentibus, & præmium est fidei, 2. Timoth. 4. 8. Et finis, 1. Pet. 1. 8. Quia bonum est summum, cujus causa fides datur: & quo fides tendit, 2. Thess. 2. 13. Joh. 20. 31. Act. 26. 18.

5. Gratia verò donationis Christi, vocationis, fidei, justificationis, sanctificationis, adoptionis, perseverantiæ, salutem ipsam antecedit, ut medium eò destinatum, sed ipsam prædestinationem ad salutem ordine consequitur.

Idque ex Antithesi tertia apparet.

6. Fides enim, obedientia illius, perseverantia in ea, non est objecti eligendi conditio ante electionem prævisa; nec causa sine qua non: sed electionis effectum proprium, ex ea promanans, Act. 13. 48. Rom. 8. 30. & 2. Thess. 2. vers. 13. & 1. Petr. 1. 2.

Alioqui dilectio nostra, dilectionem & electionem Dei antecederet, contra scripturam, 1. Joh. 4. 10. Rom. 9. 16. & 5. 8. & 10.

7. Quæ fidei gratia, solis electis ad gloriam, ac servandis confertur: Nullis verò reprobis ac condemnandis, Joh. 10. 26, 27. & 6. 44, 45. Tit. 1. 1. 2. Thess. 3. vers. 2.

8. Ac fides electorum semel collata, nunquam omnino amitti potest, ob Dei conservantis veritatem & virtutem; multo minus amissa restitui: etsi partim minui queat, vel augeri, Joh. 10. 28, 29. & 1. Pet. 1. 5. Matth. 24. v. 24. Rom. 8. vers. 30. 39.

9. Ideoque peremptoriè electus in hac vita fieri non potest reprobis, neque ex reprobo electus, Matt. 24. 24. Rom. 8. 30. 33. 35. 39.

10. Unde sequitur, nullam electionem peremptoriam esse mutabilem: pro veritatis & æterni consilii divini natura immutabili, Jes. 46. 3. 10. Jac. 1. 17.

11. Electionis hujus causa impulsiva est solum liberrimum & gratuitum Dei beneplacitum: Ideoque non Christi meritum: nec quicquam extra Deum.

Præsertim, cum Christi donatio, sit medium electioni hominum ad salutem subordinatum: Ut Antithesi tertia ostensum est. Ideoque salutis est causa, sed electionis consequens effectum.

12. Fideles in hac vita de electione sui salvifica certi sunt, non solum hac conditione si perseveraverint, sed etiam absolute, quia se perseveraturos esse per Dei & Christi gratiam certi sunt: Idque ex Dei promissione generali de danda omnibus verè fidelibus perseverantia<sup>b</sup>, & ex speciali fidei, electis propriæ<sup>c</sup>, sensu, & Spiritus S. testimonio<sup>d</sup>, ac tanquam arthæ hæreditatis nostræ ob signatione ad diem redemptionis<sup>e</sup>, & serio denique operum bonorum<sup>f</sup>, fidei, & charitatis studio.

<sup>a</sup> Rom. 8. 39. <sup>b</sup> Jerem. 31. 40. Johan. 4. 14. & 6. 37. 39. 56. 58. & 10. 28. 29. <sup>c</sup> Tit. 1. 1. & 2. Thess. 3. 2. <sup>d</sup> Rom. 8. 13. <sup>e</sup> Ephes. 1. 13. 14. & 4. 30. <sup>f</sup> 1. Pet. 1. 10.

13. Absolutæ electionis certitudo ad pietatem conducit plurimum; ut Deum, pro gratuito & incomprehensibili hoc dilectionis, & electionis ad gratiam & gloriam æternam, beneficio, debita gratitudine, vicissim diligant, adorent, glorificent, & dignè se gratiæ & gloriæ gerant<sup>a</sup>: & in crucis tolerantia ea se sustentent<sup>b</sup>, foriter & constanter adversus Satanam, carnem, mundum (tanquam Dei gloriæ, & gratiæ, ac salutis nostræ hostes perpetuos) militent<sup>c</sup>: solidumque in vita & morte habeant solatium, & in hoc favoris Dei sensu, tanquam vitæ æternæ præludio, sancte acquiescant & exultent<sup>d</sup>.

<sup>a</sup> 2. Thess. 2. 13. & 14. Eph. 1. 4. 5. Eph. 4. 1. Phil. 3. 14. & 1. Pet. 2. 9. <sup>b</sup> Rom. 8. 17. 18. 35. 2. Cor. 4. 18. <sup>c</sup> 2. Tim. 4. 7. 8. <sup>d</sup> Rom. 8. 33. 38. 39. & 5. 23. 14. Infan-

14. Infantibus nullis convenit electio, quod fide prævisa careant. Grevinch. contra Ames. p. 150.

15. Non peremptoria prædestinatio est, quæ æternæ salutis communicationem actualem & realem sibi conjunctam non habet.

Theſin primam conſequitur.

16. Eaque vel communis est non credentibus & credentibus: vel credentibus propria.

17. Communis est, quæ communiter se extendit ad omnes, qui divinæ vocationis gratiosæ participes fiunt, sive vocationi pareant, sive incredulitate eam respuant. Remonstrant. citati Decl.

18. Propria est, quæ solis verè credentibus non perseverantibus convenit.

14. Infantes fœderatorum Deo per Christum, ac verè fidelium, etiam electos esse, piè credimus, si ante usum rationis moriantur, ex formula fœderis. Ego sum Deus tuus, & seminis tui<sup>2</sup>: siñ verò ad usum rationis pertingant, solos eos electos esse agnoscimus, qui credunt in Christum, quippe hi soli secundum Evangelium servantur.

<sup>2</sup> Gen. 17. & Act. 2. 39.

15. Non peremptoria prædestinatio, & Scripturæ Sacræ, & naturæ, unicæ atque immutabilis prædestinationis ad salutem, repugnat.

Idque ex antecedentibus liquet.

16. Quum nulla non peremptoria sit prædestinatio, nulla illius potest esse divisio.

17. Quum sacræ literæ vocationem quandam communem ab electione ad salutem secernant; nec omnes communiter vocati salventur: sequitur nullam communi vocationis decreto, prædestinationem, ad salutem contineri, Matth. 22. v. 40.

18. Nulla est prædestinatio ad salutem non peremptoria, quæ verè credentibus non perseverantibus conveniat.

Nulli enim verè credentes, qui non perseverent: nullaque prædestinatio ad salutem, quæ non sit peremptoria.

### Theſes.

### Antitheſes.

## De reprobatione Hominum speciali ad damnationem.

1. Reprobatio alia est peremptoria, quæ actualem & realem damnationem sibi conjunctam habet; Alia non peremptoria, contrà.

2. Reprobatio peremptoria, est decretum Dei de iis si-gillatim damnandis, quos in infidelitate morituros prævi-debat.

3. Reprobi quidam ad tempus viva fide sunt præditi, vi-vaque fiunt Christi membra, justificantur, & regeneran-tur, sed tandem omnino ac perpetuo à fide deficiunt ac pereunt.

4. Ideoque reprobi fieri possunt ad tempus electi ad sal-utem, & rursus ex electis fieri reprobi in æternum.

5. Reprobatio non peremptoria, quæ actualem & rea-lem condemnationem conjunctam, non habet, est eorum qui Evangelio vocati, initio non credunt, aut si credant, à fide ad tempus deficiunt, sed in fide tandem moriuntur.

6. Causa impulsiva antecedens, non solum damnationis, sed etiam reprobationis à gratia ac gloria ad justam damna-tionem, est peccatum prævisum, & quidem cum originali a-ctuale conjunctum.

7. Nam propter solum originale peccatum nemo repro-batur, nemo damnatur. Ideoque nec infantium reprobatio est. Grevinch. contra Amesium 142. 145. 150. Episc. Theſ. pag. 28.

1. Nulla in sacris literis reprobatio non peremptoria re-peritur.

2. Reprobatio peremptoria est decretum Dei, quo, pro voluntate sua liberrima, ad declarationem justitiæ suæ vindicantis, certos, ex humano universo genere, homines, nec gratia, nec gloria donare, sed in peccatum liberè prolabi permittere, & in peccatis relinquere, justèque tandem pro-pter peccata condemnare constituit, Matth. 11. 26. & 7. 23. Johan. 6. 44. & 65. & 10. 26. Rom. 11. 7. 8. Apocal. 20. 13. Rom. 9. 18. 20. 21. 22.

3. Reprobi nunquam viva fide sunt præditi, nec viva fiunt Christi membra, nec justificantur, nec regenerantur, mul-to minus à fide deficiunt, Joh. 10. 26, 27. 2. Theſſ. 3. 2. Ti-tum 1. 1. Matth. 7. 23.

4. Ideoque nec reprobi fieri possunt electi, nec electi fa-cti rursus fieri reprobi in æternum.

5. Reprobatio non peremptoria hujusmodi, & reprobationis & electionis naturæ immutabili, & inter se contrariæ, omnino repugnat.

Ita enim eodem tempore, unus idemque, & electus esset ad salutem, & reprobatus; filius Dei, & filius diaboli.

6. Causa impulsiva antecedens reprobationis à gratia ac gloria ad justam damnationem, est solum liberum Dei placi-tum, etsi executionis ipsius, seu justæ damnationis, causa sit quodvis peccatum ab homine factum, à Deo permissum & toleratum, Matth. 11. 25, 26. Rom. 9. 16. 18. 22. Rom. 6. 23. 2. Theſſ. 1. 8, 9.

7. Nam propter solum etiam originale peccatum damna-tio est, quæ omnis peccati stipendium est, etiam non actua-lis, Rom. 5. 12. 14. 21. Ideoque infantes infidelium à fœdere Dei alienorum, non renati, naturâ sunt filii iræ, sine Chri-sto, sine spe, sine Deo, Ephes. 2. 3. 12. ut etiam in diluvio, infantes mundi improborum, & Sodomitarum impiorum, in conflagratione etiam infantes perierunt, iræque Dei cum parentibus justè subjecti fuerunt, 2. Pet. 2. 5. 6.



DEFENSIO DOCTRINÆ,  
DE PERSEVERANTIA  
SANCTORUM:

Ad veritatis in SYNODO NATIONALI DORDRACI propositæ, demonstra-  
tionem: & errorum, ab adversariis in ANTISYNODO opposito-  
rum, confutationem.

**R**ÆCLARE dictum; Δις ἔ τρις, τὰ καλὰ· ideoque, non ingratum fore, speramus, si, disceptatam, non ita pridem, de *Perseverantia Sanctorum, doctrinam*, novo quasi amictu, ac comitatu, uberius instructam, in Athenæi nostri theatrum, reducamus. Tanta enim illius est dignitas, & amplitudo; ut, brevi intuitu, minus plenè possit comprehendi: tamque ardua ac nobilis, de illius veritate, viget controversia, ut crebriorem discussio- nem, mereatur. Quamobrem, priscæ illius, in arena, usurpatæ vocis, *Repete*, non im- memores, idem argumentum, Deo duce, recalemus: ac primum, de *sanctis ac sanctitate*; deinde, de eorum *perseverantia*, pro modulo nostro differemus: ut, & veræ doctrinæ, in *Synodo Nationali*, con- fessæ, robur, ad piorum confirmationem, magis illustretur; & adversariorum, in primis in *Antisynodo*, errores contrarii plenius ac planius, diluantur. Quia in re, si hæc defensio, consuetam brevitatis metam, longè excesserit, & in libelli modum excreverit, illud, & studio meo erga veritatem, & consolationi Ecclesiæ, & expectationi bonorum (quibus hanc opellam destinavi) lectores benignè condonabunt.

## T H E S I S I.

**Q**UOD Hebraicè *Kadosch*, Græcè *ἅγιος*, id Latine, *San- ctus*, simili ferè origine, ac sensu, appellatur.

2. Nam ut, à *kadosch*, sanctus fuit<sup>a</sup>, aut sacratus<sup>b</sup>, *kadosch* sanctus<sup>c</sup>, seu à vitio purus, aut sacer<sup>d</sup>; sic ab *ἅγιος*, res veneranda<sup>e</sup>, *ἅγιος* derivatur<sup>f</sup>. Quæ vox, propriè quidem *venerabilem* g, per *synecdochen* verò, *sanctum* vel *sacrum* h (quod tales reverentiâ digni) significat.

<sup>a</sup> Jcf. 65. 5. <sup>b</sup> Exod. 28. 41. <sup>c</sup> Levit. 19. 2. <sup>d</sup> Scholiast. Soph. in Oedip. Tyr. Eusth. in Iliad. <sup>e</sup> Hefych. Lex. 1. 1. Pet. 1. 15. 16. <sup>f</sup> Ibid. & Luc. 2. 23.

3. Ac sanctum quidem *generatim*, vitii expertem<sup>a</sup>: vel *speciatim* (cùm à iusto, strictius etiam sumpto, distinguitur<sup>b</sup>) *sanctus* religiosum, seu *iussum* pium<sup>c</sup> designat. Quem, vocis hu- jus, usum, surculus illius, *ἁγία*, illustrat. Quod, vel *sancti- fico* notat; ut, *Deus sanctificet vos totos* d: vel *sacro*: ut, *Per quem sanctificatus est* e, nempe non hostis Filii, sed Filius (quod adversarii tandem, in Antisynodo f, veritate victi, non averfantur) ut alibi; *Pro ipsis me sanctifico* g, hoc est, corporis & sanguinis sacrificio<sup>h</sup>, me consecro.

<sup>a</sup> Hefych. Lex. 1. Pet. 1. 15. 16. <sup>b</sup> Marc. 6. 20. Act. 3. 14. <sup>c</sup> Hefych. Lex. d. 1. Theff. 5. 23. <sup>d</sup> Heb. 10. 29. <sup>e</sup> Acta Synod. Remoult. de Persev. pag. 237. & 238. <sup>f</sup> Joh. 17. 19. <sup>g</sup> Heb. 10. 10.

4. Similiter Latine, à *Sanctio*, hoc est, confirmo, *sanctus* a, quasi, adversus injuriam, firmatus atque inviolatus<sup>b</sup>, *pro- priè* dicitur. Quo modo *sanctus & inviolatus* c, *οὐρανίου* jungi solent: & *tribuni sancti* d, *sanctus senatus* e, *sancta le- ges* f, appellantur. Unde etiam, per *synecdochen*, aut *sacrum* g, aut *vitiorum exsortem*, ac inprimis religiosum<sup>h</sup> (ut in cele- bri illo, fucati hominis, voto: *Da, justum sanctumque vide- ri* i) designat. Qua explanatione, trita illa *priscorum*, de vocis hujus significatione, *concertatio* k, distinctè dirimitur.

<sup>a</sup> Festus fragm. Priscian. in Virg. Aene. 12. <sup>b</sup> Fest. de verb. signif. frag. <sup>c</sup> Cæ- sar de bello Gal. 1. 3. <sup>d</sup> Cic. de leg. 1. 3. <sup>e</sup> Virg. Aeneid. 1. <sup>f</sup> Horat. Ser. 1. 1. saty. 1. <sup>g</sup> Macrob. Satur. 1. 3. <sup>h</sup> Ibidem. <sup>i</sup> Horat. ep. 16. lib. 1. <sup>k</sup> Fest. de verb. signif. frag.

5. Porro sanctus etiam, quum à vitiis purum notat, in Sac. Lit. (pro multiplici sanctitatis hujus discrimine) ambigüe di- ci solet. Alia enim sanctitas est *essentia*: alia verò, *accidens*.

4. *Prior*, est *sanctitas Dei creatoris*: qui Deus, prima & infinita, simpliciter & absolute immutabilis, sanctitas ex- istit: à qua, reliqua omnis, suo modo, promanat. Quo sensu, *solus sanctus* a, dicitur: & *Sancti* vox, pro Deo b, ob infinitam sanctitatis eminentiam, *synecdochice* usurpatur.

<sup>a</sup> Apoc. 15. 4. 1. Sam. 2. 2. <sup>b</sup> Jcf. 40. 25.

7. *Posterior* verò, est finita, ex Dei dono, *creatura ra- tionalis*, puritas. Quæ (pro subjecti, & naturæ illius, ra- tione) vel personæ est; vel actionis. Illa, est habitus, eoque per se durabilis, quæque unâ actione contrariâ (circa mira-

culum) amitti nequit: hæc verò, pro fluxâ actionis naturâ, durare non potest. Quæ actionis sanctitas, *ἀγαθὸς ἁγία- monia* a, dicitur. Et si, hæc dictio, strictius interdum, ca- stitatis opera (præsertim quum impuris libidinibus opponi- tur) designet<sup>b</sup>.

<sup>a</sup> Rom. 6. 19. <sup>b</sup> 1. Theff. 4. 4.

8. *Sanctitas* autem *persona*, in originalem, & adventitiam, distribuitur.

9. *Originalis* est, quæ, inde, ab origine, ad imaginem Dei, facta. Eaque, vel *Angelorum* est, vel *hominum*.

10. *Angelorum sanctitas*, circumstantiis varians, *una E- lectorum* a est: qui perpetuò, Dei gratiâ, in naturæ suæ puri- tate, permanent<sup>b</sup>. Quâ de causâ *sancti Angeli* c, distinctè: & *Sancti* d *synecdochicè*, (ob finitam quandam puritatis, in- ter creaturas, excellentiam) appellantur. Altera verò, fuit *Reproborum* e, qui sponte, merâque suâ culpâ, ab originis suæ puritate, in æternum desciverunt<sup>f</sup>.

<sup>a</sup> 1. Tim. 5. 21. <sup>b</sup> Pl. 103. 20. <sup>c</sup> Matth. 25. 31. <sup>d</sup> Dan. 4. 10. 14. 1. Theff. 3. 13. cum Jud. v. 14. <sup>e</sup> Matth. 25. 41. <sup>f</sup> 1b. 2. Pet. 2. 4. Jud. 6.

11. *Hominum* verò *originalis sanctitas*, *aliam per creationis*; alia per *conceptionis gratiam*, existit. Atque illa quidem mu- tabilis, Adamo primo, & Evæ, à Deo, indita<sup>a</sup>, sed, libe- ro ipsorum vitio deperdita<sup>b</sup>: hæc verò (ob personæ c, & of- ficii, perfectionem singularem<sup>d</sup>) constans & immutabilis, soli Adamo secundo e, Filio Dei servatori Christo f, propria est. Ideoque ob hanc etiam, præ cæteris omnibus, excel- lentiam g, *Sanctus ille* h, & *sanctus sanctorum* i, nominatur. Atque hæc, de *sanctitate originali*.

<sup>a</sup> Gen. 1. 26. 27. <sup>b</sup> Rom. 5. 17. <sup>c</sup> Jer. 23. 6. <sup>d</sup> Matth. 17. 5. <sup>e</sup> 1. Cor. 15. 45. 47. Rom. 5. 14. <sup>f</sup> Luc. 1. 35. <sup>g</sup> Heb. 7. 26. <sup>h</sup> Apoc. 3. 7. <sup>i</sup> Dan. 9. 24.

12. *Adventitia* verò *persona sanctitas*, est, quæ homini, post originalem sanctitatem, per lapsum amissam, divinitus accidit. Quæ quum, & in hac vitâ a, & post hanc vitam b, dispari ratione, contingat: nos, posteriori (quæ, ad amissim perfectâ c est) omisâ, priorem, & quidem adulterum (de quibus hîc controversia est) uberius, pro instituti nostri ra- tione, exponere conabimur.

<sup>a</sup> Eph. 5. 26. <sup>b</sup> 1b. v. 27. Col. 2. 22. 1. Cor. 13. 10. <sup>c</sup> Eph. 5. 27. Col. 2. 22.

13. Ea autem, *hujus vitæ, adventitia persona sanctitas*, est puritas illa, quæ, per Euangelii Christi, & Spiritus Sancti, efficaciam, promanat. Cujus sanctitatis, ita generatim acce- ptæ, ratione, omnes Christum profitentium cœtus, *Ecclesia sanctorum* a, nuncupantur.

<sup>a</sup> 1. Cor. 14. 33.

14. Quæ sanctitas iterum (pro efficaciz hujus, aut ho- minem regenerantis, aut non regenerantis, discrepantia) in duo genera dispescitur. Alia siquidem *renatorum* est: alia *non renatorum*.

15. *Ren-*

15. *Renatorum sanctitas*, est gemina: una, intrinseca & inhærens: altera, extrinseca & adhærens. Quæ duo inseparabili vinculo, ex fœderis divini formula<sup>a</sup>, connectuntur.

<sup>a</sup> Jer. 31. 33. 34. 1. Cor. 6. 11.

16. *Intrinseca & inhærens sanctitas*, est inchoata<sup>a</sup>, totius animæ<sup>b</sup>, secundum Electionem Dei<sup>c</sup>, per Euangelium<sup>d</sup>, & Spiritum Sanctum<sup>e</sup>, virtutum Christianarum donatione, ad imaginem Dei, renovatio<sup>f</sup>.

<sup>a</sup> Eph. 4. 15. 16. Galat. 5. 17. 1. Joan. 1. 8. <sup>b</sup> Eph. 3. 16. 17. 18. <sup>c</sup> Ibid. 1. 4. <sup>d</sup> Theff. 2. 13. <sup>e</sup> Jac. 1. 18. <sup>f</sup> 1. Pet. 1. 22. Tit. 3. 5. <sup>g</sup> Ibid. 1. 1. Pet. 1. 22. 23. Eph. 4. 23. 24.

17. Quæ renovatio, Metaphoricè regeneratio<sup>a</sup>, & novus<sup>b</sup> ac internus homo<sup>c</sup>, & divina natura communio<sup>d</sup>, nuncupatur: atque ita renovati, nova creatura<sup>e</sup>, regeni<sup>f</sup>, nati ex Deo<sup>g</sup>, & ex Spiritu<sup>h</sup>, eodemque sensu, *ἀνδρὶν supernè nati*<sup>i</sup>, eâ de causâ, appellantur.

<sup>a</sup> Tit. 3. 5. <sup>b</sup> Eph. 4. 24. <sup>c</sup> Ibid. 3. 16. <sup>d</sup> 2. Pet. 1. 4. <sup>e</sup> 2. Corinth. 5. 17. <sup>f</sup> 1. Pet. 1. 23. <sup>g</sup> Joan. 1. 13. 1. Johan. 3. 9. <sup>h</sup> Johan. 3. 6. <sup>i</sup> Ibid. 3. 3.

18. *Inchoata* autem, ea sanctitas, dicitur, quia, effecta quidem est, sed non perfecta<sup>a</sup>: quodque vetus homo, sic sit exutus<sup>b</sup>; ut partim superfit, toto vitæ curriculo, magis ac magis exuendus<sup>c</sup>.

<sup>a</sup> 1. Corinth. 13. 9. Philipp. 3. 12. 13. 14. <sup>b</sup> Col. 3. 9. <sup>c</sup> Eph. 4. 22. Rom. 12. v. 2.

19. Virtutes autem Christianæ, quibus anima hominis divinitus donata, renascitur ac sanctificatur, sunt partim, *mentis* seu intellectus; partim, *cordis* (strictè sumpti<sup>a</sup>) seu voluntatis<sup>b</sup>. Quæ sanctificatio, nervosa similitudine, *datio legum*, in mente: & *inscriptio earum*, in corde<sup>c</sup>, *circumcisio cordis*<sup>d</sup>, *amotio cordis lapidei*, ac *datio cordis carnis*<sup>e</sup> (hoc est mollis, Deoque obtemperantis) & per synecdochen, *datio timoris Dei*, in corde<sup>f</sup>, *veteris hominis* (ut sic loquar) *exutio*, novique *indutio*<sup>g</sup>, appellatur. Unde auctor illius, verus Deus, verè (non ut falsò, falsus<sup>h</sup>) *verticordius* comperitur,

<sup>a</sup> Non pro anima: ut Matt. 15. 19. nec pro intellectu: ut 2. Cor. 4. 6. <sup>b</sup> Col. 3. 10. Rom. 12. 2. Eph. 4. 23. 24. <sup>c</sup> Jerem. 31. 33. Hebr. 8. 10. <sup>d</sup> Deut. 10. 6. Rom. 2. 29. <sup>e</sup> Ezech. 36. 26. <sup>f</sup> Jerem. 32. 40. <sup>g</sup> Col. 3. 9. 10. <sup>h</sup> Valer. Max. lib. 8. c. 14.

20. Quarum virtutum causâ, homo renatus, *bona terra*<sup>a</sup>, *bona arbor*<sup>b</sup>, *bonus homo*<sup>c</sup>, *corde honesto bonoque præditus*<sup>d</sup>, à potiori parte, nominatur.

<sup>a</sup> Luc. 8. 15. cum Heb. 6. 7. <sup>b</sup> Luc. 6. 43. cum Psalm. 1. 3. <sup>c</sup> Luc. 6. 45. <sup>d</sup> Luc. 8. 15.

21. Ac *mentis virtus*, per quam renascitur ac sanctificatur, est *viva*, in Christum, *fides*<sup>a</sup>: *cordis* verò est partim, *charitas sincera*<sup>b</sup>, partim, *spes* ac fiducia salutis<sup>c</sup> *viva*<sup>d</sup>. Quæ trinæ renatorum *virtutes*, *Christiana* ac *principes*, eâ de causâ, concipnè vulgò appellantur, & in Sacris Literis, distinctè & expresso numero, recensentur<sup>e</sup>.

<sup>a</sup> Joh. 1. 12. 13. Act. 15. 9. & 26. 18. 2. Theff. 2. 13. 1. Pet. 1. 21. 22. Eph. 1. 18. 19. <sup>b</sup> 2. Cor. 6. 6. 1. Tim. 1. 5. 1. Pet. 1. 21. 22. <sup>c</sup> 1. Theff. 5. 8. <sup>d</sup> 1. Pet. 1. 3. 21. Hebr. 6. 19. <sup>e</sup> 1. Theff. 1. 3. & 5. 8. 1. Corinth. 13. 13. 1. Pet. 1. 21. 22.

22. Spes tamen nonnunquam, sub charitatis voce (latius acceptâ, & à solâ fide, distinctâ) comprehenditur<sup>a</sup>. Ideoque *internus homo*, (seu interna regenerationis sanctitas) in fidem & charitatem, distribuitur, iisque membris declaratur<sup>b</sup>. Cui consentit, quod novus homo, veritate (seu verâ Dei Christique agnitione<sup>c</sup>) & iustitiâ ac sanctitate *innotuit*, limitatur<sup>d</sup>. Primum enim fidem indicat: reliqua duo, charitatem in Deum & proximum, designant.

<sup>a</sup> 2. Tim. 1. 13. Eph. 1. 15. <sup>b</sup> Eph. 3. 16. 17. 18. 2. Tim. 1. 13. <sup>c</sup> Col. 3. 10. <sup>d</sup> Eph. 4. 24.

23. *Vivam* autem *fidem* intelligimus, quæ sanctorum, Deoque, per Christum, acceptorum, fructuum est ferax<sup>a</sup>: eosque bonæ terræ, ac bonæ arboris instar, suo tempore, producit<sup>b</sup>: licet non omni: utpote quum, suam etiam interdum hyemem patiatur: & vigor repressus, ad tempus lateat: & suo vere, sese rursus exerat.

<sup>a</sup> Luc. 8. 15. Galat. 5. 6. 22. Jac. 2. 17. 20. 22. 23. Hebr. 11. <sup>b</sup> Psalm. 1. v. 3.

24. *Primum* enim in mente, in Euangelium intentâ, fidem actualem, & veram gratiæ Dei<sup>a</sup>, ac salutis<sup>b</sup>, persuasionem gignit. *Deinde*, per eandem persuasionem, cor afficiens, *partim* fiduciæ ac spei<sup>c</sup>, *partim* charitatis<sup>d</sup>, internas externasque actiones, excitat atque educit<sup>e</sup>.

<sup>a</sup> Rom. 4. 25. Gal. 2. 20. <sup>b</sup> Rom. 8. 38. Act. 15. 11. <sup>c</sup> Eph. 3. 12. Hebr. 6. 18. 19. Rom. 4. 18. <sup>d</sup> 1. Timoth. 1. 5. <sup>e</sup> Rom. 4. 18. Hebr. 11. Jac. 2. 22.

25. Quæ propterea, *fides per charitatem efficax*<sup>a</sup>, dilectionis origo<sup>b</sup>: & quia reipsa, cum illa, quam Euange-

lium, ad salutem, requirit, fide, omnino congruit, *ἀντικειμένη non simulata*<sup>c</sup>, & *pretiosa fides*<sup>d</sup>, & à proprio suo, cui soli competit<sup>e</sup>, subjecto, *καὶ ἰσχυρῶς* intellecto, *fides electorum*<sup>f</sup>, & *fides sanctorum*<sup>g</sup> appellatur. Siquidem electi non quivis; sed ad vitam æternam: nec sancti omnes, qui Spiritu illuminationis; sed soli electi<sup>h</sup>, qui Spiritu regenerationis & adoptionis, sanctificati, intelliguntur<sup>i</sup>.

<sup>a</sup> Gal. 5. 6. Jac. 2. 14. <sup>b</sup> 1. Tim. 1. 5. <sup>c</sup> Ibid. & 2. Tim. 1. 5. <sup>d</sup> 2. Pet. 1. 1. <sup>e</sup> Act. 13. 48. Joh. 6. 44. 2. Theff. 2. 13. 14. & 3. 2. <sup>f</sup> Tit. 1. 1. Act. 13. 48. <sup>g</sup> Apoc. 13. 10. <sup>h</sup> Ibid. vers. 8. 2. Theff. 2. 13. <sup>i</sup> 2. Theff. 2. 13. 1. Pet. 1. 2. 3.

26. *Extrinseca* verò, & *adhærens sanctitas*, est perfecta<sup>a</sup> Jesu Christi, sponsoris, ac capitis, renatorum<sup>b</sup>, puritas, & ad mortem usque crucis, obedientia: quæ, ipsi, per vivam fidem<sup>c</sup>, & Spiritum Sanctum<sup>d</sup>, membrorum instar, unitis<sup>e</sup>, communicatur<sup>f</sup>: ideoque à Deo, ad iustitiam, verè imputatur<sup>g</sup>. Eaque externæ sanctificationis species, *iustificatio*, distinctè ab interna (quæ specialius *sanctificatio*, vocatur) dici solet.

<sup>a</sup> Phil. 2. 8. <sup>b</sup> Hebr. 7. 22. Eph. 5. 23. <sup>c</sup> Eph. 3. 17. Joh. 6. v. 56. cum 35. <sup>d</sup> 1. Cor. 12. 12. 13. <sup>e</sup> Ib. & Rom. 12. 5. Col. 2. 19. Joh. 6. 59. <sup>f</sup> Phil. 3. 9. 2. Cor. 5. 21. <sup>g</sup> Rom. 5. 19.

27. Quâ de causâ, *fides viva*, tanquam organum illius, *iustificans*<sup>a</sup>, & *salvifica*<sup>b</sup> (ut ab aliâ quâvis discriminetur) in Ecclesiâ, Scripturæ ipdicio, nuncupatur. Ac Christus etiam sanctitatis suæ, pro nobis præstitit, & imputatæ, gratiâ, *sanctificans*<sup>c</sup>: & verè fideles, etiam *sanctificati*<sup>d</sup>, & *sancti*<sup>e</sup> *καὶ ἱεροὶ*<sup>f</sup>, dicuntur.

<sup>a</sup> Rom. 5. 1. & 8. 33. <sup>b</sup> Mar. 16. 16. Joa. 3. 36. 1. Pet. 1. 9. 10. <sup>c</sup> Joa. 17. 19. Hebr. 2. 11. & 10. 10. 14. & 13. 12. <sup>d</sup> Ibid. <sup>e</sup> 1. Cor. 6. 2. Eph. 4. vers. 12. <sup>f</sup> Matth. 27. 52. Rom. 8. 27.

28. Porro *sanctitas* renatorum, ratione *subjecti* sui, rursus distribuitur: aut enim est hominis singularis, aut cœtus hominum, seu populi, atque Ecclesiæ alicujus. Quæ, attributis suis; nonnihil variant: ut postea constabit. Atque hæc, de *gemina renatorum sanctitate*.

29. Non renatorum verò inhærens sanctitas, est supernaturalis<sup>a</sup>, mentis eorum, per fidem dogmaticam, seu Evangelii agnitionem<sup>b</sup> (quæ intelligentiam, & assensum illius, complectitur) virtute Spiritus Sancti, illustratio<sup>c</sup>, à cordis regeneratione, separata<sup>d</sup>. Ideoque, fides huiusmodi, herbæ non radicatæ<sup>e</sup>, comparatur: eâque præditi, *petrosi*<sup>f</sup>, *spinosi*<sup>g</sup>, *serra reproba*<sup>h</sup>, *animæque instabiles*<sup>i</sup>, vocantur.

<sup>a</sup> Matth. 16. 17. 1. Cor. 2. 14. <sup>b</sup> Hebr. 6. 4. 5. & 10. 26. 2. Pet. 2. 20. 21. <sup>c</sup> Hebr. 6. 4. & 10. 26. <sup>d</sup> Act. 8. 13. 21. Jac. 2. 20. <sup>e</sup> Luc. 8. 13. <sup>f</sup> Ibid. <sup>g</sup> Ib. <sup>h</sup> Hebr. 6. 8. <sup>i</sup> 2. Pet. 2. 14.

30. Quales fuerunt, proditor *Judas*<sup>a</sup>, *Simon Magus*<sup>b</sup>, *Hymenæus*, *Philetus*, *Alexander*<sup>c</sup>, multique alii, qui ita in Christum crediderunt, ut, iustamen Christus (cordium ipso- rum conscius) *se ipsum, minimè crediderit*<sup>d</sup>: *quique gloriam hominum magis, quàm Dei, dilexerunt*<sup>e</sup>.

<sup>a</sup> Matth. 27. 4. 5. <sup>b</sup> Act. 8. 13. 21. <sup>c</sup> 1. Tim. 1. 19. & 20. 2. Tim. 2. 17. 18. <sup>d</sup> Joh. 2. 23. 24. <sup>e</sup> Joh. 12. 42. 43.

31. Quæ *fides*, idcirco *mortua*<sup>a</sup>, licet dispari ratione, dici solet. Alia enim, *absolutè ferè*: alia, *relatè* solum, ita appellatur.

<sup>a</sup> Jac. 2. 26.

32. *Absolutè ferè mortua* est, quæ, præternudum, intellecti Evangelii, assensum, ac confessionem, opera, fidei indicia, nulla, aut rara, producit<sup>a</sup>: aut scelerum præterea licentiam (ex cordis pravitate, &, perversâ, libertatis Christianæ, interpretatione<sup>b</sup>) conjunctam retinet<sup>c</sup>.

<sup>a</sup> Jacob. 2. 20. <sup>b</sup> 2. Pet. 2. v. 19. Galat. 5. v. 13. Judæ. 4. <sup>c</sup> 2. Pet. 2. vers. 18, 19, 20.

33. *Relatè* verò, *mortua fides*, dicitur, non ea, quæ, omni prorsus agendi facultate, caret: sed quæ illa, fidei renatorum ac iustificantis, vi, ad sancta Deoque grata opera edenda, efficaci, destituitur. Id quod, *partim* adjuncta illius; *partim* effecta, demonstrant.

34. *Adjuncta*, quia non solum, à verâ charitate, separata est (sine quâ, omnis fides, vana ac mortua<sup>a</sup>) sed etiam, quia plerumque falsam, de suæ sanctitatis integritate ac præstantiâ, comitem habet opinionem, & vanam similiter, de gratiâ ac salute, persuasionem & confidentiam<sup>b</sup>. Quæ, perversæ illius opinionis, est soboles: quâ *sibi videntur*, stare in gratiâ, & à casu exitii, immunes<sup>c</sup>.

<sup>a</sup> 1. Cor. 13. 2. 3. Jac. 2. 26. <sup>b</sup> Jac. 2. 20. Gal. 5. 6. Matth. 7. 21. 22. & 25. 3. 11. <sup>c</sup> 1. Cor. 10. 12.

35. *Effecta* deinde illius *mortue fidei*, cum interna, tum externa, idem luculenter ostendunt.

36. *Internum* enim, in corde, *effectum primum* est, aliqua affectuum ipsorum mutatio. Cujusmodi est, evanidum, ex Evangelii cognitione, & assensu, gaudium<sup>a</sup>. Quod non ex verâ, gratiæ ac gloriæ, persuasione, verâque spe (quæ, solam fidem justificantem, sequuntur<sup>b</sup>) promanat: quemadmodum *credentes*, dicuntur *exultare*, *gaudio ineffabili & glorioso*<sup>c</sup>: *sermonemque accepisse, cum gaudio, per Spiritum Sanctum*<sup>d</sup>.

<sup>a</sup> Matth. 13. v. 20. Joan. 5. v. 35. <sup>b</sup> Joan. 14. v. 16. 17. & cap. 16. v. 22. Act. 16. 34. Rom. 5. 2. & 12. 12. <sup>c</sup> 1. Pet. 1. 8. <sup>d</sup> 1. Thess. 1. 6. Rom. 14. 17.

37. Oritur verò, *partim* inde, quòd, amabili Evangelii luce, fœdas ignorantie tenebras, & acerbos superstitionum terrores, sibi eximi sentiant: *partim*, quod cœlestia, verè credentibus ac renatis, promissa, ac propria bona, per Evangelii prædicationem, objecta, intellectus, ac desiderii, vanæque confidentiæ, quasi gustu, prælibent<sup>a</sup>: non autem fide vivâ, ac serio, boni cordis, amore, per Spiritum consolatorem, percipiant<sup>b</sup>, &, animi ventriculo receptum, conservent.

<sup>a</sup> Heb. 6. 4. 5. Luc. 14. 15. <sup>b</sup> Joan. 14. 17. Luc. 8. 13. 18. collato cum 15. Heb. 6. 7. 8.

38. Alterum effectum internum est, quædam innatæ vitiositatis naturæ, & pristinæ cupiditatis, non extirpatio (quæ, per regenerationem, renatis propria est<sup>a</sup>) sed, per agnitionem Evangelii, & Dei auxilium, refrænatio: & aliquod, honestè vivendi, studium: non autem solida sui abnegatio, & resipiscencia salutaris: quæ, vivâ fide sanctificatis, convenit<sup>b</sup>: ut ex sequentibus effectis colligitur.

<sup>a</sup> Ezech. 36. 26. Gal. 5. 24. <sup>b</sup> Act. 11. 17. 18. 2. Cor. 7. 10.

39. *Externa* verò *effecta*, sunt Christianæ disciplinæ, per corporis ministerium, in sensus incurrens, observatio. Quæ, in externâ vitæ correctione, consistens, *partim*, in pristinæ ac dissolutæ, errorum ac scelerum, impuritatis desertione ac fugâ<sup>a</sup>: *partim*, in externâ, erga Evangelium (per verbi ac Sacramentorum, professionem, ac communionem, vitæque honestatem) obedientiâ<sup>b</sup>, conspicitur. Adeo ut, hisce de causis, hac fide præditi, non quidem simpliciter & absolute; sed partim ac comparatè, *lois*<sup>c</sup>, & *ab inquinamentis mundi, reipsâ elapsi*<sup>d</sup>, nominentur. Quod, quum non observent adversarii, invalido sophismate, perseverantiam sanctorum oppugnant.

<sup>a</sup> 2. Pet. 2. 13. 20. <sup>b</sup> Ibid. <sup>c</sup> 2. Pet. 2. 22. <sup>d</sup> Ibid. vers. 20.

40. Quibus effectis licet, vivam fidem, mortua adeo imitetur, & assimulet; ut, non solum fidelibus (ex charitatis lege, probabiliter judicantibus<sup>a</sup>) sed, suo etiam possessori hallucinanti, viva esse, sapius videatur<sup>b</sup>: vivam tamen nunquam exprimit.

<sup>a</sup> 1. Cor. 13. 7. <sup>b</sup> Matth. 7. 20. Luc. 8. 18. Jac. 2. 20.

41. Ideoque, non simpliciter & absolute, sed, hæc demum ratione spectatâ, *ψευδολογία simulata* (quòd aliud appareat, aliud reipsa existat) rectè dici, oppositè ad *ἀνυποκρίτως* non simulatam<sup>a</sup>, consuevit. Quippe licet suo modo, ac generatim, ea fides, sit vera, nempe, non simulata Christi agnitio, veraque professio: vera tamen, *κατ' ἐξῆς* dicta, fides, radicata, &, per charitatem, efficax: hoc est, eximia illa (ut *verum* etiam, pro eximio, usurpatur<sup>b</sup>) species, quam Evangelium, ad gratiam & gloriam, requirit, quæque sola, veros Christi discipulos, constituit<sup>c</sup>, verè dici non potest. Quâ distinctione, objecta, ab adversariis, inter nostros, diffensionis species, evanescit.

<sup>a</sup> 2. Tim. 1. 5. & 1. Tim. 2. 5. <sup>b</sup> Joan. 1. 9. 48. & 8. 31. & 15. 1. <sup>c</sup> Joan. 8. 31.

42. Siquidem hæc effecta, neque à *mente*, nisi parte quadam, sanctificata; neque à *corde* renato, procedunt: nec denique, per vivam, Christi ac sanctitatis ipsius, communionem, ab imperfectionis suæ vitio (quod electorum fidelium, qui viva Christi membra existunt, peculium est<sup>a</sup>) repurgantur ac justificantur.

<sup>a</sup> Heb. 9. 14. & 13. 21. 1. Pet. 2. 5. 1. Cor. 1. 30. Rom. 8. 30.

43. Tales enim fideles, licet malè ingesta, canino more, evomuerint, & sordes suas, porcorum instar, quodammodo eluerint<sup>a</sup>: insitâ tamen cordibus immunditiæ, & carnis dominio, canes & porci esse non desinunt<sup>b</sup>: ut qui non sint ita *abluti*, ut etiam sint *sanctificati, & justificati, per no-*

*men Jesu, & per Spiritum Dei nostri*<sup>c</sup>: nec concives sanctorum<sup>d</sup>, domus Dei<sup>e</sup>, ac templum Dei: in quo, Spiritus Dei, habitet<sup>f</sup>.

<sup>a</sup> 2. Pet. 2. 22. <sup>b</sup> Ibid. <sup>c</sup> 1. Cor. 6. 11. <sup>d</sup> Eph. 2. 19. <sup>e</sup> Eph. 2. 22. Heb. 3. 6. <sup>f</sup> 1. Cor. 3. 16.

44. Ac propterea, qui hujusmodi præditi sunt fide, et si quasdam, cum verè fidelibus ac renatis, appellationes (ob aliquam, cum iis, convenientiam) habeant communes; reipsa tamen, plurimum discrepant, &, ab eorum censu, meritò excluduntur.

45. Qualis appellatio est, quòd, *ab hero*, dicuntur *empti*<sup>a</sup>: hoc est, (ut alibi loquitur Scriptura<sup>b</sup>) acquisiti: per consuetam, ac mutuam, synecdochen. Nam, ut generalis vox, *acquirere*, pro emere<sup>c</sup>: sic specialis, *emere*, pro acquirere<sup>d</sup> (sicut etiam *redimere*, pro liberare<sup>e</sup>) vicissim usurpatur. Quod ut, in *disputatione, de morte Christi*, paucis exposuimus: sic, hoc in loco, copiosius nonnihil, ad majorem evidentiam, erit explanandum.

<sup>a</sup> 2. Pet. 2. 1. <sup>b</sup> Exod. 15. 16. Deut. 32. 6. <sup>c</sup> Act. 7. 16. cum Genes. 25. 10. <sup>d</sup> Est. 5. 1. Apoc. 3. 18. <sup>e</sup> 2. Sam. 7. 23. Psal. 26. 11. Luc. 21. 28. Rom. 8. 23. Heb. 11. 35.

46. Quippe, *empti*, hîc dicuntur, non à Domino, Filio; sed, ab *hero*, nimirum Patre: cui soli, appellatio *dominus heri*, distincte, à voce *voce Domini*, in Sacris Literis<sup>a</sup>, attributa est. Deinde, nec speciatim, sanguine<sup>b</sup>, aut pretio<sup>c</sup>; sed generatim, dicuntur empti: hoc est, acquisiti: nempe, quòd illos Deus herus, in familiam suam, ac numerum, non *κατ' ἐξῆς* suorum<sup>d</sup>, filiorum scilicet atque hæredum; sed servorum (qui in domo non manent<sup>e</sup>, sed exhæredes sunt<sup>f</sup>) adsciverit.

<sup>a</sup> Luc. 2. 29. Act. 4. 24. 2. Tim. 2. 21. Judæ 4. <sup>b</sup> Apoc. 5. 9. <sup>c</sup> 1. Cor. 6. 20. & 7. 23. <sup>d</sup> 2. Tim. 2. 19. <sup>e</sup> Joh. 34. 35. <sup>f</sup> Gal. 4. 30.

47. In cujus heri magnâ domo, vasa quædam sunt, ad decus, pura: quædam, ad dedecus, impura<sup>a</sup>: utraque tamen empta, seu acquisita; sed diverso acquisitionis modo.

<sup>a</sup> 2. Tim. 2. 20. 21.

48. *Illâ* quidem, communiter per Dei, ad agnitionem Christi, vocationem, & externam Ecclesiæ communionem: *hac* verò, propriè, *partim*, per Dei Patris, ad vivam fidem, vocationem, & adoptionem<sup>a</sup>: *partim*, per Dei Filii sanguinem, acquisita<sup>b</sup>. Unde hi fideles duntaxat, *empti ex hominibus, primitiâ Deo & agno*<sup>c</sup>, dicuntur: *Deo* quidem Patri, ut domus heri<sup>d</sup>, in filios atque hæredes<sup>e</sup>; sed *agno*, Jesu Christo, ut herili filio<sup>f</sup>, in cohæredes ipsius<sup>g</sup>, acquisiti. Ideoque perseverantiæ Sanctorum minimè adversatur.

<sup>a</sup> 2. Thess. 2. 13. 14. Joa. 1. 12. 13. <sup>b</sup> Act. 20. 28. <sup>c</sup> Apoc. 14. 4. <sup>d</sup> 2. Tim. 2. 21. Heb. 3. 5. <sup>e</sup> Rom. 8. 17. 1. Pet. 2. 9. <sup>f</sup> Heb. 3. 6. <sup>g</sup> Rom. 8. 17.

49. Talis etiam est appellatio, quòd, *palmis Christi*<sup>a</sup>, vocantur: quia, per illius agnitionem, ac professionem, externamque, cum palmitibus ejus (hoc est, Ecclesiâ, mystico Christi corpore, atque eatenus cum Christo) habent communionem. Verum, quoniam, vivificâ Christi unionem, & succo vivificantis Spiritus, carent, uvæ non profuerunt, ideoque, ut infructuosi, tandem excluduntur, & in ignem deiciuntur<sup>b</sup>: illasâ interim sanctorum perseverantiâ.

<sup>a</sup> Joh. 15. 2. <sup>b</sup> Joa. 15. 2. & 6. Matth. 13. 30. 42.

50. Quò etiam modo, secundum quid *filii regni*<sup>a</sup>, nuncupantur. Siquidem ab iis, qui *filii regni*<sup>b</sup>, sunt simpliciter: quique electi sunt, & adoptati in filios<sup>c</sup>: qui, non solum sunt in Ecclesiâ, sed etiam ex Ecclesiâ<sup>d</sup> (tanquam viva illius, ac Christi, membra) disparantur. Atque hæc, de *sanctis, & sanctitate*: consequens est, ut ad *perseverantiam* eorum, à voce (ut sophismatis occurratur) exorsi, procedamus.

<sup>a</sup> Matth. 8. 12. <sup>b</sup> Matth. 13. 38. <sup>c</sup> Eph. 1. 5. Gal. 3. 26. 1. Pet. 1. 22. 23. Joh. 1. 12. <sup>d</sup> 1. Joh. 2. 19.

51. *Perseverare* autem, licet, à voce *perseverus* (quæ rigidum atque obstinatum notat) derivetur; generalius tamen, perdurare, seu permanere, significat. Quocirca, eodem sensu, ad verborum copiam, *perseverare & permanere*<sup>a</sup>, connectuntur. Et, ut in bonam partem, ad constantiam; sic etiam, in malam, ad pertinaciam, referri solet. Sicut, sapiens illa Oratoris sententia, ostendit; *Cujusvis hominis, est errare: nullius, nisi insipientis, in errore perseverare*<sup>b</sup>. Quod si satis expendere adversarii, in veritatis castra, redirent.

<sup>a</sup> Cic. de Leg. 1. 3. <sup>b</sup> Ibid. Philip. 12.

52. Cui voci Latinæ, in S. Literis, hæ Græcæ, *ὑπομένειν*<sup>a</sup>, *ἀγωνίζεσθαι*<sup>b</sup>, *ὑπομένειν*<sup>c</sup>, *ἐμμένειν*<sup>d</sup>, ac divisi *μείνειν*<sup>e</sup>, *ἵκναι*<sup>f</sup> (quod etiam in utramque partem usurpatur<sup>g</sup>) & inter-

terdum *ὑπομένει* h, diversa licet ratione, respondent. Illa enim *subiectum*, in quo, perseverantia inest: hæc verò, *obiectum*, quod ei obest, relatè connotat.

a Act. 2. 42. & 6. 4. Rom. 13. 6. b Heb. 1. 11. 2. Pet. 3. 4. c Act. 11. 23. d Act. 14. 22. Heb. 8. 9. e 1. Tim. 2. 15. 2. Tim. 3. 14. f Act. 13. 43. Col. 1. 23. g Rom. 6. 1. & 11. 22. 23. h Matth. 10. 22. & 24. 13.

53. Utque ab *ὑπομένει*, *ὑπομένει*, & ab *ὑπομένει*, *ὑπομένει* permanlio: sic, à *persevero*, perseverantia, eodem, cum Græcis illis vocibus, sensu<sup>a</sup> (licet significatione, per synecdochen, plerumque strictiore) derivatur. Hinc Varro ad Ciceronem, ait; *Quod, in quo oporteat manere, si, in eo, perferet, perseverantia sit*<sup>b</sup>. Quam sententiam, Cicero expolians; *perseverantia* (inquit) *est in ratione bene considerata, stabilis & perpetua, mansio*<sup>c</sup>. Eamque idcirco, fortitudinis partem, itauit<sup>d</sup>, & à *finisimâ pertinaciâ*<sup>e</sup>; cum Varrone<sup>f</sup>, discernit<sup>g</sup>. Sed à Valerio Maximo generalius, etiam, *vesana* quædam *perseverantia*, nominatur<sup>h</sup>.

a Glossar. Græc. vetus. b Deling. Lat. Lib. 4. c De invent. lib. 2. d Ibid. e Ibid. f De ling. lat. l. 4. g Partit. Orat. & de invent. lib. 2. h Lib. 1. c. 6.

54. Cæterum, ut *ὑπομένει*<sup>a</sup>, & *ὑπομένει*<sup>b</sup> permanere ac perseverare, metaphoricâ vocis abusione, interdum, non continuare, sed, per intervalla, frequentare, designant: sic etiam *ὑπομένει*<sup>c</sup>, & *ὑπομένει*<sup>d</sup>, perseverantia, pro frequentatione, improprie usurpantur. Quæ significatio, ab institutione nostrâ controversâ, alienior est.

a 1. Tim. 5. 5. b Ib. 4. 10. c Rom. 2. 7. Luc. 8. 15. d Eph. 6. 18.

55. *Perseverantia* autem *proprie*, pro *permanensione* accepta, generatim distinguitur, duobus modis: *primum* ratione rei subiectæ: *deinde*, ratione durationis illius.

56. *Ratione rei subiectæ*, cui perseverantia convenit, rursus bifariam dirimitur.

57. *Primo*, alia est *simpliciter*, seu omnino: alia *secundum quid*, seu partim. Illa est, quæ non solum veritatem essentiae rei, ut non intreat, sed etiam integritatem illius, ut nihil decedat, prorsus requirit. Qualis perseverantia Sanctorum est, in sanctitate suâ, in cœlis. Hæc verò, sola essentiae rei veritate, contenta est: licet eam variè mutari, augeri, minui, contingat.

58. *Secundo*, perseverantia, ratione rei subiectæ, alia, *absoluta* est: alia, *relata*: Illa est, rei non abolitæ, à primo ipsius initio, ad finem usque vitæ continuatio: hæc verò, est rei, post integram defectionem, seu plenam ipsius abolitionem, restitutæ, ad finem vitæ, permanlio. Prior, *totalis* simul ac *finalis*: posterior, *finalis* tantum, vulgò appellatur. Hæc de *perseverantia*, *ratione rei subiectæ*, *distinctione*.

59. *Ratione verò durationis*, perseverantia alia est, ad certum vitæ tempus, restricta<sup>a</sup>: alia, perpetua, ad finem usque vitæ<sup>b</sup>. Hicce, de vocis usu, præmissis, ad rem ipsam, progrediemur, & primum, de *perseverantia* sanctorum *veritate*: deinde verò, de *doctrina* illius, *utilitate* eximiâ, distinctè agemus. Ac prius quidem, descriptione sequenti, complectemur.

a 1. Cor. 16. 7. b Matth. 10. 22.

60. Perseverantia sanctorum; est *omnium hominum, adventitiâ sanctitate prædiorum, & inchoatè renatorum, singularium, ac, per se, deficere valentium, ex perficienti Dei beneficio, constantia*: quâ, in ejusdem re ipsa, viva fidei, spei, ac charitatis, virtutibus, à regenerationis, semel accepta, initio, ad finem usque vitæ suæ, permanent, ad gratia, veritatis, sapientia, ac potentia Dei, Christi que gloriam, & æternam, perseverantium sanctorum, salutem.

61. Quæ copiosior quidem descriptio, ad rei uberiores intelligentiam, concinnata est: cui, *strictior* hæc delineatio, ad faciliorem memoriam, adjungi potest; Perseverantia sanctorum, est *semel renatorum, in viva fidei, spei, charitatis, virtutibus, Deo id perficiente, ad finem usque vitæ, mansio*. Quibus descriptionibus, *materiam* perseverantiæ *subiectam*, & *causas*, pressius complexi sumus: quæ, deinceps expressius, erunt evolvenda atque asserenda.

62. *Subiecta* perseverantiæ *materia*: cui, ea attributa est, indicatur duplex; *remota*, & *proxima*.

63. *Remota*, sunt *sancti*, per excellentiam quandam dicti, quum, *perseverantia sanctorum*, nominatur: qui hoc modo, suis affectionibus, distinctè describuntur; *Omnes homines, adventitiâ sanctitate præditi, inchoatè renati, singu-*

*lares, ac, per se, deficere valentes*: quibus omnibus, & solis, perseverantia ista, attribuitur: ut, ex partium explicandarum momentis, & ex perseverantiæ causis, perspicuè constabit.

64. Ac *primum*, *homines*, dicuntur; non Angeli: nec originali; sed, *adventitiâ sanctitate, præditi*. Ideoque, toto scopo, aberrant adversarii, qui Angelorum quorundam, & primorum hominum, defectionem, contra veram perseverantiæ sanctorum, doctrinam, objectant.

65. Siquidem illi primum, non eodem prorsus modo, fuerunt sancti: quum fide tantum, in Deum creatorem; non autem, in ipsum, per Christum, redemptorem, essent præditi. Deinde non iisdem, cum fidelibus sanctis, promissionis, & conservationis divinæ, privilegiis, adversus liberam suam, penitus deficiendi, potentiam, fuerunt præmuniti; sed suam sanctitatem originalem, uno lapsu (præter communem ac stabilem, habituum ac virtutum, naturam) peculiari miraculo, Dei comminatione, prænuntiato, amissuri: ut eventus comprobavit. Quum contra homines renati, licet sæpius peccent<sup>a</sup>, fide suâ minimè excident<sup>b</sup>.

a Jac. 3. 2. 1. Joh. 1. 8. b Luc. 22. 32. Joh. 17. 20.

66. *Deinde* non quivis, adventitiâ sanctitate, præditi; sed *renati* solum, hujus perseverantiæ subiectum, statuuntur. Ac propterea, quæ, de Israëlitarum plurium, à Deo, defectione, in Sac. Lit. exprobrantur<sup>a</sup>, ea temerè obtendi solent: ut quæ, ad hanc materiam, minimè spectent.

a Deut. 9. 12.

67. Quippe sancti<sup>a</sup> quidem fuerunt, sed modo generali: communi scilicet electis, & reprobis<sup>b</sup>, in populum Dei<sup>c</sup>, per verbi & Sacramentorum communionem<sup>d</sup>, vocatione; non autem speciali, per regenerationem, in spem vivam<sup>e</sup>, ac vocationem illam electis propriam<sup>f</sup> (quæ & sancta<sup>g</sup>, & cælestis<sup>h</sup>, utrimque *ἅγιος ἔσθαι*, dicitur) à qua, *electi Dei, sancti, & dilecti*<sup>i</sup>, nominantur.

a Deut. 7. 6. b Matt. 22. 14. c Deut. 7. 6. d 1. Cor. 10. 1. ad 7. e 1. Pet. 1. 3. cum Deut. 9. 5. 6. & 29. 4. f 2. Tim. 1. 9. Rom. 8. 28. 30. g 2. Tim. 1. 9. h Heb. 3. 1. i Col. 3. 12.

68. Præterea *renati*, non perfectè & absolutè (quales soli sunt sancti, in cœlis) sed *inchoatè* (quales sancti, in terris) intelliguntur. In illis enim sanctitas, omnibus numeris, est absoluta<sup>a</sup>: In his verò, quia *caro* reliqua, *adversus spiritum, concupiscit*<sup>b</sup>: sanctitas, solum inchoata atque imperfecta, comperitur. Unde Sapiens exclamat; *Quis potest dicere, mundavi cor meum: purus sum, à peccato*<sup>c</sup>?

a Heb. 12. 23. 1. Cor. 13. 10. b Gal. 5. 17. c Prov. 10. 9.

69. Ad hæc sancti (de quibus agimus) *singulares* dicuntur, ut à populis sanctis, ac conspicuis Ecclesiis distinguantur. Horum enim sanctitas, & alio modo, permanet: & omnino deficere potest, ac frequenter deficit.

70. *Permanet* enim, non eadem *numero* (ut, in singulis sanctis ac renatis, evenit) sed, eadem *specie*, pro, cœtus ac populi, è multis hominibus, collecti ac constituti, naturâ. Nam, ut populi permanlio, non, in singulorum, è populo, perduratio (quæ, in mortalibus, reperiri nequit) sed, in perpetuâ aliorum successione, posita est: sic, & sanctitatis populi perseverantia, solâ similitudinis successione, continetur.

71. Ac propterea, quum à cœtibus, aut populis, ingratas ac contumacibus, iusto Dei iudicio, ministerium Evangelii (necessarium illud, regenerationis ac sanctitatis propagandæ, semen<sup>a</sup>, atque instrumentum<sup>b</sup>) omnino auferatur<sup>c</sup>; singulares quidem illius, sancti ac renati, non deficiunt<sup>d</sup>: sed, his paulatim, in cœlum, sublatis, profanisque residuis, & similibus subnascentibus posteris, sanctus populus esse definit<sup>e</sup>.

a 1. Pet. 1. 23. b Rom. 10. 14. c Matt. 21. 43. Amoz. 8. 11. Apo. 2. 5. d Rom. 11. 2. 5. 7. e Rom. 11. 17. 19.

72. Cujus rei, illustre exemplum, in Judæorum populo: qui eo sensu, & sub Vet. Test. bonâ parte, ex vite generosa, ac fertili, in degenerem noxiamque descivisse<sup>a</sup>: & sub Nov. Test. *sua incredulitate, ex spiritali olea, Christo, excisus*, & ex amico Dei, *hostis effectus*<sup>b</sup>, pronuntiatur. Quamobrem inconcinne, huiusmodi defectio, perseverantiæ sanctorum singularium, objectatur.

a Jes. 5. 2. b Rom. 11. 12. 20. 21. 22. 28.

73. Denique, in sanctorum descriptione, addidimus:

Aaaaa 4

per



per se deficere valentium, hoc est, qui, reliquæ vitiositatis oblitæ (quæ, ad defectionem, propendent) pravitate, & sanctitatis inlitæ (sine Dei auxilio) fragilitate ab ea, omnino possunt deficere, ac perire.

74. Nam, quamvis spiritus, (seu sanctitas renatorum) carne solâ, utpote crucifixâ, sit validior<sup>a</sup>: accedente tamen, ad carnem, Satanæ, mundique, insidiis ac viribus, spiritus hic solus, (nisi promissum Spiritus Sancti subsidium, laboranti subveniret) tribus illis conjunctis adversariis, viribus cederet ac succumberet<sup>b</sup>. Hæc de sanctis, remota perseverantiæ subjecta materia.

<sup>a</sup> Rom. 6. 6. 7. 11. 14. Gal. 4. 24. 25. Col. 2. 11. <sup>b</sup> Matth. 26. 41. Luc. 22. 32. Joan. 15. 5. 1. Cor. 10. 13. Eph. 6. 10. 11. 12. 13. 18. 1. Joan. 4. 4.

75. Proxima verò, est peculiaris sanctitas: quæ, ejusdem reipsa viva fidei, spei, & charitatis, virtutibus, describitur. Virtutibus, inquam, non actionibus virtutum. Illa enim, sunt habitus, seu qualitates continuò inhærentes: hæc verò, transeuntia, ac minimè continua illarum effecta. Ac propterea illis (ut initio ostendimus<sup>a</sup>) convenire potest, propriè accepta perseverantia: hisce verò, non nisi impropiè, & alienâ vocis, à scopo nostro, abusione<sup>b</sup>.

<sup>a</sup> Thesi 7. <sup>b</sup> Thesi 54. Rom. 2. 7. Eph. 6. 18.

76. Deinde virtutes intelliguntur, non quævis: sed tria illæ Charities, viva fides, spes, charitas<sup>a</sup>: non larvæ earum, nempe fides merè dogmatica, spes vana, & charitatis umbra. Idcirco quæcunque de Hymenæi, Alexandri, Phileti, & similibus defectione<sup>b</sup>, opponuntur, inania sunt, deploratæ causæ, patrociniæ.

<sup>a</sup> Thesi 11. <sup>b</sup> 1. Tim. 1. 20. 2. Tim. 2. 17.

77. Nam licet illi, ad tempus<sup>a</sup>, tenuerint fidem<sup>b</sup>, hoc est (per Metonymiam, Sacris Literis, tritam<sup>c</sup>) fidei doctrinam<sup>d</sup>: eamque initio, fide suâ dogmaticâ seriò fuerint amplexi ac professi: cordis tamen, non renati, cupiditatibus<sup>e</sup> seducti, non, à viva fide, spe, charitate (quas ut scopum, minimè attigerant<sup>f</sup>) sed à doctrina fidei, & à mortua sua fide, defecerunt<sup>g</sup>.

<sup>a</sup> Luc. 8. 13. <sup>b</sup> 1. Tim. 1. 19. 20. <sup>c</sup> 2. Tim. 3. 8. Iudæ 3. & 20. <sup>d</sup> 1. Tim. 3. 9. <sup>e</sup> 1. Tim. 6. 10. 2. Pet. 2. 14. 15. <sup>f</sup> 1. Timoth. 1. 6. 1. Ioan. 2. 19. <sup>g</sup> Luc. 8. 13. 1. Tim. 4. 1.

78. Ideoque, à tradito ipsis sancto mandato, regressos esse<sup>a</sup>, & eodem sensu, aberrasse à fide<sup>b</sup>: circa fidem naufragium fecisse<sup>c</sup>: & quosdam, à fide defecturos<sup>d</sup>: sine ulla vivæ fidei, jactura asseritur.

<sup>a</sup> 2. Pet. 1. 21. <sup>b</sup> 1. Tim. 6. 10. <sup>c</sup> Ibid. 1. 19. <sup>d</sup> Ibid. 4. 1.

79. Nam, quod adversarii excipiunt, ideo quosdam, fidei naufragium fecisse, quòd, bonam conscientiam, repulerint<sup>a</sup>: illud, nec bonam eos conscientiam, habuisse: nec, si habuerint, vivæ fidei defectionem, arguit.

<sup>a</sup> 1. Tim. 1. 19.

80. Primum inde constat: quia ἀποδομα repello: hoc loco, ut sæpe alias, spernere notat: quemadmodum LXX. Græci interpretes verbum Hebræum, מאס, hoc est spernere, eadem voce, frequenter reddunt<sup>a</sup>. Ac similis est sententia, quæ, seductionis à veritate causa traditur; quòd, amorem, veritatis, non acceperunt<sup>b</sup>: hoc est, repulerunt atque spreverunt: non autem, quòd amorem Dei, bonamque conscientiam, habuerint; sed quòd, ad ea, invitati Verbo divino, studium eorum rejecerint.

<sup>a</sup> 2. Reg. 17. 15. 20. &c. <sup>b</sup> 1. Thesi 2. 20.

81. Alterum verò, inde liquet, quòd, bona conscientia ambiguit, in eadem sententiâ, & analogiâ quâdam, de diversis, dici potest. Sicut, in hac; Sancti estote, sicut ego sanctus sum<sup>a</sup>: sancti vox, de Deo & fidelibus, analogicè usurpatur<sup>b</sup>. Ita, bona conscientia, generatim quidem est, mens recta dictans, rectique sibi conscia: sed hoc, bifariam contingit, simpliciter, vel secundum quid: idque variè.

<sup>a</sup> 1. Pet. 1. 16. 1. Ioh. 3. 3. <sup>b</sup> Vide Thesi 5.

82. Primum, solis verè fidelibus<sup>a</sup>: posterius, aliis etiam venit: qui, zelo ejus, quod rectum censent, accensi sunt, ejusque sibi probè conscii<sup>b</sup>. Utrumque modum, suo etiam exemplo<sup>c</sup>, Paulus demonstrat 2. Tim. 1. versu 3. Cui servio, bona conscientia, à majoribus: Servio, nempe jam fidelis, & ἀκούων ἀ majoribus, hoc est, à parentibus<sup>d</sup>, seu, ab ineunte ætate, quum adhuc essem incredulus, ac zelotes Dei<sup>e</sup>.

<sup>a</sup> 1. Pet. 3. 21. <sup>b</sup> Rom. 2. 15. & 10. 2. <sup>c</sup> Act. 23. 1. <sup>d</sup> 1. Tim. 5. 4. <sup>e</sup> Act. 22. 2. Phil. 3. 6.

83. Nam quod ajunt; Servio, à Majoribus, esse modum

loquendi, Scriptura familiarem, quo, nihil aliud, indicatur, quam, eidem illi Deo, servio, cui servierunt patres mei, & progenitores, Abraham, Isaac, & Jacob<sup>a</sup>: illud, inquam, vanissimum est, & à Scripturæ usu, quem jactant, non probant, nec probare valent, alienum: quemadmodum, quod, bonæ conscientia significationes, in unam confundunt.

<sup>a</sup> Act. Remonst. de persev. p. 270.

84. Nam Timotheus (quem Paulus hic compellat) bonam habuit conscientiam: & Apostatæ quoque habere potuerunt; sed analogicè. Ille, simpliciter: hi verò secundum quid; quatenus conscientia ipsis dictaverit, amorem & confessionem veritatis, & gloriæ Dei studium: ipsi verò, & contumaciter repulsâ, veritatem corruperint, & à doctrina fidei, defecerint.

85. Denique in perseverantiæ descriptione, sanctitatis hujus, virtutes eadem, dicuntur, non simpliciter; sed secundum quid: nempe, ratione veritatis essentia; non etiam, integritatis illius, ac mensuræ. Nam, ut suam habent, virtutes illæ, accretionem<sup>a</sup>: sic patiuntur etiam, sine abolitione, diminutionem variam<sup>b</sup>. Quæ propterea, non omnino, sed partim, prolapsio<sup>c</sup>, & perditio<sup>d</sup> (morbi scilicet ac vulneris, non mortis) appellatur. Ideoque perperam, ex eo, sanctorum perseverantiam, impugnant.

<sup>a</sup> Ephes. 3. 16. & 4. 15. 16. <sup>b</sup> Hebr. 5. 11. 12. & 12. 12. 13. Apoc. 2. 4. 5. <sup>c</sup> Apoc. 2. 5. <sup>d</sup> 1. Cor. 8. 7. 9. 10. 11. 12.

86. Quamvis enim, in sanctis ac verè fidelibus, interdum (quum Deus ipsos, aut justè castigans<sup>a</sup>: aut utiliter probans<sup>b</sup>, carni, Satanæque, ac Mundo, acrius tentandos, permittit<sup>c</sup>) caro spiritui repugnans<sup>d</sup>, eundem supplantet<sup>e</sup>, & ad tempus, deprimat atque infirmet, operaque illius sancta, remoretur; nunquam tamen penitus opprimit, & extinguit<sup>f</sup>.

<sup>a</sup> 2. Sam. 24. 1. <sup>b</sup> Iob. 1. 12. <sup>c</sup> Iac. 5. 11. <sup>d</sup> Ibid. 2. Sam. 24. 1. cum 1. Chro. 21. 1. <sup>e</sup> Gal. 5. 17. <sup>f</sup> 2. Sam. 24. 2. & 10. <sup>g</sup> Ibid. 1. Io. 5. 17.

87. Quippe, Dei misericordiâ manum sustentante<sup>a</sup>, ac tentationis acerbiter mitigante<sup>b</sup>, spiritus tandem expeditus, victor exsurgit: sanctique, ad resipiscentiam, reducti, à peccato regnante<sup>c</sup>, & fortu illius, à peccato in Spiritum Sanctum seu ad mortem, servantur immunes<sup>d</sup>.

<sup>a</sup> Psal. 37. 24. <sup>b</sup> Ibid. 125. 3. <sup>c</sup> Luc. 22. 31. 32. <sup>d</sup> 1. Cor. 10. 13. <sup>e</sup> Iob. 1. 12. & 2. 6. <sup>f</sup> Rom. 6. 14. <sup>g</sup> 1. Ioh. 3. 9. & 5. 18.

88. Ideoque frustra, illud Apostoli; A quo quia, superatus est, huic etiam, in servitutem, est additus<sup>a</sup>, ab adversariis<sup>b</sup>, objectatur. Siquidem superari, hoc loco, non, de quâvis clade; quâ quis, in luctâ, ad tempus, inferior est; sed, de plenâ subjectione, intelligitur: ut Jobi<sup>c</sup>, Moysi<sup>d</sup>, & aliorum sanctorum, exempla illustria, evincunt. Qui, tentatione graviore, afflicti, in nonnullis actionibus, à carne fuerunt superati; sed tamen fidei, spei, charitatis, virtutes, licet nonnihil infirmatas, invictas tamen, conservant: carnemque, brevi exultantem, tandem domuerunt.

<sup>a</sup> 2. Pet. 2. 19. <sup>b</sup> Acta Synod. Rem. de persev. p. 257. <sup>c</sup> Iob. 3. 1. 2. 13. & 38. 1. & 40. 3. & 42. 3. 6. 7. <sup>d</sup> Num. 20. 10. 12.

89. Primum autem hujusmodi exemplum (ut alia prætereamus) est Davidis. Cujus sanctitas, lapsu graviore ac diuturniore, vehementer concussa, & imminuta est (adeo ut eatenus, cor mundum sibi creari, & spiritum rectum, intra se, renovari<sup>a</sup>: &, gaudium salutis sibi reddi, & Spiritu ingenuitatis se sustentari<sup>b</sup>, flagitarit) sed nunquam tamen, penitus fuit extincta.

<sup>a</sup> Psal. 51. 12. <sup>b</sup> Ibid. vers. 14.

90. Quod, vel inde liquet, quia, quum in eadem illâ oratione, ita simul sit comprecatus; Ne abicias me, à facie tua, & Spiritum Sanctum tuum, ne recipias, à me<sup>a</sup>, reliquam, Dei gratiæ, ac Spiritus Sancti, præsentiam, sibi inesse, apertè demonstravit.

<sup>a</sup> Ib. vers. 13.

91. Neque huic (ut obtundunt<sup>a</sup>) adversatur Apostoli sententia; Qui talia agunt, regni Dei non erunt heredes<sup>b</sup>: quia id, non absolute, sed cum conditione; Nisi resipiscant<sup>c</sup>, accipiendum esse, res ipsa arguit. Alioqui Paulus ipse, cum Barnabâ, ob litem, quæ carnis illis operibus accensetur<sup>d</sup>, inter ipsos exortam, atque μεροσύνη animi exacerbationem<sup>e</sup>, exhæredes fuissent regni. Neque, hæc agere, aliud, quàm perpetrare, generatim significat: non autem speciatim, secundum carnem vivere (hoc est, ad carnis regnantis impe-

imperium, vitæ suæ actiones instituere) ut adversarii volunt: quod tamen, à Davide, factum, probare nequeunt.

<sup>a</sup> Acta Rem. de perf. p. 252. <sup>b</sup> Gal. 5. 21. <sup>c</sup> Ezech. 33. 11. <sup>d</sup> Galat. 5. v. 20. <sup>e</sup> Act. 15. 39. <sup>f</sup> Act. Synod. Rem. de perf. p. 253.

92. Deinde, quod vivam Davidis fidem defecisse, ex eo, concludere conantur<sup>a</sup>, quòd fides, sine operibus, sit mortua<sup>b</sup>, & ad salutem inutilis<sup>c</sup>: nullo arguantur. Viva enim fides, vitam suam non amittit, etiamsi non semper, sed plerumque tantum, bona opera, producat<sup>d</sup>. Nec mortua, ea est fides, quæ interdum, sed, quæ perpetuò, bonis operibus, caret. Alioqui cui sanctorum viva fides tribuetur? quum, in multis, impingant omnes<sup>e</sup>.

<sup>a</sup> Ib. p. 261. <sup>b</sup> Jac. 2. 26. <sup>c</sup> Ib. v. 14. <sup>d</sup> Vide Thesin 23. <sup>e</sup> Jac. 3. 2. Pf. 10. 13. & 130. 3. & 143. 2.

93. Denique, quod excipiunt<sup>a</sup>, Davidem sustulisse membra Christi, & fecisse membra scotti<sup>b</sup>: ideoque effecisse, ut non ampliùs esset, membrum Christi: illud nequiquam consequitur. Nam, tollere membra Christi, injustam rei, Christo propriæ, communicationem<sup>c</sup>, non autem absolutam separationem, Apostolo significat.

<sup>a</sup> Acta Rem. de perf. p. 257. <sup>b</sup> 1. Cor. 6. 15. <sup>c</sup> Ib. v. 13. 15. 17.

94. Alterum exemplum, est Salomonis: cujus quidem sanctitas; ita læsa & afflictæ fuit miserè<sup>a</sup>, ut non solum, minus integra fuerit, quàm Davidis<sup>b</sup>; sed etiam penè excisa<sup>c</sup>: veruntamen non penitus deperdita.

<sup>a</sup> 1. Reg. 11. 5. 6. <sup>b</sup> Ib. v. 4. <sup>c</sup> Ib. v. 4. 5. 6.

95. Primum enim, id ostendit, benignitatis Dei, ipsi datæ: nec, ut Sauli, auferendæ, promissio<sup>a</sup>. Deus enim benignitatem, quam Sauli contulerat, nempe regnum, regiumque spiritum, ab eo, abstulerat: adoptionem, quam nunquam habuerat, auferre non potuit. Salomoni verò, benignitas amplior, obtigerat; ut quæ, non regnum tantum, sed etiam, adoptionem in filium Dei, complectebatur<sup>b</sup>. Deinde, idem docet conspicua, in Ecclesiasticis opere, lapsum confecuto, respicientiæ illius confessio. Denique aperta, post obitum ipsius, commendatio divina (quæ, in cultu Dei similitudine quadam, Davidi comparatur<sup>c</sup>) idem perspicuè demonstrat.

<sup>a</sup> 2. Sam. 7. 15. <sup>b</sup> Ib. v. 14. <sup>c</sup> 2. Chron. 11. 17.

96. Præterea, quis neget Petrum Apostolum, horrendis carnis operibus, sanctitatem suam violasse, & ejectionem, ex hæreditate cælesti, promeritum, quum, & Christum, & fidem suam, tribus vicibus, diræque execratione, abnegarit<sup>a</sup>? Et tamen, non abolita fuit penitus: quia eandem Deus (communi, cum reliquis verè fidelibus, gratiâ<sup>b</sup>) conservavit, & ad salutarem conversionem, erexit atque roboravit<sup>c</sup>. Quocirca, quod adversarii ajunt; Abnegatio, quæ ore fit, contra dictamen cordis sive conscientie, cum fide, consistere non potest<sup>d</sup>: illud, suâ consequentiâ, & in Petrum contumeliosum est: & Christi sententiæ, è diametro, adversatur<sup>e</sup>.

<sup>a</sup> Matth. 26. 74. <sup>b</sup> Joa. 17. 20. <sup>c</sup> Luc. 22. 31. 32. Matth. 26. 75. <sup>d</sup> Acta Synod. Rem. de perf. p. 314. <sup>e</sup> Luc. 22. 32.

97. Affinis huic (licet longè dispar) sanctitatis, in Demâ, successit diminutio: quòd Paulum (cujus aliquamdiu fuerat adjutor<sup>a</sup>) deseruerit, præsensque seculum, dilexerit<sup>b</sup>, ut Apostolus est conquestus.

<sup>a</sup> Philen. v. 24. <sup>b</sup> 2. Tim. 4. 10.

98. Quo in loco, vox seculum, non mundi infideles<sup>a</sup>, per Metonymiam; sed vitam (Aion enim à siècle, ut rectè Hefychius<sup>b</sup>) quemadmodum alibi<sup>c</sup>, designat: quòd scilicet, pericula & incommoda, metuens, ad tempus, vitæ suæ, consuluerit. Id autem, infirmitatis est fidei; non defectionis: officii, erga Apostolum, desertio, non verò religionis totius, erga Deum, abnegatio: desertio denique, non odio veritatis, aut Apostoli; sed metu. In quem lapidem, antea omnes Apostoli<sup>d</sup>, & in prima Pauli defensione, omnes ipsius adjutores, impegerant<sup>e</sup>. Quumque nomina Demæ, & adjutorum sociorum, inscripta essent in libro vitæ<sup>f</sup>, non minus respuisse, quàm Petrum, & reliquos, qui Christum deseruerant, Apostolos, meritò colligendum est.

<sup>a</sup> Gal. 1. 4. <sup>b</sup> Lexico. <sup>c</sup> Marc. 4. 19. cum Luc. 8. 14. <sup>d</sup> Marc. 14. 27. 50. <sup>e</sup> 2. Tim. 4. 16. <sup>f</sup> Philip. 4. 1. <sup>g</sup> Luc. 22. 32. Joan. 17. 20.

99. Talis denique, quorundam Galatarum, fuit sanctitas: quos Apostolus, partim, ob læsionem (non autem, ut adversarii fingunt, internecionem) illius, sese iterum parturire<sup>a</sup>, conqueritur: partim, ob reliquam, inextinctæ rege-

nerationis ac sanctitatis, gratiam, filios<sup>b</sup>, ac fratres<sup>c</sup>; Deique filios<sup>d</sup>, agnoscit ac nominat. Hæc, de subjectâ perseverantiz materiâ: reliquum igitur est, ut reliquas causas, cum internam, seu formam; tum externas, efficientem, & finem, exponamus.

<sup>a</sup> Gal. 4. 19. <sup>b</sup> Ibid. <sup>c</sup> Gal. 4. 28. <sup>d</sup> Ibid. 3. 26.

100. Forma perseverantiz sanctorum, hisce verbis (constantia, quâ, in ejusdem, reipsâ, viva fidei, spei, charitatis, virtutibus, à regenerationis, semel accepta, initio, ad finem usque vitæ suæ, permanent) describitur duplex, generalis & specialis.

101. Generalis, est constantia, quâ permanent: seu, permansio. Quæ, citra controversiam, nihil aliud est, quàm perpetua, ac sine interruptione, duratio.

102. Quæ generalis forma, partim, relatione suâ, ad certam subjectam materiam proximam: partim, terminorum, quibus continetur, abjectione, restringitur, ac specialis evadit.

103. Primum indicatur, quum permansio, ad eandem reipsâ, viva fidei, spei, charitatis, virtutes (de quibus initio egimus) non autem ad alia, refertur. Ideoque perseverantia sanctorum, hujusmodi periphrasi; permanere in fide, & charitate<sup>a</sup>; permanere in fide, nec dimoveri, à spe Evangelii<sup>b</sup>, declarari solet. Posterius verò explanatur, quum, & terminus primus, à quo incipit, & ultimus, ad quem pertendit, exprimitur.

<sup>a</sup> Act. 14. 22. 1. Tim. 2. 15. <sup>b</sup> Col. 1. 23.

104. Primus terminus, est primordium regenerationis ac sanctitatis, semel acceptæ: ultimus verò, est finis vitæ renatorum. Quos terminos Apostolus, simul complexus est, hoc dicto; Si PRINCIPIUM fiducia, firmum tenuerimus, ad FINEM usque<sup>a</sup>. Adeo ut, ea regenerationis sanctitas, nec in fine, nec ullo, ante finem vitæ, tempore, penitus (seu, ut vulgò verè, licet minus purè, enuntiant, nec totaliter, nec finaliter) excidat ac depereat.

<sup>a</sup> Heb. 3. 14.

105. Siquidem, hæc sanctorum perseverantia (ut prisca utamur formulâ) ad fortes, non ad sanatos<sup>a</sup>: seu, ad constantes, in fide ac sanctitate; non ad defectores, iterum aut sæpius, sanata mente, renatos, ac tandem perdurantes (quales falsò adversarii comminiscuntur) ullo modo pertinet: ut ex causis efficientibus, aliisque argumentis invictis, constet.

<sup>a</sup> Vide Fest. fragm. p. 130. & P. Diacon.

106. Causa enim perseverantiz sanctorum, efficiens, ac perficiens, est Dei beneficium: quia non solum, ad eam sufficit (ut adversarii, gratiam Dei mutilantes, contempnunt) sed eandem quoque efficit, ac perficit. Hoc autem beneficium est duplex, voluntas Dei, perseverantiam illam, decernens: & operatio, decretam exsequens.

107. Voluntas Dei eam decernens, est æterna, gratuita, & immutabilis<sup>a</sup>, prædestinatio & electio: quâ omnium, per regenerationis gratiam, sanctificationum, in vivæ fidei, spei, charitatis, sanctitate, perseverantiam, simul cum mediis, eò pertinentibus, ad salutem ipsorum, præstavit: ut sequentia Dei oracula, τὴν ἰσχύϊν, ἣν ἐπαίσαμεν (seu partim, veri affirmatione: partim, falsi negatione) disertè attestantur.

<sup>a</sup> Mal. 3. 6. Rom. 9. 11. 2. Tim. 2. 19. Heb. 6. 17.

108. Assertio prima, est Christi Joh. 6. 38, 39, 40. Descends è calo, non ut faciam voluntatem meam; sed voluntatem ejus, qui misit me. Hæc est autem voluntas ejus, qui me misit, Patris, ut quicquid mihi dederit, non perdam, ex eo; sed suscitem illum, in ultimo illo die. Hæc est autem voluntas ejus, qui misit me, ut omnis, qui videt Filium, & credit in eum, habeat vitam æternam<sup>a</sup>, & suscitem eum, ultimo illo die.

<sup>a</sup> Joh. 17. 2.

109. Unde hæc prima, perseverantiz sanctorum, demonstratio, emanat; De quibus, est voluntas Dei, ut Filius, ex iis, non perdat, sed, ut habeant, vitam æternam, & suscitetur eps, ultimo die, illi, à sanctitate, & communione Christi, ac salute, non excident penitus; sed in eâ, servantur perpetuò. Atqui omnes renati, seu verè credentes, sunt hujusmodi. Ergo illi, à sanctitate, communione Christi, ac salute, non excident penitus, sed in eâ servantur perpetuò.

110. *Propositio* firma est: *partim*, quia, *ex eo* perdere, & servare, sunt repugnantia: ut contrā, *non perdere*, nihil aliud est, quā retinere ac servare: cui, *excidere*, adversatur. *Partim*, quia, *omnem voluntatem meam faciam*, inquit Deus b: & Filius, voluntatem Dei, sese exsequi, hanc sententiā, protestatur c.

a Joa. 17. 12. b Isa. 46. 10. Pl. 33. 11. Eph. 1. 11. c Jo. 6. 38. & 17. 4.

111. *Alterā affirmatio*, est *Apostoli*, multis locis. *Primus* est; Eph. 1. 3, 4, 5. *Qui benedixit nobis*, omni benedictione spirituali, in celestibus, in Christo: sicut elegit nos, in eo ante fundationem mundi, ut essemus sancti & inculpati, coram eo (Christo) per charitatem.

112. Unde *secunda*, perseverantiæ sanctorum, *demonstratio*, statuitur; Quotquot elegit Deus, in Christo, ut essent sancti & inculpati, coram eo, per charitatem, & quibus, prout elegit, benedixit, omni benedictione spirituali, in celestibus (rebus) illis perseverantiā, in sanctitate, donat. Atqui, renati, seu verē fideles, sunt hujusmodi. Ergo Deus illis perseverantiā donat.

a Joh. 3. 12.

113. *Propositio*, inde constat, quia sanctitas hæc, *coram eo* (nempe Christo) à gratiā incipiens, ad gloriā deducit ac pertingit. Deinde, quia sancti, sine perseverantiā, non sunt *inculpati*: neque omni benedictione spirituali affecti, si hac destituantur.

a Eph. 5. 27. 1. Thess. 3. 12. 13. & 5. 23, 24.

114. *Alter locus* est 2. Thess. 2. versu 13, 14. *Elegit vos Deus; ab initio, ad salutem, per sanctificationem Spiritus, & fidem veritatis. Ad quod vocavit vos, per Evangelium nostrum, ad acquisitionem gloria Domini nostri Jesu Christi.*

115. Hinc *tertia*, perseverantiæ sanctorum, *demonstratio*; Quos Deus elegit ad salutem, per sanctificationem Spiritus, & fidem veritatis, & ad id vocavit, per Evangelium, ad acquisitionem gloriæ Jesu Christi, illi, in sanctitate & fide, perseverant. Atqui fideles renati, sunt hujusmodi. Ergo, in sanctitate & fide, perseverant.

116. *Propositio* constat, quia sine perseverantiā illā, non est salus a, & finem, ad quem Deus elegit, assequitur b: mediaque, quæ, ad eum destinavit, præstruit, ac perficit c: quosque, ad sanctificationem Spiritus, & fidem veritatis, vocavit, eosdem, ad finem conservat d. Quia *donā Dei* (electio & dilectio e) & *vocatio Dei* sunt *ἀμεταμέλητα παντεντία expertia* f, seu irrevocabilia. Quia *fidus est, qui vocavit, qui etiam efficiet* g.

a Heb. 10. 36. 38. b Rom. 9. 11. & 11. 7. c Eph. 1. 11. d 1. Thess. 5. 23. 24. e 1. Cor. 1. 8. 9. f Rom. 11. 28. g Ibid. 29. h 1. Thess. 5. 24.

117. *Tertius locus*, est divina illa, salutis & causarum illius, à prædestinationis decreto incipiens, catena ac gradatio, Rom. 8. 30. *Quos prædestinavit, eos etiam vocavit: quos vocavit, eos etiam justificavit: quos justificavit, eos etiam glorificavit.*

118. Unde *quarta*, perseverantiæ sanctorum, *demonstratio* profluit; Quoscumque Deus justificavit, & glorificabit, illi, à sanctitate & salute, non deficient penitus; sed in eā, perseverant. Omnes fideles renatos, Deus justificavit, & glorificabit. Ergo non deficient, à sanctitate & salute penitus; sed, in eā, perseverant. *Propositio* inde liquet: quia deficere à salute, & glorificari: justificari, & accusari ac condemnari, sunt opposita. *Assumptio* etiam perspicua: quia, renatos ac verē fideles, Deus ita vocavit b: nempe, ad vivam fidem, & Christi communionem c.

a Rom. 8. 31. ad 36. b 2. Thess. 2. 13. 14. & 1. Thess. 5. 23. 24. c 1. Cor. 1. 9.

119. Neque obstat, quod *quidam* vocati, non electi *à scopo veritatis aberrarint*, & fidem quorundam, dogmaticam, *perverserint*: quia interea *Dei fundamentum stat firmum, habens sigillum hoc; Dominus novit, qui sint sui* b. Dei enim electio, constans est c, & Christus Dominus, cum amore, agnoscit suos d, electos ac verē fideles, sibi à Patre datos e, ut servet; ideoque illōs, à seductione in exitium, fideliter conservabit f. Hæc de perseverantiā, à Deo decretæ, *affirmatione*.

a 2. Tim. 2. 18. b 2. Tim. 2. 19. c Rom. 9. 11. & 11. 7. 28. d Joan. 10. 27. e Ib. v. 28. 29. & 6. 37. 39. 40. & 17. 6. f Ibid.

120. *Negatio* verò contrariæ seductionis illius, ab electione Dei, similiter deducitur, Matth. 24. vers. 24. *Surge enim* (inquit Dominus) *pseudochristi, & pseudoprophe-*

*ta, & edent signa magna, & miracula, ita ut seducant, & ducant si possibile esset, etiam electos.*

121. Quā sententiā indicatur fore, ut pseudopropheta, seducant quidem multos vocatos reprobos, (quia nihil impedit: neque ipsorum natura; quæ vitiosa: neque electionis & conservationis divinx gratiæ; quæ carent) electos verò vocatos, nequaquam. Quia licet per se, seu, insiti vitii, pravitate, & boni inditi, fragilitate, seduci possent penitus; per accidens-tamen electionis & conservationis Dei, ab illa seductione sunt immunes.

a Matth. 24. 4. 5.

122. Siquidem, ut propter electos, à Deo, afflictionis dies, contrahentur a, ne illi quoque pereant b: sic etiam, per Dei electionem, futura ipsorum idoneis modis, conservatio (ne cum reliquis seducantur) præfinita est, & perficitur c. Quā etiam de causā, dictum est; *Adorant eam* (bestiam ac pseudopropheta) *omnes incola terra: quorum non sunt scripta nomina, in libro vite, agni mactati, à fundatione mundi* d. Ac Christus, de electis fidelibus, ait: *Alienam non sequentur: sed fugient ab eo: quia non norunt vocem alienorum* e.

a Matth. 13. 20. b Matth. 24. 22. c Rom. 8. 29. 30. Matth. 24. 31. Eph. 1. 4. 5. 6. d Apoc. 13. 8. & 17. 8. e Joa. 10. 5.

123. Nec obstat, quod ajunt, *si duraverit si possibile, sæpe difficultatem significare* a: quia, à propria significatione, ad impropiam, sine gravi causā, non est recedendum. Deinde, quia ipsimet postea profitentur; *propriissimè, hoc loco, significare; Si ipsis possibile sit, vel si id ipsum, effectum dare possint* b. Denique, si quis electi, non minùs, quā alii vocati, à fide in Christum, non obstante Dei gratiā, penitus seduci possent, conditio hinc addita, *si possibile esset, sententiam ineptam simul ac falsam* (quod, à Christi sapientiā, & veritate constantissimā, abhorret) perspicue efficeret.

a Aët. Synod. Remonst. de persev. p. 313. b Ibid.

124. *Ineptam*, quia (ut res ipsa loquitur) omnino redundaret: *falsam*; quia communem electorum, à fide, seductionem, ex communis illius *duravit* potentie positione (contra rei, & experientie, veritatem) necessariā consequentiā, inferret, hoc modo: Si fieri possit, ut electos, à fide sua, in Christum, seducant, tum electos, à fide suā, in Christum, seducant. At fieri potest, ut quovis electos, à fide suā, in Christum, seducant. Ergo quovis electos, à fide suā, in Christum, seducant. Conclusio, hic aperte falsa est: consequentia verò, recta: ac propterea necesse est, alteram saltem Antecedentis partem, esse falsam. Non autem *Propositio*, quia Christi est: ergo *Assumptio*, quæ adversariorum. Ex cujus falsitate, conclusionis falsitas promanat: eaque vicissim, *Assumptionem* falsi arguit.

125. Ex quibus, hæc *quinta*, perseverantiæ sanctorum, *demonstratio*, enascitur; Quotquot, à fide in Christum, penitus seduci non possunt, illi, in fide, ad finem, perseverant. Electi fideles, sunt hujusmodi, qui penitus, à fide in Christum, seduci non possunt. Ergo electi fideles, in fide, ad finem, perseverant.

126. Porro hujus, de perseverantiā sanctorum, *decretielectionis* *πρόβλεψις* certa, ac perspicua *indicia*, sunt *promissiones* Dei variz, juramento etiam firmatz, quibus eam, sanctis, disertè addicit. Quæ totidem solida sunt, à *testimonio divino, argumenta*: ex quibus, *generalis hæc demonstratio*, constituitur: Quod Deus absolute, sine dubiā conditione, promittit, illud etiam exsequitur. Perseverantiā sanctorum Deus ita promittit. Ergo eandem etiam exsequitur.

127. *Propositio* invicta ac primario Theologiæ principio, Dei omnipotentia a, & immutabilitate b, ac fide c, seu *dictorum factorumque constantia*: *quæ sit, quod dictum est* d (quæ fides Dei, ideo *parma ac clypeus*, vocatur e) innixa est. *Assumptio*, luculentā ac nervosā, promissionum utriusque Testamenti, copiā, demonstratur.

a Apoc. 21. 22. Matt. 19. 26. b 1. Sam. 15. 29. Tit. 1. 2. Heb. 6. 18. c 1. Thess. 5. 24. d 2. Thess. 3. 3. 2. Cor. 1. 20. Heb. 10. 23. 2. Tim. 2. 13. e Cic. de off. 1. 1. e Psal. 91. 4.

128. Nam, *Veteris Testamenti*, de perseverantiā sanctorum, *promissiones*, in gratiæ novi fœderis descriptione, illustres, à *Mose, Psalmis, Prophetis*, proponuntur.

129. A *Mose*, quidem, *bifariam*: *primum* in fœderis Dei,

Dei, cum Abrahamo, & initi, & confirmati, narratione. *Initi*; ut Gen. 12. 3. *In te* (hoc est, tecum, seu tui instar, turque fidei imitatione <sup>b</sup>) *benedicentur, omnes gentes terra.* *Confirmati*, partim Gen. 17. 7. *Stabilis fœdus perpetuum, me esse Deum tuum, & seminis tui, post te.* Quo loco, *semen Abrahæ* spirituale, sunt fideles renati, omnium gentium <sup>c</sup>: *Deum vero esse illius, ac seminis, salutis esse datorem*, ex Dei sententiâ, designat <sup>d</sup>. Partim, Gen. 22. 16. & 18. *Per me ipsum iuro, &c. in semine tuo, benedicentur omnes gentes terræ*: hoc est, in Christo <sup>e</sup>, omnes, omnium gentium, verè fideles <sup>f</sup>, à peccato, & maledictione Legis, liberabuntur ac beabuntur <sup>g</sup>. Hæc est enim benedictio spiritualis <sup>h</sup>, quam Abrahamus, omnium verè fidelium exemplar, accepit <sup>i</sup>: & quam Christus, benedictis confert <sup>k</sup>.

<sup>a</sup> Gal. 3. 8. cum 9. <sup>b</sup> Ib. Rom. 4. 12. 24. <sup>c</sup> Rom. 4. 16. 17. Gal. 4. 7. 21. & 3. 29. Heb. 6. 12. 17. 18. <sup>d</sup> Matt. 22. 31. 32. Heb. 11. 16. <sup>e</sup> Gal. 3. 14. 16. <sup>f</sup> Rom. 4. 16. Gal. 3. 7. 8. 9. 22. <sup>g</sup> Gal. 3. 9. ad 15. <sup>h</sup> Eph. 1. 3. Rom. 4. 12. 24. Luc. 1. 73. 74. 75. <sup>i</sup> Gal. 3. 14. 21. 22. <sup>k</sup> Matth. 25. 34. Gal. 3. 13. 14. Heb. 6. 17. 18.

130. Unde, *sexta* specialis *demonstratio*, & quidem, pro duplici argumento, *bipartita* exstruitur; Omnes, quorum Deus, fœdere perpetuo, similiter atque Abrahami, est Deus: & qui ejusdem, cum illo, benedictionis, sunt participes, illi, in fide, conservantur, & ad finem vitæ, perseverant. Atqui omnes verè fideles renati, sunt hujusmodi. Ergo, in fide, ad finem vitæ, perseverant. *Propositionis & Assumptionis* veritas, cum suâ, tum antecedentium, luce, perspicua est.

131. *Secundo* Moses, perseverantiæ sanctorum, promissionem complectitur, in fœderis gratiæ <sup>a</sup>, cum electis Abrahami posteris, divinitus stabiliti, descriptione; Deut. 30. 6. *Et circumcidet Dominus Deus tuus, animum tuum, & animum seminis tui, ad diligendum Dominum Deum tuum, ex toto corde tuo, & totâ animâ tuâ, propter vitam.* Quo loco, promittitur iis, vita æterna, tanquam finis: & debita ac præcepta (sed naturæ vitio <sup>b</sup> *adversari*) regenerationis sanctitas <sup>c</sup>, tanquam medium, ad vitam, destinatum ac necessarium <sup>d</sup>, ideoque non temporaria (quæ, ad vitam, non sufficit) sed perpetua <sup>e</sup>, intelligitur.

<sup>a</sup> Rom. 10. 6. <sup>b</sup> Rom. 8. 3. 7. <sup>c</sup> Deut. 10. 16. & 29. 4. <sup>d</sup> Joa. 3. 3. <sup>e</sup> Matt. 24. 13. Heb. 10. 36. 38.

132. Huc accedit *promissio*, *Isaac* *typo*, adumbrata, Gen. 21. 10. quæ, Apostoli expositione, illustrata, firmum sup-  
peditat *argumentum*. Nam quemadmodum Isaac filius, in familiâ patris sui, permanfit, & hæreditatem illius, obtinuit: sic omnes, verè fideles renati, filii sunt promissionis, secundum Isaacum <sup>a</sup>, & in Dei patris sui familiâ, manent, illiusque hæreditatem nanciscuntur <sup>b</sup>.

<sup>a</sup> Gal. 4. 26. 28. <sup>b</sup> Joa. 8. 35. Gal. 3. 29. & 4. 6. 7. 30.

133. Ex quibus *septima* hæc, perseverantiæ sanctorum, *demonstratio*, duplici ratione, suffulta, procedit; Omnes illi, quorum Deus cor circumcidit, ad diligendum ipsum, ex toto corde, totâ animâ, propter vitam: quique filii sunt promissionis, secundum Isaacum, hæreditatemque Dei obtinebunt, illi non excident penitus, à sanctitate, atque hæreditate cælesti; sed, in eâ, perseverabunt. Atqui, omnes fideles renati, sunt hujusmodi. Ergo illi non excident penitus, à sanctitate, atque hæreditate cælesti; sed, in eâ, perseverabunt.

134. Porro, Mose adstipulatur, *Psalmes*, insignibus testimoniis. Quorum *primum* est, Psal. 37. 24. *Quum* (inquit, de justo) *cecidit, non dejicietur: quia Dominus sustentat manum ejus.* Hoc est, quum sancti, florentium impiorum persecutione, afflicti fuerint, & ex præsentis utrimque conditionis, acerbo sensu, in aliquam fidei, ac charitatis, læsionem, devictâ pene patientiâ, inciderint <sup>a</sup>, non tamen à Deo projiciuntur: ut prorsus, (temporariorum instar <sup>b</sup>) deficient. Quia manum eorum, ne pereant, sustentat, & Verbi, ac Spiritus, consolatione ac potentiâ, conservat <sup>c</sup>.

<sup>a</sup> Ps. 37. 1. 7. 8. & 73. 2. 13. <sup>b</sup> Matth. 13. 21. Luc. 8. 13. <sup>c</sup> Ps. 37. 5. & 73. 17. Joh. 10. 28. 29. & 14. 16. 17. 1. Pet. 1. 5.

135. Idque ex enuntiatione hac generali, & vers. 28. (*Nam Jehovah amat judicium, neque derelinquet benignos suos, in seculum custodientur*) & ex consimilis omnino Psal. 73. expositione, apparet.

136. *Alterum testimonium*, est Psalmi 112. v. 9. *Justitia ejus* (Justi) *perstat in æternum*: Et v. 6. *in seculum, non dimo-*

*vebitur: in memoriâ perpetuâ, est justus.*

137. *Postremum* (ut alia omittamus consentanea) est, Psal. 125. 1. *Qui confidunt Domino, similes sunt monti Tsyonis, qui non dimovebitur, in seculum permanebit.* Quâ sententiâ, sancti Israëlitz, ab hypocritis, in Ecclesiâ latentibus, & defectione suâ, sese prodentibus <sup>b</sup>, ac perituris, segregantur <sup>c</sup>.

<sup>a</sup> Psal. 125. 5. <sup>b</sup> 1. Joa. 2. 19. <sup>c</sup> Psal. 125. 5.

138. Et vers. 2. & 3. *Jerusalem montes circumstant: ita Dominus circumstat populum suum, ex hoc tempore, in seculum. Nam non quiescet virga improbitatis, super sortem justorum: ut non extendant justî, ad iniquitatem manus suas.* Quo modo, renati fideles, Dei opetuti <sup>a</sup>, à temporariis, persecutione orâ, deficientibus <sup>b</sup>, dirimuntur.

<sup>a</sup> Psal. 34. 8. 20. & 91. 2. 11. Zach. 9. 5. 8. 1. Cor. 10. 13. <sup>b</sup> Luc. 8. 13.

139. Ex quibus egregiis testimoniis, *octava* hæc, perseverantiæ sanctorum, *demonstratio*, multis ac gravibus instructa argumentis, construitur; Omnes illi, qui, quum ceciderint, non projiciuntur, quia Dominus sustentat manus eorum: quosque non derelinquet: quique in seculum custodiuntur: & quorum justitia perstat, in æternum: nec dimovebuntur in seculum, quique similes sunt monti Tsyonis, qui non demovebitur, ex hoc tempore, in seculum: quique non extendent, ad iniquitatem, manus suas; illi, à fidei, spei, charitatis, sanctitate, non penitus deficient; sed, in eâ, ad finem usque vitæ, permanebunt. Atqui tales sunt fideles renati. Ergo illi, à fidei, spei, charitatis, sanctitate, non penitus deficient; sed, in eâ, ad finem usque vitæ, permanebunt.

140. Denique Psalti, testes consentanei, accedunt *Propheta*, qui, in fœderis Dei, cum electis ac verè fidelibus, Ecclesiæ membris, descriptione, ac promissione, decretam, à Deo, sanctorum perseverantiâ, luculenter prænuntiant.

141. *Primo* Jesaias cap. 28. v. 16. *Ecce fundavi, in Tsyone, lapidem, &c. credens, non festinabit.* Hoc est (ut Apostoli exponunt <sup>a</sup>) *credens, in ipsum, non pudebit.* Et cap. 54. 10. de fidelium, Ecclesiæ Christianæ, privilegiis, disserens <sup>b</sup>, ait; *Quamvis, hi montes recederent, & hi colles dimoverentur: attamen, benignitas mea, non recedet, & fœdus pacis meæ, non dimovebitur: ait miserator tuus Dominus.* Et v. 13. *Et, omnes filii tui, docti erunt à Domino. Qui omnes, ad Christum, verâ fide, perveniunt <sup>c</sup>: & venientes, ab ipso, ad salutem æternam, servantur <sup>d</sup>.*

<sup>a</sup> Rom. 9. 33. 1. Pet. 2. 6. <sup>b</sup> Gal. 4. 27. Joa. 6. 45. <sup>c</sup> Joan. 6. 45. <sup>d</sup> Joan. 6. 37. ad 41.

142. Rursum versu 17. *Nullum instrumentum, formatum contra te, prosperabitur: & omnem linguam, insurgentem contra te in jus, condemnabis. Hac est possessio, servorum Domini: quorum justitia est ex me.* Quâ etiam sententiâ, renati fideles, tanquam genuini, veræ Ecclesiæ, cælestis illius Jerusalem filii <sup>a</sup>, à temporariis, persecutione victis <sup>b</sup>, differminantur.

<sup>a</sup> Gal. 4. 26. 27. <sup>b</sup> Luc. 8. 13.

143. Ex quibus tribus promissionibus, *nona* hæc, perseverantiæ sanctorum, *demonstratio*, constat; Qui fide, Christo superstructi, non pudebunt: & à quibus, benignitas Dei, non recedet: & fœdus pacis Dei, non dimovebitur: & contra quos, nullum instrumentum formatum, prosperabitur: illi, non penitus, à sanctitate, deficient; sed, in eâ, perseverabunt. Atqui, sancti renati, seu, vivâ fide præditi, sunt hujusmodi. Ergo non penitus, à sanctitate, deficient; sed, in eâ, perseverabunt.

144. *Secundo* loco succedit *Jeremias*: apud quem, ejusdem gratiæ, fœderis per Christum, & perseverantiæ sanctorum, *promissio* luculenta, est *duplex*. Quarum *prima*, cap. 31. 31. ad 35. quæ, hanc *decimam demonstrationem*, suppeditat; Quorum, in fœdere gratiæ, per Christum, Deus, est Deus: & leges suas, mentibus & cordibus, inscribit: & iniquitatis ipsorum, non recordabitur amplius: illi non omnino deficient, à sanctitate; sed, in eâ, perseverabunt. Tales autem sunt, renati fideles. Ergo non omnino deficient, à sanctitate; sed in eâ, perseverabunt.

145. *Propositio* liquet, quia iniquitatum eorum, qui omnino deficerent à sanctitate, Deus recordaretur <sup>a</sup>: & Deus, ipsorum Deus, hoc est, Servator, fuisse dici non posset. Quorum verò iniquitatum non recordatur: illi manent, in gratiâ,



gratiâ, ac propterea etiam, in sanctitate, sine quâ, gratia esse non potest<sup>b</sup>. *Assumptionem* probat Apostolus, qui, cum promissionem; de Novo gratiæ fœdere, per Christum mediatorem<sup>c</sup>, deque fidelibus, per Christum, sanctificatis, disertè exponit<sup>d</sup>.

<sup>a</sup> Ezech. 33. 13. <sup>b</sup> Heb. 11. 6. & 12. 14. <sup>c</sup> Theff. 4. 3. <sup>d</sup> Heb. 10. 14. 15. 16. 17.

146. Idque, opposita etiam, veteris fœderis legalis, non observati, differentia, indicat, his verbis; *Pangam, cum domo Israël, & cum domo Juda, fœdus novum: non, secundum illud fœdus, quod pepigi, cum majoribus eorum. Nam isti, non perstiterunt, in illo meo fœdere, & ego, despecti eos. Quamobrem, hoc est fœdus, quod pangam, &c.*

<sup>a</sup> Jer. 31. 31. 32. Heb. 8. 8. 9.

147. *Altera* Jeremiæ promissio est, cap. 32. 39. 40. Unde, hæc demonstratio undecima, prodit; Quibus Deus, ita promittit (*Erunt mihi populus, & ego ero ipsis Deus. Et, indam illis cor unum, & viam unam, ad timendum me, omnibus diebus, ad bonum ipsorum, & filiorum ipsorum, post ipsos: & pangam ipsis fœdus perpetuum, quia non avertam me, a prosequendis ipsis, benefaciendo ipsis: & timorem mei indam animo ipsorum, ne recedant, à me*) illi non deficient penitus, à sanctitate; sed, in eâ, ad finem vitæ perseverabunt. Tales autem sunt, omnes veri Israëlitarum, Ecclesiæ Christianæ, fideles renati. Ergo illi, à sanctitate, non deficient penitus; sed, in eâ, ad finem vitæ, perseverabunt.

148. *Propositio* vera est: quia, timorem Dei habere, sibi inditum, ne recedant à Deo: est, non deficere penitus, à timore Dei & sanctitate. *Assumptio*, inde probatur: quia ejusdem est prorsus, cum antecedente prophetiâ, argumenti. Cujus tanta est vis, ut eam adversarii, non, nisi turpi contradictione, eludere attentarint.

149. Nam modo ajunt disertè: *Quod promissio hac, qua reperitur cap. 31. hujus propheta, & hoc cap. 32. repetita est, manifestè accommodetur, ab Apostolo, ad tempora Messia: uti videre est, in epistola ad Heb. 8. 2. Item: Cum hanc Prophetiam, ad tempora Messia, ab Apostolo, referri, certum sit<sup>b</sup>. Modo negant, ad tempora Messia, referendam: & vanis consequentiis, se non minùs, quàm Apostolum, oppugnant.*

<sup>a</sup> Act. Syn. Rem. de persev. p. 285. & 288. <sup>b</sup> Ibid.

150. Nam quod finem non eventum, notari contendunt<sup>a</sup>, his verbis; *ut non recedant, à me*: illud, à sententiâ ipsâ, confutatur. Nam, *dare cor unum: timorem indere animis*, Dei effectum notant: eaque vera est, & efficax, timoris Dei, causa: deinde (ut antea ostendimus) Deum esse, in fœdere gratiæ, Deum alicujus, propitium servatorem, designat: curantem, ne quis recedat, ab ipso; sed, ut perseverans in timore ac sanctitate, servetur. Et, *non avertere se, à benefaciendo*, conservatorem esse, perspicue significat. Idque, ex sequenti Ezechielis Prophetiâ, similiter patebit.

<sup>a</sup> Ib. 289.

151. Quod enim, hæc promissio, toti populo, vel maxima saltem ejus parti, fiat (uti contendunt adversarii<sup>a</sup>) ideoque, ex eâ, nequeat concludi, *donum perseverantia, ad paucos, eosque electos, pertinere*: id ab illis quidem asseritur; sed non probatur. Contrà verò, ex Apostolo<sup>b</sup> & re ipsa (quæ electis, non aliis: populo, quem Deus præscivit & elegit, non reliquis, convenit<sup>c</sup>) demonstratur.

<sup>a</sup> Act. Synod. Rem. de perf. 7. 291. <sup>b</sup> Heb. 10. 14. 15. 16. 17. <sup>c</sup> Rom. 11. 2. 5. 7.

152. Ideoque hæc adversariorum, causa, non peremptoria<sup>a</sup> est (uti jactant) sed, perempta. Quemadmodum & illud, frigidum sophisma est, quod ajunt; *fideles, à Deo recedunt, & in peccata incidunt<sup>b</sup>*. Quum enim recessio fiat, vel partim, vel omnino: de priori, Propheta non differit (quia nemo sanctorum, ab eâ est immunis<sup>c</sup>) sed de alterâ, cujus immunitatem, Deus, hoc loco, pollicetur.

<sup>a</sup> Act. Synod. Rem. de perf. p. 291. <sup>b</sup> Ibid. <sup>c</sup> Psalm. 143. 2. 1. Joh. 1. 18.

153. *Tertius*, accedit Propheta Ezechielis cap. 36. 25. 26. 27. 28. 29. *promissio*: unde, hæc duodecima, perseverantia sanctorum, demonstratio, promanat; Quibus Deus, ita promittit (*Spargam, super vos, aquas mundas, & mundabimini. Et dabo vobis, cor novum, & spiritum novum dabo, in medio vestri: & amovebo cor lapideum, & carne vestra, & dabo vobis, cor carneum: & spiritum meum, dabo in medio vestri,*

*& faciam, quod in statutis meis ambulabitis, & judicia mea custodietis & facietis. Eritis mihi populus: & ego ero vobis Deus. Servabo vos, ab omnibus inquinamentis vestris*) illi, à sanctitate suâ, non deficient penitus: sed, in eâ, ad finem vitæ, perseverant. Tales autem sunt, omnes veri, secundum promissionem, Israëlitarum ac renati. Ergo, à sanctitate suâ non deficient penitus: sed, in eâ, ad finem vitæ, perseverant.

154. *Propositio*, inde liquet; quod, Deum esse, in fœdere gratiæ, Deum ipsorum, mundarique ab inquinamentis omnibus, ac custodire Dei judicia, & deficere à sanctitate ad inquinamenta, & neglectum judiciorum Dei: & desinere, Deum habere Deum, sibi mutuo repugnant. *Assumptio* verò; quia Deus, populum suum electum, veros Israelitas, ac, secundum promissionem, filios<sup>a</sup>, re promissa, solos donat: & ab eo beneficio, reprobos, à sanctitate alienos, Ezech. 11. 17. excludit. Ideoque hæc differentia, ineptè, ad hoc argumentum obscurandum, ab adversariis obtenditur<sup>b</sup>.

<sup>a</sup> Gal. 4. 28. <sup>b</sup> Act. Syn. Rem. de persev. p. 290.

155. Nam quod ajunt; *id signum esse, fieri posse, ut stam tali promissione, & Deo, à parte sua, cor carneum indente, tamen populus, cor lapideum, retineat<sup>a</sup>*: illud prorsus absolum est, & manifestam contradictionem, complectitur. Promissio enim est; *Amovebo cor lapideum, à carne eorum, & indam eis cor carneum<sup>b</sup>*. Potestne, indi cor carneum, & lapideum, ei è diametro repugnans, retineri? potestne fieri, ut Deo promittente, se amoturum cor lapideum, ut nihilominus adhuc retineatur? Quis hæc monstra, nisi cui cor lapideum, tueri audeat?

<sup>a</sup> Act. Remonst. de persev. p. 290. <sup>b</sup> Ezech. 11. 19.

156. At, inquiunt, *hoc constat, ex querela illa Deut. 29. 4. Ad hoc usque tempus, non dedisti vobis Deus, cor ad intelligendum<sup>a</sup>*. Imò verò, an non intelligunt, citius aquam ex igne posse exprimi, quàm, ut exceptionem suam, ex eo probent? Quænam enim consequentia, *Deus non dedisti vobis cor ad intelligendum: ergo potuit dare cor carneum, ut populus cor lapideum retineret*. Quod porro, de deploratis populi Judaici temporibus, tempore Messia, subnectunt: illud complementum hujus Prophetiæ, in populi illius electis, non paucis, admirandum, non impedit: ut, & Acta Apostolorum<sup>b</sup>, & epistola ad Hebræos<sup>c</sup>, demonstrat.

<sup>a</sup> Act. Remonst. de persev. pag. 290. <sup>b</sup> Act. 2. 41. 47. & 4. 4. &c. <sup>c</sup> Cap. 5. 6. ad finem.

157. Denique, quod promissionem illam; *Indam vobis cor carneum*: sic intelligendam esse, contendunt; *Scilicet, Deum omnia tentaturum & adhibiturum, quibus, cor novum indi, animis populi sui, posset<sup>a</sup>*: hoc sanè, tritum illud Philosophi<sup>b</sup> dictum, probat; *ὅτι ἀπὸ τοῦ δόξαι, ἔστιν οὐκ ὀρθῶς*. Quis enim non videat, aliud omnino esse, cor novum indere, & amovere cor lapideum: quàm id, sine successu, tentare?

<sup>a</sup> Act. Rem. de perf. p. 291. <sup>b</sup> Arist. Phys. l. 1. c. 2. <sup>c</sup> Vno absurdo dato, alia accedunt.

158. *Quartus* denique Propheta, est *Hosæas*, insignis perseverantia testis: in celebri illâ promissione, ter, ad majorem rei evidentiam, attentionem, fidemque inculcata, cap. 2. 19. 20. Unde hæc, *decima tertia demonstratio*, derivatur: Omnes illi, de quibus Deus ait: *Desponsabo te mihi, desponsabo te mihi in seculum, justitiâ, judicioque, ac misericordiâ, & miserationibus: & desponsabo te mihi in fide*: illi, nec à Dei misericordiâ, nec à sanctitate suâ, excidunt penitus: sed ad finem perseverant. Tales autem sunt, sancti renati, seu, vivâ fide præditi. Ergo illi, nec à Dei misericordiâ, nec à sanctitate suâ, excidunt penitus, sed ad finem perseverant.

159. *Propositionis* veritas, perspicua est. Nam, *desponsabo in seculum, justitiâ, judicio, ac misericordiâ, & miserationibus Dei*, & excidere à desponsatione, ac misericordiâ Dei, & à sanctitate suâ, sibi mutuo repugnant<sup>a</sup>. *Assumptio* verò constat, ex versu 23. cum Rom. 9. vers. 24. 25. & 1. Pet. 2. vers. 10. collato. Hæc, de *Veteris Testamenti promissionibus*, quibus similes, è *Novo*, ad testandam sanctorum perseverantiam, atcedunt.

<sup>a</sup> 2. Cor. 11. 2. 1. Theff. 4. 3. Heb. 10. 38. & 12. 14.

160. Ac prima est, ex *Evangelio Matthæi* cap. 16. 18. *Super bas-*

per hanc Petram, edificabo Ecclesiam meam, & porta inferorum, non superabunt eam. Unde hæc, decima quarta demonstratio, exoritur; Quicumque ædificantur super Petram, Christum; & quos, portæ inferorum, non superabunt, illi, non penitus, à sanctitate, deficient; sed in eâ, perseverabunt. Tales autem sunt, omnes sancti renati. Ergo non deficient penitus, à sanctitate; sed, in eâ perseverabunt.

161. *Propositio* firma est. Quia, ut ædificata super petram, non concidunt<sup>a</sup>: sic neque illi, qui, super Christum petram, vivâ fide, structi sunt, pudebunt<sup>b</sup>. Deinde, quia defectiois causa, à portis inferorum: hoc est, consilio, & vi Diaboli, principis inferorum, dependet. Qui, & Mundo idcirco abutitur<sup>c</sup>, & carnem, ad eandem rem, propensam, provocat<sup>d</sup>.

<sup>a</sup> Matt. 7. 25. <sup>b</sup> Jefa. 28. 16. <sup>c</sup> 1. Pet. 2. 6. 7. <sup>d</sup> Eph. 2. 2. Joa. 14. 30. 1. Joa. 4. 4. <sup>e</sup> Matt. 6. 13. Luc. 22. 31. Eph. 6. 11.

162. *Assumptio*, Christi est. Nam Ecclesia ipsius, cœtum omnium fidelium renatorum, notat: quodque hîc, ei promittitur, ad singulos, qui vera ipsius membra sunt, pertinet. Quippe singuli eorum, super petram Christum, structi sunt<sup>a</sup>: & invicti, adversus Satanam, imò victores illius, Christi fulcientis ope, statuuntur<sup>b</sup>.

<sup>a</sup> Eph. 2. 20. 21. 22. Heb. 3. 6. 1. Pet. 2. 5. 6. <sup>b</sup> Gen. 3. 15. Joa. 14. 30. Heb. 2. 14. 15. Rom. 16. 20. Eph. 6. 11. 1. Pet. 2. 5.

163. Quod verò, per portam inferni, infernum intelligendum, contendunt, eo tamen, argumentum, non tollunt revera; sed mutant, ac similiter probant. Nam, qui omnino, à sanctitate & hæreditate cœlesti, excidunt, in illos infernus habet victoriam<sup>a</sup>. Atqui in fideles renatos, infernus non habet victoriam: Ergo renati fideles, à sanctitate non excidunt.

<sup>a</sup> 1. Cor. 15. 55. cum Apoc. 2. 11.

164. *Altera promissio*, extat Lucæ cap. 1. 70. ad 76. unde, nervosissima hæc, decima quinta demonstratio, deducitur; De quibuscunque dicitur, (*Deus locutus est, per os sanctorum, qui à seculo fuerunt, Prophetarum*<sup>a</sup>, SALUTEM, ex inimicis nostris, & è manu, OMNIUM, qui oderunt nos: ut crederetur misericordiâ, erga Patres nostros, & memor esset Testamenti sui sancti, & jurisjurandi, quod juravit Abrahamo, patri nostro<sup>b</sup>, se DATURUM NOBIS; ut sine metu, è manu inimicorum nostrorum, liberati<sup>c</sup>, servivimus ipsi, cum sanctitate & iustitia, in ipsius conspectu, OMNES DIES vite nostræ) illi, à sanctitate, nullo die, penitus deficient; sed, in eâ perseverant, ad finem usque vitæ. Tales autem sumus, Nos omnes, scilicet fideles renati, genuini Abrahamæ filii atque hæredes, & Israël Dei<sup>d</sup>, teste hic Spiritu Sancto<sup>e</sup>. Ergo nullo die, fideles renati, à sanctitate, penitus deficiemus, sed in eâ, ad finem usque vitæ, perseverabimus.

<sup>a</sup> Act. 10. 43. <sup>b</sup> Vide thes. 12. <sup>c</sup> Heb. 2. 15. <sup>d</sup> Rom. 4. 16. Gal. 3. 29. & 4. 28. & 6. 16. <sup>e</sup> Luc. 1. 67.

165. *Postremo* Johannis Evangelium, promissiones, perseverantiz sanctorum, eximias, à Christo propositas, complectitur. Ac primum eas, quibus perpetuam, in fidelibus renatis, Spiritus Sancti consolatoris, permanentionem, pollicetur. Quorum duæ sunt, ad amissam, consentaneæ.

166. *Prima* est, Joh. 4. 13, 14. *Qui biberit, ex aquâ illâ, sitiet rursus: quisquis autem biberit, ex aquâ illâ, quam ego dabo ei, non sitiet in æternum: sed aqua illa, quam ego dabo, fiet in eo, fons aquæ salientis, in vitam æternam.* Secunda consimilis est, cap. 14. 16. 17. *Ego rogabo Patrem, & alium consolatorem, dabit vobis, ut maneat vobiscum, in æternum; Spiritum illum veritatis, quem mundus non potest capere: quia non videt eum, nec novit eum: quia, in vobis, manet; & in vobis, erit.*

167. Perspicuum enim est, aquam promissam, & Spiritus consolatoris gratiam, idem denotare: ut simili dicto, Joa. 7. 39. exponitur. Qui Spiritus, licet ab initio Ecclesiæ, minimè defuerit, quodam tamen modo, nondum erat<sup>a</sup>: eâdem scilicet mensurâ, iisque adjunctis, extraordinariis, copiosisque donis, quibus, post Christi ascensionem gloriolam, abundavit<sup>b</sup>.

<sup>a</sup> Joa. 7. 39. <sup>b</sup> Act. 2. 4. & 8. 17. & 10. 44. & 19. 6. Marth. 16. 17. 18.

168. *Sistere* verò est, ex cruciante animum totius gratiæ

Spiritus defectu, eam desiderare. Sic, non sistere, in æternum: & aquam illam, fieri in nobis, fontem aquæ salientis, in vitam æternam: & Spiritus Sancti gratiam, in nobis permanere, in æternum, idem reipsa designare, apparet. Quod autem distinctè dicitur; *In vobis manet: & in vobis erit*: prius, ratione durationis, inde ab initio, eousque: posterius, ratione futuræ continuationis, & incrementi, distinctione quadam, asseritur.

169. Unde hæc decima sexta, perseverantiz sanctorum, demonstratio, provenit; Quisquis, Spiritus Sancti consolatoris, gratiam, semel acceptam, nunquam penitus amittit; sed, in se, habet permanentem, in æternum, ille, non deficit penitus, à sanctitate; sed, in eâ, ad finem vitæ, perseverat. Tales autem sunt, omnes verè credentes renati. Ergo non deficiunt penitus à sanctitate; sed, in eâ, ad finem vitæ, perseverant. *Propositio*, suâ luce, patet: *Assumptio* similiter firma est: quia prima promissio, est universalis: altera, licet Apostolos compellet, similiter est communis, omnibus fidelibus renatis<sup>a</sup>.

<sup>a</sup> Matt. 3. 11. Rom. 8. 9. Eph. 1. 13. 14. & 4. 30. 2. Thess. 2. 16.

170. Hisce consonant, promissiones, de vitâ gratiæ æternæ, deque saturitate spiritali perpetuâ, per Christum, renatis fidelibus dandâ. Joa. 5. 24. *Amen, amen dico vobis, qui sermonem meum audit, & credit in eum, qui misit me, habet vitam æternam, & in condemnationem, non veniet; sed transivit, à morte, ad vitam.* Et capite 6. 35. *Ego sum panis ille vite, qui venit ad me, nequaquam esuriat: & qui credit in me, non sitiet unquam.*

171. Ex quibus, hæc decima septima, perseverantiz sanctorum, demonstratio est; Quicumque habet vitam æternam, & in condemnationem, non veniet: sed transivit, à morte, ad vitam: quique pane vitæ, ita saturatur, ut nunquam esuriat, nunquam sitiat; ille, à sanctitate, & gratiæ Christi vitâ, nunquam penitus excidit, sed, in eâ, perseverat. Tales autem sunt, omnes renati fideles. Ergo nunquam, à sanctitate, & gratiæ Christi vitâ, excident; sed, in eâ, perseverabunt.

172. *Propositio*, ex membrorum oppositione, sole clarior est. Quia, habere vitam æternam, & à vitâ excidere: in condemnationem, non venire: & deficiendo venire, sunt dissentanea: perseverare verò, prioribus omnino consentit.

173. *Tertio* sequuntur, promissiones Christi, de verè fidelium, in officio & gratiâ Dei, conservatione perpetuâ, Joa. 6. 37. *Omne, quod dedit mihi Pater, ad me veniet: & venientem ad me, non ejiciam foras.* Et cap. 10. 27, 28, 29, 30. *Oves meæ, vocem meam audiunt, & ego, cognosco eas, & sequuntur me: & ego, vitam æternam, do eis, & non peribunt, in æternum: neque rapiet eas quisquam, è manu mea. Pater meus, qui mihi dedit, major est omnibus: neque quisquam, potest rapere, è manu Patris mei. Ego & Pater, unum sumus.*

174. Ex quibus, decima octava, variis argumentis egregiis instructa, demonstratio, expromitur; Quicumque, ad Christum venientes, non ejicientur, ab eo, foras: quique ipsum bonum illum pastorem, audiunt, & sequuntur: quibusque, vitam æternam, dat: quique, non peribunt, in æternum: quique, in manu Christi, & Patris, sunt, quosque nemo inde rapiet, illi, à sanctitate, & gratiâ Christi, non penitus deficient; sed, in eâ, perseverabunt. Tales autem sunt, omnes fideles renati. Ergo illi, non deficient penitus, à sanctitate, & gratiâ Christi; sed, in eâ, perseverabunt.

175. *Propositionis* veritas, perspicua est. Quippe, ovem esse Christi, ipsumque sequi: & ovem esse definire, ipsumque non sequi: habere vitam æternam: & non habere æternam; sed temporariam ac caducam: esse in manu Christi, ac Dei Patris; & non esse: inde eripi non posse, & eripi, ea, adversâ fronte, inter se pugnant. *Assumptio* quoque, ex ovium attributis<sup>a</sup>, Christique explicatione<sup>b</sup>, constat.

<sup>a</sup> Joan. 10. 14. 15. 27. 28. <sup>b</sup> Ib. v. 26.

176. Quod autem adversarii, prioribus intactis, posterius propositionis membrum vellicant, atque excipiunt; oves nemo eripiet: hoc est, vi auferet; sed, si ultro velint exilire, & aberrare omnino, invitas non retinebit: illud,

Bbbbb

vanum

vanum vocis aucupium, est. *Primum*, quia falsâ nititur hypothefi, quasi, raptores & hostes ovium, soli essent, Diabolus & mundus, non etiam propria caro. Quæ tamen, Deo inimica, & spiritui repugnat: ovesque Christo eripere, satagit. *Deinde*, quia eâ ratione, & ovibus, & Christo pastori, sunt injurii.

<sup>a</sup> Rom. 8. 7. <sup>b</sup> Gal. 5. 17.

177. *Ovibus*; quia illæ sequuntur Christum: & alienum nequaquam sequuntur, sed fugient ab eo<sup>a</sup>, & nequaquam peribunt, in æternum<sup>b</sup>: neque ad exitium, neque penitus, aberrant. Christo verò; quia est pastor ille bonus<sup>c</sup>: cujus oves sunt propriæ<sup>d</sup>, qui, curam habet, earum<sup>e</sup>: quique venit, ut vitam habeant, & abundantiam<sup>f</sup>: imò, animam suam pro eisdem ponit<sup>g</sup>, ne pereant<sup>h</sup>.

<sup>a</sup> Joa. 10. 4. & 5. 27. <sup>b</sup> ver. 28. <sup>c</sup> ver. 11. <sup>d</sup> v. 3. & 4. & Rom. 14. 8. <sup>e</sup> Joa. 10. 13. 14. <sup>f</sup> ver. 10. <sup>g</sup> ver. 11. & 15. <sup>h</sup> Act. 20. 28. <sup>i</sup> Joa. 3. 16.

178. Ideoque illas, non solum à vi raptorum externorum, tuetur, sed eas etiam, nativâ stoliditate suâ aberrantes, in viam reducit<sup>a</sup>. Sicut Deus, per Christum, (Davidis nomine ac typo adumbratum<sup>b</sup>) ita promittit; *Pereuntem* (ovem) requiram, depulsam reducam<sup>c</sup>: & contra, quoniam illud necessarium fidi pastoris officium, pastores negligebant, perfidiam eorum gravissimè increpat<sup>d</sup>. Cujus perfidæ negligentia consortem, Christum imprudentes faciunt, dum eo modo, assertam, ab ipso, perseverantia gratiam, obscurare moliantur.

<sup>a</sup> Luc. 15. 4. <sup>b</sup> Ezech. 34. 24. <sup>c</sup> 1b. ver. 16. <sup>d</sup> v. 4. & 5.

179. *Quarto*, succedunt promissiones, de fidelium, in cælum, ad Christum, assumptione, ad vitam gloriæ æternæ, Joa. 14. v. 3. *Quum profectus fuero, & paravero vobis locum, rursus veniam, & assumam vos ad meipsum, ut, ubi sum ego, & vos sitis.* Et cap. 17. 24. *Pater volo, ut, ubi ego sum, etiam illi sint, quos dedisti mihi.*

180. Unde hæc decima nona, perseverantia sanctorum, demonstratio, emergit; Quibuscunque Christus locum, in cælis, paravit: quolque secum, eodem assumet, ut, ibi sint, ubi ipse est; illi, à sanctitate suâ, penitus non excident, ut pereant; sed, in eâ, perseverabunt, ad finem. Tales enim soli, servabuntur<sup>a</sup>. Atqui omnibus renatis fidelibus, Christus paravit locum, in cælis<sup>b</sup>: ut, ibi etiam sint, ubi ipse est<sup>c</sup>. Ergo non excident, ut pereant; sed perseverabunt, ad finem. Hæc de promissionibus, quæ Evangelis proponuntur: quibus reliquæ, ex Apostolorum Epistolis, consentiunt.

<sup>a</sup> Mat. 24. 13. Heb. 10. 36. 38. <sup>b</sup> Heb. 11. 16. & 13. 14. Phil. 3. 20. <sup>c</sup> 1. Theff. 4. 17. Phil. 3. 20, 21.

181. *Prima est Pauli*, ad Rom. 6. 14. *Peccatum enim vobis non dominabitur: non enim estis, sub lege; sed sub gratiâ. Non dominabitur, hoc est, summum imperium, in vos, non obtinebit.* Estque promissio futuri beneficii (ut ver. 5, 6, 7.) non autem hortatio ad officium (qualis v. 12. antecessit) ut & vocis modus, & addita ratio, demonstrat.

182. Nam, omnes homines, non solum, qui sunt sub gratiâ, sed etiam, qui sunt sub lege, ad peccati dominium fugiendum, sunt obstricti. Veruntamen solis iis, qui sunt sub lege, peccatum dominatur: & contra, solis renatis fidelibus, à peccati dominio, per regenerationis gratiam, liberatis, illud non ampliùs dominabitur.

183. Hinc igitur *vicecima*, perseverantia sanctorum, demonstratio, promanat; Quibus peccatum non dominabitur, illi, non penitus, à sanctitate, ad peccatum, deficient; sed in illâ, perseverabunt, ad finem: Fidelibus renatis, peccatum non dominabitur. Ergo illi, non penitus, à sanctitate, ad peccatum, deficient; sed in illâ perseverabunt.

184. *Secunda promissio*, est de certâ communione, gloriæ cælestis, cum Christo; 1. Corinth. 15. 49. *Sicut gestavimus imaginem terreni (Adami) gestabimus imaginem cælestis*<sup>a</sup> (Christi). Et 2. Cor. 5. 1. 2. *Scimus enim nos, si terrestrius hujus domus nostra, tabernaculum, dissolutum fuerit, adificium, ex Deo, habituros, domicilium videlicet, non manufactum, æternum in calis*<sup>b</sup>. *Siquidem etiam induti, non nudi, reperiemur.*

<sup>a</sup> 1. Cor. 15. 22. 23. <sup>b</sup> Heb. 11. 10.

185. Phil. 3. 20. *Nostre autem conversatio, est in calis:*

unde etiam *Servatorem expectamus, Dominum Jesum Christum: qui transformabit corpus nostrum humile, ut conforme fiat, corpori suo glorioso, pro efficacitate, quâ potest etiam subicere sibi omnia.* Et 1. Joh. 3. 2. *Scimus autem fore, ut quum patefactus fuerit, similes ei simus: videbimus enim ipsum, sicuti est.*

186. Unde, *vicecima prima* succedit demonstratio; Qui Christo similes futuri sunt, in gloriâ cælesti, illi, à sanctitate, non deficient penitus; ut pereant: sed, ad finem, in eâ, permanebunt. Fideles renati, Christo similes futuri sunt, in gloriâ cælesti. Ergo non penitus, à sanctitate, deficient, ut pereant; sed, ad finem, in eâ, permanebunt. Hisce promissionibus (quibus plures aliæ, suo loco, postea accedent) perseverantia sanctorum, assertiones illustres, non paucæ, conjunguntur.

187. *Prima est*, Rom. 5. 2. *Per quem (Christum) etiam fide, habemus hunc aditum, in gratiam hanc, quâ stamus, & gloriamur, sub spe gloriæ Dei.* Altera; Rom. 9. 33. *Quisquis crediderit in eum, non pudebit.* Tertia; Rom. 5. 5. *Spes non pudefacit: quia charitas Dei, effusa est, in cordibus nostris, per Spiritum Sanctum, qui datus est nobis.*

188. Quibus in locis, non pudefacere, non frustrari: seu gratiâ ac gloriâ, creditâ ac speratâ, non excidere, significat. (Charitas autem Dei intelligitur, quâ nobis, ea bona, per & propter Christum, vult conferre<sup>a</sup>: & effusa dicitur, in cordibus, non, ut cordium nostrorum adjunctum, quia, in Deo, semper manet; sed ut objectum, Evangelio propositum, & per fidem, virtute Spiritus Sancti, acceptum ac creditum. Ideoque charitatis illius effusio, nihil aliud est, quàm, fidei charitatis illius, infusio, si rem ipsam attendamus.

<sup>a</sup> Rom. 5. 8. 9. 10.

189. Ex quibus, *vicecima secunda*, perseverantia sanctorum, demonstratio, exoritur; Quorum fides & spes; gratia & gloriæ, non pudefaciunt: quique, de iis bonis, verè possunt gloriari: deque iis, certi sunt, per Spiritum S. illi, à sanctitate, non excidunt penitus, ut pereant; sed in eâ, ad finem, perseverant. Atqui omnes fideles renati, sunt hujusmodi. Ergo, à sanctitate, non penitus excidunt, ut pereant: sed, in eâ, ad finem perseverant.

190. *Propositionis* veritas, liquet: quia, fides & spes, quæ penitus deficient, re creditâ ac speratâ, excidunt, eoque pudefaciunt: omnemque veræ, de gratiâ & gloriâ, gloriationis materiam, tollunt: & Spiritus Sancti, charitatem Dei, in cordibus effundentis, veritatem infringunt. *Assumptio*, luce clarior est: quia, de fidelibus ac renatis, communiter, in illis assertionibus, agitur.

191. *Quarta assertio*, est ad Heb. 6. v. 18. 19. *Ut spem propositam, obtineamus: quam velut anima ancoram, habemus tutam ac firmam, ingredientem, in ea, quæ sunt, intra velum.*

192. Unde hæc, *vicecima tertia*, perseverantia sanctorum, demonstratio, contextitur; Quod est velut animæ ancora, tuta ac firma, illud non deficit, ab eâ penitus: sed permanet. Atqui spes fidelium, est velut animæ ancora, tuta ac firma. Ergo non deficit ab ea penitus: sed permanet. *Propositio*, perspicua est: quia tutum ac firmum esse, & intutum ac deficere, sibi mutuo repugnant. *Assumptio*, est Apostoli.

193. *Quinta assertio*, est gratiarum actio, Rom. 7. 24, 25. *Miser ego homo! quis me eripiet, ex hoc corpore mortis? Gratias ago Deo, per dominum nostrum, Jesum Christum.*

194. Unde *vicecima quarta*, perseverantia sanctorum, demonstratio desumitur; Quos Deus, teste Paulo, eripiet, ex hoc corpore mortis: illi penitus, à peccati repugnantis miseriâ, liberabuntur: ideoque non penitus, à sanctitate, ad peccatum, deficient: sed in eâ, permanebunt. Atqui tales sunt sancti renati. Ergo illi penitus, à peccati repugnantis miseriâ, liberabuntur: ideoque non penitus, à sanctitate, ad peccatum, deficient: sed in eâ, permanebunt.

195. *Propositio*, inde liquet: quod, a corpore peccati, eripi, & corpori peccati subijci ac mancipari: à peccati

cati repugnantis miseriam liberari, & ab ea superari penitus, ac deficere, sunt opposita. *Assumptio* similiter, vera est, quia Paulus (ut circumstantiæ, ipsi aliisque renatis, communes ostendunt) de se loquitur, tanquam hominum renatorum, Deum & Dominum nostrum Jesum Christum, vivâ fide agnoscentium, exemplo: & *corpus mortis*, Metaphoricè, (ut alibi, *corpus peccati*<sup>a</sup>) carnem seu vitiositatem naturæ vocat. A cujus dominio, seu summo imperio, licet liberati sint fideles<sup>b</sup>, repugnantiam tamen molestatam, & servitutis reliquias, secundum quid, sentiunt: à quâ divinitus, liberationem secuturam, fideli gratiarum actione, Apostolus proficitur.

<sup>a</sup> Rom. 6. 6. Col. 2. 11. <sup>b</sup> Rom. 8. 12. & 6. 14. 22.

196. Sexta assertio est Rom. 8. 28. *Novimus autem iis, qui diligunt Deum, omnia simul operari in bonum: qui secundum propositum, vocati sunt.* Septima extat 2. Timoth. 4. 7. *Reposita est mihi, corona justitiæ: quam reddet mihi Dominus, in illo die, justus ille iudex; non solum autem mihi; sed & omnibus qui diligunt illustrem adventum illius.* Octava, Jac. 1. 12. *Quum probatus erit, accipiet coronam vitæ, quam promisit Dominus, iis qui diligunt ipsum:* Dilectio autem intelligitur proba: ut quæ, ex corde puro, conscientia bonâ, & fide non fictâ promanat<sup>a</sup>.

<sup>a</sup> 1. Tim. 1. 5.

197. Ex quibus, duplex oritur, perseverantiæ Sanctorum, demonstratio. Prima, est *vicecima quinta* hæc: Quicumque diligunt Deum, & illustrem Christi adventum, illis omnia simul operantur, in bonum, & coronam justitiæ ac vitæ recipient: ideoque, non deficient penitus, à dilectione Dei, ad exitium; sed in ea perseverabunt, ad salutem. Atqui sancti renati, seu viva fide (quæ, *per charitatem, est efficax*<sup>a</sup>) præditi, ita diligunt Deum, & illustrem Christi adventum. Ergo iis omnia *omnino* simul operantur, in bonum, & coronam, justitiæ ac vitæ, recipient: ideoque, non penitus, à dilectione, ad exitium, deficient; sed in eâ, perseverabunt. Omnia autem illa, non peccata nostra (quia ea, non sunt *omnino* ad bonum; sed ad malum) verum, reliqua adversa, intelliguntur<sup>b</sup>.

<sup>a</sup> Gal. 5. 6. <sup>b</sup> Rom. 8. 38. 39.

198. Altera, est *vicecima sexta* ordine, perseverantiæ sanctorum, demonstratio: cujus argumentum, in confirmatione, (propositioni primæ, ab Apostolo, adjectâ) continetur; Qui secundum propositum vocati sunt, illis omnia, simul operantur, in bonum. Qui Deum diligunt, secundum propositum, vocati sunt. Ergo iis omnia simul operantur, in bonum. Ideoque non deficient penitus, à dilectione, in exitium; sed in ea ad finem, permanent.

199. *Propositio*, per se liquet: quia propositum hoc salutis est firmum, ut gradatione sequenti, ostendit Apostolus<sup>a</sup>. *Assumptio* etiam vera est: quia hic, non est distributio, diligentium, in vocatos, secundum propositum, & non ita vocatos, sed eorum descriptio, à causa, quâ veræ dilectionis fidelium, fontem esse, æternam Dei dilectionem, ac servandi propositum<sup>b</sup>, ostendit. Quos enim dilectione æternâ servare proposuit, eosdem etiam *elegit* ac vocavit, *ut essent sancti & inculpati, coram ipso, in charitate*<sup>c</sup>. Idemque adjunctæ, à nobis<sup>d</sup>, ex 2. Timoth. 4. 7. & Jac. 1. 12. assertiones, demonstrant.

<sup>a</sup> Rom. 8. 29. 30. <sup>b</sup> 1. Joh. 4. 10. 2. Thess. 2. 13. 14. <sup>c</sup> Ephes. 1. 4. <sup>d</sup> Thess. 1. 6.

200. Nona assertio, est ad Rom. 8. 15. 16. *Accepistis Spiritum adoptionis, per quem clamamus, Abba, Pater: Ille ipse Spiritus testatur unâ cum spiritu nostro, nos esse, filios Dei.* Decima est; *Postquam credidistis, obsecrati estis Spiritum illo promissionis sancto: qui est arrhabo hereditatis nostræ, ad redemptionem acquisitionis.* Undecima, *similis est*, Eph. 4. 30. *Ne tristitia afficiat Spiritum Sanctum Dei: per quem, obsecrati estis, in diem redemptionis; id est ultimum: quo resurrectio gloriosa, plenaque nostri redemptio, seu liberatio, continget<sup>a</sup>.* Similia loca sunt 2. Cor. 1. 7. 22. & ad Gal. 4. 6.

<sup>a</sup> Luc. 21. 28. Rom. 8. 23. 1. Cor. 1. 30.

201. Unde hæc *vicecima septima*, perseverantiæ sanctorum, demonstratio concluditur; Qui in cordibus suis obsecrati sunt, Spiritu adoptionis, qui testatur, ipsos esse filios Dei: quique est, arrhabo hereditatis ipsorum, ad diem re-

demptionis; illi sanctitatem suam, non amittunt penitus; sed in eâ, ad finem, perseverant. Atqui fideles renati, sunt hujusmodi. Ergo sanctitatem suam, non amittunt penitus; sed in eâ ad finem, perseverant.

202. *Propositio* liquet, quia, Spiritus Sancti obsecratio & testificatio, perpetuò vera est: ac proinde, quorumcunque adoptionem perpetuò obsecrat, ipsosque filios Dei & hæredes esse, testatur: illi revera, tales existunt perpetuò: ideoque, sancti manent. Quia sine sanctitate, nemo filius, nemo hæres Dei<sup>a</sup>, nemo Spiritu adoptionis præditus<sup>b</sup>. Quia in quibuscunque Spiritus Dei habitat, illi non sunt carnales<sup>c</sup>; in omnibus iis, in quibus arrhabo est, ad diem redemptionis, habitat. Ergo illi, non sunt carnales: eoque à sanctitate, non deficient penitus.

<sup>a</sup> Heb. 12. 14. <sup>b</sup> Joh. 14. 17. Rom. 8. 9. 14. 15. 1. Joh. 4. 13. <sup>c</sup> Rom. 8. v. 9.

203. *Duodecima perseverantia assertio* est Johann. 8. 31. *Dicebat ergo Jesus iis, qui, in ipsum, crediderant; si vos manseritis, in sermone meo, verè discipuli mei estis.* Similis est decima tertia, Heb. 3. 6. *Cujus domus nos sumus, si modo fiduciam, & gloriationem spei, ad finem usque firmam retinuerimus.* Et versu 14. *Christi enim, participes facti sumus, si modo, principium illud immutamus (constantiam, aut fiduciam) firmum tenuerimus, ad finem usque.* Cui accedit, decima quarta; 1. Joann. 2. versu 19. *E nobis egressi sunt, sed non erant ex nobis. Nam, si fuissent, ex nobis, mansissent utique nobiscum; sed (hoc factum est) ut paterficeret, non omnes esse ex nobis.*

204. Ex quibus, *vicecima octava*, perseverantiæ sanctorum, demonstratio, promanat; Quicumque manent, in sermone Christi & in Ecclesia illius; & principium fiduciam, & gloriationem spei<sup>a</sup>, ad finem usque, firma retinent, illi, ea non amittunt: sed, in iis, ad finem usque, perseverant. Omnes verè discipuli Christi, ac domus Dei, hoc est, renati fideles<sup>b</sup>, sunt hujusmodi. Ergo, in iis, ad finem, perseverant.

<sup>a</sup> Rom. 5. 2. <sup>b</sup> Joa. 6. 56. Eph. 2. 22. & 3. 17.

205. *Decima quinta assertio*, est Hebr. 10. vers. 38. & 39. *Iustus autem, ex fide, vivet: sed, si se subduxeris, non probat enim animus meus. At nos, non sumus subductionis, ad exitium: sed fidei, ad animæ acquisitionem.*

206. Unde hæc, *vicecima nona*, perseverantiæ sanctorum, demonstratio, exurgit; Qui non sunt subductionis, ad exitium: sed fidei, ad animæ acquisitionem, illi à fide, non deficient penitus: sed, in eâ, ad fidem, & salutem, perseverant. Fideles renati, sunt hujusmodi. Ergo fideles renati, à fide non deficient penitus; sed, in ea, perseverant.

207. *Propositio*, solida est: quia non subducere se (nempe à fide) ad exitium: & deficere penitus, à fide, ad exitium sunt opposita: esse fidei, seu, fidem habere, ad animæ acquisitionem: & in fide perseverare, ad finem & salutem, revera idem sunt. *Assumptio*, Apostoli est: quia vox, *Nos*, Paulum, cæterosque fideles renatos, perspicuè complectitur.

208. *Decima sexta*, perseverantiæ sanctorum, assertio, communi glorificationis, Christi & omnium credentium, copulâ, continetur; 2. Thess. 1. 10. *Quum venerit (Christus) ut glorificetur, in sanctis suis: & admirandus fiat, in credentibus omnibus (quia creditum est testimonium nostrum, apud vos) in die illo. Ubi glorificatio Christi intelligitur, de eâ, quæ, ex sanctorum gloriâ, promanat<sup>a</sup>.*

<sup>a</sup> 2. Thess. 1. 12.

209. Ex quo dicto *trigesima*, perseverantiæ sanctorum, demonstratio, suggeritur; Omnes, in quibus Christus vicissim, quum venerit, glorificabitur, & admirandus in iis fiet, ultimo adventus die; illi in sanctitate, perseverabunt, ac servabuntur. Atqui omnes credentes renati, sunt hujusmodi. Ergo illi, in sanctitate, perseverabunt, ac servabuntur.

210. *Propositio*, inde constat, quia Christus, non ita glorificatur, in iis, qui à sanctitate, deficient; sed, in illis solis, qui in eâ persistunt<sup>a</sup>. Ideoque Apostolus postea ait; *ut Deus noster &c. compleat opus fidei potenter; ut glorificetur nomen Domini nostri, Jesu Christi, in vobis, & vos, in eo ex gratia Dei*

Bbbbb 2



Dei nostri, & Domini nostri Jesu Christi<sup>b</sup>. *Assumptio* est Apostoli.

<sup>a</sup> Matt. 24. 13. Heb. 10. 38. 39. <sup>b</sup> 2. Tim. 1. 11. 12.

211. Nam, ut fideles, jam spe, servati sunt<sup>a</sup>; & reipsa, in capite suo, primitiis resurrectionis ipsorum<sup>b</sup>, Jesu Christo, collocati in cœlis<sup>c</sup>: ita reipsa, in se consequentiæ necessitate, eâ etiam de causâ, glorificabuntur: ut totus Christus (in se, & in membris) glorificetur. Quippe, quum Ecclesia, seu omnium verè fidelium, cœtus, sit Christi (qui omnia interim implet in omnibus) complementum<sup>d</sup>, nulum membrum ipsius perire potest: quin gloria Christi mutiletur.

<sup>a</sup> Rom. 8. 24. <sup>b</sup> 1. Cor. 15. 29. <sup>c</sup> Eph. 2. 5. 6. <sup>d</sup> Eph. 1. 13.

212. *Decima septima*, perseverantiæ sanctorum, assertio, est prælustris: 1. Joh. 3. 9. *Quisquis natus est ex Deo, peccatum non facit: quoniam semen ejus manet in eo, & non potest peccare*, quia, ex Deo, natus est. Cujus clarissimæ sententiæ lucem, quum adversarii, laciniosâ oratione, variisque modis, offuscare studeant, ea paucis erit explicanda.

213. Ac primò *natus ex Deo*, Spiritui Sancto, regnatum ac sanctificatum: seu iustitia ac sanctitate donatum, significat. Id quod adversarii, agnoscunt<sup>a</sup>; sed insigni contradictione, sese miserè irretiunt, atque involvunt. Nam initio quidem, *per natiuitatem ex Deo, non qualitatem propriè, bonam aut sanctam denotari*<sup>b</sup>, perperam adstruunt: contra verò postea, qualitatem esse & habitum, crebrius affirmando<sup>c</sup>, idem omnino destruunt ac subvertunt.

<sup>a</sup> Act. Rem. de perf. p. 321. <sup>b</sup> lb. & p. 322. <sup>c</sup> lb. p. 325. 326. 327. 328. 333.

214. Deinde, *peccatum facere & peccare* (quæ, eodem sensu, ut antea<sup>a</sup>, usurpantur) *non propriè* ac generatim, hoc loco, Legem Dei transgredi<sup>b</sup>, notant: quia, omnes homines, ita peccant<sup>c</sup>, etiam omnes sancti<sup>d</sup> ac renati, lapsu interdum graviore: ut vel Petri exemplum (fitem nihilominus retinentes<sup>e</sup>) evincit. Verum *impropriè*, per synecdochē ac speciatim, peccato, plenè dominantī, servire: seu, peccatis omnino deditum esse<sup>f</sup>, significat. Id quod, à renatis ex Deo, alienum; sed, natis ex Diabolo, proprium<sup>g</sup>.

<sup>a</sup> 1. Joh. 3. 8. <sup>b</sup> 1. Pet. 2. 22. Rom. 3. 23. <sup>c</sup> 1. Reg. 8. 46. <sup>d</sup> Pf. 32. 6. 1. Joh. 1. 8. <sup>e</sup> Jac. 3. 2. <sup>f</sup> Luc. 22. 32. <sup>g</sup> Ezech. 33. 13. <sup>h</sup> 1. Joh. 3. 8.

215. *Semen autem Dei*, Metaphoricè, Verbum Dei, seu Euangelium (quia ex eo, ut semine incorruptibili, nascimur ac sanctificamur<sup>a</sup>) significat<sup>b</sup>. Nam, quod adversarii, *seminis voce, divinam intelligi indolem, naturam, divinumque affectum, existimant*<sup>c</sup>: eo modo, causam, cum suo effecto: semen nempe, regenerationis atque indolis divinæ, cum ipsâ regenerationis gratiâ, ac divinâ indole, perperam confundunt. Ideoque, duas distinctas rationes; primam; *quia semen ejus manet*: & secundam; *quia ex Deo natus est*, in unam, indignè conflant<sup>d</sup>.

<sup>a</sup> 1. Pet. 1. 22. 23. <sup>b</sup> Jac. 1. 18. 1. Joh. 2. 24. <sup>c</sup> Act. Rem. de perf. p. 329. <sup>d</sup> lb. p. 327. & 331.

216. *Manere*, autem propriè, hoc *semen*, dicitur, cum animæ inhæret, eoque radicatum retinetur<sup>a</sup>: ut, suo tempore, fructum ferat. Quæ, solida ratio est, ac causa efficiens, cur renati, non peccent. Sic enim ritè concluditur; In quo, semen Dei, manet, ille non peccat. In nato ex Deo, semen Dei manet. Ergo, natus ex Deo, non peccat. Idque Apostolus docet antea, his verbis; *Quisquis in eo (Christo) manet, non peccat: quisquis peccat, non vidit eum, neque novit eum*<sup>b</sup>. Ergo Apostolo contradicunt adversarii, qui statuunt, aliquos peccare, qui viderunt & noverunt Christum: hoc est, vivâ fide præditos.

<sup>a</sup> Luc. 8. 15. 2. Joh. 2. 24. <sup>b</sup> 1. Joh. 3. 6.

217. Nam, quod *manere*, hoc loco, non propriè, durationem, sed *impropriè*, nudam existentiam, notare<sup>a</sup>, contendunt: id, neque ex reipsa, neque ex iis, quæ adducunt, Scripturæ dictis, demonstratur.

<sup>a</sup> Act. Rem. de perf. p. 330.

218. *Non ex reipsa*; quia quod primò ajunt (*Alias debuisse poni; ab Apostolo, talem enuntiationem; Qui ex Deo natus manet, ille non peccat: quia semen manet*<sup>a</sup>) illud, nullâ omnino consequentiæ necessitate, nititur: ut ex antecedentibus liquet. Deinde, quod addunt, verbum, *manendi*, non propriè usurpari, quod alias non prima enuntia-

tionem, sed ultimam, appositam, fuisse<sup>b</sup>, illud frivola nititur ratione.

<sup>a</sup> lbid. <sup>b</sup> lbid.

219. Nam frustra hæc subjiciunt; *Qua viis, verbi fueri, quum agitur de eo, quod in presenti est? Ut enim quis non peccet, non requiritur, ut semen Dei in eo maneat: sed tantum, ut sit*<sup>a</sup>. Siquidem, *Manet*, præsens est, (non minus quàm verbum, *Peccat*) & esse, cum perseverantiâ denotat: *Sicut non peccare, nihil aliud Apostolo esse, quàm non manere, in peccandi consuetudine adversarii profitentur*<sup>b</sup>.

<sup>a</sup> lbid. <sup>b</sup> lbid. p. 323.

220. Neque etiam ex scripturæ dictis, hanc vocis, *manendi*, significationem, certò comprobant. Non ex Joan. 14. 17. *In vobis manet, & in vobis erit*. Quia *manet*, hoc loco, non tantummodo, *esse* notat: sed inde etiam, ab initio fidei, durationem. Contra verò vox, *Erit*, pro erit constanter: seu manebit, accipitur: ut res ipsa docet. Neque etiam, ex 1. Joan. 2. 5. 6. *In ipso sumus. Qui dicit, se in ipso manere*. Quia, *manere* quidem hic, *esse*, at non simpliciter, sed cum constantiâ, significat. Nec denique ex 1. Joan. 3. v. 14. *Qui odit fratrem, manet in morte*: quia, ut vox, *odit*, de odio, sine resipiscentiâ, intelligitur<sup>a</sup>: sic vox *manet*, durationem notat; ut etiam hoc loco. Cum quo, consentit *illud*; *Quod igitur audistis, à principio, in vobis maneat. Si in vobis manserit, quod audistis, à principio, vos quoque in Patre & Filio manebitis*<sup>b</sup>.

<sup>a</sup> lbid. p. 331. <sup>b</sup> 1. Joh. 2. 24.

221. Denique, *non posse peccare*, hoc est, se penitus peccatis dedere, dicitur non absolute, & per se<sup>a</sup>, sed per accidens, gratiâ ac potentiâ Dei conservantis<sup>b</sup>. Quod, quum sit constans, hominis renati, privilegium<sup>c</sup>: idcirco statuitur, eum, *non posse peccare: quia, ex Deo natus est*. Utpote, in quo semen suum, Deus conservat ac fructuosum reddit, suo Spiritu, perpetuo illo salutis, in cordibus renatorum, arrhabone<sup>d</sup>, atque auctore<sup>e</sup>.

<sup>a</sup> Vide Thef. præced. <sup>b</sup> 1. Pet. 1. 5. Joh. 15. 5. Jer. 34. 40. <sup>c</sup> Joh. 3. 36. 1. Joh. 3. 6. <sup>d</sup> Eph. 1. 14. & 4. 30. 2. Corinth. 1. 22. <sup>e</sup> Joh. 7. 38. 39. Rom. 8. 9. 10. 11.

222. Ideoque, quod excipi solet; *renatos, non posse peccare, quâ renati sunt*, adeò hic ridiculum est, ut illius tandem, etiam adversarios, puduerit<sup>a</sup>. Apostolus enim, non ait, *quâ*: ac si subjecti partem ita determinaret; sed, *quia*; ut rationem reddat, cur homo ille, qui ex Deo natus est, peccare non possit: non quia, ex carne natus est, & naturali arbitrii libertate, peccato obstat; sed quia ex Deo natus est, seu Dei gratiâ, naturæ divinæ, (hoc est, imaginis Dei) per regenerationem, confors existit, & idcirco divinitus conservatur.

<sup>a</sup> Act. Rem. de Perf. p. 326.

223. Quod autem verba hæc, *Non posse*, impropriè, pro difficile esse, accipienda obtendunt, quasi, non potentia, sed facilis potentia, negaretur. Videlicet, quòd natus ex Deo, à peccato abhorreat, ac propterea, non facillè peccet<sup>a</sup>: illud, indignum effugium est.

<sup>a</sup> lb. 323. ad 327.

224. *Primum*, quia sine ullâ gravi causâ, à propriâ vocis significatione, ad impropiam, aberrant. Deinde, quum orationis series ostendat, illa verba, *& non potest peccare*, ad amplificationem rei pertinere (quod nec adversarii diffidentur<sup>a</sup>) hæc ipsorum expositione, contrà ad diminutionem, traducitur. Quia quod dicitur, renatum non peccare, id absolute peccatum illud, à renato, excludit<sup>b</sup>: contrà verò, non facillè posse peccare, seu difficulter peccare, peccatum illud, aliquâ ratione, includit. Hæc, de loci hujus explicatione.

<sup>a</sup> lb. pag. 331. <sup>b</sup> Vide Thef. 216. & 221.

225. Unde *trigesima prima*, perseverantiæ sanctorum, demonstratio, profluit; Quicumque non peccat, & in quo semen Dei manet: quique non potest peccare; ille, à sanctitate suâ, ad peccato penitus serviendum, non deficit (hoc enim esset, peccare) sed, in eâ, perseverat. Omnis autem sanctus, natus ex Deo, est hujusmodi. Ergo, à sanctitate suâ, ad peccato penitus serviendum, non deficit, sed in eâ, perseverat. Atque hæc, de perseverantiæ sanctorum, *promissionibus & assertionibus*. Ex quibus constat, eam Dei voluntate (secundum quam, sua agit omnia<sup>a</sup>) certò esse decretam.

<sup>a</sup> Eph. 1. 11.

226. Quod voluntatis Dei decretum, *primum* est *beneficii Dei*, caput ac modus, quo, perseverantia sanctorum, causa efficiens, dicitur. Ac propterea, de *altero beneficio*, nempe, *operatione Dei*, quæ eandem, à se decretam, tanquam *causa*, non solum efficiens ac sufficiens (ut adversarii, gratiam Dei imminuentes, statuunt) sed etiam *perficiens*, exsequitur, nobis est differendum. Ex quo, reliquæ, ad veritatem amplius illustrandam, demonstrationes, elucebunt.

227. Quæ *operatio Dei*, pro ordinis sui, in agendo, ratione, in *remota*, & *proxima*, dispescitur.

228. *Remota*, est Filii Dei, secundum decretum<sup>a</sup>, in servatorem, & conservatorem, omnium fidelium, donatio, Joa. 3. 16. *Sic enim Deus dilexit mundum* (hoc est omnes gentes mundi<sup>b</sup>) *ut Filium suum unigenitum dederit: ut quisquis credidit in eum, non pereat; sed habeat vitam æternam*. Periret autem credens, si à fide, penitus descisceret: quia, in peccato esset mortuus, & sub ira ac maledictione constitutus.

<sup>a</sup> 1. Pet. 1. 20. Eph. 1. 4. 9. <sup>b</sup> Rom. 4. 13. cum 18. & Gen. 12. 3. & 18. 18. cum 22. 18.

229. *Filius* autem, renatos ac verè fideles, conservat, ac perseverantiam efficit, partim *modo* sibi *proprio*: partim, cum Patre & Spiritu Sancto, *communi*.

230. *Proprio* quidem, per Sacerdotalis muneris executionem, peragit bifariam; *primò*, per sacrificii sui, pro sanctis renatis, pretium: *deinde*, per precum suarum intercedentium dignitatem.

231. Ac *sacrificii sui pretio* ac *merito*: quia *se sanctificavit* (seu in sacram victimam, Deo Patri, per mortem, obtulit<sup>a</sup>) *ut sancti simus*<sup>b</sup>: cum imputatà ipsius sanctitate<sup>c</sup>: tum veteris hominis crucifixione, novique excitatione<sup>d</sup>, & quidem ad finem usque vitæ<sup>e</sup>. *Unica enim* (ut ait Apostolus) *oblatione, consecravit in perpetuum eos, qui sanctificantur*<sup>f</sup>. Idque etiam, ex formula fœderis novi, justificationis & sanctificationis gratiam complectentis, ab eodem, demonstratur<sup>g</sup>.

<sup>a</sup> Heb. 10. 10. <sup>b</sup> Joh. 17. 19. <sup>c</sup> Heb. 10. 10. cum 11. & 12. <sup>d</sup> Rom. 6. 6. ad 12. Hebr. 9. 13. 14. <sup>e</sup> Luc. 1. 69. cum 71. <sup>f</sup> Heb. 10. 14. <sup>g</sup> Ibid. 10. 15. 16. 17.

232. Ex qua etiam re, duplicem, in epistola ad Romanos, demonstrationem, ad perseverantiam Sanctorum stabilendam, deducit Apostolus.

233. Quarum prior, ordine est *trigesima secunda*, hujusmodi; *Nam si, quum inimici essemus, reconciliati fuimus Deo, per mortem Filii ejus; multo magis reconciliati servabimur, per vitam ipsius*<sup>a</sup>. Cui Propositioni, præmissa est *Assumptio*, & *Conclusio hujusmodi*; *Commendat autem suam, ergo nos charitatem Deus, quod quum essemus peccatores, Christus, pro nobis, mortuus est. Multo igitur magis, iustificati nunc sanguine ejus, servabimur, per eum ab ira*<sup>b</sup>.

<sup>a</sup> Rom. 5. 16. <sup>b</sup> Rom. 5. 8. 9.

234. *Alterà*, (quæ nostra, *trigesima tertia*) *demonstratio* est. Etenim si per unius (Adami) lapsum, mors regnavit per illum unum: multo magis, qui redundantiâ illius gratiæ, & doni justitiæ, accipiunt, in vitam regnabunt, per unum illum Jesum Christum<sup>a</sup>. Hæc Propositionio est; *Assumptio* verò, diversis verbis, sed eodem sensu, præcessit; *Per unum hominem, peccatum in mundum introiit, & per peccatum, mors*<sup>b</sup>. Ergo multo magis, qui redundantiâ illius gratiæ, & doni justitiæ, acceperunt, in vitam regnabunt, per unum illum Jesum Christum<sup>c</sup>. Qui autem gratiam illam accipiunt, sunt citra controversiam, omnes fideles renati<sup>d</sup>.

<sup>a</sup> Rom. 5. 17. <sup>b</sup> Ibid. 5. 12. 21. <sup>c</sup> Rom. 5. 20. 21. cum v. 17. <sup>d</sup> Rom. 5. 1. 2.

235. Quapropter, ex gratiæ hujus, (cùm reconciliationis, tum conservationis, per Christum) certitudine, Apostolus ita exclamat; *Gloriamur in Deo, per Dominum nostrum, Jesum Christum, per quem, nunc reconciliationem accepimus*<sup>a</sup>. Quo, certam perseverantiam, indigitat.

<sup>a</sup> Rom. 5. 11. & 2. & 3.

236. Eodem etiam spectat, celebris illa, quæ consequitur, *gloriatio* duplex. *Prima* est; *Si Deus pro nobis, quis contra nos? Is quidem, qui proprio Filio, non pepercit; sed pro nobis omnibus, tradidit eum, quomodo non etiam, cum eo, nobis omnia gratificabitur*<sup>a</sup>? In quâ sententiâ, Deum pro nobis esse, propitium adiutorem, notat: & contra nos esse, nempe cum victoria: seu superare posse, synecdochicè significat.

Quod, Deo adiutore, nemo, nos perdere, queat. Denique *gratificari omnia*, nihil aliud, quàm & salutem, & omnia, ad eam, necessaria, largiri, designat<sup>b</sup>: ut res ipsa ostendit.

<sup>a</sup> Rom. 8. 31. 32. <sup>b</sup> Rom. 8. 28.

237. Unde hæc, perseverantiæ sanctorum, *demonstratio trigesima quarta*, statuitur. Pro quibus, Deus est, & Filio suo, non pepercit, sed pro iis omnibus, tradidit ipsum, illis omnia, ad salutem necessaria, cum Christo gratificabitur: ideoque perseverantiam sanctitatis ac gratiæ daturus<sup>a</sup> est. Atqui omnes fideles renati, sunt hujusmodi. Ergo iis, perseverantiam, in sanctitate, & gratiâ, est daturus.

<sup>a</sup> Heb. 10. 36. 38. & 12. 14.

238. *Secunda gloriatio* est; *Quis nos separabit, à charitate Christi? oppressio &c. imo, in his omnibus, plusquàm victores sumus, per eum, qui dilexit nos. Nam, mihi persuasum est, neque mortem, neque vitam, neque Angelos, neque Principatus, neque Potestates, neque instantia, neque futura, neque sublimitatem, neque profunditatem, neque ullam creaturam, posse nos separare à charitate Dei, quæ est in Christo Jesu*<sup>a</sup>.

<sup>a</sup> Rom. 8. 35. ad finem.

239. Ex qua gloriatio magnificà, *trigesima quinta*, perseverantiæ sanctorum, *demonstratio*, constituitur: Quos nemo à charitate Christi, separare potest; sed qui in omnibus, plus quàm victores, sunt: quosque, neque mors, neque vita, neque instantia, neque futura, neque ulla creatura, separare potest, à charitate Dei, quæ est in Christo Jesu: illi, à sanctitate, & gratiâ Dei, non excidunt penitus, (hæc enim sunt repugnantia) sed in ea perseverant. Tales autem sunt, omnes fideles renati (quos sibi sociat Paulus, quum ait, *nos & omnes*<sup>a</sup>.) Ergo, à sanctitate, & gratiâ Dei, non excidunt penitus: sed in ea perseverant.

<sup>a</sup> Rom. 8. 32. 33. 35. 36.

240. Idem docetur propositis salutis gradibus, 1. Cor. 1. 30. *Ex ipso autem vos estis, in Christo Jesu, qui factus est nobis, sapientia à Deo, justitia, sanctificatio, redemptio*.

241. Ex quibus hæc *trigesima sexta*, perseverantiæ sanctorum, *demonstratio*, procedit; Quibus Christus factus est, à Deo, sapientia, justitia, sanctificatio, redemptio; illi, à sanctitate non deficiunt penitus, sed in ea, ad finem usque perseverant: Aliàs Christus non esset iis, redemptio, seu plena liberatio. Atqui omnes fideles renati, sunt hujusmodi. Ergo illi, à sanctitate, non deficiunt penitus; sed in ea, ad finem usque, perseverant.

242. *Propositio* firma est: quia factum esse alicujus, non solum sapientiam ac justitiam, à Deo; sed etiam, sanctificationem, ac redemptionem, hoc est, plenam (quæ, ultimo die, futura) liberationem<sup>a</sup>: & sincerè, à sanctitate, deficere ac perire, sunt opposita. *Assumptio*, Apostoli est. Siquidem, quæ Corinthiis fidelibus, *qui ex Deo erant nati*<sup>b</sup>, hîc dicuntur: communia sunt, omnibus fidelibus renatis, citra controversiam. Atque hæc, de perseverantia, per pretium ac meritum sacrificii Christi, efficientiâ.

<sup>a</sup> Luc. 21. 18. Eph. 1. 14. & 4. 30. Rom. 8. 23. <sup>b</sup> 1. Cor. 1. 30.

243. *Alterà* est, per precum ipsius intercedentium dignitatem: quibus, eam perseverantiam, à Patre efflagitat, & impetrat. De quâ re, Rom. 8. 34. *Quis est, qui condemnet? Christus is est, qui mortuus est: imo vero qui excitatus est: qui etiam est, ad dextram Dei: qui etiam interpellat, pro nobis. Et Heb. 7. 24. 25. Perpetuum habet sacerdotium. Unde, & servare, prorsus potest eos, qui per ipsum, accedunt ad Deum: semper vivens, ut interpellat, pro iis*.

244. Hinc *trigesima septima*, perseverantiæ sanctorum, *demonstratio* contextitur; Quos nemo potest condemnare, quia Christus, pro iis mortuus, excitatus, & ad dexteram Patris, interpellat, pro iis: illi non penitus excidunt à sanctitate, & gratiâ, (aliàs enim condemnationi essent obnoxii) sed in iis perseverant. Atqui electos ac fideles, nemo potest condemnare, quia &c. Christus interpellat pro iis. Ergo non excidunt penitus à sanctitate, & gratiâ: sed in iis, perseverant.

245. Similia loca, sed magis specialia, sunt hæc; Joann. 17. vers. 8. *crediderunt, me à te missum esse. Ego, pro iis, rogo; non pro mundo: sed pro iis, quos dedisti mihi: quia*

Bbbbb 3

tni

*ui sunt.* Et vers. 11. *Pater sancte, serva eos, per nomen tuum, quos dedisti mihi: ut sint unum, prout & nos.* Et vers. 15: *Non rogo, ut tollas eos à mundo: sed ut serves eos, à malo.* Et vers. 17. *Sanctifica eos, tuâ veritate.* Et vers. 20. *Non tantum autem, pro iis, rogo, sed & pro iis, qui per sermonem eorum, credituri sunt in me.*

246. Quæ, hanc *trigesimam octavam*, perseverantiæ sanctorum, *demonstrationem*, suppeditant; Pro quibus Christus orat Patrem, ut eos sanctificet, suâ veritate, & servet à malo, illi à sanctitate non deficiunt penitus (hæc enim sibi mutuò repugnant) sed in eâ perseverant. Atqui credentes renati omnes, sunt huiusmodi. Ergo illi à sanctitate, non deficiunt penitus, sed in eâ perseverant.

247. *Propositio*, confirmatur *primò*, quia Christus semper à Patre exauditur<sup>a</sup>. Nec *obstat*, quòd pro peccatoribus<sup>b</sup>, quia ipsum crucifixerunt<sup>c</sup>, orasse dicitur: quia indefinita est oratio: quæ ad mundum reproborum non pertinet (quum, pro eo sese orare, negarit<sup>d</sup>, neque orare potuerit<sup>e</sup>) sed ad electos<sup>f</sup>. Quales, ex eorum (qui Christum in crucem, flagitatione suâ, adegerant & numero, duabus Petri concionibus, circiter octo millia, sunt conversi<sup>h</sup>. *Deinde* altera confirmatio, à Christo adducta est, his verbis; *Quia ui sunt.* Ut enim *Dominus novit, qui sunt sui*<sup>i</sup>: ita Pater suos, Christo datòs, vult servari<sup>k</sup>.

<sup>a</sup> Joa. 11. 42. <sup>b</sup> Ila 53. 12. <sup>c</sup> Luc. 23. 34. 35. <sup>d</sup> Joa. 17. 9. <sup>e</sup> 1. Joa. 5. 16. <sup>f</sup> Joa. 17. 9. <sup>g</sup> Act. 2. 23. & 3. 13. 14. 15. <sup>h</sup> Act. 2. 41. & 4. 4. <sup>i</sup> 2. Tim. 2. 19. <sup>k</sup> Joa. 17. 2. & 6. 39. 40.

248. Nam licet Christus dicat; *Quos dedisti mihi, custodi: & nemo, ex iis perit, & nemo filius perditionis*; hoc est Judas: ipsum tamen (quod adversarii objectare solent) datis hisce, non annumerat; sed opponit. Quum enim, *& nemo* & *ui sunt*, non solum pro, *nisi*, sed sæpius etiam, pro *sed*<sup>a</sup>, accipiat (ut etiam *nisi*, frequenter apud Latinos, *sed* denotat<sup>b</sup>) ita quoque, hoc in loco, accipi oportere, circumstantiæ evincunt.

<sup>a</sup> 1. Cor. 7. 17. Apoc. 21. 27. Gal. 1. 7. & 2. 16. <sup>b</sup> Vide Aldi Schol. ad Sallust. de bello Jugur.

249. Nam qui dati Christo hîc dicuntur, non intelligendi sunt, ratione vocationis, ad Apostoli munus; sed dati prædestinatione, & vocatione, ad fidem ac salutem: ut attributa demonstrant. Omnes enim hi, dati Christo, vitâ donandi sunt<sup>a</sup>: Deî sunt proprii; sermonem ejus servant<sup>b</sup>: pro iis, Christus orat: mundoque opponit<sup>c</sup>: eosque servari vult, impofterum, à Patre<sup>d</sup>: & à se ante servatos, asserit<sup>e</sup>. Quorum nihil, in filium perditionis Judam, aut alium reprobum, quadrat.

<sup>a</sup> Joa. 17. 2. <sup>b</sup> v. 6. <sup>c</sup> v. 9. <sup>d</sup> v. 11. & 24. <sup>e</sup> v. 12.

250. Ac propterea, *perperam hoc dicto*, adversus sanctorum perseverantiam, *abutantur*. Atque hæc, de *primâ acremotâ*, Dei, perseverantiam exequentis, *operatione*, nempe Filii Dei, Pontificis nostri, donatione: ut sui sacrificii pretio ac merito, & precum intercessione ac dignitate, eam nobis promereretur, atque impetraret.

251. *Alterâ Dei operatio*, decretam perseverantiam exsequens, est *propinqua*. Quæ consistit *partim*, in potentiâ Dei, quam exerit; *partim*, in sanctorum perseverantium officiis, quæ suscitât atque adjuvat, ut in sanctitate, perseverent.

252. *Potentia illa Dei*, alia *principalis* est, alia *ministra*. *Principalis*, est Dei Patris, cum Filio<sup>a</sup>, communis, per Spiritum Sanctum, efficacia<sup>b</sup>: qua inceptam regenerationis sanctitatem (seu fidei, spei, charitatis, virtutes) perpetuò, ab interitu conservat. Ut enim illarum, efficiens *causa*, est *incipiens*; sic etiam *perficiens*, ad finem<sup>c</sup>.

<sup>a</sup> Joa. 10. 28. 29. 30. 2. Thess. 2. 16. <sup>b</sup> Psal. 51. 14. & 143. 10. Eph. 1. 17. 18. 19. & 2. 22. <sup>c</sup> Phil. 1. 6.

253. *Modus* autem, quo sanctitatem conservat, est illius, partim continuatio ac *confirmatio*: partim, contra adversarios, *defensio*.

254. Quæ *duo conjunctim* ita complexus est Apostolus Petrus 1. Epist. 1. 3, 4, 5. *Benedictus Deus, & Pater Domini nostri Jesu Christi: qui ex multa sua misericordia, regennuit nos in spem vivam, per resurrectionem Jesu Christi ex mortuis, in hæreditatem: qua nec perire potest, nec contaminari, nec marcescere, NOBIS IN CÆLIS SERVATAM. Qui,*

POTENTIA DEI ut PRÆSIDIO CUSTODIMUR, per fidem, AD SALUTEM; qua parata est patefieri, tempore ultimo.

255. Unde hæc, *trigesima nona*, perseverantiæ sanctorum, *demonstratio*, promanat; Quos Deus regennuit in spem vivam, in hæreditatem, ipsis servatam, in cœlis: & qui potentiæ illius præsidio custodiuntur, per fidem, ad salutem quæ patefiet, tempore ultimo: illi, à fide, non penitus deficiunt, ad interitum; sed in eâ perseverant, ad salutem. Tales autem sunt omnes sancti renati. Ergo, non penitus, à fide deficiunt, ad interitum; sed in eâ perseverant, ad salutem.

256. *Propositio* liquet: quia hæreditatem ipsis servatam esse in cœlis; & defectione à fide, eam amittere; deficere, à fide ad exitium, & custodiri potentiâ Dei, per fidem ad salutem, & quidem certam, ut quæ ipsis servatur, & parata est, patefieri tempore ultimo, sibi mutuò adversantur: ideoque simul consistere nequeunt.

257. Nec quisquam potest custodiri, per fidem, ad salutem: nisi in fide maneat. Salus enim statuitur, ut certus terminus: qui verè ultimo die patefiet: fides verò, ut via ac medium, ad eam necessarium, ac destinatum. Ideoque nemo custodiri potest, ad salutem, quæ patefiet: nisi servatâ fide<sup>a</sup>. Ac propterea, vanum est adversariorum de discrimine conservationis, in fide, & per fidem effugium: quum posteriori, prius includatur.

<sup>a</sup> Marc. 16. 16. Heb. 10. 38. 39. 1. Joan. 2. 28.

258. *Distinctè* verò, de *primò* conservationis modo, præter ea, quæ copiosè, suis locis, antea protulimus, *testimonia*; hæc tria sunt illustria. *Primum* 1. Corinth. 1. v. 8. 9. *Qui* (Deus) *etiam, confirmabit vos, usque ad finem, inculpato, in diem Domini nostri Jesu Christi*: (en donum perseverantiæ) *Fidelis Deus, per quem vocati estis, in communionem Filii ipsius*. Hæc est perseverantiæ demonstrandæ solida ratio, à fidelitate Dei, erga veros fideles, qui vocati sunt, ad Christi communionem. Ideoque tam certa est perseverantia, quàm certa atque immobilis Dei in promissis servandis, fidelitas.

259. *Alterum testimonium* est Philipp. 1. v. 6. *Persuasum habens, hoc ipsum, fore ut, QUI INCEPIT in vobis, opus bonum, PERFICIAT, usque ad diem Jesu Christi. Postremum* est, 1. Thes. 5. v. 23. 24. *Ipsæ autem Deus pacis, sanctificet vos totos, & integer vester Spiritus, & anima, & corpus, inculpate, in adventum Domini nostri Jesu Christi, SERVENTUR. FIDELIS est, qui vocavit vos, qui etiam EFFICIET.*

260. Ex quibus oraculis, hæc *quadragesima*, perseverantiæ sanctorum, *demonstratio*, emicat; Quos Deus confirmabit, usque ad finem inculpato, & in quibus, bonum opus, quod in iis incepit, ad Christi adventum perficiet, & sanctificabit totos, & integrum spiritum, & animam, & corpus, inculpate servabit, in adventum Domini nostri, Jesu Christi; illi sanè, à sanctitate suâ, non deficient penitus; sed in ea ad finem perseverabunt. Tales autem sunt verè fideles, seu sancti renati. Ergo illi non penitus, à sanctitate, deficient, sed in eâ perseverabunt.

261. *Propositionis* veritas perspicua est. Nam, confirmari à Deo, ad finem inculpato, & non confirmari, sed deficere, à sanctitate ad culpam, servitutis peccati: bonum opus in sanctis, inceptum perficere, ad Christi adventum; & sanctos, à bono opere, deficere: sanctificare totos, & inculpate servare, in adventum Christi, & non servare, sed permittere, ut deficient à sanctitate, & inculpati esse desinant, sunt aperte repugnantia: quæ simul consistere non possunt. *Assumptio* similiter certa est. Nam quæ, de Corinthiæ, Philippensis, Thessalonicensis, Ecclesiæ verè fidelibus, memorat Apostolus, eaverè fidelibus renatis omnibus, sunt communia: ob communem, ad communionem Christi, vocationem, & communes, Dei fidelis, promissiones<sup>a</sup>. Hæc, de *sanctitatis* conservatione.

<sup>a</sup> Tit. 1. 2. Gal. 3. 22.

262. Porro *sanctitatis*, contra adversarios, *defensio* divina, consistit, *partim*, in consolatione æternâ, contra hostium tentationes: *partim* in eorum refrænatione.

263. *Primum*

263. *Præus docetur 2. Theff. 2. 16. 17. Ipse verò Dominus noster Iesus Christus, & Deus ac pater noster, qui dilexit nos, & dedit consolationem æternam, & spem bonam, per gratiam, consoletur vestra corda, & stabilizat vos, in omni sermone, & opere bono.*

264. Ex quâ sententiâ, *quadragesima prima*, perseverantiæ sanctorum, *demonstratio*, desumitur; Quibus Deus dedit consolationem æternam, illi à fide sua nunquam deficiunt penitus, sed in ea perseverant. Atqui omnes fideles, renati, sunt huiusmodi. Ergo illi, nunquam penitus, à fide suâ deficiunt, sed in ea perseverant.

265. *Propositio* firma est. Quia, consolationem æternam habere, & non habere: seu, fidem & spem servare, (sine quibus nulla esse potest consolatio) & ea amittere, sunt contraria, ac se mutuò expellunt. Deinde, stabiliri à Deo, in omni sermone, & opere bono; & non stabiliri, sed instabilem esse, ac deficere, à sermone & opere bono, sunt similiter contraria. *Assumptio*, & hoc loco, & alibi a statuitur. Quod enim hic ex fide, pro verè fidelibus precatur Apostolus, id à Deo promissum, & fideliter præstatur.

a Joa. 14. 16. 17. 1. Cor. 1. 8. 9. 1. Theff. 5. 23. 24.

266. *Posterior* verò, *defensionis membrum*, traditur 1. Cor. 10. 13. *Fidelis est Deus, qui non sinet vos tentari, supra id quod potestis; sed præstabit unâ cum tentatione, etiam evasionem, ut possitis sufferre.*

267. Hinc *quadragesima secunda*, perseverantiæ sanctorum, *demonstratio*, suggeritur; Quos Deus tentari non sinet, supra id quod possunt, sed præstabit unâ cum tentatione evasionem, ut possint perferre, illi non penitus à tentatione vincuntur, ideoque non deficient omnino, à sua sanctitate, sed in ea perseverant ad finem. Fideles renati, sunt huiusmodi. Ergo, à tentatione, non vincuntur penitus: ideoque non deficient omnino, à sua sanctitate, sed in ea ad finem perseverant.

268. *Propositio* certa est: quia non sinere tentari, supra vires; & sinere tentari, supra vires; seu sinere, ut tentationi succumbant, & ab ea superentur: dare evasionem, ut possint sufferre; & non dare evasionem, ut possint sufferre: sed permittere eos, tentationis gravitate, victos, à sanctitate penitus deficere, sunt è diametro inter se opposita: quæ idcirco, eidem rei, tribui non possunt. *Assumptio* etiam verissima est: quia hæc consolatio, non est propria Corinthiis; sed communis omnibus verè fidelibus ac renatis, ob communem, *fidelitatis Dei*, additam rationem, & Scripturæ consensum. Atque hæc, de *principali Dei potentia*, qua perseverantiam sanctorum exequitur.

a Pf. 115. 3. 1. Cor. 1. 8. 1. Theff. 5. 23. 24. Luc. 17. 1. 74. 75. 2. Pet. 2. 9. Rom. 8. 28. & 11. 29. Heb. 10. 23. Tit. 1. 2.

269. *Ministra* verò *potentia Dei*, qua ad eandem rem perficiendam, utitur, est *duplex: institutio*, per Dei Verbum, & *castigatio*.

270. *Institutio per Dei verbum*, vel *sejuncta* est: vel Sacramentorum signis, *conjuncta*: quibus duobus modis, perseverantiam Deus, ita suadet commodè atque opportunè, ut certò secundum decretum, persuadeat.

271. *Priori modo* renascimur ac sanctificamur primùm, fideque donamur: *utroque verò modo*, in sanctitate ac fide, confirmamur. Euangelium enim, est *potentia Dei ad salutem, omni credenti*: semen incorruptibile, vivum manensque in æternum, quodque in renatis manet, & *efficax est in iis qui credunt*. Utque *verbum Dei est veritas*, qua sancti amplius sanctificantur à Deo: sic Euangelium comparatur speculo limpidissimo, in quo omnes Domini gloriam intuentes, in eandem imaginem transformamur, ex gloria, in gloriam.

a Rom. 10. 17. 1. Pet. 1. 23. b Jac. 1. 18. Eph. 4. 12. 13. 14. 15. 16. c Rom. 1. 16. d 1. Pet. 1. 23. 25. e 1. Joa. 3. 9. f 1. Theff. 2. 13. g Joan. 17. 17. h 2. Cor. 3. vers. 18.

272. *Verbi autem divini institutio* nuda, seu à signis *sejuncta*, partim *dogmatica* est, partim *paranetica*.

273. *Dogmatica*, est quâ, officium perpetuandæ sanctitatis, modique illius, præscribuntur: nec solum ab honesto, seu iusto; sed etiam ab utili, & necessario (non minus quàm paræneses) muniuntur.

274. Quo pertinent, variz *promissiones & minæ*. Illis enim, perseverantiæ utilitas: hisce verò, necessitas sancitur: illisque spiritus alacritas excitata, inflammatur: hisce verò, carnis lascivientis insolentia retusa, coercetur.

275. Quales sunt *promissiones*, præter alias, non paucas, Matt. 24. 13. *Qui perseveraverit ad finem, salvus erit*. Apoc. 2. 10. 11. *Esto fidelis, usque ad mortem: & dabo tibi coronam vitæ &c.* *Qui vicerit, non ladeitur à morte secundâ*. Ezech. 33. 11. *Vivo ego, dicit Dominus, non delector morte improbi; sed conversione improbi, à via sua.*

276. *Minæ* verò, inter cæteras, huiusmodi proponuntur, Heb. 12. 14. *Pacem sectamini, & sanctimoniam, sine qua nemo videbit Dominum*. Gal. 5. 21. *Qui talia* (opera carnis, sine resipiscentiâ) *agunt, regni Dei non erunt hæredes*.

277. *Promissiones* verò & *minas* simul concinnè, in eum perseverantiæ finem, complexus est Deus, Ezech. 33. vers. 13, 14, 15. *Quum dixerò iusto, omnino victurus es, si ipse confusus iustitia sua fecerit iniquitatem, omnia iusta facta ipsius, non memorabuntur, sed in iniquitate sua, quam facit, morietur. Et, quum dixerò improbo, omnino moriturus es, si reversus, à peccato suo, fecerit iudicium & iustitiam, pignus restituerit improbus, rapinam reddiderit, in statutu vita ambulaverit, non faciendo iniquitatem, omnino vivet, & non morietur. Quo in loco, facere iustitiam, aut iniquitatem, non generatim, sed speciatim, (ut 1. Joan. 3. 9.) accipi oportere, res ipsa declarat.*

278. Similiter Apostolus Rom. 8. v. 13. *Si, secundum carnem, vixeritis, futurum est, ut moriamini; sed si spiritu, actiones carnis, mortificetis, viveritis*. Et Heb. 10. 38. *Iustus autem, ex fide, vivet; & si se subduxerit, non probat eum, animus meus*.

279. In quibus minis, non quid fieri in renatis, iustis ac sanctis, soleat, indicatur (ut adversarii malè colligunt) sed quid, per eorum infirmitatem, sine Dei ope, fieri posset, ac fieret: quæque defectionis illius, noxia sint consequentia, declaratur: ut ejus etiam argumenti vi perculsi, in officio retineantur.

a Actor. Synod. Remonst. de persever. pag. 220.

280. Siquidem, non alio modo, etiam Apostolis, à Christo, dicitur, *Nisi iustitia vestra, abundavit plus, quàm Scribarum & Phariseorum, non intrabitis, in regnum calorum*: quum tamen certum esset, majorem eorum esse, & fore, iustitiam; & regnum calorum, certò possessuros. Quippe *nomina eorum*, Christo teste, *scripta erant, in cælis*: ac *placitum erat Patri, iis dare regnum*: ut qui, Patris erant, Filioque dati, ut iis, vitam daret æternam.

a Matth. 5. 20. b Luc. 10. 20. c Luc. 12. 32. d Joan. 17. 2. 6.

281. Nec propterea tamen, vana erat comminatio: siquidem illa, potens fuit instrumentum; ut discipulos, fragilitatis suæ moneret, & monstrato præcipitio, ac terrore incusso, in rectâ viâ (à qua, per se, sibi reliqui, potuissent deflectere) retineret.

282. Ut enim Deus ipsos, ad salutem, elegerat, tanquam ad finem destinatum: sic etiam, ad sanctitatis perseverantiam, & omnia subsidia, ad eam, necessaria, tanquam ad media, uno eodemque decreto æterno, atque indivulso, destinavit.

283. Ac propterea, quæ adversarii, tam putidè atque odiosè, de *præciso*, à mediis subordinatis, salutis decreto, objectant, & ad prudentum ac peritorum lectorum, nauseam, toties inculcant, ea frivola sunt ipsorum somnia: quibus, toto cælo, ab orthodoxorum sententiâ, aberrant: dumque ei, invidiam conflare moliantur, in ipso limine turpiter impingunt. Atque hæc, de *institutione Verbi, dogmatica*.

284. *Paranetica* verò *verbi institutio*, ad perseverantiam ordinata, in admonitione, sita est, duplici. Una, quâ Deus, ad studium perpetuæ, in sanctitate, constantiæ, & subditorum illius, provocat: altera, quâ, ad fugam defectionis, eorumque, quæ eò tendunt, advocat. Atque, huic etiam hortationi, inservit *reprehensio*, quâ eorum, qui declinare incipiunt, foeditas traducitur: ad pudorem, seriam

Bbbbb 4

que



que tristitiam, iis incutiendum: ne penitus aberrant, sed, ad salutarem resipiscentiam, adducantur.

<sup>a</sup> A. 14. 22. <sup>b</sup> Heb. 10. 35.

285. Quale, illustre omnino est exemplum, in Ecclesiæ Corinthiacæ fidelibus<sup>a</sup>. Quemadmodum etiam quod Tito præscribit Apostolus, ut *severè* Cretenses *redarguat*, ut *sani sint, in fide*<sup>b</sup>. Idemque, in Galatis, acrius corrigendis, observavit<sup>c</sup>. Hæc de *sejuncta* nudaque, *Verbi Dei*, atque Euangelii, *institutione*.

<sup>a</sup> 2. Cor. 7. 9. 10. 11. <sup>b</sup> Tit. 1. 13. <sup>c</sup> Gal. 3. 1.

286. Altera verò, est *conjuncta*, ac vestita divinis, fœderis Evangelici, signis, seu *Sacramentis*. Quæ sunt *signa ac sigilla, iustitiæ fidei*<sup>a</sup>, obsignandæ, & *signa fœderis*<sup>b</sup>: quæ & Dei erga nos, per Christum, gratiam, & nostræ, erga Deum, sanctitatis gratitudinem, declarant ac confirmant<sup>c</sup>. Nam ut de veteribus nihil dicam: nova nostra, à Christo, tradita, Sacramenta, *Baptismus*, & *Cæna Domini*, ad sanctitatis quoque perseverantiam, comprobendam ac promovendam, sunt instituta.

<sup>a</sup> Rom. 4. 11. <sup>b</sup> Gen. 17. 11. <sup>c</sup> Gen. 17. 2. 1. Corinth. 10. 21. & 11. 24. 25. 26.

287. *Baptismus* enim unicus<sup>a</sup> (non solum specie, in universis, sed etiam numero, in singulis: ut etiam circumcisio unica) unicam regenerationem, ac sanctificationem<sup>b</sup>, Christi que communionem<sup>c</sup>, non plures: & quidem, ad vitæ finem, constantem: non autem, amissioni sæpius obnoxiam, exitioque, præviā, obsignat.

<sup>a</sup> Eph. 4. 5. <sup>b</sup> Tit. 3. 5. <sup>c</sup> Gal. 3. 27. 29. Ioa. 6. 31. 39. 1. Cor. 1. 8. 9. <sup>d</sup> Rom. 6. 4. 22. Col. 2. 11. 12. Heb. 10. 14. 17. 18. 1. Cor. 3. 8. 9.

288. Quemadmodum etiam, *unici Baptismi usus*, seu acceptio, dum, animo fideli, sæpius ruminatur, ad fidem vivam, ac debitam sanctitatis perseverantiam (tanquam sigillum, & iustitiæ fidei, non minus, quàm circumcisio<sup>a</sup>, & beatæ resurrectionis<sup>b</sup>) extimulat<sup>c</sup>. Quocirca non solum, renatos fideles, *lavacro aquæ, purgari, per verbum*<sup>d</sup>; sed Baptismum etiam, ut arcæ Noæ *exemplar, nos servare*<sup>e</sup>, asseritur: quod & gratiam salutis obsignet, & sanctitatis gratitudinem (uti diximus) excitet.

<sup>a</sup> Rom. 4. 11. <sup>b</sup> 1. Cor. 15. 29. <sup>c</sup> Eph. 4. 1. 2. cum 5. <sup>d</sup> Ib. 5. 26. <sup>e</sup> 1. Pet. 3. 21.

289. Unde, *quadragesima tertia*, perseverantiæ Sanctorum, *demonstratio*, exoritur; Quibus, à Deo, per Baptismum, unica regeneratio, ac sanctificationis gratia, Christi que perpetua communio obsignatur; illi, unico Baptismo, quasi arcæ Noæ, servantur, neque sæpius regenerantur: neque, à sanctitate, neque à Christi communionem, penitus excidunt; sed in iis, ad finem vitæ, perseverant. Tales autem sunt omnes fideles renati, ac baptizati. Ergo illi Baptismo, quasi arcæ Noæ, servantur, neque sæpius régenerantur, neque à sanctitate, neque à Christi communionem, penitus excidunt; sed in iis, ad finem vitæ, perseverant.

290. *Cæna Domini* similiter, perseverantiæ sanctorum, declarandæ & peragendæ, opitulatur. Siquidem omnibus, verè fidelibus, signat & obsignat, eos corporis & sanguinis Christi, habere communionem<sup>a</sup>: Christumque ipsis esse, panem vitæ, non caducæ; sed æternæ: quemque fide percipiant<sup>b</sup>: & quia comedunt carnem ipsius, & bibunt sanguinem ipsius, habere vitam æternam<sup>c</sup>, & in Christo, manere, Christumque, in ipsis<sup>d</sup>. Ideoque, non minus, à *Cæna Domini*, quàm à Baptismo, ad sanctitatis perseverantiam, stimulantur<sup>e</sup>.

<sup>a</sup> 1. Cor. 10. 16. <sup>b</sup> Joh. 6. 35. <sup>c</sup> vers. 54. <sup>d</sup> vers. 56. <sup>e</sup> 1. Cor. 10. 16. 21. & 11. 24. 25. & 12. vers. 13.

291. Ex quo, *quadragesima quarta*, perseverantiæ sanctorum, *demonstratio*, exstruitur; Quibus *Cæna Domini*, signat & obsignat, ipsos habere, communionem corporis & sanguinis Christi, per fidem, Christumque ipsis esse, panem vitæ æternæ: habere vitam æternam, & in Christo, manere, Christumque, in ipsis; illi non penitus, à sanctitate suâ, & vitâ, Christi que communionem, excidunt; sed in iis, perseverant, ad finem. Tales autem sunt fideles renati, *Cœnæ Domini* participes. Ergo non penitus, à sanctitate suâ, & vitâ, Christi que communionem, excidunt; sed in iis, ad finem vitæ, perseverant.

292. Atque hæc, de *prima causa* perseverantiæ *ministra*,

nimirum institutione, per Dei verbum: *secunda*, est *castigatio*; *partim*, per Ecclesiæ disciplinam: *partim*, per afflictionem.

293. *Castigatio, per Ecclesiæ disciplinam*, est, quâ Christiani, gravius ac contumacius prolapsi, omnibusque prius rectè tentatis, ab Ecclesiæ communionem (quasi oves scabraz, à grege; & leprosi, à populo Dei<sup>a</sup>) segregantur. Quæ res, ad sanctitatis perseverantiam promovendam, plurimum conducit. Quia *finis est*, ne reliqui sancti, mali exempli contagione, inficiantur<sup>b</sup>; sed, censuræ gravioris, aculeis, cautiore facti; in sanctitate persistant<sup>c</sup>. Deinde, ut contumaces, ab Ecclesiæ communionem secreti, probri ac damni sensu, perculsi, ad peccati sui agnitionem, ac detestationem, seriamque ac salutarem resipiscentiam, redigantur: *ad interitum carnis: ut spiritus salvus sit, in die Domini Jesu*<sup>d</sup>.

<sup>a</sup> Lev. 13. 3. 4. <sup>b</sup> 1. Cor. 5. 6. 7. <sup>c</sup> ibid. <sup>d</sup> Ib. v. 5.

294. Excommunicatio enim, medicina est; non carnificina: sanatio ægri; non cædes<sup>a</sup>: neque absolute excludit; sed eâ conditione, nisi resipiscant. Ac propterea, perseverantiam sanctorum, non confutat (ut adversarii obtreçant) sed eandem, in sanctis renatis, promovet: tanquam utile remedium, divinitus institutum. Hæc de *castigatione prima*.

<sup>a</sup> 2. Cor. 2. 7. 8. 9.

295. Altera verò *castigatio* divina, eodem pertinet, est per *afflictionem*. Quâ, Deus utitur, ad carnem refrænantandam, & spiritus, seu sanctitatis instigat, vires & constantiam, procurandam: ut *παθήματα* fiant *καθήματα*, & quos verba Dei, ad parendum, non erigunt; verbera corrigan<sup>a</sup>.

<sup>a</sup> Pl. 12. 9. 10. <sup>b</sup> Eccl. 16. 16. <sup>c</sup> Hof. 6. 1. 2. <sup>d</sup> 1. Cor. 11. 32.

296. Huc pertinent illustres sententiæ, *primùm*, Psal. 119. 67. 71. *Antequam affligerer, ego errabam: nunc autem, sermonem tuum, observo* &c. *Bono mihi fuit, me affligi: ne discerem statuta tua*. Deinde Heb. 12. v. 10. 11. *Illis, ad paucos dies, prout ipsis videbatur, nos castigabant: hic autem (Deus) ad commodum nostrum; ut participes simus sanctitatis ipsius. Omnis autem castigatio, in præsens quidem, non videtur esse gaudii; at postea, fructum tranquillum iustitiæ reddit* *is, qui per eam fuerint exercitati*.

297. Atque hæc, de *prima causa* exsequente perseverantiæ: nempe Dei potentia: altera verò, in sanctorum officiis, consistit: quæ paucis explicanda. In quibus officiis principalis causa, est Deus sanctificans; *ministra* verò, homines sancti ac renati.

298. Homines enim Sanctos ac renatos, suam, in sanctitate, perseverantiam, unâ efficere, cum Deo, sed sub Deo, Scriptura attestatur, Psalm. 119. 112. *Inclino animum meum, ad faciendum statuta tua, in seculum, in finem usque*. 2. Tim. 4. 7. *Cursum consummavi, fidem servavi*. 1. Joh. 3. v. 3. *Quisquis habet hanc spem, sanctificat seipsum, sicut ille sanctus est*. 1. Joh. 5. v. 18. *Scimus, quod quisquis natus est ex Deo, non peccat; sed conservat seipsum, & Malus illi non tangit eum*, nempe lethaliter, *καὶ ὁ ἄγιος*.

299. Unde hæc *quadragesima quinta* perseverantiæ sanctorum *demonstratio*, procedit; Quicumque sanctificat se, sicut Deus sanctus est, nec peccat; sed servat seipsum, & Malus ille non tangit ipsum, ille non deficit penitus, à sanctitate; sed in eâ, perseverat. Atqui omnes fideles renati, sunt huiusmodi. Ergo nulli renati, à sanctitate, penitus deficiunt, sed in ea, perseverant.

300. *Propositionis* veritas elucet. Nam sanctificare se, & non peccare, seu, non peccatis se omnino dedere, & à sanctitate, deficere; servare seipsum, & deficiendo, non servare; sed peccatis perdere: à Malo, non tangi, & deficiendo, sub Mali, peccati auctoris<sup>a</sup>, potestatem redigi, sunt repugnantia, quæ eidem congruere, nequeunt. *Assumptio* est Apostoli.

<sup>a</sup> Joh. 8. 44. 1. Joh. 3. 8.

301. *Modus* autem, quo renati, suam perseverantiam, procurant; *partim* est, seria verbi divini audientia, & meditatio<sup>a</sup>: *partim*, quæ inde oriuntur, abnegatio nostri<sup>b</sup>, & sanctimoniz exercendæ studium<sup>c</sup>. Quibus, incepta regeneratio, paulatim perficitur. Ideoque fideles renati, *deponere veterem hominem, novumque induere*, jubentur<sup>d</sup>; quoniam crebris actionibus

nibus sanctis, innata vitiositatis habitus, minuitur: sanctitatis verò inditæ virtus (fides, spes, charitas) magis magisque stabilitur ac conservatur.

<sup>a</sup> Pl. 119. 92. <sup>1</sup> Pet. 2. 2. <sup>2</sup> Tim. 3. 15. 17. <sup>b</sup> Matt. 16. 24. <sup>c</sup> Pl. 119. 11. <sup>c</sup> Pl. 119. 43. 44. <sup>d</sup> Heb. 12. 14. <sup>d</sup> Eph. 4. 22. 24.

302. *Abnegationis* autem nostri efficaciam proficitur Paulus, 1. Cor. 9. 27. *Contundo* (inquit) *& in servitutem redigo, corpus meum, ne aliquo modo, quum aliis predicarim, ipse improbus fiam.* Non quasi, de salute suâ, ambigeret<sup>a</sup> (ut perperam, à nonnullis, adversus sanctorum perseverantiam, colligitur) sed quòd sanctitatis perseverantiam ac salutem, non aliâ, quàm hanc sanctitatis viâ, sibi, aliisque sanctis, destinatam, probè cognosceret<sup>b</sup>.

<sup>a</sup> Rom. 8. 38. <sup>b</sup> Hebr. 12. 14. Rom. 8. 13.

303. *Studiis* verò *sanctimonia*, ad perseverantiam illam promovendam, utilitatem ac necessitatem, ostendit Petrus 2. Epist. 1. 10. *Quapropter potius studete, vocationem & electionem vestram, firmam facere.* <sup>a</sup> *Hac enim* (nempe memoratas sanctitatis actiones) *si feceritis, nunquam impingetis.* Et Paulus Eph. 6. vers. 13. *Propterea assumite, universam illam armaturam Dei, ut possitis resistere, tempore aduerso, & omnibus confectis, stare.*

<sup>a</sup> 1. Joa. 3. 18. 19.

304. In quâ *sanctâ armaturâ*, excellent *preces*<sup>a</sup>, tanquam genuina sanctitatis totius (seu fidei, spei, charitatis) proles<sup>b</sup>, ac professio, & auxilii Divini, ad perseverantiam, impetrandi, medium destinatum<sup>c</sup>. Quibus assiduis precibus, pro omnibus sanctis<sup>d</sup>, seipsis ac reliquis<sup>e</sup>, renati orant; *ut regnum Dei adveniat*<sup>f</sup>: ipsosque, *non inducat, in tentationem; sed liberes, à malo*<sup>g</sup>: *ut fortiter corroborentur, per Spiritum Dei, in interiore homine: ut inhabitet Christus, per fidem in cordibus ipsorum: ut, in charitate fundati & radicati*<sup>h</sup>, *&c. ut ipsos sanctificet totos, & integer ipsorum spiritus, & anima, & corpus, inculpatè, in adventum Domini nostri Jesu Christi, serventur*<sup>i</sup>. Adco autem efficaces sunt preces hujusmodi, ut perseverantiam, quam Deus justè imperat, preces sanctorum, Christi intercessione, Deique fidelitate ac vocatione nixæ; gratuito ac certò, impetrent<sup>k</sup>.

<sup>a</sup> Eph. 6. 18. <sup>b</sup> Rom. 10. 14. <sup>c</sup> Joan. 16. 23. <sup>d</sup> Matt. 26. 41. <sup>d</sup> Eph. 6. 18. <sup>e</sup> Judæ 20. <sup>f</sup> Phil. 1. 19. <sup>f</sup> Matt. 6. 10. <sup>g</sup> Ibid. vers. 13. & 26. 41. <sup>h</sup> Eph. 3. 16. 17. 18. <sup>i</sup> 1. Theff. 5. 23. <sup>j</sup> 2. Theff. 1. 11. <sup>k</sup> 1. Theff. 5. 24.

305. Ideoque, ex hisce, *quadragesima sexta*, perseverantiz sanctorum, demonstratio, accedit; Quod fideles renati, à Deo, secundum voluntatem, ac fidelitatem, ipsius, verâ fide, precantur, illud certò obtinebunt. Atqui liberationem, ab omni malo, & sanctificationem animi, spiritus, corporis, in adventum usque Domini nostri Jesu Christi; denique adventum regni Dei, fideles renati, secundum Dei voluntatem, ac fidelitatem, verâ fide, ab ipso precantur. Ergo liberationem, ab omni malo, & sanctificationem animi, spiritus, corporis, in adventum Christi, denique adventum regni Dei, obtinebunt: ideoque non penitus à sanctitate deficient; sed in eâ perseverabunt.

306. *Propositio* confirmatur ex Joan. 16. 23. *Amen amen dico vobis, quacunque petieritis, à Patre meo, in nomine meo, dabit vobis.* Matth. 11. vers. 24. *Quacunque precantes petitis, credite vos accepturos, & erunt vobis.* Matth. 7. 7. *Petite & dabitur vobis &c.* vers. 11. *Si vos igitur, quum sitis mali, nostis bona dare liberis vestris; quanto magis Pater vester, qui est in cælis, dabit bona, (& Lucas speciatim cap. 11. 13. Spiritum Sanctum) iis, qui ab ipso petunt.* Heb. 14. 16. *Accedamus igitur, cum fiducia, ad thronum gratiæ, ut consequamur misericordiam, & gratiam inveniamus, ad opportunum auxilium.* Denique 1. Joan. 5. 14. *Et hæc est fiducia, quam habemus, apud Deum ipsum, si quid petierimus, secundum voluntatem ejus, nos audire.* *Assumptio*, præpositis<sup>a</sup> præcationibus continetur.

<sup>a</sup> Theff. 304.

307. Ex quibus etiam liquet, *hominem* quidem, *ministrum* esse, suæ in sanctitate perseverantiz, *causam*; sed *Deum principalem*. Quia non solum sanctitatem, illiusque exercendæ vim, regeneratione indit; sed, suâ etiam potentiâ (cum remotâ, tum proximâ) sustentat, juvat, & in actus

educit, atque ad finem conservat: ideoque *timorem*, non temerè, in ministræ causæ præscriptione, requirit.

308. Quâ de re, hæc Apostoli monita, 2. Cor. 7. 1. *Hæc igitur promissiones quum habeamus, purgemus nos, ab omni inquinamento, carnis & Spiritus, sanctificationem perficientes, cum timore.* Et Hebr. 12. vers. 28. 29. *Quapropter regnum assumentes, quod concuti non potest, teneamus gratiam, per quam ita serviamus Deo, ut ei placeamus, cum reverentiâ & metu. Etenim Deus noster, ignis consumens est.* Denique, Philipp. 2. 12. 13. *Cum timore ac tremore, vestram salutem, conficite. Deus enim is est, qui operatur in vobis, & velle, & perficere, pro placito.*

309. Quâ in sententiâ, quando sanctos, suam salutem conficere, jubet: ipsos aliquam, perseverantiz suæ, causam esse, indicat: sed ne ingrata, suæ infirmitatis, & gratiz Dei, oblivione seducti, superbirent, Deum, totius boni auctorem, statuit.

310. Ac propterea, cum salutis procurandæ studio, *timorem ac tremorem*, non servilem illum, quem charitas expellit<sup>a</sup> (qui aut tantum, aut præcipuè, ex pœnæ odio, procedit) sed ingenuum<sup>b</sup>, præscribit: Qui timor, potissimum ac primum est offensæ Dei: deinde verò, iræ illius. Prior enim, ex fide gratiz Dei, & amore sanctitatis, ab ipso mandatæ; posterior verò, ex fide justitiæ atque omnipotentiz Dei<sup>c</sup>, & ex amore salutis propriæ promanat. Uterque tamen, salutari ratione, ad perseverantiam sanctitatis, confert. Atque hæc de causâ efficiente.

<sup>a</sup> 1. Joa. 4. 18. <sup>b</sup> Psal. 2. 11. 12. <sup>c</sup> 2. Cor. 5. 9. 10. 11. <sup>c</sup> Psal. 2. 11. 12. <sup>c</sup> Heb. 12. vers. 28. 29.

311. *Finis* verò, donatæ divinitus perseverantiz, est duplex; Dei Patris, Filii redemptoris, & Spiritus Sancti consolatoris, gloria: & sanctorum perseverantium, salus.

312. *Gloria Dei*, in virtutum ipsius (quæ & in decreto, & in executione, elucent) illustratione, consistit.

313. Quippe, ex perseverantiz decreto, *primum* emicat *bonitas* seu gratia, ac misericordia Dei, ac Christi<sup>a</sup>, quod imperfecte sanctis ac peccatoribus, sanctitatis perseverantiam largiri voluerit: deinde *sapientia multisformis*, ex modis variis atque idoneis, & ordine convenientissimo, quibus, eandem perseverantiam, exsequi decrevit: ut ex superioribus efficiendi modis, apparet.

<sup>a</sup> 2. Theff. 1. 12. Eph. 1. 3. 4. 5.

314. In Executione verò illius, effulget *veritas*, ac *fidelitas*, in promissis præstandis; & *potentia invicta*, contra omnes omnium infidias, ac violentiam: ut antea ostendimus.

315. Quarum virtutum gloriam, sanctificator, & perseverantiz auctor, Deus, efficientiâ suâ, ac Verbi præconio, patefacit<sup>a</sup>: sancti verò, oris & operis sui, celebratione<sup>b</sup>, agnoscunt atque illustrent.

<sup>a</sup> Rom. 5. 8. 9. 10. <sup>b</sup> 1. Pet. 2. 9. 10. <sup>c</sup> 2. Theff. 2. 23. 14. Eph. 1. 3. 4. 6.

316. *Salus* verò *perseverantium sanctorum*, in animæ, per vitam æternam, & corporis, per gloriosam resurrectionem, glorificatione<sup>a</sup>, plenâque Dei fruitione<sup>b</sup>, consistit. Cujus salutis obtinendæ gratiâ, sanctis perseverantia donatur: ideoque rectè, finis illius, statuitur<sup>c</sup>. De qua re, Heb. 10. v. 36. *Nam perseverantia vobis est opus, ut ubi voluntatem Dei feceritis, reportetis promissionem:* hoc est gloriam ac salutem promissam. Atque hæcenus *Doctrina* de perseverantiâ sanctorum *veritatem* explanare conati sumus: superest, ut quædam etiam, de *utilitate* illius, differamus.

<sup>a</sup> Joan. 6. 39. 40. <sup>b</sup> 1. Cor. 15. 28. <sup>c</sup> 2. Theff. 1. 10. 11. <sup>c</sup> Heb. 10. 35. 38. 39. <sup>c</sup> 2. Pet. 1. 9.

317. *Utilitas* enim hujus dogmatis, est *eximia*: siquidem revera est (ut cum Apostolo<sup>a</sup>, loquamur) *doctrina, secundum pietatem*: vehemens nimirum *sanctimonia stimulus*, & *potens vitiorum frenum*.

<sup>a</sup> 1. Tim. 6. 3.

318. *Sanctimonia stimulus*, est *primum*, quia, in sanctis renatis, *fiduciam* ac *spem*, gratiz ac gloriæ, & inde ortam, *patientiam*, adversus omnes, omnium hostium molitiones, gignit<sup>a</sup>. Quia sanctitatis perseverantiam, Dei misericordi

cordi gratiâ decretam, Filii pretio & precibus acquisitam, Spiritusque S. conservantis & obsequantis potentiâ, perficiendam tradit.

<sup>a</sup> Rom. 5. 1, 2. & 8. 31. 35. 38. 39. 2. Cor. 5. 17.

319. *Deinde*, quia, ad *charitatem*, & bonorum operum studium sanctos accendit. *Partim*, quum miserationum Dei, & beneficii perseverantiæ, declaratione, ad Deo gratias agendas, placendum, ac parendum, excitat<sup>a</sup>: *partim*, quum debitam sanctitatis curam, ut justam & utilem, ad salutem, imperat<sup>b</sup>: & à Deo decretam, præmiisque, præsentis & futuræ vitæ, ornandam, testatur<sup>c</sup>. Adeo ut, hæc doctrina, *virtutum suadela*, imò *vera suada*, appellari mereatur.

<sup>a</sup> Rom. 12. 1. 2. Theff. 2. 13. <sup>b</sup> Rom. 8. 11, 12. 1. Theff. 4. 3. & 5. 8. 9. Tit. 2. 11, 12. & 3. 7. 8. <sup>c</sup> 1. Timoth. 4. 7. 8. 9. 10. Heb. 10. 35. 36. Matth. 24. 13.

320. *Vitiorum* quoque *frænum* est: quoniam, & horrendam eorum *sceleratam*, & abominandam *noxam*, declarat.

321. *Primum*, inde liquet; quia disertè tradit, sanctorum perseverantiam, esse excellens, misericordis Dei *gratia beneficium*: eoque modo, ab indignâ ac profanâ, in Deum, ingratitude, & vitiorum, adversus ipsum, *maleficiis*, & à Spiritu S. (quo, in diem redemptionis obsequati sunt) contristatione, absterret<sup>a</sup>.

<sup>a</sup> Eph. 4. 30. 2. Corinth. 5. 8. 9. & 7. 1.

322. *Posterius* verò; quia pœnam, vitiosis ac sanctitate

vacuis, æternam impendere commemorat: quod *sine fide*, impossibile sit, Deo placere<sup>a</sup>: quodque *sine sanctimonîâ*, Deum nemo videbit<sup>b</sup>. *Deinde*, quòd sanctos in officio negligetiores, & ad vitia graviora, prolapsos, acerbis, hujus vitæ, afflictionibus (quales sunt animi terrores<sup>c</sup>, morbi corporis<sup>d</sup>, bonorum honorumque jactura<sup>e</sup>) à vitiorum deviis, in rectam sanctitatis viam, redigi, demonstrat<sup>f</sup>. Quibus modis, & justum, iræ Dei, metum, & serium peccati odium (ad perseverantiam sanctorum, utile & necessarium) provocat ac conservat.

<sup>a</sup> Heb. 11. 6. <sup>b</sup> Ibid. 12. 14. <sup>c</sup> Psal. 51. 14. & 6. 4. <sup>d</sup> Psal. 6. 2. 3. 1. Cor. 11. v. 31. 32. <sup>e</sup> Levit. 26. 16. 17. <sup>f</sup> Heb. 12. 10. 11. 1. Corinth. 11. 32. Hof. 6. 1. 2.

323. Quamobrem, indigna ac proterva adversariorum *calumniæ*, corrui: quâ, salutarem hanc, de perseverantia sanctorum, doctrinam (utilem veræ sanctimonîæ nutricem, & acutam, vitiorum excidendorum, runcinam) quasi securitatis carnalis, contemptus religionis, & licentiæ scelerum, magistratam traducunt: & scœdum, profanorum hominum, abulum, sanctissimæ doctrinæ impingere, non verentur.

324. Cujusmodi atrocibus calumniis; quum ipsemet Apostolus Paulus fuerit impetitus<sup>a</sup>; illius exempli clypeo, & innocentia suæ conscientia, Christi que prædicatione ac consolatione<sup>b</sup>, *veritatis & utilitatis*, hujus doctrinæ, assertores, sese sustentant; & in eâ pro virili, defendendâ, perseverant. Atque hæcenus, de *perseverantia sanctorum*, egimus: cujus auctori, Deo Patri, Filio, Spiritui Sancto, sit gloria, in æternum, Amen.

<sup>a</sup> Rom. 3. 7. 8. & 6. 1. 15. 2. Pet. 3. 16. <sup>b</sup> Matth. 5. 11. 12.

F I N I S.



FRAN-

FRANCISCI GOMARI,

S. S. Theolog. Doct. &amp; Professoris,

DEFENSIO

INVESTIGATIONIS

ORIGINIS

SABBATI

**I**nter illustres de Sabbato quæstiones, dux imprimis, ad rectam doctrinam illius intelligentiam, celebrantur. Quarum una est, de origine atque antiquitate illius: An dies hebdomadæ septimus, ad quietem, & cultum Dei, inde à creatione mundi absoluta, sit institutus? Deinde altera est: An Christianis, unus è septem hebdomadæ diebus, perpetuo ordine recurrens, ad cultum Dei, ex quarti præcepti jussu, sit observandus? De quibus, inter pios atque eruditos sacrarum literarum interpretes, diversa existunt judicia. Quidam enim, utrumque affirmant: alii verò, utrumque negant. Eamque sententiam, veritati magis congruentem arbitantes; rationum ponderibus, in Originis Sabbati Investigatione, è sacris literis confirmare, & illustribus antiquissimorum Patrum, atque insignium Theologorum testimoniis illustrare conati sumus. Alii denique, mediam ingressi viam, neutram partem omnino sequuntur, sed utramque, diviso judicii sui calculo, partim probant, partim improbant. Quem modum, clarissimus atque eximius Theologus, D. A. Rivetus, in doctissimis suis, ad Exod. cap. 20. prælectionibus est secutus. Adeo ut inter nos, de secunda quæstione, perspicua sit consensio: de prima verò, nonnulla est (integro tamen, & fidei & amicitie vinculo) controversia. Eam quippe sententiam (qua Sabbatum, primo à creatione mundi, die septimo, Adamo posterisque divinitus institutum, traditur) verior (ut ait) credit, eamque stabiliendam, & à rationibus, in contrarium adductis, defendendam proposuit. Ac propterea, quidnam, in originis Sabbati Investigatione, à nobis in lucem edita, probet, quidve desideret, nominatim atque modeste indicandum, & ad ea respondendum, censuit. Cujus rei postquam à reverendo atque erudito viro sum admonitus, libroque misso instructus, nihil habui antiquius, quam ut paulatim per otium, attentè ac diligenter perpenderem; ut si quid forte à nobis, minus rectè explicatum, demonstraretur, illud veritati cedens, corrigerem: sin verò secus appareret (ut apparere nobis persuademus) susceptum initio verioris sententiæ patrocinium, recta placidaque responsione, communirem. Neque enim dubito, quin vir clarissimus, ac veritatis cultor ingenuus, equi bonique (pro sua equanimitate, prævioque exemplo) sit consulturus, si vestigiis illius inharens, rationum ab ipso objectarum momenta, distinctè ac modeste examinem: eademque opera, honesta amicorum petitioni (à quibus, uberius hujus materia explicatio, desideratur) morem geram.

## CAPUT I.

**I**n cujus operæ vestibulo, duplex controversiam tractandi modus, unus contractus, alter explicatus, occurrit. Quorum ille, summa adversæ partis momenta, eorum examini præmittit: hic verò, totam orationem contrariam, in suas partes, commodè distributam, distinctè expendit. Ac priorem quidem in nostra, sententia atque originis Sabbati, Investigatione, idcirco secuti sumus, quod in illius scriptiōne, non ad unius, sed ad variorum auctorum argumenta discutienda, collimavimus. Alterum verò, in hac defensione (quæ peculiari scripto reponitur) ita observandum delegimus, ut iis, quæ ante à nobis dicta, fundamenti loco repetitis, objectam responsionem adjungeremus: ut ea inter se quasi adversa fronte, collata, clarius intelligantur: eoque tutius ac facilius, subjecto deinde examine, de veriori sententia judicetur. Neque enim molesta ex eo oriri potest prolixitas: quia succincta utrimque servata est brevis, paucisque pagellis res tota absolvetur.

Ut autem rationum collationi atque examini via sternatur, non abs re fore arbitramur, si præmissa Clarissimi viri præfatione (qua nostram de origine Sabbati cap. 4. dissertationem attingit) illam succinctè consideremus. Ea autem his verbis exprimitur; *Quamvis Cl. Gomarus ad nonnulla argumenta pro nostra sententia, accuratè prout solet respondeat;*

*existimo tamen quadam esse, ad qua non satisfecit; & nonnulla, qua ne tetigit quidem. Quapropter, etsi quadam essent leviora, quod aliquando in talibus accidit; sufficere tamen, si unum aut alterum immotum maneat; & si qua contraria afferuntur argumenta, non id efficiant, ad quod probandum adducuntur.*

Hactenus præfatio, quæ dissertationis futuræ occasionem ac metam, præstituit, simulque benignum candorem, atque ingenuam simplicitatem, declarat. Prius quidem, quod ad nonnulla, pro sententia ipsius, argumenta, accuratè à nobis responsum proficitur: posterius verò, quod sincera ac theologo digna libertate, quidnam in reliquis à me dictis, desiderari arbitretur, minimè dissimulet. Veruntamen an ex tribus illis, quæ stabilire conatur, argumentis, primo & tertio à nobis, uti censet, non sit satisfactum? & an medium (quod verè, à nobis intactum, monet) magni sit momenti, examen eorum demonstrabit. Etsi autem tria tantum producat argumenta, quibus eam, quam probat, sententiam, tueri conatur, verè tamen hoc dictum agnoscimus; *Sufficere, si unum aut alterum, immotum maneat.* Nec enim causæ veritas, in argumentorum numero, sed in robore eorum, consistit. Quare, ad trium illorum argumentorum vim considerandam, ordine procedemus.

C A-



## CAPUT II.

An Genes. 2. 2. & 3. Sabbatum, inde à creatione mundi absoluta, ad Dei cultum, Adamo posterisque institutum doceatur?

**H**Ac autem de re, sic clariss. vir statuit; *Primum argumentum ex scriptura, pro affirmante parte, allatum ex cap. 2. Genes. 2. & 3. sumptum est (IN QUO TOTIUS illius SENTENTIAE FUNDAMENTUM ponitur, & merito) Quum autem perfecisset Deus die septimo omne opus suum quod fecerat, quievit ipso die septimo, ab opere suo quod fecerat, & benedixit diei Sabbati & sanctificavit eum.*

Verum, in hisce verbis, primum observandus ac corrigendus est obiter triplex typographicus error: primus, quod *omne opus*, pro *opus* (quod Moyses solum refert) substituit: alter, quod minus peritè, contraque eruditorum Interpretum consensum, primum versum, commate finiat; & secundum, litera minuscula inchoet: quum periodum esse apud Hebræos, constet: neque anomaliam illius, perfecta utriusque versus sententia (ut plenius à Mose expressa est) admittat. Tertius est error, quod in locum vocis *septimi*, vocem *Sabbati*, supposuit. Quibus erroribus typographicis, strictim correctis, ad hoc argumentum, vulgò propositum, ita à nobis erat responsum, *Investigationis nostræ sectione 4. Verum hic locus minus idoneus est, ad illam religionis Sabbati antiquitatem statuendam. Quamvis enim narrationi (de absoluta mundi creatione, Deique septimo die quiete) benedictio ac sanctificatio Sabbati, subjiciantur, eam tamen tum temporis accidisse, non asseritur, neque ex loci circumstantia evincitur.*

5. Ea enim à Mose, perquam opportunè, hoc loco inferuntur, non quæ eadem tempestate essent gesta; sed ut ostenderet, hanc perfecti orbis, & quietis divina die septimo historiam, perpetua Israëlitarum memoriâ retinendam. Quandoquidem Deus, quum Moyses hac scriberet, jam antea, paulo post deductos ex Ægypto Israëlitas, Exod. 16. in ejus rei monumentum atque imitationem, diei septimo benedixerat, ipsumque sanctificaverat. Et sicut Deus initio, in mandati de Sabbato, è monte Sinai, repetitione, Exod. vigesimo, hanc sententiam posuerat, sic eandem, ad majorem Israëlitarum, in septimi diei quiete observanda, excitationem, hujus historia occasione, in descriptione illius reponere & inculcare voluit. Hæc nostra responsio.

Quid verò in ea desideretur, in objecta responsione, non demonstratur; sed tacitè omnino præteritur. Ut autem vim illius syllogismi *καταμην* complectamur, hæc summa est; Quod Gen. 2. v. 2. & 3. neque expressè asseritur, neque ex loci illius circumstantiis evincitur; illud ex eo probari non potest: atqui Sabbatum tum temporis, quum primum absoluta est mundi creatio, institutum est tale, quod Gen. 2. neque expressè asseritur, neque ex loci illius circumstantiis evincitur: ergo ex eo probari non potest. Propositionis firmitas, sole clarior. Assumptionis autem veritas, tam diu perstabit, donec rectè consequentiâ contrarium fuerit demonstratum. Id quod neque ab aliis, neque jam factum comperimus: ut ex iis, quæ ad argumenti, ex Genesi allati confirmationem subjicit, elucere existimamus. Dixerat (inquit) D. VV. prolepsin, ad quam assertores contraria sententia recurrunt, hic locum habere non posse, & quam periculosum sit, tales prolepsis comminisci, exemplis declaraverat; & certè hic non videtur locum habere posse, quod tunc narretur factum, quod multo post accidisse constat; ut loquitur Richardus Locus, *Anglus*. Si enim talis anticipatio locum habeat, dicendum erit, Deum quievisse ab opere suo, multa post secula, à mundo condito: quia, cum hac sua quiete, Deus benedixit Sabbato & illud sanctificaverit, aut tempus benedictionis illius idem est cum tempore cessationis, aut male Moyses conjunxit, quæ tanto temporis intervallo fuerunt disjuncta.

Nec satisfit, per distinctionem destinationis & executionis, quod tunc destinatione & decreto, diei benedixerit, & eum

sanctificaverit, cum tamen eum multo post, ratione executionis, populo suo commendaturus esset. Tunc enim dicendum esset, Deum septimo die quievisse ab operibus suis, non tum quidem reipsa, sed destinatione tantum, quia cessaturus erat, post multa secula, ab aliquo opere, hæc enim non sunt disvellenda.

Quod si id minus sit probabile, tutius credimus, Deum tum facto ipso & ordinatione, diei illius sanctificationem, instituisse, deinceps ab hominibus servandam. Hæc ad aliorum commenta pertineant, nostram tamen sententiam intactam relinquunt: nisi fortassis, communi quadam ratione, eodem pertineat quod dicitur; *Quia cum hac sua quiete Deus benedixit Sabbato, & illud sanctificaverit, aut tempus benedictionis illius idem est, cum tempore cessationis, aut male Moyses conjunxit, quæ tanto temporis intervallo fuerunt disjuncta.* Si ea sit auctoris mens, ut nostram eadem opera sententiam refuteret: Respondemus primum, minus rectè illud, quod in controversia versatur ac demonstrandum erat, fundamenti loco subterni: hoc enim disquiritur; An, cum sua quiete, Deus benedixit Sabbato & illud sanctificavit? id quod nos, cum aliis, negamus: ideoque affirmatio illius, non erat supponenda, sed probanda: multò minus argumenti loco substruenda.

Ac licet non eodem tempore Sabbatum sit institutum, quo Deus ab operibus suis primum cessavit: inde tamen non sequitur, *Mosen male conjunxisse, quæ tanto temporis intervallo fuerunt disjuncta*: quoniam ea, parenthesi opportuna, optimè conjunguntur: ut nostra responsione ante posita fecit. 5. ostendimus. Deinde ut tacito scrupulo occurreremus, hæc præterea adjunximus sect. 6. *Neque est cur quisquam objiciat, talem rei longè post facta, cum historia ante gesta, connexionem ac parenthesin, simili Sacrarum literarum ac bonorum auctorum carere exemplo. Quia exemplum non est requirendum, ubi res ipsa (ut modo ostendimus) rectè rationi consentit.*

Quæ solutio non minus, quàm ante memorata, à clarissimo viro etiam præteritur. Ac sane nullum hæctenus rectè orationis canonem, exstare arbitramur, qui rei longè ante gestæ narrationi, recens factum, occasione illius, parenthesi utili inferere, prohibeat. Neque etiam necesse est, ut omnis qui in Scriptura usurpatur loquendi modus, in ea extet sæpius: quasi nulla essent *ἀπαξ λέγουσιν* ac singularia. Sed tamen pressius deinde subjunximus.

Sect. 7. Deinde exempla, si quis desideret, non est cur ea longè arcessamus. Siquidem in ipsa historia (de qua agitur) enarranda, Flavii Josephus vir disertissimus, illustre documentum præbet. Sic enim *Antiquitatum Judaicarum lib. 1. cap. 2. ait: Atque ita mundum, sex diebus universum, & omnia quæ mundo continentur, Moses facta esse dicit, septima autem requievisse Deum, & ab operibus cessasse.* QUAMOBREM ETIAM NOS, VACATIONEM A LABORIBUS PER HUNC DIEM CELEBRAMUS, appellantes eum, SABBATUM: quæ vox requiem, Hebræorum lingua, significat. Ovum ovo magis non est simile, quàm Moyses, & Josephi Moysen explicantis, narratio: ut pluribus jam non sit opus. Quibus à me dictis, hæc demum responsio opponitur.

Nec contrarium evincit; quod ex Josepho citat D. Gomar, *Antiquitatum lib. 1. cap. 2.* Atque ita mundum &c. Hoc etsi verum sit, quod ait, non sequitur tamen Sabbatum celebrari non debuisse, ab iis qui ante legem per Moysen datam, vixerunt.

Respicit enim Josephus, ad decalogi verba ante explicata, quibus memoria refricatur Israëlitis, primæ illius ordinationis quando Deus eam innovavit. Sed Josephus non dicit, in Moysi narratione esse anticipationem. Verum collatio eorum, quæ ante sect. 6. retulimus; satis perspicuè videtur demonstrare, hanc responsionem à scopo ibidem proposito deesse.

deflectere. Is enim est, ut rei longè post factæ, cum historia ante gesta, connexionem ac parenthesin, simili sacrarum literarum, & bonorum auctorum exemplo minimè destitutam, demonstretur.

Quam ad rem, illustre Josephi (historici extra controversiam eloquentissimi) exemplum protulimus. Qui paraphrastice verborum Moysi, Gen. 2.3. sententiam declarans, ea, de Sabbato Judæis tradito, disertè interpretatur. Quemadmodum etiam Rabbiorum celeberrimus R. Salomo Jarchi, ad cap. 2. Genesis exposuit, ut in nostra *Investigatione* cap. 4. sect. 76. demonstratum. Ac sanè, si Josephus eam Sabbati, inde à creatione mundi absoluta, religionem, omnibus hominibus institutam credidisset, an ullo pacto verisimile est, fieri potuisse, ut historicus diligentissimus, & sacerdos honoris Sabbati studiosissimus, illud silentio penitus supprimeret? Deinde etiam si Josephus, Moysi verba, de septimi diei benedictione, non exposuisset, sed eorum loco, Sabbati à Judæis servati, per parenthesin meminisset, perstaret nihilominus solida rei demonstratio hujusmodi; Josephus, in creationis & quietis Dei historia recitanda, observati postmodum à Judæis Sabbati narrationem, citra controversiam expressè interserit: ergo rei longè post factæ, cum historia ante gesta, connexio ac parenthesin, simili auctoris boni exemplo non caret.

Quumque historicus præstantissimus, parenthesin hujusmodi, sine cujusquam reprehensione ac rectè interposuerit: an simile, in eadem Moysi historia, insolens censetur?

Deinde neque in Sacris Literis hujusmodi per parenthesin, rerum dispari tempore gestarum, connexionem deesse, ostendimus his verbis;

8. *Sed ecce alterum quoque, ex ipso Moysi Exod. 16. sese offert exemplum. Nam eodem in loco, ubi dei Sabbati à Judæis observanda institutio narrata est, historia de manna occasione, ea inferuntur, quæ, posteris temporibus structo demum tabernaculo, post annos quadraginta, contigerunt: sed Moysi tamen hac scribente, jam evenerant.*

9. *Sic enim Exod. 16. 33. Dixit etiam Moyses; Hoc est verbum quod præcepit Jehova, plena mensura Homer asservanda est, ex ea, per ætates vestras: ut videant panem illum, quem vobis edendum dedi, in hoc deserto, postquam eduxi vos à terra Ægypti. 34. Quare edixit Moyses Aaroni, accipe urnam unam, ubi ponas plenam mensuram Homer manna: & depone ipsam ante conspectum Jehovæ asservendam per ætates vestras. 35. Quemadmodum præcepit Jehova Moysi, sic deposuit eam Aaron coram testimonio ipso asservendam. 36. Filii autem Israël, edebant mannam istam, quadraginta annis donec pervenirent ad extremitatem regionis Chananeæ. Hæc nostra probatio: cui, ita respondetur:*

*At vero alibi extant exempla in Scripturis. Quid tum? Ergo anticipatio est in loco Moysi. Non sequitur. Nec certe si milis est, quæ ex cap. 16. Exod. vers. 33. & sequentibus citatur, de asservatione unius Homer, in memoriam alimentis illius, in diem dati, quæ postea imperata fuit, sub finem peregrinationis in deserto. Nam etsi intercesserit aliquod tempus, eadem tamen fuit persona, cui id imperatum fuit: Itaque commodè potuit, mandati illius meminisse ubi mandati causa narrabatur. Nihil tale fuit in historia creationis, ubi de uno & eodem tempore loquitur Moyses, Deum septimo die quiescisse, & eodem die sanctificasse diem illum.*

Verum in hac responsione, primùm sectionis nostræ VI. verba, quæ rem probandam perspicuè definiunt, ambigua an-

tipitationis voce, nonnihil obscurantur. Cujus obscuritatis latebras, ut vitaremus, rei longè post factæ, cum historia ante gesta connexionem ac parenthesin, meritò appellavimus. Quæ hoc in loco, ne à re ipsa aberretur, intelligenda: ejusque exemplum alterum sese, Exod. 16. offerre, sect. 8. & 9. ostendimus: unde sequitur talem connexionem ac parenthesin, Sacrarum Literarum exemplo, minimè destitutam. Ad rem ipsam verò quod attinet, conclusionem hanc, à nobis propositam, responsionis objectæ initium, non obscuro assensu comprobare videtur: quum verba ista; *At vero alibi extant exempla in Scripturis*, non neget; sed consueta concessio- nis formula tantum subiciat; *Quid tum?* Deinde à scopo præfixo recedens, aliud divertit, quum non nostram, sed alienam omnino conclusionem, ejus loco, substituit hujusmodi; *Ergo anticipatio est in loco Moysi: non sequitur.* Neque enim ita differimus, sed hoc modo: Rei longè post factæ, cum historia ante gesta, per parenthesin connexio, Exod. 16. comperitur: ergo connexionis illius exemplo, Sacræ Literæ non carent. Quæ consequentia est firmissima. Neque contrarium, altera responsionis parte, evincitur, quum Exod. 16. 33. & seqq. non esse similem anticipationem probare conatur. Nam quod ait; *Etsi intercesserit aliquod tempus, eadem tamen fuit persona, cui id imperatum fuit*: illud (inquam) argumentum nostrum, non solvit; sed arctius constringit ac confirmat. Quæstio enim primaria est; An verba Moysi Gen. 2.3. de absolutæ creationis mundi tempore: an verò de Moysi hæc conscribentis tempore, intelligi debeant? Prius à nonnullis, posterius ab aliis, & à nobis etiam, affirmatur. Quod autem obtenditur, ea ratione fore, ut Moyses rem longè post factam, cum historia ante gesta malè connecteret: ea de causa, quod nullum ejus rei simile, in Sacris Literis, neque in bonis auctoribus, extet exemplum. Nos contra exemplum hujusmodi, è Josepho, & Moysi, Exod. 16. 33. & seqq. produximus: in quo, in eadem manna & rerum proximè gestarum narratione, duo facta, quæ longo temporum intervallo discreparunt, conjunguntur: ut res ipsa arguit, & objecta nobis responsio agnoscit his verbis, *Etsi intercesserit aliquod tempus: anni scilicet quadraginta.* Id quod sufficit: ut id, quod probandum suscepimus, obtineamus.

Hoc discrimen quidem objicitur; *quod eadem fuerit persona, cui manna asservatio fuit imperata*; sed illud, ad rem propositam pertinere, minimè demonstratur. Unius enim aut plurium personarum circumstantia diversa, exempli hujusmodi similitudinem, tollere nequit: quod ea propriè, in rerum factarum ac dispari temporum intervallo discrepantium, per parenthesin connexione, consistat.

Ideoque, ut supra ostendimus, hæc fuit objectæ assertio, *Aut tempus benedictionis illius idem est cum tempore cessationis: aut malè Moyses conjunxit, quæ tanto temporis intervallo fuerunt disjuncta.*

At (inquit) nihil tale fuit in historia creationis. Ubi de uno & eodem tempore loquitur Moyses; Deum septimo die quiescisse, & EODEM DIE sanctificasse diem illum: *מיכליו אמתקו, & לחפיו & עו אערו*. Quod enim controversiæ caput est, ac probandum erat, illud argumenti loco assumitur. Quare primo huic, è Scriptura Veteris Testamenti deprompto argumento (quod causæ adversæ fundamentum censetur) & antea & hoc tempore à nobis satisfactum, speramus. Ideoque ad alterum è Novo testamento deductum progrediemur.

### CAPUT III.

An in Epistola ad Heb. 4. doceatur, Sabbatum ad Dei cultum, à creatione mundi, divinitus institutum.

**H**oc autem clarissimus vir affirmat, atque ita sententiam suam proponit ac confirmare contendit. Huic (inquit) argumento addimus aliud subsidium, de quo neque Locius, neque doctiss. Gomarus, egerunt: quod tamen, **MAGNI AD REM MOMENTI**, existimamus: c. 4. epist. ad

Heb. cum Apostolus, requiem spirituales, à Deo promissam describeret, & ostendere vellet aliam esse à Sabbatismo, quem secundum legem servabant Judæi: itemque à requie terra Canaan, in quam Josua populum introduxit, dicit verba illa, juravi in iramea, si ingressuri sunt in requiem meam, pro-

Ccccc

pronuntiata fuisse à Davide, licet operibus Dei à fundamentis mundi perfectis, ubi citat hunc locum Gen. 2. Ita enim dixit quodam in loco de die septimo, Et requievit Deus die septimo ab omnibus operibus suis. Ubi ostendit promissionem de requie factam fidelibus (inclusam comminationi, exclusio- nis à requie facta incredulis, non posse intelligi, de requie Sab- bati, quia jam operibus Dei perfectis, à jactis mundi funda- mentis Deus quieverat, septimo die. Ex quibus sequitur, quie- tem diei Sabbati, secundum Apostolum incepisse à perfectione operum Dei, post diem sextum. Indicat enim homines jam tum ingressos in illam requiem, ex quo mundus perfectus fuerat. Aliam autem esse quæ omittebatur.

Hactenus secundum, quod ex cap. 4. ad Heb. peti- tum est argumentum, recensuimus: de quo (ut verè obijcitur) nihil à nobis actum agnoscimus. Cujus silentii causa, non est ulla responsionis solidæ inopia, neque loci illius oblivio: sed quod in eo, de Sabbato ad quietem & cultum Dei in- stituto, nullam omnino fieri mentionem observaremus. Ad- deo ut inde, ad Sabbati, à creatione mundi institutionem demonstrandam, nullum argumentum nisi à *ἀποδείξιν* om- nique colore destitutum, depromi posse crederemus.

Quia vero illud, magni ad rem momenti esse, nobis obij- citur, operæ pretium est, ut ea, quæ ad illius confirmatio- nem proferuntur, ordine perpendamus. Primum autem, verum est Apostolum, promissam à Davide Dei requiem, describere: ut orationis illius series, perspicuè demonstrat. Quod verò asseritur, Apostolum ostendere velle, aliam esse à Sabbatismo, quem secundum legem servabant Judæi, illius nullum omnino, in verbis ex Apostolo, ad id probandum adductis, indicium apparet. Ideoque ista, quæ ex iis deducitur, conclusio: Ex quibus sequitur, quietem diei Sabbati secundum Apostolum, incepisse à perfectione operum Dei, cum verbis Apostoli nihil habet commune. Siquidem, non de quiete hominum, diei Sabbati (de quo quæstio est) sed de quiete Dei, quæ Deo propria, disertè loquitur, non autem de quiete diei Sabbati, quam Israëlitis imperavit. Quare contrà ex hoc loco, solidè (uti arbitramur) inferitur; Quod solam Dei à suis operibus, creato mundo cessantis, requiem

memorat, illud de quiete Sabbati, à Deo hominibus impe- rata, non loquitur: atqui objecta hæc ex Apostolo verba, solam Dei, à suis operibus, creato mundo cessantis, requiem memorant: Ergo de quiete Sabbati, à Deo hominibus im- perata, non loquuntur. Ac sanè, ne *ἄρτι* quidem, in his ver- bis apparet: ideoque nequaquam indicatur (quod respon- sio contendit) jam tum ingressos fuisse, in illam requiem, ex quo mundus perfectus fuerat.

Quod denique obijcitur, Frustra dixisset; & quidem ope- ribus ab institutione mundi perfectis, si post bis mille & am- plius annos, Sabbatum illud cœpisset: quia sufficiebat dicere Davidem, quietem illam promittere, & quidem post institu- tum Sabbatum tempore Moysi. Negatur verò consequen- tia: quia (ut jam ostendimus) non de quiete Sabbati, à Deo hominibus imperata; sed de Dei ipsius, à suis omnibus ope- ribus perfectis, quiete explicatissimè loquuntur. Ideoque quod probandum erat, id quasi demonstratum, frustra assu- mitur. Ut autem quæ de quiete Dei ab Apostolo dicta, obiter illustrentur: si quis ea consideret, triplex Dei quies ab ipso traditur. Quarum prima, est solius Dei & in Deo: qua à foundatione mundi, ab omnibus operibus suis, sexto die perfectis, die septimo quieverit: reliqua Dei quies est, quæ à Deo hominibus data: & quidem duplex. Una cor- poralis, quam per Josuam, introductione in terram promif- sam Israëlitis præstitit: altera spiritualis, qua, per sanctifica- tionem & glorificationem efficit, ut fideles à vitiosis atque molestis suis operibus (quodam Dei, à suis creati orbis o- peribus cessantis imitatione) quiescant. Ac quamvis prima Dei quies dicatur, quæ, à creatione absoluta, ab operibus suis cessavit: & altera, quam Israëlitis per Josuam dedit, neutra tamen promissa Dei, per Davidem quiete, designa- ta, quod utraque præterita esset: hæc verò futura promit- tatur. Relinquitur igitur, alius populo Dei Sabbatismus, seu cessationis ac quietis observatio, tertia nimirum Dei quies spiritualis modo explicata. Quare perspicuè satis se- cundum etiam hoc argumentum solutum arbitramur. Ideo- que ad tertii examen procedemus.

#### CAPUT IV.

##### Tertii seu postremi argumenti à Patriarcharum pieta- te, examen.

**T**ertium denique clarissimi viri argumentum, secundi nomine, in nostra Investigatione (ob antecedens inta- ctum) insignitur, id quod hisce verbis, à nobis propositum ac discussum est;

Sec. 11. Secundum enim (quod à Simlero Exod. 20. aliis- que adducitur) est hujusmodi; Patriarchæ ante Moysen, pro sua in Deum pietate, religionis & reparationis virium, stata habuerunt tempora, ergo septimum hebdomada diem, ad eam rem observarunt. Consequentia vero infirma est, \*quia ni- hil vetat, quominus alio tempore idoneo, ad religionem pu- blicè exercendam, convenerint: partim quia, neque de Sabba- to, à Patriarchis observando, ullum extat præceptum; ne- que observati illius minimum in Sacris Literis, vestigium apparet.

Sec. 12. Nam quamvis posteris eorum Israëlitis, septimus dies in creationis absolute & quietis divina monimentum, sit institutus, an propterea eundem Patres observarint, aut ob- servandum noverint? Neque enim septimi dies, præ cæteris, religio, ab ulla rei aut diei necessitate (alioqui & ea nos ad- stringeret) sed à libera ac prudenti Dei, populum suum variè gubernantis, voluntate dependet. Quare secundum etiam hoc argumentum concidit. Cum hisce, sequens responsio con- ferenda.

Tertium (inquit) D. Gomarus ex Simlero proponit; Pa- triarchæ ante Moysen, pro sua in Deum pietate, religionis ac reparationis virium stata habuerunt tempora: ergo verisimile est, septimum diem ad eam rem servasse. Respondet consequen- tiam esse infirmam, quia nihil vetat, quominus alio tempore

idoneo, ad religionem publicè exercendam convenerint: par- tim quia de Sabbato à Patriarchis servando, nullum extat præceptum, atque illius observatione (leg. neque observati il- lius) minimum in Sacris Literis vestigium apparet. Addit; septimi dies, præ cæteris religionem à libera Dei populum guber- nantis voluntate dependere, non ab ulla rei aut diei necessitate. Quod postremum verum esse, concedimus: nec etiam dicimus illos diem observasse, sine divino mandato. Cujus nullam in Scriptura fieri mentionem negamus, ante Moysen, quia cum Deus sanctificaverit illum diem, post opera sua creata, sanctificatio illa, nihil aliud esse potest, quam mandatum de illo die sanctificando, Adamo datum. Quod autem ait, ve- stigium nullum esse in Scriptura Sabbati antea servati, etsi concedamus, causam nostram non laedit. Sed tamen ex con- sequentia necessaria, aut servatum fuisse à sanctis viris pro- bamus: aut recessisse eos à divina institutione: quod postre- mum ne dicamus, quia tantis viris fuit indignum, prius il- lud preferimus, quod eorum pietati fuit conveniens. In tali- bus argumentis non procedit, Scriptura hoc non dicit, ergo factum non fuit. Si fuisse institutum constet: sequitur etiam observatum.

Ex hisce (quæ de tertio argumento, utrimque dicta sunt) inter se collatis, constare potest illud per se omnino esse infirmum: quia sola, institutionis Sabbati, à creatione ab- soluta, hypothesi nititur ac probatur. Ac propterea, hæc jam ante satis (uti arbitramur) subversa, illud similiter cor- ruere necesse est. Perstat igitur nostra negatæ consequen- tiæ ratio: quod neque de Sabbato, à Patriarchis obser- vando.

vando, ullum extat præceptum, neque observati illius, minimum in Sacris Literis vestigium apparet. Unde etiam minus aptè nobis illud objicitur; *In talibus argumentum non procedit, Scriptura hoc non dicit: ergo factum non fuit.* Nec

enim ex solo observati Sabbati silentio, sed simul ex præcepti illius defectu, differimus: ideoque hæc duo à nobis conjuncta, non rectè separantur.

Atque hæc ad tertii argumenti examen.

## CAPUT V.

### De reliquis, pro Sabbati à mundo condito, origine, argumentis.

**Q**uid verò de reliquis censeretur, sincerè omninò à clarissimo viro, his verbis explicatur; *Reliqua qua afferri possunt argumenta, qua D. Gomarus operose refellit, fateror NON ESSE MAGNI MOMENTI, si hæc PRIORA & POTIORA, non valeant.* At (inquam) hæc priora & potissima, non valere, satis jam à nobis demonstratum arbitramur: ideoque reliqua non sunt magni momenti.

Quale illud imprimis, quod de Sabbati apud Gentes cultu, ex Poëtis Græcis proferri solet; ut à Viro Cl. apertè agnoscitur, quum ait; *Agnosco præterea, qua de die septimo, apud Gentes sacro, afferuntur ab Eugubino, & qua nos alibi protulimus, ex Hesiodo, Lino, &c. talia non esse, qua necessario evincant, institutionem illius diei, à prima mundi ætate, nisi aliunde suffulciantur.*

Rectè hæc omnia dicuntur, si pro illis verbis; *Qua necessario evincant*, hæc, aut similia substituantur, *Quæ ullo modo probare queant*: deinde, ut ultima illa, *Nisi aliunde suffulciantur*, abint. Nam luce meridiana clarius, à nobis, ex Hesiodo & interpretibus illius, Proclo & Moscopulo, atque Aristophanis scholiaste Πλάτῳ evicimus, septimum illum

diem, apud Gentes olim sacrum, non fuisse hebdomadæ (quod probandum erat) sed mensis septimum. Ac propterea, non solum nullum inde peti posse argumentum, ad victoriam necessarium: sed nec ullum omnino. Quandoquidem (ut in nostra investigatione merito monuimus, multisque demonstravimus) Poëta de aliis, (ut dici solet) controversiæ verò status, de cepis loquatur. Ac propterea, quum argumentum illud sua inatitate diffluat, nullo prorsus modo (ne quidem si aliz rationes extarent validissimæ) suffulciri valeret.

Quare ex omnibus, quæ hæcenus à nobis discussa, primum, adversus Sabbati, à mundo condito, originem, in nostra Investigatione sectione tertia, argumentum concludimus; Quod solidis firmamenti non innititur, illud non est statuendum. Atqui sententia, de Sabbati inde à creatione absoluta institutione, solidis firmamenti (ut examine eorum ostensum) non innititur: ergo ea non est statuenda. Quod argumentum, quia validum est ac firmum, licet aliis destitueretur, ad causam tamen obtinendam sufficeret. Reliqua tamen, ad majorem rei illustrationem, eidem conjunximus: ideoque ad secundum procedemus.

## CAPUT VI.

### Secundi nostri argumenti defensio.

**P**ostquam enim vir clarissimus, sententiæ illius (cujus patrocini in se suscepit) argumenta tueri studuit, ad contraria deinde solvenda accedens ait, *Qua in contrariam partem afferuntur argumenta, talia non sunt, quæ solvi non possint; quia quia D. Gomarus diligentissimè collegit, ea modeste expendimus.* Placet omnino: & nos vicissim sincerè ac placidè (pro officii nostri ratione) respondere conabimur. Ac primum ut cœpimus, fundamenti loco argumentum, in nostra Investigatione propositum, ac discutiendum, reponeamus.

SECT. 33. Alterum enim argumentum, ex Gen. 2. & Exod. 20. est; Quod illa Dei effecta, benedictio scilicet & sanctificatio Sabbati, primo illi, à condito orbe diei septimo, non conveniant; sed septimo diei, in manna donatione revoluta, Exod. 16. optime quadrent: ac propterea, non ad primum illum, primæ Sabbati origo atque institutio pertinet.

34. Nam quod duo illa, pro eodem, à contraria sententia patronis, exponuntur (unde etiam nonnulli, in sua versione, pro vocibus, benedixit ac sanctificavit, paraphrasi liberiore, Benedixit, id est sanctificavit, transtulerunt) illud omnino videtur insolens, & à vocis, benedicendi, in Sacris Literis significatione, alienum.

35. Siquidem vox Hebræa, Berech (qua Moses utitur) propriè est benedicere: & quidem, laude vel voto; Laude, ut Psal. 68. 27. in congregationibus benedicite Deo. Unde interdum, per antiphrasin (sive catachresin ironicam) maledicere: ut falsi testes, Nabotho expræbrant illud 1. Reg. 21. 10. & 13. Benedixisti Deo & regi; hoc est maledixisti: voto; ut Num. 6. 23. Benedicite filius Israël.

36. Impropiè verò, per effecti, pro causa sua accepti, metonymiam, benefacere, designat: ut Num. 6. 23. Benedixit tibi Jehova: & Gen. 24. 34. Jehova benedixit domino meo valde. Cujus tropi causa est, quod benefacta, benedictionem ac gra-

tiam laudem, conciliant.

37. Benedicere vero, pro sanctificare, hoc est, ad sacrum usum segregare (ut sanctificandi vox, Genes. 2. & Exod. 20. circa controversiam accipitur) usurpari, asseritur quidem à nonnullis; sed à nemine hæcenus, è Sacris literis demonstratum comperimus. Ideoque quum benedicere & sanctificare, sint diversa: neque ulla benedictio, primo, à creatione, diei septimo, tributa exiet, eò non potest pertinere.

38. Contra vero hæc distincta benedictio, & sanctificatio, diei septimo ac Sabbato Exod. 16. Iudæis primum instituta, ad amissum quadrans: ut illustribus documentis antea demonstravimus. Siquidem, sermone & opere, illi cumulatè benedixit, & sanctificavit.

39. Benedixit enim, sermone ac laude; quum eum diem, sanctum vocavit: opere verò, quum eximio beneficio ac miraculo gemino, in peculiarem Sabbati gratiam, honoravit. Siquidem & pridie illum, diurnam manna mensuram geminavit: & preparatam Sabbato partem, præter naturam, in crastinum incorruptam, conservavit. Sanctificavit verò & mandato, & quietis sue die Sabbati (in manna prætermissione) exemplo. Eamq; benedictionem, admiranda, per annos quadraginta, continuatione, reddidit Deus illustriorem. Ideoque & in repetitione mandati de Sabbato, Exod. 20. & Gen. 20. hanc benedictionem respiciendo, earum mentionem fecit.

Huic verò argumento ac confirmationi illius, hoc modo, respondetur;

Quod benedictio & sanctificatio (quarum meminisse Moses cap. 2. Gen. & 20. Exod.) non conveniant diei septimo post creationem, sed septimo diei, in manna donatione, revoluta Exod. 16. ac proinde, ad primum illum, non pertinet Sabbati origo, sed ad secundum: probationem assertionis illius querimus, sed non invenimus.

Primo adversus eos disputat, qui, benedixit & sanctificavit, pro eodem accipiunt, quia vox Hebræa, Berech, propriè



præ est benedicere; vel laude, vel voto: improprie vero, per metonymiam, benefacere: sanctificare vero, ad sacrum usum segregare.

Respondeo, id si ita esset, non multum ad rem facturum. Sed benedicendi verbum nunquam accipi, pro destinatione ad sacros usus, nescio an concedi debeat. Certè in Cœna Domini, panis & calicis benedictio, nihil aliud esse videtur, quam sanctificatio, vel ad sacrum usum consecratio.

Quod si verba illa, diversam habeant significationem, ita ut benedicere non sit semper sanctificare, quod concedimus, dicimus tamen quod verum est, nullam esse sanctificationem, sine benedictione. Ideo Apostolus, de ciborum, ad nostrum usum, sanctificatione, ita loquitur, ut eam verbo & oratione, fieri dicat, 1. Tim. 4. 5. Ist autem in verbo & oratione, benedictio: Unde illud vulgatum; Benedicere mensæ aut cibis. Demus itaq, non idem esse, benedixit, quod sanctificavit; recta tamen erit interpretatio, si dicatur, benedicens sanctificavit; ita ut sanctificatio sit benedictionis effectum.

Nullam autem benedictionem fuisse tributam diei septimo à creatione, miror cur dicat Vir Cl. Ipse enim postea dicit; Deum benedicere sermone & laude alicuius diei, cum eum sanctum vocat. Sic, sanctum vocare, est benedicere. Hoc si ita est, quid obstat, quominus Deus, qui septimum illum diem, quo cessavit, sanctificavit, eidem benedixerit.

At, inquit, non ei benedixit opere, quemadmodum fecit diei septimo, quo cessavit pluuere manna, honoravit enim illum, duplici eximio beneficio, quia pridie illius duplicem mensuram dedit, & ipso die, manna incorruptum servavit.

Ad hæc respondeo, Deum satis benedixisse initio diei septima, ea ratione quam ipsa Scriptura expressit, quia requievit in ea, ab operibus creationis. Quod si benedictio, qua manna incorruptum mansit, die septimo, illum præ cæteris commendat, major multo erit, primi Sabbati benedictio, qua Deus tot opera, sex diebus creata, ad finem perduxit ac conservavit.

Deinde si duplex mensura data, ad illam benedictionem referatur, major esset benedictio parasceves, quam Sabbati.

Sed quamvis non eamus inficias, Deum benedixisse, diei Sabbati, inter Israëlitas revoluta, non sequitur eidem non benedixisse, laude & sanctificatione, imo opere in prima illa institutione.

Negamus ergo, quod asseritur, benedictionem non convenire diei septima, post creationem: quam assertionem diserte pugnare credimus, cum verbis Moysi, qui de die septimo ILLO IPSO, quo quievit Deus, ab omni opere suo, dicit; Et benedixit Deus septimo diei.

Cum enim de nullo alio die locutus antea fuisset, ad quem septimum diem alium, potuit benedictio referri? Alius enim ille dies, quo populus quiescere debuit, post collectam portionem duplicem, non fuit ille ipse dies, quo quievit Deus; sed alius, quemadmodum omnes septimi recurrentes, qui in illo primo benedicti & sanctificati fuerunt. Hactenus responsio: cuius vim, ordine expendemus.

Primum autem objicitur; A nobis quidem asseri benedictionem, ac sanctificationem (quarum meminit Moyses Gen. 2. & Exod. 20.) non convenire diei septimo, post creationem; sed septimo diei in manna donatione revoluta Exod. 16. sed assertionis illius probationem queri, qua tamen in iis, qua subiunguntur, non inveniatur.

Imò verò, inquam, probatio subjecta est sect. 37. & 38. quod ea, primo diei Sabbato tributa, non extet: contra verò diei septimo revoluta Exod. 16. adscribatur, ut ex re ipsa, à nobis confirmatum, idemque postea Vir Cl. se non inficias ire, agnoscit. Quæ ratio sufficere posse videtur; ut benedictionem & sanctificationem divinam, (de qua agit Moyses) primo diei septimo, non convenire probaremus: quod videlicet neutrum eorum, illi tributum, Scriptura silente, extet.

Quæ opportuna, ad Scripturam & rem ipsam provocatio est: quæ non nisi solida, contrarium affirmantis, demonstratione dilui potest. Eam autem nondum prolatam, ex antecedenti, trium partis adversæ argumentorum, examine, cognosci potest. Sed de hac re, oblata in sequentibus occasione, pluribus erit differendum.

Neque alienum existimamus, quòd præmisso argumento, in quo benedictio & sanctificatio, ut duæ res distinctæ memorantur, vocum earum declarationem, proximè subjecimus, ut contrariæ multorum, partim versione, partim expositione, confusioni occurreremus, easque rectè à nobis distinctè accipi demonstraretur. Quod autem objecta responsio, de perpetua harum vocum distinctione ambigens, nonnulla opponit, ea paucis considerabimus.

Primum est huiusmodi; Certè in Cœna Domini panis & calicis benedictio, nihil aliud esse videtur, quam sanctificatio, vel ad sacrum usum consecratio.

Imò, inquam, aliud visum est Sacris Literis, quæ, benedictionem, in Cœna Domini, gratiarum actionem (qua Deus laudatur) interpretantur. Quemadmodum, eas voces, eodem sensu commutant. Nam ut Matth. 26. 27. dicitur; Quumque poculum accepisset, & ὁμοιωσας, ac gratias egisset, ita παρακλησας vers. 26. Quum panem accepisset, & εὐλογησας, & quum benedixisset: hoc est, gratias egisset: ut Lucas explanat cap. 22. 19. Quumque panem accepisset, ὁμοιωσας, quum gratias egisset. Idemque similiter ab Apostolo Paulo 1. Cor. 11. 24. repetitum: ideoque εὐλογία benedictio poculi, cap. 10. 16. non aliter intelligenda. Eaque de causa (uti constat) ab illa solenni gratiarum actione, à priscis Ecclesiæ temporibus, ὁμοιωσας appellationem, Cœna Domini obtinuit.

Alterum deinde quod objicitur, est huiusmodi;

Quod si verba illa, diversam habeant significationem, ita ut benedicere, non sit semper sanctificare, quod concedimus, dicimus tamen nullam esse sanctificationem, sine benedictione, &c. Demus itaque non idem esse benedixit, quod sanctificavit, recta tamen erit interpretatio, si dicamus, benedicens sanctificavit, ita ut sanctificatio sit benedictionis effectum.

Verum hac via, à re probanda disceditur. Nec enim ea inter nos est controversia; An ulla sanctificatio, sit sine benedictione? neque etiam; An illa sit benedictionis effectum, nec ne? sed, An benedictio, ullibi in Sacris Literis, idem significet, quod sanctificare? Quod quum à nobis sit negatum: neque ulla probatio solida, hactenus allata, meritò conclusisse videmur, ergo ea, in verbis Moysi, interpretatio admitti non potest.

Imò si vel maximè, id demonstrari posset, à propria tamen vocis significatione, non esset recedendum, nisi gravis ratio (quæ prorsus deest) eò adigeret. Alioqui Scripturæ amplitudo, temere in angustias redigeretur: dum pro rebus duabus, unica substituitur.

Cæterum, à vocis benedicendi significatione, ad rem ipsam procedens, objecta responsione, ait, se mirari, quod nullam, prima à creatione diei septima, benedictionem attributam dicamus. Atqui rationem antè attulimus, quod ea (Scriptura prorsus silente) non extet. Ideoque causam huius admirationis, non satis assequimur. Neque juvare id potest, quod proximis verbis objicitur; Ipse enim postea dicit, Deum benedicere sermone & laude, alicui diei, quum eum sanctum vocat. Sic sanctum vocare, est benedicere.

Non negamus, sed quod inde concluditur his verbis; Hoc si ita est, quid obstat, quominus Deus, qui septimum illum diem, quo cessavit, sanctificavit, eidem benedixerit? Hæc enim peripicua est ὁμοιωσις & ἀξίωσις quia id, quod initio inter nos controversum est ac probationem flagitat, quasi certum ac datum assumitur: nempe, Deum, primum à creatione diem septimum sanctificasse, hoc est, ut prælectionum p. 179. expositum, de eo sanctificando, mandatum Adamo dedisse. Hoc opus, hic labor est: huius assertionis probatio, solida quæritur: quæ si proferatur, pluribus non erit opus.

Objicitur quidem; Deum satis benedixisse diei septima, ea ratione, quam ipsa Scriptura expressit, quia requievit in ea, ab operibus creationis.

Sed requiem illam, esse benedictionem, neque Scriptura exprimit, neque ex ea evinci potest. Imo (licet non pauci secus existiment) res ipsa, contrarium videtur demonstrare. Nam illud, extra omnem controversiam esse, arbitramur, benedictionem diei septimi, de qua loquitur Moyses Gen. 2. & Exod.

& Exod. 20. esse privilegium illius, seu peculiarem aliquam præstantiam ipsi attributam, cujus dignitate omnibus reliquis sex diebus, sit superior. Atqui illa Dei, primo die septimo, quies non est privilegium illius, seu peculiaris aliqua præstantia ipsi attributa, cujus dignitate omnibus reliquis sex diebus sit superior: ergo illa quies non est benedictio.

Assumptio hac ratione stabilitur quod majus sit privilegium, totius mundi è nihilo creatio atque exornatio, sex diebus peracta, quam quietis ab ea, primo die septimo, observatio. *Duplex enim sex diebus benedictio contigit: una, operum; quod omnia erant valde bona: altera, laudis; quod ea probavit: ut Genes. 1. 31. Et vidit Deus quicquid fecerat, & ecce erat valde bonum.*

Contra verò primo illi diei septimo, quies solum adscribitur: neque laudis & operum Dei attributione, decoratur.

Deinde quies illa Dei, primo diei septimo, non est peculiaris ac propria: sed reliquis omnibus consequentibus communis. Nam ut primo die septimo, quietis illius est initium, sic continuatio illius reliquis omnibus sequentibus, existit. Ideoque, hac in re, iis non superior.

Præterea, cessatio à benedictione, non est benedictio: quies primi diei septimi, est cessatio à benedictione: utpote à benedictis creationis mundi operibus: ergo quies septimi diei, non est benedictio.

Denique, Benedicere est agere: quiescere ac cessare ab operibus, non est agere: ergo quiescere ac cessare ab operibus, non est benedicere. Quare assumptionem abundè probatam arbitramur.

Sed alia quæ urgetur expendenda est ratio; *Quod si* (inquit) *benedictio, qua, manna incorruptum, mansit die septimo, illum præ cæteris commendat, major multo erit, primi Sabbati benedictio, qua Deus tot opera, sex diebus creata, ad finem perduxit, & conservavit.*

Verùm negatur consequentia, primùm, quia petitione principii laborat. Quæstio enim est, An Sabbatum fuerit, primus dies septimus? quod quasi certum ac confessum, hoc loco assumitur. Deinde, quia consequentia duobus etiam modis est infirma: *unus*, quia non rectè, primo diei septimo attribuitur, quod eodem, *tot opera sex diebus creata ad finem perduxit.* Hoc enim sexto diei proprium est: ut Gen. 1. v. 31. demonstratur: & quies ipsa, perductioni ad finem repugnans, idem evincit.

*Alter*, quia licet conservatio mundi, major sit benedictio, quam manna à corruptione vindictio, inde tamen non sequitur, primum à creatione mundi diem septimum, septimo illo consecuto, benedictione superiorem. Ratio est, quod mundi conservatio, non est peculiaris quædam illius dignitas de qua controversia est, sed communis reliquis omnibus sequentibus, quibus Deus in mundi creati conservatione ac gubernatione similiter occupatur. Adeo ut contra sequatur, septimum manna à corruptione conservatæ diem, non esse, primo die septimo, hac in re dignitate inferiorem, sed æqualem: benedictione verò peculiari, superiorem.

Quod verò rursus obtenditur; *Si duplex mensura manna ad illam benedictionem referatur, major esset benedictio parascæves, quam Sabbati:* id minime sequitur.

Siquidem geminatæ mensuræ origo & usus, fuit, non parascæve, sed consequens Sabbati sanctificatio quæ sola, fuit causa illius efficiens *αἰσχρογρηγορία*, & finis: ne manna decidens collectione, quies Sabbati violaretur. Ideoque hoc dono atque honore, plus benedictionis Sabbato, quam diei præcedenti, divinitus attributum.

Quod autem excipitur; *Quamvis non eamus inficias, Deum benedixisse diei Sabbati, inter Israëlitas, non sequitur eidem non benedixisse laude, & sanctificatione, imo opere, in prima illa institutione:* illud à scopo recedere videtur; quia nullibi hac infirma usi sumus consequentia: ut antecedentia fidem facient. Hæc enim nostra est ratiocinatio; Quum benedictionem ac sanctificationem (quæ Genes. 2. 3. memoratur) primo diei Sabbato tributum esse, nec in Sacra Scriptu-

ra expressè tradatur, neque ex circumstantiis illius evincatur: contra verò, ea Sabbato Exod. 16. sancito ad amissim conveniant: ergo ea non de primo, sed revoluta hoc die septimo, intelligenda.

Quod porro urgetur; *Negamus ergo, quod asseritur, Benedictionem non convenire diei septimo post creationem: quam assertionem disertè pugnare credimus, cum verbis Moysis.* Nos contra cum iis optimè, concinna parenthesi, convenire minime dubitamus: ut in primi argumenti ex Genes. 2. v. 3. objecti examine, satis nos perspicuè demonstrasse, existimamus.

Nec enim id Moses (ut objectatur) *de die septimo ILLO IPSO, quo quiescit Deus ab omni opere suo, dicit;* Et benedixit Deus diei septimo: neque argumentum, illius assertionis, solidum est. Quæritur quidem, *cum de nullo alio die locutus antea fuisset, ad quem septimum diem alium potest benedictio referri?* Sed respondemus, ad diem septimum similem, Moysi tempore revolutum atque Israëlitis perpetuò, ad quietis Dei imitationem, cessationi ab omni opere, institutum. Qui, à primo die septimo, benedictionis & sanctificationis attributis, distinguitur. Quum enim Deum absolutis omnibus creationis operibus septimo die, ab iis cessasse ac quiescere, narrasset vers. 2. hac occasione, septimi diei (quum scriberet, jam ante benedicti ac sanctificati) ita opportuna parenthesi meminit, vers. 3. *Et Deus benedixit diei septimo & sanctificavit eum, quia in eo quiescit ab omni opere.* Hoc enim modo repetita, è decalogi mandato quarto, sententiæ summa, septimum diem, ad imitationem quietis Dei, Israëlitis consecratum indicat: ut eos ad Sabbati cultum, & fidem in Deum totius mundi creatorem, tardiores, loco maxime opportuno, amplius stimulet. Quod autem objicitur, *hunc septimum, instituti Israëlitis Sabbati diem, alium fuisse,* à primo septimo, quo, à creatione mundi quiescit Deus, illud (quemadmodum jam exposuimus) nihil habet incommodi. Nam ut idem fuit dies, ordinis specie (septimus nimirum hebdomadæ) ita temporis singularis ratione, alius. Quem prioris descripti occasione, parenthesi utilissima, interponit: ut à Josepho historico laudatissimo, expositum ac similiter observatum: & simile parenthesis exemplum, in historia manna Exod. 16. à Mose propositum, jam antè demonstravimus.

Quo in loco, occasione descriptionis manna, Israëlitis à Deo datæ, narrationem rei longè post gerendæ, sed, quum Moses hæc scriberet, gestæ, interponit. Qua de re doctissimus Calvinus, ad ista verba, *Et dixit Moses, &c.* Exod. 16. 32. sic ait: *Non contexit Moses historiam, suo ordine, sed narratione κατὰ ἀνάγκην interposita, melius confirmat, singulari beneficio, creatum tunc fuisse populo alimentum, quia Deus in monumentum, servari voluit Homer unam, quod, nullo factore corruptum, ad posteros propagavit miraculi gloriam.* Idemque D. Piscator, Quæstionibus in Exodum cap. 16. quæst. 67. est secutus, his verbis; *Quando hoc dixerit Moses; & quando de manna facta sunt: qua sequuntur hoc versu & duobus sequentibus? Resp. Dixit hoc Moses, & facta illa sunt; erecto jam tabernaculo, extructaque arca, antequam asservabatur Man & virga Aaronis.* Quod ad lectoris meliorem intelligentiam adjunximus: licet à clarissimo viro, etiam breviter agnoscat.

Deinde eodem in loco Exod. 16. occasione descriptionis manna, Israëlitis primùm datæ, interponitur narratio mandati de mensura Homer, *ex ea*, asservanda: & consequens obedientia, in ea asservata: & tamen perspicuum est hanc mannam asservatam, non esse ex ea singulari manna primum data, cujus proximè meminerat Moses, sed ex eadem specie numero alia. Quid mirum igitur, si descriptionis, primi diei septimi occasione, alium etiam ejusdem speciei diem septimum, ad primi illius memoriam, apud Israëlitas jam sanctificatum, parenthesi utilissima commendet? Quamobrem secundum nostrum argumentum, adversus varias exceptiones ei objectas, satis stabilitum speramus.

## CAPUT VII.

## Tertii argumenti nostri defensio.

**H**oc autem, in *Investigatione originis Sabbati* eodem cap. 4. ita à nobis est propositum;

Seçt. 40. *Tertium vero deducitur, ex verbis, quibus modus Sabbati, Judæis instituti, declaratur. Nam Exod. 16. 23. dicitur; Quies Sabbatum sanctum erit Jehova cras: & vers. 25. Sabbatum hodie Jehova est: & vers. 29. VIDETE, quod Jehova DEDIT VOBIS ILLUD SABBATUM: idcirco DAT VOBIS, die sexto cibum bidui. Et Ezech. 20. 12. SABBATA DEDI EIS, ut essent SIGNUM INTER ME ET IPSOS, ad sciendum, me Jehovam sanctificare ipsos. Et Ex. 31. 13. Nam SIGNUM EST INTER ME ET VOS, per generationes vestras, ad cognoscendum, me Jehovam esse, qui sanctifico vos. Denique Nehem. 9. v. 14. SABBATUM quoque sanctum, NOTUM FECISTI eis: quum præcepta statutaque & leges præciperes, per Mosem servum tuum.*

41. Unde ita colligitur; *Quod Deus in Sacris literis notum fecisse Judæis dicitur per Mosem, notumque faciendo, crebro inculcavit, ipsique se dedisse, emphatica attentionis provocatione præmissa, tradit ac repetit, ac dedisse in signum sanctificationis ipsorum; illud non fuit ipsis (uti contenditur) ante celebre ac notum, omnibusque ab origine mundi traditum. Atqui Sabbatum est huiusmodi: ut Moysi & Prophetarum, memorata testimonia demonstrant. Ergo Sabbatum non fuit Judæis ante celebre ac notum, omnibusque ab origine mundi traditum.*

42. Propositio inde firmatur, quòd qua celebra & nota sunt, illa interdum repeti; sed tam operose, cumque attentionis provocatione inculcari non solent: & qua omnibus data sunt communiter, illa cum emphatica distinctione, videte, dedit vobis, & quidem, in signum sanctificationis ipsorum, non rectè convenire apparet.

43. Denique si Sabbatum sanctificatum fuit omnibus, in signum quietis Dei: omnibus etiam fuit signum quod Deus illos sanctificasset, hoc est, ad cultum sui, ita segregasset: atqui non omnibus, sed Judæis hoc peculiariter tribuitur: Ideoque ad omnes non pertinet.

Hic verò, hæc responsio opponitur;

Secundo citat omnia loca, in quibus Sabbatum commendatur Israëlitis Exod. 16. &c. ex quibus ita argumentatur; *Quod Deus in S. literis &c. ut ante à nobis argumentum est Syllogismo inclusum. Subjicitur autem ei;*

Respondeo 1. nos non dicere Israëlitis antea Sabbatum fuisse celebre & notum: quod in Propositione supponitur. Fatemur enim memoriam illius, primum in variis illis migrationibus, deinde durante captivitate Egyptiaca, apud plerumque fuisse oblitteratam, nec potuissetum Judæos, etiamsi voluissent, in Sabbatis ferari, & vacare ab operibus servilibus, cum sui juris non essent. Quamvis ergo ab initio sanctificatio illa, facta fuerit & commendata, in familiis etiam piorum observata, non dubitamus tamen, non solum impium mundum & profanas gentes, ut omnia alia Dei mandata, sic & Sabbatum profanasse; verum etiam Hebræos, in Egypto idololatria deditos, partim etiam tyrannide oppressos, morem interrupisse majorum, ac desuetudine illa, diem Sabbati ignorasse, donec de eo rursus, Dei nomine, à Mose edocerentur.

Hac clausula sublata, quam nostram non agnoscimus, negamus majorem. Nec eam probat id, quod subditur; *qua celebra & nota sunt, illa interdum repeti, sed tam operose, cumque attentionis provocatione inculcari non solent. Nam id prævenimus nostra exceptione. Quæ enim neglecta fuerunt & pene oblitterata, illa operose postea, cum innovantur, inculcari debent.*

Instat tamen: Illa, inquit, quæ omnibus data sunt communiter, cum emphatica distinctione, videte, dedit vobis, & quidem in signum sanctificationis ipsorum, non rectè convenire apparet: & si omnibus fuit signum quietis Dei, omnibus etiam fuit signum, quod Deus illos sanctificasset ad cultum suum. Atqui non omnibus sed Judæis, hoc peculiariter tribuitur. Ideoque ad omnes non pertinet.

Respondeo, rectè convenire si quæ olim communiter omnibus data sunt, & per negligentiam omissa aut neglecta, quibusdam postea restituantur & specialiter commendentur. Sic autem se habet in hac materia, ut diximus. Adde etiam, si quæ aliquo nomine aut aliqua ratione, erant communia, quibusdam propter alias rationes, aut alios respectus additos, fiant propria.

Id ita factum esse constat in Sabbato, cujus institutio & sanctificatio, initio finem habebat contemplationem operum Dei, & memoriam creationis rerum omnium. Hoc erat omnibus commune.

Sed in renovatione institutionis, alii respectus & alia significationes fuerunt addite, quæ, quod commune fuerat initio, Israëlitis fecerunt sacramentale multis modis.

Hæc autem significationes, antea à nobis exposita fuerunt, 1. ratione præteritorum, memoria servitutis Egyptiaca & quietis à servitute. 2. Memoria cessationis pluvie panis cælestis die Sabbati, & beneficii conservationis manna eo die.

Significatio quietis, & quietis æterna, potuerunt esse communes: specialius tamen ad Israëlitas pertinebant, propter luculentior declarationem. Quibus ritè expensis, per se diffinit argumentum, quia concedimus, aliquid fuisse Hebræis peculiare, sed cum remaneat communis consideratio, Sabbati religio potuit institui ab initio, sine præjudicio strictioris obligationis, respectu Israëlitarum, ob memoratas causas.

Hactenus adversa responsio, quæ Syllogismi nostri Propositionem, partim quasi alienam: partim ut à vero discrepantem, rejicit. Alienam tamen sententiam, à nobis minimè supponi, sed eam quæ à dissentientibus proposita est, sincere memoratam, ex scriptis eorum perspicuum est. Etenim (ut alios hujus rei testes prætereamus) illud ex notissima, clarissimi ac doctissimi auctoris, in *Dissertatione de Sabbato*, narratione elucescit. Sic enim p. 42. refert; *Majoris tamen firmitatis est, quod assertur ex cap. 16. v. 24. Exod. ubi SABBATI, tanquam DIEI, inter Israëlitas CELEBRIS ac NOTI, mentio fit. Quia verò illa de Sabbato Israëlitis, ante Mosem, celebri ac noto, sententia, disertè, in opposita nobis responsione, rejicitur: ampliori confutatione illius non est opus. Verè enim dictum, Hebræos diem Sabbati ignorasse; sed causa tamen ignorantie illius, frustra, oblitteratæ memoriæ, sine ullo Sacrarum Literarum documento (quæ nullam antecedentis illius notitiæ faciunt mentionem) attribuitur. Atque hæc de prima responsionis objectæ parte: cui altera, quæ reliquæ Propositionis veritatem discutit, ita subjungitur.*

Hac clausula sublata, negamus majorem. Quamobrem? Nec eam (inquit) probat id quod subditur; *Quæ celebra & nota sunt, illa interdum repeti, sed tam operose probari, cumque attentionis provocatione, inculcari non solent. Nam id prævenimus nostra exceptione. Quæ enim neglecta fuerunt, & pene oblitterata, illa operose postea, cum innovantur, inculcari solent.*

At (inquam) ratio negationis, à scopo aberrare videtur. Quis enim non videat, aliud institui, aliud agi; Nam quæ celebra & nota sunt (de quibus probatio nostra, primam Propositionis partem duntaxat confirmans, expresse loquitur) & quæ neglecta ac pene oblitterata, illa non eadem sunt; sed diversa, quæ plurimum inter se dissident: ac propterea quia ista exceptio, à re ipsa, de qua differitur, aliena est, probationem nostram, integram atque intactam relinquit.

Prius ergo Propositionis nostræ membrum adhuc perstare apparet, nimirum; Quod Deus in S. L. notum fecisse Judæis dicitur per Mosem, notumque faciendo crebro inculcavit; ipsique tradidisse emphatica attentionis provocatione præmissa tradit ac repetit, illud non fuit ipsis (ut contenditur) celebre ac notum.

Posterius verò membrum est; Quod Deus se Judæis dedisse, emphatica attentionis provocatione (scilicet, videte, dedi

*dedi vobis*) ac dedisse in signum sanctificationis ipsorum tradidit, illud non fuit omnibus ab origine mundi commune.

Probationis summa est, quod proprium esse Judæis & commune omnibus hominibus, sint opposita: quæ quum se mutuò tollant, inter se non conveniunt. Responsio verò objecta hæc est, *Rectè convenire, si qua olim communiter omnibus data sunt, & per negligentiam amissa, aut neglecta quibusdam postea restituantur, & specialiter commendentur. Sic autem se habere in hac materia, ut diximus.*

Dictum quidem agnoscimus: sed nec solidam illius probationem, neque ullum Scripturæ indicium, proferri animadvertimus: idque ex antecedentibus, constare posse existimamus.

Ac sanè, quum Deus per Mosem, Sabbatum in signum inter se & ipsos tradiderit, ac tam seriò commendarit, neque ullum Sabbatine neglectum antecedentem, in reliquorum vitiorum exprobratione, memorarit, neque Sabbati ante Mosem, à se ipsis dati, aut à patribus ipsorum observati, mentionem ullam injecerit, quis non videat, Sabbati cultum ipsis non restitutum, sed per Mosem primò, & quidem solis Israëlitis institutum ac datum, prolatis à nobis Scripturæ dictis doceri?

Sed altera fusior objicitur nobis, proposita quadam distinctione, responsio: cujus summa (ut contrahamus) hæc est; Sabbati institutionem fuisse quidem communem omnibus, ratione finis generalis, nempe contemplationis operum Dei, & memoria creationis rerum omnium; propriam verò Israëlitis respectu finis specialis, videlicet memoria, 1. quietis ab Ægyptiaca servitute, 2. cessationis pluvie panis cœlestis die Sabbati, & beneficii conservationis manna, eo die. Significationem autem quietis à peccato, & quietis æterna, potuisse esse communes: specialius tamen ad Israëlitas pertinuisse.

Verum hæc distinctio, nihil ad rem ipsam pertinere videtur: Nam illustria illa, de dato Judæis Sabbati privilegio testimonia, (ex quibus argumentum nostrum contextum est)

de Sabbato ipso (seu quiete diei septimi, ad Dei cultum instituta) loquuntur: non autem de circumstantiis illius, quæ in hac distinctione recensentur. Earum enim nulla fit mentio: neque ullo colore, ex ipsis testimoniis, contrarium probari posse arbitramur. Quare quod responsione, nobis opposita, concluditur, *Quibus ritè expensis, per se diffuit argumentum, quia concedimus aliquid fuisse Hebræis peculiare, sed cum remaneat communis consideratio, Sabbati religio potuit institui ab initio, sine præjudicio strictioris obligationis, respectu Israëlitarum, ob memoratas causas:* illud (inquam) contra satis ostendit, *tertium nostrum argumentum*, minimè attingi: quia non à peculiari aliqua circumstantia, sed à certa (ut sic dicam) rei substantia ac forma deducitur. Quis enim non clarè perspiciat, in Scripturæ citatæ testimoniis (unde nostrum constat argumentum) nullum prorsus illarum, quæ obtenduntur, circumstantiarum extare indicium? Quum enim dicitur, Ezech. 20. 12. *Sabbata dedi eis, ut essent signum inter me & ipsos, ad sciendum me Jehovah sanctificare ipsos:* quid aliud quæso, intelligi nomine Sabbatorum potest, quam septimos hebdomadæ dies, ad cessationem ab omni opere servili ad cultum Dei consecratos? hæc enim est Sabbati definitio.

Ac licet memoria quietis ab Ægyptiaca servitute, Sabbati à servis etiam observandi sit finis, Sabbati tamen voce intelligi hoc loco, quam ratione dicitur? Denique quomodo etiam probabitur, quod memoria cessationis pluvie panis cœlestis die Sabbati, fuerit Israëlitis Sabbati finis aut significatio? Perstat igitur immotum nostrum hoc tertium argumentum, Si Sabbatum fuit omnibus institutum, omnibus etiam fuit signum, quod Deus ipsos sanctificasset, hoc est, ad cessationem à peccatis, & ad cultum suum segregasset: atqui non omnibus, sed solis Israëlitis fuit signum, quod Deus ipsos sanctificasset, hoc est, ad cessationem à peccatis & ad cultum suum segregasset: ut præmissa S. Scripturæ loca indicant: ergo Sabbatum non omnibus, sed solis Israëlitis fuit institutum. Hæc pro argumento tertio.

## C A P U T VIII.

## Quarti argumenti nostri defensio.

Quare ad quarti nostri argumenti repetitionem, & oppositam responsionem, ejusque examen, pergemus. Ac prius ita à nobis fuit propositum;

Sec. 44. *Quartum argumentum, sententia illa Deut. 5. 2. 3. Deus noster pepigit nobiscum fœdus in Choreb, non cum patribus nostris pepigit Jehova fœdus illud; sed nobiscum, qui ipsi hic hodie omnes sumus vivi: suppeditat hujusmodi.*

Quod Deus cum Israëlitis, non cum patribus ipsorum pepigit, illud non est institutum ab origine mundi: fœdus legis decalogi, est hujusmodi: ut proposita Moysis sententia, & expositio illius v. 12. & 15. & 23. ad 29. & c. 4. 11. & 13. ostendit: ergo fœdus Legis Decalogi, non est ab origine mundi institutum.

45. Quum autem de nullis Decalogi preceptis, præter quartum de Sabbato, verè dici possit, quod patribus nostris tradita (quia citra controversiam, sunt juris naturæ communis, ut etiam Tertullianus adversus Judæos cap. 2. egregie demonstrat) sequitur ratione quarti precepti intelligendum: non simpliciter quidem, sed partis illius ceremonialis ratione.

46. Verumtamen bisariam evadere posse, dissidentes videntur, nempe, ut Ellipsis, in Moysis sententia constituatur duplex. Prima quidem ut hæc verba: Non cum Patribus nostris pepigit Jehova fœdus illud, accipiantur, non absolute, sed comparative: hoc est, non eo modo, exaratis tabulis, & signis horrendis. Verum sine justa causa (qua hic deest) ab integra propriaque orationis forma, ad Ellipsin confugere, cum recta ac probata interpretandi norma, pugnat.

Deinde Ellipsis ista, huic loco non quadrat. Nec enim hac modi diversæ circumstantia, pacti essentiam vel auget vel minuit.

47. Præterea, num minus est, quod Deus Abrahamo, tanquam benignus pater cœlitus apparuit Gen. 17. 1. dicens; Ego sum Deus omnipotens, ambula coram me, & esto perfectus: quam quod tanquam tremendus judex Israëlitis idem

pactum, seu legem justitia promulgavit? An majus etiam est, quod Legem Israëlitis datam, tabulis duabus lapideis inscripsit; quam quod eandem menti & cordi Abrahami Gen. 18. v. 19. (quod tamen Israëlitis minimè datum, à Moise Deut. 29. 4. asseritur) impressit?

48. Verum quid opus est multis? doctissimus Calvinus in Gallicis suis ad Deuteronomium concionibus à prima illa expositione, & Ellipsi, à se prius posita recedens, alteram substituit, quam veram ac genuinam esse, verbis expensis, statuit. Nempe, ut patrum voce, hoc loco non prisci patriarcha intelligantur, qui ante Mosem fuerant; sed proximi: qui legem, quum primum promulgaretur, audierant; & longa, quadragesima annorum, oberratione, in deserto perierant. Deinde diversam, à prima, Ellipsin ponit hujusmodi; Non cum patribus: hoc est, non cum patribus tantum.

49. Sed quamam necessaria ratione Ellipsis gemina probabitur, qua, pro negatione illa; Non cum patribus nostris, sed nobiscum, affirmatio hac substituitur, Non cum patribus nostris, tantum, sed etiam nobiscum: hoc est, & cum patribus nostris, & nobiscum?

50. Deinde si, patres nostri, proximi intelligerentur, propria esset ad populum præsentem, tanquam filios, relatio: sed propriè de Moise loquente & Josua, & Calebo, quomodo dicitur? Verum esto synecdoche; patres nostri, hoc est ferè omnium nostrum, quorsum quæso, hæc sententia, spectabit? An ignorare poterant, Deum non solum, cum patribus ipsorum, sed etiam cum ipsis fœdus pepigisse? quum ipsi non minus præsentis fuissent, in lege promulganda, quam patres, ut Moyses, hos ipso in loco, aperit affirmat Deut. 5. 3. 4. 5.

51. Quare ex hisce satis (uti existimo) apparet, horum Israëlitarum patres (ut passim in eodem libro Moysis Deut. 1. 8. 11. 21. 35. & 4. 1. 31. 37. & c.) intelligi Patriarchas, inprimis Abrahamum, Isaacum, Jacobum. Deinde fœdus illud cum iis, non pepigisse secun-



secundum quid, ratione partis: quod videlicet quamvis legem charitatis iis imperasset, mandatum tamen de Sabbato, & ceremoniis eo comprehensis, non dedisset, sed posteris ipsorum Israëlitis, quos alloquitur Moses.

52. In quo argumento praluxit nobis Eusebius, de demonstratione Evangelica c. 6. Idcirco (inquit) illi testimonium exhibetur, quod præcepta & mandata, & ceremonias, & quæ in legibus posita sunt Dei, ante Mosi constitutionem servaverit. Dicit igitur ad Isaac, is qui oracula illa reddebat Deus; Et dabo semini tuo omnem terram hanc: & benedicentur, in semine tuo, omnes gentes terræ, eo quod obedierit Abrahamus pater tuus voci meæ, & custodierit præcepta, & mandata mea, & ceremonias meas, & quæ in legibus meis posita sunt, (Gen. 26. 4. 5.) Erant enim etiam ante Mosi Legem, mandata Dei alia, & ceremonia, non similia iis quæ à Mose tradita sunt: legesque alia, ac præcepta Domini per quæ illi iustitiam adepti sunt. Porro quod non eadem essent, cum iis quæ per Mosi, in legibus posita sunt, Moses ipse perspicue demonstrat, ubi ait ad populum; Audi Israël, iustificationes & iudicia, quacunque ego loquor, in auribus vestris in die hac; & discetis ea & servabitis ut ea faciatis. Dominus Deus noster, condidit vobis in Choreb testamentum, NEUTIQUEAM PATRIBUS VESTRIS CONDIDIT Dominus testamentum hoc, sed vobis. Et sanè spectata, ut planè dicit Testamentum hoc, propterea quod non idem illud patribus eorum constituit. Quod si ABSOLUTÈ non datum esse patribus eorum Test. dixisset, in mendacium sanè illi recideret oratio. Datum est igitur Abrahami Testamentum, datum est etiam Noæ, sicut sacra testantur oracula. Atque idcirco cum adjunctione dixit, non hoc datum esse patribus eorum. Hactenus argumenti nostri 4. tractatio: opposita verò responsio hæc est;

Tertio, Arguematur à sententia illa Deut. 5. 2. & 3. Deus noster pepigit nobiscum in Choreb, non cum patribus nostris pepigit fœdus illud, sed nobiscum qui hic hodie omnes sumus vivi. Quod Deus, ait, cum Israëlitis, non cum patribus eorum, pepigit, illud non est institutum ab origine mundi: fœdus legis Decalogi est huiusmodi: ergo fœdus Decalogi non est ab origine mundi institutum. Per fœdus autem Decalogi, vult intelligi mandatum de Sabbato servando, quia fatetur alia Decalogi mandata, patribus fuisse tradita, cum fuerint legis naturæ.

Resp. Fœderis nomen accipi, vel de ipsius fœderis substantia, vel de ratione & modo promulgationis. Si de prima intelligatur, negamus id voluisse Israëlitas, fœdus aliud initum, cum ipsis fuisse, quàm cum patribus eorum. Si de modo, ratione promulgationis & quibusdam circumstantiis additis, concedimus Deum inivisse fœdus cum iis, quod non inierat cum patribus eorum. Sed hoc nihil facit ad Sabbatum.

Nec verum est, Hebræos id dicentes, respexisse tantum ad Decalogum, quia meminit Moses in præfatione, testificationum, statutorum, & iudiciorum, etsi postea repetat legem Decalogi.

Deinde quam ratio persuadere potest, Hebræos cum de patre illo loquuntur, de solo Sabbato eaque parte, quæ ceremonialis est, intellexisse, ut vult objectio? Id enim supponitur, non probatur.

At, inquit, cætera quæ sunt in Decalogo, talia sunt de quibus dici non possit, quod patribus eorum non sunt tradita. Ita est, & idem dicimus de Sabbato: nec dicit Moses, hæc non fuisse patribus tradita; sed Deum non pepigisse fœdus illud cum patribus, nempe quomodo immediate explicat: facie ad faciem locutus est vobis in monte illo vobiscum: è medio ignis: ego stabam inter vos & Jehovam tempore illo. Non ita pepigerat Deus ante cum patribus.

Hanc ellipsin non potest rejicere, quin similes pene innumeras in eadem materia rejiciendo, Scripturam involvat contradictionibus.

Nec valet objectio; An minus est, quod Deus Abrahamo, tanquam benignus pater, cœlitus apparuit, &c. quàm quod tanquam tremendus Judex Israëlitis idem pactum seu legem iustitiæ promulgavit?

Nam his verbis, seipsum refellit: cum idem pactum dicat à benigno patre Abrahamo propositum, & à tremendo ju-

dice Israëlitis. Ergo idem & non idem. Idem substantia, non idem administrandi modo. Quid hoc ad Sabbatum? Deinde non queritur de eo, quod vel majus, vel minus est; sed de eodem, vel dissimili.

Neque propterea, pro negatione, affirmationem subsistimus; Non cum patribus nostris tantum, sed nobiscum: qui retinemus negationem, quod Deus non pactus est cum patribus in Choreb, sed cum filiis.

Ergo dedit Sabbatum filiis, quod patribus non dederat; id quomodo sequatur, videris; quamvis concedere possimus, filiis dedisse Sabbatum, quomodo patribus non dederat, quia causas alias addidit & significationes, quia illud rigidius sancivit, & exactius voluit observari. Facile enim concedo, primam illam constitutionem initio factam non ita rigide à Deo fuisse exactam, quæ causa fuit cur, in illius observatione, non ita stricte versati fuerint majores: quàm postea Deus, tot significationibus, & sanctionibus additis, à populo suo exegit.

Addo præterea, ad pactum Dei, in Choreb sancitum, pertinere ea, quæ vers. 37. memorat Moses, præcepta nempe, statuta & iudicia; in quibus circumcisionis præceptum, mundorum & immundorum animalium discrimen, sacrificiorum ritus & leges &c. quorum nulla, antea fuisse patribus vel cognita, vel tradita, nemo dicet. Nunc igitur multis modis, tertium illud argumentum.

Nec illud fulcit autoritas Eusebii lib. 1. de demonstr. Evang. cap. 6. ubi dicit? Quæ ante Mosi legem fuerunt mandata & ceremoniæ, non similia fuisse iis quæ à Mose tradita sunt, probatque non eadem fuisse ex hoc Deuteronomii loco.

Si enim id absolute intelligatur, falsum esse ne ipse quidem D. Gomarus negabit, cum non aliud Sacramentum circumcisionis datum fuerit, non alia prohibitio sanguinis & suffocati, non alia sacrificiorum substantia &c. Ergo Eusebii verba sunt explicanda, ex iis quæ antea à nobis dicta sunt; secundum quid, non absolute. Hæc ad quartum (quod vocat tertium) nostrum argumentum responsio: quæ licet non nihil intricatior videatur, pressis tamen vestigiis examen illius instituere conabimur.

Primum ait; per fœdus autem decalogi, vult intelligi mandatum de Sabbato servandum: imò verò, per fœdus decalogi, ipsum Decalogum, Mosi secuti intelligimus, sed secundum quid, ratione præcepti de Sabbato ceremoniali: non autem simpliciter, quod reliqua Decalogi imperata, patribus (citra ullam controversiam) etiam sint tradita, ut sectione 44. disertè à nobis explicatum. Ideoque novam, fœderi Dei, significationem minimè tribuimus.

Deinde in responsione præmittitur, fœderis nomen accipi, vel de ipsius fœderis substantia, vel de ratione & modo promulgationis: sed ea distinctio quasi certa ac confessa, sine ulla probatione, fundamenti loco subternitur: quæ tamen confirmationem requirit. Nam fœdus accipi pro modo promulgationis quomodo constabit? Quare, infirmo hoc fundamento innixa responsio, perstare non potest.

At rursus excipitur; Nec verum est, Hebræos id dicentes respexisse tantum ad decalogum, quia meminit Moses in præfatione, testificationum, statutorum & iudiciorum: etsi postea repetat legem Decalogi.

Verum negatur consequentia: licet enim in præfatione (quæ extat Deut. 4. 45.) dicatur; Hæc sunt testimonia, statuta, atque iudicia, quæ elocutus est Moses ad filios Israëlitis, inde tamen non sequitur; ergo quum postea fœderis meminit, non tantum intelligit decalogum. Hæc enim inter se non pugnant, sed probè consentiunt: ut etiam series orationis ostendit. Quoniam ut horum trium antecedit propositio; sic apta ratione explicatio eorundem, initio à testimoniis ducto succedit. Ea enim vox legem Decalogi (ut etiam Deut. 31. v. 18. tabula testimonii, hoc est Decalogi dictæ) designat. Quam cap. 5. 2. fœderis cum Israëlitis pacti nomine, tantum intelligere, sequentia indicant: unde hæc demonstratio promanet.

Fœdus quod hîc Moses intelligit, est id quod Deus in monte è medio ignis facie ad faciem Israëlitis audientibus est elocutus, ut v. 3. & 4. traditur: atqui nihil præter legem Decalogi in monte è medio ignis, Israëlitis audientibus Deus est

est elocutus: ut disertè v. 22. testatur; *Hæc verba locutus est Jehova, ad totam congregationem vestram, in monte è medio ignis nubis & caliginis voce magna, & NON ADDIDIT, inscripsitque ea duabus tabulis lapideis ac dedit mihi. Ergo nihil præter decalogi legem est fœdus quod Moses hic intelligit.*

Cui illustris, ex antecedente c. 4. in eadem re exposita, confirmatio accedit. Nam v. 12. & 13. ait; *Et Jehova locutus est ad vos è medio ignis, vocem verborum vos audivistis &c. & indicavit vobis fœdus suum, quod præcepit vobis facere decem verba, & inscripsit ea duabus tabulis lapideis.* En disertam fœderis illius, de sola Lege Decalogi, expositionem. Cui deinde proximo v. 13. distinctè subjicit; *Et mihi præcepit Jehova, illo tempore, ut docerem vos statuta (id est ceremonias) & judicia, ut faciatis ea.* Quomodo inter fœdus & statuta ac judicia discrimen hoc notat; quòd illud, ipsemet Deus, Israëlitis audientibus, proposuit: hæc verò postea, ministerio Moysi, quod attoniti horrenda fœderis promulgatione, loco sermonis ipsius Dei, flagitarunt, ut c. 5. inde à v. 23. (inprimis verò, v. 27, 28. & 31.) expressè docetur. Atque ita nostræ assertionis (qua fœderis voce, hoc loco solum Decalogum intelligi, diximus) veritatem satis perspicuam arbitramur. Id quod à Sabbati ceremonialis, patribus minimè traditi, probatione, non esse alienum, ex antecedentibus constat.

Sed objicitur deinde; *Quenam ratio suadere potest, Hebraeos quum de pacto illo loquuntur, de solo Sabbato, eaque parte qua ceremonialis est, intellexisse? Id enim supponitur, non probatur.* At, inquam, quum ea Deut. 5. v. 2. & 3. (de quibus inter nos disceptatur) non Israëlitarum seu Hebræorum, sed Moysi, ad eos loquentis, sint verba, quomodo iis jam tertio in responsione objecta tribuantur, assequi nequimus.

Ad rem verò quod attinet, ratio queritur, quæ tamen ob oculos sectione 45. à nobis est proposita. Quum enim Moses, fœdus Decalogi, cum Israëlitis, non cum patribus ipsorum pactum, verè asserat: verum autem esse non possit, nisi ratione mandati de Sabbato ceremoniali intelligatur (quia reliqua omnia, utpote juris naturæ, fuerunt omnibus communia) necessariò sequitur, id ratione mandati de Sabbato ceremoniali esse intelligendum. Ideoque quod probandum erat, non supponitur, sed reuera probatur.

At excipitur præterea; *Mosen non dicere, hæc non fuisse patribus tradita, sed Deum non pepigisse fœdus illud cum patribus: nempe quomodo immediate explicat, facie ad faciem locutus est vobis Jehova in monte illo vobiscum, è medio ignis: ego stabam inter vos & Jehovam tempore illo. Non ita pepigerat antea cum patribus.* Verum quum jam supra sit demonstratum, fœderis voce, ipsum Decalogum à Mose distinctè intelligi: inde apparet, fœdus pacisci & Decalogum tradere, seu decem verba eloqui: & præcipere Israëlitis, idem designare ut cap. 4. à Mose declaratum; *Jehova allocutus est vos, &c. & indicavit vobis fœdus suum, quod præcepit vobis decem verba &c.*

Quod autem, *ellipsin* hoc loco esse, dicitur: & *immediate* illis verbis, *facie ad faciem* &c. explicari, negatur. Nulla enim ellipsis est admittenda, nisi quum solida ratio evicerit: alioqui nihil tam verum, quin ellipsis alicujus obtentu corrumpi queat. Nulla autem talis ratio hanc ellipsin evincit. Nam supponitur, verbis immediate sequentibus id explicari, sed nulla prorsus ratione demonstrari animadvertimus. Neque aliò hæc Moysi verba & sequentia pertinere res ipsa ostendit, quam ut discrimen promulgationis, fœderis decalogi, & statutorum ac judiciorum, & causa discriminis declaretur. Nam vers. 1. ostenditur hæc per Mosem tradita: illud verò vers. 4. ab ipso Deo. Causa verò discriminis hujus plenius explicatur, nempe Israëlitarum (ob terrorem, ex horrenda specie ac voce Dei, conceptum vers. 24. & 25.) petitio, ut per Mosem reliqua cognoscerent, v. 27. Deinde quum promulgationis fœderis modus sit accidens illius, quod ad ipsum fœdus non pertinet: causa iusta esse, qui potest, ut *hoc fœdus* cum patribus non esse pactum dicatur? Alioqui quid vetat, quo minus eadem ratione dicamus Deum non pepigisse cum Abrahamo fœdus circumcisionis, Genes. 17. quia non eodem modo, quo Israëlitis promulgavit?

Imo inde etiam consequetur, quum tabulæ fœderis secundæ Deut. 10. sunt traditæ, fœdus Decalogi Israëlitis ante non fuisse traditum, vel non esse iterum traditum: quia modus promulgationis, Deut. 5. & 10. est diversus.

Quod autem objicitur; *Hanc ellipsin, non potest rejicere, quin similes pene innumeras, in eadem materia rejiciendo, Scripturam involvat contradictionibus: illud dicitur quidem: sed hac rejectione, contradictionem ullam involvi, nulla ratione demonstratur.*

Porro quæ sectione 47. à nobis sunt proposita, confutare aggreditur; *Nec, inquit, valet objectio; An minus est, quod Deus Abrahamo, tanquam benignus pater cœlitus apparuit &c. quàm quòd tanquam tremendus iudex, idem pactum seu legem justitiæ promulgavit? Nam his verbis seipsum refellit; cum idem pactum dicat à benigno patre Abrahamo propositum & à tremendo iudice Israëlitis. Ergo idem, & non idem. Idem substantiâ, non idem administrandi modo.*

At, inquam, meipsum his verbis minimè refello: quia error elenchi se prodit: dum illa quasi opposita statuuntur, quæ probè inter se consentiunt, idem pactum, & non idem pactum, nempe non *ut autem* sed *ut autem*, non secundum idem, sed secundum aliud: seu ratione non ejusdem sed diversæ partis, ut sectione 45. exposuimus: non idem scilicet ratione quarti præcepti & quidem de Sabbato ceremoniali: idem, ratione reliquorum omnium: quæ juris naturæ, eoque communia Israëlitis & eorum patribus.

Quod autem subjicit; *idem substantiâ, non idem administrandi modo; illud jam ante confutatum pluribus, & rectè doctissimus Calvinus, ab ea prius posita explicatione atque ellipsi, recessit: ut sect. 48. ostendimus.*

Præterea objicitur; *Deinde non queritur, de eo quod vel majus vel minus est, sed de eodem vel dissimili: sed frustra.* Nec enim sectione 47. (cujus sententia ante posita excutitur) aliud agimus, quam ut anticipatione quadam, occurramus iis, qui exponunt fœdus decalogi cum patribus non esse initum, propterea, quod excellentiori quodam modo cum Israëlitis pactum. Ideoque non temere quid vel majus vel minus sit, examinavimus.

Subnectitur postea in objecta responsione; *Neque propterea, pro negatione affirmationem substituimus, Non cum patribus nostris tantum, sed nobiscum: quia retinimus negationem, quod Deus non pactus est cum patribus in Horeb, sed cum filiis.* Esto: neque enim id à nobis, adversus primam D. Calvini ellipsin (à qua deinde recessit) sed adversus secundam, rectissime objectum est. Quod autem excipitur; *Ergo dedit Sabbatum, quod patribus non dederat; id quomodo sequatur, viderit:* imo qua ratione id à nobis sectione 45. sit probatum, attentos lectores perspicuè satis vidisse, & ex antedictis visuros minimè dubitamus.

Deinde quod ait; *Quamvis concedere possimus filiis dedisse Sabbatum, QVOMODO patribus non dederat.* Atqui non de modo dandi sed de Sabbato dato, quæstio est, An patribus etiam mandatum sit, ut septimus hebdomadæ dies, cessationi ab operibus & ad cultum Dei consecraretur, nec ne? non verò, an promulgandi modus fuerit diversus: alioqui circumcisio Israëlitis imperata, non fuisset Abrahamo antè mandata, quia modus utrimque diversus: Israëlitis enim mediàtè per Mosem extra terram promissam, Levit. 12. 3. Abrahamo verò immediatè per ipsummet Deum, in terra promissa, Genes. 17. vers. 1. & 10.

Deinde Evangelium alio modo Apostolis & per Apostolos Judæis, alio nobis traditum: illis, revelatione Spiritus Sancti extraordinaria ac miraculosa; nobis verò, institutione ordinaria: an ergo propterea Evangelium utrimque aliud: & Apostolis ac Judæis non traditum, ob maximam modi promulgationis diversitatem? Denique quum Sabbatum Israëlitis secundis tabulis sit traditum, Deut. 10. 4. an dici rectè potest primis fœderis tabulis, quia modus diversus, non fuisse traditum. Modus enim traditionis primarum tabularum fuit præcedente Dei apparitione, *qua facie ad faciem populo locutus est, è medio ignis*, Deut. 5. 4. & 10. 4. qui modus secundis tabulis omnino defuit, Deut. 10. v. 4. 5.

Quare

Quare accidens modi diversitas rem non tollit.

Præterea excipitur; *Ad pactum Dei, in Horeb sanctum, pertinere ea, quæ vers. 37. memorat Moses, præcepta nempe, statuta, & judicia: sed contrarium jam antè demonstravimus; pactum illud Dei, Deut. 5. 3. de quo agimus, à statutis & judiciis, à Mose diserte distingui.*

Quamobrem *quartum* nostrum argumentum (quod *tertium* vocat) non nutare multis modis, sed variè impetitur, firmum nihilominus perdurare, arbitramur.

Denique quia sectione 52. Eusebii sententiam, nostro argumento prælucentem expressimus (qua ait, *erant etiam ante Moysen legem, mandata Dei alia, & ceremonia, non similia iis quæ à Mose tradita sunt, idque ex Deut. 5. probat*), idcirco objicitur, *id, Eusebii auctoritate, non fulciri.* Ratio autem adfertur; *Si enim id absolute intelligatur falsum esse, ne ipse quidem D. Gomarus negaverit: ergo Eusebii verba sunt explicanda ex iis, quæ antè à nobis dicta sunt, secundum quid, non absolute.*

At, inquam, hac responsione primò sententiam nostram

non infirmari, sed diserte confirmari, apparet: nimirum *factus hoc Dei cum Israëlitis, secundum quid* (hoc est, secundum aliquam illius partem seu ratione alicujus præcepti, quod fœderis hujus materia est) non esse inutum.

Deinde nonne etiam contradictio quædam videtur, quum dicit Eusebii verba, *explicanda, ex iis quæ antè à nobis dicta sunt, secundum quid non absolute?* contrarium enim multis contendit objecta responsio, *idem fœdus substantia, non idem administrandi modo*, quem exponi contendit iis Moysi verbis; *Facite ad faciem in monte illo, è medio ignis vobiscum locutus est Jehovah.*

Atqui si pactum substantia omnino (uti censet) sit idem, non idem administrandi modo: ergo verum non est, secundum quid (quod nihil aliud significat, quàm secundum substantiæ seu subjecti partem non esse idem:) & vice versa cum secundum quid fœdus Dei cum Israëlitis inutum, non esse idem agnoscat: sequitur etiam ratione partis substantiæ illius, non esse idem. Quoniam modus fœderis administrandi, non est pars illius, sed accidens.

## CAPUT NONUM.

### Quinti argumenti nostri defensio.

**Q**uare probato satis (uti existimamus) argumento quarto, ad postremum procedemus: quod ita à nobis est descriptum;

Seçt. 53. Quintum porrò argumentum est: *Si septimi diei quies, omnibus ab origine mundi hominibus, fuisset instituta, non autem solis Israëlitis tempore Moysi, Deus non solos Israëlitas, ob neglectum illius, sed etiam Gentiles (alicubi saltem) eadem de causa reprehendisset: atqui Deus solos Israëlitas, frequentissime ob Sabbatum violatum reprehendit: Gentiles verò nusquam: ergo septimi diei quies, omnibus ab origine mundi hominibus, non est instituta.*

54. Propositio inde patet: quòd reliquorum omnium præceptorum (excepto quarto de diei septimi quiete observanda) violatio in Gentibus non minus quàm in Israëlitis reprehenditur passim, & gravissimæ pœna, eo nomine inflicta aut infligenda, denuntiantur: ut Israëlita redderentur cantiores, & ab imitatione eorum, averterentur.

55. At propterea, si Sabbati quies iis fuisset etiam instituta atque observanda, neglectum illius, & pœnam, Sac. Lit. similiter (alicubi saltem) expressissent, quum ne derisionem quidem Sabbati, à Judæis observati reticuerint. Quo pertinet illud Lamentationum Jeremia c. 1. 7. viderunt eam hostes, & deriserunt Sabbata ejus: ut Hieronymus rectè vertit, & Calvinus consentaneè exponit.

56. Quo etiam pertinet illud Theodoret, Ezech. 20. Rursus hic quoque Sabbatorum mentionem fecit, neque ea cum aliis justificationibus conjunxit, &c. Neque enim hæc, ut illa, vitam conciliant, sed quendam peculiarem reipublicæ administranda characterem, continent. Illud enim; Non machaberis, non occides, non furaberis, & alia cum his conjuncta, alios quoque homines natura lex edocuit: at Sabbati observandi, non natura, magistra, sed latio legis. In aliis igitur cum aliis communionem juncti: in observatione Sabbati propriam quandam videbantur habere rempublicam.

Huic contra argumento hæc opponitur à Clarissimo viro (qui quartum vocat) responsio; *Quartum argumentum non est majoris ponderis; Si septimi diei quies, omnibus ab origine mundi hominibus, fuisset instituta, non autem solis Israëlitis tempore Moysi, Deus non solos Israëlitas, ob neglectum illius, sed etiam Gentiles (alicubi saltem) eadem de causa reprehendisset: at Deus Israëlitas sæpe, ob præceptum hoc violatum reprehendit.*

Respondeo, aliam esse rationem Sabbati, aliam præceptorum legis reliquorum: quia legem Sabbati, quæ talis, agnoscimus esse positivam, non naturalem. Cum igitur Deus in Gentibus multa haberet, quæ reprehenderet & puniret, adversus legem naturalem perpetrata, non mirum est, si iis item non intenderet, de non observato Sabbato, cujus ignorabant sanctionem.

At de Israëlitis alia ratio est, postquam ipsis reperta fuisset institutio, eaque sancta non solum minis, sed confirmata significationibus: ita ut quod antea fuerat tantum memoriale creationis, factum illis fuerit signum speciale fœderis, quo referitur quod à Theodoro dictum est, Judæos in observatione Sabbati, propriam quandam visum fuisse habere rempublicam. Alioqui Theodoretus agnoscit; Deum benedicendo septima diei post opera sex dierum, demonstrasse, quod illum diem non inutilem putaret ad creandum, sed ad quietem accommodatum statuisset. Quasi in Genes. 21. ubi septimi diei benedictionem, in eo constituit quod significationem habuerit, omnia opera creationis perfecta esse, & in eis nihil desiderari. Hactenus ad quintum nostrum (quod quartum hic vocatur) argumentum responsio. Quare reliquum est, ut ad examen illius accedamus.

Ea autem propositionis, Syllogismi nostri, confirmationem elevare eo obtentu conatur, quod alia Sabbati, alia reliquorum præceptorum sit ratio: legem Sabbati, quæ talis, positivam: reliquas verò, naturales. Atqui illud, eam, quæ hic spectanda, convenientiam non tollit. Nam lex Dei, non solum naturalis, sed etiam positiva, quæ ab origine mundi omnibus hominibus data, ab omnibus etiam hominibus, ob legislatoris Dei imperium ac justitiam, est observanda: & neglectus illius, justam reprehensionem ac pœnam, similiter meretur. Quare quum legis naturalis transgressio, in Gentibus profanis tam copiose, ac toties in S. Lit. reprehensione & pœnæ denuntiatione gravissima, traducatur, an credibile est, Deum sapientissimum ac justissimum (si Sabbati quies omnibus fuisset observanda) nullibi violationem perpetuam in Gentibus, sed in solis Israëlitis, reprehensurum?

Nam quamvis (ut objicitur) Deus in gentibus multa haberet, quæ reprehenderet, & puniret, adversus Legem naturalem perpetrata; an propterea legis ab origine mundi (ut contenditur) universos homines obstringentis violationem, omnino intactam reliquisset? Neque ea justa est (uti objicitur) reprehensionis omnino omittæ ratio, quod observandi Sabbati sanctionem ignorabant.

Etsi enim quædam legis divinæ, omnes obstringentis, ignorantia, transgressionis illius culpam, comparatè imminuat: eam tamen non tollit, neque à reprehensione eximit: ut legis divinæ sanctitas ac justitia requirit. Deinde quum videamus Sac. Lit. impia Gentilium festa, graviter reprehendi, an festi Sabbati sancti neglectum, si iis quoque fuisset observandum, constanti silentio dissimulassent, neque ullam etiam debitæ observationis fecissent mentionem? Præterea quum Gentiles, communi ferè vitio ac convitio, quietis Sabbati observationem Judæis exprobrarint, an Sabbatum

iis ignotum fuit? & si ad eos quoque pertinisset, nonne id ex Judæis sese adversus ipsos defendentibus didicissent, idemque similiter derisissent? Rursus quum Deus quietis Sabbati observatæ derisionem, in Gentibus accuseret: an quietem illam neglectam (si ad eos etiam pertinisset) in ipsis nullibi reprehendisset?

Adhæc si Sabbati quies, fuisset memoriale creationis, tam Gentibus quàm Israëlitis mandatum, nonne utrique violati hujus memorialis nomine, fuissent reprehensi, quum eo modo, in primum religionis de Deo creatore fundamentum, impегissent?

Quæ gravis culpa, etsi in Israëlitis major, non propterea tamen in Gentibus reprehensionem omnem sustulisset: qui perpetuo hoc Sabbati neglectu, à Judæis (ut à Theodoro rectè dictum ostendimus) fuerunt separati.

Denique cum Tyrii (restauratis jam, per Nehemiam, Jerusalemis) afferrent pisces & omnes res venales, quas vendebant ipso Sabbato Judæis, & quidem Jerusalemis, Neh. 13. 30. si illi, ad quietis Sabbati observationem, fuissent communi cum Judæis lege divinitus obstricti, nonne à viro sanctissi-

mo fuissent duplicis pollutionis crimine reprehensi. *Primo* quidem, quod in seipsis, operibus vetitis Sabbato exercendis, peccarent: *deinde* quod per Judæos Sabbatum profanarent, dum iis, ad emptionem (eoque ad similem quietis sacræ violationem) essent auctores. Veruntamen prius in Tyriis non accusat, sed in solis Judæis: posterius verò in Tyriis graviter increpat ac comminatione adjuncta compescit, Neh. 13. 17, 18, 19, 20. Atque hæcenus ultimi nostri argumenti defensio.

Quamobrem (ut finem faciamus) quum Sabbati à mundi creatione institutio solida è Sac. Lit. probatione destituatur (ut ex trium illorum, quæ præcipua censentur, argumentorum solutione, apparet) & reliquæ aliquot rationes, à nobis prolatae, contrarium rectè demonstrent (ut, ex eorum quæ obijciuntur examine, constare potest) inde concludimus, *Eam de Sabbati, à mundo creato, institutione sententiam, veritati Scriptura minus consentire.*

Quæ enim adversus Pererium (& Tostatum quem hîc sequitur) atque Loëum disceptantur, non attingemus; quia graviora argumenta secuti sumus: in quibus acquiescimus.

## CAPUT DECIMUM.

### COROLLARIUM, De nominis Diei Dominicæ significatione.

**Q**uia verò in altera de Sabbato questione (*An nimirum saltem unus aliquis dies, in unaquaque septimana, in orbem recurrens septimus, ex quarti præcepti vi, Christianis, ad quietem ab operibus & ad publicum Dei cultum, necessario sit observandus?*) à clarissimo viro (non minus quàm à nobis) negatio illius adfertur, atque eruditè omnino confirmatur, perquam lubenter cognovimus. Quemadmodum etiam quod diei dominicæ ad publicum Dei cultum institutionem, similiter non à Christo neque ab Apostolis, sed ab Ecclesia, recta ratione, habere originem demonstrat. De quibus etiam clarissimi ac doctiss. D. Pridiaux, in Oratione de Sabbato, consensionem extare, eodem indicio lubenter intelleximus: etsi eam Orationem videndi felicitas nondum contigerit.

Quod autem de significatione diei Dominicæ, Apoc. 1. 10. non eadem inter nos sit sententia, ea discrepantia exigui est momenti: quia in re ipsa est consensus; quod inde probari non possit, diei Dominici institutionem à Christo aut ab Apostolis ortam. Hoc tantum interest, quod ibidem ea voce pro die apparitionis illius Domini accepta, non una tantum sed duplici ratione objectum argumentum à nobis diluatur, quod & antecedens & consequentia negetur: ut ex investigatione nostra capituli vi. sectione 33. & sequentibus appareat.

Ideoque ut dicta nostra paucis illustrentur: quid à clarissimo viro desideretur, expendere conabimur. Sic autem in eodem Opere p. 191. primò ait; *De significatione etiam Dominica diei controversatur: qui pro die adventus, sive apparitionis sæpe accipitur.*

*Quæ ratio, etsi non mihi sufficere videatur, ad rejiciendam communem interpretationem, & facile concedam diem Dominicam eam significare, qua Dominus resurrexit; non tamen necessario sequitur, eam fuisse publico cultui destinata, minus autem, id divina & necessaria ordinatione, factum fuisse.*

Quibus verbis, de diei Dominicæ institutione, eadem inter nos explicatio apparet: de nominis verò illius Apoc. 1. 10. significatione, rationem nostram minus probari declaratur: sed magis vero consentanea (ut existimamus) videbitur, si plenius, ut à nobis factum est, proponatur. Sic enim *Investig.* nostræ c. vi. sect. 33. describitur; *Certum non est (quod quasi certum statuitur) diem Dominicum Apostolo denotare diem resurrectionis Domini, seu primum hebdomada; quod talis significatio NUSQUAM ALIBI in Sac. Lit. occurrat; USUS enim Scriptura PERPETUUS est, ut dies Domini (qui, notissimo Hebraismo, nihil aliud est, quàm dies Dominicus) diem adventus seu apparitionis Domini, significet.*

Quare quum USUS Scripturæ PERPETUUS (non dico, sæpe, ut obijcitur) sit talis, eaque significatio narrationis, Apoc. 1. circumstantiis egregiè conveniat (ut pluribus in Investigatione, c. vi. à nobis probatum) nulla justa apparet ratio cur insolentem Sacris Literis significationem inferamus.

Etsi enim ea diei Dominicæ, pro primo die septimanæ, significatio à priscis theologis hoc loco probetur, quàm lubricum tamen inde petatur argumentum, eorundem de Paschatis festo (ut alia quæ à Socrate copiosè tradita, in *Investig.* Appendice retulimus, omittamus) temerè Apostolis adscripta superstitio, demonstrat.

Sed aliud præterea à nobis, quasi minus verisimile, prolatum excipitur, sed an meritò, ex utriusque dictis inter se collatis atque expensis, dignosci poterit. Ratio quidem nostra est hujusmodi sect. 39. *Ac sanè, si diei Dominicæ, pro die resurrectionis Domini, seu primo hebdomadis, appellatio ab Apostolis promanasset, eaque in Ecclesia omnino fuisset recepta; an credibile est, potuisse fieri ut Justinus Martyr, antiquissimus, atque incorruptus scriptor, eam (in accurata rituum illius descriptione) omiserit, Solis diem, aut unam Sabbatorum, aut primam hebdomadis tantummodo nominaret? Quemadmodum, in Apologia pro Christianis, ait; Solis autem die, communiter omnes conventum agimus: quandoquidem is primus dies, quo Deus tenebris & materia versis, mundum effecit, & Jesus Christus noster Servator, eo ipso die à mortuis resurrexit. Pridie enim diei Saturni, ille in crucem actus est, & postridie ejusdem (qui scil. Solis est dies) Apostolis & discipulis suis apparuit. Sic, in Dialogo cum Tryphone Judæo, ait; Circumcisi sumus ab errore & pravitate, per eum qui à mortuis resurrexit una Sabbatorum die, Jesum Christum Dominum nostrum. Una enim Sabbatorum, prima manens dierum omnium, juxta numerum, spatiis rursus dierum omnium, in circulum decursis, octava vocatur, & prima (sicuti est) manet. Hæc nostra ratio: cui responsio hujusmodi opponitur: *Argumentum autem, quo D. Gomarus utitur, ut probet ex Justino Martyre appellationem illam diei Dominici, pro prima die septimana non fuisse usitatam, quia Justinus eam diem solis, appellat & unam Sabbatorum, nullius mihi videtur esse momenti, 1. Quia Ignatius, Justino antiquior, illius sæpe meminit, diei nomine Dominicæ. 2. Quia Justinus Martyr habuit causas singulares, cur scribens Apologiam, ad Ethnicum imperatorem, diem solis, appellaret, ea denominatione, qua ab ipso intelligi posset. Agens autem cum Tryphone Judæo, etiam utendum erat ei, ea loquendi forma, quam Judæus perciperet.**

Hæcenus responsio, qua primum, argumenti nostri vis, non



non satis plenè (ut ex collatione apparet) refertur, sed omissis nonnullis mutilatur. Nec enim ea solùm ratio à nobis proposita, quod Iustinus martyr *diem solis & unam Sabbatorum*, appellat, sed, *tantummodo*, & quidem in accurata rituum illius diei descriptione. Huc accedit deinde, quòd ea, quæ contra opponuntur, omnino infirma videantur.

Nam quod I. objicitur, *Ignatium Iustino antiquiorem, illius sæpe meminisse, diei nomine Dominica*: probationem idoneam desideramus. Nec enim sæpe, nec semel illius meminisse observare potuimus. Nam ea, quæ illius nomine scripta extant, fidem testimonii illius non merentur, quia indignis modis sunt interpolata ac corrupta: ut à multis doctissimis viris demonstratum. Cujus rei exiguum hoc specimen magnum est argumentum. Nam primum in Epistola ad Trallianos, sic scribere traditur, *Et ego, non quatenus vincens sum, etiam celestia intelligere possum, & Angelicos ordines, Archangelos, militiarumque celestium discrimina virtutum, Dominationumque differentias, Cherubim & Spiritus sublimitatem, & Domini regnum, & incomparabilem Dei omnipotentis divinitatem*. Hæc quum omnia noverim, non continuo perfectus sum. An hanc vanissimam & plus quàm thraſonicam jactationem, à pio, sancto modestoque ac captivo Ignatio profectam ullo modo verisimile est? Deinde in epist. ad Romanos, hæc (inter alia ejusdem genii) leguntur; *Fruar bestiis mihi paratis, quas opto truculentiores mihi inveniri, ut crudelius me devorent, non ut quosdam metuentes non attigerunt: & illa si fronte nolint, ego illas vi adigam*. Quis etiam hoc in loco sancti ac justī martyris, ac non potius epistolarum illius corruptoris ineptissimi sermonem vanum atque injustum, sexto Legis præcepto disertè repugnantem deprehendat? Ac mirandum esset summopere ab Hieronymo etiam hanc sententiam in Catal. Script. Ecclesiasticorum ei attributam, nisi eo tempore in hujusmodi vitiatis ac supposititiis veterum libris sine examine probandis, exempla extarent. Quale & illud est quod ipsemet Hieronymus Euangelium Matthæi Hebraicum, sæpius quasi genuinum communi opinione falsa seductus celebravit: ut in fine *examinis de genealogia Christi*, perspicuè ostendimus. Denique in illis Ignatii epistolis non *sæpe* (ut paulò liberalius objicitur) sed *semel* (quantum observare potuimus) dies Dominica, memoratur, & quidem in sententia, uti apparet, à corruptore infarta, in epist. ad Philadelphenses. Sic enim

ibidem statuitur; *ἡ περ κυριακὴ, ἡ σαββατικὴ νηστεία, πάλιν ἐν αὐτῇ* *ἡμερᾷ, ὡς & κελεύει ὁ κύριος*. hoc est; *Si quis Dominicum diem, aut Sabbatum, uno Sabbato excepto jejuna, hic Christi interfectus est*. An tam apertè injusta ac falsa sententia, à sancto justoque martyre Ignatio, potuit promanare? Quare testimonium hoc, non Ignatii, sed eo posterioris, atque inepti interpolatoris est: qui τὸ ἀγίον ac decorum in dictis personæ rectè accommodandis, servare non potuit, sed quasi forex suò se prodens indicio, hæc aliaque, ab Ignatii doctrina, pietate ac modestia, omnino abhorrentia, ei affinxit.

Alterum etiam, quod ad Iustini testimonium excipitur, rationem nostram non evertit. Nam licet appellatione diei solis & unius Sabbatorum, ad auditorum intelligentiam commodè sit usus, si tamen diei Dominicæ appellatio, ad resurrectionis Christi gloriam, & professionis illius memoriam, Ecclesiæ fuisset usitata: an credibile est Iustinum, in accurata rituum primæ diei hebdomadis celebratione ut loco maxime accommodato fuisse omnino taciturnum? Quum enim ait, *Solis autem die communiter omnes conventum agimus: quandoquidem primus dies est, quo Deus tenebris & materia versis mundum fecit; & Jesus Christus Servator noster, eo ipso die, à mortuis resurrexit*: an verisimile est, si diei Dominicæ appellatio, pro resurrectionis die in orbem recurrente, fuisset usitata, futurum fuisse, ut hoc loco maxime opportuno non adjecisset, hæc verba; *ac propterea dies Dominicus appellatur*? Sicut quum, de Christianorum Baptismo, in eadem Apologia, verba faceret, usitatum in Ecclesia (licet in Scripturis tacitam) appellationem expressit atque explicavit dicens, *Vocatur autem Lavacrum hoc, illuminatio* (*φωτισμός*) *quod eorum, qui hæc discunt, mentes illuminantur*: nullibi tamen, ne quidem longè graviore causa, maximaque, ad Christi gloriam & incredulorum institutionem, opportunitate, quum de resurrectionis Christi die, & in Apologia, & in Dialogo cum Tryphone, disserit, appellationis diei Dominicæ meminit. Ex quibus omnibus, eam appellationem nondum Iustini tempore in Ecclesia usurpatam, non immeritò colligi posse existimamus. Quod superest, quemadmodum hæc à nobis ad Sacrarum Literarum illustrationem sincero animo sunt prolata, sic Deum precamur, ut ea, ad intelligentiam earum, suamque gloriam, dirigere dignetur.

F I N I S.



## DAVIDIS LYRA:

SEV NOVA

HEBRÆA S. SCRIPTURÆ  
ARS POETICA,

Canonibus suis descripta & exemplis sacris, & Pindari ac Sophoclis parallelis demonstrata:

Cum selectorum DAVIDIS, SALOMONIS, IEREMIÆ, MOSIS  
& IOBI poematum analysi poetica.

Reverenda Pietate ac Doctrina Clarissimis S.S. Theologiæ Doctöribus:

D. ANTONIO THYSIO, &

D. CONSTANTINO L'EMPEREUR ab OPPYCK: illi, Theologiæ; huic, contrö. Judaicarum & H. L. Professori Academiæ Leydensis,

SALUTEM à SALUTIS AUCTORE.



ON ignota est (reverendi ac clarissimi viri) ea Homeri sententia, qua consuevit vulgi de poematum præstantia sententiam, *Odyssea* primo ita describit;

τὴν γὰρ αἰδὼν μακρὸν Ἰπικλῆϊσ' ἀνθρώποι  
ἦτις ἀκρότατοι νῆωτάτῃ ἀμφιπέληται. hoc est ad verbum;  
Illud enim canticum maxime celebrant homines,  
Quodcunque auditoribus recentissimum existit.

Idemque, non minori elegantia secutus Pindarus, acurè hoc modo expressit;

— αἰνέσῃ παλαιῶν  
Μὲν, οἶνον ἀνθεα δ' ὕμνων  
Νεωτέρων

Lauda autem verus quidem vinum, flores verò hymnorum recentium. Veruntamen non immerito longè præferendi sunt iis, antiquissimi hymni & cantus sacri; qui cælestis spiritus afflatu, in Hebrais sacrarum literarum monumentis, ad Dei laudem hominumque doctrinam salutarem continentur. Eorum enim flores nunquam decidunt, nec suavis eorum, ulla temporis injuriâ evanescit: sed perpetuum recreandis hominum spiritibus odorem diffundunt. Cujusmodi sunt inter cetera, Moysi, Salomonis, & Ieremiæ cantica, & Davidis Psalmi. In quibus sublimis ac poeticus stylus, citra ullam controversam, elucet: quævis de poësis eorum certitudine & cognitione, doctiorum judicia sint diversa. Disquiratur enim;

I. An ulla in S. Literis extant carmina; metricis legibus adstricta. Quæmadmodum, communi penæ omnium sententia, hoc asseritur; sic à quibusdam hæreticis pernegatur. Assertores autem sunt primum antiqui scriptores: ut ex Hebræi Josephi & Patrum Christianorum testimoniis apparebit.

Josephus enim *Antiquitatum Judaicarum* libro secundo capite ultimo, de primo Moysi cantico (quod *Exodi* x v. describitur) sic ait; καὶ μῦθός ποδὺς εἰς πένθρον, ἐγκώμιόν τι καὶ τῆς δουλείας διαχαρῆσαι ποιεῖχασιν; ἐν ἑξαμέτρῳ πᾶσι σωτῆρσιν. Et Moyses oden in Deum (encomiumque ac gratiarum actionem in Deum continentem) hexametro versu composuit. De secundo verò ejusdem cantico, (quod *Deuteronomii* xx xii. recensetur) similiter ibidem libro quarto capite ultimo attestatur hoc modo, ἔπειτα ποιήσιν ἑξαμέτρον αὐτοῖς ἀνέγνω; ἢ καταλέλοιπεν ἐν τῷ βιβλίῳ τῷ ἱερῷ. Deinde poemata hexametrum iis recitavit: quod in sacro libro reliquit. Denique de Psalmis Davidis metro conscriptis in eodem opere monet libro septimo editionis Genevensis capite xii; Ἀπὸ λαζαρέων δ' ἡδὴ πολέμων ὁ Δαβὶδ καὶ βαθείας δουλαβῶν τὸ λοιπὸν εἰρήνης ὥδας εἰς τὴν θεὸν, καὶ ὕμνος σωτῆρσιν ἑξαμέτρον μέτρα πικίλα. τὰς γὰρ πενταμέτρους, τὰς δ' ἑξαμέτρους ἐποίησεν. Cæterum David perfunctus jam bellis & in alta pace degens, odas in Deum & Hymnos metro vario composuit: quosdam quidem trimetros, alios verò pentametros fecit. Hac Josephus Hebræus: cui Patres Christiani consentiunt.

Ex Græcis enim, Eusebius de præparatione Evangelica libro undecimo cap. 3. (editionis Græcæ Rob. Stephani) sic ait, Εἰς δ' αὖν αὐτοῖς καὶ ἑμμετρὶ ποιήσεις, ὡς ἡ μεγάλη μῆσις ὧδὴ καὶ ὁ Δαβὶδ ὁ ἐλὴ ψάλμους, σὺ καλεῖσθαι παρ' ἑλλήσιν ἡρώω μέτρα σωτῆρα γένηται. Φασὶ γὰρ ἑξαμέτρους εἶναι τὰς δι' ἐκκαίδεκα συλλαβῶν ποιημένα; καὶ τὰ λοιπὰ δ' τὰ παρ' αὐτοῖς, δι' ἑπὶ λέγεσθαι πενταμέτρων καὶ τετραμέτρων καὶ τῶν οἰκείων αὐτῶν συνηθῶν

D d d d

συνηθῶν

συγκρότης Φωνήν. Sunt etiam apud eos poemata metrica : ut magna Moſis ode, & Davidis Pſalmus cxviii. (Hebr. cxix.) vocatū apud Græcos herōicō metro compoſita. Ajunt igitur hæc eſſe Hexametra, ſedecim ſyllabis facta : & reliqua etiam apud eos carmina, trimetris verſibus, proprio eorum ſermone, condita eſſe dicuntur.

Deinde Theodoretus tom. 1. in Cant. cant. cap. 1. verſ. 1. ait ; Beatus David carmina compoſuit. Et præſatione commentationum in Pſalmos ; Satra (inquit) Scriptura, temperans utilitatem carminis ſtavit, gratiam adititodum & amabilem doctrinam hominibus propoſuit.

Denique auctor Græcus *Quæſtionum & Reſpoſionum ad Orthodoxos* (quæ inter Juſtini martyris opera continentur) ad quaſt. & reſpoſ. l. 1 v. Moſis canticum & carmine conſcriptum aſſerit, & quomam ſine expreſſe declarat. Atque hæc de Græcis.

Inter Latinos verò Patres, primus meritis obſtinet Hieronymus : qui & ſapienter & copioſus idem de Hebraiſ Scriptura metris, tradit. Primum enim tom. 3. epiſt. ad Paulinum de Iobo ait ; Proſa incipit : verſu labitur : pedestri ſermone finitur. Ac de Davide ibidem ; David (inquit) Simonides noſter, Pindarus & Alceus, Flaccus quoque Catulus atque Sereus, Chriſtum lyra perſonat. & in decachordo Pſalterio, ab inferis excitat reſurgentem. Denique in præſatione in Iobum ait : Quod ſi cui videtur incredulum, metro ſcilicet apud Hebræos ; & in morem noſtri Flacci, Græcique Pindari & Alcei, & Sapphus, vel Pſalterium, vel Lamentationes Jeremiæ, vel omnia ferme Scripturarum cantica comprehendere ; legat Philonem, Joſephum, Origenem, Cæſarienſem, Eusebium, & eorum testimoniis, me verum dicere comprobabit.

Huc etiam conſentit Auguſtinus tom. 2. epiſt. 131. ad Numerikū, quum ait ; Quibus numeris conſtent (verſus Davidis, non ſcripſi, quia nescio. Neque enim ex Hebræa lingua quam ignoro) potuit etiam numeros interpres exprimere, ne metri neceſſitate, ab interpretandi veritate amplius, quam ratio ſententiarum ſinebat, digredi cogeretur. Certis tamen eos conſtare numeris credo illis, qui eam linguam probe callent. Amavit enim vir ille ſanctus muſicam piā, & in ea ſtudia, nos magis ipſe, quam ullus alius, accendit.

Hiſce accedit Ilidorus Hiſpalenſis epiſcopus, qui lib. 1. Originum cap. x v 111. de carmine Heroico ait ; Omnibus quoque metris prius eſt. Hoc primum Moſes in cantico Deuteronomii, longè ante Pherecydem, & Homerum ceciniffe probatur. Unde & apparet antiquius fuiſſe apud Hebræos ſtudium carminum, quam apud gentiles. Si quidem & Job, Moſi temporibus adæquatus, hexametro verſu, dactylo ſpondeoque decurrit. Hæc de priſcis carminum ſactorum aſſertoribus : quibus catenuſ pene omnes poſteri adſtipulantur, quod Hebræa in ſacris literis carmina, metricis legibus adſtricta, contineri agnoſcant.

Quidam verò illud acriter negant. ſed diverſo animi ſtudio. Ex antiquis enim ſcriptis primus & (ut Genebrardus cenſet Chronologia pag. 107.) ſolus compertus eſt Julianus imperator apoſtata. Qui capitali impioque adverſus religionem Chriſtianam odio, in Hebræos prophetas invectus, hanc metrorum laudem in detrachere contendit. Verba enim illius, à Cyrillo epiſcopo Alexandrino, libro adverſus Iulianum ſeptimo, ſeção ſecunda propoſita, hæc ſunt : Diſciplinæ ſtudio, & in liberalibus artibus exercitatio, non ut Hebræorum, ſunt rudia & barbara, quamvis malus Eusebius, velit eſſe quædam apud eos hexametra.

Ad recentiores verò quod attinet auctores, rariffimi ſunt, quibus ea arridet ſententia : & ſi qui ſunt, auctoritati tamen Scriptura nihil derogant : ſed eandem reverenter amplectuntur. Quibus præire videtur vir doctiffimus Auguſtinus Steuchus, epiſcopus Eugubinus (Rabbi Moſche ben Chabib in libro נחמיה seu proſodia ſecutus) quum ſua præſatione in Pſalmos ait quidem ; Moſes omnium vetuſtiſſimus carmen Deo cecinit : ſed vera carmina, ſeu metricis legibus adſtricta, in ſacris literis extare, minime agnoſcit. Sic enim paulo poſt, mentem ſuam plenius exponit ; Carmen autem Hebræicum non idem eſt atque Græcorum Latinorumque : ut neque Italicum, ſive Etruſcum, idem atque Latinum. Ac potius cum Italico, quam cum Latino ſimilitudinem habet Hebræicum. Latinum, ad imitationem Græci, tempora ſyllabarum obſervat : Hebræicum nulla tempora : ſed numerum duntaxat atque ſimilitudinem cadentium ſyllabarum. Ut non eſt in Italico carmine ſpondens, trocheus, dactylus, ſed numeratio tantum ſyllabarum, & obſervatio ut ſimiliter deſinant ; ſimile quiddam ſequitur Hebræicum. Quare quum Hieronymus ſcribit, aut Job aut Pſalmos, dactylo ſpondeoque decurrere : & quum in præſatione de Job dicit ; verſu labitur : quæque Auguſtinus cum cæteris, de carminibus Hebræorum teſtantur, noris non ipſos præciſe pedes noſtrumque carmen ab eis, ſed ſimile quiddam deſignari. Itaque neque Heroicum carmen apud Hebræos extat, neque jambicum aliaque genera, ſed ſimile quiddam, & quale Barbari diverſis ritibus canunt. Pſalmi, Job, libri Salomonis & Prophetarum, rationem carminis præ ſe ferunt, ſed neque Latini, neque Græci. Numerofum quiddam, & ab oratione ſoluta parumper recedens ſermonis genere figurisque poëticiſ, verbiſque minus uſitatis obſcurores. Pſalmi præterea, non eodem auctore, nec eodem fortaffe tempore, nec eodem modularu, ut nec eodem ſubjecto ſemper perſpiciuntur. Hæcenus Auguſtinus Steuchus : qui eadem ſtriſſim præſatione in Iobum proponit.

Quam ſententiam vir ſummus, in eximio ad Eusebii chronicon Animadverſionibus (ut & alibi) comprobavit. Nam ut pauca excerpamus, ſic pag. 6. in Notis ad Hieronymi epiſtolam ait : De Pſalterio magis miror : quum neque in eo, neque in Threnis, ullum canticum ſit, metricis legibus adſtrictum ; ſed merè ſoluta oratio ſit, charactere poëtico animata. Quin Jeſaiæ & aliorum Prophetarum oratio, inſtar poëſeos aliquando figurata eſt : quam tamen propterea poëſin eſſe non rectè dixeris. Solum canticum Moſis extremo Deuteronomio, Proverbia Salomonis, & totus ferè liber Job, quadam rythmi neceſſitate cohibentur : qui rythmus eſt inſtar duarum dimetriarum jambicarum & tinnulus accedit ad aures.

Sed

Sed aliquando pauciorum sunt syllabarum, aliquando plurium: quales Græcorum *εἴκοι κατὰληπτοί*, *βραχυκατὰληπτοί*, *ᾠόμετροι*, &c. Nam ut in Hebraico, Syriaco, Arabico, & Abyssino idiomate ulla metri species concipi possit, nemo efficere possit: quia id natura sermonis non patitur.

*Haëtenus contrarias de Hebraeis S. Literarum carminibus sententias exposuimus: neque justam videor observasse rationem, cur à priori declinemus: quemadmodum contra ex sequentibus in omni carminum genere exemplis Hebraorum ac Græcorum parallelis, perspicuè in Arte poëtica apparebit, Hebraeam linguam à rectis carminum legibus minime alienam. Cæterum inter eos, qui carmina metricis pedibus adstricta Sacris Literis contineri statuunt, disquiritur.*

II. An carminum sacrorum ratio sit nota? Veteres enim scriptores (ut Iosephus & Eusebius, sicut ex antè dictis liquet) non solum carminum sacrorum genera, nota esse inditant; sed etiam in Mose & Psalmis disertè definiunt. Hieronymus verò eorum judicio fretus, multis in locis ulterius etiam processit. Primum enim *tomo 3. Præfat. in Iobum*; A principio (inquit) voluminis usque ad verba Job, apud Hebræos prosa oratio est: porro à verbis Job, in quibus ait, Pereat dies, in qua natus sum, & nox in qua dictum est, conceptus est homo, usque ad eum locum ubi ante finem voluminis scriptum est; Idcirco ipse me reprehendo & ago pœnitentiam in favilla & cinere, hexametri versus sunt, dactylo spondeoque currentes & propter linguæ idioma crebrò accipientes & alios pedes, non earundem syllabarum, sed eorundem temporum. Interdum quoque rythmus ipse dulcis & tinnulus fertur, numeris pedum solutis: quod metrici magis, quàm simplex lector intelligit.

Deinde *tom. 5. Præfatione commentariorum in Lamentationes Jeremiæ*; Habes (inquit) in Lamentationibus Jeremiæ; quatuor Alphabeti: è quibus duo prima, quasi Sapphico carmine scripta sunt, quia tres versiculos, qui sibi connexi sunt, & ab una litera incipiunt, Heroicum comma concludit. Tertium verò Alphabetum, trimetro scriptum est alternis literis, sed iisdem, trini versus incipiunt. Quartum Alphabetum simile est primo & secundo. Proverbia quoque Salomonis, extremum concludit Alphabetum: quod Tetrametro Jambico supputatur, ab eo loco ubi dicitur; Mulierem fortem quis inveniet?

Denique in *Præfatione, in Chronicum Eusebii ait*; Quid Psalterio canorius? quod in morem nostri Flacci, & Græci Pindari, nunc Jambico currit: nunc Alcaico personat: nunc Sapphico tumet: nunc semipede ingreditur.

Quid Deuteronomii & Isaïæ Cantico pulchrius? Quid Salomone gravius? Quid perfectius Job? Quæ omnia Hexametro, & Pentametris versibus (ut Iosephus & Origines scribunt) apud suos composita occurrunt.

Atque hac veterum auctorum, de sacrorum carminum notitia, assertio: quæ plus haëtenus admirationis quàm assensus, apud peritiōres obtinuit. Ac propterea alii notitiam eorum, post tempora Prophetarum paulatim, pudenda Iudaorum negligentia, oblitteratam arbitrantur. Sed rursus exurgit questio.

III. An ea porrò notitia, per constantem ac diligentem investigationem, recuperari possit? De hac enim re doctissimi viri, iudiciis inter se adversis, dissident. Quidam enim concepta quadam desperatione, non solum id acriter negant; sed alios etiam, ab omni investigationis studio absterrere, conantur. Nonnulli verò generosiori animo præditi, nequaquam desperandum prudenter iudicant. Quemadmodum præ cæteris, magnus ille Mercerus: cujus in *Commentariis in Iobum cap. 3. memorabilis extat oratio. Sic enim ait*; Pereat dies (Hic est initium metrorum Jobi, usque ad versiculum sextum capitis *xl i i*, infra *על כן*) Propterea, &c. Conatus sum (juxta ea, quæ monet Hieronymus) multos versus ad dimensionem pedum revocare. Sanè plerosque dimensus, hexametros esse comperi: verum ubi pro dactylo & spondeo, passim alii pedes, juxta linguæ idioma (ut dicebat Hieronymus) occurrunt. Multi sunt versus spondaici, & primus statim, qui desinit *וַיִּבְרָא הוֹרָה וְבֵר* procreatus est vir. Sed hoc sæpe hîc turbat quod metra plerumque à fine versuum (ut ab Hebræis sunt distincti) incipiunt. Quod argumento est, eos carminum rationem non intellexisse, nisi sensum magis, quàm dimensionem sunt secuti. Accepi D. Vatablum (laudandæ memoriæ) rationem intellexisse versuum omnium Jobi & Psalterii, & quosdam CANONES, ad facilius eorum rationem intelligendam, præscripsisse. ut; QUOD NULLA SIT HEBRÆIS POSITIO:

QUOD SCEVA, NE GEMINUM QUIDEM, PRO ALIQUO COMPUTETUR: & alia huiusmodi: quæ speramus aliquando proditura. NEQUE DESPERO, si quis diligenter attenderit, QUIN POSSIT METRORUM RATIO INVENIRI: ID EGO (si quando per otium licuerit) PERVESTIGARE CONABOR. Haëtenus præclara viri longè doctissimi oratio: in qua, ut prima sui parte (Hieronymi præiudicio abreptus) nonnihil aberravit, sic in altera, qua Vatabli canones recenset & spem suam ac conatum describit, egregiè aliis omnibus, ad rectam sacrorum metrorum investigationem præluxit. Quemadmodum etiam hac oratione, jam olim ad Iobi & Davidis pœsin perscrutandam, studium nostrum accendit, & ad Lyricorum Pindari ac Sophoclis carminum collationem stimulavit: ut vires gravioribus laboribus fatigatas, hac amœna studiorum varietate, per feriarum otium recrearem, & me meosque in Hebræa Iobi praxi auditores amplius erudirem. Neque, uti spero, conatus expectationem fefellit. Hoc enim certò comperisse arbitramur, Lyrica sacra & profana (distincto parumper linguarum genio) probè inter se convenire. Idque cum alibi in Iobi explicatione, ante annos viginti quatuor, tum postea in hac Academia auditoribus, brevî specimine demonstravi. Non eo animo, ut illud Archimedis & quæ arroganter usurparem; sed ut candorem, in iis quæ observaream communicandis, patefacerem: eaque re ad alios delata, ad accuratorem explicationem ipsos excitarem. Quod tamen tanto temporum intervallo haëtenus pro voto non successit: sed hoc solum obtinui, quod quidam eruditi è Belgio & Germania literis, ut si quid de pœsi



*Hebræa Prophetarum, scriptis consignatum haberem, ipsos participes redderem, serio postularunt. Cui honesta petitioni parere conantem tenuitatis ac rudis observationum conscientia absterruit. Tandem hortatu tuo (Clariss. D. Thysi) quasi celeusmate provocatus, & Orientalium linguarum peritissimi D. Galii monitu accedente pressus, opellam meam, Deo sospitante, promisi. Quam deinde ad rem, Doctiss. ac Reverend. D. Ludovicus de Dieu, & coram & per literas stimulos non leves adjecit. Quare paulatim per interrupta feriarum otia poësin Hebræam meditari cœpi: & parallelis Pindari ac Sophoclis illustrare, & analysin poematum sacrorum olim conceptam recolere; ut expectationi vestra pro modulo meo satisfacerem.*

*Vobis verò Clariss. ac Doctiss. Viri, immaturum hunc fœtum suscipiendum, pro antiqua ac fida inter nos amicitia, offero ac censura vestra subjicio. Tecum enim Clariss. D. Thysi ante annos quinquaginta & amplius inita est arctissima familiaritate amicitia, & mutua animorum ac studiorum conjunctione hætenus stabilita. Tecum etiam Doctiss. D. Constantine, inde ab Ornatiss. p. m. parentibus tuis, amicitia propagata, & mutuis officiis ac studiorum (in quibus præcellis) consensione roborata, & plus quam viginti quinque annos exculta perdurat.*

*Quare ut hanc opellam nostram boni consulatis non solum rogo: sed officium vestrum idem postulare videtur. Nam ut prior vestrum, ad illius editionem tandem commovit: sic posterior, ante annos complures tenuia ejusdem initia, non contempsit, sed sibi communicari petiuit. Quod reliquum igitur est (reverendi ac clariss. viri) Deum precor, ut vos cum familiis vestris clementer conservet, & sanctis ac præclaris vestris laboribus suo Spiritu Sancto adspiret, ad sui nominis gloriam, & Academia vestra atque Ecclesia Christi incrementum, GRONING. AN. 1636. OCT. X.*

Reverendæ Dignitati vestræ addicissimus,

F. G O M A R U S.

## I N L I B R U M

Reverendi ac eximii viri,

F R A N C I S C I G O M A R I  
de Hebræa, qua in Fædere antiquo Sacri Scriptores  
utuntur, poësi, ejusque metris.



*Lle Dei primis monitis edoctus ab annis,  
Præ patria placuit cui pietatis amor,  
Sanctæque libertas, & amicum pectus honesto,  
Et pro se intrepido qui solet ore loqui,  
Postquam omnes Orientis opes congescit, & orbem  
Cum tota obstrinxit posteritate sibi,  
Primus Idumæas, sanctorum oracula, chartas  
In numeros pulchra dirigit arte suos.  
Dent alii protrita. Deum docet esse poëtam,  
Iam canus, quamquam non moriturus, olor.  
Virginibus si quis pudor est, nunc cedite, Musæ:  
Vatibus autorem sit satis esse Deum.*

DANIEL HEINSIUS.

DAVI.

## DAVIDIS LYRA:

## SEVNOVA

HEBRÆA S. SCRIPTURÆ  
ARS POETICA,

**A**rs poetica, est methodica canonum, de principijs, ac generibus carminum, ad poematis constitutionem, comprehensio: ut Græcis & Latinis, sic etiam Hebræis.

Principia autem illius sunt duo, syllabarum quantitas, & ex illis orti pedes metrici.

## CAPUT I.

De syllabarum, in Hebræa S. Literarum poësi, quantitate canones.

1. Syllabarum quantitas, brevis est, aut longa.
2. Ea autem à solis vocalibus, ex recta Grammatica norma, dependet.
3. Brevis enim syllaba est, qua habet brevem, seu simplicem temporis, vocalem.
4. Vocales breves, per se quidem sunt quinque: per acciden-  
verotres brevissima, quas Raptas vocant.
5. Harum brevium omnium, in poësi par est potestas.
6. Scheva verò non vocalis est, sed illius, sub consonante mobili, absentia nota.
- Atque huc pertinet, laudatus à Mercero doctissimi Vatabli canon; Scheva, ne geminum quidem, pro aliquo computatur.
7. Syllaba autem brevis, Positione non fit longa.
- Cujus origo est, ab Hebrææ linguæ à Græcis & Latinis discrepante genio: quod longa vocalis (nisi accentus intercedat) ante duas consonantes positione, mutetur in brevem: non verò brevis, in longam:
- Atque ita huic canonis, respondet alter Vatabli; Hebræi nulla est positio.
8. Longa verò syllaba est, qua habet longam, seu duplicem temporis, vocalem: quales sunt quinque sanium.
9. Communis syllaba est nulla: prout neque vocalis.
10. Ultima tamen cuiusque versus, libera est: ut sine discrimine brevis esse possit, aut longa.

Quemadmodum de Græca poësi Hephæstio de metris (pag. 14 editionis Parisinæ) ait: πᾶντος μέτρου ἀδιαφορὸς ἔστιν ἡ τελευτῶσα συλλαβή, ὥς τ' ἐν ὁμοῖς εἶναι αὐτῶν, καὶ βραχέων καὶ μακρῶν.

Ex quibus canonibus (quos exemplorum inductio postea confirmabit) clarè elucet, quam multis modis, Hebræa S. literarum poësis, Græcæ (ut & Latinæ) hac perfectione antecellat. In Hebræa enim (ob accuratam omnium vocalium, in breves & longas, distinctionem) syllabarum quantitas anceps non est, sed certa: nec variis mutationibus obnoxia, sed perpetuò sibi constans: denique non multis neque dubiis, sed paucis firmisque canonibus comprehensa.

Contra verò in Græcorum poësi, hæc omnia desiderantur. Primum enim (ob vocalium, in tribus ancipitibus, confusionem) quantitas syllabarum, non rarò incerta est: ita ut ea vix aliter, quàm poëtarum auctoritate sive exemplis, sit expiscanda. Deinde neque quantitas stabilis est, sed mutationibus variis intricata Verbi gratia, Vocalis longa, brevi sequente, modò corripitur, modò producitur. Quod idem brevi accidit, ut quæ Positione fit longa; vel communis, si altera consonantium sit liquida. Imo etiam absente Positione, brevis ante unicam liquidam, modò corripitur, modò producitur etiam in eodem versu. Ut Theocriti Idyllio sexto;

Πολύφαις ὁ πολύφαις, τὰ μὴ καλὰ καλὰ πείσανται.  
Sapè, ô Polypheme, qua bona non sunt, bona videntur.

Sic etiam Homeri Iliados quinto, versu trigésimo;

Ἄγες ἄγες βροτῶλοι.

Mars, Mars, hominum perniciēs.

Id quod notissimo Martialis libro nono, epigrammate duodecimo notatum;

Dicunt Earinon tamèn poëta,

Sed Græci, quibus est nihil negatum:

Et quos ἄγες ἄγες decet sonare.

Nobis non licet esse tam disertis,

Qui Musas colimus severiores.

Denique ut de miranda Græcorum poëtarum licentia (quam doctiores observarunt) tileamus, regulæ ac præceptiones de syllabarum quantitate apud Græcos adeo sunt lubrica, ut exceptionibus variis, & quidem inconstantibus abundent: adeò numerosa, ut laboriosos etiam fatigent: ita denique imperfecta, ut insignes etiam poëtas, non rarò dubios dimittant. Quæ omnia, non temere à nobis dici, peritiores compertum habent. Si quis verò de ea re ambigat, accuratiores de re metrica scriptores (in primis Aldus Manutius, Jac. Micyllus, M. Crusius alique) abundè suo testimonio atque exemplis demonstrabunt.

Quemadmodum etiam de Latina poësi (licet Martialis iudicio, Musas colat severiores) iidem statuunt. Quod similiter ὁ μακαρίτης Henricus Smetius (non solum doctor medicinæ excellens, sed etiam poëta scriptis clarus) in præfatione suæ Prolodiz, ingenuè agnovit & luculenter comprobavit.

Ex hac igitur collatione prima Hebræa poësis præstantia conspici potest. Atque hisce de quantitate syllabarum expositis, ad pedes metricos (qui è syllabis, certa quantitate instructi constant) procedimus.

## CAPUT II.

De carminum pedibus canones.

1. Pedes metrici, vel sunt primarii, vel secundarii.
2. Primarii sunt, è quibus solis ac per se, non vice alterum positum, carmen absolvi potest.
- Id quod egregiè Hephæstionis de metris Scholiastes pag. 83. declaravit.
3. Sunt autem hi numero novem: partim simplices, partim compositi.
4. Simplices, sunt vel dissyllabi, vel trissyllabi.
5. Dissyllabi, ex brevi & longa constant: & brevi quidem vel antecedente, ut Iambus - u -, vel sequente, ut Trochæus - u.
6. Trissyllabi, ex longa & duabus brevibus: & longa quidem prima, ut Dactylus - uu, vel ultima, ut Anapestus uu -.
7. Compositi verò, sunt tetrasyllabi, pari brevium & longarum numero, vel dispari.
8. Pari quidem, vel conjunctis, vel disjunctis longis.
9. Conjunctis, vel initio, ut Ionicum à majori - uu; vel in fine, ut Ionicum à minori uu - -: vel in medio, ut Antispasmus u - - u.
10. Disjunctis verò longis, choriambus, - uu -.
11. Dispari verò numero constat Paon, tribus brevibus & una longa, citra discrimen: sive longa præcedat, ut Paon primus - uuu, sive sequatur, ut paon quartus uu - -, & per synare-  
sin utriusque Creticus - u - -.

Dddd 3

12. Se-

12. Secundarii porro pedes sunt, qui in carmine ad illius complementum, vel cum primario juncti, vel pro eo substituti.

13. Inter quos, spondens -- excelsus. Idque postea patebit.

14. Pedibus autem tres affectiones accidunt; synaresis seu contractio, dialysis seu dissolutio, & commutatio.

15. Contractio, est affectio pedis polysyllabi, qua due syllabe breves in unam longam (ob duplicis temporis utrumque paritatem) reducuntur.

16. Dialysis est contraria priori affectio, qua longa cujusvis pedis syllaba, in duas breves (ob eandem paritatem mutuam,) resolvitur.

17. Commutatio denique est, quum pedis unius loco, affinis vel usu ferente alienus, substituitur.

Quæ tres affectiones, ut Græcis (præter alias, quas metrici scriptores observant) sunt communes, sicut etiam factorum ac profanorum carminum exemplis consentaneis postea probabuntur.

Atque hæc quidem de syllabarum quantitate & pedibus tanquam duobus carminum principibus, diximus, reliquum igitur est, ut ad carmina (quæ ex artificio pedum numero ac modo constant) explicanda procedamus.

Quam ad rem, observanda primum carminum genera atque affectiones: deinde poematum sacrorum, ex iis structorum, ratio.

### C A P U T III.

#### De carminum generibus canones.

1. Carminum genera (quorum terminis poësis sacra continentur) sunt novem: à totidem primariis pedibus, & nomen, & ab aliis distinctionem, sortita.

Quemadmodum etiam de Græcis versibus idem Hephæst. Scholiastes pag. 83. explicavit; & Latinus Diomedes lib. 3. Reliqua enim ἀνομάτως ad hæc novem referuntur.

2. Ea autem genera, vel simplicibus pedibus primariis constant, ut Iambica, Trochaica, Dactylica, Anapestica; vel compositis, ut Choriambica, Ionica à majori, & Ionica à minori, Antipastica & Paonica.

3. Quæ licet inter se differant: pro diversa tamen syllabarum distributione, ad diversa interdum genera referri possunt.

Cujus rei exempla apud Sophoclem, Demetrius Triclinius, de metris illius, plurima recenset: nec pauca Aristophanis Scholiastes: idque carminum examen docet.

4. Porro hæc carmina, vel pura sunt, vel mixta.

5. Pura, quæ ex solo primario pede constant.

6. Mixta sunt, quæ alios pedes recipiunt: suntque vel analogæ, vel anomala.

7. Analoga sunt, quæ pedes habent primariis consentaneos: anomala verò, quæ dissentaneos.

8. Carmen deinde vel perfectum est, vel imperfectum.

9. Perfectum est, in quo ad metri complementum nihil deest, nihilque superest.

Id quod ab Hephæst. de metris pag. 12. (ut & vulgò) ἀκατάληκτον nominatur.

10. Imperfectum verò est, quod defectum, vel excessum habet in fine.

11. Defectum habet, quum pars pedis, vel integer deest.

Unde prius, apud Hephæstionem κατὰληκτικόν: posterius, βραχυκατάληκτον appellatur.

12. Excessum verò quum pars pedis superflua est.

Id quod ab eodem Hephæstione aliisque ὑπερκατάληκτον, & à nonnullis aptius ὑπέρμετρον dicitur.

13. Mensura carminis, uno quidem pede in Dactylicis, gemino verò simplici pede, in reliquis continetur.

Quæ gemini pedis mensura, à Græcis συζυγία, & à Prisciano, de metris comicis, conjugatio appellatur.

14. Pro mensura autem disparitate, carmen distinguitur: ut vel unius sit mensura, & Monometrum vocatur: vel plurium, quod pro diversis gradibus Dimetrum, trimetrum, tetrametrum, pentametrum aut hexametrum dici solet.

15. Sacra verò carmina (exceptis, ob mensura brevitate, Dactylicis) Trimetri terminos non excedunt.

Id quod frequentius etiam à Pindaro, & Sophocle in Lyricis observatur.

16. Dactylica verò, tetrametra interdum: pentametra (& quidem κατὰληκτικά,) rarissima: hexametra verò nulla in Hebræa poësi sacra apparent.

Idque poematum sacrorum examen accuratum in canticis, Psalmis aliisque libris poëticis, comprobabit.

17. Carmina autem sacra, postremas suas voces integras servant.

Ac propterea Lyricos Græcorum versus, accuratatione sua longè superant. Hi enim voces ultimas, non rarò inconcinnè dividunt: ita ut prior pars versum finiat, posterior sequentem inchoet. Quemadmodum prima Olympiorum Pindari ode, triginta & tria exempla hujusmodi complectitur. Ac licet pauciora, frequentia tamen etiam apud Sophoclem passim occurrunt. Adeo ut una pagina trecentesima sexagesima sexta (editionis Henrici Stephani, quam in hac opella sequimur) quinque appareant.

18. Carminum quoque sacrorum membra, inter se, absque ulla periodi aut coli intercessione, coherent.

A qua rursus elegantia, Græci poëtæ sæpius aberrant; dum versus continuitatem, intercedente periodo aut collo, divellunt: ut innumera Pindari & Sophoclis exempla evincunt.

19. Denique singula carmina sacra, majori aut minori distinctione, illa rei sensu finiuntur.

Quod eorum examen & exempla (quæ postea profertur) omnia confirmant. Quam præstantiam Græci non sunt assecuti, ut vel ex prioribus aliquot Pindari & Sophoclis pagellis (in quibus prima versuum membra, distinctione interdum majori, à postremis distrahuntur) sole clarius evadit.

Atque hæc, de carminum generibus eorumque affectionibus, generatim dicta: ideoque ad singula eorum specialius explicanda accedemus, ab Iambicis exorsis.

### C A P U T III.

#### De carmine Iambico canones.

1. Purum iambicum carmen raritate & elegantia, mixta omnia antecellit.

2. Mixtum autem analogum, cum jambo, vel pro eo, secundariis pedibus legitimo ordine dispositis constat.

3. Secundarii quidem sunt pedes, jambo vel pares tempore, ut choreus seu tribrachys uuu: vel dispaes, ut spondens, & ex ejus longa dialysi orti, anapestus & dactylus.

4. Legitimus verò horum ordo, ex locorum quibus disponuntur distinctione, oritur.

5. Imparibus enim locis (hoc est, primo, tertio, quinto pede) præterjambum, ex secundariis quovis admittit.

6. Paribus verò (hoc est, secundo, quarto, sexto pede) præterjambum, tribrachys recta ratione (ut jambum solutum) & frequentius; sed anapestus præter rationem, auctoritate tantum poetarum ac rariis usurpatur.

Nam ut Hephæstio de metris p. 17. de iambico carmine ait, Si verò spondens paribus locis non recipit, neque anapestus, qui ex eo solutus est, recipere debet.

7. Ex mixtis autem iambicis, secundum, post pura, elegantia locum videtur obtinere ea, quæ alternis spondens & jambum collocatum habent.

8. Anomala verò mixta sunt, quæ contra canonem sextum, unum (loco pari, secundo vel quarto) spondens admittunt.

9. Quum autem secundo loco hoc fit, distinctionis causâ Doricum vocare liceat: quum vero hoc loco quarto, Alcmaicum nominatur.

Utrumque enim ex Pindari scholiaste patet, ad Nemeorum Oden sextam.

Primum quidem, pag. 375. (editionis Pauli Stephani; quam hic & in sequentibus intelligimus) de primo Strophes versu, (ἐν ἀνδρῶν, ἐν θεῶν ᾄδῃ, ἐκ: unum hominum, unum Deorum genus, ex) ait; Iambicum acatalectum: in secundo autem loco est spondens. πῶλὺ γὰρ τὸ τῷ θεῷ ᾄδῃ δωκεῖται, id enim frequens Dorienibus. Posterius verò liquet ex p. 376. de

de nono Epodi versu (ἐπαυσε λαθὼν σωκλείδα. *Sustulit obli-  
vionem Socrida.*) ubi ait, *Iambicum dimetrum acatalectum Alc-  
maicum.*

Sic etiam *Priscianus* de metris comicis libro, hujusmodi carmina, jambica statuit, eorumque, ex illustribus Græcis Latinisque poetis atque metricis scriptoribus, exempla non pauca producit.

Denique *Hephæstionis* etiam *Scholiastes* Græcus pag. 61. idem agnoscit, & unam solum in tali carmine jambico anomaliam esse asserit. Ac revera unica duntaxat syllaba longa, pro brevi posita, à norma aberrat.

Ideoque licet *Demetrius Triclinius*, de metris Sophoclis differens, hujusmodi carmina ad Antispastica referat; prior tamen sententia (quæ jambica esse tradit) majoribus auctoribus & rationibus nixa, meritò videtur *preferenda*, itaque eandem non temere, in hisce canonibus & sequen-  
tibus, secuti sumus. Si cui tamen secus videatur, secun-  
dam pro libertate judicii amplectatur.

Quare expositis jambici carminis canonibus, operæ pretium videtur, ut Hebræorum Scripturæ, & Græcorum Pindari ac Sophoclis carminum collatione mutua illustre-  
mus ac confirmemus. Hoc autem observandum, sicubi occurrit יהוה Ihoṽa legi, ac spondeum statui: יהוה legi vihoṽa prima longa, neglecta Judæorum superstitione le-  
ctione: quæ linguæ præceptis adversatur. Eadem simi-  
lium ratio: ut thesibus de Nominibus Dei, ostendimus.

## CAPUT V.

*Carmina jambica, exemplis Hebræis & Græcis Pin-  
dari ac Sophoclis parallelis, demonstrata.*

## PRIMUM ANALOGA.

## I. MONOMETRA perfecta seu acatalecta.

## 1. Pura, seu è solis jambis.

Prov. 5. 2. לשׁכר מְזִכֹּרֶת

*Ad observandum multiplicem solertiam.*

Psal. 33. 12. אֲשֶׁר־יְהִי

*Beata ista gens.*

& 47. 8. זִמְרוּ מְשִׁבֵּי

*Psallete scite.*

## GRÆCA.

Soph. pag. 141. φθίνῃ φθίνῃ

*Absumis, absumis.*

& 318. ἔχω φράσας

*Habeo dicere, vel quod dicam.*

& 385. ἴω ξείνοι.

*Io hospites.*

## 2. Mixta cum alio pede.

Prov. 22. 11. אִהָּב טָהֹר־לֵב

*Amans mundum corde.*

Psal. 48. 5. עֲבְרוּ יַחְדָּיו:

*Transseunt pariter.*

& 109. 4. וְאֲנִי תַפְלִירָה: u-u-u-

*Cum essem in oratione.*

## GRÆCA.

Soph. 12. Μόμψαν ἔχων - - u-

*Conquerendi causam habens.*

& 157. θυγάτηρ διός u-u-u

*Filia Iovis.*

## MONOMETRA IMPERFECTA.

## 1. Defectu syllabæ, catalectica.

Psal. 119. 4. : לשׁכר מְאֹד u-u

*Ut observent valde.*

& 102. 28. וְאַתָּה הוּא u-u

*Tu vero idem es.*

## GRÆCA.

Soph. 412. Τί φῆς παῖ

*Quid dicis puer.*

& 55. Εὐωαυδῶ

*Assentior.*

& 362. Εὐώεις ᾗ u-u

*Animadvertite autem.*

## 2. Excessu, Hypercatalecta.

## 1. Pura.

Prov. 1. 18. : יִצְפּוּ לְנַפְשָׁתָם

*Abcondunt se adversus proprias  
animas.*

Psal. 65. 7. נֶאֱחָז בְּגִבּוֹרָה

*Accinctus potentia.*

## GRÆCA.

Pind. 38. Μορτῶν ἔλεγχος.

*Mortalium demonstratio.*

& 281. ἔτοιμος ὕμνων.

*Paratus hymnorum sc. thesaurus.*

Soph. 300. Περῶσι δὴ.

*Transgrediuntur tandem.*

## 2. MIXTA.

Job. 28. 28. וְסוּר כִּרְע בִּינָה

*Et recedere à malo est intelligentia.*

Psal. 108. 13. וְשׁוֹן תְּשׁוּעַת אָדָם

*Vanitas est auxiliatio humana.*

Prov. 16. 18. לִפְנֵי שֹׁכֵר גֵּאוֹן u-u-u-

*Ante confractionem superbia.*

## GRÆCA.

Pind. 209. Σοφίας ἀεισαν u-u-u | u

*Sapientia (sc. sortem habere cum divi-  
vitiis) prestantissimum.*

& 314. Θιῶν τελευτῶν. u-u-u | -

*Diū id exequuntur.*

Soph. 141. Χωρεῖ γιγνῶσ. - - u- | -

*Incedit latus.*

& 12. ἔτις αἰσῶσαν. u-u-u | -

*Ultus est acceptam injuriam.*

## II. DIMETRA.

## PERFECTA SEU ACATALECTA,

## 1. PURA.

Job. 17. 6. וְהִצִּינִי לְמִשְׁרַע עֲמִים

*Ut instituat me ad presidendum  
populū.*

Prov. 10. 21. שִׁפְתֵי צַדִּיק יִדְעוּ רַבִּים

*Labia justī pascent multos.*

& vers. 23, בְּשֹׁחַק לִבְמִיר עֲשׂוֹת זִמָּה

*Prout ludus stolidi, facere scelus.*

## GRÆCA.

Pind. 94. ὁδῶν ὁδοὶ μεγίστηται.

*Via via transitu faciliores.*

Soph. 311. Φόνοι, ὁδοὶ, ἔρις, μάχαι.

*Cades, seditiones, contentio, pugna.*

& 51. Πόνος πόνος πόνος φέρει

*Labor labori laborem cumulat.*

## 2. MIXTA.

Prov. 12. 16. : אִיִּל בְּיוֹרֵי יוֹדֵעַ כְּעֵמֹן u-u- | u-u-u

*Quod ad stultum, eodem die agnoscitur  
indignatio ipsius.*

& 15. 12. לֹא יֵאָהֵב לִין הוֹכֵחַ לוֹ - - u, u- | - - u-

*Non diligit detor corrigentem se.*



Prov. 16. 17. שֹׁמֵר נַפְשׁוֹ נֹצֵר דְּרָלוֹ

*Conservat seipsum qui observat viam suam.*

&amp; 19. 16. שֹׁמֵר מִצְוָה שֹׁמֵר נַפְשׁוֹ

*Observans praeceptum conservat animam suam.*

## G R A E C A.

Soph. 54. Ἐγὼ δ' ὁ πάντα κωφὸς ὁ πάν-

*Ego verò omnium ignarus, omnium.*

&amp; 56. Γέλῳ ᾧ ᾧσι μαίνομενοι.

*Ridet autem furentes.*

&amp; 88. Βήματι μολόντα τάνδε γαῖαν

*Gressu profectum in hanc terram.*

Pind. 47. Καὶ δευὲ μάχναδ' τὸ καὶ

*Et ad hastia pugnandum, quod etiam.**Λαμυνία μύλων σόφα.**Pratenſi pecorum herba.*

## I M P E R F E C T A.

## I. Defectu Catalectica.

## I. P U R A.

Prov. 24. 3. בְּחִכְמָה יִבְנֶה בֵּית

*Sapientia adificatur domus.*

## G R A E C A.

Pind. 38. Τροφαῖς ἱπποῖν ἱππων.

*Alendi studiosum equorum.*

Soph. 16. Ποδῶν κλοπὰν ἀρεῖς.

*Pedibus fugam suscipere.*

## 2. M I X T A.

Prov. 15. 21. אִוִּילַת שִׂמְחָה לְחֹסֶר־לֵב

*Stultitia letitia est dementi.*

&amp; 30. 5. כָּל־אִמְרַת אֱלֹהִים צְדוּפָה

*Totus sermo Dei purgatissimus est.*

Job. 4. 10. שִׁנְאֵת אֶרֶץ וּקוֹל שִׁחַל

*Rugitu leonũ, & voce ferociũ leonũ.*

Prov. 12. 14. וְשֹׁמֵר לְעֵצָה חָכֵם

*Et auscultans consilio sapiens est.*

## G R A E C A.

Pind. 17. Εὐνούμων τε πατέρων.

*Clarorumque progenitorum.*

Soph. 105. Ἐλεσπιν ἐκ τῆς οἴκου.

*Defecit ex hoc domo.*

&amp; 261. Ὁ πῦρ πνέοντων ἀστέρων.

*O ignis uolarum stellarum.*

## BRACHYCATELECTA.

## I. P U R A.

Prov. 8. 1. הֲלֹא חִכְמָה תְּקַרֵּא

*Nonne sapientia clamat?*

&amp; 13. 6. דִּשְׁעָה תִּסְקֶה חֲטָאָת

*Improbis pervertit peccati virum.*

## G R A E C A.

Pind. 288. Τίς ἐκ δόμων φέροι.

*Alisquis ex adibus asportet.*

Soph. 105. Πρὸ τῶν θεῶν μ' ἔχειν.

*Pra istis autem me tenet spes.*

## 2. M I X T A.

Prov. 30. 2. וְלֹא בִינַת אָדָם לִי

*Nec est intelligentia hominũ mihi.*

&amp; vers. 3. וְלֹא לִמְדַּתִּי חִכְמָה

*Neque didici sapientiam.*

&amp; 14. 29. וְאֶרֶךְ אַפַּיִם רַב תְּבוּנָה

*Et longanimis abundat intelli-**gentia.*

&amp; 15. 18. וְאֶרֶךְ אַפַּיִם יִשְׁקֵט רִיב

*Longanimis autem sedat litem.*

## G R A E C A.

Pind. 289. Ἡρώας ἐν μάχαις.

*Herodas in praeliis.*

Soph. 104. ἄριστος ἐν ἀνίαις.

*Indignissimus contumeliis.*

&amp; 105. ἀρόριζ' ἐκείφθεις.

*Prorisus ejectus.*

&amp; 180. Ὅ, τι πύμασθ' ὀλοΐμαν

*Funditus peream.*

## IMPERFECTA EXCESSU, HYPER-CATALECTA.

Job. 38. 6. עַל־מָה אֲדִנְיָה הַטְּבַע

*Super quid bases ejus demersa sunt?*

Prov. 16. 18. וְלִפְנֵי כִשְׁלוֹן גְּבַה רֹוח

*Et ante lapsum altitudo spiritus.*

&amp; 19. 5. וַיִּפֹּחַ כּוֹבִים לֹא יִמְלֹט

*Et qui conflatur mendacia non pro-**ripiet se.*

Psal. 147. 5. גְּדוֹל אֲדֹנֵינוּ וְרַב־כֹּחַ

*Magnus dominus noster, & mul-**ti in viribus.*

## G R A E C A.

Soph. 90. Κενὸς δ' ἡ ἡφίσταται τραπεζαία.

*Vacuis autem affligo mensis.*

Pind. 303. Τίγρν' γάμου κραίην τελευτάν.

*- u - | - u - | -**Incundum nuptiarum perficere exitum.*

## III. T R I M E T R A.

Perfecta in poematibus sacris nondum obser-

*vavi, sed quaedam*

## IMPERFECTA DEFECTU.

## I. C A T A L E C T I C U M U N U M.

Psal. 141. 8. כִּי אֶלֶךְ יְהוָה אֲדִנִּי עֵינִי

*Quum ad te Iova Domine oculi mei.*

## G R A E C A.

Pind. 285. Καλλίσον αἱ μεγαλόπολεις ἀθάνα.

*- u - | u u u u u u | u - , u**Pulcherrimum grandi urbes Athena.*

Soph. 135. Ἐπαξιώσας ὁδὸν μοι φανῆται.

*u - u - | u - u - | u - , u**Dignatus hic mihi apparere.*

&amp; 159. Φλέγμα με πεισθέντ' ἀντιάζειν.

*Urit me famosus adversarius.*

## 2. BRACHYCATALECTA.

Psal. 141. 2. תְּכוֹן תְּפִלְתִּי קִטְרֶת לִפְנֶיךָ

*Statuatur oratio mea suffitus coram te.*

Prov. 21. 20. אֹצֵר נַחֲמֵד וְשֶׁמֶן בְּנֵה חָכֵם

*Thesaurus desideratus & unguentum, in habi-**taculo sapientis.*

Psal. 18. 32. כִּי מִי אֱלֹהִים מִבְּלַעַי יְהוָה

*Nam quis Deus prater Iovam?*

## G R A E C A.

Pind. 112. Εὐθεὶα γλῶσσαν ὀργυλ' ἀγχεῖν.

*- u - | - u - | u -**Recta linguam incitat ad dicendum.*

Soph.

Soph. 159. Παλίσυον δ'ράμματα νωτίσαι υ-υ-|υ-υ-|υ-υ-

*Retrogrado cursu terga vertere.*

& 267. Ἀγέτε μ' ὅτι τάχ' αἰγέτε μ' ἐκ ποδῶν.

υ-υ-υ-υ-|υ-υ-υ-υ-|υ-υ-υ-υ-

*Ducite me cito, ducite procul.*

ANOMALA, quæ spondeum habent, pro jambo.

# I. SECUNDO LOCO.

MONOMETRA perfecta.

Psal. 22. 4. וְאַתָּה קָדוֹשׁ

*At sanctus es.*

& 23. 3. נַפְשִׁי יָשׁוּבָה

*Animam meam convertet.*

Prov. 26. 10. רַב מְחוֹלֵל בָּרָב

*Plurimum dolore afficit omnes.*

## GRÆCA.

Soph. 21. Ἰὼ μοι μοι.

*Hei mihi mihi.*

& 53. Ἰὼ τλήμων.

*Heu me infelicem.*

Imperfecta excessu, hypercatalecta.

Job. 38. 2. בְּמַדְרֵן בְּלִי דַעַת

*Sermonibus inficitur.*

Prov. 10. 23. חֵכְמָה לְאִישׁ תְּבוּנָה

*Sapientia viro intelligenti.*

& 22. 10. וְיִשְׁבֹּת דִּין וְקָלֹן

*Et cessabit litigium & ignominia.*

Psal. 82. 3. שִׁפְטוּ דָר וְיָתוֹם

*Iudicate tenuem & pupillum.*

## GRÆCA.

Soph. 36. Ἰδὲ μοι μένος.

*Ad montem Idam maneo.*

& 180. Κακὰ ὅπως ἐλεύσθαι.

*Mala accedent.*

DIMETRA perfecta acatalecta.

Job. 22. 10. עַל-כֵּן סָבִיבוֹתֶיךָ פָּחִים

*Ideoque circumstant te laquei.*

Prov. 24. 23. הִכָּר פְּנִים בְּמִשְׁפָּט בֶּל טוֹב

*Agnoscere personam in iudicio non est bonum.*

& 7. 2. וְתִרְתִּי כְּאִשׁוֹן עֵינֶיךָ

*Et doctrina mea ut pupilla oculorum tuorum.*

## GRÆCA.

Soph. 22. Ἀγωνὸν τέχνης, ἄλλαν υ-υ-υ-|υ-υ-υ-|υ-υ-υ-|

*Antistes artis, mare sc. agitans.*

Est protasis: cui hæc antapodosis respondet jambica pag. 21.

Μόνοι ἐμῶν φίλων, μόνοι.

*Soli meorum amicorum, soli.*

Pind. 85. Καὶ ποτ' κεῖναι δ' ὥπασαν υ-υ-υ-|υ-υ-υ-|υ-υ-υ-|

*Hortum: illa enim præbent.*

& 379. Αἰδοὶ καὶ λόγιοι τὰ καλὰ. υ-υ-υ-|υ-υ-υ-|υ-υ-υ-|

*Poeta & oratores præclara divulgant.*

DIMET. IMPERFECTA.

## 1. Defectu, catalectica.

Prov. 18. 12. וְלִפְנֵי כְבוֹד עֲנוּהוּ

*Ante honorem humilitas.*

& vers. 16. מִתֵּן אָדָם יָרֵחַ בֶּל

*Donum hominis dilatat eum.*

& 11. 17. וְעֵכָר שָׂאֵר אֲכֹרִי

*Turbat carnem suam crudelis.*

& 22. 24. וְאַתָּה אִישׁ חֲמוּר לֹא תְבוּאָה

*Et cum viro iracundo ne congregariis.*

## GRÆCA.

Soph. 83. Ἰὼ μοι μοι δὲ σῶσω υ-υ-υ-|υ-υ-υ-|

*Heu me me miseram.*

& 307. Στίγγω διπλὰς ἀρωγὰς. υ-υ-υ-|υ-υ-υ-|

*Obsecro ut duplici auxilio.*

## 2. BRACHYCATALECTA.

Job. 30. 31. וְעַנְבִּי לִקּוֹל בּוֹכִים υ-υ-υ-|υ-υ-υ-|

*Et organum meum ad vocem flentium.*

Prov. 20. 20. מְקַלֵּל אָבִיו וְאִמּוֹ υ-υ-υ-|υ-υ-υ-|

*Maledicens patri suo aut matri sua.*

& 10. 19. וְחֹשֶׁךְ שִׁפְתָיו מִשִּׁכָּר υ-υ-υ-|υ-υ-υ-|

*Sed cohibens labia sua colligens.*

& 18. 3. בְּבוֹא רָשָׁע בְּנֵי גַם בָּוָה υ-υ-υ-|υ-υ-υ-|

*Adveniente improbo advenit etiam contemptus.*

## GRÆCA.

Soph. 52. Τίς αὖ δὴ μοι τίς αὖ υ-υ-υ-|υ-υ-υ-|

*Quisnam igitur mihi, quisnam?*

& 179. Οὐ τὸν πάντων θεῶν. υ-υ-υ-|υ-υ-υ-|

*Non per illum omnium Deorum, &c.*

ANOM. excessu, hypercatalecta.

Prov. 29. 19. בְּדַבְרִים לֹא יוֹסֵר עֶבֶר υ-υ-υ-|υ-υ-υ-|

*Verbi non castigabitur serm.*

Job. 38. 7. וַיִּדְעוּ כָל-בְּנֵי אֱלֹהִים υ-υ-υ-|υ-υ-υ-|

*Et vociferati sunt omnes filii Dei.*

## GRÆCA.

Soph. 86. Ὀλοῖτ' εἰ μοι θέμις τὰ δ' αὖθις υ-υ-υ-|υ-υ-υ-|

*Pereat, si mihi fas ista optare.*

& 238. Κυλινδῶ βυσσίδεν καλαιαίν.

*Volvit ex imo nigrum.*

ANOM. quarto pede spondeo.

## 1. PERFECTA, acatalecta.

Prov. 10. 32. שִׁפְתֵי צַדִּיק יֵדְעוּ רָצוֹן υ-υ-υ-|υ-υ-υ-|

*Labia iusti cognoscent benevolentiam.*

Psal. 149. 4. יִפְאֵר עַנּוּיִם בִּישׁוּעָה: υ-υ-υ-|υ-υ-υ-|

*Orant mansuetos salute.*

## GRÆCA.

Pind. 378. Ἐπαυσε λάθαν σικλίδος. υ-υ-υ-|υ-υ-υ-|

*Sustulit oblivionem Siciliæ.*

Soph. 254. Ὑπὲρ πάγου, θεῶν ἢ παῖς. υ-υ-υ-|υ-υ-υ-|

*In colle, deorum filia.*

## 2. IMPERFECTA.

Excessu, hypercatalecta.

Prov. 15. 7. שִׁפְתֵי חֲכָמִים יִזְרוּ דַעַת υ-υ-υ-|υ-υ-υ-|

*Labia sapientum spargunt scientiam.*

& 25. 17. אִישׁ-עֹנֶה בִּרְעוּיָו עַד שִׁקָּר υ-υ-υ-|υ-υ-υ-|

*Vir testans contra proximum suum testimonium falsum.*

Job. 13. 23. פִּשְׁעִי וְחַטָּאתִי הוֹדִיעֵנִי: υ-υ-υ-|υ-υ-υ-|

*Defectionem meam & peccatum meum notum fac mihi.*

& 15. 6. יְרַשְׁעָה פִּיךָ וְלֹא-אֲנִי υ-υ-υ-|υ-υ-υ-|

*Condemnabit te os tuum, non autem ego.*

Græca Hypercatalecta nulla, neque in Pindaro neque in Sophocle observata.

Atque hac ratione, primo carminum genere demonstrato, ad secundum procedimus.

## CAPUT VI.

## De Trochaico carmine canones.

1. **T**rochaicum mixtum analogum, secundarios habet pedes, tribrachyn (ex longa trochei in duas breves soluto) & spondeum, ac per hujus dialysin, dactylum & anapaestum legitimo ordine collocatos.

2. Ordo autem legitimus est, ut locis imparibus, prater trochaum, sit tribrachys aut dactylus: paribus verò prater illos tres, spondeus aut anapaestus.

Quæ omnia ab Hephæstione pag. 13. similiter de versibus Græcis trochaicis tradita.

3. Inter trochaica mixta, elegantiora ceteris videntur, quæ trocheo & spondeo alternis constant.

4. Anomalum verò est, quum uno tantum loco, primo vel tertio, spondeus pro trocheo collocatur.

Nam licet Dem. Triclinius, de metris Sophoclis agens, ea sæpius ad antispastica referat; nonnunquam tamen, trochaica esse affirmat. ut pag. 442. metrum hoc Sophoclis pag. 104. Ἰλίου ἀναξ, Græcorum rex, ait esse Trochaicum penthemimeres: sin velis, antispasticum monometrum, hypercatalectum. Et pag. 447. carmen Sophoclis p. 180. Ἰσχυρὸν καὶ τὰ δ' ἐκ κακοῖς, animum sc. cruciat: & hac si malis. &c. absolute ait, trochaicum hepthemimeres Euripedem. Ac sanè antapodosis illius est trochaicum quoque anomalum, sed primo pede analogo trocheo, tertio verò contrà anomalo spondeo, pag. 181. ἀλύσαν κατ' ὅρθον ἄρσας, mœstam exexisti. Quale omnino est illud pag. 24. τὶν εἰς ὄντων ἀνθρώπων quendam, ad utilitatem, hominum, scilicet intueri: quod difertè Triclinius ait esse Trochaicum Hephthemimeres. pag. 437. a.

Similiter Scholiastes Hephæstionis pag. 61. ait, Immanifesta verò, ubi in quodam metro sinistrè, hoc est, extra locum suum collocatur pes. Ut si in Iambo inveniatur pari spatio spondens; aut in trocheo, impari loco. Tunc enim toto aequaliter se habente, una tantum regio est anomala. ἀπεμφαινοντα, ὅταν ἐν τινὶ μέτρῳ κακῶς, τινὲς ἀπὸ τόπον κείται πῦς. ὅλον εἰ ἐν ἰάμβῳ ὑπεθεῖν ἐν ἀγρία βῆσσι σπονδεῖ, ἢ ἐν τροχαίῳ ἐν ἀντιπῇ. τότε γὰρ τὸ ὅλον μονοειδὲς ὄντα, μία μόνη χώρα ἔστιν ἀνώμαλος. Quare hæc anomala vocat ille ἀπεμφαινοντα quæ Latini (Teste Rufino de metris comicis) immanifesta vocant: quod licet sint ejusdem generis, cum suis analogis; carminis tamen ratio, non ita sit manifesta: sed per anomaliam quasi obscuratur. Quæ nonnihil explicare visum, ne temere atque ineptè, partim ante de anomalis jambicis, partim de anomalis trochaicis statuisset videremur.

Sed ut hi canones amplius declarentur, Hebræorum & Græcorum harmoniam ostendemus.

## CAPUT VII.

## Carmina Trochaica exemplis parallelis demonstrata.

## Primum ANALOGA.

## I. MONOMETRA perfecta, seu acatalectica.

Psal. 48. 8.	בְּרוּחַ קָדִים	
	Vento Orientali.	
& 66. 6.	שָׂם נִשְׁמָחָה בּוֹ	- u, - -
	Illic letabimur in eo.	
Deut. 32. 1.	וְאִדְבַּרְהָ	u u, - -
	Et loquar.	

## GRÆCA.

Pind. 192. 4.	Καλλιπύ.	
	Egregii victoris.	
& 196.	Τὰν πρὸ Κούμας.	- u - -
	Qua ante Cumam.	
Soph. 354.	Ἀλλὰ θεῖας.	
	Sed divinas.	
& 424.	Μιστεία.	- u - u
	Sis moderatus.	

## MONOMETRA IMPERFECTA.

## I. Defectu catalectica.

Job. 14. 4.	לֹא אֶחָד	
	Non unus.	
Psal. 140. 10.	רֹאשׁ מִסִּבִּי	- u, -
	Venenum circumdantium me.	

## GRÆCA.

Soph. 105.	Τᾷ γᾶ.	
	Huic terra.	
& ibidem.	Οὐτὶς ποῦ.	- u, -
	Nulla unquam.	

## 2. Excessu, hypercatalecta.

## I. PURA.

Prov. 3. 22.	וְהָן לִנְגִּירוֹתֶיךָ	- u - u -
	Et gratia faucibus tuis.	
& 25. 9.	וְסוֹד אַחֵר אֶל-תִּגְלֵךְ	- u - u u
	Et arcanum alterius ne retegito.	
Psal. 46. 5.	קִדְשׁ מִשְׁכְּנִי עֲלִיָּין	
	Sanctum, habitacula Excelsi.	
Job. 23. 14.	כִּי יִשְׁלִים חֻקִּי	- u - u   -
	Quia perficit statutum de me.	

## GRÆCA.

Soph. 25.	Ποῖ τις ἂν φύγῃ;	
	Quò quis igitur effugerit?	
Ibidem.	Ποῖ μολὼν μέμῳ;	- u - u   -
	Quò veniens manebò?	
& 26.	Οὐκ ἔτ' ἀνδρα μὴ	
	Nequaquam amplius virum.	
Ibidem.	Τὸν δ' ἴδῃ. ἔπῃ.	- u - u   u
	Hunc videbitis. verbum.	

## 2. MIXTA.

Psal. 48. 12.	לִמְעַן מִשְׁפָּטֶיךָ	u u, - u   -
	Propter judicia tua.	
& 95. 8.	כִּיּוֹם מִסָּה בְּמִדְבָּר	- u - u u   -
	Ut tempore tentationis in deserto.	
Prov. 15. 16.	טוֹב מְעַט בִּירְאָה יְהוָה	- u, u u -   -
	Melius est parum cum reverentia Iovæ.	
& 23. 18.	כִּי אִם-יֵשׁ אַחֲרֶיהָ	- u - u u   -
	Quinimò est merces.	
Job. 28. 12.	וְאֵי זֶה מְקוֹם בִּינָה	- u - -   -
	Quisnam est locus intelligentia?	

## GRÆCA.

Soph. 26.	Τίνα πρὸς στρατῷ.	u u, - u   -
	Aliquem Troja in exercitu, sc. vidit.	
& 237.	Οἷς γὰρ ἂν διδοῖν.	- u - u u   u
	Quibus enim divinitus.	
& 187.	Ὅσῳ γὰρ ἄσπετος.	- u - -   -
	Neque consenscit.	
Pind. 2.	Ἄλλο θαλπρότερον.	- u - u u   u
	Aliud calidius.	

## II. DIMETRA.

## Perfecta, acatalecta.

## I. PURA.

Job. 24. 17.	כִּי יִכִּיר בְּדֹרוֹתַי צַלְמוֹתַי	- u - u   - u - u
	Quum cognoscit quis terrores, sunt lethali umbra.	
& 41. 19.	לֹא יִבְרִיחֵנוּ בְּזִקְשָׁתָּהּ	- u - u   - u - u
	Non fugat eum sagitta.	

Psal

Psal. 106. 27. וְלִהְיוּ לְיָרֵם בְּגוֹיִם - u-u | -u-u

*Et dejecturum semini eorum in gentibus.*

& 72. 12. כִּי יִצְרִיל אֶבְיֹן מְשׁוֹעַ - u-u | -u-u

*Quoniam eripiet egenem vociferantem.*

### GRÆCA.

Pind. 2. Μῆδ' Ὀλυμπίας ἀγῶνα.  
*Neque Olympico certamen sc.*  
*præstantius.*

& 108. Οὐτ' ἰεῖς βοῶντες λίοντες.

*Neque graviter rugientes leones.*

Soph. 91. Τῶιδ' ἀνύσαντες ἱέρα.  
*Talia qui perfecimus facinora.*

& 136. Φιλτάτῳ ἔχον ἀπόστολον.  
*Suavissimum habens aspectum.*

### 2. MIXTA.

Job. 14. 4. מִי־יָתֵן טָהוֹר מִטָּמֵא - u- | -u-

*Qui dabit mundum ex immundo.*

Prov. 24. 4. וְכָעַתְּ חֲדָרִים יִמְלֵא - u, u- | -u-

*Et scientia penetralia implebuntur.*

& 27. 3. וְכַעַס אֵייל כְּבֹד מְשֻׁנֵּהם - u, u- | -u-u

*Et indignatio stulti: gravior istis duobus.*

### GRÆCA.

Pind. 68. Πῦρ σπέντων ἀρχὸς ἵππων. - u- | -u-

*Ignem spirantium dux equorum.*

& 195. Πείθω μοι ποταὶν τετράπηγαν. - u, - | -u-

*Obsequere mihi, prætium quadrigæ.*

& 198. Πολυμήλων ἀνδρῶν καμνόντων. u, u- | -u-

*Hostibus viri defuncti.*

### IMPERFECTA.

#### 1. Defectu Catalectica.

##### 1. PURA.

Prov. 1. 30. נִאֲצוּ כָל תּוֹכַחְתִּי - u-u | -u-

*Contemnant omnem correctionem meam.*

Job. 22. 13. וְאָמַרְתָּ מַה יִּדְעָא - u-u | -u-

*Et dixisti, quid nosceret Deus?*

Psal. 89. 10. בְּשׁוֹאֵן גִּלְיוֹ אֶתְּחַם תְּשַׁבֵּחַם - u- | -u-

*Quam assollunt se fluitum ejus, cum reprimis eas.*

### GRÆCA.

Pind. 6. Μάρτυρες σοφώτατοι.

*Testes sapientissimi.*

Soph. 25. Εἰ τὰ πρὸ φίλων φίλον.

*Siquidem illa pereunt, amici.*

### 2. MIXTA.

Prov. 6. 1. תִּקְעֵתָ לֵצֵר כְּפִידָא - u-u | -u, -

*Comploxiisti extraneo manus tuas.*

& 12. 3. לֹא יִכָּן אָדָם בְּרָשָׁע - u- | -u, -

*Non stabiliatur homo improbitate.*

& 10. 31. פִּי צַדִּיק יִתֵּן חֲכָמָא - u- | -u, -

*Os iusti abunde profert sapientiam.*

& 20. 6. וְאִישׁ אֱמֵת מִי־יִמְצֵא - u- | -u, -

*Virum autem veracem quis inveniat?*

& 12. 4. עֲטֶרֶת בַּעֲלָהּ - u, u, u | u, u, -

*Uxor strenua corona est mariti sui.*

### GRÆCA.

Soph. 15. Καὶ βοτάνης ἵππων ἀμύματα.  
*Et pastores equi præfectos.*

Pind. 70. Τέννομιος βοιωτῆρι. - u- | -u, -  
*Certaminaque legitima Boiotia.*

Soph. 128. Δύο φέρων ἰνὶ γὰρ λόγῳ. u-u | u, u, -  
*Ut duo reportares uno sermone.*

### II. DIMETRA.

#### BRACHYCATALECTA.

##### 1. PURA.

Prov. 29. 22. אִישׁ אֶף יִגְרָה מְדוֹן - u-u | u, u, -

*Iracundus miscet contentionem.*

& 14. 17. וְאִישׁ מְזֻמָּת יִשְׁנֵנָה - u-u | -u

*Et vir machinationum odio habebitur.*

### GRÆCA.

Pind. 349. Οἶκον μαῖται.

*E domo quare.*

Soph. 88. Προμύνης ἄτιμος.

*Expectans, absque liberis.*

& 90. Ἦν ὁ ταῦτα πράσσων. - u-u | -u

*Erat qui ista facit.*

### 2. MIXTA.

Prov. 4. 20. בְּנֵי לִדְבָרִי הַקְשִׁיבָה - u, -u | -u

*Fili mei, ad verba mea attende.*

& 10. 8. זָכַר צְדִיק לְבִרְכָּהּ - u, -u | -u

*Memoria iusti est benedicta.*

& 24. 5. וְאִישׁ יָדַע מִאֲמִין כָּח - u, u, u | -u

*Vir sciens fortificat vires.*

### GRÆCA.

Pind. 2. Ἐλδοι, φίλον ἦτορ. - u, +u | -u

*Cor, amicum pectus.*

Soph. 25. Ἀν μὲ χειρὶ φερύει. - u, -u | -u

*Ut me manu interficiat.*

#### Dimetra excessu imperfecta, hypercatalecta.

Psal. 83. 15. וְלֹא יִזְכֹּר שֵׁם יִשְׂרָאֵל עוֹד - u- | -u- | -u- | -

*Et non memorabitur nomen Israël amplius.*

Prov. 7. 21. בְּחֶלֶק שְׂפָתֶיהָ תִּדְחַק - u- | -u- | -u- | -

*Blandicia labiorum suorum impellit eum.*

& 10. 9. וּמַעַקֵּשׁ דְּרָכֵי יְהוָה - u- | -u- | -u- | -

*Qui pervertit vias suas agnoscetur.*

& 21. 6. פֶּעַר אֲצֻרוֹת בְּלֶשֶׁן שֶׁקֶר - u- | -u- | -u- | -

*Confecti thesauri lingua falsitatis.*

### III. TRIMETRA perfecta, non apparent in poematis sacris; sed

#### Defectu brachycatalecta.

Psal. 136. 12. בִּיד הָעֲזָרָה וּבְרֹחַ נְטִיחָא - u- | -u- | -u- | -

*Manu robusta & brachio extenso.*

Prov. 2. 16. מִנְכֵרִיהָ אִמְרֵיהָ הִחְלִיקָה - u, u- | -u- | -u- | -

*Ab extranea qua distit sua blanditur.*

#### GRÆCA nec in Pindaro nec in Sophocle comperi, sed catalectica.

Pind. 419. Ἐν τῷ ἔργῳ ἔδ' ἀμύχθῃ καὶ δῖα.

*-u- | -u- | -u- | -*

*Successus in te est operum: neque alieno à laboribus corde.*

& 432. Κερδίων ὃ γὰρ μύτρον θηρωμένῳ.

*-u- | -u- | -u- | -*

*Lucrorum autem oportet mensuram venari.*

Soph. 200. Παιδὶ καὶ πατρὶ Σαλαμινέῳ πρὸς εἶν.

*-u- | -u- | -u- | -*

*Filio & Patri naptiarum consorti, cadere.*



## A N O M A L A

## I. Primo pede spondeo.

## 1. Monumetra, excessu hypercatalecta.

Prov. 10. 6. בְּרִכּוֹת לְרֹאשׁ צְדִיק

*Benedictiones caput iusti*

&amp; v. 7. וְשֵׁם רָשָׁע יִרְקָב׃

*Nomen autem improborum putrescet.*

&amp; 24. 20. נֵר רָשָׁע יִדְעָה

*Lucerna improborum extinguetur.*

## G R A E C A

Pind. 40. τῶν Ὀλυμπίων.

*Illorum Olympia.*

Soph. 104. Ἑλλάων ἀναξ.

*Gracorum rex.*

Ibidem. ἀμφήκης ἄναξ.

*Anceps bipennis.*

## 2. DIMETRA PERFECTA.

Prov. 8. 11. כִּי טוֹבָה חֲכָמָה מִפְּנִינִים

*Quia melior sapientia carbunculus.*

&amp; 10. 2. וְצִדְקָה תַּצִּיל מִמָּוֶת׃

*Et iustitia eripit à morte.*

&amp; 13. 18. רֵישׁ וְקֶלֶן פֹּרֵעַ מוֹסֵר׃

*Paupertas & ignominia avertuntis eruditionem.*

&amp; 17. 13. לֹא תִמּוֹשׁ רֵעָה מִבֵּיתוֹ׃

*Non recedet malum à domo ejus.*

&amp; 23. 21. כִּי סוֹבֵא וְחָלַל יוֹרֵשׁ׃

*Quia ebriofus & comeffator pauper fiet.*

## G R A E C A.

Soph. 189. τεκνωθέντες τῶν Ὀλυμπίων.

*Prognati: quorum calum, &c.*

&amp; 218. τὸν λευκάσπιν ἀργυρόν ἄνθιν.

*Albo scuto Argivum antea.*

&amp; 228. ἱππείῳ ἥϊ πολυούῳ.

*Equino genere exetecens.*

## I M P E R F E C T A

## Defectu catalectica.

Prov. 11. 4. לֹא יוֹעִיל הֵן בְּיוֹם עֶצְרָה

*Non prodest substantia die furoris.*

&amp; 28. 27. נֹתֵן לְרֵשׁ אִין מַחְסוֹר׃

*Et qui dat pauperi, non erit egestas.*

## G R A E C A.

Soph. 180. ψυχάν τε τὰς εἰκασις.

*Cruciat animam: & hac siquidem malis, &c.*

&amp; 188. δυσπότης χάριν χλιδᾶς.

*Infelicis gratia voluptatis.*

## BRACHYCATALECTA.

Prov. 14. 11. בֵּית רָשָׁע יִשְׁמָד

*Domus improborum perdetur.*

## Imperfecta excessu, hypercatalecta.

Job. 6. 22. וּמִכְחָם שָׁחַדוּ בְּעֵי׃

*Et ex facultatibus vestris largimini mihi.*

Græca nec brachyc. nec hypercat. apud. Pind. aut Sophoclem invenimus.

## II. ANOMALA tertio pede spondeo.

## • Dimetra perfecta.

Psal. 148. 8. רוּחַ סַעֲרָה עֲשָׂה דְבָרוֹ

*Ventus turbine efficiens verbum ejus.*

Prov. 21. 22. עֵיר וְנָבִירִים עָלֶיהָ חָכָם

*Civisatem potentium confendit sapiens.*

## G R A E C A.

Pind. 59. Ἐνδὸν ἀμπύλου καρχαλαῶσαι.

*Intus vitis bullientem torere.*

&amp; 349. καὶ αὐτὸς ἰσλαῶς ἀνεῖν.

*Iustitia flos, probos laudare.*

Soph. 254. Ἀλλ' ὅφ' αἰματιγῶς χερσὶ.

*Sed à cruentis manibus.*

Ibidem. Ἀλλὰ καὶ ἀπ' ἐνεργα μῦθων.

*Sed & in illam fasa.*

## I M P E R F E C T A.

## Defectu catalectica.

Prov. 3. 33. מֵאֲרֵרַת יְהוָה בְּבֵית רָשָׁע

*Execratio Iova incumbit domui improbi.*

&amp; 19. 1. מַעֲקֵשׁ שִׁפְתָיו וְהוּא כְסִיל׃

*Pra perverso labii sui, qui est stolidus.*

Psal. 78. 48. וּמִקְנֵיהֶם לְרִשְׁפִּים׃

*Et pecora eorum prunis ignitis.*

## G R A E C A.

## T I

Soph. 24. εἰς ὄνησιν ἀνθρώπων.

*Quendam, cum utilitate, hominum.*

&amp; 196. σοὶ δὲ ταῦτ' ἀπὸς οἶν.

*Tibi autem hac placeant.*

Ibidem. αἰσι πλεῖστα συμπαίῃ.

*Quibuscum plerum que ludis.*

## Imperfecta excessu, hypercatalecta.

Psal. 25. 4. דַּרְכֶּיךָ יְהוָה הוֹדִיעֵנִי

*Vias tuas Iova notas fac mihi.*

Prov. 28. 5. וּמִבְקֵשׁ יְהוָה יִבְנוּ כָל׃

*Et quærentes Iovam animadvertunt omnia.*

Prov. 8. 19. מִיֹּזֵב פֶּרִי מִחֲרוֹץ וּמִפֶּן׃

*Melior fructus meus auro, & quidem obryzo.*

Græca hujusmodi nondum observata apud Pindarum, nec apud Sophoclem.

Atque hæc de duobus simplicibus carminum generibus prioribus, quæ principali pede dissyllabo constant, jambicis &amp; trochaicis: reliqua duo quæ trissyllabo constant dactylica &amp; anapestica, ordine explicanda.

## CAPUT VIII.

## De Carmine Dactyllico canonis.

1. Dactylicum mixtum duos secundarios pedes, tempore pares, admittit.

2. Prior, per synæresin duarum brevium in longam, est spondens.

3. Posterior contra, per dialysin longa in duas breves, est proceleusmaticus seu tetrabrachis ut ut.

4. Ordo autem dispositionis eorum est ἀδιαφορῶς.

5. Spondens autem, non solum promiscue quovis loco, sed etiam omni loco poni potest.

Atque inde, dactylicum ex spondens, &amp; spondaicum tam men appellari solet.

## CAPUT IX.

## Dactyllica carmina exemplis parallelis demonstrata.

## I. DIMETRA.

Prov. 16. 8. טוֹב מְעַט בְּצִדְקָה

*Melius est parum cum iustitia.*

Psal. 83. 15. כָּאֵשׁ תִּבְעַר יֵעַר -uu|-u

*Uti ignis exurit silvam.*

&amp; 77. 6. שְׁנוֹת עוֹלָמִים

*Annis seculorum.*

Job. 33. 8. וְלֹא עָן לִי

*Neque iniquis as mihi.*

## G R A E C A.

Soph. 221. Πρὸς λόγῳ.

*Indixit colloquium.*

&amp; 247. ὡς φάτις ἀνθρώπων.

*Uti sermo est hominum.*

&amp; 156. Δοίματι πάλαν.

*Metu tremens.*

&amp; 260. Χλωρά τ' ἀκτὰ.

*Viridesque colles.*

&amp; 432. Καίρως καὶ πλῆθος.

*Opportuna navigatio.*

## IMPERFECTA CATALECTICA.

Psal. 31. 5. טָסְנוּ לִי

*Abfconderunt mihi.*

&amp; 56. 4. יוֹם אֶרֶץ

*Qua die timebo.*

&amp; 99. 3. קְדוֹשׁ הוּא

*Sanctum est.*

## G R A E C A.

Soph. 105. Οὐτις πῦ.

*Nulla unquam.*

&amp; 412. ὃ μοι μοι.

*Hei mihi mihi.*

## II. TRIMETRA.

Perfecta pura nondum comperta.

TRIMETRA perfecta mixta.

Prov. 14. 28. וְכַאֲפֹס לֹאִם מַחֲתֵת רוּחַ -uu|-uu|-

*At in defectu nationis, contritio dominatoris.*

&amp; 16. 2. וְתוֹכֵן רוּחוֹת יְהוָה --|--|--

*At perpendis spiritus Iovae.*

&amp; 3. 2. וְשָׁלוֹם יוֹסִיפוּ לָךְ --|--|--

*Et pacem adjicient tibi.*

Job. 30. 27. מִעֵי רִתְחוֹ וְלֹאֲדָמוּ -uu|--|--

*Viscera mea effervescentia sunt, & non requiescunt.*

## G R A E C A.

Pind. 47. Καὶ μέγα οὖρον ὁμῶσας. -uu|-uu|--

*Et magnum iurandum iuratus.*

Soph. 84. ὃ φαῖ ἀγνὸν καὶ γῆς. -uu|--|--

*O lux pura, & terra, &c.*

&amp; 131. ὃ δέμας δεικνὸν φεῖ φεῖ. -uu|--|--

*O corpus miserabile! heu, heu.*

## Imperfecta catalectica.

## I. PURA.

Psal. 135. 12. וְנָתַן אֲרָצָם נַחֲלָה

*Et dedit terram ipsorum possessionem.*

Prov. 5. 6. אִין חַיִּים פִּן־תִּפְלֵם

*Iter vita ne expendas.*

&amp; vers. 12. וְתוֹכַחַת נָאִין לִבִּי

*Et correctionem speravit cor meum.*

## G R A E C A.

Pind. 63. Αἰ δὲ φρεῖν ταραχαί.

*Menti autem perturbationes.*

Soph. 11. ὃ μεγάλη φάτις, ὦ.

*O ingens fama, O.*

&amp; 219. Ἀντίτυπον δ' ἐπὶ γῆς.

*Contrario modo in terram, sc. decidit.*

## 2. MIXTA partim cum Dialecti.

Job. 18. 13. יוֹכַל בְּרִי עוֹרוֹ -uu|--|--

*Comedit vestes cuius ejus.*

Prov. 5. 14. בְּתוֹךְ קָהָל וְעֵדָה --|--|--

*In medio congregationis & ecclesie.*

&amp; 15. 1. דְּבַר עֲצָב יַעֲלֶה־אָפִי -uu|uuuu|-

*Verbum vero molestia excitat iram.*

## G R A E C A.

Pind. 68. Φαῖνον ἐς ἀθήρα μιν. uuu|-uu|--

*Lucidum in aethera, ipsam.*

Soph. 259. Δύς ἐν κόλποις. --|--|--

*Ceteris in sinibus.*

&amp; 409. Γᾶς, σπόρον ἐν ἄλλαν. -uu|--|--

*Terra, nec semen aliorum.*

&amp; 134. Οὐποτε κατὰ λύσιμον. -uu|uuuu|u

*Nunquam dissolubile.*

## III. TETRAMETRA.

## 1. Perfecta.

## MIXTA.

Job. 19. 7. הֵן אֶעֱזֵק הָמָס וְלֹא אֶעֱנֶה -uu|--|--|--u

*En exclamans violentiam, non tamen exaudior.*

Psal. 146. 4. תִּצְאָה רִחוֹ וְיָשָׁב לְאֲדָמָתוֹ -|--|--|--uu|--

*Exit spiritus ejus, revertitur in terram suam.*

Prov. 12. 1. אֹהֵב מוֹסֵר אֶהֱבֶה דַּעַת --|--|--|--u

*Qui amat eruditionem, amat scientiam.*

## G R A E C A.

Pind. 107. Ἀδυμελὴν κελადῆσω τῶν ἐπι-

*ζευθειῶν. -uu|-uu|--|--uu**Blandiloquium cantabo, Epi-**zephyriorum, &c.*

Soph. 14. Τῶ Τελαμωνίῳ τήλοθεν οἶκον. -uu|--|--uu|--

*Filii Telamoni, procul a patria.*

&amp; 85. Ἄλ' ὅ μιν δὴ λήξω θρήνων. --|--|--|--

*At non sane desinam lugere.*

## 2. Imperfecta catalectica.

Prov. 20. 24. מִיְהוָה מִצְעָדֵי נֶגֶד --|--uu|--|u

*A Iova gressus viri.*

&amp; 15. 29. רָחוֹק יְהוָה מִכֹּסֶם שָׁעִים --|--|--|--

*Procul est Iova ab improbi.*

## G R A E C A.

Soph. 86. ὃ παῖ παῖ δυσαναστάτως.

*O filia, filia infelicissima.*

&amp; ibidem. Ἠλέκτρα ματρός, τίν' αἰ.

*Electra matris, quam semper,**&c.*

&amp; 84. Πολλὰς μὲν θρήνων ὁδὸς. --|--|--|--

*Multas quidem lamentationum odas.*

E c c e e

IV. PAN-

## IV. PENTAMETRA SACRA.

Perfecta non apparent : sed imperfecta catalectica.

Prov. 17. 5. חֲרֵף לְרֵשׁ חֲרֵף עֲשֵׂהוּ - | - | - | - | - | -

*Qui subsannat pauperem, probo afficit opificem ejus.*

& 27. 10. טוֹב שֶׁבֶן קְרוֹב מֵאֵחַ רִחֹק - | - | - | - | - | -

*Melior est vicinus propinquus frater longinquo.*

Psal. 89. 5. וּבְנֵי לְדוֹר וְדוֹר כְּסֵאֶךָ - | - | - | - | - | -

*Et adificabo in quamque generationem solium tuum.*

## G R A E C A.

Nondum in Pindaro neque in Sophocle exempla observavimus : sed tale adducit ex Euripidis Phœnissis J. Micillus de re metrica pag. 53.

Αἰεὶ δὲ σκότον ὁμιμαστὸς οὖτος βαλάν.

-uu|-uu|-uu|-uu|-

*Aetereas tenebras oculis tui injiciens.*

Extat autem edit. Pauli Stephani pag. 366. tom. 1. sed errore typographico, ὁμιμαστ.

Exposito jam tertio Carminum genere, ad quartum accedimus.

## C A P U T X.

## De carmine Anapaestico canones.

1. **M**ixta anapaestica analogia, duos tantum pedes secundarios, promiscuo ordine recipiunt : & quidem tempore pares.

2. Prior est spondens, per synaresin ; seu duarum brevium in longam contractionem : posterior, est praecleusmaticum seu tetrabrachys, per dialysin, seu longa in duas breves dissolutionem.

3. Anomala vero sunt, quae unicum anapaesto contrarium distylum continent.

Hæc autem ex sequentibus fient clariora.

## C A P U T XI.

## Carmina Anapaestica exemplis parallelis demonstrata.

## AC PRIMUM ANALOG.

## I. MONOMETRA perfecta.

## I. P U R A.

Prov. 14. 13. גַּם בְּשִׁחוּק יִכְאֵב לֵב - | - | - | - | - | -

*Etiam in risu dolet animus.*

& 23. 23. אִמְרַת קִנְיָ וְאֵל-חֶסֶד - | - | - | - | - | -

*Veritatem eme, ac non vendito.*

Psal. 116. 8. אֶתְדַּגְּלִי מִדְּחַי - | - | - | - | - | -

*Pedem meum a lapsu.*

## G R A E C A.

Pind. 206. Δύο δ' ἀμπλαξίαι.

*Duo autem deliciae.*

Soph. 15. Ὑποκλιζομένην.

*Rumoribus strasam.*

## 2. M I X T A.

Prov. 18. 10. טוֹרֵף עוֹן יְהוָה - | - | - | - | - | -

*Turris robusta est Iova.*

Psal. 65. 3. שׁוֹמֵעַ תְּפִלָּה - | - | - | - | - | -

*Exaudiens orationem.*

Job. 22. 11. וְשִׁפְעַת מִים תִּכְסֹּף - | - | - | - | - | -

*Et agmen aquarum obteget te.*

## G R A E C A.

Soph. 10. Βότα καὶ λείαν. uu-, --|

*Pecora & pradam.*

& 14. Αἶας θολερός. --, uu-|

*Ajax tumultuosus.*

& 37. Ἀφίλα παρ' ἀφίλοις. uuuu, uu-

Imperfecta excessu, hypercatalecta.

## I. P U R A.

Prov. 20. 14. רָע רֵעַ יְאֹמֵר הַקּוֹנֶה - | - | - | - | - | -

*Malum malum est, ait emptor.*

Psal. 106. 39. וַיִּטְמְאוּ בַמַּעֲשִׂיהֶם - | - | - | - | - | -

*Et polluerunt se factis suis.*

Ibid. וַיִּנָּהוּ בַמַּעֲלָלֵיהֶם - | - | - | - | - | -

*Et scortati sunt actionibus suis.*

Psal. 118. 27. עַד-קִרְוַת הַמִּזְבֵּחַ - | - | - | - | - | -

*Usque ad cornua altaris.*

## G R A E C A.

I. P U R A in Pind. nec Soph. observavimus ; sed in aliis.

Euripidis Hecuba edit. P. Stephani tom. 1. pag. 79.

Δοεὶ δὴ δοεὶ πύργων. uu-, uu-|u

*Hæstæ sanè hæstæ populæ.*

Et Aristoph. cum Scholiis edit. Basil. Βατράχους p. 162. & ibi alia plura.

Χόλον ἔνδοθεν ἔξῃ. uu-, uu-ū

*Indignationem intus habebit.*

M I X T A, partim cum dialysi.

Prov. 27. 21. וְאִישׁ לִפִּי מִהֲלָלוֹ - | - | - | - | - | -

*Est unumquodque secundum præstantissimum suum.*

Psal. 78. 66. וַיַּךְ צָרָו אַחֲרָיו - | - | - | - | - | -

*Et percussit hostes suos retro.*

& 146. 6. וְאֵת כָּל-אֲשֶׁר-בָּם - | - | - | - | - | -

*Mare & quicquid in eis.*

## G R A E C A.

Soph. 42. Πάν παν ἀλτπλαγματε.

*O Pan Pan marine.*

& 43. Ὡ ζεῦ πάρα λευκόν.

*O Iupiter, adest candidum, sc. lumen.*

& 319. Ἐπιγυαλον ἐναλίην. uuuu, uuuu-|

*Aditum, maritimo, &c.*

## II. D I M E T R A perfecta.

I. P U R A nec Hebræa, nec Græca sunt observata.

## M I X T A.

Psal. 35. 13. וְאֵנִי בַחֲלוּתִים לְבוֹשֵׁי שָׁן - | - | - | - | - | -

*Et mihi agrotantibus illis, vestis mea cilicium.*

& 107. 37. וַיַּרְעוּ שָׂדֵי וַיִּשְׁעוּ כְרָמִים - | - | - | - | - | -

*Et conscrant agros, plantentque vineas.*

## G R A E C A.

Soph. 84. Ὅσα τὸν δυστυχὸν ἐμὸν θρηνῶ. uu-, --|uu- --

*Quam infelicem meum lugeam.*

& 247. Ἡμεῖς ὃ βροτοὶ καὶ θνητοὶ. --uu-|--uu-

*Nos autem mortales & nati mortalibus.*

## I M P E R F E C T A catalecta.

## I. P U R A.

Job. 19. 21. רָעִי חֲנִי חֲנִי אֶתְּם - | - | - | - | - | -

*Miseremini mei, miseremini mei, vos amici mei.*

## G R A E-

## G R Æ C A.

- Pind. 6. Ποτὶ δῶμα διδς μεταβάσαι. υυ-υυ|υυ-, -  
Ad domum Iovis transferre.  
Soph. 89. Ὑπεράχθεις, μήτ' ἐπίλαβει. υυ-υυ-|υυ-, -  
Valde succensens, neque obliviscaris.

## 2. M I X T A.

- Prov. 22. 8. יָקַץ עוֹלָהּ יִקְצוֹר יָקַץ. --υυ-|υυ-, υ-  
Qui seminat iniquitatem, metet molestiam.  
& 17. 13. מִשִּׁיב רָעָה תַּחַת טוֹבָה. ----|υυ-, υ  
Qui reddit malum pro bono.  
Pfal. 11. 7. יֵשׁר יְחֹז פְּנִיכּוֹ. --υυ-|-, -  
Rectum afficit vultus ipsius.

## G R Æ C A.

- Soph. 14. Ὡς' ἐκ ἀν' ἀιδεῖς ὑπέπειπον. --υυ-|υυ-, -  
Adeo ut non ignara loquaris.  
& 85. Λύπης ἀντίρροπον ἄχθος. ----|υυ-, υ  
Tristitia ingravescens onus.

## Dimet. Brachycatalecta.

## I. P U R A.

- Prov. 21. 16. כָּל-הַיּוֹם הַתְּאוֹרָה תִּתְאוֹרָה. ---  
Totum diem efficitur desiderio.  
Pfal. 37. 4. וַיִּתֵּן-לָהּ מִשְׁאֲלוֹת לִבָּהּ. υυ-υυ-|υυ-  
Et dabit tibi petitiones cordis tui.  
& 74. 14. תִּתְנֶנּוּ מֵאֵכֶל לְעַם לְצִיִּים. ---  
Das eum in cibum, populo deserticulis.  
Græca pura non occurrunt, nec in Pind.  
neque in Sophocle.

## 2. M I X T A.

- Job. 27. 4. אִם תִּרְבֶּנָּה שְׁפָתַי עוֹלָה. υυ---|υυ-  
Si loquutura sunt labia mea iniquitatem,  
Prov. 12. 13. בְּפִשֶׁע שְׁפָתַיִם מוֹקֵשׁ רָע. υυ-υυ-|--  
In defectione labiorum est tendicula mali.  
& 21. 27. זֶבַח רְשָׁעִים תוֹעֵבָה. υυ-υυ-|--  
Sacrificium improborum abominationi est.  
& 27. 2. יִהְיֶה לָּהּ זֶר וְלֹא-פֶה. υυ---|--  
Laudet te extraneus, non verò os tuum.

## G R Æ C A.

- Pind. 112. Ὑπερλόβωντων ἱερῶς. υυ---|υυ-  
Superantium sacris.  
Soph. 84. Ἰσόμερον αἶρ, ὥς μοι. ---  
Æqualis aer: quam mihi, &c.  
& 85. Στωργῶν τε γόων, ἔς' αἶ. υυ-υυ-|--  
Molestosque luctus, donec, &c.  
& 259. Πολυώνυμος Κασμέας. ---  
Bacche Kadmea.

## Excessu imperfecta, hypercatalecta.

## M I X T A.

- Prov. 17. 28. גִּם אִוִּיל מַחֲרִישׁ הֵכֶם יִחְשֶׁב. υυ-υυ-|---  
Etiam stultus siliens, sapiens reputatur.  
& 25. 24. מֵאִשֶׁת מְרִינִים וּבֵית חֶבֶר. --υυ-|---|υ  
Quam muliere contentiosa, & domo communi.

## G R Æ C A.

- Pind. 202. Ὑμῖν τόδε τῶν λιπαρῶν δῶδ' ἔσται. ---  
Vobis hoc fertilibus à Thebis.  
& 208. Δελφίνα γ' ὑποφρόνων τιν' ἔκαμψεν. ---  
Delphina: & magnanimorum quendam depressit.

## A N O M A L A, Dactylo pro anapæsto.

## D I M E T R A.

- Pfal. 145. 10. יוֹדֶה יְחֹרָה כָּל-מַעֲשֵׂיךָ. ---|--υυ, υυ-  
Celebrent te Iova omnia opera tua.

## G R Æ C A.

- Soph. 85. Ἡ' μὲν φέρεται, σὺ πάτερ ἔτως. --υυ-|--υυ, --  
Quam à me præstatur: te, ó pater, ita, &c.  
Ibidem. Οὐ τινολῆταις ὥς τις ἀνδρῶν. --υυ-|--υυ, --  
Non ut qua liberos amisit lusciniæ.

Atque hoc modo egimus de quatuor primis carminum generibus, quæ simplicibus constant pedibus: partim dissyllabis, ut Jambica & Tróchaica: partim trissyllabis, ut Dactylica & Anapæstica. Consequens est, ut de reliquis quinque similiter agamus: quæ ex compositis pedibus constant.

## C A P U T XII.

## De carmine choriambico-canones.

1. Choriambicum mixtum, est quod alios etiam pedes, præter choriambum, recipit.
  2. Analogum autem est, quum illi sunt consentanei, vel primi pedis illius mutatione, vel extrema syllaba longa dialysi.
  3. Mutatio autem est, quum pro trochæo (prima choriambi parte) jambus ponitur vel spondæus: ita ut sit jambica syzygia, loco choriambi.
  4. Dialysis verò extrema syllaba longa est, quum vel altera tantum, vel utraque in duas breves dissolvitur.
  5. Anomalum verò est, quum pedes illi sunt dissentanei.
  6. Tales autem sunt, Trochæica syzygia, Epitritus primus υ--- aut quartus ---υ Antispastus, & pæon primus -υυυ, aut quartus υυυ-.
- Ob quam anomaliam, Epichoriambica carmina appellantur.

## C A P U T XIII.

## Carmina choriambica exemplis parallelis demonstrata.

## P R I M U M A N A L O G A.

## I. M O N O M E T R A.

## 1. Perfecta.

- Pfal. 153. 4. אֵין גַּם-אַחֶר: -υυ-  
Nec est vel unus.  
Lam. 3. 52. אֵיבֵי חֲנֹם: -υυ-  
Inimici mei immerito.

## G R Æ C A.

- Soph. 118. Ταχομένης. ---  
Dolore confecta.  
Ibidem. Ἔς' ὅς' ἔτ' ἦν. ---  
Est. nam qui etiam erat.

## 2. Imperfecta excessu, hypercatalecta.

- Job. 36. 6. לֹא יִחְיֶה רָשָׁע. ---  
Non servat vitam improbo.  
Pfal. 75. 3. כִּי אָקַח מוֹעֵד. ---  
Quum exspecto conventum.  
Prov. 31. 2. וּמִה בְּרִנְדִּי. ---  
Et quid fili votorum meorum.

## G R Æ C A.

- Soph. 218. Ὡς, ὑπερίπτα. ---  
Veluti, involabat.  
& 245. Φύξιμι θεοῖς. ---  
Effugit nullus.

Eccce 1

II. DI-



## II. DIMETRA perfecta.

## I. PURA.

- Job. 15. 29. ולא יטח לארץ מלם - - - - -  
*Neque extendetur per terram plenitudo ipsorum.*  
 Prov. 12. 3. וישד צדיקים בלימות - - - - -  
*Et radix justorum non dimovebitur.*  
 & 16. 5. תועבת יהוה כל גבה לב - - - - -  
*Abominationi est Iovæ omnis altus animo.*

## GRÆCA.

- Pind. 269. Ὁ θεόμοιρος ἀρκεσίλα. - - - - -  
*O sortem divinitus adeptæ Arcesila.*  
 Soph. 67. Καὶ ἀνὴρ ὃς συγχεῖται. - - - - -  
*Ille vir qui tristitum.*  
 Ibid. Δύσμορος ὃτ' ἐννοχίαν. - - - - -  
*Infelix, neque nocturnam.*

## 2. MIXTA.

- Psal. 115. 5. עינים להם ולא יראו - - - - -  
*Oculi eîs, sed non vident.*  
 Prov. 11. 8. צדיק מצרה נחלץ. - - - - -  
*Iustus ex angustia liberatur.*  
 Ibid. 10. ובאכר רשעים רנה: - - - - -  
*Quum pereunt improbi, cantus est.*  
 Prov. 10. 9. הולך בתום ירך בטח - - - - -  
*Ambulans in integritate, ambulat secure.*  
 Job. 31. 18. ומבטן אמי אטחנה - - - - -  
*Et ab utero matris meæ reportavi eam, sc. cscā.*

## GRÆCA.

- Soph. 245. Ἐγὼς ἀνικατὶ μάχαν. - - - - -  
*Amor invictæ prælio.*  
 & 67. Τεγερὰ δὲ κόμης λυγρᾶς. - - - - -  
*Madefactus coma lugubris.*  
 & 33. 5. Οὕτω ὃ τὸν καθ' ἑμὲ γῆν. - - - - -  
*Sic Thebanum Herculem. Schol.*

## IMPERFECTA.

## I. DEFECTU CATALECTICA.

## I. PURA.

- Prov. 22. 8. וישבט עברתו יכלה - - - - -  
*Et virga furoris sui deficiet.*  
 Psal. 18. 23. כל משפטיו לפני - - - - -  
*Quum omnia iudicia ejus in conspectu meo.*

## GRÆCA.

- Pind. 3. φέρτερον ἀνδράσιν. - - - - -  
*Præstantius dicemus.*  
 & 7. καὶ φθονῶν γειτόνων. - - - - -  
*Statim ex invidiâ vicinû.*  
 Soph. 117. Πῶ φάειν ἀλῆ. - - - - -  
*Ubi lucens sol?*

## 2. MIXTA.

- Psal. 115. 8. כמותם יהיו עשירים - - - - -  
*Similes in erunt qui faciunt ipsa.*

## GRÆCA.

- Pind. 39. Λαμναῖαν γυναικῶν. - - - - -  
*Lemniacarum mulierum.*  
 Soph. 196. Καὶ κατὰ γνώμην ἴσθεις. - - - - -  
*Et consilii gnarus.*  
 & 159. Θρηῖκτον κλύδωνα. - - - - -

## BRACHYCATALECTA.

## I. PURA.

- Prov. 16. 24. צוף דבש אמרי נעים - - - - -  
*Ut savi mellis, sermones amari.*  
 Psal. 49. 17. כי ירבה כבוד ביתו - - - - -  
*Quum augebitur gloria domestica ejus.*

## GRÆCA.

- Soph. 120. Ἀνοπῶν δ' ἀλῆα. - - - - -  
*Inopinatum damnatum.*  
 & 410. Μηλιαδῶν νύμφαν. - - - - -  
*Melienisium nympharum.*

## 2. MIXTA.

- Job. 18. 5. ולא יגה שביב אשן - - - - -  
*Neque splendet scintilla ignis ejus.*  
 Prov. 31. 15. וחק לערתיה: - - - - -  
*Et pensum puellæ suæ.*

## GRÆCA.

- Pind. 201. Δαιμόνιαι τροφοί. - - - - -  
*Divina alumna.*  
 Soph. 119. Εἰδομὲν δ' ὁρῶντες. - - - - -  
*Novum quid vocifereris.*  
 & 424. Καὶ ὡς νεν ὁρῶν. - - - - -  
*Et desipientem vociferari.*

## Imperfecta excessu, hypercatalecta.

## I. PURA.

- Prov. 15. 9. תועבת יהוה דרך רשע - - - - -  
*Abominationi est Iovæ via improbi.*  
 & 18. 15. ואין חכמים תבקש דעת: - - - - -  
*Et auris sapientum quæret scientiam.*  
 & 22. 4. עקב ענוה יראת יהוה - - - - -  
*Premium mansuetudinis, reverentia Iovæ.*

## GRÆCA.

- Soph. 67. Καὶ βέλτερον θείῳ ἀίας. - - - - -  
*Contraque tela bellicosus Ajax.*  
 Ibidem. Νέμερ' ἰμοὶ τίς τιν' ὀμιλεῖν. - - - - -  
*Concedebat mihi, voluptatem participare.*

## MIXTA.

## Ac partim cum Dialysi.

- Prov. 11. 1. מאוני מרמה תועבת יהוה - - - - -  
*Lances dolosa abominationi sunt Iovæ.*  
 & 29. 2. צרות צדיקים ישמחו דעים - - - - -  
*Quum augentur iusti, latatur populus.*  
 & 20. 13. אל תאהב שנה פז תורש - - - - -  
*Ne diligito somnium, ne efficiaris pauper.*  
 & ver. 18. ובתחבלות עשה מלחמה - - - - -  
*Et prudentibus consiliis gere bellum.*  
 Psal. 89. 49. מי גבר יהוה ולא יראה מות - - - - -  
*Quis vir erit, qui non experietur mortem?*

## GRÆCA.

- Pind. 108. Ἐμφύς, ἔτ' αἶθρον ἀλώπηξ. - - - - -  
*Naturæ insitum, neque ardens vulpes.*  
 & 288. Κράτ' ἰθὺς ὕψος ἐν ἀγρῶν. - - - - -  
*Robori: potius insolentiam in sentina.*  
 Soph. 245. Ἐγὼς, ὃν κτήμασι πίπεις. - - - - -  
*Amor, qui itruis in opes.*  
 & 66. Τίς ἀπὸ γάτος ἐς πότι λίξῃ. - - - - -  
*Quis ultimus tandem finiet.*

## Trimetra perfecta, nec Heb. nec Græca observata.

## IMPERF.

## IMPERFECTA.

## Defectu

## I. CATALECTICA.

Psal. 96. 5. כִּי כָל־אֱלֹהֵי הָעַמִּים אֱלִילִים. -uu-|-uu-|u-u  
*Nam omnes dii populorum idola,*

## GRÆCA.

Soph. 136. Ἄς ἐγὼ εἰδὼς ὅτι ἐν κακοῖς λαβοίμαι. -uu-|u-u-|u-u  
*Cum ego ne in arumis quidem obliuisceretur.*

## 2. BRACHYCATALECTA.

## I. PURA.

Prov. 20. 23. תוֹעֵבֶת יְהוָה אֲכֹל וְאֵכָן. -uu-|-uu-|-u  
*Abominationi Iova, diversa pondera.*

## GRÆCA.

Soph. 188. μήποτε λύσαι' θύον αἰτῦμαι. -uu-|-uu-|u-u  
*Nunquam dissolvere: Deum precor,*  
 & 187. Μὴ ὥποτε λάβα καὶ κακοῖς μάσῃ. -uu-|-uu-|-u  
*Quidem nunquam oblivione sopietur.*

## 2. MIXTA.

Prov. 23. 13. כִּי תִכְנוּ בְּשִׁבְטְךָ לֹא יָמוּת. -uu-|u-u-|-u  
*Quum percusseris eum virgâ, non morietur.*

## GRÆCA.

Soph. 127. τί τῶς ἀνωθιν φρονιμωτάτης. u-u-|-uu-|u-  
*Quid, quod illos in superioribus sapientissimos?*  
 Ibidem. ὅτι σφίς ἤδη τὰ μὲν ἐκ δόμων. u-u-|-uu-|u-  
*Quod ipsi jam qua domestica.*

## ANOMALA, seu EPICHOIRAMBICA

## Dimetra primum perfecta acatalecta.

## 1. Ex pzone primo vel quarto.

Job. 37. 20. הִסְפַּר לוֹ כִּי אֲדַבֵּר. u-u-|-uu-|u-  
*An enarrabitur ei, quum loquar.*  
 Psal. 116. 10. הָאֲמַנְתִּי כִּי אֲדַבֵּר. u-u-|-uu-  
*Credidi, adeo ut loquutus sim.*  
 Prov. 27. 3. כָּבֵד אֲבֹן וְנֹטַר הַחֹר. -uuu-|-uu-  
*Gravitas lapidis, & pondus arena.*

## GRÆCA.

Soph. 200. Ἰαχίων ἐκ σομάτων. uuu-|-uu-  
*Rugiente ore.*  
 Pind. 278. Κρίστονα μὲν ἀλκίας. -uuu-|-uu-  
*Prastantiorem quidem atate.*

## 2. Ex epitrito primo.

Job. 16. 11. יָמַינִי אֵל אֵל עָוִל. u---|-uu-  
*Dedit me Deus iniquo.*  
 Psal. 89. 5. עַד עוֹלָם אֲבִין זִרְעָךָ. u---|-uu-  
*Usque in seculum stabilium semen tuum.*  
 Job. 8. 2. וְרוּחַ כְּבִיד אֲמַרִי פִּיהִי. -uu-|u---  
*Et ventus validus sermones ori tui.*

## GRÆCA.

Soph. 335. δ' ὁ πάντων κραίων βασιλεύς. u---|-uu-  
*Neque qui omnibus praest rex.*

## 3. E quarto capit.

Psal. 77. 21. נָחִיתָהּ בְּצֶאֱן עֶמְךָ. ---u-|-uu-  
*Duxisti ut gregem populum tuum.*

## GRÆCA.

Pind. 359. Δις τόσους ἀπειρομάχας. ---|-uu-  
*Bi tot. Inexpertus belli.*

## 4. Ex Syzygia trochaica.

Prov. 6. 1. תִּקְעַת לֶךְ כַּפֶּךָ. -u-u|uu-  
*Complofisti extraneo volas tuas.*  
 29. 27. וְתוֹעֵבֶת רָשָׁע יִשְׁרָדֶרֶךְ. -uu-|-u-u  
*Et abominationi improbo rectus via.*  
 & 15. 9. וּמִדֶּרֶךְ צִדְקָתָא אֱהָב. -u---|-uu-  
*Es cum qui sectatur iustitiam diliget.*  
 & vers. 26. תוֹעֵבֶת יְהוָה מַחְשְׁבוֹת רָע. -uu-|-u-  
*Abominationi sunt Iova cogitationes mali.*

## GRÆCA.

Pind. 111. Ασφαλὴς δίκαια, ἃ ὁμό- --u-u-|-uuu  
 τροπῇ.  
*Firma iustitia & iisdem moribus.*

& 115. νός τε οἱ τῶντῃ, κραναῆς. -u---|-uu-  
*Menseque eodem, asperis, &c.*

& 312. Ἀγλαίας ἀπτόμυδα. -uu-|-u-u  
*Splendores attingimus.*

Soph. 237. Οὐδὲν ἡλείπει γένος. -u---|-uu-  
*Nihil deficit, generis, &c.*

& 67. Τίρῃν ἰαυέν ἐρωτων. -uu-|-u-u-  
*In voluptate pernoctare amorum.*

## 5. Ex Antispasto.

Job. 12. 5. לִפְדֵּי בֹהַל עֲשֵׂתוֹת שְׂאֵן. |u-u-|-uu-  
*Tada contempta est ad cogitationem tranquillis.*  
 & 19. 8. אֲרַחִי גֵדֵר וְלֹא אֶעְבֹּד. u---|-uu-  
*Viam meam sepis, ut non transcam.*  
 Psal. 88. 15. תַּסְתִּיר פָּנֶיךָ מִמֶּנִּי. |u-u-|-uu-  
*Abconde faciem tuam à me,*

## GRÆCA.

Soph. 218. Ἐῶα πρὶν ποδὶ ἀμυτέρων. u---|-uu-  
*Abiit, antequam nostris.*

## Secundo dimetra imperfecta.

## Excessu, HYPERCATALECTA.

Prov. 25. 16. הֹקֵם רִגְלֶךָ מִבֵּית רַעֲךָ. -uu|u-u-|-  
*Pretiosum habes pedem tuum a domo socii tui.*  
 & 16. 28. אִישׁ תְּהַפְכוֹת יִשְׁלַח מֶדֶן. -uuu-|-uu-|-  
*Vir perversitatum immittet contentionem.*  
 & 6. 3. לֶךְ הַתְּרַפֵּס וְרַחֵב רַעֲךָ. -uu-|-u-u-|-  
*Age, subijce te, & interpella proximum tuum.*

## GRÆCA.

Pind. 21. Τὸν δ' ἔχῃ τὸν εὐφρονα πότμον. -u-u-|-uu-|u  
*Hanc habet iucundam sortem.*

Soph. 158. Ορμυον ἀκτὰς ἀπὸς ἱσπίδας. +uu-|-u-u-|-  
*Ruentem ad litus obscuri, sc. Plutonis.*

Atque hæc de Choriambicis: quibus Ionicorum explicationem cum generalem, tum specialem subiiciemus.

## CAPUT XIV.

## De carmine Ionico, canones generales.

1. I Onicum carmen mixtum est, in quo, promiscuo ordine, diversa syzygia adhibetur.
  2. Analogum quidem; quod (ut pedes ionico consentaneos) habet trochaicam syzygiam: vel certum pæonem.
  3. Anomalum est, quod dissenteos habet pedes, pro ionico jambicam syzygiam.
- Unde Epionicum, à metricis scriptoribus, dici solet.

## CAPUT XV.

De carmine ionico à majori, canones speciales.

1. **I** Onicum à majori mixtum, est quod loco ionici, paonem secundum u-u recipit.  
Quomodo prima longa, in brevem mutatur.
2. Mixtum verò anomalum Gracum est, quum pro ionico à majori paon primus collocatur: Hebraeum verò nondum compertum. Græci exemplum, Soph. pag. 91. ut Dom. Triclin. ibid. 441. B. observavit.

## CAPUT XVI.

Carmina Ionica à majori, exemplis parallelis demonstrata.

## Primum ANALOGA.

## I. MONOMETRA.

## 1. ACATALECTA.

Psal. 44. 2. בִּימֵי קֶדֶם --uu

Temporibus antiquitatis.

Græca nondum observavimus.

## 3. HYPERCATALECTA.

Psal. 40. 6. עֲצֻמוֹ מִסֶּפֶר ;

Numerosiora sunt quam ut enarrentur.

&amp; 116. 2. וּבִימֵי אֶקְרָא

Et diebus meis invocabo.

## GRÆCA.

Pind. 216. Φῆγ' ἀγρότερον.

Feram agrestem.

Soph. 66. Ἄλ' ἐν πάγῳ.

Calamitatem inducens.

## II. DIMETRA.

Perfecta acatalecta.

## 1. PURA.

Prov. 17. 19. אָהֵב פִּשְׁעֵי אֶהֱבֶה מִצָּרָה

Diligit defectionem qui diligit iurgium.

&amp; 13. 20. הוֹלֵךְ אֶת-חֲכָמִים יִחְכֵּם

Qui ambulat cum sapientibus, sapiens fiet.

&amp; 20. 9. מִי יֹאמֵר זִכְרִי לִבִּי

Quis dicet? purificavi animum meum.

## GRÆCA.

Pind. 31. Αἰτωλὸς ἀνὴρ ὑπερβόει.

Ætolus vir supernæ.

&amp; 431. Τὸν δ' αὖ κατὰ μὺς ἀνέμεινεν ἄγαν.

Alium autem rursus, conquestum valde.

## 2. MIXTA.

Prov. 24. 21. יִרְאֵה אֶת-יְהוָה בְּנֵי וְמִלָּה --u--|--uu

Reverere Iovam, fili mi, &amp; Regem.

Psal. 69. 24. וּמִתְנִיחַם תַּמִּיד הַמַּעַד ; --u-u|--uu

Et fac ut lumbi eorum jugiter nutent.

## GRÆCA.

Soph. 196. Προσπελάθεισά, ἢ σέ γε. --u--|--uu

Congressa, ante, &amp;c.

&amp; 38. Ἡκὼν γένεας ἀεισέ. --u-u|--u-u

Progressus ē genere præstantissimus.

## IMPERFECTA.

Defectu.

## CATALECTICA.

## 1. PURA.

Prov. 7. 27. יִדְרֹת אֶל-חֲדָרֵי מוֹת

Descendentes ad penetralia mortis.

&amp; 20. 27. חִפְשׁ כָּל-חֲדָרֵי-בֶטֶן

Pervestigas omnia penetralia ventris.

Psal. 51. 5. כִּי-פִשְׁעִי אֲנִי אֶדְעַ

Nam defectiones meas ego agnosco.

Græca nondum observata sunt.

## 2. MIXTA.

Prov. 5. 23. וְכָרַב אֹולָתוֹ יִשְׁנָה ; --uu|--uu

Et in amplitudine stultitia sua oberrabit.

## GRÆCA.

Soph. 159. Ἀκτὰν ὅθ' ἑστῶσι. --uu|--uu

In littore ubi altaria.

Pind. 285. Νῆσιν ὀνομάζομαι. --uu|--u-

Habitu nominabo.

## BRACHYCATALECTA.

Prov. 15. 15. וְטוֹב לֵב מִשְׁתֵּה תַמִּיד --uu|--

Et latus animo convivium iuge.

&amp; 16. 1. לִיָּדִים מַעֲרֵכ־לֵב --uu|--

Penes hominem dispositiones cordis.

## GRÆCA.

Pind. 38. Οὐ ψεύδ' ἐτίξω.

Non mendacio tingam.

Soph. 117. ἐκρύπτουσιν ἱκανοί.

Dissimulant quieti.

&amp; 137. Ζεῖν δ' ἴδμεν ἄλ'.

Mota fuerit domus, calamitatis, &amp;c.

Imperfecta excessu, hypercatalecta.

## 1. PURA.

Prov. 16. 22. וְמוֹסֵר אֹולִים אֹולָה --uu|--uu|u

At eruditio stultorum stultitia.

## GRÆCA.

Pind. 47. Ὀφθαλμὸν ἐμὰς ἀμφοτέρων. --uu|--u|u

Oculum mei, sc. exercitus, utrumque.

Soph. 173. Ἡ τῶν πολέων νεῖκε' ἐστ'.

Aut ipsi Polybi, sc. filio, consentio fuerit.

## 2. MIXTA.

Psal. 143. 2. כִּי לֹא יִצְדַּק לִפְנֵיךָ כָּל-יֹחִי ; --uu|--u-u|u

Quia non erit iustus coram te ullus vivens.

Psal. 90. 5. בְּבֹקֶר כְּחִצֵּי יִחְלֹף --u-u|--uu|u

Ipso mane ut fenum transibit.

## GRÆCA.

Pind. 11. Ἀλλ' οὐδ' ἐπακείσεται τὸ γ.

Certamen quidem subibitur, tu vero.

&amp; 285. Προοίμιον ἀλκμαονιδῶν. u-u|--uu|u

Proœmium Alcmaonidarum.

Soph. 160. Τὰς τι πυρφόρος ἀρτέμιδος. --u-u|--uu|u

Igneoſque Diana.

Ibidem. Γὰρ οἶνοπα βακχὸν εὖιον. --uu|--u-u|u

Cognomen terra vinosum Bacchum Evium.

## III. TRIMETRA.

## BRACHYCATALECTA.

Psal. 107. 6. וַיִּצְעֲקוּ אֶל-יְהוָה בְּצָר לָהֶם --u-u|--uu|u

Et clamaverunt ad Iovam in oppreffione ſua.

GRÆ-

## GRÆCA.

- Pind. 37. Ὑψηλοτάτων μάρτυρ αἰθλῶν. --uu|--uu|--  
*Altissimorum testem certaminum.*  
 Secundo anomala seu Epionica à majori.

## Dimetra acatalectica.

- Prov. 10. 5. אָנֶר בְּקִיץ בֵּן מִשְׁכִּיל --uu|u-u-  
*Congregat in æstate filius intelligens.*

## GRÆCA.

- Pind. 19. Ἐδλῶν γὰρ ἐπὶ χαρμάτων.  
*Boni enim à gaudiis.*  
 & 20. Ζῶν μὲν ἐν ὀλυμπίοις.  
*Vivit quidem inter cœlestes.* --uu|u-u-  
 Soph. 204. Τλάμων. τί γὰρ ἐδὲ μ' ὄρεται.  
*Miser. quid enim necesse erat, me videre.*

## CAPUT XVII.

## De carmine ionico à minori, canones speciales.

1. I Onicum à minori mixtum analogum est, in quo pro ionico pede, paon tertius uu-u ponitur.  
 2. Anomalum verò est, quod pro ionico, epitritum primum, u-- (et apud Græcos etiam paonem primum -uuu) recipit.

## CAPUT XVIII.

## Carmina ionica à minori, exemplis parallelis demonstrata.

## PRIMUM ANALOGA.

## I. MONOMETRA.

## Perfecta acatalecta.

- Deut. 32. 24. וְקָטַב מִרִּירִי  
*Excidio amaro.*  
 Prov. 8. 32. וְאַתְּ תִפְרָעַ  
*Et ne vos abstrahite.* uu|--

## GRÆCA.

- Soph. 117. Ἢ εἰ αἴ. uu--  
*He he, hei hei.*  
 & ibid. Ἀπολεῖς με uu-u  
*Perdis me.*

## Excessu imperfecta, hypercatalecta.

- Psal. 30. 7. כִּלְ אִמּוֹט לְשָׁלֹם  
*Non dimovebor in seculum.*  
 & 77. 7. וַיִּחְפֹּשׂ רוּחִי :  
*Et perscrutatur spiritum meum.* uu--|  
 & 144. 7. מִיַּד בְּנֵי נֹכַח  
*E manu alienigenarum.*

## GRÆCA.

- Soph. 277. Τὸ δ' ἀκούσομαι.  
*Tum etiam audiamus.*  
 & 422. Ἐχέτω δὲ σποῖμον.  
*Inhibe ominosam, sc. imprecationem.* uu--|u

## II. DIMETRA.

## Perfecta acatalecta.

## I. PURA.

- Job. 30. 14. כִּפְרֵץ רֹהֵב יֵאָחִיו  
*Quasi irruptione lata invadunt.*  
 Psal. 50. 23. אֲרָאנוּ בִישַׁע אֱלֹהִים :  
*Faciam ut videat salutem Dei.* uu--|--uu

Prov. 27. 7. נֶפֶשׁ רַעֲבָה כָּל־מֶר מִחֹק :

*Anima famelica omne amarum dulce est.* uu--|--uu

## GRÆCA.

- Pind. 260. Βούβις δ' ἔσεν ἀνάγκας.  
*Bubulis religavit necessitates, &c.*  
 Soph. 173. Κείσιν οὐκ ἔστιν ἀληθές.  
*Sententia non est vera.* uu--|uu--

## 2. MIXTA partim cum Dialysi.

- Job. 41. 2. תַּחַת כָּל־הַשָּׁמַיִם לִיהוָה :  
*Quod subest toti cælo, meum est.*  
 Psal. 103. 4. הַמַּעֲרִיב חֶסֶד וְרַחֲמִים :  
*Qui cingis te benignitate & misericordia.*  
 Prov. 20. 30. חֲבֹרוֹת פֶּצַע תִּמְרוֹק בְּרֵעַ :  
*Impulses vulneris, abstergio pro malo.*  
 & 15. 19. עֵצַל דֶּרֶךְ יִגְרִי כַּמִּשְׁכַּת חֹרֶק :  
*Via pigri veluti sepimentum spina.* uu--|uuu,-u

## GRÆCA.

- Pind. 239. Πικρὰν μὴ τινὲς κλύοντες.  
*Tutum consilium audientes.*  
 & 231. Διὸς αἰετῶν παρέρσεται.  
*Iovis aquilarum affessor.* uu-u|--u-u

## IMPERFECTA.

## Defectu.

## CATALECTICA.

## I. PURA.

- Prov. 14. 26. בִּירְאָת יְהוָה מִבְּטָח עֵץ :  
*In reverentia Iovæ est fiducia valida.*  
 & 18. 23. תַּחֲנוּנִים יְדַבֵּר־רֶשַׁת  
*Supplicationes eloquetur pauper.* uu--|uu-  
 & 26. 20. בָּאֵפֶס עֵצִים תִּכְבֶּה אֵשׁ :  
*Deficientibus lignis extinguetur ignis.*

## GRÆCA.

- Pind. 67. Φανεράν ἐν πελάγῳ.  
*Manifestam in pelago.*  
 & 383. Κρονίῳ παρ' τεμένει.  
*Apud Saturnii delubrum.* uu--|uu-  
 Soph. 24. Τινὲς δ' ἀμείνων.  
*Genus, neque mansuetorum.*

## 2. MIXTA.

- Prov. 8. 10. וְדַעַת מַחְרוּץ נִבְחַר :  
*Et scientiam pro auro lectissimo.*  
 & 14. 27. וִירְאָת יְהוָה מְקוֹר חַיִּים :  
*Et reverentia Iovæ scaturigo vitæ.* uu--|u-

## GRÆCA.

- Pind. 69. Τόθι λυτὸν συμφορᾶς.  
*Ibi lytrum calamitatis.*  
 Soph. 188. Θεὸν οὐ λήξω ποτὶ. uu--|uu  
*Deum non desinam unquam. sc. habere præsidem.*  
 & 187. Μέγας ἐν τούτοις θεός.  
*Magnus in his Deus.* uu--|u-

## BRACHYCATALECTA.

## I. PURA.

- Psal. 50. 13. וְדָם עֵתוּדִים אֶשְׁתַּחֲוֶה :  
*Et sanguinem hircorum bibam?*  
 Prov. 19. 23. יִרְאָת יְהוָה לַחַיִּים :  
*Reverentia Iovæ ad vitam facit.* uu--|uu

Eccc 4

Prov.





## CAPUT XX.

Antispastica carmina exemplis parallelis  
demonstrata.

## Primum ANALOGA.

## I. MONOMETRA.

## Perfecta acatalecta.

Psal. 66. 2. זָמְרוּ כְבוֹד שְׁמוֹ u--u

*Psallite gloriam nominis ejus.*

&amp; 110. 1. כָּל-הָאָרֶץ u--u

*Tota terra.*Græca nec in Pind. nec in Sophocle observata, nisi quis velit huc referre jambica monometra anomala u--u: de quibus cap. 5. actum. Qualé esse putat Triclinius hoc Sophoclis pag. 21. *ἰὼ παῖ παῖ. Io puer, puer.*

## Imperfecta excessu Hypercatalecta.

Job. 21. 32. וְעַל-גְּרִישׁ יִשְׁקֹד u--u

*Et apud tumulum assiduum est.*

&amp; 36. 3. כְּבִיר כָּח לֵב: u--u

*Validus fortitudine animi.*

Psal. 98. 5. בְּכִנּוֹר וְקוֹל זָמְרָה: u--u

*Citharâ & voce Psalmi.*

Prov. 13. 8. פֶּתַח פִּיךָ לְאֵלִים u--u

*Aperi os tuum pro iusto.*

## GRÆCA.

Pind. 17. Δίκαιον ζήλον. u--u

*Iustum hostitem.*Antapod. p. 20. Τανύθει-  
σιν dialysi. χα σήμελα φιλεῖ. u--u*Pallam comam compta Semele amat.*

Soph. 139. Ἀφυκτοὶ κυνέες. u--u

*Inevitabiles canes.*

&amp; 179. Ὁ ἀναξ λίσσομαι. u--u

*Et rex, obsecro.*

## II. DIMETRA.

## Perfecta acatalectica.

## I. PURA.

Job. 13. 12. זְכַרְנִיכֶם מִשְׁלִי-אָפֶר u--u

*Recordationes vestri similitudines  
cineris.*

&amp; 18. 17. זָכְרוּ אֶבֶר מִנִּי-אָרֶץ u--u

*Recordatio ejus peris e terra.*

Psal. 104. 6. עַל-הָרִים יַעֲמֹדוּ מַיִם u--u

*Supra montes stant aqua.*

&amp; 148. 3. הַלְלוּהוּ שֶׁשֶׁם יְיָ u--u

*Laudate eum sol & luna.*

## GRÆCA.

Græca pura nondum observata in Pindaro, nec in Sophocle: sed in Euripidis Oreste tom. I. p. 250. edit. P. Stephani.

Στέγης τὴς μὲν ἐν σταβυλῶσιν. u--u

*Sub tecto. quosdam in stabulis.*

## 2. MIXTA.

## Per dialysin antispasti.

Psal. 33. 15. הַמִּבֵּן אֶל-כָּל-מַעֲשֵׂיהֶם u--u

*Qui animadvertit ad omnia opera eorum.*

&amp; 136. 10. לְמַכּוֹת מִצְרַיִם בְּבִנְיָהֶם u--u

*Percutienti Ægyptios in primogenitis eorum.*

Job. 22. 23. אִם-תָּשׁוּב עַד-שְׂדֵי תְבֵרָה u--u

*Si reverteris ad omnipotentem, restauraberis.*

Prov. 29. 4. מֶלֶךְ בְּמִשְׁפָּט יַעֲמִיד אֶרֶץ u--u

*Rex iudicio stabiliet terram.*

## GRÆCA.

Soph. 158. Θεῶν, ὧν πόλεις ἀνέριθμοι. u--u

*Dei, quorum urbs innumera.*

&amp; 253. Παρά τῶν κυανέων πέτρων. u--u

*Apud Cyanea saxa.*

## MIXTA, per commutationem antispasti unius

## 1. In jambicam syzygiam.

Prov. 6. 31. וְנִמְצָא יְשָׁלֵם שְׁבָעִתִּים u--u

*Et deprehensus rependit septies.*

Psal. 71. 12. אֱלֹהִים אֵל תְּרוֹחַק מִמֶּנִּי u--u

*Deus, ne longè abesto à me.*

Prov. 12. 13. וַיֵּצֵא מִצָּרָה צְדִיק: u--u

*At egreditur ex angustia justus.*

## GRÆCA.

Pind. 3. Θιμισέιον ὁ δὲ ἀμφίπη. u--u

*Iustum qui trahat, sc. sceptrum.*

Soph. 21. Ἰώ μοι φίλοι ναυβάται. u--u

*O mihi amici, navales focii.*

## 2. MUTATIO, in pæonem tertium u--u.

Psal. 18. 10. וַיֵּט שָׁמַיִם יָרֵךְ u--u

*Et demittens cælum descendit.*

&amp; vers. 35. מִלִּמַּד יָדִי לְמַלְחָמָה u--u

*Docens manus meas bellum.*

## 3. In epitritum quartum ---u

Psal. 69. 22. וְלִצְמָא יִשְׁקֹנִי חֶמֶץ u--u

*Et in siti mea bibendum dant mihi acetum.*

Prov. 14. 6. בָּקֵשׁ לֵין חֲכָמָה וְאֵין u--u

*Quaesiverit derisor sapientiam,  
nulla est.*MIXTA, per commutationem duorum  
antispastorum.

## 1. In pedes diversos, epitritum quartum &amp; jambicam syzygiam.

Job. 40. 9. כִּי-תִשָּׂע לְךָ יְמִינְךָ ---u

*Quod servet te dextera tua.*

## GRÆCA.

Soph. 295. Θρωσκὴ τῶν ἑκαχτηπόδων.

*Curtis centipedarum, sc. instar  
Nereidum.*

&amp; 294. Νάρκισσος &amp; μεγάλας δαΐν.

*Narcissus, magnarum dearum.*

## 2. In pedes eodém utrimque.

Psal. 80. 13. וְאֶרְוָה כָּל-עֲבָרֵי דָרְךָ: ---u

*Et abominantur eam omnes viatores.*

Prov. 11. 2. בֵּן זֹדֵן וְיֵבָא קֶלֶךְ ---u

*Adveniente superbia advenit & ignominia.*

## DIMETRA IMPERFECTA.

## Defectu.

## I. CATALECTICA.

Prov. 10. 14. חֲכָמִים יִצְפְּנוּ דַעַת u--u

*Sapienter recondunt scientiam.*

&amp; 24. 21. עִם-שֹׂנִיִּים אֶל-תִּתְעַרְבֵּ: u--u

*Cum innovantibus ne commisceas te.*

Prov.

Prov. 19. 3. וְעַל־יְהוָה יִעֲנֶה לְבוֹ: υ--υ|υυ-

*Et adversus Iovam indignatur animus ejus.*

Psal. 118. 17. וְאֶסְפֹּר מַעֲשֵׂי יְהוָה: υυυ-υ|υ--

*Et enarrabo opera Iah.*

& 107. 21. וְנִפְלְאוֹתָיו לְבְנֵי אָדָם: υ--υ|---

*Et mirabilia ejus filius hominū.*

#### G R A E C A.

Soph. 15. Θανέται τῷ ἀπλήκτῳ. υ--υ|υ--  
*Moriatur, furens, &c.*

Pind. 23. Ὁ μὲν πλεῖται ἀρεταῖς. υ--υ|υυ-  
*Divitia autem virtutibus, sc. ornatz.*

Soph. 254. Τὴ καὶ κεκρίδων ἀκμῶν. υ--υ|---  
*Qua, & radiorum text. cuspibus.*

& 248. Πολυκτῆμονες ἀνδρες. υ--υ|υ. υ  
*Opulenti viri.*

#### B R A C H Y C A T A L E C T A.

##### I. P U R A.

Job. 35. 13. אֶךְ־שׁוֹן לֹא־שָׁמַע אֵל.  
*Verum vanitatem non exaudiet Deus.*

Prov. 9. 18. בְּיַמְקִי שְׂאוֹר קְרִיאָה. υ--υ|υ-  
*In profundissimo sepulchro, invitati*  
*ab ea.*

& 23. 9. בְּאָזְנֵי כְסִיל אֶל־תְּדַבֵּר.  
*Auribus solidi ne loquaris.*

#### G R A E C A.

Pind. 363. Ἀκάστῳ δολίῳ.  
*Acasti dolosis, sc. artibus.*

Soph. 249. Τυλαίφρον ἀγομαί. υ--υ|υ-  
*Misera abducor.*

##### 2. M I X T A.

Job. 6. 3. עַל־כֵּן דְּבַרִי לַעֲנֵ: υ--υ|υ-  
*Idcirco verba mea deglutiantur.*

& 39. 32. מִשֶּׁם חָפַר אֲכָל. υ--υ|---  
*Inde pervestigat cibum.*

Prov. 9. 2. אֵף עָרְכָה שְׁלֹחֶנָה.  
*Etiā instruxit mensam suam.*

#### G R A E C A.

Pind. 21. Θεόρτῃ σὺν ὀλῳ. υ--υ|---  
*A Deo orta cum felicitate.*

Soph. 135. Ἀέλιος τ' ἐσεῖδον. υ--υ|υ-  
*Et prater spem intuitus sum.*

& 229. Φυγὰς ἐκυπέφευγα. υ--υ|---  
*Effugia excogitavit.*

#### II. DIMETRA IMPERFECTA

Excessu, hypercatalecta.

Psal. 105. 23. וַיָּבֹא יִשְׂרָאֵל מִצְרַיִם. υ--υ|---υ|υ  
*Et venit Israël in Egyptum.*

& 26. 8. יְהוָה אֹהֲבֵי מֵעַן בֵּיתָה. ---υ|---υ|---  
*Iova, diligo habitaculum domus tuae.*

#### G R A E C A.

Soph. 293. Θαμίζεσα μάλ' ἢ ἀνδρῶν. υ--υ|υ-υ-|υ  
*Frequentissima lusciniā.*

& 36. Ὡ κλεινὰ σαλαμῖς, σὺ μὲν πε. ---υ|υ-υ-|---  
*O inclita Salamis, tu quidem alicubi.*

& 128. Οὐδέ τις τῶν ἀγαθῶν ζῶν κακῶς. ---υ|υ--υ|---  
*Nemo proborum vivens misere.*

Pind. 191. Εἴη ζεῦ, τὴν εἴη ἀνδάνειν. ---υ|---υ|---  
*Contingat Jupiter, tibi contingat placere.*

#### III. TRIMETRA perfecta non apparent.

Imperfecta.

##### I. C A T A L E C T A.

Psal. 69. 6. אֱלֹהִים אַתָּה יְדַעְתָּ לְאַוְלָתִי. υ--υ|---υ|---  
*O Deus tu novisti stultitiam meam.*

#### G R A E C A.

Soph. 252. Ζεύχθῃ δ' ὀδυρόδωτος παῖς ὁ Δρύαντος. ---υ|υ-υ-|υ-υ  
*Vinctus est truci filius Dryantis.*

Ibidem. Ἐτλα καὶ δαναῖας ὑβρίων φῶς. ---υ|υ--υ|υ--  
*Sustinuit & Danaes caeleste lumen.*

##### 2. B R A C H Y C A T A L E C T A.

Psal. 104. 10. הַמְשִׁלַּח מַעְיָיִם בְּנַחְלִים. υ-υ|υ-υ|---  
*Qui emittit fontes per valles.*

& 107. 25. וַיֹּאמֶר וַיַּעֲמֵד רוּחַ מְעַרְרָה. υ-υ|υ-υ|---  
*Edicens sistit ventum procellosum.*

#### G R A E C A.

Soph. 252. Ἀλλάξαι δέμας ἐν χαλκοδέτῳ. ---υ|υ--υ|υ-  
*Mutare corpus in are revinctū.*

Ibidem. Τυμβήρῃ θαλάμῳ κατεζεύχθῃ. ---υ|υ-υ-|---  
*Sepulchrali thalamo juncta est.*

Ibidem. Ἡδωνῶν βασιλῆος, κερκυμῖος. ---υ|υ--υ|υ-  
*Thracum rex, mordacibus.*

#### A N O M A L A D I M E T R A.

Mutatione unius antispasti.

##### 1. epitritum primum.

Psal. 147. 6. מִשְׁפִּיר רִשְׁעִים עַד אֶרֶץ. υ--υ|υ-υ-  
*Deprimis improbos in terram usque.*

Prov. 30. 29. וְאַרְבַּעָה מַטְבִּי לָכֵת. υ--υ|---υ  
*Et quatuor bene incedunt.*

#### G R A E C A.

Soph. 196. Ἀνάσσει εἴθ' ὁ βακχεῖος. υ--υ|υ--υ  
*Regnans, sive Bacchus, sc. Deus.*

##### 2. In trochaicam syzygiam, seu epitritum secundum.

Prov. 18. 18. מְרִינִים יִשְׁבִּית הַגּוֹרֵל. υ--υ|υ--  
*Contentiones sedat fors.*

Psal. 106. 31. וְתַחֲשֵׁב לוֹ לַצְדִּיקָה. υ--υ|υ--  
*Et reputatum est ei ad justitiam.*

#### G R A E C A.

Soph. 188. Ἀνῶμεσιν εἰς ἀνάγκαν. υ--υ|υ--  
*Impulsi in necessitatem.*

##### 3. In dispondeum.

Psal. 50. 5. כָּרַתִּי בְרִית עֲלֵי זֶבֶח: ---υ|υ--  
*Qui ieiunat sedus meum per sacrificium.*

Job. 17. 3. מִי־הוּא לִידִי יִתְקַע: ---υ--  
*Quis est? manus mea plaudatur.*

#### G R A E C A.

Soph. 289. Τάτων δ' αὐθαίρετον ἔδν. ---υ|υ-υ  
*Horum autem voluntarium nihil.*

#### D I M E T R A anomala mutatione duorum antispastorum,

##### 1. In duplicem epitritum primum.

Psal. 94. 18. חֶסֶדְךָ יְהוָה יַעֲדֵנִי: υ--υ|υ--  
*Benignitas tua, o Iova, sustentabit me.*

Prov.

Prov. 14. 19. שְׂוֹי רַעִים לְפָנַי טוֹבִים.

*Incurvant se mali coram bonis.*

& vers. 20. וְכִי לִרְעוּי יִשְׂנֶה רֵשׁ.

*Etiā proximo suo, odio est pauper.*

G R A E C A.

Mn-

Soph. 196. τίς αὖξεν, ἢ χαρυνύσσῃ. υ- - - | υ- - -

*Matrem declarare, & choro celebrari.*

2. In oppositas iambicas & trochaicas syzygias, seu antispasticum periodicum.

1. P U R A.

1. Præcedente dijambo.

Job. 24. 4. מִדֶּרֶךְ יִטּוּ אֲבִינִים מִדֶּרֶךְ. υ-υ- | υ-υ-

*Avertant egentes a via.*

Psal. 117. 1. תִּלְלוּ אֶת־יְהוָה כָּל־גּוֹיִם.

*Laudate Iovam omnes gentes.*

Prov. 28. 22. נִבְהֵל לֶחֶן אִישׁ רַע עֵין.

*Acceleras turbatē ad copiam vir malignus oculo.*

G R A E C A.

Pind. 23. Ὀλυμπία μὲν δ' αὖτ' αὐτὸς.

*Olympia si quidem ipse.*

Soph. 179. Πῶς δὲ λήσας φρονήσας.

*Ausculsa volens, considerans.*

2. PRÆCEDENTE DITROCHÆO.

Quod Triclinius de metris Sophoclis pag. 449. ἀντισταμύμην, inversam vocat periodum.

Psal. 83. 4. אִסְפָּרָה כָּל־עֲבֹרְתָהּ.

*Receptas omnem exandescitiam tuam.*

Prov. 2. 1. וּמִצְוֹתַי תִּצְפֹּן אֶתְךָ.

*Et præcepta mea te conderis apud te.*

G R A E C A.

Soph. 199. ἢ ὅσον ὅσον δὲ κείνῃ.

*Nisi tantum, quantum est videri;*

sc. felicem esse.

& 67. ὁ πόνος ἀπὸ γόνου πόνου.

*O labores progenitores laborum.*

Pind. 90. Ἦτα δ' ἀπὸ τοῦ ἐξ ὅχλου.

*Filium vero Actoris eximie; &c.*

Ejusmodi versibus periodicis delectatus Catullus, totum epithalamium its conscripsit: cujus initium, Collis o He - υ - uiliconū υ - υ, ut Jac. Micyllus de re metrica pag. 83. monet.

2. M I X T A.

1. Præeunte syzygia iambica.

Job. 17. 8. וְנָקִי עַל־חַטָּאת יִתְעוֹדֵר.

*Et innocens contra hypocritam sese exstabit.*

Prov. 3. 35. כְּבוֹד חֲכָמִים יִנְחֵלוּ.

*Gloriam sapientes possidebunt.*

& 28. 26. וְהוֹלֵךְ בַּחֲכָמָה הוּא יִמְלֹךְ.

*Qui ambulat sapiens, et eripietur.*

Psal. 140. 5. מִיֵּשׁ הַמָּסִים תִּנְצְרֵנִי.

*A viro violentissimo custodias me.*

G R A E C A.

Pind. 39. Χείρες δ' ἢ ἔσθ' ἴσον.

*Manus autem & cor exaequantur.*

Pind. 16. Ἀναξί φόβου γὰρ ὕμνοι. -- υ - | - υ - -

*Dominantes cithara hymni.*

2. Præeunte syzygia trochaica.

Job. 23. 13. וְהוּא בְּאַחַד וּמִי יִשְׁבֹּנוּ.

*Si ipse in uno, quis revocet eum.*

Psal. 86. 5. כִּי־אַתָּה יְהוָה טוֹב וְקָלָה.

*Quia tu Iova bonus & condonans.*

Prov. 10. 24. מִגִּוְרַת רֵשַׁע הוּא תְבוֹאֵנוּ.

*Quod formidas improbus, id eveniet ei.*

G R A E C A.

Soph. 119. Δειλάτα δειλάτων κυρεῖς. -- υ - | - - υ -

*Misera miserarum fis.*

D I M E T R A I M P E R F E C T A.

Defectu:

I. Catalectica non periodica.

Prov. 19. 6. וְכָל־הָרַע לְאִישׁ מֵתָן.

*Et quisque adharet viro munificq.*

G R A E C A.

Pind. 125. Ἀνὴρ. ἔτι δ' οἱ θεοὶ. υ - - υ | - υ -

*Vir, neque enim Dii.*

2. Catal. periodică.

Job. 34. 2. שְׁמַעוּ חֲכָמִים מִלִּי.

*Audite sapientes sermones meos.*

Prov. 2. 11. מִזְמֶרֶת חֵסֶד עֲלֶיךָ.

*Solertia conservabis te.*

G R A E C A.

Soph. 229. Δύσμορα φεύγειν βέλῃ. υ - υ - | - υ -

*Imbre infesta fugere tela.*

& 53. Μακρῶν πόνων ἔστω.

*Longorum laborum felici termino.*

Imperfecta excessu, hypercatalecta.

Job. 4. 6. הֲלֹא יִרְאֶתְךָ כְּסִלְתָּהּ.

*Annon ut reverentia tua, spes tua?*

G R A E C A.

Pind. 289. Οὐδ' ἔμην βασιλεὺς γιγάντων. - υ - υ | - υ - υ - | -

*Neque vero rex gigantium.*

III. T R I M E T R A perfecta non obseryata.

Defectu Imperfecta.

I. C A T A L E C T A.

Exod. 15. 16. תִּפְּלֵם עַל־יְהוָה אִמְתָּהּ וּפָחַד.

*Irruet super eos formido magna & pavor.*

Job. 4. 5. כִּי עֲתָה תִּבְנֶה אֵלֶיךָ וְתִלְלָהּ.

*Quia nunc evenit tibi, defetisceris.*

G R A E C A.

Soph. 265. ἰὼ παῖ παῖ, τίς τίς ξυνέμωρος. υ - - - | υ - υ - | - υ -

*O fili fili, recens recenti cum fato.*

Pind. 19. Πῆμα θνάσκ' ἀλγυκοῦν δαμασθῆν.

*Calamitas interis odiosa jam domita.*

2. B R A C H Y C A T A L E C T A.

Prov. 28. 12. בְּעֵלֶן צְדִיקִים רֵבָה תִּפְאָרֶת.

*Exultantibus justis magnus est ornatus.*

G R A E C A.

Soph. 129. Αἰεῖα τῇ ζῳῇ εὐσεβείᾳ. υ - υ - | - υ - υ - | - υ -

*Optima, in illa Iovis reverentia.*

Absolutis Antispasticis, jam nonum ultimumque carminis genus adjungemus.

C A P U T



## CAPUT XXI.

## De Carmine Paonico canones.

1. **P**aeonium carmen est, in quo pes principalis est paon primus aut quartus.
  2. Uterque autem admittere potest synæresin duarum brevium in longam, atque ita fit creticus - u - .
  3. Quum plures sunt cretici ex paonibus illis, Creticum appellatur.
  4. Dialysis etiam longa syllaba paonis utriusque in duas breves esse potest.
- Ut de Græcis Hephæstio probat pag. 43. Hebræa in sacris nondum observata.

## CAPUT XXII.

## Carmina Paonica, exemplis parallelis demonstrata.

## I. MONOMETRA.

- Psal. 87. 5. **וְהָיָה יְהוָה לֵב** - u - u - u -  
*Hic genitum est ibidem.*
- Lam. 3. 27. **טוֹב לְנֶכֶד** - u - u - u -  
*Bonum est viro.*
- & vers. 30. **יִשְׁבַּע בְּחֶרֶפָה** - u - u - u -  
*Satiatur opprobrio.*

## GRÆCA.

Nec in Pindaro, neque in Sophocle comperta: sed ex Aristophane *ὁ δισμοφορεμαύσαις* exemplum adducit Jac. Micyllus de re metrica pag. 105. b. extat autem in edit. Basil. cum Scholiis Arist. pag. 534. *Ἀμα γὰρ* - u - u - u -  
*Simul autem etiam.*

& ibid. quod etiam notat Micyl. creticum,  
*Ἀλλὰ γὰρ* - u -  
*Sed oportet.*

## II. DIMETRA.

## Perfecta, acatalecta.

## I. PURA.

- Prov. 11. 29. **וְעֵבֶר אֵוִיל לֶחֶם לֵב**  
*Et servus est stultus, sapienti corde.*
- Job. 11. 15. **מִה שֶׁרִי כִי נַעֲבֹדָנוּ**  
*Quid est omnipotens, ut serviamus ei?*
- Psal. 80. 6. **הָאֲכָלָתָם לֶחֶם דְּמָעָה**  
*Cibus eos pane lachryma.*

## GRÆCA.

- Soph. 52. *Φιλοπόνων ἀλυσσάν.*  
*Laboriosorum mariorum, sc. numinum.*
- & 139. *Ἴδεθ' ὅπου προσιέμεν.*  
*Videte quo progrediatur.*

## 2. MIXTA per synæresin cum cretico.

- Prov. 10. 20. **כֶּסֶף נִבְחַר לְשׁוֹן צְדִיק**  
*Argentum lectissimum est lingua iusti.*
- Psal. 105. 6. **זֶרַע אַבְרָהָם עֶבֶד**  
*Semen Abrahami servi ejus.*
- Prov. 31. 10. **אִשְׁת־הֵר מִיָּמֶנָה**  
*Feminam strenuam quis inveniat?*

## GRÆCA.

- Pind. 22. *θάλαττα ἀρωγὸν δόμοις.* - u - u - u -  
*Germen auxiliare familiis.*

- Soph. 105. *ὥς ἤμολος αἰαντὸς.* - u - u -  
*Quam accessisti infesta?*

## CRETICA PURA.

- Job. 20. 14. **מְרִירָת פְּתִימִים בְּקֶרְבִּי**  
*Fel aspidum in medio ejus.*
- Prov. 11. 30. **פְּרִי צְדִיק עֵץ חַיִּים**  
*Fructus iusti ut arboris vite.*
- & 12. 28. **בְּאֵרֶח צְדִיקָה חַיִּים**  
*In itinere iustitia est vita.*

## GRÆCA.

- Soph. 180. *Ἀλλὰ μοι δυσμῶρος.*  
*Sed mihi infelici.*
- Arist. 277. *Ἐξενήκεν δόξα.*  
*Cum extulisset foras.*

## II. DIMETRA IMPERFECTA.

## Defectu catalectica.

- Job. 22. 13. **וְעַתָּה יִשְׁפֹּט עֶרְפָּל** - u - u - u -  
*An per caliginem judicaret?*

## GRÆCA.

- Pind. 286. *Φθόνον ἀμερόμενον.*  
*Invidiam alternantem, sc. præclara opera.*
- & 207. *Γόνον ὑπερφίαλον.*  
*Prolem superbam.*

## I. BRACHYCATALECTA.

- Prov. 19. 15. **נַפְשׁ רַמְיָה תִּרְעַב** - u - u - u -  
*Anima dolosa esuriet?*

## GRÆCA.

- Soph. 119. *Παραγὰς ἴν' εἰ.* - u - u - u -  
*Consoletur, ubi non.*
- & 390. (vitio typogr. 400.) *Σίσας ὑπέρτατον.* - u - u - u -  
*Numen summum.*

## 2. IMPERFECTA excessu, hypercatalecta.

- Psal. 106. 36. **וַיַּעֲבִדוּ אֶת-עֲצֵבֵיהֶם** - u - u - u - u -  
*Et coluerunt teretricula eorum.*
- & 143. 4. **וַיִּתְּעַמֶּה עָלַי רֹחִי** - u - u - u -  
*Et obruit se in me spiritus meus.*

## GRÆCA.

- Soph. 136. *Ἐγὼν ὀργὰν ἀναιδῶν.* - u - u - u -  
*Corripiebar ira tacita.*

## III. Trimetra nec Heb. nec Græca occurrunt in Pind. nec Sophocle.

Hactenus de carminum principii, & generibus (cum generatum tum speciatim) egimus: superest, ut de poemate (scu opere ex carminibus constructo) pauca subnectamus.

## CAPUT XXIII.

## De Hebræis Sacra Scriptura poematibus canones.

1. **O**mnia S. Scriptura poemata Hebræa, variis ac promiscuis carminum generibus constant. Qualia sunt omnia Pindari, & Lyrica apud Sophoclem plurima.
2. Eademque absoluta sunt; non relata: hoc est, quasimilibus versibus, in pari numero ac serie respondentibus, carent. Qualia ab Hephæstione de metris & poematibus pag. 63. *μετεμῶν ἀτάκτα* metrica inordinata, idcirco appellantur. Quod (ut consentaneè docet Demetrius Triclinius de metris Sophoclis pag. 445.) metro quidem sine scripta, nullam verò inter se habeant similitudinem, neque ἀνακρίναντες, revolationem.

Exem.

Exempla hujusmodi poematum, in Sophocle non pauca extant.

In quibus excellit constans versibus septuaginta tribus pag. 156. *ὁ δὲ*. cui accedit quinquaginta octo pag. 277. *εἰς δὲ*. & quadraginta pag. 289. *δενδρ.* & triginta octo pag. 310. *ὁ δὲ τις.* & triginta sex pag. 199. *ὁ δὲ ἄλλος*. Sic quædam alia: in quibus varii generis versus, promiscuè positi, similibus & protali & antapodosi destituti sunt.

Quam rationem sacra poësis, perpetuò in canticis, Psalmis, & libris poëticis, observavit: ita tamen ut nomen carminum generibus, quasi cancellis contineatur.

3. *Horum autem poematum periodi seu versiculi, non minus quam distichum, seu duos versus, complectuntur.*

4. *Ubi periodi sunt breviores, distichum non excedunt.*

Ut in proverbiiis plerumque & in Psalmis nonnullis: qualis (excepto versiculi noni tristicho) centesimustrigesimus sextus: ubi eadem *δοξολογία* singulæ periodi terminantur.

5. *Prout verò periodi sunt longiores, ita plures versus continent: ut in paucis Psalmis, Cantico Canticorum & Lamentationibus Jeremia elucet.*

Quod autem poemata sacra vario tantum, non autem eodem carminum genere sint concinnata, illud ab auctoris Dei & sanctorum hominum arbitrio, non verò ab ullo repugnante linguæ Hebrææ genio, promanavit. Quare postremo hoc canone concludemus.

6. *Et si in S. Literis ejusdem generis carminum poemata nulla essent, conscribi tamen possunt: nec solum mixta, sed etiam pura.*

Quibus perspicuè demonstrandis, geminum ac breve specimen, partim Græci poematis interpretatione, partim Analysis poëticæ sacræ præfatione, rudi Minerva subjecimus.

## C A P U T XXIV.

*Primum poema Græcum, est elegans Agathii scholastici anigma, de fabulosa Niobes in saxum metamorphosi.*

Quod ut in Græc. epigrammatum opere continetur, sic etiam à Demetrio Triclinio in Scholiis ad Elegram Sophoclis, pag. 87. hoc modo recensetur:

Ὁ τύμβος ὅς ἐστι, ἔνδον αἰ ἐχέει νεκρῶν

Ὁ νεκρὸς ὅς ἐστι, ἐκτὸς αἰ ἐχέει τάφον.

|υ-υ|υ-υ-|υ-υυ

Ἄλλ' αὐτὸς αὐτῶν νεκρὸς ὅς ἐστι τὰς φ.

--υ-|--υ-|υ-υυ

Id autem, ad veram uxoris Lothi in statuam falis metamorphosin translatione, paribus jambicis trimetris Hebraicæ & Latine, pro tenuitate nostra, exprimere conabamur, titulo præmisso.

חידה על אשת לוט משנה לנציב מלח

Anigma de uxore Lothi in statuam falis conversa.

1. הקבר הוא אין לו מבית כל מת קבר:

υυυ, υ-|--, υυυ|--υ-

*Hic tumulus, intus haud cadaver continet:*

2. הלוטין הוא אין לו מחוץ כל קבר חצב

*Cadaver hoc, foris tumulum non obtinet:*

3. אבל ההוא יש לו יחדיו המת וקברו:

*Idem sed est cadaver ac tumulus sibi.*

Præfatio verò sequentis analysis poëticæ aliquot poematum sacrorum, constat ex viginti duobus jambicis dimetris carminibus puris: præfixo titulo. Tirones verò observent non ob stare quod vers. 3. 8. 16. & 20. fit in fine brevis: quia ultima versus est communis.

Idem profa ad verbum Latine.

שיר אל אהבי שירי הקדש:

*Carmen ad amantes sacrorum carminum.*

1. מה יש שלא ימצא אנוש

*Quid est, quod homo non inveniat.*

2. ביד חזק לאל עליון וחזק:

*Ope roboris Dei excelsi ac clementis?*

3. הלא שכלו קצו ארץ

*An non intellectu suo extremitates terra.*

4. וארכו ורחבו הכל מדה

*Et longitudinem illius, ejusque latitudinem mensum est?*

5. הלא הכדיל אנו הים

*An non sulcavit navi sua mare.*

6. ולכך הרג מתוך גליו:

*Cepitque pisces e medio fluctuum ejus?*

7. הלא צפה דרכי חמה

*Annon spectavit vias Solis.*

8. וכל מאור ספר השמים:

*Omneque luminare numeravit colorum?*

9. אף און חכמה שלא תפש

*Quinetiam non est sapientia, quam non tractavit.*

10. ואמרי השיר כל מין חקר:

*Verbaque cantici omni generis scrutatus est.*

11. אך זאת נפלא שלא אנוש

*Verumtamen id mirum, quod nemo.*

12. בספר למד מדות השיר

*In libro suo docuit modulos cantici sacri:*

13. שמשה דוד איש נבחר

*Quod Moses, & David vir electus.*

14. נבא וזמר בלשון עברים:

*Prophetavit ac modulatus est lingua Hebraorum.*

15. על פני שמתי לבי לנסות

*Idcirco applicui cor meum ad tentandum.*

16. אם חפץ יש לפני שדי

*An gratum esset coram Omnipotente.*

17. לגלות מדות השיר קדשו:

*Revelare modulos cantici sui sacri.*

18. ורחום לעברו הטח אנו

*Misericors autem ad servum suum inclinavit aures suas:*

19. ולמד מצער לכתב ספרו:

*Docuitque paucillum, ut libro suo describeret.*

20. והנה חלקו קדם למעם

*Et ecce pars illius antecedit ad gustandum.*

21. על שאלת רוב אנשי חכמה

*Iuxta petitionem multorum virorum sapientum:*

22. ואם הן ימצא נשאר ידוה:

*Ac, si favorem inventerit, reliquum sequetur.*

## ANALYSIS ARTIS POETICÆ

in selectioribus poematibus sacris.

Postquam artem poëticam S. literarum explicare conati sumus, non inutile neque ingratum fore arbitramur, si poematum sacrorum analysi, eandem plenius illustremus. Quocirca primum ea delegimus, quæ alphabeti Hebraiciliteris, initio cujusque versiculi ordine suo positæ, insignita terminantur. Quod & gratæ elegantiae, & rerum memorabilium memoriæ gratia factum divinitus, non temere æstimatur. Deinde alia etiam, aliter conscripta, ex Jobo & Mose, subungere studebimus. Quod autem Alphabetica poemata præmittenda duximus: id eo consilio institutum, ut disjunctio carminum, literarum subsidio facilius dignosceretur. A Psalmis autem *עוֹתֵף* ordiemur: in quibus est elegans & amplior poematum alphabeticorum copia, licet alicubi quædam sit uixius literarum omissione (ut Psal. 25. Beth & Vau & Koph deest) vel

F f f f

trans-

transpositione (ut alibi fit, anomalia : cujus ratio, Deo sapientissimo auctori nota.

Exempla Græca Pindari & Sophoclis parallela, in generibus carminum demonstrandis supra sunt posita.

## CAPUT I.

## Analysis Poëtica Psal. 25.

**P** Salmi Alphabetici sunt septem numero, 25, 34, 37, 111, 112, 119, 145. Singulæ periodi, hic constant disticho : præter secundam, quintam, septimam, & undecimam, quæ tristicho.

## VERSUS I. א

1. carmen אֱלֹהֵי יְהוָה - u - - | -

*Ad te, Iova,*

2. נַפְשִׁי אֶשְׂאֵל u - u -

*Animam meam attollo.*

Primum, est trochaicum monometrum hypercatalecticum.

Secundum, jambicum monometrum acatalecticum.

2. א (aut ב si à secunda dictione æstimetur,)

*ἀνωμάλως.*

1. אֱלֹהֵי בְרַבְּתִי u - u - | - u -

*Deus mi, in te confido.*

2. אֶל־אֲבוֹשָׁה u - - u

*Ne erubescam :*

3. אֶל־עֵלְצוּ אִיְבֵי לִי u u u - | - u -

*Ne exultent inimici mei de me.*

Primum, est antispaeticum dimetrum periodicum catalecticum.

Secundum, antispaeticum monometrum acatalecticum.

Tertium, pæonicum dimetrum acatalecticum mixtum cretico.

## 3. ג

1. כָּל־קוֹיָהּ לֹא יִבְשׁוּ u u - u - | - - - -

*Eriam nulli te expectantes erubescunt :*

2. יִבְשׁוּ הַבּוֹגְדִים רִיקָם : - - - u - | - - - u

*Erubescunt qui perfidi sunt immeriti.*

Primum, jambicum dimetrum acatalecticum anomalum Alcmaicum, quod quartum pedem habeat spondeum, pro jambo.

Secundum, antispaeticum dimetrum ex duobus epitritis quartis (nam ultima communis censetur) pro duobus antispaetis.

## 4. ד

1. דְּרִכֶּיךָ יְהוָה הוֹדִיעֵנִי - u - - | - - - -

*Vias tuas, Iova, notus fac mihi :*

2. אֶרְחֹתֶיךָ לְמַדֵּנִי : u - u - | u - , u

*Semitas tuas doce me.*

Primum, est trochaicum dimetrum hypercatalecticum, anomalum tertio pede spondeo, pro trochæo.

Secundum, est jambicum dimetrum catalecticum, purum.

## 5. ה

1. הִדְרִיכֵנִי בְּאֵמֶתְךָ וּלְמַדֵּנִי u - - - | u u u | u - u

*Deducas me in veritate tua, & doce me.*

2. כִּי־אַתָּה אֱלֹהֵי יִשְׁעִי - u - u | - - u -

*Quia tu es Deus salutis mea :*

3. אֹתָךְ קוִיתִי כָּל־הַיּוֹם : - - u - | - u u -

*Te expecto totum diem.*

Primum, jambicum dimetrum catalecticum, anomalum Doricum secundo pede spondeo.

Secundum, Antispaeticum dimetrum periodicum ex ditrochæo & jambica syzygia.

Tertium, choriambicum dimetrum acatalecticum mixtum cum prima jambica syzygia.

6. ו : quia Vau deest.

1. זָכַרְתִּימִי יְהוָה וְהִסְדִּיךָ - u, u u - | - - u u | - u -

*Recordare miserationum tuarum, Iova, & benignitatem tuarum :*

2. כִּי מִשְׁלָם הָמָּה : - - | - - | - -

*Quia à seculo sunt.*

Primum, est ionicum à majori trimetrum catalecticum ex trochaica syzygia, ionicum à majori, & ditrochæo catalectico.

Secundum, dactylicum trimetrum ex spondeis.

## 7. ח

1. חַטָּאוֹתַי נַעֲרִי וּפְשָׁעַי אֶל־תִּזְכֹּר - u - u | - - u u | -

*Pecatorum pueritia mea, & defectionum mearum ne recorderis,*

2. זָכַרְתִּי אֶתָּה u - u - | u -

*Pro benignitate tua recordare mei tu :*

3. לְמַעַן טוֹבָה יְהוָה : u u - , - - | -

*Propter bonitatem tuam, Iova.*

Primum, antispaeticum dimetrum hypercatalecticum ex antispaeto, jambica syzygia, & syllaba.

Secundum, jambicum dimetrum brachycatalecticum purum.

Tertium, anapesticum, monometrum, hypercatalecticum.

## 8. ט

1. טוֹב וְיָשָׁר יְהוָה - - | - - | -

*Bonus & rectus Iova :*

2. עַל־כֵּן יוֹרָה חַטָּאִים בְּדֶרֶךְ u - - u | u - - u | - u -

*Idcirco docet peccatores viam.*

Primum, dactylum trimetrum catalecticum.

Secundum, antispaeticum trimetrum brachycatalecticum.

## 9. י

1. יִדְרֶךְ עֲנִיִּים בְּמִשְׁפָּט u - u - | - u u -

*Deducit mansuetos per ipsum ius :*

2. וְיִלְמַד עֲנִיִּים דְּרֹכָו : u - u | - - u -

*Et docet mansuetos viam suam.*

Primum, choriambicum dimetrum mixtum acatalecticum.

Secundum, antispaeticum dimetrum catalecticum periodicum. ut vers. 5. carm. 2.

## 10. כ

1. כָּל־אֲרָחוֹת יְהוָה חֶסֶד וְאֵמֶת u u - | - u u u | u

*Omnes semita Iova benignitas & fides :*

2. לְנַצְרֵי בְרִיתוֹ וְעֲדוֹתָיו : - - | - - | - -

*Custodientibus fedus ejus & testimonia ejus.*

Primum, est Ionicum à minori dimetrum hypercatalecticum ex Ionico, trochaicum syzygia, & syllaba.

Secundum, est dactylicum, tetrametrum catalecticum.

## 11. ל

1. לְמַעַן שְׁמֶךָ יְהוָה u u - - | -

*Propter nomen tuum, Iova :*

2. וּפְלַחְתִּי לַעֲוִי u - u | u -

*Condonabis inquam iniquitatem meam ;*

3. -ו- כי רבדוה: 3.

*Quia magna est:*

Primum, trochaicum monometrum hypercatalectum.

Secundum, antispasticum dimetrum catalectum anomalum ex ditrocho & antispasto catalectico.

Tertium, monometrum pronicum creticum.

12. ד

1. מי זר האיש ירא יהוה: -ו-|---|---

*Quantum est vir iste reverens Iovam?*

2. ירנו בדרך יבחר: -ו-|---|---

*Docebit eum quam viam eligat.*

Primum, est trochaicum dimetrum catalectum anomalum, tertio spondeo, pro trocho.

Secundum, Ionicum à minori dimetrum catalectum.

13. נ

1. נפשו בטוב תלין: -ו-|---|---

*Anima ejus in bono pernoctabit.*

2. וזרע יירש ארץ: -ו-|---|---

*Et semen ejus heres erit terra.*

Primum, jambicum monometrum hypercatalectum Doricum, secundo pede spondeo.

Secundum, antispasticum dimetrum brachycatalectum.

14. ס

1. סוד יהוה לראיו: --|---|---

*Arcanum Iova adest reverentibus ipsum.*

2. ובריתו להודיעם: --|---|---

*Et factus ejus, ut notum faciat ei.*

Primum, & secundum, dactylicum trimetrum.

15. ע

1. עני תמיד אל יהוה: -ו-|---|---

*Oculi mei jugiter ad Iovam:*

2. כי הוא יוציא מרשתי רגלי: ----|---|---

*Quia is educet e reti pedes meos.*

Primum, antispasticum dimetrum catalectum è trochaica syzygia, seu epitrito secundo, & antispasto catalectico, anomalum: ut vers. 11. carm. 2.

Secundum, jambicum Doricum, ex secundo pede spondeo anomalum.

16. פ

1. פנה אלי וחנני: -ו-|---|---

*Respice ad me, & gratiam fac mihi:*

2. כי יחיד ועני אני: --|---|---

*Quia solitarius & afflictus sum.*

Primum, Ionicum à majori dimetrum brachycatalectum, purum.

Secundum, dactylicum tetrametrum catalecticum ut vers. 10. carm. 2.

17. צ

1. צרות לכבי הרחיבו: ----|---|---

*Oppressiones animi mei dilatantur:*

2. מכצוקותי הוציאני: -ו-|---|---

*Ex angustiis meis educ me.*

Primum, jambicum dimetrum catalectum Doricum, ut vers. 16. carm. 2.

Secundum, antispasticum, ex antispasto, & epitrito quarto, ob ultimam, communem situ.

18. hoc prius, loco **ק** ponitur.

1. ראה עני ועמל: -ו-|---|---

*Aspice afflictionem meam, & meam molestiam.*

2. ושמח לכל חטאותי: -ו-|---|---

*Et condona omnia peccata mea.*

Primum, trochaicum dimetrum brachycatalectum:

Secundum, dactylicum dimetrum.

19. ר

1. ראה איבי בידני: -ו-|---|---

*Aspice inimicos meos, quod multis fiat:*

2. ושנאתי חלם שנאני: -ו-|---|---

*Et odio violento oderunt me.*

Primum, jambicum dimetrum brachycatalectum.

Secundum, anapasticum dimetrum brachycatalectum.

20. ש

1. שמחה נפשי וחצילני: -ו-|---|---

*Serva animam meam, & eripe me:*

2. אל אכוש כי חסיתי בך: -ו-|---|---

*Ne erubescam, quia recipio me ad te.*

Primum, jambicum dimetrum anomalum Alcaicum: ut vers. 3. carm. 1.

Secundum, antispasticum anomalum dimetrum ex epitrito primo, & quarto.

21. ת

1. תם וישר יצותי: --|---|---

*Integritas & rectum custodiant me:*

2. כי קריתך: -ו-|---|---

*Quia expecto te.*

Primum, dactylicum trimetrum.

Secundum, trochaicum monometrum hypercatalectum.

V E R S. 22. supra Alphabetum.

1. פרה אלהים את ישראל: -ו-|---|---

*Redime, Deus, Israël:*

2. מכל צרותיו: -ו-|---|---

*Ex omnibus oppressionibus ejus.*

Primum, Ionicum à minori, dimetrum acatalectum.

Secundum, jambicum Doricum monometrum hypercatalectum ut vers. 13. carm. 1.

## C A P I T U L U M

### Analysis Poëtica Psal. 34.

H Ujus Psalmi omnes periodi (seu versiculi) disticho constant: præter septimam, quæ tristicho. Deinde Alphabetum plenè ac suo ordine ponitur: nisi quod versiculus sextus duas litteras *He* & *Van* complectitur. Utque una periodus Psalmi 25. supra Alphabetum additur: sic etiam in hoc observatur. Versiculus autem primus est titulus præfixus Psalmi carminibus.

V E R S. 2. א

1. אברכה את יהוה בכל עת: -ו-|---|---

*Benedicam Iova omni tempore.*

2. תמיד תהלתי בפי: -ו-|---|---

*Jugiter laus ejus in ore meo.*

Primum, antispasticum dimetrum acatalectum.

FFFF 2

Secun-



Secundum, jambicum dimetrum brachycatalecticum:  
ut Psal. 25. 19. carm. 1.

## 3. ב

1. בִּיהוָה תִּתְהַלֵּל נַפְשִׁי ---|---|---

*In Iovam jaclabit se anima mea:*

2. יִשְׁמְעוּ עֲנָוִים וְיִשְׁמְחוּ ---|---|---

*Audient mansueti, & latabuntur.*

Primum, antispasticum dimetrum acatalecticum.

Secundum, antispasticum dimetrum acatalecticum anomalum periodum.

## 4. ג

1. גִּדְלוּ לַיהוָה אֱתִי ---|---|---

*Magnificate Iovam mecum:*

2. וְנִרְמְמָה שְׁכוֹ יִזְרוּ ---|---|---

*Et extollamus nomen ejus pariter.*

Primum, antispasticum dimetrum catalecticum anomalum, ex epitrito primo & secundo catalecticum.

Secundum, jambicum dimetrum brachycatalecticum anomalum, secundo pede spondeo.

## 5. ד

1. דִּרְשֵׁתִי אֶת־יְהוָה וְעֲנֵנִי ---|---|---

*Quaerivi Iovam, & exaudivit me:*

2. וּמִכָּל־מִגְדֹּרֹתַי הִצִּילֵנִי ---|---|---

*Et ex omnibus pavoribus meis eripuit me.*

Primum, trochaicum dimetrum hypercatalecticum anomalum tertio pede spondeo, pro trochæo: ut Psal. 25. 10. carm. 2.

Secundum, est choriambicum trimetrum, brachycatalecticum purum.

## 6. ה

1. הִבִּטּוּ אֵלָיו וְנִהְיָ ---|---|---

*Qui intuiti sunt in eum, & confluerunt:*

## 7. ו

2. וּפְנֵיהֶם אֶל־יִחְפְּרוּ ---|---|---

*Vultus eorum non erubescunt.*

Primum, antispasticum dimetrum anomalum ex epitrito primo, & quarto: ultima commuui.

Secundum, est jambicum dimetrum brachycatalecticum, secundo tribrachy.

## 7. ז

1. זֶה עֲנִי קְרָא ---|---|---

*Iste pauper invocavit:*

2. וַיִּדְוֶה שִׁמְעַי ---|---|---

*Et Iova exaudivit:*

3. וּמִכָּל־צָרוֹתַי הוֹשִׁיעַ ---|---|---

*Et ab omnibus angustis ejus servavit eum.*

Primum, jambicum monometrum hypercatalecticum anomalum: ut Psal. 25. 13. carm. 1.

Secundum, Dactylicum trimetrum ex spondeis.

Tertium, Dactylicum tetrametrum.

## 8. ח

1. חָנָה מִלֶּאֱיִן יְהוָה ---|---|---

*Castrametatur angelus Iovæ.*

2. מִכֵּיב לִדְרָאוֹ וַיַּחֲלִצֵם ---|---|---

*Circa timentes ejus, & eripit eos.*

Primum, trochaicum monometrum hypercatalecticum.

Secundum, anapasticum dimetrum brachycatalecticum.

## 9. ט

1. טַעֲמוּ וּרְאוּ כִי־טוֹב יְהוָה ---|---|---

*Gustate & videte, bonum esse Iovam:*

2. אֲשֶׁר־יִזְכֹּר יִזְכֹּר־בּוֹ: ---|---|---

*O benè isti viro qui se recipiet ad eum.*

Primum, anapasticum dimetrum acatalecticum.

Secundum, jambicum dimetrum catalecticum secundo & tertio tribrachy.

## 10. י

1. יִרְאוּ אֶת־יְהוָה קִרְשׁוֹ ---|---|---

*Timete Iovam sancti ejus:*

2. כִּי־אֵין מַחְסוֹר לִדְרָאוֹ: ---|---|---

*Quia non est penuria timentibus eum.*

Utrumque jambicum dimetrum catalecticum.

## 11. כ

1. כְּפִלִּים רָשׁוּ וְרַעְבּוּ ---|---|---

*Juvenes leones pauperantur atque esuriunt.*

2. וְרִשְׁי יְהוָה לֹא יִחְסוּ כִלְטוֹב: ---|---|---

*At quærentes Iovam non egent ullo bono.*

Primum, dactylum tetrametrum catalecticum: ut Psal. 25. 10. carm. 2.

Secundum, trochaicum dimetrum hypercatalecticum, anomalum, primo pede spondeo, pro trochæo.

## 12. ל

1. לְכוּ־בָנִים שְׁמְעוּ־לִי ---|---|---

*Agite filii, auscultate mihi:*

2. יִרְאֵת יְהוָה אֱלֹמֶרְכָּה: ---|---|---

*Reverentiam Iova docebo vos.*

Primum, trochaicum dimetrum brachycatalecticum anomalum, primo spondeo, pro trochæo.

Secundum, Ionicum à minori catalecticum cum dialysi.

## 13. מ

1. מִי־הָאִישׁ הַחֲפִיץ חַיִּים ---|---|---

*Quis est vir ille qui delectatur vita.*

2. אֶהֱבֵא יָמִים לֹא־אוֹת טוֹב: ---|---|---

*Amat dies, ut videat bonum?*

Primum, antispasticum dimetrum.

Secundum, jambicum dimetrum catalecticum, ut Psal. 25. 17. carm. 1.

## 14. נ

1. נִצֹּר לְשׁוֹנְךָ מֵרָע ---|---|---

*Custodi linguam tuam à malo:*

2. וּשְׁפֹתֶיךָ מִרַּעַר מִרְמָה ---|---|---

*Et labia tua, ne loquantur fraudem.*

Primum, dactylicum trimetrum catalecticum.

Secundum, jambicum dimetrum.

## 15. ס

1. סָר מֵרָע וַעֲשֵׂה טוֹב ---|---|---

*Recede à malo, & fac bonum:*

2. בִּקֵּשׁ שְׁלוֹם וְרִדְפֵהוּ ---|---|---

*Quære pacem, & sectare eam.*

Primum, jambicum brachycatalecticum ut vers. 6. carm. 2.

Secundum, jambicum dimetrum catalecticum anomalum, secundo spondeo, ut vers. 13. carm. 2.

## 16. ע

1. עֵינֵי יְהוָה אֶל צְדִיקִים - - - - - | - - - - -

*Oculi Iovæ ad justos.*

2. וְאֹזְנֵי אֶל־שׁוֹעֲתָם - - - - - | - - - - -

*Et aures ejus ad vociferationem eorum.*

Primum, anapaesticum dimetrum catalecticum.

Secundum, jambicum monometrum hypercatalecticum.

## 17. פ

1. פָּנֵי יְהוָה בַּעֲשֵׂי רָע - - - - - | - - - - -

*Facies Iovæ, contra facientes malum.*

2. וְהִכְרִית בָּאָרֶץ זָכָרָם - - - - - | - - - - -

*Ut excindat e terra memoriam eorum.*

Primum, dactylicum trimetrum.

Secundum, antispasticum dimetrum ex antispasto & pzone tertio, catalecticum.

## 18. צ

1. צָעֲקוּ וַיהוָה שָׁמַע - - - - - | - - - - -

*Clamantes Iovæ exaudit:*

2. וּמִכָּל־צָרוֹתָם הִצִּילָם: - - - - - | - - - - -

*Et ex omnibus angustiis ipsorum eripit illos.*

Primum, trochaicum dimetrum hypercatalecticum anomalum ut Psal. 25. 4. carm. 1.

Secundum, choriambicum dimetrum hypercatalecticum.

## 19. ק

1. קָרוֹב יְהוָה לְנִשְׁבָּרֵי לֵב - - - - - | - - - - -

*Propinquus Iovæ fractis animo:*

2. וְאֶרֶץ־דָּוָח יוֹשִׁיעַ: - - - - - | - - - - -

*Et contritos spiritu servat.*

Primum, jambicum dimetrum catalecticum (ut Psal. 25. 17. carm. 1. Doricum, secundo spondeo.

Secundum, antispasticum dimetrum catalecticum cum dialysi primæ longæ.

## 20. ר

1. רַבּוֹת רַעֲוִת צָדִיק - - - - - | - - - - -

*Multa sunt afflictiones iusti:*

2. וּמִכָּל־יִצְלָנוּ יְהוָה: - - - - - | - - - - -

*Sed ex omnibus istis eripiet eum Iovæ.*

Primum, jambicum dimetrum brachycatalecticum anomalum, secundo spondeo, ut Psal. 25. 17. carm. 1.

Secundum, choriambicum trimetrum brachycatalecticum.

## 21. ש

1. שָׁמַר כָּל־עֲצֻמָּתָיו - - - - - | - - - - -

*Custodiens omnia ossa ejus:*

2. אַחַת מִהֵנָּה לֹא נִשְׁבְּרָה - - - - - | - - - - -

*Unum ex ipsis non frangitur.*

Primum, Ionicum à minori, demetrum brachycatalecticum purum.

Secundum, epionicum à minori dimetrum hypercatalecticum cum jambica syzygia.

## 22. ת

1. תָּמוּתָהּ רָשָׁע רָעָה - - - - - | - - - - -

*Morte afficit improbum malicia:*

2. וְשָׂנְאֵי צְדִיק יִשְׂמוּ: - - - - - | - - - - -

*Et odio habentes iustum, vastabuntur.*

Primum, dactylicum trimetrum.

Secundum, jambicum dimetrum catalecticum.

## 23. Supra Alphabetum.

1. פָּרַח יְהוָה נֶפֶשׁ עֲבָדָיו - - - - - | - - - - -

*Redimit Iovæ animam servorum suorum:*

2. וְלֹא יֵאָשְׁמוּ כָּל־הַחוֹסִים בּוֹ: - - - - - | - - - - -

*Neque vastabuntur ulli recipientes se ad eum.*

Primum, trochaicum dimetrum.

Secundum, trochaicum dimetrum catalecticum anomalum, tertio spondeo.

## CAPUT III.

## Analysis Poëtica Psal. 37.

**H**ic versiculi plerique disticho tantum constant: exceptis paucis. Nam sex eorum tristicho (septimus, nonus, vigesimus, vigesimus quintus, trigessimus quartus, & quadagesimus) constant: unus verò, vigesimus octavus, tetrasticho. Literæ autem Alphabeti, non singulis versiculis præponuntur: sed alternis. in paucis tantum exceptio est: quum vel duo versiculi Alphabetica litteram consequenter servant: vel eandem interdum continuant.

## VERSUS 1. א

1. אֶל־תִּתְחַר בְּמַרְעִים - - - - - | - - - - -

*Ne accendaris ira propter maleficos:*

2. אֶל־תִּקְנֵא בַעֲשֵׂי עוֹלָה - - - - - | - - - - -

*Ne invidas facientibus iniquitatem.*

Primum, jambicum monometrum hypercatalecticum.

Secundum, Ionicum à minori dimetrum catalecticum.

## 2.

1. כִּי כַחֲצִיר מִדְּרֵה יִמְלֹךְ - - - - - | - - - - -

*Nam sicut fanum cito succidentur:*

2. וְכִי־רֶשֶׁת יִבְלֹק - - - - - | - - - - -

*Et sicut viriditas tenera herba decident.*

Primum, antispasticum dimetrum hypercatalecticum anomalum ex trochaica syzygia, & jambica, ac syllaba.

Secundum, jambicum dimetrum catalecticum, primo trochæo.

## 3. ב

1. בָּטַח בַּיהוָה וַעֲשֵׂה טוֹב - - - - - | - - - - -

*Confide in Iovæ, & fac bonum:*

2. שָׁכֵן אֶרֶץ וְרַעַה אֲמוֹנָה - - - - - | - - - - -

*Inhabitare terram, & pascere fide.*

Primum, est epionicum dimetrum.

Secundum, pzonicum dimetrum hypercatalecticum, ex pzone quarto, & cretico, & syllaba.

## 4.

1. וְהִתְעַנַּג עַל־יְהוָה - - - - - | - - - - -

*Et oblecta te in Iovæ:*

2. וַיִּתֵּן־לָהּ מִשְׁאֲלוֹת לִבָּהּ: - - - - - | - - - - -

*Qui dabit tibi petiti. nes animi tui.*

Primum, jambicum monometrum hypercatalecticum.

Secundum, anapaesticum dimetrum brachycatalecticum purum.

## 5. ג

1. גֹּדֵל עַל־יְהוָה דְּרָכָהּ - - - - - | - - - - -

*Devolve super Iovam viam tuam:*

2. וּבָטַח עָלָיו וַהֲוֵא יַעֲשֶׂה: - - - - - | - - - - -

*Et confide in eo; nam ipse efficiet.*

FFFFF 3

Primum,

Primum, Ionicum à minori, dimetrum catalecticum.  
Secundum, choriambicum dimetrum anomalum, ex trochaica syzygia & choriambo: ultima enim est communis.

6.

1. והוציא כאור צדקה. ---|uu-

*Proferens tanquam lucem justitiam suam:*

2. ומשפטך כצהרים: -u-u-|-u, uu-|-

*Et jus tuum tanquam meridiem.*

Primum, anapæsticum dimetrum brachycatalecticum.

Secundum, trochaicum dimetrum hypercatalecticum.

7. 7

1. דום ליהוה והתחולל לו. -u-|-u-|-u-

*Acquiesce Iova, & contententer expecta eum:*

2. אל תתחר במצליח דרכו. -uu-|-uu-|-

*Ne accendaris ira propter prosperantem via sua:*

3. באיש עשה מזמורת: -uu-|-

*Propter virum efficientem cogitata.*

Primum, antispasticum dimetrum anomolum, ex dispondeo & antispasto.

Secundum, dactylicum trimetrum catalecticum cum dialysi pedis primi.

Tertium, anapæsticum monometrum.

8. 7

1. הרף מאף ועלב חמרה. uu-|-uu-|-u-

*Abstiste ab ira, & relinque astuantem iram:*

2. אל תתחר אהלהרע: -uu-|-u-

*Ne accendaris ira, saltem ad malefaciendum.*

Primum, Ionicum à minori, dimetrum hypercatalecticum purum.

Secundum, jambicum dimetrum brachycatalecticum.

9.

1. כי מרעים יכרתון. ---u-|-

*Nam malefici excidentur:*

2. וקני יהוה. -|-

*Dum expectantes Iovam.*

3. יהמה ירשו ארץ: -|-u-

*Ipsi possidebunt terram.*

Primum, antispasticum dimetrum catalecticum.

Secundum, dactylicum dimetrum ex spondeis.

Tertium, simile trimetrum.

10. 7

1. ועוד מעט ואין רשע. -u-|-|-

*Et adhuc paululum, plane non erit improbus.*

2. והתכוננה ער מקובו ואיננו. -u-|-u-|-u-

*Quod si consideraveris locum ejus, non extabit.*

Primum, trochaicum monometrum hypercatalecticum ut Psal. 25. 1. carm. 1.

Secundum, jambicum trimetrum brachycatalecticum Alcmaicum, ut Psal. 25. 3. carm. 1.

11.

1. וענוים ירשו ארץ. uu-|-|-u, u

*Manfueti verò possidebunt terram:*

2. והתענגו על דב שלום: -uu-|-u-

*Et oblectabunt se multitudine pacis.*

Primum, anapæsticum dimetrum catalecticum.

Secundum, jambicum dimetrum brachycatalecticum.

12. 7

1. זמם רשע לצדק. ---|uu-

*Cogitat improbus contra justum:*

2. וחורק עליו שני. ---|u-

*Frendetque adversus eum dentibus suis.*

Primum, anapæsticum dimetrum brachycatalecticum.

Secundum, jambicum dimetrum anomalum Doricum: ut Psal. 34. 4. carm. 2.

13.

1. אתי ישחק לו. -u-|-u-

*Dominus ridet eum:*

2. כי ראה כי יבא יומו: -|-|-|-|-

*Quia videt, advenire diem ejus.*

Primum, antispasticum dimetrum brachycatalecticum purum.

Secundum, dactylicum tetrametrum ex spondeis.

14. 7

1. חרב פתחו רשעים. uu-|-|-u-

*Gladium strinxerunt improbi;*

2. ודרכו קשתם להפיל עני ואביון. -u-|-u-|-u-

*Et tetenderunt arcum suum: ad dejiciendum pauperem & egenam;*

3. לטבוח ישיר דרך. -u-|-u-|-u-

*Ad mactandum rectos via.*

Primum, Ionicum à minori, dimetrum brachycatalecticum.

Secundum, jambicum ut vers. 10. carm. 2.

Tertium, jambicum dimetrum brachycatalecticum.

15.

1. חרבם תבוא בלבם. -u-|-|-u-

*Gladium eorum intrabit in cor eorum:*

2. וקשתותם תשבנה: -u-|-u-|-u-

*Et arcus eorum confringentur.*

Primum, jambicum (ut Psal. 34. 20. carm. 1.) dimetrum brachycatalecticum Doricum.

Secundum, antispasticum dimetrum catalecticum.

16. 7

1. טוב מעט לצדיק. -u, uu-

*Melum est paucum justo:*

2. מהפון רשעים רבים: -u-|-|-u-

*Copia improborum multorum.*

Primum, trochaicum monometrum. Psal. 34. 8. carm. 2.

1. vel pæonicum monometrum hypercatalecticum.

Secundum, trochaicum dimetrum catalecticum.

17.

1. כי זרועות רשעים תשבנה. -|-u-|-u-|-

*Nam brachia improborum confringuntur.*

2. וסומך צדיקים יהוה: -u-|-|-u-

*At sustentas justos Iova.*

Primum, trochaicum dimetrum hypercatalecticum ut Psal. 34. 11. carm. 2.

Secundum, jambicum dimetrum catalecticum ut Psal. 34. 10. carm. 2.

18.

1. ידע יהוה ימי תמימים. -u-|-|-|-

*Novis Iova dies integrorum:*

2. ונחלתם לעולם תהיה: -u-|-|-u-

*Et possessio eorum in seculum durabit.*

Primum,

Primum, jambicum dimetrum Alcmaicum: ut Psal.  
25. 3. carm. 1.  
Secundum, epionicum à minori, ex Ionico, & Jam-  
bica syzygia.

19.

1. לא יבשו בעת רעה --|--|--|--

*Non erubescens tempore mali.*

2. ובימי רעבון ישבע: ----|--|--|--

*Et diebus famis saturabuntur.*

Primum, dactylum tetrametrum catalecticum ut Psal.  
25. 10. 2.

Secundum, trochaicum dimetrum anomalum, secun-  
do spondeo: ut Psal. 34. 11. carm. 2.

20. ב

1. כי רשעים יכבדו --|--|--|--

*Sed improbi peribunt,*

2. ואיבי יהור כקר כרים ----|--|--|--

*Et inimici Iovae, ut pretiosum in agnis:*

3. כלו בעשן כלו: --|--|--|--

*Consumuntur, in fumum consumuntur.*

Primum, dactylicum trimetrum ut Psal. 25. 6. carm. 2.

Secundum, trochaicum dimetrum: ut vers. 19.  
carm. 2.

Tertium, jambicum dimetrum catalecticum ut Psal.  
34. 10. carm. 2.

21. ל

1. לזה רשע ולא יעלה --|--|--|--

*Mutatur improbus, & non reddit;*

2. וצדיק חונן ונותן: --|--|--|--

*At justus gratiam facit & donat.*

Primum, trochaicum dimetrum catalecticum ut vers.  
16. carm. 2.

Secundum, jambicum anomalum dimetrum brachy-  
catalecticum ut Psal. 34. 20. carm. 1.

22.

1. כי מכבדו ירשו ארץ --|--|--|--

*Quia benedicti ab illo possidebunt terram:*

2. ומקללו יכרתו: --|--|--|--

*Et maledicti ab illo excidentur.*

Primum, dactylicum tetrametrum.

Secundum, antispasticum dimetrum anomalum ex tro-  
chaico syzygia.

23. מ

1. מיהור מצעדינו כוננו --|--|--|--

*A Iovae gressus viri disponuntur.*

2. וירכו יחפץ: --|--|--|--

*Cujus via delectatur.*

Primum, dactylicum pentametrum catalecticum.

Secundum, jambicum monometrum purum: ut Psal.  
42. 1. carm. 2.

24.

1. כי יפול לא יטל --|--|--|--

*Quum cadet, non protelabitur:*

2. כי יהיה סומך ידו: --|--|--|--

*Quia Iovae sustentat manum ejus.*

Primum, trochaicum dimetrum brachycatalecticum.

Secundum, dactylicum tetrametrum catalecticum, ut  
Psal. 25. 10. carm. 2.

25. נ

1. נער היתי גם זקנתי --|--|--|--

*Puer fui, etiam consenui:*

2. ולא ראיתי צדיק נעזב ----|--|--|--

*Neque vidi justum derelictum:*

3. וירש מבקש לחם: --|--|--|--

*Et semen ejus quærere panem.*

Primum, Ionicum à minori, dimetrum hypercatale-  
cticum.

Secundum, jambicum dimetrum Doricum secundo  
spondeo, ut Psal. 25. 15. carm. 2.

Tertium, jambicum monometrum hypercatalecticum.

26.

1. כל היום הונן ומלוח --|--|--|--

*Toto die gratiam facit & mutat:*

2. וירעו לברכה: --|--|--|--

*Et semen ejus benedictioni est.*

Primum, epionicum dimetrum ut Psal. 34. 21. carm.  
2. & hic vers. 18. carm. 2.

Secundum, jambicum monometrum hypercatale-  
cticum purum: ut Psal. 25. 4. carm. 2.

27. ס

1. כד מרע ועשר טוב --|--|--|--

*Recede à malo, & fac bonum;*

2. ושכן לעולם: --|--|--|--

*Et habita in seculum.*

Primum, jambicum dimetrum brachycatalecticum ut  
Psal. 34. 6. 2.

Secundum, dactylicum dimetrum.

28.

1. כי יהיה אהב משפט ----|--|--|--

*Nam Iovae amat jus.*

2. ולא יעזב את חסדיו --|--|--|--

*Neque derelinquit pios suos.*

3. לשלם נשמה: --|--|--|--

*In seculum conservantur;*

4. וירע רשעים נכרת: --|--|--|--

*At semen improborum excinditur:*

Primum, trochaicum dimetrum catalecticum anoma-  
lum, primo pede spondeo, pro trochæo: ut Psal. 34. 11.  
carm. 2.

Secundum, dactylicum trimetrum.

Tertium, jambicum monometrum hypercatalecticum  
ut Psal. 25. 4. carm. 2.

Quartum, Ionicum à minori, dimetrum brachycata-  
lecticum purum.

29. Hic deest ע

1. צדיקים ירשו ארץ --|--|--|--

*Iusti possidebunt terram:*

2. וישכנו לעד עליה: --|--|--|--

*Et habitabunt in æternum super eam.*

Primum, jambicum dimetrum catalecticum Doricum;  
secundo spondeo: ut vers. 21. carm. 2.

Secundum, antispasticum dimetrum catalecticum, ut  
vers. 15. carm. 2.

30. פ

1. פי צדיק יהיה חכמה --|--|--|--

*Oi jussi meditantur sapientiam:*

Fffff 4

2. פי צדיק



2. פִּי צְדִיק תִּדְבֵּר מִשְׁפָּט: -ו-ו-ו-ו-

*Os justi loquitur jus.*

Primum, Ionicum à minori dimetrum catalecticum.  
Secundum, trochaicum dimetrum catalecticum purum.

31.

1. תּוֹרַת אֱלֹהִיו בְּלִבּוֹ -ו-ו-ו-ו-

*Lex Dei ipsius est in corde ejus.*

2. לֹא תִמְעַד אֲשֶׁרְיוֹ -ו-, ו-ו-ו-ו-

*Non labascunt gressus ejus.*

Primum, choriambicum dimetrum catalecticum purum.

Secundum, trochaicum monometrum hypercatalecticum.

32. צ

1. צוֹפֵר רָשָׁע לְצִדִּיק -ו-ו-ו-ו-

*Speculator improbus in justum:*

2. וּמִבְקֵשׁ לְהַמִּיתוֹ: -ו-ו-ו-ו-

*Et querit occidere ipsum.*

Primum, Ionicum à minori catalecticum: ut vers. 30. carm. 1.

Secundum, trochaicum dimetrum brachycatalecticum purum.

33.

1. יְהוָה לֹא יַעֲזֹבֵנוּ בְּיָדוֹ -ו-ו-ו-ו-

*Iova non derelinquet eum in manu illius:*

2. וְלֹא יִרְשָׁעֵנוּ בְּהַשְׁפָּטוֹ: -ו-ו-ו-ו-

*Neque condemnabit eum, quum jud. cabitur.*

Primum, antispasticum dimetrum ut Psal. 25. 3. carm. 2. cum dialysi primæ longæ.

Secundum, trochaicum dimetrum purum: ut vers. 32. carm. 2.

34. ק

1. אֶל-יְהוָה וְשֹׁמֵר דְּרָכּוֹ -ו-ו-ו-ו-

*Exspecta Iovam, & observa viam ejus;*

2. וְיִרְוֹמֶכָה לְרִשְׁתִּי אֶרֶץ -ו-ו-ו-ו-

*Is extollet te ad adeundum hereditatem terra:*

3. בְּהִכָּרַת רָשָׁעִים תִּרְאֶה: -ו-ו-ו-ו-

*Excidium improborum videbis.*

Primum, antispasticum dimetrum hypercatalecticum.

Secundum, choriambicum dimetrum hypercatalecticum.

Tertium, epichoriambicum dimetrum catalecticum ex epitrito primo & choriambo catalectico.

35. ר

1. רֹאִיתִי רָשָׁע עֲרִיץ -ו-ו-ו-ו-

*Vidi improbum ferocem:*

2. וּמִתְעַרֵּה כְּאֹרֶחַ רַעְיוֹן: -ו-ו-ו-ו-

*Et sese explicantem, ut arbor indigena vivens.*

Primum, dactylicum tetrametrum catalecticum ut Psal. 25. 10. carm. 2.

Secundum, antispasticum periodicum dimetrum.

36.

1. וַיַּעֲבֹר וְהִנֵּה אֵינֶנּוּ -ו-ו-ו-ו-

*Sed prateriit, & ecce non erat:*

2. וְאִבְקֵשְׁהוּ וְלֹא נִמְצָא: -ו-ו-ו-ו-

*Et quum quererem eum, non inveniebatur.*

Primum, antispasticum dimetrum cum Dialysi primæ longæ.

Secundum, trochaicum dimetrum catalecticum ut vers. 16. carm. 2.

37. ש

1. שְׁמֵרְתָּם וְרֵאָה יֵשׁוּ -ו-ו-ו-ו-

*Observa integrum & aspice rectum:*

2. כִּי אַחֲרֶיהָ לֹא יֵשׁ שְׁלוֹם: -ו-ו-ו-ו-

*Finem istius viri esse pacem.*

Primum, jambicum dimetrum brachycatalecticum Do- ricum: ut vers. 21. 2.

Secundum, dactylicum trimetrum.

38.

1. וּפְשָׁעִים נִשְׁמְרוּ יַחַד -ו-ו-ו-ו-

*At defectores perduntur pariter:*

2. אַחֲרֵיהֶם נִכְרְתָה: -ו-ו-ו-ו-

*Finis improborum excinditur.*

Primum, trochaicum dimetrum catalecticum anom- alium, primo spondeo: ut Psal. 34. 11. 2.

Secundum, Ionicum à minori dimetrum.

39. ת litera hic non prima, sed secunda.

1. וְתִשְׁעֶרֶת צְדִיקִים מִיָּדָה -ו-ו-ו-ו-

*Atque salus iustorum à Iova est:*

2. מִעֲזוֹם בָּעֵת צָרָה -ו-ו-ו-ו-

*Robur eorum tempore angustia.*

Primum, anapæsticum dimetrum.

Secundum, trochaicum dimetrum brachycatalecticum: ut carm. 24. 1.

40.

1. וַיַּעֲזֹר יְהוָה וַיַּפְלֵטֵם -ו-ו-ו-ו-

*Et adjuvat eos Iova, liberatque eos;*

2. וַיַּפְלֵטֵם מִרְשָׁעִים וּמִיָּשָׁעִים -ו-ו-ו-ו-

*Liberat eos ab improbis, & servat eos:*

3. כִּי חֲסוּ בּוֹ -ו-ו-ו-ו-

*Quia recipiunt se ad eum.*

Primum, anapæsticum dimetrum brachycatalecticum.

Secundum, antispasticum dimetrum ut Psal. 25. 20. carm. 2.

Tertium, dactylicum dimetrum ut vers. 9. carm. 2.

#### C A P U T IV.

##### Analysis Poëtica Psal. III.

Hic Psalmus Alphabeticus quartus, nonnihil literarum situ ab antecedentibus 35, 34. & 37. differt: quemadmodum etiam proximus 112. Nam utrimque periodi seu versiculi, sunt decem tantum. Quorum octo priores distichis: posteriores tristichis constant: ut singula carmina, distinctione literæ Alphabeticæ definiantur. Aded ut ad Psalmorum carmina investiganda, egregiè præluxerint.

#### V E R S U S I. א

1. אֹדֶה יְהוָה בְּכָל-לִבִּי -ו-ו-ו-ו-

*Celebrabo Iovam ex toto corde:*

ב

2. בְּסוֹד יְשָׁרִים וְעֵדָה: -ו-ו-ו-ו-

*In consilio rectorum & carni.*

Primum, pzonicum creticum dimetrum hypercatalecticum purum.

Secundum, dactylicum trimetrum catalecticum ut Psal. 25. 8. carm. 1.

2. ג

1. גִּדְלוּם מַעֲשֵׂי יְהוָה ---|---

*Magna opera Iovæ :*

ר

2. רְוִישִׁים לְכַלְחַפְיָהֶם ---|---

*Exquisita omnibus qui delectantur illis.*

Primum, anapæsticum dimetrum brachycatalecticum.  
 Secundum, Ionicum à minori, dimetrum brachycatalecticum.

3. ה

1. הִרְוֶה וְהִדְרֵה פָּעֻלוֹ ---|---

*Majestas & decorus, opus ejus :*

ו

2. וְצִדְקָתוֹ עֲמִידָה לְעַד : ---|---

*Et justitia ejus permanet in æternam.*

Primum, dactylicum trimetrum catalecticum.  
 Secundum, epionicum à minori, dimetrum ex epitrito primo & ionico à minori.

4. ו

1. זָכַר עֲשָׂה לְנִפְלְאוֹתָיו ---|---

*Memoriam comparavit mirabilibus suis.*

ח

2. חֲנוּן וְרַחוּם יְהוָה ---|---

*Gratiosus & misericors Iovæ.*

Primum, pæzonicum creticum dimetrum hypercatalecticum ut vers. 1. carm. 1.  
 Secundum, jambicum dimetrum brachycatalecticum.

5. ט

1. טָרַף נָתַן לִירְאָיו ---|---

*Prædam dedit reverentibus ipsum :*

ק

2. זָכַר לְעוֹלָם בְּרִיתוֹ : ---|---

*Recordatus in seculum fœderis sui.*

Primum, jambicum dimetrum brachycatalecticum ut Psal. 37. 11. carm. 2.

Secundum, jambicum dimetrum brachycatalecticum Doricum : ut Psal. 37. 21. carm. 2.

6. כ

1. כַּחַ מַּעֲשֵׂיוֹ הִגִּיד לְעַמּוֹ ---|---

*Vim operam eî possessionem gentium.*

ל

2. לִתֵּת לָהֶם נַחֲלַת גּוֹיִם : ---|---

*Ut daret eî possessionem gentium.*

Primum, jambicum dimetrum primo pede dactylo.  
 Secundum, antispasticum dimetrum ex epitrito quarto, & antispasto, cum dialysi primæ longæ.

7. מ

1. מַעֲשֵׂי יָדָיו אִמְרָת וּמִשְׁפָּט ---|---

*Opera manuum ejus, veritatis & judicii :*

נ

2. נִאֲמָנִים כָּל־פְּקוּדָיו : ---|---

*Constantia omnia mandata ejus :*

Primum, anapæsticum dimetrum catalecticum.  
 Secundum, Ionicum à minori, dimetrum purum.

8. ס

1. סְמוּכִים לְעַד לְעוֹלָם ---|---

*Falsa in æternum, in seculum :*

ע

2. עֲשׂוּם בְּאֵמֶת וְיֶשֶׁר : ---|---

*Facta veritate & recto.*

Primum, trochaicum dimetrum brachycatalecticum ut Psal. 34. 12. carm. 11.

Secundum, jambicum dimetrum catalecticum.

9. פ

1. פְּדוּתָהּ שָׁלַח לְעַמּוֹ ---|---

*Redemptionem misit populo suo :*

צ

2. צִוָּה לְעוֹלָם בְּרִיתוֹ : ---|---

*Præcepit in seculum fœdus suum :*

ק

3. קְדוֹשׁ וְנֹרָא שְׁמוֹ : ---|---

*Sanctum & reverendum nomen ejus.*

Primum, anapæsticum monometrum.

Secundum, jambicum dimetrum Doricum : ut Psal.

37. 21. carm. 2.

Tertium, dactylicum trimetrum catalecticum ut Psal.

25. 8. 1.

10. ר

1. רֵאשִׁית חֲכָמָה יִרְאֵת יְהוָה ---|---

*Principium sapientia reverentia Iovæ.*

ש

2. שָׂכַל כּוֹב לְכָל־עֲשִׂיהֶם ---|---

*Mens sana omnibus faciensibus illa :*

ת

3. תְּהַלְלוּ עֲמִידָה לְעַד : ---|---

*Laus ipsius permanet in æternum.*

Primum, epionicum à minori, dimetrum ex jambica syzygia.

Secundum, antispasticum dimetrum catalecticum, ut acatalecticum Psal. 25. 5. carm. 2.

Tertium, epionicum dimetrum, ex epitrito primo & Ionico.

## C A P U T V.

## Analysis Poëtica Psal. 112.

## V E R S U S I. א

1. אִישׁ יָרֵא אֶת־יְהוָה ---|---

*O bene viro reverenti Iovam :*

ב

2. בְּמַצְוֹתָיו חָפֵץ מְאֹד ---|---

*Qui mandatis ejus delectatur valde.*

Primum, antispasticum dimetrum anomalum, ex epitrito primo & secundo.

Secundum, jambicum Doricum dimetrum brachycatalecticum.

2. ג

## 2. ג

1. גבור בארץ יהודה זרעו. ---|---|---|---  
*Potens in terra eris semen ejus:*

## ד

2. דור ישרים יבך: ---|---|---|---  
*Generationsi rectorum benedicetur.*

Primum, jambicum dimetrum Doricum, secundo  
 spondeo.

## 3. ה

1. הון ועשר בביתו. ---|---|---|---  
*Copia & divitia in domo ejus.*

## ו

2. וצדקתו עומדת לעד: ---|---|---|---  
*Et iustitia ejus permanet in aeternum.*

Primum, trochaicum dimetrum brachycatalecticum ut  
 Psal. 34. 12. carm. 1.

Secundum, epionicum à minori: ut Psal. 37. 3.  
 carm. 1.

## 4. ז

1. זרח בחשך אור לישראל. ---|---|---|---  
*Oritur in tenebris lux ipsi relictis.*

## ח

2. חנון ורחום וצדיק: ---|---|---|---  
*Gratioso, misericordis & iusto.*

Primum, choriambicum dimetrum hypercatalecticum.

## 5. ט

1. טוב-איש חונן ומלוח. ---|---|---|---  
*Felix vir qui gratiosè largitur, & mutat.*

## י

2. יבלבל דבריו במשפט: ---|---|---|---  
*Moderabitur res suas ex jure.*

Primum, dactylicum trimetrum.

Secundum, jambicum dimetrum brachycatalecticum  
 Doricum: ut Psal. 37. 21. carm. 2.

## 6. כ

1. כי-לעולם לא-ימוט. ---|---|---|---  
*Quia in seculum non dimovebitur:*

## ל

2. לזכר עולם יהיה צדיק. ---|---|---|---  
*In memoria perpetua erit iustus.*

Primum, jambicum dimetrum brachycatalecticum Do-  
 ricum: ut Psal. 34. 20. carm. 1.

Secundum, trochaicum dimetrum catalecticum: ut  
 acatalecticum Psal. 34. 23. carm. 1.

## 7. מ

1. משמועה רעה לא יירא. ---|---|---|---  
*A rumore malo non timebit.*

## נ

2. נכון לבו בטח ביהוה: ---|---|---|---  
*Bene dispositum animum ejus confisus Iova.*

Primum, antispasticum dimetrum ut Psal. 25. 20.  
 carm. 2.

Secundum, choriambicum trimetrum brachycatale-  
 cticum.

## 8. ס

1. סמוך לבו לא יירא. ---|---|---|---  
*Falsum corde suo non timebit.*

## ע

2. עד אשר יראה בציון: ---|---|---|---  
*Donec contempletur hostes suos.*

Primum, jambicum dimetrum catalecticum.

Secundum, jambicum monometrum hypercatalecticum.

## 9. פ

1. פזר פזר נתן לאביונים. ---|---|---|---  
*Dispergit, dat egentibus.*

## צ

2. צדקתו עומדת לעד: ---|---|---|---  
*Iustitia ejus permanet in aeternum:*

## ק

3. קרנו תרום בכבוד: ---|---|---|---  
*Cornu ejus extolletur honore.*

Primum, jambicum dimetrum catalecticum.

Secundum, epionicum dimetrum ut Psal. 37. v. 3.  
 carm. 1.

Secundum, jambicum dimetrum hypercatalecticum Do-  
 ricum: ut Psal. 37. 28. carm. 2.

## 10. ר

1. רשע יראה וכעס. ---|---|---|---  
*Improbis videbit, & indignabitur.*

## ש

2. שני יחוק ונמם. ---|---|---|---  
*Dentibus suis frendens constabescet:*

## ת

3. תאווה רשעים תאבד. ---|---|---|---  
*Desiderium improborum peribit.*

Primum, Ionicum à majori, dimetrum brachycatale-  
 cticum.

Secundum, jambicum dimetrum brachycatalecticum.

Tertium, trochaicum dimetrum brachycatalecticum.

## CAPUT VI.

## Analysis Poëtica Psal. 119.

Quoniam hic Psalmus sectiones habet viginti duas:  
 ex iis (ne tedium oriatur ob prolixitatem) primam  
 tantum declarandam (et si reliquæ expensæ) statuimus.  
 Singulæ autem sectiones, octo continent versiculos seu  
 periodos, ab una Alphabeti litera distinctè ordientes. Pri-  
 ma autem, pro ordinis ratione ab Aleph inchoatur: &  
 singulæ periodi distichis tantum constant.

## VERSUS I. א

1. אשר תמידי דרך: ---|---|---|---  
*O bene integræ viâ:*

2. תהלכים







Secundum, Ionicum à minori dimetrum hypercatalectum purum.

## 20. ש

1. שומר יהוה את כל אהביו - - - - | - - - -

*Custodit Iova omnes amantes ipsum:*

2. ואת כל דרשעים ישמיד: - - - - | - - - -

*Sed omnes improbos perdet.*

Primum, jambicum dimetrum Doricum: ut Psal. 25. 15. carm. 2.

Secundum, trochaicum dimetrum catalecticum: ut Psal. 37. 16. carm. 2.

## 21. ת

1. תהלל יהוה ידברפי - - - - | - - - -

*Laudationem Iova eloquetur os meum:*

2. ויברך כל בשר שם קרש - - - - | - - - -

*Et benedicet omnis caro nomini sancti atq; ejus,*

3. לעולם ועד: - - - - | - - - -

*In seculum & sempiternum.*

Primum, Ionicum à minori dimetrum catalecticum purum.

Secundum, antispasticum dimetrum hypercatalecticum.

Tertium, Dactylicum dimetrum.

Haecenus, Psalmorum Alphabeticorum septem, analysis Poëtica: sequuntur similia Salomonis, & Jeremiz.

## C A P U T VIII.

*Encomii matrisfamilias industriae, analysis poëtica*  
Proa. cap. 31. à versiculo decimo.

**A**lphabeticum autem est integrum: & distichum in singulis periodis extat.

## V E R S U S IO, א

2. אשת חיל מי ימצא - - - - | - - - -

*Feminam strenuam quis inveniet?*

2. ורחוק מפנינים מכרה: - - - - | - - - -

*Nam procul distat à margaritis pretium ejus.*

Primum, pzonicum dimetrum ex pzone primo & cretico: ut Psal. 25. 2. carm. 3.

Secundum, antispasticum dimetrum catalecticum.

## II. ב

1. בטח בה לב בעלה - - - - | - - - -

*Confidit ei cor mariti sui.*

2. ושלל לא יחסר: - - - - | - - - -

*Et spolum non deficiet.*

Primum, pzonicum creticum purum dimetrum.

Secundum, trochaicum monometrum hypercatalecticum ut Psal. 145. 9. carm. 1.

## 12. ג

1. גמלתו טוב ולא רע - - - - | - - - -

*Tribuit ei bonum, non verò malum:*

2. כל ימי חייו: - - - - | - - - -

*Omnibus diebus vita sua.*

Primum, trochaicum dimetrum brachycatalecticum.

Secundum, anapæsticum monometrum.

## 13. ד

1. דרשה צמר ופשתים - - - - | - - - -

*Quarits lanam & lina:*

2. ותעש בחפץ כפירה: - - - - | - - - -

*Comparatque prout libet manus suas.*

Primum, Ionicum à majori, dimetrum catalecticum.

Secundum, pzonicum dimetrum purum.

## 14. ה

1. היתה כאניות סוחר - - - - | - - - -

*Est similis navibus mercatoris:*

2. ממרחק תביא לחמה: - - - - | - - - -

*E longinquo advehet panem suum.*

Primum, jambicum dimetrum catalecticum ut Psal.

34. 10. carm. 1.

Secundum, Ionicum dimetrum catalecticum.

## 15. ו

1. ותקם בעוד לילה - - - - | - - - -

*Et surgens dum adhuc nox est,*

2. ותתן טרף לביתה - - - - | - - - -

*Dat escam domui suae.*

3. וחק לגערותיה - - - - | - - - -

*Es pensum puellis suis.*

Primum, jambicum dimetrum brachycatalecticum purum: ut Psal. 25. 7. carm. 2.

Secundum, anapæsticum monometrum hypercatalecticum.

Tertium, choriambicum dimetrum brachycatalecticum.

## 16. ז

1. זממה שרה ותקחהו - - - - | - - - -

*Cogitaverit agrum, statim accepit eum:*

2. מפרי כפירה נטעה ברים: - - - - | - - - -

*De fructu manuum suarum plantavit vineam.*

Primum, antispasticum dimetrum ex epitritis quartis cum secundi pedis dialysi longæ primæ.

Secundum, antispasticum dimetrum ex jambica syzygia & epitrito quarto.

## 17. ח

1. חגרה בעז מתניה - - - - | - - - -

*Accinxit robore lumbos suos:*

2. ותאמן ורעותיה: - - - - | - - - -

*Et confirmavit brachia sua.*

Primum, dactylicum trimetrum catalecticum.

Secundum, Ionicum à minori dimetrum catalecticum ut Psal. 37. 1. carm. 2.

## 18. ט

1. טעמה כי טוב סחרה - - - - | - - - -

*Gustavit bonum esse mercimonium suum:*

2. לא יכבה בלילה נרה - - - - | - - - -

*Non extinguetur noctu lucerna ejus.*

Primum, trochaicum dimetrum catalecticum.

Secundum, trochaicum dimetrum catalecticum tertio spondeo: ut Psal. 25. 12. carm. 1.

## 19. י

1. ידיה שלחה בכישור - - - - | - - - -

*Manus suas immittit ad verticillum:*

2. וכפף תמכו פלך: - - - - | - - - -

*Et manus ejus tenent fusum.*

Primum, trochaicum dimetrum.

Primum, anapæsticum dimetrum brachycatalecticum ut Psal. 25. 19. carm. 2.

G g g g g

20. כ

## 20. כ

1. כְּפֶה פִּרְשָׁה לְעֵנִי - - - | - -

*Volam suam pandit misero:*

2. וַיִּדְּהָהּ שְׁלַחָהּ לְאַבְיוֹן - - - | - - - -

*Et manus suas extendit egenti.*

Primum, jambicum dimetrum brachycatalectum Doricum: ut Psal. 37. 2. 1. carm. 2.

Secundum, antispasticum periodicum ex trochaica & jambica syzygia.

## 21. ל

1. לֹא-תִירָא לְבֵיתָהּ מִשְׁלֹג - - - | - - - -

*Non times familia sua à nive:*

2. כִּי כָל-בֵּיתָהּ לְבֹשׁ שְׁנִים: - - - | - - - -

*Nam tota domus ejus induta est duplicibus.*

Primum, trochaicum dimetrum primo spondeo: ut Psal. 34. 11. carm. 2.

Secundum, trochaicum dimetrum.

## 22. מ

1. מְרַבֵּרִים עֲשֶׂתָהּ לָהּ - - - | - - - -

*Cadurca parat sibi:*

2. שֵׁשׁ וְאַרְגָּמָן לְבוּשָׁהּ - - - | - - - -

*Xylinum & purpuram, vestimentum suum.*

Primum, antispasticum monometrum hypercatalectum.

Secundum, trochaicum dimetrum brachycatalectum.

## 23. נ

1. נִדְעָה בְּשַׁעֲרֵים בַּעֲלָהּ - - - | - - - -

*Notus est in portis maritus ejus:*

2. דֹּמָם בְּשִׁבְתָּהּ עִם זְקֵנֵי אֶרֶץ: - - - | - - - -

*Dum sedet cum senioribus regionis.*

Primum, antispasticum dimetrum catalecticum periodicum, ex jambica syzygia & trochaica catalectica.

Secundum, jambicum dimetrum brachycatalectum.

## 24. ד

1. סָדִין עֲשֶׂתָהּ וְתַמְכוֹר - - - | - - - -

*Sindonem conficit ac vendit:*

2. וְחִגּוֹר נָתַתָּה לְכִנְעָנִי - - - | - - - -

*Et cingulum tradit negotiatori.*

Primum, anapaesticum dimetrum brachycatalectum.

Secundum, epionicum à minori, ex Ionico, & jambica syzygia.

## 25. ע

1. עֲזִיזָהּ לְבוּשָׁהּ - - - | - - - -

*Robur & decor, vestitus ejus:*

2. וְתִשְׁחַק לְיוֹם אַחֲרָיו: - - - | - - - -

*Et ridet in diem posterum.*

Primum, dactylicum trimetrum catalectum ut Psal. 25. 8. carm. 1.

Secundum, anapaesticum monometrum purum.

## 26. פ

1. פִּיהָ פָּתַח בְּחִכְמָהּ - - - | - - - -

*Os suum aperit sapientiā:*

2. וְתוֹרַת-חֵמֶד עַל-לִשְׁנָהּ: - - - | - - - -

*Et lex benignitatis infidet lingua ejus.*

Primum, jambicum dimetrum brachycatalectum Doricum: ut Psal. 34. 4. carm. 2.

Secundum, trochaicum dimetrum brachycatalectum.

## 27. צ

1. צוּפִיָּה הִלְכוֹת בֵּיתָהּ - - - | - - - -

*Speculatur incessus familia sua:*

2. וְלֹחֶם עֲזָלוֹת לֹא תֹאכֶל: - - - | - - - -

*Neque panem pigris comedis.*

Primum, trochaicum dimetrum anomalum, tertio spondeo, pro trochæo: ut Psal. 25. 4. carm. 1.

Secundum, trochaicum dimetrum brachycatalectum: ut Psal. 112. 10. carm. 3.

## 28. ק

1. קָמוּ בְנֵיהּ וַיִּאֲשְׁרוּהָ - - - | - - - -

*Affurgunt filii ejus, & beatum predicant ipsam:*

2. בַּעֲלָהּ וַיְהַלֵּלָהּ - - - | - - - -

*Maritus ejus etiam laudat eam.*

Primum, trochaicum dimetrum primo spondeo, pro trochæo: ut Psal. 34. 12. carm. 1.

Secundum, jambicum monometrum: ut Psal. 119. 5. carm. 2.

## 29. ר

1. רַבּוֹת בָּנוֹת עָשׂוּ חֵיל - - - | - - - -

*Dicens, multa filia fecerunt strenue:*

2. וְאַתָּה עֲלִיתָ עַל-כָּלֵנָהּ - - - | - - - -

*Tu verò superasti omnes illas.*

Primum, antispasticum dimetrum ut Psal. 25. 20. carm. 2.

Secundum, antispasticum dimetrum catalectum purum.

## 30. ש

1. שֶׁקֶר הָיָה וְהַבֵּל הָיָה - - - | - - - -

*Fallacia est gratia & vanitas pulchritudo:*

2. אִשָּׁה יִרְאֵת יְהוָה הִיא תִתְהַלֵּל - - - | - - - -

*Mulier reverentia Iovæ pradiata ipsa celebrabitur.*

Primum, pzonicum dimetrum hypercatalectum purum.

Secundum, epionicum à majori dimetrum hypercatalectum.

## 31. ת

1. תִּנּוּ לָהּ מִפְּרֵי יָדֶיהָ - - - | - - - -

*Date ei de fructu manuum ejus:*

2. וַיְהַלֵּלָהּ בְּשַׁעֲרֵים מַעֲשֶׂיהָ - - - | - - - -

*Et laudent eam in portis facta ejus.*

Primum, antispasticum dimetrum catalectum periodicum: ut vers. 10. carm. 2.

Secundum, antispasticum trimetrum brachycatalectum.

## CAPUT IX.

## Analysis Poëtica capitis tertii Lamentationum

## J E R E M I A.

IN hoc capite continetur Alphabetum triplex: ita ut ordine terni versiculi, ab Alphabetica litera eadem inchoentur: & distichis (præter 56.) constant. Litera autem *tsadi* post *pe* inverso ordine comperitur.

## V E R S U S I. א

1. אֲנִי הַגִּבֹּר רֹאֵה עֵנִי - - - | - - - -

*Ego, vir iste, expertus afflictionem:*

2. בְּשִׁבְטִי





## 2. וַיִּגְרַם בַּחֲצֵץ שְׁנֵי ט-ט-ט-ט-ט-ט

*Inebrias me absinthio.*

Primum, jambicum dimetrum catalecticum purum.  
 Secundum, anapaesticum monometrum purum.

## 16. ך

## 1. וַיִּגְרַם בַּחֲצֵץ שְׁנֵי ט-ט-ט-ט-ט-ט

*Et comminuit scrupo dentes meos,*

## 2. הִכְפִּישְׁנִי בְּאַפֵּר ט-ט-ט-ט-ט-ט

*Deprimis me in cinerem.*

Primum, antispasticum dimetrum catalecticum periodicum: ut Psal. 25. 2. carm. 1.  
 Secundum, jambicum dimetrum catalecticum.

## 17. ך

## 1. וַתִּזְנַח מִשְׁלוֹם נַפְשִׁי ט-ט-ט-ט-ט-ט

*Rejicisq. à pace animam meam.*

## 2. נִשְׁתִּי טוֹבָה: ט-ט-ט-ט-ט-ט

*Adeo ut obliviscar boni.*

Primum, anapaesticum dimetrum catalecticum periodicum.  
 Secundum, dactylicum trimetrum catalecticum.

## 18. ך

## 1. וְאָמַר אֲבָד נִצְחִי ט-ט-ט-ט-ט-ט

*Dicens, periit robur meum:*

## 2. וַתּוֹחַלְתִּי מִיְהוָה ט-ט-ט-ט-ט-ט

*Et spes mea à Iova.*

Primum, epionicum à minori, dimetrum catalecticum.  
 Secundum, trochaicum dimetrum brachycatalecticum.

## 19. ך

## 1. זָכַר-עֲנִי וּמְרוֹדִי ט-ט-ט-ט-ט-ט

*Recordare afflictionis mea & planctus mei,*

## 2. לַעֲנָה וְרֹאשׁ ט-ט-ט-ט-ט-ט

*Absinthii & cicutae.*

Primum, anapaesticum monometrum hypercatalecticum.  
 Secundum, anapaesticum monometrum.

## 20. ך

## 1. זָכַר תִּזְכּוֹר ט-ט-ט-ט-ט-ט

*Plane recordatur,*

## 2. וַתִּשָּׁחַ עָלַי נַפְשִׁי ט-ט-ט-ט-ט-ט

*Et meditatur de me anima mea.*

Primum, jambicum monometrum.  
 Secundum, epionicum dimetrum catalecticum.

## 21. ך

## 1. וְאֵת אֲשִׁיב אֶל-לִבִּי ט-ט-ט-ט-ט-ט

*Hoc revoco in animum meum,*

## 2. עַל-בֵּן אוֹחִיל ט-ט-ט-ט-ט-ט

*Propterea spero.*

Primum, dactylicum trimetrum catalecticum.  
 Secundum, antispasticum monometrum: ut Psal. 25. 2. carm. 2.

## 22. ך

## 1. חֲסְדֵי יְהוָה כִּי לֹא תִמְנֹו ט-ט-ט-ט-ט-ט

*Sunt benignitates Iova, quod non simus absumpti:*

## 2. כִּי לֹא יִלְוּ רַחֲמָיו: ט-ט-ט-ט-ט-ט

*Quia non deficiunt miserationes ejus.*

Primum, antispasticum dimetrum: ut Psal. 15. 7. 20. carm. 2.

Secundum, anapaesticum dimetrum brachycatalecticum.

## 23. ך

## 1. חֲדָשִׁים לְבָקָרִים ט-ט-ט-ט-ט-ט

*Nova sunt singulis matutinis:*

## 2. רַבָּה אֲמוֹנָתְךָ ט-ט-ט-ט-ט-ט

*Ampla est fides tua.*

Primum, antispasticum dimetrum brachycatalecticum.  
 Secundum, antispasticum dimetrum catalecticum periodicum.

## 24. ך

## 1. חֶלְקִי יְהוָה אֲמָרָה נַפְשִׁי ט-ט-ט-ט-ט-ט

*Portio mea Iova est, dicit anima mea:*

## 2. עַל-בֵּן אוֹחִיל לֵן: ט-ט-ט-ט-ט-ט

*Propterea sperabo in eo.*

Primum, jambicum dimetrum Doricum, secundo spondeo, pro jambo.

Secundum, idem monometrum hypercatalecticum: ut Psal. 25. 13. carm. 1.

## 25. ט

## 1. טוֹב יְהוָה לִקְוֹן ט-ט-ט-ט-ט-ט

*Bonum est Iova expectantibus eum:*

## 2. לְנַפֵּשׁ תִּדְרֹשְׁנִי ט-ט-ט-ט-ט-ט

*Anima requirentis ipsum.*

Primum, dactylicum trimetrum catalecticum.  
 Secundum, jambicum monometrum.

## 26. ט

## 1. טוֹב וַיְחַל וְדוֹמָם ט-ט-ט-ט-ט-ט

*Beatus cum expectans, tum acquiescens:*

## 2. לְתַשׁוּעַת יְהוָה ט-ט-ט-ט-ט-ט

*In salute Iova.*

Primum, dactylicum trimetrum catalecticum.  
 Secundum, jambicum monometrum hypercatalecticum.

## 27. ט

## 1. טוֹב לְזָכָר ט-ט-ט-ט-ט-ט

*Bene est viro isti:*

## 2. כִּי-יִשָּׁחַ עַל בְּנֵי-עֲרִין ט-ט-ט-ט-ט-ט

*Quum tulerit iugum in pueritia sua.*

Primum, pzonicum monometrum purum.  
 Secundum, pzonicum Creticum dimetrum hypercatalecticum.

## 28. ך

## 1. יֹשֵׁב בְּדָר וַיִּדָּם ט-ט-ט-ט-ט-ט

*Qui sedens solitarius acquiescit:*

## 2. כִּי נִטַּל עָלָיו: ט-ט-ט-ט-ט-ט

*Quia imposuit ipsi.*

Primum, jambicum dimetrum brachycatalecticum Doricum: ut Psal. 34. 4. carm. 2.

Secundum, jambicum monometrum hypercatalecticum.

## 29. ך

## 1. יִתֵּן בְּעַפְרֵי פִּיהוּ: ט-ט-ט-ט-ט-ט

*Indit pulveri os suum:*

## 2. אֲוִלִּי יֵשׁ תְּקוּרָה ט-ט-ט-ט-ט-ט

*Quod forte su expectatio.*

Primum,

Primum, jambicum dimetrum brachycatalecticum.  
Secundum, trochaicum monometrum hypercatalecticum.

30. ה

1. יִתֵּן לַמַּכְהוֹ לְחַיִּי - - - | - - -

*Præbet percutienti se genam,*

2. יִשְׁבַּע בְּחַרְפָּהּ : - - - - -

*Satiatur opprobrio.*

Primum, antispatium dimet. catalecticum periodicum.  
Secundum, pæonicum monometrum purum.

31. כ

1. כִּי לֹא יוֹנֵחַ - - - - -

*Quia non rejicit,*

2. לְעוֹלָם אֲדִנִּי : - - - - -

*In seculum Dominus.*

Primum, jambicum monometrum.  
Secundum, idem hypercatalecticum.

32. כ

1. כִּי-אִם רוֹגֵחַ - - - - -

*Quod si affecit maestas,*

2. וְרוּחַם כְּרֹב חֲסִדָּיו : - - - - -

*Et misereatur pro amplitudine benignitatum suarum.*

Primum, trochaicum monometrum.  
Secundum, jambicum monometrum hypercatalecticum.

33. כ

1. כִּי לֹא עָנָה מַלְכוֹ - - - - -

*Quia non affligit ex animo suo,*

2. וְיָגִד בְּנֵי-אִשׁוֹ : - - - - -

*Et maestas affligit filios viri.*

Primum, epionicum à minori dimetrum catalecticum.  
Secundum, pæonicum monometrum hypercatalecticum.

34. ל

1. לִדְבַּח תַּהֲרֵת רַגְלָיו - - - - -

*Conterere sub pedibus suis,*

2. כָּל אֲסִירֵי אֶרֶץ : - - - - -

*Omnes vinclos terra.*

Primum, jambicum monometrum hypercatalecticum.  
Secundum, trochaicum dimetrum brachycatalecticum.

35. ל

2. לְהַטּוֹת מִשְׁפַּט גִּבּוֹר - - - - -

*Detorquere jus viri,*

2. וְגִבּוֹר פָּנֵי עֲלִיוֹן : - - - - -

*Coram facie superioris.*

Primum, jambicum monometrum hypercatalecticum.  
Secundum, idem acatalecticum.

36. ל

1. לַעֲוֹת אֶרֶם בְּרִיבִי - - - - -

*Pervertere hominem in lite sua,*

2. אֲדִנִּי לֹא רָאָה : - - - - -

*Dominus non probat.*

Utrumque jambicum Doricum dimetrum brachycatalecticum ut Psal. 37. 22. carm. 2.

37. מ

1. מִי זֶה אָמַר וַתְּהִי : - - - - -

*Quis iste, quo dicente res existerit;*

1. אֲדִנִּי לֹא צוּחַ - - - - -

*Domino non praeipiente.*

Primum, Ionicum à minori catalecticum.  
Secundum, jambicum dimetrum brachycatalecticum  
Doricum: ut Psal. 34. 20. carm. 1.

38. מ

1. מִפִּי עֲלִיוֹן לֹא תִצָּא - - - - -

*Ex ore excelsi nonne prodit,*

2. הָרְעוּת וְהַכּוֹב - - - - -

*Malum quodque & bonum.*

Primum, jambicum dimetrum catalecticum.  
Secundum, trochaicum monometrum hypercatalecticum, pede primo spondeo pro trochæo: ut Psal. 145. 9. 1.

39. מ

1. מַה יִּתְאוּנֵן אֶרֶם חִי - - - - -

*Cur quiritatur homo vivens?*

2. גִּבּוֹר עַל חַטָּאוֹ - - - - -

*Vir propter peccata sua quiritetur.*

Primum, anapæsticum dimetrum brachycatalecticum.  
Secundum, jambicum monometrum hypercatalecticum.

40. נ

1. נַחֲפֹשֶׁה דְּרָכֵינוּ וְנַחֲקֹרָה - - - - -

*Perscrutemur vias nostras & peruestigemus:*

2. וְנִשְׁבֹּרָה עַד-יְהוָה : - - - - -

*Atque revertamur usque ad Iovam.*

Primum, antispatium dimetrum catalecticum.  
Secundum, trochaicum dimetrum brachycatalecticum  
ut Psal. 34. 12. carm. 1.

41. נ

1. נִשְׂאָה לִבֵּנוּ אֶל-כַּפַּיִם - - - - -

*Attollamus cor nostrum cum manibus:*

2. אֶל-אֵל בְּשָׁמַיִם : - - - - -

*Ad Deum in celis.*

Primum, epichoriambicum hypercatalecticum.  
Secundum, jambicum dimetrum brachycatalecticum.

42. נ

1. נִחַנּוּ פִּשְׁעֵנוּ וּמִרְיָנוּ - - - - -

*Nos defecimus & rebellavimus:*

2. אֶתְּהָ לֹא סָלַחְתָּ - - - - -

*Tu non condonasti.*

Primum, antispatium dimetrum hypercatalecticum  
ut Psal. 25. 17. carm. 2.

Secundum, jambicum dimetrum brachycatalecticum  
Doricum: ut Psal. 34. 20. carm. 1.

43. ס

1. סִכּוּתָהּ בְּאֵף וְחִרְפָּנוּ - - - - -

*Obsequi ira & persequeris nos;*

2. הָרַגְתָּ לֹא חֲמִלְתָּ - - - - -

*Interficiis, non uteris clementia.*

Primum, antispatium dimetrum ex epistrito primo & trochaica syzygia.

Secundum, trochaicum dimetrum catalecticum.

44. ס

1. סִכְתָּהּ בְּעֵנֵי לֵךְ - - - - -

*Obsequi nube te,*

ggggg 3

2. מַעְבּוֹר

2. מעבור תפלה: -ו-ו-|

*Ne pertranseat oratio.*

Primum, antispasticum dimetrum catalecticum.

Secundum, trochaicum monometrum hypercatalecticum.

45. □

1. סה' ומאוס תשימנו --|--|--|

*Purgamentum & rejectamentum statuis nos,*

2. בקרב העמים: -ו-ו-|

*In medio populorum.*

Primum, dactylicum tetrametrum catalecticum.

Secundum, jambicum monometrum.

46. פ anx ע.

1. פצו עלינו פיהם --|--|--|

*Dilatant contra nos os suum,*

2. כל איבינו: -ו-|

*Omnes inimici nostri.*

Primum, dactylicum tetrametrum catalecticum.

Secundum, antispasticum monometrum: ut Psal. 25.

2. carm. 2.

47. פ

1. פחד ופחת היה לנו -ו-ו-ו-|--|

*Pavor & fovea adest nobis,*

2. השאת והשבר -ו-ו-|

*Vastatio & contritio.*

Primum, anapæsticum, dimetrum catalecticum.

Secundum, jambicum monometrum hypercatalecticum purum.

48. פ

1. פלגימים תרד עיני -ו-ו-ו-|

*Rivus aquarum delabitur oculum meum:*

2. ער שבר בת עמי: -ו-ו-ו-|

*Propter contritionem filia populi mei.*

Primum, jambicum dimetrum catalecticum.

Secundum, jambicum monometrum.

49. ע

1. עיני נגרה ולא תדמה -ו-ו-|

*Oculus meus defluit nec deflavit,*

2. כאן הפגות: -ו-ו-|

*Quod nulla sint intermissiones.*

Primum, antispasticum dimetrum catalecticum periodicum: ut Psal. 25. 2. carm. 1.

Secundum, anapæsticum monometrum.

50. ע

1. עד ישיקף וירא -ו-ו-|

*Donec prospiciat & videat,*

2. יהיה כשמים: -ו-ו-|

*Iova è cælis.*

Primum, anapæsticum monometrum.

Secundum, jambicum dimetrum brachycatalecticum.

51. ע

1. עיני עוללה לנפשי -ו-|

*Oculus meus afficit animam meam,*

2. מכל בנות עירי: -ו-|

*Pra omnibus filiabus civitatis mea.*

Primum, jambicum dimetrum brachycatalecticum  
Doricum: ut Psal. 34. 4. carm. 2.

Secundum, simile monometrum hypercatalecticum: ut  
Psal. 25. 13. carm. 1.

52. ז

1. צוד צדוני בצפור ---|ו-ו-

*Venando venantur me tanquam avem,*

2. איבי חנם: -ו-ו-

*Inimici immerito.*

Primum, anapæsticum dimetrum brachycatalecticum.

Secundum, choriambicum monometrum,

53. ז

1. צמחו בבור חיי -ו-ו-|

*Excindunt in fovea vitam meam;*

2. וידו אבן בי: -ו-ו-ו-

*Et projiciunt lapidem in me.*

Primum, jambicum dimetrum brachycatalecticum.

Secundum, anapæsticum monometrum purum.

54. ז

1. צפומים על ראשי -ו-ו-ו-|

*Inundant aqua supra caput meum:*

2. אמרתי נגזרתי: -ו-ו-|

*Dico, succifus sum.*

Primum, jambicum dimetrum brachycatalecticum.

Secundum, trochaicum dimetrum brachycatalecticum.

55. ק

1. קראתי שמך יהוה ---|

*Invoco nomen tuum Iova,*

2. מבור תחתיות: -ו-ו-ו-

*E lacu inferorum.*

Primum, antispasticum dimetrum catalecticum ex epistitis quartis.

Secundum, jambicum monometrum.

56. ק

1. קולי שמעת -ו-|

*Vocem meam exaudivisti:*

2. אל תעלים אונך -ו-ו-

*Ne occultes aurem tuam;*

3. לרוחתי לשועתי -ו-ו-|

*Ad anhelationem meam, ad vociferationem meam.*

Primum, dactylicum trimetrum catalecticum.

Secundum, jambicum monometrum.

Tertium, antispasticum dimetrum brachycatalecticum.

57. ק

1. קרבת ביום אקראך -ו-ו-|

*Appropinquabas quo die invocabam te:*

2. אמרת אל תירא: -ו-ו-|

*Dicebas, ne timeto.*

Primum, antispasticum periodicum dimetrum.

Secundum, trochaicum dimetrum brachycatalecticum.

58. ר

1. רבת אדני ריבי נפשי -ו-ו-|

*Agebas, Domine, causas animæ meæ:*

2. גאלת חיי -ו-ו-|

*Redimebas vitam meam.*

Primum, antispasticum dimetrum hypercatalecticum.

Secun-

Secundum, trochaicum monometrum hypercatalecticum purum.

59. 7

1. רֹאֵתָהּ יְהוָה עֲוֹתַי ---| - - - | -

*Vidisti, Iova, perversitatem meam;*

2. שִׁפְטָהּ מִשְׁפָּטִי: ש - - - | -

*Iudica iudicium meum.*

Primum, trochaicum dimetrum primo spondeo pro trochæo ut Psal. 145. 3. carm. 1. hypercatalecticum.

Secundum, jambicum monometrum hypercatalecticum purum.

60. 7

1. רֹאֵתָהּ כָּל־נַקְמָתָם --| - - - | -

*Vides totam ultionem istorum;*

2. כָּל־מַחְשְׁבוֹתָם לִי: ש - - - | -

*Omnes cogitationes istorum contra me.*

Primum, dactylicum trimetrum.

Secundum, anapæsticum monometrum.

61. 7

1. שְׁמַעְתָּ חֲרָפָתָם יְהוָה - - - | - - -

*Audis probrium istorum Iova;*

2. כָּל־מַחְשְׁבוֹתָם עָלַי: ש - - - | -

*Omnes cogitationes istorum contra me.*

Primum, trochaicum dimetrum, tertio spondeo: ut Psal. 25. 4. carm. 1.

Secundum, anapæsticum monometrum hypercatalecticum.

62. 7

1. שִׁפְטִי קָמִי וְהִגִּינוֹם ש - - - | - - -

*Labia insurgentium in me; & meditationem istorum,*

2. עָלַי כָּל־הַיּוֹם - - - | -

*Contra me, toto die.*

Primum, antispasticum dimetrum catalecticum purum.

Secundum, jambicum monometrum.

63. 7

1. שְׁבַתָּם וְקִימָתָם הַבִּיטָה ש - - - | - - -

*Sedere istorum, & surgere istorum intueri,*

2. אֲנִי מִנְגִּינָתָם: ש - - - | -

*Me esse modulationem istorum.*

Primum, antispasticum dimetrum: ut Psal. 112. 1. carm. 1.

Secundum, jambicum dimetrum brachycatalecticum.

64. 7

1. תְּשִׁיב לָהֶם גְּמוּלָהּ יְהוָה ---| - - -

*Redde eis retributionem, Iova:*

2. כִּמְעֵשָׂה יְרֵחָם: ש - - - | -

*Secundum opus manuum istorum.*

Primum, antispasticum dimetrum catalecticum: ut Psal. 34. 15. carm. 2.

Secundum, anapæsticum monometrum: ut vers. 19. carm. 2.

65. 7

1. תִּתֵּן לָהֶם מִגְדָּלָהּ לֵב ש - - - | - - -

*Adhibe his protectionem cordis;*

2. תִּלְתֹּךְ לָהֶם ש - - - | -

*Execrationem tuam illis.*

Primum, antispasticum dimetrum catalecticum: ut Psal. 34. 17. carm. 2.

Secundum, anapæsticum monometrum hypercatalecticum.

66. 7

1. תִּרְדֹּף בָּאֵף וְתִשְׁמִידֵם ש - - - | -

*Persequere ira & perde ipsos,*

2. מִתַּחַת שְׁמֵי יְהוָה: ש - - - | -

*Ne sint sub calis Iova.*

Primum, jambicum monometrum hypercatalecticum.

Secundum, trochaicum monometrum hypercatalecticum.

Hæc de Alphabeticis poematibus: sequuntur ex Mose & Jobo diversa.

## C A P U T X.

*Analysis Poëtica cantici primi Moſis Exodi 15.*

Verſiculi huius cantici ſunt novemdecim: conſtant autem (pro diſpari longitudine) quatuor eorum, diſticho, ut 3. 12. 14. 18. quinque triſticho, 1. 5. 8. 11. 15. octo, tetraſticho, ut 2. 4. 6. 7. 10. 13. 16. 17: denique nonum, pentaſticho, & decimum nonum hexaſticho.

## V E R S U S I.

1. אֲשִׁירָה לַיהוָה --| - - | - -

*Cantabo Iova,*

2. כִּי־גָאֵר גָּאֵר --| - - | -

*Quia excellendo excelluit;*

3. מִסּוּם וּרְכַבּוֹ רָמָה בִּים: - - | - - | - -

*Equum & ſeſſorem ejus deſecit in mare.*

Primum, dactylicum trimetrum.

Secundum, ſimile catalecticum.

Tertium, trimetrum ſimile.

2.

1. אֲנִי וְזִכְרָתִי יָהּ ש - - | - -

*Robur meum & carmen Iab,*

2. וַיְהִי־לִי לִישׁוּעָה ש - - - | - -

*Quia ſuit mihi ſaluti:*

3. זֶה אֱלֹהֵי וְאַנְוִיָּה ש - - | - -

*Hic eſt Deus meus, cui tabernaculum parabo,*

4. אֱלֹהֵי אָבִי וְאַרְמִנְהוֹ: - - - | - - | - -

*Deus patris mei, quem exaltabo.*

Primum, jambicum monometrum hypercatalecticum.

Secundum, jambicum dimetrum brachycatalecticum

Doricum: ut Psal. 37. 21. carm. 2.

Tertium, antispasticum dimetrum brachycatalecticum.

Quartum, epichoriambicum trimetrum brachycatalecticum.

3.

1. יְהוָה אִישׁ מִלְחָמָה ---| - - | - -

*Iova eſt vir bellicoſus:*

2. יְהוָה שְׁמוֹ: - - | -

*Iova nomen ejus.*

Primum, trochaicum dimetrum brachycatalecticum: ut Psal. 34. 12. carm. 1.

Secundum, dactylicum dimetrum catalecticum.

4.

1. מִרְכַּבּוֹת פָּרַעַה וְחִילוֹ ש - - - | - -

*Currus Pharaonis, & copias ejus,*

Ggggg 4

2. יְהוָה



2. --|ו- ירה בים

*Præcipitavit in mare:*

3. --|ו- ומבחר שלשין

*Es delectus præsectorum ejus,*

4. --|ו- טבעו בים סוף:

*Demersus est in mare algosum.*

Primum, jambicum dimetrum brachycatalecticum.

Secundum, jambicum monometrum.

Tertium, dactylicum trimetrum catalecticum.

Quartum, jambicum monometrum purum.

5.

1. --|ו- תהמרת יבסימו

*Abyssus operuerunt eos:*

2. --|ו- ירדו במצורות

*Descenderunt in profunda.*

3. --|ו- כמראבן:

*Instat lapidis.*

Primum, anapaesticum monometrum: ut Psal. 37. 7. carm. 3.

Secundum, jambicum monometrum hypercatalecticum.

Tertium, jambicum monometrum catalecticum.

6.

1. --|ו- ימנה יהוה

*Dexterâ tua, Iova,*

2. --|ו- נאדרי בבח

*Magnifica est, virtute:*

3. --|ו- ימנה יהוה

*Dexterâ tua, Iova,*

4. --|ו- תרעץ אויב:

*Confringis hostem.*

Primum, dactylicum dimetrum.

Secundum, epionic. à minori dimetrum catalecticum.

Tertium, dactylicum dimetrum.

Quartum, Ionicum à minori monometrum.

7.

1. --|ו- וברב גאון

*Et magnitudinis excellentia tua.*

2. --|ו- תהרס קמיה

*Subvertis insurgentes contra te:*

3. --|ו- תשלח חרנה

*Immittis furorem tuum,*

4. --|ו- יאכלמו כקש

*Qui consumat eos ut stipulam.*

Primum, dactylicum Dimetrum.

Secundum, Ionicum à minori dimetrum brachycatalecticum purum.

Tertium, trochaicum monometrum.

Quartum, idem monometrum hypercatalecticum Doricum: ut Psal. 25. 13. carm. 1.

8.

1. --|ו- וברוח אפיה

*Et flatu navium tuarum*

2. --|ו- נערבנו מים

*Coacervata sunt aqua,*

3. --|ו- נצבו כמו נד נזיה

*Constiterunt velut cumulus, fluida:*

4. --|ו- קפאו תהמרת בלבים

*Concreverunt abyssus in intimo maris.*

Primum, jambicum monometrum hypercatalecticum.

Secundum, jambicum monometrum.

Tertium, jambicum dimetrum brachycatalecticum, Doricum: ut Psal. 37. 21. carm. 2.

Quartum, simile: quippe secundo pede spondeo, pro jambo.

9.

1. --|ו- אמר אויב ארדפ אשין

*Dixerat hostis, persequar, assequar;*

2. --|ו- אחלק שלל

*Dividam prædam:*

3. --|ו- תמלאמו נפשי

*Explebitur eis anima mea,*

4. --|ו- אריק חרבי

*Exferam gladium meum,*

5. --|ו- תורישמו ידי

*Depauperabit eos manus mea.*

Primum, antispasticum dimetrum periodicum.

Secundum, anapaesticum monometrum.

Tertium, jambicum dimetrum brachycatalecticum Doricum: ut Psal. 34. 20. carm. 1.

Quartum, jambicum monometrum.

Quintum, dactylicum trimetrum.

10.

1. --|ו- נשפת ברוחך

*Flavisti vento tuo,*

2. --|ו- כסמו ים

*Operuit eos mare:*

3. --|ו- צללו בעפרת

*Profunda petierunt tanquam plumbum,*

4. --|ו- במים ארירם

*In aquis validus.*

Primum, Ionicum à minori ex trochaica syzygia & Ionicum à majori brachycatalecticum.

Secundum, antispasticum monometrum.

Tertium, trochaicum dimetrum catalecticum.

Quartum, trochaicum monometrum.

11.

1. --|ו- מי כמכה באלים יהוה

*Quis sicut tu in Diis, Iova?*

2. --|ו- מי כמכה נאדר בקדש

*Quis sicut tu magnificus in sanctitate?*

3. --|ו- נודא תהלות עשה פלה

*Reverendum laudibus, mirificus?*

Primum, dactylicum pentametrum catalecticum;

Secundum, jambicum dimetrum hypercatalecticum Doricum, secundo spondeo pro jambo: ut Psal. 154. v. 15. carm. 1.

Tertium, jambicum dimetrum.

12.

1. --|ו- נטית ימנה

*Extendisti dexteram tuam,*

2. --|ו- תבלעמו ארץ

*Deglutivit eos terra.*

Primum, dactylicum trimetrum brachycatalecticum.

Secundum, jambicum dimetrum brachycatalecticum Doricum: ut Psal. 37. 21. carm. 2.

13. נחית

13.

1. נְחִירֶיךָ בְּחַסְדְּךָ - - - - -

*Ducis benignitate tua*

2. עַם־זוֹ גָּאֲלִיתָ - - - - -

*Populum quem redemisti :*

3. נִהְלִיתָ בְּעֹדֶךָ - - - - -

*Commodè ducis robore tuo*

4. אֶל־נֹחַ קִדְשְׁךָ - - - - -

*Ad habitaculum sanctitatis tuae.*Primum, trochaicum monometrum hypercatalecticum  
ut Psal. 145. 9. carm. 1. primo spondeo.

Secundum, antispasticum monometrum hypercatalecticum.

Tertium, trochaicum hypercatalecticum.

Quartum, jambicum monometrum.

14.

1. שָׁמְעוּ עַמִּים יְרֵחוֹן - - - - -

*Audiverint populi, commovebuntur :*

2. חֵירָאֵחַז יוֹשְׁבֵי פְלִשְׁתָּא - - - - -

*Dolor corripiet incolae Philistae.*

Primum, jambicum dimetrum catalecticum.

Secundum, simile.

15.

1. אִזְנֵי נְהַלְלוּ אֱלֹהֵי אֲדוֹם - - - - -

*Tunc turbabuntur duces Edomaeorum,*

2. אֵילֵי מוֹאָב יִתְחַבְּבוּ וְעָרָה - - - - -

*Potentes Moabitarum, corripiet eos tremor :*

3. נִכְבְּדוּ כָּל יוֹשְׁבֵי כְנָעַן - - - - -

*Diffluent omnes incola Cananae.*

Primum, epichoriambicum dimetrum hypercatalecticum.

Secundum, trochaicum trimetrum, brachycatalecticum,  
primo spondeo pro trochæo.

Tertium, dactylicum tetrametrum.

16.

1. תִּפְרַח עֲלֵיהֶם אִימָתָהּ וּפְחָד - - - - -

*Irruet super eos formido & pavor :*

2. כְּגִדְרָאֵחַז יוֹעַ יִדְמוּ כְּאֶבֶן - - - - -

*Magnitudine brachistui conticescent tanquam lapis :*

3. שֶׁ־יַעֲבֹר עִמָּךָ יְהוָה - - - - -

*Donec transferit populus tuus, Iehova,*

4. עַד־יַעֲבֹר עַם־זוֹ קִנְיָתָהּ - - - - -

*Donec transferit populum quem acquisivisti.*

Primum, antispasticum trimetrum catalecticum.

Secundum, antispasticum trimetrum brachycatalecticum.

Tertium, trochaicum dimetrum catalecticum tertio  
spondeo, pro trochæo : ut Psal. 25. 12. carm. 1.

Quartum, trochaicum dimetrum tertio quoque spondeo.

17.

1. תְּבִיאֵמוּ וְתַטְעֵמוּ - - - - -

*Introduces eos & plantabis eos,*

2. בְּהַר נַחֲלָתְךָ - - - - -

*In monte possessionis tuae,*

3. מִכּוֹן לִשְׁבֹּתְךָ פַּעֲלִיתָ יְהוָה - - - - -

*Loco quem ad habitationem tuam operatus es, Iova;*

4. מְקֻדָּשׁ אֶרֶץ כּוֹנֵנִי יִרְדֶּה - - - - -

*Sanctuario, Domine, quod stabiliverunt manus tuae.*

Primum, antispasticum dimetrum catalecticum.

Secundum, trochaicum monometrum.

Tertium, antispasticum dimetrum hypercatalecticum.

Quartum, jambicum trimetrum brachycatalecticum  
Alcmaicum, quarto pede spondeo, pro jambo : ut Psal.  
25. 20. carm. 1. & 37. 14. carm. 2.

18.

1. יְהוָה יִמְלֹךְ - - - - -

*Iova regnabit*

2. לְעֹלָם וָעֶד - - - - -

*In seculum & sempiternum.*

Primum, jambicum monometrum.

Secundum, dactylicum monometrum.

19.

1. כִּי בָא מֶלֶךְ פָּרָעוֹן - - - - -

*Etenim processit equus Pharaonis.*

2. בְּרִכְבוֹ וּבְפָרָשָׁיו בָּיָם - - - - -

*Cum curru ejus & equitibus ejus in mare ;*

3. וַיָּשֶׁב יְהוָה עֲלֵיהֶם - - - - -

*At reduxit Deus super eos*

4. אֶת־מֵי הַיָּם - - - - -

*Aquas maris :*

5. וּבְנֵי יִשְׂרָאֵל הִלְכוּ בַּיַּבֶּשֶׁת - - - - -

*Sed filii Israel ierunt per aridam ;*

6. בְּתוֹךְ הַיָּם - - - - -

*In medio mari.*Primum, trochaicum monometrum hypercatalecticum  
ut Psal. 145. 9. carm. 1. primo spondeo pro trochæo.Secundum, jambicum dimetrum Doricum : ut Psal.  
25. 13. carm. 1.Tertium, antispasticum : seu periodus pura, ex dijambo  
& ditrochæo.

Quartum, jambicum monometrum.

Quintum, antispasticum trimetrum catalecticum.

Sextum, pæonicum creticum monometrum.

## CAPUT XII.

*Cantici secundi Moſis, Deuteronomii cap. 32.**Analſis Poëtica.*

Versiculi hujus cantici sunt quadraginta tres : ac constant disticho, sedecim : 3. 5. 9. 12. 16. 18. 19. 23. 26. 28. 29. 31. 33. 34. 37. 40. tetraſticho, viginti quatuor reliqui : præter 1. qui trifſichum : &amp; 14. &amp; 39. qui pentastichum continent.

## VERSUS I.

1. רָאִינוּ הַשָּׁמַיִם - - - - -

*Præbete aures cæli,*

2. וְאֶרְבֶּרָה - - - - -

*Et eloquar :*

3. וְתִשְׁמַע הָאָרֶץ אֲכָרִי פִי : - - - - -

*Et audito terra sermones oris mei.*

Primum, epionicum à minori, dimetrum.

Secundum, trochaicum monometrum.

Tertium, Ionicum à minori, dimetrum purum.

2.

1. יֵעָרַף כְּמַטֵּר לִקְחִי - - - - -

*Stillabit tanquam pluvia disciplina mea,*

2. תִּזְלַח

## 2. חֵל פֶּטֶל אִמְרֵי -| - - - - -

*Fluet tanquam ros sermo meus :*

## 3. כְּשִׁעִירִים עַל־דֶּשֶׁה - - - - -

*Ut tennes pluvia super herbulam,*

## 4. וְכַרְבִּיבִים עַל־עֵשֶׂב: - - - - -

*Et sicut imbres super herbam.*

Primum, antispasticum dimetrum catalecticum ex jambic. &amp; trochaic. syzygia periodicum.

Secundum, jambicum monometrum hypercatalecticum.

Tertium, antispasticum dimetrum catalecticum.

Quartum, simile ex antispastic. &amp; jambic. syzygia catalecticum.

## 3.

## 1. כִּי שֵׁם יְהוָה אֶקְרֹא - - - - -

*Quia nomen Iova predicabo :*

## 2. הָבֵנוּ גִדְלָ לַאלֹהֵינוּ - - - - -

*Tribuite magnitudinem Deo nostro.*

Primum, jambicum dimetrum brachycatalecticum : ut Psal. 4. 4. carm. 2.

Primum, antispasticum dimetrum : ut Psal. 25. 20. carm. 2.

## 4.

## 1. הַצֹּר תָּמִיד פִּעְלוֹ - - - - -

*Illi rupi cuius opus perfectum,*

## 2. כִּי כָל־יָרְכִיו מִשְׁפָּט - - - - -

*Quia omnes via ejus sunt ius :*

## 3. אֵל אֱמוּנָה וְאֵין עֹר - - - - -

*Deus fidei, & expertus iniquitati,*

## 4. צְדִיק וְיֵשֶׁר הוּא: - - - - -

*Iustus est rectus est.*

Primum, antispasticum dimetrum catalecticum ex epitricto primo &amp; pzone tertio catalectico, pro antispasto.

Secundum, pzonicum dimetrum Creticum purum: ut Prov. 31. 11. carm. 1.

Tertium, antispasticum dimetrum catalecticum periodicum, ex trochaica &amp; jambica syzygia.

Quartum, jambicum Doricum monometrum hypercatalecticum : ut Psal. 25. 13. carm. 1.

## 5.

## 1. שָׁחַת לֹא בָנוּ מוֹמָם - - - - -

*Corrupt se, non filii ejus, eorum macula :*

## 3. דֹּר עֶקֶשׁ וּפְתִלְתָּל - - - - -

*Generatio perversa & contorta.*

Primum, antispasticum dimetrum : ut Psal. 25. 20. carm. 2.

Secundum, pzonicum creticum dimetrum purum.

## 6.

## 1. הֲלִיחֶהָ תִּגְמְלוּ זֹאת - - - - -

*An Iova rependetis istud ?*

## 2. עֵם נָבֵל וְלֹא הִבֵּם - - - - -

*Popule stulte & insipiens.*

## 3. הֲלֹא הוּא אֲבִיךָ קֵנָה - - - - -

*Nonne est pater tuus, redemptor tuus ?*

## 4. הוּא עֹשֶׂה וַיַּכְנֵנִי: - - - - -

*Ipse fecit te & concinnavit te.*

Primum, jambicum dimetrum catalecticum Doricum : ut Psal. 34. 15. carm. 1.

Secundum, idem brachycatalecticum : ut Psal. 37. 21. carm. 2.

Tertium, antispasticum dimetrum hypercatalecticum : ut Psal. 25. 20. carm. 2.

Quartum, trochaicum dimetrum ( ut Psal. 37. v. 16. carm. 2. ) catalecticum.

## 7.

## 1. זִכְרֵ יָמֹת עָלָם - - - - -

*Recordare dierum seculi,*

## 2. בִּינוּ שְׁנוֹת דֹּר־דֹּר - - - - -

*Animadvertite annos cujusque atatis :*

## 3. שֶׂאֵל אֲבִיךָ וַיִּנָּךְ - - - - -

*Interroga patrem tuum, & annuntiabit tibi;*

## 4. וְקִנְיָה רֵאמְרוּ לָךְ: - - - - -

*Seniores tuos, & dicent tibi.*

Primum, dactylicum dimetrum ex spondeis.

Secundum, idem trimetrum.

Tertium, antispasticum dimetrum catalecticum ut vers.

4. carm. 1.

Quartum, trochaicum dimetrum brachycatalecticum ut Psal. 24. carm. 1.

## 8.

## 1. בְּהִנָּחַל עָלֵינוּ גּוֹיִם - - - - -

*Quum possessionem distribueret Excelsus gentibus,*

## 2. בְּהַפְרִידוֹ בְּנֵי אָדָם - - - - -

*Quum disperaret filios Adami;*

## 3. יַצַּב גְּבוּלוֹת עַמִּים - - - - -

*Statuit terminos populorum,*

## 4. לְמִסְפַּר בְּנֵי יִשְׂרָאֵל: - - - - -

*Pro numero filiorum Israël.*

Primum, jambicum dimetrum brachycatalecticum.

Secundum, jambicum dimetrum brachycatalecticum

Doricum : ut vers. 6. carm. 2.

Tertium, jambicum dimetrum brachycatalecticum purum.

Quartum, jambicum monometrum hypercatalecticum.

## 9.

## 1. כִּי חֶלֶק יְהוָה עָמּוֹ - - - - -

*Quia portio Iova est populus ejus :*

## 2. יַעֲקֹב הִבֵּל נִהְלָחוּ - - - - -

*Jacob funiculus possessionis ejus.*

Primum, antispasticum dimetrum periodicum : ut Prov.

31. 10. carm. 2.

Secundum, Ionicum à minori dimetrum cum dialysi secundæ longæ syllabæ.

## 10.

## 1. יִמְצָאוּ בְּאֶרֶץ מִדְבָּר - - - - -

*Invenit eum in terra deserti,*

## 2. וּבְתֵחוּ יֵלֶל יִשְׁמֹן - - - - -

*Et in vastitate lamentabili solitudinis;*

## 3. יִסְכְּכֵהוּ יְבוֹנֵהוּ - - - - -

*Circumdedit eum, erudit eum,*

## 4. יַצְרֵהוּ כְּאִישׁוֹן עֵינָיו - - - - -

*Custodivit eum tanquam pupillam oculi.*

Primum, antispasticum dimetrum catalecticum : ut Psal. 34. 4. carm. 2.

Secundum, dactylicum trimetrum.

Primum, trochaicum dimetrum brachycatalecticum.

Secundum, anapesticum dimetrum brachycatalecticum.

## 11.

## 1. כְּנֶשֶׁר יַעִיר קִנּוֹ - - - - -

*Ut aquila excitans nidum suum,*

2. עַל־גִּלְיוֹ

2. עַל-גּוֹלְיוֹ יִרְחַף. --|---|---

*Super pullis suis leviter motat se,*

3. יִפְרֹשׁ כַּנְפָיו יִקְחֶהוּ. ---|---|---

*Pandens alas suas assumit eum,*

4. יִשְׂאֶהוּ עַל-אֲבֵרָתוֹ. ---|---|---

*Portaturus eum super ala sua :*

Primum, Ionicum à minori dimetrum brachycatalecticum purum.

Secundum, jambicum dimetrum brachycatalecticum Doricum: ut Psal. 37. 21. carm. 2.

Tertium, antispasticum ex Duplici epitricto primo.

Quartum, epionicum à minori dimetrum: ut Psal. 37. 3. carm. 1.

## I 2.

1. יְחֻהּ בְּדֶר יִנְחֶנּוּ. ---|---|---

*Iova solus duxit eum;*

2. וַאֲיֵן עִמּוֹ אֵל נֶכֶד: ---|---|---

*Nec fuit cum eo Deus peregrinus.*

Primum, anapæsticum dimetrum brachycatalecticum.

Secundum, trochaicum dimetrum brachycatalecticum.

## I 3.

1. יִפְרֹשׁ עַל-כַּמּוֹתֵי אֶרֶץ. ---|---|---

*Vexit eum super excelsa terra,*

2. וַאֲכַל תְּנוּבַת שָׂרִי. ---|---|---

*Adeo ut comederet reditus agrorum:*

3. וַיִּנְקֶהוּ דָבֶשׁ מִסֶּלַע. ---|---|---

*Dasque ei sugendum mel, è petra,*

4. וַשֶּׁמֶן מִחֶלְמִישׁ צֹר: ---|---|---

*Et oleum è saxo rupis.*

Primum, epionicum à minori trimetrum brachycatalecticum.

Secundum, jambicum dimetrum catalecticum.

Tertium, idem dimetrum acatalecticum.

Quartum, idem monometrum hypercatalecticum.

## I 4.

1. חֲמֵאת בָּקָר וְהֵלֵב צֹאן. ---|---|---

*Butyrum ex armento, & lac gregis,*

2. עִם-חֵלֶב כְּרִים. ---|---|---

*Cum adipe agnorum,*

3. וְאֵלִים בְּנֵי-בֶשֶׁן וְעֵתוּדִים. ---|---|---

*Et arietum Basanorum, ac hircorum,*

4. עִם-חֵלֶב כְּלִיזֵת חֲטָה. ---|---|---

*Cum adipe renum tritici:*

5. וְדָם עֵגֶב תִּשְׁתַּח-חֶמֶר. ---|---|---

*Etiam sanguinem uva bibis merum.*

Primum, Ionicum à minori dimetrum purum.

Secundum, jambicum monometrum hypercatalecticum.

Tertium, trochaicum dimetrum primo spondeo: ut Psal. 145. 3. carm. 1.

Quartum, jambicum dimetrum brachycatalecticum.

Quintum, antispasticum dimetrum catalecticum.

## I 5.

1. וַיִּשְׁמֵן יִשְׂרָאֵל וַיִּבְעֹט. ---|---|---

*Sed saginatus Iescharum recalcitravit,*

2. שְׂמִנְתָּ עֲבִירַת כֶּשֶׂת. ---|---|---

*Saginatus es, obefatus es, adipem obduxisti:*

3. וַיִּטַּשׁ אֱלֹהִים עֲשָׂהוּ. ---|---|---

*Ita deseruit Deum, qui fecerat eum,*

4. וַיִּנְכַּל צֹר יִשְׁעָהוּ: ---|---|---

*Et vilipendit rapem salutis suæ.*

Primum, jambicum dimetrum brachycatalecticum.

Secundum, trochaicum dimetrum hypercatalecticum: ut Psal. 25. 4. carm. 1.

Tertium, jambicum dimetrum Alcmaicum: ut Psal. 25. 3. carm. 1.

Quartum, epionicum à minori dimetrum catalecticum.

## I 6.

1. יִקְנִי אֶהוּ בָּזִים. ---|---|---

*Ad zelotypiam commoverunt eum extranei:*

2. בְּרוּיַעֲבָר יִכְעִיסֶהוּ: ---|---|---

*Abominationibus irritaverunt eum.*

Primum, jambicum dimetrum brachycatalecticum.

Secundum, trochaicum dimetrum catalecticum primo spondeo: ut Psal. 37. 30. carm. 2.

## I 7.

1. יִזְבְּחוּ לִשְׂדִים לֹא אֱלֹהִים. ---|---|---

*Sacrificaverunt demonibus, non Deo.*

2. אֱלֹהִים לֹא יֵדְעוּם. ---|---|---

*Dei quos non noverant:*

3. חֲדָשִׁים מִקְרֹב בָּאוּ. ---|---|---

*Novi qui è propinquo advenerant,*

4. לֹא שָׁעוּ וּם אֲבֹתֵיכֶם: ---|---|---

*Coram quibus non exhorruerant majores vestri.*

Primum, jambicum dimetrum hypercatalecticum.

Secundum, jambicum dimetrum Doricum brachycatalecticum.

Tertium, antispasticum dimetrum ut Psal. 25. v. 17. carm. 2.

Quartum, antispasticum dimetrum catalecticum ex epitricto quarto & jambicum syzygia catalectica.

## I 8.

1. צֹר יִלְדָּה תִשִּׁי. ---|---|---

*Rupis qua genuit te oblitus es:*

2. וַתִּשְׁכַּח אֵל מַחֲלֶלֶךְ: ---|---|---

*Es oblivioni tradidisti Deum formatorem tuum.*

Primum, trochaicum monometrum hypercatalecticum ut Psal. 145. 9. carm. 1.

Secundum, pzonicum dimetrum ex pzone & cretico: ut Psal. 25. 2. carm. 3.

## I 9.

1. וַיִּרְא יְחֻהּ וַיִּנְאֵן. ---|---|---

*Quod videns Iova, sprevit*

2. מִכַּעַם בְּנָיו וּבְנֵתָיו: ---|---|---

*Pra indignatione filios suos & filias suas.*

Primum, Ionicum dimetrum catalecticum purum.

Secundum, trochaicum dimetrum catalecticum: ut Psal. 25. 12. carm. 1.

## I 10.

1. וַיֹּאמֶר אֶסְתִּירָה פָּנַי מֵהֶם. ---|---|---

*Et dixit, Abscondam faciem meam ab iis,*

2. אֶרְאֶה מֶה אַחֲרֵיהֶם. ---|---|---

*Videbo, quis finis eorum:*

3. כִּי דֹר תִּהְפֹּכֶת הֵמָּה. ---|---|---

*Quia generatio perversitatum sunt,*

4. בָּנִים לֹא אֵמֶן בָּם: ---|---|---

*Filii in quibus nulla fides.*

Primum, jambicum dimetrum hypercatalecticum.

Secun-



Secundum, anapaesticum monometrum & hypercatalectum.

Tertium, jambicum dimetrum catalecticum.

Quartum, jambicum dimetrum brachycatalecticum: ut Psal. 34. 4. carm. 2.

## 21.

1. הֵם קִנְאוּנִי בְּלֹא־אֵל - - - | - -

*Ipsi ad zelotypiam commoverunt me per non Deum,*

2. כְּעֶסְוִי בְּהִבְלֵהֶם - - - | - -

*Irritaverunt me vanitatibus suis:*

3. וְאֲנִי אֶקְנִיָּאִם בְּלֹא־עַם - - - | - -

*Similiter commovebo eos per non populum,*

5. כְּגֹי נֶבֶל אֶכְעֶם: - - - | - -

*Per gentem stultam irritabo ipsos.*

Primum, trochaicum dimetrum brachycatalecticum.

Secundum, epionicum dimetrum catalecticum.

Tertium, jambicum dimetrum catalecticum.

Quartum, trochaicum dimetrum brachycatalecticum: ut Psal. 34. 12. carm. 1. primo spondeo.

## 22.

1. כִּי־אֵשׁ קָרְחָהּ בְּאִפִּי - - - | - -

*Nam ignis flagrat ira mea,*

2. וְתִיקַד עַד־שְׂאוֹר תְּחִתָּיהּ - - - | - -

*Qui ardet usque ad sepulchrum imum:*

3. וְתֹאכַל אֶרֶץ וּבִלְהָ - - - | - -

*Absumitque terram & proventum ejus:*

4. וְתִלְהֹט מוֹסְדֵי הָרִים: - - - | - -

*Et inflamat fundamenta montium.*

Primum, jambicum dimetrum brachycatalecticum Doricum: ut Psal. 34. 4. carm. 2.

Secundum, jambicum dimetrum brachycatalecticum.

Tertium, antispasticum dimetrum catalecticum periodicum: ut Psal. 25. 2. carm. 1.

Quartum, anapaesticum dimetrum brachycatalecticum.

## 23.

1. אֶסְפָּה עֲלֵימֹו רָעוֹת - - - | - -

*Accumulabo super eos mala:*

2. חֲצִי אֶכְלֶה־בָּם - - - | - -

*Sagittas meas consumam in eos.*

Primum, anapaesticum dimetrum brachycatalecticum.

Secundum, jambicum monometrum.

## 24.

1. מִי רָעַב וְלֹחֲמֵי רֶשֶׁף - - - | - -

*Exustos fame & exesos anthrace,*

2. וְקָטַב מְרִירֵי - - - | - -

*Ac lue amarissima.*

3. וְשֵׁן־בְּהֵמַת אֶשְׁלַח־בָּם - - - | - -

*Dentes etiam bestiarum immittam in eos,*

4. עִם־חֲמַת זֹחֲלֵי עֶפְרָי: - - - | - -

*Cum veneno serpentum terrestrium.*

Primum, jambicum dimetrum Doricum: ut Psal. 25. 15. carm. 2.

Secundum, Ionicum à minori monometrum.

Tertium, antispasticum dimetrum catalecticum: ut Psal.

34. 17. carm. 2.

Quartum, trochaicum dimetrum catalecticum tertio spondeo.

## 25.

1. מִחוּץ תִּשְׁכַּל־חֶרֶב - - - | - -

*Foris orbabit gladius,*

2. וּמַחֲרִים אֵימָה - - - | - -

*Et in conclavibus terror:*

3. גַּם־בְּחֹור גַּם־בְּתוּלָה - - - | - -

*Cum juvenem, tum virginem,*

4. יוֹנֵק עִם־אִשׁ שִׁכְחָה - - - | - -

*Lactentem cum vivo cano.*

Primum, jambicum monometrum hypercatalecticum.

Secundum, jambicum dimetrum catalecticum.

Tertium, antispasticum dimetrum brachycatalecticum: ut Psal. 25. 31. carm. 2.

Quartum, jambicum dimetrum brachycatalecticum.

## 26.

1. אֶמְרֵתִי אֶפְאִיהֶם - - - | - -

*Dixissem, Angulatim profigabo eos:*

2. אֶשְׁכִּיתִּיהָ מֵאַנּוּשׁ זְכָרִים: - - - | - -

*Faciam ut cesset ex homine memoria eorum.*

Primum, trochaicum dimetrum brachycatalecticum purum.

Secundum, jambicum dimetrum Doricum: secundo spondeo, pro jambo.

## 27.

1. לֹלֵי בְּעַם אֵיבִי אֲנֹור - - - | - -

*Nisi indignationem inimici metuissem,*

2. פֶּן־יִנְכַּרוּ צָרֵימֹו - - - | - -

*Ne alios se hic praberent hostes eorum;*

3. פֶּן־יֹאמְרוּ יְדֵינוּ רַמָּה - - - | - -

*Ne dicerent, Manus nostra excelsa fuit:*

4. וְלֹא יִהְיֶה פֶעַל כְּלִי־זָאֵר - - - | - -

*Nec lova operatus est totum hoc.*

Primum, anapaesticum dimetrum catalecticum.

Tertium, idem monometrum hypercatalecticum.

Tertium, anapaesticum dimetrum: ut Psal. 25. v. 20. carm. 2.

Quartum, anapaesticum dimetrum brachycatalecticum.

## 28.

1. כִּי־גֹי אוֹכַד עֵצוֹת הָמָה - - - | - -

*Quia gens inops consiliorum sunt:*

2. וְאֵין בָּהֶם תְּבוּנָה: - - - | - -

*Nec ulla in eis intelligentia.*

Primum, antispasticum dimetrum ut vers. 27. carm. 3.

Secundum, jambicum monometrum hypercatalecticum.

## 29.

1. לֹו חֲכָמֹו יִשְׁכִּילוּ זָאֵר - - - | - -

*Utinam saperent, intelligerent istud:*

2. יָבִינוּ לְאַחֲרֵיתָם - - - | - -

*Attenderent ad finem suum.*

Primum, antispasticum dimetrum catalecticum: ut Psal. 37. 9. carm. 1.

Secundum, idem ex epitrito quarto & antispasticum catalecticum.

30.

1. איכה ירדף אחד אלף --ו-|ו-ו-ו-|

*Quomodo persequeretur unus mille,*

2. ושנים יניסו רבבה --ו-|ו-ו-|

*Et duo fugarent myriadem:*

3. אם לא כי צורם מכרם --ו-|ו-ו-|

*Nisi hoc esset, quod rupes eorum vendidit eos,*

4. ויהיה המגרים: --ו-|ו-|

*Et Iova tradidit eos?*

Primum, jambicum dimetrum.

Secundum, dactylicum tetrametrum catalecticum.

Tertium, jambicum dimetrum catalecticum Doricum: ut Psal. 119. 2. carm. 1.

Tertium, trochaicum dimetrum brachycatalecticum: ut Psal. 34. 12. carm. 1.

31.

1. כי לא כצורנו צורם --ו-|ו-ו-|

*Non enim ut rupes nostra, rupes illorum:*

2. ואיבינו פלילים: --ו-|ו-|

*Et inimici nostri, testes.*

Primum, dactylicum tetrametrum catalecticum.

Secundum, dactylicum trimetrum catalecticum.

32.

1. כי מגפן כדם נפנם --ו-|ו-ו-|

*Sed ex vite Sodomi, vitis eorum,*

2. ומשדמת עברה --ו-|ו-ו-|

*Et ex vitibus Gomorra:*

3. ענבמו ענבי ראש --ו-|ו-ו-|

*Vitis eorum uva venenosa,*

4. אשכולות מררת למו --ו-|ו-|

*Botri amari sunt eis.*

Primum, pæonicum dimetrum ex pæone & cretico.

Secundum, choriambicum dimetrum catalecticum.

Tertium, jambicum dimetrum catalecticum Doricum: ut Psal. 34. 15. carm. 2.

Quintum, idem brachycatalecticum: ut Psal. 37. v. 21. carm. 2.

33.

1. חמת תנינים יינם --ו-|ו-ו-|

*Venenum draconum vinum eorum.*

2. וראש פתנים אכור: --ו-|ו-|

*Et venenum aspidum sauum.*

Primum, trochaicum dimetrum brachycatalecticum.

Secundum, idem monometrum hypercatalecticum: ut Psal. 25. 13. carm. 1.

34.

1. הלוא הווא כמם עמדי --ו-|ו-ו-|

*Nonne illud reconditum est penes me?*

2. חתום באצרתי: --ו-|ו-|

*Obsignatum in thesauris meis?*

Primum, epionicum dimetrum: ut Psal. 37. 3. carm. 2.

Secundum, dactylicum trimetrum catalecticum.

35.

1. לי נקם ושלם --ו-|ו-|

*Mea est ultio & retributio,*

2. לעת תמוט רגלם --ו-|ו-|

*Quo tempore vacillabis pes eorum.*

3. כי קרוב יום אידם --ו-|ו-ו-|

*Quum propinqua erit dies exitus eorum,*

4. וחש עתרת למו --ו-|ו-|

*Et festina eventurorum eis.*

Primum & secundum, trochaicum: (ut vers. 33. carm. 2.) monometrum hypercat.

Tertium, dactylicum trimetrum.

Quartum, dactylicum trimetrum catalecticum.

36.

1. כי ידן יהוה עמו --ו-|ו-ו-|

*Cum judicaveris Iova populum suum,*

2. ועבדו יתנחם --ו-|ו-ו-|

*Tandem super servum suum parietibus ipsum:*

3. כי יראה כי אולת יד --ו-|ו-ו-|

*Quum videris abiisse potentiam,*

4. ואפס עצור ועזוב --ו-|ו-|

*Et nihil esse conclusum cum derelicto.*

Primum, dactylicum trimetrum: ultima communi.

Secundum, Ionicum à minori, dimetrum catalecticum purum.

Tertium, choriambicum dimetrum catalecticum purum, ultima communi.

Quartum, anapesticum monometrum hypercatalecticum.

37.

1. ואמר אי אלהימו --ו-|ו-ו-|

*Et dixerit: Ubi dii eorum:*

2. צור חסיו בו --ו-|ו-|

*Rupes cui committebant se?*

Primum, trochaicum dimetrum catalecticum.

Secundum, dactylicum dimetrum hypercatalecticum.

38.

1. אשר חלב זבחנו יאכלו --ו-|ו-ו-|

*Quorum victimarum adipe vescerantur,*

2. ישתו יין נסיהם --ו-|ו-|

*Quorum bibebant vinum libaminis?*

3. יקומו ועזרם --ו-|ו-ו-|

*Surgant & opulentur vobis.*

4. יה עליכם סתרה --ו-|ו-ו-|

*Sit vobis latebra.*

Primum, jambicum dimetrum hypercatalecticum Alcaicum: ut Lamén. 3. 42. carm. 1.

Secundum, jambicum monometrum hypercatalecticum: ut Psal. 25. 13. carm. 1.

Tertium, dactylicum trimetrum catalecticum.

Quartum, trochaicum monometrum hypercatalecticum.

39.

1. ראו עתה כי אני הווא --ו-|ו-ו-|

*Videte nunc, me me ipsum esse,*

2. ואין אלהים עמדי --ו-|ו-ו-|

*Et nullum Deum mecum:*

3. אני אמית ואחיה --ו-|ו-ו-|

*Ego morte afficio, & vita restituo,*

4. מחצתי ואני ארפא --ו-|ו-ו-|

*Vulnero & sano,*

5. ואין מידי מציל --ו-|ו-ו-|

*Nec est qui e manu mea eripiat,*

H h h h

Primum

Primum, antispasticum dimetrum hypercatalectum periodicum.

Secundum, pæonicum dimetrum hypercatalectum creticum purum: ut Psal. 111. 1. carm. 1.

Tertium, jambicum dimetrum catalectum Doricum.

Quartum, antispasticum dimetrum periodicum.

Quintum, pæonicum Creticum dimetrum purum.

## 40.

1. כִּי-אֶטֶל אֶל-שָׁמַיִם יְדִי -ו-ו-| -ו-ו- --

*Nam attollo ad celos manum meam:*

2. וְאָמַרְתִּי הִי אֲנִכִּי לְעוֹלָם: -ו-ו-| - - - -| -

*Et dico, vivo ego in seculum.*

Primum, trochaicum dimetrum acatalectum.

Secundum, trochaicum dimetrum hypercatalectum: ut Psal. 25. 4. carm. 1. tertio spondeo pro trochæo.

## 41.

1. אִם שְׁנוֹתַי בְּרִיחַ חֲרִבִּי -ו-ו- --| -ו-ו- --

*Si acutero coruscantem gladium meum.*

2. וְתֹאחֲזוּ בְּמִשְׁפַּחַי יְדִי - -ו-ו-| - - - -

*Et arripuerit iudicium manus mea:*

3. אֲשִׁיב נָקָם לִצְרִי - -| - - - -| - - - -

*Reddam ultionem hostibus meis.*

4. וְלִמְשַׁנְאֵי אֲשָׁלֵם -ו-ו- --| -ו-ו- --| -ו-ו- --

*Et osoribus meis rependam.*

Primum, Ionicum dimetrum catalecticum purum: ut vers. 19. 1.

Secundum, jambicum dimetrum brachycatalecticum.

Tertium, dactylicum trimetrum.

Quartum, jambicum monometrum ut Lament. 3. 48. carm. 2.

## 42.

1. אֲשַׁבֵּר חֲצִי מָדָם -ו-ו- --| -ו-ו- --

*Inebriabo sagittas meas sanguine,*

2. וְחֲרִבִּי תֹאכֵל בָּשָׂר -ו-ו- --| -ו-ו- --

*(Et gladius meus exedet carnem:)*

3. מָדָם חָלַל וְשָׁבִיחַ -ו-ו- --| -ו-ו- --

*Sanguine confossi & captivitatis;*

4. כִּרְאֵשׁ פְּרֹשֶׁת אוֹיֵב - -ו-ו-| - - - -

*Ab initio, ultiones inimici.*

Primum, jambicum monometrum hypercatalecticum.

Secundum, antispasticum dimetrum brachycatalecticum.

Tertium, Ionicum à minori dimetrum brachycatalecticum purum.

Quartum, jambicum dimetrum brachycatalecticum.

## 43.

1. הֲרִנְנוּ גוֹיִם עִמּוֹ - - - -| -ו-ו- --

*Cantate gentes, populus ejus,*

2. כִּי רָם-עֲבָדָיו יָקוֹם -ו-ו- --| -ו-ו- --

*Nam sanguinem servorum suorum ulciscetur:*

3. וְנָקָם יִשֵּׁב לִצְרִי - -| - - - -| - - - -

*Et ultionem reddet hostibus suis,*

4. וְכִפֵּר אֶרְצוֹ עִמּוֹ: -ו-ו- --| -ו-ו- --

*Et expiabit terram suam, populum suum.*

Primum, antispasticum dimetrum catalecticum: ut vers. 4. carm. 1.

Secundum, choriambicum dimetrum catalecticum: ut Psal. 37. 31. carm. 1.

Tertium, dactylicum trimetrum.

Quartum, pæonicum dimetrum: ut Psal. 25. 2. 3.

## CAPUT XIII.

*Analysis Poëtica capitis 3. Iobi, quo primum ac distinctum libri poema continetur.*

Hoc caput constat versiculis (seu periodis) viginti sex. Quorum quatuor, 4. 5. 6. & 9. tristicho constant: reliqui omnes disticho. Initium autem carminum est à versiculo tertio.

## VERSUS 3.

1. יָאֵבֶר יוֹם אֵלֶיךָ בֵּן -ו-ו- --| -ו-ו- --

*Perisset dies quo nasciturus eram:*

2. וְהַלֵּילָה אָמַר הוֹרָה גִּבּוֹר: -ו-ו- --| -ו-ו- --

*Et nox qua dictum est, conceptus es mas.*

Primum, trochaicum dimetrum catalecticum, purum.

Secundum, antispasticum dimetrum ex duobus epitritis quartis, primæ longæ dialysi.

## 4.

1. הַיּוֹם הַהוּא יְהִי חֹשֶׁךְ -ו-ו- --| -ו-ו- --

*Dies ille fuisset tenebrosus,*

2. אֶל-יְדִרְשֻׁהוּ אֱלֹהִים מִמֶּנִּי -ו-ו- --| -ו-ו- --

*Ne requisivisset eum Deus superne:*

3. וְאֵל-תּוֹפֵעַ עָלָיו נִדְרָה: -ו-ו- --| -ו-ו- --

*Neque illuxisset ei splendor.*

Primum, jambicum dimetrum catalecticum.

Secundum, epionicum à minori dimetrum hypercatalecticum.

Tertium, jambicum dimetrum catalecticum.

## 5.

1. וַיִּנָּאֲלֵהוּ חֹשֶׁךְ וְצִלְמוֹת: -ו-ו- --| -ו-ו- --

*Vendicassent eum sibi tenebra & umbra lethali:*

2. תִּשְׁכַּן עָלָיו עֲנָנָה: -ו-ו- --| -ו-ו- --

*Incubisset ei nubes:*

3. יַבְעִתְהוּ כְּמִירֵי יוֹם: -ו-ו- --| -ו-ו- --

*Perturbassent eum ardores diei.*

Primum, choriambicum dimetrum hypercatalecticum.

Secundum, epionicum à minori dimetrum catalecticum.

Tertium, jambicum dimetrum brachycatalecticum.

## 6.

1. הַלֵּילָה הַהוּא יִקְחֵהוּ אֶפְרָל: -ו-ו- --| -ו-ו- --

*Noctem istam abstulisset caligo,*

2. אֶל-יְחִיד בִּימֵי שָׁנָה: -ו-ו- --| -ו-ו- --

*Ne fuisset gavis in diebus anni:*

3. כִּמְסַפֵּר יְרַחֵם אֶל-בָּא: -ו-ו- --| -ו-ו- --

*In numerum mensium ne venisset.*

Primum, jambicum trimetrum brachycatalecticum Alcmaicum quarto spondeo.

Secundum, trochaicum dimetrum brachycatalecticum.

Tertium, epionicum dimetrum catalecticum.

## 7.

1. הִנֵּה הַלֵּילָה הַהוּא יְהִי גִלְמוֹר: -ו-ו- --| -ו-ו- --

*O si ista nox fuisset solitaria:*

2. אֶל-חֲבֵא רִנָּנָה בּוֹ: -ו-ו- --| -ו-ו- --

*Ne evenisset cantus in ea.*

Primum, antispasticum dimetrum brachycatalecticum.

Secundum, jambicum dimetrum brachycatalecticum Doricum: ut Psal. 25. 13. carm. 3.

8. יִקְבְּרוּ

8.

1. יִקְבְּרוּ אֲרֵרֵי יוֹם -|---|---

*Execrati fuissent eam illustrantes diem:*

2. הָעֵתִידִים עוֹרֵר לִוְתָן -|---|---

*Parati excitare balanam.*

Primum, anapæsticum monometrum hypercatalecticum.  
Secundum, antispasticum dimetrum hypercatalecticum  
periodicum: ut Psal. 37. 2. carm. 1.

9.

1. יִחְשְׁכוּ כּוֹכְבֵי נִשְׁפּוֹ -|---|---

*Tenebræ fuissent stella diluculi ejus:*

2. יִקוּ לְאוֹר וְאֵין -|---|---

*Expectasset lucem, & non adfuisset:*

3. וְאֵל־יֶרֶאֱרָא בַעֲפֻעַ שָׁחַר: -|---|---

*Neque vidisset palpebras aurora.*

Primum, jambicum dimetrum brachycatalecticum Doricum: ut Psal. 34. 20. carm. 1.

Secundum, antispasticum monometrum hypercatalecticum.

Tertium, jambicum dimetrum brachycatalecticum.

10.

1. כִּי לֹא סָגַר דִּלְתֵי בִטְנִי -|---|---

*Quia non clausit fores uteri mei:*

2. וְחִסְתָּר עֵמָל מַעֲיָנִי: -|---|---

*Nec abscondit molestiam ab oculis meis.*

Primum, antispasticum dimetrum: ut Psal. 34. 3. 1.

Secundum, anapæsticum dimetrum catalecticum.

11.

1. לָמָּה לֹא מָרַחַם אִמּוֹת -|---|---

*Cur non inde a vulva mortuus sum?*

2. מִבִּטְןִי יֵצְאֵתִי וְאִנּוּעִי: -|---|---

*Ex utero exiens exspiravi?*

Primum, anapæsticum dimetrum catalecticum.

Secundum, trochaicum dimetrum catalecticum.

12.

1. מָדוּעַ קָרַמְנִי בְרַכִּים -|---|---

*Quamobrem pravenerunt me genua?*

2. וּמַה־שִּׁידִים כִּי אֵינִקִּי: -|---|---

*Et quare ubera ut sugerem?*

Primum, antispasticum dimetrum periodicum.

Secundum, antispasticum dimetrum: ut Psal. 37. 32. carm. 1.

13.

1. כִּי־עֲתִידָה שִׁכְבֹּתִי וְאִשְׁקוּט -|---|---

*Quia nunc jacerem & quiescerem:*

2. יִשְׁנֵתִי אִם יִנּוּחַ לִי: -|---|---

*Dormirem, tunc quies esset mihi.*

Primum, antispasticum dimetrum periodicum.

Secundum, idem, ut Psal. 37. 2. carm. 1.

14.

1. עִם־מַלְכִּים וְיַעֲצֵי אֶרֶץ -|---|---

*Cum regibus & consiliariis terra:*

2. הַבְּנִים הָרְבוֹת לָמוֹ -|---|---

*Qui readificabant vastitates sibi.*

Primum, antispasticum dimetrum.

Secundum, idem: ut Psal. 25. 17. carm. 2.

15.

1. אִם עִם־שָׂרִים זָהָב לָהֶם -|---|---

*Aut cum principibus, quibus eras aurum:*

2. הַמִּמְלָאִים בְּתֵיהֶם כֶּסֶף -|---|---

*Implensibus domos suas argento.*

Primum, trochaicum dimetrum: ut Psal. 25. 7. 12. carm. 1.

Secundum, Ionicum à minori, dimetrum.

16.

1. אִם כְּנַפְלָר תִּמְוֹן לֹא אֶהְיָה -|---|---

*Aut sicut abortus abditus, non essem,*

2. כְּעַלְלִים לֹא־דָאוּ אוֹר: -|---|---

*Ut infantes, qui non viderunt lucem.*

Primum, dactylicum trimetrum.

Secundum idem, ex spondeis.

17.

1. שָׁם רָשָׁעִים חָרְלוּ רִגְוֹ -|---|---

*Illic improbi desistunt à commotione:*

2. וְשָׁם יִנּוּחוּ יְגִיעֵי כָח: -|---|---

*Et ibi quiescunt defessi viribus.*

Primum, dactylicum tetrametrum catalecticum.

Secundum, idem, tetrametrum acatalecticum.

18.

1. יַחַד אִמְרִים שְׁאֵנָנוּ -|---|---

*Pariter vincti tranquille agunt:*

2. לֹא שָׁמַע קוֹל נִגְשִׁי: -|---|---

*Non audiunt vocem exactoris.*

Primum, Ionicum à minori dimetrum.

Secundum, dactylicum trimetrum.

19.

1. קָטָן וְגִדּוֹל שָׁם הוּא -|---|---

*Parvus & magnus illic est:*

2. וְעַבְדִּי חָפֵשׁ מֵאֲדֹנָיו: -|---|---

*Et servus liber à domino suo.*

Primum, dactylicum trimetrum.

Secundum, pæonicum dimetrum hypercatalecticum: ut Psal. 37. 3. carm. 2.

20.

1. לָמָּה יִתֵּן לְעַמִּי אוֹר -|---|---

*Quare dat arummofo lucem?*

2. וְחַיִּים לְמִי נִפְשִׁי: -|---|---

*Et vitam amatū animo?*

Primum, jambicum dimetrum catalecticum.

Secundum, jambicum dimetrum brachycatalecticum Doricum: ut Psal. 37. 21. carm. 2.

21.

1. הַמַּחֲכִים לְמוֹת וְאִינָנוּ -|---|---

*Præstolantibus mortem, neque adest ipsis?*

2. וְיַחְפְּרוּהוּ מִמַּטְמוֹנִים: -|---|---

*Tamen perscrutantur eam plusquam thesaurus abditos.*

Primum, jambicum dimetrum.

Secundum, antispasticum dimetrum catalecticum cum dialysi primæ longæ.

H h h h h 2

22. הַשְּׁמַחִים



22.

1. *וְהִשְׁמַחְתִּים אֱלֹהִים* ---|---

*Qui lætatur usque ad exultationem;*

2. *וְיִשְׂשַׁק כִּי יִמְצֹא קִבְרָה* ----|---

*Gaudens, cum invenit sepulchrum.*

Primum, antispasticum dimetrum brachycatalecticum.  
Secundum, antispasticum dimetrum: ut Pl. 37. 7. carm. 1.

23.

1. *וְיֹסֶד אֶשְׂדֵּדְרֹכּוֹ נִסְתָּרָה* ---|---

*Viro cuius via est abditæ:*

2. *וְיֹסֶד אֱלֹהִים בְּעֵדוֹ* ---|---

*Et quem obtexit Deus?*

Primum, jambicum dimetrum catalecticum.  
Secundum, antispasticum dimetrum: ut Psal. 34. 2. carm. 1.

24.

1. *כִּי־לִפְנֵי לַחֲמִי אֵנַחְתִּי תָבֵא* ---|---

*Nam coram patre meo genitus meus advenit:*

2. *וַיִּתְּנוּ כַּמִּים וַיִּתְּנוּ שִׁאֲנֵתִי* ---|---

*Et effunduntur ut aqua rugitus mei.*

Primum, trochaicum trimetrum brachycatalecticum.  
Secundum, epionicum à minori dimetrum.

25.

1. *כִּי פָחַד פָּחַדְתִּי וַיֵּאֲתָנִי* ---|---

*Quia pavor quo expaveram accessit me:*

2. *וַיֵּאֲתֶר יִנְרְתִי יִבֵּא לִי* ---|---

*Et quod formidaveram obvenit mihi.*

Primum, trochaicum trimetrum brachycatalecticum.

Secundum, idem dimetrum tertio spondeo: ut Exod. 15. 16. carm. 4.

26.

1. *לֹא שְׁקֵטִי וְלֹא שְׁקֵטִי* ---|---

*Non quiescebam, nec eram tranquillus:*

2. *וְלֹא־נָחְתִי וַיֵּבֵא רָגֹז* ---|---

*Nec requiescebam; tamen obvenit commotio.*

Primum, jambicum dimetrum.

Secundum, trochaicum dimetrum tertio spondeo: ut vers. 1. 1. carm. 1.

Haftenus absolutum est primum poema, primam Jobi querelam continens.

Atque hinc apparet hujus capituli carmina esse jambica tredecim: trochaica, sex: dactylica, sex: anapestica, tria: choriambicum, unum: Ionica à minori, analoga duo; sed anomala seu epionica, etiam quatuor: antispastica, quatuordecim: pzonicum, unum. Quæ (pro Lyricorum Pindari & Sophoclis observatione) promiscuè ponuntur: & quidem sine ulla similitum antapodosi. ut de carminum sacrorum ratione supra ostendimus: & Sophoclis poematibus illustravimus.

Atque haftenus hac poetica Hebræorum Sacræ Scripturæ poematum analysi, artem poeticam illius clarius demonstrare studuimus. Faxit autem Deus, ut ad elegantiam poësis divinæ & indagationem illius accuratiorem meditandam inferviat: & ad gloriam Deo tribuendam inflammet.

F I N I S.



## Ε. Π Ι Κ Ρ Ι Σ Ι Σ.

## C. L' E M P E R E U R

## A D L E C T O R E M.



**L**ITTERIS hyemis præteritæ, in examinanda Ebræorum poësi veteri dies aliquot insumpseram : idque ex antiquioribus & recentioribus Ebræorum Magistris. cum ecce commodum, suum consilium mihi per literas aperit reverendissimus vir FRANCISCUS GOMARUS. etenim adeo adhortationibus nostris & precibus responderat, ut absoluta poëseos istius indagine, perfectoque & absoluto opere ad nos transmissio, ejus editionem procurari expeteret. Ego statim inceptum meum agere remisissus cepi. & collatis iis quæ Cl. GOMARUS invenerat, cum Rabbiorum placitis, illius sententia placere, horum verò displicere merito incepit. Idque demirari subiit, qui vir tot negotiis distractus, tanto munere gravatus, in ista Nestorea senectute, cum totam ætatem in omni etiam alio scientiarum genere occupatissimam habuisset ; is inquam in poësi peregrinæ gentis multo acutius cernere potuerit, quam longissima illa Magistrorum series in propria gente & lingua : hic cæcutiens inde ferme à proximis post captivitatem Babylonicam temporibus. Tantum, Deo aspirante, potest admiranda vitæ moderatio improbus labor, & ingenii sagacitas. Neque quemquam futurum credo, nisi plane contumacem vel invidiæ livore occupatum, vel denique scepticum, qui jam poëseos veteris rationem in dubium vocare audeat. Sane vel sola illa Græcorum & Ebræorum carminum collatio æquis lectoribus satisfacere queat. qui enim fieri possit, ut in tot versuum generibus accuratissimè utrique scriptores secundum leges easdem congruant ; si casu quodam similia exhibuerint ? Nam quod de iisdem spatiis, eodemque recurrentium pedum, ac syllabarum numero apud Græcos reperto excipi posset ; Id satis Cl. vir c. 23. pluribus refellit ex antiquis. Unde, licet alterius generis carmina non extarent, poësis adornari posset, ubi poetica esse scripta constaret : neque liberior carminum ratio illico improbanda. Quemadmodum docte alicubi observat Vir Clarissimus, jam ab annis pluribus, imò ab adolescentia, ob indolem & dotes mihi amicissimus. *Deus habet etiam suam poeticam linguæ genio accommodatam, sed liberiores & solutiores, non coarctatam, & anxie tot pedum & carminum varii generibus coarctatam.* Quod tamen non impedit, quo minus illa liberior poësis, ad leges strictiores revocetur : quemadmodum in Sophocle non pauca exempla utriusque generis extant. Neque tamen ex eo solo, veterem poësin probare unquam voluit Vir Clariss. FR. AN. GOM. Neque ex liberiori poësi sequitur, omnia esse versus & carmina, quia hujusmodi versus alibi reperiuntur apud oratores : siquidem Plautus & Terentius alique hoc pacto extra poetarum classem eliminandi, utpote quorum versibus similes apud oratores invenias. Fateor quidem apud Oratores etiam carmen aliquod jambicum aliudve reperi posse : nam & suus est oratori numerus, uti ex Tullio & Fabio constat, certosque pedes certo ordine & loco collocandos præcipiunt rhetores. Sed ut quis tantam convenientiam inter oratorem & poetam inveniat, adeoque multiplicem, prout vir magnus hic oculis subiecit in ista poëseos collatione, admodum vereor : imo neminem id facturum assero. Verum omne tollit dubium pars operis posterior : quia integra Bibliorum capita ac poemata ad istos revocavit canones, quorum praxin in Græcis poëtis

antea demonstraverat. An hic ullum *ὑποφύγετον* reperire est ? Neque tamen ita placiturum aliis Cl. GOMARUS, sperare ausim, ut invidia, aut propriæ ac suæ sententiæ tuendæ studium, neminem ad poësin hanc improbandam impellat. Fieri potest, ut vel quis eo solum nomine improbet, quod punctorum antiquitate nitatur, & distinctionum receptarum *אֲדִבְרִיא*. Verum hanc controversiam dirimere, vel decidere Cl. Vir noluit : sumsit istas distinctiones & vocales, quas religiose jam omnes versiones his seculis doctissimis observant : etiamsi, istis nonnihil mutatis, ratio poëseos non periret, alia tum adoptata poëseos ejusdem specie ac forma. Imò vocalium ac similium antiquitatem satis probaverunt viri docti, & eruditissimus J. Buxtorfius Theologiæ Doctor impræsentiarum eruditè comprobavit : quamvis nondum eam solidis rationibus, quæ satisfecerunt, quisquam evertit. Quod enim verba, Dei in dubium vocemus, autoritate versionum : quam absurdum pio pectore non videri non potest ! Quum tantus sit per totum orbem Hebraici contextus & scripturæ consensus ; an fingemus Deum magis versionum tam repugnantium, ut simul stare nequeant, sategisse ? Quod verò longarum & brevium vocalium receptam ab omnibus firmè distinctionem, & raptarum vocalium usum (ut pronudo scheva ponantur, quia literæ gutturales cum iis facilius, quam cum nudo scheva pronunciari queunt) retineat GOMARUS ; non existimo quenquam vacuo à contentione judicio reprehensurum. Similiter quod scheva neget esse vocalem : nam hinc non sequitur, nullum edere sonum ; quia sonus est in scheva mobili variis vocalibus affinis ; licet tam plenus non sit, ut vocalem constituere queat, quis negat P. in, *Ptolemaus*, cum quodam *ת* & sono ferri ? num ideo est vocalis plena ad istam consonam ? Minimè : ideoque neque crescit inde syllabarum numerus. Sic etiam, quod positionem neget producere vocalem : nam si sola mora inter pronuntiandum vocalem produceret, metheg brevem faceret longam, neque hoc posito, ut mora longam faciat, causa cadet : quandoquidem Ebræi vocales, non sequente consona, cum majori mora pronuntiant : hæc verò sequente, cum minori temporis spatio. Nam hoc casu, imprimis cum figura reperitur vocalis brevis, sonum corripiunt : adeoque sonus consonæ in fine magis auditur, quàm ipsius vocalis. Neque durus hinc emergit sonus, iis qui veram & suavem, amœnamque pronuntiationem sibi à teneris reddidere facili, sed iis qui rectæ pronuntiationi non assueverunt. quod multis Christianis contigit : qui idcirco ex sua imperitia de inconcinnitate & durtie carminum Ebræorum judicare non debent : multò minus longarum & brevium vocalium distinctionem, omnibus gentibus notam negare ; unde ipsa syllabarum in simplices & compositas distinctio dependet. Hinc enim fieri videmus, ut si longam vocalem, in composita syllaba, excipiat consona : ipsa accentu egeat, quo manere possit longa : adeoque, etiamsi originis indicium vocalem longam aliàs requireret, manere nequeat accentu promotum, ut in תַּסְבִּיחַ יְפִקְרִי aliisque videre licet. quo etiam fit, ultimam longam ante consonam, nonnisi cum accentu tonico subsistere posse : atque ideo corripitur, quum accentus tollitur. Neminem itaque futurum qui hæc nostri authoris sententia meliorem afferat, mihi persuasissimum habeo. Ut tamen nemo obloquatur, istud an pariter sperari queat, vehementer dubito. Sunt enim nonnulli quasi in Pyrrhonis istius

H h h h 3

Elien-

Eliensis schola educati: qui absque dubitandi fundamento, quæ recenter inveniuntur & in lucem proferuntur, faciunt dubia: cum verò similia non afferant. de quibus Laërtius lib. 9. διείλων ὅ τὰ τῶν αἰρέσεων δόγματα πάντα ἀνατρέποντες, αὐτοὶ δὲ ἐδὲν ἀποφαίνοντες δογματικῶς, περσάβαντ' ἑκταρῶν δόγματα omnia evertere, nihil ipsi dogmatum asserentes. Qui sibi in eo placent, ut aliis saltem inventionis gloriam non concedant. Sed isti cum Euripide etiam quaerant: τίς δ' οἶδεν εἰ τὸ ζῆν μὲν ἔστι κατθανεῖν, τὸ κατθανεῖν δὲ ζῆν νομίζεται βροτῶν; *Qui autem novit, an hoc quidem vivere sit emori, An emori verò vivere censeatur mortalibus?* Adversos istos contentus sum testimonio, quod carmine præmisit nobilissimus & amplissimus vir Daniel Heinsius, quem unâ mecum suscipit orbis. Ad alia pergo, quæ lubens supprimerem; nisi expressis literis ea palam fieri, periisset author ipse tam præclari operis. Cum in mediam ferme hyemem differretur editio, interea quid in opere isto adhuc desiderari autumarem, authori epistolio indicavi. Puta, cum Græcorum, tum Ebræorum carminum versionem addendam. Etenim quotusquisque invenitur, qui Græca poetarum fragmenta, nedum Ebraica, sine interprete intelligat, quum ex circumstantiis percipi nequeat sensus? Non desunt etiam utriusque linguæ satis gnari, quibus tum magna sæpe incidit dubitandi causa. Imprimis, cum citantur carmina, quæ à media dictione sive ultimis vocum syllabis inchoantur, & in prioribus syllabas desinunt. cujusmodi defectus syllabarum ad carmen ipsum non pertinentium, hic creber erat. Cum itaque quamplurimi reperiantur viri cordati, utriusque linguæ, Græcæ & Ebrææ sic satis periti, quorum multi gravissimis reipublicæ negotiis & curis immergi, quibus minime tantum otii suppetit, ut loca in Pindaro, Sophocle, contextuque Ebræo quaerentes evolvant & cum antecedentibus ac sequentibus conferant, omittasque syllabas suppleant: qui tamen poësi afficiuntur: omnino interpretatio passim istis fragmentis, imo totis poematibus Ebraicis addenda videbatur, & restituendæ vocibus syllabæ prætermittæ. Quis enim animi paulo generosioris ista producta loca, eaque quam plurima multas paginas occupantia, sine tædio legat; si sensum non percipiat? Alphabetarius aliquis in infimo pulvere scholastico, vix credo, syllabas & pedes metiri sustineat: nisi intelligat quid scribatur. Mens humana altius exsurgit, quam ut sine summo tædio lectioni acquiescat, ex qua nonnisi quantitas vocalium percipiat. Quocirca prudentissimus vir, præclarissimum inventum versionis omissionem minus distractum iri, minusque utilitatis allaturum ratus, defectum refarciendum exultimavit. Ego autem expensis periculis, in quæ opus illud auro non æstimandum incidere posset, dum media hyeme multorum dierum itinere huc illuc mitteretur, operam meam obtuleram, si aliud exemplar sibi non reservasset. Quod in me recipere paratus eram, non invite imposuit: idque humanissime, dum id ipsum à me per literas peteret, sibi que gratissimum fore significaret. Quapropter exactè singula in authoribus suis examinans cumque prioribus

& posterioribus conferens, eam concinnavi versionem, quam hic vides, lector humanissime: syllabasque desideratas eo quem hic cernis modo reposui. In Pindaro versionem vulgatæ adhæsi, cum ipsa placeret; subinde recessi: ita in Ebraicis vertendis à Junio & Tremellio non raro abire debui. Hoc enim in ista Bibliorum versione sæpè observavi, conceptam animo analysin veluti normam statui, ad quam in vertendo respiceretur: cum hoc modo à vero sensu sæpè recedatur. In Sophocle majorem libertatem assumere debui, & mihi plusculum indulgere: quia ista editio Sophoclis, cujus pagina annotatur, nullam versionem adjunctam habebat. adeo ut Scholiastes Græcus margini additus plurimum mihi in istis vertendis proferret; uti & in Pindaro, ipsius Scholiastes multa aperuit. Si alicubi aberravi, nescio: curam saltem adhibui, ne tibi imponerem. quamvis id me latere non possit, in istis poetis Græcis & Ebræis multa occurrere, in quibus ne doctissimi quidem consentiunt. Itaque in istis suum cuique esto judicium: donec certò de errore constet. Quod verò correctionem typographicam concernit, nonnulla sphalmata irrepsisse in tam intricatum opus & multis quantitatis syllabæ notis ac signis distinctum faciliè mihi ignoscet æquus lector: cum eodem tempore variis occupationibus distractus fuerim, imprimis in edendo codice meo de legibus Ebræorum; neque difficile sit unicuique non planè ignaro, ea suo nitore restituere. Quorum etiam primaria subjeci. Deinde subinde contingere solet, ut quæ tertia etiam vice correctæ sunt, in typographia ab operariis negligantur, & festinando detorta maneant. Sed ne quis arbitretur, statim erratum esse, quod prima fronte esse videbitur: exempli gratiâ, dagesch in literis כּכּכּכּ invenies initio dictionis post vocales & & vel ה. Hoc inde ortum, quod in contextu sacro istas literas præcedat accentus regius, quem dages lene sequi solet: licet in hoc opere, ubi maximæ paulæ tantum exprimuntur, isti accentus sæpissimè adscribendi non fuerint. Porro susceptum & exantlatum laborem lubenter sustinere tenebar, cum viro isti omni laude majori plurimum me debere agnoscam. utpote cujus consilio in studiis instituendis per multos annos adjutus fucri, cujus me nunquam pœnitebit. & si quid publico jam prosum, est quod ipsi post Deum adscribatur. Adeoque in Ebraicis hanc imprimis operam merito præstiti: cum ab ipso quatuordecim dierum spatium linguæ sanctæ primordia & fundamenta ita edoctus fucri, ut aliorum opera, nulla necessitate uti debuerim. Id largiebatur isti amicitia & familiaritati, quam cum meo parente p. m. olim in Germania coluerat. Et quicquid feci, vel eo solo meruit, quod honori meo, inscriptione sua voluerit consultum. Cæterum Lector, si quid & ego hac opella mea, quam in alieno navavi opere, vobis prodesse potui, adeoque de te bene mereri, mercedis loco apud Patrem Domini nostri Jesu Christi intercede, quo vitam & Spiritus gratiam ad reliqua, quæ in usum vestrum molior, feliciter perficienda, benignè largiatur.

Lugdun. Batav. Id. Septemb.  
An. partæ salutis 1637.

Tibi addicissimus

C. L' E.

F I N I S.

A D

## A D L E C T O R E M.



Uoniam errore aliquo factum est, ut præfatiunculæ quædam disputationum & dedicationes tractatum quorundam Theologicorum omisæ sint: eas hîc malimus exhibere, quàm quidquam quod G O M A R I est, detrahare: aut quoniam quam honore suo privare.

## De Deo vero.

Quoniam de *Sacra Scriptura* (tanquam unica jam, revelatæ divinitus Theologiæ, basi ac principio) disseruimus, consentaneum est ut deinceps, doctrinam illius, ordine ac succinctè, consideremus. Quæ ut *divina ac salutaris de Deo institutio* est (quod ad Deum, ut *subjectum demonstrationis*, & *objectum considerationis*, omnia fidei vitæque Christianæ dogmata, suo modo, referantur) sic duo primaria illius, existunt *capita*. Quorum *primum* est, de Deo ipso: *secundum* de actionibus & operibus Dei. Ac rursum, in Deo distinctè expendenda est, *essentia illius unitas*, & *personarum trinitas*. Ideoque de priori (Deo duce & scripturæ luce) acturi, nominis explicationi paulisper dilata, a rei descriptione ordiemur.

## De Spiritus Sancti persona.

Quoniam de *prima secundaque Deitatis persona*, Patre nimirum, & Filio, superiori disputatione disseruimus; consequens est, ut eadem ratione, sinceram, de *Spiritu Sancti persona*, doctrinam (implorata ipsius ope) pro modulo nostro, illustremus, & adversus veteres novosque *perverbia*, tueamur. Ne quis verò involuta, *vocis spiritus ambiguitate*, ab adversariis implicetur, eam, præcipuarum significationum explicatione, in ipso limine, evolvemus.

## De æterno Dei decreto.

Quoniam universa, *sacra Theologia dogmata*, vel *Deum vel actiones Dei spectant*: ac prius membrum, antea à nobis explicatum: idcirco ad alterum (*præmissa vocis*, ad rei illustrationem, *distinctione*) procedemus.

## De divina hominum prædestinatione.

Quemadmodum *æternum Dei decretum* universam, creationis & gubernationis mundi totius, præfinitionem com-

plectitur: sic pars illius nobilissima est, *creaturarum intelligentiam* (Angelorum & hominum) *prædestinatio*. Horum enim habitationi & usui; reliquus mundus, à Deo destinatus ac conditus. \* Ac propterea, quoniam de priori, antea egimus: de posteriori, & quidem hominum præcipuè, ad illustrationem illius, Deo secundante, differemus.

\* Gen. 1. 28. Iesai. 45. 18. Epist. Iud. 6.

## De creatione mundi.

Quum libera, voluntatis Dei actio, alia sit, *interna & æterna*; alia, *externa ac temporalls*: illaque, *creationis & gubernationis mundi decreto*; hæc verò, consentanea illius *executione*, constet: idcirco, priori jam discusso, reliquum est, ut de posteriori, & quidem à mundi creatione exorssi, præmissaque *vocum explicatione*, differamus.

## De Angelis creatis.

De divina, opificii totius mundi, *creatione* (tanquam *religionis*, Deo debitæ, *fundamento*) *generatim* egimus: ac propterea consentaneum est, ut de *creaturarum intelligentibus*, *speciatim* ac distinctè, differamus. Quemadmodum enim, earum gratia, reliquæ sunt conditæ; sic solæ religionis sunt capaces, & ad eam præstandam, natura devinctæ. Quum autem ex sint duplices; *Angeli* scilicet, & *homines*, à prioribus (ut simplicitate, dotibus, atque originis antecessione, eminentibus) Deo duce, ac scripturæ luce, ad veræ religionis illustrationem, ordiemur.

## De Baptismo.

Quoniam *generalis Sacramentorum natura*, à nobis est explicata, idcirco ad *species eorum*, in Novo Testamento mandatas, procedentes, primum de *Baptismo* (tanquam initiationis sacramento) à vocibus ad rem progressi, differemus.

## De Cæna Domini.

Quoniam proximè de *Baptismo*, primo Novi Testamenti (utpote initiationis & regenerationis) sacramento egimus: reliquum est, ut ad secundum, nempe *de Cæna Domini*, continuationis fœderis gratiæ, & nutritionis spiritualis, sigillum, à vocum declaratione exorssi, procedamus.

## DE PROVIDENTIA DEI:

## ILLVSTRIBVS

ORDINIBVS HOLLANDIÆ  
& WEST-FRISIÆ.

U L T Æ semper & gravissimæ, Illustres Ordines, Patres patriz, domini mei honorandi, inter mortales de religione extiterunt controversiæ: in quibus doctrina de *Providentia Dei* reliquis longè antecellit. Etenim nulla majoris est momenti, nulla quæ latius & acriore omnium contentione dimanarit. Hanc dissidentium philosophorum scholis, hanc profani vulgi sermonibus, hanc Christianorum studiis, ab omni pene memoria, magno ecclesiæ & reipublicæ damno, indignius agitari, compertum est. *Malè enim vivitur, si de Deo non bene creditur*: ut verè ac graviter de hoc argumento augustus ille Augustinus (de Civit. Dei lib. 5. cap. 10.) monet. Hæc autem controversia, ut reliquis, non aliunde, quàm ex humani in-

genii (quod Dei naturam suis præjudiciis metitur) innata vanitate, & Sacrarum literarum ignorantia, profluxit. *Hinc enim*, ait Chrysostomus ad Romanos Hom. 1. *innnumera mala nata sunt, quod Scriptura ignorantur*. *Hinc erupit multa illa hæresium perniciës, hinc vita dissoluta, hinc inutiles labores*. Quemadmodum enim qui luce ista privati sunt, recta utique non pergunt; ita qui ad radios divinarum Scripturarum non respiciunt, multa coguntur continuoque delinquere: utpote in longè pejoribus tenebris ambulantes. Itaque præclare de ecclesiæ & republica videntur meriti, qui nostra memoriâ, hanc de providentia Dei doctrinam ex sacrarum literarum penetralibus explicare & illustrare studuerunt. Quos, ut præceptores orbis Christiani, revereor & amplector. Verùm quandoquidem loquendi modis interdum à se mutuo dif-

H h h h 4

ferunt,



ferunt, hinc quidam viri boni ac plii sententiarum in summa rei varietatem aliquam & dissensionem esse suspicantur: alii contra malevoli, id ipsum contentiosè exprobrant & hac ratione orthodoxis invidiam, tribuniis suis clamoribus & scriptionibus, apud omnes conflare, & publicam ecclesiæ pacem turbare, moliuntur. Quod quàm perniciosum etiã sit reipublicæ, non tam explicationem desiderat, quàm deplorationem & medicinam. Quamobrem operæ pretium me facturum existimavi, si doctiorum vestigiis insistens inde ab exordio hoc argumentum, ad meam & rudiorum utilitatem, pro modulo arcefferem & conciliationem doctrinæ orthodoxæ de providentia Dei seriò ac modestè meditarer. Arduum, fateor, institutum! sed debita ecclesiæ & patriæ pietas, bonorum stimulus, & doctissimorum collegarum examen ac consensus, remeritatis opinionem, ut spero, diluent. Quemadmodum enim ad commune incendium restringendum ab omnibus meritò concurritur; nec validiorum solum laudatur industria, sed imbecilliorum quoque probatur studium: sic & tenuem meum, ad hanc de providentia Dei controversiam tollendam, laborem, non omnino improbatum iri existimo. Cæterum quum duo potissimum in omni scripto, præter argumenti veritatem, requirantur, brevitatis nimirum & perspicuitas; illa, ut attentè; hæc, ut cum fructu legamus: utrumque pro tenuitate mea, cum methodo, tum stylo secutus sum; ne aut obscuritas crearet dubitationem, aut prolixitas tardium. Vobis verò illustres Ordines, Patres patriæ, domini mei honorandi, hanc qualemcunque opellam meam, etsi vestro nomine indignam, variis de causis dedicandam existimavi. Ac primùm quidem, ut observantiam meam erga illustrem A. V. cui servio ac devinctus sum, testarer, deinde, ut laboris mei primitias, ex vestra Academia prodeuntes, vobisque debitas, offerrem: denique ut doctrinæ hujus veritatem, quam hætenus constantissimè defendistis patrocinio vestro commendarem. Nam quum mecum perpendo, quanta in hujus argumenti & aliorum controversiis componendis usi sitis pietate ac diligentia, quanta prudentia, quanta patientia ac constantia, Theodosii & Valentini laudatissimorum imperatorum imaginem videre mihi videor. Nec metuo, ut quisquam prudentior, in judicio meo, candorem desideret & auribus vestris aliquid dare suspicetur. Non enim abstrusa & ignota, sed aperta & prompta in omnium oculis, in omnium ore exempla versantur: & ut omnes sileant, res ipsa demonstrat ac tacitè illustri vestro nomine, cum præstantissimis illis imperatoribus, ita loquitur. (Theodos. & Valent. Cyrillo Alexand. epist. 17.) *A pietate in Deum, reipublica nostra constitutio pendet: & multa utrinque est cognatio & societas. Cohærent enim inter se & altera alterius accrescit incremento: ita ut vera religio iustitia studio, reipublica vero ab utrisque adjuncta resplendeat. In regimine itaque a Deo constituti, & vincula pietatis ac prosperitatis subditorum existentes, societatem harum*

*perpetuò indivulsam custodimus, ac providentia nostra pacem inter homines procurantes, hætenus quidem reipublica augendâ ministramus: per omnia vero subditu, ut ita dicamus servientes, ut pui sint & in reipublica perferantur sicut pios decet, adornamus, utriusque, ut convenit, curam gerentes. Neque enim fieri potest, ut qui alteri studet, non similiter & alterius curam gerat. Hæc rerum à vobis Illustres Ordines in ecclesia & reipublica gestarum oratio. Cujus admirabilis pietatis vestræ conscientia ad Illustrem A. V. compellendam dubio primum mihi addidit & confirmavit. Siquidem duo, præter tenuitatem meam, ob stare initio videbantur, inscriptionum ejusmodi frequentia, & scripti brevitatis. Verùm, re diligentius perperensa, neutrum ab officio alienum existimo. Nec enim fore arbitror, ut illiberalis animi suspicionem incurram, atque illud Augusti Cæsaris audiam, *Sat istiusmodi salutarum habemus domi*: vestra nimirum clementia, consuetudinis ac temporis præscriptione, & animi mei integritate fretus. Nec scripti, ut opinor, obesse potest exiguitas. Siquidem illustri V. A. in tanta gravissimorum negotiorum mole, non tam copia, quàm brevitatis potissimum, videtur congruere. Deinde & instituti ratio hoc jure suo postulat. Quippe quum ejus doctrinæ conciliationem instituere studeam, à cujus indagatione ob singularem rei difficultatem & librorum de hoc argumento prolixitatem plerique deterrentur; brevitati cum primis consulendum mihi existimavi, ut, ad veritatem cognoscendam, lectorem allicerem. Denique huc accedunt clarissimorum cum veterum tum recentium scriptorum exempla, qui ut doctiora, sic paria aut breviora interdum monumenta principibus, regibus, imperatoribus inscribere non sunt veriti. Testis est Aristoteles, qui ut gravissimum sic perexiguum de Mundo scriptum Alexandro Magno dedicavit: testis Cyrillus Alexandrinus, qui perbreves de recta fide libros partim Theodosio imperatori, partim reginis consecravit: Testes alii, cum nostra tum patrum memoria, plurimi: quos recensere non tam difficile, quàm invidiosum & non necessarium. Quamobrem spero fore, ut succincti hujus scripti dedicatio, nullam mihi impudentiæ aut imprudentiæ maculam aspergat: præsertim cum officii mei ratio id requirat, & prudentissimorum virorum exempla præluceant. At, inquit, ut brevitate multa aliorum scripta; sic accuratatione & doctrina excel-lunt omnia. Fateor, sanè: sed hac ratione, non brevitatis in vitio futura est, sed operis tenuitas: quam ut agnosco, sic illustris A. V. ei ut spero ignoscet, & conatum saltem non improbabit. Idque ab A. V. etiã atque etiã rogo. Quod reliquum est, Deum optimum maximum quæso, ut illustris A. V. pietatem, prudentiam, potestatem tueatur & augeat quàm diutissimè ac felicissimè, ad ecclesiæ ac reipublicæ splendorem & nominis sui gloriam sempiternam. Ex Academia vestra Lugduno-Batava anno restauratæ salutis c l o l o i i i c. Martii v.*

*Illustri V. A.*

Addictissimus

FRANCISCUS GOMARUS  
BRUGENSIS.

ANTI-

# ANTICOSTERUS.

*Amplissimis, sapientibus & prudentissimis viris, Reipub. Leydensis*

D. D. P R Æ T O R I, C O N S U L I B U S,  
S C A B I N I S.

S A L U T E M.



**V**ERE & eleganter, amplissimi & sapientes viri, à Sapienti viro ecclesia lilio inter spinas sito comparatur, Cantic. 2. 2. Ut enim lili-um illud spinarum aculeis pungitur; sed non exstinguitur: ita Dei ecclesia circum-stantium adversariorum machinis premi potest, sed non opprimi; quemadmodum perpetua omnium temporum experientia attestatur. Nam & princeps infidelium hujus mundi Diabolus interdum leonina feritate, interdum serpentina calliditate, adversus ecclesiam certat: & ministri illius, Christi ecclesiaeque hostes conjurati, eandem par-  
tim aperta vi, partim operata fraude, frustra oppugnant. Ac vi quidem utuntur tyranni, qui ferro flammaque verè fidelibus mortem minitantur; fraude verò hæretici, qui suavi divini verbi & auctoritatis ecclesiae appellatione ab-  
usi, tenellis & rudibus piorum animis sese insinuare & er-  
rorum suorum venena infundere student; ut incautos à recta salutis viâ seducant. Sed utrique tandem inani opera se fatigant & adversus simulacrum calcitrant, Act. 9. 5. suo po-  
tius quàm Christi aut ecclesiae damno. Quid enim tyranni-  
am diuturna immanitate in ecclesia persequenda assequu-  
ti sunt? Nimirum (ut præclare ait Theodoretus Græca-  
rum affect. cura. sermone 9.) quod pia veritatis robur ma-  
nifestum declarant. Ac ut uti quondam rubus ille, quem vidit  
Adoles, ardore ignis non est absumtus; ita nec Christianos impio-  
rum bellis penitus tela hostilia consumserant: quin potius sicut li-  
gnatorem servam cadentibus, multo plures pallulant propagines à  
radicibus, quàm sint rami, qui inciduntur: ita tunc quoque piis  
complotibus interfectis, multo plures quotidie ad doctrinam  
Evangelicam accedebant, etiamque illo casorum corporum iriga-  
tio quadam erat novus in ecclesia emergentibus plantis. Nec ali-  
ter hæreticis cedit, quorum nefarios & perniciosos tor-  
tus Deus admiranda sua providentia eludit & simili rati-  
one ad laborantis ecclesiae salutem convertit. Etenim oportet  
(ut inquit Apostolus 1. Cor. 11. 19.) hæreses esse inter vos,  
ut qui probati sunt, manifesti fiant inter vos: & (quemadmo-  
dum Apostolo consentiens ait Augustinus de Catechi-  
zandis rudibus cap. 24.) ut magis magisque excutatur eccle-  
sia & probaretur & illustraretur & doctrina ejus & patientia.  
Nam sicut aurum igne explorari & à scoria purgari solet:  
sic concitatum ab hæreticis in ecclesia incendium verè  
fidelium constantiam exercet, negligentiam excutit, &  
ad serium verbi divini examen excitat & inflamat. Quo-  
niam (ut alibi rectè de hæreticis monet Augustinus de vera  
Religione cap. 25.) hi si non essent, multo prius veritas qua-  
reretur. Ac propterea non immerito hæreses ecclesia cotem  
appellari posse arbitramur. Quis enim orthodoxos patres  
Arii, Nestorii, & aliorum hæreticorum oppugnationibus  
exercitatos, longè distinctius & accuratius de Deo, quàm  
eorum majores, scripsisse ignorat? Quis non videt doctri-  
nam de gratia Dei, episcoporum negligentia paulatim in  
ecclesia obscuratam, exorto tandem hæretico Pelagio,  
Augustini & aliorum suscitata diligentia, factam esse lon-  
gè illustriorem? Et ut ad nostra tempora descendamus,  
ex quo Romane sedis trasil Jesuitæ novo quodam furo  
Pontificios errores tueri & veritatem oppugnare cœpe-  
runt, dici vix potest quantum piis scriptoribus veritatis pe-  
nitius indagandæ & ecclesiae confirmandæ ansam præbue-  
rint. Quis igitur non agnoscat utile cum primis & neces-  
sarium eorum esse institutum, qui officii conscientia & ec-  
clesiae amore accensi, refellendis adversariorum erroribus  
ad Dei gloriam & piorum salutem sua studia & operam  
fidelem contulerunt? Quare eodem consilio publicam

*Enchiridii Cossert refutationem publicè mihi demandatam*  
tandem suscepi: quamvis multa initio me ab eo stu-  
dio deterrent. Etenim non ignorabam quanta in Hol-  
landia, Zelandia vicinisque provinciis pietate & eruditio-  
ne excellentium ecclesiastarum esset copia: qui si animum  
ad scribendum appulissent, doctrina & eloquentia  
meam opellam longo superarent intervallo. Huc accede-  
bat temporis, quod ad scribendum requirebatur, inopia,  
quâ ob prælectionum & disputationum in Academia &  
concionum in ecclesia frequentiam laboramus. Denique  
movebat intolerabilis adversariorum importunitas & im-  
probitas singularis. Importunitas quidem quod tanquam  
æra Dodonza semel commoti non facilè quiescant, & ne  
victi videantur, inani repetitione antagonistas suos perpe-  
tuò obtundunt & à melioribus studiis avellunt. Improbi-  
tas verò, quod quibus sese causæ veritate & argumentor-  
um pondere inferiores esse vident, eos falsis rumoribus  
& putidis calumniis obruere & in contemptum odiumque  
aliorum adducere conantur. Nam quemadmodum Me-  
dius quidam Alexandri Magni parasitus solebat alios ad-  
hortari, ne metuerent quodvis crimen in quemvis intendere;  
quod ut maxime, inquit, sanaretur vulnus illius qui delatus  
esset, maneret tamen cicatrix: (Apophteg. Erasmi) ita  
hujus scelerati præcepti memores adversarii, quidvis im-  
pudenter adversus pios principes, magistratus, ecclesiastas,  
comminiscuntur. Quoniam quamvis suas calumnias, quib-  
us innocentes opprimere student, aut justa defensione  
aut virili & animoso silentio reteggi ac superari posse vi-  
deant, aliquam tamen ignominie notam iis adhæsuram  
confidunt. Norunt enim verum esse quod ait vates ille,  
(Ovidius) in vitium credula turba sumus: norunt quanto-  
perè multorum aures, ad maledicta avidè sine delectu ex-  
cipienda ac fovenda, pruriant. Quemadmodum pruden-  
ter monet Cicero Orat. pro Plancio, nil tam voluere quàm  
maledictum: nihil facilius emittitur: nihil latius dissipatur.  
Sed hæc difficultates omnes piorum & prudentium au-  
ctoritas & rationes graves pervicerunt. Aiebant enim,  
multos quidem esse in hisce provinciis doctrina & pietate  
præstantes viros, quibus ad scribendum nec facultas dees-  
set; nec voluntas: sed otium. Deinde verò ex ordinis in  
ecclesia constituti ratione, eas molestias iis potius subeun-  
das, qui in Academia certis laboribus occuparentur, quàm  
ecclesiae pastoribus, quorum studia variis & perpetuis ferè  
ecclesiae interpellationibus & negotiis interrumpuntur.  
Addebant præterea fideles Dei servos non debere esse tam  
molles, ut ullo calumniarum metu deterriti, officium de-  
ferant: sed iis contra innocenter & fortiter Christi &  
Apostolorum exemplo per gloriam & ignominiam, bonam &  
malam famam, Matth. 10. 25. 26. 2. Cor. 6. 8. in verita-  
tis patrocinio esse procedendum. Præterea quamvis Co-  
sterus nuperis suis libellis magnum sui contemptum apud  
plerosque ob singularem immodestiam sibi comparavit,  
illius tamen Enchiridium refutationem accuratam multis  
nominibus promereri. Primum, quod publicis & præfixis  
Academiæ Moguntinæ, Colonienfis, Trevirensis, Lo-  
vanienfis, elogiis comprobatur sit: adeò ut non tam  
privatum unius hominis, quàm publicum præcipuarum  
Pontificiarum Academiarum scriptum, censeri oporteat.  
Deinde, quod breviter & distinctè Pontificiæ religionis  
quasi nucleum & medullam complectatur, adeò ut nul-  
lum hæcenus controversiarum compendium ab adversariis  
editum videatur accuratius. Præterea quod jam tertio La-  
tine recusum & in Belgium quoque sermonem conversum  
in

in plurimorum manibus versetur: eoque Pontificii plurimum nitantur, & infirmiores non sine periculo attentent. Huc accedit quod Costerus ad hujus operis sui refutationem, exprobrato silentio, Belgas potissimum aperte & publicis scriptis tam audacter provocat. Ac propterea æquum esse ajebant, ut & rudiorum succurreretur conscientia, & insolens adversarii jactatio tandem compesceretur. Æquum denique esse, ut interim dum doctissimi collegæ mei majoribus destinarentur, ego hunc publicum laborem in me reciperem, præsertim quem privatim aliquando exercitii gratia à me inceptum, sed justis de causis interruptum, perceperant. Nam quum reliquos Costeri Belgicos libellos pro sua egregia eruditione & pietate abunde confutarit D. Grevinchovius, hoc omnino jam requiri, ut Enchiridium, quo tantoperè adversarius confidit, & ad quod lectorem perpetuò remittit, ordine confutetur. Nec esse quod me aut molestia operis, aut otii inopia ab officio deterreat, quum paulatim editis distinctis refutationis partibus ecclesiæ expectationi possit satisfieri. Quamobrem prudentiorum auctoritate & rationibus hisce commotus eorum voluntati, ut decebat, acquievi: & duos hosce libros priores observantia & amoris mei erga Dei ecclesiam argumenta in lucem emitto. Eam autem secutus sum scribendi rationem, quam pii & prudentes, ut spero, comprobabunt. Primum enim Costeri verba omnia distinctis suis partibus præmisi, partim ut refutatio mea ex collatione mutua melius intelligeretur & veritas illius omnibus magis pateret, partim ne quid de fide mea in citata aut omissa adversarii sententia ipse conqueratur, aut lector dubitet. Quam etiam viam non solum Augustinus, Cyrillus, & alii veterum, sed multi etiam nostra ætate viri gravissimi prudenter secuti sunt. Deinde verò in refutatione usus sum rationibus & testimoniis divinis & humanis. Ac divinis quidem ex Sacra Scriptura: tanquam religionis fundamento: quia (ut pie censet Hieronymus Comment. in Matth. 23.) *quod de scriptura non habet auctoritatem, eadem facilitate contemnitur, qua probatur.* Quem etiam veritatis indagandæ modum in concilio Niceno Constantinus Imperator, maximo totius concilii applausu, præscripsit. *Evangelici, inquit, & Apostolici libri & antiquorum Prophetarum oracula perspicue nos instruunt, quid de rebus divinis sentiendum sit. Ergo deposita hostili discordia ex divinis inspiratis sermonibus questionum solutionem sumamus.* Theodoretus eccles. hist. lib. 1. cap. 7. Quam pietatem imitati

etiam sunt patres concilii Ephesini, qui quum ad hæresim Nestorii expendendam ac tollendam convenissent, in cætu suo (ut in literis suis ad Imperatores testantur) *propositum habuerunt in throno, qui omnino medius erat, sanctum Evangelium, quod Christum præsentem ostenderet.* \* Itaque divinis usus sum testimoniis, tanquam certa veritatis regula & quæ Christum nobiscum esse demonstrarent. Humana verò testimonia iis adjunximus tanquam adversariorum arma, ut eo plenius & planius confutarentur. Nam quemadmodum David contempta fundâ instructus Goliathum insolentius minitantes prostravit primum, ac deinde ad majorem victoriæ demonstrationem suo ipsius gladio obruncavit: ita & Pontificii Sacr. Lit. convicti, humanis etiam testimoniis, quæ tantoperè jactant urgendi sunt, ut veræ causæ victoria amplius illustretur. Atque hoc consilio crebras & perspicuas sententias fideliter proposui, partim ex Orthodoxis Patribus, partim ex celeberrimis Pontificiorum scriptoribus, ut inde appareat, quàm graviter cum antiqua ecclesia & inter se Romana ecclesia dissentiat. *Probatio enim* (ut Irenæus contra hæreses lib. 4. cap. 14. rectè ait) *vera est & contradictioni minime obnoxia, qua ex dictis adversariorum elicitur.* Atque hic quidem scopus est meus, quem secutus sum: quid verò assecutus sim, ecclesia Christi, cujus servitio me addixi, judicabit. Cæterum quum pro antiqua & laudabili consuetudine; amplissimi & sapientes viri, cogitare inciperem, quibus potissimum meam hanc opellam inscriberem; non magnopere mihi fuit deliberandum. Etenim tam multa & illustria A. V. non solum in Academiam universam publicè, sed etiam in me privatim extiterunt beneficia; ut quum referre nunquam possim, habere tamen & agere semper debeam gratias. Quamobrem ut edè clariùs ac diutius vestrorum erga me meritorum & grati erga V. A. animi mei memoria extaret, hunc laborem meum A. V. jure dedico, & ut pro solita vestra humanitate æqui bonique consulatis, etiam atque etiam rogo. Quod reliquum est Deum Opt. Max. precor, ut A. V. consiliis & actionibus præsit & quam diutissimè ad reipublicæ & ecclesiæ incrementum incolumes & felices conservet. Leydæ anno Christi 1710 10 10 Octobris 111. quo die ante annos 2550. divino aquarum beneficio & Illustriss. ac beati Principis Auriaci GULIELMI NASSOVII copiis ab arctissima Hispanorum obsidione liberata est.

\* *Acta concilii Ephesini in Relatione ad reges.*

Ampl. V.

Addictissimus

FRANCISCUS GOMARUS.

## SPECULUM VERÆ ECCLESIAE CHRISTI:

*Nobilissimis, Amplissimis, Clarissimis, Doctissimis, Ornatissimis, Prudentissimis,  
Dominis, Domino Indici,*

CONSULIBUS, SCABINIS ET SENATORIBUS  
URBIS ARNHEMENSIS:

NEC NON

*Reverendis, Doctrina & Pietate Spectatissimis Evangelii ibidem ministris, dominis ac fratribus  
honorandis, gratiam & pacem à Domino Iesu Christo.*



U o n olim præclarus ille Propheta Esaias 1. 21. de Hierosolymis & Judæorum populo conquestus exclamavit; *Quomodo facta est meretrix civitas fidelis?* illud non immerito de urbe & Ecclesia Romana usurpari potest. Quum enim ad tempora Apostolorum suspi-

cimus, quænam civitas aut Ecclesia (si Hierosolymitanam & Antiochenam exceperis) in toto terrarum orbe viguit, quæ fide & charitate floruerit magis, iisque nominibus illustriorem & ampliorem inter Christianos famam sibi compararit? Adeo ut Paulus Apostolus ad Romanos quo magis eos ad pietatis officium justæ laudis stimulo concitaret)

raret) ingenuè ac liberè in hæc verba eruperit: *Gratias ago Deo meo per Iesum Christum super omnibus vobis, quod fides vestra annuntiatur in toto mundo*, Rom. 1. 8. Deinde etiam, si ad ea quæ proxime Apostolos sequuta sunt tempora spectemus, apparebit Ecclesiam Romanam officii & honoris sui memorem, sicut luna inter stellas, ita inter cæteras Ecclesias in densis hujus mundi tenebris præluxisse: & quamvis par fuerit divinitus accepta potestate, imparem tamen ac majorem extitisse virtute. Quippe non solum veram fidem fideliter conservavit & adversus hæreticos defendit; sed etiam pia vita & constanti morte ac sanguine suo obsignavit. Quapropter veteri & antiquæ illi Romanæ Ecclesiæ (ut etiam reliquis veris Christi Ecclesiis) nomen ac laudem *civitatis fidelis, vinea Domini, domus Dei viventis, columna veritatis, cælestis Jerusalem, sponsa & corporis Iesu Christi & matris fidelium* lubenter & ultro largimur. Verum posteaquam paulatim verbum ac cultus Dei, Diaboli fraude & hominum negligentia sperni cœperunt, animadvertimus Romanæ Ecclesiæ fidem hominum commentis, & charitatem avaritiæ, ambitione & crudelitate indignissima permutatam: & in verè fidelium pastorum, ductorum & imitatorum Christi locum, perniciosos depastores, seductores, & Antichristum Romanum invasisse. Adeo ut cum oculos nostros eò convertimus & Pontificem cum iis qui falsam illius doctrinam & idololatriam probant ac sequuntur, contemplamur, quis non agnoscat ac deploret fidem illam ac laudabilem olim urbem & Ecclesiam Romanam ita turpiter esse deformatam, ut ea de causa non vinea Domini, sed vinea Sodom; non Christi domus & columna veritatis, sed Sathanæ synagoga & errorum schola; non cælestis Jerusalem, sed spiritualis Babylon; non fida Christi sponsa & pura fidelium mater; sed adultera & impura genitrix scortationum & abominationum terræ iusta ratione appelletur? Verum quamvis hujus adulterii & scelerum merito dignissima sit, quæ omnino ac perpetuò à Deo & Ecclesia illius rescetur; eam tamen ad clementiæ suæ gloriam & electorum salutem nondum repudii libello penitus abjecit. Quoniam nec sacras literas tanquam divinas fœderis sui tabulas abstulit, nec Ecclesiæ tesseram Catechismum Christianum (seu publicam quinque summorum illorum doctrinæ salutaris capitulum, *Articulorum fidei, Decalogi, verborum institutionis, cum Baptismi, tum cænæ & precatationis Dominica confessionem*) quamvis impura explicatione mirifice conspurcatum. Præterea reliquit etiam hætenus ministerium Euangelii & usum Baptismi Christiani, si rem ipsam consideres, bona parte legitimum: licet plurimis traditionum humanarum additamentis pollutum. Adeo ut Deus hisce modis inde à temporibus Apostolorum fideles & Ecclesiam etiam in mediis Papatus tenebris habuerit hætenus, qui verbo Euangelii conversi & Baptismo Christianæ Ecclesiæ inserti sunt. Verbum enim Dei efficax est ad fidem ingenerandam instrumentum, & multi in Papatu illud pure in summis capitibus declararunt, donec persecutione sub odioso hæretici nomine fervente, occisi sunt; aut Dei gratia elapsi majori fiducia sub Christianis Dominis ac patronis veritatem asseruerunt; quemadmodum experientia in *Iohanne VViclepho & Hussio* aliisque plurimis demon-

stravit. Quinimo illud libere ac vere etiam profiteri audeamus, quamvis omnes cœtus Christiani, qui extra Pontificii dominatus pomœria versantur, prorsus essent sublati, vera tamen Ecclesia Christi (cujus nos membra esse profitemur) nondum interiisset, ut quæ aliqua adhuc parte in Papatu permansit. Sicut enim temporibus Eliæ ac præter illius opinionem in Israël septem hominum milia supererant, quæ genua sua non incurvarant Baali Rom. 11. 4.: ita & multi fideles in Papatu reliqui sunt, qui aut omnino bonâ conscientia Deum colunt, aut cum infirmitate aliqua fundamentum retinent & idololatriam errorefque Pontificis averfantur. Quamobrem neque hosce neque infantes in Papatu natos à fœdere & Ecclesia Christi excludimus; sed illud in quæstione versatur; *An Pontifex suis sectatoribus tam doctoribus quam auditoribus, qui falsam illius doctrinam ac idololatriam approbant ac tuentur, vera & Orthodoxa Christi Ecclesia sint, nec ne*: Quod ut Orthodoxi negant: ita contra, Pontificii id perpetuò jactant & inter cæteros à FRANCISCO COSTERO Jesuita acriter in *Enchiridio controversiarum de religione* contenditur. Cujus operis examen ad divinæ, quæ in nostris ecclesiis docetur, veritatis defensionem exorsus ad controversiam *De vera Ecclesia Christi* perveni: in qua hæc quæstio ab adversario agitur, collecta Pontificiorum argumentorum medulla. Quapropter ex instituti mei ratione hanc etiam disputationem pro modulo expendi & Costerum ordine confutavi, ut veræ Ecclesiæ & Dei gloriæ inservirem. Quum verò dispicerem, quibus potissimum meam hanc opellam inscriberem & recepto more dedicarem, Nobilissimi, amplissimi, clarissimi, doctissimi ac prudentissimi Domini, nec non reverendi, doctrina ac pietate spectatissimi viri, charissimi in Christo fratres, vestræ virtutes ad sese allicientes dubitationem omnem exemerunt. Nam quis adeo rerum anteaclarum imperitus, ut ignoret; aut adeo impudens, ut neget heroicam illam & invictam gubernatorum & civium ARNHEMIENSIIUM in potentissimo & ab omni parte circumjecto & ingruente patriæ hoste propulsando fortitudinem ac constantiam, & in mediis belli tumultibus fidelissimam pastorum in Ecclesiæ institutione & accurata gubernatione curam & communem omnium, præsertim magistratus erga Dei verbum pietatem, & erga ministros illius reverentiam & amorem singularem. Unde non immerito laudatissimæ memoriæ & judicii accuratissimi *Principem Auriacum* pietatis nomine celebrare solitum referunt *Magistratum Arnhemensem & populum Campensem*. Qua ratione allectus sum, ut A.V. compellarem: sed eò potissimum me adduxit honoris & amoris mihi olim in benevola ad ministerium Euangelii apud vos obeundum vocatione exhibiti memoria grata. Oro igitur ac rogo V. A. & P. ut exigua hanc meæ erga vos observantiæ declarationem æqui bonique consulatis. Quod uti confido, ita Deum quæso ut V. A. & P. cum in civili, tum in Ecclesiastica gubernatione, concordia, pietate & felici rerum successu magis magisque florentem reddat, & in vera doctrina, vera Christi Ecclesia & libertate tueatur, ac conservet ad hostium oppressionem & communem Ecclesiæ & Reipublicæ salutem ac Dei gloriam. Leydæ Anno MDCII. pridie Calendas Aprilis.

V. A. & P.

Addictissimus

FRANCISCUS GOMARUS

EXA-



## EXAMEN CONTROVERSIARUM

DE

## GENEALOGIA CHRISTI.

Reverendis ac Doctissimis viris,

D. ABRAHAMO MUSHOLIO,

ET

D. ÆGIDIO BURSIO, fidelissimis Evangelii Ministris :  
 illi, in Ecclesia Bredana, munere defuncto : huic, in Ecclesia  
 Middelburgensi, strenuè fungenti,

Salutem, à Deo Patre, per Iesum Christum.



NON immeritò (reverendi ac doctissimi viri) & olim, & nostra memoria, pii atque eruditi, Sac. Lit. interpretes, plurimum, in *Genealogia Christi* indagatione, atque assertione, desudarunt. Siquidem hac in re, non de lana caprina, aut asini umbra, neque de *infinitis* atque alienis *Iudaorum Genealogiis* 2. Tim. 1. v. 4. Tit. 3. 9. sed de veneranda, Servatoris nostri, ab Adamo, Abrahamo, Davide, secundum divinas promissiones, origine, disceptatur. Eaque, non ex *anilibus* hominum *fabulis*; sed è sinu Dei, per Spiritus Sancti Evangelistas docentis ac ducentis, afflatum ac descriptionem, promanavit. Ac propterea, ut ab *inutilibus ac vanis Iudaorum Genealogiis*, declinandum, divinitus præscribitur: sic contra, Christi Genealogia (ut quæ, Sacra Evangelii scriptura continetur) ob auctoris sui maiestatem, & materię, de Christo Davidis filio, utilissimæ ac memorandæ, dignitatem, 2. Tim. 2. 8. serio perscrutanda. Idque eo, majori cura, contendendum, ut, hac ratione, & piis hominibus, de genuina illius intelligentia laborantibus, benignè succurratur; & graves impiorum, adversus Evangelii veritatem, calumniæ, ad Dei gloriam, fortiter retundantur. Quippe, ut inhumanum est, suam iis, qui sacre doctrinæ studio flagrant, opem denegare: ita non minus in sacra, quàm profana Græcorum, militia, turpe est atque infame, *ἡ ψαροπόων* numero, per ignavam, justæ defensionis, desertionem, aggregari. Quamobrem neque ab officio alienum, neque ingratum fore, existimavi, si eruditorum ac piorum quorundam petitione sæpius acriusque stimulatus, aliorum industriam imitater, & ad sanctum *Genealogia Christi examen* ac patrocinium, studium operamque, pro tenuitate mea, commodarem. Quod si autem à proposito scopo, examen nostrum, aberrasse, comperiat; non recusato quin pro meritis in lectoris spongiam incumbat: qui una litura correctum,

*Deferat in vicum, vendentem thum & odores*

*Es piper, & quicquid cartis amicitur ineptis.*

Sin verò (ut melius ominor) aliquantum commodi, ad hujus materię notitiam ac vindicationem, attulerit, viamque faciliorem, ad varias priscorum ac recentium Theologorum sententias dignoscendas, comiter monstrabit; non frustra operam impensam, arbitrabor. Ac quamvis, majoris labor & mora, requirebatur, ut opus per-

fectum, decies castigetur ad unguem: confido tamen fore, ut benigni lectores, tenuitatis meæ conscii, conatum & mediocre studium, pro humanitate sua, boni consulant. Neque eos (uti spero) nostra, in sententiarum, vulgò variè probatarum, discussione, libertas offendet, sed necessaria, in admirabili illa opinionum varietate; directio, veritatis amor, & Dei gloria (à nobis seriò spectata) excusabunt, ac faventiores reddent. Si quis verò arbitretur, alia ratione, longè melius, potuisse consuli: eum meliora docentem, lubenter audiam, & sapientis illius dicti memor,

*Cur nescire, pudens præve, quàm discere malo?*

Sententiam lubens, saniore percepta, commutabo. Tanta enim veritatis est majestas, ut ei fasces, ab omnibus, meritò submittebantur: & ab ea vinci, egregia sit victoris: quum errore nostrum, illius notitia, devictum subjugamus. Vobis interim (reverendi ac doctissimi viri) per tenuem hunc libellum, in publicum amoris & observantiz monumentum, pro officii ratione, multis nominibus, dedicandum duxi.

Tibi quidem, D. *Musholi*, propterea quod vetusta ab annis, plusquam quadraginta (ob eruditam pietatem tuam) amicitia, & duplici, affinitatis proximæ, vinculo, sumus conjunctissimi. Tibi verò D. *Bursi*, primum ob præclara tua, in me merita: aded ut neminem, in amicitia sanctè fovenda, magis fidum atque officiosum (pro laudabili tuo, uxoris piissimæ, & liberorum tuorum patrissantium, & genitorum ingenio) longa annorum intercapedine, sim expertus. Deinde, quod hujus, de Genealogia Christi examinis, adornandi atque edendi primarius sis auctor. Quum enim (te non ignaro) quædam eadem de re, rudi Minerva, occæpissim, eaque neglecta, velut luce indigna, tardipedi aut blattis devovissim; tua tamen postulatione crebra, & officii mei conscientia motus, manum tandem, rejectis schedis, admovi, & de integro telam adorsus, pertexere studui. Adeo ut siquid hac in re forte, à nobis sit peccatum, partem oneris, in te auctorem, non iniquè mihi videar rejecturus. Quod reliquum est, reverendi ac doctissimi viri, ut levidense hoc munusculum, serena fronte (pro vestra, in naturam Versa consuetudine) accipiatis rogo: Deumque supplex oro, ut vos, cum familiis, ac liberis vestris, quàm diutissimè sospites, & doctrina ac pietate Ecclesiæ suæ prælucentes, ad nominis sui gloriam, tueatur. *Groninga Anno Christi 1610 c xxvii. Calendis Junii.*

Vestrum observantissimus

FRANCISCUS GOMARUS.

INDEX

# I N D E X R E R U M E T V E R B O R U M

Locupletissimus : ubi ingens potissimum utilissimarum  
distinctionum Theologicarum Copia exhibetur.

*Numerus Paginae Primi Tomi index est, litera a & b Columnam primam & secundam indicat.*



**A** *Seculo & ante secula* probe conveniunt 12. b  
*A seipso*, notat, vel  
 — efficiendi potentiam :  
 — ordinem tantum ac primum efficiendi terminum 301. a  
*A seipso esse* dicitur, aut  
 — positivè, à se effectum esse :  
 — negativè esse *à se* non 756. a 757. b  
*Aaronis bractea* quid adumbrare 298. b  
*Ablutio* spiritualis fit. vel  
 — per justificationem, à peccati poena :  
 — per sanctificationem, à peccati sordibus. idque ratione  
 1. domini :  
 2. reliquiarum. 357. a  
*Abnegare seipsum*,  
 proprie, est negare se esse,  
 quod est :  
 metaph : negligere ac se averfari 72. a  
*Abnegare seipsum* jubet Christus  
 — non simpliciter :  
 — sed secundum quid : & quidem  
 — non quatenus homo sanctus est :  
 — sed quatenus Dei mandato adverfatur, vel  
 — per se, carne :  
 — per accidens ; vel  
 — bona. non bene :  
 — media contra universale aut particulare Dei mandatum faciendo ibidem  
*Abnegare impietatem*, hoc est, averfari ibidem  
*Abolitio* diaboli per Christum non est absoluta, ratione substantiæ, sed secundum quid, ratione imperii 618. a  
*Abominatio* Meton : pro abominando 127. b  
*Abominatio* desolationis, varie exponitur 126. & seq.  
*Abraham* quo modo  
 & filii vitam amant :  
 & amori illius renunciant. 72. b  
 — *heres mundi* dicitur. ibidem  
 — obtulisse Isaacum. 648. a  
*Abrahami obedientia* in patria & sanguine junctis relinquendis. 72. b  
 — Semen, aliud est  
 — Carnis : cujus & typus & exemplum est Isaac :  
 — Promissionis : cujus typus & simul exemplum, Isaac 433. b  
*Abcondere mysteria Evangelii*, metaph. ignota non patefacere 58. a  
*Abconditio* Evangelii, est vel  
 — externa, cum ea, aut  
 — non proponitur :  
 — obscure parabolis involvitur :  
 — interna, cum ea clare proposita, aut  
 — non intelligitur :  
 — intelligitur quidem ratione  
 — sententiæ :  
 — sed non veritatis ibidem  
*Abstracta* pro concretis, ad rei exaggerationem, Græcis, Latinis, Hebræis usitata 268. b  
*Abyssus* pro mari 718. a  
*Acceptio* Filii Dei, vel  
 — propria, manibus corporis :  
 — metaph. manu spirituali, fide 237. b. 268. b  
*Acceptio gratiæ* justificationis fit manu fidei 246. b  
*Accessus ad Christum*, pro invocatione illius 644. a  
*Accessus* ad Deum  
 — per preces, in terris :

— ad illius gloriam, in cœlis 59. b  
 — notat vel  
 — invocationem illius :  
 — communionem cum illo 674. a  
*Accipere testimonium Christi*  
 — Christum, est credere in eum 225. a. 237. b. 268. b. 474. b  
*Accipere personam*, quid sit 573. b  
*Accipere vitam* quomodo dicatur Deus 772. b  
*Actio* una bona non potest abolere habitum vitiosum acquisitum : multo minus innatum 115. b  
*Actus* ille, quo Christus à spiritu in desertum subductus est, accideritne interno instinctu, an verò externo raptu 24. a  
*Adamus* ante lapsum habuit  
 — potentiam  
 — credendi omni Deo verbo 93. a  
 — in Christum ibidem  
 — vires respiciendi à peccatis 93. b  
 — credendi remissionem peccatorum per Christum 48. b. 98. a  
 — perfectionem partium & graduum : sed non durationis 401. a. 668. b  
 — non habuit jus vite æternæ 172. b. 404. b. 460. b  
 — *Primus homo à terra* 222. b. 312. a  
 — quomodo Christo opponatur 312. a  
 — Typus Christi 333. b. 406. a  
*Adami & Evæ miraculosa* non minus formatio, quam Christi 214. b  
*Adami peccatum* non proprium, sed toti posteritati commune 333. b  
*Adami & Christi similitudo* & dissimilitudo 405. a  
*Adamum servatum*, verisimile & credibile 265. b  
*Adesse* metaph. favere, adjuvare 160. a  
*Adoptio* est vel  
 — generalis, externa, ad filiorum Dei cultum, destinatio & vocatio :  
 — specialis, efficax in filium & heredem Dei, per fidem & Christi communionem vocatio 422. a  
*Adoptionis*, in  
 — antecedentem, regeneratione :  
 — & consequentem, hereditate in cœlis, distinctio Maldonati inepta 241. a  
*Adoptio* in filios Dei, improprie, pro adoptionis illius, per resurrectionem gloriosam patefactione 240. a. 217. b. 422. a. 609. a. b  
*Adorate Deum* in Spiritu & veritate, quomodo  
 — Patribus V. T. conveniat :  
 — Novo Test. fit propria 283. a  
*Adorandus* Christus qui est homo, sed non quæ est homo 215. a. b  
*Adoratio* quid & quotuplex 215. a  
*Adoratio*  
 — propria, quæ osculo fit :  
 — impropria, corporis prostratione 26. b  
 — utram diabolus à Christo postularit ibidem  
*Adoratio totius corporis* in terram prostratione, coram aliquo, reverentiæ causa 26. b  
 — civilis :  
 — religiosa ibidem. 764. b  
*Adoratio civilis* orientalibus usitatissima 769. a  
 est vel  
 — propria :  
 — metaphorica vel

— vi extorta & fucata :  
 — ex agnitione culpæ. libera & seria 764. b  
*Adoratio*, Judæis erat vel  
 — propria ac promiscua, ubique licita :  
 — synec : solennis & cum sacrificiis conjuncta, templo Hierosolymitano adstricta 282. a  
*Adoratio* Judæorum solennis, ad arcem propitiatorium aspiciens : & privata vultu ad templum converso, quid adumbrant 283. a  
*Adoratio* pedum Pontificis R. Idololatricæ 769. a  
*Adoptionis objectum*, solus Deus 215. a  
*Adorationis ritus*,  
 — osculari manum :  
 — alius, osculari idolum 26. a. b  
*Adventus Christi* est vel  
 — humilis :  
 — gloriosus 714. b  
*Adventus Christi* est vel  
 — corporalis  
 — prior, qua homo factus :  
 — ultimus, ad judicium :  
 — spiritualis, per  
 — externam Evangelii prædicationem :  
 — internam Sp. S. operationem 613. b  
 — vel  
 — spiritualis, ratione uberioris gratiæ :  
 — corporalis,  
 — primus, post resurrectionem, ad Apostolos :  
 — secundus, ultimo die 366. b  
 — vel  
 — personæ illius, ad judicium universale :  
 — particularis, patefactione præsentis potentæ & justitiæ in contumaces 763. b  
*Adversarius*, Satan, accipitur vel  
 — relatè, ratione actionis, ac per infirmitatem :  
 — absolute, ratione universi studii, idque vel  
 — communiter, ut ecclesiæ persecutores & hæretici quivis :  
 — *κατ' ἐξουσίαν*, diabolus Antichristus 589. a  
*Adversatur* Antichristus Christo, ratione  
 — personæ ipsius, cujus gloriam violat :  
 — ecclesiæ, quam oppugnat ibidem  
*Adversatur* homo Dei mandato,  
 — per se, carne :  
 — per accidens.  
 1. quando bona non bene agit :  
 2. quando media & libera contra mandatum Dei  
 — universale, aut  
 — particulare facit 72. a  
*Advocare* & *advocatio* Tertulliano pro consolari & consolatio 370. a  
*Advocatus* Apostolorum, qua convenientia, & in modo ac mensura, discrepantia fuerit &  
 — Christus, &  
 — Spiritus S. 371. b  
*Enigma* sacrum de Christo. 225. b. 723. a  
*Æternitas* est infinita ac successione omnis expers duratio. 209. b  
*Æternitas* personæ & sacerdotii Christi quibus modis distincta. 231. a  
*Æternum* quicquid est, semper est. 597. a  
*Æternum* est vel  
 — simpliciter & absolute, principio & fine carens :  
 — secundum quid & relatè tantum ad finem. 163. a  
*in æternum*, id est, nunquam. 339. b  
 llllll

in æternum duratur quomodo dicantur  
ceremoniæ. 163. a

**Æthiopes** Macrobi locustis viventes. 17. b

**Affectus** non cadunt in Deum. 92. a

**Afflictio** & persecutio quomodo differant. 585. b

**Afflictiones** ecclesiæ in utroque Testamento  
etiam sunt Christi, 650. a

— quatenus iusta gaudii materia. 666. a. b

— quo sensu dicatur efficere maximum glo-  
riæ pondus. 400. a. b

— tolerantiam efficiunt  
— non per se:  
— sed per accedens gratiæ Christi & auxi-  
lii divini. 404. a

**Afflictionum** acerbitas qua consolatione mi-  
tiganda. 687. a

— fidelium & infidelium discrimen. 407. a

**Afflictiones** Deus immitit,  
— non semper, ut peccatum puniat:  
— sed alio sape, eoque vario fine. 331. a. b

— semper tamen iusto. 331. b

— quatenus pii refugiant & deprecen-  
tur. 666. b

**Agnitio** Synecd: pro agnitione Dei & qui-  
dem salutari. 577. b

**Agnitio** Christi duplex,  
— una, per regenerationem:  
— altera, citra regenerationem, per solam  
doctrinam Evangelii, & Spiritus S. il-  
luminationem. 468. a

**Agnitio veritatis**, Synecd. pro vera fide. 461. a

**Agnoscere** qui & Themistiani, hæretici, Chri-  
sti Deitati ignorantiam tribuentes. 351. a

— eorum argumenta confutata. 351. b

**Agnoscere** pro approbare. 409. b

**Ala** metaph. pro exercitu etiam in Sacr. Li-  
teris. 127. a. b

**Allegoria** est, in qua  
— non duæ res inter se comparantur:  
— sed continuata metaphora, per similitu-  
dinem, una res tantum indicatur. 80. a. b

**Allegoriæ** curiosæ & ineptæ titillant quidem  
aures: sed sanctam Theologiam conta-  
minant. 252. b. 294. a. 304. a

— earum primus autor, Philo.  
— propagatores Cl. Alexandrinus & Origenes.  
— scopus & fructus noxius. 254. a. 305. b

— vitandæ 305. a. 326. a

**Allegoriæ** dogmata fidei non certo stabiliunt:  
nisi Sacr. lit. explicatio earum contineat-  
ur 424. b

**Allegorica** pro figuratis & typicis 516. b

**Alogi** & Alogiam hæretici 207. b

**Altissimus** cur dicatur Deus. 162. b

— absolutè, de tribus personis:  
— relatè ad Filium, de Patre intelligitur. ibid:

**Ambulare** scrium studium notat 721. b

**Ambulare in tenebris**  
— in luce, quinam dicantur. ibid:

**Amen**, verus  
verè  
veritas. 261. b. 447. b

**Amen dicere** ad gratiarum actionem, mos  
etiam in ecclesia Romana, Hieronymi  
tempore. 482. a

**Amen** infervit vel  
— voto:  
— assertioni. 447. b. 482. a

— apud Johannem semper geminatur. 268. b

— cur geminetur. 261. b. 481. b

— in voto. 447. b

— in assertionem. 448. a

— non est iuramenti forma. 268. b. 269. a

— iuramentum esse, quam antiqua sit sen-  
tentia. 482. b

**Amici**, anima una in diversis corporibus Py-  
thagoræ dictum. 560. a

**Amor** est vel  
— generalis, benevolentia omnibus homi-  
nibus, ex lege charitatis, debita:  
— specialis, quo quis familiari affectu ali-  
quem complectitur. 345. a

**Anabaptistæ**  
— asserunt Spiritum S. esse materiam cor-  
poris Christi: quod prolixè confuta-  
tum. 1. 2. 3.

— carnem Christi esse ex substantia Patris  
coelestis. 168. a. & seqq.

aut  
— ex semine æterno Patris: nec aliter Chri-  
stum appellari Filium Dei. 637. a

— contra naturam & scripturam, sceminis  
desse semen. 2. a

— nomina personæ Christi, cum nominibus  
naturarum confundunt. 169. a. & seqq.

— fatentur carnem Christi non fuisse ab æ-  
terno: sed verbum carnem factum in Ma-  
ria. 171. a

— Sententia sua de mutatione Verbi in car-  
nem, tollunt

Deitatem  
Christi, ante & post nativita-  
tem: 168. a

imò & Patris & Sp. S. 168. a. 723.

**Anabaptistæ** conjugifugæ. 700. a

**Anabaptistarum** error, de persona Christi,  
unde ortus. 723. a

**Anathema** notat  
1. rem Deo devotam:  
2. metaph. exitio devotum atque exe-  
crandum. 473. b

**Anathema** & **catathema** quid differant. 474. a

**Anathema à Christo**, id est, anathemate à  
Christo percussus. 421. a

**Anathema** esse à Christo quo sensu optarit  
Paulus:  
— & G. Nazianzenus. 421. a. b

**Anathema** intelligi potest, vel  
— simpliciter & in perpetuum:  
— temporale & secundum quid. 421. b

**Anathema** simpliciter esse, optari piè non  
potest. ibid.

**Angeli** sunt vel  
— boni:  
— mali.  
— princeps:  
— subditi 323. a. b

— pluresque sint boni, an mali. 324. a

— in historia creationis *Cæli & exercitus cele-*  
*stis* nomina continentur. 324. b

— quomodo dicantur  
— *Angeli potentia Christi*. 586. a

— *Dii*. 614. a. 755. a

— *Exercitus celestis Dei*. 190. a

— *Filius Dei*. 608. a

— *Flamma ignis*. 614. b

— *Michiælis*. 158. a

— *Spiritus*. 749. a

— *Throni, dominia, principatus, potesta-*  
*tes*. 550. b

— *Viri*. 158. a

— Deo etiam in hypocritarum condemna-  
tionem interviert. 85. a

— Dicta sua interdum testimonio aliquo  
confirmant. 5. a. b

— an habeant nomina propria. 158. a

— non possunt dici à Christo reformati. 217. a. b

— quale ministerium Christo in deserto  
præstiterint. 31. a

— male à quibusdam corporei statuuntur. 616. a

— non sunt invocandi: quia non sunt omni-  
scii. 774. a. 775. b

— significantur per 4. animalia in Apocal. 772. a. b

— an per mortem Christi à periculo lapsus sint  
liberati. 554. & seqq.

**Angeli**, qui Dei participatione iusti sunt, ejus  
comparatione nec iusti sunt. August. 554. b

**Angeli** diaboli an  
— eodem peccato,  
— tempore:  
— sua sponte: an vero  
— Diabolo hortante lapsi sint. 326. a

— non à Satana, sed cum Satana è cælo pro-  
jecti. 324. a

— Spirituales maliniæ. 327. a

**Angelorum**  
— voce, absolutè demones significari non  
solent. 530. a. 619. b

— apparitiones, eas etiam fidelibus timorem  
incutiant. 161. a. 188. b. 189. a

— & beatarum animarum sanctitas, sanctis  
actionibus non sit perfectior: sed conti-  
nuatur. 236. b

— copia. 190. a

— externa & ardens species quid adum-  
bret. 551. a

— ministerio, primaria Evangelii mysteria  
patefacta. 188. a

— mediator, an rectè dicatur Christus. 554. & seqq.

— ordinem aliquem esse, ex sacris lit. constat:  
sed eum definire temerarium. 549 & seqq.

**Angelis** an peculiaris certarum animarum cu-  
ra attributa 326. b

**Angelos**, solo Christi favore Deo gratos esse,  
non satis rectè dictum. 555. a

— ante mundum visibiles creatos esse, mi-  
nus rectè quidam Veterum statuerunt  
605. a

**Ἀγγελολογία** confutata 749. b. 750. a

— etiam in concilio Laodiceno rejecta 565. & seqq.

**Anima** Latinis propriè anhelitus. 675. b

— pro toto homine 177. b. 227. b

— catachresi, pro corpore mortuo 717. b

**Anima** Lazari mortui fueritne in ejus corpo-  
re, sed sine unione personali 345. & seqq.

**Anima ibi verius est, ubi amat, quam ubi animat.**  
August. 560. b

**Animam ponere**, mori 336. b

**Animam** suam odisse, quo sensu jubeantur  
discipuli Christi 421. b

**Animæ** fidelium in morte à corpore peccati  
liberantur 38. b. 176. b

**Animæ** ex parentibus non propagantur  
651. b

**Animarum** Pythagorica *μετεμψυχοσις*, an vi-  
guerit inter Judæos 331. a. b

**Animalia** bruta an ultimo die cum cælo &  
terra, in melius mutanda; an vero im-  
mutabilia 133. a

vel  
— simpliciter in nihilum:  
— in sua elementa 133. b

**Animalia** 4. Ezechielii & Johanni Apostolo  
demonstrata,  
— non notant 4. Evangelistas:  
— sed Cherubim, angelos 155. a. b

**Animus duplex**, id est, fallax 38. b

**Animi** partes  
mens, intelligentia:  
cor, voluntas 554. a

**Animi** puritas opposita duplici animo 38. b

**Anni Filii Dei**, metaph. 232. b

**Antanaclassis** exempla in voce  
— Christus 86. b

— edere 223. b

— ex 2. a

— lex 516. b

— *λογος* 623. a

— Jerusalem 86. b

— mortui 223. b

— 614. b

— mundus 86. b

— 223. a

— pavor 223. b

— peccatum 86. b

— 614. b

— peccata 26. b

— præputium 86. b

— servire 30. b

— spes 223. b

— spiritus 614. b

— sustulit 223. a

— delere de libro vitæ 767. a

**Anthropomorphitarum** error confutatus  
249. & seqq.

**Antichristi** vox intelligitur, vel  
— generatim, pro falso doctore & quovis  
Christi adversario:  
vel  
— specia-

— speciatim & *κατ' ἐξῆς*, de insigni il-  
lo 726. a

**Antichristus**  
— an ex tribu Dan oriturus 142. b  
— an persona singularis absolute & unica  
numero 388. b

— Christo adversatur, ratione  
— personæ ipsius  
&  
— Ecclesiæ 389. a

— effere se supra Deum  
— non verbis :  
— sed factis & re ipsa ibid.

— quomodo jam Apostolorum temporibus  
extiterit 390. a

**Antichristi ortus duplex,**  
— in præcursoribus hæreticis :  
— in ipso met 726. a

**Antichristianam doctrinam quam insidiosè  
paulatim sparserit Satan** 390. & seqq.

**Antidicomarianitæ unde dicti** 8. a

**Antitypum quid notet** 699. b

**Aoristus subjunctivus futuri habet significa-  
tionem** 70. b

— pro futuro indicativo  
— pro imperativo frequenter ponitur ibid.

**Aoristus secundus medius, non tantum futu-  
ri, sed etiam præteriti significationem ha-  
bet** 240. b

**Απειροκαταστατος** in Sacris Lit. non pauca 28. b

— id demonstratum, in voce 309. b

— ecclesia,  
— Jerusalem,  
— mundus 86. a  
208. b  
639. b

— victoria

**Aperire os, formula Hebræis familiaris :**  
— pleonasmus : aut  
— emphasis : ut notet, aut  
— clamorem :  
— initium sermonis 31. b

**Apes in Judæa quam copiose fuerint** 16. a

**Apocalypsis, vox sacris tantum scriptoribus  
usitata** 747. b  
ibid.

— quid significet  
— impie *καταστατος* dicitur 754. a

**Apocalypsis materia distributa in**  
— præterita,  
— præsentia,  
— futura 470. b

**Apocrypha Novi Testam. : quænam sint Lu-  
theranis** 663. b

**Apocryphus liber**  
— Jeremia 142. a  
— Henochi 143. a

**Aposiopesis in S. & prophanis authoribus usi-  
tata** 491. b  
481. b  
622. a  
491. b

— ejus causæ varæ

**Apostasia universalis verè fidelibus nunquam  
contingit : idque**  
— per accidens certum, à Deo destinatum &  
promissum, nempe conservationem divi-  
nam.

— quamvis fieri possit, ratione impotentia  
fidelium & potentia hostium 43. b

**Apostolus**  
— propriè, legatus :  
— Synecd. legatus ad prædicationem Evan-  
gelii. accipiturque, vel  
— Latus, pro eo, qui non unam tantum  
ecclesiam instituit, sed promulgando  
passim Evangelio inservit : qui & Evan-  
gelista dicitur.

— angustius & *κατ' ἐξῆς* sic dictus 386. a  
683. b

Hujusmodi autem Apostoli alii sunt  
— à Christo mortali designati & post resurre-  
ctionem confirmati :  
— à Christo immortalis, è cœlis, instituti : ii-  
que vel  
— undecim Apostolis statim ab ascensione  
infecti : ut Matthias :  
— duodecim Apostolis postea adjuncti : ut  
Paulus & Barnabas 683. b

**Apostolus professionis nostræ, Christus** 386. a  
683. b

**Apostoli,**  
— *ἀποστόλοι*,  
in doctrina :  
non in vita 498. a

— Christo vivente, non habuerunt missionem  
perpetuam, sed temporariam 286. b

— Baptizati, non à Christo ipso, sed Johan-  
ne 262, 263

— dicti  
— Columnæ 493. b  
— Fundamenta cœlestis urbis ibid.  
680. a

— Lux mundi.  
— stellæ 434. b

— interdum scripturæ dicta recensent, scri-  
ptoris & scripturæ nomine omisso 5. a

— in itandis testimoniis sæpe non verborum  
ordinem, sed sensum sequuntur 9. a

— sensus rationem habent, non sin-  
gula verba enumerant 23. b

— miracula ediderunt non pro suo arbitrio  
& potentia : sed ut instrumenta & secun-  
dum spiritum instinctum 338. b

— miraculorum,  
— non causa efficiens :  
— sed imperans & impetrans 55. a  
100. a. 232. a. 259. a

— instrumenta,  
— non propriè  
— sed improprie dicta 55. b  
4. a

— missi Spiritus Sancti, die Pentecostes, sub-  
jectum,  
— omnes,  
& soli 263. b

— quomodo post Christi resurrectionem &  
acceptum Sp. S. in templo Hierosolymita-  
no adorarint 282. b

— scripserunt ad omnes, dum ad quosdam  
471. b. 595. b. 665. b

— septuaginta interpretum phrasi usi 258. a

**Αποστολ. gentium κατ' ἐξῆς** dicti, Paulus &  
Barnabas 386. b. 683. a

**Apostolorum, notata**  
— ambitio pertinax 360. b  
— ignorantia & incredulitas 259. 260.  
368. a

— *ἐπισημία* 362. b

**Apostolis mellioribus promissa merces, non  
merita, sed gratuita.** 284. 285

— peculiariter promissa est deductio per Sp. S.  
in omnem veritatem 373. b

**Aptitudinis ad credendum Remonstrantes  
causas fingunt duas,**  
— gratiam naturalem sufficientem.  
— naturalem libri arbitrii potentiam  
109. b

**Apud Deum esse, an significet soli Deo no-  
tum esse**

**Aqua metaph. de Sp. Sancto** 262. a

**Aqua Bethesda :**  
— Jordanis  
— Siloe, an causa instrumentalis proprie  
dicta miraculorum in iis editorum  
294. a. b

**Aqua Bethesda quid adumbravit** 1. 295. a. b  
— an sit figura efficacia baptismi 296. a. b

**Aqua viva, metaph. è fonte fluens, ejus utili-  
tas insita & effectum** 287. b

— an significet regenerationis gratiam  
288. a. 290. b

— gratiam consolationis Sp. Sancti de  
justificatione accepta 288. b

— an rursus evomatur 289. a

**Aquæ vivæ & doctrinæ Evangelii collatio**  
287. a. b

**Aquam sanguini adhibitam fuisse in a'persio-  
nibus V. T. unde credibile sit** 640. a

**Arca Noë an figura Spiritus Sancti & pa-  
cis** 23. a

**Archangeli, non archangelorum, in Sacris lit.  
fit mentio** 551. b

**Arguo, ἀνίστημι** significat,  
— ostendo :

— reprehendo :  
— convinco 375. a

**Arrius & Eunomius scientiam Filii cum Patre  
*ὁμοῦσι* & æqualem negarunt** 194. b

— eorum argumenta confutata ibid. b.  
& seqq.

**Artemo, hæreticus Evangelium Johannis  
quasi à Cerinthio scriptum rejecit** 205. b

— ejus sectatores *ἀλογῆ* & Alogiani di-  
cti ibid.

**Articulus in Græcis non semper necessa-  
rius** 545. b

— non semper emphasin habet : sed sæpe  
redundat 588. b

**Articulus, cum *ἵνα* & *ὥστε* fit mentio di-  
stincta,**  
— interdum utrique præponitur :  
— interdum in utroque omittitur :  
— interdum priori præponitur & in poste-  
riori omittitur 711. a

— ubi diversæ personæ indicantur, sæpe prio-  
ri tantum præmittitur 743. b

— præpositivus pro propositivo Græcis sæpe  
usurpatur 440. a

**Articuli, in constructione ambigua, ad sub-  
jecti cognitionem, imprimis habenda est  
ratio** 614. b

**Ascendere in cælum, an ullibi notitiam signifi-  
cet** 196. a. 271. b

**Ascendit Christus in cælum vi**  
— dignitatis suæ :  
— divinæ suæ naturæ 271. b  
331. b

**Ascensio in cælum fit, vel**  
— per se, propriis ascendentis viribus :  
— per alium, viribus alterius 271. a

**Ascensio Christi quomodo certum deitatis il-  
lius argumentum : etiam si angelicam po-  
tentiam non superet** 531. b

**Ascensionis Eliæ & Christi discrimen** ibid.

**Ascensione sua quomodo Christus exaltatus  
sit secundum utramque naturam** 532. a

**Asperio sanguinis Christi quid sit** 466. a

**Asperisionis instrumenta lana coccina & hyss-  
opus** 640. b

**Assamoni, aliis Maccabæi** 184. a

— an genere materno ex tribu Juda ibid.

— *ἱλλυρες* dicti Josepho 185. a

**Assumere, suscipere**  
— in gratiam & communionem.  
— in unitatem personæ 168. a. 226. a. 529. a

**Assumptio formæ servilis**  
— non est humanæ naturæ Christi obedientia  
— sed actio propria, quatenus Filius Dei 179. b

— alia est  
— corporis solius, dividua & temporalis :  
— totius naturæ, hypostatica & indivi-  
dua 529. & seqq.

**Assumptio humanæ naturæ an sit pars humi-  
liationis Christi** 531. a

— non tollit simplicitatem Filii Dei 230. a

— non est compositio : sed quasi apposi-  
tio ibid.

**Assumptionis formæ servi**  
— subjectum :  
— modus :  
— duratio :  
— finis 529. a. b

**Avaritia repugnat præcepto**  
— octavo & primo 570. a. b

— idololatria *κατ' ἐξῆς* dicitur ibid.

**Audire synecd. pro audire cum obedientia,  
credere** 329. b. 334. b. 336. a. 339. a

**Ave, χαίρει** 159. b

**Avere non notat gaudere proprie** ibid.

**Augustinus quædam in concionibus minus  
accuratè tractat, quæ in disputatione soli-  
dè explicat** 310. a

**Augustini dictum, non crederem Evangelio &c.  
quomodo intelligendum** 700. b

**Aures ad audiendum & oculos ad videndum  
habere quid notet** 94. a

**Authoritas est vel**  
— divina :  
— humana 448. a

**Αὐτῶς ἵσα, & Christo verissimum** 720. b

iiii a Au-



**Auxilium Dei, ad credendum necessarium**  
 — Pontificis duplex  
   - sufficiens 767. b  
   - efficax 80. a  
 — Remonstrantibus,  
   sufficiens:  
   non perficiens 108. b  
**Auxilium Dei, quo electos à seductione &  
 exitio servat, est**  
 — Defensio à malo, &  
 — Conservatio in bono: eaque  
   p. externa per verbi Dei doctrinam  
   - hortationes,  
   - reprehensiones:  
   p. interna: efficacia Spiritus Sancti.  
**Utrique inservit precatio**  
 — Christi, &  
 — Christianorum:  
   - pro se  
   - pro aliis electis 130. b  
**Auxilium quod miseris ex misericordia præ-  
 standum, est vel**  
 — immediatum, per nos,  
   - verbis  
   - factis.  
 — mediatum, nostra commendatione,  
 apud  
 — Deum, precibus:  
 — homines, hortatu & rogatu 38. a

**B.**

**Baptismus alius est**  
 — merè externus:  
   - cum interno conjunctus 701. b  
 — *ἀντιπύρι* conservationis Israelitarum per  
 mare transuentium & submersionis Pha-  
 raonis 625. a  
 — aquæ diluvii 699. a  
 — an Christo necessarius 20. a  
 — cur dicatur  
   - circumcisio Christi 562. b  
   - lavacrum regenerationis 59. b  
   - nos servare 262. b. 357. b. 700. a  
   — Patribus, *πατρός* 771. b  
**Baptismus sine regeneratione esse potest**  
 262. b  
 — typus & causa instrumentalis remota,  
   - mortificationis,  
   - sepulture  
   - resurrectionis nostræ cum Christo 562.  
 563.  
**Baptismus Christi, iustitia Dei** 20. a  
**Baptismi, ex Christi cum percipientis facto,  
 commendatio** 20. b  
 — & fidei necessitas non est eadem 262. b  
 — res significata breviter & nervose explica-  
 ta 20. a. b. 357. b  
 — significatio, vel  
   - generalis: quæ etiam Christo quadrat:  
   - specialis 21. a  
**Baptismo quomodo tribuatur**  
 — circumcisio cordis 562. a  
 — regeneratio & iustificatio 563. a. b  
**Baptismus**  
 — etiam infantibus absolute necessarium,  
   Augustini tempore, communis opi-  
   nio 262. a. 263. a  
 — in Sacris lit. non semper præcedit do-  
   ctrina & fides 147. b. 148. a  
 — in circumcissionis locum successisse con-  
   tra Anabaptistas probatum 568. a  
**Baptismo fides non infunditur, sed excitatur  
 & confirmatur** 59. 60  
**Baptizandi fœderati Deo**  
 — soli 148. a. b  
 — omnes  
**Baptizare accipitur vel**  
 — propriè:  
   - metaphoricè 18. a  
**Baptizare Spiritu S. quid sit** 18. a. b. 222. a  
 232. b  
**Baptizat Christus Spiritu Sancto & igni bifa-  
 riam:**  
 — ordinariè  
 — extraordinariè 18. b. 262. a. b.

**Baptizati in mortem Christi quid sit** 408. a  
 — *ἐν τῷ θανάτῳ* 513. a  
**Baptizati apud veteres Patres solebant**  
 — indui novis vestibus:  
   - ungi:  
   - lac & mel prægustare 562. a. b.  
   qui ritus orti ex metaphoricis quibusdam  
   Scripturæ phrasibus ibid. 571. b.  
**Baronii mala fides & negligentia in autoribus  
 abducendis** 155. a  
**Bartholomæi Caranza, in summa Conciliorum,  
 fraus notata** 565. b  
**Beatitudo Dei, qua in re consistit** 223. b  
**Beatitudo hominis consistit in visione & frui-  
 tione Dei,**  
 — non absolute:  
 — sed quatenus capere potest creatura ra-  
   tionalis 252. a  
**Beatitudo eorum, qui vetitatis & iustitiæ  
 causa, crucem patienter ferunt, mul-  
 plex** 697. a  
**Beatus**  
 — generatim, felix:  
 — speciatim, beatitudine æterna re aut spe  
   præditus 32. a. 161. a. b. 697. a  
**Beelzebub, Dominus muscæ, idoli Accaro-  
 nitarum nomen** 323. b  
 — cur diabolo impositum ibid.  
**Beelzebub, dominus stercoris** ibid.  
 — cur diabolus dicatur ibid.  
**Behemoth non diabolus: sed elephantem  
 notat** 328. 329.  
**Belial**  
 — hominum sceleratorum nomen 323. b  
 — diaboli, *κατ' ἐξοχήν* ibid.  
 — unde compositum, & quid significet  
 323. a. b  
**Benedicere**  
 — propriè ad sermonem refertur, notatque  
   - laudare:  
   - gratias agere:  
   - bona optare.  
 — meton: effici  
   - benefacere 160. a  
**Benedicunt homines Deo, cum laudant &  
 gratias agunt.**  
 — Benedicit Deus hominibus, cum beneficia  
   conferat 686. a. 160. a  
**Benedicta in mulieribus, id est, felicissima  
 mulierum** 160. b  
**Benedictio, *εὐλογία***  
 — propriè, qua bene alicui dicimus  
   - laudando:  
   - precando.  
 — meton: beneficia notat:  
   & *κατ' ἐξοχήν* divina, vel  
   - corporalia & temporalia:  
   - spiritualia & æterna 697. a  
**Benedictio æterna & temporalis quo discrimi-  
 mine ecclesiæ addicatur** ibid. b  
**Benedictio divina quid notat** 507. a  
 — quam Christus attulit, quid significet  
 564. a  
**Benedictio humana est vel**  
 — vulgaris:  
 — sacerdotalis ac solennis 635. b  
**Benedictus, est vel**  
 — laudatus:  
 — beneficio affectus 160. a. b  
**Beneficentiæ remora,**  
 — hominum ingratitude,  
 — indignitas:  
 — egentium copia:  
 — facultatum nostrarum angustia 522. a  
 — gradus ibid. b  
**Beneficium Christi breviter & nervosè expli-  
 catum** 4. b. 5. a  
 — meriti Christi  
 — solutio pœnæ, &  
 — impletio obedientiæ 177. a  
**Beneficium Dei, *νομῶν* dici potest vel**  
 — simpliciter & absolute:  
 — secundum quid & relate 221. a. b  
 — singulare, intelligitur vel  
   - absolute:  
   - comparatè 122. b

**Beneficii divini finis, officium nostrum**  
 43. a  
**Beneficia Dei extraordinaria misero populo  
 Judaico, paulò ante Messiae adventum col-  
 lata**  
 — prophetiæ restitutio:  
 — miraculum sanationis in Bethesda 294.  
 2. b.  
**Benignitas qualis virtus** 519. b. 574. b  
**Bernardus peperam inter Patres recensetur**  
 551. b  
 — qui & qualis scriptor ibid.  
**Betheder pro Bethesda non Hieronymi, sed  
 Erasmi commentum** 293. 294  
**Bethesda, domus beneficentiæ, misericor-  
 diæ:**  
 — non domus gregis 294. a  
**Bethesda miraculum sanationis, an typus sa-  
 nationis spiritualis** 295. 296  
**Bethlehem Patribus Græcis *βηθλεὲμ* τῆς ἀγίας**  
 10. a  
 — à loci fertilitate sic dicta ibid. & 187. a  
 — in ejus nominis impositione mysterium  
   statuunt Patres 10. a. 187. a  
 — duplex 10. a  
**Bethlehem Ephrata** ibid.  
**Bethlehem Judæ:**  
 — civitas David: ibid. 87. a  
 — terra Judæ 10. a  
 — oppidum, *κώμη* 12. b  
**Bibere metaph: pro credere** 228. b  
**Blasphemia**  
 — vox origine Græca 341. a  
 — propriè & generatim est convitium seu  
   maledictum quodvis: sive in  
   - creaturas,  
   - angelos  
   - homines:  
   - creatorem.  
 — impropiè & speciatim, *κατ' ἐξοχήν*, ma-  
   ledictum adversus  
   - Deum 62. a. 572. a  
   - hominem 341. a  
**Blasphemia spiritus, notat obiectum, non cau-  
 sam efficientem** 62. a  
**Blasphemiæ in Sp. S. definitio ejusque expli-  
 catio** 62. 63. & seqq.  
 — exempla ibid.  
**Blasphemiæ ex odio destinato etiam electis,  
 ante fidem.**  
**Blasphemia contra conscientiam etiam ele-  
 ctis, post fidem, accidere potest** 62. b  
**Blasphemi in Sp. S. quomodo Christum ode-  
 rint, quem filium Dei & summum bo-  
 num esse non ignorant** 64. a  
**Bona opera,**  
 — debita sunt, jure  
 — universali  
 — creationis ad imaginem:  
 — providentiæ, qua  
   - conservat:  
   - variis beneficiis afficit.  
 — particulari in ecclesiam, ratione  
   - electionis, &  
   - omnium salutis mediorum 415. a  
 — quo discrimine & Deo & nobis adscriban-  
   tur 536. a  
 — ad ea requiritur  
   non solum, finis bonus:  
   sed etiam, principium,  
   forma,  
   medium bonum 576. b  
**Bona opera Christi** 340. b  
**Bona opera fidelium**  
 — bona sunt & accepta Deo,  
   - non per se:  
   sed per Christum 76. a. 154. b.  
   285. a. 298. a. 391. a. 415. b  
 — non simpliciter:  
 — sed secundum quid 298. a. 391. a.  
   335. 336. 668. b  
 — imperfecta sunt: quia  
   - non omnia:  
   - non omnino:  
   - non semper præstant, quæ debent 77. a.  
   298. b. 415. b.  
 — bona

— non à propriis viribus, sed à gratia Dei or-  
ta 284. b  
— non præcedunt, sed sequuntur regenera-  
tionem 121. b. 122. a. 241. a  
— non gratiam parant, sed gratia parantur  
August. 425. b  
— non causis regnandi, sed via regni Bernar-  
di 415. b. 668. b. 709. a  
— non sunt causa efficiens vitæ æternæ; sed  
conditio ac via 415. a. b. 400. a. 535. b  
— per se considerata, ob imperfectionem ex  
rigore legis, non vitam, sed mortem  
merentur 77. b. 154. b. 284. b. 298. a.  
400. a. 415. b. 535. b. 556. a.  
694. b. 740. b  
— quatenus ad salutem necessaria 676. a  
— serviunt  
p. fidelibus  
p. infidelibus 44. a  
— vitam æternam non merentur 42. a. b.  
76. a. 284. b. 298. b. 391. a. 400.  
400. 401. 415. a. b. 668. & seqq.  
— neque partem cœlestis gloriæ 40. b  
— virtutem habent  
— non solum additum, aliorum pecca-  
torum:  
— sed etiam insitum sibi 535. b  
Bonorum & malorum operum quoad meri-  
tum diversa ratio 299. a. 391. a. 415. a  
Bonorum operum coram hominibus finis,  
— proximi edificatio & salus:  
— gloria Dei 448. a  
Bonis viris dicebantur apud Romanos, candi-  
dati 151. b  
Bonitas qualis sit virtus 520. a  
ad Bonitatem rei requiritur  
— non tantum repressio actionis vitiosa:  
— sed etiam naturæ rectitudo  
— inclinationis ac rebellionis insitæ ab-  
sentia:  
— contraria inclinatio ad bonum 412. a  
Bonum dicitur vel  
— simpliciter:  
— secundum quid 297. a  
Brachium, robur & præsidium 227. b  
— Dei 67. a. 351. b  
— Christi 351. b  
Brotia, lapis fulminis 326. b

## C.

**C**adaver, Elifæi sepulchro injectum, non  
vi ossium indita, sed sola Dei omni-  
potentia revixit 292. b  
Cadere metaph. perire: ut contra exsurgere di-  
cuntur, quæ oriuntur 427. a  
Cæcitas spiritualis quanta sit in homine non  
renato 339. & seqq.  
Cædis hominis modi duo  
— actu:  
— voluntate 648. b  
Calcanes Christi, & ejus, à Satana contritio,  
quid notet 31. a. 779. a  
Calculus  
— abolutionis, albus & integer:  
— condemnationis, ater & perforatus e-  
rat 759. b  
Calculus albus addere ibid.  
Calculorum usus antiquus  
— ad numerationem:  
— suffragium,  
in iudiciis:  
— comitiis:  
— Theatris ac stadiis, quis fuerit 759. b  
Caligo de aëre 528. a  
Caligo tenebrarum, ὁφθαλμὸς τῆς οὐρα, id est,  
densissimæ tenebræ, de inferni tenebris  
328. b  
Cana duplex,  
— Galileæ scilicet inferioris:  
— Sidoniorum 290. a  
Candelabrum aureum in tabernaculo, quid  
adumbraret 647. a. 754. b. 771. b  
Candidati apud Romanos dicebantur boni  
viri 151. b

Cætes metaph.: de pseudo-apostolis 540. a  
Canon Vet. Testamenti  
— primò constitutus 5. libris Moysi:  
— deinde expositus reliquis prophetarum  
libris 15. b  
Canones Apostolorum falso sic dicti: sed an-  
tiqui 665. a. 705. a  
Cantica spiritualia unde dicta 573. a  
Caput generatim accipitur pro domino & go-  
bernatore 553. b  
Caput angelorum & hominum Christus ap-  
pellatur analogicè 554. b  
Caput ecclesiæ  
— Christus dicitur, ratione  
— unionis,  
— efficaciarum,  
— dignitatis & regiminis 553. b. 566. b  
— tale est Christus, quod vicarium non  
admittat 559. a. 568. a  
— non est Petrus, nec se agnovit 704. b  
— non est Pontifex R. ne ministeriale qui-  
dem 559. a. 568. a. b  
Caput Satana, vis & potestas illius 778. b  
Caput Satanae Christus contrivit  
1. ratione sui:  
2. — nostri:  
— merito:  
— efficacia sua,  
— pro nobis  
— in nobis ibid.  
Capitis præ cæteris membris præstantia; quod  
in eo omnis sensus sit quinque partitus: in  
cæteris solus tactus 559. b  
Capita in sacris libris sunt vel  
— antiqua & exoleta,  
— nova & usitata 680. a  
Capitulorum mentionem quo sensu faciat  
Tertullianus ibid.  
Caro variè accipitur 505. b  
— Synecdoch. homo 12. a. 177. b. 227. b.  
423. a. 501. b  
— Corpus 74. b  
— speciatim pro muliere, sive uxore 2. a.  
238. a. b  
— vitiositas innata: quæ est cæcitas men-  
tis:  
— obduratio cordis, id est, pravitas vo-  
luntatis  
— affectuum 70. b. 96. a. 117. a.  
409. b  
Hæc caro  
— dominatur in incredulis.  
— reliquias habet in credentibus 70. b  
— à suis actionibus distinguitur 96. a.  
117. a  
— inter hostes fidelium continetur  
240. b. 289. a  
— imbecillis 228. a  
— pro homine naturali, peccato & iræ Dei  
obnoxio 276. b  
— pro circumcisione & ceremoniis legali-  
bus 523. a  
— an speciatim significet hominem imbeci-  
llem, ærumnosum ac despectum  
226. a. 228. a  
Caro peccati id est peccatrix vel peccato ob-  
noxia 274. a. 277. b  
Caro & sanguis variè accipitur 478. b  
— pro homine 119. a  
— pro corpore corruptibili ac mortali  
478. b. 479. a  
— nusquam notat  
— hominem vitis mancipatum 479. a  
— nec carnalem hominis rationem ibid.  
— nec etiam iudaismum ac circumcisio-  
nem carnalem 479. b  
Caro & Spiritus metaph.: dicuntur verus &  
verus homo 409. b. 520. a  
Carnis nomine etiam mens non regenerata  
continetur 414. b. 421. b  
Carnem Christi manducare quid sit 314. b  
Carnales quidam sunt  
— simpliciter & omnino:  
— relatè & secundum quid 409. a. 413. a.  
417. a  
Carnales, pro infantibus in Christo 109. b

Castitas, alia est  
— in conjugio:  
— extra illud 546. b  
Catechumeni, cur candidis vestibus apparere  
solerent 563. a  
Catholica, quænam Epistolæ & quare sic di-  
ctæ 664. b. 665. a. 679. a  
Catholicam, media Patrum ætate, pro ortho-  
doxæ, usurpatam 664. b  
Causa notat vel  
— argumentum & rationem probationis:  
quæ causa consequentiæ.  
— argumentum essentiale, cuius vi res  
est, nempe  
efficiens,  
materia,  
forma,  
finis. 298. b. 336. a  
Causa efficiens, metaphoricè pro occasione rei  
antecedente 553. b. 400. a  
Causa impulsiva est vel  
— efficiens, quæ synecdoch. causa impulsiva  
dicitur.  
— finalis 332. b  
Causa per accidens accipitur  
— propriè, cum præter intentionem effi-  
cientis aliquid ab eo fit 191. a  
— impropriè, per metath.: pro occasio-  
ne tantum antecedente 119. b.  
553. a  
Causa per acciden-  
— dissidiorum: 191. a  
— exaccationis, non rectè dicitur Chri-  
stus 353. a  
Censura in proximum, vitiosa est, quæ pec-  
cat, in  
— re;  
— modo,  
— fine 676. b  
Cephas unde dictus Petrus 681. a  
— Græcis non significat caput ibid.  
Cepha generatim significat  
— lapidem,  
— non speciatim lapidem ingentem, ac  
rupem ibid.  
Ceremoniæ  
— adumbrarunt;  
— non contulerunt remissionem pecca-  
torum 563. b  
— remissionis  
— causæ adjuvantæ ibid.  
— non principales  
— quomodo dicantur  
— duraturæ in æternum 163. a. 566. a  
— umbra rerum futurarum ibid.  
— bonorum futurorum.  
— ὁφθαλμὸς τῆς οὐρα:  
— ὁφθαλμὸς τῆς οὐρα:  
— αἰνέσις 247. b  
Ceremoniæ legales,  
— quo sine Deo institutæ 565. a.  
642. a  
— per Christum sublata ratione  
— necessitatis  
— &  
— usus 565. b  
— à Pontificiis ex parte in usum revoca-  
tæ 567. b. 641. b  
Ceremoniæ quædam Patrum ex metaphori-  
cis Scripturæ phrasibus ortæ 563. b.  
571. a  
Ceremoniarii  
— in Vet. Testam. utilitas & usus va-  
rius 646. b  
— usus in Nov. Test.  
— sublatus in observatione:  
— permanet in lectione & comparisone  
cum eventu 567. b  
— in ecclesiam invecetarum origo & pro-  
gressus 568. a  
Ceremoniis qua mente usi Apostoli 565. b  
Certamen, quod Paulus pro ecclesiis susti-  
nuit, fuit, partim  
— internum  
— sollicitudo ex earum periculis.  
— assidue preces.

- Certamen**  
 — externum  
 — fidelis & assidua gentium institutio:  
 — inde orta persecutionis tolerantia 559. a
- Charitas**  
 — donum fidelibus peculiare 732. b  
 — quid sit 420. b  
 — est vel  
 — Dei  
 — hominum:  
 — nostri  
 — proximi ibid.  
 — quomodo dicatur *vinculum perfectionis* 573. a  
 — interna cordis arcana Deo relinquens, ex rebus externis in optimam partem iudicat 84. b  
 — ut etiam in rebus dubiis 526. a
- Charitas Dei est, vel**  
 — qua diligit:  
 — diligitur 404. b. 593. b  
 — quomodo effusa dicatur in cordibus fidelium 404. b
- Charitatis autor, Deus**  
 — exterius, mandato:  
 — interius, Spiritus sanctificantis efficacia 732. a
- Charitatis divinæ, in adoptione nostra, excellentia** 727. a. b
- Charitatis opera cum præcipiuntur, etiam charitatis virtus unâ intelligitur** 115. b
- Cherub**  
 — ejus vocis etymologia varia & dubia 552. b  
 — quomodo vocetur Rex Tyri 324. a. 551. b
- Cherubim, qui faciebus obversis, arcæ propitiatorium intuebantur, quales imagines fuerint** 638. b  
 — quid significarint ibid.
- Cherubim gloria cur ab Apostolo dicantur ibid.**
- Cherubim insidere quomodo dicatur Deus ib.**
- Chiliastra quinam dicti** 746. a. b
- Christus**  
 — pro ecclesia tota cum capite suo 86. a. 510. b  
 — nomen personæ, cui utriusque naturæ attributa tribuuntur 430. a  
 — pro imagine iustitiæ Christi in nobis 572. a
- Christus**  
 — Abnegavit seipsum, ratione  
 — non virtutis, qua caruit:  
 — sed boni sui temporalis 71. a  
 — Adversariorum conatus repressit, interdum  
 — immediate, vi divina:  
 — mediis usus 305. b  
 — An ideo baptizatus, ut baptismum nostrum in se sanctificaret 21. a  
 — ipse quinquam baptizavit 262. b  
 — in nobis peccata habuisse, rectè dicatur 20. b. 21. a  
 — revera à diabolo assumptus & translatus:  
 — an verò tantum visione & imaginatione 27. 28  
 — ex tribu Juda & Levi mixta, sit prognatus 637. b  
 — & sibi gloriam meruerit 532. b. 533.  
 — advocatus Apostolorum quomodo fuerit 372. a  
 — Angelus & angelus foederis 749. b  
 — Autor non tantum vitæ æternæ: sed etiam animalis 219. a  
 — Adorandus, qui homo: non qua homo 215. a  
 — Agnus 253. b. 254. b. 255. a  
 — Dei 255. a  
 — mactatus à fundatione mundi 255. a  
 — assumpsit formam servi, non servum 530. a  
 — Brachium Domini 352. a  
 — cur in baptismo Spiritum S. acceperit, cum ante baptismum cum abunde habuerit 23. a  
 — cur baptizatus 20. b. 21. a
- caput angelorum & hominum appellatur analogicè 554. b  
 — ecclesiæ, qua metaphora dicatur 553. b  
 — circumcissus cur 195. 196  
 — circumcissionis minister quomodo dicatur 196. a  
 — cogitationes humanas secundum utramque naturam novit; sed distincto modo 300. a  
 — crevit sapientiâ,  
 — non sanctitatis:  
 — sed prophetica 235. b. 279. b  
 — qua homo: non qua Deus 235. b  
 — crevisse gratia apud Deum & homines, quomodo dicatur 236. a  
 — crucifigi, cur debuerit 274. b  
 — David Rex cur dicatur 162. b. 290. a
- — Davidis filius 162. b. 169. b  
 — genus.  
 — germen 169. b  
 — radix ibid. 774. a  
 — desiderium omnium gentium 189. a  
 — Deus appellatur  
 — non improprie & certo modo:  
 — sed proprie & absolute 614. b  
 — Deus verus, Patri æqualis 301. 302. 306. b. 355. a. b. 620. b. 766. 767  
 — David me nunquam vocatur 458. a. 570. b  
 — Diabolum & mundum judicavit, id est punivit.  
 1. merito mortis suæ:  
 2. Evangelio & spiritu misso  
 — ecclesiæ adversus mundi & diaboli fraudes & vim conservatione:  
 — electorum ex mundi & diaboli potestate vocatione efficaci 375. a. b.  
 — dicere potuit, ut lapides panes fierent:  
 & cur illud, diabolo imperante, recusavit 27. a  
 — Dilectus quo delectatur Pater: dilectus ille 23. b  
 — Docuit  
 — sedens  
 — stans 31. a. 321. a  
 — Dominus dicitur ratione  
 — muneris, &  
 — redemptionis 578. a. 592. b
- Jure  
 — creationis & gubernationis  
 — donationis paternæ & redemptionis suæ 596. b  
 — relatione, vel  
 — particulari, ad fideles:  
 — universali, ad omnes homines & angelos 535. a  
 — Dominus à Patre factus, secundum utramque naturam: sed diverso modo ibid.  
 — Dominus angelorum,  
 — qua Filius Dei, simpliciter ratione  
 — & ministerii:  
 — & essentiae eorum,  
 — creatæ,  
 — conservatæ:  
 — qua filius hominis, ratione ministerii 213. a. b. 215. a  
 — Dominus ecclesiæ secundum utramque naturam 213. a  
 — Dominus gloria 213. b  
 — Dominus omnium, est  
 in statu  
 — humiliationis, jure & officio:  
 — exaltationis, usu & patefactione pleniore 535. a  
 — generatim, ratione potestatis ac potentie:  
 — speciatim, ratione  
 — gratiæ salutis, quam fidelibus omnibus offert & confert.
- obedientiæ voluntariæ, quam ab iis refert 604. b  
 — Doctor, seu Magister, quo sensu dicatur 331. a  
 — unus ibid.  
 — Doctrinæ suæ occasionem sæpè & re præfenti petit 357. a  
 — Electionis causa,  
 — principalis, cum Patre, quatenus Deus  
 — subordinata, quatenus mediator 429. a
- Ex  
 — Israëlitis 423. a  
 — Patribus 169. b  
 — Ex celo venisse, descendisse, superne venisse dicitur,  
 — non ratione doctrinæ cœlestis:  
 — nec formationis miraculose:  
 — sed Deitatis in carne patefactione 222. b  
 — Esse, in sinu Patris, quomodo dicatur 222. a  
 — omnia in omnibus 572. a  
 — Exaltatus secundum utramque naturam, sed diverso modo 215. b. 476. b. 477. a  
 — Excœcasse oculos qua ratione dicatur 352. b
- Expiat peccatum sacrificii sui  
 — merito &  
 — applicatione 78. a  
 — Expiatio tantum est pro peccatis hominum & quidem fidelium: non reprobis 86. a. 106. a  
 — Exponit Patrem, id est, notitiam Patris & voluntatis illius confert.  
 — modo externo & organico, prædicatione totius Evangelii, secundum humanam naturam:  
 — interno ac principali, illuminatione mentis, secundum divinam naturam 197. b  
 — Factus, qua filius hominis: æternus Deus, qua Filius Dei 608. a  
 — Factus ex semine David 162. b  
 — Factus pro nobis peccatum, quomodo dicatur 20. b  
 — Fides cur dicatur 750. b  
 — Finis legis. 432. a. b  
 — Filius Dei, quomodo dicatur 23. a  
 — proprius: natura, non gratia 212. b. 214. b. 232. b. 233. a  
 — Filius hominis *ἱσχυρὸς* dictus  
 — quibusdam ab excellentia humilis conditionis  
 — aptius ab excellentia dignitatis officii 65. a. b. 272. b. 752. a  
 — Filius Dei & Filius hominis distinctè dicitur 214. a  
 — Fili regis dictus 82. b  
 — Fideles  
 — Angeli, quo discrimine dicantur filii Dei 608. a. b  
 — Frater fidelium,  
 1. ratione imaginis Dei & hereditatis cœlestis:  
 2. participatione carnis 167. a. 572. b. 418. a  
 — Fructus lumborum Davidis 162. b. 323. a  
 — Fructus, qua similitudine dicatur 169. b. 648. a  
 — Genitus ex semine humano quomodo sit, nec tamen peccato obnoxius 2. b. 164. b. 170. a  
 — sic genitus in Maria, ut etiam ex ea sit genitus 3. a. 164. a. 169. b  
 — genitus resurrectione dicitur  
 — non proprie:  
 — sed meton: subjecti pro adjuncto, à Patre genitus ac filius Dei declaratus 235. a  
 — Chri-

- Christus  
— *gloria Dei* 3. b  
— gloriam à Patre recipere quomodo dicatur 608. a  
— Habet  
— Deum, tantum secundum humanam naturam 212. b  
— Patrem, secundum utramque, sed diverso modo 686. a  
— Homo verus, sed non merus 450. a  
Christus homo (non Christi humana natura) est filius Dei 200. a  
— humanæ naturæ assumptione angelis factus inferior:  
— sessione verò ad dextram iisdem superior quomodo dicatur 608. a  
— idem donorum suorum simul & dator & acceptor: sed non secundum idem 215. a  
— in Paschate cur sacrificatus 253. b  
— in corde terræ:  
— sepulchro tres dies & tres noctes fuisse quomodo dicatur 66. a  
— Iudex mundi, ratione officii regii 198. a  
— in statu  
— humili, jure  
— glorioso, & jure & facto ibid.  
— iudicium universale exercebit secundum utramque naturam 297. b  
— iustificat & personas & opera fidelium 556. a. 669. a. 695. a  
— *iustitia nostra*, meton. 432. a  
— iustus cum fuerit, quomodo non iniuste à Patre afflictus 701. b  
— iuravit 47. a  
— lapis extremus angularis cur & quomodo dicatur 693. a. b  
— imus an summus intelligatur ibid.  
— per se omnibus fidelibus lapis fundamenti salutaris:  
— per accidens improbitatis humanæ lapis offendiculi 444. b. 694. a  
— Leo ex tribu Juda 169. b  
— & Levi, quo discrimine in lumbis Abrahami fuerint 636. a  
— loquitur de se sæpe in tertia persona 336. a  
— lux mundi:  
— hominum:  
— illa  
— vera 43. b. 220. 221  
— Prophetæ & Apostoli, quo discrimine *lux hominum* dicantur 221. a  
— martyr verissimus 765. b  
— mediator  
— non solum sermonis, ut Moyses:  
— sed etiam reconciliationis nostræ cum Deo 625. a  
— mediator angelorum dici non potest, nisi præter Scripturam & valde ambigue 554. b. 555. a  
— minorem Patre quo sensu se agnoscat 224. a  
— miracula sua effecit secundum utramque naturam: sed diverso modo 332. a  
— vi sua, & quidem divinæ naturæ 55. a. b. 100. a. 198. b. 232. b. 259. a  
— morbos cur nullos pertulerit 202. b  
— morborum sanatione miraculosa  
— non artem declaravit: sed signa edidit 302. a  
— significavit  
— se spirituales animi morbos curare 295. a. 299. a. 303. a. b  
— se liberatorem nostrum à pœnis æternis 304. a  
— mors, resurrectio, ad dextram Patris, exaltatio, fuit terminus  
— electionis populi Judaici:  
— reiectionis populi Idumæi & reliquarum gentium 425. a  
— mundi peccatum quomodo tollat 256. b  
— Nasci debuit & natus est: nondum ablato sceptro Judæ 183. & seqq. 187. a  
— natus est noctu 189. b  
— Nazareus quomodo fuerit, etiamsi ea fecerit, quæ Nazareis interdicta 16. a  
— non habuit auctoritatem politicam iudiciariam 322. a  
— non tradidit leges politicas 49. a  
— non novisse peccatum quo modo dicatur 196. b  
— non est mortuus, ut elementa & ratione destitutas creaturas reconciliaret: ut Theodoretus statuit 555. b  
— non est mortuus, pro iis, pro quibus noluit orare 378. a  
— pro reprobis 710. b  
— non prius electus, quam fideles 430. b  
— non venisse missurus pacem, sed facturus dissidia, quomodo dicatur 191. a  
— nosse omnes  
— omnia quomodo dicatur 280. b  
— nuptialis convivii & sponsus & cibus est 84. a  
— & vestis 84. b  
— obdurasse corda quomodo dicatur 353. a. b  
— ovium  
— ostium  
— &  
— pastor, diverso respectu 336. a  
— Pascha 253. b. 254. b. 255. a  
— *Pater seculi* 12. b  
— Panis vitæ est secundum utramque naturam:  
— divinam, ut causa principalis;  
— humanam, ut principali inserviens 170. b.  
— panum multiplicatione & corporis nutritione, se panem cœlestem esse designavit 304. a  
— Pax  
— nostra  
— pacis princeps 191. a  
— *plenus gratia & veritate* 169. b  
— pertulit, in passione,  
— non solum corporis dolores, ab hostibus:  
— sed etiam inferni poenas nobis debitas, animo & corpore, à Deo inflatas 140. b.  
— pertulit dolorem partus nobis debitum 141. a  
— plus boni nobis contulit, quam Adami peccatum abstulit 179. b. 405. b. 407. b  
— præstantior angelis & minor angelis, quo sensu dicatur 199. a  
— precatus pro impetrando Spiritu S. 23. a.  
— etiam, pro sua resurrectione 372. b  
— primogenitus dici potest, vel ratione divinæ:  
— humanæ naturæ: vel  
— proprie, nativitate è Maria: metaph:  
— primogenitus inter multos fratres 419. a. 613. a  
— dicitur, vel  
— proprie: vel qua  
— Deus:  
— homo:  
— metaph: princeps ac dominus 750. 751  
— primogenitus est absolute  
— non ratione temporis humanæ naturæ:  
— sed ratione causæ & dignitatis 419. b  
— quomodo dicatur  
— primogenitus Mariæ 8. b. 137. b  
— inter multos fratres 188. a. 554. a  
— ex mortuis 553. b. 750. b. 751. a  
— primus resurrexit ex mortuis,  
— non absolute:  
— sed ad vitam immortalem,  
— cum tempore:  
— tum causa 554. a  
— principium 553. b  
— creaturæ Dei quomodo dicatur 765. b  
— principem mundi, id est, diabolum quomodo eiecit foras 349. a  
— pro quibusnam oraverit in cruce 378. a  
— quatenus suscitatus 450. a  
— quomodo suos à peccato & morte liberet 349. a  
— *αὐτὸς ὁ πατήρ* 3. a. 168. b. 214. b  
— baptizet Sp. S. & igni 19. b. 221. b  
— quatenus Deus Sp. S. baptizat.  
— homo, plenissime eo donatus 23. a. 232. b  
— quatenus  
— Deus illuminat omnes homines, qui illuminantur:  
— homo, non omnes, nec omnino  
— Dei filius, mittit quatenus filius 221. b  
— hominis, rogat Patrem ut mittat Sp. S. 224. b  
— Radix Davidis  
— Isai 169. b  
— Reconciliavit nos Deo  
— merito  
— efficacia 555. a  
— Rex ecclesiæ,  
— Revelatus quot modis 512. b  
— qua filius Dei, à principio:  
— qua filius hominis, factus ex decreto & donatione Patris 162. b. 213. a. 604. a  
— Rogat Patrem secundum humanam naturam 214. a. 347. a. 372. b  
— Sacerdos &  
— Victimæ, &  
— Altare, &  
— Templum &  
— Tabernaculum, diverso respectu 84. b.  
— 282. b. 607. a. 637. a. 646. b. 649. b  
— *salus mea*, à Patre dicitur 4. a  
— *σωτήριος αἰνῶν*  
— *σωτήριος ἦν* 4. a. 191. a  
— sanctitatis exemplar  
— & causa 187. b  
Christus homo est  
— sanctitatis exemplar  
— & causa 572. a  
— sanctus *ἁγὸς ἰσοχρῆς* 726. b  
— *τὸ ἀγιον* 166. b  
— perfecta sanctitate,  
— innata naturæ:  
— enata vitæ 764. a  
— semel passus quomodo dicatur 698. a  
— sapientia analibi quam Proverb. 8. in V. Test. vocetur, disquiri potest 209. a  
— quatenus Deus  
— non tantum sapiens & sciens:  
— sed etiam scientia & sapientia & relatè *sapientia Dei* dicitur 196. a  
— semen Abraham 169. b  
— Satanæ caput quomodo contriverit 778. b  
— Satanam quibus armis vicerit 26. a. 27. a  
— secundus homo, dominus è cœlo 222. a  
— Servator mundi quomodo dicatur 5. a.  
— 237. a  
— sermo gratiæ 153. a. 206. b  
— vitæ 153. a. 171. a. 720. b  
— servus dicitur, ratione  
— Dei Patris:  
— hominum 530. a  
— servus Dei cur dictus 351. b  
— servus est ac manet relatè ad Patrem & secundum humanam naturam:  
— Dominus est relatè ad creaturās:  
— infinite secundum divinam:  
— finite secundum humanam naturam 528. a  
— similis hominibus quomodo dicatur 530. b  
— sensit in passione etiam dolores inferni 629. b  
— *sol iustitiæ* 43. a  
— semel tantum dicitur 209. a  
— *spes illa gloriæ* 558. a  
— *stella matutina* 761. a  
— Tempestatis sedatione se domitorem maris ac ventorum, verumque Deum ac dominum demonstravit 305. b  
— Tentatus similiter nobis per omnia quomodo dicatur 28. b  
— Testis qui testimonium perhibuit veritati  
— doctrina  
— per se  
— suos ministros: Apostolos & alios discipulos.  
— factus:



— factis: partim  
— sanctitate vitæ:  
— constantia mortis 750. b  
— *Θεοδωρος* esse cur debuerit 230. a.  
231. b  
— Traditurus regnum Deo Patri quomodo  
dicatur 163. b  
— ubique totus præsens tanquam Deus: &  
in aliquo cœli loco propter veri corporis  
modum 561. b  
— vestis nuptialis, qua signitudine dica-  
tur 84. b  
— vestis Esavi instar 177. b  
— via 711. a  
— & per eam incedendi modus 369. b  
— veritas  
— vita 368. b. 369  
— via ad Patrem, ratione accessus ad gratiam  
— gloriam 369. b  
— vitæ æternæ causa propinqua & per se  
— impulsiva  
— &  
— exequens &  
— sibi  
— nobis 369. a. b  
— vicario opus non habet 754. a  
— vidisse Patrem quomodo dicatur 199. a  
— unigenitus & Filius Dei, an dicatur ob  
miraculosam à virgine formationem  
214. a. 233. b. 602. b  
**Christi**  
— actiones quas & quatenus imitari debea-  
mus 26. b  
— actiones sanctæ creverunt  
— non gradu:  
— sed numero 236. a  
— affectus omnes sine vitio 347. b  
— anima an omnia 137. & seq. 279.  
& seq.  
— An habuerit in hac vita scientiam beato-  
rum 198. & seq.  
— apparitiones duæ ab Evangelistis non  
descriptæ, à Paulo notatæ 142. b  
— Boni pastoris officium  
— oves adversus lupos tueri.  
— aberrantes reducere atque ita servare  
290. a. 340. a  
— carnem esse ex substantia humana, co-  
piosa probatio 169. b  
— cibus, facere voluntatem Patris 284. a. b  
— corpus quomodo templo adumbratum  
260. b  
— cum arbore vitæ collatio 758. b  
— Isaaco 781. b  
— propitiatorio 393. b  
— Manna 306. & seq.  
— dictum ab Evangelistis omisum, à Paulo  
citatum 142. b  
— & prophetarum V. T. comparatio discrimi-  
men 603. a. b  
— Deitas etiam ex regeneratione ecclesiæ  
stabilitur 604. b  
— & Christianorum unio quomodo diffe-  
rant 615. a  
— & ecclesiæ unio & inde communio mu-  
tua passionum & gloriæ 255. a  
— facta non omnia sunt repetita: sed quæ-  
dam semel tantum facta 319. a  
— semper cum ratione conjuncta: et-  
iam si ea non semper constet 305. a. b  
— majestati quomodo nihil derogat, quod  
sine culpa, reatum nostrum & poenam  
in se suscepit 508. b  
— mandatum ad fidem duplex  
— fidei  
— charitatis 724. a  
— miracula, à Satanæ operibus admirandis  
distinguuntur  
— forma, bifariam:  
— sine 302. 303  
— cur in afflictis sanandis potissimum oc-  
cupata 302. b  
— mos, inter precandum in cœlum suspi-  
cere 23. a  
— nativitas cur primum pastoribus pate-  
facta 188. a

— natura humana divinæ unita est, sed non  
una 200. b  
— utraque concurret ad commune *ἀπὸ κοινῆς*  
— gratiæ & veritatis 198. 199  
— iudicii universalis 199. b  
— vitæ æternæ 312. a  
— naturæ humanæ formatio, Trinitatis o-  
mnis 215. a. 233. a. b  
— omnis actio, est nostra institutio 446. a  
— personæ distinctio respectu diversarum  
naturarum, Patrum sententiis illustra-  
ta 348. a. b  
— potentia, gladio ancipiti comparata  
622. b  
— præstantia multiplex præ sacerdotibus &  
victimis V. T. 607. a. b. 636. b  
— persona: non humana natura est Iudex  
mundi constituta 198. a  
— primogeniti, præ fratribus, prærogati-  
væ 419. b  
— regnum, etiam mundanum fore, Ju-  
dæorum error:  
— & Apostolorum ad tempus 1. 72. b  
— resurrectio, certum Deitatis illius argu-  
mentum 383. b  
— suscitatio, tribus personis communis  
450. a. 689. b  
— cur Patri sæpius attribuitur 450. a  
— translatio vera à diabolo facta, an ejus ex-  
cellentia repugnet 28. a  
— translationis illius utilitas ibid. b  
— zelus, in prædicatione Evangelii 31. a  
**Christo**  
— in deserto propositum erat, diabolum humi-  
liata vincere: non potentia. Hieron. 27. a  
— quomodo dicatur Deus dedisse spiritum  
non ex mensura 138. a  
— quo discrimine omnia data dicantur, in  
statu  
— humiliationis.  
— exaltationis 534. a  
**Christum** è sepulchro, lapide per Angelum  
remoto exisse, rectè vulgò traditur 145. a  
— inducere, quid significet 512. b  
— dicuntur fideles  
— unione mystica:  
— sanctificatione spiritus, qua ejus san-  
ctitatem imitantur 572. b  
— pro nobis mortuum esse, Deo id volente,  
copiosè probatum 452. b  
— esse ante omnem rem creatam 218. 219  
de Christo, Cyrilli theorematum duo observan-  
da 137. b  
sine Christo, non patet accessus, neque ad  
— gratiam  
— gloriam Dei 160. b  
**Christiani**  
— quo auctore sic dicti 702. a  
— qua similitudine, cursoribus, athletis,  
luctoribus & pugilibus comparen-  
tur 365. a  
— quid spectant, in citandis gentiliis di-  
ctis 228. a  
**Christianis**  
spiritus datur pro mensura donationis  
Christi:  
— Christo verò sine mensura 138. 199. a  
279. a  
**Christianorum nomen** quam exosum olim  
gentilibus 702. a  
**Chrysostomus** Origenis admirator & imita-  
tor summus 134. b  
Cibus quilibet ante Moysen licitus 73. a  
Ciborum delectus omnis in religionis nego-  
tio sublatus 367. a  
**Circumcidere pudenda**, Herodotus dixit, pro  
Cute eorum 193. a  
**Circumcidere Timotheum** cur voluerit: Ti-  
moteum verò noluerit Paulus 194. a. 490. b  
**Circumcisio** pro circumcisio 192. b  
— Judæis 445. a. 491. b. 498. a  
**Circumcisio est vel**  
— non sacra: eaque vel  
— superstitiosa,

— gentiliis 193. a  
— Judæorum post Christum 193. b  
— superstitionis experti in Judæis qui-  
busdam ad tempus tolerata 194. a  
— sacra:  
— ejus definitio ibid. 195  
— est vel  
— externa, carnis  
— interna, cordis 543. a. 562. a  
**Circumcisio cordis, sit cultro**  
— obedientiæ Christi, in justificatione:  
— Spiritus Christi, in sanctificatione  
540. b  
**Circumcisio**  
— ante Christum glorificatum, necessaria  
— post Christum,  
— arbitraria, si cultus opinio abesset:  
— concisio idololatrica, si cultus aut me-  
riti opinio adesset 540. a  
— cur abroganda, Christo exhibitio 565. b  
— fuit visibilis promissio & obsecratio ad-  
ventus Christi & circumcissionis in cruce  
futuræ, & fructus illius perpetui 562. a  
— etiam fornicarum Epiphania memora-  
ta 193. a  
— *seculus seculi*, quo sensu dicatur 193. b  
— Israelitarum à Josua peracta, quomodo  
intelligenda 194. b  
— Ziphore illegitima ibid.  
**Circumcissionis**  
— Christi causæ 195. 196  
— & baptismi, res significata eadem: sed  
modus significandi diversus 195. b  
— & Paschatis differentia 194. a  
— instrumentum,  
— culer acutus:  
— non lapis 194. b  
— minister & olim & hodie apud Ju-  
dæos ibid.  
— res significata,  
— Beneficium Dei:  
— officium hominis 194. 195  
**Circumcisionem spiritualem** habemus in  
Christo,  
— merito obedientiæ ad mortem crucis:  
— quod N. Testamento:  
— efficacia divina: quod utrique Testa-  
mento convenit 562. a  
**Citatio Scripturæ**  
— cum aliqua mutatione & additione,  
sine sensu corruptela 30. b. 355. b.  
433. a. 501. a. 509. b.  
649. a  
— etiam Patribus usitata 71. b.  
649. a  
— quoad sententiam tantum:  
— non eadem verba 128. a. 143. a.  
352. b. 433. a. 434. a. 507. b.  
614. a. 644. b. 643. b.  
646. a  
— verborum ordinem 8. a. 27. a.  
143. 646. a  
— sine scriptoris nomine 5. a. 501. a.  
781. b  
— paraphrastica 10. b. 14. & 15. 30. b.  
47. a. 614. 615  
**Citatio fidelis est, vel**  
— ratione rei & circumstantiæ expre-  
ssæ:  
— rei ac sensus tantum 143. a  
**Citatio libri alicujus, cum divinum non fa-  
cit** 742. a  
**Citat etiam Scripturam** diabolus, sed quibus  
perverse omisiss 28. b  
**Citatur in N. T.** non tantum Vetus, sed et-  
iam N. Testamentum 677. b  
**Civitas David, vel**  
— Bethlehem 10. a. 187. a  
— arx Sionis 187. a  
**Civitas magni regis**  
— Dei nostri, Jerusalem 28. b  
**Clavium potestas** non semper notat principa-  
tum 682. b  
**Cleri nomen, iniquè, ad solos pasto-  
res, eorumque seminarium** traditum  
705. a  
— ejus

— ejus abusus antiquitas ex Tertull. & canonibus Apostol.: notata ibid.  
 Caelibatus distinctio, in eum,  
 — qui est, extra conjugium:  
 — in conjugio, aliena 346. b  
 Caelum est vel  
 — invisibile ac summum: quod dicitur  
 — cœlum *αὐτὸ τοῦ οὐρανοῦ* 680. a  
 — cœlum cœlorum 131. b  
 — Tertium ibid.  
 — domus Patris 364. b  
 — Paradisus 758. b  
 — non interibit 131. b  
 — visibile: vel  
 — ærium 21. a. 680. a  
 — æthereum 131. b  
 Cælum novum & terra nova quid notet 1 Petr. 3. v. 13. 132. b  
 Caelum, quomodo dicatur  
 — Claudi 21. a  
 — enarrare gloriam Dei 434. a  
 — patere dicitur, vel ratione  
 — rei & effecti:  
 — meriti illius 649. a  
 — quomodo ante Christum patuerit, aut non patuerit 649. b  
 Caelum S. S. Trinitatis, Thomæ Aquinatis figmentum 325. b  
 Cælumque:  
 — ad cælum:  
 — in cælo, metaph. summam dignitatem notant 325. b. 326. a  
 Caeli apertio, potest vel  
 — reipsa fieri:  
 — specie quadam menti offerri 568. a  
 — quæ in baptismo Christi contigit, qualis fuerit 21. a  
 — ejus causæ ibid. b  
 Caelos apertos quomodo viderit Stephanus 21. a  
 Cæleste, *ἐναγώνιος*, significat vel quod  
 — in cælo:  
 — è cælo:  
 — cælo conveniens 270. a  
 Cælestia, pro tribus excellentioribus non usurpatur in S. Lit. ibid.  
 Cœna dominica  
 — in scriptura nullibi vocatur mysterium 641. b  
 — quo sensu à Patribus ita dicatur ibid.  
 Cœnæ Dominicæ doctrina in se clara, quomodo obscurata 641. b  
 — etiam infidelibus potest tradi 642. a  
 Cogere  
 — propriè, vim ad aliquid agendum, inferre:  
 — metaph. magnam rei causam præbere 498. b  
 Cognatus, *συγγενής* notat propinquum cognatum:  
 — semel tantum eum, qui à communi gentis authore remotius prognatus est 167. b  
 Cognition, alia est  
 — intellectiva:  
 — sensitiva 417. a  
 Cognition  
 — salutis:  
 — Christi, *κατὰ τὴν ἐξοχὴν* de vera fide 171. a  
 540. b  
 Cognition nostra quo sensu abolenda dicitur 687. b  
 Cognition salutis intelligi potest, vel, quæ salus  
 — cognoscitur:  
 — acquiritur 171. b  
 Cognition fidelium in vita æterna qualis futura 417. a  
 Cognition salutis dari dicitur, à  
 — Deo  
 — Evangelio  
 — Evangelii ministris: sed maximo discrimine 171. b. 172. a  
 — duo requirit:  
 — intelligentiam doctrinæ:  
 — agnitionem veritatis 171. b  
 Cognition veritatis,  
 — conversionis principium: 95. b

— multis datur, qui non convertuntur 95. b. 107  
 — sola ad conversionem non sufficit 96. a  
 — à vi, non naturali, sed supernaturali procedit  
 — aut est  
 — viva: quæ solis electis:  
 108. a. b. 171. b  
 — mortua quæ etiam reprobis quibusdam convenit 108. a. b  
 Cognitionis veritatis Evangelii non est causa sufficiens clara illius propositio 110. b  
 Cognitionis modi  
 — per se sua vi:  
 — per accidens revelationis 148. b  
 — ex visione:  
 — ex fide promissionis Dei, quomodo restet inter se convenient 687. b  
 Colossenses an fuerint Rhodii 347. a  
 Columba, quæ in Christi baptismo apparuit, an fuerit corpus solidum, an tantum similitudo 21. b  
 Columnæ illius & Spiritus Sancti unionem hypostaticam statuisse videtur Tertullianus ibid.  
 Columnæ & Sp. Sancti similitudo ibid.  
 Columnæ qualitates 22. a  
 Columna, metaph. pro eo,  
 — qui inter alios eminet & conspicuus est:  
 — qui non tantum eminet, sed etiam alios operâ suâ quodam modo sustinet 493. b  
 Columna & stabilimentum veritatis, quomodo dicatur ecclesia 495. seqq.  
 Columnæ, cur Apostoli quidam dicti 493. b  
 Columnæ, quibus leges inscribebantur  
 — fuerunt quadratæ 495. b  
 — *ἑτεροῦς*, non *ἑνὸς* dictæ ibid.  
 Columnarum usus varius 493. b  
 Columnis apud Antiquos, fœdera leges aliasque inscripta 495. a. b  
 — an etiam tabulis affixis appensa ibid.  
 Commentarii veteris Autoris, in Epist. ad Philip. Ambrosio falsò tribuuntur 602. a  
 Comminationum utilitas 634. b  
 — certitudine perseverantiæ non tollitur 63. b. 64. a. 373. b. 374. b  
 Communicatio idiomatum phrasia de Christo, & qualis 135. b. 166. a. 197. b. 233. b. 234. a. 273. a. 610. a  
 — ejus fundamentum 135. b. 234. a  
 — exempla 135. b. 166. a. 234. a. 273. a  
 — illustratio, per similem quodammodo enunciationem de hominibus, in S. literis 166. b  
 — à Patribus quomodo explicetur  
 Communicationis figura ejusque exempla 600. b  
 Communio Christi intelligitur, vel ratione  
 — initii  
 — continuationis 541. a  
 — est vel  
 — personæ:  
 — beneficiorum ibid.  
 Communio cum ecclesia est vel  
 — externa 726. a  
 — interna 726. a  
 Comparativus pro positivo 445. b  
 Compendium descriptionis occasio erroris 142. b  
 Compleri dicitur dies, quæ ad finem vergit 263. a  
 Completi sunt fideles in Christo  
 — imputatione:  
 — spe:  
 — re: quoad sapientiam salutarem & sanctitatem  
 — non absolutè & simpliciter:  
 — sed comparatè & secundum quid:  
 perfectione  
 — partium:  
 — non graduum 561. b  
 Compositio ex duabus vocibus, Hebræis in nomine proprio usitata:  
 — in accidentis periphrasi insolens 158. a

Comprehensionis & apprehensionis distinctio  
 — rei finitæ:  
 — non infinitæ convenit 39. a  
 Conceptio  
 — non solum in matre:  
 — sed etiam à matre 2. a  
 Conceptio Christi è Sp. S. notat  
 — formationem humanæ naturæ:  
 — unionem illius cum *λογῷ*  
 Conciliatio  
 — Matthæi, cum Marco & Luca 23. b  
 — Matthæi cum Luca, quoad ordinem rei gestæ 27. a  
 — Moysi & Christi 30. b  
 — verborum Christi, in quibus *ἐναρπάζομαι* 44. a. 129. a  
 — facti Christi, Jacobi & Pauli, cum verbis Christi 47. b. 48. a  
 — Matthæi, cum Luca 53. a  
 — verborum Christi Matt. 10. 36. cum verbis angelorum Luc. 2. 14. 191. a  
 — Johannis cap. 1. v. 18. cum 1 Joh. 2. 14. & Evangelii Joh. 14. 7. & Gal. 4. 8. 9. de cognitione Dei, quæ in primo, omnibus denegatur: in reliquis, fidelibus adscribitur 248. b  
 — Johannis c. 4. 38. cum Matthæi c. 10. 1. & 5. de missione Apostolorum 286. a  
 — Genes. 2. v. 2. cum Christi verbis Joh. 5. v. 17. 300. a  
 — verborum Christi Joh. 6. v. 32. 33. cum historia Mannæ Exod. 16. 4. & Psal. 74. 23. 24. 25. 679. a  
 — doctrinæ Pauli & Jacobi de justificatione 395. b. 674. & seqq.  
 — Rom. 4. v. 4. cum verbis Christi Luc. 17. v. 10. 397. b  
 — Gal. 1. 12. cum Act. 9. 17. 476. b  
 — Gal. 1. 17. cum Act. 9. 19. 20. 480. a  
 — 2 Thess. 3. 15. cum Matt. 18. 17. 594. a  
 — Galat. 3. 1. cum Matth. 5. 22. 505. a  
 — Pauli Hebr. 9. v. 19. cum Moysi historia 640. b  
 — Hebr. 9. 29. cum Exod. 24. 8. ibid.  
 — Hebr. 10. 5. cum Psal. 40. 2. 643. a. b  
 — Hebr. 11. v. 11. de fide Saræ. cum Moysi historia Gen. 18. 648. a  
 — Hebr. 11. 21. cum Moysi historia 649. a  
 — Jacobi 1. 25. cum Rom. 8. 15. & Gal. 4. v. 24. 670. b  
 — 2 Petr. 1. vers. 10. cum Jacobi cap. 3. 2. 707. b  
 Concio Luc. 6. an eadem cum concione Domini in monte 32. a  
 — Christi Luc. 10. v. 12. 13. 14. 15. & Matth. 11. v. 20. 21. 22. similis: sed non eadem 55. a. b  
 Conclusio syllogismi, cum interdum verbis, ab antecedenti diversis, ponatur 507. a  
 Concordiæ  
 — pestis  
 — prima, contentio & ambitio,  
 — secunda, *φιλαυτία*:  
 — parens & nutrix  
 1. humilitas animi:  
 2. amor & cura commodi alterius 538. a  
 Concubitus, conjugii officium 8. 9. a  
 — ejus officii exceptiones duæ ibid.  
 Concupiscentiæ primos motus indeliberatos vitiosos esse, non agnoverunt sapientiores ethnicorum 45. a  
 — accedente tamen voluntatis consensu, pro vitiosis habuerunt 45. b  
 Concupiscentiam & flagitia interna, non esse peccata, judicabant  
 — Pharisei:  
 — Josephus:  
 — Kimchi 411. a  
 Concupiscentiam primam esse peccatum, contra Pontificios probatum 411. b  
 412. a. & seqq. 669. b  
 Concupiscentia & affectuum adversus rationem repugnantia, non est à Deo & natura creationis 411. b. 412. a  
 Gen.

- Condemnationis causa**  
 — omne peccatum :  
 — gemina fit, accedente Euangelii con-  
 temptu 591. b
- Conditio in Dei mandatis, prædictionibus,**  
 aliisque sæpe tacetur, quæ tamen intelli-  
 gitur 648. b
- Condonatio, pro condonatione peccati, fre-**  
 quens 173. b
- Confessio Christi Domini, alia est**  
 — ex fide verbi divini :  
 — ex evidentia rei & experientia.  
 eaque vel  
 — libera, quæ bonis :  
 — coacta, quæ malis  
 — hominibus &  
 — angelis convenit 534. b
- Confessionis peccatorum in V. & N. T. dif-**  
 crimen 642. b
- Confessionis auricularis sacramentum Pon-**  
 tificiorum fictitium 679. a. b
- Confessione peccatorum, tribuitur eorum**  
 remissio, iure  
 — non meriti, aut dignitatis :  
 — sed promissionis gratiæ 399. b  
 — non ut causæ :  
 — sed antecedenti conditioni 722. b
- Confirmatio, supersticiosum Pontificiorum**  
 sacramentum, unde occasionem sumpse-  
 rit 249. a  
 — quid pro ea, in ecclesiis reformatis, ad-  
 hibetur ibid.
- Confiteri an Hebraicè gratias agere notet** 58. a
- Confiteri peccata non significat singulorum re-**  
 censionem : sed generalem agnitionem  
 722. a
- Conformitas fidelium cum Christo, qua in re**  
 consistat 419. a
- cum morte Christi, est vel  
 — propria : cum propter Christum pati-  
 mur & morimur.  
 — metaph. cum vetus homo patitur &  
 moritur 542. b
- Conjugatio Hebræa Hithpael non semper**  
 reciprocationem notat 783. b
- Conjugium non concubitus, sed consensus**  
 facit 8. b
- Coniugii instituti finis,**  
 — propagatio generis humani, & post lap-  
 sum, ab interitu vindicatio 241. a
- Coniunctio rerum diversarum in eadem sen-**  
 tentia, momenta temporum non necessa-  
 rio coniungit 200. a
- Conscientiæ malæ morsus, ex Plutarcho** 56. b
- Consensus, etiam multorum, veritatem cer-**  
 to non constituit 293. a
- Consensus orbis, in religionis negotio, quan-**  
 ti faciendus 548. a
- Consensire & velle subiecto & genere diffe-**  
 runt 105. b
- Conservationis divinæ, qua fideles ab apostas-**  
 ia universali conservantur, causæ & mo-  
 dus 44. a. 64. a. 129. 130. 290. b. 455. b.  
 621. a
- Consilium Dei pro proposito & decreto Dei**  
 — pro mandato 20. a. 91. a. 423. a. b  
 — quomodo rescinditur ibid.
- Consilii Dei firmitas, contra exceptiones**  
 vindicata 423. a. b
- Consolatio, quid sit** 34. a  
 — humana :  
 — divina. Eaque vel  
 in hac vita :  
 — externa, Euangelii :  
 — interna, Sp. S.  
 — in altera vita ibid.
- Constitutionum libri Clementis suppositi-**  
 tii 762. a
- Consubstantiatio**  
 — de ea confessio Lutheri 190. a. b
- Contrariorum contrarias esse consequentias,**  
 quatenus verum 668. b
- Conversio capitis serpentis, non significat**  
 earum communem singulorum hominum à  
 Sathana potestate liberationem 465. b
- Conversio est vel**  
 — prima : quæ soli Deo :  
 — orta, quæ  
 — Deo, ut causæ principali :  
 — homini, ut causæ proximæ adscribi-  
 tur 578. a. b
- Conversio prima**  
 — fit sola Spiritus regenerantis gratia 87. a.  
 290. b. 291. a  
 — actione Dei omnipotente 96. 97.  
 122. a. b  
 — gratia non solum sufficiente, quod Ar-  
 miniani statuunt 87. a. 107. a.  
 120. b  
 sed etiam perficiente 94. a. 122. b
- Conversio est vel**  
 — habitualis, qua homo regeneratur  
 104. b. 106. 107. a. 118. b  
 — ejus causa, solus Deus : 106. b. 116. b.  
 118. b. 119. a  
 — medium antecedens, Euangelii prædi-  
 catio 106. b. 120. b  
 & mandatum Dei 113. a. 769. a  
 — fit omnipotente Dei gratia : nec tamen  
 Euangelii prædicatio & auditio inu-  
 tilis 104. b. 105. a  
 — ei resisti non potest 104. b. 118. b  
 — præcedit actualem 106. b. 116. a. 123. a  
 — & omnia bona opera 116. a. 121. a. b  
 — non acquiritur crebris fidei & charitatis  
 actionibus 124. b
- ejus, homo non est  
 — causa efficiens :  
 — nec efficiens :  
 — sed patiens tantum subiectum 123. b  
 — actualis, qua homo regenitus actu cre-  
 dit & diligit 104. b. 106. b. 107. a.  
 118. b
- ejus causa  
 — principalis, Deus :  
 — proxima, homo renatus 114. a. 116. a.  
 107. a. 116. a. 769. a  
 — instrumentalis, mandatum Dei 113. a
- Conversio actualis prima, certa quidem est :**  
 sed non necessaria 104. b. 113. b
- Conversio est**  
 — mentis, per fidem :  
 — voluntatis, per charitatem 353. a. b  
 utraque conjuncta : sed subiectis distin-  
 cta 107. a. 353
- Conversionis & habitualis & actualis efficien-**  
 dæ potentia, à solo Deo oritur : sed effe-  
 ctionis modo diverso 119. b
- Conversionis actualis mandato etiam habi-**  
 tualis includitur 116. a
- Conversionis gratia Remonstrantibus est**  
 — revelatio Euangelii  
 — & auxilium sufficiens 120. 121  
 — duplex  
 — perfecta ac plena :  
 — inchoata ac imperfecta 95. a
- Conversionis habitus inchoatus tantum, ac**  
 paulatim absolvendus 114. b
- Conversionis habitu donatus, ante actum,**  
 verè conversus est : sed non perfectè & ab-  
 solutè ibid.
- Conversionem**  
 — qua gratia 88. a. b. 92. b. 93. a. 95. a.  
 96. a. 118. b  
 — quo modo operetur Deus 94. a. 95. a.  
 106. b. 107. a. 123. b. 679. a
- Conversus verè**  
 — per se potest non salvari :  
 — per accidens auxilii & conservationis  
 Dei, non potest perire : nec perit 115. a  
 — per se potest totaliter excidere :  
 — per accidens conservationis divinæ cer-  
 tissimè non potest ibid.
- Conversus dicuntur**  
 — seipsos mortificare :  
 — novum hominem induere :  
 — cor novum facere : respectu,  
 — non initii :  
 — sed incrementi : idque  
 — non propriè.  
 — sed metaphoricè 123. a. b
- Conversos negligentiores quomodo castiget**  
 & emendet Deus ibid. a
- Convitia leviora & graviora 6. præcepto pro-**  
 hibentur 48. a  
 — etiam in V. T. prohibita ibid.
- Cor in Sac. Ltr.**  
 — non medium speciatim :  
 — sed internum spiritum qualecunque me-  
 taph. designat 66. a. 717. b
- Cor metaph. pro anima accipitur : vel**  
 — simpliciter, ratione utriusque facultatis :  
 — secundum quid, unius facultatis : vel  
 — intellectus : 88. b. 89. a. 96. 311. a  
 — voluntatis, quando ab intellectu di-  
 stinguitur 88. b. 311. a. 353. a.  
 362. b. 661. a
- Cor carneum, notat**  
 — non vitiosum :  
 — sed molle ac ductile, tractanti Deo obse-  
 quens 89. b. 107. a. 120. b. 122. a.  
 92. b. 254. a. 427. a
- duplex, insincrum & fallax 121. b
- novum :  
 — nova creatura :  
 — novus homo :  
 — spiritus, idem notant 96. a. quibus op-  
 ponitur  
 Cor lapideum :  
 — homo vetus :  
 — caro ibid.
- novum & spiritus novus  
 — carneum :  
 — lapideum, non actionem : sed qualita-  
 tem manentem atque habitum deno-  
 tant 116. a
- novum, nusquam pro sola cognitione  
 veritatis accipitur 96. a
- totum & anima tota notat vel  
 — perfectionem absolutam  
 — relatè, sinceritatem 121. b
- Cordis mundi creationem quomodo petat**  
 David 89. b
- Cordis hominum notitia est vel**  
 — per se, vi sua :  
 — per accidens, vi aliena 280. a
- Cordis notitia quomodo etiam prophetis tri-**  
 buatur ibid.
- Cordis novieffectio, est vel**  
 — prima, respectu initii : quæ à solo Deo :  
 omnipotente vi 121. 122  
 — primum consequens, respectu incre-  
 menti : cuius causa  
 — primaria, Deus :  
 — secundaria, homo renatus 89. b. 120. a. b  
 — quo sensu homini mandetur 122. a
- Cordis obduratio, vel ratione**  
 — mentis,  
 — voluntatis 363. a  
 — qua similitudine utraque sic dicatur ibid.
- Cordium scrutator quomodo sit Deus** 280. a
- Coram Deo & hominibus sinceritatem notat**  
 201. b
- cui opponitur  
 Coram hominibus ibid.
- Corbam, donum Deo consecratum** 68. b.  
 70. b
- Juramentum Judæis, metonymicè di-  
 ctum 69. b
- Coram Dei** 70. b
- Corona**  
 — pro regno 184. a  
 — metaph. : pro honore ac decore.  
 — præmio  
 — *κατ' ἐξουίαν* ecclesiæ 543. a
- Corona**  
 — iustitiæ  
 — tolerantia, quomodo dicatur vita æter-  
 na 41. b. 392. b
- quæ vincenti datur, alia est  
 — merita :  
 — gratuita 667. b
- triumphalis, triumpho peracto, in Jovis  
 Capitolini gremio collocata 684. a
- Coronat Deus**  
 — non nostra merita,  
 — sed sua dona 667. b  
 Corpora

**Corporalia bona etiam à Deo petenda** 50. b  
51. a

**Corpus Christi**  
— non est adorandum 171. a  
— non est Deus ibid.  
— qua similitudine dicatur  
— tabernaculum 644. b  
— quod Deus fixit, non homo ibid.  
— non huius creaturæ 649. a  
— cœleste 651. a

**Corpus Christi, & Christus non sunt idem** 171. a

**Corpus**  
— qua similitudine tribuatur peccato originali, seu veteri homini 498. a. 562. a

**Corruptio pro peccato** 713. a

**Creare sapissime pro facere, efficere** 218. b

**Creare & facere, quando renovationem ad imaginem Dei notant, non Hebraismus, sed metaphora** 223. b

**Creatio non est generatio** 234. a

**Creatio nova quid sit** 216. b. 223. b  
— solius veri Dei opus 216. b  
— Christo tribuitur ibid.  
— humanæ Christi naturæ tribui non potest 217. a  
— creaturæ novæ sunt invisibiles ibid. b

**Creatione iam peracta quomodo Deus nihilominus dicatur faciens angelos: extendens celum &c.** 614. b

**Creatorem omnium**  
— & creationis finem esse,  
— duo sunt, quæ soli Deo tribuuntur 553. a  
— synecdoch. pro cælo & terra 133. a  
— κατ' ἐξοχήν, pro homine 148. a. 649. b. 693. b

**Credenda, quædam**  
— relatè: 15. b  
— absolutè 15. b

**Credendi actio, est hominis qui credit: sed vis atque aptitudo, qua credit, est solius gratiæ & potentiæ divinæ** 125. b. 239. a  
— ex regeneratione fluit 309. b. 329. a. b

**Credentes, ab actione credendi:**  
— fideles, à virtute fidei dicuntur 115. b  
— in Christum duplites  
— mortua & inutili:  
— viva & salvifica fide 237. b. 238. a  
— non generantur naturæ vi 238. b  
— nec ex voluntate hominis ullius. 239. a  
— Sciunt se credere 654. 655

**Credere, πιστεύειν**  
— propriè, fidem adhibere, assentiri:  
— impropriè, meton. efficien.  
— fidere  
— concedere, fidei alicujus committere 260. a

**Credere pro fidere in N. Test. non exstat** ib.

**Credere ac diligere, duo primaria Dei statuta** 104. a

**Credere, esse edere, quomodo intelligendum** 314. b

**Credere in aliquem**  
— alicui, idem notant. 259. b. 260. a. 356. a. b  
— in aliquem  
— aliquo, merus Hebraismus 259. b. 356. a

**— in Deum:**  
— Christum, quid sit 364. a  
— in Christum, non est propriè loquendo fiducia remissionis peccatorum 99. b  
— commune electis & reprobis officium 104. a  
— causa verò, cur homines non credant, non est defectus gratiæ Dei: sed hominis vitium insitum 123. b  
— in Christum & edere Christum, quomodo distinguantur 314. b

**Credere mentis actio; non voluntatis.** 97. a. 114. b

**Credidisse mandatis Dei, quomodo dicatur David** 261. a

**Crucifigere carnem cum affectibus & concupiscentiis, quid sit** 520. b

**Crucifigimur cum Christo**  
— imputatione mortis:  
— efficacia illius & imitatione 502. b

**Crucifixio damnatorum quorundam apud Israelitas typus Christi crucifigendi** 274. b

**Crucifixum esse metaph. pro contemptum esse** 522. b

**Crucifragii in crucifixione usitati finis** 1. 332. b

**Crucem tollere,**  
— accipere,  
— portare: metaph. persecutiones, pietatis causa, ad Dei gloriam patienter ferre 72. a

**Crux alicujus est, quam vel**  
— quis sibi accersit,  
— immeritus 53. a. b  
— meritis:  
— reuerentate:  
— improbitate.  
— Deus imponit. 72. b

**Cultura externa, quam Deus vineæ suæ adhibuit, qua in re constiterit** 61. a  
— ad externam disciplinam sufficiebat. 61. a

**Cultus religiosi, in**  
— λατρεία,  
— δολεία,  
— εὐσεβεία distinctio Pontificiorum inepta & impia. 30. b

**Cupiditas est vel**  
— naturalis:  
— vitiosa 669. b  
— meton. effecti, pro peccato originis ibid.

**Cura corporis non simpliciter damnata: sed immodica** 566. b

**Curiositas, pestis nocentissima** 583. b

**Cursus pro perpetuo studio ac labore, metaph.** 489. b

**Cursus Pauli Apostoli, ratione officii**  
— generalis: ibid.  
— specialis. ibid.

**Cyrenius, Lat. Quirinus** 187. a  
— quomodo dicatur præses fuisse Syriæ. ib.

## D.

**Dæmones & dæmonia, diabolo principum malorum Spirituum, subditi** 323. a  
— unde sic dicti ibid.  
— ejus vocis, apud Gentiles, significatio 323. b

**Dæmonum**  
— gradus ibid.  
— numerus  
— maximus:  
— sed incertus ibid.

**— Scelera, diabolo in S. Lit. cur tribuantur** 324. a

**Dare pro**  
— offerre:  
— conferre. 122. b. 307. b. 313. b  
— cognitionem veritatis, accipitur vel de causa  
— principali:  
— instrumentali 171. a

**Dati Christo à Patre, intelliguntur, vel**  
— prædestinatione sola:  
— etiam vocatione 308. a. 339. b. 378. a

**Datio accipitur vel**  
— generatim, etiam ubi subiecti illius, cui accidit, nulla, nisi passiva, receptio est:  
— Synecdoch. cum relatione ad acceptionem activam 124. b

**Datio panis vitæ fit, vel**  
— oblatione, Euangelio:  
— collatione. 313. b

**Datio, qua Pater Filio aliquid dedisse dicitur, est vel**  
— propria: qua Filius omnia à Patre accepit generatione æterna:  
— impropria, ratione patefactionis. 533. b

**Debitorum metaph. ad officium debitum obstricti** 52. 2  
— peccatores. ibid. 173. a

**Debitum accipitur vel**  
— propriè:

— impropriè: idque vel per  
— metaph. in partem  
— bonam: pro debito officio:  
— malam: pro peccato.  
— metonym. efficient. pro pœna peccato debita 53. a. b. 558. a

**Debitum, pro peccato, non Hebræis, aut Græcis: sed Syris & Chaldaïs usitatum** 53. a  
— est vel  
— absolutum & per se, (668. a  
— per accidens ac certa ratione 667. b.

**— hominis**  
— per accidens peccati, pœna perscrutanda: per se, obedientia perfecta 175. b. 176. a. 401. a

**Debiti utriusque solutio**  
— necessaria:  
— à Christo sponsore præstita 175. b. 176. a. b

**Decimæ nullo modo debentur Pontifici R.** 644. a

**Decimarum, varia ratio.** 643. b. 644. a  
— Lex, quatenus perpetua, aut abrogata 643. b. 644. a  
— mysterium à Pontificiis excogitatum, ineptum 644. a

**Decreta sua quo modo actionis exequatur Deus, in**  
— malis permittendis:  
— bonis cooperandis 104. a  
— non semper omnipotente vi ibid.

**Dedicatio templi Hierosolymitani triplex: tempore**  
— Salomonis:  
— Elidræ:  
— Judæ Maccabæi. 337. b

**Dedicationes templorum Pontificiorum superstitiosæ** 338. a

**Defectio à fide, id est, à doctrina & professione fidei** 588. a  
— est vel  
— particularia:  
— universalis. ibid.

**— universalis evenit sensim**  
1. per Mahometem;  
2. per Episcopos Christianos: præsertim Romanum. ibid.

**— ab ecclesia fit, aut**  
— omnino:  
— partim.  
— deinde aut  
— perpetuo:  
— tantum pro tempore. 726. a

**Defectionis hypocritarum utilitas** ibid.

**Definitio, cur Græcis δεισιμὸς** 234. b. 235. a

**Deitas dicitur inhabitare,**  
— essentia & potentia gubernante:  
— gratia sua  
— particulari: quæ vel  
— se patefacit certo signo:  
— dona sua salutaria infundit.  
— Singularem ac propriam unionis hypostaticæ; ut in Christo 560. b. 561. a

**Deitas est ens primum, causæ expertæ & causæ omnium entium.** 756. b

**Delectari dicitur Deus**  
hominibus, comparatè & secundum quid:  
— Christo, absolutè & simpliciter 23. b

**Deletio de libro vitæ, quomodo dicantur hypocritæ.** 421. b. 767. a

**Deletio de libro vitæ, de morte corporali** ib.

**Demæ defectio qualis fuerit.** 599. b

**Denarius numerus, vel**  
— amplificationi:  
— diminutioni, varia ratione & relatione infervit. 759. a. b

**Denominationes, quæ durationem rei denotant, non propter actionem, sed propter habitum tribuuntur** 115. b

**Deponere peccata,**  
— veterem hominem, qua similitudine dicitur. 691. b

**Descendere de Cælo,**  
— Loci mutatione:  
— in terris patefactione. 170. a. 272. b. 306. a. 311. b. 342. a

**Descen-**



Descendisse à Cœlo, supérnè, dicitur vel  
 — propriè :  
 — impropiè, à Deo, qui in cœlis est, effe-  
 ctum esse 94. a. b. 311. b  
 — an Christus dicatur propter omnipoten-  
 tem corporis illius à Deo formatio-  
 nem. 311. b  
 Descensus, è superiori loco in inferiorem  
 processus 21. b  
 Desertio, præsentis auxilii destitutio 146. b  
 Deservisse Christum quomodo dicatur Deus  
 ibid.  
**DEUS** אלהים  
 propriè de Deo vero :  
 metaph. de magistratu aliisque dicitur  
 210. b. 211. a  
 Deus cum articulo, etiam vocatur Filius  
 211. b. 212. a  
 Deus accipitur vel  
 — essentialiter.  
 — personaliter, 364. a  
 — pro Patre 277. b. 363. b. & quidem  
 frequentius 646. a. 686. a  
 — Filio 278. a. 364. a  
 — Sp. Sancto 364. a  
 Deus  
 — actus purissimus & simplicissimus 252. a  
 — altissimus, cur dicatur 162. a. 635. a  
 — an sermo & ardens omnium & singu-  
 lorum salutem expetat 462. a  
 — autor vitæ  
 — non tantum spiritualis :  
 — sed etiam corporalis 51. b  
 — quomodo sit 280. b  
 — decrevit, peccata  
 — non efficere,  
 — sed permittere. 429. b  
 — descendere de cœlo quomodo dicatur  
 272. b  
 — distribuit dona,  
 — non necessitate naturæ,  
 — sed libertate voluntatis 429. b  
 — duritiem cordis  
 — emollit quidem, collatione :  
 — sed non efficit, ablatione donorum suo-  
 rum 427. a. b  
 — est causa potentie : homo impotentie  
 suæ 102. a  
 — & figulus, qua in re conveniant & diffe-  
 rant 428. b  
 — & homo quomodo concurrant in obe-  
 dientia fidei  
 — & charitatis 88. b  
 — excæcasse oculos & obdurasse corda Ju-  
 dæorum, quomodo dicatur 95. a. 427. a.  
 435. b  
 — expectasse, ut vinca ipsius uvæ faceret,  
 quomodo dicatur 60. b  
 — finem suum propositum & decretum  
 semper assequitur 91. a. 95. a. 429. a  
 — futurus omnia in omnibus quomodo  
 dicatur 572. a  
 — immitit efficaciam deceptionis : cum  
 — aufert donum notitiæ veritatis  
 — laxat frenum providentiæ, quo Sata-  
 nam deceptorem coercerat 90. a.  
 102. b. 427. a. 535. b. 591. b  
 — in una actione, pro ratione diversorum  
 objectorum, diversas potest habere causas  
 concurrentes 333. b  
 — indurationis  
 — non est causa propriè :  
 — sed tantum occasio :  
 — non tamen fortuita :  
 — sed destinata 427. a. b  
 — Locutus in Filio quomodo dicatur 603. b  
 — Luctum reliquiarum carnis in fidelibus  
 quo sine relinquat 716. a  
 — Lux qua similitudine dicatur 722. b  
 — nolle reprobis gratiam facere quomodo  
 dicatur 101. b  
 — non agit frustra 101. a  
 — non credit in homine : sed facit, ut ho-  
 mo credat 59. b. 88. b. 96. b. 103. b.  
 105. a. 314. a. 123. b. 305. a  
 — non quicquid decrevit, idem omnipoten-

te modo efficiendum decrevit 103. b  
 — non est *μικρότερος* 469. b  
 — non recordari peccatorum, quomodo  
 dicatur 646. a  
 — non solum necessaria :  
 — sed etiam futura contingentia certò præ-  
 dicit 56. b  
 — omnia creasse per Filium, quomodo dica-  
 tur 604. b  
 — omnium gentium misereri, quomodo  
 dicatur 468. b  
 — operari in nobis & velle & efficere 536. a  
 — Pacis 39. b  
 — Pater, cur in N. T. vocetur *Pater Domini*  
*nostri Iesu Christi* 686. a  
 — Pater, dicitur esse Deus alicujus vel  
 — simpliciter considerati : nempe meræ  
 creaturæ : idque jure  
 — creationis  
 — fœderis salutis.  
 — secundum quid tantum. nempe Iesu  
 Christi, respectu humanæ illius natu-  
 ræ 213. b. 214. a. 686. a  
 — Pater, idem est pater Christi & fidelium :  
 sed non eodem modo.  
 — fidelium :  
 — impropiè, gratia  
 — creationis.  
 — recreationis.  
 — Christi :  
 — impropiè, respectu humanæ,  
 — propriè, respectu divinæ naturæ 214. b  
 — *Pater spirituum*, cur & quomodo dicatur  
 222. a  
 — peccati non est autor, cuius iustus est ul-  
 tor 102. b. 390. b. 400. a. 427. a. 535. b  
 — peccatum non efficit, sed ut iustus Iudex  
 regit : quemadmodum magistratus vene-  
 num non efficit : sed cointerdum utitur  
 ad fontis penam 591. b  
 — prænovit ab æterno omnes omnium rerum  
 possibilem consequentias 103. b  
 — quievit die septimo ab omnibus operibus  
 — non absolute :  
 — sed relatè ad opera creationis 300. a  
 — quievit ab omni opere, an dicatur ideo,  
 quod nullas novas species postea pro-  
 duxerit ibid.  
 — quomodo iuste & sapienter hominibus  
 mandet, quod ipse solus efficit & effi-  
 cere potest 88. 89. 90. 102. a  
 — quomodo non statuatur causa increduli-  
 tatis, etiamsi dicatur Evangelii mysteria  
 abcondisse à nonnullis 58. a  
 — quomodo dicat, scelera ab Absolomo per-  
 petrata, se effecturum 576. b  
 — quo sensu dicat Abrahamo, *nunc cognovi*,  
*quod timeas Deum* 135. b  
 — reprobos destinat ad exitium Iusti Iudicii :  
 — non absolute, sine mediis :  
 — sed per Iusta media exequendum 428. a.  
 429. b  
 — reprobos non creavit eo fine, ut ipsos vita  
 æterna donaret, sed solos electos 429. a. b  
 — Servator, *omnium* quomodo dica-  
 tur 463  
 — Solus habet potestatem regni mundi dan-  
 di cuicumque vult 29. a. b  
 — Solus invocandus. 750. a  
 — Solus mirabilia facere 129. b  
 — solus sapiens, quomodo dicatur 447. a  
 — *Spiritus* 282. b  
 — tradidisse gentes  
 — cupiditatibus cordium ipsorum 89. b  
 588. b  
 — in reprobum sensum, quomodo dica-  
 tur 427. a  
 — Videri oculis corporeis non potest 249. b  
 — *visus* & *verus* quomodo dicatur 579. a.  
 639. b  
 — *vos tentat, ut scias, an diligatis eum*, *ἀντὶ*  
*πρασίνου* 135. b  
 — ut bonum, quod in nobis efficit, agnoscit :  
 sic accedenti à carne nostra contagioni  
 propter Christum agnoscit 76. b. 298. b.  
 536. a. 581. b. 668. b. 716. a

— attributa & operationes essentialis, sunt  
 ipsam essentia Dei 251. b. 252. b  
 — esse, dicitur, quod ipsi mandati iure debe-  
 tur 306. a  
 — neque essentia, neque operatio propria,  
 humanæ naturæ Christi communicata,  
 aut communicari potuit 198. a  
 — omnipotentia incommunicabilis 294. a  
 — operatio circa fidem actualem qualis &  
 quodplex 59. b. 88. a. b. 97. a. 123. b  
 — opus, 283. b. 306. a  
 — Iustitia  
 — Sacrificia. 306. b  
 — Parris esse, dicuntur homines  
 — generatum, ratione dominii universalis,  
 iure creationis :  
 — speciatim, ratione gratiæ,  
 — electionis ad vitam :  
 — vocationis ad fidem 379. b  
 — Scire & scientia, est ejus essentia 251. b.  
 280. a  
 — Verbum & consilium non posse excide-  
 re, contra exceptiones vindictarum  
 422. b. 423. a  
 — *Viri nomen*, soli æterno Deo in S. Lit.  
 tribuitur 210. b. 751. b  
 — live adfit, live absit articulus 211. b  
 Deo non convenit  
*διωξίμην φρονίδος ἐν φωνῇ* 320. b  
 Deum esse alicujus, *κατ' ἰσχυρὰ* significat, fœ-  
 dere salutari esse sociatum, ac servato-  
 rem 384. a  
 Deum esse, & dominum esse non sunt idem  
 212. b  
 Deum  
 — in hominæ convertendo, primo operari  
 habitum, contra Remonitantes, multis  
 probatum 115. b. 116. a  
 — in nobis fidei actionem efficere, ut vitam  
 in mortuo efficit, nemo Orthodoxorum  
 unquam dixit 114. a  
 — Iuste ob inobedientiam punire eos, qui,  
 suo merito, obediendi potentia sunt pri-  
 vati, ex lege & Evangelio demonstra-  
 tum 90. a. b. 102. a. b  
 — Patrem recta invocare, non est temeri-  
 tas 420. b  
 — Suum appellat Apostolus, jure  
 — naturæ :  
 — gratiæ.  
 — adoptionis,  
 — Apostolatus. 596. b  
 Deum testem qui citat, iudicem etiam intel-  
 ligit : etsi illud expresse non enunciet 46. a  
 — vidisse, quo sensu quidam dicantur 248. b  
 Deitatis personæ singulæ sunt unus Deus  
 211. b  
 Dextræ porrectio, nota pacis  
 — instituentis :  
 — testantis. 494. a  
 — quando apud Judæos in usu esse coepe-  
 rit ibid.  
 Diabolus, Calumniatorem notat 24. a. 323. a.  
 612. b  
 — demoniorum princeps, *κατ' ἰσχυρὰ* sic  
 dictus & quare 24. a. 323. a. 704. a  
 — Beelzebub  
 Beelzebub 323. b. 713. b  
 — Belial 323. b. 324. a  
 — antiquus serpens Draco ibid.  
 — ab initio peccasse & fuisse homicida quo-  
 modo dicatur 324. a. 325. a  
 — *adjutor* & *incensor* malorum cogitationum  
*potest esse, autor esse non potest.* Hie-  
 ron. 25. b  
 — an ante lapsum omnibus angelis præfue-  
 rit : cui post lapsum, Michael in ea di-  
 gnitate successerit 328. b  
 — an potuerit omnibus Christi sensibus ex-  
 ternis & internis illudere 27. b  
 — an ubicunque sit, secum ferat tormenta  
 flammarum suarum 328. b  
 — autor primus omnis malæ tentationis  
 25. b  
 Deum *hujus seculi*, quomodo dicatur 323. b.  
 349. a  
 Dia-

## Diabolus,

- ejus foras quomodo dicatur, quum fideles adhuc oppugnet 350. a
  - ejiciendus, quomodo dicatur, quum etiam fideles V. T. ab ejus potestate per Christum fuerint liberati ibid.
  - Habet mortis imperium
    - non summum: 618. a
    - sed subjectum. 618. a
  - *Lucifer*, in S. L. an dicatur 325. b
  - *malus ille* 323. b. 328. b
  - non est Behemoth 328. a. b
  - non est ab eterno:
    - nec talis creatus: 324. a
    - sed lapsu factus 324. a
  - non habet potestatem dandi regna mundi cuiusque vult 28. b. 29. a
  - non immediatè in mente, aut voluntate hominis operatur: sed tantum mediatè per phantasiam 25. b
  - non potuit sine venia
    - aut Jobo quicquam eripere: 29. a
    - aut porcos invadere 29. a
  - Omnia mundi regna quomodo Christo ostenderit
    - idque puncto temporis 28. a
  - *princeps mundi* quomodo dicatur 29. a. 323. b. 349. a
  - quando lapsus sit 324. b
  - quo in loco 325. a
  - in celo beatorum, an in aere.
  - quomodo Deum oderit, licet summum bonum esse norit 64. a
  - Tentator *ἡγάρ ἰζοχῶν* 25. b. 26. b. 323. b
  - tentavit Christum per 40. dies
    - non continuo: 26. b
    - sed per intervalla 26. b
  - tentans Christum, an ignoravit esse filium Dei proprium: ut Cyprianus statuit ib. b
- Diaboli**
- ejectionis quid sit 349. b
  - & angelorum ejus locus ordinarius, ante ultimum Judicium, quis sit 327. b. 328. b. 712. a
  - poena cur irrevocabilis: cum Deus hominibus lapsis pepercit 329. a
  - impudentia 28. b. 29. a
  - malitia non est à Deo 328. b
  - obdurationis in malo partes & origo ib.
  - peccatum primum quodnam fuerit.
  - quasi peccatum in Sp. S. 329. b. 327. b. 328. a
  - poena, præterita:
    - præsens: 712. a
    - futura. 712. a
  - subditi, daemones & daemonia dicti 324. a
  - suggestio in tentatione quatuorplex & quam insidiosa 25. b
- Diabolum tandem liberandum ac servandum, Origenis sententia damnata 329. a**
- Dicere pro**
- edicere 26. b
  - cogitare ac statuere 67. a
- Dicere aliquid Scripturam intelligitur vel**
- propriè:
  - tropicè.
  - vel
  - immediate ac proximè
  - mediatè ac remotè: idque per typum propheticum:
    - rectam consequentiam 400. b. 401. a
- Dicti de omni & dictum de omni, principium logicum quomodo intelligendum 657. a**
- Dies accipitur**
- latius, pro tempore 24. horarum: cujus initium solis occasus
    - strictius, oppositè nocti 189. b
  - apud Judæos in 12. horas æquales dividebatur ibid.
  - pro tempore cognitionis Evangelii 332. b
- Dies Christi, id est, dies universalis Judicii 537. a**
- quomodo instare doceatur aut negetur 587. b. 588. a

- fidelibus non horrendus 716. b
- Dies Dei, tempus vindictæ divinæ destinationis 785. b**
- *Dominicus* quid significet. 751. b
  - *ille*, pro die judicii 852. a
  - *redemptionis*, cur dicatur ultimus 418. a
- Dies felices albo lapillo, seu creta notandi mos, unde manarit 760. a**
- Differentia inter**
- opera mercenariorum
  - & bona fidelium opera 41. b. 42. a
- Dignus pro idoneo 42. b. 585. b. 667. b**
- regno dicitur aliquis, vel per se & merito suo:
    - per accidens meriti alieni 667. b
- Digni regno, quomodo dicantur fideles 42. b. 667. b**
- Dignum, latius patet, quàm meritum 585. b**
- Dilectio Christi, gratitudo salutis nostræ studium 503. a**
- Dilectio Dei quo sensu dicatur esse, observatio mandatorum ejus 733. b**
- Dilexissè illos dicitur Deus, quos servare voluit 276. b**
- Diligere gloriam hominum magis quàm Dei, inter ligitur, vel**
- simpliciter & absolute:
  - secundum quid & relate 356. b
- Dionysius Areopagita dictus, non verus ille Areopagita est: 568. a**
- antiquissimum scriptor 746. a
- Discere à Deo, quomodo dicantur electi 124. a**
- Disciplinae ecclesiasticæ necessitas & modus 761. a**
- Discipuli, id est, Christiani 19. a. 72. a**
- *ἡγάρ ἰζοχῶν* pro Apostolis 30. b. 71. b
  - ex more, præeuntem magistrum sequebantur ibid.
- Dispersi, à nullo Apostolo vocantur gentiles conversi 684. b**
- Dispersiones Israëlitarum**
- universales, per Assyrios:
    - Babylonios.
  - particulares, converforum ad Christum 665. b
- Disputatio de Origine carnis Christi, non est levis momenti 619. a**
- Disputationis**
- cum Pontificiis, à controversia de S. Scriptura.
  - cum Remonstrantibus, à quæstione de de viribus liberi arbitrii, initium fieri co-sultissimum 426. b
- Dives apud Deum**
- fide 672. a
- Divites fide quomodo elegisse dicatur Deus ibid.**
- Divites in hoc seculo 32. a**
- Divitiz, per se non excludunt à vita æternæ 743. b**
- metaph. amplitudinem & præstantiam notant 557. b. 559. a
  - Gloriæ aliæ sunt
    - Dei.
    - ecclesiæ 557. b
  - Spirituales, sunt
    - p. internæ
      - Scientia:
      - virtus fidei,
      - spei,
      - charitatis:
      - Conscientiæ tranquillitas.
    - p. externæ
      - præsentis, Dei gloria ac pax futuræ, gloria cœlestis, animæ & corporis 759. a
- Divortium Moses permisit, lege non morali**
- sed politica:
  - non probans,
  - sed tolerans:
  - non absolute, quavis de causa:
  - sed certis conditionibus
    - quæ tres. 46. a
- Docentium gestus varii 31. a**
- Docere electos, quomodo dicatur Deus 124. a**

- Doctrina de salute per fidem, in Christum**
- venturum, *ἐπαγγελία ἡγάρ ἰζοχῶν*:
  - exhibitum, Evangelium dicitur 203.
- Justificationis & de perseverantia sanctorum, bonorum operum studio non obstat 681. a**
- Dolorus mortis, id est, gravissimus 138. b**
- Domina, quarundam foeminarum nomen proprium 739. b**
- Dominica in albi appellatio, unde orta 562. b**
- Dominus, Adonai, pro voce *Iehova* usurpari solitum 222. a. 615. a**
- Dominium humanæ naturæ Christi supra angelos & homines, quale sit 213. b. 214. b**
- ejus causa
    - unio hypostatica &
    - obedientia mortis. 214. b
- Donus Patris Christi intelligitur vel de**
- templo Hierosolymitano
  - Cœlo summo: quod metaphoricè sic dicitur 364. a. b
- Dona sua recensere, quatenus liceat 103. a. 543. a**
- Donec, usque, quo, quousque**
- designat continuationem rei affirmatæ, aut negatæ ad terminum appositum pertingentem 183. b
  - non necessario rei affirmatæ, vel negatæ ultimum terminum notat 8. b. 163. a. 187. b. 708. b

- Dubitatio vel**
- fidei repugnat:
  - fidem opprimit & oppugnat 667. a
  - de conversione sui,
  - non ex doctrina, de habituati, per solam Deigrariam, conversione:
  - sed ex infirmitate carnis oritur 106. b
  - non est perpetua. ibid.

- Durities cordis est vel**
- naturalis:
  - acquisita. 427. a
- Duritici aptè confertur peccatum dominans. ibid.**

## E.

- E Cælo, pro à Deo 765. b**
- venisse, quomodo dicatur doctrina Johannis Baptistæ 222. b
- E medio tollere notat propriè locum: figuratè, interitum 590. b**
- Ecce, rei mirandæ & observandæ indicium, ad attentionem 6. a. 21. a. 23. a. 30. b. 162. a. 167. a. 188. b. 189. a**
- Ecclesia variè accipitur 494. b**
- pro primoribus ecclesiæ semel tantum accepta 86. a
  - auro, qua similitudine comparetur 752. a
  - Candelabro 754. a. b
- Ecclesia Christiana cur dicatur *mons excelsus super reliquos montes* 43. b**
- Ecclesia est, etiam privatus paucorum fidelium cœtus 598. b**
- è cœlo esse, quomodo dicatur 765. a
  - est vel
    - gloriosa, quæ sine macula & ruga:
    - militans, quæ dicitur veterem hominem exuisse & novum induisse
    - non simpliciter:
    - sed secundum quid 156. a
  - quomodo dicatur.
    - Sion mons:
    - Civitas Dei vivi:
    - Jerusalem Cœlestia. 652. b
  - ratione
    - uniusformæ, unica:
    - circumstantiarum, duplex:
      - Israelitica:
      - Christiana Catholica. 496. b
- Romana, aut accipitur**
- pro meliori parte: nempe veræ ecclesiæ reliquiis, quæ adhuc supersunt:
  - majori, pontifice & conjuratis illius ministris 589. b
  - ab ea non discessimus, nisi quatenus illa discessit à Deo ibid.

K k k k k

— Tem-

— Templum & domus Dei, qua similitudine dicatur 589. a. b  
 — Veteris Testamenti, quomodo infantibus comparatur 515. a  
 — Vineæ saepe comparatur 74. a  
 — Universalis, intelligitur vel  
 — invisibilis: quæ solis electis & verè fidelibus:  
 — visibilis: quæ electis & hypocritis constat. Atque hæc potest deficere  
 — non absolute & simpliciter:  
 — sed relatè & secundum quid 587. b  
**Ecclesiæ**  
 — afflictiones, in utroque Testamento, etiam sunt Christi 650. a  
 — communio est vel  
 — per externam fidei professionem:  
 — etiam interna, per fidem vivam 84. b  
 — cum columnis templi Salomonis collatio 496. a  
 — & naviculæ Apostolorum similitudo, qualis sit & quem usum habere possit 305. a  
 — & vineæ operarii à Christo collati, in multis dissimiles 74. b. 76. a  
 — Hierosolymitanæ, ante excidium urbis, conservatio 83. b  
 — munus, est vel  
 — extraordinarium:  
 — ordinarium, eorum qui operantur in verbo,  
     Doctores:  
     Pastores.  
 — in sola ecclesiæ cura:  
 — eleemosynarum distributores:  
 — præfides disciplinæ, seniores  
 — qui miserentur 438. b  
 — militantis definitio 494. b  
 — Ostium, Christus 334. a. 335. b  
 — non tantum post:  
 — sed etiam ante incarnationem, ab initio 335. b  
 — Janitor, Deus 334. b  
**Ecclesiæ & Christi externæ communioni aggregantur, non solum boni, id est, verè fideles:**  
 — sed etiam mali, id est hypocritæ 84. a. b  
**Ecclesiam ingrediuntur per Christum**  
 — fideles, fide & sacramentis:  
 — pastores, vocatione legitima  
 — doctrinæ illius fidei propositione 334. a  
**Edom notat communiter, tufum: proprio nomine, Elavum:**  
 — Idumæos,  
 — Idumæam 784. a  
**Ego, mihi, de Christo usurpata, non naturam, sed personam notant** 145. b  
 — simpliciter.  
 — secundum quid: ratione vel  
     — divinæ.  
     — humanæ naturæ 146. a. b. 170. a  
**Electi & vocati variè accipiuntur** 75. a  
**Electi Synec. electi ad vitam. ibid. & 129. b.**  
 — qui vel  
 — vocandi  
 — vocati ad fidem. ibid.  
 — ante fidem perditam, ratione  
 — amissionis imaginis Dei:  
 — dominii peccati & Satanæ.  
 — reatus mortis æternæ 77. b  
 — quomodo à perditione liberentur. ibid.  
 — in Christo, quid significet 430. a  
**Electi, id est vocati, alii**  
 — secundum quid: ratione  
 — oblationis vitæ  
 — invitationis ad media illius:  
 — absolute: ratione oblationis  
     &  
     Collationis vitæ 683. b  
**Electi seduci possunt.**  
 — in nonnullis & ad tempus:  
 — non penitus & perpetuo 130. a  
 — seduci possunt omnino, per se considerati:  
 — non possunt, per accidens proprii

& certi auxilii Dei 130. b. 131. a  
**Electorum salus certa contra Chrysostomi perversionem vindicata** 380. a. b  
**Electio**  
 — angelorum & hominum  
 — eadem ratione finis:  
 — diversa ratione mediorum & executionis 555. a  
**Electio Dei, alia est**  
 — æterna & interna, seu consilii:  
 — externa & temporalis, ac facti.  
     Utique vel  
     — ad munia  
     aut  
     beneficia hujus vitæ:  
     — ad hereditatem vitæ æternæ 425. b. 683. b  
**Electio Apostolorum est vel**  
 — æterna  
 — temporalis in  
     — discipulos:  
     — Apostolos 130. a  
**Electio certa, ambiguit & captiosè à Remonstrantibus, absoluta dicitur** 114. b. 115. a  
**Electio & reprobatio est vel**  
 — collectiva, seu certi populi: quæ  
 — definita, ratione distinctionis populi:  
 — indefinita, ratione singulorum è populo:  
 — terminata tempore & mutabilis:  
 — singularis, certarum personarum quæ simpliciter indefinita:  
 — interminata tempore:  
     — immutabilis 425. a  
**Electio populi Israelitici, fuit populi illius ad vitam æternam, ejusque media, ad Christi usque adventum segregatio.** ibid.  
**Electio quomodo Patri tribuitur** 685. a  
 — unde cognoscenda 578. b. 592. b  
**Electiois**  
 — Causa non sunt fides & opera 426. a  
 — sed sola Dei gratia 426. b. seu dilectio Dei gratuita 592. b  
**Electiois & dilectionis divinæ & humanæ diversa ratio** 592. a  
**Electiois in**  
 — primam, Christi,  
 — secundam, Christianorum distinctio, aliena 430. b  
**Electiois membrum.**  
 — Primum, electio ad vitam:  
 — Secundum, electio ad sanctitatem 430. a  
**Electum, quid sit** 753. a  
**Eleemosynam coram hominibus dare, quomodo Christus prohibeat** 44. a. b  
**Elementa, Elementa mundi pro rudiori, ad fidem, in veteri ecclesia, institutione** 515. a  
 — 516. a. 560. b  
**Ellipsis in juramenti formulis** 101. a  
 — ejus ratio. ibid.  
 — verbi in antecedente positi, non semper supplenda, eadem temporis circumstantia 197. b. 270. b  
 — vocis *isus*, propter in illis  
 — Crux Christi:  
 — contumelia Christi:  
 — afflictiones Christi  
 — patientia Christi 593. a  
 — probum Christi 650. a  
**Emerere synecd. pro acquirere** 458. b. 494. b  
 — 766. a  
**Emissio**  
 — Filii Dei 515. a. b  
 — Spiritus S. quo modo intelligenda ib. b  
**Es, dicitur de loquendi modus etiam in Sacris literis** 369. b. 387. a  
**Enallage**  
 — gradus comparativi pro positivo 708. a  
 — numeri  
     — pluralis pro singulari 13. a. 14. a.  
     81. b. 192. b. 473. a. 483. a. b. 641. a  
**Illa autem, qua quis de se solo, in plurali loquitur, (nos pro ego, nostrum pro meum) in Hebræa lingua planè insolens** 351. b  
 — singularis pro plurali 128. b  
 — Temporis

— præsentis pro  
 — paulo post futuro 166. a. 283. a.  
     365. b. 367. a  
 — longe post futuro 367. a  
 — præterito 27. b. 308. b. 614. a.  
     618. b. 647. a  
 — præteriti pro futuro in prophetis, ad certitudinem rei norandam 197. b  
     286. b. 378. b. 418. b  
**modi**  
 — subjunctivi, pro imperativo 70. b  
 — infiniti, pro imperativo 139. b  
**Enunciationis hypotheticæ veritas consistit in connexionibus seu consequentiis; non autem in utriusque partis, vel unius veritate** 63. b  
**Eodem modo fieri aliquid dicitur vel**  
 — absolute & universaliter:  
 — eodem modo certo 111. b  
**Ephrata *קצקצק*** 10. a. 187. a  
 — in ea voce mysterium ponit Hieronymus. ibid.  
**Epicureismi causæ potissimæ quænam sint** 716. b  
**Episcopus**  
 — generatim quisque ecclesiæ pastor:  
 — speciatim, synec. particularis tantum ecclesiæ pastor 663. a  
 — in Sac. Lit. idem quod presbyter: ecclesiæ pastor, non pastorum præfectus 487. b. 526. b. 704. b  
**Epistola**  
 — ad Galatas, brevium Epistolæ ad Romanos 448. a  
 — principalis contra Judæos epistola. ibid.  
 — ad Colossenses, epitome Epistolæ ad Ephesios. ibid.  
 — quæ ex *Laodicea*, quænam intelligenda 574. b. 575. a  
 — ad Laodicenses dicta, qua occasione conficta 744. a  
 — ad Hebræos Hebraica, à Munstero edita, è Græco translata est 601. b  
 — ad Hebræos, ita attemperata est, ut simul lac habeat infantibus; & solidum cibum adultioribus; omnibus escam salutarem 629. b  
 — Jacobi cur & quando *Straminea*, à Lutherò dicta 663. b  
 — Johannis prima, Synopsis potius doctrinæ Christianæ & enchiridion Evangelii, quam epistola 719. a  
 — an titulum & inscriptionem olim habuerit. ibid. b  
**Epistolæ pars est vel**  
 — necessaria, tractatio:  
 — arbitraria, præfatio & conclusio: quæ interdum omittuntur, aut  
 — omnino in 1. Job.  
 — partim  
     — præfatio in epist. ad Heb.  
     — conclusio, in epist. Jacobi 585. a  
**Epistolæ Ignatii, supposititiæ** 762. a  
 — illæ Romanorum Pontificum, in tomis conciliorum, adulterinæ, vel adulteratæ 719. b  
**Error doctorum virorum inde ortus**  
 — quod alterius diligentia freti examen neglexerint 310. b  
 — quod interpretationi fidentes ipsos auctores Græcos non consuluerint. ibid.  
**Errores etiam in nostris Theologis agnoscendi: non quæsito colore defendendi** 344. a. b  
**Esau, unde dictus** 784. b  
 — pro Esavi posteris. ibid.  
**Esse**  
 — Quicquid est, illud est, aut extremum: vel  
     — bonum  
     — malum  
 — medium  
     neque bonum, neque malum 109. a  
**Esse**  
 — pro patet fieri tales esse 240. b. 430. b  
 — pro vivere  
     non

- non esse aliquid dicitur vel  
— simpliciter & absolute :  
— secundum quid & relate 132. b  
*Esse cum aliquo*, dicitur Deus, vel  
— proprie, ratione essentiae :  
— metaph. favore & auxilio 146. b.  
160. a  
Esse, aut essentiam habere ab alio, intelligitur  
vel  
— effective :  
— communicative 756. b  
*Essentia*, pro vita 52. 2  
— Dei, videri non potest 39. a. 196. b.  
197. a. 249. b  
— Dei, si videri posset, videretur etiam  
scientia & omnia, quæ in Deo sunt  
251. b. 252. b  
Essentiam ab seipso habere Filium Dei, quo  
sensu rectè dici possit 756. a  
— aliunde mutuari  
&  
— habere, diversa ibid.  
— Dei & omnia in eo an viderit anima  
Christi in his terris 196  
— an visuri sumus in se, seu ipsammet cogni-  
turi in cœlis 39. a  
— non posse quidem comprehendere : posse  
tamen apprehendere, inepta Scholasticorum  
distinctio 39. a. 250. b. 251. a  
— immediatè videndi desiderium, in cœlo  
non erit 39. b. 252. a  
— unde in hac vita oriatur 252. a  
Essentiam habet Filius à Patre  
— communicatam :  
— non effectam 756. b  
Esurientes & sitientes vel  
— proprie  
— improprie accipiuntur 37. a. b  
*Es*  
pro etenim, in Nov. Testam. rarissimum  
191. b. 271. b  
— vel 513. a  
— id est, vel nempe, exegeticè 340. b.  
686. a  
*Es*, incondita hominis indignantis apud Bel-  
gas vox 48. a  
Etymologiarum indoctarum, in S. Lit. expli-  
catione, abusus vitandus 473. a  
Evam servatam, Scripturæ indicio constat  
465. b  
*Euangelium*, est generatim doctrina de Chri-  
sto servatore credentium : idque vel  
— promissionis Christi :  
— missionis illius 386. a  
— pro prædicatione Evangelii 492. b  
— proprie, generatim lætum nuncium  
— synecdoch. doctrina de salute per fidem  
in Christum :  
— meton. 4. libri Evangelistarum 203  
— aliud, diversimode acceptum 472. b.  
474. b  
— ante Baptistæ prædicationem annuncia-  
tum per angelos, Simconem, An-  
nam 209. a  
— arcanum dicitur  
comparatè cum Vet. Testam.  
&  
secundum quid : ratione vocationis  
gentium sine ceteremoniis legalibus  
446. b  
— Blasphematur vel  
— simpliciter & omnino :  
— partim & secundum quid :  
& quidem vel  
— expresse :  
— consequentiæ necessitate  
— dictis  
— factis 711. b  
— *per* Matthæum :  
— Lucam 149. b  
— commendatur fidelibus : non contra  
153. a. 206. a  
— Christi, intelligi potest vel  
— doctrina de Christo :  
— Evangelii prædicatione à Christo homine  
facta 221. a  
— Dei quomodo docendum 527. a  
— de propitiatione fidelium omnibus & sin-  
gulis hominibus annunciatum non  
est 466. b. 467. a  
— fidem describit & remissionem peccato-  
rum promittit generatim, non specia-  
tim 654. b  
— quomodo id intelligendum 656. b  
— gloriæ 557. b  
— gloriæ Christi 558. a  
— *Liber celestis* 641. a  
— medium conversionis, quo sensu dicitur  
105. a. b. 126. a  
— *ministerium spiritus* 104. b. 342. b. 126. a.  
315. a  
*Mysterium absconditum*  
— fidei  
— voluntatis Dei &c. dicitur ratione gen-  
tium, simpliciter :  
— Judæorum, secundum quid 557. a  
— non solum fidem : sed etiam obedientiam  
novæ vitæ & resipiscentiæ requirit 685. b  
— *patris* 558. a  
— *potentia Dei* 32. b. 388. a  
— propitiationem Christi non omnibus &  
singulis : sed solis credentibus annunciat  
466. b  
— quibus prædicatur, illis non omnibus suffi-  
cientia ad credendum media donantur : ut  
Remonstrantes statuunt 96. a. 109. b  
— quomodo ab Apostolis omnibus gentibus  
prædicatum 556. a  
— quod Paulus inter gentes prædicavit,  
quodnam fuerit 105. b  
— regenerationis instrumentum vocatur  
— non proprie :  
— sed improprie : 104. b. 105. a. 106. a.  
113. a. 114. a. 120. a  
— *regni* :  
— *regni Dei* 32. b  
— reprobis  
— quo fine Dei, prædicetur 100. b  
Euangelium reprobis  
— etiam eo fine prædicatur, ut magis red-  
dantur excusabiles 100. 101. 102.  
— quo sensu sit sermo mortis & condem-  
nationis 100. b. 101. a  
— *salus*, metonymicè dicitur 617. a  
— *sermo* *per* *euangelium* 351. b  
— *gratia* 153. a. 206. b  
— *tolerantia Christi* 764. b  
— *secundum Lucam*, Tertulliano  
*Euangelium Luca* 149. b  
— *spiritus* 315. a  
Euangelii absconditio est vel  
— externa :  
— interna 58. a. b  
— assensus, tantum oritur à supernaturali po-  
tentia 110. a. 119. b. 171. b  
— clara propositio, ad assensum veritatis il-  
lius non sufficit 110. b. 221. b  
— contentus, augeat reatum & condem-  
nationis causam facit geminam : quarum  
1. violatio fœderis operum & legis  
2. transgressio fœderis gratiæ & Eu-  
angelii 591. b  
— dignitas & *eternitas* summa 619. b  
— doctrinæ cum aqua viva collatio 287. b.  
288. a  
— & supra eam præstantia 280. a.  
288. b  
— doctrina, ut aqua spiritualis, quomodo  
fiat in fidelibus fons saliens in vitam æter-  
nam 289. b  
— doctrina, metaph. dicitur  
Via  
— Domini :  
— iustitiæ :  
— stricta, quæ ducit ad vitam :  
— salutis :  
— veritatis 368. b. 711. b  
— instar penicilli, quo Christus crucifixus  
depingitur 350. b  
— instar peticæ, quæ Christum crucifixum  
proterendit & proponit ibid.  
— epitheta & paraphrases 278. b. 288. a  
— Johannis descriptio 203.  
— scribendi occasio & finis 204.  
— variaz translationes ibid.  
— Lux, homini regenito ad actum videndi  
cooperatur 113. a. b  
— mandatum externum, homini irrogenito,  
ad vivificationem per se non est efficax ib.  
— ministri quomodo dicantur  
— *euangelizans*, cogere alios ut ingredian-  
tur 119. b  
— aperire oculos & convertere à tene-  
bris 113. b. 119. b  
— cognitionem salutis dare 171. b. 172. a  
— homines salvare 119. b  
— per Euangelium fideles genuisse 104. b.  
119. b  
— mysteria pleraque, per angelos cur pate-  
facta 188. b  
— patefactio, est vel  
— immediata :  
— mediata 557. b  
— præcones vinciri possunt : non Euange-  
lium 559. a  
— prædicatione  
— ad conversionem & habitalem &  
actuale ordinariè necessarium : sed  
diverso modo 104. b. 105. 106  
— fidei habitualis instrumentum est non  
proprie : sed improprie 106. a  
— fidei actualis, non solum necessarium :  
sed etiam proprie instrumentum  
106. a. 126. b  
— ad regenerationem per se non sufficit  
239. a. 350. b  
— prædicationem prompto animo ut face-  
rent Apostoli, quibus argumentis  
& stimulis Christus ipsos excitavit  
284. a. b  
— revelatio est vel  
— externa :  
— interna 38. b. 352. a  
Euangelia quatuor  
— non mutantur per 4. animalia Johanni  
in Apocal. demonstrata 772. a. b  
— reliquis N. T. scriptis, instar canonis  
fidei & morum perfecti subternun-  
tur 203. 714. b  
Euangeliorum quatuor perfectio 203. 204.  
714. b  
*Euangelista*, pro extraordinario, post Aposto-  
los, & cum iis Evangelii ministro 487. a  
Euangelistæ  
— excepto Luca, carent præfatione uni-  
versali 150. b  
— in narrationibus sæpe ordinem tempo-  
ris negligunt 361. b  
— non raro in eadem historia variant 128. a  
— non semper integras Christi conciones :  
sed sæpe selectiora tantum describunt  
275. a  
— quatuor, non notantur typicè per qua-  
tuor illa animalia Ezechielii demon-  
strata 155. a. b  
Euangelistarum quatuor scriptis, veritas de  
Christo, quasi quadriga subvecta trium-  
phat 204.  
Eucharistiam etiam infantibus necessariam,  
Innocentii primi & Augustini temporibus,  
communis error 262. b. 312. a  
— à concilio Tridentino damnatus 262. b.  
312. a  
— sed imani effugio excusatus 312. b  
*Ex* notat vel  
— causam : vel  
— efficientem : 2. a. 165. b. 259. a  
— materiale 422. b  
— numerum & partitionem 422. b  
*Ex Deo* geniti, fideles,  
— non proprie :  
— sed improprie 239. a  
*Ex Israelitis*, id est, ex eorum numero & ge-  
nere 422. b  
*Ex fide* & *in fide*, id est per fidem Synonyma  
508. b  
Exaltatio Christi, suo etiam modo, ad divi-  
nam ejus naturam pertinet 251. a  
Exalta-



**Exaltatio Christi**  
 — qua in re consistat *ibid.*  
 — quomodo Patri tribuatur 532. a. b  
**Exaltatio Christi, de qua Johan. 3. & 12. non ad solam Evangelii prædicationem : sed potissimum ad crucifixionem referenda** 275. a. 350. b  
**Exaltationis Christi**  
 — causa  
 — efficiens principalis, Deus :  
 — impulsiva, humiliatio & obedientia Christi 532. b  
 — gradus quatuor  
 — resurrectio :  
 — ascensio :  
 — sessio ad dextram :  
 — reditus ad iudicium 604. b. 605. a  
**Examen doctrinæ est vel**  
 — privatum ; singulorum fidelium :  
 — publicum ; quod ad Synodos & communem ecclesiæ consensum pertinet 731. b  
**Excecatio oculorum, Christo tribuitur**  
 — ut prophetæ : non propriè sed metaphoricè.  
 — ut regi ac iudici mundi :  
 1. ingratos iudicio privando :  
 2. tentationi & excecationi Satanæ permittendo 353. a  
**Excecationis divinæ**  
 — non finis :  
 — sed eventus est, reproborum  
 — ignorantia :  
 — impœnitentia :  
 — credere mendacio 102. a  
**Excitatio, est vel**  
 — à non esse, ad esse, per generationem :  
 — à forte humili ad sublimem dignitatem :  
 — à mortuis, ad vitam 610. b  
 — quæ triplex significatio Christi competit *ibid.*  
**Exclamatio, in re admiranda, cum usurpatione nominis divini, est ejusdem profanatio**  
 — nec inter Judæos usitata fuit 383. a  
**Exclusiva vox, nisi, solus, excludit alios, vel**  
 — absolute, omnes :  
 — relatè, certi generis 136. b  
**Excommunicatio non est instar veneni, quod hosti datur ad exitum : sed medicinæ, quæ fratri datur ad salutem** 594. a  
 — ejus fines 594. a. b  
**Exempla**  
 — impiorum &  
 — piorum, quo fine in S. Lit. recensentur 265. a  
**Exemplare, ficta vox Augustini** 1. a  
**Exempti ex hoc præsentī seculo malo fideles sunt**  
 — sanctificatione :  
 — justificatione 452. a  
**Exercitus**  
 — cœlestis  
 — Dei : de angelis 189. b  
**Exige nihil aliud est, quam illud quod ante inerat, inesse desinere** 67. a  
**Exitus oris Jehovah,** 27. a  
**Expansio brachiorum Christi in cruce, an mysterium contineat** 350. b. 351. a  
**Experiri & tentare Ciceroni Synonyma** 24. b  
**Expectatio quomodo Deo tribuatur** 60. b. 92. a  
**Expiatio peccatorum est vel**  
 — meriti :  
 — efficacis applicationis illius 635. b  
**Expletio *ἄπομνη* etiam ad moderatam satietatem refertur** 566. b  
**Exploratio fit, ut malum**  
 — caveatur  
 — inferatur. idque vel  
 — justè  
 — injustè 490. b  
**Expofuisse Patrem Christus quomodo dicatur** 197. a. 249. a  
**Expofuit Patrem Christus non solum fidelibus N. T. sed omnibus omnium temporum Dei cognitoribus** 249. b

**Extensio manus in Deo quid notet** 89. a  
**Externa opera ordinariè consistunt in potestate voluntatis** 88. a. 89. a. 91. b  
**Exuere veterem & induere novum hominum** qua metaphora dicatur 555. a. 562. b. 571. a  
**Ezechieli duos libros quo sensu tribuat Josephus** 16. b

F.

**Facere.**  
 — pro judicare. 722. b  
 — dicere. 300. a. 330. a. 341. a  
 — velle facere. 301. b. 426. a  
 — metaph. pro esse alicujus rei adjunctum antecedens. 400. a. 403. a. 535. b  
 — de prima cœli terræque creatione usurpatum. 218. b  
 — & quidem frequentius, quam *creare*. *ib.*  
**Facere & perficere, ut genus & species differunt, sed in creatione mundi idem denotant.** 219. a  
**Facere**  
 — bonum, sumitur vel  
 — secundum quid, de imperfecto bono & cum venia æstimato.  
 — simpliciter, de perfectè bono, ex toto corde, &c. 413. a  
 — Christum  
 — Deum mendacem, quid significet. 722. b. 737. a  
 — quod Deus vult, pro diversa vocis *vult* acceptione, aut virtus aut peccatum est. 103. a  
**Facies**  
 — pro externa & fallaci rerum specie, metaph. 492. a  
 — cordi & veritati opponitur. *ibid.*  
 — Christi, aut  
 — præsentia & conspectus illius gloriosus :  
 — indignatio & ira. 586. a  
 — Dei, gloriosissima illius species, qua sese exterius patefacit. 39. a  
 — qualis in cœlo videnda. *ibid.*  
 — hominis, non semper promit, quod cor premit. 492. a  
**Faciem accipere, *ὑποσχεσθαι* quid notet.** *ibid.*  
**Faciem Dei perpetuo videre quomodo dicantur angeli.** 39. a  
**Facie ad faciem (id est familiariter) cum Mo- se locutus dicitur Deus.** 624. b  
**Factus**  
 — metaph. pro patefactus. 213. a  
 — nullibi significat *genitus*. 214. b  
 Dominus & Christus, quo sensu dicatur Jesus crucifixus. 146. a. 213. 214. 215.  
**Fascinare significat.**  
 — arte magica lædere : quod fit vel  
 — veneficio :  
 — præstigiis.  
 — meton. invidere :  
 — metaph. iudicium mentis imposturis corrumpere. 505. a  
**Fermentum**  
 — falsa doctrina atque improba vita. 258. a. 519. a  
 — homines falsa doctrina atque improba vita imbuti. 251. a  
 — utriusque similitudinis ratio. *ibid.*  
 — quomodo à domo nostra, id est, ecclesia removendum. *ibid.*  
**Festum tabernaculorum, cur & collectionis dictum.** 317. a  
**Festorum Vet. Testam. solemnium finis communis.** *ibid.*  
**Festi tabernaculorum finis proprius fuit vel**  
 — proximus :  
 — remotus. 317. a. b  
**Festa instituire & observare quatenus ecclesiæ liceat.** 338. a  
**Ficus biferæ, triferæ.** 202. a  
**Fidelis non vivit ex iustitia : sed iustus ex fide.** Hieron. 506. b

**Fideles**  
 — ad finem mundi unum constituunt corpus mysticum : cuius caput Christus. 588. a  
 — ambulare  
 — non secundum carnem :  
 — sed Spiritum, quomodo dicantur. 414. b  
 — beati, aut miseri, quo respectu dicantur. 413. b  
 — castigantur à Deo tanquam patre : non puniuntur ab illo tanquam iudice. 567. b  
 — Christum induere qua ratione dicantur. 572. a  
 — complent legem  
 — non simpliciter & simul  
 — sed secundum quid & successivè. 414. b. 415. a  
 — deficere quatenus possint, aut non possint. 43. b. 115. a. 240. b  
 — digni regno quomodo dicantur. 399. b. 668. a  
 — domestici fidei : Dei. 522. b  
 — electi prius, quam Christus. 430. b  
 — electionis  
 — non objectum :  
 — sed subiectum. *ibid.* a. b  
 — esse unus in Christo : imò Christus, qua ratione dicantur. 418. b  
 — ex Deo geniti  
 — non propriè :  
 — sed metaphoricè. Cujus metaphoræ ratio, duplex generationis & regenerationis similitudo. 239. a  
 — facti reges & sacerdotes, à Christo quomodo dicantur. 750. b  
 — falsos pastores interdum audiunt ad tempus : non perpetuo. 335. b  
 — Abrahæ dicuntur, ratione imitationis fidei Abrahæ  
 — unionis cum Christo, qui verus Abrahæ  
 — filius. 506. b  
 — Dei, quomodo dicantur. 608. b  
 — fratres Christi, ratione  
 — communis naturæ humanæ :  
 — imaginis Dei &  
 — Communis hereditatis. 168. a. 187. b  
 — ab habitu fidei, non ab actione denominantur 115. b  
 — in cœlo, regnant super terram  
 — in Christo capite :  
 — in membris sibi conjunctis vtrè fidelibus. 771. a. 775. a  
 — inutiles, aut  
 — utiles, quo respectu dicantur. 285. a  
 — Iusti coram Deo & inculpati, & irreprehensibiles dicuntur  
 — non per se :  
 — sed per accedens gratiæ Dei. 155. b. 156. a. 715. b  
 — liberati à lege  
 — non absolute :  
 — nec quatenus lex norma vitæ :  
 — sed ratione  
 — maledictionis omnis :  
 — observationis ceremoniarum. 512. b  
 — Lux :  
 — mundi. 44. a  
 — Lucernæ comparati. *ibid.*  
 — mortui peccato & viventes Deo  
 — liberati à peccato : &c. dicuntur, ratione  
 — sui ; non simpliciter sed  
 — secundum quid :  
 — meriti Christi ; simpliciter, respectu  
 — & inhaerentis peccati. 117. a. b  
 — pares & impares quatenus sint : ejusque rei usus. 514. a  
 — participes  
 — Christi : ratione  
 — personæ  
 — meritorum, 721. b  
 — divinæ naturæ. 707. a  
 — pec-

— peccatum in Sp. S. committere quatenus possint, aut non possint. 63. b  
 — perfecti, quo sensu dicantur. 558. a. 561. b. 572. b  
 — perfectionem habent  
   - partium  
   - non graduum. 156. a  
 — *populus celestis & Ierusalem celestis* cur dicantur. 641. a  
 — quomodo etiam secundum legem iudicandi.  
 — regnum  
   - habent  
     - iure hereditatis:  
     - facto  
     - perfecte in Christo:  
     - inchoate in se.  
 — expectant ratione complementi  
   - animæ beatitudine:  
   - corporis resurrectione. 751. b  
 — resurrectione gloriosa non fient, sed parentes filii Dei. 240. a. 241. a. b  
 — Sal terræ. 42. a  
 — Sancti  
   - perfecte, in Christo:  
   - inchoate, in se. 418. a. 597. a  
 — Servare seipsos, quomodo dicantur. 241. a  
 — Splendens luce sua coram hominibus  
   - doctrina  
   - institutionis:  
   - reprehensionis:  
   - consolationis.  
   - Vitæ Sanctæ exemplo. 44. b  
 — Subjectum carnis & Spiritus: unde contraria iis adscribuntur. 410. a. 416. a  
 — Translati in regnum Christi:  
   - gratiæ, reipæ & possessione:  
   - gloriæ,  
   - re, in Christo:  
   - iure, adoptionis:  
   - Spe, salutis. 549. a  
 — Veteris Testamenti, quomodo ante Christi  
   - mortem, iustificati:  
   - ascensionem, in cælum ascenderint. 365. b. 366. a. 639. b  
   - Solutionem, à vinculis peccati exempti sint, simili declaratum. 256. a. 342. a. 638. a  
   - quomodo dicantur non reportasse promissionem. 203. 284. a. 342. a. 366. a. 663. a. 461. a. 562. b. 648. b  
 — urbi in monte positæ quomodo comparantur. 44. a  
**Fidelium**  
 — Cum Christo conformitas 419. a  
   - futura similitudo qua in re consistat. 728. a  
   - Corpora, cur templa appellentur 206. b  
 — defectio, quomodo impossibilis in ecclesiis nostris statuatur. 64. a. 131. a. 240. b. 241. a. 455. b. 620. b. 621. b. 645. a. 726. b  
 — gaudium in hac vita, quomodo dicatur  
   - æternum  
   - omne gaudium exuperare. 400. a  
   - hostes, quinam sint. 290. a  
 — Nov. Testamenti conditio, quo respectu melior conditione fidelium V.T. 366. a. b. 691. a  
 — vita spiritualis nondum perfecta 17. a. b. 155. b  
**Fidelibus** quatenus metuendum, ne deficiant & pereant. 621. b  
**Fideles** resistentes quomodo Deus  
   p. reducat:  
   p. retrahat. 380. b  
**Fides**  
 — pro Christo, fidei objecto. 512. b  
 — pro iustitia Christi fide apprehensa, quibusdam accipitur. 396. b  
 — Evangelio. 368. b. 505. b. 512. a. 743. b  
 — fidelitate.  
   - qualis ea sit virtus, 520. a

**Fides Christi** id est in Christum.  
 — *Filius Dei* id est in Filium Dei. 302. b  
**Fides**  
 — proprie persuasionem de veritate rei:  
   improprie interdum fiduciam notat. 662. a  
 — an semper veram fidem in S. Lit. ut Belarm. affirmat, significet. 674. a  
 — est aut  
   - distortum factorumque constantia:  
   - fides vera in Christum. 759. a  
**Fides est vel**  
   - habitualis: ejus  
     - definitio. 59. a. 88. a  
     - causa, solus Deus. 59. a. 88. a. 96. b. 104. a. 105. b. 125. b. 126. a. 306. a  
   - ejus ratione, homo se habet merè passivè. 59. a. 96. b. 123. b. 306. a  
   - eam quomodo ab homine rectè exigat Deus: & in quem finem. 88. a  
 — actualis. 59. a. 88. a. 104. a. 306. a  
   ejus  
   - causa  
     - prima, solus Deus: 59. a. 88. b. 96. b. 106. a. 123. b. 306. a  
   - qui eam operatur  
     1. quatenus virtutis fidei autor & conservator:  
     2. auxilio suo, quo  
       - aufert malum obstand:  
       - confert bonum  
       - exterius, prædicationem Evangelii  
       - Interius, Sp. Sancti gratiam. 59. b. 88. b. 96. a. b. 104. b. 105. a. 106. a. 123. b. 125. b. 306. a  
 — proxima, solus homo credens ibid.  
 — media  
   - primaria, Deus, gratia  
     - defensionis  
     - adjumenti.  
   - secundaria, homo fidelis  
     - Evangelii meditatione:  
     - precibus. 88. a.  
 — ex habituali fluit. 59. a. 96. b. 105. a. 306. b  
 — non necessitate consequentis: sed persuasionem verbi & auxilio Spiritus Sancti. 114. b  
 — etiam ante baptismum acceptum. 59. a. b  
 — ejus ratione homo se habet,  
   p. passive:  
   p. active. 59. b  
 — non dependet à libera voluntatis electione: sed à virtute fidei. 89. a. 96. a. 114. b  
 — nec à voluntate orta est, nec ab ea prorsus tolli potest. 89. a. 108. a  
 — eam Deus non operatur immediate & actione omnipotente: ut Remonstrantes Orthodoxis affingunt. 96. b. 97. a. 104. a. 123. b. 126. a  
**Fides**  
 — Abrahami, quomodo dicatur fuisse perfecta. 623. a  
 — antidotum metus ac tristitiæ. 364. a. b  
 — aspectui quatenus opponatur. 687. a  
 — certo persuasa intelligentia cur dicatur. 559. a  
 — cordi quo sensu tribuatur. 311. a  
 — donum Dei regenerantis merè gratuitum. 35. b. 59. a  
 — esse ex auditu Evangelii quo modo dicatur. 126. a. 171. b  
 — electionis fructus sequens non antecedens conditio. 309. a. 419. a. 425. b  
 — & assensio veritatis, nicitur vel  
   - ratione rei insita:  
     - dicentis, tanquam veracis autoritate. 60. a. 260. a  
     - amorem veritatis antecedit. 60. b

— & charitas duo novi hominis membra. 124. b  
 — duo vincula, quibus in Sanctum Dei ædificium & corpus Christi compingimur. 559. a  
 — & charitas notant  
   - proprie, virtutes immanentes:  
   - improprie, actiones earum transeuntes. 124. a. 107. a  
 — etiam iustitiam declarat & indicat. 675. b  
 — in cælo quatenus duratura. 687. b  
 — etiam reprobis mandatur. 655. b. 656. a  
 — ex operibus perfici, quomodo dicatur. 674. b. 675. b  
**Fiducia** quomodo dicatur. 658. a  
 — historica, simplex veritatis Evangelii cognitio. 98. a. 356. a  
 — ejus in hominibus & diabolo  
   - Convenientia, ratione rei:  
   - Discrepantia, ratione causæ efficientis. 674. a  
 — imputari ad iustitiam, quomodo dicatur. 396. & seq. 506. b  
 — iustificare. 780. b  
 — iustificare sine operibus, quomodo dicatur. 394. b  
 — iustificat  
   - forma sua generali: non speciali. 100. b  
   - nec tamen vi formæ generalis aut specialis:  
     Sed per accedens promissionis divini. ibid.  
   - sine charitate: sed non est sine charitate. 520. b  
 — iustificans, quo sensu sit sine operibus. 394. b  
 — iustificationis  
   - non est causa procreans:  
   - sed tantum instrumentalis. 95. b  
   - & q. non proprie dicta  
     - sed improprie, ac supernaturalis. 55. b. 100. a  
 — Ninivitarum, qualis fuerit. 356. b  
 — non est, si vides: Augustini dictum, quatenus verum. 687. a. b  
 — non residet in voluntate: sed intellectu. 96. b. 104. a. 124. b. 125. a. 311. a. 655. b  
 — non est opinio. 567. a  
 — non esse omnium, quomodo dicatur. 593. a  
 — Patrum, objecta habuit promissa bona  
   1. Spiritualia, reliquis fidelibus communia.  
   2. Corporalia pecuniaria, spiritualium typos. 647. a. b  
   Utraque bona amplexa est, etiam cum tantum corporalium sit mentio. ibid.  
 — per charitatem efficax. 125. a  
   - operari, quomodo dicatur. 393. b. 660. b  
 — qua quis sibi sigillatim remissa esse peccata, credit, unde oriatur. 656. b. 657. a  
 — salvifica, qualis sit. 674. a  
 — simul est  
   - conditio in Evangelio requisita:  
   - & promissum electis Dei donum. 104. a. b  
 — Conditio a postulata ostendit hominis officium; non potentiam: Promissio docet, unde potentiam illam consequantur. ibid.  
 — vita æterna quomodo dicatur. 377. a  
**Fides vera** à falsa distinguitur  
   - rectitudine  
   &  
   - soliditate 567. a  
**Fidei**  
 — actionem, quam in prima conversione Deus intendit, certo etiam efficit. 96. b  
 — actiones sequentes aliquando impediuntur: sed non perpetuò. ibid.  
 — actualis primæ causæ efficiens remota Pontificis duplex  
   K k k k k 3 — gra-

— gratia Dei :  
— libera hominis nondum regenerati voluntas 60. a. b  
— causa efficiens & perficiens, Deus 526. b  
— non est generatio nec voluntas humana :  
— sed divina 39. a. 238. 239  
— datio, quo discrimine Deo, Evangelio, ministris adscribitur 171. a  
— Diaboli & fidei iustificantis discrimen 657. a. b  
— & charitatis & habitus & actiones, Dei donum 124. a  
— forma :  
— non est fiducia remissionis peccatorum 99. a. 467. b. 654 & seqq.  
— est vel  
— generalis, agnitio Christi :  
— specialis, esse effectivum charitatis 100. a  
— formam esse, effectivum esse charitatis, ab exceptionibus vindicatur 100. a. 660. b  
— genus, est notitia 655. a  
— habitum Deus  
— in omnibus exigit, ut officium :  
— in solis electis efficit, ut merum solius Spiritus beneficium 117. a  
— habitum Deus operatur immediate  
— respectu nostri :  
— non respectu prædicationis Evangelii 104. a  
— actione omnipotentis. 123. b. 410. a  
— iustificantis causas duas statuunt Pontificii & Novatores  
Dei gratiam sufficientem :  
& hominis voluntatem liberè concurrentem 57. a  
— iustificantis  
— effecta 657. b  
— & temporariae discrimen ibid.  
— obiectum proprium  
— non quævis promissio : ut Pontificii volunt  
— sed promissio gratiæ ac salutis per Christum 396. a  
— opera excitantur à Deo etiam naturali interduo adminiculorum concursu 649. b  
— origo 58. a. b. 239. a  
— ejus doctrinæ usus 239. b  
— quæ ad remissionem peccatorum obtinendam præcipitur, definitio 98. b  
— Ex fidei vivæ sensu ac conscientia, oritur certa remissionis peccatorum  
— notitia in mente :  
— & ex ea fiducia in corde 99. b  
Fidem actualem primam, non effectum fidei infusæ : sed præcedentem dispositionem & præparationem statuunt Pontificii 59. b  
Fidem habitalem in baptismo primum infundi statuunt Pontificii. ibid.  
Fidem, justificationis causam formalem, quo sensu dicant Lutherus & Melancthon. 780. b  
Fiducia accipitur vel  
— propriè :  
— impropriè, per metonym. pro eo, quod fiduciam parit 658. a  
Fiducia generatim est securitas adversus pericula 655. a  
— est in sola voluntate 655. b  
— *trust*, alia est  
— absoluta & fidei :  
— charitatis & conditionalis 398. b  
— dilectionis & mortis Christi pro nobis, fidem non antecedit : sed ejus sensum consequitur, tanquam fructus 99. a. b. 661. b  
— remissionis peccatorum, quid sit 655. a  
— non est forma fidei 99. a. 654. & seqq.  
Fiducia salutis non est temeritas 420. b. 645. b  
Fiducia in adversis, definitio 618. a  
Fiducia genus est affectus seu motus voluntatis 656. a. 661. b  
Fieri, sæpe aliquid in Scriptura dicitur, cum incipit patet fieri 146. a. 430. b. 610. b

Filius, absolute de Christo usurpatum, non filium hominis : sed filium Dei notat 135. b  
— quo sensu dicatur ignorare diem judicii 135. & seqq. 196. a  
— à Patre habet essentiam & potentiam divinam  
non effectivè :  
sed sola communicatione 301. a  
— quo sensu Patri subjiciendus dicatur 163. b  
Filius *ἁγίου* *ἰσχυροῦ* oppositè infanti servo 512. b. 515. b  
Filius alicujus in Scriptura dicitur, qui ejus rei particeps est 241. b  
Filius Dei  
— altissimi vel est  
— propriè dictus, solus Christus :  
— impropriè, propter imaginem Dei accidentalem : camque vel  
— creatione insitam : ut  
— Adam :  
— Angeli :  
— recreatione restitutam :  
ut fideles 40. a. 162. a. b. 234. a. 608. a. b  
Filius Dei, propriè sic dictus  
— ante resurrectionem suam  
& filius :  
& immortalis :  
& omnium Dominus 234. b. 235. a  
— ante incarnationem  
— etiam in mundo fuit & à mundo rejectus est 223. b  
— etiam ad Israëlitas venit, & apud eos Evangelium promulgavit & ab eorum plerisque rejectus est 223. b. 224. a  
— quo corpore apparuerit 229. b  
— annunciare, quod audivit, & vidit, quomodo dicatur 217. a  
— essentiam habere à seipso, quo sensu rectè dici possit 756. b  
— etiam vocatur Deus cum articulo 212. a. b  
— imago patris, respectu  
— ad Patrem, ratione ejusdem essentiae :  
— ad nos, quod Patrem patefaciat 549. b  
— incarnatus,  
— ante creationem exstitit, qua filius :  
— posterior est, quatenus semen Abrahamæ assumpsit 605. a  
— λόγος non ἰσχυρὸς in scriptis Apostolicis vocatur 607. a. b  
— cur dictus 206. a  
— non hominem, sed humanam naturam assumpsit 230. a  
— non posse operari, nisi viderit Patrem operantem 217. a  
— operari à seipso, quomodo dicatur 549. b  
— quatenus Patri æqualis :  
— aut minor eo 529. a  
— ratione miraculose humanæ naturæ formationis, non est major  
— Adamo & Eva :  
— multo minus angelis. 610. a  
— sermo vitæ 209. b  
— splendor gloriæ Patris 604. b. 605. a  
— sustinere omnia verbo potentiae suæ, quomodo dicatur 607. a  
— vita æterna 209. b  
Filius Dei, id est Christus, Synecdochicè cum ecclesia intellectus 163. b  
Filius Dei :  
— hominis :  
— Mariæ : nomen personæ : non naturæ Christi 135. b. 166. b. 168. b. 170. a. b. 197. a. 233. b. 272. b. 313. b  
Filius hominis, distinctè dicitur ab Adamo, qui homo, non filius hominis.  
— propriè, quilibet ab homine genitus.  
— Synecd.  
— generis pro specie, homo plebejus oppositè filio viri.  
— generis pro individuo, seu certo homine singulari 272. a. b  
— Ezechiel à Deo frequentissimè dictus 272. a

— quare Christus dicatur 65. 66. 272. b. 752. a. b  
— est in cælo :  
— erat prius in cælo, quomodo conveniant 313. b  
Filius Mariæ, cur sit ac vocetur filius Dei 166. b. 168. b. 233. b. 610. a  
— non vocatur filius Dei ob miraculosam corporis formationem, vi Sp. S. sed ob unionem hypostaticam 610. a  
Filius meus est, quomodo Davidi conveniat 609. a  
Filius perditionis, homo perditissimus  
Hebraism. 588. b  
— perditioni destinatus & obnoxius 65. b  
Filius unicus & unigenitus quid differant 232. b  
— unice dilectus metaph. ibid.  
Filii definitio 239. b  
Filii Dei  
— à Patre generationis æternæ, cum radiis à sole effulgentibus, elegans & multiplex comparatio 605. a. b  
— & Patris cum charactere & archetypo colatio 606. a  
— una persona, non duæ. 230. a  
Filio demonstrare opera, quæ facit, quo sensu dicatur, Pater. 302. a  
Filius Dei.  
— esse, est ab eo genitum esse : 239. b  
— an significet hæreditate Dei in cælis ibid. b  
— fieri, est ab eo generari 239. b  
— antecedit actionem credendi. ibid.  
— non est in libera hominis potestate. ibid.  
— hominem assumpsisse  
quo sensu Orthodoxi quidam dicant 530. a  
— pro bonis angelis, cum reliqui laberentur intercessisse, è 3. Lit. probari non potest 555. a  
Filii  
— in sacris literis non censentur à matris, sed patris tribu 184. a  
Filii Dei dicuntur vel  
— reipsa, per fidem :  
— relatè, prædestinatione ad adoptionem 350. b  
— *ἁγίου* *ἰσχυροῦ*, soli electi & verè fideles 422. a  
— per catachresin & hypocritæ dicuntur :  
quod  
— regnitis externè similes : 40. a  
— in externo filiorum Dei cœtu 422. a  
Filii execrationis, id est execrationi obnoxii 720. b  
— Israëlitis, speciatim pro Judæis 94. b  
— Ixæ naturæ, quid significet 112. a. 117. a. 238. b  
— regni, alii sunt  
— secundum quid :  
— simpliciter 32. a. 85. a. 374. b  
— resurrectionis, id est, participes illius 241. b  
Finis, causa cujus gratia res est, 103. a  
— consumens :  
— consummans 432. b  
— Dei Evangelium offerentis, non potest esse rejectio Evangelii 102. b. 103  
— legis, quo sensu dicatur Christus 432. a. b  
— non est, omne id, sine quo, efficiens finem suum principalem assequi non potest 103. a  
Finem nemo sapiens intendit, quem certo novit nunquam sese assecuturum. 464. b  
— novum, & fœdus est, & testamentum 650. a  
— dici potest fœdus testamentarium & testamentum fœderis, ibid.  
— inchoatum in paradiso :  
— confirmatum cum Abrahamo :  
— Consummatum Christi sanguine 646. b  
Fœderis legalis & Evangelici differentia 645. b  
Fœderis novi promissa beneficia individualia. Fœde-

**Fœderis**  
 — Sanctificatio & remissio peccatorum. } perpetua. 455. b  
**Fœderis tabulæ arcæ inclusæ fuisse signum**  
 p. historicum:  
 p. typicum & propheticum. 648. b  
**Fœminarum quarundam diligentia in Evangelio privatim propagando.** 543. a  
**Fœminis**  
 — omnem generationis materiam detrahunt Anabaptistæ  
 — nutritionis & accretionis concedunt 2. a. 272. a  
**Fœminas semen habere, probatum ex Anatomicis:**  
 ipso Aristotele:  
 & S. Hieronimo 2. a. 169. a. 276. a  
 — quomodo id neget Aristoteles 2. a  
**Forma Dei**  
 — servi, quid notet 527. 528  
**Forma simul est, cum re, cujus forma est** 661. b  
**Formam esse rei**  
 — quodcumque ei æquipollet, & cum ea recipitur, verum non est 658. a. b  
 — quicquid rem distinguit, verum non est 660. b  
**Forum pecuarii an fuerit Hierosolymis, non constet** 292. a  
**Fratres**  
 — pro cognatis 9. a. 187. b. 309. b  
 — quot modis in Scripturis dicantur. 9. a. 309. b. 422. a. 595. b  
 — qua similitudine dicantur fideles 450. a. 490. b. 581. a. 587. b. 595. b  
 — κατ' ἐξοχήν & distinctè ab infidelibus sic dicti 450. a  
 — de Christianis dicti, alii sunt  
 — secundum quid, ratione communionis externæ  
 — simpliciter, ratione communionis internæ 738. a  
 — Christi, quinam dicti 9. a. 187. b. 309. b  
**Fratres id est, cognati, alii**  
 — credentes:  
 — non credentes 9. b. 309. b  
 — infirmiores sunt duplices: alii recte sentientes  
 — errantes 504. a  
**Fratrum nomen Monachi & olim & hodie malè sibi arrogarunt** 450. b. 595. b  
**Fratres dici Christianos, à Luciano irridetur** 450. b. 595. b  
**Fructus pseudo-prophetarum quinam sint** 131. a. b  
**Fuga errorum & inquinamentorum mundi, est vel**  
 — generalis, quæ tantum in cognitione veritatis:  
 — externa respicienda:  
 — confessione:  
 — propria, quæ in viva fide, sanctificatione & respicienda interna cordis consistit 713. b  
**Fundamentum ecclesiæ vel**  
 — principale, solus Christus:  
 — instrumentale. idque vel  
 — proximum, Evangelium:  
 — remotum, Apostoli sua doctrina 373. a. 567. a. 681. b  
 — prophetarum & Apostolorum, eorum doctrina 10. b  
**Fundamentum ecclesiæ**  
 — non Petrum:  
 — multo minus Pontifices esse posse 695. a

## G.

**Gabriel**  
 — unde compositum 157. b  
 — quid significet 158. a  
 — propriumne an commune nomen ibid.

**Galatæ à falsis doctoribus seducti**  
 — secundum quid & ad tempus:  
 — non simpliciter & perpetuo 130. a  
**Galatarum nomen an ab Hebræo גלגל aut גליל** 473. a  
**Galilæa**  
 — inferior:  
 — superior. 291. a  
**Gaudere in salutatione, ut Græcis χαίρειν.** 139. b  
**Gaudium**  
 — fidellum etiam in hac vita completum dicitur  
 — non absolute:  
 — sed comparatè. 740. b  
 — fructus Spiritus, quid sit & quotuplex. 520. a  
 — in adversis oritur ex  
 — agnitione voluntatis divinæ:  
 — dignitate crucis Christianæ:  
 — notitia & fiducia fructuum illius. 549. a. 556. b  
 — plenum, pro magno. 721. a  
 — propter afflictiones quatenus intelligendum 578. a. 41. b. 549. a  
 — Spirituale, unde oritur 584. a  
**Gaudii definitio.** 548. b  
**Gehenna, Syris Gihanna, ab Hebræis Gehinnom.** 46. b  
 — pro inferno. 47. a  
 — Satana. 554. a  
**Gehenna.**  
 — an duplex, nimii  
 — ignis  
 — frigoris. 47. a  
 — ignis, pro ignita  
 — speciatim, pro maximis gehennæ poenis. ibid. b  
**Gehinnom quis locus fuerit.** 46. b. 47. a  
**Geminatio vocum vehementiam notat** 139. b  
**Generatio**  
 — quid sit. 1. 304. b  
 — non ex solo patris, sed etiam matris semine existit. 238. a  
**Generationis Jesu**  
 — definitio. 1. a  
 — gradus tres. ibid.  
**Genitivus pluralis interdum superlativum notat.**  
 panis necessitatum, id est maxime necessarius. 52. b  
**Genitum aliud**  
 — merè naturaliter:  
 — supernaturaliter. 2. b  
**Genitum propriè, ejusdem cum genitore est substantiæ.** ibid.  
**Gentes**  
 — pro quibusdam gentiliis 125. a  
 — Deum nosse, vel non nosse quomodo dicantur 582. a  
 — infideles, laborant ignorantia vel  
 — simplici Dei in Christo redemptionis:  
 — acquisita & affectata Dei creatoris 586. a  
 — reliquæ, eorum Græci dicuntur. 513. a  
 — non habuisse legem quò sensu dicantur. 507. b  
**Gentium**  
 — ad Christi obedientiam vocatio & in eo benedictio in Vet. Testam. sæpè promissa. 223. b  
 — quarundam vitia quædam peculiaris. 505. a  
**Genua flectere in nomine Jesu quid sit.** 533. b. 718. a  
**Genuflexio**  
 — angelis quomodo conveniat 535. a  
 — & adoratio est vel  
 — libera ac voluntaria, piorum:  
 — servilis & coacta, impiorum. 533. b  
 — in nomine Jesu non necessariò significat adorationem illius. 215. b  
 — est agnitio Christi Domini. ibid.  
 — Jesu præstanda

— non solum ad hanc vitam pertinet;  
 — sed bona parte ultimo die complenda. 534. a  
**Genus dicendi γενος**  
 Petro peculiare. 705. b  
**Gignere**  
 — propriè, è sua substantia producere:  
 — impropiè: efficere simpliciter. 1. b. 165. a  
 — etiam fœminis convenit. 2. a. b  
 — pro κατὰ φύσιν αὐτὸν γεννᾶν καὶ συνάψαι. 2. a  
**Gloria, pro**  
 — gloriandi materia. 41. a  
 — misericordia, sapientia, potentia Dei gloriosa. 557. b. 558. a  
 — beatitudine fidelium, quæ  
 — inchoatur in hac vita,  
 — vocatione,  
 — justificatione & adoptione  
 — sanctificatione:  
 — perficitur post hanc redemptionem  
 — animæ à corpore & labe peccati:  
 — corporis à morte 558. a  
 — κατ' ἐξοχήν pro complemento beatitudinis. ibid.  
 — pro gloriosa Dei Patris persona. 606. b  
**Gloria alia est**  
 — Dei  
 — filiorum Dei. 557. b  
**Gloria Dei**  
 — pro illustri fulgore, præsentis Dei signi. 189. a  
 — nube miraculosa implente  
 — tabernaculum  
 — templum. 355. a  
 — est vel  
 — naturalis quæ ipsa essentia Dei invisibilis:  
 — voluntaria: quæ videri potest  
 — oculis:  
 p. corporis, aut  
 à tergo, imperfectius in hac vita:  
 facie ad faciem, perfectè in celo.  
 p. mentis. 251. b  
 — pro vita æterna. 393. b  
**Gloria Domini Meton. arca.** 422. b  
**Gloria Christi, id est, excellentia illius gloriosa, in quibus**  
 cum effectis  
 tum adjunctis consistat. 232. a  
 — τὸ λόγος  
 — propriè, celebris illius à multis rectè judicantibus laus.  
 — meton. excellentiæ τὸ λόγος gloriosa patefactio. ibid.  
 — Israelitarum, qua in re consistat 393. b  
 — qua Christus supra omnes creaturas donatus est, est vel  
 — finita, quæ humanæ:  
 — infinita, quæ divinæ naturæ convenit. 533. a  
**Gloria Dei plena omnis terra quomodo dicatur.** 355. a  
**Gloriari**  
 — de beneficiis. 446. a  
 — de aliorum dotibus, quatenus liceat. 587. a  
**Gloriatio est vel**  
 — injusta:  
 — justa & ab ambitione aliena. 580. a. 585. b  
**Glorificatio, qua Filius Patrem glorificat, notat**  
 — non effectum:  
 — sed patefactionem. 215. a  
**Græci pro γ qua littera carent, Ζην ponunt.** 15. a  
**Græci, id est gentiles.** 227. a. 513. a  
**Græci**  
 — à participiis non derivant nomina adjectiva. 52. a  
 — antiqui caruerunt nomine, quo præputium propriè notarent. 193. a  
 K k k k 4 Græ-



Græcus N. T. contextus, fons est, ad quem,  
in rebus dubiis recurrendum. 34. b  
Græcæ linguæ usus quam latè patens. 204  
Græcâ linguâ cur scripta Evangelia. ibid.  
*Gratia* pro  
— re grata. 236. a. b  
— salute. 688. b  
— donis ad ecclesiæ ministerium collata. 63. a  
*Gratia* significat vel  
— proprie benevolentiam gratuitam :  
— meton. donum ex illa gratia profectum  
63. a. 159. b. 246. a. 387. a. 451. a  
— vel  
— generatim, quodvis :  
— Synecd. *ἡ χάρις* donum iusti-  
ficationis 242. a. b. 246. b  
*Gratia* ad conversionem qualis requiratur  
88. a  
— *Christi* : quam Christus nobis acqui-  
sit. 472. b  
— triplex,  
— inhærens :  
— inde orta  
— gratia meriti justificationis  
— gratia justificationis. 248. a  
— conversionis Remonstrantibus est  
— revelatio Evangelii : &  
— auxilium Dei sufficiens, non perfi-  
ciens. 120. a. b  
— Dei ad credendum necessaria,  
— sufficiens,  
— efficax :  
— orthodoxis tantum est efficax. 60. b  
— an quibuscumque vere sufficiens adfuerit, qui  
tamen non conversi. 60. b. 61. a  
*Gratia est abjecta, si sola non sufficit.* Hier.  
303. a  
*Gratia*  
est vel  
— justificationis :  
— cognitionis veritatis Evangelii per illu-  
minationem Sp. S. 63. a  
— & pax, à solo Deo :  
— non verò ab angelo, aut ulla creatura,  
aut petita, aut data legitur 749. b. 750. a  
— & veritas, vel  
— infinita :  
— finita. 197. a  
*Gratia pro gratia*, est gratuitum donum iusti-  
ficationis, pro meriti Christi ac redemptio-  
nis gratia. 246. b. 248. a  
*Gratia*  
— qua Christus dicitur crevisse apud Deum  
& homines  
— non est favor & benevolentia in Deo &  
hominibus erga Christum :  
— sed meton. adjuncti officium Deo &  
hominibus gratum. 236. a. b  
— quam à Christo accipimus, est utriusque  
illius naturæ *ἀντιλογία*. 242. a. b  
— Novi fœderis promissa  
non solum est justificatio :  
sed etiam sanctificatio. 117. b  
— universalis inde non probatur, quod gau-  
dium de Christo nato futurum dicatur  
vel omni, vel toti populo. 189. a  
*Gratiam* augere intelligitur vel  
— per se, vi sua :  
— esse occasionem per accidens misericor-  
diæ divinæ. 407. b  
*Gratiam*  
— Deus offert reprobis  
— non absolute :  
— sed sub conditione fidei. 101. a.  
103. a. b  
— non simulate. 101. a. 103. a  
— non eo fine : ut rejiciant. 102. 103.  
— operationis divinæ, in conversione ho-  
minis, universam ac sufficientissimam,  
in sola veritatis cognitione statuunt  
Remonstr. 88. a  
— sufficientem omnibus dari iidem conten-  
dunt. 87. b. 88. a  
*Gratiarum actio* quid sit. 57. b  
*Gratulatio* quid sit. 740. a

*Gustare mortem*, Synecd. sentire, experi-  
ri. 152. b  
*Gustus Christi & verbi illius*, est vel  
— cum esu & fructu conjunctus :  
— iis destitutus. 691. b

## H.

**H** Abere oculos ad videndum & aures ad  
audiendum accipitur vel  
— proprie, de attendendi & intelligendi  
potentia & scientia simpliciter :  
— Synecd. de notitia conjuncta cum vera  
fide & charitate. 94. a

*Habere*  
porticus quinque, piscina.  
littora sua, mare :  
ripas suas flumina, qua phraſi dican-  
tur. 293. a

*Habitare*  
per se non notat dominium :  
sed inhæſionem & durationem. 413. a. b  
— Deus in fidelibus & fideles in Deo, quo-  
modo dicantur. 732. a. b  
— in fidelibus quomodo dicatur  
— peccatum :  
— Spiritus :  
— Caro. 413. a. b

*Habitus fidelem facit, non actio.* 115. a  
— omnis etiam est dispositio. 61. b

*Habitum & dispositionem quomodo Aristo-  
teles*, ut diversa conjungat. ibid.  
ab *Habitu* sumuntur appellationes durantes,  
ut justus, fortis, fidelis. 115. a  
*Hæreditas filiorum Dei*, metaph. gloriæ cœ-  
lestis communicatio. 515. b

*Hæresis, vox*  
— Græca, sed Latinis etiam usitata. 709. b  
— media. ibid.

— proprie, electa animi sententia, qua ab  
aliis dissidetur : quæ ratione  
— causæ efficientis, vel  
— à nobis,  
— aliis inventa :  
— objectæ materiæ, vel  
— religiosa :  
— non religiosa  
— philosophica :  
— politica :  
— adjuncti, vel  
— bona  
— mala.

— improprie  
Meton. aut  
— cœtus eorum, qui hæresin tuen-  
tur :  
— doctrina peculiaris.  
Synecd. generis,  
mala hæresis religiosa. 709. b. 710. a

*Hæreseos definitio.* 710. a  
*Hebræa lingua, Scripturæ usu, etiam Syram  
comprehendit.* 159. b. 294. a

*Hebræi*  
— unde dicti & quotuplices. 602. 603  
— *יְהוּדִים*, quinam fuerint. 603. a  
— verbis compositis carent. 223. b

*Hebræis*  
— eadem vox modo adjective, modo sub-  
stantivè usurpatur. 635. a  
— interdum nomina masculina fiunt ad-  
verbia. 11. b  
— masculina à fœmininis non derivan-  
tur : sed contrà. 182. b  
— nomina officii & actionum verbalia  
sunt. 210. b  
— ordo judicium triplex fuit. 46. b

*Hebraismus, phraſis Hebrææ imitatio, in  
Evangelis consueta.* 57. b. 260. a

*Hellenistæ Hebræi, Græcè loquentes.* 181. a  
*Hellenistæ* quinam fuerint. 603. a

*Helvidius Antidicomaritanita*  
— ejus argumenta adversus virginitatem  
Mariæ proposita & confutata. 8. 9. 10

*Herbæ amaræ ad esum paschatis adhibetæ,  
quid significant.* 101. a

*Herodes sceptrum à Juda non abstulit, ante  
Christum natum : ut vulgò statuunt.* 183. b

— an judices Sanhedrin omnes, paulò ante  
Christum natum occiderit. 184. b  
*Hic est, δεικνυῖς* 311. a

*Hierosolyma*  
— urbs sancta :  
— civitas Dei nostri :  
— magni regis, cur dicta. 28. b

*Historici officium in aliorum dictis aut factis  
narrandis.* 10. b

*Hoc, τὸ id est hæc res.* 306. a

*Hodie, pro præſenti duratione.* 609. b

*Homo*  
— indefinitè positum, definitè & genera-  
tim intellectum, pro *ullus homo*. 500. b  
— *novus*  
— *vetus* quid notet. 571. a

— *novus*, quomodo conditus dicatur ad  
imaginem Dei. 571. b  
— *peccati*, insignis peccatorum, Hebraicè.  
588. a

*Homo totus, unius partis (animæ, & corpo-  
ris, sive Spiritus & carnis) nomine desi-  
gnatur.* 227. b  
— *ψυχῆς, Animalis*, quis sit Paulo.  
107. a. b

*Hominis voce Patres quidam & alii Theolo-  
gi, pro humana Christi natura abutun-  
tur.* 230. a. 560. b  
— *ψυχῆς* Remonstrantium distinctio, re-  
jecta. 107. a. b

*Homini denominato ab una parte (anima vel  
corpore) tribuitur, quod ei convenit, se-  
cundum alteram.* 167. a

*Homines omnes natura filii iræ*  
— non tantum ob opera mala :  
— sed etiam ob peccatum originis. 465. b

*Homines omnes in Adamo peccasse, quo ju-  
re asseratur.* 637. a

*Homo exhibetur*  
— animo, honeste de aliis sentiendo :  
— corpore :  
— verbis, apud  
— ipsos :  
— alios  
— vitia tegendo :  
— virtutes commendando :  
— factis, gestu, incessu, concessu opera.  
438. b

*Honorare Christum*  
— etiam creaturæ inanimatæ suo modo di-  
cuntur. 775. a  
— etiam coguntur diaboli & animæ dam-  
natæ. ibid.

*Hora Christi, destinatum passionis illius tem-  
pus.* 299. b. 331. a

*Hortatio ad perseverantiam, est modus ordi-  
narius & pars conservationis divinæ.* 43. a.  
64. a. 131. a. 409. a. 455. b.  
620. b. 646. a

— non est inutilis, etiamsi perseverantia  
& conservatio fidelium sit certa. 43. a.  
64. a. 130. b. 131. a. 374. b.  
409. a. 620. b. 646. a

*Hortationi sæpe stimulum addit Apostolus,  
quum suum etiam, cum aliorum, com-  
mune officium indicat.* 616. b

*Hosæus jussus assumere uxorem scortatio-  
num*  
— non propriè :  
— sed typo quodam. 144. a

*Hostis accipitur vel*  
— active :  
— passive. 555. b

*Humana Christi natura*  
— nihil contulit, ad personalem Filii Dei  
subsistentiam, aut perfectionem essen-  
tiæ : sed ad officium mediatoris per-  
agendum. 230. a

— in conceptione & nativitate, perfectè  
sancta fuit. 235. a

— unita est divinæ naturæ : sed non in  
persona Patris aut Sp. S. sed solius Fi-  
lii. 230. b

Huma-

**Humanæ Christi naturæ**  
 — formatio, tribus personis communis 214. a. 230. b  
 — veritas, quot modis demonstrata 530. b  
**Humanæ Christi naturæ**  
 — scientia Dei infinita communicata non est, nec communicari potuit 279. b. 280. a  
 — tribui non potest, quod omnia per ipsum, & in ipsum creata sunt 217. a  
 — sive de prima  
 — secunda creatione accipitur 228. b. 229. a  
**Humana divinis, propter evidentiorum intellectum, comparari possunt: aequari non possunt.** Hieron. 510. a  
**Humanum opus, dici potest, vel**  
 — absolute & simpliciter, de mere humano opere:  
 — secundum quid 533. a. b  
**Humiliatio Christi, alia est**  
 — secundum divinam naturam:  
 — gloriæ suæ  
 — non amissione, aut imminutione:  
 — sed occultatione:  
 — humanam:  
 — interna, animi:  
 — externa, totius vitæ & mortis 531. a. b  
 — est opus  
 non merè humanum:  
 sed *quædam* 533. b  
**Humiliationis**  
 — Christi, finis:  
 — primarius, nostra:  
 — secundarius & subordinatus, ipsiusmet salutis & gloriæ 532. b. 533. a  
 — Fili Dei, gradus duo:  
 — inanitio & submissio 529. b  
**Humilis, Theologorum vox, de iis qui spiritu seu animo sunt demissi** 32. b. 572. b  
 — *ἡμεῖς* sic dicti quoniam sint 32. b  
**Humilibus hæreditas regni data**  
 — prædestinatione  
 — promissione. 533. b  
**Humilitas**  
 — Latinis non virtus, sed vitium est 246. a  
 — Theologis, virtus, qua modestè de nobis & honestè de aliis sentimus 537. b. 572. b  
 — Mansuetos: superbia feroces facit 35. b  
 — non quævis in cultu Dei probanda 568. a  
 — non solum corporis, sed etiam animi, à Deo requiritur 773. b  
 — Pontificiorum ficta, in cultu angelorum & sanctorum 568. a  
**Hymni.** 573. a  
 — Psalmi, quibus Hallelujah præfixum, aut subiectum. ibid.  
 — Psalmi, cantica quomodo differant ib.  
**Hypallage, in parabolis Christi usitata** 73. a  
**Hypallage Hebræorum,**  
 ejusque exempla 126. a. 572. a. 590. a. 591. b. 714. b  
**Hyperbole, in phæsi**  
 — puncto temporis  
 — exiguo momento 28. a  
**Hyperbolæ periculosæ notatæ** 268. a. b  
**Hypocritæ, vel**  
 — sub veritatis professione latent:  
 — ab ea deficientes, se produnt 107. b  
**Hypotheses eorum, qui statuunt, remissionem peccatorum esse totam justificationem** 179. b  
**Hypotheticarum propositionum**  
 — veritas non consistit in partium veritate, aut possibilitate: sed in sola consequentiæ necessitate 63. b. 455. b. 473. a  
 — usus varius 473. a. 633. a  
**Hysteresilogiæ, sacris & prophanis autoribus usitata** 362. a

## I.

**Iacob**

— filius Isaac:  
 — meton: Jacobitæ, qui & domus Iacob.  
 — Ecclesia Christiana, per domum Jacobibi adumbrata 163. a  
**Jacobi Somnium, an contineat typum prophetiam de Christo** 258. a  
**Jacobum mentitum esse, cum fratri benedictionem præcipuit** 576. b  
**Jannes & Jambres, nomina Magorum qui Mosi obstituerunt** 15. a  
 — unde ea Paulo innotuerint. ibid.  
**Idem**  
 potest esse  
 — & via & causa rei alicujus 532. b  
 — simul peccatum in se, & poena peccati antecedentis, diverso respectu 89. b. 388. b  
 — rei alicujus, typus generalis & singulare exemplum 424. a  
 — significare potest, per se, beneficia corporalia & spiritualia.  
 — illa explicitè & immediatè: hæc  
 — implicite & mediate Corporalium typopo 425. a  
**Idem dictum, vel ratione consilii**  
 — hominum  
 — Dei 14. b  
**Idolatriæ etiam sunt, qui fiduciam soli Deo debitam, in alia re collocant** 574. a  
**Idolothytorum esus, fuit vel**  
 — religiosus, qui omnino & per se illicitus:  
 — communis, in conviviis communibus:  
 — qui per se licitus:  
 — per accidens interdum illicitus 763. a  
**Idumæorum in Judæos odii**  
 origo & causa 789. a. b  
**Jehosua & Hosea quid differant** 626. a. b  
 — in indice Bib. Complut. exponitur  
**Dominus (Jehova) Salus** 4. b  
 — quomodo conveniat Christo:  
 Filio Nun & Josadaci. ibid.  
**Jehova tecum, elliptica oratio, quæ variè suppleri potest** 160. a. b  
**Jejunium Pontificiorum, inepta ac supersticiosa κακοθυσία** 26. b  
**Jejunii Christi & Pontificiorum oppositio & repugnantia.** ibid.  
**In jejunio 40 dierum Christus Mosi & Eliæ Similis & dissimilis.** ibid.  
**Jerusalem.**  
 — unde dictum 638. b  
 — ineptè quidam ex *ἱεροῦ* & Salem componunt ibid.  
 — an eadem urbs quæ Salem 639. a  
 — pro incolis 86. a  
 — primoribus urbis 85. b  
 — an etiam dicta fuerit Zedeck 639. a  
 — ejus antiquum nomen Salem 635. a  
**Jesus**  
 — vox, non Græca, sed Hebræa.  
 — nomen aut  
 — urbis:  
 — personæ 4. a  
 — num simplex vox; an verò composita 626. b  
 — nomen filii Nun & Josadaci 4. b. 626. a  
 — an ex voce *יהוה* & litera *ש* inserta compositum ibid.  
 — & Immanuel, idem reipsa nomen 6. b. 8. a  
 — qua ratione Immanuel vocandus dicitur 8. a  
 — Nazareus, Nazarenus dictus, vel ratione Consilii divini  
 — hominum 14. b. 15. a  
 — verè vocatus filius Dei

— ab ipso Patre:  
 — à Spiritu S. afflatis:  
 — ab aliis fidelibus 162. b  
 — an sit nomen supra omne nomen 534. a  
 — Græci pro Josua usurpant 574. b. 624. b. 626. a  
**Jesu nomine cur Christiani abstinuerint post Christi tempora** 574. b  
 — ejus vocis  
 — Origo:  
 — significatio 4. a. b. 626. b  
 — ad eam vocem an caput necessario detegendum 575. a  
**Jesuitæ sæpe veritatem sensus Scripturæ agnitam Orthodoxorum odio rejiciunt** 239. b  
**Ignis**  
 pro afflictionibus 43. a  
 — Spiritu S. 262. a  
**Ignorantia**  
 — aliqua innocens, Christo in hac vita adscribitur 196. b. 198. b. 201. b. 202. a. b  
 — ea fuit pars poenæ peccatorum nostrorum 142. b. 202. b  
 — est vel.  
 — simplex:  
 — acquisita & affectata 202. a  
**Illatio in tentationem, vel**  
 — propria:  
 — metaphorica 25. a. b  
**Ille cæcis, ipse cæcis de Christo** 714. b. 721. b  
 — de Patre 721. b  
**Imago est vel**  
 — artificialis, quæ similitudinem tantum:  
 — essentialis, quæ essentiam habet 549. b  
 vel  
 — prima, *ἡ πρώτη*  
 — inde orta, *ἡ δεύτερη* 571. b  
 vel  
 — essentialis:  
 — accidentalis. 642. a  
**Adami est vel**  
 — essentialis:  
 — accidentalis 571. a  
**Dei,**  
 quomodo dicatur Christus 549. b  
 — intelligi potest vel  
 — subjective:  
 — objective 571. b  
 — in quibus consistat ibid.  
**Imaginis Dei**  
 usus & fructus 429. a  
**Imitari**  
 — Christi actiones quatenus debeamus 26. b. 359. b  
 — miracula, nec possumus, nec debemus ibid.  
**Imitatio patris, filiorum nota** 40. b  
**Immanuel, cum voce Jesus, significationis forma convenit** 8. a  
 — ejus vocis significatio expensa & vindicata ibid.  
**Immanuel, ἱμάνθρωπος** 229. b. 236. b. 302. a  
**Immediatè efficere significat, vel proxime**  
 — efficere, ita ut inter efficientem & effectum nulla alia actio intercedat:  
 — ut accipiatur relate ad media antecedentia 105. a  
**Immediata actio**  
 dicitur vel  
 — absolutè, quæ nec antecedens nec consequens habet medium.  
 — relatè, ratione medii consequentis, quæ actio proxima est 105. b  
**Immediata, id est, proxima actio, potest habere medium antecedens, quod inter agentem & actionem illam intercedit** ibid.  
**Immutabilitas Dei & decreti ac verbi illius** 748. a  
**Impedire quibus modis conati sint Judæorum principes, quominus Christus liberos eorum congregaret.** 85. b. 87. a  
**Impedimentum**  
 — secundum quid  
 — simpliciter 87. a  
 Imperii

Imperii Romani ruina quibus temporum intervalis ac gradibus contigerit 590. b  
*Impietas*, immediata contra Deum injustitia 62. a  
*Impius* accipitur vel  
 — *ἁγὴ ἐξοχλῶ*, pro insigni primæ tabulæ violatore :  
 — generatim, pro peccatore : vel,  
 — simpliciter, in quo caro regnat :  
 — secundum quid, nempe carnem, non spiritum 398. b  
*Imperium* creavit Deus  
 — materialiter  
 — non formaliter 426. b  
*Implere*  
 — *justitiam* 20. a  
 — *Sermonem Dei*, pro prædicare Euangelium Dei 557. a  
 — *Omnia*, quomodo dicatur Christus 696. b  
*Impleri* aliquid bifariam dicitur 13. b. 14. b  
*Impletio*, accipienda interdum  
 — non absolute :  
 — sed comparatè & paulatim 548. a. b  
*Impositio* manuum triplex in Sacr. lit. reperitur,  
 — ordinaria, in ordinatione pastorum  
 — extraordinaria : eaque vel  
 — communis, pro impetranda Sp. S. donatione varia :  
 — propria, pro impetranda Sanitate 631. b  
*Impositio* manuum alia, in prisca Ecclesia usitata. ibid.  
*Impossibile* aliud est  
 — per se  
 — accidens 412. a  
 — vel  
 — absolute & per se :  
 — relate & ex hypothesi 63. b. 89. b. 98. a  
*Impossibile* per se & impossibile ex inflictæ pœna non est idem 103. a  
*Ad impossibile* neminem obligari, non est universaliter verum 98. a. b  
*Impossibilis* etiam fidelibus obedientia amoris Dei, ratione perfectionis 90. b  
*Impossibilia* homini quomodo Deus juste & sapienter possit præcipere 89. b. 98. a. 99. a. 112. b  
*Impossibilitas* illa, qua fieri non potest, ut peccantes in Sp. S. renouentur ad resipiscentiam, intelligenda est  
 — non simpliciter & absolute :  
 — sed relate, respectu  
 — iustitiæ  
 — &  
 — decreti Dei 632. b  
*Impotentia*  
 — credendi, reprobis sic inest, ut non possit non inesse : quamvis potuerit non inesse 102. a  
 — hominis, Deum non privat jure suo 88. b. 89. b. 112. b. 120. a  
 — in faciendo sibi corde novo  
 — hominem non excusat, à  
 — culpa,  
 — pœna :  
 — Deum non accusat  
 — insipientiæ  
 — aut  
 — injustitiæ 90. a. 102. b. 120. a  
 — ejus causa proxima ac per se,  
 — non est Deus :  
 — sed homo : qui ipse  
 — causa est &  
 — promerens  
 — &  
 — inferens 90. a. 102. a. 103. a  
 — illa Dei, quod non possit seipsum abnegare, mentiri, vera potentia est 141. b  
 — perfectæ obedientiæ etiam in fidelibus & pœna primi lapsus :  
 — & peccatum suam pœnam  
 — promerens 90. b. 102. b  
*Imprecationes* & devotiones, quæ in S. Lit.

occurrunt, quomodo Charitatem Christianam non violent 435. b  
*Impuritas*  
 metaph. pro quovis scelere & peccato :  
 Synecd. pro certo scelerum genere : nempe fœdis libidinibus : idque  
 vel  
 — generalius  
 — *ἁγὴ ἐξοχλῶ*, pro naturæ adversis libidinibus 570. b  
 — vel  
 — generatim, quivis impurus animi affectus, ac maleficium :  
 — speciatim, libido 579. b  
*Impuritas* dæmoniorum qualis & unde orta 66. b. 67. a  
*Imputare* an significet alicui adscribere aliquid, quod non est tale 397. a. b  
*Imputatio* mercedis est vel ex  
 — gratia :  
 — debito 398. a  
*In*  
 — propriè notat subjectum :  
 — deinde  
 — Cum  
 — Per 548. a. 577. a  
 — cō, notat, vel  
 — impositionem :  
 — appositionem 647. a  
 — interdum inservit comparationi 160. b  
*In*  
 — *Christo esse*, dicuntur quidam  
 — simpliciter, viva fide :  
 — secundum quid, externa cum Ecclesia communione 374. a. 414. b  
 — *Corde*  
 — *maris*, quomodo dicatur sita Tyrus 66. a. 717. b  
 — *terra*, quomodo dicatur fuisse Christus. ibid.  
 — an anima sua. ibid.  
 — *nomine alicujus*, est vel  
 — ad honorem :  
 — jussu illius 534. a  
 — *patrem*  
 — *adversarium*  
 — *salutem esse* phrasæ Hebraicæ non similitudinem, sed rei veritatem significant 612. b  
*Inanities* Filii Dei, accipienda est  
 — non simpliciter & absolute :  
 — sed ratione status & comparate 529. b  
*Incedere*  
 — non *recto pede* 498. a  
 — *dignè Domino* 548. b  
 — quid notet.  
*Incolæ* *terra*, pro Christianis per orbem dispersis, Synecd. 764. b  
*Inculpatus* dicitur vel ratione  
 — Dei :  
 — hominum 157. a. b  
*Inculpati* dicuntur fideles etiam in hac vita, non ratione hominum : sed etiam ratione Dei. ibid.  
 — non jure operum :  
 — sed Dei munere. ibid.  
*Inculcata* fidelium sanctitas non est sine conjuncta peccatorum remissione. ibid.  
*Induere novum hominem & exuere veterem* : & corpus peccatorum carnis, qua similitudine dicatur 562. 563. 570. a  
*Indulgentiæ* definitio 54. a. 557. a  
*Induratio*  
 — est obfirmatio in peccato dominante 427. a  
 — Deo adscribitur, per metaph. ratione gubernationis divinæ : cujusmodi varii 427. a. b  
 — ejus causa  
 — prima ac principalis  
 — non est Deus formator, nec desertor peccatoris :  
 — sed homo ipse, desertor Dei, ac deformator sui.  
 — adjuvantes  
 — Satan & homines improbi. ibid.

*Inescare homines* concupiscentia dicitur elegantè metaphora 25. a  
*Inexcusabiles* intelliguntur vel  
 — reipsa  
 — specie ac prætextu.  
 vel  
 — ratione  
 — purgationis criminis diminutionis illius.  
 vel  
 — absolute  
 — comparate cum aliis 388. b  
*Infantes*  
 — propriè :  
 — impropriè, rudes atque indocti 58. b  
*Inferiores partes* *terra*, non infernum, sed terram notant 718. a  
*Inferi* meton. pro dæmonibus 534. b  
*Inferorum porta*, dæmonum consilia ac potentia. ibid.  
*Inferni*  
 — ignis, commune omnibus damnatis supplicium 47. a  
 — pœnæ,  
 — duratione pœnæ :  
 — intensione & gravitate dispares 47. a. 57. a. 646. b  
 — in quatuor loca divisio Pontificia 718. a. b  
*In inferno* Deus habet manum  
 — potentiz :  
 — non gratiz 718. a  
*Inferre in sensationem*  
 — est Satanæ tentatori habenas laxare 131. a  
 — quomodo Deo tribuatur 25. a  
*Infideles*  
 — quomodo dicantur  
 — mortui : 117. a  
 — in peccatis. ibid.  
 — vincti & in carcere esse 717. b  
 — serviunt peccato  
 — plerumque mente :  
 — semper voluntate 413. b  
 — cum sint malæ arbores, pulchros proferre possunt ; bonos non possunt 520. b  
*Infidelium*  
 — mens suadet  
 — interdum recta :  
 — nunquam recte 413. b  
 — virtutes, quales sint 520. b  
*Infirmas*  
 — meton. effect. pro morbo 717. a  
 — est vel  
 — mentis, seu judicii :  
 — voluntatis : eaque vel ex  
 — ignorantia :  
 — pravitate 445. a  
*Inhabitare Deitas* dicitur variis modis 560. b. 561. a  
*Inhabitatio* Deitatis in Christo Ubiquitarii est proprietatem omnium divinarum in humanam naturam effusio 561. a  
*Inhabitationis* Deitatis in Christo & Sanctis discrimen : ex sententia  
 — Orthodoxorum :  
 — ubiquitatorum. ibid.  
*Iniquitas* accipitur  
 — generatim :  
 — Synecd. pro mendacio, seu falsa doctrina 591. b  
*Initium dierum non habere*, quomodo dicatur Filius Dei 231. a  
*Injustitia* contra Deum, vel  
 — immediata, quæ impietas : mediata,  
 — per injuriam in proximum : quæ distinctè à sanctitate, injustitia dicitur 62. a  
*Inscribere nomina*  
 — suis bonis,  
 — statuis,  
 — monumentis honoris, mos antiquus 765. a  
 — inscri-

Inscribitur nomen Dei hominibus in  
— terris  
internè, per Spiritus Sancti testimo-  
nium :  
externè, cum filii Dei ab aliis agno-  
scuntur :  
— in celo ibid.  
Inscripti libro vitæ, sunt vel  
— re & veritate :  
— specie & opinione 767. a  
Inscriptio  
— baptizatorum, in libro Ecclesiastico  
421. b  
— in libro vitæ, accipi potest  
— pro electione Dei :  
— vocatione ad externam Ecclesiæ  
societatem. ibid.  
— legis in cordibus est vel  
— extraordinaria, in Apostolis & Aposto-  
lica Ecclesia :  
— ordinaria, in posteris, quæ fit  
— prædicatione Evangelii  
— Sp. S. vi conjuncta 646. a  
Instrumenta  
— propriè dicta, effecti sui vera causa : eaque  
sunt vel  
— naturalia :  
— artificialia :  
Improprè dicta, adjuncta quædam ante-  
cedentia 55. b. 103. a  
Insulsum pro insipiente 43. a  
Integritas hominis ante lapsum quanta fue-  
rit 412. a  
Intelligentia  
— doctrinæ Evangelii est vel  
— Sententiæ :  
— veritatis illius 582. 1082. 171. b  
— veritatis Evangelii, non à vi naturali  
procedit. ibid.  
— electis & multis reprobis commu-  
nis 171. b  
— veritatis Evangelii, non à vi naturali  
procedit. ibid.  
— electis & multis reprobis com-  
munis 171. b  
Ad intelligentiam sensus Evangelii non ne-  
cessaria est vis aliqua supernaturalis : sed  
sufficit clara prædicatione & attenta confide-  
ratio 108. a. b. 110. b. 171. b  
Intentio animi bona, non omnis Deo grata  
est 434. b  
Interfœminium Apulejus pro utero posuit  
180. b  
Interpretatio  
— Scripturæ, unde petenda 709. b  
— paraphrastica 30. b  
Interpretationis rectæ regulæ :  
— à propria significatione ad impropiam  
non est recedendum, nisi contraria  
ratio hoc necessario exigit 51. b.  
153. b. 165. b. 216. a. 238. b. 244. a.  
270. a. 286. b. 396. b. 455. b. 479. b.  
613. b. 644. a. 684. a. 711. a  
— universaliter dicta non sunt restrin-  
genda, nisi necessaria subsit ratio  
216. a. b  
— amplitudo phrasæ Scripturæ non est  
temere in angustias trahenda 250. a.  
368. b. 711. b  
— servanda est analogia & fidei & con-  
textus 750. a. b  
— nova vocum significatio non est fin-  
genda, nisi ubi necessitas postulat  
443. b  
Interpretationibus non temere fidendum :  
Græci consulendi 310. b  
Interpretum LXX  
— errores notati 233. b. 234. a. 324. b.  
426. b. 551. a  
— Hebraismi 260. a  
Interrogatio, nota  
— absurditatis 392. a  
— indignationis 68. a. 329. b. 340. b.  
342. b. 357. a. 499. a. 515. a  
— interdum non dubitationem sed assertio-  
nem firniorem arguit 284. a

Interrogationis  
— schema  
— orationem sæpe reddit negantem  
11. a. 269. b  
— orationi vim addit 11. a  
— Prophetis non rarum ibid.  
— signum, apud Latinos, Græcos, Hebr.  
sæpe deest ibid. 367. b  
— eo interdum opus non est 11. a  
Interrogationum  
— varia ratio & finis 303. b  
— Christi, scopus. ibid.  
Invenire gratiam,  
— apud homines :  
— Deum, quid ex usu Scripturæ notet  
162. a  
Invocatio Dei est vel  
— oratio, qua aliquid ab ipso petitur.  
— gratiarum actio, qua ob dona lauda-  
tur 50. a. 215. a  
— ejus objectum 544. a  
— solus Deus :  
— non angeli, aut sancti defuncti  
750. a. b  
Inutiles, quo respectu dicantur fideles, etiam-  
si omnia fecissent quæ Deus mandavit  
285. a  
Jobum quo fine & usu Deus afflixerit 331. b.  
332. a  
Johannes  
— simplex nomen an compositum 17. a  
— activè an passivè significet. ibid. a. b  
— Apostolus  
— an prædicarit Evangelium apud Par-  
thos 719. b  
— Angelum, quem adorare voluit, puta-  
vit esse Christum 30. b  
— Baptista  
— an baptizaverit in nomine Patris, Filii  
& Sp. S. 18. b  
— Elias quomodo & cur dicatur 18. a  
— Eliam, quo sensu se negat esse. ibid.  
— quomodo dicatur venisse neque edens,  
neque bibens 17. a  
— Testimonium Deitatis Christo multi-  
plex dedit 222. a. b  
— ejus  
— Baptismus  
— Consilium Dei dicitur  
— à Deo institutus 18. a  
— an iteratus. 18. b  
Johannis Baptismus, pro doctrina quam bapti-  
zando repræsentabat 91. a. b  
— illud publicè & palam à Judæis improba-  
tum, audacter negant Remonstrantes. ib.  
Johannis ministerium non ad vetus, sed N.  
T. pertinuit 18. b  
— de eo narratio dicitur initium Evangelii  
I. Christi. ibid.  
— ejus vitæ austeræ causa efficiens & finis  
17. b. 18. a  
Josephus, an priorem Mariæ conjugem ha-  
buerit, ut Epiphanius statuit 9. a  
Josephum provectæ ætate fuisse, cum Mariæ  
desponsaretur, Epiphani coniectura non  
necessaria 10. a  
Josephi compedes & ferrum, quibus in Æ-  
gypto constrictus fuit, unde Psalmistæ  
Psalm. 105. innotuerint 647. b  
Joses frater, id est, cognatus Christi, an cre-  
diderit nec ne, non legitur 9. b  
Ipse ævæ, absolutè, de  
— Christo 714. b. 721. b  
— Patre 721. b  
Ira  
— in homine 83. a. 402. b. 571. a  
— Deo, quid notet 83. a. 571. a  
— non affectum, sed effectum, justam  
pœnam notat 402. b. 404. b. 571. a  
— est vel  
— recta :  
— prava 48. a  
— in Mose  
— Christo. ibid.  
— non simpliciter à Christo prohibita, con-  
tra Hieron. ibid.

— radix homicidii, sexto præcepto prohibi-  
ta. ibid.  
— regis, nuncius mortis, id exemplis osten-  
sum 83. b  
— temeraria, etiam in Vet. Testam. prohi-  
bita 48. b  
— Ventura, condemnatio & mors æterna  
578. b  
Iram operari, quo sensu dicatur lex 403. a  
Ironia, in Sacris 43. a. b. 159. b. 326. a. 423. a  
— ejus usus in acerba reprehensione 326. a  
Irrefragabile  
— bifariam dicitur 93. b  
— Socini & Remonstrantium vox 123. b  
Is, pronomen ambiguum 277. a  
Isaac  
— & Ismaël, electionis & reprobationis  
typi & exempla 424. a  
— quomodo dicatur unicus & unigenitus  
Abrahami filius 233. b  
Ismaël an à salute rejectus 424. a  
Israelita & Israelis filii speciatim pro Judæis  
94. a  
Israel  
— Jacob Patriarcha :  
— Israelitæ :  
— ecclesia Christiana per Israelitas adum-  
brata 163. a  
Israelitæ communiter dicti  
filii Dei :  
— primogeniti :  
— pretiosi & delectabiles filii : filii regni 421. b  
— fœderis 423. b  
Israelitæ typi fuerunt non singulorum, sed  
electorum fidelium 466. b  
Juda, post Zedekiam, reges ex se ortos non  
habuit 184. a  
Judæa, terra sancta, cur dicta 128. a  
Judæus contemptim dictus  
— appella :  
— recutitus : & unde 576. b  
Judæum esse, quid notet 499. b  
Judæi, intelliguntur vel  
— strictius, qui ex tribu Juda :  
— latius, Israelitæ 500. a  
Sunt vel  
— natura :  
— insitione. ibid.  
— blasphemè Christum vocant filium  
scorti 638. a. b  
— captivitate Babylonica, & ex ea libe-  
ratione, typus miseriæ & liberationis  
ecclesiæ 790. b  
— καληρῶς anteinvitati cur dicantur 82. b  
— depositarii verbi divini 394. a  
— Græcè loquentes 260. a  
— Græcas voces linguæ suæ imminiscue-  
runt 276. a  
— liberis suis Græca indiderunt nomi-  
na. ibid.  
— multi etiam post captivitatem Babylo-  
nicam sese idololatria polluerunt  
684. b  
— licet superstitione quadam in paucis  
verbis, aliena puncta supposuerint :  
ipsam tamen Scripturæ Hebraicæ  
contextum religiosissimè intactum  
reliquerunt 182. a  
— principes, quomodo dicantur Domi-  
num gloriæ non cognovisse 107. b  
— quomodo dicantur restitisse Spiritui  
Sancto 87. b. 88. a  
— reprehendantur, quod restiterint Sp.  
Sancto 88. a  
Judæorum  
— communis error, de Messie  
— persona  
— officio,  
— beneficio 304. a. b. 368. a  
— dissidium cum Samaritanis.  
— unde ortum 381. b. 382. b  
— figmentum de Hiram longævitate  
326. a  
— posteriorum malitia, in rectis maio-  
rum interpretationibus, odio Chri-  
stianorum, pervertendis 609. b  
à Ju-



à Judæis vicinis quædam hausit Trismegistus in Ægypto & ex eo Plato & Platonici 228. a  
 Judæos infideles, qua ratione, Abrahami filios agnoscat, aut neget Christus 612. b  
*Judaicè vivere*, quid significet 499. b  
*Judaizare*, quid sit 499. a  
 Judex mundi quo modo sit Christus 198. a. b  
 Judices, cur Dii *דיינים* appellantur 210. b. 341. b  
 Judicium  
 — *liber*, à diversis prophetis conscriptus: unde *propheta dictus* 15. a  
 — Ordo, apud Hebræos triplex, infimus, medius, summus 48. b  
*Judicari*  
 pro  
 — condemnari 77. a  
 — puniri 77. a. 376. b  
*Judicium*  
 — pro condemnatione 64. b. 173. a. 348. b. 376. b  
 — poena, vel  
   — temporalis 376. b  
   — æterna  
*Judicium*  
 — Charitatis  
   — debet esse charitatis rectæ 684. a  
   — falli potest. ibid.  
 — Dei, est vel  
   — misericordiar, per fidem in Christum: ex operibus hominum 157. a  
   — est vel  
   — divinum:  
   — humanum.  
   — vel  
   — absolutiois:  
   — condemnationis 376. b  
   — est vel  
   — fidei, quod nritur revelatione divina, vel  
   — communi, per verbum:  
   — speciali, per Spiritum: idque vel est  
   — simplex  
   — mixtum.  
   — Charitatis 524. b. 684. a  
 — *exercere* *קצת יסודות* de judicio ultimo 297. b  
 — exercendi potestatem Pater dedit Filio, ratione  
   — non rei:  
   — sed modi 297. b  
 — exercebit  
   — immediatè, Filius  
   — secundum utramque naturam:  
   — mediatè, Pater per Filium. ibid.  
 — legis, est vel  
   — per se, quatenus Evangelio opponitur:  
   — per accidens, quatenus cum Evangelio componitur 673. b  
 — Petri, de eorum, ad quos scribit, electione, non tantum fuit charitatis: sed etiam fidei, & quidem vel  
   — commune, ex  
   — revelatione Scripturæ generali:  
   — collatione experientiar, speciali ortum:  
   — proprium, ex speciali Spiritus instantu 684. b  
 — Pontificiorum, quo falsas Patrum sententias, contra veritatem & conscientiam excusant, non est charitatis rectæ 684. a  
 Judicii diem horrere fideles non decet 642. a. 730. a  
 Judicia publica exercere, an Christus interdicit iis, qui peccati aut criminis alicujus sibi sint conscii 322. a. b  
 Juramentum  
 — Christi 47. a. 481. a. b  
 — Pauli 47. b. 480. b. 481. b. 526. a. 580. 584. b  
 — Judæorum obliquum ex gentilium imitatione 46. b  
   — per corban 70. a  
 — Christianorum *per salutem Cesarum* 485. a

— Josephi, *vixit Pharo*, quale fuerit. ibid.  
 — in sermone familiari, nec necessarium, nec utile 46. b  
 — ideoque raro adhibendum 482. a  
 — necessarium ac verum, non prohibuit Christus 47. a. 390. a. 480. & seqq. 634. b. 678. a. b  
 — quale prohibeat Christus 46. b  
   — & Jacobus ibid. 480. b. 481. b. 678. a. b  
 Juramenti definitio 47. b. 268. b. 481. b  
   — finis & utilitas,  
   — litis diremtio,  
   — &  
   — veritatis in animis auditorum confirmatio 633. b  
 — formulæ, *vixit Iehova: vixit anima tua: vixit rex: vixit ego* 485. a  
 Jurandum  
 — per solum Deum, ut testem & judicem:  
   — per aliud, ut pignus, quod Deo obstringitur 484. b. 485. a. b  
 Jurare, species confessionis, ac laudis Dei 47. b  
 Jus successionis in regimine apud Judæos non pertinuit ad foeminas: sed tantum ad mares 184. a. b  
*Iustificare*  
 — vox à Patribus ficta 398. a  
 — nusquam significat justum ex injusto facere ibid. a. b. 500. b  
 — ea abutuntur Pontificii pro sanctificare 295. b. & 399. a. 500. b  
 — *impium*, quo sensu dicatur Deus 398. a  
 Iustificat Christus  
   — & personæ,  
   — & opera fidelium 556. a. 669. a. 695. a. 716. a. 747. a. b. 780. b  
 Iustificata sapientia à filiis suis, quomodo dicatur 146. a  
*Iustificatio*  
 Augustino & aliis, pro sanctificatione, Catachresi non infrequenti, sed noxia 419. b  
 — alia est  
   — ex lege:  
   — Evangelio 391. b  
   — ratione efficientis est vel  
   — hominis:  
   — Dei 500. b  
   — alia est  
   — apud Deum:  
   — homines 508. b  
   — coram Deo, est vel  
   — hominis in se perfectè justus:  
   — injusti 500. b  
   — alia est  
   — à priori, seu ex causis:  
   — à posteriori, seu ex effectis 675. a  
 — est vel  
   — injusti, quæ *prima* dicitur:  
   — iustificati & justus: quæ *secunda* & prioris continuatio 780. b  
 — ex operibus, alia est tanquam  
   — ex causis:  
   — effectis & signis 395. a. b. 399. a  
   — ex operibus, tanquam causa, alia est  
   — absoluta ac simplex:  
   — comparata ac secundum quid 395. a. b  
 — ex operibus, requirit perfectam legis ab operante observationem 556. a. quæ soli Christo convenit ibid.  
 — effectum fidei tanquam instrumenti supernaturalis,  
   — non per se:  
   — sed per accidens promissionis divinæ 100. a. b  
 — & sanctificatio duo diversa beneficia 398. a. 419. b  
 — fidei, & legis *νόμος* 509. b  
 — non finis reconciliationis, sed illius efficiens 555. b  
 — *Vita*, unde dicta 246. a. b  
 — universa, non uno tempore peragitur 398. b. 399. a. 780. b. 781. a

Justificationis  
 apud Paulum & Jacobum,  
   — diversa sententia:  
   — sed non contraria 395. b. 674. & seqq.  
 — causa  
   — efficiens, Deus:  
   — impetrans, fides 100. a  
   — impulsiva, iustitia Christi 246. b  
 — causæ procreantes  
   — non sunt ullæ hominum affectiones aut præparationes, aut ulla opera fidem antecedentia:  
   — nec ipsa fides:  
   — sed sola Dei gratia:  
   — meritum Christi:  
   — efficacia Sp. Sancti 34. b. 100. b  
 — initium & progressus, contingit fide 391. a  
 — in primam & secundam distinctio Pontificiorum falsa 674. b. 781. b  
 — partes Pontificii statuunt duas  
   1. fidem, tanquam initium:  
   2. Charitatem, tanquam complementum iustitiæ 780. a  
 — S. Scripturæ doctrinam Pontificios oppugnare, contra illorum exceptiones demonstratum 399. a. b  
 Justificationem,  
   — non in sola peccatorum remissione:  
   — sed in totius obedientiar Christi imputatione consistere 176. & seqq.  
   — etiam ex catechesi & Liturgia Belgica probatum 177. a. b  
*Iustitia*  
   — pro debita mandato Dei obedientia 20. a  
   — accipitur vel  
   — pro opere justo:  
   — universali obedientia legis 395. b. 780. a  
 Iustitia  
   — apud Philosophos est vel  
   — particularis virtus:  
   — omnium virtutum complexus 177. b  
 — est vel  
   — Dei: eaque vel  
   — essentialis:  
   — judicialis 37. b  
   — hominis: quæ vel  
   — imputata, iustitia Christi:  
   — inherens 37. b. 176. & seqq. 667. b  
 — est vel  
   — personæ:  
   — causæ 678. a  
 — est vel  
   — particularis, operis:  
   — universalis, personæ 395. b. 396. a. 698. a  
   — utraque justus est Christus & fideles:  
   — sed diverso modo 698. a  
 — Christi, nobis imputata, est totius debiti nostri  
   — universæ poenæ  
   — obedientiar solutio 176. & seqq. 667. b  
 Iustitia Christi,  
   — & conditio in ipso requisita: & nostra iustitia est 178. a  
 — alia est  
   — naturæ divinæ: quæ  
   — infinita:  
   — incommunicabilis:  
   — Patri & Sp. S. communis.  
   — naturæ humanæ: quæ vel  
   — innata: naturæ sanctitatis:  
   — enata, iustitia  
   — vitæ:  
   — mortis 541. a. b  
 — activa & passiva obscurius dicitur ibid.  
 — distincta, sed non divisa temporibus. ibid.  
 — humanæ naturæ Christi, in se finita, unde infinitam dignitatem habeat. ibid.  
   — iustitia dignitatem appellari potest ibid.  
*Iustitia Dei*, pro  
   — iustitia ipsi debita, ab eo mandata 386. a  
   — Christi, à Deo, per fidem donata 432. a  
   — quomodo dicatur, Evangelio reteggi 388. a  
   *Iustitia*

**Iustitia Dei**

- accipitur vel
  - subjectivè, quæ in Deo :
  - effectivè, quæ à Deo 388. a.
- 706. b
- in afflictionibus, etiam sine meriti peccati ratione immisiss, vindicata 331. b
- Iustitia**
  - est perfectus ac perpetuus Dei & proximi amor 176. b
  - fidei quænam dicatur 38. a.
  - 432. b
  - imputata, an nihil aliud sit quam remissio peccatorum 37. b. 175. & seq.
  - fidelium
    - per se tantum spectata, est peccatum 156. b
  - duplex,
    - obedientia Christi :
    - renovatio imaginis Dei eaque imperfecta & quare 405. b.
    - 406. a
  - Originalis & actualis, universalis iustitiæ partis conjunctæ, sed distinctæ 178. b. 179. a
  - propter quam fideles persecutionem patiuntur,
    - quænam intelligatur :
    - via regni, non causa regnandi 41. a.
    - 667. b
  - sanguini & morti Christi cur adscribitur 37. b. 38. a. 176. b. 178. a.
  - 541. a
  - nostra perfecta consistit
    - in innocentia :
    - aut per compensationem,
    - in persequione poenæ :
    - & observacione mandatorum 541. b
  - propria, iustificare non potest,
    - nec merito : quia debita :
    - nec pacto legis : quia
      - imperfecta :
      - persona rea est 541. a
  - universalis, requirit
    - habitum iustitiæ
    - actiones omnes legi conformes 177. b.
    - 406. a
- Iustitiam**
  - desiderantes beatos, quomodo mundo paradoxum 58. a
  - habitualem, quo jure, Deus ab homine postulet 178. a. 406. b
  - vindicticem exercere alicujus occasione,
    - simpliciter :
    - secundum quid 101. a
- Lachrymas Christum in passione profudisse, unde constet 628. b
- Lapides igniti, pro gemmis 326. a. b
- Lapidis fulminis,
  - an sit.
  - Brontia dictus 326. b
- Lapsus Adami poenæ merita, ejusque moderatio, qualis & quo fine à Deo concessa
- Latina versio, rivus est, à quo, in rebus dubiis, ad fontem recurrendum 34. b
- Latrones, pro uno è latronibus 14. b. 81. b
- Laudare latius patet, quàm gratias agere 57. b
- Laudatio & optatio quid differant 191. b
- Laudare alios in os, quatenus non sit vitiosum, sed officium Christianum 599. a.
- 634. b. 646. b
- Lenes Clysters**
- Lenis vox** 36. a
- Lenitas quid sit, 520. a. 572. b
- Lex**,
  - metaphoricè, pro vi & instinctu, quasi imperante ac dominante 409. a.
  - 414. b
  - via.
  - res lege significatæ ac mandatæ 316. b
  - propriè, Dei mandata :
  - impropriè,
  - meton. subjecti, libri Mosi 395. a

- Synecd. partis, tota Scriptura Vet. Testam. 341. b. 502. a
- doctrina
  - *κατ' ἐξουσίαν* pro Evangelio 502. a
- data, ut morbos ostendat, non ut auferat 511. b
- Dei
  - decalogi, *δέκαλοι*, מצות
  - ceremonialis, *δουκίμματα*, חקות
  - judicialis *κρίματα*, משפטים 155. b
- exigit à nobis
  1. poenam, pro inobedientia :
  2. obedientiam
    - absolutè, jure
    - naturæ Dei :
    - beneficii creationis :
    - relatè, respectu finis, nempe vitæ æternæ obtinendæ 607. a
- ea, perpetua est, quæ causam habet necessariam 565. a
- Christi, cur dicatur præceptum de charitate mutua 521. a
- Ceremonialis, dicitur
  - *statuta ac decreta* :
  - Lex mandatorum in decretis posita :
  - mandati carnalis :
  - ad tempus correctionis imposita : 247. a
- Chirographum decretorum nobis adversarium 247. b. 350. a
- fidei,
  - operum, quomodo dicatur 502. a
- de filiabus Zelapheadi, quomodo intelligenda 167. a
- ( id est, libri Mosi ) liberat nos à lege & ad Christum adducit,
  - per se, prophetiis de Christo
  - expressis
  - adumbratis per typos,
  - extraordinariis :
  - ordinariis :
  - per accidens, declaratione
  - officii nostri, & obligatione, in decalogo :
  - miseræ nostræ, in ceremoniis 502. a. b
- Index peccati & norma vitæ 670. b
- *Lit. ra* 315. a
- *ministerium mortis* 616. b
- *Moralis*, accommodatius dicitur *Lex Charitatis* 247. a
- non ideo lata, ut Christum queramus 432. b
- *Mosis*, enallage singul. pro plurali, leges 247. a
- non moralis, sed ceremonialis, pædagogia ad Christum 432. b
- moralis, quo sensu dicatur *Lex Libertatis* 670. b
- peccatum indicat,
  1. declaratione officii :
  2. accusatione neglectus illius :
  3. denunciatione poenæ 511. b
- præcipit omnem iustitiam,
  - habitualem :
  - actualem 173. a.
  - 177. a. b
- prohibet vitiositatem actionum & naturæ 177. a.
- quatenus hominibus de sua iustitia gloriantis occasionem præbeat 394. a
- quo die lata 266. b. 267. a
- quomodo
  - ad omnes pertineat 507. b
  - dicatur iram operari 402. b
  - fide stabilis 394. a
  - impossibilis 507. b
  - per angelos ordinata 511. b
  - regia, cur dicta 673. a
- Legis**
  - Causa
  - princeps, Deus, unde *lex Dei* :
  - ministra, Moses, unde *lex Mosi*, per Mosén, non à Mose data 247. b

- conditiones. 3. ut servantur mandata
  - omnia :
  - integrè :
  - perpetuo 507. b
- divinæ scopus & usus
  - communis,
  - officium docere :
  - peccati & reatus condemnationis convincere : 88. a. 247. a.
  - 394. a
  - specialis, respectu electorum eos ad obedientiam deducere 88. a
- Ceremonialis usus
  1. ut sit index miseræ :
  2. typus & visibilis promissio liberationis nostræ 247. b
- & pædagogi convenientia, qua in re consistat 512. b
- jus in nobis impletur, merito mortis Christi & Sp. S. efficacia
  - inchoatè, in hac vita :
  - perfectè, in morte 176. b. 414. b
- lætæ & Pentecostes dies non fuit idem, sed diversus 267. a. b
- usus
  - homines sub peccato concludere :
  - atque ita viam Christo sternere 512. a
- Moralis usus
  - primarius, obedientia :
  - secundarius, convincere peccati & impotentia 432. b
- prædicatio, ministerium mortis 247. b
- Legi**
  - decalogi, gratia Christi :
  - ceremoniali, veritas Christi quomodo opponatur 247. b. 248. a
  - impotentia liberationis tribuitur
    - non per se, & natura sua :
    - sed per accidens carnis nostræ 415. a.
    - 501. b
- Legem**
  - fideles servant
  - perfectè, iustificati in Christo :
  - in se :
    - in hac vita inchoatè, per sanctificationem :
    - in altera vita, perfectè 412. b
- in hac vita perfectè implere, impossibile 420. a
- omnem ante Mosén, aut etiam ante lapsum datam, immutabilem esse, verum non est 565. a. b
- Leges Dei sunt vel**
  - religiosæ : eæque vel
  - omnibus communes & perpetuæ : Decalogus.
  - Israëlitis propriæ & ad tempus Mosis duraturæ :
  - politicæ, modum politicæ Israëlitarum præscribentes 247. a
- Liber**
  - naturæ
  - scripturæ 434. a
  - Enochii, ab impostore confictus : & qua occasione 744. a
  - *Questionum & responsonum ad Orthodoxos*, non est Iustini Martyris : sed alterius antiqui auctoris 474. a
- Libri**
  - nonnulli prophetarum perierunt 15. b
  - *Chronicorum*
  - *regum*
    - *Israëlis*,
    - *Jude*, alii, quam qui hodie exhibent. ibid.
- Librorum veterum forma & conscribendi modus**
- Liberi**, pro subditis & discipulis 85. b
- Libertas Christiana**
  - quid & quotuplex sit 440. a
  - non in peccandi licentia : sed peccati fuga consistit 714. a
- Libidinum fontes** 1111

— mala cupiditas & Avaritia 570. b  
 Limbus inferni Pontificiorum fictitius 699. a. b  
 Lingua quam usi Judæi, post captivitatem Babylonicam, ad Christi tempora 48. a  
 Linguae quomodo angelis tribuantur 534. b  
 Linguarum miraculum non in auditoribus: sed Apostolis fuit 265. a  
*Litera & Spiritus* 315. a  
*Locus alicujus non inventus dici potest, vel*  
 — simpliciter & absolute:  
 — Scripturæ more, secundum quid & relate 133. a  
 Locustarum usus & efus, è Scriptura, Plinio, Eustathio probatur 17. b  
*Loqui xpi iſoxi*, loqui de Christo, prædicare Euangelium de Christo Servatore 265. a  
 Lotio  
 — manuum, vel  
 — communis & ad honestatem civilem pertinens:  
 — propria Judæis & superstitiosa 68. a  
 — pedum  
 — Apostolorum, qua mente & quo scopo, à Christo peracta 359. a. b  
 — an ceremonia in universa Ecclesia servanda 359. 360  
 — Judæorum consuetudo ejusque occasio:  
 — finis:  
 — origo  
 — exempla 359. a. b  
 — quæ à cardinalibus & Episcopis, quotannis instituitur, à Scopo & modo Christi aberrat 360. a. b  
 Lucas  
 — Evangelista  
 — non fuit ex 70 discipulis:  
 — nec Pauli discipulus 251. b  
 — ante Matthæum & Marcum scripsit 154. & seq.  
 — *Medicus*, an intelligatur Evangelista 150. a. 574. b  
 — ex Medico corporis, Medicus animarum 150. a  
 Lucæne fuerit, an Barnabas, an denique Silas, frater ille cujus laus fuisse dicitur in Evangelio 150. a. b  
 Luca bos, Elephas 155. a  
 — de Luca bove ridiculum Baronii commentum. ibid.  
 Lucifer an Diaboli nomen 325. a  
 Luctus  
 — mortuorum, immoderatus unde oritur 583. b  
 — adversus eum consolationes. ibid.  
 — unigeniti, id est, gravissimus 233. a. 648. b  
 Lugentes quinam beati 33. b. 35. b  
 Lugere terra quomodo dicatur 33. b  
 Lumborum præcinctio, quid significet 688. b  
*Luminare mundi*  
 — propriè,  
 — majus ac diurnum, Sol:  
 — minus ac nocturnum, Luna:  
 — impropriè,  
 — majus, Christus  
 — minus  
 — Ecclesia  
 — Christianus quisque 43. b. 573. a  
 Lupus metaph. Ecclesiæ adversarius  
 — falsa doctrina:  
 — persecutione 337. a. 43. b  
*Lux* pro luminari Meton.  
 — de regno cœlesti & glorioso 549. a  
 — de luce animæ, quæ est  
 — cognitio mentis,  
 — voluntatis sanctitas,  
 — utriusque fructus, vitæ sanctæ lux. ibid.  
 — qua similitudine dicatur Deus 721. b

— hominum, quo discrimine  
 Christus, prophetæ, Apostoli dicuntur 220. b  
 — mundi hujus, sol. 43. b  
 — mundi  
 — illa  
 — vera, Christus ibid. 219. & seq.  
 Lutheranorum sententiæ de morte Christi pro omnibus & singulis hominibus 453. a

## M.

**M**acedonianus 421. b  
 Magistratus  
 — obedientiæ nemo exceptus 188. a  
 — potestate se & omnem clerum injustè eximit Pontifex Romanus 188. b  
 Magistratum gerentes  
 — optimates dicti 151. b  
*Magnificare Dominum*, quid sit 146. a  
 Magorum Ægyptiorum  
 — dracones, sanguis, ranæ, reverentia fuerunt 129. a. b  
 — miracula 302. b  
 — nomina, Jannes & Jambres, unde Paulus innoverint 15. a. 143. a  
 — in paraphrasi Jonathanis memorata. ibid.  
 Major Christo quo sensu dicatur Pater 223. a  
*Major me est Pater*, an rectè exponatur beator est me. ibid.  
 Maledicta  
 — unde oriantur.  
 — quam noxia 571. a  
 Malitia certi vitii nomen est: vitiositas omnium. ibid.  
 — ejus definitio.  
*Mali Synecdoch. generis*, pro hypocritis 84. b  
 Mali quinam & quare etiam ad Ecclesiam communionem aggregentur. ibid.  
 Malum est vel  
 — per se ac simpliciter:  
 — secundum quid ac relatè 298. a. b  
*Mandando Deum efficere*, ut homines se convertant, quo sensu à nostris dicatur 113. a  
 Mandare propriè generatim est aliquid alicui præscribere, sive conditio promissionis præmii communicationis poenæ, adsit vel absit 113. a  
 Mandatum  
 — Christi ad fideles duplex: fidei & charitatis 724. a  
 — Dei, conversionis  
 — habitualis, tantum antecedens est adiunctum:  
 — actualis verò, causa instrumentalis. ibid.  
 — de charitate, quomodo & vetus & novum dicatur 724. b. 725. a  
 — Judæis proprium & politicum est: qui maledixerit patri aut matri, morte moriatur 68. a  
 — Serium, causæ efficientis modus est 575. b  
 Mandata Dei quo respectu & modo  
 — fidelibus, gravia non sint: 733.  
 — non regeratis intolerabilia & impossibilia 733. a. b  
*Mammone iniquitatis*, quo sensu etiam piis tribuatur 73. a  
 Manna  
 — absconditum, qua similitudine dicatur Christus 759. b  
 — in urna aurea reconditum, quid significat 648. a  
 — cur cibis spiritualis appelletur. ibid.  
 — panis robustorum, id est, angelorum quomodo vocetur 308. a  
 Mannæ Israëlitarum & mannæ medicorum

multiplex discrimen 307. b  
*Mansio*,  
 — propriè manendi actio:  
 — meton. mansionis locus. 364. b  
 Mansiones multæ quo sensu in cœlis esse dicantur. ibid.  
 Mansuetudo Christiana, qualis virtus 36. b  
 — non excludit zelum gloriæ Dei & justam iram 36. b  
 Mansuetudinis  
 — effecta, *μεγαθυμία* tolerantia & condonatio.  
 — exemplum  
 — excellens, Moses:  
 — excellentissimum, Christus  
 — definitio Basilii M. obscura 36. b. 103. a  
*Mans Dei*.  
 Marcus an epitomen scripserit Matthæi 134. a  
*Mare vitreum*, quid in Apocalypsi notet, varietate sententiæ 771. 772.  
 Maria  
 — non stella, sed *stella maris*, Hieronymo dicta 158. b  
 — ejus nominis compositio & significatio. ibid.  
 — an virgo post partum manserit 8. 9. 10. 187. b  
 — virginitatem voverit 9. a. 164. a. b  
 — cur desponsata 8. b  
 — an per portam clausam Ezech. 44. intelligatur 9. b  
 — Benedicta in mulieribus 160. b  
 — *μεγαλειότης* quo sensu dicatur 159. b  
 — & Elizabeth quomodo *συγγενής* fuerint 167. a. b  
 — non sine dolore peperit 188. a. 192. a  
 — etiam si sine culpa conceperit 192. a  
 — aperto utero 192. a. 382. a. b  
 — exemplum  
 — obedientiæ, erga Cæsarem:  
 — patientiæ:  
 — *ὑπακοή* 187. b. 188. a  
 Mariæ perpetua virginitas an Sacr. Literis definita 9. b  
 Mariam  
 — virginem concepisse & peperisse, fidei judicio statuendum:  
 — virginem verò perpetuò mansisse, charitatis judicio Ecclesia Christiana credit.  
 — ejus iudicii rationes allatæ 9. b. 187. b  
 — ex tribu Juda & familia Davidis fuisse, unde constat 167. a  
 Mariolatia Pontificiorum horrenda 161  
 Martyrem facit  
 — non poena:  
 — sed causa: eaque  
 — non sola:  
 — sed causæ comes, fidelis tolerantia 751. b  
 Masorite quinam fuerint 778. a  
 Matthæus non scripsit Hebraicè 682. a  
 Mediator hominum est, qui pro iis intercedit.  
 — Precatione:  
 — Satisfactione 462. a  
 Medium, propriè est, quod inter duo extrema existit 105. a. 125. b  
 — estque vel  
 — accidens adiunctum:  
 — causa termini ad quem 125. b. 387. a. 506. a  
*Melioris*  
*Melagreste*, cibis Johannis Baptistæ 17. b  
 Melchizedek  
 — ex *melch* & *izdek* cum iod epenthetico 635. a  
 — an commune regnum Jerusalem nomen 637. b  
 — an  
 — angelus  
 — filius Dei in humana specie.  
 — Sem filius Noë  
 — Spiritus

— Spiritus Sanctus sub hominis perso-  
na 637. b. 638. a  
— obtulerit panem & vinum in sacrifici-  
um 639. & seq.  
— fuisse filium scorti, statuisse Judæos, ait  
Epiphanius 638. a  
— quomodo dicatur sine Patre, sine matre  
fuisse 635. a  
— initio dierum & sine carere. ibid.  
Melchisedeci  
— ordo, qua in re consistat 639. b.  
641. b  
— typus explicatus 3. b. 637. & seq.  
— & à Socini corruptelis vendicatus  
3. b  
Mellificatio apum  
in cavata petra :  
— cavatis arboribus :  
— agris 17. b  
Membra quæ sunt in terra, quo tropo dicantur  
cupiditates carnales 570. a  
Memisse, notat  
— memorem esse :  
— mentionem facere : sed rarissime :  
— meron effic. juvare 494. b  
Memoriæ Christi cō æternæ divinitus obscura-  
ta, sine vitio 142. b. 202. a. b  
Memoria error  
— an sacris autoribus tribuendus 10. b.  
142. a  
— notatur in  
— Aretio 311. a  
— Beza 142. a  
— Chrysostomo 244. a  
— Eusebio 127. a ibidem iterum.  
— Hieronymo 510. b  
— Tertulliano 115. a  
Mendacium ratione finis est vel  
— perniciosum :  
— humilitatis :  
— officiosum :  
— jucundum 575. b. 576. a  
— Omne, absolute prohibitum 7 argu-  
mentis probatur 575. b  
Mendacium  
— Creaturæ præcipere, propriè loquen-  
do, Deus sine peccato non pot-  
est ibid. b  
— quomodo Deus præcepisse diabolo di-  
catur. ibid.  
Mens  
— pro spiritu, id est parte hominis regene-  
rata 413. a  
— quatenus non est regenerata, etiam car-  
nis nomine continetur 413. b  
Mens carnis 566. a  
Mentem malam sequitur malus animus  
60. a  
Mensa deaurata cum panibus propositis,  
quid adumbravit 647. a  
Mercenarius, quis sit 336. b  
Merces  
— metaph. præmium gratiæ & gloriæ gra-  
tuitum 647. a  
— alia  
— merita :  
— gratuita 41. b  
— debita est, vel  
— jure operum  
— promissionis Dei gratiæ 76. a.  
634. a  
— operum  
— bonorum, non merita, sed immeri-  
ta, ac merè gratuita merito dicen-  
da 76. a. 284. b. 285. a  
— malorum, merita, jure  
— veritatis comminationis diviniæ,  
&  
— dignitatis operum 76. a  
— vitæ æternæ, quomodo dicatur 41. a. b.  
740. b  
— & quidem justa 76. a. 522. a  
— à justo iudice danda 41. b.  
285. a  
— vitæ æternæ, non ex parte : sed merè gra-  
tuita 41. a

Mercedem Deus ut justus iudex tribuit, jure,  
vel  
— absoluto :  
— relato tantum 41. b  
Mercedem pro labore ab Ecclesiæ accipere  
pastores, justum à Christo institutum  
336. b  
Meretur non homo, bonis operibus vitam :  
sed Deus, iis gratuito datis, ab homine,  
gratitudinem 284. b. 285. a  
Meritum  
— abolitionis peccati, ordine  
— causæ, antecedit :  
— temporis, in multis secutum est ipsam  
abolitionem 256. b  
— Christi, bimembre,  
— passio & mors :  
— obedientia legis 178. a  
Merita, Catechesi metaphorica, pro bonis  
operibus 364. b  
Messias.  
omnia, quæ de Messia prædicta, in Jesu esse  
completa, universalis est demonstratio,  
Jesum esse Messiam 16. a  
de Messia prædicta, quædam  
— ipsi sunt propria : unde solida ratio :  
— illi cum aliis communia : quæ non  
constituunt argumenta per se solida :  
sed cum aliis juncta. ibid.  
Messiæ periphrasis, propheta ille, qui venturus  
erat in mundum 304. b  
Messis, metaph. pro auditorum idoneorum  
copia 284. b  
Messores, Apostoli. ibid.  
Metalepsis 552. b  
Metaphora reciproca, in vocibus  
infusatum & insusum.  
item in Græcis ὁπῶν & νεῶν 43. a  
Metere, metaph. de Evangelii ministris 284. b.  
285. a  
Metus est vel  
— liberalis :  
— illiberalis ac servilis 732. b  
— defectionis & exitii, qui fidelibus præci-  
pitur, intelligendus est  
— non absolute :  
— sed relatè ad fideles 621. b  
Michaël  
— quæ sicut Deus ?  
— etiam hominum nomen  
— angelum creatum : non filium Dei no-  
tat 158. a. b. 166. a  
— princeps populi Judaici 158. b  
— ejus angeli ibid.  
Milites  
Milites Christi, qua similitudine dicantur  
— omnes Christiani :  
— ἰσχυροὶ, ministri verbi 609. a  
Mille annorum regnum quale statuerit Ce-  
rinthus, & Patres quidam Orthodoxi  
746. a  
Ministerium extremum, distinctum à con-  
juncta interna Christi efficacia 19. b  
Ministerii sacri dignitas 517. b  
Miracula  
— sunt vel  
— potentiæ infinitæ  
— finitæ 129. b. 232. a  
— sunt vel  
— simpliciter, ratione  
— rei  
— & modè efficiendi :  
— secundum quid, miracula 446. b  
— Antichristi, sunt prodigia mendacii, id  
est, fallacia, vel  
— partim : ratione  
— finis  
— formæ externæ,  
— omnino : ratione  
— finis &  
— formæ externæ atque etiam in-  
ternæ 591. a  
— Christi  
— & Apostolorum quomodo differant  
55. a. 160. a. 119. a. 232. a.  
302. a. 338. b. 446. b

— item Moysi & prophetarum 259. a  
— sunt vel  
— potentiæ infinitæ :  
— finitæ 129. b  
— cur in sanandis afflictis potissimum oc-  
cupata 302. b  
— omnia, vera ratione  
— formæ  
&  
— finis 302. a  
— quædam, quamvis finitam poten-  
tiam non superabant, verè tamen  
probarunt, ipsum esse Christum ve-  
rum Deum 129. b. 531. b.  
532. a  
— fidem certò non probant 506. b  
— hoc tempore non necessaria 513. a  
— Magorum Ægyptiorum, quale fuerint  
129. a. b. 302. a  
— non omnia, sed sola divina, veritatis  
testimonia 129. b  
— per Apostolos quo sensu facta dicantur  
119. a  
— Pontificiorum, documenta Antichri-  
sti 592. b  
— pseudoprophetarum, ratione  
— finis, omnia falsa :  
— rei, quædam falsa :  
quædam vera  
— mixta 129. a  
— vera, quomodo à divinis, quæ ange-  
licam potentiam non superant, di-  
stinguantur 130. a. 301. 302.  
— Satanæ, metaphoricè dicuntur 302. a  
— omnia falsa, ob formæ & finis vi-  
tium. ibid.  
— quæ omnium creatorum vires supe-  
rant,  
— resurrectio mortuorum :  
— potentiæ visus penitus ablata re-  
stitutio 55. a. 129. b. 232. a.  
295. b. 302. a. 330. b.  
446. b  
— ea deitatis Christi certa argumen-  
ta 55. a. 232. a  
— Signa :  
— divinus cur dicantur 506. a  
552. a  
Miraculi turbæ saturatæ finis  
— communis ;  
— proprius 303. 304.  
Miraculorum causa efficiens, vel  
— instrumentalis, quæ  
impetrat, &  
imperat 446. a  
Miracula Christus fecit secundum utramque  
naturam : sed diverso modo 332. a  
Misericordia nostra, est mutua cum Deo inimici-  
tia, qua  
— nos Deo adversamur, peccatis :  
— ille nobis, justa poena 555. a  
Misericordiæ experientia, parit misericordiam et-  
jam in Christo 619. a. b. 629. a  
Misericordia  
— quid generatim  
— speciatim 38. a. 572. a  
— ejus officia 38. a  
— Dei, quid sit 275. b  
— Salutaris, non est universalis erga singu-  
los 469. a. b  
Misericordiam consequentur misericordes à  
Deo  
— in hac vita  
— immediate :  
— mediate.  
— in altera, plenissimè 38. a  
Missæ faciendæ est impia Pontificiorum Missa  
642. a  
Missæ, sacrificii Christi abnegatio 637. b  
Missæ vanitas & impietas 642. a. b. 646. a  
Missio  
— erroris, quæ Deo tribuitur, est per-  
missio :  
— non otiosa :  
— sed judicialis 103. a  
— Filii, à Patre, intelligitur vel  
1111 2 — im-



— improprie, in carnem :  
 — proprie, ad prædicationem Euangelii :  
 — conjunctim, utraque 278. a. 306. b. 342. b

— non tollit  
 æqualitatem essentiae 306. b. 343. a

— nec unitatem 342. b

Missiones Apostolorum particulares ad certum opus 449.

Missus Christus  
 — incarnatione & patefactione in carne :  
 — legatione ad munus mediatoris abeundum 306. b

Mitis, *ἡσῶς*, vel  
 — proprie :  
 — metaphoricè 36. a

Mittere efficaciam erroris, quid sit 36. a

Mons, in quem Satan Christum transtulit, quis fuerit, incertum 29. a

Mons Dei  
 — Sion 326. a  
 — cælum eo adumbratum. ibid.

Morborum corporalium  
 — origo, peccatum 299. b  
 — sanatio per Christum facta, signum sanationis spiritualis 295. a. 302. a  
 — quantum differat à sanatione medicorum 301. a

Mori pro nobis, quid significet 710. a

Mors  
 — æterna, qua in re consistat 416. a. b  
 — Christi, justificatio peccatorum. Ambros. 503. a  
 — & sepultura, non solum typus: sed etiam causa spiritualis mortis & sepulture veteris hominis 563. a  
 — idque bifariam. ibid.  
 — valoris infiniti, ob infinitam personæ dignitatem 173. a. 710. b

— intelligitur vel  
 — generatim :  
 — speciatim, de morte duratura ad diem ultimum 345. b

— metaphoricè notat separationem hominis, vel  
 — à justitia Dei :  
 — pace cum Deo & vita æterna 563. b

— fidelium, qualis sit 415. b

— & partus cum dolore, cum sit pœna peccati, quomodo & quare etiam in fidelibus maneat 54. b

— spiritualis 89. b

— corporalis quid sit 345. b

— est vel  
 — prima: ratione  
 — animæ, privatio justitiæ & gratiæ Dei :  
 — corporis, privatio vitæ animalis :  
 — secunda, ratione animæ & corporis, universalis privatio gratiæ & gloriæ 759. b

Mortis  
 — Christi  
 — fructus duo.  
 — condonatio peccatorum :  
 — vivificatio, sui regeneratio 118. a. b

— finis & fructus  
 — primarius, debitas pœnas, nostri loco perferre. quod ad officium sacerdotale :  
 — secundarius, exemplum patientiæ præbere: quod officium propheticum 336. b  
 — in sufficientem & efficacem vitiosam, quamvis non nova divisio 459. a. 710. b. 723. a

— filii Davidis, &  
 — ipsius :  
 — & patris respectu, quis finis fuerit 333. b

— Israelitarum ob Davidis transgressionem occisorum, &  
 — ipsorum,  
 — & Davidis respectu, quis finis fuerit 333. b

— dolores, id est, gravissimi 138. b

Morti Christi quo sensu adscribatur plerumque salus nostra 530. b. 538. a. 541. a

Mortem usque, id est, lethali, gravissimè 138. a. b

Mortem  
 — videre :  
 — gustare :  
 — conspicerè, pro sentire & experiri 152. a. 329. b

Mortificatio  
 — qua metaphora, ad priorem sanctificationis & resipiscentiæ partem refertur 570. a

— alia est vel  
 — habitualis :  
 — actualis.

— utraque est vel  
 — inchoata :  
 — continuata & aucta :  
 — perfecta. ibid.

Mortificationis  
 — initium & perfectio, à solo Deo est :  
 — continuatio & incrementum partim, à regeneratis :  
 partim, à Dei auxilio procedit 570. a

Mortificatur caro, ratione,  
 — actum, immediate :  
 — habitus mediata & bifariam 570. a. b

Mortuus  
 — metaphor. lethali, ægrotus, qui quasi mortuus 291. b  
 — in peccatis, an notat reum mortis propter peccata: uti Remonstrantes exponunt 118. 119.

Mortuum esse  
 — in peccatis; & in iis ambulare, diversa; ut causa & effectum 118. a

legi, quid sit 502. a

Mortui  
 — pro iis, qui mortui non adhuc sunt, sed fuerunt 718. a  
 — qua similitudine sopitis comparentur 582. b  
 — proprie, & mortui metaphoricè, qua in re discrepent & convenient 112. a. b

— metaphoricè,  
 — vita fidei & charitatis privati 111. b. 112. a  
 — quomodo ad vivificationem sui sint obligati 112. a  
 — bifariam dicuntur, vel  
 — absolute ac simpliciter, ut infideles :  
 — relatè & secundum quid; ut interdum fideles in officio negligentes 763. a

Mortui peccato fideles dicuntur  
 — secundum quid 117. a  
 — ratione meriti Christi simpliciter 117. b

— peccatis dicuntur infideles non moribus tantum: sed natura etiam 112. a

— quo sensu infideles dicuntur 117. a

Mortuis proprie & improprie quomodo Deus nec frustra, nec insipienter mandet, ut suscitentur à mortuis 112. b

— quo sensu Evangelium prædicatum dicatur 718. a

Moses  
 — Christi typus 624. & seqq.  
 — primus Evangelista dici potest 777. a  
 — quo sensu dicatur  
 — *ἁγίων* 458. b  
 — Rex 620. b. 624. a  
 — quomodo regis iram metuisse, aut non metuisse dicatur 651. a

Mosis libri 5. Veteris Testamenti fundamentum & canon perfectus: cujus explicationi prophete inserviunt 714. b

Mulier, de virgine 515. a  
 — semen habet 2. a. 169. a. 238. a

Mundus  
 — à munditie 76. b  
 — proprie, cœli terræ, marisque & rerum iis comprehensarum structura 76. b. 77. a. 223. a. 348. b. 378. a

— improprie  
 — metaph. multitudo.  
*mundus iniquitatis* 77. a

— Synecd. mundi pars, vel  
 — major  
 — cœli, soli, marisque opificium, à rebus comprehensis distinctum 77. a  
 — cælum 79. b. 402. a  
 — minor, terra 77. a. 86. a. 223. b. 348. b. 378. a  
 atque inde

— meton. homines in mundo 77. a. 86. a. 223. a. 348. b

— vel  
 — indefinitè, hominum cœtus 77. a. 348. b

— definitè, hominum cœtus  
 — universalis 77. a. 378. a  
 — particularis, hominum pars 223. a

— vel  
 — major: cœtus infidelium 378. a  
 — vel  
 — generatim, cœtus hominum, tam ex electis, quam ex reprobis constans 67. b. 77. a. 348. b  
 — speciatim, cœtus reproborum 77. a. 348. b. 378. a. 453. b

— præstantior, electi, vel  
 — omnes 5. b. 77. b. 256. b. 275. b

— electi jam fideles 77. b. 223. b

— electi fideles gentiles 77. b

Mundus, gentes omnes mundi præter Judæos 86. a. 275. b

— pro voluptatibus & vitiiis mundi 676. b

Mundus totus  
 — vel  
 — particularis  
 — omnes infideles 77. a. 78. a. b  
 — omnes fideles 78. a. 724. a

Mundus  
 — non interibit, redactione in nihilum: sed mutatione in melius 129. & seq. 416. 417

— obnoxius vanitati ad hominem puniendum 132. a. 133. a

— Secula cur dicatur 604. b

Mundi  
 — amor, vel  
 — moderatus :  
 — immoderatus 725. a

— hæres, quomodo dicatur Abraham 79. b. 402. a. 464. a

— interitus, antecedit adventum Christi 132. b. 133. a. b. 417. b

— renovatio, cui usui futura 133. a. 417. a

— significationes fere omnes Christi præcatio *Ioh. 17.* comprehendit 378. a

— vanitas consistit, in  
 — corruptione  
 — præsent. :  
 — futura :  
 — abusu 416. b

— vox, indefinite posita, nullibi in Sacr. Lit. significat singulos homines 162. 163. 164. a

Mundum interitum, extra controversiam: sed de modo quæritur 129. b

Mundus, a, um. accipitur vel  
 — proprie  
 — improprie 38. a. a

Mundi corde  
 — generatim :  
 — spe-

—speciatim, sinceri animo & simplices,  
in  
—cultu Dei:  
—conversazione humana 38. b. 116. a  
Mutationis  
—nominum, in Sacris ratio 4. a  
—terminus,  
—mutatum aliquid à priori diversum:  
—non autem nihilum 129. b  
*Mysterium iniquitatis*, quid notet 589. b

N.

**N** *Am, enim*  
—in occupationis figura frequenter  
usurpatur 75. a  
—*quoniam*, & similes particulæ, in tri-  
buenda gloria coelesti, notant  
—argumentum & rationem:  
—non causam  
—efficientem &  
—promerentem 298. b. 536. b  
*Natio malitiosa*, speciatim, de scribis & Phari-  
sæis 67. b  
Narrationis rerum promiscuæ non is est or-  
do, ut levius perpetuo præcedat, gravius  
sequatur 651. b  
*Natum esse ex Deo*, non notat  
—dispositionem:  
—sed habitum 125. b  
Naviculæ Apostolorum & Ecclesiæ colla-  
tio, qualis sit: & quis ejus usus esse pos-  
sit 305. a  
Nazareus, vel  
—ceremonialis; voto, vel  
—libero:  
—necessario:  
—adumbratus 15. a  
—qualis nam Christus fuerit. ibid.  
Nazareus quæ interdicta fuerint. ibid.  
Nazareth, patria Christi quo sensu dicta  
187. a  
*Ne, µη*, notat vel  
—negationem:  
—prohibitionem:  
—finem, pro ut *ne* 490. a  
Necessitas, est vel  
—absoluta,  
—interna, naturæ:  
—externa, violentiæ & coactionis.  
—relata ex hypothese: quæ dicitur con-  
sequentia 748. a  
*Nemo*  
—metaph. pro paucis 269. b  
—tantum homines excludit 248. a.  
271. a  
*Nemo*  
—*bene operatur, ut gratiam accipiat: sed quia*  
*accepit.* August. 425. b  
—proprie loquendo, nisi ob sua peccata  
punitur 333. b  
*Nemo nisi*, de persona aliqua divina, intelligi  
potest, vel  
—absolute:  
—relate ad creaturas 211. b  
*Nescire*, an sit, non esse officium scire  
137. a  
—nolle revelare 196. b  
Neutrum  
—sensu masculino in Scriptura usurpa-  
tum 166. a. 308. b. 720. b  
—adjectivum absolute positum,  
—non solum pro rebus inanimatis:  
—sed etiam pro animatis & hominibus  
usurpatur 225. a. 309. a  
Nihil creatum, in nihilum redigendum, pro-  
babile videtur 133. b  
Nihilum. summa est vanitas 132. a  
Ninivitarum fides, qualis fuerit 260. a.  
3. 6. b  
*Nisi*, pro *sed* 65. a. 301. b. 380. a. 473. a.  
500. b  
*Nomen*  
—pro persona 369. b. 763. b

—interdum non pro proprio nomine,  
sed re significata accipitur 6. b. 8. a. b  
—actionis significativum, interdum pro  
nomine qualitatibus atque habitibus acci-  
pitur 115. a  
—Christi, meton. pro ipso Christo 259. a.  
369. b  
—*Dei in eo est*, id est, verus est Deus  
208. a  
*Nomini*  
—bono quatenus studendum 544. a  
—collectivo jungitur verbum  
—singulare, ratione vocis:  
—plurale, ratione multitudinis signi-  
ficatæ 376. a  
*Nomina*  
—duo, tria, apud Hebræos, multi ha-  
buerunt 9. a. 142. b  
—personæ Christi, non sunt confunden-  
da, cum nominibus naturarum  
135. a. b. 168. b. 169. a.  
171. a  
—quædam, peculiaris rei significatæ  
gratia, à Deo imposita 17. a  
—quorundam in V. Test. ommissa, in No-  
vo expressa 143. b  
—virtutum, notant  
—proprie, qualitatem manentem:  
—improprie, actiones earum 125. a  
*Non ex mensura*, sive, *sine mensura dare*, quid  
notet 138. a. 197. b. 279. a. b  
*Non amplius*, interdum  
—excluso futuro, præteritum includit:  
—tantum ad futurum refertur 764. b  
*Non ens*  
—accipitur vel  
—simpliciter:  
—secundum quid 437. a  
*Nos Synecd.* pro, aliqui ex nobis, pars no-  
strum 63. a. b. 203. 217. b. 218. a  
*Nosse*, speciatim, pro vero agnoscere 335. a  
*Notitia*  
—Synecd. pro ea, quæ cum amore con-  
juncta 337. a. 339. a. 393. a.  
434. b. 435. a  
—pro vera fide 724. a  
—est vel  
—mentis:  
—sensus 209. b  
—est vel  
—apprehensionis, seu intelligentiæ  
simplicis:  
—iudicii recti, in  
—assensu:  
—dissensu 434. b  
—Christi & ovium mutua 337. a  
—conclusionis singularis, unde dependat  
656. b. 657. a  
—cordium, quo discrimine  
—Deo &  
—prophetis tribuatur 280. a. b  
—Dei  
—aliqua, fuit gentilibus 107. b  
—est vel  
—naturalis, eaque vel  
—perfecta, in Adamo:  
—imperfecta, in posteris:  
—supernaturalis 388. b  
—supernaturalis, est ex ore Dei & li-  
bro Scripturæ:  
—naturalis, ex opere Dei & libro  
creaturarum. ibid.  
—præsens, qua nos novit, & nostra futu-  
ra, qua illum cognoscemus, similis;  
sed non æqualis 39. a. b  
—Patris  
—per se, soli Christo convenit:  
—per accidens revelationis etiam aliis  
249. b  
—veritatis, principium conversionis actua-  
lis 95. b  
—etiam multis data qui non conver-  
tuntur. ibid.  
*Novatiani*, etiam ex infirmitate lapsos à pec-  
catorum venia & in Ecclesiam regressu ex-  
cludebant 633. a. 646. b

Novissima  
—hora:  
—tempora, quænam dicantur 587. b.  
604. a  
*Nox*, pro tempore ignorantia 332. b  
*Nubes martyrum* id est, densa eorum copia  
255. a  
*Nullus*, generalior vox quam *Nemo* 248. a  
Nuptiale convivium Christo Filio à Deo Pa-  
tre paratum, in  
—terris:  
—cælo 82. a  
*Nuptia* meton. adjuncti pro subject. convivii  
nuptialis locus. 84. a. b

O.

**O**bduratio cordis, est vel ratione  
—mentis: eaque vel  
—omnino:  
—partim tantum:  
—voluntatis 353. a. b  
—qua similitudine sic dicta. ibid.  
—Christo adscribitur, non ratione  
—primæ duritici:  
—sed incrementi illius:  
—non proprie:  
—sed metaphoricè. ibid. b  
*Obdurationis*  
—ocasio, Christus iuste agens:  
—causa efficiens,  
—malitia hominum,  
—tentatio Satanæ 354. a  
*Obedientia*  
—est vel  
—interna:  
—externa: quæ etiam in non renatos  
cadit 91. b. 92. a  
—Christi, est vel  
—vitæ, quæ est  
—perpetuus Dei & proximi amor:  
—opportuna & fidelis Ecclesiæ colle-  
ctio, per  
—doctrinam,  
—Sacramenta,  
—miracula:  
—perpetua patientia variarum perfec-  
tionum.  
—mortis, quæ completitur  
—voluntarium ad mortem subeun-  
dam studium:  
—studii illius causam, summum amo-  
rem  
—Dei, &  
—proximi 530. b  
—& via  
—& causa ad gloriam 531. b  
—& pro ipso,  
—nobis præstata 541. b  
—in passione, est tantum pars obedientiæ  
legi debitæ 177. a. 406. b  
—qua iustificamur, est universalis totius  
legis obedientia 177. a. 406. b.  
407. a  
—ratione temporis & humanæ naturæ fi-  
nita, unde dignitatem habeat infini-  
tam 640. a  
—quamvis nostra sit, nos ab obedientiæ  
tamen non liberat 178. b. 179. a.  
541. b  
—fidelium,  
—debita, jure  
—dominii Christi, cujus sunt  
—creatione &  
—redemptione:  
—gratitudinis 415. b  
—necessaria:  
—non propriis, sed à Domino acceptis  
viribus præstatur.  
—Deo grata  
—non simpliciter ac per se:  
—sed per accidens gratiæ propter  
Christum:  
—per se debita 76. a  
—non

- non tantum finis; sed etiam effectum  
novi cordis 94. a. b
- *passiva*, inepta phrasid & aperta contra-  
dictio 177. a
- perfecta  
— ab hominibus Deo debetur necessario  
— absolute ratione  
— Dei, &  
— rei ipsius 176. a  
— ex hypothefi pacti legalis 541. a. b  
— omnia mandata,  
— omnino,  
— omni tempore observat 394. a  
396. a. 507. a  
— absolute & simpliciter considerata, Deo  
debita nihil meretur.  
— ex hypothefi promissionis divinæ,  
meretur mercedem justificationis &  
& salutis 397. b  
— ad eam requiritur,  
— non solum perfectio actionum:  
— sed etiam habitus iustitiæ inhæren-  
tis 405. b. 507. a
- requirit  
— reverentiam Dei:  
— diligentiam:  
— constantiam 486. b
- Obedientiæ  
— actus, non omnis ad voluntatem: sed  
quidam ad intellectum pertinet 96. b  
— in angelis ea producit efficacitate, quæ  
posita non potest non existeré 96. a  
— Christi,  
— & nostræ discrimen 541. b  
— finis,  
— meritum vitæ:  
— & exemplum. ibid.  
— nostræ finis,  
— non meritum vitæ:  
— sed officium Deo Christoque præ-  
standum 179. a
- Obiurgatio,  
— interdum necessaria 513. a  
— ejus requisita  
— veritas,  
— charitas,  
— autoritas,  
— oportunitas. ibid.
- Observatio mandatorum, est vel  
— perfecta:  
— inchoata 724. a  
— alia secundum  
— *ἀναφορὰ* legis:  
— *ἐκείνων* Evangelii 733. b
- Obsessionis diabolicæ origo & modus defini-  
tus 67. a. b
- Obumbrare, *ὑποσκιᾶσαι*, metaphor. pro  
à malo, quasi æstu quodam defende-  
re 165. b
- Occasio peccati, est vel  
— per se:  
— accidens 427. b
- Occasioni antecedenti, tam in malis, quam  
in bonis, quo sensu effectum aliquod sæpe  
attribuitur 119. a. 353. b
- Oculus, pro intellectu, metaphor. 248. b  
*Oculos ad videndum & aures ad audiendum ha-  
bere*, quid notet 94. a  
*Odiffe animam suam*, quid notet 422. a  
— vitam suam jubentur discipuli Christi  
— non absolute:  
— sed comparatè. ibid.
- Offensionis infidelium, qua in Christum im-  
pingunt, gradus,  
— lapsus in  
— peccatum  
— exitium 693. a
- Omissio alicujus doctrinæ, est vel  
— per oblivionem & defectum ab offi-  
cio:  
— confirmationem, progressum ac profe-  
ctum majorem 631. b
- Omnis  
variè accipitur 79. a  
— totus.  
— notat singula, vel
- genera:  
— individua. ibid. 460. a
- vel  
— absolute:  
— relatè ad id, de quo agitur,  
— certum finem 261. b. 280. a. 281. a. b.  
283. b. 726. b
- Omne*, interdum notat  
— non universalitatem generis:  
sed rei cui adjungitur perfectionem 666. b  
pro omni homine 399. a  
gaudium, pro solido 666. b  
— peccatum, id est, quodvis 61. b. 461. a
- Omnes  
metaph. hyperbole, pro plurimis, qui sunt  
instar omnium 79. a. 151. b
- sæpe notat  
— non singulos:  
— sed quosvis 461. a  
— gentes, intelligi possunt vel  
— simpliciter:  
— secundum quid 466. a
- Omnia  
Synecd. multa 28. a  
— pro omnibus hominibus 399. a  
— in omnibus futuris, quomodo dicatur  
Deus 252. a  
— in omnibus implere, quomodo dicatur  
Christus 243. a. b  
— qui dicit, nihil excludit 62. a  
— regna mundi, intelligi possunt  
— absolute, vel  
— relate 28. a. 79. a  
— quomodo diabolus Christo ostendisse di-  
catur 28. a
- Olim* ex Heb. *אולי* 775. b
- Onera, metaphor. pro  
— peccatis 521. b  
— poena peccati 522. a
- Opera  
— bona, vide bona opera.  
— Christi id est, à Christo præcepta 766. b  
— Dei  
— ad extra, sunt 3. personis commu-  
nia 137. a  
— non omnia sunt perfecta 668. b  
— quæ in nobis efficit, iusta sunt  
— ratione operantis Dei:  
— non verò ratione  
— officii nostri  
&  
— carnis nostræ 668. b  
— fidelium, quatenus bona. ibid. a. b  
— & Deo accepta 692. a. b  
— laboriosa, quibus pro reatu poenæ tem-  
poralis Deo satisfiat, quænam sint  
Pontificiis 177. b  
— mortua, dicuntur peccata vel quod  
— mortem efficiant: 631. b  
— quæ in terra & cum ea exstentia, sunt  
partim  
— divina, animalia bruta:  
— humana, urbes, ædificia, aliaque 133. b
- Operari, notat  
— propriè & universaliter, opus aliquod  
efficere.  
— per Synecd.  
— generalem, bonum aliquod opus  
efficere:  
— specialem, omnia opera bona lege  
mandata præstare 398. a  
— à seipso, notat vel  
— sua vi & potentia:  
— à se tanquam primo operandi termi-  
no 301. a  
— accipitur,  
— speciatim, de opere manuum:  
— generatim, etiam de alio officii deman-  
dati opere 593. b  
— *Salutem*, accipi potest, vel  
— propriè, causam esse:  
— metaph. occasionem esse salutis 535. b
- Operarii vineæ  
& Ecclesiæ, à Christo collati, in
- quibusdam similes: in multis dissimiles,  
ratione  
— vocationis  
— executionis 75. b. 76. a
- Operatio est vel  
— naturalis: ea vi formæ suæ oritur:  
— supernaturalis: eaque à causa sua pro-  
cedit, vel  
— per se, vi interna:  
— accidens, vi externa 100. a  
— *erroris*, pro errore operante 126. b
- Operationis divinæ, in  
regeneratione  
&  
novæ obedientiæ effectione discrimen  
94. b. 96. a. 536. b
- Operationes, quum Patri & Filio communes  
tribuuntur, de Solo Patre dici *ἀπὸ*; de Fi-  
lio semper *διὰ*, verum non est 605. a
- Operatur Deus in nobis velle & perficere  
1. remotione, ratione habitus voluntatis,  
ut causa  
— procreans &  
— conservans:  
2. proxime, ratione actus voluntatis,  
ut causa adjuvans  
— intus, &  
— foris 536. b
- Oppositionis veræ conditiones 11. a
- Optatio & laudatio quid differant 191. b
- Opus Dei*, Deo mandanti debitum 284. b  
306. a  
— an Deo gratum notet. ibid.  
— *fidei*, notat vel  
— formam.  
— effectum 577. b
- sive  
— fidem ipsam, quæ est opus Dei vel  
— virtutis fidei actum 586. b. 587. a
- Orare pro reconciliatione & salute peccan-  
tium:  
— & pro iisdem sese in reconciliationis sa-  
crificium offerre: duo sunt officii  
Christi sacerdotalis beneficia indissolu-  
bili vinculo connexa 453. b. 463. b
- Oratio  
— de laudibus beatæ virginis Mariæ, Bi-  
blioth. Patrum tom. 7. non est Epipha-  
nii 161. b  
— Dominica  
— quantum subtrahitur verbis, tantum  
diffunditur sensibus 49. b  
— apud Matthæum & Lucam, re eadem:  
circumstantia diversa est ibid.  
— continet brevitarium totius Euan-  
gelii ibid.  
— ejus ordo ac perfectio 50. b
- Oratoria S. Michaelis in Phrygia, qualia fue-  
rint 565. b
- Orbis universus*, pro orbe Romani Imperii  
764. b
- Ordo  
— in narratione rei gestæ interdum negle-  
ctus, sine sensu injuria 27. a. 152. a  
— librorum Nov. Test. non est ab Apo-  
stolis: sed ab Ecclesia: & quænam il-  
lius ratio 665. a. b  
— rerum, in doctrinis Christi & Apostolo-  
rum non semper observatus 35. a  
— S. Scripturæ, in Apostolis recensendis,  
promiscuus & diversus 493. b  
— verborum, in Evangelistis, non semper  
nativam rerum seriem & ordinem in-  
dicat 148. a
- Ordinem in narratione concertationis Christi  
cum Satana, ut servavit, Matthæus an  
Lucas 27. b
- Os*, pro interprete 207. a
- Oscula à sagis exigere solet Diabolus 30. a
- Osculandi mos in cultu divino usitatus du-  
plex: osculabantur enim aut  
— manum:  
— idolum ipsum 29. b. 30. a
- Ostium  
*Ostium apertum*, quid notet 764. b  
*Oves*, *οἱ ποιμένες*, verè fideles 336. a  
— à lu-

- à lupis rapi dicuntur
- non simpliciter neque ad finem,
- sed secundum quid & ad tempus tantum 337. a
- Christi, sunt vel
- electione sola:
- etiam vocatione efficaci 309. a. b. 337. a. 338. b. 379. a. 454. a

## P.

- P**acifici, cur filii Dei vocandi 40. b
- P**anis
- Synecdochicè omnia vitæ corporalis necessaria 51. a
  - in oratione Dominica, nonnullis Patribus est Spiritus S.
  - aliis, corpus Christi:
  - aliis, præcepta divina:
  - Erasino, panis cœlestis, quo anima nutritur.
  - Catechesi nostræ, panis propriè dictus.
  - contra eam sententiam Augustini objectiones discussæ 51. a. b
- P**anis **ἄρτος** quid sit 51. a
- P**anem dant parentes
- non ut causa principalis:
  - sed instrumentalis tantum:
  - non simpliciter:
  - sed secundum quid 51. b
- P**arabola, Ciceroni, Collatio 80. a
- ejus vocis
  - origo
  - significatio, vel
  - propria: 80. a. 81. b
  - meton. pro parabola significatione 80. a
  - metaph.
  - 1. generatim, similitudo.
  - speciatim, typus propheticus. ibid.
  - 2. LXX interpretibus est sententia, vel
  - brevior, seu breve ac sapiens dictum
  - generatim, quodvis:
  - speciatim, vulgo tritum, seu proverbium.
  - longior 80. a. b
- P**arabola Matth. 22. & Luc. 14. similis: sed non eadem 80. a
- P**arabolam & allegoriam perperam confundunt Pontificii 75. b
- P**arabolæ Christi, sunt vel
- defectæ:
  - perfectæ, quæ habent
  - protæm
  - &
  - apodofin: vel
  - generalem tantum:
  - specialem solum:
  - utramque 73. a
- P**arabolarum Christi varia tractandi ratio
- expositio 80. b
  - de parabolarum expositione regulæ observandæ. 81. a
  - in parabolarum expositione, non omnia similia semper exprimentur: sed sæpe primaria tantum capita ibid.
  - in parabolis, quid sit ibid. b
  - de parabolis, erudita & probata Chrysostomi regula 73. a
  - in parabolis,
  - præcipue scopus spectandus 73. a. 75. a
  - similitudo est vel
  - universalis:
  - particularis 73. a. 81. a
  - multa sæpe adhibentur, ad eam tantum circumstantiis quibusdam ornandam 73. b. 81. a
  - quedam interdum sunt similia quæ tamen non ut similia spectantur 73. b
  - similitudo non est ulterius trahenda, quàm rerum ipsarum, quæ comparantur inter se, natura patitur 75. b

- P**aracletus, qualis vox & quid notet 371. a
- P**aradisus
- pro cœlo 49. a. tertium cœlum 758. a
  - quomodo vocetur Tyrus 325. b
- P**aradiso Dei quomodo comparetur Sodomorum regio ibid.
- in Paradiso fuisse quomodo dicatur rex Tyri. ibid.
- P**aratio loci pro electis, est vel
- æterna, electione gratuita:
  - temporalis
  - creatione cœli, tanquam domicilii beatorum
  - per Christum mediatorem,
  - Sacerdotem,
  - intercessionem
  - &
  - satisfactione:
  - regem, in cœlum ascensione & regni cœlestis, pro se & subditis suis occupatione 365. a. b
- P**arentes, quo respectu, abnegandi & odio habendi 72. b
- primi, principium peccati & mortis: non gratiæ & vitæ 465. b. 466. a
- P**arietis inter, rini, septum, circumcisio & reliqua lex ceremonialis 195. b
- P**aronomasiz, in nominum mutatione emphatica, Scripturæ & Judæis usitatæ 713. a
- P**ars
- Synecd. generis pro specie, pro hæreditate, aut possessione, quæ alicui, quasi distincta partitione convenit 357. b
  - catechesi metaphorica, pro pœna, quæ impiis quasi hæreditas aliqua continet ibid.
  - & hæreditas, pro pars hæreditatis. ibid.
  - Jacobi, quomodo dicatur Deus. ibid.
  - Sortis sanctorum in luce. 358. a
- P**artem habere cum aliquo.
- cum Christo, quid notet. ibid.
- P**artus dolor & mulieribus, & infantibus debetur ex justitia Dei 118. a
- P**artus dolorem sensit & mater Christi & Christus ipse, nostri causa. ibid.
- P**arva in ducibus, Hebrais. 10. a
- P**ascere
- pro regere, etiam in Scriptura 12. a
  - ecclesiam,
  - oves Christi, commune omnium presbyterorum, non solius Petri officium 704. b
- P**ascha, transitus
- non hominum:
  - sed Dei 254. a. b
- P**assio Christi
- est vel
  - externa, ab hostibus:
  - interna, à Deo, dolor inferni 141. a
  - in carne ipsius, perfectissima:
  - ecclesia, ad finem usque mundi suppleta 556. b
  - quatenus eam passus est, per se non est iustitia 176. b. 178. b
  - eam obediens subiit, non est tota obedientia 178. b
  - sufficientissima 557. a
- P**assionis Christi
- & martyrum 141. a
  - & nostræ, discrimen 541. b
  - finis,
  - primarius, justificatio nostra:
  - secundarius,
  - proximus, ut sit exemplar veræ patientiæ:
  - remotus, ut vera patientia Christum imitemur 694. a
- P**astor
- alienus, quis sit 335. a
  - propriè dictus, gregem sequitur:
  - metaphoricus, antecedit. ibid.
- P**astoris
- boni, officium, non solum publicè, sed

- etiam privatim fideles instituere & confirmare 334. b. 335. a
  - erga ecclesiam amor, qualis esse debeat 567. a
  - sequendi causa, generatim potest esse duplex: vel
  - imprudentia ac temeritas:
  - prudentia, ac sinceritatis illius certa notitia 335. a
- P**astores
- cur angeli vocentur 754. a. 757. a
  - stellis comparentur 753. a. b. 754. b
  - quatenus regibus ac magistratibus minores
  - aut majores 637. a
- P**astorum
- stipendium, iustum. ibid.
  - virtutes, quænam esse debeant 580. b
- P**astoribus cur primum patefacta natiuitas Christi 188. b
- P**ater
- Deus ab æterno:
  - sed dominus esse cœpit, per creationem, in tempore 212. b
  - est Deus
  - meræ creaturæ simpliciter, jure
  - creationis:
  - fœderis salutis:
  - Christi verò secundum quid, respectu naturæ humanæ 214. a
  - genuit Filium
  - propriè, ab æterno:
  - metaphoricè, in tempore, ratione patefactionis per
  - resurrectionem,
  - ascensionem,
  - sessionem ad dextram 533. b
  - luminum, quomodo dicatur Deus 534. a. 618. b
  - noster, in Nov. Test. tantum de prima persona usurpatur 50. b
  - quomodo
  - dicatur:
  - solus
  - scire diem judicii 135. b. 136. a
  - nosse Filium,
  - sapiens,
  - dominus,
  - habere immortalitatem,
  - Sanctus 136. b
  - verus Deus 211. a. b
  - Filio dedit vitam habere in seipso 219. b
- reliquarum personarum principium
- non temporis:
  - sed originis,
  - ordinis,
  - actionis 532. b
- Spirituum, quomodo & cur dicatur Deus 222. a
- P**atris esse, dicuntur
- quidam sola prædestinatione:
  - alii & prædestinatione & adoptione 453. b. 454. a
- P**atres, principes & doctores 86. a
- P**atres,
- crebro inter se & à seipsis dissentiant 548. a. 663. b
  - in explicatione Scripturæ, quædam interdum omittunt 318. b. 319. a
  - non sunt norma certa interpretationis Scripturæ 641. b
  - quo judicio & cautione legendi 254. b. 478. a
  - Vet. Test. quomodo dicantur non accepisse promissionem 562. a
- P**atrum
- autoritas, rectæ rationi non est præponenda 663. b
  - ἡγεμονίας Pontificia 514. a
  - de anathemate sententiæ 473. a. b
  - de cœna, præsentibus Ethnicis & catechumenis, silentium, ex prava Ethnicorum imitatione ortum 642. a
  - errores notati 8. b. 9. a. 10. a. b. 21. b. 26. b. 48. a. 49. a. 51. 52. 142. a. b. 1111. 4 155. b.



153. b. 156. a. 164. 185. 190. b. 196. b.  
212. a. 253. b. 254. a. 262. b. 263. a. 305.  
306. 310. a. b. 312. b. 313. a. 317. b. 318. a.  
324. b. 325. b. 326. a. b. 380. a. 386. a.  
388. a. 417. b. 418. b. 473. a. 478. a.  
482. a. 494. a. 497. a. b. 498. b. 501. a.  
505. b. 508. b. 509. a. 510. a. 550. a.  
554. a. 563. b. 589. a. 638. a. 746. a. b.  
— in errore consensui opponendus est Scri-  
pturæ consensus 262. b. 548. a  
— interpretes Latini, sæpe testimonia Scri-  
pturæ, ex versione vulgata supponunt  
190. b  
— testimonia quatenus adducant & probent  
orthodoxi 548. a  
Pathici, unde dicti 570. b  
Patipro regno Dei, quomodo dicantur fide-  
les 667. b  
Paulus  
— adolefcens, à Christo vocatus 546. b  
— aliter Dei & Euangelii:  
— Ecclesiæ minister vocatur 557. b  
— an uxorem habuerit 545. & seq.  
— cur Titum circumcidi noluerit, cum Ti-  
motheum circumciderit 490. b  
— gentium Apostolus ac doctor, quo sensu  
dicatur 478. b. 492. a. b  
— rudem Sermonem, quo sensu se dicat 600. b  
— Timotheum qua mente circumciderit, &  
se in templo purificarit 564. a. b  
— unde *κτ' ἐξ' αὐτῶν* Apostolus dicatur 683. a  
Pauli  
— conversio, cur non ab initio vitæ illius,  
sed post persecutionem Ecclesiæ ab illo  
factam, contigerit 478. a  
— & Petri collatio, in  
— prædicatione Euangelii,  
— miraculis,  
— auditorum conversione 492. a. b  
— Epistola ad Laodicenses ficta 575. a  
— à monacho confuta. ibid.  
— alia olim extitit, quam quæ nunc  
prodiit. ibid.  
— vocatio immediata 476. b  
Pavor, pro pavoris causa 223. b  
Pauper  
— propriè:  
— impropriè, vel  
— destitutus virtutibus:  
— humilis 32. a  
Pauperes huius mundi. ibid.  
— Spiritu 35. b  
— quinam Deo probentur 676. b  
Pauperum piorum consolatio. ibid.  
Paupertas & opulentia alia est,  
— huius mundi, & corporalis:  
— alterius, & spiritualis. ibid.  
Pax, pro  
— Christo 191. a  
— reconciliatione cum Deo 452. b  
— propriè, concordia, cum  
— Deo:  
— hominibus aliis:  
— conscientia nostra:  
— impropriè, pro omnium bonorum  
genere ac cumulo 387. a. b. 403. b.  
520. a. 543. b. 740. a  
Pax, mutua innocentia concordia suis con-  
ditionibus instructa 39. b  
vel  
— privata:  
— publica. ibid.  
— iniusta:  
— iusta, quæ, accepta  
— propriè, mutua inter diversos concordia:  
— eaque vel  
— hominum cum Deo: cuius  
— causa iustificatio:  
— conditio, obedientia fidei & charitatis.  
— hominum cum hominibus, cuius condi-  
tio, iustitia.  
— impropriè, animi ex fide gratiæ Dei & spe  
salutis tranquillitas.  
Cuius triplicis pacis  
— autor, Deus per Christum.  
— causa secunda,  
— Euangelii præcones;  
— reliqui omnes fideles 39. b. 40. a  
Pax tibi,  
— vobis, salutandi formula Hebræa 159. b.  
387. a. b  
Peccantes ingrati contra conscientiam perti-  
nacia, quomodo à Deo puniantur 67. b  
Peccare,  
— vox prima.  
— ejus variæ origines rejectæ 172. b  
— propriè est, male facere, contra offi-  
cium facere. ibid.  
Peccare etiam actu:  
— & in peccato ambulare, diversa 414. b  
Peccator, transgressor legis 173. a  
— *κτ' ἐξ' αὐτῶν*, sceleratus 322. a  
non Peccator, & perfectè justus, quomodo  
differant 175. b. 178. a  
Peccatores  
— cur *debiles* dicantur 173. a  
— generatim, omnes legis transgressores.  
— *κτ' ἐξ' αὐτῶν*, eximii peccatores 499. b.  
582. a. b  
— de gentilibus cum Judæis comparatis  
499. b. 500. a  
— poenam mortis ut ferant, absolutè ne-  
cessarium est, ob Dei  
— iustitiam  
— veritatem 173. a  
Peccatum  
— an propriè idem quod *transilire lineas*  
172. b  
— propriè *ἀνομία*, legis divinæ transgres-  
sio 20. b. 172. b. 255. b  
— Synecd. pro actuali peccato 411. b.  
669. b  
— Synecd. peccatum dominans 20. b. 376. a  
— metonym. poena peccati 20. b. 173. a.  
255. b  
— alia metonymia, peccato obnoxius 20. b  
— vel victima pro peccato 21. a. 73. b.  
86. b. 173. a. 255. b  
— pro peccatore insigni 368. b. 369. a  
— in singulari,  
— generatim, pro omni peccato:  
— speciatim, pro peccato originali 255. b  
— interdum accipitur comparatè pro tanto  
peccato 402. b  
— *κτ' ἐξ' αὐτῶν*, scelus 322. a  
— & legis transgressio, idem declarant, sed  
modo significandi differunt 172. b  
— ad mortem, *κτ' ἐξ' αὐτῶν* dictum 64. b. 737.  
— intelligi potest vel quod ad mortem  
— durat:  
— ducit: idque vel  
— jure, ut omne:  
— re & facto: vel  
— per se & semper, ut peccatum in  
Sp. S.  
— contingenter, ut reliqua 737. a. b  
— Adami, non proprium: sed toti posterita-  
ti commune 333. b. 405. a. b  
— est habitus vel actus legi divinæ contra-  
rius 411. b. 729. a  
— est vel  
— regnans, seu dominans omnino:  
— non regnans, sed tantum repugnans  
408. b. 410. a  
— dominatus, ratione  
— culpæ & reatus 376. a  
— est *ἀνομία*; qualis sit prædicatio 411. b  
— & *blasphemia*; quomodo dictum 61. b  
— & poena peccati, idem esse potest 89. b.  
90. a. 387. b. 388. a. 427. b  
— mundi tollere, non meræ creaturæ; sed  
Dei opus est 222. b  
— omne mortem meretur 64. b. 157. a.  
737. b  
— generatim loquendo est etiam in Spi-  
ritu S.  
Peccatum in Sp. S.  
— dici non potest, si aut odium destina-  
tum, aut conscientia reluctans desit  
62. b  
— an etiam admiserit F. Spira 64. b. 737. b.  
738. a  
— cur non remittatur. ibid.  
Peccatum Originale  
— quid sit 118. a. 405. a  
— quomodo propagetur 166. b. 169. b  
— est vel  
— primum, transiens & actuale, nempe  
lapsus Adami:  
— inde ortum, permanens & habituale,  
corruptio moralis 174. b  
— tum qua poena: tum qua culpa est, tol-  
litur mortis & sepulturæ Christi me-  
rito 563. a  
— *vetus homo*, qua metaphora dicatur 571. b  
— repugnat bono  
— gloriæ Dei:  
— nostræ perfectionis 304. b  
Peccati  
— definitio 173. a. 712. b. 713. a  
— dominium, est vel  
— perfectum:  
— imperfectum 413. b  
— genus nullum (excepta blasphemia in  
Sp. S.) cuius remissi exempla non eve-  
niant 61. b  
— in veniale & mortale distinctio, mala  
157. a. 730. b. 737. b  
— in Spiritu S.  
— definitio 62. a. 107. b. 453. b. 737. b  
— cognitio, est vel  
— divina: vel  
— immediata;  
— mediata:  
— humana:  
— ipsius peccantis:  
— alterius, de peccante: quæ ra-  
rior 65. a. 738. a  
— exemplum, Julianus Apostata 65. a.  
737. b. 738. a. b  
— poena huius seculi,  
— disertio à Deo, &  
— exæcatio 64. b  
— modus medius vel immediatus, genus  
quidem dividit: sed non tollit 20. a  
— origis partes, vulgo minus accuratè  
statuuntur,  
reatus peccati Adami  
&  
corruptio naturæ 205. a  
— poena, mors,  
— prima, corporis:  
— secunda, corporis & animæ cruciatus  
infiniti  
— valore: aut  
— duratione 173. a  
Peccati victoria, est vel  
— perfecta, cum victus non repugnat:  
— imperfecta, cum quis ex parte victus  
tamen repugnat, & tandem superior  
evadit 713. b  
Peccato  
— mortuus, quomodo Christus dica-  
tur 408. a  
— originis  
— exuti, dicuntur fideles  
— re,  
— spe.  
— Sacramento 571. b  
— quo sensu, corpus tribuatur 408. a.  
416. a. 562. a. & membra terre-  
stria 562. a  
— qui dat operam, ex diabolo est,  
— non qua homo:  
— sed qua malus 729. b  
— qui dant operam, cur filii diaboli ap-  
pellentur. ibid.  
Peccata,  
— æqualia non sunt 410. a  
— debita cur appellantur 173. a. 401. a  
— aliorum, quomodo fiant nostra 642. b  
— portantur  
— *συμμετέχουσιν*  
— precatione veniæ divinæ:  
— condonatione offensæ 137. a. b  
— fidelium, omnia sunt venialia,  
— non per se:  
— sed per accedens gratiæ Christi 737. a  
— nostra,

— nostra, causa mortis Christi  
— non absolute & per se:  
— sed per accidens gratiæ ac misericordiae Christi erga nos 452. a

— *Onera* 521. b

— *opera mortua*, cur dicantur 621. b. 639. b

— parentum, fiunt filiorum propria,  
— consensu:  
— imitatione 333. a

— per se sordes, dæmoni instar nitoris & ornamenti 67. a

— sunt quasi vincula }  
sordes } quæ Deus } solvit,  
debita } regit,  
non imputat 401. a.

— privata, privatim: publica. publicè reprehendenda 498. b. 499. a

**Peccatorum**  
— non recordari, quomodo dicatur Deus 174. a

— antecedentium quotidiana mentio, à fidelibus quatenus fiat 642. b

— & poenarum gradus sunt 714. a. 737. b

— poenæ,  
— pares, quantitate temporis:  
— dispares, quantitate gradus 737. b

**Peccata**  
— fidelibus remittit Deus,  
— non partim:  
— sed omnino 54. b. 174. a. b. 175. a

— parentum qua ratione luere dicantur liberi 642. b

— sua & aliorum, quo sine recenseant Saceri Scriptores 499. a

— debere, ab iis faciem abscondere, quomodo dicatur Deus 174. a

Pella 83. b

**Penetratio dimensionum, sine contradictione statui non potest** 192. a. 382. a

**Pentecoste, festum Iudæorum**  
— an institutum in memoriam latæ legis 266. & seqq.

— cur festum primitiarum dictum 267. b

— ejus finis, vel  
— perspicuè expressus:  
— rectè adumbratus 263. a. 266. & seqq.

— tempus 266. b

**Per, diu interdum notat**  
— causam principem 449. b. 485. b. 547. b. 553. a. 558. b. 604. b. 605. a. 639. b

— ordinem, non inæqualitatem 553. a. 605. a

**Per**  
— Apostolos: per Paulum fecisse miracula quomodo dicatur Deus 119. a

— Filium operari, cum dicitur Pater, notatur

— pro tantum operandi diversus:  
— non operationis diversitas 302. a. 553. a. 604. 605.

— *homines agere*, Deus dicitur bifariam  
— propriè, ut per causam efficientem subordinatam:  
— metaph. ut per adjuncta tantum antecedentia. 119. a

Percipi multa non possunt, quæ tamen non absurda, sed verissima sunt 229. b

**Perdere aliquem intelligitur vel**  
— absolute:  
— secundum quid & inchoatè 441. a. 457. b

**Perditio Iudæ, quomodo & Iudæ**  
— & Deo, Christoque rectè adscribitur 381. b

**Perfecti appellantur quidam fidelium**  
— non absolute:  
— sed comparate cum imperfectis ac rudioribus 542. a. 558. a. b. 629. b

**Perfectio est**  
— partium:  
— graduum:  
— durationis 541. b. 558. a. 561. b. 572. b. 668. b

— cognitionis in Deo & hominibus beatis, inæqualis 39. b

— iustitiæ est vel  
— imputata, quæ Christi est, & nostra sit fide.

— nostra, qua donamur Spiritu Christi: eaque talis est vel  
— absolute & simpliciter: in cælo:  
— non simpliciter, sed certa ratione, nempe vel  
— *κτ' n'*  
— *αὐτ' n'*, seu comparatè 558. a. 561. b

— pro subjecti ratione intelligenda 39. b

**Perfectionem fidelium in hac vita statuit**  
— Origenes 156. a. b

— Pelagiani, ibid.

**Perfectum interdum opponitur, non imperfecto, partibus aut gradibus: sed simulato** 732. a

**Perfectionum ob Euangelium eventus felix:**  
— gloria Dei:  
— præmium vitæ:  
— ædificatio ecclesiæ 556. b

**Perpetuo observandum esse, quod perpetuam habet causam, quatenus verum sit** 565. b

**Persecutio**  
— & afflictio, quomodo differant 585. b

— Christianorum  
— quæ inferitur, peccatum.  
— perferitur, grata Deo obedientia 26. a

— etiam linguâ fieri potest 518. a

— & tolerantia illius, non sunt perfectè contraria 668. a

— fidelium, quatenus iusta gaudii materia 548. b. 68. b. 669. a

**Persecutionis occasio, quomodo sit iustitia** 41. a

**Persequi**  
— propriè, magna contentione insequi, ut assequamur 40. b

— in Nov. Testam. sumitur, vel  
— in bonam, vel  
— propriè:  
— impropriè, pro virtutem aut salutem obtinendi studio.

— malam partem:  
— pro insectatione alicujus ex odio, ut ipsi noceatur  
— electione,  
— apprehensione:  
— *κατ' ἐξουσίαν*, pro insectatione ex odio veræ religionis 40. b. 41. a

**Perseverantia sanctorum probata & ab adversariorum argumentis vindicata** 67. b. 289. a. b. 290. a. 339. & seqq. 374. & seqq. 40. b. 644. b. 645. a. 647. b

— variis similitudinibus à Christo & Apostolis confirmata 288. b

**Persona persona, in horatione ad commune officium, secundæ sæpe conjungi solet** 740. b

**Personæ, *ὑποστάσεις*, vox ab Anabaptistis, in Trinitatis mysterio temerè rejecta** 615. b

**Personæ acceptio, quid sit** 573. a. b. 671. b

— in bonam partem accepta, etiam Deo tribuitur 671. b. 672. a

— mala duplex 672. a

**Personæ Deitatis singulæ sunt unus Deus** 211. a

**Personarum Deitatis ordo in operando** 217. a. 301. a

— ordo interdum confunditur 749. b

**Perurbani, Synecd. gen. pro specie, pro numero** 161. b

**Petrus**  
— Apostolus  
— cur solus sæpe responderit 683. a

— non est caput ecclesiæ universalis 681. 682.

— reliquos Apostolos superavit excellentia,  
— non potestatis, aut muneris:  
— sed zeli & executionis 683. b

— à Paulo ea in se superatus. ibid.

— Colonienfis, confitetur, corpus Christi esse filium Dei viventis  
— à cæco adoratum 170. b. 171. a

— Paulus Vergetius, desperatione F. Spiritus ad veritatis professionem compulsum 738. a

**Petri Apostoli,**  
— & Pauli collatio 492. a. b. 683. b

— Epistolæ, an Hebraicè scriptæ, ab aliis verò Græcè versæ 706. a

— hypocrisis, à Paulo reprehensa, qualis fuerit 497. a. b

— modestia, patientia & gratitudo erga Paulum reprehendentem 499. b

**Petitio, objectum habet rem futuram, non præteritam** 53. b

**Phariseorum secta, quando exorta** 45. b

**Phalarum in templo usus & numerus** 774. a

**Philemon, publicus Ecclesiæ minister fuit, vir lauta forte** 596. a. b

**Philippi, quomodo prima Macedonia urbs à Luca dicatur**

**Philonis Iudæi error in doctrina juramenti** 484. b

**Philosophi**  
— quo sensu hæreticorum Patriarchæ à Tertull. dicantur 560. b

— scripserunt nonnulla Sacri, Literis consentanea 227. b

**Philosophia**  
— quomodo fiat inanis 560. b

— vera, ab Apostolo non damnatur 560. b. 567. a. b

— constat  
— 1. principiis natura notis  
— 2. conclusionibus  
— p. necessario inde deductis:  
— p. certa experientia constitutis 560. a

— ejus legitimus usus in Sacris. ibid.

**Phrasis eadem sæpe sensum habet diversum, ob diversas loci circumstantias** 94. a. 205. a

— illa, qua dicimur in Baptismo *exuere carnem & induere novum hominem*, unde orta sit 177. b

**Picturæ præstantissimæ, Sac. Literæ & Evangelii prædicatio** 513. b

**Pietas, non arbitraria, sed necessaria** 420. b

**Pietati promissa utraque bona, corporalia & Spiritualia, modo conjunctim, modo disjunctim** 36. b

**Pilatus an imaginem Cæsaris in templum intulerit** 126. b

**Piorum & impiorum, quoad debitum vitæ mortisque, convenientia & discrepantia** 668. a

**Pios quomodo Deus rectè atque utiliter afflictionibus exerceat** 332. a

**Piscina**  
— Siloe, an eadem cum Piscina Bethesda 293. a

— Siloe & Bethesda, an typi Christi 294. b. 295. a

**Placendi hominibus studium, est vel**  
— bonum, quod ex bono principio, per bonum medium, ad bonum finem tendit.

— malum, quod inde, vel  
— omnino  
— partim aberrat 476. a

**Planctus oritur vel**  
— resipiscientiæ:  
— mera poenitentia, ob conscientiam  
— peccati, &  
— poenæ imminentiæ 751. a

**Plenitudo Deitatis**  
— in Christo corporaliter habitare, quomodo dicatur 280. b

— quo modo sit in humana Christi natura 199. a. b

**Plenitudo scientiæ & gratiæ**  
— generatim est vel  
— absoluta  
— relata & comparata 197. a

— via

- viz. ibid.  
 — patriæ. ibid.  
 Plenus gratia & veritate, Christus 243. b. &  
 quidem solus. ibid.  
 — Spiritu & sapientia, Stephanus:  
 — & fide, Barnabas:  
 Pleni Spiritu & sapientia, Diaconi;  
 — beneficentia & omni cognitione Ro-  
 mani fideles quo sensu dicantur ibid.  
*Poculum*, accipitur vel  
 — propriè:  
 — impropiè:  
 — meton. pro vino:  
 — metaph. vel  
 — in bonam partem, pro beneficiis  
 Dei, quæ instar poculi exila-  
 rantis:  
 — malam partem, pro  
 — doctrina impia & peccatis:  
 — gravi afflictione: eaque me-  
 taphora non à poculo me-  
 dico: sed à poculo vini in-  
 ebriante deducta est 140.  
a. b. 790. a  
*Pœna*  
 — divina, est vel  
 — ut à iusto iudice, ad exitium:  
 — misericordie Patre, ad exercitium  
 & salutem 404. b  
 — est vel  
 — Satisfactionis,  
 — castigationis 54. a. b  
 — iusta, non antecedit, sed sequitur pec-  
 catum 331. a. b  
 — merita lapsus Adami, quanta fuerit  
 — ejus moderatio, qualis & quo fine à  
 Deo concessa. ibid.  
 — peccati, mors  
 — prima,  
 — secunda 173. a  
 — utriusque ferendæ modus, vel  
 — per peccatorem ipsum; qui legi ex-  
 pressus.  
 — per sponsores Christum: qui in le-  
 ge tacite intellectus, Euangelio re-  
 velatus est. ibid.  
 — quatenus pœnam mereatur 91. a  
*Pœnæ*  
 — permissio, non constituit iustos: sed  
 impunes:  
 — nec est perfecta legis impletio:  
 sed tantum comminationis le-  
 gi adjunctæ 176. a. b  
 — publicæ finis 1. b. 54. b  
 — fidelibus, in hac vita, post remissam  
 culpam, inflicte, quæ ratio & quæ  
 causa 54. a. 131. a. 175. a  
*Pœnas publicas*, quas Deus interminatur,  
 quando omittere solcat 92. a  
*Pœnitentia*  
 — Achab:  
 — Ninivitarum: qualis fuerit.  
 — Tyriorum, qualis futura intelligatur,  
*Matth.* 11.  
 — est vel  
 — prima, quæ ex omnipotentia Dei crea-  
 toris, cognitione ac timore pœnæ.  
 — ea antè fidem in Christum requiri-  
 tur.  
 — sine fide in Christum interdum exi-  
 stit.  
 — à fide distinguitur.  
 — partim à Deo, partim ab hominis vo-  
 luntate procedit.  
 — secunda, quæ credentium,  
 — à fide in Christum ortæ,  
 — certa ad salutem via. ibid.  
 — in Deo, notat  
 — non affectus, aut sermonis inconstan-  
 tiam:  
 — sed destinatum ex constanti consilio,  
 effectus mutationem 422. a. b  
 — Synecdochicè etiam fidem interdum  
 complectitur 172. a. 220. b  
 — de ea & occasione elegans Ausonii epi-  
 gramma 56. a
- Pœnitentiam agere*, quid sit. ibid.  
*Pœnitentiæ Pontificiorum*, flocci faciendæ  
569. a  
*Pontifex Romanus*  
 — Antichristum esse patefecit, ratione  
 Domini  
 — ecclesiastici, sub Bonifacio tertio:  
 — politici, paulatim, sed potissimum  
 per Gregorium septimum 590. b. 591. a  
 — quomodo  
 — Christi sit adversarius, etiam si se il-  
 lius vicarium:  
 — se supra Deum efferat, quamvis se  
 illius servum vocet 588. b  
 — se & suos ab omni potestate politica  
 injustè eximit 188. b. 589. a. b  
 — sibi omnem humanam creaturam sub-  
 jicit 188. b. 568. b. 589. a. b  
 — successor Simonis,  
 — non Petri:  
 — sed Magi 705. a  
*Pontificis*  
 — Rom. superbia & dominatus in Eccle-  
 siam, ex jure Pontificio demonstra-  
 tus 589. a. b. 705. a  
 — Veteris Testamenti officium 630. b  
 — & Pontificis Romani repugnanti-  
 tia 568. a. b  
*Pontificii*  
 — agnoscunt omnes sanctos habere pec-  
 cata 156. b. 157. a  
 — Patribus potissimum nituntur & Au-  
 gustinum reliquis præferunt 310. a  
 — statuunt animam Christi in terris  
 — habuisse scientiam beatorum  
 vidisse essentiam Dei & omnia in ea:  
 196. b. 197. a. b  
 — ab ipsa sui creatione repletam fuisse  
 scientia, ita ut nihil postea didicerit,  
 quod antea nesciret 200. & seqq.  
*Pontificiorum & ipsius Concilii Tridentini*  
 effrons impudentia, in Patrum sententiis  
 corrumpendis ac negandis, observanda  
312. b. 313. a  
*Populus*  
 — Christi, electi omnes & soli 5. a. b. 171. b.  
256. b  
 — Dei, quidam sunt  
 — ratione vocationis extremæ, & secun-  
 dum quid:  
 — simpliciter & omnino, ratione vocatio-  
 nis externæ & internæ 684. b  
*Porta*  
 — pecuaria,  
 — fontis, Hierosolymis 292. b  
*Porta inferni* 677. a  
*Portarum hostilium possessio*, semini Abraham  
 promissa, est vel  
 — carnalis, quæ Isaac  
 — in se jure,  
 — in posteris, facto:  
 — Spiritualis, quæ Christo  
 — in se  
 — fidelibus convenit 782. b. 783. a  
*Possibile aliquid est vel*  
 — re:  
 — jure 141. a. b. 342. a  
*Post aliquem venire*, est alicujus esse discipu-  
 lum 72. a. 244. b  
*Propositio in personis Deitatis*, minoris di-  
 gnitatis argumentum non est 485. b  
*Potentia*  
 — cui derogatur, eidem & actus 111. a  
 — Dei  
 — propriè, attributum illius proprium,  
 nempe omnipotentia, aut omnipo-  
 tens actio:  
 — impropiè, persona Deitatis, vel  
 — secunda, Filius Dei:  
 — Tertia, Sp. Sanctus 165. a. b  
 — interdum etiam Synecd. voluntatem  
 complectitur 441. a. 447. a  
 — non est frustra, etiam si in actum aliquem  
 singularem non deducatur 93. a  
 — supernaturalis Remonstrantibus est  
 — Evangelii prædicatio:
- & sufficiens auxilium Dei 109. b  
 — ut in actum deducatur, objecti præsentia  
 requiritur 93. a  
*Potentiam credendi in Christum Adam ante*  
 lapsum habuit 92. b  
*Potestas, pro jure & dignitate* 240. a. b  
 — & potentia interdum sunt separata  
145. b  
 — etiam si ad tempus potentia sua careat,  
 frustra tamen non est. ibid.  
 — Christo data  
 — propriè, ratione actionis, inde à nativi-  
 tate:  
 — metaph. ratione patefactionis in  
 resurrectione:  
 — ascensione:  
 — sessione ad dextram:  
 — missione Sp. S.  
 — collectione Ecclesiæ 146. a. b  
 — omnis, quomodo dicatur Christo data  
145. b. 146. a  
 — intelligi potest, vel  
 — simpliciter & absolute:  
 — relate 145. b  
 — Satanæ Spiritualis qua in re consistat  
467. b. 778. b  
 — tenebrarum  
 — jus condemnandi 549. a  
 — dominandi, ibid.  
*Præceptum*  
 — metonym. res præcepto significata &  
 mandata 316. a  
 — de charitate, cur præceptum Christi dica-  
 tur 673. a. b  
*Præcepti decimi sententia* 410. & seqq.  
*Præcepta Dei designant hominis*  
 — officium:  
 — non efficaciam, aut vires 89. b. 104. 2.  
112. b. 113. b  
*Præceptorum omnium individuus est nexus*  
673. b  
*Prædestinatio, sumitur*  
 — generatim, pro decreto Dei de rebus  
 omnibus futuris:  
 — speciatim, de creaturis ratione præditis  
 dirigendis ad  
 — finem ultimum, &  
 — media, estque vel  
 — electio:  
 — reiectio 419. a  
 — plerumque restringitur ad prædestinatio-  
 nem sanctorum. ibid.  
 — ejus duæ sunt partes destinatio:  
 — ad vitam æternam:  
 — mediorum & ad media. ibid.  
*Prædestinationis objectum quodnam sit* 428.  
429. & seqq.  
 — nondum in Ecclesia decusum 413. a. b  
*Præputium*  
 — pro præputiato 492. a  
 — quid sit 192. b. 193. a  
 — est vel  
 — carnis.  
 — cordis 563. b  
*Præputii novi formatio*, per attractionem,  
 sectionem & emplastra 193. b  
 — ejus causa, vel  
 — impietas  
 — error. ibid.  
*Præscientia, sumitur vel*  
 — propriè, pro rei futuræ notitia:  
 — metonym. effect. pro decreto.  
 — *πρὸ ἔργου*, pro servandi decreto 418. b  
 — Dei indefinita, qua novit, quidnam, quo  
 posito antecedente, sit consecuturum,  
 etiam si neutrum eveniat 56. b  
*Præsens Christus secundum utramque natu-  
 ram quo sensu recte dici possit* 146. b. 147. a  
*Præsentia Dei, est vel*  
 — essentia,  
 — immediata:  
 — mediata  
 — auxilii 146. b. 147. a. 160. b  
*Præsentia corporis Christi modus supernatu-  
 ralis ac cœlestis, ineptum ubiquitariorum*  
 figmentum 146. b. 147.  
Preca-

**Precatio Christi & Christianorum**, medium à Deo ordinatum, quo à seductione conservantur 131. a

**Precatio Christi**, *transfert à me poculum hoc*, non repugnat

- fortitudini ac constantiæ:
- pietati:
- sapientiæ illius 140. 141.
- ejus causa 140. a. b. 420. a

**Preces sanctorum**, qua in re suffragii comparentur 774. b

**Precum nostrarum oblatio & sanctificatio soli Christo convenit.** ibid.

- in precibus sancti interdum petunt 420. a

**Presbyteri**

- propriè, seniores ætate:
- tropice, pastores, eorumque adjuutores in gubernatione Ecclesiæ 703. b. 739. a

— Ecclesiæ vel

- primarii:
- secundarii 487. b. 703. b. 704. a

**Presbyterorum secundariorum abrogatio unde promanavit** 487. b. 116. b. 120. a. 122. b. 703. b

**Primitiæ**

- prima quæque
- non solum fructuum:
- sed etiam brutorum,
- & hominum 417. b
- Spiritus, regenerationis inchoatio, perfectionis & salutis arrha. ibid.

**Primitiarum oblationis finis**,

- gratitudinis testificatio:
- reliquorum sanctificatio. ibid.

**Primogenitus**

- quis sit 9. b
- intelligitur vel
- absolute:
- relate ac distincte à postgenito 187. b
- & unigenitus est Christus & quatenus Filius Dei:
- filius Mariæ 187. b. 419. a

— metaph. pro præcipuo in quaque re 419. b

- domino & hærede 164. b. 165. a

— *omnis creatura*, quomodo dicatur Christus 613. a

— Primogeniti in V. T. prærogativa 750. b

**Primogenitura Christi est vel**

- æterna, ex Patre:
- temporalis, qua homo: eaque aut
- propria, qua ex Maria:
- metaphorica, qua surrexit ex mortuis 553. b. 554. a. 750. 751

**Primus dicitur vel ratione**

- consequentium; & sic ordinem ponit:
- antecedentium, sic nullum ponit ordinem, sed antecedentium ordinem tollit 550. a

**Primum & ultimum esse**, soli Deo convenit

- Christo tribuitur. ibid.

**Princeps**

- mundi, est vel
- jure seu iusta potestate, Deus:
- injuria ac tyrannide, Diabolus 349. a
- Sacerdotum dicitur vel
- relate, ad aliquam familiam:
- *κεφαλὴ*, de summo principe sacerdotum 348. a

**Principes sæculi**, homines sapientia ac potentia excellentes 326. b

**Principatus diaboli**, qua in re consistat 349. a

**Principium**

- propriè, prima pars rei:
- metaph. causa efficiens, quæ similis principio 208. b

— *Evangelii*,

- generatim loquendo, ante Baptistæ prædicationem fuit:
- ratione publicæ ac solennis prædicationis à Johannis ministerio ducendum. ibid.

— novi mundi & principium Evangelii, quid differant. ibid.

**Privatio cognitionis Dei in homine peccante**

- activè, respectu Dei, iusta pœna:
- passivè, respectu hominis, injusta culpa aliam pœnam promerens 99. a. b

**Pro. ex Græco *προς*, accipitur vel**

- pro loco, sive alicujus:
- causa, vel
- efficiente impulsiva:
- finali 451. b. 452. a

**Pro peccatis nostris quo sensu Christi dicitur mortuus** 452. a. b

**Pro peccatis nostris. an sit idem atque pro expiatione peccatorum** 452. a

**Professio Christi, alia est**

- contra animi sententiam
- expressa
- spe, vel
- metu:
- ex mentis notitia, vel
- sola, seu fide mortua:
- ex viva fide 732. a

**Profunditas, id est profunda doctrina, alia est**

- Dei:
- Satanæ 760. a

**Promissi boni corporalis iactura, quomodo compensetur** 37. a

**Promissio**

- *κεφαλὴ*, doctrina de salute per Christum venturum 203
- pro re promissa 203. 248. a. 512. a
- pro vita æterna promissa 645. b
- benedictionis Abrahamo & semini ejus facta, ratione efficacitæ est indefinita ac sensu particularis: non universalis 423. b
- de introductione Israëlitarum in terram promissam fuit
- absoluta, respectu populi:
- conditionalis, respectu singulorum. ib.
- de rebus externis, interdum etiam est absoluta 598. a
- est vel
- conditionalis:
- absoluta 392. a. 432. b. 598. a
- notitiæ in Nov. Test. quomodo intelligenda 646. a
- qua semen Abraham stellis cœli & arenæ maris comparatur, an etiam filiorum Abraham qualitatem notet 537. a. b
- venturi Messie, fundamentum liberationis & conservationis populi Judaici 388. a. 508. a. b

**Promissione bonorum corporaliū, in V. T. non raro promissiones rerum spiritualium ac cœlestium intelliguntur** 36. b. 508. b

**Promissiones**

- boni corporalis, cum conditione gloriæ Dei & nostræ salutis intelligendæ 37. a
- Dei, quomodo dicantur in Christo esse etiam & esse *amen* 243. a
- humilibus factæ 23. b
- quædam historicæ, simul & typicæ sunt 510. b
- terrænæ in V. T. cœlestium appendices & notæ fuerunt 388. a. 508. b

**Propagatio peccati originalis quomodo fiat** 166. b. 169. b

**Prope esse, dicitur Christus vel**

- ratione adventus ad iudicium:
- peculiaris auxilii 543. b

**Prophetæ, pro uno è Prophetis** 14. b

- cultum spirituale N. T. corporalibus umbris exponunt 317. b
- legati Dei non ad angelos, sed ad homines 327. a
- interdum utuntur *ὁρασεις* 653. a
- nomina sua, in scriptis suis, sæpius cur repetant 747. a
- plura dixerunt, quam scripserunt 15. b. 143. a
- 2. quomodo occultas cogitationes & voluntates hominum cognoverint 280. b. 281. a
- 1. prædixerunt pœnas,

- de lapsi converterentur:
- aut ut, resectâ eorum contumaciâ iustitia Dei punientis clarius pateficeret 327. a

— Veteris Test. salutem æternam affecuti sunt 688. a. b

**Prophetarum**

- injustas persecutiones quo fine Deus permiserit 312. a
- lectio, utilis, & perpetua in Ecclesia militanti esse debet 708. b. 709. b
- mos. sub promissionibus terrenis cœlestes comprehendere 508. b
- multa scripta interciderunt 15. b. 16. a

**Prophetia**

- Enochi, non fuit scripta 744. a
- mystica, non semper per historiam aliarum rerum: sed sæpe per meram allegoriam describitur 469. b. 470. a
- non omnis mystica: sed interdum perspicuè sine latente mysterio proposita. ibid.

**Propheticis libris interdum meræ historiæ insertæ.** ibid.

**Propitiatorium typus Christi** 393. b

**Propitiationis Christi, ratione efficientiæ & sufficientiæ pro omnibus, vitiosa distinctio** 723. b

**Propositum**

- Dei spectat vel
- absolute res omnes:
- speciatim creaturas ratione prædicationis 418. a
- *κεφαλὴ* pro gratuito servandi decreto. ibid.

**Proprietates**

- communicare non possunt 145. b. 199. a. 561. a
- Dei, ipsa essentia Dei 145. b. 561. a

**Proprium, accipitur vel**

- speciatim, quod soli convenit, oppositum communi:
- generatim, quod alicui convenit, *sum* oppositum alieno 336. b
- & id cui proprium, convertuntur 199. a

**Propter significat aut**

- causam impulsivam:
- subordinatam 429. b
- aut causam impulsivam efficientem:
- finalem 532. b

**Prostratio corporis Christi, coram Satana, cur fieri non potuerit** 29. b. 30. a

**Prostrationis mos, etiam in civili salutatione usitatus** 29. b

**Protocœnangelium Jacobi, supposititium** 164. b

**Proverbium**

- *παραβολαὶ*, etiam Christo afflicto accommodatum 41. b
- detestandum, *qui se gerit ut ovem, à lupis devoratur* 700. b
- Judæis & Græcis usitatum, Alius seminat, alius metit 285. b. 286. a
- vetus, ab improbis prodit improbitas 89. b

**Proverbia Salomonis**

- abusione quadam vocis sic dicta. ibid.
- promiscua
- in iis materiæ connexio, nimis anxie à nonnullis affectata 35. a

**Providentia Dei**

- hominum animos inclinat, ut decretum suum exequatur 187. a. b
- impios non excusat 103. a
- mutabilibus non imprimit necessitatem, nec libertatem hominis tollit 748. a

**Psalmus**

- Secundus, prophetia de Christo 608. b. etiam veterum Rabbiorum iudicio. 609. b
- an de solo 608. b
- quadragesimus quintus
- canticorum epitome 614. b
- de Messia agit, etiam latentibus Judæis 615. a

Psalmi



**Psalmi secundi verba illa, *Filius meus es tu*, quomodo sine impietate, etiam de Davide intelligi possint** 608. a. b

**Psalmi 150. quomodo Davidis dicantur** 665. a

**Pseudoprophetarum fructus, unde cognosci possunt, quinam sint** 131. a

***Pulchra in mulieribus*, id est, mulierum pulcherrima** 153. a

**Purgatio est vel**

- carnis & ceremonialis:
- conscientiae, ceremoniis adumbrata 641. b
- à peccatis sit vel ratione
- reatus, justificatione:
- vitiosae qualitatis, justificatione 722. a. b

**Purgatorium, fatentibus Pontificiis, post ultimum diem nullum erit** 64. b

- unicum, sanguis Jesu Christi 723. a. 754. a

**Purificat nos fides**

- perfecte, ut causa instrumentalis justificationis:
- imperfecte, ut pars internae sanctitatis 690. a

**Purificatio est vel per**

- imputationem Justitiae Christi:
- infusionem puritatis. ibid.
- sui, pro serio justitiae studio, & fuga peccati 729. a
- ea & à Deo est, & à fidelibus, sed diverso modo. ibid.

**Puritas metaph. notat virtutem**

- vel generatim omnem:
- certam, & quidem aut
- sinceritatem:
- castitatem 544. a

***Puto, videtur mihi*, etiam ad certam rei scientiam refertur.** 493. b. 494. a

Q.

**Q. *Verere*, metaph. studiosè moliri** 299. b. 344. a. b

**Quaestio Christi,**

- aliquando:
- non a. semper ignorantiam illius arguit 201. b

**Quaestiones Novi Testamenti non sunt Augustini** 619. b

***Qui ex fide*, quid notet** 506. b

**Quievisse dicitur Deus die septimo ab omni opere:**

- non absolute:
- sed relatè ad opera creationis 300. a
- an ideo dicatur Deus, quod nullas novas species postea produxerit: ibid. 624. a

***Quotidianus*, vox recepta & retinenda in creatione Dominica, pro *inquit*** 53. a

***Quousque, & us, donec*, non necessario rei affirmatae vel negatae ultimum terminum notat** 8. b. 163. b

R.

**R. Achab in Scriptura meretrix dicitur** *διχαζουσα* 675. b

**Receptivum, quanto propinquius est causae influenti, tanto abundantius recipere, quatenus verum** 198. b

**Reconciliatio, liberatio à peccato & poena illius.**

**Redemisse nos quomodo dicatur Christus** 125. b

**Redemptio notat**

- propriè solutionem pretii redemptionis, qua jus liberationis comparatur:
- metonym. redemptionis patefactionem & fructum, seu ipsam liberationem 417. b

**Redemptionis Christi definitio** 774. b

**Redemptionem quo sensu fideles**

- habeant:
- expectent 417. b

**Regeneratio**

- Christo ut causae principali tribuitur 222. a
- cognoscitur
- non immediate:
- sed ex effectis & adjunctis propriis 106. a. b. 276. b
- est ex solo Deo:
- & à solo Deo 175. b
- fidelium, non perfecta; sed perficienda 117. a
- fit paulatim 510. a. b. 571. b
- in adultis antecedit Baptismum 262. a. b
- metaphoricè *tractio* dicitur 123. a. b. 309. b
- necessaria ad conversionem 95. a
- qua in re consistat 95. a. 121. a. 239. a. 261. 262. 658. a
- opus Dei proprium 222. a
- praecedit omnia bona opera 121. b. 122. a
- fidem actualem vivam 288. b
- ut causa, à bonis actionibus, ut effectis distincta in Catechesi nostra 114. a
- Secunda generatio quo sensu dicitur 110. b. 111. a. b

**Regenerationis**

- argumentum, vitae sanctitas 420. b
- author Sp. S.
- causa instrumentalis, verbum Evangelii
- confirmans, sacramenta. ibid.
- causa perficiens, Remonstrantibus est liberum hominis arbitrium 120. b
- & generationis similitudo duplex, in
- semine:
- vi ad formationem prolis efficaci 229. a
- alia: quod utraque semel tantum fiat 261. b
- effecta, seu fidei & resipiscentiae opera,
- ex solo Deo:
- sed non à solo Deo: sed etiam ab hominibus ut causa proxima 125. b
- fructus 124. a
- initium à solo Deo.
- incrementum,
- primariò à Deo:
- secundariò ab homine regenerato 438. b. 439. a. b
- modus, arcanus 276. b

**Regenerationem**

- non sentire, accipi potest vel
- absolute, de eo qui nunquam sensit:
- relatè, de eo, qui post primum sensum, postea ad tempus non sensit 106. b
- quali actione Deus efficiat 94. b

**Regeneratus quomodo dicatur non peccare** 95. a. 121. a. 288. b

**Regenerati soli,**

- & omnes
- & certo salutem aeternam consequuntur 95. a

**Regnum**

- Christi,
- Ecclesia 32. b. 33. a. 164. a
- coelum 549. b
- cur hereditas dicatur 604. a
- est vel
- generale, cum Patre, omnipotentiae:
- speciale, mediationis,
- in terris, gratiae:
- in caelis, gloriae 790. b
- coelorum, dicitur vel ratione subjecti: vel ratione modi 33. a
- regnum, quod in caelo est 32. b
- coelum, in quo regnum est. ibid.
- id est, ecclesiae, per Christum hominem factum, regimen 33. a. 82. a. b
- Ecclesia in qua Christus regnat 33. a. 73. b. 82. a. b
- Evangelii doctrina 33. a. 82. a. b
- est vel
- gloriae in caelis

- gratiae in terris: quod coelorum dicitur, ratione non loci, sed modi 82. a
- habere,
- possessione:
- hereditate 33. b
- nullibi ad tempus ante Christum exhibitum refertur 82. b
- Dei, est vel
- universale, in omnes creaturas:
- particulare Ecclesiae 82. a
- pro cultu illius, quo in nobis regnat per sanctificationis gratiam 441. a
- quomodo dicatur
- auferendum Judaeis:
- dandum Gentibus 79. b
- gloriae 32. b
- quomodo traditurus sit Christus Deo Patri 163. b
- Salomonis, quomodo sit in seculum 612. a

**Regni Christi**

- modus
- in terris
- vocatio in populum suum
- exterius,
- interius:
- vocati populi conservatio ad salutem
- in caelis
- subditi
- 1. populus Israeliticus:
- 2. etiam Gentiles 163. a. b
- duratio aeterna; ab objectionibus vindicata 163. b

**Regum gloria ac felicitas summa, qua in re consistat** 636. b

**Rejectionis**

- Evangelii sit vel
- simpliciter:
- secundum quid 101. a. b
- à reprobis, non est oblationis illius
- finis:
- sed eventus 101. b
- & obiectum, circa quod Deus versatur decernendo permittere & regere 103. a
- praedicationis externae, est vel
- privativa:
- contraria, cum praedicatio odiosè rejicitur: vel
- zelo imprudenti:
- impudenti malitia 91. a. b

**Rejectionis Evangelii**

- causa prima ac propria,
- non est Deus per suam poenam:
- sed reprobis ipse, per suam culpam 101. b. 103. a
- permissio & gubernatio justa, est finis Dei Evangelium offerentis, principali & ultimo fini, nempe justitiae patefactioni inserviens. ibid.

**Remittorum uno posito, alterum necessario ponitur, undecunque relationis fiat initium** 3. a

**Relativum**

- *αὐτῶς*, pro reciproco *ιὼν* frequentissimum 22. a. b
- interdum refertur ad antecedens remotius 647. b

**Relaxatio Synecd. vita aeterna** 586. a

**Religio non tollit justum civilium dignitatum ordinem & discrimen** 740. b

**Religionis corruptae fontes primarii**

- allegoriarum fingendarum licentia:
- ceremoniarum humanarum institutionis 254. b

**Reliquiae**

- *afflictionum Christi*, quid notent 556. b
- Sanctorum verae, quanam sint & quo modo colendae 709. b

**Remissa culpa remanere reatum poenae temporalis exsolvendae, statuunt Pontificii** 54. a. 174. b. 175. a. 403. a

- qualem poenam & quamobrem Deus fidelibus infligat 54. a. b. 175. a

**Remissio**

- pro *remissio peccatorum* 173. b
- Remissio

## Remissio peccatorum,

- quid sit 37. a. 55. a. 56. a. 173. b. 174. a. 393. b
- accipitur vel
  - strictius & propriè, pro absolutio-  
ne à pœna. Hæc non est tota ju-  
stificatio 393. b. 401. a
  - latius per Synecd. partis etiam im-  
putationem justitiæ simul comple-  
ctitur. Hæc est tota justificatio  
175. & seqq. 541. b
- est vel
  - humana :
  - divina 173. b
- est vel
  - universalis : cuius
    - definitio 174. a
    - subiectum proprium electi. *ibid.*
    - adjunctum, magnitudo, nempe  
universæ pœnæ remissio 54. b.  
174. a. 175.
  - causa
    - prima, gratia Dei, qua  
— Christum dedit :
    - propter Christum à pœnis ab-  
solvit.
    - secunda
      - principalis, Christi solutio :
      - instrumentalis, fides viva  
174. a. b
    - particularis 53. b
    - ejus exempla 173. b. 174. a
  - est vel
    - typica & ceremonialis :
    - typis adumbrata & vera 640. b
    - & imputatio justitiæ, conjuncta : sed  
non idem 38. a. 177. b. 401. a. b
    - hominem, injustum non constituit  
perfectè justum : sed à reatu mor-  
tis liberum 38. a. 175. b. 176. a
    - nusquam notat sensum illius in animo  
nostro 53. b
  - Pontificis est vel
    - prima :
    - secunda 174. b
  - qualis in oratione Dominica intelliga-  
tur 53. b
  - ratione
    - Christi, merita :
    - electorum, ex mera gratia 174. b.  
175. a
- Remissionis peccatorum annunciatio
  - non est absoluta :
  - sed sub conditione resipiscentiæ & fi-  
dei 467. a
- Remitte nobis debita, quid notet 53. b
- Remittere peccata
  - & ea retinere, opposita 53. b
  - & non imputare peccata, diversis meta-  
phor. idem significat 175. a. b
  - non est, *Judicare non habere peccata* 175.  
176. 177. b. 401. a. b
  - quibus metaphoris in Scriptura expri-  
matur 173. b. 174. b. 400. b
- Remonstrantes
  - habitum fidei & actionem illius sæpe  
confundunt 123. a. b
  - sensum & consensum fidei voluntari  
ineptissime attribuunt 105. b
  - statuant
    - ab actu fidei, non habitu, fidelem  
vocari 115. a
    - actum obedientiæ fidei à voluntatis  
libera electione oriri 97. a
    - ad actum credendi & assentiendi Eu-  
angelio nos idoneos reddi,
    - p. auxilio gratiæ Dei :
    - p. animali seu naturali liberi arbitrii  
potentia 109. a
    - bonas hominis actiones esse primæ con-  
versionis & regenerationis conditio-  
nem antecedentem 122. a
    - conversionem habitalem acquiri cre-  
bris actualis fidei & charitatis actioni-  
bus 124. b
    - Deum, non habitum sed actum con-

- versionis primò & rigide ab homine  
exigere ad salutem 116. 117.
- gratiam conversionis omnem in sola  
veritatis cognitione 88. a
- gratiam sufficientem dari non solum  
iis, qui convertuntur : sed etiam iis,  
qui non convertuntur 87. b
- meritum Christi reatum, non domi-  
nium peccati tollere 117. b. 118. b
- omnibus, quibus verbum prædicatur,  
sufficientes ad conversionem vires da-  
ri 95. b
- voluntatem esse actus fidei causam pro-  
ximam, immediatam & physicam 97. a
- Remonstrantium, de prima hominis conver-  
sione, genuina mens quænam sit 87. a.  
120. a. b
- Remonstrantibus gratia conversionis duplex
  - perfecta ac plena :
  - inchoata ac imperfecta 95. b
- Reprehensiones
  - acriores, quatenus licitæ 47. b. 48. a
  - divini interdum adversus hypocritas :  
plerumque adversus aperte sceleratos  
instituantur 94. b
  - earum scopus & finis *ibid.* 513. b
  - in iis prudentia & modus adhibendus  
43. a
- Reprobi
  - destinati & creati sunt ad justum exi-  
tium
  - non absolute, sine mediis :
  - sed per justa media exequendum 428. b
  - ipsimet causa sunt, cur non credant,  
suo vitio,
  - aut simplici :
  - aut duplici 99. b. 100. a
  - non mera potentia Dei :
  - sed subordinata Justitia distributiva  
puniantur 428. b
  - non tenentur credere, Christum pro  
ipsis esse mortuum 99. b
  - nec peccata sibi esse remissa 656. a
  - nonnulli, quo sensu palmites in Chri-  
sto 724. b
  - periphrastice vocantur, *ii qui parent*  
130. a. 352. b
  - quatenus Sp. S. participes 373. b
  - quomodo
    - dicantur non videre nec cognoscere  
Sp. S. 374. a
    - ordinati & positi ad iram 693. a. b
    - obnoxii Justitiæ Dei vindicatrici 101. b
- Requies Dei
  - est vel
    - ab operibus creationis :
    - qua in nobis per Spiritum, gratia &  
gloria conquiescit & nos in eo, sum-  
me bono 622. a. 623. b
  - quomodo dicatur,
  - advenisse :
  - & tamen adventura tandem 623. b.  
624. a
- Requirere Deum, quid sit 60. a. 175. b
- Resipiscencia interdum Synecdochice fidem  
erga Evangelia simul continet 172. a.  
220. b
- Resistendi Sp. Sancto modus
  - unus, quo ei per prophetas loquenti :
  - alter, quo internæ illius operationi  
resistitur 61. b. 87. b
- Resistere
  - propriè, adversari :
  - Synecd. obsistere & subsistere, seu su-  
perare 87. b. 93. b
  - Spiritui Sancto, quid significet 88. a
- Respondere
  - propriè ad interrogata loqui :
  - impropriè per Hebræos, generatim lo-  
qui, seu sermonem exordiri, no-  
tat 57. b. 70. b. 299. b
- Resurrectio
  - *resurrectio* pro resurrectione vitæ  
346. b
  - est vel
    - propria corporis :

- metaph. animæ 346. b
- est vel
  - universalis :
  - particularis. *ibid.*
- est vel
  - vitæ, id est, ad vitam æternam :
  - Judicii, id est, ad condemnatio-  
nem. *ibid.*
- est vel
  - prima, à morte,
  - æterna :
  - spirituali :
  - secunda, à morte corporis 542. a
- ad novitatem vitæ quatenus morti  
Christi, aut resurrectioni illius con-  
veniat 563. b
- Christi, quomodo Deo Patri tribua-  
tur. *ibid.*
- nostra cum Christo est vel
  - propria, à morte corporis :
  - impropria, à morte spirituali 568. b
- *resurrectio* cur dicatur 610. a
- Resurrectionis
  - causa
    - solus Christus, ratione vivificationis:  
qui & principalis ratione educatio-  
nis è sepulchro :
    - instrumentalis, archangelus 582. b
  - Christi vis, in fidelibus est resurrectio à  
morte æterna
  - spirituali :
  - corporali 542. a
  - filii, quid notet 241. b
  - piorum & impiorum convenientia &  
& differentia 346. b. 347. a
- Resurrectione quomodo Christus exaltatus  
sit secundum utramque naturam 53. a. b
- Revelatio
  - Christi, accipitur vel
    - passivè :
    - activè 300. a
  - Evangelii, est vel
    - externa :
    - interna. Eaque vel
      - fidei generalis, ac mortuæ :
      - specialis ac vivæ 38. b. 107. b.  
352. a
- Revolutio Judaica,
  - corporum, extra terram promissam  
mortuorum :
  - animarum, per tria corpora homi-  
num 331. a. b
- Rex, absolute de Deo, aut Christo 672. a
- Risisse Christum unquam, non legitur 530. a
- Risus Abrahami & Saræ, cujus Scriptura me-  
minit, diversa ratio 781. a
- Rogo, pro peccato, precor, quo tropo usurpe-  
tur 370. b
- Roma, cur Babylon dicatur 704. b. 705. a

S.

- R. S. Aadias numeravit quoties singulæ Al-  
phabeta literæ in Bibliis extant 182. a
- Sabbatum est
  - æternam, ratione
    - substantiæ :
    - p. significationis
    - p. scopi :
  - abrogatum, ratione
    - ceremoniarum &
    - circumstantiarum
      - quietis rigidæ,
      - dici septimi 565. a
  - an ante lapsum à Deo mandatum. *ibid.*
  - typus quietis fidelium æternæ 622. a. b.  
624. a
  - violatur, non divinis, sed humanis operi-  
bus 299. a. 300. b
  - umbra gratiæ Christi 565. a
- Sabbathi
  - finis
    - externus ac publicus Dei cultus :
    - fœderis Dei obsequio 298. b
    - scopus, conservatio ministerii 565. a
  - M m m m m — vie-

— violatio, quam grave crimen & qua-  
re 298. a  
Saccus & cinis, in luctu solemnibus 56. b  
Sacerdos Nov. Testamenti, unus & solus est  
Christus 637. b. 642. b. 642. a. 695. a  
Sacerdotes N. T. qui hostias spirituales offer-  
runt, omnes fideles 695. a. 750. b  
Sacerdotium Christi in æternum: non ab  
æterno 3. b  
— sacrificio nunc peracto otiosum non  
est 640. b  
Sacerdotii Christi  
— duo indivulsa beneficia  
— expiatio peccatorum  
— intercessio 453. b. 463. b. 607. b  
— illa in terris peracta:  
— hæc in cælis peragitur 643. a. 752. b  
Sacramenta  
— abutentibus sunt profana 456. a. 701. a  
— & veteris & N. T. sua vi conscientiam  
non sanctificant 641. b  
— infidelibus nihil profunt 403. b  
— Israelitarum extraordinaria ac miraculosa  
— manna,  
— Petra aquam fundens 307. a  
— sigilla sunt  
— & beneficii divini:  
— & officii humani 564. b  
— Veteris & N. T. non substantia, sed cir-  
cumstantia differunt 403. b  
— idem reipsa signant & oblegant: sed di-  
verso modo 562. b  
Sacramentorum symbola non tantum in ac-  
cidentibus sunt sita 642. b  
— modus ac finis, vel  
— generalis:  
— specialis 21. a  
Sacramenta  
— instituere  
— solius Dei 194. b  
— quomodo Christus percepit 21. a  
Sacrificium  
— Christi in cruce, in cœna non iteratur  
alio modo: sed panis & vini sacra-  
mento fidelibus significatur & obli-  
gnatur 640. b  
— quod repetitur, illud non purgat pec-  
cata 643. b  
Sacrificii Christi in  
crucem  
&  
in cruentum distinctio, nullo nititur  
Scripturæ testimonio 642. b  
Sacrificia  
— alia sunt legalia  
— Evangelica 646. a  
— fidelium spiritualia, quænam sint 692. a  
750. b  
— Vet. Testam. expiatoria, fuerunt ty-  
pica 640. b  
Sal & sal terra quomodo dicantur fideles 42. b  
Sal, pro sapientia 43. a  
Salis qualitates & effecta 42. b  
— pactum  
— corporalis & spiritualis usus prudens.  
43. a  
Sali comparantur in Sacr. Literis durabilia  
42. b  
Sale condienda omnia sacrificia Deo grata  
43. a  
— eo typo quid adumbratum & præce-  
ptum fuerit. ibid.  
Sale conditus sermo. ibid.  
Salomon tandem conversus 612. a  
Salvator Hieronymo pro Servator 4. a  
Salvare, salutandi formula vulgaris, quomo-  
do etiam sit Apostolica 666. a  
Salus  
— alia est  
— inchoata, liberatio à peccati dominio  
& condemnatione  
— cuius  
— initium, à solo Deo:  
— progressus  
p. à Deo,  
p. ab homine

— perfecta vita  
æterna 535. a. 687. a  
— nostra, quibus partibus constat 242. b  
Salutis  
— ante & post Christum eadem ratio 514. a  
— complementum, quæ in re consistat  
687. a  
Salutatio, quid sit 159. a. 161. a. 749. a  
— Gabrielis  
— & Pontificiorum opposita 161. a. b  
— quo sensu conveniat virginæ Mariæ  
160. a  
— in Sacr. Lit. est vel  
— vulgaris:  
— Apostolis propria 387. a. b  
— in ea gratia & pax fidelibus opta-  
tur  
— non ratione initii:  
— sed incrementi 160. a  
— Regum, Hebræica. ibid.  
Salutationis in epistolis antiquus usus & sco-  
pus 451. a  
Salutationum in sacris Epistolis forma, est  
vel  
— communis, quæ profanis etiam fuit in  
usu:  
— propria Apostolorum, quæ imprimis  
bona spiritualia & æterna propria lo-  
quendi ratione optarunt. ibid.  
Samaritanus, proverbiali convitio, pro ho-  
mine profano ac scelerato 281. b. 329. b  
Samaritani, quas ab causis Judæis exossi 281. b  
Samaritanorum hæresis. ibid.  
Samson typus Christi in Nazareatu 16. a  
— item aliis 16. a. b  
Samuel à Pythonissa excitatus non fuit veri  
Samuelis anima: sed dæmon 718. b. 719. a  
Sanatio  
— propriè valetudinis corporis restitutio:  
— impropiè, pristini status felicitatis redinte-  
gratio  
— 1. ab externa belli, sterilitatis &c.  
miseria, in tranquillum ac prospere-  
rum statum reductio.  
— 2. ab interna miseria in rectum sta-  
tum restitutio:  
— per sanctificationem  
— justificationem 554. a. b  
— metaph. pro remissione peccatorum  
460. a  
— per Christum facta, supernaturalis  
— sæpe ratione morbi:  
— semper ratione modi 302. a. b  
Sanationis Christi & medicorum discrimen.  
ibid.  
Sanctificare notat vel  
— sanctum facere:  
— prædicare:  
— ad sanctum usum consecrare 342. b  
Sanctificari nomen Dei dicitur, non quod è  
profano fiat sacrum: sed quod tale pate-  
fiat 146. b  
Sanctificatio  
— alia est  
— in habitu:  
— actu.  
— alia  
— hominis sanctificandi:  
— sanctificati.  
— alia est  
— generalis, quæ ab impuritate secreti,  
Deo nos sacramus:  
— particularis, quæ in castitate con-  
sistit. 581. b  
— Christi  
— est ipsius ad sanctum servatoris offi-  
cium consecratio 212. b. 342. b  
estque vel  
— ab æterno, per electionem. ibid.  
— in tempore, per vocationem. ibid.  
— certum Deiatis illius argumentum. ib.  
— fidelium, in hac vita imperfecta. 413. b  
— quibus partibus constat 562. a. 686. b  
— non tantum scortationi & libidinibus: sed  
etiam fraudibus atque injuriis opponi-  
tur 88. b

— videndi Dei conditio ac via necessaria 39. a  
Sanctificationis  
— nostræ causa,  
— principalis, Deus  
— instrumentalis, verbum Dei;  
— promerens, Christi in cruce obla-  
tio 117. b  
— vox sumitur vel  
— generatim, pro consecratione:  
— speciatim, aut pro  
— regeneratione:  
— fructu illius, vita sancta 685. b  
— generatim sumpta regenerationem &  
justificationem complectitur. ibid.  
— in N. T. nunquam significat factam il-  
lam per Sacramenta à profanis segre-  
gationem 534. a  
Sanctificatus dicitur Christus, id est, Deo in  
hostiam expiatoriam consecratus 63. a  
117. b  
Sanctifico me pro iis, id est, in sanctam victi-  
mam offero. ibid.  
Sanctitas  
— est vel  
— externa, quæ vocatione externa ad  
visibilem ecclesiam, Deo conse-  
cratur:  
— interna: eaque vel  
— imputata:  
— inhærens 555. b. 572. a  
— fidelium  
— non simpliciter & per se:  
— sed per Dei gratiam & propter Chri-  
sti intercessionem 581. a  
— ratione graduum, distinguitur in  
— inchoatam, quæ huic:  
&  
— perfectam, quæ alteri vim con-  
venit. 556. a  
— inchoata, est sanctitas  
— non rigore legis:  
— sed gratia Evangelii. ibid. b  
— non causa remissionis peccato-  
rum:  
— sed signum & beatitudinis argu-  
mentum 401. b  
Sanctitatis  
— Christi originalis origo duplex 166. b  
— habitus in Christo, ab actionibus sanctis  
distinguentibus.  
— sine iis, ad tempus sine vitio fuit  
235. b. 236. a  
— actionibus sanctis, non perfectus, sed  
talis declaratur 236. a  
Sanctum, templum:  
Sancta urbs, Ierosolyma:  
Sancta terra, Judæa, cur dicatur 128. a  
Sancti  
— etiam in cælis precantur 774. b  
— in cælis, narrant  
— generationem conditionem fidelium in  
cælis:  
— non speciatim singula cordis nostri  
vota præcæque. ibid.  
— sunt vel  
— imperfecti, in terris:  
— perfecti, in cælis. ibid.  
— sancti fideles  
— perfecti, in Christo, imputatione  
divina:  
— inchoati in se, sanctificationis do-  
no 418. a. 524. a. 549. a  
— in precibus pro objecti cogitati varia  
ratione variè afficiuntur 421. a.  
767. a  
— interdum adjuvata nec impiè, nec  
ineptè optant 421. a. 767. a  
— idque Christi exemplo osten-  
sum. ibid.  
Sanctorum verus cultus, quæ in re consistat  
514. a  
Sanctos in quolibet bono opere peccare, Lutheri  
dictum, rectum & plenum 668. b  
Sanguis  
— in Sacr. Lit. non usurpatur pro confan-  
guine. 479. b  
Sanguis

**Sanguis**

— Christi, pro tota illius obedientia 722. a  
Sanguinis Christi dignitas unde dependeat 639. a. b. 689. b

Sanguini Christi redemptio adscribitur synecdochicè 549. a. b. 554. a. b. 721. b  
*Sanguines*, pro viri & mulieris seminibus 2. a.

238. a  
Sapientes & intelligentes, quibus Euangelii doctrina abscondita, quinam intelligantur 58. a. b

Sapientia est vel  
— sanctitatis: vera Dei & cultus illius ad salutem mandati agnitio.  
— ea ab initio in Christo perfecta fuit.  
— prophetica:  
— ea non ab omnibus lege requiritur:  
— in Christo crevit: sanctitatem tamen insitam non auxit 235. b

— est vel  
— infinita: quæ notat vel  
— essentiam divinam communiter:  
— propriè personam Filii:  
— finita: quæ vel  
— acquisita:  
— revelata à Spiritu S. quæ vel  
— restringitur ad mentem:  
— etiam refertur ad animum & voluntatem 548. b  
— vera notitiam religionis ac studium illius complectitur 42. b. 43. a. 548. b

**Satan** ab Heb.

*Satanas* à Syriaco 24. a  
— adversarius *ἁγῆς ἰερόκλη* 32. a  
— cur sic dictus 323. a  
— non apostatam notat 24. a. 323. a  
— ejus vocis etymologia, etiam in S. scriptura indicata. ibid.  
— propriè adversarius, inimicus, generatim:  
— impropriè, i. dæmonium quodvis. 2. dæmoniorum princeps. 3. Satanæ similis 24. a. b

— qualem *ἁγῆς ἰερόκλη* à Christo postularit 30. a  
— non amore & honore: sed odio & detestatione dignissimus 29. b  
*Satanæ* nomen quo modo Petro à Christo tribuitur 24. b

**Satisfactio**

— pro nobis plena, complectitur  
— pœnam inobedientiæ:  
— obedientiam Justitiæ 607. b  
— pro peccatis, nobis impossibilis 174. b  
de Satisfactione Christi & nostra error Belarmini. 175. a

**Satisfactio temporalis Pontificiis duplex**

— per nos  
— in hac vita  
— purgatorio 567. b  
— pro nobis per alios 54. a  
— ab ea quomodo liberentur viventes & mortui, per indulgentiam. ibid.  
— pro ea Pontificiorum argumenta, discussa. ibid. & b

**Saturari** metaphoricè 38. a**Scandalum**

— an Scriptura significet.  
— indignationem ex re aliqua tanquam scandalo conceptam 443. a. b  
— injuriam. ibid.  
— quatenus vitandum 444. b. 497. a. b  
— passivum, non est scandali species aut forma: sed effectum 443. a  
— Scriptura tantum activum agnoscit. ib.

**Scandali**

— definitio & distinctiones variz 443. b. 444. a  
— vox unde orta & quid notet 442. a. b

**Scandala** pro reprobis 443. b

Scandalizare, interdum bonum esse potest: scandalizari, nunquam 444. a. b

*Schœva* in fine quando exprimitur, aut non exprimitur

**Sceptrum**

— regimen vel

— unius

— regis;

— principis:

— plurium, magistratus ac Judicum

184. a

— non recessit à Juda ante Christum natum 183. & seq.

*Sceptra* pro gubernatoribus 12. a

Scholasticorum Theologia qualis 182. a.

183. a

**Scientia**

— pro prudentia 707. b

— est vel

— habitualis:

— actualis 202. a

— est vel

— supernaturalis: eaque vel

— triumphantium in coelis, perfecta;

— militantium in terris, per revelationem divinam:

— naturalis: quæ vel

— insita:

— acquisita,

— doctrinâ

— experienciâ 196. b

— est vel

— simpliciter accepta, seu perfecta ac distincta:

— secundum quid, imperfecta ac confusa 367. a. b

— animæ Christi, in hac vita, an fuerit scientia Beatorum & omnis ignorantiz expertis 196. b. 197. a

— Beatorum. ejus definitio Pontificia 196. b. 200. a

— ex parte

— experimentalis. ibid.

— fidei, est vel ex

— causis.

— effectis 724. a

— non est nuda sensus intelligentia: sed veritatis rei scitæ certitudo 108. b

**Scientiz**

— comprehensionis & apprehensionis Dei, inepta distinctio 39. a. 196. b

— subiectum

— non organa corporea:

— sed sola anima 201. a

*Scire* an in Scriptura significet

— scire facere 135. a

— scire ad dicendum, scire aliis 135. b.

136. a

— *non scire*, an significet *nolle scire*. ibid.

*Scopus* est vel

— absolutus:

— conditionalis 90. b

*Scribarum* apud Judæos ordo antiquissimus 45. b

— & Phariseorum dicta omnia quatenus servare jubeat Christus 47. b

*Scripta* non sunt omnia, quæ à sacris autoribus dicta 15. a. b. 142. b

*Scriptum* est, *ἁγῆς ἰερόκλη*, pro scriptum est in Scriptura sacra 27. a. 32. a

*Scriptum* Novi Test. est vel

— diegeticum, quod versatur in narratione rei

— gestæ, Evangelia, Acta:

— gerendæ, Apocalypf.

— dogmaticum, quod dogmatis tradendis inservit: vel in

— Thesi & generalibus sententiis:

— hypotheti, ut Epistola ad Philemonem 594. b. 595. a. 744. b. 745. a

*Scriptus*

— in cælo, electus inter hæredes regni cœlestis:

— in terris, à Deo alienus, mundo additus ac reprobis 321. b

*Scriptura*

— meton. pro autore illius 507. a

— aliquid dicit vel

— sine tropo:

— per tropum

— sæpe Synecdochē:

— vel

— immediatè ac proximè:

— mediatè ac remotè

idque vel per

— typum propheticum,

— rectam consequentiam.

— vel explicitè,

— implicitè 400. b. 401. a. 610. b.

640. b

— doctrinam proponit vel

— immediatè ac proximè:

— mediatè per exempla particularia

quorum usus generalis 595. a

— est omnia virtutum, seu fidei in Deum

& bonorum operum perfecta norma 22. a

— habet

— multa, quæ ab humano Spiritu excogitari poterant

— & familiaria 595. a

— singularia: nec omnia, similia

ibidem exempla habent 28. b

— errores non solum non parere: sed ne sequi quidem debet 645. a

— etiam pueris

— doctis scripta:

— ergo ab omnibus legenda 727. b

— frequenti Synecdoche, dehortatione

hortationem ad contrarium intelligere solet 415. b

— imperfecta non est, etiamsi quidam libri Prophetarum perierint 15. b

— quomodo

— etiamsi adhibeat sententias ab humano Spiritu prolatas 595. a. 741. b

— solvi possit, aut non possit 342. a

— sæpe epitheta aut periphrases assertionibus inserit, aut præmittit, ad probationem, aut amplificationem earum 613. a

— solvi dicitur, cum illius autoritas contemnitur 342. a

— tota, epistola Dei viventis ad omnes homines, ut inde Deum & officium suum cognoscant 642. a

*Scripturæ* Sacre

— doctrina sæpe promiscuè traditur 55. a

— in quibusdam

— brevitatis 595. b

— convenientia 664. 741. b. 742. a

— simplicitas, ejus autoritati nihil detrahit 595. a. b

— non tantum materia, sed etiam stylus est *ἱερόκλη* 601. a

— partes, materiæ gravitate dispartes, autoritates pares. ibid.

— partium in doctrina aut fidei, aut morum tractanda diversa ratio 664. a

— perfectio contra Pontificiorum exceptiones vindicata 474. 475. 592. a. 714. a

— prudentia, in adhibenda personarum periphrasi 249. a. 254. b. 414. a.

628. b. 635. b

— quædam pertinent ad dogmatis fidei constitutionem: quædam tantum ad ejus expositionem & probationem 15. b

— usus communis:

— & occasio sæpe particularis 163. a.

595. a. 653. a. 749. a

*Scripturam* etiam à Laicis legendam, ex Scriptura & Patrum explicatione probatam 574. a

*Scriptura* tacente, conjecturis & cominatis humanis non est indulgendum 321. b.

322. a. 327. a

— quod de Scripturis non habet autoritatem, eadem facilitate contemnitur, qua probatur 140. b. 394. a

*Seculum*

— unde derivetur 775. b

— pro mundo 376. a. 452. a. 776.

— maxima incolarum mundi parte. ib. b

— tempus continuum & longum notat

— aliquando infinitum, vel

— simpliciter:

— secundum quid:

M m m m 2 — sed



— sed sapius termino aliquo finitum, nempe vel  
 — anno jubilæo,  
 — vitæ tempore.  
 — Messiae adventu 193 b. 665. a. 776  
*futurum*, nusquam notat tempus post  
 . cuiusque mortem, ante ultimum diem  
 64. b  
 — hoc, nusquam notat tempus vitæ cuius-  
 que. ibid.  
 — hoc, *istud*, tempus ad ultimum diem:  
 — *istud*, *venturum*, *futurum*, ab ultimo die  
 fluens 64. b. 218. b. 776. a  
 — hoc, pro hominibus peccatoribus 437. b  
 — *presens malum* 452. a. 776. a  
*Seculi huius filii* 437. b  
*Secula*, meton. adjuncti in Nov. T. significat  
 mundum: cui duo secula hoc & *futurum*  
 tribuuntur 218. a. 604. b  
 Seculares ludi 776. a  
*Secundum Lucam*, non satis Latine dictum  
 149. 150  
 Sedere mos docentium apud Judæos 31. b  
 Sedebs plerumque docuit Christus. ibid.  
 Seducere  
 — proprie, à recta via abducere:  
 — metaph. animum decipere, à recta veri-  
 tatis ac Justitiæ doctrina ad erroris  
 avertere 130. a  
 Seducio duplex  
 1. secundum quid & ad tempus:  
 2. simpliciter & semper. . . ibid.  
*Semen*  
 — Abrahæ stellis & arenæ comparatum,  
 an notet & numerum & diversam fi-  
 liorum illius qualitatem 537. a.  
 782. b  
 — intelligitur duplicis generis  
 — proprium, filii generatione  
 — improprium, filii spirituales 612. b.  
 613. a  
 — *Davidis* pro fidelibus 783. a  
 — *incorruptibile*  
 — de Sp. S. vi, qua regenerat 104. b.  
 105. a  
 — de Evangelio 288. b. 289. a. 690. a  
 — *mulieris*, Christi 777. b  
 — non semper collectivum: sed sæpe sin-  
 gulariter prolem significat 777. b. 778. a  
 — *Satana*, quid significet 777. b  
 Seminis Abrahæ multiplicatio, vel  
 — carnalis, ratione Isaaci:  
 — spiritualis, ratione Christi 783. a  
*Semen*  
 — etiam foeminas habere 2. a. b  
 — mulieres non habere etiam asserit autor  
 libri *de viro perfecto*, qui Hieronymus  
 suppositus 778. a  
 ex semine humano genitum, quomodo  
 — peccato obnoxium:  
 — aut non obnoxium 2. b  
*Seminificare*, vox Pagnini 2. b.  
 Semi-pelagiani gratiæ Dei in fide & salute  
 danda, eventum ab actionum humanarum  
 diversitate pendere statuunt 462. a  
 Senes, Seniores *καὶ ἡλικία* dicti 47. b  
 — notat vel  
 — ætatem:  
 — officium & dignitatem in Ecclesia:  
 idque vel  
 — eorum qui gubernant & docent,  
 ut pastores:  
 — qui gubernant tantum 739. a  
 Sensus  
 — Ambrosio pro intellectu 584. b  
 — conversionis, in conversis ad tempus  
 impediri potest 106. b  
 — infirmitatum, quo sensu Christo jam  
 glorificato tribuatur 623. b  
 — S. Scripturæ est vel  
 — merus, qui rheram continet narra-  
 tionem, sine inclusa prophetia  
 — mixtus, qui  
 — immediatè rei narrationem:  
 — mediatè aliud simile complecti-  
 tur 469. a

— historicus & Propheticus non sunt  
 ejusdem loci duo sensus: sed duo  
 membra 13. b. 433. a. 469. a  
 — ejus rei exempla 13. b. 144. a. b.  
 352. b  
 Sentiri aliquid potest, vel  
 — immediatè, per se:  
 — mediatè per suum effectum,  
 — adjunctum proprium 106. b  
 Septem  
 — pro multis 67. a  
 — angel, quo sensu in Scriptura sæpe di-  
 cantur 380. a. b  
 — Spiritus, de Spiritu Sancto 749. 750  
 Septenarius numerus in visionibus & Pro-  
 phetiis frequens 745. b  
 Sepulchrum cur Hebræis *קבר* dictum  
 717. a. b  
 Sepulti cum Christo qua ratione dicantur fi-  
 deles 178. a  
 Sequentia in oratione, non semper cum  
 proximè antecedentibus coherant 271. b  
 280. a  
*Sequi Christum*, quid sit 72. b. 339. a  
 Seraphim Synecd. accipitur  
 — pro presbiteribus:  
 — angelis 551. b  
 — angeli unde sic dicti. ibid. & 552. a  
*Sermo*  
 — *καὶ ἡλικία* pro Evangelio 351. b.  
 522. a. 578. a. 695. b  
 — *de regno illo*, Evangelium 96. a  
 — *Dei vivi*, *καὶ ἡλικία* Evangelium  
 104. b  
 — *infusus*, quomodo dicatur servare a-  
 nimas, etiam respectu legis 670. a  
 — *gratia Dei*, de Christo  
 — Evangelio 622. b  
 — Propheticus quo sensu dicatur *βασίλει-  
 α*  
 708. a  
 — *tolerantia Christi*, Evangelium 764. b  
 — *vita*  
 — nomen personæ Christi 171. a. 537. a  
 — de Evangelio 537. a  
 — prætenditur  
 — doctrina,  
 — confessione,  
 — vita 537. a  
 Sermonis Dei constantia ab exceptionibus  
 vindicata 422. b. 423. a  
 Serpens antiquus, cur dicatur diabolus  
 24. a  
 Serpens diaboli in seductione Adami & Evæ  
 instrumentum, à Deo punitus justè & fa-  
 pienter 777. a  
*Servatores* quomodo dicantur fideles Euange-  
 lii præcones 681. b  
 Servire Jehovæ, est ejus mandata servare  
 30. b  
 Servitus  
 — Dei religiosa, quid sit. ibid.  
 — *δουλεία*, major quam *λατρεία*, si vocis  
 vis spectetur. ibid.  
 — quæ soli Deo debetur, non tollit ordi-  
 nem œconomix & politiz. ibid.  
 — legalis qua in re sita fuerit 515. a  
 — religiosa, soli Deo convenit 30. b  
 Servitutis religiosæ in *λατρεία*, *δουλεία* &  
*καρδαια* distinctio Pontificiorum in-  
 epta & impia. ibid.  
*Servus Dei*  
 — intelligitur vel  
 — generatim Evangelii minister:  
 — *καὶ ἡλικία* Apostolus 665. b  
 — est vel  
 — natura,  
 — proprie, omnes creaturæ rationa-  
 les:  
 — metaph. omnes reliquæ creaturæ:  
 — per accidens gratiæ  
 — propriæ electis, per redemptionem &  
 vocationem,  
 — communis, per vocationem ad mu-  
 nus externum  
 — politicum?  
 — ecclesiasticum. ibid.

*Servus servorum*, Pontificis titulus  
 — ejus origo & abusus 568. b  
 Servi  
 — ab hero separantur  
 — manumissione:  
 — fuga:  
 — captivitate:  
 — morte 597. b  
 — Jesu Christi & Dei  
 — communiter, omnes fideles:  
 — peculiariter, vocati ad Euangel. præ-  
 dicandum 706. b. 747. b  
 Sessione ad dextram Dei quo modo Christus  
 sit exaltatus secundum utramque natu-  
 ram 532. a  
*Si pro siquidem* 359. a  
*Sicut, ut*, notat  
 — sæpe similitudinem: (530. b  
 — interdum *καὶ* & rei veritatem  
*Signum filii hominis*, variè expositum 134. a  
 — quodnam sit 751. a  
 Significatio non simpliciter & semper mala  
 est 65. a. b  
 Signa  
 — ad rem promissam confirmandam præ-  
 sentia sunt, vel  
 — oculis corporis:  
 — animi 5. b  
 — cur miracula dicantur 36. a. b. 165. b  
 — & prodigia quid differant 446. a. b  
 Significatio  
 — à propria, sine causa non est receden-  
 dum 36. a. b. 165. b  
 Significationem simul propriam & impro-  
 priam non habet eadem vox semel tantum  
 posita 36. b  
 Siloë fontem Christi typum fuisse quidam  
 statuunt 181. b  
 Silvanus, idem qui Silas, Propheta Aposto-  
 lorum legatus 577. a  
 Simile interdum opponitur eidem acervo:  
 sed non semper 528. a  
 — interdum intelligitur genere, non ra-  
 tione singulorum modorum 28. b  
 Similitudo designat  
 — propè ac plerumque convenientiam  
 in qualitate:  
 — interdum generatim convenientiam  
 quamlibet, etiam in substantia 530. b  
 — ultra scopum dicentis non est exten-  
 denda 708. b. 717. b  
 Similitudines, quæ ex V. Test. in Novo pro-  
 ferantur, sunt vel  
 — indefinitæ ac communes:  
 — definitæ ac propriæ 274. a  
 Simon, Petri nomen, non est ex Græco *σι-  
 μων*: sed ex Heb. *שמעון* 706. a  
 Sinus  
 — Abrahæ 249. a  
 — in sinu Patris esse quomodo dicatur  
 Christus 222. b. 249. a  
 Sion pro Ecclesia 692. b  
*Sistere* metaph. de ardenti desiderio sæpe di-  
 ctum 37. b  
 Sitis  
 — corporis  
 — animæ 287. b  
 Sobrietas  
 — proprie:  
 — improprie ad animam translata, notat  
 illius vel  
 — sanctitatem:  
 — attentionem: 688. b. 689. a  
 Socius statuit  
 — Christum non tantum matrem, sed et-  
 jam patrem secundum carnem ha-  
 buisse 3. a. b  
 — non plenè & perfecte, ab initio con-  
 ceptionis & nativitatis, filium Dei  
 fuisse 234. b  
 — humanæ Christi naturæ sanctitatem, in  
 conceptione & nativitate fuisse imper-  
 fectam: & post nativitatem paulatim  
 factam esse perfectam 235. a  
 Socini impia & impura sententia de genera-  
 tione i. Christi 3. a. b. 230. b. 234. b  
 Soleam

*Solem alicujus portare* 20. a  
*Sollicitudo est vel*  
 — mala, anxia & incredula :  
 — bona, necessaria ex fide providentiæ & voluntatis divinæ & agnitione officii nostri orta 51. a. 543. b  
*Solvi Scriptura*  
 — dicitur, cum illius autoritas  
 — vel mandati, per inobedientiam :  
 — vel affirmationis veritatis, per incredulitatem contemnitur ac violatur 342. a  
 — potest re & facto :  
 — non potest jure & in se considerari. ibid.  
*Solus excludit vel*  
 — absolute, omnes præter suum subiectum :  
 — relate, quosdam 211. a  
 — de Patre, aut alia persona alios excludit vel  
 — absolute :  
 — relate ad creaturas. ibid.  
*Soli Patri notitia Filii :*  
*Soli Filio notitia Patris.*  
*Soli Spiritui Sancto notitia Dei quomodo tribuatur* 211. a. b  
*Soph. Pafus* interdum denotat :  
 — non periodum  
 — sed minorem distinctionem 640. b  
*Speculum essentia divinæ ficitum Pontificiorum* 197. a  
*Sperare* pro timere *ἀνυπολόγητα* 370. b  
*Speratarum rerum fundamentum*  
 — primum, Dei promissio :  
 — secundarium, fides 647. a  
*Spes*, lara boni futuri expectatio 132. a. 417. b  
 — est vel  
 — fidei :  
 — charitatis 537. b  
 — est vel  
 — certa :  
 — incerta.  
 — Boni vel  
 — veri :  
 — falsi :  
 — temporalis  
 — æterni 556. a. b  
 — an etiam in cælo extet in beatis animabus 687. b  
 — de eventu valde probabili, vulgò dicitur *notitia* 663. b  
 — fidelium dicitur bona ratione &  
 — formæ, quia sincera.  
 — effecti, quia non fallit 592. b  
 — gloriæ,  
 — salutis,  
 — vitæ æternæ 556. a. b  
 — *Iustitia*, pro Iustitia sperata: aut sperata iustitiæ corona 518. b  
 — Pauli de Philippensum perseverantia qualis fuerit 514. a  
 — pro re sperata 223. b. 417. b  
 — *reposita in calis*, pro vita æterna sperata 547. b  
 — *viva* cur dicitur 686. b  
 — quomodo ea dicatur non pudefacere 121. a  
*Spei*  
 — Christianæ definitio 556. a. b. 686. b  
 — & anchoræ comparatio elegans in similitudine & dissimilitudine 634. a  
 — objectum tantummodo sunt res futuræ 647. a. b  
 — rectæ objectum, malum esse non potest 132. a. 416. b  
*Spiritus*  
 — pro anhelitu 675. b  
 — meton. pro doctore 763. a  
 — pro Evangelio 315. a  
 — pro spiritali 276. b  
 — an significet spiritalem & allegoricum sensum 315. a  
 — & carnis vox variè accepta 505. b  
 — & caro oppositè notant vel

— sanctificationem Spiritus & vitiositatem innatam :  
 — divinam & humanam Christi naturam :  
 — corpus & animam hominis 315. a. b  
 — vel tertiam personam :  
 — ejus dona notat 278. b  
 — pro fidei, spei, charitatis sanctitate per regenerationem indita 72. a  
 — & *Spiritus æternus*, divina Christi natura 3. b. 173. b. 214. a. 231. b. 315. a. b. 386. b. 639. b. 698. b  
 — Dei vel  
 — propriè :  
 — impropiè dicitur 21. b  
 — extinguitur  
 — contumacia  
 — &  
 — negligentia :  
 — suscitatur oleo  
 — verbi divini  
 — & officii Christiani 584. a  
 — gratiæ, scil. autor 63. a. b  
 — impurus,  
 — demoniis impuri 67. a  
 — & *littera* 315. a  
 — objectum esse potest contumeliæ, etiam si contumeliosus illius non fiat particeps 63. a. b  
 — *oris Christi* est vel  
 — sermo Evangelii ;  
 — Spiritus Sanctus 591. a  
 — *promissionis*, & *promissio Spiritus*, pro Spiritu promisso 509. b  
 — regenerationis Remonstrantibus bifariam dicitur vel quatenus regenerat :  
 — regeneravit. 96. a. b  
 — etiam iis tribuitur à Remonstrantibus.  
 — qui nunquam sunt regenerati. ibid.  
 — Sanctus,  
 — advocatus Apostolorum quomodo fuerit 371. b  
 — an materia corporis Christi 1. b. 165. a. b  
 — pro donis extraordinariis 19. a. 265. a  
 — Christum adversus tentatorem Satanam in arenam sanctè produxit 25. b. 26. a  
 — de veritate Evangelii testatur  
 — 1. Evangelii revelatione atque illuminatione mentis per cognitionem illius :  
 — 2. miraculis per Christum editis 62. b.  
 — etiam à Filio procedit 420. a. 768. a  
 — nullibi, *verbum Dei* aut *Filius*, dicitur 607. a  
 — *oleum exultationis*, qua similitudine dicitur 615. a  
 — quomodo Christo datus dicatur 278. b  
 — & quidem non ex mensura. ibid.  
 — & quando 278. b. 279. a  
 — persona Patri *ὁμοῦς* 420. a  
 — quo sensu dicatur Spiritus servitutis ad metum 416. a  
 — quatenus etiam reprobis detur 373. b  
 — quomodo dicatur postulare seu intercedere pro nobis 372. b. 418. a  
 — quomodo dicatur à Filio accepisse & audivisse 217. a  
 — Spiritus laborum & oris Christi dicitur 205. b  
 — utitur interdum iisdem verbis & eadem sententia, in alia omnino aut diversa materia, citra citationem testimonii aut imitationem destinatam 433. b  
 — *Veritatis*, intelligi potest vel  
 — verus :  
 — relate ad Veteris Testamenti legalis figuræ :  
 — veritatis autor 373. a  
*Spiritus Sancti*  
 — deductio in omnem veritatem, promissio Apostolis specialis. ibid.  
 — complectitur duo beneficia  
 — 1. omnis veritatis plenitudinem  
 — 2. in usu illius perpetuam directionem. ibid.

— donationis modus, alius  
 — ex mensurâ,  
 — sine mensura 279. a  
 — extraordinariæ modus est vel  
 — immediatus, à solo Deo :  
 — primarius, XLI. Apostolis :  
 — secundarius, gentilibus quibusdam :  
 — mediatum, ministerio hominum :  
 — ordinarius, per solos Apostolos.  
 — extraordinarius, per Ananiam Apostolo Paulo 268. a. b  
 — & columbæ 21. b. 22. a  
 — linguarum dispartitarum atque ignearum 264. b  
 — venti collatio 264. a. b  
 — gratiam impetrandi modus ac via 265. 266.  
 — operatio in conceptione Christi  
 1. effectio humanæ naturæ Sanctæ.  
 2. conjunctio illius cum Filio Dei, in unitatem personæ 166. b. 214. b  
 — specie columbæ descensus & mansionis super Christum finis 23. a. 279. a  
 — Substantia immutabilis & incorporea 3. a  
*Spiritui Sancto.*  
 — quomodo restitisse dicantur Judæi 87. b. 88. a  
 — resistendi modus duplex 61. b. 87. b  
*Spiritum Sanctum.*  
 — descendente super Christum vidit & Johannes & Christus & populus 21. b  
 — dolore afficere  
 — *exacerbare*, *ἀνθυποκρίνομαι* 87. b. 88. a  
 — quo discrimine  
 — Apostoli & reliqui fideles acceperint 373. b  
 — Christus Apostolis dedit ante ascensionem & die pentecostes 265. a  
 — regenerare volentem homo impedire non potest 96. a. b  
 — procedere, non ut conceptus ab intellectu : sed ut amor à voluntate procedit, sine Sacr. Litterarum probatione dicitur 607. a  
 — postulavit Christus qua homo : dedit qua Deus 373. a  
*Spiritu*  
 — & veritate adorare quomodo  
 — conveniat Patribus Vct. Test.  
 — Novo Test. sit propria 282. b  
 — orare, oppositè hypocrisis. ibid.  
 — orare & psallere, & mente orare, & psallere, quomodo opponantur 675. a. b  
 — Sancto  
 — baptizare 222. b. 232. a  
 — operari, non nisi vero Deo convenit 386. b  
 — repleti dicuntur Apostoli,  
 — non absolute :  
 — sed relate 264. b  
*Spiritualiter*, allegoricè atque occultiori significatione 315. a  
*Sponsus Ecclesiæ, Christus* 222. b  
*Sponsus Ecclesiæ esse, honor soli Deo proprius.* ibid.  
*Stare metaph.* perseverantiam notat 542. b  
 — in gratia. ibid.  
 — fide. ibid.  
*Statua Titi*, an in templo collocata 127. a. b  
*Stella matutina, Christus* 761. a  
 — ineptè à quibusdam de diabolo exponitur. ibid.  
*Stigmata Christi*, quid significant 522. b  
*Stoicorum ἀναιδεια* atque indolentia Christo non probata 363. a  
 — paradoxon, qui unam virtutem habuerit, habet omnes, apud Christianos verissimum 415. b. 668. b. 673. b  
*Stultitia*, metonym. pro summe stulto 369. a  
*Stultitia vel*  
 — innocens ac privativa :  
 — nocens ac positiva 48. b  
 M m m m m 3 Styli

Styli diversitas in iisdem autoribus 600. b.  
705. b. 747. a

*Sub lege esse*, accipitur vel  
— simpliciter, pro esse sub obedientia & maledictione legis :  
— secundum quid, sub maledictione tantum 407. b

Subscriptiones Epistolarum Pauli, non ab Apostolo appositæ : sed ab aliis adjectæ 575. a

Substantivum præcedere adjectivum, requirit  
— lingua Hebræa :  
— non Græca 739. a. b

Suggestio diaboli tentantis quoduplex & quam infidiosa 25. b

Superbiæ fons 536. b

Supervenire in aliquem dicitur Sp. Sanctus.  
— non propriè :  
— sed metaph. quando operatione peculiaris præsentiam suam patefacit 165. a

Suspensionis in V. T. usus, vel  
— communis & politicus  
— maledictio seu poena politica malefici : exemplum aliorum :  
— singularis ac typicus, ut Christi crucifixionem & maledictionem adumbraret 274. b. 510. a

Syllogismus practicus de fide gratiæ acceptæ, qualis sit & quo principio nitatur 654. b. 656. b

Synecdoche partis, pro toto, etiam esse potest, ubi partes planè sunt *ἡ πηγὴ* 562. a  
— non tollit proprietatem vocis 287. a  
— *missi*, id est, missi, & missurus sum :  
— *condemnatus* est, id est, condemnatus est & porro condemnabitur. ib.

Synedrium  
— minus  
— 23. virorum 770. b  
— in singulis civitatibus 48. b  
*ἡ πρῶτη* pro majori : quod LXXI. virorum 48. b  
— quænam causa ad illud relatæ. ibid.

Synthesis generis 147. b

Syriaca lingua, in Scriptura, Hebraica appellata. 159. b. 293. b

T.

**T** Abernaculum, quomodo dicatur Apostolo *σκήνη* 80. a

*Tangere*  
— pro lethaliter lædere 95. b  
— malis afficere 738. b

Tartarus, quid significet  
*ταυρὸς* est vel  
— speciei :  
— numeri 530. a

Testa, in iudæa, plana & ambulationi idonea 28. b

Temperantia, qualis sit virtus 520. a

Templum Hierosolymitanum  
— ante ascensionem Christi : locus adorationis necessarius 282. b  
— in eo quomodo postea adorarint Apostoli. ibid.  
— Typus Ecclesiæ 588. b. 589. a

Tempus  
— est duratio rei præsens, præterita & futura 209. b  
— distinguitur in tempus  
— ante legem :  
— sub lege :  
— sub gratia 355. a  
vel in tempus mundi  
— primi :  
— recreati :  
— reconciliati. ibid.  
vel in tempus  
primum  
ultimum. ibid.

— futurum, interdum continuationem rei, non futurum illius inchoationem notat 19. b

— *Primum*, accipitur vel  
— comparatè, cum tempore primum Christi adventum antecedente :  
— absolute, ratione curricula totius mundi corruptibilis, de ultimo Christi adventu 687. a  
— dividi potest relatione partium in  
— primum, quo Christus & Apostoli Evangelium annunciarunt  
— tempus, ab Apostolorum morte. ad Christi reditum 726. a

Tempora  
— novissima, quænam dicantur in Sacr. Literis 587. b  
— ultima, quibusdam distribuuntur in  
— prima, à Christo ad Antichristi præcursores :  
— media, sub Antichristo : quæ comparatè cum primis ultima appellantur :  
— ultima, dies iudicii, *ἡ ἔσχατος* dictus, *dies ultimus*, *tempus ultimum* 604. a

Tenebra  
— metaph. ignorantia & impietas 549. a. 721. b  
— exteriores, meton. adjuncti pro subiecto loco, Carcer 85. a

Tenebrarum potestas, duplex  
— jus condemnandi :  
— dominandi 549. a

Tentare, experimentum capere 24. b. 669. a

Tentat  
— Deus, ut erudiat :  
— homo, ut sciat :  
— Diabolus, ut seducat. Cassiod. 669. a

Tentatio  
— *ἡ πρῶτη*, de tentatione diaboli 25. b  
— est latentis alicujus animi exploratio 321. a. 648. b. 669. a  
— fit ore, aut opere 24. b  
— est vel  
— media :  
— extrema : eaque aut  
— bona, quæ vel  
— divina, qua Deus tentat homines :  
— humana, qua homo tentat  
— Deum :  
— hominem :  
— alium,  
— seipsum.  
— mala : quæ est vel  
— humana, qua homo tentat vel  
— Deum, vel  
— diffidentia  
— præsentia,  
— potentia illius :  
— confidentia  
— hominem,  
— alium,  
— seipsum  
— Diabolica, qua homines tentat suggestionem prava  
— interna  
— externa 25. b. 26. a. 321. a. 648. b. 669. a  
— Satanæ in rebus adversis qualis & quam periculosa 27. a  
— Christi  
— active sumpta, vitium :  
— passive virtutis ac pia fortitudo 25. b. 26. a  
— à diabolo, quomodo finis Spiritus Sancti. ibid.  
— ejus utilitas. ibid.

— est vel  
— probationis :  
— presumptionis :  
— seductionis 669. a  
— externa est vel  
— divina :  
— diabolica 758. b

Tentationis malæ causa propria  
— interna :  
— externa 25. a. b

in-tentationem inferre dicitur Deus

— non propriè  
— sed metaphorice 25. a. b

Tentationes  
— Meton. res adversæ, persecutiones à Deo immixtæ 24. b. 25. a. 666. a. vel  
— externæ, afflictiones :  
— internæ, irritamenta ad peccatum 666. a  
— interdum magis acerbæ & periculosæ quam mors 650. b

Tentationes vitiosas, quomodo coëreant Deus  
— intus  
— foris 25. a. b

Tentator quare dicatur diabolus 25. b. 581. a. 603. a

Terra  
— homines in terra 42. b  
— terræ marisque globus 131. b  
— *viventium*, non notat cælum, sed terram, quæ à viventibus incolitur, distinctè à sepulchro & terra mortuorum 36. b

Terræ  
— Vox nullibi cælum notat 36. a  
— exultio, qualis & quanta futura, incertum 133. b  
— de ea Augustini sententia. ibid.

Terram hereditate possidere, quid sit 36. b

Terroris hominum, ad apparitiones cœlestes, causa  
— naturæ humanæ imbecillitas :  
— peccati conscientia 161. b. 189. a. 753. b

Tertia persona pluralis impersonaliter posita, phrasi Hebræa 144. a

Tertio præcepto quid prohibeatur 45. b

Tertium præceptum quidam Pontificii, Phariseos secuti, ita exponunt, quasi tantum perjurium prohiberetur. ibid.

Testamenti veteris in N. T. usus 695. a

Testamenta violantur  
— abrogatione :  
— additione 510. a

Testificari accipitur vel  
— speciatim, pro testimonio probare :  
— generatim, pro notum facere, significare, indicare 471. b

Thalmud, veterum Pharisaicarum traditionum farrago 69. b  
— ejus tractatus de votis 69. a. b

Theman Esavi nepos  
— Meton. Themanitæ :  
— Synecd. Idumæi :  
— nomen Loci in Idumæa 788. b. 789. a

Themistius, unde Themistiani hæretici, qui & Agnoctæ 196. a

Theodotus hæreticus Melchisedecum Christo majorem & meliorem finxit 639. b

Theologia  
— pro explicatione divinæ naturæ Christi, Patribus usurpatur 747. a  
— figurativa, non est argumentativa, scil. extra Scripturæ explicationem 641. a  
— Novi Testam. quibus capitibus absolvatur 203.

Theologiæ principium *ἀρχὴ τοῦ λόγου* 141. b

Theologus cur dictus Joh. Evangelista 747. a

Theophilus  
— substantivum & proprium nomen 152. a  
— qualis fuerit. ibid.

Thesaurus meritorum Christi & sanctorum, quem Pontificii statuunt, detestandus 557. a  
— etiam à Pontificiis nonnullis, quoad merita sanctorum, reiectus. ibid.

Thesauri omnes sapientiæ & cognitionis reconditi esse, dici possunt, vel in  
— Evangelio, ratione significationis : non absolute, sed quæ ad salutem nostram necessaria :  
— in Christo : vel nunquam in  
— objecto :  
— subiecto 280. a. 559. b

Thronus

## Thronus

- Davidis
- meton. signi, regnum illius:
- simili meton. regnum Ecclesie spirituale per Davidis regnum adumbratum 162. b
- Dei, coelum 550. b
- Throno insidere*, metaph. iudicium exercere 552. b
- Throni*, pro angelis 550. b
- Thuribulum aureum, quod fuit in sancto sanctorum quid adumbravit 647. a
- Thum masculum* 753. a
- Timere adversarios quo sensu interdicitur fidelibus 697. b
- Timor Dei*, Synedoch. pro cultu Dei universo 30. b
- Isaci. meton. Deus, quem Isaac timebat 484. b. 485. a
- & tremor, quo fideles iubentur salutem suam conficere, qualis sit & unde oriatur 535. a
- supplicii & afflictionis non omnis vitiosus 630. a. 758. b
- est vel
- servilis ac vitiosus:
- liberalis atque ingenuus 693. b
- *filialis* non satis Latine dicitur. ibid.
- meton. pro causa timoris 696. a. 697. b
- Tituli librorum sacrorum, vel
- genuini, ab ipsis scriptoribus praefixi:
- ab Ecclesia apte adiecti, sive
- ab operis initio:
- autore:
- à rei materia:
- à scripti genere 203. 679. b. 783. a. b
- Tituli dignitatum civilium non omnes profani 741. a
- Titus non fuit ordinarius Episcopus Cretae 487. a
- Tolerantia quid sit 585. b
- est vel
- communis & civilis:
- propria ac Christiana. ibid.
- Christi est vel
- quam Christus requirit:
- quae sit propter Christum:
- quae fuit in Christo 751. b
- oppressionum quomodo dicatur efficere aeternum gloriae pondus 41. a. 400. a
- *Spei* 577. b. 578. a
- Tolerantia Christianae definitio 404. a
- Tollere, αἵρεσις* est vel
- attollere ac ferre:
- auferre 255. b. 256. a
- Totus populus* metaph. pro magna populi parte 189. a. 321. a
- Tractio*
- metaph. de regeneratione 123. a. b. 309. b
- omnium ad Christum, quid notet 350. a. b
- Patris ad Christum quid notet,
- Orthodoxis 123. a. b. 309. b
- Remonstrantibus 124. b
- Pontificis est vel
- efficax:
- sufficiens 310. b
- Traditio in cupiditates cordium & mentem reprobam,
- activè, Dei punientis opus iustum:
- passivè, hominis injuria poenam promerens 90. a. b
- Traditiones
- Apostolicæ, eorum doctrinam notant 593. a
- à Sp. Sancto sanctificatæ 143. a. 647. b. 640. b. 649. a. b. 642. a. b. 741. b. 742. a. 743. b
- Trahere*, generatim notat potentem actionem:
- propriè circa rem corporalem,
- inanimatam:
- animatam

— improprie ad animum transfertur 123.

Trajectio infantum in Gehinnom, in ignem, fueritne tantum consecratio, an vero combustio 49. a. b

*Transgredi legem*, metaph. violare 502. a

Transgressio, transgressio legis pro peccato. ibid. 172. b

Transgressor legis. ibid.

Tres dies &amp; tres noctes, intelligi possunt vel

— simpliciter, integri:

— secundum quid, non integri 65. a. b

Trinitas

— ex baptismi institutione &amp; baptismi Christi historia demonstratur 23. b

— ex Vet. Test. diserte probata 205. b

— ex Nov. Testam. 420. a

Trinitatis speculum, impium Pontificiorum commentum 775. b

Tristitia Christi

— non repugnat illius

— potentiae

— officio: nec

— historiae Evangelicae 139. a. b

— pars passionis non exigua &amp; necessaria, ob Dei

— decretum:

— veritatem. ibid.

— eius causa:

— magnitudo:

— origo. ibid.

Turbatio

— propriè, rei corporeae:

— metaph. animae, vel

— recta

— prava, cum peccatur vel

— in origine:

— mensura 362. b. 363. a

— animae Christi duplex

— iusta adversus peccatum ira:

— Sancta tristitia. ibid.

— cordis non omnis prohibita 363. a

Typus

— pro exemplo 274. a. 620. b

— est vel

— communis, qui variis rebus accom-

— modari potest:

— proprius ac destinatus, seu Propheti-

— cus 405. a. b. 516. b. 699. b

— &amp; restypo adumbrata, interdum uno

— typi nomine significatur 609. a

— liberationis ecclesiae, liberatio Iudae-

— rum à captivitate Babylonica 14. b

— secundum id tantum intelligendus,

— quatenus res adumbrata &amp; divina

— expositio admittit 13. b

— Ecclesiae, an navicula Apostolorum 305. a. b

Typi &amp; antitypi unio qualis 609. a. 611. a

Typo attributa sensum habent aut

— simplicem:

— compositum 609. a

Typum de Christo propheticum an conti-

— neat Jacobi somnium 257. b

de Typo primum ac proxime dictum quod de

— Christo secundo loco ac mediate intelli-

— gendum 13. b. 15. a. 144. a. 253. a. 445. a. 608. b

Typi

— Christi non in omnibus &amp; simpliciter

— fuerunt typi 13. b. 611. a

— fuerunt

p. personarum

— Isaac 782. a. b

— Israël 13. b. 14. a

— Aaron 629. b. 630. b

— David 243. a. 298.

— Salomon 13. b. 243. 611. a. 616. a

— Samson 15. a. 16. a. b

— Jonas 66. a. 243. a

p. res, eaque vel

— Extraordinariae

— serpens æneus 282. &amp; seq.

— manna.

— Petra 306. &amp; seq.

— aries ab Abrahamo Isaci loco macta-

— tus 781. a. b

— damnatorum quorundam apud Israe-

— litas mandata crucifixio 274. b.

— 309. b

— Ordinariae

— agnus Paschalis 252. b. 253. b

— tabernaculum Moysis.

— Summi sacerdotis officium

— sacrificia.

— aliaque ceremoniae legales 243. a

— divini non temere fingendi 295. a

— nisi Scriptura praecunte non sunt sta-

— tuendi 305. a. b

— non necessario in singulis minutim con-

— veniunt 144. a

— prophetici de rebus futuris, vel

— extra visionem:

— in visione. ibid. a. b

Typos angelorum, homines statui, insolens

— in Scriptura 327. a

ex Typis, qui in Sacr. Literis nullibi expli-

— catur, non est fabricandum dogma reli-

— gionis 641. a

in Typis

— eadem vox saepe propriè &amp; improprie,

— subordinatè accipitur 612. b

— etiam nominum origo &amp; significatio

— interdum non est negligenda 637. a

— quibusdam convenientia

— p. similitudinis.

— p. generis 144. b

— vocum significatio, propria aut im-

— propria, varia est, prout natura &amp;

— veritas rei variè postulat 612. b

Tyrus, quomodo dicatur sita in corde ma-

— ris. 66. a

## V.

V<sup>er</sup>æ, ex Graeco *αἰ* 56. a

— propriè, interjectio, index miseriae

— suae,

— alienae.

— improprie, per *αἰνέσις* miseriae

— notat, oppositè felicitati: vel

— temporalem

— aeternam. ibid.

Variarum lectiones

— in textu N. T. unde natae 319. b. 468. a

— auctoritati S. Scripturae non derogant

— 319. b

Variarum lectionum in quibusdam locis co-

— pia. ibid.

*Vasa*

— qua similitudine dicantur fideles &amp;

— eorum corpora 582. a

— iræ intelligi possunt, ratione vel

— consilii &amp; finis, iræ destinata:

— eventus, iræ obnoxia 430. b

Ubiquitarii

— unionem hypostaticam male defi-

— niunt 560. b. 561. a

— cum gratia habituali confundunt

— 561. a

Ubiquitariorum fundamentum erroris de

— omnipotentia humanae naturae Christi

— 145. b

Ubiquitas corporis Christi

— ex unione hypostatica non sequitur

— 273. b. 561. a

— nec ex sessione Christi ad dextram

— 573. b

— repugnat analogiae fidei

— dictorum &amp;

— factorum Christi:

— Veritati corporis 147. a. 272. b.

— 273. a. b

— de ea assertio Lutheri 146. a. b.

— 273. a. b

Ubiquitatis

— monstrum, quàm absurdum 273. a.

— 561. a

— occasio, error de consubstantiatione

— 146. a

M m m m m 4 Ubi-



- Ubiquitatem etiam Christianorum asserit Lutherus. ibid.
- Velle* pro
- approbare, amare 87. a. 95. a. 103. a. 113. b. 715. a. b
  - mandare 113. b
  - decernere 95. a. 103. a. 113. b. 715. a. idque vel
  - efficere:
  - fieri permittere & regere 103. a
- Velle idem & non velle, diversa significatio-  
ne vocis, Deus rectè dici potest 113. b. 715. a
- Venire*
- ad Christum, pro credere in eum 237. b. 308. b. 309. b
  - in mundum,
  - carnem, pro nasci 244. b
- Venire* absolute, aut *venire post aliquem* pro nasci infolens. ibid.
- Venter* pro utero 1. b
- Verbum*
- meton. pro re 27. a. 167. b. 316.
  - propriè pars λόγος
  - Synecd. partis pro toto idem quod λόγος 207. a
  - caro factum quo sensu dicatur 168. a
  - Dei καὶ ἱερωὶ pro Evangelio 178. a
  - durat in æternum
  - absolutè in se, ratione veritatis per-  
petuæ:
  - relatè, in verè credentibus 690. a
  - visibile,
  - audibile 433. b
- Verbi divini
- potentia gladio ancipiti comparata 622. b
  - præstantia, utilitas, necessitas 694. b
  - semen corrumpitur
  - non in se:
  - sed respectu hominum infidelium, & utilitatis 690. a. b
  - Usus
  - regenerare, hinc semen:
  - regeneratos mutare, hinc lac & soli-  
dus cibis dicitur 691. b
- Verba
- diversa eodem sensu sæpe usurpantur 219. a
  - etiam præteriti perfecti indicativi cum conjunctione potentiali & juncta (aut eà etiam per ellipsin omitta) non actum rei: sed rei futuræ potentiam interdum denotant 271. a. b
  - quæ effectum propriè notant, cre-  
bro pro velle & efficere usurpantur 301. b. 357. a
  - quædam Græca regunt accusativum rei cognatæ, quæ Latine per ablati-  
vum causæ vel instrumenti expri-  
muntur 615. a
- Veritas
- pro summè vero, verissimus 369. a
  - pro fide erga veritatem Evangelii 740. a
  - pro typicarum promissionum comple-  
mento 242. b. 243. a. 283. a
  - ita autem accipitur
  - non absolutè posita:
  - sed cum expressâ relatione ad legem & signa legalia 369. a. 373. a
  - pro semine cognitionis Dei & gloriæ ipsi debita, in animis hominum re-  
liqua 388. b
  - intelligitur vel
  - oppositè falsitati & mendacio: at-  
que ita notat
  - metonym. doctrinam veram:
  - καὶ ἱερωὶ Evangelium 494. b. 591. a. 730. a
  - relatè ad promissiones & ceremonias  
legales 369. a. b. 494. b. 644. b
  - Christi
  - propriè, convenientia verborum il-  
lius aut signorum aliorum cum re  
significata.
- meton. causæ, rei verbo signis-  
ficatæ impletio 242. b. 369. a
  - vel
  - inhærens
  - facta 248. a
- Veritatis
- doctrinæ nota unica & certa doctrina  
Apostolorum 731. b. 733. a
  - & sinceritatis objectum
  - cultus Dei, &
  - conversatio humana 38. b
  - Evangelii, cum globis, qui duabus co-  
lumnis in templo Salomonis im-  
positæ erant, collatio 496. a
  - plenus quomodo dicatur Christus 243. a
  - secundum utramque naturam 243. a. b
- Veritatem opportune silere licet: contra ve-  
ritatem dicere non licet 576. b
- Vermis panis*, id est, typo mannae adumbra-  
tus 308. b
- Deus, soli æterno Deo tribuitur 211. a. 738. b
  - sive, in Græco & Hebræo, adfit, sive  
absit articulus 211. b. 212. a
  - de Deo Patre 211. 212
  - Filio 211. b. 738. b
- Vertumnus ventri flatus index, in summo  
templo Hierosolymitano non fuit 28. b
- Vestis
- nuptialis, Christus per fidem vivam  
apprehensus 84. b
  - talaris, cur sacerdotibus in usu fue-  
rit 752. b
- Vestes
- Aaronis, quid adumbrarint 630. b. 631. a
  - fidelium
  - Christus fide & baptismo indutus: &
  - sanctitas per regenerationem dona-  
ta 763. b
  - Veteres ante baptismum exuendi &  
novas in baptismo induendi vete-  
rum Christianorum mos. ibid.
- Via*
- propriè locus, per quem viatores eunt,  
aliquò tendunt & perveniunt:
  - metaph. medium aliquod, quo utentes  
in cælum perveniunt 368. b
- Via.
- Domini,
  - stricta, cur dicatur Evangelii doctri-  
na ibid.
  - eorum, id est, merces ac pœna viæ, id  
est, vitæ eorum 122. a
  - non bona Judæorum, fuit
  - publica idololatria:
  - externorum scelerum licentia
  - prophetarum contemptus 89. a
  - veritas & vita, quo sensu dicatur Chri-  
stus 368. b. 396. a
- Via*
- metaph. cogitationes, studia, dicta, fa-  
cta 667. a
  - tac, progressus & actiones vocationi at-  
que officio congruentes 29. a
- Vitæ hominis vel
- ordinarius:
  - extraordinarius.
  - ejus exempla compluria 27. & seq.
- Victoria de Antichristis & mundo, est vel
- perfecta:
  - imperfecta 731. b
- Videre*
- metaph. pro cognoscere.
  - ejus metaphoræ ratio 248. b
  - credere 309. b
  - intelligere 269. a. b
  - sentire, experiri 152. b
  - Deum sicuti est, quid notet 39. b
  - mortem 152. b
  - Patrem dicitur Christus
  - secundum divinam naturam scientiâ  
immediata & infinita:
  - secundum humanam, gratia revela-  
tionis finita 197. b
- Videri posse Deum, etiam si Spiritus sit, oculis  
corporis nonnulli statuunt
- quidam etiam in hac vita:
  - alii tantum in cælo 250. a
- Videri & putare* vox generalis, quæ refer-  
tur
- non tantum ad falsam & incertam opi-  
nionem:
  - sed etiam ad certam scientiam 493. b. 494. a
- Violatio legis quælibet  
tam peculiaris,  
quàm universalis mortem meretur 668. b
- Violentum*, à violo, vim immoderatam no-  
tat 123. a
- Violenta actio Deo tribui non potest. ibid.
- Virga Aaronis, quæ germinavit, fuit sig-  
num
- p. historicum:
  - p. typicum 648. a. b
  - typus non Mariæ: sed Christi. ibid.
  - an typus destinatus resurrectionis Chri-  
sti. ibid. b
- Virginatatem an voverit Maria 164. a. b
- Virtus
- pro beneficentia 707. a. b
  - omnis, sine Christo, in viro est. Hie-  
ron. 508. b
  - perfecta, quænam sit 573. b
- Virtutes fidelium & infidelium differunt
- efficere:
  - forma:
  - fine 520. a. b
  - novem, quæ in pastoribus requiran-  
tur 582. a. b
- Virtutum nomina sæpe pro effectis suis po-  
nuntur 728. b
- Virtutes suas quomodo sine ambitione re-  
censat Paulus 194. b
- in Virtutibus singulis requiritur
1. Virtutis forma:
  2. adjuncta cæterarum virtutum copu-  
la 673. b
- Visio
- καὶ ἱερωὶ pro visione divina ac prophe-  
tica: accipitur vel
  - Speciatim:
  - generatim 783. b
  - apprehensionis &  
comprehensionis, Scholasticorum  
distinctio 250. b
  - Dei duplex
  - ratione efficientis, vel
  - externa, oculis corporis
  - interna, mentis 39. a. 249. b. 779. b
  - ratione objecti,  
visio essentia, 249. b
  - signi illius 249. b
  - mundis corde promissa, qualis sit 39. b
  - non notat rerum omnium finitarum  
notitiam 198. b
- essentia Dei  
nec datur, nec dari potest creaturæ ra-  
tionali 198. b. 250. a
- nec in hac, nec in altera vita 250. & seq.
- Visionis objecta, sola
- finita:
  - composita:
  - corpora 250. a
- Visitatio alicujus, non probat cum aliis ma-  
jorem 480. b
- Vita
- καὶ ἱερωὶ pro vita beata atque æter-  
na 340. b. 377. a
  - est vel
  - prima: ratione
  - animæ, justitia Deique gratia:
  - corporis, actus animæ
  - secunda: ratione
  - animæ, justitiæ amissæ  
restitutio in terris & gloriæ  
accessio in cælis:
  - corporis, vita illius gloriola ulti-  
mo die 759. a
  - est vel naturæ:
  - gratia:

- gratiæ :  
— gloriæ 220. a  
— gratia Dei  
— iustitiæ 118. a
- æterna  
— nusquam notat inchoatam sanctificationem 377. a. b  
— hæreditas filiorum, non meritum servorum 42. a. 415. a. 536. a. 573. b. 642. a  
— merces gratuita 42. a  
— per accidens promissionis Dei indebitæ, debita ib. 76. a. b. 667. b. 668. a  
— merum gratiæ Dei donum per Christum 536. a  
— merita, si Christum :  
— gratuita, si nos spectemus 668. a  
— qua in re potissimum consistat 569. b  
— quomodo dicatur  
— Corona iustitiæ à justo iudice danda 42. a. 667. b. 668. a  
— merces & quidem multa 41. b. 42. a  
— in ea erunt gradus gloriæ.  
— ejus discriminis  
— occasio, & causa indicata 74. a
- Vitz  
— æternæ  
— causa  
— remota, instrumentalis & per accidens, Euangelium & fides  
— propinqua & per se  
— impulsiva &  
— exequens, Christus 369. a. b  
— causa procreans, non est ulla hominis affectio, aut operis effectio 36. a  
— initium, vocatio, sanctificatio, iustificatio, pax cum Deo :  
— complementum  
— in hac vita, hæreditate.  
— post hanc vitam, perfecta possessione 78. a. 339. a  
— jus in Adamo non habuimus : ideoque nec amisimus : sed per Christum habemus 179. b  
— definitio 287. b
- Vitiositas, quid sit 571. a
- Vivificatio unâ cum Christo, quid notet 118. a
- Vivificatio accipi potest vel  
— generatim pro vitæ spiritualis donatione, nempe  
— Sanctificatione &  
— Iustificatione :  
— speciatim pro sanctificatione. ibid.
- Vivere  
— pro rectè valere 292. a  
— Deo 502. b  
— Judaicè,  
— gentiliter, quid sit 499. b
- Vmbra, metaph. pro eo, quod à malis, quasi ab æstu, tuctur 165. a
- Unctio metaph. pro donis Sp. Sancti 726. b
- Unctionis extremæ Pontificiorum & ejus cuius Jacobus meminit, discrepantia varia 679. a
- Ungit  
— nos Christus, merito obedientiæ & efficaciam Spiritus 726. b  
— Spiritus S. aut  
— immediatè ac tantum per internum afflatum :  
— mediatè, per ministerium Euangelii. ib.
- Unicus  
— metaph. unicè dilectus 233. a  
— Synecd. pro unigenito 233. b  
— Abrahami filius quomodo dicatur Isaac 234. a  
— & unigenitus quid differant 233. a. b
- Unigenitus, an uspiam notet unicè dilectum 233. 234.
- Unio  
— cum Christo est vel  
— externa tantum, ratione Ecclesiæ :  
— interna etiam per vivam fidem, cum ipso Christo 724. b  
— locorum, separationem tollit, non diversitatem 561. a  
— personalis

- animæ cum suo corpore, percipi non potest : & tamen vera 229. b  
— in Christo, magnum mysterium : & tamen verissima. ibid.  
— ejus  
— causa efficiens, Pater, Filius, Spiritus Sanctus,  
— subjectum, Solus Filius 161. a. 230. a. b
- Unionis Christi, & fidelium, cum Patre, discrimen 349. b
- Universalis particula, sæpe ad speciem, de qua agitur, restringenda 46. b. 47. b
- Universalem Sacerdotem, qui se vocat, vel vocari desiderat, Antichristi præcursor. Greg. M. 668. b
- Universalitas  
— generis  
— speciei 46. b  
— generum :  
— individuum 61. b
- Universaliter propositum, universaliter accipi debet, nisi ratio necessaria restringat 109. a
- Unius loci una tantum est sententia, nisi duæ, in uno generali aut communi sensu contineantur 532. b
- Vocari  
— pro esse 15. a. 192. a  
— censeri atque esse 40. b  
— verè vocari 162. b. 230. b
- Vocat Deus  
— non primum & absolutè ad salutem :  
— sed primum ad poenitentiam & fidem :  
— deinde ea conditione ad salutem 103. b  
— reprobos, non simulatè 103. b. 424. a
- Vocatio  
— *ἡ ἐκκλησία* pro vocatione efficaci 98. a  
— secundum propositum. ibid. 418. a. b  
— ad salutem non est immediata & absoluta :  
— sed mediata & conditionalis 97. a  
— licet conditionalis, verissima tamen :  
— nec suppeditat materiam dubitationum 106. a. b  
— alia est ad  
— munus aliquod, vel  
— politicum,  
— ecclesiasticum :  
— certam vitæ hujus conditionem :  
— communionem Christi, adoptionem & vitæ æternæ hæreditatem : eaque est vel  
— efficax :  
— inefficax : quæ vel  
— externa tantum :  
— partim etiam interna 418. a. b  
— ad fœdus gratiæ  
— efficax,  
— inefficax 465. b. 683. b. 684. a  
— ad ministerium Euangelii  
— immediata, quæ in Apostolis necessaria :  
— mediata : eaque vel  
— extraordinaria : quando vocatio fit per  
— Apostolum :  
— alium, Apostoli jussu :  
— ordinaria, per presbyterium 449. a. b  
— externa  
— interna & efficax, quid sit 423. b  
— ministrorum, est vel  
— legitima :  
— immediata :  
— mediata, quæ non minus divina, quam immediata : 629. a  
— illegitima 485. b  
— primorum parentum, qualis fuerit 465. b  
— operariorum Ecclesiæ quinque spatiis distincta 456. b
- Vocatio  
— ad Christum gradus 4. ad auditionem sine intelligentia :  
— intelligentiam sine assensu :  
— assensum, sed non efficacem :  
— assensum & fiduciam per Charitatem efficacem 418. b

- Vocationis  
— electorum finis, salus eorum æterna 97. a  
— finis, respectu  
— fidelium :  
— infidelium 106. b  
— laus, ab Apostolis Deo perpetuo tribuitur 472. b  
— reproborum fines diversi respectu eorum qui ad notitiam veritatis.  
— adducuntur :  
— non adducuntur 97. b. 98. a  
— utilitas, vel  
— propria :  
— communis, duplex. ibid.
- Vocationem & electionem suam firmam facere dicuntur fideles  
— non ratione Dei :  
— sed conscientie :  
— suæ,  
— alienæ 336. b
- Vocatus nemo, nisi verè fidelis, certo potest statuere, se ad salutem obtinendam vocatum 106. a
- Voluntas  
— meton. pro te quam quis vult 309. b  
— in Deo notat vel  
— decretum voluntatis 103. a  
— quæ voluntas semper fit 91. b. 103. a  
— sed non semper omnipotente vi 103. b  
— approbationem, qua aliquid gratum habet, tanquam bonum 87. a. b. 103. a  
— sive amorem Dei 428. a  
— mandatum officii quod Deus probat : unde voluntas signi dicitur. ib. 284. a. 428. a. 581. b  
— Hæc voluntas Dei non semper fit 87. a. 103. a  
— bona, non efficit fidem : sed ex fide viva promanat 311. a  
— Dei est vel  
— arcana :  
— revelata  
— p. Euangelio, norma fidei :  
— p. lege, quæ Euangelio firmata, norma vitæ 548. a  
— non est subjectum fidei, sed charitatis 114. b. 311. a  
— non regenerata ad bonum spirituale volendum omnino inepta 60. a  
— Pontificiis ita libera est, ut homo credat, si vult : si non vult, non credat. ib.  
— regenta, non est causa amans actum illum fidei & ad verbum fidei porro audiendum movens 97. a. 311. b
- Voluntatis  
— Dei distinctio, in voluntatem  
— amoris  
— decreti  
— effectiois  
— permissionis, non est divisa in suas species : sed vocis ambiguitas in sua significata distinctio 103. a  
— humanæ potestas circa opera externa 88. a  
— permissionis objectum est peccatum 103. a
- Voluntatem hominis non esse causam imperantem atque efficientem fidei assensum, libera electione, aut dissensum liberâ rejectione, contra Pontificios probatum 60. a
- Votum utilitatis  
— simplex  
— cum Juramento 69. a. b
- Vox  
— pro vocem edens, verba faciens, semel tantum invenitur 207. b  
— Christi pastoris, meton. doctrina salutaris prædicatione proposita 334. b. 339. a  
— eadem, eadem derivatione, à sua radice, non potest simul & activè & passivè accipi 17. b  
— eadem diverso sensu repetita 223. a. b. 353. a  
— una

# INDEX RERUM ET VERBORUM.

— una eademque semel tantum posita non habet simul propriam & impro- priam significationem 36. b. 233. b	— expositionem rei 306. b	— peccatum habuit, quia sacerdos fuit 156. b
— nec diversam significationem 201. a. b. 233. a	<i>Res impletur Scriptura</i> , notat	Zelotæ 127. b
— in typis tamen hoc insolens non est 229 a. b	— finem, quum res bona est, quæ imple- tur :	Zelus
— viva magis afficit quam scripta 390. a	— eventum, cum res mala est 381. a	— Dei, quid sit 432. a
Voces Hebrææ corruptæ, id est, ad Syram linguam inflexæ, in N. Test. 48. a	Utilitas rei, à destinato ejus fine distinguen- da 21. a	Zelus,
Voces quædam certa significatione semel tantum in Sacr. Literis occurrunt 28. b.	Uxor quomodo vasi comparata.	— est vel
86. a. 153. b. 207. a. b	— infirmior marito 696. a. b	— laudabilis, qui scientiâ dirigitur :
— in uno tantum libri quicujus loco 152. b. 207. a. b		— perversus, qui falsa opinione vitia- tur 431. b.
Ut, <i>ira</i> , sæpe finem :	Z.	434. b
— interdum eventum notat 26 a. 94 a.	Z Acharias	— prudens, ira recta 48. a
200. b. 331. a. 351. a. 381. a	— Elizabet, quomodo dicantur ju- sti & inculpati coram Deo 156. a. b	Zeli norma 486. a. b
		Zeli pii requisita,
		— obiecti bonitas :
		— in eo constantia 517. b
		Zonarum varia ratio & significatio 752. b

## F I N I S.



## INDEX

# S. S C R I P T U R Æ L O C O R U M,

Qui obiter in hoc Opere explicantur, aut ab Adversariorum corruptelis vindicantur.

*Numerus primus Tomi, secundus Paginae index est: Litera a & b Columnam primam  
& secundam indicat.*

[illegible]



# INDEX S. SCRIPTURÆ LOCORUM.

Pfal. 2. 7. & 6.	1. 243.	a	Prov. 23. 23.	1. 45.	a	Esa. 63. 1. & 2.	1. 551.	b	Daniel. 11. 36.		
	2. 48.	a	Prov. 29. 27.	1. 127.	b		9.	2. 24.		37. }	2. 13.
12.	1. 660.	b	30. 4.	2. 5.	a	Esa. 65. 2. 3.	1. 89.	a		39. }	
Pfal. 5. 5.	1. 87.	a	9.	1. 51.	a		16.	1. 269.	a	Dan. 12. 3.	1. 398.
	1. 103.	a	19. 20.	5.	b			1. 448.	b	11.	3. 209.
Pfal. 6. 6.	1. 775.	a		1. 717.	b		18.	1. 218.	a		
7. 12.	1. 210.	b	CANTICUM CANTI-			JEREMIAS			HOSEA S.		
9. 5.	1. 552.	b	CORUM.			Jerem. 4. 2.	1. 47.	b	Hof. 4. 3.	2. 648.	a
16. 5.	1. 140.	a	E S A I A S.				1. 122.	a	12. 5.	2. 8.	b
18. 3. & 32.	2. 12.	b	Cant. 1. 8.	1. 560.	b	Jerem. 14.	ibid.		13. 2.	1. 30.	a
19. 5.	1. 433.	a				Jerem. 17. 5.	1. 227.	b	A M O S.		
20. 2.	2. 8.	a				13.	1. 321.	b	Amof. 4. 13.	2. 22.	a
24. 6.	1. 552.	a	Esa. 1. 16.	1. 116.	b	Jerem. 18. 6.	1. 429. 8.	a	Amof. 5. 14.	1. 560.	a
26. 2.	1. 24.	b	26.	1. 162.	b	7. 8.	2. 128.	b	18.	3. 233.	a
31. 2.	1. 660.	b	Esa. 4. 3.	1. 162.	b	Jerem. 22. 30.	2. 247.	a	Amof. 8. 10.	1. 233.	b
32. 1. 2.	1. 401.	a	Esa. 5. 2. 3.	1. 60.	b	23. 6.	2. 49.	a	O B A D I A S.		
	401.	b		1. 91.	b	24. 4. 5. 6. 7.	1. 122.	a	Obad. cap. totum	1. 783.	b
Pfal. 33. 6.	1. 205.	b	Esa. 6. 1. 2. 3. & 4.	1. 208.	a	29. 10. & c.	ibid.		Obad. vers. 4.	1. 63.	b
	2. 23.	b		2. 283.	b	31. 22.	1. 199.	a	J O N A S.		
11.	2. 25.	b		1. 354.	a, b	33. non 31.	1. 556.	a	Jonas 3. 5. 6.	1. 56.	a
37. 24.	2. 287.	a	3.	1. 552.	a		2. 173.	a	5.	1. 356.	a
39. 8.	1. 660.	a		2. 23.	b		2. 177.	b	6. non 5.	1. 260.	a
40. 7.	1. 173.	a	9.	1. 95.	a	34.	1. 172.	b	11.	1. 56.	b
	1. 643.	a	10.	1. 352.	b	Jerem. 48. 10.	1. 284.	b	M I C H A.		
	1. 643.	b	Esa. 7. 14.	1. 5.	a	L A M E N T A T I O			Mich. 5. 2.	1. 9.	b
Pfal. 45. 8.	1. 200.	a	14. & 15.	1. 200.	a	J E R E M I A E.			H A B A C U C.		
	1. 614.	b	cum 200.		b	Lamentat. 1. 7.	2. 267.	b	Habac. 2. 3. & 4.	1. 645.	b
Pfal. 49. 3.	1. 272.	a		1. 382.	b	E Z E C H I E L.			4.	1. 508.	a
50. 6.	1. 210.	b	20.	1. 180.	b	Ezech. 3. 6.	1. 61.	a	Habac. 3. 6.	2. 93.	a
51. 11.	1. 174.	a	Esa. 8. 4.	1. 206.	b	10. 6. & 7.	1. 552.	b	H A G G A E U S.		
12.	1. 89.	b	8.	1. 128.	a	11. 18.	121.	b	Hag. 2. 4. 5.	1. 207.	b
12. & 14.	2. 284.	b	14.	1. 444.	b	19. 20.	1. 94.	a	10.	2. 173.	a
Pfal. 52. 7.	1. 36.	b	Esa. 9. 6.	1. 13.	a		1. 121.	b		2. 173.	b
66. 18. non 17.			7.	1. 40.	a	21.	1. 121.	b	Z A C H A R I A S.		
	411.	a	Esa. 11. 1. 2.	1. 199.	b	Ezech. 12. 2.	1. 93.	b	Zach. 1. 13.	1. 551.	b
Pfal. 69. 6.	2. 48.	a	2.	1. 137.	a	14. 9.	1. 591.	b	Zach. 2. 3. 4.	ibid.	
29.	1. 421.	b	16.	1. 169.	b	18. 9. 10.	2. 128.	b	Zach. 7. 11.	1. 94.	b
Pfal. 72. 18.	1. 129.	b	15.	2. 22.	a	20.	1. 333.	a, b	Zach. 9. 11.	1. 717.	b
78. 18. non 28.			Esa. 14. 11. 12. 13. 14.		a		1. 405.	a	Zach. 11. 12. 13. 1. 143.		b
	1. 25.	b		1. 325.	a	24.	1. 1. 2.	b	144.		a
22.	1. 658.	b	Esa. 22. 22.	1. 682.	b	31.	1. 89.	a	Zach. 14. 19. non 9. 1. 53.		a
23. & 24.	1. 308.	a	26. 4.	2. 12.	b		1. 116.	b	M A L A C H I A S.		
39.	1. 227.	a, b	28. 16.	1. 433.	a	Ezech. 19. 5.	1. 660.	a	Mal. 1. 2. 3.	1. 424.	b
Pfal. 88. 6.	2. 133.	b	30. 27.	2. 8.	a	21. 5.	1. 167.	a	Mal. 2. 16.	1. 46.	a
95. 6.	2. 23.	a, b	36. 12.	1. 180.	b	26. 27.	1. 187.	a	N. Foederis loca.		
8.	1. 122.	b	38. 3.	1. 157.	b	Ezech. 27. 32.	1. 66.	a	M A T T H A E U S.		
Pfal. 97. 6.	2. 59.	b		1. 732.	a	28. 2. non 12.	1. 551.	b	Matth. 1. 1.	1. 169.	a
7.	1. 613.	b	Esa. 40. 5.	1. 4.	a	Ezech. 28. 14.	1. 325.	b	Matth. 1. 18.	1. 1.	a
	2. 62.	a	13.	1. 227.	b	15.	1. 326.	b	20.	1. 3.	a
Pf. 102. 26. & 27.	1. 131.	b	23. non 3.	1. 47.	a	17. 18.	ibid.		21.	1. 3.	b
103. 3.	1. 354.	b	Esa. 46. 19.	1. 103.	a	33. 11.	1. 462.	b	22.		
104. 4.	1. 614.	a		1. 429.	b	13. 14. 15.	2. 295.	b	&	1. 5.	a, c, c.
26.	1. 324.	b	Esa. 48. 16.	1. 277.	b	Ezech. 34. 16.	1. 380.	b	23.		
Pfal. 105. 15.	1. 738.	b	22.	1. 159.	b	23.	1. 290.	b	24.		
	1. 427.	b	Esa. 49. 6.	1. 11.	b	Ezech. 36. 23.	1. 391.	b	&	1. 8.	c, c.
25.	1. 427.	b	23.	1. 768.	b	26.	1. 89.	a	25.		
Pfal. 106. 12. 13.	1. 259.	b	Esa. 51. 1.	1. 169.	b	&	1. 115.	b	Matth. 2. 1. & 3.	1. 86.	a
31. non 30.	1. 395.	b	52. 13.	2. 59.	b	27.	1. 121.	b	5.		
1. 407.		b	53. 1.	1. 98.	b		1. 122.	b	6.		
Pfal. 107. non 108.	1. 16.	b		1. 351.	b		1. 262.	a	15.	1. 13.	a, b
	1. 717.	a	2.	ibid.			1. 427.	a	17.		
Pfal. 110. 1.	2. 60.	b	5.	1. 354.	b	Ezech. 37. 25.	1. 454.	b	18.	1. 14.	b
	2. 61.	a, b	6. cum 12. 2. 53.		a, b	44. 2.	1. 9.	b	23.	1. 14.	a, b
5.	2. 62.	a		1. 452.	b	D A N I E L.			Matth. 3. 1.	1. 17.	a, b
Pfal. 119. 66.	1. 260.	b	10.	1. 460.	a	Daniel. 2. 38.	1. 28.	a	2.	1. 33.	a
131. non 132.	1. 675.	b	11.	2. 53.	a	46.	1. 769.	a	4.	1. 17.	b
Pfal. 132. 11.	1. 611.	b		2. 52.	a	Dan. 7. 13. 14.	1. 470.	a	7.	1. 18.	a
135. 13.	2. 9.	b	12.	1. 171.	b		1. 470.	b	11.	1. 262.	a
147. 18.	1. 675.	a		1. 178.	a	Dan. 8. 16.	1. 552.	a			
P R O V E R B I A.				1. 378.	b	9. 27.	1. 126.	b	M A T T H.		
Prov. 1. 20.	2. 22.	a	Esa. 56. 7.	1. 15.	a	10. 5. 6.	1. 470.	b			
8. 22.	2. 179.	b	Esa. 60. 14.	1. 768.	b		1. 470.	b			
24. & 25.	1. 244.	b	61. 1.	1. 200.	a	13.	1. 551.	a			
Prov. 15. 9.	1. 127.	b		2. 24.	a	13. cum 20.	1. 326.	b			
16. 4.	1. 426.	b									
	2. 31.	a									
Prov. 18. 9.	1. 595.	b									
10. non 20.	2. 8.	a									
Prov. 20. 9.	1. 399.	b									
22. 1.	2. 8.	a									
28.	1. 159.	b									

# INDEX S. SCRIPTURÆ LOCORUM.

Matth. 3. 11. } 12. } 1. 18 <i>cc.</i> 13. } 14. 15. 1. 195. <i>b</i> 16. 17. 1. 21. <i>cc.</i> Matth. 4. à vers. 1. ad 12. 1. 23. <i>cc.</i> 16. 110. <i>b</i> 111. <i>a</i> Matth. 5. vers. 3. ad 12. 1. 31. <i>cc.</i> 9. 1. 15. <i>a</i> 1. 163. <i>b</i> 13. } 14. } 1. 42. <i>cc.</i> 15. } 16. } 2. 238. <i>b</i> 17. } 19. } 1. 344. <i>b</i> 18. 1. 342. <i>a</i> 19. 1. 33. <i>a</i> 1. 40. <i>b</i> 10. } 1. 47. <i>a</i> 47. <i>b</i> 20. } 1. 481. <i>b</i> 20. 2. 295. <i>b</i> 21. } 1. 54. <i>b. cc.</i> 22. } 1. 47. <i>b</i> 22. 1. 505. <i>a</i> 27. } 1. 411. <i>a</i> 28. } 31. } 1. 46. <i>a</i> 32. } 33. } <i>ibid.</i> <i>b</i> 34. } 1. 481. <i>b</i> 35. 1. 28. <i>b</i> 37. 1. 46. <i>a. b</i> 37. 1. 241. <i>b</i> 44 & } 1. 481. <i>a</i> 45. } 1. 430. <i>b</i> 45. 1. 691. <i>a</i> Matth. 6. 1. 1. 44. <i>a</i> 9. <i>cc.</i> 1. 49. <i>b</i> 11. 1. 50. <i>b. cc.</i> 12. 1. 53. <i>a. cc.</i> 1. 173. <i>a</i> 13. 1. 25. <i>a</i> 1. 591. <i>b</i> 24. } 30. } 1. 51. <i>a</i> 31. } 32. } 1. 593. <i>a</i> Matth. 7. 7. 1. 51. <i>b</i> 14. 1. 368. <i>b</i> 21. 1. 413. <i>a</i> 23. 1. 455. <i>a</i> Matth. 8. 2. 1. 111. <i>b</i> 11. 1. 33. <i>a</i> 12. 1. 330. <i>a</i> 1. 85. <i>a</i> Matth. 8. 12. non 14. 1. 40. <i>b</i> 1. 85. <i>a</i> 1. 42. <i>a</i> 2. 42. <i>b</i> 2. 42. <i>b</i> 2. 55. <i>b</i> 282. <i>b</i> Matth. 8. 16. & } 17. } 1. 303. <i>a</i> 22. } 1. 153. <i>a</i> 1. 223. <i>b</i> 1. 614. <i>b</i> 2. 46. <i>b</i> 2. 51. <i>a</i> Matth. 9. 2. 1. 59. <i>b</i> 1. 655. <i>b</i> 1. 661. <i>b</i> 4. 1. 89. <i>a</i> 4. 1. 353. <i>a</i> 6. 1. 104. <i>b</i> 18. 1. 291. <i>b</i> 22. 1. 655. <i>b</i> Matth. 10. 5. 1. 286. <i>a</i> Matth. 10. 8. 1. 55. <i>a</i> 12. 1. 560. <i>a</i> 17. 1. 48. <i>b</i> 33. 1. 374. <i>b</i> 34. 35. } non 40. & } 35. 1. 191. <i>a</i> 1. 353. <i>a</i> 37. & } 1. 72. <i>b</i> 38. } 1. 400. <i>a</i> Matth. 11. 4. 11. 1. 57. <i>cc.</i> 18. 1. 17. <i>b</i> 19. 1. 57. <i>b</i> 20. } 21. } 1. 55. <i>a</i> 22. } 25. & } 1. 57. <i>cc.</i> 26. } 1. 352. <i>a</i> 25. } 27. } 1. 767. <i>a</i> 2. 196. <i>b</i> 27. 1. 136. <i>a</i> Matth. 12. 5. 2. 261. <i>b</i> 31. 32. 1. 61. <i>a</i> 1. 453. <i>b</i> 1. 633. <i>a</i> 32. 1. 66. <i>a</i> 36. } 1. 395. <i>b</i> 37. } 40. 1. 65. <i>a</i> 1. 613. <i>a</i> 1. 717. <i>b</i> 41. 1. 56. <i>b</i> 43. } 44. & } 1. 66. <i>cc.</i> 45. } 467. <i>b</i> 46. } 1. 9. <i>a</i> 46. } 1. 187. <i>b</i> 47. } Matth. 13. 10. 1. 316. <i>b</i> 12. 1. 120. <i>a</i> 14. 1. 13. <i>b</i> 1. 95. <i>a</i> 15. 1. 661. <i>a</i> 19. } 1. 96. <i>a</i> 20. } 20. } 1. 61. <i>a</i> 21. } 24. 1. 73. <i>a</i> 31. 1. 53. <i>a</i> 33. 1. 82. <i>a</i> 35. 1. 13. <i>b</i> 38. 2. 42. <i>b</i> 41. 1. 33. <i>a</i> 1. 82. <i>a</i> 1. 443. <i>a</i> 44. 1. 33. <i>a</i> 45. 1. 73. <i>a</i> 48. 85. <i>a</i> 55. 1. 9. <i>a</i> Matth. 14. 22. 1. 499. <i>a</i> Matth. 15. 2. 1. 47. <i>b</i> 5. 1. 1. <i>b</i> 1. 67. <i>b</i> 7. & } 8. } 1. 13. <i>b</i> 12. 1. 443. <i>a</i> 18. & } 1. 661. <i>a</i> 19. } 1. 88. <i>b</i> 19. 1. 353. <i>a</i> 1. 25. <i>b</i> Matth. 16. 1. 1. 171. <i>a</i> 1. 19. <i>b</i> 1. 238. <i>b</i> 1. 352. <i>a</i> 1. 478. <i>b</i> 1. 479. <i>a</i> 18. 1. 533. <i>b</i> 1. 588. <i>b</i> 1. 676. <i>b</i> 6. 681. <i>b</i> Matth. 16. 23. 1. 24. <i>a</i> 1. 108. <i>a</i> 1. 444. <i>a</i> 24. 1. 71. 72. <i>b</i> 27. 1. 648. <i>a</i> Matth. 17. 5. 1. 329. <i>b</i> 27. 1. 651. <i>a</i> Matth. 18. 10. 1. 39. <i>a</i> 2. 37. <i>b</i> 17. 1. 86. <i>a</i> 2. 594. <i>a</i> 2. 178. <i>b</i> 2. 181. <i>b</i> 18. 1. 682. <i>b</i> Matth. 19. 3. 1. 25. <i>b</i> 17. 1. 391. <i>a</i> 2. 7. <i>a</i> 2. 7. <i>b</i> 28. 2. 353. <i>b</i> 30. 1. 74. <i>a</i> Matth. 20. 1. ad 17. 1. 72. <i>b. cc.</i> 23. 1. 236. <i>b</i> 1. 140. <i>b</i> Matth. 21. 19. 1. 202. <i>a</i> 25. 1. 2. <i>a</i> 18. <i>a</i> 92. <i>a</i> Matth. 22. 1. ad 15. 1. 79. <i>b</i> 32. 2. 96. <i>b</i> 35. 1. 25. <i>b</i> 37. 1. 406. <i>a</i> Matth. 23. 2. } & } 1. 173. <i>a</i> 3. } 13. 1. 87. <i>a</i> 16. } 1. 46. <i>b</i> 18. } 17. } 1. 48. <i>b</i> 19. } 37. 1. 85. <i>b</i> Matth. 24. 15. } 16. } 1. 126. <i>b</i> 22. 1. 115. <i>a</i> 24. } non } 1. 129. <i>cc.</i> 14. } 29. } 1. 132. <i>a</i> 30. } 1. 133. <i>b</i> 35. 1. 131. <i>cc.</i> 36. 1. 134. <i>a</i> 1. 201. <i>b</i> 51. 1. 357. <i>b</i> Matth. 25. 35. } 36. } 1. 536. <i>a</i> Matth. 26. 27. 1. 362. <i>a</i> 31. 1. 443. <i>a</i> 37. } & } 1. 139. <i>cc.</i> 38. } 1. 202. <i>a</i> 42. } cum } 1. 141. <i>b</i> 44. } Matth. 26. 53. 1. 141. <i>a</i> 63. } & } 1. 47. <i>a</i> 64. } Matth. 27. 9. 10. 1. 141. <i>b</i> Matth. 27. 44. 1. 14. <i>b</i> 6. 1. 145. <i>b</i> 2. 47. <i>b</i> Matth. 28. 2. } & } 1. 145. <i>a</i> 6. } 18. 1. 145. <i>a</i> 19. 1. 147. <i>b</i> 20. 1. 607. <i>b</i> 2. 75. <i>b</i> 29. } non } 1. 466. <i>b</i> 29. } 20. 2. 182. <i>b</i> 2. 197. <i>b</i> MARCUS. Marc. 1. 1. 1. 207. <i>b</i> 10. 1. 22. <i>b</i> 14. 1. 33. <i>b</i> 15. 1. 56. <i>a</i> Marc. 3. 8. 1. 424. <i>b</i> 14. } 15. } 1. 286. <i>b</i> Marc. 4. 38. 1. 235. <i>b</i> 5. 39. 1. 345. <i>b</i> 6. 3. 1. 9. <i>a</i> 7. 1. 286. <i>b</i> 13. 2. 124. <i>b</i> Marc. 7. 9. } cum } 1. 423. <i>b</i> 13. } 11. } 12. } 1. 67. <i>b</i> 13. } Marc. 8. 12. 1. 47. <i>a</i> 9. 49. 1. 43. <i>a</i> 11. 17. 1. 15. <i>a</i> 22. 2. 78. <i>a</i> 23. 1. 353. <i>a</i> Marc. 13. 14. 1. 128. <i>a</i> 32. 1. 134. <i>a</i> 1. 166. <i>b</i> 1. 170. <i>a</i> 1. 196. <i>a</i> 2. 179. <i>b</i> Marc. 14. 23. 1. 362. <i>a</i> 35. 1. 141. <i>a</i> Marc. 16. 15. } 16. } 1. 148. <i>a</i> 15. 1. 466. <i>b</i> 1. 639. <i>b</i> 1. 656. <i>a</i> 1. 693. <i>b</i> 16. } non } 1. 262. <i>b</i> 26. } LUCAS. Luc. 1. 1. 2. } 3. } 1. 151. <i>cc.</i> 4. } 2. 1. 203. <i>a</i> 6. 1. 155. <i>cc.</i> 17. 1. 648. <i>a</i> 26. } ad } 1. 571. <i>cc.</i> 29. } 32. } 1. 168. <i>cc.</i> 35. } 32. 1. 233. <i>b</i> 35. 1. 214. <i>a</i> Luc. 1. 35. 2. 23. <i>a</i> 42. 1. 169. <i>b</i> 59. 1. 194. <i>b</i> 75. 1. 62. <i>a</i> 77. 1. 171. <i>cc.</i> Luc. 2. 1. ad 8. 1. 186. <i>cc.</i> 8. ad 15. 1. 188. <i>cc.</i> 11. 1. 200. <i>b</i> Luc. 2. 21. 1. 192. <i>b</i> 23. 192. <i>a. cc.</i> <i>ibid.</i> 26. 1. 152. <i>b</i> 35. 1. 661. <i>a</i> 40. 1. 137. <i>a</i> 1. 200. <i>b</i> 1. 279. <i>b</i> 52. 1. 137. <i>a</i> 1. 196. <i>cc.</i> 1. 201. <i>a</i> 1. 210. <i>a</i> 1. 235. <i>a</i> Luc. 3. 23. 2. 250. <i>a</i> Luc. 4. 5. 1. 28. <i>a</i> 18. 1. 289. <i>a</i> 1. 354. <i>b</i> 32. 1. 648. <i>a</i> Nnnnn Luc.
--

# INDEX S. SCRIPTURÆ LOCORUM.

Luc. 6. 21.	1. 34	b	Johan. 1. 12.	1. 237.	a	Johan. 4. 10.	cum	1. 287.	b	Johan. 7. 17.	1. 124.	b
25.	ibid.		&		o.c.	13.		1. 290.	b	23.	1. 342.	a
39.			13.	1. 454.	a	&				30.	1. 299.	b
non	1. 110. b. o.c.		13.	1. 2.	a	14.		291.	a	39.	1. 330.	b
18.			14.	1. 12.	b	14.		1. 289.	a		1. 265.	a
Luc. 7. 30.	1. 20.	a		1. 168.	a	14.		2. 22.	a		1. 278.	b
non	1. 90.	b		1. 170.	b	24.		1. 281.	a		1. 59.	b
31.				1. 196.	a	25.		1. 316.	b	Johan. 8. 1.		
	1. 423.	b		1. 198.	b	26.		1. 306.	b	ad		
Luc. 8. 11.				1. 225.	b	34.		1. 5.	a	12.	1. 310.	o.c.
12.			14.			42.		2. 54.	a	13.	1. 343.	a
13.	1. 690.	a	15.							44.	1. 2.	a
14.			16.			46.				46.	1. 329.	o.c.
13.	1. 24.	b	17.	1. 241.	o.c.	ad		1. 291.	o.c.		1. 372.	b
13.	2. 42.	a	&			fin				47.	1. 124.	b
14.			18.			Johan. 5. 2.		1. 292.	b		1. 310.	a
15.	1. 288.	a				10.					1. 339.	a
	1. 462.	a	15.	1. 245.	b	&		1. 299.	a	51.	2. 51.	a
50.	1. 260.	a		1. 550.	a	seq.				52.		
52.	2. 65.	b	16.	1. 197.	b	17.		1. 163.	b	53.	1. 300.	a
53.				1. 246.	a	19.		1. 217.	a	55.	1. 63.	b
Luc. 9. 26.	2. 78.	b	17.	1. 247.	a	20.		1. 302.	a		1. 197.	a
27.			18.	1. 173.	a	22.		1. 297.	b		1. 343.	a
non	1. 152.	b		1. 248.	a	25.					2. 55.	b
26.			26.	1. 208.	a	&		1. 219.	b	56.	1. 248.	b
48.	1. 360.	a	27.			26.		1. 283.	a		1. 366.	a
Luc. 10. 12.			29.	1. 252.	b	25.		2. 46.	b		1. 647.	a
13.	1. 55.	a		1. 255.	o.c.			1. 65.	b		2. 273.	a
14.				1. 275.	b	27.		1. 198.	a	58.	1. 145.	b
16.	2. 181.	a		1. 462.	b			1. 272.	a	non	1. 245.	a
27.	1. 406.	a	31.	2. 54.	a			1. 297.	b	88.		
28.			33.	1. 208.	b			1. 298.	a	Johan. 9. 1. ad		
29.	1. 329.	a	52.	1. 257.	a	29.				8.	1. 331.	o.c.
Luc. 11. 1.	1. 50.	a	Johan. 2. 15.	1. 281.	a	34.		1. 90.	b	7.	1. 293.	a
2.	ibid.		22.	1. 260.	b	cum				38.	1. 170. b. 171. a	
Luc. 12. 20.	1. 144.	a	23.	1. 237.	b	40.				Johan. 10. totum	1. 334.	o.c.
Luc. 13. 4.	1. 53.	a	23.			39.		2. 195.	a	Johan. 10. 2.	1. 46.	b
	1. 92.	b	23.			40.		1. 60.	a	14.	1. 380.	b
33.			&	1. 259.	b	43.		1. 237.	b	15.		
&	1. 86.	a	24.			44.		1. 60.	a	&	2. 54.	a
34.			24.	1. 197.	a			1. 90.	b	12.		
Luc. 14. 16.	1. 80.	a	24.			Johan. 6. 1. ad				16.	1. 309.	a
	1. 383.	b	&	1. 260.	b	15.		1. 299.	a	non	1. 454.	a
23.	1. 119.	a	25.			16.				6.		
26.	1. 422.	a	Johan. 3. 1. ad	17. 1. 276.	a. o.	ad		1. 305.	b	22.		
Luc. 16. 2.	1. 153.	a	277.			22.				&	1. 337.	a
9.	1. 73.	a	Johan. 3. 5.	1. 361.	b	Johan. 6. 19.		1. 304.	b	seq.		
15.	1. 399.	a	6.	2. 22.	a	&				27.	1. 340.	a
23.	1. 719.	b	8.	1. 106.	b	20.		1. 304.	b	28.	1. 240.	b
Luc. 17. 10.	1. 397.	b		1. 614.	b	26.		1. 284.	b		1. 289.	b
Luc. 19. 9.	1. 535.	b	10.			27.		ibid.			1. 340.	a
41.			11.			29.		1. 305. b. 306. b		32.	1. 426.	a
42.	1. 454.	a	12.	1. 269.	b			1. 307.	b	33.	1. 300.	a
Luc. 19. 42.	1. 248.	b	13.	1. 135.	b	30.		1. 306.	o.c.	34.		
	1. 767.	a		1. 166.	b	31.				35.	1. 212.	a
Luc. 20. 4.	1. 170. a. o.c.			1. 170.	a	32.		1. 123.	a	&		
34.	1. 64.	b		1. 196.	b	34.				36.		
36.	1. 241.	a. b		1. 270.	b	33.		1. 275.	b	Johan. 11. 3.	1. 345.	a
Luc. 21. 15.	1. 87.	b		1. 342.	b			1. 308.	b	11.	1. 345.	b
Luc. 22. 19.	1. 361.	b		1. 532. a. o.c.		37.		1. 378.	a	14.	ibid.	
20.	2. 109.	b	14.			&				21.	1. 291.	b
&	2. 142.	b	&	1. 274.	a	38.		1. 284.	a	23.	1. 104.	a
21.	2. 118.	a	15.	1. 612.	b	37.		1. 308.	b		1. 106.	a
20.	1. 362.	a						1. 379.	a	25.	1. 346.	b
31, 32.	1. 1. 131.	a	16.	1. 77.	b	44.		1. 123. a. 461. b			1. 369.	a
	1. 440.	a		1. 277.	b			1. 309.	b		1. 377.	b
38.	2. 72.	b		2. 464.	a. b	45.		1. 14.	b	33.		
Luc. 23. 34.	1. 378.	b		2. 292.	b			2. 173.	b	cum	1. 347.	a
	2. 54.	a	17.	1. 86.	a	51.		1. 170.	b	34.	1. 201.	b
	2. 294.	a		1. 223.	b			1. 311. a. o.c.		36.	1. 345.	b
Luc. 24. 25.	1. 48.	b		1. 353.	a			1. 369.	b	41.		
47.	1. 447.	a		2. 54.	a			1. 378.	b	cum	1. 347.	b
			19.	1. 464. b. o.c.				1. 462.	b	25.		
JOHANNES.			29.	2. 266.	b			1. 686.	b	42.	1. 378.	a
Johan. 1. 1.	1. 720.	b	31.					2. 58.	b	50.		
1.	ibid.		non	1. 217.	b	53.		1. 312.	o.c.	51.	1. 15.	a
cum	721.	a	1.			61.		1. 443.	a	50.		
14.			32.	1. 269.	b	62.		1. 170.	a	51.	1. 348.	a
3.	1. 216. a. o.c.		34.	1. 138.	a	63.		1. 314.	o.c.	52.	1. 350.	b
5.	1. 111.	a		1. 197.	b	68.		1. 11.	a	non	1. 454.	a
7.	1. 656.	a		1. 277.	a	20.		1. 425.	b	5.		
9.	1. 189.	b		1. 615.	a	Johan. 7. 1.		2. 327.	a			
	1. 468.	b	35.	1. 217.	a	3.				Johan. 12. 31.	1. 29.	b
10.	1. 605.	o.c.	Johan. 4. 1. ad			&		1. 310.	a	non	1. 348. b. o.c.	
11.	1. 607.	b	43.	1. 281.	a	5.				21.		
										Johan.		

# INDEX S. SCRIPTURÆ LOCORUM.

Johan. 12. 32.				Johan. 15. 24.				Actor. 2. 24.				AD ROMANOS.			
1. 123.	a			25.	1. 381.	a		cum	2. 51.	a		Rom. 1. 3.	1. 196.	b	
1. 308.	b			24.	2. 165.	b		27.				4.	1. 234.	b	
1. 350.	a			26.	1. 213.	a		36.	1. 717.	b		Rom. 1. 4.	1. 383.	b	
1. 377.	a				2. 24.	a			1. 19.	a		5.	2. 22.	a	
34.	1. 272.	a		Johan. 16. 6. cum				Actor. 3. 12.	1. 212.	b		14.	1. 242.	a	
36.	1. 113.	b		22.	1. 459.	b		22.	2. 160.	b		16.	1. 246.	a	
38.	1. 351.	a		7.	1. 213.	a		25.	1. 329.	b		21.	1. 53.	a	
	352.	a		8.	2. 24.	a		27.	1. 423.	b		21.	1. 33.	a	
	1. 356.	a		9.				27.	1. 369.	b		21.	1. 353.	a	
	1. 381.	a		10.				28.	1. 200.	a		24.	1. 127.	a	
39.	1. 95.	a		11.	1. 287.	a		28.	1. 103.	b		28.	1. 127.	a	
40.	1. 96.	a		13.	2. 178.	a		Actor. 5. 31.	1. 419.	a		21.	1. 661.	a	
41.	1. 98.	b		23.	1. 662.	b		Actor. 6. 7.	1. 125.	a		24.	1. 353.	a	
	1. 102.	b		33.	1. 376.	a		10.	1. 378.	b		26.	1. 591.	b	
	1. 352.	a			1. 658.	b		11.	1. 88.	a		Rom. 2. 5.	1. 661.	a	
40.	1. 427.	a		Johan. 17. 2.	1. 308.	b		Actor. 7. 6.	1. 511.	a		25.	1. 86.	a	
41.	1. 205.	a		3.	1. 171.	a		50.	1. 11.	a		26.	1. 86.	a	
	206.	a			1. 211.	a		51.	1. 87. b. 61.	a		21.	1. 195.	a	
42.	1. 356.	a		Johan. 17. 3.	1. 377.	a		53.	1. 87.	b		29.	1. 116.	b	
48.	1. 237.	b		5.	1. 397.	a		Actor. 8. 21.	1. 158.	a		Rom. 3. 3.	2. 78.	a	
50.	1. 377.	b			1. 146.	a		37.	1. 311.	a		11.	1. 11.	a	
	1. 397.	a			60.	a		Actor. 9. 17.	1. 449.	b		19.	1. 647.	b	
Johan. 13. 3.	2. 607.	b			309.	a		29.	2. 123.	a		20.	1. 77.	a	
4.					1. 77.	a		Actor. 10. 25.	1. 151.	b		Rom. 4. 4.	1. 400.	b	
5.	1. 361.	b			1. 275.	b		38.	2. 149.	a		6.	2. 86.	b	
8.					1. 373.	b		Actor. 11. 18.	1. 149.	a		7.	1. 541.	b	
12.					1. 377.	a		26.	1. 151.	b		8.	1. 607.	a	
6.	1. 357.	a			1. 454.	a		Actor. 13. 2.	1. 825.	b		7.	2. 90.	a	
Johan. 13. 8.	1. 356.	a			2. 30.	b		8.	1. 702.	a		13.	2. 86.	a	
10.	1. 158.	a			2. 42.	b		non				17.	1. 79.	b	
14.	1. 359.	a			2. 54.	a		23.				cum	1. 464.	a	
15.	1. 671.	a			1. 65.	b		23.	1. 610.	a		Joh. 5. 21.	1. 384.	b	
18.	1. 360.	b			1. 362.	a		32.	1. 610.	b		18.			
	1. 381.	a			1. 379.	b		33.	1. 234.	b		19.	1. 781.	a	
	2. 28.	b			1. 454.	b		40.	1. 610.	b		20.			
26.	1. 361.	a			1. 377.	b		Actor. 14. 3.	1. 14.	b		21.			
cum	1. 361.	a			1. 117.	b		13.	1. 153.	a		Rom. 5. 1.	1. 40. a. 451. b		
30.	1. 301.	b			1. 454.	a		16.	1. 368.	b		5.	1. 121.	a	
34.	1. 426.	a			2. 294.	a		Actor. 15. 9.	2. 43.	b		8.	1. 400.	a	
Johan. 14. 1.	1. 724.	b			1. 454.	b		10.	2. 44.	b		9.	1. 555.	b	
3.	1. 362.	a			1. 275.	b		11.	1. 311.	a		10.			
3.					1. 462.	b		17.	1. 25.	b		Rom. 5. 10.	1. 166.	b	
8.	1. 362. b. 367. a				1. 464.	a		28.	1. 501.	a			1. 400.	b	
4.					2. 30.	b		Actor. 16. 3.	1. 647.	b			1. 553.	b	
4.	1. 367.	a			2. 54.	a		Actor. 17. 4.	2. 183.	a			1. 463.	b	
5.					2. 59.	b		11.	1. 444.	b		13.	1. 163.	b	
6.					1. 730.	a		23.	2. 78.	a		14.	1. 246.	a	
11.	1. 209.	a			1. 300.	b		31.	1. 196.	a		18.	1. 460.	a	
16.	1. 125.	a			1. 351.	a		Actor. 18. 10.	1. 576.	b		20.	1. 242.	b	
	1. 213.	a			1. 253.	a		Actor. 19. 4.	ibid.				1. 246.	a	
16.					1. 50.	a		5.	1. 560.	a		Rom. 6. 2.			
14.	1. 370.	a			1. 130.	b		13.	1. 379.	a		11.	2. 51.	a	
16.					1. 224.	a		40.	1. 181.	b		6.	2. 46.	b	
8.	2. 173.	a			1. 686.	a		21.	1. 151.	b		7.	1. 176.	a	
26.					1. 212.	a		27.	1. 153.	a		11.	1. 117.	a	
17.	2. 42.	b			1. 383.	a		Actor. 20. 7.	2. 270.	b		12.	2. 46.	b	
	2. 54.	a			1. 261.	a		21.	1. 56.	b		13.			
	2. 292.	b			1. 2190.	a		27.	1. 91.	a		14.	1. 240.	b	
20.	1. 343.	b			1. 618.	b		28.	1. 423.	b			2. 290.	a	
26.	1. 283.	b			1. 138.	a		Actor. 21. 24.	1. 212.	a		19.	1. 173.	a	
	2. 178.	a			1. 197.	a		23. 6.	2. 13.	a		23.	2. 51.	a	
28.	1. 224.	a			1. 261.	a		32.	383.	b		Rom. 7. 5. 8.	2. 53.	a	
30.	2. 179.	b						Actor. 22. 24.	1. 242.	b		7. 13.	1. 405.	a	
	1. 776.	b						23. 6.	1. 153.	a		8.	2. 46.	b	
30.								25. 10.	1. 207.	a		11.	1. 444.	a	
non	1. 323.	b						Actor. 26. 5.	1. 444.	b		13.	2. 50.	b	
20.								non	1. 576.	b		ad			
31.	1. 462.	b						50.	1. 708.	a		fin de qua persona lo-			
Johan. 15. 5.	1. 216.	a						Actor. 26. non 28.	1. 153.	b		quatur Paulus.			
8.	1. 241.	a						18.	1. 158.	a		Rom. 8. 1.	1. 401.	b	
	1. 430.	b						Actor. 26. 18.	1. 110.	b		3.	1. 98.	a	
14.	1. 413.	a						non 28.	1. 119.	a		Rom. 8. 3.	1. 167.	b	
16.	1. 360.	b						Actor. 28. 25.					1. 277.	a	
cum	1. 28.	b						26.	1. 95.	a		6.	2. 90.	a	
19.												7.	2. 50.	b	
Johan. 15. non 14.												Nanna 2 Rom.	1. 555.	b	
22.	1. 97.	b													
Johan. 15. non 13.															



# INDEX SCRIPTURAE LOCORUM

Rom. 8. 9.		Rom. 16. 27.	2. 6.	1. Cor. 13. 12.	2. 37.	2. Cor. 12. 22.	1. 169.
&	24.			1. Cor. 14. 14.	1. 675.	7.	1. 74.
11.		I. AD CORINTHIOS.		15.		11.	1. 499.
12.	1. 53.	1. Cor. 1. 8.	2. 294.	1. Cor. 15. 20.	1. 553.	2. Cor. 13. 4.	1. 648.
13.	1. 295.	9.		22.	406.		
15.	1. 372.	21.		24.	163.	AD GALATAS.	
17.	1. 240.	25.	2. 43.	non	1. 286.	Galat. 1. 1.	1. 500.
Rom. 8. 19. &c.	1. 131.	24.		14.		4.	1. 376.
19.		25.	2. 21.	25.	1. 163.	8.	2. 55.
&	1. 555.	27.		24.	2. 60.	19.	1. 9.
22.		28.	1. 360.	25.	61.	23.	2. 78.
23.	1. 240.	1. Cor. 2. 6.		1. Cor. 15. 28.	1. 163.	Galat. 2. 7.	2. 44.
	1. 422.	8.	1. 326.	non	1. 574.	20.	1. 99.
24.	1. 225.	7.	1. 218.	38.			2. 55.
26.	1. 372.	10.		29.	2. 296.	Galat. 3. v. 1.	
28.	1. 74.	11.	1. 58.	31.	1. 483.	&	1. 48.
	1. 98.	14.	1. 107.	32.	2. 95.	3.	
	2. 29.	15.	1. 281.	45.	1. 168.	1.	1. 350.
29.		1. Cor. 3. 1.	1. 109.	49.	1. 270.	2.	
non	1. 353.	6.		50.	1. 478.	23.	2. 78.
22.		7.	1. 105.	52.	1. 588.	25.	
29.		1. Cor. 4. 15.	1. 105.	1. Cor. 16. 1. 2.	2. 272. &c.	13.	1. 168.
30.	2. 32.		1. 119.	9.	1. 764.		1. 274.
	2. 291.	1. Cor. 5. 5.	1. 120.				2. 52.
30.	2. 29.	6.	2. 273.	II. AD CORIN-		Galat. 4. 4.	1. 226.
31.		7.		THIOS.		6.	2. 24.
31.	1. 269.	8.	1. 253.			19.	2. 285.
32.	1. 166.	1. Cor. 6. 3.	1. 618.	2. Cor. 1. 15.	1. 460.	Galat. 5. v. 6.	1. 226.
	2. 493.	11.	1. 357.		1. 658.	2.	
	1. 460.	15.	2. 285.	17.		non	1. 658.
34.	1. 453.	17.	2. 22.	&	1. 46.	2.	
Rom. 9. 3.	1. 167.	1. Cor. 7. 5.	1. 546.	18.		16. &c. 1. 115.	
25.	1. 379.	2.	1. 547.	17.	1. 94.	116.	
26.	1. 40.	1. Cor. 8. 5. 6.	1. 211.	20.	1. 351.	21.	2. 285.
33.	1. 444.		1. 384.	21.	1. 243.	22.	2. 295.
Rom. 10. 1. 6.	1. 88.	11. non		23.	2. 123.	Galat. 6. 10.	1. 124.
1.	1. 353.	9.	1. 457.		1. 47.	15.	1. 718.
	1. 661.	9.		2. Cor. 3. 2.	2. 274.	16.	1. 562.
6.		10.		3.	2. 173.		1. 616.
non	1. 718.	11.	2. 284.	5.	1. 88. 89.		
5.		11.	1. 459.	6.	1. 315.	AD EPHESIOS.	
&	1. 311.	12.	2. 284.	6.		Ephes. 1. 4.	1. 430.
10.		1. Cor. 9. 5.	1. 545.	7.	1. 416.		2. 21.
	1. 661.	9.	2. 133.	2. Cor. 4. 4.	1. 323.	5.	2. 29.
	2. 79.	14.	2. 44.	6.	1. 349.		1. 454.
10.	1. 88.	22.	1. 46.	13.	1. 39.		2. 32.
	1. 397.	27.	2. 297.	17.	1. 661.	Ephes. 1. 10.	
Rom. 11. 2.	2. 202.	1. Cor. 10. 3.			1. 88.	non	2. 31.
11.		4.	2. 42.	2. Cor. 5. 15.	1. 47.	12.	
12.		5.			1. 535.	11.	2. 25.
&	1. 276.	1. Cor. 10. 4.	1. 243.	17.	1. 400.	17.	1. 213.
15.		9.	2. 112.		1. 79.	19.	1. 112.
12.			1. 25.	17.	1. 460.	19.	
&	1. 86.	11.	1. 208.	17.	2. 54.	&	1. 310.
15.		13.	1. 225.	&	1. 281.	Ephes. 1. 21.	1. 199.
Rom. 11. 17.	2. 283.	16.	1. 620.	18.	2. 54.	20.	1. 213.
19.		20.	2. 296.	2. Cor. 5. 18.	1. 555.	21.	2. 554.
25.	1. 353.	23.	1. 339.		2. 54.	22.	
32.	1. 468.	23.	1. 46.	19.	1. 77.	23.	2. 60.
34.	2. 22.	23.	1. 281.		1. 275.	Ephes. 2. 1.	1. 243.
36.	1. 2.	23.			1. 378.	2.	1. 117.
	1. 381.	23.	1. 476.		1. 463.	5.	1. 77.
Rom. 12. 18.	1. 40.	23.			2. 30.	6.	1. 118.
Rom. 13. 1.	1. 490.	23.			2. 54.	&c.	
	2. 66.	25.	1. 461.		1. 53.	8.	1. 115.
	2. 132.	25.			1. 86.	9.	1. 125.
7.	1. 53.	1. Cor. 11. 11.	1. 169.		1. 173.	10.	1. 59.
11.	1. 580.	12.			1. 278.		1. 218.
14.	2. 249.	24.	1. 239.		1. 614.		1. 223.
Rom. 14. 1.	1. 236.	24.			2. 51.	11.	
	1. 619.	24.			1. 158.	12.	1. 195.
Rom. 14. 11.	1. 47.	26.	2. 109.	2. Cor. 6. 15.	2. 297.	14.	
15.		27.	2. 114.	2. Cor. 7. 1.	1. 94.	12.	1. 500.
20.	1. 443.	32.	1. 77.	9.	1. 351.	14.	
	1. 457.		2. 378.		1. 381.	15.	1. 195.
Rom. 15. 2.	1. 476.	1. Cor. 12. 7.	1. 125.		1. 56.	15.	
7.	1. 226.	8.		2. Cor. 8. 12.	1. 150.	16.	
8.	1. 196.	12.	1. 86.	19.		15.	1. 247.
12.	1. 169.	27.		2. Cor. 9. 4.	1. 659.	18.	1. 662.
13.	1. 666.	1. Cor. 13. 10.	1. 687.	2. Cor. 11. 2.	2. 66.	Ephes. 3. 8.	1. 242.
29.	1. 648.	12.	2. 37.	6.	1. 600.	9.	1. 218.
Rom. 16. 18.	1. 89.		1. 251.	17.	1. 659.		1. 223.
27.	1. 136.						Ephes.

# INDEX S. SCRIPTURÆ LOCORUM.

Ephes. 3. 11.	2. 27.	a	Coloss. 3. 10.	2. 46.	b	2. Tim. 2. 18.	1. 454.	a	Heb. 6. 13.	1. 269.	a
12.	1. 99.	b	4. 5. 6.	1. 42.	b	19.	1. 379.	a	&	1. 482.	b
non	1. 661.	b	12.	1. 87.	a	21.	1. 430.	b	14.	1. 47.	a
2.			I. AD THESSALONICENSES.			22.	1. 38.	b	16.	1. 168.	a
16.						23.	1. 2.	a	20.	1. 231.	a
17.	1. 124.	b				25.	1. 125.	a	Heb. 7. 3.		
18.			1. Theff. 1. 7.	1. 240.	b				3.		
17.	1. 311.	a	1. Theff. 2. 4.	1. 476.	a	2. Tim. 3. 8.			cum	1. 48.	a
	2. 78.	b	10.	1. 47.	a	non	1. 15.	b	21.		
Ephes. 4. 5. 6.	1. 50.	a	13.	1. 595.	a	3.			22.	1. 454.	b
5.	2. 296.	a	17.	1. 648.	a	16.	2. 3.	b		1. 463.	b
7.	1. 63.	a	1. Theff. 4. 3.	1. 87.	b		1. 595.	a	26.	1. 178.	a
9.	1. 718.	a	15.	1. 587.	b	2. Tim. 4. 7.	1. 399.	b	Heb. 8. 3.	1. 642.	a
11.	1. 449.	a	17.			8.	1. 76.	a	6.	1. 454.	b
18.	1. 110.	a	16.	1. 648.	a		1. 667.	b	10.	1. 310.	a
	1. 353.	b	17.	1. 132.	a	10.	2. 285.	a	11.	1. 163.	a
22.	1. 62.	a		1. 366.	b		ibid.			1. 310.	a
	1. 217.	b	1. Theff. 5. 27.	1. 47.	a				12.	1. 454.	b
23.	1. 89.	b	II. AD THESSALONICENSES.			AD TITUM.			Heb. 9. 9.	1. 80.	a
24.						Tit. 1. v. 2.	2. 7.	b	14.	1. 3.	b
24.	1. 95.	b	2. Theff. 1. 5.	1. 42.	a	5.	1. 487.	a	14.	1. 173.	b
	2. 46.	b		1. 399.	b	9.	1. 375.	a	15.	491.	b
22.	1. 120.	b	5.			Tit. 3. v. 3.	1. 63.	b		2. 21.	a
23.	1. 399.	b	6.	1. 76.	a	5.				2. 22.	a
24.			7.	1. 668.	a	non	2. 29.	a		2. 51.	a
27.	1. 652.	a	10.	2. 291.	b	2.			19.	1. 466.	b
30.	2. 24.	b	2. Theff. 2. 3.	2. 65.	b	AD PHILEMONEM.			20.	1. 53.	b
	2. 291.	b		ibid.		Phil. vers. 18.	1. 397.	a	Heb. 9. 28.	1. 256.	b
Ephes. 5. 1.	1. 691.	b	4.	ibid.					Heb. 10. 5.	1. 214.	b
8.	1. 43. b. & 44. a.	a	6.						9.	2. 89.	b
	1. 110.	b	7.	ibid.					10.		
	1. 111.	b	8.			AD HEBRÆOS.			14.	1. 463.	b
	1. 691.	b				Heb. 1. 1.	1. 208.	a	22.	1. 357.	b
14.	1. 112.	b	9.	1. 129.	a	2.	1. 218.	b	23.	1. 659.	a
23.	2. 66.	b	10.	2. 70.	a	3.	2. 21.	b	26.	1. 63.	a
26.				2. 284.	a	4.	1. 199.	a	29.	1. 64.	a
27.	1. 155.	b	2. Theff. 3. non	1. 126.	b					1. 455.	a
30.	2. 45.	b	2. 2.	1. 98.	a					1. 455.	b
Eph. 6. 12.	1. 478.	b	I. AD TIMOTHEUM.			5.	1. 28.	a. b		2. 55.	b
AD PHILIPPENSES.						9.	1. 279.	a	38.	2. 295.	a
Phil. 1. 29.	1. 88.	b	1. Timoth. 1. 5. non			14.	1. 217.	a	Heb. 11. 1.	1. 659.	b
Phil. 2. 6.	2. 20.	b	4.	1. 38.	b	Heb. 2. v. 3.	1. 600.	b	3.	1. 218.	b
7.	1. 539.	b	11.	2. 7.	b	non	1. 461.	b	6.	1. 60.	a
	2. 60.	a. b	13.	1. 62.	b	19.	1. 555.	a		2. 32.	a
9.	1. 216.	a	14.				2. 54.	a	11.	1. 169.	a
10.	2. 59.	b	1. Tim. 1. 19.	2. 42.	a		1. 198.	b		1. 238.	a
10.	1. 718.	a		2. 78.	a	10.	1. 169.	b	22.	1. 494.	b
12.	1. 306.	a	20.	2. 42.	b	14.	1. 376.	b	31.	1. 576.	b
12.				2. 284.	a		1. 500.	a	39.		
&	2. 297.	b	1. Tim. 2. 4.	1. 79.	a	Heb. 2. 16.	1. 168.	a	&	1. 247.	b
13.				2. 30.	b		1. 169.	a	40.	1. 366.	a
Phil. 2. 16.	1. 397.	a	3.	1. 461.	a		ibid.			2. 44.	a
	1. 489.	b	6.				1. 225.	b	Heb. 12. 2.	1. 532.	b
Phil. 3. 6.	1. 40.	b	7.	2. 55.	a		1. 350.	b	13.	1. 354.	a
21.	2. 59.	b	8.	1. 269.	b		1. 647.	a	28.		
Phil. 4. 3.	1. 546.	a		1. 461.	a	17.	1. 202.	b	29.	2. 97.	b
15.	2. 44.	a	1. Tim. 3. 6.	1. 327.	a		1. 530.	b	Heb. 13. 21.	1. 256.	b
AD COLOSSENSES.			15.	1. 495.	a	Heb. 3. v. 1.				1. 298.	b
Coloss. 1. 13.	1. 377.	a		1. 496.	b	2.			EPIST. JACOBI.		
15.				2. 98.	b	3.			Jacob. 1. 2.	1. 24.	b
non	1. 419.	b		1. 203.	a	4.	1. 620.	a. b	3.		
5.			16.	1. 376.	a	5.			12.	2. 291.	a
	1. 613.	a		1. 721.	a	6.			14.	1. 25.	a
	2. 21.	b	1. Tim. 4. 1.	1. 588.	a		1. 659.	a	18.	1. 89.	a
16.				2. 77.	b	12.	1. 311.	a	20.	1. 48.	b
17.	1. 217.	a		2. 284.	a		2. 79.	a		1. 395.	b
20.	1. 460.	b	10.	1. 463.	a	14.	1. 659.	b	22.	1. 413.	a
	2. 31.	b	13.	1. 9.	a	Heb. 4. 2. non			Jacob. 2. 5.		
24.	1. 255.	a	16.	1. 119.	b	4.	1. 622.	a	non	1. 420.	b
Coloss. 2. 2.	1. 659.	a		2. 22.	a	4.	2. 301.	a. b	6.		
	1. 686.	a	1. Tim. 5. 21.	1. 555.	a		302.	a	11.		
3.	1. 138.	a		1. 750.	a	12.	1. 203.	b	non	1. 172.	b
	1. 199.	b	1. Tim. 6. 15.	2. 7.	b	Heb. 6. 1.	1. 56.	b	10.		
	1. 260.	a	16.	1. 251.	a	4.	1. 373.	b	13.	2. 84.	a
9.	1. 260.	b	II. AD TIMOTHEUM.			4.			20.	1. 48.	b
10.	1. 199.	a				5.	2. 281.	a. b		1. 395.	a
12.			2. Tim. 1. 3.	2. 284.	a	6.	1. 62.	a. b	21.	1. 595.	b
&	1. 118.	a	6.	1. 584.	a	6. cum				1. 399.	a
13.			9.	1. 286.	b	4.	1. 457.	b	26.	2. 22.	a
15.	1. 376.	b	2. Tim. 2. 12.	1. 33.	a	5.				2. 285.	a
Coloss. 3. 5.	1. 562.	b	13.	2. 7.	b	10.	1. 76.	a	Jacob. 3. 1.	2. 195.	b
9.			17.	2. 284.	a	11.	1. 659.	a	6.	1. 534.	a
10.	1. 456.	a							9.	1. 686.	a
									Nnnnn 3 Jacob.		

## INDEX S. SCRIPTURÆ LOCORUM.

[illegible]

*F I N I S.*

# INDEX

**8.**

**ב.**

quid בשר ודם 1.478.

2.

7

1

1

7

6 | **quid** | I. 273

20.

9.

ב.

Item 111217 & 111218  
2.3

מ.

١

□.

U

Наша 4 Туе



# INDEX VOCUM HEBRAEARUM.

<p>עַר ejus varia significatio, &amp; usus 1. 180. b. &amp; 185. b</p> <p>עַר Efa. 5. 4. quid 2. 92. a</p> <p>עַר prop. quid 1. 172. b</p> <p>עַר / פֶּשַׁע / חַטָּאָה quæ tria conjuncta sunt Exod. 34. vers. 7. item Psal. 32. v. 1. 2.</p> <p>עַר / יָכִין / quid 1. Reg. 7. v. 21. 1. 496. b</p> <p>עַר modo relativè, modo reciproce 1. 22. b</p> <p>עַר 1. 5. b. 1. 565. a</p> <p>עַר 1. 5. b. &amp; 6. a</p> <p>עַר 1. 193. a. 1. 776. a. b. 1. 280. b</p> <p>עַר / &amp; Psal. 135. 13. cum 1</p> <p>עַר * 2. 9. b</p> <p>עַר מֵעַל מֵעַל de quo dicitur 1. 12. b</p> <p>עַר eademque de Christo sententia ibid.</p> <p>עַר / &amp; עַר quid 1. 426. b</p> <p>עַר 1. 43. a</p> <p>עַר / &amp; עַר 1. 192. b</p>	<p>non autem φάρα quod amplius 1. 254. a</p> <p>Chald. Onkelos, &amp; Jonathan פֶּסַח ibid.</p> <p>פֶּרֶק לִטָּא per apocopen.</p> <p>פֶּרֶק לִטָּא quid antiquis Judæis in Talnude suo Chald. 1. 370. a. b</p> <p>פֶּשַׁע quod prop. 1. 172. b</p>	<p>item מִקְוֵה à Judæis Deus vocari solet metonymicè 2. 6. b</p> <p>מִקְוֵה unde מִקְוֵה S. S. &amp; quare 2. 3. b</p>	<p>reddatur ab interpretibus Græcis 1. 30. a</p> <p>שָׁן &amp; Syr. שְׁטַנָּא etymolog. &amp; signific. 1. 24. a. 1. 323. b</p> <p>שָׁן à diversis radicibus 1. 181. a</p> <p>שָׁן &amp; fine ejus origo, &amp; significatio ibid.</p> <p>שָׁן 1. 182. a</p> <p>שָׁן semel tantum extat 1. 182. b</p> <p>שָׁן solemnis Hebr. salutatione 1. 159. b</p> <p>pro quo tamen usitatio Regum salutatio יָחִי ibid.</p> <p>adjective &amp; substant. usurpari potest 1. 635. a</p> <p>שָׁן ironice pro שָׁן Lamentat. 4. 21. 1. 159. b.</p> <p>Nota Salim de qua Johan. 3. non est Salem, sed שָׁן 1. 639. a</p> <p>שָׁן radix, unde Syri suum קָרָא quod Hebr. 2. 8. a</p> <p>שָׁן ibid.</p> <p>שָׁן 2. 5. b</p> <p>שָׁן quid Genes. 1. v. 1. 2. 34. b</p> <p>שָׁן quomodo LXX interpretantur 1. 292. b</p> <p>שָׁן cur additur à Kimchio ad locum Mich. 5. 1. 12. a</p> <p>שָׁן usus. 2. 348. b</p>
<p>פֶּ.</p> <p>פֶּרֶ 1. 458. b</p> <p>פֶּחַד 1. 484. b</p> <p>פֶּלֶא 1. 385. b</p> <p>פֶּסַח pro quo LXX. ξαπίσφ. φάρα quidem corruptè :</p>	<p>צ.</p> <p>צָבָא / &amp; צָבָא 2. 6. a. 2. 12. a</p> <p>צָבָא quid prop. in S. Lit. 1. 500. b. 2. 15. b</p> <p>צָבָא pro צָבָא 1. 396. b</p> <p>צָבָא / quod LXX. contracte enunciant 1. 4. b</p> <p>צָבָא 2. 64. b. 12. a</p> <p>צָבָא 1. 11. b</p>	<p>ק.</p> <p>קָדַשׁ unde קָדַשׁ quis 2. 11. b</p> <p>קָדַשׁ Deus à Judæis vocatur passim 2. 5. b</p> <p>קָדַשׁ quid notet in Sacr. Literis 1. 182. b</p> <p>קָדַשׁ / unde קָדַשׁ &amp; קָדַשׁ 2. 16. b</p>	<p>ש.</p> <p>שָׁן 1. 370. b. 1. 717. a</p> <p>שָׁן 1. 49. a. 1. 717. b</p> <p>שָׁן quid 1. 180. a</p> <p>שָׁן origo vocis &amp; significatio 2. 356. 357.</p> <p>שָׁן unde fuit ישגלנר pro qua Judæi legunt ישכבנר &amp; quare 2. 9. b</p> <p>שָׁן 2. 11. b</p> <p>שָׁן 2. 5. a. 7. b. 11. b. 2. 25. b</p> <p>שָׁן 2. 13. b</p> <p>שָׁן quomodo perpetuo</p>

F I N I S.



INDEX

# I N D E X V O C U M G R Æ C A R U M.

## A.

ὁ ἀγίος quis 2. 5. b. 2. 11. b  
ἀγοράζεν in Sacr. Literis quid  
1. 458. b  
ἀγίος, ἀγία, ἀγία 2. 280. a  
ἀδελφός quid 1. 138. a. b  
ἀκείδης quid 1. 17. b  
ὅτι varia doctorum etymolo-  
gia ibid. b  
ἀκρόβυστος ibid.  
ἀκρόβυστος ὁ ἀκρόβυστος quid  
1. 192. b  
ἀκροποδία ὁ ἀκροπόδιον 1.  
193. a  
ἀθετεῖν quid Luc. 7. 30. 1.  
423. b  
αἰτία σωτηρίας quid 1. 4. a  
αἰών quid prop. quid improp. 1.  
163. a. 1. 776. a. 2. 33. a.  
2. 285. a  
ἀλλοτριεπισκόπος quid 1.  
702. a  
ἀμαρτία pro quo in usu est  
ἀμαρτάνω quid prop. improp.  
1. 172. b  
ἀμαρτία ὁ ἀμαρτήμα ibid.  
ἀμύλω idem quod ἀλφός 1.  
261. b  
ἀμύλν quid ibid.  
an sit iuramentum 1. 269. a  
ἀμύλν non est ἢ μύλν ibid.  
ἀν conjunctio non semper poten-  
tiam sed actum etiam signifi-  
cat 1. 290. b  
ἀνά in compositione cum verbo  
quid 1. 457. b  
ἀνάθημα ὁ ἀνάθημα ὁ ἀναθε-  
ματισμένος 1. 473. b.  
ὅτι 1. 474. a  
ἀνάτις ὁ ἀναρχός quid  
simpliciter 2. 6. b. 2. 19. b.  
2. 127. b  
ἀνασκοποῦν, idem quod  
ἀνασφαυρόω 1. 457. b. ὅτι 1.  
458. a  
ἀνδρῶν Adam, sed διὰ τὸν ἄνθρω-  
πον Filium Dei 2. 405. a  
ἀνδρῶν, etymon 2. 16. b  
ἀνομία, ὁ ἀνομία quid 1.  
173. a. b. 1. 411. b  
ὁ ἀνομός quid 2. 591. a  
ἀνοχὴ ὁ μακροθυμία 2. 7. a  
ἀνὸς ἀπληρῶν 2. 556. b  
ἀντι varia significatio ὁ usus  
1. 246. b. 1. 651. a. 2. 62. a  
ἀντίδικος per excell. quid 1.  
589. a  
ὁ ἀντικείμενος, insignis ille  
Dei ὁ filiorum ipsius ἀντι-  
δικός 1. 588. b  
ἀνὸς quid Luc. 1. v. 3. 1.  
151. b. 1. 153. a. b  
ταύριστε pro ἀπ' ἀρχῆς usur-  
patur ibid.

ἀνὸς ἐρχόμενος idem quod ὁ  
ἐκ τῆς ἐρανῆς ἐρχόμενος Jo-  
han. 3. 3 L  
ἀπαράβατος quid 1. 3. b  
ἀπὸ non semper terminum, sed  
ὁ causam efficientem deno-  
tat 1. 421. a. 1. 628. b  
ἀπλόγος, ἀπλογία ἀπλογι-  
σμός 1. 701. a  
ἀπμύς quid 1. 323. b  
ἀπώδομαι quomodo saepe usur-  
patur 2. 284. a  
ἀρίσκειν 1. 476. a  
ἀρχαῖος, ὁ ἀρχαῖος μαθη-  
της 1. 45. a  
ἐρρήθη τις ἀρχαῖος pro ἀπὸ τῶν  
ἀρχαίων ibid.  
ἀρχή, quousque usurpa-  
tur 1. 553. b  
ἀρχων ibid.  
ἀτιμάζειν 1. 389. a  
ὁ αὐτάρκης ὁ αὐτάρκειατος  
2. 11. b  
αὐτός relativum frequentiss.  
pro reciproco 1. 21. b.  
1. 22. a. b. 1. 39. b  
αὐτόπλητὶ τὸ λόγος quid Luc. 1.  
152. b. 1. 755. b. 756. a  
αὐτῶν, αὐτῶν, αὐτῶν 2. 5. a  
αὐτῶν ἐξοτόντος quid 1. 485. b  
αἰσῆς, ὁ ἀφίμω 1. 53. b.  
ὅτι 1. 173. b

## B.

Βασιλεύς quid 1. 328. a  
βασιλῆς 2. 5. b. 2. 12. a  
βασκαίνω prop. ὁ improp. 1.  
505. a  
βλασφημία ὁ βλάσφημος 1.  
62. a. 1. 341. a  
βραβεύτης 1. 565. a  
βραβεύω, ὁ κατὰ βραβεύω ibid.  
βραβεύομαι, eiusque conjuga-  
ta 1. 347. a

## Γ.

Γενναῖος prop. ὁ improp. 1. 3. a.  
1. 165. a  
γενῆσαι de matre, ut φιλῆσαι  
de patre usurpatur 1. 2. b  
τὸ γεννῶμενον quomodo usurpa-  
tur 1. 165. b  
τὸ γεννημένον ibid. ὅτι 2.  
720. b  
γενεῖσαι cum suis conjugatis  
active aut passive 1. 240. b.  
1. 243. b  
γένος, item γένος γένος  
quid LXX. 1. 482. a  
γνώσθαι Dei quid 2. 7. 8. b  
γράφειν quomodo usurpatur 1.  
320. a

## Δ.

οἱ δαίμονες quasi δαίμονες qui  
1. 323. b  
δὲ 2. 5. a  
δασύτης in N. T. quem deno-  
tare solet 1. 458. b. 1. 711. a  
διὰ cum genitivo notat per 1.  
706. b. vel ponitur pro μι-  
τά 1. 487. a  
διὰ sapientia instrumenta aliquan-  
do etiam principalem causam  
notare solet 1. 639. b.  
1. 102. a  
διάβολος quis 1. 323. a  
διαφέρειν quid 1. 491. a  
δικαίω 1. 398. a  
δικαίωμα pro δικαιοσύνη, ὁ vi-  
ce versa 1. 406. a. b. 2. 82. a  
δοκεῖν verbum, ut ὁ δοκεῖν  
particip. activ. ὁ passiv.  
usurpatur 1. 489. a  
— pro rei subjecta rat. accipi-  
tur diversimode 1. 493. b.  
494. a  
δουλεία ὁ λατρεία quid diffe-  
runt 1. 30. b. 31. a  
δρῶν quid priscis 1. 17. b

## E.

Εάν aliquando cum notat 1.  
350. a  
εἰν μὴ pro ἀλλὰ, ut ὁ εἰ μὴ  
usurpatur 1. 500. b  
quod ὁ interpret Syrus voce  
ἐξ exponit ibid.  
ἐγκανία quid, eiusque ety-  
mon 1. 337. b. 338. a  
ἐγκανίζω 337. b  
ἐγκομβώσαδς 1. 703. b. 704. a  
ἐκδοθεῖσθαι quid 1. 338. a  
εἰ crebro pro An. ut apud Heb.  
ἐν 1. 47. a  
etiam pro quia 1. 269. b  
εἰ pro ἐπεὶ vel ἐπειδὴ 1. 329. b.  
1. 359. a  
εἰ μὴ ut Lat. Nisi sapiens usur-  
patur pro Sed 1. 65. a. b.  
1. 379. b. ὅτι 380. a  
εἴτε conjunctio disjunctiva non  
raro pro copulativa ὁ 1.  
592. a  
ἐλίζεν 1. 375. a. b  
ἐλίζω ibid. ὅτι 1. 647. a  
ἐλπομαι 1. 370. b  
ἐλῶμαι διὸς αἰ quid Epiha-  
nio 2. 13. b  
ἐν prepositio varias habet signi-  
ficationes 1. 172. a. 1.  
191. b. 1. 335. b. 1. 391.  
b. 1. 472. b. 1. 648. a.  
1. 678. a. 1. 706. b. 1.  
740. a. 2. 29. a

ἐντελεμένης eiusque conjugata  
quid notat in Sacr. Lit. ὁ  
apud Autores profanos 1.  
347. a  
ἐξ saepe causam efficientem no-  
tat 1. 1. b. 1. 165. a  
ἐπερωτάω ὁ ἐπερωτήμα vocis  
origo ὁ usus 1. 699. b.  
ὅτι 1. 700. a  
ἐπερωτῶ τὸ ἐρωτῶ Suidas ibid.  
ἐπὶ cum accusativo varia signi-  
ficatio 1. 258. b. 2. 246. b  
ἐπίγεια, ὁ ἐπύρνια quid 1.  
269. b  
ἐπικατάστατος quid Aposto-  
λο 1. 509. a  
ἐπίσι quid 1. 50. 51.  
ὅτι 52.  
— quomodo Syrus ibid. 52. a  
ἐπισκιάζειν 1. 165. b  
ἐπίστυον, ἐπιστήμων,  
ἐπιστήμη 1. 1. b  
ἐπιχέειν quid prop. ὁ impro-  
prie 1. 151. a. b. 1. 154. a  
ἐρχεται praesens pro futuro so-  
re 1. 283. b  
ἐρχόμενος quid ὁ quomodo  
usurpatur 1. 244. a. b  
ἐυαγγέλιον ὁ ἐυαγγελία origi-  
ne ὁ significatione concinne  
respondet Hebraea dictioni  
2. 40. 41.  
sed tamen Graeca vox laetus  
sepe quam Hebraea exten-  
dit 2. 41. a  
ευδοκεῖν 1. 23. b. 1. 555. a  
ευδοκία quid 1. 586. b  
εὐλαβεία diversa significat. 1.  
628. b  
ευδοκῶς ὁ ἐυχαῖν 1. 387. a  
εὖ quid aliquando notat 1.  
8. a. 9. b

## H.

ὁ ὁ μὴ, ut An. Lat. ὁ Heb.  
aliquando per ellipsin de-  
est 1. 11. a. b  
ὁ ὁ μὴ cur additur in Matt.  
ad locum Mich. 1. 11. 12. a  
ἢ μὴ respondet Heb. ὁ nec est  
iuramentum 1. 482. b  
ἡμέρα μαρδοχαίου quid 1.  
338. a  
ἡχίω, ὁ κατηχέω quid prop.  
ὁ improp. item κατηχίω-  
μα, κατ' ἐξοχὴν 1. 152. a.  
ὁ.  
ὁ ὁ ὁ est Iesus Christus  
non ὁ ὁ ὁ 1.  
449. b  
ὁ ὁ ὁ 2. 1. a  
ὁ ὁ ὁ

θεός, θεός *Aeolicè* pro ζεύς 2.  
5. a. & 12. b  
θεοσυγείς, & θεοσύγεις 1.  
389. b  
θεόφιλος *varie* accipitur 1.  
151. b  
θευμός *quid* 1. 571. a

I.

Ιαώφορα, & τετραχαρματό-  
φορα *quid* *Drusio*. 1. 8. b  
ικανώσαι *duodecies* à LXX.  
*interpretibus* 1. 209. a  
ἵνα *frater finem*, etiam *eventum*  
*seu consequens effectum signi-*  
*ficat* 1. 26. a. 1. 331. b.  
1. 351. a. 1. 381. a

K.

καὶ *coniunctio vix ullibi expo-*  
*sitionem notat quam in* θεός &  
πατήρ 1. 312. a. b  
καὶ καὶ 1. 294. a  
καὶ καὶ 1. 31. a  
καρία 1. 389. a. 1. 571. a  
κακοζήλια *Pontificiorum qua oc-*  
*cassione in ἐβελθροσκείαν de-*  
*generavit* 1. 26. b  
καλέσεις, & καλέσασθαι *varia le-*  
*ctio* 1. 7. b  
*item* καλέσας, & *expressa im-*  
*personalis verbi ut pro καλέ-*  
*σας, καλέσεται* 1. 8. a  
καρπόφορος *quare* *Ephraïm*  
1. 10. a  
καὶ *interdum* pro εἰς 1. 149. b.  
1. 476. b  
*item* non *semper causam* & *meri-*  
*tum*, sed etiam *ordinem* & *con-*  
*sequentiā ostendit* 1. 391. a  
κατεργασμένον *pro* κατὰρ-  
τος 1. 497. a  
καταθήμα, καταναθήμα, καὶ  
καταναθηματίζεν 1. 473. b.  
474. a  
κεφάλαιον *prop.* & *improp.* 1.  
679. b  
κεφᾶς & κεφαλὴ non *conve-*  
*niunt* 1. 681. a. 1. 681.  
a. b. 2. 71. a  
κλῆς *idem* quod κληρο-  
μία 1. 158. a  
κολυμβήθρα *ποροδατικὴ* *quid sit*  
*explicatur* 1. 292. b  
κόσμος *quid* 2. 33. a  
κράτιστοι *quid* & *quales Roma-*  
*nis dicitur* 1. 151. b  
κείμα *quid in* *Nou. Testam.*  
*significat* 1. 327. a  
κτίζεν *quid differat ab* *Hebr.*  
בָּנָה & *quibus pro-*  
*prium* 2. 33. a  
κτίσις *idem* quod κτίσμα 2.  
33. a  
κυνεῖν & προσκυνεῖν 1. 29. b

Λ.

λατρεία & δουλεία *quid diffe-*

rant 1. 30. b  
ληίζω, λήϊσιν, λήϊσιν 1. 334. b  
ληϊν, *pro* λεία *ibid.*  
λογίζομαι *idem* quod φημίω  
*prop.* & *improp.* 1. 110. a  
λογίζεσθαι & διαλογίζεσθαι 1.  
162. a. & 1. 397. a  
λόγος & λόγος *quid* *ibid.*  
— *diversas in* *Sacr. Lit. habet*  
*significationes* 1. 119. a.  
1. 622. b  
λόγος ζωής *quid* *ibid.* 1. 205. a  
λόγος, *Scrimo filius Dei* *scimus*  
*in* *Sac. Lit. appellatur.* ῥήμα  
*verbum, nullibi in* *Aposto-*  
*lorum scriptis* 1. 607. a. *cum*  
1. 607. b  
λόγος τῆς θεῆς *Christus* 1. 622.  
b. *cum* 623. a  
λόγος τῆς χάριτος *quid* *Act.*  
20. *denotat* 1. 153. a.  
1. 622. b. 1. 205. a

M.

Μακαρίζεν *quid* 1. 401. a  
Μανάση *pro nomine* *δάν, quasi*  
*Μάν contra* *Apocal.* 7.  
v. 6. 1. 142. b  
Μαριάμ *eius etymolog.* & *si-*  
*gnific.* 1. 158. b  
μετανοέω 1. 55. 56. a. b  
*convenit significatione cum*  
*verbo μεταμελῶ* 1. 56. a  
μετατίθεμαι 1. 472. b  
μετεμψύχως *Judaorum* 1.  
331. a  
μὴ *cruterrime* *pro* ἢ 1. 11. a  
— *aliquando ellipsis, ut* *Lat.* &  
*Hebr.* *ibid.*  
μὴ *pro* non *ibid.*  
μὴ, μήπως, μήτις, μήτι 1.  
490. a  
μνημονεύειν *quomodo usurpe-*  
*tur* 1. 494. b  
μονοζυγίς *quid in* *Sacr. Lite-*  
*ris* 1. 233. a. b  
non *idem significat* quod ὅτι  
*cum de filio dicitur* *ibid.*  
μωρανθῆναι *quid* *Matth.* 5. *inter-*  
*pretatur* *Marc.* 9. 1. 77. a

N.

Nῆ *cum accusativo* 1. 484. a  
νῆ *affirm.* καὶ *negat* 1. 484. b  
*utrumque saepe per ellipsin* *ib.*  
*νόησεν* *prop.* & *improp.* 1.  
688. b  
νομίζω *varie usurpatur, & quo-*  
*modo* *Luc.* 3. 2. 350. a  
νοεῖν *pro* ὁρᾶν & *vice versa* 1.  
43. a  
νόος & *contra* *νῆς inde*  
*νοέω* *quid significat* 1. 55. b

O.

ὁ, ἡ, τὸ, *articulus discretivus, non*  
*ubique necessarius* 1. 293. a

ὁ ἦν, *pro* τὸς ὁ ἦν, & *qua-*  
*re* 1. 720. b  
ὁδὺμὸς *πολλὸς* *quid* 1. 14. a  
ὄικος τῆς ἀρτὸς *partes* *Graci*  
*Bethlehem interpretantur,*  
& *quare* 1. 10. a  
ὀλίγον, ὀλίγως, & ὄντως 2 *Pet.*  
2. *varia lectio* 1. 468. a  
ὁμοειδής *per catachresin* *pro*  
*ὁμοῦσι* 2. 17. b  
ὁμοῦσι *Christus* *patris* 1.  
340. a  
ὄνομα *etymologic.* 2. 8. a  
ὀλίγα ὀνόματα *quid* *ibid.* *vox*  
*ονομάτων respondet signific.*  
*synecd.* *προσωπῶν* 2. 17. a  
ὄνομα φίλον *opponitur* *ὑποσά-*  
*σι* *ibid.*  
ὀπίσσω *quid* 1. 243. b  
ὄραν *pro* νοεῖν & *vice versa* 1.  
43. a  
ὀείξεν 2. 27. a  
ὄρεσθαι *quid* 1. 234. b  
ὀείξεσθαι *quid* *notet* *prop.* & *im-*  
*prop.* *ibid.*  
ὄτι, 1. 297. b  
*apud Evangelist.* & *Paulum*  
*saepe redundat* 1. 481. b  
ὡς *per ellipsin* *pro* ἢ *ut* 1. 367. b  
ὡς δέτερος & *σκεπτικός* *quid* 2.  
8. b  
ὡρανός *pro* quo *usurpatur* 2. 5. b.  
2. 12. a  
ὡσία *quid* 1. 16. a  
ὡφείλημα 1. 53. a

Π.

Παρά νοσιν *usus* 1. 474. b  
παράβολη *quid* 1. 80. a  
παράβαλλω *ibid.*  
παράδειγμα & παράδειγμα-  
τίσω 1. 1. a. b  
παράκαλῶ 1. 370. a  
παράκαλῶμαι *semel active* 1.  
371. a  
παράκλητος 1. 370. b.  
1. 372. b  
— *quomodo* *Christus, quomo-*  
*do* *Sp. Sanct.* 1. 723. b  
παράκολλησθαι *quid* 1. 151. a  
*unde* *ἐν* *παράκολλησθαι* & *δυσ-*  
*παράκολλησθαι* *ibid.*  
παροιμία *cuius oppositum* *παρ-*  
*ρησία* 1. 335. b  
παρρησία 1. 338. b. 370. b  
*eiusdem etymon* & *signif.* 1.  
659. a  
παθηματὰ μαθήματα 1. 41. b  
*Quod proverbium* & *Christo*  
*afflicto accommodatur* *Hebr.*  
5. v. 8. ἑμαθεν ἀφ' ὧν ἔπα-  
θε 1. 629. a  
πειθα 1. 475. a. b  
πεισιμονή *quid differat à* *πεισί-*  
*θης* 1. 658. b. 659. a  
πείσομαι τὰς καρδίας ἡμῶν  
*quomodo vertendū* 1. 731. a  
πειράζεν *quid* 1. 24. b  
ὁ περάζων *diabolus* *κατ'* *ἐξοχῶ*  
1. 25. b. & 1. 323. b

πένθος *unde* *πενθῶ* *quid pro-*  
*prie* 1. 33. b  
πει *in compositione significatio-*  
*nem augere solet, ut in* *πει-*  
*λυπῶ* 1. 138. b  
πειθῶ 1. 192. b  
πέτρα *communiter, & πέτρα*  
*Atticè* *quid* 1. 681. a. b  
πέτρας, & πέτρα *quid diffe-*  
*rent* 2. 74. a  
πιστεύειν *eis* *αὐτὸν,*  
— *ὅτι τὸν κύριον,*  
— *ἐπ'* *αὐτῷ*  
*ternus Hebraismus* 1. 259. b.  
260. a  
πιστεύειν *ibid.*  
πιστεύω *αὐτῷ* & *eis* *αὐτὸν* 1.  
356. a. b  
πίσις *impropria* 1. 661. b  
πίσις, *eius origo, & significat.*  
*varia* 2. 78. a  
πλανῶ *quid* *prop.* 1. 129. b  
πλὴν *varie usurpatur* 1. 57. a  
πλὴν *pro* *sed* 1. 212. a. 1. 500. b  
πληνέμερον 1. 200. b. 279. b  
πληροφορέω & πληροφορέομαι  
1. 659. a  
πληροφορία *eius etymon* & *si-*  
*gnificatio* *ibid.*  
πληροφορία, *βεβαιότης* *Hesych.*  
*ibid.*  
πληροφορία *πίστεως* *quid* *ibid.*  
πλησις *ἀντιμ.* *quid* *Ho-*  
*mero* 1. 659. a. *seu* *ibid.*  
πνεῦμα *quid* *prop.* *Jacobi cap.*  
2. *seu* *quomodo accipien-*  
*dum* 1. 675. b  
πολυμερῶς *quid* 1. 603. b  
πολυτρόπως *ibid.* 1. 604. a  
πονηρὸς *quid* *prop.* 1. 65. a  
ὁ πονηρὸς *quid* 1. 323. b  
πορεύομαι *proprie* & *improprie,*  
*item praesens* *pro* *paulo post*  
*futuro* 1. 365. a  
πράξ, & πρᾶξις 1. 36. a  
πράξις *subnectitur* *ὑπεροφρο-*  
*σύνη* 1. 35. b  
τὸ πρεπόν *quid* *Matthaei cap.* 3.  
v. 15. 1. 20. a  
πρὸ ἐμὲ *quomodo usurpatur* 1.  
336. a  
οἱ προΐσαμένοι *duplices in* *Ec-*  
*clesia* 1. 487. b  
προνοέω 1. 55. b. 2. 125. b  
προνοία *variis modis accipi so-*  
*let* 2. 125. a  
προορίζω & *προωρισμὸν* 2. 27. a  
πρὸς *cum accusativo* *quid inter-*  
*dum* 1. 498. b  
— *interdum adversative su-*  
*mitur* 1. 677. a  
προσανεθέμην 1. 479. b  
προσκυεῖν & προσκυῖνσις 1.  
29. b  
πρόσωπον & *προσωπολήψια* 1.  
671. b. 672. a  
πρόσωπον 2. 16. b. 2. 17. a  
— *idem* *quod* *Hebr.* *פְּנֵי*  
1. 492. a  
προσωπολήψια *mala duplex* 1.  
671. b. 1. 398. a  
πρόσω-

# INDEX VOCUM GRÆCARUM.

πρόσωπα πολλά I. 19. a  
 ἡ προσωπολήπις, ὁ προσω-  
 πολήπιος κείνων quid I. 492. a  
 κτ' προσωπον quid I. 492. a.  
 I. 496. b. 2. 497. a  
 τὰ κτ' προσωπον βλέπειν, ὁ  
 κείνων κτ' ὅτιν συνεγνω-  
 μα I. 492. a. I. 671. b  
 πέρυγιον quid I. 28. b  
 πλωχός vocis origo ὁ significat-  
 io I. 32. a. I. 494. a  
 πλώξ I. 32. a  
 πυράω, πυρακτίω ὁπράκτειον  
 I. 651. a  
 πύρισις πρὸς περασμὸν quid  
 I. 24. b  
 πύρισις quid propr. ὁ improp-  
 rie cuius ὁ ὡς indicat-  
 iur I. 353. b

## P.

Ραββί quid interprete Christo ὁ  
 Apostolo I. 330. b. I. 331. a  
 ράα quid I. 48. a  
 ῥῆμα proprie ὁ per synecdo-  
 chen I. 206. a. αὐτὸς ὁ αὐ-  
 λέγω I. 110. a

## Σ.

Σῆμα, ὁ σημειῶν I. 446. b  
 σημεῖα ὁ τίραξ quid diffe-  
 rant ibid.  
 σημαίνειν I. 469. a  
 σκάμνον quid I. 442. b

σκάνδαλον, ὁ σκανδάλητρον  
 I. 442. a. b  
 σκάνδαλον ὁ πρόσκομμα quid  
 differunt I. 442. b  
 σκῶλον quid I. 442. b. ὁ 443. a  
 σκνοπηία I. 317. a  
 ἐσκύνωσεν ὅτι ἡμῶν quid signific.  
 Johan. I. 14. I. 231. b  
 σῦλῶ quid I. 493. b  
 σῦλῶ, ὁ σῆλη quid diffe-  
 rant I. 495. b  
 σύζυγος de quibus proprie dici-  
 tur, ὁ quid potat I. 546.  
 a. b  
 σφαλλῶ quid proprie ὁ improp-  
 rie potat, inde ἀσφαλῆς ὁ  
 ἀσφάλεια I. 152. a  
 σώζεν ὁ de corporali salute  
 usurpatur I. 463. a

## T.

Ταρβέω quid I. 328. a.  
 I. 712. a  
 τελίω ὁ σωτελίω de quibus  
 proprie dicantur I. 776. b  
 τίρας I. 446. a. b  
 τίκεται de fatina aut mare  
 usurpatur Hebr. תיר / ὁ  
 Lat. gignere I. 550. a  
 τῆμπερον pro τῆμπερ I.  
 445. b

## Υ.

Υιοί, filii, ὅτις παῖσιν, ὁ ἐκ πατρί-  
 ος, I. 159. b

ὁ δ' αὖτοις ὁρροπύτω I.  
 512. b  
 ὁ πέρ, pro, ambigue usurpa-  
 tur I. 451. b  
 ὁ πέρ ὁ ὁρροπύτω I. 451.  
 b. 452. a  
 ὁ πέρ, ἀντί, ὁρρο eodem  
 usurpatur sensu ibid.  
 καὶ ὁ πέρ ὁ πέρ αὖτις ὁ πέρ ὁ πέρ  
 quid Apostolo I. 400. a  
 ὁ πέρ αὖτις I. 647. a. 659. b.  
 660. a. 666. b. 2. 15.  
 a. b. ὁ 16. a  
 — ὁρροπύτω ὁρροπύτω 2.  
 17. a  
 ὁ πέρ αὖτις ὁ πέρ I Pet. 3.  
 usurpatur I. 695. b

## Φ.

Φιλαυτία, an primus sit Dia-  
 bolus lapsus I. 327. b.  
 I. 329. a  
 Φίλιος unde Latine Filius,  
 quid 2. 20. a  
 Φίλιος σκύλακας quid signif. ib.  
 Φιλοφωτεύοντες quidam in  
 Ecclesia 2. 63. a  
 Φύσις ἀληθινή καὶ ἀπειλη-  
 σίῃ cui soli tribuenda 2.  
 37. a

## X.

Χαῖρε propr. ὁ improp. quid  
 I. 159. b

χαῖρε ὁ χαῖρε quid Græcis ib.  
 Hebr. וְיָשָׁר Lamentat. 4.  
 v. 21. sed ironice, quod con-  
 sentaneè voce וְיָשָׁר ὁ so-  
 lemne: Regnum autem usi-  
 tata saluatio, sed eodem sen-  
 su וְיָשָׁר  
 τὸ χαῖρεν I. 387. a. I. 450.  
 b. 451. a  
 χαῖρεν ὁ ἐκ πατρίων etiam salu-  
 iatio Apostolica I. 666. a.  
 ὁ 451. b  
 χάρις pro χάρισμα I. 63. a. b.  
 I. 242. a. 2. 7. a  
 χαετός ὁ χαετόμα quid  
 inde κεχαετωμένη I. 159. a  
 χηματίζειν quomodo frequen-  
 tiss. I. 702. b

## Ω.

ὁ ὦν LXX. 2. 5. a.  
 ὁ 2. 8. b  
 ὁ ὦν, ὁ ὦν, ὁ ὦν ὁ ὦν, id  
 est, ὁ ὦν ibid.  
 ὁ ὦν, ὁ ὦν, ὁ ὦν ὦν ibid.  
 ὦν etiam pro ὦν sive ὦν usura-  
 tur I. 54. b  
 ὦν quid frequentissime defi-  
 gnat 2. 250. a  
 ὦν ut sapius eventum; ut non  
 raro finem potat I. 129. b.  
 I. 130. a  
 — semel tantum, extra infini-  
 tum, in Nov. Test. con-  
 struitur. I. 498. a

# F I N I S.




















0



